



L.40.e.

National Library of Scotland



\*B000501439\*



MALE BOY OF  
SCOTLAND



Digitized by the Internet Archive  
in 2013





Gaelic Bible 80r

Reprint of Edition set up  
and Stereotyped in 1860  
for the Edinburgh Bible Society











LEABHRAICHEAN

AN

T-SEANN TIOMNAIDH,

AIR AN TARRUING

O'N CHEUD CHANAIN

CHUM GAELIG ALBANNAICH;

AGUS

AIR AN CUR A MACH LE H-UGHDARRAS ARD-SHEANAIDH EAGLAIS  
NA H-ALBA.

*REVISED EDITION.*



DUNEIDIN:

CLO-BHUAILTE AIRSON A CHOMUINN DHUTHCHASAICH CHUM  
CRAOBHSGAOILIDH A' BHIUBUILL,  
LEIS A' CHUIDEACHD CLO-BHUALAIDH MHAR-SANTAICH.

MDCCCLXXII.



## ABBREVIATIONS AND MARKS.

- A' for "an" the article, as "a' bhean" *the woman*, for "an bhean."
- A' for "ag," sign of the pres. part. of verbs beginning with a consonant, as "a' bualadh" *striking*, but "ag òl" *drinking*.
- A' for "aun" *in*, as "a'd' cheann" *in thy head*, for "ann do cheann."
- A for "as" *out of*, marked with an acute accent, as "á teine" *out of fire*.
- 'Ar for "thar" *over, above*, as, "deich 'ar fhlichead" *thirty*.
- B' for "bu" *was*, as "b'e" *he was*.
- C' for "cia" *who, what*, as "c'ait" *where or in what place?* "c'uin" *when or at what time?*
- D' for "do" *thy, thine*, as "d'athair" *thy father*; for "do" preposition *to* for "de" the preposition *of*.
- D' dh' for "do" sign of the preterite tense of verbs, as "an d'aidich e" *has he confessed?* "dh'aidich mi" *I have confessed*.
- 'G for "ag" sign of the pres. part. of verbs, as "'g a dheanamh" *doing it*.
- 'G' for "gu" *to*, as "g'a cheann" *to the end thereof*.
- M' for "mo" *my*, as "m'anam" *my soul*.
- M' for "mu" *about*, as, "m'a cheann" *about his head*.
- 'N a for "anu a" *in his*, as "'n a chridhe" *in his heart*.
- 'N an for "ann an" *in their*, as "'n an tighibh" *in their houses*.
- 'N ar for "ann ar" *in our*, as "'n ar dùthaich" *in our country*.
- 'N 'ur for "ann bhur" *in your*, as "'n 'ur fear-ann" *in your land*.
- 'N uair for "an uair" *in the time, when*.
- 'R for "ar" *our*, as "o'r sinnsiribh" *from our ancestors*.
- 'R for "bhur" *your*, as "le'r sinnsiribh" *with your ancestors*.
- R' for "ri" *to*, as "r'ar guth" *to our voice*.
- 'S an, s a' for anns an" *in the*, as "'s an àm" *in the time*, "'s a' bhaile" *in the city*.
- 'S na for "anns na" *in the*, as "'s na coilltibh" *in the woods*.
- (') Grave accent. Vowels marked with this accent are always sounded long; and such as are not are generally sounded short.
- (.) Acute accent. When the vowel *e* is sounded like *ai* in pain, or the Latin *œ* in Phœbus, as the Scotch pronounce it, it is commonly marked with this accent.
- (') Apostrophe. When there is an elision of one or more letters, it is usually marked with an apostrophe. Thus when the preceding word ends or the following word begins with a vowel, there is an elision of the possessive pronoun "a," as "le 'shùil" *with his eye* for "le a shùil;" "call 'auama" *the loss of his soul* for "call a anama." A few Gaelic words admit of a final vowel, or not, as the euphony requires it, as "àit" or "àite" *a place*, "naomh" or "naomha" *holy*, "fad" or "fada" *long*, "camp" or "campa" *a camp*; but as these final vowels are not essential to the words, their absence is not always marked with an apostrophe.

# LEABHRAICHEAN

AN

## T-SEANN TIOMNAIDH.

	Caib.		Caib.
GENESIS ; <i>anns am bheil</i> , . . . . .	50	Ecclesiastes, . . . . .	12
Ecsodus, . . . . .	40	Dàn Sholaimh, . . . . .	8
Lebhiticus, . . . . .	27	Isaiah, . . . . .	66
Aireamh, . . . . .	36	Ieremiah, . . . . .	52
Deuteronomi, . . . . .	34	Tuireadh, . . . . .	5
Iosua, . . . . .	24	Eseciel, . . . . .	48
Breitheamhna, . . . . .	21	Daniel, . . . . .	12
Rut, . . . . .	4	Hosea, . . . . .	14
1 Samuel, . . . . .	31	Joel, . . . . .	3
2 Samuel, . . . . .	24	Amos, . . . . .	9
1 Rìgh, . . . . .	22	Obadiah, . . . . .	1
2 Rìgh, . . . . .	25	Ionah, . . . . .	4
1 Eachdraidh, . . . . .	29	Micah, . . . . .	7
2 Eachdraidh, . . . . .	36	Nahum, . . . . .	3
Esra, . . . . .	10	Habacuc, . . . . .	3
Nehemiah, . . . . .	13	Sephaniah, . . . . .	3
Ester, . . . . .	10	Hagai, . . . . .	2
Iob, . . . . .	42	Sechariah, . . . . .	14
Sailm, . . . . .	150	Malachi, . . . . .	4
Gnàth-fhocal, . . . . .	31		

# LEABHRAICHEAN

AN

## TIOMNAIDH NU AidH.

	Caib.		Caib.
AN SOISGEUL A REIR MHATA, <i>anns am bheil</i> , . . . . .	28	1 Thimoteuis, . . . . .	6
An Soisgeul a réir Mharcuis, . . . . .	16	2 Thimoteuis, . . . . .	4
An Soisgeul a réir Lucais, . . . . .	24	Thituis, . . . . .	3
An Soisgeul a réir Eoin, . . . . .	21	Philemoin, . . . . .	1
Gnìomharan nan Abstol, . . . . .	28	Nan Eabhruidheach, . . . . .	13
Litr an Abstoil Phoil chum nan Romanach, . . . . .	16	Litr an Abstoil Sheumais, . . . . .	5
1 Corintianach, . . . . .	16	1 Litr an Abstoil Pheadair, . . . . .	5
2 Corintianach, . . . . .	15	2 Litr an Abstoil Pheadair, . . . . .	3
Galatianach, . . . . .	6	1 Litr an Abstoil Eoin, . . . . .	5
Ephesianach, . . . . .	6	2 Litr an Abstoil Eoin, . . . . .	1
Philipianach, . . . . .	4	3 Litr an Abstoil Eoin, . . . . .	1
Colosianach, . . . . .	4	Litr an Abstoil Iudais, . . . . .	1
1 Tesalonianach, . . . . .	5	Taisbeanadh an Abstoil Eoin, . . . . .	22
2 Tesalonianach, . . . . .	3		

# CEUD LEABHAR MHAOIS,

D'AN AINM

## GENESIS.

### CAIB. I.

1 *Cruthachadh nan nèamh agus na talmhainn, 3 An t-soluis, 14 Na gréine, na gealaich, agus nan reult. 20 Eisd agus eunlaith, 24 Spréidh agus bheathaichean eile na talmhainn, 20 agus cruthachadh an duine ann an coslas Dhé.*

**A**N toiseach chruthaich Dia na nèamhan agus an talamh.

2 Agus bha 'n talamh gun dealbh agus falamh; agus bha dorchadas air aghaidh na doimhne: agus bha Spiorad Dhé a' gluasad air aghaidh nan uisgeachan.

3 Agus thubhairt Dia, Bitheadh solus ann: agus bha solus ann.

4 Agus chunnaic Dia an solus, gu 'n robh e maith: agus chuir Dia dcalachadh eadar an solus, agus an dorchadas.

5 Agus thug Dia mar ainm air an t-solus, Là, agus air an dorchadas thug e mar ainm, Oidhche: agus b'iad am feasgar agus a' mhaduinn an ceud là.

6 Agus thubhairt Dia, Bitheadh athar'am meadhon nan uisgeachan, agus cuireadh c dealachadh eadar uisgeachan agus uisgeachan.

7 Agus rinn Dia an t-athar, agus chuir e dealachadh eadar na h-uisgeachan a bha fo 'n athar, agus na h-uisgeachan a bha os ceann an athair: agus bha e mar sin.

8 Agus thug Dia mar ainm air an athar, Nèamh: agus b'iad am feasgar agus a' mhaduinn an dara là.

9 Agus thubhairt Dia, Bitheadh na h-uisgeachan a tha fo nèamh air an cruinneachadh dh'aon àite, agus leigear ris an tìr thioram: agus bha e mar sin.

10 Agus thug Dia mar ainm air an tìr thioram, Talamh, agus air cruinneachadh nan uisgeachan thug e mar ainm, Fairgeachan: agus chunnaic Dia gu 'n robh e maith.

11 Agus thubhairt Dia, Thugadh an talamh a mach fear, luibh a ghineas sìol, craobh-mheas a bheir a mach meas a réir a gnè, aig am bheil a sìol innte féin air an talamh: agus bha e mar sin.

12 Agus thug an talamh a mach fear, luibh a ghineas sìol a réir a gnè, agus craobh a bheir a mach meas, aig am bheil a sìol innte féin a réir a gnè: agus chunnaic Dia gu 'n robh e maith.

13 Agus b'iad am feasgar agus a' mhaduinn an treas là.

14 Agus thubhairt Dia, Bitheadh soluis ann an speuraibh nèimh a chur dcalachaidh eadar an là agus an oidhche, agus bitheadh iad air son chomharan, agus air son aim-sirean, agus air son làithean, agus bhliadhnachan.

15 Agus bitheadh iad mar sholusaibh ann an speuraibh nèimh, a thoirt soluis air an talamh: agus bha e mar sin.

16 Agus rinn Dia dà sholus mhòr, an solus a's mò a riaghladh an là, agus an solus a's lugha a riaghladh na h-oidhche; agus na reultan.

17 Agus shuidhich Dia iad ann an speuraibh nèimh, a thoirt soluis air an talamh,

18 Agus a riaghladh 's an là, agus 's an oidhche, agus a chur dealachaidh eadar an solus agus an dorchadas: agus chunnaic Dia gu 'n robh e maith.

19 Agus b' iad am feasgar agus a' mhaduinn an ceathramh là.

20 Agus thubhairt Dia, Thugadh na h-uisgeachan a mach gu pailt an creutair gluasach anns am bheil beatha, agus bitheadh eunlaith ag itealaich os ceann na talmhainn air aghaidh speuran nèimh.

21 Agus chruthaich Dia mucan-mara mòra, agus gach uile chreutair beò a ghluaiseas, a thug na h-uisgeachan a mach gu pailt a réir an gnè, agus gach eun iteagach a réir a ghnè: agus chunnaic Dia gu 'n robh e maith.

22 Agus bhcannaich Dia iad, ag ràdh, Sìolaichibh, agus fasaibh lionmhor, agus lionaibh na h-uisgeachan anns na fairgibh, agus fasadh an eunlaith lionmhor air an talamh.

23 Agus b'iad am feasgar agus a' mhaduinn an cùigeamh là.

24 Agus thubhairt Dia, Thugadh an talamh a mach an creutair beò a réir a ghnè, spréidh, agus gach ni a shnàigcas, agus beathaichean na talmhainn a réir an gnè: agus bha e mar sin.

25 Agus rinn Dia beathaichean na talmhainn a réir an gnè, agus an spréidh a réir an gnè, agus gach ni a shnàigcas air an talamh a réir a ghnè: agus chunnaic Dia gu 'n robh e maith.

26 Agus thubhairt Dia, Deanamaid an



duine 'n ar dealbh féin, a réir ar eòlais féin, agus bitheadh uachdaranachd aca os ceann éisg na mara, agus os ceann eunlaith nan speur, agus os ceann na spréidhe, agus os ceann na talmhainn uile, agus os ceann gach ní a shnáigeara a tha 'snáigeadh air an talamh.

27 Agus chruthaich Dia an duine 'n a dhealbh féin; ann an dealbh Dhé chruthaich se e: fìrionnach agus boirionnach chruthaich e iad.

28 Agus bheannaich Dia iad, agus thubhairt Dia ri, Siolachibh, agus fasaibh lionmhor, agus lionaibh an talamh, agus ceannsaichibh e; agus bitheadh uachdaranachd agaibh os ceann éisg na mara, agus os ceann eunlaith nan speur, agus os ceann gach ní beò a ghluaiseas air an talamh.

29 Agus thubhairt Dia, Feuch, thug mi dhuibh gach luibh a ghineas sìol, a tha air aghaidh na talmhainn uile, agus gach eraobh anns am *bheil* meas eraoibhe a ghineas sìol; dhuibhse bithidh e mar bhiadh.

30 Agus do uile bheathaichibh na talmhainn, agus do uile eunlaith nan speur, agus do gach ní a shnáigeara air an talamh, anns am *bheil* beatha, *thug mi* gach luibh ghorm mar bhiadh: agus bha e mar sin.

31 Agus chuamaie Dia gach ní a rinn e, agus, feuch, *bha e* ro mhaith. Agus b' iad ann an feasgar agus a' mhàduinn an seathamh là.

### CAIB. II.

1 *An seachdamh là air a naomhachadh. 8 Gáradh Edein. 17 Craobh eòlais a' mhaith agus an uile. 21 Cruthachadh na mnàth agus òrduchadh a phòsaidh.*

**A**GUS chrìochnaich eadh na nèamhan agus an talamh, agus an sluagh uile.

2 Agus chrìochnaich Dia air an t-seachdamh là 'obair a rinn e; agus ghabh e fois air an t-seachdamh là o'obair uile a rinn e.

3 Agus bheannaich Dia an seachdamh là, agus naomhaich se e: do bhrìgh gur ann air a ghabh e fois o'obair uile, a chruthaich Dia agus a rinn e.

4 *Is* iad so ginealaiche nan nèamh agus na talmhainn, 'n uair a chruthaich eadh iad, 's an là anns an d'rinn an Tighearn Dia an talamh agus na nèamhan.

5 Agus cha robh aon de phreasaibh na macharach fathast anns an talamh, agus eha d'fhàs fathast aon de lusaibh na macharach; do bhrìgh nach d'thug an Tighearn Dia air uisge frasadh air an talamh, agus cha robh duine ann a shaoithreachadh na talmhainn.

6 Aeh chaidh eòd suas o'n talamh, agus dh'uisgich e aghaidh na talmhainn uile.

7 Agus dhealbh an Tighearn Dia an duine *de* dhuslaeh na talmhainn: agus shéid e ann an euinneinibh a shròire anail na beatha; agus dh' fhàs an duine 'n a anam beò.

8 Agus shuidhieh an Tighearn Dia gáradh ann an Eden 's an àird an ear, agus chuir e an sin an duine a dhealbh e.

9 Agus thug an Tighearn Dia air gach uile chràoibh fàs as an talamh a tha taitneach do'n t-sealladh, agus maith a chum bìdh: eraobh na beatha mar an ceudna ann am meadhon a' ghàraidh, agus eraobh còlais a' mhaith agus an uile.

10 Agus ehaidh amhainn a mach á h-Eden a dh'uisgeachadh a' ghàraidh; agus as a sin roinneadh i, agus dh'fhàs i 'n a ceithir meuraibh.

11 *Is e* ainm na ceud *aimhne* Pison; so i a tha 'cuartaichadh tíre Chabhalah uile, far am *bheil* òr.

12 Agus *tha* òr na tíre sin maith: an sin *tha* bdellium, agus a' chlaeh onics.

13 Agus *is e* ainm na dara aimhne Gihon: *is i* sin a *tha* 'cuartaichadh tíre Chuis uile.

14 Agus *is e* ainm na treas aimhne Hideoel: *is i* sin a *tha* 'dol do'n taobh an ear de Asiria. Agus *is i* a' cheathramh amhainn Euphrates.

15 Agus ghabh an Tighearn Dia an duine, agus ehuir se e ann an gáradh Edein, g'a shaoithreachadh, agus g'a ghleidheadh.

16 Agus dh'aithn an Tighearn Dia do'n duine, ag ràdh, De gach uile chràoibh 's a' ghàradh feudaibh tu itheadh gu saor:

17 Aeh de chràoibh eòlais a' mhaith agus an uile, cha-n ith thu dh'i sin; oir anns an là a dh'itheas tu dhith, gu cinnteach bàsaichidh tu.

18 Agus thubhairt an Tighearn Dia, Cha-n'eil e maith gu'm biodh an duine 'n a aonar: Ni mi dha còmhnaidh d'a réir féin.

19 Agus dhealbh an Tighearn Dia as an talamh uile bheathaichean na macharach, agus uile eunlaith nan speur, agus thug e iad a ehum Adhainn, a dh'fhaicinn eionnas a bheireadh e ainm orra: agus ge b'e e ainm a thug Adhamh air gach ereutair beò, *b'e* sin a *b'ainm* dha.

20 Agus thug Adhamh ainmean air an spréidh uile, agus air eunlaith nan speur, agus air uile bheathaichibh na macharach: aeh do Adhamh cha d'fhuaradh còmhnaidh d'a réir féin.

21 Agus thug an Tighearn Dia air eodal trom tuiteam air Adhamh, agus choidil e: agus ghabh e h-aon d'a aisnibh, agus dhùin e an fheoil suas 'n a h-àite.

22 Agus thog an Tighearn Dia an aisinn a thug e o'n duine suas 'n a mnaoi, agus thug e i ehum an duine.

23 Agus thubhairt Adhamh, So a nis enàmh de m' clmànaibh, agus feoil de m' fheoil-sa: goircear bean dith, do bhrìgh gur ann as an duine a thugadh i.

24 Air an aobhar sin fàgaidh fear 'athair agus a mhàthair, agus dlùth-leanaidh se r'a mnaoi; agus bithidh iad 'n an aon fheoil.

25 Agus bha iad le chéile ionnoehd, an



duine agus a bhean; agus cha robh nàire orra.

CAIB. III.

1 *Cealg na nathrach.* 6 *Peacadh an duine, 15 agus gealladh saorsa o Dhia tríd sìl na mnà.*

**A**NIS bha an nathair ni bu sheolta na h-aon de bheathaichibh na macharach a rinn an Tighearn Dia; agus thubhairt i ris a' mhnaoi, Seadh, an dubhairt Dia, Cha-n ith sibh de gach craoibh 's a' ghàradh?

2 Agus thubhairt a' bhean ris an nathair, De mheas craobhan a' ghàraidh feudaidd sinn itheadh:

3 Aeh de mheas na craoibhe a tha ann am meadhon a' ghàraidh, thubhairt Dia, Cha-n ith sibh dheth, agus cha bhean sibh cha, a chum nach faigh sibh bàs.

4 Agus thubhairt an nathair ris a' mhnaoi, Gu cinnteach cha-n fhaigh sibh bàs:

5 Oir a ta fios aig Dia, 's an là annsanithsibh dheth, gu'm fosgailear bhur sùilean, agus gu'm bi sibh mar dhée, fiosrach air maith agus air ole.

6 Agus chunnaic a' bhean gu'n robh a' chraobh maith a chum bith, agus gu'n robh i taitneach do 'n t-sùil, agus 'n a craoibh r'a miannachadh a dheanadh neach glie; agus ghabh i d'a meas agus dh'ith i, agus thug i mar an ceudna d'a fear mailleirthe, agus dh'ith e.

7 Agus dh'fhosgadh an sùilean le' chéile, agus dh'aithnich iad gu'n robh iad lomnochd; agus dh' fhuair iad duilleach croinn-fhige r'a chéile, agus rinn iad dhoibh féin aprain.

8 Agus chual' iad guth an Tighearna Dé ag imeachd 's a' ghàradh 'am fionnfhuaireachd an là: agus dh'fholaich Adhamh agus a bhean iad féin o ghnùis an Tighearna Dé am measg chraobhan a' ghàraidh.

9 Agus dh'éigh an Tighearn Dia air Adhamh, agus thubhairt e ris, C'àit an bheil thu?

10 Agus thubhairt e, Chuala mi do ghuth 's a' ghàradh, agus bha eagal orm a chionn gu'n robh mi lomnochd, agus dh'fholaich mi mi féin.

11 Agus thubhairt e, Cò 'dh'innis dhuit gu'n robh thu lomnochd? An d'ith thu de'n chraoibh, a dh'aithn mise dhuit gun itheadh dhith?

12 Agus thubhairt an Tighearn, A' bhean a thug thu *gubhi* mailleirium, thug ise dhomh de'n chraoibh, agus dh'ith mi.

13 Agus thubhairt an Tighearn Dia ris a' mhnaoi, Ciod e so a rinn thu? agus thubhairt a' bhean, Mheall an nathair mi, agus dh'ith mi.

14 Agus thubhairt an Tighearn Dia ris an nathair, A chionn gu'n d' rinn thu so, tha thu mallachtaidh thar gach ainmhidh, agus thar uile bheathaichean na macharach: air do bhroinn imichidh tu, agus duslach ithidh tu uile làithean do bheatha.

15 Agus cuiridh mi naimhdeas eadar thusa agus a' bhean, agus eadar do shìol-sa agus

a sìol-sa: bruthaidh esan do cheann, agus bruthaidh tusa a shàil-san.

16 Ris a' mhnaoi thubhairt e, Meudaichidh mi gu mòr do dhoilgheas agus do thoirricheas; 'am péin beiridh tu clann, agus ri d' fhear bithidh do thogradh, agus bithidh uachdaranachd aige ort.

17 Agus ri h-Adhamh thubhairt e, Do bhrìgh gu'n d'éisd thu ri guth do mhnà, agus gu'n d'ith thu de'n chraoibh a dh' aithnmise dhuit, ag ràdh, Cha-nith thudhith, tha'n talamh mallachtaidh air do shon; ann an doilgheas ithidh tu dheth uile làithean do bheatha.

18 Agus droighionn agus cluairin bheir e mach dhuit, agus ithidh tu luibh na macharach.

19 'Am fallus do ghnùise ithidh tu aran, agus am pill thu dh' ionnsuidh na talmhainn; oir aiseid thugadh thu: oir is duslach thu, agus gu duslach pillidh tu.

20 Agus thug Adhamh Eubha mar ainm air a' mhnaoi, do bhrìgh gu'm b'i màthair nan uile bheò.

21 Agus rinn an Tighearn Dia do Adhamh agus d'a mhnà, còtaichean croicinn, agus chòmhdaihe e iad.

22 Agus thubhairt an Tighearn Dia, Feuch, tha'n duine air fàs mar aon dhiinn *fèin*, fiosrach air maith agus ole. Agus a nis air eagal gu'n sineadh e mach a làmh, agus gu'n gabhadh e mar an ceudna de chraoibh na beatha, agus gu'n itheadh e, agus gu'm biodh e beò gu sìorruidh:

23 Air an aobhar sin chuir an Tighearn Dia a mach e á gàradh Edein, a shaoithreachadh na talmhainn, as an d'thugadh e.

24 Agus dh'fhògair e mach an duine; agus shuidhich e 's an taobh an ear de ghàradh Edein Cheruban, agus claidheamh lasaraeh, a bha 'tionndadh air gach làimh, a ghleidheadh slighe craoibhe na beatha.

CAIB. IV.

1 *Breith Chain agus Abeil.* 8 *Mortadh Abeil.* 11 *Mallachadh Chain.* 19 *Lamech agus a dhà mhnaoi.*

**A**GUS dh'aithnich Adhamh a bhean Eubha, agus dh'fhàs i torrach, agus rug i Cain, agus thubhairt i, Fhuair mi duine o'n Tighearn.

2 Agus a ris rug i a bhràthair Abel: agus bha Abel 'n a bhuachaille chaorach, ach bha Cain 'n a threabhaiche fearainn.

3 Agus tharladh an ceann làithean *àraidh*, gu'n d' thug Cain de thoradh an fhearainn tabhartas do'n Tighearn.

4 Agus thug Abel mar an ceudna de cheudghinibh a thréid, agus d'an saill: agus bha meas aig an Tighearn air Abel, agus air a thabhartas:

5 Aeh air Cain, agus air a thabhartas, cha robh meas aige. Agus bha Cain to throm fheirg, agus thuit a ghnùis.

6 Agus thubhairt an Tighearn ri Cain,

C'ar son a tha fearg ort? agus c'ar son a thuit do ghnuis?

7 Ma ni thu gu maith, nach gabhar riut? agus mur dean thu gu maith, aig an dorus tha peacadh 'n a luidhe. Agus riutsa bithidh a thogradh, agus bithidh uachdar-  
anachd agad air.

8 Agus labhairt Cain ri h-Abel a bhràthair: agus 'n uair a bha iad 's a' mhachair, dh'èirich Cain suas an aghaidh Abeil a bhràthar, agus mharbh se e.

9 Agus thubhairt an Tighearn ri Cain, C'ait am bheil Abel do bhràthair? Agus thubhairt esan, Cha-n 'eil fhios agam. Am mise fear-gleidhidh mo bhràthar?

10 Agus thubhairt esan, Ciod a rinn thu? Tha guth fola do bhràthar ag éigheach riunsa o'n talamh.

11 Agus a nis tha thu mallaichte o'n talamh, a dh'fhosgail a bheul a ghabhail fola do bhràthar o d'làimh.

12 'N uair a shaoithriceas tu an talamh, cha toir e dhuit á so suas a neart. A' d'fhògarach agus a' d'fhear-fuadain bithidh tu air an talamh.

13 Agus thubhairt Cain ris an Tighearn, Is mò mo pheanas na gur urrainn mi 'ghìulan.

14 Feuch, dh' fhògair thu mi mach an diugh bhàrr aghaidh na talmhainn: agus o d' ghnuis-sa folaichear mi, agus bithidh mi a'm'fhògarach agus a'm' fhear-fuadain air an talamh; agus tarlaidh, gach neach a gheibh mi, gu marbh e mi.

15 Agus thubhairt an Tighearn ris, Uime sin ge b'e air bith a mharbhas Cain, nithear a sheachd uiread de dhìoghaltas air. Agus chuir an Tighearn comharadh air Cain, a chum ge b'e neach a gheibheadh e nach marbhadh se e.

16 Agus chaidh Cain a mach á làthair an Tighearn, agus ghabh e còmhinnidh ann an tìr Nod an taobh an ear a dh' Eden.

17 Agus dh'aithnich Cain a bhean, agus dh'fhàs i torrach, agus rug i Enoch; agus thog e baile, agus ghoir e ainm a' bhaile a réir ainm a mhic, Enoch.

18 Agus rugadh do Enoch Irad; agus ghin Irad Mehuiael; agus ghin Mehuiael Metusael; agus ghin Metusael Lamech.

19 Agus ghabh Lamech dha féin dà mhnai: b'e ainm a h-aon diubh Adah, agus ainm na mnà eile Sillah.

20 Agus ghin Adah Iabal: b'esan athair na muinntir a tha' gabhail còmhnuidh 'am bùthaibh, agus na muinntir aig am bheil spréidh.

21 Agus b'e ainm a bhràthar Iubal: b'esan athair nan uile a lainsicheadh clàrsach agus organ.

22 Agus Sillah, rug ise mar an ceudna Tubalcain, fear-teagaisg gach uile fhir-ceird ann an umha agus 'an iarunn: agus b'i piuthar Thubalcain Naamah.

23 Agus thubhairt Lamech r'a mhnàibh, Adah agus Sillah, Cluinnibh mo ghuth, a mhnathan Lameich, éisdibh ri m' chainnt: oir mharbh mi duine a chum mo lotaidh, agus òganach a chum mo chiurraidh.

24 Ma dhàrlar Cain a sheachd uiread, gu deimhin diolar Lamech a sheachd-deug agus a thri fichead uiread.

25 Agus dh'aithnich Adhamh a ris a bhean, agus rug i mac, agus thug i Set mar ainm air; oir dh'òrduich Dia, thubhairt i, dhomhsa sliochd eile 'an àit Abeil, a mharbhadh le Cain.

26 Agus do Shet féin mar an ceudna rugadh mac, agus thug e Enos mar ainm air: an sin thòisich daoine ri gairm air ainm an Tighearna.

## CAIB. V.

1 *Ginealach, beatha, agus bàs nam prìomh aithrichean, o Adhamh gu Noah.* 24 *Diadhaidheadh Enoch, agus a ghabhail suas do fhlaithceanas.*

**I**S e so leabhar ghinealach Adhaimh; 's 'an là 'an do chruthaich Dia an duine, ann an coslas Dhé rinn se e.

2 Firionnach agus boirionnach chruthaich e iad; agus bheannaich e iad, agus thug e Adhamh mar ainm orra, 's an là 'an do chruthaich e iad.

3 Agus bha Adhamh beò ceud agus deich bliadhna fichead, agus ghin e mac 'n a choslas féin, a réir ionmaigh féin: agus thug e Set mar ainm air.

4 Agus b'iad làithean Adhaimh an déigh dha Set a ghintinn, ochd ceud bliadhna: agus ghin e mic agus nigheanan.

5 Agus b'iad uile làithean Adhaimh a bha e beò, naoi ceud agus deich bliadhna fichead; agus fhuair e bàs.

6 Agus bha Set beò ceud agus cùig bliadhna, agus ghin e Enos.

7 Agus bha Set beò, an déigh dha Enos a ghintinn, ochd ceud agus seachd bliadhna, agus ghin e mic agus nigheanan.

8 Agus b'iad uile làithean Shet naoi ceud agus dà bhliadhna dheug; agus fhuair e bàs.

9 Agus bha Enos beò ceithir fichead bliadhna agus a deich, agus ghin e Cainan.

10 Agus bha Enos beò, an déigh dha Cainan a ghintinn, ochd ceud agus cùig bliadhna deug, agus ghin e mic, agus nigheanan.

11 Agus b'iad uile làithean Enos naoi ceud agus cùig bliadhna; agus fhuair e bàs.

12 Agus bha Cainan beò deich bliadhna agus trì fichead, agus ghin e Mahalaleel.

13 Agus bha Cainan beò, an déigh dha Mahalaleel a ghintinn, ochd ceud agus dà fhichead bliadhna, agus ghin e mic agus nigheanan.

14 Agus b'iad uile làithean Chainain naoi



## GENESIS, VI.

ceud agus deich bliadhna; agus fhuair e bàs.

15 Agus bha Mahalaleel beò eùig bliadhna agus trì fichead, agus ghin e Iared.

16 Agus bha Mahalaleel beò, an déigh dha Iared a ghintinn, ochd ceud agus deich bliadhna fichead, agus ghin e mie agus nigheanan.

17 Agus b' iad uile làithean Mhahalaleel ochd ceud, ceithir fichead, agus eug bliadhna deug; agus fhuair e bàs.

18 Agus bha Iared beò ceud, trì fichead agus dà bhliadhna, agus ghin e Enoch.

19 Agus bha Iared beò, an déigh dha Enoch a ghintinn, ochd ceud bliadhna, agus ghin e mie agus nigheanan.

20 Agus b' iad uile làithean Iareid naoi ceud, trì fichead, agus dà bhliadhna; agus fhuair e bàs.

21 Agus bha Enoch beò trì fichead agus eùig bliadhna, agus ghin e Metuselah.

22 Agus ghluais Enoch maille ri Dia, an déigh dha Metuselah a ghintinn, trì cheud bliadhna, agus ghin e mie agus nigheanan.

23 Agus b' iad uile làithean Enoich trì cheud, agus trì fichead, agus eùig bliadhna.

24 Agus ghluais Enoch maille ri Dia, agus eha *robh* e ann, oir thug Dia leis e.

25 Agus bha Metuselah beò ceud, agus ceithir fichead, agus seachd bliadhna, agus ghin e Lamech.

26 Agus bha Metuselah beò, an déigh dha Lamech a ghintinn, seachd ceud, ceithir fichead, agus dà bhliadhna, agus ghin e mie agus nigheanan.

27 Agus b' iad uile làithean Mhetuselah naoi ceud trì fichead agus naoi bliadhna; agus fhuair e bàs.

28 Agus bha Lamech beò ceud, ceithir fichead agus dà bhliadhna, agus ghin e mae.

29 Agus thug e Noah mar ainm air, ag ràdh, Bheir an tì so *féin* sòlas dhuinne thaobh ar n-oibre agus saothrach ar làmh, a thaobh na talmhainn a mhallaich an Tighearn.

30 Agus bha Lamech beò, an déigh dha Noah a ghintinn, eùig ceud, ceithir fichead, agus eùig bliadhna deug; agus ghin e mie agus nigheanan.

31 Agus b' iad uile làithean Lameich, seachd ceud trì fichead agus seachd bliadhna deug; agus fhuair e bàs.

32 Agus bha Noah eùig ceud bliadhna dh'aois: agus ghin Noah Sem, Ham, agus Iaphet.

### CAIB. VI.

1 *Truaillidheadh a' chinne-daoine, a bhrosnach Dia gu an sgrios le tuit, saor o Noah agus a theaghlach. 14 An àire air a h-orduchadh.*

**A**GUS 'n uair a thòisich daoine ri fas òmhor air aghaidh na talmhainn, agus a rugadh nigheanan dhoibh,

2 Agus a chunnaic mie Dhé nigheanan

dhaoine, gu'n *robh* iad sgiamhach, ghabh iad dhoibh féin muathan de gach uile a ròghnaich iad.

3 Agus thubhairt an Tighearn, Cha bhi mo Spiorad a' strì ris an duine a ghnàth, do bhrìgh gur feoil a mhàin e: gidheadh bithidh a là 'n a cheud agus fichead bliadhna.

4 Bha fannhairean air an talamh 's na làithibh sin; agus mar an ceudna 'n a dhéigh sin, 'n uair a thàinig mie Dhé a steach a chum nigheanan dhaoine, agus a rug iad *clann* dhoibh, dh'*fhas* iad sin 'n an daoineibh treuna, a bha o shean 'n an daoineibh ainmeil.

5 Agus chunnaic an Tighearn gu'm bu mhòr aingidheadh an duine air an talamh, agus gu'n *robh* uile breithneachadh smuaintean a ehiridhe a mhàin ole gach aon là.

6 Agus b'aithreach leis an Tighearn gu'n d' rinn e an duine air an talamh, agus thog e doilgheas da 'n a ehiridhe.

7 Agus thubhairt an Tighearn, Sgriosaidh mi an duine, a chruthaich mi, bhàrr aghaidh na talmhainn, araon duine agus ainmhidh, agus an *creutair* a shnàigeas, agus eunlaith nan speur; oir is aithreach leam gu'n d' rinn mi iad.

8 Ach fhuair Noah deadh-ghean ann an sùilbh an Tighearna.

9 *Is* iad so ginealaich Noah: Bha Noah 'n a dhuine eothromaeh, agus iomlan 'n a linn; agus ghluais Noah maille ri Dia.

10 Agus ghin Noah triuir mhae, Sem, Ham, agus Iaphet.

11 Agus bha 'n talamh truaillidh 'am fianuis Dhé, agus lìonadh an talamh le fòirneart.

12 Agus dh'amhaire Dia air an talamh, agus, feuch, bha e truaillidh; oir thruaill gach uile fheoil a slighe air an talamh.

13 Agus thubhairt Dia ri Noah, Thàinig erioch gach uile fheòla a'm' f'ianuis; oir tha 'n talamh air a lìonadh le fòirneart d'an trid-san: agus, feuch, sgriosaidh mise iad maille ris an talamh.

14 Dean dhuit féin àire de fhiodh gopher; seòmraichean ni thu 's an àire, agus còmh-daichidh tu i a stigh agus a muigh le pie.

15 Agus so a' *chumachd* air an dean thu i: Tri cheud làmh-choille fad na h-àiree, leth-cheud làmh-choille a leud, agus deich 'ar fheicheadh làmh-choille a h-àirde.

16 Uinneag ni thu do'n àire, agus an làmh-choille eriochmaichidh tu i 'n a mullaeh; agus dorus na h-àiree euiridh tu 'n a taobh: *le lobhtaibh* iochdaraeh, meadhonaeh, agus uaehdaraeh ni thu i.

17 Agus, feuch, bheir mise, eadhon mise, dìle uisgeachan air an talamh, a sgrios gach uile fheòla, ams *am bheil* anail na beatha fo nèamh: agus gheibh gach ni a tha air an talamh bàs.

18 Ach daingnichidh mi mo choinnheanan-

gal riutsa: agus theid thu a steach do'n àire, thu *fèin*, agus do mhic, agus do bhean, agus mnathan do mhac maille riut.

19 Agus de gach uile *ni* beò de'n uile fheoil, dithis de gach *seòrsa* bheir thu steach do'n àire, gu'n gleidheadh beò maille riut: fìrionn agus boirionn bithidh iad.

20 De'n eunlaith a réir an gnè, agus de'n sprèidh a réir an gnè, agus de gach *ni* a shnàigeas air an talamh a réir a ghnè: theid dithis de gach *seòrsa* steach a d' ionnsuidh, gu'n gleidheadh beò.

21 Agus gabh thusa dhuit de gach uile bliadh a dh'ithear, agus cruinnichidh tu a d' ionnsuidh *e*; agus bithidh e dhuitse agus dhoibhsan air son beathachaidh.

22 Mar so rinn Noah; a réir gach *ni* a dh'aitm Dia dha, mar sin rinn e.

### CAIB. VII.

1 *Chaidh Noah, agus gach creutair a bha maille ris a steach do'n àire.* 10 *Toiseach agus éiridh na dìle.* 24 *Mhair i ceud agus leth-cheud là.*

**A** GUS thubhairt an Tighearn ri Noah, Rach thusa, agus do thigh uile, a steach do'n àire; oir thusa chunnaic mi cothromach a'm' fhianuis 's a' ghinealach so.

2 De gach uile ainmhidh glan gabhaidh tu dhuit 'n an seachdaibh, am fìrionn agus am boirionn; agus de ainmhidh na nach 'eil glan 'n an càraidibh, am fìrionn agus am boirionn:

3 Mar an ceudna de eunlaith nan speur 'n an seachdaibh, fìrionn agus boirionn, a ghleidheadh sìl beò air aghaidh na talmhainn uile:

4 Oir fathast seachd làithean, agus bheir mise air uisge teachd air an talamh dà fhichead là agus dà fhichead oidhche; agus sgrìosaidh mi gach dùil *bhed* a rinn mi, bhàrr aghaidh na talmhainn.

5 Agus rinn Noah a réir gach *ni* a dh'aitm an Tighearn dha.

6 Agus *bha* Noah sè ceud bliadhna dh'aois, 'n uair a bha an dìle uisgeachan air an talamh.

7 Agus chaidh Noah steach, agus a mhic, agus a bhean, agus mnathan a mhac maille ris, do'n àire, air son uisgeachan na dìle.

8 De ainmhidh glan, agus de ainmhidh na nach 'eil glan, agus de eunlaith, agus de gach *ni* a shnàigeas air an talamh,

9 Chaidh dithis agus dithis a steach a dh'ionnsuidh Noah do'n àire, fìrionn agus boirionn, a réir mar a dh'aitm Dia do Noah.

10 Agus an déigh sheachd làithean bha uisgeachan na dìle air an talamh.

11 Anns an t-seathamh ceud bliadhna dh'aois Noah, 's an dara mìos, 's an t-seachdamh là deug de'n mhìos, 's an là sin tèin bhriseadh suas uile thobraichean na

doinhne mòire, agus bha tuil-dhorsan nan nèamh air am fosgladh.

12 Agus bha'n t-uisge air an talamh dà fhichead là agus dà fhichead oidhche.

13 'S a' cheart là sin fèin chaidh Noah, agus Sem, agus Ham, agus Iaphet, mic Noah, agus bean Noah, agus triuir bhan a mhac maille riu, steach do'n àire;

14 Iad fèin, agus gach uile bheathach a réir a ghnè, agus an sprèidh uile a réir an gnè, agus gach creutair a shnàigeas a tha snàigeadh air an talamh a réir a ghnè, agus an eunlaith uile a réir an gnè, gach eun de gach seòrsa.

15 Agus chaidh iad a steach a chum Noah do'n àire, a lion dithis agus dithis, de gach uile fheoil, anns an *bheil* anail na beatha.

16 Agus iadsan a chaidh a steach, fìrionn agus boirionn chaidh iad a steach de gach uile fheoil, mar a dh'aitm Dia dha: agus dhruid an Tighearn stigh e.

17 Agus bha 'n dìle dà fhichead là air an talamh, agus mheudaichadh na h-uisgeachan, agus ghiùlain iad an àire, agus thogadh suas i os ceann na talmhainn.

18 Agus bhuadhaich na h-uisgeachan, agus mheudaichadh iad gu h-anabarrach air an talamh; agus shiubhail an àire air aghaidh nan uisgeachan.

19 Agus bhuadhaich na h-uisgeachan gu ro anabarrach air an talamh; agus chòmhdaichadh na beanntan àrda uile, a *bha* fo na nèamhaibh gu léir.

20 Cùig làmh-choille dheug air àirde bhuadhaich na h-uisgeachan; agus chòmhdaich eadh na beanntan.

21 Agus dh'èug gach uile fheoil a *bha* 'ghuasad air an talamh, araon de eunlaith, agus de sprèidh, agus de bheathaichibh, agus de gach *ni* a shnàigeas a tha snàigeadh air an talamh, agus gach uile dhùine.

22 Gach *ni* aig an robh anail na beatha ann an cuinneimibh a shròine, de na h-uile a *bha* air an talamh thioram, dh'èug iad.

23 Agus sgrìosadh gach uile dhùil a bha air aghaidh na talmhainn, araon dhùine agus ainmhidh, agus an creutair a shnàigeas, agus eunlaith nan speur; agus sgrìosadh iad bhàrr na talmhainn, agus dh'fhàgadh a mhàin Noah, agus na *bha* maille ris 's an àire.

24 Agus bhuadhaich na h-uisgeachan os ceann na talmhainn ceud agus leth-cheud là.

### CAIB. VIII.

1 *Throagh na h-uisgeachan.* 4 *Stad an àire air beanntaibh Ararat.* 15 *A réir àithne Dhé chaidh Noah mach as an àire;* 20 *thog e altair, agus dh'ìobair e ìobairtean-loisgte.*

**A** GUS chuimhnich Dia air Noah, agus air gach *ni* beò, agus air gach uile sprèidh a *bha* maille ris 's an àire, agus thug Dia air gaoith dol thairis air an talamh, agus throagh na h-uisgeachan.



## GENESIS, IX.

2 Agus dhruideadh suas tobraichean na doimhne, agus tuil-dhorsan nan nèamh; agus choisgeadh an t-uisge o na nèamhaibh.

3 Agus phill na h-uisgeachan a ghlùath bhàrr na talmhainn: agus thraogh na h-uisgeachan an dèigh ceud agus leth-cheud là.

4 Agus stad an àire anns an t-seachdamh mìos, air an t-seachdamh là deug de'n mhìos, air beanntaibh Ararat.

5 Agus thraogh na h-uisgeachan a ghlùath gus an deicheamh mìos: Anns an deicheamh mìos, air a' cheud là de'n mhìos, chunnacas mullaichean nam beann.

6 Agus an ceann dà fhichead là, dh'fhosgail Noah uinneag na h-àire a rinn e.

7 Agus chuir e mach fitheach, a chaidh a mach a' dol air 'ais agus air 'aghaidh, gus an do thiormaicheadh na h-uisgeachan bhàrr na talmhainn.

8 Mar an ceudna chuir e mach columan uaithe, a dh'fhaicinn an do thraogh na h-uisgeachan bhàrr aghaidh na talmhainn.

9 Ach cha d'fhuair an columan fois do bhonn a choisie, agus phill e d'a ionnsuidh do'n àire, do bhrìgh gu'n robh na h-uisgeachan air aghaidh na talmhainn uile. An sin chuir e mach a làmh, agus rug e air, agus thug e stigh e d'a ionnsuidh do'n àire.

10 Agus dh'fhan e fathast seachd làithean eile, agus a ris chuir e mach an columan o'n àire.

11 Agus thàinig an columan d'a ionnsuidh 's an fheasgar, agus, feuch, duilleag craoibh-ola, a spionadh leis, aige 'n a ghlob: agus dh'aithnich Noah gu'n do thraogh na h-uisgeachan bhàrr na talmhainn.

12 Agus dh'fhan e fathast seachd làithean eile, agus chuir e mach an columan; agus cha do phill e ris d'a ionnsuidh ni's mò.

13 Agus anns an t-seachdamh ceud bliadhna agus a h-aon, anns a' cheud mhìos, anns a' cheud là de'n mhìos, thiormaicheadh na h-uisgeachan suas bhàrr na talmhainn: agus bhuin Noah air falbh còmh-dachadh na h-àire, agus dh'amaire e, agus, feuch, bha aghaidh na talmhainn tioram.

14 Agus 's an dara mìos, 's an t-seachdamh là thar fhichead de'n mhìos, bha an talamh air tiormachadh.

15 Agus labhair Dia ri Noah, ag ràdh,

16 Rach a mach as an àire, 'thu fèin, agus do bhean, agus do mhic, agus mnathan do mhac maille riut.

17 Thoir a mach leat gach ni beò a tha maille riut, de gach uile fheòil, de eunlaith, agus de spréidh, agus de gach uile ni a shnàigeas a tha 'snàigeadh air an talamh, chum as gu'n sìolaich iad air an talamh, agus gu'm bi iad torrach, agus gu'm fas iad lionmhor air an talamh.

18 Agus chaidh Noah a mach, agus a mhic, agus a bhean, agus mnathan a mhac maille ris:

19 Chaidh gach uile bheathach, gach ni a

shnàigeas, agus gach eun, gach ni a ghluais-eas air an talamh, a réir an cineil, a mach as an àire.

20 Agus thog Noah altair do'n Tighearn, agus ghabh e de gach ainmhidh glan, agus de gach eun glan, agus thug e suas tabhar-tais-loisgte air an altair.

21 Agus dh'fhaireich an Tighearn fàile cùbhraidh; agus thubhairt an Tighearn 'n a chridhe, Cha mhallaich mi ris an talamh ni's mò air son an duine; oir tha smuaint-ean eridhean duine olc o 'dige; ni mò a sgrìo-as mi tuille gach ni beò, mar a rinn mi.

22 An feadh a mhaireas an talamh, cha sguir àm an t-sil-chur, agus foghar, agus fuachd agus teas, agus samhradh, agus geamhradh, agus là, agus oidliche.

## CAIB. IX.

1 Bheannaich Dia Noah. 8 Dhaingnich e a choimh-cheangal ris-san agus r'a shìochd, le comharadh a' bhogha-throise. 20 Thòisich Noah air a bhi 'n a theathaiche, agus shuidh-ich e fion-lìos. 22 Cionta a mhic Haim. 29 Aois agus bàs Noah.

**A**GUS bheannaich Dia Noah agus a mhic, agus thubhairt e riu, Sìolaichibh, agus fasaibh lionmhor, agus fiosaibh an talamh.

2 Agus bithidh bhur n-eagal agus bhur fiamhas air uile bheathaichibh na talmhainn, agus air uile eunlaith nan spéur, air gach ni a ghluais-eas air an talamh, agus air uile iasgaibh na mara; d'ur làimh-sa tha iad air an tabhairt.

3 Bithidh gach ni ghlasadach a tha beò, dhuibh mar bhiadh; amhuil mar an luibh ghorm thug mi dhuibh na h-uile nithean.

4 Ach feòil maille r'a beatha, *eadhon* a fuil, cha-n ith sibh.

5 Agus gu deimhin fuil bhur beatha-sa iarraidh mise; air làimh gach beathaich iarraidh mi i, agus air làimh an duine; air làimh bràthar *gach* duine iarraidh mi beatha an duine.

6 Ge b'e 'dhòirteas fuil duine, le duine dòirtcar 'fhuil-san; oir ann an dealbh Dhé rinn e an duine.

7 Agus bithibh-sa sìolmhor, agus fasaibh lionmhor, ginibh air an talamh, agus fasaibh lionmhor ann.

8 Agus labhair Dia ri Noah, agus r'a mhic maille ris, ag ràdh,

9 Agus mise, feuch, daingnichidh mi mo choimh-cheangal ribhse, agus r'i'r sìochd 'n 'ur dèigh.

10 Agus ris gach uile chreutair beò a tha maille ribh, de eunlaith, de spréidh, agus de uile bheathaichibh na talmhainn maille ribh, o gach uile 'tha 'dol a mach as an àire, gu uile bheathaichibh na talmhainn.

11 Agus daingnichidh mi mo choimh-cheangal ribh, agus cha sgrìosar gach uile fheòil tuille le h-uisgibh na dìle: agus cha bhi dìle ann ni's mò a sgrìos na talmhainn.

# GENESIS, X.

12 Agus thubhairt Dia, So comharadh a' choimhcheangail a *tha* mi 'toirt eadar mise agus sibhse, agus gach creutair beò a *tha* maille ribh, air feadh ghinealach sìorruidh:

13 Mo bhogha cuiridh mi anns an neul, agus bithidh e 'n a chomharadh choimhcheangail cadar mise, agus an talamh.

14 Agus tarlaidh, 'n uair a bheir mi neul os ceann na talmhainn, gu'm faicear am bogha anns an neul.

15 Agus cuimhnichidh mi mo choimhcheangail, a *tha* eadar mise agus sibhse, agus gach creutair beò de'n uile fheadh; agus cha-n fhàs ni's mò na h-uisgeachan 'n an dile a sgrios gach uile fheadh.

16 Agus bithidh am bogha anns an neul, agus amhaircidh mi air, chum as gu'n cuimhnich mi 'n coimhcheangail sìorruidh eadar Dia agus gach creutair beò de'n uile fheadh, a *tha* air an talamh.

17 Agus thubhairt Dia ri Noah, So comharadh a' choimhcheangail, a dhaingnich mi eadar mi féin agus gach uile fheadh a *tha* air an talamh.

18 Agus b'iad mie Noah a chaidh a mach as an àire, Sem, agus Ham, agus Iaphet: agus b'e Ham athair Chanaan.

19 *Is iad* sin triuir mhac Noah: agus leo sin lìonadh an talamh uile.

20 Agus thòisich Noah air a *bhi* 'n a fhearsaithreach na talmhainn, agus shuidhich e fion-ghàradh.

21 Agus dh'òl e de'n fhìon, agus bha e air mhìsg, agus bha e lomnochd a stigh 'n a bhùth.

22 Agus chunnaic Ham, athair Chanaan, nochd 'athair, agus dh'innis e d'a dhà bhràthair a muigh.

23 Agus ghabh Sem agus Iaphet brat, agus chuir iad le 'chéile air an guailnibh e, agus chaidh iad 'an comhair an cuil, agus chòmhdaich iad nochd an athar; agus *bha* 'n aghaidhean air an ais, agus cha-n fhac' iad nochd an athar.

24 Agus dhùisg Noah o 'fhìon, agus thuig e cìod a rinn a mhae a b'òige air.

25 Agus thubhairt e, Mallaichte *gu'n robh* Chanaan; 'n a sheirbhiseach nan seirbhiseach bithidh e d'a bhràithribh.

26 Agus thubhairt e, Beannaichte *gu'n robh* Tighearn Dia Sheim; agus bithidh Chanaan 'n a sheirbhiseach dha.

27 Nì Dia Iaphet fàrsaing, agus eòmhnuichidh e ann am bùthaibh Sheim; agus bithidh Chanaan 'n a sheirbhiseach dha.

28 Agus bha Noah beò an déigh na dìle trì cheud, agus leth-cheud bliadhna.

29 Agus b'iad uile laithean Noah naoi ceud, agus leth-cheud bliadhna: agus fhuair e bàs.

## CAIB. X.

1 *Ginealach Noah.* 2 *Mic Iapheit.* 6 *Mic Haim.* 15 *Shìochd Chanaan.* 21 *Mic Sheim.*  
12

**A** NIS *is iad* sin ginealach mhac Noah; Sem, Ham, agus Iaphet: agus rugadh dhoibh mic an déigh na dìle.

2 Mic Iapheit; Gomer, agus Magog, agus Madai, agus Iabhan, agus Tubal, agus Me-sech, agus Tiras.

3 Agus mic Ghomeir; Ascenas, agus Riphath, agus Togarmah.

4 Agus mic Iabhan; Elisa, agus Tarsis, Citin, agus Dodanin.

5 Leo sin roinneadh eileanan nan cinneach 'n an tìrìbh féin, gach aon a reir a theanga, a réir an teaghlaichean, 'n an cinneachaibh.

6 Agus mic Haim; Cus, agus Misraim, agus Phut, agus Canaan.

7 Agus mic Chuis; Seba, agus Habhilah, agus Sabtah, agus Raamah, agus Sabtecha: agus mic Raamah; Seba, agus Dedan.

8 Agus ghin Cus Nimrod: thòisich esan air a bhi cumhachdach 's an talamh.

9 Bha e 'n a shealgair cumhachdach an làthair an Tighearna: Uime sin theirear, Amhuil mar Nimrod an sealgair cumhachdach an làthair an Tighearna.

10 Agus b'e toiscach a rìoghachd Babel, agus Erech, agus Acad, agus Calneh, ann an tìr Shinair.

11 As an tìr sin chaidh a mach Asur, agus thog e Ninebheh, agus baile Rehobot, agus Calah,

12 Agus Resen eadar Ninebheh agus Calah: *is* baile mòr sin.

13 Agus ghin Misraim Iudim, agus Anamim, agus Lehabim, agus Naphtuhim,

14 Agus Patrusim, agus Casluhim, (o 'n d'fhàinig a mach Philistim) agus Caphtorim.

15 Agus ghin Canaan Sidon a cheud-ghin, agus Het,

16 Agus an Iebusach, agus an t-Amorach, agus an Gargasach,

17 Agus an t-Ibheach, agus an t-Hareach, agus an Sineach,

18 Agus an t-Arbhadach, agus an Semarach, agus an t-Hamatach: agus 'n a dhéigh sin sgaoileadh a mach teaghlaichean nan Canaanach.

19 Agus bha crìoch nan Canaanach o Shidon, mar a thig thu gu Gerar gu ruig Gadsa, mar a thaid thu gu Sodom agus Gomorrah, agus Admah, agus Seboim, gu ruig Lasa.

20 *Is iad* sin mic Haim, a réir an teaghlaichean, a réir an teangan, 'n an tìrìbh, agus 'n an cinneachaibh.

21 Agus do Shem féin mar an ceudna, athair chloinn Ebeir uile, bràthair Iapheit a bu shine, rugadh *clann*.

22 Clann Sheim; Elam, agus Asur, agus Arphacsad, agus Lud, agus Aram.

23 Agus clann Aram; Uds, agus Hul, agus Geter, agus Mas.

24 Agus ghin Arphacsad Salah, agus ghin Salah Eber.

25 Agus do h-Eber rugadh dithis mhac: b'e ainm aoin diubh Peleg, (oir 'n a làith-



ibh-san roinneadh an talamh); agus ainm a bhràthar, Ioctan.

26 Agus ghin Ioctan Almodad, agus Seleph, agus Hadsarnabhet, agus Ierali,

27 Agus Hadoram, agus Udsal, agus Diclah,

28 Agus Obal, agus Abinam, agus Seba,

29 Agus Ophir, agus Abhilih, agus Iobab: *b'iad sin uile mic Ioctain.*

30 Agus bha'n àite-còmhnuidh o Mhesa, mar a théid thu gu Sephar, beinn 's an àird an ear.

31 *Is iad sin mic Sheim, a réir an teaghaichean, a réir an teangan, 'n an tìrìbh, a réir an cinneacha.*

32 *Is iad sin teaghaichean mhac Noah, a réir an ginealach, 'n an cinneachaibh: agus leo sin roinneadh na cinnich anns an talamh an déigh na dìle.*

### CAIB. XI.

1 *Aon chainnt air an talamh. 3 Tùr Bhabèil. 10 Ginealach Sheim. 27 Ginealach Therah, athar Abram. 31 Turus Therah o Ur gu Haran, agus a bàs.*

**A**GUS bha'n talamh uile *dh'aon* tean-gaidh, agus na h-aon fhocail *aig gach neach.*

2 Agus 'n uair a bha iad air an turus o'n àird an ear, fhuair iad còmhnaidh ann an talamh Shìnair, agus ghabh iad còmhnuidh an sin.

3 Agus thubhairt iad gach aon ri 'chéile, Thigibh, deanamaid clachan creadh, agus ~~lan~~ loisgeamaid iad: Agus bha 'chlach chreadh aca air son cloiche, agus bha làthach aca air son aoil.

4 Agus thubhairt iad, Thigibh, togamaid dhuinn féin baile, agus tùr, aig am bi a mhullach *a' ruigheachd* gu nèamh, agus deanamaid dhuinn féin ainm, air eagal gu'n sgaoilear o 'chéile sinn air aghaidh na talmhainn uile.

5 Agus thàinig an Tighearn nuas a dh'fhaicinn a' bhaile, agus an tùir, a thog clann nan daoine.

6 Agus thubhairt an Tighearn, Feuch, *is* aon sluagh a *th'ann*, agus aon teanga a' uile; agus thòisich iad air so a dheanamh: agus a nis cha bhacar dhiubh ni air bith, a smuainich iad a dheanamh.

7 Thigibh, rachamaid a sìos, agus cuireamaid an cainnt an sin thar a chéile, chum as nach tuig iad cainnt a chéile.

8 Mar sin sgaoil an Tighearn iad uaithe sin air aghaidh na talmhainn uile: agus sguir iad de thogail a' bhaile.

9 Uime sin thugadh Babel mar ainm air, a chionn ann an sin gu'n do chuir an Tighearn thar a' chéile cainnt na talmhainn uile: agus uaithe sin sgaoil an Tighearn iad air aghaidh na talmhainn uile.

10 *Is iad sin ginealach Sheim: Bha Sem ceud bliadhna dh'aois, agus ghin e Arphacsad dà bhliadhna an déigh na dìle.*

11 Agus bha Sem beò, an déigh dha Ar-

phacsad a ghintinn, cùig ceud bliadhna; agus ghin e mic agus nigheanan.

12 Agus bha Arphacsad beò cùig bliadhna deug 'ar fhichead, agus ghin e Salah.

13 Agus bha Arphacsad beò, an déigh dha Salah a ghintinn, ceithir cheud, agus tri bliadhna; agus ghin e mic agus nigheanan.

14 Agus bha Salah beò deich bliadhna fhichead, agus ghin e Eber.

15 Agus bha Salah beò, an déigh dha Eber a ghintinn, ceithir cheud, agus tri bliadhna; agus ghin e mic agus nigheanan.

16 Agus bha Eber beò ceithir bliadhna deug 'ar fhichead, agus ghin e Peleg.

17 Agus bha Eber beò, an déigh dha Peleg a ghintinn, ceithir cheud, agus deich bliadhna fhichead; agus ghin e mic agus nigheanan.

18 Agus bha Peleg beò deich bliadhna fhichead; agus ghin e Reu.

19 Agus bha Peleg beò, an déigh dha Reu a ghintinn, dà cheud, agus naoi bliadhna; agus ghin e mic agus nigheanan.

20 Agus bha Reu beò dà bhliadhna dheug 'ar fhichead: agus ghin e Serug.

21 Agus bha Reu beò, an déigh dha Serug a ghintinn, dà chend, agus seachd bliadhna; agus ghin e mic agus nigheanan.

22 Agus bha Serug beò deich bliadhna fhichead; agus ghin e Nahor.

23 Agus bha Serug beò, an déigh dha Nahor a ghintinn, dà cheud bliadhna; agus ghin e mic agus nigheanan.

24 Agus bha Nahor beò naoi bliadhna fhichead; agus ghin e Terah.

25 Agus bha Nahor beò, an déigh dha Terah a ghintinn, ceud, agus naoi bliadhna déug, agus ghin e mic agus nigheanan.

26 Agus bha Terah beò deich 'ustri fichead bliadhna; agus ghin e Abram, Nahor, agus Haran.

27 A nis *is iad sin ginealach Therah: ghin Therah Abram, Nahor, agus Haran; agus ghin Haran Lot.*

28 Agus fhuair Haran bàs roimh Therah 'athair, 's an tìr anns an d' rugadh e, ann an Ur nan Caldéach.

29 Agus ghabh Abram agus Nahor mna-than dhoibh féin: *B'e ainm mnà Abram, Sarai; agus ainm mnà Nahoir, Milcah, nighean Harain, athar Mhileah, agus athar Iscah.*

30 Ach bha Sarai neo-thorrach; cha robh duine cloinne aice.

31 Agus ghabh Terah Abram a mhac, agus Lot mac Harain mac a mhic, agus Sarai a bhana-chliamhuinn, bean Abram a mhic; agus chaidh iad a mach maille ri a h-Ur nan Caldéach, gu dol do thìr Chanaain: agus thàinig iad gu Haran, agus ghabh iad còmhnuidh an sin.

32 Agus b'iad làithean Therah dà cheud, agus cùig bliadhna: agus fhuair Terah bàs ann an Haran.



CAIB. XII.

- 1 *Gealladh Dhé do Abram a thaobh Chrìosd.*  
 4 *Dh'imich Abram maille r'a mhnaoi agus ri Lot do Chanaan; ach a chionn gu'n robh gorta mhòr 's an tìr sin, chaidh e sìos do'n Eiphit.*  
 14 *Thug Pharaoh rìgh na h-Eiphit Sarai naith; ach an uair a thuig e gu'm bi a bhean i, leig e air falbh iad le 'chéile.*

**A**GUS thubhairt an Tighearn ri h-Abram, Rach a mach á d' dhùthaich, agus o d' dhùlsibh, agus á tigh d'athar, do'n tìr a nochdas mise dhuit.

2 Agus ni mi thu a' d' chinn each mòr, agus beannaichidh mi thu, agus ni mi d'ainm mòr: agus bithidh tu a' d' bheannachadh.

3 Agus beannaichidh mi iadsan a bheannaicheas thu, agus màllaichidh mi iadsan a màllaicheas thu, agus annadsa beannaichear uile theaghlaichean na talmhainn.

4 Agus dh'imich Abram, mar a labhair an Tighearn ris, agus chaidh Lot maille ris: agus bha Abram cuig bliadhna déug is trì fichead a dh'aois 'n uair a chaidh e mach á Haran.

5 Agus ghabh Abram Sarai a bhean, agus Lot mac a bhràthar, agus am maoin uile a chruinnich iad, agus na h-ananan a fhuair iad ann an Haran, agus chaidh iad a mach gu dol do thìr Chanaan; agus thàinig iad do thìr Chanaan.

6 Agus chaidh Abram air 'aghaidh 's an fhearann gu àite Shicheim, gu còmhnaidh Mhoreh. Agus bha 'n Canaanach an sin 's an tìr.

7 Agus dh'fhoillsich an Tighearn e féin do Abram, agus thubhairt e, Do d' shliochd-sa bheir mise an fearann so: agus thog e'n sin altair do'n Tighearn, a dh'fhoillsicheadh dha.

8 Agus chaidh e as a sin gu shlabh air an taobh an ear de Bhetel, agus shuidhich e a bhùth, agus Betel aige air an taobh an iar, agus Hai air an taobh an ear: agus thog e 'n sin altair do'n Tighearn, agus ghairm e air ainm an Tighearna.

9 Agus dh'imich Abram, a' sìor-dhol air 'aghaidh mu dheas.

10 Agus bha gorta 's an tìr: agus chaidh Abram sìos do'n Eiphit, gu bhli air chuairt an sin, a chionn gu'n robh a' ghorta mòr 's an tìr.

11 Agus 'n uair a bha e dlùth do dhol a stigh do'n Eiphit, thubhairt e ri Sarai a bhean, Feuch a nis, tha fios agam gur bean mhaiseach thusa ri amharc ort:

12 Uime sin, 'n uair a chi na h-Eiphitich thu, their iad, So a bhean; agus marbhadh iad mise, ach gleidhidh iad thusa beò.

13 Abair, guidheam ort, gur tu mo phiuthar, chum gu'n éirich gu maith dhomh air do sgàthsa; agus bithidh m' anam beò air do shonsa.

14 Agus 'n uair a thàinig Abram do'n Eiphit, chunnaic na h-Eiphitich a' bhean, gu'n robh i ro mhaiseach.

15 Chumnaic mar an ceudna ceannardan Pharaoh i, agus mhol iad i do Pharaoh: agus thugadh a steach a' bhean do thigh Pharaoh.

16 Agus bhuin e gu maith ri h-Abram air a sgàth-sa: agus bha aige caoraich, agus dainh, agus asailean fìrionn, agus òglaich, agus banoglaich, agus asailean boirionn, agus càmhaillean.

17 Agus bhuail an Tighearn Pharaoh agus a thigh le plàighibh mòra, air son Sharai mnà Abram.

18 Agus ghairm Pharaoh air Abram, agus thubhairt e, Cìod so a rinn thu orm? c'ar sou nach d'innis thu dhomh gu'm bi so do bhean?

19 C'ar son a thubhairt thu, 'Si mo phiuthar i? Mar sin dh'fheudaim a gabhail do m' ionnsuidh mar mhnaoi: a nis ma ta, feuch, do bhean; gabh i, agus bi 'g inneachd.

20 Agus thug Pharaoh àithne d' a dhaoineibh na thimchioll; agus chuir iad air falbh e féin, agus a bhean, agus gach ni a bh' aige.

CAIB. XIII.

- 1 *Phyll Abram as an Eiphit.* 7 *Dhealaich e ri Lot.* 14 *Dh'ath-nuadhach Dia a ghealladh do Abram, agus d'a shliochd.*

**A**GUS chaidh Abram suas as an Eiphit, e féin, agus a bhean, agus gach ni a bh' aige, agus Lot maille ris, do'n taobh mu dheas.

2 Agus bha Abram ro shaoibhir ann an spréidh, ann an airgiod, agus ann an òr.

3 Agus dh'imich e 'n a thurusaibh o'n taobh mu dheas eadhon gu Betel, gu ruig an t-àit anns an robh a bhùth 'an toiseach, eadar Betel agus Hai;

4 Gu àite na h-altarach a rinn e'n sin air tùs: agus ghairm Abram an sin air ainm an Tighearna.

5 Agus bha mar an ceudna aig Lot, a dh'imich maille ri h-Abram, caoraich, agus crodh, agus bùithean.

6 Agus cha robh am fearann comasach air an giùlan gu còmhnuidh a ghabhail cuid-eachd; oir bha am maoin mòr, agus cha b'urrainn iad còmhnuidh a ghabhail cuideachd.

7 Agus bha comhstri eadar buachailllean spréidhe Abram, agus buachailllean spréidhe Lot: agus bha 'n Canaanach, agus am Perid-seach 's an àm sin a còmhnuidh 's an tìr.

8 Agus thubhairt Abram ri Lot, Na bith-eadh, guidheam ort, comhstri eadar mise agus thusa, agus eadar mo bhuachailllean agus do bhuachailllean-sa; oir is bràithrean sinn.

9 Nach 'eòil an tìr uile romhad? Dealaich, guidheam ort, riumsa: ma ghabhas thusa dh'ionnsuidh na làimhe clìthe, an sin théid mise dh'ionnsuidh na làimhe deise; agus ma théid thusa dh'ionnsuidh na làimhe deise, an sin gabhadh mise dh'ionnsuidh na làimhe clìthe.

## GENESIS, XIV.

10 Agus thog Lot suas a shùilean, agus ehunnaic e còmhnard Iordain uile, gu'n robh e gu léir air 'uisgeachadh gu maith, mun do sgrios an Tighearn Sodom agus Gomorrah, eadhon mar ghàradh an Tigh-earna, eòsmhuil ri talamh na h-Eiphit, mar a thig thu gu Soar.

11 Agus thagh Lot dha féin còmhnard Iordain uile; agus ghabh Lot a thurus o'n àird an ear, agus dhèalaich na càirdean ri 'chéile.

12 Ghabh Abram còmhnuidh ann an tìr Chanaan, agus ghabh Lot còmhnuidh 'am bailtibh a' chòmhnaid, agus shuidhich e a bhùth aig Sodom.

13 Ach bha daoine Shodoim aingidh, agus 'n am peacaich 'am fianuis an Tighearna gu ro mhòr.

14 Agus thubhairt an Tighearn ri h-Abram, an déigh do Lot dealachadh ris, Tog a nis a suas do shùilean, agus amhaire o'n àit 'anns am bheil thu, gu tuath, agus gu deas, agus gus an àird an ear, agus an iar:

15 Oir am fearann uile a tha thu a' faicinn, dhuitse bheir mi e, agus do d' shliochd gu bràth.

16 Agus ní mi do shliochd mar dhùslach na talmhainn; ionnas ma bhios e'n eomas do dhuine dùslach na talmhainn àireamh, an sin gu'n àirmhear do shliochd-sa mar an ceudna.

17 Eirich, imich air feadh an fhearainn, 'n a fhad, agus 'n a leud, oir dhuitse bheir mi e.

18 Agus dh' atharraich Abram a bhùth, agus thàinig e, agus ghabh e còmhnuidh ann an còmhnard Mhamre, a tha ann an Hebron; agus thog e'n sin altair do'n Tighearn.

### CAIB. XIV.

1 *Cath nan ceithir rìghrean ri cùig.* 12 *Rinn-eadh Lot 'n a phrìosanach; 14 och shaoradh e le Abram.* 15 *Bheannaich Melchisedec Abram.*

**A**GUS tharladh ann an làithibh Amraphel rìgh Shinair, Arioich rìgh Elasa-ir, Chedorlaomeir rìgh Elaim, agus Thidail rìgh nan einneach;

2 Gu'n d' rinn iad sin cogadh ri Bera rìgh Shodoim, agus ri Birsar rìgh Ghomorrah, Sinab rìgh Admah, agus Semeber rìgh Sheboim, agus rìgh Bhela, eadhon Shoa-ir.

3 Chaidh iad sin uile ann an comh-bhoinn ri 'chéile ann an gleann Shidim, a tha nis 'n a fhairge shalainn.

4 Dà bliadhna dhéug rinn iad seirbhis do Chedorlaomer, agus anns an treas bliadhna deug rinn iad eannaire.

5 Agus anns a' cheathramh bliadhna deug thàinig Cedorlaomer, agus na rìghrean a bha maille ris, agus bhuail iad na Rephaim-ich ann an Asterot Carnaim, agus na Susimich ann an Ham, agus na h-Emimich ann an Sabheh Ciriataim.

6 Agus na Horiach 'n an sliabh Seir, gu ruig Fil-paran, a tha làimh ris an fhàsach.

7 Agus phill iad, agus thàinig iad gu Hennispat, eadhon Cades, agus bhuail iad dùth-iaich nan Amaleeach uile, agus mar an ceudna na h-Amoraich, a bha 'chòmhnuidh ann an Haseson Tamar.

8 Agus chaidh rìgh Shodoim a mach, agus rìgh Ghomorrah, agus rìgh Admah, agus rìgh Sheboim, agus rìgh Bhela (eadhon Shoa-ir), agus cheir iad cath riu ann an gleann Shidim;

9 Ri Cedorlaomer rìgh Elaim, agus ri Tidal, rìgh nan einneach, agus ri h-Amraphel rìgh Shinair, agus ri h-Arioich rìgh Elasa-ir; ceithir rìghrean ri cùig.

10 Agus bha gleann Shidim làn de shluichean làthaich; agus theich rìgh Shodoim, agus rìgh Ghomorrah, agus thuit iad an sin; agus iadsan a mhair, theich iad do'n t-sliabh.

11 Agus thug iad leo uile mhaoin Shodoim agus Ghomorrah, agus am biadh uile, agus dh'imich iad.

12 Agus thug iad leo Lot, mac bràthar Abram (a bha 'chòmhnuidh ann an Sodom) agus a mhaoin, agus dh'imich iad.

13 Agus thàinig a h-aon a chaidh as, agus dh'imis e do Abram an t-Eabhruidheach, a bha 'chòmhnuidh ann an còmhnard Mhamre an Amoraich, bràthar Escoil, agus bràthar Ancir; agus bha iad sin ann an comh-bhoinn ri h-Abram.

14 Agus 'n uair a chuala Abram gu'n do ghlaicadh a bhràthair 'n a phrìosanach, dh'arnaich e a sheirbhisich iunnsaichte, a rugadh 'n a thigh féin, tri cheud, agus ochd-deug; agus lean e iad gu Dan.

15 Agus roinn se e féin 'n an aghaidh 's an oidhche, e féin agus a sheirbhisich, agus bhuail e iad, agus lean e iad gu Hoba, a tha air an làimh chli de Dhamaseus.

16 Agus thug e air ais a' mhaoin uile, agus mar an ceudna thug e air ais a bhràthair Lot, agus a mhaoin; agus mar an ceudna na mnathan, agus an sluagh.

17 Agus chaidh rìgh Shodoim a mach 'n a choinneamh, an déigh dha pilltim o mhar-bhadh Chedorlaomeir, agus nan rìghrean a bha maille ris, aig gleann Shabheh, eadhon gleann an rìgh.

18 Agus thug Melchisedec rìgh Shàlcim a mach aran agus fion: agus b'esan sagart an Dé a's ro àirde.

19 Agus beannaich se e, agus thubhairt e, Beannaichte gu'n robh Abram o'n Dia a's ro àirde, seallbadair nèimh, agus na talmhainn.

20 Agus beannaichte gu'n robh an Dia a's ro àirde, a thug thairis do naimhdean do d'làimh. Agus thug e dha deachamh de gach ni.

21 Agus thubhairt rìgh Shodoim ri h-Abram, Thoir dhomhsa na daoine, agus gabh a' mhaoin dhuit féin.

22 Agus thubhairt Abram ri rìgh Shodoim, Thog mi mo làmh a suas ris an Tighearn



an Dia a's ro àirde, Sealbhadair nèimh agus na talmhainn.

23 Nach gabh mi o shnàthainn, eadhon gu h-éill bròige, agus nach gabh mi 'bheag a dh'aon ni a's leatsa, chum as nach abair thu, Rinn mi Abram beartach?

24 Saor a mhàin o na dh'ith na h-dganaich, agus o chuibhrionn nan daoine a chaidh maille rium, Aner, Escol, agus Mamre; gabhadh iadsan an cuibhrionn.

CAIB. XV.

1 *Tha Dia a' toirt misnich agus sòlais a dh' Abram. 4 Tha e a' gealltainn dha oighre, agus sliochd ro ìonmhor. 6 Tha Abram air 'fhuaranachadh tre chreidimh, &c.*

'A N déigh nan nithean sin thàinig focal an Tighearna gu h-Abram ann an taisbeanadh, ag ràdh, Na bitheadh eagal ort, Abram: Is mise do sgiath, agus do dhuais ro mhòr.

2 Agus thubhairt Abram, A Thighearna Dhé, ciod a bheir thu dhomh, is mi 'g im-eachd gun chloinn, agus gur e Eliéser co o Dhamascus fear-riaghlaidh mo thighe?

3 Agus thubhairt Abram, Feuch, dhomhsa cha d'thug thu sliochd air bith: agus, feuch, is e neach a rugadh a'm' thigh a's oighre orm.

4 Agus, feuch, thàinig focal an Tighearna d'a ionnsuidh, ag ràdh, Cha bhi e so 'n a oighre ort; ach esan a thig a mach á d'innibh féin, bithidh e 'n a oighre ort.

5 Agus thug e leis a mach e, agus thubhairt e, Amhairc a nis a suas gu n-éamh, agus àir na reultan, ma's urrainn thu'n àireamh: Agus thubhairt e ris, Mar so bithidh do shliochd.

6 Agus chreid e anns an Tighearna; agus mheas e sin dha mar ionracas.

7 Agus thubhairt e ris, Is mise an Tighearna a thug a mach thusa á h-Ur nan Caldeach, a thoirt dhuit an fhearainn so, chum a shealbliachadh mar oighre.

8 Agus thubhairt esan, A Thighearna Dhé, cia leis a bhios fios agam gu'n sealbhaich mi e?

9 Agus thubhairt e ris, Gabh dhomhsa agh 'thri bliadhna dh'aois, agus gabhar 'thri bliadhna dh'aois, agus reithe 'thri bliadhna dh'aois, agus turtur, agus columan òg.

10 Agus ghabh e dha féin iad sin uile, agus roinn e iad 's a' mheadhon, agus chuir e gach aon de na mìribh fa chomhair a leth-bhreac; ach cha do roinn e na h-còin.

11 Agus 'n uair a thàinig an eunlaith a nuas air na cairbhean, dh'fhuadaich Abram air falbh iad.

12 Agus 'n uair a bha 'ghrian a' dol fodha, thuit codal trom air Abram; agus, feuch, thuit uamhann dorchadais mhòir air.

13 Agus thubhairt e ri h-Abram, Bitheadh fios gu cinnteach agad, gu'm bi do shliochd 'n an coigrich ann an dùthaich nach leo féin;

agus ni iad seirbhìs dhoibh, agus buinidh iad gu cruaidh riu ceithir cheud bliadhna.

14 Agus mar an ceudna air a' chinneach sin d'an dean iad seirbhìs, bheir mise breth: agus 'n a dhéigh sin thig iad a mach le maoin mhòir.

15 Agus théid thusa dh'ionnsuidh d'aithe-richean 'an sìth; adhlaicear thu 'an deadh shean aois.

16 Ach anns a' cheathramh linn thig iad an so air an ais, oir cha-n 'eil aingidheachd nan Amoraich fathast làn.

17 Agus 'n uair a bha 'ghrian air dol fodha, bha dorchadas ann; agus, feuch, àmhuinn dheataich agus leus teine, a chaidh eadar na mìribh sin.

18 Air an là sin féin rinn an Tighearna coimhcheangal ri h-Abram, ag ràdh, Do d' shliochd sa thug mi am fearann so, o amhainn na h-Eiphit, gu ruig an amhainn mhòr, amhainn Euphrates:

19 Na Cenic, agus na Cénidsich, agus na Cadmonaich,

20 Agus na Hitich, agus na Peridsich, agus na Rephaimich,

21 Agus na h-Amoraich, agus na Canaan-aich, agus na Girsasach, agus na Iebusaich.

CAIB. XVI.

1 *Tha Sarai a' toirt Hagair a banoglaich a dh' Abram mar mhnaoi. 4 'N uair a rinn i tòir air a banamhaighstir, bhuin ise gu cruaidh rùhe, agus theich i air falbh. 9 Thug aingeal an Tighearn' air a h-ais i, &c.*

A NIS cha d'rug Sarai, bean Abram clann dha; agus bha banoglach Eiphiteach aice, d'am b'ainm Hagar.

2 Agus thubhairt Sarai ri h-Abram, Feuch a nis, chum an Tighearn mi o chloinn a bhreith: rach a steach, guidheam ort, a dh'ionnsuidh mo bhanoglaich; theagamh gu'm faigh mi clann leathasa. Agus dh'éisd Abram ri guth Sharai.

3 Agus ghabh Sarai, bean Abram, Hagar a' bhan-Eiphiteach, a banoglach féin, an déigh do Abram còmhnuidh 'ghabhail deich bliadhna ann an tìr Chanaana, agus thug si i d'a fear Abram, gu bhli aige mar mhnaoi.

4 Agus chaidh esan a steach gu Hagar, agus dh'fhàs i torrach: agus 'n uair a chunnaic i gu'n d'fhàs i torrach, bha a banamhaighstir tàireil 'n a sùilibh.

5 Agus thubhairt Sarai ri h-Abram, Bith-eadh m'cucoir ortsa: thug mi mo bhanoglach do d' uchd; agus 'n uair a chunnaic i gu'n d'fhàs i torrach, bha mise tàireil 'n a sùilibh: Gu'n d' thugadh an Tighearn breth eadar mise agus thusa.

6 Ach thubhairt Abram ri Sarai, Feuch, tha do bhanoglach a' d' làimh féin, dean rithe mar is àill leat. Agus an uair a bhuia Sarai gu cruaidh rithe, theich i o 'gnùis.

7 Agus fhuair aingeal an Tighearn i làimh ri tobar uisge 's an fhàsach, làimh ris an tobar 's an t-slighe gu Sur.

8 Agus thubhairt e, A Hagair, a bhano-glaiach Sharai, cia as a thàinig thu, agus càite' bheil thu 'dol? Agus thubhairt ise, Tha mi a' teicheadh o ghnùis Sharai mo bhanamhaighstir.

9 Agus thubhairt aingeal an Tighearna rithe, Pill a dh'ionnsuidh do bhanamhaighstir, agus ùmhlaich thu féin fa làmh.

10 Agus thubhairt aingeal an Tighearna rithe, Meudaichidh mise gu mòr do shliochd, agus cha-n àirmhear e thaobh lìonmhoir-eachd.

11 Agus thubhairt aingeal an Tighearna rithe, Feuch, *tha* thu torrach, agus beiridh tu mac, agus bheir thu Ismael mar ainm air, a chionn gu'n d' éisd an Tighearn ri d' anshocair.

12 Agus bithidh e 'n a dhuine fiadhaich; *bithidh* a làmh an aghaidh gach *duine*, agus làmh gach *duine* 'n a aghaidh-san: agus 'am fianuis a bhràithrean uile gabhaidh e còmh-nuidh.

13 Agus ghoir i ainm an Tighearn 'alabhair rithe, Thusa Dhé *a tha* 'g am fhaicinn; oir thubhairt i, An e gu'n robh agams' ann an so mar an ceudna sùil ris an Ti sin a tha 'g am fhaicinn?

14 Uime sin ghoir i de'n tobar, Beer-la-hai-roi; feuch, *tha* e cadar Cades agus Bered.

15 Agus rug Hagar mac do Abram: agus thug Abram Ismael mar ainm air a mhac, a rug Hagar.

16 Agus bha Abram ceithir fichead agus sè bliadhna dh'aois, 'n uair a rug Hagar Ismael do Abram.

# CAIB. XVII.

1 *Coimhcheangal Dhé ri h-Abram air 'ath-nuadhachadh, agus 'ainm air 'atharrachadh 'gu Abraham.* 9 *An timchioll-ghearradh air 'orduchadh.* 16 *Isaac air a ghealltainn.*

**A** GUS 'n uair a bha Abram ceithir fichead agus naoi bliadhna déug a dh'aois, dh'fhoillsich an Tighearn e féin dha, agus thubhairt e ris, *Is* mise 'n Dia uile-chumh-achdach; gluais thusa a'm' fhianuis, agus bi foirfe.

2 Agus ni mi mo choimhcheangal eadar mise agus thusa, agus meudaichidh mi thu gu h-anabarrach.

3 Agus thuit Abram air 'eudan, agus labhair an Tighearn ris, ag ràdh,

4 Do m' thaobhsa, feuch, *tha* mo choimhcheangal riutsa, agus bithidh tu a' d' athair mhòran chinneach:

5 Agus n'i'n toirear á so a mach Abram mar ainm ort, ach bithidh Abraham agad mar ainm; oir rinn mi thu a' d' athair mhòran chinneach.

6 Agus ni mi thu ro shìolmhor, agus ni mi dhìot cinnich, agus thig rìghrean a mach asad.

7 Agus daingnichidh m' mo choimhcheangal eadar mise agus thusa, agus do shliochd a'd' dhéigh, 'n an ginealachaihb, mar choimh-

cheangal sìorruidh, gu bhì 'm' Dhia dhuitse, agus do d' shliochd a'd' dhéigh.

8 Agus bheir mi dhuitse, agus do d' shliochd a'd' dhéigh, am fearann anns am ~~tha~~ bheil thu a'd' choigreach, tìr Chanaain uile, mar sheilbh sìorruidh; agus bithidh mise a'm' Dhia dhoibh.

9 Agus thubhairt Dia ri h-Abraham, Coimhidh tu uime sin mo choimhcheangal, thu *féin*, agus do shliochd a'd' dhéigh, 'n an ginealachaihb.

10 So mo choimhcheangal, a choimhideas sibh, cadar mise agus sibhshe, agus do shliochd a'd' dhéigh; Gu'n timchioll-ghearrar gach leanabh mic 'n 'ur measg.

11 Agus timchioll-ghearraidh sibh fèidil bhur roimh-chroicinn, agus bithidh e 'n a chomhar' air a' choimhcheangal cadar mise agus sibhshe.

12 Agus am mac 'n 'ur measg a bhios ocht làithean a dh'aois, timchioll-ghearrar e, gach leanabh mic 'n 'ur ginealachaihb, esan a bheircar 's an tigh, no 'cheannaichear le h-airgid o choigreach air bith, nach 'eil de d' shliochd-sa.

13 Timchioll-ghearrar gu cinnteach esan a bheircar a'd' thigh, agus esan a cheannaichear le d'airgid: agus bithidh mo choimhcheangal 'n 'ur feoil-sa mar choimhcheangal sìorruidh.

14 Agus an leanabh mic neo-thimchioll-ghearrta, aig nach timchioll-ghearrar feoil a roimh-chroicinn, gearrar an t-anam sin a mach o 'shluagh: bhris e mo choimhcheangal.

15 Agus thubhairt Dia ri h-Abraham, A thaobh Sharai do mhná, cha toir thu Sarai mar ainm oirre, oir *is* e Sarah a h-ainm.

16 Agus beannaichidh mis' i, agus bheir mi dhuit mar an ceudna mac uaipe: seadh, beannaichidh mi i, agus bithidh i 'n a *màthair* chinneach; thig rìghrean phoib-leach uaipe.

17 An sin thuit Abraham air 'aghaidh, agus rinn e gàire; agus thubhairt e 'n a chridhe, Am beirear *mac* dhasan a tha ceud bliadhna dh'aois? Agus am beir Sarah, a tha deich agus ceithir fichead bliadhna dh'aois, *mac*?

18 Agus thubhairt Abraham ri Dia, O gu maireadh Ismael beò a'd' fhianuis!

19 Agus thubhairt Dia, Gu cinnteach beiridh do bhean Sarah mac dhuit; agus bheir thu Isaac mar ainm air: agus daingnichidh mise mo choimhcheangal ris mar choimhcheangal sìorruidh, agus r'a shliochd 'n a dhéigh.

20 Agus a thaobh Ismael, chuala mi thu ' Feuch, bheannaich mi e, agus ni mi sìolmhoir e, agus cuiridh mi 'n lìonmhoireachd e gu h-anabarrach. Dà cheannard deug ginidh e, agus ni mi e 'n a chinneach mòr.

21 Ach mo choimhcheangal daingnichidh mi ri h-Isaac, a bheircas Sarah dhuit 's an àm so anns an ath bhliadhna.



22 Agus sguir e 'bhi 'labhairt ris; agus chaidh Dia suas o Abraham.

23 Agus ghabh Abraham Ismael a mhac, agus iadsan uile a rugadh 'n a thigh, agus iadsan uile a cheannaicheadh le 'airgiodsan, gach firionnach am measg dhaoine tighe Abraham; agus thimchioll-ghearr e feoil an roimh-chroicinn anns a' cheart là sin féin, mar a thubhairt Dia ris.

24 Agus bha Abraham ceithir fichead agus naoi bliadhna deug a dh'aois, 'n uair a thimchioll-ghearradh dha feoil a roimh-chroicinn.

25 Agus bha Ismael a mhac tri bliadhna deug a dh'aois, 'n uair a thimchioll-ghearradh dha feoil a roimh-chroicinn.

26 Anns a' cheart là sin féin thimchioll-ghearradh Abraham, agus Ismael a mhac.

27 Agus thimchioll-ghearradh maille ris uile dhaoine a thighe, a rugadh 'n a thigh, agus iadsan a cheannaicheadh le 'airgiod o mhac coigrich.

### CAIB. XVIII.

1 *Tha Abraham a' toirt aoidheachd do thriuir ainglean.* 17 *Tha sgrìos Shodoim air'fhoill-seachadh dha.* 23 *Tha e a' deanamh eadar-ghuidhe air a shon.*

**A**GUS dh'fhoillsich an Tighearn e féin da ann an còmharnad Mhamre, agus e 'n a shuidhe 'an dorus a' bhùtha ann an teas an là.

2 Agus thog e suas a shùilean, agus dh'amhair e, agus, feuch, *bha* triuir dhaoine a' seasamh làimh ris; agus 'n uair a chunnaic e *iad*, ruith e 'n an coinneamh o dhorus a' bhùtha, agus chrom se e féin gu làr,

3 Agus thubhairt e, Mo thighearna, ma fhuair mi nis deadh-ghean a' dh' shùilbh, guidheam ort, na rach seachad air do sheirbhiseach.

4 Thugar an so, guidheam oirbh, beagan uisge, agus ionnlaidibh bhur cosan, agus leigibh bhur n-anail fo 'n chraoibh;

5 Agus bheir mise an so greim arain, agus neartaichibh bhur cridhe: an déigh sin imichidh sibh roimhibh, oir is ann uime sin a thàinig sibh a dh'ionnsuidh bhur seirbhisich. Agus thubhairt iadsan, Dean eadhon mar a thubhairt thu.

6 Agus ghracas Abraham do'n bhùth a dh'ionnsuidh Sarah, agus thubhairt e, Dean cablag, taoisinn tri miosairean de mhin phlùir agus dean breacagan air lie an tein-tein.

7 Agus ruith Abraham a dh'ionnsuidh a' chruidh, agus ghabh e laogh maoth agus maith, agus thug e dh'òganach e, agus rinn e deisir g'a dheasachadh.

8 Agus ghabh e im agus bainne, agus an laogh a dheasaich e, agus chuir e air am beulaobh *iad*; agus sheas e làimh riu fo 'n chraoibh, agus dh' ith iad.

9 Agus thubhairt iad ris, C'ait *am bheil* Sarah do bhean? Agus thubhairt esan, Feuch, anns a' bhùth.

10 Agus thubhairt e, Gu cinnteach pillidh

mia'd'ionnsuidh a réir àm na beatha; agus, feuch, *bithidh* mac aig Sarah do bhean. Agus chuala Sarah sin ann an dorus a' bhùtha, a *bha* air a chùil.

11 A nis *bha* Abraham agus Sarah sean, agus air dol air an aghaidh gu maith ann an aois: agus sguir Sarah a bhi réir dòigh nam ban.

12 Uime sinn rinn Sarah gàire innte féin, ag ràdh, An déigh dhomhsa fas aosda, am bi sùbhachas agam, agus gu bheil mo thigh-earn aosda mar an ceudna?

13 Agus thubhairt an Tighearn ri b-Abraham, 'Car son a rinn Sarah gàire, ag ràdh, 'N e gu'm beir mise gu cinnteach *leanabh*, agus mi aosmhor?

14 Am bheil ni air bith do-dhcanta do 'n Tighearn? 'S an àm *shuidhichte* pillidh mia'd'ionnsuidh, a réir àm na beatha, agus *bithidh* mac aig Sarah.

15 An sin dh'icheadh Sarah, ag ràdh, Cha d' rinn mi gàire: oir bha eagal oirre. Agus thubhairt esan, Ni h-eadh, oir rinn thu gàire.

16 Agus dh'éirich na daoine as a sin, agus dh'amhairc iad rathad Shòdoin: agus chaidh Abraham maille riu g'an cur air an t-slighe.

17 Agus thubhairt an Tighearn, An ceil mi air Abraham an ni sin a tha mi gus a dheanamh;

18 Agus gu'm fas Abraham gu cinnteach 'n a chinneach mòr agus cumhachdach, agus gu'm beannaichear aumhan uile chinneach na talmhainn?

19 Oir is aithne dhomh e, gu'n toir e àithne d'a chloinn, agus d'a theaghlach 'n a dhéigh, agus gleididh iadsan slighe an Tighearna, a' deanamh ceartais agus breitheanais; clum as gu'n toir an Tighearn air Abraham an ni sin a labhair e ma thimchioll.

20 Agus thubhairt an Tighearn, Do bhrìgh gu bheil glaoth Shodoim agus Ghomorrah mòr, agus do bhrìgh gu bheil am peacadh air 'antromachadh gu h-anabarrach;

21 Thèid mi sìos a nis, agus chi mi ma rinn iad gu léir a réir a' ghlaoidh, a thàinig a' m' ionnsuidh; agus mar do rinn, bithidh fios agam.

22 Agus thionndaidh na daoine an aghaidh as a sin, agus ghabh iad an t-slighe gu Sodom: ach sheas Abraham fathast an làthair an Tighearna.

23 Agus thàinig Abraham am fagus, agus thubhairt e, An sgrìos thusa mar an ceudna an t-ionracan maille ris an aingidh?

24 Ma's e's gu bheil leth-cheud ionracan an taobh a stigh de'n bhaile, an sgrìos thu mar an ceudna, agus nach caomhain thu 'n t-àit airson an leth-cheud ionracan a *tha* ann.

25 Gu ma fada uaitse a dheanamh air an dòigh so, an t-ionracan a mharbhadh maille ris an aingidh, ionnas gu'm bi an t-ionracan mar an t-aingidh: gu ma fada sin uaitse. Nach dean Breitheamh na talmhainn uile ceartas?

## GENESIS, XIX.

26 Agus thubhairt an Tighearn, Magheibh mi ann an Sodom leth-eheud ionracan an taobh a stigh de'n bhaile, an sin caomhnaidh mi an t-àit uile air an sgàthsan.

27 Agus fhreagair Abraham, agus thubhairt e, Feuch a nis, ghabh mi orm fèin labhairt ri m' Thighearn, agus gun annam aoh duslach agus luathre.

28 Ma's e's gu'm bi eùgear a dh'uireas-bhuidh air an leth-cneud ionracan, an sgrios thu'm baile uile air son *easbhuidh* chùigir? Agns thubhairt e, Cha sgrios mi e, ma gheibh mi'n sin eùig agns dà fhiehead.

29 Agus labhair e ris a ris, agus thubhairt e, Ma's e's gu'm faighear an sin dà fhiehead? Agus thubhairt e, Cha dean mi e air sgàth dhà fhiehead.

30 Agus thubhairt e ris, Oeh! na bitheadh fearg air mo Thighearn, agus labhraidh mi: Ma's e's gu'm faighear an sin deich 'ar fhiehead? Agus thubhairt e, Cha dean mi e, ma gheibh mi an sin deich 'ar fhiehead.

31 Agus thubhairt e, Feuch a nis, ghabh mi orm fèin labhairt ri m' Thighearn: Ma's e's gu'm faighear fhiehead an sin? Agus thubhairt e, Cha sgrios mi e air son fhiehead.

32 Agus thubhairt e, Oeh! na bitheadh fearg air mo Thighearn, agns labhraidh mi mhàin an aon uair so: Ma's e's gu'm faighear deichnear an sin? Agus thubhairt e, Cha sgrios mi e air sgàth dheichnear.

33 Agus dh'imich an Tighearn roinne, 'n uair a sguir e de labhairt ri h-Abraham: agus phill Abraham g'a àite fèin.

### CAIB. XIX.

1 *Tha Lot a' toirt aoidheachd do dhà aingeal.*  
24 *Sodom agus Gomorrah air an sgrios.* 26 *Pearas mnà Lot.* 31 *Cionta a dh'ithis nighean.*

**A**GUS thàinig dà aingeal do Shodom 's an fheasgar, agus bhla Lot 'na shuidhe ann an geata Shodom: agus 'n uair a ehunnaie Lot iad, dh'èirich e suas 'n an coinneamh, agus ehrom se e fèin air 'aghaidh gu làr.

2 Agus thubhairt e, Feuch a nis, mo thighearnan, tionndaidhibh a steach, guidheam oirbh, do thigh bhuir seirbhich, agus fanaibh rè na h-oidhehe, agus ionnlaidibh bhuir cosan, agus éiridh sibh gu moeh, agus théid sibh air bhuir turas. Agus thubhairt iad, Nì h-eadh, aeh fanaidh sinn air an t-sràid rè na h-oidhehe.

3 Agus ehoimh-éignich e iad, agus thionndaidh iad d'a ionnsuidh, agus ehaidh iad a steach d'a thigh: agus rinn e cuirm dhoibh, agus dheasaich e aran neo-ghoirtichte, agus dh'ith iad.

4 Ach mu'n deachaidh iad a luidhe, ehuairtieh daoine a' bhaile an tigh, *eadhon* daoine Shodom, aron sean agus òg, an sluagh uile o gach earrna.

5 Agus ghairm iad air Lot, agus thubhairt iad ris, *Càit am bheil* na daoine a thàinig

ad' ionnsuidh an nochd? Thoir a mach iad d'ar n-ionnsuidh, ehum as gu'n aithnich sinn iad.

6 Agus ehaidh Lot a mach d'an ionnsuidh air an doras, agus dhruid e 'n dorns 'n a dhéigh,

7 Agus thubhairt e, Na deanaibh, guidheam oirbh, mo blràithre, gnìomh eho ole.

8 Feuch a nis, tha agam dithis nighean do mach b'aithne fear; leigibh leam, guidheam oirbh, an toirt a mach d'ur n-ionnsuidh, agus deanaibh riu mar is àill leibh: a mhàin air na daoineibh so na deanaibh a' bheag, oir is ann a ehum na eriche so a thàinig iad fo sgàile mo thighe-sa.

9 Agus thubhairt iadsan, Seas air d'ais. Agus thubhairt iad a ris, Thàinig am fear so 'n a aonar air chuairt, agus is àill leis a bhi 'n a bhreitheamh: a nis buinidh sinne riutsa nìs miosa na rìusan. Agus rinn iad éigin mhòr air an duine, *eadhon* air Lot, agus thàinig iad am fagus a bhriseadh an doruis.

10 Aeh ehuir na daoine mach an làmh, agus thug iad Lot a steach d'an ionnsuidh do'n tigh, agus dhùin iad an doras.

11 Agus bhuail iad na daoine, a *bha* aig doras an tighe, le doille, eadar bheag agus mhòr; ionnas gu 'n do sgàthich iad iad fèin ag iarraidh an doruis.

12 Agus thubhairt na daoine ri Lot, Cò tuilleadh a th'agad an so? Do ehliamhuin, agus do m'bie, agus do nigheanan, agus ge b'e nì a tha agad 's a' bhaile, thoir a mach iad as an àite so:

13 Oir tha sinne gus an t-àite so a sgrios, do bhrìgh gu bheil an glaoch air fàs mòr an làthair an Tighearna; agus ehuir an Tighearn sinne g'a sgrios.

14 Agus ehaidh Lot a mach, agus labhair e r'a ehleamhnaibh, a phòs a nigheanan, agus thubhairt e, Eiribh, raelaibh a mach as an àite so, oir tha'n Tighearn gus am baile so a sgrios: Aeh bha e mar neach a bha ri fanoid ann an sùilbh a ehleamhnan.

15 Agus 'n uair a dh'èirich e a' mhaduinn, an sin ghreas na h-aingil Lot, ag ràdh, Eirich, gabh do bhean, agus do dhithis nighean a tha'n so, air eagal gu'n sgriosar thu ann an aingidheachd a' bhaile.

16 Agus 'n uair a bha e a' deanamh moille, an sin rug na daoine air làmh air, agus air làmh air a mhuaoi, agus air làmh air a dhithis nighean; air do'n Tighearn a bhi trèaireach dha: agus thug iad a mach e, agus ehuir iad e'n taobh a muigh de'n bhaile.

17 Agus 'n uair a thng iad a mach iad, thubhairt e, Teich air son d'anama; na seall a'd' dhéigh, agus na stad 's a' ehòmhnaid uile: teich do'n t-sliabh, air eagal gu millear thu.

18 Agus thubhairt Lot riu, Oeh! nì h-ann mar sin, mo thighearna.

19 Feuch a nis, fhuair do sheirbhiseach



deadh-ghean a'd' shùilb, agus mheudaich thu do thròcair, a nochd thu dhomhsa le m'anam a theasraighinn: agus cha-n urrainn mise dol as do'n t-sliabh, air eagal gu'n tig ole éigin orm, agus gu'm faigh mi bàs.

20 Feuch a nis, *tha* 'm baile ud am fagus gu teicheadh d'a ionnsuidh, agus e beag; leigear dhomh a nis teicheadh an sud, (nach beag e?) agus bithidh m'anam beò.

21 Agus thubhairt e ris, Feuch, ghabh mi ri d'athcheuinge 's an ni so mar an ceudna, nach sgrios mi'm baile so, mu'n do labhair thu.

22 Greas ort, teich an sud, oir cha-n urrainn mi ni air bith a dheanamh gus an téid thu'n sud: uime sin thugadh Soar mar ainm air a' bhaile.

23 Bha 'ghrian air éirigh air an talamh, 'n uair a chaidh Lot a steach do Shoar.

24 An sin thug an Tighearn air pronnasc agus teine frasadh air Sodom agus air Gomorrah, a nuas o'n Tighearn as na nèamhan.

25 Agus sgrios e na bailtean sin, agus an còmhuard uile, agus uile luchd-àiteachaidh nam bailtean, agus na dh'fhàs air an talamh.

26 Ach sheall a bhean 'n a déigh o' chù-laobh, agus dh'fhàs i 'n a carragh salainn.

27 Agus chaidh Abraham suas moch 's a' mhaduinn do'n àit anns an do sheas e an làthair an Tighearna.

28 Agus sheall e air Sodom agus Gomorrah, agus air fearann a' chòmhnaidh uile, agus chunnaic e, agus, feuch, chaidh deatach na tìre suas mar dhìeatach àmhainn.

29 Agus an uair a sgrios Dia bailtean a' chòmhnaidh, an sin chuimhnich Dia air Abraham, agus chuir e mach Lot á meadhon an léirsgrìos, 'n uair a sgrios e na bailtean anns an robh Lot 'n a chòmhnuidh.

30 Agus chaidh Lot suas á Soar, agus ghabh e còmhnuidh 's an t-sliabh, agus a dhithis nighean maille ris; oir bha eagal air còmhnuidh 'ghabhail ann an Soar: agus ghabh e còmhnuidh ann an uaimh, e féin agus a dhithis nighean.

31 Agus thubhairt an té 'bu shine ris an té a b'òige, *Tha* ar n-athair sean, agus cha-n *eil* fear air an talamh gu teachd a steach d' ar n-ionnsuidh a réir gnàtha na talmhainn uile.

32 Thig, thugamaid air ar n-athair fion òl, agus luidheamaid maille ris, chum as gu'n gléidh sinn sliochd o ar n-athair.

33 Agus thug iad air an athair fion òl air an oidhche sin: agus chaidh an té 'bu shine steach, agus luidh i maille r'a h-athair; agus cha do mhothaich e 'n uair a luidh i sìos, no 'n uair a dh'éirich i.

34 Agus air an là-màireach thubhairt an té 'bu shine ris an té a b'òige, Feuch, luidh mise an raoir maille ri m' athair; thugamaid air fion òl an nochd mar an ceudna, agus theirig a steach, agus luidh maille ris,

chum as gu'n gléidh sinn sliochd o ar n-athair.

35 Agus thug iad air an athair fion òl air an oidhche sin mar an ceudna: agus dh'éirich an té a b'òige, agus luidh i maille ris, agus cha do mhothaich e 'n uair a luidh i sìos, no 'n uair a dh'éirich i.

36 Mar so bha dithis nighean Lot torrach aig an athair.

37 Agus rug an té 'bu shine mac, agus thug i Moab mar ainm air: *is* esan athair nam Moabach gus an là'n diugh.

38 Agus an té a b'òige, rug ise mar an ceudna mac, agus thug i Ben-ammi mar ainm air: *is* esan athair chloinn Ammoin gus an là'n diugh.

## CAIB. XX.

1 *Tha Abraham ag àicheadh a mhnà Sàrah, agus Abimelech 'g a gabhail d'a ionnsuidh fèin.*

6 *Ach air faotainn rabhaidh o Dhia ann an aising, tha e'g a toirt air a h-ais da.*

**A**GUS dh'imich Abraham as a sin do'n tìr mu dheas, agus ghabh e còmhnuidh eadar Cades agus Sur; agus bha e air chuairt ann an Gerar.

2 Agus thubhairt Abraham mu Shàrah a bhean, 'S i mo phiuthar i: Agus chuir Abimelech rìgh Gheair teachdaire uaithe, agus ghabh e Sàrah.

3 Agus thàinig Dia gu Abimelech ann an aising 's an oidhche, agus thubhairt e ris, Feuch, *is duine* marbh thu air son na mnà a ghabh thu; oir *is* bean duin' *eile* i.

4 Ach cha d'fhàinig Abimelech am fagus d'i, agus thubhairt e, A Thighearna, am marbh thu mar an ceudna cinneach ionraic?

5 Nach d' thubhairt esan riumsa, 'S i mo phiuthar i? agus thubhairt ise, eadhon ise féin, 'S e mo bhràthair e: ann an treibhdhìreas mo chridhe, agus ann an neo-chionta mo làmh rinn mi so.

6 Agus thubhairt Dia ris ann an aising, Seadh, tha fios agam gur ann 'an treibhdhìreas do chridhe a rinn thu so, agus chum mise mar an ceudna thu o pheacachadh a'm' aghaidh: uime sin cha do leig mi leat beantainn rithe.

7 A nis mata, thoir air a h-ais do'n duine a bhean; oir *is* fàidh e, agus ni e urnuigh air do shon, agus bithidh tu beò: ach mur toir thu air a h-ais i, biodh fios agad gu'm faigh thu bàs gu cinnteach, thu féin agus gach uile a's leat.

8 Uime sin dh'éirich Abimelech moch s a' mhaduinn, agus ghairm e a sheirbhisich uile, agus dh'aithris e na nithean sin uile 'n an éisdeachd; agus bha eagal mòr air na daoine.

9 An sin ghairm Abimelech air Abraham, agus thubhairt e ris, Ciod so a rinn thu oirn? agus ciod an eucoir a rinn mise ort, gu'n d'thug thu ormsa, agus air mo rioghachd peacadh mòr? rinn thu gnìomharan ormsa, nach bu chòir a dheanamh.

10 Agus thubhairt Abimelech ri h-Abra-



## GENESIS, XXI.

ham, Ciod a chunnaic thu 'gu'n d'rinn thu an ni so?

11 Agus thubhairt Abraham, A chionn gu'n d'thubhairt mi *annam fein*, Gu cinn-teach cha-n 'eil eagal an Tighearua 's an ionad so; agus marbhaidh iad mi air son mo mhnà.

12 Agus gidheadh *is* i gu deimhin mo phiuthar, nighean m'athar i, ach cha-n i nigheau mo mhnàthar: agus bha i agam mar mhnàoi.

13 Agus 'n uair a thug Dia orm dol air m'ameol o thigh m'athar, an sin thubhairt mi ri, '*S* e so do chaoimhneas a nochdas tu dhomhsa; Anns gach àite d'an tig sinn, abair mu m' thimchioll, '*S* e mo bhràthair c.

14 Agus ghabh Abimelech caoraich, agus buar, agus òglaich, agus banoglaich, agus thuge *iad* a dh' Abraham, agus thug e air a h-ais dha Sàrah a bhean.

15 Agus thubhairt Abimelech, Feuch, tha m'fhearaun fa d' chomhair; gabh còmh-nuidh far au taitneach leat.

16 Agus ri Sàrah thubhairt e, Feuch, thug mi m'le *bonn* airgid do d' bhràthair: feuch, *tha* e dhuitse 'n a chòmh-dachadh sùl do gach uile a *tha* maille riut, agus maille ris gach uile: mar so fhuair i achmhasan.

17 Agus rinn Abraham urnuigh ri Dia; agus leighis Dia Abimelech, agus a bhean, agus a bhanoglaich, agus rug iad clann.

18 Oir dhruid an Tighearn suas gach bogl aun an teaghlach Abimeleach, air son Shàrah mnà Abraham.

### CAIB. XXI.

1 *Rugadh agus thimchioll-ghearradh Isaac. 9 Hagar agus a mac Ismael air an cur air falbh. 22 Còmhcheangal eadar Abimelech agus Abraham.*

**A**GUS dh'amhaire an Tighearn air Sàrah mar a thubhairt e; agus rinn an Tighearn do Shàrah mar a labhair e:

2 Oir dh'fhàs Sàrah torrach, agus rug i mac do Abraham 'n a shean aois, 's an àm shuidhichte mu'n do labhair Dia ris.

3 Agus thug Abraham Isaac mar ainm air a mhac a rugadh dha, a rug Sàrah dha.

4 Agus thimchioll-ghearr Abraham Isaac amhac, 'n uair a bha e oched làithean a dh'aois, mar a dh'èithn Dia dha.

5 Agus bha Abraham ceud bliadhna dh'aois, 'n uair a rugadh a mhac Isaac dha.

6 Agus thubhairt Sàrah, thug Dia orm gaire dheanamh: *agus* gach neach a chluinneas, ni e gaire maille rium.

7 Agus thubhairt i, Cò a theircadh ri h-Abraham, gu'n d'thugadh Sàrah cìoch do chloinn? oir rug mi mac *dha* 'n a shean aois.

8 Agus dh'fhàs an leanabh, agus chuireadh bhàrr na cìche e: Agus rinn Abraham cuirm mhòr 's au là 'an do chuireadh Isaac bhàrr na cìche.

9 Agus chunnaic Sàrah mac Hagar na ban-Eiphitich a rug i dh' Abraham, ri fanoid.

10 Uime sin thubhairt i ri h-Abraham, Tilg a mach a' bhan-tràill so, agus a mac; oir cha bhi mac na ban-tràille so 'n a oighre maille ri m' mhac-sa, *eadhon* ri h-Isaac.

11 Agus bha an ni ro dhoilgheasach ann an sùilibh Abraham, air son a mhic.

12 Agus thubhairt Dia ri h-Abraham, Na biodh e doilgheasach a'd' shùilibh air sou an òganaich, agus air son do bhan-tràille: a thaobh gach ni a thubhairt Sàrah riut èisd r'a guth; oir is ann 'an Isaac a dh'ainmichear dhuitse sliochd.

13 Agus mar an ceudna de mhac na ban-tràille ni mise cinneach, do bhrìgh gur e do shliochd sa e.

14 Agus dh'èirich Abraham suas gu moch 's a' mhaduinn, agus ghabh e aran, agus searrag uisge, agus thug e *sin* do Hagar, agus chuir e air a gualainn e, agus an leanabh; agus chuir e air falbh i: agus dh'imich i, agus chaidh i air seacharan 'am fasach Bheer-seba.

15 Agus chaitheadh an t-uisge o'n t-searraig; agus thilg i an leanabh fo aon de na preasaibh.

16 Agus dh'fhalbh i, agus shuidh i sìos fa chomhair, tamull maith uaith, mu thimchioll nreuir saighde: oir thubhairt i, Na faiceam bàs an nìibh. Agus shuidh i f' a chomhair, agus thog i suas a guth, agus ghul i.

17 Agus chuala Dia guth an òganaich: agus ghairm aingeal Dhé air Hagar o nèamh agus thubhairt e ri, Ciod a *tha* teachd, riut, a Hagair? Na biodh eagal ort; oir chuala Dia guth an òganaich far *am theit* e.

18 Eirich, tog suas an t-òganach, agus gabh greim a'd' làimh dheth, oir ni mise 'n a chinneach mòr e.

19 Agus dh'fhosgail Dia a sùilean, agus clunnaic i tobar uisge; agus chaidh i, agus lion i an t-searrag le h-uisge, agus thug i deoch do'n òganach.

20 Agus bha Dia leis an òganach, agus dh'fhàs e suas: agus ghabh e còmhnuidh 's an fhàsach, agus bha e 'n a fhear-bogha.

21 Agus ghabh e còmhnuidh 'am fasach Pharaìn: agus ghabh a mhnàthair bean da à tìr na h-Eiphit.

22 Agus 's an àm sin fèin labhair Abimelech, agus Phìchol ard cheannard a shluaigh, ri h-Abraham, ag ràdh, *Tha* Dia leat anns gach ni a *tha* thu a' deanamh.

23 A nis uime sin mionuaich dhomhsa air Dia, nach buiu thu gu fealltach riumsa, no ri m' mhac, no ri mac mo mhic; *ach* a réir a' chaoimhneis a rinn mi riut, ni thusa riumsa, agus ris an tìr auns au robh thu air chuairt.

24 Agus thubhairt Abraham, bheir mi mo mhionuan.

25 Agus thug Abraham achmhasan do Abimelech air son tobair uisge, a thug seir-bhisich Abimeleach a mach le h-ainmear.

## GENESIS, XXII.

26 Agus thubhairt Abimelech, Cha b'fhiosrach mise ed' rinn an gnòimh so: eha d'innis thu féin domh, agus cha mhò a chuala mi 'bheag m'a *thimchioll* ach an diugh.

27 Agus ghabh Abraham eoraich agus erodh, agus thug e iad do Abimelech: agus rinn iad le 'ehéile coimheangal.

28 Agus chuir Abraham seachd uain bhoirionn de'n treud air leth leo féin.

29 Agus thubhairt Abimelech ri h-Abraham, Ciod iad na seachd uain bhoirionn sin, a chuir thu air leth leo féin?

30 Agus thubhairt e, Oir gabhaidh tu na seachd uain bhoirionn *sin* o m' làmh; chum gu'm bi iad 'n am fianuis dhomhsa gu'n do chladhaich mi an tobar so.

31 Uime sin thug e Beer-seba mar ainm air an àite sin, do bhrìgh an sin gu'n d'thug iad am mionnan le 'ehéile.

32 Mar so rinn iad coimheangal aig Beer-seba: an sin dh'éirich Abimelech suas, agus Phiehol ard eheannard a shluaigh, agus phill iad do thìr nam Philisteach.

33 Agus shuidhich *Abraham doire* chraobh aig Beer-seba, agus ghairm e 'n sin air ainm an Tighearna, an Dé shìorruidh.

34 Agus bha Abraham air chuairt ann an tìr nam Philisteach mòran de làithibh.

### CAIB. XXII.

1 *Aithne air a tabhairt a dh' Abraham gu'n iobradh e a mhac Isaac.* 3 *Tha e a' toirt dearbhaidh air a chreidimh agus air 'àmh-lachd.* 13 *Reithe air 'iobradh' an àit Isaac.*

**A**GUS an déigh nan nithean sin dhearbha Dia Abraham, agus thubhairt e ris, Abraham. Agus thubhairt e, Feuch, *tha mi 'n so.*

2 Agus thubhairt esan, Gabh a nis do mhae, d'aon *mhae* Isaac, a's ionmhuinn leat, agus rach do thìr Mhoriah, agus thoir suas an sin e mar thabhartas-loisgte air aon de na beannaibh a dh'innsas mise dhuit.

3 Agus dh'éirich Abraham gu moch 's a' mhaduinn, agus dh'ùghimich e asal, agus ghabh e dithis d'a òganaich maille ris, agus a mhae Isaac; agus sgoilt e fiodh air son an tabhartais-loisgte, agus dh'éirich e suas, agus ehaidh e do 'n àit a dh'innis Dia dha.

4 A nis air an treas là thog Abraham suas a shùilean, agus ehunnaic e an t-àite fada uath.

5 Agus thubhairt Abraham r'a òganaich, Fanaibhse an so maille ris an asal, agus théid mise agus an gille gu ruige sud, agus ni sinn aoradh, agus thig sinn a ris d'ur n-ionnsuidh.

6 Agus ghabh Abraham fiodh an tabhartais-loisgte, agus chuir se e air muin a mhi Isaia; agus ghabh e 'n ... làmh an teine, agus an sgian: agus dh'imieh iad le 'ehéile euideachd.

7 Agus labhair Isaac r'a athair Abraham, agus thubhairt e, Athair: agus thubhairt esan Feuch, *tha mi 'n so, a mhi.* Agus

thubhairt e, Feuch an teine agus am fiodh; aeh c'àit *am bheil* an t-uan air son tabhartais-loisgte?

8 Agus thubhairt Abraham, Gheibh Dia, a mhi, uan dha féin air son tabhartais-loisgte: Mar sin dh'imieh iad euideachd le 'ehéile.

9 Agus thàinig iad d'ò'n àit a dh'innis Dia dha, agus thug Abraham altair an sin, agus chuir e 'm fiodh 'an òrdugh; agus cheangail e a mhae Isaac, agus ehuir e air an altair e air uachdar an fhiodha.

10 Agus shìn Abraham a mach a làmh, agus ghabh e an sgian a mharbhadh a mhi.

11 Agus ghlaodh aingcal an Tighearna ris o nèamh, agus thubhairt e, Abraham, Abraham. Agus thubhairt esan Feuch, *tha mi 'n so.*

12 Agus thubhairt e, Na leag do làmh air a' ghille, agus na dean ni sam bith air: oir a nis tha mi fiosrach gu bheil eagal Dhé ort, do bhrìgh nach do chum thu do mhac, *eadhon* d'aon *mhae* uamsa.

13 Agus thog Abraham suas a shùilean, agus dh'amaire e, agus, feuch, reithe air a ehùlaobh 'an sàs ann am preas air 'adhaircean: agus chaidh Abraham, agus ghabh e an reithe, agus thug e suas e mar thabhartas-loisgte 'an àit a mhi.

14 Agus thug Abraham Iehobhah-Iireh mar ainm air an àite sin: mar a theirear *gus* an là'n diugh, Ann an sliabh an Tighearna chithear e.

15 Agus ghlaodh aingcal an Tighearna ri h-Abraham an dara uair o nèamh.

16 Agus thubhairt e, Orm féin mhionnaich mi, ers' an Tighearna, a ehionn gu'n d'rinn thu an ni so, agus nach do ehum thu *uam* do mhac, *eadhon* d'aon *mhae*;

17 Gu'm beannaich mi thu gu mòr, agus gu'n dean mi do shlioched ro lionmhor *eadhon* mar reultan néimh, agus mar an gaineamh, a *tha* air tràigh na fairge; agus sealbhaichidh do shlioched geatadh an naimhdean;

18 Agus beannaichear ann ad shlioehdsa uile ehinnieh na tahnainn, a ehionn gu'n d' eisd thu ri m' ghuth.

19 Mar sin phill Abraham a dh'ionnsuidh 'òganaeha; agus dh'éirich iad suas, agus chaidh iad euideachd gu Beer-seba: agus ghabh Abraham còmhnuidh aig Beer-seba.

20 Agus an déigh nan nithean sin dh'innsadh do Abraham, ag ràdh, Feuch, rug Milcah mar an eudna mic do d' bhràthair Nahor;

21 Hus a cheud-ghin, agus Buds a bhràthair, agus Cemuel athair Aram,

22 Agus Chesed, agus Hadsò, agus Pildas, agus Idalph, agus Betuel.

23 Agus ghin Betuel Rebecah: an oehdnar sin rug Milcah do Nahor, bràthair Abraham.

24 Agus a choi-leabach, d'am b'ainm Reumah, rug ise mar an eudna Tebah, agus Gaham, agus Tahas, agus Maachah.



CAIB. XXIII.

1 *Aois agus tàs Shàrah.* 3 *Achadh agus uaimh Mhachpelah air an ceannach, 19 far an d'adhlacaidh Sàrah.*

**A**GUS bha Sàrah beò ceud agus seachd bliadhna fichead; *b'iad so* bliadhnachan beatha Shàrah.

2 Agus fhuair Sàrah bàs ann an Ciriatarba; *'s e sin* Hebron ann an tìr Chanaain: Agus thàinig Abraham a dheanamh tuiridh air son Shàrah, agus a chaoidh air a son.

3 Agus dh'éirich Abraham suas o làthair a mhairbh, agus labhair e ri mic Het, ag ràdh.

4 *Is* coigreach agus fear-cuairt mise maille ribh: thugaibh dhomh sealbh àit-adhlac maille ribh, agus gu'n adhlac mi mo mharbh as mo shealladh.

5 Agus fhreagair mic Het Abraham, ag ràdh ris,

6 Eisd ruinne mo thighearna: *is* uachdaran cumhachdach thusa 'n ar measg -ne; ann an roghainn ar n-àiteachan-adhlac, adhlac do mharbh: cha chum duine 'n ar measg -ne 'àit-adhlac uait, gu d' mharbh adhlacaidh ann.

7 Agus dh'éirich Abraham suas, agus chrom se e féin do mhuinntir na tìre, *eadhon* do mhic Het.

8 Agus labhair e riu, ag ràdh, Ma's àill leibh gu'n adhlacainn mo mharbh as mo shealladh, éisdibh rium, agus labhraibh air mo shon ri h-Ephron mac Sholhair;

9 Chum as gu'n toir e dhomh uaimh Mhachpelah a tha aige, a tha ann an crìch 'achaidh; air son uiread airgid 's is fìu i, thugadh e dhomh i mar sheilbh àit-adhlac 'n 'ur measg.

10 Agus bha Ephron 'n a chòmhnuidh 'am measg chloinne Het. Agus fhreagair Ephron an t-Hiteach Abraham ann an éisd-eachd cloinne Het, *eadhon* gach neach a chaidh steach air geatadh a bhaile-san, ag ràdh,

11 Na bitheadh e mar sin, mo thighearna, éisd rium: an t-achadh bheir mi dhuit, agus an uaimh a tha ann, bheir mi dhuit i; ann an làthair mhac mo dhaoine bheir mi dhuit i: adhlac do mharbh.

12 Agus chom Abraham e féin sìos an làthair muinntir na tìre.

13 Agus labhair e ri h-Ephron, ann an éisd-eachd muinntir na tìre, ag ràdh, Ach na *bheir thu seachd i*, guidheam ort, éisd rium: bheir mi dhuit airgid air son an achaidh, gabh uam e, agus adhlacaidh mi mo mharbh an sin.

14 Agus fhreagair Ephron Abraham, ag ràdh ris,

15 Mo thighearna, éisd rium: *is fìu* an t-achadh ceithir cheud secel airgid; ciod sin eadar mise agus thusa? uime sin adhlac do mharbh.

16 Agus dh'éisd Abraham ri h-Ephron, agus thomhais Abraham do Ephron an t-

airgid, a dh'aimeich e ann an éisd-eachd mhac Het, ceithir cheud secel airgid, a ghabhas an ceannaiche.

17 Agus rinneadh achadh Ephron a bha ann am Machpelah, a bha fa chomhair Mhamre, an t-achadh, agus an uaimh a b' ann, agus gach craobh a bha 's an achadh, a bha 'n a chrìch uile mu'n cuairt,

18 Daingean do Abraham mar sheilbh, ann an làthair cloinne Het, 'am fianuis gach neach a chaidh steach air geatadh a bhaile-san.

19 Agus an déigh sin dh'adhlac Abraham Sàrah a bhean, ann an uaimh achaidh Mhachpelah, fa chomhair Mhamre: *is e sin* Hebron ann an tìr Chanaain.

20 Agus rinneadh an t-achadh, agus an uaimh a tha ann daingean do Abraham, mar sheilbh àit-adhlac, le mic Het.

CAIB. XXIV.

1 *Chuir Abraham uait a sheirbhiseach a dh'fhaotainn mnaid a' mhac Isaac.* 50 *Fhuair e Rebekah.* 63 *Choinnich Isaac i.*

**A**GUS bha Abraham sean, agus air teachd gu h-aois mhòir, agus bheanaich an Tighearn Abraham ams na h-uile nithibh.

2 Agus thubhairt Abraham r'a sheirbhiseach 'bu shine 'n a thigh, aig an robh riaghladh gach ni a bh'aige, Cuir, guidheam ort, do lamh fo m' shliasaid;

3 Agus bheir mi ort mionnachadh air an Tighearn, Dia nèimh, agus Dia na tal-mhainn, nach gabh thu bean do m' mhac de nigheanaibh nan Canaanach, 'am measg am bheil mis' a'm' chòmhnuidh;

4 Ach thèid thu do m' dhùthaich féin, agus a chum mo luchd-dàimh, agus gabhaidh tu bean do m' mhac Isaac.

5 Agus thubhairt an seirbhiseach ris, Ma's e 's nach bi a' bhean-toileach air mis' a leantuin do'n tìr so, an éigin dhomh do mhac a thoirt air 'ais a rìs do'n tìr as an d'thàinig thu?

6 Agus thubhairt Abraham ris, Thoir an ro-aire nach toir thu mo mhac an sin a rìs.

7 An Tighearn, Dia nèimh, a thug mise o thigh m'athar, agus o thìr mo dhùilean, agus a labhair rium, agus a mhionnach dhomh ag ràdh, Do d' shliochd bheir mi am fearann so; cuiridh ean 'aingal féin romhad, agus gabhaidh tu bean do m' mhac as a sin.

8 Agus mur bi a' bhean-toileach air thusa a leantuin, an sin bithidh tu saor o m' mhionnaibh so: a mhàin na toir mo mhac an sin a rìs.

9 Agus chuir an seirbhiseach a lamh fo shliasaid Abraham a mhaighstir, agus mhionnach e dha thaobh an nì sin.

10 Agus ghabh an seirbhiseach deich càmhail de chàmhalaibh a mhaighstir, agus dh'fhalbh e; oir bha maoin a mhaighstir uile aige fa lamh: Agus dh'éirich e, agus chaidh e gu Mesopotamia, gu baile Nahor.

11 Agus thug e air na càmhalaibh an glùn a lùbadh an taobh a muigh de'n bhaile, làmh ri tobar uisge, mu thràth feasgair, *eadhon* mu'n àm 'an téid muathana mach a tharruing uisge.

12 Agus thubhairt e, O Thighearna, Dhé mo mhaighstir Abraham, dednaich gu'n soirbheich leams' an diugh, agus nochd caoinhneas do m'mhaighstir Abraham.

13 Feuch *tha* mi 'm' sheasamh *an so* làmh ris an tobar uisge, agus thig nigheanan muinntir a' bhaile mach a tharruing uisge.

14 Agus tachaireadh e, a' mhaighdean ris an abair mise, Leig sìos, guidheam ort, do shoitheach, chum's gu'n òl mi; agus their ise, Ol, agus bheir mise deoch do d' chàmh-alaidh mar an ceudna: *gu ma h-i* sin féin a dh'òrduich thu do d' sheirbhiseach Isaac; agus le sin bithidh fios agam gu'n do uochd thu caoinhneas do m' mhaighstir.

15 Agus mun do sguir e de labhairt, feuch, thàinig Rebekah a mach, a rugadh do Bhetuel, mac Mhilcah, mnà Nahoir, bràthar Abraham; agus a soitheach air a gualainn.

16 Agus bha a' chailin ro mhaiseach ri amharc oirre, òigh; agus cha b' aithne do fhear riamh i: agus chaidh i sìos do'n tobar, agus lion i a soitheach, agus thàinig i nìos.

17 Agus ruith an seirbhiseach 'n a coinneamh, agus thubhairt e, Leig dhomh, guidheam ort, beagan uisg' òl as do shoitheach.

18 Agus thubhairt i, Ol, mo thighearna: agus ghreas i oirre, agus leig i sìos a soitheach air a làmh, agus thug i dha deoch.

19 Agus an dèigh dh'i deoch a thubhairt dha, thubhairt i, Tairngidh mi *uisge* air son do chamhal mar an ceudna, gus an sguir iad a dh'òl.

20 Agus ghreas i oirre, agus dh'fhalmhuich i a soitheach 's an amar, agus ruith i ris do'n tobar a tharruing *uisge*; agus tharruing i air son a chàmhal uile.

21 Agus *bha'n* duine ag amharc le h-iongantais oirre, agus a' fantuinn 'n a thosd, a dh'fheuchainn an d'thug, no nach d'thug, an Tighearn air a thurus soirbheachadh leis.

22 Agus 'n uair a sguir na càmhala a dh'òl, an sin ghabh an duine cluas-flàinne òir, 's an robh leth seceil a chudthrom, agus dà làmh-fhail air son a làmh, 's an robh deich seceil òir a chudthrom.

23 Agus thubhairt e, Cò d'an nighean thu? iuuis dhomh, guidheam ort: am bheil ann an tigh d'athar àite dhuinn gu tàmh a ghabhail ann?

24 Agus thubhairt i ris, *Is* mise nighean Bhetueil, mhic Mhilcah, a rug i do Naoir.

25 Thubhairt i ris mar an ceudna, *Tha* againne aron connlach, agus iunhuguleòr, agus àite gu tàmh a ghabhail ann.

26 Agus chrom an duine e féin sìos, agus rinu e aoradh do'n Tighearn.

27 Agus thubhairt e, Beannaichte gu robh an Tighearn, Dia mo mhaighstir Abraham, nach do bhuin a thròcair agus 'fhirinn o m' mhaighstir: air dhomhsa *bhi* 's an t-slighe, stiur an Tighearn mi gu tigh blàithrean mo mhaighstir.

28 Agus ruith a' mhaighdean, agus dh'innis i na nithean so do *mhuinntir* tìghe a màthar.

29 Agus *bha* bràthair aig Rebekah, d'am ainm Laban: agus ruith Laban a dh'ionnsuidh an duine a mach chum an tobair.

30 Agus 'n uair a chunnaic e a' chluas-flàinne, agus na làmh-fhailean air làmhan a pheathar, agus 'n uair a chual' e briathran Rebekah a pheathar, ag ràdh, Mar so labhair an duine rium; an sin thàinig e dh'ionnsuidh an duine, agus, feuch, sheas e làmh ris na càmhalaibh aig an tobar.

31 Agus thubhairt e, Thig a steach, thusa 'tha beannaichte o'n Tighearn; c'uime sheasas tu a muigh? oir dh'ulluich mise an tigh, agus àite do na càmhalaibh.

32 Agus thàinig an duine do'n tigh, agus dh'fhuasgail e na càmhail, agus thug e seachad connlach agus innlinn air son nan càmhail, agus uisge a dh'ionnlad a chosan, agus cosan nan daoine a *bha* maille ris.

33 Agus chuireadh *biadh* air a bheulaobh gu itheadh: ach thubhairt e, Cha-n ith mi, gus an innis mi mo ghnothuch. Agus thubhairt esan, Labhair romhad.

34 Agus thubhairt e, *Is* mise seirbhiseach Abraham;

35 Agus bheannaich an Tighearn mo mhaighstir gu mòr, agus tha e air fàs cumhachdach: agus thug e dha caoraich, agus crodh, agus airgid, agus òr, agus òglaich agus banoglaich, agus càmhail agus asail.

36 Agus rug Sarah, bean mo mhaighstir, mac do m' mhaighstir 'n a sean aois; agus thug e dhàsan gach ni a *bh'* aige;

37 Agus thug mo mhaighstir ormsa mo mhionnan a thubhairt, ag ràdh, Cha ghabh thu bean do m' mhac de nigheanaibh nan Canaanach, muinntir a *tha* mise a' chòmh-nuidh 'n am fearann:

38 Ach théid thu dh'ionnsuidh tìghe m' athar, agus a dh'ionnsuidh mo dhìlsean, agus gabhaidh tu bean do m' mhac.

39 Agus thubhairt mi ri m' mhaighstir, Theagamh nach lean a' bhean mi:

40 Agus thubhairt esan rium, Cuiridh an Tighearn, 'an làthair an do ghluais mise, 'aingeal féin leat, agus soirbheichidh e do thurus; agus gabhaidh tu bean do m' mhac o m' dhìlsibh, agus o thigh m' athar.

41 Au sin bithidh tu saor o m' mhionnaibhsa, 'n uair a thig thu chum mo dhìlsean; agus mur tabhair iad dhuit *bean*, an sin bithidh tu saor o m' mhionnaibh.

42 Agus thàinig mi'n diugh chum an tobair, agus thubhairt mi, O Thighearna, Dhé



mo mhaighstir Abraham, ma shoirbhicheas tu nis mo thurus air am bheil mi 'g imeachd;

43 Feuch, tha mi 'm'sheasamh làmh ris an tobar uisge; agus 'n uair a thig a' mhaighdean a mach a tharruing *uisge*, agus a their mi rithe, Thoir dhomh guidheam ort, beagan uisge ri òl as do shoitheach;

44 Agus a their ise rium, Ol thu féin, agus tairgidh mise mar an ceudna do d'chàmhalaih: *gu ma h-i* sin féin a' bhean a dh'òrduich an Tighearn do mhac mo mhaighstir.

45 Agus mun do sguir mi de labhairt a'm chridhe, feuch, thàinig Rebecah a mach, agus a soitheach air a gualainn; agus chaidh i sìos do'n tobar, agus tharruing i *uisge*: Agus thubhairt mi ri, Thoir dhomh deoch, guidheam ort:

46 Agus ghreas i oirre, agus leig i sìos a soitheach o' *gualainn*, agus thubhairt i, Ol, agus bheir mi deoch do d' chàmhalaih mar an ceudna: agus dh' òl mi, agus thug i air na càmhalaih òl mar an ceudna.

47 Agus dh'fhiosraich mi dh'i, agus thubhairt mi, Cò d'an nighean thusa? Agus thubhairt ise, *Is* mi nighean Bhetueil, mhic Nahoir, a rug Milcah dha: Agus chuir mi a' chluas-fhàinne air a h-aghaidh, agus na làmh-fhailean air a làmh.

48 Agus chrom mi sìos mo cheann, agus rinn mi aoradh do'n Tighearn, agus bheanaich mi an Tighearn, Dia mo mhaighstir Abraham, a thredraich mi 's an t-slighe cheart, a ghabhail nighinn bràthar mo mhaighstir d'a mhac.

49 Agus a nis, ma bhuineas sibh gu caoimhneil agus gu firinneach ri m' mhaighstir, innsibh dhomh; agus mur *buin*, innsibh dhomh; chum as gu'n tionndaidh mi dh'ionnsuidh na làimhe deise, no na làimhe clithe.

50 An sin fhreagair Laban agus Betuel, agus thubhairt iad, 'S ann o 'n Tighearn thàinig an ni so: cha-nurraim sinne oile no maith a ràdh riut.

51 Feuch, *tha* Rebecah a'd' làthair, gabh i, agus imich; agus biodh i 'n a mnaoi aig mac do mhaighstir, mar a labhair an Tighearn.

52 Agus 'n uair a chuala seirbhiseach Abraham an briathran, chrom se e féin gu làr do'n Tighearn.

53 Agus thug an seirbhiseach a làthair seudan airgid agus seudan òir, agus eudach, agus thug e *iad* do Rebecah: thug e mar an ceudna nithean luachmhor d'a bràthair agus d'a màthair.

54 Agus dh'ith iad, agus dh'òl iad, e féin agus na daoine a *bha* maille ris, agus dh'fhan iad rè na h-oidhche: agus dh'éirich iad 's a' mhaduinn; agus thubhairt esan, Cuiribh air falbh mi dh'ionnsuidh mo mhaighstir.

55 Agus thubhairt a bràthair agus a màthair, Fanadh a' mhaighdean maille

ruinne air a' ehuid a's lugha deich làithean; 'n a dh'éigh sin falbhaidh i.

56 Agus thubhairt e ri, Na cuiribh moille orm, oir shoirbhich an Tighearn mo thurus: cuiribh air falbh mi, chum gu'n téid mi dh'ionnsuidh mo mhaighstir.

57 Agus thubhairt iad, Gairmidh sinn air a' mhaighdinn, agus fiosraichidh sinn d'a beul féin.

58 Agus ghairm iad air Rebecah, agus thubhairt iad ri, An téid thu leis an duine so? Agus thubhairt i, Théid.

59 Agus chuir iad air falbh Rebecah am piuthar, agus a banaltrum, agus seirbhiseach Abraham, agus a dhaoine.

60 Agus bheannaich iad Rebecah, agus thubhairt iad ri, 'S tu ar piuthar, bi-sa a'd' *mhàthair* mhlèan de mhuillionaibh; agus seallbhaicheadh do shliochd geata na muinntir sin le 'm fuathach iad.

61 Agus dh'éirich Rebecah agus a maighdeanan, agus mharcaich iad air na càmhalaih agus lean iad an duine: agus ghabh an seirbhiseach Rebecah, agus dh'fhalbh e roimhe.

62 Agus bha Isaac a' teachd o shlighe an tobair Lahai-roi; oir bha e 'chòmhnuidh 's an tìr mu dheas.

63 Agus chaidh Isaac a mach a bheachd-smuaineachadh 's an fhaiche air feasgar: agus thog e suas a shùilean, agus chunnaic e, agus, feuch, *bha* na càmhalan a' tighinn.

64 Agus thog Rebecah suas a shùilean, agus 'n uair a chunnaic i Isaac, theiring i bhàrr a' càmhal.

65 Agus thubhairt i ris an t-seirbhiseach, Cò e 'n duine so a *tha* 'sràid-meachd 's an fhaiche g'ar coinncachadh? Agus thubhairt an seirbhiseach, 'S e mo mhaighstir a th'ann: an sin ghabh i gnùis-bhrat, agus chòmhdaich si i féin.

66 Agus dh'innis an seirbhiseach do Isaac na h-uile nithean a rinn e.

67 Agus thug Isaac i do bhùth Shàrah a mhàthar, agus ghabh e Rebecah, agus bha i aige 'n a mnaoi; agus ghràdhaich e i: agus fhuair Isaac sòlas an déigh *bàis* a mhàthar.

## CAIB. XXV.

1 *Mic Abraham ri Ceturah: 7 Aois Abraham agus a bhàs. 12 Ginealach Ismael. 24 Rugadh do Isaac Esau agus Jacob. 29 Reic Esau a chòir-bhreith.*

**A**N sin ghabh Abraham bean a ris, d'am b' ainm Ceturah.

2 Agus rug i dha Simran, agus Iocsan, agus Medan, agus Midian, agus Isbac, agus Suah.

3 Agus ghin Iocsan Seba, agus Dedan. Agus b' iad mic Dhedain Asurim, agus Letusim, agus Leumim.

4 Agus mic Mhidiain: Ephah, agus Ephes, agus Hanoah, agus Abidah, agus Eldaah: b' iad sin uile mic Cheturah.

5 Agus thug Abraham gach *ni* a bh' aige do Isaac.

6 Ach do mhiennan coi-leabach a *bh'* aig Abraham, thug Abraham tiodhlacan; agus chuir e air falbh iad o 'mhac Isaac, 'n uair a bha e féin fathast beò, do'n taobh an ear, do thir na h-àirde 'n ear.

7 Agus *is iad* so làithean bliadhnamhan beatha Abraham a bha e beò; ceud, agus trì fichcad, agus cùig bliadhna deug.

8 An sin thug Abraham suas an deò, agus fhuair e bàs ann an deadh shean aois 'n a sheann duine, agus làn *de bhliadhnaibh*; agus chruinnicheadh e chum a mhuinntir.

9 Agus dh'adhlac a mhie Isaac agus Ismael e ann an uaimh Mhachpelah, ann an achadh Ephroin, mhie Shoir an Hitich, a *tha* fa chomhair Mhamre;

10 An t-achadh a cheannaich Abraham o mhie Het: ann an sin dh'adhlacadh Abraham, agus Sarah a bhean.

11 Agus an deigh bàis Abraham, bheannaich Dia Isaac a mhaic: agus ghabh Isaac còmhnuidh làimh ri tobar Lahai-roi.

12 A nis *is iad* sin ginealaich Ismaeil, mhie Abraham, a rug Hagar a' bhan-Eiphiteach, banoglach Shàrah do Abraham.

13 Agus *is iad* sin ainmean mhac Ismaeil, 'n an ainmibh, a réir an ginealach: ceudghin Ismaeil, Ncbaiot; agus Cedar, agus Adbeel, agus Mibsam,

14 Agus Misma, agus Dumah, agus Masa, 15 Hadar, agus Tema, Ietur, Naphis, agus Cedemah.

16 *Is iad* sin mic Ismaeil, agus *is iad* sin an ainmean 'n am bailtibh, agus 'n an daingneachailbh; dà cheannard deug a réir am fineachan.

17 Agus *is iad* sin bliadhnamhan beatha Ismaeil, ceud, agus seachd bliadhna deug 'ar fhichead: agus thug e suas an deò, agus dh'eug e, agus chruinnicheadh e chum a mhuinntir.

18 Agus ghabh iad còmhnuidh o Habbilah gu ruig Sur, a *tha* fa chomhair na h-Eiphit, mar a theid thu gu h-Asiria. An làthair a bhràithrean uile fhuair e bàs.

19 Agus *is iad* sin ginealach Isaac mhie Abraham: Ghin Abraham Isaac.

20 Agus bha Isaac dà fhichead bliadhna dh'aois 'n uair a ghabh e Rebecah, nigean Bhctueil, an t-Sirianaich o Phadan-aran, piuthar Labain an t-Sirianaich dha féin 'n a mnaoi.

21 Agus ghuidh Isaac an Tighearn air son a mhnà, a chionn gu'n *robh* i neo-thorrach: agus dh'éisd an Tighearn ris, agus dh'fhàs Rebecah a bhean torrach.

22 Agus bha a' chlann a' coimhghleacadh an taobh a stigh dh'i: agus thubhairt ise, Ma *tha 'chùis* mar sin, c'ar son a *tha* mi mar so? Agus chaidh i a dh'fhiosrachadh de'n Tighearn.

23 Agus thubhairt an Tighearn r'i, *Tha*

dà chinneach a'd' bholg, agus bithidh dà shluagh air an sgaradh o d'innibh: agus bithidh *aon* shluagh *dhiubh* so nì's treise na 'n shluagh *eile*; agus nì esan a's sine scirbhis dhasan a's òige.

24 Agus 'n uair a choimhlionadh a làithean gu bhì air a h-aisead, feuch, *bha* leth-aona 'n a bolg.

25 Agusthàinig an ceud-ghin a mach dearg, *is* e nìle mar fhalluinn mholaich: agus thug iad Esau mar ainm air.

26 Agus 'n a dhéig sin thàinig a bhràthair a mach agus greim aig a làimh de shàil Esau; agus thugadh Iacob mar ainm air: agus *bha* Isaac trì fichead bliadhna dh'aois, 'n nair a rugadh iad.

27 Agus dh'fhàs na gillea; agus bha Esau 'n a shealgair scòlta, 'n a fhear macharach; agus *bha* Iacob 'n a dhuine coimhlionta, a' gabhail còmhnuidh 'am bùthaibh.

28 Agus ghràdhaich Isaac Esau, a chionn gu'n d'ith e dà shlithinn; ach ghràdhaich Rebecah Iacob.

29 Agus bhruidh Iacob brochan: agus thàinig Esau o'n mhachair, agus e fann.

30 Agus thubhairt Esau ri Iacob, Leig dhomh itheadh, guidheam ort, de'n *bhròchan* dhearg sin féin; oir *tha* mi fann: uime sin thugadh Edom mar ainm air.

31 Agus thubhairt Iacob, Reic rium an diugh do chòir-bhreithe.

32 Agus thubhairt Esau, Feuch, *tha* mi dlùth do 'n bhàs; agus ciod an tairbhe a tha s' a' chòir-bhreithe so dhomhsa?

33 Agus thubhairt Iacob, Mionnaich dhomhsa an diugh; agus mhionnaich e dha: agus reic e a chòir-bhreithe ri Iacob.

34 An sin thug Iacob do Esau aran, agus brochan de ghall-pheasair; agus dh'ith e agus dh'òl e, agus dh'éirich e, agus dh'fhalbh e roimhe: mar so rinn Esau dimeas air a chòir-bhreithe.

## CAIB. XXVI.

1 *Chaidh Isaac do Gherar, agus bheannaich Dia e.* 26 *Rinn Abimelech còmhcheangal ris aig Beer-seba.*

**A**GUS bha gorta s' an tìr a bharrachd air a' cheud ghorta a bha ann an làithibh Abraham: agus chaidh Isaac gu Abimelech rìgh nam Philisteach, do Gherar.

2 Agus dh'fhoillsich an Tighearn e féin dha, agus thubhairt e, Na rach sìos do'n Eiphit: gabh còmhnuidh anns an tìr a dh' inneas mise dhuit.

3 Bì air chuairt 's an tìr so, agus bithidh mise maille riut, agus beannaichidh mi thu: oir dhuitse, agus do d' shliochd, bheir mise na dùthchannan sin uile, agus coimhlionaidh mi na mionnan a mhionnaich mi do d'athair Abraham:

4 Agus bheir mi air do shliochd fàs lìonmhor mar reultan nèimh, agus bheir mi do d' shliochd na dùthchannan sin uile: agus



## GENESIS, XXVI.

beannaichear a'd' shliochd-sa uile chin-  
nich na talmhainn;

5 Do bhrìgh gu'n d'éisd Abraham ri m'  
ghuth, agus gu'n do ghléidh e m'iartrus, m'  
aitheantan, m'orduighean, agus mo lagh-  
annan.

6 Agus ghabh Isaac còmhnuidh ann an  
Gerar.

7 Agus dh'fhiosraich daoine an àite *dh'è*  
m'a mhnai; agus thubhairt e, 'S i mo phiu-  
thar i: oir bha eagal air a ràdh, 'S i mo  
bhean i; air eagal, *ars' esan*, gu'm mar-  
bhadh daoine an àite mi air son Rebekah, a  
chionn gu'n robh i maiseach ri amharc oirre.

8 Agus 'n uair a bha e aimsir fhad' an sin,  
sheall Abimelech rìgh nam Philisteach a  
mach air uinneig, agus chunnaic e, agus,  
feuch, *bha* Isaac a' sùgradh r'a mhnai Re-  
bekah.

9 Agus ghairm Abimelech air Isaac, agus  
thubhairt e, Feuch, gu cinnteach 's i do  
bhean i: agus cionnus a thubhairt thu, 'S i  
mo phiuthar i? agus thubhairt Isaac ris, A  
chionn gu'n d' thubhairt mi, Air eagal gu'm  
bàsaich mi air a son.

10 Agus thubhairt Abimelech, Ciod e so  
a rinn thu oirn? dh'fheudadh a h-aon de'n  
t-sluagh luidhe le d' mhnai, agus bheireadh  
tu cionta oirne.

11 Agus thug Abimelech àithne d'a  
shluagh uile, ag ràdh, Esan a bheanas ris  
an duine so, no r'a mhnai, gu cinnteach  
cuirear gu bàs e.

12 An sin shìol-chuir Isaac 's an tìr sin,  
agus fhuair e's a' bhliadhna sin féin a' cheud  
uircad 's a chuir e, agus bheannaich an  
Tighearn' e.

13 Agus dh'fhàs an duine mòr, agus chaidh  
e air aghaidh, agus dh'fhàs e, gus an robh e  
ro mhòr:

14 Oir bha aige seallbh chaorach, agus  
seallbh cruidh, agus mòran seirbhiseach.  
Agus ghabh na Philistich farnad ris.

15 Agus dhùin na Philistich suas na tob-  
raichean uile a chladhaich seirbhisich 'athar,  
ann an làithibh Abraham 'athar, agus lion  
iad le h-ùir iad.

16 Agus thubhairt Abimelech ri h-Isaac,  
Imich uainne; oir is cunhachdaiche thu gu  
mòr na sinne.

17 Agus dh'imich Isaac as a sin, agus  
shuidhich e a bhùth ann an gleann Gherair,  
agus ghabh e còmhnuidh an sin.

18 Agus chladhaich Isaac a ris na tobraich-  
ean uisge, a chladhaicheadh ann an làith-  
ibh Abraham 'athar; oir dhùin na Philistich  
suas iad an déigh bàis Abraham: agus thug  
e ainmean orra a réir nan ainm a thug 'athair  
orra.

19 Agus chladhaich seirbhisich Isaac 's a'  
ghleann, agus fhuair iad an sin tobar fìor-  
uisge.

20 Agus rinn buachaillean Gherair conn-  
sachadh ri buachaillean Isaac, ag ràdh, Is

leinne an t-uisge: agus thug e Esec mar  
ainm air an tobar, a chionn gu'n d'rinn iad  
connsachadh ris.

21 Agus chladhaich iad tobar eile, agus  
rinn iad connsachadh uine sin cuideachd:  
agus thug e Sitnah mar ainm air.

22 Agus chaidh e air inrich as a sin,  
agus chladhaich e tobar eile; agus cha  
d'rinn iad connsachadh uine sin: agus  
thug e Rehobot mar ainm air; agus thubh-  
airt e, Oir thug an Tighearn a nis farsain-  
geachd dhuinn; agus fàsaidh sinn lionmhic  
s an tìr.

23 Agus chaidh e suas as a sin gu Beer-  
seba.

24 Agus dh'fhoillsich an Tighearn e féin  
dha 's an oidheche sin féin, agus thubhairt e,  
Is mise Dia Abraham d'athar; na biodh  
eagal ort, oir tha mise maille riut, agus  
beannaichidh mi thu, agus ni mi do shliochd  
lionmhor air sgàth mo sheirbhisich Abra-  
haim.

25 Agus thog e altair an sin, agus ghairm  
e air ainm an Tighearn', agus shuidhich e  
an sin a bhùth: agus chladhaich seirbhisich  
Isaac tobar an sin.

26 An sin chaidh Abimelech d'a ionnsuidh  
o Gherar, agus a charaid Ahudsat, agus Phi-  
chol àrd cheannard a shluaigh.

27 Agus thubhairt Isaac riu, C'ar son a  
thàinig sibh a m'ionnsuidh, agus gu bheil  
fuath agaibh dhomh, agus gu'n do chuir  
sibh uaibh mi?

28 Agus thubhairt iadsan, Chunnaic sinn  
gu cinnteach gu'n robh an Tighearn  
leat; agus thubhairt sinn, Bitheadh a nis  
mionnan eadarainn, *eadhon* eadar sinne  
agus thusa, agus deanamaid coimheangal  
riut;

29 Nach dean thu oirnne cron sam bith,  
mar nach do bhean sinne riutsa, agus mar  
nach do rinn sinn ni sam bith ort ach maith,  
agus a chuir sinn uainn thu 'an sìth: Tha  
thusa nis air do bheannachadh leis an  
Tighearn.

30 Agus rinn e dhoibh cuirm, agus dh'ith  
agus dh'òl iad.

31 Agus dh'éirich iad gu moch 's a' mha-  
duinn, agus mhnionaich iad d'a chéile: agus  
chuir Isaac air falbh iad, agus dh'imich iad  
uaith 'an sìth.

32 Agus air an là sin féin thàinig seir-  
bhisich Isaac, agus dh'innis iad dha mu  
thimchioll an tobair a chladhaich iad, agus  
thubhairt iad ris, Fhuair sinn uisge.

33 Agus thug e Seba mar ainm air: uime  
sin *is e* Beer-seba ainm a' bhaile sin gus an  
l'n diugh.

34 Agus bha Esau dà fhichead bliadhna  
dh'aois; agus ghabh e mar mhnai Iudit,  
nighean Bheeri an Iitich, agus Basemat  
nighean Eloin an Iitich:

35 Agus bha iad sin 'n an briseadh-cridhe  
do Isaac agus do Rebekah.

CAIB. XXVII.

1 *Chuir Isaac Esau a shealy sithinn. 18 Le seòladh Rebecah thàinig Jacob a dh'ionnsuidh athair le biadh blasda an riochd Esau, agus fhuair e a bheannachadh. 41 Thug Esau fuath do Jacob, agus bhagair e a mharbhadh.*

**A**GUS 'n uair a bha Isaac air fàs sean, agus a bha a shùilean dall, air chor as nach faicadh e, ghairm e air Esau a mhac a bu shine, agus thubhairt e ris, A mhic: agus thubhairt esan ris, Feuch, *tha mi 'n so.*  
2 Agus thubhairt esan, Feuch a nis, tha mise sean; cha-n'eil fios agam air là mo bhàis.

3 Agus a nis, guidheam ort, gabh d' airm, do bholg-saighead agus do bhogha, agus falbh a mach do'n mhachair, agus sealg dhomh sithinn;

4 Agus dean dhomh biadh blasda, mar is ionmhuinn leam, agus thoir a m' ionnsuidh e, agus gu'n ith mi; chum as gu'm beannaich m'anam thu mum faigh mi bàs.

5 Agus chuala Rebecah an uair a labhair Isaac r'a mhac Esau: agus chaidh Esau do'n mhachair a shealg sithinn, gu 'tabhairt d' a ionnsuidh.

6 Agus labhair Rebecah r'a mac Jacob, ag ràdh, Feuch, chuala mi d'athair a' labhairt ri h-Esau do bhràthair, ag ràdh,

7 Thoir a m' ionnsuidh sithinn, agus dean biadh blasda dhomh, agus gu'n ith mi, agus gu'm beannaich mi thu an làthair an Tigh-earna, roimh mo bhàs.

8 A nis uime sin, a mhic, éisd ri m' ghuth, a réir an nì a *tha* mi ag àithneadh dhuit.

9 Falbh a nis a dh'ionnsuidh an tréuda, agus thoir a m'ionnsuidh o sin dà dheadh mheann de na gabhraibh; agus nì mise iad 'n am biadh blasda air son d'athair, mar is ionmhuinn leis:

10 Agus bheir thu dh'ionnsuidh d'athair e, agus gu'n ith e, chum as gu'm beannaich e thu roimh a bhàs.

11 Agus thubhairt Jacob ri Rebecah a mhàthair, Feuch, *tha* Esau mo bhràthair 'n a dhuine molach, agus mise a'm' dhuine lom.

12 Ma 's e's gu'n laimhsich m'athair mi, an sin measar mi leis mar neach leis am bàill a mhealladh; agus bheir mi mallachadh orm féin, agus cha bheannachadh.

13 Agus thubhairt a mhàthair ris, Ormsa *bitheadh* do mhallachadh, a mhic; a mhàin éisd ri m' ghuth, agus falbh, thoir a m' ionnsuidh iad.

14 Agus dh'fhalbh e, agus ghlac e *iad*, agus thug e *iad* a dh'ionnsuidh a mlàthar: agus rinn a mlàthair biadh blasda, mar a b'ionmhuinn le 'athair.

15 Agus ghabh Rebecah eudach taitneach Esau a mic a bu shine, a bh'aice's an tigh; agus chuir i e air Jacob a mac a b'òige.

16 Agus chuir i croicne mheam nan gabhar air a làmhnan, agus air luime a mhuineil.

17 Agus thug i am biadh blasda, agus an t-aran a dheasaich i, do laimh a mic Iacob.

18 Agus thàinig e dh'ionnsuidh 'athair, agus thubhairt e, Athair: agus thubhairt esan, Feuch, *tha mi 'n so*; cò thusa, a mhic?

19 Agus thubhairt Iacob r'a athair, *Is* mise Esau do cheud-ghin; rinn mi mar a dh'iarr thu orm: éirich, guidheam ort, suidh agus ith de m' sithinn, chum as gu'm beannaich d'anam mi.

20 Agus thubhairt Isaac r'a mhac, Cionnus a fhuair thu i cho luath, a mhic? agus thubhairt esan, A chionn gu'n do chuir an Tigh-earn do Dhia a'm' rathad i.

21 Agus thubhairt Isaac ri Iacob, Thig am fagus a nis, agus gu'n laimhsich mi thu, a mhic, an tusa féin mo mhac Esau, no nach tu.

22 Agus chaidh Iacob am fagus d'a athair Isaac, agus laimhsich se e; agus thubhairt e, 'Se 'n guth guth Iacob, ach *is iad* na làmhnan làmhnan Esau.

23 Agus cha d'aithnich se e, a chionn gu'n robh a làmhnan molach, mar làmhnan Esau a bhràthar: mar sin bheannaich se e.

24 Agus thubhairt e, An tusa féin mo mhac Esau? agus thubhairt esan, *Is* mi.

25 Agus thubhairt e, Thoir am fagus domh e, agus ithidh mi de shithinn mo mhic, chum as gu'm beannaich m'anam thu. Agus thug e 'm fagus dha e, agus dh'ith e; agus thug e d' a ionnsuidh fion, agus dh'òl e.

26 Agus thubhairt 'athair Isaac ris, Thig am fagus a nis, agus pòg mi, a mhic.

27 Agus thàinig e'm fagus, agus phòg se e: agus dh'fharich e faileadh 'eudaich; agus bheannaich se e, agus thubhairt e, Feuch, *tha* faile mo mhic mar fhàile fear-aim a bheannaich an Tighearn.

28 Uime sin gu'n tugadh Dia dhuit de dhrùchd nèimh, agus de reamhrachd na talmhainn, agus pailteas arbhair agus fionn.

29 Deanadh slòigh seirbhis dhuit, agus strìochdadh cinnich dhuit; bi 'd' uachdaran air do bhràithribh, agus cromadh mic do mhàthar sìos dhuit: mallaichte *gu'n robh* gach neach a mhallachas thu, agus beannaichte *gu'n robh* gach neach a bheannaich-eas thu.

30 Agus cho luath agus a sguir Isaac de bheannachadh Iacob, 'n uair bu ghann a bha Iacob air dol a mach fathast a 'athair Isaac 'athair, thàinig a bhràthair Esau o 'sheilg.

31 Agus rinn esan mar an ceudna biadh blasda, agus thug e dh'ionnsuidh 'athair e; agus thubhairt e r'a athair, Eireadh m'athair, agus itheadh e de shithinn a mhic, chum gu'm beannaich d'anam mi.

32 Agus thubhairt Isaac 'athair ris, Cò thusa? agus thubhairt esan, *Is* mi do mhac, do cheud-ghin, Esau.

33 Agus chrìochnaich Isaac le ball-chrith anabarraig, agus thubhairt e, Cò, c'àite



'm bheil esan a ghlac sithionn, agus a thug i'm ionnsuidh, agus dh'ith mi d'én iomlan mun d'thàinig thusa? agus bheannaich mi e, seadh agus beannaichte bithidh e.

34 'N uair a chual Esau briathran 'athair, ghlaoth e le glaoth mòr, agus ro shearbh; agus thubhairt e r'a athair. Beannaich mise, eadhon mise mar an ceudna, O athair.

35 Agus thubhairt e. Thàinig do bhràthair le ceilg, agus thug e leis do bheannachadh.

36 Agus thubhairt esan. Nach ceart a thugadh Iacob mar ainm air? oir thàinig e fodhann an dà uair so: thug e leis mo chòir-bhreith; agus, feuch, a nis thug e leis mo bheannachadh. Agus thubhairt e. Nach do ghléidh thu dhomhsa beannachadh?

37 Agus fhreagair Isaac a thubhairt e ri h-Esau, Feuch, rinn mi e 'n a uachdaran ort, agus a bhràithrean uile thug mi dha mar sheirbhhisich; agus le h-arbhar agus le fion chum mi suas e: agus dhuitse ciod a nis a ni mi, a mhic?

38 Agus thubhairt Esau r' a athair, Nach 'eil agad ach aon bheannachadh, athair? beannaich mise, eadhon mise mar an ceudna, O athair. Agus thog Esau suas a ghuth, agus ghul e.

39 Agus fhreagair Isaac 'athair, agus thubhairt e ris, Feuch, ann an reamhrachd na talmhainn bithidh do chòmhnuidh, agus ann an drùchd nèimh o'n àirde.

40 Agus le d' chlàidheamh thig thu beò, agus do d' bhràthair ni thu seirbhhis: agus 'n uair a bhios an uachdaranachd agad, an sin brisidh tu a chuing o d' mhuineal.

41 Agus dh'fhuathaich Esau Iacob air son a' bheannachaidh leis an do bheannaich 'athair e: agus thubhairt Esau 'n a chridhe, Tha làithean a' bhròin air son m'athair am fagus, agus an sin marbhaidh mi mo bhràthair Iacob.

42 Agus dh'innsadh do Rebekah briathran Esau a mic a bu shine, agus chuir i teach-daire uaipe, agus ghairm i air Iacob a mac a b'òige, agus thubhairt i ris, Feuch, tha do bhràthair Esau toirt comhfhurtachd dha féin a d' thaobhsa, a' cur roimhe do mharbhadh.

43 A nis uime sin, a mhic, éisd ri m' ghuth; agus éirich, teich a dh'ionnsuidh mo bhràthar Labain do Haran.

44 Agus fanaidh tu maille ris beagan làithean, agus an tionndaidh fraoch feirge do bhràthar;

45 Gus an tionndaidh corruich do bhràthar uait, agus gu'n dìchuimhnich e na rinn thu air: an sin cuiridh mise fios, agus bheir mi as a sin thu. Car son a chaillinn le 'chéile sibh ann an aon là?

46 Agus thubhairt Rebekah ri h-Isaac, Tha mi sgèid de m' bheatha air son nigheanan Het: ma ghabhas Iacob bean de nigheanaibh Het, mar iadsan a tha de nigheanaibh na dùthcha, ciod am maith a ni mo bheatha dhomhsa?

1 Bheannaich Isaac Iacob, agus chuir se e do Phadan-aram. 11 Aisling Iacob. 18 Clach Beteil. 20 Bòid Iacob.

A GUS ghairm Isaac air Iacob, agus bheannaich se e, agus dh'àithn e dha, agus thubhairt e ris, Cha ghabh thu bean de nigheanaibh Chanaain.

2 Eirich, imich do Phadan-aram, do thigh Bhetueil athar do mhàthar, agus gabh diuit féin as a sin bean de nigheanaibh Labain, bràthar do mhàthar.

3 Agus gu'm beannaicheadh Dia uile-chumhachdach thu, agus gu'n deanadh e siolmhor thu, agus gu'n tugadh e ort fas lionmhor, air chor as gu'm bi thu a'd chomh-chruinneachadh chinneach:

4 Agus gu'n tugadh e dhuit beannachadh Abraham, dhuitse, agus do d' shliochd maille riut; chum gu'n seallbhaich thu am fearann anns am bheil thu a'd choigreach, a thug Dia do Abraham.

5 Agus chuir Isaac air falbh Iacob, agus chaidh e do Phadan-aram, gu Laban, mac Bhetueil an t-Sirianaich, bràthair Rebekah, màthar Iacob agus Esau.

6 'N uair a chunnaic Esau gu'n do bheannaich Isaac Iacob, agus gu'n do chuir e air falbh e do Phadan-aram, a ghabhail mnà dha féin as a sin; agus 'n uair a bheannaich se e, gu'n d' thug e àithne dha, ag ràdh, Cha ghabh thu bean de nigheanaibh Chanaain:

7 Agus gu'n d'éisd Iacob r'a athair, agus r'a mhàthair, agus gu'n deachaidh e do Phadan-aram;

8 Agus an uair a chunnaic Esau nach d' thaitinn nigheanan Chanaain r'a athair Isaac,

9 An sin chaidh Esau dh'ionnsuidh Ismaeil, agus ghabh e Mahalat nighean Ismaeil mhic Abraham, piuthar Nebaioit, dha féin mar mhnaoi a thuilleadh air na mnathan a bh'àige.

10 Agus chaidh Iacob a mach o Bheer-seba, agus chaidh e gu Haran.

11 Agus thachair e air àite àraidh, agus dh'fhan e 'n sin an oidhche sin, a chionn gu'n robh a' ghrian air luidhe: agus ghabh e h-aon de chlachaidh an àite sin, agus chuir e fo a cheann i, agus luidh e sìos 's an àite sin a chodal.

12 Agus bhruadair e: agus, feuch, faradh air a chur suas air an talamh, agus a bhàrr a' ruigheachd gu nèamh: agus, feuch, aingil Dhé a' dol suas agus a' teachd a nuas air.

13 Agus, feuch, sheas an Tighearn os a cheann, agus thubhairt e, Is mise an Tighearn Dia Abraham d'athar, agus Dia Isaac: am fearann air am bheil thu a' d' luidhe, bheir mise dhuit e, agus do d' shliochd.

14 Agus bithidh do shliochd mar dhuslach na talmhainn; agus sgaoillidh tu mach

dh'ionnsuidh na h-àird' an iar, agus na h-àird' an ear, agus a dh'ionnsuidh na h-àirde tuath agus na h-àirde deas: agus beannaichear annadsa uile theaghlaichean na talmhainn, agus ann ad shliochd.

15 Agus, feuch, *tha* mise maille riut, agus gleidhidh mi thu anns gach àite d' an téid thu, agus bheir mi ris thu dh'ionnsuidh na tire so; oir cha tréig mi thu, gus an dean mi an *nì sin* a labhair mi riut.

16 Agus dhùisg Iacob as a chodal, agus thubhairt e, Gu cinnteach *tha 'n Tighearn* 's an àite so, agus cha robh fios agam *air*.

17 Agus bha eagal air, agus thubhairt e, Cia h-uamhasach an t-ionad so! eha *n àit* air bhith so aeh tigh Dhé, agus *is* e so geata nèmh.

18 Agus dl'éirich Iacob gu moch 's a' mha-duinn, agus ghabh e a' chlach a chuir e fo a cheann, agus ehuir e suas 'n a cearragh i, agus dhòirt e oladh air a mullach.

19 Agus thug e Bet-el mar ainm air an àite sin: aeh *b' e* Luds ainm a' bhaile sin air tùs.

20 Agus bhòidich Iacob bòid, ag ràdh, Ma bhios Dia leam, agus *ma* ghleidheas e mi air an t-slighe sin airam bheil mi'g imeachd, agus *ma* bheir e dhomh aran r'a itheadh, agus eudach r'a ehur umam;

21 Agus gu'n tig mi ris 'an sìth a dh'ionnsuidh tighe m'athar; an sin bithidh an Tighearn agam 'n a Dhia:

22 Agus bithidh a' chlach so, a chuir mi suas 'n a carragh, 'n a tigh aig Dia: agus de gach *nì* a bheir thu dhomh, bheir mi gu cinnteach an deachamh dhuit.

CAIB. XXIX.

1 *Thàinig Iacob gu tobar Haran, 13 agus thug Laban aoidheuchd dha. 18 Gheall Iacob seirbhis sheachd bliadhna do Laban air son a nighinn Rachel; 23 shuir e Leah 'n a h-àite; aeh a rìs phòs e Rachel mar an ceudna.*

**A**N sin dl'imich Iacob air a thurus, agus h-àirde 'n car.

2 Agus dl'amhaire e, agus, feuch, tobar 's a' mhachair, agus, feuch, *bha* 'n sin trì tréudan chaorach 'n an luidhe làimh ris; oir as an tobar sin thug iad uisge do na tréudaibh: agus *bha* elach mhòr air beul an tobair.

3 Agus chruinnicheadh a dh'ionnsuidh sin na tréudan uile; agus charuich iad a' chlach bhàrr beòil an tobair, agus thug iad uisge do na caoraich, agus chuir iad a' chlach a ris air beul an tobair 'n a h-àite féin.

4 Agus thubhairt Iacob riu, Mo bhràithrean, cia as a *thàinig* sibh? Agus thubhairt iadsan, O Haran *thàinig* sinne.

5 Agus thubhairt e riu, An aithne dhuibh Laban mae Naheir? Agus thubhairt iadsan, *Is* aithne dhuinn.

6 Agus thubhairt e riu, Am *bheil* e gu maith? Agus thubhairt iadsan, *Tha* e gu

maith: agus, feuch, *tha* Rachel a nighean a' tighinn leis na caoraich.

7 Agus thubhairt e, Feuch, 's e fathast àird' an là a *th' ann*, agus cha d *thàinig* *idir* am erumeachaidh na sprèidhe: thug-aibhs' uisge do na caoraich, agus rachaibh agus ionaltraibh iad.

8 Agus thubhairt iad, Cha-n urrainn sinn, gus an erumichear na tréudan uile 'n ceann a ehéile, agus *gus* an caruichear a' chlach bhàrr beòil an tobair; an sin bheir sinn uisge do na caoraich.

9 Agus am feadh a bha e fathast a' labhairt riu, thàinig Rachel le caoraich a h-athar; oir b'i a *bha 'g an* gleidheadh.

10 Agus an uair a chumaidhe Iacob Rachel nighean Labain bràthar a mhàthar, agus caoraich Labain bràthar a mhàthar, an sin chaidh Iacob am fagus, agus charuich e a' chlach bhàrr beòil an tobair, agus thug e uisge do chaoraich Labain bràthar a mhàthar.

11 Agus phòg Iacob Rachel, agus thog e suas a ghuth, agus ghuil e.

12 Agus dh'innis Iacob do Rachel gu'm *b'e* bràthair a h-athar e, agus gu'm *b'e* mae Rebecah e: agus ruith i, agus dh'innis i d'a h-athair.

13 Agus 'n uair a chuala Laban sg'ul Iacob mhic a pheathar, an sin ruith e 'n a choinneamh, agus ghabh e 'n a ghlaicibh e, agus phòg se e, agus thug e d'a th gh e, agus dh'innis e do Laban na nithean sin uile.

14 Agus thubhairt Laban ris, Gu cinnteach *is* tu mo chnàimh agus m' fheoil: agus dh'fhan e maille ris rè mìos.

15 Agus thubhairt Laban ri Iacob, A ehionn gur tu mo bhràthair, am buin e dhuit seirbhis a dheanamh dhomh a nas-gaidh? innis dhomh eiod e do thuarasdal.

16 Agus *bha* aig Laban dithis nigheanan: *b'e* ainm na té 'bu shine Leah, agus ainm na té a b'òige Rachel.

17 Agus *bha* sùilean Leah anmhunn, aeh bha Rachel maiseach 'n a dealbh agus sgia mha-ch 'n a gnùis.

18 Agus bha gràdh aig Iacob air Rachel, agus thubhairt e, Ni nì seirbhis dhuit seachd bliadhna air son Rachel do nighin *n* a's òige.

19 Agus thubhairt Laban, *Is* fearr dhomh a toirt duitse na gu'n tugainn i do dhuine *sam bith* eile: fan maille rium.

20 Agus rinn Iacob seirbhis air son Rachel seachd bliadhna; agus bha iad 'n a shùilibh mar bheagan de làithibh, a thaobh a' ghràidh, a b'haige oirre.

21 Agus thubhairt Iacob ri Laban, Thoir *dhomh* mo bhean (oir choimhlionadh mo làithean) a chum gu'n téid mi steach d'a h-ionnsuidh.

22 Agus chruinnich Laban cuideachd daoine an àit' uile, agus rinn e cuirm.



# GENESIS, XXX.

23 Agus 's an fheasgar ghabh e Leah a nighean, agus thug e d'a ionnsuidh i; agus chaidh e steach d'a h-ionnsuidh.

24 Agus thug Laban d'a nighinn Leah Silpah a bhanoglach féin, mar bhanoglaich.

25 Agus 's a' mhaduinn, feuch, *b'i* Leah *b'h' ann*: agus thubhairt e ri Laban, Ciod e so a rinn thu orm? Nach ann air son Racheil a rinn mi seirbhis dhuit? agus c'ar son a mheall thu mi?

26 Agus thubhairt Laban, Cha-n fheud e bli mar sin 'n ar dùthaich-ne, an té a's òige 'thoirt seachad roimh an té a's sine.

27 Coimhliion a seachduin-sa, agus bheir sinn dhuit ise mar an ceudna, air son na seirbhis a ni thu maille rium fathast rè sheachd bliadh'n eile.

28 Agus rinn Iacob mar sin, agus choimhliion e a seachduin; agus thug e dha Rachel a nighean mar an ceudna 'n a mnaoi.

29 Agus thug Laban do Rachel a nighean Bilhah a bhanoglach féin, mar bhanoglaich.

30 Agus chaidh e steach cuideachd a dh'ionnsuidh Racheil, agus ghràdhaidh e mar an ceudna Rachel ni's mòd na Leah, agus rinn e seirbhis maille ris fathast seachd bliadh'n eile.

31 Agus 'n uair a chunnaic an Tighearn gu'n d' thugadh fuath do Leah, dh'fhosgail e a bolg: ach *bha* Rachel gun chilann.

32 Agus dh'fhàs Leah torrach, agus rug i mac, agus thug i Reuben mar ainm air: oir thubhairt i, Gu deimhin dh'amhaire an Tighearn air m' àmhghar, a nis uime sin gràdhaidh m'fhear mi.

33 Agus dh'fhàs i torrach a ris, agus rug i mac, agus thubhairt i, A chionn gu'n cuala 'n Tighearn gu'n *robh* mi air m'fhuathachadh, uime sin thug e dhomh *am mac* so cuideachd: agus thug i Simeon mar ainm air.

34 Agus dh'fhàs i torrach a ris agus rug i mac; agus thubhairt i, A nis anns an uair so dlùthleanaidh m'fhear rium, do bhrìgh gu'n d'rug mi dha triuir mhac: uime sin thug i Lebhi mar ainm air.

35 Agus dh'fhàs i torrach a ris, agus rug i mac; agus thubhairt i, A nis molaidh mi 'n Tighearn: uime sin thug i Iudah mar ainm air. Agus sguir i de bhreith *cloinne*.

## CAIB. XXX.

1 *Thug Rachel a banoglach Bilhah do Iacob mar mhnai, agus rug i Dan agus Naphtali.*  
 9 *Thug Leah dha a banoglach Silpah mar mhnai, agus rug i Gad agus Aser.* 22 *Rug Rachel Joseph.* 25 *Rinn Laban coimheangal nuadh ri Iacob.*

**A**GUS an uair a chunnaic Rachel nach a' d'rug i clann do Iacob, bha farnad aig Rachel r'a piuthair, agus thubhairt i ri Iacob, Thoir dhomh clann, no gheibh mi bàs.

2 Agus las corruich Iacoib ri Rachel, agus thubhairt e, Am bheil mis' 'an àite Dhé, a chum uait toradh na bromi?

3 Agus thubhairt i, Feuch, mo bhanoglach Bilhah, theirig a steach d'a h-ionnsuidh, agus beiridh i air mo ghluimibh, agus bithidh agam-sa mar an ceudna clann d'a trid-sa.

4 Agus thug i dha Bilhah a banoglach mar mhnai; agus chaidh Iacob a steach d'a h-ionnsuidh.

5 Agus dh'fhàs Bilhah torrach, agus rug i mac do Iacob.

6 Agus thubhairt Rachel, Thug Dia breth orm, agus dh'èisd e mar an ceudna ri m' ghuth, agus thug e dhomh mac: uime sin thug i Dan mar ainm air.

7 Agus dh'fhàs Bilhah banoglach Racheil torrach a ris, agus rug i do Iacob an dara mac.

8 Agus thubhairt Rachel, le mòr ghlac ghleac mi ri m'phiuthair, agus thug mi buaidh: agus thug i Naphtali mar ainm air.

9 'N uair a chunnaic Leah gu'n do sguir i de bhreith *cloinne*, ghabh i Silpah a banoglach, agus thug i do Iacob mar mhnai i.

10 Agus rug Silpah, banoglach Leah, mac do Iacob.

11 Agus thubhairt Leah, Tha sonas air teachd: agus thug i Gad mar ainm air.

12 Agus rug Silpah, banoglach Leah, an dara mac do Iacob.

13 Agus thubhairt Leah, is sona mi, oir goiridh na nigheanan mise beannaichte: agus thug i Aser mar ainm air.

14 Agus chaidh Reuben a *mach* ann an làithibh fogharaidh a' chruithneachd, agus fhuair e mandragan 's a' mhachair, agus thug e iad a chum a mhàthar Leah. An sin thubhairt Rachel ri Leah, Thoir dhomh, guidheam ort, *cuid* de mhandragaibh do mhic.

15 Agus thubhairt i rithe, Am beag a' chùis gu'n d' thug thu m'fhear uam, agus am b'àill leat mandragan mo mhic a thoirt leat mar an ceudna? Agus thubhairt Rachel, Uime sin luidhidh e leats' an nochd air son mandragan do mhic.

16 Agus thàinig Iacob o'n mhachair 's an fheasgar, agus chaidh Leah mach 'n a choinneamh, agus thubhairt i, Thug thu steach a m' ionnsuidhs', oir gu deimhin cheannaich mi thu le mandragaibh mo mhic: Agus luidh e leatha air an oidheche sin.

17 Agus dh'èisd Dia ri Leah, agus dh'fhàs i torrach, agus rug i do Iacob an cùigeamh mac.

18 Agus thubhairt Leah, Thug Dia dhomh mo dhuais, a chionn gu'n d' thug mi mo bhanoglach do m'fhear: agus thug i Isachar mar ainm air.

19 Agus dh'fhàs Leah torrach a ris, agus rug i do Iacob an seathamh mac.

20 Agus thubhairt Leah, Dheònaich Dia dhomh deadh chuibrionn: a nis gabhaidh m'fhear còmhnuidh maille rium, a chionn gu'n d'rug mi dha seathmar mhac; agus thug i Sebulun mar ainm air.

21 Agus 'n a dhéigh sin rug i nighean, agus thug i Dinah mar ainm oirre.

22 Agus chuimhnich Dia air Rachel, agus dh'éisd Dia rí, agus dh'fhosgail e a bolg.

23 Agus dh'fhàs i torrach, agus rug i mac; agus thubhairt i, Thug Dia air falbh mo mhí-chliu.

24 Agus thug i Ioseph mar ainm air, ag ràdh, Bheir an Tighearn dhomh fathast mac eile.

25 Agus 'n uair a rug Rachel Ioseph, an sin thubhairt Iacob ri Laban, Leig air falbh mi, chum gu 'n téid mi do m'áite, agus do m'dhùthaich féin.

26 Thoir *dhomh* mo mhnathan, agus mo chlann, air son an d'rinn mi seirbhís duit, agus gu'm falbh mi; oir is aithne dhuit mo sheirbhís a rinn mi dhuit.

27 Agus thubhairt Laban ris, Guidheam ort, ma fluair mi deadh-ghean a'd shùilibh, *fuirich*: oir dh'fhòghluim mi o m' fhiosrachadh féin gu'n do bheannaich an Tighearn mi air do sgàth-sa.

28 Agus thubhairt e, Ainmich do thuarasdal dhomh, agus bheir mi dhuit e.

29 Agus thubhairt e ris, Tha fios agad cionnus a rinn mi seirbhís dhuit, agus cionnus a bha do spréidh agam:

30 Oir is beag a bh'agad mun *d' thàinig* mi, agus a nis tha e air fas 'n a mhòran; agus bheannaich Dia thu 'an lorg mo *theachd-sa*: agus a nis, c'uin a ni mi mar an ceudna air son mo thighe féin?

31 Agus thubhairt e, Ciod a bheirmi dhuit? Agus thubhairt Iacob, Cha toir thu ni sam bith dhomh: ma ni thu an ni so rium, ionaltraidh mi ris, agus gleidhidh mi do threud.

32 Théid mise troimh do threud uile an diugh, agatharrachadh as a sin gach spréidhe a tha breac agus ballach, agus gach spréidhe a tha dubh-dhonn am measg nan caorach, agus ballach, agus breac am measg nan gabhar: agus is e so mo thuarasdal.

33 Agus freagraidh air mo shonsa m'ion-racas 's an àm ri teachd, 'n uair a thig e mar mo thuarasdal a'd làthair-sa: gach aon nach *bi* breac agus ballach am measg nan gabhar, agus dubh-dhonn am measg nan caorach, *measar* e mar ni bradach agam-sa.

34 Agus thubhairt Laban, Feuch, b'fhearr leam gu'm bitheadh e réir d'fhocail.

35 Agus dh'atharraich e air an là sin féin na gabhair fhirionn a bha stiallach agus ballach, agus na gabhair bhoirionn uile a bha breac agus ballach, agus gach aon air an robh gile, agus gach aon a bha dubh-dhonn am measg nan caorach, agus thug e *iad* do làmhnan a mhac.

36 Agus chuir e astar thri làithean eadar e féin agus Iacob: agus bheathaich Iacob a' chuid eile de threudaibh Labain.

37 Agus ghabh Iacob dha féin slatan glasa de'n chrithéann, agus de'n chaldainn, agus de chraoibh nan geannm-chnò; agus rùisg e

annta stiallan geala, agus leig e ris an geal a *bha* 's na slataibh.

38 Agus chuir e na slatan a rùisg e anns na claisibh, anns na h-amair uisge, far an d'thàinig na treudan a dh'òl, fa chomhair nan treud, chum as gu'm fàsadh iad torrach an uair a thigeadh iad a dh'òl.

39 Agus dh'fhàs na treudan torrach fa chomhair nan slat, agus rug iad spréidh stiallach, bhreac agus bhallach.

40 Agus thearbaidh Iacob na h-uain, agus chuir e aghaidh nan treud rìusan a bha stiallach, agus gach *beathach* a bha dubh-dhonn ann an treudaibh Labain; agus chuir e a threudan féin air leth, agus cha do chuir e iad làmh ri treudaibh Labain.

41 Agus ge b'e uair a dh'fhàs an spréidh 'bu treise torrach, chuir Iacob na slatan fa chomhair sùl na spréidhe anns na claisibh, chum gu'm fàsadh iad torrach a réir nan slat.

42 Ach 'n uair a bha'n spréidh anmhum, cha do chuir e ann *iad*: mar sin bu le Laban iadsan a b'annhuinne, agus le Iacob iadsan 'bu treise.

43 Agus dh'fhàs an duine ro shaoibhir; agus bha mòran spréidhe aige, agus banog-laich, agus òglaich, agus càmhail, agus asail.

CAIB. XXXI.

1 *Theich Iacob air falbh gu h-uaigneach o Laban, gu dol do thìr Chanaan. 22 Lean Laban e. 44 Rinn iad coimhcheangal ri' chèile aig Galeed.*

**A** Gus chual' e briathran mhac Labain, ag ràdh, Thug Iacob leis gach ni a *bh'* aig ar n-athair, agus o'n *ni sin* 'bu le ar n-athair-ne fluair e dha féin a' mhòrachd so uile.

2 Agus chunnaic Iacob gnùis Labain, agus, feuch, cha *robh* i leis mar a *bha* i roimhe sin.

3 Agus thubhairt an Tighearn ri Iacob, Pìll gu dùthaich d'aithrichean, agus a dh'ionnsuidh do dhùilean; agus bithidh mise maille riut.

4 Agus chuir Iacob *teachdairean* uaith, agus ghairm e Rachel agus Leah do'n mhachair a dh'ionnsuidh a threudan.

5 Agus thubhairt e ri u, Tha mi 'faicinn gnùise bhuir n-athar, nach 'eil i leam mar a *bha* i roimhe: ach bha Dia m'athar maille riumsa.

6 Agus tha fios agaibh féin, le m'uile dhùchioll gu'n d'rinn mi seirbhís do'r n-athair.

7 Gidheadh mheall bhuir n-athair mi, agus mhùth e mo thuarasdal deich uairean: ach cha do leig Dia leis cron a dheanamh orm.

8 Ma thubhairt e mar so, Bithidh an *spréidh* bhreac 'n an tuarasdal agad, an sin rug an spréidh uile *àl* breac: agus ma thubhairt e mar so, Bithidh an *spréidh* stiallach 'n an tuarasdal agad, an sin rug an *spréidh* uile *àl* stiallach.

9 Mar so thug Dia air falbh spréidh bhuir n-athar, agus thug e dhomhsa *iad*.



10 Agus 'n uair a dh'fhàs an spréidh torrach, thog mi suas mo shùilean, agus chunnaic mi ann an aising, agus, feuch, *bha* na reitheachan, a bha 'reitheadh na spréidhe, stiallach, breac agus grís-fhionn.

11 Agus thubhairt aingal an Tighearna rium ann an aising, A Iacob: agus thu-bhairt mise, *Tha mi 'n so*.

12 Agus thubhairt esan, Tog suas a nis do shùilean, agus faic na reitheachan uile, a tha 'reitheadh na spréidhe, *gu bheil iad* stiallach, breac agus grís-fhionn: oir chunnaic mise gach ni a rinn Laban ort.

13 *Is* mise Dia Bheteil, far an d'ung thu 'n carragh, far an do bhòidich thu dhomhsa bòid: a nis éirich, imich a mach as an tìr so, agus pill gu tìr do dhùilean.

14 Agus fhreagair Rachel agus Leah, agus thubhairt iad ris, Am *bheil* fathast cuibhrionn no oighreachd air bith againne ann an tigh ar n-athar?

15 Nach 'eil sinn air ar meas leis mar choigrich? oir reic e sinn, agus struidh e mar an ceudna gu tur ar n-airgiod:

16 Oir an saobhreas *sin* uile a thug Dia o'r n-athair, is leinn féin, agus le'r cloinn e: a nis uime sin, gach ni a thubhairt Dia riutsa, dean e.

17 An sin dh'éirich Iacob suas, agus chuir e a mhic agus a mhnathan air càmhalaibh;

18 Agus thug e leis a spréidh uile, agus a mhaoin uile a fhuair e, spréidh a chosnaidh, a fhuair e 'am Padan-aram, gu dol a dh'ionnsuidh Isaac 'athar gu tìr Chanaain.

19 Agus chaidh Laban a lomainn a chaorach; agus ghoid Rachel na dealbhan *'bu* le a h-athair.

20 Agus theich Iacob gun fhios do Laban an Sirianach, a chionn nach d'inns e dha *gu'n robh e gu teicheadh*.

21 Agus theich e leis gach ni a bh' aige; agus dh'éirich e suas, agus chaidh e thar an amhainn, agus chuir e 'aghaidh *ri* shlabh Ghilead.

22 Agus dh'inns eadh do Laban, air an treas là, gu'n do theich Iacob.

23 Agus thug e a bhràithrean leis, agus lean se e astar sheachd làithean, agus rug e air ann an slabh Ghilead.

24 Agus thàinig Dia gu Laban an Sirianach ann an aising 's an oidheche, agus thubhairt e ris, Thoir an aire nach labhair thu ri Iacob aon chuid maith no ole.

25 An sin rug Laban air Iacob. A nis shuidhich Iacob a bhùth 's an t-slabh, agus shuidhich Laban maille r'a bhràithribh ann an slabh Ghilead.

26 Agus thubhairt Laban ri Iacob, Ciod e so a rinn thu, gu'n do theich thu gun fhios domh, agus gu'n d'thug thu leat mo nigh-eanan, mar bhraghdean *a thugadh a mach* leis a chlaidheamh?

27 C'ar son a theich thu gu h-uaigneach, agus a dh'fhalbh thu uam, agus nach

d'inns thu dhomh, agus gu'n cuirinn air falbh thu le subhachas, agus le h-òran-aibh, le tiompan, agus le clàrsaich?

28 Agus nach do leig thu leam mo mhic agus mo nigh-eanan a phògadh? a nis is amaidheach a fhuaradh tu le *so* a dheanamh.

29 Tha e'n comas mo làimhe-sa cron a dheanamh ort: ach labhair Dia d'athar rium an raoir, ag ràdh, Thoir an aire, nach labhair thu ri Iacob aon chuid maith no ole.

30 Agus a nis, ged a b'éigin duit falbh, a chionn gu'n robh thu gu ro mhòr 'an geall air tigh d'athar, *gidheadh* c'ar son a ghoid thu mo dhée?

31 Agus fhreagair Iacob, agus thubhairt e ri Laban, A chionn gu'n robh eagal orm: oir thubhairt mi, Theagamh gu'n tugadh tu uam do nigh-eanan le h-ainneart.

32 Ge b'e neach aig am faigh thu do dhée, na maireadh e beò: an làthair ar bràithrean faic ciod a th' agam *a bhuineas* duit, agus gabh thugadh e: oir cha robh fhios aig Iacob gu'n do ghoid Rachel iad.

33 Agus chaidh Laban a steach do bhùth Iacob, agus do bhùth Leah, agus do bhùth an dà bhanoglaich; ach cha d'fhuair e *iad*. An sin chaidh e mach á bhùth Leah, agus chaidh e steach do bhùth Rachel.

34 A nis ghoid Rachel na dealbhan, agus chuir i iad ann an acfhuinn a' chàmhail, agus shuidh i orra: agus rannsaich Laban am bhùth uile, ach cha d'fhuair e *iad*.

35 Agus thubhairt i r'a h-athair, Na cuir eadh e corruich air mo thighearn nach urrainn mi éirigh suas a' d'fhiainis, oir *tha* orm a réir gnathia nam ban: agus rannsaich e, ach cha d'fhuair e na dealbhan.

36 Agus bha fearg air Iacob, agus throd e ri Laban: agus fhreagair Iacob, agus thubhairt e ri Laban, Ciod i mo choire, agus ciod e mo pheacadh, gu'n robh thu ciod dian air mo thòir?

37 An déigh dhuit m'airneis uile a rann-sachadh, ciod a fhuair thu dh'uile airneis do thighe? cuir an so e an làthair mo bhràithreansa agus do bhràithrean féin, agus gu'n tabhair iad breth eadarunn 'n ar dithis.

38 A nis ficead bliadhna *bha* mi maille riut; cha do thilg do chaoraich an uain, no do ghabhair am minn, agus reitheachan do threud cha d'ith mi.

39 An ni sin a reubadh *le fìadh-bheathaich-ibh* cha d'thug mi a d' ionnsuidh; ghiùlain mi féin a chall: o m' làimh-sa dh'iarr thu e, *co ac'* a ghoideadh e 's an là, no 'ghoideadh e 's an oidheche.

40 *Mar so* bha mi; 's an là chlaoidh an teas mi, agus an reothadh 's an oidheche; agus dhealaich mi chodal ri m' shùilibh.

41 *Mar so bha* mi ficead bliadhna a'd' thigh: ceithir bliadhna deug rinn mi scribhis duit air son do dhlithis nigh-eanan, agus se

biadhna air son do spréidhe; agus mhùth thu mo thuarasdal deich uairean.

42 Mur bhitheadh gu'n robh Dia m'athar, Dia Abraham, agus Eagal Isaiaie maille rium, gu einnteach chuireadh tu nis air falbh mi falamh: chunnaic Dia m'àmhghar agus saothair mo làmh, agus ehronaich e *thu* 'n raoir.

43 Agus fhreagair Laban, agus thubhairt e ri Iacob, Na nigheanan *so is iad* mo nigheanan-sa iad, agus a' chlann *so is iad* mo chlann-sa, agus an spréidh *so is iad* mo spréidh-sa; agus gach ni a *tha* thu a' faicinn, is leamsa e: agus ciod a dh'fheudas mi, dheanamh an diugh ri m' nigheanaibh so, no r'an cloimn a rug iad?

44 A nis uime sin thig-sa, deanamaid coimhcheangal, mise agus thusa; agus bith-cadh e mar fhianuis eadar mise agus thusa.

45 Agus ghabh Iacob elach, agus chuir e suas i mar charragh.

46 Agus thubhairt Iacob r' a bhràithribh, Cruinnichibh clachan: agus ghabh iad clachan, agus rinn iad earn, agus dh'ith iad an sin air a' charn.

47 Agus thug Laban mar ainm air Iegarsahaduta: ach thug Iacob mar ainm air Galed.

48 Agus thubhairt Laban, *Tha* 'n carn so 'n a fhianuis eadar mise agus thusa an diugh. Uime sin thugadh Galed mar ainm air;

49 Agus Midspah; oir thubhairt e, Deanadh an Tighearn faire eadar mise agus thusa, 'n uair a bhitheas sinn á làthair a ehléile.

50 Ma bhuineas tu gu cruaidh ri m' nigh-eanaibh, no ma ghabhas tu mnathan *eile* thuilleadh air mo nigheanaibh-sa, cha-n 'eil duine sam bith maille ruinn; feuch, *tha* Dia 'n a fhianuis eadar mis' agus thusa.

51 Agus thubhairt Laban ri Iacob, Faic an carn so, agus faic an carragh so, a shuidhich mi eadar mis' agus thusa.

52 *Bitheadh* an carn so 'n a fhianuis, agus *bitheadh* an carragh so 'n a fhianuis, nach téid mise a d'ionnsuidh-sa thar a' charn so, agus nach tig thus' a m' ionnsuidh-sa thar a' charn so, agus a' charragh so, gu cron.

53 Gu'n tugadh Dia Abraham, agus Dia Nahoir, Dia an athar, breth eadaruin. Agus mhionnaich Iacob air Eagal 'athar Isaiaie.

54 An sin thug Iacob suas iobairtean 's an t-sliabh, agus ghairm e air a bhràithribh a' dh'itheadh arain: agus dh'ith iad aran, agus dh'fhan iad rè na h-oidiche 's an t-sliabh.

55 Agus dh'éirich Laban suas moch 's a' mhaduinn, agus phòg e a mhic agus a nigh-eanan, agus bheannaich e iad, agus dh'fhalbh e: agus phill Laban g'a àite féin.

1 *Chunnaic Iacob ainglean aig Mahanaim.* 3 *Chuir e teachdairean gu Esau.* 7 *Bha eagal air gu'n tigeadh e 'n a aghaidh, agus rinn e urnaigh ris an Tighearn gu'n sooradh e uair e.* 13 *Chuir e tiòdh-lac d'a ionnsuidh.* 24 *Ghleac e ri ainglean aig Peniel, agus thugadh Israel mar ainm air.*

**A** GUS dh'imich Iacob air a shlighe, agus choinnich ainglean Dhé e.

2 Agus thubhairt Iacob, 'n uair a chunn-aic e iad, *Is e* so feachd Dhé: agus thug e Mahanaim mar ainm air an àite sin.

3 Agus chuir Iacob teachdairean roimhe gu h-Esau a bhràthair, gu fcarann Sheir, dùthaich Edoim.

4 Agus dh'àithn e dhoibh, ag ràdh, Mar so their sibh ri m' thighearn Esau, Mar so thubhairt do sheirbhiseach Iacob, Bha mi air chuairt maille ri Laban, agus dh'fhan mi *maille ris* gus a nis.

5 Agus *tha* agam buar, agus asail, treudan, agus òglaich, agus banoglaich; agus chum mi dh'innseadh do m' thighearn, chum gu'm faighinn deadh-ghean a' d' shùil-ibh.

6 Agus phill na teachdairean gu Iacob, ag ràdh, Thàinig sinn a dh'ionnsuidh do bhràthar Esau, agus mar an ceudna *tha e* 'teachd a'd' chòdhail, agus ceithir cheud fear maille ris.

7 Agus bha Iacob fo eagal mòr, agus ann an aire; agus roinn e'n sluagh a *bha* maille ris, agus na treudan, agus an crodh, agus na càmhail 'n an dà bhuidhinn;

8 Agus thubhairt e, Ma thig Esau gu h-aon de na buidhneibh, agus gu'm buail e i, an sin théid a' bhuidheann a dh'fhanas as *uair*h.

9 Agus thubhairt Iacob, O Dhé m'athar Abraham, agus a Dhé m'athar Isaiaie, a Tighearn' a thubhairt rium, Pill gu d' dhùthaich, agus gu d' dhilsean, agus ni mi maith dhuit:

10 Cha -n airidh mi air a' chuid a's lugha de na tròcairibh *sin* uile, no de'n fhirinn *sin* uile, a nochd thu do d'sheirbhiseach; oir le m' luirg thàinig mi thar an Iordan so, agus *tha* mi nis a'm' dhà bhuidhinn.

11 Saor mi, guidheam ort, o làmh mo bhràthar, o làmh Esau: oir *tha* eagal orm roimhe, gu'n tig e, agus gu'm buail e mi, agus a' mhàthair maille ris a' chloinn.

12 Agus thubhairt thu, Gu cinnteach ni mi maith dhuit, agus ni mi do shliochd mar ghlaicemh na fairge, nach feudar àir-eamh a thaobh lìonmhoireachd.

13 Agus dh'fhan e an sin 's an oidheche sin féin, agus ghabh e de na thàinig g'a làmh tiòdh-lac air son Esau a bhràthar;

14 Dà cheud gabhar agus fichead boe, dà cheud caora agus fichead reithe,

15 Deich càmhail fhichead bliainne le 'n searraich, dà fhichead bò agus deich tairbh,



fichead asal bhoirionn agus deich searr-  
aich.

16 Agus thug e *iad* do làimh a sheir-  
bhiseach, gach iomain leatha féin; agus thu-  
bhairt e r'a sheirbbhisich, Imichibh romham,  
agus cuiribh dealachadh eadar iomain agus  
iomain.

17 Agus dh'àithn e dhàsan a bh'air thois-  
each, ag ràdh, 'N uair a choinnicheas mo  
bhràthair Esau thu, agus a dh'fheòraicheas  
e dh'òt, ag ràdh, Co leis thu, agus c'àit a  
bheil thu dol? agus co leis iad sin a *tha*  
romhad?

18 An sin their thusa, *Buinidh iad* do  
d'sheirbhiseach Jacob; *is* tiodhlac a th'ann,  
a chuireadh a dh'ionnsuidh mo thighearn  
Esau: agus, feuch, mar an ceudna *tha* e  
féin 'n ar déigh.

19 Agus dh'àithn e mar sin do'n dara  
*seirbhiseach*, agus do'n treas, agus dhoibh-  
san uile a bha 'leantuin nan iomain, ag  
ràdh, Air an dòigh so labhraidh sibh ri  
h-Esau, 'n uair a gheibh sibh e.

20 Agus their sibh cuideachd, Feuch, *Tha*  
do sheirbhiseach Jacob 'n ar déigh-ne: oir  
thubhairt e, Ni mi réidh e leis an tiodhlac  
a théid romham, agus an déigh sin chi mi a  
ghnùis: theagamh gu'n gabh e rium.

21 Mar sin chaidh an tiodhlac thairis  
roimhe: agus dh'fhan e féin an oidhche sin  
's a' chuideachd.

22 Agus dh'éirich e suas 's an oidhche sin,  
agus ghabh e a dhà mhnaoi, agus a dhà  
bhanoglach, agus 'aon mhac deug, agus  
chaidh e thairis air àth Iaboic.

23 Agus ghabh e iad, agus chuir e thairis  
air an t-sruth iad, agus chuir e thairis na  
*bh'aige*.

24 Agus dh'fhan Jacob 'n a aonar; agus  
ghleac duine ris, gu ruig briseadh na faire.

25 Agus 'n uair a chunnaic e nach do  
bhuadhaich e air, an sin bhean e ri lag a  
shléisde; agus chaidh lag sléisde Iacoib as  
an alt 'n uair a bha e a' gleac ris.

26 Agus thubhairt e, Leig air falbh mi, oir  
tha'n fhàir a' briseadh: agus thubhairt  
esan, Cha leig mi air falbh thu, mur beann-  
aich thu mi.

27 Agus thubhairt e ris, Ciod e *is* ainm  
dhuith? agus thubhairt e, Iacob.

28 Agus thubhairt esan, Cha ghoirear  
Jacob n's mò dh'òt mar ainm, ach Israel:  
oir bha cumhachd agad mar uachdaran  
ri Dia, agus ri daoibh, agus thug thu  
buaidh.

29 Agus dh'fhiosraich Jacob *dheth*, agus  
thubhairt e, Innis *dhomh*, guidheam ort,  
d'ainm: agus thubhairt esan, C' ar son a  
tha thu a' farraid m'ainme. Agus bheann-  
aich e an sin c.

30 Agus thug Jacob Peniel mar ainm air  
an àite: oir chunnaic mi Dia aghaidh ri  
h-aghaidh, agus thearmadh m' anam.

31 Agus dh'éirich a' ghrian air, 'n uair a

chaidh e seach Peniel, agus *bha* e bacach  
air a shliasaid.

32 Uime sin cha-n ith clann Isracil de'n  
fhéith a chrup, a *tha* air lag na sléisde, gus  
an là'n diugh; a chionn gu'n do bhean e  
ri lag sléisde Iacoib 's an fhéith a chrup.

CAIB. XXXIII.

1 *Caoimhneas Iacoib agus Esau d'a chéile 'a*  
*uair a choinnich iad.* 18 *Aig Salem cheann-*  
*aich Jacob achadh, agus thog e altair.*

**A**GUS thog Jacob suas a shùilean, agus  
dh'amhaire e, agus, feuch, *bha* Esau  
a' teachd, agus maille ris ceithir chud  
fear. Agus roinn e a' chlànn do Leah,  
agus do Rachel, agus do'n dà bhanoglach.

2 Agus chuir e na banoglaich agus an  
clann air thoiseach, agus Leah agus a clann  
'n an déigh, agus Rachel agus Ioseph air  
dheireadh.

3 Agus chaidh e féin air 'aghaidh rompa,  
agus chrom se e féin gu làr seachd uairean,  
gus an d'thàinig e dlùth d'a bhràthair.

4 Agus ruith Esau 'n a choinneamh, agus  
ghabh e 'n a ghlacaibh e, agus thuit e air a  
mhùineal, agus phòg se e: agus ghul iad.

5 Agus thog e suas a shùilean, agus chunn-  
aic e na mnathan agus a' chlànn; agus  
thubhairt e, Cò iad sin a *tha* maille riut?  
agus thubhairt esan, A' chlànn a thug Dia  
gu gràmhor do d'sheirbhiseach.

6 An sin thàinig na banoglaich am fagus,  
iad féin agus an clann, agus chrom siad iad  
féin.

7 Agus thàinig Leah cuideachd am fagus  
maille r'a cloinn, agus chrom siad iad féin;  
agus an déigh sin thàinig Ioseph am fagus  
agus Rachel, agus chrom siad iad féin.

8 Agus thubhairt e, Ciod *is* *ciall* duit leis  
an iomain so uile, a choinnich mi? Agus  
thubhairt esan, Gu deadh-ghean fhaghail  
ann an sùilbh mo thighearna.

9 Agus thubhairt Esau, Tha agamsa pail-  
teas, a bhràthair; gléidh dhuit féin na bheil  
agad.

10 Agusthubhairt Jacob, Ni h-eadh, guidh-  
eam ort, ma fhuair mi nis deadh-ghean a'd'  
shùilbh, an sin gabh mo thiodhlac o m'  
làimh: oir uime sin chunnaic mi do ghnùis,  
mar gu'm faicinn gnùis Dhé, agus thaitinn  
mi riut.

11 Gabh, guidheam ort, mo bheannachadh  
a thugadh a'd' ionnsuidh, do bhrìgh gu'n do  
bhuin Dia gu toirbheartach rium, agus gu  
bheil agam mòr phailteas: agus rinn e ro-  
earail air, agus ghabh se e.

12 Agus thubhairt e, Gabhamaid ar turus,  
agus bithcamaid ag imeachd, agus théid  
mise maille riut.

13 Agus thubhairt e ris, Tha fios aig mo  
thighearn gu *bheil* a' chlànn maoth, agus na  
treudan agus an fheadail a *tha* maille rium,  
trom le h-àl; agus na dh'iomhaire iad gu  
dian aon là, gheibh an treud uile bàs.

14 Rachadh, guidheam ort, mo thighearn seachad roimh a sheirbhiseach: agus gabhaidh mise an t-slighe gu socrach, a réir mar a bhitheas an spréidh a *tha* romham, agus a' chlan, comasach air fhulang, gus an tig mi dh'ionnsuidh mo thighearna gu Seir.

15 Agus thubhairt Esau, Leig leam a nis *cuid* de'n mhuinntir a *tha* maille rium fhàgail marriut: Agus thubhairt esan, C'ar son sin? faigheam-sa deadh-ghean 'an sùilibh mo thighearna.

16 Mar sin phill Esau 's an là sin féin air a shlighe gu Seir.

17 Agus dh'imich Jacob gu Sucot, agus thog e dha féin tigh, agus rinn e bothain d'a spréidh: air an aobhar sin thugadh Sucot mar ainm air an áite.

18 Agus thàinig Jacob do Shalem, baile Shechem a *tha* ann an tìr Chanaain, 'n uair a thàinig e o Phadan-aram; agus shuidhich e a bhùth fa chomhair a' bhaile.

19 Agus cheannaich e mìr fearainn, far an do shuidhich e a bhùth, o làimh chloinne Hamoir athar Shechem, air eheud bonn airgid.

20 Agus chuir e suas altair an sin, agus thug e El-Elohe-Israel mar ainm oirre.

# CAIB. XXXIV.

1 *Thruaillleadh Dinah nighean Leah. 20 Timchioll-ghearradh muinntir Shechem; 25 Mharbhadh iad le mic Iacoib, 27 Agus chreachadh am baile.*

**A**GUS chaidh Dinah nighean Leah, a rug i do Jacob, a mach a dh'fhaicinn nigheanan na tìre.

2 Agus 'n uair a chunnaic Sechem mac Hamoir an Ibhich, uachdaran na tìre i, ghabh e i, agus luidh e leatha, agus thruaill e i.

3 Agus dhlùth-lean 'anam ri Dinah nighinn Iacoib, agus ghràdhaich e a' ghruagach, agus labhair e gu caomh ris a' ghruagaich.

4 Agus labhair Sechem ri Hamor 'athair, ag ràdh, Faigh dhomhsa a' ghruagach so mar mhnai.

5 Agus chuala Jacob gu'n do thruaill e Dinah a nighean. (Nis bha a mhic maille r'a spréidh 's a' mhachair) agus bha Jacob 'n a thosd gus an d'thàinig iad.

6 Agus chaidh Hamor athair Shechem a mach a dh'ionnsuidh Iacoib, a labhairt ris.

7 Agus thàinig mic Iacoib o'n mhachair 'n uair a chual' iad e, agus bha na daoine doilich, agus bha fearg mhòr orra, a chionn gu'n d'rinn e amaideachd ann an Israel, ann an luidhe le nighinn Iacoib, ni nach bu chòir a dheanamh.

8 Agus labhair Hamor riu, ag ràdh, Tha anam mo mhic Shechem 'an ro-gheall air blur nighinn: thugaibh dha i, guidheam oirbh, mar mhnai.

9 Agus deanaibh ceanglaichean-pòsaidh rainne; blur nigheanan-sa thugaibh

dhuinne, agus ar nigheanan-ne gabhaidh sibh dhuibhse.

10 Agus maille ruinne gabhaidh sibh còmh-nuidh: agus bithidh an tìr roimhibh; gabhaibh còmh-nuidh, agus deanaibh reic agus ceannaehd innte, agus faighibh seallbh innte.

11 Agus thubhairt Sechem r'a h-athair, agus r'a bràithribh, Faigheam deadh-ghean 'n ur sùilibh; agus ge b'e ni a their sibh rium, bheir mi *dhuibh*.

12 Air a mhead 's gu'n deansibh an dubhaird orm, agus an tiodhlac, bheir mi dhuibh eadhon mar a their sibh rium: a mhàin thugaibh dhomh a' ghruagach mar mhnai.

13 Agus fhreagair mic Iacoib Sechem agus Hamor 'athair le ceilg, agus labhair iad, (a chionn gu'n do thruaill e Dinah an piuthar.)

14 Agus thubhairt iad riu, Cha -n fheud sinne an ni so dheanamh, ar piuthar a thoirt do dhuine neo-timchioll-ghearrta: oir bhiodh sin 'n a mhasladh dhuinne.

15 Ach an so aontaichidh sinn leibh; ma bhios sibhse mar a *tha* sinne, gu'n timchioll-ghearrach gach firionnach 'n ur measg;

16 An sin bheir sinne ar nigheanan dhuibhse, agus bhur nigheanan-sa gabhaidh sinn dhuinne, agus gabhaidh sinn còmh-nuidh maille ribh, agus bithidh sinn 'n ar n-aon sluagh.

17 Ach mur éisd sibh ruinne, *sibh* a bhi air bhur timchioll-ghearradh, an sin gabhaidh sinne ar nighean, agus falbhaidh sinn.

18 Agus thaitinn am briathran ri Hamor, agus ri Sechem mac Hamoir.

19 Agus cha do chuir an t-òganach dàil anns an ni a dheanamh, a chionn gu'n robh tlachd aige ann an nighinn Iacoib: agus bha e ni b'urramaiche na tigh 'athar uile.

20 Agus thàinig Hamor, agus Sechem a mhae gu geatadh am baile, agus labhair iad ri daoineibh am baile, ag ràdh,

21 *Tha* na daoine so sìochail maille ruinn, air an aobhar sin gabhadh iad còmh-nuidh 's an tìr, agus deanadh iad reic agus ceannachd innte; thaobh an fhearainn, feuch, *tha* e farsaing ni 's leòir dhoibh: an nigheanan-sa gabhaidh sinne dhuinne mar mhnàibh, agus ar nigheanan-ne bheir sinne dhoibhsan.

22 A mhàin anns an ni so aontaichidh na daoine leinn, gu còmh-nuidh a ghabhail maille ruinn, gu bhi 'n ar n-aon sluagh, ma timchioll-ghearrach firionnach againne, mar a *tha* iadsan air an timchioll-ghearradh.

23 Nach leinne an spréidh, agus am maoin, agus an ainmhidhean uile? a mhàin aontachamaid leo, agus gabhaidh iad còmh-nuidh maille ruinn.

24 Agus dh'éisd gach neach a chaidh mach



air geatadh a bhaile ri Hamor, agus ri Sechem a mhac: agus thimchioll-ghearradh gach firionnach, iadsan uile a chaidh mach air geatadh a bhaile.

25 Agus air an treas là, 'n uair a bha iad air an cràdh, an sin ghabh dithis de mhic Iacoib, Simeon agus Lebhi, bràithrean Dhinah, gach fear aca a chlaidheamh, agus thàinig iad air a' bhaile gu dàna; agus mharbhadh iad gach firionnach.

26 Agus mharbhadh iad Hamor agus Sechem a mhac le faobhar a' chlaidheimh, agus thug iad Dinah à tigh Shechem, agus chaidh iad a mach.

27 Thàinig mic Iacoib air na mairbh, agus chreach iad am baile, a chionn gu'n do thruaill iad am piuthar.

28 An caoraich, agus am buar, agus an asail, agus na *bha*'s a' bhaile, agus na *bha*'s an fhearann, thog iad:

29 Agus am maoin uile, agus an clann bheag uile, agus am mnathan thug iad leo 'an daorsadh, agus thog iad 's a' chreich eadhon gach ni a *bha* stigh.

30 Agus thubhairt Iacob ri Simeon agus ri Lebhi, Chuir sibh trioblaid orm le m' dheanamh gràineil am measg luchd-àiteachaidh na tìre, am measg nan Canaanach, agus nam Peridseach: agus air dhomhsa 'bhi gam 'an àireamh, cruinnichidh siad iad féin cuideachd a' m' aghaidh, agus marbhaidh iad mi; agus cuir car as domh, agus do m' thigh.

31 Agus thubhairt iad, Am bu chòir dha buntainn ri r' piuthair-neimar ristriopaich?

### CAIB. XXXV.

1 *Thàinig Iacob gu Betel, far an do thog e altair do Dhia. 9 Tha e air a bheannachadh. 16 Bàs Rachel. 23 Mic Iacoib. 28 Aois Isaac, a bhàs, agus adhlac.*

**A**GUS thubhairt Dia ri Iacob, Eirich, imich suas gu Betel, agus gabh còmh-nuidh an sin; agus dean an sin altair do Dhia, a dh'fhoillsich e féin duit an uair a theich thu o ghnùis Esau do bhràthar.

2 Agus thubhairt Iacob r' a theaghlach, agus riu-san uile a *bha* maille ris Cuiribh uaibh na diathan coimheach a *tha* 'n 'ur measg, agus bithibh glan, agus mùthaibh bhuir n-eudach:

3 Agus éireamaid, agus rachamaid suas gu Betel; agus ni mise an sin altair do Dhia, a dh'fhoillsich e féin duit an uair a theich thu o ghnùis Esau do bhràthar.

4 Agus thug iad do Iacob na diathan coimheach uile a *bha* 'n an làimh, agus an cluas-flàinnean a *bha* 'n an clusaibh; agus dh'fholaich Iacob iad fo'n daraig a *bha* làimh ri Sechem.

5 Agus dh'imich iad: agus bha eagal Dhé air na bailtibh a *bha* mu'n cuairt orra, agus cha d'rinn iad tòireachd air mic Iacoib.

6 Mar sin thàinig Iacob gu Luds, a *tha* 'an

tìr Chanaain, eadhon Betel, e féin agus an sluagh uile a *bha* maille ris.

7 Agus thog e 'n sin altair, agus thug e El-betel mar ainm air an àite; do bhrìgh ann an sin gu'n d'fhoillsich Dia e féin dha, 'n uair a theich e o ghnùis a bhràthar.

8 Ach fhuair Deborah ban-altrum Rebecah bàs, agus dh'adhlacaidh i fo Bhetel, fo dhraig: agus thugadh Alon-bacut mar ainm air.

9 Agus dh'fhoillsich Dia e féin do Iacob a ris, an uair a thàinig e à Padan-aram; agus bheannaich se e.

10 Agus thubhairt Dia ris, 'S e Iacob a's ainm dhuit; cha-nainmichear thu Iacob ni's mò, ach 's e Israel a bhios 'n a ainm ort: agus thug e Israel mar ainm air.

11 Agus thubhairt Dia ris, 'S mise Dia uile-chumhachdach; bi sìolmhor agus fàs lionmhor: thig cinneach agus coimhthional chinneach uait, agus thig rìghrean a mach à d'leasruidh.

12 Agus am fearann a thug mi dh' Abraham agus a dh' Isaac, dhuit - se bheir mi e; agus do d' shìochd a'd' dhéigh bheir mi am fearann.

13 Agus ehaidh Dia suas uaith 's an àit 'an do labhair e ris.

14 Agus chuir Iacob suas carragh 's an àit 'an do labhair e ris, carragh cloiche, agus dhòirt e tabhartas-dibhe air, agus dhòirt e oladh air.

15 Agus thug Iacob Betel, mar ainm air an àite far an do labhair Dia ris.

16 Agus dh'imich iad o Bhetel, agus cha robh ach astar beag aca ri teachd gu h-Ephrat: agus thàinig tinneas cloinne air Rachel, agus bha saothair chruaidh oirre.

17 Agus 'n uair a bha i 'an cruaidh shaothair, an sin thubhairt a' bhean-ghlùine rithe, Na bithheadh eagal ort, oir *bithidh* am mac so agad cuideachd.

18 Agus 'n uair a bha 'h-anam a' dealachadh rithe, (oir fhuair i bàs,) thug i Benoni mar ainm air: ach dh'ainmich 'athair e Benjamin.

19 Agus fhuair Rachel bàs, agus dh'adhlacaidh i 's an t-slighe gu h-Ephrat, eadhon Betlehem.

20 Agus chuir Iacob suas carragh air a h-uaigh: 's e so carragh uaghe Rachel gus an là n diugh.

21 Agus ghabh Israel a thurus, agus shuidh-ich e a bhùth an taobh thall de thùr Edeir.

22 Agus 'n uair a bha Israel a chòmhnmhidh 's an tìr sin, chaidh Reuben, agus luidh e le Bilhah leannan 'athair: agus chual' Israel sin.

A nis bha dà mhac dhéug aig Iacob. 23 Mic Leah; Reuben ceud-ghin Iacoib, agus Simeon, agus Lebhi, agus Iudah, agus Isachar, agus Sebulun.

24 Mic Rachel; Ioseph, agus Benjamin.

25 Agus mic Bhilhah, bonoglaich Rachel; Dan, agus Naphtali.

26 Agus mic Shilpah, banoglaich Leah; Gad agus Aser. *Is iad sin mic Iacoib, a rugadh dha 'am Pagan-aram.*

27 Agus thàinig Iacob chum Isaac 'athar do Mhamre, gu baile Arbah, eadhon Hebron, far an robh Abraham agus Isaac air chuairt.

28 Agus b'iad laithean Isaac ceud bliadhna, 's ceithir fichead.

29 Agus thug Isaac suas an ded, agus dh'èug e, agus chruinnicheadh e chum a mhuinntir féin, agus e 'n a sheann duine, agus làn de laithibh. Agus dh'adhlac a mhic Esau agus Iacob e.

CAIB. XXXVI.

1 *Triuir bhan Esau. 9 A ghinealach ann an sliabh Sheir. 15 Na cinn-fheadhna a thàinig o 'mhic.*

**A** GUS *is* iad sin ginealach Esau, eadhon Edoim.

2 Ghabh Esau a mhnathan de nigheanaibh Chanaain; Adah nighean Eloin an Hitich, agus Aholibamah nighean Anah, nighinn Shibcoin an Hibhich;

3 Agus Basemat nighean Ismaeil, piuthar Nebaioit.

4 Agus rug Adah do Esau Eliphais; agus rug Basemat Reuel.

5 Agus rug Aholibamah Ieus, agus Iaalam, agus Corah; *Is iad sin mic Esau, a rugadh dha ann an tìr Chanaain.*

6 Agus ghabh Esau a mhnathan, agus a mhic, agus a nigheanan, agus uile mhuinntir a thighe, agus a spréidh, agus 'ainmhidhean uile, agus a mhaoin uile, a fhuair e ann an tìr Chanaain; agus chaidh e do thìr *eile* o ghnùis a bhràthar Iacoib.

7 Oir bha 'n saoihbreas ni bu mhò na gu'm feudadh iad còmhnuidh a ghabhail cuid-eachd; agus cha b'urrainn an tìr anns an robh iad 'n an coigrich, an giùlan air son an spréidhe.

8 Mar so ghabh Esau còmhnuidh ann an sliabh Sheir: *is e Esau Edom.*

9 Agus *is* iad sin ginealach Esau, athar nan Edomach, ann an sliabh Sheir:

10 *Is* iad sin ainmeannan mhac Esau; Eliphais mac Adah mnà Esau, Reuel mac Bhasemait mnà Esau.

11 Agus b'iad mic Eliphais Teman, Omar, Sepho, agus Gatam, agus Cenas.

12 Agus bha Timna 'n a leannan aig Eliphais, mac Esau; agus rug i do Eliphais Amalec: *b'iad sin mic Adah, mnà Esau.*

13 Agus *is* iad sin mic Reueil; Nahat, agus Serah, Samah, agus Midsah: *b'iad sin mic Bhasemait, mnà Esau.*

14 Agus *b'* iad sin mic Aholibamah, nighinn Anah, nighinn Shibcoin, mnà Esau: agus rug i do Esau Ieus, agus Iaalam, agus Corah.

15 *B'* iad sin na cinn-fheadhna de mhic Esau: mic Eliphais, ceud-ghin Esau; Teman ceann-fheadhna, Omar ceann-fheadhna, Sepho ceann-fheadhna, Cenas ceann-fheadhna,

16 Corah ceann-fheadhna, Gatam ceann-fheadhna, agus Amalec ceann-fheadhna: *is* iad sin na cinn-fheadhna a thàinig o Eliphais, ann an tìr Edoim: *b'iad sin mic Adah.*

17 Agus *is* iad sin mic Reueil, mhic Esau; Nahat ceann-fheadhna, Serah ceann-fheadhna, Samah ceann-fheadhna, Midsah ceann-fheadhna. *Is* iad sin na cinn-fheadhna a thàinig o Reuel, ann an tìr Edoim: *is* iad sin mic Bhasemait, mnà Esau.

18 Agus *is* iad sin mic Aholibamah, mnà Esau; Ieus ceann-fheadhna, Iaalam ceann-fheadhna, Corah ceann-fheadhna: *b'* iad sin na cinn-fheadhna a thàinig o Aholibamah nighinn Anah, mnà Esau.

19 *Is* iad sin mic Esau, eadhon Edoim; agus *is* iad sin an cinn-fheadhna.

20 *Is* iad sin mic Sheir an Horich, luchd-àiteachaidh na tìre; Lotan, agus Sobal, agus Sibeon, agus Anah.

21 Agus Dison, agus Edser, agus Disan: *is* iad sin cinn-fheadhna nan Horach, cloinne Sheir, ann an tìr Edoim.

22 Agus *b'* iad clann Lotain Hori, agus Heman: agus *b'i* Timna piuthar Lotain.

23 Agus *b'* iad sin clann Shobail; Albhan, agus Manahat, agus Ebal, Sepho, agus Onam.

24 Agus *b'* iad sin clann Shibcoin; araon Aiah, agus Anah: *b'* e so an t-Anah, a fhuair a mach na muileidean 's an fhàsach, an uair a bha e 'g ionaltradh asalan Shibcoin 'athar.

25 Agus *b'* iad sin clann Anah; Dison, agus Aholibamah nighean Anah.

26 Agus *b'iad* sin clann Dhisoin; Hemdan, agus Esban, agus Itran, agus Cheran.

27 *B'* iad sin clann Eseir; Bilhan, agus Saabhan, agus Achan.

28 *B'* iad sin clann Dhisain; Uds, agus Aran.

29 *B'* iad sin cinn-fheadhna nan Horach; Lotan ceann-fheadhna, Sobal ceann-fheadhna, Sibeon ceann-fheadhna, Anah ceann-fheadhna, 30 Dison ceann-fheadhna, Eser ceann-fheadhna, Disan ceann-fheadhna: *is* iad sin na cinn-fheadhna a thàinig o Hori, an measg an ceann-fheadhna-san ann an tìr Sheir.

31 Agus *is* iad sin na rìghrean a rìghich ann an tìr Edoim, mun do rìghich rìgh *sam bith* air cloinne Israeil.

32 Agus rìghich ann an Edom Belah mac Bheoir; agus *b'e* ainm a bhaile Dimhabah.

33 Agus dh'èug Belah, agus rìghich Iobab mac Sherah o Bhosrah 'n a àite.

34 Agus dh'èug Iobab, agus rìghich Husam o thìr Themani 'n a àite.

35 Agus dh'èug Husam, agus rìghich Hadad mac Bhedaid, a bhual Midian 'am fearann Mhoab, 'n a àite: agus *b'e* ainm a bhaile Abhit.

36 Agus dh'èug Hadad, agus rìghich Samlah o Mhasrecah 'n a àite.



37 Agus dh'eug Samlah, agus rìghich Saul o Rehobot, *laimh ris* an amhainn, 'n a àite.

38 Agus dh'eug Saul, agus rìghich Baalhanan mac Achboir 'n a àite.

39 Agus dh'eug Baalhanan mac Achboir, agus rìghich Hadar 'n a àite: agus *b'e* ainm a bhaile Pau; agus ainm a mhà Meheteabel, nighean Mhatreid, nighinn Mhedsahaib.

40 Agus *is* iad sin ainmean nan ceann-feadhna *a thàinig* o Esau, a réir an teaghaichean, a réir an àiteachan, 'n an ainmibh; Timnah ceann-feadhna, Albah ceann-feadhna, Ietef ceann-feadhna,

41 Aholibamah ceann-feadhna, Elah ceann-feadhna, Pinon ceann-feadhna,

42 Cenas ceann-feadhna, Teman ceann-feadhna, Mibsar ceann-feadhna,

43 Magdiel ceann-feadhna, Iram ceann-feadhna: *is* iad sin cinn-fheadhna Edoim, a réir an àiteacha-còmhnuidh, ann an tìr an seilbh; *is* esan Esau, athair nan Edomach.

CAIB. XXXVII.

1 *Dh' fhuathaicheadh Ioseph le a bhràithribh.* 5 *A dhà aising.* 18 *Chuir a bhràithrean an comhairle ri 'chéile gus a mharbhadh; ach shaor Reuben e.* 36 *Reiceadh e ri Potiphar 's an Eipht.*

**A** GUS ghabh Iacob còmhnuidh 's an tìr anns an robh 'athair 'n a choigreach, ann an tìr Chanaan.

2 *Is* iad so ginealach Iacoib: 'N uair a bha Ioseph seachd bliadhna déug a dh'aois, bha e a' buachailleachd an treud' maille r'a bhràithribh, agus *bha* 'n t-òganach maille ri mic Bhilbah, agus maille ri mic Shilpah, mnathan 'athar; agus thug Ioseph an droch thuairesgeul-san a dh'ionnsuidh 'athar.

3 Agus bu docha le h-Israel Ioseph na 'mhic uile, a chionn gu'm *b'e* mac a shean aois e: agus rinn e dha còta dh' *iomadh* dath.

4 Agus 'n uair a chunnaic a bhràithrean gu'm bu docha le 'athair e na 'bhràithrean uile, dh'fhuathaich iad e, agus cha b'urrainn iad labhairt ris gu sìochail.

5 Agus chunnaic Ioseph aising, agus dh'innis e d'a bhràithribh *i*, agus dh'fhuathaich iad e fathast ni's mò.

6 Agus thubhairt e riu, Eisdibh, guidheam oirbh, ris an aising so a chunnaic mi:

7 Oir, feuch, *bha* sinn a' ceangal sguab 's an achadh, agus, feuch, dh'éirich mo sguab-sa suas, agus sheas i gu dìreach; agus, feuch, sheas bhur sguaban-sa mu'n cuairt oirre, agus rinn iad ùmhlaichd do m' sguab-sa.

8 Agus thubhairt a bhràithrean ris, Am bi thusa gun amharus a'd' rìgh oirme? Am bi agad d'a rìreadh tighearnas oirme? Agus dh'fhuathaich iad e fathast ni's mò air son 'aisingean, agus air son a bhrìathran.

9 Agus chunnaic e fathast aising eile, agus dh'innis e d'a bhràithribh *i*, agus thubhairt e, Feuch, chunnaic mi aising eile; agus,

feuch, rinn a' ghrian agus a ghealach, agus an aon reul deug, ùmhlaichd dhomh.

10 Agus dh'innis e d'a athair *i*, agus d'a bhràithribh: agus thug 'athair achmhasan da, agus thubhairt e ris, Ciod i an aising so a chunnaic thu? An e gu'n tig d'a rìreadh mise, agus do mhàthair, agus do bhràithrean, chum sinn féin a chromadh sìos dhuit-sa gu làr?

11 Agus bha farmad aig a bhràithribh ris; ach thug 'athair fainear a' chainnt.

12 Agus chaidh a bhràithrean a dh'ional-tradh treud an athar do Shechem.

13 Agus thubhairt Israel ri Ioseph, Nach 'eil do bhràithrean ag ionaltradh an treud ann an Sechem? Thig, agus cuiridh mi thu d'an ionnsuidh. Agus thubhairt e ris, *Tha* mise an so.

14 Agus thubhairt e ris, Imich, guidheam ort, faic am bheil do bhràithrean gu maith, agus am bheil an treud gu maith; agus thoir fios do m' ionnsuidh a ris. Mar sin chuir e mach e á gleanna Hebroin, agus thàinig e gu Sechem.

15 Agus fhuair duine *àraidh* e, agus, feuch, *bha* e air seacharan 's a' mhachair; agus dh'fheòraich an duine dh' e ag ràdh, Ciod a tha thu 'g iarraidh?

16 Agus thubhairt e, Tha mi 'g iarraidh mo bhràithrean: innis dhomh, guidheam ort, c'aist am bheil iad ag ionaltradh an treud.

17 Agus thubhairt an duine, Dh'fhalbh iad à so: oir chuala mi iad ag ràdh, Rachamaid gu Dotan. Agus chaidh Ioseph an déigh a bhràithrean, agus fhuair e iad ann an Dotan.

18 Agus 'n uair a chunnaic iad e fada uatha, eadhon mun dh'thàinig e am fagus doibh, chuir iad an comhairle ri 'chéile 'n a aghaidh, gus a mharbhadh.

19 Agus thubhairt iad r'a chéile, Feuch, tha an t-aislingiche so a' teachd.

20 Thigibh a nis ma ta, agus marbhamaid e, agus tilgeamaid e ann an slochd éigin; agus their sinn, Chuir droch bhéist éigin as da: agus chi sinn ciod gus an tig 'aisingean.

21 Agus chuala Reuben so, agus shaor e as an làimh e, agus thubhairt e, Na cuireamaid gu bàs e.

22 Agus thubhairt Reuben riu, Na dòirtibh fuil; tilgibh e 's an t-slochd so; a *tha* 's an fhàsach, agus làmh na cuiribh air; a chum as gu'n saoradh e as an làimh e, agus gu'n aigeadh e a ris d'a athair e.

23 Agus 'n uair a thàinig Ioseph a dh'ionnsuidh a bhràithrean, an sin bhuin iad do Ioseph a chòta, còta nan *iomadh* dath, a *bha* air.

24 Agus ghabh iad e, agus thilg iad e ann an slochd; agus *bha* 'n slochd falamh, gun uisge ann.

25 Agus shuidh iad sìos a dh'itheadh arai; agus thog iad suas an stuic an agus dh'amhairc iad, agus, feuch, *bha* cuideachd do

chloinn Ismaeil a' teachd o Ghilead, le'n càmhalan a' giùlan spìosraidh, agus ioc-shlaint, agus mirr, a' dol gus an tabhairt sìos do'n Eiphit.

26 Agus thubhairt Iudah r'a bhràithribh, Cìod an tairbhe a *bhios ann dhuinne*, ma mharbh sinn ar bràthair, agus ma cheileas sinn 'fhuil?

27 Thigibh, agus reiceamaid e ris na h-Ismaelich, agus na cuireamaid làmh air; oir *is e* ar dearbh-bhràthair e, agus ar fèil: agus dh'éisd a bhràithrean ris.

28 An sin chaidh Midianaich seachad, ceannaichean; agus tharruing iad agus thog iad suas Ioseph as an t-slochd, agus reic iad Ioseph ris na h-Ismaelich air fichead *bonn* airgid. Agus thug iadsan Ioseph do'n Eiphit.

29 Agus phill Reuben a dh'ionnsuidh an t-sluichd; agus, feuch, cha *robh* Ioseph 's an t-slochd: agus reub e 'eudach.

30 Agus phill e dh'ionnsuidh a bhràithrean, agus thubhairt e, *Cha-n'èil* an leanabh ann; agus mise, c'àit an téid mi?

31 Agus ghabh iad còta Ioseph, agus mharbh iad meann de na gabhraibh, agus thum iad an còta 's an fhuil.

32 Agus chuir iad uatha còta nan *iomadh* dath, agus thug iad e dh'ionnsuidh an athar; agus thubhairt iad, Fhuair sinne so: aithnich a nis an e so còta do mhic, no nach e.

33 Agus dh'aithnich se e, agus thubhairt e, Còta mo mhic; chuir droch bhéisd as da: tha Ioseph gun teagamh air a réubadh as a chéile.

34 Agus reub Iacob, 'eudach, agus chuir e eudach-saic air a leasruidh, agus rinn e bròn air son a mhic rè mòraim laithean.

35 Agus dh'éirich a mhic uile, agus a nigheanan uile suas, a thabhairt sòlais da; ach dh'iùlt esan sòlas a ghabhail; agus thubhairt e, Oir théid mi sìos do 'n uaigh a chum mo mhic ri bròn. Mar so rinn 'athair caoidh air a shon.

36 Agus reic na Midianaich e 's an Eiphit ri Potiphar, oifigeach le Pharaoh, ceannard an fhriccadain.

CAIB. XXXVIII.

1 *Ghlin Iudah Er, Onan, agus Selah.* 6 *Phòs Er Tamar.* 8 *Cionta agus bàs Onain.* 11 *Dh' fhan Tamar ri Selah.*

**A**GUS 's an àm sin féin chaidh Iudah sìos o 'bhràithribh, agus thionndaidh e steach a dh'ionnsuidh Adulamaich àraidh, d'am b'ainm Hirah.

2 Agus chunnaic Iudah an sin nighean Canaanaich àraidh, d'am b'ainm Suah: agus ghabh e i, agus chaidh e steach d'a h-ionnsuidh.

3 Agus dh'fhàs i torrach, agus rug i mac; agus thug e Er mar ainm air.

4 Agus dh'fhàs i torrach a ris, agus rug i mac; agus thug i Onan mar ainm air.

5 Agus dh'fhàs i torrach fathast, agus rug i mac; agus thug i Selah mar ainm air: agus bha esan ann an Chedsib, an uair a rug i e.

6 Agus ghabh Iudah bean do Er a cheud-ghlin, d' *am* b'ainm Tamar.

7 Agus bha Er, ceud-ghlin Iudah, aingidh ann an sealladh an Tighearna; agus mharbh an Tighearn e.

8 Agus thubhairt Iudah ri h-Onan, Falbh a steach a dh'ionnsuidh mnà do bhràthar, agus pòs i, agus tog suas sliochd do d' bhràthair.

9 Agus bha fios aig Onan nach b'ann leis féin a bhiodh an sliochd; agus 'n uair a chaidh e steach a dh'ionnsuidh mnà a bhràthar, dhòirt e air a' bhàr e, chum nach tugadh e sliochd d'a bhràthair.

10 Agus bha an ni a rinn e olc ann an sealladh an Tighearna: uime sin mharbh e esan mar an ceudna.

11 An sin thubhairt Iudah ri Tamar mnaoi a mhic, Fan a'd' bhantraich ann an tigh d'athar, gus am fàs mo mhac Selah suas; oir thubhairt e, Air eagal gu'm faigheadh esan bàs mar an ceudna, mar a *fhuair* a bhràithrean. Agus dh'fhalbh Tamar, agus dh'fhan i 'n tigh a h-athar.

12 Agus ùine fhada 'n déigh sin fhuair nighean Shuah, bean Iudah, bàs: agus thog Iudah a mhiseach, agus chaidh e suas a dh'ionnsuidh luchd-lomairt a chaorach, e féin agus a charaid Hirah an t-Adulamach, gu Timnat.

13 Agus dh'innseadh do Thamar, ag ràdh, Feuch, *tha* d'athair-céile a' dol suas gu Timnat a lomairt a chaorach.

14 Agus chuir i a culaidh-bantraich dhith, agus chòmhdaich si i féin le gnùis-bhrat, agus phaisg si i féin, agus shuidh i ann an ionad follaiseach, a *tha* làmh ris an t-slighe gu Timnat: oir chunnaic i gu'n d'fhàs Selah suas, agus nach d'thugadh i dha mar mhnai.

15 'N uair a chunnaic Iudah i, shaoil e gu'm *bu* striopach i, a chionn gu'n do chòmhdaich i a h-eudan.

16 Agus thionndaidh e d'a h-ionnsuidh air an t-slighe, agus thubhairt e, Leig leam, guidheam ort, teachd a steach 'ad' ionnsuidh; oir cha robh fhios aige gu'm *b'i* bean a mhic i: agus thubhairt i, Cìod a bheir thu dhomh, a chum as gu'n tig thu steach do m' ionnsuidh?

17 Agus thubhairt esan, Cuiridh mi meann a'd' ionnsuidh o'n treud: agus thubhairt ise, An toir thu geall *domh* gus an cuir thu do m' ionnsuidh e?

18 Agus thubhairt e, Cìod an geall a bheir mi dhuit? Agus thubhairt ise, Do sheula, agus do làmh-fhailean, agus do lorg a *tha* 'a d' làmh: agus thug e dh'i *iad*, agus chaidh e steach d'a h-ionnsuidh, agus rinneadh i torrach leis.

19 Agus dh'éirich i, agus dh'fhalbh i



roimpe, agus chuir i seachad a gnùis-bhrat uaipe, agus chuir i a culaidh-bantraich oirre.

20 Agus chuir Iudah am meann le làimh a charaid an Adulamaich, chum as gu'n faigheadh e 'n geall o làimh na mnà: ach cha d'fhuair e i.

21 An sin dh'fhèdreach e de dhaoimibh an àite sin, ag ràdh, C'ait am bheil an strìopach a bha gu follaiseach ri taobh na slighe? Agus thubhairt iadsan, Cha robh strìopach sam bith an so.

22 Agus phill e dh'ionnsuidh Iudah, agus thubhairt e, Cha d'fhuair mi i: agus mar an ceudna thubhairt daoine an àite, Cha robh strìopach sam bith an so.

23 Agus thubhairt Iudah, Gabhadh i dh'i féin e, air eagal gu maslaichear sinn: feuch, chuir mi am meann so d' a h-ionnsuidh, agus cha d'fhuair thu i.

24 Agus beul ri tri mìosan an déigh sin, dh'innseadh do Iudah, ag ràdh, Rinn Tamar bean do mhic strìopachas; agus, feuch, cuideachd, tha i torrach le strìopachas. Agus thubhairt Iudah, Thugaibh a mach i, agus loisgear i.

25 'N uair a thugadh a mach i, chuir i fios a dh'ionnsuidh a h-athar-céile, ag ràdh, Aig an fhear d'am buin iad sin tha mise lethtromach: agus thubhairt i, Faic, guidheam ort, cia leis an seula, agus na làmh-fhailean, agus an lorg so.

26 Agus ghabh Iudah riu, agus thubhairt e, Bha i ni bu cheirte na mise, a chionn nach d'thug mi i do Shelah mo mhac: agus cha robh aithne aige oirre ni's mò.

27 Agus an uair a bha i ri saothair chloinne, feuch, bha leth-aona 'n a bolg.

28 Agus an uair a bha i ri saothair, chuir a h-aon diubh mach a làmh: agus rug a' bheanghlùine air a làimh, agus cheangail i snàthainn scàrlaid oirre, ag ràdh, Thàinig e so a mach an toiseach.

29 Agus 'n uair a tharruing e a làmh air ais, feuch, thàinig a bhràthair a mach; agus thubhairt ise, Cionnus a bhris thusa mach? bitheadh am briseadh so ortsa: Uime sin thugadh Phares mar ainm air.

30 Agus an déigh sin thàinig a bhràthair a mach, aig an robh an snàthainn scàrlaid air a làimh; agus thugadh Sarah mar ainm air.

# CAIB. XXXIX.

1 Rinn Potiphar Ioseph 'n a fhear-riaghlaidh air a thigh. 8 A gheannuidheachd. 19 Chuireadh 'am prìosan e; 21 ach bha an Tighearn maille ris, agus nochd fear-gleidhidh a' phrìosain a dheadh ràn da.

**A**GUS thugadh Ioseph sìos do'n Eiphit; agus cheannach Potiphar, oifigeach le Pharaoh, ceannard an flreiceadain, Eiphiteach, e o làimh nan Ismaelach, a thug sìos an sin e.

2 Agus bha 'n Tighearn maille ri Ioseph,

agus bha e 'n a dhuine leis an do shoirbhich gach ni; agus bha e'n tigh a mhaighstir an Eiphitich.

3 Agus chunnaic a mhaighstir gu 'n robh an Tighearn maille ris, agus gu'n d'thug an Tighearn air gach ni a rium e soirbh-eachadh 'n a làimh.

4 Agus fhuair Ioseph deadh-ghean 'n a shealladh, agus rinn e seirbhis dha: agus rinn se e 'n a fhear-riaghlaidh air a thigh, agus gach ni a bh'aige chuir e fo 'laimh.

5 Agus o'n àm sin féin 's an d' rinn se e 'n a fhear-riaghlaidh air a thigh, agus air gach ni a bh'aige, bheannaich an Tighearn tigh an Eiphitich air sgàth Ioseph: agus bha beannachadh an Tighearn' air gach ni a bh'aige, anns an tigh, agus anns a' mhachair.

6 Agus dh'fhàg e gach ni a bh'aige 'an làmh Ioseph, agus cha b'fhios da aon ni a bh'aige, saor o'n aran a bha e 'g itheadh: agus bha Ioseph 'n a dhuine maiseach, agus sgiambach 's an aghaidh.

7 Agus an déigh nan nithean sin leag bean a mhaighstir a suilean air Ioseph, agus thubhairt i, Luidh leamsa.

8 Agus dhùilt esan, agus thubhairt e ri mnaoi a mhaighstir, Feuch, cha n-c'eil fios aig mo mhaighstir ciod a tha maille rium 's an tigh, agus gach ni a th'aige chuir e fo m' làimh-sa.

9 Cha n-'eil neach 's an tigh so a's mò na mise; agus cha do chum e uam ni sam bith ach thusa, a chionn gur tu a bhean: cionnus uime sin a ni mise an t-òle mòr so, agus a pheacaicheas mi an aghaidh Dhé?

10 Agus thachair e, 'n uair a labhair i ri Ioseph o là gu là, nach éisdadh esan rithe, gu luidhe leatha, no bhi maille rithe.

11 Agus thachair e air là àraidh, gu'n deachaidh esan a steach do 'n tigh a dhean-amh 'oibre féin, agus cha robh a h-aon do dhaoimibh an tigh an sin a stigh.

12 Agus rug i air air 'eudach-uachdair, ag ràdh, Luidh leamsa: agus dh'fhàg e 'eudach-uachdair 'n a làimh, agus theich e, agus thàr e mach.

13 Agus an uair a chunnaic ise gu 'n d'fhàg e 'eudach-uachdair 'n a làimh, agus gu 'n do theich e mach,

14 An sin ghairm i air daoimibh a tighe, agus labhair i riu, ag ràdh, Faicibh, thug e steach d'ar n-ionnsuidh Eabhluidheach gar maslachadh: thàinig e steach a m' ionnsuidhs' a luidhe leam, agus ghlaodh mise le guth àrd:

15 Agus 'n uair a clual' e gu'n do thog mi suas mo ghuth, agus gu'n do ghlaodh mi, an sin dh'fhàg e 'eudach-uachdair maille rium, agus theich e, agus chaidh e mach.

16 Agus thaisg i 'eudach-uachdair làimh rithe, gus an d'thàinig a mhaighstir dhachaidh.

17 Agus labhair i ris a réir nam briathran

so, ag ràdh, Thàinig an scirbhiseach Eabh-ruidheach, a thug thu d'ar n-ionnsuidh, a steach do m' ionnsuidh-sa gu m' mhaslach-adh:

18 Agus an uair a thog mise suas mo ghuth, agus a ghlaodh mi, an sin dh'fhàg e eudach-uachdair maille rium, agus theich e mach.

19 Agus 'n uair a chual' a mhaighstir briathran a mhnà, a labhair i ris, ag ràdh, Air an dòigh so rinn do sheirbhiseach orm; an sin las 'Thearg suas.

20 Agus ghabh maighstir Ioseph e, agus chuir e 's a' phrìosan e, far an robh prìos-anaich an rìgh ceangailte: agus bha e an sin 's a' phrìosan.

21 Ach bha 'n Tighearn maille ri Ioseph, agus nochd e tròcair dha, agus thug e dha deadh-ghcan ann an sùilb fhìr-gleidhidh a' phrìosain.

22 Agus chuir fear-gleidhidh a' phrìosain fo làimh Ioseph na prìosanaich uile a *bha* 's a' phrìosan; agus gach ni a rinn iad an sin, b'esan a rinn e.

23 Cha d'amhairc fear-gleidhidh a' phrìosain air ni sam bith a *bha* fo 'làimh, a chionn gu'n robh an Tighearn maille ris agus an *ni sin* a rinn e, thug an Tighearn air soir-bheachadh leis.

CAIB. XL.

1 *Thilgeadh 'am prìosan àrd bhuidealair, agus àrd fhuineadair rìgh na h-Eiphit.* 4 *Chuir ceannard an fhreiceadain an cùram air Ioseph.* 5 *Dh'eadar-mhìnich e an aistingeann dhoibh.*

**A**GUS an déigh nan nithean sin chuir bhuidealair rìgh na h-Eiphit, agus 'fhuineadair, fearg air am maighstir, rìgh na h-Eiphit.

2 Agus bhà corruich mhòr air Pharaoh ri dithis d'a sheirbhìsich, ris an àrd bhuidealair, agus ris an àrd fhuineadair.

3 Agus chuir e 'n làimh iad ann an tigh ceannaird an fhreiceadain 's a' phrìosan, far an robh Ioseph ceangailte.

4 Agus chuir ceannard an fhreiceadain an cùram air Ioseph, agus fhrithheil e dhoibh; agus dh'fhàil iad tamull ann an làimh.

5 Agus chunnaic iad aising le 'chéile, gach fear *aca* aising féin 's an aon oidhche, gach fear a réir eadar-mhìneachaidh 'aistlinge; am buidealair agus fuineadair rìgh na h-Eiphit, a *bha* ceangailte 's a' phrìosan.

6 Agus thàinig Ioseph a steach d'an ionnsuidh 's a' mhàduinn, agus dh'amhairc e orra, agus, feuch, *bha* iad dubhach.

7 Agus dh'fhearaich e de sheirbhìsich Pharaoh, a *bha* 'n làimh maille ris ann an tigh a mhaighstir, ag ràdh, C'ar son a tha bhur gnùis co muladach an diugh?

8 Agus thubhairt iad ris, Chunnaic sinn aising, agus cha *n-eil neach againn* a dh'eadar-mhìnichas i. Agus thubhairt

Ioseph riu, Nach ann o Dhia *tha* gach eadar-mhìneachadh? innsibh dhomhs' *iad*, guidheam oirbh.

9 Agus dh'innis an t-àrd bhuidealair 'aistling do Ioseph, agus thubhairt e ris, A'm' aistling-sa, feuch, *bha* fionain fa m' chomhair.

10 Agus air an fhìonain *bha* trì meanglain; agus *bha* i mar gu'm biodh i a' bris-cadh a mach, agus thàinig i fo a làn bhlàth, agus thug a bagaidean dearcann abuhich uatha.

11 Agus *bha* cupan Pharaoh a'm' làimh; agus ghabh mi na fìon-dhearcann, agus dh'fhàisg mi iad 'an cupan Pharaoh, agus thug mi 'n cupan 'an làimh Pharaoh.

12 Agus thubhairt Ioseph ris, 'S e so a h-eadar-mhìneachadh: Na trì meanglain, *is* trì làithean iad.

13 Eadhon 'an ceann thri làithean togaidh Pharaoh suas do cheann, agus bheir e ris gu d'àite féin thu; agus bheir thu cupan Pharaoh 'u a làimh, mar a b'abhuist duit roimhe, 'n uair a bha thu a'd' bhuidealair aige.

14 Ach cuimhnich thusa ormsa 'n uair a dh'éireas gu maith dhuit, agus dean, guidheam ort, caomhnas domh; agus dean iomradh orm ri Pharaoh, agus thoir a mach mi as an tigh so:

15 Oir gu deimhin ghoideadh air falbh mi à tìr nan Eabhruideach, agus mar an ceudna 'an so cha d'rinn mi ni sam bith gu 'n cuirteadh 's an t-slochd mi.

16 'N uair a chunnaic an t-àrd fhuineadair gu'n d'eadar-mhìnich e gu maith, thubhairt e ri Ioseph, *Bha* mise mar an ceudna a'm' aising, agus, feuch, *bha* trì bascaidean geala air mo cheann:

17 Agus anns a' bhascaid a b'àirde *bha* de gach seòrsa bidh air son Pharaoh de dheasachadh an fhuineadair; agus dh'ith an eunlaith iad a mach as a' bhascaid air mo cheann.

18 Agus fhreagair Ioseph, agus thubhairt e, *Is* e so a h-eadar-mhìneachadh: Na trì bascaidean, *is* trì làithean iad.

19 'An ceann thri làithean togaidh Pharaoh suas do cheann dhìot, agus crochaidh e thu air crann, agus ithidh an eunlaith d'fheòil dhìot.

20 Agus air an treas là, combainm là breithe Pharaoh, rinn e cuirm d'a sheirbhìsich uile: agus thog e suas ceann an àrd bhuidealair, agus ceann an àrd fhuineadair am measg a sheirbhìseach.

21 Agus thug e an t-àrd bhuidealair a chum a bhuidealairachd a ris; agus thug e 'n cupan 'an làimh Pharaoh:

22 Ach chroch e 'n t-àrd fhuineadair, mar a dh'eadar-mhìnich Ioseph dhoibh.

23 Gidheadh cha do chuimhnich an t-àrd bhuidealair air Ioseph, ach dh'i-chuimhnich se e.



CAIB. XLI.

1 *Dà aisling Pharaoh. 25 Dh'eadar-mhìnich Ioseph iad. 33 Thug e conhairte do Pharaoh. 35 Rinneadh e 'n a uachdaran air tìr na h-Eiphit. 56 Bha gorta air aghaidh na talmhainn uile.*

**A**GUS 'an ceann dà bhliadhna iomlan chunnaic Pharaoh aisling; agus, feuch, sheas e làimh ris an amhainn:

2 Agus, feuch, thàinig a nìos as an amhainn seachd bà, sgiabhach r'am faicinn, agus reamhar 'am feoil; agus bha iad ag ionaltradh ann am mìn-fheur.

3 Agus, feuch, thàinig seachd bà eile nìos 'n an déigh as an amhainn, grannda r'am faicinn, agus caol 'n am feoil; agus sheas iad làimh ris na bà *eile*, air bruaich na h-aimehne.

4 Agus dh'ith na bà a *bha* grannda r'am faicinn agus caol 'n am feoil suas na seachd bà sgiabhach agus reamhar. Mar sin dhùisg Pharaoh.

5 Agus choidil, agus chunnaic e aisling an dara uair: Agus, feuch, dh'èirich suas seachd diasan arbhair air aon choinnleinn, reachdmhor agus maith.

6 Agus, feuch, dh'fhàs suas 'n an déigh seachd diasan caola, agus air an seargadh leis a' ghaoith an ear.

7 Agus shluig na seachd diasan caola suas na seachd diasan reachdmhor agus làn: agus dhùisg Pharaoh, agus, feuch, *b'* aisling a *bh' ann*.

8 Agus 's a' mhaduinn bha a spiorad air a bhuaireadh; agus chuir e *fios* uath, agus ghairm e uile dhruidhean na h-Eiphit, agus a daoine glic' uile: agus dh'innis Pharaoh 'aisling dhoibh; ach cha *robh* neach ann a mhìnicheadh iad do Pharaoh.

9 An sin labhair an t-àrd bhuidealair ri Pharaoh, ag ràdh, An dùgh tha mis' a' cuimhneachadh mo lochdan.

10 Bha fearg air Pharaoh r'a sheirbhisich, agus chuir e mise 'an làimh ann an tigh ceannaird an fhreiceadain, *araon* mise, agus an t-àrd fhineadair.

11 Agus chunnaic sinn aisling 's an aon oidheche, mis' agus esan: chunnaic *gach* fear *againn* aisling a réir mineachaidh 'aislinge.

12 Agus *bha* 'n sin maille ruinn òganach Eabhruidheach, seirbhiseach do cheannard an fhreiceadain; agus dh'innis sinn da, agus mhìnich e dhuinn ar n-aislingean: do *gach* fear againn a réir 'aislinge mhìnich e.

13 Agus mar a mhìnich e dhuinn, mar sin bha e: mise chuir e ris ann am àite, agus esan chroch e.

14 Agus chuir Pharaoh *teachdaire* uath, agus ghairm e Ioseph, agus thug iad le cabhaig a mach as an t-slochd e: agus bhearr se e *fein*, agus mhùth e 'eudach, agus thàinig e steach a dh'ionnsuidh Pharaoh.

15 Agus thubhairt Pharaoh ri Ioseph, Chunnaic mi aisling, agus cha *n-eil* neach

ann a mhìnicheas i: agus chuala mi air a ràdh mu d'fhìneadh-sa, 'n uair a chluinneas tu aisling, gur aithne dhuit a mineachadh.

16 Agus fhreagair Ioseph Pharaoh, ag ràdh, Cha *n-eile* annamsa: bheir Dia freagradh sìthe do Pharaoh.

17 Agus thubhairt Pharaoh ri Ioseph, 'Am' aisling, feuch, sheas mi air bruaich na h-aimehne:

18 Agus, feuch, thàinig a nìos as an amhainn seachd bà, reamhar 'am feoil, agus sgiabhach ann an cruth; agus bha iad ag ionaltradh ann am mìn-fheur;

19 Agus, feuch, thàinig seachd bà eile nìos 'n an déigh, bochd agus ro ghrannda, agus caol 'am feoil: cha-n fhaca mi 'n samhail *riamh* ann an uile thìr na h-Eiphit air olcas.

20 Agus dh'ith na bà caola agus grannda suas na ceud seachd bà reamhra.

21 Agus 'n uair a dh'ith iad suas iad, cha-n aithnichteadh *orra* gu'n d'ith siad iad; ach *bha* iad grannda r'am faicinn, mar an toiseach. An sin dhùisg mi.

22 Agus chunnaic mi a'm' aisling; agus, feuch, thàinig a nìos seachd diasan air aon choinnleinn, làn agus maith:

23 Agus, feuch, dh'fhàs suas 'n an déigh seachd diasan, air an crionadh, caol', agus seargta leis a' ghaoith an ear;

24 Agus shluig na diasan caola suas na seachd diasan maith: agus dh'innis mi *so* do na druidhibh; ach cha *robh* neach ann a b'urrainn a' *chàis* fhoillsachadh dho mh.

25 Agus thubhairt Ioseph ri Pharaoh, Aisling Pharaoh, *is* aon *i*: an ni sin a tha Dia gus a dheanamh, dh'fhoillsich e do Pharaoh.

26 Na seachd bà maith, *is* seachd bliadhna iad; agus na seachd diasan maith, *is* seachd bliadhna iad: *is* aon an aisling.

27 Agus na seachd bà caola agus grannda a thàinig a nìos 'n an déigh, *is* seachd bliadhna iad; agus na seachd diasan fàs seargta leis a' ghaoith an ear, bithidh ia l 'n an seachd bliadhna gorta.

28 So an ni a thubhairt mi ri Pharaoh: An ni a *tha* Dia gus a dheanamh, nochd e do Pharaoh.

29 Feuch, *tha* seachd bliadhna mòr phailteis a' teachd air feadh thìre na h-Eiphit uile:

30 Agus éiridh seachd bliadhna gorta suas 'n an déigh, agus dì-chuimhnichear am pailteas uile 'an tìr na h-Eiphit; agus claidhidh a' ghorta an tìr.

31 Agus cha-n aithnichear am pailteas anns an tìr, air son na gorta a leanas: cir bithidh i ro throm.

32 Agus a thaobh gu'n do dhùblaicheadh an aisling do Pharaoh, *tha sin* a clionn gu *bhoil* an ni air a shuidheachadh le Dia; agus bheir Dia ann an aithghearradh gu crìch e.

33 A nis uime sin amhairtheadh Pharaoh a

mach air son duine a tha tuigseach agus glic, agus cuireadh e os ceann tìre na h-Eiphit e.

34 Deanadh Pharaoh so, agus orduicheadh e luchd-riaghlaidh os ceann na tìre, agus togadh iad an cuigeamh cuid *de thoradh* tìre na h-Eiphit anns na seachd bliadhnaibh pailteis.

35 Agus cruinnicheadh iad uile bhiaidh nam bliadhna maith e sin ri teachd, agus taisgeadh iad suas arbhar fo làimh Pharaoh, agus gleidheadh iad biadh anns na bailtibh.

36 Agus bithidh am biadh *sin* 'n a thaisgeach do'n tìr, fa chomhair nan seachd bliadhna gorta a bhitheas ann an tìr na h-Eiphit: chum as nach téid as do'n tìr leis a' ghorta.

37 Agus bha a' chomhairle maith ann an sùilbhih Pharaoh, agus ann an sùilbhih a sheirbhiseach uile.

38 Agus thubhairt Pharaoh r'a sheirbhisich, Am bheil e 'n comas duinn a leithid so de dhuine fhaotainn, anns *am bheil* spiorad Dhé?

39 Agus thubhairt Pharaoh ri Ioseph, A thaobh gu'n d'fhoillsich Dia so uile dhuith, cha *n-eil* nach ann cho tuigseach agus cho glic rint féin.

40 Bithidh tu os ceann mo thlighe-sa, agus a réir d'fhocail bithidh mo shluagh uile air an riaghladh: a mhàin 's an rìgh-chaitir bithidh mise ni's mò na thusa.

41 Agus thubhairt Pharaoh ri Ioseph, Faic, chuir mi thu os ceann uile thìre na h-Eiphit.

42 Agus thug Pharaoh 'fhàinne bhàrr a làimhe, agus chuir e air làimh Ioseph e; agus sgeadaich se e ann an trusgan de lion-eudach grinn, agus chuir e slabhruidh òir m'a mhuineal.

43 Agus thug e air marcachd 's an dara carbad a bhàige féin; agus ghlaodh iad roimhe, Lùbaibh an glùn; agus rinn se e 'n a uachdaran air tìr na h-Eiphit uile.

44 Agus thubhairt Pharaoh ri Ioseph, Is mise Pharaoh, agus as d'eugmhais-sa cha tog duine suas a làmh no a chos ann an tìr na h-Eiphit uile.

45 Agus thug Pharaoh Saphnat-paaneah mar ainm air Ioseph; agus thug e dha Asenat nighean Photipherah sagairt Oin mar mhnai: agus chaidh Ioseph a mach air feadh uile thìre na h-Eiphit.

46 Agus bha Ioseph deich bliadhna fichead a dh'aois an uair a sheas e'm fianuis Pharaoh rìgh na h-Eiphit: agus chaidh Ioseph a mach o lùthair Pharaoh, agus chaidh e troimh thìr na h-Eiphit uile.

47 Agus thug an talamh a mach anns na seachd bliadhnaibh pailteis 'n a ghlaoidibh.

48 Agus cruinnich e r'a chéile uile bhiaidh nan seachd bliadhna, a bha 'an tìr na h-Eiphit; agus thaisg e suas biadh 's na

bailtibh: biadh fearainn gach baile, a bha mu'n cuairt air, thaisg e suas ann.

49 Agus chuir Ioseph r'a chéile sìol mar ghaineamh na fairge, ro mhòran, gus an do sguir e d'a àireamh; oir bha e gun àireamh.

50 Agus do Ioseph rugadh dithis mhac mun d'thàinig bliadhnaich na gorta, a rug Asenat dha, nighean Photipherah, sagairt Oin.

51 Agus thug Ioseph Manasch mar ainm air a' cheud-ghin; oir thug Dia orm *ars'esan*, mo shaothair uile 'dhi-chuimhneachadh, agus tigh m'athar uile.

52 Agus air an dara mac thug e *Ph'hraim* mar ainm; oir thug Dia orm, *ars'esan*, a bhi sìolmhor ann an tìr m'àmhlghair.

53 Agus chrìochnuicheadh seachd bliadhna a' phailteis a bha ann an tìr na h-Eiphit.

54 Agus thòisich seachd bliadhna na gorta ri teachd, mar a thubhairt Ioseph; agus bha a' ghorta anns na dùthchannaibh uile: ach ann an uile thìr na h-Eiphit bha aran.

55 Agus an uair a bha tìr na h-Eiphit uile ann an uireasbhuidh, an sin ghlaodh an sluagh ri Pharaoh air son arain: agus thubhairt Pharaoh ris na h-Eiphitich uile, Ruigibh Ioseph; *an ni sin* a their cruibh, deanaibh.

56 Agus bha a' ghorta air aghaidh na talmhainn uile: agus dh'fhosgail Ioseph na tigheantaig uile, agus reic e ris na h-Eiphitich: agus bhuaidhaich a' ghorta ann an tìr na h-Eiphit.

57 Agus thàinig gach dùthaich do'n Eiphit a dh'ionnsuidh Ioseph a cheannach *bìdh*; oir bhuaidhaich a' ghorta anns gach dùthaich.

## CAIB. XLII.

1 Chuir Iacob a dheichnear mhac do'n Eiphit a cheannach sìl. 17 Chuir Ioseph 'am prìosan iad mar luchd-bratha; ach air a' chumha gu'm fàgadh iad Simeon, agus gu'm pilleadh iad a rìs le'm bràthair a 'b'òige, leigeadh as iad.

**A**NIS an uair a chuunaic Iacob gu'n robh sìol 's an Eiphit, thubhairt e r'a mhic, C'ar son a tha sibh ag amharc air a chéile?

2 Agus thubhairt e, Feuch, chuala mi gu bheil sìol 's an Eiphit; rachaibh sìos an sin, agus ceannaichibh dhuinn as a sin, chum as gu'm bi sinn beò, agus nach faigh sinn bàs.

3 Agus chaidh deichnear bhràithrean Ioseph sìos a cheannach sìl 's an Eiphit.

4 Ach cha do chuir Iacob Beniamin bràthair Ioseph maille r'a bhràithribh: oir thubhairt e, Air eagal gu'n éirich oile dha.

5 Agus thàinig mic Israel a cheannach sìl am measg na muinntir a thàinig: oir bha a' ghorta ann an tìr Chanaan.

6 Agus bha Ioseph 'n a uachdaran air an tìr: *B'esan* a bha a' reiceadh ri sluagh na tìre uile. Agus thàinig bràithrean Ioseph,



agus chrom siad iad féin sìos da, *le 'n* aghaidh gu làr.

7 Agus chunnaic Ioseph a bhràithrean, agus dh'aithnich e iad, ach rinn se e féin 'u a choigreach dhoibh, agus labhair e gu coimheach riu; agus thubhairt e riu, Cìas a thàinig sibhse? Agus thubhairt iadsan ris, A tìr Chanaani a cheannach bidh.

8 Agus dh'aithnich Ioseph a bhràithrean, ach cha d'aithnich iadsan esan.

9 Agus chuinnich Ioseph air na h-aislingibh a chunnaic e mu'n tìmechioll, agus thubhairt e riu, *Is* luchd-bratha sibh; a dh'fhaicinn lomuocheaidh ua tìre thàinig sibh.

10 Agus thubhairt iad ris, Cha *-n eadh* mo thighearn', ach is ann a thàinig do sheirbhiseach a cheannach bidh:

11 *Is* mic aon duine sinne uile, *is* daoine firinneach sinn; cha luchd-bratha do sheirbhiseach.

12 Agus thubhairt esan riu, Ni h-eadh, ach is ann a dh'fhaicinn lomnocheaidh na tìre thàinig sibh.

13 Agus thubhairt iad, *Is* dà bhràthair dheug do sheirbhiseach, mic aon duine ann au tìr Chanaani; agus, feuch, *tha'm fear* a's òig' an diugh maille r'ar n-athair, agus *tha* h-aon nach maireann.

14 Agus thubhairt Ioseph riu, So an ni a thubhairt mi ribh, ag ràdh, *Is* luchd-bratha sibh.

15 Mar so dearbhar sibh; mar is beò Pharaoh, cha téid sibh a mach á so, mur òig bhuir bràthair a's òige an so.

16 Cuiribh uaibh fear agaibh, agus thugadh eisibh bluir bràthair, agus gleidhear sibhse 'am prìosan, chum as gu'n dearbhar bluir briathran, am *bheil no nach 'eil* firinn annaibh: no mar is beò Pharaoh, gu ciunteach *is* luchd-bratha sibh.

17 Agus chuir e 'm prìosan iad uile rè trì làithean.

18 Agus thubhairt Ioseph riu air an treas là, Deanaibh so, agus bithibh beò: *oir* tha eagal Dhé ormsa.

19 Ma 's daoine firinneach sibh, fàgar aon d'ur bràithribh ceangailte 'an tigh bluir prìosain: agus imichibh-sa, thugaibh leibh sìol air son gorta bluir teaghlachan.

20 Ach thugaibh bluir bràthair a's òige a m' ionnsuidh; mar sin dearbhar bluir briathran, agus cha-n fhaigh sibh bàs. Agus rinn iad mar sin.

21 Agus thubhairt iad r'a chéile. *Tha* sinn gu deimhin ciontach a thaobh ar bràthar, do bhrìgh gu'm faca sinn cràdh 'anama, 'n uair a ghuidh e oirnn, agus nach d'éisd sinn ris: uime siu thàinig an aire so oirnn.

22 Agus fhreagair Reuben iad, ag ràdh, Nach do labhair mise ribh, ag ràdh, Na peacaichibh an aghaidh an leinibh? agus cha d'éisd sibh: Uime sin, feuch,

mar an ceudna tha 'fhuil air a h-iarraidh oirnn.

23 Agus cha robh fhios aca-san gu'n robh Ioseph 'g an tuigsinn; oir *bha* eadar-theangair eatorra.

24 Agus thionndaidh se e féin uatha, agus ghuidh e; agus phill e ris d'an ionnsuidh, agus labhair e riu, agus thug e Simcon uatha, agus cheangail se e fa chomhair an sul.

25 An sin dh'àithn Ioseph an saic a lionadh le sìol, agus airgiod gach duine a chur air ais 'n a shac, agus biadh a thoirt doibh air son na slighe: agus is ann mar so a rinn e riu.

26 Agus thog iad an sìol air an asalaibh, agus dh'imich iad á sin.

27 Agus an uair a dh'fhosgail fear dhiubh a shac, a thoirt bidh d'a asal 's an tigh-òsda, chunnaic e 'airgiod; oir, feuch, *bha* e 'm beul a shaic.

28 Agus thubhairt e r'a bhràithribh, Thugadh air ais m'airgiod-sa; agus, feuch, *tha e* eadhon a'm shac. Agus dh'fhàilnich an cridhe, agus bha eagal orra, ag ràdh gach fear r'a chéile, Cìod e so a rinn Dia oirnn?

29 Agus thàinig iad a chum Iacoib an athar, do thìr Chanaani, agus dh'imich iad dha gach ni a thachair dhoibh, ag ràdh,

30 Labhair an duine a tha 'n a uachdaran air an tìr ruinn gu coimheach, agus ghabh e sinn mar luchd-bratha air an dùthaich.

31 Agus thubhairt sinn ris, *Is* daoine firinneach sinne; cha luchd-bratha *idir* sinn:

32 *Is* dà bhràthair dheug sinn, mic ar n-athar; *tha* aon *mhac* nach maireann, agus tha 'm *mac* a's òige 'n diugh maille r'ar n-athair ann an tìr Chanaani.

33 Agus thubhairt an duine, uachdaran na tìre ruinn, Mar so aithnichidh mi gur daoine firinneach sibh; fàgaibh aon d'ur bràithribh maille riumsa, agus gabhaibh *biadh* air son gorta bluir teaghlachan, agus bithibh ag imeachd:

34 Agus thugaibh bluir bràthair a's òige a m'ionnsuidh; an sin bithidh fios agam nach luchd-bratha sibh, *ach* gur daoine firinneach sibh: *mar sin* bheir mise bluir bràthair dhuibh, agus mi sibh ceannachd 's an tìr.

35 Agus an uair a thaom iad an saic, feuch, *bha* ceanglachan airgid gach duine 'n a shac féin, agus an uair a chunnaic iad féin agus an athair na ceanglachan airgid, bha eagal orra.

36 Agus thubhairt Iacob an athair riu, Thug sibh uamsa *mo chlànn*: Ioseph cha *mhàireann*, agus Simeon cha *mhàireann*, agus Beniamin bheir sibh *air falbh*: m'aghaidh-sa tha na nithean sin uile.

37 Agus labhair Reuben r'a athair, ag ràdh, Cuir gu bàs mo dhithis mhac, mur toir mi a d'ionnsuidh e: thoir thairis do m

làimhs' e, agus bheir mise a dh'ionnsuidh a ris e.

38 Agus thubhairt e, Cha téid mo mhac sìos maille ribh; oir tha a bhràthair marbh, agus dh'fhàgadh esan 'n a aonar: ma thachras olc dha 's an t-slighe air an téid sibh, an sin bheir sibh sìos m'fhalt liath le bròn do'n uaigh.

CAIB. XLIII.

1 *Le comhairle Iudah leig Iacob le Benjamin dol do'n Eiphit.* 15 Thugadh bràithrean Ioseph a dh'ionnsuidh a thighe. 26 Ghabh e gu h-aoidheil riu, agus dh'ith agus dh'òl iad maille ris.

**A** GUS bha a' ghortaro mhòr 's an tìr. 2 Agus an uair a dh'ith iad an sìol a thug iad as an Eiphit, thubhairt an athair riu, Rachaibh a ris, ceannaichibh dhuinn beagan bidh.

3 Agus labhair Iudah ris, ag ràdh, Thug an duine dearbh-chinntè dhuinn, ag ràdh, Cha-n fhaic sibh mo ghnùis-sa, mur bi blur bràthair maille ribh.

4 Ma chuireas tu ar bràthair maille ruinn, théid sinn sìos, agus ceannaichidh sinn biadh dhuit;

5 Ach mur cuir thu leinn e, cha téid sinn sìos: oir thubhairt an duine ruinn, Cha-n fhaic sibh mo ghnùis, mur bi blur bràthair maille ribh.

6 Agus thubhairt Israel, C'ar son a bhuin sibh cho olc rium, agus gu'n d'innis sibh do'n duine gu'n robh bràthair tuilleadh agaibh?

7 Agus thubhairt iad, Dh'fhiosraich an duine dhinn gu teann m'ar timchioll féin, agus mu thimchioll ar càirdean, ag ràdh, Am bheil bheur n-athair fathast beò? am bheil bràthair eile agaibh? Agus dh'innis sinne dha a réir brìgh nam briathar sin: Am b'urrainn sinne fios a bhi againn gu cinnteach gu'n abradh e, Thugaibh bheur bràthair a nuas?

8 Agus thubhairt Iudah ri h-Israel 'athair, Cuir an t-òganach maille riumsa, agus éiridh sinn, agus imichidh sinn, a chum as gu'm bi sinn beò agus nach faigh sinn bàs, araon sinne, agus thu féin, agus mar an ceudna ar clann bheag.

9 Bidhidh mise a'm' urras air a shon; o m' làimh-sa iarraidh tu e: mur toir mise a dh'ionnsuidh, agus mur cuir mi a'd làthair e, an sin biodh a' choire gu bràth orm.

10 Oir mur bitheamaid air deanamh moille, gu cinnteach bha sinn a nis air pilltim air ar n-ais an dara uair so.

11 Agus thubhairt Israel an athair riu, Ma dh'fheumas a' chàis a bhi mar sin a nis, deanaibh so; gabhaibh de'n toradh a's fearr 's an tìr 'n ur soithichibh, agus thugaibh sìos tiodhlac do'n duine; beagan ioc-shlaint, agus beagan meala, spiosraidh, agus murr, cnothan, agus almoinean:

12 Agus thugaibh leibh airgid dubailte

'n ur làimh, agus an t-airgid a thugadh air ais 'am beul bheur sac, thugaibh air ais e 'n ur làimh; theagamh gur mearachd a bh'ann.

13 Gabhaibh mar an ceudna bheur bràthair; agus éiribh, rachaibh a ris a dh'ionnsuidh an duine.

14 Agus gu'n tugadh Dia uile-chumhachdach tròcair dhuibh an làthair an duine, chum as gu'n leig e air falbh leibh bheur bràthair eile, agus Benjamin: ach ma chaill mise mo chlann, chaill mi iad.

15 Agus ghabh na daoine an tiodhlac sin, agus thug iad leo airgid dubailte 'n au làimh, agus Benjamin; agus dh'éirich iad, agus chaidh iad sìos do'n Eiphit, agus sheas iad an làthair Ioseph.

16 Agus an uair a chluinnaic Ioseph Benjamin maille riu, thubhairt e ri fear-riaghlaidh a thighe, Thoir na daoine sin dachaidh, agus marbh, agus deasaich; oir maille riumsa ithidh na daoine sin air mheadhonlà.

17 Agus rinn an duine mar a dh'iarr Ioseph; agus thug e na daoine do thigh Ioseph.

18 Agus bha eagal air na daoine, 'chionn gu'n d'thugadh iad do thigh Ioseph, agus thubhairt iad, 'S ann air son an airgid, a chuireadh air ais 'n ur sacaibh a' cheud uair, a thugadh a stigh sinn; chum gu faigh e cion-fath 'n ar n-aghaidh, agus gu'n tuit e oirn, agus gu'n gabh e sinn mar thràille-an, agus ar n-asail.

19 Agus thàinig iad am fagus do fhear-riaghlaidh tighe Ioseph, agus labhair iad ris aig dorus an tighe,

20 Agus thubhairt iad, O mo thighearna, thàinig sinn da rìreadh a nuas an toiseach a cheannach bidh.

21 Agus an uair a thàinig sinn do'n tigh-òsda, agus a dh'fhosgail sinn ar saic, feuch, bha airgid gach fir 'am beul a shaic, ar n-airgid 'n a làn chothrom: agus thug sinn air ais leinn e 'n ar làimh.

22 Agus airgid eile thug sinn a nuas leinn 'n ar làimh a cheannach bidh: cha-n'eil fhios againn cò 'chuir ar n-airgid 'n ar sacaibh.

23 Agus thubhairt e, Sith gu robh dhuibh, na biodh eagal oirbh: thug bheur Dia féin, agus Dia blur n-athair ionmhas duibh 'n ur sacaibh: fhuair mise bheur n-airgid. Agus thug e Simeon a mach d'an ionnsuidh.

24 Agus thug an duine na daoine stach do thigh Ioseph, agus thug e uisge dhoibh, agus nigh iad an cosan, agus thug e biadh d'an asalaibh.

25 Agus dh'ulluich iad an tiodhlac 'an coinneamh do Ioseph teachd aig meadhonlà: oir chual' iad gu'n robh iad gu aran itheadh an sin.

26 Agus an uair a thàinig Ioseph dhachaidh, thug iad d'a ionnsuidh an tiodhlac, a



bha 'n an làimh, do'n tigh: agus chrom siad iad féin dha gu lár.

27 Agus dh'fheoraich e 'n robh iad gu maith, agus thubhairt e, Am bheil bhuir n-aithair, an seann duine mu'n do labhair sibh, gu maith? Am bheil e fathast beò?

28 Agus thubhairt iadsan, *Tha* do sheirbhiseach ar n-aithair-ne gu maith; *tha* e fathast beò: agus chrom siad iad féin sìos, agus rinn iad ùmhlaichd.

29 Agus thog e suas a shùilean, agus chunnaice Benjamin a bhràthair, maca mhàthar, agus thubhairt e, An e so bhuir bràthair a's òige, mu'n do labhair sibh rium? Agus thubhairt e, Gu'n robh Dia gràsmhor dhuit, a mhic.

30 Agus rinn Ioseph cabhag, oir bha a chridhe a' tiomachadh r'a bhràthair; agus dh'iarr e àit anns an guileadh e; agus chaidh e steach d'a sheòmar, agus ghuil e 'n sin.

31 Agus nigh e 'eudan, agus chaidh e mach, agus chum e air féin, agus thubhairt e, Cuiribh sìos aran.

32 Agus chuir iad sìos dhasan leis féin, agus dhoibhsan leo féin, agus do na h-Eiphitich, a dh'ith maille ris, leo féin; a chionn nach feudadh na h-Eiphitich aran itheadh maille ris na h-Eabhruidhich; oir is gràineilachd sin do na h-Eiphitich.

33 Agus shuidh iad sìos 'n a làthair, an ceudghlin a réir a chòir-bhreithe, agus am fear a b'òige a réir 'òige: agus ghabh na daoine iongantais *gach* fear r'a chéile.

34 Agus ghabh esan, agus chuir e cuibh-rionnan o làthair féin d'an ionnsuidh: ach rinn e cuibh-rionn Bheniamin cuig uairean ni bu mhò na cuid a h-aoin aca-san. Agus dh'òl iad, agus bha iad subhach maille ris.

# CAIB. XLIV.

1 *Innleachd Ioseph a chumail Bheniamin.* 12 *Fhuaradh cupan airgid Ioseph 'am beul saic Bheniamin.* 18 *Aithcuinge iriosal Iudah.*

**A**GUS dh'àithn e do fhear-riaghlaidh a thighe, ag ràdh, Lìon saic nan daoine le sìol, a' mheud 's is urrainn iad a ghiùlan, agus cuir airgid *gach* duine 'am beul a shaic.

2 Agus cuir mo chupans', an cupan airgid, 'am beul saic an fhir a's òige, agus airgid a shìl: agus rinn e a réir an fhocail a labhair Ioseph.

3 Co luath 's a bha 'mhaduinn soilleir, chuireadh na daoine air falbh, iad féin agus an asail.

4 Agus an uair a chaidh iad a mach as a' bhaile, agus gun iad *fathast* fad o làimh, thubhairt Ioseph ri fear-riaghlaidh a thighe, Eirich, lean na daoine; agus an uair a bheireas tu orra, abair riu, C'ar son a dhiòl sibh òle 'an éiric maith?

5 Nach e so an cupan as am bheil mo thighearn ag òl? agus leis am bheil e da

rìreadh a' deanamh fiosachd? is òle a fhuaradh sibh so a dheanamh.

6 Agus rug e orra, agus labhair e riu na briathran ceudna.

7 Agus thubhairt iad ris, C'ar son a labhras mo thighearn na briathran so? nar leigeadh Dia gu'n deanadh do sheirbhisich a réir an ni so.

8 Feuch, an t-airgid a fhuair sinn 'am beul ar sac, thug sinn a rìs a d'ionnsuidh á tìr Chanaain; cionnus uime sin a ghoid-eamaid airgid no òr á tigh do thighearna?

9 Cia b'e air bith de d'sheirbhisich aig am faighear e, cuirear gu bàs esan, agus bithidh sinne mar an ceudna 'n ar tràillean aig mo thighearn.

10 Agus thubhairt e, A nis ma ta bith-eachd e réir bhuir briathar: bithidh esan aig am faighear e 'n a sheirbhisich agamsa; agus bithidh sibhse neòchoireach.

11 An sin thug iad a nuas gu grad *gach* duine a shac féin gu lár, agus dh'fhosgail *gach* duine a shac.

12 Agus rannsaich esan, agus thòisich e aig an fhear' bu shine, agus sguir e aig an fhear a b'òige: agus fhuaradh an cupan ann an sac Bheniamin.

13 An sin reub iad an eudach, agus chuir *gach* duine a shac air 'asail, agus phill iad do'n bhaile.

14 Agus thàinig Iudah, agus a bhràithrean do thigh Ioseph (oir bha e fathast an sin) agus thuit iad sìos 'n a fhianuis air an lár.

15 Agus thubhairt Ioseph riu, Ciod e an gnìomh so a rinn sibh? nach robh fhios agaibh gur aithne do m' leithidse do dhuine da rìreadh fiosachd a dheanamh?

16 Agus thubhairt Iudah, Ciod a their sinn ri m' thighearn? cionnus a labhras sinn? no cionnus a ghlanas sinn sinn féin? fhuair Dia a mach aingidheachd do sheirbhisich; feuch, *tha* sinne 'n ar seirbhisich do m' thighearn, araon sinne, agus esan mar an ceudna aig an d'fhuaradh an cupan.

17 Agus thubhairt e, Nar leigeadh Dia gu'n deanaimse so: ach an duine aig an d'fhuaradh an cupan, bithidh esan 'n a sheirbhisich agamsa; agus d'ur taobhsa, rachaibh suas 'an sìth a dh'ionnsuidh bhuir n-aithair.

18 An sin thàinig Iudah am fagus da, agus thubhairt e, Och mo thighearna, leig le d' sheirbhisich, guidheam ort, focal a labhairt ann an cluasaidh mo thighearn, agus na lasadh d'fhearg an aghaidh do sheirbhisich: oir is amhuil thusa agus Pharaoh.

19 Dh'fheòraich mo thighearn d'a sheirbhisich, ag ràdh, Am bheil aithair agaibh, no bràthair?

20 Agus thubhairt sinn ri m' thighearn, Tha aithair againn, seann duine, agus leanabh a shean aois, maothran: agus tha 'bhràthair marbh, agus dh'fhàgadh esan 'n a aonar de

*chloinn a mhàtnar, agus tha gràdh aig 'athair air.*

21 Agus thubhairt thu ri d' sheirbhìsich, Thugaibh a nuas e do m' ionnsuidhs' a chum as gu'n socrùich mi mo shùilean air.

22 Agus thubhairt sinne ri m' thighearn, Cha-n fheadh an leanabh 'athair fhàgail: oir nam fagadh e 'athair, gheibheadh 'athair bàs.

23 Agus thubhairt thusa ri d' sheirbhìsich, Mur tig bhuir bràthair a's òige nuas maille ribh, cha-n fhaic sibh m'aghaidh-sa nì's mò.

24 Agus an uair a chaidh sinne suas a dh'ionnsuidh do sheirbhìsich m'athar, dh'innis sinn da focail mo thighearna.

25 Agus thubhairt ar n-athair, Rachaibh a ris, ceannaichibh dhuinn beagan bìdh.

26 Agus thubhairt sinne, Cha-n fheadh sinn dol sìos: ma bhios ar bràthair a's òige maille ruinn, an sin théid sinn sìos; oir cha-n fheadh sinn aghaidh an duine fhaicinn, mur *bi* ar bràthair a's òige maille ruinn.

27 Agus thubhairt do sheirbhìseach m'athair ruinn, Tha fhios agaibh gu'n do rug mo bhean dithis *mhac* dhomh.

28 Agus chaidh aon *diubh* a mach uam, agus thubhairt mi, Gu cinnteach reubadh 'n a bhoilghidibh e; agus cha-n fhaic mi o sin e.

29 Agus ma bheir sibh *am mac* so uam mar an ceudna, agus gu'n tig tubaist air, bheir sibh sìos m'fhalt liath le bròn do'n uaigh.

30 A nis nime sin, an uair a thig mise a dh'ionnsuidh do sheirbhìsich m'athar, gun an leanabh maille ruinn; (do bhrìgh gu bheil 'anamsa ceangailte ann an anam an leinibh;)

31 Tarlaidh, 'n uair a chi e nach 'eil an leanabh *maille ruinn*, gu'm faigh e bàs: agus bheir do sheirbhìseach sìos falt liath do sheirbhìsich ar n-athar le bròn do'n uaigh.

32 Oir chaidh do sheirbhìseach 'an urras air son an leinibh do m'athair, ag ràdh, Mur toir mi a d' ionnsuidh e, an sin bithidh mi fo choire aig m'athair gu bràth.

33 A nis uime sin, guidheam ort, leig le d' sheirbhìseach fantuinn 'an àit an leinibh, a'm' thràill do m' thighearn; agus leig leis an leanabh dol suas maille r'a bhràithribh.

34 Oir cionnus a théid mise suas a dh'ionnsuidh m'athar, agus gun an leanabh maille ruinn? air eagal gu faic mi 'n t-òle a thig air m'athair.

CAIB. XLV.

1 Rinn Ioseph e féin aithnichte d'a bhràithribh; *thug e comhfhurtachd doibh, agus chuir e fios leo air 'athair.* 21 *Thug e dhoibh carbadan agus lòn air son na slighe.* 27 'N uair a phill iad, agus a dh'innis iad so do Jacob, dh'ath-bheoithaich a spiorad.

**A**GUS cha b'urraim Ioseph cumail air féin 'n an làthair-san uile a sheas

laimh ris; agus ghlaodh e, Cuiribh gach duine mach uam: agus cha do sheas duine sam bith maille ris, an uair a rinn Ioseph e féin aithnichte d'a bhràithribh.

2 Agus ghul e gu h-àrd: agus chuala na h-Eiphitich, agus tigh Pharaoh e.

3 Agus thubhairt Ioseph r'a bhràithribh, *Is mise Ioseph; am bheil m'athair fathast beò?* agus cha b'urraim a bhràithrean a fhreagairt; oir bha eagal orra roimh a làthair-san.

4 Agus thubhairt Ioseph r'a bhràithribh, Thigibh am fagus domh, guidheam oirbh; agus thàinig iad am fagus: Agus thubhairt esan, *Is mise Ioseph bhuir bràthair, a reic sibhse do'n Eiphit.*

5 Agus a nis na biodh doilgheas oirbh, no corruich agaibh ribh féin, a chionn gu'n do reic sibh mise an so; oir chuir Dia roimhibh mi, gu *sibhse* a ghleidheadh beò:

6 Oir rè an dà bhliadhna-sa *bha* a' ghorta 's an tìr, agus *tha* fathast cùig bliadhna *ri teachd*, anns nach *bi* aon chuid treabhadh no foghar.

7 Agus chuir Dia mise roimhibh, a ghleidheadh dhuibhse iarmaid air thalamh, agus a thearnadh bhur beatha le suasgladh mòr.

8 A nis uime sin, cha sibhse a chuir mise an so, ach Dia; agus rinn e mi a'm' athair do Pharaoh, agus a'm' thighearn os ceann a thighe uile, agus a'm' uachdaran ann an tìr na h-Eiphit uile.

9 Deanaibh cabhag, agus rachaibh suas a chum m'athar, agus abraibh ris, Mar so thubhairt do mhac Ioseph, Rinn Dia mise a'm' uachdaran air an Eiphit uile; thig a nuas am' ionnsuidh, na dean moille:

10 Agus gabhaidh tu còmhnuidh 'am fearann Ghlosein, agus bithidh tu'm fagus dhomhsa, thu *féin*, agus do chlann, agus clann do chloinne, agus do threadan, agus do bhuar, agus gach ni a *tha* agad.

11 Agus beathaichidh mise thu 'n sin, (oir fathast *bithidh* cùig bliadhna gorta ann,) air eagal gu'n tig thu féin, agus do theaghlach, agus gach ni a *tha* agad, gu bochdainn.

12 Agus, feuch, tha bhuir suilean a' faicinn, agus suilean mo bhràthar Bheniamin, gur e mo bheul féin a *tha* labhairt ribh.

13 Agus innsidh sibh do m'athair mo ghloir-sa uile 's an Eiphit, agus gach ni a chunnaic sibh; agus ni sibh cabhag, agus bheir sibh a nuas m'athair an so.

14 Agus thuit e air nuineal a bhràthar Bheniamin, agus ghul e; agus ghul Bheniamin air a nuineal-san.

15 Phòg e mar an ceudna a bhràithrean uile, agus ghul e os an ceann: agus 'n a dhéigh sin rinn a bhràithrean cainnt ris.

16 Agus chualas ionradh so ann an tigh Pharaoh, ag ràdh, Tha bràithrean Ioseph air teachd: agus thaitinn e gu maith ri Pharaoh, agus r'a sheirbhìsich.

17 Agus thubhairt Pharaoh ri Ioseph,



Abair ri d'bhàithribh, Deanaibh so; sac-aichibh bhur n-ainmhidhean, agus imichibh, rachaibh do thìr Chanaain.

18 Agus thugaibh leibh bhur n-athair, agus bhur teaghlachaichean, agus thigibh a m'ionnsuidhe, agus bheir mise dhuibh maith tìre na h-Eiphit; ithidh sibh reamhrachd na tìre.

19 A nis thugadh àithne dhuit; deanaibhse mar so: thugaibh leibh á tìr na h-Eiphit carbadan air sou bhur cloinne bige, agus bhur ban, agus thugaibh bhur n-athair leibh, agus thigibh.

20 Agus na b'headh suim agaibh d'ur n-airneis-thighe; oir is leibhse maith tìre na h-Eiphit uile.

21 Agus rinn clann Israeil mar sin: agus thug Ioseph dhoibh carbadan a réir ordugh Pharaoh; agus thug e dhoibh lòn air son na slighe.

22 Thug e dhoibh uile, do gach aon diubh fa leth, culaidhean cudaich; ach do Bheniamin thug e trì cheud *bonn* airgid, agus cùig culaidhean cudaich.

23 Agus chuir e dh'ionnsuidh 'athar mar so: deich asail a' giùlan de nithibh maithe na h-Eiphit, agus deich asail bhoirionn a' giùlan sil, agus arain, agus lòn d'au athair air sou na slighe.

24 Mar sin chuir e a bhràithrean air falbh, agus dh'imich iad: agus thubhairt e riu, Feuchaibh nach cuir sibh a mach air a chèile air an t-slighe.

25 Agus chaidh iad suas as an Eiphit, agus thàinig iad gu tìr Chanaain a dh'ionnsuidh Iacoib ann athar.

26 Agus dh'innis iad da, ag ràdh, *Tha* Ioseph fathast beò, agus *tha* e 'na uachdaran air tìr na h-Eiphit uile. Agus dh'fhannaich cridhe Iacoib, oir cha do chreid e iad.

27 Agus dh'innis iad da uile bhriathran Ioseph, a labhair e riu: Agus an uair a chunnaic e na carbadan a chuir Ioseph g'a giùlan, dh'ath-bheothaich spiorad Iacoib au athar.

28 Agus thubhairt Israel, *Is* leòr e; *tha* Ioseph mo mhac fathast beò: théid mi agus chì mi e mum faigh mi bàs.

CAIB. XLVI.

1 *Thug Dia misneach agus sòlas do Iacob aig Beer-seba. 5 O sin chaidh e fèin agus a theaghlach do'n Eiphit. 29 Choinnich Ioseph e. 31 Sheòl e d'a bhràithribh ciod a theireadh iad ri Pharaoh.*

**A** GUS dh'imich Israel maille ris gach ni a bh'aige, agus thàinig e gu Beer-seba, agus thug e suas iobairtean do Dhia 'athar Isaac.

2 Agus labhair Dia ri h-Israel ann an taisbeanaibh na h-oidhche, agus thubhairt e, A Iacoib, a Iacoib: Agus thubhairt esan, *Tha* mi 'u so.

3 Agus thubhairt e, *Is* mise Dia, Dia d'athar: na biodh eagal ort dol sìos do'n

Eiphit; oir ni mise a'd' chinneach mòr thu an sin.

4 Théid mise maille riut sìos do'n Eiphit; agus bheir mi mar an ceudna gu cinnteach a nìos thu *ris*: agus cuiridh Ioseph a làmh air do shùilibh.

5 Agus dh'éirich Iacob suas o Bheer-seba: agus thug mic Israeil leo Iacob an athair, agus an clann bheag, agus am mnathan, anns na carbadan a chuir Pharaoh g'a ghiulan.

6 Agus ghabh iad an spréidh, agus am maoin, a fhuair iad ann an tìr Chanaain, agus thàinig iad do'n Eiphit, Iacob, agus a shliochd uile maille ris;

7 A mhic, agus mic a mhac maille ris, a nigheanan, agus nigheanan a mhac, agus a shliochd uile thug e maille ris do'n Eiphit.

8 Agus *is* iad so ainmean chloinn Israeil, a thàinig do'n Eiphit, Iacob agus a mhic: Reuben, ceud-ghin Iacoib.

9 Agus mic Reubeiu; Hanoch, agus Phallu, agus Hesron, agus Carmi.

10 Agus mic Shimeoin; Iemuel, agus Iamin, agus Ohad, agus Iachin, agus Sohar, agus Saul mac Ban-chanaanaich.

11 Agus mic Lebhi; Gerson, Cohat, agus Merari.

12 Agus mic Iudah; Er, agus Onan, agus Selah, agus Phares, agus Serah: ach fhuair Er agus Onan bàs ann an tìr Chanaain. Agus b'iad mic Phareis, Hesron, agus Hermul.

13 Agus mic Isachair; Tola, agus Phubhah, agus Iob, agus Simron.

14 Agus mic Shebuluin; Sered, agus Elon, agus Iahleel.

15 *Is* iad sin mic Leah, a rug i do Iacob 'am Padan-aram, maille r'a nighinn Dinah: b'iad uile anaman a mhac agus a nigheanan tri-deug 'ar fhichead.

16 Agus mic Ghaid; Siphion, agus Hagai, Suui, agus Esbon, Heri, agus Arodi, agus Areli.

17 Agus mic Aseir; Imnah, agus Isuah, agus Isui, agus Beriah, agus Serah am piuthar. Agus mic Bheriah; Heber, agus Malchiel.

18 *Is* iad sin mic Shilpah, a thug Laban d'a nighinn Leah; agus rug i iad sin do Iacob, *eadhon* sè anaman deng.

19 Mic Racheil mnà Iacoib; Ioseph, agus Benjamin.

20 Agus rugadh do Ioseph ann an tìr na h-Eiphit, Manasch agus Ephraim, a rug Asenat nighean Photipherah sagairt Oin dha.

21 Agus b'iad mic Bheniamin; Belah agus Becher, agus Asbel, Gera, agus Naaman, Ehi, agus Ros, Mupim, agus Hupim, agus Ard.

22 *Is* iad sin mic Racheil, a rugadh do Iacob: na h-anaman uile, ceithir-deug.

23 Agus mic Dhain; Husim.

# GENESIS, XLVII.

24 Agus mic Naphtali; Iafseel, agus Guni, agus Ieser, agus Sillem.

25 *Is* iad sin mic Bhilhah, a thug Laban d'a nighinn Rachel, a rug i do Iacob: na h-anaman uile, seachdnar.

26 Na h-anaman uile a thàinig le Iacob do'n Eiphit, a thàinig a mach as a leasraidh, a thuilleadh air mnaibh mhac Iacob; *Viad* na h-anamanna sò uile trì fichead 's a sè.

27 Agus mic Ioseph a rugadh dha 's an Eiphit, *bu* dhà anam *iad*: uile anaman thighe Iacob, a thàinig do'n Eiphit, *bu* trì fichead 's a deich *iad*.

28 Agus chuir e Iudah roimhe gu Ioseph, chum as gu'n tugadh e fios dha *teachd* 'n a làthair ann an Gosen; agus thàinig iad gu fearann Ghosein.

29 Agus bheartaich Ioseph a charbad, agus chaidh e suas 'an coineamh Israeil 'athar gu Gosen; agus nochd se e fèin da, agus thuit e air a mhuineal, agus ghul e air a mhuineal rè tamuill.

30 Agus thubhairt Israel ri Ioseph, Faigh-eams' a nis bàs, o chumnaic mi do ghnùis, do bhrìgh gu *bheil* thu fathast beò.

31 Agus thubhairt Ioseph r'a bhràithribh, agus ri teaghlach 'athar, Théid mise suas, agus cuiridh mi 'n céill do Pharaoh, agus their mi ris, Tha mo bhràithrean, agus teaghlach m'athar, a *bha* ann an tìr Chanaain, air teachd a m' ionnsuidh:

32 Agus *is* buachaillean na daoine, oir bu luchd-spréidhe iad; agus thug iad leo an treudan, agus am feudail, agus gach nì a *bh'* aca.

33 Agus tarlaidh 'n uair a ghairmeas Pharaoh oirbh, agus a their e, Ciod *is* ceird duibh?

34 Gun-abair sibhse, Bu luchd-spréidhe do sheirbhisich o'r n-òige eadhon gus a nis, sinn féin agus mar au ceudna ar n-aithrichean; chum as gu'n gabh sibh còmhnuidh ann am fearann Ghosein, oir *is* gràineileachd do na h-Eiphitich gach buachaille spréidhe.

## CAIB. XLVII.

1 *Thug* Ioseph cùignear d'a bhràithribh agus 'athair 'an làthair Pharaoh. 11 Shuidhich e iad ann an tìr Rameseis agus bheathaich e iad. 28 Aois Iacob: 29 mhionnaich Ioseph dha gu'n adhlacadh se e maille r'a aithricheibh.

**A** N sin thàinig Ioseph agus dh'innis e do Pharaoh, agus thubhairt e, Thàinig m'athair agus mo bhràithrean, agus an treudan, agus am feudail, agus gach nì a *bh'* aca, a mach a tìr Chanaain; agus, feuch, *tha* iad ann am fearann Ghosein.

2 Agus ghabh e cùignear d'a bhràithribh, agus chuir e 'n làthair Pharaoh iad.

3 Agus thubhairt Pharaoh r'a bhràithribh, Ciod *is* ceird duibh? Agus thubhairt iadsan ri Pharaoh, *Is* buachaillean do sheirbhisich, sinn féin agus ar n-aithrichean.

4 Thubhairt iad maran ceudna ri Pharaoh, 'S ann gu bli air chuir ann an tìr a

thàinig sinn, oir cha n'-eil feur aig do sheirbhisich d'an spréidh, do bhrìgh gu bheil a' ghorta mòr ann an tìr Chanaain: a nis uime sin, guidheamaid ort, leig le d' sheirbhisich còmhnuidh a ghabhail 'am fearann Ghosein.

5 Agus labhair Pharaoh ri Ioseph, ag ràdh, Thàinig d'athair agus do bhràithrean ad ionnsuidh:

6 Tha tìr na h-Eiphit romhad; anns a' chuid a's fearr de'n fhearann thoir air d'athair agus do bhràithribh còmhnuidh a ghabhail; gabhadh iad còmhnuidh 'am fearann Ghosein; agus ma's aithne dhuit gu bheil 'n am measg daoine comasach, nì thu iad 'n an àrd bhuachaillibh air mòspréidh-sa.

7 Agus thug Ioseph Iacob 'athair a stigh, agus chuir e'n làthair Pharaoh e: agus bheannaich Iacob Pharaoh.

8 Agus thubhairt Pharaoh ri Iacob, Ciod a's aois dhuit?

9 Agus thubhairt Iacob ri Pharaoh, 'S iad làithean bhliadhnachan mo chuairte ceud agus deich bliadhna fichead: bu tearc agus olc làithean bhliadhnachan mo bheatha, agus cha d'ràinig iad làithean bhliadhnachan beatha m' aithrichean ann an làithibh an cuairte-san.

10 Agus bheannaich Iacob Pharaoh, agus chaidh e mach a làthair Pharaoh.

11 Agus shuidhich Ioseph 'athair agus a bhràithrean, agus thug e dhoibh sealbh ann an tìr na h-Eiphit, anns a' chuid a's fearr de'n fhearann, ann am fearann Rameseis, mar a dh'áithn Pharaoh.

12 Agus bheathaich Ioseph 'athair, agus a bhràithrean, agus uile teaghlach 'athar le h-aran, a réir an cloinne.

13 Agus cha *robh* arau anns an tìr uile; oir *bha* a' ghorta ro mhòr, air chor as gu'n robh tìr na h-Eiphit, agus tìr Chanaain *uile* fann leis a' ghorta.

14 Agus chruinnich Ioseph an t-airgiod uile a fhuaradh ann an tìr na h-Eiphit, agus ann an tìr Chanaain, air son a' bhìdh a cheannaich iad: agus thug Ioseph an t-airgiod do thìgh Pharaoh.

15 Agus an uair a theirig airgiod ann an tìr na h-Eiphit, agus ann an tìr Chanaain, thàinig na h-Eiphitich uile gu Ioseph, ag ràdh, Thoir dhuimh aran: c'ar son a gheibheamaid bàs a'd làthair? oir theirig ar n-airgiod.

16 Agus thubhairt Ioseph, Thugaibh seachad bhur spréidh, agus bheir mise dhuibh air son bhur spréidhe, ma theirig airgiod *dhuibh*.

17 Agus thug iad an spréidh gu Ioseph: agus thug Ioseph dhoibh aran air son each, agus air son nan caorach, agus air son a' chruidh, agus air son nau asal; agus bheathaich e iad le h-aran, air son an spréidhe uile, air a' bhliadhna sin.

18 'N uair a chrìochnaich iad a' bhliadhna



sin, thàinig iad d'a ionnsuidh air an dara bliadhna, agus thubhairt iad ris, Cha cheil sinne air mo thighearn gu'n do chaitheadb ar n-airgiod; tha mar an ceudna ar treudan sprìdh aig mo thighearn; cha d'fhàgadh ann an sealladh mo thighearna ach ar cuirp, agus ar fearann.

19 C'ar son a gheibh sinn bàs fa chomhair do shùl, araon sinne agus ar fearann? Ceannaich sinne agus ar fearann air son arain, agus bithidh sinne agus ar fearann 'n ar seirbhisich do Pharaoh: agus thoir *dhuinn* siol, chum as gu'm bi sinn beò, agus nach faigh sinn bàs, agus nach bi am fearann 'n a fhàsach.

20 Agus cheannaich Ioseph fearann na h-Eiphit uile do Pharaoh; oir reic na h-Eiphitich gach duine 'fhearann féin, a chionn gu'n do bhuadhaich a' ghort 'orra: mar sin bu le Pharaoh an talamh.

21 Agus a thaobh an t-sluaigh, chuir e air imrich iad do bhailtibh o aon cheann chrìochan na h-Eiphit, eadhon gu ruig an ceann *eile* dhith:

22 A mhàin fearann nan sagart cha do cheannaich e; oir *dh'* *orduicheadh* cuibh-rionn do na sagartaibh le Pharaoh, agus dh'ith iad an cuibh-rionn a thug Pharaoh dhoibh: uime sin eha do reic iad am fearann.

23 Agus thubhairt Ioseph ris an t-sluaigh, Feuch, cheannaich mi sibh an diugh, agus bhur fearann do Pharaoh; feuch, *so* siol duibh, agus cuiribh am fearann

24 Agus tarlaidh, de na chinneas gu'n toir sibh an cuigeamh *cuid* do Pharaoh, agus bithidh agaibh féin ceithir earrannan, air son sil an fhearainn, agus air son bhur bidh, agus air son muinntir bhur teaghlach, agus air son bidh d'ur cloinn bhig.

25 Agus thubhairt iadsan, Ghlèidh thu beò sinn: faigheamaid deadh-ghean ann an sealladh mo thighearna, agus bithidh sinn 'n ar seirbhisich do Pharaoh.

26 Agus rinn Ioseph sin 'n a lagh gus an là 'n diugh air feadh fearainn na h-Eiphit, gu'm bithheadh aig Pharaoh an cuigeamh *cuid*; saor a mhàin o fhearann nan sagart, nach bu le Pharaoh.

27 Agus ghabh Israel còmhnuidh ann an tìr na h-Eiphit, ann an talamh Ghòsein; agus bha sealbha aca ann, agus shìolaich iad, agus dh'fhàs iad ro lìonmhor.

28 Agus bha Iacob beò ann an tìr na h-Eiphit seachd bliadhna deug; agus b'iad bliadhnanach beatha Iacòib uile ceud, agus dà fhichead agus seachd bliadhna.

29 Agus dhlùthaich an t-àmannsam b'èigin do Israel bàs fhaotainn: agus ghairm e air a mhac Ioseph, agus thubhairt e ris, Mafhuair mi nis deadh-ghean a'd' shealladh, cuir, guidheam ort, do làmh fo m'leis, agus buin gu caomhneil agus gu fìrinneach

rium; na h-adhlaic mi, guidheam ort, 's an Eiphit.

30 Ach luidhidh mi maille ri m'aithrichibh, agus giùlainidh tu mi mach as an Eiphit, agus adhlaicidh tu mi 'n an àit' adhlaic-san. Agus thubhairt esan, Nì mi mar a thubhairt thu.

31 Agus thubhairt e, Mionnaich dhomh: agus mionnaich e dha. Agus chrom Israel e féin air ceann-adhairt na leapach.

CAIB. XLVIII.

1 *Chaidh Ioseph a dh'fhaicinn 'athar, agus e tinn.* 15 *Bheannaich Iacob e féin agus a chithis mhac, Ephraim agus Manaseh.* 21 *Roinh-innis e gu'm pilleadh iad a ris gu Canaan.*

**A**GUS an déigh nan nithean sin, dh'innis *neach* do Ioseph, Feuch, *tha* d'athair tinn: agus thug e leis a dhà mhac, Manaseh agus Ephraim.

2 Agus dh'innis *neach* do Iacob, agus thubhairt e, Feuch, *tha* do mhac Ioseph a' teachda'd' ionnsuidh: agus neartaich Israel e féin, agus shuidh e air an leabaidh.

3 Agus thubhairt Iacob ri Ioseph, Dh'fhoillsich Dia uile-chumhachdach e féin dhomhsa aig Luds ann an tìr Chanaain, agus bheannaich e mi.

4 Agus thubhairt e rium, Feuch, nì mise sìolmhor agus lìonmhor thu, agus nì mi thu a'd' choimhlthional chinneach, agus bheir mi am fearann so do d'shliochd a'd' dhéigh mar sheilbh shiorruidh.

5 Agus a nis do dhithis mhac, Ephraim agus Manaseh, a rugadh dhuit ann an tìr na h-Eiphit mun d' thàinig mis'a'd' ionnsuidh do'n Eiphit, *is* leamsa iad; mar Reuben agus Shimeon, bithidh iad leamsa.

6 Agus bithidh do shliochd, a ghineas tu 'n an déigh, iat féin; a réir ainme ann bràithrean goirear iad 'n an seilbh féin.

7 Agus air mo shonsa dheth, 'n uair a thàinig mi o Phadan, fhuair Rachael bàs agam ann an tìr Chanaain, air an t-slighe, 'n nair nach *robh* fathast ach astar goirid ri teachd gu h-Ephrat: agus dh'adhlaic mi 'n sin i air an t-slighe gu h-Ephrat; 's e sin Betlehem.

8 Agus chunnaic Israel mic Ioseph, agus thubhairt e, Cò iad sin?

9 Agus thubhairt Ioseph r'a athair, 'S *iad* mo mbie-sa iad, a thug Dia dhomh an so: agus thubhairt e, Thoir a m' ionnsuidh iad, guidheam ort, agus beannaichidh mi iad.

10 Agus bha suilean Israel trom le h-aois, air chor nach bu léir dha *gu math*: agus thug e 'm fagus da iad, agus phòg e iad, agus ghabh e 'n a ghlaicibh iad.

11 Agus thubhairt Israel ri Ioseph, Cha do shaoil mi gu'm faicinn do ghnùis, agus, feuch, nochd Dia dhomh mar an ceudna do shliochd.

12 Agus thug Ioseph a mach iad o cadar



a ghluinean, agus chrom se eféin le 'aghaidh gu lár.

13 Agus ghabh Ioseph iad le 'chéile, Ephraim 'n a làimh dheis air làimh chli Israeil, agus Manaseh 'na làimh chli air làimh dheis Israeil; agus thug e 'm fagus da *iad*.

14 Agus shìn Israel a mach a làmh dheas, agus chuir e *i* air ceann Ephraim, am *mac* a b'òige, agus a làmh chli air ceann Mhanaseh: stiùir e a làmh an gu seòlta; oir b'e Manaseh an ceud-ghin.

15 Agus bheannaich e Ioseph, agus thubhairt e, Gu'n deanadh Dia, 'an làthair an do ghluais m'aithrichean Abraham agus Isaac, an Dia a bheathaich mi rè mo bheatha uile gus an là'n diugh,

16 An t-àingeal a shaor mi o gach olc, na leinibh a bheannachadh, agus ainmichear m'ainm-sa orra, agus ainm m'aithrichean Abraham agus Isaac: agus mar iasg *na mara* fasadh iad lionmhor 'am meadhon na talmhainn.

17 Agus an uair a chunnaic Ioseph gu'n do chuir 'athair a làmh dheas air ceann Ephraim, cha do thaitinn e ris: agus chum e suas làmh 'athair, a chum a h-atharrachadh o cheann Ephraim gu ceann Mhanaseli.

18 Agus thubhairt Ioseph r'a athair, Ni h-ann mar sin, athair: oir *is* e so an ceud-ghin; cuir do làmh dheas air a cheann.

19 Agus dhiùlt 'athair, agus thubhairt e, Tha fhios agam, a mhic, tha fhios agam; bithidh esan cuideachd 'n a shluagh, agus fasaidh e mar an ceudna mòr: ach gu deimhin bithidh a bhràthair a's òige nì's mò na e, agus bithidh a shliochd 'n am mòran chinneach.

20 Agus bheannaich e iad air an là sin, ag ràdh, Annadsa beannaichidh Israel, ag ràdh, Gu'n deanadh Dia thu mar Ephraim, agus mar Mhanaseh: agus chuir e Ephraim roimh Mhanasch.

21 Agus thubhairt Israel ri Ioseph, Feuch, tha mis' a' faotainn a' bhàis; ach bithidh Dia maille ribhse, agus bheir e ris sibh gu dùthaich bhuir n-aithrichean.

22 Agus thug mise dhuit aon chuid-roinne thar do bhràithrean, a bhuin mi mach á làimh an Amoraich le m' chlaidheamh agus le m' bhogha.

# CAIB. XLIX.

1 *Ghairm Jacob a mhic cuideachd, agus bheannaich e iad.* 29 *Dh'èirbh e dhoibh gu'n adhaicheadh iad e ann an ùr Chanaain.* 33 *A bhàs.*

**A**GUS ghairm Jacob air a mhic, agus thubhairt e, Cruinnichibh sibh féin an ceann a chéile, chum as gu'n innis mi dhuibh ciod a tharlas dhuibh 's na làithibh deircan-nach.

2 Cruinnichibh sibh féin an ceann a chéile, agus chuinnibh, a mhaca Iacoib, agus éisdibh ri Israel bhur n-athair.

3 A Reubein, *is* tu mo cheud-ghin, mo threise, agus toiseach mo neirt, òirdheirceas àrd-inbhe, agus òirdheirceas cumbhachd.

4 Neo-sheasmhach mar uisge, cha toir thu barrachd, do bhrìgh gu'n deachaidh tu suas do leabaidh d'athair: an sin thruaill thu *i*; chaidh e suas do m' uirigh.

5 *Is* bràithrean Simeon, agus Lebhi: *tha* immil aingidheachd 'n an àitibh-còmhnuidh.

6 'N an diomhaireachd na tigeadh m'anam-sa; r'an còimhthional na bitheadh m' onoirsa air a h-aonadh: oir 'n an corruich mharbh iad duine, agus 'n am féin-thoil leag iad sìos balla.

7 Mallaichte *gu'n robh* an corruich, oir *bha i* garg; agus am fearg, oir *bha i* an-ìochd-mhor: roinnidh mi iad ann an Iacob, agus sgaoilidh mi iad ann an Israel.

8 A Iudah, molaidh do bhràithrean thusa; *bithidh* do lamh 'am muineal do namhdean: cromaidh clann d'athar iad féin sìos a'd làthair.

9 *Is* cuilean leòmhain Iudah; o'n chobhar-taich, a mhic, chaidh thu suas: chrom se e féin sìos, chrùb e mar leòmhán, agus mar sheann leòmhán; co 'dhùisgeas suas e?

10 Cha dealaich an t-slat-rioghail ri Iudah, no lagh-thabhartair o eadar a chosan, gus an tig Siloh agus dhasan géillidh na slòigh:

11 A' ceangal a shearraich ris an fhionain, agus loth 'asail ris an fhionain thaghta; nìgh e 'eudach 'am fion, agus a thrusgan 'am fuil nam fion-dhearc.

12 Bithidh a shùilean nì's deirge na fion, agus 'fhiacalan nì's gile na bainne.

13 Gabhaidh Sebulun còmhnuidh aig caladh a' chuain, agus *bithidh* e air son calaidh long; agus *bithidh* 'eirthir gu ruig Sidon.

14 *Is* asal làidir Isachar, a' crùbadh sìos eadar dhà eallaich.

15 Agus chunnaic e gu'm *bu* mhaith an nì fois, agus gu'n *robh* an fearann taitneach; agus chrom e a ghuala gu iomchar, agus rinneadh e 'n a sheirbhiseach do chis.

16 Bhéir Dan breth air a shluagh, mar aon de threubhan Israeil.

17 Bithidh Dan 'n a nathair air an ròd, 'n a nathair-nimhe air an t-slighe, a theumas sàltean an eich, air chor as gu'n tuit a mharcach 'an coinneamh a chùil.

18 Ri d' shlàinte dh'fheith mise, O Thigh-earna.

19 Gad, bheir buidheam buaidh air: ach bheir esan buaidh ma dheireadh.

20 A mach á h-Aser *bithidh* 'aran-san reamhar, agus bheir e uaidh sògh rioghail.

21 *Is* eilid air a leigeadh fuasgailte Naph-tali; bheir e focal thaitneach uaidh.

22 *Is* gèug thorrach Ioseph, gèug thorrach làimh ri tobar, aig am bheil a meanglain a sgaoileadh thar á bhalla.

23 Chràidh na fir-bhogha gu gear e, agus thilg iad *air*, agus dh'fhuathaich iad e.

24 Ach dh'fhan a bhogha 'n a neart, agus

## GENESIS, L.

rinneadh gairdeanan a làmh làidir le làmh-  
an *Dhè* chumhachdaich Iacuib; (uaith sin  
tha 'm buachaille, clach Isracil:)

25 *Eadhon* le Dia d'athar, a ni còmhlaidh  
leat, agus leis an Uile-chumhachdach, a  
bheannaicheas thu le beannachdaibh nèimh  
o'n àirde, beannachdaibh na doimhne shìos,  
beannachdaibh nan cìoch, agus na bronn.

26 Thug beannachdan d'athar barrachd  
air beannachdaibh mo shinnseara, gu ruig  
foirionnall nan sliabh sìorruidh; bithidh iad  
air ceann Ioseph, agus air mullach a chinn-  
san a sgaradh o bhràithribh.

27 Ni Benjamin fiadhadh mar mhadadh-  
alluidh: 's a' mhaduinn ithidh e a' chobhart-  
ach, agus 's an fheasgar roinnidh e a'  
chreach.

28 *Is* iad sin uile dà threubh dheug Isracil:  
agus *is e* so an ni a labhair an athair riu,  
agus bheannaich e iad; gach aon ac' a réir  
a bheannachaidh, bheannaich e iad.

29 Agus dh'àithn e dhoibh, agus thubhairt  
e riu, Cruinnichear mise chum mo dhaoine.  
adhlacibh mi maille ri m'athrichibh 's an  
uaimh a *tha* ann an achadh Ephroin an  
Hitich;

30 'S an uaimh a *tha* ann an achadh  
Mhachpelah, a *tha* fa chomhair Mhamre,  
ann an tìr Chanaain, a cheannaich Abraham  
maille ris an achadh o Ephron an Hiteach,  
mar sheilbh àit-adhlac.

31 (An sin dh'adhlac iad Abraham agus  
Sarah a bhean; an sin dh'adhlac iad Isaac  
agus Rebekah a bhean; agus an sin dh'adhlac  
mise Leah.)

32 Cheannaicheadh an t-achadh, agus an  
uaimh a *tha* ann, o chloinn Het.

33 Agus an uair a chrìochnaich Iacob  
àitheantan a thoirt d'a mhic, cruinnich e  
a chosan suas do'n leabaidh, agus chaochail  
e, agus chruinnicheadh e chum a dhaoine.

### CAIB. L.

1 *Bròn air son bàis Iacob. 7' Adhlac. 24 Roimh-  
innis Ioseph d'a bhràithribh, gun tugadh  
Dia a mach iad as an Eiphit gu tìr an aith-  
richean. 26 A bàs.*

**A** GUS thuit Ioseph air aghaidh 'athar,  
agus ghluil e air, agus phòg se e.

2 Agus dh'àithn Ioseph d'a sheirbhisich  
na léighean, spìosraidh a chur air corp 'athar;  
agus chuir na léighean spìosraidh air  
Israel.

3 Agus choimhlionadh air a shon dà fhich-  
ead là (oir mar so còimhlìonair làithean na  
muinntir sin air an cuirear spìosraidh;) agus  
rinn na h-Eiphitich bròn air a shon deich  
'us trì fichead là.

4 Agus an uair a chaidh làithean a bhròin  
thairis, labhair Ioseph ri teaghlach Pharaoh,  
ag ràdh, A nis na fhuair mi deadh-ghean  
'n 'ur suilibh, labhbraibh, guidheam oirbh,  
ann an cluasaibh Pharaoh, ag ràdh,

5 Ghabh m'athair mionnan diom, ag ràdh,

Feuch, *tha* mise a' faghail a' bhàis: a'm  
uigh a chladhaich mi dhomh féin ann an  
tìr Chanaain, an sin adhlacaidh tu mi. A  
nis uime sin leig dhomh dol suas, guidheam  
ort, agus m'athair adhlacadh, agus thig mi  
ris.

6 Agus thubhairt Pharaoh, Falbh suas,  
agus adhlac d'athair, a réir mar a ghabh o  
mionnan diot.

7 Agus chaidh Ioseph suas a dh'adhlacadh  
'athar: agus maille ris chaidh seirbhisich  
Pharaoh suas uile, seanairean a thighe, agus  
uile sheanairean thìre na h-Eiphit,

8 Agus teaghlach Ioseph uile, agus a  
bhràithrean, agus teaghlach 'athar: a mhàin  
dh'fhàg iad an clann bheag, agus an caoraich,  
agus am buar, ann an tìr Ghòsein.

9 Agus chaidh suas maille ris, araon car-  
badan agus mare-shluagh: agus bha a'  
chuideachd ro mhòr.

10 Agus thàinig iad gu h-urlar-bualaidh  
Ataid, a *tha* 'n taobh thall de Iordan; agus  
rinn iad bròn an sin le caoidh mhòir agus  
ro chràitich: agus rinn e bròn air son 'athar  
seachd làithean.

11 Agus an uair a chunnaic luchd-àiteach-  
aidh na tìre, na Cananaich, am bròn ann  
an urlar Ataid, thubhairt iad, *Is* doilgheas-  
ach am bròn so do na h-Eiphitich; uime sin  
thugadh Abel-misràim mar ainm air, a *tha*  
'n taobh thall de Iordan.

12 Agus rinn a mhic dha mar a dh'àithn  
e dhoibh:

13 Oir ghiùlain a mhic e do thìr Chanaain,  
agus dh'adhlac iad e ann an uaimh achaidh  
Mhachpelah, a cheannaich Abraham maille  
ris an achadh mar sheilbh àit-adhlac, o  
Ephron an Hiteach, fa chomhair Mhamre.

14 Agus phill Ioseph do 'n Eiphit, e féin  
agus a bhràithrean, agus iadsan uile a  
chaidh suas maille ris a dh'adhlac 'athar, an  
déigh dha 'athair adhlac.

15 Agus an uair a chunnaic bràithrean Io-  
seph gu'n d'fhuair an athair bàs, thubhairt  
iad, Theagamh gu'n toir Ioseph fuath  
dhuinn, agus gu'n diol e gu cinnteach oirnn  
an t-olc sin uile a rinn sinn air.

16 Agus chuir iad teachdairean gu Ioseph,  
ag ràdh, Dh'àithn d'athair mun d'fhuair e  
bàs, ag ràdh,

17 Mar so their sibh ri Ioseph, Maith,  
guidheam ort a nis, éucoir do bhràithrean,  
agus am peacadh, do bhrìgh gu'n d' rinn  
iad olc ort: agus a nis, guidheam ort, maith  
eucoir sheirbhiseach Dhè d'athar. Agus  
ghuil Ioseph an uair a labhair iad ris.

18 Agus chaidh a bhràithrean mar an  
ceudna, agus thuit iad sìos 'n a làthair, agus  
thubhairt iad, Feuch, *is* seirbhisich dhuit  
sinne.

19 Agus thubhairt Ioseph riu, Na bithcadh  
cagal oirbh; oir *am bheil* mise 'an àite  
Dhè?

20 Agus d' ur taobhsa, shònraich sibh ole



a'm' aghaidh; *ach* shònraich Dia sin a chum maith, a chum, mar air an là 'n diugh, gu'n tearnadh e mòr shluagh beò.

21 A nis uime sin na bitheadh eagal oirbh: altrumaidh mise sibh, agus bhur clann bheag. Agus thug e comhfhurtachd dhoibh, agus labhair e gu caoinhneil riu.

22 Agus ghabh Ioseph còmhnuidh 's an Eiphit, e féin agus teaghlach 'athar: agus bha Ioseph beò ceud agus deich bliadhna.

23 Agus chunnaic Ioseph clann Ephraim, de'n treas *ginealach*: thogadh suas mar an ceudna clann Mhachir, mhic Mhanaseh, air glùinibh Ioseph.

24 Agus thubhairt Ioseph r'a bhràithribh *tha* mise a' faghail a' bhàis, ach amhaircidh Dia gu cinnteach oirbhse, agus bheir e mach sibh as an fhearann so, do'n fhearann a mhionnaich e do Abraham, do Isaac, agus do Iacob.

25 Agus ghabh Ioseph mionnan de chloinn Israeil, ag ràdh, Amhaircidh Dia gu cinnteach oirbhse, agus giùlainidh sibh mo chnàmhan-sa suas as a so.

26 Agus fhuair Ioseph bàs, agus e ceud agus deich bliadhna dh'aois: agus chuir iad spìosraidh air, agus chuireadh ann an ciste-mhairbh e 's an Eiphit.

## DARA LEABHAR MHAOIS,

D'AN AINM

# ECSODUS.

### CAIB. I.

1 *Clann Israeil a' fàs lionmhor.* 8 *Tha iad air an sàruchadh le rìgh ùr air an Eiphit.* 15 *Diadhaidheachd nam ban-glùine.*

**A** NIS is iad so ainmeannan chloinn Israeil, a thàinig do'n Eiphit; thàinig gach duine agus a theaghlach maille ri Iacob:

2 Reuben, Simeon, Lebhi, agus Iudah,

3 Isachar, Sebulun, agus Benjamin,

4 Dan, agus Naphtali, Gad, agus Aser.

5 Agus na h-anaman uile a thàinig a mach a' leasraidh Iacob, bu deich agus trì fichead anam iad; oir bha Ioseph 's an Eiphit *cheana*.

6 Agus fhuair Ioseph bàs, agus a bhràithrean uile, agus an ginealach sin uile.

7 Agus bha clann Israeil sìolmhor, agus dh'fhàs iad gu mòr, agus rinneadh lionmhor iad, agus chinn iad ro chumhachdach; agus lìonadh an tìr leo.

8 A nis dh'èirich rìgh ùr air an Eiphit, do nach b' àithne Ioseph.

9 Agus thubhairt e r'a shluagh, Feuch, tha sluagh chloinn Israeil nì's lionmhoire agus nì's cumhachdaiche na sinne.

10 Thigibh, buineamaid gu seòlta: air eagal gu'm fàs iad lionmhor, agus gu'n tachair e, 'n uair a dh'èireas cogadh, gu'n gabh iadsan mar an ceudna le'r naimhdebhe, agus gu'n cog iad 'n ar n-aghaidh, agus gu'n féid iad a mach as an tìr.

11 Uime sin chuir iad maighstirean-oibre orra, chum an sàruchadh le'n eallachaibh. Agus thog iad bailtean-ionmhais do Pharaoh, Pìtom agus Rameses.

12 Ach mar is mò a shàruich siad iad, 's ann is mò a rinneadh iadsan lionmhor agus

a dh'fhàs iad. Agus bha iad fo dhoilgheas air son chloinn Israeil.

13 Agus thug na h-Eiphitich air cloinn Israeil seirbhis a dheanamh le cruadhas.

14 Agus rinn iad am beatha searbh dhoibh le daorsa chruaidh, ann an criadh, agus ann an clachaibh-ercadha, agus anns gach gné oibre 's a' mhachair: *bha* an obair uile, anns an ò' thug iad orra obair a dheanamh, le cruadhas.

15 Agus labhair rìgh na h-Eiphit ri mnathan-glùine nan Eabhruidheach (*be* ainm aoin duibh Siphrah, agus ainm na té eile Puah.)

16 Agus thubhairt e, 'N uair a ni sibh gnìomh mnà-glùine do na mnathan Eabhruidheach, agus a chi sibh *iad* air na stòlaibh, ma's mac a *bhios ann*, an sin marbhadh sibh e, ach ma's nighean a *bhios ann*, bithidh i beò.

17 Ach bha eagal Dhé air na mnathan-glùine, agus cha d'rinn iad mar a dh'àithn rìgh na h-Eiphit dhoibh, ach ghléidh iad a' chlànn-mhac beò.

18 Agus ghairm rìgh na h-Eiphit air na mnathan-glùine, agus thubhairt e riu, C'ar son a rinn sibh an ni so, agus a ghléidh sibh a' chlànn-mhac beò?

19 Agus thubhairt na mnathan-glùine ri Pharaoh, A chionn nach 'eil na mnathan Eabhruidheach mar na mnathan Eiphiteach: oir *tha* iad féin beothail, agus air an aisead mu'n tig na mnathan-glùine a steach d'an ionnsuidh.

20 Uime sin bhuin Dia gu maith ris na mnathan-glùine: agus rinneadh an sluagh lionmhor, agus dh'fhàs iad ro chumhachdach.



21 Agus a chionn gu'n robh eagal Dhé air na mnathan-glúine, rinn e tighean dhoibh.

22 Agus thug Pharaoh àithne d'a shluagh uile, ag ràdh, Gach mac a bheirear, tilgidh sibh 's an amhainn; agus gach nighean gleidhidh sibh beò.

## CAIB. II.

1 *Maois air a bhreith, agus air a chur ann an cobhan am measg na cuilce, aig bruaich na h-aimhne. 5 Fhuaradh e, agus dh'altrumadh e le nighinn Pharaoh.*

**A** GUS chaidh duine de thigh Lebhi, agus ghabh e nighean do Lebhi 'n a mnaoi.

2 Agus dh'fhàs a' bhean torrach, agus rug i mac; agus an uair a chunnaic i gu'n robh e 'n a leanabh tlachdmhor, dh'fholaich i e rè thri mìosan.

3 Agus an uair nach b'urrainn i 'fholach ni b'fhaide, ghabh i dha cobhan cuilce, agus chuir i thairis e le làthaich agus le pic, agus chuir i an leanabh ann; agus chuir i e 's a' chuile aig bruaich na h-aimhne.

4 Agus sheas a phiuthar am fad *uair*, a dh'fhaicinn ciod a dheantadh ris.

5 Agus thàinig nighean Pharaoh a nuas g'a nigheadh féin 's an amhainn, agus bha a maighdeanan ag imeachd ri taobh na h-aimhne; agus an uair a chunnaic i 'n cobhan an measg na cuilce, chuir i a banoglach g'a thabhairt d'a h-ionnsuidh.

6 Agus an uair a dh'fhosgail e, chunnaic i 'n leanabh: agus, feuch, ghuiil an naoidhean. Agus ghabh i truas ris, agus thubhairt i, *Is aon* so de chloinn nan Eabhruidheach.

7 An sin thubhairt a phiuthar ri nighean Pharaoh, An téid mise, agus an gairm mi dhuit banaltrum de na mnathan Eabhruidheach, a chum as gu'n altrum i 'n leanabh dhuit?

8 Agus thubhairt nighean Pharaoh rithe, Falbh. Agus chaidh a' mhaighdean, agus ghairm i màthair an leimibh.

9 Agus thubhairt nighean Pharaoh rithe, Thoir an leanabh so leat, agus altrum dhomhsa e, agus bheir mi dhuit do thuarasdal. Agus ghabh a' bhean an leanabh, agus dh'altrum i e.

10 Agus dh'fhàs an leanabh, agus thug i e dh'ionnsuidh nighinn Pharaoh, agus bha e 'n a mhac dh'i. Agus thug i Maois mar ainm air: agus thubhairt i, A chionn as an uisge gu'n do tharruing mi mach e.

11 Agus tharladh anns na làithibh sin, an uair a dh'fhàs Maois suas, gu'n deachaidh e mach a dh'ionnsuidh a bhràithrean, agus gu'n d'amhaire e air an eallachaibh: agus chunnaic e Eiphiteach a' bualadh Eabhruidhich, aoin d'a bhràithribh.

12 Agus dh'amhaire e an taobh so agus an taobh ud, agus an uair a chunnaic e nach

*robh aon* duine ann, mharbh e an t-Eiphiteach, agus dh'fholaich e 's a' ghaincamh e.

13 Agus an uair a chaidh e mach an dara là, feuch, *bha* dithis de na h-Eabhruidhich a' strì r'a chèile; agus thubhairt e ris-san a rinn an euccoir, C'ar son a bhuailcas tu do choimhearsnach?

14 Agus thubhairt e, Cò 'rinn thusa a'd' uachdaran agus a'd' bhreitheamh oirne? am miann leat mise a mharbhadh, mar: mharbh thu 'n t-Eiphiteach? agus ghabh Maois eagal, agus thubhairt e, Gu cinn-teach tha an ni so aithnichte.

15 A nis an uair a chuala Pharaoh an ni so, dh'iarr e Maois a mharbhadh, ach theich Maois o aghaidh Pharaoh, agus ghabh e còmhnuidh ann an tìr Mhidiaim; agus shuidh e sìos làimh ri tobar.

16 A nis bha aig sagart Mhidiaim seachd-nar nighean: agus thàinig iad agus tharruing iad *uisge*, agus lion iad na h-amair a thoirt uisge do thréud an athar.

17 Agus thàinig na buachaillean agus dh'fhuadaich iad air falbh iad: ach sheas Maois suas agus chuidich e leo, agus thug e uisge d'an tréud.

18 Agus an uair a thàinig iad gu Ruel an athair, thubhairt e, Cionnus a thàinig sibh co luath an diugh?

19 Agus thubhairt iad, Shaor Eiphiteach sinn à làimh nam buachaillean, agus mar an ceudna tharruing e uisge gu leòr dhuinn, agus thug e uisge do'n tréud.

20 Agus thubhairt esan r'a nigheanaibh, Agus c'ait am bheil e? C'ar son a dh'fhàg sibh an duine? Gairmibh air, a chum's gu'n ith e aran.

21 Agus bha Maois toilcach còmhnuidh a ghabhail maille ris an duine; agus thug e Sipurah a nighean do Mhaois 'n a mnaoi.

22 Agus rug i mac *dha*, agus thug e Gerson mar ainm air: oir thubhairt e, Bha mi m' choigreach ann an tìr aineoil.

23 Agus tharladh an ceann mòrain làithean, gu'n d'fhuair rìgh na h-Eiphit bàs, agus bha clann Israeil ag osnaich air son na daorsa, agus ghlaodh iad; agus chaidh an glaoth suas gu Dia, air son na daorsa.

24 Agus chuala Dia an osnaich, agus chuimhnich Dia a choimheangal ri h-Abraham, ri h-Isaac, agus ri Iacob.

25 Agus dh'amhaire Dia air cloinn Israeil, agus dh'fhiosraich e iad.

## CAIB. III.

1 *Bha Maois a' gleidheadh tréud Ietro 'athar-céile. 2 Dh'fhoillsicheadh aingal an Tighearna dha ann an lasair theine a meadhon pris. 7 Chuiricheadh e leis an Tighearna a thabhairt cloinn Israeil a mach as an Eiphit. 14 A theachdaireachd dhoibh.*

**A** NIS bha Maois a' gleidheadh tréud Ietro 'athar-céile, sagairt Mhidiaim: agus thug e'n tréud gu taobh cuil an

fhàsaich, agus thàinig e gu sliabh Dhé, gu Horeb.

2 Agus dh'fhoillsicheadh aigeal an Tigh-earna dha ann an lasair theine á meadhon prìs: agus dh'amhairc e, agus, feuch, bha 'm preas a' lasadh le teine, ach eha *robh* am preas air a losgadh.

3 Agus thubhairt Maois, Tionnda'idh mi nis a leth-taobh, agus chi mi an sealladh mòr so, c'ar son nach 'eil am preas air a losgadh.

4 Agus an uair a chunnaic an Tighearn gu'n do thionndaidh e a leth-taobh a dh'-fhaicinn *sin*, ghairm Dia air á meadhon a' phris, agus thubhairt e A Mhaois, a Mhaois. Agus thubhairt esan, *Tha* mi 'n so.

5 Agus thubhairt e, Na tig am fagus an so; cuir dhìot do bhrògan bhàrr do chos' oir an t-àit' air am bheil thu a' d' sheasamh, is talamh naomh e.

6 Thubhairt e mar an ceudna, *Is* mise Dia d'athar, Dia Abraham, Dia Isaac, agus Dia Iacob. Agus dh'fhòlaich Maois 'aghaidh: oir bha eagal air amharc air Dia.

7 Agus thubhairt an Tighearn, Chunnaic mi gu cinnteach àmhghar mo shluaigh a *tha* 's an Eiphit, agus chuala mi 'n glaoth air son am maighstirean-oibre: oir is aithne dhomh an doilgheas.

8 Agus thàinig mi nuas g'an saoradh á làimh nan Eiphiteach, agus g'an toirt suas a mach as an fhearann sin, gu fearann maith agus farsuing, gu fearann a *tha* 'sruthadh le bainne agus le mil; gu àite nan Canaanach, agus nan Hiteach, agus nan Amorach, agus nam Peridseach, agus nan Hibheach, agus uan Iebusach.

9 A nis uime sin, feuch, tha glaoth chloinn Israeil air teachd a m' ionnsuidh-sa: agus mar an ceudna chunnaic mi an fòirneart leis am bheil na h-Eiphitich 'g am foireig-neadh.

10 Agus a nis thig, agus euiridh mi thu dh'ionnsuidh Pharaoh, a ehum as gu'n tabhair thu mach mo shluagh clann Israeil as an Eiphit.

11 Agus thubhairt Maois ri Dia, Cò mise, gu'n rachainn a dh'ionnsuidh Pharaoh, agus gu'n tugaiun a mach clann Israeil as an Eiphit?

12 Agus thubhairt e, Bithidh mise gu cinnteach leat; agus bithidh so 'n a chomharadh dhuit, gu'n do chuir mise uam thu: 'n uair a bheil thu mach an sluagh as an Eiphit, ni sibh aoradh do Dhia air an t-sliabh so.

13 Agus thubhairt Maois ri Dia, Feuch, an uair a thig mi dh'ionnsuidh cloinn Israeil, agus a their mi riu, Chuir Dia blur n-aithrichean mise d'ur n-ionnsuidh; agus a their iad rium, Ciod a's ainm dha? Ciod a their mi riu?

14 Agus thubhairt Dia ri Maois, IS MI AN TI A'S MI: Agus thubhairt e, Mar

so their thu ri cloinn Israeil, Chuir IS MI mise d'ur n-ionnsuidh.

15 Agus thubhairt Dia thuilleadh air so ri Maois, Mar so their thu ri cloinn Israeil, Chuir an Tighearn Dia bhur n-aithrichean, Dia Abraham, Dia Isaac, agus Dia Iacob, mise d'ur n-ionnsuidh: 's e so m' ainm a chaidh; agus *is* e so mo chuimhneachan do gach uile ghinealach.

16 Imich agus cruinnich r'a ehéile sean-airean Israeil, agus abair riu, Dh'fhoillsich au Tighearn Dia bhur n-aithrichean e féin dhomhsa, Dia Abraham, Isaac, agus Iacob, ag ràdh, Gu cinnteach dh'amhare mi oirbh, agus *chunnaic mi* an ni a rinneadh oirbh 's an Eiphit.

17 Agus thubhairt mi, Bheir mi suas sibh á h-àmhghar na h-Eiphit, gu fearann nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach, gu fearann a *tha* 'sruthadh le bainne agus le mil.

18 Agus éisdidh iadsan ri d' ghuth: agus théid thu féin, agus seanairean Israeil, gu rìgh na h-Eiphit, agus their sibh ris, Choinnich an Tighearn, Dia nan Eabhruidheach sinne: agus a nis leig dhuinn, guidheamaid ort, dol astar thri làithean do'n fhàsach, chum as gu'n iobair sinn do'n Tighearn ar Dia.

19 Agus is deimhin leam nach leig rìgh na h-Eiphit leibh imeachd, cha leig *eudh*on le làimh làidir.

20 Agus sinidh mis' a mach mo làmh, agus buailidh mi 'n Eiphit le m' iongantasan uile, a ni mi 'n a meadhon: agus an déigh sin leigidh e dhuibh imeachd.

21 Agus bheir mise do'n t-sluagh so deadh-ghean ann an sealladh nan Eiphiteach: agus tarlaidh, 'n uair a dh'fhalbhas sibh, nach falbh sibh falamh;

22 Ach iarraidh gach bean o 'ban-chuimhearsnaich, agus o'n mhnaoi a bhios air aoidheachd 'u a tigh, seudan airgid, agus seudan òir, agus eudach: agus cuiridh sibh *iad* air blur mic, agus air bhur nigheanaibh; agus creachaidh sibh na h-Eiphitich.

#### CAIB. IV.

1 *Slat Mhaois air a tionndadh 'n a nathair.* 6 A làmh lobhrach. 21 Teachdairrachd an Tighearna chum Pharaoh.

**A**GUS fhreagair Maois, agus thubhairt e, Ach, feuch, cha chreid iad mi, ni mò dh'éisdeas iad ri m' ghuth: oir their iad, Cha do thaisbein an Tighearn e féin dhuit.

2 Agus thubhairt an Tighearn ris, Ciod sin 'n ad làmh? Agus thubhairt esan, Slat.

3 Agus thubhairt e, Tilg air an làr i; agus tilg e air an làr i, agus rinneadh i 'n a nathair: agus theich Maois roimpe.

4 Agus thubhairt an Tighearn ri Maois,



Cuir a mach do làmh, agus glac air a h-earr i. Agus chuir e mach a làmh, agus rug e oirre, agus rinneadh slat dh'i 'n a làmh.

5 Chum as gu'n creid iad gu'n d'fhoillsich an Tighearn Dia an aithrichean, Dia Abraham, Dia Isaac, agus Dia Iacob, e féin dhuit.

6 Agus thubhairt an Tighearn a thuilleadh air so ris, Cuir a nis do làmh a' d' bhroilleach; agus chuir e a làmh 'n a bhroilleach: agus an uair a thug e mach i, feuch, bha a làmh lobhrach mar shneachda.

7 Agus thubhairt e, Cuir do làmh a ris a' d' bhroilleach: agus chuir e a làmh a ris 'n a bhroilleach, agus thug e mach a' bhroilleach i, agus, feuch, dh' iompaicheadh i mar a' chuid eile d' a fheoil.

8 Agus tarlaidh, mur creid iad thu, agus mur h-éisd iad ri guth a' cheud chomharaidh, gu'n creid iad guth a' chomharaidh dheireannaich.

9 Agus tarlaidh, mur creid iad mar an ceudna an dà chomharadh sin, agus mur h-éisd iad ri d' ghuth, gu'n gabh thu cuid a dh' uisge na h-aimhne, agus gu'n dòirt thu air an *talamh* thioram e: agus fàsaidh an t-uisge a bheir thu as an amhainn, 'n a fhuil air an *talamh* thioram.

10 Agus thubhairt Maois ris an Tighearn, O mo Thighearna, cha duine deas-chainnteach mi aon chuid roimhe so, no o'n àm 's an do labhair thusa ri d' sheirbhiseach: do bhrìgh gu'm bheil mi mall ann an cainnt, agus mall ann an teangaidh.

11 Agus thubhairt an Tighearn ris, Cò a rinn beul an duine? no cò a rinn am balbh, no'm bodhar, no'n ti a chi, no'n dall? Nach mise an Tighearn?

12 A nis uime sin imich, agus bithidh mise le d' bheul, agus teagaisgidh mi dhuit ciod a their thu.

13 Agus thubhairt e, O mo Thighearna, cuir, guidheam ort, le làmh an t-ia chuir-eas tu.

14 Agus las corruich an Tighearn 'an aghaidh Mhaois, agus thubhairt e, Nach e Aaron an Lebhitheach do bhràthair? tha fios agam gu'n labhair esan gu maith. Agus mar an ceudna, feuch, tha e teachd a mach a' d' choinneamh: agus an uair a chi e thu, bithidh e subhach 'n a chridhe.

15 Agus labhraidh tusa ris, agus cuiridh tu focail 'n a bheul: agus bithidh mise le do bheul-sa agus le 'bheul-san, agus teagaisgidh mi dhuibh ciod a ni sibh.

16 Agus labhraidh esan air do shonsa ris an t-sluagh: agus bithidh esan, bithidh *eadhon* esan dhuit 'an àite beoil, agus bithidh tusa dhasan 'an àite Dhé.

17 Agus gabhaidh tu an t-slat so ann do làmh, leis an dean thu comharan.

18 Agus dh'imich Maois agus phill e gu Ietro athair-céile, agus thubhairt e ris, Théid mi nis, agus pillidh mi chum mo

bhràithrean a tha 's an Eiphit, agus chi mi am bheil iad fathast beò. Agus thubhairt Ietro ri Maois, Imich 'an sìth.

19 Agus thubhairt an Tighearn ri Maois ann am Midian, Imich, pill do'n Eiphit: oir tha na daoine sin uile marbh a bha 'g iarraidh d' anama.

20 Agus ghabh Maois a bhean, agus a mhic, agus chuir e iad air asail, agus phill e do thìr na h-Eiphit. Agus ghabh Maois slat Dhé 'n a làmh.

21 Agus thubhairt an Tighearn ri Maois, An uair a dh'imicheas tu chum pilltinn do'n Eiphit, thoir an aire gu'n dean thu na h-iongantais sin uile, a chuir mise ann ad làmh, 'an fianuis Pharaoh: ach cruaidhichidh mise a chridhe, agus cha leig e leis an t-sluagh imeachd.

22 Agus their thu ri Pharaoh, Mar so tha'n Tighearn ag ràdh, 'S e Israei mo mhac, mo cheud-ghin.

23 Agus tha mi ag ràdh rint, Leig le m' mhac imeachd, a chum as gu'n dean e seirbhìs dhomh: agus ma dhùiltas tuitegeadh leis imeachd: feuch, marbhaidh mise do mhac-sa, *eadhon* do cheud-ghin.

24 Agus tharladh air an t-slighe 's an tigh-òsda, gu'n do choinnich an Tighearn e, agus gu'n d'iarr e a mharbhadh.

25 An sin ghabh Siporah clach *gheur*, agus thimchioll-ghearr i roimh-chroicinn a mic, agus thilg i aig a chosaibh e, agus thubhairt i, Gu cinnteach is fear-pòsda fuileachdach dhomh-sa thu.

26 Agus leig e uaith e: an sin thubhairt i, Is fear-pòsda fuileachdach *thu* air son an timchioll-ghearraidh.

27 Agus thubhairt an Tighearn ri h-Aaron, Imich 'an coinneamh Mhaois do'n fhàsach. Agus dh'imich e, agus choinnich se e ann an shlabh Dhé, agus phòg se e.

28 Agus dh'innis Maois a dh' Aaron uile bhriathran an Tighearn, a chuir uaith e, agus na comharan uile a dh'èithn e dha.

29 Agus chaidh Maois agus Aaron, agus chruinnich iad seanairean chloinn Israeil uile.

30 Agus labhair Aaron na briathran uile a labhair an Tighearn ri Maois, agus rinn e na comharan ann an sealladh an t-sluaigh.

31 Agus chreid an sluagh: agus an uair a chual' iad gu'n d'amhaire an Tighearn air cloinn Israeil, agus gu'm fac e an àmhghar, an sin chrom iad an cinn, agus rinn iad aoradh.

#### CAIB. V.

1 Tha Pharaoh a' diùltadh cead do chloinn Israeil dol gu féill a chumail do'n Tighearn anns an fhàsach. 6 Dh'èithn e obair ni bu truime a chur orra.

A GUS 'n a dhéigh sin chaidh Maois agus Aaron a steach, agus thubhairt iad ri Pharaoh, Mar so tha'n Tighearn Dia Israeil ag ràdh, Leig le m' shluagh imeachd, a chum



as gu'n gléidh iad féill dhomhsa 's an fhásach.

2 Agus thubhairt Pharaoh, Cò e an Tighearn, gu'n éisdinn-sa r'a gluath a leigeadh le h-Israel imeachd? Cha-naitlne dhomhsa an Tighearn, agus mar an ceudna cha leig mi le h-Israel imeachd.

3 Agus thubhairt iad, Dh'fhoillsich Dia nan Eabhruidheach e féin dhuinne: leig leinn, guidheamaid ort, dol astar thri làithean do'n fhásach, a chum as gu'n iobar sinn do'n Tighearn ar Dia, air cagal gu'm buail e sinn le plàigh, no leis a' chlaidheamh.

4 Agus thubhairt rìgh na h-Eiphit riu, C'ar son a tha sibhse, a Mhaois agus Aaron, a' toirt air an t-sluagh sgar o'n oibrìbh? Rachaibh a chum bhuir n-eallachan.

5 Agus thubhairt Pharaoh, Feuch, *tha* sluagh na tìre a nis lìomhior, agus tha sibhse a' toirt orra bhi 'n an tàmh o'n eallachaibh.

6 Agus dh'àithn Pharaoh air an là sin féin do mhaighstiribh-oibre an t-sluaigh, agus d'an luchd-riaghlaidh, ag ràdh,

7 Cha toir sibh connlach tuilleadh do'n t-sluagh a dheanamh chlachach-creadha mar roimhe so: rachadh iad agus cruinnicheadh iad connlach dhoibh féin.

8 Agus cuiridh sibh orra àireamh nan clacha-creadha a rinn iad roimhe: cha leig sibh sìos a bheag dhieth, oir tha iad dìomhianach: uime sin tha iad ag éigheach, ag ràdh, Rachamaid *agus* iobramaid d'ar Dia.

9 Cuirear an obair-ni's trùime air na daoine, chum as gu'n saoraich iad innte: agus na h-earbhadh iad à briathraibh dìomhain.

10 Agus chaidh maighstirean-oibre an t-sluaigh a mach, agus an luchd-riaghlaidh, agus labhair iad ris an t-sluagh, ag ràdh, Mar so tha Pharaoh ag ràdh, Cha toir mi dhuibh connlach.

11 Rachaibh, gabhaibh dhuibh féin connlach far am feud sibh a faotainn: gidheadh cha leigear sìos a bheag de'r n-obair.

12 Uime sin sgaoileadh an sluagh air feadh tìre na h-Eiphit uile, a chruinneachadh asbhuain 'an àite connlach.

13 Agus chuir na maighstirean-oibre thuige iad, ag ràdh, Coimhlionaibh bhuir n-oibre cumta lathaibh, mar an uair a thugadh connlach dhuibh.

14 Agus bhuailleadh luchd-riaghlaidh chloinn Israeil a chuir maighstirean-oibre Pharaoh os an ceann, *agus* dh'fhiosraicheadh dhuibh, C'ar son nach do choimhlion sibh bhuir n-obair chumta ann an deanamh chlachach-creadha, araan an dé agus an diugh, mar a *rinn sibh* roimhe?

15 An sin thàinig luchd-riaghlaidh chloinn Israeil, agus ghlaodh iad ri Pharaoh, ag ràdh, C'ar son a bhùncas tu air an dòigh so ri d' sheirbhiseich?

16 Cha n-'eil connlach air a tabhairt do d' sheirbhiseich, agus 'se' their iad ruinn, Dean-

aibh clacha-creadha: agus, feuch, *tha* do sheirbhiseich air am bualadh; ach is ann aig do shluagh féin a tha 'choire.

17 Ach thubhairt esan, *Tha* sibh dìomhianach, *tha sibh* dìomhianach: uime sin their sibh, Rachamaid *agus* iobramaid do'n Tighearn.

18 Uime sin imichibh a nis, deanaibh obair; oir cha toirear connlach dhuibh, agus bheir sibh uailh làn àireamh nan clacha-creadha.

19 Agus chunnaic luchd-riaghlaidh chloinn Israeil gu'm bu chruaidh an càs anns an robh iad, agus e air a ràdh *riu*, Cha lughdaich sibh *dad* d'ur clachaibh-creadha, de'n obair dhligeach lathail.

20 Agus choinnich iad Maois agus Aaron, a sheas air an t-slighe, 'n uair a thàinig iad a mach o Pharaoh.

21 Agus thubhairt iad riu, Gu'n amhaireadh Dia oirbh, agus gu'n tugadh e breth, do bhrìgh gu'n d' rinn sibh ar faile gràmicil an làthair Pharaoh, agus an làthair a sheirbhiseach, a' cur claidheimh 'n an làimh a chum sinne a mharbhadh.

22 Agus phill Maois a dh'ionnsuidh an Tighearna, agus thubhairt e, A Thighearna, c'ar son a bhuin thu *cho* ole ris an t-sluagh so? c'ar son a chuir thu uait mi?

23 Oir o'n àm a thàinig mi gu Pharaoh a labhairt ann ad ainm, rinn e ole do'n t-sluagh so; agus cha do shaor thu idir do shluagh.

## CAIB. VI.

1 *Tha Dia ag òrachadh a gheallaidh do Mhaois le ainm Iehobah.* 14 *Ginealach Reuben,* 15 *Shimeoin,* 16 *agus Lebbi, o'n d' thàinig Maois agus Aaron.*

**A**N sin thubhairt an Tighearn ri Maois, A nis chi thu ciod a ni mi ri Pharaoh: oir le làimh làidir leigidh e leo imeachd, agus le làimh làidir fudaichidh e mach as a dhùthaich iad.

2 Agus labhair Dia ri Maois, agus thubhairt e ris, *Is* mise an Tighearn.

3 Agus dh'fhoillsich mi mi féin do Abraham, do Isaac, agus do Iacob, le ainm an Dé uile-chumhachdaich, ach le m'ainm Iehobah cha robh mi aithnichte dhoibh.

4 Agus mar an ceudna dhaingnich mi mo choimhcheangal riu, gu'n tugaim dhoibh tìr Chanaan, tìr an cuairte, anns an robh iad 'n an coigrich.

5 Agus mar an ceudna chuala mi osnach chloinn Israeil, a tha na h-Eiphitich a' cumail ann an daorsa: agus chuinnich mi mo choimhcheangal.

6 Uime sin abair ri cloinn Israeil, *Is* mise an Tighearn, agus bheir mi sibh a mach o bhi fo callachaibh nan Eiphitich, agus saoraidh mi sibh o'n daorsa: agus fuasglaidh mi sibh le gàirdcan sint' a mach, agus le breitheanasaidh mòra.

7 Agus gabhaidh mi sibh dhomh féin mar shluagh, agus bithidh mi dhuibh a'm' Dhia: agus bithidh fios agaibh gur mise an Tighearn bhuir Dia, a tha 'g'ur tabhairt-sa mach o *bhi* fo eallachaibh nan Eiphiteach.

8 Agus bheir mi steach sibh a dh'ionnsuidh an fhearainn a mhionnaich mi gu'n tugainn e do Abraham, do Isaac, agus do Jacob; agus bheir mi e dhuibhse mar oighreachd: *Is* mise an Tighearn.

9 Agus labhair Maois mar sin ri cloinn Israeil: ach cha d'éisd iad ri Maois, trid chraidh spioraid, agus trid chruaidh dhaorsa.

10 Agus labhair an Tighearn ri Maois, ag ràdh,

11 Imich a steach, labhair ri Pharaoh rìgh na h-Eiphit, e a leigeadh do chloinn Israeil dol a mach as a dhùthaich.

12 Agus labhair Maois an làthair an Tighearn, ag ràdh, Feuch, cha d' éisd clann Israeil rium; cionnus ma tha dh'éisdeas Pharaoh riumsa, aig *am bheil* mo bhilean neo-thimchioll-ghearrta?

13 Agus labhair an Tighearn ri Maois, agus ri h-Aaron, agus thug e dhoibh àithne a chum cloinn Israeil, agus a chum Pharaoh rìgh na h-Eiphit, clann Israeil a thoirt a mach á tìr na h-Eiphit.

14 *Is* iad sin ceannardan thighean an aithrichean: mic Reubein ceud-ghlin Israeil; Hanoeh, agus Palu, Hesron, agus Carmi: *is* iad sin teaghlaichean Reubein.

15 Agus mic Shimeoin; Gemuel, agus Iamin, agus Ohad, agus Iachin, agus Sohar, agus Saul mac Ban-chanaanaich: *is* iad sin teaghlaichean Shimeoin.

16 Agus *is* iad sin ainmean mhac Lebhi, a réir an ginealach; Gerson, agus Cohat, agus Merari: agus *Viad* bliadhmachan beatha Lebhi ceud agus seachd bliadhna deug 'ar fhichead.

17 Mic Ghersein; Libni, agus Simi, a réir an teaghlaichean.

18 Agus mic Chohait; Amram, agus Idshar, agus Hebron, agus Udsiel: agus *Viad* bliadhmachan beatha Chohait ceud agus trì bliadhna deug 'ar fhichead.

19 Agus mic Mherari; Mahali agus Musi: *is* iad sin teaghlaichean Lebhi, a réir an ginealach.

20 Agus ghabh Amram Iochebed piuthar-athar dha féin 'n a mnaoi; agus rug i dha Aaron agus Maois: agus *Viad* bliadhmachan beatha Amram ceud agus seachd bliadhna deug 'ar fhichead.

21 Agus mic Idshair; Corah, agus Nepheg, agus Sichri.

22 Agus mic Udsiel; Misael, agus Elaphan, agus Sitri.

23 Agus ghabh Aaron Eliseba nighean Aminadaib, piuthar Naasoin, dha féin 'n a mnaoi; agus rug i dha Nadab agus Abihu, Eleasar agus Itamar.

24 Agus mic Chorah; Asir, agus Elcanah,

agus Abiasaph: *is* iad sin teaghlaichean nan Corhach.

25 Agus ghabh Eleasar mac Aaron *aon* de nigheanaibh Plutiel dha féin 'n a mnaoi; agus rug i dha Phinehas: *is* iad sin ceannardan aithrichean nan Lebhitheach, a réir an teaghlaichean.

26 *Is* iad so an t-Aaron agus am Maois ud, ris an d'thubhairt an Tighearn, Thug-aibh a mach clann Israeil á tìr na h-Eiphit, a réir an slògh.

27 *Is* iad so iadsan a labhair ri Pharaoh, rìgh na h-Eiphit, a chum clann Israeil a thoirt a mach as an Eiphit: *is* iad so am Maois agus an t-Aaron ud.

28 Agus tharladh 's an là air an do labhair an Tighearn ri Maois ann an tìr na h-Eiphit,

29 Gu'n do labhair an Tighearn ri Maois, ag ràdh, *Is* mise an Tighearn: labhair thusa ri Pharaoh rìgh na h-Eiphit gach *ni* a their mi riut.

30 Agus thubhairt Maois an làthair an Tighearna, Feuch, *tha* mise neo-thimchioll-ghearrta a'm' bhilibh, agus cionnus a dh'éisdeas Pharaoh rium?

## CAIB. VII.

1 *Chuireadh Maois a dh'ionnsuidh Pharaoh.*

10 *Rinneadh slat Aaron 'n a nathair.* 13 *Chruaidhicheadh cridhe Pharaoh.* 20 *Uisge na h-aimhne air a thionndadh gu fuil.*

**A**GUS thubhairt an Tighearn ri Maois, Feuch, rinn mi thu a'd' dhia do Pharaoh: agus bithidh do bhràthair Aaron 'n a fhàidh agad.

2 Labhraidh tusa gach *ni* a dh'àithneas mise dhuit: agus labhraidh Aaron do bhràthair ri Pharaoh, esan a chur cloinn Israeil a mach as a thùr.

3 Agus cruaidhichidh mise cridhe Pharaoh, agus ni mi mo chomharan agus m'iongantasan lionmhor ann an tìr na h-Eiphit.

4 Ach cha-néisd Pharaoh ribh, agus leagaidh mise mo làmh air an Eiphit, agus bheir mi mach m'armailtean, agus mo shluagh clann Israeil, á tìr na h-Eiphit, le breitheanasaiibh mòra.

5 Agus bithidh fios aig na h-Eiphitich gur mise an Tighearn, 'n uair a shìneas mi mach mo làmh air an Eiphit, agus a bheir mi mach clann Israeil o *bhi* 'n am measg.

6 Agus rinn Maois agus Aaron mar a dh'àithn an Tighearn dhoibh, mar sin rinn iad.

7 Agus *bha* Maois ceithir fichead bliadhna dh'aois, agus Aaron ceithir fichead agus trì bliadhna dh'aois, an uair a labhair iad ri Pharaoh.

8 Agus labhair an Tighearn ri Maois, agus ri h-Aaron, ag ràdh,

9 'N uair a labhras Pharaoh ribh, ag ràdh, Nochdaibh iongantais air bhuir sou féin; an sin their thu ri h-Aaron, Gabh do shlat,



agus tilg sìos i an làthair Pharaoh, agus fàsaidh i 'n a nathair.

10 Agus chaidh Maois agus Aaron a steach a dh'ionnsuidh Pharaoh, agus rinn iad mar sin, mar a dh'àithn an Tighearn: agus thilg Aaron sìos a shlat an làthair Pharaoh, agus an làthair a sheirbhiseach, agus rinneadh i 'n a nathair.

11 Au sin ghairm Pharaoh mar an ceudna air na daone glice, agus air an luchd-fiosachd: agus rinn mar an ceudna druidhean na h-Eiphit mar sin le'n druidheachdaibh:

12 Oir thilg iad sìos gach duine a shlat, agus rinneadh iad 'n an nathraichibh: ach shluig slat Aaron suas an slatansa.

13 Agus chruidhich eadh cridhe Pharaoh, air chor as nach d'éisd e riu; mar a thubhairt an Tighearn.

14 Agus thubhairt an Tighearn ri Maois, Chruidhich eadh cridhe Pharaoh, tha e diùltadh leigeadh leis an t-sluagh falbh.

15 Imich-sa dh'ionnsuidh Pharaoh 's a' mhaduinn, feuch, tha e' dol a mach a dh'ionnsuidh an uisge, agus seasaidh tu 'm a choinneamh air bruaich na h-aimhne; agus au t-slat a thionndaidheadh gu bhli 'n a nathair, gabhaidh tu a'd' làimh.

16 Agus their thu ris, Chuir an Tighearn Dia nan Eabhruidheach mise a' d'ionnsuidh, ag ràdh, Leig le m'shlugh imeachd, a chum as gu'n dean iad seirbhis dhomhsa 's an fhàsach: agus, feuch, gus a so cha b' àill leat éisdeachd.

17 Mar so tha'n Tighearn ag ràdh, Ann an so aithnichidh tu gur mise an Tighearn: feuch, buailidh mi leis an t-slat a tha 'm' làimh, na h-uisgeachan a tha's an amhainn, agus tionndaidhear iad gu fuil.

18 Agus gheibh an t-iasg a tha 's an amhainn bàs, agus lobhaidh au amhainn; agus bithidh gràin air na h-Eiphitich uisge òl as an amhainn.

19 Agus labhair an Tighearn ri Maois, Abair ri h-Aaron, Gabh do shlat agus sin a mach do làmh air uisgeachaibh na h-Eiphit, air an aimhnichibh, air an sruthaibh, agus air an lochaibh, agus air uile chomh-chruinneachadh an uisgeachan, chum as gu'm fàs iad 'n am fuil: agus bithidh fuil air feadh tìre na h-Eiphit uile, araon ann an soithichibh fiodha, agus ann an soithichibh cloiche.

20 Agus rinn Maois agus Aaron mar sin, a réir mar a dh'àithn an Tighearn, agus thog e suas an t-slat, agus bhuail e na h-uisgeachan a bha 's an amhainn, ann an sealladh Pharaoh, agus ann an sealladh a sheirbhiseach: agus thionndaidheadh na h-uisgeachan uile a bha 's an amhainn, gu fuil.

21 Agus fhuair an t-iasg a bha 's an amhainn bàs: agus lobh an amhainn, agus cha b' urrainn na h-Eiphitich uisge òl as an

amhainn: agus bha'n fhuil ann an tìr na h-Eiphit uile.

22 Agus rinn druidhean na h-Eiphit mar sin le'n druidheachdaibh: agus chruidhich eadh cridhe Pharaoh, agus cha d'éisd e riu, mar a thubhairt an Tighearn.

23 Agus phill Pharaoh, agus chaidh e d'a thigh; agus cha do shocraich e a chridhe air so cuideachd.

24 Agus chladhaich na h-Eiphitich uile timchioll na h-aimhne air son uisge r'a òl: oir cha b' urrainn iad òl a dh'uisge na h-aimhne.

25 Agus choimhlionadh seachd làithean an dèigh do'n Tighearn an amhainn a bhualadh.

## CAIB. VIII.

2 *Losgann air an cur do'n Eiphit.* 16 *An d'uslach a' fàs 'n a mhiailaibh.* 20 *Sgaoth chuireil air feadh na tìre.* 32 *Chruidhich Pharaoh a chridhe.*

**A**GUS thubhairt an Tighearn ri Maois, Falbh a dh'ionnsuidh Pharaoh, agus abair ris, Mar so tha 'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

2 Agus ma dhiùltas tu 'n leigeadh air falbh, feuch, buailidh mi do chrìochan uile le losgannaibh:

3 Agus brùchdaidh an amhainn a mach losgann, agus theid iad suas, agus thig iad a steach do d' thigh, agus do d' sheòmar-leapach, agus air uachdar do leapach, agus do thigh do sheirbhiseach, agus air do shluagh, agus do d' àmhuinnibh, agus do d' amaraibh-fuinidh.

4 Agus theid na losgann suas ort féin, agus air do shluagh, agus air do sheirblisich uile.

5 Agus thubhairt an Tighearn ri Maois, Abair ri h-Aaron, Sin a mach do làmh le d' shlaib os ceann nan aimhnichean, os ceann nan allt, agus os ceann nan lochan; agus thoir air na losgannaibh dol suas air talamh na h-Eiphit.

6 Agus shìn Aaron a mach a làmh os ceann uisgeachan na h-Eiphit; agus chaidh na losgann suas, agus chòmhdaich iad talamh na h-Eiphit.

7 Agus rinn na druidhean mar sin le 'n druidheachdaibh, agus thug iad suas losgann air talamh na h-Eiphit.

8 An sin ghairm Pharaoh air Maois agus air Aaron, agus thubhairt e, Guidhibh air an Tighearn gu'n toir e air falbh na losgann uam féin, agus o' m' shluagh; agus leigidh mise leis an t-sluagh imeachd, a chum as gu'n ìobair iad do'n Tighearn.

9 Agus thubhairt Maois ri Pharaoh, Dean uail tharum: c'uin a ghuidheas mi air do shon, agus air son do sheirbhiseach, agus air son do shluagh, gu'n cuirear as do na losgannaibh uait féin, agus o d' thighibh;



air chor agus gu'm fau iad a mhàiu 's an amhainn?

10 Agus thubhairt esan, Am màireach. Agus thubhairt e, *Bithheadhea* réir d'fhocail; a chum as gu'm bi fios agad nach 'eil neach anu cosuail ris an Tighearn ar Dia.

11 Agus falbhaidh na losgainn uait féin, agus o d' thighibh, agus o d' sheirbhiseich, agus o d' shluagh; a mhàiu 's an amhainn nairidh iad.

12 Agus chaidh Maois agus Aarou a mach o Pharaoh; agus dh'éigh Maois ris an Tighearn a thaobh nan losgann, a thug e 'n aghaidh Pharaoh.

13 Agus rinn an Tighearn a réir focail Mhaois: agus bhàsaich na losgainn as na thighibh, as na bailtibh, agus as na mach-raichibh.

14 Agus chruinich iad r'a chéile 'n an dùnaibh iad; agus lobb au tìr.

15 Ach an uair a chumnaic Pharaoh gu'n robh fois ann, chruaidhich e a chridhe, agus cha d'éisd e riu, mar a thubhairt an Tighearn.

16 Agus thubhairt an Tighearn ri Maois, Abair ri h-Aarou, Sin a mach do shlat, agus buail duslach na talmhainn, a chum gu'm fàs e 'n a mhialaibh air feadh tìre na h-Eiphit uile.

17 Agus rinu iad mar sin; oir shìn Aaron a mach a làmh le 'shlait, agus bhuail e duslach na talmhainn, agus riuneadh e 'n a mhialaibh air duine agus air ainmhidh: rinneadh uile dhuslach na talmhainn 'n a mhialaibh air feadh tìre na h-Eiphit uile.

18 Agus riuu na druidhean mar sin le'n druidheachdaibh a thoirt a mach mhiail, ach cha b'urraim iad: agus bha mialan air duine agus air ainmhidh.

19 An sin thubhairt na druidhean ri Pharaoh, 'Se meur Dhé a th'ann: agus chruaidhicheadh cridhe Pharaoh, agus cha d'éisd e riu; mar a thubhairt an Tighearn.

20 Agus thubhairt an Tighearn ri Maois, Eirich suas gu moch 's a' mhaduinn, agus seas an làthair Pharaoh, (feuch, tha e 'teachd a mach a dh'ionnsuidh an uisge) agus abair ris, Mar so tha'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

21 Ach mur leig thu le m' shluagh imeachd, feuch, cuiridh mi sgoth chuilcag ort féin, agus air do sheirbhiseich, agus air do shluagh, agus ann ad thighibh: agus lionar tighean uau Eiphiteach leis an sgoth chuilcag, agus mar an ceudna an talamh air *am bheil* iad.

22 Agus cuiridh mi air leth air an là sin féin fearann Ghosein, anns am bheil mo shluagh a chòmhnuidh, air chor as nach bi cuileagan sam bith an sin; a chum as gu'm bi fios agad gur mise an Tighearn 'am meadhon na talmhainn.

23 Agus cuiridh mi dealachadh eadar mo

shluaghsa agus do shluaghsa: air an là màireach bithidh an comharadh so.

24 Agus rinn an Tighearn mar sin: agus thàinig sgoth anabarrach chuilcag do thigh Pharaoh, agus do thighibh a sheirbhiseach, agus do thìr na h-Eiphit uile: thruailleadh an talamh a thaobh nan cuileag.

25 Agus ghairm Pharaoh air Maois agus air Aaron, agus thubhairt e, Rachaidh, iobraibh d'ur Dia 's an tìr.

26 Agus thubhairt Maois, Cha n'èil e iomchuidh *sinn* a dheanamh mar sin; oir iobraidh sinn gràineileachd nan Eiphiteach do'n Tighearn ar Dia. Feuch, an iobair sinne gràineileachd nan Eiphiteach fa chomhair au sùl, agus nach clach iad sinn?

27 Théd sium astar th' àithearn do'n fhàsach, agus iobraidh sinn do'n Tighearn ar Dia, mar a dh'àithneas e dhuinn.

28 Agus thubhairt Pharaoh, Leigidh mi dhuibh imeachd, a chum as gu'n iobair sibh do'n Tighearn bhur Dia 's an fhàsach; ach na rachaibh ro fhad air astar: guidhibh air mo shonsa.

29 Agus thubhairt Maois, Feuch, théd mise mach uait, agus guidhidh mi air an Tighearn gu'm falbh na cuileagan o Pharaoh, o 'sheirbhiseich, agus o 'shluagh, am màireach: ach na buineadh Pharaoh gu cealgach tuilleadh, anu an diùltadh leigeadh do'n t-sluagh dol a dh'ìobradh do'n Tighearn.

30 Agus chaidh Maois a mach o Pharaoh, agus ghluidh e air an Tighearn.

31 Agus rinn an Tighearn a réir focail Mhaois; agus chuir e air falbh na cuileagan o Pharaoh, o 'sheirbhiseich, agus o 'shluagh: cha d'fhan a h-aon.

32 Agus chruaidhich Pharaoh a chridhe air an àm so mar an ceudna, agus cha do leig e leis an t-sluagh imeachd.

### CAIB. IX.

1 *Plàigh mhòr air an spréidh. 8 Neasgaid ghràineil air duine agus air ainmhidh. 22 Clach-mheallain mhilleach 's an tìr.*

**A** GUS thubhairt an Tighearn ri Maois, Falbh a steach a dh'ionnsuidh Pharaoh, agus innis da, Mar so tha'n Tighearn Dia nan Eabhruidheach ag ràdh, Leig le m' shluagh imeachd, a chum as gu'n dean iad seirbhis dhomh:

2 Oir ma dhiùltas tu leigeadh *leo* imeachd, agus gu'n cum thu iad fathast,

3 Feuch, bithidh làmh an Tighearn 'air do spréidh a tha 's a' mhachair, air na h-eich, air na h-asail, air na càmhail, air a' chroddh, agus air na caoraich: *bithidh* plàigh ro uhdòr ann.

4 Agus cuiridh an Tighearn dealachadh eadar spréidh Israeil, agus spréidh na h-Eiphit: agus cha-n fhaigh a bheag bàs a dh'aon *ni a's* le cloinn Israeil.

5 Agus shuidhich an Tighearn àm, ag

ràdh, Am màireach ni an Tighearn an ni so 's an tìr.

6 Agus rinn an Tighearn an ni sin air an là màireach, agus fhuair spréidh na h-Eiphit uile bàs: ach de spréidh chloinn Israeil cha d'fhuair a h-aon bàs.

7 Agus chuir Pharaoh *teachdaire* uaith, agus, feuch, cha robh eadhon a h-aon de spréidh na Israeleach marbh. Agus chruaidhicheadh cridhe Pharaoh, agus cha do leig e an sluagh air falbh.

8 Agus thubhairt an Tighearn ri Maois, agus ri h-Aaron, Gabhaibh dhuibh féin làn bhrù glac de luath an teallaich, agus crathadh Maois i ri nêamh ann an sealladh Pharaoh.

9 Agus bithidh i 'n a duslach mìn air feadh tìre na h-Eiphit uile, agus bithidh i 'n a neasgaid a' briseadh a mach 'n a bolgaibh air duine, agus air ainmhidh, air feadh tìre na h-Eiphit uile.

10 Agus ghabh iad luath an teallaich, agus sheas iad an làthair Pharaoh, agus chrath Maois i ri nêamh: agus rinneadh i 'n a neasgaid a' briseadh a mach 'n a bolgaibh air duine, agus air ainmhidh.

11 Agus cha b'urrainn na druidhean seasamh an làthair Mhaois air son nan neasgaid; oir bha an neasgaid air na druaidhibh, agus air na h-Eiphitich uile.

12 Agus chruaidhich an Tighearn cridhe Pharaoh, agus cha d'éisd e riu; mar a labhair an Tighearn ri Maois.

13 Agus thubhairt an Tighearn ri Maois, Eirich suas gu moch 's a' mhaduinn, agus seas an làthair Pharaoh, agus abair ris, Mar so tha'n Tighearn Dia nan Eabhruidheach ag ràdh, Leig le m' shluagh imeachd, a chum as gu 'n dean iad seirbhis dhomh.

14 Oir air an àm so cuiridh mise mo phlàighean uile air do chridhe-sa, agus air do sheirbhisich, agus air do shluagh; a chum as gu'm bi fios agad nach 'eil neach ann cosmhuil riumsa 's an talamh uile.

15 Oir a nis sinidh mi mach mo làmh, agus buailidh mi thu féin agus do shluagh le plàigh; agus gearrar as thu o 'n talamh.

16 Agus gu deimhin air son so thog mi suas thu, a chum as gu'n nochdainn annad mo chumhachd, agus gu'm biodh m'ainm iomraideach 's an domhan uile.

17 Am bheil thu fathast 'g ad àrdachadh féin an aghaidh mo shluagh, air chor as nach leig thu leo imeachd?

18 Feuch, mu'n àm so màireach, bheir mise air cloich-mheallain ro mhòir frasadh a nuas, nach robh a samhail 's an Eiphit, o'n là 's an do leagadh a bunachur eadhon gu a nis.

19 Uime sin a nis cuir *fios* uait, agus cruinnich do spréidh, agus gach ni a *tha* agad 's a' mhachair; *oir* air gach duine agus ainmhidh a gheibhear 's a' mhachair, agus nach cruinnichear dhachaidh, thig a'

chlach-mheallain a nuas, agus gheibh iad bàs.

20 An ti a ghabh eagal roimh fhocal an Tighearna 'measg sheirbhisich Pharaoh, thug e air a sheirbhisich agus air a spréidh teicheadh do na tighibh.

21 Agus esan nach do ghabh suim de fhocal an Tighearna, dliflàg e a sheirbhisich agus a spréidh 's a' mhachair.

22 Agus thubhairt an Tighearn ri Maois, Sin a mach do làmh gu nêamh, chum as gu'm bi clach-mheallain ann an tìr na h-Eiphit uile, air duine, agus air ainmhidh, agus air uile luibh na macharach ann an tìr na h-Eiphit.

23 Agus shìn Maois a mach a shlat gu nêamh; agus rinn an Tighearn tairneanach agus clach-mheallain, agus ruith tein-athair air uachdar na talmhainn; agus fhras an Tighearn clach-mheallain air tìr na h-Eiphit.

24 Mar so bha clach-mheallain ann, agus teine measgta leis a' chloich-mheallain, ro mhòr, aig nach robh a samhail ann an tìr na h-Eiphit uile, o rinneadh dùthaich dhùith.

25 Agus bhuaill a' chlach-mheallain air feadh tìre na h-Eiphit uile gach *ni a bha* 's a' mhachair, araon duine agus ainmhidh: agus bhuaill a' chlach-mheallain uile luibhean na macharach, agus bhris i uile chraobhan na macharach.

26 A mhàin ann an tìr Ghosein, far *an robh* clann Israeil, cha robh clach-mheallain.

27 Agus chuir Pharaoh *teachdaire* uaith, agus ghairm e air Maois agus air Aaron, agus thubhairt e riu Pheacaich mi an uair so: *tha 'n* Tighearn ceart, agus mise agus mo shluagh aingidh.

28 Guidhibh's air an Tighearn (oir *is* leòr e) nach bi tairneanach anabarrach agus clach-mheallain ann *ni's mò*; agus leigidh mise leibh falbh, agus cha-n fhan sibh *ni's* faide.

29 Agus thubhairt Maois ris, Co luath 's a théid mise mach as a' bhaile, sinidh mi mo làmh an mach a chum an Tighearna: agus sguiridh an tairneanach, agus cha bhi a' chlach-mheallain ann *ni's mò*; chum as gu'm bi fios agad gur leis an Tighearn an talamh.

30 Ach air do shonsa, agus air son do sheirbhisich, tha fhios agam nach bi eagal oirbh fathast roimh an Tighearn Dia.

31 Agus bhuaileadh an lìon agus an t-còrna; oir *bha 'n* t-còrna fo dhéis, agus an lìon fo ros.

32 Ach cha do bhuaileadh an cruithneachd agus an seagal; oir cha *robh* iad air fas suas.

33 Agus chaidh Maois a mach o Pharaoh as a' bhaile, agus shìn e mach a làmh an Tighearna; agus sguir an tairneanach agus a' chlach-mheallain, agus cha do dhòirtadh an t-uisge air an talamh.



34 Agus an uair a clunnaic Pharaoh gu'n do sguir an t-uisge, agus a' chlach-mheallain, agus an tairneanach, pheacaich e fathast mar an ceudna, agus chruaidhich e a chridhe, e féin agus a sheirbhisich.

35 Agus chruaidhich eadh cridhe Pharaoh, agus cha do leig e clann Israel air falbh, mar a labhair an Tighearn le Maois.

## CAIB. X.

12 *Plàigh nan locust*, 21 *agus an tiugh dhorchadais*. 27 *Chruaidhich eadh cridhe Pharaoh*.

**A**GUS thubhairt an Tighearn ri Maois, Imich a steach gu Pharaoh; oir chruaidhich mi a chridhe, agus cridhe a sheirbhisich, a chum gu nochdainn iad sin mo chomharan 'n a làthair:

2 Agus gu'n innseadh tu ann an elusaibh do mhic, agus mhac do mhic, na nithean a dh'oibrich mi 's an Eiphit, agus mo chomharan a rinn mi 'n am measg; agus gu'm bi fios agaibh gur mise an Tighearn.

3 Agus chaidh Maois agus Aaron a steach gu Pharaoh, agus thubhairt iad ris, Mar so tha'n Tighearn Dia nan Eabhruidheach ag ràdh, Cia fhada dhiùltas tu thu féin isleachadh a'm' làthair-sa? Leig le m' shluagh imeachd, agus gu'n dean iad seirbhis dhomh:

4 Ach ma dhiùltas tu leigeadh le m' shluagh imeachd, feuch, bheir mise am màireach na locuist a steach do d' chrìoch-aibh.

5 Agus còmhdaichidh iad aghaidh na talmhainn, air chor as nach urrainn neach an talamh fhaicinn: agus ithidh iad fuigheal an ni sin a théid as, a dh'fhanas agaibh o'n chloich-mheallain, agus ithidh iad gach craobh a tha 'fas dhuibh as a' mhachair.

6 Agus lonaidh iad do thighean, agus tighean do sheirbhisich uile, agus tighean nan Eiphteach uile; ni nach faca aon chuid d'aithrichean no aithrichean d'aithrichean, o'n là a bha iad air an talamh gus an là 'n diugh. Agus phill se e féin, agus chaidh e mach o Pharaoh.

7 Agus thubhairt seirbhisich Pharaoh ris, Cia fhada bhios an duine so 'n a ribe dhuinne? Leig leis na daoine falbh, chum gu'n dean iad seirbhis do'n Tighearn an Dia: nach 'eil fhios agad fathast gu bheil an Eiphit air a milleadh?

8 Agus thugadh Maois agus Aaron a ris gu Pharaoh: agus thubhairt e ri Rachaibh, deanaibh seirbhis do'n Tighearn bhur Dia: *ach* cò iad a théid?

9 Agus thubhairt Maois, Le'r n-digridh agus le'r daoimibh aosmhor théid sinne; le'r mic agus le'r nigheanaibh, le'r treudaibh agus le'r buar théid sinn; oir *is éigin* duinn féill a chumail do'n Tighearn.

10 Agus thubhairt e ri, Gu robh an Tighearn mar sin maille ribh, mar a leigeas

mise leibh féin agus le'r cloinn bh'i'gimeachd: amhaircibh, oir *tha* ole roimhibh.

11 Ni h-an mar sin: imichibh a nis, sibhse a tha 'n 'ur daoimibh, agus deanaibh seirbhis do'n Tighearn, oir *is e* so an ni a dh'iarr sibh: Agus dh'fhuadaich eadh a mach iad á làthair Pharaoh.

12 Agus thubhairt an Tighearn ri Maois, Sin a mach do làmh thar tìr na h-Eiphit air son nan locust, a chum as gu'n tig iad suas air tìr na h-Eiphit, agus gu'n ith iad uile luibh na talmhainn, *eadhon* gach ni a dh'fhàg a' chlach-mheallain.

13 Agus shìn Maois a mach a shlat thar tìr na h-Eiphit, agus thug an Tighearn gaoth an ear air an tìr rè an là sin uile, agus rè na h-oidhe uile: agus 's a' mhaduinn thug a' ghaoth an ear a steach na locuist.

14 Agus chaidh na locuist suas thar tìr na h-Eiphit uile, agus dh'fhan iad ann an crìochaibh na h-Eiphit uile, gu ro dhiubhalach; rompa cha robh riamh an leithid de locuist, agus 'n an déigh cha bhí an leithid:

15 Oir chòmhdaich iad aghaidh na talmhainn uile, air chor as gu'n do dhorchaidh eadh an talamh; agus dh'ith iad uile luibhean na talmhainn, agus uile mheas nan craobh, a dh'fhàg a' chlach-mheallain: agus cha d'fhàgadh ni sam bith glas 's na craobhan, no ann an luibhean na macharach ann an tìr na h-Eiphit uile.

16 An sin ghairm Pharaoh air Maois agus air Aaron le cabhaig, agus thubhairt e, Pheacaich mi an aghaidh an Tighearna bhur Dé, agus 'n ur n-aghaidh-sa.

17 A nis uime sin maith, guidheam ort, mo pheacadh a mhàin an uair so, agus guidhibh air an Tighearn bhur Dia gu'n toir e air falbh uam a mhàin am bàs so.

18 Agus chaidh e mach o Pharaoh, agus ghuidh e air an Tighearn.

19 Agus thionndaidh an Tighearn gaoth an iar ro làidir, a thug air falbh na locuist, agus a thilg iad 's a' mhuir ruaidh: cha d'fhan aon locust ann an crìochaibh na h-Eiphit uile.

20 Ach chruaidhich an Tighearn cridhe Pharaoh, agus cha do leig e air falbh clann Israel.

21 Agus thubhairt an Tighearn ri Maois, Sin a mach do làmh gu nèamh, agus bithidh dorchadas air feadh tìre na h-Eiphit, eadhon dorchadas a dh'fheadar a laimhsachadh.

22 Agus shìn Maois a mach a làmh gu nèamh: agus bha tiugh dhorchadas ann an tìr na h-Eiphit uile rè thri làithean.

23 Cha-n fhaca h-aon duibh a chéile, ni mò a dh'éirich neach o àite rè thri làithean: ach bha aig cloinn Israel uile solus 'n an àitibh-còmhnuidh.

24 Agus ghairm Pharaoh air Maois, agus thubhairt e, Rachaibhse, deanaibh seirbhis



do'n Tighearn; a mhàin fanadh bhur treudan agus bhur buar: rachadh bhur clann bheag mar an ceudna maille ribh.

25 Agus thubhairt Maois, Feumaidh tu mar an ceudna iobairtean a thoirt duinn, agus tabhartais-loisgte, chum as gu'n iobair sin do'n Tighearn ar Dia.

26 Agus mar an ceudna théid ar spréidh maille ruinn; cha-n fhàgar ionga 'n ar déigh, oir is éigin duinn gabhail diubh gu seirbhis a dheanamh do'n Tighearn ar Dia; agus cha-n 'eil fhios againn cia leis a nì sinn seirbhis do'n Tighearn, gus an tig sinn an sin.

27 Ach chruaidhich an Tighearn cridhe Pharaoh, agus cha leigeadh e leo imeachd.

28 Agus thubhairt Pharaoh ris, Imich a mach uam; thoir an aire dhuit féin, na faic m'aghaidh nì's mò; oir 's an là sin anns am faic thu m'aghaidh, gheibh thu bàs.

29 Agus thubhairt Maois, Labhair thu gu maith; cha-n fhaic mi d'aghaidh nì's mò.

## CAIB. XI.

1 *Iarrtus Dhé dona h-Israelich gu'n gabhadh iad séudan òir agus airgid o'n coimhearsnaich.*

4 *Tha Maois a' toirt fios do Pharaoh gu'm faigeadh gach ceud-ghin 's an Eiphit bàs.*

A GUS thubhairt an Tighearn ri Maois, Bheir mi aon phlàigh fathast air Pharaoh, agus air an Eiphit; an déigh sin leigidh e leibh imeachd, as a so: an uair a leigeas e leibh imeachd, gu einnteach fua-daichibh e mach as a so sibh gu h-iomlan.

2 Labhair a nis ann an cluasaibh an t-sluaigh, agus iarradh gach duine o'choimhearsnach, agus gach bean o'ban-choimhearsnaich, seudan airgid, agus seudan òir.

3 Agus thug an Tighearn deadh-ghcean do'n t-sluagh ann an sùilb nan Eiphteach: Mar an ceudna, *bha* 'n duine Maois ro mhòr ann an tìr na h-Eiphit, ann an sùilb sheirbhisear Pharaoh, agus ann an sùilb an t-sluaigh.

4 Agus thubhairt Maois, Mar so tha'n Tighearn ag ràdh, Mu mheadhon-oidheche théid mi mach do mheadhon na h-Eiphit.

5 Agus gheibh gach ceud-ghin ann an tìr na h-Eiphit bàs, o cheud-ghin Pharaoh, a tha 'n a shuidhe air a rìgh-chaithir, eadhon gu ceud-ghin na ban-tràille a *tha* air cùl a' mhuilim, agus uile cheud-ghin nan ainmhidhean.

6 Agus bithidh éigheach mhòr ann an tìr na h-Eiphit uile, nach robh riamh a leithid ann, nì mò bhitheas a leithid ann tuilleadh.

7 Ach an aghaidh aoin de chloinn Israeil cha charuich nadadh a theanga, aon chuid an aghaidh duine no ainmhidh; chum as gu'm bi fios agaibh cionnus a chuireas an Tighearn dealachadh eadar na h-Eiphitich agus Israeil.

8 Agus thig iad sin do sheirbhisich uile sìos a m' ionnsuidh-sa, agus cromaidh siad ad féin domh, ag ràdh, Imich a mach, agus

an sluaigh uile a tha 'g ad leantuinn; agus an déigh sin théid mi mach: agus chaidh e mach o Pharaoh ann an corruich mhòir.

9 Agus thubhairt an Tighearn ri Maois, Cha-n éisd Pharaoh ribh, a chum as gu meudaichear m'iongantais ann an tìr na h-Eiphit.

10 Agus rinn Maois agus Aaron na h-iongantais sin uile 'am fianuis Pharaoh: agus chruaidhich an Tighearn cridhe Pharaoh, agus cha do leig e le cloinn Israeil imeachd as a dhùthaich.

## CAIB. XII.

3 *A' chàisg air a h-àithneadh.* 29 *Gach ceud-ghin ann an tìr na h-Eiphit air a mharbhadh.*

31 *Na h-Israelich air am fògradh as an tìr.* 43 *Orduigh na càisge.*

A GUS labhair an Tighearn ri Maois agus ri h-Aaron ann an tìr na h-Eiphit, ag ràdh,

2 *Bithidh* am mìos so dhuibh 'n a thoiseach nam mìos: *bithidh* e dhuibh 'n a cheud mhìos na bliadhna.

3 Labhraibh-sa ri coimhthional Israeil uile, ag ràdh, Air an deicheamh là de'n mhìos so gabhaidh iad dhòibh féin gach duine uan, a réir tìghe an aithrichean, uan air son tìghe.

4 Agus ma bhios an teaghlach ro bheag air son uain, an sin gabhaidh esan agus a choimhearsnach a's faigse d'a thigh e, a réir àireimh nan anaman; gach duine, a réir 'itheannaich, àirmhear leibh air son an uain.

5 *Bithidh* bhur n-uan gun ghaoid, firionn, bliadhna dh'aois: as na caoraich no as na gabhraibh gabhaidh sibh e.

6 Agus gleidhidh sibh a stigh e gu ruig an ceathramh là deug de'n mhìos so: agus marbhadh comh-chruinneachadh iomlan chloinn Israeil e 's an fheasgar.

7 Agus gabhaidh iad de'n fhuil, agus cuiridh iad i air an dà ursainn, agus air àrd-dorus nan tìghean, anns an ith iad e.

8 Agus ithidh iad an fheoil 's an oidheche sin féin ròiste le teine, agus aran neo-ghoirtichte; maille ri *luibh* searbhla ithibh iad e.

9 Na h-ithibh a bheag dheth amh, no idir air a bhrucheadh ann an uisge, ach ròiste le teine: a cheann maille r'a chosaibh, agus maille r'a ghrealaich.

10 Agus cha-n fhàg sibh a *bheag* dh' e gu maduinn: agus na dh'fhàgar dh' e gu maduinn, loisgidh sibh le teine.

11 Agus mar so ithidh sibh e; le'r leasruidh crioslaichte, bhur brògan air bhur cosaibh, agus bhur lorg 'n ur làimh: agus ithidh sibh e le cabhaig; is i càisg an Tighearn a th'ann.

12 Oir théid mise troimh thùr na h-Eiphit air an oidheche so, agus buaidh mi gach ceud-ghin ann an tìr na h-Eiphit, araon duine agus ainmhidh: agus an aghaidh dhée nar

Eiphiteach uile cuiridh mi breitheanas 'an gnìomh; is mise an Tighearn.

13 Agus bithidh an fhuil dhuibh mar chomharadh air na tighibh anns am *bheil* sibh: agus an uair a chi mise an fhuil, théid mi thairis oirbh, agus cha bhi a' phlàigh oirbh a chum *bhur* milleadh 'n uair a bhuailas mi tìr na h-Eiphit.

14 Agus bithidh an là so dhuibh mar chuimhneachan; agus gleidhidh sibh e 'n a là-féille do'n Tighearn air feadh bhur ginealach; le h-ordugh sìorruidh gleidhidh sibh e.

15 Seachd làithean ithidh sibh aran neo-ghoirtichte; air a' cheud là féin cuiridh sibh taois ghoirt a mach as bhur tighibh; oir gach neach a dh'itheas aran goirtichte, o'n cheud là gus an t-seachdamh là, gearrar an t-anam sin as o Israeil.

16 Agus air a' cheud là *bithidh agaibh* comh-ghairm naomh, agus air an t-seachdamh là bithidh agaibh comh-ghairm naomh: obair sam bith cha deanar orra, saor o na dh'ithear leis gach neach; sin a mhlàn nithear leibh.

17 Agus cumaidh sibh *féill an* arain neo-ghoirtichte; oir air an là sin féin thug mise mach bhur slòigh á tìr na h-Eiphit; uime sin còmhaidh sibh an là so 'n ur ginealach-àibh, le h-ordugh sìorruidh.

18 'Sa' cheud *mhìos*, air a' cheathramh là deug de'n mhìos 's an fheasgar, ithidh sibh aran neo-ghoirtichte, gu ruig an ceud là 'ar fhichead de'n mhìos 's an fheasgar.

19 Rè sheachd làithean cha-n fhaighear taois ghoirt 'n ur tighibh; oir ge b'e neach a dh'itheas aran goirtichte, gearrar an t-anam sin féin as o choimhlthional Israeil, co dhuibh is coigreach e, no neach a rugadh 's an tìr.

20 Ni air bith goirtichte cha-n ith sibh: 'n ur n-àitibh-còmhnuidh uile ithidh sibh aran neo-ghoirtichte.

21 An sin ghairm Maois air seanairean Israeil nìle, agus thubhairt e riu, Tairngibh a mach, agus gabhaibh dhuibh féin uan, a réir bhur teaghlachan, agus marbhaibh a' chàisg.

22 Agus gabhaidh sibh bad hìosoip, agus tumaidh sibh e 's an fhuil a tha 's an t-soitheach, agus beanaidh sibh do'n àrd-dorus, agus do'n dà ursainn, leis an fhuil a *tha* 's an t-soitheach: agus cha téid a h-aon agaibh a mach air dorusa thighe gu ruig a' mhaduinn.

23 Agus théid an Tighearn thairis a bhualadh nan Eiphiteach; agus an uair a chi e 'n fhuil air an àrd-dorus, agus air an dà ursainn, théid an Tighearn thairis air an dorus, agus cha leig e leis a' mhillteir teachd a steach d'ur tighibh gu'r bualadh.

24 Agus gleidhidh sibh an nì so mar ordugh dhuibh féin, agus d'ur mic, gu sìorruidh.

25 Agus tarlaidh, 'n uair a théid sibh a

steach do'n fhearann a bheir an Tighearn dhuibh, a réir mar a gheall e, gu'n gleidh sibh an t-seirbhis so.

26 Agus tarlaidh, 'n uair a their bhur clann ribh, Ciod *a's ciall duibh* leis an t-seirbhis so?

27 Gu'n abair sibh, So ìobairt càisge an Tighearn, a chaidh thairis air tighibh chloinn Israeil 's an Eiphit, 'n uair a bhuail e na h-Eiphitich, agus a shaor e ar tighèanne. Agus chrom an sluagh iad féin, agus rinn iad aoradh.

28 Agus dh'fhalbh clann Israeil, agus rinn iad *mar so*; mar a dh'aitl an Tighearn do Mhaois agus do Aaron, mar sin rinn iad.

29 Agus air meadhon na h-oidhche sin féin bhuail an Tighearn gach ceud-ghin ann an tìr na h-Eiphit o cheud-ghin Pharaoh a shuidh air a rìgh-chaithir, gu ceud-ghin a' chiomaich a *bha* ann an slochd a' phriosain; agus gach ceud-ghin ainmhidh.

30 Agus dh'éirich Pharaoh 's an oidhche, e féin agus a sheirbhisich uile, agus na h-Eiphitich uile; agus bha éigheach mhòr 's an Eiphit; oir cha *robh* tigh anns nach *robh* neach marbh.

31 Agus ghairm e air Maois agus air Aaron 's an oidhche, agus thubhairt e, Eiribh, rachaibh a mach á meadhon mo shluaigh, araon sibhse agus clann Israeil: agus rachaibh, deanaibh seirbhis do'n Tighearn, mar a thubhairt sibh.

32 Thugaibh leibh mar an ceudna bhur treudan, agus bhur buar, mar a thubhairt sibh, agus imichibh: agus beannaichibh mise mar an ceudna.

33 Agus thug na h-Eiphitich dian-sparradh do'n t-sluagh, a chum gu'n cuiradh iad le cabhaig a mach as an tìr iad; oir thubhairt iad, *Is daoine* marbh sinn gu léir.

34 Agus ghabh an sluagh an taois mun do ghoirticheadh i, an amaran-fuinidh ceangailte 'n an eudach air an guaillibh.

35 Agus rinn clann Israeil a réir focail Mhaois: agus dh'iarr iad o na h-Eiphitich seudan airgid, agus seudan òir agus eudach.

36 Agus thug an Tighearn deadh-ghean do'n t-sluagh ann an sùilibh nan Eiphitich, agus thug iad 'an coingheall dhoibh: agus chreach iad na h-Eiphitich.

37 Agus dh'imich clann Israeil o Rameses gu Sucot, mu thimcheòll sè ceud mìle fear d'an cois, a thuilleadh air cloinn.

38 Agus mar an ceudna chaidh iomadaidh de shluagh eile suas maille riu, agus treudan, agus buar, ro mhòran spréidhe.

39 Agus dh'fhuin iad de'n taois a thugadh a mach as an Eiphit bracagan neo-ghoirtichte, oir cha do ghoirticheadh i; do bhrìgh gu'n d'fhuadaicheadh iad a mach as an Eiphit, agus nach b'urrainn iad fuir-each, agus mar an ceudna nach do dheasaich iad biadh dhoibh féin.

40 A nis *b'i aimsir* cuairte chloinn Israeil,



2 bha iad a chòimhuidh 's an Eiphit, ceithir cheud agus deich bliadhna fichead.

41 Agus aig ceann nan ceithir cheud agus nan deich bliadhna thar fhichead, air an là sin féin chaidh slògh an Tighearn uile mach á tìr na h-Eiphit.

42 Is oidhche so gu bhì air a coimhead gu h-àraidh do'n Tighearn, air son an toirt-san a mach á tìr na h-Eiphit: so an oidhche sin gu bhì air a coimhead do'n Tighearn le cloinn Israeil uile 'n an ginealachaidh.

43 Agus thubhairt an Tighearn ri Maois agus ri h-Aaron, So ordugh na càisge: cha-n ith coigreach sam bith dh'i.

44 Agus gach seirbhiseach duine, a chean-naicheadh le h-airgiod, an uair a thimchioll-ghearras tu e, an sin ithidh e dh'i.

45 Cha-n ith coigreach, no seirbhiseach tuarasdail dh'i.

46 Ann an aon tigh ithear i: cha ghiùlain thu b'licag de'n fheoil a mach as an tigh; ni mò a bhriseas caidh càmh dh'i.

47 Ni coimhthional Israeil uile sin.

48 Agus an uair a bh'os coigreach air chuairt maille riut, agus a chumas e a' chàisge do'n Tighearn, timchioll-ghearrar gach fionnach aige, agus an sin thigeadh e am fagus g'a cumail, agus bithidh e mar neach a rugadh 's an tìr: ach cha-n ith neach sam bith neo-thimchioll-ghearrta dh'i.

49 Bithidh an t-aon lagh aige-san a rugadh 's an tìr, agus aig a' choigreach a tha air chuairt 'n 'ur measg.

50 Mar so rinn clann Israeil uile; mar a dh'àithn an Tighearn do Mhaois agus do Aaron, mar sin rinn iad.

51 Agus air an là sin féin thug an Tighearn a mach clann Israeil á tìr na h-Eiphit, a réir an slògh.

### CAIB. XIII.

1 *Gach ceud-ghin air a naomhachadh do'n Tighearn.* 3 *Dh'orduicheadh cuimhne na càisge.* 21 *Clann Israeil air an trèdachadh le Dia air an slighe le meall neòil 's an là, agus le meall teine 's an oidhche.*

**A**GUS labhair an Tighearn ri Maois, ag ràdh,

2 Naomhaich dhomhsa gach ceud-ghin, ge b'e air bith a dh'fhosglaas a' bhrù am measg chloinn Israeil, eadar dhuine agus ainmhidh: is leamsa e.

3 Agus thubhairt Maois ris an t-sluagh, Cuimhnichibh an là so, air an d'thàinig sibh a mach as an Eiphit, á tigh na daorsa; oir le làmh thréin thug an Tighearn a mach sibh as a sin: agus cha-n ithear aran goirtichte.

4 Air an là 'n diugh thàinig sibh a mach, 'am mìos Abib.

5 Agus an uair a bheir an Tighearn steach thu do thìr nan Canaanach, agus nan Hiteach, agus nan Amorach, agus nan Hiteach, agus nan Iebusach, a mhionnaich e do d' aithrichibh gu'n tugadh e dhuit, fearann a' sruthadh le bainne agus le mil,

an sin coimhididh tu an t-seirbhis so anns a' mhìos so.

6 Seachd làithean ithidh tu aran neo-ghoirtichte, agus air an t-seachdamh là *bithidh* féil do 'n Tighearn.

7 Ithear aran neo-ghoirtichte seachd làithean; agus cha-n fhaiccar aran goirtichte agad, agus ni mò a chithear taois ghoirt agad ann ad chrìochaibh uile.

8 Agus insidh tu do d' mhac 's an là sin, ag ràdh, *Nìthear so* air sgàth an nì sin a rinn an Tighearn dhomhsa, 'n uair a thàinig mi mach as an Eiphit.

9 Agus bithidh e dhuit mar chomharadh air do làmh, agus mar chuimhneachan eadar do shùilibh, a chum gu'm bi lagh an Tighearna ann ad bheul; oir le làmh thréin thug an Tighearn mach thu as an Eiphit.

10 Air an aobhar sin coimhididh tu an t-ordugh so 'n a thràth féin o bhliadhna gu bhliadhna.

11 Agus an uair a bheir an Tighearn steach thu do thìr nan Canaanach, mar a mhionnaich e dhuitse, agus do d' aithrichibh, agus a bheir e dhuit e,

12 An sin cuiridh tu air leth do'n Tighearn gach ni a dh'fhosglaas a' bhrù, agus gach ceud-ghin a thig o ainmhidh a's leatsa; *buindh iadsan a tha fionn 'n am measg* do'n Tighearn.

13 Agus gach ceud-ghin asail fuasgailidh tu le h-uain; agus mur fuasgail thu e, an sin brisidh tu 'amhach; agus gach ceud-ghin duine am measg do chloimne fuasgailidh tu.

14 Agus an uair a dh'fheòraicheas do mhac dhiot 's an ainsir ri teachd, ag ràdh, Ciod e so? an sin their thu ris, Le làmh thréin thug an Tighearn amach sinn as an Eiphit, á tigh na daorsa:

15 Agus an uair a chruaidhich Pharaoh e féin, agus nach b'àill leis ar leigeadh air falbh, an sin mharb an Tighearn gach ceud-ghin ann an tìr na h-Eiphit, araon ceud-ghin duine, agus ceud-ghin ainmhidh; air an aobhar sin iobraidh mi do'n Tighearn gach ni a dh'fhosglaas a' bhrù, *ma's* fionn iad, ach uile cheud-ghin mo chloimne fuasgailidh mi.

16 Agus bithidh e mar chomharadh air do làmh, agus mar eudanan eadar do shùilibh; oir le làmh thréin thug an Tighearn a mach sinn as an Eiphit.

17 Agus eadhon an uair a leig Pharaoh do'n t-sluagh imeachd, cha do threòraich Dia iad air slighe tìre nam Philisteach, *ged abha sin* aithghearr: oir thubhairt Dia, Airagal gu'm bi aithreachas air an t-sluagh an uair a chi iad cogadh, agus gu'm pill iad do'n Eiphit.

18 Ach threòraich Dia an sluagh mu'n cuairt, air slighe fàsaich na mara ruaidhe: agus chaidh clann Israeil suas 'an ordugh catha á tìr na h-Eiphit.



19 Agus thug Maois enàmhlan Ioseiph leis; oir ghabh e miomnan teann de chloinn Israeil, ag ràdh, Gu cinnteach amhaircidh Dia oirbhse, agus bheir sibh suas mo chnàmhan leibh as a so.

20 Agus dh'ìnich iad o Shucot, agus champaich iad ann an Etam, ann an iomall an fhàsaich.

21 Agus chaidh an Tighearn rompa 's an là ann am meall neoil, a chum an treòrachadh air an t-slighe, agus 's an oidhche ann am meall teine, a thoirt soluis doibh; gu imeachd a là agus a dh'oidhche.

22 Cha d' thug e air falbh am meall neoil 's an là, no 'm meall teine 's an oidhche, á lathair an t-sluaigh.

#### CAIB. XIV.

1 Chaidh Pharaoh 'an tòir air cloinn Israeil.

10 Rinn iadsan gearan an aghaidh Mhaois.

13 Thug ean com'fhurtachd dhoibh. 21

Chaidh iad troimh 'n mhuir ruaidh. Bhàthadh na h-Eiphitich.

**A**GUS labhair an Tighearn ri Maois, ag ràdh,

2 Labhair ri cloinn Israeil, gu 'm pill iad, agus gu'nampaich iad fa chomhair Phihahiroit, eadar Migdol agus an fhairge, fa chomhair Bhaal-sephoin; fa choimeamh-sanampaichidh sibh làmh ris an fhairge.

3 Oir their Pharaoh mu chloinn Israeil, Tha iad air seachran 's an tìr, dh'iadh am fàsach mu'n timchioll.

4 Agus cruaidhichidh mise eridhe Pharaoh, agus théid e air an tòir, agus gheibh mise glòir a thaobh Pharaoh, agus a shlòigh uile; agus bithidh fios aig na h-Eiphitich gur mise an Tighearn. Agus rinn iad mar sin.

5 Agus dh'innsadh do rìgh na h-Eiphit gu'n do theich an sluagh: agus thionndaidh eridhe Pharaoh, agus a sheirbhiseach an aghaidh an t-sluaigh, agus thubhairt iad, Cìod e so a rinn sinn, gu'n do leig sinn le h-Israel imeachd as ar seirbhis?

6 Agus bheartaich e a charbad, agus thug e a shluagh maille ris;

7 Agus thug e leis sè ceud carbad taghta, agus uile charbadan na h-Eiphit, agus ceannardan orra uile.

8 Agus chruaidhich an Tighearn eridhe Pharaoh rìgh na h-Eiphit, agus lean e air tòir chloinn Israeil: agus chaidh clann Israeil a mach le làmh àird.

9 Ach chaidh na h-Eiphitich air an tòir (eich agus carbadan Pharaoh, agus a mharcshluagh, agus 'armailt uile) agus rug iad orra, agus iad a' campachadh làmh ris an fhairge, làmh ri Pihahiroit, fa chomhair Bhaal-sephoin.

10 Agus an uair a thàinig Pharaoh am fagus, thog clann Israeil suas an sùilean, agus, feuch, bha na h-Eiphitich air an tòir, agus bha cagal mòr orra: agus dh'èigh clann Israeil ris an Tighearn.

11 Agus thubhairt iad ri Maois, An ann a chionn nach robh uaighean 's an Eiphit, a thug thu leat sinn gu bàs fhaghail 's an fhàsach? 'Car son a rinn thu so oirnn, ar tabhairt a mach as an Eiphit?

12 Nach e so am focal a labhair sinn riut 's an Eiphit, ag ràdh, Leig leinn seirbhis a dheanamh do na h-Eiphitich? Oir 'fhearr dhuinn seirbhis a dheanamh do na h-Eiphitich na bàs fhaghail 's an fhàsach.

13 Agus thubhairt Maois ris an t-sluagh, Na bitheadh eagal oirbh, scasaibh, agus faicibh slàinte an Tighearna, a dh'oibriceas e dhuibhan diugh; oir na h-Eiphitich a chunnaic sibh an diugh, cha-n fhaic sibh iad a chaidh tuilleadh.

14 Cogaidh an Tighearn air bhur son, agus fanaidh sibhe 'n 'ur tosd.

15 Agus thubhairt an Tighearn ri Maois, 'Car son a tha thu 'g èigh each riunsa? Abair ri cloinn Israeil dol air an aghaidh.

16 Ach togsa suas do shlat, agus sin a mach do làmh os ceann na furge, agus sgoilt i; agus théid clann Israeil a steach 'am meadhan na fairge air *talamh* tioram.

17 Agus cruaidhichidh mise, eadhon mise, eridhe nan Eiphiteach, agus théid iad a steach 'n an déigh: agus gheibh mise glòir a thaobh Pharaoh, agus a thaobh a shlòigh uile, a thaobh a charbadan, agus a thaobh a mharcshluagh.

18 Agus bithidh fios aig na h-Eiphitich gur mise an Tighearn, 'n uair a gheibh mi glòir a thaobh Pharaoh, a thaobh a charbadan, agus a thaobh a mharcshluagh.

19 Agus dh'fhalbh aingeal an Tighearn a chaidh roimh chann Israeil, agus dh'ìnich e 'n an déigh; agus dh'fhalbh am meall neoil o 'm beulaobh, agus sheas e air an cùlaobh.

20 Agus thàinig e eadar camp nan Eiphitich agus camp Israeil, agus bha e 'n a neul, agus 'n a dhorchadas *dhoibh sud*, ach shoillsich e 'n oidhche *dhoibh so*, air chor as nach d'thàinig a h-aon diubh am fagus d'a chèile rè na h-oidheche.

21 Agus shìn Maois a mach a làmh os ceann na fairge, agus thug an Tighearn air an fhairge dol air a h-ais le gaoith làidir o 'n ear rè na h-oidheche sin, agus rinn e 'n fhairge 'n a *talamh* tioram, agus roinneadh na h-uisgeachan.

22 Agus chaidh clann Israeil a steach 'am meadhan na fairge air *talamh* tioram, agus bha na h-uisgeachan 'n am balla dhoibh air an làmh dheis, agus air an làmh chli.

23 Agus lean na h-Eiphitich, agus chaidh iad a steach 'n an déigh gu meadhan na fairge, eadhon eich Pharaoh uile, a charbadan, agus a mharcshluagh.

24 Agus annam fàire na maidne dh'amhairc an Tighearn air shluagh nan Eiphiteach, troimh 'n mheall thèine agus neoil; agus chlaoidh e armailt nan Eiphiteach.

25 Agus thug e air falbh **re** than an carbad, **air** chor as gu'n do tharruingeadh iad gu trom. Agus thubhairt na h-Eiphitich, Teicheamaid á lathair Israeil, oir tha 'n Tighearn a' cogadh leosan an aghaidh nan Eiphiteach.

26 Agus thubhairt an Tighearn ri Maois, Sin a mach do làmh os ceann na fairge, chum gu'n tig na h-uisgeachan air an ais air na h-Eiphitich, air an carbadaibh, agus **air** am marc-shluagh.

27 Agus shin Maois a mach a làmh os ceann na fairge, agus phill an fhairge g'a neart an uair a shòillsich a' mhaduinn; agus theich na h-Eiphitich 'n a h-aghaidh; agus chuir an Tighearn na h-Eiphitich fodha 'am meadhon na fairge.

28 Agus phill na h-uisgeachan, agus dh'fhòlaich iad na carbaid, agus am marc-shluagh, agus armailt Pharaoh uile, a thàinig 's an fhairge 'n an dèigh: cha d'fhàgadh uiread 's a h-aon diubh.

29 Ach dh'imich clann Israeil air *talamh* tioram 'am meadhon na fairge, agus *bha* na h-uisgeachan 'n am balla dhoibh air an làimh dheis, agus air an làimh chli.

30 Mar so shaor an Tighearn Israel air an là sin á làimh nan Eiphiteach: agus chunnaic Israel na h-Eiphitich marbh air tràigh na fairge.

31 Agus chunnaic Israel an obair mhòr sin a rinn an Tighearn air na h-Eiphitich, agus bha eagal an Tighearn' air an t-sluagh, agus chreid iad an Tighearn, agus Maois a sheirbhiseach.

## CAIB. XV.

1 *Laoidh Mhaois.* 22 *Tha'n sluagh a dh'ith uisge.* 23 *Rinneadh uisgeachan searbh Mharah milis dhoibh.* 27 *Thàinig iad gu h-Eltim.*

**A** N sin chan Maois agus clann Israeil an laoidh so do'n Tighearn, agus labhair iad, ag ràdh, Canaidh mise do 'n Tighearn, oir thug e buaidh gu glòrmhor; an t-each agus a mharcach thilg e 's an fhairge.

2 'Se 'n Tighearn mo neart, agus mo dhàn, agus tha e 'n a shlàinte dhomh: *is* esan mo Dhia-sa, agus ni mi àite còmhnuidh dha; Dia m'athar agus àrdaichidh mi e.

3 *Is* fear-cogaidh an Tighearn; 'se 'n Tighearn a's ainm dha.

4 Carbadan Pharaoh, agus 'armailt thilg e 's an fhairge; agus tha rogha a cheannardan air am bàthadh 's an fhairge ruaidh.

5 Dh'fhòlaich na doimhneachdan iad; chaidh iad sìos do'n aigean mar chloich.

6 Rinneadh do dheas làmh, O Thighearna, glòrmhor ann an cumhachd; bhris do dheas làmh, O Thighearn', an nàmhaid 'n a bhloigdibh.

7 Agus ann am meud d'òirdheirceis chlaoidh thu iadsan a dh'éirich suas a'd aghaidh; chuir thu d'fhearg a mach, loisg i suas iad mar asbhuan.

8 Agus le anail do shròine chruinnicheadh

na h-uisgeachan; sheas na tuitlean **suas** mar thòrr, chruaidhich na doimhneachdan 'am meadhon na fairge.

9 Thubhairt an nàmhaid, Leanaidh mi, beiridh mi *orra*, roinnidh mi a' chreach: sàsuichear mo mhianm *orra*; rùisgidh mi mo chlaidheamh, sgriosaidh mi làmh iad.

10 Shéid thu le d' ghaoith, chòmhdaich an fhairge iad, chaidh iad fodha mar luaidh anns na h-uisgeachaibh làidir.

11 Cò 's cosmhail riuts' am measg nan dèe, a Thighearna? Cò *tha* cosmhail riut, glòrmhor ann an naomhachd, uamhasach ann am moladh, a' deanamh *nithean* iongantach?

12 Shin thu mach do dheas làmh; shluig an *talamh* suas iad.

13 Threòraich thu ann ad thròcair an sluagh so *a* shaor thu; thug thu *iad* ann ad neart *a* chum àite-còmhnuidh do naomhachd.

14 'N uair a chluinneas na cinnich, bithidh eagal *orra*; thig doilgheas air luchd-àiteachaidh Palestine.

15 An sin bithidh uamhann air cinn-fheadhna Edoim, thig geilt-chrith air daoine treuna Mhoab; leaghaidh air falbh luchd-àiteachaidh Chanaaim uile.

16 Tuitidh uamhann agus eagal *orra*, le meud do ghairdein bithidh iad tosdach mar chloich, gus an téid do shluagh, thairis, a Thighearna, gus an téid an sluagh so thairis, *a* cheannaich thu.

17 Bheir thu steach iad, agus suidhichidh tu iad ann an sliabh d' oighreachd sa, anns an àit a rinn thu dhuit féin, a Thighearna, chum còmhnuidh a ghabhail ann, 's an ionad-naomh, a Thighearn', *a* dhaingnich do làmh na-sa.

18 Rìghichidh an Tighearn gu saoghal nan saoghal.

19 Oir chaidh eich Pharaoh a steach le 'charbadaibh, agus le 'mharc-shluagh, 's an fhairge, agus thug an Tighearn uisgeachan na fairge air an ais *orra*; ach dh'imich clann Israeil air *talamh* tioram 'am meadhon **na** fairge.

20 Agus ghlac Miriam a' bhan-fhàidh, piuthar Aaroin, tiompan 'n a làimh; agus chaidh na mnathan uile mach 'n a dèigh le tiompanaibh agus le dannsa.

21 Agus fhreagair Miriam iad, Canaibh do'n Tighearn, oir thug e buaidh gu glòrmhor; an t-each agus a mharcach thilg e 's an fhairge.

22 Mar sin thug Maois Israel o'n mhuir ruaidh, agus chaidh iad a mach gu fasach Shuir, agus dh'imich iad trì làithean 's an fhàsach, agus cha d'fhuair iad uisge.

23 Agus an uair a thàinig iad gu Marah, cha b' urrainn iad uisgeachan Mharah òl, oir bha iad searbh; uime sin thugadh Marah mar ainm air.

24 Agus rinn an sluagh gearan an aghaidh Mhaois, ag ràdh, Ciod a dh'òlas sinn?



25 Agus dh'éigh esan ris an Tighearn, agus nochd an Tighearn fiodh dha, agus thilg e 's na h-uisgeachaibh e, agus rinneadh na h-uisgeachan milis: ann an sin rinn e lagh agus ordugh dhoibh, agus ann an sin dh'earbh e iad;

26 Agus thubhairt e, Ma dh'éisdeas tu gu dùrachdach ri guth an Tighearna do Dhé, agus ma ni thu an ni sin a tha ceart 'n a shealladh, agus ma bheir thu 'n aire d'a àitheantaibh, agus ma ghleidheas tu a reachdan uile, aon de na h-eucailibh a chuir mi air na h-Eiphitich, cha chuir mi ortsa; oir is mise an Tighearn a shlànuicheas thu.

27 Agus thàinig iad gu h-Elim far an robh dà thobar dheug uisge, agus deich agus tri fichead crann pailme; agus champaich iad an sin làimh ris na h-uisgeachaibh.

## CAIB. XVI.

1 Rinn clann Israeil gearan an aghaidh Mhaois agus Aaroin, a chloinn gu'n robh iad gun bhàdh. 12 Chuireadh gearra-goirt d'an ionnsuidh, 14 agus Mana. 16 Riaghailtean m'a thimchioll.

**A** GUS dh'fhalbh iad o Elim, agus thàinig coimhthional chloinn Israeil uile gu fàsach Shin, a tha eadar Elim agus Sinai, air a' chùigeamh là deug de'n dara mìos an deigh dhoibh teachd a mach á tir na h-Eiphit.

2 Agus rinn coimhthional chloinn Israeil uile gearan an aghaidh Mhaois agus Aaroin 's an fhàsach.

3 Agus thubhairt clann Israeil riu, B'fhearr gun faigheamaid bàs le làimh an Tighearn' ann an tir na h-Eiphit, an uair a bha sinn 'n ar suidhe làimh ris na poitibh feòla, agus an uair a dh'ith sinn aran gu'r sàth; oir thug sibh a mach sinn do'n fhàsach so, a mharbhadh a' choimhthionail so uile le h-ocras.

4 An sin thubhairt an Tighearn ri Maois, Feuch, frasaidd mise dhuibh aran o neamh, agus thèid an slugh a mach, agus cruinnichidh iad cuibhrionn *gach* là air an là sin fèin, a chum as gu'n dearbh mi iad, co dhiùbh a ghluaiseas iad ann am lagh, no nach gluais.

5 Agus air an t-seathamh là ulluichidh iad an *ni sin* a bheir iad a steach, agus bithidh e dhà uibhir agus a chruinnicheas iad *gach là eile*.

6 Agus thubhairt Maois agus Aaron ri cloinn Israeil uile, Mu fheasgar, an sin bithidh fios agaibh gu'n d' thug an Tighearn a mach sibh á tir na h-Eiphit:

7 Agus 's a' mhaduinn, an sin chi sibh glòir an Tighearna; do bhrìgh gu bheil e a' cluinntinn bhur gearain an aghaidh an Tighearn': Agus ciod sinne, gu bheil sibh a' deanamh gearain 'n ar n-aghaidh?

8 Agus thubhairt Maois, *Bithidh a' chùis mar so* 'n uair a bheir an Tighearn dhuibh

's an fheasgar feoil r'a h-itheadh, agus aran 's a' mhaduinn gu'r sàth; do bhrìgh gu bheil an Tighearn a' cluinntinn bhur gearain a tha sibh a' deanamh 'n a aghaidh: agus ciod sinne? cha-n ann 'n ar n-aghaidhne *tha* bhur gearan, ach an aghaidh an Tighearna.

9 Agus thubhairt Maois ri h-Aaron, Abair ri coimhthional chloinn Israeil uile, Thigibh am fagus an làthair an Tighearn', oir chual' e bhur gearan.

10 Agus an uair a labhair Aaron ri coimhthional chloinn Israeil uile, dh'amhaire iad a dh'ionnsuidh an fhàsaich, agus, feuch, dh'fhoillsicheadh glòir an Tighearn' ann an neul.

11 Agus labhair an Tighearn ri Maois, ag ràdh,

12 Chuala mi gearan chloinn Israeil; labhair riu, ag ràdh, Mu fheasgar ithidh sibh feoil, agus 's a' mhaduinn sàsuichear sibh le h-aran: agus bithidh fios agaibh gur mise an Tighearn bhur Dia.

13 Agus an uair a bha 'm feasgar ann, an sin thàinig na gearra-goirt a nìos, agus chòmhdaich iad an camp; agus anns a' mhaduinn bha 'n drùchd 'n a huidhe mu thimchioll a' chaimp.

14 Agus an uair a dh'éirich an drùchd a bha 'n a huidhe, suas, feuch, *bha* air aghaidh an fhàsaich ni beag cruinn, beag mar an liath-reodh air an talamh.

15 Agus an uair a chunnaic clann Israeil e, thubhairt iad gach aon r'a chéile, Mana: oir cha robh fhios aca ciod e. Agus thubhairt Maois riu, So an t-aran a thug an Tighearn dhuibh r'a ithcadh.

16 Soan ni a dh'àithn an Tighearn, Cruinnichibh dheth *gach* duine a réir 'itheannaich, omer do gach neach a réir àireimh bhur n-anamanna, gabhadh *gach* duine agaibh air an son-san a tha 'n a bhùth.

17 Agus rinn clann Israeil mar sin, agus chruinnich iad, cuid ni bu mhò, agus cuid ni bu lugha.

18 Agus an uair a thomhais iad *ele* h-omer, cha robha' bheag thairis aige-san a chruinnich ni bu mhò, agus air-san a chruinnich ni bu lugha, cha robh uireasbhuidh: chruinnich *gach* duine a réir 'itheannaich.

19 Agus thubhairt Maois riu, Na fàgadhl duine sam bith dheth gu maduinn.

20 Gidheadh cha d'éisd iad ri Maois, ach dh'fhàg cuid diùbh dheth gu maduinn, agus ghin e cnuimhean, agus lobh e: Agus bha corruich air Maois riu.

21 Agus chruinnich iad eair *gach* maduinn, *gach* duine a réir 'itheannaich: agus an uair a dh'fhàs a' ghrian teth, leaghadh e.

22 Agus air an t-seathamh là chruinnich iad a dhà uiread arain, dà omer air son *gach* aoin: agus thàinig uachdarain a' choimhthionail uile, agus dh'innis iad *sin* do Mhaois.

23 Agus thubhairt e riu, So an *ni* a labh-



air an Tighearn, *Bithidh* fois na sàbaid' naomh do'n Tighearn am màireach: a' mheid's a tha sibh gu fhumeadh, fuinibh an diugh, agus a' mheid's a tha sibh gu bhrùicheadh, brùichibh; agus gach ni a bhios thairis, taisgibh suas dhuibh féin gu maduinn.

24 Agus thaig iad suas e gu maduinn, mar a dh'àithn Maois; agus cha do lobb e, ni mò a bha enuimh sam bith ann.

25 Agus thubhairt Maois, Ithibh sin an diugh, oir *tha* sàbaid ann an diugh do'n Tighearn; an diugh cha-n fhaigh sibh e's a' mhachair.

26 Sè làithean cruinnichidh sibh e, ach air an t-seachdamh là *bithidh* an t-sàbaid; cha bhi e ann air an là sin.

27 Agus tharladh air an t-seachdamh là gu'n deachaidh *cuid* de'n t-sluagh a mach g'a chruinneachadh, agus cha d'fhuair iad a' bheag.

28 Agus thubhairt an Tighearn ri Maois, Cia fhad a dhiùltas sibh màitheantan-sa a choimhead, agus mo reachdan.

29 Faicibh, do bhrìgh gu'n d'thug an Tighearn dhuibh an t-sàbaid, air an aobhar sin tha e a' tabhairt dhuibh air an t-seathamh là aran dhà là: fanaibh, *gach* duine 'n a àite féin; na rachadh duine sam bith a mach as àit air an t-seachdamh là.

30 Mar sin ghabh an sluagh fois air an t-seachdamh là.

31 Agus thug tigh Israeil Mana mar ainm air: agus *bha* e mar fhrois coriandeir, geal, agus a bhlas mar abhlain air an deanamh le mil.

32 Agus thubhairt Maois, So an ni a dh'àithn an Tighearn, Lìon omer dheth gu bhi air a ghleidheadh air son bhur ginealach, chum gu faic iad an t-aran leis an do bheathaich mi sibh 's an fhàsach, an uair a thug mi mach sibh á tìr na h-Eiphit.

33 Agus thubhairt Maois ri h-Aaron, Gabh soitheach, agus cuir ann làn omcìr de Mhana, agus taisg e an làthair an Tighearna gu bhi air a ghleidheadh air son bhur ginealach.

34 Mar a dh'àithn an Tighearn do Mhaois, mar sin thaig Aaron e an làthair na Fianuis, gu bhi air a ghleidheadh.

35 Agus dh'ith clann Israeil am Mana dà fhichead bliadhna, gus an d'thàinig iad gu tìr àiteichte: dh'ith iad am Mana, gus an d'thàinig iad gu crìch tìre Chanaan.

36 A nis *is* e omer an deicheamh *cuid* de ephah.

## CAIB. XVII.

1 An sluagh ri gearan air son dìth uisge aig Rephidim. 5 Chuireadh Maois do'n charraig ann an Horeb, as an d'thàinig uisge mach. 8 Thugadh buaidh air Amalec.

**A**GUS dh'imich coimhthional chloinn Israeil uile o fhàsach Shìn, a réir an turusan, mar a dh'àithn an Tighearn, agus

champaich iad ann an Rephidim; agus cha robh uisge ann do'n t-sluagh ri òl.

2 Uime sin rinn an sluagh connsachadh ri Maois, agus thubhairt iad, Thoir dhuinn uisge chum as gu'n òl sinn. Agus thubhairt Maois ri, C'ar son a tha sibh a' connsachadh riumsa? C'ar son a bhrosnaicheas sibh an Tighearn?

3 Agus mhiannaich an sluagh uisge ann an sin; agus rinn an sluagh gearan an aghaidh Mhaois, agus thubhairt iad, C'ar son so a thug thu mos sinn as an Eiphit, a chum sinn féin a mharbhadh, agus ar clann, agus ar spréidh le tart?

4 Agus dh'éigh Maois ris an Tighearn, ag ràdh, Ciod a ni mi ris an t-sluagh so? is beag nach 'eil iad 'g am chlachadh.

5 Agus thubhairt an Tighearn ri Maois, Imich roimh 'n t-sluagh, agus thoir leat *cuid* de sheanairibh Israeil; agus do shlat leis an do bhuail thu an amhainn, gabh a'd làimh, agus bi 'g imcacadh:

6 Fench, seasaidh mise romhad an sin air a' charraig ann an Horeb, agus buaidh tusa a' charraig, agus thig uisge mach aise, a chum gu'n òl an sluagh. Agus rinn Maois mar sin ann an sealladh sheanairean Israeil.

7 Agus thug e mar ainm air an àite Masah agus Meribah, air son connsachaidh chloinn Israeil, agus do bhrìgh gu'n do bhrosnuich iad an Tighearn, ag ràdh, Am bheil an Tighearn 'n ar measg, no nach 'eil?

8 An sin thàinig Amalec, agus chog e ri h-Israel ann an Rephidim.

9 Agus thubhairt Maois ri Iosua, Tagh a mach dhuinn daoine, agus falbh a mach, cog ri h-Amalec: am màireach seasaidh mise air mullach an t-sléibh, agus slat Dhé a'n' làimh.

10 Agus rinn Iosua mar a thubhairt Maois ris, agus chog e ri h-Amalec. Agus chaidh Maois, Aaron, agus Hur, suas gu mullach an t-sléibh.

11 Agus an uair a thog Maois suas a làmh, an sin bhuadhaich Israel, agus an uair a leag e sìos a làmh, bhuadhaich Amalec.

12 Ach *bha* làmhnan Mhaois trom, agus ghabh iad clach, agus chuir iad foildhe i, agus shuidh e oirre: agus chum Aaron agus Hur suas a làmhnan, fear *dhiubh* air aon taobh, agus fear air an taobh eile; agus bha a làmhnan seasmach gu luidhe na gréine.

13 Agus chlaoidh Iosua Amalec agus a dhaoine le faobhar a' chlaidheimh.

14 Agus thubhairt an Tighearn ri Maois, Sgrìobh so mar chuimhneachan ann an leabhar, agus aithris e ann an clusaibh Iosua; oir dubhaidh mise as gu tur cuimhne Amaleic o bhi fo nèamh.

15 Agus thog Maois altair, agus thug e Iehobhah-Nisi mar ainm oirre:

16 Oir thubhairt e, do bhrìgh gu'n do mhionnaieh an Tighearn, *gu'm bi eògadh aig an Tighearn ri h-Amalee o linn gu linn.*

CAIB. XVIII.

1 *Thug Ietro a bhean agus a dhithis mhae a dh'ionnsuidh Mhaois. 7 Thug Maois aoidh-eachd dha, 13 agus ghabh e a chomhairle.*

'N UAIR a ehuala Ietro, sagart Mhidi-ain, athair-eile Mhaois, gach ni a rinn Dia air son Mhaois, agus air son Israeil a shluaigh, gu'n d'thug an Tighearn a mae Israel as an Eiphit;

2 An sin thug Ietro, athair-eile Mhaois, leis Siporah bean Mhaois, an déigh dha a eur air a h-ais,

3 Agus a dithis mhae, d'am b' ainm do h-aon diubh Gersom, (oir thubhairt e, A'm' ehoigreach bha mi ann an tìr choimhlich;)

4 Agus b'e ainm an fhir eile Elieser, (oir rinn Dia m'athar, thubhairt e, còmhadrìum, agus shaor e mi o ehlaidheamh Pharaoh.)

5 Agus thàinig Ietro, athair-eile Mhaois, agus a mhic, agus a bhean, a dh'ionnsuidh Mhaois do'n fhàsach, far an do ehampaich e aig sliabh Dhé.

6 Agus thubhairt e ri Maois, *Tha mise d'athair-eile Ietro, air teachd a'd'ionnsuidh, agus do bhean, agus a dithis mhae maille rithe.*

7 Agus ehaidh Maois a mae an eoinneamh 'athar-eile, agus rinn e ùmhlaich dha, agus phòg se e, agus dh'altaich iad beatha a chéile; agus thàinig iad a steach do'n bhùth.

8 Agus dh'innis Maois d'a athair-eile gach ni a rinn an Tighearn air Pharaoh, agus air na h-Eiphitich air sgàth Israeil, gach saothair a thàinig orra air an t-slighe, agus cionnus a shaor an Tighearn iad.

9 Agus rinn Ietro gairdeachas á leth a' mhaith sin uile a rinn an Tighearn do Israel, a shaor e á làimh nan Eiphiteach.

10 Agus thubhairt Ietro, Beannaichte gu robh an Tighearn, a shaor sibh á làimh nan Eiphiteach, agus á làimh Pharaoh, a shaor an sluagh o bhi fo làimh nan Eiphiteach.

11 A nis tha fios agam gur mò an Tighearn na na h-uile dhée; oir anns an ni sin anns an do rinn iad gu h-uabhrach, *bha esan os an ceann.*

12 Agus ghabh Ietro, athair-eile Mhaois, tabhartas-loisgte agus iobairtean do Dhia: Agus thàinig Aaron, agus uile sheanairean Israeil, a dh'itheadh arain maille ri athair-eile Mhaois an làthair Dhé.

13 A nis air an là màireach shuidh Maois gu breth a thoirt air an t-sluagh; agus sheas an sluagh làmh ri Maois o mhaduinn gu feasgar?

14 Agus an uair a chunnaie athair eile Mhaois gach ni a rinn e ris an t-sluagh, thubhairt e, Cìod e an ni so a tha thu 'deanamh ris an t-sluagh? C'ar son a tha thusa a'd' shuidhe a'd' aonar, agus a tha 'n sluagh uile a's seasamh làmh riut o mhaduinn gu feasgar?

15 Agus thubhairt Maois r'a athair eile, Do bhrìgh gu'n tig an sluagh a m' ionnsuidh a dh'fhiosrachadh o Dhia.

16 'N uair a bhios cùis aea, thig iad a m' ionnsuidh, agus bheir mi breth eadar duine agus duine, agus nochdaidh mi dhoibh orduighean Dhé, agus a laghan.

17 Agus thubhairt athair-eile Mhaois ris, Cha mhaith an ni a tha thu 'deanamh.

18 Caitheadh tu as gu tur, aràon thu fèin, agus an sluagh so a tha maille riut, oir tha an ni so ro throm air do shon; eha-n 'eil e 'n eomas duit a dheanamh a'd' aonar.

19 A nis ma ta éisd ri m' ghuth, bheir mi eomhairl' ort, agus bithidh Dia maille rint: bi-sa air son an t-sluaigh an làthair Dhé, agus bheir thu na eùisean a dh'ionnsuidh Dhé:

20 Agus teagaisgidh tu dhoibh na h-orduighean agus na laghan, agus nochdaidh tu dhoibh an t-slighe air an eòir dhoibh imeachd, agus an obair a's eòir dhoibh a dheanamh.

21 Agus taghaidh tu mae as an t-sluagh uile, daoine foghainteach, air am bi eagal Dhé, daoine fìrinneach, a dh'fhuathaicheas sannt; agus cuiridh tu iad os an ceann 'n an uachdaranaibh mhilltean, 'n an uachdaranaibh ehèudan, 'n an uachdaranaibh leth-ehèudan, agus 'nan uachdaranaibh dheichnear.

22 Agus bheir iad breth air an t-sluagh anns gach àm; ach gach eùis mhòr bheir iad a d' ionnsuidh-sa, agus air gach cùis bhig bheir iad fèin breth: mar sin bithidh e nìs eutruime dhuite, agus iomeharaidh iadsan an eallach maille riut.

23 Ma ni thu an ni so, agus gu'n àithn Dia sin dhuit, an sin is urrainn thu seasamh ris, agus mar an eudna théid an sluagh so uile d'an àite fèin 'an sìth.

24 A nis dh'éisid Maois ri guth 'athar-eile, agus rinn e gach ni a thubhairt e.

25 Agus thagh Maois daoine foghainteach a mach á h-Israel uile, agus rinn e iad 'n an ceannardaibh air an t-sluagh; 'n an uachdaranaibh mhilltean, 'n an uachdaranaibh ehèudan, 'n an uachdaranaibh leth-ehèudan, agus 'n an uachdaranaibh dheichnear.

26 Agus thug iad breth air an t-sluagh anns gach àm: na eùisean eruidhe thug iad a dh'ionnsuidh Mhaois, ach air gach eùis bhig thug iad fèin breth.

27 Agus leig Maois le 'athair-eile imeachd; agus dh'fhalbh e roimhe d'a thair fèin.



## CAIB. XIX.

1 *Thàinig an sluagh gu fàsach Shinai.* 3 *Teachd-aircachd Dhé do'n t-sluagh & sliabh Shinai.* 8 *Am freagradh.* 12 *Cha-n fheadadh neach air bith beanntuinn ris an t-sliabh.*

**A** NNS an treas mìos an déigh do chloinn Israel teachd a mach á tìr na h-Eiphit, 's an là sin féin thàinig iad gu fàsach Shinai.

2 Oir dh' imich iad o Rephidim, agus thàinig iad gu fàsach Shinai, agus champaich iad 's an fhàsach; agus champaich Israel ann an sin fa chomhair an t-sléibh.

3 Agus chaidh Maois suas a dh'ionnsuidh Dhé, agus ghairm an Tighearn air as an t-sliabh, ag ràdh, Mar so their thu ri tigh Iacoib, agus innsidh tu do chloinn Israeil:

4 Chumnaic sibh na rinn mi ris na h-Eiphitich, agus cionnus a ghiùlain mi sibhse mar air sgiathaibh iolaircan, agus a thug mi a m' ionnsuidh féin sibh.

5 A nis ma ta, ma dh'éisdeas sibh da rìreadh ri m' ghuth, agus ma ghleicidheas sibh mo choimheangal, an sin bithidh sibh dhomhsa 'n ur n-ionnhas sònraichte os ceann nan uile shluagh: oir 's leamsa an talamh uile.

6 Agus bithidh sibh dhomhsa 'n ur rìoghachd shagart, agus 'n ur cinneach naomh. 'S iad sin na briathran a labhras tu ri cloinn Israeil.

7 Agus thàinig Maois, agus ghairm e air seanaribh an t-sluaigh, agus chuir e rompa na briathran sin uile a dh'aithn an Tighearn dha.

8 Agus fhreagair an sluagh uile le h-aon ghuth, agus thubhairt iad, Gach ni a labhair an Tighearn, ni sinne. Agus thug Maois air ais briathran an t-sluaigh a dh'ionnsuidh an Tighearna.

9 Agus thubhairt an Tighearn ri Maois, Feuch, thig mise a' d' ionnsuidh ann an neul tigh, a chum gu'n chuinn an sluagh an uair a labhras mi riut, agus maran ceudna gu'n creid iad thu gu sìorruidh. Agus dh'innis Maois briathran an t-sluaigh do'n Tighearn.

10 Agus thubhairt an Tighearn ri Maois, Imich a dh'ionnsuidh an t-sluaigh, agus naomhaich iad an diugh, agus am màireach, agus nigheadh iad an eudach,

11 Agus bitheadh iad deas air cheann an treas là; oir air an treas là thig an Tighearn a nuas ann an sealladh an t-sluaigh uile air sliabh Shinai.

12 Agus suidhichidh tu crìochan do'n t-sluagh mu'n cuairt, ag ràdh, Thugaibh an aire dhuibh féin, nach téid sibh suas do'n t-sliabh, agus nach bean sibh r'a iomall: gach neach a bheanas ris an t-sliabh, gu cinnteach cuirear gu bàs e.

13 Cha bhean lamh ris; oir gu deimhin elachar e, no sàthar slagh troimhe; ma's ainmhidh no duine e, cha mhair e beò.

'N uair a shéideas an trompaid rè ùin' fhada thig iad-san a mìos do'n t-sliabh.

14 Agus chaidh Maois sìos o'n t-sliabh a dh'ionnsuidh an t-sluaigh, agus naomhaich e 'n sluagh, agus nigh iad an eudach.

15 Agus thubhairt e ris an t-sluagh, Bithibh deas air cheann an treas là; na tigibh am fagus d'ur mnàibh.

16 Agus an uair a thàinig an treas là, anns a' mhaduinn bha tairmeanach agus dealanaich ann, agus neul tigh air an t-sliabh, agus fuaim na trompaid ro àrd: agus chrìothnaich an sluagh uile a bha 's a' champ.

17 Agus thug Maois an sluagh a mach as a' champ an coimeamh Dhé, agus sheas iad aig ìochdar an t-sléibh.

18 Agus bha sliabh Shinai uile fo dheataich, do bhrìgh gu'n d'thàinig an Tighearn a nuas air ann an teine; agus dh'éirich a dheatach suas mar dheataich àmhuinn, agus chrìothnaich an sliabh uile gu mòr.

19 Agus an uair a bha fuaim na trompaid' a' dol a mach, agus a' fàs ro làidir, an sin labhair Maois, agus fhreagair Dia e le guth.

20 Agus thàinig an Tighearn a nuas air sliabh Shinai, air mullach an t-sléibh: agus ghairm an Tighearn Maois suas gu mullach an t-sléibh, agus chaidh Maois suas.

21 Agus thubhairt an Tighearn ri Maois, Imich sìos, thor àithne do'n t-sluagh, air eagal gu'm bris iad a steach a dh'ionnsuidh an Tighearn' a dh'amharc, agus gu'n tuit mòran diubh.

22 Agus mar an ceudna na sagartan a thig ann fagus do'n Tighearn, naomhaicheadh iad iad féin, air eagal gu'm bris an Tighearn a mach orra.

23 Agus thubhairt Maois ris an Tighearn, Cha-n 'eil e 'n comas do'n t-sluagh teachd a mìos do sliabh Shinai; oir thug thu àithne dhuinn, ag ràdh, Cuir crìochan mu'n t-sliabh, agus naomhaich e.

24 Agus thubhairt an Tighearn ris, Imich romhad, falbh sìos, agus thig a mìos thu féin, agus Aaron maille riut; ach na briseadh na sagartan agus an sluagh a steach, gu teachd a mìos a dh'ionnsuidh an Tighearna, air eagal gu'm bris e mach orra.

25 Agus chaidh Maois sìos a dh'ionnsuidh an t-sluaigh, agus labhair e riu.

## CAIB. XX.

1 *Nadeich àitheantan.* 20 *Eagal air an t-sluagh.*

22 *Iodhol-aoradh air a thoirmeachs.*

**A** GUS labhair Dia na briathran so uile, ag ràdh,

2 'S mise an Tighearn do Dhia, a thug a mach thu & tìr na h-Eiphit, & tigh na daorsa.

3 Na biodh dée sam bith eile agad a'm' lathair-sa.

4 Na dean dhuit féin dealbh snaidhte, no coslas sam bith a dh'aon ni, a tha 's na



nèamhaibh shuas, no air an talamh a bhos, no 's na h-uiscgachaibh fo 'n talamh.

5 Na crom thu féin sìos doibh, agus na dean seirbhis doibh: oir mise an Tighearn do Dhia, is Dia eudmhor mi, a' leantuinn aingidheachd nan aithrichean air a' ehlloinn, air an treas, agus air a' cheathramh *ginealach* dhiubhsan a dh'fhuathaicheas mi;

6 Agus a' nochdadh trècair do mhàiltibh dhiubhsan a ghràdhaicheas mi, agus a choimhideas m'aitheantan.

7 Na tabhair ainm an Tighearna do Dhé 'an dìomhanas; oir cha mheas an Tighearn neòchiontach *esan* a bheir 'ainm 'an dìomhanas.

8 Cuimhnich là na sàbaid a naomhachadh.

9 Sè làithean saothraichidh tu, agus ni thu d'obair uile.

10 Ach *air* an t-seachdamh là *tha* sàbaid an Tighearna do Dhé: *air an là sin* na dean obair sam bith, thu féin, no do mhac, no do nighean, d'òglach, no do bhanoglach, no d'ainmhidh, no do choigreach a *tha* 'n taobh a stigh de d'gheataibh.

11 Oir ann an sè làithibh rinn an Tighearn na nèamhan agus an talamh, an fhairge, agus gach ni a *tha* ann; agus ghabh e fois air an t-seachdamh là: air an aobhar sin bheannaich an Tighearn là na sàbaid, agus naomhaich se e.

12 Tabhair onoir do d'athair, agus do d' mhàthair; a chum gu'm bi do làithean buan air an fhearann a *tha* 'n Tighearn do Dhia a' toirt dhuit.

13 Na dean mortadh.

14 Na dean adhaltranas.

15 Na dean goide.

16 Na tabhair fianuis bhréige an aghaidh do choimhearsnaich.

17 Na sanntaich tigh do choimhearsnaich; na samtaich bean do choimhearsnaich, no 'òglach, no 'bhanoglaich, no 'dhamh, no 'asal, no aon ni a's le do choimhearsnach.

18 Agus mhothaich an sluagh uile na tairneanaich, agus na dealanaich, agus fuaim na trompaid', agus an sliabh fo dheataich: agus an uair a chunnaic an sluagh *sin*, ghluais iad, agus sheas iad fad o làimh.

19 Agus thubhairt iad ri Maois, Labhair thusa ruinn, agus éisdidh sinn: ach na labhradh Dia ruinn, air eagal gu'm faigh sinn bàs.

20 Agus thubhairt Maois ris an t-sluagh, Na bitheadh eagal oirbh, oir is ann a ehum bhuir dearbhadh a thàinig Dia, agus a ehum gu'm bi 'eagal-san oirbh, air chor as nach peacaich sibh.

21 Agus sheas an sluagh fad o làimh, agus thàinig Maois am fagus do'n dorchadas, far an *robh* Dia.

22 Agus thubhairt an Tighearn ri Maois, Mar so their thu ri eloimh Israeil, Chunnaic sibh gu'n do labhair mi ribh o nèamh.

23 Cha dean sibh maille riumsa diathan airgid, agus diathan òir cha dean sibh dhuibh féin.

24 Altair de thalamh ni thu dhomhsa, agus iobraidh tu oirre do thabhartais-loisgte, agus do thabhartais-sìth, do chaor-aich, agus do dhaimh: anns gach àite 's an toir mise fainear gu'n cuimhnichear m'ainm, thig mi a d' ionnsuidh, agus beannaichidh mi thu.

25 Agus ma ni thu altair chloiehe dhomh, cha tog thu i le cloich shnaidhte; oir ma thogas tu d'inneal-snaidhidh suas oirre, truaillidh tu i.

26 Ni mò théid thu suas air ceumaibh a dh'ionnsuidh m'altarach, a chum nach leigear ris do lomochoidh oirre.

### CAIB. XXI.

1 *Laghan a thaobh òglach agus bhanoglach, 14 a thaobh an tì a mharbas duine le ceig, 17 a mhallachas 'athair no 'mhàthair, &c.*

**A** N IS is iad so na breitheanais a chuireas tu rompa.

2 Ma cheannachaas tu òglach Eabhruidh-each, sé bliadhna ni e seirbhis; agus 's an t-seachdamh théid e mach saor a nasguidh.

3 Ma's ann a *mhaoin* leis féin a thàinig e steach, leis féin théid e mach; ma bha bean aige, théid mar an ceudna a bhean a mach maille ris.

4 Ma thug a mhaighstir bean dha, agus gu'n d'rug i dha mie no nigheanan; bithidh a' bhean agus a clann aig a mhaighstir, agus théid *esan* a mach leis féin.

5 Ach ma their an t-òglach gu cinnteach, Is toigh leam mo mhaighstir, mo bhean, agus mo chlann, cha téid mi mach saor:

6 An sin bheir a mhaighstir e chum nam breitheamh; bheir e mar an ceudna chum an doruis e, no ehum ursainn an doruis, agus tollaidh a mhaighstir a chluas le mimidh, agus ni e seirbhis dha gu bràth.

7 Agus ma reiceas duine a nighean gu bhí 'n a banoglaich, cha téid i mach mar a théid na h-òglach.

8 Mur taitinn i r'a mhaighstir, a rinn ceangal-pòsaidh rithe, an sin bheir e fainear gu'm fuasgailear i: ri cinneach coimheach eha bhi eomas aige a reiceadh, do bhrìgh gun do bhuin e gu eagalach rithe.

9 Agus ma cheangail e r'a mhac i, a réir modh nan nighean ni e rithe.

10 Ma ghabhas e bean eile dha féin, a biadh, a h-eudach, agus a dlighe-pòsaidh, cha lughdaich e.

11 Agus mur dean e na trì *nithean* sin rithe, an sin théid i mach saor gun airgid.

12 *Esan* a bhuailas duine, air chor as gu'm bàsaich e, gu cinnteach cuirear gu bàs e.

13 Agus mur do luidh duine 'am plaid, ach gu'n d'thug Dia thairis g'a làimh e, an sin sònruichidh mis' àite dhuit d'an teich e.

14 Ach ma thig duine gu dàna air a choimhearsnach, gu mharbhadh le ceilg, o m' altair bheir thu e, a chum gu'm bàsaich e.

15 Agus esan a bhuail eas 'athair, no a mhlàthair, gu cinnteach cuirear gu bàs e.

16 Agus esan a ghoideas duine, agus a reiceas e, no ma gheibhear 'n a làimh e, gu cinnteach cuirear gu bàs e.

17 Agus esan a mhallachas 'athair no a mhlàthair, gu cinnteach cuirear gu bàs e.

18 Agus ma ni daoine comhstri, agus gu'm buail duine a choimhearsnach le cloich, no le 'dhorn, agus nach faigh e bàs, ach gu'n gabh e a leabadh:

19 Ma dh'èreas e, agus gu'n siubhail e mach air a luirg, an sin saor esan a bhuail e; a mhàin dìolaidh e air son call 'ùine, agus bheir e fàinear a leigheas gu h-ìomlan.

20 Agus ma bhuail eas duine 'òglach, no 'bhanoglach le slait, agus gu'm bàsaich e fo 'làimh, dìolar air gu deimhin:

21 Ach ma mhaireas e beò là no dà là, cha dìolar air; oir *is* e airgid e.

22 Agus ma ni daoine comhstri, agus gu'm buail iad bean thorrach, agus gu'n dealaich i r'a cloinn, ach nach faigh i bàs; cuirear gu cinnteach ùbha air, a réir mar a chuireas fear namná air, agus bheir e seachad mar a dh'orduicheas na breitheamhan.

23 Ach ma gheibh i bàs an sin bheir thu anam air son anama,

24 Sùil air son sùla, fiacail air son fiacail, làmh air son làimhe, cos air son coise,

25 Losgadh air son losgaidh, lot air son lot, buille air son buille.

26 Agus ma bhuail eas duine sùil 'òglach, no sùil a bhanoglach, agus gu mill e i, leigidh e as saor e air son a shùla.

27 Agus ma chuireas e fiacail á 'òglach, no fiacail as a bhanoglach, leigidh e as saor e air son 'fhiacail.

28 Agus ma reubas damh duine no bean le 'adhaire, agus gu'm faigh e bàs, gu cinnteach clachar an damh, agus cha-n ithear 'fheoil; ach bithidh sealbhadair an daimh neò -chiontach.

29 Ach ma ghnàthaich an damh sàthadh le 'adhaireibh 's an aimsir roimhe sin, agus gu'n do dhearbhadh sin d'a shealbhadair, agus nach do ghléidh e stigh e, agus gu'n do mharbh e duine no bean, clachar an damh, agus cuirear mar an ceudna a shealbhadair gu bàs.

30 Ma cuirear *airgid*-réitich air, an sin bheir e mar éric 'anama ge b'e ni a chuirear air.

31 Ma's mac a reub e le 'adhaire, no ma's nighean a reub e, a réir a' bhreitheanaidh so nithear ris.

32 Ma reubas an damh òglach no banoglach, bheir e deich secel 'ar fhichead airgid d'am maignistir, agus clachar an damh.

33 Agus ma dh'fhosgla duine slochd, no

ma chladhaicheas duine slochd, agus nach còmhdaich se e, agus gu'n tuit damh no asal ann;

34 Ni esan d' am buin an slochd suas an call, bheir e airgid d'an sealbhadair, agus is leis féin am *beathach* marbh.

35 Agus ma reubas duine neach air bith damh neach cile, agus gu'm faigh e bàs, an sin reicidh iad an damh beò, agus roinnidh iad an t-airgid a *fhuaradh* air a shon, agus roinnidh iad mar an ceudna an damh marbh.

36 No ma bha fhios gu'n do ghnàthaich an damh sàthadh le 'adhaireibh 's an aimsir roimhe sin, agus nach do ghléidh a shealbhadair a stigh e, gu cinnteach 'icaidh e damh air son daimh, agus is leis féin am marbh.

## CAIB. XXII.

1 *Laghan a thaobh goide.* '5 a thaobh coimhearsachaidh air son gach gné choirce, 16 a thaobh dìolanais, &c.

**M**A ghoideas duine damh no caora, agus gu marbh se e, no gu'n reic se e, dìoladh e cùig daimh air son an daimh, agus ceithir caoraich air son na caorach.

2 Ma gheibhear gaduiche a' briseadh a stigh, agus gu'm buail e, agus gu'm faigh e bàs, cha *dòirt*ear fuil air a shon:

3 Ma bhios a' ghrian air éirigh air, *dòirt*ear fuil air a shon. Ni esan a ghoideas dìoladh ìomlan: mur *bì* ni sam bith aige, an sin reicear e air son a ghoide.

4 Ma gheibhear gu cinnteach a' mheirle 'n a làimh beò, ma's damh e, no asal, no caora; dìolaidh e dùbailt e.

5 Ma bheir duine fainear gu'n ithear suas fearann no fion-lios, agus gu'n cuir e 'ainmhidh *ann*, agus gu'm biadhar e ann am fearann duine eile; de'n chuid a's fearr d'a fhearann féin, agus de'n chuid a's fearr d'a fhion-lios féin, ni e dìoladh.

6 Ma bhriseas teine a mach, agus gu'n tachair e air droighinn, agus gu'n loisgear na cruachan arbhair, no 'n t-arbhar 'n a sheasamh, no'n t-achadh; ni esan a rinn an losgadh gu cinnteach dìoladh.

7 Ma bheir duine d'a choimhearsnach airgid, no airneis, g'a ghleidheadh, agus gu'n goidear á tigh an duine e; ma gheibhear an gaduiche, dìolaidh e dùbailt e.

8 Mur faighear an gaduiche, an sin théid maignistir an tighe a dh'ionnsuidh nam breitheamh, a dh'fheuchaim co dhiubh a shìn e mach a làmh gu cuid a choimhearsnach.

9 Air son gach gné choirce, air son daimh, air son asal, air son caorach, air son eudaich, air son gach ni a ehadh a ehall, a their *neach eile* gur leis féin; an làthair nam breitheamh thig cùis gach aoin diubh: *esan* a dhiteas na breitheamhan, dìolaidh e dùbailt d'a choimhearsnach.

10 Ma bheir duine d'a choimhearsnach



## ECSODUS, XXIII.

asal, no damh, no caora, no ainmhidh sam bith g'a ghleidheadh, agus gu'm faigh e bàs, no gu'n ciurrar e, no gu'n iomainear air falbh e, gun neach air bith g'a fhaicinn:

11 *An sin* bithidh mionnan an Tighearna eatorra le 'chéile, nach do shìn e a lām gu cuid a choimhearsnaich: agus gabhaidh a shealbhadair *sin* uaith, agus cha dean esan dioladh.

12 Agus ma ghoideadh uaith e, diolaidh e d'a shealbhadair.

13 Ma reubadh as a chéile e, thugadh e leis mar fhianuis e; air son an nì sin a chaidh reubadh, cha diòl e.

14 Agus ma dh'iarras duine *nì* 'an coincheall o' choimhearsnach, agus gu'n ciurrar e, no gu'm faigh e bàs, gun a shealbhadair a *bhi* maille ris: gu cinnteach diolaidh e.

15 *Ach ma bhitheas* a shealbhadair maille ris, cha diòl e: ma's *nì* air son tuarasdail e, thàinig e air son a thuarasdail.

16 Agus ma mheallas duine maighdean, nach 'eil fo cheangal-pòsaidh, agus gu'n luidh e leatha, gu cinnteach gabhaidh e i dha féin 'n a mnaoi.

17 Ma dhiùltas a h-athair gu tur a tabhairt da, diolaidh e airgid a rèir tochraidh nam maighdean.

18 Cha leig thu le ban-fhiosaiche bhì beò.

19 Ge b'e neach a luidheas le h-ainmhidh, gu cinnteach cuirear gu bàs e.

20 Esan a dh'ìobras do dh'athian *sam bith*, ach do'n Tighearna a mhàin, gearrar as e.

21 Air coigreach cha chuir thu doilgheas, nì mò a nì thu foirmeart air; oir bha sibh féin 'n 'ur coigrich ann an tìr na h-Eiphit.

22 Rì bantraich sam bith, no dilleachdan, cha bhuin sibh gu cruaidh.

23 Ma bhuineas tu air chor sam bith gu cruaidh riu, agus gu'n glaoth iad idir riumsa, éisdidh mise gu cinnteach r'an glaoth.

24 Agus lasaidh mo chorruih suas, agus marbhaidh mi sibh leis a' chhlaidheamh; agus bithidh bhur mnathan 'n am bantraichibh, agus bhur clann 'n an dilleachdain.

25 Ma bheir thu airgid 'an coincheall do *neach air bith de mi* shluagh-sa a tha bochd làmh riut, cha bhì thu dha mar neach a chuireas airgid air riadh; cha chuir thu riadh air.

26 Ma ghabhas tu idir eudach do choimhearsnaich ann an geall, mu dhol fodha na gréine bheir thu air ais dha e:

27 Oir *is* e sin a chòmhach a mhàin, *is* e 'eudach d'a chroicinn e: ciod anns an coidil e? agus an uair a dh'éigheas e rium, éisdidh mise; oir *tha* mi tròcaireach.

28 Air breitheamhnaibh cha labhair thu ole, agus uachdaran do shluaigh cha chàin thu.

29 Ceud thoradh d'fhearainn, agus d'fhionlios, gun dàil *their thu seachad*: ceud-ghin do mhac bheir thu dhomhsa.

30 Mar sin nì thu rì d' chrodh, agus rì d' chaoraich: seachd làithean bithidh e maille r'a mhàthair, air an oehdamh là bheir thu dhomhsa e.

31 Agus bithidh sibh 'n 'ur daoine naomha dhomhsa, agus feoil *sam bith* a reubadh le *fiadh-bheathaichibh* s'a' mbachair, cha-n ith sibh: chum nan can tilgidh sibh i.

### CAIB. XXIII.

1 *Laghan a thaobh tuairesgeil no fianuis-bhréige*, 12 a thaobh là na sàbaid, &c. 22 Beannaich air a ghealltuinn dhoibhsan a cheimhideas reachd Dhé.

**C**HA tog thu tuairesgeul bréige: na cuir do lām maille ris an aingidh gu bhì 'n a d'fhanuis air an eucoir.

2 Cha lean thu a' mhòr chuideachd a dh'ionnsuidh an uile, agus cha labhair thu ann an cùis, gu claonadh an déigha' mhòrain, chum breth fhiaradh.

3 Agus rì *duine* bochd cha bhithu bàigheil 'n a chùis.

4 Ma thachaireas tu air damh do nàmhaid, no 'asal a' dol air seacharan, bheir thu gu cinnteach air ais e d'a ionnsuidh.

5 Ma chì thu asal duine aig am bheil fuath dhuit a' luidhe fo 'h-eallaich, agus gu'n smuainich thu air fantuinn o chòmhnuadh a dheanamh rithe, nì thu gu cinnteach còmhnuadh rithe.

6 Cha chlaon thu breth do bhochd 'n a chùis.

7 O chùis bhréige cum thu féin am fad; agus an neò-chiontach agus an t-ionraic na marbh: oir cha-n fhìreanaich mise an t-aingidh.

8 Agus tiodhlac cha ghabh thu; oir dallaidh tiodhlac na daoine gliee, agus claonaidh e briathran nan daoine ionraic.

9 Agus air coigreach na dean fòirncart: oir is aithne dhuibh inntinn coigrich, do bhrìgh gu'n robh sibh féin 'n 'ur coigrich ann an tìr na h-Eiphit.

10 Agus sè bliadhna cuiridh tu d'fhearann, agus cruinnichidh tu stigh a thoradh.

11 Ach air an t-seachdamh fàgaidh tu *mach* e, agus leigidh tu leis *luidhe 'n a thàmh*, a chum gu'n ith bochdan do shluaigh, agus na dh'fhàgas iadsan, gu'n ith beathaichean na macharach e. Air a' mhodh cheudna nì thu rì d'fhionlios, agus rì d' fios-olaidh.

12 Sè làithean nì thu d'obair, agus air an t-seachdamh là gabhaidh tu fois; a chum gu faigh do dhamh agus d'asal fois, agus gu faigh mac do bhanoglaich agus an coigreach an anail.

13 Agus a thaobh nan uile nithean a labhair mi ribh, bithibh faicilleach; agus air ainm dh'athian eile na luaidhibh: na chuinnear as bhur beul e.

14 Tri uairean cumaidh tu féill dhomhsa's a' bhliadhna.

15 Féill an arain neo-ghoirtichte cumaidh



tu: seachd làithean ithidh tu *aran* neo-ghoirtichte, mar a dh'àithn mi dhuit, 's an am *shuidhichte* de'n mhìos Abib; oir ams *a' mhìos* sin thàinig thu mach as an Eiphit: agus cha tig neach air bith a'm' lathair-sa falaml:

16 Agus féill an fhogharaidh, ceud-thoraidh do shaoithreach, a chuir thu 's an fhearann: agus féill a' chruinnachaidh aig deireadh na bliadhna, 'n uair a chruinniccas tu stigh *toradh* do shaoithreach as an fhearann.

17 Tri uairean 'sa' bhliadhna nochdar gach firionn agad an làthair an Tighearna Dé.

18 Cha toir thu seachad fuil m' iobairt-sa le *h-aran* goirtichte, 'n mò dh'fhanas saill m' iobairt gu maduinn.

19 Toiseach ceud-thoraidh d'fhearainn bheir thu do thigh an Tighearna do Dhé. Cha bhruch thu meann ann am bainne a mhlàthar.

20 Feuch, cuiridh mise aingeal romhad, gu d' choimhead 's an t-slighe, agus gu d' thabhairt a steach do'n àit a dh'ulluich mi.

21 Bi faicilleach 'n a làthair, agus éisd r'a ghuth; na cuir 'n a aghaidh: oir cha lugh e bhur cionta; oir tha m'ainm annsan.

22 Ach ma dh'éisdeas tu da rìreadh r'a ghuth, agus ma ni thu gach ni a labhras mise, an sin bithidh mi a'm' nàmhaid do d' nàmhaid-sa, agus claoidhidh mi iadsan a chlaoidheas thu:

23 Oir théid m' aingeal romhad, agus bheir e steach thu chum nan Amorach, agus nan Hiteach, agus nam Peridseach, agus nan Canaanach, nan Hibheach agus nan Iebusach; agus gearraidh mi as iad.

24 Cha chrom thu thu fén sìos d'an diathan, agus cha dean thu seirbhis doibh, ni mò a ni thu a réir an oibre: ach sgrìosaidh tu gu tur iad, agus brisidh tu an dealbhan 'n am bloighdibh.

25 Agus ni sibh seirbhis do'n Tighearn bhur Dia, agus beannaichidh esan d'aran, agus d'uisge, agus cuiridh mi euslaint air falbh o'r mcasg.

26 Cha tilg ni sam bith 'al, ni mò a bhitheas e seasg a'd' thìr: àireamh do làithean coimhleanaidh mise.

27 Cuiridh mi m' eagal romhad, agus sgrìosaidh mi an sluagh uile dh'ionnsuidh an téid thu, agus bheir mi air do naimhdibh gu léir an cùl a thionndadh riut.

28 Agus cuiridh mise cearnabhain romhad, agus 'ògraidh iad a mach an t-Hibheach, an Canaanach, agus an t-Hiteach, as do làthair.

29 Cha tilg mi mach iad as do làthair ann an aon bhliadhna, air eagal gu'm bi 'm fearann air 'fhàsachadh, agus gu'm fàs fiadhbheathaichean na macharach lionmhor a'd' aghaidh.

30 A lion beag 'usbeag tilgidh mi mach iad as do làthair, gus an sìolaich thu, agus gu'n sealbhaich thu am fearann.

31 Agus suidhichidh mi do chrìochan o'n mhuir ruaidh eadhon gu ruig fairge nam Philisteach, agus o'n fhàsach gu ruig an amhainn: oir bheir mi thairis 'n 'ur làimh luchd-àiteachaidh na tìre; agus tilgidh tu mach iad as do làthair.

32 Cha dean thu riu-san, no r'an diathan coimhcheangal sam bith.

33 Cha ghabh iad coimhuidh a'd' thìr, air eagal gu'n toir iad ort peacachadh a'm' aghaidh-sa le seirbhis a dheanamh d'an diathan; agus gu'm bi *sin* 'n a ribe dhuit.

## CAIB. XXIV.

1 *Chaidh Maois suas do'n t-sliabh.* 3 *Gheall an sluagh gu'n d'thugadh iad gèill do fhoval an Tighearna.* 16 *Glòir Dhé air a foill-seachadh.*

**A**GUS thubhairt e ri Maois, Thig a nìos a dh'ionnsuidh an Tighearna, thu fén agus Aaron, Nadab agus Abihu, agus tri fichead 's a deich de sheanairibh Israeil: agus ni sibh aoradh fad o làimh.

2 Agus thig Maois do'n aonair am fagus do'n Tighearn; ach cha tig iadsan am fagus, ni mò théid an sluagh suas maille ris.

3 Agus thàinig Maois agus dh'innis e do'n t-sluagh briathran an Tighearna uile, agus na breitheanais uile: agus fhreagair an sluagh gu léir le h-aon ghuth, agus thubhairt iad, Gach ni a labhair an Tighearn, ni sinne.

4 Agus sgrìobh Maois briathran an Tighearn uile, agus dh'éirich e gu moch 's a mhaduinn, agus thog e altair fo 'n t-sliabh agus dà charragh dheug a réir dà thréibh dheug Israeil.

5 Agus chuir e uaith òganaich de chloinn Israeil, agus thug iad suas tabhartais-loisgte, agus dh'ìobair iad iobairtean-sith de dhaimh do'n Tighearn.

6 Agus ghabh Maois leth na fola, agus chuir e ann an cuachaibh *i*; agus leth na fola chrath e air an altair.

7 Agus ghabh e leabhar a' choimhcheangail, agus leugh e ann an éisdeachd an t-sluaigh; agus thubhairt iadsan, Gach *ni* a labhair an Tighearn, ni sinne, agus bheir sinn gèill.

8 Agus ghabh Maois an fhuil, agus chrath e *i* air an t-sluagh, agus thubhairt e, Feuch, fuil a' choimhcheangail a rinn an Tighearn ribh a thaobh nam briathran sin uile.

9 Agus chaidh Maois suas agus Aaron, Nadab agus Abihu, agus tri fichead 's a deich de sheanairibh Israeil.

10 Agus chunnaic iad Dia Israeil: agus fo a chosaibh *bha* mar gu'm bitheadh obair de chloich shaphir, agus mar na nèamhan fén ann an soillse.

11 Agus air maithibh chloinn Israeil cha do chuir e a làmh: agus chunnaic iad Dia, agus dh'ith iad agus dh'ol iad.

12 Agus thubhairt an Tighearn ri Maois, Thig a nìos a m' ionnsuidh-sa do'n t-sliabh,

agus bi 'n sin: agus bheir mise dhuit clàir chloiche, agus lagh, agus na h-aitheantan a sgrìobh mi, chum iadsan a theagasc.

13 Agus dh'èirich Maois suas, agus Iosua 'dglach: agus chaidh Maois suas do shliabh Dhé.

14 Agus thubhairt e ris na seanairibh, Fanaibh-sa ruinn an so, gus am pill sinn d'ur n-ionnsuidh: Agus, feuch, *tha* Aaron agus Hur maille ribh: esan aig am bi cùis sam bith, thigeadh e d'an ionnsuidh-san.

15 Agus chaidh Maois suas do'n t-sliabh, agus chòmhdaich neul an sliabh.

16 Agus chòmhnuich glòir an Tighearna air sliabh Shinaì, agus chòmhdaich an neul e sè làithean: Agus dh'èigh e ri Maois air an t-seachdamh là a meadhon an neoil.

17 Agus *bha* foillseachadh glòire an Tighearna mar theine dian-loisgeach air mullach an t-sleibh ann an sùilbha chloinn Israeil.

18 Agus chaidh Maois a steach am meadhon an neoil, agus chaidh e suas do'n t-sliabh: agus *bha* Maois 's an t-sliabh dà fhichead là agus dà fhichead oidheche.

## CAIB. XXV.

1 *Tabhartais air son a' phàilliuin.* 10 *Cumadh na h-àirce.* 17 *A' chaithir-thròcair.*

**A**GUS labhair an Tighearna ri Maois ag ràdh,

2 Labhair ri cloinn Israeil, gu'n toir iad a m' ionnsuidh tabhartas: o gach duine a bheir seachad gu toileach e le 'chridhe, gabhaidh sibh mo thabhartas.

3 Agus *is* e so an tabhartas a ghabhas sibh uatha: òr, agus airgiod, agus umha,

4 Agus gorm, agus corcur, agus scarlaid, agus anart grinn, agus *fiannadh* ghabhar,

5 Agus croicinnean reitheachan air an dath dearg, agus croicinnean bhroc, agus fiodh sitim,

6 Oladh chum soluis, spìosraidh chum oiaidh-ungaidh, agus a chum tùise deadh-bholaidh,

7 Clachan onics, agus clachan ri 'n cur anns an ephoid, agus 's an uchd-èididh.

8 Agus ni iad dhomh *ionad* naomh, agus gabhaidh mise còmhnuidh 'n am measg.

9 A réir gach ni a leigear mise annit fhaicinn, a *réir* samhlaidh a' phàilliuin, agus samhlaidh 'airneis uile, eadhon mar sin ni sibh.

10 Agus ni iad àirce de fhiodh sitim: dà làmh-choille gu leth a fad, agus làmh-choille gu leth a leud, agus làmh-choille gu leth a h-àirde.

11 Agus còmhdaichidh tu thairis i le h-òr fìor-ghlan, a stigh agus a muigh còmhdaichidh tu thairis i; agus ni thu oirre coron òir mu'n cuairt.

12 Agus ni thu air a son ceithir failbheagan òir, agus cuiridh tu iad air a ceithir oisinnibh; agus bithidh dà fhailbheig air

aon taobh dh'i, agus dà fhailbheig air an taobh eile dh'i.

13 Agus ni thu bataichean de fhiodh sitim, agus còmhdaichidh tu thairis iad le h-òr.

14 Agus cuiridh tu na bataichean anns na faillbheagaibh air taobhan na h-àirce, chum an àirce a ghiùlan leo.

15 Ann am failbheagaibh na h-àirce bithidh na bataichean: cha ghluaisear uaipe iad.

16 Agus cuiridh tu 's an àirce an Fhianuis a bheir mise dhuit.

17 Agus ni thu caithir-thròcair a dh'òr fìor-ghlan; dà làmh-choille gu leth a fad, agus làmh-choille gu leth a leud.

18 Agus ni thu dà cherub òir; a dh' obair bhualte ni thu iad, aig dà cheann na caithir-thròcair.

19 Agus ni thu aon cherub aig aon cheann, agus cherub eile aig a' cheann eile de'n chaithir-thròcair: ni sibh na cherubau aig a dà cheann.

20 Agus bithidh na cherubana' sìneadh a mach an sgiathan gu h-àrd, a' còmhdachadh na caithir-thròcair le'n sgiathaibh, agus an aghaidhean r'a chèile: ris a' chaithir-thròcair bithidh aghaidhean nan cherub.

21 Agus cuiridh tu a' chaithir-thròcair suas air an àirce, agus anns an àirce cuiridh tu an Fhianuis a bheir mise dhuit.

22 Agus coinnichidh mise thu an sin, agus labhraidh mi riut o uachdar na caithir-thròcair, o eadar an dà cherub a *tha* air àirce na Fhianuis a thaobh gach *ni* a dh' àithneas mi dhuit do chloinn Israeil.

23 Agus ni thu bòrd de fhiodh sitim; dà làmh-choille f'had, agus làmh-choille a leud, agus làmh-choille gu leth àirde.

24 Agus còmhdaichidh tu thairis e le h-òr fìor-ghlan, agus ni thu dha coron òir mu'n cuairt.

25 Agus ni thu dha iomall de leud boise mu'n cuairt, agus ni thu coron òir d'a iomall mu'n cuairt.

26 Agus ni thu dha ceithir failbheagan òir, agus cuiridh tu na failbheagan air na ceithir oisinnibh a *tha* aig a' ceithir chosaibh.

27 Fa chomhair an iomaill bithidh na failbheagan, chum àitean do na bataichibh, gus am bòrd a ghiùlan.

28 Agus ni thu na bataichean de fhiodh sitim, agus còmhdaichidh tu thairis iad le h-òr, agus giùlainear am bòrd leo.

29 Agus ni thu a mhiasan, agus a thùiseir-eagan, agus a chuachan, agus a chopain, leis an toirear seachad iobairt-dìbhe; a dh'òr fìor-ghlan ni thu iad.

30 Agus cuiridh tu air a' bhòrd aran tais-beanaidh romhams' an còmhnuidh.

31 Agus ni thu coinnleir a dh'òr fìor-ghlan; a dh'obair bhualte nithear an coinnleir. Bithidh a chos, agus a mheoir, a chopain, a chnapan, agus a bhlàthan, de'n obair cheudna.



32 Agus thig sè meoir a mach as a thaobhan; tri meoir a' choimleir à h-aon taobh dh'è, agus tri meoir a' choimleir as an taobh eile dh'è.

33 Tri copain air an deanamh cosmhuil ri almonaibh ann an aon mheur, *maille ri* cnap agus blàth; agus tri copain air an deanamh cosmhuil ri almonaibh anns a' mheur eile, *maille ri* cnap agus blàth; mar sin anns na sè meoir a thig a mach as a' choimleir.

34 Agus anns a' choimleir *bithidh* ceithir chopain air an deanamh cosmhuil ri almonaibh, *maille ri* 'n cnapaibh agus am blathaibh.

35 Agus *bithidh* cnap fo dhà mheur dheth, agus cnap fo dhà mheur dheth, agus cnap fo dhà mheur dheth; *mar sin* do na sè meoir a thig a mach as a' choimleir.

36 Bithidh an cnap agus ann meoir de'n *chair* cheudna: *bithidh* e uile 'n a aon obair blualte de òr fìor-ghlan.

37 Agus ni thu dha seachd bòchrain: agus cuirear suas a bòchrain, a chum gu'n toir iad solus thall fa chomhair.

38 Agus *bithidh* a chlobhachan, agus a shoithichean smàlaidh a dh'òr fìor-ghlan.

39 De thàlann a dh'òr fìor-ghlan nithear e, *maille ris* na soithichibh sin uile.

40 Agus feuch gu'n dean thu *iad* a réir an t-samhlaidh, a chaidh leigeadh fhaicinn dhuit 's an t-sliabh.

## CAIB. XXVI.

1 *Deich cùirtean a' phàilliuin.* 31 *Am brat air son na h-àirce.*

**A**GUS ni thu am pàilliuin le deich cùirteanibh a dh' anart grunn toimte, agus de ghorm, agus de choreur, agus de scarlaid: *maille ri* cherubaibh a dh'obair ealanta ni thu iad.

2 Fad aoin chùirtein oehd làmhan-coille thar fhichead, agus leud aoin chùirtein, ceithir làmhan-coille: an t-aon tomhas do na cùirteanibh uile.

3 Bithidh cùig cùirtean air an ceangal gach aon r'a chéile; agus na cùig cùirtean eile air an ceangal gach aon r'a chéile.

4 Agus ni thu lùban de ghorm air oir aoinchùirtein, o'n iomall anns a' cho-aonadh: agus air a' mhodh cheudna ni thu 'a 'n oir a' chùirtein a's fhaide mach, ann an co-aonadh an dara aoin.

5 Leth-cheud lùb ni thu ann an aon chùirtein, agus leth-cheud lùb ni thu 'a 'n oir a' chùirtein a tha ann an co-aonadh an dara aoin; a chum's gu'n gabh na lùban greim d'a chéile.

6 Agus ni thu leth-cheud cromag òir, agus ceanglaidh tu na cùirtean r'a chéile leis na cromagaibh: agus bithidh e 'n a aon phàilliuin.

7 Agus ni thu cùirtean de fhionnadh ghabhar gu bhli 'n an còmhach air a'

phàilliuin: aon chùirtein deug ni thu dhiubh.

8 Fad aoin chùirtein deich làmhan-coille thar fhichead, agus leud aoin chùirtein ceithir làmhan-coille: *bithidh* an t-aon chùirtein deug uile dh'aon tomhas.

9 Agus cuiridh tu ri' chéile cùig cùirtean leò féin, agus sè cùirtean leò féin, agus dùblaichidh tu an seathamh cùirtein air taobh beoil a' bhùtha.

10 Agus ni thu leth-cheud lùb air oir an aoin chùirtein a's fhaide mach 's a' cho-aonadh, agus leth-cheud lùb air oir a' chùirtein a tha 'co-aonadh an dara aoin.

11 Agus ni thu leth-cheud cromag a dh'umha, agus cuiridh tu na cromagan anns na lùbaibh, agus cuiridh tu am bùth r'a chéile, air chor as gu'm bi e 'n a aon.

12 Agus na fuigheall a dh'fhàgar de chùirteanibh a' bhùtha, leth a' chùirtein a dh'fhàgar, crochar e thar taobh-cùil a' phàilliuin.

13 Agus làmh-choille air an taobh so, agus làmh-choille air an taobh eile de na dh'fhàgadh air am fad de chùirteanibh a' bhùtha, crochar e thar thaobhan a' phàilliuin, air an taobh so, agus air an taobh eile, g'a chòmh-dachadh.

14 Agus ni thu còmhach air son a' bhùtha de chroicinnibh reitheachan air an dath dearg, agus còmhach de chroicinnibh bhroc os a cheann.

15 Agus ni thu buird air son a' phàilliuin de fhiodh sitim, 'n an seasamh:

16 Deich làmhan-coille fad buird, agus làmh-choille gu leth leud aoin buird.

17 *Bithidh* dà làmh aig aon bhòrd, air an cur 'an ordugh fa chomhair a chéile; mar so ni thu do uile bhòrdaibh a' phàilliuin.

18 Agus ni thu na buird airson a' phàilliuin, fichead bòrd air an taobh deas, ris an àirde deas.

19 Agus ni thu dà fhichead cos airgid, fo 'n fhichead bòrd: dà chois fo aon bhòrd a réir a dhà làmh, agus dà chois fo bhòrd eile a réir a dhà làmh.

20 Agus air son an dara taoibh de'n phàilliuin air an taobh tuath, fichead bòrd;

21 Agus an dà fhichead cos a dh' airgid, dà chois fo aon bhòrd, agus dà chois fo bhòrd eile.

22 Agus air son taobhan a' phàilliuin air an làmh an iar, ni thu sè buird.

23 Agus ni thu dà bhòrd air son oisimean a' phàilliuin 's an dà thaobh.

24 Agus bithidh iad air an ceangal foidhe, agus mar an ceudna bithidh iad air an ceangal os a cheann ri aon fhailbheig: mar so nithear riu le 'chéile; bithidh iad air son an dà oisinn.

25 Agus bithidh oehd buird ann, agus an cosan a dh'airgid, sè cosan deug; dà chois fo aon bhòrd, agus dà chois fo bhòrd eile.

26 Agus ni thu croinn de fhiodh sitim;



cùig air son nam bòrd air aon taobh de'n phàillium.

27 Agus cuiridh tu air son nam bòrd air an taobh eile de'n phàillium, agus cùig croim air son bhòrd taobh a' phàillium air son an dà thaobh an iar.

28 Agus ruigidh an crann meadhonach ann am meadhon nam bòrd o cheann gu ceann.

29 Agus còmhdaichidh tu thairis na buird le h-òr, agus ni thu am failbheagan a *dh'òr mar* àiteachan do na crannaibh: agus còmhdaichidh tu thairis na croim le h-òr.

30 Agus togaidh tu suas am pàillium a réir a shanhlaidh, a nochdadh dhuit 's an t-sliabh.

31 Agus ni thu brat *de ghorm, agus de chorcur*, agus *de scarlaid*, agus a *dh'anart* grinn toimnte: a dh'obair calanta nithear e, le cherubaibh.

32 Agus crochaidh tu e air ceithir puist *de fhiodh sitim*, air an còmhdaichidh thairis le h-òr: agus *bithidh* an cromagan a *dh'òr*, air na ceithir bonnaibh airgid.

33 Agus crochaidh tu suas am brat fo na cromagaibh, agus bheir thu steach ann an sin àire na Fianuis, an taobh a stigh de'n bhrat: agus roinnidh am brat dhuibhise eadar an *t-ionad* naomh agus an *t-ionad* ro naomh.

34 Agus cuiridh tu a' chaithir-thròcair air àire na Fianuis, 's an *ionad* ro naomh.

35 Agus cuiridh tu am bòrd an leth muigh de'n bhrat, agus an coimleir fa chomhair a' bhuird air taobh deas a' phàillium: agus cuiridh tu am bòrd air an taobh tuath.

36 Agus ni thu còmhdaich air son doruis a' bhùtha, *de ghorm*, agus *de chorcur*, agus *de scarlaid*, agus *de anart* grinn toimnte, oibrichte le h-obair ghréise.

37 Agus ni thu air son a' còmhdaich cùig puist *de fhiodh sitim*, agus còmhdaichidh tu thairis iad le h-òr, agus *bithidh* an cromagan a *dh'òr*, agus tilgidh tu air an son cùig buinn umha.

### CAIB. XXVII.

1 *Altair na h-obair-toisge, agus a soithichean.*  
9 *Cùirt a' phàillium.* 20 *Oladh fhìor-ghlan a' chroinn-olaidh air a toirt air son soluis.*

**A** GUS ni thu altair *de fhiodh sitim*; cùig lànhan-coille air fad, agus cùig lànhan-coille air leud: bithidh an altair ceithir-chearnach, agus a h-àirde trì lànhan-coille.

2 Agus ni thu a h-adhaircean air a ceithir oisinnibh: bithidh a h-adhaircean de'n ni cheudna: agus còmhdaichidh tu thairis i le h-umha.

3 Agus ni thu a h-aighmean a ghabhail a luatha, agus a sluasaidcan, agus a cuachan, agus a greimichean, agus a h-aighmean-teine: a soithichean uile ni thu a *dh'umha*.

4 Agus ni thu dh'i cliaidh de lìon-obair umha: agus ni thu air an lìon ceithir failbheagan umha air a cheithir oisinnibh.

5 Agus cuiridh tu e fo chuairt na h-altarach gu h-ìosal, agus bithidh an lìon gu ruig meadhon na h-altarach.

6 Agus ni thu bataichean do'n altair, bataichean *de fhiodh sitim*, agus còmhdaichidh tu thairis iad le h-umha.

7 Agus cuirear na bataichean anns na failbheagaibh, agus bithidh na bataichean air dà thaobh na h-altarach g'a giùlan.

8 Fàs le bòrdaibh ni thu i; mar a nochdadh dhuit 's an t-sliabh, mar sin nithear i.

9 Agus ni thu cùirt a' phàillium air an taobh deas, ri deas: *bithidh* cùirteinean air son na cùirte *dh' anart* grinn toimnte; ceud lànhan-choille 'am fad air aon taobh.

10 Agus *bithidh* a fichead post, agus am fichead bonn a *dh'umha*: *bithidh* cromagan nam post, agus an cuairteagan, a *dh'airgiod*.

11 Agus mar an ceudna air an taobh tuath air fad, *bithidh* cùirteinean ceud lànhan-choille air fad, agus a fichead post, agus am fichead bonn a *dh'umha*: cromagan nam post, agus an cuairteagan, a *dh'airgiod*.

12 Agus *air* leud na cùirte air an taobh an iar, *bithidh* cùirteinean de leth-cheud lànhan-choille: am puist deich, agus am buinn deich.

13 Agus *bithidh* leud na cùirte air an taobh an ear, ris an àird an ear, leth-cheud lànhan-choille.

14 Agus *bithidh* na cùirteinean air aon taobh cùig lànhan-choille deug: am puist trì, agus am buinn trì.

15 Agus air an taobh eile *bithidh* a cùirteinean cùig lànhan-choille deug: am puist trì, agus am buinn trì.

16 Agus air son geata na cùirte *bithidh* brat a dh'fhichead lànhan-choille, *de ghorm*, agus *de chorcur*, agus *de scarlaid*, agus a *dh'anart* grinn toimnte, oibrichte le h-obair shnàthaide: am puist ceithir, agus am buinn ceithir.

17 *Bithidh* na puist uile timchioll na cùirte air an ceangal mu'n cuairt le h-airgiod: *bithidh* an cromagan a dh'airgiod, agus am buinn a *dh'umha*.

18 Fad na cùirte ceud lànhan-choille, agus a leud leth-cheud lànhan-choille 's gach àite, agus a h-àirde cùig lànhan-coille, a *dh'anart* grinn toimnte; agus am buinn a *dh'umha*.

19 *Bithidh* uile shoithichean a' phàillium, 'n a sheirbhis uile, agus a phinneachan uile, agus pinneachan na cùirte uile *de umha*.

20 Agus àithnidh tu do chloinn Israeil, gu'n toir iad a d'ionnsuidh oladh fhìor-ghlan a' chroinn-olaidh, brùite air son an t-soluis, a thoirt air an lòchran lasadh an còmh-nuidh.

21 Ann am bùth a' choimhthionail an taobh a muigh de'n bhrat, a *tha* fa chomhair na Fianuis, ordnèidh Aaron e, agus a mhic, o fheasgar gu maduinn an làthair an Tigh-

earna : *bithidh e 'n a reachd sìorruidh d'an ginealachaidh, á leth chloinn Israeil.*

## CAIB. XXVIII.

1 *Chuireadh Aaron agus a mhic air leth air son dreuchd an t-sagairt. 6 An ephod. 30 An Urin agus an Tumim, &c.*

**A**GUS gabh a d'ionnsuidh Aaron do bhràthair, agus a mhic maille ris, o mheasg chloinn Israeil, a chum gu fritheil e dhomhsa ann an dreuchd an t-sagairt eadhon Aaron, Nadab agus Abihu, Eleasar agus Itamar, mic Aaroin.

2 Agus nì thu éididh naomha do d' bhràthair Aaron, air son glòire, agus air son maise.

3 Agus labbraidh tu riu-san uile a *tha* glie 'an eridhe, a lion mise le spiorad a' ghliocais; agus nì iad éididh Aaroin, g'a choisreagadh, a chum gu fritheil e dhomhsa ann an dreuchd an t-sagairt.

4 Agus so na h-éididha nì iad; uchd-éididh, agus ephod, agus falluinn, agus còta iomadh-dathach, crùn-sagairt, agus crios: agus nì iad éididh naomha air son Aaroin do bhràthar, agus air son a mhac, a chum gu fritheil e dhomhsa ann an dreuchd an t-sagairt.

5 Agus gabhaidh iad òr, agus gorm, agus corcur, agus scarlaid, agus anart grinn.

6 Agus nì iad an ephod *de òr, de ghorm, agus de choreur, agus de scarlaid, agus de anart grinn toinnte, le h-obair ealanta.*

7 Bithidh an dà mhir-guailne aice eean-gailte r'a chèile aig a dà oir; agus *mar sin* cuirear ri 'chèile i.

8 Agus bithidh crios rìomhach na h-ephoid a *tha* air a h-uachdar, a réir a h-oibre féin, de'n nì cheudna, *eadhon de òr, de ghorm, agus de choreur, agus de scarlaid, agus de anart grinn toinnte.*

9 Agus gabhaidh tu dà chloich onics, agus gearraidh tu orra ainmean chloinn Israeil.

10 Sè d'an ainmibh air aon chloich, agus sè ainmean chàich air a' chloich eile, a réir an aoise.

11 Le h-obair gearradair 'an cloich, le gearradh seulaidh, gearraidh tu an dà chloich, le ainmibh chloinn Israeil: bheir thu fainear an ceangal ann am failbheagaibh òir.

12 Agus cuiridh tu an dà chloich air guailnibh na h-ephoid, *mar* chlachan cuimhneachain do chloinn Israeil. Agus giùlainidh Aaron an ainmean ann an làthair an Tighearn' air a dhà ghualainn, mar chuimhneachan.

13 Agus nì thu failbheagan òir;

14 Agus dà shlabhruidh *dh' òr* fìor-ghlan aig na cinn: nì thu iad a *dh'obair* fhighte, agus ceanglaidh tu na slabhruidhean fighite ris na failbheagan:

15 Agus nì thu uchd-éididh a' bhreitheanais le h-obair ealanta; a réir oibre na h-ephoid

nì thu i: *de òr, de ghorm, agus de choreur, agus de scarlaid, agus de anart grinn toinnte* nì thu i.

16 Ceithir-chearnach bithidh i, agus dà-fhillte; réis a fad, agus réis a leud.

17 Agus cuiridh tu innte suidheachadh chlach, *eadhon* ceithir sreathan chlach; a' cheud sreath, sardius, topas, agus carbuncul: so a' cheud sreath.

18 Agus an dara sreath; emerald, saphir, agus daoimein.

19 Agus an treas sreath; ligur, agat, agus ametist.

20 Agus an ceathramh sreath; beril, agus onics, agus iasper; ceanglar iad le h-òr 'n an suidheachadh.

21 Agus bithidh na clachan le ainmibh chloinn Israeil, a dhà-dheug, a réir an ainm-eàn; le gearradh seulaidh, bithidh gach aon aca le 'h-ainm féin a réir an dà thréibh dheug.

22 Agus nì thu air an uchd-éididh slabhruidhean aig na cinn a *dh'obair* fhighte, *dh'òr* fìor-ghlan.

23 Agus nì thu air an uchd-éididh dà fhàinne òir, agus cuiridh tu'n dà fhàinne air dà cheann na h-uchd-éididh.

24 Agus cuiridh tu 'n dà shlabhruidh fhighte òir 's an dà fhàinne, a *tha* air cinn na h-uchd-éididh.

25 Agus dà cheann eile na dà shlabhruidh fhighte daing nichidh tu anns an dà fhail, agus cuiridh tu ad air mìribh-guailne na h-ephoid air a beulaobh.

26 Agus nì thu dà fhàinne òir, agus cuiridh tu iad air dà cheann na h-uchd-éididh, 's an oir sin dith, a *tha* aig taobh na h-ephoid a stìgh.

27 Agus nì thu dà fhàinne eile de òr, agus cuiridh tu iad air dà thaobh na h-ephoid foidhe, làimh r'a cuid-thoisich, fa chomhair a co-aonaidh eile, os ceann crios rìomhaich na h-ephoid.

28 Agus ceanglaidh iad an uchd-éididh le a fainnibh, ri fainnibh na h-ephoid le h-éill ghuirn, chum as gu'm bi i os ceann crios rìomhaich na h-ephoid, agus nach fuasglar an uchd-éididh o'n ephoid.

29 Agus giùlainidh Aaron ainmean chloinn Israeil ann an uchd-éididh a' bhreitheanais, air a cridhe, 'n uair a théid e steach do'n ionad naomh, mar chuimhneachan ann an làthair an Tighearna a ghnàth.

30 Agus cuiridh tu ann an uchd-éididh a' bhreitheanais, an Urin agus an Tumim; agus bithidh iad air cridhe Aaroin, an uair a théid e steach an làthair an Tighearna; agus giùlainidh Aaron breitheanas chloinn Israeil air a cridhe, ann a làthair an Tighearn' an còmhnuidh.

31 Agus nì thu falluinn na h-ephoid uile de ghorm.

32 Agus bithidh toll 'n a mullach, 'n a meadhon: bithidh oir aice timcheall a tuill

a dh'obair fhlighte, mar tholl lùirich-mhàill-ich, a chum as nach reubar i.

33 Agus gu *h-ìosal*, air a h-iomall, ni thu pomgranata de ghorm, agus de choreur, agus de scarlaid, air a h-iomall mu'n cuairt; agus chuig òir eatorra mu'n cuairt.

34 Clag òir agus pomgranat, clag òir agus pomgranat, air iomall na falluinn' mu'n cuairt.

35 Agus bithidh i air Aaron gu frithcaladh: agus cluinnear a fuaim, an uair a théid e steach do'n *ionad* naomh an làthair an Tighearna, agus au uair a thig e mach, a chum nach bàsaich e.

36 Agus ni thu leac a *dh'* òr fìor-ghlan, agus gearraidh tu oirre, *cosmhuil ri* gearradh seulaidh, NAOMHACHD DO'N TIGHEARN.

37 Agus cuiridh tu i air éill ghuirm, agus bithidh i air a' chrùn-shagairt: air taobh beoil a' chrùn-shagairt bithidh i.

38 Agus bithidh i air clàr eudain Aaron, agus giùlainidh Aaron cionta nan nithean naomha, a choisrigeas clann Israeil 'n an tìodhlacaibh naomha uile: agus bithidh i air clàr eudain an còmhuidh, a chum as gu'm bi iad taitneach an làthair an Tighearna.

39 Agus ni thu 'n còta le h-obair ghrèise dh'anart grinn, agus ni thu'n crùn sagairt a dh'anart grinn, agus ni thu 'n erios a dh'obair shnàthaide.

40 Agus do mhic Aaron ni thu còtaichean, agus ni thu dhoibh criosan, agus boinceidean ni thu dhoibh, air son glòire agus air son uaise.

41 Agus cuiridh tu iad air Aaron do bhràthair, agus air a mhic maille ris; agus ungaidh tu iad, agus coisrigidh tu iad, agus naomhaichidh tu iad; agus frithheilidh iad dhomhsa ann an dreuchd an t-sagairt.

42 Agus ni thu dhoibh briogais anairt a dh'fhalach an lommochuidh: o'n leasruidh ear' hon gus an sléisdean ruigidh iad.

43 Agus bithidh iad air Aaron, agus air a mhic, an uair a thig iad a stigh do phàilliuin a' choimhthionail, no 'n uair a thig iad an fagus do'n altair, a fhrithealadh 's an *ionad* naomh; chum as nach giùlain iad aingidheachd; agus nach faigh iad bàs: *bithidh e 'n a'* reachd sìorruidh dha féin, agus d'a shliochd 'n a dhéigh.

# CAIB. XXIX.

1 An *ùbhairt*, &c. aig coisreagadh nan sagart  
35 An *ùbhairt*-loisgte bithidh-bhuan.

A GUS so an ni a ni thu riu chum an coisreagadh, gu frithcaladh d'omhsa ann an dreuchd an t-sagairt: Gabh aon tarbh òg, agus dà reithe gun ghaoid

2 Agus aran neo-ghoirtiche, agus breacagan neo-ghoirtiche coimhmeasgta le h-oladh, agus gearragan neo-ghoirtiche, ungta le h-oladh: de phlùir a' chruithneachd ni thu iad.

3 Agus cuiridh tu iad ann an aon bhascaid, agus bheir thu iad leat 's a bhascaid, maille ris an tarbh òg agus an dà reithe.

4 Agus bheir thu Aaron agus a mhic gu dorus pàilliuin a' choimhthionail, agus ionnlaididh tu iad le h-uisge.

5 Agus gabhaidh tu an éididh, agus cuiridh tu an còta air Aaron, agus falluinn na h-ephoid, agus an ephod, agus an uchd-éididh, agus crioslaichidh tu e le crios riomhach na h-ephoid.

6 Agus cuiridh tu an crùn-sagairt air a cheann, agus an crùn naomh air a' chrùn-shagairt.

7 Agus gabhaidh tu 'n oladh-ungaidh, agus dòirtidh tu air a cheann i, agus ungaidh tu e.

8 Agus bheir thu leat a mhic, agus cuiridh tu còtaichean orra.

9 Agus crioslaichidh tu iad le criosaibh (Aaron agus a mhic) agus cuiridh tu na boinceidean orra: agus is leo-san dreuchd an t-sagairt le reachd bith-bhuan: agus coisrigidh tu Aaron agus a mhic.

10 Agus bheir thu faineir an tarbh a thoirt gu beulaobh pàilliuin a' choimhthionail: agus cuiridh Aaron agus a mhic an làmh air ceann an tairbh.

11 Agus marbhaidh tu an tarbh an làthair an Tighearna, làmh ri dorus pàilliuin a' choimhthionail.

12 Agus gabhaidh tu de fhuil an tairbh, agus cuiridh tu i air adhaircibh na h-altarach le d'mheur, agus dòirtidh tu 'n fhuil uile aig bun na h-altarach.

13 Agus gabhaidh tu 'n t-saill uile a tha 'còmhachadh a' mhionaich, agus an scairt a tha os ceann nan àincan, agus an dà àra, agus an t-saill a tha orra, agus loisgidh tu iad air an altair.

14 Ach feoil an tairbh agus a sheiche, agus 'aolach loisgidh tu le teine an taobh a muigh de'n champ: *is tabhartas-peacaidh e*.

15 Gabhaidh tu mar an ceudna aon reithe, agus cuiridh Aaron agus a mhic an làmh air ceann an reithe.

16 Agus marbhaidh tu an reithe, agus gabhaidh tu fhuil, agus crathaidh tu i mu'n cuairt air an altair.

17 Agus gearraidh tu an reithe 'n a mhiribh, agus nighidh tu a mhionach, agus a chosan, agus cuiridh tu iad air a mhiribh, agus air a cheann.

18 Agus loisgidh tu an reithe uile air an altair: *is tabhartas-loisgte e do'n Tighearna*; faile cùbhraidh, tabhartas air a thoirt suas le teine do'n Tighearna.

19 Agus gabhaidh tu an reithe eile, agus cuiridh Aaron agus a mhic an làmh air ceann an reithe.

20 An sin marbhaidh tu an reithe, agus gabhaidh tu d'a fhuil, agus cuiridh tu i air bàrr cluaise *deis'* Aaron, agus air bàrr cluaise *deis'* a mhaic, agus air ordaig an làimhe *deise*, agus air ordaig an coise *deise*;



agus crathaidh tu an fhuil air an altair mu'n cuairt.

21 Agus gabhaidh tu de'n fhuil a *tha* air an altair, agus de'n oladh-ungaidh, agus crathaidh tu *iad* air Aaron, agus air 'èididh, agus air a mhic, agus air 'èididh a mhac maille ris: agus coisreagair e féin, agus 'èididh, agus a mhic, agus 'èididh a mhac maille ris.

22 Mar an ceudna gabhaidh tu de'n reithe an t-saill, agus bun an earbaill, agus an t-saill a *tha* 'còmhachadh a' mhaonaich, agus seairt nan àinean, agus an dà àra, agus an t-saill a *tha* orra, agus an slinnean deas; oir *is* reithe coisreagaidh e.

23 Agus aon bhuilinn arain, agus aon bhreacag arain le h-oladh, agus aon ghear-rag á bascaid an arain neo-ghoirtichte a *tha* 'n làthair an Tighearna'.

24 Agus cuiridh tu *iad* uile ann an làmhnan Aaron, agus ann an làmhnan a mhac; agus luaisgidh tu iad mar thabhartas-luaisgte an làthair an Tighearna.

25 Agus gabhaidh tu iad bhàrr an làmh, agus loisgidh tu *iad* air an altair mar thabhartas-loisgte, chum faile cùbhraidh an làthair an Tighearna: *is* tabhartas e air a thoirt suas le teine do'n Tighearn.

26 Agus gabhaidh tu an t-uchd o reithe coisreagaidh Aaron, agus luaisgidh tu *mar* thabhartas-luaisgte an làthair an Tighearna: agus bithidh sin agad sa mar chuibh-rionn.

27 Agus naomhaichidh tu uchd an tabhartais-luaisgte, agus slinnean an tabhartais-thogta, a chaidh luasgadh, agus a thogail suas do reithe a' choisreagaidh, *eadhon de'n ni sin a's* le h-Aaron, agus de'n ni sin a *bhuineas* d'a mhic.

28 Agus bithidh e le h-Aaron agus le 'mhic le reachd bith-bhuan o chloinn Israeil; oir *is* tabhartas-togta e: agus bithidh e 'n a thabhartas-togta o chloinn Israeil deigbairtibh an tabhartasan-sith, *eadhon* an tabhartas-togta do'n Tighearn.

29 Agus is le mic Aaron 'èididh naomhsan 'n a dhéigh, gu'bhi air an uagadh innte, agus gu'bhi air an coisreagadh innte.

30 Seachd làithean cuiridh esan d'a mhie air i, a bhitheas 'n a shagart 'n a bit, a théid a stigh do phàillium a' choimhthionail, a fhrithéaladh 's an *ionad* naomh.

31 Agus gabhaidh tu reithe a' choisreagaidh, agus bruichidh tu 'fheoil 's an *ionad* naomh.

32 Agus ithidh Aaron agus a mhic feoil an reithe, agus an t-aran a *tha* 's a' bhascad, aig dorus pàillium a' choimhthionail.

33 Agus ithidh iad na nithean sin leis an d'rinneadh an réite, chum an coisreagadh agus an naomhachadh: ach cha-n ith coigreach *dhiubh*, do bhrìgh gu *bheil* iad naomh.

34 Agus ma dl'fhàgar a' bhac a' dh'fheoil a' choisreagaidh, no 'bheag de'n aran, agus a' mhaduinn, an sin loisgidh tu am fugeall

le teine: cha-n ithear e, do bhrìgh gu *bheil* e naomh.

35 Agus ni thu mar so ri h-Aaron, agus r'a mhie, a réir nan uile *nithean* a dh'aitim mise dhuit: seachd làithean coisrigidh tu iad.

36 Agus bheir thu seachad gach là tarbh òg *mar* thabhartas-peacaidh, chum réite: agus glanaidh tu an altair, an uair a ni thu réite air a son, agus ungaidh tu i chum a naomhachadh.

37 Seachd làithean ni thu réite air son na h-altarach, agus naomhaichidh tu i; agus bithidh i 'n a h-altair ro naomh: gach ni a bheanas ris an altair, naomhaichear e.

38 Agus so an ni a bheir thu seachad air an altair; dà uan a dh'aois bliadhna, o là gu là an còmhluadh.

39 Aon uan bheir thu seachad 's a' mhaduinn, agus an t-uan eile bheir thu seachad mu fheasgar.

40 Agus maille ris an aon uan an deicheamh cuid de phlùr min measgta leis a' cheathramh cuid de hin a dh'olaidh bhrùite; agus an ceathramh cuid de hin a dh'fhuion, *mar* thabhartais-dibhe.

41 Agus an t-uan eile bheir thu seachad mu fheasgar, agus ni thu ris a réir tabhartais-bidh na maidne, agus a réir a tabhartais-dibhe, mar fhàile cùbhraidh, tabhartas air a thoirt suas le teine do'n Tighearn.

42 *Bithidh so* 'n a thabhartas-loisgte bith-bhuan air feadh blur ginealach, aig dorus pàillium a' choimhthionail an làthair an Tighearna, far an coimich mise sibh, a labhairt riutsa an sin.

43 Agus an sin coimichidh mise elann Israeil, agus naomhaichear am pàillium le m' ghloir.

44 Agus naomhaichidh mi pàillium a' choimhthionail, agus an altair: naomhaichidh mi mar an ceudna Aaron agus a mhic, gu fhrithéaladh dhomh ann an dreuchd an t-sagairt.

45 Agus gabhaidh mi còmhluadh am measg chloinn Israeil, agus bithidh mi a'm' Dhia aca.

46 Agus bithidh fios aca gur mise an Tighearn an Dia, a thug a mach iad á tir na h-Eiphit, a chum 's gu'n gabh mi còmhluadh 'n am measg: *Is* mise an Tighearn an Dia.

## CAIB. XXX.

1 *Altair na tùise.* 11 *Eiric gach duine air son 'anama.* 22 *An oladh-ungaidh naomh.* 34 *Am boltrachan cùbhraidh.*

**A** GUS ni thu altair a losgadh tùise a oirre; de fhiodh sitim ni thu i:

2 Làmh-choille a fad, agus làmh-choille a leud (ceithir-chearnach bithidh i) agus dà làmh-choille a h-àirde; *bithidh* a h-adhair-ccan de'n *ni* cheudna.

3 Agus còmhachaidh tu thairis i le h-òr fìor-ghlan, a mullach, agus a taobhan mu'n

cuairt, agus a h-adhairecan : agus ni thu dh'i eoron òir mu'n euairt.

4 Agus dà fhailbheig òir ni thu dh'i fo a eoron; aig a dà cisium ni thu *iad*, air a dà thaobh: agus bithidh iad air son àiteachan do na bataichibh eum a giùlan leo.

5 Agus ni thu na bataichean *de* fhiodh sitim, agus eòmhdaiehidh tu thairis iad le h-òr.

6 Agus cuiridh tu i fa eomhair an roim-bhrat, a tha làimh ri àire na Fianuis; air beulaobh na eathair-thrèair, a tha os ecann na Fianuis, far an eoinnich mise thu.

7 Agus loisgidh Aaron tùis chùbhraidh oirre gach maduinn: an uair a dheasaicheas e na lòchrain, loisgidh e tùis oirre.

8 Agus an uair a lasas Aaron na lòchrain nu fheasgar, loisgidh e tùis oirre; tùis bhith-bhuan an làthair an Tighearna, air feadh bhur ginealaeha.

9 Cha loisg sibh tùis ehoimheach sam bith oirre, no ìobairt-loisgte, no tabhartas-bìdh; ni mò dhòirteas sibh tabhartas-dìbhe oirre.

10 Agus ni Aaron rèite air a h-adhaireibh aon uair 's a' bhliadhna, le fuil ìobairt-pheacaidh na rèite: aon uair 's a' bhliadhna ni e rèite oirre, air feadh bhur ginealaehan: tha i ro naomh do'n Tighearna.

11 Agus labhair an Tighearna ri Maois, ag ràdh,

12 'N uair a ghabhas tu cunntas chloinn Israeil a réir an àireinmh, an sin bheir gach duine dhiubh éiric air son 'anama do'n Tighearna, 'n uair a dh'àirmheas tu iad; a chum nach bi plaigh 'n am measg, an uair a dh'àirmheas tu iad.

13 So bheir iad uatha, gach aon a théid seachad 'n am measgan a dh'àirmhear; leth seceil, a réir seceil an *ionaid* naoimh ('s e secel ficead gerah) leth seceil mar tabhartas do'n Tighearna.

14 Bheir gach aon a théid seachad 'n am measgan a dh'àirmhear, o fhiehead bliadhna dh'aois agus os a ehcann, tabhartas do'n Tighearna.

15 Cha toir an saoi bhir tuilleadh, agus cha toir an bochd ni's lugha na leth seceil, an uair a bheir *iad* tabhartas do'n Tighearna, a dheanamh réite air son bhur n-anaman.

16 Agus gabhaidh tu airgid na réite o ehloinn Israeil, agus cuiridh tu air leth e fa chomhair seirblis pàillium a' choimhthionail; agus bithidh e 'n a chuimhneachan do chloinn Israeil an làthair an Tighearna, a dheanamh réite air son bhur n-anaman.

17 Agus labhair an Tighearna ri Maois, ag ràdh,

18 Ni thu mar an ceudna soitheach-ionnlaid a dh'umha, agus a ehos a dh'umha, chum ionnlaid: agus cuiridh tu e cadar pàillium a' choimhthionail agus an altair, agus cuiridh tu uisge ann.

19 Agus ionnlaididh Aaron agus a mlic an àmhnan, agus an eosan as.

20 'N uair a théid iad a steach do phàillium a' choimhthionail, ionnlaididh siad iad féin le h-uisge, eum as naeh faigh iad bàs; no 'n uair a thig iad an fagus do'n altair a flurithealadh, a losgadh tabhartais a bheir as suas le teine do'n Tighearna.

21 Agus ionnlaididh iad an àmhnan agus an eosan, a eum as naeh faigh iad bàs: agus bithidh e 'n a ordugh bith-bhuan dhoibh, *eadhon* dha féin agus d'a shliochd air feadh an ginealaeh.

22 Agus labhair an Tighearna ri Maois, ag ràdh,

23 Gabh-sa dhuit féin mar an ceudna spìosraidh thaghta de mhirr fìor-ghlan, cuig eud *secel*, agus de chanal cùbhraidh a leth uiread, *eadhon* dà eheud agus leth-cheud *secel*, agus de chalamus cùbhraidh dà cheud agus leth-eheud *secel*,

24 Agus de chasia cuig eud *secel*, a réir seceil an *ionaid* naoimh, agus hin de oladh a' chroinn-olaidh.

25 Agus ni thu dheth oladh-ungaidh naomh, oladh-ungaidh eomhneasgta réir ealadhain an léigh; bithidh i 'n a h-oladh-ungaidh naomh.

26 Agus ungaidh tu pàillium a' choimhthionail leatha, agus àire na Fianuis,

27 Agus an bòrd agus a shoithichean uile, agus an coimleir agus a shoithichean, agus altair na tùise,

28 Agus altair na h-ìobairt-loisgte agus a soitheachan uile, agus an soitheach-ionnlaid agus a chos.

29 Agus naomhaiehidh tu iad, a eum as gu'm bi iad ro naomh: ge b'e ni a bheanas riu, bithidh e naomh.

30 Agus ungaidh tu Aaron agus a mhie, agus coisrigidh tu iad, gu frithealadh dhomhsa ann an dreuehd an t-sagairt.

31 Agus labhraidh tu ri cloinn Israeil, ag ràdh, Bithidh i so 'n a h-oladh-ungaidh naoimh dhomhsa, air feadh bhur ginealach.

32 Air feoil duine cha dòirtear i, ni mò a ni sibh a leithid, a réir a measgaidh: *tha* i naomh, agus naomh bithidh i dhuibh.

33 Ge b'e neach a mheasg *ni* eosmhuil rithe, agus ge b'e neach a ehuireas a' bheag dhith air coigreach, gu deimhin gearrar as o'shlugh e.

34 Agus thubhairt an Tighearna ri Maois, Gabh dhuit spìosraidh chùbhraidh, stacte, agus onieha, agus galbanum; spìosraidh chùbhraidh maille ri tùis fhìor-ghloin: do gach aon diubh bithidh an t-aon tomhas.

35 Agus ni thu boltrachan deth, air a dheanamh suas a réir ealadhain an léigh, eomhneasgta, fìor-ghlan, naomh.

36 Agus bruthaidh tu *cuid* deth ro mhìn, agus cuiridh tu *cuid* deth fa chomhair na Fianuis ann am pàillium a' choimhthionail, far an eoinnich mise thu: ro naomh bithidh e dhuibh.

37 Agus am boltrachan a ni thu, eha dean



sibh a' leithid duibh féin, a réir a mheas-  
gaidh: b'fheidh e dhuitse naomh do'n Tighearn.

38 Ge b'e neach a ni a choslas, a ghabhail faile uaith, gearrar as o 'shluagh e.

## CAIB. XXXI.

1 *Besaleel agus Aholiab air an gairm dh'ionnsuidh oibre a' phàilliuin.* 12 *An t-sàbaid gu bhí air a coimhead naomh.* 18 *Dà chlàr na Fianuis air an tabhairt do Mhaois.*

**A**GUS labhair an Tighearn ri Maois, ag ràdh,

2 Feuch, ghairm mi air ainm Besaleel mac Uri, mhic Hur, de thréibh Iudah;

3 Agus lion mi e le spiorad Dhé, ann an gliocas, agus ann an tuigse, agus ann an eòlas, agus anns gach uile ghné oibre,

4 A dhealbhadh oibre ealanta, a dh'oibreachadh ann an òr, agus ann an airgid, agus ann an umha,

5 Agus ann an gearradh chlach a chum an ceangal, agus ann an gearradh fiodha, a dh'oibreachadh anns gach uile ghné oibre.

6 Agus mise, feuch, thug mi seachad maille ris Aholiab mac Ahisamaich, de thréibh Dhain; agus ann an cridhe gach neach a tha glic-chridheach chuir mi gliocas, agus ni iad gach ni a dh'aithn mi dhuit;

7 Pàilliu a' choimhthionail, agus àire na Fianuis, agus a' chaithir-thròcair a tha oirre, agus uile uidheam a' phàilliuin,

8 Agus am bòrd agus uidheam, agus an coinnleir fìor-ghlan le uidheam uile, agus altair na tùise,

9 Agus altair na h-iobairt-loisgte le h-uidheam uile, agus an soitheach-ionmlaid agus a chos,

10 Agus éididh na seirbhis, agus éididh naomh air son Aaroin an t-sagairt, agus éididh a chuid mac, gu frithealadh ann an dreuchd an t-sagairt,

11 Agus an oladh-ungaidh, agus tùis chùbhraidh air son an *ionaid* naomh; a réir nan uile *nithean* a dh'aithn mi dhuit, ni iad.

12 Agus labhair an Tighearn ri Maois, ag ràdh,

13 Labhair thusa mar an ceudna ri cloinn Israeil, ag ràdh, Gu deimhin coimhididh sibh mo shàbaidean: or *is* comharadh sin eadar mise agus sibhse, air feadh bhur ginealach; chum as gu'm bi fios agaibh gur mise an Tighearn, a naomhaicheas sibh.

14 Coimhididh sibh uime sin an t-sàbaid; oir a tha i naomh dhuibh. Esan a thruailleas i, cuirear gu cinnteach gu bàs e; oir gach neach a ni obair oirre, gearrar an t-anam sin as o mheasg a shluagh.

15 Sè làithean feudar obair a dheanamh, ach 's an t-seachdamh tha sàbaid fhois, naomh do'n Tighearn: gach neach a ni obair air là na sàbaid, cuirear gu cinnteach gu bàs e.

16 Uime sin coimhididh clann Israeil an t-sàbaid, a ghleidheadh na sàbaid air feadh an ginealach, mar choimheangal sìorruidh.

17 Eadar mise agus clann Israeil *is* comharadh i a chaoidh; oir ann an sè làithibh rinn an Tighearn na nèamhan agus an talamh, agus air an t-seachdamh là sguir e, agus ghabh e fois.

18 Agus thug e do Mhaois, an uair a sguir e de labhairt ris air sliabh Shinai, dà chlàr na Fianuis, clàir chloiche, sgrìobhta le meur Dhé.

## CAIB. XXXII.

1 *Thug an sluagh air Aaron laogh leaghta a dheanamh.* 19 *Las corruich Mhaois, agus bhris e clàir an lagha.* 30 *Rinn e urnuigh ri Dia air son an t-sluagh.*

**A**GUS an uair a chunnaic an sluagh gu'n d'rinn Maois moille ann an teachd a nuas as an t-sliabh, chruinnich iad iad féin gu h-Aaron, agus thubhairt iad ris, Eirich suas, dean dhuinn dée a théid romhainn; oir a thaobh a' Mhaois so, an duine a thug a nìos sinn á tìr na h-Eiphit, cha-n'eil fhios againn cìod a thàinig air.

2 Agus thubhairt Aaron riu, Brisibh dhibh na chuas-fhailean òir a tha ann an chuasaibh bhur ban, bhur mac, agus bhur nigheanan, agus thugaibh a m' ionnsuidh' iad.

3 Agus bhris an sluagh uile dhuibh na chuas-fhailean òir a bha 'n an chuasaibh, agus thug iad gu h-Aaron iad.

4 Agus ghabh e iad as an làimh; agus chum se e le inneal-gearraidh, an déigh dha laogh leaghta dheanamh dheth, agus thubhairt iad, Sin do dhée, O 'Israeil, a thug a nìos thu á tìr na h-Eiphit.

5 Agus an uair a chunnaic Aaron e, thog e altair fa' chomhair, agus thug Aaron gairm, agus thubhairt e, *Is* là féille am màireach do'n Tighearn.

6 Agus dh'éirich iad suas gu moch air an là màireach, agus thug iad suas tabhartais-loisgte, agus thug iad leo tabhartais-sith: agus shuidh an sluagh sìos a dh'itheadh agus a dh'òl, agus dh'éirich iad suas gu sùgradh.

7 Agus thubhairt an Tighearn ri Maois, Imich, falbh sìos; oir thruaill do shluagh, a thug thu mach á tìr na h-Eiphit, iad féin.

8 Chlaon iad gu grad o'n t-slighe a dh'aithn mise dhoibh: rinn iad dhoibh féin laogh leaghta; agus rinn iad aoradh dha, agus thug iad suas iobairtean dha, agus thubhairt iad, Sin do dhée, O 'Israeil, a thug a nìos thu á tìr na h-Eiphit.

9 Agus thubhairt an Tighearn ri Maois, Chunnaic mise an sluagh so, agus, feuch, *is* sluagh rag-mhuinealach iad.

10 A nìs uime sin leig leam, agus lasaidh mo chorruch 'n an aghaidh, agus claidhidh mi iad: agus nì mi dhìotsa cinneach mòr.



11 Agus ghuidh Maois air an Tighearn a Dhia, agus thubhairt e, C'ar son, a Thighearn, a tha do chorruich a' lasadh an aghaidh do shluaigh, a thug thu mach á tìr na h-Eiphit le cumhachd mòr, agus le làimh thréin?

12 C'ar son a labhradh na h-Eiphitich, ag ràdh, Le droch rùn thug e mach iad, a chum am marbhadh 's na beanntaibh, agus an claidh bhàrr aghaidh na talmhainn? Pìll o d' chorruich ghaire, agus gabh aithreachas de'n olc so an aghaidh do shluaigh.

13 Cuimhnich air Abraham, Isaac, agus Israel, do sheirbhisich, d'an d'thug thu mionnan ort féin, agus r'an d'thubhairt thu, Nì mi bhuir sliochd lionanhor mar reultan nèimh, agus am fearann so uile mu'n do labhair mi, bheir mi d'ur sliochd-sa, agus sealbhaichidh iad e gu sìorruidh.

14 Agus ghabh an Tighearn aithreachas de'n olc a thubhairt e gu'n deanadh e air a shluaigh.

15 Agus thionndaidh Maois, agus chaidh e sìos as an t-slabh, agus dà chlàr na Fianuis 'n a làimh: *bha* na clàir sgrìobhta air an dà thaobh; air an taobh so, agus air an taobh ud eile *bha* iad sgrìobhta.

16 Agus *b'iad* na clàir obair Dhé, agus *b'e* 'n sgrìobhadh sgrìobhadh Dhé, gearrta air na clàraibh.

17 Agus chuala Iosua toirm an t-sluaigh an uair a rinn iad gair, agus thubhairt e ri Maois, *Tha* toirm chogaidh 's a' champ.

18 Agus thubhairt e, Cha-n e guth *dhaoiné* a' deanamh gair air son na buadha, cha mhò *is e* guth *dhaoiné* ag éigheach a chionn gu'n d'thugadh buaidh orra, *ach* toirm luchd gabhail ciuil a tha mi a' cluinntinn.

19 Agus co luath 's a thàinig e 'n fagus do'n champ, chunnaic e 'n laogh, agus an dannsa: agus las corruich Mhaois, agus thilg e na clàir as a làimh, agus bhris e iad aig bun an t-sléibh.

20 Agus ghabh e 'n laogh a rinn iad, agus loisg e 's an teine e, agus nìheil e gu smùr e, agus chrath e air an uisge e, agus thug e air cloinn Israeil òl *dheth*.

21 Agus thubhairt Maois ri h-Aaron, Ciod a rinn an sluagh so ort, gu'n d'thug thu peacadh co mòr orra?

22 Agus thubhairt Aaron, Na lasadh fearg mo thighearna: is aithne dhuit an sluagh, gu'm bheil iad *so-aomaidh* dh'ionnsuidh an uile.

23 Oir thubhairt iad rium, Dean dhuinn dée, a théid romhainn; oir a thaobh a' Mhaois so, an duine a t'ing a mach sin ann á tìr na h-Eiphit, cha-n fhios duinn ciod a thàinig air.

24 Agus thubhairt mi riu, Gach neach aig am bheil a bheag a dh'òr, briseadh e dheth e: agus thug iad dhomh e, agus thilg mi 's an teine e, agus thàinig a mach an laogh so.

25 Agus an uair a chunnaic Maois gu'n robh an sluagh rùisgte, (oir rùisg Aaron iad a chum an nàire am measg an naimhdean.)

26 An sin sheas Maois ann an geata a' chaimp, agus thubhairt e, Cò 'tha leis an Tighearn? *thigeadh e* amionnsuidh-sa. Agus chrùinnich mic Lebhi uile d'a ionnsuidh.

27 Agus thubhairt e riu, Mar so tha 'n Tighearn Dia Israeil ag ràdh, Cuireadh gach duine agaibh a chlàidheamh air a leis, *agus* rachaibh a steach agus a mach o gheata gu geata air feadh a' chaimp, agus marbhadh gach duine agaibh a bhràthair, agus gach duine a chompanach, agus gach duine a choimhearsnach.

28 Agus rinn clann Lebhi a réir focail Mhaois: agus thuit de'n t-sluagh 's an là sin mu thimchioll thrì mìle fear.

29 Oir thubhairt Maois, Coisrigibh sibh féin an diugh do'n Tighearn, eadhon gach duine air a mhac, agus air a bhràthair; a chum as gu'm builich e oirbh beannachadh air an là 'n diugh.

30 Agus air an là màireach thubhairt Maois ris an t-sluagh, Pheacaich sibh peacadh mòr: agus a nis théid mise suas a dh'ionnsuidh an Tighearna, a dh'fheuchaim an dean mi réite air son bhur peacaidh.

31 Agus phill Maois a dh'ionnsuidh an Tighearna, agus thubhairt e, Och! pheacaich an sluagh so peacadh mòr, agus rinn iad dhoibh féin diathan òir:

32 Gidheadh a nis, ma's toil leat, maitht dhoibh an peacadh; ach mur *maith*, dubh mise, guidheam ort, a mach as do leabhar a sgrìobh thu.

33 Agus thubhairt an Tighearn ri Maois, Ge b'e a pheacaich a'm aghaidh, esan dubbaidh mi mach as mo leabhar.

34 Uime sin a nis imich, treòraich an sluagh a chum an *ionaid* mu'n do labhair mi riut; feuch, théid m'aingéal romhad: gidheadh, 's an là am fiosraich mi, leanaidh mi am peacadh orra.

35 Agus chlaoidh an Tighearn an sluagh, a chionn gu'n d'rinn iad an laogh, a rinn Aaron.

### CAIB. XXXIII.

1 *Dhiùlt an Tighearn dol leis an t-sluagh. 9 Labhair e ri Maois. 18 Ghuaidh ean air Dia gu'm foillsicheadh e a ghloir dha.*

**A**GUS thubhairt an Tighearn ri Maois, Imich, falbh suas as a so, thu féin agus an sluagh a thug thu mach á tìr na h-Eiphit, a dh'ionnsuidh na tìre a mhiomnaich mi do Abraham, do Isaac, agus do Jacob, ag ràdh, Do d' shliochd-sa bheir mi i:

2 Agus cuiridh mi aingéal romhad; agus fuadaichidh mi mach an Canaanach, an t-Amorach, agus an t-Hiteach, agus an Peridseach, agus an t-Hibheach, agus an Iebusach;

3 A dh'ionnsuidh fearainn a tha 'sruthadh

re bainne agus mìl: oir cha téid mi suas a'd' mheasg, oir *is* sluagh rag-mhuinealach thu; air eagal gu'n claidh mi thu 's an t-slighe.

4 Agus an uair a chual' an sluagh an droch sgeul so, rinn iad bròn; agus cha do chuir duine sam bith air a bhreaghachd.

5 Oir thubhairt an Tighearn ri Maois, Abair ri cloinn Israeil, *Is* sluagh rag-mhuinealach sibh: ann am platha théid mi suas 'n'ur measg, agus claidhidh mi sibh: a nis uime sin cuiribh dhìbh bhur brèaghachd, a chum as gu'm bi fios agam ciod a ni mi ribh.

6 Agus rùisg clann Israeil am brèaghachd dhiubh làimh ri sliabh Horeb.

7 Agus ghabh Maois am pàillium, agus shuidhich e 'n taobh a mach de'n champ e, fad o'n champ, agus thug e pàillium a' choimhthionail mar ainm air. Agus 'n a lorg sin, chaidh gach neach a bha 'g iarraidh an Tighearna a mach do phàillium a' choimhthionail, a *bha* 'n taobh a muigh de'n champ.

8 Agus an uair a chaidh Maois a mach do'n phàillium, dh'éirich an sluagh gu léir suas, agus sheas gach duine aig dorus a bhùtha, agus dh'amhairc iad an déigh Mhaois, gus an deachaidh e stigh do'n phàillium.

9 Agus an uair a chaidh Maois a stigh do'n phàillium, thàinig am meall neoila nuas, agus sheas e aig dorus a' phàillium, agus labhair an Tighearn ri Maois.

10 Agus chunnaic an sluagh uile am meall neoil 'n a sheasamh aig dorus a' phàillium: agus dh'éirich an sluagh uile suas, agus rinn iad aoradh, gach duine ann an dorus a bhùtha.

11 Agus labhair an Tighearn ri Maois aghaidh ri h-aghaidh, mar a labhras duine r'a charaid. Agus phill e ris do'n champ; ach cha deachaidh a sheirbhiseach Iosua, mac Nuin, duine òg, a mach as a' phàillium.

12 Agus thubhairt Maois ris an Tighearn, Feuch, *tha* thu 'g ràdh rium, Thoir suas an sluagh so; agus cha d'thug thu fios domh eò 'chuireas tu maille rium. Gidheadh thubhairt thu, *Is* aithne dhomh thu air d'ainm, agus mar an ceudna fhuair thu deadh-ghean a'm' shùilibh.

13 A nis uime sin, guidheam ort, ma fhuair mi deadh-ghean a'd' shùilibh, nochd dhomh do shlighe, a chum as gu'm bi aithne agam ort, agus gu'm faigh mi deadh-ghean a'd' shùilibh, agus meas gur e 'n cinncach so do shluagh-sa.

14 Agus thubhairt e, Théid mo làthair-eachd *leat*, agus bheir mi fois dhuit.

15 Agus thubhairt e ris, Mur téid do làthaireachd *maille ruinn*, na toir suas sinn á so:

16 Oir ciod e leis an aithnichear ann an so, gu'n d'fhuair mise agus do shluagh deadh-ghean a'd' shùilibh? Nach ann le d'

dhòl maille ruinn? Mar so dealaichear sinn, mise agus do shluagh, o gach uile shluagh a *tha* air aghaidh na talmhainn.

17 Agus thubhairt an Tighearn ri Maois, An ni so mar an ceudna a thubhairt thu, ni mise; oir fhuair thu deadh-ghean a'm' shùilibh, agus is aithne dhomh thu air d'ainm.

18 Agus thubhairt esan, Foillsich dhomh guidheam ort, do ghlòir.

19 Agus thubhairt e, Bheir mi air mo mhaitheas uile dol seachad ann ad làthair, agus gairmidh mi ainm an TIGHEARN' a'd' fhianuis; agus bitlidh mi gràsmhor dhasan d'am bi mi gràsmhor, agus nochdaidh mi trècair dha-san d'an nochd mi trècair.

20 Agus thubhairt e, Cha-n fheud thu m'aghaidh's fhaicinn; oir cha-n fhaic duine air bith mise, agus e bed.

21 Agus thubhairt an Tighearn, Feuch, *tha* àite làimh rium, agus seasaidh tusa air carraig:

22 Agus an uair a bhios mo ghlòir a' dol seachad, an sin cuiridh mi thu ann an sgòtadh de'n charraig, agus còmhdaichidh mi le m' làimh thu gus an téid mi seachad.

23 Agus bheir mi air falbh mo làmh, agus chi thu mo chùlaobh; ach cha-n fhaicear m'aghaidh.

## CAIB. XXXIV.

1 *Dh'ath-muadhaicheadh clàir an lagha.* 5 *Ghairmeadh air ainm an Tighearna.* 10 *Rinn Dia còimheangal r'a shluagh.*

**A**GUS thubhairt an Tighearn ri Maois, Snaidh dhuit féin da chlàr chloiche cosmhuil ris na ceud *chlàir*; agus sgrìobhaidh mis' air na clàir *sin* na focail a bha air na ceud chlàir, a bhris thu.

2 Agus bi deas 's a' mhaduinn, agus thig a nìos 's a' mhaduinn do shliabh Shinai, agus nochd thu féin an sin dhomhs' air mullach an t-sléibh.

3 Agus na tigeadh duine sam bith a nìos maille riut, agus na faicear duine 's an t-sliabh uile, agus na h-ionaltradh na treudan no'm buar fa chomhair an t-sléibh sin.

4 Agus slnaidh e dà chlàr chloiche, cosmhuil ris na ceud *chlàir*; agus dh'éirich Maois suas gu moch 's a' mhaduinn, agus chaidh e suas do shliabh Shinai, mar a dh'àitth an Tighearn dha, agus thug e leis 'n a làimh an dà chlàr chloiche.

5 Agus thàinig an Tighearn nuas ann an neul, agus sheas e maille ris an sin; agus ghairm e air ainm an Tighearna.

6 Agus chaidh an Tighearn seachad fa' chomhair, agus ghairm e, an TIGHEARN, AN TIGHEARN DIA, iochdmhor agus gràsmhor, fad-fhulangach, agus pàilt ann an caoinheas agus ann am fìrinn.

7 A' gleidheadh trècair do mhiltibh, a' maitheadh aingidheachd agus eusaontais,



agus peacadh, agus nach saor air aon dòigh *an ciontach*; a' leantainn aingidheachd nan aithrichean air a' chloinn, agus air cloinn na cloinne, air an treas agus air a' cheathramh *ginealach*.

8 Agus rinn Maois deifir, agus chrom e a cheann ri làr, agus rinn e aoradh.

9 Agus thubhairt e, Ma fhuair mi nis deadhighean a'd' shùilibh, O Thighearna, rachadh mo Thighearna, gùdheam ort, 'n ar measg, (oir *is* sluagh rag-mhuinealach iad), agus maith dhuinn ar n-aingidheachd agus ar peacadh, agus gabh sinn mar d'oigh-reachd féin.

10 Agus thubhairt e, Feuch, ni mise coimhcheangal; ann an lathair do shluaigh uile ni mi nithean iongantach, nithean nach d'rimheadh an leithid air an talamh uile, no ann an aon chinneach: agus cli an sluagh uile, an measg *am bheil* thu, obair an Tighearna: oir *is* ni uamhasach a ni mise riut.

11 Coimhid thusa an ni a *tha* m'g àithneadh dhuit an diugh: Feuch, fuadaichidh mi mach romhad an t-Amorach, agus an Canaanach, agus an t-Hiteach, agus an Peridseach, agus an t-Hibheach, agus an Iebusach.

12 Thoir an aire dhuit féin, air eagal gu'n dean thu coimhcheangal ri luchd-aitheachaidh na tìre d'am bheil thu 'dol, air eagal gu'm bi e 'n a ribeadh a'd' mheadhon:

13 Ach sgrìosaidd sibh an altairean, agus brisidh sibh an dealbhan, agus gearraidh sibh sìos an doireachan.

14 Oir cha dean thu aoradh do dhia sam bith eile; oir an Tighearna, d'an ainm Eudmhor, *is* Dia eudmhor e:

15 Air eagal gu'n dean thu coimhcheangal ri luchd-aitheachaidh na tìre, agus gu'n téid iad le strìopachas an déigh an diathan, agus gu'n toir iad lobairt d'an diathan, agus gu'n toir *neach* euireadh dhuit, agus gu'n ith thu d'a lobairt;

16 Agus gu'n gabh thu d'an nigheanaibh do d' mhic, agus gu'n téid an nigheanan le strìopachas an déigh an diathan, agus gu'n toir iad air do mhic dol le strìopachas an déigh an diathan.

17 Cha dean thu dhuit féin diathan leaghta.

18 Féil an arain neo-ghoirtichte cumaidh tu: seachd làithean ithidh tu aran neo-ghoirtichte, mar a dh'àithn mi dhuit, ann an àm a' mhìos Abib; oir anns a' mhìos Abib thàinig thu mach as an Eiphit.

19 Gach *ni* a dh'fhosglas a' bhrù *is* leams' e; agus gach ceud-ghin am measg do spréidhe, *ma's ann* de'n bhuar no de na caoraich e, a *bhitheas* firionn.

20 Ach ceud-ghin asail fuasglaidh tu le h-nan; agus mur fuasgail thu e, an sin brisidh tu amhach. Uile cheud-ghin do mhac fuasglaidh tu; agus cha nochdar a h-aon a'm lathair-sa falamh.

21 Sè làithean ni thu obair, ach air an t-seachdamh là gabhaidh tu fois: ann an àm an treabhaidh agus anns an fhoghar gabhaidh tu fois.

22 Agus cumaidh tu féil nan seachdain, a' cheud toraidh de fhoghar a' chruithneachd, agus féil a' chròdhaidh ann an deireadh na bliadhna.

23 Tri uairean 's a' bhliadhna nochdar do mhic uile 'an lathair an Tighearna Iehobhah, Dé Israeil:

24 Oir tilgidh mi mach na cinnich romhad, agus ni mi do chrìochan n'is farsuinge; agus cha mhiannaich duine sam bith d'fhearann, an uair a théid thu suas g'ad nochdadh féin 'am fianuis an Tighearna do Dhé, tri uairean 's a' bhliadhna.

25 Cha-n iobair thu fuil m'lobairt-sa le taois ghoirt, cha mhò a dh'fhàgar gu ma-duinn iobairt féil na càisge.

26 Toiseach ceud thoraidh d'fhearainn a bheir thu do thigh an Tighearna do Dhé. Cha bhruidh thu meann 'am bainne a mha-thar.

27 Agus thubhairt an Tighearna ri Maois, Sgrìobh thusa na focail so: oir a réir brìgh nam focal so rinn mise coimhcheangal riut féin, agus ri h-Israel.

28 Agus bha e 'n sin maille ris an Tighearna dà fhichead là agus dà fhichead oidheche; cha d'ith e aran, ni mò dh'òl e uisge: agus sgrìobh e air na clàir focail a' choimhcheangail, na deich àitheantan.

29 Agus an uair a thàinig Maois a nuas o shliabh Shinaì, (le dà chlàr na Fianuis ann an làimh Mhaois, an uair a thàinig e nuas o'n t-sliabh) eha robh fios aig Maois gu'n do dhealraich croicìonn 'aghaidh, am feadh 's a bha e còmhraidh ris.

30 Agus dh'amhaire Aaron agus clann Israeil uile air Maois; agus, feuch, dhealraich croicìonn 'aghaidh, agus bha eagal orra teachd am fagus da.

31 Agus ghairm Maois orra; agus phill Aaron agus uachdarain a' choimhthionail uile d'a ionnsuidh; agus rinn Maois còmhraidh riu.

32 Agus 'n a dhéigh sin thàinig clann Israeil uile am fagus da; agus dh'àithn e dhoibh na h-uile *nithean* a labhair an Tighearna ris ann an sliabh Shinaì.

33 Agus sguir Maois a labhairt riu; agus chuir e gnùis-bhrat air 'aghaidh.

34 Ach an uair a chaidh Maois a steach an lathair an Tighearna a labhairt ris, thug e 'n gnùis-bhrat deth, gus an d'thàinig e mach. Agus thàinig e mach, agus labhair e ri cloinn Israeil *an ni sin* a dh'àithneadh dha.

35 Agus chunnaic clann Israeil aghaidh Mhaois, gu'n do dhealraich croicìonn aghaidh Mhaois: agus chuir Maois an gnùis-bhrat air 'aghaidh a ris, gus an deachaidh e stigh a labhairt ris.



## CAIB. XXXV.

1 *Tha'n t-sàbaid gu' bhli air a coimhead naomh*  
 4 *Saor thabhartais air son a' phàilliuin.* 20  
*Thug an sluagh gu toileach seachad iad.*

**A**GUS chruinnich Maois coimhthional a chloinn Israeil uile r'a chéile, agus thubhairt e ri, Sin na nithean a dh'àithn an Tighearn, gu'n deanadh sibh iad.

2 Sè làithean nithear obair, ach bithidh an seachdamh là dhuibh 'n a là naomh, 'n a shàbaid thàimh do'n Tighearn: ge b'e neach a ni obair air, cuirear gu bàs e.

3 Chan'n fhadaidh sibh teime sam bith air feadh bhur n-àiteachan-còmhuidh air là na sàbaid.

4 Agus labhair Maois ri coimhthional chloinn Israeil uile, ag ràdh, So an ni a dh'àithn an Tighearn, ag ràdh,

5 Togaibh 'n 'ur measg tabhartas do'n Tighearn: gach neach aig am bheil cridhe toileach, thugadh e leis e, tabhartas do'n Tighearn; òr, agus airgiod, agus umha,

6 Agus gorm, agus corcur, agus scarlaid, agus anart grinn, agus *fiannadh* ghabhar,

7 Agus croicinnean reitheachan air an dath dearg, agus croicinnean bhroc, agus fiodh sitim,

8 Agus oladh air son soluis, agus spìosraidh air son oladh-ungaidh, agus air son tùise cùbhraidh,

9 Agus clachan onics, agus clachan a chum an ceangal, air son na h-ephoid, agus air son na h-uchd-éididh.

10 Agus thigeadh gach duine glic-chridheach 'n 'ur measg, agus deanadh e gach ni a dh'àithn an Tighearn;

11 Am pàillium, a bhùth, agus a chòmhdach, a chromagan, agus a bhuird, a chroinn, a phuist, agus a bhuin;

12 An àire agus a bataichean, a' chaithir-thròcair agus roinn-bhrat a' chòmhdach;

13 Am bòrd agus a bhataichean, agus a shoithichean uile, agus an t-aran-tais-beanaidh;

14 Agus an coinnleir a chum an t-soluis, agus uidheam, agus a lòchrain, maille ri oladh chum an t-soluis;

15 Agus altair na tùise, agus a bataichean, agus an oladh-ungaidh, agus an tùs chùbhraidh, agus an cùrteim air son doruis a' phàilliuin;

16 Altair na h-ìobairt-loisgte agus a cliath umha, a bataichean, agus a soithichean uile, an soitheach-ionnlaid agus a chos;

17 Cùrteinean na cùrte, a puist agus a buinn, agus cùrtein air son doruis an cùrte;

18 Pinneachan a' phàilliuin, agus pinn-eachan na cùrte, agus an cùird;

19 Éididh an fhrithealaidh, a fhrithealadh 's an *ionad* naomh; an éididh naomha air son Aaroin an t-sagairt, agus éididh air son a chuid mac, a fhrithealadh ann an dreuchd an t-sagairt.

20 Agus dh'fhalbh coimhthional chloinn Israeil uile á lathair Mhaois.

21 Agus thàinig iad, gach duine a dhùisg a chridhe suas, agus gach duine a rinn a chridhe toileach, agus thug iad leo tabhartas an Tighearna air son oibre pàilliuin a' coimhthional, agus air son a sheirbhis uile, agus air son na h-éididh naomh.

22 Agus thàinig iad, araon fir agus mnathan, a' mhead's aig an robh cridhe toileach, agus thug iad leo bràistean agus chuas-fhaillean, agus fàinneachan, agus criosa-muineil, gach uidheam òir: agus gach fear a thug seachad, *thug e seachad* tabhartas òir do'n Tighearn.

23 Agus gach fear aig an d'fhuaradh gorm, agus corcur, agus scarlaid, agus anart grinn, agus *fiannadh* ghabhar, agus croicinnean dearg reitheachan, agus croicinnean bhroc, thug iad leo iad.

24 Gach duine a thug seachad tabhartas airgid agus umha, thug e leis tabhartas an Tighearna: agus gach duine aig an d'fhuaradh fiodh sitim chum oibre sam bith do'n t-seirbhis, thug e leis e.

25 Agus shníomh na mnathan uile a bha glic-chridheach le'n làmh, agus thug iad leo an ni a shníomh iad, an gorm, agus an corcur, an scarlaid, agus an t-anart grinn.

26 Agus na mnathan uile a dhùisg an cridhe suas ann an gliocas, shníomh iad *fiannadh* ghabhar.

27 Agus thug na h-uachdarain leo clachan onics, agus clachan chum an ceangal, air son na h-ephoid, agus air son na h-uchd-éididh;

28 Agus spìosraidh, agus oladh air son an t-soluis, agus air son na h-oladh-ungaidh, agus air son na tùise cùbhraidh.

29 Thug clann Israeil tabhartas toileach a dh'ionnsuidh an Tighearna, gach fear agus bean a rinn an cridhe toileach a thoirt a chum gach gnè oibre, a dh'àithn an Tighearn a dheanamh le làimh Mhaois.

30 Agus thubhairt Maois ri cloinn Israeil, Faicibh, ghairm an Tighearn air ainm Besaleel mac Uri, mhic Hur, de thréibh Iudah:

31 Agus lion se e le spiorad Dhé, ann an gliocas, ann an tuigse, agus ann an eòlas, agus anns gach gnè oibre;

32 Agus a dhealbhadh oibre ealanta, a dh'oibreachadh ann an òr, agus ann an airgiod, agus ann an umha,

33 Agus ann an gearradh ehlach chum an ceangal, agus ann an snaidheadh fiodha, a dheanamh gnè sam bith a dh'obair ealanta.

34 Agus chuir e 'n a chridhe gu'n teagaisgeadh e, e féin agus Aholiab mac Ahisamaich, de thréibh Dhain.

35 Lion e iadsan le gliocas cridhe, a dh'oibreachadh gach gnè oibre, *oibre a' ghearradair*, agus an oibrichean ealanta, agus an

oibrichean le suàthaid ann an gorm, agus ann an creur, ann an scarlaid, agus ann an anart grinn, agus an fhigheadair, a ni obair sam bith, agus a dhealbhas obair ealanta.

## CAIB. XXXVI.

1 *Thugadh na tabhartais do'n luchd-oibre. 6 Thoirmsigeadh do'n t-sluagh tuilleadh a thoirt leo. 8 Rinneadh cùirteinean agus buird air son a' phàilliuin.*

**A**GUS dh'oibrich Besaleel agus Aholiab, agus gach duine glic-chridheach d'an d'thug au Tighearn gliocas agus tùr, a thugisinn cionnus a dheanadh iad gach gné oibre air son seirbhis au *ionaid* naoimh, a réir gach ni a dh'àithn au Tighearn.

2 Agus ghairm Maois air Besaleel, agus air Aholiab, agus air gach duine glic-chridheach, d'an d'thug an Tighearn gliocas 'n a chridhe, *eadhon* gach aon a dhùisg a chridhe suas, gu teachd a chum na h-oibre g'a deanamh.

3 Agus ghabh iad o Mhaois na tabhartasan uile a thug clann Israeil leo chum oibre seirbhis au *ionaid* naoimh, g'a deanamh. Agus thug iad fathast d'a ionnsuidh saor thabhartasan gach aon mhaduinn.

4 Agus thàinig na daoine glic uile, a rinn uil' obair au *ionaid* naoimh, gach duine ac' o 'obair féiu a *bha* iad a' deanamh;

5 Agus labhair iad ri Maois, ag ràdh, Tha 'n sluagh a' toirt leo tuilleadh gu mòr na nìs leòr, a chum seirbhis na h-oibre a dh'àithn an Tighearn a dheanamh.

6 Agus dh'àithn Maois, agus thugadh gairm air feadh a' chaimp, ag ràdh, Na deanadh fear uo bean sam bith tuilleadh oibre air son tabhartais an *ionaid* naoimh. Mar sin thoirmsigeadh do'n t-sluagh *ni sam bith* a thabhairt leo.

7 Oir bu leòr an t-uidheam a bh'aca air son na h-oibre uile, g'a deanamh, agus bu tuilleadh 's ni bu leòr e.

8 Agus rinn gach duine glic-chridheach 'n an measg-san a dh'oibrich obair a' phàilliuin, deich cùirteinean *de* anart grinn toinnt, agus de ghorm, agus de chorcur, agus *de* scarlaid; *le* cherubaibh a dh'obair ealanta rinu e iad:

9 Fad aon chùirtein ochd làmhnan-coille thar fhichead, agus leud aon chùirtein ceithir làmhnan-coille: na cùirteinean uile dh'aon tomhas.

10 Agus cheangail e cùig cùirteinean gach aon r'a chéile: agus na cùig cùirteinean *eile* cheangail e gach aon r'a chéile.

11 Agus rinu e lùban de ghorm air oir aoin chùirtein, o'n iomall 's a' cho-aonadh: air a' mhodh chendna rinn e ann an oir a' chùirtein *eile* 's faide mach, ann an co-aonadh an dara *aoin*.

12 Leth-cheud lùb rinn e ann an aon chùirtein, agus leth-cheud lùb rinu e ann an

iomall a' chùirtein a *bha* ann an co-aonadh an dara *aoin*: cheangail na lùban aon *chùirtein* ri *cùirtein* eile.

13 Agus rinn e leth-cheud cromag òir, agus choimhcheangail e na cùirteinean aon ri h-aon leis na cromagaibh. Mar sin rinu eadh e 'n a aon phàilliuin.

14 Agus rinn e cùirteinean de *fhionnadh* ghabbhar, air son a' bhùtha os ceann a' phàilliuin: aon chùirtein deug rinn e dhiubh:

15 *Be* fad aon chùirtein deich làmhnan-coille thar fhichead, agus ceithir làmhnan-coille leud aon chùirtein: *bha* 'n t-aon chùirtein deug a dh'aon tomhas.

16 Agus choimhcheangail e cùig cùirteinean leo féin, agus sè cùirteinean leo féin.

17 Agus rinn e leth-cheud lùb air an foir a b'fhaide mach de'n chùirtein 's a' choimhcheangal, agus leth-cheud lùb rinn e air oir a' chùirtein a tha 'coimhcheangal au dara *aoin*.

18 Agus rinn e leth-cheud cromag a *dh'*umha, a cheangal a' bhùtha r'a chéile, chum as gu'm biodh e 'n a aon.

19 Agus rinn e còmhdach do'n bhùth, *de* chroicinnibh reitheachan air an dath dearg, agus còmhdach *de* chroicinnibh bhroc os a cheann.

20 Agus rinn e bùird do'n phàilliuin *de* fhiodh sitim, 'n an seasamh:

21 Deich làmhnan-coille fad bùird, agus làmh-choille gu leth leud aon bhùird.

22 *Bha* dà làimh aig aon bhòrd, air an eur 'an ordugh aon fa chomhair aoin: mar so rinn e ri bùird a' phàilliuin uile.

23 Agus rinu e buird do'n phàilliuin: fichead bòrd air son an taoibh dheis, ris au àirde deas.

24 Agus dà fhichead cos airgid rinn e fo 'n fhichead bòrd: dà chois fo aon bhòrd a réir a dhà làimh, agus dà chois fo bhòrd eile a réir a dhà làimh.

25 Agus air son taoibh eile a' phàilliuin *a* tha ris an àirde tuath, rinn e fichead bòrd,

26 Agus an dà fhichead cos a dh'airgiod: dà chois fo aon bhòrd, agus dà chois fo bhòrd eile.

27 Agus air son taobhan a' phàilliuin ris an àird an iar, rinn e sè bùird.

28 Agus rinu e dà bhòrd air son oisinn an a' phàilliuin 's an dà thaobh.

29 Agus bha iad air an ceangal ri 'chéile foidhe, agus uar an ceudna bha iad air an coimhcheangal aig a cheann ri h-aon fhàilbheig: mar so rinu e ri le 'chéile 's an dà oisinn.

30 Agus bha ochd bùird ann, agus an cosan a dh'airgiod, *eadhon* se cosa deug; dà chois fo gach bòrd.

31 Agus rinn e croim de fhiodh sitim, cùig air son bhòrd aon taoibh de'n phàilliuin.

32 Agus cùig croim air son bhòrd an taoibh eile de'n phàilliuin, agus cùig croim air son



bhòrd a' phàilliuin a chum nan taobh a *tha* ris an àird an iar.

33 Agus thug e air a' chrann mheadhonnach dol troimh na buird o cheann gu ceann.

34 Agus chòmhdach e thairis na buird le h-òr, agus rinn e'm failbheagan a *dh'òr gu bhì* 'n an àitibh do na croinn, agus chòmhdach e thairis na croinn le h-òr.

35 Agus rinn e roinn-bhrat de ghorm, agus de choreur, agus de scarlaid, agus de anart grinn toinnte: dh'obair ealanta rinn se e, le cherubaibh.

36 Agus rinn e dha ceithir puist de fhiodh sitim, agus chòmhdach e thairis iad le h-òr: *bha* 'n cromagan a *dh'òr*, agus thilg e dhoibh ceithir buinn airgid.

37 Agus rinn e air son doruis a' bhùtha brat de ghorm, agus de choreur, agus de scarlaid, agus de anart grinn toinnte, dh'obair shnàthaide:

38 Agus a chùig puist le 'n cromagaibh: agus chòmhdach e thairis an cinn, agus an caairteagan le h-òr: ach *bha* 'n cùig buinn a dh'umha.

## CAIB. XXXVII.

1 An àirc. 6 Caithir-thròcair le cherubaibh. 10 Am bòrd le shoithichibh. 17 An coinnleir òir. 25 Altair na tùise. 29 An oladh-ungaidh.

**A**GUS rinn Besaleel an àirc de fhiodh sitim; dà làmh-choille gu leth a fad, agus làmh-choille gu leth a leud, agus làmh-choille gu leth a h-àirde:

2 Agus chòmhdach e thairis i le h-òr fìor-ghlan a stigh agus a muigh; agus rinn e coron òir dh'i mu'n cuairt.

3 Agus thilg e dh'i ceithir failbheagan òir, *gu bhì* air a ceithir oisinnibh; eadhon dà fhailbheig air aon taobh dh'i, agus dà fhailbheig air an taobh eile dh'i.

4 Agus rinn e bataichean de fhiodh sitim, agus chòmhdach e thairis iad le h-òr.

5 Agus chuir e na bataichean anns na failbheagaibh air taobhan na h-àirce, chum an àirc a ghiùlan.

6 Agus rinn e caithir-thròcair a *dh'òr* fìor-ghlan: dà làmh-choille gu leth a fad, agus làmh-choille gu leth a leud.

7 Agus rinn e dà cherub a *dh'òr*, buailte mach a h-aon mhìr rinn e iad, aig dà cheann na caithir-thròcair;

8 Aon cherub aig a' cheann air an taobh so, agus cherub eile aig a' cheann air an taobh ud: a mach as a' chaithir-thròcair rinn e na cheruban aig a dà cheann.

9 Agus bha na cheruban a' sgaileadh an sgiathan gu h-àrd, a' còmhdachadh le 'n sgiathaibh os ceann na caithir-thròcair, agus an aghaidhean r'a chèile; ris a' chaithir-thròcair bha aghaidhean nan cherub.

10 Agus rinn e 'm bòrd de fhiodh sitim: dà làmh-choille fhad, agus làmh-choille a leud, agus làmh-choille gu leth àirde.

11 Agus chòmhdach e thairis e le h-òr fìor-ghlan, agus rinn e dha coron òir mu'n cuairt.

12 Mar an ceudna rinn e dha iomall de leud boise mu'n cuairt; agus rinn e coron òir d'a iomall mu'n cuairt.

13 Agus thilg e dha ceithir failbheagan òir, agus chuir e na failbheagan air na ceithir oisinnibh a *bha* aig a cheithir chos-aibh.

14 Thall fa chomhair an iomaill bha na failbheagan, na h-àiteachan do na bataichibh gus am bòrd a ghiùlan.

15 Agus rinn e na bataichean de fhiodh sitim, agus chòmhdach e thairis iad le h-òr, gus am bòrd a ghiùlan.

16 Agus rinn e na soithichean a *bha* air a' bhòrd, a mhiasan, agus a thùiseirean, agus a chopain, agus a chuachan leis an toirear seachad tabhartas-dibhe, a *dh'òr* fìor-ghlan.

17 Agus rinn e 'n coinnleir a *dh'òr* fìor-ghlan; a *dh'obair* bhualte rinn e 'n coinnleir: bha a chos, agus a mheur, a chopain, a clnapan, agus a bhàthan, de'n *nì* cheudna.

18 Agus sè meoir a' dol a mach as a thaobhan: trì meoir a' choinnleir a h-aon taobh dheth, agus trì meoir a' choinnleir as an taobh eile dheth.

19 Tri copain air an deanamh cosmhuil ri almonaibhann an aon mheur, *maille ri* cnap agus blàth; agus trì copain air an deanamh cosmhuil ri almonaibh ann am meur eile, *maille ri* cnap agus blàth: mar sin anns na sè meoir a' dol a mach as a' choinnleir.

20 Agus anns a' choinnleir *bha* ceithir copain air an deanamh cosmhuil ri almonaibh, *maille r'a* cnaip agus a bhàthan.

21 Agus cnap fo dhà mheur dheth, agus cnap fo dhà mheur dheth, agus cnap fo dhà mheur dheth, a réir nan sè meura' dol a mach as.

22 Bha 'n cnaip agus am meoir de'n *nì* cheudna: *U*aon obair bhualte a *dh'òr* fìor-ghlan an t-iomlan deth.

23 Agus rinn e a sheachd lèchrain, agus a smàladairean, agus a shoithichean-smàlaich, *dh'òr* fìor-ghlan.

24 De thallam òir fhìor-ghloin rinn se e, agus a shoithichean uile.

25 Agus rinn e altair na tùise de fhiodh sitim: làmh-choille a fad, agus làmh-choille a leud, (*bha i* ceithir-chearnach,) agus dà làmh-choille a h-àirde; bha a h-adhaircean de'n *nì* cheudna.

26 Agus chòmhdach e thairis i le h-òr fìor-ghlan, a mullach, agus a taobhan mu'n cuairt, agus a h-adhaircean; agus rinn e coron òir dh'i mu'n cuairt.

27 Agus rinn e dà fhailbheig òir dh'i fo a coron, aig a dà oisinn, air a dà thaobh, *gu bhì* 'n an àitibh do na bataichibh chum a ghiùlan leo.

28 Agus rinn e na bataichean de fhiodh sitim, agus chòmhdach e thairis iad le h-òr.



29 Agus rinn e an oladh-ungaidh naomh, agus an tùis fhìor-ghlan de spìosraidh chùbhraidh, a fàir oibre an léigh.

CAIB. XXXVIII.

1 *Altair na h-ìobairt-loisgte.* 8 *An soithcach-ionnlaid umha.* 9 *A' chùirt.* 24 *Tomhas an òir a chuireadh 'am feum 's an obair.*

**A**GUS rinn e altair na h-ìobairt-loisgte de fhiodh sitim; cùig lāmhan-coille a fad, agus cùig lāmhan-coille a leud, (*bha i ceithir-chearnach*), agus trì lāmhan-coille a h-àirde.

2 Agus rinn e a h-adhaircean air a ceithir oisinnibh: bha a h-adhaircean de'n *nì* cheudna; agus chòmhdach e thairis i le h-umha.

3 Agus rinn e uile shoithichean na h-altarach, na h-àighlean, agus na shusaidean, agus na cuachan, agus na greimichean, agus na h-àighlean teine: a soithichean uile rinn e *dh'umha*.

4 Agus rinn e do'n altair cliath de lìon-obair umha, fa cuairt gu h-ìosal, gu ruig a meadhon.

5 Agus thilg e ceithir failbheagan do cheithir oisinnibh na cléith umha, *gu' bhì* 'n an àitibh do na bataichibh.

6 Agus rinn e na bataichean de fhiodh sitim, agus chòmhdach e thairis iad le h-umha.

7 Agus chuir e na bataichean anns na failbheagaibh air taobhan na h-altarach, chum a giùlan leo: fàs le bòrdaibh rinn e i.

8 Agus rinn e an soithcach-ionnlaid a *dh'umha*, agus a chos a *dh'umha*, de sgàth-anaibh *nam ban*, a chruinnich 'n am buidh-nibh aig doras pàilliuin a' choimhthionail.

9 Agus rinn e a' chùirt air a taobh mu dheas, ris an àirde deas: *bha* cùirteinean na cùirte de anart grinn toimnte, ceud lāmh-choille *air fad*;

10 Am puist fichead, agus am buinn umha fichead; *bha* cromagan nam post agus an cuairteagan a *dh'airgiod*.

11 Agus air an taobh mu thuath, *bha na cùirteinean* ceud lāmh-choille; am puist fichead, agus am buinn umha fichead: cromagan nam post, agus an cuairteagan a *dh'airgiod*.

12 Agus air an taobh an iar *bha* cùirteinean de leth-cheud lāmh-choille; am puist deich, agus am buinn deich: cromagan nam post agus an cuairteagan a *dh'airgiod*.

13 Agus air an taobh an ear ris an àird an ear, leth-cheud lāmh-choille.

14 *Bha* cùirteinean aon taoibh de'n gheata cùig lāmhan-coille deug; am puist trì, agus am buinn trì.

15 Agus air son an taoibh eile de gheata na cùirte, air an lāmh so agus air an lāmh ud, *bha* cùirteinean cùig lāmhan-coille deug; am puist trì, agus am buinn trì.

16 *Bha* cùirteinean na cùirte uile mu'n cuairt a *dh'anart* grinn toimnte.

17 Agus *bha* buinn nam post a *dh'umha*; cromagan nam post, agus an cuairteagan a *dh'airgiod*, agus còmhdach an ceann a *dh'airgiod*; agus *bha* uile phuist na cùirte air an ceangal mu'n cuairt le h-*airgiod*.

18 Agus *bha* 'm brat air son geata na cùirte 'n a obair shnàthaid de ghorm, agus de chorcur, agus de scarlaid, agus de anart grinn toimnte: agus *b'e* fichead lāmh-choille fhad, agus *b'e* àirde 's an leud cùig lāmhan-coille, a' coimhfhreagairt do chùirteimibh na cùirte:

19 Agus am puist ceithir, agus am buinn umha ceithir; an cromagan a *dh'airgiod*, agus còmhdach an ceann, agus an cuairteagan a *dh'airgiod*.

20 Agus *bha* uile phinnceachan a' phàilliuin, agus na cùirte mu'n cuairt, a *dh'umha*.

21 *Is e sin àireamh nìthean* a' phàilliuin, pàilliuin na Fianuis, mar a *dh' àirmheadh* iad, a réir àithne Mhaois, *air son* seirbhìs nan Leblitheach, le lāmh Itamair, mhic Aaroin an t-sagairt.

22 Agus rinn Besalcel mac Uri, mhic Shur, de thréibh Iudah, gach *nì* a *dh' àithn* an Tighearn do Mhaois;

23 Agus maille ris Aholiab, mac Ahisamaich, de thréibh Dhain, gearradair, agus oibriche ealanta, agus fear oibre gréise ann an gorm, agus ann an corcur, agus ann an scarlaid, agus ann an anart grinn.

24 *B'e 'n t-òr uile a chuireadh 'a 'm feum* 's an obair, ann an uil' obair an *ionaid* naomh, eadhon òr an tabhartais, naoi tàlannan fichead, agus seachd ceud agus deich secel 'ar fhichead, a réir seceil an *ionaid* naomh.

25 Agus *b'e* airgiod na muinntir a chaidh àireamh de'n choimhthional, ceud tàlann, agus mìle agus seachd ceud agus cùig secel deug agus trì fichead, a réir seceil an *ionaid* naomh.

26 Becah air son gach fir, 's e sin leth seceil, a réir seceil an *ionaid* naomh, air son gach aoin a chaidh gu bhì air an àireamh, o fhichead bliadh' a dh'aois agus os a cheann, air son shè ceud mìle agus thri mìle agus chùig ceud agus leth-cheud fear.

27 Agus de'n cheud tàlann airgid thilgadh buinn an *ionaid* naomh, agus buinn an roinn-bhrata; ceud bonn de'n cheud tàlann, tàlann do gach bonn.

28 Agus de'n mhìle agus sheachd ceud agus a' chùig secel deug agus trì fichead, rinn e cromagan do na puist, agus chòmhdach e 'n cinn, agus chuir e cuairteagan mu'n tim-chioll.

29 Agus *b'e* umha an tabhartais deich agus trì fichead tàlann, agus dà mhìle agus ceithir cheud secel.

30 Agus rinn e le sin na buinn do dhorus pàilliuin a' choimhthionail, agus an altair

umha, agus a' chliath umha aice, agus soithichean na h-altarach uile,

31 Agus buinn na cùirte mu'n cuairt, agus buinn geata na cùirte, agus uile phinneachan a' phàilliun, agus uile phinneachan na cùirte mu'n cuairt.

## CAIB. XXXIX.

1 *Eulach na seirbhis, agus an t-eudach naomh.* 2 *An ephod.* 3 *An uchd-éididh.* 22 *Falluin na h-ephoid.* 27 *Na còtaichean, an crùn-sagairt, agus an crios a dh'anart grinn.* 30 *Leac a' chrùn naomh.* 43 *Dh'amhairc Maois air an obair uile, agus thaitinn i ris.*

**A** GUS de'n ghorm, agus de'n chorcur, agus de'n scarlaid, rinn iad éididh frithealaidh, gu frithealadh 's an ionad naomh, agus rinn iad éididh naomh do Aaron; mar a dh'àithn an Tighearn do Mhaois.

2 Agus rinn e 'n ephod de òr, de ghorm, agus de chorcur, agus de scarlaid, agus de anart grinn toimnte.

3 Agus bluaid iad na mach an t-òr 'n a leac-aibh tana, agus ghearr iade 'n a shnàithnibh, a chum oibreachadh am measg a' ghuirm, agus am measg a' chorcur, agus am measg na scarlaid, agus am measg an anairt ghrinn le h-obair ealanta.

4 Rinn iad mìrean-guailne dh'i, ceangailte ri 'chéile air a dà oir: *mar sin* chuireadh ri 'chéile i.

5 Agus *bha* crios rìomhach na h-ephoid a *bha* air a h-uachdar, de'n *nì* cheudna, a réir a h-oibre féin; *eadhon de òr, de ghorm,* agus de chorcur, agus de scarlaid, agus de anart grinn toimnte; mar a dh'àithn an Tighearn do Mhaois.

6 Agus dh'oibrich iad clachan onics ceangailte ann am failbheagaibh òir, air an gearradh le gearradh seulaidh, le ainmibh chloinn Israeil *orra*.

7 Agus chuir e iad air guailnibh na h-ephoid, *gubhi 'n an* clachan cuimhneachain do chloinn Israeil; mar a dh'àithn an Tighearn do Mhaois.

8 Agus rinn e 'n uchd-éididh le h-obair ealanta, a réir oibre na h-ephoid, *de òr, de ghorm,* agus de chorcur, agus de scarlaid, agus de anart grinn toimnte.

9 Bha i ceithir-chearnach; rinn iad an uchd-éididh dà-fhillte: réis a fad, agus réis a leud; *bha i* dà-fhillte.

10 Agus chuir iad innte ceithir sreathan chlach: *a' cheud* sreath, sardius, topas, agus carbuncul: *so a' cheud* sreath.

11 Agus an dara sreath, emerald, saphir, agus daoimein.

12 Agus an treas sreath, ligur, agat, agus ametist.

13 Agus an ceathramh sreath, beril, onics, agus iasper: *bha iad* air an ceangal ann am failbheagaibh òir 'n an suidheachadh.

14 Agus *bha* na clachan a réir ainmean chloinn Israeil, a dhà-dheug a réir an ainm-

ean le gearradh seulaidh, gach aon aca le h-ainm féin, a réir an dà thréibh dheug.

15 Agus rinn iad air an uchd-éididh slabhruidhean aig na cinn, *a dh'*obair shnìomhta *dh'òr* fìor-ghlan.

16 Agus rinn iad dà fhailbheig òir, agus dà fhàinne òir: agus chuir iad an dà fhàinne air dà cheann na h-uchd-éididh.

17 Agus chuir iad an dà *slabhruidh* shnìomhta 's an dà fhàinne air cinn na h-uchd-éididh.

18 Agus dhaingnich iad dà cheann na dà *slabhruidh* shnìomhta 's an dà fhailbheig, agus chuir siad iad air mìribh-guailne na h-ephoid, air a beulaobh.

19 Agus rinn iad dà fhàinne òir, agus chuir siad iad air dà cheann na h-uchd-éididh, air an iomall dith, a *bha* air taobh na h-ephoid a stigh.

20 Agus rinn iad dà fhàinne òir *eile*, agus chuir siad iad air dà thaobh na h-ephoid gu h-ìosal, leth ris a' chuid bheoil dith, fa chomhair a' cho-aonaidh *eile*, os ceann crios rìomhach na h-ephoid.

21 Agus cheangail iad an uchd-éididh le a fàinnibh ri fàinnibh na h-ephoid le h-éill ghuirm, a chum gu'm bitheadh i os ceann crios rìomhach na h-ephoid, agus nach biodh an uchd-éididh air a fuasgladh o'n ephoid; mar a dh'àithn an Tighearn do Mhaois.

22 Agus rinn e falluin na h-ephoid *a dh'*obair fhlighte, uile de ghorm.

23 Agus *bha* toll 'am meadhon na falluinn, mar tholl luirich-mhàillich, agus oir timchioll a tuill, a chum nach reubtadh i.

24 Agus rinn iad air iomallaibh na falluinn pomgranatan de ghorm, agus de chorcur, agus de scarlaid, agus de anart toimnte.

25 Agus rinn iad chug a *dh'òr* fìor-ghlan, agus chuir iad na cluig cadar na pomgranatan, air iomall na falluinn' mu'n cuairt eadar na pomgranatan:

26 Clag agus pomgranat, clag agus pomgranat, air iomall na falluinn' mu'n cuairt, a fhrithealadh innte; mar a dh'àithn an Tighearn do Mhaois.

27 Agus rinn iad còtaichean a *dh'anart* grinn, a *dh'*obair fhlighte, air son Aaron agus a chuid mac,

28 Agus crùn-sagairt a *dh'anart* grinn, agus boineidean sgiamhach a *dh'anart* grinn, agus briogais anairt a *dh'anart* grinn toimnte,

29 Agus crios de anart grinn toimnte, agus de ghorm, agus de chorcur, agus de scarlaid, a *dh'*obair shnàthaide; mar a dh'àithn an Tighearn do Mhaois.

30 Agus rinn iad leac a' chrùn naomh a *dh'òr* fìor-ghlan, agus sgrìobh iad oirre sgrìobhadh, *cosmhuil ri* gearradh seulaidh, NAOMHACHD DO'N TIGHEARN.

31 Agus cheangail iad ri iall de ghorm, g'a daingneachadh air a' chrùn gh-hard; mar a dh'àithn an Tighearn do Mhaois.

32 Mar so chrìochnaich eadh uil' obair



pàilluinn bùtha a' choimhthionail: agus rinn clann Israeil a réir gach *ni* a dh'àithn an Tighearn do Mhaois; mar sin rinn iad.

33 Agus thug iad am pàilluinn gu Maois, am bùth, agus 'airneis uile, a chromagan, a bhuird, a chroinn, agus a phuist, agus a bhuinn;

34 Agus an còmh-dach de chroicinnibh reith-eachan air an dath dearg, agus an còmh-dach de chroicinnibh bhroc, agus brat a' chòmhdaich;

35 Aire na Fianuis, agus a bataichean, agus a' chaithir-thròcair;

36 Am bòrd agus a shoithichean uile, agus an t-aran taisbeanaidh;

37 An coinnleir fìor-ghlan agus a lòchrain, eadhon a lòchrain gu 'bhi air an cur ann an ordugh, agus a shoithichean uile, agus an oladh a chum soluis;

38 Agus an altair òir, agus an oladh-ungaidh, agus an tùis chùbhraidh, agus am brat air son doruis a' phàilliuin;

39 An altair umha, agus a cliath umha, a bataichean, agus a shoithichean uile, an shoithichean-ìomhlaid agus a chos;

40 Cairteinean na cùirte, a puist, agus a buinn, agus am brat air son geata na cùirte, a cùird, agus a pinneachan, agus uile shoithichean seirbhis a' phàilliuin, air son bùtha a' choimhthionail;

41 Eudach an fhrithealaidh gu frithealadh 's an ìonad naomh, an t-eudach naomh air son Aaron an t-sagairt, agus eudach a chuid mac, a fhrithealadh ann an dreuchd an t-sagairt.

42 A réir gach *ni* a dh'àithn an Tighearn do Mhaois, mar sin rinn clann Israeil an obair uile.

43 Agus dh'amhaire Maois air an obair uile, agus, feuch, rinn iad i mar a dh'àithn an Tighearn, eadhon mar sin rinn iad i: agus bheannaich Maois iad.

## CAIB. XL.

1 *Thugadh àitne do Mhaois gu'n cuirleadh e suas pàilluinn bùtha a' choimhthionail, agus gu'n naomhaicheadh se e.* 16 Rinn Maois gach *ni* a dh'àithn an Tighearn dha. 34 Chòmhdaich neul bùth a' choimhthionail.

**A**GUS labhair an Tighearn ri Maois, ag ràdh,

2 Air a' cheud là de'n cheud mhìos cuiridh tu suas pàilluinn bùtha a' choimhthionail.

3 Agus cuiridh tu ann àire na Fianuis', agus folaichidh tu 'n àire leis an roim-bhrat.

4 Agus bheir thu stigh ann bòrd, agus cuiridh tu 'n ordugh na nithean a tha gu 'bhi air an cur 'an ordugh air; agus bheir thu stigh an coinnleir, agus lasaidh tu a lòchrain.

5 Agus suidhichidh tu 'n altair òir a tha chum na tùise fa chomhair àire na Fianuis', agus cuiridh tu brat an doruis ris a' phàilliuin.

6 Agus suidhichidh tu altair na h-iobairt-loisgte fa chomhair doruis pàilliuin bùtha a' choimhthionail.

7 Agus suidhichidh tu 'n soitheach-ionnlaid eadar bùth a' choimhthionail agus an altair, agus cuiridh tu uisge ann.

8 Agus cuiridh tu suas a' chùirt mu'n euairt, agus crochaidh tu suas am brat aig geata na cùirte.

9 Agus gabhaidh tu an oladh-ungaidh, agus ungaidh tu am pàilluinn, agus gach *ni* a tha ann, agus naomhaichidh tu e, agus a shoithichean uile: agus bithidh e naomh.

10 Agus ungaidh tu altair na h-iobairt-loisgte, agus a soitheachan uile, agus naomhaichidh tu an altair: agus bithidh an altair ro naomh.

11 Agus ungaidh tu an soitheach-ionnlaid agus a chos, agus naomhaichidh tu e.

12 Agus bheir thu Aaron agus a mhie gu doruis bùtha a' choimhthionail, agus ionnlaididh tu iad le h-uisge.

13 Agus cuiridh tu air Aaron an t-eudach naomh, agus ungaidh tu e, agus naomhaichidh tu e; agus fritheilidh e dhomhsa ann an dreuchd an t-sagairt.

14 Agus bheir thu leat a mhie, agus cuiridh tu còtaichean orra,

15 Agus ungaidh tu iad, mar a dh'ung thu 'n athair, agus fritheilidh iad dhomhsa ann an dreuchd an t-sagairt; oir bithidh gu deimhin an ungadh-san dhoibh a chum sagartachd shìorruidh air feadh an gineala-eha.

16 Agus rinn Maois a réir gach *ni* a dh'àithn an Tighearn dha: mar sin rinn e.

17 Agus b'ann a' cheud mhìos, 's an dara bliadhna, air a' cheud là de'n mhìos, a chuir-eadh suas am pàilluinn.

18 Agus chuir Maois suas am pàilluinn agus dhaingnich e a bhuinn, agus chuir e suas a bhuird, agus chuir e stigh a chroinn, agus thog e suas a phuist.

19 Agus sgaol e mach am bùth os ceann a' phàilliuin, agus chuir e còmh-dach a' bhùtha air os a cheann; mar a dh'àithn an Tighearn do Mhaois.

20 Agus ghabh e agus chuir e an Fhianuis anns an àire, agus chuir e na bataichean air an àire, agus chuir e a' chaithir-thròcair air an àire os a ceann.

21 Agus thug e 'n àire a stigh do'n phàilliuin, agus chuir e suas brat a' chòmhdaich, agus chòmhdaich e àire na Fianuis; mar a dh'àithn an Tighearn do Mhaois.

22 Agus chuir e 'n bòrd ann am bùth a' choimhthionail, air taobh a' phàilliuin mu thuath, an taobh a muigh de'n roim-bhrat.

23 Agus chuir e 'n t-aran ann an ordugh air, ann an làthair an Tighearna; mar a dh'àithn an Tighearn do Mhaois.

24 Agus chuir e 'n coinnleir ann am bùth a' choimhthionail, thall fa chomhair a' bhuird, air taobh a' phàilliuin ris an àrde deas.

25 Agus las e na lòchrain ann an làthair an Tighearna; mar a dh'àithn an Tighearn do Mhaois.



## LEBHITICUS, I.

26 Agus chuir e 'n altair òir anu am bùth a' choimhthionail, air beulaobh an roinn-bhrait.

27 Agus loisg e tùis chùbhraidh oirre; mar a dh'àitlm an Tighearn do Mhaois.

28 Agus chuir e suas am brat aig dorus a' phàilliuin.

29 Agus chuir e altair na h-ìobairt-loisgte làmh ri dorus pàilliuin bùtha a' choimhthionail, agus thug e suas oirre an ìobairt-loisgte, agus an tabhartas-bìdh; mar a dh'àitlm an Tighearn do Mhaois.

30 Agus chuir e 'n soitheach-ionnlaid eadar bùth a' choimhthionail agus an altair, agus chuir e uisge ann, a dh'ionnlaid leis.

31 Agus dh'ionnlaid Maois, agus Aaron, agus a mhic, an làmh an agus an cosan aige.

32 An uair a bha iad gu dol a stigh do bhùth a' choimhthionail, agus gu teachd am fagus do'n altair, dh'ionnlaid siad iad féin, mar a dh'àitlm an Tighearn do Mhaois.

33 Agus chuir e suas a' chùirt timcheall a' phàilliuin agus na h-altarach, agus chuir e suas brat geata na cùirte: mar sin chrìochnaich Maois an obair.

34 An sin chòmhdaich neul bùth a' choimhthionail, agus lìon glòir an Tighearn am pàilliuin.

35 Agus cha b'urraim Maois dola stigh do bhùth a' choimhthionail, a chionn gu'n do ghabh an neul còmhnuidh air, agus gu'n do lìon glòir an Tighearn am pàilliuin.

36 Agus an uair a dh'éirich an neul suas o mhullach a' phàilliuin, chaidh clann Israeil air an aghaidh 'n an uile thurusaibh:

37 Ach mur d'éirich an neul suas, an sin cha do thriall iad gus an là 's an d'éirich e suas:

38 Oir bha neulan Tighearn air a' phàilliuin 's an là, agus bha teime air 's an oidhche, ann an sealladh thighe Israeil uile, air feadh an uile thurusan.

## LEBHITICUS.

### CAIB. I.

3 *Ìobairtean-loisgte de'n bhuar, 10 de na treud-aibh, 14 agus a dh' eoin.*

**A** GUS ghairm an Tighearn air Maois, agus labhair e ris a' pàilliuin a' choimhthionail, ag ràdh,

2 Labhair ri cloinn Israeil, agus abair riu, Ma bheir duine *sam bith* agaibh tabhartas a dh'ionnsuidh an Tighearna, bheir sibh bhur tabhartas de'n spréidh, *eadhon* de'n bhuar agus de'n treud.

3 Ma *bhios* a thabhartas de'n bhuar 'n a ìobairt-loisgte, thugadh e seachad *beathach* frionn gu ghaoid: aig dorus pàilliuin a' choimhthionail bheir e seachad e d'a shaor thoil féin, an làthair an Tighearn'.

4 Agus cuiridh e a làmh air ceann na h-ìobairt-loisgte: agus gabhar air a shou i, a dheanamh réite air a shon.

5 Agus marbhaidh e 'n tarbh òg an làthair an Tighearn': agus bheir na sagartan, mic Aaroin, leo an fhuil, agus crathaidh iad an fhuil mu'n cuairt air an altair, a *tha* aig dorus pàilliuin a' choimhthionail.

6 Agus fionnaidh e an ìobairt-loisgte, agus gearraidh e i 'n a mìribh.

7 Agus cuiridh mic Aaroin an t-sagairt teime air an altair, agus leagaidh iad fiodh ann an ordugh air an teime.

8 Agus leagaidh na sagartan, mic Aaroin, na mirean, an ceann, agus an t-saill, ann an ordugh air an fiodh a *tha* air an teime, a *tha* air an altair.

9 Ach a mhionach agus a chosan nighidh e ann an uisge: agus loisgidh an sagart an

t-iomlan air an altair, mar ìobairt-loisgte, tabhartas a bheirear suas le teime, a dh'fhàile cùbhraidh do'n Tighearn.

10 Agus ma's ann de na treudaibh a *bhios* a thabhartas, *eadhon* de na caoraich, no de na gabhraidh, chum ìobairt-loisgte; 'n a *bheathach* frionn gun ghaoid bheir e leis e.

11 Agus marbhaidh se e aig taobh na h-altarach mu thuath ann an làthair an Tighearn': agus crathaidh na sagartan, mic Aaroin, 'fhuil air an altair mu'n cuairt.

12 Agus gearraidh e 'n a mhìribh e, maille r'a cheann agus r'a shailh; agus cuiridh an sagart iad ann an ordugh air an fiodh a *tha* air an teime, a *tha* air an altair.

13 Ach nighidh e am mionach agus na cosan le h-uisge; agus bheir an sagart leis an t-iomlan, agus loisgidh e air an altair e, mar ìobairt-loisgte, tabhartas a bheirear suas le teime, a dh'fhàile cùbhraidh do'n Tighearn.

14 Agus ma's ann a dh' eòin a *bhios* a thabhartas do'n Tighearn *chum* ìobairt-loisgte, an sin bheir e a thabhartas de thurturaibh, no de cholumain òga.

15 Agus bheir an sagart e chum na h-altarach, agus snìomhaidh e a cheann deth, agus loisgidh e air an altair e; agus faisgear a mach 'fhuil air taobh na h-altarach.

16 Agus spionaidh e a gheuban as maille r'a iteagan, agus tilgidh e làmh ris an altair e, air an taobh an ear, a dh'àite na luatha.

17 Agus sgoiltidh e maille r'a sgiathaibh e, *ach* cha roinn e o' chéile e: agus loisgidh an sagart e air an altair, air an fiodh a

*tha* air an teine, mar ìobairt-loisgte, tabhartas a bheircar suas le teine, a dh'fhàile cùbhraidh do'n Tighearn.

## CAIB. II.

1 *An tabhartas-bidh de phlùr mìn maille ri h-oladh agus ri tùis.* 12 *Tabhartas ceud-thoraidh gach bliadhna.* 13 *Bheircar seachad gach tabhartas-bidh le salann.*

**A** GUS an uair a bheir neach air bith tabhartas-bidh do'n Tighearn, bithidh a thabhartas de phlùr mìn: agus dòirtidh e oladh air, agus cuiridh e tùis air:

2 Agus bheir se e gu mic Aaroin, na sagartan, agus gabhaidh e as làn a dhuirn d'a phlùr, agus d'a olaidh, maille r'a thùis uile; agus loisgidh an sagart a chuimhneachan air an altair, *gu bhì* 'n a thabhartas air a thoirt suas le teine, a dh'fhàile cùbhraidh do'n Tighearn.

3 Agus fuigheall an tabhartais-bhìdh, *is* le Aaron agus le 'mhic e: *is* ni ro naomh e de thabhartasaibh an Tighearna air an toirt suas le teine.

4 Agus ma bheir thu seachad tabhartas-bidh air a dheasachadh 's an àmhuinn, *is* breacagan neo-ghoirtichte de phlùr mìn measgta le h-olaidh a *bhios ann*, no dearnagan neo-ghoirtichte ungta le h-olaidh.

5 Agus ma's tabhartas-bidh air a dheasachadh ann an àgham a *bhios a'd* thabhartais, bithidh e de phlùr mìn neo-ghoirtichte, measgta le h-olaidh.

6 Roinnidh tu e 'n a mhìribh, agus dòirtidh tu oladh air: *is* tabhartas-bidh a 'nn.

7 Agus ma *bhios do* thabhartas 'n a thabhartas-bidh o'n àgham-ròstaidh, nithear e de phlùr mìn le h-olaidh.

8 Agus bheir thu 'n tabhartas-bidh, a nithear de na nithean so, chum an Tighearn: agus an uair a thaisbeanar do'n t-sagart e, bheir se e chum na h-altarach.

9 Agus gabhaidh an sagart as an tabhartas-bhìdh cuimhneachan dheth, agus loisgidh se e air an altair: *is* tabhartas a *th'ann* air a thoirt suas le teine, a dh'fhàile cùbhraidh do'n Tighearn.

10 Agus an ni a dh'fhàgar de'n tabhartas-bhìdh, *is* le Aaron agus le 'mhic e: *tha e* 'n a ni ro naomh de thabhartais an Tighearna air an toirt suas le teine.

11 Cha deantar tabhartas-bidh sam bith, a bheir sibh a dh'ionnsuidh an Tighearna, le taois ghoirt; oir cha loisg sibh a' bheag de taois ghoirt, no de mhill, ann an tabhartais an Tighearn' a bheircar suas le teine.

12 A thaobh tabhartais a' cheud toraidh, bheir sibh seachad e do'n Tighearn: a ch cha loisgear air an altair e chum faile cùbhraidh.

13 Agus gach tabhartas-bidh a bheir thu leat, ni thu blasda le salann: cha mhò a leigeas tu le salann còmhcheangail do Dhé 'bhi dh'easbhuidh air do thabhartas-bidh:

le d' thabhartais uile bheir thu seachad salann.

14 Agus ma bheir thu seachad tabhartas-bidh de d' cheud thoradh do'n Tighearn, bheir thu seachad mar an tabhartas-bidh de d' cheud thoradh, diasan glasa de arbh-ar cruaidhichte leis an teine, *eadhon* sìol buailte as na diasaidh ùra.

15 Agus cuiridh tu oladh air, agus leagaidh tu tùis air: *is* tabhartas-bidh e.

16 Agus loisgidh an sagart a chuimhneachan, cuid d'a arbhar buailte, agus cuid d'olaidh, maille r'a thùis uile: *is* tabhartas e a bheircar suas le teine do'n Tighearn.

## CAIB. III.

1 *An tabhartas-sith de'n bhuir, 6 de'n treud, 7 uan, 12 no gabhar, gun ghaoil.*

**A** GUS ma *bhios* a thabhartas a *chum* ìobairt tabhartasan-sith, ma's ann de'n bhuar a bheir e seachad e, ma's fionn no boirionn e, bheir e seachad e gun ghaoil an làthair an Tighearn.

2 Agus cuiridh e a làmh air ceann a thabhartais, agus marbhaidh se e aig doras pàilliuin a' choimhthionail: agus crathaidh mic Aaroin, na sagartan, an fhuil air an altair mu'n cuairt.

3 Agus bheir e seachad de ìobairt nan tabhartas-sith, tabhartas a bheircar suas le teine do'n Tighearn; an t-saill a *tha* còmh-dachadh a' mhìonaich, agus an t-saill uile a *th'air* a' mhìonach,

4 Agus an dà àra, agus an t-saill a *tha* orra, a *tha* air an loch-lein, agus an sgairt a *tha* os ceann nan àinean; maille ris na h-àirnibh, bheir e air falbh i.

5 Agus loisgidh mic Aaroin e air an altair, air an ìobairt-loisgte, a *tha* air an fhiodh a *th'air* an teine: *is* tabhartas e a bheircar suas le teine, a dh'fhàile cùbhraidh do'n Tighearn.

6 Agus ma's ann de 'n treud a bhitheas a thabhartas chum ìobairt tabhartasan-sith do'n Tighearn, fionn no boirionn; bheir e seachad e gun ghaoil.

7 Ma bheir e seachad uan mar a thabhartas, bheir e seachad e an làthair an Tighearn.

8 Agus cuiridh e a làmh air ceann a thabhartais, agus marbhaidh se e fa chomhair pàilliuin a' choimhthionail: agus crathaidh mic Aaroin 'fhuil air an altair mu'n cuairt.

9 Agus bheir e seachad cuid de ìobairt nan tabhartas-sith, mar thabhartas a bheircar suas le teine do'n Tighearn; a shaill *agus* an t-earball uile, team air a' clnàimh-dhroma bheir e air falbh e; agus an t-saill a *tha* còmh-dachadh a' mhìonaich, agus an t-saill uile a *tha* air a' mhìonach,

10 Agus an dà àra, agus an t-saill a *tha* orra, a *tha* làmh ris an loch-lein, agus an sgairt os ceann nan àinean; maille ris na h-àirnibh, bheir e air falbh i.

11 Agus loisgidh an sagart e air an altair, *is e* biadh an tabhartais a bheirear suas le teine do'n Tighearn.

12 Agus ma's gabhar a *bhitheas* 'n a thabhartas, bheir e seachad i an làthair an Tighearn.

13 Agus cuiridh e a làmh air a ceann, agus marbhaidh se i fa chomhair pàillium a' choimhthionail: agus crathaidh mic Aaroin a fuil air an altair mu'n cuairt.

14 Agus bheir e seachad dh'i a thabhartas, *eadhon* tabhartas a bheirear suas le teine do'n Tighearn; an t-saill a tha 'comhdachadh a' mhìonaich, agus an t-saill uile a tha air a' mhìonach,

15 Agus an dà àra, agus an t-saill a tha orra, a tha làimh ris an loch-léin, agus an sgairt os ceann nan àinean; maille ris na h-àirnibh, bheir e air falbh i.

16 Agus loisgidh an sagart iad air an altair: *is iad* biadh an tabhartais a bheirear suas le teine, chum faile cùbhraidh. An t-saill uile is leis an Tighearn,

17 *Bithidh e* 'n a reachd bith-bhuan do'r ginealachaidh air feadh bhur n-àiteachan-còmhuidh uile, nach ith sibh saill no fuil sam bith.

## CAIB. IV.

1 *Iobairt-pheacaidh an aineolais*, 3 *air son an t-sagairt*, 13 *air son a' choimhthionail*, 22 *air son uachdarain*, 27 *agus air son an t-sluaigh*.

**A** GUS labhair an Tighearn ri Maois, ag ràdh,

2 Labhair ri cloinn Israeil, ag ràdh, Ma pheacaicheas anam trid aineolais an aghaidh aoin sam bith a dh' àitheantaibh an Tighearn' (a *thaobh* nithean nach bu chòir a dheanamh) agus gu'n dean e *ni* an aghaidh aoin diubh;

3 Ma pheacaicheas an sagart a chaidh ungadh, a réir peacaidh an t-sluaigh; an sin thugadh e air son a pheacaidh a pheacaich e, tarbh òg gun ghaoid a dh'ionnsuidh an Tighearna chum iobairt-pheacaidh.

4 Agus bheir e an tarbh gu dorus pàillium a' choimhthionail an làthair an Tighearn'; agus cuiridh e a làmh air ceann an tairbh, agus marbhaidh e 'n tarbh an làthair an Tighearn'.

5 Agus gabhaidh an sagart a chaidh ungadh, *cuid* de fhuil an tairbh, agus bheir e i gu pàillium a' choimhthionail.

6 Agus tumaidh an sagart a mheur 's an fhuil, agus crathaidh e *cuid* de'n fhuil seachd uairean an làthair an Tighearna, fa chomhair roinn-bhrat' an *ionaid* naoimh.

7 Agus cuiridh an sagart *cuid* de'n fhuil air adhaircibh altarach na tùise cùbhraidh 'am fianuis an Tighearn', a *tha* ann am pàillium a' choimhthionail; agus doirtidh e fuil an tairbh uile aig bun altarach na h-iobairt-loisgte, a *tha aig* dorus pàillium a' choimhthionail.

8 Agus uile shaill tairbh na h-iobairt-pheacaidh bheir e air falbh uaith; an t-saill

a tha 'comhdachadh a' mhìonaich, agus an t-saill uile a *tha* air a' mhìonach,

9 Agus an dà àra, agus an t-saill a tha orra, a *tha* làimh ris an loch-léin, agus an sgairt os ceann nan àinean; maille ris na h-àirnibh bheir e air falbh i,

10 Mar a thugadh air falbh i o tharbh iobairt nan tabhartas-sith; agus loisgidh an sagart iad air altair na h-iobairt-loisgte.

11 Agus seiche an tairbh, agus 'fheoil uile, maille r'a cheann, agus maille r'a chosan, agus a n'hi nach, agus a ghaorr,

12 Eadhon an tarbh gu h-ìomlan giùlainidh e mach an taobh a muigh de'n champ gu h-ionad glan, far an dòitear a mach an luath, agus loisgidh e air an fhiodh e le teine: tar an dòitear a mach an luath, loisgear e.

13 Agus ma pheacaicheas coimhthionail Israeil uile trid aineolais, agus gu bheil an nì folaichte o shùilibh a' chomhehrunn-eachaidh, agus gu'n d'rinn iad *ni-eigin* an aghaidh aoin sam bith dh' àitheantaibh an Tighearna, a *thaobh* nithean nach bu chòir a dheanamh, agus gu bheil iad ciontach;

14 An uair a bhios am peacadh, a pheacaich iad 'n a aghaidh, aithnichte, an sin bheir an comhehrunn-eachadh seachd tarbh òg air son a' pheacaidh, agus bheir iad e fa chomhair pàillium a' choimhthionail.

15 Agus cuiridh seanairean a' choimhthionail an làmh air ceann an tairbh an làthair an Tighearna; agus marbhar an tarbh an làthair an Tighearna.

16 Agus bheir an sagart a chaidh ungadh *cuid* de fhuil an tairbh gu pàillium a' choimhthionail.

17 Agus tumaidh an sagart a mheur *ann an cuid* de'n fhuil, agus crathaidh e i seachd uairean an làthair an Tighearna, fa chomhair an roinn-bhrat.

18 Agus cuiridh e *cuid* de'n fhuil air adhaircibh na h-altarach a *tha* 'am fianuis an Tighearna, a *tha* ann am pàillium a' choimhthionail, agus doirtidh e mach an fhuil uile aig bun altarach na h-iobairt-loisgte, a *tha aig* dorus pàillium a' choimhthionail.

19 Agus bheir e air falbh a shaill uile uaith, agus loisgidh e i air an altair.

20 Agus nì e ris an tarbh mar a rian e ri tarbh na h-iobairt-pheacaidh, mar sin nì e ris: agus nì an sagart réite air an son, agus bheirear maithcanas dhoibh.

21 Agus bheir e mach an tarbh an taobh a muigh de'n champ, agus loisgidh se e mar a loisge 'n ceud tarbh: *is* iobairt-pheacaidh e air son a' chomhehrunn-eachaidh.

22 'N uair a pheacaicheas uachdarain, agus a nì e *ni-eigin* trid aineolais an aghaidh aoin sam bith dh' àitheantaibh an Tighearna a Dhé, a *thaobh* nithean nach bu chòir a dheanamh, agus gu bheil e ciontach:



23 Ma thig a pheacadh, a pheacaich e, g'a fhios; bheir e leis *mar* a thabhartas meann de na gabhraibh, *beathach* fìrionn gun ghaoid.

24 Agus cuiridh e a làmh air ceann a' mhinn, agus marbhaidh se e 's an ionad anns am marbh iad an ìobairt-loisgte ann an làthair an Tighearna: *is* ìobairt-pheacaidh e.

25 Agus gabhaidh an sagart *cuid* de fhuil na h-ìobairt-pheacaidh le 'mheur, agus cuiridh e *i* air adhaireibh altarach na h-ìobairt-loisgte, agus dòirtidh e mach a fuil aig bun altarach na h-ìobairt-loisgte.

26 Agus loisgidh e a saill uile air an altair, *mar a loisgear* saill ìobairt nan tabhartas-sith: agus ni an sagart rèite air a shon a thaobh a pheacaidh, agus maithear dha e.

27 Agus ma pheacaicheas aon neach de shluagh na dùthcha trid aincolais, an uair a tha e 'deanamh *ni-eigin an aghaidh* aoin sam bith a dh'àitheantaibh an Tighearna, *a thaobh nithean* nach bu chòir a dheanamh, agus gu bheil e ciontach:

28 Ma thig a pheacadh, a pheacaich e, g'a fhios; an sin bheir e leis *mar* a thabhartas meann de na gabhraibh, *beathach* boirionn gun ghaoid, air son a pheacaidh a pheacaidh e.

29 Agus cuiridh e a làmh air ceann na h-ìobairt-pheacaidh, agus marbhaidh e an ìobairt-pheacaidh ann an ionad na h-ìobairt-loisgte.

30 Agus gabhaidh an sagart *cuid* d'a fuil le 'mheur, agus cuiridh e *i* air adhaireibh altarach na h-ìobairt-loisgte, agus dòirtidh e mach a fuil uile aig bun na h-altarach.

31 Agus bheir e aisde a saill uile, *mar a bheirear an t-saill* a h-ìobairt nan tabhartas sith; agus loisgidh an sagart *i* air an altair, a chum faile cùbhraidh do'n Tighearna: agus ni an sagart rèite air a shon, agus bheirear maitheanas dha.

32 Agus ma bheir e leis uan *mar a thabhartas* air son peacaidh, bheir e leis *uan* boirionn gun ghaoid.

33 Agus cuiridh e a làmh air ceann an tabhartais-pheacaidh, agus marbhaidh se e *mar* ìobairt-pheacaidh 's an ionad anns am marbh iad an ìobairt-loisgte.

34 Agus gabhaidh an sagart *cuid* de fhuil na h-ìobairt-pheacaidh le 'mheur, agus cuiridh e *i* air adhaireibh altarach na h-ìobairt-loisgte, agus dòirtidh e mach a fuil uile aig bun na h-altarach.

35 Agus bheir e aisde a saill uile, *mar a bheirear air falbh saill* an uain o ìobairt nan tabhartas-sith; agus loisgidh an sagart iad air an altair, a réir nan tabhartas a bheirear suas le teine do'n Tighearna: agus ui an sagart rèite air a shon a thaobh a pheacaidh a rinn e, agus maithear dha e.

1 *A thaobh an ti a cheileas 'eòlas*, 2 *mu neach a bheanas ri ni sam bith neòghlan*, 4 *no a bheir mionnan*. 14 *An ìobairt-eusaontais air son peacaidh ann an nithibh naomha an Tighearna*, 17 *agus air son peacaidhean aineolais*.

**A**GUS ma pheacaicheas anam, agus gu'n cluinn e guth mionnachaidh, agus *gur* fianuis e, a chunnaic no is fiosrach air a' *chuis*, mur cuir e'n cèill *i*, an sin giùlainidh e a chionta:

2 No ma bheanas anam ri ni sam bith neòghlan, ma's cairbh fiadh-bheathaich neòghloin *e*, no cairbh spréidhe neòghloin, no cairbh ni neòghloin a shnáigheas, agus e an-fhiosrach air; bithidh esan *mar* an ceudna neòghlan, agus ciontach:

3 No ma bheanas e ri neòghloine duine, ge b'e air bith an neòghloine leis an sa-laichear duine, agus gu bheil e an-fhiosrach air; an uair is fios da e, an sin bithidh e ciontach:

4 No ma mhionnaicheas anam, ag ràdh le 'bhilibh gu'n dean e olc, no gu'n dean e maith, ge b'e air bith e a labhras duine le mionnaibh, agus gu bheil e an-fhiosrach air; an uair is fios da e, an sin bithidh e ciontach ann an aon diubh sin.

5 Agus tachraidh, 'n uair a bhios e ciontach a dh' aon de na *nithibh*, sin, gu'n aidich e gu'n do pheacaich e 's an *ni* sin.

6 Agus bheir e leis 'ìobairt-eusaontais a dh'ionnsuidh an Tighearna air son a pheacaidh a pheacaidh e, *beathach* boirionn o'n treud, uan, no meann o na gabhraibh, *mar* ìobairt-pheacaidh: agus ni an sagart rèite air a shon a thaobh a pheacaidh.

7 Agus mur urrainn e uan a thoirt leis, an sin bheir e leis air son a choire a rinn e, dà thurtur, no dà choluman òg, a dh'ionnsuidh an Tighearna; fear a chum ìobairt-pheacaidh, agus am fear eile chum ìobairt-loisgte.

8 Agus bheir e iad a dh'ionnsuidh an t-sagairt, agus bheir esan seachad *am fear a tha* chum na h-ìobairt-pheacaidh air tùs, agus smòmhaidh e a cheann o 'amhaich, ach cha sgar e o 'chéile *iad*.

9 Agus crathaidh e *cuid* de fhuil na h-ìobairt-pheacaidh air taobh na h-altarach, agus fàisgear a' chuid eile de'n fhuil a mach aig bun na h-altarach: *is* ìobairt-pheacaidh *i*.

10 Agus bheir e seachad an dara *eam* *mar* ìobairt-loisgte, a réir a' ghnàtha: agus ni an sagart rèite air a shon a thaobh a pheacaidh a pheacaidh e, agus maithear dha e.

11 Ach mur urrainn e dà thurtur, no dà choluman òg a thoirt leis; an sin bheir esan a pheacaidh leis mar a thabhartas an deich-eamh cuid a dh' ephah de phàr mìn, *mar* tabhartas-peacaidh: cha chuir e oladh air, ni mò a chuireas e tùis air, oir *is* tabhartas-peacaidh e.

12 An sin bheir e chum an t-sagairt e, agus gabhaidh an sagart làn a dhuirn deth,

*eadhon* cuimhneachan deth, agus loisgidh e air an altair *e*, a réir nan tabhartas a bheir-eas le teine do'n Tighearn: *is* tabhartas-peacaidh *e*.

13 Agus ní an sagart réite air a shon a thaobh a pheacaidh a pheacach e ann an aon diubh sin, agus maithear dha *e*: agus bithidh am fuigheall leis an t-sagart, mar thabhartas-bidh.

14 Agus labhair an Tighearn ri Maois, ag ràdh,

15 Ma ní anam coire, agus gu'm peacach e tríd aineolais ann an nithibh naomha an Tighearna; an sin bheir e air son a choire dh'ionnsuidh an Tighearna, reithe gun ghaoid o na treudaibh, a réir do mheas-sa le secelibh airgid, a réir sceicil an *ionaid* naomh, chum iobairt-eusaontais.

16 Agus air son an lochd a rinn e 's an ní naomha ní e coimhleasachadh, agus cuiridh e ris an cùigeanh cuid, agus bheir e do 'n t-sagart *e*: agus ní an sagart réite air a shon le reithe na h-iobairt-eusaontais, agus maithear dha *e*.

17 Agus ma pheacachas anam, agus gu'n dean e aon de na nithibh sin a thoirnisgeadh le ùitheantaibh an Tighearna 'bhi air an deanamh; ged nach b'fhios da *e*, gidheadh tha e ciontach, agus giùlainidh e aingidh-eachd.

18 Agus bheir e leis reithe gun ghaoid o'n treud, a réir do mheas-sa, chum iobairt-eusaontais, a dh'ionnsuidh an t-sagairt: agus ní an sagart réite air a shon a thaobh 'aineolais, leis an deachaidh e air seacharan agus gun fhios aig *air*; agus maithear dha *e*.

19 *Is* iobairt-eusaontais a th'ann: chiontaich e gu deimhin an aghaidh an Tighearna.

# CAIB. VI.

1 *Na h-iobairtean-eusaontais air son pheacaidhean a rinneadh le daoimibh le'm fìos.* 19 *An tabhartas a bheir-eas seachad 'n nair a dh'ungar sagart.*

**A** GUS labhair an Tighearn ri Maois, ag ràdh,

2 Ma pheacachas anam, agus gu'n dean e eusaontas an aghaidh an Tighearna, agus gu'n dean e breug d'a choimhearsnach a thaobh an ní a thugadh dha r'a ghleidheadh, no ann an companas, no thaobh an ní a thugadh air falbh le h-ainneart, no ma mheall e a choimhearsnach;

3 No ma fluair e an ní sin a chailleadh, agus gu'n d'rinn e breug uime, agus gu'n d'thug e mionnan eithich; ann an aon ní dhiubh sin uile a ní duine, a' peacachadh anna:

4 An sin tachraidh, a chionn gu'n do pheacach e, agus gu bheil e ciontach, gu'n toir e air ais an ní sin a thug e air falbh le h-ainneart, no an ní sin a fluair e gu mealltach, no an ní sin a thugadh dha r'a ghleidheadh, no a chailleadh agus a fluair e,

5 No ní sam bith m'an d'thug e mionnan

eithich; bheir e air ais e 's an iomlan, agus cuiridh e 'n cùigeanh cuid a thuilleadh ris, agus bheir e dha-san e d'am buin e, ann an là 'iobairt-eusaontais.

6 Agus bheir e leis 'iobairt-eusaontais chum an Tighearna, reithe gun ghaoid o'n treud, a réir do mheas-sa, mar iobairt-eusaontais, a dh'ionnsuidh an t-sagairt.

7 Agus ní an sagart réite air a shon an làthair an Tighearna: agus gheibh e maith-eanas a thaobh gach ní dhiubh sin uile a rinn e, a' ciontachadh anna.

8 Agus labhair an Tighearn ri Maois, ag ràdh,

9 Thoir àithne do Aaron agus d'a mhic, ag ràdh, *Is* e so lagh na h-iobairt-loisgte: *(Is* i 'n iobairt-loisgte i, air son an losgaidh air an altair air feadh na h-oidhche uile gu maduinn, agus bithidh teine na h-altarach a' losgadh innte)

10 Agus cuiridh an sagart trusgan anairt uime, agus cuiridh e briogais anairt air 'fheoil, agus togaidh e suas an luath a loisg an teine leis an iobairt-loisgte air an altair, agus cuiridh e i làmh ris an altair.

11 Agus cuiridh e a thrusgan dheth, agus cuiridh e trusgan eile uime, agus giùlainidh e 'n luath a mach an taobh a muigh de'n champ, gu h-ionad glan.

12 Agus bithidh an teine air an altair a' losgadh innte; cha chuircar as e: agus loisgidh an sagart fiodh oirre gach maduinn, agus cuiridh e an iobairt-loisgte ann an ordugh oirre, agus loisgidh e oirre saill nan iobairtean-sith.

13 Bithidh an teine a' lasadh air an altair an còmhnuidh: cha téid e idir as.

14 Agus *is* e so lagh an tabhartais-bhidh: Bheir mic Aaroin e an làthair an Tighearna, fa chomhair na h-altarach.

15 Agus gabhaidh e làn a dhuirn dheth, de phlùr an tabhartais-bhidh, agus d'a olaidh, agus an tùis uile a tha air an tabhartas-bhidh, agus loisgidh e air an altair *e*, chum faile cùbhraidh, *eadhon* cuimhneachan dheth do'n Tighearn.

16 Agus ithidh Aaron agus a mhic an fuigheall: maille ri aran neo-ghoirtichte ithear e 's an ionad naomh; ann an cùirt pàilliuin a' choimhthionail ithidh iad *e*.

17 Cha-n fhuinear e le taois ghoirt: thug mi *dhoibh* e mar an cuibhrionn de m' thabhartasaibh air an toirt suas le teine: *tha* e ro naomh, mar an iobairt-peacaidh, agus mar an iobairt-eusaontais.

18 Ithidh gach firionnach am measg chloinn Aaroin dheth: *bithidh* e 'n a reachd siorruidh air feadh bhur ginealachan thaobh tabhartasan an Tighearna air an toirt suas le teine: bithidh gach neach a bheanas riu naomh.

19 Agus labhair an Tighearn ri Maois, ag ràdh,

20 *Is* e so tabhartas Aaroin, agus a chuid



mac, a bheir iad seachad do'n Tighearn, 's an là a dh'ungar e; an deiceamh cuid de ephah de phlùr min mar thabhartas-bìdh an còmhuidh, a leth 's a' mhaduinn, agus a leth 's an fheasgar.

21 Ann an àghann nithear e le h-olaidh, agus an uair a bhitheas e fuinte, bheir thu stigh e: agus na mirean fuinte de'n tabhartas-bìdh bheir thu seachad a chum faile chùbhraidh do'n Tighearn.

22 Agus bheir an sagart d'a mhic, a dh'ungadh 'n a àite, seachad e: is reachid sìorruidh e do'n Tighearn; loisgear gu h-ìomlan e.

23 Oir loisgear gach tabhartas-bìdh air son an t-sagairt gu h-ìomlan: cha-n ithear e.

24 Agus labhair an Tighearn ri Maois, ag ràdh,

25 Labhair ri h-Aaron agus r'a mhic, ag ràdh, Is e so lagh na h-ìobairt-pheacaidh: 's an ionad anns am uarbar an ìobairt-loisgte, bithidh an ìobairt-pheacaidh air a marbhadh 'am fianuis an Tighearna: tha i ro naomh.

26 Ithidh an sagart i, a bheir seachad i air son peacaidh: anns an ionad uaomh ithear i, ann an cùirt pàilliuin a' choimhthionail.

27 Ge b'e ni a bheanas r'a feoil, bithidh e naomh; agus an uair a chrathar a' bheag d'a fuil air eudach sam bith, nighidh tu an ni air au do chrathadh i anns an ionad naomh.

28 Agus bithidh an soitheach creadh anns an do bhrùicheadh i air a bhriseadh; ach ma bhrùicheadh i ann an coireadh umha, glanar agus nighear e anu an uisge.

29 Ithidh na frionnaich uile am measg nan sagart dhith: tha i ro naomh.

30 Ach cha-n ithear ìobairt pheacaidh sam bith, d'an d'thugadh a' bheag de'n fhuil a steach do phàilliuin a' choimhthionail, a dheanamh rèite 's an ionad naomh: loisgear 's an teine i.

## CAIB. VII.

1 Lagh na h-ìobairt-eusaontais, 11 agus lagh ìobairt' nan tabhartas-sith. 22 An t-saill, 26 agus an fhuil air an toirmeasg.

**A**GUS is e so lagh na h-ìobairt-eusaontais: tha i ro naomh.

2 Anns an ionad 's am marbh iad an ìobairt-loisgte, marbhaidh iad an ìobairt-eusaontais: agus crathaidh e a fuil air an altair mu'n cuairt.

3 Agus bheir e seachad dhith a saill uile; an t-carbàll, agus an t-saill a tha 'còmh-dachadh a' mhìonaich,

4 Agus an dà àra, agus an t-saill a tha orra, a tha làimh ris an loch-léin, agus an scairt a tha os ceann nan àinean; maille ris na h-àirnibh, bheir e air falbh i.

5 Agus loisgidh an sagart iad air an altair, mar thabhartas a bheirear suas le teine do'n Tighearn: is ìobairt-eusaontais i.

6 Ithidh gach fir-ionnach am measg nan sagart dhith: 's an ionad naomh ithear i; tha i ro naomh.

7 Mar an ìobairt-pheacaidh, is amhuil sin an ìobairt-eusaontais: is aon lagh dhoibh: leis an t-sagart a ni rèite leatha, bithidh i.

8 Agus an sagart a bheir seachad ìobairt-loisgte duine sam bith, is leis an t-sagart so croicinn na h-ìobairt-loisgte a thug e seachad.

9 Agus buinidh an tabhartas-bìdh uile a dh'fhuinear ann an àmhuinn, agus gach ni a dheasaichear ann an àghann-ròstaidh, agus ann am mèis, do'n t-sagart a bheir seachad e.

10 Agus bithidh gach tabhartas-bìdh measgta le h-olaidh agus tioram, le mic Aaron uile, leis gach aon uiread r'a chèile.

11 Agus is e so lagh ìobairt' nan tabhartas-sith, a bheir e seachad do'n Tighearn:

12 Ma's ann mar bhrèith-buidheachais a bheir e seachad i, an sin bheir e seachad maille ris an ìobairt-bhuidheachais breacagan neo-ghoirtichte measgta le h-olaidh, agus dearnagan neo-ghoirtichte ungta le h-olaidh, agus breacagan measgta le h-olaidh, de phlùr min, air a ròstadh.

13 A thuilleadh air na breacagaibh, bheir e seachad mar a thabhartas, aran goirtichte, maille ri ìobairt-buidheachais a thabhartas-sith.

14 Agus dh'i sin bheir e seachad aon as an tabhartas ìomlan, mar thabhartas-togta do'n Tighearn, agus bithidh e leis an t-sagart a chrathas fuil nan tabhartas-sith.

15 Agus ithear feoil ìobairt a thabhartas-sith air son breith-buidheachais, 's an là sin féin anns an toirreair seachad i; cha-n fhàg e 'bheag dhith gu maduinn.

16 Ach ma's bòid no tabhartas deònach ìobairt a thabhartais, 's an là sin féin anns an toir e seachad ìobairt, ithear i; agus air an là màireach mar an ceudna ithear a fuighcall.

17 Ach loisgear le teine fuighcall feòla na h-ìobairt' air an treas là.

18 Agus ma dh'ithear idir a bheag de fheoil ìobairt a thabhartas-sith air an treas là, cha ghabhar i, ni mò a nìcasar i dha-san a bheir seachad i: bithidh i 'na gràineileachd, agus an t-anam a dh'itheas dhith giùlainidh e 'aingidheachd.

19 Agus an fheoil a bheanas ri ni sam bith neòghlan, cha-n ithear i; loisgear i le teine: agus a thaobh na feòla, gach neach a bhitheas glan, ithidh e dhith.

20 Ach an t-anam a dh'itheas de fheoil ìobairt' nan tabhartas-sith, a bhuineas do'n Tighearn, agus a neòghloine air, gearrar cadhon an t-anam sin as o 'shluagh.

21 Agus an t-anam a bheanas ri ni sam bith neòghlan, ri neòghloine duine, no ri ainmhidh neòghlan, no ri gràineileachd neòghloin sam bith, agus a dh'itheas de



## LEBHITICUS, VIII.

fheoil iobairt nan tabhartas sìth a *bhuineas* do'n Tighearn, gearrar eadhon an t-anam sin as o 'shluagh.

22 Agus labhair an Tighearn ri Maois, ag ràdh,

23 Labhair ri cloinn Israeil, ag ràdh, Saill air bith daimh, no caorach, no gaibhre, cha-n ith sibh.

24 Agus feudar saill ainmhidh a gheibh bàs leis féin, agus saill an ainmhidh sin a reubar le fiadh-bheathaichibh, a ghnàthachadh gu feum sam bith eile; ach cha-n ith sibh idir dhith:

25 Oir ge b'e dh'itheas saill o'n ainmhidh sin d'an toir daoine seachad iobairt a loisgear le teine do'n Tighearn, gearrar eadhon an t-anam sin a dh'itheas *dhith* as o 'shluagh.

26 Agus cha-n ith sibh gnè sam bith fola, ma's ann a dh'eoine no dh' ainmhidh, ann an aon air bith d'ur n-àiteachaibh-còmh-nuidh.

27 Gach anam a dh'itheas gnè sam bith fola, gearrar eadhon an t-anam sin as o 'shluagh.

28 Agus labhair an Tighearn ri Maois, ag ràdh,

29 Labhair ri cloinn Israeil, ag ràdh, Esan a bheir seachad iobairt a thabhartasan-sìth do'n Tighearn, bheir e leis a thabhartas a dh'ionnsuidh an Tighearna, de iobairt a thabhartasan-sìth.

30 Bheir a làmhnan féin leo tabhartasan an Tighearna a bheirear suas le teine; an t-saill maille ris an uchd, so bheir e leis, a chum gu'n luaisgear an t-uchd *mar* thabhartas-luaisgte an làthair an Tighearna.

31 Agus loisgidh an sagart an t-saill air an altair: ach bithidh an t-uchd le Aaron agus le 'mhic.

32 Agus an slinnean deas bheir sibh do'n t-sagart *mar* thabhartas-togta, de iobairtibh bhur tabhartasan-sìth.

33 Aige-san de mhic Aaroin a bheir suas fuil nan tabhartas-sìth, agus an t-saill, bithidh an slinnean deas *mar a* chuibhrionn.

34 Oir ghabh mi an t-uchd luaisgte agus an slinnean togta o chloinn Israeil, de iobairtibh an tabhartasan-sìth, agus thug mi iad do Aaron an sagart, agus d'a mhic, le reachd sìorruidh o mheasg chloinn' Israeil.

35 Is e so *cuibhrionn* ungaidh Aaroin, agus ungaidha chuid mac, de thabhartasaibh an Tighearna a bheirear suas le teine, 's an là anns an d'thug e a làthair iad a fhrithealadh do'n Tighearn ann an dreuchd an t-sagairt;

36 A dh'àithn an Tighearn a thoirt dhoibh o chloinn Israeil, 's an là anns an d'ung e iad, le reachd sìorruidh air feadh an ginealachan.

37 Is e so lagh na h-iobairt-loisgte, an tabhartais bhidh, agus na h-iobairt-pheacaidh, agus na h-iobairt-eusaontais, agus nan

coisreagadh, agus iobairt nan tabhartas-sìth,

38 A dh'àithn an Tighearn do Mhaois ann an sliabh Shinaì, 's an là anns an d'àithn e do chloinn Israeil an tabhartasan a thoirt seachad do'n Tighearn, anu am fasach Shinaì.

## CAIB. VIII.

1 *Choisrig Maois Aaron agus a mhic.* 14 *An iobairt-pheacaidh.* 18 *An iobairt-loisgte.* 22 *Reithe a' choisreagaidh.* 31 *Aile agus àm an coisreagaidh.*

**A** GUS labhair an Tighearn ri Maois, ag ràdh,

2 Thoir leat Aaron agus a mhic maille ris, agus an trusgan *naomh*, agus an oladh-ungaidh, agus tarbh mar an iobairt-pheacaidh, agus dà reithe, agus bascaid de aran neo-ghoirtichte.

3 Agus cruinnich an coimhthional uile 'an ceann a chèile gu dorus pàilliuin a' choimhthional.

4 Agus rinn Maois mar a dh'àithn an Tighearn dha; agus chruinnicheadh an coimhthional r'a chèile gu dorus pàilliuin a' choimhthional.

5 Agus thubhairt Maois ris a' choimhthional, *Is* e so an ni a dh'àithn an Tighearn a dheanamh.

6 Agus thug Maois Aaron agus a mhic leis, agus dh'ionnlaid e iad le h-uisge.

7 Agus chuir e air an còta, agus chrìoslaich se e leis a' chrìos, agus dh'eudaich se e leis an fhalluin, agus chuir e 'n ephod air, agus chrìoslaich se e le crìos riomlach na h-ephod, agus cheangail e ris *i* leis.

8 Agus chuir e 'n uchd-éididh air; agus chuir e anns an uchd-éididh an Urim agus an Tumim.

9 Agus chuir e 'n crùn-sagairt air a cheann; mar an ceudna air a' chrùn sagairt, *eadhon* air a' chuid-beoil deth chuir e 'n leac òir, an crùn naomh, mar a dh'àithn an Tighearn do Mhaois.

10 Agus ghabh Maois an oladh-ungaidh, agus dh'ung e 'm pàilliuin, agus gach *ni* a *bha* ann, agus naomhaich e iad.

11 Agus chrath e *cuid* dhith air an altair seachd uairean, agus dh'ung e 'n altair, agus a soithichean uile, araon an soitheach-ionnlaid agus a chos, a chum an naomhachadh.

12 Agus dhòirt e de'n oladh-ungaidh air ceann Aaroin, agus dh'ung se e, chum a naomhachadh.

13 Agus thug Maois mic Aaroin leis, agus chuir e còtaichean orra, agus chrìoslaich e iad le crìosaibh, agus chuir e boineidean orra, mar a dh'àithn an Tighearn do Mhaois.

14 Agus thug e leis an tarbh air son na h-iobairt-pheacaidh, agus chuir Aaron agus a mhic an làmh air ceann an tairbh air son na h-iobairt-pheacaidh.

15 Agus mharbh se *e*; agus ghabh Maois an fhuil, agus chuir e *i* air adhaircibh na h-altarach mu'n cuairt le m'heur, agus ghlan e 'n altair; agus dhòirt e 'n fhuil aig bun na h-altarach, agus naomhaich e i, a dhcanamh réite oirre.

16 Agus ghabh e 'n ìgh uile a *bha* air a' mhionach, agus an scairt os ceann nan àinean, agus an dà àra, agus an ìgh; agus loisg Maois iad air an altair.

17 Ach an tarbh agus a sheiche, agus f'heoil, agus 'aolach, loisg e le teine an taobh a muigh de'n champ, mar a dh'àithn an Tighearn do Mhaois.

18 Agus thug e leis an reithe air son na h-ìobairt-loisgte: agus chuir Aaron agus a mhic an làmhan air ceann an reithe.

19 Agus mharbh se *e*; agus chrath Maois an fhuil air an altair mu'n cuairt.

20 Agus ghearr e 'n reithe 'n a mhìribh; agus loisg Maois an ceann, agus na mìrean, agus an t-saill.

21 Agus nìgh e am mionach agus na cosan ann an uisge; agus loisg Maois an reithe uile air an altair: b'ìobairt-loisgte e, chum fàile chùbhraidh: tabhartas air a thoirt suas le teine do'n Tighearn, mar a dh'àithn an Tighearn do Mhaois.

22 Agus thug e leis an reithe eile, reithe a' choisreagaidh: agus chuir Aaron agus a mhic an làmhan air ceann an reithe.

23 Agus mharbh se *e*; agus ghabh Maois cuid d'a fhuil, agus chuir e *i* air bàrr cluaise deise Aaroin, agus air ordaig a làimhe deise, agus air ordaig a choisre deise.

24 Agus thug e leis mic Aaroin, agus chuir Maois cuid de'n fhuil air bàrr an cluaise deise, agus air ordaig an làimhe deise, agus air ordaig an coise deise: agus chrath Maois an fhuil air an altair mu'n cuairt.

25 Agus ghabh e 'n t-saill, agus an t-carball, agus an ìgh uile a *bha* air a' mhionach, agus an scairt os ceann nan àinean, agus an dà àra agus an ìgh, agus an slinnean deas.

26 Agus á bascaid an arain neo-gh'vìrtichte, a *bha* an làthair an Tighearna, ghabh e aon bhreacag neo-ghoirtichte, agus aon bhreacag de aran le h-olaidh, agus aon dearnagan, agus chuir e iad air an t-saill, agus air an t-slinnean deas:

27 Agus chuir e 'n t-ìomlan air làmhan Aaroin, agus air làmhan a chuid mac, agus luaisg e iad mar thabhartas-luaisgte an làthair an Tighearna.

28 Agus ghabh Maois iad bhàrr an làmh, agus loisg e iad air an altair os ceann na h-ìobairt-loisgte; bu tabhartas-coisreagaidh iad a chum fàile chùbhraidh; tabhartas air a thoirt suas le teine do'n Tighearn.

29 Agus ghabh Maois an t-uchd, agus luaisg se e mar thabhartas-luaisgte an làthair an Tighearna: b'e cuibhrionn Mhaois

e de reithe a' choisreagaidh; mar a dh'àithn an Tighearn do Mhaois.

30 Agus ghabh Maois cuid de'n oladhungaidh, agus de'n fhuil a *bha* air an altair, agus chrath e air Aaron i; air eudach, agus air a mhic, agus air eudach a mhac maille ris: agus naomhaich e Aaron, agus eudach, agus a mhic, agus eudach a mhac maille ris.

31 Agus thubhairt Maois ri h-Aaron, agus r'a mhic, Bruichibh an fheoil aig dorus pàilliuin a' choimhthionail, agus ann an sin ithibh i leis an aran a *tha* ann am bascaid a' choisreagaidh, mar a dh'àithn mise, ag ràdh, Ithidh Aaron agus a mhic i.

32 Agus an ni sin a dh'fhàgar de'n fheoil agus de'n aran, loisgidh sibh le teine.

33 Agus air dorus pàilliuin a' choimhthionail cha téid sibh a mach rè sheachd làithean, gus am bi làithean bhur coisreagaidh air an crìochnachadh: oir rè sheachd làithean coisrigidh e sibh.

34 Mar a rinn e 'n diugh, mar sin dh'àithn an Tighearna a bhideanta, a dheanamh réite air bhur son.

35 Uime sin aig dorus pàilliuin a' choimhthionail fanaidh sibh a là agus a dh'oidhe, rè sheachd làithean, agus coimhidh sibh ordugh an Tighearna, chum nach faigh sibh bàs: oir is ann mar sin a thugadh àithne dhomhsa.

36 Agus rinn Aaron agus a mhic na h-uile nithean a dh'àithn an Tighearn le làimh Mhaois.

## CAIB. IX.

1, 8 *Ìobairt-pheacaidh agus ìobairt-loisgte Aaroin air a shon fèin, agus air son an t-sluaigh. 23 An sluagh air am beannachadh. 24 Thàinig teine mach o'n Tighearn air an altair.*

**A**GUS air an ochdamh là ghairm Maois air Aaron agus air a mhic, agus air seanairibh Israeil;

2 Agus thubhairt e ri h-Aaron, Gabh dhuit fèin laogh òg chum ìobairt-pheacaidh, agus reithe chum ìobairt-loisgte, gun ghaid, agus thoir seachad iad an làthair an Tighearna.

3 Agus labhraidh tu ri cloinn Israeil ag ràdh, Gabhaibhse meann de na gabhraidh chum ìobairt-pheacaidh; agus laogh, agus uan, le *chèile* de'n cheud bhliadhna, gun ghaid, a chum ìobairt-loisgte;

4 Mar an ceudna tarbh agus reithe, mar thabhartasan-sith, a chum an ìobradh an làthair an Tighearna; agus tabhartas-bidh measgta le h-olaidh: oir an diugh foillsichidh an Tighearn e fèin dhuibh.

5 Agus thug iad an *ni sin* a dh'àithn Maois gu beulaobh pàilliuin a' choimhthionail: agus thàinig an coimhthional uile am fagus, agus sheas iad an làthair an Tighearna.

6 Agus thubhairt Maois, *Is e so an ni a*



## LEBHITICUS, X.

dh'àithn an Tighearn gu'n deanadh sibh; agus foillsichear glòir an Tighearna dhuibh.

7 Agus thubhairt Maois ri h-Aaron, Imich a dh'ionnsuidh na h-altarach, agus iobair d'ìobairt-pheacaidh, agus d'ìobairt-loisgte, agus dean rèite air do shon féin, agus air son an t-sluaigh: agus thoir suas tabhartas an t-sluaigh, agus dean rèite air an son, mar a dh'àithn an Tighearn.

8 Chaidh Aaron uime sin a dh'ionnsuidh na h-altarach, agus mharbh e laogh na h-ìobairt-pheacaidh, a *bha* air a shon féin.

9 Agus thug mic Aaron an fhuil d'a ionnsuidh; agus thum e a mheur 's an fhuil, agus chuir e air adhaircibh na h-altarach *i*, agus dhòirt e mach an fhuil aig bun na h-altarach.

10 Ach an t-saill agus na h-àirnean, agus an scairt os ceann àinean na h-ìobairt-pheacaidh, loisg e air an altair, mar a dh'àithn an Tighearn do Mhaois.

11 Agus an fheoil agus an t-seiche loisg e le teine, an taobh a muigh de'n champ.

12 Agus mharbh e 'n ìobairt-loisgte; agus thug mic Aaron an fhuil d'a ionnsuidh, agus chrath e i air an altair mu'n cuairt.

13 Agus thug iad an ìobairt-loisgte d'a ionnsuidh, maille r'a mìribh, agus an ceann; agus loisg e *iad* air an altair.

14 Agus nigh e am mionach agus na cosan, agus loisg e *iad* air an ìobairt-loisgte air an altair.

15 Agus thug e leis tabhartas an t-sluaigh, agus ghabh e meann na h-ìobairt-pheacaidh a *bha* air son an t-sluaigh, agus mharbh se e, agus thug e suas e air son peacaidh, mar a' cheud ìobairt.

16 Agus thug e leis an ìobairt-loisgte, agus dh'ìobair e i do rèir a' ghnàtha.

17 Agus thug e leis an tabhartas-bìdh, agus lion e a dhòrn as, agus loisg e air an altair *e*, a thuilleadh air ìobairt-loisgte na maidne.

18 Mharbh e mar an ceudna an tarbh, agus an reithe, mar ìobairt nan tabhartasan-sìth, a *bha* air son an t-sluaigh; agus thug mic Aaron d'a ionnsuidh an fhuil, agus chrath e i air an altair mu'n cuairt.

19 Agus saill an tairbh, agus earball an reithe, agus an *nì* sin a tha 'comhdachadh a' *mhìonaich*, agus na h-àirnean, agus an scairt os ceann nan àinean.

20 Agus chuir iad an t-saill air na h-uchd-aibh, agus loisg e 'n t-saill air an altair.

21 Agus na h-uchdan agus an slinnean deas luaisg Aaron mar thabhartas-luaisgte an làthair an Tighearna, mar a dh'àithn Maois.

22 Agus thog Aaron suas a làmhnan chum an t-sluaigh, agus bheannaich e iad; agus thàinig e nuas o ìobradh na h-ìobairt-pheacaidh, agus na h-ìobairt-loisgte, agus nan ìobairtean-sìth.

23 Agus chaidh Maois agus Aaron a steach

do phàillium a' choimhthionail, agus thàinig iad a mach, agus bheannaich iad an sluagh: agus dh'fhoillsichadh glòir an Tighearna do'n t-sluaigh uile.

24 Agus thàinig teine a mach o làthair an Tighearna, agus loisg e air an altair an ìobairt-loisgte, agus an t-saill: agus chunnaic an sluagh uile *e*, agus rinn iad iolach, agus thuit iad air an aghaidh.

### CAIB. X.

1 *Nadab agus Abihu air an losgadh.* 8 *Fìon air a thoirmear do na sagartan an uair a rachadh iad a steach do bhàth a' choimhthionail, &c.*

**A** GUS ghabh Nadab agus Abihu, mic Aaron, gach fear diubh a thùiseir, agus chuir iad teine ann, agus chuir iad tùis air, agus thug iad suas 'am fianuis an Tighearna teine coimheach, nach d'àithn e dhoibh.

2 Agus chaidh teine mach o làthair an Tighearna, agus loisg e suas iad, agus fhuair iad bàs an làthair an Tighearna.

3 An sin thubhairt Maois ri h-Aaron, *Is e so an nì* a labhair an Tighearn, ag ràdh, Annta-san a thig am fagus dhomh naomhaichear mise, agus an làthair an t-sluaigh uile glòraichear mi. Agus dh'fhan Aaron 'n a thosd.

4 Agus ghairm Maois air Misael agus air Elsapahan, mic Udsiel, bràthar athar Aaron, agus thubhairt e riu, Thigibh am fagus, giùlainibh bhur bràithrean o fhianuis an *ionaid* naomh a mach as a' champ.

5 Agus chaidh iad am fagus, agus ghiùlain iad 'n an còtaichibh iad a mach as a' champ, mar a thubhairt Maois.

6 Agus thubhairt Maois ri h-Aaron, agus ri h-Eleasar, agus ri h-Itamar, a mhic, Na rùisgibh bhur cinn, agus na reubaibh bhur n-eudach, air eagal gu'm faigh sibh bàs, agus air cagal gu'n tig fearg air an t-sluaigh uile; ach deanadh bhur bràithrean, tigh Israeil uile, tuireadh air son an losgaidh a las an Tighearn.

7 Agus cha téid sibh a mach air dorus pàillium a' choimhthionail, air eagal gu'm faigh sibh bàs: oir *tha* oladh-ungaidh an Tighearna oirbh. Agus rinn iad a réir focail Mhaois.

8 Agus labhair an Tighearn ri h-Aaron, ag ràdh,

9 Na h-òl fìon no deoch làidir, thu féin, no do mhic maille riut, an uair a théid sibh a steach do phàillium a' choimhthionail, air eagal gu'm faigh sibh bàs: *bithidh e 'n a reachd* bith-bhuan air feadh bhur ginealach;

10 Agus a chum gu'n cuir sibh eadar-dhealachadh eadar naomh agus mì-naomh, agus eadar neòghlan agus glan;

11 Agus a chum gu'n teagaisg sibh do chloinn Israeil na h-ordnighean uile a labhair an Tighearn riu le làmh Mhaois.

12 Agus labhair Maois ri h-Aaron, agus ri h-Eleasar, agus ri h-Itamar, a mhic a



dh'fhan *beò*, Gabhaibh an tabhartas-bidh a dh'fhàgadh de thabhartasaibh an Tighearna air an toirt suas le teine, agus ithibh e gun ghoirteachadh laimh ris an altair; oir *tha* e ro naomha.

13 Agus ithidh sibh e 's an ionad naomh, a chionn *gur* e do dhlighe e, agus dlighe do mhaic, de thabhartasaibh an Tighearna air an toirt suas le teine: oir is ann mar sin a dh'aitheadh dhomhsa.

14 Agus an t-uchd luaisgte agus an slinnean togtà ithidh sibh ann an ionad glan; thu féin, agus do mhaic, agus do nigheanan, maille riut: oir is iad do dhlighe iad, agus dlighe do mhaic, a thugadh dhoibh á iobairtibh tabhartasan-sith chloinn' Israeil.

15 An slinnean togtà, agus an t-uchd luaisgte, maille ris na tabhartasaibh air an toirt suas le teine de'n t-saill, bheir iad leogus a luasgadh mar thabhartas-luaisgte an làthair an Tighearna; agus is leats' e, agus le d' mhaic maille riut, le reachd bith-bhuan, mar a dh'aithn an Tighearna.

16 Agus dh'iarr Maois gu dìchiollach meann na h-ìobairt-pheacaidh, agus, feuch, loisgeadh e: agus bha fearg aige ri h-Eleasar agus ri h-Itamar, mic Aaroin, a dh'fhàgadh *beò*, ag ràdh.

17 C'ar son nach d'ith sibh an ìobairt-pheacaidh 's an ionad naomh, do bhrìgh gu bheil i ro naomh. agus thug *Dia* dhuibh i a ghiùlan aingidheachd a' choimhthionail, a dheanamh rèite air an son 'am fianuis an Tighearna?

18 Feuch, cha d'thugadh a fuil a steach an taobh a stigh de'n ionad naomh: bu chòir dhuibh gu deimhin a h-ithheadh 's an ionad naomh, mar a dh'aithn mise.

19 Agus thubhairt Aaron ri Maois, Feuch, an diugh thug iad suas an ìobairt-pheacaidh, agus an ìobairt-loisgte, an làthair an Tighearna; agus thachair an leithidean sin de nithibh dhomhsa; agus nam bithinn air itheadh na h-ìobairt-pheacaidh an diugh, an gabhadh rithe an làthair an Tighearna?

20 Agus an uair a chuala Maois sin, bha e toilichte.

## CAIB. XI.

1, 4 *Mu bheathaichibh glana. 13 agus mu bheathaichibh neòghlan.*

**A**GUS labhair an Tighearna ri Maois, agus ri h-Aaron, ag ràdh ri,

2 Labhraidh ri cloinn Israeil, ag ràdh, *Is iad* so na beathaichean a dh'itheas sibh de na h-uile ainmhidhean a *tha* air an talamh.

3 Gach aon a roinneas an ionga, agus, a sgoilteas an ladhar, agus a' chnàmhas a' chìr, am measg nan ainmhidhean, sin ithidh sibh.

4 Ach iad so cha-n ith sibh, dhiubhsan a chnàmhas a' chìr, no dhiubhsan a roinneas an ionga: *mar* an camhal, a chionn ged a chnàmh e a' chìr, nach roinn e an ionga; neòghlan *tha* e dhuibh.

5 Agus an coinean, a chionn ged a chnàmh e a' chìr, nach roinn e an ionga; neòghlan *tha* e dhuibh.

6 Agus a' mhaigheach, a chionn ged a chnàmh i a' chìr, nach roinn i an ionga; neòghlan *tha* i dhuibh.

7 Agus a' mhuc, a chionn ged a roinn i an ionga, agus ged a sgoilt i an ladhar, gidheadh nach cnàmh i a' chìr; neòghlan *tha* i dhuibh.

8 D'am feoil cha-n ith sibh, agus r'an cairbh cha bhean sibh; neòghlan *tha* iad dhuibh.

9 Iad so ithidh sibh, dhiubhsan uile a *tha* 's na h-uisgeachaibh: gach *ni* air am bheil itean agus lannan anns na h-uisgeachaibh, anns na cuantaibh, agus anns na h-aimhnicibh, iad sin ithidh sibh.

10 Agus gach *ni* air nach 'eil itean no lannan anns na cuantaibh, agus anns na h-aimhnicibh, de gach *ni* a ghluaiseas 's na h-uisgeachaibh, agus de gach *ni* beò, a *tha* 's na h-uisgeachaibh; 'n an gràineileachd *bithidh* iad dhuibh:

11 Eadhon 'n an gràineileachd bithidh iad dhuibh: d'am feoil cha-n ith sibh, agus d'an cairbh gabhaidh sibh gràin.

12 Gach *ni* air nach 'eil itean no lannan anns na h-uisgeachaibh, 'n a ghràineileachd *bithidh* sin dhuibh.

13 Agus dhiubh so gabhaidh sibh gràin am measg nan eun; cha-n ithear iad, 'n an gràineileachd *tha* iad: an iolair, agus an cnàimh-bhristeach, agus an iolar-uisge,

14 Agus am fang, agus an clamban a réir a ghnè;

15 Gach fitheach a réir a ghnè;

16 Agus a' chailleach-oidhche, agus an t-seabhag-oidhche, agus a chuach, agus an t-seabhag a réir a gnè,

17 Agus a' chailleach-oidhche bheag, agus an scarbh, agus a' chailleach-oidhche mhòr,

18 Agus an eala, agus am pelican, agus an iolair-fhionn,

19 Agus a' chorra-bhàn, agus a' chorra-ghlas a réir a gnè, agus an t-adharc-an-luachrach, agus an ialtag.

20 *Bithidh* gach *ni* snàigeach a dh'itealaicheas, agus a dh'imicheas air cheithir chosan, 'n a ghràineileachd dhuibh.

21 Ach iad so feudaidh sibh itheadh, de gach *ni* snàigeach a dh'itealaicheas, agus a dh'imicheas air cheithir chosan, aig am bheil luirghean os ceann a throidhean, gu leum leo air an talamh.

22 Eadhon iad so dhiubh feudaidh sibh itheadh: an locust a réir a ghnè, agus an locust maol a réir a ghnè, agus an daol a' réir a ghnè, agus an leunnach-uaine a réir a ghnè.

23 Ach *bithidh* gach *ni* eile snàigeach a dh'itealaicheas, aig am bheil ceithir chosan, 'n a ghràineileachd dhuibh.

24 Agus air an son sin bithidh sibh neò-

ghlan: gach neach a bheanas r'an cairbh, bithidh e neòghlan gu feasgar.

25 Agus ge b'e air bith a ghiùlaineas *a' bheag* d'an cairbh, nighidh e 'eudach, agus bithidh e neòghlan gu feasgar.

26 Bithidh *cairbh* gach ainmhidh a roinneas an ionga, agus nach sgoilt an ladhar, agus nach cnàmh a' chùir, neòghlan dhuibh: gach neach a bheanas riu, bithidh e neòghlan.

27 Agus ge b'e air bith a dh'imicheas air a mhàgaibh, am measg nan uile bheathaichean a dh'imicheas air cheithir *chosan*, bithidh e neòghlan dhuibh; gach neach a bheanas r'an cairbh, bithidh e neòghlan gu feasgar.

28 Agus easan a ghiùlaineas an cairbh, nighidh e 'eudach, agus bithidh e neòghlan gu feasgar; neòghlan *tha* iad dhuibh.

29 Agus *bithidh* iad so neòghlan dhuibh am measg nan nithean snàigeach a shnàigeas air an talamh: an neas, agus an luch, agus an crocodeil a réir a ghnè,

30 Agus am firead, agus an cameleon, agus an dearc-luachrach, agus an t-seilcheag, agus am famh.

31 *Tha* iad sin neòghlan dhuibh 'n am measg nan uile a shnàigeas: gach neach a bheanas riu, 'n uair a bhios iad marbh, bithidh e neòghlan gu feasgar.

32 Agus gach ni air an tuit a *h-aon* diubh, 'n uair a bhios e marbh, bithidh e neòghlan; co diubh is soitheach fiodha sam bith e, no eudach, no croicinn, no sac: feumaidh gach soitheach anns an deanar obair sam bith, a bhi air a chur ann an uisge, agus bithidh e neòghlan gu feasgar; an sin bithidh e glan.

33 Agus a *thaobh* gach soitich creadha, anns an tuit a *h-aon* diubh, bithidh gach ni a *tha* ann neòghlan; agus brisidh sibh e.

34 De gach uile bhiadh a dh'ithear, bithidh *am biadh sin* air an tig uisge, neòghlan; agus bithidh gach deoch a dh'òlar ann an soitheach sam bith, neòghlan.

35 Agus bithidh gach *ni* air an tuit a' *bheag* d'an cairbh, neòghlan; *ma's* àmhuinn e, no coireachan, brisear sìos iad: neòghlan *tha* iad, agus neòghlan bithidh iad dhuibh.

36 Gidheadh bithidh fuaran no tobar *anns am bi* pailteas uisge, glan: ach bithidh an ni sin a bheanas r'an cairbh, neòghlan.

37 Agus ma thuiteas a' *bheag* d'an cairbh air sìol-cuir sam bith, a bhios r'a chur, *bithidh e* glan.

38 Ach ma chuirear uisge *sam bith* air an t-sìol, agus gu'n tuit a' *bheag* d'an cairbh air, neòghlan *bithidh e* dhuibh.

39 Agus ma bhàsaicheas ainmhidh sam bith d'am feud sibh itheadh, bithidh esan a bheanas r'a chairbh neòghlan gu feasgar.

40 Agus esan a dh'itheas d'a chairbh, nighidh e 'eudach, agus bithidh e neòghlan gu feasgar: esan mar an cùdnà a ghiù-

laincas a chairbh, nighidh e 'eudach, agus bithidh e neòghlan gu feasgar.

41 Agus *bithidh* gach ni snàigeach a shnàigeas air an talamh, 'n a ghràineileachd: cha-n ithear e.

42 Gach ni a dh'imicheas air a' bhroinn, agus gach ni a dh'imicheas air cheithir *chosan*, no ge b'e air bith aig am bheil tuilleadh *chosan* am measg nan uile nithean snàigeach a shnàigeas a.r an talamh; cha-n ith sibh iad, oir *is* gràineileachd iad.

43 Cha dean sibh sibh féin gràineil le ni snàigeach sam bith a shnàigeas, cha mhò 'ni sibh sibh féin neòghlan leo, air chor is gu'n truaillear sibh leo.

44 Oir *is* mise an Tighearn bhur Dia: naomhaichidh sibh air an aobhar sin sibh féin, agus bithidh sibh naomha; oir *tha* mise naomh: agus cha truail sibh sibh féin le ni snàigeach sam bith a shnàigeas air an talamh.

45 Oir *is* mise an Tighearn a thug sibhse a mach á tir na h-Eiphit, gu bhi 'a m' Dhia agaibh: bithidh sibhse uime sin naomha, oir *tha* mise naomh.

46 *Is e* so lagh nan ainmhidh, agus nan eunlaith, agus gach dhùile bheò a ghluaiseas anns na h-uisgeachan, agus gach dùil' a shnàigeas air an talamh:

47 A chur dealachaidh eadar an neòghlan agus an glan, agus eadar am beathach a dh'fheudar itheadh, agus am beathach nach feudar itheadh.

## CAIB. XII.

1 *Mu neòghloine bhan an dèigh breith cloinne, 6 agus an iobairtean.*

**A** GUS labhair an Tighearn ri Maois, ag ràdh,

2 Labhair ri cloinn Israeil, ag ràdh, Ma dh'fhàsas bean torrach, agus gu'm beir i mac, an sin bithidh i neòghlan seachd làithean; a réir làithean a dealachaidh air son a h-annhuinneachd bithidh i neòghlan.

3 Agus air an ochdamh là timchioll-ghearrar feoil a roimh-chroicinn.

4 Agus fanaidh i an sin trì làithean deug 'ar fhichead ann am fuil a glanaidh: cha bhean i ri ni naomh sam bith, agus cha tig i steach do'n ionad naomh, gus an coimhlonar làithean a glanaidh.

5 Ach ma bheireas i leanabh nighinn, an sin bithidh i neòghlan dà sheachdain, mar 'n a dealachadh: agus fanaidh i ann am fuil a glanaidh trì fichead agus sè làithean.

6 Agus an uair a choimhlonar làithean a glanaidh air son mic, no air son nighinn, bheir i uan de'n cheud bhliadhna chum iobairt-loisgte, agus column òg, no *eun* turtuir chum iobairt-pheacaidh, gu dorus pàilluin a' choimhthionail, a dh'ionnsuidh an t-sagairt:

7 Agus bheir e scachad e an làthair an Tighearna, agus ni e réite air a son, agus



glanar i o ruith a fola. *Is e so an lagh air a sousa a bheirceas mac no nighean.*

8 Agus mur urrainn i uan a thoirt leatha, an sin bheir i leatha dà thurtur, no dà choluman òg; fear dhiubh chum iobairt-loisgte, agus am fear eile chum iobairt-phleacaidh; agus ni an sagart réite air a son, agus bithidh i glan.

## CAIB. XIII.

1 *Na riaghailtean agus na comharan leis an aithnich an sagart plàigh na luibhre.*

**A**GUS labhair an Tighearn ri Maois agus ri h-Aaron, ag ràdh,

2 'N uair a bhios aig duine ann an croicinn 'fheòla atadh, no guirein, no ball soilleir, agus gu'm bi e ann an croicinn 'fheòla *cosmhail* ri plàigh luibhre; an sin bheir e gu h-Aaron an sagart, no gu h-aon d'a mhic, na sagartan.

3 Agus amhaircidh an sagart air a' phlàigh ann an croicinn 'fheòla; agus an uair a bhios am fionnadh 's a' phlàigh air tionndadh gu bàn, agus a *bhios* a' phlàigh r'a faicinn nì's doimhne na croicinn 'fheòla; *is* plàigh luibhre a th'ann; agus amhaircidh an sagart air, agus gairmidh e neòghlan e.

4 Ach ma tha am ball soilleir ann an croicinn 'fheòla bàn, agus gun e bhi r'a fhaicinn nì's doimhne na 'n croicinn, agus gun 'fhionnadh' bhi air tionndadh gu bàn; an sin druididh an sagart a stigh *esan air am bheil* a' phlàigh seachd làithean.

5 Agus amhaircidh an sagart air, air an t-seachdamh là: agus, feuch, *ma tha* 'phlàigh 'n a shealladh air stad, agus gun a' phlàigh 'bhi' sgaoileadh 's a' chroicinn; an sin druididh an sagart a stigh e seachd làithean eile.

6 Agus amhaircidh an sagart air a rìs air an t-seachdamh là, agus, feuch, *ma bhios* a' phlàigh càil-eigin dorch, agus nach 'eil a' phlàigh air sgaoileadh 's a' chroicinn, gairmidh an sagart glan e; *cha-n'èil* ann ach guircin; agus nighidh e 'eudach, agus bithidh e glan.

7 Ach ma sgaoil an guirein gu mòr a mach 's a' chroicinn, an deigh dha bhi air 'fhaicinn leis an t-sagart a chum a ghlanaidh; chithear e ris leis an t-sagart.

8 Agus amhaircidh an sagart air, agus, feuch, *ma tha* 'n guirein air sgaoileadh 's a' chroicinn, an sin gairmidh an sagart e neòghlan: *is* luibhre a th'ann.

9 An uair a bhios plàigh luibhre air duine, an sin bheir e chum an t-sagairt:

10 Agus amhaircidh an sagart air: agus, feuch, *ma tha* atadh bàn 's a' chroicinn, agus gu'n do thionndaidh e am fionnadh gu bàn, agus *gu'm bheil* feoil bheò dhearg 's an atadh,

11 Is seann luibhre a th'ann, ann an croicinn 'fheòla; agus gairmidh an sagart e neòghlan, agus cha druid e stigh e, oir *tha* e neòghlan.

12 Agus ma bhriseas luibhre gu mòr a mach 's a' chroicinn, agus gu'n còmhdaich an luibhre croicinn an *neach air am bheil* a' phlàigh uile o 'cheann gu 'throidh, ge b'e ball air an amhaire an sagart;

13 An sin bheir an sagart fainear: agus, feuch, *ma* còmhdaich an luibhre 'fheoil uile, gairmidh e *esan glan air am bheil* a' phlàigh: thionndaidheadh e uile gu bàn; *tha* e glan.

14 Ach an uair a bhios feoil dhearg r'a faicinn air, bithidh e neòghlan.

15 Agus amhaircidh an sagart air an fheoil dhearg, agus gairmidh e neòghlan e; oir *tha* 'n fheoil dhearg neòghlan: *is* luibhre a th'ann.

16 Ach ma thig an fheoil dhearg air a h-ais a rìs, agus gu'n tionndaidhear gu bàn i, thig e chum an t-sagairt.

17 Agus amhaircidh an sagart air: agus, feuch, *ma tha* 'phlàigh air tionndadh gu bàn, an sin gairmidh an sagart *esan glan air am bheil* a' phlàigh: *tha* e glan.

18 An fheoil mar an ceudna anns an robh, *eadhon* 'n a croicinn, neascaid, agus a leighiseadh,

19 Agus aig am bheil ann an àite na neascaid' atadh bàn, no ball soilleir bàn, càil-eigin dearg, nochdar do'n t-sagart e;

20 Agus ma 'se 'n uair a chi an sagart e, feuch, gu bheil e r'a fhaicinn nì's doimhne na'n croicinn, agus 'fhionnadh air a thionndadh gu bàn; gairmidh an sagart neòghlan e: *is* plàigh luibhre a th'ann air briseadh a mach anns an neascaid.

21 Ach ma dh'amhairceas an sagart air, agus, feuch, *nach* 'eil fionnadh bàn air bith ann, agus gun e nì's doimhne na'n croicinn, ach càil-eigin dorch; an sin druididh an sagart a stigh e seachd làithean.

22 Agus ma tha e air sgaoileadh a mach gu mòr 's a' chroicinn, an sin gairmidh an sagart e neòghlan; *is* plàigh a th'ann.

23 Ach ma tha 'm ball soilleir air stad 'n a àite, gun e air sgaoileadh, *is* neascaid loisgeach a th'ann; agus gairmidh an sagart glan e.

24 No *ma bhios* feoil air bith ann, aig am bheil 'n a croicinn losgadh teth, agus gu'm bi anns an *fheoil* bheò a tha' losgadh ball bàn soilleir, càil-eigin dearg, no bàn;

25 An sin amhaircidh an sagart air; agus, feuch, *ma tha* 'm fionnadh anns a' bhall shoilleir air tionndadh gu bàn, agus e r'a fhaicinn nì's doimhne na 'n croicinn; *is* luibhre a th'ann air brisadh a mach anns an losgadh: uime sin gairmidh an sagart neòghlan e; *is* plàigh luibhre a th'ann.

26 Ach ma dh'amhairceas an sagart air, agus, feuch, *nach* 'eil fionnadh bàn air bith air a' bhall shoilleir, agus nach 'eil e nì's doimhne na'n croicinn *eile*, ach *gu bheil* e càil-eigin dorch; an sin druididh an sagart a stigh e seachd làithean.



27 Agus amhaircidh an sagart air, air an t-seachdamh là, agus ma tha e air sgaoileadh a mach gu mòr 's a' chroicinn, an sin gairmidh an sagart neòghlan e; *is* plàigh luibhre a th'ann.

28 Agus ma tha 'm ball soilleir air stad 'n a àite, gun e air sgaoileadh 's a' chroicinn, ach e càil-eigin dorcha; *is* atadh o'n losgadh a th'ann, agus gairmidh an sagart glan e; oir 's leannachadh a th'ann o'n losgadh.

29 Ma tha aig duine no mnaoi plàigh air a' cheann, no air an fheusaig;

30 An sin amhaircidh an sagart air a' phlàigh: agus, feuch, ma *tha* i r'a faicinn nì's doimhne na 'n croicinn, agus fionnadh tana buidhe innte; an sin gairmidh an sagart neòghlan e: *is* càrr tioram a th'ann, eadhon luibhre air a' cheann, no air an fheusaig.

31 Agus ma dh'amhairceas an sagart air plàigh a' charra, agus, feuch, nach 'eil i r'a faicinn nì's doimhne na 'n croicinn, agus nach 'eil fionnadh dubh sam bith innte; an sin druididh an sagart a stigh esan air *am bheil* plàigh a' charra, seachd làithean.

32 Agus amhaircidh an sagart air a' phlàigh air an t-seachdamh là, agus, feuch, mur 'eil an càrr air sgaoileadh, agus nach 'eil fionnadh buidhe sam bith ann, agus nach 'eil an càrr r'a fhaicinn nì's doimhne na'n croicinn;

33 An sin bearrar e, ach an càrr cha bhearr e; agus druididh an sagart a stigh esan air *am bheil* an càrr, seachd làithean eile.

34 Agus air an t-seachdamh là amhaircidh an sagart air a chàrr: agus, feuch, mur 'eil an càrr air sgaoileadh 's a' chroicinn, no r'a fhaicinn nì's doimhne na'n croicinn; an sin gairmidh an sagart glan e: agus nighidh e 'eudach, agus bithidh e glan.

35 Ach ma tha an càrr air sgaoileadh gu mòr 's a' chroicinn an déigh a ghlanaidh;

36 An sin amhaircidh an sagart air, agus, feuch, ma tha an càrr air sgaoileadh 's a' chroicinn, cha-n iarr an sagart fionnadh buidhe: *tha* e neòghlan.

37 Ach ma tha an càrr 'n a shealladh air stad, agus *ma tha* fionnadh dubh air fàs suas ann, leighiseadh an càrr, *tha* e glan: agus gairmidh an sagart glan e.

38 Ma bhios mar an ceudna aig duine no aig mnaoi ann an croicinn am feòla buill shoilleir, eadhon buill bhàna shoilleir;

39 An sin amhaircidh an sagart: agus, feuch, ma tha na buill shoilleir ann an croicinn am feòla odhar-bhàn, is leus teas e air fàs 's a' chroicinn; *tha* e glan.

40 Agus an duine aig am bheil a cheann air faileadh, *tha* e maol: *gidheadh tha* e glan.

41 Agus esan aig am bheil 'tholt air failleadh de'n chuid sin d'a cheann a' tha leth r'a eudan, *tha* e maol-bhathaiseach; *gidheadh tha* e glan.

42 Agus ma tha 'n a cheann maol, no 'n a bhathais mhaol creuchd bhàn càil-eigin dearg; *is* luibhre a th'ann air fàs suas 'n a cheann maol, no 'n a bhathais mhaol.

43 An sin amhaircidh an sagart air; agus, feuch, *ma tha* atadh no creuchdan bándhearg 'n a mhaol cheann, no 'n a mhaol bhathais, mar a nochdar an luibhre ann an croicinn na feòla;

44 *Is* duine lobhrach e, *tha* e neòghlan: gairmidh an sagart e neòghlan gu h-ìomlan; *tha* a' phlàigh 'n a cheann.

45 Agus an lobhar air *am bheil* a' phlàigh, reubar 'eudach, agus bithidh a cheann lom-nòchd, agus cuiridh e folach air a bhl' uachdaraich, agus gladhaidh e, Neòghlan, neòghlan.

46 Rè ran uile làithean a *bhios* a' phlàigh air, bithidh e salach; *tha* e neòghlan: gabhaidh e còmhuidh 'n a aonar; an taobh a muigh de'n champ *bithidh* 'ionad tàimh.

47 An t-eudach mar an ceudna anns am bheil plàigh na luibhre, ma's eudach olla e, no ma's eudach lìn e,

48 Ma's ann a *tha* i 's an dlùth, no 's an inneach, de lion no dl'olainn, ma's ann an croicinn, no ann an nì sam bith deanta de chroicinn:

49 Agus ma tha 'phlàigh uaine no dearg 's an eudach, no 's a' chroicinn, aon chuid 's an dlùth no 's an inneach, no ann an nì sam bith deanta de chroicinn; *is* plàigh luibhre a th'ann, agus feuchar i do'n t-sagart.

50 Agus amhaircidh an sagart air a' phlàigh, agus druididh e stigh an nì anns *am bheil* a' phlàigh seachd làithean.

51 Agus amhaircidh e air a' phlàigh air an t-seachdamh là: ma tha 'phlàigh air sgaoileadh 's an eudach, aon chuid 's an dlùth no 's an inneach, no ann an croicinn, no ann an obair sam bith deanta de chroicinn; *is* luibhre chuàmhanach a' phlàigh: *tha* e neòghlan.

52 Loisgidh e uime sin an t-eudach, ma's dlùth no inneach, ann an olainn no ann an lion, no nì air bith deanta de chroicinn, anns a' bheil a' phlàigh: oir *is* luibhre chuàmhanach a th'ann; loisgear e 's an teine.

53 Agus ma dh'amhairceas an sagart, agus, feuch, nach 'eil a' phlàigh air sgaoileadh 's an eudach, aon chuid 's an dlùth, no 's an inneach, no ann an nì sam bith deanta de chroicinn;

54 An sin àithnidh an sagart dhoibh an nì anns a' *bheil* a' phlàigh a nightheadh, agus druididh e stigh e seachd làithean eile.

55 Agus amhaircidh an sagart air a' phlàigh aig a nightheadh: agus, feuch, mur do mhùth a' phlàigh a dath, agus mur do sgaoil a' phlàigh, *tha* e neòghlan; loisgidh tu 's an teine e: *is* chuàmhan 'an leth stigh e, ma's lom a stigh no muigh e.

56 Agus ma dh'amhairecas an sagart, agus, fench, *gu bheil a'* phlàigh càil-eigin dorchan an dèigh a nìgheadh; an sin reubaidh e as an eudach i, no as a' chroicinn, no as an dlùth, no as an inneach.

57 Agus ma tha i r'a faicinn fathast 's an eudach, aon chuid 's an dlùth, no 's an inneach, no ann an ni air bith *deanta* de chroicinn: *is plàigh* sgaoilteach a th'ann: loisgill tu le teine an ni anns a' *bheil a'* phlàigh.

58 Agus an t-eudach, ma's dlùth, no inneach e, no ni air bith *deanta* de chroicinn, a nìgheas tu, ma chaidh a' phlàigh asda, an sin nìghear e an dara uair, agus bithidh e glan.

59 *Is e so lagh plàigh* na luibhre ann an eudach olla no lìn, anns an dlùth, no anns an inneach, no ann an ni sam bith *deanta* de chroicinn, chum a ghairm glan, no 'ghairm neòghlan.

#### CAIB. XIV.

1 *An lagh agus na h-iobairtean leis an glanar an lobhar.* 33 *Comharan luibhre ann an tigh:* 48 *mor a ghlanar an tigh sin.*

**A**GUS labhair an Tighearn ri Maois, ag ràdh,

2 Bithidh so 'n a lagh do'n lobhar, ann an là a ghlanaidh: Bheirar e chum an t-sagairt;

3 Agus théid an sagart a mach as a' champ; agus amhaireidh an sagart, agus, fench, *ma leighiseadh plàigh* na luibhre anns an lobhar;

4 An sin àithnidh an sagart gu'n gabhar air a shonsan a tha gu 'bhi air a ghlanadh, dà eun bheò ghlan, agus fiodh seudair, agus scarlaid, agus hiosop.

5 Agus àithnidh an sagart gu marbhar aon de na h-eòin ann an soitheach creadha, os ceann uisge ruith.

6 A thaobh an eoin bheò, gabhaidh se e, agus am fiodh seudair, agus an scarlaid, agus an hiosop, agus tumaidh e iad agus an t-cun beò, ann am fuil an eoin a mharbhadh os ceann an uisge ruith.

7 Agus crathaidh e air-san a tha gu bhi air a ghlanadh o'n luibhre, seachd uairean, agus gairmidh e glan e, agus leigidh e as an t-eun beò air aghaidh na macharach.

8 Agus nìgidh esan a tha gu 'bhi air a ghlanadh 'eudach, agus bearraidh e dh' e 'fhionnadh uile, agus nìgidh se e féin ann an uisge, chum gu'm bi e glan: agus 'n a dhéigh sin thig e steach do'n champ, agus fanaidh e mach as a' bhùth seachd làithean.

9 Ach air an t-seachdamh là, bearraidh e uile fholt a chinn, agus 'fheusag, agus mailghean a shùl, eadhon 'fhionnadh uile bearraidh e dheth: agus nìgidh e 'eudach, nìgidh e mar an ceudna 'fheoil ann an uisge, agus bithidh e glan.

10 Agus air an ochdamh là gabhaidh e dà nan fhirionn gun ghaoid, agus aon uan boirionn de'n chend bhliadhna gun ghaoid,

agus tri deich carrannan de phlùr mìn mar thabhartas-bidh, measgta le h-olaidh, agus aon log olaidh.

11 Agus nochdaidh an sagart a ni glan e, an duine a tha r'a ghlanadh, agus na nithean sin an làthair an Tighearn', *aig* dorus pàilliuin a' choimhthionail:

12 Agus gabhaidh an sagart aon uan firionn, agus bheir e seachd e mar iobairt-eusaontais, agus an log olaidh, agus Inaisgidh e iad mar thabhartas-Inaisgte am fianuis an Tighearn'.

13 Agus marbhaidh e 'n t-uann anns an àite 's am marbh e 'n iobairt-phacaidh agus an iobairt-loisgte, anns an ionad naomh; oir mar *is leis an t-sagart an iobairt-phacaidh, is amhuil sin an iobairt-ensaontais: tha i ro naomh.*

14 Agus gabhaidh an sagart *cuid* de fhuil na h-iobairt-eusaontais, agus cuiridh an sagart i air bàrr cluaise deise an neach a tha r'a ghlanadh, agus air ordaig a làimhe deise, agus air ordaig a choise deise.

15 Agus gabhaidh an sagart *cuid* de'n log olaidh, agus dòrtidh e i ann an glaic a làimhe clithe féin.

16 Agus tumaidh an sagart a mheur deas 's an olaidh a tha 'n a làimh chlì, agus crathaidh e *cuid* de'n olaidh le 'mheur, seachd uairean an làthair an Tighearn'.

17 Agus de'n chuid eile de'n olaidh a tha 'n a làimh, cuiridh an sagart air bàrr cluaise deise an neach a tha r'a ghlanadh, agus air ordaig a làimhe deise, agus air ordaig a choise deise, air fuil na h-iobairt-eusaontais.

18 Agus fùigheall na h-olaidh, a tha 'n làimh an t-sagairt, dòrtidh e air ceann an neach a tha r'a ghlanadh: agus ni an sagart réite air a shon am fianuis an Tighearn.

19 Agus iobraidh an sagart an iobairt-phacaidh, agus ni e réite air a shonsan a tha r'a ghlanadh o 'neòghloine, agus 'n a dhéigh sin marbhaidh e 'n iobairt-loisgte.

20 Agus bheir an sagart seachd an iobairt-loisgte, agus an tabhartas-bidh air an altair: agus ni an sagart réite air a shon, agus bithidh e glan.

21 Agus ma tha e bochd, agus nach urrainn e an uiread sin fhaghail; an sin gabhaidh e aon uan *chum* iobairt-eusaontais gu 'bhi air a luasgadh, a dheanamh réite air a shon, agus aon deicheamh carrann de phlùr mìn measgta le h-olaidh, mar thabhartas-bidh, agus log olaidh;

22 Agus dà thurtur, no dà choluman òg, mar is urrainn e fhaghail; agus bithidh fear dhiubh 'n a iobairt-phacaidh, agus an fear eile 'n a iobairt-loisgte.

23 Agus bheir e iad air an ochdamh là, air son a ghlanaidh, chum an t-sagairt, gu dorus pàilliuin a' choimhthionail, an làthair an Tighearn.

24 Agus gabhaidh an sagart uan na h-iobairt-eusaontais, agus an log olaidh, agus



huaisgidh an sagart iad *mar* thabhartas-luasgte an làthair an Tighearna.

25 Agus marbhaidh e uan na h-ìobairt-eusaontais, agus gabhaidh an sagart *cuid* de fhuil na h-ìobairt-eusaontais, agus cuiridh e *i* air bàrr cluaise deise an fhuir a tha r'a ghlanadh, agus air ordaig a làimhe deise, agus air ordaig a choise deise.

26 Agus dèiridh an sagart *cuid* de'n olaidh ann an glaic a làimhe clithe féin.

27 Agus crathaidh an sagart le 'mheur deas *cuid* de'n olaidh a *tha* 'n a làimh chlì seachd uairean 'am fianuis an Tighearna.

28 Agus cuiridh an sagart *cuid* de'n olaidh a *tha* 'n a làimh, air bàrr cluaise deise an fhuir a tha r'a ghlanadh, agus air ordaig a làimhe deise, agus air ordaig a choise deise, air ionad fola na h-ìobairt-eusaontais.

29 Agus a' chuid eile de'n olaidh a *tha* 'an làimh an t-sagairt, cuiridh e air ceann an fhuir a tha r'a ghlanadh, a dheanamh réite air a shon 'am fianuis an Tighearna.

30 Agus ìobraidh e fear de na turtuir, no de na columain òga, mar is urrainn e fhaghail;

31 *Eudhon* an ni is urrainn e fhaghail, fear mar ìobairt-phcacadh, agus am fear eile mar ìobairt-loisgte, maille ris an tabhartas-bhìdh. Agus ni an sagart réite air a shonsan a tha r'a ghlanadh, 'am fianuis an Tighearna.

32 So lagh an *fhuir* anns a' *bheil* plàigh na luibhre, neach nach ruig a làmh air an *ni sin* a *bluineas* d'a ghlanadh.

33 Agus labhair an Tighearn ri Maois, agus ri h-Aaron, ag ràdh,

34 An uair a thig sibh do thìr Chanaain, a bheir mise dhuibh mar sheilbh, agus a chuireas mi plàigh luibhre ann an tigh fearainn bhur seilbhe;

35 Agus gu'n tig esan d'am buin an tigh agus gu'n innis e do'n t-sagart, ag ràdh, A réir mo bharail-sa tha mar gu'm bu phlàigh *luibhre* 's an tigh:

36 An sin àitlindh an sagart dhoibh an tigh fhalmhachadh mun téid an sagart a *stigh* ann a dh'fhaicinn na plàigh; chum nach deanar gach ni a *tha* 's an tigh neòghlan: agus 'n a dhéigh sin théid an sagart a steach a dh'fhaicinn an tigh.

37 Agus amhaircidh e air a' phlàigh, agus, feuch, *ma bhitheas* a' phlàigh ann am ballaibh an tigh, le stiallaibh domhain, càileigin uaine no dearga, a *tha* r'am faicinn ni's isle na 'm balla:

38 An sin théid an sagart a mach as an tigh gu dorus an tigh, agus bheir e fairear an tigh a dhùnadh suas seachd làithean.

39 Agus thig an sagart a ris air an t-seachdamh là, agus amhaircidh e: agus, feuch, *ma bhitheas* a' phlàigh air sgaoileadh ann am ballaibh an tigh;

40 An sin àitlindh an sagart iad a thoirt air falbh nan clach, anns a' *bheil* a' phlàigh,

agus tilgidh iad ann an àite neòghlan iad an taobh a mach de'n bhaile.

41 Agus bheir e fairear an tigh a sgrìobadh air an taobh a stigh mu'n cuairt, agus tilgidh iad a mach an dulsach a sgrìobas iad deth, an taobh a muigh de'n bhaile gu àite neòghlan.

42 Agus gabhaidh iad clachan cile, agus cuiridh iad ann an àite nan clach ud *iad*; agus gabhaidh e criadh cile, agus còmhdaichidh e thairis an tigh *leatha*.

43 Agus ma thig a' phlàigh a ris, agus *ma* bhriseas i mach 's an tigh, an déigh dha na clachan a thoirt air falbh, agus an déigh dha an tigh a sgrìobadh, agus an déigh *dha* a chòmhdachadh thairis *le crèidh*;

44 An sin thig an sagart agus amhaircidh e, agus, feuch, ma *tha* 'phlàigh air sgaoileadh 's an tigh, *is* luibhre chnàmhain i 's an tigh; *tha* e neòghlan.

45 Agus brisidh e sìos an tigh, a chlachan, agus 'fhiodh, agus criadh an tigh uile: agus bheir e fairear *an* giùlan a mach as a' bhaile gu h-ionad neòghlan.

46 Agus bithidh esan a théid a stigh do'n tigh rè na h-ùine a dhruidear suas e, neòghlan gu feasgar.

47 Agus nighidh esan a luidheas anns an tigh 'eudach: agus nighidh esan a dh'itheas anns an tigh 'eudach.

48 Agus ma théid an sagart a stigh, agus gu'n amhaire e *air*, agus, feuch, nach do sgaoil a' phlàigh 's an tigh, an déigh an tigh a chòmhdachadh thairis; an sin gairmidh an sagart an tigh glan, a chionn gu'n do leighiseadh a' phlàigh.

49 Agus gabhaidh e chum an tigh a ghlanadh dà eun, agus fiodh seudair, agus scarlaid, agus hiosop.

50 Agus marbhaidh e aon de na h-eoin ann an soitheach creadha, os ceann uisge ruith.

51 Agus gabhaidh e ann an fiodh seudair, agus an hiosop, agus an scarlaid, agus an t-eun beò, agus tumaidh e iad ann am fuil an eoin a chaidh a mharbhadh, agus anns an uisge ruith; agus crathaidh e i air an tigh seachd uairean.

52 Agus glanaidh e an tigh le fuil an eoin, agus leis an uisge ruith, agus leis an eun bheò, agus leis an fhiodh sheudair, agus leis an hiosop, agus leis an scarlaid.

53 Ach leigidh e as an t-eun beò an taobh a mach de'n bhaile, air aghaidh na macharach, agus ni e réite air son an tigh: agus bithidh e glan.

54 So an lagh air son gach gnè de phlàigh luibhre, agus de chàrr,

55 Agus air son luibhre eudaich, agus air son tigh,

56 Agus air son ataidh, agus air son guirein, agus air son buill shoilleir;

57 A theagasg c'uin a *bhitheas* e neòghlan, agus c'uin a *bhitheas* e glan: *is e* so lagh na luibhre.



## CAIB. XV.

1, 19 *Neòghloine le sìltichibh*; 13, 28 *Mar a ghlanar iad*.

**A** GUS labhair an Tighearn ri Maois, agus ri h-Aaron, ag ràdh,

2 Labhraibh ri eloinn Israeil, agus abraibh riu, 'N uair a bhios aig duine sam bith silteach o 'fheoil, air son a shiltich *bithidh* e neòghlan.

3 Agus is e so a neòghloine 'n a shilteach: ma shileas 'fheoil a mach a sìleadh, no ma dhùinear 'fheoil suas o shilteach, *is* e so a neòghloine.

4 Gach leabadh air an luidh esan air am bheil silteach, bithidh *i* neòghlan: agus gach ni air an suidh e, bithidh e neòghlan.

5 Agus gach neach a bheanas r'a leabaidh, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

6 Agus esan a shuidheas air ni sam bith air an do shuidh neach air am bheil silteach, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

7 Agus esan a bheanas ri feoil neach air am bheil silteach, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

8 Agus ma thilgeas esan air am bheil silteach smugaidh airsan a tha glan, an siu nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

9 Agus gach diollaid air am marcaich esan air am bheil silteach, bithidh *i* neòghlan.

10 Agus gach neach a bheanas ri ni sam bith a bha foidhe, bithidh e neòghlan gu feasgar: agus esan a ghiùlaineas a *h-aon air bith de* na nithibh sin, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

11 Agus gach neach ris an bean esan air am bheil silteach, agus nach d'ionnlaid a lùman ann an uisge, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

12 Agus an soitheach creadha ris an bean esan air am bheil silteach, brisear *e*: agus gach soitheach fiodha, nighear ann an uisge e.

13 Agus an uair a ghlanar esan air am bheil silteach o 'shilteach, an sin àirmhidh e dha fèin seachd làithean air son a ghlauidh, agus nighidh e 'eudach, agus ionnlaididh e 'fheoil ann an uisge ruith, agus bithidh e glan.

14 Agus air an ochdamh là gabhaidh e dha fèin dà thurtur, no dà choluman òg, agus thig e an làthair an Tighearna, gu dorus pàilliuin a' choimhthionail, agus bheir e iad don t-sagart.

15 Agus ìobraidh an sagart iad, aon diubh

mar ìobairt-pheacaidh, agus an t-aon eile mar ìobairt-loisgte; agus ni an sagart réite air a shon an làthair an Tighearn 'a thaobh a shiltich.

16 Agus ma dh'fhalbhas a shìol-gin o dhuine sam bith, an sin nighidh e 'fheoil uile ann an uisge, agus bithidh e neòghlan gu feasgar.

17 Agus gach eudach, agus gach croicinn air am bi an sìol-gin, nighear e ann an uisge, agus bithidh e neòghlan gu feasgar.

18 Mar an ceudna a' bheau leis an luidh fear le sìol-gin, nighidh iad *araon iad fèin* ann an uisge, agus bithidh iad neòghlan gu feasgar.

19 Agus an uair a bhios silteach air mnaoi, agus gur fuil a bhios 'n a silteach 'n a feoil, seachd làithean cuirear air leth *i*; agus gach neach a bheanas rithe, bithidh e neòghlan gu feasgar.

20 Agus gach ni air an luidh *i* 'n uair a chuirear air leth *i*, bithidh e neòghlan: gach ni mar an ceudna air an suidh *i*, bithidh e neòghlan.

21 Agus gach neach a bheanas r'a leabaidh, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

22 Agus gach neach a bheanas ri ni sam bith air an do shuidh *i*, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

23 Agus ma bhios e air a leabaidh, no air ni sam bith air an suidh *i*, 'n uair a bheauas e ris, bithidh e neòghlan gu feasgar.

24 Agus ma luidheas fear sam bith maille rithe, agus gu'm bi a fuil-mios air, bithidh e neòghlan seachd làithean, agus bithidh gach leabadh air an luidh e neòghlan.

25 Agus au uair a bhios a silteach fola air mnaoi mòran de làithibh, cha-n ann 'an àm a dealachaidh, no ma shileas e an déigh *am* a dealachaidh, bithidh uile làithean silidh a neòghloine mar làithean a dealachaidh: bithidh *i* neòghlan.

26 Gach leabadh air an luidh *i* ré uile làithean a sìltich, bithidh *i* dh'i mar leabaidh a dealachaidh: agus gach ni air an suidh *i*, bithidh e neòghlan, a réir neòghloine a dealachaidh.

27 Agus gach neach a bheanas ris na nithibh sin, bithidh e neòghlan; agus nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

28 Ach ma ghlanar *i* o 'silteach, an sin àirmhidh *i* dh'i fèin seachd làithean, agus an déigh sin bithidh *i* glan:

29 Agus air an ochdamh là gabhaidh *i* dh'i fèin dà thurtur, no dà choluman òg, agus bheir *i* iad a dh'ionnsuidh an t-sagairt, gu dorus pàilliuin a' choimhthionail:

30 Agus ìobraidh an sagart aon *diubh* mar ìobairt-pheacaidh, agus an t-aon eile mar ìobairt-loisgte; agus ni an sagart réite

air a son an làthair an Tighearna, air son siltich a neòghloine.

31 Mar so dealachaidh sibh clann Israeil o'n neòghloine, chum as nach bàsaich iad 'n an neòghloine, 'n uair a thruailleas iad uo phàillium-sa a *tha* 'n am measg.

32 *Is* e so lagh an *fhìr* air am bheil silteach, agus an *fhìr* sin aig an téid a shìol uaith, agus a shalaichear leis;

33 Agus na *mnà* a bhios gu tinn ann an àm a dealachaidh, agus an neach sin air am bi silteach, an *fhìr*, agus na *mnà*, agus an duine *sin* a luidheas leatha-sa a *tha* neòghlan.

CAIB. XVI.

11 *Ìobairt-pheacaidh an àrd-shagairt.* 20 *Am boc-gaithre a leigeadh as beò.* 29 *Féill a' ghlanaidh.*

**A** GUS labhair an Tighearna ri Maois an déigh bàis dhithis mhac Aaron, an uair a thug iad seachad tabhartas an làthair an Tighearna, agus a bhàsaich iad:

2 Agus thubhairt an Tighearna ri Maois, Labhair ri h-Aaron do bhràthair, a chum nach téid e anns gach àm a steach do'n *ionad* naomh an taobh a stigh de'n roinn-bhrat, an làthair na caithir-thròcair, a *tha* air an àire; a chum nach bàsaich e: oir foillsichidh mise mi féin ann an neul air a' chaithir-thròcair.

3 Mar so théid Aaron a steach do'n *ionad* naomh: le tarbh òg chum ìobairt-pheacaidh, agus reithe chum ìobairt-loisgte.

4 An còta anairt naomh cuiridh e air, agus bithidh na brìgeasan anairt aige air 'fheoil, agus leis a' chrìos anairt erioslaichidh se e féin, agus cuiridh e an crùu-anairt air: *is* éididh naomha iad sin; air an aobhar sin ionnlaidhidh e 'fheoil ann an uisge, agus cuiridh e air iad.

5 Agus o choimhthionail chloinn Israeil gabhaidh e dà bhoc o na gabhraibh chum ìobairt-pheacaidh, agus aon reithe chum ìobairt-loisgte.

6 Agus bheir Aaron seachad tarbh na h-ìobairt-pheacaidh a *bhios* air a shon féin: agus ni e réite air a shon féin, agus air son a thighe.

7 Agus gabhaidh e an dà bhoc-gaibhre, agus nochdaidh e iad an làthair an Tighearna, aig dorus pàillium a' choimhthionail.

8 Agus tilgidh Aaron croinn air an dà bhoc; aon chrann air son an Tighearna, agus crann eile air son a' bhuic a théid as.

9 Agus bheir Aaron leis am boc air an do thuit an crann air son an Tighearna, agus ìobraidh se e mar ìobairt-pheacaidh.

10 Ach an boc air an do thuit an crann gu'n leigeadh as e, nochdar beò e an làthair an Tighearna, gu réite a dheanamh leis, chum a leigeadh as saor do'n fhàsach.

11 Agus bheir Aaron leis tarbh na h-ìobairt-pheacaidh, a *bhios* air a shon féin, agus ni e réite air a shon féin, agus air son

a thighe; agus marbhaidh e tarbh na h-ìobairt-pheacaidh, a *bhios* air a shon féin.

12 Agus gabhaidh e tùiseir làn a dh'èibhlibh teine o'n altair an làthair an Tighearna, agus làn a ghlac de thùis dheadh-bholaidh pronnata gu min, agus bheir e 'n taobh a stigh de'n roinn-bhrat e.

13 Agus cuiridh e an tùis air an teine an làthair an Tighearna, chum gu'n còmhdaich neul na tùise a' chaithir-thròcair a *tha* air an Fhianuis, agus nach faigh e bàs.

14 Agus gabhaidh e de fhuil an tairbh, agus crathaidh e i le 'mhèur air a' chaithir-thròcair chum na h-àird an ear: agus fa chomhair na caithir-thròcair crathaidh e de'n fhuil seachd uairean le 'mhèur.

15 An sin marbhaidh e boc-gaibhre na h-ìobairt-pheacaidh a *bhithas* air son an t-sluaigh, agus bheir e 'fhuil an taobh a stigh de'n roinn-bhrat, agus ni e r'a fhuil-san mar a rinn e ri fuil an tairbh, agus crathaidh e i air a' chaithir-thròcair, agus fa chomhair na caithir-thròcair.

16 Agus ni e réite air son an *ionaid* naomh a thaobh neòghloine chloinn Israeil, agus a thaobh an seachran 'nam peacaidhibh gu léir: agus mar so ni e air son pàillium a' choimhthionail a *tha* 'chòmhnuidh maille riu, ann am meadhan an neòghloine.

17 Agus duine sam bith cha bli ann am pàillium a' choimhthionail, an uair a théid e 'dheanamh réite 's an *ionad* naomh, gus an tig e mach, agus gu bheil e air deanamh réite air a shon féin, agus air son a thighe, agus air son uile choimhthionail Israeil.

18 Agus théid e mach a dh'ionnsuidh na h-altarach a *tha* 'm fianuis an Tighearna, agus ni e réite air a son; agus gabhaidh e de fhuil an tairbh, agus de fhuil a' bhuic, agus cuiridh e i air adhaireibh na h-altarach mu'n cuairt.

19 Agus crathaidh e oirre de'n fhuil le 'mhèur seachd uairean, agus glanaidh e i, agus naomhaichidh e i o neòghloine chloinn Israeil.

20 Agus an uair a bhios e air deanamh réite air son an *ionaid* naomh, agus air son pàillium a' choimhthionail, agus air son na h-altarach, bheir e leis am boc-gaibhre beò:

21 Agus cuiridh Aaron a dhà làmh air ceann a' bhuic bheò, agus aidichidh e os a cheann uile lochdan chloinn' Israeil, agus an uile sheachrain 'n am peacaidhean gu léir, agus cuiridh e iad air ceann a' bhuic, agus cuiridh e air falbh e le làmh duine iomchuidh dòn fhàsach.

22 Agus giùlainidh am boc-gaibhre air féin an lochdan gu léir gu fearann air leth: agus leigidh e air falbh am boc 's an fhàsach.

23 Agus théid Aaron a steach do phàillium a' choimhthionail, agus cuiridh e dbeth an éididh anairt, a chuir e air an uair a chaidh e steach do'n *ionad* naomh, agus fagaidh e 'n sin i.



24 Agus ionnlaididh e 'fheoil ann an uisge 's an ionad naomh, agus cuiridh e air 'èididh, agus thig e mach, agus ìobraidh e 'ìobairt-loisgte fèin, agus ìobairt-loisgte an t-shuaigh; agus ni e réite air a shon fèin, agus air son an t-shuaigh.

25 Agus saill na h-ìobairt-pheacaidh loisgidh e air an altair.

26 Agus esan a leig as am boc-gaibhre mar bhoc saor, nighidh e 'eudach, agus ionnlaididh e 'fheoil ann an uisge; agus 'n a dhèigh sin thèid e do'n champ.

27 Agus an tarbh air son na h-ìobairt-pheacaidh, agus am boc-gaibhre air son na h-ìobairt-pheacaidh, d'an d'fhugadh am fuil a steach a chum réite a dhcanamh 's an ionad naomh, bheirear a mach iad an taobh a muigh de'n champ; agus loisgidh iad 's an teine an croicinnean, agus am feoil, agus an aolach.

28 Agus esan a loisgeas iad, nighidh e 'eudach, agus ionnlaididh e 'fheoil ann an uisge, agus 'n a dhèigh sin thèid e do'n champ.

29 Agus bithidh so dhuibh 'n a ordugh gu sìorruidh: Anns an t-seachdamh mìos, air an deicheadh là de'n mhìos, irioslaichidh sibh bhur n-anaman, agus obair sam bith cha dean sibh, *aon chuid* esan a tha de mhuinntir bhur dùthcha fèin, no 'n coigreach a tha air chuairt 'n 'ur measg;

30 Oir air an là sin ni an sagart réite air bhur son, chum bhur glanaidh: o bhur peacaidhean gu léir an làthair an Tighearna glanar sibh.

31 *Bithidh* e 'n a shàbaid tàimh dhuibh, agus irioslaichidh sibh bhur n-anaman, le ordugh sìorruidh.

32 Agus ni an sagart a dh'ungas e, agus a choisricas e gu frithealadh ann an àit 'athar, an réite: agus cuiridh e air an éididh anairt, *eadhon* an trusgan naomh.

33 Agus ni e réite air son an ionaid ro naomh, agus air son pàilliuin a' choimhthionail, agus air son na h-altarach ni e réite; mar an ceudna air son nan sagart, agus air son uile shluaigh a' choimhthionail ni e réite.

34 Agus bithidh so dhuibh 'n a ordugh sìorruidh, chum réite a dhcanamh air son chloinn Israel, as leth an peacaidhean gu léir aon uair 's a' bhliadhna. Agus rinn e mar a dh'àithn an Tighearn do Mhaois.

## CAIB. XVII.

1 *Mu'n ionad anns an còir ìobairtean ìobradh.*  
10 *Cha-n fheudar fuil itheadh, 15 no feoil a reubadh le fiadh-bheathaichibh.*

**A**GUS labhair an Tighearn ri Maois, ag ràdh.

2 Labhair ri h-Aaron, agus r'a mhic, agus ri cloinn Israel uile, agus abair riu, So an ni a dh'àithn an Tighearn, ag ràdh,

3 Ge b'e duine air bith de thigh Israel, a

mharbhas tarbh, no uan, no gabhar anns a' champ, no mharbhas e mach as a' champ,

4 Agus nach toir e gu dorus pàilliuin a' choimhthionail, gu tabhartas a thoirt seachad do'n Tighearn air beulaobh pàilliuin an Tighearna, cuirear fuil as leth an duine sin, dhoirt e fuil; agus gearrar as an duine sin o mheasg a shluaigh;

5 Chum as gu'n toir clann Israeil an ìobairtean, a dh'ìobras iad a muigh 's a' mhach-air, eadhon gu'n toir iad a chum an Tighearn iad, gu dorus pàilliuin a' choimhthionail a dh'ionnsuidh an t-sagairt, agus gu'n ìobair iad *mar* ìobairtean-sith iad do'n Tighearn.

6 Agus crathaidh an sagart an fhuil air altair an Tighearna, aig dorus pàilliuin a' choimhthionail, agus loisgidh e 'n t-saill a chum fàile chùbhraidh do'n Tighearn.

7 Agus cha -n ìobair iad ni's mò an ìobairtean do dhiabhlaibh, an deigh an deachaidh iad le stròpachas: Bithidh so 'n a reachd dhoibh gu sìorruidh air feadh an ginealach.

8 Agus their thu riu, Ge b'e duine air bith de thigh Israel, no de na coigrich a bhios air chuairt 'n 'ur measg, a bheir seachad tabhartas-loisgte no ìobairt,

9 Agus nach toir e gu dorus pàilliuin a' choimhthionail, a chum ìobradh do'n Tighearn; gearrar eadhon an duine sin as o mheasg a shluaigh.

10 Agus ge b'e duine de thigh Israel, no de na coigrich a tha air chuairt 'n 'ur measg, a dh'itheas gnè sam bith fola; cuiridh mise mo ghnùis an aghaidh an anama sin a dh'itheas fuil, agus gearraidh mi as e o mheasg a shluaigh.

11 Oir tha beatha na feòla 's an fhuil, agus thug mi dhuibh i air an altair, a dhcanamh réite air son bhur n-anaman: oir *is i* 'n fhuil a ni réite air son an anama.

12 Uime sin thubhairt mi ri cloinn Israeil, Cha-n ith anam sam bith agaibh fuil, ni mò a dh'itheas an coigreach fuil, a bhios air chuairt 'n 'ur measg.

13 Agus ge b'e duine air bith de chloinn Israeil, no de na coigrich a bhios air chuairt 'n 'ur measg, a ni sealg agus a ghlasas beathach no eun a dh'fheudar itheadh; dòirtidh e mach 'fhuil, agus còmhdaichidh e le duslach i.

14 Oir *is i* beatha gach uile fheòla a fuil; *tha i* air son beatha dh'i: uime sin thubhairt mi ri cloinn Israeil, Cha-n ith sibh fuil feòla sam bith; oir *is i* beatha, gach feòla a fuil: gach neach a dh'itheas i, gearrar as e.

15 Agus gach anam a dh'itheas an ni a bhàsaicheas *dheth fèin*, no a reubadh *le fiadh-bheathaichibh*, (na's neach e a rugadh 'n 'ur tìr fèin, no coigreach) nighidh e 'eudach agus ionnlaididh se e *fèin* ann an uisge, agus bithidh e neòghlan gu fcasgar; an sin bithidh e glan.



16 Ach mur nigh se e, agus mur ionnlaid e 'fheoil; an sin giùlainidh e 'aingidheachd.

## CAIB XVIII.

6 Mu phòsadh mi-laghail, 19 Mu anamian- aibh gràineil.

**A** GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, *Is mise an Tighearn bhur Dia.*

3 A réir ghlòimharan tìre na h-Eiphit anns an robh sibh a chòmlmuidh, cha dean sibh; agus a réir ghlòimharan tìre Chan- aain gus am bheil mise 'g 'ur tabhairt, cha dean sibh; ni mò a ghluaiseas sibh 'n an orduighibh.

4 Ni sibh mo bhreitheanaidh, agus gleidhidh sibh m'orduighean, gu ghlasad anna: *Is mise an Tighearn bhur Dia.*

5 Uime sin gleidhidh sibh mo reachdan agus mo bhreitheanaidh; nithean ma ni duine, bithidh e beò anna: *Is mise an Tighearn.*

6 Cha tig a h-aon agaibh am fagus a dh'aon neach a tha dlùth dha ann an càimh, a chum a nàire a leigeadh ris: *Is mise an Tighearn.*

7 Nochd d'athar, no nochd do mhàthar, cha leig thu ris: *is i* do mhàthair i, cha leig thu ris a nochd.

8 Nochd mnà d'athar cha leig thu ris: *is e* nochd d'athar e.

9 Nochd do pheathar, nighinn d'athar, no nighinn do mhàthar, co dhiubh a rugadh i aig an tigh, no 'rugadh a mach i, *eadhon* an nochd-san cha leig thu ris.

10 Nochd nighinn do mhic, no nighinn do nighinn, *eadhon* an nochd-san cha leig thu ris: oir *is e* an nochd-san do nochd féin.

11 Nochd nighinn mnà d'athar, a ghineadh le d'athair, (*is i* do phiuthar i) cha leig thu ris a nochd-sa.

12 Cha leig thu ris nochd peathar d'athar: *is i* banacharaid ro dhileas d'athar i.

13 Cha leig thu ris nochd peathar do mhàthar: oir *is i* banacharaid ro dhileas do mhàthar i.

14 Cha leig thu ris nochd bràthar d'athar, cha tig thu 'm fagus d' mhnaoi: *is i* bean bhràthar d'athar i.

15 Cha leig thu ris nochd do bhana- cheamhna; *is i* bean do mhic i, cha leig thu ris a nochd.

16 Cha leig thu ris nochd mnà do bhràthar: *is e* nochd do bhràthar e.

17 Cha leig thu ris nochd mnà agus a h-ighinn, ni mò a ghabhas tu nighean a mic, no nighean a h-ighinn, a chum a nochd a leigeadh ris; oir *is i* iad a banachairdean dil- eas iad: *is* aingidheachd e.

18 Ni mò a ghabhas tu bean maille 'r a piuthair, a chum a buaireadh, a leigeadh ris a nochd, a thuilleadh air an té eile, am feadh is beò i.

19 Mar an ceudna cha tig thu 'm fagus do

mhnaoi a leigeadh ris a nochd, an uair a chuirear air leth i air son a neòghloine.

20 Agus cha luidh thu gu collaidh le mnaoi do choimhearsnaich, a chum thu féin a thruailladh leatha.

21 Agus cha leig thu le neach air bith de d' shliochd dol troimh 'n teine do Mholech, ni mò a mihi-naomhaicheas tu ainm do Dhé: *Is mise an Tighearn.*

22 Cha luidh thu le firionnach mar le boir- ionnach: *is* gràineileachd e.

23 Ni mò a luidheas tu le h-ainmhidh sam bith gu d' thruailladh féin leis; ni mò a sheasas bean sam bith roimh ainmhidh gu luidhe sìos da: *is* amhladh e.

24 Na truaillibh sibh féin ann an aon sam bith de na nithibh sin: oir anns na nithibh sin uile thruaill na cinnich sin iad féin, a thilgeas mise mach roimhibh.

25 Agus shalaicheadh am fearann: uime sin leanaidh mi 'aingidheachd air, agus sgeithidh am fearann féin a mach a luchd- àiteachaidh.

26 Uime sin gleidhidh sibh mo reachdan agus mo bhreitheanaidh, agus cha dean sibh *aon air bith* de na gràineileachdaibh sin; *aon chuid* neach air bith d'ur cinneach féin, no coigreach a bhios air chuairt 'n ur measg:

27 (Oir na gràineileachdan sin uile rinn daoine na dùthcha, a bha roimhibh, agus tha 'm fearann air a thruailladh.)

28 Chum nach sgeith am fearann sibhse mach mar an ceudna, 'n uair a thruaillias sibh e, mar a sgeith e mach na cinnich a bha roimhibh.

29 Oir ge b'e neach a ni h-aon air bith de na gràineileachdaibh ud, *eadhon* na h-anaman a ni iad, gearrar as iad o mheasg an sluagh.

30 Uime sin gleidhidh sibh m'orduighean, a chum nach dean sibh *aon air bith* de na gnàthannaibh gràincil ud, a rinneadh roimhibh, agus nach truail sibh sibh féin anna: *Is mise an Tighearn bhur Dia.*

## CAIB. XIX.

*Laghan àraidh air am mìneachadh.*

**A** GUS labhair an Tighearn ri Maois, ag ràdh,

2 Labhair ri coimhthional chloinn' Israeil uile, agus abair riu, Bithibh naomba: oir *tha* mise an Tighearn bhur Dia naomh.

3 Bitheadh eagal bhur màthar agus bhur n-athar air gach duine agaibh, agus gleidhibh mo shàbaidean: *Is mise an Tighearn bhur Dia.*

4 Na rachaibh a thaobh gu h-ìodholaibh, agus na deanaibh diathan leaghta dhuibh féin: *Is mise an Tighearn bhur Dia.*

5 Agus ma dh'ìobras sibh ìobairt thabhart- asan-sìth do'n Tighearn, ìobraidh sibh i d'ur toil féin.

6 'S an là sin féin anns an ìobair sibh i ithcar i, agus air an là màireach: agus ma

mhaireas a bheag *dh'i* gus an treas là, loisgear 's an teine e.

7 Agus ma dh'ithear e idir air an treas là, is gràmeil e; cha ghabhar e.

8 Uime sin *gach neach* a dh'itheas e, giùlaidh e 'aingidheachd, a chionn gu'n do mhi-naomhaich e ni coisrigte an Tighearna: agus gearrar an t-anam sin as o 'shluagh.

9 Agus an uair a bhuaineas sibh foghar bhur fearainn, cha bhuain thu gu buileach oisinnan d'achaidh, ni mò a chruinnichas tu dìoghluim d'fhogharaidh.

10 Agus cha tur-lom thu d'fhìon-lios, ni mò a chruinnichas tu uile fhìon-dhearcan d'fhìon-lios; do'n bhochd agus do'n choigreach fagaidh tu iad: *Is* mise an Tighearn bhur Dia.

11 Cha ghoid sibh, ni mò a ni sibh breug, no 'mheallas aon agaibh a chèile.

12 Agus cha mhionnaich sibh air m'ainm-sa gu breugach, ni mò a mhi-naomhaichas tu ainm do Dhé: *Is* mise an Tighearn.

13 Cha dean thu foirneart air do choimhearsnach, ni mò a ni thu reubainn air: cha-n fhan duais an fhir-thuarasdail maille riut rè na h-oidheche gu maduinn.

14 Cha mhallach thu 'm bodhar, agus roimh 'n dall cha chuir thu ceap-tuislidh, ach bithidh eagal do Dhé ort: *Is* mise an Tighearn.

15 Cha dean sibh eucoir sam bith ann am breitheanas; cha bhi suim agad do ghnùis an *duine* bhochd, ni mò a bheir thu urram do ghnùis an duine chumhachdaich; ann an ceartas bheir thu breth air do choimhearsnach.

16 Cha téid thu *mu'n cuairt* mar fhear tuaileis am measg do shluaigh; ni mò a shecasas tu an aghaidh fola do choimhearsnaich: *Is* mise an Tighearn.

17 Cha bhi fuath agad do d' bhràthair ann ad chridhe: air gach aon chor cronaichidh tu do choimhearsnach, agus cha-n fhuing thu peacadh air.

18 Cha dean thu dìoghaltas, ni mò bhios falachd agad ri cloinn do shluaigh, ach gràdhaichidh tu do choimhearsnach mar thu féin: *Is* mise an Tighearn.

19 Gleidhidh sibh mo reachdan: Cha leig thu le d' spréidh siolachadh le gné eile; Cha chuir thu d'fhearran le siol measgta: ni mò a chuirear umad cudach measgta de olainn agus de lìon.

20 Agus ge b'e neach a luidheas gu collaidh le mnaoi a *tha* 'n a ban-tràill fo cheangal-pòsaidh aig fear, agus nach d'fhuasgladh idir, ni mò a thugadh saorsa dh'i, sgiùrsair i: cha chuirear gu bàs iad, a chionn nach robh i saor.

21 Agus bheir e ìobairt-eusaontais do'n Tighearn, gu dorus pàilliuin a' choimhthionail, *cadhòn* reithe mar ìobairt-eusaontais.

22 Agus ni an sagart ròite air a shon le reithe na h-ìobairt-eusaontais an làthair an Tighearna, air son a pheacaidh a rinn e: agus maithear dha a pheacadh a rinn e.

23 Agus an uair a thig sibh do'n fhearran agus a shuidhicheas sibh gach gnè chraobh air son bido, an sin mcaisaidh sibh an toradh mar ni neo-thimchioll-ghearrta: tri bliadhna bithidh e dhuibh mar ni neo-thimchioll-ghearrta: cha-n ithear dheth.

24 Ach air a' cheathramh bliadhna bithidh a thoradh uile naomh, chum chiu do'n Tighearn.

25 Agus air a' chùigeamh bliadhna ithidh sibh d'a thoradh, chum as gu'n toir e a chinneas duibh: *Is* mise an Tighearn bhur Dia.

26 Cha-n ith sibh *ni sam bith* leis an fhuil: ni mò a ghnàthaicheas sibh druidh-cachd, no 'sheallas sibh air amannaibh.

27 Cha bhearr sibh mu'n cuairt oisinnan bhur ceann, ni mò a mhillas tu oisinnan d'fheusaig.

28 Cha dean sibh gearradh sam bith 'n 'ur fcoil air son nam marbh, ni mò a chuireas sibh comharadh sam bith oirbh: *Is* mise an Tighearn.

29 Na truail do nighean, a thoirt oirre bhi 'n a striopaich; a chum as nach toirear am fearann gu striopachas, agus nach lìonar an dùthaich le h-aingidheachd.

30 Gleidhidh sibh mo shàbaidean, agus bheir sibh urram do m'ionad naomh: *Is* mise an Tighearn.

31 Na biodh suim agaibh dhiubh-san aig am bheil leanmain-shìth, agus na h-iarraibh a dh'ionnsuidh luchd-fiosachd, gu 'bhi air bhur truailleadh leo: *Is* mise an Tighearn bhur Dia.

32 An làthair a' chinn léith éiridh tu suas, agus bheir thu urram do ghnùis an duine aosda, agus bithidh eagal do Dhé ort: *Is* mise an Tighearn.

33 Agus ma bhios coigreach air chuairt maille riut 'n 'ur tìr, cha bhuin sibh gu cruaidh ris.

34 Mar neach a rugadh 'n 'ur measg bithidh dhuibhse an coigreach a tha air chuairt maille ribh, agus gràdhaichidh tu e mar thu féin; oir bha sibh féin 'n 'ur coigrich ann an tìr na h-Eiphit: *Is* mise an Tighearn bhur Dia.

35 Cha dean sibh eucoir sam bith ann am breitheanas, ann an slait-thomhais, ann an cudthrom, no ann an tonhais.

36 Meidhean cearta, clachan - tonhais cearta, ephah cheart, agus hin cheart bithidh agaibh: *Is* mise an Tighearn bhur Dia, a thug sibhse mach á tìr na h-Eiphit.

37 Uime sin gleidhidh sibh mo reachdan uile, agus mo bhreitheanas uile, agus ni sibh iad: *Is* mise an Tighearn.

## CAIB. XX.

1 *Mu shìochd a thabhairt do Mholech.* 6 *Mu mhuinntir aig am bheil leanmain-shìth.* 9 *Mu neach a mhallachas a' thair no 'mhàthair, &c.*

**A** GUS labhair an Tighearn ri Maois, ag ràdh,



## LEBHITICUS, XXI.

2 A rìs, their thu ri cloinn Israeil, Ge b'e air bith e de chloinn Israeil, no de na coigrich a tha air chuairt ann an Israel a bheir a bheag d'a shliochd do Mholech, cuirear gu cinnteach gu bàs e, clachaidh sluagh na dùthcha e le clachaibh.

3 Agus cuiridh mise mo ghnùis an aghaidh an duine sin, agus gearraidh mi as e o mheasg a shluaigh; a chionn gu'n d'thug e d'a shliochd do Mholech, a shalachadh m'ionaid naoimh-sa, agus a thruaillcadh m'ainne naoimh.

4 Agus ma dh'fholaicheas sluagh na dùthcha air chor sam bith an suilean o'n duine sin, an uair a bheir e d'a shliochd do Mholech, agus nach marbh iad e;

5 An sin cuiridh mise mo ghnùis an aghaidh an duine sin, agus an aghaidh a theaghlach, agus gearraidh mi as e, agus iadsan uile a thèid le striopachas 'n a dhéigh, a dheanamh striopachais le Molech, o mheasg an sluaigh.

6 Agus an t-anam a thèid a thaobh a dh'ionnsuidh muinntir aig am bheil leannain-shith, agus a dh'ionnsuidh luchd fiosaich, gu dol le striopachas 'n an déigh, cuiridh mise mo ghnùis an aghaidh an anama sin, agus gearraidh mi as e o mheasg a shluaigh.

7 Naomhaichibh sibh féin uime sin, agus bithibh naomha: oir *is* mise an Tighearn bhur Dia.

8 Agus gleidhidh sibh mo reachdan, agus ni sibh iad: *Is* mise an Tighearn a naomhaicheas sibh.

9 Oir gach neach a mhallaicheas 'athair no 'mhàthair, cuirear gu cinnteach gu bàs e: mhallaich e 'athair no 'mhàthair; *bithidh* 'fhuil air féin.

10 Agus an duine a ni adhaltrannas ri mnaoi fir *eile*, *eadhon esan* a ni adhaltrannas ri mnaoi a choimhearsnaich, cuirear an t-adhaltranach agus a' bhan-adhaltranach gu cinnteach gu bàs.

11 Agus an duine a luidheas le mnaoi 'athar, leig e ris nochd 'athar: cuirear gu cinnteach le 'chéile gu bàs iad; *bithidh* am fuil orra féin.

12 Agus ma luidheas duine le mnaoi a mhiic, cuirear gu deimhin le 'chéile gu bàs iad: dh'oibrich iad amhladh: *bithidh* am fuil orra féin.

13 Mar an ceudna ma luidheas duine le fear, mar a luidheas e le mnaoi, rinn iad le 'chéile gràineilcachd: cuirear gu cinnteach gu bàs iad; *bithidh* am fuil orra féin.

14 Agus ma ghabhas duine d'a ionnsuidh bean agus màthair, *is* aingidheachd e: loisgear le teine iad, cadhon esan agus iadsan; a chum nach bi aingidheachd 'n ur measg.

15 Agus ma luidheas duine le h-ainmhidh, cuirear gu cinnteach gu bàs e: agus marbhaidh sibh an t-ainmhidh.

16 Agus ma thig bean an fagus a dh'ain-

mhidh sam bith, agus gu'n luidh i sìos da, marbhaidh tu a' bhean agus an t-ainmhidh: cuirear gu cinnteach gu bàs iad; *bithidh* am fuil orra féin.

17 Agus ma ghabhas duine a phiuthar, nighean 'athar, no nighean a mhàthar, agus gu'm faic e a nochd, agus gu'm faic ise a nochd-san; *is* ni maslach e; agus gearrar as iad ann an sealladh an sluaigh: leig e ris nochd a pheathar, giùlainidh e 'aingidheachd.

18 Agus ma luidheas duine le mnaoi agus a tinneas oirre, agus gu'n leig e ris a nochd, leig e ris a tobar, agus leig ise ris tobar a fol; agus gearrar as le 'chéile iad o mheasg an sluaigh.

19 Agus cha leig thu ris nochd peathar do mhàthar, no peathar d'athar; oir tha e a' rùsgadh 'fheòla féin: giùlainidh iad an aingidheachd.

20 Agus ma luidheas duine le mnaoi bhràthar 'athar, leig e ris nochd bhràthar 'athar: giùlainidh iad am peacadh; gheibh iad bàs gun chloinn.

21 Agus ma guabhas duine bean a bhràthar, *is* ni neòghlan e: leig e ris nochd a bhràthar; *bithidh* iad gun chloinn.

22 Uime sin gleidhidh sibh mo reachdan uile, agus mo bhreitheanas uile, agus ni sibh iad; a chum nach dean am fearann, g'am bheil mi 'g'ur tabhairt gu còmhnuidh a ghabhail ann, bhur sgeith a mach.

23 Agus cha ghluais sibh ann an gnàthann-aibh nan cinneach a tha mise a' tilgeadh a mach roimhibh: oir rinn iadsan na nithean sin uile, agus uime sin ghabh mi gràin diubh.

24 Ach thubhairt mi ribhse, Sealbhaichidh sibh am fearann, agus bheir mi dhuibh e chum a shealbhadh, fearann a tha 'sruthadh le bainne agus le mil: *Is* mise an Tighearn bhur Dia, a dhealaich sibhse o gach sluagh *eile*.

25 Cuiridh sibh uime sin dealachadh eadar bh-cathaichibh glana agus neòghlan, agus eadar cunlaith neòghlan agus ghlan'; agus cha dean sibh bhur n-anaman gràineil le beathach, no le h-eun, no le gnè air bith *de ni beò* a shnàigeas air an talamh, a sgar mise uaibh mar neòghlan.

26 Agus bithidh sibh naomha dhomhsa: oir *tha* mise an Tighearn naomh, agus dhealaich mi sibhse o gach sluagh *eile*, chum as gu'm bu leam *féin* sibh.

27 Bean no duine mar an ceudna aig am bheil leannan-sith, no 'bhitheas ri fiosaich, cuirear gu deimhin gu bàs iad: clachaidh iad le clachaibh iad; *bithidh* am fuil orra féin.

## CAIB. XXI.

*Mu ghiulan nan sagart a thaobh nam marbh, agus mu'm pòsach.*

**A**GUS thubhairt an Tighearn ri Maois, Labhair ris na sagartaibh, mic Aaroin,



agus abair riu, Air son nam marbh cha salaichear neach sam bith *dhìbh* am measg a shluaigh.

2 Ach air son a dhùilean, a tha 'm fagus da, *eadhon* air son a nuhàthar, agus air son 'athar, agus air son a mhic, agus air son a nighinn, agus air son a blhràthar,

3 Agus air son a pheathar a tha 'n a h-òigh, a *tha* 'm fagus da, aig nach robh fear-pòsda; air a sonsa feudaidd e 'bhi air a shalachadh.

4 *Ach* cha salaich se e féin, *air bhi dha* 'n a dhuine urramach am measg a shluaigh, gu 'thruailladh féin.

5 Cha dean iad maile air an ceann, agus cha bhearr iad oisinn am feusaig, ni mò a ni iad gearradh 'n an feoil;

6 Bithidh iad naomha d'an Dia, agus cha truaidh iad ainm an Dè: oir tha iad a' toirt seachad tabhartais an Tighearna a bheir suas le teine, *agus* arain an Dè; uime sin bithidh iad naomha.

7 Cha ghabh iad bean a tha 'n a strìopaich, no mi-naomh; ni mò a ghabhas iad bean a chuireadh air falbh o 'fear: oir *tha* e naomh d'a Dhia.

8 Uime sin naomhaichidh tu e, oir tha e a' toirt seachad arain do Dhé; bithidh e naomh dhuit: oir *tha* mise an Tighearn naomh, a *tha* 'g ur naomhachadh.

9 Agus ma thruaill eas nighean sagairt air bith i féin le strìopachas a dheanamh, tha i a' truailleadh a h-athar: loisgear le teine i.

10 Agus esan a tha 'n a àrd-shagart o mheasg a bhàrathrean, neach a dhòirt-eadh an oladh naomh air a cheann, agus a choisrigadh a chur na h-éididh uime, cha rùig e a cheann, ni mò a reubas e 'eudach.

11 Ni mò a théid e steach a dh'ionnsuidh cuirp mhairbh sam bith: air son 'athar no air son a mhàthar cha salaich se e féin.

12 Agus as an ionad naomh cha téid e mach, ni mò a thruaillcas e ionad naomh a Dhé; oir *tha* crùn oladh-ungaidh a Dhé air: *Is* mise an Tighearn.

13 Agus gabhaidh e bean 'n a maighdeanas.

14 Bantrach no bean a chuireadh air falbh o 'fear, no bean mhi-naomh, no strìopach; iad sin cha ghabh e: ach òigh d'a shluaigh féin gabhaidh e 'n a mnaoi.

15 Agus cha truail e a shliochd am measg a shluaigh: oir *tha* mise an Tighearn 'g a naomhachadh.

16 Agus labhair an Tighearn ri Maois, ag ràdh,

17 Labhair ri h-Aaron, ag ràdh, Ge b'e air bith e de d' shliochd 'n an ginealachaih, anns am bi gaoid *sambith*, na tigeadh e 'm fagus a thoirt seachad arain a Dhé:

18 Oir ge b'e air bith duine anns *am bi* gaoid, cha tig e 'm fagus: duine dall, no

bacach, no aig am bheil sròn leachdach, no ni sam bith thuilleadh air a' chòir.

19 No duine aig am bi cos bhriste no làmh bhriste,

20 No crotach, no 'n a throich, no aig am bheil leus air a shùil, no air am bheil càrr, no cloimh, no aig am bheil a chlochan brùite:

21 Cha tig duine sam bith de shliochd Aaron an t-sagairt, anns am bheil gaoid, am fagus a thoirt seachad tabhartasan an Tighearna a bheir suas le teine: *tha* gaoid ann, cha tig e 'm fagus a thoirt seachad arain a Dhé.

22 Ithidh e aran a Dhé, *araon* de'n aran ro naomh, agus naomh.

23 Ach an taobh a steach de'n roinn-brat cha téid e, ni mò thig e 'm fagus do'n àltair, a chionn gu *bheil* gaoid ann; a chum nach truail e m' ionad naomh: oir *tha* mise an Tighearn 'g an naomhachadh.

24 Agus dh'innis Maois so do Aaron, agus d'a mhic, agus do chloinn Israeil uile.

# CAIB. XXII.

*Feumaidh an sagart air am bi neòghloine sam bith, funtuinn o nithibh naomha, &c.*

**A**GUS labhair an Tighearn ri Maois, ag ràdh,

2 Labhair ri h-Aaron, agus r'a mhic, iad 'g an sgaradh féin o nithibh naomha chloinn Israeil, agus gun iad a thoirt easonoir do m'ainm naomh-sa, anns na *nithibh sin* a naomhaicheas iad dhomh: *Is* mise an Tighearn.

3 Abair riu, Ge b'e air bith e d'ur shliochd uile am measg bhur ginealach, a théid a dh'ionnsuidh ran nithean naomha, a naomhaicheas clann Israeil do'n Tighearn, agus a neòghloine air, gearrar as an t-anam sin as mo làthair: *Is* mise an Tighearn.

4 Ge b'e air bith an duine de shliochd Aaron a *tha* 'n a lobhar, no air am bheil silteach, cha-n ith e de na nithibh naomha, gus am bi e glan. Agus ge b'e 'bheanas ri ni air bith a *tha* neòghlan leis a' mharbh, no duine aig am bheil a shìol a' dol uaith;

5 No ge b'e 'bheanas ri ni air bith a shnàigheas, leis an deanar neòghlan e, no ri duine o'm faigh e neòghloine, ge b'e air bith neòghloine a bhitheas air;

6 An t-anam a bheanas ri h-aon air bith d'an leithidibh sin, bithidh e neòghlan gu feasgar, agus cha-n ith e de na nithibh naomha, mur nigh e 'fhoil le h-uisge.

7 Agus an uair a théid a' ghrian sìos, bithidh e glan, agus an dèigh sin ithidh e de na nithibh naomha, a cliom gur e a bhiadh e.

8 An ni sin a bhàsaicheas leis féin, no a reubar le *fadh-bheathaichibh*, cha-n ith e 'g a shalachadh féin leis: *Is* mise an Tighearn.

9 Gleidhidh iad uime sin m'ordugh, air eagal gu'n giùlain iad peacadh air a shon, agus uime sin gu'm faigh iad bàs, ma

thruaillcas iad e : Tha mise an Tighearn 'g an naomhachadh.

10 Cha-n ith coigreach sam bith *de'n* ni naomh: cha-n ith fear-cuairt an t-sagairt, no seirbhiseach tuarasdail *de'n* ni naomh.

11 Ach ma cheannachas an sagart duine le 'airgiod, ithidh e dheth, agus esan a rugadh 'n a thigh; ithidh iad d'a bhiadh.

12 Agus ma bhitheas nighean an t-sagairt *pòsda* ri coigreach, cha-n fheud i ithcadh de thabhartas nan nithean naomha.

13 Ach ma bhitheas nighean an t-sagairt 'n a bantraich, no dealaichte *r'a fear*, agus gum sliochd aice, agus i air pillinn gu tigh a h-athar, mar 'n a h-òigc, ithidh i de bhiadh a h-athar; ach cha-n ith coigreach sau bith dheth.

14 Agus ma dh'itheas duine *de'n* ni naomh gun fhios da, an sin cuiridh e an eùigeamh *cuid* deth ris, agus bheir e do'n t-sagart e, *maille ris* an uì naomh.

15 Agus cha truaill iad nithean naomha chloinn Israeil, a bheir iad suas do'n Tighearn;

16 Ni mò a lèigeas iad leo cionta an eus-aontais a ghiùlan an uair a dh'itheas iad an nithean naomha: oir tha mise an Tighearn 'g an naomhachadh.

17 Agus labhair an Tighearn ri Maois, ag ràdh,

18 Labhair ri h-Aaron agus r'a mhic, agus ri cloinn Israeil uile, agus abair riu, Ge b'e air bith e de thigh Israeil, no de na coig-rich ann an Israel, a bheir seachad a thabhartas air son a bhòidean uile, no air son a shaor thabhartasan uile, a bheir iad seachad do'n Tighearn chum iobairt-loisgte;

19 *Bheir sibh seachad* d'ur toil féin *beathach* firionn gum ghaoid *de'n* bhuar, de na caoraich, no de na gabhraibh.

20 Ach ge b'e air bith ni anns am bi gaoid, *sin* cha toir sibh seachad: oir cha ghabhar air bhur son e.

21 Agus ge b'e air bith e a bheir seachad iobairt thabhartasan-sìth do'n Tighearn, a choimhlionadh a bhòide, mar thabhartas saor-thoile, *de'n* bhuar, no de ua caoraich, bithidh e ionnlan, a chum as gu'n gabhar ris: cha bli gaoid sam bith ann.

22 Dall, no briste, no ciurramach, no air am bi foime, no càrr, no cloinn, cha toir sibh seachad iad sin do'n Tighearn, ni mò a bheir sibh tabhartas dhiubh a bheirear suas le teine air an altair do'n Tighearn.

23 Aon chuid tarbh no uan aig am bi ni sam bith thar a' chòir, no dh'uircasbhuidh 'n a bhallaibh, sin feudaidh tu thoirt seachad mar shaor thabhartas; ach air son bòide cha ghabhar ris.

24 Ni sam bith a tha brùite, no pronnta, no reubta, no gearrta, cha toir sibh seachad do'n Tighearn; agus cha -n iobair sibh e 'n ur tìr.

25 Agus o làimh coigrich cha toir sibh

seachad aran bhur Dé de h-aon diubh sin; a chionn *gu'm bheil* an truaillidheachd anna, *agus gu'm bheil* gaoidean anna: cha ghabhar riu air bhur son.

26 Agus labhair an Tighearn ri Maois, ag ràdh,

27 'N uair a bheirear tarbh, no caora, no gabhar, an sin bithidh e seachd làithean fo 'mhàthair; agus o'u ochdamh là agus á sin suas, gabhar ris mar thabhartas a bheirear suas le teine do'n Tighearn.

28 Agus *ma's* bò no caora a *bhitheas ann*, chamharbhsibh i féin agus a h-àl 's anaon là.

29 Agus an uair a dhiobras sibh iobairt-buidheachais do'n Tighearn, iobraidh sibh i d'ur toil féin.

30 Air an là sin féin ithear suas i, cha-n fhàg sibh a bheag dh'i gu maduinn: *Is* mise an Tighearn.

31 Air an aobhar sin gleidhidh sibh m'aitheantan, agus ni sibh iad: *Is* mise an Tighearn.

32 Agus cha truaill sibh m'ainm naomh-sa, agus bithidh mi air mo naomhachadh am measg chloinn Israeil: *Is* mise an Tighearn a tha 'g ur naomhachadh,

33 A thug a mach sibh á tìr na h-Eiphit gu bhi a'm' Dhia agaibh: *Is* mise an Tighearn.

## CAIB. XXIII.

1 *Mu làithibh-féille an Tighearna.* 22 *Fàgar dioghluim 's an fhearann air son nam bochd.*

26 *Mu la na rèite.*

A GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, *A thaobh féillean* an Tighearna, a ghairn-eas sibh gu *bhi* 'n an comhghairmibh naomha, *is* iad *eadhon* sin m'fhéileansa.

3 Sè làithean nithear obair, ach air an t-seachdamh là *bithidh* sàbaid fhoisc, comhghairm naomh: obair sam bith cha dean sibh *air*: *is* e sàbaid an Tighearnu' e 'n ur n-àiteachaibh-còmhmuidh uile.

4 *Is iad* sin féillean an Tighearn', *eadhon* comhghairmean naomha, a ghairmeas sibh 'n an amannaibh féin:

5 Anns a' cheud mhìos, air a' cheathramh là deug de'n mhìos air feasgar, *bithidh* càisg an Tighearna.

6 Agus air a' chùigeamh là deug de'n mhìos sin féin *bithidh* féill an arain neo-ghoirtichte do'n Tighearn: seachd làithean ithidh sibh aran neo-ghoirtichte.

7 Air a' cheud là bithidh comhghairm naomh agaibh: obair thràilleil sam bith cha dean sibh *air*.

8 Ach bheir sibh seachad tabhartas a bheirear suas le teine do'n Tighearn seachd làithean: air an t-seachdamh là *bithidh* comhghairm naomh; obair thràilleil sam bith cha dean sibh *air*.

9 Agus labhair an Tighearn ri Maois, ag ràdh,



10 Labhair ri cloinn Israeil, agus abair riu, 'N uair a thig sibh a dh'ionnsuidh an fhearainn a bheir mise dhuibh, agus a bhuaineas sibh 'fhoghar, an sin bheir sibh sguab de cheud thoradh bhur fogharaidh dh'ionnsuidh an t-sagairt:

11 Agus luaisgidh e'n sguab an làthair an Tighearna, chum gu'n gabhar r'i air bhur son: air an là màireach an dèigh na sàbaid' luaisgidh an sagart i.

12 Agus iobraidh sibh air an là sin, an uair a luaisgeas sibh an sguab, uan fionn gun ghaoid, de'n cheud bhliadhna, mar iobairt-loisgte do'n Tighearn.

13 Agus *is e* a thabhartas-bidh dà dheicheamh earrann de phlùr min measgta le h-olaidh, tabhartas a bheirear suas le teine do'n Tighearn, *chum* fàile cùbhraidh: agus *bithidh* a thabhartas-dibhe de fhion, an ceathramh *cuid* de hin.

14 Agus cha-n ith sibh aran, no gràn cruaidhichte, no diasan glasa, gus an là sin féin anns an toir sibh tabhartas a chum bhur Dé: *bithidh e* 'n a reachd bith-bhuan air feadh bhur ginealachan, 'n ur n-àiteach-aibh-còmhnuidh uile.

15 Agus àirmhidh sibh dhuibh féin o'n là màireach an dèigh na sàbaid', o'n là 's an d'thug sibh leibh sguab an tabhartais-luaisgte: bithidh seachad sàbaidean ionlan ann:

16 Eadhon gus an là màireach an dèigh na seachdamh sàbaid', àirmhidh sibh leth-cheud là, agus bheir sibh seachad nuadh thabhartas-bidh do'n Tighearn.

17 Bheir sibh leibh as bhur n-àiteach-aibh-còmhnuidh dà bhuilinn luaisgte, de dhà dheicheamh earrann; bithidh iad de phlùr min; fuinear iad le taois ghoirt; *bithidh iad* 'n an ceud thoradh do'n Tighearn.

18 Agus bheir sibh seachad maille ris an aran seachd uain gun ghaoid, de'n cheud bhliadhna, agus aon tarbh òg, agus dà reithe: bithidh iad 'n an iobairt-loisgte do'n Tighearn, maille r'an tabhartas-bidh, agus an tabhartas-dibhe, *eadhon* tabhartas a bheir-ear suas le teine, a dh'fhàile cùbhraidh do'n Tighearn.

19 An sin iobraidh sibh aon mheann de na gabhraibh mar iobairt-pheacaidh, agus dà uan de'n cheud bhliadhna mar iobairt thabhartasan-sibh.

20 Agus luaisgidh an sagart iad maille ri aran a' cheud toraidh, *mar* thabhartas-luaisgte an làthair an Tighearna, maille ris an da uan: bithidh iad naomha do'n Tighearn chum an t-sagairt.

21 Agus gairmidh sibh air an là sin féin, *a chum gu'm* bi e 'n a chomhghairm naomh dhuibh: obair thràilleil sam bith cha dean sibh *air*: *Bithidh e* 'n a reachd sìorruidh 'n ur n-àiteach-aibh-còmhnuidh uile air feadh bhur ginealachan.

22 Agus an uair a bhuaineas sibh foghar bhur fearainn, cha ghearr thu gu buileach oisimean d'achaidh 'n uair a bhuaineas tu, ni mò a thionailas tu dioghluim d'fhogharaidh: fàgaidh tu iad do'n bhoehd agus do'n choigreach: *Is* mise an Tighearn bhur Dia.

23 Agus labhair an Tighearn ri Maois, ag ràdh,

24 Labhair ri cloinn Israeil, ag ràdh, 'S an t-seachdamh mìos, air a' cheud là de'n mhios, bithidh sàbaid agaibh, cuimhneachan shéideadh thrompaidean, comhghairm naomh.

25 Obair thràilleil sam bith cha dean sibh *air*; ach bheir sibh seachad tabhartas a bheir-ear suas le teine do'n Tighearn.

26 Agus labhair an Tighearn ri Maois, ag ràdh,

27 Mar an ceudna air an deicheamh là de'n t-seachdamh mìos so *bithidh* là réite; bithidh e 'n a chomhghairm naomh dhuibh, agus cràdhaidh sibh bhur n-anaman, agus bheir sibh seachad tabhartas a bheir-ear suas le teine do'n Tighearn.

28 Agus obair sam bith cha dean sibh air an là cheudna; oir *is* là réite e, a dheanamh réite air bhur son an làthair an Tighearn' bhur Dé.

29 Oir ge b'e anam nach bi fo chràdh 's an là sin féin, gearrar as e o mheasg a shluaigh.

30 Agus gach anam a ni obair sam bith air an là cheudna, an t-anam sin féin sgriosaidh mise o mheasg a shluaigh.

31 Obair sam bith cha dean sibh: *bithidh e* 'n a reachd sìorruidh air feadh bhur ginealachan, 'n ur n-àiteach-aibh-còmhnuidh uile.

32 *Bithidh e* dhuibh 'n a shàbaid fhoise, agus cràdhaidh sibh bhur n-anaman air an naothamh là de'n mhios air feasgar: o fheasgar gu feasgar cumaidh sibh bhur sàbaid.

33 Agus labhair an Tighearn ri Maois, ag ràdh,

34 Labhair ri cloinn Israeil, ag ràdh, Air a' chùigeamh là deug de'n t-seachdamh mìos so *bithidh* fèill nam pàillion *rè* sheachd làithean do'n Tighearn.

35 Air a' cheud là *bithidh* comhghairm naomh: obair thràilleil sam bith cha dean sibh *air*.

36 Seachd làithean bheir sibh seachad tabhartas a bheir-ear suas le teine do'n Tighearn: air an ochdamh là bithidh comhghairm naomh agaibh, agus bheir sibh seachad tabhartas a bheir-ear suas le teine do'n Tighearn; is àrd choimhthional e; obair thràilleil sam bith cha dean sibh *air*.

37 *Is* iad sin fèillean an Tighearn', a ghairneas sibh *gu bhì* 'n an comhghairm-ibh naomha, a thoirt seachad tabhartais a bheir-ear suas le teine do'n Tighearn, tabh-



artas-loisgte, agus tabhartas-bìdh, iobairt agus tabhartasan-dìbhe, gach ni air a là fèin;

38 A thuilleadh air sàbaidibh an Tighearna, agus a thuilleadh air bhur tiodhlacaibh, agus a thuilleadh air bhur bòidibh uile, agus a thuilleadh air bhur saor-thabhartais uile, a bheir sibh do'n Tighearn.

39 Mar an ceudna air a' chùigeamh là deug de'n t-seachdamh mìos, an uair a chruinnicheas sibh a stigh toradh an fhearainn, cumaidh sibh fèill do'n Tighearn, seachd làithean: air a' cheud là *bithidh* sàbaid, agus air an ochdamh là *bithidh* sàbaid.

40 Agus gabhaidh sibh dhuibh *fèin* air a' cheud là meas chraobh àluinn, geugan chrannpailme, agus geugan chraobh tiugha, agus seileach an t-srutha; agus ni sibh gairdeachas an làthair an Tighearna bhur Dé seachd làithean.

41 Agus cumaidh sibh e 'n a fhéill do'n Tighearn seachd làithean 's a' bhliadhna: *bithidh* e 'n a reachd siorruidh air feadh bhur ginealach; cumaidh sibh e 's an t-seachdamh mìos.

42 Ann am pàillunaibh gabhaidh sibh còmhnuidh seachd làithean; gabhaidh gach aon a rugadh 'n a Israelach còmhnuidh ann am pàillunaibh;

43 Chum gu'm bi fios aig bhur ginealaich gu'n d'thug mise air cloinn Israeil còmhnuidh 'ghabhail ann am pàillunaibh, 'n uair a thug mi mach iad á tir na h-Eiphit: Is mise an Tighearn bhur Dia.

44 Agus chuir Maois 'an céill do chloinn Israeil féilean an Tighearna.

## CAIB. XXIV.

1 *Mu'n olaidh air son nan lòchran.* 13 *Mu pheanas gach neach a mhallaicheas Dia,* 17 *no 'bhios ciontach de mhortadh.* 18 *Mu choimhleasachadh.*

**A**GUS labhair an Tighearn ri Maois, ag ràdh,

2 Aithn do chloinn Israeil iad a thoirt a d'ionnsuidh oladh fhìor-ghlan a' chroinn-olaidh, brùite air son an t-soluis, a thoirt air na lòchrain lasadh an còmhnuidh.

3 An taobh a muigh de bhrat na Fianuis, ann am pàillun a' choimhithionail, orduichidh Aaron e o fheasgar gu maduinn, an làthair an Tighearna an còmhnuidh: *bithidh* e 'n a reachd siorruidh air feadh bhur ginealach.

4 Orduichidh e na lòchrain air a' choimhleir fhìor-ghlan an làthair an Tighearna an còmhnuidh.

5 Agus gabhaidh tu plùr mìn, agus fuinidh tu dà bhreacaig dheug dheth: dà dheicheamh carrann bithidh ann an aon bhreacaig.

6 Agus suidhichidh tu iad ann an dà shreath, sè ann an sreath, air a' bhòrd fhìor-ghlan an làthair an Tighearna.

7 Agus cuiridh tu tùis fhìor-ghlan air gach sreath, chum gu'm bi i air an aran mar chuimhneachan, *eadhon* tabhartas a bheirear suas le teine do'n Tighearn.

8 Gach aon la sàbaid cuiridh e'n ordugh o an làthair an Tighearna an còmhnuidh, *air a ghabhail* o chloinn Israeil le coimhcheangal siorruidh.

9 Agus is le Aaron agus a mhic e, agus ithidh iad e 's an ionad naomh; oir *tha* e ro naomh dha, de thabhartasaibh an Tighearna a bheirear suas le teine, le reachd bith-bhuan.

10 Agus chaidh mac Ban-Israelich, aig an robh Eiphiteach 'n a athair, a mach am nicasg chloinn Israeil: agus bha mac na Ban-Israelich agus duine de Israel a' comhstri 's a' champ.

11 Agus mhaslaich mac na Ban-Israelich ainm an *Tighearna*, agus mhallaich e: agus thug iad gu Maois e (agus *b'e* ainm a mhàthar Selomit, nighean Dhibri, de thréibh Dhan.)

12 Agus chuir iad 'an làimh e, chum, gu'n nochdtadh dhoibh inntinn an Tighearna.

13 Agus labhair an Tighearn ri Maois, ag ràdh,

14 Thoir a mach esan a mhallaich an taobh a muigh de'n clamp, agus cuireadh iadsan uile a chual' e an làmh air a cheann, agus clachadh an comhchruinneachadh uile e.

15 Agus labhraidh tu ri cloinn Israeil, ag ràdh, Ge b'e neach a mhallaicheas a Dhia, giùlainidh e a pheacadh.

16 Agus esan a mhaslaicheas ainm an Tighearna, cuirear gu cinnteach gu bàs e; clachaidh gu deimhin an comhchruinneachadh uile e: an coigreach co mhaith agus esan a rugadh 's an dùthaich, 'n uair a mhaslaicheas e ainm an *Tighearna*, cuirear gu bàs e.

17 Agus esan a mharbhas duine sam bith, cuirear gun teagamh gu bàs e.

18 Agus esan a mharbhas ainmhidh, ni e dioladh air a shon; ainmhidh air son ainmhidh.

19 Agus ma bheir duine ciurram air a choimhearsnach, mar a rinn e, mar sin nith-eir air:

20 Briseadh air son brisidh, sùil air son sùla, fiacail air son fiacail; mar a thug e ciurram air duine, mar sin nith-eir air.

21 Agus esan a mharbhas ainmhidh, diolaidh se e: agus an neach a mharbhas duine, cuirear gu bàs e.

22 Bithidh an t-aon ghnè lagha agaibh co mhaith air son a' choigrich, agus air son neach de mhuinntir bhur dùthcha fèin: oir is mise an Tighearn bhur Dia.

23 Agus labhair Maois ri cloinn Israeil, iad a thoirt leo esan a mhallaich, an taobh a muigh de'n clamp, agus a clachadh le clachaibh: agus rinn clann Israeil mar a dh'aitlin an Tighearn do Mhaois.

## CAIB. XXV.

8 *Mu bliadhna na Iubile, no an Fhuasglaidh.*  
 14 *Mu fhoirneart, 35 agus mu thruacantas a*  
*thaobh nam bochd.*

A GUS labhair an Tighearn ri Maois ann an sliabh Shinaì, ag ràdh,  
 2 Labhair ri cloinn Israeil, agus abair riu,  
 'N uair a thig sibh chum na tìre a bheir mise dhuibh, an sin gleidhidh an tìr sàbaid do'n Tighearn.

3 Sè bliadhna cuiridh tu d'fhearann, agus sè bliadhna bearraidh tu d'fhion-lios, agus cruinnichidh tu stigh a thoradh.

4 Ach anns an t-seachdamh bliadhna bithidh sàbaid fhoise do'n tìr, sàbaid do'n Tighearn: d'fhearann cha chuir thu, agus d'fhion-lios cha bhearr thu.

5 Au ni sin a dh'fhàsas dheth féin de d'fhoghar, cha bluain thu, agus fion-dhearcan d'fhionain neò-dheasaichte cha chruinnich thu: 'n a bliadhna fhoise bithidh i do'n tìr.

6 Agus bithidh sàbaid na tìre 'n a biadh dhuibh: dhuit féin, agus do d' òglach, agus do d' bhanoglaich, agus do d' fhear-tuarasdail, agus do d' choigreach a tha air chuairt maille riut;

7 Agus do d' spréidh, agus do'n fhiadh-bheathach a tha ann ad fhearann; bithidh a cinneas uile chum bidh.

8 Agus àirmhidh tu dhuit féin seachd sàbaidean de bhliadhnaibh, seachd uairean seachd bliadhna; agus bithidh ùine nan seachd sàbaidean de bhliadhnaibh dhuit 'n a naoi bliadhna 's dà fhichead.

9 An sin bheir thu fàinear trompaid na Iubile a shéideadh 's an t-seachdamh mìos, air an deicheamh là de'n mhìos: ann an là na réite bheir sibh fàinear an trompaid a shéideadh air feadh bhur tìre uile.

10 Agus naomhaichidh sibh an deicheamh bliadhna 's dà fhichead, agus gairmidh sibh saorsa air feadh na dùthcha, d'a luchd-àiteachaidh uile: bithidh i 'n a Iubile dhuibh, agus pillidh sibh gach duine chum a sheilbhe féin, agus pillidh gach duine agaibh g'a theaghlach féin.

11 Bithidh an deicheamh bliadhna sin agus dà fhichead 'n a Iubile dhuibh; cha chuir sibh *sìol*, ni mò a bhuaineas sibh an ni a dh'fhàsas dheth féin innte, ni mò a thionailas sibh *dearcan-fìona* innte de d' fhionain neo-dheasaichte:

12 Oir is Iubile i, bithidh i naomh dhuibh; ithidh sibh a ciuneas as an fhearann.

13 Ann am bliadhna na Iubile so pillidh gach duine agaibh a dh'ionnsuidh a sheilbhe féin.

14 Agus ma reiceas tu 'bheag ri d' choimhearsnach, no ma cheannaicheas tu 'bheag o làimh do choimhearsnaich; cha dean sibh eucoir air a chéile.

15 A réir àireimh nam bliadhna an déigh na Iubile ceannaichidh tu o d' choimh-

earsnach, agus a réir àireimh bliadhna nam bàrr reicidh e riut.

16 A réir Ìonmhoireachd nam bliadhna meudaichidh tu a luach, agus a réir teircid nam bliadhna lughdaichidh tu a luach: oir a réir àireimh *bhliadhna* nam bàrr tha e a' reiceadh riut.

17 Agus cha dean sibh eucoir air a chéile: ach bithidh eagal do Dhé ort; oir is mise an Tighearn bhur Dia.

18 Uime sin ni sibh mo reachdan, agus gleidhidh sibh mo bhreitheanais, agus ni sibh iad; agus gabhaidh sibh còmhnuidh 's an tìr ann an tèaruinteachd.

19 Agus bheir am fearann a mach a thoradh, agus ithidh sibh bhur sàth, agus gabhaidh sibh còmhnuidh ann gu tèaruinte.

20 Agus ma their sibh, Cìod a dh'itheas sinn air an t-seachdamh bliadhna? feuch, cha chuir sinn *sìol*, ni mò a chruinnicheas sinn ar toradh:

21 An sin àithnidh mise mo bheannachadh oirbh 's an t-seathamh bliadhna, agus bheir i mach toradh air son thri bliadhna.

22 Agus euiridh sibh air an ochdamh bliadhna, agus ithidh sibh *fathast* de'n t-seann toradh gus an naothamh bliadhna; gus an tig a toradh a stigh, ithidh sibh *dén* t-seann toradh.

23 Cha reicear am fearann gu bràth; oir is leamsa am fearann: oir is coigrich agus luchd-cuairt sibhse maille rium.

24 Agus ann am fearann bhur seilbhe uile, bheir sibh saorsa do'n fhearann.

25 Ma dh'fhàs do bhràthair bochd, agus gu'n do reic e *cuid* d'a sheilbh, agus ma thig a h-aon air bith d'a dhìlsibh g'a fhuasgladh, an sin fuasglaidh e an ni a reic a bhràthair.

26 Agus mur 'eil air an duine neach g'a fhuasgladh, agus gur urrainn e féin 'fhuasgladh;

27 An sin àirmheadh e bliadhnachan a reicidh, agus thugadh e air ais an ni a tha thairis do'n duine ris an do reic se e, a chum's gu'm pill e dh'ionnsuidh a sheilbhe féin.

28 Agus mur urrainn e *sin* a thoirt air ais da, an sin fanaidh an ni sin a reiceadh ann an làimh an neach a cheannaich e, gu bliadhna na Iubile: agus anns an Iubile théid e mach, agus pillidh e chum a sheilbhe.

29 Agus ma reiceas duine tigh-còmhnuidh ann am baile cuartichte le balla, an sin feudaidh e 'fhuasgladh an taobh a stigh de bhliadhn' iomlain an déigh a reiceadh: *an taobh a stigh* de bhliadhn' iomlain feudaidh e 'fhuasgladh.

30 Agus mur fuasglar e gus an coimhlionar bliadhn' iomlain, an sin daingnichar an tigh, a tha 'n taobh a stigh de'n bhaile cuartichte le balla, gu bràth dhasan a cheannaich e, air feadh a ghinealach: cha téid e mach 's an Iubile.



31 Ach measar tighean nam bailtean nach eil cuartichte le balla, mar fhearann na tìre: feudar am fuasgladh, agus thèid iad a mach 's an Iubile.

32 Gidheadh, bailtean nan Lebhitheach, agus tighean bhailtean an seilbhe, feudaich na Lebhithich am fuasgladh uair sam bith.

33 Agus ma cheannaicheas duine o na Lebhithich, an sin thèid an tigh a reiceadh, agus baile a sheilbhe, mach 's an Iubile: oir *is iad* tighean bhailtean nan Lebhitheach an seilbh am measg chloinn Israeil.

34 Ach cha-n fheudar am fearann a tha'n taobh a muigh da'm bailtibh a reiceadh, oir *is e* sin an seilbh mhaireannach.

35 Agus ma dh'fhàsas do bhràthair bochd, agus gu'n tèid e dhéigh-làimh agad, an sin fuasglaidh tu air: *seadh, ged is* coigreach no fear-cuairt' e; agus bithidh e beò maille riut.

36 Na gabh riadh uath, no tuille 's a thug thu dha: ach bitheadh eagal do Dhé ort, a chum's gu'm feud do bhràthar a bhi beò maille riut.

37 D'airgiod cha toir thu dha air riadh, agus air son buannachd cha toir thu dha do bhiadh.

38 *Is* mise an Tighearn bhur Dia, a thug a mach sibh á tìr na h-Eiphit, a thoirt dhuibh tìre Chanaain, agus a bhi a'm' Dhia agaibh.

39 Agus ma dh'fhàs do bhràthair a tha làimh riut bochd, agus gu'n do reiceadh riut e; cha toir thu air seirbhis a dheanamh dhuit mar thràill:

40 Mar sheirbhiseach tuarasdail, agus mar fhear-cuairte, bithidh e maille riut; gu bhladhna na Iubile ni e seirbhis dhuit.

41 Agus an sin imichidh e uait, e féin agus a chlann maille ris, agus pillidh e chum a theaghlach féin, agus a chum seilbhe àith-richean pillidh e:

42 Oir *is* iadsan mo sheirbhisich, a thug mi mach á tìr na h-Eiphit: cha reicear iad mar thràillibh.

43 Cha ghnàthaich thu uachdaranachd os a cheann le h-an-ìochd, ach bithidh eagal do Dhé ort.

44 Agus *bithidh* do thràillean, agus do bhantràillean, a bhios agad, de na cinnich a tha m'ur tinnicholl; uatha-san ceannaichidh sibh tràillean agus ban-tràillean.

45 Agus a thuilleadh air so, o chloinn nan coigreach a tha air chuairt 'n ur measg, uathasan ceannaichidh sibh, agus o'n teaghlachibh a tha maille ribh, a ghin iad 'n ur fearann: agus bithidh iad 'n an seilbh dhuibh.

46 Agus gabhaidh sibh iad mar oighreachd d'ur cloinn 'n ur déigh, a chum an seilbh-achadh mar oighreachd; bithidh iad dhuibh 'n an tràillibh a chaidh: ach os ceann bhur bràithrean, cloinn Israeil, *adhon* os ceann a chéile cha ghnàthaich sibh uachdaranachd le h-an-ìochd.

47 Agus ma dh'fhàsas fear-cuairte no coigreach saoilbhir làimh riut, agus ma dh'fhàsas do bhràthair làimh ris bochd, agus gu'n reic se e féin ris a' choigreach, ris an fhear-cuairte a tha maille riut, no ri gineal teaghlach a' choigrich:

48 An déigh a reiceadh, feudar 'fhuasgladh a ris; feudaich aon d'a bhràithribh 'fhuasgladh;

49 Feudaich aon chuid bràthair 'athar, no mac bhràthar 'athar 'fhuasgladh, no feudaich aon neach a tha dlùth 'an dàimh dha d'a theaghlach féin 'fhuasgladh; no ma's urrainn e, feudaich se e féin 'fhuasgladh.

50 Agus ni e cunntas ris-san a cheannaich e o'n bhladhna anns an do reiceadh ris e, gu bliadhna na Iubile: agus bithidh luach a reicidh a réir àireimh nam bliadhna; a réir aimsir seirbhisich tuarasdail bithidh e dha.

51 Ma bhios fathast mòran bhladhnachan *ri teachd*, d'an réir sin bheir e a ris luach 'fhuasglaidh, as an airgiod air son do cheannaicheadh e.

52 Agus mur 'eil ri teachd ach beagan bhladhnachan gu bliadhna na Iubile, an sin ni e cunntas ris, agus a réir a bhladhnachan bheir e dha a ris luach 'fhuasglaidh.

53 Mar sheirbhiseach a tha air thuarasdal o bhladhna gu bliadhna bithidh e maille ris: cha ghnàthaichear uachdaranachd os a cheann le h-an-ìochd ann ad shealladh-sa.

54 Agus mur fuasglar e anns na *bliadhnai* sin, an sin thèid e mach ann am bliadhna na Iubile, e féin agus a chlann maille ris.

55 Oir dhomhsa tha clann Israeil 'n an seirbhisich; *is* iadsan mo sheirbhisich, a thug mi mach á tìr na h-Eiphit: *Is* mise an Tighearn bhur Dia.

## CAIB. XXVI.

1 *Mu ìodhol-aoradh.* 3 *Beannachadh air a ghealltainn.* 14 *Mallachadh air a bhagairt.*

**C**HA dean sibh dhuibh féin ìodholan no *coslas* snaidhte, agus cha chuir sibh suas ìomhaigh dhuibh féin, ni mò shuidhicheas sibh dealbh-cloiche 'n ur fearann, gu cromadh sìos dha; oir *is* mise an Tighearn bhur Dia.

2 Gleidhidh sibh mo shàbaidean, agus bheir sibh urram do m'ionad naomh: *Is* mise an Tighearn.

3 Ma ghluaiseas sibh a'm' reachdaibh, agus ma ghleidheas sibh m'aitheantan; agus *ma* ni sibh iad;

4 An sin bheir mise dhuibh uisge 'n a àm féin, agus bheir am fearann a mach a thoradh, agus bheir craobhan na macharach am meas uatha.

5 Agus ruigidh bhur bualadh am fion-fhoghar, agus ruigidh *bhur* fion-fhoghar àm an t-sìlchur, agus ithidh sibh bhur n-aran gu'r sàth, agus gabhaidh sibh còmhuidh gu téaruinte 'n ur tìr.



6 Agus bheir mise sith 's an tìr, agus luidhidh sibh sìos, agus cha chuir neach sam bith eagal *oirbh*: agus sgrìosaidh mi droch bheathaichean as an dùthaich, agus cha téid an claidheamh trid bhur fearainn.

7 Agus ruaigidh sibh bhur naimhdean, agus tuitidh iad roimh sibh leis a' chlaidheamh.

8 Agus cuiridh cùigear dhibh an ruaig air ceud, agus cuiridh ceud dhibh an ruaig air deich mìle: agus tuitidh bhur naimhdean roimh sibh leis a' chlaidheamh.

9 Oir amhaireidh mise oirbh, agus ni mi sìolmhor sibh, agus bheir mi oirbh fàs lionmhor, agus daingnichidh mi mo choimhcheangal ribh.

10 Agus ithidh sibh an seann *lòn*, agus bheir sibh a mach an seann *lòn* air son an *lòin* nomha.

11 Agus suidhichidh mi mo phàillium 'n ur measg: agus cha bhi gràin aig m'anam dhibh.

12 Agus imichidh mi 'n ur measg, agus bithidh mi a'm' Dhia dhuibh, agus bithidh sibhse 'n ur sluagh dhomhsa.

13 Is mise an Tighearn bhur Dia, a thug sibhse a mach á tìr na h-Eiphit, a chum nach bitheadh sibh 'n ur tràilhbh aca; agus bhris mi cuibhreac bhur cuinge, agus thug mi oirbh imeachd dìreach.

14 Ach mur éisd sibh rium, agus mur dean sibh na h-àitheantan sin uile;

15 Agus ma ni sibh tàir air mo reachdaibh, no ma ghabhas bhur n-anam gràin de m'bhreitheanas, air chor as nach dean sibh m'aitheantan uile, *ach* gu'm bris sibh mo choimhcheangal;

16 Ni mise mar an ceudna so ribhse; orduichidh mi oirbh uamhas, caitheamh, agus fiabhras loisgeach, a chaithas na sùilean, agus a bheir cràdh do'n chridhe: agus cuiridh sibh bhur sìol ann an dìomhanas, oir ithidh bhur naimhdean e.

17 Agus cuiridh mise mo ghnùis 'n ur n-aghaidh, agus marbhar sibh an làthair bhur naimhdean: agus rioghaichidh a' mhuinntir air am beag sibh oirbh, agus teichidh sibh an uair nach bi neach 'an tòir oirbh.

18 Agus mur éisd sibh rium fathast air a shon so uile, an sin ni mi peanas oirbh seachd uairean ni's mò air son bhur peacaidhean.

19 Agus brisidh mi uabhar bhur cumhachd; agus ni mi bhur speuran mar iarunn, agus bhur talamh mar umha:

20 Agus caithear bhur spionnadh ann an dìomhanas; oir cha toir bhur fearann fhàs uath, ni mò a bheir craobhan na tìre am meas uatha.

21 Agus ma théid sibh a'm' aghaidh, agus nach éisd sibh rium; bheir mi seachd uairean tuille phlaighean oirbh, a réir bhur peacaidhean.

22 Cuiridh mi mar an ceudna fiadh-bheathaichean na macharach 'n ur measg, a bheir uaibh bhur clann, agus a chuireas as d'ur spréidh, agus a ni sibh tearc ann an àireamh, agus bithidh bhur rathaidean mòra fàs.

23 Agus mur leasaichear leamsa sibh leis na *nìthibh* sin, ach gu'n téid sibh a'm' aghaidh;

24 An sin théid mise mar an ceudna 'n ur n-aghaidh-sa, agus ni mi peanas oirbh seachd uairean fathast air son bhur peacaidhean.

25 Agus bheir mi claidheamh oirbh, a dhìolas cùis-ghearain mo choimhcheangail; agus an uair a chruinnichear sibh an ceann a chéile an taobh a stigh d'ur bailtibh, cuiridh mi a' phlaigh 'n ur measg; agus bheirair thairis sibh do làimh naimhdean.

26 An uair a bhriseas mise lorg bhur n-aran, fuinidh deich mnathan bhur n-aran ann an aon àmhuinn, agus bheir iad air ais *dhuibh* bhur n-aran air a thomhas, agus ithidh sibh agus cha bhi sibh sàthach.

27 Agus mur éisd sibh air son so *uile* rium, ach gu'n téid sibh a'm' aghaidh;

28 An sin théid mise 'n ur n-aghaidh-sa mar an ceudna ann am fraoch feirge; agus smachdaichidh mise, eadhon mise, seachd uairean sibh air son bhur peacaidhean.

29 Agus ithidh sibh feoil bhur mac, agus feoil bhur nigheanan ithidh sibh.

30 Agus cuiridh mise as d'ur n-ionadaibh àrda, agus gearraidh mi sìos bhur dealbhan, agus tilgidh mi bhur colannan air colann-aibh bhur n-ìodholan, agus gabhaidh m'anam gràin dhibh.

31 Agus cuiridh mi bhur bailtean fàs, agus bheir mi lom-sgrìob air bhur n-ionadan naomha, agus cha ghabh mi faile bhur boltraich chùbhraidh.

32 Agus bheir mi lom-sgrìob air an fhearann; agus bithidh boghnadh air bhurnaimhdeibh a ghabhas còmhnuidh ann, mu'n *nì* sin.

33 Agus sgapaidh mi sibh am measg nan cinneach, agus tairngidh mi claidheamh 'n ur déigh; agus bithidh bhur fearann creachta, agus bhur bailtean fàs.

34 An sin mealaidh am fearann a shàbaidcan, am fad 's a luidheas e fàs, agus a *bhios* sibhse ann am fearann bhur naimhdean; eadhon an sin gabhaidh am fearann fois, agus mealaidh e a shàbaidcan.

35 Am fad 's a luidheas am fearann fàs, bithidh fois aige; do bhrìgh nach robh fois aige 'n ur sàbaidibh-sa, 'n uair a ghabh sibh còmhnuidh ann.

36 Agus orrasan a dh'fhàgar beò dhibh, cuiridh mise laigse 'n an cridheachaibh ann an dùthcheaibh an naimhdean; agus cuiridh fuaim duilleig air chrith iad air theicheadh; agus teichidh iad, mar gu'm biodh iad a' teicheadh o'n chlaidheamh; agus tuitidh iad an uair nach bi neach 'an tòir orra.

37 Agus tuitidh iad air muin a chéile, mar gu'm b'ann roimh 'n chlaidheamh, 'n uair nach bi neach 'an tòir orra; agus cha bli neart agaibh gu seasamh roimh b'ur naimh-dibh.

38 Agus théid as duibh am measg nan cinneach, agus ithidh talamh b'ur naimh-dean suas sibh.

39 Agus iadsan a dh'fhàgar dhibh, seargaidh iad as 'n an aingidheachd ann an dùthchaibh b'ur naimhdean; agus mar an ceudna ann an euceartaibh an aithrichean seargaidh iad as maille riu.

40 Ma dh'aidicheas iad an aingidheachd féin, agus aingidheachd an aithrichean, a réir an eusaontais a rinn iad a'm' aghaidh, agus mar an ceudna gu'n do ghluais iad a'm' aghaidh;

41 Agus gu'n do ghluais mise mar an ceudna 'n an aghaidh-san, agus gu'n d'thug mi iad do dhùthaich an naimhdean; ma bhios an sin an cridhe neo-thimchioll-ghearrta air 'rioslachadh, *air chor as gu'n gabh iad ri peanas an aingidheachd*;

42 An sin cuimhnichidh mise mo choimhcheangal ri Iacob, agus mar an ceudna mo choimhcheangal ri h-Isaac, agus mar an ceudna mo choimhcheangal ri h-Abraham cuimhnichidh mi; agus cuimhnichidh mi am fearann.

43 Tréigear mar an ceudna am fearann leo, agus mealaidd e à shàbaidean, am fcaidh 's a tha e 'n a luidhe fàs as an eugmhais; agus gabhaidh iad ri peanas an aingidheachd; a chionn, eadhon a chionn gu'n d'rinn iad tàir air mo bhreitheanais, agus a chionn gu'n do ghabh an anam gràin de m' reachdaibh.

44 Agus gidheadh air a shon so uile, 'n uair a bhios iad ann an tìr an naimhdean, cha tilg mi uam iad, ni mò a ghabhas mi gràin diubh, g'an sgrios gu tur, *agus a bhriseadh mo choimhcheangail riu: oir is mise an Tighearn an Dia.*

45 Ach air an sgàthsan cuimhnichidh mi coimhcheangal an sinnsirean, a thug mi mach á tìr na h-Eiphit, ann an sealladh nan cinneach, a chum gu'm bithinn a'm' Dhia aca: *Is mise an Tighearn.*

46 *Is iad sin na h-orduighean, agus na breitheanais, agus na reachdan, a rinn an Tighearn eadar e féin agus clann Israeil ann an sliabh Shinai, le làimh Mhaois.*

## CAIB. XXVII.

1 *Mu bhòidibh. 28 Cha-n fhuasglar ni sam bith coisrìote. 30 Buinidh uile dheachamh an fhearainn do'n Tighearn.*

**A**GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'N uair a bheir duine bòid àraidh, *buinidh na h-anaman do'n Tighearn, a réir do mheas:*

3 Agus bithidh do mheas, air an fhìrionnach o fhichead bliadhna dh'aois, eadhon gu trì fichead bliadhna dh'aois; bithidh eadhon

do mheas leth-cheud secel airgid, a réir seceil an ionaid naoimh.

4 Agus ma's boirionnach a *bhios* ann, an sin bithidh do mheas deich seceil 'ar fhichead.

5 Agus ma's gille o chùig bliadhna dh'aois, eadhon gu fichead bliadhna dh'aois, a bhios ann, an sin bithidh do mheas air son an fhìrionnach fichead secel, agus air son a' bhoirionnach deich seceil.

6 Agus ma's ann o mhìos a dh'aois, eadhon gu cùig bliadhna dh'aois, an sin bithidh do mheas air son an fhìrionnach cùig seceil airgid, agus air son a' bhoirionnach *bithidh* do mheas trì seceil airgid.

7 Agus ma's ann a *bhios* e o thri fichead bliadhna dh'aois agus os a cheann, ma's fìrionnach e, an sin bithidh do mheas cùig seceil deug, agus air son boirionnach deich seceil.

8 Ach ma bhios e ni's bochda na do mheas, an sin nochdaidh se e féin an làthair an t-sagairt, agus measaidh an sagart e: a réir a chomais-san a thug a' bhòid, measaidh an sagart e.

9 Agus ma's ainmhidh e, d'an toir daoine tabhartas a dh'ionnsuidh an Tighearna, bithidh gach ni a bheir *duine* d'an leithidibh sin do'n Tighearn, naomh.

10 Cha dean e mùthadh, ni mò ni e mal-airt, maith air son uile, no ole air son maith: ach ma ni e malairt, air chor sam bith, ainmhidh air son ainmhidh, an sin bithidh e féin, agus *an ni a fhuaradh* 'n a mhalairt, naomh.

11 Agus ma's ainmhidh neòghlan sam bith e, de nach toir iad seachad tabhartas do'n Tighearn, an sin nochdaidh e 'n t-ainmhidh an làthair an t-sagairt:

12 Agus measaidh an sagart e, ma's maith no ole e; mar a mheas tusa a *bhios a'd'* shagart e, mar sin bithidh e.

13 Ach ma dh'fhuasglas e air chor sam bith e, an sin cuiridh e an cùigeamh cuid deth ri d' mheas-sa.

14 Agus an uair a choisrigeas duine a thigh, *gu bhi* naomh do'n Tighearn, an sin measaidh an sagart e, ma's maith no ole e: mar a mheas an sagart e, mar sin seasaidh e.

15 Agus ma dh'fhuasglas esan a choisrig e, a thigh, an sin cuiridh e an cùigeamh *cuid* a dh'airgid do mheas-sa ris, agus buinidh e dha.

16 Agus ma choisrigeas duine do'n Tighearn *cuid* de fhearann a sheilbh, an sin bithidh do mheas a réir a shìl: *measar* homer de shìol corna aig leth-cheud secel airgid.

17 Ma choisrigeas e fhearann o bhliadhna na Iubile, a réir do mheas seasaidh e.

18 Ach ma choisrigeas e fhearann an déigh na Iubile, an sin airmhidh an sagart an t-airgid a réir nam bliadhn' a tha ri



teachd, eadhon gu bliadhna na Iubile, agus leigear sin sìos de d' mhcas-sa.

19 Agus ma dh'fhuasglas am fear a choisrig am fearann e air chor sam bith, an sin cuiridh e an cùigeamh *cuid* a dh'airgiod do mhcas-sa ris, agus daingnìcheas dha e.

20 Agus mur fuasgail e 'm fearann, no ma reic e 'm fearann ri duine eile, cha-n fhuasglar ni's mò e.

21 Ach bithidh am fearann, an uair a theid e mach 's an Iubile, naomh do'n Tighearn, mar fhearrann coisrigte: buinidh a shealbh do'n t-sagart.

22 Ach ma choisrigeas *duine* do'n Tighearn fearann a cheannaich e, nach ann de fhearrann a sheilbh;

23 An sin àirmhidh an sagart dha luach do mhcas, *eadhon* gu bliadhna na Iubile, agus bheir e seachad do mhcas *fein* 's an là sin, *mar* ni naomh do'n Tighearn.

24 Ann am bliadhna na Iubile pillidh am fearann d'a ionnsuidh-san o'n do cheannaich eadhadh e, *eadhon* d'a ionnsuidh-san d'am *buineadh* sealbh an fhearrainn.

25 Agus bithidh do mhcas-sa uile a réir seceil an ionaid naoimh; bithidh fichead gearh 's an t-secel.

26 Ach ceud-ghin nan ainmhidh, 'bu chòir a bhì 'n a cheud-ghin do'n Tighearn, cha choisrig duine air bith sin, co dhiubh *is* tarbh, no caora e: *is* leis an Tighearn e.

27 Ach ma's ann de bheathach neòghlan

e, an sin fuasglaidh se e a réir do mhcas-sa, agus cuiridh e an cùigeamh *cuid* deth ris; no mur fuasglar e, an sin reicear e a réir do mhcas.

28 Gidheadh, cha reicear agus cha-n fhuasglar ni sam bith coisrigte a choisrigeas duine do'n Tighearn, de gach ni a tha aige, araon de dhuine agus de ainmhidh, agus de fhearrann a sheilbh; tha gach ni coisrigte ro naomh do'n Tighearn.

29 Cha-n fhuasglar ni sam bith coisrigte, a choisrigear le daoimibh: *ach* cuirear gu cinnteach gu bàs e.

30 Agus uile dheachamh an fhearrainn, *ma's ann* de shìol an fhearrainn, *no* de mhcas na craoibhe, *is* leis an Tighearn e; *tha* e naomh do'n Tighearn.

31 Agus ma dh'fhuasglas duine idir a bheag d'a dheachamh, cuiridh e an cùigeamh *cuid* deth ris.

32 Agus a thaobh uile dheachaimh a' chruidh, no an treuda, *eadhon* gach ni air bith a dh'imicheas fo'n t-slaic; bithidh an deachamh dheth naomh do'n Tighearn.

33 Cha rannsaich e am bi e maith no ole, ni mò a ni e malairt leis: agus ma ni e malairt idir leis, an sin bithidh an dà chuid e féin agus a mhalairt naomh; cha-n fhuasglar e.

34 *Is* iad sin na h-àitheantan a dh'àithn an Tighearn do Mhaois, air son chloinn Israeil, ann an slabh Shinai.

## A I R E A M H.

### CAIB. I.

1, 17 *Na fir uile ann an Israel a' urrainn dol a mach gu cogadh air an àireamh, 47 saor o na Lebhitich.*

**A**GUS labhair an Tighearn ri Maois ann am fàsach Shinai, ann am pàillium a' choimhlthionail, air a' cheud là d'en dara mìos, 's an dara bliadhna an dèigh dhoibh teachd a mach à tìr na h-Eiphat, ag ràdh, 2 Gabhaibh *àireamh* cheann comh-chruinneachaidh chloinn Israeil uile, a réir an teaghlaichean, a réir tighe an aithrichean, maille ri àireamh an ainmean, gach firionnach a réir an ceann:

3 O fhichead bliadhna dh'aois, agus os a cheann, gach aon a's urrainn dol a mach gu cogadh ann an Israel; àirmhidh tusa agus Aaron iad a réir an buidhnean.

4 Agus maille ribhshe bithidh duine de gach uile thréibh: gach aon diubh 'n a cheann tighe 'aithrichean.

5 Agus *is* iad so ainmean nan daoine a sheasas maille ribh: De thréibh Reubein; Elisur mac Shedeuir.

6 De Shimeon; Selumiel mac Shurisadai.

7 De Iudah; Nahson mac Aminadaib.

8 De Isachar; Nataneel mac Shuair.

9 De Shebulun; Eliab mac Heloin.

10 De chloinn Iosciph; de Ephraim, Elisama mac Amihuid; de Mhanaseh, Gamaliel mac Phedahsuir.

11 De Bheniamin; Abidan mac Ghideoni

12 De Dhan; Ahieser mac Amisadai.

13 De Aser; Pagiel mac Ocrain.

14 De Ghad; Eliasaph mac Dheueil.

15 De Naphtali; Ahira mac Enain.

16 *B'* iad sin *daoin'* ainmeil a' chomh-chruinneachaidh, cinu-fheadhna threubhan an aithrichean, ceannardan mhiltean ann an Israel.

17 Agus ghabh Maois agus Aaron na daoine sin a ghairmeadh air an ainmibh.

18 Agus thionail iad an comh-chruinneachadh uile an ceann a chéile air a' cheud là d'en dara mìos, agus chuir iad 'an céill an ginealachan a réir an teaghlaichean, a réir tighe an aithrichean, a réir àireimh nan ainmean, o fhichead bliadhna dh'aois agus thairis, a réir an ceann.

19 Mar a dh'àithn an Tighearn do Mhaois,



mar sin rinn e an àireamh ann am fàsach Shinai.

20 Agus bha clann Reubein, a' mhic 'bu shine a bh'aig Israel, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, a *rèir* an ceann, gach firionnach o fhichead bliadhna dh'aois agus os a cheann, gach aon a b'urraim dol a mach gu cogadh;

21 Bha iadsan a chaidh àireamh dhiubh eadhon de thréibh Reubein, 'n an dà fhichead agus sè mìle agus cùig ceud.

22 De chloinn Shimeoin, a *rèir* an ginealach, a *rèir* an teaghlaichean, a *rèir* tighe an aithrichean, iadsan a chaidh àireamh dhiubh, a *rèir* àireimh nan ainmean, a *rèir* an ceann, gach firionnach o fhichead bliadhna dh'aois agus os a cheann, gach aon a b'urraim dol a mach gu cogadh;

23 B'iadsan a chaidh àireamh dhiubh, eadhon de thréibh Shimeoin, leth-cheud agus naoi mìle agus trì cheud.

24 De chloinn Ghad, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

25 B'iadsan a chaidh àireamh dhiubh, eadhon de thréibh Ghad, dà fhichead agus cùig mìle agus sè ceud agus leth-cheud.

26 De chloinn Iudah, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

27 B'iadsan a chaidh àireamh dhiubh, eadhon de thréibh Iudah, trì fichead agus ceithir mìle deug agus sè ceud.

28 De chloinn Isachair, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

29 B'iadsan a chaidh àireamh dhiubh, eadhon de thréibh Isachair, leth-cheud agus ceithir mìle agus ceithir cheud.

30 De chloinn Shebuluin, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

31 B'iadsan a chaidh àireamh dhiubh, eadhon de thréibh Shebuluin, leth-cheud agus seachd mìle agus ceithir cheud.

32 De chloinn Ioseiph, eadhon de chloinn Ephraim, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

33 B'iadsan a chaidh àireamh dhiubh, eadhon de thréibh Ephraim, dà fhichead mìle agus cùig ceud.

34 De chloinn Mhanasch, a *rèir* an gineal-

ach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

35 B'iadsan a chaidh àireamh dhiubh, eadhon de thréibh Mhanasch, dà mhìle dheug 'ar fhichead agus dà cheud.

36 De chloinn Bheniamin, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

37 B'iadsan a chaidh àireamh dhiubh, eadhon de thréibh Bheniamin, cùig mìle deug 'ar fhichead agus ceithir cheud.

38 De chloinn Dhan, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

39 B'iadsan a chaidh àireamh dhiubh, eadhon de thréibh Dhan, trì fichead agus dà mhìle agus seachd ceud.

40 De chloinn Aseir, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

41 B'iadsan a chaidh àireamh dhiubh, eadhon de thréibh Aseir, aon mhìle agus dà fhichead agus cùig ceud.

42 De chloinn Naphtali, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

43 B'iadsan a chaidh àireamh dhiubh, eadhon de thréibh Naphtali, trì mìle deug agus dà fhichead agus ceithir cheud.

44 Sin iadsan a chaidh àireamh, a rinn Maois agus Aaron, agus ceannardan Israeil, eadhon dà fhear dheug àireamh: bha gach fear dhiubh air son tighe 'aithrichean.

45 Mar sin bha iadsan uile a chaidh àireamh de chloinn Israeil, a *rèir* tighe an aithrichean, o fhichead bliadhna dh'aois agus os a cheann, gach aon a b'urraim dol a mach gu cogadh ann an Israel;

46 Eadhon iadsan uile a chaidh àireamh, b'iad sè ceud agus trì mìle agus cùig ceud agus leth-cheud.

47 Ach cha deachaidh na Lebhithich, a *rèir* thréibh an aithrichean, àireamh 'n an measg:

48 Oir labhair an Tighearn ri Maois, ag ràdh,

49 A mhàin cha dean thu treubh Lebhi àireamh, ni mò a ghabhas tu an *cunntas* cheann an measg chloinn Israeil:

50 Ach orduichidh tu na Lebhithich os ceann pàilliuin na Fianuis', agus os ceann a shoithichean uile, agus os ceann nan uile nithean a *bhuineas* da: giùlainidh iad an pàilliuin, agus a shoithichean uile; agus

frithèilidh iad da, agusampaichidh iad mu'n cuairt air a' phàillion.

51 Agus an uair a bhios am pàillion gu dol air 'aghaidh, leagaidh na Lebhithich a sìos e; agus an uair a bhitheas am pàillion r'a shuidheachadh, togaidh na Lebhithich suas e; agus cuirear an coigreach a thig am fagus gu bàs.

52 Agus suidhichidh clann Israeil am bùthan, gach duine làimh r'a chuideachd féin, agus gach duine làimh r'a bhrataich féin, air feadh an armailtean.

53 Ach suidhichidh na Lebhithich am bùthan mu'n cuairt air pàillion na Fianuis'; a chum's nach bi corruich air comhehrunn-eachadh chloinn Israeil, agus gleidhidh na Lebhithich cùram pàillion na Fianuis'.

54 Agus rinn clann Israeil a réir nan uile nithean a dh'èithn an Tighearn do Mhaois; mar sin rinn iad.

## CAIB. II.

*Suidheachadh nan treubh 'n am bùthaibh.*

**A**GUS labhair an Tighearn ri Maois, agus ri h-Aaron, ag ràdh,

2 Suidhichidh gach duine de chloinn Israeil làimh r'a bhrataich féin, maille ri suaichiontas tighe an aithrichean: fad as mu'n cuairt air pàillion a' choimhthionail suidhichidh iad.

3 Agus air taobh na h-àirde 'n ear, leth ri éirigh na gréine, suidhichidh luchd brataich chaimp Iudah, a réir an armailtean: agus *bithidh* Nahson mac Aminadaib 'n a cheannard air cloinn Iudah.

4 Agus *b'iad* 'armailt-san, eadhon iadsan a chaidh àireamh dhiubh, trì fichead agus ceithir mìle deug agus sè ceud.

5 Agus am fagus da suidhichidh treubh Isachair: agus *bithidh* Nataneel mac Shuair 'n a cheannard air cloinn Isachair.

6 Agus *b'iad* 'armailt-san, agus iadsan a chaidh àireamh dh'i, leth-cheud agus ceithir mìle agus ceithir cheud.

7 An sin treubh Shebuluin: agus *bithidh* Eliab mac Heloin 'n a cheannard air cloinn Shebuluin.

8 Agus *b'iad* 'armailt-san, agus iadsan a chaidh àireamh dh'i, leth-cheud agus seachd mìle agus ceithir cheud.

9 Na h-uile a chaidh àireamh ann an camp Iudah, *b'iad* ceud, agus ceithir fichead, agus sè mìle agus ceithir cheud, a réir an armailtean: théid iad so a mach air thùs.

10 Air taobh na h-àirde deas *bithidh* bratach chaimp Reubein, a réir an armailtean: agus 'n a cheannard air cloinn Reubein *bithidh* Elisur mac Shedeuir.

11 Agus *b'iad* 'armailt-san, agus iadsan a chaidh àireamh dh'i, dà fhichead agus sè mìle agus cùig cheud.

12 Agus làimh ris suidhichidh treubh Shimeoin: agus *bithidh* Selumiel mac Shurisadai 'n a cheannard air cloinn Shimeoir

13 Agus *b'iad* 'armailt-san, agus iadsan a chaidh àireamh dh'i, leth-cheud agus naoi mìle agus trì cheud.

14 An sin treubh Ghad: agus 'n a cheannard air mic Ghad, *bithidh* Eliasaph mac Reueil.

15 Agus *b'iad* 'armailt-san, agus iadsan a chaidh àireamh dhiubh, dà fhichead agus cùig mìle agus sè ceud agus leth-cheud.

16 Na h-uile a chaidh àireamh ann an camp Reubein, *b'iad* ceud agus leth-cheud agus aon mhìle, agus ceithir cheud agus leth-cheud, a réir an armailtean: agus théid iadsan a mach 's an dara ordugh.

17 An sin théid pàillion a' choimhthionail air 'aghaidh, maille ri camp nan Lebhith-each 'am meadhon a' chaimp: mar a champaicheas iad, mar sin théid iad air an aghaidh, gach duine 'n a àite féin, làimh r'am brataichibh.

18 Air taobh na h-àirde 'n iar *bithidh* bratach chaimp Ephraim, a réir an armailtean; agus *bithidh* Elisama mac Amihuid 'n a cheannard air mic Ephraim.

19 Agus *b'iad* 'armailt-san, agus iadsan a chaidh àireamh dhiubh, dà fhichead mìle agus cùig cheud.

20 Agus làimh ris-san *bithidh* treubh Mhanaseh: agus *bithidh* Gamaliel mac Phedahsuir 'n a cheannard air cloinn Mhanaseh.

21 Agus *b'iad* 'armailt-san, agus iadsan a chaidh àireamh dhiubh, dà mhìle dheug 'ar fhichead agus dà cheud.

22 An sin treubh Bheniamin: agus *bithidh* Abidan mac Ghideoni 'n a cheannard air mic Bheniamin.

23 Agus *b'iad* 'armailt-san, agus iadsan a chaidh àireamh dhiubh, cùig mìle deug 'ar fhichead agus ceithir cheud.

24 B'iadsan uile a chaidh àireamh de champ Ephraim, ceud agus ochd mìle, agus ceud, a réir an armailtean: agus théid iadsan air an aghaidh 's an treas ordugh.

25 *Bithidh* bratach chaimp Dhan air taobh na h-àirde tuath a réir an armailtean: agus *bithidh* Ahieser mac Amisadai 'n a cheannard air cloinn Dhan.

26 Agus *b'iad* 'armailt-san, agus iadsan a chaidh àireamh dhiubh, trì fichead agus dà mhìle agus seachd ceud.

27 Agus làimh risampaichidh treubh Aseir: agus *bithidh* Pagiel mac Ocrain 'n a cheannard air cloinn Aseir.

28 Agus *b'iad* 'armailt-san, agus iadsan a chaidh àireamh dhiubh, dà fhichead agus aon mhìle agus cùig cheud.

29 An sin treubh Naphtali: agus *bithidh* Ahira mac Enain 'n a cheannard air cloinn Naphtali.

30 Agus *b'iad* 'armailt-san, agus iadsan a chaidh àireamh dhiubh, leth-cheud agus trì mìle agus ceithir cheud.

31 B'iadsan uile a chaidh àireamh ann an



camp Dhan, ceud agus leth-cheud agus seachd mìle agus sè ceud: Imichidh iadsan fa dheireadh le 'm brataichibh.

32 *Is* iad sin iadsan a chaidh àirmheadh de chloinn Israeil, a réir tighe an aithrichean: b'iadsan uile a chaidh àireamh de na camp, a réir an armailtean, sè ceud agus trì mìle agus cùig ceud agus leth-cheud.

33 Ach cha deachaidh na Lebhithich àireamh 'am measg chloinn Israeil, mar a dh'aithean an Tighearn do Mhaois.

34 Agus rinn clann Israeil a réir gach nì a dh'aithean an Tighearn do Mhaois: mar sin champaich iad làimh r'am brataichibh, agus mar sin chaidh iad air an aghaidh, gach aon a réir an teaghlach, a réir tighe an aithrichean.

## CAIB. III.

1 *Ginealach Aaron agus Mhaois.* 3 *Frithealadh agus àireamh nan Lebhithich.*

**I***S* iad so mar an ceudna ginealach Aaron agus Mhaois, 's an là anns an do labhair an Tighearn ri Maois ann an sliabh Shinai.

2 Agus *is* iad so ainmean mhac Aaron; Nadab an ceud-ghin, agus Abihu, Eleasar, agus Itamar.

3 *Is* iad sin ainmean mhac Aaron, na sagartan a dh'ungadh, a choisrig e gu frith-ealadh ann an dreuchd an t-sagairt.

4 Agus fhuair Nadab agus Abihu bàs an làthair an Tighearna, 'n uair a thug iad suas teine coinneach an làthair an Tighearna, ann am fasach Shinai, agus cha robh clann aca: agus fhrithheil Eleasar agus Itamar ann an dreuchd an t-sagairt, ann an scalladh Aaron an athar.

5 Agus labhair an Tighearn ri Maois, ag ràdh,

6 Thoir treubh Lebhi am fagus, agus tais-bein iad an làthair Aaron an t-sagairt, a chum gu'm fritheil iad dha.

7 Agus gleidhidh iad a cùram-san, agus cùram a' choimhthionail uile, air beulaobh pàilliuin a' choimhthionail, a dheanamh seirbhis a' phàilliuin.

8 Agus gleidhidh iad uile shoithichean pàilliuin a' choimhthionail, agus cùram chloinn Israeil, a dheanamh seirbhis a' phàilliuin.

9 Agus bheir thu na Lebhithich do Aaron, agus d'a mhic: *tha* iad air an tabhairt da gu h-ionnalan a mach á cloinn Israeil.

10 Agus orduichidh tu Aaron agus a mhic, agus feithidh iadsan air dreuchd an t-sagairt: agus cuirear an coigreach a thig am fagus gu bàs.

11 Agus labhair an Tighearn ri Maois, ag ràdh,

12 Agus mise, feuch, ghabh mi na Lebhithich o mheasg chloinn Israeil, 'an àit a' cheud-ghin uile a dh'fhosgla a' bhrù am measg chloinn Israeil: agus is leamsa na Lebhithich;

13 **A** chionn gur leamsa gach uile cheud-

ghin; *oir* air an là anns an do bhuail mi gach ceud-ghin ann an tìr na h-Eiphit, naomhaich mi dhomh féin gach ceud-ghin ann an Israeil, eadar dhuine agus ainmhidh: is leamsa iad: *Is* mise an Tighearn.

14 Agus labhair an Tighearn ri Maois ann am fasach Shinai, ag ràdh,

15 Àireamh clann Lebhi a réir tighe an aithrichean, a réir an teaghlach: gach frionnach o mhios a dh'aois agus os a cheann àirmhidh tu iad.

16 Agus rinn Maois an àireamh a réir focail an Tighearna, mar a thugadh àithne dha.

17 Agus b'iad so mic Lebhi a réir an ainmean; Gerson, agus Cohat, agus Merari.

18 Agus *is* iad so ainmean mhac Ghersein a réir an teaghlach: Libni agus Simeil.

19 Agus mic Chohat a réir an teaghlach: Amram, agus Idsar, Hebron, agus Udsiel.

20 Agus mic Mherari a réir an teaghlach: Mahli, agus Musi: *is* iad sin teaghlach nan Lebhithich, a réir tighe an aithrichean.

21 O Ghersein *bha* teaghlach Libni, agus teaghlach Shimei: *is* iad sin teaghlach nan Gersonach.

22 Iadsan a chaidh àireamh dhiubh, a réir àircinn nam frionnach uile o mhios a dh'aois agus os a cheann, *eadhon* iadsan a chaidh àireamh dhiubh, b'iad seachd mìle agus cùig ceud.

23 Suidhichidh teaghlach nan Gersonach air cùlaobh a' phàilliuin air taobh na h-àirde 'n iar.

24 Agus *bithidh* Eliasaph mac Laeile, 'n a cheann tighe athar nan Gersonach.

25 Agus air cùram mhac Ghersein, ann am pàilliuin a' choimhthionail, *bithidh* am pàilliuin, agus am bùth, a chòmhadh, agus am brat air son doruis pàilliuin a' choimhthionail,

26 Agus cùrteinean na cùirte, agus am brat air son doruis na cùirte, a tha làimh ris a' phàilliuin, agus làimh ris an altair mu'n cuairt, agus a cuird, air son a seirbhis uile.

27 Agus o Chohat *bha* teaghlach nan Amramach, agus teaghlach nan Idseharach, agus teaghlach nan Hebronach, agus teaghlach nan Udsielach: *is* iad sin teaghlach nan Cohatach.

28 Ann an àireamh nam frionnach uile o mhios a dh'aois agus os a cheann, *bha* ochd mìle agus sè ceud, a bha 'gleidheadh cùram an ionaid naoimh.

29 Suidhichidh teaghlach mhac Chohat air taobh mu dheas a' phàilliuin

30 Agus *bithidh* Elisaphan mac Udsiel 'n a cheann tighe athar theaghlach nan Cohatach.

31 Agus air an cùram-san *bithidh* an àire, agus am bòrd, agus an coimleir, agus na h-altaircan, agus soithichean an ionaid



naoimh, leis am fritheil iad, agus am brat, agus a sheirbhis uile.

32 Agus *bithidh* Eleasar, mac Aaroin an t-sagairt, 'n a cheannard air ceannardaibh nan Lebhitheach, agus *bithidh* sùil aig orrasan a bhios a' gleidheadh cùrain au ionaid naoimh.

33 O Mherari bha teaghlach nam Mahlach, agus teaghlach nam Musitheach: *is* iad sin teaghlachan Mherari.

34 Agus iadsan a chaidh àireamh dhinbh, a réir àireimh nam frionnach uile o mhìos a dh'aois agus os a cheann, *b'iad* sè mìle agus dà cheud.

35 Agus *b'e* Suriel mac Abihail ceann tighe athar theaghlachan Mherari: suidhichidh iadsan air taobh mu thuath a' phàilliuin.

36 Agus *fo* choimhead agus cùram mhac Mherari *bithidh* buird a' phàilliuin, agus a chroinn, agus a phuist, agus a bhuinn, agus a shoithichean uile, agus gach ni a fhrithleas da,

37 Agus puist na cùirte mu'n cuairt, agus am buinn, agus am pinneachan, agus an cuird.

38 Ach iadsan a champaicheas air beulaobh a' phàilliuin air taobh na h-àirde 'n ear, *eadhon* air beulaobh pàilliuin a' choimhthionail leth ri éirigh na gréine, *is iad* Maois, agus Aaron, agus a mhic, a' gleidheadh cùrain an ionaid naoimh, air son cùrain chloinn Israeil; agus cuirear an coigreach a thig am fagus gu bàs.

39 Iadsan uile a chaidh àireamh de na Lebhithich, a rinn Maois [agus Aaron] àireamh a réir àithne an Tighearna, a réir an teaghlachan, na frionnaich uile o mhìos a dh'aois agus os a cheann, *b'iad* dà mhìle thar fhichead.

40 Agus thubhairt an Tighearn ri Maois, Àireamh gach ceud-ghin a tha 'n a fhirionnach de chloinn Israeil o mhìos a dh'aois agus os a cheann, agus gabh àireamh au ainmean.

41 Agus gabhaidh tu na Lebhithich dhomhsa (*Is* mise an Tighearn) 'an àite nan ceud-ghin uile am measg chloinn Israeil; agus spréidh nan Lebhitheach 'an àite nan ceud-ghin uile am measg spréidhe chloinn Israeil.

42 Agus rinn Maois, mar a dh'àithn an Tighearn dha, gach ceud-ghiu am measg chloinn Israeil àireamh.

43 Agus gach ceud-ghin a bha 'n a fhirionnach, a réir àireimh nan ainmean o mhìos a dh'aois agus os a cheann, dhiubhsan a chaidh àireamh dhiubh, b' iad dà mhìle thar fhichead, dà cheud agus trì fichead agus trì-deug.

44 Agus labhair an Tighearn ri Maois, ag ràdh,

45 Gabh na Lebhithich 'an àite nan ceud-ghin uile am measg chloinn Israeil, agus spréidh nan Lebhitheach 'an àit an spréidhe-

san, agus bithidh na Lebhithich agamsa: *Is* mise an Tighearn.

46 Agus air an son-san a tha gu bli air am fuasgladh de'n dà cheud agus an trì fichead agus an trì-deug, de cheud-ghin chloinn Israeil, a tha nìs lionmhoire na na Lebhithich;

47 Gabhaidh tu eadhon cùig seccil am fear air an ceann; a réir seccil an ionaid naoimh gabhaidh tu *iad*: *is e* 'n seccil fichead gerah.

48 Agus bheir thu 'n t-airgiod, leis am fuasglar an àireamh chòrr dhiubh, do Aaron agus d'a mhic.

49 Agus ghabh Maois an t-airgiod fuasglaidh uatha-san a bha thuilleadh orrasan a dh'fhuasgladh leis na Lebhithich.

50 O cheud-ghin chloinn Israeil ghabh e an t-airgiod: mìle, trì cheud agus trì fichead agus cùig seccil, a réir seccil an ionaid naoimh.

51 Agus thug Maois airgiod na muinntir' sin a dh'fhuasgladh do Aaron, agus d'a mhic, a réir focail an Tighearna, mar a dh'àithn an Tighearn do Mhaois.

## CAIB. IV.

1 *Aois agus àm frithealaidh nan Lebhitheach.*

17 *Dreuchd nan sagart.*

**A**GUS labhair an Tighearn ri Maois, agus ri h-Aaron, ag ràdh,

2 Gabh àireamh mhac Chohait o mheasg mhac Lebhi, a réir an teaghlachan, a réir tighe an aithrichean;

3 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach neach a théid a steach do'n armailt, a dheanamh na h-oibre ann am pàilliuin a' choimhthionail.

4 So an t-seirbhis a bhios aig mic Chohait, ann am pàilliuin a' choimhthionail, *mu thimchioll* nan nithean ro naomh.

5 Agus an uair a bhitheas an camp gu dol air 'aghaidh, thig Aaron agus a mhic, agus bheir iad a nuas brat a' chòmhdachaidh, agus còmhdachidh iad àirec na Fianuis leis;

6 Agus cuiridh iad oirre an còmhdachadh de chroicinnibh bhroc, agus sgaoilidh iad os a cheann eudach uile de ghorm, agus cuiridh iad a bataichean innte.

7 Agus air bòrd arain na Fianuis' sgaoilidh iad eudach de ghorm, agus cuiridh iad air na miasan, agus na tuisirean, agus na copain, agus na cuachan leis an toirear seachad tabhartas-dìbe: agus bithidh an t-aran an còmhnuidh air.

8 Agus sgaoilidh iad orra eudach scarlaid, agus còmhdachidh iad sin le còmhdachadh de chroicinnibh bhroc, agus cuiridh iad a bhataichean ann.

9 Agus gabhaidh iad endach de ghorm, agus còmhdachidh iad coinneir an t-soluis, agus a lòchrain, agus a chlobhachan, agus a shoithichean-smalaidh, agus a shoithichean-olaidh uile, leis am fritheil iad da.

10 Agus cuiridh iad e *fèin*, agus a shoithichean uile, ann an còmh-dachadh de chroicinnibh bhroce, agus cuiridh iad air lunn e.

11 Agus air an altair òir sgaoilidh iad eudach de ghorm, agus còmh-daichidh iad i le còmh-dachadh de chroicinnibh bhroce, agus cuiridh iad *r'i* a bataichean.

12 Agus gabhaidh iad na h-innill fhrithealaidh uile, leis am fritheil iad 's an ionad naomh, agus cuiridh iad ann an eudach de ghorm iad, agus còmh-daichidh iad le còmh-dachadh de chroicinnibh bhroce iad, agus cuiridh iad air lunn iad.

13 Agus bheir iad air falbh an luath o'n altair, agus sgaoilidh iad eudach corcuir oirre;

14 Agus cuiridh iad oirre a soithichean uile, leis am fritheil iad m'a tinnchioll, eadhon na tùiseirean, na greimichean-fèola, agus na sluasaidean, agus na cuachan, soithichean na h-altarach uile; agus sgaoilidh iad oirre còmh-dachadh de chroicinnibh bhroce, agus cuiridh iad *r'i* a bataichean.

15 Agus crìochnaichidh Aaron agus a mhic còmh-dachadh an ionaid naomh, agus uile shoithichean an ionaid naomh, 'n uair a bhios an camp gu dol air 'aghaidh; agus an dèigh sin thig mic Chohait g'an giùlan: ach cha bhean iad ri ni naomh *sam bith*, air eagal gu'm bàsaich iad. *Is iad na nithean sin callach mhac Chohait ann am pàillium a' choimhthionail.*

16 Agus do dhreuchd Elcasair, mhic Aaron an t-sagairt, *buinidh* an oladh chum an t-soluis, agus an tùis chùbhraidh, agus an tabhartas-bìdh lathail, agus an oladh-ungaidh, agus cùram a' phàillium uile, agus nan uile nithean a *tha* ann, 's an ionad naomh, agus 'n a shoithichibh.

17 Agus labhair an Tighearn ri Maois, agus ri h-Aaron, ag ràdh,

18 Na gearraibh as treubh theaghlachaichean nan Cohatach o mheasg nan Lebhitheach.

19 Ach so ni sibh riu, chum gu'm bi iad beò agus nach bàsaich iad, an uair a thig iad ann fagus do na nithibh ro naomh; théid Aaron agus a mhic a steach, agus orduichidh siad iad gach aon d'a sheirbhis *fèin*, agus d'a callaich.

20 Ach cha téid iad a steach a dh'fhaicinn an uair a chòmh-daichear na nithean naomh', air eagal gu'm faigh iad bàs.

21 Agus labhair an Tighearn ri Maois, ag ràdh,

22 Gabh mar an ceudna àircamh mhac Ghersein, a réir tighe an aithrichean, a réir an teaghlachaichean:

23 O dheich bliadhna fichead a dh'aois agus os a cheann, gu leth-cheud bliadhna dh'aois àirmhidh tu iad; gach neach a théid a steach a dheanamh na seirbhis, a dheanamh na h-oibre ann am pàillium a' choimhthionail.

24 *Is i* so seirbhis theaghlachaichean nan Ger-

sonach, seirbhis a dheanamh, agus callach a ghiulan.

25 Agus giùlainidh iad cùrteinean a' phàillium, agus pàillium a' choimhthionail, a chòmh-dach, agus an còmh-dachadh de chroicinnibh bhroce, a tha shuas thairis air, agus brat doruis pàillium a' choimhthionail,

26 Agus cùrteinean na cùrte, agus brat doruis geata na cùrte, a *tha* làimh ris a' phàillium, agus ris an altair mu'n cuairt, agus an cuird, agus innil am frithealaidh uile, agus gach ni a rinneadh air an son: mar so ni iad seirbhis.

27 A réir focail Aaron agus a mhac bithidh uile sheirbhis mhac nan Gersonach, 'n an callachaibh uile, agus 'n an seirbhis uile: agus orduichidh sibh dhoibh mar an cùram an callachan uile.

28 *Is i* so seirbhis theaghlachaichean mhac Ghersein, ann am pàillium a' choimhthionail; agus *bithidh* an cùram fo làimh Itamair mhic Aaron an t-sagairt.

29 A thaobh mhac Mherari, àirmhidh tu iad a réir an teaghlachaichean, a réir tighe an aithrichean:

30 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, àirmhidh tu iad, gach aon a théid a steach do'n t-seirbhis, a dheanamh oibre pàillium a' choimhthionail.

31 Agus *is e* so cùram an callaich, a réir an seirbhis uile ann am pàillium a' choimhthionail; buird a' phàillium, agus a chroinn, agus a phuist, agus a bhuinn,

32 Agus puist na cùrte mu'n cuairt, agus am buinn, agus am pinneachan, agus an cuird, maille r'an innealaibh uile, agus maille r'an seirbhis uile: agus air an airm àirmhidh sibh innil cùram an callaich.

33 *Is i* so seirbhis theaghlachaichean mhac Mherari, a réir an seirbhis uile ann am pàillium a' choimhthionail, fo làimh Itamair mhic Aaron an t-sagairt.

34 Agus rinn Maois agus Aaron agus ceannardan a' chomhchruinneachaidh mic nan Cohatach àircamh, a réir an teaghlachaichean, agus a réir tighe an aithrichean:

35 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, chum oibre ann am pàillium a' choimhthionail.

36 Agus iadsan a chaidh àireamh dhiubh, a réir an teaghlachaichean, b'iad dà mhìle, seachd ceud agus leth-cheud.

37 B'iad so iadsan a chaidh àireamh de theaghlachibh nan Cohatach, gach neach a dh'fheadadh seirbhis a dheanamh ann am pàillium a' choimhthionail, a rinn Maois agus Aaron àircamh, a réir àitme an Tighearna le làimh Mhaois.

38 Agus iadsan a chaidh àireamh de mhic Ghersein, a réir an teaghlachaichean, agus a réir tighe an aithrichean:



39 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, a chum oibre ann am pàillium a' choimhthionail;

40 Eadhon iadsan a chaidh àireamh dhiubh, a réir an teaghlach, a réir tighe an aithrichean, b'iad dà mhìle agus sè ceud agus deich 'ar fhichead.

41 So iadsan a chaidh àireamh de theaghlachibh mhac Ghersein, de gach neach a dh'fhendadh seirbhis a dheanamh ann am pàillium a' choimhthionail, a rinn Maois agus Aaron àireamh a réir àithne an Tighearna.

42 Agus iadsan a chaidh àireamh de theaghlachibh mhac Mherari, a réir an teaghlach, a réir tighe an aithrichean:

43 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a stigh do'n t-seirbhis, chum oibre ann am pàillium a' choimhthionail;

44 Eadhon iadsan a chaidh àireamh dhiubh, a réir an teaghlach, b'iad trì mìle agus dà cheud.

45 So iadsan a chaidh àireamh de theaghlachibh mhac Mherari, a rinn Maois agus Aaron, àireamh a réir focail an Tighearna le làimh Mhaois.

46 Iadsan uile a chaidh àireamh de na Lebhitich, a rinn Maois agus Aaron, agus ceannardan Israeil àireamh a réiran teaghlach, agus a réir tighe an aithrichean;

47 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a thàinig a dheanamh seirbhis an fhrithealaidh, agus seirbhis na h-eallaich ann am pàillium a' choimhthionail;

48 Eadhon iadsan a chaidh àireamh dhiubh, b'iad ochd mìle agus eùig ceud agus ceithir fichead.

49 A réir àithne an Tighearna chaidh an àirmheadh le làimh Mhaois, gach aon a réir a sheirbhis, agus a réir 'eallaich: mar so chaidh an àirmheadh leis, mar a dh'àithn an Tighearn do Mhaois.

# CAIB. V.

1 An coimhleasachadh air son eucorach. 11  
Deuchainn eudaich.

A GUS labhair an Tighearn ri Maois, ag ràdh,

2 Aithn do chloinn Israeil, iad a chur a mach as a' champ gach lobhar, agus gaeh neach air am bheil silteach, agus gach neach a tha air a shalachadh leis a' mharbh:

3 Araon firionnach agus boirionnach cuiridh sibh a mach, an taobh a muigh de'n champ cuiridh sibh iad; a chum as nach truail iad an campan, anns am bheil mise 'gabhail còmhnuidh.

4 Agus rinn clann Israeil mar so, agus

chuir iad a mach iad an taobh a muigh de'n champ: mar a labhair an Tighearn ri Maois, mar sin rinn clann Israeil.

5 Agus labhair an Tighearn ri Maois, ag ràdh,

6 Abair ri cloinn Israeil, An uair a ni fear no bean peacadh air bith a ni daoine, a dheanamh eusantais an aghaidh an Tighearna, agus gu'm bheil an t-anam sin ciontach;

7 An sin aidichidh iad am peacadh a rinn iad: agus ni e coimhleasachadh air son 'eucorach 's an iomlan, agus cuiridh e an eùigeanh *cuid* deth ris, agus bheir e *sin dhasan* air an d'rinn e 'n eucoir.

8 Ach mur bi aig an duine caraid sam bith gu coimhleasachadh a thoirt da 's an eucoir, thugar an coimhleasachadh a nithear do'n Tighearn air son na h-eucorach, do'n t-sagart; a thuilleadh air reithe na réite, leis an deanar réite air a shon.

9 Agus gach tabhartas de nithibh naomha ehloinn Israeil uile, a bheir iad chum an t-sagairt, is leis-san iad.

10 Agus nithean coisrigte gach duine, is leis-san iad: ge b'e ni a bheir duine sam bith do'n t-sagart, is leis e.

11 Agus labhair an Tighearn ri Maois, ag ràdh,

12 Labhair ri cloinn Israeil, agus abair riu, Ma théid bean fir sam bith a thaobh, agus gu'n ciontaich i 'n a aghaidh,

13 Agus gu'n luidh fear gu collaidh leatha, agus gu'm bi sin folaichte o shùilibh a fir-phòsda, agus gu'm bi e ceilte, agus gu'm bi i air a truailleadh, agus nach bi fianuis sam bith 'n a h-aghaidh, agus gun i air a glacadh 's a' *chùis*,

14 Agus gu'n tig spiorad eudaich air, agus gu'm bheil e 'g eudach air a mhnaoi, agus gu'n do thruailleadh i; no ma thàinig spiorad eudaich air, agus gu'm bheil e eud-mhor m'a mhnaoi, agus nach do thruailleadh i:

15 An sin bheir an duine a bhean a dh'ionnsuidh an t-sagairt, agus bheir e leis a tabhartas air a son, an deicheadh *cuid* a dh'ephah de mhin còrna; eha dòirt e oladh air, ni mò a chuireas e tùis air, oir *is* tabhartas eudaich a th'ann, tabhartas cuimhneachain, a' toirt aingidheachd ann an eumhne.

16 Agus bheir an sagart am fagus i, agus euiridh e i an làthair an Tighearna.

17 Agus gabhaidh an sagart uisge naomh ann an soitheach creadha, agus gabhaidh an sagart *cuid* de'n duslach a bhios air urlar a' phàillium, agus cuiridh e 's an uisge e.

18 Agus cuiridh an sagart a' bhean ann an làthair an Tighearna, agus rùisgidh e ceann na mnà, agus cuiridh e 'n tabhartas cuimhneachain 'n a làmhann, eadhon an tabhartas eudaich; agus bithidh aig an



t-sagart 'n a làimh an t-uisge searbh a mhallaicheas.

19 Agus gabhaidh an sagart mionnan dh'i, agus their e ris a' mhnaoi, Mur do luidh fear sam bith leat, agus mur deachaidh tu thaobh gu neòghloine *maille ri neach eile* 'an àite d'fhir-phòsda, bi-sa saor o'n uisge shearbh so a mhallaicheas:

20 Ach ma chaidh thu thaobh *gu neach eile* 'an àite d'fhir-phòsda, agus gu'n do thruaillleadh thu, agus gu'n do luidh fear eile leat a thruilleadh air d'fhear-phòsda;

21 An sin gabhaidh an sagart mionnan mallachaidh de'n mhnaoi, agus their an sagart ris a' mhnaoi, Gu'n deanadh an Tighearn a'd' mhallachadh agus a'd' mhiannan thu am measg do shluaigh, 'n uair a bheir an Tighearn air do shliasaid lobhadh, agus air do bhroinn atadh;

22 Agus theid an t-uisge so a mhallaicheas a stigh a'd' imibh, a thoirt air do bhroinn atadh, agus air do shliasaid lobhadh: Agus their a' bhean, Amen, amen.

23 Agus sgrìobhaidh an sagart na mallachdan sin ann an leabhar, agus dubhaidh e mach *iad* leis an uisge shearbh;

24 Agus bheir e air a' mhnaoi an t-uisge searbh a bheir am mallachadh, òl: agus theid an t-uisge a mhallaicheas a steach innte, *agus fàsaidh* e searbh.

25 An sin gabhaidh an sagart an tabhartas eudaich à làimh na mnà, agus luaisgidh e 'n tabhartas an làthair an Tighearn, agus bheir e seachad e air an altair.

26 Agus gabhaidh an sagart làn glaise de'n tabhartas, *eadhon* a chuimhneachan, agus loisgidh e air an altair e, agus an deigh sin bheir e air a' mhnaoi an t-uisge òl.

27 Agus an uair a bheir e oirre an t-uisge òl, an sin tarlaidh ma thruaillleadh i, agus ma rinn i coire an aghaidh a fir-phòsda, gu'n téid an t-uisge a mhallaicheas a steach innte, *agus fàsaidh* e searbh, agus ataidh a brù, agus lobhaidh a shiasaid: agus bithidh a' bhean 'n a mallachadh am measg a sluaigh.

28 Agus mur do thruaillleadh a' bhean, ach gu'n bheil i glan: an sin bithidh i saor, agus fàsaidh i torrach.

29 *Is* e so lagh nan eud, an uair a theid bean a thaobh *gu fear eile* 'an àit a fir-phòsda, agus a thruailllear i;

30 No 'n uair a thig spioradeudaich air fear, agus a tha e 'g eudach air, agus a chuireas e a' bhean an làthair an Tighearna, agus a chuireas an sagart 'an gnìomh oirre an lagh so uile;

31 An sin bithidh an duine saor o'n chionta, agus giùlainidh a' bhean so a cionta.

#### CÀIB. VI.

1 *Lagh nan Nasaraich.* 22 *Modh beannachaidh chloinn Israeil.*

**A** GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'N uair a dhealaicheas aon chuid bean no fear *iad fèin* a bhòidcachadh bòide Nasaraich, a chum *iad fèin* a dhealachadh do'n Tighearn;

3 O fhìon, agus o dhìbh làidir sgaraidh se e fèin: fion-geur fiona, no fion-geur dìbhe làidir cha-n òl e, ni mò a dh'òlas e bheag de shùgh nam fion-dhearcan, ni mò a dh'itheas e fion-dhearcan ùra no tior-am.

4 Uile làithean a dhealachaidh cha-n ith e bheag a nithear de'n chràibh-fhìona, o na h-eiteanaibh gus am plaosg.

5 Uile làithean bòide a dhealachaidh, cha tig caltainn air a cheann: gus an coimhlonar na làithean anns an dealaich se e *fèin* do'n Tighearn, bithidh e naomh; *agus* leigidh e le ciabhan gruaige a chinn fàs.

6 'S na làithibh sin uile anns an dealaich se e *fèin* do'n Tighearn, cha tig e 'm fagus do chorp marbh sam bith.

7 Cha dean se e fèin neòghlan air son 'athar, no air son a mhàthar, air son a bhràthar, no air son a pheathar, an uair a gheibh iad bàs; do bhrìgh gu *bheil* coisreagadh a Dhé air a cheann.

8 Uile làithean a dhealachaidh *tha* e naomh do'n Tighearn.

9 Agus ma gheibh duine gu h-obann bàs làimh ris, agus gu'n do shalaich e ceann a choisreagadh; an sin bearraidh e a cheann ann an là a ghlanaidh, air an t-seachdamh là bearraidh se e.

10 Agus air an ochdamh là bheir e dà thurtur, no dà choluman òg, a dh'ionnsuidh an t-sagairt, gu dorus pàilliun a' choimhthionail.

11 Agus ìobraidh an sagart fear diubh mar ìobairt-pheacaidh, agus am fear eile mar ìobairt-loisgte, agus ni e réite air a shon, a chionn gu'n do pheacaich e thaobh a' mhairbh, agus naomhaichidh e a cheann 's an sin fèin.

12 Agus coisrigidh e do'n Tighearn làithean a dhealachaidh, agus bheir e leis uan de'n cheud bhliadhna chum ìobairt-eusaontais: ach bithidh na làithean a chaidh seachad caillte, do bhrìgh gu'n do shalaicheadh a dhealachaidh.

13 Agus *is* e so lagh an Nasaraich: 'N uair a choimhlonar làithean a dhealachaidh, bheir e gu dorus pàilliun a' choimhthionail:

14 Agus bheir e seachad a thabhartas do'n Tighearn, aon uan fìonn de'n cheud bhliadhna gun ghaoid a chum ìobairt-loisgte, agus aon uan boirionn de'n cheud bhliadhna gun ghaoid a chum ìobairt-pheacaidh, agus aon reithe gun ghaoid a chum ìobairt-shìth;

15 Agus bascaid de aran neo-ghoirtichte, breacagan de phlùrmin measgta le h-òlaidh, agus dearnaganan de aran neo-ghoirtichte

ungta le h-olaidh, agus an tabhartas-bidh, agus an tabhartasan-dibhe.

16 Agus bheir an sagart *iad* an làthair an Tighearn, agus ìobraidh e ìobairt-pheacaidh, agus ìobairt-loisgte.

17 Agus ìobraidh e 'n reithe mar ìobairt thabhartasan-sith do'n Tighearn, maille ris a' bhascaid de aran neo-ghoirtichte: bheir an sagart seachad mar au cendna a thabhartas-bidh, agus a thabhartas-dibhe.

18 Agus bearraidh an Nasarach ceann a dhealachaidh, aig doras pàilliuin a' choimh-thionail; agus gabhaidh e gruag cinn a dhealachaidh, agus cuiridh e i's an teine a *tha* fo ìobairt nan tabhartasan-sith.

19 Agus gabhaidh an sagart slinnean bruich an reithe, agus aon bhreacag neo-ghoirtichte as a' bhascaid, agus aon dearnagan neo-ghoirtichte; agus cuiridh e *iad* air làmhau na Nasaraich, an déigh do *ghruaig* a dhealachaidh bhi air a bearradh.

20 Agus luaisgidh an sagart *iad* mar thabhartas-luaisgte an làthair an Tighearna; *tha* so naomh do'n t-sagart maille ris au uchd luaisgte, agus *maille ris* an t-slinnean thogta: agus an déigh sin feudaidh an Nasarach fion òl.

21 *Is* e so lagh an Nasaraich, a thug bòid, agus *lagh* a thabhartais do'n Tighearn air son a dhealachaidh, a thuilleadh air na gheibh a làmh: a réir a bhòide a bhòidich e, mar sin is éigin da dheanamh, a réir lagha a dhealachaidh.

22 Agus labhair an Tighearn ri Maois, ag ràdh,

23 Labhair ri h-Aaron agus r'a mhic, ag ràdh, Air a' mhodh so beaunaichidh sibh clann Israeil, ag ràdh riu,

24 Gu'm beannaicheadh an Tighearn thu, agus gu'n gleidheadh e thu:

25 Gu'n tngadh an Tighearn air 'aghaidh deàrachadh ort, agus bitheadh e gràs-mhor riut:

26 Gu'n togadh an Tighearn suas a ghnùis ort, agus gu'n tngadh e sìth dhnit.

27 Agus cuiridh iad m'ainm air cloinn Israeil, agus beannaichidh mise iad.

# CAIB. VII.

2, 10 *Tabhartais ceannardan Israeil. 89 Labhair Dia ri Maois.*

**A**GUS tharladh air an là anns an do chuir Maois snas an pàilliuin gu h-ìomlan, agus 's an d'ung se e, agus 's an do naomhaich se e, agus 'uidheam uile, araon an altair agus a soithichean uile, agus 's an d'ung e iad, agus 's an do naomhaich e iad;

2 Gu'n d'thug ceannardan Israeil, cinn tighe an aithrichean, (eadhon ceannardan nau treubh, a bha os ceann na mminntir' a chaidh àireamh) seachad tabhartas:

3 Agus thug iad an tabhartas an làthair an Tighearna, sè feunan còmhdaichte, agus

dà dhamh dheug: feun air son dìthis de na ceannardaibh, agus damh air son gach fir dhiubh, agus thug iad air beulaobh a' phàilliuin iad.

4 Agus labhair an Tighearn ri Maois, ag ràdh,

5 Gabh uatha *iad*, a chum gu'm bi iad a dheanamh seirbhis pàilliuin a' choimh-thionail; agus bheir thu iad do na Lebbithich, do gach fear a réir a sheirbhis.

6 Agus ghabh Maois na feunan agus na daimh, agus thug e do na Lebbithich iad.

7 Dà fheun agus ceithir daimh thug e do mhic Ghersein, a réir an seirbhis.

8 Agus ceithir feunan agus ochd daimh thug e do mhic Mherari, a réir an seirbhis, fo làimh Itamar mhic Aaroin an t-sagairt.

9 Ach do mhic Chohait cha d' thug e h-aon air bith; a chionn gu'm *b'i* seirbhis an ionaid naomh a bhuineadh dhòibhsan, gu'n giùlaineadh iad air an gualibh.

10 Agus thug na ceannardan seachad tabhartas a chum coisreagaidh na h-altarach, air an là auns an d'ungadh i; thug eadhon na ccaunardan seachad an tabhartas air beulaobh na h-altarach.

11 Agus thubhairt an Tighearn ri Maois, Bheir gach ceannard seachad a thabhartas air a là féin, chum coisreagaidh na h-altarach.

12 Agus csan a thug seachad a thabhartas air a' cheud là, b'e Nahson mac Aminadaib, de thréibh Iudah.

13 Agus b'e a thabhartas aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

14 Aon spàin de dheich *seceil* òir, làn de thùis:

15 Aon tarbh òg, aon reithe, aon uan de'n cheud bhliadhna, chum ìobairt-loisgte:

16 Aon mheann de na gabhraibh chum ìobairt-pheacaidh:

17 Agus a chum ìobairt nan tabhartas-sith, dà tharbh, cùig reitheachan, chig bnicghaibhre, cùig uain de'n cheud bhliadhna. *B'e* so tabhartas Nahsoin mhic Aminadaib.

18 Air an dara là thug Natanceel mac Shuair, ceannard Isachair, seachad tabhartas.

19 Thug e seachad mar a thabhartas aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

20 Aon spàin òir, de dheich *seceil*, làn de thùis:

21 Aon tarbh òg, aon reithe, aon uan de'n cheud bhliadhna, chum ìobairt-loisgte:



22 Aon mheann de na gabhraibh chum ìobairt-*pheacaidh*:

23 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Natanceil mhic Shuair.

24 Air an t-reas là *thug* Eliab mac Heloin, ceannard chloinn Shebuluin, *seachad tabhartas*.

25 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

26 Aon spàin òir de dheich *seceil*, làn de thùis:

27 Aon tarbh òg, aon reithe, aon uan de'n cheud bhliadhna, chum ìobairt-loisgte:

28 Aon mheann de na gabhraibh chum ìobairt-*pheacaidh*:

29 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Eliab mhic Heloin.

30 Air a' cheathramh là *thug* Elisur mac Shedeuir, ceannard chloinn Reubein, *seachad tabhartas*.

31 *B'e* a thabhartas aon mhias airgid de cheud agus deich seceil 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

32 Aon spàin òir de dheich *seceil*, làn de thùis:

33 Aon tarbh òg, aon reithe, aon uan de'n cheud bhliadhna, chum ìobairt-loisgte:

34 Aon mheann de na gabhraibh chum ìobairt-*pheacaidh*:

35 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Elisur mhic Shedeuir.

36 Air a' chùigeamh là *thug* Selumiel mac Shurisadai, ceannard chloinn Shimeoin, *seachad tabhartas*.

37 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

38 Aon spàin òir de dheich *seceil*, làn de thùis:

39 Aon tarbh òg, aon reithe, aon uan de'n cheud bhliadhna, chum ìobairt-loisgte:

40 Aon mheann de na gabhraibh chum ìobairt-*pheacaidh*.

41 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Shelumiel mhic Shurisadai.

42 Air an t-seathamh là *thug* Eliasaph

mac Dheucil, ceannard chloinn Ghad, *seachad tabhartas*.

43 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

44 Aon spàin òir de dheich *seceil*, làn de thùis:

45 Aon tarbh òg, aon reithe, aon uan de'n cheud bhliadhna, chum ìobairt-loisgte:

46 Aon mheann de na gabhraibh chum ìobairt-*pheacaidh*:

47 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Eliasaph mhic Dheucil.

48 Air an t-seachdamh là *thug* Elisama mac Amihuid, ceannard chloinn Ephraim, *seachad tabhartas*.

49 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

50 Aon spàin òir de dheich *seceil*, làn de thùis:

51 Aon tarbh òg, aon reithe, aon uan de'n cheud bhliadhna, chum ìobairt-loisgte:

52 Aon mheann de na gabhraibh chum ìobairt-*pheacaidh*:

53 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Elisama mhic Amihuid.

54 Air an ochdamh là *thug* Gamaliel mac Phedahsuir, ceannard chloinn Mhanasch, *seachad tabhartas*.

55 *B'e* a thabhartas-san aon mhias airgid de cheud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

56 Aon spàin òir de dheich *seceil*, làn de thùis:

57 Aon tarbh òg, aon reithe, aon uan de'n cheud bhliadhna, chum ìobairt-loisgte:

58 Aon mheann de na gabhraibh chum ìobairt-*pheacaidh*:

59 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Ghamaliel mhic Phedahsuir.

60 Air an naothamh là *thug* Abidan mac Ghideoin, ceannard chloinn Bheniamin, *seachad tabhartas*.

61 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid



naomh, iad le 'chéile làn de phlùr mìn measgta le h-olaidh, chum tabhartais-bidh:

62 Aon spàin òir de dheich *seceil*, làn de thùis:

63 Aon tarbh òg, aon reithe, aon uan de'n cheud bhliadhna, chum ìobairt-loisgte:

64 Aon mheann de ua gabhraibh chum ìobairt-pheacaidh:

65 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Abidain mhic Ghideoni.

66 Air au deicheamh là *thug* Ahieser mac Amisadai, ceannard chloinn Dhan, *seachad* tabhartas.

67 *B'e* a tabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

68 Aon spàin òir de dheich *seceil*, làn de thùis:

69 Aon tarbh òg, aon reithe, aon uan de'n cheud bhliadhna, chum ìobairt-loisgte:

70 Aon mheann de na gabhraibh chum ìobairt-pheacaidh:

71 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Ahieser mhic Amisadai.

72 Air an aon là deug *thug* Pagiel mac Ocrain, ceannard chloinn Aseir, *seachad* tabhartas.

73 *B'e* a tabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

74 Aon spàin òir de dheich *seceil*, làn de thùis:

75 Aon tarbh òg, aon reithe, aon uan de'n cheud bhliadhna, chum ìobairt-loisgte:

76 Aon mheann de na gabhraibh chum ìobairt-pheacaidh:

77 Agus a chum ìobairt nau tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Phagiel mhic Ocrain.

78 Air au dara là dheug *thug* Ahira mac Enain, ceannard chloinn Naphtali, *seachad* tabhartas.

79 *B'e* a tabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bidh:

80 Aon spàin òir de dheich *seceil*, làn de thùis:

81 Aon tarbh òg, aon reithe, aon uan de'n cheud bhliadhna, chum ìobairt-loisgte:

82 Aon mheann de na gabhraibh chum ìobairt-pheacaidh:

83 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Ahira mhic Enain.

84 *B'e* so coisreagadh na h-altarach (s an là anns au d'ungadh i) le ceannardaibh Israel: dà mhias dheug airgid, dà chuach dheug airgid, dà spàin dheug òir:

85 *B'e cudthrom* gach méise airgid ceud agus deich *seceil* 'ar fhichead, agus gach cuaiche deich agus tri fichead: *B'e cudthrom* nan soithichean airgid uile, dà mhile agus ceithir cheud *seceil*, a réir seceil an ionaid naomh.

86 *Bha* dà spàin dheug òir ann, làn de thùis, cudthrom gach aon fa leth deich seceil, a réir seceil an ionaid naomh: *B'e* òr nan spàinean uile ceud agus fichead secel.

87 *Biad* na tairbh uile chum ìobairt-loisgte dà tharbh dheug, na reitheachan a dhà-dheug, na h-uain de'n cheud bhliadhna dhà-dheug, maille r'an tabhartas-bidh: agus na minn de na gabhraibh chum ìobairt-pheacaidh a dhà-dheug.

88 Agus *b'iad* na tairbh uile, chum ìobairt nan tabhartas-sith, ceithir tairbh 'ar fhichead, na reitheachan tri fichead, na buic-ghaibhre tri fichead, na h-uain de'n cheud bhliadhna tri fichead. *B'e* so coisreagadh na h-altarach, an déigh dh'i bhí air a h-ungadh.

89 Agus an uair a chaidh Maois a steach do phàillium a' choimhthionail, a labhair ris: an sin chual' e guth *aoin* a' labhair ris o uachdar na caithir-thròcair' a *bha* os ceann airce na Fianuis, o eadar an dà cherub; agus labhair e ris.

# CAIB. VIII.

1 *Mar a lasadh na lòchrain.* 5 Coisreagadh nan Lebhithich; 23 an aois agus àm am frithealaidh.

**A**GUS labhair an Tighearn ri Maois, ag ràdh,

2 Labhair ri h-Aaron, agus abair ris, 'N uair a lasas tu na lòchrain, bheir na seachd lòchrain solus uatha thall fa chomhair a' choimhleir.

3 Agus rinn Aaron mar sin; las e a lòchrain thall fa chomhair a' choimhleir; mar a dh'aithean an Tighearn do Mhaois.

4 Agus *b'e* so obair a' choimhleir: *bha* e dh'òr buailte gu ruig a chos, gu ruig a bhàthan *bha* e dh'obair bhualte: a réir an t-samhlaidh a nochd an Tighearn do Mhaois, mar sin rinn e 'n coimhleir.

5 Agus labhair an Tighearn ri Maois, ag ràdh,

6 Gabh na Lebhithich o mheasg chloinn Israeil, agus glan iad.

7 Agus mar so ni thu riu, chum an glanadh: crath uisge glanaidh orra, agus thugadh iad caitinn thar am feoil nile, agus

nighcadh iad an eudach, agus *mar sin* deanadh iad glan iad féin.

8 An sin gabhadh iad tarbh òg maille r'a thabhartas-bidh, *eadhon* plùr nùn measgta le h-olaidh, agus gabhaidh tu tarbh òg eile chum iobairt-pheacaidh.

9 Agus bheir thu na Lebhithich air beul-aobh pàilliuin a' choimhthionail: agus cruinn-ichidh tu coimhthional chloinn Israeil uile 'an ceann a chéile:

10 Agus bheir thu na Lebhithich an làth-air an Tighearn', agus cuiridh clann Israeil an làmh air na Lebhithich:

11 Agus luaisgidh Aaron na Lebhithich ann an làthair an Tighearn', *mar* thabhartas-luaisgte o chloinn Israeil; a chum gu'n dean iad seirbhis an Tighearn'.

12 Agus cuiridh na Lebhithich an làmh-an air cinn nan tarbh; agus iobraidh tu h-aon *dinbh mar* iobairt-pheacaidh, agus an fear eile *mar* iobairt-loisgte do'n Tighearn, a dheanamh réite air son nan Lebhithich.

13 Agus cuiridh tu na Lebhithich an làth-air Aaron, agus an làthair a mhac, agus luaisgidh tu iad *mar* thabhartas-luaisgte do'n Tighearn.

14 Mar so sgaraidh tu na Lebhithich o mheasg chloinn Israeil; agus bithidh na Lebhithich leamsa.

15 Agus 'n a dhéigh sin théid na Lebhithich a steach a dheanamh seirbhis pàilliuin a' choimhthionail; agus glanaidh tu iad, agus luaisgidh tu iad *mar* thabhartas-luaisgte:

16 Oir thugadh dhomhsa gu h-ìomlan iad o mheasg chloinn Israeil; 'an àite gach aoin a dh'fhosglaas a' bhrù, *eadhon 'an àite* ceud-ghin chloinn Israeil uile, ghabh mi dhomh féin iad.

17 Oir is leamsa uile cheud-ghin chloinn Israeil, *araon* duine agus ainmhidh: 's an là air an do bhuail mi gach ceud-ghin ann an tìr na h-Eiphit, naomhaich mi iad dhomh féin.

18 Agus ghabh mi na Lebhithich 'an àit uile cheud-ghin chloinn Israeil.

19 Agus thug mi na Lebhithich mar thiodhlac do Aaron, agus d'a mhic, o mheasg chloinn Israeil, a dheanamh seirbhis chloinn Israeil ann am pàilliuin a' choimhthionail, agus a dheanamh réite air son chloinn Israeil; a chum as nach bi plaigh sam bith ann measg chloinn Israeil, an uair a thig clann Israeil am fagus do'n ionad naomh.

20 Agus rinn Maois agus Aaron, agus comhchruinneachadh chloinn Israeil uile, ris na Lebhithich a réir gach ni a dh'àithn an Tighearn do Mhaois a thaobh nan Lebhithich, mar sin rinn clann Israeil riu.

21 Agus ghlanadh na Lebhithich, agus nigh iad an eudach; agus thug Aaron suas iad *mar* thabhartas an làthair an Tighearn';

agus rinn Aaron réite air an son a chum an glanadh.

22 Agus an déigh sin chaidh na Lebhithich a steach, a dheanamh an seirbhis ann am pàilliuin a' choimhthionail, an làthair Aaron agus an làthair a mhac: mar a dh'àithn an Tighearn do Mhaois a thaobh nan Lebhithich, mar sin rinn iad riu.

23 Agus labhair an Tighearn ri Maois, ag ràdh,

24 *Is e so an nì a bhuineas* do na Lebhithich: o chùig bliadhna fichead a dh'aois, agus os a cheann, théid iad a steach a dh'fheitheamh air seirbhis pàilliuin a' choimhthionail:

25 Agus o aois leth-cheud bliadhna sguiridh iad a dh'fheitheamh air a sheirbhis, agus cha dean iad seirbhis ni 's mò:

26 Ach fritheilidh iad maille r'am bràithribh ann am pàilliuin a' choimhthionail a ghleidheadh a' chùram, agus cha dean iad seirbhis sam bith eile. Mar so ni thu ris na Lebhithich a thaobh an cùram.

## CAIB. IX.

1 *A' chàisg air a h-òrduchadh.* 15 *Threòraich* neul a bha air a' phàilliuin clann Israeil air an turus.

**A** GUS labhair an Tighearn ri Maois ann am fàsach Shinai, 's a' cheud mhìos de'n dara bliadhna an déigh dhoibh teachd a mach à tìr na h-Eiphit, ag ràdh,

2 Cumadh mar an ceudna clann Israeil a' chàisg 'n a h-àm suidhichte féin.

3 'S a' cheathramh là deng de'n mhìos so, air feasgar, cumaidh sibh i'n a h-àm suidhichte féin, a réir a h-òrduighean uile, agus a réir a deas-ghnàthan uile, cumaidh sibh i.

4 Agus labhair Maois ri cloinn Israeil, iad a chumail na chàisg.

5 Agus chum iad a' chàisg air a' cheathramh là deng de'n chend mhìos air feasgar, ann am fàsach Shinai: a réir gach ni a dh'àithn an Tighearn do Mhaois, mar sin rinn clann Israeil.

6 Agus bha daoine àraidh a shalaicheadh le corp duine mhairbh, air chor as nach b'urrainn iad a' chàisg a chumail air an là sin; agus thàinig iad an làthair Mhaois, agus an làthair Aaron air an là sin.

7 Agus thubhairt na daoine sin ris, *Tha* sinne air ar salachadh le corp duine mhairbh: c'ar son a chumar air ar n-ais sinn, a chum as nach feud sinn tabhartas an Tighearn' a thoirt seachad 'n a h-àm suidhichte féin ann measg chloinn Israeil?

8 Agus thubhairt Maois rin, Seasaibh an sin, agus cruinnidh mise cìod a dh'àithneas an Tighearn d'ur taobh.

9 Agus labhair an Tighearn ri Maois, ag ràdh,

10 Labhair ri cloinn Israeil, ag ràdh, Ma bhios duine sam bith dhibh, no d'ur slìochd, air a shalachadh le corp marbh, no *ma bhios*



e air thurus fad air astar, gidheadh cumaidh e a' chàisg do'n Tighearn.

11 'S a' cheathramh là deug de'n dara mìos air feasgar cumaidh iad i: le h-aran neo-ghoirtichte, agus le *lusaibh* searbha ithidh iad i.

12 Cha -n fhàg iad a bheag dlùth gu maduinn, ni mò a bhriseas iad enàimh dhith: a rèir uile orduighean na càisge cumaidh iad i.

13 Ach an duine a *tha* glan, agus nach 'eil air thurus, agus a dhearmadas a' chàisg a chumail; gearrar eadhon an t-anam sin fèin as o 'shluagh, a chionn nach d'fhug e seachad tabhartas an Tighearna 'n a àm suidhichte: giùlainidh an duine sin a pheacadh.

14 Agus ma bhios coigreach air chuairt 'n ur measg, agus gu'n cum e a' chàisg do'n Tighearn, a réir orduigh na càisge, agus a réir a gnàtha, mar sin ni e: bithidh aon ordugh agaibh araon air son a' choigrich, agus air a shonsan a rugadh 's an tìr.

15 Agus air an là anns an do thogadh suas am pàillium, chòmhdaich an neul am pàillium, *cadhon* bùth na Fianuis'; agus air feasgar bha air a' phàillium mar gu'n bu choslas teine gus a' mhaduinn.

16 Mar sin bha e ghnàth: chòmhdaich an neul e 's an là, agus coslas teine 's an oidheche.

17 Agus an uair a thogadh an neul suas o'n phàillium, an sin gun dàil ghabh clann Israeil an turus: agus 's an ionad anns an do stad an neul, ann an sin champaich clann Israeil.

18 Air àithne an Tighearna ghabh clann Israeil an turus, agus air àithne an Tighearna champaich iad: am feadh 's a dh'fhan an neul air a' phàillium, dh'fhan iad 'n am bùthaibh.

19 Agus an uair a dh'fhan an neul air a' phàillium mòran de làithibh, an sin ghléidh clann Israeil freasdal an Tighearna, agus cha d'imich iad.

20 Agus an uair a bha an neul beagan de làithibh air a' phàillium, a réir àithne an Tighearna dh'fhan iad 'n am bùthaibh, agus a réir àithne an Tighearna ghabh iad an turus.

21 Agus an uair a dh'fhan an neul o fheasgar gu maduinn, agus a thogadh an neul suas 's a' mhaduinn, an sin ghabh iad an turus: ma b'ann 's an là no 's an oidhech' a thogadh an neul suas, ghabh iad an turus.

22 No co *dhiubh a bann* dà là, no mìos, no bliadhna, dh'fhan an neul air a' phàillium, a' fuireach air, dh'fhan clann Israeil 'n am bùthaibh, agus cha d'imich iad: ach an uair a thogadh suas e, ghabh iad an turus.

23 A réir àithne an Tighearna dh'fhan iad 'n am bùthaibh, agus a réir àithne an Tighearna ghabh iad an turus: ghléidh iad

freasdal an Tighearna a réir àithne an Tighearna le làimh Mhaois.

CAIB. X.

1 *Mar a ghnàthaicheadh na trompaidean.* 33 *Beannachadh Mhaois an uair a bha 'n àire gu dol air a h-aghaidh, agus an uair a stad i.*

**A**GUS labhair an Tighearn ri Maois, a' ag ràdh,

2 Dean dhuit féin dà thrompaid airgid; a dh'aon mhìr ni thu iad; agus gnàthaichidh tu iad a ghairm a' choimhlithionail, agus a chum turais nan camp.

3 Agus an uair a shéideas iad leo, cruinnichidh an coimhlithionail uile iad féin a d'ionnsuidh aig dorus pàillium a' choimhlithionail.

4 Agus mur séid iad *ach* le h-aon *trompaid*, an sin cruinnichidh na ceannardan a *tha* 'n an cinn-fheadhna air mhìltibh Israeil, iad féin a d'ionnsuidh.

5 'N uair a shéideas sibh caismeachd, an sin théid na campan a tha 'n an luidhe air taobh na h-àirde 'n ear air an aghaidh.

6 'N uair a shéideas sibh caismeachd an dara uair, an sin théid na campan a tha 'n an luidhe air taobh na h-àirde deas air an aghaidh: séididh iad caismeachd a chum an turusan.

7 Ach an uair a tha 'n coimhlithionail gu bhì air a chruinneachadh' an ceann a chéile, séididh sibh, ach cha séid sibh caismeachd.

8 Agus séididh mic Aaroin, na sagartan, leis na trompaidibh; agus bithidh iad dhuibh mar reachd sìorruidh air feadh bhur ginealach.

9 Agus ma théid sibh gu cogadh 'n ur dùthaich an aghaidh an nàmhaid a tha 'n deanamh foirneirt oirbh, an sin séididh sibh caismeachd leis na trompaidibh; agus cuimhnichear sibh an làthair an Tighearn' bhur Dé, agus saorair sibh o bhur naimhidibh.

10 Mar an ceudna ann an là bhur subhachais, agus 'n ur n-àrd làithibh féile, agus ann an toiseach bhur mìosan, séididh sibh leis na trompaidibh os ceann bhur n-iobairtean-loisgte, agus os ceann iobairtean bhur tabhartasan-sìth; agus bithidh iad dhuibh mar chuimhneachan an làthair bhur Dé: *Is mise* an Tighearn bhur Dia.

11 Agus tharladh, air an fhicheadamh là de'n dara mìos, 's an dara bliadhna, gu'n do thogadh suas an neul o uachdar pàillium na Fianuis'.

12 Agus ghabh clann Israeil an turusan & fasach Shinaì; agus stad an neul ann am fasach Pharaìn.

13 Agus ghabh iad air tùs an turus, a réir àithne an Tighearna le làimh Mhaois.

14 'S a' cheud àite dh'imich bratach caimp chloinn Iudah, a réir an armailtean; agus air ceann a shìoigh *bha* Nahson mac Aminadaibh.



15 Agus air ceann slòigh thréibh chloinn Isachair *bha* Nataneel mac Shuair.

16 Agus air ceann slòigh thréibh chloinn Shebuluin *bha* Eliab mac Heloin.

17 Agus thugadh a nuas am pàillium; agus chaidh mic Ghersein, agus mic Mherari air an aghaidh, a' giùlan a' phàillium.

18 Agus ghluais bratach chaimp Reubein air a h-aghaidh, a réir an armailtean; agus air ceann a shlòigh *bha* Elisur mac She-deuir.

19 Agus air ceann slòigh thréibh chloinn Shimeoin *bha* Selumiel mac Shurisadai.

20 Agus air ceann slòigh thréibh chloinn Ghad *bha* Eliasaph mac Dheuil.

21 Agus chaidh na Cohataich air an aghaidh, a' giùlan an ionaid naoinn, agus chuireadh suas am pàillium air cheann doibh teachd.

22 Agus ghluais bratach cainp chloinn Ephraim air a h-aghaidh, a réir an armailtean: agus air ceann a shlòigh *bha* Elisama mac Amihuid.

23 Agus air ceann slòigh thréibh chloinn Mhanaseh *bha* Gamaliel mac Phedahsuir.

24 Agus air ceann slòigh thréibh chloinn Bheniamin *bha* Abidan mac Ghiideon.

25 Agus chaidh bratach tréibh chloinn Dhan air a h-aghaidh, a *bha* air deireadh nan camp uile air feadh an slògh: agus air ceann a shlòigh *bha* Ahieser mac Amisadai.

26 Agus air ceann slòigh tréibh chloinn Ascir *bha* Pagiel mac Ocrain.

27 Agus air ceann slòigh tréibh chloinn Naphtali *bha* Ahira mac Enain.

28 *B'* iad sin turusan chloinn Israeil, a réir an armailtean, 'n uair a ghluais iad air an aghaidh.

29 Agus thubhairt Maois ri Hobab, mac Ragueil a' Mhidianaich, athair-céile Mhaois, Tha sinn air ar turas a chum an àite mu'n dubhairt Dia, Bheir mi dhuibh e: thig thusa maille ruinn, agus ni sinn maith dhuit; oir labhair an Tighearn maith a thaobh Israeil.

30 Agus thubhairt e ris, Cha téid mi *maille ribh*: ach imichidh mi chum mo dhùthcha féin, agus a chum mo dhilsean féin.

31 Agus thubhairt e, Na fàg sinn, guidheam ort; oir tha fhios agad cionnus a champaicheas sinn anns an fhàsach, agus bithidh tu dhuinn 'an àite shùil.

32 Agus tarlaidh, ma théid thu maille ruinn, seadh, tarlaidh, ge b'e maith a ni Dia dhuinne, gu'n dean sinne am maith ceudna dhuitse.

33 Agus dh'imich iad o shliabh an Tighearn' astar thri làithean: agus chaidh àire coinheachangail an Tighearna rompa astar thri làithean, a rannsachadh a mach àite-tàmh dhoibh.

34 Agus *bha* neul an Tighearn' orra 's an là, 'n uair a chaidh iad a mach as a' champ.

35 Agus tharladh, 'n uair a *bha* 'n àire gu dol air a h-aghaidh, gu'n dubhairt Maois, Eirich suas, a Thighearn', agus biodh do naimhdean air an sgapadh, agus teicheadh a' mhuinntir leis am fuathach thu romhad.

36 Agus an uair a stad i, thubhairt e, Pill, a Thighearna, chum nam mìltean de mhiltibh Israeil.

## CAIB. XI.

4 *Tha'n sluagh a' talach nach robh aca ach am mana mar bhiaidh.* 16 *Tha trì fichead 's a deich seancair air an orduchadh gu bhì 'n an luchd-riaghlaidh os an ceann.* 31 Gearragoirt air an tabhairt dhoibh 'am feirg.

**A**GUS an uair a rinn an sluagh gearan, mhi-thaitinn e ris an Tighearn: agus chual' an Tighearn e; agus las 'fhearg; agus loisg teine an Tighearna 'n am measg, agus chuir e as doibhsan a *bha* 'n iomall a' chaimp.

2 Agus ghlaodh an sluagh ri Maois; agus an uair a rinn Maois urnuigh ris an Tighearn, choisgeadh an teine.

3 Agus thug e Taberah mar ainm air an àite sin; a chionn gu'n do loisg teine an Tighearna 'n am measg.

4 Agus ghlac ciocras an cumasg sluagh a *bha* 'n am measg: agus ghul mar an ceudna clann Israeil a ris, agus thubhairt iad, Cò 'bheir dhuinn feoil r'a h-itheadh?

5 Is cuimhne leinn an t-iasg a dh'ith sinn 's an Eiphit gu saor; na cularain, agus na meal-bhucain, agus na léicis, agus na h-uinneincan, agus an creamh:

6 Ach a nis *tha* ar n-anam air tiorrachadh; cha-n'eil ni air bith *againn*, ach am mana so, 'n ar sealladh.

7 Agus *bha* am mana cosmhuil ri frois coriandair, agus a dhath mar dhath bdellium.

8 Chaidh an sluagh mu'n cuairt, agus thionail iad e, agus mheil iad e ann am muillnibh, no phronn iad e ann am mortair, agus bhruidh iad e ann an àighnibh, agus rinn iad breacagan deth: agus *bha* 'bhlas mar bhlas olaidh ùir.

9 Agus an uair a thuit an drùchd air a' champ 's an oidhele, thuit am mana air.

10 An sin chuala Maois an sluagh a' gul air feadh an teaghlachan, gach duine ann an dorus a bhùtha: agus las fearg an Tighearna gu mòr; *bha* Maois mar an ceudna diombach.

11 Agus thubhairt Maois ris an Tighearn, C'ar son a bhui thu gu h-olc ri d' sheirbhis-each? agus c'ar son nach d'fhuair mi deadh-ghean a'd' shealladh, gu'n do leag thu callach an t-sluaigh so uile orm?

12 Am mise a ghin an sluagh so uile? an ann domh a rugadh iad, gu'n abradh tu rium, Giùlain a'd' uched iad (mar a ghiùlaicas oid'altruim leanabh na cìche) chum an fhearainn a mhionnaich thu d'an aithrichibh?

13 Cia as a gheibhinn-sa feoil gu 'tabhairt do'n t-sluagh so uile? oir tha iad a' gul rium, ag ràdh, Thoir dhuinn feoil, a chum as gu'n ith sinn?

14 Cha-n urrainn mise *cudthrom* an t-sluaigh so uile a ghiùlan a'm aonar, a chionn gu *bheil* e ro throm air mo shon.

15 Agus ma bhuineas tu rium mar so, marbh mi, guidheam ort, as an làimh, ma fhuair mi deadh-ghean a'd' shealladh; agus na faiceam mo thruaighe.

16 Agus thubhairt an Tighearn ri Maois, Cruinnich dhomhsa deich agus tri fichead fear de sheanairibh Israeil, muinntir a's aithne dhuit a bhi 'n an seanairibh an t-sluaigh, agus 'n an luchd-riaghlaidh os an ceann; agus thoir iad gu pàillium a' choimh-thionail, chum gu'n seas iad an sin maille riut.

17 Agus thig mise nuas agus labhraidh mi riut an sin: agus gabhaidh mi de'n spiorad a tha ortsa, agus cuiridh mi orrasan e; agus giùlainidh iad eallach an t-sluaigh maille riut, a chum as nach giùlain thu féin e a'd' aonar.

18 Agus abair ris an t-sluagh, Naomhaichibh sibh féin air cheann an là maireach, agus ithidh sibh feoil (oir ghuèl sibh ann an éisdeachd an Tighearna, ag ràdh, Cò 'bheir dhuinn feoil r'a h-iththeadh? oir *bu* mhaith ar cor's an Eiphit) uime sin bheir an Tighearn feoil dhuibh, agus ithidh sibh.

19 Cha-n ith sibh aon là, no dà là, no cùig làithean, no deich làithean, no fichead là, 20 Ach eadhon mìos iomlan, agus an tig i mach á cuinneinibh blur sròn, agus gum bi i gràineil duibh; a chionn gu'n d'rinn sibh tair air an Tighearn a tha 'n ur measg, agus gu'n do ghuil sibh 'n a làthair, ag ràdh, Car son a thàinig sinn a mach as an Eiphit?

21 Agus thubhairt Maois, Tha'n sluagh am measg am bheil mise, 'n an sè ceud mìle coisiche; agus thubhairt thu, Bheir mi dhuibh feoil, chum gu'n ith iad rè mìosa iomlain:

22 Am marbhar na caoraich agus am buar dhoibh, chum an sàsachadh? no an cruinn-ichear iasg na mara uile r'a chéile dhoibh, chum an sàsachadh.

23 Agus thubhairt an Tighearn ri Maois, Am bheil làmh an Tighearna air fàs goirid? chì thusa nis an tig no nach tig m'fhocal gu crìch dhuit.

24 Agus chaidh Maois a mach, agus dh'innis e do'n t-sluagh fòcal an Tighearna, agus chruinnich e an deich agus an tri fichead de sheanairibh an t-sluaigh, agus thug e orra seasamh mu thimcheall a' phàillium.

25 Agus thàinig an Tighearn a nuas ann an neul, agus labhair e ris, agus ghabh e de'n spiorad a bha air, agus thug se e do'n deich agus an tri fichead seannair: agus tharladh, an uair a ghabh an spiorad còmh-

nuidh orra, gu'n d'rinn iad fàidheadaireachd, agus nach do sguir iad.

26 Ach dh'fhan dithis *de na* daoineibh 's a' champ; *b'e* ainm aoin diubh Eldad, agus ainm an fhir eile Medad: agus ghabh an spiorad còmhuidh orra, (agus *bha* iad dhiubhsan a chaidh a sgrìobhadh, ach cha deachaidh iad a mach do'n phàillium) agus rinn iad fàidheadaireachd 's a' champ.

27 Agus ruith òganach, agus dh'innis e do Mhaois, agus thubhairt e, *Tha* Eldad agus Medad ri fàidheadaireachd 's a' champ.

28 Agus fhreagair Iosua mac Nuin, seirbhiseach Mhaois, *aon* d'a òganaich, agus thubhairt e, Mo thighearna, a Mhaois, bac iad.

29 Agus thubhairt Maois ris, An bheil farmad ort air mo shon-sa? Is e mo ghuidhe ri Dia gu'm biodh sluagh an Tighearna uile 'n am fàidhean, agus gu'n cuireadh an Tighearn a spiorad orra!

30 Agus chaidh Maois do'n champ, e féin agus seanairean Israeil.

31 Agus chaidh gaath a mach o'n Tigh-earn, agus thug i gearra-goirt o'n fhairege, agus leig i leo tuiteam làimh ris a' champ, mar astar là air an taobh so, agus mar astar là air an taobh eile, mu'n cuairt air a' champ, agus mar dhà làimh-choille *air àirde*, air aghaidh na talmhainn.

32 Agus sheas an sluagh suas air an là sin uile, agus air an oidheche *sin* uile, agus air an là a b'fhaigse uile, agus thionail iad na gearra-goirt: esan a bu lugha a thionail, thionail e deich homeir, agus sgaoil iad gu farsuing doibh féin *iad* mu thimcheall a' chaimp.

33 'N uair a bha 'n fheoil fathast eadar am fìaclan, mun do chagnadh i, las feargan Tighearna an aghaidh an t-sluaigh, agus bhuail an Tighearn an sluagh le plàigh ro mhòir.

34 Agus thug e Cibrot-hataabhah mar ainm air an àite sin; a chionn ann an sin gu'n d'adhlaidh iad an sluagh a mhiannaich.

35 Agus dh'imich an sluagh o Chibrot-hataabhah gu Haserot: agus dh'fhan iad ann an Haserot.

## CAIB. XII.

1 *Ceannaire Mhìriaim agus Aaroin an aghaidh Mhaois air a cronachadh.* 10 *Lùibhre Mhìriaim.*

**A**GUS labhair Miriam agus Aaron an aghaidh Mhaois air son na mnà o Etiopia, a phòs e: oir bha e air pòsadh mnà o Etiopia.

2 Agus thubhairt iad, An do labhair an Tighearn da rìreadh le Maois a mhàin? nach do labhair e mar an ceudna leinne? agus chual' an Tighearn e.

3 (A nis *bha* 'n duine Maois ro chiùin. thar nan uile dhaoine a bha air aghaidh na talmhainn.

4 Agus labhair an Tighearn gu grad ri



Maois, agus ri h-Aaron, agus ri Miriam, Thigibh a mach sibhse 'n 'ur triuir gu pàill-iun a' choimhthionail. Agus thàinig iad 'n an triuir a mach.

5 Agus thàinig an Tighearn nuas ann am meall neoil, agus sheas e ann an dorus a' phàilliuin, agus ghairn e air Aaron agus Miriam: agus thàinig iad le 'chéile mach.

6 Agus thubhairt e, Eisdibh a nis ri m' bhriathraibh-sa: Ma tha fàidh 'n 'ur measg, ni mise an Tighearn mi féin aithnichte dha ann an taisbeanadh, agus labhraidh mi ris ann am brúadar.

7 Cha-n 'eil mo sheirbhiseach Maois mar sin, a tha fìrinneach ann am thigh uile.

8 Beul ri beul labhraidh mi ris-san, eadhon gu soilleir, agus cha-n ann 'am briathraibh dorcha, agus chi e coslas an Tighearna: c'ar son ma tha nach robh eagal oirbh labhairt an aghaidh mo sheirbhisich Mhaois?

9 Agus las fearg an Tighearna 'n an aghaidh, agus dh'fhalbh e.

10 Agus dh'fhalbh an neul bhàrr a' phàill-iuin agus, feuch, rinneadh Miriam 'na lobhar, geal mar shneachd: agus dh'amhairc Aaron air Miriam, agus, feuch, bha i 'n a lobhar.

11 Agus thubhairt Aaron ri Maois, Och! mo thighearna, guidheam ort, na cuir an peacadh as ar leth, leis an d'rinn sinn gu h-amaideach, agus leis an do pheacaich sinn.

12 Na biodh i mar aon marbh, d'am bheil an fheoil air a leth-chaitheamh, 'n uair a thig e mach á broim a mhàthar.

13 Agus ghlaodh Maois ris an Tighearn, ag ràdh, Leighis i nis, O Dhé, guidheam ort.

14 Agus thubhairt an Tighearn ri Maois, Na 'n tilgeadh a h-athair ach smugaid 'n a h-eudan, nach bu chòir dh'i bhi fo nàire seachd làithean? druidear a mach o'n champ i rè sheachd làithean, agus 'n a dhéigh sin gabhar a steach i ris.

15 Agus dhruideadh Miriam a mach o'n champ seachd làithean: agus cha do ghabh an sluagh an turas, agus an d'thugadh Miriam a steach a ris.

16 Agus 'n a dhéigh sin dh'imich an sluagh o Haserot, agus champaich iad ann am fasach Pharaìn.

## CAIB. XIII.

1 *Luchd-rannsachaidh tìre Chanaain.* 17 *Seòlaidhean air an tabhairt dhoibh.* 21 *Na rinn iad: 26 an aithris.*

**A**GUS labhair an Tighearn ri Maois, ag ràdh,

2 Cuir daoine uait, a chum gu'n rannsach iad tìr Chanaain, a bheir mise do chloinn Israeil; as gach uile thréibh d'an aithrichibh cuiridh sibh duine, gach aon *diubh* 'n a cheannard 'n am measg.

3 Agus chuir Maois iad o fhàsach Pharaìn,

a-réir àithne an Tighearna: *bu* cheannardan na daoine sin uile air cloinn Israeil.

4 Agus *is* iad so an ainmean: De thréibh Reubein, Samua mac Shacuir.

5 De thréibh Shimeoin, Saphat mac Hori.

6 De thréibh Iudah, Caleb mac Iephuneh.

7 De thréibh Isachair, Igal mac Ioseph.

8 De thréibh Ephraim, Hosea mac Nuin.

9 De thréibh Bheniamin, Palti mac Raphu.

10 De thréibh Shebuluin, Gadiel mac Shodi.

11 De thréibh Ioseph, cadhon, de thréibh Mhanasch, Gadi mac Shusi.

12 De thréibh Dhan, Amiel mac Ghemali.

13 De thréibh Aseir, Setur mac Mhichaeil.

14 De thréibh Naphtali, Nahbi mac Uopsi.

15 De thréibh Gad, Geuel mac Mhachi.

16 *Is* iad sin ainmean nan daoine a chuir Maois a ghabhail beachd air an fhearann: Agus thug Maois Iehosua mar ainm air Hosea, mac Nuin.

17 Agus chuir Maois iad a ghabhail beachd air talamh Chanaain, agus thubhairt e ri, Rachaibh suas 's an t-slighe so mu dheas, agus gabhaibh suas a chum na beinne;

18 Agus faicibh am fearann, ciod e, agus an sluagh a tha 'n an còmhuidh ann, am bheil iad làidir no anmhunn, tearc no fionmhor;

19 Agus ciod e am fearann anns am bheil iad a chòmhuidh, am bheil e maith no olc; agus ciod iad na bailtean anns am bheil iad 'n an còmhuidh, an ann 'am bùthaibh, no ann an daingneachaibh làidir;

20 Agus ciod e an talamh, am bheil e reamhar no bochd, am bheil coille ann no nach 'eil. Agus biodh agaibh deadh mhisneach, agus thugaibh leibh de thoradh an fhearainn. (A nis *b'e* 'n t-àm àm nan ceud dhearcan-fìona abuich.)

21 Mar sin chaidh iad suas, agus rannsach iad am fearann o fhàsach Shin gu Rehob, mar a théid daoine gu Hamat.

22 Agus chaidh iad suas mu dheas, agus thàinig iad gu Hebron, far an robh Ahiman, Sesai, agus Talmi, mic Anaie. (A nis thogadh Hebron seachd bliadhna roimh Shoa'n 's an Elphit.)

23 Agus thàinig iad gu sruth Escoil, agus ghearr iad sìos as a sin geug le aon bhagaide fhion-dhearc, agus ghiulain iad i cadar dlùthais air luig: agus thug iad leo de na pòmgranataibh, agus de na figibh.

24 Thugadh sruth Escoil mar ainm air an àite sin, air son a' bhagaide fhion-dhearc a ghearr clann Israeil sìos as a sin.

25 Agus phill iad o ramsachadh an fhearainn an dèigh dhà fhichead là.

26 Agus dh'imich iad, agus thàinig iad gu Maois, agus gu h-Aaron, agus gu comh-chruinneachadh chloinn Israeil uile, gu fasach Pharaìn, gu Cades; agus thug iad leo fios d'an ionnsuidh, agus a dh'ionn-



## AIREAMH, XIV.

suidh a' chomhechrinneachaidh uile, agus dh'fheuch iad dhoibh toradh na tìre.

27 Agus dh'innis iad dha, agus thubhairt iad, Thàinig sinn a dh'ionnsuidh an fhearainn gus an do chuir thu sinn, agus gu deimhin tha e a' sruthadh le bainne agus le mil; agus *is* e so a' toradh.

28 Gidheadh, *tha* 'n sluagh làidir a tha 'n an còmhnuidh 's an fhearann, agus *tha* na bailtean air an cuairteachadh le ballachaibh, agus ro mhòr: agus os bàrr, chunnaic sinn clann Anaic an sin.

29 Tha na h-Amaleicich 'n an còmhnuidh 'am fearann na h-àirde deas; agus *tha* na Hitich, agus na Iebusaich, agus na h-Amoraich, 'n an còmhnuidh 's na beanntaibh; agus *tha* na Cananaich 'n an còmhnuidh làimh ris an fhaighe, agus ri taobh Iordain.

30 Agus chiùimich Caleb an sluagh an lathair Mhaois, agus thubhairt e, Rachamaid suas a dh'aon fheadh, agus sealbhaicheamaid e; oir is urrainn sinn gu cinnteach a cheannsachadh.

31 Ach thubhairt na daoine a chaidh suas maille ris, Cha-n urrainn sinn dol suas an aghaidh an t-sluaigh; oir *is* treise iad na sinne.

32 Agus thug iad droch sgeul gu cloinn Israeil, air an fhearann a rannsaich iad ag ràdh, Am fearann troimh 'n deachaidh sinne g'a rannsachadh, *is* fearann e a tha 'g itheadh suas a luchd-àiteachaidh, agus an sluagh uile a chunnaic sinn ann, *is* daoine iad de mheadachd mhòir.

33 Agus chunnaic sinn na famhairean an sin, mic Anaic, a *thàinig* o na famhairean: agus bha sinne 'n ar sealladh féin mar fhionnain fheoir, agus bha sinn mar sin 'n an sealladh-san.

### CAIB. XIV.

1 *Tha 'n sluagh ri gearan 'n uair a chual' iad aithris an luchd-rannsachaidh.* 20 *Chronaich an Tighearn iad.*

**A**GUS thog an comhechrinneachadh uile suas an guth, agus ghlaodh iad; agus ghruil an sluagh air an oidhe sin.

2 Agus rinn clann Israeil uile gearan an aghaidh Mhaois, agus an aghaidh Aaron; agus thubhairt an comhechrinneachadh uile riu, Och nach d'fhuair sinn bàs ann an tìr na h-Eiphit, no nach d'fhuair sinn bàs anns an fhàsach so!

3 Agus e'ar son a thug an Tighearn sinn do'n fhearann so, a thuiteam leis a' chlàidheamh, a chum gu'm bitheadh ar mnathan agus ar clann bheag 'n an cobhartaich? nach òfhcarr dhuinn pilltinn do'n Eiphit?

4 Agus thubhairt iad gach fear r'a chéile, Deanamaid dhuinn féin ceannard, agus pilleamaid do'n Eiphit.

5 An sin thuit Maois agus Aaron air an aghaidh an lathair coimhthionail comhechrinneachaidh chloinn Israeil uile.

6 Agus reub Iosua mac Nuin, agus Caleb

mac Iephuneh, a *bha* dhiubhsan a rannsaich am fearann, an eudach.

7 Agus labhair iad ri cuideachd chloinn Israeil uile, ag ràdh, Am fearann a chaidh sinne troimhe g'a rannsachadh, *is* fearann ro mhaith e.

8 Ma tha tlachd aig an Tighearn annainn, an sin bheir e sinn a dh'ionnsuidh an fhearainn so, agus bheir e dhuinn e; fearann a tha 'sruthadh le mil agus le bainne.

9 A mhàin na deanaibh ceannairc an aghaidh an Tighearna, agus na bitheadh cagal sluagh an fhearainn oirbh; oir *is* aran duinn iad: dh'fhalbh an dìon uatha, agus *tha* 'n Tighearn maille ruinne; na biodh cagal oirbh rompa.

10 Ach dh'iarr an comhechrinneachadh uile an clachaidh le clachaibh. Agus dh'fhoillsicheadh glòir an Tighearna ann am pàillium a' choimhthionail, an lathair chloinn Israeil uile.

11 Agus thubhairt an Tighearn ri Maois, Cia fhad a bhrosnaicheas an sluagh so mi? agus cia fhad a bhitheas e mun ercid iad mi, air son nan comharan uile a nochd mi 'n am measg?

12 Buailidh mi iad leis a' phlàigh, agus fògraidh mi iad, agus ni mi thusa a'd' chinneach ni's mò, agus ni's cumhachdaiche na iadsan.

13 Agus thubhairt Maois ris an Tighearn, An sin cluinidh na h-Eiphitich e, (oir thug thusa nìos an sluagh so le d'chumhachd o bhi 'n am measg.)

14 Agus innisidh iad e do luchd-àiteachaidh an fhearainn so: *oir* chual' iad gu *bheil* thusa, a Thighearn', am measg an t-sluaigh so; gu *bheil* thusa, a Thighearn', air d'fhaicinn aghaidh ri h-aghaidh; agus *gu bheil* do neul a' seasamh os an ceann; agus *gu bheil* thu ag imeachd rompa, ann am meall neoil 's an là, agus ann am meall teime 's an oidheche.

15 A nis, *ma* mharbhas tu an sluagh so uile mar aon duine, an sin labhraidh na cinnich a chual' iomradh ort, ag ràdh,

16 A chionn nach b'urrainn an Tighearn an sluagh so thoirt do'n fhearann a mhionnaich e dhoibh, uime sin mharbh e iad 's an fhàsach.

17 Agus a nis, guidham ort, bitheadh cumhachd mo Thighearna mòr, a réir mar a labhair thu, ag ràdh,

18 *Tha* 'n Tighearn fad-fhulangach, agus mòr-thròcaireach, a' toirt maitheanas ann an aingidheachd, agus ann an cusaontas, agus air chor sam bith nach saor an *ciontach*; a' leantuinn aingidheachd nan aithrichean air a' chloinn, air an treas, agus air a' cheathramh *ginealach*.

19 Maith, guidham ort, aingidheachd an t-sluaigh so, a réir meud do thròcair, agus a réir mar a thug thu maitheanas do'n t-sluaigh so o'n Eiphit gus a nis.

20 Agus thubhairt an Tighearn, Mhaith mi, a réir d'fhocail:

21 Ach co fhìor 's is beò mi, lionar an talamh uile le glòir an Tighearna.

22 Oir na daoine sin uile a chumnaic mo ghloir, agus mo chomharan a rinn mi 's an Eiphit, agus anns an fhàsach, agus a bhuair mi nis na deich uairean so, agus nach d'éisd ri m' ghuth;

23 Gu cinnteach cha-n fhaic iadsan am fearann a mhionnaich mi d'an aithrichibh, ni mò a chi neach air bith dhiubhsan a bhrosnaich mi e:

24 Ach mo sheirbhiseach Caleb, a chionn gu'n robh aige-san spiorad cile maille ris, agus gu'n do lean c mi gu h-iomlan, esan bheir mi do'n fhearann d'an deachaidh e; agus sealbhaichidh a shliochd e.

25 (A nis bha na h-Amaleicich, agus na Canaanach 'n an còmhuidh 's a' ghleann.) Am màireach pillibh, agus rachaibh do'n fhàsach, air slighe na mara ruaidhe.

26 Agus labhair an Tighearn ri Maois, agus ri h-Aaron, ag ràdh.

27 Cia fhad a *ghlùlainneas mi* leis an droch chomhchruinneachadh so, a *tha* ri gearan a'm' aghaidh? chuala mi gearain chloinn Israeil, leis *am bheil* iad ri gearan a'm' aghaidh.

28 Abair riu, Co fhìor 's a tha mi beò, ars' an Tighearn, mar a labhair sibh a'm' éisd-eachd, mar sin ni mi ribh.

29 'S an fhàsach so tuitidh bhur colannan: agus a' mheud's a chaidh àireamh dhibh, a réir bhur n-àireimh iomlain, o fhichead bliadhna dh'aois agus os a cheann, a rinn gearan a'm' aghaidh,

30 Gun amharus sam bith cha tig sibh a steach do'n fhearann a mhionnaich mise gu'n tugainn oirbh còmhuidh a ghabhail ann, saor o Chaleb mac Iephuneh, agus Iosua mac Nuin.

31 Ach bhur clann bheag, a thubhairt sibh a bhitheadh 'n an cobhartaich, iadsan bheir mi steach, agus gabhaidh iad eòlas air an fhearann air an d'rinn sibhse tàir.

32 Agus air bhur son-sa dh'e, tuitidh bhur colannan anns an fhàsach so.

33 Agus bithidh bhur clann air seacharan 's an fhàsach dà fhichead bliadhna, agus giùlainidh iad bhur striopachais, gus an caithear bhur colannan 's an fhàsach.

34 A réir àireimh nan làithean anns an do rannsaich sibh am fearann, *eadhon* dà fhichead là, (gach là air son bliadhna) giùlainidh sibh bhur n-euceartan, eadhon dà fhichead bliadhna, agus bithidh fios agaibh air mo bhriseadh-geallaidh-sa.

35 Thubhairt mise an Tighearn *e, agus* gu cinnteach ni mi e do'n chomhchruinneachadh olc so uile, a chruinnich a'm' aghaidh: anns an fhàsach so claidhear iad, agus an sin gheibh iad bàs.

36 Agus na daoine a chuir Maois a rann-

sachadh an fhearainn, a phill, agus a thug air a' chomhchruinneachadh uile gearan a dheanamh 'n a aghaidh, le droch sgeul a thoirt seachad air an fhearann,

37 Fluair eadhon na daoine sin, a thug seachad droch sgeul air an fhearann, bas leis a' phlàigh an làthair an Tighearna.

38 Ach de na daoineibh sin a chaidh a rannsaichadh an fhearainn, mhair Iosua mac Nuin, agus Caleb mac Iephuneh beò.

39 Agus dh'innis Maois na briathran sin do chloinn Israeil uile: agus rinn an sluagh caoidh mhòr.

40 Agus dh'éirich iad gu moch 's a' mhaduinn, agus chaidh iad suas gu mullach an t-sléibh, ag ràdh, Feuch, *tha* sinne *an so*, agus théid sinn suas do'n àit a gheall an Tighearn: oir pheacaich sinn.

41 Agus thubhairt Maois, C'ar son a nis a tha sibh a' briseadh àithne an Tighearna? ach cha soirbhich *an ni so leibh*.

42 Na rachaibh suas, oir *cha -n 'eil* an Tighearn 'n 'ur measg; a chum as nach buail ear sibh an làthair bhur naimhdean.

43 Oir *tha* na h-Amaleicich agus na Canaanach an sin roimhibh, agus tuitidh sibh leis a' chlaidheamh: a chionn gu'n do chlaon sibh o'n Tighearn, uime sin cha bhi 'n Tighearn maille ribh.

44 Ach ghabh iad de dhànadas orra dol suas gu mullach an t-sléibh: gidheadh cha deachaidh àire còmhcheangail an Tighearna, no Maois, a mach as a' champ.

45 An sin thàinig na h-Amaleicich a nuas, agus na Canaanach, a bha 'n an còmhuidh 's an t-sliabh sin, agus bhuail siad iad, agus chuir iad an ruag orra, *eadhon* gu Hormah.

# CAIB. XV.

1 *Lagh thabhartasan àraidh.* 32 *Chlachaidh gu bàs fear-brisidh na sàbaid'.*

A GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'N uair a thig sibh a chum fearainn bhur n-àiteachan-còmhuidh, a *tha* mise a' tabhairt dhuibh.

3 Agus a bheir sibh suas tabhartas le teine do'n Tighearn, tabhartas-loisgte no iobairt, gu bòid a choimhlionadh, no mar thabhartas saorthoil, no 'n 'ur n-àrd fhéillibh, a dheanamh faile cùbhraidh do'n Tighearn, de'n spréidh no de'n treud.

4 An sin bheir esan a bheir seachad a tabhartas do'n Tighearn, seachad tabhartas-bidh de'n deicheamh cuid de phlùr, measgta maille ris a' cheathramh *cuid* de hin olaidh.

5 Agus bheir thu seachad an ceathramh *cuid* de hin fiona mar thabhartas-dìbhe, maille ris an tabhartas-loisgte no'n iobairt, air son aon uain.

6 No air son reithe, bheir thu seachad mar thabhartas-bidh, dà dheicheamh *cuid* de phlùr, measgta leis an treas *cuid* de hin olaidh.



7 Agus a chum tabhartais-dibhe, bheir thu seachad an treas *cuid* de hin fìona, *chum* faile cùbhraidh do'n Tighearn.

8 Agus an uair a bheir thu seachad tarbh òg *mar* iobairt-loisgte, no *mar* iobairt gu bòid a choinhilionadh, no *mar* iobairt-shìth do'n Tighearn.

9 An sin bheirear maille ris an tarbh òg, tabhartas-bidh de thri deich codaichibh de phlùr, measgta le leth hin olaidh.

10 Agus bheir thu seachad a chum tabhartais-dibhe leth hin fìona, *chum* tabhartais a bheirear suas le teine, dh'fhàile cùbhraidh do'n Tighearn.

11 Mar so nithear air son aon tairbh, no air son aon reithe, no air son uain, no minn.

12 A réir an àireimh a bheir sibh seachad, mar sin ni sibh do gach aon, a réir an àireimh.

13 Gach neach a rugadh 's an dùthaich, ni e na nithean sin air a' mhodh so, ann an tabhartas a thoirt seachad a bheirear suas le teine, dh'fhàile cùbhraidh do'n Tighearn.

14 Agus ma bhitheas coigreach air chuairt maille ribh, no cò air bith e *bhitheas* 'n 'ur measg 'n ur ginealachaiibh, agus gu'n toir e seachad tabhartas a bheirear suas le teine, dh'fhàile cùbhraidh do'n Tighearn; mar a ni sibhse, mar sin ni esan.

15 *Bithidh* aon reachd dhuibhse a tha de'n chomhchruinneachadh, agus mar an ceudna do'n choigreach a tha air chuairt *maille ribh*, reachd sìorruidh 'n ur ginealachaiibh: mar a tha sibhse, mar sin bithidh an coigreach an làthair an Tighearn'.

16 Aon lagh, agus aon mhodh, bithidh agaiibhse, agus aig a' choigreach a tha air chuairt maille ribh.

17 Agus labhair an Tighearn ri Maois, ag ràdh,

18 Labhair ri cloinn Israeil, agus abair riu, 'N uair a théid sibh a steach do'n fhearann d'am bheil mise 'g 'ur tabhairt,

19 An sin tarlaidh, 'n uair a dh'itheas sibh a dh'aran an fhearainn, gu'n toir sibh suas tabhartas-togta do'n Tighearn.

20 Bheir sibh suas breacag de'n cheud chuid d'ur taois, *mar* thabhartas-togta; mar a *thogas sibh* tabhartas-togta an urlair-bhualaidh, mar sin togaidh sibh i.

21 De'n cheud chuid d'ur taois bheir sibh do'n Tighearn tabhartas-togta, 'n 'ur ginealachaiibh.

22 Agus ma rinn sibh mearachd, agus nach do ghléidh sibh na h-àitheantan sin uile a labhair an Tighearn ri Maois,

23 *Eadhon* gach *ni* a dh'àithn an Tighearn dhuibh le làimh Mhaois, o'n là sin anns an d'thug an Tighearn àithne do Mhaois, agus o sin suas air feadh bhur ginealach;

24 An sin tarlaidh, ma rinneadh *ni sam bith* ann an aineolas, gun fhios do'n chomh-

chruinneachadh, gu'n toir an comhchruinneachadh uile seachad aon tarbh òg a chum iobairt-loisgte, chum faile cùbhraidh do'n Tighearn, maille r'a thabhartas-bidh, agus a thabhartas-dibhe, a réir a' ghnàtha, agus aon mheann de na gabhraibh chum iobairt-pheacaidh.

25 Agus ni an sagart réite air son comhchruinneachaidh chloinn Israeil uile, agus maithear dhoibh e, oir *is* aineolas a t'ann: agus bheir iad leo an tabhartas, iobairt a bheirear suas le teine do'n Tighearn, agus an iobairt-pheacaidh an làthair an Tighearna, air son an aineolais.

26 Agus maithear e do chomhchruinneachadh chloinn Israeil uile, agus do'n choigreach a tha air chuairt 'n am measg; do bhrìgh gu'n *robh* an sluagh uile ann an aineolas.

27 Agus ma pheacaicheas anam sam bith trid aineolais, an sin bheir e leis gabhar de'n cheud bhliadhna chum iobairt-pheacaidh.

28 Agus ni an sagart réite air son an anama a pheacaicheas gu h-ameolach, an uair a pheacaicheas e le h-aineolas an làthair an Tighearna, a dheanamh réite air a shon: agus maithear dha e.

29 Bithidh aon lagh agaiibh air a shonsan a pheacaicheas trid aineolais, *araon air* a shonsan a rugadh am measg chloinn Israeil, agus air son a' choigreach a tha air chuairt 'n am measg.

30 Ach an t-anam a ni 'bheag gu h-ann-dàna, (*co dhiubh* a rugadh e 's an tìr, no's coigreach e) tha esan a' toirt easurraim do'n Tighearn; agus gearrar an t-anam sin as o mheasg a shlugaigh.

31 Do bhrìgh gu'n d'rinn e tàir air focal an Tighearna, agus gu'n do bhris e 'àithne, gearrar an t-anam sin as gu tur: *bithidh* aingidheachd air féin.

32 Agus an uair a bha clann Israeil 's an fhàsach, fhuair iad duine a' tional mhaidean air là na sàbaid'.

33 Agus thug iadsan a fhuair e a' tional mhaidean a dh'ionnsuidh Mhaois e, agus a dh'ionnsuidh Aaroin, agus a dh'ionnsuidh a' chomhchruinneachaidh uile.

34 Agus chuir iad 'an làimh e, a chionn nach d'innseadh ciod a bu chòir a dheanamh ris.

35 Agus thubhairt an Tighearn ri Maois, Cuirear an duine gu cinnteach gu bàs; clachaidh an comhchruinneachadh uile e le clachaibh an taobh a muigh de'n champ.

36 Agus thug an comhchruinneachadh uile mach as a' champ e, agus chlach iad e le clachaibh, agus fhuair e bàs; mar a dh'àithn an Tighearn do Mhaois.

37 Agus labhair an Tighearn ri Maois, ag ràdh,

38 Labhair ri cloinn Israeil, agus abair riu, iad a dheanamh fàbhra dhoibh féin air



## AIREAMH, XVI.

iomallaibh an eudaich air feadh an ginealach, agus iad a chur air fàbhra nan iomall iall de ghorm.

39 Agus bithidh e dhuibh mar fhàbhra, agus amhaircidh sibh air, a chum gu'n cuimhnich sibh uile àitheantan an Tighearna, agus gu'n dean sibh iad; agus nach iarr sibh an déigh bhur cridhe agus blur sùl féin, nithean a's àbhaist duibh dol 'n an déigh le h-anamiann:

40 A chum gu'n cuimhnich, agus gu'n dean sibh m'aitheantan uile, agus gu'm bi sibh naomha d'ur Dia.

41 Is mise an Tighearn bhur Dia, a thug a mach sibh á tìr na h-Eiphit, gu bhi a'm Dhia dhuibh: Is mise an Tighearn bhur Dia.

### CAIB. XVI.

1 Ceannaire Chorah, Dhatain, agus Abiraim.

31 Shluig an talamh suas iad.

**A**GUS ghabh Corah mac Idsair, mhic Chohait, mhic Lebhi, agus Danan agus Abiram mic Eliab, agus On mac Phcleit, mic Reubein, daoine:

2 Agus dh'éirich iad suas an làthair Mhaois, maille ri daoine' àraidh de chloinn Israeil, dà cheud agus leth-cheud ceannard de'n choimhthional, inbheach 's a' chomhchruinneachadh, daoine iomraideach.

3 Agus chruinnich siad iad féin 'an ceann a chéile an aghaidh Mhaois agus an aghaidh Aaron, agus thubhairt iad riu, *Tha sibh a' gabhail tuille 's a' chòir oirbh féin*, do bhrìgh gu bheil an comhchruinneachadh uile naomh gach aon duibh, agus *tha 'n Tighearn 'n am measg*: c'ar son uime sin a tha sibh 'g'ur togail féin suas os ceann comhchruinneachaidh an Tighearna?

4 Agus an uair a chuala Maois e, thuit e air 'aghaidh:

5 Agus labhair e ri Corah, agus r'a chuideachd uile, ag ràdh, Eadhon am màireach nochdaidh an Tighearn cò iad a's leis, agus cò a tha naomh, agus bheir e air teachd am fagus da: bheir e eadhon air-san a ròghnaich e, teachd am fagus da.

6 Deanaibhse so; gabhaibh dhuibh féin tùiseirean, Corah, agus a chuideachd uile;

7 Agus cuiribh teine annta, agus cuiribh tùis orra an làthair an Tighearna air an là màireach; agus an duine sin a ròghnaicheas an Tighearn, *bithidh esan naomh. Tha sibh a' gabhail tuille 's a' chòir oirbh féin*, sibhse a mhaca Lebhi.

8 Agus thubhairt Maois ri Corah, Eisdibh, guidheam oirbh, sibhse a mhaca Lebhi:

9 An ni beag e 'n 'ur *barail-sa*, gu'n do sgar Dia Israeil sibh o chomhchruinneachadh Israeil, gu'r toirt am fagus da féin, a dheanadh seirbhis pàilliuin an Tighearna, agus a sheasamh 'am fianuis a' chomhchruinneachaidh, a fhrithéaladh dhoibh?

10 Agus thug e thus' am fagus da féin, agus do bhràithrean uile mic Lebhi maille

riut; agus am bheil sibh ag iarraidh na sagartachd mar an ceudna?

11 Air an aobhar sin *tha* thusa, agus do chuideachd uile, air bhur cruinneachadh' an ceann a chéile an aghaidh an Tighearna: agus a *thaobh* Aaron, ciod e, gu bheil sibh ri gearan 'n a aghaidh-san?

12 Agus chuir Maois *teuchdairean uith* a ghairm Dhatain agus Abiraim mhac Eliab, a thubhairt, Cha téid sinn suas.

13 An ni beag e gu'n d'thug thu nìos sinn á talamh a tha 'sruthadh le bainne agus le mil, gu'r marbhadh 's an fhàsach, mur dean thu thu féin gu h-iomlan a'd' uachdaran os ar ceann?

14 A thuilleadh air so, cha d'thug thu sinn gu fearann a tha 'sruthadh le mil agus le bainne, ni mò thu 'n dhuinn oighreachd mhacharach agus fhìon-liosan: an cuir thu mach sùilean nan daoine sin? cha téid sinne suas.

15 Agus bha Maois ro dhiombach, agus thubhairt e ris an Tighearn, Na bitheadh meas agad d'an tabhartas; cha do ghabh mise aon asal uatha, ni mò a rinn mi cron air a h-aon duibh.

16 Agus thubhairt Maois ri Corah, Bi thusa agus do chuideachd uile an làthair an Tighearna, thusa, agus iadsan, agus Aaron am màireach;

17 Agus gabhaibh gach duine, a thùiseir, agus cuiribh tùis annta, agus thugaibh an làthair an Tighearna gach duine a thùiseir, dà cheud agus leth-cheud tùiseir; thusa mar an ceudna, agus Aaron, gach aon *dhibh* a thùiseir,

18 Agus ghabh gach duine *dhibh* a thùiseir, agus chuir iad teine annta, agus chuir iad tùis orra, agus sheas iad ann an dorus pàilliuin a' choimhthionail maille ri Maois agus ri h-Aaron.

19 Agus chruinnich Corah an comhchruinneachadh uile 'n an aghaidh gu dorus pàilliuin a' choimhthionail: agus thaisbeineadh glòir an Tighearna do'n comhchruinneachadh uile.

20 Agus labhair an Tighearn ri Maois, agus ri h-Aaron, ag ràdh,

21 Sgaraidh sibh féin o mheasg a' chomhchruinneachaidh so, agus sgriosaidh mi iad mar ann am pìobadh na sùla.

22 Agus thuit iad air an aghaidh, agus thubhairt iad, O Dhé, a Dhé spiorad gach uile fheòla, am peacaich aon duine, agus am bi fearg agad ris a' chomhchruinneachadh uile?

23 Agus labhair an Tighearn ri Maois, ag ràdh,

24 Labhair ris a' chomhchruinneachadh, ag ràdh, Rachaidh suas o thimchioll pàilliuin Chorah, Dhatain, agus Abiraim.

25 Agus dh'éirich Maois suas, agus chaidh e dh'ionnsuidh Dhatain agus Abiraim; agus lean scanairean Israeil e.

26 Agus labhair e ris a' chomhchruinneachadh, ag ràdh, Sgaraibh sibh féin, guidheam oirbh, o bhùthaibh nan daoine aingidh ud, agus na beanaibh ri ni sam bith a 's leo, air cagal gu'n sgrìosar sibh 'n am peacaidhlibh uile.

27 Mar sin chaidh iad suas o phàillium Chorah, Dhatain, agus Abiraim, air gach taobh: agus thàinig Danan agus Abiram a mach, agus sheas iad ann an dorus an bithan, agus am mnathan, agus am mic, agus an clann bheag.

28 Agus thubhairt Maois, Le so bithidh fios agaibh gu'n do chuir an Tighearn mise a dheanamh nan oibre sin uile; oir cha *d'rinna mi iad* as mo cheann féin.

29 Ma gheibh na daoine sin bàs mar na h-uile dhaoine cile, no ma dh'fhiosraichear iad a réir fiosrachaidh nan uile dhaoine, *an sin* cha do chuir an Tighearn mise *uath:*

30 Ach ma ni an Tighearn gnìomh nuadh, agus gu'm fosgail an talamh a bheul, agus gu'n sluig e suas iad maille ris gach ni a's leo, agus gu'n téid iad sìos beò do'n t-slochd; an sin tuigidh sibh gu'n do bhrosnaich na daoine sin an Tighearn.

31 Agus tharladh, an uair a sguir e de labhairt nam briathran sin uile, gu'n do sgoilt an talamh a *bha* fodhpa o 'cheile:

32 Agus dh'fhosgail an talamh a bheul, agus shluig e suas iad, agus an tighean, agus na daoine uile a *bhuin* do Chorah, agus *am* maoin uile.

33 Chaidh iad féin, agus gach ni a *bhuin* doibh, beò sìos do'n t-slochd, agus dhruid an talamh orra: agus chaidh as doibh o mheasg a' chomhchruinneachaidh.

34 Agus theich Israel uile a *bha* mu'n timchioll, ro'n glaoth; oir thubhairt iad, Air eagal gu'n sluig an talamh sinne suas *mar an ceudna*.

35 Agus thàinig teine a mach o'n Tighearn, agus loisg e 'n dà cheud agus an leth-cheud fear a thug seachad tùis.

36 Agus labhair an Tighearn ri Maois, ag ràdh,

37 Labhair ri h-Elcasar mac Aaron an sagart, e 'thogail suas nan tùiseircan a meadhan an losgaidh, agus sgar thusa an teine an sud; oir tha iad coisrigte.

38 Tùiseircan nam peacach ud an aghaidh an anama féin; agus deanadh iad dhiubh leacan leathan *mar* chòmhdach do'n altair: oir thug iad seachad iad an làthair an Tighearna, air an aobhar sin tha iad coisrigte; agus bithidh iad 'n an comharadh do chloinn Israel.

39 Agus ghabh Eleasar an sagart na tùiseircan umha, leis an d'thug iadsan a chaidh a losgadh seachad tabhartas; agus rinneadh iad 'n an *leacaidh* leathan *mar* chòmhdach do'n altair,

40 *Gu bhì* 'n an cuimhneachan do chloinn Israel, air chor as nach tig coigreach, nach

*'eil* de shìochd Aaron, am fagus a losgadh tùise an làthair an Tighearna; chum as nach bi e mar Chorah, agus mar a chuid-eachd: mar a thubhairt an Tighearn ris le Raimh Mhaois.

41 Ach air an là màireach, rinn comh-chruinneachadh chloinn Israeil uile gearan, an aghaidh Mhaois agus an aghaidh Aaron, ag ràdh, Mharbh sibh sluagh an Tighearna.

42 Agus tharladh, an uair a chruinnich-eadh an comhthional an aghaidh Mhaois agus an aghaidh Aaron, gu'n do sheall iad air pàillium a' choimhthionail: agus, feuch, chòmhdach an neul e, agus dh'fhoillsich-eadh glòir an Tighearna.

43 Agus thàinig Maois agus Aaron gu beulaobh pàillium a' choimhthionail.

44 Agus labhair an Tighearn ri Maois, ag ràdh,

45 Rachaibh suas o mheasg a' chomh-chruinneachaidh so, agus sgrìosaidh mi iad mar ann am prìobadh na sùla: agus thuit iad air an eudannaibh.

46 Agus thubhairt Maois ri h-Aaron, Glac tùiseir, agus cuir teine ann bhàrr na h-altarach, agus cuir tùis air, agus imich gu' grad a dh'ionnsuidh a' chomhchruinn-eachaidh, agus dean réite air an son; oir chaidh fearg a mach o'n Tighearn: thòisich a' phlàigh.

47 Agus ghlac Aaron e, mar a dh'àithn Maois, agus ruith e gu meadhon a' chomh-chruinneachaidh; agus, feuch, bha 'phlàigh air tòiseachadh am measg an t-sluaigh; agus chuir e tùis air, agus rinn e réite air son an t-sluaigh.

48 Agus sheas e eadar na mairbh agus na beotha, agus choisgeadh a' phlàigh.

49 Agus bhàsaich 's a' phlàigh ceithir mìle deug agus seachd ceud, a thuilleadh orrasan a bhàsaich 'an aobhar Chorah.

50 Agus phill Aaron a dh'ionnsuidh Mhaois, gu dorus pàillium a' choimhthionail: agus choisgeadh a' phlàigh.

## CAIB. XVII.

1 *Slat Aaron fo bhlàth:* 10 tha i air a gleidheadh *mar* chomharadh an aghaidh nan ceann-airceach.

**A**GUS labhair an Tighearn ri Maois, ag ràdh,

2 Labhair ri cloinn Israeil, agus gabh slat o gach aon aca, a réir tìghe an aithrichean, o'n ceannardaibh uile, a réir tìghe an aithrichean, dà shlàit deug: sgrìobh ainm gach duine air a shlàit féin.

3 Agus sgrìobhaidh tu ainm Aaron air slait Lebhi: oir *bithidh* aon slat air son cinn tìghe an aithrichean.

4 Agus cuiridh tu suas iad ann am pàillium a' choimhthionail, an làthair na Fianuis', far an coinnich mise thu.

5 Agus tarlaidh, *gu'n* tig slat an duine a thaghas mise fo bhlàth; agus bheir mi air



gearain chloinn Israeil sgar uam, leis am bheil iad ri gearan 'n ur n-aghaidh-sa.

6 Agus labhair Maois ri cloinn Israeil, agus thug gach aon d'an ceannardaibh dha slat am fear, aon air son gach ceannaird, a réir tighe an aithrichean, *eadhon* da shlat deug: agus *bha* slat Aaron am measg an slat.

7 Agus chuir Maois suas na slatan an làthair an Tighearn, ann am pàillium na Fianuis'.

8 Agus air an là maireach chaidh Maois a steach do phàillium na Fianuis'; agus, feuch, bha slat Aaron, air son tighe Lebhi, air briseadh a mach, agus air cur maoth dhuilleach aise, agus air teachd fo bhlàth, agus air giùlan almona.

9 Agus thug Maois a mach na slatan uile o làthair an Tighearna gu cloinn Israeil uile; agus dh'amhairc iad orra, agus ghabh gach duine a shlat féin.

10 Agus thubhairt an Tighearn ri Maois, Thoir slat Aaron a rìs an làthair na Fianuis', gu bhli air a gleidheadh mar chomharadh an aghaidh nan ceannaireach; agus bheir thu air falbh gu tur an gearain uamsa, chum nach bàsaich iad.

11 Agus rinn Maois *mar sin*: mar a dh'fàithn an Tighearn dha, mar sin rinn e.

12 Agus labhair clann Israeil ri Maois, ag ràdh, Feuch, tha sinn a' bàsachadh, théid as duinn, théid as duinn uile.

13 Ge b'e air bith a thig am fagus do phàillium an Tighearna, gheibh e bàs; an claidhear sinn le bàsachadh?

## CAIB. XVIII.

1 *Cùram nan sagart.* 6 *Frithleachd nan Leblitheach.* 8 *Cuibhriann nan sagart,* 21 *agus nan Leblitheach.* 25 *Mu'n tabhartas-thogta.*

**A** Gus thubhairt an Tighearn ri h-Aaron, Giùlainidh tusa agus do mhic, agus tigh d'athar maille riut, cuceart an ionaid naomh; agus giùlainidh tusa agus do mhic maille riut cuceart bhuir sagartachd.

2 Agus do bhràithrean mar an ceudna de thréibh Lebhi, tréibh d'athar, bheir thu leat maille riut, chum gu'n ceanglar riut iad, agus gu'm fritheil iad dhuit: ach *frith-eilidh* tusa agus do mhic maille riut air beulaobh pàillium na Fianuis'.

3 Agus gleidhidh iad do chùram-sa, agus cùram a' phàillium uile: a mhàin cha tig iad ann fagus do shoithichibh an ionaid naomh agus do'n altair, a chum nach faigh aon chuid iadsan no sibhsè bàs.

4 Agus ceanglar riut iad, agus gleidhidh iad cùram pàillium a' choimhthionail, air son uile sheirbhis a' phàillium: agus cha tig coigreach ann fagus duibh.

5 Agus gleidhidh sibh cùram an ionaid naomh, agus cùram na h-altarach; a chum nach bi fearg mi's mò air cloinn Israeil.

6 Agus mise, feuch, thug mi bhuir bràithrean na Lebhithich o mheasg chloinn Israeil: dhuibhsè thugadh iad *mar* tabhartas

do'n Tighearn, a dheanamh seirbhis pàillium a' choimhthionail.

7 Uime sin gleidhidh tusa, agus do mhic maille riut, bhuir sagartachd anns gach ni a *bhuineas* do'n altair, agus an taobh a stigh de'n roinn-bhrat, agus ni sibh seirbhis: thug mi *dhuibh* bhuir sagartachd, *mar* sheirbhis tabhartais; agus cuirear an coigreach a thig am fagus gu bàs.

8 Agus labhair an Tighearn ri h-Aaron, Feuch, thug mi dhuit mar an ceudna cùram mo thabhartasan-togta, de uile nithibh coisrigte chloinn Israeil; dhuitse thug mi iad, air son an ungaidh, agus do d' mhic le reachd sìorruidh.

9 Bithidh so leatsa de na nithibh ro naomha, a *ghleidheadh* o'n teine: gach tabhartas leo-san, gach tabhartas-bidh leo, agus gach iobairt-pheacaidh leo, agus gach iobairt-eusantais leo, a bheir iad dhomhsa, bithidh e ro naomh dhuitse, agus do d' mhic.

10 'S an ionad ro naomh ithidh tu e, ithidh gach firionnach e: bithidh e naomh dhuitse.

11 Agus *is* leat so; tabhartas-togta an tabhartais, maille ri uile tabhartasan-luaisgte chloinn Israeil: thug mi dhuitse iad, agus do d' mhic, agus do d' nigheanaibh maille riut, le reachd sìorruidh: gach neach a tha glan a'd' thigh, ithidh e dheth.

12 A' chuid a's fearr uile de'n olaidh, agus a' chuid a's fearr uile de'n fhìon, agus de'n cbruthneachd, an ceud thoradh leo-san a bheir iad seachad do'n Tighearn, iad sin thug mi dhuit.

13 Gach ni a's luaithe 'bhitheas abuich 'n ann fearann, a bheir iad chum an Tighearna, bithidh e leatsa; gach aon a tha glan a'd' thigh, ithidh e dheth.

14 Gach ni a choisrigear ann an Israel, bithidh e leatsa.

15 Gach ni a dh'fhosglaas a' bhrù de gach feoil, a bheir iad a dh'ionnsuidh an Tighearna, *ma's ann* de dhuine, no dh'ainmhidh, bithidh e leatsa: gidheadh gu cinnteach fuasglaidh tu ceud-ghin duine, agus ceud-ghin an ainmhidh neòghloin fuasglaidh tu.

16 Agus iadsan a dh'fhuasglar, o mhios a dh'aois fuasglaidh tu *iad* a réir do mheas, air son airgid chùig seceilean, a réir seceil an ionaid naomh: *is e 'n seceil* fichead gerah.

17 Ach ceud-ghin boin, no ceud-ghin caorach, no ceud-ghin gaibhre, cha-n fhuasgail thu; *tha* iad naomha: crathaidh tu an fuil air an altair, agus loisgidh tu 'n saill *mar* tabhartas a bheirear suas le teine, chum faile cùbhraidh do'n Tighearn.

18 Agus bithidh ann feoil leatsa, mar a bhitheas an t-uchd luaisgte agus an slinnean deas leat.

19 Uile tabhartasan-togta nan nithear naomha, a bheir clann Israeil seachad do'n



Tighearn, thug mi dhuitse, agus do d' m'he, agus do d' nigheanaibh maille riut, 'le reachd sìorruidh: *is* còmhcheangal salaium e gu bràth an làthair an Tighearna, dhuitse agus do d' shìochd maille riut.

20 Agus labhair an Tighearn ri h-Aaron, 'N am fearauu cha bhi còmhcheangal agad, ni mo bhios roinn agad 'n am measg: *is* mise do roinn-sa agus d'òighreachd ann measg chloinn Israeil.

21 Agus, feuch, do chloinn Lebhi thug mi an deachamh uile ann an Israel mar òighreachd, air son an seirbhis a ni iad, *eadhon* seirbhis pàilliuu a' chòimhthionail.

22 Agus cha-n fheud clann Israeil o so suas teachd ann agus do phàillium a' chòimhthionail, air eagal gu'n giùlain iad peacadh, agus gu'm faigh iad bàs.

23 Ach ni na Lebhitich seirbhis pàillium a' chòimhthionail, agus giùlainidh iad an cionta: *bithidh e* 'n reachd sìorruidh air feadh bhuir ginealach, nach bi òighreachd sam bith aca ann measg chloinn Israeil.

24 Ach deachamh chloinn Israeil a bheir iad seachad mar thabhartas-togta do'n Tighearn, thug mi do na Lebhitich mar òighreachd: uime sin thubhairt mi riu, Am measg chloinn Israeil cha bhi òighreachd aca.

25 Agus labhair an Tighearn ri Maois, ag ràdh,

26 Mar so labhair ris na Lebhitich, agus abair riu, 'N uair a thogas sibh o chloinn Israeil an deachamh a thug mise dluibh uatha mar bhuir u-òighreachd, an sin bheir sibh suas tabhartas-togta dheth do'n Tighearn, *eadhon* an deicheamh *cuid* de'n deachamh.

27 Agus measar an tabhartas-togta so dhuibh, mar *gu'm b'e* arbhar an urlair-bhualaidh, agus mar làn amar-bruthaidh an fhìona.

28 Mar so mar an ceudna bheir sibh seachad tabhartas-togta do'n Tighearn, d'ur n-uile dheachamh a thogas sibh o chloinn Israeil: agus bheir sibh dheth tabhartas-togta an Tighearna do Aaron an sagart.

29 As bhuir n-uile thìodhlacaibh, bheir sibh seachad uile thabhartas-togta an Tighearna de'n chuid a's fearr dheth uile, *eadhon* a' chuid sin deth a tha coisrigte.

30 Uime sin their thu riu, 'N uair a thogas sibh suas uaith a' chuid a's fearr dheth, an sin measar e do na Lebhitich mar thoradh an urlair-bhualaidh, agus mar thoradh amar-bruthaidh an fhìona.

31 Agus ithidh sibh e anns gach àite, sibh fèin agus bhuir teaghlachan: oir *is* e bhuir duais air son bhuir seirbhis ann am pàillium a' chòimhthionail.

32 Agus cha giùlain sibh peacadh sam bith air a shon, an uair a thogas sibh suas a' chuid a's fearr dheth: ni mò a thruailleas sibh nìthan naomha chloinn Israeil, air eagal gu'm faigh sibh bàs.

1 An t-uisge dealachaidh: 11 mar a ghnàthaich-eadh e chum iadsan a bha neòghlan a ghlanadh.

A GUS labhair an Tighearn ri Maois, agus ri h-Aaron, ag ràdh,

2 *Is* e so ordugh an lagha a dh'àithn an Tighearn, ag ràdh, Labhair ri cloinn Israeil, iad a thoirt a d' ionnsuidh agh ruadh gun ghaoid, air nach 'eil smal, agus nach robh riamh fo chuing.

3 Agus bheir sibh i dh'ionnsuidh Eleasair an t-sagairt; agus bheirear i an taobh a muigh de'n ehamp, agus marbhar i 'n a fhiauis.

4 Agus gabhaidh Eleasar an sagart *cuid* d'a fuil le m'heur, agus crathaidh e cuid d'a fuil dìreach fa chomhair pàillium a' chòimhthionail seachd uairean.

5 Agus loisgidh *neach* an t-agh 'n a shealladh; a seiche, agus a feoil, agus a fuil, maille r'a h-aolach, loisgidh e.

6 Agus gabhaidh an sagart fiodh seudair, agus hiosop, agus scarlaid, agus tilgidh e *sin* am meadhon losgaidh an aighe.

7 An sin nighidh an sagart 'eudach, agus ionulaidh e 'fheoil ann an uisge, agus an dèigh sin thig e steach do'n ehamp, agus bithidh an sagart neòghlan gu feasgar.

8 Agus nighidh esan a loisg i 'eudach ann an uisge, agus ionulaidh e 'fheoil ann an uisge, agus bithidh e neòghlan gu feasgar.

9 Agus eruinnichidh duine a tha glan luath an aighe, agus taisgidh e i 'u taobh a muigh de'n ehamp ann an àite glan; agus gleidhear i air son comhchruiueachaidh chloinn Israeil, mar uisge dealachaidh: *is glanadh* air son peacaidh i.

10 Agus nighidh esan a thionailas luath an aighe 'eudach, agus bithidh e neòghlan gu feasgar: agus bithidh e do chloinn Israeil, agus do'n choigreach a th'air chuairt 'n am measg, 'n a reachd sìorruidh.

11 Esan a bhcanas ri corp duine mhairbh sam bith, bithidh e neòghlan seachd làithean.

12 Glanaidh se e fèin leis air an treas là, agus air an t-seachdamh là bithidh e glan: ach mur glan se e fèin air an treas là, an sin air an t-seachdamh là cha bhi e glan.

13 Ge b'e neach a bhcanas ri corp duine sam bith a tha marbh, agus nach glan e fèin, tha e a' truailladh pàillium an Tighearn; agus gearrar an t-anam sin as o Israel: a chionn nach do chrathadh an t-uisge dealachaidh air, bithidh e neòghlan; *tha* a neòghloine fathast air.

14 *Is* e so an lagh, an uair a bhàsaicheas duine ann am bùth: Gach neach a thig a stigh do'n bhùth, agus gach neach a tha 's a' bhùth, bithidh iad neòghlan seachd làithean.

15 Agus gach soitheach fosgailte aig nach 'eil còmhach eangailte air, *tha* e neòghlan.

16 Agus ge b'e 'bheanas ri neach a mharbhadh le claidheamh 's a' mhachair, no ri corp marbh, no ri cnàimh duine, no ri h-uaghl, bithidh e neòghlan seachd làithean.

17 Agus air son an *duine* neòghloin gabhaidh iad de luath an aighe, a loisgeadh air son glanaidh peacaidh, agus euiridh iad sruth uisge oirre ann an soitheach.

18 Agus gabhaidh duine glan biosop, agus tumaidh e 's an uisge e, agus crathaidh e air a bhùth e, agus air na soitheachibh uile, agus air a' mhuinntir a bha 'n sin, agus airsan a bhean ri cnàimh, no ri neach a mharbhadh, no ri aon marbh, no ri h-uaghl:

19 Agus crathaidh an *duine* glan air an neòghlan air an treas là, agus air an t-seachdamh là; agus glanaidh se e fèin air an t-seachdamh là, agus nighidh e 'eudach, agus ionnlaididh se e fèin ann an uisge, agus bithidh e glan air feasgar.

20 Ach an duine a bhios neòghlan, agus nach glan e fèin, gearrar an t-anam sin as o mheasg a' chomhchruinneachaidh, a chionn gu'n do thruaill e ionad naomh an Tighearna: cha do chrathadh uisge dealachaidh air; *tha* e neòghlan.

21 Agus bithidh e 'n a reachd sìorruidh dhoibh, gu'n nigh esan a chrathas an t-uisge dealachaidh 'eudach, agus bithidh esan a bheanas ris an uisge dhealachaidh, neòghlan gu feasgar.

22 Agus ge b'e ni ris am bean an *duine* neòghlan, bithidh e neòghlan: agus an t-anam a bheanas ris, bithidh e neòghlan gu feasgar.

## CAIB. XX.

1 Bàs Mhìriaim. 7 Thug Maois uisge do'n t-sluagh as a' charraig. 22 Bàs Aaroin.

**A**N sin thàinig clann Israeil, *cadhòn* an comhchruinneachadh uile, gu fàsach Shìn, anns a' cheud mhìos: agus dh'fhan an sluagh ann an Cades; agus fhuair Miriam bàs an sin, agus dh'adhlacaidh an sin i.

2 Agus cha robh uisge ann do'n choimhthional: agus chruinnich siad iad fèin an aghaidh Mhaois agus an aghaidh Aaroin.

3 Agus throd an sluagh ri Maois, agus labhair iad, ag ràdh, B'fhearr gu'm bith-eamaid air faghail bàis an uair a blàsaich ar bràithrean an làthair an Tighearna!

4 Agus e'ar son a thug sibh a nìos comhchruinneachadh an Tighearna do'n fhàsach so, gu bàs fhaghail an sin, sinn fèin agus ar spréidh?

5 Agus e'ar son a thug sibh oirne teachd a nìos as an Eiphit, g'ar toirt a steach do'n droch àite so? cha-n àite sìle e, no fhligis, no eirannfiona, no phomgranata; ni mò *tha* uisge ann r'a òl.

6 Agus eahidh Maois agus Aaron o làthair a' chomhchruinneachaidh gu doras pàilliuin a' choimhthional, agus thuit iad air an aghaidh; agus dh'fhoillsicheadh glòir an Tighearna dhoibh.

7 Agus labhair an Tighearna ri Maois, ag ràdh,

8 Gabh an t-slat, agus cruinnich thus' an coimhthional 'an ceann a chéile, thu féin agus Aaron do bhràthair, agus labhraibh ris a' charraig fa chomhair an sùl, agus bheir i seachd a h-uisge; agus bheir thusa maen uisge dhoibh as a' charraig, agus bheir thu deoch do'n choimhthional, agus d'an spréidh.

9 Agus ghabh Maois an t-slat o làthair an Tighearna, mar a dh'àithn e dha.

10 Agus chruinnich Maois agus Aaron an comhchruinneachadh 'an ceann a chéile fa chomhair na carraig, agus thubhairt e riu, Eisdibh a nis, a luchd-ecannaire; as a' charraig so am feum sinne uisge thoirt duibh?

11 Agus thog Maois suas a làmh, agus bhuail e a' charraig le 'shlaid dà uair; agus thàinig an t-uisge mach gu pailt: agus dh'òl an comhchruinneachadh, agus an spréidh.

12 Agus labhair an Tighearna ri Maois agus ri h-Aaron, A chionn nach do chreid sibh mi, chum mo naomhachadh ann an sùilibh chloinn Israeil, uime sin cha toir sibh a steach an comhchruinneachadh so do'n fhearam a thug mise dhoibh.

13 Is e so uisge Mheribah, a chionn gu'n d'rim clann Israeil strì ris an Tighearna, agus naomhaicheadh e annta.

14 Agus chuir Maois teachdairean o Chades gu rìgh Edoim, Mar so tha do bhràthair Israel ag ràdh, Tha fios agad air an t-saothair sin uile a thàinig oirne;

15 Mar a chaidh ar n-aithrichean sìos do'n Eiphit, agus a ghabh sinn comhnuidh 's an Eiphit anns ir fhada; agus bhuin na h-Eiphitich gu h-òle ruinne, agus r'ar n-aithrichibh.

16 Agus an uair a ghlaodh sinn ris an Tighearna, chual' e ar guth, agus chuir e aingeal uath, agus thug e mach sinn as an Eiphit; agus, feuch, *tha* sinn ann an Cades, baile 's a' chuid a's iomallaiche de d' chrìch.

17 Leig leinn, guidheam ort, dol troimh do dhùthaich: cha téid sinn troimh a' chad sam bith, no troimh fhion-lìos, ni mò dh'òlas sinn uisge ann tobar; imichidh sinn air rathad mòr an rìgh, cha tionndaidh sinn a dh'ionnsuidh na làimhe deise, no na làimhe clìthe, gus an téid sinn seach do chrìochan.

18 Agus thubhairt Edom ris, Cha téid thu seachad orm, air eagal leis a' chlaidheamh gu'n tig mi mach a' d' aghaidh.

19 Agus thubhairt clann Israeil ris, Imichidh sinn air an rathad mhòr; agus ma dh'òlas mi fèin agus mo spréidh de d' uisge, bheir mi luach air a shon: a mhàin gun tuille 'dheanamh, théid mi troimhe de m' chois.

20 Agus thubhairt e, Cha téid thu troimhe. Agus thàinig Edom a mach 'n a aghaidh le mòr-shluagh, agus le làimh thréim.



## AIREAMH, XXI.

21 Mar so dhiùlt Edom do Israel comas dol troimh a chrìch: uime sin thionndaidh Israel uaith.

22 Agus ghabh clann Israeil, *eadhon* an comhehrinneachadhuile, an turas o Chades, agus thàinig iad gu sliabh Hor.

23 Agus labhair an Tighearn ri Maois agus ri h-Aaron ann an sliabh Hor, làimh ri crìch fearainn Edoim, ag ràdh,

24 Cruinnichear Aaron a chum a shluaigh; oir cha téid e steach do'n fhearann a thug mise do chloinn Israeil, a chionn gu'n robh sibh ceannairceach an aghaidh m'fhocail-sa aig uisge Mheribah.

25 Gabh Aaron agus Eleasar a mhac, agus thoir suas iad gu sliabh Hor:

26 Agus buin 'eudach de Aaron, agus cuir air a mhac Elcasar e; agus cruinnichear Aaron a chum a mhuinntir, agus gheibh e bàs an sin.

27 Agus rinn Maois mar a dh'àithn an Tighearn: agus chaidh iad suas gu sliabh Hor, ann an sealladh a' chomhehrinneachaidh uile.

28 Agus bhuin Maois 'eudach de Aaron, agus chuir e air Eleasar a mhac e; agus fhuair Aaron bàs an sin air mullach an t-sleibh: agus thàinig Maois agus Eleasar a nuas o'n t-sliabh.

29 Agus an uair a chunnaic an comhehrinneachadh uile gu'n d'fhuair Aaron bàs, rinn iad bròn air son Aaroin deich làithean 'ar fhichead, eadhon tigh Israeil uile.

## CAIB. XXI.

1 Sgrios clann Israeil na Canaanach. 4 Lotadh iad le nathraichibh loisgeach. 7 Dh'aicidh iad ann peacadh, agus leighiseadh iad le anharc air nathair umha. 21 Thug iad buaidh air Sihon agus air Og.

**A**GUS an uair a chuala rìgh Arad an Canaanach, a bha 'chòmhnuidh 's an àirde deas, gu'n d'fhàinig Israel air slighe an luchd-brathaidh, an sin chog e 'n aghaidh Israeil, agus rinn e cuid diubh 'n an ciomach.

2 Agus bhòidich Israel bòid do'n Tighearn, agus thubhairt iad, Ma bheir thu da rìreadh an sluagh so thairis d'ar làimh, an sin sgriosaidh sinn gu tur an bailtean.

3 Agus dh'èisd an Tighearn ri guth Israeil, agus thug e na Canaanach suas doibh: agus sgrios iad gu tur iad féin agus an bailtean: agus thug iad Horma mar ainm air an àite.

4 Agus ghabh iad an turas o shliabh Hor, air slighe na mara ruaidhe, a dhol mu'n cuairt air tìr Edoim; agus bha anam an t-sluaigh fo mhi-mhisnich 's an t-slighe.

5 Agus labhair an sluagh an aghaidh Dhé, agus an aghaidh Mhaois, C'ar son a thug sibh a nìos sinn as an Eiphit, gu bàs fhaghail 's an fhàsach? oir cha-n 'eil aran,

no uisge ann, agus tha ar n-anam a' gabhail gràin de'n aran eutrom so.

6 Agus chuir an Tighearn nathraichean loisgeach am measg an t-sluaigh; agus lot iad an sluagh, agus fhuair mòr-shluaigh de Israel bàs.

7 Uime sin thàinig an sluagh a dh'ionnsuidh Mhaois, agus thubhairt iad, Pheacaich sinn, oir labhair sinn au aghaidh an Tighearn, agus a'd' aghaidh-sa; guidh air an Tighearn gu'n toir e air falbh uainn na nathraichean. Agus ghuidh Maois air son an t-sluaigh.

8 Agus thubhairt an Tighearn ri Maois, Dean dhuit féin nathair loisgeach, agus cuir i air crann; agus tarlaidh, gach neach a lotar, an uair a dh'amhairceas e oirre, gu mair e beò.

9 Agus rinn Maois nathair umha, agus chuir e air crann i: agus tharladh, ma lot nathair duine sam bith, agus gu'n d'amhairc e air an nathair umha, gu'n d'fhan e beò.

10 Agus chaidh clann Israeil air an aghaidh, agus champaich iad ann an Obot.

11 Agus ghabh iad an turas o Obot, agus champaich iad aig Iie-abarim 's an fhàsach a tha fa chomhair Mhoib, leth ri éirigh na gréine.

12 Uaith sin dh'imich iad, agus champaich iad ann an gleann Shareid.

13 O sin dh'imich iad, agus champaich iad air an taobh eile de Arnon, a tha 's an fhàsach a tha 'teachd a mach á crìochaibh nan Amorach: oir is e Arnon crìoch Mhoib, eadar Moab agus na h-Amorach.

14 Uime sin innsear ann an leabhar chogann an Tighearna, Cìod a rinn e s a' mhuir ruaidh, agus ann an sruthaibh Arnoim.

15 Agus aig ruith nan sruth a tha 'dol sìos gu àite-còmhnuidh Ar, agus a' luidhe air crìch Mhoib.

16 Agus o sin chaidh iad gu Beer: is e sin an tobar mu'n do labhair an Tighearn ri Maois, Cruinnich an sluagh r'a chéile, agus bheir mise uisge dhoibh.

17 An sin chan Israel an laoidh so, Sruth a nìos, O thobair; canaibhse dha:

18 Chladhaich na h-uachdarain an tobar, chladhaich uailean an t-sluaigh e, le seòladh fhlur thubhairt an lagha, le 'n lorgaibh. Agus o'n fhàsach chaidh iad gu Matana;

19 Agus o Mhatana gu Nahaliel; agus o Nahaliel gu Bamot;

20 Agus o Bhamot 's a' ghleann a tha ann an dùthaich Mhoib, gu mullach Phisgah, a tha 'g anharc ri Iesimon.

21 Agus chuir Israel teachdairean gu Sihon rìgh nan Amorach, ag ràdh,

22 Leig dhomh dol troimh d'fhearann; cha tionndaidh sinn a dh'ionnsuidh raoin no dh'ionnsuidh fion-lìos sam bith; cha-n òl sinn uisgeachar an tobar: rathead an rìgh



gabhaidh sinn, gus an téid sinn seachad air do chrìch.

23 Agus cha leigeadh Sihon le Israel dol troimh a chrìch: agus chruinnich Sihon a shluagh uile r'a chòile, agus chaidh e mach an aghaidh Isracil do'n fhàsach: agus thàinig e gu Iahas, agus chog e 'n aghaidh Isracil.

24 Agus bhuail Israel e le faobhar a' chlàidheimh, agus ghabh e sealbh air 'fhearann o Arnon gu Iaboc, *eadhon* gu cloinn Amoin: oir *bha* crìoch chloinn Amoin làidir.

25 Agus ghlac Israel na bailtean mòra sin uile: agus ghabh Israel còmhluaidh ann am bailtibh mòra nan Amorach uile, ann an Hesbon, agus 'n a bhailtibh beaga uile:

26 Oir *be* Hesbon baile mòr Shihoin rìgh nan Amorach, a chog an aghaidh rìgh Mhoibh a br'ann roimhe sin, agus a bhuin 'fhearann uile as a làimh, *eadhon* gu h-Arnon.

27 Uime sin their iadsan, a labhras ann an gnàth-fhoclaibh, Thigibh do Hesbon; biodh baile mòr Shihoin air a thogail agus air a dheasachadh:

28 Oir chaidh teine mach á Hesbon, lasaibh o bhaile mòr Shihoin; loisg e Ar Mhoibh, agus tighearnan ionadan àrda Arnoin.

29 Mo thruaighe thu, a Mhoibh! thàinig sgrìos ort, O shluaigh Chemois! thug e 'mhic a chaidh as, agus a nigheanan, 'am braigh-deanas do Shihoin rìgh nan Amorach.

30 Thilg sinn saighdean orra; chaidh as do Hesbon *eadhon* gu Dibon, agus dh'fhàs-air sinn *iad* *eadhon* gu Nophia, a *tha* 'ruigheachd gu Medeba.

31 Mar so ghabh Israel còmhluaidh ann am fearann nan Amorach.

32 Agus chuir Maois *daoine* uaith a ghabhail beachd air Iaser, agus ghlac iad a bhailtean, agus dh'fhògair iad a mach na h-Amoraich a *bha* 'n sin.

33 Agus phill iad agus chaidh iad suas air slioghe Bhasain: agus chaidh Og rìgh Bhasain a mach 'n an aghaidh, e féin, agus a shluagh uile, gu cath aig Edrei.

34 Agus thubhairt an Tighearn ri Maois, Na gabh eagail roimhe; oir do d' làimh-sa thug mi thairis e féin, agus a shluagh uile, agus 'fhearann; agus ni thu air mar a rinn thu air Sihon rìgh nan Amorach, a *bha* còmhluaidh aig Hesbon.

35 Mar sin bhuail iad e féin agus a mhic, agus a shluagh uile, gus nach dh'fhàgadh aon beò aige: agus ghabh iad sealbh air 'fhearann.

## CAIB. XXII.

1 *Dhiùlt Balaam air ceud iartrus Bhalaic teachd d'a ionnsuidh; ach an uair a chuir e ath-theachdairean d'a ionnsuidh, dh'imich e air a thurus: 28 labhair 'asal ris air a shlighe.*

**A**GUS chaidh clann Israeil air an aghaidh, agus champaich iad ann an còmh-

nardaibh Mhoibh, air an taobh so de Iordan làimh ri Iericho.

2 Agus chuinnic Balaam mac Shipoir gach ni a rinn Israel air na h-Amoraich.

3 Agus bha eagail roimhòr air Moab roimh 'n t-sluagh, a chionn gu'n *robh* iad lìomhor; agus bha Moab ann an teim a thaobh chloinn Isracil.

4 Agus thubhairt Moab ri seanairibh Mhidiaim, A nis imlichidh a' chuideachd so suas gach ni a *tha* mu'r timcheall, mar a dh'imlicheas an damh suas fear na mach-arach. Agus *bha* Balaam mac Shipoir 'n a rìgh air na Moabaich 's an àm sin.

5 Chuir e teachdairean uime sin gu Balaam mac Bheoir, gu Potor, a tha làimh ri amhainn dùthcha cloimne a shluaigh, g'a ghairm, ag ràdh, Feuch, tha sluagh air teachd a mach as an Eiphit: feuch, tha iad a' còmh-dachadh aghaidh na talmhainn, agus tha iad 'n an còmhluaidh thall fa m' chomhair.

6 Thig a nis uime sin, guidheam ort, mall-aich dhomhs' an sluagh so, oir *tha* iad tuill-eadh 's cunhachdach air mo shon: theagamh gur urrainn mi am bualadh, agus gu'm fuadaich mi iad a mach as an dùthaich; oir tha fios agam gu'm *bheil* esan a bheannaicheas tusa, beannaichte, agus esan a mhall-aicheas tu, mallaichte.

7 Agus dh'imich seanairean Mhoibh agus seanairean Mhidiaim, le *duais na* druidheachd 'n an làimh; agus thàinig iad gu Balaam, agus dh'imis iad dha briathran Bhalaic.

8 Agus thubhairt e riu, Fanaibh an so an nochd, agus blicir mise fios duibh a ris, a réir mar a labhras an Tighearn rium. Agus dh'fhan ceannardan Mhoibh maille ri Balaam.

9 Agus thàinig an Tighearn gu Balaam, agus thubhairt e, Cò iad na daoine so maille riut?

10 Agus thubhairt Balaam ri Dia, Chuir Balaam mac Shipoir, rìgh Mhoibh, *teachdaire* a m' ionnsuidh, ag ràdh,

11 Feuch, *tha* sluagh air teachd a mach as an Eiphit, a tha 'còmh-dachadh aghaidh na talmhainn: thig a nis, mallaich dhomh iad; theagamh gur urrainn mi buaidh' thoirt orra, agus gu'm fuadaich mi mach iad.

12 Agus thubhairt Dia ri Balaam, Cha téid thu maille riu; cha mhallach thu 'n sluagh; oir *tha* iad beannaichte.

13 Agus dh'éirich Balaam 's a' mhaduinn, agus thubhairt e ri ceannardaibh Bhalaic, Imichibh d'ur dùthaich féin: oir tha 'n Tighearn a' diùltadh cead a thoirt dhomhsa dol maille ribh.

14 Agus dh'éirich ceannardan Mhoibh suas, agus chaidh iad a dh'ionnsuidh Bhalaic, agus thubhairt iad, Tha Balaam a' diùltadh teachd maille rinn.

15 Agus chuir Balaam uaith a ris ceannardan a bu lìomhoire, agus a b'urranaiche na iadsan.

16 Agus thàinig iad gu Balaam, agus thubhairt iad ris, Mar so tha Balac, mac Shipoir, ag ràdh, Na bacadh ni sam bith thu, guidheam ort, o theachd a m' ionnsuidh;

17 Oir àrdaichidh mi thu gu h-inbhe ro mhòir, agus ge b'e ni a thèir thu rium, ni mi e: thig uime sin, guidheam ort, mallaich dhomh an sluagh so.

18 Agus fhreagair Balaam, agus thubhairt e ri seirbhiseich Bhalaic, Ged a bheireadh Balaac dhomsha làn a thighe a dh'airgid agus a dh'òr, cha-n fheudainn dol thar focal an Tighearna mo Dhé, a dhcanamh 'bheag no 'mhòr.

19 A nis uime sin, guidheam oirbh, fan-aibhse mar an ceudna an so an nochd, a chum gu'm bi fios agam ciod tuilleadh a thèir an Tighearn rium.

20 Agus thàinig Dia dh'ionnsuidh Bhalaam 's an oidhche, agus thubhairt e ris, Ma thig na daoine gu d' ghairm, èirich suas, agus imich maille riu; gidheadh am focal a thèir mise riut, sin ni thu.

21 Agus dh'èirich Balaam suas 's a' mhaduinn, agus chuir e diollaid air 'asal, agus chaidh e maille ri ceannardaibh Mhoaiib.

22 Agus las corruch Dhé a chionn gu'n d'imich e; agus sheas aingeal an Tighearna 's an t-slighe mar eascaraid 'n a aghaidh. A nis bha e 'marcachd air 'asal féin, agus a dhà òglach maille ris.

23 Agus chunnaic an asal aingeal an Tighearna 'n a sheasamh 's an t-slighe, agus a ehlaidheamh tairngte 'n a làimh: agus thionndaidh an asal a leth taobh as an t-slighe, agus chaidh i air feadh an fhearaime; agus bhuail Balaam an asal, g'a tionndadh dh'ionnsuidh na slighe.

24 Agus sheas aingeal an Tighearn', ann an eos-cheum nam fion-lios: *bha* balla air an taobh so, agus balla air an taobh ud.

25 Agus an uair a chunnaic an asal aingeal an Tighearn', theannaich si i féin ris a' bhalla, agus bhrùth i cos Bhalaam ris a' bhalla; agus bhuail e ris i.

26 Agus a ris chaidh aingeal an Tighearna seachad, agus sheas e ann an àite cumhann, far nach robh slighe gu tionndadh aon chuid a chum na làimhe deise no clìthe.

27 Agus an uair a chunnaic an asal aingeal an Tighearna, luidh i sìos fo Bhalaam: agus las corruch Bhalaam, agus bhuail e 'n asal le bata.

28 Agus dh'fhosgail an Tighearn beul na h-asal, agus thubhairt i ri Balaam, Ciod a rinn mise ort, gu'n do bhuail thu mi na tri uairean so?

29 Agus thubhairt Balaam ris an asal, A chionn gu'n d'rinn thu fanaid orm: b'fhearr leam gu'm biodh claidheamh a'm' làimh, oir a nis mharbhainn thu.

30 Agus thubhairt an asal ri Balaam, Nach mise d'asal féin, air an do mharcaich thu riamh o bu leat *mì*, gus an là 'n diugh? am

b'abhaist domh riamh a dhcanamh mar so riut? Agus thubhairt e, Cha *b'abhaist*.

31 An sin dh'fhosgail an Tighearn sùilean Bhalaam, agus chunnaic e aingeal an Tighearna 'n a sheasamh 's an t-slighe, agus a chlaidheamh tairngte 'n a làimh; agus chrom e sìos a cheam, agus thuit e sìos air 'aghaidh.

32 Agus thubhairt aingeal an Tighearna ris, C'ar son a bhuail thu d'asal na tri uairean so? Feuch, chaidh mi mach gu bhli a'm' eascaraid duit, a chionn gu'm bheil do shlighe fiar a'm' fhianuis.

33 Agus chunnaic an asal mi, agus thionndaidh i uam na tri uairean so: mur bitheadh i air tionndadh uam, gu cinnteach bha mi nis eadhon air do mharbhadh-sa, agus air a gleidheadh-sa beò.

34 Agus thubhairt Balaam ri aingeal an Tighearna, Phacaich mi; oir cha robh fios agam gu'n do sheas thu 's an t-slighe a'm' aghaidh: a nis uime sin, ma's mi-thairtneach leat e, pillidh mi air m'ais a ris.

35 Agus thubhairt aingeal an Tighearna ri Balaam, Imich leis na daoineibh; ach a mhàin am focal a labhras mise riut, sin labhraidh tusa. Mar sin chaidh Balaam le ceannardaibh Bhalae.

36 Agus an uair a chuala Balac gu'n d'thàinig Balaam, chaidh e mach 'n a choimneamh gu baile de Mhoab, a *tha* làimh ri comh-chrich Arnoin, a *tha* 'sa' chrich a's faide mach.

37 Agus thubhairt Balac ri Balaam, Nach do chuir mise gu cinnteach fios a d'ionnsuidh g'ad ghairm? C'ar son nach d'thàinig thu a m' ionnsuidh? Nach 'eil mise gu deimhin comasach air d'ardachadh gu h-inbhe.

38 Agus thubhairt Balaam ri Balac, Feuch, tha mi air teachd a d'ionnsuidh: an bheil agam a nis cumhachd idir ni sam bith a ràdh! Am focal a chuireas Dia a'm' bheul sin labhraidh mi.

39 Agus chaidh Balaam maille ri Balac, agus thàinig iad gu Cariat-husot.

40 Agus dh'ìobair Balac daimh agus caor-aich, agus chuir e fios a dh'ionnsuidh Bhalaam, agus a dh'ionnsuidh nan ceannard a *bha* maille ris.

41 Agus air an là màireach, ghabh Balac Balaam, agus thug e suas e gu àitibh àrda Bhaail, a chum gu'm faicadh e o sin a' *chuid* a b'iomallaiche de'n t-shuagh.

#### CAIB. XXIII.

1, 14, 28 *Iobairtean Bhalaic*, 7, 18 *Cosamlachdan Bhalaam*.

**A** GUS thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh *òga*, agus seachd reitheachan.

2 Agus rinn Balac mar a thubhairt Balaam; agus dh'ìobair Balac agus Balaam air *gach* altair tarbh *òg* agus reithe.

3 Agus thubhairt Balaam ri Balac, Seas làimh ri dh'ìobairt-loisgte, agus imichidh



mise; theagamh gu'n tig an Tighearn a'm' choimneamh: agus ge b'e ni a nochdas e dhomh, innsidh mi dhuit. Agus chaidh e gu h-ionad àrd.

4 Agus choinnich Dia Balaam, agus thubhairt *Balaam* ris, Dheasaich mi seachd altairean, agus dh'ìobair mi air *gach* altair tarbh òg agus reithe.

5 Agus chuir an Tighearn focal ann am beul Bhalaam, agus thubhairt e, Fill a dh'ionnsuidh Bhalaic, agus mar so labhairidh tu.

6 Agus phill e d'a ionnsuidh, agus, feuch, sheas e làimh r'a ìobairt-loisgte, e féin, agus ceannardan Mhoib uile.

7 Agus thog e suas a chosamhlachd, agus thubhairt e, Thug Balac rìgh Mhoib mise á h-Aram, o bheanntaibh na h-àird' an ear, *ag ràdh*, Thig, mallaich dhomhsa Iacob; agus thig, thoir dùbhlau do Israel.

8 Cionnus a mhallaicheas mi esan nach do mhallaich Dia? agus cionnus a bheir mi dùbhlán *dha-san* do nach d'thug au Tighearn dùbhlán?

9 Oir o mhuallach nan creag tha mi 'g a fhaicinn, agus o na sléibhtibh tha mi 'g amharc air: feuch, gabhaidh an sluagh còmhnuidh air leth, agus cha mheasar iad am measg nan cinneach.

10 Cò dh'àirmheas duslach Iacob, no àir-eamh na ceathranh *cuid* de Israel? Faigheam-sa bàs an ionracain, agus bitheadh mo chrìoch dheireannach cosmhuil r'a *chrìch-san*!

11 Agus thubhairt Balac ri Balaam, Ciod e so a rinu thu orm? a mhallachadh mo naimhdean thug mi thu, agus, feuch, da rìreadh bheamaich thu *iad*.

12 Agus fhreagair agus thubhairt e, An ni sin a chuir an Tighearn a'm' bheul, nach feum mis' an aire thoirt a labhairt?

13 Agus thubhairt Balac ris, Thig, guidheam ort, maille rium gu h-àit eile, o'm faic thu iad: cha-n fhaic thu ach a' chuid a's iomallaiche dhiubh, agus cha-n fhaic thu iad uile; agus mallaich dhomh as a sin iad.

14 Agus thug e gu fearann Shophim e, gu mullach Phisgah, agus thog e seachd altairean, agus dh'ìobair e tarbh òg agus reithe air *gach* altair.

15 Agus thubhairt e ri Balac, Seas an so làimh ri d'ìobairt-loisgte, gus an coinnich mis' an *Tighearn* an sud.

16 Agus choinnich an Tighearn Balaam, agus chuir e focal 'n a bheul, agus thubhairt e, Imich a ris a dh'ionnsuidh Bhalaic, agus abair mar so.

17 Agus an uair a thàinig e d'a ionnsuidh, feuch, sheas e làimh r'a ìobairt-loisgte, agus ceannardan Mhoib maille ris. Agus thubhairt Balac ris, Ciod e a labhair an Tighearn?

18 Agus thog e suas a chosamhlachd, agus thubhairt e, Eirich suas, a Bhalaic,

agus cluinn; éisd riumsa, thus' a m'hic Shipoir:

19 Cha duine Dia, gu'n deanadh e breug; no mac duine, gu'n gabhadh e aithreachas: an dubhairt e, agus nach dean e? agus an do labhair e, agus nach coimhlinn se e?

20 Feuch, fhuair mi *àithne* beannachadh; agus bheannaich esan, agus cha-n urrainn mise 'atharrachadh.

21 Cha d'thug e fainear euceart ann an Iacob, agus cha-n fhac' e cealg ann an Israel: *tha* 'n Tighearn a Dhia leis, agus caithream rìgh 'n am measg.

22 Thug Dia nach iad as an Eiphit; *tha* aige amhuil neart an aon-adharcaich.

23 Gu cinnteach cha-n *eil* druidheachd an aghaidh Iacob, ni mò *tha* fiosachd an aghaidh Israel: a réir na h-aimsir so thear mu Iacob, agus mu Israel, Ciod e a dh'òibrich Dia!

24 Feuch, éiridh an sluagh suas mar leò-mhan mòr, agus mar leòmhán òg togaidh e suas e féin: cha luidh e sìos gus an ith e a' chreach, agus gus an òl e fuil nam marbh.

25 Agus thubhairt Balac ri Balaam, Na deau aon chuid am mallachadh idir, no'm beannachadh idir.

26 Ach fhreagair Balaam agus thubhairt e ri Balac, Nach d'innis mi dhuit, *ag ràdh*, Gach ni a labhras an Tighearn, siu is éigin domhs' a dheanamh?

27 Agus thubhairt Balac ri Balaam, Thig, guidheam ort, bheir mi thu gu h-ionad eile; theagamh gur toil le Dia thu 'g am mallachadh dhomh as a sin.

28 Agus thug Balac Balaam gu mullach Pheoir, a tha 'g amharc ri Iesimon.

29 Agus thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga, agus seachd reitheachan.

30 Agus rinn Balac mar a thubhairt Balaam, agus dh'ìobair e tarbh agus reithe air *gach* altair.

## CAIB. XXIV.

1 *Fàisneachd Bhalaam a thaobh soirbheachaidh Israel.* 15 *Mu reul Iacob, &c.* 20 *Mu sgrìos nan Amaleeach.*

**A**GUS an uair a chunnaic Balaam gu'm bu toil leis an Tighearn Israel a bheannachadh, cha deachaidh e, mar air nairibh eile, a dh'iarraidh manaidhean, ach chuir e 'aghaidh ris an fhàsach.

2 Agus thog Balaam suas a shùilean, agus chunnaic e Israel a' fantuinn 'n am *bùth-aibh* a réir an treubhan, agus thàinig spiorad Dhé air.

3 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean dùinte;

4 Thubhairt esan, a chuala briathran Dhé, a chunnaic taisbeanadh an Uile-chumhach-



daich, a' tuiteam agus a shùilean air am fosgladh:

5 Cia ùlunn do bhùthan, O Iacoib! do phàillìunan, O Israeil!

6 Mar na glinn tha iad sìnte mach, mar liosan ri taobh aimhne, mar chraobhan fiodh-alois a shuidhich an Tighearn, mar chraobhan seudair làimh ris na h-uisgeach-  
aibh.

7 Sruthaidh an t-uisge mach as a shoith-ichibh, agus *bithidh* a shliochd ann am mòran uisgeachan, agus bithidh a rìgh nì's àirde na Agag, agus àrdaichear a rìoghachd.

8 Thug Dia mach as an Eipht e; tha aige amhuil neart an aon-adharcaich: ithidh e suas na cinnich a naimhdean, agus brisidh e 'n cnàmhan, agus le 'shaighdibh troimh-lotaidh e iad.

9 Chrùb e, luidh e sìos mar ledmhan, agus mar ledmhan mòr: cò 'dhùisgeas suas e? *Is* beannaichte gach neach a bheannaicheas thusa, agus *is* mallaichte gach neach a mhallaicheas thu.

10 Agus las corruich Bhalaic an aghaidh Bhalaam, agus bhuail e 'bhasan air a chèile: agus thubhairt Balac ri Balaam, A mhallachadh mo naimhdean ghairm mi thu, agus, ach, feuch, da rirradh bheannaich thu *iad* na tri uairean so.

11 Uime sin teich a nis do d' àite féin: shaoil mi d'ardachadh gu h-inbhe mhòir, ach, feuch, chum an Tighearn air d'ais thu o inbhe.

12 Agus thubhairt Balaam ri Balac, Nach do labhair mi eadhon ri d' theachdairibh, a chuir thu a m' ionnsuidh, ag ràdh,

13 Ged a bheireadh Balac dhomhsa làn a thighe dh'airgid agus a dh'òr, cha b'urrainn mi dol thar àitlme an Tighearna, a dhean-  
amh maith no uile o m'inntinn féin: *ach* ge b'e ni a their an Tighearn, sin labhraidh mise?

14 Agus a nis, feuch, tha mi 'dol a dh'ionnsuidh mo dhaoine féin: thig *uime sin*, bheir mi rabhadh dhuit, ciod a nì 'n sluagh so air do shluaghsa anns na làithibh deir-  
cannach.

15 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùil-  
ean dùinte;

16 Thubhairt esan a chuala briathran Dhé, agus d'an aithne eòlas an Ti's ro-àirde, a chunnaic taisbeanadh an Uile-chumhach-  
daich, a' tuiteam agus a shùilean air am fosgladh:

17 Chi mi e, ach nì h-ann a nis; amhaireidh mi air, ach nì h-ann am fagus: thig reul a mach á Jacob, agus éiridh slat rìoghail, á h-Israel, agus buailidh i oisinncean Mhaoib, agus cuiridh i as do chloinn Shet uile.

18 Agus bithidh Edom 'n a sheilbh, bithidh Seir mar an ceudna 'n a sheilbh aig a naimh-  
dibh, agus nì Israel gaisge,

19 A mach á Jacob thig esan a bhitheas 'n a uachdaran, agus sgrìosaidd e 'n ti a mhair-  
cas de'n bhaile mhòr.

20 Agus an uair a dh'amhaire e air Amal-  
ec, thog e suas a chosamhlachd, agus thub-  
hairt e, Tùs nan cinneach Amalec, ach *is e*  
'dheireadh *bhi* air a sgrìos gu sìorruidh.

21 Agus dh'amhaire e air na Cenich; agus thog e suas a chosamhlachd, agus thubhairt e, Is làidir d'àite-còmhnuidh, agus tha thu  
'cur do nìd ann an carraig:

22 Gidheadh, fàsaichear na Cenich, gus an toir Asur leis thu ann am braighdeanas.

23 Agus thog e suas a chosamhlachd, agus thubhairt e, Mo thruaigh! cò 'bhitheas beò 'n uair a nì Dia so?

24 Agus *thig* longan o iomail Chitim, agus nì iad ole air Asur, agus nì iad ole air Eber, agus sgrìosar esan mar an ceudna gu bràth.

25 Agus dh'éirich Balaam suas, agus dh'fhalbh e, agus phill e d'a àite féin: agus dh'fhalbh Balac mar an ceudna air a shlighe féin.

## CAIB. XXV.

1 *Strìopachas agus iodhol-aoradh chloinn Israeil.*  
6 *Sinri agus Cosbi air an marbhadh.*

**A** GUS dh'fhan Israel ann an Sìtim, agus thòisich an sluagh air strìopachas a dheanamh le nigheanaibh Mhaoib.

2 Agus ghairm iad an sluagh gu ìobairtibh an diathan: agus dh'ith an sluagh, agus chrom iad sìos d'an diathaibh.

3 Agus cheangail Israel e féin ri Baal-peor: agus las corruich an Tighearna an aghaidh Israeil.

4 Agus thubhairt an Tighearn ri Maois, Glac cinn-fheadhna an t-sluaigh uile, agus croch suas iad an làthair an Tighearna fa chomhair na gréine, chum gu'm pill corruich gharg an Tighearn' o Israeil.

5 Agus thubhairt Maois ri breitheamh-  
naibh Israeil, Marbhaibh gach aon agaibh a dhaoine, a cheangail iad féin ri Baal-peor.

6 Agus, feuch, thàinig fear de chloinn Israeil, agus thug e chum a bhràithrean Ban-mhidianach, ann an sealladh Mhaois, agus ann an sealladh comhehrinneachaidh chloinn Israeil uile, agus iad a' gul aig dorus pàilliuin a' choimhthionail.

7 Agus an uair a chunnaic Phinehas mac El-  
casair, mhic Aaroin an t-sagairt e, dh'éirich e suas o mheasg a' chomhehrinneachaidh, agus ghabh e sìcagh 'n a làimh;

8 Agus chaidh e 'n déigh an duine de Israel a steach do'n bhùth, agus throimh-  
lot e iad le 'chéile, an duine de Israeil, agus a' bhean troimh a broim: mar sin choisg-  
eadh a' phlàigh o chloinn Israeil.

9 Agus bhàsaich 's a' phlàigh ceithir mìle thar fhichead.

10 Agus labhair an Tighearn ri Maois, ag ràdh,

11 Phill Phinehas mac Eleasair, mhic

Aaroin an t-sagairt, mo chorruich air falbh o chloinn Israeil, an uair a bha e èudmhor as mo leth 'n am measg, air chor as nach do chuir mi as do chloinn Israeil a'm' èud.

12 Air an aobhar sin abair, Feuch, bheir mise dha mo choimhcheangal sìthe:

13 Agus bithidh e aige, agus aig a shliochd 'n a dhèigh, *eadhon* coimhcheangal sagart-achd shìorruidh; a chionn gu'n robh e èudmhor as leth a Dhé, agus gu'n d'rinn e réite air son chloinn Israeil.

14 A nis *Ùe* ainm an Israelich a mharbhadh, *eadhon* a mharbhadh maille ris a' Bhan-mhidianach, Simri mac Shalu, ceannard prìomh thighe am measg nan Simeonach.

15 Agus *Ùe* ainm na Ban-mhidianach a mharbhadh, Cosbi nighean Shur; *bu* cheann cinnidhe e, agus do phrìomh thigh ann am Midian.

16 Agus labhair an Tighearn ri Maois, ag ràdh,

17 Buin gu naimhdeil ris na Midianaich, agus buaillibh iad:

18 Oir tha iadsan a' buntuinn gu naimhdeil ribhse le'n as-innleachdaibh, leis an do mheall iad sibh ann an aobhar Pheoir, agus ann an aobhar Chosbi, nighinn ceannaird do Mhidian, am peathar, a mharbhadh ann an là na plàighe ann an aobhar Pheoir.

# CAIB. XXVI.

1 *Clann Israeil air an àireamh an dara uair.*  
52 *Am fearann gu bli air a roinn doibh le crannchur.* 64 *Caleb agus Iosua mhàin beò de na chaidh àireamh air tùs.*

**A**GUS tharladh an déigh na plàighe, agus ri Eleasar mac Aaroin an t-sagairt, ag ràdh,

2 Gabhaibh àireamh comhehrunneachaidh chloinn Israeil uile, o fhichead bliadhna dh'aois agus os a cheann, trid thighe an aithrichean, iadsan uile *à's urrainn* dol a mach gu cogadh ann an Israel.

3 Agus labhair Maois agus Eleasar an sagart riu ann an còmhnradaibh Mhoib, làimh ri Iordan *am fagus* do Iericho, ag ràdh,

4 *Gabhaibh àireamh an t-sluaigh*, o fhichead bliadhna dh'aois agus os a cheann; mar a bh'aitn an Tighearn do Mhaois agus do chloinn Israeil, a chaidh a mach á tir na h-Eiphit.

5 Reuben, am mac 'bu shine aig Israel: clann Reubein; Hanoah, *o'm bheil* teaghlach nan Hanoachach: o Phalu, teaghlach nam Paluthach:

6 O Hesron, teaghlach nan Hesronach: o Charmi, teaghlach nan Carmach.

7 *Is* iad sin teaghlach nan Reubeneach: agus b'iadsan a chaidh àireamh dhiubh, dà fhichead agus trì mìle agus seachd ceud agus deich 'ar fhichead.

8 Agus mic Phalu; Eliab.

9 Agus mic Eliab; Nemeul, agus Datan, agus Abiram. *Is* iad so an Datan agus an t-Abiram *abha* ainmeil 's a' chomhehrunneachadh, a rinn strì an aghaidh Mhaois agus an aghaidh Aaroin ann an cuideachd Chorah, 'n uair a rinn iad strì an aghaidh an Tighearna;

10 Agus dh'fhosgail an talamh a bheul, agus shluig e suas iad maille ri Corah, 'n uair a bhàsaich a' chuideachd sin, an uair a loisg an teine suas dà cheud agus leth-cheud fear: agus rinneadh iad 'n an còmh- aradh.

11 Gidheadh, cha do bhàsaich clann Chorah.

12 Mic Shimcoìn, a réir an teaghlach nan: o Nemeul, teaghlach nan Nemueach: o Iamin, teaghlach nan Iamineach: o Iachin, teaghlach nan Iachineach:

13 O Sherah, teaghlach nan Sarhach: o Shaul, teaghlach nan Saulach.

14 *Is* iad sin teaghlach nan Simeonach, fichead agus dà mhìle agus dà cheud.

15 Clann Ghad, a réir an teaghlach nan: o Shephon, teaghlach nan Sephonach: o Hagi, teaghlach nan Hagitheach: o Shuni, teaghlach nan Sumitheach:

16 O Osni, teaghlach nan Osmitheach: o Eri, teaghlach nan Eritheach:

17 O Arod, teaghlach nan Arodach: o Areli, teaghlach nan Arelitheach.

18 *Is* iad sin teaghlach nan chloinn Ghad, a réir na chaidh àireamh dhiubh, dà fhichead mìle agus cùig ceud.

19 B'iad mic Iudah, Er agus Onan: agus fhuair Er agus Onan bàs ann an tìr Chanaain.

20 Agus b'iad mic Iudah, a réir an teaghlach nan: o Shelah, teaghlach nan Selanach: o Pharets, teaghlach nam Pharetsach: o Sherah, teaghlach nan Sarhach:

21 Agus b'iad mic Pharets; o Hesron, teaghlach nan Hesronach: o Hamul, teaghlach nan Hamulach.

22 *Is* iad sin teaghlach nan Iudah, a réir na chaidh àireamh dhiubh, trì fhichead agus sè mìle deug, agus cùig ceud.

23 De mhic Isachair, a réir an teaghlach nan: o Tholah, teaghlach nan Tolahach: o Phua, teaghlach nam Punach:

24 O Iasub, teaghlach nan Iasubach: o Shimron, teaghlach nan Simronach.

25 *Is* iad sin teaghlach nan Isachair, a réir na chaidh àireamh dhiubh, trì fhichead agus ceithir mìle agus trì cheud.

26 De mhic Shebuluin, a réir an teaghlach nan: o Shered, teaghlach nan Sardach: o Elon, teaghlach nan Elonach: o Iahleel, teaghlach nan Iahleleach.

27 *Is* iad sin teaghlach nan Sebulunach, a réir na chaidh àireamh dhiubh, trì fhichead mìle agus cùig ceud.

28 *B'iad* mic Iosiph, a réir an teaghlach nan: Manaseh agus Ephraim.



29 De mhic Mhanaseh: o Mhachir, teaghlach nam Machireach; agns ghin Machir Gilead: o Ghilead *thàinig* teaghlach nan Gileadach.

30 *Is* iad so mic Ghilead: o Ieser, teaghlach nan Iesereach: o Helec, teaghlach nan Heleceach:

31 Agus o Asriel, teaghlach nan Asrielcach: agus o Shechem, teaghlach nan Sechem-each:

32 Agus o Shemida, teaghlach nan Semid-each: agus o Hephher, teaghlach nan Hephher-each.

33 Agus cha robh aig Selophehad mac Shepheir mic sam bith, ach nigheanan: agus *b'i*ad ainmean nigheanan Shelophchaid, Mahla, agus Noah, Hoglah, Milcah, agus Tirsah.

34 *Is* iad sin teaghlaichean Mhanaseh, agus iadsan a chaidh àireamh dhiubh, leth-chend agus dà mhìle, agus seachd ceud.

35 *Is* iad so mic Ephraim, a réir an teaghlaichean: o Shutelah, teaghlach nan Sutel-each: o Bhecher, teaghlach nan Bechereach: o Thahan, teaghlach nan Tahanach.

36 Agus *is* iad so mic Shntelah: o Eran, teaghlach nan Eranach.

37 *Is* iad sin teaghlaichean mhac Ephraim, a réir na chaidh àireamh dhiubh, dà mhìle dheug 'ar fhìchead agns cùig ceud. *Is* iad sin mic Ioseiph a réir an teaghlaichean.

38 Mic Bheniamin, a réir an teaghlaichean: o Bhelah, teaghlach nam Belahach: o Asbel, teaghlach nan Asbealach: o Ahiram, teaghlach nan Ahiramach:

39 O Shupham, teaghlach nan Suphamach: o Hupham, teaghlach nan Huphamach.

40 Agus *b'i*ad mic Bhelah Ard agus Naaman: o Ard, teaghlach nan Ardach: agus o Naaman, teaghlach nan Naamanach.

41 *Is* iad sin mic Bheniamin, a réir an teaghlaichean: agus *b'i*adsan a chaidh àireamh dhiubh, dà fhìchead agus cùig mìle agus sè ceud.

42 *Is* iad so mic Dhan, a réir an teaghlaichean: o Shnham, teaghlach nan Suhamach. *Is* iad so teaghlaichean Dhan, a réir an teaghlaichean.

43 *B'i*ad teaghlaichean nan Suhamach uile, a réir na chaidh àireamh dhiubh, trì fhìchead agus ceithir mìle agus ceithir cheud.

44 De chloinn Aseir, a réir an teaghlaichean: o Iimna, teaghlach nan Iimnathach: o Iesui, teaghlach nan Iesuiteach: o Bheriah, teaghlach nam Bcritheach.

45 De mhic Bheriah: o Heber, teaghlach nam Hebereach: o Mhalchiel, teaghlach nam Malchieleach.

46 Agus *b'e* ainm nighinn Aseir, Sarah.

47 *Is* iad sin teaghlaichean mhac Aseir, a réir na chaidh àireamh dhiubh, leth-chend agus trì mìle agus ceithir cheud.

48 De mhic Naphtali, a réir an teaghlaichean: o Iahseel, teaghlach nan Iahseeleach: o Ghumi, teaghlach nan Gunitheach:

49 O Ieser, teaghlach nan Iesereach: o Shillem, teaghlach nan Sillemeach.

50 *Is* iad sin teaghlaichean Naphtali, a réir an teaghlaichean: agus *b'i*adsan a chaidh àireamh dhiubh, dà fhìchead agus cùig mìle, agus ceithir chend.

51 *B'i*ad sin iadsan a chaidh àireamh de chloinn Israeil, sè ceud mìle agus aon mhìle, seachd ceud agus deich 'ar fhìchead.

52 Agus labhair an Tighearn ri Maois, ag ràdh,

53 Dhoibh sin roinnear am fearann mar oighreachd, a réir àireimh nan ainm.

54 Do mhòran bheir tìr nì's mò dh'oighreachd, agus do bheagan bheir thu nì's lugha dh'oighreachd: bheirar oighreachd fèin do gach aon, a réir an àireimh.

55 Gidheadh, roinnear am fearann le crann-chur: a réir ainmean threnbhan an aithrichean gheibh iad an oighreachd.

56 A réir a' chranncheuir roinnear a shealbhadar mhòran agus bheagan.

57 Agus *is* iad so iadsan a chaidh àireamh de na Lebhitheach, a réir an teaghlaichean: o Gherson, teaghlach nan Gersonach: o Chohat, teaghlach nan Cohatach: o Mherari, teaghlach nam Meraritheach.

58 *Is* iad so teaghlaichean nan Lebhitheach: teaghlach nan Libnitheach, teaghlach nan Hebronach, teaghlach nan Mahlahach, teaghlach nam Muisitheach, teaghlach nam Corahach: agus ghin Cohat Amram.

59 Agus *b'e* ainm mnà Amram Iochebed, nighean Lebhi, a rug a màthair do Lebhi 's an Eiphit: agus rug i do Amram, Aaron, agus Maois, agus Miriam ann piuthar.

60 Agns do Aaron rugadh Nadab agus Abihu, Eleasar agus Itamar.

61 Agus fhuair Nadab agus Abihu bàs, an uair a thug iad suas teime coimheach an làthair an Tighearna.

62 Agus *b'i*adsan a chaidh àireamh dhiubh, fìchead agus trì mìle, fionnnaich uile o mhìos a dh'aois agus os a cheann; oir cha deachaidh an àireamh am measg chloinn Israeil, a chionn nach d'fhuagadh oighreachd dhoibh am measg chloinn Israeil.

63 *Is* iad sin iadsan a chaidh àireamh le Maois agus Eleasar an sagart, a rinn clann Israeil àireamh ann an còmhnaidh Mhoab, làimh ri Iordan *am fagus* do Iericho.

64 Ach 'n am measg sin cha robh aon duine dhiubhsan a rinn Maois agus Aaron an sagart àireamh, an nair a rinn iad àireamh air clann Israeil ann am fàsach Shinaì:

65 Oir thnubhairt an Tighearn umpasan, Gheibh iad gu deimhin bàs anns an fhasach. Agus cha d'fhuagadh duine dhiubh, saor o Chaleb mac Iephneh, agus Iosua mac Nuin.



CAIB. XXVII.

1 An lagh a thaobh oighreachdan chloinn Israeil.  
12 Phluidh Maois fìos a bhàis, 15 agus ghuidh e air an Tighearn gu'n cuireadh e duine iomchuidh os ceann a' chomhchruinneachaidh 'n a àite: 18 dh'orduich ean dha Iosua mac Nuin a' ghabhail, agus a chur air leth chum na crìche sin.

A N sin thàinig nigheanan Shelophehaid, mhic Hephèir, mhic Ghilead, mhic Mhachir, mhic Mhanasach, de theaghlachibh Mhanasach mhic Ioseph: agus is iad so ainmean a nigheanan, Mhahlah, Noah, agus Hoglah, agus Milcah, agus Tirsah.

2 Agus shcas iad an làthair Mhaois, agus an làthair Eleasair an t-sagairt, agus an làthair nan ceannard, agus a' chomhchruinneachaidh uile, làimh ri doras pàillhuin a' choinhthionail, ag ràdh,

3 Dh'eug ar n-athair anns an fhàsach, agus cha robh e ann an euideachd na muinntir a chruinnich iad fèin r'a chèile an aghaidh an Tighearna ann an euideachd Choram, ach dh'eug e 'n a pheacadh fèin; agus cha robh mic sam bith aige.

4 Car son a chaillear ainm ar n-athar o mheasg a theaghlach, a chionn nach 'eil mae aige? Thugaibh dluinn *uime sin* seallb am measg bhràithrean ar n-athar.

5 Agus thug Maois an chùis an làthair an Tighearna.

6 Agus labhair an Tighearn ri Maois, ag ràdh,

7 Labhair nigheanan Shelophehaid gu ceart: bheir thu dhoibh gu cinnteach seallb oighreachd am measg bhràithrean an athar; agus bheir thu fainear gu'n tig oighreachd an athar d'an ionnsuidh.

8 Agus labhraidh tu ri cloinn Israeil, ag ràdh, Ma gheibh duine bas, agus gun mhac aige, an sin bheir sibh fainear gu'n tig 'oighreachd-san chum a nighinn.

9 Agus mur bi nighean aige, an sin bheir sibh 'oighreachd d'a bhràithribh.

10 Agus mur bi bràithrean aige, an sin bheir sibh 'oighreachd do bhràithribh 'athar.

11 Agus mur bi bràithrean aig 'athair, an sin bheir sibh 'oighreachd d'a fhear-dàimh a's fàisce dha d'a theaghlach, agus seallb-aichidh e i: agus bithidh e do chloinn Israeil 'n a reachd breitheanais, mar a dh'àithn an Tighearn do Mhaois.

12 Agus thubhairt an Tighearn ri Maois, Imich suas do'n t-sliabh so Abarim, agus gabh sealladh de'n fhearann a thug mise do chloinn Israeil.

13 Agus an uair a ehi thu e, cruinnichear thusa mar an ceudna chum do dhaoine, mar a chruinnichadh Aaron do bhràthair,

14 A chionn gu'n d'rin sibh ceannaire an aghaidh màithne-sa ann am fàsach Shin, ann an comhstri a' chomhchruinneachaidh, agus nach do naomhaich sibh mi aig an uisge

ann an sealladh an sùl: is e sin uisge Mheribah ann an Cades, ann am fasach Shin.

15 Agus labhair Maois ris an Tighearn, ag ràdh,

16 Cuireadh an Tighearn, Dia spiorad na h-uile fheòla, duine os ceann a' chomhchruinneachaidh,

17 A theid a mach rompa, agus a thig a steach rompa, agus a thèoraicheas a muigh iad, agus a bheir a sìgh iad; a chum nach bi comhchruinneachadh an Tighearna mar chaoraich aig nach 'eil buachaille.

18 Agus thubhairt an Tighearn ri Maois, Gabh a d'ionnsuidh Iosua mac Nuin, duine anns am *bheil* an spiorad, agus cuir do làmh air.

19 Agus cuir e an làthair Eleasair an t-sagairt, agus an làthair a' chomhchruinneachaidh uile; agus thoir àithne dha 'n am fianuis.

20 Agus cuiridh tu *cuid* de d'urram air, a chum gu'm bi comhchruinneachadh chloinn Israeil uile àmhal dha.

21 Agus seasaidh e 'n làthair Eleasair an t-sagairt, a dh'arras *comhairl'* air a shon, a réir breitheanais na h-Urim an làthair an Tighearna: aig 'fhocal-san theid iad a mach, agus air 'fhocal thig iad a steach, e fèin agus clann Israeil uile maille ris, eadhon an comhchruinneachadh uile.

22 Agus rinn Maois mar a dh'àithn an Tighearn dha; agus ghabh e Iosua, agus chuir e 'n làthair Eleasair an t-sagairt e, agus an làthair a' chomhchruinneachaidh uile.

23 Agus chuir e a làmh air, agus thug e àithne dha, mar a labhair an Tighearn le làmh Mhaois.

CAIB. XXVIII.

Mu thabhartas an agus ìobairtean àraidh, gu bhith air an toirt seachad 'n an àm suidhichte.

A GUS labhair an Tighearn ri Maois, ag ràdh,

2 Aithn do chloinn Israeil, agus abair riu, Mo thabhartas, agus m'aran air son m'ìobairtean a bheirear suas le teine *chum* fàile chùbhraidh dhomh, bheir sibh an aire gu'n toir sibh seachad dhomhsa 'n an àm iomchuidh fèin.

3 Agus their thu riu, Is e so an tabhartas a bheirear suas le teine, a bheir sibh seachad do'n Tighearn; dà uan de'n cheud bhliadhna gun ghlaoid gach là, *chum* ìobairt-loisgte gnàthaichte.

4 Aon uan bheir thu seachad 's a' mhaduinn, agus an t-uan eile bheir thu seachad air feasgar;

5 Agus an deicheadh *carrann* de ephah phlùir mar thabhartas-bidh, measgta leis a' cheathramh *carrann* de hin a dh'olaidh bhrùite.

6 Is ìobairt-loisgte ghnàthaichte a th'ann, a dh'orduicheadh ann an sliabh Shinai chum

fàile chùbhraidh, iobairt a bheirear suas le teine do'n Tighearn.

7 Agus *is i* a tabhartas-dìbhe an ceathramh *earrann* de hin air sou aon uaiu: anns an iouad naomh bheir thu fainear fion làidir a dhòrtadh do'n Tighearn mar thabhartas-dìbhe.

8 Agus an t-uain cile bheir thu seachad air feasgar: mar thabhartas-bidh na maidne, agus mar a tabhartas-dìbhe, bheir thu seachad *e*, iobairt a bheirear suas le teine, a dh'fhàile cùbhraidh do'u Tighearn.

9 Agus air là ua sàbaid, dà uan de'n cheud bhliadhna gun ghaoid, agus dà dheicheamh carranu phlùir measgta le h-olaidh mar thabhartas-bidh, agus a tabhartas-dìbhe.

10 *Is e so* iobairt-loisgte gach sàbaid, a thuilleadh air an iobairt-loisgte ghnàthaichte, agus a tabhartas-dìbhe.

11 Agus aon 'an toiseach bhuir mìos bheir sibh seachad *chum* iobairt-loisgte do'n Tighearn, dà tharbh òg, agus aon reithe, seachd uain de'n cheud bhliadhna gun ghaoid,

12 Agus trì deicheamh earrannan phlùir measgta le h-olaidh mar thabhartas-bidh air son gach tairbh, agus dà dheicheamh earrann phlùir measgta le h-olaidh mar thabhartas-bidh air son gach reithe;

13 Agus aon deicheamh earrann phlùir air leth measgta le h-olaidh mar thabhartas-bidh air son gach uaiu, *chum* iobairt-loisgte deadh fhàile, iobairt a bheirear suas le teine do'n Tighearn.

14 Agus *mar* au tabhartas-dìbhe bithidh leth hin de fhion air son tairbh, agus an treas *earrann* de hin air sou reithe, agus an ceathramh *earrann* de hin air sou uaiu: *is i so* iobairt-loisgte gach mìosa air feadh mhìosan na bliadhna.

15 Agus iobair aon mheann de na gabhraibh mar iobairt-pheacaidh do'n Tighearn, a thuilleadh air an iobairt-loisgte ghnàthaichte, agus a tabhartas-dìbhe.

16 Agus air a' cheathramh là deug de'n cheud mhìos *tha* càisg an Tighearna.

17 Agus air a' chùigeamh là deug de'u mhìos *so tha'n* fhéill: seachd làithean ithear aran neo-ghoirtichte.

18 Air a' cheud là *bithidh* comhghairm naomh; obair thràilleil sam bith cha dean sibh air;

19 Ach bheir sibh seachad a *chum* iobairt a bheirear suas le teine, mar iobairt-loisgte do'n Tighearn, dà tharbh òg, agus aon reithe, agus seachd uain de'u cheud bhliadhna: gun ghaoid bithidh iad duibh.

20 Agus bithidh an tabhartas-bidh de phlùir measgta le h-olaidh: trì deicheamh earrannau bheir sibh seachad air son tairbh, agus dà dheicheamh earrann air son reithe.

21 Deicheamh earrann air leth bheir thu

seachad air son gach uain, air feadh nan seachd uan:

22 Agus aon bhoe-gaibhre *chum* iobairt-pheacaidh, a dheanamh réite air bhuir son.

23 Iobaird sibh iad siu a thuilleadh air an iobairt-loisgte 's a' mhaduinn, a *tha* mar iobairt-loisgte ghnàthaichte.

24 Mar so bheir sibh seachad gach là air feadh nan seachd làithean, biadh na h-iobairt a bheirear suas le teine, *chum* fàile chùbhraidh do'n Tighearn: bheirear seachad e thuilleadh air an iobairt-loisgte ghnàthaichte, agus a tabhartas-dìbhe.

25 Agus air an t-seachdamh là bithidh comhghairm naomh agaibh; obair thràilleil sam bith cha dean sibh air.

26 Mar an ceudna air là nan ceud thoradh, 'n uair a bheir sibh seachad tabhartas-bidh nuadh do'n Tighearn, aig ceannu bhuir seachd-uinean, bithidh comhghairm naomh agaibh; obair thràilleil sam bith cha dean sibh:

27 Ach bheir sibh seachad mar iobairt-loisgte, *chum* fàile chùbhraidh do'n Tighearn, dà tharbh òg, aon reithe, seachd uain de'n cheud bhliadhna;

28 Agus an tabhartas-bidh de phlùir measgta le h-olaidh, trì deicheamh earrannan air son gach tairbh, dà dheicheamh earrann air son gach reithe,

29 Deicheamh earrann air leth air son gach uain, air feadh nan seachd uan;

30 *Agus* aon mheann de na gabhraibh, a dheanamh réite air bhuir son.

31 Iobaird sibh *iad* a thuilleadh air an iobairt-loisgte ghnàthaichte, agus a tabhartas-bidh, (gun ghaoid bithidh iad duibh,) agus an tabhartas-dìbhe.

## CAIB. XXIX.

1 *An iobairt-loisgte gu bhith air a toirt seachad air latha séididh nan trompaid, 7 air latha cràdhaidh an anamanna, 12 agus air ochd làitheibh féille nam pàilluinn.*

**A**GUS anns an t-seachdamh mìos, air a' cheud là de'n mhìos, bithidh comhghairm naomh agaibh; obair thràilleil sam bith cha dean sibh: is là séididh nan trompaid dhuibh e.

2 Agus bheir sibh seachad mar iobairt-loisgte, *chum* fàile cùbhraidh do'n Tighearn, aon tarbh òg, aon reithe, agus seachd uain de'n cheud bhliadhna gun ghaoid:

3 Agus *bithidh* an tabhartas-bidh de phlùir measgta le h-olaidh, trì deicheamh earrannan air son tairbh, agus dà dheicheamh earrann air son reithe,

4 Agus aon deicheamh earrann air son gach uain, air feadh nan seachd uan;

5 Agus aon mheann de ua gabhraibh *chum* iobairt-pheacaidh, a dheanamh réite air bhuir son:

6 A thuilleadh air iobairt-loisgte a' mhìosa, agus a tabhartas-bidh, agus an iobairt-loisgte ghnàthaichte, agus a tabhartas-bidh, agus au tabhartas-dìbhe, a réir an gnàtha,



**chum** fàile cùbhraidh, ìobairt a bheirear suas le teine do'n Tighearn.

7 Agus bithidh agaibh air an deicheamh là de'n t-seachdamh mìos so comhghairm naomh; agus cràdhaidh sibh bhur n-anaman: obair sam bith eha dean sibh *air*.

8 Aeh bheir sibh seachad *chum* ìobairt-loisgte do'n Tighearn a dh'fhàile cùbhraidh, aon tarbh òg, aon reithe, agus seachd uain de'n cheud bhliadhna; gum ghaoid bithidh iad duibh.

9 Agus *bithidh* an tabhartas-bidh de phlùr measgta le h-olaidh, tri deicheamh earrannan air son gach tairbh, agus dà dheicheamh earrann air son gach reithe,

10 Deicheamh earrann air leth air son gach uain, air feadh nan seachd uain;

11 Aon mheam de na gabhraidh *chum* ìobairt-pheacaidh, a thuilleadh air ìobairt-pheacaidh na réite, agus an ìobairt-loisgte ghnàthaichte, agus a tabhartas-bidh, agus an tabhartasan-dibhe.

12 Agus air a' chùigeamh là deug de'n t-seachdamh mìos, bithidh comhghairm naomh agaibh; obair thràilleil sam bith eha dean sibh; agus gleidhidh sibh féill do'n Tighearn seachd làithean.

13 Agus bheir sibh seachad *chum* ìobairt-loisgte, ìobairt a bheirear suas le teine, a dh'fhàile cùbhraidh do'n Tighearn, tri tairbh dheug òga, dà reithe, agus ceithir uain deug de'n cheud bhliadhna; gum ghaoid bithidh iad.

14 Agus *bithidh* an tabhartas-bidh de phlùr measgta le h-olaidh, tri deicheamh earrannan air son gach tairbh de na tri tairbh dheug, dà dheicheamh earrann air son gach reithe de'n dà reithe,

15 Agus deicheamh earrann air leth air son gach uain de na ceithir uain deug;

16 Agus aon mheam de na gabhraibh *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

17 Agus air an dara là bheir sibh seachad dà tharbh dheug òg, dà reithe, ceithir uain deug de'n cheud bhliadhna gum ghaoid:

18 Agus *bithidh* an tabhartas-bidh, agus an tabhartasan-dibhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

19 Agus aon mheam de na gabhraibh *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bidh, agus an tabhartasan-dibhe.

20 Agus air an treas là aon tarbh deug, dà reithe, ceithir uain deug de'n cheud bhliadhna gum ghaoid:

21 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

22 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte

ghnàthaichte, agus a tabhartas-bidh, agus a tabhartas-dibhe.

23 Agus air a' cheathramh là deieh tairbh, dà reithe, agus ceithir uain deug de'n cheud bhliadhna gum ghaoid:

24 *Bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

25 Agus aon mheam de na gabhraibh *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

26 Agus air a' chùigeamh là naoi tairbh, dà reithe, agus ceithir uain deug de'n cheud bhliadhna gum ghaoid:

27 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha.

28 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bidh, agus a tabhartas-dibhe.

29 Agus air an t-seathamh là ochd tairbh, dà reithe, agus ceithir uain deug de'n cheud bhliadhna gum ghaoid:

30 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

31 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

32 Agus air an t-seachdamh là seachd tairbh, dà reithe, agus ceithir uain deug de'n cheud bhliadhna gum ghaoid:

33 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

34 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

35 Agus air an oehdamh là bithidh àrd choimhthional agaibh: obair thràilleil sam bith eha dean sibh *air*:

36 Aeh bheir sibh seachad *chum* ìobairt-loisgte, ìobairt a bheirear suas le teine, a dh'fhàile cùbhraidh do'n Tighearn, aon tarbh, aon reithe, seachd uain de'n cheud bhliadhna gum ghaoid:

37 *Bithidh* an tabhartas-bidh, agus an tabhartasan-dibhe, air son an tairbh, air son an reithe, agus air son nan uan, a réir an àireimh, a réir a' ghnàtha;

38 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bidh, agus a tabhartas-dibhe.

39 Na nithean sin ni sibh do'n Tighearn 'n ur féilibh suidhichte, thuilleadh air bhur



bhòidibh, agus bhuir tabhartasan saor-thoile, air son bhuir n-iobairtean-loisgte, agus air son bhuir tabhartasan-bidh, agus air son bhuir tabhartasan-dibhe, agus air sou bhuir tabhartasan-sith.

40 Agus dh'innis Maois do chloinn Israeil a réir gach ni a dh'àithn an Tighearn do Mhaois.

CAIB. XXX.

1 *Cha-n fheud bhòidean a bhà air am briseadh.*  
9 *Mu bhòid bantraich, agus mnà a dheal-  
aicheadh r'a fearpòda.*

**A**GUS labhair Maois ri ceannardan nan treubh a thaobh chloinn Israeil, ag ràdh, *Is e so an ni a dh'àithn an Tighearn.*

2 Ma bhòidicheas duine bòid do'n Tighearn, no ma mhionnaicheas e mioman a cheangal 'anama le ceangal, cha bhris e 'fho-cal; a réir gach ni a thig a mach as a bheul, ni e.

3 Mar an ceudna ma bhòidicheas bean bòid do'n Tighearn, agus gu'n ceangail si *i fèin* le ceangal, agus *i* ann an tigh a h-athair 'n a h-òige;

4 Agus gu'n chuinn a h-athair a bòid, agus a ceangal leis an do cheangail i a h-anam, agus gu'n fan a h-athair 'n a thosd r'i, an sin seasaidh a bhòidean uile, agus seasaidh gach ceangal leis an do cheangail i a h-anam.

5 Ach ma chuireas a h-athair 'n a h-aghaidh 's an là anns an chuinn e, cha seas aon d'a bhòidibh, no d'a ceanglaichibh, leis an do cheangail i a h-anam; agus maithidh an Tighearn dh'i, a chionn gu'n do chuir a h-athair 'n a h-aghaidh.

6 Agus ma bha idir fear-pòda aice 'n uair a bha bhòidean oirre, no 'n uair a labhair i ni as a beul, leis an do cheangail i a h-anam,

7 Agus gu'n cual' a fear e, agus gu'n d'fhan e 'n a thosd rithe 's an là anns an cual' e i; an sin seasaidh a bhòidean, agus seasaidh a ceanglaichean leis an do cheangail i a h-anam.

8 Ach ma chuireas a fear-pòda 'n a h-aghaidh 's an là anns an chuinn e *i*, an sin bheir e gu neò-bhrìgh a bòid a bhòidich i, agus an ni a labhair i le 'bilibh, leis an do cheangail i a h-anam; agus bheir an Tighearn maitheanas dh'i.

9 Ach gach bòid bantraich, agus mnatha dealaichte, leis an do cheangail i a h-anam, seasaidh i 'n a h-aghaidh.

10 Agus ma bhòidich i ann an tigh a fir, no ma cheangail i a h-anam le ceangal maille ri mionnaibh,

11 Agus gu'n cual' a fear e, agus gu'n d'fhan e 'n a thosd rithe, agus nach do chuir e 'n a h-aghaidh; an siu seasaidh a bhòidean uile, agus seasaidh gach ceangal leis an do cheangail i a h-anam.

12 Ach ma chuir a fear gu tur air chùl iad 's an là anns an cual' e *iad*, an sin ge

b'e ni a thàinig a mach as a beul a thaobh a bhòidean, no thaobh ceangail a h-anama, cha seas e: chuir a fear air chùl iad, agus bheir an Tighearn maitheanas d'i.

13 Na bhòidean, agus na mioman sin uile a cheanglas a chum an t-anam a chràdh, feudaich a fear an daingneachadh, no feudaich a fear an cur air chùl.

14 Ach ma dh'fhanas a fear gu tur 'n a thosd rithe, o là gu là; an sin tha e a' daingneachadh a bhòidean uile, no a ceanglaichean uile, a tha oirre: tha e g'an deanamh seasmhach, a chionn gu'u d'fhan e 'n a thosd rithe 's an là anns an cual' e *iad*.

15 Ach ma chuireas e air chor sam bith air chùl iad, an déigh dha 'n chluinntinn; an sin giùlainidh e a h-aingidheachd-sa.

16 *Is* iad sin na reachdan a dh'àithn an Tighearn do Mhaois, eadar duine agus a bhean, cadar athair agus a nighean, agus *i fathast* 'n a h-òige auu an tigh a h-athair.

CAIB. XXXI.

1 *Chreacadh na Midianaich, agus mharbhadh Balaam.* 14 *Bha corruich air Maois ris na ceannardaidh, a chionn gu'n do gléidh iad na mnathan beò.*

**A**GUS labhair an Tighearn ri Maois, ag ràdh,

2 Diol clann Israeil air na Midianaich; 'n a dhéigh sin cruinnichear chum do dhaoine thu.

3 Agus labhair Maois ris an t-sluagh, ag ràdh, Rachadh cuid dibh fo'n armaibh chum a' chogaidh, agus imicheadh iad a chogadh an aghaidh nam Midianach, agus dioladh iad an Tighearn air Midian.

4 Cuiridh sibh mìle de gach tréibh, air feadh uile threubhan Israeil, chum a' chogaidh.

5 Mar sin thugadh a mach á mìltibh Israeil, mìle de gach tréibh, dà mhìle dheug armaichte chum cogaidh.

6 Agus chuir Maois iad a chum a' chogaidh, mìle de gach tréibh, iadsan agus Phinehas mac Eleasair an t-sagairt, a chum a' chogaidh, leis na h-innealaibh naomha 'n a làimh, agus na trompaidean gu séideadh.

7 Agus chog iad an aghaidh nam Midianach, mar a dh'àithn an Tighearn do Mhaois; agus mharbh iad na firionnaich uile.

8 Agus mharbh iad rìghrean Mhidiain, a thuillleadh air a' chuid eile dhiubh a mharbhadh; *eadhon* Ebhi, agus Reccem, agus Sur, agus Hur, agus Kebe, cùig rìghrean Mhidiain: Balaam mac Bheoir mar au ceudna mharbh iad leis a' chlaidheamh.

9 Agus thug clann Israeil leo muathan Mhidiain 'n an braighdibh, agus an clann bheag, agus thug iad leo creach an spréidh uile, agus an treudan uile, agus am maoin uile.

10 Agus loisg iad am bailtean uile anns an robh iad a chòmhnuidh, agus an dùin uile le teiue.

11 Agus thug iad leo a' chreach uile, agus an cobhartach uile, eadar dhaoine agus ainmhidhean.

12 Agus thug iad na braighdean, agus a' chreach, agus an cobhartach, gu Maois agus Eleasar an sagart, agus gu comhchruinneachadh chloinn Israeil, a chum a' chainp aig comharradaibh Mhoibh, a tha laimh ri Iordan *am fagus do Iericho*.

13 Agus chaidh Maois agus Eleasar an sagart, agus ceannardan a' chomhchruinneachaidh uile mach 'n an coinneamh an taobh a muigh de'n champ.

14 Agus bha corruich air Maois ri luchd-riaghlaidh an t-sluaigh, *ris* na ceannard-  
aibh air mhilitibh, agus na ceannard-  
aibh air cheudaibh, a thàinig o'n chogadh.

15 Agus thubhairt Maois ri, An do ghlèidh sibh na mnathan uile beò?

16 Feuch, thug iad sin air cloinn Israeil, le comhairle Bhalaam, peacachadh an aghaidh an Tighearn' ann an aobhar Pheoir; agus bha plàigh air feadh comhchruinneachaidh an Tighearna.

17 A nis uime sin marbhaibh gach firionnach am measg na cloinne bige, agus marbhaibh gach bean d'am b'aithne fear le luidhe leis.

18 Ach a' ehlann bhan uile do nach b'aithne fear le luidhe leis, gleadhibh beò dhuibh féin.

19 Agus fanaibhse an taobh a muigh de'n champ seachd làithean: ge b'e mharbh neach air bith, agus ge b'e b'hean ri neach a mharbhadh, glanaibh sibh féin, agus bhur braighdean air an treas là, agus air an t-seachdamh là;

20 Agus glanaibh *bhur* n-eudach uile, agus gach ni a rinneadh de chroicibh, agus gach obair de *fhionnadh* ghabhar, agus gach ni a rinneadh de fhiodh.

21 Agus thubhairt Eleasar an sagart ris na fir-chogaidh a chaidh a mach a dh'ionnsuidh a' chatha, *Is* e so ordugh an lagha a dh'aithn an Tighearn do Mhaois:

22 A mhàin an t-òr, agus an t-airgid, an t-umha, an t-iarunn, an staoin, agus an luaidh,

23 Gach ni a dh'fhuilgeas an teine, bheir sibh fainear e dhol troimh 'n teine, agus glanar e; gidheadh le uisge an sgaraidh glanar e: agus gach ni nach fulaing an teine, bheir sibh fainear e dhol troimh 'n uisge.

24 Agus nighidh sibh bhur n-eudach air an t-seachdamh là, agus bithidh sibh glan, agus 'n a dhéigh sin thig sibh a stigh do'n champ.

25 Agus labhair an Tighearn ri Maois, ag ràdh,

26 Gabh àireamh na creich' a thogadh, cadar dhuine agus ainmhidh, thu féin, agus Eleasar an sagart, agus prìomh aithrichean a' chomhchruinneachaidh;

27 Agus roinn a' chreach 'n a dà earrainn; eadar a' mhuinntir a ghabh an cogadh orra féin, a chaidh mach do'n chath, agus eadar an comhchruinneachadh uile:

28 Agus tog eis do'n Tighearn o na fir-chogaidh, a chaidh mach do'n chath: aon anam á cùig ceud, *araon* de na daoineibh, agus de'n bhuar, agus de na h-asailean, agus de na caoraich.

29 Gabh e as an leth-san, agus thoir e do Eleasar an sagart, *mar* thabhartas-togta do'n Tighearn.

30 Agus á leth chloinn Israeil, gabhaidh tu aon chuibhrionn á leth-cheud, de na daoineibh, de'n bhuar, de na h-asailean, agus de na treudaibh, de gach ainmhidh, agus bheir thu iad do na Lebhithich, a tha 'gleidheadh eiraim pàilliuin an Tighearn'.

31 Agus rinn Maois agus Eleasar an sagart mar a dh'aithn an Tighearn do Mhaois.

32 Agus b'e an cobhartach, *eadhon* a' chuid eile de'n chreich a ghlac na fir-chogaidh, sè ceud mìle, agus deich is tri fichead mìle, agus cùig mìle caora,

33 Agus tri fichead agus dà mhìle dheug bò,

34 Agus tri fichead agus aon mhìle asal,

35 Agus dà mhìle dheug 'ar fhichead anam 's an iomlan, de mhnathan do nach b'aithne fear le luidhe leis.

36 Agus bha 'n leth a bu chuibhrionn doibhsan a chaidh mach a chum a' chogaidh, ann an àireamh tri cheud mìle, agus seachd mìle deug 'ar fhichead agus cùig ceud caora;

37 Agus b'i eis an Tighearna de na caoraich sè ceud agus tri fichead agus cùig deug.

38 Agus *biad* am buar sè mìle deug 'ar fhichead: dhiubh so *b'i* eis an Tighearna tri fichead 's a dhà-dheug.

39 Agus bha deich mìle thar fhichead agus cùig ceud asail ann: dhiubh so *b'i* eis an Tighearna tri fichead agus a h-aon.

40 Agus *biad* anaman nan daoine sè mìle deug: dhiubh so *b'i* eis an Tighearna dà anam dheug 'ar fhichead.

41 Agus thug Maois a' chis, *eadhon* tabhartas-togta an Tighearn', do Eleasar an sagart, mar a dh'aithn an Tighearn do Mhaois.

42 Agus de leth chloinn Israeil, a roinn Maois o'n luchd cogaidh,

43 (A nis *b'i* 'n leth a *bhuineadh* do'n chomhchruinneachadh, tri cheud mìle, agus seachd mìle deug 'ar fhichead agus cùig ceud caora,

44 Agus sè mìle deug 'ar fhichead bò,

45 Agus deich mìle thar fhichead asal

agus cùig ceud,

46 Agus sè mìle deug anam.)

47 Eadhon de'n leth a *bhuineadh* do chloinn Israeil, ghabh Maois aon chuibh-



rionn á leth-cheud eadar dhuine agus ainmhidh, agus thug e iad do na Lebhitich, a bha 'gleidheadh cùraim pàilliuin an Tighearna, mar a dh'àithn an Tighearna do Mhaois.

48 Agus thàinig an luchd-riaghlaidh a *tha* os ceann mhiltean an t-sluaigh, na ceannardan air mhiltibh, agus na ceannardan air cheudaibh, am fagus do Mhaois:

49 Agus thubhairt iad ri Maois, Ghabh do sheirbhìsh òircamh nam fear-cogaidh a *tha* fo'r làimh, agus cha-n'eil duine dhinn air chiall.

50 Uime sin thug sinn tabhartas a chum an Tighearna, gach fear na fhuair e de sheudaibh òir, *cadhòn* slabhràidhean, agus usgraichean, fàinnean, cluas-fhallean, agus criosan, a dhcanamh rèite air son ar n-anaman an làthair an Tighearna.

51 Agus ghabh Maois agus Eleasar an sagart an t-òr uatha, uile 'n a sheudaibh oibrichte.

52 Agus b'e òr an tabhartais uile a thug iad seachad do'n Tighearna, o na ceannardaibh air mhiltibh, agus o na ceannardaibh air cheudaibh, sè mìle deug, seachd ceud agus leth-cheud secl.

53 (Oir ghabh na fir-chogaidh cobhartach, gach duine dha féin.)

54 Agus ghabh Maois agus Eleasar an sagart an t-òr o na ceannardaibh air mhiltibh, agus air cheudaibh, agus thug iad e gu pàilliuin a' choimhthionail, mar chuimhneachan do chloinn Israeil an làthair an Tighearna.

## CAIB. XXXII.

*Dh'iarr clann Reubein agus clann Ghad sealbh 's an fhearann air an taobh an ear de Iordan.*

**A**NIS bha aig cloinn Reubein agus cloinn Ghad ro mhòran spréidhe: agus an uair a chunnaic iad fearann Iaseir, agus fearann Ghileaid, feuch, *bha* 'n t-àit 'n a àit spréidhe:

2 Agus thàinig clann Ghad, agus clann Reubein, agus labhair iad ri Maois, agus ri Eleasar an sagart, agus ri uachdaranaibh a' chomhchruinneachaidh ag ràdh,

3 Atarot, agus Dibon, agus Iaser, agus Nimrah, agus Hesbon, agus Elealeh, agus Sebam, agus Nebo, agus Beon;

4 *Eadhon* an dùthaich a bhual an Tighearna roimh chomhchruinneachadh Israeil, is fearann e air son spréidhe, agus tha spréidh aig do sheirbhìshich.

5 Uime sin, ars' iadsan, ma fhuair sinn deadh-ghèan a'd' shealladh, thugar am fearann so do d' sheirbhìshich mar sheilbh, agus na toir sinn a null thar Iordan.

6 Agus thubhairt Maois ri cloinn Ghad, agus ri cloinn Reubein, An tèid bhur bràithrean gu cogadh, agus an suidh sibhse an so?

7 Agus c'ar son a bheir sibh mimhisneach

do chridhe chloinn Israeil, a dhòl a null do'n fhearann a thug an Tighearna dhoibh?

8 Mar so rinn bhur n-aithrichean, 'n uair a chuir mi iad o Chades-barnea a dh'amhara na tìre:

9 'N uair a chaidh iad suas gu gleann Escoil, agus a chunnaic iad am fearann, thug iad mimhisneach do chridhe chloinn Israeil, a chum nach rachadh iad a steach do'n fhearann a thug an Tighearna dhoibh.

10 Agus las corruich an Tighearna 's an àm sin féin, agus mhionnaich e, ag ràdh,

11 Gu cinnteach cha-n fhaic a h-aon de na daoineibh a thàinig a mìos as an Eiphit, o fhichead bliadhna dh'aois agus os a cheann, am fearann a mhionnaich mi do Abraham, do Isaac, agus do Jacob, a chionn nach do lean iad mi gu h-ìomlan;

12 Saor o Chaleb mac Iephunch an Céniseach, agus Iosua mac Nuin: oir lean iadsan an Tighearna gu h-ìomlan.

13 Agus las corruich an Tighearna' an aghaidh Israeil, agus chuir e air seacharan iad 's an fhàsach dà fhichead bliadhna, gus an deachaidh as do'n ghinealach sin uile a rinn olc 'an sealladh an Tighearna'.

14 Agus, feuch, tha sibhse air éirigh suas 'an àite bhur n-aithrichean, gineal dhroch dhaoine, a mheudachadh fathast mòr chorruich an Tighearna ri h-Israel.

15 Oir ma thionndaidheas sibh air falbh o 'leantuin-san, fàgaidh e fathast uair eile 's an fhàsach iad, agus sgriosaidh sibh an sluagh so uile.

16 Agus thàinig iad am fagus da, agus thubhairt iad, Togaidh sinn cròidhean chaorach an so d'ar spréidh, agus bailtean d'ar cloinn bhligh:

17 Ach théid sinn féin deas-armaichte roimh chloinn Israeil, gus an toir sinn iad d'an àite: agus ni ar clann bheag còmh-nuidh 's na bailtibh daingnichte air sgàth luchd-àiteachaidh na tìre.

18 Cha phill sinn d'ar tighibh, gus an sealbhaich clann Israeil gach duine dhiubh 'oighreachd féin:

19 Oir cha sealbhaich sinne maille riu-san an taobh eile de Iordan, no thall o sin; a chionn gu'n do thuit ar n-oighreachd dhuinne air an taobh so de Iordan a làimh na h-àird' an ear.

20 Agus thubhairt Maois riu, Ma ni sibh an ni so, ma théid sibh fo'r n-armaibh roimh an Tighearna gu cogadh,

21 Agus gu'n téid sibh uile armaichte thar Iordan roimh an Tighearna, gus am fuadaich e mach a naimhdean as a làthair,

22 Agus gu'n ceannsaichear am fearann 'am fianuis an Tighearna; 'n a dhéigh sin pillidh sibh, agus bithidh sibh neo-choir-each an làthair an Tighearna', agus an làthair Israeil, agus bithidh am fearann so 'n a sheilbh agaibh 'am fianuis an Tighearna'.

23 Ach mur dean sibh mar so, feuch



pheacaich sibh an aghaidh an Tighearn'; agus bithibh cinnteach gu'm faigh bhur peacadh a mach sibh.

24 Togaibh bailtean d'ur cloimn bhigh, agus cròidhean d'ur coaraich; agus deanaibh an ni a chaidh mach as bhur beul.

25 Agus labhair clann Ghad agus clann Reubein ri Maois, ag ràdh, Ni do sheirbh-isich mar a tha mo thighearn ag àithneadh.

26 Bithidh ar clann bheag, ar mnathan, ar treudan agus ar sprèidh uile, an sin ann am bailtibh Ghileaid;

27 Ach théid do sheirbh-isich thairis, gach fear dhiubh armaichte chum cogaidh, roimh an Tighearn gu cath, mar a tha mo thighearn ag ràdh.

28 Agus thug Maois àithne d'an taobh do Eleasar an sagart, agus do Iosua mac Nuin, agus do phrìomh aithrichibh threubhan chloinn Israeil:

29 Agus thubhairt Maois riu, Ma théid clann Ghad, agus clann Reubein a null maille ribh thar Iordan, gach fear *dhiubh* armaichte gu cath an lathair an Tighearn', agus gu'n ceannsaichear an tìr roimhibh, an sin bheir sibh dhoibh fearann Ghilead mar sheilbh:

30 Ach mur téid iad thairis maille ribh armaichte, bithidh seilbh aca 'n 'ur measg *féin* ann an tìr Chanaain.

31 Agus fhreagair clann Ghad, agus clann Reubein, ag ràdh, Mar a thubhairt an Tighearn ri d' sheirbh-isich, mar sin ni sinne.

32 Théid sinn a null armaichte roimh an Tighearn do thìr Chanaain, a chum gu'm bi seilbh ar n-oighreachd againn air an taobh so de Iordan.

33 Agus thug Maois dhoibh, *eadhon* do chloinn Ghad, agus do chloinn Reubein, agus do leth thréibh Mhanaseh, mhic Ioseiph, rìoghachd Shihoin rìgh nan Amorach, agus rìoghachd Og rìgh Bhàsain, an tìr maille r'a bailtibh anns na crìochaibh, *eadhon* bailtean na dùthcha mu'n cuairt.

34 Agus thog clann Ghad Dibon, agus Atarot, agus Aroer,

35 Agus Atrot, Sophan, agus Iaser, agus Iogbeah,

36 Agus Bet-nimrah, agus Bet-haran, bailtean daingnichte; agus cròidhean air son chaorach.

37 Agus thog clann Reubein Hesbon, agus Elealeh, agus Ciriataim.

38 Agus Nebo, agus Baal-meon, (air d'an ainmean a bhi air an atharrachadh,) agus Sibmah: agus thug iad ainmean eile do na bailtibh a thog iad.

39 Agus chaidh clann Mhachir, mhic Mhanaseh, do Ghilead, agus ghlac iad e, agus chuir iad á seilbh an t-Amorach a bha ann.

40 Agus thug Maois Gilead do Mhachir mac Mhanaseh; agus ghabh e còmhnuidh ann.

41 Agus chaidh Iacer mac Mhanaseh agus ghlac e a bhailtean beaga, agus thug e Habbhotiair mar ainm orra.

42 Agus chaidh Nobah agus ghlac e Cenat, agus a bhailtean beaga, agus thug e Nobah mar ainm air, a réir 'ainme féin.

CAIB. XXXIII.

1 *Turusan chloinn Israeil anns an fhàsach. 50 Na Canaanach agus an deulbhan agus an coslais leaghta uile air an sgrios.*

**I**S iad so turusan chloinn Israeil, a chaidh mach á tìr na h-Eiphit, a réir an armailtean, fo làimh Mhaois agus Aaron.

2 Agus sgrìobh Maois an dol a mach a réir an turusan, air àithne an Tighearn': agus is iad so an turusan, a réir an dol a mach.

3 Agus dh'imich iad o Rameses anns a' cheud mhìos, air a' chùigeamh là deug de'n cheud mhìos: air an là màireach an déigh na càisge chaidh clann Israeil a mach le làimh àird ann an sealladh nan Eiphit-each uile.

4 (Oir dh'adhlac na h-Eiphitich an ceudghin uile, a bhuail an Tighearn 'n am measg: air an diathan mar an ceudna chuir an Tighearn breitheanas 'an gnìomh.)

5 Agus dh'imich clann Israeil o Rameses, agus champaich iad ann an Sucot.

6 Agus dh'imich iad o Shucot, agus champaich iad ann an Etam, a tha ann an iomall an fhàsach.

7 Agus dh'imich iad o Etam, agus phill iad a ris gu Pihahiro, a tha fa chomhair Bhaal-sephoin: agus champaich iad fa chomhair Mhigdol.

8 Agus dh'imich iad o chomhair Pihahiro, agus chaidh iad troimh mheadhou na fainge do'n fhàsach, agus dh'imich iad astar thri làithean ann am fàsach Etaim, agus champaich iad ann am Màrah.

9 Agus dh'imich iad o Mhàrah, agus thàinig iad gu h-Elim: agus ann an Elim bha dà thobar dheug uisge, agus deich agus trì fichead craobh phailme; agus champaich iad an sin.

10 Agus dh'imich iad o Elim, agus champaich iad làimh ris a' mhuir ruaidh.

11 Agus dh'imich iad o'n mhuir ruaidh, agus champaich iad ann am fàsach Shin.

12 Agus dh'imich iad á fàsach Shin, agus champaich iad ann an Dopheah.

13 Agus dh'imich iad o Dopheah, agus champaich iad ann an Alus.

14 Agus dh'imich iad o Alus, agus champaich iad ann an Rephidim, far nach robh uisge aig an t-sluagh r'a òl.

15 Agus dh'imich iad o Rephidim, agus champaich iad ann am fàsach Shinai.

16 Agus dh'imich iad o fhàsach Shinai, agus champaich iad ann an Cìbrot-hataabhah.

17 Agus dh'imich iad o Cìbrot-hataabhah, agus champaich iad ann an Haserot.

18 Agus dh'imich iad o Haserot, agus champaich iad ann an Ritmah.

19 Agus dh'imich iad o Ritmah, agus champaich iad ann an Rimon-pares.

20 Agus dh'imich iad o Rimon-pares, agus champaich iad ann an Libnah.

21 Agus dh'imich iad o Libnah, agus champaich iad ann an Risah.

22 Agus dh'imich iad o Risah, agus champaich iad ann an Cehelatah.

23 Agus dh'imich iad o Chelclatah, agus champaich iad ann an shlabh Shapher.

24 Agus dh'imich iad o shliabh Shapher, agus champaich iad ann an Haradah.

25 Agus dh'imich iad o Haradah, agus champaich iad ann am Machelot.

26 Agus dh'imich iad o Mhachelot, agus champaich iad ann an Tahat.

27 Agus dh'imich iad o Thahat, agus champaich iad ann an Tarah.

28 Agus dh'imich iad o Tharah, agus champaich iad ann am Mitcah.

29 Agus dh'imich iad o Mhitcah, agus champaich iad ann an Hasmonah.

30 Agus dh'imich iad o Hasmonah, agus champaich iad ann am Moserot.

31 Agus dh'imich iad o Mhoserot, agus champaich iad ann am Bene-iaacan.

32 Agus dh'imich iad o Bhene-iaacan, agus champaich iad ann an Hor-hagidgad.

33 Agus dh'imich iad o Hor-hagidgad, agus champaich iad ann an Iot-batah.

34 Agus dh'imich iad o Iot-batah, agus champaich iad ann an Ebronah.

35 Agus dh'imich iad o Ebronah, agus champaich iad ann an Esion-gaber.

36 Agus dh'imich iad o Esion-gaber, agus champaich iad ann am fàsach Shin: *is e so Cades.*

37 Agus dh'imich iad o Chades, agus champaich iad ann an shlabh Hor, ann an iomall fearainn Edoim.

38 Agus chaidh Aaron an sagart suas gu shlabh Hor, air àithne an Tighearn', agus fhuair e bàs an sin, anns an dà fhlicheadamh bliadhna an déigh do chloinn Israeil teachd a mach á tìr na h-Eiphit, air a' cheud là de'n chùigeamh mìos.

39 Agus bha Aaron ceud agus fichead agus trì bliadhna dh'aois, an uair a dh'eug e ann an shlabh Hor.

40 Agus chuala rìgh Arad an Canaanach (a bha 'chòmhnuidh' 's an àirde deas ann an tìr Chanaain) nu theachd chloinn Israeil.

41 Agus dh'imich iad o shliabh Hor, agus champaich iad ann an Salmonah.

42 Agus dh'imich iad o Shalmonah, agus champaich iad ann am Punon.

43 Agus dh'imich iad o Phunon, agus champaich iad ann an Obot.

44 Agus dh'imich iad o Obot, agus champaich iad ann an Ie-abarim, ann an crìch Mhoab.

45 Agus dh'imich iad o Iim, agus champaich iad ann an Dibon-gad.

46 Agus dh'imich iad o Dhibon-gad, agus champaich iad ann an Almon-diblataim.

47 Agus dh'imich iad o Almon-diblataim, agus champaich iad ann an sléibhtibh Abarim, fa chomhair Nebo.

48 Agus dh'imich iad o shléibhtibh Abarim, agus champaich iad ann an còmhnrdaibh Mhoab, làimh ri Iordan *am fagus do* Iericho.

49 Agus champaich iad làimh ri Iordan, o Bhet-iesimot *eadhon* gu Abel-sitim, ann an còmhnrdaibh Mhoab.

50 Agus labhair an Tighearn ri Maois ann an còmhnrdaibh Mhoab, làimh ri Iordan *am fagus do* Iericho, ag ràdh,

51 Labhair ri cloinn Israeil, agus abair riu, 'N uair a théid sibh a null thar Iordan, do thìr Chanaain;

52 An sin fògraidh sibh a mach uile luchd-àiteachaidh na tìre as bhur fianuis, agus cuiridh sibh as d'an dealbhan uile, agus sgriosaidh sibh an coslais leaghta uile, agus fàsaichidh sibh an ionadan àrda uile.

53 Agus cuiridh sibh à seilbh *luchd-àiteachaidh* an fhearainn, agus nì sibh còmhnuidh ann: oir thug mise dhuibh am fearann r'a shealbhachadh.

54 Agus roinnidh sibh am fearann le crannchur mar oighreachd am measg bhur teaghlachan: dhoibhsan a's hionmhòire bheir sibh an oighreachd a's mò, agus dhoibhsan a's teirce bheir sibh an oighreachd a's lugha: bithidh *oighreachd* gach duine 's an àit anns an tuit a chrannchur; a réir treubhan bhur a-aithrichean sealbh-aichidh sibh.

55 Ach mur fògair sibh a mach luchd-àiteachaidh an fhearainn as bhur fianuis, an sin bithidh iadsan diubh d'an leig sibh fuir-each, 'n an scolbaibh 'n ur sùilean, agus 'n am bioraibh 'n ur taobhan, agus cuiridh iad campar oirbh 's an fhearann anns am bi sibh a chòmhnuidh.

56 Os bàrr tarlaidh, mar a smuainich mi a dheanamh riu-san, *gu'n* dean mi ribhse.

# CAIB. XXXIV.

1 Crìochan fearainn Chanaain. 16 Ainmean nan daoine a bha guas a roinn mar oighreachd.

**A**GUS labhair an Tighearn ri Maois, ag ràdh,

2 Aithn do chloinn Israeil, agus abair riu, 'N uair a thig sibh do thalamh Chanaain, (*is e so* am fearann a thuiteas oirbh mar oighreachd, *eadhon* fearann Chanaain maille r'a crìochaibh)

3 An sin bithidh bhur cearna dheas o fhàsach Shin, leth ri crìch Edoim, agus is i bhur crìoch mu dheas fìor iomall na fairge salaimn á làimh na h-àird' an ear.

4 Agus pillidh bhur crìoch o'n taobh mu dheas gu dìreadh Acrabim, agus théid i air a h-aghaidh gu Sin; agus bithidh a dol a mach o'n taobh mu dheas gu Cades-barnea,



agus gabhaidh i roimpe gu Hasar-adar, agus theid i air a h-aghaidh gu h-Asmon:

5 Agus bheir a' chrìoch cuairt o Asmon gu amhainn na h-Eiphit, agus bithidh a dol a mach aig an fhairege.

6 Agus a thaobh na crìch' an iar, bithidh agaibh eadhon an fhairege mhòr mar chrich: bithidh a' chrìoch so 'n a crìch dhuibh air an làimh an iar.

7 Agus is i so bhur crìoch air an làimh mu thuath: o'n fhairege mhòr comharaichidh sibh dhuibh féin gu sliabh Hor.

8 O shliabh Hor comharaichidh sibh bhur crìoch gu dol a stigh Hamait; agus bithidh dol a mach na crìche gu Sedad.

9 Agus gabhaidh bhur crìoch roimpe gu Siphron, agus bithidh a dol a mach aig Hasar-enan; is i so bhur crìoch mu thuath.

10 Agus comharaichidh sibh bhur crìoch air an taobh an ear o Hasar-enan gu Sepham.

11 Agus theid a' chrìoch sìos o Shepham gu Riblah, air an taobh an ear de Ain; agus theid a' chrìoch sìos, agus ruigidh i gu taobh fairege Chimeret a làimh na h-àird' an ear.

12 Agus theid a' chrìoch sìos gu Jordan, agus bithidh a dol a mach aig a' mhuir shalainn: is e so bhur fearann le' chrìochaibh mu'n cuairt.

13 Agus dh'àithn Maois do chloinn Israeil, ag ràdh, *Is* e so am fearann a shealbhaicheas sibh le crannchur, a dh'àithn an Tighearn a thabhairt do na naoi treubhan, agus do'n leth thréibh.

14 Oir fhuair treubh chloinn Reubein an oighreachd, a réir tighe an aithrichean, agus treubh chloinn Ghad a réir tighe an aithrichean; agus fhuair leth thréibh Mhanaseh an oighreachd.

15 Fhuair an dà threubh agus an leth thréibh an oighreachd air an taobh so de Jordan *am fagus do* Iericho, a làimh na h-àird' an ear, leth ri éirigh na gréine.

16 Agus labhair an Tighearn ri Maois, ag ràdh,

17 *Is* iad so ainmean nan daoine a roinneas am fearann duibh: Eleasar an sagart, agus Iosua mac Nuin.

18 Agus gabhaidh sibh aon cheannard de gach thréibh, a roinn an fhearainn mar oighreachd.

19 Agus *is* iad so ainmean nan daoine. De thréibh Iudah, Caleb mac Iephunch.

20 Agus de thréibh chloinn Shimeoin, Semuel, mac Amihuid.

21 De thréibh Bheniamin, Elidad mac Chisloin.

22 Agus ceannard thréibhe chloinn Dhan, Buci mac Iogli.

23 Ceannard chloinn Ioseiph, air son thréibhe chloinn Mhanaseh, Haniel mac Ephoid.

24 Agus ceannard thréibhe chloinn Ephrain, Cemuel mac Shiphtain.

25 Agus ceannard thréibhe chloinn Shebuluin, Elisaphan mac Pharnaich.

26 Agus ceannard thréibhe chloinn Isachair, Paltiel mac Asain.

27 Agus ceannard thréibhe chloinn Aseir, Ahihud mac Shelomi.

28 Agus ceannard thréibhe chloinn Naphali, Pedahel mac Amihuid.

29 *Is* iad sin iadsan d'an d'àithn an Tighearn an oighreachd a roinn do chloinn Israeil ann an tìr Chanaain.

CAIB. XXXV.

1 *Ochd agus dà fhichead baile air an toirt do na Lebhitheach: 6 Sè bailte dhuibh chum dèidein. 9 Na laghannan a thaobh mortaidh.*

**A** GUS labhair an Tighearn ri Maois ann an còmhnradaibh Mhoais, làimh ri Jordan *am fagus do* Iericho, ag ràdh,

2 Aithn do chloinn Israeil, iad a thabhairt do na Lebhitheach, de oighreachd an seilbh, bailtean gu còmhnuidh a ghabhail annta: agus bheir sibh mar an ceudna do na Lebhitheach fearann comh-roinn d'am bailtibh mu'n cuairt orra.

3 Agus bithidh na bailtean aca gu còmhnuidh a ghabhail annta, agus bithidh am fearann comh-roinn air son an spréidhe, agus air son am maoin, agus air son an ainmhidhean uile.

4 Agus *ruigidh* fearann comh-roinn nam bailtean, a bheir sibh do na Lebhitheach, a mach o bhalla a' bhaile, mìle làmh-choille mu'n cuairt.

5 Agus tomhaisidh sibh o'n leth a muigh de'n bhaile air an taobh an ear dà mhìle làmh-choille, agus air an taobh mu dheas dà mhìle làmh-choille, agus air an taobh an iar dà mhìle làmh-choille, agus air an taobh mu thuath dà mhìle làmh-choille; agus *bithidh* am baile 's a' mheadhon: bithidh so dhoibh 'n a fhearann comh-roinn d'am bailtibh.

6 Agus am measg nam bailtean a bheir sibh do na Lebhitheach, bithidh sè bailtean chum dèidein, a dh'orduicheas sibh air a shon-san a mharbhas duine, chum gu'n teich e an sin: agus riu-san cuiridh sibh dà bhaile 's dà fhichead.

7 Mar so *is* iad na bailtean sin uile a bheir sibh do na Lebhitheach, ochd agus dà fhichead baile: iad sin *bheir sibh seachad* agus am fearann comh-roinn.

8 Agus *bithidh* na bailtean a bheir sibh seachad de sheilbh chloinn Israeil: uathasan aig *am bheil* mòran, bheir sibh mòran; ach uatha-san aig *am bheil* beagan, bheir sibh beagan: bheir gach aon d'a bhailtibh do na Lebhitheach, a réir 'oighreachd a tha e a' sealbhadh.

9 Agus labhair an Tighearn ri Maois, ag ràdh,

10 Labhair ri cloinn Israeil, agus abair



riu, 'N uair a bhitheas sibh air teachd thar Iordan do thìr Chanaain,

11 An sin orduichidh sibh dhuibh féin bailtean, gu bhí 'n am bailtibh dhèin dhuibh, a chum gu'n teich am marbhaiche an sin, a mharbhas neach 'an ain-fhios.

12 Agus bithidh iad duibh 'n am bailtibh a' chum dhèin o'n dioghaltair; a chum nach bàsaich esan a mharbhas duine, gus an seas e au làthair a' chomhchruinneachaidh ann am breitheanas.

13 Agus de na bailtibh sin a bheir sibh seachad, bithidh sè bailtean agaibh a chum dhèin.

14 Bheir sibh seachad tri bailtean air an taobh so de Iordan, agus tri bailtean bheir sibh seachad ann an tìr Chanaain, a bhios 'n am bailtibh dhèin.

15 Bithidh na sè bailtean sin 'n an dhèin, *araon* do chloinn Israeil, agus do'n choigreach, agus dhasan a bhios air chuairt 'n am measg; a chum gu'n teich gach neach an sin, a mharbhas duine gun fhios.

16 Agus ma bhuailas se e le h-inneal iaruin, (air chor as gu'm bàsaich e,) *is* mortair e: cuirear gu cinnteach am mortair gu bàs.

17 Agus ma bhuailas se e le clach a thilgeadh (a dh'fheudas a bhàs a thoirt,) agus gu'm bàsaich e, *is* mortair e: cuirear gu cinnteach am mortair gu bàs.

18 No ma bhuailas se e le làmh-bhall fiodha (a dh'fheudas a bhàs a thoirt,) agus gu'm faigh e bàs, *is* mortair e: cuirear gu cinnteach am mortair gu bàs.

19 Marbhaidh dioghaltair na fola e féin am mortair: an uair a choinnicheas se e, marbhaidh se e.

20 Ach ma bheir e urchuir dha tre fhuath, no ma thilgeas e *ni sam bith* air 'am feall-fholach, air chor as gu'm faigh e bàs;

21 No ma bhuailas se e le a làimh ann an naimhdeas, air chor as gu'm faigh e bàs; cuirear esan a bhuail e gun teagamh gu bàs; *oir is* mortair e: marbhaidh dioghaltair na fola am mortair, an uair a choinnicheas se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun fheall-fholach;

23 No le cloich sam bith, a dh'fheudas bàs duine a thabhairt, gun e 'g a fhaicinn, agus gu'n do thilg e air i, air chor as gu'm faigh e bàs, agus nach bu nàmhaid da e, agus nach d'iarr e a chron;

24 An sin bheir an comhchruinneachadh breth eadar am marbhaiche agus dioghaltair na fola, a réir nam breitheanas sin:

25 Agus saoraidh an comhchruinneachadh am marbhaiche á làimh dioghaltair na fola, agus cuiridh an comhchruinneachadh air ais e do bhaile a dhèin, gus an do theich e: agus fanaidh e ann gu bàs an àrd-shagairt, a dh'ungadh leis an olaidh naoimh.

26 Ach ma thig am marbhaiche uair air bith an taobh a mach de chrich baile a dhèin, gus an do theich e;

27 Agus gu'm faigh dioghaltair na fola e an taobh a mach de chrichaibh baile a dhèin, agus gu'm marbh dioghaltair na fola am marbhaiche; cha bhí e ciontach de fhuil:

28 A chionn gu'm bu chòir dha fuireach ann am baile a dhèin gu bàs an àrd-shagairt: ach an déigh bàis an àrd-shagairt, pillidh am marbhaiche gu fearann a sheilbhe féin.

29 Agus bithidh na *niithean* sin 'n an rcaidh breitheanas dhuibh, air feadh bhur ginealach, 'n ur n-àitibh-còmhnuidh uile.

30 Ge b'e 'mharbhas neach sam bith, cuir-e ar am mortair gu bàs le beul fhianuisean: ach cha toir aon fhianuis teistean an aghaidh neach sam bith a *chum a chur* gu bàs.

31 Agus cha ghabh sibh éiric sam bith air son anama mortair, a tha ciontach de bhàs; ach cuirear gu cinnteach gu bàs e.

32 Agus cha ghabh sibh éiric sam bith air a shon-san a theich do bhaile a dhèin, a chum gu'n tigeadh e ris a ghabhail còmhnuidh 's an fhearann, gu bàs an t-sagairt.

33 Mar sin cha truaill sibh ann fearann anns am *bheil* sibh; oir truaillidh fuil am fearann, agus cha-n'eil e 'n comas am fearann a ghlanadh de'n fhuil a dhoirtheadh ann, ach le fuil an ti a dhòirt i.

34 Na salaichibh uime sin am fearann anns am bi sibh a chòmhnuidh, anns am bheil mise a'm' chòmhnuidh: a chionn gu bheil mise an Tighearn a'm' chòmhnuidh 'am meadhon chloinn Israeil.

# CAIB. XXXVI

*Nigheanan chloinn Israeil aig an robh oighreachd, gu ròsadh 'n an tréibh féin.*

**A**GUS thàinig prìomh aithrichean a theaghlachian chloinn Ghileaid, mhic Mhachir, mhic Mhanaseh, de theaghlachibh mhac Ioseiph, am fagus, agus labhair iad an làthair Mhaois, agus an làthair nan ceannard, *eadhon* prìomh aithrichean chloinn Israeil;

2 Agus thubhairt iad, Dh'àithn an Tighearn do m' thighearn ann fearann a thoirt mar oighreachd le crannchur do chloinn Israeil, agus dh'àitheadh do m' thighearn leis an Tighearn, oighreachd ar bràthar Shelopheaid a thoirt d'a nigheanaibh.

3 Agus ma phòsar iad ri h-aon de mhic nan treubh *éile* de chloinn Israeil, an sin bheir an oighreachd-san o oighreachd ar n-aithrichean, agus cuirear i ri oighreachd na tréibhe d'an gabhar iad: mar sin bheir-e i o chranncur ar n-oighreachd-ne.

4 Agus an uair a bhitheas an iubile ann do chloinn Israeil, an sin cuirear an oighreachd ri oighreachd na tréibhe gus an do ghabhadh iad: mar sin bheir an oighreachd-

## DEUTERONOMI, I.

san air falbh o oighreachd thréibhe ar n-aithrichean.

5 Agus dh'aithn Maois do chloinn Israeil, a réir focail an Tighearna, ag rãdh, Is ceart a labhair treubh mhac Ioseiph.

6 *Is* e so an nì a dh'aithn an Tighearn thaobh nigheanan Shelopheaid, ag rãdh, Pòsadh iad an neach a's àill leo; a mhàin ri teaghlach thréibhe an aithrichean pòsadh iad.

7 Mar sin cha-n atharraich oighreachd chloinn Israeil o thréibh gu thréibh; oir dlùth-leanaidh gach duine de chloinn Israeil ri oighreachd thréibhe 'aithrichean.

8 Agus bithidh gach nighean, a shealbhaicheas oighreachd ann an thréibh sam bith de chloinn Israeil, 'n a mnaoi aig aon de theaghlach thréibhe a h-athar, a chum gu mcal clann Israeil gach duine dhiubh oighreachd 'aithrichean.

9 Nì mò dh'atharraicheas an oighreachd o aon thréibh gu thréibh eile; ach dlùth-leanaidh gach duine de theubhan chloinn Israeil r'a oighreachd féin.

10 Eadhon mar a dh'aithn an Tighearn do Mhaois, mar sin rinn nigheanan Shelopheaid:

11 Oir phòsadh Mahlah, Tirsah, agus Hoglah, agus Milcah, agus Noah, nigheanan Shelopheaid, ri mic bhràthar an athar.

12 Phòsadh iad *ri fir* de theaghlachibh mhac Mhanaseh mhic Ioseiph, agus dh'fhan an oighreachd ann an thréibh teaghlach an athar.

13 *Is* iad sin na h-àitheantan, agus na breitheanais, a dh'aithn an Tighearn le làimh Mhaois, do chloinn Israeil ann an còmhnradaibh Mhaoib, làimh ri Iordan *an fagus* do Iericho.

# DEUTERONOMI.

## CAIB. I.

1 *Ath-aithris le Maois air na thachair do chloinn Israeil anns an fhàsach.* 34 *Geur smachdachadh an Tighearna dhoibh air son am mì-chreidimh.*

**I**S iad so na briathran a labhair Maois ri h-Israeil uile, air an taobh so de Iordan 's an fhàsach, anns a' chòmhnard fa chomhair na mara *ruaidhe*, cadar Paran, agus Tophel, agus Laban, agus Haserot, agus Disahab.

2 (*Tha astar* aon là deug o Horeb, rathad sléibh Sheir, gu Cades-barnea.)

3 Agus anns an dà fhicheadamh bliadhna, anns an aon mhìos deug, air a' cheud là de'n mhìos, labhair Maois ri cloinn Israeil, a réir nan uile *nithean* a dh'aithn an Tighearn dha d'an taobh;

4 An déigh dha Sihon rìgh nan Amorach a mharbhadh, a bha 'chòmhnuidh ann an Hesbon, agus Og rìgh Bhàsain, a bha 'chòmhnuidh aig Astarot ann an Edrei,

5 Air an taobh so de Iordan, ann an tìr Mhaoib, thòisich Maois air an lagh so chur 'an ceill, ag rãdh,

6 Labhair an Tighearn ar Dia ruinn ann an Horeb, ag rãdh, Ghabh sibh còmhnuidh fada gu leòr 's an t-sliabh so:

7 Pillibh agus gabhaibh bhuir turus, agus rachaibh a chum sléibh nan Amorach, agus a chum nan *ionadan* uile am fagus da anns a' chòmhnard, anns a' mhonadh, agus anns an t-sràth, agus mu dheas, agus ri taobh na fairge, gu fearann nan Canaanach, agus gu Lebano, dh'ionnsuidh na h-aimhne mòire, aimhne Euphrates.

8 Feuch, chuir mi 'n tìr roimhibh; rachaibh

a steach, agus sealbhaichibh am fearann a mhionnaich an Tighearn d'ur n-aithrichibh, Abraham, Isaac, agus Iacob, gu'n tugadh e dhoibh e agus d'an sliochd 'n an déigh.

9 Agus labhair mi ribh 's an àm sin, ag rãdh, Cha-n urrainn mise bhuir giùlan a'm aonar:

10 Rinn an Tighearn bhuir Dia lionmhor sibh, agus, feuch, *tha* sibh an diugh mar reultan nèimh a thaobh lionmhoireachd.

11 (Gu 'n deanadh an Tighearn, Dia bhuir n-aithrichean, sibh mìle uair nì's lionmhoire na *tha* sibh, agus gu'm beannaicheadh e sibh, mar a gheall e dhuibh!)

12 Cionnus is urrainn mise leam féin bhuir dragh a ghiùlan, agus bhuir n-callach, agus bhuir comhstri?

13 Gabhaibhse dhuibh féin daoine glic' agus tuisgeach, agus aithnichte 'n 'ur treubhan agus nì mise iad 'n an ceamardaibh oirbh.

14 Agus fhreagair sibh mi, agus thubhairt sibh, *Tha* an nì a labhair thu maith *dhuinne* r'a dheanamh.

15 Agus ghabh mi cium bhuir treubhan, daoine glic', agus aithnichte, agus rinn mi iad 'n an ceamardaibh oirbh, 'n an uachdaranabih mhiltean, agus 'n an uachdaranabih cheudan, agus 'n an uachdaranabih leth-cheudan, agus 'n an uachdaranabih dheicnean, agus 'n an luchd-riaghlaidh am measg bhuir treubhan.

16 Agus dh'aithn mi d'ur breitheamhnaibh 's an àm sin, ag rãdh, Eisdibh ris na *cùisean abhiitheas* cadar bhuir bràithrean, agus thug-aibh breth cheart cadar *gach* duine agus a bhràthair, agus an coigreach a *tha* maille ris.



17 Cha bhi suim agaibh do neach seach a chéile ann am breitheanas; ris a' bheag éisdidh sibh co mhaith is ris a' mhòr; cha bhi athadh oirbh roimh glunús duine, oir is le Dia a' bhreth: agus a' chùis a bhitheas ro chruaidh oirbh, bheir sibh a m' ionnsuidhs', agus éisdidh mise r'i.

18 Agus dh'aitinn mi dhuibh 's an àm sin na h-uile nithean 'bu chòir dhuibh a dheanamh.

19 Agus an uair a dh'fhalbh sinn o Horeb, chaidh sinn troimh an fhàsach mhòr agus uamhasach sin uile, a chunnaic sibh air slighe sléibh nan Amorach, a réir mar a dh'aitinn an Tighearn ar Dia dhuinn; agus thàinig sinn gu Cades-barnea.

20 Agus thubhairt mi ribh, Tha sibh air teachd gu sliabh nan Amorach, a tha 'n Tighearn ar Dia a' tabhairt dhuinn.

21 Feuch, chuir an Tighearn do Dhia am fearann romhad, imich suas, sealbhaich e, a réir mar a thubhairt an Tighearn Dia d'aithrichean riut; na bitheadh eagail ort, agus na bitheadh faitcheas ort.

22 Agus thàinig sibh am fagus domhsa gach aon agaibh, agus thubhairt sibh, Cuireamaid daoine romhainn, agus rannsaicheadh iad a mach dhuinn am fearann, agus thugadh iad fios d'ar n-ionnsuidh a ris ciod an t-slighe air an téid sinn suas, agus ciod na bailtean gus an tig sinn.

23 Agus thaitinn a' chainnt rium gu maith; agus ghabh mi dà fhear dheug dhibh, aon fhear as gach tréibh.

24 Agus thionndaidh iad, agus chaidh iad suas do'n t-sliabh, agus thàinig iad gu gleann Escoil, agus rannsaich iad a mach e.

25 Agus ghabh iad 'n an làimh de thoradh an fhearainn, agus thug iad a nuas e d'ar n-ionnsuidhne, agus thug iad fios duinn a ris, agus thubhairt iad, Is maith am fearann a tha 'n Tighearn ar Dia a' tabhairt dhuinn. 26 Gidheadh, cha b'ail leibh dol suas, ach chuir sibh an aghaidh àithne an Tighearna bhur Dé.

27 Agus rinn sibh gearan 'n 'ur bùthaibh, agus thubhairt sibh, A chionn gu'm b'fhuathach leis an Tighearn sinn, thug e mach sinn à tìr na h-Eiphit, gu'r toirt thairis do làimh nan Amorach, a chur as duinn.

28 C'ait an téid sinn suas? Chuir ar bràithrean ar cridhe fo mhi-mhisnich, ag ràdh, Tha 'n sluagh nìs mò agus nìs àirde na sinne; tha na bailtean mòra, agus daingnichte suas gu nèamh, agus os barr, chunnaic sinn mic nan Anacach an sin.

29 An sin thubhairt mi ribh, Na bitheadh geilt oirbh, no eagail rompa.

30 An Tighearn bhur Dia, a tha 'dol roimhibh, cogaidh esan air bhur son, a réir nan uile nithean a rinn e air bhur son 's an Eiphit fa chomhair bhur sùl.

31 Agus anns an fhàsach, far am faca tu cionnus a ghiùlan an Tighearn do Dhia thu,

mar a ghiùlaineas duine a mhac, 's an t-slighe sin uile air an deachaidh sibh, gus an d'thàinig sibh do'n àite so.

32 Gidheadh 's an nì so cha do chreid sibh an Tighearn bhur Dia,

33 A dh'imich roimhibh 's an t-slighe, a rannsachadh a mach àite dhuibh gus 'ur bùthan a shuidheachadh ann, ann an teine 's an oidheche, a nochdadh dhuibh ciod an t-slighe air an imicheadh sibh, agus ann an neul 's an là.

34 Agus chual' an Tighearn fuaim bhur briathran, agus bha corruich air, agus mhionnaich e, ag ràdh,

35 Gu cinnteach cha-n fhaic a h-aon de dhaoineibh a' ghinealaich uile so am fearann maith sin, a mhionnaich mise gu'n tugainn d'ur n-aithrichibh,

36 Saor o Chaleb mac Iephune; chi esan e, agus dhasan bheir mi am fearann air an do shaltair e, agus d'a chloinn, a chionn gu'n do lean e 'n Tighearn gu h-ìomlan.

37 Mar an ceudna bha fearg aig an Tighearn riumsa air bhur sgàth, ag ràdh, Cha téid thusa féin a steach an sin.

38 Ach Iosua mac Nuin, a tha 'n a sheasamh a'd làthair, théid esan a steach an sin. Thoir misneach dha; oir bheir e air Israel a shealbhachadh.

39 Agus bhur clann bheag a thubhairt sibh a bhitheadh 'n an crìch, agus bhur clann, aig nach robh 's an là ud eòlas air maith seach olc, théid iadsan a steach an sin, agus dhoibh-san bheir mi e, agus sealbhaichidh iad e.

40 Ach air bhur sonsa, pillibh, agus gabhaibh bhur turus do'n fhàsach, air slighe na mara ruaidhe.

41 An sin fhreagair sibh agus thubhairt sibh rium, Pheacaich sinn an aghaidh an Tighearna, théid sinn suas agus cogaidh sinn, a réir nan uile nithean a dh'aitinn an Tighearn ar Dia dhuinn. Agus chrìoslaich sibh oirbh gach fear agaibh 'airn-chogaidh, agus bha sibh ullamh gu dol suas do'n t-sliabh.

42 Agus thubhairt an Tighearn rium, Abair riu, Na rachaibh suas, agus na cogaidh, oir cha-n'eil mise 'n 'ur measg; air eagail gu'm buailc sibh an làthair bhur naimhdean.

43 Mar so labhair mi ribh, agus cha-n éisd-eadh sibh, ach rinn sibh ceannaire an aghaidh àithne an Tighearna, agus chaidh sibh gu h-amdàna suas do'n t-sliabh.

44 Agus thàinig na h-Amoraich, a bha 'chomhnuidh 's an t-sliabh sin, a mach 'n 'ur n-aghaidh, agus ruaig iad sibh mar a nì beachan, agus chuir iad as duibh ann an Seir, eadhon gu Hormah.

45 Agus phill sibh, agus ghuil sibh an làthair an Tighearn; ach cha-n éisd-eadh an Tighearn rìr guth, agus cha tugadh e chas duibh.



46 Mar sin dh'fhan sibh ann an Cades mòran làithean, aréir nan làithean a dh'fhan sibh an sin.

CAIB. II.

1 *Mu chloinn Esau, 9 mu na Moabaich, 16 agus mu na h-Amonaich. 24 Sihon an t-Amorach agus a shluagh uile air an sgrios.*

**A**N sin phill sinn, agus ghabh sinn ar turus do'n fhàsach, air slighe na mara ruaidhe, mar a labhair an Tighearn riumsa; agus chuairtich sinn sliabh Sheir mòran làithean.

2 Agus labhair an Tighearn rium, ag ràdh,

3 Chuairtich sibh an sliabh so fada gu leòr: pillibh ri tuath.

4 Agus àithn thusa do'n t-sluagh, ag ràdh, *Tha* sibh gu dol troimh chrìch bhuir bràithrean cloinn Esau, a tha 'chòmhnuidh ann an Seir, agus bithidh eagal orra roimhibh: ach thugaibh aire mhaith dhuibh féin.

5 Na beanaibh riu; oir cha toir mi 'bheag d'am fearann duibh, *cha toir* uiread as leud troidhe; a chionn gu'n d'thug mi sliabh Sheir a dh'Esau mar sheilbh.

6 Ceannaichidh sibh biadh uatha le h-airgid, a chum gu'n ith sibh; agus mar an ceudna ceannaichidh sibh uisge uatha le h-airgid, a chum gu'n òl sibh.

7 Oir bheannaich an Tighearn do Dhia thu ann an uile oibribh do làimhe: is aithne dha do thriall troimh 'n fhàsach mhòr so: rè an dà fhìchead bhliadhna so *bha* 'n Tighearn do Dhia maille riut, cha robh uireasbhuidh nì sam bith ort.

8 Agus an uair a chaidh sinn seachad o'r bràithribh cloinn Esau, a bha 'còmhnuidh ann an Seir, trid shlighe a' chòmhnaid o' Elat, agus o' Esion-gaber, phill sinn, agus chaidh sinn seachad air slighe fàsaich Mhoaidb.

9 Agus thubhairt an Tighearn rium, Na buin gu naimhdeil ris na Moabaich, agus na dean strì riu ann an cath: oir cha toir mi dhuit a' bheag d'am fearann mar sheilbh, a chionn gu'n d'thug mi Ar do chloinn Lot mar sheilbh.

10 Bha na h-Emich roimhe a chòmhnuidh ann, sluagh mòr, agus lìonmhor, agus àrd mar na h-Anacaich;

11 A mheasadh mar an ceudna 'n am fàmhair ann mar na h-Anacaich, ach thug na Moabaich Emich mar ainm orra.

12 Bha mar an ceudna na Horaich a chòmhnuidh roimhe sin ann an Seir; ach thàinig clann Esau 'n an dèigh, agus chuir iad as doibh as an sealladh, agus ghabh iad còmhnuidh 'n an àite, mar a rinn Israel ri fearann a sheilbh-san, a thug an Tighearn dhoibh.

13 A nis éiribh suas, *thubhairt mise*, agus rachaibh thar sruth Shereid; agus chaidh sinn thar sruth Shereid.

14 Agus b'i 'n ùin' anns an d'thàinig sinn

o Chades-barnea, gus an deachaidh sinn thar sruth Shereid, o'chd bhliadhna deug thar fhìchead; gus an robh ginealach an t-sluaigh-chogaidh uile air an caithreamh as o mheas an t-sluaigh, mar a mhlionnaich an Tighearn dhoibh.

15 Oir da rìreadh bha làmh an Tighearna 'n an aghaidh, gu'n sgrios o mheas an t-sluaigh, gus an do chlaoidheadh iad.

16 Agus tharladh, 'n uair a bha na fìr-chogaidh uile air an claoidh, agus air bàsachadh o mheas an t-sluaigh,

17 Gu'n do labhair an Tighearn rium, ag ràdh,

18 Tha thu gu dol thairis an diugh troimh Ar, crìoch Mhoaidb.

19 Agus an uair a thig thu 'm fagus thall fa chomhair chloinn Amoin, na buin gu naimhdeil riu, nì mò a bheanas tu riu: oir cha toir mi dhuit sealbh sam bith dh' fhearann chloinn Amoin, a chionn gu'n d'thug mi e do chloinn Lot mar sheilbh.

20 (Mheasadh sin mar an ceudna 'n a fhearann fàmhair: ghabh fàmhair ann còmhnuidh ann 'san t-sean aimsir, agus thug na h-Amonaich Samsumaich mar ainm orra,

21 Sluagh mòr agus lìonmhor, agus àrd mar na h-Anacaich; ach sgrios an Tighearn iad rompa, agus thàinig iad 'n an dèigh, agus ghabh iad còmhnuidh 'n an àite:

22 Mar a rinn e ri cloinn Esau a bha 'chòmhnuidh ann an Seir, an uair a sgrios e na Horaich rompa; agus thàinig iad 'n an dèigh, agus ghabh iad còmhnuidh 'n an àite, cadhon gus an là 'n diugh:

23 Agus na Habaich a bha 'còmhnuidh ann an Haserim, *cadhon* gu Hadsah, sgrios na Caphtoraich a thàinig a mach á Caphtor iad, agus ghabh iad còmhnuidh 'n an àite.)

24 Éiribh suas, gabhaibh bhuir turus, agus rachaibh thar sruth Arnoin: feuch, thug mi do d' làimh Sihon an t-Amorach, rìgh Hesboin, agus 'Thearann; tòisich air a shealbhachadh, agus dean strì ris ann an cath.

25 Air an là 'n diugh tòisichidh mi air d'uamhann-sa, agus d'eagal, a chuir air na cinnich a tha fo nèamh uile, a chluinneas ionradh ort; agus crìochnaichidh iad, agus bithidh cràdh orra a'd' làthair.

26 Agus chuir mi teachdairean á fàsach Chedemoit gu Sihon rìgh Hesboin, le briathraibh sìth, ag ràdh,

27 Leig dhomh gabhail troimh d'fhearann: imichidh mi romham air an rathad mhòr, cha tionndaidh mi aon chuid a chum na làimhe deise, no chum na làimhe clìthe.

28 Biadh air son airgid reicidh tu rium, a chum gu'n ith mi, agus uisge air son airgid bheir thu dhomh, a chum gu'n òl mi; a mhàin imichidh mi romham do m' chois,

29 (Mar a rinn clann Esau rium, a tha 'chòmhnuidh ann an Seir, agus na Moabaich a tha 'chòmhnuidh ann an Ar) gus an téid mi

thar Iordan, do'n fhearann a *tha* 'n Tighearn air Dia a' toirt duinn.

30 Ach cha leigeadh Sihon rìgh Hesboin leinn dol troimh *fhearann*: oir chruaidhich an Tighearn do Dhia a spiorad, agus rinn e a chridhe rag, a chum gu'n tugadh e thairis e do d' làimh, mar a *chithear* air an là 'n diugh.

31 Agus thubhairt an Tighearn rium, Feuch, thòisich mi air Sihon agus 'fhearann a thoirt thairis a'd' fhianuis: gabh sealbh, a chum gu'm bi 'fhearann agad mar oighreachd.

32 An sin thàinig Sihon a mach 'n ar n-aghaidh, e féin, agus a shluagh uile, a chogadh aig Iahas.

33 Agus thug an Tighearn ar Dia thairis e romhainn, agus bhuail sinn e féin, agus a mhic, agus a shluagh uile.

34 Agus ghlac sinn a bhailean uile 's an àm sin, agus sgrìos sinn gu tur fir, agus mnathan, agus clann bheag gach baile; cha d'fhàg sinn a h-aon a làthair:

35 A mhàin ghabh sinn duinn féin an spréidh mar chobhartach, agus creach nam bailtean a ghlac sinn.

36 O Aroer, a *tha* air bruaich shruth Arnoin, agus o'n bhaile a *tha* làimh ris an t-sruth, eadhon gu Gilead, cha robh aon bhaile tuille 's làidir air ar son: thug an Tighearn ar Dia *iad* uile thairis duinn.

37 A mhàin gu fearann chloinn Amoin cha d'fhàinig thu, no gu àite sam bith *am fagus* do shruth Iaboic, no gus na bailtibh *am measg* nam beann, no gu *àite* sam bith a thoirmisg an Tighearn ar Dia dhuinn.

### CAIB. III.

1 *Bhuadhaich clann Israeil air Og rìgh Bhàsain.*

12 *Crannechur shìochd Reuben agus Ghad.*

23 *Ghuidh Maois dol a steach do fhearann Chanaain; 27 ach fhuair e a mhàin sealladh dh'e o mhullach Phisgah.*

**A**N sin phill sinn, agus chaidh sinn suas air an t-slighe gu Bàsan: agus thàinig Og rìgh Bhàsain a mach 'n ar n-aghaidh, e féin agus a shluagh uile, gu cath aig Edrei.

2 Agus thubhairt an Tighearn riumsa, Na bitheadh eagal ort roimhe: oir do d' làimhsa bheir mise thairis e féin, agus a shluagh uile, agus 'fhearann; agus nì thu ris mar a rinn thu ri Sihon rìgh nan Amorach, a bha 'chòmhnuidh aig Hesbon.

3 Mar sin thug an Tighearn ar Dia thairis d'ar làimh-ne mar an ceudna Og rìgh Bhàsain, agus a shluagh uile: agus bhuail sinn e, gus nach d'fhàgadh a h-aon beò aige.

4 Agus ghlac sinn a bhailean uile 's an àm sin; cha robh baile nach d'thug sinn uatha, tri fichead baile, dùthaich Argoibh uile, rioghachd Og ann am Bàsan.

5 *Bha* na bailtean sin uile air an daingneachadh le balla àrd, le geataibh agus le crannaibh, a thuilleadh air bailtibh gun bhalla, ro mhòran.

6 Agus sgrìos sinn gu tur iad, mar a rinn sinn air Sihon rìgh Hesboin, a' léir-sgrìos fhear, bhan, agus chloinne gach baile.

7 Ach ghabh sinn an spréidh uile, agus creach nam bailtean mar chobhartach dhuinn féin.

8 Agus thug sinn 's an àm sin á làimh dà rìgh nan Amorach, am fearann a *tha* air an taobh so de Iordan, o shruth Arnoin gu sliabh Hermon:

9 (Thug na Sidonaich Sirion mar ainm air Hermon: agus thug na h-Amoraich Senir mar ainm air)

10 Bailtean a' chòmhnaidh uile, agus Gilead uile, agus Bàsan uile, gu Salcha agus Edrei, bailtibh rioghachd Og ann am Bàsan:

11 Oir bha Og rìgh Bhàsain a mhàin a làthair de fhuigheall nam fahairean; feuch, a leabhadh *bu* leabhadh iarunn i: nach 'eil i ann an Rabat chloinn Amoin? 'b'iad naoi làmhnan-coille a fad, agus ceithir làmhnan-coille a leud, a réir làimh-choille duine.

12 Agus am fearann so, a shealbhaich sinn 's an àm sin, o Aroer a *tha* làimh ri sruth Arnoin, agus leth sléibh Ghilead, agus a bhailean, thug mi do na Reubenich, agus do na Gadaich.

13 Agus a' chuid eile de Ghilead, agus Bàsan uile, eadhon rioghachd Og, thug mi do leth thréibh Mhanaseh; dùthaich Argoibh uile, maille ri Bàsan uile, d'an ainm fearann nam fahairean.

14 Ghabh Iair, mac Mhanaseh, dùthaich Argoibh uile, gu crìochaibh Ghesuri, agus Mhaachati; agus thug e Bàsan-Habhot-Iair mar ainm oirre a réir ainme féin, gus an là 'n diugh.

15 Agus thug mi Gilead do Mhachir.

16 Agus do na Reubenich, agus do na Gadaich, thug mi o Ghilead eadhon gu sruth Arnoin, leth a' ghlinne, agus an t-ionall, eadhon gus an sruth Iaboc, crìoch chloinn Amoin:

17 An còmhnaidh mar an ceudna, agus Iordan, agus a chrìochan, o Chineret, eadhon gu muir a' chòmhnaidh, a' mhuir shalainn, fo Asdot-pisgah a làimh na h-àird' an ear.

18 Agus dh'àithn mi dhuibh 's an àm sin, ag ràdh, Thug an Tighearn bhuir Dia dhuibh am fearann so r'a shealbhadh: théid sibh a null fo'r n-armaibh roimh bhuir bràithribh clann Israeil, gach neach a *tha* foghainteach a chum cogaidh.

19 Ach fanaidh bhuir mnathan, agus bhuir clann bheag, agus bhuir spréidh, (*oir* is aithne dhomh gu'm bheil mòran spréidhe agaibh,) 'n 'ur bailtibh a thug mi dhuibh,

20 Gus an toir an Tighearn fois d'ur bràithribh, co mhaith agus dhuibhs, agus gus an sealbhaich iadsan mar an ceudna am fearann a thug an Tighearn bhuir Dia dhuibh an taobh thall de Iordan: agus an sin



# DEUTERONOMI, IV.

pillidh gach duine agaibh g'a sheilbh, a thug mi dhuibh.

21 Agus dh'àithn mi do Iosua 's an àm sin, ag ràdh, Chunnaic do shùilean na h-uile nithean a rinnan Tighearn bhur Dia ris an dà rìgh sin: mar sin ni an Tighearn ris na rìoghachdaibh uile gus *am bheil* thu dol.

22 Cha bhi eagal oirbh rompa: oir cogaidh an Tighearn bhur Dia e féin air bhur son.

23 Agus ghuidh mi air an Tighearn 's an àm sin, ag ràdh,

24 O Thighearna Dhé, thòisich thu air do mhòrachd, agus do làmh chumhachdach a nochdadh do d' òglach: oir cò an dia air nèamh no air talamh, a's urrainn a dheanadh a réir d'òibre-sa, agus a réir do chumhachd-sa?

25 Guidheam ort, leig dhomh dol thairis, agus an fearann maith sin fhaicinn a *tha* 'n taobh thall de Iordan, an sliabh maith sin, agus Lebanon.

26 Ach bha fèarg air an Tighearn rium air bhur son-sa, agus cha d'éisd e rium: agus thubhairt an Tighearn rium, Gu ma leòr leat e; **na** labhair nì's mò rium mu'n chùis so.

27 Falbh suas gu mullach Phisgah, agus tog suas do shùilean ris an àird' an iar, agus ris an àirde tuath, agus ris an àirde deas, agus ris an àird' an ear, agus anhaire le d' shùilibh; oir cha téid thu thar Iordan so.

28 Ach thoir àithne do Iosua, agus thoir misneach dha, agus neartaich e: oir théid csan thairis roimh an t-sluagh so, agus bheir e orra am fearann sin a chi thusa, a shealbhadh mar oighreachd.

29 Mar sin ghabh sinn còmhuidh 's a' ghleann thall fa chomhair Bhetpeoir.

## CAIB. IV.

1 *Eavail chum àmhachd do lagh Dhé.* 41 *Eavail Maois air leth trì baillean dèidh air an taobh an ear de Iordan.*

**A** NIS uime sin éisd, O Israeil, ris na reachdaibh, agus ris na breitheanais, a *tha* mise a' teagasg dhuibh a dheanamh, a chum gu'm bi sibh beò, agus gu'n téid sibh a steach agus gu'n seallbaich sibh am fearann a bheir an Tighearn Dia bhur n-aithrichean dhuibh.

2 Cha chuir sibh a' bheag ris an fhocal a *tha* mise ag àithneadh dhuibh, ni mò a bheir sibh ni sam bith uath, a chum gu'n gléidh sibh àitheantan an Tighearna bhur Dé, a *tha* mise ag àithneadh dhuibh.

3 Chunnaic bhur sùilean ciod a rinn an Tighearn thaobh Bhaal-peoir: oir na daoine sin uile a lean Baal-peor, sgrios an Tighearn bhur Dia iad as bhur measg.

4 Ach *tha* sibhse a lean ris an Tighearn bhur Dia, beò gach aon agaibh air an là'n diugh.

5 Fench, theagaisg mi dhuibh reachdan agus breitheanais, eadhon mar a dh'àithn

an Tighearn mo Dhia dhomh, a chum gu'n deanadh sibhse mar sin anns an fhearann gus am bheil sibh a' dol g'a shealbhadh.

6 Uime sin gleidhibh agus deanaibh *iad*; oir *is* e so bhur ghlocas agus bhur tuigse ann an sealladh nan cinneach, a chluinnas na reachdan sin uile, agus a their, Gu cinnteach *is* sluagh glic agus tuigseach an cinneach mòr so.

7 Oir e e an cinneach *co* mhòr, aig *am bheil* Dia am fagus doibh, mar a *tha* 'n Tighearn ar Dia-ne 's na h-uile *nithibh* air son am bheil sinne a' gairm air?

8 Agus co an cinneach *co* mhòr, aig am bheil reachdan agus breitheanais *co* cheart ris an lagh so uile, a *tha* mise a' cur roimh-ibh air an là 'n diugh?

9 A mhàin thoir an aire dhuit féin, agus gléidh d'anam gu dìchiollach, air eagal gu'n dì-chuimhnich thu na nithean sin a chunnaic do shùilean, agus air eagal gu'n dealaich iad ri d' chridhe uile làithean do bheatha; ach teagaisg iad do d' mhic, agus do mhic do mhac:

10 *Gu h-àraidh* an là a sheas thu an làth-air an Tighearna do Dhé ann an Horeb, an uair a thubhairt an Tighearn riumsa, Tionail thugam an sluagh r'a chéile, agus bheir mi orra mo bhriathran a chluinntinn, a chum gu'm fòghlum iad eagal a ghabhail romham rè nan uile làithean a *bhios* iad beò air an talamh, agus gu'n teagaisg iad an clann.

11 Agus thàinig sibh am fagus, agus sheas sibh fo 'n t-sliabh; agus bha 'n sliabh a' losgadh le teine gu meadhon nèimh, maille ri duibhre, neoil, agus dubh dhorchadas.

12 Agus labhair an Tighearn ribh á meadhon an teine: chuala sibh guth nam briathran, ach coslas sam bith cha-n fhaca sibh; a mhàin *chuala* sibh guth.

13 Agus chuir e 'n céill duibh a choimhcheangal, a dh'àithn e dhuibh a choimhliadh, *eadhon* deich àitheantan; agus sgriobh e iad air dà chlàr chloiche.

14 Agus dh'àithn an Tighearn dhomhsa 's an àm sin, reachdan agus breitheanais a theagasg dhuibh, a chum gu 'n deanadh sibh iad anns an fhearann a théid sibh a null g'a shealbhadh.

15 Thugaibh uime sin an aire mhaith dhuibh féin, (oir cha-n fhaca sibh gné coslais sam bith anns an là *air* an do labhair an Tighearn ribh ann an Horeb, á meadhon an teine.)

16 Air eagal gu'n truaill sibh sibh féin, agus gu'n dean sibh dhuibh féin dealth snaidhte, coslas riochd air bith, coslas fir no mnà,

17 Coslas ainmhidh sam bith a *tha* air an talamh, coslas coin sgathaich air bith a dh'italaicheas 's an athar,

18 Coslas ni sam bith a shnàigeas air an



làr, coslas éisg air bith a *tha* 's na h-uisgibh fo'n talamh;

19 Agus air eagal gu'n tog thu suas do shùilean ri nèamh, agus an uair a chi thu a' ghrìan, agus a' ghealach, agus na reultan, *ghrìan* slòigh nèimh uile gu'n tairngear thu gu cromadh sìos dhoibh, agus gu aoradh a dhèanann dhoibh, a roinn an Tighearn do Dhia ris gach cinneach a tha fo nèamh uile.

20 Ach ghabh an Tighearn sibhse, agus thug e mach sibh as an àmhuinn iarunn, as an Eiphit, gu bhì 'n 'ur sluagh air son oighreachd dha féin, mar air an là 'n diugh.

21 Agus bha fearg aig an Tighearn riumsa air bhur sonsa, agus mhionnaich e nach rachaiun thar Iordan, agus nach rachaiun a steach do'n fhearann mhaith sin a *tha* 'n Tighearn do Dhia a' tabhairt duit mar oighreachd.

22 Ach is éigin domh bàs fhaotainn 's an fhearann so, cha téid mi thar Iordan; ach théid sibhse null, agus sealbhaichidh sibh am fearann maith sin.

23 Thugaibh an aire dhuibh féin, air eagal gu'n dì-chuimhnich sibh coimheachgal an Tighearna bhur Dé, a rinn e ribh, agus gu'n dean sibh dhuibh féin dealbh snaidhte, coslas *nì* air bith a thoirmisg an Tighearn do Dhia dhuit:

24 Oir is teine dian-loisgeach an Tighearn do Dhia; *is* Dia èudmhor e.

25 'N uair a ghineas tu clann, agus clann cloinne, agus a dh'fhanas sibh fada's an fhearann, agus a thruailleas sibh *sibh féin*, agus a nì sibh dealbh snaidhte, coslas *nì* sam bith, agus a nì sibh ole ann an sealladh an Tighearna do Dhé, agus a bhrosnaicheas sibh e gu feirg;

26 Gairmean nèamh agus talamh mar fhianuis 'n 'ur n-aghaidh air an là 'n diugh, gu'n tig léir-grios oirbh gu h-aithghearr as an fhearann a chum am bheil sibh 'dol thar Iordan g'a shealbhadh: cha bhunaich sibh bhur làithean ann, ach sgriosar sibh gu tur.

27 Agus sgapaidh an Tighearn sibh am measg nan cinneach, agus fàgar sibh tearc 'an àireamh am measg nan cinneach, far an toir an Tighearn sibh.

28 Agus an sin nì sibh seirbhis do dhiathaibh, obair làmhnan dhaoine, fiodh agus clach, nach faic, agus nach chuinn, agus nach ith, agus nach gabh faile.

29 Ach ma dh'iarras tu 'n Tighearn do Dhia as a sin amaisidh tu air, ma dh'iarras tu e le d' uile chridhe, agus le d'uile anam.

30 'N uair a bhitheas tu ann an àmhghar, agus a thig na nithean sin uile ort 's na làithibh deircannach, ma philleas tu chum an Tighearna do Dhé, agus ma bhitheas tu àmhghar d'a ghuth:

31 (Oir is Dia trèaireach an Tighearn do Dhia-sa,) cha tréig e thu, nì mò a sgrìosas

e thu, no dhì-chuimhnicheas e coimheachgal d'aithrichean, a mhionnaich e dhoibh.

32 Oir fiosraich a nis de na làithibh a chaidh seachad, a bha romhad, o'n là air an do chruthaich Dia an duine air an talamh, agus *fiosraich* o aon iomall de nèamh gus ant-iomall eile, an robh riamh *nì sam bith* ann mar an nì mòr so, no'n cualas *nì* cosmhui ris?

33 An cuala sluagh *sam bith* guth Dhé a' labhairt á meadhon an teine, mar a chuala tusa, agus an do mhair iad beò?

34 Nò 'n d'fheuch Dia ri dol gu cinneach a ghabhail da féin o mheasg cinnich *eile*, le dèuchainnibh, le comharaibh, agus le h-iongantasaibh, agus le cogadh, agus le làimh chumhachdaich, agus le gairdean sìnte mach, agus le h-uamhasaibh mòra, a réir nan uile nithean a rinn an Tighearn bhur Dia air bhur son 's an Eiphit fa chomhair bhur sùl?

35 Dhuitse nochdadh e, chum gu'm bith-eadh fios agad gur e 'n Tighearn *a's* Dia anu; cha-n *eil* ann ach e.

36 A nèamh thug e ort a ghuth a chluinntinn, a chum gu'n teagaisgeadh e thu; agus air talamh nochd e dhuit a theine mòr, agus chuala tu a bhriathran á meadhon an teine.

37 Agus a chionn gu'n do ghràdhaich e d'aithrichean, uime sin thagh e an sliochd 'n an déigh, agus thug e thusa mach 'n a shealladh, le 'chumhachd mòr, as an Eiphit;

38 A dh'fhuadachadh a mach chinneach romhad, a's mò agus a's cumhachdaiche na thusa, g'ad thoirt-sa stigh a thabhairt dhuit am fearainn 'n a oighreachd, mar air an là 'n diugh.

39 Bitheadh agad fios uime sin an diugh, agus thoir fainear ann ad chridhe, gur e 'n Tighearn *a's* Dia ann air nèamh shuas, agus air an talamh a bhos: cha-n *eil* ann ach e.

40 Gleidhidh tu uime sin a reachdan, agus àitheantan, a tha mise ag àithneadh dhuit an diugh, a chum gu'n éirich gu maith dhuit, agus do d' chloinn a'd' dhéigh, agus a chum gu 'm buanaich thu do làithean air an fhearann, a bheil an Tighearn do Dhia dhuit gu bràth.

41 An sin chuir Maois air leth trì bailtean air an taobh so de Iordan, leth ri éirigh na grèine;

42 A chum gu'n teicheadh am marbhaiche an sin, a mharbh a choimhearsnach gun fhios da, agus gun fhuath aige dha 's an aimsir a chaidh seachad; agus gu'n teicheadh e gu' h-aon de na bailtibh sin, agus gu maireadh e beò:

43 *Eadhon* Beser's an fhàsach, ann an dùth-aich a' chòmhnaird, de na Reubenich; agus Ramot ann an Gilead, de na Gadaich; agus Golan ann am Basan, de na Manasaich.

## DEUTERONOMI, V.

44 Agus *is* e so an lagh a chuir Maois roimh chloinn Israeil.

45 *Is* iad so na teisteis, agus na reachdan, agus na breitheanais, a labhair Maois ri cloinn Israeil, an uair a thàinig iad a mach as an Eiphit,

46 Air an taobh so de Iordan 's a' ghleann thall fa chomhair Bhet-peoir, ann an fear-*'ann* Shihoin rìgh nan Amorach, a *bha* 'chòmhnuidh ann an Hesbon, a bhuail Maois agus clann Israeil, an déigh dhoibh teachd a mach as an Eiphit:

47 Agus shealbhaich iad 'fhearann, agus fearann Og rìgh Bhasàin, dà rìgh nan Amorach, a *bha* air an taobh so de Iordan, leth ri éiridh na gréine;

48 O Aroer, a *tha* làimh ri bruaich sruth Arnoin, eadhon gu sliabh Shioin, a's e Hermon,

49 Agus an còmh-nard uile air an taobh so de Iordan a làimh na h-àird' an car, cadhonn gu muir a' chòmh-naird, fo thobraichibh Phisgah.

### CAIB. V.

1 *Aithris a' choimhcheangail a rinn Dia ri cloinn Israeil ann an Horeb.* 6 *Na deich àith-eantan.* 23 *Air iarrtus an t-sluaigh fhuais Maois an lagh o Dhia.*

**A**GUS ghairm Maois air Israel uile, agus thubhairt e riù, Eisd, O Israeil, ris na reachdaibh agus na breitheanais a labhras mi 'n ur cluasaibh air an là'n diugh, a chum gu'm fòghlum sibh iad, agus gu'n gleidh agus gu'n dean sibh iad.

2 Rinn an Tighearn ar Dia coimhcheangal ruinn ann an Horeb.

3 Cha d' rinn an Tighearn an coimhcheangal so r'ar n-àithrichean, ach ruinne, eadhon ruinne a *tha* uile beò an so air an là'n diugh.

4 Aghaidh ri h-aghaidh labhair an Tighearn ribh 's an t-sliabh, á meadhon an teine,

5 (Sheas mise eadar an Tighearn agus sibhshe 's an àm sin, a nochdadh dhuibh focail an Tighearna: oir bha eagal oirbh roimh an teine, agus cha deachaidh sibh suas do'n t-sliabh, ag ràdh,

6 *Is* mise an Tighearn do Dhia, a thug a mach thusa á tìr na h-Eiphit, á tigh na daorsa.

7 Na bitheadh dèe sam bith eile agad a'm' fhianuis.

8 Na dean dhuit féin dealbh snaidhte, no coslas air bith *dh'aon* *ni* a *tha* shuas air nèamh, no a *tha* shìos air an talamh, no a *tha* 's na h-uisgeachaibh fo 'n talamh.

9 Na crom thu féin sìos doibh, agus na dean seirbhis doibh: oir mise an Tighearn do Dhia, *is* Dia èudmhor *mi*, a' leantuinn aingidheachd nan aithrichean air a' chloinn, agus air an treas agus air a' cheathramh *ginealach* dhiubhsan a dh'fhuathaicheas mi,

10 Agus a' deanamh tròcair air mìlteibh

dhiubhsan a ghràdhaicheas mi, agus a ghleidheas m'aitheantan.

11 Na tabhair ainm an Tighearna do Dhé 'an dìomhanas: oir cha mheas an Tighearn neòchiontach *esan* a bheir ainm 'an dìomhanas.

12 Thoir an aire là na sàbaid a naomhachadh, mar a dh'àithn an Tighearn do Dhia dhuit.

13 Sè làithean saothraichidh tu, agus ni thu d'obair uile;

14 Ach *air* an t-seachdamh là *tha* sàbaid an Tighearna do Dhé: *air* an là so cha dean thu obair sam bith, thu féin, no do mhaic, no do nighean, no d'òglach, no do bhanoglach, no do dhàmh, no d'asal, no aon air bith de d' spréidh, no do choigreach a *tha* 'n taobh a stigh de d' gheataibh; a chum gu'n gabh d'òglach agus do bhanoglach fois co mhaith riut féin.

15 Agus cuimhnich gu'n robh thu féin a'd' sheirbhiseach ann an tìr na h-Eiphit, agus gu'n d'thug an Tighearn do Dhia mach as a sin thu, le làimh chumhachdaich agus le gáirdean sìnte mach: uime sin dh'àithn an Tighearn do Dhia dhuit an t-sàbaid a choinhead.

16 Tabhair urram do d'athair agus do d' mhàthair, mar a dh'àithn an Tighearn do Dhia dhuit; a chum gu'm buanaichear do làithean, agus gu'n éirich gu maith dhuit, 's an fhearann a bheir an Tighearn do Dhia dhuit.

17 Na dean mortadh.

18 Ni mò a ni thu adhaltrannas.

19 Ni mò a ghoideas tu.

20 Ni mò a bheir thu fianuis bhréige an aghaidh do choimhearsnaich.

21 Ni mò a mhiannaicheas tu bean do choimhearsnaich, ni mò a shanntaicheas tu tigh do choimhearsnaich, 'fhearann, no 'òglach, no 'bhanoglach, no 'dhàmh, no 'asal, no *ni* air bith a's le do choimhearsnach.

22 Na briathran sin labhair an Tighearn r'ur coimhthional uile 's an t-sliabh, á meadhon an teine, an neoil agus an dubh dhorchadais, *le* guth mòr; agus cha do chuir e tuilleadh ris: agus sgrìobh e iad air dà chlàr chloiche, agus thug e dhomhsa iad.

23 Agus an uair a chuala sibh an guth á meadhon an dorchadais, agus an t-sléibh a' losgadh le teine, an sin thàinig sibh am fagus dhomhsa, eadhon uile 'cheannardan bhur treubhan, agus bhur seanairean,

24 Agus thubhairt sibh, Feuch, dh' fhoillsich an Tighearn ar Dia dhuinn a ghlòir, agus a mhòrachd, agus chuala sinn a ghuth á meadhon an teine: chunnaic sinn an diugh gu'n labhair Dia ri duine, agus gu mair e beò.

25 A nis uime sin c'ar son a gheibheamaid bàs? Oir loisgidh an teine mòr so sinn. Ma chluinneas sinn guth an Tighearna ar Dé tuilleadh, an sin bàsaichidh sinn.



## DEUTERONOMI, VI.

26 Oir cò d'è'n uile fheoil a chuala guth an Dé bheò a' labhairt á meadhon an teine, mar a rinn sinne, agus a mhair beò?

27 Theirig-sa am fagus, agus éisd ris na h-uile nithibh a their an Tighearn ar Dia; agus labhair thusa ruinne gach *ni* a their an Tighearn ar Dia riut, agus éisdidh sinne ris, agus ni sinn e.

28 Agus chual' an Tighearn guth bhur briathran, 'n uair a labhair sibh rium: agus thubhairt an Tighearn rium, Chuala mi guth bhriathran an t-sluaigh so, a labhair iad riut: *is* maith a thubhairt iad gach ni a labhair iad.

29 O gu'm bitheadh an gnè cridhe so annta, gu'm bitheadh m'cagals' orra, agus gu'n gleidheadh iad m'aitheantan uile a ghnath, a chum gu'n éireadh gu maith dhoibh, agus d'an cloinu gu bràth!

30 Imich, abair riu, Rachaibh d'ur bùth-aibh a ris.

31 Ach do d' thaobhsa, scas an so làimh riumsa, agus labhraidh mi riut na h-aitheantan uile, agus na reachdan, agus na breitheanais, a theagaisgeas tu dhoibh, a chum as gu'n dean siad *iad* anns an fhearann a *tha* mise a' tabhairt dhoibh r'a shealbhachadh.

32 Bheir sibh an aire uime sin gu'n dean sibh mar a dh'aithn an Tighearn bhur Dia dhuibh: cha chlaon sibh a thaobh a chum na làimhe deise no clithe.

33 Anns gach slighe a dh'aithn an Tighearn bhur Dia dhuibh gluaisidh sibh, a chum gu'm bi sibh beò, agus *gu'n éirich* gu maith dhuibh, agus *gu'm* buanaich sibh *bhur* làithean anns an fhearann a shealbh-aicheas sibh.

### CAIB. VI.

1 *Is i ùmhlaich do thoil Dhé crìoch an lagha.*

3 *Earrail do'n t-sluagh chum na crìche so.*

**A**NIS *is* iad so na h-aitheantan, na reachdan, agus na breitheanais, a dh'aithn an Tighearn bhur Dia a theagasg dhuibh, a chum gu'n deanadh sibh *iad* 's an fhearann d'am bheil sibh a' dol g'a shealbhachadh:

2 A chum gu'm bitheadheagal an Tighearna do Dhé ort, gu'n gleidheadh tu a reachdan uile, agus 'aitheantau, a *tha* misc ag àithneadh dhuit, thu féin, agus do mhac, agus mac do mhic, uile làithean do bheatha, agus a chum gu'm buanaichear do làithean.

3 Eisd uime sin, O Israeil, agus thoir an aire gu'n dean thu *so*, a chum gu'n éirich gu maith dhuit, agus gu'm fàs sibh ro ìonmhor, mar a gheall an Tighearn Dia d'aitheichean dhuit, ann am fearann a *tha*' sruthadh le bainne agus mil.

4 Eisd, O Israeil: An Tighearn ar Dia-ne, *is* aon Tighearn e.

5 Agus gràdhaidh tu an Tighearn do Dhia le d' uile chridhe, *agus* le d' uile anam, agus le d' uile neart.

6 Agus bithidh na briathran so, a *tha* mi ag àithneadh dhuit an diugh, ann ad chridhe;

7 Agus teagaisgidh tu iad do d' chloinn, agus labhraidh tu orra 'n uair a shuidheas tu a'd' thigh, agus an uair a dh'imicheas tu air an t-slighe, agus an uair a luidheas tu sìos, agus an uair a dh'éireas tu suas.

8 Agus ceanglaidh tu iad mar chomharadh air do làimh, agus bithidh iad mar eudanain eadar do shùilibh.

9 Agus sgrìobhaidh tu iad air ursainnibh do thighe, agus air do gheataibh.

10 Agus an uair a bheir an Tighearn do Dhia thu do'n fhearann a mhionnaich e do d' aithrichean, do Abraham, do Isaac, agus do Jacob, gu'n tugadh e dhuit bailtean mòra agus maith, nach do thog thu féin.

11 Agus tighean làn de gach ni maith nach do lìon thu, agus tobraichean cladh-aichte nach do chladhaich thu, fion-liosan agus liosan-olaidh nach do shuidhich thu, 'n uair a dh'itheas tu agus a bhitheas tu air do shàsachadh;

12 *An sin* thoir an aire air eagal gu'n dì-chuimhnich thu an Tighearn, a thug a mach thu à tìr na h-Eiphit, à tigh na daorsa.

13 Bithidh eagal an Tighearna do Dhé ort, agus uì thu seirbhìs dha, agus mionnaichidh tu air 'ainm.

14 Cha téid sibh an déigh dhiathan eile, de dhiathaibh an t-sluaigh a *tha* mu'n cuairt oirbh;

15 (Oir *tha* 'n Tighearn do Dhia 'n a Dhia eudmhor 'n 'ur measg:) air eagal gu'n las fearg an Tighearna do Dhé a'd' aghaidh, agus gu'n sgrios e thu o aghaidh na talmhainn.

16 Cha bhrosnaich sibh an Tighearn bhur Dia, mar a bhrosnaich sibh e ann am Masah.

17 Gleidhidh sibh gu'dìchiollach àitheantan an Tighearna bhur Dé, agus a theisteis, agus a reachdan, a dh'aithean e dhuit.

18 Agus ni thu *an ni sin* a *tha* ceart agus maith ann an sealladh an Tighearna; a chum gu'n éirich gu maith dhuit, agus gu'n téid thu steach, agus gu'u sealbhaich thu an fearann maith a mhionnaich an Tighearn do d'aitheichean;

19 A thilgeadh a mach do naimhdean uile romhad, mar a labhair an Tighearn.

20 'N uair a dh'fhiosraicheas do mhac dhìot 's an aimsir ri teachd, ag ràdh, Cìod *a's ciall* do ua teisteaibh, agus do na reachdaibh, agus do ua breitheanasaibh a dh'aithean an Tighearn ar Dia dhuibh?

21 An sin thoir thu ri d' mhac, Bha sinn 'n ar tràillibh aig Pharaoh 's an Eiphit, agus thug an Tighearn a mach sinn as an Eiphit le làimh chumhachdaich.

22 Agus nochd an Tighearn comharan agus iongantasan mòra agus doilgheasach 's an Eiphit, air Pharaoh, agus air a theaghlach uile fa chomhair ar sùl;



23 Agus thug e mach sinn as a sin, a chum gu'n tugadh e sin a stigh, a thoirt dhuinn an fhearainn a mhionnaich e d'ar n-aithrichibh.

24 Agus dh'àithn an Tighearn dhuinn na reachdanasin uile a dheanamh, eagal an Tighearna ar Dé bhi oirn a chum ar maith a ghnàth, a chum gu'n gleidheadh e beò sinn, mar air an là'n dingh.

25 Agus bithidh e 'n a fhìreantachd dhuinn, ma bheir sinn faineas na h-àitheantan so uile a dheanamh, an làthair an Tighearna ar Dé, mar a dh'àithn e dhuinn.

### CAIB. VII.

1 *Uile chomh-chomunn ris na Cinnich air a thoirmneas, 4 air eagal gu'n tairngeadh siad iad gu h-ìodhol-àoradh.*

'N UAIR a bheir an Tighearn do Dhia thu stigh do'n fhearann a chum am bheil thu 'dol g'a shealbhachadh, agus a thilgeas e mach romhad mòran chinneach, na Hitich, agus na Girgasaich, agus na h-Amoraich, agus na Canaanaich, agus na Peridsich, agus na Hibhich, agus na Iebusaich, seachd cinnich a's mò agus a's cumhachdaiche na thusa;

2 Agus an uair a bheir an Tighearn do Dhia iad thairis a'd làthair, buailidh tu iad, agus cuiridh tu gu tur as doibh; cha dean thu coimhcheangal sam bith riu, ni mò a nochdas tu tròcair dhoibh:

3 Ni mò a ni thu cleamhnas riu; do nighean cha toir thu d'a mhacasan, ni mò a ghabhas tu a nighean-san do d' mhacas.

4 Oirionndaich iad do mhac o mise a lean-tuin, a chum gu'n dean iad seirbhis do dhiathan eile: mar sin lasaidh fearg an Tighearna 'n ur n-aghaidh, agus sgriosaidh e thu gu h-obann.

5 Ach mar so buinidh sibh riu: sgriosaidh sibh an altairean, agus brisidh sibh an dealbhan, agus gearraidh sibh sìos an doireachan, agus loisgidh sibh an coslais shnaidhte le teine.

6 Oir is sluagh naomh do'n Tighearn do Dhia thusa: thagh an Tighearn do Dhia thu gu bhi 'd' shluagh àraidh dha féin, os ceann gach sluagh a tha air aghaidh na talmhainn.

7 Cha do ghràdhaich an Tighearn sibh, ni mò a thagh e sibh, a chionn gu'n robh sibh ni bu lionmhoire na sluagh sam bith eile; (oir is sibh 'bu teirce de gach uile shluagh;)

8 Ach a chionn gu'n do ghràdhaich an Tighearn sibh, agus a chum gu'n gleidheadh e na miannan a mhionnaich e d'ur n-aithrichibh, thug an Tighearn mach sibh le làimh chumhachdaich, agus shaor e thu á thigh nan tràilleas, á làimh Pharaoh rìgh na h-Eiphit.

9 Bithcadh fios agad uime sin, an Tighearn do Dhia gur h-èsan Dia, an Dia fìrinneach, a chumas coimhcheangal agus tròcair riu-san

a ghràdhaicheas e, agus a ghlcidheas àitheantan, gu mìle ginealach;

10 Agus a dhiolas orrasan a dh'fhuathaicheas e, r'an eudainn, a chum an sgrios: cha dean e moille d'a thaobh-san aig am bheil fuath dha; diolaidh e air r'a eudann.

11 Gleidhidh tu uime sin na h-àitheantan, agus na reachdan, agus na breitheanais, a tha mi 'g àithneadh dhuit an diugh a dheanamh.

12 Uime sin, ma dh'èisdeas sibh ris na breitheanais sin, agus ma choimhideas agus ma ni sibh iad, cumaidh an Tighearn do Dhia riutsa an coimhcheangal agus an tròcair a mhionnaich e do d' aithrichibh.

13 Agus gràdhaichidh e thu, agus beannaichidh e thu, agus ni e lionmhor thu: mar an ceudna beannaichidh e toradh do bhronn, agus toradh d'fhearainn, d'arbhar, agus d'fhion, agus d'oladh, fàs do chruidh, agus treudan do chaorach, 's an fhearann a mhionnaich e do d' aithrichibh a thabhairt duit.

14 Bithidh tu beannaichte os ceann gach sluagh; cha bli firionnach no boirionnach neothorrach 'n ur measg, no measg bhuir spréidhe.

15 Agus bheir an Tighearn uait gach eucail, agus cha chuir e ort a h-aon air bith de dhroch ghalaraihb na h-Eiphit, a's aithne dhuit, ach cuiridh e iad orra-san uile le 'm fuathach thu.

16 Agus sgriosaidh tu an sluagh sin uile a bheir an Tighearn do Dhia thairis dhuit; cha ghabh do shùil truas riu: ni mò a ni thu seirbhis d'an diathan, oir bithidh sin 'n a ribe dhuit.

17 Ma their thu ann ad chridhe, *Is* mò na cinnich sin na mise, cionnus is urrainn mise an cur á seilbh?

18 Cha bhi eagal ort rompa; ach cuimhnichidh tu gu maith ciod a rinn an Tighearn do Dhia ri Pharaoh, agus ris na h-Eiphitich uile;

19 Na deuchainnean mòra a chunnaic do shùilean, agus na comharan, agus na h-iongantais, agus an làmh chumhachdach, agus an gairdean sìnte mach, leis an d'thug an Tighearn do Dhia mach thu: mar sin ni an Tighearn do Dhia ris an t-sluagh uile roimh am bheil eagal ort.

20 Os bàrr, cuiridh an Tighearn do Dhia an consbeach 'n am measg, gus am bi iad-san a dh'fhàgar, agus a dh'fholaicheas iad féin o d' ghnùis air an sgrios.

21 Cha bhi uamhann ort rompa; oir tha 'n Tighearn do Dhia 'n ur measg, Dia mòr, agus uamhasach.

22 Agus cuiridh an Tighearn do Dhia a mach na cinnich sin romhad a lion beagain is beagain: cha-n fheud thu an sgrios a dh'aon bheum, air eagal gu'n fàs fiadhbheathaichean na macharach lionmhor ort.

23 Ach bheir an Tighearn do Dhia iad

thairis duit, agus sgrìosaidh e iad le sgrìos mòr, agus an cuirear as doibh.

24 Agus bheir e an rìghrean thairis do d' làimh, agus sgrìosaidh tu an ainm o bhi fo nèamh: cha seas duine sam bith a'd aghaidh, agus an cuir thu as doibh.

25 Dealbhan snàidhte an diathan loisgidh sibh le teine: cha mhiannaich thu 'nt-airgid no 'n t-òr a tha orra, ni mò ghabhas tu e dhuit féin, air eagail gu'n ribear thu leis: oir is gràineileachd e do'n Tighearn do Dhia.

26 Ni mò bheir thu gràineileachd do d' thigh, air eagail gu'm bi thu a'd' ni mallaichte cosmhuil ris: ach bheir thu fuath iomlan da, agus gabhaidh tu gràin d'e gutur, oir is ni mallaichte e.

# CAIB. VIII.

1 *Earrail do chloinn Israeil gu'n tugadh iad gèill a dh' àitheantaibh Dhé, agus nach d' àith-nicheadh iad a mhairteas agus a fhreas-dal d' an taobh.*

**N**A h-àitheantan uile a tha mi ag àithneadh dhuit an diugh, bheir sibh an aire gu'n dean sibh iad, a chum gu'm bi sibh beò, agus gu'm fàs sibh lionmhor, agus gu'n téid sibh a stigh, agus gu'n sealbhaich sibh ann fearann, a mhionnaich an Tighearn d' ur n-aithrichibh.

2 Agus cuimhnichidh tu an t-slighe sin uile air an do threòraich an Tighearn do Dhia thu rè an dà fhichead bliadhna so anns an fhàsach, gu' d' irioslachadh, gu' d' dhearbhadh, a chum gu'm biodh fios cìod a bh' ann ad chridhe, an gleidheadh tu 'àitheantan, no nach gleidheadh.

3 Agus dh' irioslaich e thu, agus thug e ort ocras fhulang, agus bheathaich e thu le mana, (ni nach b' àithne dhuit féin, ni mò a b' àithne do d' aithrichibh e,) a chum gu'n tugadh e ort fios a bhi agad nach ann le h-aran a mha'n a bheathaichear duine, ach leis gach focal a thig a mach á beul an Tighearna bithidh duine beò.

4 Cha do chaitheadh d' eudach dhìot le h-aois, ni mò a dh' at do chos rè an dà fhichead bliadhna-sa.

5 Bheir thu mar an ceudna fainear ann ad chridhe, mar a smachdaicheas duine a mhaic, gur ann mar sin a tha 'n Tighearn do Dhia 'g ad smachdachadh-sa.

6 Uime sin gleidhidh tu àitheantan an Tighearna do Dhé, a chum gu'n gluais thu 'n a shligheibh, agus gu'm bi eagail-san ort.

7 Oir tha 'n Tighearn do Dhia 'g ad tha-bhairt gu fearann maith, fearann shruthan uisgeachan, thobraichean, agus dhòimhneachdan a tha 'g éirigh suas air feadh ghleann agus air feadh bheann;

8 Fearann cruithneachd, agus eòrna, agus fhìonairean, agus chraobhan figis, agus phomgranat, fearann laoidh na craoibh-olaidh, agus meala;

9 Fearann anns an ith thu aran gun

ghoinne, cha bhi uireasbhuidh ni sam bith ort ann; fearann aig am bheil a chlachan 'n an iarunn, agus as a bheanutaibh cladaichear umha.

10 'N uair a dh' itheas tu agus a shàsuichear thu, an sin beannaichidh tu an Tighearn do Dhia air son an fhearainn mhaith a thug e dhuit.

11 Thoir an aire nach d' àithneadh thu an Tighearn do Dhia, air chor as nach gléidh thu 'àitheantan, agus a bhreitheanais, agus a reachdan, a tha mise ag àithneadh dhuit an diugh:

12 Air eagail, an uair a dh' itheas tu, agus a shàsuichear thu, agus a thogas tu tighean maith, agus a chòmhnuaicheas tu anna;

13 Agus a dh' fhàsas do bhuar agus do chaoraich, agus a mheudaichear d' airgid agus d' òr, agus a mheudaichear gach ni a tha agad;

14 Gu'm bi an sin do chridhe an a thogail suas, agus gu'n d' àithneadh thu 'n Tighearn do Dhia, a thug a mach thu á tìr na h-Eiphit, agus á tigh na daorsa;

15 A threòraich thu troimh 'n fhàsach mhòr agus uamhasach sin, far an robh nathraichean loisgeach, agus scorpionan, agus ionadan tartmhor, far nach robh uisge; a thug a mach dhuit uisge as a' charraig aillbhinn;

16 A bheathaich thu 's an fhàsach le mana, nach b' àithne do d' aithrichibh, a chum gu'n irioslaicheadh e thu, agus gu'n dearbhadh e thu, a dheanamh maith dhuit ann ad làithibh deireannach;

17 Agus gu'n abair thu ann ad chridhe, Fhuair mo chumhachd, agus neart mo làimhe, an saobhbheas so dhomh.

18 Ach cuimhnichidh tu 'n Tighearn do Dhia: oir is esan a bheir comas dhuit beartas fhaghail, a chum gu'n daingnich e a choimhcheangal a mhionnaich e do d' aithrichibh, mar air an là'n diugh.

19 Agus tarlaidh, ma dh' àithneadh thu air chor sam bith an Tighearn do Dhia, agus gu'n gluais thu an deigh diathan eile, agus gu'n dean thu seirbhìs doibh, agus gu'n dean thu aoradh dhoibh, tha mi a' toirt fianuis 'n ur n-aghaidh an diugh, gu'n sgrìosar gu tur sibh.

20 Mar na cinnich a tha 'n Tighearn a' sgrìos roimh bhur gnàis, is amhuil sin a théid as duibhse; a chionn nach b' àill leibh a bhi ùmhail do ghuth an Tighearna bhur Dé.

# CAIB. IX.

*Tha Maois a' deanamh a dhèidh gu barail an t-sluaigh isleachadh a thaobh am fìr-antachd agus an ionracais féin, le'n ceannaire, an gearan, agus an easùmhachd a chur' an cuimhne dhoibh.*

**E**ISD, O Israeil: tha thu gu gabhail thar Iordan an diugh, gu dol a steach a shealbhadh chinneach a's mò agus a's



# DEUTERONOMI, IX.

treise na thu féin, bailtean mòra agus daingnichte suas gu nèamh;

2 Sluagh mòr agus àrd, clann nan Anacach, a's aithne dhuit, agus *mu'n* cual' thu *air a ràdh*, Cò a's urrainn seasamh roinhi chloinn Anaic?

3 Uime sin tuig thusa an diugh, gur e 'n Tighearn do Dhia an ti a théid thairis romhad 'n a theine caithreach: cuiridh esan as doibh, agus cuiridh e sìos iad a'd fhianuis: mar sin fògraidh tu mach iad, agus sgriosaidh tu iad gu grad, mar a thu-bhairt an Tighearn riut.

4 Na labhair ann ad chridhe, an déigh do'n Tighearn do Dhia an tilgeadh a mach romhad, ag ràdh, Air son m'fhìreantachd féin thug an Tighearn steach mi a shealbhadh an fhearainn so; ach air son aiugidheachd nan cinneach sin tha 'n Tighearn 'g am fògradh a mach o d' làthair.

5 Cha-n ann air son d'fhìreantachd, no air son ionracais do chridhe, tha thu 'dol a shealbhadh an fearainn; ach air son aiugidheachd nan cinneach sin tha 'n Tighearn do Dhia 'g am fògradh a mach o d' làthair-sa, agus a chum gu'n coimhlion e 'm focal a mhuinnach an Tighearn do d'aithrichibh, Abraham, Isaac, agus Iacob.

6 Tuig uime sin nach ann air son d'fhìreantachd-sa a *thà'n* Tighearn do Dhia a' toirt duit an fhearainn mhaith so r'a shealbhadh; oir *is* sluagh rag-mhuinealach thu.

7 Cuimhnich, na dì-chuimhnich cionnus a bhrosnachd thu 'n Tighearn do Dhia gu feirg's an fhàsach: o'n là 's an deachaidh tu mach à tìr na h-Eiphit, gus an d'thàinig sibh do'n àite so, bha sibh ceannairceach an aghaidh an Tighearna.

8 Mar an ceudna ann an Horeb bhrosnach sibh an Tighearn gu feirg, air chor as gu'n robh corruich air an Tighearn ribh, a chum bhrur sgrios.

9 'N uair a chaidh mise suas do'n t-sliabh a ghabhail nan clàr chloiche, *eadhon* clàir a' choimheangail a rinn an Tighearn ribh, an sin dh'fhan mi's an t-sliabh dà fhichead là agus dà fhichead oidhche; cha d'ith mi aran, ni mò dh'òl mi uisge:

10 Agus thug an Tighearn dhomh dà chlàr chloiche, sgrìobhta le meur Dhé; agus orra *bha sgrìobhta* réir nan uile bhriathran a labhair an Tighearn ribh 's an t-sliabh, a mceadhon an teine, ann an là a' chomh-chruinnecachaidh.

11 Agus tharladh, an ceann dhà fhichead là agus dhà fhichead oidhche, *gu'n* d'thug an Tighearn dhomhs' an dà chlàr chloiche, *eadhon* clàir a' choimheangail.

12 Agus thubhairt an Tighearn rium, Eirich, imich sìos gu luath as a so; oir thruaill do shluagh a thug thu mach as an Eiphit *iad féin*; chlaon iad gu grad o'n t-slighe a dhàithn mise dhoibh; rinn iad dhoibh féin dealbh leaghta.

13 A bhàrr air so, labhair an Tighearn rium, ag ràdh, Chunnaic mi an sluagh so, agus, feuch, *is* sluagh rag-mhuinealach iad.

14 Leig dhomh, a chum gu'n sgrios mi iad, agus gu'n dubh mi mach an ainm o bhi fo nèamh; agus ni mi dhòtsa cinneach a's cumhachdaiche agus a's mò na iadsan.

15 Mar sin phill mi, agus thàinig mi nuas o'n t-sliabh, agus bha 'n sliabh a' losgadh le teine: agus bha dà chlàr a' choimheangail a'm' dhà làimh.

16 Agus dh'amhairc mi, agus, feuch, bha sibh air peacachadh an aghaidh an Tighearna bhrur Dé, rinn sibh laogh leaghta dhuibh féin: bha sibh air tionndadh a thaobh gu grad as an t-slighe a dh'àithn an Tighearn dhuibh.

17 Agus ghlac mi an dà chlàr, agus thilg mi as mo dhà làimh iad, agus bhris mi iad fa chomhair bhrur sùl.

18 Agus thuit mi sìos 'am fianuis an Tighearna, mar air tùs, dà fhichead là agus dà fhichead oidhche; cha d'ith mi aran, ni mò dh'òl mi uisge, agus sin bhrur peacannan uile a pheacaich sibh, le olc a dheanamh ann an sealladh an Tighearna, 'g a bhrosnachadh gu feirg.

19 (Oir bha eagal na feirge orm, agus na ro-chorruich leis an robh an Tighearn feargach 'n ur n-aghaidh-sa chum bhrur sgrios.) Ach dh'éisd an Tighearn rium 's an àm sin mar an ceudna.

20 Agus bha ro-fhearg air an Tighearn ri h-Aaron a chum a sgrios: agus rinn mi urnuigh mar an ceudna air son Aaron 's an àm sin féin.

21 Agus ghabh mi bhrur peacadh, an laogh a rinn sibh, agus loisg mi e le teine, agus phronn mi e, agus mheil mi gu mìn e, *eadhon* gus an d'rinnadh mìn e mar dhuslach; agus thilg mi a dhuslach 's an t-sruth a thàinig a nuas o'n t-sliabh.

22 Agus aig Taberah, agus aig Masah, agus aig Cibrot-Hataabhab, bhrosnach sibh an Tighearn gu feirg.

23 Mar an ceudna, 'n uair a chuir an Tighearn sibh o Chades-barna, ag ràdh, Rachaidh suas, agus scalbhaichibh an fearann a thug mise dhuibh; an sin rinn sibh ceannairc an aghaidh àithne an Tighearna bhrur Dé, agus cha do chreid sibh e, ni mò dh'éisd sibh r'a ghuth.

24 Bha sibh ceannairceach an aghaidh an Tighearna o'n là a b'àithne dhomhsa sibh.

25 Mar so thuit mi sìos 'am fianuis an Tighearna dà fhichead là agus dà fhichead oidhche, mar a thuit mi sìos *air tùs*; a chionn gu'n dubhairt an Tighearn gu'n sgriosadh e sibh.

26 Uime sin rinn mi urnuigh ris an Tighearn, agus thubhairt mi, Ó Thighearna Dhé, na sgrios do shluagh féin, agus d'oghreachd, a shaor thu trid do mhòrachd, a



## DEUTERONOMI, X, XI.

thug thu mach as an Eiphit le làimh chumh-  
achdaich.

27 Cuimhnich do sheirbhisich, Abraham, Isaac, agus Jacob; na h-amhaire air reasgachd an t-sluaigh so, no air an aingidheachd, no air am peacadh;

28 Air eagal gu'n abair am fearann as an d'thug thu mach sinn, A chionn nach b'urrainn an Tighearn an toirt a steach do'n fhearann a gheall e dhoibh, agus a chionn gu'n robh fuath aige dhoibh, thug e mach iad g'am marbhadh 's an fhàsach.

29 Gidheadh *is* iad do shluagh iad, agus d'oghreachd, a thug thu mach le d' threun neart, agus le d' ghairdean sìnte mach.

### CAIB. X.

1 *Maithreas agus trèacair Dhé air an nochdadh le dà chlàr an Lagha ath-nuadhachadh. 8 Treubh Lebhi air a cur air leth, &c.*

**S**AN àm sin thubhairt an Tighearn rium, Snaidh dhuit féin dà chlàr chloiche cosmhail ris na ceud chlàir, agus thig a nìos a'm' ionnsuidh-sa do'n t-sliabh, agus dean dhuit àire fhiodha.

2 Agus sgrìobhaidh mise air na clàir na focail a bh'air na ceud chlàir a bhris thu, agus cuiridh tu iad 's an àire.

3 Agus rinn mi àire de fhiodh sitim, agus shnaidh mi dà chlàr chloiche cosmhail ris na ceud chlàir, agus chaidh mi suas do'n t-sliabh, agus an dà chlàr a'm' làimh.

4 Agus sgrìobh e air na clàir a réir a' cheud sgrìobhaidh, na deich àitheantan, a labhair an Tighearn ribh 's au t-sliabh, á meadhon an teine, ann an là a' chomh-chruinneachaidh: agus thug an Tighearn iad dhomhsa.

5 Agus phill mise, agus thàinig mi nuas o'n t-sliabh, agus chuir mi na clàir 's an àire a rinn mi, agus an sin tha iad, mar a dh'àithn an Tighearn dhomh.

6 Agus dh'imich clann Israeil o Bherot chloinn Iaacain gu Mosera: an sin fhuair Aaron bàs, agus dh'adhlacaidh e an sin; agus fhrithheil Eleasar a mhac ann an dreuchd an t-sagairt 'n a àite.

7 As a sin dh'imich iad gu Gododah, agus o Ghudgodah gu Iotbat, fearann shruthan uisge.

8 'S an àm sin chuir an Tighearn air leth treubh Lebhi, a ghiùlan àire coimheachan-gail an Tighearna, a sheasamh an làthair an Tighearna gu frithalachd dha, agus a bheannachadh 'n a ainm, gus an là'n diugh.

9 Uime sin cha-n'eil aig Lebhi roinn no oighreachd maille r'a bhràithribh; *is* e 'n Tighearn a's oighreachd dha, a réir mar a gheall an Tighearn do Dhia dha.

10 Agus dh'fhan mi 's an t-sliabh, a réir na ceud ùine, dà fhichead là agus dà fhichead oidhche, agus dh'éisd an Tighearn rium mar an ceudna 's an àm sin, agus cha bu toil leis an Tighearn thusa a sgrìos.

11 Agus thubhairt an Tighearn rium, Eir-

ich, imich roimh 'n t-sluagh, a chum gan téid iad a steach, agus gu'n sealbhaich iad am fearann, a mhìonnaich mi d'an aithrichibh gu'n tugaian doibh.

12 Agus a nis, Israeil, ciod a tha 'n Tighearn do Dhia ag iarraidh ort, ach eagal an Tighearna do Dhé a bhli ort, gluasad 'u a uile shlighibh, agus a ghràdhachadh, agus seirbhis a dheanamh do'n Tighearn do Dhia le d' uile chridhe, agus le d' uile anam;

13 Aitheantan an Tighearna a ghlèidheadh, agus a reachdan, a tha mise ag aithneachd dhuit an diugh air son do leas?

14 Feuch, *is* leis an Tighearn do Dhia nàmh, agus nàmh nan nàmhnan, an talamh mar an ceudna, agus gach nì a tha ann.

15 A mhàin bha tlachd aig an Tighearn a'd' aithrichibh g'an gràdhachadh, agus thagh e 'n sliochd 'n an deigh, eadhon sibhse os ceann gach sluaigh, mar air an là'n diugh.

16 Timchioll-ghearraibh uime sin roimh-chroicinn bhur cridhe, agus na bithidh rag-mhuinealach nì's mò.

17 Oir an Tighearn bhur Dia, *is* esan Dia nan Dia, agus Tighearn nan Tighearn, Dia mòr, cumhachdach, agus uamhasach, aig nach 'eil bàigh ri neach seach a chéile, agus nach gabh duais.

18 Tha e a' cur 'an gnìomh breitheanais an dilleachdain agus na bantraich, agus is toigh leis an coigreach, a' toirt dha bìdh agus eudaich.

19 Uime sin gràdhaichidh sibh an coigreach; oir bha sibh féin 'n ur coigrich ann an tìr na h-Eiphit.

20 Bithidh eagal an Tighearna do Dhé ort; dhàsan ni thu seirbhis, agus ris-san dlùth-leanaidh tu, agus air 'ainm mìonnaichidh tu.

21 *Is* esan do chliu, agus *is* esau do Dhia, a rinn air do shon na nithean mòr' agus uamhasach ud, a chunnaic do shùilean.

22 Le trì fichead agus deich anamanna chaidh d'aithrichean sìos do'n Eiphit; agus a nis rinn an Tighearn do Dhia thu mar reulta nèimh a thaobh lìonmhoireachd.

### CAIB. XI.

1 *Earail do'n t-sluagh gu gèilleachdainn do lagh Dhé. 8 Dhoibh-san a bhios ùimhal dha tha sochairnan mòra air an gealltainn. 26 Tha beannachadh agus mallachadh air an cur fa'n comhair.*

**A**IR an aobhar sin gràdhaichidh tu 'n Tighearn do Dhia, agus gleidhidh tu a chìram, agus a reachdan, agus a bhreitheanais, agus àitheantan a ghnàth.

2 Agus bitheadh fios agaibhse an diugh: oir nì 'n labhran r'ur cloinn do nach b'àithne, agus nach faca smachdachadh an Tighearn' bhur Dé, a mhòrachd, a làmh chumhachdach, agus a ghairdean sìnte mach,

3 Agus a chomharan, agus a ghuimharan, a rinn e ann am meadhon na h-Eiphit, ri

Pharaoh rìgh na h-Eiphit, agus r' a fhearann uile;

4 Agus ciod a rinn e ri armailt nan Eiphiteach, r'an eich, agus r'an carbadaibh; cionnus a thug e air uisge na mara ruaidhe dol tharta 'n uair a bha iad 'an tòir oirbh, agus cionnus a sgrios an Tighearn iad gus an là'n diugh;

5 Agus ciod a rinn e dhuibhse 's an fhàsach, gus an d'fhàinig sibh do'n àite so;

6 Agus ciod a rinn e ri Dan agus Abiram mic Eliab, mhic Reubein; cionnus a dh'fhosgail an talamh a bheil, agus a shluig e sìos iad, agus an teaghlachian, agus am bùthan, agus a' mhaoin uile a bha 'n an seilbh, 'am meadhan Israèil uile.

7 Ach chunnaic bhur suilean-sa gnìomh-aran mòra an Tighearn' uile, a rinn e.

8 Uime sin gleidhidh sibh na h-àitheantan sin uile a tha mi ag àithneadh dhuibh air an là'n diugh, a chum gu'm bi sibh làidir, agus gu'n tèid sibh a stigh agus gu'n sealbhaich sibh am fearann, gus am bheil sibh a' dol g'a shealbhachadh;

9 Agus gu'm bunaich sibh bhur làithean anns an fhearann a mhionnaich an Tighearn d'ur u-aithrichibh gu'n tugadh e dhoibh e, agus d'an sliochd, fearann a tha 'sruthadh le bainne agus mil.

10 Oir cha-n'eil am fearann d'am bheil thu 'dol a stigh g'a shealbhachadh, mar fhearann na h-Eiphit, o'n d'fhàinig sibh a mach far an robh thu 'cur do shìl, agus g' a uisgeachadh le d' chois, mar lios lus an:

11 Ach am fearann gus am bheil sibh a' dol g'a shealbhachadh, is fearann bheann agus ghleann e: de fhrasachd nèimh òlaidh e uisge:

12 Fearann d'am bheil an Tighearn do Dhia a' gabhail cùraim: tha suilean an Tighearna do Dhé air a ghnàth, o thoiseach na bliadhna eadhon gu deire na bliadhna.

13 Agus tarlaidh, ma dh'éisdeas sibh gu dùrachdach ri m' àitheantaibh's, a tha mi ag àithneadh dhuibh air an là'n diugh, an Tighearn bhur Dia a ghràdhachadh, agus seirbhis a dheanamh dha le'r n-uile chridhe, agus le'r n-uile anam;

14 Gu'n toir mise dhuibh uisge bhur fearainn 'n a deim fèin, an ceud uisge, agus an t-uisge deireannach, agus cruinnichidh tu stigh d'arbhar, agus d'fhion, agus d'oladh.

15 Agus cuiridh mi feur a'd' mhachair do d' spréidh, agus ithidh tu, agus sàsaichear thu.

16 Thugaibh an aire dhuibh fèin, air eagal gu meallair bhur cridhe, agus gu'n claon sibh a leth-taobh, agus gu'n dean sibh seirbhis do dhiathan eile, agus gn'n dean sibh aoradh dhoibh;

17 Agus gu'n las fearg an Tighearna 'n ur n-aghaidh, agus gu'n druid e suas nèamh, air chor as nach bi uisge sam bith ann, agus nach toir am fearann a thoradh uait,

agus gu'n sgriosar gu grad sibh as an fhearann mhaith a tha 'n Tighearn a' tabhairt duibh.

18 Uime sin taisgidh sibh suas iad so mo bhriathra 'n ur cridhe, agus 'n ur n-anam, agus ceanglaidh sibh iad mar chomharadh air bhur làimh; agus bithidh iad mar eud-anain eadar bhur suilean.

19 Agus teagaisgidh sibh iad d'ur cloinn, a' labhairt orra 'n uair a shuidheas tu a'd' thigh, agus an uair a dh'imicheas, tu air an t-slighe, agus an uair a luidheas tu sìos, agus an uair a dh'éircas tu suas.

20 Agus sgriobhaidh tu iad air ursainnean doruis do thighe, agus air do gheataibh:

21 A chum gu'm bi bhur làithean lionmhor, agus làithean bhur cloinne, 's an fhearann a mhionnaich an Tighearn d'ur n-aithrichibh a thoirt doibh, mar làithean nèimh air an talamh.

22 Oir ma ghleidheas sibh gu dùrachadh na h-àitheantan so uile a tha mise ag àithneadh dhuibh a dheanamh, an Tighearn bhur Dia a ghràdhachadh, gluasad 'n a uile shligheibh, agus dlùth-leantuinn ris;

23 An sin-tigidh an Tighearn a mach na cinnich sin uile roimhibh, agus sealbhaichidh sibh cinnich a's mò agus a's cumhachdaiche na sibh fèin.

24 Gach àit air an saltair buinn bhar cos, is leibhse: o'n fhàsach agus Lebanon, o'n amhainn, an amhainn Euphrate, eadhon gus an fhaighe a's faide mach, bithidh bhur crìoch.

25 Cha seas duine 'n ur n-aghaidh: air gach fearann air an saltair sibh, cuiridh an Tighearn bhur Dia eagal agus geilt-chrith roimhibh, a réir mar a thubhairt e ribh.

26 Feuch, tha mise a' cur fa'r comhair air an là'n diugh beannachadh agus mallachadh;

27 Beannachadh, ma bheir sibh géill a dh'àitheantaibh an Tighearna bhur Dé, a tha mi ag àithneadh dhuibh air an là'n diugh;

28 Agus mallachadh, mur toir sibh géill a dh'àitheantaibh an Tighearna bhur D, ach gu'n claon sibh o'n t-slighe a tha mi ag àithneadh dhuibh an diugh, a dhol an déigh dhiathan eile, nach b'àithne dhuibh.

29 Agus tarlaidh, 'n uair a bheir an Tighearn do Dhia thu stigh do'n fhearann d'am bheil thu' dol g'a shealbhachadh, gu'n cuir thu am beannachadh air sliabh Gheridsim, agus am mallachadh air sliabh Ebal.

30 Nach 'eil iad air an taobh eile de Iordan, leth ri sliaghe dol fodha na gréine, ann an tìr nan Canaanach, a tha 'g àiteachadh a' chòmhnaird fa chomhair Ghilgail, làimh ri còmhnardaibh Mhoreh?

31 Oir théid sibh thar Iordan, a dhol a stigh a shealbhachadh an fhearainn a tha 'n Tighearn bhur Dia a' tabhairt duibh, agus sealbhaichidh sibh e, agus gabhaidh sibh còmhnuidh ann.



32 Agus bheir sibh an aire gu'n dean sibh na reachdan uile agus na breitheanais, a tha mi 'cur roimhibh air an là 'n diugh.

CAIB. XII.

1 *Ailean-aoraidh agus altairean nan ìodhol gu bhì air an sgrìos. 5 An t-ionad anns an deanar seirbhis do Dhia gu bhì air a choimhead naomh. 16. 23 Fuil air a toirmeasg.*

**I**S iad so na reachdan agus na breitheanais a bheir sibhse fainear gu'n dean sibh 's an fhearann a tha 'n Tighearna, Dia d'aithrichean, a' toirt duit g'a shealbhadh, uile làithean bhur beatha air an talamh.

2 Léir-sgrìosaidh sibh na h-àiteachan uile anns an d'rinn na cinnich a shealbhaicheas sibh seirbhis d'an diathaibh, air na beannaibh àrda, agus air na cnocaibh, agus fo gach craoibh ghhlais.

3 Agus leagaidh sibh sòs an altairean, agus brisidh sibh an carraighean, agus loisgidh sibh an doireachan le teine, agus gearraidh sibh sòs dealbhan snaidhte an diathan, agus sgrìosaidh sibh an ainm a mach as an àite sin.

4 Cha dean sibh mar sin ris an Tighearna bhur Dia.

5 Ach a dh'ionnsuidh an àite a ròghnaicheas an Tighearna bhur Dia as bhur treubhan uile, chum 'ainm a chur an sin, *eadhan* a dh'ionnsuidh 'àite-còmhnuidh-sa' iarraidh sibh, agus gu sin thig thu.

6 Agus bheir sibh gu sin bhur tabhartais-loisgte, agus bhur n-ìobairtean, agus bhur deachamh, agus tabhartais-thogta bhur làimhe, agus bhur bòidean, agus bhur saor-thabhartais, agus ceud-ghin bhur cruidh agus bhur caorach.

7 Agus ithidh sibh an sin an làthair an Tighearna bhur Dé, agus ni sibh gairdeachas anns gach ni ris an cuir sibh bhur làmh, sibh féin agus bhur teaghlach, anns an do bheannaich an Tighearna do Dhia thu.

8 Cha dean sibh a réir nan uile *nithean* a tha sinn a' deanamh an so an diugh, gach duine an ni a tha ceart 'n a shùilibh féin.

9 Oir cha d'fhàinig sibh fatlast a dh'ionnsuidh na foise, agus a dh'ionnsuidh na h-oighreachd a tha 'n Tighearna bhur Dia, a' tabhairt duibh.

10 Ach an uair a thèid sibh thar Iordan, agus a ghabhas sibh còmhnuidh 's an fhearann a bheir an Tighearna bhur Dia dhuibh r'a shealbhadh, agus an uair a bheir e fois dhuibh o'r naimhaidibh uile mn'n cuairt, agus a ghabhas sibh còmhnuidh gu tèarainte.

11 An sin bithidh àit ann a thaghas an Tighearna bhur Dia, a thoirt air 'ainm còmhnuidh a ghabhail ann: gu sin bheir sibh na h-uile nithean a tha mise ag àithneadh dhuibh; bhur tabhartais-loisgte, agus bhur n-ìobairtean, bhur deachamh, agus tabhartais-thogta bhur làimhe, agus taghadh bhur

bòidean uile a bhòidicheas sibh do'n Tigh-earn.

12 Agus ni sibh gairdeachas an làthair an Tighearna bhur Dé, sibh féin, agus bhur mic, agus bhur nigheanan, agus bhur n-òglaich, agus bhur banòglaich, agus an Lebhithreach a tha 'n taobh a stigh d'ur geataibh; do bhrìgh nach 'eil roinn no oighreachd aige maille ribh.

13 Thoir an aire dhuit féin, nach ìobair thn d'ìobairtean-loisgte anns gach àit a chi thu.

14 Ach anns an àit a thaghas an Tighearna as aon de d' treubhan, an sin ìobraidh tu d'ìobairtean-loisgte, agus an sin ni thu na h-uile ni a tha mise ag àithneadh dhuit.

15 Gidheadh, feudaidh tu feoil a mharbhadh agus itheadh a'd' gheataibh uile, ge b'e ni air am bheil miann aig d'anam, a réir beannachaidh an Tighearna do Dhé a thng e dhuit: feudaidh an neòghlan agus an glan itheadh dh'e; mar d'e'n bhoc-earba, agus d'e'n fhiadh.

16 A mhàin cha-n ith sibh an fhuil; air an talamh dòirtidh sibh i mar uisge.

17 Cha-n fheud thu deachamh d'arbhair itheadh an taobh a stigh de d' gheataibh, no d'fhiona, no d'olaidh, no ceud-ghin do chruidh no do chaorach, no h-aon air bith de d' bhòidibh a bhòidicheas tu, no de shaor-thabhartais, no tabhartais-thogta do làimhe:

18 Ach an làthair an Tighearna do Dhé ithidh tu iad anns an àit a thaghas an Tighearna do Dhia, thn féin, agus do mhac, agus do nighean, agus d'òglach, agus do bhanoglach, agus an Lebhithreach a tha 'n taobh a stigh de d' gheataibh: agus ni thn gairdeachas an làthair an Tighearna do Dhé anns gach ni ris an cuir thn do làmh.

19 Thoir an aire dhuit féin nach tréig thn an Lebhithreach am feadh is beò thu air d'fhearann.

20 'N uair a lendaicheas an Tighearna do Dhia do chrìoch, mar a gheall e dhuit, agus a their thn, Ithidh mi feoil, (a chionn gu bheil d'anam a' miannachadh feoil itheadh,) a réir uile mhiann d'anama fendaidh tu feoil itheadh.

21 Ma bhitheas an t-àit a thagh an Tighearna do Dhia a chur 'ainme an sin, ro fhada uait; an sin marbhaidh tu de d'bhuar, agus de d' threud, a thug an Tighearna dhuit, mar a dh'àithn mise dhuit, agus ithidh tu an taobh a stigh de d' gheataibh gach ni is miannach le d'anam.

22 Eadhon mar a dh'ithear an ruadh-bhoc, agus am fiadh, mar sin ithidh tu e: ithidh an neòghlan agus an glan d'e air an aon dòigh:

23 A mhàin thoir an ro-aire nach ith thu 'n fhuil: oir 's 'n fhuil a' bheatha; agus cha-n fheud thu a' bheatha itheadh maille ris an fheoil.



24 Cha-n ith thu i; air an talamh dòirtidh tu i mar uisge.

25 Cha-n ith thu i, chum gu'n éirich gu maith dhuit, agus do d' chloinn a'd' dhéigh, 'n uair a nì thu *an nì a tha* ceart ann an sùilbhan an Tighearna.

26 A mhàin gabhaidh tu do nithean naomha a tha agad, agus do bhòidean, agus théid thu do'n àit a thaghas an Tighearna.

27 Agus iobraidh tu d'ìobairtean-loisgte, an fheoil agus an fhuil, air altair an Tighearna do Dhé; agus dòirtear a mach fuil d'ìobairtean air altair an Tighearna do Dhé, agus ithidh tu 'n fheoil.

28 Thoir an aire, agus éisd ris na briathraibh sin uile a *tha* mi ag àithneadh dhuit, a chum gu'n éirich gu maith dhuit féin, agus do d' chloinn a'd' dhéigh gu bràth, an uair a nì thu *an nì a tha* maith agus ceart ann an sùilbhan an Tighearna do Dhé.

29 'N uair a ghearras an Tighearna do Dhia as na cinnich romhad, a tha thu' dol a steach an sud a chum an seallbhachadh, agus a thig thu 'n an àite, agus a ghabhas tu còmhnuidh 'n am fearann;

30 Thoir an aire dhuit féin nach ribear thu le'n leantuinn, an déigh dhoibh bhì air an sgrios as do làthair, agus nach fiosraich thu mu thimcheall an diathan, ag ràdh, Cionnus a rinn na cinnich sin seirbhis d'an diathaibh? nì mise mar sin mar an ceudna.

31 Cha dean thusa mar sin ris an Tighearna do Dhia: oir gach gràineileachd do'n Tighearna a's fuathach leis, 'rinn iadsan d'an diathaibh; oir eadhon am mic agus an nigh-eanan loisg iad 's an teine d'an diathaibh.

32 Gach nì a *tha* mise ag àithneadh dhuibh, thugaibh an aire gu'n dean sibh e: cha chuir thu ris, nì mò bheir thu nì sam bith ruithe.

### CAIB. XIII.

1 *Clackar gu bàs iadsan a mheallas daoine gu dol an déigh dhiathan eile, 6 ged a robh iad fagus 'an dàimh dhuit.* 12 *Cha chaomhnar na bailtean anns am bi ìodhol-aoradh.*

**M**A dl'èireas suas 'n ur measg fàidh, no fear a chi aisling, agus gu'n toir e dhuit comharadh no iongantas,

2 Agus gu'n tig an comharadh no'n t-iongantas gu crìch, air an do labhair e riut, ag ràdh, Rachamaid an déigh dhiathan eile, nach b'aithne dhuit, agus deanamaid seirbhis doibh:

3 Cha-n éisd thu ri briathraibh an fhàidh sin, no ris an fhear sin a chi aisling: oir tha 'n Tighearna bhuir Dia 'g 'ur dearbhadh, a dh'fheuchainn am bheil sibh a' gràdhachadh an Tighearna bhuir Dé le'r n-uile chridhe, agus le'r n-uile anam.

4 An déigh an Tighearna bhuir Dé gluaisidh sibh, agus bithidh 'eagal-san oirbh, agus gleidhidh sibh 'aithteantan, agus éisdidh sibh r'a ghuth, agus nì sibh seirbhis da, agus dlùth-leanaidh sibh ris.

5 Agus cuir car am fàidh sin, no am fear

sin a chi aisling, gu bàs; a chionn gu'n do labhair e chum *sibhse* chur air seacharan o'n Tighearna bhuir Dia, a thug a mach sibh á tìr na h-Eiphit, agus a dh'fhuasgail sibh á tigh na daorsa, chum d'iomain a mach as an t-slighe anns an d'aithn an Tighearna do Dhia dhuit imeachd; mar sin cuiridh tu air falbh an t-ole as do mheadhon.

6 Ma chuireas do bhràthair, mac do mhàthar, no do mhaic féin, no do nighcan, no bean-phòsda d'uchd, no do charaid, a *tha dhuit* mar d'anam, impidh ort ann an uaigneas, ag ràdh, Rachamaid agus deanamaid seirbhis do dhiathan eile, nach b'aithne dhuit féin, no do d'aithrichibh;

7 *Eadhon* do dhiathan nan cinneach a *tha* mu'n cuairt oirbh, am fagus duit, no fada uait, o'n *dara* ceann de'n talamh eadhon gus an ceann *eile* de'n talamh;

8 Cha-n aontaich thu leis, nì mò a dh'èisdeas tu ris; nì mò a ghabhas do shùil truas ris, nì mò a chaomhnas no'cheileas tu e:

9 Ach cuiridh tu gu cinnteach gu bàs e; bithidh do làmh féin an tùs air g'a mharbhadh, agus an déigh sin làmh an t-sluaigh uile.

10 Agus clachaidh tu e le clachaibh, a chum gu'm bàsaich e; a chionn gu'n d'iarr e do tharruing o'n Tighearna do Dhia, a thug a mach thu á tìr na h-Eiphit, á tigh na daorsa.

11 Agus cluinidh Israel uile, agus bithidh eagal orra, agus cha dean iad nì's mò a leithid so de ghuimh aingidh 'n 'ur measg.

12 Ma chluinneas tu ann an aon de d'bhailtibh a thug an Tighearna do Dhia dhuit gu còmhnuidh a ghabhail ann, *neach air bith* ag ràdh,

13 Chaidh daoine *àraidh*, clann Bheliail, a mach as bhuir measg, agus bhuair iad luchd-àiteachaidh am baile, ag ràdh, Rachamaid agus deanamaid seirbhis do dhiathaibh eile, nach b'aithne dhuibh;

14 An sin fiosraichidh tu agus rannsaichidh tu, agus fèdraichidh tu gu dùrachdach; agus, feuch, *ma's* fìrinn e, agus gu'm bheil a' chùis dearbhta, *gu'n* do rinneadh a' ghràineileachd sin 'n ur measg;

15 Gu cinnteach buaidh tu luchd-àiteachaidh a' bhaile sin le faobhar a' chlaidheimh, 'g a sgrios gu tur, agus gach nì a *tha* ann, agus a spréidh, le faobhar a' chlaidheimh.

16 Agus cruinnichidh tu a chreach uile gu meadhon a shràide, agus loisgidh tu le teine am baile, agus a chreach uile gu h-iomlan, air son an Tighearna do Dhé: agus bithidh e 'n a thòrr a chaidh; cha togar suas e nì's mò.

17 Agus cha lean ri d' làimh-sa a' bheag de'n nì mhallaichte; a chum gu'm pill an Tighearna o lasair 'fheirge, agus gu nochd e tròcair dhuit, agus gu'n dean e iochd riut, agus gu'n toir e ort fàs lionmhòr, mar a mhuonnaich e do d'aithrichibh:

18 'N uair a dh'éisdeas tu ri guth an Tigh-carna do Dhé, a ghleidheadh 'aitheantan uile a *tha* mi ag àithneadh dhuit an diugh, a dheanamh an *nì a tha* ceart ann an sùilbha an Tighearna do Dhé.

CAIB. XIV.

1 *Cha ghearr agus cha lom clann Dhé iad féin, an uair a nì iad bròn air son mairbh.* 3 *Na beathaichean a dh'fheadar itheadh, agus nach feudar.*

**I**S sibhse clann an Tighearna bhuir Dé: cha ghearr sibh sibh féin, ni mò a nì sibh lomadh *air bith* eadar bhuir sùilean air son mairbh:

2 Oir *is* sluagh naomh thu do'n Tighearna do Dhia, agus thagh an Tighearna thu gu ohì a'd' shluagh sònraichte dha féin, thar gach uile chinneach a *tha* air aghaidh na talmhainn.

3 Cha-n ith thu ni gràineil sam bith.

4 Is iad so na beathaichean a dh'itheas sibh: an damh, a' ehaora, agus a' ghabhar,

5 Am fiadh, agus an ruadh-bhoc, agus an dathais, agus a' ghabhar fhiadhaich, agus an t-earr-ghéal, agus an damh fiadhaich, agus an somer.

6 Agus gach beathaeh a roinneas an ionga, agus a sgoilteas sgoltadh an dà ionga, agus a chnàmhas a' ehir, an measg nan ainmhidhean, sin ithidh sibh.

7 Gidheadh, iad so cha-n ith sibh dhiubhsan a chnàmhas a' ehir, no dhiubhsan a roinneas an ionga sgoilte, mar an eamhal, agus a' mhaigheach, agus an coimean; oir enàmhaidh iad a' ehir, ach cha roinn iad an ionga: neòghlan *tha* iad dhuibh.

8 Agus a' mhue, a ehionn ged a roinneas i 'n ionga, naeh enàmh i a' ehir, *tha* i neòghlan dhuibh: d'am feoil eha-n ith sibh, agus r'an eairbh cha bhean sibh.

9 Iad so ithidh sibh dhiubhsan uile a *tha* 's na h-uisgeaehaibh: gach ni air am bheil itean agus lannan, ithidh sibh;

10 Agus gach ni air naeh 'eil itean agus lannan, eha-n ith sibh: *tha* e neòghlan dhuibh.

11 Gach eun glan ithidh sibh.

12 Aeh *is* iad so *iadsan* de naeh ith sibh: an iolair, agus an enàmh-bhristeach, agus an iolar-uisge,

13 Agus an croman-goblach, agus an elamhan, agus am fang a réir a ghnè,

14 Agus gach fitheach a réir a ghnè,

15 Agus a' chailleach-oidhehe, agus an t-seabhag-oidhehe, agus a' ehuaeh, agus an t-seabhag a réir a ghnè,

16 Agus a' ehailleach-oidhehe bheag, agus a' ehailleach-oidhehe mhòr, agus an eala,

17 Agus am peliean, agus an iolair fhionn, agus an sgarbh,

18 Agus a' ehorra-bhàn, agus a' ehorra-ghlas a réir a ghnè, agus an t-adharcan-luachrach, agus an ialtag.

19 Agus *tha* gach ni snàigeach a dh'iteal-

aiehas, neòghlan dhuibh: eha-n ithear iad.

20 Gach eun glan ithidh sibh.

21 Cha-n ith sibh ni sam bith a bhàsaicheas dheth féin: bheir thu e do'n ehoigreach a *tha* 'n taobh a stigh de d' gheataibh, ehum gu'n ith se e, no reic e ris an eilthir-each: oir *is* sluagh naomh thu do'n Tighearna do Dhia. Cha bhrueh thu meann ann am baimne a mhàthar.

22 Bheir thu seachad gu ceart deachamh uile ehinneis do shìl, a bheir am fearaun uait a bhladhna gu bliadhna.

23 Agus ithidh tu 'm fianuis an Tighearna do Dhé, 's an àit a thaghas e ehum 'ainm a ehur an sin, deachamh d'arbhair, d'fhiona, agus d'olaidh, agus eud-ghin do ehruidh, agus do chaorach; a ehum gu fòghlum thu eagal an Tighearna do Dhé a bhi ort a ghnàth.

24 Agus ma bhios an t-slighe ro fhada dhuit, air chor as nach urrainn thu a ghiulan, a ehionn an t-àite bhi fada uait, a thaghas an Tighearna do Dhia a chur 'ainme an sin, an uair a bheannaicheas an Tighearna do Dhia thu;

25 An sin ni thu airgid d'e, agus ceanglaidh tu suas an t-airgid a'd' làimh, agus theid thu ehum an àit a thaghas an Tighearna do Dhia:

26 Agus bheir thu an t-airgid sin air son gach ni a mhiannaicheas d'anam, air son buair, no air son ehaorach, no air son fiona, no air son dibhe làidir, no air son gach ni a mhiannaicheas d'anam: agus ithidh tu an sin an làthair an Tighearna do Dhé, agus ni thu gairdeachas, thu féin, agus do theaghlach.

27 Agus an Lebhitheach a *tha* 'n taobh a stigh de d' gheataibh, eha tréig thu e: oir eha-n'eil roinn no oighreachd aige maille riut.

28 Aig crìoch thri bliadhna bheir thu maeh uile dheachamh do chinneis air a' bhladhna sin féin, agus taisgidh tu suas e an taobh a stigh de d' gheataibh:

29 Agus thig an Lebhitheach, (a chionn nach 'eil roinn no oighreachd aige maille riut,) agus an eoirgeach, agus an dilleachdan, agus a' bhantrach, a *tha* 'n taobh a stigh de d' gheataibh, agus ithidh iad, agus sasuiehar iad; a ehum gu'm beannaieh an Tighearna do Dhia thu ann an uile oibribh do làimhe a ni thu.

CAIB. XV.

1 *An seachdamh bliadhna 'n a bliadhna fuasglaidh do'n bhochd.* 7 *Bheirear dha air iasachd, agus builichear air an nì a tha dh'easbhuidh air.*

**A**N ceann *gach* seachd bliadhna ni thu fuasgladh.

2 Agus *is* e so modh an fhuasglaidh: Gach fear fiacha a bheir *nì sam bith* air iasachd d'a choimhearsnach, fuasglaidh se e; cha-n



iarr e air ais e o 'choimhearsnach no o bhràthair, a chionn gu'n goirear fuasgladh an Tighearna dh'e.

3 O eilthreach feudaidd tu 'iarraidh air ais; ach *an nì* a's leat féin a tha aig do bhràthair, fuasglaidh do làmh e:

4 Ach a mhàin an uair nach bi uireasbhuidheach sam bith 'n 'ur measg: oir beannaichidh an Tighearn gu mòr thu 's an fhearann a tha 'n Tighearn do Dhia a' toirt dhuit *mar* oighreachd, r'a shealbhadh:

5 A mhàin ma dh'éisdeas tu gu dùrachdach ri guth an Tighearna do Dhé, a thoirt an aire gu'n dean thu na h-àitheantan so uile a *tha* mi 'g àithneadh dhuit air an là'n diugh.

6 Oir beannaichidh an Tighearn do Dhia thu, mar a gheall e dhuit: agus bheir thu air iasachd do mhòran chinneach, ach cha ghabh thu air iasachd; agus bithidh uachdaranachd agad air mòran chinneach, ach eha bhi uachdaranachd aca-san ort-sa.

7 Ma bhios 'n 'ur measg duine bochd, aon de d' bhràthribh, an taobh a stigh de aon de d' gheataibh, ann ad fhearann a *tha* 'n Tighearn do Dhia a' tabhairt duit, cha ehruaidhich thu do chridhe, ni mò a dhruideas tu do làmh o d' bhràthair bochd; 8 Ach fosglaidh tu do làmh gu farsaing dha, agus gu cinnteach bheir thu air iasachd dha ni's leòr air son 'fheuma, *de'n nì* a tha dh' easbhuidh air.

9 Thoir an aire nach bi smuain a'd' chridhe aingidh, ag ràdh, Tha 'n t-seachdamh bliadhna, bliadhna an fhuasglaidh, am fagus: agus gu'm bi do shùil ole an aghaidh do bhràthar bochd, agus nach toir thu 'bheag dha, agus gu'n glaoth e ris an Tighearn a'd' aghaidh, agus gu'm bi e 'n a pheacadh dhuit.

10 Bheir thu dha gu deimhin, agus cha bhi doilgheas air do chridhe 'n uair a bheir thu dha; a chionn air son an nì so gu'm beannaich an Tighearn do Dhia thu a'd' oibrigh uile, agus anns gach ni ris an cuir thu do làmh.

11 Oir cha bhi 'n tìr a chaidh gun bhochd: uime sin tha mi 'g àithneadh dhuit, ag ràdh, Fosglaidh tu do làmh gu farsaing do d' bhràthair, do d' bhochd, agus do d' uireasbhuidheach, a'd' dhùthaich.

12 Ma reicear riut do bhràthair Eabhruidheach, no Ban-Eabhruidheach, agus gu'n dean e seirbhis duit sé bliadhna; an sin anns an t-seachdamh bliadhna leigidh tu leis dol saor uait.

13 Agus an uair a chuireas tu e mach saor uait, cha ehuir thu air falbh e falaunh:

14 Bheir thu dha gu pailt as do threud, agus á d' urlar, agus á d' fhion-amar; *as na nithibh sin* leis an do bheannaich an Tighearn do Dhia thu, bheir thu dha.

15 Agus euimhnichidh tu gu'n robh thu féin a'd' thràill ann an tìr na h-Eiphit; agus

shaor an Tighearn do Dhia thu: uime sin *tha* mi ag àithneadh so dhuit an diugh.

16 Ach ma their e riut, Cha-n fhalbh mi uait; (a chionn gur toigh leis thu agus do thigh, do bhrìgh gu bheil e gu maith agad;)

17 An sin gabhaidh tu minidh, agus cuiridh tu troimh a chluais e anns an dorus, agus bithidh e 'n a sheirbhiseach dhuit gu bràth: agus mar an ceudna ri d' bhanoghaich ni thu mar sin.

18 Na measar e cruaidh leat, an uair a chuireas tu uait saor e; oir bha e dà uair co mhaith *dhuitse* ri seirbhiseach tuarasdail, le seirbhis a dheanamh dhuit sé bliadhna: agus beannaichidh an Tighearn do Dhia thu anns gach ni a ni thu.

19 Gach ceud-ghin fìrionn a bheirear am measg do chruidh, agus am measg do threud, naomhaichidh tu do'n Tighearn do Dhia: cha dean thu obair sam bith le ceud-ghin do mhairt, ni mò a lomas tu ceud-ghin do ehaorach.

20 'Am fianuis an Tighearna do Dhé ithidh tu e o bhliadhna gu bliadhna, 's an ionad a thaghas an Tighearn, thu féin agus do theaghlach.

21 Agus ma bhios gaoid *sam bith* ann, erùbaiche, no doille, no droch ghaid sam bith, eha-n iobair thu e do'n Tighearn do Dhia.

22 An taobh a stigh de d' gheataibh ithidh tu e; *ithidh* an glan agus an neòghlan comh-ionnan *d'e*, mar *de'n* ruadh-bhoc, agus mar *de'n* fhiadh.

23 A mhàin 'fhuil cha-n ith thu: air an talamh dòirdidh tu i mar uisge.

# CAIB. XVI.

1 Féil na càise, 9 nan seachdain, 13 nam pàillun. 16 Na tabhartaisa bheirear seachad.

15 Mu bhreithheamhaibh agus mu cheartas.

21 Doireachan agus ìomhaighean air an toirmeasg.

**C**OIMHID mìos Abib, agus eumaidh tu a' chàisg do'n Tighearn do Dhia: oir 's a' mhìos Abib thug an Tighearn do Dhia thu mach as an Eiphit 's an oidheche.

2 Uime sin iobraidh tu a' chàisg do'n Tighearn do Dhia, de'n treud agus de'n bhuair, 's an ionad a thaghas an Tighearn chum 'ainm a chur an sin.

3 Cha-n ith thu aran goirtichte sam bith leatha: seachd Ràitean ithidh tu aran neo-ghoirtichte leatha *eadh* aran àmhghair; (oir le cabhaig thàinig thu mach á tìr na h-Eiphit;) a chum gu'n euimhnich thu 'n là air an d' thàinig thu mach á tìr na h-Eiphit, uile Ràitean do bheatha.

4 Agus cha-n fhaicear agad *aran* goirtichte a'd' chrìocheaibh uile rè sheachd Ràitean: ni mò a mhaireas a *bheag* de'n fheoil a dh' iobras tu air feasgar 's a' cheud là, rè na h-oidheche gu maduinn.

5 Cha-n fheud thu a' chàisg iobraidh an



taobh a stigh de aon air bith de d' gheataibh, a bheir an Tighearn do Dhia dhuit:

6 Ach aig an àit a thaghas an Tighearn do Dhia a chur 'ainme ann, an sin iobraidh tu a' chàisg air feasgar, aig dol foidhe na gréine, 's an àm anns an d'thàinig thu mach as an Eiphit.

7 Agus ròistidh agus ithidh tu 'i' 's an àit a thaghas an Tighearn do Dhia: agus pillidh tu 's' a' mhaduinn, agus théid thu do d' bhùthaibh.

8 Sè làithean ithidh tu *aran* gun ghoirt-eachadh; agus air au t-seachdamh là *bithidh* àrd chomhehrinneachadh do'n Tighearn do Dhia: cha dean thu obair sam bith air.

9 Seachd seachduinean àirneidh tu dhuit féin: o'n àm 's an tòisich thu air a' chorrann a chur 's an arbhar, tòisichidh tu air na seachd seachduinean àireamh.

10 Agus cumaidh tu féill nan seachduin do'n Tighearn do Dhia, le tiodhlac saorthoil thabhartais do làimhe, a bheir thu *seachad* a réir mar a bheannaich an Tighearn do Dhia thu.

11 Agus ni thu gairdeachas 'an làthair an Tighearna do Dhé, thu féin, agus do mhac, agus do nighean, agus d'òglach, agus do bhanoglach, agus an Lebhithreach a *tha* 'n taobh a stigh de d' gheataibh, agus an coigreach, agus an dilleachdan, agus a' bhantrach, a *tha* 'n 'ur measg, 's an ionad a thagh an Tighearn do Dhia a chur 'ainme ann.

12 Agus cuimhmichidh tu gu'n robh thu féin a d' thràill 's an Eiphit: agus coimhididh tu, agus ni thu na reachdan so.

13 Cumaidh tu féill nam pàilliu seachd làithean an déigh dhuit d'arbhar a chruinneachadh a stigh, agus d'fhion.

14 Agus ni thu gairdeachas a d' fhéill, thu féin, agus do mhac, agus do nighean, agus d'òglach, agus do bhanoglach, agus an Lebhithreach, agus an coigreach, agus an dilleachdan, agus a' bhantrach, a *tha* 'n taobh a stigh de d' gheataibh.

15 Seachd làithean cumaidh tu féill àraidh do'n Tighearn do Dhia, 's an ionad a thaghas an Tighearn: a chionn gu'm beannaich an Tighearn do Dhia thu a d' chinneas uile, agus ann an oibrìbh do làmh uile; uime sin ni thu gu deimhin gairdeachas.

16 Tri uairean 's a' bhliadhna taisbeinear d'fhirionnaich uile 'an làthair an Tighearna do Dhé, 's an ionad a thaghas e; ann am féill an arain neo-ghoirtichte, agus ann am féill nan seachduin, agus ann am féill nam pàilliu: agus cha taisbeinear iad an làthair an Tighearna falamh.

17 Bheir gach duine *seachad* mar is urrainn e, a réir beannachaidh an Tighearna do Dhé, a thug e dhuit.

18 Breitheamhnan, agus uachdarain ni thu

dhuit féin an taobh a stigh de d' gheataibh uile, a bheir an Tighearn do Dhia dhuit, air feadh do threubh: agus bheir iad breth air an t-sluagh le ceart bhrèith-eanas.

19 Cha dean thu breitheanas fhiaradh; cha bhi bàigh agad ri neach seach a chéile, ni mò a ghabhas tu tiodhlac: oir dallaidh an tiodhlac sùile nan daoine glic, agus fìaraidh e briathran nan ionracan.

20 An ni sin a tha uile-cheart leanaidh tu, a chum gu'm bi thu beò, agus gu'n sealbhaich thu 'm fearann a *tha* an Tighearn do Dhia a' tabhairt dhuit.

21 Cha suidhich thu dhuit féin doire chraobhan sam bith làimh ri altair an Tighearna do Dhé, a ni thu dhuit féin.

22 Ni mò a chuireas tu suas dhuit féin dealbh *sam bith*, ni a's fuathach leis an Tighearn do Dhia.

## CAIB. XVII.

1 *Feumaidh gach ni a dh'ìobrar a bhi fallain.*

2 *Cuirrear luchd òrdhol-aoraidh gu bàs. 14 Taghadh agus dheasdanas rèigh.*

CHA'N ìobair thu do'n Tighearn do Dhia tarbh, no caora, anns am bheil gaoid, no mi-mhaise sam bith: oir is gràineileachd sin do'n Tighearn do Dhia.

2 Ma gheibhear 'n 'ur measg, an taobh a stigh de aon de d' gheataibh a bheir an Tighearn do Dhia dhuit, fear no bean a rinn aingidheachd ann an sùilbh an Tighearna do Dhé, le 'choimhcheangal a bhriseadh,

3 Agus gu'n deachaidh e agus gu'n d'rinn e seirbhis do dhiathaibh eile, agus gu'n d'rinn e aoradh dhoibh, aon chuid do'n ghrèin, no do'n ghealach, no do uile armailt nèimh, nach d'àithn mise;

4 Agus gu'n d'innseadh dhuit e, agus gu'n cuala tu e, agus gu'n do rannsaich thu gu maith, agus, feuch, *gur fìor e, agus gu* bheil a' chùis deirbhte, *gu'n* do rinneadh a' ghràineileachd sin ann an Israel;

5 An sin bheir thu mach am fear sin no a' bhean sin, a rinn an ni aingidh sin, chum do gheatachan, *eadhon* am fear sin no a' bhean sin, agus clachaidh tu iad le clachaibh gus am bàsaich iad.

6 Aig beul dà fhianuis, no thrì fhianuis-ean, cuirar gu bàs ean a tha toillteanach air bàs: cha chuirear gu bàs e aig beul aon fhianuis.

7 Bithidh làmhan nam fianuisean air an toiseach, g'a chur gu bàs; agus 'n a dhéigh sin làmhan an t-sluagh uile: mar siu cuiridh tu 'n t-òle air falbh o bhrù measg.

8 Ma dh'éireas cùis a bhios ro chruaidh ort ann am breitheanas, cadar fuil agus fuil, eadar breth agus breth, agus eadar buille agus buille, *eadhon* cùisean conspoid an taobh a stigh de d' gheataibh; an sin

éiridh tu, agus théid thu suas do'n ionad a thaghas an Tighearn do Dhia:

9 Agus thig thu chum nan sagart, nan Lebhitheach, agus a chum a' bhreitheimh a bhios anns na làithibh sin, agus fiosraichidh tu; agus nochdaidh iad dhuit focal a' bhreitheanais:

10 Agus ni thu a réir na breithe a nochdas muintir an àite sin (a thaghas an Tighearn) dhuit, agus bheir thu 'n aire gu'n dean thu a réir gach ni a theagaisgeas iad duit:

11 A réir breth an lagha a theagaisgeas iad duit, agus a réir a' bhreitheanais a dh'imneas iad duit, ni thu: cha chlaon thu o'n bheith a nochdas iad duit, a chum na làimhe deise no na làimhe clithe.

12 Agus an duine a ni gu h-anndana, agus nach éisd ris an t-sagart, a shicasas gu frithealadh an sin an làthair an Tighearna do Dhé, no ris a' bhreitheamh, bàsaichidh eadhon an duine sin, agus cuiridh tu 'n t-olc air falbh o Israel.

13 Agus chuinnidh an sluagh uile, agus bithidh eagal orra, agus cha dean iad gu h-anndana ni's mò.

14 'N uair a thig thu chum an fhearainn a bheir an Tighearn do Dhia dhuit, agus a shealbhaicheas tu e, agus a ghabhas tu còmhnuidh ann, agus a their thu, Cuiridh mi rìgh os mo cheann, mar na cinnich uile a tha mu'n cuairt orm:

15 Cuiridh tu air gach aon chor esan 'n a rìgh os do cheann a thaghas an Tighearn do Dhia; aon o mheasg do bhràithrean cuiridh tu 'n a rìgh os do cheann: cha-n fheadh thu coigreach a chur os do cheann, nach 'eil 'n a bhràthair dhuit.

16 Ach cha chuir e eich 'an lìonmhoireachd dha féin, ni mò a bheir e air an t-sluagh piltinn do'n Eiphit, a chum gu'n cuir e eich 'an lìonmhoireachd: do bhrìgh gu'n dubhairt an Tighearn ribh, Cha phill sibh á so a mach ni's mò air an t-slighe sin.

17 Ni mò a chuireas e mnathan 'an lìonmhoireachd dha féin, a chum nach claon a chridhe air falbh; ni mò a mheudaicheas e gu mòr dha féin airgid agus òr.

18 Agus an uair a shuidheas e air rìgh-chaitlir a rìoghachd, an sin ath-sgrìobhaidh e dha féin an lagh so ann an leabhar, as an leabhar sin a tha 'n làthair nan sagart, nan Lebhitheach.

19 Agus bithidh e aige, agus leughaidh e ann uile làithean a bheatha; chum gu fòghlum e eagal an Tighearn a Dhé a bhi air, uile bhriathran an lagha so a ghlicidheadh, agus na reachdan so, chum an deanamh:

20 A chum nach bi 'chridhe air a thogail suas os ceann a bhràithrean, agus nach claon e o'n àithne chum na làimhe deise no na làimhe clithe; air chor as gu'm buanaich e a làithean 'n a rìoghachd, e féin agus a chlann 'am meadhan Israeil.

1 *Is e'n Tighearn oighreachd nan sagart agus nan Lebhitheach.* 15 *Eisdear ris an Fhàidh cosmhuil ri Maoris, a bha Dia gus a thogail suas 'n an measg.*

**C**HA bhi aig na sagartaibh, na Lebhithich, eadhon uile thréibh Lebhi, roinn sam bith no oighreachd maille ri h-Israel: ithidh iad tabhartais an Tighearna a bheircar suas le teine, agus 'oighreachd-san.

2 Uime sin cha bhi oighreachd sam bith aca ann measg am bràithrean: is e 'n Tighearn féin an oighreachd, mar a thubhairt o riu.

3 Agus is e so dlìghe nan sagart o'n t-sluagh, uatha-san a dh'ìobras iobairt, ma's tarbh no caora e; agus bheir iad do'n t-sagart an slinnean, agus na gialan, agus a' mhaodail.

4 *Mar an ceudna* ceud thoradh d'arbhair, d'fhiona, agus d'olaidh, agus ceud lomradh do chaorach bheir thu dha:

5 Oir thagh an Tighearn do Dhia e mach as do threubhan uile, gu seasamh chum frithealaidh ann an ainm an Tighearna, e féin agus a mhic gu bràth.

6 Agus ma thig Lebhitheach o h-aon de d' gheataibh a mach á h-Israel uile, far am bheil e air chuairt, agus ma thig e le uile thogradh 'inntinn do'n ionad a thaghas an Tighearn;

7 An sin fritheilidh e ann an ainm an Tighearna a Dhé, mar a bhràithrean uile na Lebhithich, a tha 'n an seasamh an sin an làthair an Tighearna.

8 Bithidh air uiread ri 'chéile r'a ithcadh, a bhàrr air na thig air o reiceadh a chuid duine-cloinne.

9 'N nair a thig thu do'n fhearann a tha 'n Tighearn do Dhia a' tabhairt duit, cha-n fhòghlum thu 'dheanamh a réir gràineileachd nan cinneach sin.

10 Cha-n fhaighear 'n ur measg neach air bith a bheir air a mhac, no air a nighinn dol troimh 'n teine, no a ghnàthaicheas fiosachd, no speuradair, no fear-faistineachd, no a ghnàthaicheas droch innleachdan,

11 No seunadair, no neach a dh'fhiosraicheas de leannan-sìth, no druidd, no neach a dh'iarras eòlas o na maibh.

12 Oir is gràineileachd do'n Tighearn iad-san uile a ni na nithean sin; agus air son nan gràineileachd sin, tha'n Tighearn do Dhia 'g am fuadachadh a mach romhad.

13 Bithidh tusa còmhlianta maille ris an Tighearn do Dhia.

14 Oir dh'éid na cinnich sin a shealbhaicheas tusa ri speuradairibh, agus ri fios-aichibh: ach air do shonsa, cha do leig an Tighearn do Dhia leat mar sin a dheanamh.

15 Togaidh an Tighearn do Dhia suas fàidh dhuit o d' mheadhou féin, o d' bhràithreibh, cosmhuil riumsa; ris-san éisdidh sibh;

16 A rìgh rìgh uile nithean a dh'iarr thu



o'n Tighearn do Dhia ann an Horeb, ann an là a' chomhchruinncachaidh, ag ràdh, Na cluinneamsa ris guth an Tighearna mo Dhé, agus na faiceam an teine mòr so nìs mò, a chum nach bàsaich mi.

17 Agus thubhairt an Tighearn riumsa, Is maith a labhair iad an nì a labhair iad.

18 Togaidh mise suas fàidh dhoibh o mheasg am bràithrean, cosmhuil riutsa, agus cuiridh mi mo bhriathran 'n a bheul, agus labhradh e ri gach nì a dh'àithneas mi dha.

19 Agus tarlaidh, an duine nach éisd ri m' bhriathraibhse a labhras e a'm' ainm, iarraidh mi uaidh e:

20 Ach am fàidh aig am bi 'dhànadas focal a labhairt a'm' ainm, nach d'àithn mise dha a labhairt, no a labhras annan ainm dhiathan eile, gu cinnteach bàsaichidh am fàidh sin.

21 Agus ma their thu ann ad chridhe, Cionnus a dh'àithnichas sinn am focal nach do labhair an Tighearn?

22 'N uair a labhras fàidh ann an ainm an Tighearna, mur tachair an nì, agus mur tig e gu crìch, is e sin an nì nach do labhair an Tighearn; gu h-anndana labhair am fàidh e: cha bhi eagal ort roimhe.

# CAIB. XIX.

1 *Na baillean dèidin.* 16 *Peanas fianuis bhréige.*

'N UAIR a ghearras an Tighearn do Dhia as na cinnich, aig an robh am fearann a tha 'n Tighearn do Dhia a' tabhairt duit, agus a thig thu 'n an àit, agus a ghabhas tu còmhnuidh 'n am bailtibh, agus 'n an tighibh;

2 Cuiridh tu air leth dhuit féin trì bailtean am meadhan d'fhearainn, a bheir an Tighearn do Dhia dhuit r'a shealbhachadh.

3 Deasaichidh tu dhuit féin slighe, agus roinnidh tu crìoch d'fhearainn a bheir an Tighearn do Dhia dhuit r'a shealbhachadh, 'n an trì earrannaibh, a chum gu feud gach marbhaiche teicheadh an sin.

4 Agus is e so còir a' mharbhaiche, a theicheas an sin, a chum gu'm bi e beò: Ge b'e a mharbhas a choimhearsnach gun fhios da, do nach robh fuath aige roimhe:

5 Mar a tha 'n uair a theid duine maille r'a choimhearsnach do'n choille a ghearradh fiodha, agus a bheir a làmh buille leis an tuaidh a ghearradh sìos na craoibhe, agus a leumas an ceann bhàrr na coise, agus a thuiteas e air a choimhearsnach, air chor as gu'm bàsaich e; teichidh e chum aoin de na bailtibh sin, agus bithidh e beò:

6 Air eagal gu'n lean dioghaltair na fola am marbhaiche, am feadh 's a tha 'chridhe teth, agus gu'm beir e air, a chionn gu bheil an t-slighe fada, agus gu marbh se e, ged nach robh e toilleannach air bàs, do bhrìgh nach robh fuath aige dha 's an àm a chaidh seachad.

7 Uime sin tha mi ag àithneadh dhuit, ag

ràdh, Cuiridh tu air leth dhuit féin trì bailtean.

8 Agus ma leudaicheas an Tighearn do Dhia do chrìoch, mar a mhionnaich e do d'aithrichibh, agus ma bheir e dhuit am fearann uile a gheall e thoirt do d'aithrichibh;

9 Ma bheir thu an aire na h-àitheantan sin uile a dheanamh, a tha mise ag àithneadh dhuit an diugh, an Tighearn do Dhia a ghràdhachadh, agus gluasad a ghnàth 'n a shligheibh; an sin cuiridh tu air leth dhuit féin trì bailtean eile thuilleadh air an trì sin;

10 A chum nach dòirtear fuil neòchiontach a'd' fhearann, a bheir an Tighearn do Dhia dhuit mar oighreachd, agus nach bi *mar sin* fuil ort.

11 Ach ma tha aig duine sam bith fuath d'a choimhearsnach, agus gu'n luidh e 'm folach air a shon, agus gu'n éirich e suas 'n a aghaidh, agus gu'm buail e gu marbhtach e, air chor as gu'm faigh e bàs, agus gu'n teich e gu h-aon de na bailtibh sin;

12 An sin cuiridh seanairean a' bhaile féin *nos* uatha, agus bheir iad as a sin e, agus bheir iad thairis e do làmh dioghaltair na fola, a chum gu'm bàsaich e.

13 Cha ghabh do shùil truas ris: ach cuiridh tu air falbh *cionta* fola neò-chiontach o Israell, a chum gu'n éirich gu maith dhuit.

14 Cha-n atharraich thu crìoch *fearainn* do choimhearsnaich, a shuidhich na sinuisir a'd' oighreachd a shealbhacheas tu, anns an fhearann a bheir an Tighearn do Dhia dhuit r'a shealbhachadh.

15 Cha-n éirich aon fianuis a *mhàin* suas an aghaidh duine air son euceirt sam bith, no air son peacaidh sam bith, ann am peacadh sam bith a pheacaicheas e: aig beul dà fhianuis, no aig beul thri fhianuis-ean daingnichear a' chùis.

16 Ma dh'éireas fianuis bhréige suas an aghaidh duine sam bith, a thoirt fianuis 'n a aghaidh air an euceirt;

17 An sin seasaidh an dithis dhaoine aig *am bheil*, an connasachadh, 'am fianuis an Tighearn, an làthair nan sagart, agus nam breitheamhan a bhitheas anns na làithibh sin:

18 Agus nì na breitheamhan rannsachadh geur; agus, feuch, *màs* fianuis bhréige an fhianuis, agus gu'n d'thug e fianuis bhréige an aghaidh a bhràthar,

19 An sin nì sibh ris, mar a shaoil esan a dheanamh r'a bhràthair: mar sin cuiridh tu air falbh an t-olc as bhuir measg.

20 Agus cluinidh iadsan a mhaireas, agus bithidh eagal orra, agus cha dean iad o sin a mach a' shamhuil so de ole 'n 'ur measg.

21 Agus cha ghabh do shùil truas: *ach* *théid* anam air son anama, sùil air son sùla,



## DEUTERONOMI, XX, XXI.

fiacail air son fiacla, làmh air son làimhe, cos air son coise.

### CAIB. XX.

1 *Brosnachadh catha an t-sagairt do'n t-sluagh.*  
12 *Mar a bhuinear ris na bailtibh a ghabhas no 'dhiùllas tairgsean sìthe.* 16 *N'a bailtean a bha gu bhì air an sgrios.*

'N UAIR a théid thu mach gu cath an aghaidh do naimhdean, agus a chli thu eich agus carbaid, agus sluagh a's lionmhoire na thu féin, na bitheadh eagal ort rompa: oir *tha* 'n Tighearn do Dhia maille riut, a thug a mach thu á tìr na h-Eiphit.

2 Agus an uair a dh'lùthaicheas sibh ris a' chath, an sin thig an sagart am fagus, agus labhraidh e ris an t-sluagh,

3 Agus their e riu, Eisd, O Israeil, tha sibh an diugh a' dol gu cath an aghaidh bhuir naimhdean: na bitheadh bhuir cridhe fann, na bitheadh eagal oirbh, agus na criothnaichibh, agus na biodh uamhann oirbh air an son;

4 Oir *tha* 'n Tighearn bhuir Dia a' dol maille ribh, a chogadh air bhuir son an aghaidh bhuir naimhdean, a chum bhuir tearnadh.

5 Agus labhraidh an luchd-riaghlaidh ris an t-sluagh, ag ràdh, Cia am fear a thog tigh nomha, agus nach do choisrig e? rachadh e agus pilleadh e chum a thighe, air eagal gu'm bàsaich e 's a' chath, agus gu'n coisrig fear eile e.

6 Agus cia an duine a shuidhich fion-lios, agus nach d'ith *fatshat* dheth? rachadh esan *mar an ceudna*, agus pilleadh e d'a thigh, air eagal gu'm bàsaich e 's a' chath, agus gu'n ith neach eile dheth.

7 Agus cia an duine a rinn ceangal-pòsaidh ri mnaoi, agus nach do ghabh *d'a ionnsuidh* i? rachadh e agus pilleadh e d'a thigh, air eagal gu'm bàsaich e 's a' chath, agus gu'n gabh neach eile i *d'a ionnsuidh*.

8 Agus labhraidh an luchd-riaghlaidh a bhàrr air sin ris an t-sluagh, agus their iad, Cia an duine a tha gealtach, agus lag-chridheach? rachadh e agus pilleadh e d'a thigh, a chum nach dean e cridhe a bhràithrean lag mar a chridhe féin.

9 Agus tarlaidh, 'n uair a chuireas an luchd-riaghlaidh crìoch air labhairt ris an t-sluagh, gu'n cuir iad ceannardan air na h-armailtibh gus an sluagh a thoirt air an aghaidh.

10 'N uair a thig thu 'm fagus do bhaile gu cogadh 'n a aghaidh, an sin gairmidh tu sìth dha.

11 Agus tarlaidh, ma bheir e freagradh na sìthe dhuit, agus ma dh'fhosglaas e dhuit, an sin tarlaidh, gu'm bi 'n sluagh uile a gheibhear ann fo chis dhuit, agus gu'n dean iad seirbhis dhuit.

12 Agus mur dean e sìth riut, ach gu'n cog e riut, an sin cuiridh tu gu cruaidh 'n a aghaidh.

13 Agus an uair a bheir an Tighearn do Dhia thairis do d' làmh e, buailidh tu gach firionnach ann le faobhar a' chlàidheimh:

14 Ach na mnathan, agus a' chlann bheag, agus an spréidh, agus na h-uile nithean a tha 's a' bhaile, eadhon a' chreach uile, gabhaidh tu dhuit féin; agus ithidh tu creach do naimhdean, a thug an Tighearn do Dhia dhuit.

15 Mar so ni thu ris na bailtibh *sin* uile a *tha* ro fhada uait, nach 'eil de bhailtibh nan cinneach sin.

16 Ach de bhailtibh an t-sluagh sin, a tha 'n Tighearn do Dhia a' toirt duit mar oighreachd, cha ghléidh thu ni sam bith beò anns am bheil anail:

17 Ach sgriosaidh tu gu tur iad, eadhon na Hitich, agus na h-Amoraich, na Canaanach, agus na Peridsich, na Hibhich, agus na Iebusaich, a réir mar a dh'aithn an Tighearn do Dhia dhuit:

18 A chum nach teagaisg iad duit a dheanamh a réir an uile ghràineileachd, a rinn iad d'an diathan; mar sin pheacaichadh sibh an aghaidh an Tighearna bhuir Dé.

19 'N uair a chuireas tu gu cruaidh an aghaidh baile rè ùine fhada, a' deanamh cogaidh 'n a aghaidh chum a ghlacadh, cha chuir thu as d'a chraobhan le tuadh a bhualadh orra: oir feudaidh tu itheadh dhiubh, agus cha ghearr thu sìos iad, (oir is i craobh na macharach *beatha* duine) chum an gnàthachadh ann an cur an aghaidh a' bhaile.

20 A mhàin na craobhan a's aithne dhuit féin nach craobhan bìdh iad, sgriosaidh agus gearraidh tu sìos iad; agus togaidh tu daingnichean an aghaidh a' bhaile a chogas riut, gus an ceannsaich thu e.

### CAIB. XXI.

1 *Mu mhortadh duine 's a' mhachair, gun fhios cò 'mharbh e.* 10 *O mheasg nam braigheadan dh'fheudadh fear bean a ghabhail dha féin.* 15 *Còir a' cheud-ghnì mhic.* 18 *Am mac reasgach gu bhì air a chlachadh gu bàs.*

M A gheibhear neach air a mharbhadh 's an fhearann a bheir an Tighearn do Dhia dhuit r'a shealbhadhachadh, 'n a luidhe 's a' mhachair, agus gun fhios cò 'mharbh e;

2 An sin thig do sheanairean agus do bhreitheamhnan a mach, agus tomhaisidh iad a chum nam bailtean a *tha* mu'n cuairt aisan a mharbhadh:

3 Agus tarlaidh gu'n gabh am baile a's faigse do'n duine a mharbhadh, eadhon seanairean a' bhaile sin agh leis nach d'rinnadh obair, nach do tharruing *riamh* ann an cuing;

4 Agus bheir seanairean a' bhaile sin an t-agh sìos do ghleann garbh, nach do threabhadh agus nach do shìol-chuireadh, agus gearraidh iad an sin amhach an aighe dhith 's a' ghleann;

5 Agus thig na sagartan mic Lebhi am fagus;

## DEUTERONOMI, XXII.

(oir iadsan thagh an Tighearn do Dhia gu frithealadh dha féin, agus gu beannachadh ann an ainm an Tighearna;) agus a réir an focail-san críochnaichear gach uile chonn-sachadh, agus gach uile bhuille.

6 Agus nighidh uile sheanairean a' bhaile sin *a's* faigse do'n *duine* a mharbhadh, an lánban os ceann an aighe d'an do ghearradh an amhach 's a' ghleann:

7 Agus freagraidh iad agus their iad, Cha do dhóirt ar lánban an fhuil *so*, ní mò a chunnaic ar súilean *i*.

8 Bi trócaireach, O Thighearna, do d' shluagh Israel, a shaor thu, agus na cuir fail neò-chiontach á leth do shluaigh Israeil. Agus maithear an fhuil dhoibh.

9 Mar sin cuiridh tu air falbh *cionta* na fola neò-chiontaich o bhur measg, a chionn gu'n dean thu *an ní a tha* ceart ann an súilbh an Tighearna.

10 'N uair a thèid thu mach gu cogadh an aghaidh do naimhdean, agus gu'n toir an Tighearn do Dhia thairis iad do d' làimh, agus gu'n dean thu braighdean dhiubh,

11 Agus gu'm faic thu am measg nam braighdean bean sgianhach, agus gu bheil déigh agad oirre, agus gu'm bu mhaith leat agad *i* 'n a mnaoi;

12 An sin bheir thu dhachaidh *i* do d' thigh, agus bearraidh *i* a ceann, agus bheir *i* dhith a h-inean;

13 Agus cuiridh *i* dhith a h-eudach braighdeanaís, agus fanaidh *i* a' d' thigh, agus ní *i* caoidh air son a h-athar agus a màthar mios iomlan: agus an déigh sin thèid thu steach d'a h-ionnsuidh, agus bithidh tu a' d' fhear-pòsa aice, agus bithidh ise 'n a mnaoi agad.

14 Ach mur bi tlachd agad innte, an sin leigidh tu leatha dol far an àill leatha, ach cha reic thu idir air airgid *i*, ní mò a ní thu aintighearnas oirre, a chionn gu'n d'is-lich thu *i*.

15 Ma bhios aig duine dà mhnaoi, aon diubh gràdhaichte agus an aon eile fuath-aichte, agus ma rug iad clann da, *araon* a' bhean ghràdhaichte agus a' bhean fhuath-aichte; agus ma's leis a' mhnaoi fhuath-aichte an ceud-ghin mic,

16 An sin tarlaidh, 'n uair a bheir e sealbh d'a mhic air *an ní a tha* aige, nach fheud e ceud-ghin a dheanamh de mhac na *mnà* gràdhaichte roimh mhac na *mnà* fuath-aichte, *a's e da rìreadh* an ceud-ghin:

17 Ach gabhaidh e ri mac na *mnà* fuath-aichte mar an ceud-ghin, le roinn dlùbailte a thoirt da de gach ní a tha aige: oir *is* esan toiseach a neirt, *is* leis còir a' cheud-ghin.

18 Ma bhios aig duine mac reasgach agus ceannairceach, nach géill do ghuth 'athar, no do ghuth a mhàthar, agus an uair a smachdaicheas iad e, nach éisd riu:

19 An sin beiridh 'athair agus a mhàthair

air, agus bheir iad a mach e gu seanairean a bhaile, agus gu geata àite féin;

20 Agus their iad ri seanaireibh a bhaile, *Tha* ar mac so reasgach agus ceannairceach, cha toir e géill d'ar guth; *tha e* 'n a gheòc-air agus 'n a mhisgeir.

21 Agus clachaidh uile dhaoine a bhaile e le clachaibh, a chum gu'm bàsaich e: mar sin cuiridh tu olc air falbh as bhur measg, agus cluinidh Israel uile, agus bithidh eagal orra.

22 Agus ma rinn duine peacadh a tha toillteanach air bàs, agus gu'm bi e r'a chur gu bàs, agus gu'n croch thu ri craoibh e:

23 Cha-n fhan a chorp rè na h-oidhche air a' chraoibh, ach air gach aon chor adhlacaidh tu e air an là sin féin; (oir mallaichte le Dia *tha* esan a chrochadh;) agus cha salaich thu d'fhearann, a *tha* 'n Tighearn do Dhia a' toirt duit mar oighreachd.

## CAIB. XXII.

*Mu chaoimhneas a nochdadh do bhràithribh, agus mu riaghailtibh àraidh eile.*

'N UAIR a chi thu damh do bhràthar, 'no a chaora 'dol air seacharan, cha-n fholaich thu thu féin uatha; bheir thu air gach aon cher air an ais iad a ris a dh'ionnsuidh do bhràthar.

2 Agus mur bi do bhràthair làimh riut, no mur h-aithne dhuit e, an sin bheir thu e dh'ionnsuidh do thighe féin, agus bithidh e maille riut gus an iarr do bhràthair e, agus bheir thu air ais dha e.

3 Air a' mhodh cheudna ní thu r'a asal, agus mar so ní thu r'a eudach, agus mar so ní thu ris na h-uile nithibh caillte le d' bhràthair, a chail e, agus a fhuair thusa: cha-n fheud thu thu féin fholaich.

4 'N uair a chi thu asal do bhràthar, no a dhamh a' tuiteam sìos air an t-slighe, cha-n fholaich thu thu féin uatha: gu cinnteach togaidh tu suas *iad* maille ris a ris.

5 Cha chaith bean an ní sin a's le fear, ní mò a chuireas fear uime eudach mnà: oir *is* gràineileachd do'n Tighearn do Dhia iadsan uile a ní so.

6 Ma tharlas do nead eoin a bhi romhad 's an t-slighe ann an craoibh sam bith, no air lár, *ma's* eoin òga *iad*, no uibhean, agus a' mhàthair 'n a suidhe air an àlach, no air na h-uibhean, cha ghlac thu a' mhàthair maille ris an àlach:

7 Air gach aon chor leigidh tu leis a' mhàthair dol as, agus an t-àlach gabhaidh tu dhuit féin; a chum gu'n éirich gu maith dhuit, agus gu'm buanaich thu do làithean.

8 'N uair a thogas tu tigh nomha, an sin togaidh tu barr-bhalla d'a mhullach, a chum nach toir thu fuil air do thigh, ma thuiteas duine sam bith o sin.

9 Cha chuir thu d'fhion-lios le h-iomadh



gnè sùl, air eagal gu'n truaillear toradh do shìl a chuir thu, agus meas d'fhìon-lios.

10 Cha dean thu ar le damh agus le h-asal maille ri 'chéile.

11 Cha chuir thu umad eudach measgta, mar de olainn agus de lìon le 'chéile.

12 Ni thu dhuit féin fàbhran air ceithir eheithreanaibh d'eudaich leis an còmhdaich thu *thu féin*.

13 Ma ghabhas duine bean, agus gu'n téid e steach d'a h-ionnsuidh, agus gu'm fuath- aich e i,

14 Agus gu'n toir e aobhar cainnte 'n a h-aghaidh, agus gu'n tog e suas droch ainm oirre, agus gu'n abair e, Ghabh mi a' bhean so, agus an uair a thàinig mi d'a h-ionn- suidh, cha d'fhuair mi 'n a maighdinn i;

15 An sin gabhaidh athair na h-ighinn, agus a màthair, agus bheir iad a mach *comharan* maighdeanais na h-ighinn gu seanairibh a' bhaile anns a' gheata;

16 Agus their athair na h-ighinn ris na seanairibh, Thug mi mo nighean do'n duine so 'n a mnaoi, agus tha fuath aige dh'i;

17 Agus, feuch, thug e aobhar cainnte 'n a h-aghaidh, ag ràdh, Cha d'fhuair mi do nighean 'n a maighdinn; agus gidheadh is iad sin *comharan* maighdeanais mo nighinn: agus sgaoilidh iad an t-eudach an làthair sheanairean a' bhaile.

18 Agus gabhaidh seanairean a' bhaile sin an duine, agus smachdaichidh iad e;

19 Agus cuiridh iad ùmhla cheud *secel* airgid air, agus bheir iad do athair na h-ighinn iad, a chionn gu'n do thog e droch ainm air òigh de *chloinn* Israel; agus bithidh i 'n a mnaoi aige: cha-n fheud e a cur uath r'a bheò.

20 Ach ma tha an ni so fìor, agus nach 'eil *comharan* maighdeanais r'am faghail do'n nighinn;

21 An sin bheir iad a mach an nighean gu dorus tìghe a h-athar, agus clachaidh daoine a baile i le clachaibh gus am bàsaich i; a chionn gu'n d'oibrich i amaideachd ann an Israel, le strìopachas a dheanamh ann an tìgh a h-athar: mar sin cuiridh tu air falbh oile as bhrur measg.

22 Ma gheibhear duine a' luidhe le mnaoi a tha pòda ri fear, an sin cuir car gu bàs iad le 'chéile, an duine a luidh leis a' mnaoi, agus a' bhean: mar sin cuiridh tu oile air falbh o Israel.

23 Ma tha nighean, agus i 'n a h-òigh, fo cheangal-pòsaidh aig fear, agus gu'm faigh duine i's a' bhaile, agus gu'n luidh e leatha;

24 An sin bheir sibh a mach iad le 'chéile gu geata a' bhaile sin, agus clachaidh sibh iad le clachaibh gus am bàsaich iad; an nighean, a chionn nach do ghlaodh i, agus i bhi 's a' bhaile; agus am fear, a chionn gu'n d'isliche bean a choimhearsnaich: mar sin cuiridh tu air falbh oile as bhrur measg.

25 Ach ma gheibh fear 's a' mhachair

nighean a tha fo cheangal-pòsaidh, agus gu'n éignich an duine i, agus gu'n luidh e leatha, an sin cuir ear a mhàin an duine a luidh leatha gu bàs.

26 Ach air an nighinn cha dean thu 'bheag sam bith; cha 'n'eil 's an nighinn coire bàis: oir mar an uair a dh'éireas duine suas an aghaidh a choimhearsnaich, agus a mharbhas se e, mar sin tha a' chùis so:

27 Oir fhuair e 's a' mhachair i, agus dh'éigh an nighean a bha fo cheangal-pòsaidh, agus cha robh neach ann g'a teas-airginn.

28 Ma gheibh duine nighean a tha 'n a h-òigh, nach 'eil fo cheangal-pòsaidh, agus gu'n dean e greim oirre, agus gu'n luidh e leatha, agus gu'm faighear iad;

29 An sin bheir am fear a luidh leatha do athair na h-ighinn leth-cheud *secel* airgid, agus bithidh i 'n a mnaoi aige; a chionn gu'n d'isliche e i, cha-n fheud e a cur uath r'a bheò.

30 Cha ghabh duine d'a ionnsuidh bean 'athar, ni mò a leigeas e ris còmhdachadh 'athar.

## CAIB. XXIII.

1 Co 'dh'fheadhadh agus nach feudadh dol a steach do choimhlean an Tighearna. 9 Neòghloine 's a' champ gu bhi air a seach-nadh.

CHA téid esan aig am bheil a chlochan C air am bruthadh, no 'bhall dìomhair air a ghearradh dheth, a steach do chomh-chruinneachadh an Tighearna.

2 Cha téid fear dòlaibh a steach do chomh-chruinneachadh an Tighearna; eadhon gu ruig an deiceamh ginealach cha téid e steach do chomhchruinneachadh an Tighearna.

3 Cha téid Amonach no Moabach a steach do chomhchruinneachadh an Tighearna; eadhon gus an deiceamh ginealach cha téid iad a steach do chomhchruinneachadh an Tighearna a chaoidh:

4 A chionn nach do choinnich iad sibh le h-aran agus le h-uisge air an t-slighe, 'n uair a thàinig sibh a mach as an Eiphit, agus a chionn gu'n do thuarasdalaich iad a'd' aghaidh Balaam mac Bheor, o Phetor na Mesopotamia, clum do mhallachadh.

5 Gidheadh, cha-n éisdeadh an Tighearna do Dhia ri Balaam; ach thionndaidh an Tighearna do Dhia dhuit am mallachadh gu beannachadh, a chionn g'm bu toigh leis an Tighearna do Dhia thu.

6 Cha-n iarr thu an sìth, no an sonas rè d'uile làithean gu bràth.

7 Cha ghabh thu gràin de Edomach, oir is e do bhràthair e: cha ghabh thu gràin de Ephiteach, a chionn gu'n robh thu a'd' choigreach 'n a fhearann.

8 Théid a' chlann a ghinear leo-san, a steach do chomhchruinneachadh an Tighearna, 'n an treas ginealach.



9 'N uair a théid d'fheachd a mach an aghaidh do naimhdean, an sin gléidh thu féin o gach droch ni.

10 Ma bhios 'n ur measg duine sam bith nach 'eil glan, a thaobh neòghloine a tharlas da 's an oidheche, an sin théid e mach as a' champ; cha tig e steach do mheadhon a' chaimp:

11 Ach an uair a bhios e dlùth do'n fheasgar, an sin nighidh se e féin le h-uisge, agus an uair théid a' ghrian fodha, thig e steach do mheadhon a' chaimp.

12 Bithidh agad àite mar an ceudna an taobh a muigh de'n champ, far an téid thu mach.

13 Agus bithidh pleadhag agad air do chrios, agus an uair a shuidheas tu a muigh, cladhaidh tu leatha, agus tionndaidh tu air d'ais, agus folaidh tu an ni a thig uait.

14 Oir tha 'n Tighearn do Dhia ag imeachd 'am meadhon do chaimp, chum do shaoradh, agus a chum do naimhdean a thoirt thairis romhad: uime sin bithidh do champ naomh, chum nach faie e ni sam bith neòghlan annad, agus nach pill e air falbh uait.

15 Cha toir thu suas d'a mhaighsdir an seirbhiseach a chaidh as a d' ionnsuidh o mhaighsdir.

16 Maille riut gabhaidh e còmhnuidh 'n ur measg, anns an àit a thaghas e, an taobh a stigh aoin de d' gheataibh far an taitniehe leis: cha dean thu foirneart air.

17 Cha bhi striopach air bith de nigheanaibh Israeil, ni mò bhitheas Sodomach de mhacaibh Israeil.

18 Cha toir thu tuarasdal strìopaich, no luach coin, do thigh an Tighearna do Dhé air son bòid sam bith; oir tha iad sin eadhon le 'ehéile 'n an gràineilcachd do'n Tighearn do Dhia.

19 Cha toir thu *ni sam bith* 'an coingheall do d' bhràthair air riadh; riadh airgid, riadh bìdh, riadh ni sam bith a bheir an coingheall air riadh.

20 Do choigreach feudaidd tu *ni* a thoirt 'an coingheall air riadh, ach do d' bhràthair cha toir thu ni sam bith 'an coingheall air riadh; a chum gu'm beannaich an Tighearn do Dhia thu anns gach ni ris an cuir thu do làmh, 's an fhearann d'am bheil thu 'dol g'a shealbhachadh.

21 'N uair a bheir thu bòid do'n Tighearn do Dhia, cha dean thu moille 'n a h-ìocadh: oir gu cinnteach iarraidh an Tighearn do Dhia uait i; agus bhiodh e 'n a pheacadh dhuit.

22 Ach ma dh'fhanas tu gun bhòid a thabhairt, cha bhi e 'n a pheacadh dhuit.

23 An ni sin a chaidh mach as do bhlìb, coimhididh agus coimhlionaidh tu; a réir mar a bhòidh thu do'n Tighearn do Dhia, eadhon tabhartas saor-thoile, a gheall thu le d' bheul.

24 'N uair a théid thu steach do fhìon-lios do choimhearsnaich, an sin feudaidd tu fion-dhearcan itheadh mar is miann leat, eadhon do shàth; ach cha chuir thu bheag a'd shoithreach.

25 'N uair a théid thu steach a dh'arbbhar do choimhearsnaich, an sin feudaidd tu na diasan a spìonadh le d' làimh; ach corran cha chuir thu ann an arbbhar do choimhearsnaich.

# CAIB. XXIV.

1 *Mu litir-dhealachaidh do mhnai-phòsda.* 6, 10 *Mu gheall.* 7 *Mu ghaduiche dhaoine.* 8 *Mu phlàigh na luibhre.* 14 *Tuasadal seirbhiseich gu bhi air ìocadh 's an là air am bi e dlùitheach.* 17 *Mu cheartas.*

'N UAIR a ghabhas fear bean, agus a phòsas e i, agus gu'n tachair nach faigh i deadhighean 'n a shùilb, a chionn gu'n d'fhuair e neòghloine éigin innte; an sin sgrìobhadh e litir-dhealachaidh dh'i, agus thugadh e 'n a làimh i, agus cuireadh e mach as a thigh i.

2 Agus an uair a dh'fhalbhas i mach as a thigh, feudaidd i dol agus a bhi 'n a mnaoi aig fear eile.

3 Agus ma dh'fhuathaicheas am fear-pòsda mu dheireadh so i, agus gu'n sgrìobh e litir-dhealachaidh dh'i, agus gu'n toir e 'n a làimh i, agus gu'n cuir e mach as a thigh i; no ma gheibh am fear mu dheireadh bàs, a ghabh i 'n a mnaoi dha féin;

4 Cha-n fhead a ceud fhear-pòsda a chuir uait i, a gabhail a ris gu bhi 'n a mnaoi dha, an déigh dh'i bhi air a truailleadh; oir is gràineileachd sin an lathair an Tighearn: agus cha toir thu air an fhearann peacachadh, a tha 'n Tighearn do Dhia a' toirt duit mar oighreachd.

5 'N uair a ghabhas duine bean nuadh, cha téid e mach gu cogadh, ni mò a chuirear cùram gnòthuich sam bith air: fanaidh e saor aig a thigh féin aon bhliadhna, agus bheir e subhachas d'a mnaoi a ghabh e.

6 Cha ghabh duine sam bith a' chlach-mhuilinn ìochdarach no uachdarach mar gheall: oir tha e 'gabhail anama duine mar gheall.

7 Ma gheibhear duine a' goid aoin neach d'a bhràithribh de chloinn Israeil, agus ma ni e ain-tighearnas air, no ma reiceas se e; an sin cuirear gu bàs an gaduiche sin; agus cuiridh tu ole air falbh as blur measg.

8 Thoir an aire, ann am plàigh na luibhre, gu'n toir thu faineur gu dùrachdach, agus gu'n dean thu a réir nan uile nithean a theagaisgeas na sagartan na Lebhithich dhuibh: a réir mar a dh'àithn mi dhoibh, bheir sibh faineur gu'n dean sibh.

9 Cuimhnich ciod a rinn an Tighearn do Dhia ri Miriam air an t-slighe, an déigh dhuibh teachd a mach as an Èiphit.

10 'N uair a bheir thu do d' choimhears-

nach ni sam bith 'an coingheall, cha téid thu steach d'a thigh a ghabhail a ghill.

11 A mach seasaidh tu, agus bheir an duine d'am bhéil thu 'toirt 'an coingheall, an geall a mach dhuit.

12 Agus ma bhios an duine bocht, cha choidil thu le 'gheall.

13 Air gach aon chor bheir thu air ais dha 'n geall a ris, 'nuair a théid a' ghrian fodha, chum gu'n coidil e 'n a eudach féin, agus gu'm beannaich e thu: agus bithidh so 'n a ionracas dhuit an láthair an Tighearna do Dhé.

14 Cha dean thu foirneart air seirbhiseach tuarasdail a tha bocht agus uireasbhuidheach, co dhiubh a tha e de d' bhráithribh, no de d' choigrich, a tha ann a d' fhearann an taobh a stigh de d' gheataibh.

15 Air a là bheir thu dha a thuarasdail, agus cha téid a' ghrian sìos air, oir tha e bocht, agus a' suidheachadh a chridhe air; air eagal gu'n glaoth e a d' aghaidh ris an Tighearna, agus gu'm bi e 'n a pheacadh dhuit.

16 Cha chuirear na h-aithrichean gu bàs air son na cloinne, ni mò a chuirear a' chlànn gu bàs air son nan aithrichean: cuirear gach duine gu bàs air son a pheacaidh féin.

17 Cha chlaon thu breitheanas a' choigrich, no an dilleachdain, ni mò a ghabhas tu eudach bantraich mar gheall.

18 Ach cuimhnichidh tu gu'n robh thu féin a d' thràill 's an Eiphit, agus gu'n do shaor an Tighearna do Dhia thu as a sin: uime sin tha mi ag àithneadh dhuit an ni so a dheanamh.

19 'N uair a bhuaineas tu d'fhoghar a d' achadh, agus a dhì-chuimhnichas tu sguab 's an achadh, cha phill thu g'a togail: air son a' choigrich, air son an dilleachdain, agus air son na bantraich bithidh i; a chum gu'm beannaich an Tighearna do Dhia thu ann an uile oibribh do làmh.

20 'N uair a chrathas tu do chramn-oladh, cha téid thu thairis air na geugaibh a ris: air son a' choigrich, air son an dilleachdain, agus air son na bantraich bithidh e,

21 'N uair a chruinnichas tu fion-dhearcan d'fhion-lios, cha ghlan thu gu buileach a d' dhéigh e: air son a' choigrich, air son an dilleachdain, agus air son na bantraich bithidh e.

22 Agus cuimhnichidh tu gu'n robh thu a d' thràill ann an tìr na h-Eiphit: uime sin tha mi ag àithneadh dhuit an ni so a dheanamh.

CAIB. XXV.

1 Mu smachdachadh a' chiontaich. 4 Cha chuir ceangal air beul an daimh an uair a tha e 'saltair an arbhair. 5 Mu shìol a thogail suas do bhràthair. 11 Mu'n mnaoi gun nàire. 13 Mu cothromaisibh ceart. 17 Mu léir-sgrìos Amalaic.

M A bhios connsachadh cadar daoine, agus gu'n tig iad gu breitheanas, a

chum as gu'n toir na breitheamhna breth orra; an sin saoraidh iad an t-ionracan, agus dithidh iad an ciontach.

2 Agus tarlaidh, ma 's airidh an duine aingidh bli air a bhualadh, gu'n toir am breitheamh air luidhe sìos, agus a bhi air a bhualadh 'n a làthair, a réir a choire, ann an àireamh araidh de bhuillibh.

3 Dà fhichead buille bheir e dha: cha téid e thairis, air eagal nan rachadh e thairis, agus gu'm buaileadh se c os an ceann sin le mòran bhuillibh, an sin gu'm biodh do bhràthair tàireil a d' shùilibh.

4 Cha chuir thu ceangal air beul an daimh an uair a tha e 'saltair an arbhair.

5 'N uair a ghabhas bràithrean còmhnuidh maille ri 'chéile, agus gu'm faigh aon diubh bàs, agus gun duine cloinne aige, cha phòs bean a' mhairbh a mach ri coigreach: théid a bràthair-céile steach d'a h-ionnsuidh, agus gabhaidh e dha féin 'n a mnaoi, agus ni e dlighe bràthar-céile rithe.

6 Agus éiridh an ceud-ghin mic a bheireas i, suas ann an ainm a bràthar a tha marbh, a chum nach dubhar a mach 'ainm á h-Israel.

7 Agus mur toil leis an duine bean a bhràthar a ghabhail, an sin théid bean a bhràthar suas do'n gheata chum nan seanairean, agus their i, Tha mo bhràthair-céile a' diùtadh ainm a thogail suas d'a bhràthair ann an Israel, cha-n àill leis dlighe bràthar-céile a dheanamh rium.

8 An sin gairmidh seanairean a bhaile air, agus labhraidh iad ris: agus ma sheacas e mach, agus gu'n abair e, Cha-n àill leam a gabhail;

9 An sin thig bean a bhràthar d'a ionnsuidh an làthair nan seanairean, agus fuasglaidh i a bhròg bhàrr a choise, agus tilgidh i smugaid 'n a eudann, agus freagraidh agus their i, Mar so nithear ris an duine nach tog suas tigh a bhràthar.

10 Agus goirear 'ainm ann an Israel, Tigh an fhir aig am bheil a bhròg fuasgailte.

11 'N uair a bhios daoine ri comhstri cuid-eachd, neach ri neach eile, agus gu'n tig bean aoin diubh an fagus a dh'fhuasgladh a fir-pòsda à làmh an fhir a tha 'g a bhualadh, agus gu'n sin i mach a làmh, agus gu'n gabh i greim air a bhuill dhìomhair;

12 An sin gearraidh tu dìth a làmh; cha ghabh do shùil truas rithe.

13 Cha bhi agad ann ad mhàla aon cothrom agus cothrom eile; cothrom mòr agus beag.

14 Cha bhi agad ann ad thigh aon soith-each, agus soith-each eile tomhais; soitheach mòr agus beag.

15 Cothrom iomlan agus ceart bithidh agad, soitheach-tomhais iomlan agus ceart bithidh agad; a chum gu'm buanaichear do làithean anns an fhearann a tha 'n Tigh-eann do Dhia a' tabhairt duit.



## DEUTERONOMI, XXVI.

16 Oir *tha* iadsan uile a ni na nithean sin, iadsan uile a ni gu h-eucorach, 'n an gràin-eileachd do'n Tighearn do Dhia.

17 Cuimhnich ciod a rinn Amalec ort 's an t-slighe, 'n uair a thàinig sibh a mach as an Eiphit,

18 Cionnus a choimnich e thu 's an t-slighe, agus a bhuail e 'chuid 'bu deircannaiche dhìot, *eadhon* iadsan uile a *bha* lag a'd' dhéigh, an uair a *bha* thu fann agus sgèth, agus nach robh eagal Dhé air.

19 Uime sin an uair a bheir an Tighearn do Dhia fois duit o d' naimhaidibh uile mu'n euairt, anns an fhearann a bheir an Tighearn do Dhia dhuit mar oighreachd r'a shealbhadh, dubhaidh tu *as* cuimhne Amaleic o *bhi* fo nèamh; cha dì-chuimhnich thu e.

### CAIB. XXVI.

1 *Aideachadh an tì a thug seachad do'n t-sagart basaid le ceud thoradh an fhearainn.* 12 *Mu dheachdhan na treas bliadhna.* 16 *An coimh-cheangal eadar Dia agus a shluagh.*

**A**GUS an uair a théid thu stigh do'n fhearann a *tha* 'n Tighearn do Dhia a' toirt dhuit mar oighreachd, agus a shealbhaicheas tu e, agus a ghabhas tu còmhnuidh ann.

2 An sin gabhaidh tu de'n cheud chuid de uile thoradh na talmhainn, a bheir thu leat do d'fhearann a *tha* 'n Tighearn do Dhia a' tabhairt duit, agus cuiridh tu ann ann bascaid e, agus théid thu chum an àite a thaghas an Tighearn do Dhia, a chrur 'ainme an sin.

3 Agus théid thu dh'ionnsuidh an t-sagairt a bhios anns na làithibh sin, agus their thu ris, Tha mi ag aideachadh air an là 'n dingh do'n Tighearn do Dhia, gu'n d'thàinig mi do'n dùthaich a mhionnaich an Tighearn dar n-aithrichibh gu'n tugadh e dhuinn.

4 Agus gabhaidh an sagart a' bhasaid as do làimh, agus cuiridh e sìos i air beul-aobh altarach an Tighearna do Dhé.

5 Agus freagraidh tu agus their thu an làthair an Tighearna do Dhé, Bn Shirianach air sheòl a bhi caillte m'athair, agus chaidh e sìos do'n Eiphit, agus bha e air chuairt an sin le beagan cuideachd, agus dh'fhàs e 'n sin 'n a chinneach mòr, cumhachdach, agus lionmhor.

6 Agus bhuin na h-Eiphitich gu h-ole ruinn, agus shàraich iad sinn, agus chuir iad daorsa chruaidh oirnn.

7 Agus ghlaodh sinn ris an Tighearn, Dia ar n-aithrichean, agus dh'éisid an Tighearn r'ar gunth, agus dh'amhaire e air ar n-amhghar, agus ar saothair, agus ar foirneart:

8 Agus thug an Tighearn mach sinn as an Eiphit le làimh chumhachdaich, agus le gairdean sìnte mach, agus le h-uamhann mòr, agus le comharaibh, agus le h-iongantasaibh:

9 Agns thug e sinn do'n àite so, agus thug e dhuinn am fearann so, fearann a *tha* 'sruthadh le bainne agus mil.

10 Agus a nis, feuch, thug mi leam ceud thoradh an fhearainn a thug thusa, a Thighearna, dhomh. Agus cuiridh tu e 'am fianuis an Tighearna do Dhé, agus ni thu aoradh 'am fianuis an Tighearna do Dhé.

11 Agus ni thu gairdeachas anns gach *ni* maith a thug an Tighearn do Dhia dhuit, agus do d' thigh, thu féin, agus an Lebhteach, agus an coigreach a *bhios* 'n ur measg.

12 'N uair a chuireas tu crìoch air deachamh a thoirt seachad, *eadhon* uile dheachamh do chinneis air an treas bliadhna, bliadhna an deachaimh, agus a bheir thu e do'n Lebhteach, do'n choigreach, do'n dilleachdan, agus do'n bhantraich, a chum gu'n ith iad an taobh a stigh de d' gheataibh, agus gu'n sàsuichear iad;

13 An sin their thu 'am fianuis an Tighearna do Dhé, Thug mi leam na nithean naomba *as mo* thigh, agus mar an ceudna thug mi iad do'n Lebhteach, agus do'n choigreach, do'n dilleachdan, agus do'n bhantraich, a réir d'aitheantan uile a dh' àithn thu dhomh: cha do bhris mi h-aon de d'aitheantaibh, ni mò a dhì-chuimhnich mi iad.

14 Cha d'ith mi 'bheag dhiubh a'm' bhròn, ni mò a ghabh mi 'bheag dhiubh gu *feum* neòghlan *sam bith*, ni mò a thug mi 'bheag dhiubh air son a' mhairbh: dh'éisid mi ri guth an Tighearna mo Dhé; rinn mi a réir nan uile nithean a dh' àithn thu dhomh.

15 Amhaire a nuas o ionad-còmhnuidh do naomhachd, o nèamh, agus beannaich do shluagh Israeil, agus am fearann a thug thu dhuinn, mar a mhionnaich thu dar n-aithrichibh, fearann a *tha* 'sruthadh le bainne agus mil.

16 Air an là 'n diugh dh' àithn an Tighearn do Dhia dhuit na reachdan agus na breitheanais sin a dheanamh: uime sin coimhididh agus ni thu iad le d' uile chridhe agus le d' uile anam.

17 Rinn thu roghainn an diugh de'n Tighearn gu bhi 'n a Dhia dhuit, agus gu g-uasad 'n a shlighibh, agus gu 'reachdan a ghleidheadh, agus 'aitheantan, agus a bhreitheanais, agus gu éisdeachd r'a ghuth.

18 Agus thagh an Tighearn thusa an diugh gu bhi a'd' shluagh sònraichte dha féin, mar a gheall e dhuit, agus a chum gu'n gleidheadh tu 'aitheantan uile;

19 Agus a chum gu'n deannadh e àrd thu os ceann nan uile chinneach a rinn e, ann an cliu, agus ann an ainm, agus ann an urram; agus a chum gu'm bitheadh tu a'd' shluagh naomh do'n Tighearn do Dhia, mar a labhair e.



CAIB. XXVII.

1 *Dh'àithn Maois do'n t-sluagh an lagh a sgrìobhadh air clachaibh mòra; agus altair a thogail suas de chlochaibh slàna. 11 Mu bhean-nachdaibh agus mu mhallachdaibh.*

**A**GUS dh'àithn Maois agus seanairean Israeil do'n t-sluagh, ag ràdh, Gleidhibh na h-àitheantan uile a *tha* mi ag àithneadh dhuibh an diugh.

2 Agus tarlaidh, air an là anns an téid sibh thar Iordan do'n fhearann a bheir an Tighearn do Dhia dhuit, gu'n cuir thu suas dhuit féin clachan mòra, agus còmhdaichidh tu thairis le h-aol iad.

3 Agus sgrìobhaidh tu orra uile bhriathran an lagha so, 'n uair a théid thu thairis, a chum gu'n téid thu steach do'n fhearann a bheir an Tighearn do Dhia dhuit, fearann a *tha* 'sruthadh le bainne agus le mil; mar a gheall an Tighearn Dia d'aithriche dhuit.

4 Uime sin an uair a théid sibh thar Iordan, cuiridh sibh suas na clachan sin, a *tha* mi ag àithneadh dhuibh air an là'n diugh, ann an sliabh Ebail, agus còmhdaichidh tu thairis le h-aol iad.

5 Agus an sin togaidh tu suas altair do'n Tighearn do Dhia, altair de chlachaibh: cha tog thu suas *inneal iarunn sam bith* orra.

6 De chlachaibh slàna togaidh tu altair an Tighearna do Dhé, agus bheir thu suas oirre iobairte-loisgte do'n Tighearn do Dhia.

7 Agus iobraidh tu iobairte-sith, agus ithidh tu 'n sin, agus ni thu gairdeachas an làthair an Tighearna do Dhé.

8 Agus sgrìobhaidh tu air na clachaibh uile bhriathran an lagha so gu ro shoilleir.

9 Agus labhair Maois, agus na sagartan na Lebhithich, ri h-Israel uile, ag ràdh, Thoir an t-àir, agus éisd, O Israeil; air an là'n diugh rinneadh thu a'd' shluagh do'n Tighearn do Dhia.

10 Uime sin éisdidh tu ri guth an Tighearna do Dhé, agus ni thu 'àitheantan, agus a reachdan, a *tha* mi ag àithneadh dhuit air an là'n diugh.

11 Agus dh'àithn Maois do'n t-sluagh air an là sin féin, ag ràdh,

12 Seasaidh iad so air sliabh Gheridsim a bheannachadh an t-sluaigh, 'n uair a théid sibh thar Iordan; Simeon, agus Lebhi, agus Iudah, agus Isachar, agus Ioseph, agus Benjamin.

13 Agus seasaidh iad so air sliabh Ebail a mhallachadh; Reuben, Gad, agus Aser, agus Sebulun, Dan, agus Naphtali.

14 Agus labhairidh na Lebhithich, agus their iad ri daoinibh Israeil uile le guth ard,

15 Mallaichte *gu robh* an duine a ni dealbh snaidhte no leaghta, gràincileachd do'n Tighearn, obair làmh an fhlir-cheird, agus

a chuireas e ann an *ionad* dìomhair: agus freagraidh an sluagh uile, agus their iad, Amen.

16 Mallaichte *gu robh* esan a ni tàir air 'athair no air a mhàthair: agus their an sluagh uile, Amen.

17 Mallaichte *gu robh* esan a dh'atharraicheas crìoch fearainn a chomhearsnaich: agus their an sluagh uile, Amen.

18 Mallaichte *gu robh* esan a chuireas an dall air seacharan 's an t-slighe: agus their an sluagh uile, Amen.

19 Mallaichte *gu robh* esan a chlaonas breitheanas a' choigrich, an dilleachdain, agus na bantraich: agus their an sluagh uile, Amen.

20 Mallaichte *gu robh* esan a luidheas le mnaoi 'athar, a chionn gu bheil e a' leigeadh ris còmhdaich 'athar: agus their an sluagh uile, Amen.

21 Mallaichte *gu robh* esan a luidheas le h-ainmhidh sam bith: agus their an sluagh uile, Amen.

22 Mallaichte *gu robh* esan a luidheas le 'phiuthair, nighean 'athar, no nighean a mhàthar: agus their an sluagh uile, Amen.

23 Mallaichte *gu robh* esan a luidheas le 'mhàthair-chéile: agus their an sluagh uile, Amen.

24 Mallaichte *gu robh* esan a bhuail a chomhearsnach gu h-uaigneach: agus their an sluagh uile, Amen.

25 Mallaichte *gu robh* esan a ghabhas duais air son duine neò-chiontach a mharbhadh: agus their an sluagh uile, Amen.

26 Mallaichte *gu robh* esan nach daingnich uile bhriathran an lagha so chum an deanamh: agus their an sluagh uile, Amen.

CAIB. XXVIII.

1 *Beannachdan air an gealltainn dhoibhsan a bhios ùmhhal do lagh Dhé. 15 Mallaichdan orrasan a bhios easùnhal.*

**A**GUS tarlaidh, ma dh'éisdeas tu gu dùrachdach ri guth an Tighearna do Dhé, a cheimhead agus a dheanamh àitheantan uile, a *tha* mi ag àithneadh dhuit air an là'n diugh, gu'n cuir an Tighearn do Dhia suas thu os ceann uile chinneacha na talmhainn.

2 Agus thig na beannachdan so uile ort, agus beiridh iad ort, ma dh'éisdeas tu ri guth an Tighearna do Dhé.

3 Beannaichte *bithidh* tu 's a' bhaile, agus beannaichte *bithidh* tu 's a' mhachair.

4 Beannaichte *bithidh* toradh do chuirp, agus toradh d'fhearainn, agus toradh do spréidhe, fàs do chruidh, agus treudan do chaorach.

5 Beannaichte *bithidh* do bhascaid agus do chuibhrionn.

6 Beannaichte *bithidh* tu 'n uair a thig thu stigh, agus beannaichte *bithidh* tu 'n uair a théid thu mach.

7 Bheir an Tighearn fainear gu'm bi do

naimhdean, a dh'éircas suas a'd' aghaidh, air am bualadh roimh do ghmùis: thig iad a mact a'd' aghaidh air aon slighe, agus teicidh iad romhad air seachd slighean.

8 Aithnidh an Tighearn am beannachadh ort a'd' thigheibh-tasgaidh, agus anns gach nì ris an cuir thu do làmh; agus beannaichidh e thu 's an fhearann a bheir an Tighearn do Dhia dhuit.

9 Daingnichidh an Tighearn thu a'd' shluagh naomh dha féin, mar a mhionnaich e dhuit, ma ghlèidhas tu àitheantan an Tighearna do Dhé, agus *ma* ghluaiseas tu 'n a shligheibh.

10 Agus chi uile chinnich na talmhainn gu'n goirear ainm an Tighearna ort, agus bithidh eagal orra romhad.

11 Agus nì an Tighearn saoi bhir thu ann am maoin, ann an toradh do chuirp, agus ann an toradh do spréidhe, agus ann an toradh d' fhearainn, anns an talamh a mhionnaich an Tighearn do d'aithrichean a thabhairt duit.

12 Fosglaidh an Tighearn dhuit a dheadh ionmhas, na nèamhan a thoirt uisge do d'fhearann 'n a àm, agus a bheannachadh uile oibre do làimhe; agus bheir thu 'n iasachd do mhòran chinneach, agus cha gabh thu 'n iasachd.

13 Agus nì an Tighearn an ceann dhùot, agus nì h-e an t-earball; agus bithidh tu an uachdar a mhàin, agus cha bhi thu 'n ìochdar; ma dh'éisdeas tu ri àitheantaibh an Tighearna do Dhé, a *tha* mi ag àithneadh dhuit air an là'n diugh, gu'n coimhead agus gu'n dean thu iad.

14 Agus cha téid thu thaobh o aon air bith de na briathraibh a *tha* mi ag àithneadh dhuit an diugh, a chum na làimhe deise no chum na làimhe clìthe, a dhol an deigh dhiathan eile a dheanamh seirbhis doibh.

15 Ach tarlaidh, mur éisd thu ri guth an Tighearna do Dhé, a thoirt fairear gu'n dean thu àitheantan agus a reachdan uile, a *tha* mi ag àithneadh dhuit an diugh, gu'n tig na mallachdan so uile ort, agus gu'm beir iad ort.

16 Mallaichte *bithidh* tu 's a' bhaile, agus mallaichte *bithidh* tu s a' mhachair.

17 Mallaichte *bithidh* do bhascaid agus do chubhrionn.

18 Mallaichte *bithidh* toradh do chuirp, agus toradh d'fhearainn, fàs do chruidh, agus treudan do chaorach.

19 Mallaichte *bithidh* tu 'n uair a thig thu stigh, agus mallaichte *bithidh* tu 'n uair a théid thu mach.

20 Cruidh an Tighearn ort mallachadh, mi-shuaimhneas, agus achmhasan, anns gach nì ris an cuir thu do làmh gu 'dheanamh, gus an sgriosar thu, agus gus an téid as duit gu h-obann, air son aingidheachd do ghnìonh-aran leis an do thréig thu mise

21 Bheir an Tighearn air a' phlàigh lean-tuinn riut, gus an claoidh e thu bhàrr an fhearainn, dàm bheil thu 'dol a steach g'a shealbhadh.

22 Buailidh an Tighearn thu le caitheamh agus le fiabhras, agus le h-ain-teas, agus le h-àrd-losgadh, agus leis a' chlaidheamh, agus le seargadh, agus le fuar-dhealt; agus leanaidh iad thu gus an téid as duit.

23 Agus bithidh do speuran a *tha* os do cheann 'n an umha, agus an talamh a *tha* fodhad 'n a iarunn.

24 Nì an Tighearn uisge d'fhearainn 'n a luathre agus 'n a dhùslach: o nèamh thig e nuas ort, gus an sgriosar thu.

25 Bheir an Tighearn fairear gu'm buail-ear thu air beulaobh do naimhdean: théid thu mach air aon slighe 'n an aghaidh, agus teichidh tu rompa air seachd slighean; agus atharraichear thu chum uile rìoghachdan na talmhainn.

26 Agus bithidh do chlosach 'n a biadh aig uile eunlaith an athair, agus aig beatha-aiclibh na talmhainn, agus cha-n fhuadaich duine sam bith air falbh iad.

27 Buailidh an Tighearn thu le neasgaid na h-Eiplit, agus le ruith fola, agus le càrr, agus le cloimh, de nach bi e'n comas do leigheas.

28 Buailidh an Tighearn thu le euthach, agus le doille, agus le h-uamhann cridhe.

29 Agus smeuraichidh tu mu mheadhonn-là, mar a smeuraicheas an dall's an dorch-adas, agus cha soirbhich leat a'd' shlighean: agus bithidh tu fo fhoirneart a mhàin, agus air do chreachadh a ghnàth, agus cha teasaig duine sam bith *thu*.

30 Nì thu ceangal-pòsaidh ri mnaoi, agus luidhidh fear eile leatha: togaidh tu tigh, agus cha ghabh thu còmhnuidh ann: suidh-ichidh tu fion-lios, agus cha tionail thu 'fhìon-dhearan.

31 Marbhar do dhamh fa chomhair do shùl, agus cha-n ith thu dh'e: bheirear air falbh d'asal a dh'aindeoin as do làthair, agus cha toirear air a h-ais dhuit i: bheirear do chaoraich do d' naimhidh, agus cha bhi neach agad a bheir uatha iad.

32 Bheirear do mliic agus do nigheanan do shluagh eile, agus chi do shùilean, agus fàilnichidh iad le *judal* air an son rè an là: agus cha bhi neart sam bith a'd' làimh.

33 Toradh d'fhearainn, agus do shaothair uile, itidh cinneach suas, nach b'aithne dhuit; agus bithidh tu fo fhoirneart a mhàin agus air do bhruthadh an còmh-nuidh:

34 Air chor as gu'm bi thu air mli-chéill, air son seallaidh do shùl a chi thu.

35 Buailidh an Tighearn thu 's na glùinibh, agus anns na cosaibh, le neasgaid chràitich nach gabh leigheas, o bhonn do choise gu mullach do chinn.

36 Bheir an Tighearn thu *féin*, agus do



righe a chuirceas tu os do cheann, gu cinn-each nach b'aithne aon chuid duit féin no do d'aithrichibh; agus an sin ní thu seirbhíis do dhiathuibh eile, *de* fhíodh agus *de* chloich.

37 Agus bithidh tu a'd' uamhas, a'd' shamhladh, agus a'd' leth-fhocal, am measg nan uile chinneach gus an treoraich an Tighearn thu.

38 Bheir thu mórán síl a mach do'n fhearann, ach is beag a chruinnicheadh tu stigh: oir ithidh an locust suas e.

39 Suidhichidh tu fion-íosan agus deas-aichidh tu *iad*, ach cha-n òl thu de'n fhíon, ní mór a chruinnicheadh tu *na dearsan*: oir ithidh a' chnuimh *iad*.

40 Bithidh croimn-oladh agad air feadh do chríochan uile, ach cha-n ung thu thu *féin* leis an oladh: oir tilgidh do chrann-oladh *a thoradh*.

41 Ginidh tu mic agus nigheanan, ach cha mheall thu iad; oir théid iad 'am braigheanas.

42 Do chraobhan uile, agus toradh d'fhearainn, millidh an locust.

43 Eiridh an coigreach a tha 'n 'ur measg suas gu ro árd os do cheann; agus thig thusa nuas gu ro íosal.

44 Bheir e 'n iasachd dhuit, agus cha toir thusa 'an iasachd dha: bithidh esan 'n a cheann, agus bithidh tusa a'd' earball.

45 Agus thig na mallachdan sin uile ort, agus leanaidh iad thu, agus beiridh iad ort, gus an sgríosar thu; a chionn nach d'éisd thu ri guth an Tighearna do Dhé, a ghléidheadh aitheantán agus a reachdan a d'aithne e dhuit.

46 Agus bithidh iad ort mar chomharadh agus mar iongantas, agus air do shliocht a chaoiadh.

47 A chionn nach d'rinn thu seirbhíis do'n Tighearn do Dhia le gairdeachas, agus le subhachas cridhe, air son pailteis nan uile *nithean*;

48 Uime sin ní thu seirbhíis do d' naimh-dibh, a chuireas an Tighearn a'd' aghaidh, ach an ocras, agus ann an tart, agus ann an lomnochdaidh, agus ann an uireasbhuidh nan uile *nithean*: agus cuiridh e cuing iaruinn air do mhuineal, gus an cuir e as duit.

49 Bheir an Tighearn cinneacha a'd' aghaidh o *ionad* fad o *láimh*, o iomall na talmhainn, mar an iolair air iteig; cinncach nach tuig thu 'n caint;

50 Cinncach aig am bheil aghaidh bhorb, nach toir urram do ghnéis an aosmhoir, agus nach dean íochd ris an óg.

51 Agus ithidh e toradh do spréidhe, agus toradh d'fhearainn, gus an sgríosar thu: neach nach fág agad arbhar, fíon, no oladh, fás do chruidh, no treudan do chaorach, gus an cuir e as duit.

52 Agus teannaichidh e thu ann ad gheat-

aibh uile, gus am briscar síos do bhallachan ársa agus daingníchte, anns an robh do dhóigh, air feadh d'fhearainn uile; agus teannaichidh e thu ann ad gheataibh, air feadh d'fhearainn uile a thug an Tighearn do Dhia dhuit.

53 Agus ithidh tu toradh do chuirp féin, feoil do mhac agus do nigheanan, a thug an Tighearn do Dhia dhuit, anns a' chogadh, agus anns an teinn, leis an teannaich do naimhdean thu:

54 *Air chor as* an duine *a tha* maoth 'n 'ur measg, agus ro shógar, gu'm bí a shùil ole a thaobh a bhràthar, agus a thaobh muà 'uchd féin, agus a thaobh iarmaid a chloinne a dh'fhágas e:

55 Air chor as nach toir e do h-aon diubh *a bheag* de fheoil a chloinne a dh'itheas e; a chionn nach fágar a' bheag aige 's a' chogadh, agus anns an teinn, leis an teannaich do naimhdean thu a'd' gheataibh uile.

56 A' bhean mhaoth agus shógar 'n 'ur measg, nach dùraichdeadh bonn a coise a chur air an talamh a thaobh mùirn agus maothalachd, bithidh a sùil ole a thaobh fírpòsda a h-uchd, agus a thaobh a mic, agus a thaobh a h-ghlúin,

57 Agus a thaobh a maothrain a thig a mach o eadar a cosuibh, agus a thaobh a cloinne a bheireas i: oir ithidh i iad a dh'uireasbhuidh nan uile *ní*, 'an dìomhaircachd anns a' chogadh, agus anns an teinn, leis an teannaich do naimhdean thu a'd' gheataibh.

58 Mur toir thu an aire uile bhriathran an lagha so a dheanamh, a tha sgríobhta 's an leabhar so, a chum gu'm bí eagal an ainm ghlórmhoir agus uamhasaich so ort, AN TIGHEARN DO DHIA;

59 An sin ní an Tighearn do phlaighean iongantach, agus plaighean do shliocht, *eadhon* plaighean mòra agus maireannach, agus eucailleán cráiteach agus fadalach.

60 A bhàrr air so, bheir e ort uile ghalaran na h-Eiplit, roimh an robh eagal ort; agus leanaidh iad riut.

61 Mar an ceudna gach tinnéas, agus gach plaigh, nach 'eíl sgríobhta ann an leabhar an lagha so, iad sin bheir an Tighearn ort, gus an sgríosar thu.

62 Agus fágair sibh tearc ann an àireamh, 'an àite dhuibh 'bhi mar reultan nòimh 'an Ìomhoireachd; a chionn nach d' éisd thu ri guth an Tighearna do Dhé.

63 Agus tarlaidh, mar a rinn an Tighearn gairdeachas os bhuir ceann a dheanamh maith dhuibh, agus gu'r deanamh Ìomhoir, mar sin gu'n dean an Tighearn gairdeachas os bhuir ceann gu'r sgríos, agus gu'r toirt gu neo-ní; agus spionar sibh as an fhearann d'am bheil thu a' dol g'a shealbhaichadh.

64 Agus sgapaidh an Tighearn thu am measg nan uile chinneach, o'n dara ceann



de'n talamh eadhon gus an ceann eile de'n talamh; agus an sin nì thu seirbhis do dhiathaibh eile, nach b'aithe *an chuid* duit féin no do d'athrichibh, eadhon *de* fhìodh agus *de* chloich.

65 Agus an measg nan cinneach sin cha-n fhaigh thu suaimhneas sam bith, nì mò bhitheas fois aig bonn do chois: ach bheir an Tighearn dhuit an sin cridhe gealtach, agus fàilneachadh shùl, agus doilgheas inn-tinn.

66 Agus bithidh do bheatha 'an crochadh ann an amharas fa d' chomhair; agus bithidh eagail ort a là agus a dh'oidheche, agus cha bhi cinnte air bith agad de d' bheatha.

67 'S a' mhaduinn their thu, Och! nach b'e 'm feasgar e; agus 's an fheasgair their thu, Och! nach b'i a' mhaduinn e; air son eagail do chridhe leis am bi eagail ort, agus air son seallaidh do shùl a chi thu.

68 Agus bheir an Tighearn ris thu do'n Eiphit ann an longaibh, air an t-slighe mu'n dubhairt mi riut, Cha-n fhaic thu ris i tuilleadh: agus an sin reicear sibh r'ir naimeidibh mar thràillean agus mar bhan-tràillean, agus cha bhi neach ann gu'r ceannach.

# CAIB. XXIX.

2 *Earrail do chloinn Israeil an coimhcheangal ri Dia a choimhead. 29 Buinidh nithean dìomhair do'n Tighearn.*

**I**S iad sin briathran a' choimhcheangail a dh'aithean an Tighearn do Mhaois a dheanamh ri cloinn Israeil, ann an tìr Mhoais, a thuilleadh air a' choimhcheangal a rinn e riu ann an Horeb.

2 Agus thug Maois gairm do Israel uile, agus thubhairt e riu, Chumnaic sibh gach nì a rinn an Tighearn fa chomhair bhuir sùl ann an tìr na h-Eiphit, ri Pharaoh, agus r'a sheirbhiseich uile, agus r'a fhearran uile;

3 Na deuchainnean mòra a chumnaic do shùilean, na comharan agus na h-iongantasan mòra sin;

4 Gidheadh cha d'thug an Tighearn dhuibh cridhe a thuiginn, agus sùilean a dh'fhaicinn, agus cluasan a chluinntinn, gus an là'n diugh.

5 Agus thredraich mise sibh dà fhichead bliadhna 's an fhàsach: cha do chaitheadh bhuir n-eudach dhuibh le h-aois, agus cha do chaitheadh do bhròg le h-aois bhàrr do chois.

6 Cha d'ith sibh aran, nì mò dh'òl sibh fìon, no deoch làidir; a chum gu'm bitheadh fios agaibh gur mise an Tighearn bhuir Dia.

7 Agus an uair a thàinig sibh do'n àite so, thàinig Sihon rìgh Hesboin, agus Og rìgh Bhàsain, a mach 'n ar n-aghaidh chum catha, agus bhuaill sinn iad;

8 Agus ghlac sinn am fearann, agus thug sinn e mar oighreachd do na Reubenich, agus do na Gadaich, agus do leth thréibh Mhan-aseh.

9 Gleidhibh uime sin briathran a' choimhcheangail so, agus deanaibh iad, a chum gu'n soirbhich leibh anns gach nì a nì sibh.

10 Tha sibh uile 'n 'ur seasamh an diugh an làthair an Tighearna bhuir Dé; ceannardan bhuir treubhan, bhuir seanairean, agus bhuir luchd-riaghlaidh, fir Israeil uile,

11 Bhuir clann bheag, bhuir mnathan, agus do choigreach a tha ann ad champ, o fhear-gearraidh d'fhiodha gu fear-tarruing d'uisge;

12 A chum gu'n rachadh tu ann an coimhcheangal ris an Tighearn do Dhia, agus 'n a mhìonnaibh-san, a tha'n Tighearn do Dhia a' deanamh riut air an là'n diugh;

13 A chum gu'n daingnich e thu an diugh mar shluagh dha féin, agus gu'm bi esan dhuitse 'n a Dhia, mar a thubhairt e riut, agus mar a mhìonnaich e do d'athrichibh, do Abraham, do Isaac, agus do Iacob.

14 Agus cha-n ann rìbhse mhàin a tha mise a' deanamh a' choimhcheangail so, agus nam mìonnan so;

15 Ach ris-sa' a tha 'n so maille ruinn 'n a sheasamh an diugh an làthair an Tighearna ar Dé, agus mar an ceudna ris-san nach 'eil an so maille ruinn an diugh;

16 (Oir is aithne dhuibh cionnus a bha sinn a chòmhuidh ann an tìr na h-Eiphit, agus cionnus a thàinig sinn troimh mheadhon nan cinneach air an deachaidh sibh seachad;

17 Agus chumnaic sibh an gràineileachdan, agus an bodholan, fiodh agus clach, airgid agus òr, a bha 'n am measg;)

18 Air eagail gu'm bitheadh 'n 'ur measg fear, no bean, no teaghlach, no treubh, a chlaonas a chridhe air falbh an diugh o'n Tighearn ar Dia, a dhol a dheanamh seirbhis do dhiathaibh nan cinneach sin; air eagail gu'm bitheadh 'n 'ur measg freunna a bheir uaith mar thoradh nìmh agus searbhlas,

19 Agus an uair a chluinneas e briathran a' mhallachaidh so, an sin gu'm beannaich se e féin 'n a chridhe, ag ràdh, Bithidh sìth agam, ged a ghluais mi ann an anamiam mo chridhe féin, a chur misge ri pathadh:

20 Cha chaomhain an Tighearn e, ach an sin cuiridh fearg an Tighearna, agus 'eud, smùid diubh an aghaidh an duine sin, agus luidhidh gach mallachadh air a tha sgrìobhta 's an leabhar so, agus dubhaidh an Tighearn mach 'ainm o bhi fo nèamh.

21 Agus sgaraidh an Tighearn e chum uile, a mach a treubhan Israeil uile, a réir uile mhallachdan a' choimhcheangail, a tha sgrìobhta ann an leabhar an lagha so:

22 Air chor as gu'n abair an gincalach ri teachd, bhuir clann a dh'éireas suas 'n 'ur déigh, agus an coigreach a thig o thìr fad o làimh, 'n uair a chi iad plàighean an fhearran sin, agus 'eucailcan a leag an Tighearn air;

23 *Agus gu bheil a thalann uile 'n a phronnasg, agus 'n a shalann, agus 'n a losgadh, nach 'eil e air a chrur, no 'toirt toraidh naith, agus nach 'eil fear sam bith a' fàs ann, cosmhuil ri sgrios Shodoim agus Ghomorrah, Admah agus Sheboim, a sgrios an Tighearn 'n a fheirg, agus 'n a chorruich;*

24 *Their eadhon na h-uile chinnich, 'Car son a bhuin an Tighearn mar so ris an fhearann so? Ciod is ciall do theas na corruiche mòire so?*

25 *An sin their daoine, A chioun gu'n do thréig iad coimheangal au Tighearna Dé an aithrichean a rinn e ri u, 'n uair a thug e mach iad á tìr na h-Eiphit.*

26 *Oir chaidh iad agus rinn iad seirbhis do dhiahaibh eile, agus rinn iad aoradh dhoibh, dée nach b'aithne dhoibh, agus nach d'thug esan doibh.*

27 *Agus las corruich an Tighearna an aghaidh au fhearann so, a thoirt nam mallachd sin uile air a tha sgrìobhta 's an leabhar so.*

28 *Agus spìon an Tighearn a mach iad as am fearann ann am feirg, agus ann am corruich, agus ann an lasan ro mhòr, agus thilg e iad do dhùthaich eile, mar air an là'n diugh.*

29 *Buinidh na nithean dìomhair do'n Tighearn ar Dia, ach na nithean a tha foillsichte dhuinne, agus d'ar cloinn a chaoidh, a chum gu'n dean sinn uile bhriathran an lagha so.*

CAIB. XXX.

1 *Maitheas agus bràcair air an gealltainn dhoibh-san a bheir géill a dh'aitheantaibh an Tighearna. 15 Beatha agus bàs air an cur fa'n comhair.*

**A**GUS an uair a thig na nithean so uile ort, am beannachadh agus am mallachadh, a chuir mise romhad, agus a chuinnichas tu orra 'am measg nan cinneach uile chum an d'fhògair an Tighearn do Dhia thu,

2 *Agus a philleas tu dh'ionnsuidh an Tighearna do Dhé, agus a bheir thu géill d'a ghuth, a réir nan uile nithean a tha mise ag àithneadh dhuit air an là'n diugh, thu féin agus do chlann, le d'uile chridhe, agus le d'uile anam;*

3 *An sin bheir an Tighearn do Dhia air ais do bhraighdeanas, agus ni e iochd riut, agus pillidh e agus cruinnichidh e thu as na h-uile chinnich a chum an do sgap an Tighearn do Dhia thu.*

4 *Ma dh'fhògradh neach agad gus a' chuid a's iomallaiche de uèamh, as a sin cruinnichidh an Tighearn do Dhia thu, agus as a siu bheir e thu:*

5 *Agus bheir an Tighearn do Dhia thu do'n fhearann a shealbhaich d'aithrichean, agus sealbhaichidh tu e; agus ni e maith dhuit, agus bheir e ort fàs lìomhor os ceann d'aithrichean.*

6 *Agus timchioll-ghearraidh an Tighearn do Dhia do chridhe, agus eridhe do shìochd, a ghràdhachadh an Tighearn do Dhé le d'uile chridhe, agus le d'uile anam, a chum gu'm bi thu beò.*

7 *Agus cuiridh an Tighearn do Dhia na mallachdan sin uile air do naimhdibh, agus orra-san aig am bheil fuath dhuit, a rinn geur-leannhuinn ort.*

8 *Agus pillidh tu agus bheir thu géill do ghuth an Tighearna, agus ni thu 'aith-eantau uile a tha mise ag àithneadh dhuit an diugh.*

9 *Agus ni an Tighearn do Dhia pailt thu ann au uile obair do làimhe, ann an toradh do chuirp, agus ann an toradh do spréidhe, agus ann an toradh d'fheairainn, a chum maith: oir ni an Tighearn aris gairdeachas os do cheann chum maith, mar a rinn e gairdeachas os ceann d'aithriche;*

10 *Ma dh'éisdeas tu ri guth an Tighearna do Dhé, a ghleidheadh 'aith-eantau, agus a reachdan, a tha sgrìobhta ann an leabhar an lagha so, agus ma philleas tu chum an Tighearna do Dhé le d'uile chridhe, agus le d'uile anam.*

11 *Oir an àithne so a tha mise ag àithneadh dhuit an diugh, cha-n'eil i 'm folach ort, ni mò a tha i fada uait.*

12 *Cha-n'eil i 's na nàmhau air chor as gu'n abradh tu, Cò 'théid suas air ar son do na nàmhau, agus a bheir i d'ar n-ionnsuidh, a chum gu'n cluinn sinn i, agus gu'n dean sinn i?*

13 *Ni mò a tha i 'n taobh thall de'n fhairege, air chor as gu'n abradh tu, Cò 'théid a null air ar son thar an fhairege, agus a bheir i d'ar n-ionnsuidh a chum gu'n cluinn sinn i, agus gu'n dean sinn i?*

14 *Ach tha 'm focal ro fhagus duit, ann do bheil, agus ann do chridhe, chum gu'n deau thu e.*

15 *Fench, chuir mi romhad an diugh beatha agus maith, agus bàs agus olc;*

16 *A mhend gu bheil mi ag àithneadh dhuit an diugh an Tighearn do Dhia a ghràdhachadh, ghiasad 'n a shlighean, agus 'aith-eantau a ghleidheadh, agus a reachdan, agus a bhreitheanais, a chum gu'm bi thu beò, agus gu'm fàs thu lìomhor, agus gu'm beannaich au Tighearn do Dhia thu 's an fhearann d'am bheil thu dol g'a shealbhaichadh.*

17 *Ach ma thionndaidheas do chridhe air falbh, agus nach éisd thu, ach gu'n tairngear air falbh thu, agus gu'n dean thu aoradh do dhiahaibh eile, agus gu'n dean thu seirbhis dhoibh;*

18 *Tha mi ag innseadh dhuibh air an là'n diugh, gu'n sgriosar gu cìnteach sibh, agus nach sin sibh bhur lathcan air an fhearann, d'am bheil thu 'dol thar Iordan, gu gabhail a steach g'a shealbhaichadh.*

19 *Tha mi a' gairm nan nàmh agus na tal-*



mhaoinn mar fhianuiscau 'n 'ur n-aghaidh air an là'n diugh, gu'n do chuir mi beatha agus bàs f'ar comhair, beannachadh agus mallachadh: uime sin ròghnuich beatha, chum gu'm bi thu féin agus do shliochd beò:

20 A chum gu'n gràdhaich thu 'n Tighearn do Dhia, agus gu'n toir thu géill d' a ghuth, agus gu'n leau thu ris; (oir is esan do bheatha, agus fad do làithean;) a chum gu'n gabh thu còmhnuidh 's an fhearann a mhionnaich an Tighearn do d'aithrichean, do Abraham, do Isaac, agus do Iacob, gu'n tugadh e dhoibh.

CAIB. XXXI.

1 *Thug Maois misneach do Iosua agus do'n t-sluagh. 9 Thug e 'n lagh do na sagartaibh, agus dh'àithn e dhoibh aig ceann gach seachd bliadhna a leughadh an éisdeachd an t-sluagh. 19 Thug Dia laoidh do Maois mar fhianuis 'n an aghaidh.*

**A**GUS chaidh Maois agus labhair e na briathran so ri h-Israel uile.

2 Agus thubhairt e riu, *Tha* mise ceud agus fichead bliadhna dh'aois air an là'n diugh; cha-n urrainn mi tuilleadh dol a mach agus teachd a steach: agus thubhairt au Tighearn rium, Cha téid thu thar an Iordan so.

3 Théid an Tighearn do Dhia e féin a null romhad; sgriosaidh esan na cinnich sin o d' làthair, agus sealbhaichidh tu iad: agus théid Iosua null romhad, mar a thubhairt an Tighearn.

4 Agus ui an Tighearn riu mar a rinn e ri Sihon, agus ri h-Og, rìghrean, nan Amorach, agus ri fearann na muinntir sin a sgrios e.

5 Agus bheir an Tighearn thairis iad roimh bhur gnùis, a chum gu'u dean sibh riu a réir gach àitline a dh'àithn mise dhuibh.

6 Bithibh làidir, agus bitheadh deadh mhisneach agaibh, na bitheadh eagal oirbh, agus na gabhaibh geill rompa: oir is e 'n Tighearn do Dhia e féin a théid leat; cha d'ibir e thu, ni mò a thréigas e thu.

7 Agus ghairm Maois air Iosua, agus thubhairt e ris ann an sealladh Israel uile, Bi làidir, agus bitheadh deadh mhisneach agad: oir is tusa a théid a stigh leis an t-sluagh so do'n fhearann a mhionnaich an Tighearn d'an aithrichibh gu'n tugadh e dhoibh; agus bheir thu orra a shealbhadh mar oighreachd.

8 Agus théid an Tighearn e féin romhad; bithidh esan maille riut, cha d'ibir e thu, ni mò a thréigas e thu: na gabh eagal, agus na bitheadh geill ort.

9 Agus sgrìobh Maois an lagh so, agus thug se e do na sagartaibh, mic Lebhi, a tha 'gùlan àirce còmhcheangail an Tighearn, agus do sheanairibh Israel uile.

10 Agus dh'àithn Maois dhoibh, ag ràdh, Aig ceann gach seachd bliadhna, ann an

am òrduichte bliadhna an fhuasglaidh, aig féill nam pàillium.

11 'N uair a thig Israel uile g'an taisbeanadh féin an làthair an Tighearna do Dhé, 's an ionad a thaghas e; leughaidh tu 'n lagh so 'an làthair Israel uile 'n an éisdeachd.

12 Cruinnich an sluagh r'a chéile, fir agus mnathan, agus clann, agus do choigreach a tha 'u taobh a stigh de d' gheataibh, a chum gu'n cluinn iad, agus gu'm foghlum iad, agus gu'm bi eagal an Tighearna bhur Dé orra, agus gu'n toir iad fainear uile bhriathran an lagha so a dheanamh;

13 Agus gu'n cluinn an clann do nach b'aithne 'bheag, agus gu'm foghlum iad eagal an Tighearna bhur Dé a bhi orra, am fad's is beò dhuibh 's an fhearann d'am bheil sibh 'dol thar Iordan g'a shealbhadh.

14 Agus thubhairt an Tighearn ri Maois, Feuch, tha do làithean a' d'ùthachadh anns am feum thu bàs fhaghal: gairm air Iosua, agus nochdaibh sibh féin ann am pàillium a' choimhthionail, a chum gu'n toir mise àithne dha. Agus chaidh Maois agus Iosua, agus nochd siad iad féin ann am pàillium a' choimhthionail.

15 Agus dh'fhoillsich an Tighearn e féin 's a' phàillium ann am meall neoil: agus sheas am meall neoil os ceann doruis a' phàillium.

16 Agus thubhairt an Tighearn ri Maois, Feuch, coidlidh tusa maille ri d'aithrichean; agus éiridh an sluagh so suas, agus théid iad le strìopachas an déigh dhiathan na tìre còimhich sin d'am bheil iad a' dol a steach gu *fantuinn* 'n a meadhon, agus tréigidh iad mise, agus brisidh iad mo choimhcheangal a rinn mi riu.

17 Agus lasaidh mo chorruidh 'n an aghaidh 's an là sin, agus tréigidh mi iad, agus folaichidh mi mo ghnùis uatha, agus ithear suas iad, agus thig mòran ole agus àmhgharan orra, air chor as gu'n abair iad 's an là sin, Nach ann a chionn nach 'eil ar Dia 'n ar measg a thàinig na h-uile so oirnn?

18 Agus gu' còimtech folaichidh mise mo ghnùis 's an là sin, air son gach uile a dh'òibrich iad, a chionn gu'n do thionndaidh iad an déigh dhiathan eile.

19 A nis uime sin sgrìobhaibhse dhuibh féin an laoidh so, agus teagnisgibh i do chloinn Israel: cuir i 'n am beul, a chum gu'm bi 'n laoidh so mar fhianuis dhomhsa an aghaidh chloinn Israel.

20 Oir an uair a bheir mi stigh iad do'n fhearann a mhionnaich mi d'an aithrichean, a tha 'sruthadh le bainne agus le mil, agus a dh'itheas iad agus a shàsuichear iad, agus a dh'fhàsas iad reamhar; an sin tionndaidh iad gu diathan eile, agus ni iad scirbhis doibh, agus brosnuidh iad mi, agus brisidh iad mo choimhcheangal.

21 Agus tarlaidh, an uair a thig mòran



ole agus àmhgharan orra, gu'n labhair an laoidh so mar fhianuis 'n an aghaidh; oir cha dì-chuimhnichear i á beul an sliochd: oir is aithne dhomh an smuaintean a tha iad a' dealbh an diugh *féin*, mun d'thug mi steach iad do'n fhearann a mhionnaich mi.

22 Sgrìobh uinne sin Maois an laoidh so air an là sin féin, agus theagaisg ei do chloinn Israeil.

23 Agus dh'aithn e do Iosua mac Nuin, agus thubhairt e, Bi làidir, agus bitheadh deadh mhiseach agad: oir bheir thu clann Israeil do'n fhearann a mhionnaich mi dhoibh; agus bithidh mise maille riut.

24 Agus an uair a chuir Maois crìoch air sgrìobhadh bhriathran an lagha so ann an leabhar, gus an do chrìochnaich iad.

25 An sin dh'aithn Maois do na Lebhithich, a tha 'giulan àirce coimheangail an Tighearna, ag ràdh,

26 Gabhaibh leabhar an lagha so, agus cuiribh e aig taobh àirce coimheangail an Tighearna bhur Dé, chum gu'm bi c' n sin mar fhianuis a'd' aghaidh.

27 Oir is aithne dhomh do cheannaire, agus do mhùineal rag: fench, am feadh 's a tha mi fathast beò maille ribh an diugh, bha sibh ceannaireach an aghaidh an Tighearna; agus cia's mò na sin *abhlitheas sibh* an deigh mo bhàis?

28 Cruinnichibh a m' ionnsuidh scanairean bhur treubhan uile, agus bhur luchd-riaghlaidh, a chum gu'n labhair mi 'n an cluas-aibh na briathran so, agus gu'n gairm mi na nèamhan agus an talamh mar fhianuissean 'n an aghaidh.

29 Oir tha fhios agam, an déigh mo bhàis gu'n truail sibh *sibh féin* gu tur, agus gu'n téid sibh a thaobh o'n t-slighe a dh'aithn mi dhuibh; agus thig ole oirbh anns na làithibh deireannach, a chionn gu'n dean sibh ole ann an sealladh an Tighearna, 'g a bhrosnachadh gu feirg le h-obair bhur làmh.

30 Agus labhair Maois ann an cluasaibh uile chomhchruinnceachaidh Israeil briathra na laoidhe so, gus an do chrìochnaich iad.

CAIB. XXXII.

1 *Laoidh Mhaois.* 46 *Tha e a' toirt earail do'n t-sluagh, gu'n socraicheadh iad an crìdhe air na nithibh a bha air an cur 'an cèill dhoibh innte.*

**C**LUINNIBH, O a nèamhan, agus labhairaidh mi; agus éisdeadh an talamh ri briathraibh mo bheoil.

2 Sìlidh mo theagasg mar an t-uisge, tuitidh mo chaimnt mar an drùchd; mar mhìn-uisge air an lus mhaoth, agus mar fhrasan air an fheur;

3 A chionn gu'm foillsich mi ainm an Tighearna: thugaibhse mòrachd d'ar Dia-ne.

4 *Is esan a' charraig, tha 'obair iomlan;*

oir *is* breitheanas a shlighean uile: Dia na firinn, agus gun eucoir, cothromach agus ceart *tha* esan.

5 Thruail siad iad féin, cha-n e an smal *smal* a chloinne-san: *is* ginealach coirbte agus fiar iad.

6 An ann mar so a dh'òcas sibh do'n Tighearn, O a shluagh amaideach agus gun cheill? nach esan d'athair a cheannaich thu? nach d'rinn e thu, agus nach do dhaingnich e thu?

7 Cuimhnich na làithean o chian, thoir faincar bliadhnanachan nan iomadh ginealach: fiosraich de d'athair, agus nochdaidh e dhuit; de d' shcanairibh, agus innsidh iad dhuit.

8 'N nair a roinn an Ti a's ro àirde do na cinnich an oighreachd, an uair a sgar e mic Adhaimh *o'chéile*, shuidhich e crìochan nan sluagh a réir àireimh chloinn Israeil:

9 Oir *is* e 'shluagh cuibhrionn an Tighearna; *is* e Iacób crannchur 'oighreachd-san.

10 Fhuair e ann am fearann fàs e, eadhon ann am fàsach falamh *làn* ulfhartaich: threoraich e mu'n cuairt e, theagaisg se e, ghléidh e mar ubhal a shùla e.

11 Mar a charaicheas iolar suas a nead, a dh'itealacheas i os ceann a h-àlaich, a sgaoileas i mach a sgiathan, a ghabhas i iad, a ghlùlaincas i iad air a sgiathaibh;

12 *Mar sin* threoraich an Tighearn 'n a aonar esan, agus cha robh Dia coimheach maille ris.

13 Thug e air marcachd air àitibh àrda na talmhainn, a chum gu'n itheadh e toradh an fhearainn, agus thug e air mìl a dheothal as a' charraig, agus oladh as a' charraig aibhlinn;

14 Im cruidd, agus bainne chaorach, maille ri saill uan agus reitheachan de shìol Bhàsain, agus ghabhar, maille ri reamhrachd airnean a' chruthnèachd; agus dh'òl thu fuil fhìor-ghlan nam fìon-dhearc.

15 Ach dh'fhàs Iesurun reamhar, agus bhreab e: tha thu air cinntinn reamhar, tha thu air fàs tugh, tha thu còmhdaichte *le saill*: an sin thréig e an Dia a rinn e, agus rinn e dìmeas air carraig a shlàinte.

16 Bhrosnach iad e gu h-cud le *dhiathan* eile, le gràincileachdaibh chuir iad corruich air.

17 Dh'òbair iad do dheamhnaibh, cha-n ann do Dhia; do dhiathan nach b'aithne dhoibh, do *dhiathan* muadh a dh'ùr-éirich suas, roimh nach robh eagal air bhur n-aithrichean.

18 Air a' charraig a ghin thu tha thu mi-chuimhnèachail, agus tha thu dearmadach air an Dia a dhealbh thu.

19 Agus an uair a chunnaic an Tighearn e, ghabh e gràin *dìubh*, air son brosnachaidh a mhac agus a nighcanan.

20 Agus thubhairt e, Folaichidh mi mo

ghnuis uatha, chi mi ciod a's crìoch dhoibh: oir is ginealach ro choirbte iad, clann anns nach 'eìl creidimh.

21 Rinn iad cadmhor mise leis an nì nach 'eìl 'n a Dhia, bhrosnaich iad mi gu feirg le 'n dìomhanais: agus nì mise eudmhor iadsan leo-san nach 'eìl 'n an sluagh. brosnachidh mi iad gu feirg le cinneach amaidheach.

22 Oir tha teine air fhadadh a'm fheirg, agus loisgidh e gu h-ifrinn iochdraich, agus cuiridh e as do 'n talamh le 'thoradh, agus cuiridh e ri theine bunaitean nam beana.

23 Carnaidh mi suas uile orra, mo shaighdean caithidh mi orra.

24 Claidhear iad le h-ocras, agus cuirear as doibh le teas loisgeach, agus le sgrìos searbh: fìaclan fhìadh-bheathaichean mar an ceudna cuiridh mi orra, maille ri nìmh nathraichean an duslaich.

25 O'n leth a muigh sgriosaidh an claidheamh, agus o'n leth a stigh uamhann, araon an t-òig-fhear agus an òigh, an cìochran agus fear na gruaige léithe.

26 Thubhairt mi, Sgapaidh mi iad gu cùltibh, bheir mi air an cuimhne sgrù o mheasg dhaoine:

27 Mur bhitheadh gu'n robh eagal orm roimh chorruich an nàmhaid, air eagal gu'n ghlaineadh an eascairdean iad fèin gu mi-chubhaidh, air eagal gu'n abradh iad, *Is i ar làmh àrd-ne*, agus cha-n e an Tighearn a rinn so uile.

28 Or is cinneach gun chomhairle iad, nì mò a tha tuigse anna.

29 O gu'm bitheadh iad glie, gu'n tuigeadh iad so, gu'n tugadh iad faineas an crìoch dheireannach!

30 Cionnusa a chuireadh a h-aon ruaig air mìle, agus a chuireadh dìthis deich mìle air theicheadh, mur bitheadh an carraig air an reiceadh, agus mur bitheadh an Tighearn air an druideadh suas?.

31 Oir mar ar carraig-ne cha-n'eìl an carraig-san, air bhì d'ar naimhdibh fèin 'n am breitheamhnaibh.

32 Oir de fhìonain Shodoim tha 'm fìonain-san, agus de mhachairibh Ghomorrah: is fìon-dhearcan marbhtach am fìon-dhearcan, tha 'm bagaidean searbh:

33 *Is e nìmh nan dràgon am fìon*, agus puinsion an-ìochdmhor nan nathraichean nìmh.

34 Nach 'eìl so air a thasgadh suas agam, air a sheulachadh a'm ionmhasaibh?

35 Dhomhsa buinidh dìoghaltas, agus luigheachd; ri h-ùine sleamhnaichidh an cos: oir tha là an sgrios am fagus, agus tha na nithean a thig orra a' deanamh deifir.

36 Oir bheir an Tighearn breth air a shluagh, agus gabhadh e aithreachas a thaobh a sheirbhiseach, 'n uair a chi e gu'n d'fhalbh an neart, agus nach 'eìl neach dhiubh air a dhruideadh suas, no air fhàgail.

37 Agus their e, C'ait am bheil an diathan. a' charraig as an d'earb iad,

38 A dh'ith saill an ìobairtean, a dh'òl fìon an tabhartais-dìbhe? èireadh iad suas, agus cuidicheadh iad leibh; bitheadh iad dhuibh 'n an didean.

39 Faicibh a nìs gur mise, eadhon mise e, agus nach 'eìl Dia sam bith maille rium: marbhaidh mi, agus beothaichidh mi; lotaidh mi, agus leighisidh mi: agus cha-n'eìl neach ann a shaoras as mo làimh.

40 Oir togaidh mi suas mo làmh gu nèamh, agus their mi, *Is beò mise gu sìorruidh*.

41 Ma gheuraicheas mi mo chlaidheamh lasarach, agus ma nì mo làmh greim air breitheanas, locaidh mi dìoghaltas do m' naimhdibh, agus bheir mi luigheachd dhoibhsan aig am bheil fuath orm.

42 Cuiridh mi air mhìsg mo shaighdean le fuil, agus ithidh mo chlaidheamh suas feoil; eadhon le fuil nam marbh, agus nam braighean, o thoiseach nan dìoghaltas air an nàmhaid.

43 Deanaibh gairdeachas, O chinneacha, maille r'a shluaghsan: oir dholaidh e fuil a sheirbhiseach, agus nì e dìoghaltas air 'eascairidibh, agus bithidh e tròcaireach d'a thìr, agus d'a shluagh fèin.

44 Agus thàinig Maois, agus labhair e uile bhriathran na laoidh' so ann an eisdeachd an t-sluaigh, e fèin agus Hosea mac Nuin.

45 Agus chuir Maois crìoch air na briathran sin uile a labhairt ri h-Israel uile.

46 Agus thubhairt e riu, Socraichibh bhur cridhe air na focail uile air am bheil mise a' toirt fianuis 'n ur measg air an là'n diugh, a dh'àithneas sibh d'ur cloinn a choinneadh, a chum gu'n dean iad uile bhriathran an lagha so.

47 Oir cha nì dìomhain e dhuibh, a chionn gur e bhur beatha e; agus leis an nì so buanaichidh sibh *bhur* làithean 's an fhearann a tha sibh a' dol a null thar Iordan g'a shealbhachadh.

48 Agus labhair an Tighearn ri Maois 's an là sin fèin, ag ràdh,

49 Imich suas do'n bheinn so Abarim, do shliabh Nebo, a tha ann an tìr Mhoab, a tha fa chomhair Iericho, agus gabh sealladh de thìr Chanaain, a tha mi a' toirt do chloinn Israel mar sheilbh;

50 Agus gheibh thu bàs 's an t-sliabh d'an tèid thu suas, agus cruinnichear thu chum do dhaoine; mar a fhuair Aaron do bhràthair bàs ann an sliabh Hor, agus a chruinnicheadh e chum a dhaoine:

51 A chionn gu'n do chiontaich sibh a'm' aghaidh-sa am measg chloinn Israel, aig uisgeachaibh Mheribah-Cades, ann am fasach Shin; a chionn nach do naomhaich sibh mi 'am meadhon chloinn Israel.

52 Gidheadh chì thu am fearann fa d' chomhair; ach chatèid thu steach do'n fhearann a tha mi 'tabhairt do chloinn Israel.



CAIB. XXXIII.

1 *Mòrachd Dhé.* 6 *Beannachadh an dà threubh dheis.*

**A**GUS *is e* so am beannachadh leis an do bheannachadh Maosis, òglach Dhé, clann Israeil roimh a bhàs.

2 Agus thubhairt e, Thàinig an Tighearn o Shinaì, agus dh'èirich e suas dhoibh o Sheir; dhealraich e mach o shliabh Phàrain, agus thàinig e le deich mìle de naoimh: o 'dheas làimh *chaidh* lagh teine mach dhoibh.

3 Scadh, ghràdhaidh e 'n sluagh; *tha* a naoimh uile a'd làimh: agus shuidh iad sìos aig do chosaibh; gheibh *gach neach* de d' bhriathraibh.

4 Dh'aitm Maosis lagh dhuinn, *mar* oighreachd do chomhchruinneachadh Iacoib.

5 Agus bha e 'n a rìgh ann an Iesurun, an uair a chruinnich ceannardan an t-sluaigh agus treubhan Israeil an ceann a chèile.

6 Bitheadh Reuben beò, agus na faigh-eadh e bàs; agus bitheadh a dhaoine *lion-mhor* 'an àireamh.

7 Agus *is e* so beannachadh Iudah: agus thubhairt e, Eisd, a Thighearna, ri guth Iudah, agus thoir e chum a shluaigh: bitheadh a làmhnan foghainteach dha, agus bi-sa a'd chòmhnadh *aige* o 'naimhdeibh.

8 Agus mu Lebhi thubhairt e, *Bitheadh* do Thumim agus d'Urim aig d'aon naomh, a dhearbhu thu aig Masah, ris an d' rinn thu strì aig uisgeachaibh Mheribah;

9 A thubhairt r'a athair agus r'a mhàthair, Cha-n fhaca mi e; agus cha do ghabh e r'a bhràithribh, agus cha d'aitnich e a chlann féin: oir choimhid iad d'fhocail, agus glhléidh iad do choimhcheangal.

10 Teagaisgidh iad do bhreitheanais do Iacob, agus do lagh do Israel: cuiridh iad tùis fa d' chomhair, agus làn ìobairt-loisgte air d'altair.

11 Beannaich, O Thighearna, a mhaoim, agus gabh ri obair a làmh: buail troimh leasraidh na muinntir a dh'éireas 'n a aghaidh, agus na muinntir le 'm fuathach e, elum nach éirich iad a ris.

12 Mu Bheniamin thubhairt e, Gabhaidh aon gràdhach an Tighearna còmhaidh ann an tèaruinteachd làimh ris; agus còmhdaichidh an Tighearn e rè an là uile, agus gabhaidh e còmhuidh eadar a ghuaillibh.

13 Agus mu Ioseph thubhairt e, Beannaichte o'n Tighearn *gu robh* 'fhearann, a thaobh nithean luachmhor nèimh, a thaobh an drùchd, agus a thaobh na doimhne 'tha 'n a luidhe shìos,

14 Agus a thaobh nan toradh luachmhor a bheirear a mach leis a' ghréin, agus a thaobh nan nithean luachmhor a ehuirear a mach leis gach mìos,

15 Agus a thaobh prìomh nithean nam beann aosda, agus a thaobh nithean luachmhor nan sliabh sìorruidh,

16 Agus a thaobh nithean luachmhor na talmhainn, agus a làin, agus deadh-ghean an Tì sin a bhla 'chòmhnuidh 's a' phreas: thigeadh am beannachd air ceann Ioseph, agus air mullach a chinn-san a sgaradh o 'bhràithribh.

17 Mar cheud-ghin a thairbh *tha* a sgéimh, agus *mar* adhaircean nan aon-adharcach *tha* 'adhaircean-sa: leo so purraidh e 'n sluagh le 'chèile, gu h-ìomallaibh na talmhainn: agus *is* iad so deich mìltean Ephraim, agus *is* iad so mìltean Mhanasèh.

18 Agus mu Shebulun thubhairt e, Dean gairdeachas, a Shebuluin, a'd' dhol a mach; agus Isachair, a'd' bhùthaibh.

19 Gairmidh iad an sluagh a chum na beinne; an sin ìobraidh iad ìobairtean ionraics: oir pailteas nan cuan sùghaidh iad suas, agus ionmhais fholaichte na gain-eimh.

20 Agus mu Ghad thubhairt e, Beannaichte *gu robh* esan a chuireas Gad 'an farsuingeachd: mar leòmhann *tha* e 'gabhail còmhnuidh, agus reubaidh e 'n gairdean maille ri mullach a' chinn.

21 Agus dheasaich e a' cheud chuid dha féin, a chionn an sin, *ann an* cuibhrionn an lagh-thabhartair, gu'n do shuidhicheadh e; agus thàinig e *maille ri* ceannardaibh an t-sluaigh; ceartas an Tighearna ehuir e 'n gnìomh, agus a bhreitheanais ri h-Israel.

22 Agus mu Dhan thubhairt e, *Is* cuilean leòmhain Dan: leumaidh e o Bhàsan.

23 Agus mu Naphtali thubhairt e, O Naphtali, sàsaichte le deadh-ghean, agus làn de bheannachadh an Tighearna, seallbhaich thusa an àird' an iar agus an àirde deas.

24 Agus mu Aser thubhairt e, *Bitheadh* Aser beannaichte le cloinn; bitheadh e taitneach d'a bhràithribh, agus tumadh e a chos ann an oladh.

25 *Bithidh* do bhrògan 'n an iarunn agus 'n an umha; agus mar do làithean *is amhluidh bhitheas* do neart.

26 Cha-nèil neach cosmhuil ri Dia Iesurun, *a tha* 'marcachd air nèamh a'd' chòmhnadh, agus 'n a mhòrachd air na speur-aibh.

27 *Is e* 'n Dia bith-bhuan do thearmunn, agus fodha *tha* na gairdeanan sìorruidh: agus fuadaichidh e mach an nàmhaid remhaid, agus thoir e, Cuir as da.

28 An sin gabhaidh Israel còmhnuidh gu tèaruinte 'n a aonar: *bithidh* tobar Iacoib air fearann arbhair agus fìona; mar an ceudna sliidh a nàmhna nuas drùchd.

29 *Is* sona thu, O Israeil: cò 'tha cosmhuil riut, O shluagh a shaoradh leis an Tighearn, sgiath do chòmhnadh, agus neach 'is e claidheamh do mhòrachd? agus gheibhear do naimhdean 'n am brengairibh dhuit, agus saltraidh tu air an àitibh àrda.



CAIB. XXXIV.

1 O shliabh Nebo fhuair Maois sealladh dethèr Chanaain. 5 A bhàs agus 'adhlac. 7 'Aois. 8 An tuireadh air a shon. 10 A chluir.

A GUS chaidh Maois suas o chòmhnard-aibh Mhoaid gu shliabh Nebo, gu mullach Phisgah, a tha thall fa chomhair Iericho: agus nochd an Tighearn dha fearann Ghilead uile gu Dan.

2 Agus Naphtali uile, agus tìr Ephraim, agus Mhanaseh, agus tìr Iudah uile, gu ruig an fhaerge a's faide mach,

3 Agus an taobh deas, agus còmhnard glinne Iericho, baile nan craobh pailm, gu ruig Soar.

4 Agus thubhairt an Tighearn ris, *Is e so am fearann a mhionnaich mi do Abraham, do Isaac, agus do Iacob, ag ràdh, Do d' shliochd-sa bheir mi e: thug mi orts a fhaicinn le d' shùilibh, ach d'a ionnsuidh cha téid thu thairis.*

5 Agus fhuair Maois, òglach an Tighearna, bàs an sin, ann am fearann Mhoaid, a réir focail an Tighearna.

6 Agus dh'adhlac e ann an gleann e, ann am fearann Mhoaid, thall fa chomhair Bhet-

poir: ach cha-n aithne do dhuine sam bith uaigh gus an là'n diugh.

7 Agus bha Maois ceud agus fichead bliadhna dh'aois an uair a fhuair e bàs: cha d'fhàilnich a shùil, ni mò a thréig a neart e.

8 Agus ghuil clann Israeil air son Mhaois ann an còmhnardaibh Mhoaid deich làithean 'ar fhichead: mar so chrìochnaicheadh làithean a' ghuil agus a' bhròin air son Mhaois.

9 Agus bha Iosua mac Nuin làn de spiorad a' ghliocais; oir chuir Maois a làmh an air: agus dh'èisd clann Israeil ris, agus rinn iad mar a dh'àithn an Tighearn do Mhaois.

10 Agus cha d'éirich fàidh o sin ann an Israel cosmhail ri Maois, neach a b'aithne do'n Tighearn aghaidh ri h-aghaidh;

11 Anns na h-uile chomharaibh, agus iongantasaibh a chuir an Tighearn e a dheanamh ann an tìr na h-Eiphit, air Pharaoh agus air a sheirbhisich uile, agus air 'Thearann uile,

12 Agus anns an làimh chumhachdach sin uile, agus anns an uamhas mhòr uile, a dh'oibrich Maois ann an sealladh Israeil uile.

# I O S U A .

CAIB. I.

1 Dh'ordugh an Tighearn Iosua 'an àite Mhaois. 5, 7 Gheall e bhì maille ris: 8 Thug e riaghailtean dha a thaobh a ghiùlain.

A NIS, an déigh bàis Mhaois, òglach an Tighearna, labhair an Tighearn ri Iosua, mac Nuin, fear-frithealaidh Mhaois, ag ràdh,

2 Tha m'òglach Maois marbh: a nis nime sin éirich, gabh thairis air Iordan so thu féin, agus an sluagh so uile, dh'ionnsuidh na tìre a tha mise a tabhairt dhoibh, eadhon do chloinn Israeil.

3 Gach ionad air an saltair bonn bhur coise, sin thug mi dhuibh, mar a thubhairt mi ri Maois.

4 O'n fhàsach, agus Lebanon so, eadhon gus an amhainn mhòir, amhainn Euphrates, tìr nan Hiteach uile, agus gus an fhaerge mhòir, leth ri dol fodha na gréine, bithidh 'n a chrìch dhuibh.

5 Cha-n urrainn duine sam bith seasamh a'd aghaidh uile làithean do bheatha. Mar a bha mi le Maois, mar sin bithidh mi leatsa: cha dìbir mi thu, agus cha tréig mi thu.

6 Bi làidir, agus ro mhisneachail; oir do'n t-sluagh so roimhidh tu mar oighreachd an tìr a mhionnaich mi d'an aithrichibh a thabhairt doibh.

7 A mhàin bi-sa làidir agus ro mhisneach-

ail, a chum gu'n toir thu 'n aire gu'n dean thu a réir an lagha uile a dh'àithn m'òglach Maois dhuit: na tionndaidh uaith dh'ionnsuidh na làimhe deise no dh'ionnsuidh na làimhe clìthe, a chum gu'n soirbhich leat anns gach àite d'an téid thu.

8 Cha téid leabhar an lagha so as do bheul; ach beachd-smuainichidh tu air a là agus a dh'oidheche, chum gu'n toir thu 'n aire gu'n dean thu a réir gach nì a tha sgrìobhta ann: oir an sin bheir thu air do shlighe soirbheachadh leat, agus an sin ni thu gu glie.

9 Nach d'àithn mise dhuit? Bi làidir agus ro mhisneachail; na bi fo cagal, agus na biodh faitheas ort: oir tha 'n Tighearn do Dhia leat anns gach ionad d'an téid thu.

10 An sin dh'àithn Iosua do luchd-riaghlaidh an t-sluaigh, ag ràdh,

11 Rachaibh troimh'n champ, agus àithnibh do'n t-sluagh, ag ràdh, Deasaichibh dhuibh féin lòn; oir an ceann thri làithean théid sibh thar Iordan so, a dhol a stigh a shealbhachadh na tìre a tha 'n Tighearn bhur Dia a' toirt duibh r'a sealbhachadh.

12 Agus ris na Reubenich, agus ris na Gadaich, agus ri leth thréibh Mhanaseh, labhair Iosua, ag ràdh,

13 Cuimhnichibh am focal a dh'àithn Maois òglach an Tighearna dhuibh, ag

ràdh, Thug an Tighearn bhur Dia fois duibh, agus thug e dhuibh an tìr so.

14 Fanaidh bhur mnathan, bhur clann bheag, agus bhur spréidh, 's an tìr a thug Maois dhuibh air an taobh so de Iordan; ach théid sibh féin thairis fo'r n-armaibh roimh bhur bràithrean, sibhse uile a tha treun ann an neart, agus cuidichidh sibh leo;

15 Gus an toir an Tighearn fois d'ur bràithribh, mar a thug e dhuibhse, agus gu'n sealbhaich iadsan mar an ceudna an tìr a tha 'n Tighearn bhur Dia a' tabhairt doibh: an sin pillidh sibh gu tìr bhur seilbhe, agus sealbhaichidh sibh i, *eadhon an tìr* a thug Maois òglach an Tighearna dhuibh air an taobh so de Iordan, leth ri éirigh na gréine.

16 Agus fhreagair iad Iosua, ag ràdh, Na h-uile *nìthean* a dh'àithn thu dhuinne, ni sinn; agus ge b'e taobh a chuireas tu sinn, théid sinn.

17 A réir mar a dh'éisd sinn ri Maois anns na h-uile *nìthibh*, mar sin éisdidh sinn riutsa: a mhàin bithcadh an Tighearn do Dhia maille riut, mar a bha e maille ri Maois.

18 Gach duine a chuireas an aghaidh d'àithne, agus nach éisd ri d' bhriathraibh, anns na h-uile *nìthibh* a dh'àithneas tu dha, cuirear gu bàs e: a mhàin bi làidir, agus ro mhisneachail.

## CAIB. II.

1 *Thug Rahab aoidheachd do'n dithis dhaoine a thàinig à Sitim a rannsachadh na tìre. S An coimheangal eadar ise agus iadsan.*

**A** GUS chuir Iosua mac Nuin a mach à Sitim dithis dhaoine a rannsachadh a mach gu h-uaigneach, ag ràdh, Imichibh, rannsaichibh a mach an tìr, agus Iericho: agus dh'imich iad, agus chaidh iad a steach do thigh striopaich, d'am b'ainm Rahab, agus luidh iad an sin.

2 Agus dh'innsedh do rìgh Iericho, ag ràdh, Feuch, thàinig daoine an so an nochd, de chloinn Israeil, a rannsachadh a mach na tìre.

3 Agus chuir rìgh Iericho *teachdair* gu Rah b, ag ràdh, Thoir a mach na daoine a thàinig a d'ionnsuidh, a chaidh steach do d' thigh: oir is ann a rannsachadh a mach na tìre uile a thàinig iad.

4 Agus ghabh a' bhean an dithis dhaoine, agus dh'fholaich i iad, agus thubhairt i mar so, Thàinig gun amharus daoine a m' ionnsuidh, ach cha robh fhios agam cia as a thàinig iad:

5 Agus thachair *mu àm* druididh a' gheata 'n uair a bha e dorecha, gu'n deachaidh na daoine mach: c'àit a glabh na daoine cha-n fhios domh: leanaibh gu luath air an tòir, oir beiridh sibh orra.

6 Ach bha i air an toirt suas gu mullach an tìghe, agus air an folach le cuiseagaibh

an lìn, a leag i 'an ordugh air mullach an tìghe.

7 Agus lean na daoine air an tòir 's an t-slighe gu Iordan, gu ruig na h-àthan: agus co luath as a chaidh a' mhuinntir a bh'air an tòir a mach, dhruid iad an geata.

8 Agus mun robh iad air luidhe sìos, chaidh i suas d'an ionnsuidh air mullach an tìghe;

9 Agus thubhairt i ris na daoineibh, Tha fios agam gu bheil an Tighearn air toirt duibh na tìre, agus gu bheil bhur n-uamhas air tuiteam oirne, agus gu bheil luchd àiteachadh na tìre uile air leaghadh as le h-eagal roimhibh:

10 Oir chuala sinne cionnus a thiormaich an Tighearn suas uisge na mara ruaidhe roimhibh, 'n uair a thàinig sibh a mach as an Eiphit; agus ciod a rinn sibh air dà rìgh nan Amorach, a bh'air an taobh eile de Iordan, Sihon agus Og, a sgrios sibh gu tur.

11 Agus co luath as a chuala sinne na *nìthean sin*, leagh air eridheachan, agus cha d'fhan tuilleadh a bheag de mhisnich ann an duine sam bith air bhur sonsa: oir an Tighearn bhur Dia, 's esan Dia anns na nèamhan shuas, agus air an talamh bhos.

12 A nis uime sin guidheam oirbh, mionnaichibh dhomh air an Tighearn, a chionn gu'n do nochd mi caoimhneas dhuibh, gu'n nochd sibhse mar an ceudna caoimhneas do thigh m'athar-sa, agus gu'n toir sibh dhomh comhara cinnteach;

13 Agus gu'n gléidh sibh beò m'athair, agus mo mhàthair, agus mo bhàithrean, agus mo pheathraichean, agus na h-uile a tha aca, agus gu'n saor sibh ar n-anamanna o'n bàs.

14 Agus fhreagair na daoine i, Ar n-anamne air bhur sonsa gu bàs, mur foillsich sibh an gnothuch so againn. Agus tarlaidh, 'n uair a bheir an Tighearn dhuinn an tìr, gu'm buin sinn gu caoimhnail agus gu firinn-each riutsa.

15 An sin leig i sìos iad air cord troimh 'n uinneig: oir bha a tigh air balla a' bhaile, agus bha i 'chòmhnuidh air a' bhalla.

16 Agus thubhairt i riut, Thugaibh am monadh oirbh, air eagal gu'n coinnich an luchd tòrachd sibh; agus folaichibh sibh féin an sin trì làithean, gus am bi'n luchd tòrachd air pilltinn, agus an deigh sin feudaidh sibh imeachd air bhur slighe.

17 Agus thubhairt na daoine rithe, *Bithidh* sinne neò-chiontach a thaobh iad so do mhionnan a thug thu oirne a mhionnach-adh.

18 Feuch, 'n uair a thig sinn do'n tìr, ceanglaidh tu an sìom so de shnàth sear-lait anns an uinneig troimh an do leig thu sìos sinn: agus bheir thu d'athair, agus do mhàthair, agus do bhàithrean, agus teaghlach d'athar uile, dhachaidh a d' ionnsuidh.

19 Agus tarlaidh, ge b'e neach a théid a mach air dorsaibh do thighe do'n t-sràid, *gum bi* 'fhuil air a ceann *féin*, agus *bithidh* sinne neo-chiontach: agus ge b'e neach a bhios maille riut anns an tigh, *bithidh* 'fhuil air ar ceann-ne, ma bheanas làmh ris.

20 Agus madh'fhoillsicheas tu an gnothuch so againn, an siu bithidh sinne saor o d' mhionnaibh a thug thu oirm a mhiomnachadh.

21 Agus thubhairt ise, A réir bhuir briathra, mar sin *bitheadh* e. Agus chuir i air falbh iad, agus dh'imich iad: agus cheangail i an stiom scarlaist anns an uinneig.

22 Agus dh'fhalbh iad, agus thàinig iad do'n mhonadh, agus dh'fhan iad an sin trì làithean, gus an do phill an luchd tòrachd. Agus dh'iarr an luchd tòrachd iad air feadh na slighe uile, ach cha d'fhuair siad iad.

23 Mar sin phill an dithis dhaoine, agus chaidh iad sìos o'n mhonadh, agus chaidh iad thairis, agus thàinig iad gu Iosua mac Nuin, agus dh'innis iad da gach *ni* a thach-air dhoibh:

24 Agus thubhairt iad ri Iosua, Gu fìrinnach thug an Tighearn thairis d'ar làimh an fearann uile: oir tha eadhon luchd-àiteachaidh na tìre uile air leaghadh as fa'r comhair.

### CAIB. III.

1 Thàinig Iosua gu Iordan. 7 Thug Dia *misneach* dha, 9 agus thug esan *misneach* do'n t-sluagh.

**A**GUS dh'éirich Iosua gu moch 's a' mhaduinn; agus dh'imich iad o Shitim, agus thàinig iad gu Iordan, e féin agus clann Israeil uile, agus ghabh iad tàmh an sin mun deachaidh iad thairis.

2 Agus an ceann tliri làithean, chaidh an luchd-riaghlaidh troimh 'n champ;

3 Agus dh'àithn iad do'n t-sluagh, ag ràdh, 'N uair a chi sibh àire coimheangail an Tighearna bhuir Dé, agus na sagartan na Lebhitich 'g a giùlan, an sin gluaisidh sibh o'r n-àit, agus théid sibh 'n a déigh.

4 Gidheadh bithidh astar eadar sibh agus i, mu thimchioll dà mhìle làmh-chaille de thomhas: na tigibh ma fagus di, a chum gu'm bi fios na slighe agaibh air am feum sibh imeachd; oir cha do ghabh sibh riamh roimhe an rathad so.

5 Agus thubhairt Iosua ris an t-sluagh, Naomhaichibh sibh féin; oir am maireach ni 'n Tighearn *nithean* iongantach 'n ur measg.

6 Agus labhair Iosua ris na sagartaibh, ag ràdh, Togaibh suas àire a' choimheangail, agus rachaibh thairis roimh 'n t-sluagh. Agus thog iad suas àire a' choimheangail, agus chaidh iad roimh 'n t-sluagh.

7 Agus thubhairt an Tighearn ri Iosua, An diugh tòisichidh mi air thusa dheanamh mòr ann an sealladh Israeil uile a chum

gu'm bi fios aca, mar a bha mi le Maois, gu'm bi mi leatas.

8 Agus bheir thu àithne do na sagartaibh a tha 'giùlan àirece a' choimheangail, ag ràdh, 'N uair a bhios sibh air teachd gu oir uisge Iordain, ann an Iordan seasaidh sibh.

9 Agus thubhairt Iosua ri cloinn Israeil, Thigibh an so, agus éisdibh ri briathraibh an Tighearna bhuir Dé.

10 Agus thubhairt Iosua, Le so bithidh fios agaibh gu *bheil* an Dia beò 'n ur measg, agus *gum* fuadaich e gun teagamh a mach roimhibh na Canaanaich, agus na Hitich, agus na Hibhich, agus na Peridsich, agus na Girsasach, agus na h-Amoraich, agus na Iebusach.

11 Feuch, tha àire coimheangail Tighearna na talmhainn uile a' dol thairis roimhibh do Iordan.

12 A nis uime sin gabhaibh dà fhear dheug á treubhan Israeil, fear as gach tréibh.

13 Agus co luath 's a shocraicheas na sagartan a tha 'giùlan àirece an Tighearna, Tighearna na talmhainn uile, buinn an cos ann an uisgeachaibh Iordain, bithidh uisgeachan Iordain air an sgaradh o na h-uisgeachaibh a thig a nuas o'n àirde; agus seasaidh iad 'n an torr.

14 Agus an uair a dh'fhalbh an sluagh o'm bùthaibh, gu dol thar Iordan, agus na sagartan a' giùlan àirece a' choimheangail roimh 'n t-sluagh;

15 Agus an uair a bha iadsan a ghiùlain an àire air teachd gu Iordan, agus a bha cosan nan sagart a ghiùlain an àire air an tumadh ann an oir an uisge, (oir tha Iordan a' sruthadh thar a bruachan uile rè an fhogharaidh uile.)

16 An sin sheas na h-uisgeachan a thàinig a nuas o'n àirde, agus dh'éirich iad suas 'n an torr ro fhad o'u bhaile Adam, a tha làmh ri Saretan: agus theirig iadsan a chaidh sìos rathad mara a' chòmhnaird, eadhon na mara salainn, agus ghearradh as iad; agus chaidh an sluagh thairis dìreach fa chomhair Iericho.

17 Agus sheas na sagartan, a ghiùlain àire coimheangail an Tighearna gu daingean air talamh tioram 'am meadhon Iordain, agus chaidh na h-Israelich uile thairis air talamh tioram, gus an robh an sluagh uile air dol thar Iordan.

### CAIB. IV.

1 Dà chloich dheug air an toirt mar chuimhneachan á meadhon aithne Iordain: 9 dà chloich dheug eile air an cur suas 'n a meadhon. 19 Chaidh an sluagh thairis.

**A**GUS an uair a bha 'n sluagh uile air dol thar Iordan, an sin labhair an Tighearn ri Iosua, ag ràdh,

2 Gabhaibh dhuibh féin dà fhear dheug as an t-sluagh, duine as gach tréibh;



3 Agus àithnibh dhoibh, ag ràdh, Thug-aibh leibh o so á meadhon Iordain, as an àit anns an do sheas cosan nan sagart gu daingean, dà chloich dheug; agus bheir sibh iad thairis leibh, agus cuiridh sibh iad anns an àite-tàmh anns an gabh sibh fois an nochd.

4 An sin ghairm Iosua air an dà fhear dheug, a dheasaich e á cloinn Israeil, fear as gach tréibh.

5 Agus thubhairt Iosua riu, Rachaibh thairis roimh àire an Tighearna bhur Dé gu meadhon Iordain, agus togadh gach fear dhìbh clach air a ghualainn, a réir àireimh thruathan chloinn Israeil.

6 A chum gu'm bi so 'n a chomharadh 'n ur measg, *a chum* 'n uair a dh'fhiosraicheas bhur clann 's an àm ri teachd, ag ràdh, Ciod *a's ciall* duibh leis na clachaibh so?

7 An sin gu'm freagair sibh iad, Gu'n robh uisgeachan Iordain air an sgaradh o 'chéile roimh àire coimheangail an Tighearna; 'n uair a chaidh i thar Iordan, *gu'n* robh uisgeachan Iordain air an sgaradh o 'chéile: agus bithidh na clachan so 'n an cuimhneachan do chloinn Israeil gu bràth.

8 Agus rinn clann Israeil amhuil mar a dh'àithn Iosua, agus thog iad suas dà chloich dheug á meadhon Iordain, mar a labhair an Tighearn ri Iosua, a réir àireimh thruathan chloinn Israeil, agus ghiùlain iad leo thairis iad do'n àit anns an do ghabh iad tàmh, agus chuir iad sìos an sin iad.

9 Agus chuir Iosua suas dà chloich dheug 'am meadhon Iordain, 's an ionad anns an do sheas cosan nan sagart a ghiùlain àire a' choimheangail: agus tha iad an sin gus an là'n diugh.

10 Oir sheas na sagartan a ghiùlain an àire 'am meadhon Iordain, gus an do chrìochnaicheadh gach nì a dh'àithn an Tighearn do Iosua a labhairt ris an t-sluagh, a réir nan uile nìthan a dh'àithn Maois do Iosua: agus rinn an sluagh cabhag, agus chaidh iad thairis.

11 Agus an uair a bha 'n sluagh uile air dol thairis, an sin chaidh àire an Tighearna thairis, agus na sagartan, an làthair an t-sluaigh.

12 Agus chaidh clann Reubein, agus clann Ghad, agus leth thréibh Mhanaseh, thairis fo'n armaibh roimh chloinn Israeil, mar a labhair Maois riu:

13 Chaidh thairis mu thimchioll dà fhìchead mìle, deas air son cogaidh, an làthair an Tighearna gu cath, do chòmhnairdaibh Iericho.

14 Air an là sin dh'àrdaich an Tighearn Iosua ann an sealladh Israeil uile, agus bha eagal orra roimhe, mar a bha eagal orra roimh Mhaois, uile làithean a bheatha.

15 Agus labhair an Tighearn ri Iosua, ag ràdh,

16 Àithn do na sagartaibh a tha 'giùlan

àire na Fianuis, iad a theachd a nìos á Iordan.

17 Agus dh'àithn Iosua do na sagartaibh, ag ràdh, Thigibh a nìos á Iordan.

18 Agus an uair a bha na sagartan a ghiùlain àire coimheangail an Tighearna air teachd a nìos á meadhon Iordain, *agus* a bha buinn chos nan sagart air an togail suas air an talamh thioram, an sin phill uisgeachan Iordain d'an àite féin, agus chaidh iad thar a bruachan uile, mar *a rinn iad* roimhe.

19 Agus thàinig an sluagh a nìos á Iordan air an deichcamh là de'n cheud mhìos, agus champaich iad ann an Gilgal, 's an iomall a làimh na h-àirde 'n ear de Iericho.

20 Agus an dà chloich dheug sin, a thug iad a mach á Iordan, chuir Iosua suas ann an Gilgal.

21 Agus labhair e ri cloinn Israeil, ag ràdh, 'N uair a dh'fhiosraicheas bhur clann d'an aithrichibh 's an àm ri teachd, ag ràdh, Ciod *a's ciall* do na clachaibh so?

22 An sin bheir sibh fios d'ur cloinn, ag ràdh, Thàinig Israel thar Iordan so air talamh thioram.

23 Oir thiormaich an Tighearn bhur Dia suas uisgeachan Iordain roimhibhse, gus an deachaidh sibh thairis, mar a rinn an Tighearn bhur Dia air a' mhuir ruaidh, a thiormaich e suas roimhainn, gus an robh sinn air dol thairis;

24 A chum gu'n aithnich sluagh na talmhainn uile lann an Tighearna, gu *bheil* i cumhachdach: a chum gu'm bi eagal an Tighearna bhur Dé oirbh an feasd.

## CAIB. V.

1 *Ghabh na Canaanich eagal.* 2 *An timchioll-ghearradh air 'ath-orduchadh.* 10 *Chumadh a' chàisg aig Gilgal.* 13 *Làimh ri Iericho chunnaic Iosua aingeal.*

**A**GUS an uair a chual' uile rìghrean nan Amorach, a bh'air an taobh thall de Iordan a làimh na h-àirde 'n iar, agus uile rìghrean nan Canaanach, a bha làimh ris an fhaireg, gu'n do thiormaich an Tighearn suas uisgeachan Iordain roimh chloinn Israeil, gus an deachaidh sinn thairis, leagh an cridhe, agus cha robh spiorad tuilleadh amta, air son chloinn Israeil.

2 Anns an àm sin thubhairt an Tighearn ri Iosua, Dean duit féin sgeanan geura, agus timchioll-ghearr clann Israeil a ris an dara uair.

3 Agus rinn Iosua dha féin sgeanan geura, agus thimchioll-ghearr e clann Israeil aig enoc nan roimh-chroicinn.

4 Agus *is* e so an t-aobhar mu'n do thimchioll-ghearr Iosua: Fhuair an sluagh uile a thàinig a mach as an Eiphit, *a bha* 'n am fìrionnaich, *eadhon* na fìr-chogaidh uile, bàs anns an fhasach air an t-slighe, an déigh dhoibh teachd a mach as an Eiphit.

5 A nis bha 'n sluagh uile a thàinig a mach, air an timchioll-ghearradh; ach an sluagh uile a rugadh 's an fhàsach air an t-slighe, 'n uair a thàinig iad a mach as au Eiphit, iadsan cha do thimchioll-ghearr iad.

6 Oir dh'imich clann Israeil anns an fhàsach dà fhichead bliadhna, agus an deachaidh as do'n luchd-cogaidh uile a thàinig a mach as an Eiphit, a chionn nach d'thug iad géill do ghuth an Tighearna: d'an do mbhionnaich an Tighearn nach nochdadh e dhoibh an fearann, a mhionnaich an Tighearn d'an aithrichibh gu'n tugadh e dhuinn, fearann a tha 'sruthadh le bainne agus le mil.

7 Agus an clann-san, a thog e suas 'n an àit, iadsan thimchioll-ghearr Iosua: oir bha iad neo-thimchioll-ghearta, a chionn nach do thimchioll-ghearradh iad air an t-slighe.

8 Agus an uair a bha 'n sluagh uile air an timchioll-ghearradh, dh'fhan iad 'n an àit-ibh anns a' champ, gus an robh iad slàn.

9 Agus thubhairt an Tighearn ri Iosua, Air an là 'n diugh bhuin mi air falbh uaibh masladh na h-Eiphit: uime sin thugadh Gilgal mar ainm air an àite sin gus an là 'n diugh.

10 Agus champaich clann Israeil ann an Gilgal, agus chum iad a' chàisg, air a' cheathramh là deug de'n mhìos anns an fheasgar, ann an còmhnaidibh Iericho.

11 Agus dh'ith iad de sheann bhàrr an fhearainn air an là màireach an déigh na càisge, breacagan neo-ghoirtichte, agus sìol cruaidhichte air an là sin féin.

12 Agus sguir am mana air an là màireach an déigh dhoibh ithleadh de sheann bhàrr an fhearainn; ni mò a bha mana tuilleadh aig cloinn Israeil, ach dh'ith iad de thoradh fearainn Chanaain air a' bhliadhna sin.

13 Agus an uair a bha Iosua làimh ri Iericho, thog e suas a shùilean agus dh'annhaire e, agus, feuch, sheas duine thall fa 'chomh-air, agus a chlaidheamh rùisgte 'n a làimh: agus chaidh Iosua d'a ionnsuidh, agus thubhairt e ris, An ann leinne a tha thu, no le'r n-eascaidibh?

14 Agus thubhairt e, Cha-n ann: ach mar cheannard slòigh an Tighearna tha mi a nis air teachd. Agus thuit Iosua air 'aghaidh air an talamh, agus rinn e aoradh, agus thubhairt e ris, Cìod a tha mo thighearn ag ràdh r'a sheirbhiseach?

15 Agus thubhairt ceannard slòigh an Tighearna ri Iosua, Fuasgail do bhròg bhàrr do choisge, oir tha 'n t-ionad air am bheil thu a'd sheasamh, naomh. Agus rinn Iosua mar sin.

# CAIB. VI.

1 Dhruideadh Iericho suas. 20 Thuit a bhalla.  
22 Sbaoradh Rahab agus a dùsean.

A NIS bha Iericho air a dhruideadh suas gu teann, roimh chloinn Israeil; cha

deachaidh neach air bith a mach, agus cha d'thàinig neach air bith a stigh.

2 Agus thubhairt an Tighearn ri Iosua, Feuch, thug mi do d' làimh Iericho, agus a rìgh, agus na daoine treun' ann an neart.

3 Agus cuairtichidh sibh am baile, sibhse fhearna-cogaidh uile, agus thèid sibh mu thimchioll a' bhaile aon uair: mar so ni thu air sè làithibh.

4 Agus giùlainidh seachd sagartan roimh an àire seachd trompaidean a dh'adhaireibh reitheachan: agus air an t-seachdamh là thèid sibh mu thimchioll a' bhaile seachd uairean, agus séididh na sagartan leis na trompaidibh.

5 Agus an uair a ni iad fuaim fhada le adhaireibh nan reitheachan, agus an uair a chluinneas sibh fuaim na trompaid, an sin éighidh an sluagh uile le h-ìolaich mhòir, agus tuitidh balla a' bhaile sìos o' bhunadh, agus thèid an sluagh suas gach duine dìreach roimhe.

6 Agus ghairm Iosua mac Nuin air na sagartaibh, agus thubhairt e riu, Togaibh suas àire a' choimheangail, agus giùlainidh seachd sagartan seachd trompaidean a dh'adhaireibh reitheachan roimh àire an Tighearna.

7 Agus thubhairt e ris an t-sluagh, Gabh-aibh air blur n-aghaidh, agus cuairtichibh am baile, agus gabhadh esan a tha fo arm-aibh air aghaidh roimh àire an Tighearna.

8 Agus an uair a labhair Iosua ris an t-sluagh, ghabh na seachd sagartan, a' giùlan sheachd trompaidean a dh'adhaireibh reitheachan, air an aghaidh roimh 'n Tighearn, agus shéid iad leis na trompaidibh; agus lean àire coimheangail an Tighearna iad.

9 Agus chaidh na daoine armaichte roimh na sagartaibh a shéid leis na trompaidibh, agus thàinig a' chuid eile de'n t-sluagh an déigh na h-àirce, na sagartan a' gabhail air an aghaidh, agus a' séideadh leis na trompaidibh.

10 Agus dh'aithn Iosua do'n t-sluagh, ag ràdh, Cha dean sibh ìolach, agus cha dean sibh fuaim sam bith le'r guth, ni mò thèid focal sam bith a mach as blur beul, gus an là anns an abair mise ribh, Deanaibh ìolach; an sin ni sibh ìolach.

11 Mar sin chuairtich àire an Tighearna am baile, a' dol m' a thimchioll aon uair: agus thàinig iad do'n champ, agus ghabh iad tamh anns a' champ.

12 Agus dh'éirich Iosua gu moch 's a' mhaduinn, agus thog na sagartan suas àire an Tighearna.

13 Agus dh'imich air an aghaidh a ghnàth seachd sagartan, a' giùlan sheachd trompaidean a dh'adhaireibh reitheachan roimh àire an Tighearna, agus shéid iad leis na trompaidibh: agus dh'imich an sluagh armaichte rompa, ach thàinig a' chuid eile



de'n t-sluagh an déigh àirce an Tighearna, na sagartan a' gabhail air an aghaidh, agus a' séideadh leis na trompaidibh.

14 Agus air an dara là chuairtich iad am baile aon uair, agus phill iad do'n champ: mar so rinn iad air se làithibh.

15 Agus air an t-seachdamh là dh'éirich iad gu naoch mu bhriseadh na faire, agus chuairtich iad am baile air an dòigh cheudna, seachd uairean: a mhàin air an là sin chuairtich iad am baile seachd uairean.

16 Agus air an t-seachdamh uair shéid na sagartan leis na trompaidibh, agus thubhairt Iosua ris an t-sluagh, Deanaibh iolach; oir thug an Tighearna dhuibh am baile.

17 Agus bithidh am baile mallachichte, e féin agus gach *ni* a th'ann, do'n Tighearna: a mhàin bithidh Rahab an strìopach beò, i féin agus iadsan uile a tha maille rithe 's an tigh, a chionn gu'n d'fholaich i na teachdaircean a chuir sinn uaim.

18 Agus sibhse, air gach aon chor gleidhibh *sibh féin* o'n ni mhallaichte, air eagal gu'n dean sibh *sibh féin* mallachichte, 'n uair a ghabhas sibh de'n ni mhallaichte, agus gu'n dean sibh camp Israeil 'n a mhallachadh, agus gu'n cuir sibh e fo bhuaireas.

19 Ach *tha 'n* t-airgid uile, agus an t-òr, agus na soithichean umha agus iarum, coisrigte do'n Tighearna: thig iad a steach do ionmhas an Tighearna.

20 Agus rinn an sluagh iolach an uair a shéid na sagartan leis na trompaidibh: agus an uair a chual' an sluagh fuaim na trompaid, agus a dh'éigh an sluagh le h-iolaich mhòir, an sin thuit am balla sìos gu làr; agus chaidh an sluagh suas do'n bhaile, gach duine dìreach roimhe, agus ghlac iad am baile.

21 Agus léir-sgrìos iad gach *ni* a bha 's a' bhaile, eadar fear agus bean, òg agus shean, agus gach damh, agus caora, agus asal, le faobhar a' chlàidheimh.

22 Ach ris an dithis fhear a ramsaich a mach an tìr thubhairt Iosua, Rachaidh a steach do thigh na strìopaich, agus thugaibh a mach as a sin a' bhean, agus gach *ni* a th'aice, mar a mhionnaich sibh dhi.

23 Agus chaidh na h-òganaich a bha 'n an luchd-rannsachaidh a stigh, agus thug iad a mach Rahab, agus a h-athair, agus a màthair, agus a bràithrean, agus gach *ni* a bh'aice; agus thug iad a mach a dilsean uile, agus chuir iad an taobh a muigh de champ Israeil iad.

24 Agus loisg iad am baile le teine, agus gach *ni* a bh'ann: an t-airgid, agus an t-òr a mhàin, agus na soithichean umha agus iarum, chuir iad ann an ionmhas tighe an Tighearna.

25 Agus ghléidh Iosua Rahab an strìopach beò, agus teaghlach a h-athar, agus gach *ni* a bh'aice; agus tha i 'n a còmhnuidh ann an Israel gus an là 'n diugh, a chionn gu'n

d'fholaich i na teachdaircean a chuir Iosua a ramnsachadh a mach Iericho.

26 Agus chuir Iosua fo mhionnaibh iad 's an am sin, ag ràdh, Mallachite *gu robh* an duine an làthair an Tighearna, a dh'éireas agus a thogas am baile so Iericho: 'n a cheud-ghin leagaidh e a bhumachair, agus 'n a *mhaic* a's òige cuiridh e suas a gheatachan.

27 Mar so bha'n Tighearna maille ri Iosua, agus sgaoileadh 'iomradh-san air feadh na tìre uile.

## CAIB. VII.

1 Chuireadh an ruaig air cloinn Israeil aig Ai. 6 Gearan Iosua. 10 Nochd an Tighearna dha ciod a bhuineadh dha a dheanamh. 19 Aid-mheil Achan.

**A**CH rinn clann Israeil cionta 's an ni mhallaichte: oir ghabh Achan mac Charmi, mhic Shabdi, mhic Sherah, de thréibh Iudah, cuid de'n ni mhallaichte: agus las fearg an Tighearna an aghaidh chloinn Israeil.

2 Agus chuir Iosua daoine o Iericho gu h-Ai, a tha àmh ri Bet-abhen, air an taobh an ear de Bhet-el, agus labhair e ri u, ag ràdh, Rachaidh suas, agus ramnsaichibh a mach an tìr. Agus chaidh na daoine suas, agus ramnsaich iad a mach Ai.

3 Agus phill iad gu Iosua, agus thubhairt iad ris, Na rachadh an sluagh uile suas; ach rachadh mu thimchioll dà mhìle no trì mìle fear suas, agus buaileadh iad Ai: na toir air an t-sluagh uile saoitbreachadh an sin; oir *cha-n'èil ann* diubh ach beagan.

4 Agus chaidh suas an sin de'n t-sluagh mu thimchioll trì mìle fear; agus theich iad roimh fheara Ai.

5 Agus bhuail fir Ai dhiubh mu thimchioll sè fir dheug thar fhichead: oir chuir iad an ruaig orra o chomhair a' gheata *eadhna* gu Sebarim, agus bhuail iad 's an dol sìos iad; uime sin leagh eridhe an t-sluaigh, agus dh'fhàs e mar uisge.

6 Agus reub Iosua 'eudach, agus thuit e gu làr air 'aghaidh roimh àirce an Tighearna, gu tràth feasgair, e féin agus scanairean Israeil, agus chuir iad duslach air an cinn.

7 Agus thubhairt Iosua, Oeh! a Thighearna Dhé, c'ar son a thug thu idir an sluagh so thar Iordan, g'ar toirt thairis do àmh nan Amorach, a chum ar sgrìos? O bh'fhearr gu'm bitheamaid toilichte, agus gu'm bitheamaid air gabhail còmhnuidh air an taobh eile de Iordan!

8 O Thighearna, ciod a their mi 'n uair a thionndaidheas Israel an cùl r'an naimh-dibh?

9 Oir chuinnidh na Canaanaich, agus uile luchd-àiteachaidh na tìre, agus iadhaidh iad mu'n cuairt oirnn, agus gearraidh iad as ar n-aime o'n talamh: agus ciod a ni thu ri d'aime mòr?

10 Agus thubhairt an Tighearna ri Iosua



Eirich suas; c'ar son a huidheas tu mar so air d'aghaidh?

11 Pheacaich Israel, agus bhris iad mar an ceudna mo choimhcheangal a dh'àithn mi dhoibh: oir ghabh iad eadhon de'n ni mhallaichte, agus mar an ceudna ghoid iad, agus mar an ceudna cheil iad, agus chuir iad eadhon am measg an airmis féin e.

12 Uime sin cha b'urraim clann Israeil seasamh roimh an naimhdean, ach thionndaidh iad an eul r'an naimhdibh, a chionn gu'n robh iad mallaichte. Cha bhi mise maille ribh tuilleadh, mur sgrìos sibh an ni mallaichte as bhur measg.

13 Eirich suas, naomhaich an sluagh, agus abair, Naomhaichibh sibh féin air son an là mà'reach; oir mar so tha an Tighearn Dia Israeil ag ràdh, *Tha* ni mallaichte a'd' mheadhon, O Israeil: cha-n urraim thu seasamh roimh do naimhdibh, gus an cuir sibh air falbh an ni mallaichte as bhur measg.

14 Anns a' mhaduinn uime sin bheirear cuideachd sibh a réir bhur treubhan: agus an treubh a ghabhas an Tighearn, thig i a réir a teaghlachan; agus thig an teaghlach a ghabhas an Tighearn, a réir a thighean; agus thig an tigh a ghabhas an Tighearn, a lion fear is fear.

15 Agus esan a ghlacar leis an ni mhallaichte, loisgear le feine e féin agus gach *ni* a th'aige; a chionn gu'n do bhris e coimhcheangal an Tighearna, agus gu'n d'rinn e amaideachd ann an Israel.

16 Uime sin dh'éirich Iosua: gu moch 's a' mhaduinn, agus thug e leis Israeil a réir an treubhan; agus ghabhadh treubh Iudah.

17 Agus thug e leis teaghlach Iudah; agus ghabh e teaghlach nan Sarhitheach: agus thug e leis teaghlach nan Sarhitheach a lion fear is fear; agus ghabhadh Sabdi.

18 Agus thug e leis a thigh, a lion fear agus fear; agus ghabhadh Achan mac Charmi, mhic Shabdi, mhic Sherah, de thréibh Iudah.

19 Agus thubhairt Iosua ri Achan, A mhic, thoir, guidheam ort, glòir do'n Tighearn Dia Israeil, agus dean aidmheil da; agus innis domh a nis ciod a rinn thu, na folaich uam e.

20 Agus fhreagair Achan Iosua, agus thubhairt e, Gu deimhin, pheacaich mi an aghaidh an Tighearna Dé Israeil, agus mar so agus mar so rinn mi.

21 'N uair a chunnaic mi am measg na creiche earradh bhrèagha Bhabilonach, agus dà cheud secel airgid, agus geinn òir anns an robh leth-cheud secel de chudthrom, an sin shanntaich mi iad, agus ghabh mi iad; agus, feuch, *tha* iad folaichte 's an talamh 'am meadhon mo bhùtha, agus an t-airgid foidhe.

22 Mar sin chuir Iosua teachdairean uaith, agus ruith iad do'n bhùth, agus, feuch,

*bha* e folaichte 'n a bhùth, agus an t-airgid foidhe.

23 Agus thug iad *Ieo* iad á meadhon a' bhùtha, agus thug iad gu Iosua iad, agus gu clann Israeil uile, agus sgaoil iad a mach iad 'am fianuis an Tighearna.

24 Agus ghabh Iosua agus Israel uile maille ris, Achan mac Sherah, agus an t-airgid, agus an earradh, agus an geinn òir, agus a mhic, agus a nigheanan, agus a dhaimh, agus 'asail, agus a chaoraich, agus a bhùth, agus gach *ni* a bh'aige; agus thug iad do ghleamh Achoir iad.

25 Agus thubhairt Iosua, C'ar son a chuir thu dragh oirnn? cuiridh an Tighearn dragh ortsa an diugh. Agus chlach clann Israeil uile e le clachan, agus loisg iad le teine iad, an déigh dhoibh an clachadh le clachan.

26 Agus thog iad suas càrn mòr chlach air a mhuin gus an là'n diugh: Agus phill an Tighearn o ghairge a chorruich: uime sin thugadh gleann Achoir mar ainm air an àite sin, gus an là'n diugh.

# CAIB. VIII.

1 *Thug an Tighearn niseach do Iosua.* 3 *An dòigh air an do ghlacadh baile Ai.* 29 *Chrochadh a rìgh.* 30 *Thog Iosua altair do Dhia.* 32 *Sgrìobh e an lagh air clachaidh, agus leugh e a bhriathran uile.*

**A**GUS thubhairt an Tighearn ri Iosua, Na gabh eagal, agus na bi fo gheilt; gabh an sluagh-cogaidh uile maille riut, agus éirich, imich suas gu h-Ai: feuch, thug mi thairis do d' àmh ri gh A, agus a shluagh, agus a bhaile, agus 'fhearam.

2 Agus ni thu ri h-Ai agus a' rìgh, mar a rinn thu ri Iericho, agus a' rìgh: a mháin a chreach, agus a spréidh, gabhaidh sibh mar chobhartach dhuibh féin. Cuir *dovine* ann am feall-fholach an aghaidh a' bhaile air a chùlaobh.

3 Agus dh'éirich Iosua agus an sluagh-cogaidh uile, a dhol suas an aghaidh Ai: agus thagh Iosua mach deich mìle fichead fear treun ann an neart, agus chuir e air falbh iad 's an oidheche.

4 Agus dh'àithn e dhoibh, ag ràdh, Feuch, ni sibh feall-fholach an aghaidh a' bhaile, eadhon air eul a bhaile: na rachaibh ro fhad o'n bhaile, ach bitibh uile deas:

5 Agus théid mise, agus an sluagh uile a *tha* maille riun, dlùth do'n bhaile: agus an uair a thig iad a mach 'n ar coimheamh, mar air tùs teichidh sinne rompa.

6 (Oir thig iad a mach 'n ar déigh) gus an tarruing sinn iad o'n bhaile: oir their iad, *Tha* iad a' teicheadh roimhain, mar air tùs: uime sin teichidh sinne rompa.

7 An sin éiridh sibhse o'n fheall-fholach, agus glacadh sibh am baile: oir bheir an Tighearn bhur Dia 'n 'ur àmh e.

8 Agus an uair a ghlacas sibh am baile, cuiridh sibh am baile ri theine: a réir àithne

an Tighearna ni sibh. Feuch, dh'àithn mise dhuibh.

9 Uime sin chuir Iosua mach iad; agus dh'fhalbh iad a dheanamh feall-fholach, agus dh'fhan iad eadar Bet-el agus Ai, air an taobh an iar a dh' Ai: ach dh'fhan Iosua an oidheche sin am measg an t-sluaigh.

10 Agus dh'éirich Iosua gu moeh 's a' mhaduinn, agus rinn e'n sluagh aiceamh, agus chaidh e suas, e féin agus seanairean Israeil, roimh 'n t-sluagh gu h-Ai.

11 Agus chaidh an sluagh-cogaidh uile suas, a bha maille ris, agus chaidh iad am fagus, agus thàinig iad fa chomhair a' bhaile, agus champaich iad air an taobh mu thuath de Ai: a nis bha gleann eadar iad agus Ai.

12 Agus ghabh e mu thimcheall chùig mìle fear, agus chuir e iad a dheanamh feall-fholach eadar Bet-el agus Ai, air an taobh an iar de'n bhaile.

13 Agus an uair a shuidhich iad an sluagh, eadhon am feachd uile a bh'air an taobh mu thuath de'n bhaile, agus an luchd feall-fholach air an taobh an iar de'n bhaile, chaidh Iosua 's an oidheche sin do mheadhon a' ghlinne.

14 Agus an uair a chunnaic rìgh Ai sin, rinn iad cabhag agus dh'éirich iad gu moch; agus chaidh fir a' bhaile a mach gu cath an aghaidh Israeil, e féin agus a shluagh uile, 'an àm suidhichte, fa chomhair a' chòmhnaird: ach cha robh fhios aige gu'n robh luchd feall-fholach 'n a aghaidh air eul a' bhaile.

15 Agus rinn Iosua agus Israel uile mar gu'n buailteadh iad rompa, agus theich iad rathad an fhàsach.

16 Agus ghairmeadh an sluagh uile a bha ann an Ai an ceann a chèile gu dol air an tòir, agus chaidh iad air tòir Iosua, agus thairgheadh o'n bhaile iad.

17 Agus cha d'fhàgadh duine ann an Ai, no ann am Bet-el, nach deachaidh a mach an déigh Israeil: agus dh'fhàg iad am baile fosgailte, agus chaidh iad air tòir Israeil.

18 Agus thubhairt an Tighearna ri Iosua, Sin a mach an t-sleagh a tha 'n ad làimh rathad Ai; oir bheir mise a'd' làimh e. Agus shìn Iosua mach an t-sleagh a bh'aige 'n a làimh, a dh'ionnsuidh a' bhaile.

19 Agus dh'éirich na daoine a bha ris an fheall-fholach gu grad as an àit, agus ruith iad co luath 's a shìn e mach a làmh: agus chaidh iad a stigh do'n bhaile, agus ghlac iad e, agus rinn iad cabhag, agus chuir iad am baile ri theine,

20 Agus an uair a sheall fir Ai 'n an déigh, chunnaic iad, agus, feuch, chaidh deatach a' bhaile suas gu nèamh, agus cha robh comas aca teicheadh an taobh so no'n taobh ud; agus thionndaidh an sluagh a theich do'n fhàsach, air an ais air an luchd-tòrachd.

21 Agus an uair a chunnaic Iosua agus Israel uile gu'n do ghlac luchd na feall-fholach am baile, agus gu'n deachaidh deatach a' bhaile suas, an sin phill iad, agus bhuail iad fir Ai.

22 Agus chaidh iadsan a mach as a' bhaile 'n an aghaidh; mar sin bha iad 'am meadhon Israeil, cuid air an taobh so, agus cuid air an taobh ud: agus bhuail siad iad, gus uach d'fhàgadh aon diubh beò, no aon gu dol as.

23 Agus ghlac iad rìgh Ai beò, agus thug iad e gu Iosua.

24 Agus an uair a chuir Israel crìoch air uile luchd-àiteachaidh Ai a mharbhadh, anns a' mhachair, anns an fhàsach d'an do chuir iad an ruaig orra, agus an uair a thuit iad uile le faobhar a' chlaidheimh, gus an do chuir iad as doibh, an sin phill na h-Israelich uile gu h-Ai, agus bhuail iad e le faobhar a' chlaidheimh.

25 Agus bha ann dhiubhsan uile a thuit air an là sin, eadar fheara agus mhnathan, dà mhìle dheug, eadhon muinntir Ai uile:

26 Oir cha do tharruing Iosua a làmh air a h-ais, a shìn e mach leis an t-sleagh, gus an do léir-sgrìos e luchd-àiteachaidh Ai uile.

27 A mhàin spréidh agus creach a' bhaile sin ghabh Israel mar chobhartach dhoibh féin, a réir focail an Tighearna a dh'àithn e do Iosua.

28 Agus loisg Iosua Ai, agus rinn e 'n a chàrn e gu bràth, 'n a fhàsach gus an là 'n diugh.

29 Agus rìgh Ai chroch e air craun gu àm an fheasgair: agus mu dhol fodha na gréine dh'àithn Iosua, agus thug iad a nuas a chorp o'n chraun, agus thlig iad e aig dol a stigh geata a' bhaile, agus thog iad air càrn mòr chlach, a tha lathair gus an là 'n diugh.

30 An sin thog Iosua, altair do'n Tighearna Dia Israeil air sliabh Ebail,

31 Mar a dh'àithn Maois, òglach an Tighearna, do chloinn Israeil, a réir mar a tha e sgrìobhta ann an leabhar lagha Mhaois, altair de chlachaiibh slàna, air nach do thog duine sam bith suas iarum; agus thug iad suas oirre ìobairtean-loisgte do'n Tighearna, agus dh'ìobair iad tabhartais-shìth.

32 Agus sgrìobh e 'n sin air na clachaiibh dùblachadh lagha Mhaois, a sgrìobh e an lathair chloinn Israeil.

33 Agus sheas Israel uile, agus an seanair-eann, agus an luchd-riaghlaidh, agus am breitheamhan, air an taobh so de'n àire, agus air an taobh ud, an lathair nan sagart nan Lebhitheach, a ghiùlan àire coimheangail an Tighearna, an coigreach co mhaith ris-san a rugadh 'n am measg; leth dhiubh thall fa chomhair sléibh Gherisim, agus leth dhiubh thall fa chomhair sléibh Ebail: mar a dh'àithn Maois, òglach an



Tighearna, chum sluagh Israeil a bheannachadh air tús.

34 Agus an déigh sin leugh e uile bhriathran an lagha, na beannachdan agus na mallachdan, a réir nan uile *nithéan a tha* sgrìobhta ann an leabhar an lagha.

35 Cha robh focal de na h-uile *nithéan* a dh'aitinn Maois, nach do leugh Iosua an làthair comhchrinneachaidh Israeil uile, agus nam ban, agus na cloinne bige, agus nan coigreach a bha 'fantuinn 'n am measg.

CAIB. IX.

1 Rinn na rìghrean *coimhcheangal an aghaidh Israeil*. 3 Cealg nan Gibeonach. 26 Rinn-eadh tràillean dhiùbhl.

**A**GUS an uair a chuala na rìghrean uile a bha air an taobh so de Iordan, anns na beanntaibh, agus anns a' chòmhnard, agus ann an uile oirthir na fairge mòire thall fa chomhair Lebanon, an Hiteach, agus an t-Amorach, 'an Canaanach, am Peridseach, an Hibheach, agus an Iebusach so;

2 Chruinnich iad 'an ceann a chèile a chogadh ri Iosua, agus ri h-Israel, le aon rùn.

3 Agus an uair a chuala luchd-àiteachaidh Ghibeoin ciod a rinn Iosua ri Iericho, agus ri h-Ai;

4 Rinn iadsan mar an ceudna gu seòlta, agus chaidh iad agus leig iad orra gu'm bu teachdairean iad, agus ghabh iad seann saic air an asalaibh, agus fion-shearragan a bha sean agus reubta, agus ceangailte suas,

5 Agus brògan a bha sean agus càirichte air an cosaibh, agus sean eudach orra; agus bha an aran uile tioram agus liath.

6 Agus chaidh iad a dh'ionnsuidh Iosua do'n champ gu Gilgal, agus thubhairt iad ris, agus ri fir Israeil, Thàinig sinne o dhùthaich fad as; a nis uime sin deanaibh coimhcheangal ruinn.

7 Agus thubhairt fir Israeil ris na Hibhich, Theagamh gu bheil sibh a' còmhnuidh 'n ar measg, agus cionnus a dh'fheudas sinne coimhcheangal a dheanamh ribh?

8 Agus thubhairt iad ri Iosua, *Is* sinne do sheirbhisich. Agus thubhairt Iosua riu, Cò sibh? agus cia as a thàinig sibh?

9 Agus thubhairt iad ris, O dhùthaich ro fhad air astar thàinig do sheirbhisich, air sgàth ainnean an Tighearna do Dhé: oir chuala sinn 'ionradh-san, agus gach *ni* a rinn e 's an Eiphit,

10 Agus gach *ni* a rinn e ri dà rìgh nan Amorach, a bha 'n taobh thall de Iordan, ri Sihon rìgh Hesboin, agus ri h-Og rìgh Bhàsain, a bha aig Astarot;

11 Uime sin labhair ar seanairean agus uile luchd-àiteachaidh ar dùthcha ruinn, ag ràdh, Gabhaibh lòn 'n 'ur làimh air son an turuis, agus rachaibh 'n an coinneamh, agus abraibh riu, *Is* sinne bhuir seirbhisich; agus a nis deanaibh coimhcheangal ruinn.

12 An t-aran so againn ghabh sinn teth air son ar lòn a mach as ar tighibh, 's an

là anns an d'thàinig sinn a mach gu dol d'ur n-ionnsuidh-sa; ach a nis, feuch, tha e tioram, agus liath:

13 Agus na searragan fiona so a lion sinn, bha iad nuadh, agus, feuch, tha iad reubta: agus tha ar n-eudach so agus ar brògan air fàs sean, le ro-fhad na slighe.

14 Agus ghabh na daoine d'am biadh, agus cha d'iarr iad *comhairle* o bheul an Tighearna.

15 Agus rinn Iosua sith riu, agus rinn e coimhcheangal riu, a leigeil leo bhì beò: agus mhionnaich uachdarain a' chomhchrinneachaidh dhoibh.

16 Agus thachair an ceann thri làithean, an déigh dhoibh coimhcheangal a dheanamh riu, gu'n cuail iad gu'm b'iad an coimhears-naich iad, agus gu'n robh iad a' còmhnuidh 'n am measg.

17 Agus chaidh clann Israeil air an aghaidh, agus thàinig iad a dh'ionnsuidh am bailtean air an treas là: a nis b'iad am bailtean Gibeon, agus Chephirah, agus Beerot, agus Ciriath-earim.

18 Agus cha do bhuail clann Israeil iad, a chionn gu'n do mhionnaich uachdarain a' chomhchrinneachaidh dhoibh air an Tighearn Dia Israeil. Agus rinn an comhchrinneachadh uile gearan an aghaidh nan nachdaran.

19 Ach thubhairt na h-uachdarain uile ris a' chomhchrinneachadh uile, Mhionnaich sinn dhoibh air an Tighearn Dia Israeil; agus uime sin cha-n fhead sinn beantuinn riu.

20 So ni sinn riu; leigidh sinn eadhon leo a bhì beò, a chum nach bi fearg *Dhé* 'n ar n-aghaidh, air son nam miannan a' mhionnaich sinn dhoibh.

21 Agus thubhairt na h-uachdarain riu, Leigibh leo bhì beò; ach biodh iad 'n an luchd-gearraidh fiodha, agus 'n an luchd-tarruing uisge do'n chomhchrinneachadh uile, mar a gheall na h-uachdarain dhoibh.

22 Agus ghairm Iosua orra, agus labhair e riu, ag ràdh, C'ar son a mheall sibh sinn, ag ràdh, Tha sinn ro fhada uaibh, an uair a tha sibh a' còmhnuidh 'n ar measg?

23 A nis uime sin tha sibh mallachichte, agus cha saorar neach air bith dhibh o bhì 'n 'ur tràillibh, agus 'n 'ur luchd-gearraidh fiodha, agus 'n 'ur luchd-tarruing uisge air son tighe mo Dhé.

24 Agus fhìreagair iad Iosua, agus thubhairt iad, Do bhrìgh gu'n d'innsadh gu cinnteach do d' sheirbhisich cionnus a dh'aitinn an Tighearn do Dhia d'a òglach Maois am fearann uile a thoirt duibh, agus luchd-àiteachaidh na tìre uile a sgrìos roimhibh, uime sin bha eagal mòr ar n-anama oirnn roimhibh, agus rinn sinn an *ni* so.

25 Agus a nis, feuch, tha sinn a'd làimh: mar a mheasar maith agus ceart leatsa a dheanamh ruinn, dean.



26 Agus mar so rinn e riu, agus shaor e iad à làmh chloinn Israeil; agus eha do mharbh siad iad.

27 Agus rinn Iosua iad 's an là sin féin 'n an luchd-gearraidh fiodha, agus 'n an luchd-tarruing uisge do'n chomhchruinneachadh, agus do altair an Tighearna, eadhon gus an là 'n diugh, anns an ionad a ròghnaicheadh e.

CAIB. X.

1 *Chog cùig rìghrean nan Amorach an aghaidh baile Ghibcoìn. 6 Shuor Iosua e. 12 Air focal Iosua sheas a' ghrian agus a' ghealach 's na speuraibh.*

**A**GUS an uair a chual' Adonisedec rìgh Ierusalem gu'n do ghlac Iosua Ai, agus gu'n do leir-sgrìos se e; mar a rinn e ri Iericho agus r'a rìgh, mar sin gu'n d'rinn e ri h-Ai agus r'a rìgh; agus gu'n d'rinn luchd-àiteachaidh Ghibcoìn sìth ri h-Israel, agus gu'n robh iad 'n am measg;

2 Ghabh iad eagal mòr, do bhrìgh gu'm bu bhaile mòr Gibeon, mar aon de na bailtibh rìoghail, agus do bhrìgh gu'm bu mhò e na Ai, agus gu'n robh a dhaoine uile treun.

3 Uime sin chuir Adonisedec, rìgh Ierusalem, fios gu Hoham rìgh Hebroìn, agus gu Piram rìgh Iarmuit, agus gu Iaphia rìgh Lachis, agus gu Debir rìgh Eglòin, ag ràdh,

4 Thigibh a nìos a m'ionnsuidh-sa, agus cuidichibh leam, a chum gu'm buail sinn Gibeon: oir rinn e sìth ri Iosua, agus ri cloinn Israeil.

5 Uime sin chruinnich cùig rìghrean nan Amorach, rìgh Ierusalem, rìgh Hebroìn, rìgh Iarmuit, rìgh Lachis, rìgh Eglòin. iad féin an ceann a chèile, agus chaidh iad suas, iad féin agus an slobh uile, agus champaich iad fa chomhair Ghibcoìn, agus chog iad 'n a aghaidh.

6 Agus chuir fir Ghibcoìn fios gu Iosua, do'n champ gu Gilgal, ag ràdh, Na deamadh do làmh moille o d' sheirbhisich: thig a nìos d'ar n-ionnsuidh gu grad, agus saor sinn, agus cuidich leinn: oir tha rìghrean nan Amorach uile a tha 'n an còmhnuidh 's na beanntaibh, air cruinneachadh ri 'chèile 'n ar n-aghaidh.

7 Agus chaidh Iosua suas o Ghilgal, e féin agus an shuagh-cogaidh uile maille ris, agus na fir threuna uile.

8 Agus thubhairt an Tighearn ri Iosua, Na gabh eagal rompa; oir thug mise thairis do d' làmh iad: cha seas duine dhiubh romhad.

9 Uime sin thàinig Iosua orra gu h-obann: rè na h-oidheche chaidh e suas o Ghilgal.

10 Agus chlaoidh an Tighearn iad roimh Israel, agus mharbh e iad le h-àr mòr aig Gibeon, agus chuir e'n ruaig orra rathad uchdaich Bhet-horoin, agus bhuail e iad gu Hasecah, agus gu Macedah.

11 Agus an uair a bha iad a' teicheadh

roimh Israel, agus iad air leathad Bhet-horoin, thilg an Tighearn clachan mòra orra nuas o nèamh gu Hasecah, agus fhuair iad bàs: bu lionmhòire iadsan a bhàsaich leis na clachan-mcallain, na iadsan a mharbh clann Israeil leis a' chlaidheamh.

12 An sin labhair Iosua ris an Tighearn, 's an là anns an d'thug an Tighearn suas na h-Amoraich roimh chloinn Israeil, agus thubhairt e 'm fianuis Israeil, A ghrian, stad air Gibeon, agus thusa, a ghealach, air gleann Aialoin.

13 Agus stad a' ghrian, agus sheas a' ghealach, gus an do dhiol an shuagh iad féin air an naimhdbibh. Nach 'eil so sgrìobhta ann an leabhar Iaseir? Agus stad a' ghrian ann meadhon nèimh, agus cha d'rinn i cabhag gu dol fo mu thimcheall là iomlain.

14 Agus cha robh là sam bith cosmhuil ris an là sin, roimhe no 'n a dhéigh, anns an d'èisd an Tighearn ri guth duine; oir chog an Tighearn air son Israeil.

[15 Agus phill Iosua, agus Israel uile maille ris, do'n champ gu Gilgal.]

16 Ach theich na cùig rìghrean ud, agus dh'fholaich siad iad féin ann an uaimh ann am Macedah.

17 Agus dh'innscadh do Iosua, ag ràdh, Fhuaradh na cùig rìghrean folaichte ann an uaimh ann am Macedah.

18 Agus thubhairt Iosua, Caruichibh clachan mòra air beul na h-uamha, agus cuiribh daoine làmh r'i g'an gleidheadh.

19 Agus na stadaibhse, ach rachaibh air tòir bhur naimhdean, agus bualibh iadsan a's deireannaiche dhiubh, na leigibh leo dol a stigh d'am bailtibh; oir thug an Tighearn bhur Dia iad thairis d'ur làmh.

20 Agus an uair a chuir Iosua agus clann Israeil crìoch air an marbhadh le h-àr ro mhòr, gus an do chuireadh as doibh, chaidh: a' chuid a mbair dhiubh a steach do na bailtibh daingnichte.

21 Agus phill an shuagh uile do'n champ gu Iosua aig Macedah ann an sìth: cha do ghluais neach a theanga an aghaidh duine sam bith de chloinn Israeil.

22 An sin thubhairt Iosua, Fosglaidh beul na h-uamha, agus thugaibh a mach a m' ionnsuidh na cùig rìghrean ud as an uaimh.

23 Agus rinn iad mar sin, agus thug iad a mach na cùig rìghrean ud d'a ionnsuidh as an uaimh, rìgh Ierusalem, rìgh Hebroìn, rìgh Iarmuit, rìgh Lachis, agus rìgh Eglòin.

24 Agus an uair a thug iad a mach na rìghrean sin gu Iosua, ghairm Iosua air fearaibh Israeil uile, agus thubhairt e ri ecannardaibh nam fear-cogaidh a chaidh maille ris, Thigibh an fagus, cuiribh bhur cosan air muinealaibh nan rìgh sin. Agus thàinig iad an fagus, agus ehur iad an cosan air an muinealaibh.

25 Agus thubhairt Iosua riu, Na bitheadh cagal oirbh agus na bithibh fo gheilt, bith-

ibh làidir agus bitheadh deadh mhiseach agaibh; oir mar so ni 'n Tighearn r'ur naimhdbh uile ris am bheil sibh a' cogadh.

26 Agus an déigh sin bhuail Iosua iad, agus mharbh e iad, agus chroch e iad air chùg crannaibh: agus bha iad an crochadh air na crannaibh gu feasgar.

27 Agus 'an àm dol fodha na gréine dh'àithn Iosua, agus thug iad a nuas iad o na crannaibh, agus thilg siad iad 's an uaimh anns an d'fholaich siad iad féin, agus chuir iad clachan mòra 'am beul na h-uamha, a tha làthair gus a' cheart là so.

28 Agus air an là sin féin ghlac Iosua Machedah, agus bhuail se e le faobhar a' chhlaidheimh, agus a rìgh sgrìos e gu tur, iadsan agus gach anam a bha ann; cha d'fhàg e neach air bith beò: agus rinn e ri rìgh Mhachedah, mar a rinn e ri rìgh Iericho.

29 An sin chaidh Iosua, agus Israel uile maille ris, thairis o Mhachedah gu Libnah, agus chog e 'n aghaidh Libnah.

30 Agus thug an Tighearn thairis e mar an ceudna, agus a rìgh, do làimh Israel, agus bhuail se e le faobhar a' chhlaidheimh, agus na h-anaman uile a bha ann: cha d'fhàg e neach air bith beò ann, ach rinn e r'a rìgh, mar a rinn e ri rìgh Iericho.

31 Agus chaidh Iosua, agus Israel uile maille ris, thairis o Libnah gu Lachis, agus champaich e 'n a aghaidh, agus chog e 'n a aghaidh.

32 Agus thug an Tighearn thairis Lachis do làimh Israel, agus ghlac se e air an dara là, agus bhuail se e le faobhar a' chhlaidheimh, agus gach anam a bha ann, a réir nan uile nithean a rinn e air Libnah.

33 An sin thàinig Horam rìgh Gheseir a nìos a chuideachadh Lachis; agus bhuail Iosua e agus a shluagh, gus nach d'fhàg e h-aon air bith beò aige.

34 Agus chaidh Iosua agus Israel uile maille ris, o Lachis gu h-Eglon, agus champaich iad 'n a aghaidh, agus chog iad 'n a aghaidh:

35 Agus ghlac iad e air an là sin féin, agus bhuail iad e le faobhar a' chhlaidheimh, agus gach anam a bha ann sgrìos e gu tur 's an là sin, a réir nan uile nithean a rinn e ri Lachis.

36 Agus chaidh Iosua, agus Israel uile maille ris, suas o Eglon gu Hebron, agus chog iad 'n a aghaidh:

37 Agus ghlac iad e, agus bhuail iad e le faobhar a' chhlaidheimh, agus a rìgh, agus a bhailtean uile, agus gach anam a bha ann: cha d'fhàg e h-aon air bith beò, a réir nan uile nithean a rinn e ri h-Eglon, ach sgrìos e gu tur e, agus gach anam a bha ann.

38 Agus phill Iosua, agus Israel uile maille ris, gu Debir, agus chog e 'n a aghaidh:

39 Agus ghlac se e, agus a rìgh, agus a

bhailtean uile, agus bhuail siad iad le faobhar a' chhlaidheimh, agus léir-sgrìos iad gach anam a bha ann; cha d'fhàg e h-aon air bith beò: mar a rinn e ri Hebron, mar sin rinn e ri Debir, agus r'a rìgh; agus mar a rinn e ri Libnah, agus r'a rìgh.

40 Agus bhuail Iosua tìr nam bean uile, agus na h-àirde deas, agus a' chòmhnaird, agus nan tobar, agus an rìghrean uile: cha d'fhàg e h-aon air bith beò, ach léir-sgrìos e gach neach anns an robh anail, mar a dh'àithn an Tighearn Dia Israel.

41 Agus bhuail Iosua iad o Chades-barnea gu ruig Gasa, agus tìr Ghosein uile gu ruig Gibeon.

42 Agus na rìghrean sin uile, agus am fearann, ghlac Iosua dh'aon tarruing, do bhrìgh gun do chog an Tighearn Dia Israel air son Israel.

43 Agus phill Iosua, agus Israel uile maille ris, do'n champ gu Gilgal.

# CAIB. XI.

1 Aig uisgeachaibh Mheroim thugadh buaidh air rìghribh a dh'èirich suas an aghaidh Israel. 10 Ghlacadh agus loisgeadh Hasor.

21 Ghearradh as na h-Anaich.

A GUS an uair a chuala Iabin rìgh Hasor na nithean sin, chuir e fios gu Iobab rìgh Mhadoin, agus gu rìgh Shimroin, agus gu rìgh Achsaiph,

2 Agus a dh'ionnsuidh nan rìgh a bha mu thuath anns na beanntaibh, agus anns a' chòmhnard mu dheas de Chinerot, agus anns a' ghleann, agus ann an crìochaibh Dhoir, air an làimh an iar;

3 Agus a dh'ionnsuidh a' Chanaanaich air an làimh an ear agus an làimh an iar, agus a dh'ionnsuidh an Amoraich, agus an Hittich, agus a' Pheridsich, agus an Iebusaich anns na beanntaibh, agus a dh'ionnsuidh an Hibhich fo Hermon, ann an tìr Mhispel.

4 Agus chaidh iad a mach, iad féin agus an feachd uile maille ri, slugh lionmhòr, eadhon mar a' ghaineamh a tha air tràigh na fairge thaobh lionmhoireachd, le h-eachaibh agus carbadaibh ro lionmhòr.

5 Agus an uair a bha na rìghrean sin uile air comneachadh a chèile, thàinig iad agus champaich iad cuideachd aig uisgeachaibh Mheroim, a chogadh an aghaidh Israel.

6 Agus thubhairt an Tighearn ri Iosua, Na bitheadh eagal ort rompa; oir am màireach, mu'n àm so, bheir mise suas iad uile marbh 'am fianuis Israel: gearraidh tu iosgaidean an each, agus loisgidh tu an carbadan le teine.

7 Agus thàinig Iosua orra, agus an slugh cogaidh uile maille ris, aig uisgeachaibh Mheroim gu h-obann, agus bhuail iad orra.

8 Agus thug an Tighearn thairis iad do làimh Israel, a bhuail iad, agus a chuir an ruaig orra gu Sidon mòr, agus gu Misrephot-maim, agus gu còmhnard Mhispel air ar



làimh an ear, agus bhuail siad iad, gus nach d'fhàg iad aon diubh beò.

9 Agus rinn Iosua riu mar a dh'iarr an Tighearn air: ghearr e iosgaidean an each, agus loisg e 'n carbadan le teine.

10 Agus phill Iosua 's an àm sin air ais, agus ghlac e Hasor, agus bhuail e a rìgh leis a' chlàidheamh: oir b' e Hasor roimhe sin ceann nan rìoghachdan sin uile.

11 Agus bhuail iad na h-anam uile a bha ann le faobhar a' chlàidheimh 'g an léir-sgrìos: cha d'fhàgadh aon anns an robh anail; agus loisg e Hasor le teine.

12 Agus uile bhailtean nan rìgh sin, agus an rìghrean uile ghlac Iosua, agus bhuail e iad le faobhar a' chlàidheimh, agus sgrìos e gu tur iad, mar a dh'àithn Maois, òglach an Tighearna.

13 Ach a thaobh nam bailtean sin uile a sheas a ghnàth 'n an neart, cha do loisg Israel aon diubh sin, saor o Hasor a mhàin; sin loisg Iosua.

14 Agus uile chreach nam bailtean sin, agus an spréidh, ghabh clann Israeil mar chobhartach dhoibh féin; ach bhuail iad gach duine le faobhar a' chlàidheimh, gus an do chuir iad as doibh; cha d'fhàg iad neach air bith anns an robh anail.

15 Mar a dh'àithn an Tighearn d'a òglach Maois, mar sin dh'àithn Maois do Iosua, agus mar sin rinn Iosua: cha d'fhàg e ni gun deanamh de na h-uile a dh'àithn an Tighearn do Mhaois.

16 Mar sin ghlac Iosua am fearann sin uile na sléibhteann, agus an tìr mu dheas uile, agus fearann Ghosein uile, agus an gleann, agus an còmhnhard, agus shlabh Israeil, agus a ghleann;

17 O shliabh Halaic, a tha 'dol suas gu Seir, cadhon gu Baal-gad ann an gleann Lebanoin, fo shliabh Hermoin: agus an rìghrean uile ghlac e, agus bhuail e iad, agus mharbh e iad.

18 Rè ùine fhada rinn Iosua cogadh ris na rìghribh sin uile.

19 Cha robh baile mòr air bith a rinn sìth ri cloinn Israeil, saor o na Hibhich, luchd-àiteachaidh Ghìbeoin; càch uile ghlac iad ann an cath.

20 Oir b'ann o'n Tighearn a bha e an cridheachan a chruadhachadh, chum gu'n tigeadh iad an aghaidh Israeil ann an cath, a chum gu'n sgrìosadh e iad gu tur, agus nach bith-eadh iochd sam bith air a nochdadh dhoibh, ach gu'n cuireadh e as doibh, mar a dh'àithn an Tighearn do Mhaois.

21 Agus anns an àm sin thàinig Iosua, agus ghearr e as na h-Anacaich o na sléibhtibh, o Hebron, o Dhebir, o Anab, agus o bheanntaibh Iudah uile, agus o bheanntaibh Israeil uile: sgrìos Iosua gu tur iad le'm bailtibh.

22 Cha d'fhàgadh aon de na h-Anacaich ann am fearann chloinn Israeil; a mhàin

ann an Gasah, ann an Gat, agus ann an Asdod, dh'fhàgadh iad.

23 Mar sin ghlac Iosua an tìr uile, a réir nan uile a thubhairt an Tighearn ri Maois, agus thug Iosua mar oighreachd do chloinn Israeil, ann an earrannaibh a réir an treubhan. Agus fhuair an tìr fois o chogadh.

## CAIB. XII.

1 An dà rìgh a bhuail Maois 'an taobh an ear de Iordain. 7 Aon rìgh deug thar fhichead air am bualadh le Iosua air an taobh an iar de Iordain.

**A** NIS is iad so rìghrean an fhearainn a bhuail clann Israeil; agus shealbhaich iad am fearann air taobh eile Iordain leth ri éirigh na gréine, o shruth Arnoin gu shlabh Hermoin, agus an còmhnhard uile air an làimh an ear.

2 Sihon rìgh nan Amorach, a bha a chòmh-nuidh ann an Hesbon, agus a riaghaich o Aroer, a tha air bruaich sruth Arnoin, agus o mheadhon an t-srutha, agus leth Ghilead eadhon gus an sruth Iaboc, crìoch chloinn Amoin:

3 Agus an còmhnhard gu muir Chineroit a làimh na h-àirde 'n ear, agus gu muir a' chòmhnhaird, eadhon a' mhuir shalainn a làimh na h-àirde 'n ear, an t-slighe gu Bet-iesimot; agus o'n àirde deas, fo Asdot-pis-gah.

4 Agus crìoch Og rìgh Bhàsain, a bha dh'iarmaid nam famhaircan a bha a chòmh-nuidh ann an Astarot, agus ann an Edrei.

5 Agus a rìghaich ann an shlabh Hermoin, agus ann an Saleh, agus ann an Bàsan uile, gu crìch nan Gesurach agus nam Maachatach, agus leth Ghilead, crìoch Shihon rìgh Hesboin.

6 Iadsan bhuail Maois, òglach an Tighearna, agus clann Israeil; agus thug Maois, òglach an Tighearna, e mar sheilbh do na Reubenich, agus do na Gadaich, agus do leth-thrèibh Mhanasch.

7 Agus is iad so rìghrean na tìre a bhuail Iosua agus clann Israeil air an taobh so de Iordain air an làimh an iar, o Bhaal-gad ann an gleann Lebanoin, eadhon gu shlabh Halaic, a tha 'dol suas gu Seir; a thug Iosua do threubhan Israeil mar sheilbh, a réir an roinnean:

8 Anns na beanntaibh, agus anns na gleanntaibh, agus anns na còmhnrdaibh, agus anns na tobraichibh, agus anns an fhàsach, agus anns an tìr mu dheas: na Hitich, na h-Amoraich, agus na Cananaich, na Peridsich, na Hibhich, agus na Iebusaich.

9 Rìgh Iericho, aon; rìgh Ai, a tha làimh ri Bet-el, aon;

10 Rìgh Ierusalem, aon; rìgh Hebroin, aon;

11 Rìgh Iarmuit, aon; rìgh Lachis, aon;

12 Rìgh Egloin, aon; rìgh Gheiseir, aon;

13 Rìgh Dhebir, aon; rìgh Ghedeir, aon;



- 14 Rìgh Hormah, aon ; rìgh Araid, aon ;  
 15 Rìgh Libnah, aon ; rìgh Adulaim, aon ;  
 16 Rìgh Mhacedah, aon ; rìgh Bhet-cil,  
 aon ;  
 17 Rìgh Thapuah, aon ; rìgh Hepheir, aon ;  
 18 Rìgh Apheic, aon ; rìgh Lasaroin, aon ;  
 19 Rìgh Mhadoin, aon ; rìgh Hasoir, aon ;  
 20 Rìgh Shimron-meroin, aon ; rìgh Ach-  
 saiph, aon ;  
 21 Rìgh Thaanaich, aon ; rìgh Mhegido,  
 aon ;  
 22 Rìgh Chedeis, aon ; rìgh Iocneaim o  
 Charmel, aon ;  
 23 Rìgh Dhoir, ann an crìch Dhoir, aon ;  
 rìgh chinneach Ghilgail, aon ;  
 24 Rìgh Thirsah, aon ; na rìghrean uile,  
 deich thar fhìthead agus aon.

CAIB. XIII

1 Crìochan an fhearainn air nach d' thugadh  
 fathast buaidh. 14, 33 Is iad iobairtean an  
 Tighearn' oighreachd nan Lebhitheach. 22  
 Mharbhadh Balaam.

**A**NIS bha Iosua sean agus air teachd  
 air aghaidh ann am bliadhnaibh;  
 agus thubhairt an Tighearn ris, Tha thusa  
 sean agus air teachd air d'aghaidh 'am  
 bliadhnaibh, agus tha fathast ro mhòran  
 fearainn r'a shealbhachadh.

2 Is e so am fearann a tha fathast a lath-  
 air; uile crìochan nam Philisteach, agus  
 Gesuri uile,

3 O Shihor, a tha fa chomhair na h-Eiphit,  
 eadhon gu crìch Eeroìn mu thuath a  
 mheasar do'n Chanaanach; cùig tighearnan  
 nam Philisteach; na Gasataich, agus na  
 h-Asdodaich, na h-Escalonaich, na Gitich,  
 agus na h-Eronaich, agus na Habhaich:

4 O'n taobh mu dheas uile fhearann nan  
 Canaanach, agus Mearah a tha làimh ris  
 na Sidonaich, gu Aphec, gu crìch nan  
 Amorach;

5 Agus fearann nan Gibleach, agus Lebanon  
 uile leth ri éirigh na gréine, o Bhaal-gad fo  
 shliabh Hermoin, gu ruig an dol a stigh do  
 Hamat;

6 Uile luchd-àiteachaidh nam beann o  
 Lebanon gu Misrephot-maim agus na Si-  
 donaich uile, iadsan fògraidh mi mach roimh  
 chloinn Israeil; a mhàin roinn e le crann-  
 chur do na h-Israelich mar oighreachd, mar  
 a dh'àithn mise dhuit.

7 A nis uime sin, roinn am fearann so mar  
 oighreachd do na naoi treubhan, agus do  
 leth-thréibh Mhanaseh;

8 Maille ris an leth-thréibh eile fhuair na  
 Reubenich agus na Gadaich an oighreachd-  
 san a thug Maois doibh, an taobh thall de  
 Iordan a làimh na h-àirde 'n ear, eadhon  
 mar a thug Maois, òglach an Tighearna,  
 dhoibh:

9 O Aroer, a tha air bruaich sruth Arnoin,  
 agus am baile a tha ann am meadhon an  
 t-srutha, agus còmhnaidh Mhedebah uile gu  
 Dibon;

10 Agus uile bhailtean Shihoin, rìgh nan  
 Amorach a rioghaich ann an Heshbon, gu  
 crìch chloinn Amoin;

11 Agus Gilead, agus crìoch nan Gesur-  
 ach, agus nam Maachataich, agus sliabh  
 Hermoin uile, agus Basan uile gu Saleah;

12 Uile rioghachd Og ann am Basan, a  
 rioghaich ann an Astarot agus ann an  
 Edrei, a mhair de iarnad nam fàmhairean:  
 oir iad sin bhuail Maois, agus dh'fhògair e  
 mach iad.

13 Gidheadh, cha d'fhògair clann Israeil a  
 mach na Gesuraich, no na Maachataich; ach  
 tha na Gesuraich agus na Maachataich 'n an  
 còmhnuidh am measg nan Israeleach gus  
 an lán diugh.

14 A mhàin do thréibh Lebhi cha d'fhug  
 e oighreachd sam bith; is iad iobairtean an  
 Tighearna Dé Israeil a bheirear suas le  
 teine, an oighreachd-san, mar a thubhairt e  
 riu.

15 Agus thug Maois do thréibh chloinn  
 Reubein oighreachd a réir an teaghlachain:

16 Agus bha 'n crìoch o Aroer a tha air  
 bruaich sruth Arnoin, agus am baile a tha  
 ann am meadhon an t-srutha, agus an  
 còmhnaidh uile gu Medebah:

17 Heshbon, agus a bhailtean uile a tha  
 's a' còmhnaidh; Dibon, agus Bamot-baal,  
 agus Bet-baal-meon,

18 Agus Iahasa, agus Cedemot, agus Me-  
 phaath,

19 Agus Ciriataim, agus Sibmah, agus  
 Saretsahar ann an shlabh a' ghlinne,

20 Agus Bet-peor, agus Asdod-pisgah,  
 agus Bet-iesimot,

21 Agus uile bhailtean a' còmhnaidh,  
 agus uile rioghachd Shihoin rìgh nan Amor-  
 ach, a rioghaich ann an Heshbon, a bhuail  
 Maois maille ri ceannardaibh Mhidiain,  
 Ebhi, agus Recem, agus Sur, agus Hur,  
 agus Rebah, cinn-fheadhna Shihoin, a bha  
 'còmhnuidh 's an tìr.

22 Balaam mar an ceudna, mac Bheoir,  
 am fiosaiche, mharbh clann Israeil leis a'  
 chlaidheamh 'n an measg-san a mharbhadh  
 leo.

23 Agus b'i crìoch chloinn Reubein, Ior-  
 dan agus a crìoch-san. B'i sin oighreachd  
 chloinn Reubein a réir an teaghlachain,  
 na bailte mòra agus am bailte beaga.

24 Agus thug Maois oighreachd do thréibh  
 Ghad, eadhon do chloinn Ghad a réir an  
 teaghlachain.

25 Agus b'i an crìoch Iaser, agus uile  
 bhailtean Gilead, agus leth fearainn  
 chloinn Amoin, gu Aroer a tha fa chomhair  
 Rabah:

26 Agus o Heshbon gu Ramat-mhispeh,  
 agus Betonim; agus o Mhahanaim gu crìch  
 Dhebir;

27 Agus anns a' ghileann, Betaram, agus  
 Bet-nimrah, agus Sucot, agus Saphon a'  
 chuid cile de rioghachd Shihoin rìgh Hes-

boin, Iordan agus a erìoch, *eadhon* gu oir fairge Chineret, air taobh eile Iordain a làimh na h-àirde 'n ear.

28 *B'i* sin oighreachd chloinn Ghad, a réir an teaghlachan, na bailte mòra agus am bailte beaga.

29 Agus thug Maois *oighreachd* do leth-thréibh Mhanaseth: agus *b'i so seallbhe leth-thréibh* chloinn Mhanaseth, a réir an teaghlachan:

30 Agus bha 'n erìoch o Mhahanaim, Bèan uile, uile rioghachd Og rìgh Bhasain, agus uile bhailtean Iair, a tha ann am Bèsan, trì fichead baile mòr:

31 Agus leth Ghilead, agus Astarot, agus Edrei, bailtean rioghachd Og ann am Bèsan, *bh'inn iad* do chloinn Mhachir mhic Mhanaseth, *eadhon* do leth chloinn Mhachir, a réir an teaghlachan.

32 *Is iad* sin na dùchannan a roinn Maois mar oighreachd ann am còmhnaidhean Mhoab, air an taobh eile de Iordan làimh ri Iericho, air an taobh an ear.

33 Ach do thréibh Lebhì cha d'thug Maois oighreachd: *b'e 'n Tighearn Dia* Israeil e féin an oighreachd-san, mar a thubhairt e riu.

#### CAIB. XIV.

1 *Thugadh an oighreachd le crannchuir do na naoi treubhan agus an leth-thréibh.* 6 *Fhuair Caleb Hebron.*

**A** GUS *is iad* so na dùchan a fhuair clann Israeil mar oighreachd ann an tìr Chanaain, a roinn Eleasar an sagart, agus Iosua mac Nuin, agus cinn-fheadhna aithriche threubhan ehloinn Israeil mar oighreachd dhoibh.

2 Le crannchuir *bha* an oighreachd, mar a dh'àithn an Tighearn le làimh Mhaois, do na naoi treubhan agus an leth-thréibh.

3 Oir bha Maois air tabhairt oighreachd do dhà thréibh, agus do leth-thréibh, air an taobh eile de Iordan: ach do na Lebhithich cha d'thug e oighreachd sam bith 'n am measg.

4 Oir bha clann Ioseph 'n an dà thréibh, Manaseth agus Ephraim: uime sin cha d'thug iad roinn sam bith do na Lebhithich 's an fhearann, saor o bhailtibh gu còmhnuidh 'ghabhail *annta*, maille r'am fearann còmh-roinn d'an spreidh, agus d'am maoin.

5 Mar a dh'àithn an Tighearn do Mhaois, mar sin rinn clann Israeil, agus roinn iad am fearann.

6 An sin thàinig clann Iudah gu Iosua ann an Gilgal; agus thubhairt Caleb mac Iephuneh an Ceniseach ris, Tha fios agad air an nì a thubhairt an Tighearn ri Maois, òglach Dhé, 'am thaobhs' agus 'ad thaobh féin, ann an Cades-barnea.

7 Dà fhichead bliadhna dh'aois *bha* mise n uair a chuir Maois, òglach Dhé, mi o Chades-barnea, a rannasachadh a mach an

fhearainn; agus thug mi air ais fios d'a ionnsuidh, mar a *bha* e ann am chridhe.

8 Gidheadh, thug mo bhràithrean a chaidh suas maille rium, air cridhe an t-sluagh leaghadh: ach lean mise gu h-ìomlan an Tighearn mo Dhia.

9 Agus mlionnaich Maois air an là sin, ag ràdh, Gu cinnteach bithidh an fearann air an do shaltair do chos, agad féin mar oighreachd, agus aig do chloinn gu bràth; a chionn gu'n do lean thu gu h-ìomlan an Tighearn mo Dhia.

10 Agus a nis, feuch, ghléidh an Tighearn mi beò, mar a thubhairt e, na ciùg agus an dà fhichead bliadhna so, *eadhon* o labhair an Tighearn am focal so ri Maois, am feadh a dh'ìmich clann Israeil anns an fhàsach; agus a nis, feuch, *tha* mi 'n diugh ceithir fichead agus ciùg bliadhna dh'aois.

11 Fathast *tha* mi co làidir an diugh as a *bha* mi 's an là anns an do chuir Maois uath mi: mar a *bha* mo neart an sin, mar sin *tha* mo neart a nis, chum cogaidh, agus a dhol a mach, agus a theachd a steach.

12 A nis uime sin thoir dhomh a' bheinn so, mu'n do labhair an Tighearn 's an là ud; (oir chuala tu 's an là ud cionnus a *bha* na h-Anacaich an sin, agus *gu'n robh* na bailte mòr' agus daingichte;) na tharlas *gu'm bi* 'n Tighearn leam, an sin fègraidh mi mach iad, mar a thubhairt an Tighearn.

13 Agus bheannaich Iosua e, agus thug e do Chaleb, mac Iephunch, Hebron mar oighreachd.

14 Rinneadh uime sin Hebron 'n a oighreachd do Chaleb, mac Iephunch, an Ceniseach, gus an là 'n diugh; a chionn gu'n do lean e gu h-ìomlan an Tighearn Dia Israeil.

15 Agus *b'e* ainm Hebroin roimhe Ciriatarba: *bha'n t-Arba* so 'n a dhuine mòr am measg nan Anacach. Agus bha fois aig an tìr o chogadh.

#### CAIB. XV.

1 *Crìocha crannchuir chloinn Iudah.* 13 *Roinn Chaleb.* 16 *Treubhantas agus duais Otnèil.* 18 *Aitheuinge Ahsah.*

**B**'E so uime sin crannchuir tréibhe chloinn Iudah a réir an teaghlachan, *eadhon* gu erich Edoim, gu fàsach Shin ri deas o'n chuid a's fhaide mach de'n ìomall dheas.

2 Agus bha 'n crìoch mu dheas o thràigh na mara salaim, o 'n luib a tha 'g amharc ri deas.

3 Agus chaidh i mach a dh'ionnsuidh an taoibh mu dheas gu h-uchdaich Acarabim, agus ghabh i air a h-aghaidh gu Sin, agus chaidh i suas air an taobh mu dheas gu Cades-barnea, agus chaidh i air a h-aghaidh gu Hesron, agus chaidh i suas gu h-Adar, agus ghabh i mu'n cuairt gu Careaa.

4 *Uaith sin* ghabh i dh'ionnsuidh Asmoim, agus chaidh i mach gu amhainn na h-Eiphit, agus bha dol a mach na crìche sin aig a'



mhuir, bitheadh so agaibh 'n a crìch mu dheas.

5 Agus *b'i* a' chrìoch an ear a' mhuir shalainn *eadhon* gu ceann Iordain: agus *bha a'* chrìoch air an taobh mu thuath o luib na mara, aig a' chuid a b'fhaide mach de Iordan.

6 Agus chaidh a' chrìoch suas gu Beth-hoglah, agus ghabh i air a h-aghaidh air an taobh mu thuath de Bhet-arabah; agus chaidh a' chrìoch suas gu cloich Bhohain mhic Reubein.

7 Agus chaidh a' chrìoch suas gu Debir o ghleann Achoir, agus ri tuath ag amharc ri Gilgal, a *tha* fa chomhair uchdaich Adumim, a *tha* air taobh deas na h-aimhne: agus chaidh a' chrìoch thairis gu uisgeach-aiabh En-semeis, agus bha a dol a mach aig En-rogel.

8 Agus chaidh a' chrìoch suas gu gleann Hinoim, gu taobh deas an Iebusaich; (*is e sin Ierusalem*;) agus chaidh a' chrìoch suas gu mullach na beinne, a *tha* roimh ghleann Hinoim, air an làimh an iar, a *tha* aig ceann glinne nam faulhairean ri tuath.

9 Agus thairngeadh a' chrìoch o mhullach an t-sleibh gu tobar uisge Nephtoah, agus chaidh i mach gu bailtibh sleibh Ephroin, agus thairngeadh a' chrìoch gu Baalah; (*is e sin Ciriath-earim*.)

10 Agus chaidh a' chrìoch mu 'u cuairt o Bhaalah air au làimh an iar gu sliabh Sheir, agus ghabh i thairis gu taobh sléibh Iearim, (*is e sin Chesalon*;) air an taobh mu thuath, agus chaidh i sìos gu Bet-semes; agus ghabh i air a h-aghaidh gu Timnah:

11 Agus chaidh a' chrìoch a mach gu taobh Ecroin ri tuath; agus thairngeadh a' chrìoch gu Sieron, agus ghabh i thairis air sliabh Bhaalah, agus chaidh i mach gu Iabneel; agus bha dol a mach na crìche aig a' mhuir.

12 Agus *bha a'* chrìoch an iar gus an fhainge mhoir, agus a h-oirthir: *b'i sin* crìoch chloinn Iudah mu'n cuairt, a réir an teaghlachéan.

13 Agus do Chaleb, mac Iephuneh, thug e roim am measg chloinn Iudah, a réir àithne an Tighearna do Iosua, *eadhon* baile Arbah, athar Anaic: (*is e sin Hebron*.)

14 Agus dh'fhogair Caleb a mach as a siu triùir mhac Anaic, Sesai, agus Ahiman, agus Talmai, clann Anaic.

15 Agus chaidh e suas o siu gu luchd-àit-eachaidh Dhebir: agus *b'e ainm* Dhebir roimhe Ciriath-sepher.

16 Agus thubhairt Caleb, Esan a bhuaileas Ciriath-sepher, agus a ghlacas e, dhasan bheir mi Achsa mo nighean 'n a mnaoi.

17 Agus ghlac Othiel, mac Chenais, bràthar Chaleib e; agus thug e dha Achsa a nigh-ean 'n a mnaoi.

18 Agus tharladh, 'n uair a thàinig i *d' a ionnsuidh*, gu'u do bhròsnuich i e gu achadh

iarraidh air a h-athair: agus theirinn i bhàrr a h-asail; agus thubhairt Caleb rithe, Ciod a *b'èill* leat?

19 Agus fhreagair ise, Thoir dhomh beann-achadh; oir thug thu dhomh fearann mu dheas, thoir dhomh mar an ceudna tobair uisge; agus thug e dhi na tobair uachdarach, agus na tobair iochdarach.

20 *B'i sin* oighreachd tréibhe chloinn Iudah, a réir an teaghlachéan.

21 Agus b'iad na bailtean a b'fhaide mach, le tréibh chloinn Iudah, leth ri crìch Edoim mu dheas, Cabseel, agus Eder, agus Iagur,

22 Agus Cinah, agus Dimouah, agus Adadah,

23 Agus Cedee, agus Hasor, agus Itnan,

24 Siph, agus Telem, agus Bealot,

25 Agus Hasor, Hadatah, agus Ceriot, agus Hesrou, (*is e sin Hasor*.)

26 Amam, agus Sema, agus Moladah,

27 Agus Hasar-gadah, agus Hesmon, agus Bet-palet,

28 Agus Hasar-sual, agus Beer-seba, agus Bis-iotiah,

29 Baalah, agus Iim, agus Asem,

30 Agus Eltolad, agus Chesil, agus Hormah,

31 Agus Siclag, agus Madmanah, agus Sansanah,

32 Agus Lebaot, agus Silhim, agus Ain, agus Rimon: *b'iad* na mòr-bhailtean uile naoi thar fhichead, maille r'am bailtibh beaga.

33 Agus anns a' chòmhnard, Estaol, agus Soreah, agus Asnah,

34 Agus Sanoah, agus Enganim, Tapuah, agus Enam,

35 Iarmut, agus Adulam, Sochoh, agus Asecah,

36 Agus Saraim, agus Aditaim, agus Gederah, agus Gederotaim; ceithir mòr-bhailte deug le'm bailtibh beaga.

37 Senan, agus Hadasah, agus Migdal-gad,

38 Agus Dilean, agus Mispah, agus Iocteel,

39 Lachis, agus Boscath, agus Eglon,

40 Agus Cabon, agus Lahmas, agus Citlis,

41 Agus Gederot, Bet-dagon, agus Naamah, agus Macedah; sè mòr-bhailte deug le'm bailtibh beaga.

42 Libnah, agus Eter, agus Asan,

43 Agus Iiphtah, agus Asnah, agus Nesib,

44 Agus Ceilah, agus Achsib, agus Mare-sah; naoi bailte mòra le'm bailtibh beaga.

45 Eron le 'bhailtibh a's mò, agus a bhailtibh beaga.

46 O Eron, eadhon gus an fhainge iad-san uile a *bha* làimh ri Asdod, le'm bailtibh beaga.

47 Asdod le 'bhailtibh a's mò agus a bhailtibh beaga, Gasah le 'bhailtibh a's mò agus a bhailtibh beaga, gu amhainn na h-Eiphit, agus an fhainge mhoir, eadhon a crìch.

48 Agus anns na beanntaibh, Samir, agus Iatir, agus Socoh,



49 Agus Danah, agus Ciri-at-sanah, eadhon Debir,

50 Agus Anab, agus Estemoh, agus Anim, 51 Agus Gosen, agus Holon, agus Giloh; aon mhòr-bhaile deug le'm bailtibh beaga.

52 Arab, agus Dumah, agus Eseau, 53 Agus Ianum, agus Bèt-tapuah, agus Aphecah,

54 Agus Huntuah, agus Ciri-at-arbah, (*is e sin Hebron*), agus Sior; naoi bailtean mòra le'm bailtibh beaga.

55 Maon, Carmel, agus Siph, agus Iutah, 56 Agus Iesrecl, agus Iocdean, agus Sanaoh,

57 Cain, Gibeah, agus Timnah; deich bailtean mòra le'm bailtibh beaga.

58 Halhul, Bèt-sur, agus Gedor,

59 Agus Maarat, agus Betanot, agus Eltecon; sè bailtean mòra le'm bailtibh beaga.

60 Ciri-at-baal, (*is e sin Ciri-at-earim*), agus Rabah; dà bhaile mòr le'm bailtibh beaga.

61 'S an fhàsach, Bèt-arabah, Midin, agus Secacah,

62 Agus Nibsan, agus baile an t-salaim, agus En-gedi; sè bailtean mòra le'm bailtibh beaga.

63 A thaobh nan Iebusach luchd-àiteachaidh Ierusalem, cha b'urrainn clann Iudah am fògradh a mach: ach tha na Iebusach 'n an còmhnuidh maille ri cloinn Iudah ann an Ierusalem guis an là 'n diugh.

#### CAIB. XVI.

1 Crannchur chloinn Ioseiph. 5 Crìoch oighreachd Ephraim.

**A**GUS chaidh crannchur chloinn Ioseiph a mach o Iordan làimh ri Iericho gu uisgeachaibh Iericho air an làimh an ear, dh'ionnsuidh an fhàisich a' dol suas o Iericho gu sliabh Bhet-eil.

2 Agus tha e 'dol a mach o Bhet-el gu Luds, agus a' gabhail seachad gu crìochaibh Archi gu Atarot,

3 Agus a' gabhail sìos a làimh na h-àirde 'n iar gu crìch Iaphleti, gu crìch Bhet-horoin iochdaraich, agus gu Geser: agus tha a dhol a mach aig an fhaerge.

4 Mar sin ghabh clann Ioseiph, Manaseh, agus Ephraim, an oighreachd.

5 Agus bha crìoch chloinn Ephraim, a rèir an teaghlaichean, *mar so*: b'i cadhonn crìoch an oighreachd air an làimh an ear Atarot-adar, gu Bèt-horon uachdarach:

6 Agus chaidh a' chrìoch a mach a dh'ionnsuidh na fàirge, gu Michmetah air an taobh mu thuath; agus chaidh a' chrìoch mu 'n cuairt a làimh na h-àirde 'n ear gu Taanotsileh, agus ghabh i seachad air an taobh an ear gu Ianohah:

7 Agus chaidh i sìos o Ianohah gu Atarot, agus gu Naarat, agus thàinig i gu Iericho, agus chaidh i mach aig Iordan.

8 Chaidh a' chrìoch a mach o Thapuah a làimh na h-àirde 'n iar gu sruth Chanah:

agus bha a dol a mach aig an fhaerge. *B'i sin oighreachd tréibhe chloinn Ephraim, a rèir an teaghlaichean.*

9 Agus *bha* na bailtean mòra a chuireadh air leth do chloinn Ephraim, am measg oighreachd chloinn Mhanaseh, na bailtean mòra uile le'm bailtibh beaga.

10 Agus cha d'fhògair iad a mach na Canaanaich a bha 'chòmhnuidh ann an Geser: ach tha na Canaanaich 'n an còmhnuidh am measg nan Ephraimeach guis an là 'n diugh; agus tha iad a' deanamh scribedh *dhòibh* fo chis.

#### CAIB. XVII.

1 Crannchur tréibhe Mhanaseh: 7 a chrìoch. 12 Cha d'fhògradh na Canaanaich a mach. 14 Fhuair clann Ioseiph crannchur eile.

**B**HA mar an ceudna crannchur aig tréibh Mhanaseh, (oir b'esan ceud-ghin Ioseiph) eadhon aig Machir ceud-ghin Mhanaseh, athair Ghilead; a chionn gu'm b'fhear-cogaidh e: uime sin bha Gilcad agus Bäsan aige.

2 Bha mar an ceudna crannchur aig a' chuid eile de chloinn Mhanaseh a rèir an teaghlaichean; aig cloinn Abiescir, agus aig cloinn Heleic, agus aig cloinn Asrieil, agus aig cloinn Shecheim, agus aig cloinn Hephcir, agus aig cloinn Shemida: *Viad* sin clann-inhac Mhanaseh, mhic Ioseiph, a rèir an teaghlaichean.

3 Ach aig Selopchad mac Hephcir, mhic Ghilead, mhic Machir, mhic Mhanaseh, cha robh mic, ach nigheanan: agus *is* iad so ainmean a nigheanan, Mahlah, agus Noah, Hoglah, Mileah, agus Tirsah.

4 Agus thàinig iad ann fagus an làthair Eleasar an t-sagairt, agus an làthair Iosua mhic Nuin, agus an làthair nan uachdaran, ag ràdh, Dh'aitin an Tighearn do Mhaois oighreachd a thoirt duime am measg ar bràithrean: uime sin a rèir àithne an Tighearna, thug e dhoibh oighreachd am measg bhràithrean an athar.

5 Agus thuit air Manaseh deich cuibhriannan, thuilleadh air fearann Ghilead, agus Bhäsain, a b'air an taobh eile de Iordan;

6 A chionn gu'n robh aig uigheanan Mhanaseh oighreachd am measg a chuid mac; agus bha fearann Ghilead aig a' chuid eile de mhic Mhanaseh.

7 Agus bha crìoch Mhanaseh o Aser gu Michmetah, a *tha* fa chomhair Shecheim, agus chaidh a' chrìoch air a h-aghaidh air an làimh dheis gu luchd-àiteachaidh Entapuah.

8 *A nis* bha aig Manaseh fearann Thapuah: ach Tapuah air crìch Mhanaseh *bu* le cloinn Ephraim.

9 Agus chaidh a' chrìoch sìos gu sruth Chanah mu dheas de'n t-sruth: *bha* bailtean sin Ephraim am measg bhailtean Mhanaseh;

bha mar an ceudna crìoch Mhauaseli air an taobh mu thuath de'u t-sruth, agus bha a dol-a mach aig an fhaire.

10 An taobh mu dheas *bu* le Ephraim, agus an taobh mu thuath *bu* le Manaseli, agus b'i an fhaire a chrìoch, agus choimhich iad a chèile ann an Aser air an taobh mu thuath, agus ann an Isachar air an taobh an ear.

11 Agus bha aig Manaseli ann an Isachar agus ann an Aser, Bet-sean agus a bhailtean, agus Ibleam agus a bhailtean, agus luchd-àiteachaidh Dhoir agus a bhailtean, agus luchd-àiteachaidh Èn-doir agus a bhailtean, agus luchd-àiteachaidh Thaanaich agus a bhailtean, agus luchd-àiteachaidh Mhegido agus a bhailtean; *eadhon* trì dùchanna.

12 Gidheadh cha b'urrainn clann Mhanaseli *luchd-àiteachaidh* nam bailtean sin fhògradh a mach; ach b'ail leis na Canaanach cuimhuidh 'ghabhail 's an tìr sin.

13 Gidheadh tharladh, 'u uair a dh'fhàs clann Israeil làidir, gu'n do chuir iad na Canaanach fo chìs; ach cha d'fhogair iad gu tur a mach iad.

14 Agus labhair clann Ioseiph ri Iosua, ag ràdh, 'Car son uach d'thug thu dhomhsa ach aon chrannchur agus aon chuibhrionn r'an sealbhachadh, agus gur sluagh mòr mi, agus gu'n do bheannaich an Tighearn mi gus a so?

15 Agus fhreagair Iosua iad, Ma's sluagh mòr thu, imich suas do'n choilltich, agus gearr sìos dhuit féin *ait* an sin ann am fearann nam Peridseach, agus nam famh-airean, na tha sliabh Ephraim ro chumhaun duit.

16 Agus thubhairt clann Ioseiph, Cha leòr an sliabh dhuinne: agus tha aig na Canaanach uile a tha 'chomhuidh ann am fearann a' ghlinne, carbadan iarunn, *an dà chuid* aca-san a tha ann am Bet-sean agus 'n a bhailtibh, agus aca-san a tha ann an gleann Iesreel.

17 Agus labhair Iosua ri tigh Ioseiph, ri h-Ephraim, agus ri Manaseli, ag ràdh, *Is* sluagh mòr thu, agus tha cumhachd mòr agad; cha bhi agad aon chrannchur a *mhàin*.

18 Ach bithidh an sliabh agadsa, oir is coille e; agus gearraidh tu sìos i: agus bithidh a dhòl a mach agad: oir fògradh tu mach na Canaanach, ged *tha* carbadan iarunn aca, agus ged *tha* iad làidir.

#### CAIB. XVIII.

1 Chuireadh suas bàth a' choimhthionail aig Siloh. 2 Roinneadh a' chuid eile de'n fhearann 'n a sheachd earrannaibh.

**A** GUS chruinnich coimhthional 'chloinn Israeil uile 'an ceann a chèile aig Siloh, agus chuir iad suas pàillun a' choimhthionail an sin, agus cheannsaicheadh an tìr rompa.

2 Agus bha fathast am measg chloinn Israeil seachd treubhan, nach d'fhuair an oighreachd.

3 Agus thubhairt Iosua ri cloinn Israeil, Cia fhad *a tha* sibh mall a dhòl a shealbhachadh an fhearann, a thug an Tighearn Dia bhur n-aithrichean dhuibh?

4 Thugaibh a mach *dhomhsa* as bhur measg trìur dhaoine as *gach* tréibh; agus cuiridh mi uam iad, agus éiridh iad, agus théid iad troimh 'n fhearann, agus tairngidh iad e a réir an oighreachd-san, agus thig iad a m' ionusuidhs' a rìs.

5 Agus roinnidh iad e 'n a sheachd carrannaibh: fanaidh Iudah 'n a chrìch féin air an taobh mu dheas, agus fanaidh tigh Ioseiph 'n a chrìch féin air an taobh mu thuath.

6 Uime sin tairngidh sibh am fearann 'n a sheachd carrannaibh, agus bheir sibh *an tarruing* an so am' ionusuidhse, chum gu'n tilg mi croinn air bhur son an so an làthair an Tighearn a' Dé.

7 Ach cha-n'eil aig na Lebhitheic roinn sam bith 'u ur measg, oir *is* i sagartachd an Tighearn' an oighreachd-san: agus fhuair Gad, agus Reuben, agus leth-thréibh Mhanaseli, an oighreachd-san an taobh thall de Jordan air an làimh an ear, a thug Maois, òglach an Tighearn, dhoibh.

8 Agus dh'éirich na daoine agus dh'fhalbh iad: agus dh'aitn Iosua dhoibhsan a chaidh a tharruing an fhearann, ag ràdh, Imichibh agus rachaidh troimh 'n fhearann, agus tairngibh e, agus thigibh a iris an' ionusuidhse, chum gu'n tilg mi an so croinn air bhur son an làthair an Tighearn anu an Siloh.

9 Agus dh'imich na daoine, agus chaidh iad troimh 'n fhearann, agus tharruing iad e a réir a bhailtean 'n a sheachd earrannaibh, ann an Iebhar, agus thàinig iad gu Iosua do'n champ aig Siloh.

10 Agus thilg Iosua croinn air an son ann an Siloh, an làthair an Tighearn: agus an sin roinn Iosua am fearann do chloinn Israeil, a réir an roinnean.

11 Agus thàinig crannchur tréibhe chloinn Bheniamin a mach a réir an teaghlachan: agus chaidh crìoch an crannchuir a mach eadar clann Iudah agus clann Ioseiph.

12 Agus bha 'n crìoch air an taobh mu thuath o Jordan; agus chaidh a' chrìoch suas gu taobh Iericho air an taobh mu thuath, agus chaidh i suas troimh 'n mhonadh a làimh na h-àirde 'n iar, agus bha a dol a mach aig fasach Bhet-abhen.

13 Agus chaidh a' chrìoch thairis o sin gu Luds gu taobh Luds, (*is e* sin Bet-el) ri deas, agus chaidh a' chrìoch sìos gu Astarotadar, an fagus do'n t-sliabh a tha air an taobh dheas de Bhet-horon iochdarach.

14 Agus thairngeadh a' chrìoch o sin, agus chuairtich i oisinn na mara ri deas, o'n



t-sliabh a *tha* fa chomhair. Bhet-horoin ri deas: agus bha a dol a mach aig Ciriath-baal, (*is e sin Ciriath-earim*) baile le cloinn Iudah. *B'i sin a' chearna an iar.*

15 Agus *bha a' chearna* mu dheas o cheann Chiriath-earim, agus chaidh a' chrìoch a mach air an làimh an iar, agus ghabh i mach gu tobar uisgeachan Nephtoa.

16 Agus ehaidh a' chrìoch sìos gu ceann na beinne, a *tha* fa chomhair glinne mhic Hinoim, a *tha ann an gleann nam fah-airean* air an taobh mu thuath, agus ehaidh i sìos gu gleann Hinoim, gu taobh Iebusi air an *làimh* dheis, agus ghabh i sìos gu En-rogel.

17 Agus thairngeadh i o'n taobh mu thuath, agus ghabh i air a h-aghaidh gu En-semes, agus chaidh i mach a dh'ionn-suidh Ghelilot, a *tha* thall fa chomhair uchdaich Adumim, agus ghabh i sìos gu cloich Bhothain mhie Reubein,

18 Agus ghabh i air a h-aghaidh eum an taobh thall fa chomhair Arabah mu thuath, agus ehaidh i sìos gu Arabah;

19 Agus ghabh a' chrìoch thairis gu taobh Bhet-hoglah mu thuath; agus bha dol a mach na eriehe aig an luib mu thuath de'n nluir shalaim, aig ceann Iordain mu dheas. *B'i sin a' chrìoch mu dheas.*

20 Agus b'i Iordan a chrìoch air an làimh an ear. B'i sin oighreachd chloinn Bheniamin, le a crìochaibh mu'n cuairt, a réir an teaghlaichean.

21 A nis b'iad bailtean mòra tréibhe chloinn Bheniamin, a réir an teaghlaichean, Iericho, agus Bet-hoglah, agus gleann Chesis,

22 Agus Bet-arabah, agus Semaraim, agus Bet-el,

23 Agus Abhim, agus Parah, agus Ophrah,

24 Agus Chephar-haamonai, agus Ophni, agus Gabah; dà mhòr-bhaile dheug le'm bailtibh beaga.

25 Gibeon, agus Ramah, agus Becrot,

26 Agus Mispheh, agus Chephirah, agus Mosah,

27 Agus Rechem, agus Irpeel, agus Taralah,

28 Agus Selah, Eleph, agus Iebusi, (*is e sin Ierusalem*), Gibeat, agus Ciriath; ceithir mòr-bhailtean deug le'm bailtibh beaga. *B'i sin oighreachd chloinn Bheniamin, a réir an teaghlaichean.*

# CAIB. XIX.

1 Crannchur Shimeoin, 10 Shebuluin, 17 Isachair, 24 Aseir. 32 Naphtali, 40 Dhain. 49 Thug clann Israel oighreachd do Iosua 'n am measg.

**A** GUS thàinig an dara crannchur a mach do Shimeon, *eadhon* do thréibh chloinn Shimeoin, a réir an teaghlaichean: agus bha 'n oighreachd-san am meadhon oighreachd chloinn Iudah.

2 Agus bha aca 'n an oighreachd, Beersebah, agus Sebah, agus Moladah,

3 Agus Hasar-sual, agus Balah, agus Asem,

4 Agus Eltolad, agus Betul, agus Hormah,

5 Agus Sielag, agus Bet-marcabot, agus Hasar-susah,

6 Agus Bet-labaot, agus Saruhen; trì mòr-bhailtean deug agus am bailtean beaga.

7 Ain, Remon, agus Eter, agus Asan; ceithir bailtean mòra le'm bailtibh beaga.

8 Agus na bailtean beaga uile a *bha* mu thimcheall nam bailtean mòra sin, gu Balat-beer-ramat, mu dheas. *B'i sin oighreachd tréibhe chloinn Shimeoin, a réir an teaghlaichean.*

9 A mach á crannchur chloinn Iudah *bha* oighreachd chloinn Shimeoin: oir bha cuibh-rionn chloinn Iudah ro mhòr dhoibh; uime sin bha aig cloinn Shimeoin an oighreachd ann am meadhon an oighreachd-san.

10 Agus thàinig an treas crannchur a mach air son chloinn Shebuluin, a réir an teaghlaichean: agus bha crìoch an oighreachd-san gu Sarid.

11 Agus chaidh an crìoch suas a dh'ionn-suidh na fairge, agus Maralah, agus ràinig i gu Dabaset, agus ràinig i gu ruig an sruth a *tha* fa chomhair Ioeneaim,

12 Agus phill i o Shared a làimh na h-àirde 'n ear, leth ri éirigh na gréine, gu erieh Chislot-tabor: agus an sin *tha i* dol a mach gu Dabarat, agus a' dol suas gu Iaphia,

13 Agus o sin a' gabhail thairis air an làimh an ear gu Githah-hepher, gu Itah-easin, agus a' dol a mach gu Remon-metoar gu Neah;

14 Agus *tha a' chrìoch a' dol mu'n cuairt* mu thuath gu Hanaton: agus *tha a' dol* a mach ann an gleann Iiphtah-el;

15 Agus Catat, agus Nahalal, agus Simron, agus Idalah, agus Bet-lehem; dà mhòr-bhaile dheug le'm bailtibh beaga.

16 *B'i sin oighreachd chloinn Shebuluin, a réir an teaghlaichean, na bailtean mòra sin le'm bailtibh beaga.*

17 Thàinig an ceathramh crannchur a mach do Isachair, air son chloinn Isachair, a réir an teaghlaichean.

18 Agus b'i an crìoch Iesreel, agus Chesulot, agus Suncm,

19 Agus Hapharim, agus Sihon, agus Anaharat,

20 Agus Rabit, agus Cision, agus Abes,

21 Agus Remet, agus Enganim, agus Enhadah, agus Bet-pases;

22 Agus *tha a' chrìoch a' ruigheachd* gu Tabor, agus Sahasimah, agus Bet-semes, agus bha dol a mach an crìche aig Iordan; sè mòr-bhailtean deug le'm bailtibh beaga.

23 *B'i sin oighreachd tréibhe chloinn Isachair, a réir an teaghlaichean, na bailtean mòra agus am bailtean beaga.*

24 Agus thàinig an cùigeamh crannchur



a mach do thréibh chloinn Ascir, a réir an teaghlachéan.

25 Agus b'i an críoch Helcat, agus Hali, agus Beten, agus Achsaph,

26 Agus Alamelech, agus Amad, agus Miscal; agus tha i a' ruigheachd gu Carmel air an làimh an iar, agus gu Sihor-libnat,

27 Agus a' pilltinn leth ri éirigh na gréine gu Bet-dagon, agus a' ruigheachd gu Sebulun, agus gu gleann Iphthal-el, leth ris an taobh mu thuath de Bhét-emec, agus Neiel, agus a' dol a mach gu Cabul air an làimh chli,

28 Agus Hebron, agus Rehob, agus Hamon, agus Canah, *eadhon* gu Sidon mòr;

29 Agus *an sin* tha a' chríoch a' pilltinn gu Ramah, agus gas am mòr-bhaile daingnichte Tirus, agus tha a' chríoch a' pilltinn gu Hosah; agus tha a dol a mach aig an fhairste o'n oirthir gu Achsib;

30 Umah mar an ceudna, agus Aphec, agus Rehob; dà mhòr-bhaile thar fhichead le 'm bailtibh beaga.

31 *Is i sin* oighreachd tréibhe chloinn Ascir, a réir an teaghlachéan, na bailtean mòra sin le'm bailtibh beaga.

32 Thàinig an seathamh crannchur a mach do chloinn Naphtali, *eadhon* do chloinn Naphtali, a réir an teaghlachéan.

33 Agus bha 'n críoch o Helcaph, o Alon gu Sahananim, agus Adami, Neeb, agus Iabneel, gu Lacum; agus bha a dol a mach gu Iordan.

34 Agus *an sin* tha a' chríoch a' pilltinn an iar gu Asnot-tabor, agus a dol a mach o sin gu Hucoc, agus *tha i a'* ruigheachd gu Sebulun air an taobh mu dheas, agus a' ruigheachd gu Aseir air an taobh an iar, agus gu bruachaibh Iordain leth ri éirigh na gréine

35 Agus *is iad* na mòr-bhailtean daingnichte Sidim, Ser, agus Hamat, Racat, agus Cineret,

36 Agus Adamah, agus Ramah, agus Hasor,

37 Agus Cedès, agus Edroi, agus Enhasor,

38 Agus Iron, agus Migdalel, Horem, agus Bet-hanat, agus Bet-semes; naoi mòr-bhailtean deug le'm bailtibh beaga.

39 *Is i sin* oighreachd tréibhe chloinn Naphtali, a réir an teaghlachéan, na bailtean mòra agus am bailtean beaga.

40 Agus thàinig an seachdamh crannchur a mach do thréibh chloinn Dhain, a réir an teaghlachéan.

41 Agus b'i críoch an oighreachd Sora, agus Estaol, agus Ir-semes,

42 Agus Saalabin, agus Aialon, agus Ietlah,

43 Agus Elon, agus Timnatah, agus Ecron,

44 Agus Elteceh, agus Gibeton, agus Baalat,

45 Agus Iehud, agus Bene-berae, agus Gat-rimon,

46 Agus Me-iareon, agus Racon, maille ris a' chrìch fa chomhair Iapho.

47 Agus chaidh críoch chloinn Dhain a mach *ro ghann* doibh: uime sin chaidh clann Dhain suas agus chog iad an aghaidh Lescim, agus ghlac iad e, agus bhuail iad e le faobhar a' chlaidheimh, agus sheallbhaich iad e, agus ghabh iad còmhuidh ann, agus thug iad Dan a dh'aoinn air Lescim, a réir ainne an athar Dan.

48 *Is i sin* oighreachd tréibhe chloinn Dhain, a réir an teaghlachéan, na bailtean mòra sin le'm bailtibh beaga.

49 'N uair a chuir iad críoch air an fhear-ann a roinn mar oighreachd a réir an críochan, thug clann Israel oighreachd do Iosua mae Nuin, 'n am measg:

50 A réir focail an Tighearna, thug iad da am baile a dh'iarr e, *eadhon* Timnat-serah ann an sliabh Ephraim, agus thog e am baile, agus ghabh e còmhuidh ann.

51 *Is iad sin* na h-oighreachdan a roinn Eleasar an sagart, agus Iosua mae Nuin, agus cinn aithriche threubhan chloinn Israeil, mar oighreachd le crannchur, ann an Siloh an làthair an Tighearna, aig dorus pàilliuin a' choimhthionail. Mar sin chuir iad críoch air an fhearann a roinn.

## CAIB. XX.

1 *A réir àithne Dhé do Iosua, 7 chuir clann Israeil air leth sè bailtean didein.*

**A**GUS labhair an Tighearn ri Iosua, ag ràdh,

2 Labhair ri cloinn Israeil, ag ràdh, Sònraichibh dhuibh féin bailtean didein, mu'n do labhair mi ribh le làimh Mhaois;

3 A chum gu'n teich am marbhaiche a mharbhas neach ann an aincolas *agus* gun fhios da, an sin: agus bithidh iad 'n an didein duibh o dhioghaltair na fola.

4 Agus an uair a sheasas esan a theicneas a dh'ionnsuidh aoin de na bailtibh sin, aig dol a stigh geata a' bhaile, agus a chuireas e a chùis 'an céill ann an clusaibh shean-airean a' bhaile sin, gabhaidh iad a steach e do'n bhaile d'an ionnsuidh, agus bheir iad àite dha chum gu'n gabh e còmhuidh 'n am measg.

5 Agus an uair a théid dìoghaltair na fola 'an tòir air, an sin cha toir iad suas am marbhaiche d'a làimh; a chionn gu'n do bhuail e 'choimhearsnach gun fhios da, agus gun fhuath aige dha 's an aimsir roinhe sin.

6 Agus gabhaidh e còmhuidh 's a' bhaile sin, agus an seas e an làthair a' chomhchruinn-eachaidh chum breitheanais, *agus* gu bàs an àrd-shagairt a bhitheas anns na làithibh sin: an sin pillidh am marbhaiche, agus thig e d'a bhaile féin, agus d'a thigh féin, do'n bhaile o'n do theich e.

7 Agus chuir iad air leth Cedès ann an Galilee ann an sliabh Naphtali, agus Sechem ann an sliabh Ephraim, agus Cariat-arba (*eadhon* Hebron) ann an sliabh Iudah.

8 Agus air taobh eile Iordain, làimh ri Iericho air an làimh an ear, shònruich iad Beser anns an fhàsach air a' chòmhnaidh á tréibh Reubein, agus Ramot ann an Gilead á tréibh Ghad, agus Golan ann am Basan á tréibh Mhanaseh.

9 B'iad sin na bailtean a shònraiceadh air son chloinn Israeil uile, agus air son a' choigreach a tha air chuairt 'n am measg, a chum ge b'e 'mharbhadh neach ann an aineolas, gu'n teicheadh e an sin, agus nach bàsaich-eadh e le làimh dìoghaltair na fola, gus an seasadh e an làthair a' chomhchruinneachaidh.

### CAIB. XXI.

1 *Thugadh ochd bailtean agus dà fhlichead le crannchur as na treubhan eile do na Lebhithich.*  
43 *Thug an Tighearn fois do chloinn Israeil.*

**A**N SIN thàinig cinn aithrichean nan Lebhithcach am fagus do Eleasar an sagart, agus do Iosua mac Nuin, agus do cheannaibh aithrichean threubhan chloinn Israeil;

2 Agus labhair iad riu aig Siloh ann an tìr Chanaana, ag ràdh, Dh'àithn an Tighearn le làimh Mhaois, bailtean a thoirt duinn gu còmhnuidh 'ghabhail annta, le'm fearann comh-roinn d'ar spréidh.

3 Agus thug clann Israeil do na Lebhithich, as an oighreachd, air àithne an Tighearn, na bailtean so agus am fearann comh-roinn.

4 Agus thàinig an crannchur a mach air son theaghlaichean nan Cohatach, agus bha aig cloinn Aaroin an t-sagairt, a bha de na Lebhithich, le crannchur á tréibh Iudah, agus á tréibh Shimeoin, agus á tréibh Bheniamin, trì bailtean deug.

5 Agus bha aig a' chuid eile de chloinn Chohait le crannchur, á teaghlaichibh thréibh Ephraim, agus á tréibh Dhain, agus á leth-thréibh Mhanaseh, deich bailtean.

6 Agus bha aig cloinn Ghersein le crannchur, á teaghlaichibh thréibh Isachair, agus á tréibh Aseir, agus á tréibh Naphtali, agus á leth-thréibh Mhanaseh ann am Basan, trì bailtean deug.

7 Bha aig cloinn Mherari, a réir an teaghlaichean, á tréibh Reubein, agus á tréibh Ghad, agus á tréibh Shebuluin, dà bhaile dheug.

8 Agus thug clann Israeil le crannchur do na Lebhithich na bailtean sin le'm fearann comh-roinn, mar a dh'àithn an Tighearn le làimh Mhaois.

9 Agus thug iad a mach á tréibh chloinn Iudah, agus á tréibh chloinn Shimeoin, na bailtean so a tha air an ainneachadh,

10 A bha aig cloinn Aaroin, de theaghlaichibh nan Cohatach, *muinntir* a bha de chloinn Lebbi: (oir bu leo-san an ceud chranncur.)

11 Agus thug iad dhoibh mòr-bhaile Arba, athar Anaic, (eachdon Hebron) ann an sliabh

Iudah, maille r'a fhearann comh-roinn mu'n cuairt air.

12 Ach fearann a' mhòr-bhaile, agus a bhailtean beaga, thug iad do Chaleb mac Iephuneh mar a sheilbh.

13 Mar so thug iad do chloinn Aaroin an t-sagairt, Hebron maille r'a fhearann comh-roinn, *gu bhi* 'n a bhaile didein do'n mharbhaiche, agus Libnah le 'fhearann comh-roinn,

14 Agus Iatir le 'fhearann comh-roinn, agus Estemoah le 'fhearann comh-roinn,

15 Agus Holou le 'fhearann comh-roinn, agus Debir le 'fhearann comh-roinn,

16 Agus Ain le 'fhearann comh-roinn, agus Iutah le 'fhearann comh-roinn, agus Betsemes le 'fhearann comh-roinn: naoi bailtean as an dà thréibh sin.

17 Agus á tréibh Bheniamin, Gibeon le 'fhearann comh-roinn, Gebah le 'fhearann comh-roinn,

18 Anatot le 'fhearann comh-roinn, agus Almon le 'fhearann comh-roinn; ceithir bailtean.

19 B'iad uile bhailtean chloinn Aaroin nan sagart, trì bailtean deug le'm fearann comh-roinn.

20 Agus bha aig teaghlaichibh chloinn Chohait, na Lebhithich, a mhair de chloinn Chohait, eachdon aca-san, bailtean an crannchuir á tréibh Ephraim.

21 Oir thug iad dhoibh Sechem le 'fhearann comh-roinn ann an sliabh Ephraim, *gu bhi* 'n a bhaile didein do'n mharbhaiche; agus Geser le 'fhearann comh-roinn,

22 Agus Cibsaim le 'fhearann comh-roinn, agus Bet-horon le 'fhearann comh-roinn; ceithir bailtean.

23 Agus á tréibh Dhain Elteceh le 'fhearann comh-roinn, Gibeton le 'fhearann comh-roinn,

24 Aialon le 'fhearann comh-roinn, Gatrimon le 'fhearann comh-roinn; ceithir bailtean.

25 Agus á leth-thréibh Mhanaseh, Taanach le 'fhearann comh-roinn, agus Gatrimon le 'fhearann comh-roinn; dà bhaile.

26 B'iad na bailtean uile le'm fearann comh-roinn deich, air son theaghlaichean chloinn Chohait a mhair *gun an oighreachd j'haghail*.

27 Agus do chloinn Ghersein, de theaghlaichibh nan Lebhithich, á leth eile thréibh Mhanaseh, *thug iad* Golan ann am Basan le 'fhearann comh-roinn, *gu bhi* 'n a bhaile didein do'n mharbhaiche, agus Beesterah le 'fhearann comh-roinn: dà bhaile.

28 Agus á tréibh Isachair, Cison le 'fhearann comh-roinn, Dabareh le 'fhearann comh-roinn,

29 Iarmut le 'fhearann comh-roinn, Enganim le 'fhearann comh-roinn: ceithir bailtean.

30 Agus á tréibh Aseir, Misal le 'fhear-



ann comh-roinn, Abdon le 'fhearann comh-roinn.

31 Helcat le 'fhearann comh-roinn, agus Rehob le 'fhearann comh-roinn; ceithir bailtean.

32 Agus á tréibh Naphtali, Cedes ann an Galílec le 'fhearann comh-roinn, *gu bhí 'n a bhaile didein do'n mharbhaiche*; agus Hamot-dor le 'fhearann comh-roinn, agus Cartan le 'fhearann comh-roinn; tri bailtean.

33 *B'iad uile* bhailtean nan Gersonach, a réir an teaghlaichean, tri bailtean deug le'm fearann comh-roinn.

34 Agus do theaghlaichibh chloinn Mherari, a' chuid eile de na Lebhithich, á tréibh Shebuluin, Iocnean le 'fhearann comh-roinn, agus Cartal le 'fhearann comh-roinn, 35 Dinnahe le 'fhearann comh-roinn, Nahalal le 'fhearann comh-roinn; ceithir bailtean.

36 Agus á tréibh Reubein, Beser le 'fhearann comh-roinn, agus Iahaseh le 'fhearann comh-roinn,

37 Cedemot le 'fhearann comh-roinn, agus Mephaat le 'fhearann comh-roinn; ceithir bailtean.

38 Agus á tréibh Ghad, Ramot ann an Gilead le 'fhearann comh-roinn, *gu bhí 'n a bhaile didein do'n mharbhaiche*; agus Mahauaim le 'fhearann comh-roinn,

39 Hesbon le 'fhearann comh-roinn, Iaser le 'fhearann comh-roinn; ceithir bailtean 's an iomlan.

40 Mar sin b'iad ua bailtean uile air son chloinn Mherari, a réir an teaghlaichean, a mhair do theaghlaichibh nan Lebhithich, a réir an crannchuir, dà bhaile dheug.

41 *B'iad uile* bailtean nan Lebhithich, an taobh a stigh de sheilbh chloinn Israeil, oclh bailtean agus dà fhlichead le'm fearann comh-roinn.

42 Bha na bailtean sin gach aon le'm fearann comh-roinn mu'n timchioll: mar so *bha* na bailtean sin uile.

43 Agus thug an Tighearn do Israel am fearann uile a mbionnaich e 'thoirt d'an aithrichibh; agus shealbhaich iad e, agus ghabh iad comhnuidh ann.

44 Agus thug an Tighearn dhoibh fois mu'n cuairt, a réir nan uile *nithean* a mbionnaich e d'an aithrichibh: agus cha do sheas duine d'an naimhidibh uile rompa; thug an Tighearn thairis an naimhdean uile d'an lámh.

45 Cha d'fhàilnich a bheag de gach ni maith a labhair an Tighearn ri tigh Israeil: thàinig an t-ìomlan gu crìch.

# CAIB. XXII.

1 *An dà thréibh agus an leth-thréibh air an cur d'am bàthaibh; 10 thog iad altair na fianuis 'n an turas, &c.*

**A**N SIN ghairm Iosua na Reubenich, agus na Gadaich, agus leth-thréibh Mhanasch,

2 Agus chubhairt e riu, Glhéidh sibh na h-uile *nithean* a dh'àithn Maois òglach an Tighearna dhuibh, agus thug sibh géill do m' ghuthsa anns na h-uile *nithibh* a dh'àithn mi dhuibh.

3 Cha d'fhàg sibh bhuir bràithrean rè mhòrain de làithibh gus an lè'n diugh, ach ghléidh sibh curam aithne an Tighearna bhuir Dé.

4 Agus a nis thug an Tighearn bhuir Dia fois d'ur bràithribh, mar a gheall e dhoibh: a uis uime sin pillibh, agus rachaibh d'ur pàillunaibh, agus gu fearann bhuir seilbhe, a thug Maois, òglach an Tighearna, dhuibh air an taobh thall de Iordan.

5 Ach thugaibh ro-aire gu'n coimhlion sibh an àitne agus an lagh, a dh'àithn Maois, òglach an Tighearna, dhuibh, gràdh a thoirt do'n Tighearn bhuir Dia, agus gluasad 'n a uile shligibh, agus 'aiteant an a ghleidheadh, agus dlùth-leantuinn, ris agus seirbhis a dheanamh dha le'r n-uile chridhe, agus le'r n-uile anam.

6 Mar sin bheannaich Iosua *iad*, agus chuir e air falbh iad: agus chaidh iad d'am pàillunaibh.

7 A nis do *aon* leth-thréibh Mhanasch thug Maois *sealbh* ann am Bèsan: ach d'on leth-thréibh eile dhuibh thug Iosua *sealbh* ann measg am bràithrean air an taobh so de Iordan air an làimh an iar. Agus cuid-eachd, an uair a chuir Iosua air falbh iad d'am pàillunaibh, an sin bheannaich e iad,

8 Agus labhair e riu, ag ràdh, Le mòr shaoibhreas pillibh d'ur pàillunaibh, agus le ro-mhòran spréidhe, le h-airgiod, agus le h-òr, agus le h-umha, agus le h-iarann, agus le ro-mhòran cudaich; roimibh creach bhuir naimhdean r'ur bràithribh.

9 Agus phill clann Reubein, agus clann Ghad, agus leth-thréibh Mhanasch, agus dh'fhalbh iad o chloinn Israeil á Siloh, a tha ann an tìr Chanaain, gu dol do thìr Ghilead, gu fearann an seilbhe, a shealbhaich iad, a réir focail an Tighearna le làimh Mhaois.

10 Agus an uair a thàinig iad gu crìoch-aibh Iordain, a tha ann an tìr Chanaain, thog clann Reubein, agus clann Ghad, agus leth-thréibh Mhanasch altair an sin làimh ri Iordan, altair mhòr ri amharc oirre.

11 Agus chuala clann Israeil air a ràdh, Feuch, thog clann Reubein, agus clann Ghad, agus leth-thréibh Mhanasch, altair thall fa chomhair tìre Chanaain, ann an crìochaibh Iordain, far an d'fhàinig clann Israeil thairis.

12 Agus an uair a chuala clann Israeil so, chruinnich coimhthional chloinn Israeil uile iad féin 'an ceann a chéile aig Siloh, gu dol suas a chogadh 'n an aghaidh.

13 Agus chuir clann Israeil dh'ionnsuidh cloinn Reubein, agus dh'ionnsuidh cloinn Ghad, agus gu leth-thréibh Mhanasch, do



thàir Ghilead, Phinehas mac Eleasair an t-sagairt;

14 Agus deich ceannardan maille ris, ceannard de gach prìomh thigh, air feadh uile threubhan Israeil, agus b'e gach fear dhuibh ceann tìghe an aithrichean, air feadh mhìltean Israeil.

15 Agus thàinig iad gu cloinn Reubein, agus gu cloinn Ghad, agus gu leth-thréibh Mhanaseh, gu tìr Ghilead, agus labhair iad riu, ag ràdh,

16 Mar so tha comhehrinneachadh an Tighearna uile ag ràdh, Ciod e an cionta so a rinn sibh an aghaidh Dhé Israeil, 'pilltinn air falbh an diugh o leantuinn an Tighearna, le altair a thogail dhuibh féin, chum ceannaire a dheanamh an diugh an aghaidh an Tighearna?

17 An ro-bheag dhuinn cionta Pheoir, o nach 'eil sinn air ar glanadh gus an lù'n diugh, (agus *air son* an robh plaigh ann an comhehrinneachadh an Tighearna.)

18 Ach gu'm pilleadh sibh air falbh an diugh o'n Tighearna a leantuinn? agus tar-laidh, *do bhrìgh* gu bheil sibh a' deanamh ceannaire an diugh an aghaidh an Tighearna, an màireach gu'n las 'fhearg an aghaidh uile chomhehrinneachaidh Israeil.

19 Gidheadh, ma tha fearann bhur seilbhe neòghlan, rachaibh thairis a dh'fhearann seilbhe an Tighearna, far am bheil pàillium an Tighearna a chòmhnuidh, agus gabhaibh sealbh 'n ar measg-ne: ach na deanaibh ceannaire an aghaidh an Tighearna, no ceannaire 'n ar n-aghaidh-ne, le altair a thogail dhuibh féin, a thuilleadh air altair an Tighearna ar Dé.

20 Nach d'rinn Achan mac Sherah cionta 's an ni mhallaichte, agus thuit fearg air uile chomhehrinneachadh Israeil? agus cha b'e 'n duine sin 'n a aonar a bhàsaich 'n a chionta.

21 An sin fhreagair clann Reubein, agus clann Ghad, agus leth-thréibh Mhanaseh, agus thubhairt iad ri ceannardaibh mhilt-ean Israeil,

22 Aig an Tighearn Dia nan dia, aig an Tighearn Dia nan dia c féin tha fios, agus aig Israel bìthidh fios, ma's ann an ceannaire, no ann an eusaontas an aghaidh an Tighearna, (*ma's ann*, na saor sinn an diugh.)

23 A thog sinne dhuinn féin altair, gu pilltinn air falbh o'n Tighearn a leantuinn, no ma's ann a thoirt suas oirre ìobairt-loisgte, no tabhartais-bìdh, no ma's ann a thoirt suas oirre ìobairtean tabhartas-sithe, an sin agradh an Tighearn féin e;

24 Agus mur ann air eagal an ni so a rinn sinn e, ag ràdh, Anns an àm ri teachd dh'fheadailh bhur clann-sa labhairt ri 'r cloinne, ag ràdh, Ciod bhur gnothuch-sa ris an Tighearn Dia Israeil?

25 Oir rinn an Tighearn Iordan 'n a crìch

eadar sinne agus sibhse, a chlann Reubein, agus a chlann Ghad; cha-n'eil agaibhse cuibhrionn air bith 's an Tighearn: mar so bheir bhur clann-sa air ar cloinn-ne sgar de eagal an Tighearna a bhì orra.

26 Uime sin thubhairt sinn, Gabhamaid a nis mu altair a thogail dhuinn féin, cha-n ann air son tabhartais-loisgte, no air son ìobairt;

27 Ach a *chum gu'm bi i 'n* a fianuis eadar sinne agus sibhse, agus ar sìochd 'n ar dèigh, a chum gu'n dean sinn seirbhis an Tighearna 'n a lathair le'r tabhartais-loisgte, agus le'r n-ìobairtibh, agus le'r tabhartais-sith, a chum nach abair bhur clann-sa r'ar cloinn-ne 's an àm ri teachd, Cha-n'eil cuibhrionn agaibh 's an Tighearn.

28 Uime sin thubhairt sinn, gu'n tachair e, 'n uair a their iad so ruinne, no r'ar sìochd 's an àm ri teachd, gu'm bi againn ri ràdh a *ris*, Faicibh samhladh altair an Tighearna, a rinn ar n-aithrichean, cha-n ann air son tabhartasan-loisgte, no air son ìobairtean; ach *is* fianuis i eadar sinne agus sibhse.

29 Gu ma fada e uainne ceannaire a dheanamh an aghaidh an Tighearna, agus pilltinn an diugh o leantuinn an Tighearna, le altair a thogail air son tabhartasan-loisgte, air son tabhartasan-bìdh, no air son ìobairtean, seach altair an Tighearna ar Dé, a *tha* air beulaobh a' phàillium.

30 Agus an uair a chuala Phinehas an sagart, agus ceannardan a' chomhehrinneachaidh, agus cinn mhilt-ean Israeil a *bha* maille ris, na briathran a labhair clann Reubein, agus clann Ghad, agus clann Mhanaseh, thaitinn e riu.

31 Agus thubhairt Phinehas mac Eleasair an t-sagairt ri cloinn Reubein, agus ri cloinn Ghad, agus ri cloinn Mhanaseh, An diugh tha fhios againn gu'm *bheil* an Tighearn 'n ar measg, a chionn nach d'rinn sibh an cionta so an aghaidh an Tighearna: a nis shaor sibh clann Israeil á làimh an Tighearna.

32 Agus phill Phinehas mac Eleasair an t-sagairt, agus na ceannardan, o chloinn Reubein, agus o chloinn Ghad, á tìr Ghilead gu tìr Chanaain, gu cloinn Israeil, agus thug iad fios d'an ionnsuidh a ris.

33 Agus thaitinn a' chùis ri cloinn Israeil, agus bheannaich clann Israeil Dia, agus cha robh rùn aca dol suas 'n an aghaidh gu cath, a sgrios na tìre anns an *robh* clann Reubein agus Ghad 'n an còmhnuidh.

34 Agus thug clann Reubein, agus clann Ghad Ed mar ainm air an altair: oir *bithidh* i 'n a fianuis eadarunn, gur e'n Tighearn *d's* Dia ann.

# CAIB. XXIII.

Thug Iosua, roimh a bhàs, eòrlach do chloinn Israeil lagh Dhé a choinneadh gu càramach.

A GUS an ceann ùine fhada, an dèigh do'n Tighearn fois a thoirt do Israel

o'n naimhdibh uile mu'n cuairt, dh'fhàs Iosua sean, agus thàinig e air 'aghaidh ann am bliadhnaibh.

2 Agus ghairm Iosua *d'a ionnsuidh* Israel uile, an seanairean, agus an ceannardan, agus am breitheamhain, agus an luchd-riaghlaidh, agus thubhairt e riu, Tha mise sean, agus air teachd air m'aghaidh ann am bliadhnaibh:

3 Agus chunnaic sibh gach *ni* a rium an Tighearn bhur Dia ris na cinnich sin uile air bhur sonsa; oir *is e* 'n Tighearn bhur Dia e féin a chog air bhur son.

4 Faicibh, roim mi dhuibh le cranuchur na cinnich sin a mhaireas, *gu bhí* 'n an oighreachd d'ur treubhan, o Iordan, maille ris na cinnich uile a ghearr mi as, cadhonn gus an fhairge mhòir air an taobh an iar.

5 Agus an Tighearn bhur Dia, fuadaichidh ean iad as bhur fianuis, agus iomainidh e iad a mach as bhur sealladh; agus seallbhaichidh sibh am fearann, mar a gheall an Tighearn bhur Dia dhuibh.

6 Bithibhse uime sin ro mhisneachail a ghleidheadh agus a dheanamh nan uile nithean a tha sgrìobhta ann an leabhar lagha Mhaois, a chum nach pill sibh a leth-taobh naith, a dh'ionnsuidh na làimhe deise no dh'ionnsuidh na làimhe clithe;

7 A chum nach tig sibh air feadh nan cinneach sin, nan *cinneach* sin a mhaireas 'n ur measg, agus nach luaidh sibh ainm an diathan, agus nach mionnaich sibh *orra*, agus nach dean sibh seirbhis dhoibh, agus nach crom sibh sibh féin doibh;

8 Ach dlùth-leanaibh ris an Tighearn bhur Dia, mar a rinn sibh gus an là 'u diugh.

9 Oir dh'fhuadaich an Tighearn a mach as bhur fianuis cinnich mhòr agus theu: ach d'ur taobh-sa, cha b'urraim duine sam bith seasamh roimhibh gus an là 'n diugh.

10 Cuiridh agus fhear dhiubh an teicheadh air mìle: oir *is e* 'n Tighearn bhur Dia e féin a chogas air bhur son, mar a gheall e dhuibh.

11 Thugaibh uime sin aire mhaith dhuibh féin, gu'n gràdhach sibh an Tighearn bhur Dia.

12 No ma théid sibh air chor sam bith air bhur n-ais, agus ma leanas sibh ri fuigheall nan cinneach sin, *eadhon nan cinneach* sin a mhaireas 'n ur measg, agus ma ni sibh cleamhnas riu, agus ma théid sibh a steach d'an ionnsuidh, agus iadsan d'ur n-ionnsuidh-sa:

13 Bithiadh fios cinnteach agaibh, nach fuadaich au Tighearn bhur Dia tuilleadh *aon air bith de* na cinnich sin a mach roimhibh; ach bithidh iad dhuibh 'n an rìbe, agus 'n an ceaptuislidh, agus 'n an sgìrsadh 'n ur taobhan, agus 'n am bioraibh 'n ur sùil-ibh, gus an téid as duibh bhàrr an fhearainn mhaith so a thug an Tighearn bhur Dia dhuibh.

14 Agus feuch, *tha* mise an diugh a' dol air slighe na talmhainn uile, agus tha fhios agaibh féin 'n ur n-uile chridhe, agus 'n ur n-uile anam, nach d'fhàilnich aon ni de na nithibh maithe sin uile a labhair an Tighearn bhur Dia d'ur taobh; thàinig iad gu léir gu crìch dhuibhse, cha d'fhàilnich aon ni dhuibh.

15 Uime sin tarlaidh, mar a thàinig na h-uile nithean maithe oirbh, a gheall an Tighearn bhur Dia dhuibh, mar sin gu'n toir au Tighearn oirbh na h-uile ni ole, gus an sgrios e sibh bhàrr an fhearainn mhaith so a thug an Tighearn bhur Dia dhuibh.

16 'N uair a bhriseas sibh coimheangal an Tighearna bhur Dé, a dh'aitheas e dhuibh, agus a théid sibh, agus a ni sibh seirbhis do dhiathaibh eile, agus a chromas sibh sibh féin doibh; an sin lasaidh fearg an Tighearna 'n ur n-aghaidh, agus théid as duibh gu gràd bhàrr an fhearainn mhaith a thug e dhuibh.

CAIB. XXIV.

1 *Chruinnich Iosua treubhan Israeil gu Sechem.*

2 *Dh'aitheas e tioddleacan Dhé: 14 dh'ath-nadhaich e coimheangal eadar Dia agus iad.*

**A**GUS chruinnich Iosua treubhan Israeil uile gu Sechem, agus ghairm e air seana-riubh Israeil, agus air an ceannard-aibh, agus air am breitheamhaibh, agus air an luchd-riaghlaidh; agus nochd siad iad féin 'am fianuis Dhé.

2 Agus thubhairt Iosua ris an t-sluagh uile, Mar so tha 'n Tighearn Dia Israeil ag ràdh, Air taobh thall na h-aimhne, anns an t-sean aimsir, chòmhnuich bhur n-aithrichean, eadhon Terah, athair Abraham, agus athair Nachoir: agus rinn iad seirbhis do dhiathaibh eile.

3 Agus thug mi bhur n-athair Abraham o thaobh thall na h-aimhne, agus threòraich mi e troimh thìr Chanaain uile, agus rinn mi a shìochd Ìomhhor, agus thug mi dha Isaac.

4 Agus thug mi do Isaac, Jacob agus Esau: agus thug mi do Esau sliabh Sheir r'a shealbhachadh; ach chaidh Jacob agus a chlann sìos do'n Eiphit.

5 Chuir mi Maois mar an ceudna agus Aaron a mach, agus bhuail mi an Eiphit, a réir an nì sin a rinn mi 'n a meadhon: agus an déigh sin thug mi sibhse mach.

6 Agus thug mi bhur n-aithrichean, as an Eiphit: agus thàinig sibh a dh'ionnsuidh na fairge; agus lean na h-Eiphitich bhur n-aithrichean le carbadaibh agus mare-shluagh gus a' mhuir ruaidh.

7 Agus an uair a ghlaodh iad ris an Tighearn, chuir e dorchadas eadar sibhse agus na h-Eiphitich, agus thug e a' mhuir orrasan, agus dh'fholaich e iad; agus chunnaic bhur sùilean cìod a rinn mi 's an Eiphit:



agus ghabh sibh còmhnuidh 's an fhàsach uine fhada.

8 Agus thug mi sibh do fhearann nan Amorach, a bha 'chòmhnuidh air an taobh thall de Iordan ; agus chog iad ribh : agus thug mi thairis iad d'ur làimh, agus shealbhaich sibh am fearann : oir sgrìos mise iad as bhur fianuis.

9 An sin dh'èirich Balac mac Shipoir, rìgh Mhoab, agus chog e 'n aghaidh Israeil, agus chuir e *fios*, agus ghairm e Balaam mac Bheoir, chum sibhse a mhallachadh :

10 Ach cha-n éisdinn-sa ri Balaam ; uime sin da rìreadh bheannaich e sibh : mar sin shaoir mi sibh as a làimh.

11 Agus chaidh sibh thar Iordan, agus thàinig sibh gu Iericho: agus chog fir Iericho 'n 'ur n-aghaidh, na h-Amoraich, agus na Peridsich, agus na Cananaich, agus na Hitich, agus na Girsasach, na Hibhich agus na Iebusaich; agus thug mi thairis iad d'ur làimh.

12 Agus chuir mi a' choimnsbeach roimh sibh, a dh'fhuadaich iad a mach as bhur fianuis, *eadhon* da rìgh nan Amorach ; *ach* cha-n ann le d' chlaidheamh, no le d' bhogha.

13 Agus thug mi dhuibh fearann anns nach do shaothraich sibh, agus bailtean nach do thog sibh, agus ghabh sibh còmhnuidh anna; de fhìon-lìosaibh agus de lìosaibh-olaidh nach do shuidhich sibh, tha sibh ag itheadh.

14 A nis uime sin bitheadh eagal an Tighearna oirbh, agus deanaibh seirbhis dha ann an treibhdhìreas agus 'am fìrinn, agus cuiribh uaibh na diathan d'an d'rinn bhur n-aithrichean seirbhis air taobh thall na h-aimhne, agus anns an Eiphit, agus deanaibh seirbhis do'n Tighearna.

15 Agus ma mheasar e olc leibh seirbhis a dheanamh do'n Tighearna, roghnaichibh an diugh cò d'an dean sibh seirbhis; an ann do na diathaibh d'an d'rinn bhur n-aithrichean seirbhis, a *bh'air* taobh thall na h-aimhne, no do dhìathaibh nan Amorach, muinntir a tha sibh a' còmhnuidh 'n an tìr: ach air mo shon-sa, agus air sin mo thighe, ni sinne seirbhis do'n Tighearna.

16 Agus fhreagair an sluagh, agus thubhairt iad, Gu ma fada robh e uainne an Tighearna a thréigsinn, gu seirbhis a dheanamh do dhìathaibh cile;

17 Oir an Tighearna ar Dia, *'s* esan a thug a nìos sinne, agus ar n-aithrichean á tìr na h-Eiphit, á tigh na daorsa, agus a rinn na comharan mòra sin 'n ar sealladh, agus a ghléidh sinn anns an uile shlighe air an d'imich sinn, agus am measg nan uile shlògh trid an deachaidh sinn:

18 Agus dh'fhógair an Tighearna a mach roimhain na slògh uile eadhon na h-Amoraich a bha 'chòmhnuidh 's an tìr ; *uime sin* ni sinne mar an ceudna seirbhis do'n Tighearna, oir *'s* esan ar Dia.

19 Agus thubhairt Iosua ris an t-sluagh, Cha-n-urraimn sibh seirbhis a dheanamh do'n Tighearna ; oir *'s* Dia ro naomh e ; *'s* Dia eudmhor e ; cha lagh e bhur n-cusaontais, no bhur peacadhean.

20 Ma thréigeadh sibh an Tighearna, agus ma ni sibh seirbhis do dhìathaibh coimheach, an sin pillidh e agus ni e olc oirbh, agus claidhidh e sibh, an dèigh dha maith a dheanamh dhuibh.

21 Agus thubhairt an sluagh ri Iosua, Ni h-eadh, ach ni sinne seirbhis do'n Tighearna.

22 Agus thubhairt Iosua ris an t-sluagh, *'s* fianuiscan sibh 'n 'ur n-aghaidh féin, gu'n do thagh sibh dhuibh féin an Tighearna, gu seirbhis a dheanamh dha. Agus thubhairt iad, *'s* fianuiscan sinn.

23 A nis uime sin cuiribh air falbh (*ars' esan*) na diathan coimheach a tha 'n 'ur measg, agus aomaibh bhur cridhe ris an Tighearna Dia Israeil.

24 Agus thubhairt an sluagh ri Iosua, Do'n Tighearna ar Dia ni sinn seirbhis, agus ra ghuthsan éisdidh sinn.

25 Mar sin rinn Iosua coimhcheangal ris an t-sluagh air an là sin; agus shuidhich e dhoibh reachd, agus riaghailt ann an Sechem.

26 Agus sgrìobh Iosua na briathran so ann an leabhar lagha Dhé, agus ghabh e clach mhòr, agus chuir e suas i an sin fo dharaig, a *bha* làimh ri ionad naomh an Tighearna.

27 Agus thubhairt Iosua ris an t-sluagh uile, Feuch, bithidh a' chlach so 'n a fianuis duinn; oir chual' i uile bhriathran an Tighearna a labhair e ruinn: bithidh i uime sin 'n a fianuis 'n 'ur n-aghaidh-sa, air eagal gu'n àicheadh sibh bhur Dia.

28 Agus leig Iosua leis an t-sluagh imeachd, gach duine d'a oighreachd féin.

29 Agus an dèigh nan nithean sin, fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

30 Agus dh'adhlaic iad e ann an crìch 'oighreachd féin ann an Timnat-serah, a *tha* ann an sliabh Ephraim, air an taobh mu thuath de shliabh Ghaais.

31 Agus rinn Israeil seirbhis do'n Tighearna uile làithean Iosua, agus uile làithean nan seanair a mhair beò an dèigh Iosua, agus d'am b'aithe uile oibre an Tighearna, a rinn e air son Israeil.

32 Agus dh'adhlaic iad cnàmhan Ioseiph, a thug clann Israeil a nìos as an Eiphit, ann an Sechem, ann am mìr fearainn a cheannaich Jacob o mhacaibh Hamoir, athar Shecheim, air son ceud bonn airgid; agus bha e 'n a oighreachd aig cloinn Ioseiph.

33 Agus fhuair Eleasar mac Aaroin bàs, agus dh'adhlaic iad e ann an sliabh le Phinehas a mhac, a thugadh dha ann an sliabh Ephraim.



# BREITHEAMHIAN.

## CAIB. I.

1 *Chaidh Iudah agus Simeon suas a chogadh an aghaidh nan Canaanach. 6 Lean iad, agus ghlac iad Adoni-besec. 8 Ghlacadh Ierusalem, 10 agus Hebron.*

**A**NIS an dèigh bàis Iosua, dh'fhiosraich clann Israeil de'n Tighearn, ag ràdh, Cò a thèid suas air ar son an aghaidh nan Canaanach air tùs, a chogadh 'n an aghaidh?  
2 Agus thubhairt an Tighearn, Thèid Iudah suas: feuch, thug mi 'n tìr thairis d'a làimh.

3 Agus thubhairt Iudah ri Simeon a bhràthair, Thig a nìos maille riumsa do m' chrann-chur, a chum gu'n cog sinn an aghaidh nan Canaanach, agus thèid mise mar an ceudna maille riutsa do d' chrannchur-sa. Agus chaidh Simeon maille ris.

4 Agus chaidh Iudah suas; agus thug an Tighearn na Canaanach, agus na Peridsich, thairis d'an làmh: agus mharbh iad diubh ann am Besec deich mìle fear.

5 Agus fhuair iad Adoni-besec ann am Besec; agus chog iad 'n an aghaidh, agus bhuail iad na Canaanach agus na Peridsich.

6 Ach theich Adoni-besec, agus lean iad e, agus ghlac iad e, agus ghearr iad dheth ordagan a làmh agus a chos.

7 Agus thubhairt Adoni-besec, Thionail tri fichead agus deich rìghrean, aig an robh ordagan an làmh agus an cos air an gearradh dhiubh, *am biadh* fo m' bhòrd-sa: mar a rinn mi, mar sin dhiol Dia orm. Agus thug iad e gu h-Ierusalem, agus fhuair e bas an sin.

8 A nis chog clann Iudah an aghaidh Ierusalem, agus ghlac iad e, agus bhuail iad e le faobhar a' chhlaidheimh, agus chuir iad am baile ri theine.

9 Agus an dèigh sin chaidh clann Iudah sìos a chogadh an aghaidh nan Canaanach, a bha 'chòmhnuidh 's a' mhonadh, agus anns an àirde deas, agus anns a' chòmhnard.

10 Agus chaidh Iudah an aghaidh nan Canaanach a bha 'chòmhnuidh ann an Hebron, (a nis b'e ainm Hebroin roimhe Ciriatarba); agus mharbh iad Sesai, agus Ahiman, agus Talmai.

11 Agus a sin chaidh e an aghaidh luchd-àiteachaidh Dheibr: (agus b'e ainm Dheibr roimhe Ciriatsopher:

12 Agus thubhairt Caleb, Esan a bhuailleas Ciriatsopher, agus a ghlacas e, dha-san bheir mi Achsah no nighean 'n a mnaoi.

13 Agus ghlac Otniel mac Chenais am bràthair a b'òige bh'aig Caleb e: agus thug e dha Achsah a nighean 'n a mnaoi.

14 Agus an uair a thàinig i d'a ionnsuidh, bhrosnaich i e gu achadh iarraidh 'h-athair: agus theirinn i bhàrr a h-asail: agus thubhairt Caleb ri, Ciod is àill leat?

15 Agus thubhairt i ris, Thoir dhomh beannachadh: oir thug thu dhomh fearann ri deas; thoir dhomh mar an ceudna tobair uisge. Agus thug Caleb dh'i na tobraichean uachdarach, agus na tobraichean iochdarach.

16 Agus chaidh clann a' Chenich, athar-céile Mhaois, suas á baile nan craobh-pailme, maille ri cloinn Iudah, do fhàsach Iudah, a tha air an taobh mu dheas de Arad; agus chaidh iad agus ghabh iad còmhnuidh ann measg an t-sluaigh.

17 Agus chaidh Iudah maille ri Simeon a bhràthair, agus bhuail iad na Canaanach a bha 'n an còmhnuidh ann an Sephat, agus sgrios iad gu tur e: (agus thugadh Hormah mar ainm air a' bhaile;)

18 Agus ghlac Iudah Gasa agus a chrìochan, agus Ascelon agus a chrìochan, agus Ecron agus a chrìochan.

19 Agus bha'n Tighearn maille ri Iudah; agus ghabh e sealbh air a' mhonadh, ach cha b'urrainn e luchd-àiteachaidh an t-sratha fhògradh a mach, a chionn gu'n robh carbadan iarunn aca.

20 Agus thug iad Hebron do Chaleb, mar a thubhairt Maois: agus dh'fhuadaich e as a sin trìuir mhac Anaic.

21 Agus cha do chuir clann Bheniamin a mach na Iebusaich a bha 'n an còmhnuidh ann an Ierusalem; ach tha na Iebusaich 'n an còmhnuidh maille ri cloinn Bheniamin ann an Ierusalem gus an là'n diugh.

22 Agus chaidh tigh Ioseph mar au ceudna suas an aghaidh Bhet-eil: agus bha'n Tighearn maille riu.

23 Agus chuir tigh Ioseph *daoine* a rann-sachadh a mach Bhet-eil: (a nis b'e ainm a' bhaile roimhe Luds.)

24 Agus chunnaic an Inched-bratha duine a' teachd a mach as a' bhaile, agus thubhairt iad ris, Feuch dhuinn, guidheamaid ort, an rathad a stigh do'n bhaile, agus nochdaidh sinn trèair dhuit.

25 Agus an uair a dh'fheuch e dhoibh an rathad a stigh do'n bhaile, bhuail iad am baile le faobhar a' chhlaidheimh: ach leig iad air falbh an duine agus a theaghlach uile.

26 Agus chaidh an duine do fhearann nan Hiteach, agus thog e baile, agus thug e Luds mar ainm air: *is e* so 'ainm gus an là'n diugh.

27 Cha mhò a dh'fhògair Manaseh a mach luchd-àiteachaidh Bhet-seain agus a bhailtean, no Thaanaich agus a bhailtean, no luchd-àiteachaidh Dhoir agus a bhailtean, no luchd-àiteachaidh Ibleaim agus a bhailtean: ach b'àill leis na Canaanach còmhnuidh a ghabhail 's an fhearann sin.

28 Agus tharladh, an uair a dh'fhàs Israel

làidir, gu'n do chuir iad na Canaanaich fo chis; ach cha d'fhuadaich iad gu buileach a mach iad.

29 Cha mhò a dh'fhuadaich Ephraim a mach na Canaanaich a bha 'chòmhnuidh ann an Geser: ach ghabh na Canaanaich còmhnuidh 'n am measg ann an Geser.

30 Cha mhò a dh'fhuadaich Sebulun a mach luchd-àiteachaidh Chitroin, no luchd-àiteachaidh Nahail: ach ghabh na Canaanaich còmhnuidh 'n am measg, agus bha iad fo chis doibh.

31 Cha mhò a dh'fhuadaich Aser a mach luchd-àiteachaidh Aho, no luchd-àiteachaidh Shidoìn, no Achlaib, no Aclisib, no Helbah, no Aphic, no Rehoib:

32 Ach ghabh na h-Aserich còmhnuidh am measg nan Canaanach, luchd-àiteachaidh na tìre; oir cha d'fhuadaich iad a mach iad.

33 Cha mhò a dh'fhuadaich Naphtali a mach luchd-àiteachaidh Bhet-semeis, no luchd-àiteachaidh Bhet-anait; ach ghabh e còmhnuidh am measg nan Canaanach, luchd-àiteachaidh na tìre: gidheadh bha luchd-àiteachaidh Bhet-semeis agus Bhet-anait fo chis doibh.

34 Agus dh'èignich na h-Amoraich clann Dhain do'n t-sliabh: oir cha leigeadh iad leo teachd a nuas do'n ghleann.

35 Ach b'àill leis na h-Amoraich còmhnuidh a ghabhail ann an sliabh Hereis ann an Aialon, agus ann an Saalbim: gidheadh bhuadhaich làmh tighe Ioseiph, agus bha iad fo chis doibh.

36 Agus bha crìoch nan Amorach o uchdaich Acrabim, o'n charraig, agus suas o sin.

## CAIB. II.

1 *Chronaich aingeal an sluagh aig Bochim. 10 Aingidheachd a' ghinealach an dèigh Iosua.*

**A** GUS thàinig aingeal an Tighearna nìos e, Thug mi nìos sibh as an Eiphit, agus thug mi steach sibh do'n fhearann a mhionnaich mi, Cha bhris mi mo choimhcheangal ribh gu bràth.

2 Agus cha dean sibh coimhcheangal sam bith ri luchd-àiteachaidh na tìre so; tilgidh sibh sìos an altairean: ach cha d'thug sibh géill do m' ghuth: c'ar son a rinn sibh so?

3 Uime sin mar an ceudna thubhairt mi, Cha-n fhuadaich mi mach iad roimh; ach bithidh iad mar *bhioran* 'n 'ur taobhan, agus bithidh an dèe 'n an ribe dhuibh.

4 Agus an uair a labhair aingeal an Tighearna na briathran sin ri cloinn Israeil uile, thog an sluagh suas an guth, agus ghuil iad.

5 Agus ghairm iad ainm an àite sin Bochim: agus dh'ìobair iad an sin do'n Tighearn.

6 Agus an uair a leig Iosua leis an t-sluagh imeachd, chaidh clann Israeil gach duine d'a oighreachd a ghabhail seilbhe air an fhearann.

7 Agus rinn an sluagh scribeis do'n Tighearn rè uile làithean Iosua, agus uile làithean nan seanaìr a mhair beò an dèigh Iosua, a chunnaic uile oibre mòra an Tighearna, a rinn e air son Israeil.

8 Agus fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

9 Agus dh'adhlaid e ann an crìch 'oighreachd féin, ann an Timnat-heres, ann an sliabh Ephraim, air an taobh mu thuath de shliabh Ghaais.

10 Agus chrunniceadh mar an ceudna an ginealach sin uile chum an aithrichean: agus dh'èirich ginealach eile suas 'n an dèigh, do nach b'aithean an Tighearn, no na h-oibre a rinn e air son Israeil.

11 Agus rinn clann Israeil olc ann an sealladh an Tighearna, agus rinn iad seirbhis do Bhaalim.

12 Agus thréig iad an Tighearn Dia an aithrichean, a thug a mach iad á tìr na h-Eiphit, agus lean iad diathan eile, de dhiathaibh an t-sluaigh a bha mu'n cuairt orra, agus chrom siad iad féin sìos doibh, agus bhrosnaich iad an Tighearn gu corr-uich.

13 Agus thréig iad an Tighearn, agus rinn iad seirbhis do Bhaal agus do Astarot.

14 Agus las corruich an Tighearna an aghaidh Israeil, agus thug e thairis iad do làimh chreachadairean a chreach iad, agus reic e iad do làimh an naimhdean mu'n cuairt, air chor as nach b'urraim iad ni b'fhaide seasamh an làthair an naimhdean.

15 Ge b'e taobh a chaidh iad a mach, bha làmh an Tighearna 'n an aghaidh chum uile, mar a thubhairt an Tighearn, agus mar a mhionnaich an Tighearn dhoibh: agus bha iad ann an teinn ro mhòir.

16 Gidheadh thog an Tighearn suas breitheamhnán, a shaor iad á làimh na muinntir sin a chreach iad.

17 Gidheadh cha-n éisdeadh iad r'am breitheamhaibh, ach chaidh iad le striopachas an dèigh dhiathan eile, agus chrom siad iad féin doibh: phill iad gu grad as an t-slighe anns an d'ìmhich an aithrichean, a' toirt géill a dh'aitheantaibh an Tighearna: cha d'rinn iadsan mar sin.

18 Agus an uair a thog an Tighearn suas doibh breitheamhnán, an sin bha 'n Tighearna leis a' bhreitheamh, agus shaor e iad á làimh an naimhdean, rè uile làithean a' bhreitheimh: oir ghabh an Tighearn truas diubh air son an osnaich o làthair na muinntir sin a rinn ainneart orra, agus a shàruich iad.

19 Agus an uair a bha 'm breitheamh marbh, phill iad, agus thruaill siad iad féin



nì's mò na'n aithrichean, ann an leantuinn dhiathan eile, gu seirbhis a dheanamh dhoibh, agus gu cromadh sìos doibh; cha do sguir iad o'n gruimharaibh féin, no o'n slighe eas-ùmhail.

20 Agus las fearg an Tighearna an aghaidh Israeil; agus thubhairt e, A chionn gu'n do bhris an sluagh so mo chionh-cheangal a dh'àithn mi d'an aithrichibh, agus nach d'éisd iad ri m'ghuth,

21 Cha chuir mise mar an ceudna á so suas duine sam bith a mach rompa, de na cinnich a dh'fhàg Iosua 'n uair a fhuair e bàs;

22 Chum leo-san gu'n dearbh mi Israeil, an gléidh iad slighe an Tighearna, a dh'im-eachd innte, mar a ghléidh an aithrichean i, no nach gléidh.

23 Uime sin dh'fhàg an Tighearna na cinnich sin, gun am fuadachadh a mach gu grad; agus cha d'thug e thairis iad do làimh Iosua.

## CAIB. III.

1 Na cinnich a dh'fhàgadh chum clann Israeil a dhearbhadh, 5 Le còmhnuidh a ghabhail 'nam measg, thairngeadh iad gu h-olc a dheanamh ann an sealladh an Tighearna'.

**A**NIS is iad so na cinnich a dh'fhàg an Tighearna a dhearbhadh Israeil leo; (eadhon a mheud de Israeil do nach b'aithne cogaidhnean Chanaain uile;

2 A mhàin a chum gu'm b'aithne do ghinealaich chloinn Israeil cogadh iunnsachadh dhoibh, air bheag sam bith dhoibhsan do nach b'aithne a bheag dheth reimhe;)

3 Eadhon cùig tighearnan nam Philisteach, agus na Canaanaich uile, agus na Sidonaich, agus na Hibhich a bha 'chòmhnuidh ann an sliabh Lebanon, o shliabh Bhaal-hermoin gu dol a stigh Hamait.

4 Agus bha iad gu Israel a dhearbhadh leo, a dh'aithneachadh an éisdeadh iad ri aitheantaibh an Tighearna', a dh'àithn e d'an aithrichibh le làimh Mhaois.

5 Agus ghabh clann Israeil còmhnuidh am neasg nan Canaanach, nan Hiteach, agus nan Amorach, agus nam Peridseach, agus nan Hibheach, agus nan Iebusach:

6 Agus ghabh iad an nigheanan gu bhi 'n am mnaibh aca, agus thug iad an nigheanan féin d'am macaibh-san; agus rinn iad seirbhis d'an diathaibh.

7 Agus rinn clann Israeil olc ann an sùilibh an Tighearna', agus dhì-chuimhnich iad an Tighearna an Dia, agus rinn iad seirbhis do Bhaalim, agus do Astarot.'

8 Uime sin las fearg an Tighearna an aghaidh Israeil, agus reic e iad do làimh Chusan-risataim rìgh Mhesopotamia: agus rinn clann Israeil seirbhis do Chusan-risataim ochd bliadhna.

9 Agus an uair a ghlaodh clann Israeil ris an Tighearna, thog an Tighearna suas fear-saoraidh do chloinn Israeil, a shaor iad,

eadhon Otniel mac Chenais, am bràthair a b'òige b'haig Caleb.

10 Agus bha spiorad an Tighearna air, agus thug e breth air Israel, agus chaidh e mach a chogadh: agus thug an Tighearna thairis d'a làimh Cusan-risataim rìgh Mhesopotamia; agus bhuaidh a làmh an aghaidh Chusan-risataim.

11 Agus bha fois aig an tìr rè dhà fhichead bliadhna: agus fhuair Otniel mac Chenais bàs.

12 Agus rinn clann Israeil olc a ris ann an sùilibh an Tighearna: agus neartaich an Tighearna Eglon rìgh Mhoab an aghaidh Israeil, a chionn gu'n d'rinn iad olc ann an sùilibh an Tighearna.

13 Agus chruinnich e d'a ionnsuidh clann Amoin, agus Amalec, agus chaidh e agus bhuail e Israel, agus shealbhaich iad baile nan craobh-pailme.

14 Agus rinn clann Israeil seirbhis do Eglon rìgh Mhoab ochd bliadhna deug.

15 Ach an uair a ghlaodh clann Israeil ris an Tighearna, thog an Tighearna suas doibh fear-saoraidh, Ehud mac Ghera, Beniamin-each, duine ciotach: agus leis-san chuir clann Israeil tiodhlac gu h-Eglon rìgh Mhoab.

16 Ach rinn Ehud dha féin claidheamh, aig an robh dà fhaobhar, làmh-choille air fad; agus cheangail se e fo 'eudach, air a shliasaid dheis.

17 Agus thug e 'n tiodhlac gu h-Eglon rìgh Mhoab: agus bha Eglon 'n a dhuine ro reamhar.

18 Agus an uair a chuir e crìoch air an tiodhlac a thoirt seachad, chuir e air falbh an sluagh a ghlùlain an tiodhlac.

19 Ach phill e féin a ris o na clach-shloc-aibh a bha làimh ri Gilgal, agus thubhairt e, Tha gnothuch uaigneach agam riut, O a rìgh. Agus thubhairt esan, Bi'd thosd. Agus chaidh iadsan uile a sheas làimh ris a mach uaith.

20 Agus chaidh Ehud a steach d'a ionnsuidh; agus bha e 'n a shuidhe ann an seòmar-sàmhradh, a b'haige dha féin a mhàin: agus thubhairt Ehud, Tha teachd-aireachd agam o Dhia a d'ionnsuidh. Agus dh'éirich e suas as a chaithir.

21 Agus chuir Ehud a mach a làmh chli, agus thug e 'n claidheamh o 'shliasaid dheis, agus shàth e 'n a bhroinn e.

22 Agus chaidh an dorn-chur a stigh mar an ceudna an déigh na lanne, agus dhùin an t-saill air an lann; oir cha do tharruing e 'n claidheamh as a bhroinn: agus thàinig an salchar a mach.

23 An sin chaidh Ehud a mach troimh 'n fhor-dhorus, agus dhùin e dorsan an t-seòmair air, agus ghlaic e iad.

24 'N uair a chaidh e mach, thàinig a sheirbhisich; agus an uair a chunnaic iad, feuch, gu'n robh dorsan an t-seòmair



## BREITHEAMHNAN, IV.

glaiste, thubhairt iad, Gu cinnteach *tha* e 'còmhdachadh a chos 'n a sheòmar-samhraidh.

25 Agus dh'fheith iad gus an robh nàire orra: agus, feuch, cha d'fhosgail e dorsan an t-seòmair; uime sin ghabh iad iuchair, agus dh'fhosgail siad *iad*: agus, feuch, *bha* 'n tighearn air tuiteam sìos marbh air an talamh.

26 Agus chaidh Ehad as an uair a bha iadsan fo amhladh; agus chaidh e seachad air na clach-shlocaibh, agus chaidh e as gu Seirat.

27 Agus an uair a bha e air teachd, shéid e trompaid ann an sliabh Ephraim, agus chaidh clann Israeil sìos maille ris o'n t-sliabh, agus esan rompa.

28 Agus thubhairt e ri, Leanaibh mise; oir thug an Tighearn bhuir naimhdean na Moabaich thairis d'ur làimh. Agus chaidh iad sìos 'n a dhéigh, agus ghlac iad àthan Iordain leth ri Moab, agus cha do lcig iad duine thairis.

29 Agus mharbh iad de Mhoab 's an àm sin mu thimcheall deich mìle fear, sultmhor uile, agus 'n an daoineibh gaisgeil uile: agus cha deachaidh duine air bith as.

30 Mar sin cheannsaicheadh Moab air an là sin fo làimh Israeil. Agus bha fois aig an tìr ceithir fichead bliadhna.

31 Agus 'n a dhéigh-san bha Samgar mac Anait, a mharb de na Philistich sè ceud fear le luirg-iomain dhamh: agus shaor esan Israel mar an ceudna.

### CAIB. IV.

1 *Shaor Deborah agus Barac clann Israeil o Iabin agus o Shisera.* 18 *Mharbh Iael Shisera.*

**A**GUS rinn clann Israeil olc a ris ann an suilibh an Tighearna, 'n uair a bha Ehad marbh.

2 Agus reic an Tighearn iad do làimh Iabin rìgh Chanaain, a rìghich ann an Hasor; agus b'e ceannard a shluaigh Sisera, a bha 'chòmhnuidh ann an Haroset nan cimeach.

3 Agus ghlaodh clann Israeil ris an Tighearn: oir bha naoi ceud carbad iarainn aige; agus rinn e ainneart air cloinn Israeil gu ro mhòr rè fhichead bliadhna.

4 Agus thug Deborah ban-fhàidh, bean Lapidot, breth air Israel 's an àm sin.

5 Agus *bha* i 'chòmhnuidh fo chraoibh-phailme Dheborah, eadar Ramah agus Bet-el, ann an sliabh Ephraim: agus chaidh clann Israeil suas d'a h-ionnsuidh air son breitheanais.

6 Agus chuir i *fios*, agus ghairm i Barac, mac Abinoaim, a mach à Cedès-naphtali, agus thubhairt i ris, Nach d'aitm an Tighearn Dia Israeil, eadar Ramah agus Bet-el, ann an sliabh Ephraim, agus thoir leat deich mìle fear de chloinn Naphtali, agus de chloinn Sebuluin?

7 Agus tairngidh mis' a d'ionnsuidh gu

sruth Chisoin, Sisera ceannard armailte Iabin, le 'charbadaibh, agus a mhòr shluaigh; agus bheir mi thairis e do d' làimh.

8 Agus thubhairt Barac rithe, Ma théid thusa leam, an sin théid mi; ach mur téid thu leam, cha téid.

9 Agus thubhairt i, Gu cinnteach théid mi leat: gidheadh cha bhi 'n turus a ghabhas tu chum do chliù; oir do làimh mnà reicidh an Tighearn Sisera. Agus dh'éirich Deborah, agus chaidh i maille ri Barac gu Cedès.

10 Agus ghairm Barac Sebulun agus Naphtali gu Cedès; agus chaidh e suas d'a chois *le* deich mìle fear: agus chaidh Deborah suas maille ris.

11 A nis sgar Heber an Ceneach, a *bha* de chloinn Hobab, athar-céile Mhaois, e féin o na Cenich, agus shuidhich e a bhùth gu ruig còmharn Shanaim, a *tha* làimh ri Cedès.

12 Agus dh'innis iad do Shisera gu'n deachaidh Barac mac Abinoaim suas gu sliabh Thaboir.

13 Agus chruinnich Sisera r'a chéile a charbadan uile, *eadhon* naoi ceud carbad iarainn, agus an sluaigh uile a *bha* maille ris, o Haroset nan cimeach, gu sruth Chisoin.

14 Agus thubhairt Deborah ri Barac, Eirich; oir *is* e so an là 's an d'thug an Tighearn Sisera thairis do d' làimh: nach 'eil an Tighearn air dol a mach romhad? Agus chaidh Barac sìos o sliabh Thaboir, agus deich mìle fear 'n a dhéigh.

15 Agus sgrios an Tighearn Sisera, agus a charbadan uile, agus a shluaigh uile, le faobhar a' chlaidheimh roimh Bharac: agus theirinn Sisera sìos o'charbad, agus theich e as d'a chois.

16 Ach lean Barac an déigh nan carbad, agus an déigh an t-sluaigh, gu Haroset nan cimeach: agus thuit sluaigh Shisera uile le faobhar a' chlaidheimh: cha d'fhàgadh uir-eas a h-aon *diubh*.

17 Gidheadh theich Sisera d'a chois gu bùth Iael, mnà Hebeir a' Chenich; oir *bha* sìth eadar Iabin rìgh Hasoir agus tigh Hebeir a' Chenich.

18 Agus chaidh Iael a mach an coinneamh Shisera, agus thubhairt i ris, Tionndaidh a steach, mo thighearna, tionndaidh a steach a m' ionnsuidhse; na bitheadh eagal ort. Agus an uair a thionndaidh e steach d'a h-ionnsuidh do'n bhùth, chòmhdaich i e le brat.

19 Agus thubhairt e rithe, Thoir dhomh, guidheam ort, beagan uisge r'a òl, oir tha tart orm: agus dh'fhosgail i searrag bhainne, agus thug i deoch dha, agus chòmhdaich i e.

20 A ris thubhairt e rithe, Seas ann an doras a' bhùthla, agus na thig duine agus gu'm feòraich e dhìot, agus gu'n abair e.

## BREITHEAMHNAN, V.

Am bheil duine sam bith an so? an sin their thusa, Cha-n' eil.

21 An sin ghabh Iael, bean Hebeir, tarrann de'n phàillium, agus ghlaic i ord 'n a làimh, agus chaidh i gu samhach a steach d'a ionnsuidh, agus bhual i 'n tarrann 'n a leth-cheann, agus shàth i 's an talamh i; (oir bha e trom 'n a chodal agus sgith:) agus fhuair e bàs.

22 Agus, feuch, an uair a bha Barac 'an tòir air Sisera, thàinig Iael a mach 'n a choinneamh, agus thubhairt i ris, Thig, agus feuchaidh mise dhuìt am fear a tha thu 'g iarraidh. Agus an uair a chaidh e steach d'a bàth, feuch, bha Sisera 'n a luidhe marbh, agus an tarrann 'n a leth-cheann.

23 Mar sin cheannsaich Dia air an là sin Iabin rìgh Chanaain 'am fianuis chloinn Israeil.

24 Agus shoirbhich le làimh chloinn Israeil, agus bha i trom air Iabin rìgh Chanaain, gus an do chuir iad as do Iabin rìgh Chanaain.

### CAIB. V.

*Oran Deborah agus Bharaic.*

**A**GUS chan Deborah, agus Barac mac Abinoaim, air an là sin, ag ràdh,

2 A chionn gu'n do ghabh Israeil dioghaltas, a chionn gu'n do thairg an sluagh iad féin gu toileach, molaibhse an Tighearn.

3 Eisdibh, a rìghre; thugaibh aire, a cheannarda; canaidh mise, mise féin, do'n Tighearn; canaidh mi do'n Tighearn Dia Israeil.

4 A Tighearna, 'n uair a chaidh thu mach á Seir, 'n uair a shiubhail thu mach á tìr Edoim, chrìochnaich an talamh, agus shìl na néamhan; shìl na neoil mar an ceudna uisge.

5 Leagh na sléibhtean o làthair an Tighearna, Sinai sin féin o làthair an Tighearna Dé Israeil.

6 Ann an làithibh Shamgair mhic Anait, ann an làithibh Iael, bha na rathaidean mòra gun tathuich, agus dh'imich an luchd turuis air rathaidibh seachranach.

7 Sguir luchd-àiteachaidh nam bailtean ann an Israel, sguir iad gus an d'éirich mise Deborah, gus an d'éirich mise a'm mhàthair ann an Israel.

8 Thagh iad diathan nuadha; an sin bha cogadh anns na geataibh: an robh sgiath no sleagh ri'm faicinn am measg dhà fhichead mhìle ann an Israel?

9 Tha mo chridhe le uachdaranaibh Israeil, a thairg iad féin gu toileach am measg an t-sluaigh. Beannaichibh an Tighearn.

10 Sibhse a tha 'marcachd air asalaibh geala, sibhse a tha 'n ur suidhe 'am breitheanas, agus a' siubhal an ròid, labhraibh.

11 Iadsan a tha air an suoradh o fhuaim

nam fear-bogha ann an ionadaibh tarruing an uisge, an sin airisidh iad gnìomharan cothromach an Tighearn, eadhon na gnìomharan cothromach a thaobh luchd-àiteachaidh a bhailean ann an Israel: an sin thèid sluagh an Tighearna sìos a dh'ionnsuidh nan geatachan.

12 Dùisg, dùisg, a Dheborah; dùisg, dùisg; can òran: éirich, a Bharaic, agus thoir do bhruid 'am braighdeanas, thusa a mhic Abinoaim.

13 An sin thug e air-san a mhaireas tigh-earnas a bhi aige air na h-uaislibh am measg an t-sluaigh: thug an Tighearn ormsa tigh-earnas a bhi agam os ceann nan cumhachdach.

14 A h-Ephraim bha freumh dhiubh an aghaidh Amaleic; a'd dhéigh-sa a Bheniamin, am measg do shluaigh: á Machir thàinig a nuas lagh-thabhartairean, agus á Sebulun iadsan a laimhsicheas pcan ann sgrìobhadair.

15 Agus bha ceannardan Isachair le Deborah, cadhon Isachar, agus mar an ceudna Barac: do'n ghleann chuireadh esan sìos d'a chois. Air son roinnean Reubcin bha smuaintean mòra cridhe.

16 C'ar son a dh'fhuirich thu am measg chrò nan caorach, a chluinntinn mèilich nan treud? Air son roinnean Reubcin bha smuaintean mòra cridhe.

17 Dh'fhan Gilead an taobh thall de Iordan: agus c'ar son a dh'fhuirich Dan ann an longaibh? dh'fhan Aser air traigh na fairge, agus 'n a bhearnaibh ghabh e còmh-nuidh.

18 Bu shluagh Sebulun agus Naphtali, a chuir an anaman ann an cunnart gu bàs ann an àitibh àrda an fhearainn.

19 Thàinig na rìghrean agus chog iad; an sin chog rìghrean Chanaain ann an Taanach làimh ri uisgibh Mhegido; cha do ghabh iad buannachd air bith airgid.

20 O nèamh chog na reultan; o'n slighibh àrda chog iad an aghaidh Shisera.

21 Sguab sruth Chisoin air falbh iad, an seann sruth sin, sruth Chisoin. O m'anam! shaltair thu sìos neart.

22 An sin bhruthadh ladhran nan each lo leumnaich, leumnaich an aona cumhachdach.

23 Mallaichibhse Meros, (thubhairt aingal an Tighearna;) mallaichibh gu mòr a luchd-àiteachaidh; a chionn nach d'fhàinig iad gu còmhnaidh an Tighearna, gu còmhnaidh an Tighearn' an aghaidh nan cumhachdach.

24 Beannaichte os ceann bhan bithidh Iael bean Hebeir a' Chenich; beannaichte bithidh i os ceann bhan anns a' bhùth.

25 Dh'iarr e uisge, thug i dha bainne; ann an soitheach uasal thug i làthair im.

26 Chuir i a làmh ris an tarrainn, a làmh dh'ic an ord nan oibrichean: agus leis an



ord bhuail i Sisera; bhuail i a cheann, agus lot i, agus shàth i troimh a leth-cheann.

27 Aig a cosaibh chrom e, thuit e, luidh e sìos: aig a cosaibh chrom e, thuit e; far an do chrom e, an sin thuit e sìos marbh.

28 A mach air uinneig dh'amhaire màthair Shisera, agus ghlaodh i troimh'n chléith, 'Car son a tha 'charbad co fhad a' teachd? 'Car son a tha rothan a charbaid a' deanamh moille?

29 Fhreagair a bain-tighearnan glic i, seadh, thug i freagradh dhi féin.

30 Nach d'fhuair iad, *nach* 'eil iad a' roinn na ereiche? maighdean *no* dhà do gach fear? ereach iomadh-dathach do Shisera, ereach iomadh-dathach a dh'obair-snàthaide, iomadh-dathach a dh'obair-snàthaide air gach taobh, air son mhuinealan *na muinntir sin* a ghlacas a' chreach?

31 Mar sin rachadh as do d' naimhdeibh uile, a Tighearn: ach *bitheadh* iadsan leis an ionmhuinn e mar a' ghrian an uair a théid i mach 'n a neart. Agus bha fois aig an tìr rè dhà fhichead bliadhna.

## CAIB. VI.

1 *Air sgàth am peacaidh shàruicheadh clann Israeil le Midian.* 8 Chuireadh fàidh d'an ionnsuidh a thug achmhasan dhoibh. 11 Chuir aingeal an Tighearna Gideon g'an saoradh.

**A** Gus rinn clann Israeil olc ann an sùilbha an Tighearna; agus thug an Tighearn thairis iad do làimh Mhidiain rè sheachd bliadhna.

2 Agus bhuadhaich làimh Mhidiain an aghaidh Israeil: agus air sgàth nam Midianach rinn clann Israeil dhoibh féin na sluic a *tha* 's na beannaibh, agus na h-uamhan, agus na daingnichean làidir.

3 Agus thachair, an uair a chuir clann Israeil *siol*, gu'n d'fhàinig na Midianaich a nìos, agus na h-Amaleich, agus clann na h'ìrd' an ear, thàinig eadhon iadsan a nìos 'n an aghaidh;

4 Agus champaich iad 'n an aghaidh, agus mhill iad toradh na talmhainn, gus an tig thu gu Gasa; agus cha d'fhàg iad teachdan-tìr sam bith do Israeil, aon chuid caora, no bò, no asal.

5 Oir thàinig iad a nìos le'n spréidh, agus an b'fhaibh, agus thàinig iad mar na locuist air Ìomhoireachd; *oir* bha 'n dà chuid iad féin agus an càmbalan gum àireamh: agus chaidh iad a steach do'n tìr a eum a mill-eadh.

6 Agus thugadh Israel gu bochdainn ro mhòir leis na Midianaich; agus ghlaodh clann Israeil ris an Tighearn.

7 Agus an uair a ghlaodh clann Israeil ris an Tighearn air son nam Midianach,

8 Chuir an Tighearn fàidh dh'ionnsuidh chloinn Israeil, agus thubhairt e riu, Mar so tha'n Tighearn Dia Israeil ag ràdh, Thug mi nìos sibh o'n Eiphit, agus thug mi mach sibh á tigh na daorsa;

9 Agus shaor mi sibh à làimh nan Eiphit-each, agus á làimh nan uile a rinn fòirneart oirbh, agus dh'fhuadaich mi mach iad roimh-ibh, agus thug mi dhuibh an fearann:

10 Agus thubhairt mi ribh, *Is* mise an Tighearn bhuur Dia; na bitheadh eagal dhiathan nan Amorach oirbh, muinntir *a tha* sibh a chòmhnuidh 'n am fearann: ach cha d'èisd sibh ri m' ghuth.

11 Agus thàinig aingeal an Tighearna, agus shuidh e fo dharaig a *bha* ann an Ophrah, a *bhuin* do Ioas an t-Abi-esrach; agus *bha* a mhac Gideon a' bualadh arbhair ann an amar-bruthaidh an fhìona, gu 'fholach o na Midianaich.

12 Agus dh'fhoillsich aingeal an Tighearna e féin dha, agus thubhairt e ris, *Tha'n* Tighearn maille riut, a dhuine thréin ann an neart.

13 Agus thubhairt Gideon ris, Och mo thighearna, ma tha 'n Tighearn maille ruinn, 'car son a thàinig so uile oirm? agus c'ait am bheil a mhiorbhuilean uile a dh'innis ar n-aithrichean dhuinn, ag ràdh, Nach d'thug an Tighearn sinn a nìos o'n Eiphit? ach a nis threig an Tighearn sinn, agus thug e thairis sinn do làimh nam Midianach.

14 Agus dh'amhaire an Tighearn air, agus thubhairt e, Imich a'd' neart so, agus saoraidh tu Israel o làimh nam Midianach: nach do chuir mise *uam* thu?

15 Agus thubhairt e ris, Och mo Thighearna, cia leis a shaoras mise Israel? feuch, *tha* mo theaghlach bochd ann am Mara-sch, agus *is* mise a's lugha ann an tigh m'athar.

16 Agus thubhairt an Tighearn ris, Gu cinnteach bithidh mise maille riut, agus buailidh tu na Midianaich mar aon duine.

17 Agus thubhairt e ris, Ma fhuair mi nis deadh-ghèan a'd' shùilbha, an sin nochd comharadh dhomh gur tusa a *tha* 'labhairt rium.

18 Na falbh à so, guidheam ort, gus an tig mi a d' ionnsuidh, agus gun toir mi mach mo thiodhlac, agus gu'n cuir mi a'd' làthair e. Agus thubhairt e, Fanaidh mi gus an tig thu a ris.

19 Agus chaidh Gideon a stigh, agus dheasaich e meann de na gabhraibh, agus ephah phlùr 'n a bhreacaghaibh neo-ghoirtichte: an fheoil chuir e ann am bascaid, agus an sùgh chuir e ann am poit, agus thug e mach *iad* d'a ionnsuidh fo 'n daraig, agus chuir e 'n a làthair *iad*.

20 Agus thubhairt aingeal Dhé ris, Gabh an fheoil, agus na breacagan neo-ghoirtichte, agus cuir *iad* air a' charraig so, agus taom a mach an sùgh. Agus rinn e mar sin.

21 An sin chuir aingeal an Tighearna mach bàrr a' bhata a *bha* 'n a làimh, agus bhean e ris an fheoil, agus ris na breacaghaibh neo-ghoirtichte; agus dh'éirich teine suas as a' charraig, agus loisg e 'n fheoil, agus na



breacagan neo-ghoirtichte. An sin chaidh aingeal an Tighearn' a' shealladh.

22 Agus an uair a thuing Gideon gu'm b'e aingeal an Tighearn' a' bh'ann, thubhairt Gideon, Och, a Thighearna Dhé! a chionn gu'm faca mi aingeal an Tighearn' aghaidh ri h-aghaidh.

23 Agus thubhairt an Tighearn ris, Sith dhuit; na bitheadh eagal ort: cha-n fhaigh thu bàs.

24 Agus thog Gideon altair an sin do'n Tighearn, agus thug e Iehobhah-salom mar ainm oirre: gus an là'n diugh tha i fathast ann an Ophrah nan Abi-esrach.

25 Agus air an oidheche sin féin thubhairt an Tighearn ris, Gabh an tarbh òg aig d'athair, agus an dara tarbh a tha seachd bliadhna dh'aois, agus tilg sìos altair Bhaail a thaig d'athair, agus gearr sìos an doire a tha làimh rithe:

26 Agus tog altair do'n Tighearn do Dhia air mullach na carraige so, ann an ordugh, agus gabh an dara tarbh, agus thoir suas ìobairt-loisgte le fiodh an doire a ghearras tu sìos.

27 An sin ghabh Gideon deichnear dhaoine d'a sheirbhisich, agus rinn e mara thubhairt an Tighearn ris: agus tharladh, a chionn gu'n robh eagal teaghlaich 'athar air, agus dhaoine a' bhaile, air chor as nach b'urrainn e 'dheanamh 's an là, gu'n d'rinn e 's an oidheche e.

28 Agus an uair a dh'éirich daoine a' bhaile gu moch anns a' mhaduinn, feuch, bha altair Bhaail air a tilgeadh sìos, agus bha'n doire a bha làimh rithe air a ghearradh sìos, agus bha'n dara tarbh air ìobradh air an altair a thogadh.

29 Agus thubhairt iad gach aon r'a chéile, Co a rinn an nì so? agus an uair a dh'fhiosraich agus a rannsaich iad, thubhairt iad, Is e Gideon mac Ioais a rinn an nì so.

30 An sin thubhairt daoine a' bhaile ri Ioais, Thoir a mach do mhac a chum gu'm bàsaich e; a chionn gu'n do thilg e sìos altair Bhaail, agus gu'n do ghearr e sìos an doire a bha làimh rithe.

31 Agus thubhairt Ioais rìusan uile a sheas 'n a aghaidh, An tagair sibh air son Bhaail? an saor sibh e? esan a thagras air a shon, cuirear gu bàs e, am feadh is i' mhaduinn a tha fathast ann: ma's dia e, tagradh e air a shon féin, a chionn gu'n do thilgeadh sìos 'altair.

32 Uime sin air an là sin féin thug e Ierubaal mar ainm air, ag ràdh, Tagradh Baal 'n a aghaidh, a chionn gu'n do thilg e sìos 'altair.

33 An sin bha na Midianaich uile, agus na h-Amaleich, agus clann na h-àirde 'n ear air cruinnicheadh r'a chéile, agus chaidh iad a null, agus champaich iad ann an gleann Isreeil.

34 Ach thàinig spiorad an Tighearn' air

Gideon, agus shéid e trompaid, agus ghairm e Abieser 'n a dhéigh.

35 Agus chuir e teachdairean air feadh Mhanaseh uile, a chruinnicheadh mar an ceudna 'n a dhéigh: agus chuir e teachdair-ean gu h-Aser, agus gu Sebulun, agus gu Naphtali; agus thàinig iad a nìos 'n an coimneamh.

36 Agus thubhairt Gideon ri Dia, Ma shaoaras tu Israel le m' làimh-sa, mar a thubhairt thu,

37 Feuch, cuiridh mi lomradh olla air an urlar-bhualaidh; agus ma bhitheas an drùchd air an lomradh a mhàin, agus tior-machd air an talamh uile, an sin bithidh fios agam gu'n saor thu Israel le m' làimh, mar a thubhairt thu.

38 Agus bha e mar sin: oir dh'éirich e gu moch air an là màireach, agus theann e 'n lomradh cuideachd, agus dh'fhaig e 'n drùchd as an lomradh, làn cuaiche dh'uisge.

39 Agus thubhairt Gideon ri Dia, Na bitheadh do chorruich teth a'm' aghaidh, agus labhraidh mi a mhàin an aon uair so: leig dhomh dearbhadh, guidheam ort, an uair so a mhàin leis an lomradh; bitheadh a nis tiormachd air an lomradh a mhàin, agus air an talamh uile bitheadh drùchd.

40 Agus rinn Dia mar sin air an oidheche sin: agus bha tiormachd air an lomradh a mhàin, agus air an talamh uile bha drùchd.

#### CAIB. VII.

1 *Armaibh Ghideoin: 9 Thugadh misneach dha le h-aisling, agus a h-eadar-mhìneachadh. 16 Ghlacadh Oreb agus Seeb.*

**A**N SIN dh'éirich Ierubaal, (eadhon Gideon) agus an sluagh uile a bha maille ris, suas gu moch, agus champaich iad làimh ri tobar Haroid: agus bha feachd nam Midianach air an tobbh mu thuath dhiubh, làimh ri sliabh Mhoreh, anns a' ghleann.

2 Agus thubhairt an Tighearn ri Gideon, Tha'n sluagh a tha maille riut tuille 's lionmhor gu mise a thoirt nam Midianach 'n an làimh, air eagal gu'n deanadh Israel uail a'm' aghaidh, ag ràdh, Shaor mo làmh féin mi.

3 Agus a nis uime sin gairm ann an cluas-aibh an t-sluaigh, ag ràdh, Ge b'e neach air am bheil eagal agus geilt, pilleadh e, agus imicheadh e gu moch o sliabh Ghilead. Agus phill de'n t-sluaigh dà mhìle thar fhichead, agus dh'fhan deich mìle.

4 Agus thubhairt an Tighearn ri Gideon, Tha'n sluagh fathast tuilleadh 's lionmhor; thoir sìos iad a dh'ionnsuidh an uisge, agus dearbhaidh mise dhuit iad an sin: agus tarlaidh, ge b'e fear mu'n abair mise riut, Thèid am fear so maille riut, gu'n téid esan maille riut; agus ge b'e fear mu'n abair mi riut, Cha téid am fear so maille riut, nach téid esan ann.

5 Mar sin thug e sìos an sluagh a dh'ionn-

## BREITHEAMHNAN, VIII.

suidh an uisge: agus thubhairt an Tighearn ri Gideon, Gach aon a dh'imlicheas an t-uisge le 'theangaidh, mar a dh'imlicheas cù, cuiridh tu esan air leth; mar an ceudna gach aon a chromas sìos air a ghluinibh a' dh'òl.

6 Agus b'e àireamh na muinntir a dh'imlich, a' cur an làimhe r'am beul, tri cheud fear: ach chrom a' chuid eile uile de'n t-sluagh sìos air an gluinibh a dh'òl uisge.

7 Agus thubhairt an Tighearn ri Gideon, Leis an tri cheud fear so a dh'imlich, saoraidh mise sibh, agus bheir mi na Midianaich thairis do' làimh: agus rachadh am mòr shluagh uile, gach duine d'a àite féin.

8 Agus ghabh an sluagh lòn 'n an làimh, agus an trompaidéan: agus gach fear eile de Israel chuir e air falbh, gach aon d'a bhùth, agus ghléidh e an tri cheud fear so. Agus bha sluagh Mhidiaìn foidhe anns a' ghleann.

9 Agus air an oidhche sin féin thubhairt an Tighearn ris, Eirich, falbh sìos a dh'ionnsuidh an fheachd, oir thug mise thairis e do d' làimh.

10 Ach ma tha eagal ort dol sìos, falbh-sa agus Phurah d'òglach sìos a dh'ionnsuidh an fheachd:

11 Agus chinnidh tu ciod a their iad; agus 'n a dhéigh sin neartaichear do làmh-an, agus théid thu sìos a dh'ionnsuidh an fheachd. An sin chaidh e sìos maille ri Phurah 'òglach, gu taobh a muigh nan daoine armaichte a bha 's an fheachd.

12 Agus bha na Midianaich, agus na h-Amaleich, agus clann na h-àird' an ear uile 'n an luidhe 's a' ghleann mar na locuist air Ìomhoireachd; agus bha an càmhail gun àireamh, mar a' ghaineamh a tha air tràigh na fairge air Ìomhoireachd.

13 Agus an uair a thàinig Gideon, feuch, bha duine ag innseadh aisinge d'a chompanach, agus thubhairt e, Feuch, chunnaic mi aising, agus, feuch, thàinig breacag a dh'aran corna car air char a stigh do champ Mhidiaìn, agus thàinig i gu bùth, agus bhuail i e, agus thuit e, agus thig i bun os ceann e, agus thuit am bùth sìos.

14 Agus fhreagair a chompanach, agus thubhairt e, Cha ni sam bith so ach claidheamh Ghideoin mhic Ioais, duine de Israel: thug Dia thairis d'a làimh-san Midian, agus an sluagh uile.

15 Agus an uair a chuala Gideon aithris na h-aislinge, agus a h-eadar-mhìneachadh, rinn e aoradh; agus phill e gu feachd Isracil, agus thubhairt e, Eiribh, oir thug an Tighearn thairis d'ur làimh feachd Mhidiaìn.

16 Agus roinn e 'n tri cheud fear 'n an tri chuideachdaibh, agus chuir e trompaid ann an làimh gach aoin diubh, maille ri soithichibh falamh, agus lòchranaibh anns na soithichibh.

17 Agus thubhairt e riu, Amhaircibh orm-sa, agus deanaibhse mar an ceudna: agus, feuch, an uair a thig mi gu taobh a mach a' chaimp, tarlaidh, mar a ni mise, mar sin gu'n dean sibhse.

18 'N uair a shéideas mise le trompaid, mi féin agus iadsan uile a tha maille rium, an sin séidibhse na trompaidéan mar an ceudna mu thimchioll a' chaimp uile, agus abraibh, *Claidheamh* an Tighearna, agus Ghideoin.

19 Mar sin thàinig Gideon agus an ceud fear a bha maille ris, gu taobh a mach a' chaimp, ann an toiseach na faire meadhonaich; agus cha robh iad ach air ùr-shuidh-eachadh na faire: agus shéid iad na trompaidéan, agus bhris iad na soithichean a bha 'nan làimh.

20 Agus shéid na tri chuideachdan na trompaidéan, agus bhris iad na soithichean, agus chum iad na lòchrain 'n an làimh chli, agus na trompaidéan 'n an làimh dheis gu séideadh leo: agus ghlaodh iad, *Claidheamh* an Tighearna, agus Ghideoin.

21 Agus sheas iad gach duine 'n a àite féin mu thimchioll a' chaimp: agus bhris-eadh am feachd uile, agus ghlaodh iad, agus theich iad.

22 Agus shéid an tri cheud na trompaidéan, agus chuir an Tighearn claidheamh gach duine an aghaidh a chompanaich, cadhon air feadh an fheachd uile; agus theich an sluagh gu Bet-sitah ann an Sererat, agus gu crich Abeil-mheholah, làimh ri Tabat.

23 Agus chruinnicheadh fir Israeil r'a chéile a Naphtali, agus á h-Aser, agus á Manaseh uile, agus chaidh iad air tòir nam Midianach.

24 Agus chuir Gideon teachdairean air feadh sléibh Ephraim uile, ag ràdh, Thigibh a nuas an aghaidh nam Midianach, agus glacaibh rompa na h-uisgeachan gu Bet-barah agus Iordan. An sin chruinnicheadh fir Ephraim uile ri 'chéile, agus ghlac iad na h-uisgeachan gu Bet-barah agus Iordan.

25 Agus ghlac iad dà cheannard nam Midianach, Oreb agus Seeb; agus mharbh iad Oreb air carraig Oreib, agus Seeb, mharbh iad aig amar-bruthaidh fìona Sheeib, agus chaidh iad air tòir Mhidiaìn, agus thug iad cinn Oreib agus Sheeib gu Gideon air an taobh eile de Iordan.

## CAIB. VIII.

1 *Shròthaicheadh fir Ephraim.* 10 *Ghlacadh Seba agus Salmuna.* 33 *Iodhol-aoradh chloinn Israeil.*

**A**GUS thubhairt fir Ephraim ris, Ciod é an ni so a rinn thu oirnn, nach do ghairm thu oirnn an uair a chaidh thu a chogadh an aghaidh nam Midianach? agus throid iad ris gu geur.

2 Agus thubhairt e riu, Ciod a nis a rinn



mise mar a rinn sibhse? Nach farr dìogh-laim fhìou-dhearcan Ephraim na fìon-fhoghar Abiesair?

3 Thug Dia thairis d'ur làimh ceannardan Mhidiain, Oreb agus Seeb: agus cìod a b'urrainn mis' a dheanamh mar a rinn sibhse? An sin thraigh am fearg ris, an uair a thubhairt e sin.

4 Agus thàinig Gideon gu Iordan, agus chaidh e thairis, e féin, agus an trì cheud fear a bha maille ris, sgìth, gidheadh air an tòir.

5 Agus thubhairt e ri fir Shucoit, Thug-aibh, guidheam oirbh, builinnear arain do'n t-sluagh a tha 'g am leantuinn; oir tha iad sgìth, agus tha mi air tòir Sheba agus Shalmuna, rìghrean Mhidiain.

6 Agus thubhairt ceannardan Shucoit, Am bheil làmhnan Sheba agus Shalmuna nis ann ad làimh, gu'n tugamaid aran do d' armailt?

7 Agus thubhairt Gideon, Uime sin an uair a bheir an Tighearn Seba agus Salmuna thairis do m' làimh, an sin reubaidh mi bhuir feoil le sgìothach an fhàsaich, agus le drisibh.

8 Agus chaidh e suas á sin gu Penueil, agus labhair e rìusan air a' mhodh cheudna: agus fhreagair daoine Phenueil e, mar a fhreagair daoine Shucoit.

9 Agus labhair e cuideachd ri daoineibh Phenueil, ag ràdh, 'N uair a thig mi a rìs ann an sìth, brisidh mi sìos au tùr so.

10 A nis bha Seba agus Salmuna ann an Carcor, agus an slòigh maille riu, mu thim-chioll cùig mìle deug fear, an t-iomlan a dh'fhàgadh de shlòigh cloinne na h-àird' an ear uile: oir thuit ceud agus fichead mìle fear a tharruing claidheamh.

11 Agus chaidh Gideon suas air slighe na muinntir a tha 'n an còmhnuidh ann am bùthaibh, air an làimh an ear de Nobah, agus de Iogbehah, agus bhual e 'n sluagh: oir bha 'n sluagh gun umhail.

12 Agus an uair a theich Seba agus Salmuna, chaidh e air an tòir, agus ghlac e dà rìgh Mhidiain, Seba agus Salmuna, agus chuir e geilt air an t-sluagh uile.

13 Agus phill Gideon mac Ioais o'n chath roimh éirigh na gréine,

14 Agus ghlac e òig-fhear de dhaoineibh Shucoit, agus dh'fhiosraich e dheth: agus sgrìobh e dha ainmean cheannardan Shucoit, agus a ceannairean, trì fichead agus seachd fir dheug.

15 Agus thàinig e gu fir Shucoit, agus thubhairt e, Feuchaibh, Seba agus Salmuna a thilg sibh suas orm, ag ràdh, Am bheil làmhnan Sheba agus Shalmuna nis a'd' làimh, gu'n tugamaid aran do d' dhaoineibh a tha sgìth?

16 Agus ghlac e seanairean a' bhaile, agus ghabh e sgìothach an fhàsaich, agus drisean, agus leo so reub e fir Shucoit.

17 Agus leag e sìos tùr Phenueil, agus mharbh e fir a' bhaile.

18 An sin thubhairt e ri Seba agus ri Salmuna, Cìod a' ghnè dhaoine a mharbh sibh ann an Tabor? Agus fhreagair iad, Mar a tha thusa, is amhuil a bha iadsan; gach aon cosmhuil ri cloinn rìgh.

19 Agus thubhairt e, B'iad sin mo bhràithrean-sa, mic mo mhàthar: mar is beò an Tighearn, nan gleidheadh sibh beò iadsan, cha mharbhainn sibhse.

20 Agus thubhairt e ri Ieter a cheudghin, Eirich, marbhiad: ach cha do tharruing an t-òganach a chlaidheamh; oir bha eagall air, a chionn gu'n robh e fathast 'n a òganach.

21 An sin thubhairt Seba agus Salmuna, Eirich féin, agus buail oirn: oir mar an duine, tha a neart. Agus dh'éirich Gideon, agus mharbh e Seba agus Salmuna, agus thug e leis na h-usgràichean a bh'air amhaichean an càmhlan.

22 An sin thubhairt fir Israeil ri Gideon, Bi-sa a'd' uachdaran oirn, thu féin, agus do mhac, agus mac do mhic mar an ceudna; oir shaor thu sinn á làimh Mhidiain.

23 Agus thubhairt Gideon riu, Cha bhi mis' a'm' uachdaran oirbh, nì mò a bhitheas mo mhac 'n a uachdaran oirbh: bithidh an Tighearn 'n a uachdaran oirbh.

24 Agus thubhairt Gideon riu, Dh'iarrainn aon athchuinge oirbh, gu'n tugadh gach duine dhìbh cluas-fhàinnean a chreiche dhomh: (oir bha cluas-fhàinnean òir aca, a chionn gu'm b' Ismaelich iad.)

25 Agus fhreagair iad, Bheir sinne gu toileach dhuil iad. Agus sgaoil iad eudach, agus thilg iad an sin, gach duine cluas-fhàinnean a chreiche.

26 Agus b'e cothrom nan cluas-fhàinnean òir a dh'iarr e mìle agus seachd ceud secel òir, a thuilleadh air usgràichibh, agus cluigeimibh. Agus eudach corcur a bh'air rìghribh Mhidiain, agus a thuilleadh air na slabhraidhibh a bh'air amhaichean an càmh-alan.

27 Agus rinn Gideon ephod dheth, agus chuir e i 'n a bhaile féin, eadhon ann an Ophrah; agus chaidh Israel uile an sin le striopachas 'n a déigh, agus rinneadh sin 'n a rìbe do Ghideon agus d'a thigh.

28 Mar so chiosnaicheadh Midian roimh chloinn Israeil, agus cha do thog iad an ceann tuilleadh: agus bha fois aig an tìr rè dhà fhichead bliadhna ann an làithibh Ghi-deoin.

29 Agus chaidh Ierubaal mac Ioais, agus ghabh e còmhnuidh 'n a thigh féin.

30 Agus bha aig Gideon deichnear agus trì fichead mac a thàinig o 'leasraidh féin; oir bha mòran bhan aige.

31 Agus a choimhleabach a bha ann an Sechem, rug ise mar an ceudna mac dha, air an d'thug e Abimelech mar ainm.



32 Agus fhuair Gideon mac Ioais bàs ann an deadh shean aois, agus dh'adhlacadh e ann an uaigh Ioais 'athar, ann an Ophrah nan Abiesrach.

33 Agus co luath 's a fhuair Gideon bàs, phill clann Israeil a ris, agus chaidh iad le strìopachas an dèigh Bhaalim, agus rinn iad Baal-berit 'n a dhia dhoibh féin.

34 Agus cha do chuimhnich clann Israeil an Tighearn an Dia, a shaor iad à làimh an naimhdean uile air gach taobh:

35 Nì mò a nochd iad caoimhneas do thigh Ierubaail, *eadhon* Ghideoin, a réir a' mhaith-eis sin uile a nochd e do Israel.

## CAIB. IX.

1 Rinneadh Abimelech 'n a rìgh. 7 Thug Iotam, le cosmahlachd, achemhasan do mhaithhean Shechem, agus roimh-innis e an sgrios.

**A**GUS chaidh Abimelech mac Ierubaail do Shechem, gu bràithribh a mhàthar, agus labhair e riu, agus ri teaghlach tìghe 'athar a mhàthar uile, ag ràdh,

2 Labhraibh, guidheam oirbh, ann an cluasaibh mhaithhean Shechem uile, Co dhiubh 's fearr dhuibh trì fichead agus deichnear fhear (*eadhon* mic Ierubaail uile) a bhi 'n an rachdaran oirbh, no aon fheara bhi 'n a uachdaran oirbh? cuimhnichibh mar an ceudna gur mise blur enàimh agus bhur feoil.

3 Agus labhair bràithrean a mhàthar uime ann an cluasaibh mhaithhean Shechem uile na briathran sin uile: agus dh'aom an cridheachan an dèigh Abimelech; oir thubhairt iad, *Is* e ar bràthair e.

4 Agus thug iad dha trì fichead agus deich buinn airgid à tìgh Bhaal-bherit; leis an do thuarasdalaich Abimelech daoine faoin agus eutrom, a lean e.

5 Agus chaidh e gu tìgh 'athar ann an Ophrah, agus mharbh e a bhràithrean, mic Ierubaail, *eadhon* deichnear agus trì fichead fear, air aon chloich: gidheadh, dh'fhàgadh Iotam am mac a b'òige aig Ierubaal; oir dh'fholaich se e féin.

6 Agus chruinnich maithean Shechem uile r'a chéile, agus tìgh Mhilo uile, agus chaidh iad agus rinn iad Abimelech 'n a rìgh, làimh ri còmhnaid a' charraigh a bha ann an Sechem.

7 Agus an uair a dh'innis iad *so* do Iotam, chaidh e agus sheas e air mullach sléibh Gheridsin, agus thog e suas a ghuth, agus ghlaodh e, agus thubhairt e riu, Eisdibh riunsa, sibhse a mhaithhean Shechem, a chum gu'n éisd Dia ribhse.

8 Chaidh na craobhan a mach *air àm àraidh* a dh'ungadh rìgh os an ceann féin, agus thubhairt iad ris a' chrann-olaidh, Bìsa a'd' rìgh oirn.

9 Ach thubhairt an crann-olaidh riu, Am fàginnse mo reamhrachd, leis am bheil iad leam-sa 'toirt urrainn do Dhia agus do dhuine, agus an rachainn gu bhì air m'ardachadh os ceann nan craobh?

10 Agus thubhairt na craobhan ris a' chrann-fhìge, Thig-sa, agus bì d' rìgh oirn.

11 Ach thubhairt an crann-fìge riu, Am fàginnse mo mhilleachd, agus mò dheadh mheas, agus an rachainn gu bhì air m'ardachadh os ceann nan craobh?

12 Agus thubhairt na craobhan ris an fhìonain, Thig-sa, agus bì d' rìgh oirn.

13 Agus thubhairt an fhìonain riu, Am fàginnse m'fhion, a tha 'toirt subhachais do Dhia agus do dhuine, agus an rachainn gu bhì air m'ardachadh os ceann nan craobh?

14 An sin thubhairt na craobhan uile ris an dris, Thig-sa, agus bì d' rìgh oirn.

15 Agus thubhairt an dris ris na craobhan, Ma's e is da rìradh gu'n ung sibh mise a'm' rìgh oirbh, thigibh, cuiribh blur dòchas a'm' sgàile-sa: agus mur *dean sibh so*, thigeadh teine mach as an dris, agus loisgeadh e seudair Lebanoin.

16 A nis uime sin, ma rinn sibh gu fìrinneach agus gu trèibhdhireach an uair a rinn sibh Abimelech 'n a rìgh, agus ma bhuin sibh gu maith ri Ierubaal agus r'a thigh, agus ma rinn sibh ris a réir toillteanais a làmh;

17 (Oir chog m'athair-sa air bhur son, agus chuir e 'anam ann an cunnart mòr, agus shaor e sibh à làimh Mhidiain;

18 Agus tha sibh air éirigh suas an aghaidh tìghe m'athar-sa an diugh, agus mharbh sibh a mhic, trì fichead agus deichnear fhear, air aon chloich, agus rinn sibh Abimelech, mac a bhanoglaich, 'n a rìgh os ceann mhaithhean Shechem, a chionn gur e bhur bràthair e:)

19 Uime sin ma bhuin sibh gu fìrinneach agus gu trèibhdhireach ri Ierubaal agus r'a thigh an diugh, deanaibh gairdeachas ann an Abimelech, agus deanadh esan mar an ceudna gairdeachas annaibhse:

20 Ach mur do *rinn sibh mar sin*, thigeadh teine a mach o Abimelech, agus loisgeadh e maithean Shechem, agus tìgh Mhilo; agus thigeadh teine a mach o mhaithibh Shechem, agus o thigh Mhilo, agus loisgeadh e Abimelech.

21 Agus ruith Iotam air falbh, agus theich e, agus chaidh e gu Beer, agus ghabh e còmhuidh an sin, air eagal Abimelech a bhràthar.

22 Agus rìghich Abimelech trì bliadhna air Israel,

23 Agus chuir Dia droch spiorad eadar Abimelech agus maithean Shechem; agus bhuin maithean Shechem gu fealltach ri Abimelech:

24 A chum gu'n tìgeadh an t-ainncairt a rinneadh air deichnear agus trì fichead mac Ierubaail, agus gu'n luidheadh am fuil air Abimelech an bràthair, a mharbh iad; agus air maitheibh Shechem, a neartaich a làimhan ann an marbhadh a bhràithrean.

25 Agus chuir maithean Shechem luchd

feall-fholach air a shon air mullaichibh nam beann, agus rinn iad reubainn air gach neach a chaidh seachad orra 's an t-slighe sin: agus dh'innsadh sin do Abimelech.

26 Agus thàinig Gaal mac Ebeid agus a bhràithrean, agus chaidh iad thairis gu Sechem: agus chuir maithean Shechem an dòchas ann.

27 Agus chaidh iad a mach do'n fhcarann, agus chruinnich iad toradh an fion-liosan, agus bhrùth iad na fion-dhearcan, agus rinn iad gairdeachas, agus chaidh iad a steach do thigh an dé, agus dh'ith agus dh'òl iad, agus mhallaich iad Abimelech.

28 Agus thubhairt Gaal mac Ebeid, Cò e Abimelech, agus cò e Sechem, gu'n deana- maidne seirbhis da? nach e mac Ierubaail e, agus Sebul ceannard a shlòigh? deanaibh seirbhis do dhaoinibh Hamoir athar Shechem; oir e'ar son a dheanamaid seirbhis dhasan?

29 Agus b'e mo ghuidhe gu'n tugtadh an sluagh so do m'laimh-sa! an sin dh'athar- aichinn Abimelech. Agus thubhairt e ri Abimelech, Meudaich d'armailt, agus thig a mach.

30 Agus an uair a chuala Sebul, nachdaran a' bhaile, briathran Ghaail mhic Ebeid, las a choirruich.

31 Agus chuir e teachdairean gu Abimelech os iosal, ag ràdh, Feuch, thàinig Gaal mac Ebeid, agus a bhràithrean, do Shechem; agus, feuch, tha iad a' teannachadh a' bhaile a'd' aghaidh.

32 A nis uime sin éirich suas 's an oidhche, thu féin agus an sluagh a tha maille riut, agus deau feall-fholach anns an fhear- ann:

33 Agus anns a' mhaduinn mu éirigh na gréine, éiridh tu gu moch, agus bheir thu ionnsuidh air a' bhaile: agus, feuch, 'n uair a thig e féin agus an sluagh a tha maille ris a mach a'd' aghaidh, an sin ni thu orra mar a bhitheas a'd' chomas.

34 Agus dh'éirich Abimelech suas, agus an sluagh uile a bha maille ris, 's an oidhche, agus rinn iad feall-fholach an aghaidh Shechem, 'n an ceithir chuideachdaibh.

35 Agus chaidh Gaal mac Ebeid a mach, agus sheas e ann an dol a stigh gcata a' bhaile. Agus dh'éirich Abimelech, agus an sluagh a bha maille ris, o'n fheall-fholach.

36 Agus an uair a chunnaic Gaal an sluagh, thubhairt e ri Sebul, Feuch, tha sluagh a' teachd a nuas o mhullach nam beann. Agus thubhairt Sebul ris, Tha thu 'faicinn sgàile nam beann mar dhaoine.

37 Agus labhair Gaal a ris, agus thubhairt e, Feuch, tha sluagh a' teachd a nuas o mheadhou na tire, agus tha cuideachd eile a' teachd air an aghaidh rathad còmhnaid Mhehoncuim.

38 An sin thubhairt Sebul ris, C'ait a nis

am bheil do bheul, leis an dubhairt thu, Cò e Abimelech, gu'n deanamaid seirbhis da? nach e so an sluagh air an d'rinn thu tàir? falbh a mach, guidheam ort a nis, agus cog ri u.

39 Agus chaidh Gaal a mach roimh mhaithrean Shechem, agus chog e ri Abimelech.

40 Agus chuir Abimelech an ruaig air, agus theich e roimhe; agus thuit mòran a chaidh leònachd, eadhon gu ruig dol a stigh a' gheata.

41 Agus ghabh Abimelech còmhnuidh ann an Arumah: agus dh'fhuadaich Sebul a mach Gaal agus a bhràithrean, a chum nach gabhadh iad còmhnuidh ann an Sechem.

42 Agus air an là màireach chaidh an sluagh a mach do'n mhachair; agus dh'innis iad sin do Abimelech.

43 Agus ghabh e'n sluagh, agus roinn e iad 'n an trì chuideachdaibh, agus rinn e feall-fholach 's a' mhachair, agus dh'amhairc e, agus, feuch, bha'n sluagh air dol a mach as a' bhaile; agus dh'éirich e 'n an aghaidh, agus bhuail e iad.

44 Agus thug Abimelech agus a' chuid- eachd a bha maille ris ionnsuidh, agus sheas iad ann an dol a stigh gcata a' bhaile; agus thug an dà chuideachd eile ionnsuidh orra- san uile a bha 's a' mhachair, agus bhuail siad iad.

45 Agus chog Abimelech an aghaidh a' bhaile rè an là sin; agus ghilac e 'm baile, agus mharbh e 'n sluagh a bha ann, agus leag e sìos ann baile, agus chuir e le salann e.

46 Agus an uair a chual' uile mhuinntir tùir Shechem sin, chaidh iad a steach do dhaingneach tighe an dé Bherit.

47 Agus dh'innsadh do Abimelech, gu'n robh uile mhuinntir tùir Shechem air cruinneachadh r'a chèile.

48 Agus chaidh Abimelech suas gu sliabh Shalmoin, e féin agus an sluagh uile a bha maille ris; agus ghilac Abimelech tuagh 'n a laimh, agus ghearr e sìos geug o na craobhan, agus ghabh e i, agus chuir e air a ghualaim i, agus thubhairt e ris an t-sluagh a bha maille ris, An ni a chunnaic sibh mise a' deanamh, greasaibh, deanaibh mar a rinn mise.

49 Agus ghearr mar an ceudna an sluagh uile sìos gach duine a gheug, agus lean iad Abimelech, agus chuir iad ris an daingneach iad, agus chuir iad an daingneach ri theine orra: mar sin fhuair daoine tùir Shechem bàs uile mar an ceudna, mu thimchioll mìlo fear agus bean.

50 An sin chaidh Abimelech gu Tebes agus champaich e 'n aghaidh Thebeis, agus ghilac se e.

51 Ach bha tùr làidir ann an meadhon a' bhaile, agus gu sin theich na fir agus na mnathan uile, agus muinntir a' bhaile uile,



agus dhùin iad orra féin e, agus chaidh iad suas air mullach an tùir.

52 Agus thàinig Abimelech gu ruig an tùr, agus chog e 'n a aghaidh, agus dh'fùth-aich e ri dorus an tùir a chum a losgadh le teine.

53 Agus thilg bean àraidh mìr de chloich-mhuilinn air ceann Abimelech, agus bhris i a chlaiginn.

54 An sin ghairm e gu luath air an òganach a bha 'g iomchar 'arm, agus thubhairt e ris, Tarruing do chladheamh, agus marbh mi, air eagal gu'n abair iad umani, Mharbh bean e. Agus shàth an t-òganach aige troimhe e, agus fhàir e bàs.

55 Agus an uair a chunnaic fir Israeil gu'n d'fhuair Abimelech bàs, dh'imich iad gach fear d'a àite féin.

56 Agus dh'iol Dia olc Abimelech, a rinn e air 'athair, le 'thri fichead agus a dheichnear bhràithrean a mharbhadh.

57 Agus uile olc dhaoine Shecheim dh'iol Dia air an ceann féin: agus thàinig orra mallachadh Iotaim mhic Ierubaaill.

#### CAIB. X.

1 *Thug Tola breth air Israel. 7 Rinn na Philistich agus na h-Amoraich fòirneart air Israel. 10 Dh'aicidh iad am peacaidh; 15 ghabh iad aithreachas, agus shaor Dia iad.*

**A** GUS dh'éirich an déigh Abimelech, a shaoradh Israeil, Tola mac Phuah, mhic Dhodo, duine de Isachar; agus bha e 'chòmhnuidh ann an Samir, ann an sliabh Ephraim.

2 Agus thug e breth air Israel tri bliadhna fichead: agus fhuair e bàs, agus dh'adhlacaidh e ann an Samir.

3 Agus 'n a dhéigh-san dh'éirich Iair, Gileadach, agus thug e breth air Israel dà bhliadhna thar fhichead.

4 Agus bha deich thar fhichead mac aige, a mharcaich air deich thar fhichead asal òg; agus bha deich thar fhichead baile aca, air an d'thugadh Habbhot-iair mar ainm gu ruig an là'n diugh, a tha ann an tìr Gilead.

5 Agus fhuair Iair bàs, agus dh'adhlacaidh e ann an Camon.

6 Agus rinn clann Israeil a ris olc ann an sùilbh an Tighearn', agus rinn iad seirbhis do Bhaalim, agus do Astarot, agus do dhiathaibh Shiria, agus do dhiathaibh Shidoin, agus do dhiathaibh Mhoib, agus do dhiathabh chloinn Amoin, agus do dhiathaibh nam Philisteach; agus thréig iad an Tighearn, agus cha d'rinn iad seirbhis dha.

7 Agus las fearg an Tighearna an aghaidh Israeil, agus thug e thairis iad do làimh nam Philisteach, agus do làimh chloinn Amoin.

8 Agus chlaoidh agus rinn iad fòirneart air cloinn Israeil anns an àm sin rè ochd bliadhna deug, air cloinn Israeil uile a bh'air an taobh eile de Iordan, ann an tìr nan Amoraich, a tha ann an Gilead.

9 Agus chaidh clann Amoin thar Iordan a chogadh mar an ceudna an aghaidh Iudah, agus an aghaidh Bheniamin, agus an aghaidh tighe Ephraim; agus bha Israel ann an teanntachd ro mhòir.

10 Agus ghlaodh clann Israeil ris an Tighearn, ag ràdh, Pheacaich sinn a'd' aghaidh, an dà chuid a chionn gu'n do thréig sinn ar Dia, agus gu'n d'rinn sinn seirbhis do Bhaalim.

11 Agus thubhairt an Tighearn ri cloinn Israeil, Nach do shaor mise sibh o na h-Eiphitich, agus o na h-Amoraich, o chloinn Amoin, agus o na Philistich?

12 Rinn mar an ceudna na Sìdonaich, agus na h-Amaleich, agus na Maonaich fòirneart oirbh, agus ghlaodh sibh riumsa, agus shaor mi sibh as an làimh.

13 Gidheadh thréig sibh mi, agus rinn sibh seirbhis do dhiathaibh eile: uime sin cha saor mi sibh ni's mò.

14 Rachaibh agus gairmibh air na diathaibh a ròghnuich sibh: saoradh iad sibh ann an àm bhuir teanntachd.

15 Agus thubhairt clann Israeil ris an Tighearn, Pheacaich sinn; dean-sa ruinn a réir gach nì a tha maith a'd' shùilbh; a mha'n saor sinn, guidheamaid ort, air an là'n diugh.

16 Agus chuir iad air falbh na diathan coimheach as am measg, agus rinn iad seirbhis do'n Tighearn: agus bha doilgheas air 'anam air son truaighe Israeil.

17 An sin ghairmeadh clann Amoin cuid-eachd, agus champaich iad ann an Gilead: agus chruinnich clann Israeil iad féin ann ceann a chèile, agus champaich iad ann am Misphe.

18 Agus thubhairt an comhchruinneachadh, uachdarain Ghilead, gach aon ri 'chéile, Co am fear sin a thòisicheas ri cogadh an aghaidh chloinn Amoin? bithidh ean 'n a cheann air uile luchd-aiteachaidh Ghilead.

#### CAIB. XI.

1 *Còimheangal Iephtah ri seanaibh Ghilead: 29 a bhòid; 34 còimhildion e a bhòid air a nighinn.*

**A** NIS bha Iephtah an Gileadach treun ann an neart, agus bu mhaic strìopaich e: agus ghin Gilead Iephtah.

2 Agus rug bean Ghilead mic dha; agus dh'fhàs mic a mhnà suas, agus thilg iad a mach Iephtah, agus thubhairt iad ris, Cha-n fhaigh thu oighreachd ann an tigh ar n-athar-ne, oir is mac mnà coimhich thu.

3 An sin theich Iephtah o 'bhràithribh, agus ghabh e còmhluaidh ann an tìr Thob: agus chruinnicheadh daoine faoin gu Iephtah, agus chaidh iad a mach maille ris.

4 Agus an ceann làithean àraidh, chog clann Amoin ri h-Israel.

5 Agus an uair a chog clann Amoin ri h-Israel, chaidh seanairean Ghilead a thoirt Iephtah a tìr Thob:



6 Agus thubhairt iad ri Iephtah, Thig agus bi' a'd' cheannard oirn, agus cogaidh sinn an aghaidh chloinn Amoin.

7 Agus thubhairt Iephtah ri seanairibh Ghilead, Nach d'fhuathaich sibh mi, agus nach do thilg sibh a mach mi a tigh m'athar? agus c'ar son a thàinig sibh a m'ionnsuidh a nis, an uair a *tha* sibh ann an teanntachd?

8 Agus thubhairt seanairean Ghilead ri Iephtah, Uime sin phill sinn a nis a d'ionnsuidh, a chum gu'n téid thu maille ruin, agus gu'n cog thu 'n aghaidh chloinn Amoin, agus gu'm bi thu a'd' cheann oirn, *eadhon* air uile luchd-àiteachaidh Ghilead.

9 Agus thubhairt Iephtah ri seanairibh Ghilead, Ma bheir sibh air m'ais mia a chogadh an aghaidh chloinn Amoin, agus gu'n toir an Tighearn thairis iad a'm' fhianuis, am bi mise a'm' cheann oirbh?

10 Agus thubhairt seanairean Ghilead ri Iephtah, Bitheadh an Tighearn 'n a fhianuis eadarunn, gu'n dean sinne mar sin, a réir d'fhocail.

11 Agus chaidh Iephtah maille ri seanairibh Ghilead, agus rinn an sluagh e 'n a cheann orra, agus 'n a cheannard. Agus labhair Iephtah a bhriathran uile an làthair an Tighearna ann am Mispheh.

12 Agus chuir Iephtah teachdairean a dh'ionnsuidh rìgh chloinn Amoin, ag ràdh, Cìod e do ghnòthuch-sa rium-sa, gu'n d'thàinig thu a'm' aghaidh a chogadh ann am thir?

13 Agus thubhairt rìgh chloinn Amoin ri teachdairibh Iephtah, A chionn g'un do ghlac Israel m'fhearann an uair a thàinig iad a nìos as an Eiphit, o Arnon gu ruig Iaboe, agus gu ruig Iordan: a nis uime sin thoir thusa air ais e ann an sìth.

14 Agus chuir Iephtah a ris teachdairean a dh'ionnsuidh rìgh chloinn Amoin,

15 Agus thubhairt e ris, Mar so tha Iephtah ag ràdh, Cha do ghlac Israel fearann Mhoab, no fearann chloinn Amoin:

16 Ach an uair a thàinig Israel a nìos as an Eiphit, agus a ghluais iad troimh 'n fhàsach gu ruig a' mhuir ruadh, agus a thàinig iad gu Cades;

7 An sin chuir Israel teachdairean gu rìgh Edoim, ag ràdh, Leig dhuinn, guidheamaid ort, dol troimh d'fhearann: ach cha-n éisdeadh rìgh Edoim. Agus mar an ceudna chuir iad *teachdairean* gu rìgh Mhoab: ach cha d'aontaich e: agus dh'fhan Israel ann an Cades.

18 An sin ghluais iad troimh 'n fhàsach, agus chuairtich iad tìr Edoim, agus tìr Mhoab, agus thàinig iad o taobh na h-àirde 'n ear de thìr Mhoab, agus champaich iad air an taobh eile de Arnon, ach cha d'thàinig iad an taobh a stigh de chrich Mhoab; oir *Ùe* Arnon crìoch Mhoab.

19 Agus chuir Israel teachdairean gu Sihon rìgh nan Amorach, rìgh Hesboim;

agus thubhairt Israel ris, Leig dhuinn, guidheamaid ort, gabhail troimh d'fhearann do'r n-àite féin.

20 Ach cha d'earb Sihon ri h-Israel gabhail troimh a chrich: ach chruinnich Sihon a shluagh uile cuideachd, agus champaich iad ann an Iahas: agus chog e ri h-Israel.

21 Agus thug an Tighearn Dia Israeil Sihon agus a shluagh uile thairis do làimh Israeil, agus bhual siad iad: agus shealbhaich Israel uile fhearann nan Amorach, luchd-àiteachaidh na tìre sin.

22 Agus shealbhaich iad uile chrìochan nan Amorach, o Arnon gu ruig Iaboe, agus o'n fhàsach gu ruig Iordan.

23 Agus a nis thug an Tighearn Dia Israeil a mach na h-Amoraich á fianuis a shluagh Israeil, agus am bu chòir dhuitse dol 'n an seilbh-san?

24 An *ni* sin a bheir do dhia Chemos dhuit r'a shealbhachadh, nach sealbhaich thusa e? agus ge b'e neach a thilg an Tighearn an Dia-ne mach romhainn, 'n a sheilbh-san thèid sinne.

25 Agus a nis am *bheil* thusa nì's fearr na Balac, mac Shipor, rìgh Mhoab? an d' rinn esan riamh strì ri h-Israel, agus an do chog e riamh 'n an aghaidh,

26 'N uair a ghabh Israel còmhnuidh ann an Hesbon agus 'n a bhailtibh, agus ann an Aroer agus 'n a bhailtibh, agus anns na bailtibh uile a *tha* làimh ri Arnon, rè thri ceud bliadhna? agus c'ar son nach do bhuin sibh air an ais *iad* anns an àm sin?

27 Uime sin cha do pheacaich mise a'd' aghaidh, ach *tha* thusa a' deanamh encoir ormsa le cogadh a'm' aghaidh: thugadh an Tighearn am Breitheamh breth an diugh eadar clann Israeil agus clann Amoin.

28 Gidheadh cha d'éisd rìgh chloinn Amoin ri briathraibh Iephtah, a chuir e d'a ionnsuidh.

29 Agus thàinig spiorad an Tighearna air Iephtah; agus chaidh e thairis gu Gilead agus Manaseh, agus o *sin* chaidh e thairis gu Mispheh Ghilead, agus o Mhispheh Ghilead chaidh e thairis gu cloinn Amoin.

30 Agus bhòidich Iephtah bòid do'n Tighearn, agus thubhairt e, Ma bheir thu gu cinnteach clann Amoin thairis do m' làimh,

31 An sin tarlaidh, ge b'e ni a thig a mach á dorsaibh no thighe a'm' choimeamh, 'n uair a philleas mi ann an sìth o chloinn Amoin, gu cinnteach gur leis an Tighearn e, agus iobraidh mi e dha 'n a iobairt-loisgte.

32 Agus chaidh Iephtah thairis gu cloinn Amoin a chogadh 'n an aghaidh; agus thug an Tighearn thairis iad d'a làimh.

33 Agus bhual e iad o Aroer, eadhon gus an tig thu gu Minit, fichead baile, agus gu còmhuard nam fion-lios, le àr ro mhòr. Mar so dh'irioslaicheadh clann Amoin 'am fianuis chloinn Israeil.

34 Agus thàinig Iephtah gu Mispheh d'a

thigh, agus, fench, thàinig a nighean a mach 'n a choinneamh le tiompanaibh agus le damnsaibh, agus *b'i* 'aon leanabh cloinne i: cha *robh* aige mac no nighean ach i.

35 Agus an uair a chunnaic e i, reub e 'eudach, agus thubhairt e, Oeh, mo nigh-ean! is ro ìosal a leag thu mi, agus is aon thu dhiubh-san a ta 'g am chlaoidh: oir dh'fhosgail mi mo bheul do'n Tighearn, agus cha-n fheud mi dol air m'ais.

36 Agus thubhairt ise ris, Athair, *ma* dh'fhosgail thu do bheul do'n Tighearn, dean riumsa a réir an nì a thàinig a mach as do bheul, o rinn an Tighearn dìoghaltas air do shonsa air do naimhdbh, *eadhon* air cloinn Amoin.

37 Agus thubhairt i 'r a h-athair, Deanar an nì so air mo shonsa: Leigear leam dà mhìos, a chum gu'n imich mi suas agus sìos air na beanntaibh, agus gu'n dean mi caoidh air son m'òigheachd, mi féin agus mo bhan-chompanaich.

38 Agus thubhairt e, Imich. Agus leig e air falbh i *rè* dà mhìos: agus chaidh i maille 'r a ban-chompanachaibh, agus rinn i caoidh air son a h-òigheachd air na beanntaibh.

39 Agus an ceann dà mhìos, phill i dh'ionnsuidh a h-athair, agus rinn e ri a *réir* a bhòide a bhòidich e: agus cha robh aithne aice air fear. Agus bha e 'n a ghuàth ann an Israel,

40 *Gu'n* rachadh nigheanan Israeil o bhliadhna gu bliadhna a dheanamh caoidh air son nighinn Iephtah, a' Ghileadaich, ceithir làithean 's a' bhliadhna.

## CAIB. XII.

1 *Rinn na Ephraimeich comhstri ri Iephtah agus ris na Gileadaich.* 4 *Chog iadsan 'n an aghaidh, agus mharbh iad mòran diubh.* 7 *Fhuair Iephtah bàs.*

**A**GUS chruinnicheadh fir Ephraim an ceann a chèile, agus chaidh iad thairis mu thuath, agus thubhairt iad ri Iephtah, C'ar son a chaidh thu thairis a chogadh an aghaidh chloinn Amoin, agus nach do ghairm thu oirne gu dol maille riut? loisgidh sinn do thigh ort le teine.

2 Agus thubhairt Iephtah riu, Bha agamsa agus aig mo shluagh comhstri mhòr ri cloinn Amoin; agus an uair a ghairm mi oirbh, cha do shaor sibh mi as an làimh.

3 Agus an uair a chunnaic mi nach do shaor sibh *mi*, chuir mi 'nam am a'm làimh, agus chaidh mi a null an aghaidh chloinn Amoin, agus thug an Tighearn thairis iad do m' làimh: c'ar son ma tha a tha sibh air teachd a nìos a m' ionnsuidhs 'an diugh, a chogadh a'm' aghaidh?

4 An sin chruinnich Iephtah euideachd fir Ghilead uile, agus chog e ri h-Ephraim: agus bhuaill fir Ghilead Ephraim, a chionn gu'n dubhairt iad, *Is* luchd-fuadain de Ephraim, sibhse a Ghileadacha, an measg Ephraim, agus am measg Mhanasch

5 Agus ghlac na Gileadaich àthannan Iordain air na h-Ephraimeich: agus an uair a thubhairt na h-Ephraimeich sin a chaidh as, Leig dhomh dol thairis, thubhairt fir Ghilead ris, An Ephraimeach thu? Ma thubhairt esan, Cha-n cadh;

6 An sin thubhairt iadsan ris, Abair a nis Schiboleet: agus thubhairt esan Sibolet: oir cha b'urrainn e a ràdh mar sin. An sin ghabh iad e, agus mharbh iad e aig àthann-aibh Iordain: agus thuit anns an àm sin de na h-Ephraimeich a dhà agus dà fhichead mìle.

7 Agus thug Iephtah breth air Israel sè bliadhna: an sin fhuair Iephtah an Gileadach bàs, agus dh'adhlacadh e ann an *aon de* bhailtibh Ghilead.

8 Agus 'n a dhéigh-san thug Ibsan o Dhet-lehem breth air Israel.

9 Agus bha deich thar fhichead mac aige, agus deich thar fhichead nighean, a chuir e mach uaith, agus ghabh e deich thar fhichead nighean a stigh d'a ionnsuidh air son a mhac. Agus thug e breth air Israel seachd bliadhna.

10 Agus fhuair Ibsan bàs, agus dh'adhlacadh e ann am Bet-lehem.

11 Agus 'n a dhéigh-san thug Elon, an Sebulonach, breth air Israel: agus thug e breth air Israel deich bliadhna.

12 Agus fhuair Elon an Sebulonach bàs, agus dh'adhlacadh e ann an Aialon, ann an tìr Shebuloin.

13 Agus 'n a dhéigh-san thug Abdon mac Hileil, Piratonach, breth air Israel.

14 Agus bha dà fhichead mac aige, agus deich thar fhichead a mac, a mharcaich air deich agus trì fichead asal òg: agus thug e breth air Israel ochd bliadhna.

15 Agus fhuair Abdon mac Hileil am Piratonach bàs, agus dh'adhlacadh e ann am Piraton, ann an tìr Ephraim, ann an sliabh nan Amaleceach.

## CAIB. XIII.

1 *Thugadh clann Israeil thairis do làimh nam Philisteach.* 2, 8 *Dh'fhoillsich aingeal an Tighearna e fein do mhnaoi Mhanoah, agus d'a fear.* 19 *Iobairt-loisgte Mhanoah.* 24 *Rugadh Samson.*

**A**GUS rinn clann Israeil olc a ris ann an a shìlbi an Tighearna; agus thug an Tighearn thairis iad do làimh nam Philisteach dà fhichead bliadhna.

2 Agus bha duine araidh de Shorah, de theaghlach nan Danach, d'am b'ainm Manoah; agus *bha* a bhean neo-thorrach, agus cha drug i clann.

3 Agus dh'fhoillsich aingeal an Tighearna e fein do'n mhnaoi, agus thubhairt e ri, Feuch a nis, *tha* thu neo-thorrach, agus cha drug thu *fathast clann*; ach gimidh tu, agus beiridh tu mac.

4 A nis ma tha thoir an aire, guidheam



ort, agus na h-òl fion no deoch làidir, agus na h-ith *nì* air bith neòghlan:

5 Oir, feuch, ginidh tu, agus beiridh tu mae; agus eha tig ealtainn sam bith air a cheann: oir bithidh an leanabh 'n a Nasarach do Dhia o'n bhroinn; agus tòisichidh e air Israel a shaoradh á làimh nam Philisteach.

6 Agus thàinig a' bhean agus dh'innis i d'a fear, ag ràdh, Thàinig òglach Dhé a m'ionnsuidh, agus a ghlùis mar ghlùis aingil Dhé, ro uamhasach: aeh eha d'fheòraich mi dh'e eia as a *bha* e, agus eha d'innis e dhomh ainm.

7 Aeh thubhairt e rium, Feuch, ginidh tu, agus beiridh tu mae; agus a nis na h-òl fion no deoch làidir, agus na h-ith *nì* air bith neòghlan: oir bithidh an leanabh 'n a Nasarach do Dhia o'n bhroinn gu là a bhàis.

8 An sin ghuidh Manoah air an Tighearn, agus thubhairt e, O mo Thighearna, thig-eadh, guidheam ort, òglach Dhé a chuir thu uait a ris d'ar n-ionnsuidh, agus teagaisgeadh e dhuinn eiod a nì sinn ris an leanabh a bheirear.

9 Agus dh'éisd Dia ri guth Mhanoah; agus thàinig aingeal Dhé a ris a dh'ionnsuidh na mnà, agus i n'a suidhe anns an achadh: aeh eha robh Manoah a fear maille r'i.

10 Agus rinn a' bhean cabhag, agus ruith i, agus dh'innis i d'a fear, agus thubhairt i ris, Feuch, chunnaic mi an duine a thàinig a m'ionnsuidh air an là *roimhe*.

11 Agus dh'éirich Manoah, agus ehaidh e 'n déigh a mhna, agus thàinig e dh'ionnsuidh an duine, agus thubhairt e ris, An tusa an duine a labhair ris a' mhnaoi? Agus thubhairt esan, *Is mi*.

12 Agus thubhairt Manoah, A nis thig-eadh do bhriathran gu crìch: cionnus a dh'orduicheas sinn mu'n leanabh, agus eiod a nì sinn ris?

13 Agus thubhairt aingeal an Tighearna ri Manoah, O gach *nì* a thubhairt mise ris a' mhnaoi coimhleadh si i féin.

14 De *nì* sam bith a thig o'n chrann-fhìona na h-itheadh i, agus fìon no deoch làidir na h-òladh i, agus *nì* sam bith neòghlan na h-itheadh i: gach *nì* a dh'àithn mise dh'i, coimhleadh i.

15 Agus thubhairt Manoah ri aingeal an Tighearna, Leig dhuinn, guidheamaid ort, do ghleidheadh, agus deasaichidh sinn fa d'ehomhair meann de na gabhraibh.

16 Agus thubhairt aingeal an Tighearna ri Manoah, Ged ghléidh thu mi, eha-n ith mi de d'aran; agus ma bheir thu suas iobairt-loisgte, do'n Tighearn bheir thu suas i: oir eha robh fios aig Manoah gu'm *b'e* aingeal an Tighearna e.

17 Agus thubhairt Manoah ri aingeal an Tighearna, Ciod a's ainm dhuit; a chum 'n uair a thig do bhriathran gu crìch, gu'n toir sinn urram dhuit?

18 Agus thubhairt aingeal an Tighearna ris, C'ar son a tha thu mar so a' fiosrachadh a thaobh m'ainme-sa, agus *gu bheil* e diomhair?

19 Agus ghabh Manoah meann de na gabhraibh, maille ri tabhartas-bidh, agus dh'ìobairt se e air earraig do'n Tighearn: agus b'iongantach an nì a rinn an *t-aingeal*, agus Manoah agus a bhean ag amharc air:

20 Oir an uair a dh'éirich an lasair bhàrr na h-altarach suas gu nèamh, ehaidh aingeal an Tighearna suas ann an lasair na h-altarach; agus an uair a chunnaic Manoah agus a bhean *sin*, thuit iad air an aghaidh a dh'ionnsuidh na talmhainn.

21 (Aeh eha d'fhoillsich aingeal an Tighearna e féin tuilleadh do Mhanoah agus d'a mhnaoi.) An sin bha fios aig Manoah gu'm *b'e* aingeal an Tighearna e.

22 Agus thubhairt Manoah r'a mhnaoi, Gu einnteach gheibh sinn bàs, oir chunnaic sinn Dia.

23 Aeh thubhairt a bhean ris, Nam bu toil leis an Tighearn ar marbhadh, eha ghabhadh e o'r làimh iobairt-loisgte agus tabhartas-bidh, agus eha nochdadh e dhuinn na *nìthean* so uile, agus mar air an àm so, eha chuireadh e 'n céill duinn a leithid so *de nìthean*.

24 Agus rug a' bhean leanabh, agus thug i Samson mar ainm air: agus dh'fhàs an leanabh, agus bheannaich an Tighearn e.

25 Agus thòisich spiorad an Tighearna r'a bhrosnachadh air uairibh ann an camp Dhain, eadar Sorah agus Estaul.

## CAIB. XIV.

1 *Dh'iarr Samson bean de na Philistich. 10 A chuir m-beinne agus a thoimhseachan. 19 Mharb e deich 'ar fhichead Philisteach, agus bhuin e diubh an eudach. 20 Thugadh a bhean do fhear eile.*

**A** GUS ehaidh Samson sìos gu Timnat; agus chunnaic e bean ann an Timnat de nigheanaibh nam Philisteach.

2 Agus thàinig e nìos, agus dh'innis e d'a athair agus d'a mhàthair, agus thubhairt e, Chunnaic mi bean ann an Timnat de nigheanaibh nam Philisteach; agus a nis faighibh i dhomhsa 'n a mnai.

3 An sin thubhairt 'athair agus a mhàthair ris, Nach *'eil* bean air bith am measg nigheanan do bhràithrean, no am measg mo shluaigh uile, gu'n rachadh tu a ghabhail mnà de na Philistich uco-thimehioll-ghcarrta? Agus thubhairt Samson r'a athair, Faigh dhomh i; oir tha i taitneach a'm' shùilibh.

4 Aeh eha robh fhios aig 'athair agus a mhàthair gu'm b'ann o'n Tighearn *bha* e, gu'n d'iarr e fàth an aghaidh nam Philisteach: oir anns an àm sin bha uachdran-achd aig na Philistich os ceann Israeil.

5 Uime sin ehaidh Samson sìos, agus 'athair agus a mhàthair, gu Timnat, agus



thàinig iad gu fìon-lìosaibh Thimnait; agus, feuch, *bha* leòmhain òg a' beuchdaich 'n a aghaidh.

6 Agus thàinig spiorad an Tighearna air gu treun, agus reub se c mar a reubadh e meann, agus cha *robh* ni air bith 'n a làimh: ach cha d'innis e d'a athair no d'a mhàthair ciod a rinn e.

7 Agus chaidh e sìos, agus labhair e ris a' mhnaoi; agus bha i taitneach ann an sùil-ibh Shamsoin.

8 Agus an déigh làithean àraidh, phill e chum a gabhail, agus chaidh e a leth-taobh a dh'fhaicinn cìosaich an leòmhain; agus, feuch, *bha* sgaoth bheach ann an cìosaich an leòmhain, agus mil.

9 Agus ghabh e dh'i 'n a làmh, agus chaidh e air 'aghaidh ag itheadh, agus thàinig e dh'ionnsuidh athar agus a mhàthar, agus thug e dhoibh, agus dh'ith iad: ach cha d'innis e dhoibh gu'm b'ann á cìosaich an leòmhain a thug e a' mhil.

10 Agus chaidh 'athair sìos a dh'ionnsuidh na mnà: agus rinn Samson an sin cuirm; oir mar sin bu ghnàth leis na daoimibh òga a dheanamh.

11 Agus an uair a chunnaic iad e, thug iad deich thar fhichead companach gu bhi maille ris.

12 Agus thubhairt Samson riu, Cuiridh mi nis toimhseachan a mach dhuibh: ma chuireas sibh gu cinnteach 'an céill domh e an taobh a stigh de sheachd làithibh na cuirme, agus gu'm faigh sibh a mach e, an sin bheir mise dhuibh deich thar fhichead brat-lìn, agus deich thar fhichead culaidh eudaich.

13 Ach mur urrainn sibh a chur 'an céill domh, an sin bheir sibhse dhomh-sa deich thar fhichead brat-lìn, agus deich thar fhichead culaidh eudaich. Agus thubhairt iad ris, Cuir a mach do thoimhseachan, agus gu'n cluinn sinn e.

14 Agus thubhairt esan riu, As an *fhear* a dh'itheas thàinig a mach biadh, agus as an *fhear* gharg thàinig a mach millsead. Agus cha b'urraim iad an toimhseachan fhuasgladh ann an trì làithibh.

15 Agus air an t-seachdamh là thubhairt iad ri mnaoi Shamsoin, Meall d'fhear, a chum gu'n innis e dhuinn an toimhseachan, air eagal gu'n loisg sinn thu féin agus tigh d'athar le teine: an ann gu sealbh a ghabhail anns na bheil againn a ghairm thu oirm? nach ann?

16 Agus ghul bean Shamsoin 'n a fhianuis, agus thubhairt i, Tha mhàin fuath agad orm, agus cha-n'eil gràdh agad domh: chuir thu mach toimhseachan do chloinn mo shluaigh, agus cha d'innis thu dhomhsa e. Agus thubhairt esan rithe, Feuch, cha d'innis mi e do m'athair no do m' mhàthair, agus an innis mi dhuitse e?

17 Agus ghul i 'n a làthair rè nan seachd

làithean a bha 'chuirm aca: agus air an t-seachdamh là dh'innis e dh'i, a chionn gu'n do chuir i gu teann ris: agus dh'innis ise an toimhseachan do chloinn a sluaigh.

18 Agus thubhairt daoine a' bhaile ris air an t-seachdamh là, roimh luidhe na gréine, Ciod a's milse na mil, agus ciod a's gairge na leòmhain? Agus thubhairt esan riu, Mur bitheadh sibh air treabhadh le m'agh-sa, clia-n fhaigheadh sibh a mach mo thoimhseachan.

19 Agus thàinig spiorad an Tighearna air gu treun, agus chaidh e sìos gu Ascelon, agns mharbh e dhiubh deich thar fhichead fear, agus ghabh e an creach, agus thug e culaidhean eudaich dhoibhsan a dh'fhuasgail an toimhseachan: agus las 'fhearg, agus chaidh e suas gu tigh 'athar.

20 Ach thugadh bean Shamsoin d'a chompanach, a bha mar charaid aige.

## CAIB. XV.

1 *Dhiultadh a bhean do Shamson. 3 Loisg e arbarh nam Philisteach. 9 Cheangladh e le fir Iudah, agus thugadh thairis e do na Philistich. 14 Mharbh e mìle fear le cnàimh-peircill.*

**A**GUS an déigh làithean àraidh, ann an àm fogharaidh a' chrùithneachd, chaidh Samson a dh'fhaicinn a mhna le meann de na gabhraibh; agus thubhairt e, Théid mi stigh a dh'ionnsuidh mo mhna do'n t-seòmar. Ach cha leigeadh a h-athair leis dol a stigh.

2 Agus thubhairt a h-athair, Gu deimhin shaoil mi gu'n d'fhuathaich thu gu tur i, agus thug mi i do d' chompanach: nach 'eil a piuthar a's òige nìs maisiche na i? bith-eadh i nis agad 'n a h-àite.

3 Agus thubhairt Samson nu'n timchioll, A nis bithidh mi nìs neò-chiontaiche na na Philistich, ged ni mi olc orra.

4 Agus chaidh Samson, agus ghlac e trì cheud sionnach, agus ghabh e leusan-teine, agus thiomndaidh e earball ri h-earball, agus chuir e leus-teine anns a' mheadhon eadar dà earball.

5 Agus an uair a chuir e na leusan ri theine, leig e air falbh iad ann measg arbhair nam Philisteach, agus loisg e 'n dà chuid na h-adagan agus mar an ceudna an t-arbarh a bha 'n a sheasamh, maille ris na fìon-lìosaibh agus ris na lìosaibh-oidh.

6 An sin thubhairt na Philistich, Co a rinn so? Agus dh'innseadh dhoibh, Samson cliamhuin an Timnataich, a chionn gu'n do ghabh esan a bhean, agus gu'n d'thug e i d'a chompanach. Agus chaidh na Philistich suas, agus loisg iad i féin agus a h-athair le teine.

7 Agus thubhairt Samson riu, Ge do rinn sibh mar so, gidheadh dìodaidh mise mi féin oirbh, agus 'n a dhéigh sin sguiridh mi.

8 Agus bhual e iad cos gu leis le h-àr mòr: agus chaidh e sìos agus ghabh e còmhnuidh ann an uaimh carraige Etain.

9 Agus chaidh na Philistich suas, agus champaich iad ann an Iudah, agus sgaoil siad iad fén ann an Lehi.

10 Agus thubhairt fir Iudah, C'ar son a thàinig sibh a nìos 'n ar n-aghaidh-ne? Agus thubhairt iadsan, A cheangal Shamsoin thàinig sinn a nìos, a dheanamh air mar a rinn esan oirne.

11 Uime sin chaidh trì mìle fear de Iudah sìos gu uaimh carraige Etain, agus thubhairt iad ri Samson, Nach 'eil fhios agad gu *bheil* na Philistich 'n an uachdarain oirne? agus ciod é so a rinn thu oirn? agus thubhairt esan riu, Mar a rinn iadsan ormsa, mar sin rinn mise orrasan.

12 Agus thubhairt iad ris, A chum thusa a cheangal tha sinn air teachd a nuas, a chum gu'n toir sinn thairis thu do làimh nam Philisteach. Agus thubhairt Samson riu, Thugaibh bhur miannan dhomh, nach buail sibh fén orm.

13 Agus fhreagair iad e, ag ràdh, Cha *bhuail*: ach ceanglaidh sinn thu gu teamn, agus bheir sinn thairis thu d'an làimh, ach gu cinnteach cha mharbh sinn thu. Agus cheangail iad e le dà chord ùr, agus thug iad a nìos e o'n charraig.

14 Agus an uair a thàinig e gu Lehi, rinn na Philistich iolach *a' dol* 'n a choinneamh: agus thàinig spiorad an Tighearna air gu treun, agus dh'fhàs na cuird a *bha* air a ghairdeanaibh mar lion a loisgeadh le teine, agus dh'fhuasgladh a cheanglaichean bhàrr a làman.

15 Agus fhuair e cuàimh-peircill ùr asail, agus chuir e mach a làmh, agus ghlac se e, agus bhuail e leis mìle fear.

16 Agus thubhairt Samson, Le cuàimh-peircill asail, dùn air dhùn, le cuàimh-peircill asail mharbh mi mìle fear.

17 Agus an uair a sguir e de labhairt, thilg e 'n cuàimh-peircill as a làmh, agus dh'ainnich e 'n t-àite sin Ramat-Lehi.

18 Agus bha tart mòr air, agus ghairm e air an Tighearn, agus thubhairt e, Thug thu an t-saorsa mhòr so do làmh do sheirbhisich: agus a nis am faigh mi bàs le tart, agus an tuit mi ann an làimh nan neo-thimchioll-ghearrta?

19 Agus sgoilt Dia lag a *bha* ann an Lehi, agus thàinig uisge as; agus dh'òl e, agus thàinig a spiorad a ris, agus dh'ath-bheothaicheadh e: uime sin thug e En-hacore mar ainm air, a *tha* ann an Lehi gu ruig an là 'n diugh.

20 Agus thug e breth air Israel ann an làithibh nam Philisteach fichead bliadhna.

## CAIB. XVI.

1 *Thug Samson leis comhlaichean geata Ghasa. 4 Mheall Delilah e, 15 agus thugadh buaidh air. 21 Chuir na Philistich a mach a shùilean.*

**A**GUS chaidh Samson gu Gasa, agus chunnaic e an sin strìopach, agus chaidh e stigh d'a h-ionnsuidh.

2 *Agus dh'innseadh do na Gasaich, ag ràdh, Thàinig Samson an so. Agus chua'rt-ich iad e, agus rinn iad feall-fholach air a shon rè na h-oidhean ann an geata a' bhaile, agus bha iad tosdach rè na h-oidhech, ag ràdh, 'N uair a thig solus na maidne, marbhaidh sinn e.*

3 Agus luidh Samson gu meadhon-oidhech, agus dh'éirich e mu mheadhon-oidhech, agus ghabh e comhlaichean geata a' bhaile, agus an dà phost, agus thug e leis iad maille ris na crannaibh, agus chuir e air a ghuailibh *iad*, agus thug e suas iad gu mullach sléibhe a *tha* fa chomhair Hebroin.

4 Agus 'n a dhéigh sin ghràdhaich e bean ann an gleann Shoreic, d'am 'ainm Delilah.

5 Agus chaidh tighearnan nam Philisteach suas d'a h-ionnsuidh, agus thubhairt iad rithe, Meall e, agus faic c'àit *am bheil* a neart mòr *a' luidhe*, agus cionnus a bhuadh-aicheas sinn air, air chor as gu'n cengail sinn e chum a cheannsachadh; agus bheir sinn dhuit, gach aon againn, mìle agus ceud *bonn* airgid.

6 Agus thubhairt Delilah ri Samson, Innis dhomh, guidheam ort, c'àit *am bheil* do neart mòr *a' luidhe*, agus cionnus a dh'fheudas tu bhì air do cheangal chum do cheannsachadh.

7 Agus thubhairt Samson rithe, Ma cheanglas iad mi le seachd goid ùra nach do thiormaicheadh, an sin bithidh mi annhunn, agus bithidh mi mar dhuine eile.

8 An sin thug tighearnan nam Philisteach suas d'a h-ionnsuidh seachd goid ùra nach do thiormaicheadh, agus cheangail i e leo.

9 (A nis *bha* daoine ri feall-fholach, a' fantuinn maille rithe anns an t-seòmar.) Agus thubhairt i ris, Na Philistich ort, a Shamsoin. Agus bhris e na goid, mar a bhrisear snàthainn ascaid an uair a bheanas e ri teine: agus cha d'fhuaras fics a neirt.

10 Agus thubhairt Delilah ri Samson, Feuch, mheall thu mi, agus dh'innis thu dhomh breugan: a nis innis dhomh, guidheam ort, cionnus a dh'fheudas tu bhì air do cheangal.

11 Agus thubhairt esan rithe, Ma cheanglas iad mi gu teamn le cordaibh ùra na h-do ghnàthaicheadh riamh, an sin bithidh mi annhunn, agus bithidh mi mar dhuine eile.

12 Agus ghabh Delilah cuird ùra, agus cheangail i e leo, agus thubhairt i ris, Na Philistich ort, a Shamsoin. (Agus *bha* luchd feall-fholach a' fantuinn anns an t-seòmar.) Agus bhris e iad bhàrr a ghairdeanan mar snàthainn.

13 Agus thubhairt Delilah ri Samson, Gu ruige so mheall thu mi, agus dh'innis thu dhomh breugan: innis dhomh cionnus a dh'fheudas tu bhì air do cheangal. Agus



thubhairt esan rithe, Ma dh'fhigheas tu seachd duail mo chinn maille ris an eige.

14 Agus dhaingnich i iad leis a' phinne, agus thubhairt i ris, Na Philistich ort, a Shamsoin. Agus mhosgail e as a chodal, agus thug e air falbh leis pinne na garmainn agus an eige.

15 Agus thubhairt ise ris, Cionnus is urrainn thu a ràdh, Tha gràdh agam dhuit, an uair nach 'eil do chridhe leam? na tri uairean so mheall thu mi, agus cha d'innis thu dhomh c'ait am bheil do neart mòr a' luidhe.

16 Agus an uair a chuir i gu teann ris gach aon là le a briathraibh, agus a choimh-eignich i e, bha 'anam air a chràdh gu bàs.

17 An sin dh'innis e dh'i a chridhe uile, agus thubhairt e rithe, Ealtainncha d'thàinig riamh air mo cheann; oir bu Nasarach do Dhia mi o bhroinn mo mhàthar: ma bhearrar mi, an sin falbhaidh mo neart uam, agus fàsaidh mi annhunn, agus bithidh mi mar gach duine eile.

18 Agus an uair a chunnaic Delilah gu'n d'innis e dh'i a chridhe uile, chuir i fios, agus ghairm i air tighearnaibh nam Philisteach, ag ràdh, Thigibh a nìs an aon uair so, oir dh'innis e dhomh a chridhe uile. An sin thàinig tighearnan nam Philisteach a nìs d'a h-ionnsuidh, agus thug iad airgid a nìs 'n an làimh.

19 Agus thug i air codal air a glùinibh; agus ghairm i air fear, agus thug i air seachd duail a chinn a bhearradh dheth; agus thòisich i air a cheannsachadh, agus dh'fhalbh a neart uaithe.

20 Agus thubhairt i, Na Philistich ort, a Shamsoin. Agus mhosgail e as a chodal, agus thubhairt e, Thèid mi mach, mar air uairibh eile, agus crathaidh mi mi féin: oir cha robh fhios aige gu'n d'imich an Tighearn iath.

21 Ach ghlac na Philistich e, agus chuir iad a mach a shùilean; agus thug iad sìos e gu Gasa, agus cheangail iad e le geimhlibh umha, agus bha e a' bleth ann an tigh a' phrìosain.

22 Gidheadh thòisich folt a chinn air fàs a ris, an déigh dha bhì air a bhearradh.

23 Agus chruinnich tighearnan nam Philisteach iad féin an ceann a chèile a dh'obradh ìobairte mòire d'an dia Dagon, agus a dheanamh gairdeachais: oir thubhairt iad, Thug ar dia thairis Samson ar nàmhaid d'ar làimh.

24 Agus an uair a chunnaic an sluagh e, mhol iad an dia: oir thubhairt iad, Thug ar dia thairis d'ar làimh ar nàmhaid, agus fear-millidh ar dùthcha, a mharbh mòran dhinn.

25 Agus an uair a bha'n eridheachan subhach, thubhairt iad, Gairmibh air Samson, a chum gu'n dean e fearas-chuideachd dhuinn. Agus ghairm iad air Samson a tigh a'

phrìosain; agus rinn e fearas-chuideachd n an làthair: agus chuir iad e eadar na puist.

26 Agus thubhairt Samson ris an òganach a ghabh greim d' a làimh, Leig dhomh na puist a làimhseachadh air am bheil an tigh n a sheasamh, a chum gu'n leig mi mo thaic riu.

27 A nis bha'n tigh làn dhaoine agus bhan; agus bha uile thighearnan nam Philisteach an sin: agus bha air mullach an tighe mu thimchioll tri mìle fear agus bean, a bha 'g amharc an uair a rinn Samson fearas-chuideachd.

28 Agus ghairm Samson air an Tighearn, agus thubhairt e, O Thighearna Dhé, cuimh-nich orm, guidheam ort, agus neartaich mi, guidheam ort, a mhàin aon uair so, O Dhé, a chum gu'm bi mi dìolta dh'aon tarr-aing air na Philistich air son mo dhà shùl.

29 Agus ghabh Samson greim de'n dà phost mheadhonach air an robh an tigh n a sheasamh, agus ris an robh e 'n taic, de h-aon diubh le a làimh dheis, agus de 'n aon eile le a làimh chlì.

30 Agus thubhairt Samson, Faigheam bàs maille ris na Philistich. Agus chrom se e féin le 'uile neart; agus thuit an tigh air na tighearnaibh, agus air an t-sluagh uile a bha ann: agus bha na mairbh a mharbh e aig a bhàs nì bu lionmhoire na iadsan a mharbh e 'n a bheatha.

31 Agus chaidh a bhràithrean agus tigh 'athar uile sìos, agus ghabh iad e, agus thug iad suas e, agus dh'adhlac iad e eadar Sorah agus Estaol, ann an àit-adhlac Mhanoah 'athar: agus thug e breth air Israel fichead bliadhna.

## CAIB. XVII.

1 Thug Micah air ais d'a mhàthair an t-airgid a ghoidcaidh, agus rinn i dealbh snaidhte agus dealbh leaghta dheth. 7 Thuarasdalaich Micah Lebhilteach gu bhì 'n a shagart aige.

**A**GUS bha duine de shliabh Ephraim, d'am b'ainm Micah.

2 Agus thubhairt e r'a mhàthair, Am mìle agus an ceud *secel* airgid, a thugadh air falbh uait, mu'n do mhallaich thu, agus mu'n do labhair thu cuideachd ann am chluasaibh-sa, feuch, tha 'nt-airgid agamsa; ghabh mise e. Agus thubhairt a mhàthair, Gu ma beannaichte thusa o'n Tighearn, a mhic.

3 Agus an uair a thug e air ais am mìle agus an ceud *secel* airgid d'a mhàthair, thubhairt a mhàthair, Naomhaich mi gu h-iomlan an t-airgid do'n Tighearn o' m' làimh air son mo mhic, a dheanamh deilbh shnaidhte, agus deilbh leaghta: a nis ma ta bheir mi air ais dhuit e.

4 Agus thug e air ais an t-airgid d'a mhàthair; agus ghabh a mhàthair dà cheud *secel* airgid, agus thug i iad do'n òr-cheard, agus rinn esan dhiubh dealbh snaidhte agus



dealbh leaghta: agus bha iad ann an tigh Mhìcach

5 Agus bha aig an duine Micah tigh dhiath-an, agus rinu e ephod, agus teraphim, agus choisrig e aon d'a mhic, agus bha e aige 'n a shagart.

6 Anns na làithibh sin cha robh rìgh air bith ann an Israel: rinn gach fear an *ni sin a bha* ceart 'n a shùilibh féin.

7 Agus bha òganach o Bhet-lehem Iudah, de theaghlach Iudah, a bha 'n a Lebhith-each, agus bha e air chuairt an sin.

8 Agus dh'imich an duine as a' bhaile o Bhet-lehem Iudah, a dhol air chuairt far am faigheadh e *àit*: agus thàinig e gu sliabh Ephraim, gu tigh Mhìcach, a' dol air aghaidh air a thurus.

9 Agus thubhairt Micah ris, Cia as a tha thu air teachd? Agus thubhairt esan ris, *Is* Lebhith-each mise o Bhet-lehem Iudah, agus *tha* mi a' triall air chuairt far am faigh mi *àite*.

10 Agus thubhairt Micah ris, Fan maille riumsa, agus bi dhomhsa a'd' athair agus a'd' shagart, agus bheir mi dhuit deich *seceil* airgid 's a' bhliadhna, agus culaidh eudaich, agus do bhiadh. Agus chaidh an Lebhith-each a stigh.

11 Agus bha'n Lebhith-each toilichte còmh-nuidh 'ghabhail maille ris an duine, agus bha'u t-òganach dha mar aon d'a mhic.

12 Agus choisrig Micah an Lebhith-each; agus bha 'n t-òganach aige 'n a shagart, agus bha e ann an tigh Mhìcach.

13 Agus thubhairt Micah, A nis tha fios agam gu'n dean an Tighearn maith dhomh, a chionn gu bheil Lebhith-each agam 'n a shagart.

## CAIB. XVIII.

1 Chuir na Danaich cùigear fhear a dh' iarr-aidh oighreachd dhoibh féin. 26 Ghlac iad Lais.

**A**NNS na làithibh sin cha robh rìgh air bith ann an Israel: agus anns na làithibh sin dh'iarr treubh nan Danach dhoibh féin oighreachd anns an gabhadh iad còmh-nuidh; oir gu ruig an là sin cha do thuit an oighreachd *uile* orra am measg threubhan Israel.

2 Agus chuir clann Dhain cùigear d' an teaghlach o'n crìochaibh, daoine treun', o Shorah agus o Estaol, a ghabhail beachd air an tìr, agus g'a rannsachadh a mach; agus thubhairt iad riu, Imichibh, ransaichibh a mach an tìr. Agus thàinig iad gu sliabh Ephraim, gu tigh Mhìcach, agus dh'fhan iad an siu rè na h-oidhche.

3 An uair a bha iad aig tigh Mhìcach, dh'athnìch iad guth an òganaich, an Lebhith-ich; agus thionndaidh iad a stigh an sin, agus thubhairt iad ris, Cò 'thug an so thu? agus ciod a tha thu 'deanamh an so? agus ciod a th'agad an so?

4 Agus thubhairt esan riu, Mar so agus

mar so rinn Micah rium, agus thuarasdaiaich e mi, agus tha mi aige a'm' shagart.

5 Agus thubhairt iad ris, Iarr comharrte, guidheamaid ort, air Dia, chum gu'n bi fios againn an soirbhich leinn 'n ar slighe air *am bheil* sinn ag imeachd.

6 Agus thubhairt an sagart riu, Imichibh 'an sith: an làthair an Tighearna *tha* bhur slighe, air am bheil sibh ag imeachd.

7 Agus dh'imich an cùigear fhear, agus thàinig iad gu Lais, agus chunnaic iad an sluagh a bha ann, a' gabhail còmh-nuidh gun umhail, a réir gnàtha nan Sidonach, sàmhach agus neo-umhaileach; agus cha robh uach-daran air bith anns an tìr, a chuireadh gu nàire *iad* ann an ni *air bith*: agus bha iad fada o na Sidonaich, agus cha robh gnothuch aca ri duine *air bith*.

8 Agus thàinig iad a dh'ionnsuidh am bràithrean gu Sorah agus Estaol; agus thubhairt am bràithrean riu, Ciod a tha sibh ag ràdh?

9 Agus thubhairt iad, Eiribh agus rachamaid suas 'n an aghaidh; oir chunnaic sinne an tìr, agus, feuch, *tha* i ro mhaith: agus *am bheil* sibhse 'n ur tàmh? na bithibh leasg gu imeachd, agus gu dol a steach a shealbhachadh na tìre.

10 'N uair a théid sibh, thig sibh a steach a dh'ionnsuidh sluaigh neo-umhailich, agus do thùr ro fharsaing; oir thug Dia thairis d'ur làimh i; àit anns nach 'eil uireasbhuidh ni air bith a th'air an talamh.

11 Agus chaidh á sin de theaghlach nan Danach, á Sorah agus á Estaol, se ceud fear, crìoslaichte le innealaibh cogaidh.

12 Agus chaidh iad suas, agus champaich iad ann an Cariat-earim, ann an Iudah: uime sin thugadh Mahaneh-dau mar ainm air an àite siu gu ruig an là'u diugh; feuch, *tha* e air cùlaobh Chariat-earim.

13 Agus chaidh iad seachad o sin gu sliabh Ephraim, agus thàinig iad gu tigh Mhìcach.

14 An sin fhreagair an cùigear fhear a chaidh a ghabhail beachd air tìr Lais, agus thubhairt iad r'am bràithribh, Am bheil fhios agaibh gu bheil anns na tighibh sin ephod, agus teraphim, agus dealbh snaidhte, agus dealbh leaghta? a nis ma ta smuaidhichibh ciod a ni sibh.

15 Agus thionndaidh iad guas a sin, agus thàinig iad gu tigh an òganaich, an Lebhithich, *eadhon* gu tigh Mhìcach, agus chuir iad failte air.

16 Agus sheas an sè ceud fear a bha de chloinn Dhain, crìoslaichte le innealaibh-cogaidh, aig dol a steach a' gheata.

17 Agus chaidh an cùigear fhear suas a chaidh a ghabhail beachd air an tìr, agus thàinig iad a stigh an siu, agus ghabh iad an dealbh snaidhte, agus an ephod, agus an teraphim, agus an dealbh leaghta: agus sheas an sagart aig dol a stigh a' gheata,

agus an sè ceud fear *a bha* crioslaichte le innealaibh cogaidh.

18 Agus an uair a chaidh iad sin a steach do thigh Mhìcach, agus a ghabh iad an dealbh snaidhte, an ephod, agus an teraphim, agus an dealbh leaghta, an sin thubhairt an sagart riu, Ciod *a tha* sibh a' deanadh?

19 Agus thubhairt iadsan ris, Bi 'd thosd, cuir do làmh air do bheul, agus falbh maille ruinne, agus bi dhuinn a'd' athair agus a'd' shagart: am fearr dhuit a bhi a'd' shagart do thigh aoin duine, na thu bhi a d' shagart do thrèibh agus do theaghlach ann an Ìsrael?

20 Agus bha cridhe an t-sagairt subhach; agus ghabh e'n ephod, agus an teraphim, agus an dealbh snaidhte, agus chaidh e ann am meadhon an t-sluaigh.

21 Agus thionndaidh iad, agus dh'imich iad, agus chuir iad a' chlànn bheag, agus an sprèidh, agus gach ni trom rompa.

22 Agus an uair a bha iad astar fada o thigh Mhìcach, chruinnich na fir a *bh'* anns na tighibh a *bha* làimh ri thigh Mhìcach iad fèin an ceann a chèile, agus chaidh iad air tòir chloinn Dhain.

23 Agus ghlaodh iad ri cloinn Dhain; agus thionndaidh iadsan an aghaidh, agus thubhairt iad ri Micah, Ciod *a tha* 'teachd riut, gu bheil thu 'teachd le leithid so de chuid-cachd?

24 Agus thubhairt esan, Mo dhiathan a rinn mi thug sibh leibh, agus an sagart, agus dh'fhalbh sibh roimhibh; agus ciod a th' agamsa tuilleadh? agus ciod e so a tha sibh ag ràdh rium, Ciod *a tha* 'teachd riut?

25 Agus thubhairt clann Dhain ris, Na chluinnear do ghuth 'n ar measg, air eagal gu'm buail daoine feargach 'n an spiorad ort, agus gu'n cail thu d'anam fèin, agus ananam do theaghlach.

26 Agus dh'imich clann Dhain air an slighe; agus an uair a chunnaic Micah gu'n *robh* iad tuilleadh 's làidir air a shon, thionndaidh e agus phill e d'a thigh.

27 Agus ghabh iad na *nìthean* a rinn Micah, agus an sagart a bh'aige, agus thàinig iad gu Lais, a dh'ionnsuidh shuaigh a *bha* samhach agus neo-umhaileach: agus bhuail siad iad le faobhar a' chlàidheimh, agus loisg iad am baile le teine.

28 Agus cha *robh* fear-saoraidh ann, a chionn gu'n *robh* e fada o Shidon, agus nach robh gnothuch aca ri duine *sam bith*; agus *bha* e anns a' ghleann a *tha* làimh ri Bet-rehob: agus thog iad baile, agus ghabh iad còmhnuidh ann;

29 Agus thug iad 'Dan mar ainm air a' bhaile, a fèir ainme Dhain an athar, a rugadh do Ìsrael: gideadh *b'e* Lais ainm a' bhaile an toiseach.

30 Agus chuir clann Dhain suas dhoibh fèin an dealbh snaidhte: agus bha Ionatan mac Ghersoim, mhic Mhanasch, e fèin agus

a mhic, 'n an sagartaibh do thrèibh Dhain, gu ruig là braigheanais na tire.

31 Agus chuir iad suas dhoibh fèin dealbh snaidhte Mhìcach, a rinn e, rè na h-ùine a bha tigh Dhé ann an Siloh.

## CAIB. XIX.

1 Chaidh Lebhìtheach gu Bet-lehem a thoirt dhachaidh a mhàna. 16 Thug seann duine aoidheachd dha aig Gibeah. 22 Mhì-ghnàth-aich daoine Ghibeah a choimhleabach.

A GUS anns na làithibh sin, an uair nach *A robh* rìgh air bith ann an Ìsrael, bha Lebhìtheach àraidh air chuairt air taobh slèibh Ephraim, a ghabh d'a ionnsuidh coimhleabach o Bhet-lehem Iudah.

2 Agus rinn a choimhleabach siùrtachd 'n a aghaidh, agus dh'fhalbh i uaith gu tigh a h-athar gu Bet-lehem Iudah, agus bha i 'n sin ceithir mìosan iomlan.

3 Agus dh'éirich a fear, agus chaidh e 'n a déigh, a chum gu'n labhradh e r'a cridhe, agus gu'n tugadh e air a h-ais i, agus 'òganach maille ris, agus dà asal: agus thug i steach e do thigh a h-athar; agus an uair a chunnaic athair na h-ighinn e, chaidh e le gairdeachas 'n a choinneamh.

4 Agus ghléidh 'athair-céile, athair na h-ighinn e, agus dh'fhan e maille ris trì làithean: agus dh'ith agus dh'òl iad, agus dh'fhan iad rè na h-oidheche an sin.

5 Agus air a' cheathramh là, 'n uair a dh'éirich iad gu moch anns a' mhaduinn, dh'éirich esan suas gu imeachd: agus thubhairt athair na h-ighinn r'a chlamhuin, Neartaich do chridhe le greim arain, agus 'n a dléigh sin innichidh sibh.

6 Agus shuidh iad sìos le 'chéile, agus dh'ith iad cuideachd, agus dh'òl iad: oir thubhairt athair na h-ighinn ris an duine, Bi toilichte, guidheam ort, agus fan rè na h-oidheche, agus bitheadh do chridhe subhach.

7 Agus an uair a dh'éirich an duine suas gu imeachd, rinn 'athair-céile dian-earail air; uime sin dh'fhan e 'n sin an oidheche sin a ris.

8 Agus dh'éirich e gu moch anns a' mhaduinn air a' chùigeamh là gu imeachd: agus thubhairt athair na h-ighinn, Neartaich do chridhe, guidheam ort. Agus dh'fhan iad gu déigh mheadhoin-là, agus dh'ith iad le 'chéile.

9 Agus an uair a dh'éirich an duine suas gu imeachd, e fèin, agus a choimhleabach, agus 'òganach, thubhairt 'athair-céile, athair na h-ighinn ris, Feuch, a nis tha'n là a' tarruing gu feasgar, fanaibh, guidheam ort, rè na h-oidheche: feuch, tha'n là a' dlùthachadh r'a chrìch, fan an so rè na h-oidheche, agus bitheadh do chridhe subhach; agus am màireach éiridh sibh gu moch a chum bhur turuis, agus théid thu dhachaidh.

10 Ach cha b'aill leis an duine fantuinn an oidheche sin, ach dh'éirich e suas agus



## BREITHEAMHNAN, XX.

dh'imich e, agus thàinig e air aghaidh fa chomhair Iebuis, (*is e sin Ierusalem*) agus *bha* maille ris dà asal le'n diollaidibh; *bha* mar an ceudna a choimhleabach maille ris.

11 Agus an uair a *bha* iad làimh ri Iebus, chaitheadh an là gu mòr; agus thubhairt an t-òganach r'a mhaighstir, Thig, guidheam ort, agus tionndaidhmid a stigh do bhaile so nan Iebusach, agus fanamaid rè na h-oidheche ann.

12 Agus thubhairt a mhaighstir ris, Chaitheadh sinn a stigh an so gu baile coigreach, nach 'eil de chloinn Israeil, ach gabhadh sinn thairis gu Gibeah.

13 Agus thubhairt e r'a òganach, Thig, agus tairngeamaid ann fagus do aon de na h-aitibh sin gu fantuinn rè na h-oidheche, ann an Gibeah, no ann an Ramah.

14 Agus ghabh iad thairis, agus dh'imich iad; agus chaidh a' ghrian sìos orra làimh ri Gibeah, a *bhuineas* do Bheniamin.

15 Agus thionndaidh iad a leth-taobh an sin, gu dol a stigh a dh'fantuinn rè na h-oidheche ann an Gibeah: agus an uair a chaidh e stigh, shuidh e sìos ann an sràid a' bhaile; oir cha robh duine sam bith a ghabh iad d'a thigh gu fantuinn rè na h-oidheche.

16 Agus, feuch, thàinig seann duine o 'obair a mach as an fhearann mu fheasgar, a *bha* mar an ceudna o shliabh Ephraim, agus *bha* e air chuairt ann an Gibeah; ach bu Bheniaminich daoine an àite.

17 Agus an uair a thog e suas a shuillean, chunnaic e duine a *bha* air thurus ann an sràid a' bhaile: agus thubhairt an seann duine, C'ait a' bheil thu dol? agus cia as a tha thu air teachd?

18 Agus thubhairt e ris, *Tha* sinn a' gabhail thairis o Bhet-lehem Iudah dh'ionnsuidh taobh shlàibh Ephraim, as am *bheil* mise: agus chaidh mi do Bhet-lehem Iudah, ach *tha* mi *nis* a' dol gu tigh an Tigh-earn'; agus cha-n'eil duine air bith ann a ghabhas mi d'a thigh.

19 Gidheadh, tha 'n dà chuid fodar agus innlinn ann air son ar n-asal, agus tha mar an ceudna aran agus fion ann air mo shon-sa, agus air son do bhanoglaich, agus air son an òganaich a *tha* maille ri d' sheir-bhisich: cha-n'eil easbhuidh ni air bith oirnn.

20 Agus thubhairt an seann duine, Sìth gu robh maille riut: gidheadh, *bitheadh* d'easbhuidh gu léir ormsa; a mhàin na fan anns an t-sràid rè na h-oidheche.

21 Agus thug e steach e d'a thigh, agus thug e innlinn do na h-asalaibh: agus nigh iad an cosan, agus dh'ith agus dh'òl iad.

22 Ach an uair a *bha* iad a' deanamh an cridhe subhach, feuch, chuairtich daoine a' bhaile, daoine a bu mhiic do Bheliah, an tigh mu'n cuairt, agus bhuail iad aig an dorus, agus labhair iad ri mhaighstir an tighe, an

seann duine, ag ràdh, Thoir a mach an duine a thàinig a dh'ionnsuidh do thighe, a chum gu'n aithnich sinn e.

23 Agus chaidh an duine, mhaighstir an tighe, mach d'an ionnsuidh, agus thubhairt e riu, Na *deanaibh*, mo bhràithrean, na deanaibh, guidheam oirbh, *cho* ole; an dèigh do'n duine so teachd a dh'ionnsuidh mo thighe-sa, na deanaibh an ni gràineil so.

24 Feuch, mo nighean, maighdean, agus a choimhleabach, iadsan bheir mi mach a nis, agus islichibhse iad, agus deanaibh riu an *ni sin a tha* maith 'n ur shùilbh: ach air an duine so na deanaibh ni cho gràineil.

25 Ach cha-n'èisdeadh na daoine ris: agus rug an duine air a choimhleabach, agus thug e mach i d'an ionnsuidh; agus dh'aithnich iad i, agus mhi-ghnàthaich iad i rè na h-oidheche gu maduinn: agus aig briseadh na fàire leig iad air falbh i.

26 Agus thàinig a' bhean ann an scarthan-ach an là, agus thuit i sìos aig dorus tighe an duine, far an robh a tighearn, gus an robh solus ann.

27 Agus dh'èirich a tighearn anns a' mhaduinn, agus dh'fhosgail e dorus an tighe, agus chaidh e mach gu imeachd air a shlighe: agus, feuch, *bha* a' bhean a choimhleabach air tuiteam sìos aig dorus an tighe, agus a làmhann air an stairsnich.

28 Agus thubhairt e rithe, Eirich, agus imicheamaid; ach cha d'thug i freagradh air bith. Agus ghabh e i air asail, agus dh'èirich an duine suas, agus chaidh e d'a àite féin.

29 Agus an uair a thàinig e d'a thigh, ghabh e sgian, agus rug e air a choimhleabach, agus roinn e i, maille r'a cnàmhan, 'n a dà mhir dheug, agus chuir e i gu uile chrìochaibh Israeil.

30 Agus thubhairt gach neach a chunnaic e, Cha d'rinneadh agus cha-n fhacas *ni air bith* cosmhuil ri so, o'n là anns an d'thàinig clann Israeil a mìs á tìr na h-Eiphit gus an là'n diugh: beachdaichibh air, gabhaibh comhairle, agus labhraibh.

## CAIB. XX.

1 Ann'an coimhthional an t-sluaigh chuir an Le-bhiheach 'an cèill an eucor a rinneadh air.

8. Shonruich clann Israeil air dol suas gu cath an aghaidh Ghibeah. 29 Sgrìosadh na Bheniaminich.

**A**N SIN chaidh clann Israeil uile mach, agus chruinnicheadh an coimhthional ri 'chéile mar aon duine, o Dhan gu Beer-seba, agus o thìr Ghilead, a dh'ionnsuidh an Tighearna gu Mispheh.

2 Agus nochd prionh-dhaoine an t-sluaigh uile, *eadhon* threubhan Israeil uile, iad féin ann an coimhthional sluaigh Dhé, ecithir cheud mìle coisiche a tharruing claidheamh.

3 (A nis chuala clann Bheniamin gu'n deachaidh clann Israeil suas gu Mispheh.)



Agus thubhairt clanu Israeil, Innsibh cionnus a bha'n t-òle so?

4 Agus fhreagair an Lebhitheach, fear na mnà a mharbhadh, agus thubhairt e, Gu Gibeah a *bhuineas* do Bheniamin thàinig mise agus mo choimhleabach, gu fantuinn ann rè na h-oidhche:

5 Agus dh'éirich fir Ghibeah a'm' aghaidh, agus chuairtich iad an tigh mu'n cuairt orm anns an oidhche: mi féin b'aill leo a mharbhadh, agus air mo choimhleabach rinn iad éigin, agus tha i marbh.

6 Agus rug mi air mo choimhleabach, agus ghearr mi i 'n a mìribh, agus chuir mi i air feadh uile fhearainn oighreachd Israeil: oir rinn iad cionta agus gràineileachd ann an Israel.

7 Feuch, 's clann Israeil sibh uile; thug-aibh seachad an so bhur focal agus bhur comhairle.

8 Agus dh'éirich an sluagh uile mar aon duine, ag ràdh, Cha téid neach air bith dhinn d'a bhùth, agus cha tionndaidh neach air bith dhinn a steach d'a thigh:

9 Ach a nis so an ni a ni sinn ri Gibeah; *théid sinn suas* le crannchur 'n a aghaidh.

10 Agus gabhaidh sinn deich fir as a' cheud air feadh uile treubhan Israeil, agus ceud as a' mhìle, agus mìle as na deich mìle, a thoirt lòn a dh'ionnsuidh an t-sluaigh, a chum gu'n dean *iad*, an uair a thig iad gu Gibeah Bheniamin, a réir na gràineileachd uile a rinn iadsan ann au Israel.

11 Mar sin chrùinnicheadh fir Israeil uile an aghaidh a' bhaile, ceaugailte ri 'chéile mar aon duine.

12 Agus chuir treubhan Israeil daoine air feadh uile thréibhe Bheniamin, ag ràdh, Ciod é an t-òle so a rinneadh 'n 'ur measg?

13 A nis ua ta thugaibh thairis *dhuinn* na daoine, clann Bheliail, a *tha* ann an Gibeah, a chum gu'n cuir sinn gu bàs iad, agus gu'n cuir sinn air falbh òle o Israeil. Ach cha-n éisdeadh clann Bheniamin ri guth am bràithrean cloinn Israeil:

14 Ach chrùinnich clann Bheniamin iad féin 'an ceann a chéile as na bailtibh gu Gibeah, chum dol a mach gu cath an aghaidh chloinn Israeil.

15 Agus dh'àirmheadh clann Bheniamin anns an àm sin as na bailtibh, sè mìle thar fhichead fear a tharruing claidheamh, a bhàrr air luchd-àiteachaidh Ghibeah.

16 Dh'àirmheadh seachd ceud fear taghta an measg an t-sluaigh so uile, seachd ceud fear taghta cli-lamhach: thilgeadh gach aon diubh so clach á crann-tàbhull air *leud* ròinneige, agus cha mhearachdaicheadh e.

17 Agus dh'àirmheadh clann Israeil air leth o Bheniamin, ceithir cheud mìle fear a tharruing claidheamh: *U'fhir* chogaidh iad so uile.

18 Agus dh'éirich clann Israeil, agus chaidh iad suas gu tigh Dhé, agus dh'fhiosraich

iad de Dhia, agus thubhairt iad, Cò dhinn a théid suas air tùs gu cath an aghaidh chloinn Bheniamin? agus thubhairt an Tighearn, *Théid* Iudah *suas* air tùs.

19 Agus dh'éirich clann Israeil anns a' mhaduinn, agus champaich iad an aghaidh Ghibeah.

20 Agus chaidh fir Israeil a mach gu cath an aghaidh Bheniamin; agus chuir fir Israeil iad féin ann an ordugh catha 'n an aghaidh aig Gibeah.

21 Agus thàinig clann Bheniamin a mach á Gibeah, agus sgrios iad sìos gu làr de chloinn Israeil air an là sin, dà mhìle thar fhichead fear.

22 Agus ghabh an sluagh, fir Israeil, misneach dhoibh féin, agus chuir iad a ris an cath ann an ordugh, far an do chuir siad iad féin 'an ordugh air a' cheud là.

23 (Agus chaidh clann Israeil suas, agus ghuid iad 'am fianuis an Tighearna gu fcasgar, agus dh'fhiosraich iad de'n Tighearn, ag ràdh, An téid mi suas a ris gu cath an aghaidh chloinn Bheniamin mo bhràthar? Agus thubhairt an Tighearn, Rachaibh suas 'n a aghaidh.)

24 Agus thàinig clann Israeil am fagus an aghaidh chloinn Bheniamin an dara là.

25 Agus chaidh Benjamin a mach 'n an aghaidh á Gibeah an dara là, agus sgrios iad de chloinn Israeil a ris ochd mìle deug fear sìos gu làr; tharruing iad so uile claidheamh.

26 Agus chaidh clann Israeil uile agus an sluagh uile suas, agus thàinig iad gu tigh Dhé, agus ghuid iad, agus shuidh iad an sin 'am fianuis an Tighearn, agus thraisg iad air an là sin gu fcasgar, agus dh'ìobair iad ìobairtean-loisgte agus ìobairtean-sith 'am fianuis an Tighearna.

27 Agus dh'fhiosraich clann Israeil de'n Tighearn, (oir *bha* àire coimhcheangail Dhé an sin auns na làithibh sin;

28 Agus sheas Phinehas, mac Eleasair, mhic Aaroin, 'n a làthair anns na làithibh sin,) ag ràdh, An téid mi fathast a ris a mach gu cath an aghaidh chloinn Bheniamin mo bhràthar, no an sguir mi? Agus thubhairt an Tighearn, Rachaibh suas; oir am màireach bheir mise thairis iad do d' làimh.

29 Agus chuir Israel luchd feall-fholach mu'n cuairt air Gibeah.

30 Agus chaidh clann Israeil suas an aghaidh chloinn Bheniamin air an treas là, agus chuir siad iad féin ann an ordugh catha an aghaidh Ghibeah, mar air uairibh cile.

31 Agus chaidh clann Bheniamin a mach an aghaidh an t-sluaigh, agus thairngeadh air falbh iad o'n bhaile; agus thòisich iad air *cuid* de'n t-sluagh a bhualachd agus a mharbhadh, mar air uairibh eile, anns na rathaidibh mòra, d'am *bheil* aon a' dol suas gu tigh Dhé, agus aon gu Gibeah anns au

fhèarram, mu thimchioll deich fir fhichead de Israel.

32 Agus thubhairt clann Bheniamin, *Tha iad air am buaidh sìos romhainn, mar air tùs. Ach thubhairt clann Israeil, Teich-eamaid, agus tairngeamaid iad o'n bhaile gu ruig na rathaidibh mòra.*

33 Agus dh'èirich clann Israeil uile suas as an àit, agus chuir siad iad fèin ann an ordugh catha ann am Baal-tamar: agus thàinig luchd feall-fholach Israeil a mach as an àitibh, *eadhon* o uchdaich Ghìbeah.

34 Agus thàinig an aghaidh Ghìbeah deich mìle fear taghta mach a h-Israel uile, agus bhà'n cath cruaidh: ach cha robh fhios aca gu'n robh olc ann fagus doibh.

35 Agus bhuail an Tighearn Beniamin 'am fianuis Israeil: agus sgrios clann Israeil de Bheniamin air an là sin, cùig mìle fichead agus ceud fear; tharruing iad so uile claidheamh.

36 Agus chunnaic clann Bheniamin gu'n do bhuailleadh iad: oir thug fir Israeil àite do na Beniaminich, a chionn gu'n d' earb iad ris an luchd feall-fholach a shuidhich iad làmh ri Gibeah.

37 Agus rinn an luchd feall-fholach cabh-ag, agus ruith iad a stigh air Gibeah; agus tharruing an luchd feall-fholach air an aghaidh, agus bhuail iad am baile uile le faobhar a' chlaidheimh.

38 A nis bha comharadh suidhichte eadar fir Israeil agus an luchd feall-fholach, gu'n tugadh iad air lasair mhòir le deataich éirigh suas as a' bhaile.

39 Agus an uair a chaidh fir Israeil air an ais anns a' chath, thòisich Beniamin air fir Israeil a bhuail, agus mharbh iad diubh mu thimchioll deich thar fhichead fear; oir thubhairt iad, Gu cinnteach tha iad air am buaidh sìos romhainn, mar anns a' cheud chath.

40 Agus an uair a thòisich an lasair air éirigh suas as a' bhaile, maille ri meall deataich, dh'amhairc na Beniaminich air an cùlaobh, agus, feuch, dh'èirich deatach a' bhaile suas gu nèamh.

41 Agus an uair a phill fir Israeil a ris, bha uamhas air fir Bheniamin; oir chunnaic iad gu'n robh olc air teachd orra.

42 Uime sin thionndaidh iad an aghaidh 'am fianuis chloinn Israeil ri slighe an fhàsaich; ach rug an cath orra: Agus iadsan a *thàinig* a mach as na bailtibh sgrios iad 'n am meadhon.

43 Chuairtich iad na Beniaminich air gach taobh, ruaig siad iad, shaltair iad orra gun sbàirn thall fa chomhair Ghìbeah, leth ri éirigh na gréine.

44 Agus thuit de Bheniamin ochd mìle deug fear; iad uile 'n an daoinibh treuna.

45 Agus phill iad, agus theich iad a dh'ionnsuidh an fhàsaich gu carraig Rimoin; agus dh'ìoghlum iad diubh air na

rathaidibh mòra cùig mìle fear; agus lean iad gu cruaidh iad gu ruig Gidom, agus mharbh iad diubh dà mhìle fear.

46 Agus b'iadsan uile a thuit de Bheniamin air an là sin, cùig mìle thar fhichead fear a tharruing claidheamh; iad uile 'n an daoinibh treuna.

47 Ach phill sè ceud fear, agus theich iad do'n fhàsach gu carraig Rimoin, agus dh'fhan iad ann an carraig Rimoin ceithir mìosan.

48 Agus phill clann Israeil air an ais air cloinn Bheniamin, agus bhuail siad iad le faobhar a' chlaidheimh, araon daoine gach baile, agus an spréidh, agus gach ni air bith a fluaradh ann: mar an ceudna chuir iad ri theine na bàltean uile d'an d'thàinig iad.

## CAIB. XXI.

1 *Rinn an sluagh caoidh air son sgrios nam Beniamineach. 16 Thug iad comhairle dhoibhsan diubh a mhair beò, mnathan a ghlacadh dhoibh fèin de nigheanaibh Shìloh, 'n uair a thigeadh iad a mach a dhannasadh.*

**A** NIS mhionnaich fir Israeil ann am Misphe, ag ràdh, Cha toir fear air bith againn a nighean do Bheniamin 'n a mnaoi.

2 Agus thàinig an sluagh gu tigh Dhé, agus dh'fhan iad an sin gu feasgar 'am fianuis Dhé, agus thog iad suas an guth, agus ghluil iad gu goirt;

3 Agus thubhairt iad, C'ar son, O Thighearna Dhé Israeil, a thàinig an ni so gu crìch ann an Israel, gu'm bitheadh an diugh aon treubh a dh'easbhuidh air Israel?

4 Agus air an là màireach dh'èirich an sluagh gu moch, agus thog iad an sinaltair, agus dh'ìobair iad ìobairtean-loisgte agus ìobairtean-sith.

5 Agus thubhairt clann Israeil, Cò am measg uile threubhan Israeil, nach d'thàinig a nìos maille ris a' choimhthional a dh'ionnsuidh an Tighearna? oir thug iad mionnan mòra mu thimchioll-san nach tigeadh a nìos a dh'ionnsuidh an Tighearna gu Misphe, ag ràdh, Cuirear gu cinnteach gu bàs e.

6 Agus ghabh clann Israeil aithreachas a thaobh Bheniamin ann bràthar, agus thubhairt iad, Ghearradh air falbh an diugh aon treubh o Israel.

7 Cionnus a ni sinn air son bhan dhoibhsan a mhair, agus gu'n do mhionnaich sinn air an Tighearn, nach toir sinn dhoibh d'ar nigheanaibh mar mhnàibh?

8 Agus thubhairt iad, Cia an aon de threubhan Israeil, nach d'thàinig a nìos a dh'ionnsuidh an Tighearna gu Misphe? agus, feuch, cha d'thàinig duine do'n champ o Iabes-gilead dh'ionnsuidh a' choimhthionail.

9 Oir dh'àirmheadh an sluagh, agus, feuch, cha robh neach air bith an sin de luchd-àiteachaidh Iabes-gilead.



10 Agus chuir an coimhthional an sin dà mhìle dheug fear dhiubhsan a bu tréine, agus dh'àithn iad dhoibh, ag ràdh, Fálbhaibh agus buailibh luchd-àiteachaidh Iabeis-ghilead le faobhar a' chlaidheimh, maille ris na mnàibh agus ris a' chloinn.

11 Agus so an nì a ni sibh, Sgrìosaidh sibh gu tur gach firionnach, agus gach bean a luidh le firionnach.

12 Agus fhuair iad am measg luchd-àiteachaidh Iabeis-ghilead ceithir cheud maighdean òg, aig nach robh aithne air fear le luidhe le firionnach sam bith: agus thug iad do'n champ iad gu Siloh, a *tha* ann an tìr Chanaain.

13 Agus chuir an coimhthional uile *daoine* uatha, agus labhair iad ri cloinn Bheniamin a *bha* ann an carraig Rìmoìn, agus ghairm iad orra ann an sìth.

14 Agus thàinig Benjamin a ris anns an àm sin; agus thug iad dhoibh mnathan a ghléidh iad beò de mhnaibh Iabeis-ghilead: gideadh cha d'fhuair iad *na bualteòir* mar sin.

15 Agus ghabh an sluagh aithreachas a thaobh Bheniamin, a chionn gu'n d'rinn an Tighearn briseadh ann an treubhan Israeil.

16 Agus thubhairt seanairean a' choimhthionail, Cionnus a ni sinn air son bhan dhoibh-san a mhair, oir sgrìosadh na mnathan anach à Beniamin?

17 Agus thubhairt iad, *Tha* oighreachd ann air an son-san a chaidh as de Bheniamin: agus cha sgrìosar treubh à h-Israel.

18 Gidheadh, cha-n fheud sinn mnathan a thoirt doibh d'ar nigheanaibh féin; oir nìhionnaich clann Israeil, ag ràdh, Mall-aichte *gu robh* esan a bheir bean do Bheniamin.

19 An sin thubhairt iad, Feuch, *tha* féill an Tighearna ann an Siloh gach bliadhna, *anns an àit* a tha air an taobh mu thuath de Bhet-el, air an taobh an ear de'n rathad mhòr a tha 'dol suas o Bhet-el gu Sechem, agus air an taobh mu dheas de Lebonah.

20 Uime sin dh'àithn iad do chloinn Bheniamin, ag ràdh, Fálbhaibh, agus deanaibh feall-fholach anns na fìon-liosaibh;

21 Agus seallaibh, agus, feuch, ma thig nigheanan Shiloh a mach a dhannsadh ann an damnsaibh, an sin thigibh-sa mach as na fìon-liosaibh, agus glacaibh, gach fear dhibh, a bhean de nigheanaibh Shiloh, agus rach-aibh gu tìr Bheniamin.

22 Agus tarlaidh, 'n uair a thig an aithrichean no am bràithrean d'ar n-ionnsuidh-ne a dheanamh gearain, gu'n abair sinne ri, Bithibh bàigheil ri u air ar son-ne, a chionn nach do ghléidh sinn *de* gach fear a bhean anns a' chogadh; oir cha d'thug sibhse dhoibh anns an àm so, air chor as gu'm bitheadh sibh ciontach.

23 Agus rinn clann Bheniamin mar sin, agus ghabh iad mnathan dhoibh féin a réir an àireimh, dhiubhsan a bha 'damnsadh, a ghlac iad; agus chaidh iad agus phill iad a dh'ionnsuidh an oighreachd, agus thog iad suas na bailtean, agus ghabh iad còmhnuidh anna.

24 Agus dh'imich clann Israeil as a sin 's an àm sin, gach duine dh'ionnsuidh a thréibhe, agus a dh'ionnsuidh a theaghlaich, agus chaidh iad a mach as a sin gach duine dh'ionnsuidh 'oighreachd féin.

25 Anns na làitheibh sin cha *robh* rìgh air bith ann an Israel: rinn gach duine an *nì sin* a bha ceart 'n a shùilibh féin.

## R U T.

### CAIB. I.

1 Chaidh Elimelech agus a theaghlach gu bhì air chuairt ann am Moab, air son na gorta a bha ann an tìr Iudah. 6 An dèigh a bhàis, phill a bhean Naomi dhachaidh, maille r'a ban-chliamhuin Rut.

**A**NIS ri linn nam breithcamh, bha gorta 's an tìr: agus chaidh duine àraidh de Bhet-lehem Iudah gu bhì air chuairt ann am fearann Mhoab, e féin agus a bhean, agus a dhithis mhac.

2 Agus *Ùe* ainm an duine Elimelech, agus ainm a mhnà Naomi, agus ainm a dhithis mhac Mahlon agus Chilion, Ephrataich de Bhet-lehem Iudah: agus thàinig iad gu fearann Mhoab, agus dh'fhan iad an sin.

3 Agus fhuair Elimelech fear Naomi bàs; agus dh'fhàgadh ise, agus a dithis mhac.

4 Agus ghabh iad dhoibh féin mnathan de

na Ban-mhoabaich: *Ùe* ainm aoin *dìubh* Orpah, agus ainm na mhnà eile Rut: agus ghabh iad còmhnuidh an sin mu thimcheall deich bliadhna.

5 Agus fhuair mar an ceudna Mahlon agus Chilion le 'chéile bàs; agus dh'fhàgadh a' bhean as eugmhais a dithis mhac, agus as eugmhais a fir.

6 Agus dh'éirich i suas maille r'a ban-chliamhuinibh, a chum gu'm pillcadh i o'fhearann Mhoab: oir chual' i ann am fearann Mhoab, gu'n d'amhairc an Tighearn air a shluagh le aran a thabhairt doibh.

7 Uime sin chaidh i mach as an àite 's an robh i, agus a dà bhan-chliamhuin maille r'i; agus dh'im'ch iad air an t-slighe gu dol air an ais do thìr Iudah.

8 Agus thubhairt Naomi r'a dà bhan-



chliamhuin, Falbhaibh, pilleadh gach aon agaibh do thigh a màthar: gu'm buineadh an Tighearn gu caoinhneil ribh, mar a bhuin sibhse riuthasan nach maircann, agus riumsa.

9 Gu'n tugadh an Tighearn dhuibh gu'm faigh sibh fois, gach aon dhiubh ann an tigh a fir. An sin phòg i iad: agus thog iad suas an guth, agus ghuil iad.

10 Agus thubhairt iad rithe, Gu cinnteach maille riutsa pillidh sinne dh'ionnsuidh do shluaigh.

11 Agus thubhairt Naomi, Pillibh, mo nigheanan; c'ar son a théid sibh maille riumsa? am bheil fathast mic agamsa a'm innibh, gu bhi agaibh 'n am fir?

12 Pillibh, mo nigheanan; imichibh; oir tha mise tuilleadh's sean gu fear a bhi agam: nau abrainn, Tha dòchas agam, *nam* bith-eadh fear agam eadhon an nochd, agus mar an ceudna gu'm beirinn mic,

13 Am feitheadh sibh riu gus an cinneadh iad? am fanadh sibh air an son gun fhir a bhi agaibh? na *deanaibh sin*, mo nigheanan; oir tha mi ro dhoilich air bhuir sonsa, gu'n deachaidh làmh an Tighearna mach a'm' aghaidh-sa.

14 Agus thog iad suas an guth, agus ghuil iad a ris: agus phòg Orpah a màthair-chéile, ach dhlùth-lean Rut rithe.

15 Agus thubhairt i, Feuch, tha do phliuthar-chéile air pillinn a dh'ionnsuidh a shuaigh, agus a dh'ionnsuidh a diathan; pill thusa 'n déigh do pheathar-chéile.

16 Agus thubhairt Rut, Na h-iarr orm d'fhàgail, no pilltinn o bhi 'g ad leantuinn: oir ge b'e taobh a théid thusa, théid mise; agus far an gabh thusa tàmh, gabhaidh mise tàmh: *is e* do shluagh-sa mo shluagh-sa, agus do Dhia-sa mo Dhia-sa.

17 Fàr am faigh thusa bàs, gheibh mise bàs, agus an sin adhlaiccar mi. Gu'n deanadh an Tighearn mar sin ormsa, agus tuilleadh mar an ceudna, *ma* chuireas ach am bàs dealachadh eadar mise agus thusa.

18 'N uair a chunnaic i gu'n robh i suidhichte air dol maille rithe, an sin sguir i de labhairt rithe.

19 Agus dh'imich iad le 'chéile gus an d'fhàinig iad gu Bet-lehem. Agus an uair a bha iad air teachd gu Bet-lehem, ghluais-eadh am baile uile mu'n timechioll, agus thubhairt iad, An i so Naomi?

20 Agus thubhairt ise riu, Na h-abraibh Naomi rium: abraibh Màra rium: oir bhuin an t-Uile-chumhachdach gu ro gheur rium.

21 Chaidh mi mach làn, agus thug an Tighearn air m'ais mi falamh. C'ar son ma ta their sibh Naomi rium, agus gu'n d'thug an Tighearn fianuis a'm' aghaidh, agus gu'n do chuir an t-Uile-chumhachdach fo àmhghar mi?

22 Mar sin phill Naomi, agus Rut a' Bhan-mhoabach, bean a mic, maille rithe, a phill

á fearann Mhoab: agus thàinig iad gu Bet-lehem ann an toiseach na buain-eorna.

## CAIB. II.

1 *Chaidh Rut a dhìoghlum ann an achadh Bhoais. 4 Chuir esan eolas oirre, 8 agus nochd e caoinhneas dhi.*

A GUS bha aig Naomi caraid a thaobh a fir, duine cumhachdach aig an robh mòr bheartas, de theaghlach Elimelech, agus b'e ainm Boas.

2 Agus thubhairt Rut a' Bhan-mhoabach ri Naomi, Leig dhomh a nis dol do'n achadh, agus diasan arbhair a dhìoghlum an déigh an ti sin, aig am faigh mi deadh-ghean 'n a shùilibh. Agus thubhairt i rithe, Falbh, mo nighean.

3 Agus dh'fhalbh i, agus thàinig i, agus dhìoghlum i 's an achadh an déigh nam buanaichean; agus thachair dhi dol air earrann de'n achadh 'bu le Boas, a *bha* de theaghlach Elimelech.

4 Agus, feuch, thàinig Boas o Bhet-lehem, agus thubhairt e ris na buanaichibh, Gu robh an Tighearn maille ribh: agus thubhairt iadsan ris, Gu'm beannaicheadh an Tighearn thusa.

5 An sin thubhairt Boas r'a òglach a chuireadh os ceann nam buanaichean, Cò leis an òg-bhean so?

6 Agus fhreagair an t-òglach a chuireadh os ceann nam buanaichean, agus thubhairt e, *Is i* so an òg-bhean Mhoabach, a thàinig air a h-ais maille ri Naomi á fearann Mhoab:

7 Agus thubhairt ise, Guidheam ort, leig dhomh dìoghlum, agus tional am measg nan sguab an déigh nam buanaichean: agus thàinig i, agus dh'fhuirich i eadhon o'n mhaduinn gus a nis, gu'n d'fhan i tamull beag a stigh.

8 An sin thubhairt Boas ri Rut, Nach cluinn thu, mo nighean? Na gabh a dhìoghlum ann an achadh eile, agus na falbh á so, ach fan an so làmh ri m' ghruagaichibh-sa.

9 *Bitheadh* do shùilean air an achadh a bhuaincas iad, agus falbh thusa 'n an déigh. Nach d'aithn mise do na h-òganaich gun bheantuinn riut? agus an uair a bhitheas iotadh ort, falbh a dh'ionnsuidh nan soithichean, agus òl de'n *uisge* a tharruing na h-òganaich.

10 An sin thuit i air a h-aghaidh, agus chrom si i féin gu làr, agus thubhairt i ris, C'ar son a fhuair mi deadh-ghean a'd' shùilibh, gu'n cuireadh tu eòlas orm, agus mi a'm' choigreach?

11 Agus fhreagair Boas, agus thubhairt o rithe, Dh'innscadh gu h-iomlan dhomhsa gach *ni* a rinn thu do d' mhàthair-chéile an déigh bàis d'fhir, agus mar a dh'fhàg thu d'athair agus do mhàthair, agus an tir anns an d'rugadh tu, agus a tha thu air teachd a dh'ionnsuidh shuaigh nach b'aithne dhuit roimhe so.

12 Gu'n dioladh an Tighearn do shaothair, agus gu robh do dhuais iomlan o'n Tighearn Dia Israeil, fo a sghaithaibh an d'fhàinig thu a chur do dhòchais.

13 Agus thubhairt ise, Faigheam deadh-ghèan a'd' shùilibh, mo Thighearna, do bhrìgh gu'n d'thug thu sòlas dhomh, agus gu'n do labhair thu gu caomhneil ri d' bhanoglaich, ged nach 'eil mi cosmhuil ri h-aon de d' ghruagaichibh-sa.

14 Agus thubhairt Boas rithe, Aig àm bidh thig thusa an so, agus ith de'n aran, agus tum do ghreim anns an fhion-ghheur. Agus shuidh i ri taobh nam buanaichean: agus shìn c dhi *sìol* cruaidhichte, agus dh'ith i, agus shàsuicheadh i, agus dh'fhàg i fuigh-eall.

15 Agus an uair a dh'éirich i suas gu dìoghlum, dh'àithn Boas d'a òganaich, ag ràdh, Eadhon am measg nan sguab dìoghlumeadh i, agus na cuiribh nàire oirre.

16 Agus cuideachd leigibh d'ur deoin le *cuid* de na dlòghaibh tuiteam air a son, agus fagaibh *iad* a chum gu'n dìoghlum i *iad*, agus na tugaibh achmhasan dhi.

17 Mar sin dhìoghlum i 's an achadh gu feasgar, agus bhual i as na dhìoghlum i; agus bha *ann* mu thimchioll ephah corna.

18 Agus thog i suas e, agus chaidh i do'n bhaile, agus chunnaic a màthair-chéile na dhìoghlum i: agus chuir i a làthair, agus dhug i dhi na dh'fhàg i, an déigh dhi bhi sàsuichte.

19 Agus thubhairt a màthair-chéile rithe, C'àit an do dhìoghlum thu'n diugh? agus c'àit an do shaothraich thu? beannaichte gu robh an tì a chuir eòlas ort. Agus dh'innis i d'a màthair-chéile co aig a shaothraich i, agus thubhairt i, *Is* e ainm an duine aig an do shaothraich mi 'n diugh, Boas.

20 Agus thubhairt Naomi r'a ban-chliamhuin, Beannaichte gu robh esan o'n Tighearn, nach do leig dheth a chaoimhneas do na beothaibh, agus do na marbhaibh. Agus thubhairt Naomi rithe, *Tha* 'n duine dlùth 'an dàimh dhuinn; is aon e d'ar dilsibh a's faigse.

21 Agus thubhairt Rut a' Bhan-mhoabach, Mar an ceudna thubhairt e riumsa, Làimh ri m'òganaich-sa fanaidh tu, gus an crìochnaich iad m'fhoghar uile.

22 Agus thubhairt Naomi ri Rut a ban-chliamhuin, *Is* fearr dhuit, mo nighean, dol a mach maille r'a ghruagaichibh, a chum nach coinnich iad thu ann an achadh sam bith eile.

23 Dh'fhan i uime sin làimh ri ghruagaichibh Bhoais a dhìoghlum, gus an do chrìochnaich eadh foghar an eorna, agus foghar a' chruithneachd; agus ghabh i còmhuidh maille r'a màthair-chéile.

1 *Air comhairle Naomi, 5 chaidh Rut agus luidh i aig cosaibh Bhoais. 13 Gheall Boas gu'n deanadh e rithe dlìghe fir-dàimh.*

**A**N SIN thubhairt Naomi a màthair-chéile rithe, Mo nighean, nach iarr mise suaimhneas dhuitse, chum gu'n éirich gu maith dhuit?

2 Agus a nis nach 'eil Boas d'ar dilsibh, maille r'a ghruagaichibh an robh thu? Feuch, *bithidh* e a' fasgnadh eorna an nochd air an urlar-bhualaidh.

3 Uime sin nìgh thu féin, agus ung thu féin, agus cuir do thrusgan ort, agus gabh sìos do'n urlar-bhualaidh: *ach* na dean thu féin aithnichte do'n duine, gus an sguir e dh'itheadh agus a dh'òl.

4 Agus an uair a luidheas e sìos, bheir thu faineair an t-àit anns an luidh e, agus thèid thu agus rùisgidh tu a chosan, agus luidhidh tu sìos; agus innsidh e dhuit ciod a ni thu.

5 Agus thubhairt i rithe, Gach *ni* a tha thu ag ràdh rium, ni mise.

6 Agus chaidh i sìos do'n urlar-bhualaidh, agus rinn i a réir gach *ni* a dh'àithn a màthair-chéile dhi.

7 Agus an uair a dh'ith agus a dh'òl Boas, agus a bha a chridhe subhach, chaidh e a luidhe sìos aig ceann an dùin arbhair: agus thàinig i gu sàmhach, agus rùisg i a chosan, agus luidh i sìos.

8 Agus an uair a bha e mu mheadhon-oidhche, bha eagal air an duine, agus thionndaidh se e féin; agus, feuch, bean 'n a luidhe aig a chosaibh.

9 Agus thubhairt e, Cò thusa? Agus fhreagair i, *Is* mise Rut do bhanoglach: sgaol uime sin iomall d'eudaich air do bhanoglaich, oir *is* fear-dàimh thu.

10 Agus thubhairt e, Beannaichte gu robh thusa o'n Tighearn, mo nighean; nochd thu tuilleadh caomhneis mu dheireadh na an toiseach, do bhrìgh nach deachaidh tu 'n déigh òigfhearan, bochd no beartach.

11 Agus a nis, mo nighean, na bitheadh eagal ort; gach *ni* a tha thu ag iarraidh, ni mi dhuit; oir tha fios aig uile bhaile mo shluaigh gur bean bheusach thu.

12 Agus a nis tha e fìor gur fear-dàimh *dhuit* mise; gidheadh tha fear-dàimh a's faigse *dhuit* na mi.

13 Fan an nochd, agus anns a' mhaduinn ma ni e riut dlìghe fir-dàimh, *tha sin* gu maith, deanadh e dlìghe fir-dàimh; ach mur bi e toileach dlìghe fir-dàimh a dheanamh riut, an sin ni mise dlìghe fir-dàimh riut, *mar* is beò an Tighearn: luidh sìos gu maduinn.

14 Agus luidh i sìos aig a chosaibh gu maduinn: agus dh'éirich i mu'n robh e 'n comas do dhuine duin' eile aithneachadh. Agus thubhairt e, Na bitheadh fios aig



*neach air bith* gu'n d'fhàinig bean a steach do'n urlar-bhualaidh.

15 Mar an ceudna thubhairt e, Thoir an so am brat a tha agad umad, agus cum e. Agus chum i e, agus thomhais e sè *toimhsean* eorna, agus chuir e oirre iad; agus chaidh i a steach do'n bhaile.

16 Agus an uair a thàinig i dh'ionnsuidh a màthar-chéile, thubhairt i, Cò thusa, mo nighean? agus dh'innis i dhi gach *ni* a rinn an duine dhi.

17 Agus thubhairt i, Na sè *toimhsean* eorna so thug e dhomh; oir thubhairt e rium, Na imich falamh a dh'ionnsuidh do mhàthar-chéile.

18 Agus thubhairt ise, Fuirich, mo nighean, gus am bi fios agad cionnus a dh'èir-eas do'n chùis: oir cha bhi an duine aig fois gus an crìochnaich e 'n gnotluch an diugh.

#### CAIB. IV.

1 *Ghairm Boas air an fhear-dàimh a b'fhaigse, chum gu'm fuasgladh e fearann Elimelech.*  
6 *Dhiùlt esan 'fhuasgladh.* 13 *Phòs Boas Rut.* 17 *Rug ise Obed, sean-athair Dhaibhidh.*

**A**N SIN chaidh Boas suas a dh'ionnsuidh a' gheata, agus shuidh e sìos an sin: agus, feuch, bha 'm fear-dàimh mu'n do labhair Boas a' dol seachad, agus thubhairt e ris, Ho, a leithid so a dh'fhear! thig a leth-taobh, suidh sìos an so. Agus thàinig e a leth-taobh, agus shuidh e sìos.

2 Agus ghabh e deichnear dhaoine de sheanairibh a' bhaile, agus thubhairt e, Suidhibh sìos an so. Agus shuidh iad sìos.

3 Agus thubhairt e ris an fhear-dàimh, Tha Naomi, a thàinig air a h-ais á fearann Mhoibh, gu earrann de'n achadh a bu le ar bràthair Elimelech, a reic.

4 Agus smuainich mi air fios a thoirt duit, ag ràdh, Ceannaich e 'am fianuis an luchd-àiteachaidh, agus 'am fianuis shean-airean mo shluaigh: ma dh'fhuasgaileas tu e, fuasgail e; ach mur fuasgail thu e, innis dhomh, a chum gu'm bi fios agam: oir cha-n'èil neach air bith ann gu 'fhuasgladh ach thusa, agus mise a'd' dheigh-sa. Agus thubhairt esan, Fuasgailidh mise e.

5 An sin thubhairt Boas, 'S an là anns an ceannaich thu 'n t-achadh o làimh Naomi, feumaidh tu cuideachd a cheannach o Rut a' Bhan-mhoabach, bean a' mhairbh, a thogail suas ainme a' mhairbh air 'oighreachd-san.

6 Agus thubhairt am fear-dàimh, Cha-n fheud mi 'fhuasgladh dhomh féin, air eagail gu mill mi m' oighreachd féin: fuasgail thusa mo chòir dhuit féin, oir cha-n fheud mise a fuasgladh.

7 A nis *b'e* so o shean an gnàth ann an Israel a thaobh fuasglaidh, agus a thaobh

iomlaid, a dhaingneachadh gach *ni*: chuir-eadh duine dheth a bhròg, agus bheireadh e d'a choimhearsnach *i*: agus bha so mar fhianuis ann an Israel.

8 Uime sin thubhairt am fear-dàimh ri Boas, Ceannaich air do shon féin e: agus chuir e dheth a bhròg.

9 Agus thubhairt Boas ris na seanairibh, agus ris an t-sluagh uile, *Is* fianuisean sibhse an diugh, gu'n do cheannaich mise gach *ni 'bu* le Elimelech, agus gach *ni 'bu* le Chilion, agus le Mahlon, o làimh Naomi.

10 Agus mar an ceudna Rut a' Bhan-mhoabach, bean Mhahloin, cheannaich mi dhomh féin gu bhi 'n a mnaoi agam, a thogail suas ainme a' mhairbh air 'oighreachd, a chum nach gearrar as ainm a' mhairbh á meadhon a bhràithrean, agus o gheata 'àite féin: *is* fianuisean sibhse an diugh.

11 Agus thubhairt an sluagh uile a bha 's a' gheata, agus na seanairian, *Is* fianuisean sinn: gu'n deanadh an Tighearn a' bhean a tha 'teachd a dh'ionnsuidh do thighe, mar Rachel agus mar Leah, a thog suas le 'chéile tigh Israel: agus dean thusa gu cubhaidh ann an Ephratah, agus bi cliuiteach ann am Bet-lehem;

12 Agus bitheadh do thigh mar thigh Phareis, (a rug Tamar do Iudah,) de'n t-sliochd a bheir an Tighearn dhuit o'n mhnai òig so.

13 Agus ghabh Boas Rut, agus bha i aige 'n a mnaoi: agus chaidh e stigh d'a h-ionnsuidh, agus thug an Tighearn toirrch eas dhi, agus rug i mac.

14 Agus thubhairt na muathan ri Naomi, Beannaichte gu robh an Tighearn nach d'fhàg thusa an diugh gun fhear-dàimh, a chum gu'm bi 'ainm cliuiteach ann an Israel.

15 Agus bithidh e dhuit 'n a fhear ath-nuadhachaidh do bheatha, agus 'n a fhear-altruim do shean aois: oir is i do bhan-chliamhuin, aig am bheil gràdh dhuit, a's fearr dhuit na seachd mic, a rug e.

16 Agus ghabh Naomi an leanabh, agus chuir i 'n a h-uchd e, agus bha i 'n a ban-altrum aige.

17 Agus thug na ban-choimhearsnaich ainm air, ag ràdh, Rugadh mac do Naomi; agus thug iad Obed mar ainm air: *Is* esan athair Iese, athar Dhaibhidh.

18 A nis *is* iad so ginealach Phareis: Ghin Phares Hesron,

19 Agus ghin Hesron Ram, agus ghin Ram Aminadab,

20 Agus ghin Aminadab Nahson, agus ghin Nahson Salmon,

21 Agus ghin Salmon Boas, agus ghin Boas Obed,

22 Agus ghin Obed Iese, agus ghin Iese Daibhidh.



# CEUD LEABHAR SHAMUEIL,

D'AN AINM, AIR MHODH EILE,

## CEUD LEABHAR NAN RIGH.

### CAIB. I.

1 *Eleanah agus a dhà mhnaoi. 9 Urnuigh Hanah. 20 Rugadh Samuel.*

**A**NIS bha duine àraidh o Ramataim-sophim, o shliabh Ephraim, agus *Ue* ainm Eleanah, mac Ierohaim, mhic Elihu, mhic Thohu, mhic Shuph, Ephratach.

2 Agus bha dithis bhan aige: ainm mnà dhiubh Hanah, agus ainm na mnà eile Peninah. Agus aig Peninah bha clann, ach aig Hanah cha robh clann.

3 Agus thàinig an duine so nìos as a bhaile gach bliadhna, a dheanamh aoraidh agus a dh'ìobradh do Thighearn nan sluagh ann an Siloh: agus *bha* dà mhac Eli, Hophni agus Phinehas, sagartan an Tighearna an sin.

4 Agus an uair a thàinig an t-àm anns an d'ìobair Eleanah, thug e d'a mhnaoi Peninah, agus d'a mic uile agus d'a nigheanaibh, cuibhriannan.

5 Ach do Hanah thug e cuibhrionn dhù-bailte; oir ghràdhaich e Hanah: ach dhruid an Tighearn a brù.

6 Agus bhrosnaich a h-eascairid i mar an ceudna gu feirg, a thoirt oirre gearan a dheanamh, a chionn gu'n do dhruid an Tighearn a brù.

7 Agus mar sin rinn e gach bliadhna, 'n uair a thàinig i nìos do thigh an Tighearna, mar sin bhrosnaich si i. Uime sin ghuil i, agus cha-n ithcadh i.

8 An sin thubhairt Eleanah a fear rithe, A Hanah, c'ar son a tha thu a' gul? agus c'ar son nach 'eil thu ag itheadh? agus c'ar son a tha do chridhe air a chràdh? nach fearr mise dhuit na deich mie?

9 Agus dh'éirich Hanah suas an dèigh dhoibh itheadh ann an Siloh, agus an dèigh dhoibh òl: (a nis bha Eli an sagart 'n a shuidhe air caithir làimh ri ursainn ann an teampull an Tighearna.)

10 Agus bha i air a cràdh 'n a h-anam, agus rinn i urnuigh ris an Tighearn, agus ghuil i gu goirt.

11 Agus bhòidich i bòid, agus thubhairt i, O Thighearna nan sluagh, ma dh'amahairceas tu da rìreadh air àmhghar do bhanoglaich, agus gu'n cuimhnich thu orm, agus nach dì-chuimhnich thu do bhanoglach, ach gu'n toir thu do d' bhanoglaich leanabh gille, an sin bheir mi e do'n Tighearn rè uile làithean a bheatha, agus cha téid ealtainn air a cheann.

12 Agus an uair a bhunaich i ri h-urnuigh

an làthair an Tighearna, thug Eli fainear a beul.

13 A nis bha Hanah a' labhairt 'n a cridhe; bha a bilean a mhàin a' gluasad, ach cha chualas a guth: uime sin shaoil Eli gu'n robh i air mhisg.

14 Agus thubhairt Eli rithe, Cia fad a bhios tu air mhisg? cuir air falbh d'fhion uait.

15 Agus fhreagair Hanah agus thubhairt i, Ni h-eadh, mo thighearna; 's bean mise a tha tuirseach a'm spiorad: aon chuid fion no deoch làidir cha d'òl mi, ach dhòirt mi mach m'anam an làthair an Tighearna.

16 Na meas do bhanoglach mar nìghcan do Bhelial: oir is ann á ro-mheud mo gheairain agus mo dhòilgheis a labhair mi gus a nis.

17 An sin fhreagair Eli agus thubhairt e, Imich ann an sìth: agus gu'n tugadh Dia Israel dhuit d'iarrrtas a dh'iarr thu air.

18 Agus thubhairt ise, Faigheadh do bhanoglach deadh-ghean a'd' shùilb. Agus dh'imich a' bhean roimpe, agus dh'ith i, agus cha robh a gnùis ni b'fhaide *dubhach*.

19 Agus dh'éirich iad gu moch anns a' mhaduinn, agus rinn iad aoradh an làthair an Tighearna, agus phill iad, agus thàinig iad a dh'ionnsuidh an tighe gu Ramah: agus dh'aithnich Eleanah a bhean Hanah, agus chuimhnich an Tighearn oirre.

20 Uime sin tharladh, an uair a thàinig an t-àm mu'n cuairt, au dèigh do Hanah fas torrach, gu'n drug i mac; agus thug i Samuel mar ainm air, *ag ràdh*, Do bhligh gu'n d'iarr mi e air an Tighearn.

21 Agus chaidh an duine Eleanah, agus a thigh uile, suas a dh'ìobradh do'n Tighearn na h-ìobairt bhliadhnail, agus a *choimhionadh* a bhòide.

22 Agus cha deachaidh Hanah suas; oir thubhairt i r'a fear, *Cha téid mise suas* gus an cuir car an leanabh bhàrr na cìche, agus an sin bheir mi leam e, chum gu'n taisbeanar e 'am fianuis an Tighearna, agus gu'm fan e 'n sin gu bràth.

23 Agus thubhairt Eleanah a fear rithe, Dean mar is maith leat; fan gus an cuir thu bhàrr na cìche e; a mhàin daingnicheadh an Tighearn 'fhocal. Agus dh'fhan a' bhean, agus thug i cìoch d'a leanabh, gus an do chuir i bhàrr na cìche e.

24 Agus an uair a chuir i bhàrr na cìche e, thug i suas leatha e, maille ri trì-bliadh-nach tairbh, agus aon ephah de mhin mhin,

agus searrag fhìona, agus thug i e do thigh an Tighearn ann an Siloh: agus bha 'n leanabh òg.

25 Agus mharbhadh iad an tarbh, agus thug iad an leanabh a dh'ionnsuidh Eli.

26 Agus thubhairt i, Mo thighearna, *mar* is beò d'anam, mo thighearn, *is* mis' a' bhean a sheas làimh riut an so, a' deanamh urnuigh ris an Tighearn.

27 Air son an leinibh so rinn mi urnuigh; agus thug an Tighearn dhomh m'iarrtas a dh'iarr mi air:

28 Agus uime sin thug mi seachad gu saor e do'n Tighearn: rè uile làithean a bheatha thugadh seachad e do'n Tighearn. Agus rinn e aoradh do'n Tighearn an sin.

## CAIB. II.

1 *Laoidh Hanah.* 12 *Aingidheachd mhac Eli.*

18 *Fhrithheil Samuel an làthair an Tighearna.*

27 *Fàistneachd an aghaidh tighe Eli.*

**A**GUS rinn Hanah urnuigh, agus thubhairt i, Tha mo chridhe a' deanamh gairdeachais anns an Tighearn; dh'ardaicheadh m'adharc anns an Tighearn; rinneadh mo bheul farsaing os ceann mo naimhdean, do bhrìgh gu bheil mi aoibhneach ann do shlàinte-sa.

2 Cha-n'eil neach air bith naomh mar an Tighearn; oir cha-n'eil neach ann ach thu, agus cha-n'eil carraig ann mar ar Dia-ne.

3 Na labhraibh nì's mò cho ro uaibhreach; na tigeadh àrdan a mach as bhuir beul; oir is Dia eòlais an Tighearn, agus leis-san tha gnìomharan air an cothromachadh.

4 Tha boghannan nan daoine treuna air am briseadh, agus tha iadsan a thuislich air an crioslachadh le neart.

5 *Iadsan a bha làn*, air son arain thuaras-dalaich siad iad féin; agus *iadsan a bha* ocrach, sguir iad *de bhì mar sin*: is e bha roimhe neo-thorrach, rug i seachdnar; agus is e aig an robh mòran cloinne, dh'fhàs i fann.

6 'S e 'n Tighearn a mharbhas agus a bheothaicheas: bheir e sìos a dh'ionnsuidh na h-uaghe, agus bheir e nìos.

7 'S e 'n Tighearn a nì bochd, agus a nì beartach: leagaidh e sìos, agus togaidh e suas.

8 Togaidh e 'm bochd o'n duslach; o'n òtrach togaidh e suas am feumach. g'an cur 'n an suidhe maille ri uachdaranauibh, agus a thoirt orra caithir glòire a shealbhachadh: oir is leis an Tighearn bunaitean na talmhainn, agus shuidhich e an domhan orra.

9 Cosan a naomh gleidhidh e, agus bithidh na h-aingidh tosdach ann an dorchadas; oir le neart cha bhuaidhich duine sam bith.

10 Brisear 'n am bloighdibh eascairdean an Tighearna: as na nìamhan nì e tairneanach orra: bheir an Tighearn breith air

criochaibh na talmhainn; agus bheir e neart d'a rìgh, agus àrdaichidh e adharc 'Aoin ungta féin.

11 Agus dh'imich Eleanah gu Ramah d'a thigh; agus fhrithheil an leanabh do'n Tighearn 'am fianuis Eli an t-sagairt.

12 A nis *bu* mhic do Bheilial mic Eli; cha b'aithne dhoibh an Tighearn.

13 Agus *be* gnàth nan sagart leis an t-sluagh, an uair a dh'ìobradh duine sam bith ìobairt, gu'n tigeadh òglach an t-sagairt, an uair a bha 'n fheoil 'g a bruicheadh, agus greimiche-fèola thrì meur 'n a làimh;

14 Agus bhuaileadh e s an aghann e, no 's a' choire bheag, no 's a' choire mhòr, no 's a' phoit; gach nì a bheireadh an greimiche-fèola suas, ghabhadh an sagart air a shon féin: mar sin rinn iad ann an Siloh, ris na h-Israelich uile a thàinig an sin.

15 Mar an ceudna mun loisgeadh iad an t-saill, thigeadh òglach an t-sagairt, agus theircadh e ris an duine a dh'ìobairt, Thoir feoil g'a ròstadh do'n t-sagart; oir cha ghabh e uat' feoil bhrùich, ach amh.

16 Agus *nan* abradh duine sam bith ris, Na dearmadadh iad an t-saill a losgadh air ball, agus an *sin* gabh dhuit féin mar is miann le d'anam; an sin fheagraidh e, *Nì h-eadh*, ach bheir thu *dhomh* a nis; agus mur tabhair, gabhaidh mi a dh'aindeoin.

17 Uime sin bha peacadh nan òganach ro mhòr 'am fianuis an Tighearna; oir rinn daoine tarcuis air ìobairt an Tighearna.

18 Ach fhrithheil Samuel an làthair an Tighearna, agus e 'n a leanabh, air a chrìoslachadh le ephod de lìon-eudach.

19 Agus rinn a mhàthair dha còta beag, agus thug i d'a ionnsuidh e o bhliadhna gu bliadhna, 'n uair a chaidh i suas maille r'a fear a dh'ìobradh na h-ìobairt bhliadhnail.

20 Agus bheannaich Eli Eleanah, agus a bhean, agus thubhairt e, Gu'n tugadh an Tighearn dhuit sliochd o'n mhnaoi so, air son an tiodhlaic a thug i seachad do'n Tighearn. Agus chaidh iad d'an àite féin.

21 Agus dh'amhaire an Tighearn air Hanah, agus dh'fhàs i torrach, agus rug i trì mic, agus dà nighinn. Agus dh'fhàs an leanabh Samuel suas 'am fianuis an Tighearna.

22 A nis bha Eli ro shean, agus chual' e gach *nì* a rinn a mhic ri h-Israel uile, agus cionnus a luidh iad leis na mnàibh a chruinnich aig dorus pàilliuin a' choimh-thionail.

23 Agus thubhairt e riu, C'ar son a tha sibh a' deanamh a leithid so de nithibh? oir tha mi a' cluinntinn a thaobh bhuir droch ghnìomharan o'n t-sluagh so uile.

24 Na *deanaibh mar so*, mò mhic: oir cha sgeul maith a tha mi a' cluinntinn, gu bheil sibh a' toirt air sluagh an Tighearna dol air seacharan.

25 Ma pheacaicheas duine an aghaidh



duin' eile, bheir am breitheamh breth air: ach ma pheacaicheas duine an aghaidh an Tighearna, cò a ghuidheas air a shon? gèidheadh cha d'èisd iadsan ri guth an athar, do bhrìgh gu'm bu toil leis an Tighearn am marbhadh.

26 (Agus dh'fhàs an leanabh Samuel suas, agus bha e taitneach araon do'n Tighearn, agus do dhaoibh.)

27 Agus thàinig duine le Dia dh'ionnsuidh Eli, agus thubhairt e ris, Mar so tha 'n Tighearn ag ràdh, An d'fhoillsich mise gu soilleir mi féin do thigh d'athar, an uair a bha iad 's an Eiphit, ann an tigh Pharaoh?

28 Agus an do thagh mi e á treubhan Israeil uile *gu bhí* 'n a shagart agam, a dh'ìobradh air m'altair, a losgadh tuis, a dh'iom-char ephoid a'm' fhianuis? agus an d'thug mi do thigh d'athar na tabhartasan uile a bheirear suas le teine le cloinn Israeil?

29 C'ar son a tha sibh a' deanamh tàir air m'ìobairt, agus air mo thabhartas a dh'àithn mi *ann am* àite-còmhnuidh, agus a tha thu a' toirt urrainn do d' mhie os mo cheann-sa, gu sibh féin a dhicannamh reamhar le roghadh uile thabhartas mo shluaigh Israeil?

30 Uime sin tha 'n Tighearn Dia Israeil ag ràdh, Thubhairt mi gu deimhin, *gu'n* gluaiseadh do thigh-sa agus tigh d'athar a'm' fhianuis gu bràth: ach a nis tha 'n Tighearn ag ràdh, Gu ma fada sin uamsa; oir dhoibhsan a bheir urram dhomhsa bheir mise urram, agus iadsan a ni tàir ormsa, is beag am meas a bhitheas dhiubh.

31 Feuch, *tha* na làithean a' tenehd anns an gearr mi dhìot do ghàirdean, agus gairdean tighe d'athar, air ehor as nach bi seann duine a'd' thigh.

32 Agus chi thu nàmhaid *ann am* àite-còmhnuidh-sa anns an uile shaoibhreas a bheir *Dia* do Israeil: agus cha bhi seann duine a'd' thighsa, gu bràth.

33 Agus an duine sin agad nach gearr mi as o m'altair, *bithidh* e a chlaoidh do shùl, agus a echràdh do chridhe: agus bàsaichidh uile ghineal do thighe ann an tréin' an neirt.

34 Agus *bithidh* so 'n a chomharadh dhuit, a thigh air do dhithis mhaic, air Hophni agus Phinehas, ann an aon là bàsaichidh iad le 'ehéile.

35 Agus togaidh mi suas dhomh féin sagart dileas, a ni mar a *tha* e ann am chridhe, agus ann am inntinn; agus togaidh mi dha tigh seasmhach, agus imichidh e 'am fianuis m'. Aoin ungta gu bràth.

36 Agus tarlaidh gu'n tig gach neach a dh'fhàgar a'd' thigh a chromadh sìos da air son m'airgid, agus greim arain; agus their e, Cuir mi, guidheam ort, ann an aon de dhreuchdaibh nan sagart, a chum gu'n ith mi greim arain.

1 *Dh' fhoillsicheadh focal an Tighearna do Shamuel. 11 Chuir Dia 'an cèill do Shamuel an sgrios a bha gu teachd air tigh Eli.*

**A**GUS fhritheil an leanabh Samuel do'n Tighearn 'am fianuis Eli: agus bha focal an Tighearna luachmhor anns na làithibh sin; cha robh taisbeanadh follais-each ann.

2 Agus tharladh anns an àm sin, an uair a bha Eli 'n a luidhe 'n a àite; (agus thòisich a shùilean air failleadhadh: cha b'urraim e faicinn *gu maith*;) )

3 Agus mun deachaidh lèdhran Dhé as, an uair a bha Samuel 'n a luidhe ann an team-pull an Tighearna, far an robh àire Dhé;

4 Gu'n do ghairm an Tighearn air Samuel; agus fhreagair esan, *Tha* mi 'n so.

5 Agus ruith e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus thubhairt esan, Cha do ghairm mise ort; pill, luidh sìos. Agus dh'fhalbh e agus luidh e sìos.

6 Agus ghairm an Tighearn a ris air Samuel. Agus dh'éirich Samuel, agus chaidh e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus fhreagair esan, Cha do ghairm mise ort, a mhie; pill, luidh sìos.

7 A nis cha b'aithne do Shamuel fathast an Tighearn, agus cha d'fhoillsicheadh focal an Tighearna fathast da.

8 Agus ghairm an Tighearn fathast air Samuel an treas uair. Agus dh'éirich e, agus chaidh e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus thuig Eli gu'm b'e 'n Tighearn a ghairm air an leanabh.

9 Uime sin thubhairt Eli ri Samuel, Falbh, luidh sìos; agus ma ghairmeas e ort, an sin their thu, Labhair, a Tighearna, oir *tha* do sheirbhiseacha' ehuinntinn. Agus dh'fhalbh Samuel, agus luidh e sìos 'n a àite féin.

10 Agus thàinig an Tighearn, agus sheas e, agus ghairm e mar air na h-uairibh eile, A Shamuel, a Shamuel. An sin fhreagair Samuel, Labhair, oir *tha* do sheirbhiseach a' ehuinntinn.

11 Agus thubhairt an Tighearn ri Samuel, Feuch, ni mi nì ann an Israel, a ni gaoir ann an dà chluais gach neach a chluinneas e.

12 Anns an là sin, eòimhlionaidh mi an aghaidh Eli na *nìthean sin* uile a labhair mi mu thimchioll a thighe: tòisichidh mi agus eriochnaichidh mi.

13 Oir dh'innis mi dha gu'n toir mi breth air a thigh gu bràth, air son na h-aingidheachd air am bheil e fiosrach; a chionn gu'n d'thug a mhie masladh dhomhsa, agus nach do chais esan iad.

14 Agus uime sin mhionnaich mi do thigh Eli, nach glanar as aingidheachd tighe Eli le h-ìobairt, no le tabhartas gu bràth.

15 Agus luidh Samuel gu maduinn, agus



dh'fhosgail e dorsan tighe an Tighearna: agus bha eagal air Samuel an taisbeanadh imseadh do Eli.

16 An sin ghairm Eli air Samuel, agus thubhairt e, A Shamucil a mhic. Agus thubhairt esan, Tha mi 'n so.

17 Agus thubhairt e, Ciod an ni a chaidh a ràdh riut? na ceil ormsa e, guidheam ort: gu'n deanadh Dia mar siu riut, agus tuilleadh mar an ceudua, ma cheileas tu ni air bith orm, de gach ni a chaidh a ràdh riut.

18 Agus dh'innis Samuel dha na h-uile nithean, agus cha do cheil e ni sam bith air. Agus thubhairt esan, Is e 'n Tighearn a th'ann; an ni sin a tha maith 'n a shùilbhih ni e.

19 Agus dh'fhàs Samuel suas, agus bha 'n Tighearn maille ris, agus cha do leig e do h-aon air bith d'a fhoclaibh tuiteam a dh'ionnsuidh an làir.

20 Agus bha fios aig Israel uile, o Dhan gu ruig Beer-seba, gu'n d'orduicheadh Samuel 'n a fhàidh do'n Tighearn.

21 Agus thaisbeineadh an Tighearn a ris ann an Siloh; oir dh'fhoillsich an Tighearn e fèiu do Samuel ann an Siloh, le focal an Tighearna.

#### CAIB. IV.

1 Bhuaileadh clann Israel roimh na Philistich. 11 Ghlacadh àirc Dhé, agus mharbhadh Hophni agus Phinehas. 18 Bàs Eli.

**A**GUS thàinig focal Shamucil a dh'ionnsuidh Israel uile. A nis chaidh Israel a mach an aghaidh nam Philisteach gu cath, agus champaich iad làimh ri Ebeneser: agus champaich ua Philistich ann an Aphec.

2 Agus tharruing na Philistich iad fèin suas an ordugh blàir an aghaidh Israel: agus chuireadh an cath, agus bhuaileadh Israel roimh na Philistich: agus mharbh iad anns a' chath 's a' mhachair mu thimcheall ceithir mìle fear.

3 Agus an uair a thàinig an sluagh do'n champ, thubhairt seanairean Israel, 'Car son a bhual an Tighearn sinn an diugh an lathair nam Philisteach? Thugamaid d' ar n-ionnsuidh á Siloh àirc coimheangail an Tighearna, chum 'n uair a thig i 'n ar measg gu'n saor i sinn á làimh ar naimhdean.

4 Agus chuir an sluagh daoine gu Siloh, a chum gu'n tugadh iad á sin àirc coimheangail Thighearna nan sluagh, a tha 'chòmhaid eadar na Cheruban: agus bha dithis mhac Eli, Hophni agus Phinehas, an sin maille ri àirc coimheangail Dhé.

5 Agus an uair a thàinig àirc coimheangail an Tighearna do'n champ, dh'éigh Israel uile le h-iolaich mhòir, agus fhreagar an talamh do'n fhuaim.

6 Agus chuala na Philistich fuaim na h-iolaich, agus thubhairt iad, Ciod a's ciall

do fhuaim na h-iolaiche mòire so ann an camp uan Eabhruidheach? Agus thuig iad gu'n robh àirc an Tighearn' air teachd do'n champ.

7 Agus bha eagal air na Philistich, oir thubhairt iad, Tha diathan air teachd do'n champ: agus thubhairt iad, Mo thruaighe sinne! oir cha robh a leithid so de ni riamh roimhe ann:

8 Mo thruaighe sinne! cò a shaoras sinn á làimh nan diathan cumhachdach sin? is iad sin na diathan a bhual na h-Eiphitich leis gach plaigh, agus a rinn nithean iongantach anns an fhàsach.

9 Bithibh làidir, agus bithibh fearail, O sibhse Philisteacha, a chum nach bi sibh 'n ur tràillibh aig na h-Eabhruidhich, mar a bha iadsan 'n an tràilean agaibhse: bithibh ma ta fearail, agus cogaibh.

10 Agus chog ua Philistich; agus bhuaileadh Israel, agus theich gach duine dhiubh a dh'ionnsuidh a bhùtha: agus bha àr ro mhòr ann; oir thuit de Israel deich mìle fichead coisiche.

11 Agus ghlacadh àirc Dhé; agus fhuair dithis mhac Eli, Hophni agus Phinehas, bàs.

12 Agus ruith duine de Bhieniamin a mach as an armait, agus thàinig e gu Siloh air an là sin fèin, agus 'eudach air a reubadh, agus duslach air a cheann.

13 Agus an uair a thàinig e, feuch, bha Eli 'n a shuidhe air caithir làimh ris an t-slighe, a' coimhead: oir bha a chridhe air chrith air son àirc Dhé. Agus an uair a thàinig an duine do'n bhaile, agus a dh'innis se e, dh'éigh am baile uile.

14 Agus an uair a chual Eli fuaim na h-éighich, thubhairt e, Ciod a's ciall do fhuaim na conghàir so? agus rinn an duine cablag, agus thàinig e, agus dh'innis e do Eli.

15 A nis bha Eli ochd bliadhna deug agus ceithir fichead a dh'aois; agus bha a shùillean mall, air chor as nach faiceadh e gu maith.

16 Agus thubhairt an duine ri Eli, Is mise esan a thàinig a mach as an armait, agus theich mise 'n diugh as an armait. Agus thubhairt esan, Ciod a thachair, a mhic?

17 Agus fhreagair an teachdair agus thubhairt e, Theich Israel roimh na Philistich, agus mar an ceudna bha àr mòr am measg an t-sluaigh, agus mar an ceudna tha do dhithis mhac Hophni agus Phinehas marbh, agus ghlacadh àirc Dhé.

18 Agus an uair a dh'ainmich e àirc Dhé, thuit e blàrr na cathrach 'an comhair a chùil làimh ris a' gheata, agus bhrisicadh 'amhach, agus fhuair e bàs; oir bha e 'n a sheann duine, agus trom. Agus thug e breth air Israel dà fhichead bliadhna.

19 Agus bha bean a mhic, bean Phinehais, torrach, dlùth do bhi air a h-aisead: agus an uair a chual i 'n sgeul gu'n do ghlacadh

àirè Dhé, agus gu'n robh a h-athair-céile marbh, agus a fear, chrom si i féin, agus rug i *mac*; oir thàinig a saothair-chloinne oirre.

20 Agus mu àm a bàis, thubhairt na *mnathan* a bha 'seasamh làimh rithe, Na bitheadh eagal ort, oir rug thu *mac*. Ach cha do fhreagair ise, ni mò a thug i fainear e.

21 Agus thug i Ichabod mar ainm air an leanabh, ag ràdh, Dh'fhalbh a' ghlòir o Israel: (do bhrìgh gu'n do ghlacadh àire Dhé, agus air son a h-athar-céile agus a fir.)

22 Agus thubhairt i, Dh'fhalbh a' ghlòir o Israel; oir ghlacadh àire Dhé.

#### CAIB. V.

1 *Chuir na Philistich àire Dhé ann an tigh Dhagoin ann an Asdod. 6 Bhual an Tighearn muinntir Asdoid le neasgaidean fola. 8 Thug na Philistich àire Dhé gu Gat, agus à sin gu Hecon.*

**A**GUS ghabh na Philistich àire Dhé, agus thug iad leo i o Ebeneser gu Asdod.

2 An sin ghabh na Philistich àire Dhé, agus thug iad i do thigh Dhagoin, agus shuidhich iad i làimh ri Dagon.

3 Agus an uair a dh'éirich muinntir Asdoid gu moch air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àire an Tighearna: agus ghabh iad Dagon, agus chuir iad a ris e 'n a àite féin.

4 Agus an uair a dh'éirich iad gu moch 's a' mhaduinn air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àire an Tighearna: agus *bha* ceann Dhagoin, agus dà bhois a làmh air an gearradh dheth aig an stairs-nich: dh'fhàgadh a mhàin *corp* Dhagoin aige.

5 Uime sin cha saltair sagartan Dhagoin, no neach air bith a théid a steach do thigh Dhagoin, air stairsnich Dhagoin ann an Asdod, gus an là 'n diugh.

6 Ach bha làmh an Tighearna trom air muinntir Asdoid, agus sgrios e iad, agus bhual e iad le neasgaidean fola, eadhon Asdod agus a chrìochan.

7 Agus an uair a chunnaic daoine Asdoid gu'n robh e mar sin, thubhairt iad, Cha'n fhan àire Dhé Israeil maille ruinne; oir *tha* a làmh trom oirn, agus air Dagon ar Dia.

8 Uime sin chuir iad *fios* uatha, agus chruinnich iad uile thighearnan nam Philisteach d'an ionnsuidh, agus thubhairt iad, Ciod a ni sinn ri àire Dhé Israeil? Agus fhreagair iadsan, Thugar àire Dhé Israeil mu'n cuairt gu Gat. Agus thug iad mu'n cuairt àire Dhé Israeil *gu Gat*.

9 Agus an uair a thug iad mu'n cuairt i, bha làmh an Tighearn an aghaidh a' bhaile le sgrios ro mhòr, agus bhual e daoine a' bhaile cadar bheag agus mhòr; agus bha

neasgaidean fola orra 'n an àitibh dìomhair.

10 Uime sin chuir iad air falbh àire Dhé gu Hecon; agus an uair a bha àire Dhé air teachd gu Hecon, dh'éigh na Heconach, ag ràdh, Thug iad mu'n cuairt d'ar ionnsuidh-nè àire Dhé Israeil, gu sinn féin a mharbhadh, agus ar sluagh.

11 Uime sin chuir iad *fios* uatha, agus chruinnich iad uile thighearnan nam Philisteach, agus thubhairt iad, Cuiribh air falbh àire Dhé Israeil, agus rachadh i air a h-àis d'a h-àite féin, a chum nach marbh i sinn féin agus ar sluagh; oir bha sgrios bàis anns a' bhaile uile; bha làmh Dhé ro throm an sin.

12 Agus na daoine nach do bhàsaich, bhuaileadh iad le neasgaidean fola; agus chaidh éigheach a' bhaile suas gu nèamh.

#### CAIB. VI.

1 *Chuir na Philistich àire Dhé air feun ùr, agus ghiulain iad i gu Bet-emes. 17 An tabhartas a thug iad seachad. 19 Bhual Dia daoine Bhet-emes a chloinn gu'n do sheall iad air an àire.*

**A**GUS bha àire an Tighearna ann am fearann nam Philisteach seachd mìosan.

2 Agus ghairm na Philistich air na sagartaibh, agus air na fiosaichibh, ag ràdh, Ciod a ni sinn ri àire an Tighearna? thugaibh fios duinn cionnus a chuireas sinn air falbh i d'a h-àite féin.

3 Agus thubhairt iadsan, Ma chuireas sibh air falbh àire Dhé Israeil, na cuiribh uaibh falamh i; ach air gach uile chor iocaibh dha tabhartas-eusaontais: an sin slànuchear sibh, agus bitidh fios agaibh c'ar son nach do phill a làmh uaibh.

4 An sin thubhairt iad, Ciod an tabhartas-eusaontais a dh'ocas sinn da? Agus fhreagair iadsan, Cùig neasgaidean òir, agus cùig luchaidh òir, a *rèir* àireimh thighearnan nam Philisteach; oir *bha* aon phlàigh oirbh uile, agus air bhuir tighearnaibh.

5 Uime sin ni sibh dealbhan bhur neasgaidean, agus dealbhan bhur luchaidh, a tha milleadh na tìre; agus bheir sibh glòir do Dhia Israeil: theagamh gu'n eutromaich e a làmh dhiibh, agus de bhuir diathaibh, agus de bhuir tìr.

6 C'ar son uime sin a chruaidhicheas sibh bhuir cridhe, mar a chruaidhich na h-Eiphitich agus Pharaoh an cridhe? an uair a rinn e gu h-iongantach 'n an measg, nach do leig iad an sluagh air falbh, agus du'mich iad?

7 A nis uime sin deanaibh feun ùr, agus gabhaibh dà mhart-bàinne, air nach deachaidh cuing; agus ceanglaibh sibh na mairt ris an fheum, agus bheir sibh an laogh dhachaidh uatha.

8 Agus gabhaibh sibh àire an Tighearna, agus euiridh sibh i air an fheum; agus



cuiridh sibh na seudan òir, a dh'ìocas sibh dha *mar* thabhartas-eusaontais, ann an cobhan r'a taobh; agus cuiridh sibh air falbh i, chum gu'n imich i.

9 Agus chi sibh, ma théid i suas rathad a criche féin gu Bet-semeis, *an sin* rinn e an t-òlc mòr so oirnn: ach mur *téid*, an sin bithidh fios againn nach i a làmh-san a bhuail sinn; is tuiteamas a thàinig oirnn.

10 Agus rinn na daoine mar sin; agus ghabh iad dà mhart-bainne, agus cheangail iad ris an fhenn iad, agus dhruid iad an laogh a stigh.

11 Agus chuir iad àire an Tighearn' air an fheun, agus an cobhan leis na luchaidh òir, agus dealbhan an neasgaidean fola.

12 Agus ghabh na mairt an rathad dìreach gu slighe Bhet-semeis; air an rathad mhòr dh'imich iad, a' geumnaich mar a dh'imich iad, agus cha do thionndaidh iad a leth-taobh a dh'ionnsuidh na làimhe deise no na làimhe clìthe; agus chaidh tighearnan nam Philisteach 'n an dèigh gu crìch Bhet-semeis.

13 Agus *bha muinntir* Bhet-semeis a' buain an cruithneachd anns a' ghleann; agus thog iad suas an stùilean, agus chunnaic iad an airc, agus rinn iad gairdeachas 'n uair a chunnaic iad i.

14 Agus thàinig am feun gu achadh Iosua a' Bhet-semeisich, agus sheas e 'n sin, far an robh clach mhòr; agus sgoilt iad fiodh an fhenna, agus thug iad suas na mairt 'n an iobairt-loisgte do'n Tighearn.

15 Agus thug na Lebhitich sìos àire an Tighearna, agus an cobhan a *bha* maille rithe, anns an robh na seudan òir, agus chuir iad air a' chloich mhòir iad: agus thug daoine Bhet-semeis suas tabhartais-loisgte, agus dh'ìobair iad iobairtean 's an là sin féin do'n Tighearn.

16 Agus an uair a chunnaic cùig tigh-earnan nam Philisteach e, phill iad gu Hebron 's an là sin féin.

17 Agus is iad so na neasgaidean òir, a dh'ìoc na Philistich *mar* thabhartas-eusaontais do'n Tighearn; air son Asdoid aon, air son Ghasa aon, air son Asceloin aon, air son Ghat aon, air son Hebron aon:

18 Agus na luchaidh òir, a *rèir* àireimh uile bhailtean nam Philisteach, a *bhuineadh* do na cùig tighearnaibh, araon bhailtean daingichte agus bhailtean gun bhalla, eadhon gu ruig a' chlach mhòr, air an do chuir iad sìos àire an Tighearna, *clach a tha làthair* gus an là 'n diugh ann an achadh Iosua a' Bhet-semeisich.

19 Ach bhuail e daoine Bhet-semeis, a chionn gu'n do sheall iad a stigh do àire an Tighearna; bhuail e eadhon de'n t-sluagh leth-cheud mìle, agus trì fichead agus deich-near fhear: agus rinn an sluagh caoidh, do bhrìgh gu'n do bhuail an Tighearn *cuid* de'n t-sluagh le plàigh mhòir.

20 Agus thubhairt daoine Bhet-semeis, Cò'a's urrainn seasamh an làthair an Tighearna Dé naoimh so? agus co dh'ionnsuidh a théid i suas uainne?

21 Agus chuir iad teachdairean a dh'ionnsuidh luchd-àiteachaidh Chiriat-earim, ag ràdh, Thug na Philistich air a h-ais àire an Tighearna; thigibh a nuas, thugaibh suas i d'ur n-ionnsuidh.

## CAIB. VII.

1 *Thug daoine Chiriat-earim an àire gu Gibeah, agus naomhaich iad Eliasur mac Abinadaib g'a gleidheadh.* 10 *Bhuailleadh na Philistich roimh chloinn Israeil.*

A GUS thàinig daoine Chiriat-earim, agus thug iad suas àire an Tighearna, agus thug iad a steach i do thigh Abinadaib ann an Gibeah, agus naomhaich iad a mhac Eliasur, a ghleidheadh àire an Tighearna.

2 Agus tharladh, o'n là a dh'fhan an àire ann an Chiriat-earim, gu'n robh an aimsir fada; (oir bha fichead bliadhna ann; agus rinn tigh Israeil uile caoidh an dèigh an Tighearna.

3 Agus labhair Samuel ri uile thigh Israeil, ag ràdh, Ma philleas sibh a dh'ionnsuidh an Tighearna le'r n-uile chridhe, *an sin* cuiribh air falbh na diathan coimheach as bhuir measg, *Baalim* agus Astarot; agus ulluichibh bhuir cridhe a chum an Tighearn', agus deanaibh seirbhis dhasan a mhàin, agus saoraidh e sibh á làimh nam Philisteach.

4 An sin chuir clann Israeil air falbh Baalim agus Astarot, agus rinn iad seirbhis do'n Tighearn a mhàin.

5 Agus thubhairt Samuel, Cruinnichibh Israeil uile gu Mispheh, agus ni mise urnuigh air bhuir son ris an Tighearn.

6 Agus chruinnich iad an ceann a chéile gu Mispheh, agus tharruing iad uisge, agus dhòirt iad a mach e an làthair an Tighearna, agus thraisg iad air an là sin, agus thubhairt iad an sin, Pheacaich sinn an aghaidh an Tighearna. Agus thug Samuel breth air cloinn Israeil ann am Mispheh.

7 Agus chuala na Philistich gu'n robh clann Israeil air cruinneachadh an ceann a chéile gu Mispheh, agus chaidh tighearnan nam Philisteach suas an aghaidh Israeil: agus an uair a chuala clann Israeil e, bha eagal orra roimh na Philistich.

8 Agus thubhairt clann Israeil ri Samuel, Na sguir de ghlaodhaich ris an Tighearn ar Dia air ar son, a chum gu'n saor e sinn á làimh nam Philisteach.

9 Agus ghabh Samuel uan deothail, agus thug e suas e uile mar iobairt-loisgte do'n Tighearn; agus ghlaodh Samuel ris an Tighearn air son Israeil, agus chual' an Tighearn e.

10 Agus an uair a bha Samuel a' toirt suas na h-iobairt-loisgte, tharruing na Philistich am fagus gu cath an aghaidh Israeil:



ach rinn an Tighearn tairneanach le fuaim mhòir 's an là sin air na Philistich, agus chlaoidh e iad; agus bhuaileadh iad roimh Israel.

11 Agus chaidh fir Israeil a mach á Mispheh, agus ruig iad na Philistich, agus bhuaill siad iad, gus an d'fhàinig iad fo Bheth-car.

12 An sin ghabh Samuel clach, agus shuidh e i cadar Mispheh agus Sen; agus thug e Ebeneser mar ainm oirre, agus thubhairt e, Gu ruige so chuidich an Tighearn leinn.

13 Agus dh'irioslaicheadh na Philistich, agus cha d'fhàinig iad tuilleadh gu crìch Israeil: agus bha làmh an Tighearn' an aghaidh nam Philisteach uile làithean Shamucil.

14 Agus thugadh na bailtean a ghlac na Philistich o Israel, air an ais do Israel, o Hebron eadhon gu Gat; agus shaor Israel an crìochan á làmh nam Philisteach; agus bha sìth eadar Israel agus na h-Amoraich.

15 Agus thug Samuel breth air Israel rè uile làithean a bheatha.

16 Agus chaidh e o bhliadhna gu bliadhna mu'n cuairt gu Beth-el, agus Gilgal, agus Mispheh, agus thug e breth air Israel anns na h-àitibh sin uile.

17 Agus bha 'theachd air ais gu Ramah; oir an sin bha a thigh; agus an sin thug e breth air Israel, agus an sin thog e altair do'n Tighearn.

### CAIB. VIII.

1 *Dh'ìarr seanairean Israeil rìgh gu breth a thoirt orra. 6 Mhì-thaitinn an nì so ri Samuel; 9 ach dh'òrdugh Dia dha eisdeachd r'an guth, agus fìos a thoirt doibh air seòl an rìgh a rìoghachas os an ceann.*

**A**NIS an uair a bha Samuel aosda, chuir e a mhic 'n am breitheamhnaibh os ceann Israeil.

2 Agus b'e ainm a cheud-ghin mic Ioel, agus ainm a dhara mic Abiah: bha iad 'n am breitheamhnaibh ann am Beer-seba.

3 Agus cha do ghluais a mhic 'n a shligheibh-san, ach chlaon iad an déigh tairbhe, agus ghabh iad duais, agus dh'fhiar iad breitheanas.

4 An sin chruinnich uile sheanaircan Israeil iad féin an ceann a chéile, agus thàinig iad a dh'ionnsuidh Shamucil gu Ramah.

5 Agus thubhairt iad ris, Feuch, tha thusa air fas aosda, agus cha-n'eil do mhic a' gluasad ann ad shligheibh: a nis ma ta dean dhuinne rìgh gu breth a thoirt oirnn, mar na cinnich uile.

6 Ach mhi-thaitinn an nì ri Samuel, an uair a thubhairt iad, Thoir dhuinn rìgh gu breth a thoirt oirnn: agus rinn Samuel urnuigh ris an Tighearn.

7 Agus thubhairt an Tighearn ri Samuel, Eisd ri guth an t-sluaigh anns gach nì a their iad riut: oir riutsa cha do chuir iad cùl, ach riumsa chuir iad cùl, a chum nach rìoghaichinn os an ceann.

8 A réir nan uile oibre a rinn iad o'n là anns an d'thug mi nòs iad as an Eiphit, gu ruig an là'n diugh, leis an do thréig iad mì, agus an d'rinn iad seirbhìs do dhiathaibh eile, mar so tha iad a' deanamh mar an ceudna riutsa.

9 A nis uime sin éisd r'an guth: gidheadh bheir thu gu cinnteach fianuis 'n an aghaidh, agus cuiridh tu 'n céill dhoibh lagh an rìgh a rìoghachas os an ceann.

10 Agus dh'innis Samuel uile bhriathran an Tighearna do'n t-sluaigh, a bha 'g iarraidh rìgh air.

11 Agus thubhairt e, So mar a bhitheas lagh an rìgh a rìoghachas os bhur ceann: Gabhaidh e bhur mic, agus orduichidh e dha féin iad a chum a charbadan, agus gu bhí 'n am maraich aige, agus gu ruith roimh a charbadaibh;

12 Agus gu'n cur 'n an ceannardaibh dha féin air mhàltibh, agus 'n an ceannardaibh air leth-cheudaibh, agus a threabhadh 'fhear-ainn, agus a bhuain 'fhogharaidh, agus a dheanamh innil-cogaidh air a shon, agus innil air son a charbadan.

13 Agus gabhaidh e bhur nigheanan a dheanamh olaidh-nugaidh chàbhraidh, agus gu bhí 'n am ban-chòcairibh, agus 'n am ban-fhuineadairibh.

14 Agus gabhaidh e bhur n-achaidhean, agus bhur fìon-lìosan, agus bhur lìosan-olaidh, eadhon a' chuid a's fearr dhiubh, agus bheir e iad d'a òglachaibh.

15 Agus gu'n deachamh d'ur sìol, agus d'ur fìon-lìosaibh, agus bheir e d'a luchd-dreuchd e, agus d'a òglachaibh.

16 Agus gabhaidh e bhur n-òglaich-sa, agus bhur banoglaich, agus na h-òganaich a's fearr aigibh, agus bhur n-asail, agus cuiridh e chum 'oibre féin iad.

17 Gabhaidh e an deachamh d'ur caoraich: agus bithidh sibh 'n ur seirbhìsich aige.

18 Agus gladhaidh sibh a mach 's an là sin o làthair bhur rìgh a thagh sibh dhiubh féin; agus cha-n éisd an Tighearn ribh 's an là sin.

19 Gidheadh, dhiult an sluaigh éisdeachd ri guth Shamucil, agus thubhairt iad, Nì h-eadh; ach bithidh rìgh againne os ar ceann:

20 Agus bithidh sinne mar an ceudna mar na cinnich uile, agus bheir ar rìgh breth oirnn, agus thèid e mach romhainn, agus cuiridh e ar cathan.

21 Agus chuala Samuel uile bhriathran an t-sluaigh, agus dh'aithris e iad ann an chusaibh an Tighearna.

22 Agus thubhairt an Tighearn ri Samuel, Eisd r'an guth, agus dean rìgh dhoibh. Agus thubhairt Samuel ri fir Israeil, Rachaibh gach duine dhiubh d'a bhaile féin.

CAIB. IX.

1 Chailleadh asail Chis, agus chaidh Saul a mhac g'an iarraidh. 6 Air comhairle 'òganach thàinig e dh'ionnsuidh Shamueil a dh'fhiosrachadh a shlighe. 22 Thug Samuel cuirleadh dha clum na cuirme anns an ionad àrd.

**A**GUS bha duine de Bheniamin, d'am Vainm Cis, mac Abieil, mhic Sheroir, mhic Bhechorait, mhic Aphiah, Beniaminieh, duine treun ann an neart.

2 Agus bha mac aige, d'am Vainm Saul, roghadh òig-fhìr, agus e tlachdmhor; agus eha *robh* am measg chloinn Israeil fear a bu tlachdmhoire na e: o 'ghuaillibh agus o sin suas b'àirde e na 'n sluagh uile.

3 Agus chailleadh asail Chis, athar Shaul; agus thubhairt Cis r'a mhac Saul, Thoir leat a nis aon de na h-òganaich, agus éirich, falbh, iarr na h-asail.

4 Agus ehaidh e troimh mhonadh Ephraim, agus ehaidh e troimh thìr Slalisa, aeh eha d'fhuair siad *iad*: an sin chaidh e troimh thìr Shalim, agus eha *robh iad an sin*: agus ehaidh e troimh thìr nam Beniamineach, ach eha d'fhuair siad *iad*.

5 Agus an uair a thàinig iad gu tìr Shuph, thubhairt Saul r'a òganach a *bha* maille ris, Thig agus pilleamaid, air eagal gu'n leig m'athair dheth a chùram mu na h-asail, agus gu'm bi smuaisean air m'ar timchioll-ne.

6 Agus thubhairt esan ris, Feuch, a nis, *tha* duine le Dia anns a' bhaile so, agus *is* duine urramaeh e; thig gach ni a their e gu einnteach gu erieh: a nis ma ta rachamaid an sin; theagamh gu'n innis e dhuinn ar slighe, air an còir dhuinn gluasad.

7 An sin thubhairt Saul r'a òganach, Aeh, feuch, *ma* thèid sinn, ciod a bheir sinn a dh'ionnsuidh òglaich Dhé? oir ehatheadh na t-aran 'n ar soithichibh, agus eha-n'eil tiodhlach ann ri 'thoir a dh'ionnsuidh òglaich Dhé: ciod ma ta a ni sinn?

8 Agus fhreagair an t-òganach Saul a ris, agus thubhairt e, Feuch, *tha* agam an so a'm làimh an ceathramh euid de sheel airgid: *sin* bheir mi do òglaich Dhé, agus innsidh e dhuinn ar slighe.

9 (O shean ann an Israel, an uair a rachadh duine a dh'fhiosrachadh de Dhia, mar so labhradh e, Thigibh, agus rachamaid a dh'ionnsuidh an fhir-shcallaidh: oir esan *ris* an *abrar* a nis fàidh, o shean theirteadh fear-scallaidh ris.)

10 An sin thubhairt Saul r'a òganach, Is maith a labhair thu; thig, imicheamaid: agus dh'imich iad do'n bhaile, far an *robh* òglaich Dhé.

11 Agus an uair a ehaidh iad suas uchdaeh a' bhaile, fhuair iad gruaigichean a' dol a mach a tharruing uisge, agus thubhairt iad riu, Am bheil am fear-scallaidh an so?

12 Agus fhreagair iadsan iad, agus thu-

bhairt iad, Tha; feuch, *tha e* roimhibh. deanaibh eabhag a nis, oir an diugh *tha e* air teachd do'n bhaile; oir *tha* iobairt aig an t-sluagh an diugh anns an ionad àrd.

13 An uair a thèid sibh a steach do'n bhaile, air ball gheibh sibh e, mun téid e suas do'n ionad àrd a dh'itheadh: oir eha-n ith an sluagh gus an tig e, a ehionn gu'm beannaieh e an iobairt, agus an déigh sin ithidh iadsan a chuireadh. A nis uime sin rachaibh suas, oir mu'n àm so gheibh sibh e.

14 Agus ehaidh iad suas do'n bhaile: agus an uair a bha iad a' dol a steach gu meadhon a' bhaile, feuch, thàinig Samuel a mach 'n an eoinneamh, gu dol suas do'n ionad àrd.

15 A nis dh'innis an Tighearn ann an cluais Shamueil, là mun d'thàinig Saul, ag ràdh,

16 Mu'n àm so am màireach euiridh *mi* a d' ionnsuidh duine a tìr Bheniamin, agus ungaidh tu e 'n a cheannard air mo shluagh Israel, agus saoraidh e mo shluagh à làimh nam Philisteach; oir dh'amhaire mi air mo shluagh, a chionn gu'n d'thàinig an glaoth a m' ionnsuidh.

17 Agus an uair a ehunnaie Samuel Saul, thubhairt an Tighearn ris, Feuch an duine mu'n do labhair mi riut: rioghaichidh esan os ceann mo shluagh.

18 An sin thàinig Saul am fagus do Shamuel anns a' gheata, agus thubhairt e, Innis dhomh, guidheam ort, e'àit *am bheil* tigh an fhir-sheallaidh?

19 Agus fhreagair Samuel Saul, agus thubhairt e, *Is* mise am fear-scallaidh: gabh suas romham do'n ionad àrd, agus ithidh sibh maille riumsa an diugh; agus leigidh mi leat falbh 's a' mhaduinn, agus gach *ni* a *tha* ann ad chridhe innsidh mi dhuit.

20 Agus a thaobh nan asal agad a ehailleadh o ehceann tri làithean, na suidhich d'inntinn orra, oir fhuaradh iad: agus eò air *am bheil* uile dhéigh Israeil? naeh ann ortsa, agus air uile thigh d'athar?

21 Agus fhreagair Saul agus thubhairt e, Naeh Beniamineach mise de'n treubh a's lugha ann an Israel? agus *nach e* mo theaghlach a's lugha de uile theaghlachibh tréibhe Bheniamin? e'ar son uime sin a *tha* thu 'labhairt riumsa air an dòigh so?

22 Agus ghabh Samuel Saul agus 'òganach, agus thug e steach iad do'n t-seòmarchuirm, agus thug e àite-suidhe dhoibh aig ceann-toisich nan daoine a chaidh a chuireadh, agus iad mu thimehioll deich fir fhichead.

23 Agus thubhairt Samuel ris a' ehòeaire, Thoir *dhomh* a' chuibrionn a thug mi dhuit, mu'n dubhairt mi riut, Cuir làimh riut i.

24 Agus thog an eòeaire an slinnean, agus *an ni* a *bha* air, agus ehuir e fa chomhair Shaul e, agus thubhairt Samuel, Feuch



cuir an ni sin a dh'fhàgadh air do bheulaobh, agus i; oir a dh'ionnsuidh anam' soghlicidh-eadh dhuit e, o thubhairt mi, Thug mi cuireadh do'n t-sluagh. Agus dh'ith Saul maille ri Samuel air an là sin.

25 Agus an uair a thàinig iad a nuas o'n ionad àrd do'n bhaile, labhair Samuel ri Saul air mullach an tighe.

26 Agus dh'èirich iad gu moch: agus mu bhriseadh na faire, ghairm Samuel air Saul gu mullach an tighe, ag ràdh, Èirich, a chum gu'n leig mi air falbh thu. Agus dh'èirich Saul, agus chaidh iad a mach le 'chéile, e féin agus Samuel.

27 Agus an uair a bha iad a' dol sìos gu ionnall a' bhaile, thubhairt Samuel ri Saul, Abair ris an òganach dol air aghaidh romhainn, (agus chaidh e air aghaidh,) ach seas thusa tamull, agus cuiridh mi 'n céill dhuit focal Dhé.

### CAIB. X.

1 *Dh'ung Samuel Saul, agus neartaich se e le tri comharaibh. 10 Thuirling spiorad Dhé air Saul agus rinn e fàidheadaireachd. 17 Shonraicheadh e gu bhí 'n a rìgh os ceann Israeil.*

**A**N SIN ghabh Samuel corn olaidh, agus dhòirt e air a cheann e, agus phòg se e, agus thubhairt e, Nach ann a chionn gu'n d'ung an Tighearn thu *gubhí* 'd' cheannard air 'oighreachd féin?

2 'N uair a dh'imicheas tu 'n diugh uamsa, an sin gheibh thu dithis dhaoine làmh ri uaigh Racheil, ann an crìch Bheniamin ann an Selsah: agus their iad riut, Fhuaradh na h-asail a chaidh thu a dh'iarraidh; agus, feuch, leig d'athair dheth cùram nan asal, agus tha smuaisean air mu'r timchioll-sa, ag ràdh, Ciod a ui mi air son me mhic?

3 An sin thèid thu air d'aghaidh as a sin, agus thig thu dh'ionnsuidh còmhnaidh Thaboir, agus coinnichidh tu 'n sin triuir dhaoine a' dol suas a dh'ionnsuidh Dhé gu Bet-el, aon *diubh* a' giùlan thri meann, agus aon *eile* a' giùlan thri builmean arain, agus aon *eile* a' giùlan searraig fhìona.

4 Agus cuiridh iad fàilte ort, agus bheir iad dhuit dà *bhuillean* arain, agus gabhaidh tu as an làmh *iad*.

5 'N a dhèigh sin thig thu gu cnoc Dhé, far am *bheil* freiceadan nam Philisteach: agus tarlaidh, 'n uair a thig thu an sin do'n bhaile, gu'n coinnich thu cuideachd fhàidhean a' teachd a nuas o'n ionad àrd, le saltair, agus tiompan, agus pìob, agus clàrsach rompa, agus iad ri fàidheadaireachd:

6 Agus tuirlingidh spiorad an Tighearna ort, agus ni thu fàidheadaireachd maille riu-san, agus tionudaidhear thu a'd dhuine eile.

7 Agus an uair a thig na comharan sin ort, ni thu mar a fhreagras a' chùis duit, oir *bithidh* Dia maille riut.

8 Agus thèid thu sìos romham-sa gu Gil-

gal; agus, feuch, thèid mise sìos a d' ionnsuidh, a thoirt suas thabhartas-loisgte, agus a dh'ìobradh ìobairtean thabhartas-sìth; seachd làithean fanaidh tu, agus an tig mise a d' ionnsuidh, agus gu'n toir mi fios dhuit ciod a ni thu.

9 Agus an uair a thionndaidh e a chùl gu falbh o Shamuel, thug Dia dha crìdhe cìle; agus thàinig na comharan sin uile gu crìch air an là sin féin.

10 Agus thàinig e o sin do'n chnoc; agus, feuch, choinnich cuideachd fhàidhean e; agus thuirling spiorad Dhé air, agus rinn e fàidheadaireachd 'n am measg.

11 A nis an uair a chunnaic iadsan uile a ghabh eòlas air roimhe, feuch, gu'n d'rinn e fàidheadaireachd maille ris na fàidhibh, an sin thubhairt an sluagh gach aon ri 'chéile, Ciod e so a thàinig air mac Chis? Am *bheil* Saul cuideachd am measg nam fàidhean?

12 Agus fhreagair duine as an àite sin, agus thubhairt e, Ach cò e an athair? uime sin bha e 'n a ghnàth-fhocal, Am *bheil* Saul cuideachd am measg nam fàidhean?

13 Agus an uair a chuir e crìoch air fàidheadaireachd a dheanamh, thàinig e do'n ionad àrd.

14 Agus thubhairt bràthair-athar Shauil ris, agus r'a òganach, C'àite an deachaidh sibh? agus thubhairt esan, A dh'iarraidh nan asal: agus an uair a chunnaic sinn nach *robh* iad *r'am faghail*, thàinig sinn gu Samuel.

15 Agus thubhairt bràthair-athar Shauil, Innis dhomh, guidheam ort, ciod a thubhairt Samuel ribh.

16 Agus thubhairt Saul ri bràthair-athar, Dh'innis e dhuinn gu cinnteach gu'n d'fhuaradh na h-asail; ach a thaobh na rìoghachd, cha d'innis e dha ciod a thubhairt Samuel.

17 Agus ghairm Samuel an sluagh an ceann a chéile a dh'ionnsuidh an Tighearna gu Misphek;

18 Agus thubhairt e ri cloinn Israeil, Mar so tha'n Tighearn Dia Israeil ag ràdh, Thug mi nìos Israel as an Eiplùt, agus shaor mi sibh á làmh nan Eiphiteach, agus á làmh nan rìoghachdan uile, a bha 'deanamh ainneirt oirbh.

19 Gidheadh sibh sibhse an diugh cùl ri'r Dia, esan a shaor sibh o bhuir n-uile agus blur teanntachdaibh gu léir; agus thubhairt sibh, Ni h-eadh, ach cuiridh tu rìgh os ar ceann. A nis uime sin nochdaibh sibh féin 'am fiauuis an Tighearna, a réir blur treubhan, agus a réir blur mìltean.

20 Agus an uair a thug Samuel air uile threubhan Israeil teachd am fagus, ghabhadh treubh Bheniamin.

21 Agus an uair a thug e air tréibh Bheniamin teachd am fagus a réir an teaghlach-ean, ghabhadh teaghlach Mhatri: agus an uair a thug e air teaghlach Mhatri teachd am fagus a lìon fear agus fear, ghabhadh



Saul mac Chis: agus an uair a dh'iarr iad e, cha d'fhuaradh e.

22 Uime sin dh'fhiosraich iad fathast de'n Tighearn', an tigeadh an duine fathast an sin: agus fhreagair an Tighearn', Feuch, dh'fholaich se e féin am measg na h-airneis.

23 Agus ruith iad, agus thug iad á sin e: agus an uair a sheas e 'am meadhon an t-sluaigh, bha e ni b'airde na'n sluagh uile, o 'ghuaillibh agus o sin suas.

24 Agus thubhairt Samuel ris an t-sluagh uile, Am faic sibh esan a thagh an Tighearn', nach 'eil neach cosmhuil ris am measg an t-sluaigh uile? agus rinn an sluagh uile iolach, agus thubhairt, iad, Gu ma fada beò an rìgh.

25 An sin dh'innis Samuel do'n t-sluagh lagh na rioghachd, agus sgrìobh e ann an leabhar e, agus thaisg e suas 'am fianuis an Tighearna e: agus leig Samuel an sluagh uile air falbh, gach duine d'a thigh.

26 Agus chaidh Saul mar an ceudna dhachaidh gu Gibeah, agus chaidh maille ris daoine treun, aig an do bhean Dia r'an cridhe.

27 Ach thubhairt mic Bheliail, Cionnus a shaoras am fear so sinn? agus rinn iad dimeas air, agus cha d'thug iad tiodhlac sam bith d'a ionnsuidh: ach dh'fhan esan 'n a thosd.

### CAIB. XI.

1 *Champaich Nahas an t-Amonach an aghaidh Iabeis-ghilead.* 4 Chuir luchd-muinntir an àite sin teachdairean a dh'ionnsuidh Shaul a dh'iarraidh còmhaidh. 7 Chruinnich esan sluagh Israeil ri 'chéile, agus bhuail e na h-Amonaich. 14 Dh'athnuadh aichead a rioghachd ann an Gilgal.

**A**N SIN chaidh Nahas an t-Amonach suas, agus champaich e an aghaidh Iabeis-ghilead: agus thubhairt uile dhaoine Iabeis ri Nahas, Dean coimhcheangal ruinn, agus ni sinne seirbhis dhuit.

2 Agus fhreagair Nahas an t-Amonach iad, Air a' chùmhnannt so ni mi coimhcheangal ribh, gu'n spion mi mach gach sùil dheas agaibh, agus gu'n cuir mi am masladh so air Israel uile.

3 Agus thubhairt seanairean Iabeis ris, Thoir dhuinn dàil sheachd làithean, a chum gu'n cuir sinn teachdairean gu uile chrìoch-aihbh Israeil; agus mur bi neach sam bith gu'r saoradh, an sin théid sinn a mach a d'ionnsuidh.

4 An sin thàinig na teachdairean gu Gibeah Shaul, agus dh'innis iad an sgeul ann an clusaibh an t-sluaigh: agus thog an sluagh uile suas an guth, agus ghuil iad.

5 Agus, feuch, thàinig Saul an déigh a' bhuair as a' mhachair; agus thubhairt Saul, Ciod a thàinig air an t-sluagh, gu bheil iad a' gul? agus dh'innis iad da sgeul dhaoine Iabeis.

6 Agus thuirling spiorad Dhé air Saul an

uair a chual' e an sgeul sin, agus lasadh 'fhearg gu mòr.

7 Agus ghabh e cuing dhamh, agus ghearr e sìos 'n am mìribh iad, agus chuir e iad air feadh uile chrìochan Israeil le làimh theachdairean, ag ràdh, Ge b'e nach tig a mach an déigh Shaul, agus an déigh Shamueil, mar so nithear r'a dhaimh; agus thuit eagal an Tighearna air an t-sluagh, agus thàinig iad a mach mar aon duine.

8 Agus an uair a rinn e an àireamh ann am Besec, bha ann de chloinn Israeil trì cheud mìle, agus de fhir Iudah deich mìle fichead.

9 Agus thubhairt iad ris na teachdaireibh a thàinig, Mar so their sibh ri fir Iabeis-ghilead, Am màireach, an uair a dh'fhàsas a' ghrian teth, bithidh cabhair agaibh. Agus thàinig na teachdairean, agus dh'innis iad sin do fhir Iabeis; agus bha aoibhneas orra.

10 Uime sin thubhairt fir Iabeis, Am màireach théid sinn a mach d'ur n-ionnsuidh, agus ni sibh ruinn a réir gach ni a's àill leibh.

11 Agus air an là màireach chuir Saul an sluagh 'n an trì buidhnibh; agus thàinig iad gu meadhon an fheachd ann am faire na maidne, agus bhuail iad na h-Amonaich gus an d'fhàs an latha teth: agus sgapadh iad-san a mhair, air chor as nach d'fhàgadh dithis diubh cuideachd.

12 Agus thubhairt an sluagh ri Samuel, Cò a thubhairt, Cha rìghich Saul os ar ceann? thugaibh an so na daoine a chum gu'n cuir sinn gu bàs iad.

13 Agus thubhairt Saul, Cha chuirear duine gu bàs air an là so; oir an diugh dh'oibrich an Tighearn saorsa ann an Israel.

14 An sin thubhairt Samuel ris an t-sluagh, Thigibh, agus rachamaid do Ghilgal, agus athnuadh aicheamaid an sin an rioghachd.

15 Agus chaidh an sluagh uile gu Gilgal, agus rinn iad Saul an sin 'n a rìgh am fianuis an Tighearna ann an Gilgal; agus dh'ìobair iad an sin ìobairtean thabhartas-sith 'am fianuis an Tighearn': agus rinn Saul an sin agus fir Israeil uile gairdeachas mòr.

### CAIB. XII.

1 *Dh'aicidh an sluagh neo-chiontas Shamueil.* 6 Chuir esan 'an céill doibh na nithean iongantach a rinn Dia air an son, agus an eus-ùmhlaichd dhasan le rìgh iarraidh dhoibh féin.

**A**GUS thubhairt Samuel ri h-Israel uile, Feuch, dh'éisd mi ri'r guth anns gach ni a thubhairt sibh rium, agus rinn mi rìgh os bhur ceann.

2 Agus a nis, feuch, tha'n rìgh ag imeachd roimhlibh: agus tha mise aosmhor agus ceannlaith, agus, feuch, tha mo mhic maille ribh: agus ghluais mise 'n ur fianuis o m'òige gus an là 'n diugh.

## I SAMUEL, XIII.

3 Feuch, *tha* rì 'n so; thugaibh fianuis a'm aghaidh an làthair an Tighearna, agus an làthair 'Aoin ungta: cò esan o'n d'thug mi a dhàmh? agus cò esan o'n d'thug mi 'asal? agus cò esan air an d'rinn mi feall? cò esan air an d'rinn mi ainneart? agus cò esan o làimh an do ghabh mi duais a chum mo shùilean a dhalladh leatha? agus aisgidh mi dhuibh.

4 Agus thubhairt iadsan, Cha d'rinn thu feall oirne, ni mò a rinn thu ainneart oirne, ni mò a ghabh thu ni air bith o làimh aoin duine.

5 Agus thubhairt e riu, Tha 'n Tighearn 'n a fhianuis 'n 'ur n-aghaidh, agus tha 'Aon ungta 'n a fhianuis an diugh, nach d'fhuair sibh a'm làimh-sa ni sam bith. Agus fhreagair iadsan, *Tha e* 'n a fhianuis.

6 Agus thubhairt Samuel ris an t-sluagh, *Is e* 'n Tighearn a thog suas Maois agus Aaron, agus a thug bhur n-aithrichean nìos á tìr na h-Eiphit.

7 A nis uime sin seasaibh, a chum gu'n toir mi breth oirbh an làthair an Tighearna, a thaobh uile ghníomharan ceart an Tighearna, a rinn e dhuibhse agus do bhur n-aithrichibh.

8 An uair a thàinig Iacob a steach do'n Eiphit, agus a ghlaodh bhur n-aithrichean ris an Tighearn, an sin chuir an Tighearn *d'an ionnsuidh* Maois agus Aaron, a thug bhur n-aithrichean a mach as an Eiphit, agus a thug orra còmhnuidh 'ghabhail anns an àite so.

9 Agus an uair a dhì-chuimhnich iad an Tighearn an Dia, thug e thairis iad do làimh Shisera, ceannaird armailte Hasoir, agus do làimh nam Philisteach, agus do làimh rìgh Mhoab; agus chog iad 'n an aghaidh.

10 Agus ghlaodh iad ris an Tighearn, agus thubhairt iad, Pheacaich sinn, do bhrìgh gu'n do thréig sinn an Tighearn, agus gu'n d'rinn sinn seirbhis do Bhaalim agus Ast-arot; ach a nis saor sinn á làimh ar naimh-dean, agus ni sinn seirbhis dhuit.

11 Agus chuir an Tighearn uaith Ierubaal, agus Barac, agus Iephtah, agus Samuel, agus shaor e sibh á làimh bhur naimh-dean air gach taobh, agus ghabh sibh còmhnuidh gu tèarainte.

12 Agus an uair a chunnaic sibh gu'n d'fhàinig Nahas rìgh chloinn Amoin 'n 'ur n-aghaidh, thubhairt sibh riumsa, Ni h-eadh, ach rìghaichidh rìgh os ar ceann: an uair a *b'e* an Tighearn bhur Dia bhur rìgh.

13 A nis uime sin feuch an rìgh a thagh sibh, agus a dh'iarr sibh: agus, feuch, chuir an Tighearn rìgh os bhur ceann.

14 Ma bhitheasagal an Tighearna oirbh, agus *ma* ni sibh seirbhis dha, agus *ma* dh'èisdeas sibh r'a ghuth, agus nach dean sibh ceannaire an aghaidh àithne an Tigh-

earna, an sin bithidh sibh féin tèarainte, agus mar an ceudna an rìgh a rìghaicheas os bhur ceann an déigh an Tighearna bhur Dé.

15 Ach mur éisd sibh ri guth an Tighearna, agus gu'n dean sibh ceannaire an aghaidh àithne an Tighearna, an sin bithidh làmh an Tighearna 'n 'ur n-aghaidh-sa, mar a *bha i* 'n aghaidh bhur n-aithrichean.

16 A nis uime sin seasaibh agus faicibh an ní mòr so, a ni an Tighearn fa chomhair bhur sùl.

17 Nach *'eil* foghar a' chruithneachd ann an diugh? gairmidh mise air an Tighearn, agus cuiridh e *nuas* tairmeanach agus uisge; a chum gu'n tuig agus gu'm faic sibh gu *bheil* bhur n-ole mòr, a rinn sibh ann an sealladh an Tighearna, le rìgh iarraidh dhuibh féin.

18 Agus ghairm Samuel air an Tighearn; agus chuir an Tighearn a nuas tairmeanach agus uisge air an là sin: agus ghabh an sluagh uile eagal mòr roimh an Tighearn, agus roimh Shamuel.

19 Agus thubhairt an sluagh uile ri Samuel, Dean urnuigh air son do sheirbhiseach ris an Tighearn do Dhia, a chum nach bàsaich sinn: oir chuir sinn r'ar peacaidhean uile an t-ole so, rìgh iarraidh dhuinn féin.

20 Agus thubhairt Samuel ris an t-sluagh, Na bitheadh eagal oirbh: (rinn sibh an t-ole so uile: gidheadh na tionndaidhibh a thaobh o'n Tighearn a leantuinn, ach deanaibh seirbhis do'n Tighearn le'r n-uile chridhe;

21 Agus na tionndaidhibh a thaobh an déigh *nithean* faoin, nach bi chum tairbhe *dhuibh*, agus nach saor sibh; oir *is* faoineis iad.)

22 Oir cha tréig an Tighearn a shluagh, air sgàth a mhòir-ainme féin; do bhrìgh gu'm bu toil leis an Tighearn bhur deanamh 'n 'ur sluagh dha féin.

23 Ach air mo shon-sa, nar leigeadh Dia gu'm peacaichim an aghaidh an Tighearna, le sgur de urnuigh a dheanamh air bhur son: ach teagaisgidh mi dhuibh an t-slighe mhaith agus cheart.

24 A mhàin bitheadh eagal an Tighearna oirbh, agus deanaibh seirbhis dha ann am fìrinn le bhur n-uile chridhe: oir faicibh cia mòr na nithean a rinn e air bhur son.

25 Ach ma bhunaicheas sibh ann an droch dheanadas, sgriosar araon sibh féin agus bhur rìgh.

### CAIB. XIII.

1 *Bhuail Ionatan freiceadan nam Philisteach ann an Gaba.* 5 *Chruinnicheadh iadsan an ceann a chèile ann am Michmas gu cogadh ri Israel.* 6 *Teanntachd nam Israeleach.* 9 *Thug Saul suas iobairt-loisgte.* 11 *Chronaich Samuel e.* 17 *Chuir na Philistich a mach tri cuideachd-an de luchd-creiche.*

**B**HA Saul deich bliadhna fichead a dh'aois an uair a thòisich e air rìogh-



## 1 SAMUEL XIV.

achadh; agus rìghich e dà bhliadhna os ceann Israeil.

2 An sin thagh Saul dha féin trì mìle *fear* de Israeil; *d'an* robh dà mhìle maille ri Saul ann am Michmas, agus ann an sliabh Bhet-eil, agus bha mìle maille ri Ionatan ann am Gibeah Bheniamin: agus a' chuid eile de'n t-sluagh chuir e gach duine *dhiubh* dh'ionnsuidh a bhùtha.

3 Agus bhuail Ionatan freiceadan nam Philisteach a *bha* ann an Geba; agus chuala na Philistich *sin*: agus shéid Saul an trompaid air feadh na tìre uile, ag ràdh, Chuimeadh na h-Eabhruidhich.

4 Agus chual' Israeil uile iomradh *gu'n* do bhuail Saul freiceadan nam Philisteach, agus mar an ceudna *gu'n* robh Israeil air am meas gràineil leis na Philistich; agus ghairmeadh an slagh an ceann a chéile an déigh Shaul gu Gilgal.

5 Agus chruinnicheadh na Philistich an ceann a chéile gu cogadh ri h-Israeil, deich mìle fichead carbad, agns sè mìle marcach, agus sluagh mar a' ghaineamh a *tha* air tràigh na fairge thaobh lìonmhoireachd: agus thàinig iad a mìos, agns champaich iad ann am Michmas, a làimh na h-àirde 'n ear o Bhet-abhen.

6 An uair a chumnaic fir Israeil *gu'n* robh iad ann an teanntachd, a chionn *gu'n* do dhlùthaich an armaistean riu, an sin dh'fhòlaich an slagh iad féin ann an uamhan, agus ann an droighnich, agus ann an creagaibh, agus ann an daingneachaibh, agus ann an slochdaibh.

7 Agus chaidh *cuid de* na h-Eabhruidhich thar Iordan gu tìr Ghad, agus Ghilead: ach *bha* Saul fathast ann an Gilgal, agus bha'n sluagh 'n a dhéigh uile air chrith.

8 Agus dh'fheith e seachd làithean, gu ruig an t-àm àraidh a shuidhich Samuel: ach cha d'thàinig Sammel gu Gilgal; agus sgapadh an sluagh uath.

9 Agus thubhairt Saul, Thugaibh am' ionnsuidh an so iobairt-loisgte, agus tabhartasan-sith. Agus thug e suas an iobairt-loisgte.

10 Agus cò luath as a chuir e crìoch air an iobairt-loisgte a thoirt suas, feuch, thàinig Samuel; agus chaidh Saul a mach 'n a choinneamh a chum *gu'm* beannaicheadh e dha.

11 Agus thubhairt Samuel, Ciod a rinn thu? Agus fhreagair Saul, A chionn *gu'm* faca mi *gu'n* robh an sluagh air an sgapadh uam, agus nach d'thàinig thu an taobh a stigh de'n am shuidhichte, agns *gu'n* do chruinnich na Philistich iad féin an ceann a chéile gu Michmas;

12 Uime sin thubhairt mi, A nis thig na Philistich a nuas orm gu Gilgal, agus cha do chuir mi atcheuinge dh'ionnsuidh an Tighearna: rinn mi éigin uime sin orm féin, agus thug mi suas an iobairt-loisgte.

13 Agus thubhairt Samuel ri Saul, Rinn thu gu h-amaidcach; cha do ghléidh thu àithne an Tighearna do Dhé, a dh'àithn e dhuit; oir a nis dhaingnicheadh an Tighearn do rìoghachd air Israeil gu bràth.

14 Ach a nis cha seas do rìoghachd: dh'iarr an Tighearn dha féin duine a réir a chridhe féin, agus dh'àithn an Tighearn dha *bhi'n* a cheannard air a shluagh, a chionn nach do ghléidh thusa *an ni* a dh'àithn an Tighearn dhuit.

15 Agus dh'éirich Samuel, agus chaidh e suas o Gilgal gu Gibeah Bheniamin: agus rinn Saul an sluagh àireamh a bha làthair maille ris, mu thimchioll sè ceud fear.

16 Agus dh'fhan Saul, agus a mhac Ionatan, agus an sluagh a bha làthair maille riu, ann an Gibeah Bheniamin: ach champaich na Philistich ann am Michmas.

17 Agus thàinig an luchd-millidh a mach á camp nam Philisteach 'n an trì chuideachdaibh: thionndaidh aon chuideachd *dhiubh* do 'n t-slighe dh'ionnsuidh Ophrah, gu tìr Shaul:

18 Agus thionndaidh cnideachd eile do'n t-slighe dh'ionnsuidh Bhet-horoin: agus thionndaidh cuideachd eile do shlighe na criche, a tha 'g amhare ri gleann Sheboim, a dh'ionnsuidh an fhàsaich.

19 A nis cha d'fhuaradh gobha ann an tìr Israeil uile: (oir thubhairt na Philistich, Air eagal *gu'n* dean na h-Eabhruidhich *dhoibh* féin claidhean no sleaghan.)

20 Uime sin chaidh na h-Israelich uile sìos dh'ionnsuidh nam Philisteach, gach duine a gheurachadh a shuie, agus a chlaibe, agus a thuaghe, agns a phiocaid.

21 Gidheadh bha eighean aca air son nam piocaiden, agus air son nan soc, agus air son nan trì-mheurach, agus air son nan tuaghan, agus a gheurachadh nam bior.

22 Mar sin thachair e ann an là a' chatha, nach d'fhuaradh aon chuid claidheamh no sleagh ann an làimh neach sam bith de'n t-sluagh, a *bha* maille ri Saul agus Ionatan: ach fhuaradh aig Saul agus aig a mhac Ionatan.

23 Agus chaidh freiceadan nam Philisteach a mach gu bealach Mhichmais.

### CAIB. XIV.

1 Bhuail Ionatan agus fear *iomchair* 'arm freiceadan nam Philisteach. 17 Thàinig Saul agus fheadh dh'ionnsuidh a' chatha. 21 Chuir e an sluagh fo mhionnaibh nach itheadh iul biadh gu feasgar, a chum *gu'n* diòltadh e air a naimhdeibh. 27 Shaoradh Ionatan leis an t-sluagh.

**A** NIS air là àraidh thubhairt Ionatan mac Shaul ris an òganach a dh'iomchair 'arm, Thig, agus rachamaid thairis gu freiceadan nam Philisteach, a tha air an taobh thall: ach cha d'innis e d' a athair.

2 Agus dh'fhan Saul anns a' chuid a b'fhaide mach de Ghibeah, fo chraoibh



pomgranait, a *tha* anu am Migron: agus *bha'n* sluagh a *bha* maille ris mu thimchioll sè ceud fear.

3 Agus *bha* Ahiah mac Ahituib, bhràthar Ichaboid, mhic Phinehais, mhic Eli sagairt an Tighearn' ann an Siloh, ag iomchar ephoid. Ach cha robh fios aig an t-sluagh gu'u d'fhalbh Ionatan.

4 Agus eadar na bealaichean, air an d'iarr Ionatau dol thairis a dh'ionusuidh freiceadain nam Philisteach, *bha* creag gheur air aon taobh, agus creag gheur air an taobh eile: agus *b'e* ainm creige dhiubh Boses, agus ainm na creige eile Seneh.

5 Bha suidheachadh creige dhiubh o thuath fa chomhair Mhichmais, agus suidheachadh na creige eile o dheas fa chomhair Ghibeah.

6 Agus thubhairt Ionatan ris an òganach a dh'iomchair 'airn, Thig, agus rachamaid thairis a dh'ionnsuidh freiceadain nan daoine neothimchioll-ghearrta ud: theagamh gu'u oibrich an Tighearn air ar son; oir cha *n'eil* bacadh air an Tighearn saoradh le mòran no le beagan.

7 Agus thubhairt fear iomchair 'arm ris, Dean gach *ni* a th'ann ad chridhe: tionndaidh thu féin; feuch, *tha* mise maille riut a réir do chridhe.

8 An sin thubhairt Ionatan, Feuch, théid sinn thairis a dh'ionnsuidh nan daoine *ud*, agus nochdaidh sinn sinn féin doibh.

9 Ma their iad mar se ruinn, Fanaibh gus an tig sinn d'ur n-ionnsuidh; an sin scasaidh sinne 'n ar n-àite, agus cha téid sinn suas d'an ionnsuidh.

10 Agus ma their iad mar so, Thigibh a nìos d'ar n-ionnsuidh-ne; an sin théid sinn suas, oir thug an Tighearn thairis iad d'ar làimh: agus *bithidh* so 'n a chomharadh dhuin.

11 Agus nochd iad le 'chéile iad féin do fhreiceadan nam Philisteach: agus thubhairt na Philistich, Feuch, *tha* na h-Eabhruidhich a' teichead a mach as na tollaibh, auns an d'fholaich siad iad féin.

12 Agus fhreagair fir an fhreiceadain Ionatau agus fear iomchair 'arm, agus thubhairt iad, Thigibh a nìos d'ar u-ionnsuidh-ne, agus nochdaidh sinne dhuibh nì. Agus thubhairt Ionatan ri fear iomchair 'arm, Thig a nìos a'm dhéigh; oir thug an Tighearn thairis iad do làimh Israeil.

13 Agus chaidh Ionatan suas air a làmhan agus air a chosan, agus fear iomchair 'arm 'n a dhéigh: agus thuit iad roimh Ionatan; agus mharbh fear iomchair 'arm 'n a dhéigh.

14 Agus bha an ceud àr sin a riun Ionatan agus fear iomchair 'arm, mu thimchioll fichead fear, an taobh a stigh mar gu'm b'ann de leth-acair fhearainn, a *dh'fheudadh* cuing *dhan* a threabhadh ann an là.

15 Agus bha ball-chrith anns an fheachd, 's a' mhachair, agus am measg an t-sluaigh uile: bha crith mar an ceudna air au fhreice-

eadan agus air an luchd-millidh féin, agus chrìochnaich an talamh; agus bha i 'n a crith ro mhòir.

16 Agus dh'amaire luchd-faire Shaul ann an Gibeath Bheuiamin; agus, feuch, leagh am mòr-shluagh as, agus dh'fhalbh iad a' bualadh sìos a *chéile*.

17 An sin thubhairt Saul ris an t-sluagh a *bha* maille ris, Gabhaibh àireamh a nìs, agus faicibh cò a dh'fhalbh uainn. Agus an uair a dh'àireamh iad, feuch, cha robh Ionatan agus fear iomchair 'arm *an sin*.

18 Agus thubhairt Saul ri Ahiah, Thoir an so àirc Dhé; oir bha àirc Dhé 's an àm sin maille ri cloinn Israeil.

19 Agus an uair a bha Saul a' labhairt ris au t-sagart, chaidh a' chonghair a bha ann am feachd nam Philisteach air a h-aghaidh, agus mheudaich i: agus thubhairt Saul ris an t-sagart, Tarruing air a h-ais do làmh.

20 Agus chruinnich Saul agus an sluagh uile a *bha* maille ris iad féin an ceann a chéile, agus thàinig iad a dh'ionnsuidh a' chatha; agus, feuch, bha claidheamh gach fir an aghaidh a choimhearsnaich, agus *bha* amhladh ro mhòr ann.

21 Agus na h-Eabhruidhich a bha maille ris na Philistich roimhe sin, a chaidh suas maille riut do'n champ *o'n tìr* mu'n cuairt, *thionndaidh* iadsan mar an ceudna gu bhi leis na h-Israelich, a *bha* maille ri Saul agus Ionatan.

22 Agus an uair a chuala na fir sin uile de Israel, a dh'fholaich iad féin ann an sliabh Ephraim, gu'n do theich na Philistich, dhùth-leann iadsan mar an ceudna 'n au déigh anns a' chath.

23 Mar sin shaor an Tighearn Israel air an là sin: agus chaidh an cath thairis gu Bet-abheu.

24 Agus thàinig fir Israeil am fagus air an là sin, agus chuir Saul an sluagh fo mhionnaibh, ag ràdh, Mallaichte gu robh am fear a dh'itheas biadh gu feasgar, a chum gu'n diolar mi air mo naimhdeibh: agus cha do bhlais neach air bith de'n t-sluagh biadh.

25 Agus thàinig au sluagh uile gu coille, agus bha mil air aghaidh na macharach.

26 Agus an uair a thàinig an sluagh do'n choille, feuch, shìl a' mhil sìos; ach cha do chuir duine sam bith a làmh a dh'ionnsuidh a bheoil; oir bha eagal nam mionnan air an t-sluagh.

27 Ach cha chuala Ionatan an uair a chuir 'athair an sluagh fo na mionnaibh: uime sin shìl e mach bàrr ua slait a *bha* 'u a làmh, agus thum e i ann an cir mheala, agus chuir e a làmh gu 'bheul, agus shoillsicheadh a shùilcan.

28 An sin fhreagair fear de'n t-sluagh, agus thubhairt e, Chuir d'athair an sluagh fo mhionnaibh teann, ag ràdh, Mallaichte gu robh an duine a dh'itheas biadh an diugh. Agus bha'n sluagh air fannachadh.

29 An sin thubhairt Ionatan, Chuir m'athair an tìr fo bhuaireas: faicibh, guidheam oirbh, cionnus a tha mo shùilean air an soilseachadh, do bhrìgh gu'n do bhlais mi beagan de'n mhìl so.

30 Cia mò gu mòr, nam bitheadh an sluagh air itheadh gu saor an diugh de chreich an naimhdean, a fhuair iad? oir nach bitheadh a nis àr ni bu mhò am measg nam Philisteach?

31 Agus bhuail iad air an là sin na Philistich o Mhichmas gu Aialon: agus bha 'n sluagh air fannachadh gu mòr.

32 Agus leum an sluagh air a' chreich, agus ghabh iad caoraich, agus buar, agus laoigh, agus mharbh iad air an talamh iad: agus dh'ith an sluagh iad leis an fhuil.

33 Agus dh'innis iad do Shaul, ag ràdh, Feuch, tha'n sluagh a' peacachadh an aghaidh an Tighearna, le itheadh maille ris an fhuil. Agus thubhairt esan, Pheacaich sibh: caruichibh a m' ionnsuidh an diugh clach mhòr.

34 Agus thubhairt Saul, Sgaoilibh sibh fèin am measg an t-sluaigh, agus abraibh riu, Thugaibh a m' ionnsuidh an so gach duine a mhart, agus gach duine a chaora, agus marbhaibh iad an so agus ithibh; agus na peacaichibh an aghaidh an Tighearna le itheadh maille ris an fhuil. Agus thug an sluagh uile gach duine a mhart leis air an oidhe sin, agus mharbh iad an sin iad.

35 Agus thog Saul altair do'n Tighearna; B'i sin a' cheud altair a thog e do'n Tighearna.

36 Agus thubhairt Saul, Rachamaid sìos an deigh nam Philisteach 's an oidheche, agus creachamaid iad gu solus na maidne, agus na fàgamaid fear dhiubh. Agus thubhairt iadsan, Dean gach ni a's maith leat. An sin thubhairt an sagart, Thigeamaid am fagus an so dh'ionnsuidh Dhé.

37 Agus dh'ìarr Saul comhairle air Dia, An téid mi sìos an deigh nam Philisteach? an toir thu thairis iad do làimh Israeil? ach cha do fhreagair se e air an là sin.

38 Agus thubhairt Saul, Thigibh am fagus an so, sibhse uile mhaithlean an t-sluaigh, agus bitheadh fios agaibh, agus faicibh, c'àit an robh am peacadh so an diugh.

39 Oir mar is beò an Tighearna, a shaor Israeil, ged robh e ann am mhac Ionatan, gu cinnteach gheibh e bas. Ach cha do fhreagair duine e de'n t-sluagh uile.

40 An sin thubhairt e ri h-Israel uile, Bithibhse air aou taobh, agus bithidh mise agus mo mhac Ionatan air an taobh eile. Agus thubhairt an sluagh ri Saul, Dean an ni a's maith leat.

41 Uime sin thubhairt Saul ris an Tighearna Dia Israeil, Thoir seachd crannchur cothromach. Agus ghabhadh Saul agus Ionatan; ach chaidh an sluagh as.

42 Agus thubhairt Saul, Tilgibh crannchur

eadar mise agus mo mhac Ionatan. Agus ghabhadh Ionatan.

43 An sin thubhairt Saul ri Ionatan, Innis dhomh cìod a rinn thu. Agus dh'innis Ionatan da, agus thubhairt e, Gu deimhin le bàrr na slait a bha a'm' làimh, bhlais mi beagan meala; agus, feuch, am faigh mi bàs?

44 Agus thubhairt Saul, Gu'n deanadh Dia mar sin, agus tuilleadh mar an ceudna: oir gu cinnteach gheibh thu bàs, a Ionatan.

45 Agus thubhairt an sluagh ri Saul, Am faigh Ionatan bàs, a dh'oibrich an t-saorsa mhòr so ann an Israeil? Nar leigeadh Dia: mar is beò an Tighearna, cha tuit aon ròinneag de fholt a chinn gu làr; oir maille ri Dia dh'oibrich e an diugh. Uime sin shaor an sluagh Ionatan, agus cha d'fhuair e bàs.

46 An sin chaidh Saul suas o leantunn nam Philisteach: agus dh'fhalbh na Philistich d'an àite fèin.

47 Agus ghabh Saul an rìoghachd os ceann Israeil, agus chog e air gach làimh an aghaidh a naimhdean gu léir, an aghaidh Mhoab, agus an aghaidh chloinn Amoin, agus an aghaidh Edoin, agus an aghaidh rìghrean Shobah, agus an aghaidh nam Philisteach: agus ge b'e taobh a thionndaidh e, chlaoidh e iad.

48 Agus thog e sluagh, agus bhuail e na h-Amaleich, agus shaor e Israeil á làimh na muinntir a bha 'g am milleadh.

49 A nis b'iad mic Shaul Ionatan, agus Isui, agus Melchisua: agus b'iad so ainmean a dh'ith nighean; ainm na ceud-ghin Merab, agus ainm na h-ìghinn a b'òige Michal.

50 Agus b'e ainm mnà Shaul Ahinoam, nighean Ahimahais: agus b'e ainm ceannaird a shluaigh Abner mac Neir, bràthair-athar Shaul.

51 Agus b'e Cis athair Shaul: agus b'e Ner athair Abneir, mac Abicil.

52 Agus bha cogadh dian an aghaidh nam Philisteach ré uile làithean Shaul: agus an uair a chitheadh Saul fear làidir sam bith, no fear treun sam bith, ghabhadh e d'a ionnsuidh e.

## CAIB. XV.

1 Chuireadh Saul a sgrìos Amaleic. 6 Nochd e caoimhneas do na Cenich. 7 Bhuail e na h-Amaleich, ach chaomhain e na caoraich agus am buar. 10 Air son 'eas-àimhlachd bha corruich air Dia 'n a aghaidh, agus chuir e càl ris o bhi 'n a rìgh. 32 Mharbh Samuel Agag.

**A**GUS thubhairt Samuel ri Saul, Chuir an Tighearna mi gu thusa ungadh a'd' rìgh os ceann a shluaigh, os ceann Israeil: a nis uime sin éisd ri briathraibh an Tighearna.

2 Mar so tha Tighearna nan sluagh ag ràdh, Is cuimhne leam cìod a rinn na



# 1 SAMUEL, XV.

h-Amalecich air na h-Israelich, cionnus a chuir iad 'n an aghaidh 's an t-slighe, 'nuair a thàinig iad a nìos as an Eiphit.

3 A nis falbh, agus buail na h-Amalecich, agus sgrios gu tur gach *ni a th'aca*, agus na caomhain iad; ach marbh aràon fear agus bean, leanabh agus eiochran, damh agus caora, càmhail agus asal.

4 Agus chruinnich Saul an sluagh an ceann a chèile, agus rinn e an àireamh ann an Telaim, dà cheud mìle coisiche, agus deich mìle fear de Iudah.

5 Agus thàinig Saul gu baile le Amalec, agus rinn e feall-fholach anns a' ghleann.

6 Agus thubhairt Saul ris na Cenich, Falbhaibh, imichibh á so, rachaibh sìos o mheasg nan Amaleceach, airagal gu'n sgrios mi sibh maille ri; oir nochd sibhse caoimhneas do chloinn Israeil uile 'n uair a thàinig iad a nìos as an Eiphit. Uime sin dh'imich na Cenich o mheasg nan Amaleceach.

7 Agus bhuail Saul na h-Amalecich o Habbilah *agus an tig' thu gu Sur, a tha fa chomhair na h-Eiphit.*

8 Agus ghlaic e Agag rìgh nan Amaleceach beò, agus sgrios e 'n sluagh uile le faobhar a' chlàidheimh.

9 Agus chaomhain Saul agus an sluagh Agag, agus a' chuid a b'fhearr de na caoraich, agus de'n bhuar, agus de na *beathaichibh* reamhra, agus de na h-uain, agus de gach *ni a bha* maith, agus cha bàill leo an sgrios gu tur; ach gach *ni a bha* taireil agus suarrach, sin sgrios iad gu tur.

10 An sin thàinig focal an Tighearna dh'ionnsuidh Shamucil, ag ràdh,

11 Is aithreach leam gu'n d'rinn mi Saul 'n a rìgh; oir thionndaidh e air ais o m'leantuinn, agus cha do choimhion e m'aith-eantan. Agus chuir sin doilgheas air Samuel, agus ghlaodh e ris an Tighearn ré na h-oidhche.

12 Agus an uair a dh'éirich Samuel gu moch a choinneachadh Shaul'sa' mhaduinn, dh'innseadh do Shamucil, ag ràdh, Thàinig Saul gu Carmel, agus, feuch, chuir e suas dha féin clach-chuimhneachain, agus dh'imich e mu'n cuairt, agus ghabh e air aghaidh, agus chaidh e sìos gu Gilgal.

13 Agus thàinig Samuel gu Saul; agus thubhairt Saul ris, Beannaichte *gu'n robh* thusa o'n Tighearn; choimhion mis' àithne an Tighearna.

14 Agus thubhairt Samuel, Ciod 'a's *ciall* ma tha do mheilich nan caorach so ann am chluasaibh, agus do gheumnaich a' chruidh a tha mi a' cuinntinn?

15 Agus thubhairt Saul, o na h-Amalecich thug siad iad; oir chaomhain an sluagh a' chuid a b'fhearr de na caoraich, agus de'n bhuar, a chum an iobradh do'n Tighearn do Dhia; agus a' chuid eile sgrios sinn gu tur.

16 An sin thubhairt Samuel ri Saul, Fuirich, agus innsidh mi dhuit ciod a thubhairt an Tighearn rium's an nochd. Agus thubhairt e ris, Abair romhad.

17 Agus thubhairt Samuel, An uair a *bha* thu beag a'd shùilibh féin nach d'rinnadh thu a'd cheann air treubhan Israeil? agus dh'ing an Tighearn thu a'd rìgh os ceann Israeil.

18 Agus chuir an Tighearn thu air thurus, agus thubhairt e, Falbh, agus sgrios gu tur na peacaich, na h-Amalecich, agus cog 'n an aghaidh gus an cuir thu as doibh.

19 'Car son ma ta nach d'éisid thu ri guth an Tighearna, ach a leum thu air a' chreic, agus a rinn thu ole ann an sùilibh an Tighearna?

20 Agus thubhairt Saul ri Samuel, Seadh, dh'éisid mi ri guth an Tighearna, agus dh'imich mi air an t-slighe air an do chuir an Tighearn mi, agus thug mi leam Agag rìgh Amaleic, agus sgrios mi gu tur na h-Amalecich:

21 Ach ghabh an sluagh de'n chreich, caoraich agus buar, toiseach nan nithean 'bu chòir a bhì air an sgrios gu tur, a chum an iobradh do'n Tighearn do Dhia ann an Gilgal.

22 Agus thubhairt Samuel, Am bheil tlachd aig an Tighearn ann an tabhartas-aibh-loisgte agus 'an iobairtibh, mar ann an ùmhlachd do ghuth an Tighearna? Feuch, is fearr ùmhlachd na iobairt, agus aire a thabhairt na saill reitheachan.

23 Oir *mar* pheacadh na druidheachd *tha* ceannaire, agus *mar* aingidheachd iodhol-aoraidh *tha* rag-mhuineileachd; a chionn gu'n do chuir thusa cùl ri focal an Tighearna, chuir esan mar an ceudna cùl riutsa o *bhi* 'd' rìgh.

24 Agus thubhairt Saul ri Samuel, Pheacaich mi, oir bhris mi àithne an Tighearna, agus do bhriathran-sa; a chionn gu'n robh eagal orm roimh 'n t-sluagh, agus gu'n d'éisid mi r'an guth.

25 A nis uime sin, guidheam ort, lugh mo pheacadh, agus pill maille rium, a chum gu'n dean mi aoradh do'n Tighearn.

26 Agus thubhairt Samuel ri Saul, Cha phill mi maille riut; oir chuir thu cùl ri focal an Tighearna, agus chuir an Tighearn cùl riutsa o *bhi* 'd' rìgh air Israel.

27 Agus an uair a thionndaidh Samuel mu'n cuairt gu falbh, rug e air oir 'fhall-uinne, agus reubadh i.

28 Agus thubhairt Samuel ris, Reub an Tighearn rioghachd Israeil dhìotsa an diugh, agus thug e i do d' choimhearsnach, a's fearr na thusa.

29 Agus mar an ceudna cha dean Neart Israeil breug, agus cha ghabh e aithreachas; oir cha duine e gu'n gabhadh e aithreachas.

30 An sin thubhairt e Pheacaich mi; *gidh-*



*eadh* a nis thoir urram dhomh, guidheam ort, 'am fianuis sheanairean mo shluaigh, agus 'am fianuis Israeil, agus pill maille rium, a chum gu'n dean mi aoradh do'n Tighearn do Dhia.

31 Agus phill Samuel an déigh Shaul; agus rinn Saul aoradh do'n Tighearn.

32 An sin thubhairt Samuel, Thugaibh an so a m' ionnsuidh-sa Agag rìgh nan Amaleach: agus thàinig Agag d'a ionnsuidh gu suilbhir. Agus thubhairt Agag, Gu cinnteach chaidh searbhadas a' bhàis seachad.

33 Agus thubhairt Samuel, Mar a rinn do chlaidheamh-sa mnathan gun chlann, mar sin bithidh do mhàthair gun chlann am measg bhau. Agus thug Samuel fainear Agag a ghearradh sìos 'n a mhiribh 'am fianuis an Tighearna aon an Gilgal.

34 An sin dh'imich Samuel gu Ramah; agus chaidh Saul suas d'a thigh gu Gibeath Shaul.

35 Agus cha d'fhàinig Samuel tuilleadh a dh'fhaicim Shaul gu latha a bhàis; gidheadh, rinn Samuel bròn air son Shaul: agus b'aithreach leis an Tighearn gu'n d'rinn e Saul 'n a rìgh air Israel.

# CAIB. XVI.

1 Chaidh Samuel gu Bet-lehem, agus dh'ung e Daibhidh mac Iese. 14 Chuir droch spiorad o'n Tighearn dragh air Saul. 19 Thugadh Daibhidh 'n a làthair.

**A**GUS thubhairt an Tighearn ri Samuel, Cia fhad a ni thu bròn air son Shaul, agus gu'n do chuir mise cùl ris o rìoghachadh os ceann Israeil? lion do chorn le h-oladh, agus falbh, cuiridh mise thu gu Iese am Bet-lehemach; oir fhuair mi mach am measg a chuid mac rìgh dhomh féin.

2 Agus thubhairt Samuel, Cionnus a dh'fhalbhas mi? oir cluinidh Saul, agus marbhadh e mi. Agus thubhairt an Tighearn, Thoir agh leat, agus abair, A dh'ìobradh do'n Tighearn thàinig mi.

3 Agus gairm air Iese dh'ionnsuidh na h-ìobairte, agus bheir mise fios dhuit ciod a ni thu: agus ungaidh tu dhomhsa *esan* a dh'ainmicheas mi dhuit.

4 Agus rinn Samuel au ni sin a labhair an Tighearn, agus thàinig e gu Bet-lehem: agus chrìochnaich seanairean a' bhaile r'a theachd, agus thubhairt iad, An ann 'an sìth a tha thu 'teachd?

5 Agus thubhairt esan, Ann an sìth: a dh'ìobradh do'n Tighearn thàinig mi: naomhaichibh sibh féin, agus thigibh maille rium a dh'ionnsuidh na h-ìobairte. Agus naomhaich e Iese agus a mhic, agus ghairm e iad a dh'ionnsuidh na h-ìobairte.

6 Agus an uair a thàinig iad, dh'amhaire e air Eliab, agus thubhairt e, Gu cinnteach 'am fianuis an Tighearna *tha* 'aon ungta-san.

7 Ach thubhairt an Tighearn ri Samuel, Na h-amhaire air a ghnùis, no air àirde a

phearsa, a chionn gu'n do chuir mise cùl ris; oir cha-n *fhaic* an Tighearn mar a chi duine: oir amhaireidh an duine air coslas an taobh a muigh, ach amhaireidh an Tighearn steach air a' chridhe.

8 Au sin ghairm Iese air Abinadab, agus thug e air gabhail seachad fa chomhair Shamueil: agus thubhairt e, Ni mò a thagh an Tighearn *e* so.

9 An sin thug Iese air Samah dol seachad: agus thubhairt e, Ni mò a thagh an Tighearn *e* so.

10 An sin thug Iese air seachdnar d'a mhic dol seachad fa chomhair Shamueil: agus thubhairt Samuel ri Iese, Cha do thagh an Tighearn *iad* so.

11 Agus thubhairt Samuel ri Iese, Am bheil do mhic uile an so? Agus thubhairt esan, Dh'fhàgadh fathast *am mac* a's òige, agus feuch, tha e ag ionaltradh nan caorach. Agus thubhairt Samuel ri Iese, Cuir *fios air*, agus thoir an so e; oir cha suidh sinn sìos gus an tig e 'n so.

12 Agus chuir e *fios air*, agus thug e steach e: a nis *bha* e ruiteach, agus sgiamhach 'n a ghnùis, agus maiseach ri amharc air. Agus thubhairt an Tighearn, Eirich, ung e; oir *is* e so esan.

13 Agus ghabh Samuel an còrn-olaidh, agus dh'ung se e am measg a bhràithrean: agus thuirling spiorad an Tighearna air Daibhidh, o'n là sin a mach. Agus dh'éirich Samuel, agus chaidh e gu Ramah.

14 Ach dh'fhalbh spiorad an Tighearna o Shaul, agus chuir droch spiorad o'n Tighearn buaireas air.

15 Agus thubhairt seirbhisich Shaul ris, Feuch a nis, *tha* droch spiorad o Dhia a' cur buaireis ort.

16 Thugadh a nis ar tighearn àithne do d' sheirbhisich a *tha* ann ad fhianuis, gu'n iarr iad a mach duine a chluicheas gu h-ealanta air clàrsaich: agus an uair a bhitheas an droch spiorad o Dhia ort, an sin cluichidh esan le a làimh, agus bithidh tusa gu maith.

17 Agus thubhairt Saul r'a sheirbhisich, Faighibh a nis dhomh duine a chluicheas gu maith, agus thugaibh a m' ionnsuidh e.

18 An sin fhreagair aon de na h-òglaich, agus thubhairt e, Feuch, chunnaic mi mac le Iese am Bet-lehemach, a chluicheas gu h-ealanta, agus a *tha* treun ann an neart, agus 'n a fhear-cogaidh, agus glic ann an gnothuichibh, agus 'n a duine maiseach; agus *tha* 'n Tighearn maille ris.

19 Uime sin chuir Saul teachdairean a dh'ionnsuidh Iese, agus thubhairt e, Cuir a m' ionnsuidh Daibhidh do mhac, a *tha* maille ris na caorach.

20 Agus ghabh Iese asal *luchdaichte* le h-aran, agus searrag fhìona, agus meann de na gabhraibh, agus chuir e *iad* le làimh Dhaibhidh, a mhic, a dh'ionnsuidh Shaul.

21 Agus thàinig Daibhidh a dh'ionnsuidh Shaul, agus sheas e 'n a fhianuis; agus ghràdhaich e gu mòr e, agus bha e aige 'n a fhear-ionmhair 'arm.

22 Agus chuir Saul *teachdaire* dh'ionnsuidh Iese, ag ràdh, Seasadh, guidheam ort, Daibhidh a'm' fhianuis; oir fluair e deadh-ghèan a'm' shùilbh.

23 Agus an uair a bha'n droch spiorad o Dhia air Saul, an sin ghabh Daibhidh clarsach, agus chluich e le a làimh: agus bha fois aig Saul, agus bha e gu maith; oir dh'fhalbh an droch spiorad uaithe.

CAIB. XVII.

1 *Chruinnicheadh slòigh nam Philisteach an ceann a chèile gu cath an aghaidh Israeil. 4 Thug Goliath dùbhlain do chloinn Israeil. 38 Mharbh Daibhidh e.*

**A**NIS chruinnich na Philistich an slòigh an ceann a chèile gu cath, agus chruinnicheadh iad aig Sochoh, a *bhuineas* do Iudah; agus champaich iad eadar Sochoh agus Asecah, ann an Ephesdamin.

2 Agus chruinnicheadh Saul agus fir Israeil an ceann a chèile, agus champaich iad ann an gleann Elah, agus chuir iad an cath 'an òrdugh, an aghaidh nam Philisteach.

3 Agus sheas na Philistich air sliabh air aon taobh, agus sheas Israel air sliabh air an taobh eile: agus *bha* gleann eatorra.

4 Agus thàinig curaidh a mach á camp nam Philisteach, d'am b'ainm Goliath o Ghat, *anns an robh* sè làmh-an-coille agus réis air àirde.

5 Agus *bha* clogaid umha air a cheann, agus *bha* e air 'éideadh le lùirich-mhàilich: agus *b'e* cudthrom na lùiriche cùig mìle secel umha.

6 Agus *bha* coisbheirt umha air a chosaibh, agus targaid umha eadar a ghuaillibh.

7 Agus *bha* crann a shleagha mar gharmain figheadair; agus *bha ann* an ceann a shleagha sè ceud secel iaruin: agus *bha fear* a' giùlan sgéithe ag imeachd roimhe.

8 Agus sheas e, agus ghlaodh e ri slòigh Israeil, agus thubhairt e riu, C'ar son a tha sibh a' teachd a mach gu'r cath a chur 'an òrdugh? Nach Philisteach mise, agus *nach* seirbhísich sibhse do Shaul? taghaibh dhuibh féin fear, agus thigeadh e nuas a m' ionnsuidh-sa.

9 Ma's urrainn e còmhrag riumsa, agus *ma* mharbhas e mi, an sin bithidh sinne 'n ar seirbhísich againn; ach ma bheir mise buaidh air-san, agus gu marbh mi e, an sin bithidh sibhse 'n ur seirbhísich againne, agus ni sibh seirbhís dhuinn.

10 Agus thubhairt am Philisteach, Tha mi a' toirt dùbhlain do slòigh Israeil an diugh; faighibh dhomhsa fear, a chum gu'n dean sinn còmhrag ri 'chéile.

11 An uair a chuala Saul agus Israel uile briathran sin an Philistich, bha iad fo uamhas, agus fo eagal mòr.

12 A nis *b'e* Daibhidh mac an Ephrataich sin o Bhet-lehem Iudah, d'am b'ainm Iese; agus *bha* ochdnar mhac aige: agus bha an duine ann an làithibh Shaul 'n a sheann duine, air teachd air aghaidh ann an aois.

13 Agus dh'imich an triuir mhac a bu shine aig Iese, agus chaidh iad an déigh Shaul a chum a' chogaidh; agus *b'iad* ainmean a thriuir mhac a chaidh dh'ionnsuidh a' chogaidh, Eliab an ceud-ghlin, agus 'n a dhéigh-san Abinadab, agus an treas *mac* Samah.

14 Agus *b'e* Daibhidh am *mac* a b'èige: agus chaidh an triuir a bu shine an déigh Shaul.

15 Ach dh'fhalbh Daibhidh agus phill e o Shaul, a dh'ionaltradh chaorach 'athar ann am Bet-lehem.

16 Agus tharruing am Philisteach am fagus 's a' mhaduinn agus mu fheasgar, agus nochd se e féin dà fhichead là.

17 Agus thubhairt Iese ri Daibhidh a mhac, Gabh a nis air son do bhràithrean ephah de'n *t-sìol* chruaidhichte so, agus na deich buillean so, agus ruith do'n champ a dh'ionnsuidh do bhràithrean;

18 Agus giùlain na deich mulchagan càise so dh'ionnsuidh ceannaird am mìle-san, agus seall cionnus a tha do bhràithrean, agus gabh an geall.

19 A nis *bha* Saul, agus iadsan, agus fir Israeil uile ann an gleann Elah, a' cogadh ris na Philistich.

20 Agus dh'éirich Daibhidh gu moch 's a' mhaduinn, agus dh'fhàg e na caoraich aig fear-gleidhidh, agus thug e leis, agus dh'imich e, mar a dh'aithe Iese dha; agus thàinig e do'n chlais-bhlàir an uair a bha 'n armailt a' dol a mach a dh'ionnsuidh a chatha, agus a rinn iad iolach chum a' chatha:

21 Oir ehuir Israel agus na Philistich iad féin 'an òrdugh catha, armailt an aghaidh armailt.

22 Agus dh'fhàg Daibhidh an t-uidheam a *chuir* e dheth ann an làmh fir-gleidhidh an uidheim, agus ruith e dh'ionnsuidh na h-armailt, agus thàinig e, agus chuir e failt' air a bhràithribh.

23 Agus an uair a bha e a' labhairt riu, feuch, thàinig an curaidh d'am b'ainm Goliath, am Philisteach o Ghat, a nìos á armailt nam Philisteach, agus labhair e a réir nam briathran ceudna: agus chuala Daibhidh *iad*.

24 Agus an uair a chunnaic fir Israeil uile an duine, theich iad roimhe, agus bha eagal mòr orra.

25 Agus thubhairt fir Israeil, Am faca sibh ann fear so a tha air teachd a nìos? gu còimteach *is ann* a thoirt dùbhlain do Israel a tha e air teachd a nìos: agus ge b'e fear a mharbhas e, ni an rìgh saoi bhir e le mòr shaoibhreas, agus bheir e dha a



nighean, agus nì e tigh 'athar saor ann an Israel.

26 Agus thubhairt Daibhidh ris na daoineibh a sheas làimh ris, ag ràdh, Ciod a nìthear ris an duine a mharbas am Philisteach so, agus a bheir air falbh am masladh o Israel? oir cò e am Philisteach neo-thimchioll-ghearrta so, gu'n tugadh e dùbhlhan do armailtibh an Dé bheò?

27 Agus fhreagair an sluagh e air an dòigh so, ag ràdh, Mar so nìthear ris an duine a mharbas e.

28 Agus chuala Eliab, a bhràthair a bu shine, 'n uair a labhair e ris na daoineibh: agus las fearg Eliab an aghaidh Dhaibhidh, agus thubhairt e, Car son a thàinig thu uas an so? agus cò aig a dh'fhàg thu am beagan chaorach sin anns an fhàsach? tha mi fiosrach air d'ubhar agus olcas do chridhe; oir is ann a dh'fhaicinn a' chatha a thàinig thu uas.

29 Agus thubhairt Daibhidh, Ciod a rinn mi a nis? nach briathran iad?

30 Agus thionndaidh e uaithsan a dh'ionnsuidh *fir* eile, agus labhair e air an dòigh cheudna: agus fhreagair an sluagh e a ris a réir na ceud dòigh.

31 Agus an uair a chualas na briathran a labhair Daibhidh, dh'aithris iad 'am fianuis Shaul iad: agus chuir e fios air.

32 Agus thubhairt Daibhidh ri Saul, Na fannaicheadh cridhe duine sam bith air a shon-san: théid do sheirbhiseach agus cogaidh e ris an Philisteach so.

33 Agus thubhairt Saul ri Daibhidh, Cha-n urrainn thusa dol an aghaidh an Philistich so a chogadh ris: oir *cha-neil* annadsa *ach* òganach, agus *tha* esan 'n a fhear-cogaidh o òige.

34 Agus thubhairt Daibhidh ri Saul, Bha do sheirbhiseach ag ionaltradh chaorach 'athar, agus thàinig leòmhán, agus math-ghamhuin, agus thug e uan as an treud:

35 Agus chaidh mi mach 'n a dhéigh, agus bhual mi e, agus shaor mi as a bheil e. Agus an uair a dh'éirich e a'm' aghaidh, rug mi air fheusaig *air*, agus bhual mi e, agus mharbh mi e.

36 Araon an leòmhán agus am math-ghamhuin mharbh do sheirbhiseach: agus bithidh am Philisteach neo-thimchioll-ghearrta so mar aon diubhsan, do bhrìgh gu'n d'thug e dùbhlhan do armailtibh an Dé bheò.

37 Mar an ceudna thubhairt Daibhidh, An Tighearn a shaor mise á màg an leòmhain, agus á màg a' mhath-ghamhuin, saoraidh esan mi á làimh an Philistich so. Agus thubhairt Saul ri Daibhidh, Falbh, agus gu robh an Tighearn maille riut.

38 Agus chuir Saul 'éididh féin air Daibhidh, agus chuir e clogaid umha air a cheann; mar an ceudna chuir e làireach air.

39 Agus chrìoslaich Daibhidh a chlaidheamh air uachdar 'éididh, agus bàill leis imeachd, oir cha do chleachd e *iad*: agus thubhairt Daibhidh ri Saul, Cha-n urrainn mi imeachd leo so, oir cha do chleachd mi *iad*. Agus chuir Daibhidh dheth iad.

40 Agus ghabh e a bhata 'n a làimh, agus thagh e dha féin cùig clachan mìne o'n t-sruth, agus chuir e iad ann am màla buachaille a *bha* aige, eadhon ann an sporan, agus *bha* a chrann-tàbhuill 'n a làimh: agus tharruing e 'm fagus do'n Philisteach.

41 Agus thàinig am Philisteach air aghaidh, agus tharruing e 'm fagus do Dhaibhidh; agus fear-iomchair a sgeithe roimhe.

42 Agus an uair a dh'amhairc am Philisteach agus a chunnaic e Daibhidh, rinn e dìmeas air, a chionn gu'n robh e 'n a òganach, agus ruiteach, agus sgiamhach 'n a ghnùis.

43 Agus thubhairt am Philisteach ri Daibhidh, An cù mise, gu'n tigeadh tu a m' ionnsuidh le bataibh? agus mhalach am Philisteach Daibhidh ann an *ainn* a dhiathan.

44 Agus thubhairt am Philisteach ri Daibhidh, Thig a m' ionnsuidh-sa, agus bheir mi d'fheoil do eunlaith an athair, agus do bheathaichibh na macharach.

45 An sin thubhairt Daibhidh ris an Philisteach, *Tha* thusa a' teachd a m' ionnsuidh-sa le claidheamh, agus le slcagh, agus le sgeith; ach *tha* mise a' teachd a d' ionnsuidh-sa ann an ainn Thighearna nan sluagh, Dhé armailtéan Israeil, d'an d'thug thusa dùbhlhan.

46 Air an là 'n diugh bheir an Tighearn thairis thu do m' làimh-sa, agus buaidh mi thu, agus buinidh mi dhìot do cheann, agus bheir mi ciosaichean fhacaid nam Philisteach air an là 'n diugh do cunlaith an athair, agus do fhiadh-bheathaichibh na talmhainn; a chum gu'm bi fios aig an talamh uile gu bheil Dia ann an Israel.

47 Agus bithidh fios aig a' choimhthional so uile, nach ann le claidheamh no le sleagh a shaoras an Tighearn: oir *is* leis an Tighearn an cath, agus bheir e sibhse d'ar làimh-ne.

48 Agus an uair a dh'éirich am Philisteach, agus a thàinig e agus a tharruing e 'm fagus 'an coimeamh Dhaibhidh, an sin rinn Daibhidh cabhag, agus ruith e dh'ionnsuidh na h-armailt 'an coimeamh an Philistich.

49 Agus chuir Daibhidh a làmh 'n a mhàla, agus ghabh e as a sin clach, agus thilg e as a chrann-tàbhuill, agus bhual e 'm Philisteach ann an clàr 'eudainn: agus chaidh a' chlach a stigh ann an clàr 'eudainn, agus thuit e air 'a ghaidh dh'ionnsuidh an làir.



50 Mar sin thug Daibhidh buaidh air an Philisteach le crann-tàbhuill agus le cloich; agus bhual e 'm Philisteach, agus mharbh se e; ach cha robh claidheamh ann an làimh Dhaibhidh.

51 Uime sin ruith Daibhidh agus sheas e air an Philisteach, agus ghlac e a chlaidheamh, agus tharraing e as a thruaill e, agus mharbh se e, agus ghearr e dheth a cheann leis. Agus an uair a chunnaic na Philistich gu'n robh an gaisgeach marbh, theich iad.

52 Agus dh'éirich fir Israeil agus Iudah, agus rinn iad iolach, agus chaidh iad air tòir nam Philisteach, gus an tig thu gu gleann, agus gu geataichibh Ecroin; agus thuit iadsan a bha leònta de na Philistich air an t-slighe gu Saraim, cadhon gu ruig Gat, agus gu ruig Ecron.

53 Agus phill clann Israeil o ruagadh nam Philisteach, agus chreach iad an camp.

54 Agus ghabh Daibhidh ceann an Philistich, agus thug e leis e gu h-Ierusalem: ach chuir e 'armachd 'n a bhùth.

55 Agus an uair a chunnaic Saul Daibhidh a' dol a mach an aghaidh an Philistich, thubhairt e ri Abner ceannard an t-sluaigh, Abneir, cò d'am mac an t-òganach so? Agus thubhairt Abner, Mar is beò d'anam, O a rìgh, cha-n'eil fhios agam.

56 Agus thubhairt an rìgh, Feòraich thusa cò d'am mac an t-òganach so.

57 Agus an uair a phill Daibhidh o mharbhadh an Philistich, ghabh Abner e, agus thug e 'am fianuis Shaul e, le ceann an Philistich 'n a làimh.

58 Agus thubhairt Saul ris, Cò d'am mac thu, òganaich? Agus fhreagair Daibhidh, *is mi* mac do sheirbhisich Iese, a' Bhet-lehemich.

# CAIB. XVIII.

1 *Ghràdhaich Ionatan Daibhidh. 10 Dh'fhuath- aich Saul e, agus dh'iarr e a mharbhadh. 22 Thug e Michal a nighean dha 'n a mnaoi.*

**A**GUS tharladh an uair a chuir e crìoch air labhairt ri Saul, gu'n do cheann- gladh anam Ionatan ri anam Dhaibhidh, agus ghràdhaich Ionatan e mar 'anam féin.

2 Agus ghabh Saul d' a ionnsuidh e air an là sin, agus cha do leig e leis pilltinn ni's mò gu tigh 'athar.

3 An sin rinn Ionatan agus Daibhidh coimh-cheangal, a chionn gu'n do ghràdhaich se e mar 'anam féin.

4 Agus chuir Ionatan dheth féin an fhall- uinn a bh'air, agus thug e do Dhaibhidh i, agus 'éididh cadhon gu chlaidheamh, agus gu 'bhogha, agus gu 'chrios.

5 Agus chaidh Daibhidh mach gach taobh a chuir Saul e, agus ghiùlain se e féin gu glic: agus chuir Saul e os ceann nam fear- cogaidh; agus bha e taitneach ann an sùilbhan an t-sluaigh uile, agus mar an ceud- na ann an sùilbhan sheirbhiseach Shaul.

6 Agus an uair a bha iad a' teachd, an déigh do Dhaibhidh pilltinn o mharbhadh an Philistich, thàinig na mnathan a mach á uile bhailtibh Israeil, a' seinn agus a' dannsadh 'an coinneamh rìgh Shaul, le tiompanaibh, le gairdeachas, agus le h-innealaibh ciuil tri-theudach.

7 Agus fhreagair na mnathan a *chéile an uair a bha iad* a' seinn, agus thubhairt iad, Mharbh Saul a mhiltcan, agus Daibhidh a dheich mìltean.

8 Agus bha Saul ro fheargach, agus mhi- thaitinn an ràdh sin ris; agus thubhairt e, Thug iad do Dhaibhidh deich mìltean, agus dhomhsa cha d'thug iad *ach* mìltean: agus *ciod* tuille *dh'fheudas a bhi* aige ach an rìoghachd?

9 Agus chum Saul sùil air Daibhidh o'n là sin, agus o sin a mach.

10 Agus air an là màireach thàinig an droch spiorad o Dhia air Saul, bha e air bhoile ann am meadhan an tighe; agus chluich Daibhidh le a làimh, mar air uairibh eile: agus bha sleagh ann an làimh Shaul.

11 Agus thig Saul an t-sleagh, agus thubhairt e, Buailidh mi Daibhidh *leatha* gu ruig am balla: ach tharraing Daibhidh as a làthair dà uair.

12 Agus bha eagal air Saul roimh Dhaibhidh, do bhrìgh gu'n robh an Tighearn maille ris, agus gu'n d'imich e o Shaul.

13 Uime sin chuir Saul air falbh uaith e, agus rinn e 'n a cheannard dha féin os ceann uile e; agus chaidh e mach, agus thàinig e stigh roimh 'n t-sluagh.

14 Agus ghiùlain Daibhidh e féin gu glic 'n a shligheibh uile; agus bha 'n Tighearn maille ris.

15 Agus an uair a chunnaic Saul gu'n do ghiùlain se e féin gu ro ghlic, bha eagal air roimhe.

16 Ach ghràdhaich Israel uile agus Iudah Daibhidh, do bhrìgh gu'n deachaidh e mach agus gu'n d'thàinig e stigh rompa.

17 Agus thubhairt Saul ri Daibhidh, Feuch, mo nighean a's sine, Merab, ise bheir mi dhuit 'n a mnaoi: a mhàin bi thusa gaisgeil air mo shon-sa, agus cuir cathan an Tighearn: oir thubhairt Saul, Na bitheadh mo làmh-sa air, ach bitheadh làmh nam Philisteach air.

18 Agus thubhairt Daibhidh ri Saul, Cò mise? agus ciod i mo bheatha, no teaghlach m'athar ann an Israel, gu'm bithinn a'm' chliamhuin aig an rìgh?

19 Ach anns an àm 's am bu chòir do Mherab nighean Shaul a bhi air a tabhairt do Dhaibhidh, thugadh i do Adriel am Meholatach 'n a mnaoi.

20 Agus ghràdhaich Michal, nighean Shaul, Daibhidh; agus dh'innis iad *sin* do Shaul, agus thaitinn an ri ris.

21 Agus thubhairt Saul, Bheir mi dha i, a chum gu'm bi i dha 'n a rìbe, agus *gu'm bi*

lámh nam Philisteach 'n a aghaidh. Uime sin thubhairt Saul ri Daibhidh, *Le aon d'én dithis bithidh tu a'd' chliamhuin agams' an diugh.*

22 Agus dh'aitin Saul d'a sheirbhisich, *ag ràdh*, Labhraibh ri Daibhidh 'an uaigneas, ag ràdh, Feuch, tha tlachd aig an rìgh annad, agus tha gràdh aig a sheirbhisich uile dhuit: a nis uime sin bi-sa a'd' chliamhuin aig an rìgh.

23 Agus labhair seirbhisich Shaul na briathran so ann an cluasaibh Dhaibhidh: agus thubhairt Daibhidh, An ni faoin 'n ur suilibh-sa bhi ann an cleamhnas ri rìgh, agus nach 'eil annamsa ach duine bochd, agus fo dhimeas?

24 Agus dh'innis seirbhisich Shaul dha, ag ràdh, Air an dòigh so labhair Daibhidh.

25 Agus thubhairt Saul, Mar so their sibh ri Daibhidh, Cha-n'eil an rìgh ag iarraidh dubharaidh sam bith, ach ceud roimh-chroicinn de na Philistich, gu bhi diolta air naimhdeibh an rìgh. Ach shaoil Saul gu'n tugadh e air Daibhidh tuiteam le lámh nam Philisteach.

26 Agus an uair a dh'innis a sheirbhisich do Dhaibhidh na briathran sin, thaitinn e ri Daibhidh a bhi 'n a chliamhuin aig an rìgh: agus cha do chrìochnaich eadh na lùithean.

27 Uime sin dh'éirich Daibhidh, agus dh'imich e féin agus a dhaoine, agus mharbh e de na Philistich dà chuid fear; agus thug Daibhidh leis an roimh-chroicinn, agus thug e 'n an làn àireamh iad do'n rìgh, a chum gu'm bitheadh e 'n a chliamhuin aig an rìgh: agus thug Saul dha Michal a nighean 'n a mnaoi.

28 Agus chunnaic Saul, agus bha fios aige gu'n robh an Tighearn maille ri Daibhidh, agus gu'n do ghràdhaich Michal nighean Shaul e.

29 Agus bha fathast an tnuileadh cagail air Saul roimh Dhaibhidh; agus bha Saul 'n a nàmhaid do Dhaibhidh 'an còmhnuidh.

30 An sin chaidh ceannardan nam Philisteach a mach: agus an dèigh dhoibh dol a mach, ghiùlain Daibhidh e féin ni bu ghlice na uile sheirbhisich Shaul: agus bha 'ainm ro urramach.

# CAIB. XIX.

1 *Dh'innis Ionatan do Dhaibhidh gu'n robh 'athair ag iarraidh a mharbhadh.* 11 *Chuir Saul teachdairean a dh'ionnsuidh a thighe g'a chur gu bàs.* 12 *Leig Michal sios troimh uinneig e, agus theich e dh'ionnsuidh Shamuel gu Ramah.*

**A**GUS labhair Saul r'a mhac Ionatan, a agus r'a sheirbhisich uile iad a mharbhadh Dhaibhidh.

2 Ach bha tlachd mòr aig Ionatan mac Shaul ann an Daibhidh: agus dh'innis Ionatan do Dhaibhidh, ag ràdh, Tha m'athair Saul ag iarraidh do mharbhadh; a nis

uime sin, guidheam ort, thoir an aire dhuit féin 's a' mhaduinn, agus fau ann an àite dìomhair, agus folaich thu féin.

3 Agus theid mise mach, agus seasaidh mi lámh ri m'athair 's a' mhachair anns am bè thu, agus labhraidh mi mu d' thimcheall ri m'athair; agus an ni a chi mi, sin innsidh mi dhuit.

4 Agus labhair Ionatan maith mu Dhaibhidh r'a athair Saul, agus thubhairt e ris, Na peacaicheadh an rìgh an aghaidh a sheirbhisich, an aghaidh Dhaibhidh; do bhrìgh nach do pheacaich esan a'd' aghaidh-sa, agus do bhrìgh gu'n robh 'oibre do d' thaobh-sa ro mhaith:

5 Oir chuir e 'anam 'n a lámh, agus mharbh e am Philisteach; agus dh'oibrich an Tighearn saorsa mhòr air son Israeil uile: chunnaic thu e agus rinn thu gairdeachas: e'ar son ma ta a pheacaicheas tu an aghaidh fola neo-chiontaich, le Daibhidh a mharbhadh gun aobhar?

6 Agus dh'éisd Saul ri guth Ionatann; agus mhinnaich Saul, *Mar* is beò an Tighearn, cha mharbarh e.

7 Agus ghlair Ionatan air Daibhidh, agus chuir Ionatan 'an céill dha na briathran sin uile: agus thug Ionatan Daibhidh a dh'ionnsuidh Shaul, agus bha e 'n a fhianuis mar a bha e roimhe.

8 Agus bha cogadh a ris ann: agus chaidh Daibhidh a mach, agus chog e ris na Philistich, agus bhail e iad le h-àr mòr; agus theich iad roimhe.

9 Agus bha'n droch spiorad o'n Tighearn air Saul, an uair a shuidh e 'n a thigh, agus a shleagh 'n a lámh: agus chluich Daibhidh le a lámh.

10 Agus dh'iarr Saul Daibhidh a bhualadh gu ruig am balla leis an t-sleagh; ach tharruing e air falbh á làthair Shaul, agus bhail e 'n t-sleagh a stigh 's a' bhalla: agus theich Daibhidh, agus chaidh e as air an oidhe sin.

11 Agus chuir Saul teachdairean a dh'ionnsuidh tìghe Dhaibhidh, g'a choimhead agus g'a mharbhadh 's a' mhaduinn: agus dh'innis Michal a bhean do Dhaibhidh e, ag ràdh, Mur teasaig thu d'anam an nochd, am maireach cuirear gu bàs thu.

12 Agus leig Michal sios Daibhidh troimh uinneig: agus dh'fhalbh e, agus theich e, agus chaidh e as.

13 Agus ghabh Michal dealbh, agus chuir i 's an leabaidh e, agus chuir i adhartan de fhionnadh ghabhar f'a cheann, agus chòmhdaich i le endach e.

14 Ags an uair a chuir Saul teachdairean a ghlacadh Dhaibhidh, thubhairt i, *Tha* e tinn.

15 Agus chuir Saul na teachdairean a ris a dh'fhaicinn Dhaibhidh, ag ràdh, Thug-aibh a nìos 's an leabaidh a m' ionnsuidhs' e, a chum gu marbh ni e.



16 Agus an uair a thàinig na teachdairean a stigh, feuch, *bha* dealbh anns an leabaidh, agus adhartan de *fhionnadh* ghabhar f'a chcann.

17 Agus thubhairt Saul ri Michal, C'ar son a mheall thu mi mar so, agus a chuir thu air falbh mo ràmhaid, air chor as gu'n deachaidh e as? Agus fhreagair Michal Saul, Thubhairt e rium, Leig dhomh im-eachd; c'ar son a mharbhainn thu?

18 Agus theich Daibhidh, agus chaidh e as, agus thàinig e dh'ionnsuidh Shamueil gu Ramah, agus dh'innis e dha gach *ni* a rinn Saul ris: agus dh'imich esan agus Samuel, agus ghabh iad còmhnuidh ann an Naiot.

19 Agus dh'innseadh do Shaul, ag ràdh, Feuch, *tha* Daibhidh aig Naiot ann an Ramah.

20 Agus chuir Saul teachdairean a gh-lacadh Dhaibhidh: agus an uair a chunnaic iad cuideachd nam fàidhean ri fàidheadaireachd, agus Samuel 'n a sheasamh *mar* air shuidheachadh os an ceann, *bha* spiorad Dhé air teachdairibh Shaul, agus rinn iadsan fàidheadaireachd mar an ceudna.

21 Agus an uair a dh'innseadh *sin* do Shaul, chuir e uaith mar an ceudna teachdairean eile, agus rinn iadsan cuideachd fàidheadaireachd. Agus chuir Saul teachdairean a ris an treas uair, agus rinn iadsan cuideachd fàidheadaireachd.

22 An sin chaidh e féin mar an ceudna gu Ramah, agus thàinig e gu tobar mòr a *tha* ann an Sechu, agus dh'fhèoraich e, agus thubhairt e, C'ait am bheil Samuel agus Daibhidh? agus thubhairt *aon*, Feuch, *tha iad* aig Naiot ann an Ramah.

23 Agus chaidh e 'n sin gu Naiot ann an Ramah: agus *bha* spiorad Dhé air-san mar an ceudna, agus chaidh e air aghaidh agus rinn e fàidheadaireachd, agus an d'thàinig e gu Naiot ann an Ramah.

24 Agus chuir esan cuideachd 'eudach dheth, agus rinn e fàidheadaireachd 'am fianuis Shamueil air an dòigh cheudna: agus luidh e sìos lònnochd rè an là sin agus rè na h-oidheche. Uime sin their iad, Am *bheil* Saul mar an ceudna 'am measg nam fàidhean?

# CAIB. XX.

1 *Dh'athnuadhach Daibhidh agus Ionatan an coimheangal a bha eatorra.* 24 *Dh'iarr Saul Ionatan a mharbhadh, a chionn gu'n do leig e Daibhidh air falbh.* 35 *Dh'innis Ionatan a chunnart do Dhaibhidh;* 41 *agus dhealachaidh iad.*

**A**GUS theich Daibhidh o Naiot ann an Ramah, agus thàinig e, agus thubhairt e 'am fianuis Ionatain, Ciod a rinn mi? ciod i m'eucairt, agus ciod e mo pheacadh 'am fianuis d'athar, gu bheil e 'g iarraidh m'anama?

2 Agus thubhairt esan ris, Nar leigeadh Dia; cha-n fhaigh thu bàs; feuch, cha dean m'athair ni air bith mòr no beag, nach foillsich e dhomhsa: agus c'ar son a dh'fholaicheadh m'athair uamsa an nì so? cha *bhi* e mar sin.

3 Agus mhionnaich Daibhidh cuideachd, agus thubhairt e, Tha gu cinnteach fios aig d'athair gu'n d'fhuair mise deadh-ghean a'd' shùilibh, agus theire, Na bitheadh fios aig Ionatan air so, air eagalgum bi doilgheas air: ach gu deimhin *mar* is beò an Tighearn, agus *mar* is beò d'anam, cha-n'eil ach ceum eadar mise agus am bàs.

4 An sin thubhairt Ionatan ri Daibhidh, Ge b'e ni a dh'iarras d'anam, eadhon *sin* ni mise dhuit.

5 Agus thubhairt Daibhidh ri Ionatan, Feuch, *tha* a' ghealach nuadh ann am màireach, agus bu chòir dhomhsa suidhe maille ris an rìgh gu biadh; ach leig air falbh mi, a chum gu'm folaich mi mì féin anns a' mhachair gu feasgar an treas là.

6 Ma dh'iomdraineas d'athair idir mi, an sin their thu, Dh'iarr Daibhidh gu dùrachdach *cead* ormsa gu ruith do Bhet-lehem a bhaile féin; oir *tha* iobairt bhliadhnail an sin air son an teaghlach uile.

7 Ma their e mar so, *Ro* mhaith; *bithidh* sìth aig do sheirbhiseach: ach ma bhitheas fearg ro mhòr air, an *sin* bi cinnteach gu bheil ole air a shonrachadh leis.

8 Uime sin buinidh tu gu caoinmleil ri d' sheirbhiseach; oir thug thu air do sheirbhiseach coimheangal an Tighearna 'dheanamh riut: gidheadh, ma tha ole annamsa, marbh féin mi; oir c'ar son a bheircadh tu mi dh'ionnsuidh d'athar?

9 Agus thubhairt Ionatan, Gu ma fada sin uait; oir ma bhitheas fios gu cinnteach agamsa gu bheil ole air a shonrachadh le m'athair gu teachd ortsa, an sin nach innis mise dhuit e?

10 An sin thubhairt Daibhidh ri Ionatan, Cò'dh'innseas dhomh, ma fhreagras d'athair thu gu garg?

11 Agus thubhairt Ionatan ri Daibhidh, Thig, agus rachamaid a mach do'n mhachair. Agus chaidh iad a mach le 'chèile do'n mhachair.

12 Agus thubhairt Ionatan ri Daibhidh, *Gu'n deanadh* an Tighearn Dia Isracil, an uair a dh'fhidireas mi m'athair mu'n àm so am màireach, no air an treas là, agus, feuch, *ma bhios* maith ann a thaobh Dhaibhidh, agus nach cuir mi an sin *fios* a d' ionnsuidhsa, agus nach foillsich mi dhuit e;

13 Gu'n deanadh an Tighearn mar sin, agus m'is ro mhò ri Ionatan: ach ma's toil le m'athair ole a *dheanamh* ort, an sin foillsichidh mi dhuit e, agus cuiridh mi air falbh thu, agus imichidh tu 'an sìth; agus gu robh an Tighearn maille riut, mar a bha e maille ri m'athair-sa.

# 1 SAMUEL, XX.

14 Agus eha-n e mhàin, ma bhitheas mi fathast beò, gu'n nochd thu dhomh caoimhneas an Tighearna, chum nach faigh mi bàs:

15 Ach *cuideachd* cha ghearr thu as do ehaoimhneas o'm thigh gu bràth: cha *ghearr*, eadhon an uair a ghearras an Tighearna as naimhdean Dhaibhidh, gach aon diubh bhàrr aghaidh na talmhainn.

16 Mar sin rinn Ionatan *coimhcheangal* ri tigh Dhaibhidh, *ag ràdh*, Gu'n agra dh an Tighearna e eadhon o làmh naimhdean Dhaibhidh.

17 Agus thug Ionatan air Daibhidh miomachadh a ris, a chionn gu'n do ghràdhaich se e: oir ghràdhaich se e mar a ghràdhaich e 'anam féin.

18 An sin thubhairt Ionatan ris, Am màireach *tha* a' ghealach nuadh *ann*; agus ionndrainear thu, a chionn gu'm bi d'àite-suidhe falamh.

19 Agus an *uair* a dh'fhanas tu gus an treas là, théid thu sìos gu grad, agus thig thu dh'ionnsuidh an àite anns an d'fholaich thu thu féin, an uair a bha'n gnothuch 'an *làmh*, agus fanaidh tu aig a' chloich Esel.

20 Agus tilgidh mise trì saighdean r'a taobh, mar gu'n tilginn air comharadh.

21 Agus, feuch, cuiridh mi òganach uam, *ag ràdh*, Falbh, faigh a mach na saighdean. Ma their mi gu cinnteach ris an òganach, Feuch, *tha* na saighdean air an taobh so dhìot, gabh iad; an sin thig thusa: oir *tha* sìth *ann* dhuit, agus cha-n'eil *olc* sam bith, mar is beò an Tighearna.

22 Ach ma their mi mar so ris an òganach, Feuch, *tha* na saighdean air an taobh thall dhìot; imich thusa, oir chuir an Tighearna air falbh thu.

23 Agus a *thaobh* a' ghnòthuich mu'n do labhair mise agus thusa, feuch, gu robh an Tighearna eadar mise agus thusa gu bràth.

24 Uime sin dh'fholaich Daibhidh e féin anns a' mhachair: agus an uair a thàinig a' ghealach nuadh, shuidh an rìgh sìos gu biadh itheadh.

25 Agus shuidh an rìgh air a chaithir féin, mar air uairibh eile, *eadhon* air caithir làmh ris a' bhalla: agus dh'éirich Ionatan, agus shuidh Abner ri taobh Shaul: agus bha àite Dhaibhidh falamh.

26 Gidheadh, cha do labhair Saul a' bheag sam bith air an là sin: oir thubhairt e *leis féin*, Thàinig ni-eigin air, cha-n'eil e glan; gu cinnteach cha-n'eil e glan.

27 Agus thachair air an là màireach, an dara là de'n mhòs, gu'n robh àite Dhaibhidh falamh: agus thubhairt Saul r'a mhac Ionatan, C'ar son nach d'thàinig mac Iese gu biadh, aon chuid an dé no'n diugh?

28 Agus fhreagair Ionatan Saul, Dh'iarr Daibhidh gu dùrachdach *ceud* ormsa *dol* do Bhet-lehem:

29 Agus thubhairt e, Leig air falbh mi,

guidheam ort, oir *tha* iobairt aig ar teaghlach anns a' bhaile; agus dh'àithn mo bhràthair dhomh a *bhi 'n sin*: agus a nis ma fhuair mi deadh-ghean a'd' shùilb, leig dhomh imeachd, guidheam ort, agus mo bhràithrean fhaicinn: uime sin cha d'thàinig e gu bòrd an rìgh.

30 An sin las fearg Shaul an aghaidh Ionatan, agus thubhairt e ris, A mh'e na mnà crosta, ceannaircich, nach 'eil fhios agamsa gu'n do thagh thu mac Iese chum do mhaslaidh féin, agus a chum maslaidh lomnochduidh do mhàthar?

31 Oir co fhad 's a bhitheas mac Iese beò air an talamh, cha daingnichear thusa, no do rìoghachd: uime sin a nis cuir *fios air*, agus thoir a m' ionnsuidh e, oir gu cinnteach gheibh e bàs.

32 Agus fhreagair Ionatan 'athair Saul, agus thubhairt e, C'ar son a chuirear gu bàs e? ciod a rinn e?

33 Agus thilg Saul sleagh air, chum a bhualadh: le sin bha fios aig Ionatan gu'n robh e suidhichte le 'athair Daibhidh a chur gu bàs.

34 Uime sin dh'éirich Ionatan o'n bhòrd ann am feirg ro mhòir, agus cha d'ith e biadh sam bith air an dara là de'n mhòs: oir bha e fo dhoilghcas air son Dhaibhidh, a chionn gu'n d'thug 'athair masladh dha.

35 Agus anns a' mhaduinn chaidh Ionatan a mach do'n mhachair aig an àm a shuidhicheadh ri Daibhidh, agus òganach beag maille ris.

36 Agus thubhairt e r'a òganach, Ruith, faigh a nis a mach na saighdean a thilg mi. Agus an uair a ruith an t-òganach, thilg e saighid thairis air.

37 Agus an uair a thàinig an t-òganach gu àite na saighde a thilg Ionatan, ghlaodh Ionatan an déigh an òganaich, agus thubhairt e, Nach 'eil an t-saighthead air do thaobh thall?

38 Ghlaodh Ionatan mar an ceudna an déigh an òganaich, Luathaich, dean cabhag, na stad. Agus thionail òganach Ionatan suas na saighdean, agus thàinig e dh'ionnsuidh a mhaighstir.

39 Ach cha robh fios aig an òganach air ni sam bith; bha fios a mhàin aig Daibhidh agus Ionatan air a' chùis.

40 Agus thug Ionatan 'armachd d'a òganach, agus thubhairt e ris, Falbh, thoir do'n bhaile iad.

41 Agus co luath 's a dh'fhalbh an t-òganach, dh'éirich Daibhidh a' àite mu dheas, agus thuit e air 'aghaidh dh'ionnsuidh na talmhainn, agus chomh se e féin trì uairean: agus phòg iad a chèile, agus ghuil iad le 'chèile; ach *ghuil* Daibhidh ni bu mhò.

42 Agus thubhairt Ionatan ri Daibhidh, Imich 'an sìth, do bhrìgh gu'n do mhionnaich sinn le 'chèile ann an ainm an Tigh-earna, ag ràdh, Gu robh an Tighearna eadar



# 1 SAMUEL, XXI, XXII.

mise agus thusa, agus eadar mo shliochd-sa agus do shliochd-sa gu bràth. Agus dh'èirich e agus dh'imich e: agus chaidh Ionatan do'n bhaile.

## CAIB. XXI.

1 *Fhuair Daibhidh aran coisrigte o Ahimelech.* 8 *Ghabh e claidheamh Gholiath, agus theich e gu Gat.* 10 *Aig Gat leig e air fèin a bhi air a' chuthach.*

**A**N SIN thàinig Daibhidh gu Nob, a dh'ionnsuidh Ahimelech an t-sagairt: agus bha eagal air Ahimelech ag coinneachadh Daibhidh, agus thubhairt e ris, C'ar son a tha thu a' d' aonar, agus nach 'eil duine sam bith maille riut?

2 Agus thubhairt Daibhidh ri Ahimelech an sagart, Dh'aithn an rìgh gnothnch dhomhsa, agus thubhairt e rium, Na bith-eadh fios aig duine sam bith a thaobh a' ghnòthach mi'm bheil mise 'g ad chur uam, agus a dh'aithn mi dhuit: agus dh'òrd-uich mi do m' òganaich dol a dh'ionnsuidh a leithid so agus a leithid sud a dh'àite.

3 A nis uime sin ciod a tha fo d' làimh? thoir dhomh cuig builinnean arain a'm' làimh, no ge b'e ni a tha làthair.

4 Agus fhreagair an sagart Daibhidh, agus thubhairt e, Cha-n'èil aran coitcheann sam bith fo m' làimh, ach tha aran coisrigte ann; ma ghlèidh na h-òganaich iad fèin air bheag sam bith o mhnàibh.

5 Agus fhreagair Daibhidh an sagart, agus thubhairt e ris, Gu deimhin chumadh mnathan uainne na trì làithean so, o thàinig mise mach, agus tha soithichean nan òganach naomha; agus tha 'n t-aran air chor coitcheann, eadhon ged naomhaicheadh e an diugh anns an t-soitheach.

6 Uime sin thug an sagart dha aran naomh; oir cha robh aran sam bith an sin ach aran na fianuis, a thugadh a fianuis an Tighearna, gu aran teth a chur sìos anns an là 's an d'thugadh air falbh e.

7 A nis bha duine àraidh de sheirbhiseich Shaul an sin air an là sin, air a chumail an làthair an Tighearn; agus b'e 'a'inn Doeg, Edomach, am fear a bàirde de na buachaillibh a bhuineadh do Shanl.

8 Agus thubhairt Daibhidh ri Ahimelech, Agus nach 'eil an so fo d' làimh sleagh no claidheamh? oir cha d'thug mi aon chuid mo chlaidheamh no m'airm eile leam, a chionn gu'n robh gnothuch an rìgh cabhagach.

9 Agus thubhairt an sagart, Claidheamh Gholiath an Philistich, a mharbh thu ann an gleann Elah, feuch, tha e 'n so paisgte ann an cudach air cùlaobh na h-Ephoid: ma ghabhas tu sin dhuit fèin, gabh e; oir cha-n'èil claidheamh sam bith eile ach e an so. Agus thubhairt Daibhidh, Cha-n'èil a leithid eile ann, thoir dhomh e.

10 Agus dh'èirich Daibhidh, agus theich e

air an là sin a fianuis Shaul, agus chaidh e gu Achis rìgh Ghat.

11 Agus thubhairt seirbhiseich Achis ris, Nach e so Daibhidh rìgh na tìre? nach ann m'a thimehioll-san a chan iad le 'chèile ann an damnsaibh, ag ràdh, Mharbh Saul a mhiltean, agus Daibhidh a dheich mìltean?

12 Agus thaisg Daibhidh suas na briathran sin 'n a chridhe, agus bha eagal mòr air roimh Achis rìgh Ghat.

13 Agus dh'atharraich e a ghiùlan 'n am fianuis, agus leig e air fèin a bhi air a' chuthach 'n an làmh, agus scrìob e air comhlachibh a' gheata, agus leig e le 'shil-eadh tuiteam sìos air 'fheusaig.

14 An sin thubhairt Achis r'a sheirbhiseich, Feuch, chi sibh gu bheil an duine air a' chuthach: c'ar son ma ta 'thug sibh a m' ionnsuidh's e?

15 Am bheil feum agamsa air daoineibh air a' chuthach, gu'n tugadh sibh am fear so gu bhi air a' chuthach a'm' làthair? an tig am fear so a steach do m' thigh-sa?

## CAIB. XXII.

1 *Chaidh a luchd-dàimh agus sluagh eile a dh'ionnsuidh Daibhidh gu Adulaim.* 6 *Gearan Shaul an aghaidh a sheirbhiseach.*

11 *Dh'òrdugh e Ahimelech agus sagartan an Tighearna a chur gu bàs.* 20 *Theich Abiatar.*

**D**H'IMICH Daibhidh air an aobhar sin as a sin, agus chaidh e as gu uainh Adulaim: agus an uair a chual' a bhràithrean agus tigh 'athar uile e, chaidh iad sìos an sin d'a ionnsuidh.

2 Agus chruinnich d'a ionnsuidh gach duine a bha 'n teanntachd, agus gach duine a bha fo fhiachaibh, agus gach duine a bha fo smuairin 'n a inntinn; agus bha e 'n a cheannard orra: agus bha maille ris mu thimchioll ceithir cheud fear.

3 Agus chaidh Daibhidh as a sin gu Misphe Mhoaid, agus thubhairt e ri rìgh Mhoaid, Thigeadh, guidheam ort, m'athair agus mo mhàthair a mach, agus bitheadh iad maille ribh, gus am bi fios agam ciod a ni Dia air mo shon.

4 Agus thug e iad am fianuis rìgh Mhoaid; agus dh'fhan iad maille ris ré nan làithean uile a bha Daibhidh anns an daingneach.

5 Agus thubhairt am fàidh Gad ri Daibhidh, Na fan anns an daingneach; falbh, agus imich romhad gu tìr Iudah. An sin dh'fhalbh Daibhidh, agus thàinig e gu coillteach Hareit.

6 Agus chuala Saul gu'm facas Daibhidh, agus na daoine a bha maille ris, (a nis dh'fhan Saul ann an Gibeah fo chraoibh ann an Ramah, agus a shleagh 'n a làimh, agus a sheirbhiseich uile 'n an seasamh làimh ris.)

7 Agus thubhairt Saul r'a sheirbhiseich a sheas làimh ris, Eisdibh a nis, a Bheniamin-cacha; cadhon dhuibhse uile an toir mac Iese achaidhean agus fion-liosan, agus ar

dean e sibh uile 'n 'ur ceannardaibh air mhàiltibh, agus 'n 'ur ceannardaibh air cheudaibh;

8 Gu'n deachaidh sibh uile ann an comhbhoinn a'm' aghaidh-sa, agus nach 'eil neach ann a chuireas 'an céill domh gu bheil mo mhac air deanamh coimhcheangail ri mac Iese; agus nach 'eil neach agaibh a tha doilich air mo shon, no 'chuireas 'au céill domh gu'n do dhùisg mo mhac mo sheirbhiseach a'm' aghaidh, a dheanamh feall-fholach, mar air au là 'n diugh?

9 An sin fhreagair Doeg an t-Edomach, (a bha 'n a sheasamh maille ri seirbhiseich Shaul,) agus thubhairt e, Chunnaic mi mac Iese a' teachd gu Nòb, a dh'ionnsuidh Ahimelech mhic Ahituib.

10 Agus dh'fhiosraich e air a shon de'n Tighearn, agus thug e biadh dha, agus thug e dha claidheamh Gholiath an Philistich.

11 Au sin chuir an rìgh fios air Ahimelech an sagart, mac Ahituib, agus tigh 'athar uile, na sagartan a bha ann an Nòb: agus thàinig iad uile dh'ionnsuidh an rìgh.

12 Agus thubhairt Saul, Eisd a nis, a mhic Ahituib. Agus fhreagair esan, *Tha* mi 'n so, mo thighearna.

13 Agus thubhairt Saul ris, 'Car son a chaidh sibh ann an comhbhoinn a'm' aghaidh-sa, thusa agus mac Iese, do bhrìgh gu'n d'thug thu dha aran agus claidheamh, agus gu'n d'fhiosraich thu de Dhia air a shon, a chum gu'n èireadh e suas a'm' aghaidh, a dheanamh feall-fholach, mar air an là 'n diugh?

14 Au sin fhreagair Ahimelech an rìgh, agus thubhairt e, Agus cò am ueasg do sheirbhiseach uile a tha co firinneach ri Daibhidh, a tha 'n a chliamhuin aig an rìgh, agus a dh'innicheas air d'iarthus, agus a *tha* urramach ann ad thigh?

15 An do thòisic mi air an là sin air Dia fhiosrachadh air a shon? gu ma fada sin uam: na cuireadh an rìgh ni *sam bith* as leth a sheirbhiseich, *no as* leth tighe m'athar uile; oir cha robh fios aig do sheirbhiseach air ni *sam bith* dheth so uile, beag no mòr.

16 Agus thubhairt an rìgh, Gu cinnteach gheibh thu bàs, Ahimelech, thu fèin agus uile thigh d'athar.

17 Agus thubhairt an rìgh ris na gillibh-ruith a sheas làimh ris, Tionndaidhibh agus marbhaibh sagartan an Tighearna; a chionn gu bheil mar an ceudna an làmh-san maille ri Daibhidh, agus a chionn gu'n robh fios aca gu'n do theich e, agus nach do chuir iad 'an céill domhsa e. Ach cha b'aill le seirbhiseich an rìgh an làmh a shineadh a mach gu bualadh air sagartaibh an Tighearna,

18 Agus thubhairt an rìgh ri Doeg, Tionndaidh thusa, agus buail air na sagartaibh. Agus thionndaidh Doeg an t-Edomach, agus bhuail e air na sagartaibh: agus

mharbh e air an là sin ceithir fichead agus cùig fir a dh'iomchair ephod de lion-cudach.

19 Agus bhuail e Nòb baile nan sagart le faobhar a' chlaidheimh, eadar fhear agus bhean, leanabh agus chiochran, agus dhamh, agus asal, agus chaora, le faobhar a' chlaidheimh.

20 Agus chaidh aon de mhic Ahimelech mhic Ahituib as, d'am b'ainm Abiatar, agus theich e 'n deigh Dhaibhidh.

21 Agus dh'innis Abiatar do Dhaibhidh gu'n do mharbh Saul sagartan an Tighearna.

22 Agus thubhairt Daibhidh ri Abiatar, Bha fios agam air an là anns an robh Doeg an t-Edomach an sin, gu cinnteach gu'n innseadh e do Shaul: is mise 'b'aobhar bàis gach neach de thigh d'athar.

23 Fan thusa maille riumsa; na bitheadh eagal ort: oir esan a dh'farras m'anam-sa, iarraidh e d'anam-sa: ach maille riumsa *bithidh* tu fo dhèidhean.

# CAIB. XXIII.

1 *Chog na Philistich an aghaidh Cheilah. 5 Bhuail Daibhidh iad. 9 Dh'innseadh dha gu'n robh Saul a' teachd air a thoir gu Ceilah. 13 Theich e gu Siph. 19 Thug na Siphich fios do Shaul gu'n robh e a' gabhail còmhnuidh maille riu, agus gheall iad a thoirt thairis d'a làimh.*

**A**N SIN dh'innis iad do Dhaibhidh, ag ràdh, Feuch, *tha* na Philistich a' cogadh an aghaidh Cheilah, agus *tha* iad a' creachadh nan urlar-bualaidh.

2 Uime sin dh'fhiosraich Daibhidh de'n Tighearn, ag ràdh, An téid mise, agus am buail mi na Philistich sin? Agus thubhairt an Tighearn ri Daibhidh, Falbh agus buail na Philistich, agus saor Ceilah.

3 Agus thubhairt daoine Dhaibhidh ris, Feuch, *tha* cagal oirne an so ann an Iudah; cia mò gu mòr ma ta, ma théid sinn gu Ceilah an aghaidh armaitean nam Philisteach?

4 An sin dh'fhiosraich Daibhidh a ris de'n Tighearn. Agus fhreagair an Tighearn e, agus thubhairt e, Eirich, falbh sìos gu Ceilah; oir bheir mise na Philistich thairis do d' làimh.

5 Agus chaidh Daibhidh agus a dhaoine gu Ceilah, agus chog e 'n aghaidh nam Philisteach, agus thug e leis an sprèidh, agus bhuail e iad le h-àr mòr; mar sin shaor Daibhidh luchd-àiteachaidh Cheilah.

6 (A nis an uair a theich Abiatar mac Ahimelech a dh'ionnsuidh Dhaibhidh gu Ceilah, chaidh e sìos le ephod 'n a làimh.)

7 Agus dh'innseadh do Shaul gu'n d'thàinig Daibhidh gu Ceilah; agus thubhairt Saul, Thug Dia thairis do m' làimh c: oir dhruideadh a stigh e le dol a steach do bhaile gheataclan agus chrann.

8 Agus ghairm Saul an sluagh uile chum



cogaidh, a dhol sìos gu Ceilah a chuairt-eachadh Dhaibhidh agus a dhaoine.

9 Agus bha fios aig Daibhidh gu'n robh Saul gu dhomhair a' dealbhadh uile 'n a aghaidh; agus thubhairt e ri Abiatar an sagart, Thoir an so an ephod.

10 Agus thubhairt Daibhidh, A Thighearna Dhé Israeil, chuala do sheirbhiseach gu cinnteach gu bheil Saul ag iarraidh teachd gu Ceilah, a sgrios a' bhaile air mo shon-sa.

11 An toir luchd-àiteachaidh Cheilah mise thairis d'a làimh? an tig Saul a nuas mar a chuala do sheirbhiseach? A Thighearna Dhé Israeil, guidheam ort, innis do d' sheirbhiseach. Agus thubhairt an Tighearn, Thig e nuas.

12 An sin thubhairt Daibhidh, An toir luchd-àiteachaidh Cheilah mise agus mo dhaoine thairis do làimh Shaul? Agus thubhairt an Tighearn, Bheir iad thairis thu.

13 An sin dh'éirich Daibhidh agus a dhaoine, a bha mu thimchioll sè ceud, agus chaidh iad a mach á Ceilah, agus dh'imich iad an taobh a dh'fheadhadh iad imcachd. Agus dh'innseadh do Shaul gu'n deachaidh Daibhidh as á Ceilah, agus leig e dheth dol a mach.

14 Agus dh'fhan Daibhidh anns an fhàsach ann an daingneachaibh làidir, agus dh'fhan e ann an shlabh 'am fàsach Shiph: agus dh'ìarr Saul e gach aon là, ach cha d'thug Dia thairis d'a làimh e.

15 Agus chunnaic Daibhidh gu robh Saul air dol a mach a dh'iarraidh 'anama; agus bha Daibhidh ann am fàsach Shiph ann an coille.

16 Agus dh'éirich Ionatan mac Shaul, agus chaidh e dh'ionnsuidh Dhaibhidh do'n choille, agus neartaich e a làmh ann an Dia.

17 Agus thubhairt e ris, Na bitheadh eagal ort; oir cha-n fhaigh làmh Shaul m'athar-sa thu, agus rioghaichidh tu os ceann Isracil, agus is mise a's faigse 'bhitheas dhuit; agus cuideachd tha fios aig m'athair Saul air sin.

18 Agus rinn iadsan nan dithis coimheangal 'am fianuis an Tighearna: agus dh'fhan Daibhidh anns a' choille, agus dh'imich Ionatan d' a thigh féin.

19 An sin chaidh na Siphich suas a dh'ionnsuidh Shaul gu Gibeah, ag ràdh, Nach 'eil Daibhidh 'g a fhòlach féin maille ruime ann an daingneachaibh 's a' choille, ann an sliabh Hachilah, a tha air an taobh deas de Iesimon?

20 A nis uime sin, a réir uile mhiannd' anama, O a rìgh, thig da rìreadh a nuas, agus is i ar cuid-ne a thoirt thairis do làimh an rìgh.

21 Agus thubhairt Saul, Beannaichte gu robh sibhse o'n Tighearn, oir ghabh sibh truas riun.

22 Imichibh, guidheam oirbh, ulluichibh fathast, agus bithcadh fios agaibh, agus faicibh 'ait anns an gnàth leis a bhi, agus cò a chunnaic an sin e: oir dh'innseadh dhomh gu bheil e 'deanamh gu ro sheòlta.

23 Faicibh na ta, agus bithcadh fios agaibh air gach, àite-fòlach anns am bheil e 'g a fhòlach féin, agus thigibh a m' ionnsuidh a ris le fios cinnteach, agus théid mise maille ribh: agus an sin, ma bhitheas e anns an tìr, rannsaichidh mise mach e air feadh uile mhlithean Iudah.

24 Agus dh'éirich iad, agus chaidh iad gu Siph roimh Shaul: ach bha Daibhidh agus a dhaoine ann am fàsach Mhaoin, anns a' chòmhnard air an taobh deas de Iesimon.

25 Agus chaidh Saul agus a dhaoine g'a iarraidh; agus dh'innis iad sin do Dhaibhidh: uime sin thàinig e nuas gu carraig, agus dh'fhan e ann 'am fàsach Mhaoin. Agus an uair a chuala Saul sin, chaidh e air tòir Dhaibhidh ann am fàsach Mhaoin.

26 Agus chaidh Saul air an taobh so de'n t-sliabh, agus Daibhidh agus a dhaoine air an taobh eile de'n t-sliabh: agus rinn Daibhidh cabhag gu imeachd air falbh roimh Shaul; oir chuairtich Saul agus a dhaoine Daibhidh agus a dhaoine, chum an glacadh.

27 Ach thàinig teachdair a dh'ionnsuidh Shaul, ag ràdh, Dean cabhag agus thig; oir bhris na Philistich a stigh air an tìr.

28 Uime sin phill Saul o dhol air tòir Dhaibhidh, agus chaidh e an aghaidh nam Philisteach: air an aobhar sin thug iad Selah-hamah-lecot mar ainm air an àite sin.

29 Agus chaidh Daibhidh suas as a sin, agus ghabh e còmhnuidh ann an daingneachaibh làidir Engedi.

## CAIB. XXIV.

1 Ann an uaimh Engedi ghearr Daibhidh air falbh romull faltuine Shaul. 8 Dh'fheuch e so do Shaul mar chomharadh air 'ionracas. 16 Dh'aidich Saul a chionta; 21 ghabh e mionnan de Dhaibhidh, agus phill e.

**A** GUS an uair a bha Saul air pilltinn o leantuin nam Philisteach, dh'innseadh dha, ag ràdh, Feuch, tha Daibhidh ann am fàsach Engedi.

2 An sin ghabh Saul trì mìle fear taghta á h-Israel uile, agus chaidh e dh'iarraidh Dhaibhidh agus a dhaoine air aghaidh chreag nam fiadh-ghabhar.

3 Agus thàinig e dh'ionnsuidh chrò nan caorach làmh ris an t-slighe, far an robh uaimh; agus chaidh Saul a steach a chòmhdachadh a chos: agus dh'fhan Daibhidh agus a dhaoine ann an taobhan na h-uamha.

4 Agus thubhairt daoine Dhaibhidh ris, Feuch, an là mu'n d'thubhairt an Tighearn riut, Feuch, bheir mi thairis do nàmhaid do d' làimh, a chum gu'n dean thu ris mar is àil leat. An sin dh'éirich Daibhidh,

agus ghearr e air falbh iomall falluinne Shaul os iosal.

5 Agus 'n a dhéigh sin bhuail eridhe Dhaibhidh e, a chionn gu'n do ghearr e air falbh iomall falluinne Shaul.

6 Agus thubhairt e r'a dhaoineibh, Nar leigeadh Dia gu'n deanaimse an ni so ri m' thighearn 'on ungta an Tighearna, mo lámh a shineadh a mach 'n a aghaidh, o's e aon ungta an Tighearna e.

7 Agus choisg Daibhidh a dhaoine leis na briathraibh sin, agus cha do leig e leo éirigh an aghaidh Shaul. Ach dh'éirich Saul suas as an uaimh, agus dh'imich e air a shlighe.

8 Agus dh'éirich Daibhidh suas an déigh sin, agus chaidh e mach as an uaimh, agus ghlaodh e'n déigh Shaul, ag ràdh, Mo thighearna, a rìgh. Agus an uair a dh'amaire Saul 'n a dhéigh, chom Daibhidh e féin air 'aghaidh dh'ionnsuidh na talmhainn, agus rinn e ùmhlaichd.

9 Agus thubhairt Daibhidh ri Saul, C'ar son a tha thu ag éisdeachd ri briathraibh dhaoine, ag ràdh, Feuch, tha Daibhidh ag iarraidh do chroin?

10 Feuch, air an là 'n diugh chunnaic do shùilean cionnus a thug an Tighearn thairis thu an diugh do m' làimh anns an uaimh: agus dh'iarr cuid orm do mharbhadh, ach chaomhain mo shùil thu, agus thubhairt mi, Cha chuir mi mo lámh a mach an aghaidh mo thighearna; oir is e aon ungta an Tighearn' e.

11 Agus faic, O athair, eadhon faic iomall d'fhalluinne a'm' làimh: do bhrìgh an uair a ghearr mi air falbh iomall d'fhalluinne, nach do mharbh mi thu, bitheadh fios agad agus faic nach 'eil aon chuid olc no eusaontas a'm' làimh, agus nach do pheacach mi a'd' aghaidh; gidheadh tha thu a' sealg air m'anam, a chum a ghlacadh.

12 Gu'n tugadh an Tighearn breth eadar mise agus thusa, agus gu'n dioladh an Tighearn mise ort: ach cha bhi mo lámh-sa ort.

13 Mar a their gnàth-fhocal nan sean-fhear, O na h-aingidh thig aingidheachd: ach cha bhi mo lámh-sa ort.

14 Cò an déigh an d'thàinig rìgh Israeil a mach? cò air am bheil thu 'n tòir? an déigh coin mhairbh, an déigh deargainne.

15 Uime sin bitheadh an Tighearn 'n a bhreitheamh, agus thugadh e breth eadar mise agus thusa, agus faicheadh e, agus tagradh e mo chùis, agus saoradh e mi as do làimh.

16 Agus an uair a chuir Daibhidh crìoch air na briathran sin a labhairt ri Saul, an sin thubhairt Saul, An e so do ghuth, a mhic, a Dhaibhidh? Agus thog Saul suas a ghuth, agus ghul e.

17 Agus thubhairt e ri Daibhidh, Is tusa a's firinniche na mise; oir dhiol thusa maith dhomhsa, ach dhiol mise olc dhuitse.

18 Agus nochd thu an diugh cionnus a bhuin thu gu maith rium; do bhrìgh, an uair a thug an Tighearn thairis mi do d' làimh, nach do mharbh thu mi.

19 Oir an uair a gheibh duine a nàmhaid, an leig e as gu maith e? uime sin gu'n dioladh an Tighearn maith dhuitse air son na rinn thu dhomhsa an diugh.

20 Agus a nis, feuch, tha fios agam gu'm bi thu gu cinnteach a'd' rìgh, agus gu'n daingnichear rìoghachd Israeil a'd' làimh.

21 Uime sin muonnaich dhomhsa air an Tighearn, nach gearr thu as mo shliochd a'm' dhéigh, agus nach sgrios thu m'ainm a tigh m'athar.

22 Agus mhionnaich Daibhidh do Shaul agus chaidh Saul dhachaidh; ach chaidh Daibhidh agus a dhaoine suas do'n daingneach.

# CAIB. XXV.

1 *Fhuair Samuel bàs.* 4 *Bhrosnaich Nabal Daibhidh le 'iargallas.* 18 *Chiuinich Abigail e.* 36 *Bàs Nabal.* 39 *Ghabh Daibhidh Abigail agus Ainoam gu bhi 'n am mnàibh aige.* 44 *Thugadh Michal, bean Dhaibhidh, do Phalti.*

**A**GUS fhuair Samuel bàs; agus chruinnich na h-Israelich uile an ceann a chèile, agus rinn iad caoidh air a shon, agus dh'adhlaic iad e 'n a thigh ann an Ramah. Agus dh'éirich Daibhidh, agus chaidh e sìos gu fàsach Pharain.

2 Agus bha duine ann am Maon, aig an robh a shealbh ann an Carmel; agus bha 'n duine ro mhòr, agus bha trì mìle caora aige, agus mìle gabhar: agus bha e a' lomairt a chaorach ann an Carmel.

3 A nis b'e ainm an duine Nabal, agus ainm a mhnà Abigail; agus bha i 'n a mnaoi aig an robh deadh thuigse, agus maiseach 'n a dealbh; ach bha 'n duine iargalta, agus olc 'n 'a ghnìomharaibh; agus bha e de thigh Chaleib.

4 Agus chuala Daibhidh 's an fhàsach gu'n robh Nabal a' lomairt a chaorach.

5 Agus chuir Daibhidh uaith deichnear òganach; agus thubhairt Daibhidh ris na h-òganaich, Gabhaibh suas gu Carmel, agus rachaibh a dh'ionnsuidh Nabail, agus cuiribh fàilte air a'm' ainm-sa.

6 Agus mar so their sibh, Slàn gu robh thu; agus sìth gu robh dhuit féin, agus sìth do d' thigh, agus sìth do gach ni a th'agad.

7 Agus a nis chuala mi gu bheil luchd-lomairt chaorach agad: a nis do bhuachailllean-sa, a bha maile ruinn, cha d'rinn sinn cron orra, ni mò a dh'iomdraincadh ni sam bith leo réna h-aimsir a bha iad ann an Carmel.

8 Feòraich de d' òganaich, agus innsidh iad dhuit: faighcadh ma ta na h-òganaich deadh-ghean a'd' shùilibh, oir air là maith thàinig sinn: thoir, guidheam ort, do



d' sheirbhisich, agus do d' mhac Daibhidh, ge b'e ni a thig a dh'ionnsuidh do lèimhe.

9 Agus an uair a thàinig òganaich Dhaibhidh, labhair iad ri Nabal a réir nam briathran sin uile ann an ainm Dhaibhidh, agus bha iad 'n an tosd.

10 Agus fhreagair Nabal seirbhisich Dhaibhidh, agus thubhairt e, Cò e Daibhidh? agus cò e mac Iese? is ionnmhor seirbhisich 's na làithibh so a tha 'briseadh air falbh gach duine dhiubh o' mhaighstir.

11 An gabh mise ma ta m'aran, agus m'uisge, agus m'fheoil a mharb mi air son mo luchd-lomairt, agus an tabhair mi e do dhaoineibh nach aithne dhomh cia as a tha iad?

12 Uime sin thionndaidh òganaich Dhaibhidh air an slighe, agus phill iad, agus thàinig iad agus dh'innis iad dha do réir nam briathran sin uile.

13 Agus thubhairt Daibhidh r'a dhaoineibh, Cuiribh gach duine a chlaidheamh air. Agus chuir gach duine dhiubh a chlaidheamh air; agus chuir Daibhidh mar an ceudna a chlaidheamh air: agus chaidh suas an déigh Dhaibhidh mu thimchioll ceithir cheud fear, agus dh'fhan dà cheud maille ris an airneis.

14 Ach dh'innis fear de na h-òganaich do Abigail bean Nabal, ag ràdh, Feuch, chuir Daibhidh teachdairean as an fhàsach a chur fàilte air ar maighstir, agus thug e anacaintt dhoibh.

15 Ach bha na daoine ro mhaith dhuinn, agus cha d'rinneadh cron oirnn, ni mò a dh'ionndrain sinn ni sam bith ré na h-aimsir a bha sinn maille ri u, 'n uair a bha sinn 's an fhearann.

16 Bha iad 'n am balla dhuinn araon a dh'oidhe agus a là, ré na h-aimsir a bha sinn maille ri u ag ionatradh nam caorach.

17 A nis air an aobhar sin bitheadh fios agad agus smuainich ciod a ni thu; oir shonraicheadh ole an aghaidh ar maighstir, agus an aghaidh a thighe uile: agus is mac do Bheial esan, air chor as nach feud *neach* labhair ris.

18 An sin rinn Abigail cabhag, agus ghabh i dà cheud *buillonn* arain, agus dà shearrag fhiona, agus cùig caorach air an deasachadh, agus cùig toimhean de shìol cruaidhichte, agus ceud bagaid de fhìon-dhearcaibh tiormaichte, agus dà cheud meall de fhìgibh; agus chuir i air asalaibh *iad*.

19 Agus thubhairt i r'a h-òganaich, Rach-aibh air blur n-aghaidh romham: feuch, *tha* mi 'teachd 'n 'ur déigh: ach cha d'innis i sin d'a fear Nabal.

20 Agus an uair a bha i a' marcachd air an asail, agus a' teachd a nuas ann am fasgath an t-sléibh, feuch, thàinig Daibhidh agus a dhaoine a nuas 'n a còdhail; agus choinnich i iad.

21 A nis thubhairt Daibhidh, Gu cinnt-

each is ann gu dìomhain a ghléidh mise gach *ni* a bh'aig an *fhear* so 's an fhàsach, air chor as nach d'ionndraineadh ni air bith de gach *ni* a *bhuineadh* dha; oir dhiol esan ole dhomhsa 'an éiric maith.

22 Gu'n deanadh Dia mar sin ri naimhdeibh Dhaibhidh, agus tuilleadh mar an ceudna, ma dh'fhàgas mise dhiubhsan uile a *tha* aige gu ruig a' mhaduinn, aon air bith a ni uisge ri balla.

23 Agus an uair a chunnaic Abigail Daibhidh, rinn i cabhag agus theirinn i bhàrr na h-asail, agus thuit i sìos air a h-aghaidh 'am fianuis Dhaibhidh, agus chrom si i féin gu làr.

24 Agus thuit i aig a chosaibh, agus thubhairt i, Ormsa, *eadhon* ormsa mo thighearna, *bitheadh* an cionta so, agus labhradh, guidheam ort, do bhanoglach ann ad éisdeachd, agus chuinn briathran do bhanoglaich.

25 Na tugadh mo thighearn, guidheam ort, fainear an duine so le Belial, eadhon Nabal; oir a réir 'ainme, mar sin *tha e: is e* Nabal 'ainm, agus *tha* amaideachd maille ris: ach cha-n fhaca mise, do bhanoglach, òganaich mo thighearn', a chuir thu uait.

26 A nis uime sin, mo thighearna, *mar* is beò an Tighearn, agus *mar* is beò d'anam, a chionn gu'n do chum an Tighearn thusa o theachd a *dhòrtadh* fola, agus o thu féin a dhioladh le d' làimh féin; a nis uime sin mar Nabal bitheadh do naimhdean, agus iadsan a dh'iarras ole do m' thighearn.

27 Agus a nis am beannachadh so, a thug do bhanoglach a dh'ionnsuidh mo thighearna, thugar e eadhon do na h-òganaich a *tha* 'sìubhal' an cois mo thighearna.

28 Maith, guidheam ort, cionta do bhanoglaich; oir ni an Tighearn gu cinnteach tigh seasmhach do m' thighearn, do bhrìgh gu bheil mo thighearn a' cur cathan an Tighearna, agus nach d'fhuaradh ole annad o *thus* do bhàith.

29 Gidheadh dh'éirich duine gu dol air do thòir, agus a dh'iarraidh d'anama: ach bithidh anam mo thighearna air a cheangal suas ann an ceanglachan na beathia aig an Tighearn do Dhia; agus anaman do naimhdean, iadsan tilgidh e mach, *mar á* meadhon croinn-tàbhuill.

30 Agus an uair a ni an Tighearn do m' thighearn a réir gach maith a labhair e mu d' thimchioll, agus a dh'orduicheas e thu a'd' uachdaran os ceann Israeil;

31 Cha bhi so chum doilgheis dhuit, no chum oibhlein eridhe do m' thighearn, gu'n do dhòirt thu fuil gun aobhar, agus gu'n do dhiol mo thighearn e féin: ach an uair a bhuineas an Tighearn gu maith ri m' thighearn, an sin cuimhuich air do bhanoglaich.

32 Agus thubhairt Daibhidh ri Abigail Beannaichte *gu robh* Tighearn Dia Is-

raeil, a chuir thusa an diugh a'm' choinneamh-sa:

33 Agus beannaichte *gu robh* do chomhairle, agus beannaichte *gu robh* thu féin, a chum mise an diugh o theachd a dhòrtadh fola, agus o mi féin a dhìoladh le m' làimh féin.

34 Oir gu deimhin, *mar* is beò an Tighearn Dia Israeil, a chum mis' o chron a dheauamh ort, mur bitheadh tu air deauamh cabhaig, agus air teachd a'm' choinneamh, gu cinnteach cha-n fhàgtadh do Nabal gu solus na maidne neach sam bith a ui uisge ri balla.

35 Uime sin ghabh Daibhidh as a làimh na thug i d'a ionnsuidh, agus thubhairt e rithe, Gabh suas ann an sìth a dh'ionnsuidh do thighe: faic, dh'éisd mi ri d' ghuth, agus ghabh mi ri d' ghnùis.

36 Agus thàinig Abigail a dh'ionnsuidh Nabail; agus, feuch, *bha* cuirm aige 'n a thigh mar chuirn rìgh; agus *bha* cridhe Nabail subhach an taobh a stigh dheth, oir *bha* e gu mòr air mhisg: uime sin cha d'innis i dha a bheag no 'mhòr, gu solus na maidne.

37 Ach anns a' mhaduim, an uair a chaidh am fion á Nabal, agus a dh'ionnsuidh a bhean dha na nithean sin, bhàsaich a chridhe an taobh a stigh dheth, agus *bha* e mar chloich.

38 Agus mu thimchioll deich làithean 'n a *dhéigh sin* bhual an Tighearn Nabal, agus fhuair e bàs.

39 Agus an uair a chuala Daibhidh gu'n d'fhuair Nabal bàs, thubhairt e, Beannaichte *gu robh* an Tighearn a thagair cùis mo uhasaidh o làimh Nabail, agus a chum a sheirbhiseach o ole: oir thionndaidh an Tighearn aingidheachd Nabail air a cheann féin. Agus chuir Daibhidh *teachdairean* uaith, agus labhair e ri Abigail, a chum a gabhail dha féin 'n a mnaoi.

40 Agus an uair a thàinig seirbhisich Dhaibhidh a dh'ionnsuidh Abigail gu Carmel, labhair iad rithe, ag ràdh, Chuir Daibhidh sinn a d' ionnsuidh a chum do ghabhail thuige a'd' mhnai.

41 Agus dh'éirich i, agus chrom si i féin air a h-aghaidh dh'ionnsuidh na talmhainn, agus thubhairt i, Feuch, bitheadh do bhanoglach 'n a h-innilt a nigheadh chos sheirbhiseach mo thighearna.

42 Agus rinn Abigail cabhag, agus dh'éirich i, agus mharcaich i air asail, agus cùgnear ghruagach aice ag imeachd 'n a déigh; agus lean i teachdairean Dhaibhidh, agus *bha* i 'n a mnaoi aige.

43 Ghabh Daibhidh cuideachd Ahinoam o Iesree; agus *bha* iad mar an ceudna le 'chéile 'u am mnaibh aige.

44 Oir thug Saul a nighean Michal, bean Dhaibhidh, do Phalti mac Lais, a *bha* de Ghalim.

1 *Chaidh Saul gu Hachilah air tòir Dhaibhidh.*  
5 *Thàinig Daibhidh do'n chlais-bhlàir far an robh Saul 'n a luidhe, agus thug e air fath a shleagh agus a shoitheach-uisge.* 13 *Thug Daibhidh achmhasan do Abner.* 21 *Dh'aidich Saul a pheacadh.*

**A** GUS thàinig na Siphich a dh'ionnsuidh Shaul gu Gibeah, ag ràdh, Nach 'eil Daibhidh 'g a fholach féin ann an sliabh Hachilah fa chomhair Iesimoin?

2 An sin dh'éirich Saul, agus chaidh e sìos gu fàsach Shiph, agus maille ris trì mìle fear taghta de Israel, a dh'irraidh Dhaibhidh ann am fàsach Shiph.

3 Agus champaich Saul ann an sliabh Hachilah, a *tha* fa chomhair Iesimoin air an t-slighe: ach dh'fhan Daibhidh anns an fhàsach, agus chunnaic e gu'n d'thàinig Saul 'n a dhéigh do'n fhàsach.

4 Uime sin chuir Daibhidh mach luchd-rannsaichaidh, agus thuig e gu'n d'thàinig Saul da rìreadh.

5 Agus dh'éirich Daibhidh, agus thàinig e dh'ionnsuidh an àite anns an do champaich Saul; agus chunnaic Daibhidh an t-àit anns an robh Saul 'n a luidhe, agus Abner mac Neir, ceannard 'armailte: agus luidh Saul an taobh a stigh de'n chlais-bhlàir, agus champaich an sluagh m'a thimchioll.

6 An sin fhreagair Daibhidh, agus thubhairt e ri Ahimelech an Hiteach, agus ri Abisai, agus Sherniah, bràthair Ioab, ag ràdh, Cò 'théid sìos maille riumsa dh'ionnsuidh Shaul do'n champ? Agus thubhairt Abisai, Théid mise sìos maille rint.

7 Uime sin thàinig Daibhidh agus Abisai dh'ionnsuidh an t-sluaigh 's an oidhe; agus, feuch, luidh Saul 'n a chodal an taobh a stigh de'n chlais-bhlàir, agus a shleagh sàthta 's an talamh aig a cheann-adhairt: ach luidh Abner agus an sluagh mu'n cuairt air.

8 An sin thubhairt Abisai ri Daibhidh, Thug Dia thairis do nàmhaid an diugh do d' làimh: a nis uime sin, leig leam a bhualadh, guidheam ort, leis an t-sleagh a dh'ionnsuidh na talmhainn aon uair, agus cha *bhuail* mi e an dara uair.

9 Agus thubhairt Daibhidh ri Abisai, Na marbh e; oir cò a shineas a mach a làmh an aghaidh aoin ungta an Tighearna, agus a bhithas neo-chiontach?

10 Thubhairt Daibhidh mar an ceudna, *Mar* is beò an Tighearn, buailidh an Tighearn e, no thig a là anns am faigh e bàs, no théid e sìos do'n chath agus tuitidh e.

11 Nar leigeadh an Tighearn gu'n sìnnse mach mo làmh an aghaidh aoin ungta an Tighearna: ach a nis gabh, guidheam ort, an t-sleagh a *tha* aig a cheann-adhairt, agus an soitheach-nisge, agus bitheamaid ag imeachd.

12 Agus ghabh Daibhidh an t-sleagh agus



an soithcach-uisge o cheann-adhairt Shaul, agus dh'imich iad rompa, agus cha robh neach ann a chumnaic sin, no aig an robh fios air, no a mhosgail; oir *bha* iad uile 'n an codal, do bhrìgh gu'n do thuit codal trom o'n Tighearn orra.

13 An sin chaidh Daibhidh thairis do'n taobh eile, agus sheas e air mullach sléibh fad as, *le* astar mòr eatorra.

14 Agus ghlaodh Daibhidh ris an t-sluagh, agus ri Abner mac Neir, ag ràdh, Nach freagair thu, Abneir? Agus fhreagair Abner, agus thubhairt e, Cò thusa, *a tha* 'gladhaich ris an rìgh?

15 Agus thubhairt Daibhidh ri Abner, Nach fear *treun* thusa? agus cò *a's* cosmhail riut ann an Israel? c'ar son ma ta nach do choimhid thu do thighearn au rìgh? oir thàinig aon do'n t-sluagh a steach a mharbhadh an rìgh do thighearna.

16 Cha-n'èil an ni so maith a rinn thu: *mar* is beò an Tighearn, *tha* sibh a' toill-tinn a' bhàis, do bhrìgh nach do ghléidh sibh bhuir maighstir, aon ungta an Tighearna: agus a nis faic c'àit *am bheil* sleagh an rìgh, agus an soithcach-uisge, a *bha* aig a cheann-adhairt?

17 Agus dh'aithnich Saul guth Dhaibhidh, agus thubhairt e, An e so do ghuth-sa, a mhic, a Dhaibhidh? agus thubhairt Daibhidh, *Is e* mo ghuth-sa *a th'ann*, mo thighearn', a rìgh.

18 Agus thubhairt e, C'ar son *a tha* mo thighearn air tòir a sheirbhisich? oir ciod a rinn mi? no ciod an t-olc a th'ann am làimh?

19 A nis uime sin, guidheam ort, éisdadh mo thighearn an rìgh ri briathraibh a sheirbhisich: ma's e an Tighearn a bhrosnuich thu a'm' aghaidh, gabhaidh e tabhartas: ach ma's iad clann nan daoine, mallaichte *tha* iad 'am fianuis an Tighearn'; oir dh'fhuadaich iad mise mach an diugh o fhantuinn ann an oighreachd an Tighearn', ag ràdh, Falbh, dean seirbhis do dhiathaibh eile.

20 A nis ma ta, na tuiteadh m' fhuil a dh'ionnsuidh na talmhainn ann am fianuis an Tighearn'; oir thàinig rìgh Israel a mach a dh'iarraidh deargainne, mar a ruaigear *fear* cearc-thomain anns na beanntaibh.

21 An sin thubhairt Saul, Pheacaich mi: pill, a mhic, a Dhaibhidh, oir cha dean mi cron ort tuilleadh, a chionn gu'n robh m'anam luachmhor a'd' shùilbha an diugh: feuch, rinn mi gu h-amaideach, agus chaidh mi air seacharan gu ro mhòr.

22 Agus fhreagair Daibhidh agus thubhairt e, Feuch, sleagh an rìgh; agus thigheadh aon de na h-òganaich a nall agus gabhadh e i.

23 Agus iocadh an Tighearn do gach neach a réir 'ionracais agus 'fhìreantachd: oir thug an Tighearn thairis thu an diugh do m' làimh-sa, ach cha b'àill leam ruo

làimh a shìneadh a mach an aghaidh aoin ungta an Tighearna.

24 Agus, feuch, mar a mheasadh d'anam-sa gu mòr leamsa an diugh, mar sin bitheadh m'anam-sa air a mheas gu mòr leis an Tighearn, agus saoradh e mi as gach gabhadh.

25 Agus thubhairt Saul ri Daibhidh, Beannaichte gu robh thusa, a mhic, a Dhaibhidh: an dà chuid ni thu *nìthean* mòra, agus mar an eudna bheir thu gu cinnteach buaidh. Agus dh'imich Daibhidh air a shlighe, agus phill Saul do 'àite féin.

## CAIB. XXVII.

1 *Chuala Saul gu'n do theich Daibhidh a dh'ionnsuidh rìgh Ghat, agus cha d'iarr e tuilleadh air a shon.* 5 *Thug Achis Sielag do Dhaibhidh.* 8 *Bhuail Daibhidh na Gesur-aich, &c.*

**A** GUS thubhairt Daibhidh 'n a chridhe, A nis tuitidh mi là éigin 'an làimh Shaul: cha-n'èil ni air bith a's fearr dhomh na mi dhòl as gu luath do dhùthaich nam Philisteach, a chum gu'n leig Saul dheth mise iarraidh nì's mò ann an crìch air bith de Israel, agus gu'n téid mi as o 'làimh.

2 Agus dh'èirich Daibhidh, agus chaidh e thairis agus an sè eud fear a *bha* maille ris, a dh'ionnsuidh Achis mhic Mhaoich, rìgh Ghat.

3 Agus ghabh Daibhidh còmhnuidh maille ri Achis ann an Gat, e féin agus a dhaoine, gach fear le 'theaghlach, Daibhidh agus a dhà mhnaoi, Ahinoam a' Bhan-iesreelach, agus Abigail a' Bhan-charmeleach, bean Nabail.

4 Agus dh'innscadh do Shaul gu'n do theich Daibhidh gu Gat; agus cha d'iarr e nì's mò air a shon.

5 Agus thubhairt Daibhidh ri Achis, Ma fhuair mi nis deadh-ghean a'd' shùilbha, thugar dhomh àit ann am baile éigin 's an dùthaich, a chum gu'n gabh mi còmhnuidh an sin: oir c'ar son a ghabhadh do sheirbhiseach còmhnuidh annas a' bhaile rioghail maille riutsa?

6 An sin thug Achis dha Sielag air an là sin: uime sin buinidh Sielag do rìghribh Iudah gus an là 'n diugh.

7 Agus b'e fad na h-aimsir a dh'fhau Daibhidh ann an dùthaich nam Philisteach, bliadhna ionlan agus ceithir mìosan.

8 Agus chaidh Daibhidh agus a dhaoine suas, agus bhris iad a stigh air na Gesur-aich, agus na Gesirich, agus na h-Amaleicich; oir b'iadsan o shean luchd-àiteachaidh na tìre, mar a théid thu gu Sur, cadhou gu tìr na h-Eiphit.

9 Agus bhuail Daibhidh an tìr, agus cha d'fhàg e fear no bean beò; agus thug e leis na caoraich, agus am buar, agus na h-asail, agus na càmhalan, agus an t-eudach; agus phill e, agus thàinig e gu Achis.

## 1 SAMUEL, XXVIII.

10 Agus thubhairt Achis, C'ait an do bhris sibh a stigh an diugh? Agus thubhairt Daibhidh, Air an taobh deas de Indah, agus air an taobh deas de na Ierahmeilich, agus air an taobh deas de na Cenic.

11 Agus fear no bean cha do leig Daibhidh as beò, a thoirt *sgeula* gu Gat, ag ràdh, Air eagal gu'n innseadh iad oirnn, ag ràdh, Mar so rinn Daibhidh. Agus mar so bha a sheòl rè na h-aimsir a dh'fhan e ann an dùthaich nam Philisteach.

12 Agus chreid Achis Daibhidh, ag ràdh, Thug e air a shluagh Israel gràin mhòr a ghabhail deth: uime sin bithidh e 'n a sheirbhiseach agamsa gu bràth.

### CAIB. XXVIII.

1 *Chruinnicheadh na Philistich 'an ceann a chèile aig Sunem. 5 Bha eagal air Saul rompa, agus chaidh e dh'ionnsuidh mnà ann an Endor aig an robh leannan-sith. 11 Air 'iarrtus thog i Samuel nìos dha. 15 Dh'innis Samuel do Shaul gu'n tuiteadh e fèin agus Israel 'an làimh an naimehdean.*

**A**GUS anns na làithibh sin chruinnich na Philistich an armaitealan 'an ceann a chèile chum cogaidh, a chur catha ri h-Israel: agus thubhairt Achis ri Daibhidh, Bitheadh fios gu cinnteach agad gu'n téid thu mach maille riumsa chum catha, thu fèin agus do dhaoine.

2 Agus thubhairt Daibhidh ri Achis, Gu deimhin bithidh fios agad ciod a ni do sheirbhiseach. Agus thubhairt Achis ri Daibhidh, Uime sin ni mi fear-gleidhidh mo chinn diot gu bràth.

3 A nis fhuaire Samuel bàs, agus rinn Israel uile caoidh air a shon, agus dh'adhlac iad e ann an Ramah 'n a bhaile fèin: agus chuir Saul air falbh iadsan aig an robh leannan-sith, agus na fiosaichean, as an tìr.

4 Agus chruinnicheadh na Philistich 'an ceann a chèile, agus thàinig iad agus champaich iad ann an Sunem: agus chruinnich Saul Israel uile 'an ceann a chèile, agus champaich iad ann an Gilboa.

5 Agus an uair a chunnaic Saul feachd nam Philisteach, bha eagal air, agus chrìochnaich a chridhe gu mòr.

6 Agus an uair a dh'fhiosraich Saul de'n Tighearn, cha do fhreagair an Tighearn e, aon chuid le aislingibh, no le Urim, no le fàidhibh.

7 An sin thubhairt Saul r'a sheirbhisich, Iarraibh dhomhsa bean aig am bheil leannan-sith, agus théid mi d'a h-ionnsuidh, agus fiosaichidh mi dlùth. Agus thubhairt a sheirbhisich ris, Feuch, *tha* bean aig am bheil leannan-sith ann an Endor.

8 Agus chuir Saul e fèin ann an riochd eile, agus chuir c air eudach eile, agus dh'imich e, agus dithis dhaoine maille ris, agus thàinig iad a dh'ionnsuidh na mnà anns an oidliche; agus thubhairt e, Dean

fiosachd dhomhsa, guidheam ort, leis an leannan-shith, agus tog suas dhomh esan a dh'ainnicheas mi dhuith.

9 Agus thubhairt a' bhean ris, Feuch, tha fios agad ciod a rinn Saul cionnus a ghearr e as iadsan aig an robh leannan-sith, agus na fiosaichean, as an tìr: c'ar son ma ta a tha thu a' leagadh ribe air son m'ana-ma, chum mo chur gu bàs?

10 Agus mhionnaich Saul dhi air an Tighearn, ag ràdh, *Mar* is beò an Tighearn, cha tachair olc sam bith dhuith air son an ni so.

11 An sin thubhairt a' bhean, Cò 'thogas mi nìos dhuith? Agus thubhairt esan, Tog a nìos dhomh Samuel.

12 Agus an uair a chunnaic a' bhean Samuel, ghlaodh i le guth àrd; agus labhair a' bhean ri Saul, ag ràdh, C'ar son a mheall thu mi? oir is tu Saul.

13 Agus thubhairt an rìgh rithe, Na bith-eadh eagal ort: oir ciod a chunnaic thu? Agus thubhairt a' bhean ri Saul, Chunnaic mi diathan a' teachd a nìos as an talamh.

14 Agus thubhairt e rithe, Ciod e a choslas? Agus thubhairt ise, *Tha* seann duine air teachd a nìos, agus e còmhdaichte le falluinn. Agus dh'aithnich Saul gu'm b'e Samuel a *bh'ann*, agus chrom se e fèin air aghaidh dh'ionnsuidh na taluham, agus rinn e ùmhlaichd *dha*.

15 Agus thubhairt Samuel ri Saul, C'ar son a chuir thu dragh orm, le m' thoirt a nìos? Agus fhreagair Saul, Tha mi ann an teamntachd mhòir; oir tha na Philistich a' cogadh a'm' aghaidh, agus dhealaich Dia rium, agus cha-n'eil e 'toirt freagraidh dhomh ni's mò, aon chuid le fàidhibh no le aislingibh: uime sin ghairm mi ortsa gu fios a thoirt dhomh ciod a ni mi.

16 An sin thubhairt Samuel, C'ar son ma ta a tha thu a' fiosrachadh dhìomsa, agus gu'n do dhealaich an Tighearn riut, agus gu bheil e *nìs* air fas 'n a nàmhaid duit?

17 Agus rinn an Tighearn dha, mar a labhair e tromham-sa; oir reub an Tighearn an rìoghachd as do làimh, agus thug e i do d' choimhearsnach, do Dhaibhidh.

18 Do bhrìgh nach d'èisd thu ri guth an Tighearn, agus nach do chuir thu 'an gnìomh a' chorroich gharg an aghaidh Amaleic; uime sin rinn an Tighearn an ni so riut air an là 'n diugh.

19 Agus bheir an Tighearn maran ceudna Israel maille riutsa thairis do làimh nam Philisteach: agus am màireach *bithidh* tusa agus do mhic maille riumsa: bheir an Tighearn mar an ceudna feachd Israeil thairis do làimh nam Philisteach.

20 An sin air ball thuit Saul sìnte air an talamh, agus bha e fo cagal ro mhòr air son bhriathran Shamuel, agus cha robh neart air bith ann; oir cha d'ith e aran rè an là no rè na h-oidliche sin.

21 Agus thàinig a' bhean a dh'ionnsuidh



Shaul, agus chunnaic i gu'n robh e fo uamhann mòr, agus thubhairt i ris, Feuch, thug do bhanoglach géill do d' ghuth, agus chuir mi m'anam a'm' làimh, agus dh'éisd mi ri d' bhriathraibh a labhair thu rium:

22 A nis uime sin, guidheam ort, éisd thusa mar an ceudna ri guth do bhanoglaich, agus cuiream greim arain fa d' chomhair, agus ith e, agus bithidh neart agad, an uair a dh'imicheas tu air do shlighe.

23 Ach dhiùlt esan, agus thubhairt e, Cha-n ith mi: ach choimh-éignich a sheirbhiseach agus mar an ceudna a' bhean e; agus dh'éisd e r'an guth: agus dh'éirich e o'n talamh, agus shuidh e air an leabaidh.

24 Agus bha aig a' mhnaoi laogh biadhtha 's an tigh, agus rinn i cabhag, agus mharbh i e; agus ghabh i min mhin, agus dh'fhuin si i, agus rinn i aran neo-ghoirtichte dhith:

25 Agus chuir i iad fa chomhair Shaul, agus fa chomhair a sheirbhiseach, agus dh'ith iad: an sin dh'éirich iad suas, agus dh'imich iad air an oidheche sin féin.

# CAIB. XXIX.

1 Bha fearg air ceannardaibh nam Philisteach do bhrìgh gu'n d'thug Achis Daibhidh maille ris. 6 Chuir Achis air falbh e.

**A**NIS chruinnich na Philistich am feachd uile gu Aphec: agus champaich na h-Israelich làimh ri tobar a th'ann an Iesreel.

2 Agus chaidh tighearnan nam Philisteach air an aghaidh 'u an ceudaibh agus 'n am mìtibh: ach chaidh Daibhidh agus a dhaoine air an aghaidh 'n an deireadh maille ri Achis.

3 An sin thubhairt ceannardan nam Philisteach, Ciod a tha na h-Eabhruidhich sin a' deanamh an so? Agus thubhairt Achis ri ceannardaibh nam Philisteach, Nach e so Daibhidh seirbhiseach Shaul righ Israel, a bha maille riumsa na làithean so, no na bliadhnan so, agus cha d'fhuair m'eron sam bith ann o'n là anns an d'thàinig e a m' ionnsuidh gus an là 'n diugh?

4 Agus bha fearg air ceannardaibh nam Philisteach ris; agus thubhairt ceannardan nam Philisteach ris, Thoir air an fhear so pilltinn, a chum gu'n téid e ris d'a àit a dh'orduich thu dha, agus na rachadh e sìos maille ruinne do'n chath, air eagal gu'm bi e 'u a nàmhaid againn 's a' chath: oir cia leis a dheanadh e a réite r'a mhaighstir? nach ann le cinn nan daoine sin?

5 Nach e so Daibhidh, mu'n do chan iad le 'chéile ann an daamsaibh, ag ràdh, Mharbh Saul a mhilltean, agus Daibhidh a dheich mìltean?

6 An sin ghairm Achis air Daibhidh, agus thubhairt e ris, Gu deimhin, mar is beò an Tighearn, bha thu dìreach, agus is taitneach a'm' shùilibh-sa do dhol a mach agus do theacadh a steach maille rium anns a' champ; oir cha d'fhuair mi olc annad, o'n

là anns an d'thàinig thu a m' ionnsuidh gus an là 'n diugh: gidheadh, ann an sùilibh nan tighearnan cha-n'eil thu taitneach.

7 A nis ma ta pill, agus imich ann an sìth, a chum nach dean thu *ni a tha* olc ann an sùilibh thighearnan nam Philisteach.

8 Agus thubhairt Daibhidh ri Achis, Ach ciod a rinn mi, agus ciod a fhuair thu ann do sheirbhiseach o'n cheud là a bha mi maille riut gu ruig an là 'n diugh, nach feud mi dol a chogadh an aghaidh naimhdean mo thighearn' an righ?

9 Agus fhreagair Achis agus thubhairt e ri Daibhidh, Tha fios agam gu bheil thu maith; ann am shùilibh-sa *tha thu* mar aingeal Dhé: gidheadh, thubhairt tigh-earnan nam Philisteach, Cha téid e suas maille ruinne do'n chath.

10 A nis ma ta éirich gu moch 's a' mhaduinn maille ri seirbhiseach do mhaighstir, a thàinig maille riut; agus co luath 's a dh'éireas sibh 'sa' mhaduinn, agus a bhitheas solus agaibh, imichibh.

11 Uime sin rinn Daibhidh agus a dhaoine moch-eirigh chum gu'm falbhadh iad anns a' mhaduinn, agus gu'm pilleadh iad gu tìr nam Philisteach; agus chaidh na Philistich suas gu Iesreel.

# CAIB. XXX.

1 Chreach na h-Amaleich Siclag. 9 Chaidh Daibhidh air an tìr: 16 bhuail e iad, agus shaor e gach *ni* a thug iad leo. 26 Chuir e tiodhlacan a dh'ionnsuidh a chairdean de chreich a naimhdean.

**A**GUS an uair a bha Daibhidh agus a dhaoine air teachd gu Siclag air an treas là, bhris na h-Amaleich a stigh air an taobh deas, agus air Siclag: agus bhuail iad Siclag, agus loisg iad e le teine.

2 Agus thug iad leo 'n am braighdibh na mnathan a bha ann: cha do mharbh iad neach air bith, aon chuid beag no mòr, ach thug iad leo iad, agus dh'imich iad air an slighe.

3 Agus thàinig Daibhidh agus a dhaoine do'n bhaile, agus, feuch, bha e loisgte le teine; agus thugadh am mnathan, agus am mic, agus an nigheanan air falbh ann am braighdeanas.

4 An sin thog Daibhidh agus an sluagh a bha maille ris an guth, agus ghuil iad, gus nach robh neart anna gu gul ni b'fhaide.

5 Agus thugadh dà mhnaoi Dhaibhidh air falbh 'n ann braighdibh, Ahinoam a' Bhaniesreeleach, agus Abigail bean Nabail a' Charmelich.

6 Agus bha Daibhidh ann an teanntachd mhòir; oir labhair an sluagh mu a chlachadh, do bhrìgh gu'n robh anam an t-sluaigh uile air a chràdh, gach duine air son a chuid mac, agus air son a nigheanan: ach ghabh Daibhidh misneach dha féin anns an Tighearn a' Dhia.

7 Agus thubhairt Daibhidh ri Abiatar an

sagart, mac Ahimeleich, Thoir a m' ionn-  
suidh an so, guidheam ort, an ephod: agus  
thug Abiatar an ephod an sin a dh'ionn-  
suidh Daibhidh.

8 Agus dh'fhiosraich Daibhidh de'n Tigh-  
earn, ag ràdh, An téid mi air toir na  
buidhne so? am beir mi orra? Agus fhreag-  
air esan e, Falbh air an tòir; oir gu eun-  
teach beiridh tu orra, agus saoraidh tu an  
t-ìomlan.

9 Agus dh'imich Daibhidh, e féin agus an  
sè ceud fear a bha maille ris, agus thàinig  
iad gu ruig an sruth Besor, far an d'fhan  
iadsan a dh'fhagadh 'n an deigh.

10 Agus chaidh Daibhidh air an tòir, e  
féin agus ceithir ehead fear: ach dh'fhan  
dà ehead fear 'n an deigh, a bha cho sgèth  
as nach b'urrainn iad dol thar an t-sruth  
Besor.

11 Agus fhuair iad Eiphiteach anns a'  
mhachair, agus thug iad e dh'ionnsuidh  
Daibhidh, agus thug iad dha aran, agus  
dh'ith e; agus thug iad air uisge òl;

12 Agus thug iad dha mìr de mheall fhè-  
ean, agus dà bhagaid de *fhion-dhearcailh*  
tiormaichte; agus an uair a dh'ith e, thàinig  
a spiorad a ris d'a ionnsuidh: oir cha d'ith  
e aran, agus cha d'òl e uisge rè thri làithean  
agus thri oidhchean.

13 Agus thubhairt Daibhidh ris, Co leis  
thu, agus eia as a thàinig thu? Agus thubh-  
airt esan, *Is òganach Eiphiteach mi*, seirbhi-  
seach do Amaleceach; agus dh'fhàg mo  
mhaighstir mi, do bhrìgh gu'n robh mi tinn  
o cheann tri làithean.

14 Bhris sinn a steach air taobh deas nan  
Cereteach, agus air a' chrìch a bhuineas do  
Iudah, agus air taobh deas Chaleib; agus  
loisg sinn Sielag le teine.

15 Agus thubhairt Daibhidh ris, An toir  
thu sìos mi dh'ionnsuidh na buidhne sin?  
Agus thubhairt esan, Mionnach dhomh  
air Dia, nach marbh thu mi, agus nach toir  
thu thairis mi do làimh mo mhaighstir,  
agus bheir mi sìos thu dh'ionnsuidh na  
buidhne sin. *Agus mhionnaich Daibhidh  
dha.*

16 Agus an uair a thug e sìos e, feuch,  
sgaoileadh iad air aghaidh na tìre uile, ag  
itheadh agus ag òl, agus a' damnsadh, air  
son na creiche mòire uile a thug iad leo á  
tìr nam Philisteach, agus á tìr Iudah.

17 Agus bhuail Daibhidh iad o bhriseadh  
na faire gu ruig feasgar an là màireach;  
agus eha deachaidh duine dhiubh as, aeh  
ceithir ehead òganach a mhàraich air  
camhalaibh, agus a theich.

18 Agus shaor Daibhidh gach *ni* a thug na  
h-Amaleceich leo: agus shaor Daibhidh a  
dhà mhnaoi.

19 Agus eha robh *ni* air bith a dh'ith orra,  
aon ehuid beag no mòr, mic no nigheanan,  
no ereach, no *ni* air bith a thug iad leo:  
bhuin Daibhidh gach *ni* air ais.

20 Agus ghabh Daibhidh an treud uile,  
agus am buar: agus dh'imich iad roimh an  
sprèidh so, agus thubhairt iad, *Is i so ercach  
Dhaibhidh.*

21 Agus thàinig Daibhidh a dh'ionnsuidh  
an dà ehead fear, a bha cho sgèth as nach  
b'urrainn iad Daibhidh a leantuinn, agus  
air an d'thug iad fantuinn aig an t-sruth  
Besor: agus chaidh iad a mach 'an coinn-  
camh Dhaibhidh, agus 'an coinneamh an  
t-sluaigh a bha maille ris: agus an uair a  
thàinig Daibhidh am fagus do'n t-sluaigh,  
chuir e fàilt orra.

22 An sin fhreagair na droch dhaoine uile,  
agus daoine Bhetlail, dhiubhsan a chaidh  
maille ri Daibhidh, agus thubhairt iad, Do  
bhrìgh nach deachaidh iad maille ruinne,  
eha toir sinn dhoibh a' bheag de'n chreich a  
shaor sinn, aeh a mhàn do gach duine a  
bhean, agus a ehlann, a chum gu'n toir iad  
leo iad, agus gu'n imich iad.

23 An sin thubhairt Daibhidh, Cha dean  
sibh mar sin, mo bhràithrean, ris na thug  
an Tighearn dhuinn, a ghléidh sinn, agus a  
thug a' bhuidheann a thàinig 'n ar n-aghaidh  
thairis d'ar làimh.

24 Agus cò a dh'eisdeas ribh 's a' chùis so?  
aeh mar chuibhrionn an ti a théid sìos do'n  
chath, mar sin *bithidh* cuibhrionn an ti a  
dh'fhanas maille ris an àirneis: roinnidh  
iad air an aon dòigh.

25 Agus bha e mar sin o'n là sin a mach,  
gu'n d'rinn e 'n a lagh e agus 'n a riaghailt  
aig Israel gus an là 'n diugh.

26 Agus an uair a thàinig Daibhidh gu  
Sielag, ehuir e *cuid* de'n chreich a dh'ionn-  
suidh sheanairean Iudah, *eadhon* a dh'ionn-  
suidh a chairdean, ag ràdh, Feuch, tiodhlac  
dhuibh de chreich naimhdean an Tighearna:  
27 Dhoibhsan a bh'ann am Bet-el, agus  
dhoibhsan a bh'ann an Ramot mu dheas,  
agus dhoibhsan a bh'ann an Later,

28 Agus dhoibhsan a bh'ann am Aroer,  
agus dhoibhsan a bh'ann an Siphmot, agus  
dhoibhsan a bh'ann an Estemoa,

29 Agus dhoibhsan a bh'ann an Raehal,  
agus dhoibhsan a bh'ann an bailtibh nan  
Ierahmeelceach, agus dhoibhsan a bh'ann am  
bailtibh nan Ceneach,

30 Agus dhoibhsan a bh'ann an Hormah,  
agus dhoibhsan a bh'ann an Cor-asan, agus  
dhoibhsan a bh'ann an Ataeh,

31 Agus dhoibhsan a bh'ann an Hebron,  
agus do na h-àitibh sin uile anns am bu  
ghnàth le Daibhidh agus a dhaoine tathuich.

# CAIB. XXXI.

1 Bhuail na Philistich fir Israeil, agus mharbh  
iad triuir mhac Shaul. 5 Mharbh Saul  
agus fear iomchair 'arm iad féin. 10 Spàrr  
na Philistich cuirp Shaul agus a chuid mac  
ri balla Bhet-sain. 12 Thug daoine Iabes-  
ghilead air falbh iad, agus dh'adhlac siad iad.

**A** NIS chog na Philistich an aghaidh Is-  
raeil; agus theich fir Israeil o fhianuis



nam Philisteach, agus thuit iad sìos marbh ann an sliabh Ghilboa.

2 Agus lean na Philistich Saul agus a mhic gu teann; agus bhuail na Philistich Ionatan, agus Abinadab, agus Malchisua, mie Shaul.

3 Agus dh'fhàs an cath cruaidh an aghaidh Shaul, agus bhuail na fir-bhogha air; agus lotadh gu mòr e leis na fir-bhogha.

4 An sin thubhairt Saul ri fear-iomchair 'arm, Rùisg do chladheamh, agus sàth tromham e, air eagal gu'n tig na daoine neothimechioll-ghearra sin, agus gu'n sàth iad tromham, agus gu'n toir iad masladh dhomh. Ach cha b'ail le fear-iomchair 'arm sin a dheanamh, oir bha eagal mòr air: uime sin ghabh Saul claidheamh, agus thuit e air.

5 Agus an uair a chunnaic fear-iomchair 'arm gu'n robh Saul marbh, thuit esan mar an ceudna air a chladheamh, agus fhuair e bàs maille ris.

6 Mar sin fhuair Saul bàs, agus a thriuir mhac, agus fear-iomchair 'arm, agus a dhaoine uile air an là sin féin maille ri chéile.

7 Agus an uair a chunnaic fir Israeil, a bha air taobh a' ghlinne, agus iadsan a

bh'air an taobh so de Iordan, gu'n do theich fir Israeil, agus gu'n robh Saul agus a mhic marbh, threig iad na bailtean, agus theich iad; agus thàinig na Philistich, agus ghabh iad còmhuidh anna.

8 Agus air an là maireach, an uair a thàinig na Philistich a dh'fhaobhachadh nam marbh, fhuair iad Saul agus a thriuir mhac air tuiteam ann an sliabh Ghilboa.

9 Agus ghearr iad dheth a cheam, agus rùisg iad 'armachd dheth, agus chuir iad fios gu tìr nam Philisteach mu'n cuairt, g'a chur 'an céill ann an tigh an diathan-bréige, agus am measg an t-sluaigh.

10 Agus chuir iad 'armachd ann an tigh Astaroit; agus spàrr iad a chorp ri balla Bhet-sain.

11 Agus an uair a chuala luchd-àiteachaidh Iabais-ghilead an nì sin a rinn na Philistich ri Saul,

12 Dh'éirich na daoine treuna uile, agus dh'imich iad rè na h-oidheche, agus thug iad corp Shaul, agus cuirp a chuid mac, o bhalla Bhet-sain, agus thàinig iad gu Iabes, agus loisg iad an sin iad.

13 Agus ghabh iad an enaimhean, agus dh'adhlac siad iad fo chraoibh ann an Iabes, agus thraisg iad seachd fàithean.

# DARA LEABHAR SHAMUEIL,

D'AN AINM, AIR MHODH EILE,

DARA LEABHAR NAN RIGH.

CAIB. I.

1 Mharbhadh an t-Amaleceach a dh'innis do Dhaibhidh gu'n do bhuail eadh clann Israeil, agus a thug fianais 'n a aghaidh féin gu'n do mharbh e Saul. 17 Cooidh Dhaibhidh air son Shaul agus air son Ionatan.

**A**NIS an déigh bàis Shaul, phill Daibhidh o àr nan Amaleceach, agus dh'fhan Daibhidh ann an Sielag dà latha.

2 Agus air an treas là, feuch, thàinig duine as a' champ o Shaul, agus 'eudach reubta, agus ùir air a cheann: agus an uair a thàinig e dh'ionnsuidh Daibhidh, thuit e air an talamh, agus rinn e ùmhlachd.

3 Agus thubhairt Daibhidh ris, Cia as a tha thu air teachd? Agus thubhairt esan ris, A camp Israeil theich mi.

4 Agus thubhairt Daibhidh ris, Ciod a thachair? innis dhomh, guidheam ort. Agus fhreagair e, Theich an sluagh o'n chath, agus cuideachd tha mòran de'n t-sluagh air tuiteam agus marbh; agus mar an ceudna tha Saul agus a mhac Ionatan marbh.

5 Agus thubhairt Daibhidh ris an òganach

a dh'innis dha, Cionnus a tha fios agad gu bheil Saul agus a mhac Ionatan marbh?

6 Agus thubhairt an t-òganach a dh'innis dha, Thachair dhomhsa 'bhi air sliabh Ghilboa, agus, feuch, bha Saul a' leigeil a thaice r'a shleagh; agus, feuch, lean na carbadan agus am marc-shluagh gu dian 'n a dhéigh.

7 Agus an uair a dh'amhaire e 'n a dhéigh, chunnaic e mise, agus ghairm e orm: agus fhreagair mi, Tha mi 'n so.

8 Agus thubhairt e rium, Cò thusa? Agus fhreagair mise e, Is Amaleceach mi.

9 Thubhairt e rium a ris, Seas orm, guidheam ort, agus marbh mi; oir ghlac teanntachd mi, do bhrìgh gu bheil mo bheatha fathast gu h-ìomlan annam.

10 Agus sheas mi air, agus mharbh mi e, a chionn gu'n robh fios agam nach biodh e beò an déigh dha tuiteam; agus ghabh mi 'n crùn a bha air a cheann, agus an làmh-fhàil a bha air a ghairdean, agus thug mi 'n so iad a dh'ionnsuidh mo thighearna.

11 An sin rug Daibhidh air 'eudach, agus

reub se e, agus mar an ceudna na daoine uile a *bha* maille ris.

12 Agus rinn iad caoidh, agus ghuil iad, agus thraisg iad gu feasgar, air son Shaul, agus air son a mhic Ionatain, agus air son sluagh an Tighearn', agus air son tighé Israeil, do bhrìgh gu'n do thuit iad leis a' chlaidheamh.

13 Agus thubhairt Daibhidh ris an òganach a dh'innis dha, Cia as duitse? Agus fhreagair esan, *Is* mae coigrich Amalecich mi.

14 Agus thubhairt Daibhidh ris, Cionnus nach robh eagal ort do làmh a shineadh a mach a mharbhadh aoin ungta an Tighearna?

15 Agus ghairm Daibhidh air aon de na h-òganaiche, agus thubhairt e, Thig am fagas, agus leum air. Agus bhuail se e, agus fhuair e bàs.

16 Agus thubhairt Daibhidh ris, *Bitheadh* d'fhuil air do cheann féin, oir thug do bheul fianuis a'd' aghaidh, ag ràdh, Mharbh mi aon ungta an Tighearna.

17 Agus rinn Daibhidh caoidh leis a' chumhadh so os ceann Shaul, agus os ceann a mhic Ionatain;

18 (Agus dh'athn e gu'n teagaisgeadh iad do chloim Iudah *tilgeadh* le bogha; feuch, *tha e* sgrìobhta aon an leabhar laseir);

19 O mhaise Israeil, air do lotadh air d'aitibh àrda! cionnus a thuit na cumhachdaich?

20 Na h-innsibh e ann an Gat, na cuiribh 'au cèill e ann an sràidibh Aseelon; air eagal gu'm bi nigheanan nam Philisteach aoibhneach, air eagal gu'n dean nigheanan nau neo-thimchioll-ghearra luathghaire.

21 A shléibhte Ghilboa, na *bitheadh* drùchd ne uisge oirbh; no *oirbhe*, achanna thabhartas: oir an sin thilgeadh gu tàireil air falbh sgiath nan cumhachdaich, sgiath Shaul, *mar* uach *bitheadh e* ungta le h-oladh.

22 O fhuil nam marbh, o shail nan eumhachdach, eha do thionndaidh bogha Ionatain air ais; agus eha do phill claidheamh Shaul gu faoin.

23 *Bha* Saul agus Ionatan gràdhach agus taitneach 'u am beatha, agus 'n am bàs cha do sgaradh iad: bu luathic iad na iolairan, bu treise iad na leòmhain.

24 A nigheanan Israeil, guilibh air son Shaul, a dh'éidich sibh ann an searlaid le aoibhneas, a chuir òir-ghreus air bhuir n-eudach.

25 Cionnus a thuit na cumhachdaich 'am meadhan a' eathar! O a Ionatain, air d'aitibh àrda mharbhadh *thu!*

26 *Tha* eradh orm air do shon, mo bhràthar a Ionatain: ro thaitneach bha thu dhomhsa: b'iongantach do ghràdh dhomhsa, a' toirt barrachd air gràdh nam ban.

27 Cionnus a thuit na cumhachdaich, agus a chaidh as do airm a' ehogaidh!

1 *Chaidh Daibhidh suas gu Hebron, agus an sin rinnadh rìgh dhieth os ceann Iudah.* 8 *Rinn Abner Isoset 'n a rìgh air Israel.* 17 *Bhuail eadh Abner agus fir Israel roimh sheirbhisich Daibhidh.*

**A**GUS 'n a dhéigh so dh'fhiosraich Daibhidh de'n Tighearn', ag ràdh, An téid mi suas gu aon de bhaitibh Iudah? Agus thubhairt an Tighearn ris, Falbh suas. Agus thubhairt Daibhidh, C'ait an téid mi suas? Agus thubhairt esan, Gu Hebron.

2 Agus chaidh Daibhidh suas an sin, agus mar an ceudna a dhà mhnaoi, Ahinoam a' Bhan-iesreeleach, agus Abigail bean Nabail a' Charmelieh.

3 Agus a dhaoine a *bha* maille ris thug Daibhidh suas leis, gaeh fear le 'theaghlach; agus ghabh iad còmhnuidh ann am baitibh Hebroin.

4 Agus thàinig daoine Iudah, agus dh'ung iad an sin Daibhidh 'n a rìgh os ceann tighé Iudah. Agus dh'innis iad do Dhaibhidh, ag ràdh, *B' iad* daoine Iabais-ghilead a dh'adhlaid Saul.

5 Agus chuir Daibhidh teachdairean a dh'ionnsuidh dhaoine Iabais-ghilead, agus thubhairt e ri u, Beannaichte gu robh sibh o'n Tighearn, a thaobh gu'n do nochd sibh an caoimheas so do'r tighearn, do Shaul, agus gu'n d'adhlaid sibh e.

6 Agus a nis gu nochdadh an Tighearn caoimheas dhuibhse, agus firinn: agus dìolaidh mise mar an ceudna am maitheas so dhuibh, do bhrìgh gu'n d'rim sibh an ni so.

7 A nis uime sin bitheadh bhuir làmh an neartachadh, agus bithibh gaisgeil; oir tha bhuir tighearn Saul marbh, agus mar an ceudna dh'ung tigh Iudah mise a'm' rìgh os an ceann.

8 Aeh ghabh Abner mac Neir, ceannard armaithe Shaul, Isoset mac Shaul, agus thug e thairis e gu Mahanaim;

9 Agus rinn se e 'n a rìgh air Gilead, agus air na h-Asuraich, agus air Iesreel, agus air Ephraim, agus air Benjamin, agus air Israel uile.

10 Dà fhichead bliadhna dh'aois *bha* Isoset mac Shaul an uair a *thòisich e* air rìghachadh os ceann Israeil, agus rìghich e dà bhliadhna: ach lean tigh Iudah Daibhidh.

11 Agus b'e àireamh nan làithean a bha Daibhidh 'n a rìgh ann an Hebron air tigh Iudah, caeachd bliadhna agus sè mìosan.

12 Agus chaidh Abner mac Neir, agus seirbhisich Isoset mhic Shaul, a mach o Mahanaim gu Gibeon.

13 Agus chaidh Ioab mac Sheraiah, agus seirbhisich Daibhidh a mach, agus ehoimich iad a chèile aig lochan Gibeoin: agus shuidh iad sìos, iad so air aon taobh de'n lochan, agus iad sud air an taobh eile de'n lochan.



14 Agus thubhairt Abner ri Ioab, Eireadh na h-òganaich a nis, agus deanadh iad lùchleas 'n ar fianuis. Agus thubhairt Ioab, Eireadh iad.

15 An sin dh'éirich suas agus chaidh thairis dà fhear dheug 'an àireamh de Bheniamin, a *bhuineadh* do Isboset mac Shaul, agus dà fhear dheug de sheirbhisich Dhaibhidh.

16 Agus rug gach fear dhiubh air ceann a chompanaich, agus *shùth e* a chlaidheamh ann an leth-taobh a chompanaich, agus thuit iad sìos cuideachd: uime sin thugadh mar ainm air an àite sin Helcat-hasurim, a *tha* ann an Gibeon.

17 Agus bha cath ro chruidh ann air an là sin; agus bhuailleadh Abner agus fir Isracil fa chomhair sheirbhisich Dhaibhidh.

18 Agus bha trì mic Sheruah an sin, Ioab, agus Abisai, agus Asahel: agus *bha* Asahel co luath d'a chois ri boc earba na mach-arach.

19 Agus chaidh Asahel air tòir Abneir; agus cha do chlaon e 'n a shiubhal a dh'ionnsuidh do làimhe deise no na làimhe clithe, o *dhol* an déigh Abneir.

20 An sin dh'amhairc Abner 'n a dhéigh, agus thubhairt e, An tusa Asahel? Agus fhreagair esan, *Is mi*.

21 Agus thubhairt Abner ris, Tionndaidh a dh'ionnsuidh do làimhe deise no dh'ionnsuidh do làimhe clithe, agus glac aon de na h-òganaich, agus gabh a d'ionnsuidh 'fhaobh. Ach cha b'ail le Asahel tionndadh o esan a leantuinn.

22 Agus thubhairt Abner a ris ri Asahel, Tionndaidh o mise a leantuinn: c'ar son a bhuailinn thu gu làr? cionnus an sin a thogainn suas m'aghaidh ri Ioab do bhràthair?

23 Gidheadh dhùilt esan tionndadh: uime sin bhuail Abner e le earr na sleagha fo 'n chùigeadh *aisinn*, agus thàinig an t-sleagh a mach air a chùlaobh; agus thuit e 'n sin, agus fhuair e bàs 's an àite sin féin: agus iadsan uile a thàinig a dh'ionnsuidh an àite anns an do thuit Asahel sìos agus anns an d'fhuair e bàs, dh'fhan iad 'n an seasamh.

24 Chaidh Ioab mar an ceudna agus Abisai air tòir Abneir: agus luidh a' ghrian an uair a thàinig iad gu sliabh Amah, a *tha* fa chomhair Ghiah, air slighe fàsaich Ghi-beoin.

25 Agus chruinnich clann Bheniamin iad féin 'an ceann a chéile *gu dol* an déigh Abneir, agus bha iad 'n an aon bhuidhinn, agus sheas iad air mullach cnoic.

26 An sin ghlaodh Abner ri Ioab, agus thubhairt e, An sgrios an claidheamh gu bràth? nach 'eil fios agad gu'm bi scar-bhadas ann fa dheireadh? cia fad a bhitheas e ma ta mu'n abair thu ris an t-sluagh pilltinn o leantuinn an bràithrean?

27 Agus thubhairt Ioab, *Mar is* beò Dia,

mur bitheadh tu air labhairt, gu deimhin an sin anns a' mhaduinn rachadh an sluagh suas, gach fear o leantuinn a bhràthar.

28 Uime sin shéid Ioab trompaid, agus stad an sluagh uile, agus cha deachaidh iad ni's mò air tòir Isracil, agus cha do chog iad ni's mò.

29 Agus dh'imich Abner agus a dhaoine air feadh a' chòmhnaidh ré na h-oidheche sin, agus chaidh iad thar Iordan, agus chaidh iad troimh Bhitron uile, agus thàinig iad gu Mahanaim.

30 Agus phill Ioab o *dhol* an déigh Abneir; agus an uair a chruinnich e 'n sluagh uile 'an ceann a chéile, dh'ionndraineadh de sheirbhisich Dhaibhidh naoi fir dheug agus Asahel.

31 Ach bhuail seirbhisich Dhaibhidh de Bheniamin, agus de dhaoine Abneir, trì cheud agus trì fichead fear, a fhuair bàs.

32 Agus thog iad leo Asahel, agus dh'adhlac iad e ann an àit-adhlacaidh 'athar, a *bha* ann am Bet-lehem: agus dh'imich Ioab agus a dhaoine ré na h-oidheche, agus thàinig iad gu Hebron mu bhriscadh na faire.

### CAIB. III.

1 *Rugadh sèannar mhac do Dhaibhidh ann an Hebron.* 6 *Tha fearg air Abner ri Isboset, agus bhagair e an rìoghachd atharrachadh o thigh Shaul.* 14 *Cuir Dhaibhidh fios air Michal a mhnai.* 22 *Mharbh Ioab Abner.* 28 *Rinn Dhaibhidh caoidh air a shon.*

**A**NIS bha cogadh fada eadar tigh Shaul agus tigh Dhaibhidh: ach *bha* Dhaibhidh a'sior-dhol air aghaidh ann an neart, agus tigh Shaul a' sir-dhol 'an laige.

2 Agus rugadh do Dhaibhidh mic ann an Hebron: agus b'e a cheud ghin Ammon, ri Ahinoam a' Bhan-iesre each:

3 Agus a dhara *mac* Chiliaib, ri Abigail bean Nabail a' Charmelich: agus an treas *mac* Absalom, mac Mhaacah, nighean Thalmaì, rìgh Ghesuir:

4 Agus an ceathramh *mac* Adoniah, mac Hagit: agus an cùigeamh *mac* Sephatiah, mac Abitail:

5 Agus an seathamh *mac* Itream, ri Eglah bean Dhaibhidh. Rugadh iad sin do Dhaibhidh ann an Hebron.

6 A nis an uair a bha cogadh eadar tigh Shaul agus tigh Dhaibhidh, rinn Abner e féin laird ann an tigh Shaul.

7 Agus *bha* coimhleabach aig Saul, d'am b'ainm Rispah, nighean Aiah: agus thubhairt Isboset ri Abner, C'ar son a chaidh thu stigh a dh'ionnsuidh coimhleabaich m'athar?

8 An sin bha fearg mhòr air Abner ann son bhriathran Isboset, agus thubhairt e, An ceann coin mise, a *bhuineas* do Iudah? tha mi a' nochdadh caomhneis an diugh do thigh Shaul d'athar, d'a bhràithribh, agus d'a chairidibh, agus cha d'thug mi thairis

thusa do làmh Dhaibhidh; gidheadh tha thusa a' cur coire as mo leth an diugh a thaobh na mnà so?

9 Mar sin gu'n deanadh Dia ri Abner, agus tuilleadh maran ceudna, mar amhionnach an Tighearn do Dhaibhidh, mur dean mise eadhon mar sin ris-san;

10 An rìoghachd atharrachadh o thigh Shaul, agus rìgh-chaithir Dhaibhidh a chur suas os ceann Israeil, agus os ceann Iudah, o Dhan eadhon gu Beerseba.

11 Agus cha b'urrainn e Abner a fhreagairt aon fhocal a ris, a chionn gu'n robh eagal air roinne.

12 Agus chuir Abner teachdairean a dh'ionnsuidh Dhaibhidh 'n a àite féin, ag ràdh, Cò leis an tìr? ag ràdh *mar an ceudna*, Dean do choimheangal riumsa, agus, feuch, *bithidh* mo làmh leat, gu Israel uile a thionndadh a d' ionnsuidh.

13 Agus thubhairt esan, *Ro mhaith*; ni mise coimheangal riut: ach aon ni *tha* mi ag iarraidh ort, eadhon, Nach faic thu mo ghnuis, mur toir thu leat air tùs Michal nighean Shaul, an uair a thig thu g'am fhaicinn.

14 Agus chuir Daibhidh teachdairean gu Isboset mac Shaul, ag ràdh, Tabhair *dhomh* mo bhean Michal, a cheangail mi rium féin 'am pòsadh air son ceud roinn-chroicinn de na Philistich.

15 Agus chuir Isboset *fios oirre*, agus thug e o a fear i, *cadhòn* o Phaltiel mac Lais.

16 Agus dh'imich a fear maille rithe, a' gul 'n a déigh gu Bahurim: an sin thubhairt Abner ris, Falbh, pill. Agus phill e.

17 Agus rinn Abner còmhradh ri seanairibh Israeil, ag ràdh, Anns an aimsir roimhe so dh'iarr sibh Daibhidh a *bhi* 'n a rìgh os bhur ceann.

18 A nis ma ta deanaibh e; oir labhair an Tighearn mu Dhaibhidh, ag ràdh, Le làmh mo sheirbhisich Dhaibhidh saoraidh mi mo shluagh Israel á làmh nam Philisteach, agus á làmh an naimhdean uile.

19 Agus labhair Abner mar an ceudna ann an clusaibh Bheniamin: agus chaidh Abner mar an ceudna a labhairt ann an clusaibh Dhaibhidh ann an Hebron, gach ni a *bha* taitneach ann an sùilibh Israeil, agus ann an sùilibh tighe Bheniamin uile.

20 Agus thàinig Abner a dh'ionnsuidh Dhaibhidh gu Hebron, agus ficeadh fear maille ris: agus rinn Daibhidh cuirm do Abner agus do na daoibh a *bha* maille ris.

21 Agus thubhairt Abner ri Daibhidh, Eiridh mi, agus falbhaidh mi, agus cruinnichidh mi Israel uile dh'ionnsuidh mo thighearn' an rìgh, a chum gu'n dean iad coimheangal riut, agus gu'n rìghich thu os ceann gach ni a's miann le d'anam: agus chuir Daibhidh Abner air falbh, agus dh'imich e ann an sìth.

22 Agus, feuch, thàinig seirbhisich Dhaibh-

idh agus Ioab o *ruagadh* buidhne, agus thug iad creach mhòr leo: (ach cha *robh* Abner maille ri Daibhidh ann an Hebron; oir chuir e air falbh e, agus dh'imich e ann an sìth.)

23 Agus an uair a thàinig Ioab agus an armailt uile a *bha* maille ris, dh'innis iad do Ioab, ag ràdh, Thàinig Abner mac Neir a dh'ionnsuidh an rìgh, agus chuir e air falbh e, agus dh'imich e ann an sìth.

24 An sin thàinig Ioab a dh'ionnsuidh an rìgh, agus thubhairt e, Ciod e a rinn thu? feuch, thàinig Abner a dh'ionnsuidh; c'ar son so a chuir thu air falbh e, agus gun amharus dh'imich e?

25 Is aithne dhuit Abner mac Neir, gur h-ann gu d' mhealladh a thàinig e, agus gu fios fhaghail air do dhol a mach agus do theachd a steach, agus gu fios fhaghail air gach *ni a tha* thu a' deanamh.

26 Agus an uair a thàinig Ioab a mach o Dhaibhidh, chuir e teachdairean an dèigh Abneir, a thug air ais e o thobar Shirah: ach cha robh fios aig Daibhidh air.

27 Agus an uair a phill Abner gu Hebron, thug Ioab e a leth-taobh anns a' gheata a labhairt ris ann an sìth; agus bhual e 'n sin e fo 'n chùigeamh *aisinn*, agus fhuaire e bàs air son fola a bhràthar Asahel.

28 Agus 'n a dhéigh sin an uair a chuala Daibhidh e, thubhairt e, *Tha* mise agus mo rìoghachd neò-chiontach an làthair an Tighearna gu bràth o fhuil Abneir mhic Neir.

29 Fanadh i air ceann Ioab, agus air tigh 'athar uile, agus na bitheadh a dhìth air tigh Ioab neach air am bi silteach, no 'bhos' 'n a lobhar, no d'an éigin siubhal le bata, no 'thuiteas air claidheamh, no air am bi easbhuidh arain.

30 Mar sin nìharbh Ioab agus a bhràthair Abisai Abner, a chionn gu'n do chuir esan gu bàs an bràthair Asahel aig Gibeon anns a' chath.

31 Agus thubhairt Daibhidh ri Ioab, agus ris an t-sluagh uile a *bha* maille ris, Reub-aibh bhur n-eudach, agus cuiribh saic-eudach umaibh, agus deanaibh caoidh roimh Abner. Agus lean rìgh Daibhidh *féin* an giùlan.

32 Agus dh' adhlaic iad Abner ann an Hebron: agus thog an rìgh suas a ghuth, agus ghuil e aig uaigh Abneir; agus ghuil an sluagh uile.

33 Agus rinn an rìgh caoidh os ceann Abneir, agus thubhairt e, An ann mar a bhàsaicheas amadan, a bhàsaich Abner?

34 Cha do cheangladh do làmh, agus cha do chuireadh do chosan ann an geimhlìbh: mar a thuiteas duine roimh dhaoine aingidh, *mar sin* thuit thusa. Agus ghuil an sluagh uile a ris os a cheann.

35 Agus an uair a thàinig an sluagh uile a thoirt air Daibhidh biadh itheadh, am feadh 's a b'c 'n là fathast a bh'ann, mhionnaich



## 2 SAMUEL, IV, V.

Daibhidh, ag ràdh, Mar sin gu'n deanadh Dia riumsa, agus tuilleadh mar an ceudna, ma bhlaiseas mi aran no ni air bith eile, gus an téid a' ghrian fodha.

36 Agus thug an sluagh uile fainear e, agus bha e taitneach 'n an sùilibh; mar a bha gach ni a rinn an rìgh taitneach ann an sùilibh an t-sluaigh uile:

37 Oir thuig an sluagh uile agus Israel uile air an là sin, nach ann o'n rìgh a bha e Abner mac Ncir a chur gu bàs.

38 Agus thubhairt an rìgh r'a sheirbhisich, Nach 'eil fhios agaibh gu'n do thuit nach-daran agus duine mòr an diugh ann an Israel?

39 Agus tha mise an diugh anmhunn, ged tha mi ungta a'm' rìgh; agus tha na daoine sin mic Sheruah ro chruaidh air mo shon: dìolaidh an Tighearn do fhear-deanamh an uile a réir aighidheachd.

### CAIB. IV.

1 Mharbh Baanah agus Rechab Isboseit, agus thug iad a cheann a dh'ionnsuidh Dhaibhidh gu Hebron. 9 Dh'àithn Daibhidh an cur gu bàs.

**A** GUS an uair a chuala mac Shaul gn'n d'fhuair Abner bàs ann an Hebron, dh'fhàs a làmhnan fann, agus bha Israel uile fo bhuaireas.

2 Agus bha aig mac Shaul dithis fhear a bha 'n an ceannardaibh air buidhnibh; 'b'e ainm aoin diubh Baanah, agus ainm an fhir eile Rechab, mic Rimoin a Bheerotaich, de chloinn Bheniamin: (oir mheasadh Beerot mar an ceudna de Bheniamin:

3 Agus theich na Beerotaich gu Gitaim, agus tha iad 'n an luchd-cuairt an sin gu ruig an là 'n diugh:)

4 Agus bha aig Ionatan mac Shaul mac a bha bacach, agus a bha cùig bliadhna dh'aois an uair a thàinig an sgeul mu Shaul agus Ionatan á Iesreel; agus thog a bhan-altrum leatha e, agus theich i: agus an uair a rinn i cabhag gu teicheadh, thuit esan, agus rinncadh bacach e; agus 'b'e ainm Mephiboset.

5 Agus dh'imich mic Rimoin a' Bheerotaich, Rechab agus Baanah, agus thàinig iad mu theas an là gu tigh Isboseit, a bha 'n a luidhe air leabaidh mu mheadhon-là.

6 Agus, feuch, thàinig iad air an aghaidh gu meadhon an tighe, mar gu'm bitheadh iad gu cruithneachd a thoirt leo, agus bhuail iad e fo 'n chùigeamh aisinne: agus chaidh Rechab agus a bhràthair Baanah as:

7 Oir an uair a thàinig iad a steach do n tigh, bha esan 'n a luidhe air a leabaidh 'n a sheòmar-codaidh, agus bhuail iad e, agus mharbh iad e, agus chuir iad an ceann d'e, agus thug iad leo a cheann, agus dh'imich iad rompa air slighe an fhàsaich ré na h-oidheche.

8 Agus thug iad ceann Isboseit a dh'ionnsuidh Dhaibhidh gu Hebron, agus thubhairt

iad ris an rìgh, Feuch, ceann Isboseit mhic Shaul do nàmhaid, a dh'iarr d'anam; agus thug an Tighearn do m' thighearn an rìgh dìoghaltas air an là 'n diugh air Saul agus air a shìochd.

9 Agus fhreagair Daibhidh Rechab agus Baanah a bhràthair, mic Rimoin a' Bheerotaich, agus thubhairt e riu, Mar is beò an Tighearn, a shaor m'anam as gach uile aire, 10 An uair a dh'innis neach dhomh, ag ràdh, Feuch, tha Saul marbh, (agus e a meas gu'n robh e 'toirt deadh sgeoil leis,) rug mi air, agus mharbh mi e ann an Siclag, an uair a shaoil e gu'n tugainn luigh-eachd dha air son a sgeoil:

11 Nach mò gu mòr, an uair a mharbh daoine aingidh duine ionraic 'n a thigh féin air a leabaidh? agus a nis nach iarr mi 'fhuil-san air bhur làimh-sa, agus nach toir mi bhàrr na talmhainn sibh?

12 Agus dh'àithn Daibhidh d'a òganaich, agus mharbh siad iad, agus ghearr iad dhiubh an làmhnan agus an cosan, agus chroch iad suas iad os ceann an tobair ann an Hebron: ach ghabh iad ceann Isboseit, agus dh'adhlac iad e ann an àit-adhlacaidh Abneir ann an Hebron.

### CAIB. V.

1 Thàinig treubhan Israeil a dh'ionnsuidh Dhaibhidh gu Hebron, agus dh'ung iad e 'n a rìgh os an ceann. 6 Ghlac e Sion, agus ghabh e còmhlan ann. 17 Bhuail e na Philistich aig Baal-perasim, agus a ris aig craobhan nan smeur.

**A** N SIN thàinig uile threubhan Israeil a dh'ionnsuidh Dhaibhidh gu Hebron, agus labhair iad, ag ràdh, Feuch, is sinne do chnàimh agus d'fheoil.

2 Mar an ceudna roimhe so, 'n uair a bha Saul 'n a rìgh os ar ceann, bu tusa an ti a threòraich a mach agus a thug a steach Israel: agus thubhairt an Tighearn riut, Beathaichidh tu mo shluagh Israel, agus bithidh tu a'd' cheannard air Israel.

3 Agus thàinig uile sheanairoan Israeil a dh'ionnsuidh an rìgh gu Hebron, agus rinn rìgh Daibhidh còmhcheangal riu ann an Hebron 'am fianais an Tighearna: agus dh'ung iad Daibhidh 'n a rìgh air Israel.

4 Bha Daibhidh deich bliadhna fichead a dh'aois an uair a thòisich e air rìoghachadh; agus rìghich e dà fhichead bliadhna.

5 Ann an Hebron rìghich e os ceann Iudah seachd bliadhna agus sè mìosan; agus ann an Ierusalem rìghich e trì bliadhna deug thar fhichead os ceann Israeil uile agus Iudah.

6 Agus dh'imich an rìgh agus a dhaoine gu h-Ierusalem, dh'ionnsuidh nan Iebusach, luchd-àiteachaidh na tìre; a labhair ri Daibhidh, ag ràdh, Cha tig thu a steach an so mur toir thu air falbh na doill agus na bacadh; ag ràdh, Cha tig Daibhidh a steach an so.

7 Gidheadh, ghlac Daibhidh daingneach Shioin: *is e sin baile Dhaibhidh.*

8 Agus thubhairt Daibhidh air an là sin, Ge b'c neach a ruigeas a' chlaic-uisge, agus a bhuailcas na Iebusaich, agus na bacaich, agus na doill, do am bheil fuath aig anam Dhaibhidh, *bithidh esan 'n a cheannard:* uime sin thubhairt iad, Cha tig an dall agus am bacach a steach do'n tigh.

9 Agus ghabh Daibhidh còmhnuidh anns an daingneach, agus dh'aicmich se e, Baile Dhaibhidh; agus thog Daibhidh *aitreach* mu'n cuairt, o Mhìlo agus air an taobh a stigh.

10 Agus chaidh Daibhidh air 'aghaidh, a' fas mòr; agus *bha 'n Tighearn Dia* nan sluagh maille ris.

11 Agus chuir Hiram rìgh Thiruis teachd-aircan a dh'ionnsuidh Dhaibhidh, agus fiodh seudair, agus saoir, agus clachaircan; agus thog iad tigh do Dhaibhidh.

12 Agus thuig Daibhidh gu'n do dhaingnich an Tighearn e 'n a rìgh air Israel, agus gu'n d'ardaich e a rìoghachd air son a shluaigh Israel.

13 Agus ghabh Daibhidh *dha fèin* tuilleadh choimhleabach agus bhan a h-Ierusalem, an déigh dha teachd á Hebron: agus rugadh fathast mic agus nigheanan do Dhaibhidh.

14 Agus *is iad* so an ainmean-san, a rugadh dha ann an Ierusalem; Samuah, agus Sobab, agus Natan, agus Solamh,

15 Agus Ibhàr, agus Elisua, agus Nepheg, agus Iaphia,

16 Agus Elisama, agus Eliada, agus Eliphalet.

17 Ach an uair a chuala na Philistich gu'n d'ung iad Daibhidh 'n a rìgh air Israel, thàinig na Philistich uile nìos a dh'iarraidh Daibhidh; agus chuala Daibhidh *sin*, agus chaidh e sìos do'n daingneach.

18 Agus thàinig na Philistich, agus sgaoil siad iad fèin ann an gleann Rephaim.

19 Agus dh'fhiosraich Daibhidh de'n Tighearn, ag ràdh, An téid mi suas a dh'ionnsuidh nam Philisteach? an toir thu thairis iad a m' làimh? Agus thubhairt an Tighearn ri Daibhidh, Gabh suas; oir gu cinnteach bheir mi thairis na Philistich a d' làimh.

20 Agus thàinig Daibhidh gu Baal-perasim, agus bhuail Daibhidh iad an sin, agus thubhairt e, Bhriis an Tighearn o' chéile mo naimhdean a m' fhianuis, mar bhriseadh uisgeachan. Uime sin thug e Baal-perasim mar ainm air an àite sin.

21 Agus dh'fhàg iad an sin an dealbhan, agus loisg Daibhidh agus a dhaoine iad.

22 Agus thàinig na Philistich a nìos a rìs, agus sgaoil siad iad fèin ann an gleann Rephaim.

23 Agus an uair a dh'fhiosraich Daibhidh de'n Tighearn, thubhairt e, Cha téid thu suas; ach gabh mu'n cuairt air an cùlaobh,

agus thig orra fa chomhair chraobh nan smeur.

24 Agus an uair a chluinneas tu fuaim siubhail ann am mullach chraobh nan smeur, an sin ghluaisid tu thu fèin; oir an sin théid an Tighearn amach romhad, a bhuailadh feachd nam Philisteach.

25 Agus rinn Daibhidh mar sin, mar a dh'athn an Tighearn dha; agus bhuail e na Philistich o Gheba, agus an tig thu gu Gaser.

#### CAIB. VI.

1 *Thug Daibhidh an àire o Chìriat-iearim gu Sion.* 6 *Bhuail Dia Usah a chionn gu'n do ghabh e greim dhùil.* 16 *Rinn Michal tàir air Daibhidh.*

**A**GUS chruinnich Daibhidh fathast 'an ceann a chéile *fir* thaghta Israeil uile, deich mìle fichead.

2 Agus dh'éirich Daibhidh, agus chaidh e, agus an sluagh uile a *bha* maille ris, o Bhaal Iudah, a thabhairt suas á sin àire Dhé, air an gairnear ainm Thighearna nan sluagh, a ghabhas còmhnuidh *eadar* na Cheruban.

3 Agus chuir iad àire Dhé air feun ùr agus thug iad i a tigh Abinadaib a *bha* ann an Gibeah: agus dh'iomain Usah agus Ahio, mic Abinadaib, am feun ùr maille ri àire Dhé.

4 Agus dh'imich Ahio roimh 'n àire.

5 Agus chluich Daibhidh agus tigh Israeil uile 'am fianuis an Tighearna air gach *inneal-ciuil de* fhiodh giuthais, eadhon air clàrsaichibh, agus air saltairibh, agus air nabalaibh, agus air tiompanaibh, agus air ciombalaibh.

6 Agus an uair a thàinig iad gu urlar-bualaidh Nachoin, chuir Usah a mach a *lòmh* a dh'ionnsuidh àire Dhé, agus ghabh e greim dhùil; oir chuir na daimh air chrith i.

7 Agus las corruich an Tighearna an aghaidh Usah, agus bhuail Dia an sin e air son a dhànadais; agus fhuair e bàs an sin làimh ri àire Dhé.

8 Agus bha doilgheas air Daibhidh, do bhrìgh gu'n d'rinn an Tighearn briseadh air Usah; agus dh'aicmich e an t-àite sin Peresusah gu ruig an là 'n diugh.

9 Agus bha eagal air Daibhidh roimh 'n Tighearn air an là sin, agus thubhairt e, Cionnus a thig àire an Tighearna do m' ionnsuidh-sa?

10 Agus cha b'àill le Daibhidh àire an Tighearna a thionndadh d'a ionnsuidh fèin gu baile Dhaibhidh: ach thug Daibhidh a leth-taobh i gu tigh Obed-edoim a' Ghitich.

11 Agus dh'fhan àire an Tighearna ann an tigh Obed-edoim a' Ghitich trì mìosan: agus bheannaich an Tighearn Obed-edom, agus a thigh uile.

12 Agus dh'innseadh do rìgh Daibhidh, ag ràdh, Bheannaich an Tighearn tigh Obed-edoim, agus gach nì a *bhuineas* da, air son àire' Dhé. Uime sin dh'fhalbh Daibhidh,



## 2 SAMUEL, VII.

agus thug e nìos àire Dhé á tigh Obed-  
edoim gu baile Dhaibhidh, le gairdeachas.

13 Agus an uair a dh'imich iadsan a ghiùl-  
ain àire an Tighearna sè ceuman, dh'ìobair  
e tairbh agus *beathaichean* reamhra.

14 Agus dhamns Daibhidh le 'uile neart  
'am fianuis an Tighearna, agus *bha* Daibh-  
idh crioslaichte le ephod lin-eudaich.

15 Agus thug Daibhidh agus uile thigh  
Israeil a nìos àire an Tighearna le iolach,  
agus le fuaim trompaide.

16 Agus an uair a bha àire an Tighearna  
a' teachd a steach gu baile Dhaibhidh, dh'-  
amhaire Michal nighean Shaul troimh  
uinneig, agus chunnaic i rìgh Daibhidh  
a' leumnaich agus a' dannsadh 'am fianuis an  
Tighearna, agus rinn i tàir air 'n a cridhe.

17 Agus thug iad a steach àire an Tigh-  
earna, agus chuir iad suas i 'n a h-àit, ann  
am meadhona' phàilliuin a shuidhich Daibh-  
idh air a son: agus thug Daibhidh suas  
ìobairtean-loisgte 'am fianuis an Tighearna,  
agus ìobairtean-sith.

18 Agus an uair a chuir Daibhidh crìoch  
air ìobairtean-loisgte a thoirt suas, agus  
ìobairtean-sith, bheannaich e an sluagh ann  
an ainm Thighearna nan sluagh.

19 Agus roinn e air an t-sluagh uile, *eadhon*  
air uile chomhehrumneachadh Israeil, eadar  
fheara agus mhnathan, do gach neach  
breacag arain, agus mìr maith *jeòla*, agus  
copan *fìona*: agus dh'fhalbh an sluagh uile,  
gach neach d'a thigh féin.

20 Agus phill Daibhidh a bheannachadh a  
theaghlach: agus thàinig Michal nighean  
Shaul a mach 'an coinneamh Dhaibhidh,  
agus thubhairt i, Cia urramach a bha rìgh  
Israeil an diugh, a rùisg e féin an diugh ann  
an sùilbhanoglach a sheirbhiseach, mar a  
rùisgeas aon de na daoineibh eutrom e féin!

21 Agus thubhairt Daibhidh ri Michal, *Is*  
*ann a bha* e 'am fianuis an Tighearna, a  
thagh mise roimh d'athair, agus roimh a  
thigh uile, chum m'orduchadh a'm' cheann-  
ard air sluagh an Tighearna, air Israel: uime  
sin chluich mise 'am fianuis an Tighearna.

22 Agus bithidh mi fathast nì's taireile na  
so, agus bithidh mi ìosal a'm' shùilbhan féin;  
agus aig na banoglach nu'n do labhair thu,  
aca-san gheibh mi urram.

23 Agus cha robh duine-cloinne aig Michal  
nighean Shaul gu là a bàis.

### CAIB. VII.

1 *Thoir misg Natan do Dhaibhidh tigh a thogail*  
*do Dhia.* 12 *Gheall Dia dha sochairean agus*  
*beannachadh 'n a shìochd.* 18 *Urnuigh agus*  
*buidheachas Dhaibhidh.*

**A**GUS an uair a shuidh an rìgh 'n a thigh,  
agus a thug an Tighearn fois dha o a  
naimhidh uile mu'n cuairt,

2 Thubhairt an rìgh ri Natan am fàidh,  
Feuch a nis, tha mise a'm' chomhnuidh ann  
an tigh seudair, ach tha àire Dhé 'n a còmh-  
nuidh an taobh a stigh de chùrteinibh.

3 Agus thubhairt Natan ris an rìgh, Falbh,  
dean gach ni a tha ann ad chridhe; oir *tha'n*  
Tighearn maille riut.

4 Agus air an oidheche sin féin thàinig  
focal an Tighearna gu Natan, ag ràdh,

5 Falbh agus innis do m' òglach Daibhidh,  
Mar so tha'n Tighearn ag ràdh, An tog  
thusa tigh dhomhsa, a chum gu'n gabhainn  
còmhnuidh ann?

6 Oir cha do ghabh mise còmhnuidh ann  
an tigh o'n là anns an d'thug mi nìos clann  
Israeil as an Elphit, eadhon gus an là'n  
diugh, ach bha mi ag imeachd ann am bùth  
agus ann am pàilliuin.

7 Anns gach àit d'an d'imich mi maille ri  
cloinn Israeil uile, an do labhair mi focal  
ri h-aon air bith de bhreitheamhnaibh Is-  
rael, d'an d'àithn mi mo shluagh Israel a  
bheathachadh, ag ràdh, C'ar son nach tog  
sibh dhomhsa tigh seudair?

8 A nis uime sin mar so their thu ri m'  
sheirbhiseach Daibhidh, Mar so tha Tigh-  
earn nan sluagh ag ràdh, Thug mise thu o  
chrò nan caorach, o bhi 'leantuinn nan caor-  
ach, gu bhi 'd cheannard air mo shluagh,  
air Israel:

9 Agus bha mi maille riut anns gach àite  
d'an deachaidh tu, agus ghearr mi as do  
naimhdean uile o d'fhianuis, agus rinn mi  
dhuit ainm mòr, mar ainm nan *daoine* mòra  
a *tha* air an talamh.

10 (Agus orduichidh mi àit air son mo  
shluagh Israel, agus suidhichidh mi iad,  
agus gabhaidh iad còmhnuidh 'n an àite  
féin, agus cha ghluaisear iad nì's mò: agus  
cha sàraich clann na h-aingidheachd iad  
tuilleadh mar air tùs,

11 Agus o'n àm anns an d'àithn mi breith-  
eamhan 'bhi os ceann mo shluagh Israel:  
agus bheir mi dhuit fois o d' naimhidh gu  
léir.) Mar an ceudna tha'n Tighearn ag inns-  
eadh dhuit, gu'n dean an Tighearn tigh dhuit.

12 Agus an uair a choimhlonar do làith-  
ean, agus a choidileas tu maille ri d'aith-  
richibh, togaidh mi suas do shìochd a'd  
dhéigh, a thig a mach á d'innibh; agus  
daingnichidh mi a rioghachd.

13 Togaidh esan tigh do m'ainm-sa, agus  
daingnichidh mise rìgh-chaithir a rìogh-  
achd gu bràth.

14 Bithidh mi a'm' athair aige-san, agus  
bithidh esan 'n a mhac agamsa: na ni e  
aingidheachd, smachdaichidh mi e le slait  
dhaoine, agus le buillibh chloinn nan daoine:

15 Ach cha-n imich mo thròcar air falbh  
uaith, mar a thug mi air falbh i o Shaul,  
a chuir mi air falbh o d'fhianuis-sa.

16 Agus *bithidh* do thigh seasmhach, agus  
do rioghachd gu bràth a'm' fhianuis-sa:  
bithidh do rìgh-chaithir daingean gu bràth.

17 A réir nam briathran so uile, agus a réir  
an taisbeinidh so uile, mar sin labhair  
Natan ri Daibhidh.

18 An sin chaidh rìgh Daibhidh a stigh,

agus shuidh e 'an fianuis an Tighearna agus thubhairt e, Cò mise, O Thighearna Dhé? agus ciod e mo thigh, gu'n d'thug thu mi gu ruige so?

19 Agus bu bheag an ni so fathast a'd' shùilibh-sa, a Thighearna Dhé; ach labhair thu mar an ceudna thaobh tìghe do sheirbhìsich ré aimsir fhada ri teachd; agus an e so gnàth duine, a Thighearna Dhé?

20 Agus ciod tuilleadh a dh'fheudas Daibhidh a ràdh riut? oir is aithne dhuit do sheirbhìseach, a Thighearna Dhé.

21 Air son d'fhocail, agus a réir do chridhe féin, rinn thu na nithean mòra so uile, a thoirt air do sheirbhìseach còlas a ghabhail *orra*.

22 Uime sin tha thu mòr, a Thighearna Dhé: oir cha-n'eil neach ann cosmhuil riut, agus cha-n'eil Dia ann ach thusa, a réir gach *ni* a chuala sinn le'r cluasaibh.

23 Agus cia au cinneach air thalamh cosmhuil ri d' shluagh-sa, cosmhuil ri h-Israel, a chaidh Dia a shaoradh mar shluagh dha féin, agus a dheanamh ainme dha féin, agus a dheanamh air an son nithean mòra, agus uamhasach, air son do thìre, 'am fianuis do shluaigh a shaor thu dhuit féin as an Eiphit, o na cinneachaibh agus o'n diathaibh?

24 Oir dhaingnich thu dhuit féin do shluagh Israel, *gu bhí* 'n an sluagh dhuit gu bràth; agus tha thusa, a Thighearn', a'd' Dhia aca.

25 Agus a nis, a Thighearna Dhé, am focal a labhair thu a thaobh do sheirbhìsich, agus a thaobh a thighe, dean seasmhach e gu bràth; agus dean mar a thubhairt thu.

26 Agus àrdaichear d'ainm gu bràth, ag ràdh, *Is e* Tighearn nan sluagh a's Dia os ceann Israeil: agus bitheadh tigh do sheirbhìsich Dhaibhidh daingean a'd' fhianuis:

27 Oir dh'fhoillsich thusa, a Thighearna nan sluagh, a Dhé Israeil: do d' sheirbhìseach, ag ràdh, Togaidh mi tigh dhuit; uime sin fhuair do sheirbhìseach 'n a chridhe an urnuigh so a dheanamh riut.

28 Agus a nis, a Thighearna Dhé, *is* tu féin Dia, agus is iad do bhriathran an fhìrinn; agus gheall thu am maithreas so do d' sheirbhìseach:

29 A nis uime sin gu ma toil leat tigh do sheirbhìsich a bheannachadh, a chum gu mair e gu bràth a'd' fhianuis: oir labhair thusa *e*, a Thighearna Dhé, agus le d' bheannachadh beannaichear tigh do sheirbhìsich gu bràth.

### CAIB. VIII.

1 Bhual Daibhidh na Philistich, agus thug e na Moabaich fo chis. 3 Bhual e Hadadeser agus na Sirianaich. 9 Chuir Toi a mhac le tiòdhlaicibh d'a ionnsuidh. 11 Choisrig e iad do'n Tighearn. 14 Shuidhich e freiceadain ann an Edom.

**A**GUS an déigh so bhual Daibhidh na Philistich, agus cheannsaich e iad: agus ghilac Daibhidh Meteg-amah 4 làimh nam Philisteach.

2 Agus bhual e na Moabaich, agus thomhais e iad le cord, 'g an tilgeadh sìos gu làr: eadhon le dà chord thomhais e a thabhairt baid, agus le aon chord iomlan a ghleidheadh beò. Agus bha na Moabaich 'n an seirbhìsich aig Daibhidh, agus thug iad tiòdhlaic leò.

3 Bhual Daibhidh mar an ceudna Hadadeser mac Rehoib, rìgh Shobah, 'n uair a chaidh e a chosnadh a chriche air a h-ais aig amhainn Euphrates.

4 Agus thug Daibhidh uaith mìle *carbaid*, agus seachd ceud marcach, agus fichead mìle coisiche: agus ghearr Daibhidh speireachan *each* nan carbaid uile, ach dh'fhàg e dhiubh *dìol* chéud carbaid.

5 Agus an uair a thàinig Sirianaich Dhamascuis a chuideachadh le Hadadeser rìgh Shobah, bhual Daibhidh de na Sirianaich dà mhìle thar fhichead fear.

6 An sin chuir Daibhidh freiceadain ann an Siria Dhamascuis: agus bha na Sirianaich 'n an seirbhìsich aig Daibhidh, agus thug iad leò tiòdhlaic: agus ghléidh an Tighearn Daibhidh gach taobh a chaidh e.

7 Agus ghabh Daibhidh na sgiathan òir a bh'aig seirbhìsich Hadadeser, agus thug e iad gu h-Ierusalem.

8 Agus o Bhctah, agus o Bherotai, bailtibh Hadadeser, thug rìgh Daibhidh ro mhòran umha.

9 An uair a chuala Toi rìgh Hamait gu'n do bhual Daibhidh sluagh Hadadeser uile,

10 An sin chuir Toi a mhac Ioram gu rìgh Daibhidh, a chur fàilte air, agus ga bheannachadh, a chionn gu'n do chog e ri Hadadeser, agus gu'n do bhual se e: (oir bha cogadh aig Hadadeser ri Toi:) agus 'n a làimh bha soithichean airgid, agus soithichean òir, agus soithichean umha.

11 Iad sin mar an ceudna choisrig rìgh Daibhidh do'n Tighearn, maille ris an airgid agus ris an òr a choisrig e o na h-uile chinneachaibh a cheannsaich e;

12 O Shiria, agus o Mhoab, agus o chloinn Amoin, agus o na Philistich, agus o Amalec, agus o chreich Hadadeser, mhic Rehoib, rìgh Shobah.

13 Agus fhuair Daibhidh ainm *dha féin*, an uair a phill e o bhualadh nan Edomach ann an gleann an t-salainn, ochd mìle deng fear.

14 Agus chuir e freiceadain ann an Edom: air feadh Edoim uile chuir e freiceadain; agus bha na h-Edomaich uile 'n an seirbhìsich aig Daibhidh: agus ghléidh an Tighearn Daibhidh gach taobh a chaidh e.

15 Agus rìghich Daibhidh air Israel uile; agus rinn Daibhidh breitheanas agus ceartas d'a shluagh uile.

16 Agus *bha* Ioab mac Sheruah os ceann na h-armailte; agus *bha* Iehosaphat mac Ahiluid 'n a sheanachaidh;



17 Agus *bha* Sadoc mac Ahituib, agus Ahimelech mac Abiatair 'n an sagartaibh; agus Seraiah 'n a sgrìobhaiche;

18 Agus *bha* Benaiah mac Iehoiada os ceann nan Cereteach agus nam Peleteach; agus *bha* mic Dhaibhidh 'n an àrd uachdaranaihb.

## CAIB. IX.

1 *Chuir Daibhidh fios air Mephiboset, agus nochd e caoinhneas da air son 'athar Ionatain. 7 Dh'aisig e dha am fearann a bhuineadh do Shaul. Dh'orduich e do Shiba a threabhadh air a shon.*

**A** GUS thubhairt Daibhidh, Am bheil fathast neach air bith a dh'fhàgadh de thigh Shaul, a chum gu nochd mi dha caoinhneas air sgàth Ionatain?

2 Agus *bha* aig tigh Shaul seirbhiseach, d'am b'ainm Siba: agus an uair a ghairm iad e chum Dhaibhidh, thubhairt an rìgh ris, An tusa Siba? Agus thubhairt esan, *Is e do sheirbhiseach a th'ann.*

3 Agus thubhairt an rìgh, Nach 'eil fathast neach air bith de thigh Shaul, a chum gu nochd mi dha caoinhneas Dhé? Agus thubhairt Siba ris an rìgh, *Tha fathast mac aig Ionatan, a tha bacach.*

4 Agus thubhairt an rìgh ris, C'àit am bheil e? Agus thubhairt Siba ris an rìgh, Feuch, *tha* e ann an tigh Mhachir, mhic Amieil, ann an Lodebar.

5 Agus chuir rìgh Daibhidh *fios air*, agus thug se e á tigh Mhachir, mhic Amieil, o Lodebar.

6 A nis an uair a thàinig Mephiboset, mac Ionatain, mhic Shaul, a dh'ionnsuidh Dhaibhidh, thuit e air 'aghaidh, agus rinn e ùmhlachd. Agus thubhairt Daibhidh, A Mephiboset! Agus fhreagair esan, Feuch, do sheirbhiseach.

7 Agus thubhairt Daibhidh ris, Nabitheadh eagail ort; oir gu cinnteach nochdaidh mise dhuit caoinhneas air son d'athar Ionatain, agus aisgidh mi dhuit nìle fhearann d'athar Shaul, agus ithidh tu aran aig mo bhòrd-sa an còmhnuidh.

8 Agus chrom se e fèin, agus thubhairt e, Cò e do sheirbhiseach, gu'n amhaireadh tusa air cù marbh, cosmhuil riumsa?

9 An sin ghairm an rìgh air Siba òglach Shaul, agus thubhairt e ris, Gach nì a bhuineadh do Shaul, agus d'a thigh uile, thug mi do mhac do mhaighstir.

10 Agus treabhaidh tusa am fearann air a shon, thu fèin, agus do mhic, agus do sheirbhiseach, agus bheir thu a stigh *an toradh*, a chnmi gu'm bi biadh aig mac do mhaighstir a dh'itheas e: ach ithidh Mephiboset mac do mhaighstir aran an còmhnuidh aig mo bhòrd-sa. A nis *bha* aig Siba cùig mic dheug agus fichead seirbhiseach.

11 An sin thubhairt Siba ris an rìgh, A réir gach nì a dh' àithn mi thighearn an rìgh d'a sheirbhiseach, mar sin nì do

sheirbhiseach: a thaobh Mephiboset, ithidh esan aig a bhòrd-san, mar aon do mhic an rìgh.

12 Agus *bha* aig Mephiboset mac òg, d'am b'ainm Micah: agus *bha* iadsan uile a ghabh còmhnuidh ann an tigh Shiba 'n an seirbhiseach do Mephiboset.

13 Agus chòmhnuich Mephiboset ann an Ierusalem; oir dh'ith e an còmhnuidh aig bòrd an rìgh: agus *bha* e bacach air a dhà chois.

## CAIB. X.

1 *Bhuin Hanun gu h-òle ri teachdairibh Dhaibhidh. 6 Bhuail Ioab agus Abisai na h-Amonaich. 15 Cheannsaich Daibhidh na Siriaich.*

**A** GUS 'n a dhéigh so fhuair rìgh chloinn Amoin bàs, agus rìghlich a mhae Hanun 'n a àit.

2 An sin thubhairt Daibhidh, Nochdaidh mi caoinhneas do Hanun mac Nahais, mar a nochd 'athair-san caoinhneas dhomhsa. Agus chuir Daibhidh uaith a sheirbhiseach, a thoirt sòlais da air son 'athar. Agus thàinig seirbhiseach Daibhidh a steach do thìr chloinn Amoin.

3 Agus thubhairt ceannardan chloinn Amoin ri Hanun an tighearn, An saoil thu gur h-ann a chum urram a thabhairt do d'athair, a chuir Daibhidh a d' ionnsuidh luchd-sòlais? nach ann a rannsachadh a' bhaile, agus a ghabhail beachd air, agus g'a sgrios, a chuir Daibhidh a sheirbhiseach a d' ionnsuidh?

4 Uime sin ghlac Hanun seirbhiseach Daibhidh, agus bhearr e *dhiubh* leth am feusaig, agus ghearr e an eudach 's a' mheadhon, gu ruig am màsan; agus chuir e air falbh iad.

5 Agus an uair a dh'innseadh sin do Dhaibhidh, chuir e *daoine* 'n an coinneamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fàs bhur feusag, agus *an sin* pillibh.

6 Agus an uair a chunnaic clann Amoin gu'n robh iad gràineil 'am fianuis Dhaibhidh, chuir clann Amoin *teachdair*ean uatha, agus thuarasdalaich iad Siriaich Bhet-rehoib, agus Siriaich Shoba, fichead mìle coisiche, agus o rìgh Mhaacah mìle fear, agus o Istop dà mhìle dheug fear.

7 Agus an uair a chuala Daibhidh *sin*, chuir e mach Ioab, agus uile shluagh nan daoine treuna.

8 Agus thàinig clann Amoin a mach, agus chuir iad an cath 'an ordugh aig dol a stigh a' gheata: agus *bha* Siriaich Shoba, agus Rehoib, agus Istop, agus Mhaacah, leo fèin anns a' mhaichair.

9 Agus an uair a chunnaic Ioab gu'n robh aghaidh a' chatha ris air a bheulaobh agus air a chùlaobh, thagh e mach *cuid* de uile *dhaoinibh* taghta Israeil, agus chuir e ann

## 2 SAMUEL, XI.

an ordugh catha iad an aghaidh uan Sirianach:

10 Agus a' chuid eile de'n t-sluagh thug e thairis do làimh a bhràthar Abisai, a chum gu'n cuireadh e 'an ordugh iad an aghaidh chloinn Amoin.

11 Agus thubhairt e, Ma blitheas na Sirianaich nì's treise na mise, an sin nì thusa còmhnaidh riunsa; ach ma bhios clann Amoin nì's treise na thusa, an sin thig mise a dheanamh còmhnaidh riutsa.

12 Bi misneachail, agus biomaid gaisgeil air son ar sluagh, agus air son bhailtean ar Dé; agus deanadh an Tighearn an *nì a tha* maith 'n a shùilbh.

13 Agus thàinig Ioab am fagus, agus an sluagh a bha maille ris, gu cath an aghaidh nan Sirianach: agus theich iad roimhe.

14 Agus an uair a chunnaid clann Amoin gu'n do theich na Sirianaich, an sin theich iadsan mar an ceudna roimh Abisai, agus chaidh iad a steach do'n bhaile: agus phill Ioab o chloinn Amoin, agus thàinig e gu h-Ierusalem.

15 Agus an uair a chunnaic na Sirianaich gu'n do bhuailleadh iad roimh Israel, chruinnich siad iad féin 'an ceann a chèile.

16 Agus chuir Hadadeser *fios uath*, agus thug e mach na Sirianaich a bh'air an taobh thall de'n amhainn, agus thàinig iad gu Helam; agus chaidh Sobach ceannard armailte Hadareseir rompa.

17 Agus an uair a dh'imseadh sin do Dhaibhidh, chruinnich e Israel uile 'an ceann a chèile, agus chaidh e thar Iordan, agus thàinig e gu Helam: agus chuir na Sirianaich iad féin 'an ordugh catha an aghaidh Dhaibhidh, agus chòg iad ris.

18 Agus theich na Sirianaich roimh Israel; agus mharbh Dhaibhidh de na Sirianaich *fir* sheachd ceud carbad, agus dà fhichead mìle marcach; agus bhuail e Sobach ceannard an armailte, a fhuair bàs an sin.

19 Agus an uair a chunnaic na rìghrean uile, a bha 'n an seirbhìsich aig Hadadeser, gu'n do bhuailleadh iad roimh Israel, rinn iad sìth ri h-Israel, agus rinn iad seirbhìs dhoibh. Agus bha cagal air na Sirianaich còmhnaidh a dheanamh tuilleadh ri cloinn Amoin.

### CAIB. XI.

1 *Luidh Daibhidh le Batsèba mnaoi Uriah an Hìtich, agus dh'fhàs i torrach.* 14 *Chuiradh Uriah gu bàs.* 26 *Ghabh Daibhidh Batsèba gu bhà 'n a mnaoi aige.*

**A**GUS aig teachd mu'n cuairt na bliadhna, mu'n àm anns an téid rìghrean a mach *gu cath*, chuir Daibhidh uath Ioab, agus a sheirbhìsich maille ris, agus Israel uile, agus sgrìos iad clann Amoin, agus theannaich iad Rabah: ach dh'fhan Daibhidh ann an Ierusalem.

2 Agus thachair e mu fheasgar, gu'n

d'éirich Daibhidh bhàrr a leapach, agus gu'n robh e a' spaisdearachd air mullach tighe an rìgh: agus o'n mhullach chunnaic e bean 'g a nigheadh féin; agus bha a' bhean ro mhaiseach ri sealltuinn oirre.

3 Agus chuir Daibhidh *fios*, agus dh'fheòraich e mu thimcheòll na mnà: agus thubhairt *neach*, Nach i so Batsèba nighean Eliam, bean Uriah an Hìtich?

4 Agus chuir Daibhidh uath teachdairean, agus ghabh e i; agus thàinig i stigh d'a ionnsuidh, agus luidh e leatha; (oir bha i air a glanadh o a neoghloine;) agus phill i d'a tigh féin.

5 Agus dh'fhàs a' bhean torrach, agus chuir i *fios* uaipe, agus dh'innis i do Dhaibhidh, agus thubhairt i, *Tha mi torrach.*

6 Agus chuir Daibhidh *fios* uath gu Ioab, *ag ràdh*, Cuir a m' ionnsuidh Uriah an Hiteach. Agus chuir Ioab Uriah dh'ionnsuidh Dhaibhidh.

7 Agus an uair a thàinig Uriah d'a ionnsuidh, dh'fheòraich Daibhidh *dheth* cionnus a bha Ioab, agus cionnus a bha 'n sluagh, agus cionnus a chaidh an cogadh air aghaidh.

8 Agus thubhairt Daibhidh ri Uriah, Imich sìos do d' thigh, agus nigh do chosan. Agus chaidh Uriah a mach a tigh an rìgh, agus chuireadh 'n a dhéigh lòn o'n rìgh.

9 Ach luidh Uriah aig dorus tighe an rìgh, maille ri uile sheirbhìsich a thigheart', agus cha deachaidh e sìos d'a thigh.

10 Agus an uair a dh'innis iad do Dhaibhidh, ag ràdh, Cha deachaidh Uriah sìos d'a thigh, thubhairt Daibhidh ri Uriah, Nach ann o d' thuras a thàinig thu? car son *ma ta* nach deachaidh tu sìos do d' thigh?

11 Agus thubhairt Uriah ri Daibhidh, *Tha'n àire*, agus Israel, agus Iudah a' fannuinn, 'an pàilliuibh; agus *tha* mo thigh-earu Ioab, agus seirbhìsich mo thighearn' air campachadh air aghaidh na macharach; an téid mise ma ta a stigh do m' thigh, a dh'itheadh, agus a dh'òl agus a luidhe le m' mhuaoi? *mar is* bed thusa, agus *mar is* bed d'anam, cha dean mi an nì so.

12 Agus thubhairt Daibhidh ri Uriah, Fan an so mar an ceudna an diugh, agus am màireach leigidh mi leat imeachd. Agus dh'fhan Uriah ann an Ierusalem an là sin, agus an là màireach.

13 Agus ghairm Daibhidh air, agus dh'ith agus dh'òl e 'n a fhianuis, agus chuir e air mhìsg e; ach chaidh e mach mu fheasgar a luidhe 'n a leabaidh maille ri seirbhìsich a thighearn', agus d'a thigh féin cha deachaidh e sìos.

14 Agus anns a' mhadainn sgrìobh Daibhidh litir a dh'ionnsuidh Ioab, agus chuir e i le làimh Uriah.

15 Agus sgrìobh e anns an litir, ag ràdh, Cuiribh Uriah mu choinneamh a' chatha a's déine, agus pillibh féin o 'ehùlaobh, a chum gu'm buaillear e, agus gu'm faigh e bàs



16 Agus an uair a ghabh Ioab beachd air a' bhaile, dh'orduich e Uriah dh'ionnsuidh àite anns an robh fios aige gu'n robh daoine gaisgeil.

17 Agus chaidh fir a' bhaile a mach, agus chog iad ri Ioab; agus thuit *cuid* de'n t-sluagh, de sheirbhishich Dhaibhidh; agus fhuair Uriah an Hiteach bàs mar an ceudna.

18 An sin chuir Ioab *fios* uaith, agus dh'innis e do Dhaibhidh gach ni a thachair 's a' chath;

19 Agus dh'àithn e do'n teachdair, ag ràdh, An uair a chuireas tu crìoch air gach ni a thachair 's a' chath innseadh do'n rìgh,

20 Agus ma thachaireas gu'n éirich fearg an rìgh, agus gu'n abair e riut, C'ar son a chaidh sibh teann air a' bhaile a chath-achadh? nach robh fios agaibh gu'n tilgeadh iad o'n bhalla?

21 Cò a bhuail Abimelech mac Ierubeseit? nach do thilg bean mìr de chloich-mhuilinn air o'n bhalla, air chor as gu'n d'fhuair e bàs ann an Tebes? c'ar son a chaidh sibh teann air a' bhalla? an sin their thusa, Tha do sheirbhishich Uriah an Hiteach marbh mar an ceudna.

22 Agus dh'imich an teachdair, agus thàinig agus dh'innis e do Dhaibhidh gach ni mu'n do chuir Ioab air falbh e.

23 Agus thubhairt an teachdair ri Daibhidh, Gu deimhin bhuadhaich na daoine oirnn, agus thàinig iad a mach d'ar n-ionnsuidh 's a' mhachair, agus chuir sinn an ruaig orra eadhon gu dol a stigh a' gheata.

24 Agus thilg na fir-bhogha air do sheirbhishich o'n bhalla, agus tha *cuid* de sheirbhishich an rìgh marbh, agus tha do sheirbhishich Uriah an Hiteach marbh mar an ceudna.

25 An sin thubhairt Daibhidh ris an teachdair, Mar so their thu ri Ioab, Na bitheadh an ni so olc a'd' shùilbh; oir cuiridh an claidheamh as do aon duine co mhaith as do dhuin' cile: dean do chath nì's treise an aghaidh a' bhaile, agus sgrìos e; agus thoir misneach dha.

26 Agus an uair a chuala bean Uriah gu'n d'fhuair a fear Uriah bàs, rinn i caoidh air son a fir.

27 Agus an uair a bha *in bròn* thairis, chuir Daibhidh fios *oirre*, agus thug e i dh'ionnsuidh a thighe, agus bha i 'n a mnaoi aige, agus rug i mac dha: ach bha an ni a rinn Daibhidh olc ann an sùilbh an Tighearna.

## CAIB. XII.

1 *Thug Natan achmhasan do Dhaibhidh a chionn gu'n do mharbh e Uriah.* 13 *Dh'aidich Daibhidh a pheacadh, agus fhuair e maith-eanas.* 24 *Rugadh Solamh.* 26 *Ghlac Daibhidh Rabah.*

**A**GUS chuir an Tighearn Natan a dh'ionnsuidh Dhaibhidh; agus an uair

a thàinig e d'a ionnsuidh, thubhairt e ris, Bha dithis fhear ann an aon bhaile, fear dhiubh beartach, agus am fear eile bochd.

2 Aig an *duine* bhcartach bha ro mhòran chaorach agus cruidh:

3 Ach aig an *duine* bhochd cha robh ni sam bith ach aon uan beag boirionn, a cheannaich e, agus a bhcartaich e: agus dh'fhàs e suas maille ris féin, agus maille r'a chloinn; dh'ith e d'a ghreim féin, agus dh'òl e as a chopan féin, agus luidh e 'n a uchd, agus bha e dha mar nighinn.

4 Agus thàinig fear-turuis a dh'ionnsuidh an duine bhcartaich, agus chaomhain e gabhail d'a chaoraich féin, agus d'a chrodh féin, a dheasachadh air son an fhir-turuis a thàinig d'a ionnsuidh, ach ghabh e uan an duine bhochd, agus dheasaich se e do'n fhear a thàinig d'a ionnsuidh.

5 Agus las fearg Dhaibhidh an aghaidh an duine gu mòr; agus thubhairt e ri Natan, Mar is beò an Tighearn, gu cìnteach cuir-e ar gu bàs am fear a rinn an *ni* so:

6 Agus diolaidh e 'n t-uann ceithir uairean, do bhrìgh gu'n d'rinn e an ni so, agus a chionn nach do chaomhain e.

7 Agus thubhairt Natan ri Daibhidh, *Is* tusa an duine. Mar so tha 'n Tighearn Dia Israeil ag ràdh, Dh'ung mise thu a'd' rìgh os ceann Israeil, agus shaor mi thu á làimh Shaul:

8 Agus thug mi dhuit tigh do mhaighstir, agus mnathan do mhaighstir ann ad uchd, agus thug mi dhuit tigh Israeil agus Iudah; agus nam *bu* bheag *sin*, bheirinn dhuit cuideachd an leithide so agus an leithide sud de nithibh.

9 C'ar son a rinn thu tàir air àithne an Tighearna, le olc a dheanadh 'n a fhianuis? Uriah an Hiteach bhuail thu leis a' chlaidheamh, agus a bhean ghabh thu 'n a mnaoi dhuit féin, agus esan mharbh thu le claidheamh chloinn Amoin.

10 A nis uime sin cha dealaich an claidheamh ri d'thìgh gu bràth, do bhrìgh gu'n d'rinn thu tàir orm, agus gu'n do ghabh thu bean Uriah an Hiteach gu bhi 'n a mnaoi dhuit féin.

11 Mar so tha'n Tighearn ag ràdh, Feuch, togaidh mise suas olc ann ad aghaidh as do thìgh féin; agus gabhaidh mi do mnathan fa chomhair do shùl, agus bheir mi *iad* do d' choimhearsnach, agus luidhidh e le d' mhnàibh ann an sealladh na gréine so:

12 Oir rinn thusa *e* gu dìomhair; ach ni mise an ni so 'am fianuis Israeil uile, agus 'am fianuis na gréine.

13 Agus thubhairt Daibhidh ri Natan, Pheacaich mi an aghaidh an Tighearn'. Agus thubhairt Natan ri Daibhidh, Mar an ceudna chuir an Tighearn air falbh do pheacadh; cha-n fhaigh thu bàs.

14 Gidheadh, a chionn leis a' ghnìomh so gu'n d'thug thu air naimhidh an Tighearna

mòr thàir a dheanadh air, gheibh mar an ceudna am mac a rugadh dhuit gu cinn-teach bàs.

15 Agus dh'fhalbh Natan d'a thigh féin: agus bhuail an Tighearn an leanabh a rug bean Uriah do Dhaibhidh, agus bha e ro fhinn.

16 Uime sin ghuidh Daibhidh air Dia air son an leinibh; agus thraisg Daibhidh, agus chaidh e stigh, agus luidh e ré na h-oidheche air an talamh.

17 Agus thàinig seanairean a thighe d'a ionnsuidh, g'a thogail suas o'n talamh: ach cha b'àill leis, ni mò a dh'ith e aran maille riu.

18 Agus air an t-seachdamh là fhuair an leanabh bàs; agus bha cagal air seirbhisich Dhaibhidh innseadh dha gu'n robh an leanabh marbh: oir thubhairt iad, Feuch, an uair a bha an leanabh fathast beò, labhair sinn ris, agus cha-n éisdeadh e r'ar guth: cionnus ma ta, ma dh'innseas sinn dha gu bheil an leanabh marbh, a chràidheas se e féin?

19 Ach an uair a chunnaic Daibhidh gu'n robh a sheirbhisich ri cogarsaich, thuig Daibhidh gu'n robh an leanabh marbh: uime sin thubhairt Daibhidh r'a sheirbhisich, Am bheil an leanabh marbh? Agus thubhairt iadsan, Tha e marbh.

20 An sin dh'éirich Daibhidh o'n talamh, agus dh'ionnlaid agus dh'ung se e féin, agus mhùth e 'eudach, agus chaidh e steach do thigh an Tighearn, agus rinn e aoradh: an sin thàinig e d'a thigh féin, agus an uair a dh'iarr e, chuir iad aran fa chomhair, agus dh'ith e.

21 An sin thubhairt a sheirbhisich ris, Ciod e an ni so a rinn thu? air son an leinibh, an uair a bha e beò, thraisg thu agus ghuil thu; ach an uair a dh'eug an leanabh, dh'éirich thu agus dh'ith thu aran.

22 Agus thubhairt esan, An uair a bha'n leanabh fathast beò, thraisg mi agus ghuil mi: oir thubhairt mi, Cò aig am bheil fios nach gabh Dia truas rium, agus nach mair an leanabh beò?

23 Ach a nis o fhuair e bàs, c'ar son a thraisginn? an urrainn mi a thubhairt air ais tuilleadh? théid mise d'a ionnsuidh-san, ach cha phill esan do m' ionnsuidh-sa.

24 Agus thug Daibhidh sòlas d'a mhnaoi Batseba, agus chaidh e steach d'a h-ionnsuidh, agus luidh e leatha: agus rug i mac, agus thug e Solamh mar ainm air; agus ghràdhach an Tighearn e.

25 Agus chuir e fios le làimh an fhàidh Natan, agus thug e Iedidiah mar ainm air, air son an Tighearna.

26 Agus chog Ioab an aghaidh Rabah chloinn Amoin, agus ghlac e am baile rioghail.

27 Agus chuir Ioab teachdairean a dh'ionnsuidh Dhaibhidh, agus thubhairt e,

Chog mi an aghaidh Rabah, agus ghlac mi baile nan uisgeachan.

28 A nis uime sin cruinnich a' chuid eile de'n t-sluagh, agus campaich an aghaidh a' bhaile, agus glac e, air eagal gu'n glac mise am baile, agus gu'n toirear mainm féin air.

29 Agus chruinnich Daibhidh an sluagh uile cuideachd, agus chaidh e gu Rabah, agus chog e 'n a aghaidh, agus ghlac se e.

30 Agus thug e crùn an rìgh bhàrr a chinn, (agus b'e a chudthrom tàlamh òir, maille ris na clachaibh luachmhor,) agus chuireadh e air ceann Dhaibhidh: agus thug e mach creach a' bhaile ann am mòr phailteas.

31 Agus thug e mach an sluagh a bha ann, agus chuir e iad fo shàbhan, agus fo innealan-bualaidh iarunn, agus fo thuaghan iarunn, agus thug e orra dol troimh àth nan clacha-creadha; agus mar so rinn e ri uile bhailtibh chloinn Amoin. Agus phill Daibhidh agus an sluagh uile gu h-Ierusalem.

# CAIB. XIII.

1 Dh'éignich Amnon Tamar piuthar Absaloim. 28 Marbhad Absalom Amnon, agus theic e do Ghesur. 39 Mhiannaich Daibhidh an déigh Absaloim.

**A**GUS thachair an déigh so, gu'n robh aig Absalom mac Dhaibhidh piuthar mhaiseach, d'am b'ainm Tamar; agus ghràdhach Amnon mac Dhaibhidh i.

2 Agus bha Amnon ann an aire co mhòr, is gu'n d'fhàs e timm air son a pheathar Tamair; oir b'dèigh i, agus bha e cruaidh ann an sùilb Amnon ni sam bith a dheanadh oirre.

3 Ach bha aig Amnon caraid, d'am b'ainm Ionadab, mac Shimeah, bràthar Dhaibhidh: agus bha Ionadab 'n a dhuine ro sheòlta.

4 Agus thubhairt e ris, C'ar son a tha thusa, agus gur mac do'n rìgh thu, tana mar so o là gu là? nach innis thu dhomhsa? Agus thubhairt Amnon ris, Tha gràdh agam air Tamar, piuthar mo bhràthar Absaloim.

5 Agus thubhairt Ionadab ris, Luidh sìos air do leabaidh, agus leig ort a bhli tinn; agus an uair a thig d'athair g'ad fhaicinn, their thu ris, Thigeadh, guidheam ort, mo phiuthar Tamar, agus thugadh i biadh dhomh, agus deasaicheadh i am biadh a'm' fhianuis, a chum gu'm faic mi e agus gu'n ith mi as a làimh e.

6 Agus luidh Amnon sìos, agus leig e air a bhli tinn; agus an uair a thàinig an rìgh g'a fhaicinn, thubhairt Amnon ris an rìgh, Thigeadh, guidheam ort, mo phiuthar Tamar, agus deanadh i dà bhreacaig a'm' fhianuis, a chum gu'n ith mi as a làimh.

7 An sin chuir Daibhidh fios dhachaidh a dh'ionnsuidh Tamair, ag ràdh, Inich a nis gu tigh do bhràthar Amnon, agus deasaich dha biadh.



## 2 SAMUEL, XIII.

8 Agus chaidh Tamar do thigh a bràthar Amnoin, (agus *bha* esan 'n a luidhe,) agus ghabh i min mhin, agus thaoisinn si *i*, agus rinn i breacagan 'n a fhianuis, agus bhruch i na breacagan.

9 Agus ghabh i aghann, agus thaom i màch *iad* 'n a fhianuis, ach dhiùlt esan itheadh. Agus thubhairt Amnon, Thugaibh a mach gach duine uam; agus thug iad a mach gach duine uath.

10 Agus thubhairt Amnon ri Tamar, Thoir am biadh a stach do'n t-seòmar, a chum gu'n ith mi as do làimh. Agus ghabh Tamar na breacagan a rinn i, agus thug i *iad* do'n t-seòmar a dh'ionnsuidh a bràthar Amnoin.

11 Agus an uair a thug i *iad* d'a ionnsuidh chum an itheadh, rug e oirre, agus thubhairt e rithe, Thig, luidh leam, a phiuthar.

12 Agus fhreagair i e, Ni h-eadh, a bhràthair, na h-éignich mi; oir cha chòir a leithid so a bhi air a dheanamh ann an Israel: na deansa an amaideachd so.

13 Agus mise, c'àit an cuir mi air falbh mo mhasladh? agus air do shonsa, bithidh tu mar aon de na h-amadanaibh ann an Israel: a nis uime sin labhair, guidheam ort, ris an rìgh; oir cha chum e uait mi.

14 Gidheadh, cha-n èisdeadh esan r'a guth; ach a chionn gu'm bu làidire e na ise, dh'éignich e i, agus luidh e leatha.

15 An sin dh'fhuathaich Amnon i le fuath ro mhòr, air chor as gu'm bu mhò am fuath leis an dh'fhuathaich e i, na 'n gràdh leis an do ghràthaich e i: agus thubhairt Amnon rithe, Eirich, bi 'g imeachd.

16 Agus thubhairt ise ris, Na *bitheadh e mar sin, a bhràthair*; oir is mò an t-òle so 'n am chur air falbh, na'n t-òle eile a rinn thu orm: ach cha-n èisdeadh esan rithe.

17 An sin ghairm e air 'òglach a fhrithheil dha, agus thubhairt e, Cuir a nis a' bhean so a mach uam, agus cuir an crann air an dorus 'n a déigh.

18 Agus *bha* trusgan iomadh-dathach oirre; oir le leithid so de dheise bha nigh-eanan an rìgh, a *bha* 'n an òighibh, air an sgeadachadh. An sin thug a sheirbhiseach a mach i, agus chrann e an dorus 'n a déigh.

19 Agus chuir Tamar luath air a ceann, agus reub i an trusgan iomadh-dathach a *bha* oirre, agus ehuir i a làmh air a ceann, agus chaidh i air falbh a' glaochaich.

20 Agus thubhairt a bràthair Absalom rithe, An robh do bhràthair Amnon maille riut? ach a nis, a phiuthar, bi 'd' thosd; is e do bhràthair e; na cuireadh an ni so smuaircan ort. Agus dh'fhan Tamar gu h-aonaranach ann an tigh a bràthar Absalom.

21 Ach an uair a chuala rìgh Daibhidh na nithean so nìle, bha fearg ro mhòr air.

22 Agus cha do labhair Absalom ri Amnon aon chuid òle no maith; oir dh'fhuathaich

Absalom Amnon, a chionn gu'n d'éignich e a phiuthar Tamar.

23 Agus thachair an déigh dà bhliadhna iomlan, gu'n robh aig Absalom luchd-lomairt chaorach ann am Baal-hazor, a *tha* làimh ri Ephraim: agus thug Absalom cuireadh do mhic an rìgh uile.

24 Agus thàinig Absalom a dh'ionnsuidh an rìgh, agus thubhairt e, Feuch a nis, tha luchd-lomairt chaorach aig do sheirbhiseach; thigeadh, guidheam ort, an rìgh agus a sheirbhiseach maille ri d' sheirbhiseach.

25 Agus thubhairt an rìgh ri Absalom, Ni h-eadh, a mhic, na rachamaid uile a nis, a chum nach bi sinn trom ort. Agus chuir e impidh air: gidheadh cha b' àill leis imeachd, ach bheannaich se e.

26 An sin thubhairt Absalom, Mur *tig thu féin*, thigeadh, guidheam ort, mo bhràthair Amnon maille ruinn. Agus thubhairt an rìgh, C'ar son a rachadh e maille riut?

27 Ach chuir Absalom impidh air; agus leig e le Amnon agus mic an rìgh uile dol maille ris.

28 A nis dh'àithn Absalom d'a òglach-aibh, ag ràdh, Thugaibh fainear a' nis an uair a bhios cridhe Amnoin subhach le fion, agus an uair a their mise ribh, Buailibh Amnon, an sin marbhaibh e. Na bitheadh eagal oirbh: nach d'àithn mise dhuibh? bithibh misneachail, agus bithibh treun.

29 Agus rinn òglach Absalom ri h-Amnon mar a dh'àithn Absalom: an sin dh'éirich mic an rìgh nìle, agus chaidh gach fear dhiubh air a mhuileid, agus theich iad.

30 Agus an uair a bha iad air an t-slighe, thàinig sgeul a dh'ionnsuidh Dhaibhidh, ag ràdh, Buail Absalom mic an rìgh uile, agus cha d'fhàgadh aon diubh beò.

31 An sin dh'éirich an rìgh, agus reub e 'eudach, agus luidh e air an talamh; agus sheas a sheirbhiseach uile làimh ris le 'n eudach reubta.

32 Agus fhreagair Ionadab mac Shimeah, bràthar Dhaibhidh, agus thubhairt e, Na smuaineachadh mo thighearn *gu'n* do mharbh iad na h-òganaich uile, mic an rìgh; oir tha Amnon a mhàin marbh: oir le Absalom shuidhicheadh an ni so, o'n là anns an d'éignich e a phiuthar Tamar.

33 Agus a nis na gabhadh mo thighearn an rìgh an ni thuige d'a chridhe, a' smuaineachadh gu bheil mic an rìgh uile marbh; oir tha Amnon a mhàin marbh.

34 Ach theich Absalom: agus thog an t-òganaich a bha 'gleidheadh na faire a shùilean, agus dh'amhaire e, agus, feuch, bha mòran sluagh a' teachd air an t-slighe air a chùlaobh o thaobh an t-sléibh.

35 Agus thubhairt Ionadab ris an rìgh, Feuch, tha mic an rìgh a' teachd: a réir focail do sheirbhiseach, mar sin tha e.

36 Agus co luath as a sguir e de labhairt,

## 2 SAMUEL, XIV.

feuch, thàinig mic an rìgh, agus thog iad suas an guth agus ghluil iad: agus ghluil mar an ceudna an rìgh, agus a sheirbhisich uile, le gul ro mhòr.

37 Ach theich Absalom, agus chaidh e dh'ionnsuidh Thalmái, mhic Amihuid, rìgh Ghesuir: agus chuala Daibhidh sin, agus rinn e caoidh air son a mhic gach aon là.

38 Mar sin theich Absalom, agus chaidh e do Ghesur, agus bha e 'n sin trì bliadhna.

39 Agus mhinnaich *anam* rìgh Daibhidh dol a mach a dh'ionnsuidh Absaloin: oir fhuair e comhfhurtachd a thaobh bàis Amnoin.

### CAIB. XIV.

1 *Chuir Iobab fios air mnaoi ghlic 'o Thecoah, agus chuir e focail 'n a beul a bhrosnachadh Daibhidh gu Absalom a thoirt dhachaidh.*  
23 *Thug Iobab Absalom gu Ierusalem.*

**A**GUS thuing Iobab, mac Sheruah, gu'n robh cridhe an rìgh air Absalom.

2 Agus chuir Iobab *fios* gu Tecoa, agus thug e as a sin bean ghlic, agus thubhairt e rithe, Leig ort a bhli ri bròn, guidheam ort, agus cuir ort a nis cudach bròin, agus na h-ung thu féin le h-oladh, ach bi mar mhnai a tha nis fada ri bròn air son mairbh: 3 Agus théid thu a dh'ionnsuidh an rìgh, agus labhraidh tu ris air an dòigh so. Agus chuir Iobab na focail 'n a beul.

4 Agus thàinig a' bhean o Thecoah a dh'ionnsuidh an rìgh, agus thuit i air a h-aghaidh gu làr, agus rinn i ùmhlachd, agus thubhairt i, Cabhair orm, a rìgh.

5 Agus thubhairt an rìgh rithe, Ciod a tha 'teachd riut? Agus fhreagair ise, Gu deimhin is bantrach mi; oir fhuair m'fhear bàs.

6 Agus bha aig do bhanoglaich dithis mhac, agus chuir iad a mach air a chèile 's an achadh, agus cha robh neach ann a chuireadh eatorra: agus bhuail fear dhiubh am fear eile, agus mharbh se e.

7 Agus, feuch, dh'éirich an teaghlach uile an aghaidh do bhanoglaich, agus thubhairt iad, Thoir seachad esan a bhuail a bhràthair, a chum gu marbh sinn e air son anama a bhràthar a mharbh e, agus gu'm marbh sinn an t-oighre mar an ceudna: agus mar sin mùchaidh iad m'éibhleag a dh'fhàgadh, air chor as nach fàg iad aig m'fhear aon chuid ainm, no iarmad air aghaidh na talmhainn.

8 Agus thubhairt an rìgh ris a' mhnai, Imich a dh'ionnsuidh do thighe, agus bheir mise àithne mu d' thinnchioll.

9 Agus thubhairt a' bhean o Thecoah ris an rìgh, Ormsa, a thighearn', a rìgh, bith-eadh am peacadh, agus air tigh n'athar; agus bith-eadh an rìgh agus a rìgh-chaitlir neo-chiontach.

10 Agus thubhairt an rìgh, Ge b'e neach a their *ni sam bith* riut, thoir a m'ionnsuidh' e, agus cha bhean e riut nì's mò.

11 An sin thubhairt ise, Cuimhnich eadh,

guidheam ort, an rìgh an Tighearn do Dhia, a chum nach bi dìoghaltairean na fola lion-mhor gu sgrìos, agus nach marbh iad mo mhac. Agus thubhairt esan, Mar is beò an Tighearn, cha tuit aon ròinneag a dh' fholt do mhic gu làr.

12 An sin thubhairt a' bhean, Labhradh, guidheam ort, do bhanoglach aon fhocal ri m' thighearn an rìgh. Agus thubhairt esan, Abair romhad.

13 Agus thubhairt a' bhean, C'ar son ma ta a smuainich thu a leithid so *de ni* an aghaidh sluaigh Dhe? oir tha'n rìgh a' labhairt an nì so mar neach a tha ciontach, a chionn nach 'eil an rìgh a' toirt fhògarach air ais.

14 Oir bàsaichidh sinn gu deimhin, agus tha sinn mar uisge a dhòirteadh air an talamh, agus nach cruinnichear a ris: gidheadh cha-n àill le Dia beatha a thoirt air falbh, ach smuainichidh e air meadhonaibh a chum nach fògair e fhògarach gu tur uath.

15 Agus a nis gu bheil mi air teachd a labhairt ri m' thighearn an rìgh mu'n nì so, is ann a chionn gu'n do chuir an sluagh eagal orm: agus thubhairt do bhanoglach, Labhraidh mi nis ris an rìgh; theagamh gu'n dean an rìgh iartus a bhanoglaich.

16 Oir éisdidh an rìgh, a shaoradh a bhanoglaich à làimh an duine, leis am bàill mi féin agus mo mhac a sgrìos le 'chéile a mach à oighreachd Dhe.

17 An sin thubhairt do bhanoglach, Bithidh focal mo thighearn' an rìgh a nis sòlasach: oir mar aingeal Dhé, mar sin tha mo thighearn an rìgh, a thuigsinn maith agus nìle: agus bithidh an Tighearn do Dhia maille riut.

18 Agus fhreagair an rìgh, agus thubhairt e ris a' mhnai, Na ceil orm, guidheam ort, an nì a dh'fheòraicheas mi dhìot. Agus thubhairt a' bhean, Labhradh a nis mo thighearn an rìgh.

19 Agus thubhairt an rìgh, Nach 'eil làmh Iobab maille riut anns an nì so uile? Agus fhreagair a' bhean agus thubhairt i, Mar is beò d'anam, a thighearn', a rìgh, cha-n'eil clàonadh sam bith a dh'ionnsuidh na làimhe deise, no dh'ionnsuidh na làimhe clìthe, ann an nì air bith a labhair mo thighearn an rìgh; oir do sheirbhisich Iobab, is esan a dh'iarr ormsa, agus is esan a chuir ann am beul do bhanoglaich na briathran so uile:

20 A thoirt mu'n cuairt a leithid so de chainnt, rinn do sheirbhisich Iobab an nì so: agus tha mo thighearn glic, a réir gliocais aingil Dhé, a thuigsinn gach *ni a tha* air an talamh.

21 Agus thubhairt an rìgh ri Iobab, Feuch, a nis, rinn mi an nì so: imich ma ta, thoir air ais an t-òganach Absalom.

22 Agus thuit Iobab air 'aghaidh gu làr, agus chom se e féin, agus bheannaich e



**Do'n rìgh:** agus thubhairt Ioab, An'diugh tha fios aig do sheirbhiseach gu'n d'fhuair mi deadh-ghean a'd'shùilibh, mo thighearn', a rìgh; oir rinn an rìgh iarrtus a sheirbhiseich.

23 Agus dh'éirich Ioab agus chaidh e gu Gesur, agus thuge Absalom gu h-Ierusalem.

24 Agus thubhairt an rìgh, Pilleadh e dh'ionnsuidh a thighe féin, agus na faicadh e mo ghnùis-sa. Agus phill Absalom a dh'ionnsuidh a thighe féin, agus cha'n fhac' e gnùis an rìgh.

25 Ach ann an Israel uile cha robh duine co mhaiseach ri Absalom: *bha e ri 'mholadh gu mòr*; o bhonn a chois gu ruig mullach a chinn cha robh snal air bith air.

26 Agus an uair a bhearr e *folt* a chinn, (oir b'ann aig ceann gach bliadhna a bhearr se e; a chionn gu'n robh e trom air, uime sin bhearr se e,) chothromaich e folt a chinn aig dà cheud secel, a réir tomhais an rìgh.

27 Agus rugadh do Absalom trì mic, agus aon nighean, d'am b'ainm Tamar: bha i'n a mnaoi sgianhaich 'n a gnùis.

28 Agus ghabh Absalom còmhnuidh ann an Ierusalem dà bhliadhna iomlan, agus cha'n fhac' e gnùis an rìgh.

29 Uime sin chuir Absalom *fios* air Ioab, a chum a chur a dh'ionnsuidh an rìgh; ach cha b'ail leis teachd d'a ionnsuidh: agus an uair a chuir e *fios* a rìs an dara uair, cha b'ail leis teachd.

30 Uime sin thubhairt e r'a sheirbhiseich, Faicibh achadh Ioaib làimh ri *m'achadh-sa*, agus eorna aig an sin; rachaibh, agus cuiribh ri theine e. Agus chuir seirbhiseich Absalom an t-achadh ri theine?

31 An sin dh'éirich Ioab, agus thàinig e dh'ionnsuidh Absalom d'a thigh, agus thubhairt e ris, C'ar son a chuir do sheirbhiseich m'achadh ri theine?

32 Agus fhreagair Absalom Ioab, Feuch, chuir mi *fios* do d'ionnsuidh, ag ràdh, Thig an so, agus cuiridh mi thu dh'ionnsuidh an rìgh, a ràdh, C'ar son a thàinig mi o Ghesur? *bu mhaith dhomhsa gu'm bithinn fathast an sin*: a nis ma ta faiceam gnùis an rìgh; agus ma tha eu-ceart *sam bith* annam, thugadh e fainear mo mharbhadh.

33 Uime sin thàinig Ioab a dh' ionnsuidh an rìgh, agus dh'innis e *sin* da: agus ghairm e air Absalom, agus thàinig e dh'ionnsuidh an rìgh, agus chrom se e féin air 'aghaidh gu làr 'am fianuis an rìgh; agus phòg an rìgh Absalom.

#### CAIB. XV.

- 1 Ghoid Absalom cridheachan chloinn Israeil, agus rinn e ceannaire làidir an aghaidh Dhaibhidh. 13 Theich Daibhidh o Ierusalem. 34 Chuireadh Sadoc agus Abiatar air an ais leis an àire.

**A**GUS an dèigh so dh'ulluich Absalom dha féin carbadan, agus eich, agus leth-cheud fear gu ruith roimhe.

2 Agus dh'éirich Absalom gu moch, agus sheas e làimh ri slighe a' gheata: agus an uair a thigeadh neach air bith aig an robh cuis-lagha dh'ionnsuidh an rìgh chum breitheanais, an sin ghairmeadh Absalom air, agus theireadh e, Cìod am baile as *am bheil* thu? Agus theireadh esan, O aon do threubhan Israeil *tha* do sheirbhiseach.

3 Agus theireadh Absalom ris, Feuch, *tha* d'fhocail maith agus ceart; ach cha-n'èil neach air bith ann *air orduchadh* leis an rìgh gu éisdeachd riut.

4 Theireadh Absalom cuideachd, Oh nach robh mise air mo shuidheachadh a'm' bheirtheamh anns an tìr, a chum do m' ionnsuidh-sa gu'n tigeadh gach duine aig am bheil comhstri no cuis-lagha, agus dheanainn ceartas dha!

5 Agus an uair a thigeadh duine sam bith am fagus *da* a dheanamh ùmhlaichd dha, chuireadh e mach a làmh, agus bheireadh e air, agus phògadh se e.

6 Agus air an dòigh so rinn Absalom ri Israel uile a thàinig a chum breitheanais a dh'ionnsuidh an rìgh: agus ghoid Absalom cridheachan dhaoine Israeil.

7 Agus 'an ceann cheithir bliadhna thubhairt Absalom ris an rìgh, Leig dhomh imeachd, guidheam ort, agus mo bhòid a dhioladh a bhòidich mi do'n Tighearn ann an Hebron.

8 Oir bhòidich do sheirbhiseach bòid an uair a bha mi a'm' chòmhnuidh 'an Gesur ann an Siria, ag ràdh, Ma bheir an Tighearn mi gu dearbha a ris gu h-Ierusalem, an sin ni mi seirbhis do'n Tighearn.

9 Agus thubhairt an rìgh ris, Imich ann an sìth. Agus dh'éirich e, agus chaidh e gu Hebron.

10 Ach chuir Absalom luchd-bratha air feadh uile threubhan Israeil, ag ràdh, Co luath as a chluinneas sibh fuaim na trompaide, an sin their sibh, Tha Absalom 'n a rìgh ann an Hebron.

11 Agus maille ri Absalom chaidh dà cheud fear a mach á h-Ierusalem, a ghairmeadh, agus dh'imich iad ann an treibhdhìreas an *cridhe*, agus cha robh fios ni sam bith aca.

12 Agus chuir Absalom *fios* air Ahitophel an Gilonach, comhairliche Dhaibhidh, o a bhaile, *eadhon* o Ghiloh, an uair a bha e ag òbradh iobairtean: agus bha a' cheannaire làidir; oir bha 'n sluagh a' sir-dhol 'an lìon-mhoirachd maille ri Absalom.

13 Agus thàinig teachdair a dh'ionnsuidh Dhaibhidh, ag ràdh, Tha cridheachan fhear Israeil an dèigh Absalom.

14 Agus thubhairt Daibhidh r'a sheirbhiseich uile a *bha* maille ris ann an Ierusalem, Eiribh, agus teicheamaid; oir *mur dean sinn sin*, cha bhì dol as againn o aghaidh Absalom: luathaichibh agus imichibh, air eagal gu'n dean e cabhag, agus gu'm

beir e oirnn, agus gu'n tarruing e ole oirnn, agus gu'n buail e 'm baile le faobhar a' chlaidheimh.

15 Agus thubhairt seirbhiseach an rìgh ris an rìgh, A réir gach mì a's àill le m' thighearn an rìgh, feuch, *nì* do sheirbhiseach.

16 Agus chaidh an rìgh a mach, agus a theaghlach uile 'u a dhéigh: a mhàiu dh'fhàg an rìgh deichuear bhan a *bha* 'n an coimhleabaich *aige*, a ghleidheadh an tìghe.

17 Agus chaidh au rìgh a mach, agus an sluagh uile 'n a dhéigh, agus dh'fhan iad ann an àit a bha fad as.

18 Agus chaidh a sheirbhiseach uile thairis làimh ris; agus chaidh na Ceretich uile, agus na Peletich uile, agus na Gitich uile, sè ceud fear a thàinig 'n a dhéigh o Ghat, thairis roimh an rìgh.

19 Agus thubhairt an rìgh ri Itai an Giteach, C'ar son a tha thusa mar an ceudna 'dol maille ruinne? pill gu d'àit, agus fan maille ris an rìgh; oir *is* coigreach thu, agus mar au ceudna fogarach o d'àite féin.

20 An dé a *mhàin* thàinig thu, agus an diugh au toir mise ort dol air faontraidh maille ruinne? oir théid mise an taobh a *tha* mi gu dol: pill thusa, agus thoir air an ais do bhràithreach leat; agus *gu nochdadh an Tighearn dhuit* trècair agus firinn.

21 Agus fhreagair Itai an rìgh, agus thubhairt e, *Mar* is beò an Tighearn, agus *mar* is beò mo thighearn an rìgh, gu cinn-teach ge b'e àit auns am bi mo thighearn an rìgh, ma's ann a chum bàis no 'chum beatha, eadhon au sin bithidh do sheirbhiseach.

22 Au siu thubhairt Daibhidh ri Itai, Imich, agus gabh thairis. Agus chaidh Itai an Giteach thairis, agus a dhaoine uile, agus a' chlann bheag uile a *bha* maille ris.

23 Agus ghuiil an tìr uile le guth àrd, agus chaidh an sluagh uile thairis; chaidh au rìgh cuideachd thairis air sruth Chid-roin, agus chaidh an sluagh uile thairis a làimh na slighe do'n fhàsach.

24 Agus, feuch, *bha* Sadoc mar an ceudna, agus na Lebhitich uile maille ris, a' giùlan àire coimheangail Dhé, agus shuidhich iad àire Dhé; agus chaidh Abiatar suas, agus an do sguir an sluagh uile de dhòl a mach as a' bhaile.

25 Agus thubhairt au rìgh ri Sadoc, Thoir air a h-ais àire Dhé do'n bhaile: ma gheibh mi deadh-ghean ann an sùilbhan an Tigh-earna, bheir e air m'ais ui, agus nochdaidh e dhomh e féin, agus 'àite-còmhnuidh.

26 Ach ma thoir e mar so, Cha-n 'cìl tlachd agam annad; feuch, *tha* mise an so, deanadh e rium mar is maith leis.

27 Thubhairt an rìgh mar an ceudna ri Sadoc an sagart, Nach fear-seallaidh thusa? pill do'n bhaile aun an sìth, agus Ahimaas do mhac féin, agus Ionatan mac Abiatar, bhur dithis mliac maille ribh.

28 Faicibh, fanaidh mise ann an còmh-nardaibh an fhàsaich, gus an tig focal uaibhse a thoirt fios domh.

29 Uime sin thug Sadoc agus Abiatar àire Dhé a ris gu h-Ierusalem; agus dh'fhan iad an sin.

30 Agus chaidh Daibhidh suas ri uchdaich *sléibh* nan oladh, a' dol suas agus a' gul, agus a cheann còmhdaichte, agus e 'g imeachd cosruisgte: agus còmhdaich an sluagh uile a *bha* maille ris, gach fear *dhiubh* a cheann, agus chaidh iad suas, ag imeachd agus a' gul.

31 Agus dh'innis *neach* do Dhaibhidh, ag ràdh, *Tha* Ahitophel am measg an luchd-ceannairc maille ri Absalom. Agus thubhairt Daibhidh, Tionndaidh, a Thigh-earna, guidheam ort, comhairle Ahitophel gu h-amaidcachd.

32 Agus an uair a thàinig, Daibhidh gu mullach an *t-sléibh*, far an d'fhuar e aoradh do Dhia, feuch, thàinig Husai an t-Arach 'n a choinneamh, le 'chòta reubta, agus ùir air a cheann.

33 Agus thubhairt Daibhidh ris, Ma théid thu thairis maille riumsa, an siu bithidh tu a' d' callaich orm.

35 Ach ma philleas tu do'n bhaile, agus ma thoir thu ri Absalom, Bithidh mise a'm' sheirbhiseach dhuit, a rìgh; *bu* sheirbhiseach do d'athair mi gu ruige so, agus a uis *bithidh* mi mar an ceudna a'm' sheirbhiseach dhuitse; an sin bheir thu air mo shonsa comhairle Ahitophel gu neo-ni.

35 Agus nach 'eil maille riut an sin Sadoc agus Abiatar na sagartan? agus gach focal a chluinneas tu á tigh an rìgh, innsidh tu e do Shadoc agus do Abiatar na sagartan.

36 Feuch, *tha'n* sin maille riu an dithis uhac, Ahimaas mac Shadoic, agus Ionatan mac Abiatar: agus le'n làimh-san cuiridh sibh do u' ionnsuidh-sa gach focal a chluinneas sibh.

37 Uime sin thàinig Husai caraid Dhaibhidh do'n bhaile, agus thàinig Absalom gu h-Ierusalem.

## CAIB. XVI.

1 *Le casaid bhréige fhuair Siba oighreachd a mhaighstir.* 5 *Mhallaich Simeì Daibhidh,* 20 *Comhairle Ahitophel.*

**A**GUS an uair a chaidh Daibhidh beagan thar mullach an *t-sléibh*, feuch, *thàinig* Siba òglach Mhephiboset 'n a choinneamh le dà asail air an diollaideach-adh, agus dà cheud builinn arain orra, agus ceud bagaid de fhion-dhearcuibh tiormaichte, agus ceud de mheas samhraidh, agus searrag fhiona.

2 Agus thubhairt an rìgh ri Siba, Ciod a's *ciall* duit leo sin? Agus thubhairt Siba, *Tha* na h-asail air son teaghlach an rìgh chum marcaidh; agus an t-aran agus am meas samhraidh air son nan òganach chum



## 2 SAMUEL, XVII.

*an* itheadh; agus am fion, a chum gu'n òl esan a bhitheas sgìth anns an fhàsach.

3 Agus thubhairt an rìgh, Agus c'ait am bheil mac do mhaighstir? Agus thubhairt Siba ris an rìgh, Feuch, tha e 'fantuinn ann an Ierusalem: oir thubhairt e, An diugh aisgidh tigh Israeil dhomhsa rioghachd m'athar.

4 An sin thubhairt an rìgh ri Siba, Feuch, is leatsa gach *nì* a *bha* aig Mephiboset. Agus thubhairt Siba, Tha mi le mòr-ùmhlaichd a' guidhe ort *gu'm* faigh mi deadh-ghean a'd' shùilb, a thighearn', a rìgh.

5 Agus an uair a thàinig rìgh Daibhidh gu Bahurim, feuch, á sin thàinig a mach duine de theaghlach tìghe Shaul, d'am b'ainm Simei, mac Ghera: thàinig e mach, a' teachd air aghaidh agus a' mallachadh.

6 Agus thig e clachan air Daibhidh, agus air seirbhiseich rìgh Daibhidh uile; agus *bha* 'n sluagh uile, agus na daoine treuna uile, air a làimh dheis agus air a làimh chlì.

7 Agus mar so thubhairt Simei an uair a mhallich se e, Thig a mach, thig a mach, thus a dhuine fhuileachdaich, agus a dhuine le Belial:

8 Dh'òl an Tighearn orts a uile fhuil tìghe Shaul, an àit an do rìghich thu; agus thug an Tighearn an rìoghachd do làimh do mhic Absalom: agus, feuch, *ghlacadh* thu ann ad òc féin, a chionn gur duine fuileachdach thu.

9 An sin thubhairt Abisai mac Sheruah ris an rìgh, C'ar son a mhallicheadh an cù marb so mo thighearn an rìgh? leig dhomh dol a null, guidheam ort, agus a cheann a thoirt d'heith.

10 Agus thubhairt an rìgh, Ciod e mo ghnothuch-sa ribhse, a mhaca Sheruah? leigibh leis mallachadh, a chionn gu'n d'thubhairt an Tighearn ris, Mallaich Daibhidh: agus cò a their, C'ar son a rinn thu mar so?

11 Agus thubhairt Daibhidh ri Abisai, agus r'a sheirbhiseich uile, Feuch, mo mhac, a thàinig a mach á m'innibh, ag iarraidh m'anama; agus cia mòr is mò a nis a *dh'fheudas* am Benamineach so? Leigibh leis, agus mallaicheadh e, oir dh'iarr an Tighearn air.

12 Theagamh gu'n amhaire an Tighearn air m'annghar, agus gu'n dìol an Tighearn dhomh maith air son a mhallachaidh air an là 'n diugh.

13 Agus an uair a dh'imich Daibhidh agus a dhaoine air an t-slighe, dh'imich Simei air slios an t-sléibh làimh ris, a' dol air aghaidh agus a' mallachadh, agus thig e clachan agus ùir air.

14 Agus thàinig an rìgh agus an sluagh uile a *bha* maille ris, sgìth; agus leig iad an anail an sin.

15 Agus thàinig Absalom agus uile shluagh

fhear Israeil, gu h-Ierusalem, agus Ahitophel maille ris.

16 Agus an uair a thàinig Husai an t-Arcach, earaid Dhaibhidh, a dh'ionnsuidh Absalom, thubhairt Husai ri Absalom, Gu ma fada beò an rìgh, gu ma fada beò an rìgh.

17 Agus thubhairt Absalom ri Husai, An e so do chaoimhneas ri d' charaid? c'ar son nach deachaidh tu maille ri d' charaid?

18 Agus thubhairt Husai ri Absalom, Nì h-eadh; ach ge b'e neach a thaghas an Tighearn, agus an sluagh so, agus fir Israeil nìle, leis-san bithidh mise, agus maille ris fanaidh mi.

19 Agus 's an dara àite, co dha a dheanainn seirbhis? nach ann an làthair a mhic? mar a rinn mi seirbhis ann an làthair d'athar, mar sin bithidh mi a'd' làthair-sa.

20 An sin thubhairt Absalom ri Ahitophel, Thugaibh comhairle 'n 'ur measg eiod a ni sinn.

21 Agus thubhairt Ahitophel ri Absalom, Gabh a stigh a dh'ionnsuidh choimhleabach d'athar, a dh'fhàg e a ghleidheadh an tìghe; agus ealumidh Israel uile gu bheil thu air fàs gràineil do d'athair, agus neartaichear làmhnan gach neach a *tha* maille riut.

22 Agus sgaol iad bùth do Absalom air mullach an tìghe; agus ehaidh Absalom a steach a dh'ionnsuidh choimhleabach 'athar ann an sealladh Israeil uile.

23 Agus *bha* comhairle Ahitophel a thug e seachad anns na làithibh sin, mar gu'm fiosraicheadh duine de fhocal Dhé: mar sin *bha* uile chomhairle Ahitophel, aron aig Daibhidh agus aig Absalom.

### CAIB. XVII.

1 *Dh'iarr Ahitophel dol air tòir Dhaibhidh. 15 Chuir Husai fios a dh'ionnsuidh Dhaibhidh os òsail air gach nì a chomhairleach Ahitophel. 23 Chroch Ahitophel e féin. 25 Rinn Absalom Amasa 'n a cheannard air an t-sluagh.*

**A**GUS thubhairt Ahitophel ri Absalom, Leig dhomh a nis dà mhìle dheug fear a thaghadh a mach, agus éiridh mi, agus théid mi air tòir Dhaibhidh an nochd: 2 Agus thig mi air an uair a tha e sgìth agus lag-lámhach, agus cuiridh mi eagail air: agus teicidh an sluagh uile a *tha* maille ris, agus buailidh mi an rìgh a mhàin.

3 Agus bheir mi air an ais an sluagh uile a dh'ionnsuidh-sa: *tha* 'n duine a *tha* thu ag iarraidh mar gu'm pilleadh an t-ionlan: agus bithidh an sluagh uile ann an sìth.

4 Agus thaitinn a' chainnt ri Absalom, agus ri seanairibh Israeil uile.

5 Agus thubhairt Absalom, Gairm a nis mar an ceudna air Husai an t-Arcach, agus chuinneamaid mar an ceudna ciod a their esan.

6 Agus thàinig Husai dh'ionnsuidh Absalom, agus labhair Absalom ris, ag ràdh,

Air an dòigh so labhair Ahitophel: an dean sinn a *rèir* 'hocail, no nach *dean?* labhair thusa.

7 Agus thubhairt Husai ri Absalom, Chan *eil* a' chomhairle a thug Ahitophel maith air an uair so.

8 Oir, arsa Husai, is aithne dhuit d'athair agus a dhaoine, gur *daoine* treun' iad agus air am brosnuchadh gu feirg 'n an spiorad, mar mhath-ghamhuin o'n d'fhugadh a cuileanan anns a' mhachair: agus is fear-cogaidh d'athair, agus cha ghabh e tàmh maille ris an t-sluagh.

9 Feuch, tha e nis 'am folach ann an slochd éigin, no ann an àit *éigin* eile: agus tachairidh, an uair a thuiteas cuid diubh an toiseach, ge b'e neach a chluinneas e gu'n abair e, Tha àr am measg an t-sluaigh a tha 'leantuinn Absalom.

10 Agus esan mar an ceudna a tha 'n a dhuine treun, aig am *bheil* a chridhe mar chridhe leòmhain, leaghaidh e gu tur: oir tha fios aig Israel uile gur duine treun d'athair, agus *gur* daoine treun' iadsan a tha maille ris.

11 Air an aobhar sin is i mo chomhairle-sa, Gu'n crìnnichtear Israel uile a d'ionnsuidh, o Dhan cadhion gu Beer-seba, mar a' ghaineamh a tha làimh ris an fhainge air lionmhoireachd, agus gu'n téid thu féin *maille riu* do'n chath.

12 Agus thig sinn air ge b'e àit 'am faighear e, agus tuitidh sinn air mar a thuiteas an drùchd air an talamh: agus chan-n fhàgar dheth féin, agus dena fir uile a tha maille ris, cadhion aon.

13 Agus ma théid e a steach do bhaile, an sin bheir fir Israel uile cuird leo a d'ionnsuidh a' bhaile sin, agus tairngidh sinn e do'n amhainn, gus nach fàgar an sin aon chlach bheag.

14 Agus thubhairt Absalom, agus fir Israel uile, Is fearr comhairle Husai an Arcaich na comhairle Ahitophel: oir dh'orduich an Tighearn comhairle mhaith Ahitophel a thoirt gu neo-ni, a chum gu'n tugadh an Tighearn oile air Absalom.

15 An sin thubhairt Husai ri Sadoc agus ri Abiatar na sagartan, Mar so agus mar so chomhairlich Ahitophel Absalom agus seanairean Israeil; agus mar so agus mar so chomhairlich misc.

16 A nis uime sin cuiribh *fios* gu grad, agus innsibh do Dhaibhidh, ag ràdh, Na fan an nochd ann an còmhnradaibh an fhàsach, ach gabh thairis gu luath, air eagal gu'n sluigear suas an rìgh, agus an sluagh uile a tha maille ris.

17 Agus dh'fhan Ionatan agus Ahimaas làimh ri En-rogel; (oir cha-n fheadadh iad a bhì air am faicinn a' dol a stigh do'n bhaile:) agus chaidh cailin agus dh'innis i dhoibh; agus chaidh iadsan agus dh'innis iad do rìgh Daibhidh.

18 Gidheadh chunnaic òganach iad, agus dh'innis e do Absalom: ach dh'imich iadsan le 'chèile gu luath, agus thàinig iad gu tigh duine ann am Bahurim, aig an robh tobar 'n a chùirt, agus chaidh iad sìos an sin.

19 Agus ghabh a' bhean còmhcadh agus sgaoil i e air beul an tobair, agus chuir i gràn bleithe air; agus cha d'aithnichadh an ni.

20 Agus an uair a thàinig seirbhisich Absalom a dh'ionnsuidh na mna do'n tigh, thubhairt iad, C'ait am bheil Ahimaas agus Ionatan? Agus thubhairt a' bhean riu, Chaidh iad thairis air an t-sruthan uisge. Agus an uair a dh'iarr iad, agus nach d'fhuair iad, phill iad gu h-Ierusalem.

21 Agus an uair a dh'fhalbh iad, thàinig iadsan a nìos as an tobar, agus chaidh iad agus dh'innis iad do rìgh Daibhidh, agus thubhairt iad ri Daibhidh, Eiribh, agus rachaibh gu grad thar an uisge; oir mar so chomhairlich Ahitophel 'n 'ur n-aghaidh-sa.

22 Agus dh'éirich Daibhidh, agus an sluagh uile a bha maille ris, agus chaidh iad thar Iordan gu solus na maidne, gus nach robh aon diubh nach deachaidh thar Iordan.

23 Agus an uair a chunnaic Ahitophel nach do ghabhadh a chomhairle, chuir e diollaid air 'asail, agus dh'éirich e, agus dh'imich e dh'ionnsuidh a thighe, d'a bhaile féin, agus thug e àitheantan d'a theaghlach, agus eiroch se e féin, agus fhuair e bàs, agus dh'adhlacadh e ann an àit-adhlacaidh athar.

24 An sin thàinig Daibhidh gu Mahanaim: agus chaidh Absalom thar Iordan, e féin agus fir Israel uile maille ris.

25 Agus rinn Absalom Amasa 'n a cheannard air an t-sluagh 'an àit Ioaib: agus *b'e* Amasa mac duine, d'am b'ainm Itra, Is-raealach a chaidh a steach gu Abigail nighean Nahais, piuthar Sheruah, màthar Ioaib.

26 Agus champaich Israel agus Absalom ann am fearann Ghilcad.

27 Agus an uair a thàinig Daibhidh gu Mahanaim, thug Sobi mac Nahais o Rabah chloinn Amoin, agus Machir mac Amiel o Lodebar, agus Barsillai an Gilcadach o Rogelim,

28 Leapaichean, agus cuachan, agus soithichean creadha, agus cruithneachd, agus corna, agus mìn mhin, agus *gràn* cruaidhichte, agus pònaire, agus gall-pheasair, agus *peasair* chruaidhichte.

29 Agus mil, agus im, agus caoraich, agus càise eruidh air son Dhaibhidh, agus air son an t-sluaigh a bha maille ris, a chum an itheadh: oir thubhairt iad, *Tha'n* sluagh ocrach, agus sgith, agus iotmhor anns an fhàsach.



## CAIB. XVIII.

1 *Chuir Daibhidh a mach 'armaill fo làimh Ioaib, Abisa, agus Itai, agus dh'ordwich e dhoibh buintinn gu caoinhneil ri Absalom. 6 Bhuailleadh fir Israeil. 9 Mharbh Ioaib Absalom. 33 Rinn Daibhidh caoidh air a shon.*

**A**GUS rinn Daibhidh an sluagh a *bha* maille ris àireamh, agus chuir e ceannardan mhiltean, agus ceannardan cheudan os an ceann.

2 Agus chuir Daibhidh a mach trian de'n t-sluagh fo làimh Ioaib, agus trian fo làimh Abisai, mhic Sheruah, bráthar Ioaib, agus trian fo làimh Itai a' Ghithich: agus thubhairt an rìgh ris an t-sluagh, Gu deimhin théid mi féin mar an ceudna mach maille ribh.

3 Ach fhreagair an sluagh, Cha téid thu mach: oir ma theicheas sinne, cha ghabh iad suim dhinn; agus ma bhàsaicheas ar leth, cha ghabh iad suim dhinn; ach a nis *tha thusa* mar dheich mìle dhinne: uime sin a nis is fearr gu'n deanadh tusa còmh-nadh ruinn a mach as a' bhaile.

4 Agus thubhairt an rìgh riu, *An nì sin* a tha ceart 'n 'ur sùilibh, ni mise. Agus sheas an rìgh làimh ris a' gheata, agus thàinig an sluagh uile a mach 'n an ceud-aibh agus 'n am mìltibh.

5 Agus dh'aitn an rìgh do Ioaib, agus do Abisai, agus do Itai, ag ràdh, *Buinibh* gu caoinhneil air mo sgàth-sa ris an òganach, ri Absalom. Agus chual' an sluagh uile 'n uair a dh'aitn an rìgh do na ceannardaibh uile a thaobh Absalom.

6 Agus chaidh an sluagh a mach do'n mhachair an aghaidh Israeil: agus bha'n cath ann an coille Ephraim.

7 Agus mharbhadh an sin sluagh Israeil roimh sheirbhiseich Dhaibhidh; agus bha'n sin air an là sin àr mòr fhichead mìle *fear*:

8 Oir bha'n cath an sin air sgaoileadh air aghaidh na tìre uile; agus chuir a' choille as do thuilleadh sluagh air an là sin na chuir an claidheamh.

9 Agus thachair Absalom air seirbhiseich Dhaibhidh; agus *bha* Absalom a' marcachd air muileid, agus chaidh a' mhuileid a steach fo gheuan tiugha craoibhe mòire daraich, agus ghlacadh a cheann anns a' chraoibh dharaich, agus chrochadh e cadar nèamlh agus talamh; agus dh'imich a' mhuileid a *bha* foidhe roimpe.

10 Agus chunnaic duine àraidh *so*, agus dh'innis e do Ioaib, agus thubhairt e, Feuch, chunnaic mi Absalom crochta aon an craoibh dharaich.

11 Agus thubhairt Ioaib ris an duine a dh'innis dha, Agus, feuch, chunnaic thu e, agus c'ar son nach do bhuail thu e 'n sin gu lár, agus bheirinnse dhuit deich *seceil* airgid, agus crios?

12 Agus thubhairt an duine ri Ioaib, Ged gheibhinnse mìle *secel* airgid ann mo làimh,

cha chuirinn mo làmh a mach an aghaidh mic an rìgh: oir 'n ar n-éisdeachd dh'aitn an rìgh dhuitse, agus do Abisai, agus do Itai, ag ràdh, Gleidhibh dhomh an t-òganach Absalom.

13 No dheanainn cucoir an aghaidh m'anama féin: oir cha-néil ni air bith 'am folach air an rìgh, agus sheasadh tusa féin a' *m'* aghaidh.

14 An sin thubhairt Ioaib, Cha-n fheud mise fuireach mar so maille riut. Agus ghabh e trì gathan 'n a làimh, agus shàth e iad 'an cridhe Absalom, an uair a *bha* e fathast beò ann am meadhon na craoibhe daraich.

15 Agus chuairtich deichnear òganach a *bha* 'g iomchar arm Ioaib Absalom agus bhuail iad e, agus mharbh iad e.

16 Agus shéid Ioaib an trompaid, agus phill an sluagh o ruagadh Israeil; oir chum Ioaib air an ais an sluagh.

17 Agus ghabh iad Absalom, agus thilg iad e ann an slochd mòr anns a' choille, agus chuir iad carn ro mhòr chlach air: agus theich Israel uile, gach fear a dh'ionnsuidh a bhùtha.

18 A nis ghabh Absalom, an uair bu bheò e, agus chuir e suas dha féin carragh, a *tha* ann an gleann an rìgh: oir thubhairt e, Cha-néil mac agam a chumail m'ainme air chuimhne: agus thug e 'ainm féin air a' charragh; agus theirear ris gus an là 'n diugh, Clach-chuimhneachain Absalom.

19 An sin thubhairt Ahimaas mac Shadoic, Leig dhomh ruith a nis, agus sgeul a thoirt a dh'ionnsuidh an rìgh, gu'n do shaor an Tighearn e á làimh a naimhdean.

20 Agus thubhairt Ioaib ris, Cha toir thu sgeul leat an diugh, ach bheir thu sgeul leat là eile: ach an diugh cha toir thu sgeul leat, a chionn gu bheil mac an rìgh marbh.

21 Agus thubhairt Ioaib ri Cusi, Falbh, innis do'n rìgh ciod a chunnaic thu. Agus chrom Cusi e féin do Ioaib, agus ruith e.

22 An siu thubhairt Ahimaas mac Shadoic a ris ri Ioaib, Ach gidheadh, leig dhomhsa, guidheam ort, ruith mar an ceudna an déigh Chusi. Agus thubhairt Ioaib, C'ar son a ruithheadh tusa, a mhic, agus nach d'fhuaradh sgeul sam bith dhuit?

23 Ach gidheadh, *ars' esan*, leig dhomh ruith. Agus thubhairt e ris, Ruith. Agus ruith Ahimaas rathad a' chòmhnaidh, agus chaidh e seachad air Cusi.

24 Agus shuidh Daibhidh eadar an dà gheata: agus chaidh am fear-faire suas gu mullach a' gheata, air a' bhalla; agus thog e suas a shùilean, agus dh'amhairc e, agus, feuch, duine a' ruith 'n a aonar.

25 Agus ghlaodh am fear-faire, agus dh'innis e do'n rìgh. Agus thubhairt an rìgh Ma *tha* e 'n a aonar, *tha* sgeul aige 'n a bheul. Agus dh'imich e air aghaidh, agus thàinig e am fagus.

26 Agus chunnaic am fear-faire duine eile a' ruith; agus ghlaodh am fear-faire ris an dorsair, agus thubhairt e, Feuch, *tha* duine eile a' ruith 'n a aonar. Agus thubhairt an rìgh, Tha esan mar an ceudna a' toirt sgeòil.

27 Agus thubhairt am fear-faire, Tha mi a' faicinn ruith a' cheud *duine* mar ruith Ahimaas, mhic Shadoic. Agus thubhairt an rìgh, Is duine maith esan, agus is ann le sgeul maith a tha e a' teachd.

28 Agus ghlaodh Ahimaas, agus thubhairt e ris an rìgh, Tha gach ni gu maith. Agus chrom se e fèin sìos do'n rìgh air 'aghaidh dh'ionnsuidh na talmhainn, agus thubhairt e, Gu ma beannaichte an Tighearn do Dhia, a thug thairis na daoine a thog an làmhnan suas an aghaidh mo thighearn' an rìgh.

29 Agus thubhairt an rìgh, Am bheil an t-òganach Absalom tèarainte? Agus fhreagair Ahimaas, an uair a chuir Ioab air falbh seirbhiseach an rìgh, agus *mise* do sheirbhiseach, chunnaic mi buaireas mòr, ach cha robh fios agam ciod e.

30 Agus thubhairt an rìgh *ris*, Tionndaidh a leth-taobh, *agus* seas an so. Agus thionndaidh e a leth-taobh, agus sheas e.

31 Agus, feuch, thàinig Cusi; agus thubhairt Cusi, Bheirear sgeul do m' thighearn, an rìgh, gu'n do shaor an Tighearn thusa an diugh à làimh nan uile a dh'érich suas a'd' aghaidh.

32 Agus thubhairt an rìgh ri Cusi, Am bheil an t-òganach Absalom tèarainte? Agus fhreagair Cusi, Gu robh naimhdean mo thighearn' an rìgh, agus iadsan uile a dh'érich suas a' d' aghaidh a dheanamh do chroin, mar a *tha* an t-òganach *sin*.

33 Agus ghluais eadh an rìgh gu mòr, agus chaidh e suas do'n t-seòmar os ceann a' gheata, agus ghul e: agus ag imeachd dha, thubhairt e mar so, A mhic Absaloin! a mhic, a mhic Absaloin! O nach mise fèin a fhuair bàs air do shon, Absaloin, a mhic, a mhic!

## CAIB. XIX.

1 *Thug Ioab air Daibhidh sgar o bhròn a dheanadh air son Absaloin. Di' iarr na h-Israelich an rìgh a thoirt air ais. 16 Fhuair Sìmei maithneas. 24 Ghabh Mephiboset a leiseul fèin. 31 Phìll Barsillai o Dhaibhidh a lean-tuinn.*

**A**GUS dh'innseadh do Ioab, Feuch, tha'n rìgh a' gul agus a' caoidh air son Absaloin.

2 Agus bha a' bhuaidh air an là sin air a tionndadh gu caoidh do'n t-sluagh uile; oir chual' an sluagh e air a ràdh air an là sin, Tha 'n rìgh fo thuirse air son a mhic.

3 Agus ghoid an sluagh air an là sin a steach do'n bhaile, mar a ghoideas sluagh air falbh agus iad fo nàire, an uair a theicheas iad ann an cath.

4 Ach dh'fholaich an rìgh 'aghaidh, agus

ghlaodh an rìgh le guth àrd, A mhic Absaloin! Absaloin, a mhic, a mhic!

5 Agus thàinig Ioab a steach a dh'ionnsuidh an rìgh do'n tigh, agus thubhairt e, Chuir thu nàire an diugh air aghaidhean do sheirbhiseach uile, a shaor d'anam an diugh, agus anaman do mhac, agus do nighean, agus anaman do bhan, agus anaman do choimhleabach:

6 A chionn gu bheil gràdh agad dhoibhsan aig am bheil fuath dhuit, agus gu bheil fuath agad dhoibhsan aig am bheil gràdh dhuit: oir nochd thu an diugh nach 'eil *suim* agad do cheannardaibh, no do sheirbhiseach: oir tha mi 'tuigsinn an diugh, nam bitheadh Absalom beò, agus nam bitheamaidne uile marbh an diugh, an sin gu'm bithcadh e ceart a'd' shùilibh.

7 A nis uime sin éirich, falbh a mach, agus labhair gu caoimhneil ri d' sheirbhiseach: oir bheireamsa mo mhionnan air an Tighearn, mur téid thu mach, naeh fan duine maille riut an nochd: agus bithidh sin nìs miosa dhuit na gach oile a thàinig ort o d'èige gus a nis.

8 An sin dh'érich an rìgh, agus shuidh e anns a' gheata. Agus dh'innis iad do'n t-sluagh uile, ag ràdh, Feuch, tha'n rìgh 'n a shuidhe anns a' gheata: agus thàinig an sluagh uile 'am fianuis an rìgh. Agus theich Israel, gach fear a dh'ionnsuidh a bhùtha.

9 Agus bha'n sluagh uile ri connsachadh air feadh uile threubhan Israeil, ag ràdh, Theasairg an rìgh sinn à làimh ar naimhdean, agus shaor e sinn à làimh nam Philisteach, agus a nis tha e air teicheadh as an tìr roimh Absalom.

10 Agus fhuair Absalom, a dh'ung sinn os ar ceann, bàs anns a' chath: a nis ma ta c'ar son a tha sibh tosdach mu'n rìgh a thoirt air ais?

11 Agus chuir rìgh Daibhidh *fios* gu Sadoc agus gu Abiatar na sagartan, ag ràdh, Labhraibh ri seanairibh Iudah, ag ràdh, C'ar son a tha sibhse air dheireadh a thoirt an rìgh air ais d'a thigh? (agus gu'n d'thàinig cainnt Israeil uile dh'ionnsuidh an rìgh d'a thigh.)

12 Is sibhse mo bhràithrean, is sibh mo chnàmhan agus m'fheoil: c'ar son ma ta a tha sibh air dheireadh a thoirt an rìgh air ais?

13 Agus ri h-Amasa their sibh, Nach tusa mo chnàimh, agus m'fheoil? Mar sin gu'n deanadh Dia riumsa, agus tuilleadh mar an ceudna, mur bi thusa a'd' cheannard air an t-sluagh a'm' lathairs' an còmhnuidh 'an àit Ioab.

14 Agus dl'aom e cridheachan fhear Iudah uile, mar *chridhe* aoin duine; air chor as gu'n do chuir iad *am fios* so dh'ionnsuidh an rìgh, Pìll fèin agus do sheirbhiseach uile.



15 Uime sin phill an rìgh, agus thàinig e gu Iordan: agus thàinig Iudah gu Gilgal, a dh'ol 'an coinnimh an rìgh, gus an rìgh a thoirt thar Iordan.

16 Agus ghreas Simeì mac Ghera, Beniamineach, a bha o Bhahurim, agus thàinig e nuas maille ri fearaibh Iudah 'an coinnimh rìgh Daibhidh.

17 Agus bha mìle fear de Bheniamin maille ris, agus Siba òglach tighe Shaul, agus a chùig mic dheug, agus 'Fhichead seirbhiseach maille ris; agus chaidh iad thar Iordan roimh an rìgh.

18 Agus chaidh bàt-aisig a null a thoirt teachlaich an rìgh thairis, agus a dhcanamh an *ni* 'bu mhaith leis. Agus thuit Simeì mac Ghera, sìos 'am fianuis an rìgh, 'n uair a thàinig e thar Iordan;

19 Agus thubhairt e ris an rìgh, Na cuir-eadh mo thighearn eu-ceart as mo leth, agus na cuimhnich an *ni* a rium do sheirbhiseach gu h-an-dligheach air an là anns an deachaidh mo thighearn an rìgh a mach à h-Ierusalem, air chor as gu'n gabhadh an rìgh g'a chridhe e.

20 Oir tha fios aig do sheirbhiseach gu'n do pheacaich mi: uime sin, feuch, thàinig mi an diugh an ceud duine de thigh Ioseiph uile, a dh'ol sìos 'an coinnimh mo thighearn 'an rìgh.

21 Ach fhreagair Abisai mac Sheruah, agus thubhairt e, Nach cuirear air a shon so Simeì gu bàs, a chionn gu'n do mhallaich e *aon* ungta an Tighearna?

22 Agus thubhairt Daibhidh, Ciod e mo ghnòthuch-sa ribhse, a mhaca Sheruah, gu'm bitheadh sibh an diugh 'n 'ur n-eas-cairidh dhomh? an cuirear an diugh duine sam bith gu bàs ann an Israel? oir nach 'eil fhios agam gu bheil mi an diugh a'm' rìgh os ceann Israeil?

23 Agus thubhairt an rìgh ri Simeì, Cha-n fhaigh thu bàs: agus mhionnaich an rìgh dha.

24 Agus thàinig Mephiboset, mac Shaul, a nuas 'an coinneamh an rìgh, agus cha do dheasaich e a chosan, agus cha do chuir e snas air 'Fheusaig, agus cha do nigh e 'eudach o'n là anns an do thriall an rìgh, gus an là anns an d'thàinig e ris ann an sìth.

25 Agus an uair a thàinig e gu h-Ierusalem 'an coinnimh an rìgh, an sin thubhairt an rìgh ris, C'ar son nach deachaidh tu maille riumsa, a Mephiboset?

26 Agus fhreagair esan, A thighearn', a rìgh, mheall mo sheirbhiseach mi; oir thubhairt do sheirbhiseach, Cuiridh mi diollaid dhomh fèin air asail, agus marcaichidh mi oirre, agus théid mi dh'ionnsuidh an rìgh, a chionn gu bheil do sheirbhiseach bacach.

27 Agus chùl-chàin esan do sheirbhiseach ri m' thighearn an rìgh; ach *tha* mo thigh-

earn an rìgh mar aingeal Dhé: dean uime sin an *ni sin a tha* maith a'd' shùilb.

28 Oir cha robh teachlach m'athar uile ach 'n an daoibh marbha 'am fianuis mo thighearn' an rìgh; gidheadh chuir thu do sheirbhiseach 'n am measg-san a dh'ith aig do bhord fèin: ciod ma ta a' chòir a th' agamsa tuilleadh air glaothaich nìs mò ris an rìgh?

29 Agus thubhairt an rìgh ris, C'ar son a labhras tu nìs mò mu d' ghnòthuichibh? thubhairt mise, Roinnidh tusa agus Siba am fearann.

30 Agus thubhairt Mephiboset ris an rìgh, Seadh, gabhadh e an t-ìomlan, o thàinig mo thighearn an rìgh *a ris* ann an sìth d'a thigh fèin.

31 Agus thàinig Barsillai an Gileadach a nuas o Rogelin, agus chaidh e thar Iordan maille ris an rìgh, chum a chur thar Iordan.

32 A nis *bha* Barsillai 'n a dhuine ro shean, ceithir fichead bliadhna dh'aois: agus thug esan lòn do'n rìgh an uair a dh'fhan e ann am Mahanaim; oir *bu* duine ro mhòr e.

33 Agus thubhairt an rìgh ri Barsillai, Thig-sa thairis maille rium, agus beathaichidh mi thu maille rium fèin ann an Ierusalem?

34 Agus thubhairt Barsillai ris an rìgh, Cia fad a th'agamsa ri bhi beò, gu'n rachainn suas maille ris an rìgh gu h-Ierusalem?

35 *Tha* mi an diugh ceithir fichead bliadhna dh'aois: an urrainn mise dealachadh a chur cadar maith agus olc? an urrainn do sheirbhiseach na dh'itheas no na dh'òlas mi a bhlasadh? an urrainn mise tuilleadh guth fhear agus bhan a sheinneas a chluinntinn? c'ar son ma ta a bhlitheadh do sheirbhiseach fathast na cìre air mo thighearn an rìgh?

36 Théid do sheirbhiseach ré ùine bhig thar Iordan maille ris an rìgh: agus c'ar son a dh'òladh an rìgh sin dhomhsa le leithid so de luigheachd?

37 Leig le d' sheirbhiseach, guidheam ort, pilltinn air ais, a chum gu'm faigh mi bàs ann mo blaile fèin, làimh ri uaigh m'athar, agus mo mhàthar: ach, feuch, rachadh do sheirbhiseach Chimham thairis maille ri m' thighearn an rìgh, agus dean ris na *bhithas* maith a'd' shùilb.

38 Agus fhreagair an rìgh, Théid Chimham thairis maille rium, agus *ni* mi dha na *bhithas* maith a'd' shùilb; agus ge b'e *ni* a dh'iarras tusa orm, *ni* mi e dhuit.

39 Agus chaidh an sluagh uile thar Iordan, agus chaidh an rìgh thairis: agus phòg an rìgh Barsillai, agus bheannaich se e; agus phill e d'a àite fèin.

40 An sin chaidh an rìgh air aghaidh gu Gilgal, agus chaidh Chimham air aghaidh maille ris: agus thug sluagh Iudah uile thairis an rìgh, agus mar an ceudna leth sluagh Israeil.

41 Agus, feuch, thàinig fir Israeil uile dh'ionusuidh an rìgh, agus thubhairt iad ris an rìgh, 'Car son a ghoid ar bràithrean fir Iudah thu air falbh, agus a thug iad an rìgh agus a theaghlach, agus daoine Dhaibhidh uile maille ris thar Iordan?

42 Agus fhreagair fir Iudah uile fir Israeil, A chiomn gu bheil au rìgh fagus 'an dàimh dhuinne; 'car son ma ta a tha fearg oirbhse air son an ni so? an d'ith siun a' bheag o'n rìgh? no'n d'thug e tiòdhilac sam bith dhuinn?

43 Agus fhreagair fir Israeil fir Iudah, agus thubhairt iad, *Tha* deich carrannan againne anns an rìgh, agus *tha* mar an ceudna tuilleadh *còir* againn ann an Daibhidh na th'againhse: 'car son ma ta a rinn sibh tàir oirne? agus nach b'e ar gnothuch-ne an toiseach ar rìgh a thubhairt air ais? Agus bu ghaireg briathran fhear Iudah na briathran fhear Israeil.

## CAIB. XX.

1 *Rinn Seba agus fir Israeil ceannairc an aghaidh Dhaibhidh.* 10 *Mharbh Ioab Amasa: 14 agus chaidh e air tòir Sheba gu Abel.* 16 *Shaoir bean ghlic ann baile le ceann Sheba a thoirt do Ioab.* 23 *Luchd-dreuchd Dhaibhidh.*

**A**GUS thachair gu'n robh duine an sin le Belial, do 'm b'ainm Seba, mac Bhichri, Benamineach; agus shéid e trompaid, agus thubhairt e, Cha-n'eil againne cuibhrionn sam bith ann an Daibhidh, agus cha-n'eil oighreachd sam bith againn ann am mac Iese: gach fear a dh'ionnsuidh a bhùtha, O Israeil.

2 Agus chaidh gach duine de Israel suas o *bhi* 'n déigh Dhaibhidh, agus lean iad Seba mac Bhichri: ach dh'ith-leann daoine Iudah r'an rìgh, o Iordan eadhon gu h-Ierusalem.

3 Agus thàinig Daibhidh d'a thigh ann an Ierusalem; agus ghabh an rìgh an deichnear bhan, a choimhleabaich, a dh'fhàg e a ghleidheadh an tighe, agus chuir e ann an gainntir iad, agus bheathaich e iad, ach cha deachaidh e stigh d'an ionnsuidh; agus bha iad air an druicheadh suas gu là am bàis, a' caitheamh am beatha ann am bantrachas.

4 An sin thubhairt an rìgh ri Amasa, Cruinnich dhomhsa fir Iudah 'an ceann thri làithean, agus seas féin an so.

5 Agus dh'fhalbh Amasa a chruinneachadh fhear Iudah: ach dh'fhan e ni b'fhaide na'n t-àm suidhichte a shònraich esan dha.

6 Agus thubhairt Daibhidh ri Abisai, A nis ni Seba, mac Bhichri, tuille croin duinn na rinn Absalom: gabh thusa seirbhisich do thighearna, agus falbh air a thòir, air eagal gu'm faigh e dha féin bailtean daingnichte, agus gu'n téid e as uainn.

7 Agus chaidh a mach 'n a dhéigh fir Ioaib, agus na Ceretich, agus na Pelctich,

agus na fir threuna uile: agus chaidh iad a mach á h-Ierusalem, a dhol air tòir Sheba, mhic Bhichri.

8 An uair a bha iad aig a' chloich mhòir a tha ann an Gibeon, thàinig Amasa rompa. Agus bha Ioab crioslaichte le falluinn a chuir e uime, agus oirre sin crios le claidheamh ceangailte air a leis 'n a thruaill; agus an uair a chaidh e air aghaidh, thuit e aiste.

9 Agus thubhairt Ioab ri Amasa, Am bheil thu slà, a bhràthair? Agus ghlac Ioab le 'dheas làimh Amasa air fheusaig, a thabhairt pòige dha.

10 Ach cha d'thug Amasa fainear an claidheamh a bha ann an làimh Ioaib: agus bhuail e leis e fo 'n chùigeamh *aisinn*, agus leig e mach a mhionach a dh'ionnsuidh an làir, agus cha do bhuail e ris e; agus fhuair e bàs. Agus chaidh Ioab, agus a bhràthair Abisai, air tòir Sheba, mhic Bhichri.

11 Agus sheas fear de òganaich Ioaib làimh ris, agus thubhairt e, Esan leis an ionnmhuinn Ioab, agus esan a tha le Daibhidh, leanadh e Ioab.

12 Agus bha Amasa 'g a aonair ann am fuil 'am meadhon an rathaid mhòir. Agus an uair a chunnaic an duine gu'n d'fhan an sluagh uile 'n an seasamh, dh'atharraich e Amasa o'n rathad mhòr do'n achadh, agus thilg e cudach air, an uair a chunnaic e gu'n d'fhan gach neach a thàinig làimh ris 'n an seasamh.

13 An uair a dh'atharraicheadh e o'n rathad mhòr, chaidh au sluagh uile air an aghaidh an déigh Ioaib, a dhol air tòir Sheba mhic Bhichri.

14 Agus chaidh e air feadh uile threubhan Israeil gu h-Abel Bhetmaacah, agus na Berich uile: agus chruinnicheadh iad 'an ceann a chèile, agus chaidh iad mar an ceudna 'n a dhéigh.

15 Agus thàinig iad, agus theannaich iad e ann an Abel Bhetmaacah, agus chuir iad suas torr an aghaidh a' bhàile, agus sheas e làimh ris a' bhalla: agus rinn an sluagh uile a bha maille ri Ioab an dichioil air a' bhalla a leagadh sìos.

16 An sin ghlaodh bean ghlic a mach as a' bhàile, Eisdibh, éisdibh; abraibh, guidheam oirbh, ri Ioab, Thig am fagus an so, agus labhraidh mi riut.

17 Agus an uair a thàinig e 'm fagus d'i, thubhairt a' bhean, an tu Ioab? Agus fhreagair esan, Is mi. An sin thubhairt i ris, Eisd ri briathraibh do bhanoglaich. Agus fhreagair esan, Tha mi ag éisdeachd.

18 An sin labhair i, ag ràdh, Gu cinnteach labhair iad an toiseach, ag ràdh, Gu deimhin iarraidh iad sìth air Abel: agus mar sin crìochnaichidh iad an gnothuch.

19 Is aon mise dhiubhsan a tha sìochail agus firinneach ann an Israel: ach ~~tha~~



thusa ag iarraidh baile a sgrìos, agus màthair ann an Israel. 'Car son a shluigeas tu suas oighreachd an Tighearna?

20 Agus fhreagair Ioab agus thubhairt e, Gu ma fada, fada sin uamsa, gu'n sluiginn suas, no gu'n sgrìosainn.

21 Cha-n ann mar sin a tha an gnothuch: aeh thog duine de shliabh Ephraim, d'an ainm Seba mac Bhichri, a làmh suas an aghaidh an rìgh, an aghaidh Dhaibhidh: thugaibh esan a mhàin thairis, agus imichidh mi o'n bhaile. Agus thubhairt a' bhean ri Ioab, Feuch, tilgear a cheann a d' ionnsuidh thar a' bhalla.

22 An sin chaidh a' bhean a dh'ionnsuidh an t-sluaigh uile 'n a gliocas: agus ghearr iad ceann Sheba mhic Bhichri dheth, agus thilg iad a mach e dh'ionnsuidh Ioab: agus shéid e trompaid, agus chaidh iad air falbh o'n bhaile, gach fear a dh'ionnsuidh a bhùtha. Agus phill Ioab do Ierusalem a dh'ionnsuidh an rìgh.

23 A nis bha Ioab os ceann armailte Israeil uile: agus bha Benaiah mac Iehoiada os ceann nan Cereteach, agus os ceann nam Peleteach:

24 Agus bha Adoram os ceann na cìse: agus bha Iehosaphat mac Ahiluid 'n a shean-achaidh:

25 Agus bha Sebha 'n a sgrìobhaiche: agus b'iad Sadoc agus Abiatar na sagartan:

26 Agus mar an ceudna bha Ira an Iair-each 'n a àrd riaghlair aig Daibhidh.

#### CAIB. XXI.

1 *Squir a' ghorta a bha 's an tìr 'n uair a chroch na Gibeonaich seachdnar de mhic Shaul.* 12 *Dh'adhlac Daibhidh cnàmhan Shaul agus Ionatain.* 15 *Chog seirbhìsich Dhaibhidh an aghaidh nam Philisteach.*

**A**GUS bha gorta ann an làithibh Dhaibhidh, ré thri bliadhna, bliadhna 'n deigh bliadhna. Agus dh'fhiosraich Daibhidh de'n Tighearn, agus fhreagair an Tighearn, *Is ann air son Shaul, agus air son a thighe fhuilceachdaich a tha i*, a chionn gu'n do mharbh e na Gibeonaich.

2 Agus ghairn an rìgh air na Gibeonaich, agus thubhairt e ri u: (a nis cha robh na Gibeonaich de chloinn Israeil, ach de iarmad nan Amorach; agus thug clann Israeil miannan doibh: agus dh'iarr Saul am marbhadh, 'n a eud air son chloinn Israeil agus Iudah:)

3 Uime sin thubhairt Daibhidh ris na Gibeonaich, Ciod a ni mi air bhuir son? agus cia leis a ni mi an réite, a chum gu'm beannaich sibh oighreachd an Tighearna?

4 Agus thubhairt na Gibeonaich ris, Cha bhi againne airgid no òr o Shaul, no o a thigh; agus air ar soinne cha mharbh thu duine sam bith ann an Israel. Agus thubhairt esan, *An ni a their sibh, ni mise dhuibh.*

5 Agus fhreagair iad an rìgh, An duine a chuir as duinn, agus a smuainich 'n ar n-aghaidh sinn a bhi air ar sgrìos, air chor as nach fanamaid ann an crìch air bith de Israel;

6 Thugar dhuinn seachdnar d'a mhic-san, agus crochaidh sinn suas iad do'n Tighearn, ann an Gibeah Shaul, a thagh an Tighearn. Agus thubhairt an rìgh, Bheir mi *dhuibh iad.*

7 Ach chaomhain an rìgh Mephiboset mac Ionatain, mhic Shaul, air son mhiomnan an Tighearn: a bha eatorra, eadar Daibhidh agus Ionatan mac Shaul.

8 Ach ghabh an rìgh dà mhac Rispah nighean Aiah, a rug i do Shaul, Armoni agus Mephiboset; agus cuigear mhac Mheroib nighean Shaul, a rug i do Adriel mac Bharsillai a' Mheholataich;

9 Agus thug e thairis iad do làimh nan Gibeonach, agus chroch siad iad anns an t-sliabh 'am fianuis an Tighearna: agus thuit an t-seachdnar sin cuideachd, agus chnir-eadh gu bàs iad ann an ceud làithibh an fhogharaidh, ann an toiseach fogharaidh an corna.

10 Agus ghabh Rispah nighean Aiah saic-eudach, agus sgaoil i dhi féin e air a' charr-aig, o thoiseach an fhogharaidh gus an do shìl uisge orra o nèamh: agus cha do leig i le eunlaith an athair fois a ghabhail orra 's an là, no do fhiadh-bheathaichibh na macharach 's an oidheche.

11 Agus dh'innseadh do Dhaibhidh ciod a rinn Rispah, nighean Aiah, coimhleabach Shaul.

12 Agus dh'fhalbh Daibhidh, agus thug e o dhaoimibh Iabeis-ghilead cnàmhan Shaul, agus cnàmhan a mhic Ionatain, a ghoid iad o shràid Bhet-sain, far an do chroch na Philistich iad, anns an là air an do mharbh na Philistich Saul ann an Gilboa:

13 Agus thug e nìos as a sin cnàmhan Shaul, agus cnàmhan Ionatain, a mhic: agus chruinnich iad cnàmhan na muinntir a chrochadh.

14 Agus dh'adhlac iad cnàmhan Shaul, agus a mhic Ionatain, ann an tìr Bheniamin ann an Selah, ann an àit-adhlacaidh Chis 'athar. Agus rinn iad gach ni a dh'aithean an rìgh: agus 'n a dhéigh sin bha Dia réidh ris an tìr.

15 Agus bha cogadh aig na Philistich fathastri Israel; agus chaidh Daibhidh sìos agus a sheirbhìsich maille ris, agus chog iad ris na Philistich; agus dh'fhàs Daibhidh sgèth.

16 Agus thubhairt Isbi-benob, a bha de shliochd an fhamhair, (agus aig am b'e cothrom cinn a shleagha tri cheud seel umha, agus e crioslaichte le crios ùr), gu'm marbhadh e Daibhidh.

17 Ach rinn Abisai mac Sheruah còmh-nadh ris, agus bhuail e am Philisteach, agus

mharbh se e. An sin mhionnaich fir Dhaibhidh dha, ag ràdh, Cha téid thu mach nì's mò maille ruinne gu cath, chum nach cuir thu as lòchran Israeil.

18 Agus 'u a dhéigh so bha cath a ris ann an Gob ris na Philistich: an sin bhuail Sibeclai an Husatach Saph, a *bha* de shliochd an fhamhair.

19 Agus bha ris cath ann an Gob ris na Philistich: agus bhuail Elhanan mac Iare-oregim Lahmi bràthair Gholiath a' Ghitich; agus *bha* crann a shleagha mar gharinan figheadair.

20 Agus bha fathast cath ann an Gat, far an robh fear de mheud *mhoir*, agus sè meoir aige air gach làimh, agus sè meoir air gach cois, ceithir thar fhichead 'an àireamh; agus rugadh esan mar an ceudna do'n fhamhair.

21 Agus an uair a thug e dùbhlán do Israeil, mharbh Ionatan, mac Shimeah, bràthar Dhaibhidh e.

22 Rugadh a' cheathrar sin do'n fhamhair ann an Gat, agus thuit *iad* le làimh Dhaibhidh, agus le làimh a sheirbhiseach.

## CAIB. XXII.

1 *Laoidh bhuidheachais le Daibhidh do bhrìgh gu'n do shaor an Tighearn e á làimh a naimhdean.*

**A**GUS labhair Daibhidh ris an Tighearn b'riathran na laoidhe so, anns an là air an do shaor an Tighearn e á làimh a naimhdean uile, agus á làimh Shaul:

2 Agus thubhairt e, *Is e 'n* Tighearn mo charraig, agus mo dhaingneach, agus mo shlanuidhear.

3 *Is e* Dia mo charraig; earbaidh mi as: mo sgiath agus adharc mo shlàinte, mo thùr ard agus mo dhìdean: m'fhear-saoraidh; o ainneart saoraidh tusa mi.

4 Gairmidh mi air an Tighearn, *a's* airidh air cliù; agus o m' naimhdeb saorair mi.

5 Oir chuairtich tonnan a' bhàis mi: chuir tuithean dhroch dhaoine eagail orm.

6 Dh'iadh cuird ifrinn mu m' thimchioll: ghabh lìontan a' bhàis romham.

7 A'm' aire ghairm mi air an Tighearn, agus ri m' Dhia ghlaodh mi, agus chual' e o 'theampull mo ghuth, agus ràinig mo ghlaodh a chluasan.

8 Agus chrathadh agus chriothnaich an talamh: ghluaiseadh bunaiten nan nèamh agus chrathadh iad, a chionn gu'n robh fearg air.

9 Chaidh deatach suas o 'shròin, agus loisg teine as a bheul: lasadh éibhlean leis.

10 Agus lùb e a nèamhan, agus thàinig e nuas; agus dorchadas fo 'chosaibh.

11 Agus mharcaich e air cherub, agus chaidh e air iteig: agus dh'itealaich e air sgiathaibh na gaoithe.

12 Agus rinn e dorchadas 'n a phàillion-aibh m'a thimchioll, comh-chruinneachadh nan uisgeachan, neoil thugha nan speur.

13 Leis an dealradh a bha fa 'chomhair lasadh éibhlean teine.

14 Rinn an Tighearn tairneanach o na nèamhan, agus leig an Ti a's àird' a ghuth a mach.

15 Agus chuir e mach saighdean, agus sgap e iad; dealanach agus chlaoidh e iad.

16 Agus leigeadh ris aigean na fairge, nochdadh bunaiten an domhain, le ach-mhasan an Tighearna, le séideadh anail' a shròine.

17 Chuir e nuas o'n àird', ghlac e mi; tharruing e mi á mòran uisgeachan.

18 Shaor e mi o m' nàmhaid làidir, uathas an dh'fhuathaich mi; oir bu treise iad na mise.

19 Ghabh iad romham ann an là m'àmhghair; ach b'e 'n Tighearn mo chùl-taice.

20 Agus thug e mach mi gu ionad farsaing: shaor e mi, a chionn gu'n do ghabh e tlachd annam.

21 Thug an Tighearn luigheachd dhomh a réir m'ionracais: a réir gloine mo làmh dhiol e dhomh.

22 Oir ghléidh mi slighean an Tighearn', agus o m' Dhia cha do chlaon mi gu h-aingidh.

23 Oir *bha* a bhreitheanais uile a'm' fhianuis: agus a reachdan cha do chuir mi uam.

24 Agus bha mi ionraic 'n a fhianuis, agus ghléidh mi mi féin o m' aingidheachd.

25 Uime sin dhiol an Tighearn dhomh a réir m'ionracais, a réir mo ghloine ann an sealladh a shùil.

26 Do'n duine thròcaireach nochdaidh tu thu féin thròcaireach, agus do'n duine ionraic nochdaidh tu thu féin ionraic.

27 Do'n duine ghlan nochdaidh tu thu féin glan, agus do'n duine reasgach nochdaidh tu thu féin reasgach.

28 Agus an shuagh a *tha* fo àmhghar saoraidh tu: ach *tha* do shùilean an aghaidh nan uaibhreach; bheir thu nuas *iad*.

29 Oir lasaidh tusa mo lòchran, a Thighearna: agus soillsichidh an Tighearn mo dhorchadas.

30 Oir leatsa ruith mi troimh bhuidhinn: le m' Dhia leum mi thar balla.

31 *A thaobh* Dhé, *tha* a shlighe ionlan; *tha* focal an Tighearn' air a dhearbhadh: *is* sgiath e dhoibhsan uile a chuireas an dòchas ann.

32 Oir cò *a's* Dia ann ach an Tighearn? agus cò *a's* carraig ann ach ar Dia-ne?

33 Is e Dia mo neart agus mo chumhachd; agus *tha* e 'deanamh mo shlighe ionlan.

34 *Tha* e 'deanamh mo chlos mar *chosan* éilde: agus air m'aitibh àrda socraichidh e mi.

35 *Tha* e a' teagasg mo làmh gu cath, air chlor as gu'm brisear bogha umha le m' ghairdeinibh.



36 Agus thug thu dhomh sgiath do shlàinte: agus rinn do chaoimhneas mòr mi.

37 Rinn thu mo cheum farsaing fodham, air chor as nach do shleamhaich mo chosan.

38 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

39 Agus lot mi iad, agus cha-u éirich iad; agus thuit iad fo m' chosaibh.

40 Oir chrioslaich thu mi le neart chum catha: leag thu iadsan a dh'éirich suas a'm aghaidh, sìos fodham.

41 Agus mo naimhdean thug thu dhomh air mhuineal; iadsan a dh'fhuathaich mi, agus ghearr mi as iad.

42 Sheall iad, agus cha robh fear-saoraidh ann; eadhon a dh'ionnsuidh au Tighearn, ach cha do fhreagair e iad.

43 An sin mhin-phronn mi iad mar dhuslach na talmhainn; mar chlàbar na sràide bhrùth mi iad, leudaich mi a mach iad.

44 Agus shaor thu mi o chomhstri mo shluaigh; ghléidh thu mi gu bhi 'm cheann air ua cinnich: ni sluagh nach b'aithne dhomh seirbhis dhomh.

45 Strìochdaidh coigrich sìos dhomh: co luath 's a chluinneas iad, géillidh iad dhomh.

46 Seargaidh coigrich as, agus bithidh eagal orra a mach as an àitibh-daingne.

47 Is beò an Tighearn, agus gu ua beannaichte mo charraig-sa: agus air 'ardachadh gu robh Dia, carraig mo shlàinte.

48 Is e Dia a ni dioghaltas air mo shonsa, agus a chuireas sìos an sluagh fodham,

49 Agus a bheir a mach mi o m' naimhidh: agus os an ceann-san a dh'éirich suas a'm aghaidh thog thu suas mi; o fhear an ainneirt shaor thu mi.

50 Uime sin clùthaichidh mi thu a Thighearn, am measg nan cinneach, agus do d'ainm seinnidh mi.

51 Bheir esan saorsa mhòr d'a rìgh, agus nochdaidh e tròcair d'a aon ungta féin, do Dhaibhidh, agus d'a shliochd gu bràth.

## CAIB. XXIII

1 'N a bhriathraibh deireannach chair Daibhidh 'an cèill sonas an duine ionraic, agus sgrìos an aingidh. 8 Ainmean a dhaoine treuna.

**A**NIS is iad so briathran deireannach Dhaibhidh. Thubhairt Daibhidh mac Iese, agus thubhairt an duine a chuireadh suas gu h-àrd, aon ungta Dhé Iacobi, agus salmadair binn Israeil;

2 Labhair spiorad au Tighearna tromham-sa, agus 'fhocal air mo theangaidh.

3 Thubhairt Dia Israeil, labhair carraig Israeil riumsa: *Bithidh* esan a riaghlas os ceann dhaoine ceart, a' riaghladh ann an eagal Dhé:

4 Agus mar sholus na maidne 'n uair a dh'éireas a' ghrian, maidne gun neoil; mar

am fear *a'fàs* as an talamh le dealradh an déigh uisge.

5 Ged nach 'eil mo thigh mar sin aig Dia, gidheadh rinn e coimhcheangal sìorruidh riumsa, air a shuidheachadh anns gach *ni*, agus a choimhdear: oir *is e* so mo shlàinte uile, agus *mo* mhiann uile, ged uach 'eil e 'toirt air fàs.

6 Ach *bithidh* mic Bheilail uile mar dhroighionn a thilgear air falbh, a chionn nach glacar le làimh iad:

7 Ach am fear a bheanas riu, dìonar e le h-iarunn, agus le crann sleagha; agus le teine loisgear gu tur iad far am fàs iad.

8 *Is* iad so ainmean nan daoine treuna a bha aig Daibhidh: Iasobeam, mac Hachmoni, 'n a cheann air triuir; thog esan a shleagh an aghaidh thri ceud, a mharbhadh leis 's an aon àm.

9 Agus 'n a dhéigh-san bha Eleasar mac Dhodo an t-Ahobach, aon de'n triuir dhaoine treuna a bha maille ri Daibhidh, an uair a thug iad dùbhlán do na Philistich a chruinnicheadh an sin gu cath, agus a dh'imich fir Israeil rompa.

10 Dh'éirich esan agus bhuail e na Philistich gun robh a làmh sgith, agus gu'n do lean a làmh ris a' chlaidheamh. Agus dh'oibrich an Tighearn saorsa mhòr air an là sin; agus phill an sluagh 'n a dhéigh a mhàin a chreachadh.

11 Agus 'n a dhéigh-san bha Samah, mac Agee, an Hararach. Agus chruinnicheadh na Philistich 'n am buidhinn, far an robh mìr fearainn làn de ghall-pheasair: agus theich an sluagh roimh na Philistich.

12 Ach sheas esan 'am meadhan an fhearainn, agus dhion se e, agus bhuail e na Philistich: agus dh'oibrich an Tighearn saorsa mhòr.

13 Agus chaidh triuir de na deich ceannardan ficead sìos, agus thàinig iad 'an àm an fhogharaidh a dh'ionnsuidh Dhaibhidh, do uaimh Adullaim: agus champaich buidheann nam Philisteach ann an gleann Rephaim.

14 Agus bha Daibhidh an sin ann an daingneach, agus bha freiceadan nam Philisteach an sin ann am Bet-lehem.

15 Agus mhiannaich Daibhidh, agus thubhairt e, O gu'n tugadh fear-éigin dhomh deoch uisge o thobar Bhet-lehem, a tha làimh ris a' gheata!

16 Agus bhris an triuir dhaoine treuna stigh troimh fheachd nam Philisteach, agus tharruing iad uisge á tobar Bhet-lehem, a bha làimh ris a' gheata, agus ghabh iad e, agus thug iad leo e dh'ionnsuidh Daibhidh: gidheadh cha b'aill leis òl deth ach thaom e mach e do'n Tighearn.

17 Agus thubhairt e, Gu ma fada uamsa, a Thighearna, so a dheanamh: an *dàinnse* fuil nan daoine a chaidh ann an cunuart an anama? uime sin cha b'aill leis òl deth.

Na nithean sin rinn an triuir dhaoine treuna.

18 Agus bha Abisai bràthair Ioaib, mac Sheruah, 'n a cheann air triuir; agus thog e suas a shleagh an aghaidh thri ceud, a mharbh e; agus fhuair e ainm am measg thriuir.

19 De'n triuir nach b'e a b'urramaiche? uime sin bha e 'n a cheannard orra: gidheadh, cha do ràinig e gu ruig a' cheud triuir.

20 Agus mharbh Benaiah mac Iehoiada, mhic duine ghaisgeil, o Chabseel, a rinn mòran ghnìomharan, mharbh esan dithis fhear leòmhanaid de Mhoab: chaidh e sìos mar an ceudna, agus mharbh e leòmhnan ann am meadhan sluichd 'an àm sneachda.

21 Agus mharbh e Eiphiteach, duine comh-araichte: agus ann an làimh an Eiphitich bha sleagh; ach chaidh esan sìos d'a ionnsuidh le luirg, agus spòn e 'n t-sleagh á làimh an Eiphitich, agus mharbh e le'shleagh féin e.

22 Na nithean sin rinn Benaiah mac Iehoiada; agus bha ainm aige am measg triuir dhaoine treuna.

23 De'n triuir b'e a b'urramaiche, ach cha d'ràinig e gu ruig a' cheud triuir: agus chuir Daibhidh e os ceann a fhreiceadain.

24 Bha Asahel bràthair Ioaib am measg an deich thar fhichead, Elhanan mac Dhodo o Bhet-lehem.

25 Samah an Harodach, Elica an Harodach,

26 Heles am Paltach, Ira mac Iceis an Tecoch,

27 Abieser an t-Anetotach, Mebunai an Husatach,

28 Salmon an t-Ahohach, Maharai an Netophatach,

29 Heleb mac Bhaanah, an Netophatach Itai mac Ribai o Ghibeah chloinn Bheniamin,

30 Benaiah am Piratonach, Hidaì o shruthaibh Ghaais,

31 Abialbon an t-Arbatach, Asmabhet am Barhumach,

32 Eliabha an Saalbonach: de mhic Iasein, Ionatan,

33 Samah an Hararach, Ahiam mac Sharair an Hararach,

34 Eliphelet mac Ahasbai, mhic a' Mhaachataich, Eliam mac Ahitopleil an Gilonach,

35 Hesrai an Carmeach, Paarai an t-Arbach,

36 Ígal mac Natain o Shobah, Bani an Gadach,

37 Seleac an t-Amonach, Naharai am Beerotach, fear iomchair arm Ioaib, mhic Sheruah,

38 Ira an t-Itreach, Gareb an t-Itreach,

39 Urialh an Hiteach: seachd deug thar fhichead uile.

## CAIB. XXIV.

1 Chuir Daibhidh Ioaib a ghabhail dìreimh Israel, 13 Air son so tha plàigh am measg an t-sluaigh. 15 Bhàsaich deich agus trì fichead mìle fear leis a' phlàigh. 18 Thog Daibhidh altair, ann an urlar-bualaidh Araunah.

**A** GUS a ris las fearg an Tighearn' an aghaidh Israel, agus bhrosnaich e Daibhidh 'n an aghaidh, a ràdh, Fàlbh, gabh àireamh Israel agus Iudah.

2 Oir thubhairt an rìgh ri Ioaib ceannard an t-slàigh, a bha maille ris, Imich a nis air feadh uile threubhan Israel, o Dhan eadhon gu Beerseba, agus gabh àireamh an t-sluaigh, a chum gu'm bi fios àireimh an t-sluaigh agam.

3 Agus thubhairt Ioaib ris an rìgh, A nis gu'n cuireadh an Tighearn do Dhia ris an t-sluaigh, (ge b'e ciod an àireamh a th'ann diubh.) fathast a' cheud uibhir, agus gu'm faiceadh sùilean mo thighearn' an rìgh e: ach car son tha mo thighearn an rìgh a' gabhail tlachd anns an nì so?

4 Gidheadh, bhuadhaich focal an rìgh an aghaidh Ioaib, agus an aghaidh cheannardan an t-slàigh: agus chaidh Ioaib agus ceannardan an t-slàigh a mach á fianuis an rìgh, a ghabhail àireimh sluaigh Israel.

5 Agus chaidh iad a null thar Iordan, agus champaich iad ann an Aroer, air taobh mu dheas a' bhaile, a tha ann am meadhon aimhne Ghad, agus leth ri Gaser:

6 An sin thàinig iad gu Gilead, agus gu fearann ìochdarach Hodsì; agus thàinig iad gu Dan-iaan, agus mu'n cuairt gu Sidon,

7 Agus thàinig iad gu daingneach Thiruis, agus gu uile bhailtibh nan Hibheach, agus nan Canaanach; agus chaidh iad a mach do'n taobh mu dheas de Iudah, gu Beerseba.

8 Agus an uair a chaidh iad air feadh na tìre uile, thàinig iad gu h-Ierusalem 'an ceann naoi mìosan agus fhichead là.

9 Agus thug Ioaib suas làn àireamh an t-sluaigh do'n rìgh: agus bha ann de Israel ochd ceud mìle fear gaisgeil a tharruing claidheamh, agus de fhearaibh Iudah cùig ceud mìle fear.

10 Agus bhuail cridhe Dhaibhidh e, an dèigh dha'n sluagh àircamh: agus thubhairt Daibhidh ris an Tighearn, Pheacaich mi gu mòr anna an nì a rinn mi: agus a nis, a Thighearna, guidheam ort, thoir air cionta do sheirbhisich dol seachad, oir rinn mi gu ro amaideach.

11 Agus dh'èirich Daibhidh anns a' mhaduinn, agus thàinig focal an Tighearna dh'ionnsuidh an fhàidh Ghad, fir-seallaidh Dhaibhidh, ag ràdh,

12 Fàlbh agus abair ri Daibhidh, Mar so thia'n Tighearn ag ràdh, Tha mi 'cur thri



*nithean* fa d' chomhair: ròghnaich dhuit fèin aon diubh, a chum gu'n dean mi riut e.

13 Agus thàinig Gad a dh'ionnsuidh Dhaibhidh, agus dh'iunnis e dha, agus thubhairt e ris, An tig tri bliadhna gorta ort ann ad thìr? no an teich thu tri mìosan roimh do naimhaidibh, agus iad 'an tòir ort? no am bi tri làithean plàigh ann ad thìr? A nis smuainich, agus faic ciod a fhrèagaireas mi dhasan a chuir uaith mi.

14 Agus thubhairt Daibhidh ri Gad, Tha mi ann an teinn mhòir: tuiteamaid a nis ann an làmh an Tighearn', oir is lìomhor a thròcairean, ach ann an làmh duine na tuiteam.

15 Agus chuir an Tighearn plàigh air Israel, o'n mhaduinn eadhon gu ruig an t-àm suidhichte: agus bhàsaich de'n t-sluagh o Dhan gu Beer-seba, deich agus tri fichead mìle fear.

16 Agus an uair a chuir an t-aingeal a mach a làmh gu h-Ierusalem g'a sgrios, ghabh an Tighearn aithreachas a thaobh an uile, agus thubhairt e ris an aingeal a sgrios an sluagh, *Is leòr e*: cum a nis air do làmh. Agus bha aingeal an Tighearna làmh ri uriar-bualaidh Araunah an Iebus-aich.

17 Agus labhair Daibhidh ris an Tighearn 'n uair a chunnaic e 'n t-aingeal a bhual an sluagh, agus thubhairt e, Feuch, is mise a pheacaich, agus is mise a rinn gu h-aingidh; ach na caoraich sin, ciod a rinn iad? bitheadh do làmh, guidheam ort, a'm' aghaidhsa, agus an aghaidh tighe n'athar.

18 Agus thàinig Gad a dh'ionnsuidh Dhaibhidh air an là sin, agus thubhairt e

ris, Gabh suas, tog altair do'n Tighearn ann an urlar-bualaidh Araunah an Iebus-aich.

19 Agus chaidh Daibhidh suas, a réir focail Ghad, mar a dh'àithn an Tighearn.

20 Agus dh'amhairc Araunah, agus chunnaic e'n rìgh agus a sheirbhiseich a' teachd air an aghaidh d'a ionnsuidh: agus chaidh Araunah a mach, agus chrom se e fèin do'n rìgh air 'aghaidh gu làr.

21 Agus thubhairt Araunah, C'ar son a thàinig mo thighearn an rìgh a dh'ionnsuidh a sheirbhiseich? Agus thubhairt Daibhidh, a cheannach uait an urlair-bhualaidh, a thogail altarach do'n Tighearn, a chum gu'n caisgear a' phlàigh o'n t-sluagh.

22 Agus thubhairt Araunah ri Daibhidh, Gabhadh, agus iòbradh mo thighearn an rìgh an *ni sin a bhitheas* maith 'n a shùilibh: feuch, *tha buar an so* chum iòbairt-loisgte, agus innealan-bualaidh, agus acfhuinn *eile* a bhuineas do'n bhuar air son connaidh.

23 Iad sin uile thug Araunah do'n rìgh. Agus thubhairt Araunah ris an rìgh, Gu'n gabhadh an Tighearn do Dhia riut.

24 Agus thubhairt an rìgh ri Araunah, Ni h-eadh; ach gu deimhin ceannaichidh mi uait *iad* air luach; agus cha-n iòbair mi iòbairtean-loisgte do'n Tighearn mo Dhia de'n ni sin a gheibh mi a nasgaidh. Agus cheannaich Daibhidh an t-urlar-bualaidh, agus am buar, air leth-cheud secel airgid.

25 Agus thog Daibhidh an sin altair do'n Tighearn, agus dh'ìobair e iòbairtean-loisgte. agus iòbairtean-sith: agus bha'n Tighearn rèidh ris an tìr, agus choisgeadh a' phlàigh o Israel.

## CEUD LEABHAR NAN RIGH,

D'AN AINM GU COITCHEANN,

### TREAS LEABHAR NAN RIGH.

#### CAIB. I.

1 *Dh'eiridinn Abisag Daibhidh 'n a shean aois.* 5 *Le còmhnaidh Ioaib ghlac Adoniah an rìoghachd.* 11 *Chuir Natan Bateba dh'ionnsuidh Dhaibhidh gu fios a thoirt da mu'n chùis so.* 38 *Le ordugh Dhaibhidh dh'ung Sadoc agus Natan Solamh.* 41 *Theich Adoniah, &c.*

**A** NIS bha rìgh Daibhidh sean, agus air teachd air aghaidh ann am bliadhnaibh; agus chòmhdaich iad e le h-eudach, gidheadh cha do ghabh e blàthas.

2 Uime sin thubhairt a sheirbhiseich ris, Iarradh iad do m' thighearn an rìgh gruagach a tha 'n a h-òigh, agus seasadh i 'am fianuis an rìgh, agus eiridheadh i e, agus luidheadh i ann ad uchd, a chum gu'n gabh an tighearn mo rìgh blàthas.

3 Uime sin dh'iarr iad gruagach mhaiseach air feadh uile chrìoch Israeil, agus fhuair iad Abisag, Ban-sunamach, agus thug iad i dh'ionnsuidh an rìgh.

4 Agus bha a' ghruagach ro mhaiseach,

agus dh'eiridinn i an rìgh, agus fluritheil i dha; ach cha d'aithnich an rìgh i.

5 An sin dh'ardaich Adoniah mac Hagit e fèin, ag ràdh, Rìoghaichidh mise: agus dh'ulluich e dha fèin carbaid, agus mar-shluagh, agus leth-cheud fear a ruith roimhe.

6 Agus cha do chuir 'athair doilgheas air air sam bith, ag ràdh, 'Car son a rinn thu mar so? Agus bha esan mar an ceudna ro mhaiseach 'n a dhealbh; agus rugadh e an dèigh Absaloim.

7 Agus bha comhludair aige ri Ioab mac Sheruah, agus ri Abiatar an sagart: agus a' leantuinn Adoniah, rinn iad comhnadh ris.

8 Ach cha robh Sadoc an sagart, agus Benaiah mac Iehoiada, agus Natan am fàidh, agus Simeì, agus Reì, agus na fir threuna, a bhuineadh do Dhaibhidh, maille ri Adoniah.

9 Agus dh'ìobair Adoniah caoraich agus buar, agus *spréidh* reamhar làimh ri cloich Sholehet, a tha làimh ri Enrogel; agus thug e cuireadh d'a bhràithribh uile, mic an rìgh, agus do fhearibh Iudah uile, seirbhisich an rìgh.

10 Ach do Natan am fàidh, agus do Bhenaiiah, agus do na fir threuna, agus do Sholamh a bhràthair, cha d'thug e cuireadh.

11 Uime sin labhair Natan ri Batseba màthair Sholaimh, ag ràdh, Nach cuala tu gu bheil Adoniah mac Hagit a' rìoghachadh, agus cha-n'eil fhios aig ar tighearn Daibhidh air?

12 A nis ma ta, leig dhomhsa, guidheam ort, comhairle a thabhairt ort, a chum gu'n saor thu d'anam fèin, agus anam Sholaimh do mhic.

13 Inich, agus gabh a steach gu rìgh Daibhidh, agus abair ris, Nach d'thug thusa, mo thighearn, a rìgh, mionnan do d' bhanoglaich, ag ràdh, Gu deimhin rìoghaichidh Solamh do mhac a'm' dhéigh-sa, agus suidhidh e air mo rìgh-chaitheir-sa? 'Car son ma seadh a tha Adoniah a' rìoghachadh?

14 Feuch, am feadh a bhitheas tusa fathast a' labhairt an sin ris an rìgh, thig mise mar an ceudna steach a'd' dhéigh, agus daingnichidh mi do bhrìathran.

15 Agus chaidh Batseba a steach a dh'ionnsuidh an rìgh, do'n t-seòmar: agus bha'n rìgh ro shean; agus fluritheil Abisag a' Bhan-sunamach do'n rìgh.

16 Agus chrom Batseba sìos, agus rinn i ùmhlaich do'n rìgh. Agus thubhairt an rìgh, Ciod a's àill leat?

17 Agus thubhairt ise ris, Mo thighearna, mhionnaich thu air an Tighearn do Dhia do d' bhanoglaich, ag ràdh, Gu cinnteach rìoghaichidh Solamh do mhac a'm' dhéigh-sa, agus suidhidh e air mo rìgh-chaitheir-sa:

18 Agus a nis, feuch, tha Adoniah a' rìogh-

achadh, agus agad-sa, mo thighearn, a rìgh, cha-n'eil fios air.

19 Agus dh'ìobair e buar, agus *spréidh* reamhar, agus caoraich gu lionmhor, agus thug e cuireadh do mhic an rìgh uile, agus do Abiatar an sagart, agus do Ioab ceannard an t-slòigh; ach do d'òglach Solamh cha d'thug e cuireadh.

20 Agus a nis mo thighearn, a rìgh, tha suilean Israel uile ort, a chum gu'n innseadh tu dhoibh cò a shuidheas air rìgh-chaitheir mo thighearn an rìgh 'n a dhéigh fèin.

21 Oir, *mur innis*, tarlaidh 'n uair a choidleas mo thighearn an rìgh maille r'a aithrichibh, gu'm measar mise agus mo mhac Solamh 'n ar ciotaich.

22 Agus, feuch, am feadh a bha i fathast a' labhairt ris an rìgh, thàinig Natan am fàidh mar an ceudna a steach.

23 Agus dh'innis iad do'n rìgh, ag ràdh, Feuch, Natan am fàidh. Agus an uair a thàinig e steach 'am fianuis an rìgh, chrom se e fèin do'n rìgh le 'aghaidh gu làr.

24 Agus thubhairt Natan, Mo thighearn, a rìgh, an d'thubhairt thusa, Rìoghaichidh Adoniah a'm' dhéigh-sa, agus suidhidh esan air mo rìgh-chaitheir?

25 Oir chaidh e sìos an diugh, agus dh'ìobair e buar, agus *spréidh* reamhar, agus caoraich gu lionmhor; agus thug e cuireadh do mhic an rìgh uile, agus do cheannardaibh an t-slòigh, agus do Abiatar an sagart; agus, feuch, tha iad ag itheadh agus ag òl 'n a làthair, agus their iad, Gu ma fada beò an rìgh Adoniah.

26 Ach dhomhsa, *eadhon* dhomhsa do sheirbhisich, agus do Shadoc an sagart, agus do Bhenaiiah mac Iehoiada, agus do d'òglach Solamh cha d'thug e cuireadh.

27 An ann le m' thighearn an rìgh a rinn-eadh an ni so, agus nach d'thug thu fios do d' sheirbhisich co a shuidheas air rìgh-chaitheir mo thighearn an rìgh 'n a dhéigh fèin?

28 Agus fhreagair rìgh Daibhidh, agus thubhairt e, Gairmibh do m' ionnsuidh Batseba. Agus thàinig i an làthair an rìgh, agus sheas i 'am fianuis an rìgh.

29 Agus mhionnaich an rìgh, agus thubhairt e, *Mar* is beò an Tighearn, a shaor m'anam as gach airc,

30 Amhuil mar a mhionnaich mi dhuit air an Tighearn Dia Israeil, ag ràdh, Gu deimhin rìoghaichidh do mhac Solamh a'm' dhéigh-sa, agus suidhidh e air mo rìgh-chaitheir a'm' àite; gu cinnteach is ann mar sin a ni mi an diugh.

31 An sin chrom Batseba sìos le 'h-aghaidh gu làr, agus rinn i ùmhlaich do'n rìgh, agus thubhairt i, Maireadh mo thighearn rìgh Daibhidh gu bràth.

32 Agus thubhairt rìgh Daibhidh, Gairmibh do m' ionnsuidh Sadoc an sagart, agus



## 1 RIGH, II.

Natan am fàidh, agus Benaiah mac Iehoiada. Agus thàinig iad 'am fianuis an rìgh.

33 Agus thubhairt an rìgh riu, Thugaibh leibh seirbhisich bhur tighearn, agus thugaibh air Solamh mo mhac marcachd air mo mhuileid féin, agus thugaibh sìos e gu Gihon;

34 Agus ungadh Sadoc an sagart, agus Natan am fàidh, an sin e 'n a rìgh air Israel: agus séidibhse an trompaid, agus abraibh, Gu ma fada beò rìgh Solamh.

35 An sin thig sibh a nìos 'n a dhéigh, agus thig esan, agus suidhidh e air mo rìgh-chaitheir-sa, agus rìghaichidh e a'm' àite: agus dh'àithn mise e bhì 'n a cheannard air Israel, agus air Iudah.

36 Agus fhreagair Benaiah mac Iehoiada an rìgh, agus thubhairt e, Amen: gu'n abradh an Tighearn Dia mo thighearn' an rìgh mar sin *cuideachd*.

37 Mar a bha'n Tighearn maille ri m' thighearn an rìgh, gu ma h-amhluidh bhitheas e le Solamh, agus gu'n àrdaicheadh e a rìgh-chaitheir thar rìgh-chaitheir, mo thighearna rìgh Daibhidh.

38 Agus chaidh Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich sìos, agus thug iad air Solamh marcachd air muileid rìgh Daibhidh; agus thug iad e gu Gihon.

39 Agus thug Sadoc an sagart corn olaidh as a' phàillion, agus dh'ung e Solamh; agus sheid iad an trompaid, agus thubhairt an sluagh uile, Gu ma fada beò rìgh Solamh.

40 Agus thàinig an sluagh a nìos 'n a dhéigh, agus bha'n sluagh a' pìobaireachd le pìoban, agus a' deanamh gairdeachais le mòr ghairdeachas, air chor as gu'n do reubadh an talamh le'm fuaim.

41 Agus chual' Adoniah, agus na h-aoidhean uile a bha maille ris e, 'n uair a sguir iad a dh'ithcadh: agus an uair a chual' Ioab fuaim na trompaide, thubhairt e, C'ar son a tha fuaim so a' bhaile, agus e làn comh-ghàir?

42 Agus am feadh a bha esan fathast a' labhairt, feuch, thàinig Ionatan mac Abiatair an t-sagairt, agus thubhairt Adoniah ris, Thig a steach, oir is duine treun thu, agus bheir thu sgeul maith leat.

43 Agus fhreagair Ionatan, agus thubhairt e ri Adoniah, Gu deimhin rinn ar tighearn rìgh Daibhidh Solamh 'n a rìgh.

44 Agus chuir an rìgh leis Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich; agus thug iad air marcachd air muileid an rìgh.

45 Agus dh'ung Sadoc an sagart, agus Natan am fàidh, e 'n a rìgh am an Gihon: agus thàinig iad a nìos as a sin a' deanamh gairdeachais, air chor as gu bheil am baile

ri comh-ghàir: *is i so an fhuaim a chuala sibh.*

46 Agus mar an ceudna tha Solamh 'n a shuidhe air caitheir na rìghachd.

47 Agus os barr, thàinig seirbhisich an rìgh a bheannachadh ar tighearna rìgh Daibhidh, ag ràdh, Gu'n deanadh Dia ainm Sholaimh nìs fearr na d'ainm-sa, agus gu'n àrdaicheadh e a rìgh-chaitheir os ceann do rìgh-chaitheir-sa: agus chrom an rìgh e féin air an leabaidh.

48 Agus cuideachd mar so thubhairt an rìgh, Gu ma beannaicht' an Tighearn Dia Israeil, a thug an diugh *duine* a shuidhe air mo rìgh-chaitheir, agus mo shùilean féin 'g a fhaicinn.

49 Agus ghlac uamhas na h-aoidhean uile a bha maille ri Adoniah, agus dh'èrich iad, agus dh'imich iad gach fear air a shlighe féin.

50 Agus bha eagal air Adoniah roimh Sholamh, agus dh'èrich e, agus chaidh e, agus ghabh e greim a dh'adharcaibh na h-altarach.

51 Agus dh'innseadh do Sholamh, ag ràdh, Feuch, tha eagal air Adoniah roimh rìgh Solamh, agus, feuch, ghabh e greim a dh'adharcaibh na h-altarach, ag ràdh, Thugadh rìgh Solamh a mhionnan dhomhsa an diugh, nach marbh e a sheirbhliseach leis a' chlaidheamh.

52 Agus thubhairt Solamh, Ma bhitheas e 'na dhuine maith, cha tuit *ròinneag* d'a fholt gu làr; ach ma gheibhear olc ann, cuirear gu bàs e.

53 Agus chuir rìgh Solamh *fios air*, agus thug iad air teachd a nuas o'n altair, agus thàinig e agus chrom se e féin do rìgh Solamh. Agus thubhairt Solamh ris, Imich do d' thigh.

## CAIB. II.

1 *Thug Daibhidh àithne do Sholamh, agus fhuair e bàs.* 12 *Rìghich Solamh 'n a àite.*

23 *Chuireadh Adoniah gu bàs.* 26 *Thig Solamh a mach Abiatar o bhì 'n a shagart.* 29 *Mharbhadh Ioab aig adharcaibh na h-altarach.*

**A**NIS thàinig làithean Dhaibhidh am fagus anns am faigheadh e bàs, agus dh'àithn e do Sholamh a mhac, ag ràdh, 2 Tha mise a' dol air slighe na talmhainn nìle: bi thusa uime sin làidir, agus dean gu fearail:

3 Agus coimhid eùram an Tighearna do Dhé, a dh'imeachd 'n a shligheibh, a ghleidheadh a reachdan, agus 'àitheantan, agus a bhreitheanais, agus a theisteis, mar a tha e sgrìobhta ann an lagh Mhaois, a chum gu'n soirbhich leat anns gach *ni* a ni thu, agus anns gach *àite* d'an tionndaidh tu thu féin;

4 Chum gu'n daingnich an Tighearn 'fhocal féin, a labhair e do m' thaobh-sa, ag ràdh, Ma choimhidicas do chlànn an slighe, gu imeachd a'm' fhianuis-sa ann am fìrinn,

le'n uile chridhe, agus le'n uile anam, cha bhi (ars' esan) duine dh' easbhuidh ort air rìgh-chaithir Israeil.

5 Os barr, tha fhios agad ciod a rinn Ioab mac Sheruiah ormsa, agus ciod a rinn e air dà cheanuad slòigh Israeil, air Abner mac Neir, agus air Amasa mac Ieteir; oir mharbh e iad, agus dhòirt e fuil a' chogaidh anns an t-sith, agus chuir e fuil a' chogaidh air a chrìos a *bha* m'a leasraidh, agus air a bhròg-aibh a *bh'air* a chosaibh.

6 Deau thusa ma ta a réir do ghliocais, agus na leig le 'cheann liath dol sìos do'n uaigh anu an sith.

7 Ach nochd caomhneas do mhacaibh Bharsillai a' Ghileadaich, agus bitheadh iad ann meag an dream a dh'itheas aig do bhord; oir is ann mar so a thàinig iad do m' ionusuidh-sa 'u uair a theich mi roimh Absalom do bhràthair.

8 Agus. feuch, maille riut *tha* Simeì, mac Ghera, Beniamineach o Bhahurim, a mhall-aich mise le mallachadh geur, anns an là 's an deachaidh mi do Mhahanaim; ach thàinig e nuas a'm choinneamh gu Iordan, agus mhionnaich mi dha air an Tighearn, ag ràdh, Cha chuir mi gu bàs leis a' chlaidheamh thu.

9 A nis ma ta na meas ueo-chiontach e: oir is duine glic thu, agus tha fhios agad ciod a's còir dhuit a dheanamh ris; ach thoir a cheann liath sìos do'n uaigh le fuil.

10 An sin choidh Daibhidh maille r'a aithrichibh, agus dh'adhlacaidh e ann am baile Dhaibhidh.

11 Agus *b'iad* na làithean a rìghich Daibhidh os ceann Israeil dà fhlichead bliadhna: ann an Hebron rìghich e seachd bliadhna, agus ann an Ierusalem rìghich e trì bliadhna deug thar fhlichead.

12 An sin shuidh Solamh air rìgh-chaithir Dhaibhidh 'athar, agus dhaingnicheadh a rìoghachd gu mòr.

13 Agus thàinig Adoniah mac Hagit gu Batseba màthair Sholaimh; agus thubhairt i, An auu 'an sith a tha thu teachd? agus thubhairt esan, Ann an sith.

14 Thubhairt e os barr, Tha ni agam ri ràdh riut. Agus thubhairt ise, Abair romhad.

15 Agus thubhairt esan, Tha fhios agad gu'm bu leamsa an rìoghachd, agus *gu'n* do chuir Israel uile au aghaidh orn, chum gu'n rìoghaichinu: gidheadh, thionndaidh-cadh an rìoghachd mu'n cuairt, agus fhuair mo bhràthair i; oir bu leis-san o'n Tighearn i.

16 Agus a nis, aon atheluinge *tha* mi 'g iarraidh ort, na diùlt mi. Agus thubhairt ise ris, Abair romhad.

17 Agus thubhairt esan, Labhair, guidheam ort, ri Solamh an rìgh, (oir cha diùlt e *thusa*.) gu'n tugadh e dhomh Abisag a' Bhan-sunamach 'u a mnaoi.

18 Agus thubhairt Batseba, Ro mhaith; labhraidh mise air do shon ris an rìgh.

19 Chaidh Batseba uime sin a dh'ionnsuidh rìgh Solamh, a labhairt ris air son Adoniah. Agus dh'érich an rìgh suas 'n a coineamh, agus chrom se e féin d'i, agus shuidh e air a rìgh-chaithir, agus thug e faicear caithir a chur sìos do mhàthair an rìgh; agus shuidh i air a làimh dheis.

20 An sin thubhairt i, *Tha* mi 'g iarraidh aon atheluinge bige ort, na diùlt mi, *guidheam* ort. Agus thubhairt an rìgh rithe, Iarr, a mhàthair, oir cha diùlt mi thu.

21 Agus thubhairt ise, Thugar Abisag a' Bhan-sunamach do Adoniah do bhràthair 'n a mnaoi.

22 Agus fhreagair rìgh Solamh, agus thubhairt e r'a mhàthair, Agus c'ar son a dh'iarras tu Abisag a' Bhan-sunamach do Adoniah? iarr dha an rìoghachd mar au ceudna; (oir is e mo bhràthair a's sine e;) eadhon dha-san, agus do Abiatar an sagart, agus do Ioab mac Sheruiah.

23 An sin mhionnaich rìgh Solamh air an Tighearn, ag ràdh, Gu'n deanadh Dia mar sin riumsa, agus tuilleadh mar an ceudna, mur h-ann an aghaidh a bheatha féin a labhair Adoniah am focal so.

24 A nis uime sin, *mar* is beò an Tighearn, a dhaingnich mise, agus a chuir a'm shuidhe mi air rìgh-chaithir Dhaibhidh m'athar, agus a rinn tigh dhomh, mar a labhair e, cuirear Adoniah gu bàs an diugh.

25 Agus chuir rìgh Solamh le làimh Bhenaiiah mhic Iehoiada, agus bhuail e air, air chor as gu'n d'fhuair e bàs.

26 Agus ri Abiatar an sagart thubhairt an rìgh, Imich gu Anatot, a dh'ionnsuidh d'fhearainn féin, oir *tha* thu 'toiltinn a' bhàis: ach an diugh cha mharbh mi thu, a chionn gu'n do ghlùilain thu àire an Tighearna Ichobhab 'am fianuis Dhaibhidh m'athar, agus a chionn gu'n d'fhuiling thu àmhghar anns gach *ni* 's an d'fhuiling m'athair àmhghar.

27 Mar so thilg Solamh a mach Abiatar o bhi 'n a shagart do'n Tighearn, a choimhionadh focal an Tighearna, a labhair e de thaobh tighe Eli ann an Siloh.

28 An sin thàinig tuairesgeul gu Ioab; (oir thionndaidh Ioab an dèigh Adoniah, ged uach do thionndaidh e 'n dèigh Absalom;) agus theich Ioab gu pàilliu an Tighearna agus ghabh e greim a dh'adhlacaidh na h-altarach.

29 Agus dh'innsadh do rìgh Solamh gu'n do theich Ioab gu pàilliu an Tighearna, agus gu'n robh e làimh ris an altair: an sin chuir Solamh uaith Benaiah mac Iehoiada, ag ràdh, Falbh, buail air.

30 Agus thàinig Benaiah gu pàilliu an Tighearna, agus thubhairt e ris, Mar so tha'n rìgh ag ràdh, Thig a mach. Agus



thubhairt esan, Cha téid, ach gbeibh mi bàs an so. Agus thug Benaiah sgeul air ais a dh'ionnsuidh an rìgh, ag ràdh, mar so labhair Ioab, agus mar so fhreagair e mi.

31 Agus thubhairt an rìgh ris, Dean mar a labhair e, agus buail air, agus adhlaic e, a chum gu'n toir thu air falbh an fhuil uo-chiontach, a dhòirt Ioab, namsa agus o thigh m'athair.

32 Agus pillidh an Tighearn 'fhuil air a cheann féin, do bhrìgh gu'n do bhuail e air dithis dhaoine a b'ionraicc agus a b'fhearr na e féin, agus gu'n do mharbh e leis a' chlaidheamh iad, gun fhios do m'athair Daibhidh, *eadhon* Abner mac Neir, ceannard slòigh Israeil, agus Amasa mac Ieteir ceannard slòigh Iudah.

33 Pillidh uime sin am fuil-san air ceann Ioab, agus air ceann a shliochd gu bràth: ach aig Daibhidh, agus aig a shliochd, agus aig a thigh, agus aig a rìgh-chaithir, bithidh sìth gu bràth o'n Tighearn.

34 Agus chaidh Benaiah mac Iehoiada suas, agus bhuail e air, agus mharbh se e: agus dh'adhlacadh e 'n a thigh féin anns an fhàsach.

35 Agus chuir an rìgh Benaiah mac Iehoiada 'n a àit os ceann an t-slòigh: agus Sadoc an sagart chuir an rìgh 'an àit Abiatair.

36 Agus chuir an rìgh *fios*, agus ghairm e air Simeì, agus thubhairt e ris, Tog dhuit féin tigh ann an Ierusalem, agus gabh còmhluidh an sin, agus na falbh a mach as a sin taobh sam bith.

37 Oir tachairidh air an là anns an téid thu mach, agus an gabh thu thar sruth Chidroin, gu'm bi fios gu einnteach agad gu'm faigh thu gu deimhin bàs: bithidh d'fhuil air do cheann féin.

38 Agus thubhairt Simeì ris an rìgh, *Is* maith an ràdh: mar a labhair mo thighearn an rìgh, is amhluidh a ni do sheirbhiseach. Agus ghabh Simeì còmhluidh ann an Ierusalem mòran de làithibh.

39 Agus thachair 'an ceann thri bliadhna, gu'n do theich dà sheirbhiseach le Simeì dh'ionnsuidh Achis, mhic Mhaachah, rìgh Ghat: agus dh'innis iad do Shimeì, ag ràdh, Feuch, *tha* do sheirbhiseach ann an Gat.

40 Agus dh'èirich Simeì, agus chuir e diollaid air 'asail, agus chaidh e do Ghat a dh'ionnsuidh Achis, a dh'iarraidh a sheirbhiseach: agus dh'fhalbh Simeì, agus thug e leis a sheirbhiseach o Ghat.

41 Agus dh'innseadh do Sholamh gu'n deachaidh Simeì o Ierusalem gu Gat, agus gu'n d'fhàinig e air ais.

42 Agus chuir an rìgh *fios*, agus ghairm e air Simeì, agus thubhairt e ris, Nach d'fhug mise ortsa mionnachadh air an Tighearn, agus nach d'fhug mi fianuis a'd aghaidh, ag ràdh, Air an là anns an téid thu mach, agus am falbh thu taobh sam bith, bitheadh fios

gu einnteach agad gu'm faigh thngu deimhin bàs? agus thubhairt thu rium, *Is* maith am focal a chuala mi.

43 'Car son ma ta nach do ghléidh thu mionnan an Tighearna, agus an àithne a dh'àithn mise dhuit?

44 Thubhairt an rìgh cuideachd ri Simeì, Is aithne dhuit féin gach uile olc air am fiosrach do chridhe, a rinn thu air Daibhidh m'athair-sa: uime sin phill an Tighearn d'olc air do cheann féin:

45 Ach *bithidh* rìgh Solamh beannaichte, agus bithidh rìgh-chaithir Dhaibhidh daingean 'am fianuis an Tighearna gu bràth.

46 An sin dh'àithn an rìgh do Benaiah mac Iehoiada; agus chaidh e mach, agus bhuail e air, agus fhuair e bàs. Agus dhaingnicheadh an rìoghachd ann an làimh Sholaimh.

## CAIB. III.

1 *Ghabh Solamh nighean Pharaoh dha féin 'n a mmaoi.* 5 *Thaisbein an Tighearn e féin do Sholamh ann an aising, agus dh'fheòraich e d'heò ciod a b'àill leis e 'thabhairt da.* 9 *Roghnaich esan gliocas: 11 Gheall Dia sin dha, maille ri saoihbheas agus urram.* 16 *Thug e breth eadar dà strìopach.*

**A**GUS rinn Solamh cleamhnas ri Pharaoh rìgh na h-Eiphit, agus ghabh e nighean Pharaoh, agus thug e i do bhaile Dhaibhidh, gus an do chuir e crìoch air a thigh féin a thogail, agus tigh an Tighearn, agus balla Ierusalem mu'n cuairt.

2 Ach dh'ìobair an sluagh air àitibh àrda, do bhrìgh nach do thogadh tigh do ainm an Tighearna gus na làithibh sin.

3 Agus ghràdhaich Solamh an Tighearn, ag imeachd 'ann an orduighibh Dhaibhidh 'athair: ach ann an àitibh àrda dh'ìobair e agus loisg e tùis.

4 Agus chaidh an rìgh do Ghibeòn a dh'ìobradh an sin, oir *b'e* sin am mòr àit àrd: mìle ìobairt-loisgte thug Solamh suas air an altair sin.

5 Ann an Gibeòn thaisbein an Tighearn e féin do Sholamh ann an aising na h-oidhche; agus thubhairt Dia, Iarr ciod a'sàill leat mi 'thabhairt duit.

6 Agus thubhairt Solamh, Nochd thu do d'òglach Daibhidh m'athair caoinhneas mòr, a réir mar a dh'imich e a'd fhianuis ann am firinn, agus ann an ionracas, agus ann an treibhdhìreas cridhe maille riut; agus ghléidh thu dha an caoinhneas mòr so, gu'n d'fhug thu dha mar a shuidhe air a rìgh-chaithir, mar *a tha e 'n diugh.*

7 Agus a nis a Thighearna mo Dhia, rinn thu d'òglach 'n a rìgh 'an àite Dhaibhidh m'athair; agus mise a'm leanabh beag, do nach aithne dol a mach no teachd a steach.

8 Agus *tha* d'òglach 'am meadhon do shluaigh a thagh thu, sluagh lionmhor, nach 'eil e 'n comas àireamh no mheas aig an lionmhoircachd.

9 Thoir uime sin do d'òglach cridhe tuigseach a thoirt breth air do shluagh, gu dealachadh 'chur eadar am maith agus an t-òle; oir cò 'a's urrainn breth a thabhairt air do shluagh so a tha co mhòr?

10 Agus bha e 'n a ni taitheach leis an Tighearn, gu'n d'iarr Solamh an ni so.

11 Agus thubhairt Dia ris, A chionn gu'n d'iarr thu an ni so, agus nach d'iarr thu dhuit féin saoghal fada, agus nach d'iarr thu dhuit féin saoihbreas, agus nach d'iarr thu anam do naimhdean, ach gu'n d'iarr thu dhuit féin tuigse a dhcanamh breitheanais.

12 Feuch, rinn mise a réir do bhriathar: feuch, thug mi dhuit cridhe glic agus tuigseach, air chor as nach robh neach air bith romhad eomhuil riut, agus nach mò a dh'éireas a'd' dhéigh neach air bith eomhuil riut.

13 Agus mar an ceudna thug mi dhuit an ni nach d'iarr thu, araon saoihbreas agus eliu, air chor as nach bi duine eomhuil riut am measg nan rìgh ré do làithean uile.

14 Agus ma dh'imicheas tu ann mo shligheibh-sa, a ghleidheadh mo reachdan, agus m'aitheantan, mar a dh'imich Daibhidh d'athair, an sin ni mi do làithean fada.

15 Agus mhogail Solamh, agus, feuch, *Vaisling a bh'ann*: agus thàinig e gu h-Ierusalem, agus sheas e 'am fianuis àire coimheangail an Tighearna, agus thug e suas ìobairtean-loisgte, agus dh'ìobair e ìobairtean-sith, agus rinn e euirm d'a sheirbhisich uile.

16 An sin thàinig dithis bhan, a bha 'n an striopaichean, a dh'ionnsuidh an rìgh, agus sheas iad 'n a làthair.

17 Agus thubhairt bean diubh, O mo thighearna, tha mise agus a' bhean so a' gabhail còmhnuidh ann an aon tigh, agus dh'aiseadadh mise maille ri the 's an tigh.

18 Agus air an treas là 'n déigh dhomhsa bhi air m'aisead, dh'aiseadadh a' bhean so mar an ceudna, agus bha sinn cuideachd; cha robh coigreach sam bith maille ruinn 's an tigh, ach sinn féin 'n ar dithis anns an tigh.

19 Agus dh'eug mae na mnà so 's an oidhche, a chionn gu'n do luidh i air.

20 Agus dh'éirich i mu mheadhon-oidhche, agus thug i mo mhae-sa o m' thaobh, am feadh a bha do bhanoglach 'n a còdal, agus ehuir i 'n a luidhe e 'n a h-uchd féin, agus ehuir i a mae marbh féin 'n a luidhe ann am uehd-sa.

21 Agus dh'éirich mi anns a' mhaduinn a thoirt ciche do m' mhae, agus, feuch, bha e marbh. Ach an uair a thug mi an aire dha 's a' mhaduinn, feuch, cha b'e mo mhae-sa 'bh'ann, a rug mi.

22 Agus thubhairt a' bhean eile, Ni h-cadh; ach *is e* mo mhae-sa 'tha beò, agus *is e* do mhae-sa 'tha marbh: agus thubhairt ise, Ni h-cadh; ach *is e* do mhae-sa 'tha marbh,

agus *is e* mo mhae-sa 'tha beò. Mar so labhair iad 'am fianuis an rìgh.

23 An sin thubhairt an rìgh, *Tha i so ag ràdh, Is e so mo mhae-sa 'tha beò*, agus *is e* do mhae-sa 'tha marbh: agus *tha i* sud ag ràdh, Ni h-cadh; ach *is e* do mhae-sa 'tha marbh, agus *is e* mo mhae-sa 'tha beò.

24 Agus thubhairt an rìgh, Thugaibh dhomh elaidheamh. Agus thug iad elaidheamh 'am fianuis an rìgh.

25 Agus thubhairt an rìgh, Roinnibh am mae beò 'n a dhà leth, agus thugaibh leth a dh'aon *mhnaoi*, agus leth do'n *mhnaoi* eile.

26 An sin labhair a' bhean le'm bu leis am mae beò ris an rìgh, (oir theodh a cridhe r'a mae,) agus thubhairt i, O mo thighearna, thugaibh dh'ise an leanabh beò, agus na marbhaibh idir e: ach thubhairt a' bhean eile, Na bitheadh e agam-sa no agad-sa, *ach* roinnibh e.

27 An sin fhreagair an rìgh, agus thubhairt e, Thugaibh dh'ise an leanabh beò, agus na marbhaibh idir e: *is* ise a mhàthair.

28 Agus chual Israel uile a' bhreth a thug an rìgh, agus bha eagal orra roimh an rìgh; oir ehunnaic iad gu'n robh glieas Dhé ann, a dhcanamh breitheanais.

#### CAIB. IV.

1 *Uachdarain Sholaimh.* 20 *Meud a rìogh-achd, agus sonas a shluaigh.* 22 *A lòn air son aoin là.* A ghliocas, agus a sgrìobhadh.

**A** GUS bha rìgh Solamh 'n a rìgh air Israel uile.

2 Agus *is* iad so na h-uachdarain a bh'aige: Asariah mae Shadoic an t-sagairt:

3 Elihoreph agus Abiah mic Shisa, sgrìobhaichean: Iehosaphat mae Ahiluid, an sean-achaidh:

4 Agus Benaiah mac Iehoiada air ecann an t-slàigh: agus Sadoc agus Abiatar, na sagartan:

5 Agus Asariah mac Natain os ecann an luehd-dreuchd: agus Sabud mac Natain, an t-àrd fhear-dreuchd, 'n a charaid aig an rìgh:

6 Agus Ahisar os ecann an teaghlaich: agus Adoniram mae Abda os ecann na eise.

7 Agus bha aig Solamh dà fhear dheug dreuchd os ecann Israel uile, a bheathaich an rìgh agus a theaghlach: ré a mhìosa féin 's a' bhliadhna bha e mar fhiachaibh air gach fear dhiubh a bheathlachadh.

8 Agus *is* iad so an ainmean: mae Huir ann an sliabh Ephraim:

9 Mac Dhecair ann am Màcas, agus ann am Saalbim, agus ann am Bet-semes, agus ann am Elon, agus ann am Bet-hanan:

10 Mac Hescid ann am Arubot; aige-san bha Sodoh, agus uile thir Hepheir:

11 Mac Abinadaib, aig an robh uile thir Dhoir; bha Taphat nighean Sholaimh aige 'n a mnaoi:



# 1 RIGH, V.

12 Baanah mac Ahiluid; *aige-san bha* Taanach, agus Megido, agus Bet-sean uile, a *tha* lèimh ri Sartaiah sìos o Iesreel, o Bhet-sean gu Abel-meholah, **gu ruig** an taobh thall de Iocneam:

13 Mac Ghebeir ann an Ramot-gilead; dhasan *bhuineadh* bailtean Iair mhic Mhanaseh, a *tha* ann an Gilead; dhasan *mar an ceudna bhuineadh* tìr Argoib, a *tha* ann an Basan, trì fichead baile mòr le ballachaibh agus le crannaibh umha:

14 Ahinadab mac Ido ann am Mahanaim:

15 Ahimaas ann an Naphtali; ghabh esan *mar an ceudna* Basmat nighean Sholaimh 'n a mnaoi:

16 Baanah mac Husai ann an Aser, agus ann am Balot:

17 Iehosaphat mac Pharuah ann an Isachar:

18 Simei mae Elah ann am Benjamin:

19 Geber mac Uri ann an tìr Ghilead, ann an tìr Shihoin rìgh nan Amorach, agus Og rìgh Bhasain; agus *vesan* an t-aon fhear-dreuchd a *bha* 's an tìr.

20 *Bha* Iudah agus Israel lìonmhor, mar a' ghaineamh a *tha* ri taobh na fairge air lìonmhoireachd, ag itheadh, agus ag òl, agus a' deanamh subhachais.

21 Agus rìghich Solamh os ceann nan rìoghachdan uile, o'n amhainn gu tìr nam Philisteach, agus gu ruig crìoch na h-Eiphit: thug iad leo tìodhlacan, agus rinn iad seirbhis do Sholamh ré uile làithean a bheatha.

22 Agus b'e lòn Sholaimh air son aoin là, deich tomhais fhichead de mhin mhìn *chruithneachd*, agus trì fichead tomhas mine eile,

23 Deich daimh bhiadhta, agus fichead damh bhàrr an fheoir, agus eud caora, a thuilleadh air fèidh, agus ruadh-bhuic, agus dathais, agus eoin bhiadhta.

24 Oir bha nachdaranachd aige os ceann na tìre uile air an taobh so de'n amhainn, o Thiphsah eadhon gu Asah, os ceann nan rìgh uile air an taobh so de'n amhainn: agus bha sìth aige o gach taobh mu'n cuairt da.

25 Agus ghabh Iudah agus Israel còmh-nuidh gu tèaruinte, gach fear fo a chrann-fìona, agus fo a chrann-fìge féin, o Dhan eadhon gu Beer-seba, ré uile làithean Sholaimh.

26 Agus bha aig Solamh ceithir mìle prasach each air son a charbad, agus dà mhìle dheug marcach.

27 Agus bheathaich an luchd-dreuchd sin rìgh Solamh, agus gach neach a thàinig gu bòrd rìgh Solaimh, gach duine 'n a mhìos féin: cha d'fhuiling iad ni air bith a bhi dh'easbhuidh.

28 Eorna mar an ceudna agus connlach do na h-eachaibh, agus do na dromedairibh, thug iad a dh'ionnsuidh an àit anns an robh

*an luchd-dreuchd*, gach fear a réir 'orduigh féin.

29 Agus thug Dia gliocas do Sholamh, agus tuigse ro mhòr, agus farsaingeachd cridhe, mar a' ghaineamh a *tha* air tràigh na mara.

30 Agus bu mhò gliocas Sholaimh na gliocas uile chloinne na h-àird' an ear, agus na uile ghliocas na h-Eiphit.

31 Agus bha e glie thar gach duine, thar Etan an t-Esrahach, thar Heman, agus Chalcol, agus Darda, mic Mhahoil: agus bha a chliu anns gach dùthaich mu'n cuairt.

32 Agus labhair e trì mìle gnàth-fhocal; agus b'e *àireamh* a dhàn mìle agus cùig.

33 Agus labhair e air craobhan, o'n chraobh-seudair a *tha* ann an Lebanon, cadhòn gu ruig an hisop a dh'fhàsas a mach as a' bhalla: labhair e mar an ceudna air ainmhidhean, agus air eunlaith, agus air nithibh a shnàigeas, agus air iasgaibh.

34 Agus thàinig *cuid* de na h-uile chinn-eacha a dh'èisdeachd ri gliocas Sholaimh, o uile rìghribh na talmhainn, a chual' *iomradh* a ghliocasais.

## CAIB. V.

1 *Thug Solamh fios do Hiram gu'n robh e gu teampull a thogail do Dhia, agus dh'iarr e fiodh uaisle air-son na h-òibre.* 7 *Gheall Hiram da gu'n deanadh e uile thoil a thaoibh an fhìodha.* 13 *Aireamh luchd-òibre Sholaimh.*

**A**GUS chuir Hiram rìgh Thiruis a sheirbhisich a dh'ionnsuidh Sholaimh, an uair a chual' e gu'n d'ungadh e 'n a rìgh 'an àit 'athar: oir bha spéis aig Hiram do Dhaibhidh ré uile làithean.

2 Agus chuir Solamh *fios* gu Hiram, ag ràdh,

3 Tha fhios agad cionnus nach b'urrainn m'athair Daibhidh tigh a thogail do ainm an Tighearn' a Dhé, air son a' chogaidh leis an do chuairtich a *naimhdean* e, gus an do chuir an Tighearn iad fo bhonnaibh a chos.

4 Ach a nis thug an Tighearn mo Dhia fois dhomhla air gach taobh: cha-n'èil nàmhaid air bith ann, no droch thuiteamas.

5 Agus, feuch, tha mi a' cur romham tigh a thogail do ainm an Tighearna mo Dhé, mar a labhair an Tighearn ri m'athair Daibhidh, ag ràdh, Do mhac a chuireas mise a'd' àit air do rìgh-chaitlir, togaidh esan tigh do m'ainm-sa.

6 A nis uinne sin àithn thusa gu'n gearr iad dhomhla craobhan seudair a Lebanon; agus bithidh mo sheirbhisich-sa maille ri d' sheirbhisich-sa: agus tuarasdál do sheirbhisich bheir mise dhuit, a réir gach ni a dh'ainmicheas tu: oir tha fhios agad nach 'èil 'n ar measg-ne duine d'an aithne fiodh a ghearradh, mar na Sidonaich.

7 Agus an uair a chuala Hiram briathran Sholaimh, bha aoibhneas mòr air, agus

thubhairt e, Gu ma beannaicht' an Tighearn an duigh, a thug do Dhaibhidh mac glie os ceann an t-sluaigh lionnhoir so.

8 Agus chuir Hiram *fios* gu Solamh, ag ràdh, Chuala mi na nithean mu'n do chuir thu *fios* do m'ionnsuidh: ni mi d'uile thoil a thaobh nan craobh seudair agus a thaobh nan craobh giuthais.

9 Bheir mo sheirbhisich sìos *iad* o Lebanon a dh'ionnsuidh na mara: agus cuiridh mi air falbh iad 'n an ràthaibh air muir, gu ruig an t-àit a shònraicheas tu dhomh, agus cuiridh mi air tìr iad an sin, agus bheir thusa leat *iad*; agus ni thu mo riar ann am biadh a thabhairt do m' theaghlach.

10 Mar sin thug Hiram do Sholamh fiodh seudair, agus fiodh giuthais, a *rèir* 'uile thoil.

11 Agus thug Solamh do Hiram fichead mìle tomhas cruithneachd mar lòn d'a theaghlach, agus fichead tomhas a dh'olaidh fhìor-ghloin: mar so thug Solamh do Hiram o bhliadhna gu bliadhna.

12 Agus thug an Tighearn gliocas do Sholamh, mar a gheall e dha: agus bha sìth cadar Hiram agus Solamh, agus rinn iad coimheangal ri 'chèile.

13 Agus rinn rìgh Solamh togail *dhaoine* á h-Israel uile; agus b'i an togail deich mìle fichead fear.

14 Agus chuir e iad do Lebanon, deich mìle 's a' mhìos mu seach: mìos bha iad ann an Lebanon, agus dà mhìos 'n an tighibh féin: agus *bha* Adoniram air ceann na togalach.

15 Agus bha aig Solamh deich agus trì fichead mìle fear-ionmhar callaich, agus ceithir fichead mìle fear-gearraidh anns a' bheinn:

16 A thuilleadh air àrd luchd-dreuchd Sholaimh, a *bha* os ceann na h-oibre, trì mìle agus trì cheud, aig an robh uachdaranachd air an t-sluagh a bha 'deanamh na h-oibre.

17 Agus dh'àithn an rìgh, agus thug iad leo clachan mòra, clachan luachmhor, a shuidheachadh bunait an tighe, clachan snaidhte.

18 Agus shnaidh clachairean Sholaimh, agus clachairean Hiraim, agus na gearradhairean-chlach *iad*: mar sin *ré* *thri bliadhna* dheasaich iad fiodh agus clachan a thogail an tìghe.

### CAIB. VI.

1 *Thog Solamh teampull do'n Tighearn.* 11 *Gealladh Dhé a thaobh an teampuill.* 23 *Rinn Solamh dà cherub.* 37 *An aimsir a ghabh e a thogail an tìghe.*

**A**GUS anns a' cheathramh ceud agus an ceathramh fichead bliadhna o theachd ehlòin Israel a mach à tìr na h-Eiphit, anns a' cheathramh bliadhna de rìoghachadh Sholaimh os ceann Israel, anns a' mhìos

Sìph, (*is* e sin an dara mìos,) thòisich e air tigh a thogail do'n Tighearn.

2 Agus an tigh a thog rìgh Solamh do'n Tighearn, *b'e* 'fhad trì fichead lāmh-choille, agus a leud fichead lāmh-choille, agus àirde deich thar fichead lāmh-choille.

3 Agus an sgàth-thigh air beulaobh teampuill an tighe, *b'e* 'fhad fichead lāmh-choille, a rèir leoid an tighe; agus a leud deich lāmhan-choille, air beulaobh an tighe.

4 Agus rinn e do'n tigh uinneagan soluis air an tarruing cunhann.

5 Agus thog e ri balla an tighe seòmraichean mu'n cuairt, ri ballachaibh an tighe mu'n cuairt, *araon* an teampuill agus a' ghuth-àit; agus rinn e frith-sheòmraichean mu'n cuairt.

6 *Bha'n* seòmair iochdrach cùig lāmhan-choille air leud, agus an seòmair meadhonach sè lāmhan-choille air leud, agus an treas seòmair seachd lāmhan-choille air leud; oir thug e steach balla an tighe mu'n cuairt o'n taobh a muigh, air chor as nach rachadh na sailthean 'an greim ann am balla an tighe.

7 Agus an uair a bha'n tigh 'g a thogail, thogadh e de chlachairibh air an cumadh mun d'thugadh d'a ionnsuidh iad: agus cha chualas òrd no tuagh, *no* inneal iarunn sam bith, anns an tigh, an uair a bha e 'g a thogail.

8 *Bha* dorus an t-seòmair mheadhonaich air taobh deas an tighe: agus air staidh-richeibh snìomhain chaidh iad suas do'n t-seòmair mheadhonaich, agus as an t-seòmair mheadhonaich do'n treas seòmair.

9 Mar so thog e an tigh, agus chrìochnaich se e; agus chòmhdaich e an tigh le sailtheibh agus le clàraibh seudair.

10 Agus thog e seòmraichean ris an tigh uile, cùig lāmhan-choille air àirde: agus leig iad an cudthrom air an tigh le fiodh seudair.

11 Agus thàinig focal an Tighearna gu Solamh, ag ràdh,

12 *A thaobh* an tighe so a *tha* thu a' togail, ma ghluaiseas tu ann am reachdaibh-sa, agus *ma* chuireas tu mo bhrèitheanais 'an gnìomh, agus *ma* ghleidheas tu m' àith-eantan uile le gluasad anna; an sin coimhlionaidh mise m'fhocal duit, a labhair mi ri Daibhidh d'athair:

13 Agus gabhaidh mi còmhnuidh 'am meadhon ehlòin Israel, agus cha tréig mi mo shluagh Israel.

14 Mar sin thug Solamh an tigh agus chrìochnaich se e.

15 Agus thog e ballachan an tighe air an taobh a stigh le clàraibh seudair, o urlar an tighe gu ruig mullach nam ballachan chòmhdaich e *iad* le fiodh a stigh: agus chòmhdaich e urlar an tighe le clàraibh giuthais.

16 Agus thog e fichead lāmh-choille ri taobhan an tighe, le clàraibh seudair, o'n



urlar gu ruig *mullach* nam ballachan; agus thog e dha *iad* air an taobh a stigh, *eadhon* do'n ghuth-àit, do'n *ionad* ro naomh.

17 Agus *bha'n* tigh, sin *ri ràdh*, an teampull air a bheulaobh, dà fhichead lāmhcaille *air fad*.

18 Agus *bha* seudar an tighe air an taobh a stigh gearrta le cnapaibh, agus blàthaibh fosgailte: *bu* sheudar an t-ionlan; cha robh clach r'a faicinn.

19 Agus dh'ulluich e an guth-àit anns an tigh a steach, a chur an sin àire coimhcheangail an Tighearna.

20 Agus ann an taobh-beoil a' ghuth-àit *bha* fichead lāmhcaille air fad, agus fichead lāmhcaille air leud, agus fichead lāmhcaille air àirde; agus chòmhdach se e le h-òr fìorghlan: chòmhdach e cuideachd an altair le seudar.

21 Agus chòmhdach Solamh an tigh a steach le h-òr fìorghlan: agus rinn e balla-dealachaidh le slabhradh-bh-òir air beulaobh a' ghuth-àit, agus chòmhdach e le h-òr e.

22 Agus chòmhdach e an tigh uile le h-òr, agus an do chrìochnaicheadh an tigh uile: mar an ceudna an altair uile, a *bha* lāmhris a' ghuth-àit, chòmhdach e le h-òr.

23 Agus rinn e anns a' ghuth-àit dà cherub de chrann-olaidh, gach aon diubh deich lāmhan-coille air àirde.

24 Agus *bha* cùig lāmhan-coille ann an aon sgéith a' cheruib, agus cùig lāmhan-coille ann an sgéith eile a' cheruib: *bha* deich lāmhan-coille o bhàrr aoin sgéith aige gu bàrr a sgéith eile.

25 Agus *bha* deich lāmhan-coille anns a' cherub eile: *bha'n* aon tomhas agus an aon mheud anns an dà cherub.

26 *B'e* àirde aoin cheruib deich lāmhan-coille, agus mar sin *bha àirde* a' cheruib eile.

27 Agus chuir e na cheruban anns an tigh a b'fhaide a steach; agus shìn na cheruban an sgiathan a mach, air chor as gu'n do bhean sgiath aoin cheruib ri aon bhalla, agus sgiath a' cheruib eile ris a' bhalla eile; agus bhean an sgiathan ri 'chéile ann am meadhan an tighe.

28 Agus chòmhdach e na cheruban le h-òr.

29 Agus bhreac e ballachan an tighe uile mu'n cuairt le dealbhaibh gearrta cheruban, agus chraobhan-pailme, agus bhlàth fosgailte, a stigh agus a muigh.

30 Agus urlar an tighe chòmhdach e le h-òr, a stigh agus a muigh.

31 Agus do dhorus a' ghuth-àit rinn e còmhlachan de chrann-olaidh: *bha'n* t-àrd-dhorus agus na h-ursainnean cùig-oisneach.

32 *Bha'n* dà chòmhlach mar an ceudna de chrann-olaidh; agus ghearr e orra dealbhan cherub, agus chraobh-pailme, agus bhlàth fosgailte, agus chòmhdach e le h-òr *iad*:

agus sgaoil e òr air na cheruban, agus air na craobhan-pailme.

33 Agus air an dòigh cheudna rinn e do dhorus an teampull ursainnean de chrann-olaidh, ceithir-chearnach.

34 Agus *bha'n* dà chòmhlach de fhiodh giuthais: *bha* dà dhuilleag aoin chòmhlach a' fillcadh, agus dà dhuilleag a' chòmhlach eile a' fillcadh.

35 Agus ghearr e orra cheruban, agus craobhan-pailme, agus blàthan-fosgailte: agus chòmhdach e *iad* le h-òr, cumta ris an obair ghearrta.

36 Agus thog e a' chùirt a stigh le tri sreathan de chlachaidh snaidhte, agus sreath de shailthibh seudair.

37 Anns a' cheathramh bliadhna shuidh-icheadh bunait tighe an Tighearna, anns a' mhìos Siph.

38 Agus anns an aon bhliadhna deug, anns a' mhìos Bul, (*is* e sin an t-ochdamh mìos), chrìochnaicheadh an tigh 'n a carrannaibh uile, agus a réir a chumaidh uile. Agus *bha* e seachd bliadhna 'g a thogail.

## CAIB. VII.

1 *Thog Solamh tigh dha féin*; 2 *tigh frìthe Lebanoin*; 8 *agus tigh do nighinn Pharaoh*. 15 *Obair nam post*; 23 *agus na mara leaghta*.

**A** CH *bha* Solamh tri bliadhna deug a' togail a thighe féin, agus chrìochnaich e a thigh uile.

2 Thog e mar an ceudna tigh frìthe Lebanoin; ceud lāmhcaille thar fhichead lāmhcaille a leud, agus deich thar fhichead lāmhcaille àirde; air ceithir sreathaibh de phuist sheudair, agus sailthean seudair air na puist.

3 Agus chòmhdach e le seudar os a cheann air na sailthibh, a *bha* air dà fhichead agus cùig puist, cùig-deug anns gach sreath.

4 Agus *bha* trì sreathan uinneag ann, agus solus fa chomhair soluis tri uairean.

5 Agus *bha* na dorsan uile agus na h-ursainnean ceithir-chearnach, maille ris na h-uinneagaibh: agus *bha* solus fa chomhair soluis trì uairean.

6 Agus rinn e sgàth-thigh de phuist; leth-cheud lāmhcaille 'fhad, agus deich lāmhan-coille thar fhichead a leud: agus *bha'n* sgàth-thigh rompa sin; agus *bha* na puist eile agus na sailthean garbha rompa.

7 Rinn e mar an ceudna sgàth thigh na rìgh-chaitreach far am b'headh e a' tabhairt breth, *eadhon* sgàth-thigh a' bhreitheanais: agus chòmhdach e le seudar o aon taobh de'n urlar gu ruig an taobh eile.

8 Agus aig a thigh féin anns an do chòmhlach e, *bha* cùirt eile an taobh a stigh de'n sgàth-thigh, a *bha* de'n obair cheudna. Rinn e cuideachd tigh do nighinn Pharaoh,

a ghabh Solamh dha féin 'n a mnaoi, cosmhail ris an sgàth-thigh so.

9 *Bha* iad sin uile de chlachaibh luachmhor, a réir tomhais chlach snaidhte, air an gearradh le sàibh a stigh agus a muigh, eadhon o'n bhunaid gu ruig na clachan-mullaich, agus *mar sin* air an taobh a mach gu ruig a' chùirt mhòir.

10 Agus *bha* a' bhunaid de chlachaibh luachmhor, de chlachaibh mòra; clachan 's an robh deich làmhhan-coille, agus clachan 's an robh oich làmhhan-coille.

11 Agus gu h-àrd *bha* clachan luachmhor, (a réir tomhais chlach snaidhte,) agus seudair.

12 Agus aig a' chùirt mhòir mu'n cuairt *bha* trì sreathan de chlachaibh snaidhte, agus sreath de shailthibh seudair: air an dòigh cheudna aig cùirt a steach tighe an Tighearna, agus aig sgàth-thigh an tighe.

13 Agus chuir rìgh Solamh *jios*, agus thug e Hiram o Thirus.

14 *Bu* mhac bantraich e de thrèibh Naph-tali, agus 'b'hear o Thirus 'athair, ceard-umha; agus *bha* e làn de ghliocas, agus de thuigse, agus de còlas a dheanamh gach oibre ann an umha: agus thàinig e dh'ionn-suidh rìgh Solamh, agus rinn e 'obair uile.

15 Oir dhealbh e dà phost umha: oich làmhhan-coille deug àirde gach puist dhiubh, agus chaidh snàtbainn anns an robh dà làmh-choille dheug mu'n cuairt air gach post dhiubh.

16 Agus rinn e dà cheann de umha leaghta, chum an cur air mullach nam post: cùig làmhhan-coille àirde aoin chinn, agus cùig làmhhan-coille àirde a' chinn eile.

17 Lìonta de lion-obair, stioman de obair shlabhraidh, do na cinn a *bha* air mullach nam post: seachd do aon cheann, agus seachd do'n cheann eile.

18 Agus rinn e pomgranatan, dà shreath mu'n cuairt air aon lion-obair, a chòmh-dachadh nan ceann a *bha* air mullach nam post: agus mar sin rinn e ris a' cheann eile.

19 Agus *bha* na cinn a *bh'*air mullach nam post de obair lìl anns an sgàth-thigh, ceithir làmhhan-coille.

20 Agus *bha* cinn air an dà phost mar an ceudna gu h-àrd, làmh ris a' bhalg a *bha* air an taobh thall de'n lion-obair: agus *bha* dà cheud pomgranat ann, 'n an sreathaibh mu'n cuairt air a' cheann eile.

21 Agus chuir e suas na puist ann an sgàth-thigh an teampuill: agus chuir e suas am post deas, agus thug e Iachin mar ainm air; agus chuir e suas am post clì, agus thug e Boas mar ainm air.

22 Agus air mullach nam post *bha* obair lìl: mar so chrìochnaich e obair nam post.

23 Agus rinn e muir leaghta, deich

làmhhan-coille o bhile gu bile; cruinn mu'n cuairt, agus cùig làmhhan-coille a h-àirde: agus chuairtich snàthainn dheich làmhhan-coille thar fhichead i air gach taobh.

24 Agus *bha* mill fo a bile 'g a cuairt each-adh mu'n cuairt, deich anns an làmh-choille, a' dol mu thimchioll na mara: thilgeadh dà shreath mheall an uair a thilgeadh i fèin.

25 Sheas i air dà dhamh dheug, trì ag amhare gu tuath, agus trì ag amhare an iar, agus trì ag amhare gu deas, agus trì ag amhare an ear: agus *chuireadh* a' mhuir orra gu h-àrd, agus *bha* a' chuid dheiridh dhiubh uile a stigh.

26 Agus *bha* leud boise air tiughad imte, agus *bha* a bile air a dheanamh mar bhile copain, le blathan lìl: chum i dà mhìle bat.

27 Agus rinn e deich buinn umha: ceithir làmhhan-coille cad gach buinn, agus ceithir làmhhan-coille a leud, agus trì làmhhan-coille 'àirde.

28 Agus *bha* obair nam bonn air an dòigh so: *bha* iomaill aca, agus *bha* na h-iomaill eadar na tàdhachan.

29 Agus air na h-iomaill a *bha* eadar na tàdhachan *bha* leòmhain, daimh, agus cheruban: agus air na tàdhachan *bha* mar sin gu h-àrd: agus fo na leòmhain agus na daimh *bha* ath-leasachadh a dh'obair thana.

30 Agus *bha* ceithir rothan umha aig gach bonn, agus clàir umha; agus aig a' cheithir oisnibh *bha* guailnean: fo 'n t-soitheach-ionnlaid *bha* guailnean leaghta, aig taobh gach ath-leasachaidh.

31 Agus *bha* a bheul an taobh a stigh de'n cheann, agus shuas, làmh-choille air leud: ach *bha* a bheul cruinn, a réir oibre a' bhuinn, làmh-choille gu leth: agus mar an ceudna air a bheul *bha* gearraidhean, agus an iomaill ceithir-chearnach, cha-n ann cruinn.

32 Agus *bha* ceithir rothan fo na h-iomallaibh; agus *bha* aisilean nan roth 'an greim anns a' bhonn: agus 'b'e àirde gach rotha làmh-choille gu leth.

33 Agus *bha* obair nan roth cosmhail ri obair rotha carbaid: *bha* an aisilean, agus an cìochan, agus an cuairsginean, agus an tarsanain uile leaghta.

34 Agus *bha* ceithir guailnean ri ceithir oisnibh gach buinn; na guailnean de'n bhonn fèin.

35 Agus ann am mullach a' bhuinn, leth làmh-choille air àirde, *bha* cuairt mu thimchioll: agus air mullach a' bhuinn *bha* a làmhhan agus 'iomaill dheth fèin.

36 Agus air clàraibh a làmh, agus air 'iomallaibh, ghearr e cheruban, leòmhain, agus craobhan-pailme, a réir riochd gach aoin diubh, agus ath-leasachadh mu'n enairt.



## 1 RIGH, VIII.

37 Mar so rinn e na deich buinn: an t-aon tilgeadh, an t-aon tomhas, an t-aon ghearradh aca uile.

38 Agus rinn e deich soithichean-ionnlaid umha: chumadh gach soitheach-ionnlaid dhiubh dà fhichead bat: *bhaceithir* làmhancaille anns gach soitheach ionnlaid: *chuireadh* aon soitheach-ionnlaid air gach aon de na deich buinn.

39 Agus chuir e cùig buinn air taobh na làimhe deise de'n tigh, agus cùig air taobh na làimhe clithe dheth: agus chuir e a' mhuir air taobh na làimhe deise de'n tigh, a làimh na h-àirde 'n ear, fa chomhair na h-àirde deas.

40 Agus rinn Hiram na soithichean-ionnlaid, agus na sluasaidean, agus na cuachan: agus chuir Hiram crìoch air deanamh na h-oibre uile a rinn e do rìgh Solamh air son tìghe an Tighearna:

41 An dà phost, agus dà chuairt nan ceann a bh'air mullach an dà phuist; agus an dà lìon-obair, a chòmhachadh dà chuairt nan ceann a bh'air mullach nan post:

42 Agus ceithir cheud pomgranat do'n dà lìon-obair: dà shreath phomgranat do gach lìon-obair, a chòmhachadh dà chuairt nan ceann a bh'air na puist:

43 Agus na deich buinn, agus na deich soithichean-ionnlaid air na buinn:

44 Agus aon mhuir, agus dà dhamh dheug fo 'n mhuir:

45 Agus na h-aighnean, agus na sluasaidean, agus na cuachan: agus na soithichean sin uile a rinn Hiram do rìgh Solamh air son tìghe an Tighearna, *bha iad de umha bhoibha*.

46 Ann an còmharn Iordain thilg an rìgh iad, anns an talamh chreadha eadar Sucot agus Sartan.

47 Agus d'fhàg Solamh na soithichean uile *gun chothromachadh*, air son an lìon-mhoireachd anabarraidh: cha d'fhuaradh a mach cudthrom an umha.

48 Agus rinn Solamh an t-uidheam uile a *bhuineadh* do thìgh an Tighearna: an altair de òr, agus am bòrd, air an robh aran na fianuis, de òr:

49 Agus na còinnleirean, cùig air an làimh dheis, agus cùig air an làimh chlì, air beulaobh a' ghuth-àite, de òr fìor-ghlan; agus na blàthan, agus na lòchrain, agus na clobh-achan, de òr.

50 Agus na cuachan, agus na smàladaircan, agus na copain, agus na spàinean, agus na tùiseirean, de òr fìor-ghlan: agus na lùthdagan de òr, an dà chuid do dhorsaibh an tìghe a steach, *eadhon* an ionaid ro naoimh, *agus* do dhorsaibh an tìghe, *eadhon* an teampull.

51 Agus chrìochnaich eadh an obair uile a rinn rìgh Solamh air son tìghe an Tighearna: agus thug Solamh a stìgh nithean naomhaichte Dhaibhidh athar; *eadhon* an t-airgid,

agus an t-òr, agus an t-uidheam, chuir e am meas ionmhais tìghe an Tighearna.

## CAIB. VIII.

1 *Thug Solamh agus seanairean Israeil an àire suas do'n ionad naomh.* 14 *Bheannaich Solamh an coimhthional.* 22 *Rinn e urnaigh ri Dia.* 62 *Thuge seachad iobairtean thabhartas-sith.*

**A**N SIN chruinnich Solamh seanairean Israeil, agus cinn nan treubh uile, ceannardan aithrichean chloinn Israeil, gu rìgh Solamh ann an Ierusalem, chum gu'n tugadh iad a mìos àire coimhcheangail an Tighearna, á baile Dhaibhidh: *is e sin Sion.*

2 Agus chruinnich fir Israeil uile iad fèin a dh'ionnsuidh rìgh Solamh, air an fhéill ann am mìos Etanim; *is e sin an seachdamh mìos.*

3 Agus thàinig uile sheanairean Israeil, agus thog na sagartan an àire.

4 Agus thug iad suas àire an Tighearna, agus pàillion a' choimhthionail, agus an t-uidheam naomh uile a bha 's a' phàillion; eadhon iad sin thug na sagartan agus na Leibhithich suas.

5 Agus bha rìgh Solamh, agus coimhthional Israeil uile, a thionail d'a ionnsuidh, maille ris roimh an àire, ag ìobradh chaorach, agus cruith, nach robh e'n comas àireamh, no mheas, a thaobh lìonmhoireachd.

6 Agus thug na sagartan a steach àire coimhcheangail an Tighearna d'a h-àite fèin, do ghuth-àit an tìghe, do'n ionad a's ro naoimhe, *eadhon* fo sgiathaibh nan cherub.

7 Oir sgaoil na cheruban a mach an sgiathan os ceann àite na h-àirce, agus chòmhdaich na cheruban an àire, agus a lunnan gu h-àrd.

8 Agus tharruing iad a mach na lunnan, air chor as gu'm faicteadh cinn nan lunn as an ionad naomh fa chomhair a' ghuth-àite, ach cha-n faicteadh a mach iad: agus tha iad an sin gus an là'n diugh.

9 Cha robh nì air bith anns an àire ach an dà chlàr chloiche, a chuir Maois an sin ann an Horeb, an uair a rinn an Tighearna coimhcheangal ri cloinn Israeil, aig teachd a mach dhoibh á tìr na h-Eiphit.

10 Agus an uair a thàinig na sagartan a mach as an ionad naomh, lìon an neul tìgh an Tighearna.

11 Air chor as nach b'urrainn na sagartan seasamh a fhrithealadh leis an neul: oir lìon glòir an Tighearna tìgh an Tighearna.

12 An sin thubhairt Solamh, Thubhairt an Tighearna gu'n gabhadh e còmhnuidh ann an dorchadas tìgh.

13 Gu dearbh thog mise tìgh-còmhnuidh dhuit, àite deas chum thu d'fhantuinn ann gu bràth.

14 Agus thionndaidh an rìgh 'aghaidh, agus bheannaich e uile choimhthional Is

raeil: (agus uile choimhthionail Israeil 'n an seasamh.)

15 Agus thubhairt e, Gu ma beannaichte an Tighearn Dia Israeil, a labhair le 'bheul fèin ri m'athair Daibhidh, agus a choimhionn e le 'làimh, ag ràdh,

16 O'n là air an d'thug mi mo shluagh Israel a mach as an Eiphit, cha do thagh mi baile sam bith á uile threubhan Israeil a thogail tigh, chum gu'm bitheadh m'ainm an sin: ach thagh mi Daibhidh gu bhi os ceann mo shluaigh Israeil.

17 Agus bha e ann an cridhe Dhaibhidh m'athair, tigh a thogail do ainm an Tighearna Dé Israeil.

18 Agus thubhairt an Tighearn ri Daibhidh m'athair, A chionn gu'n robh e ann ad chridhe tigh a thogail do m'ainm-sa, is maith a rinn thu gu'n robh e ann ad chridhe:

19 Gidheadh, cha tog thusa an tigh, ach do mhac a thig a mach as do leasraidh, togaidd e san tigh do m'ainm-sa.

20 Agus choimhionn an Tighearn 'fhocal a labhair e; agus dh'éirich mise suas 'an àite Dhaibhidh m'athair, agus tha mi a'm' shuidhe air righ-chathair Israeil, mar a labhair an Tighearn, agus thog mi tigh do ainm an Tighearna Dé Israeil.

21 Agus shuidhich m'in sin àite do'n àire, anns am bheil coimheangal an Tighearn', a rinn e r'ar n-aithrichibh, an uair a thug e mach iad á tìr na h-Eiphit.

22 Agus sheas Solamh air beulaobh altair an Tighearn', ann an lathair uile choimhthionail Israeil, agus sgaoil e mach a làmh gu nèamh:

23 Agus thubhairt e, A Thighearna Dhé Israeil, cha-n'eil Dia ann cosmhuil riutsa, anns na nèamhan shuas, no air an talamh a bhos, a chumas coimheangal agus tròcair ri d'sheirbhisich a ghluaisas a'd' fhianuis le'n uile chridhe:

24 A chum ri d'òglach Daibhidh m'athair an ni a labhair thu ris; oir labhair thu le d' bheul, agus le d' làimh choimhionn thu, mar air an là'n diugh.

25 A nis uime sin, a Thighearna Dhé Israeil, cum ri d'òglach Daibhidh m'athair an ni a labhair thu ris, ag ràdh, Cha bhi duine dhith ort a'm' fhianuis-sa, a shuidheas air righ-chathair Israeil; ma bheir a mhàin do chlam an aire d'an slighe, le gluasad a'm' fhianuis-sa, mar a ghluais thusa a'm' fhianuis.

26 Agus a nis, a Dhé Israeil, daingnichear guidheam ort, d'fhocal, a labhair thu ri d'òglach Daibhidh m'athair.

27 Ach an gabh Dia da rìreadh còmh-nuidh air an talamh? feuch, cha chum na nèamhan agus nèamhan nan nèamh thusa; cia gu mòr as lugha na sin an tigh so a thog mise?

28 Gidheadh amhaire air urnuigh do

sheirbhisich, agus air 'athchuinge, a Thighearna mo Dhia, a dh'éisdeachd risa' ghlaodh agus ris an urnuigh, a tha do sheirbhisich a' deanamh a'd' fhianuis an diugh:

29 A chum gu'm bi do shùilean fosgailte ris an tigh so a dh'oidheche agus a là; eadhon ris an àite mu'n dubhairt thu, Bitheadh m'ainm an sin: a chum gu'n éisd thu ris an urnuigh a ni do sheirbhisich a dh'ionnsuidh an àite so.

30 Agus éisd thusa ri athchuinge do sheirbhisich, agus do shluaigh Israeil, an uair a ni iad urnuigh a dh'ionnsuidh an àite so: agus éisd thusa o d' àite-còmhnuidh, o na nèamhan, agus an uair a dh'éisdeas tu, maith dhoibh.

31 Ma pheacaicheas duine an aghaidh a choimhearsnaich, agus ma dh'iarraas e mionnan air, a' toirt air mionnachadh, agus gu'n tig na mionnan air beulaobh d'altar-ach anns an tigh so;

32 An sin éisd thusa o na nèamhan, agus dean, agus thoir breth air do sheirbhisich, a' d'itheadh an aingidh, gu 'shlighe a thabhairt air a cheann fèin; agus a' fireanachadh an fhircin, a thabhairt da a réir 'fhìreantachd.

33 An uair a bhuailear do shluagh Israel an lathair an nàmhaid, a chionn gu'n do pheacaich iad a'd' aghaidh, agus a philleas iad riut, agus a dh'aicheadas iad d'ainm, agus a ni iad urnuigh, agus a ghuidheas iad ort anns an tigh so;

34 An sin éisd thusa o na nèamhan, agus maith peacadh do shluaigh Israeil, agus thoir a ris iad do'n fhearann a thug thu d'an aithrichibh.

35 An uair a dhruidear na nèamhan, agus nach bi uisge ann, a chionn gu'n do pheacaich iad a'd' aghaidh-sa, agus a ni iad urnuigh a dh'ionnsuidh an àite so, agus a dh'aicheadas iad d'ainm, agus a dh'iompaichear iad o'm peacadh, an uair a chuireas tu fo àmhghar iad;

36 An sin éisd thusa o na nèamhan, agus maith peacadh do sheirbhisich, agus do shluaigh Israeil, a chum gu'n teagaisg thu dhoibh an t-slighe mhaith anns an còir dhoibh gluasad, agus gu'n cuir thu uisge air d'fhearann, a thug thu do d' shluagh mar oighreachd.

37 Ma bhitheas gorta anns an tìr, ma bhitheas plàigh ann, seargadh, fuar dhealt, locuist, ma bhitheas burruis ann; ma theannaicheas a nàmhaid e ann an tìr a bhailtean, ciod air bith plàigh, ciod air bith cuslaist a bhitheas ann:

38 Ge b'e urnuigh, ge b'e athchuinge a chuirar suas le duine sam bith, no le d' shluagh Israel uile, ma bhitheas fios aig gach aon air plàigh a chridhe fèin, agus ma sgaoilcas e mach a làmh an a dh'ionnsuidh an tigh so;

39 An sin éisd thusa o na nèamhan d'aito-



## 1 RIGH, VIII.

còmhnuidh, agus maith, agus dean, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mhàin a tha fios air cridheachaidh uile chloinn nan daoine:)

40 A chum gu'm bi eagal orra romhad-sa ré nan uile làithean a bhios iad beò anns an fhearann, a thug thu d'ar n-aithrichibh.

41 Os bàrr, a thaobh coigrich nach 'eil de d' shluagh Israel, ach a thig á tìr chéin air sgàth d'aum-sa;

42 (Oir chuinnidh iad mu d'ainm mòr-sa, agus mu d' làimh làidir, agus do ghairdean sìnte mach:) an uair a tigh e agus a ni e urnuigh a dh'ionnsuidh an tighe so;

43 Eisd thusa o na nèamhan d'àite-còmhnuidh, agus dean a réir nan uile *nithean* mu'n glaoth an coigreach riut: air chor as gu'm bi còlas aig uile shlòigh na talmhainn air d'ainm-sa, chum gu'm bi eagal orra romhad mar a *tha air* do shluagh Israel, agus gu'm bi fios aca gu bheil an tigh so a thog mise air 'ainmeachadh ort.

44 Ma théid do shluagh a mach a chogadh an aghaidh an naimhdean, ge b'e rathad a chuireas tu iad, agus gu'n dean iad urnuigh ris an Tighearn dh'ionnsuidh a' bhaile a ròghnaich thusa, agus an tighe a chuir mise suas do d'ainm;

45 An sin éisd thusa o na nèamhan r'an urnuigh agus r'an athchuinge, agus seas an còir.

46 Ma pheacaicheas iad a'd' aghaidh, (oir cha-n'eil duine ann nach peacaich,) agus gu'n las d'f'hearg 'n an aghaidh, agus gu'n toir thu thairis iad d'an naimhdeibh, agus gu'n toir iad leo 'n am braighdibh iad do thìr an naimhdean, an fad no'm fagus;

47 *Gidheadh*, ma ni iad aithreachas 'n an cridhe anns an tìr d'an d'fhugadh 'n am braighdibh iad, agus ma dh'ionpaichear iad, agus ma ghuidheas iad ort ann an tìr na muinntir a thug leo 'n am braighdibh iad, ag ràdh, Pheacaich sinn, rinn sinn gu h-eucorach, rinn sinn gu h-aingidh;

48 Agus mar so ma philleas iad 'ad ionnsuidh-sa le'n uile chridhe, agus le'n uile anam, ann an tìr an naimhdean, a thug leo 'n am braighdibh iad, agus *ma* ni iad urnuigh riutsa rathad an tìre féin, a thug thu d'an aithrichibh, *rathad* a' bhaile a ròghnaich thu, agus an tighe a thog mi do d'ainm;

49 An sin éisd thusa o na nèamhan, d'àite-còmhnuidh, r'an urnuigh agus r'an athchuinge, agus seas an còir,

50 Agus maith do d' shluagh a pheacaich a'd' aghaidh, agus an eusaontais uile a rinn iad a'd' aghaidh, agus faigh truas dhoibh an làthair na muinntir a thug leo 'n am braighdibh iad, a chum gu'n gabh iad truas riut:

51 Oir is iad do shluagh-sa agus d'òighreachd iad, a thug thu mach as an Eiphit, meadhon na h-àmhuinne iarunn:

52 A chum gu'm bi do shùilean fosgailte ri athchuinge do sheirbhisich, agus ri athchuinge do sluaigh Israeil, a dh'éisdeachd riut anns gach ni mu'n gairm iad ort.

53 Oir dhealaich thu iad chum oighreachd dhuit féin o uile shluagh na talmhainn, mar a labhair thu le làimh Mhaois d'òglaich féin, an uair a thug thu ar n-aithrichean mach as an Eiphit, a Thighearna Dhé.

54 Agus an uair a chuir Solamh crìoch air an urnuigh so uile a dheanamh ris an Tighearn, agus an athchuinge so, dh'éirich e o bheulaobh altarach an Tighearna, o e féin a lùbadh air a ghluinibh, agus a làmhan sgaoilte dh'ionnsuidh nan nèamh:

55 Agus sheas e, agus bheannaich e uile choimhthional Israeil, le guth mòr, ag ràdh,

56 Gu ma beannaichte an Tighearn a thug suaimhneas d'a shluagh Israel, a réir nan uile *nithean* a labhair e: cha do thuit aon fhocal *gu lùr* d'a bhriathraibh maithe uile, a labhair e le làimh Mhaois, 'òglaich féin.

57 Gu'n robh an Tighearn ar Dia maille ruinne, mar a bha e maille ri'r n-aithrichibh: na fàgadh e sinn, agus na tréigeadh e sinn;

58 A chum gu'n aom e ar cridhe thuige féin, a ghluasad 'n a shlighibh uile, agus a ghleidheadh 'aithcantan, agus a reachdan, agus a bhreitheanas, a dh'àithn e d'ar n-aithrichibh.

59 Agus gu'n robh na briathran so agamsa, leis an do chuir mi suas athchuinge 'am fianuis an Tighearn', am fagus do'n Tighearn ar Dia a là agus a dh'oidhche, a chum gu'n seas e còir a sheirbhisich, agus còir a shluagh Israeil, anns gach àm, mar a dh'arras a' chèis:

60 A chum gu'm bi fios aig uile shluagh na talmhainn gur e'n Tighearn a's Dia ann, agus nach 'eil ann ach e.

61 Bitheadh bhuir cridhe uime sin iomlan leis an Tighearn ar Dia, a ghluasad 'n a reachdaibh, agus a ghleidheadh 'aithcantan, mar air an là'n diugh.

62 Agus dh'ìobair an rìgh, agus Israel uile maille ris, ìobairt 'am fianuis an Tighearna.

63 Agus dh'ìobair Solamh ìobairt thabhartas-sith, a dh'ìobair e do'n Tighearn, dà mhìle thar fhichead bò, agus ceud agus fichead mìle caora: mar sin choisrig an rìgh, agus clann Israeil uile, tigh an Tighearna.

64 Air an là sin féin naomhaich an rìgh meadhon na cùirte, a bh'air beulaobh tighe an Tighearna: oir thug e suas an sin ìobairtcan-loisgte, agus tabhartasan-bidh, agus saill nan tabhartas-sith; a chionn gu'n robh an altair umha a bh'ann fianuis an Tighearna, ro bheag a ghabhail nan ìobairt-loisgte, agus nan tabhartas-bidh, agus saill nan tabhartas-sith.

65 Agus chum Solamh anns an àm sin fèill, agus Israel uile maille ris, coimhlthional mòr, o dhòl a stigh Hamait gu ruig amhainn na h-Eiphit, 'am fianuis an Tighearn' ar Dé, seachd làithean agus seachd làithean, *eadhon* ceithir là deug.

66 Air an ochdamh là leig e air falbh an sluagh: agus bheannaich iad an rìgh, agus chaidh iad a dh'ionnsuidh am bùthan, subhach agus aoibhinn 'n an cridhe, air son a' mhaith uile a rinn an Tighearn do Dhaibhidh a sheirbhiseach agus d'a shluagh Israel.

## CAIB. IX.

1 *Rinn Dia, an dara uair, coimheangal ri Solamh.* 11 *Thug Solamh fichead baile do Hiram air son a sheirbhis dhia.* 20 *Rinneadh tràillean de na Canaanach.*

**A**GUS an uair a chuir Solamh crìoch air tigh an Tighearn', agus tigh an rìgh a thogail, agus uile mliann Sholaimh a bu taitneach leis a dheanamh,

2 Dh'fhoillsich an Tighearn e féin do Sholamh an dara uair, mar a dh'fhoillsich se e féin da ann an Gibeon.

3 Agus thubhairt an Tighearn ris, Chuala mi d'urnuigh agus d'athchuinge a chuir thu suas a'm' fianuis: naomhaich mi an tigh so a thog thu, a chur m'ainme an sin gu bràth; agus bithidh mo shùilean agus mo chridhe an sin gach là.

4 Agus ma ghluaisear tusa ann am fianuis, mar a ghluais Daibhidh d'athair, ann an ionlanachd cridhe, agus ann an ionracas, a dheanamh a réir nan uile *nithean* a dh'aithn mise dhuit, agus gu'n gléidh thu mo reachdan agus mo bhreitheanais.

5 An sin daingnichidh mise caithir do rìoghachd air Israel gu bràth, mar a labhair mi ri Daibhidh d'athair, ag ràdh, Cha bhi duine dhith ort air rìgh-caithir Israel.

6 Ach ma thionndaidheas sibh da rìreadh o m' leantuinn-sa, *sibh fèin* agus bhuir clann, agus nach gléidh sibh m'àitheantan agus mo reachdan a chuir mi roimhibh, ach gu'm falbh sibh agus gu'n dean sibh seirbhis do dhiathaibh eile, agus gu'n sleuchd sibh dhoibh;

7 An sin gearraidh mise Israel as bhàrr aghaidh an fhearainn a thug mi dhoibh: agus an tigh so a naomhaich mi do m'ainm fèin, tilgidh mi as mo shealladh; agus bithidh Israel 'n a ghnàth-fhocal, agus 'n a leth-fhocal an measg nan uile shluagh:

8 Agus an tigh so a bha co'ard, gach neach a ghabhas seachad air, bithidh iongnadh air, agus ni e sgeig; agus their iad, C'ar son a rinn an Tighearn mar so ris an tìr so, agus ris an tigh so?

9 Agus freagraidh iad, A chionn gu'n do thréig iad an Tighearn an Dia, a thug a mach an aithrichean á tìr na h-Eiphit, agus gu'n do ghabh iad d'an ionnsuidh diathan

eile, agus gu'n do shleuchd iad dhoibh, agus gu'n do rinn iad seirbhis dhoibh; uime sin thug an Tighearn orra an t-òle so uile.

10 Agus an ceann fhichead bliadhna, anns an do thog Solamh an dà thigh, tigh an Tighearn' agus tigh an rìgh,

11 *A chionn gu'n d'thug Hiram rìgh Thiruis seachad do Sholamh fiodh seudair, agus fiodh giuthais, agus òr, gu 'uile thoil, an sin thug rìgh Solamh do Hiram fichead baile ann an tìr Ghalile.*

12 Agus thàinig Hiram a mach á Tirus a dh'fhaicinn nam bailtean a thug Solamh dha; ach cha do thaitinn iad ris.

13 Agus thubhairt e, Cìod iad na bailtean sin a thug thu dhomh, a bhràthair? Agus thugadh fearann- Chàbuil mar ainm orra agus an là'n diugh.

14 Agus chuir Hiram a dh'ionnsuidh an rìgh sè fichead tàlann òir.

15 Agus *is e* so aobhar na cìse a thog rìgh Solamh a thogail tìghe an Tighearn', agus a thighe féin, agus Mhilo, agus balla Ierusalem, agus Hasoir, agus Mhegido, agus Ghesir.

16 Chaidh Pharaoh rìgh na h-Eiphit suas, agus ghlac e Geser, agus loisg se e le teine, agus mharbh e na Canaanach a bha 'chòmhnuidh 's a' bhaile, agus thug se e *mar* thiodhlac d'a nighinn, mnaoi Sholaimh.

17 Agus thog Solamh Geser, agus Bethoron iochdarach,

18 Agus Baalat, agus Tadmor's an fhàsach, anns an tìr,

19 Agus na h-uile bhailtean ionmhais a bh'ag Solamh, agus bailtean a charbad, agus bailtean a mharc-shluaigh, agus miann Sholaimh a mhiannaich e 'thogail ann an Ierusalem, agus ann an Lebanon agus ann an tìr a thighearnais uile.

20 *Agus an sluagh uile a dh'fhàgadh beò de na h-Amoraich, de na Hitich, de na Peridsich, de na Hibhich, agus de na Iebusaich, nach robh de chloinn Israeil.*

21 An clann a dh'fhàgadh 'n an déigh 's an tìr, nach b'urrainn clann Israeil asgrios gu tur, dhiubhsan thog Solamh daor-chis agus an là'n diugh.

22 Ach de chloinn Israeil cha d'rinn Solamh tràill sam bith: ach *bha* iad 'n am fir-chogaidh, agus 'n an seirbhisich aige, agus 'n an uachdaranaibh, agus 'n an ceannardaibh, agus 'n an riaghlairibh a charbad agus a mharc-shluaigh.

23 *B'iad* so uachdarain an luchd-dreuchd a bha os ceann oibre Sholaimh, cùg ceud agus leth-cheud, a riaghail os ceann an t-sluaigh a dh'òibrich 's an obair.

24 Ach chaidh nighean Pharaoh suas á baile Dhaibhidh d'a tigh féin, a thog *Solamh* dhi: an sin thog e Milo.

25 Agus dh'ìobair Solamh trì uairean 's a'



bhladhna ìobairtean-loisgte, agus ìobairtean-sith air an altair a thog e do'n Tighearn, agus loisg e tùis air an *altair* a *bha* 'm fianuis an Tighearn': agus chrìochnaich e 'n tigh.

26 Agus rinn rìgh Solamh loingeis ann an Esion-geber, a *tha* làimh ri Elot, air tràigh na mara ruaidhe, ann an tìr Edoim.

27 Agus chuir Hiram anns an loingeis 'òglaich féin, maraichean aig an robh eòlas na faire, maille ri 'òglaich Sholaimh.

28 Agus thàinig iad gu h-Ophir, agus thug iad as a sin òr, ceithir cheud agus fichead tàlann, agus thug iad gu rìgh Solamh e.

# CAIB. X.

1 *Ghabh ban-rìghinn Sheba iongantas ri gliocas Sholaimh.* 14 *Cudthrom an òir a thàinig d'a ionnsuidh gach bliadhna.* 18 *A rìgh-chaithir.* 21 *A shoithichean.* 26 *A charbaid agus a mharc-shluagh.*

**A**GUS an uair a chuala ban-rìghinn Sheba cliù Sholaimh ann an ainm an Tighearna, thàinig i g'a dhearbhadh le ceisidibh cruaidhe.

2 Agus thàinig i do h-Ierusalem le cuid-eachd ro mhòir, le càmhalaibh a' giùlan spìsraidh, agus ro mhòran òir agus chlachan luachmhor: agus thàinig i dh'ionnsuidh Sholaimh, agus labhair i ris gach ni a bha 'n a cridhe.

3 Agus mhìnich Solamh dhi a briathran uile: cha robh ni *air bith* 'am folach air an rìgh nach do mhìnich e dhi.

4 Agus an uair a chunnaic ban-rìghinn Sheba uile ghliocas Sholaimh, agus an tigh a thog e,

5 Agus biadh a bhuird, agus suidhe a sheirbhiseach, agus feitheamh a luchd-frithealaidh, agus an trusgain, agus a ghillean-cupain, agus a dhòl suas air an deachaidh e suas gu tigh an Tighearna, cha robh spiorad innte nìs mò.

6 Agus thubhairt i ris an rìgh, B'fhiòr an t-iomradh a chuala mise ann am thìr féin air do ghlìomharaibh, agus air do ghliocas.

7 Gidheadh, cha do chreid mi na briathran, gus an d'thàinig mi, agus gu'm faca mo shùilean féin e; agus, feuch, cha d'innseadh a leth dhomh: chaidh do ghliocas agus do shoirbheachadh thar an iomradh a chuala mi.

8 *Is* sona do dhaoine, *is* sona iad so do sheirbhiseach, a sheasas a'd' fhianuis an còmhnuidh, ag éisdcachd ri d' ghliocas.

9 Gu ma beannaichte an Tighearn do Dhia, a ghabh tlachd annad gu d' chur air rìgh-chaithir Israeil: a chionn gu bheil gràdh aig an Tighearn do Israel gu bràth, uime sin rinn e thusa a'd' rìgh, a dheanamh breitheanais agus ceartais.

10 Agus thug i do'n rìgh sè fichead tàlann òir, agus ro mhòran de spìsraidh, agus clachan luachmhor: (cha d'thàinig riamh

tuilleadh a leithid so de phailteas spìsraidh, as a thug ban-rìghinn Sheba do rìgh Solamh.

11 Agus mar an ceudna loingeis Hiram a ghiùlain òr o Ophir, thug i o Ophir ro mhòran de fhiodh almuig, agus clachan luachmhor.

12 Agus rinn an rìgh de'n fhiodh almuig puist do thigh an Tighearn', agus do thigh an rìgh, clàrsaichean mar an ceudna agus saltairean do'n luchd-ciùil: cha d'thàinig a leithid so de fhiodh almuig, agus cha'n fhacas a *leithid* gus an là'n diugh.)

13 Agus thug rìgh Solamh do bhan-rìghinn Sheba a h-uile mhiann a dh'iarr i, a thuilleadh air na thug e dhi a réir 'fhialaidheachd rìoghail féin: agus phill i, agus dh'fhalbh i d'a tìr, i féin agus a seirbhisich.

14 A nis b'e cudthrom an òir a thàinig gu Solamh ann an aon bhliadhna, sè ceud, trì fichead, agus sè tàlannan òir:

15 A thuilleadh air na *fhuair* e o na ceannaichibh, agus o mhalairt an luchd-spìsraidh, agus o uile rìghribh Arabia, agus o uachdaranaibh na tìre.

16 Agus rinn rìgh Solamh dà cheud sgiath de òr buailte: sè ceud *secel* òir chuir e chum gach sgeithe.

17 Agus *rinn* e trì cheud targaid de òr buailte: trì puinnnd òir chuir e chum gach targaid: agus chuir an rìgh iad ann an tigh frithe Lebanon.

18 Rinn an rìgh mar an ceudna rìgh-chaithir mhòr de fhiacalaidh *elephant*, agus chòmhaich e i leis an òr a bu ghloine.

19 *Bha* sè ceumana aig an rìgh-chaithir, agus *bha* mullach na rìgh-chaithrean cruinn o 'cùl; agus *bha* làmhnan air gach taobh de'n àite-shuidhe, agus dà leòmhann a' seasamh làmh ris na làmhnan.

20 Agus sheas dà leòmhann dheug an sin air na sè ceumaibh, air an taobh so agus air an taobh ud: cha d'rinnceadh a leithid ann an rìoghachd air bith *eile*.

21 Agus *bha* uile shoithichean òil rìgh Solaimh de òr, agus uile shoithichean tìghe frithe Lebanon de òr fìor-ghlan: cha robh aon diubh de airgid; cha robh meas air bith dheth ann an làithibh Sholaimh.

22 Oir *bha* loingeis Tharsis aig an rìgh air muir maille ri loingeis Hiram: aon uair anns na trì bliadhnaibh thàinig loingeis Tharsis, a' giùlan òir, agus airgid, fhiacal elephant, agus apan, agus pheucag.

23 Mar so thug rìgh Solamh barrachd air uile rìghribh an domhain ann an saoihrreas, agus ann an gliocas.

24 Agus dh'iarr an tàlann uile teachd an làthair Sholaimh, a dh'éisdcachd r'a ghliocas, a chuir Dia 'n a chridhe.

25 Agus thug iad leo gach fear a thiodhlac; soithichean airgid agus soithichean òir, agus trusganan, agus airm, agus spìsraidh,

eich agus muileidean; cuibhrionn bliadhna anns gach bliadhna.

26 Agus chruinnich Solamh carbaid agus marc-shluagh: agus bha mìle agus ceithir cheud carbaid aige, agus dà mhìle dheug marcach; a chuir e ann am bailtibh nan carbaid, agus maille ris an rìgh ann an Ierusalem.

27 Agus thug an rìgh air airgiod *a bhi* ann an Ierusalem mar chlachan, agus air na crannaibh seudair thug e *bhi* mar na croinn shicomoir a *tha* anns an t-srath, air lìon-mhoireachd.

28 Agus thugadh eich do Sholamh a mach as an Eiphit, agus snàth-lìn: ghabh ceann-achèau an rìgh an snàth-lìn air luach.

29 Agus thàinig carbaid a nìos agus chaidh e mach as an Eiphit air shè ceud *secel* airgid, agus each air cheud gu leth: agus mar sin do uile rìghribh nan fìiteach, agus do rìghribh Shiria, thug iadsan a mach *iad* le'n làimh.

### CAIB. XI.

1 *Chlaon mnathan Sholaimh a chridhe 'n a shean aois an dèigh dhiathan chridhe. 9 Bhagair Dia gu'n reubadh e a rìoghachd uath. 14 Dhùisg an Tighearn naimhdean suas da. 43 A bhàs.*

**A**GUS *bha* gaol aig rìgh Solamh air mòran de mhnathan coimheach, a thuilleadh air nighinn Pharaoh, Ban-mhoabach, Ban-amonaich, Ban-edomaich, Ban-shidonaich, agus Ban-hitich;

2 De na cinnich mu'n d'thubhairt an Tighearn ri cloinn Israeil, Cha tèid sibhse a steach d'an ionnsuidh-san, cha mhò a thig iadsan a steach d'ur n-ionnsuidh-sa; *oir* gu deimhin bheir iad air bhuir cridhe claoanadh an dèigh an diathan: riu so dhlùth-lean Solamh ann an gaol.

3 Agus bha seachd ceud bean aige, mar bhan-righinnean, agus trì cheud coimhleabach: agus thug a mhnathan air a chridhe claoanadh.

4 Oir thachair, ann an àm sean aois Sholaimh, *gu'n* do chlaon a mhnathan a chridhe an dèigh dhiathan eile; agus cha robh a chridhe iomlan leis an Tighearn a Dhia, mar a *bha* cridhe Dhaibhidh athar.

5 Oir chaidh Solamh an dèigh Astaroit ban-dé nan Sidonach, agus an dèigh Mhilcoim gràineileachd nan Amonach.

6 Agus rinn Solamh olc ann an sùilibh an Tighearn; agus cha do lean e gu coimhlionta an Tighearn, mar a *rinn* Daibhidh athar.

7 An sin thog Solamh ionad àrd do Chemos, gràineileachd Mhoab, anns an t-sliabh a *tha* mu choinnimh Ierusalem; agus do Mhelech, gràineileachd chloinn Amon.

8 Agus air an dòigh cheudna rinn e d'a mhnabh coimheach uile, a loisg tùis agus a thug suas iobairt d'an diathan.

9 Agus bha fearg air an Tighearn ri Solamh, a chionn gu'n do chlaou a chridhe o'n Tighearn Dia Israeil, a dh'fhoillsich e féin dha dà uair.

10 Agus a dh'àithn dha a thaobh an nì so, nach rachadh e'n dèigh dhiathan eile: ach cha do ghleidh esan an nì a dh'àithn an Tighearn.

11 Uime sin thubhairt an Tighearn ri Solamh, A chionn gu'n d'rinneadh so leat, agus nach do ghleidh thu mo choimhcheangal-sa agus mo reachdan a dh'àithn mi dhuit, gu deimhin reubaidh mise an rìoghachd uait, agus bheir mi do d' sheirbhiseach i.

12 Gidheadh ann ad làithibh-sa cha dean mi so, air sgàth Dhaibhidh d'athar: á làimh do mhic reubaidh mi i.

13 Ach cha reub mi an rìoghachd uile: bheir mi aon treubh do d' mhac air sgàth Dhaibhidh m'òglaich, agus air sgàth Ierusalem a thagh mi.

14 Agus dhùisg an Tighearn nàmhaid suas do Sholamh, Hadad an t-Edomach: *bha* e de'n t-sliochd rìghail ann an Edom.

15 Oir an uair a bha Daibhidh ann an Edom, agus a chaidh Ioab ceannard an t-sliogh suas a dh'adhlacadh nam marbh, an dèigh dha gach fìrionnach ann an Edom a bhualadh,

16 (Oir dh'fhan Ioab sè mìosan an sin, agus Israel uile, gus an do ghearr e as gach fìrionnach ann an Edom.)

17 Theich Adad, e féin agus Edomaich àraidh de sheirbhisich 'athar maille ris, gu dol a stigh do'n Eiphit; agus Hadad fathast 'n a leanaban òg.

18 Agus dh'éirich iad á Midian, agus thàinig iad gu Paran, agus thug iad daoine leo á Paran, agus thàinig iad do'n Eiphit, gu Pharaoh rìgh na h-Eiphit; agus thug esan dha tigh, agus dh'òrduich e lòn dha, agus thug e fearann dha.

19 Agus fhuair Hadad deadh-ghean mòr ann an sùilibh Pharaoh, air chor as gu'n d'thug e dha 'n a mnaoi piuthar a mhna féin, piuthar Thalpeneis na ban-righinn.

20 Agus rug piuthar Thalpeneis dha Genubat a mhac, a chuir Thalpenes bhàrr na cìche ann an tigh Pharaoh: agus bha Genubat ann an teaghlach Pharaoh am measg mhac Pharaoh.

21 Agus an uair a chuala Hadad 's an Eiphit gu'n do choidid Daibhidh maille r'a aithrichibh, agus gu'n robh Ioab ceannard an t-sliogh marbh, thubhairt Hadad ri Pharaoh, Leig dhomh imeachd, a chum gu'n tèid mi do m' thàir féin.

22 Agus thubhairt Pharaoh ris, Ach ciod a tha dh'easbhuidh ort maille riumsa, gu'n iarradh tu, feuch, dol do d' thàir féin? Agus fhreagair esan, Cha-n'eil ni air bith, gidheadh leig dhomh falbh air gach aon chor.

23 Agus dhùisg Dia suas nàmhaid *eile*



dha, Reson mac Eliadah, a theich o Hadereser, rìgh Shobah, a thighearn.

24 Agus chruinnich e daoine thuige, agus bha e 'n a cheannard air buidhinn, an uair a mharbh Daibhidh iadsan o *Shobah*: agus chaidh iad do Dhamascus, agus chòmhnuich iad ann, agus rinn iad e 'n a rìgh ann an Damascus.

25 Agus bha e 'n a nàmhaid do Israel ré uile làithean Sholaimh, a thuilleadh air an olc a *rinn* Hadad: agus dh'fhuathaich e Israel, agus rìghich e os ceann Edoim.

26 Agus Ieroboam mac Nebait, Ephratach o Shereda, seirbhiseach do Sholaimh, (agus 'e ainm a mhàthar Seruah, bantrach), thog eadhon esan a làmh an aghaidh an rìgh.

27 Agus *b'e* so an t-aobhar mu'n do thog e a làmh an aghaidh an rìgh: 'Thog Solaimh Milo, agus chàirich e beannan bhaile Dhaibhidh 'athar.

28 Agus *bha'n* duine Ieroboam treun ann an neart: agus an uair a chunnaic Solaimh gu'n robh an t-òganach deanadach, chuir se e os ceann uile luchd-giùlain uallach tighe Ioseiph.

29 Agus thachair anns an àm sin, air dol do Ieroboam a mach á h-Ierusalem, gu'n d'fhuair am fàidh Ahiah an Silonach e 's an t-slighe; agus e sgeadaichte le trusgan ùr: agus *bha* iad 'n an dithis leo féin anns a' mhachair.

30 Agus rug Ahiah air an trusgan ùr a *bha* air, agus reub e 'n a dhà mhìr dheug e.

31 Agus thubhairt e ri Ieroboam, Gabh dhuit féin deich mìrean; oir mar so tha'n Tighearn Dia Israeil ag ràdh, Feuch, reubaidh mise an rìoghachd á làimh Sholaimh, agus bheir mi deich treubhan dhuitse:

32 (Ach bithidh aon treubh aige-san air sgàth Dhaibhidh m'òglaich, agus air sgàth Ierusalem, am baile a thagh mi á uile treubhan Israeil:)

33 A chionn gu'n do thréig iad mise, agus gu'n do shleuchd iad do Astarot ban-dia nan Sidonach, do Chemos dia nam Moabach, agus do Mhilcom dia chloinn Amoin, agus nach do ghluais iad ann am shligheibh-sa, a dheanamh an *ni a tha* ceart a'm' shùilibh, agus a *ghleidheadh* mo reachdan agus mo bhreitheanas, mar a *rinn* Daibhidh 'athair.

34 Gidheadh, cha toir mi'n rìoghachd uile as a làimh, ach ni mi e 'n a uachdaran ré uile làithean a bheatha, air sgàth Dhaibhidh m'òglaich, a thagh mi, a chionn gu'n do ghleid e m'aitheantan agus mo reachdan.

35 Ach bheir mi'n rìoghachd á làimh a mhic, agus bheir mi dhuitse i, eadhon deich treubhan.

36 Agus d'a mhac-san bheir mi aon treubh, a chun gu'm bi lèchran aig Daibhidh m'òglach 'an còmhnuigh a'm' fhianuis ann

an Ierusalem, am baile a thagh mi dhomh féin a chur m'ainme an sin.

37 Agus gabhaidh mi thusa, agus rìoghachidh tu a réir nan uile *nithean* a mhiann-aicheas d'anam, agus bithidh tu a'd' rìgh air Israel.

38 Agus ma dh'éisdeas tu ris na h-uile *nithibh* a dh'aitheas mise dhuit, agus gu'n gluais thu ann am shligheibh, agus gu'n dean thu an *ni a tha* ceart a'm' shùilibh, a ghleidheadh mo reachdan agus m'aitheantan, mar a rinn Daibhidh m'òglach; an sin bithidh mise maille riut, agus togaidh mi dhuit tigh daingean, mar a thog mi do Dhaibhidh, agus bheir mi Israel dhuit.

39 Agus cràdhaidh mi sìochd Dhaibhidh air a shon so, ach cha-n aun gu bràth.

40 Uime sin dh'iarr Solaimh Ieroboam a mharbhadh. Ach dh'éirich Ieroboam, agus theich e do'n Eiphit, a dh'ionnsuidh Shisaic rìgh na h-Eiphit, agus bha e 's an Eiphit gu bàs Sholaimh.

41 Agus a' chuid eile de ghnìomharaibh Sholaimh, eadhon na h-uile *nithean* a rinn e, agus a ghliocas, nach 'eil iad sgrìobhta ann an leabhar ghnìomharan Sholaimh?

42 Agus *b'i* an ùine a rìghich Solaimh ann an Ierusalem os ceann Israeil uile, dà fhichead bliadhna.

43 Agus chòidil Solaimh maille r'a aithrichibh, agus dh'adhlacaidh e ann am baile Dhaibhidh 'athar: agus rìghich Rehoboam a mhac 'n a àit.

## CAIB. XII.

1 *Chruinnich na h-Israeli-bhaig Sechem gu Rehoboam a dheanamh 'n a rìgh. 16 Rinn deich treubhan ceannairc 'n a aghaidh, agus dh'ung iad Ieroboam gu bhì 'n a rìgh os an ceann. 26 Chuir Ieroboam suas dà laogh òir ann am Bet-el agus ann an Dan.*

**A** GUS chaidh Rehoboam do Shechem: oir thàinig Israel uile gu Sechem gu 'dheanamh 'n a rìgh.

2 Agus an uair a chuala Ieroboam, mac Nebait, a bha fathast anns an Eiphit *sin*, (far an do theich e o ghnìu rìgh Solaimh,) phill Ieroboam as an Eiphit.

3 Agus chuir iad *fios* agus ghairm iad air: agus thàinig Ieroboam, agus comhchruinn-eachadh Israeil uile, agus labhair iad ri Rehoboam, ag ràdh,

4 Dh'antromaich d'athair ar cuingne, ach eutromaich thus' a nis seirbhìs chruaidh d'athar, agus a chuing throm a chuir e oirn, agus ni sinn seirbhìs dhuit.

5 Agus thubhairt e riu, Falbhaibh fathast *gu ceann* thri làithean, an sin thigibh a ris a m' ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na seann daoinibh a sheas an làthair Sholaimh 'athar, an uair bu bheò e, ag ràdh, Cionnus a tha sibh a' comhairleachadh

*dhomh* freagradh a thabhairt do'n t-sluagh so?

7 Agus labhair iadsan ris, ag ràdh, Ma bhithcas tusa an diugh a'd' sheirbhiseach aig an t-sluagh so, agus gu'n dean thu seirbhis dhoibh, agus gu'm freagair thu iad, agus gu'n labhair thu focail mhaithe riu, an sin bithidh iadsan agadsa 'n an seirbhisich gu bràth.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga a dh'fhàs suas maille ris *fèin*, agus a sheas 'n a làthair.

9 Agus thubhairt e riu, Ciod a *tha* sibhse a' comhairleachadh, a chum gu'n toir sinn freagradh do'n t-sluagh so, a labhair rium, ag ràdh, Eutromaich a' chuing a chuir d'athair oirn?

10 Agus labhair na daoine òga a dh'fhàs suas maille ris *fèin* ris, ag ràdh, Mar so their thu ris an t-sluagh so a labhair riut, ag ràdh, Dh'antromaich d'athair ar cuingne, ach eutromaich thusa dhuinn *i*; mar so labhraidh tu riu, *Tha am meur* a's lugha agamsa nìs gairbhe na leasraidh m'athar.

11 Agus a nis chuir m'athair gun amharus oirbh cuing throm, ach cuiridh mise ri bhur cuing: smachdaich m'athair sibh le slataibh, ach smachdaichidh mise sibh le scorpionaidh.

12 Uime sin thàinig Ieroboam agus an sluagh uile gu Rehoboam air an treas là, mar a dh'aitin an rìgh, ag ràdh, Thigibh a m' ionnsuidh a ris air an treas là.

13 Agus fhreagair an rìgh an sluagh gu garbh; agus thréig e comhairle nan seann daoine a thug iad dha.

14 Agus labhair e riu a réir comhairle nan daoine òga, ag ràdh, Dh'antromaich m'athair bhur cuing, agus cuiridh mise ri bhur cuing: smachdaich m'athair sibh le slataibh, ach smachdaichidh mise sibh le scorpionaidh.

15 Mar so cha d'éisd an rìgh ris an t-sluagh; oir bhà'n t-aobhar o'n Tighearn, chum gu'n coimhionadh e 'fhocal féin, a labhair an Tighearn le làimh Ahiah an t-Silonaich ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibhrionn a *th'* againne ann an Daibhidh? agus cha-n'èil oighreachd againne ann am mac Iese: do d' bhùthaibh, O Israeil; a nis amhaire air do thigh féin, a Dhaibhidh. Agus dh'fhalbh Israel d'am bùthaibh.

17 Ach a *thaobh* chloinn Israeil a bha 'chòmhnuidh ann am bailtibh Iudah, rìghich Rehoboam os an ceann.

18 An sin chuir rìgh Rehoboam Adoram *d'an ionnsuidh* a bha os ceann na eise; agus chlach Israel uile e le clachaibh, agus fhuair e bàs: uime sin rinn rìgh Rehoboam

cabhadh gu dol suas d'a charbad, chum gu'n teicheadh e do h-Ierusalem.

19 Agus rinn Israel ceannaire an aghaidh tighe Dhaibhidh gus an là'n diugh.

20 Agus an uair a chual Israel uile gu'n d'thàinig Ieroboam a ris, chuir iad *fios*, agus ghairm iad air do'n chomh-chruinneachadh, agus rinn iad e 'n a rìgh air Israel uile: cha do lean tigh Dhaibhidh ach treubh Iudah a mhàin.

21 Agus an uair a thàinig Rehoboam gu h-Ierusalem, chruinnich e tigh Iudah uile, agus treubh Bheniamin, ceud agus ceithir fichead mìle fear taghta a bha deanta ri cogadh, a chogadh ri tigh Israeil, a thoirt na rìoghachd air a h-ais gu Rehoboam mac Shokaimh.

22 Ach thàinig focal Dhé gu Semaiah duine le Dia, ag ràdh,

23 Labhair ri Rehoboam mac Sholaimh, rìgh Iudah, agus ri tigh Iudah agus Bheniamin uile, agus ri fuigheall an t-sluaigh, ag ràdh,

24 Mar so tha'n Tighearn ag ràdh, Na rachaibh suas, agus na cogaibh rìr bràithribh cloinn Israeil: pillibh gach duine d'a thigh féin, oir is ann leamsa a rinneadh an nì so. Agus dh'éisd iad ri focal an Tighearna, agus phill iad gu imeachd a réir focail an Tighearna.

25 Agus thog Ieroboam Sechem ann an sliabh Ephraim, agus chòmhnuich e ann; agus chaidh e mach as a sin, agus thog e Pennel.

26 Agus thubhairt Ieroboam 'n a chridhe, A nis pillidh an rìoghachd gutigh Dhaibhidh:

27 Ma théid an sluagh so suas a dheanamh iobairtean ann an tigh an Tighearn' ann an Ierusalem, an sin pillidh cridhe an t-sluaigh so r'an tighearn, ri Rehoboam rìgh Iudah: agus marbhaidh iad mise, agus pillidh iad gu Rehoboam rìgh Iudah.

28 Uime sin ghabh an rìgh comhairle, agus rinn e dà laogh òir, agus thubhairt e riu, Is mòr oirbh dol suas gu h-Ierusalem: feuch do dhiathan, O Israeil, a thug a nìos thu á tìr na h-Eiphit.

29 Agus shuidhich e aon *diubh* ann am Betel, agus an *laogh* eile chuir e ann an Dan.

30 Agus rinneadh an nì so 'n a pheacadh: oir chaidh an sluagh a *shleuchdadh* an làthair aoin *diubh*, gu ruig Dan.

31 Agus rinn e tigh àitean àrda, agus rinn e sagairt de'n chuid a b'isle de'n t-sluagh, nach robh de chloinn Lebhi.

32 Agus rinn Ieroboam féill anns an oichdamh mìos, air a' chùigeamh là deug de'n mìos, cosmhuil ris an fhéill a bha ann an Iudah, agus dh'ìobair e air an altair: mar sin rinn e ann am Bet-el, ag òbradh do na laogh a rinn e: agus shuidhich e ann am Bet-el sagartan nan àitean àrda a rinn e.



33 Agus dh'ìobair e air an altair a rinn e ann am Bet-el, air a' chùigeamh là deug de'n ochdamh mìos, anns a' mhìos air an do smuainich e 'n a chridhe fèin: agus rinn e fèill do chloinn Israeil, agus dh'ìobair e air an altair, agus loisg e tùis.

## CAIB. XIII.

1 *Dh'èigh fàidh an aghaidh na h-altarach ann am Bet-el.* 4 *Shearg làmh Ieroboam, ach air iarrtus an fhàidh dh'aisigeadh dha i a ris.* 11 *Bha am fàidh eas-ùmhail do fhocal Dhé, agus mharbhadh e le leòmhann air an t-slighe.* 26 *Dh'adhlac sean fhàidh e.*

**A**GUS, feuch, thàinig duine le Dia á Iudah le focal an Tighearna gu Bet-el: agus *bha* Ieroboam 'n a sheasamh làmh ris an altair, a losgadh tùise.

2 Agus dh'èigh e an aghaidh na h-altarach ann am focal an Tighearna, agus thubhairt e, O altair, altair! mar so thubhairt an Tighearna, Feuch, beirear mac do thigh Dhaibhidh, d'an ainm Iosiah, agus iobraidh e ortsa sagartau nan àitean àrda a loisgeas tùis ort, agus loisgear cnàmhan dhaoine ort.

3 Agus thug e air an là sin féin comharadh seachad, ag ràdh, *Is e* so an comharadh a labhair an Tighearna: Feuch, reubar an altair, agus dòrtear a mach an luath a *tha* oirre.

4 Agus an uair a chuala rìgh Ieroboam focal an duine le Dia, a dh'èigh e an aghaidh na h-altarach ann am Bet-el, shin e a làmh a mach o'n altair, ag ràdh, Beiribh air: agus shearg a làmh a shin e mach 'n a aghaidh, air chor as nach b'urraim e a tabhairt air a h-ais thuige.

5 Agus reubadh an altair, agus dhòirteadh an luath a mach o'n altair, a réir a' chomharaidh a thug an duine le Dia le focal an Tighearna.

6 Agus fhreagair an rìgh, agus thubhairt e ris an duine le Dia, Aslaich a nis gnùis an Tighearna do Dhé, agus dean urnuigh air mo shon, a chum gu'n aisigear mo làmh dhomh a ris. Agus dh'aslaich an duine le Dia gnùis an Tighearna, agus dh'aisigeadh làmh an rìgh dha a ris, agus bha i mar air tùs.

7 Agus thubhairt an rìgh ris an duine le Dia, Thig maille riumsa do m' thigh, agus neartaich thu fèin; agus bheir mi tiodhlac dhuit.

8 Agus thubhairt an duine le Dia ris an rìgh, Ged bheireadh tu dhomhsa leth do thighe, cha rachainn a stigh maille riut, cha mhò a dh'ithinn aran, no 'dh'òlainn uisge anns an àite so:

9 Oir mar so dh'athneadh dhomhsa le focal an Tighearna, ag ràdh, Na ith aran, agus na òl uisge, agus na pill air an t-slighe air an d'fhàinig thu.

10 Agus dh'fhalbh e air slighe eile, agus cha do phill e air an t-slighe air an d'fhàinig e do Bhet-el.

11 A nis bha sean fhàidh 'n a chòmhnuidh ann am Bet-el; agus thàinig a mhic, agus dh'innis iad da na h-oibre uile a rinn an duine le Dia air an là sin ann am Bet-el: na briathran a labhair e ris au rìgh, iad so dh'innis iad mar an ceudna d'an athair.

12 Agus thubhairt an athair riu, Cia i an t-slighe air an d'fhalbh e? agus dh'fheuch a mhic *dha* an t-slighe air an d'fhalbh an duine le Dia, a thàinig á Iudah.

13 Agus thubhairt e r'a mhic, Cuiribh diòlaid dhomh air an asail. Agus chuir iad diòlaid dha air an asail, agus mharcaich e oirre.

14 Agus chaidh e'n dèigh an duine le Dia, agus fhuair e 'n a shuidhe e fo dharaig; agus thubhairt e ris, An tusa an duine le Dia, a thàinig á Iudah? Agus thubhairt esan, *Is mi*.

15 An sin thubhairt e ris, Thig maille riumsa do m' thigh, agus ith aran.

16 Agus thubhairt esan, Cha-n fheud mi pillinn maille riut, no dol a steach maille riut: cha mhò a dh'itheas mi aran, no 'dh'òlas mi uisge maille riut anns an àite so:

17 Oir chaidh a ràdh rium le focal an Tighearna, Cha-n ith thu aran, agus cha-n òl thu uisge an sin; cha mhò philleas tu gu imeachd air an t-slighe air an d'fhàinig thu.

18 Agus thubhairt e ris, *Is* fàidh mise mar an ceudna mar thu fèin, agus labhair aingeal rium le focal an Tighearna, ag ràdh, Thoir air ais leat e do d'thìgh, a chum gu'n ith e aran, agus gu'n òl e uisge. *Ach* rinn e breug dha.

19 Agus phill e maille ris, agus dh'ith e aran 'u a thigh, agus dh'òl e uisge.

20 Agus an uair a bha iad 'n an suidhe aig a' bhord, thàinig focal an Tighearna dh'ionnsuidh au fhàidh a thug air ais e:

21 Agus ghlaodh e ris an duine le Dia a thàinig á Iudah, ag ràdh, Mar so tha'n Tighearna ag ràdh, A chionn gu'u robh thu eas-ùmhail do fhocal an Tighearna, agus nach do ghléidh thu an àitline a dh'athn an Tighearna do Dhia dhuit,

22 Ach gu'n do phill thu, agus gu'n d'ith thu aran, agus gu'n d'òl thu uisge anns an àite mu'n d'thubhairt e riut, Na hith aran, agus na òl uisge; cha téid do chorp a steach do uaigh d'athrichean.

23 Agus an dèigh dha aran itheadh, agus an dèigh dha òl, chuir e diòlaid dha air an asail, *eadhon* do'n fhàidh a thug e air ais.

24 Agus an uair a dh'fhalbh e, thachair leòmhann air 's an t-slighe, agus mharbh se e; agus thighleadh a chorp air an t-slighe, agus sheas an asail làmh ris: sheas an leòmhann mar an ceudna làmh ris a' chorp.

25 Agus, feuch, *bha* daoine a' gabhail seachad, agus chunnaic iad an corp tilgte

air an t-slighe, agus an leòmhán 'n a sheas-  
amh làimh ris a' chorp: agus thàinig iad,  
agus dh'innis iad e anns a' bhaile, anns an  
robh an sean fhàidh 'n a chòmhnuidh.

26 Agus an uair a chual' am fàidh a thug  
air ais e o'n t-slighe sin, thubhairt e, *Is*  
esan an duine le Dia, a bha eas-ùmhail do  
fhocal an Tighearna: uime sin thug an  
Tighearn thairis e do'n leòmhán, a reub e,  
agus a mharb e, a réir focail an Tighearna,  
a labhair e ris.

27 Agus labhair e r'a mhic, ag ràdh,  
Cuiribh diollaid dhomhair an asail. Agus  
chuir iad diollaid oirre.

28 Agus dh'fhalbh e, agus fhuair e a chorp  
tilgte air an t-slighe, agus an asal agus an  
leòmhán 'n an seasamh làimh ris a' chorp:  
cha d'ith an leòmhán an corp; cha mhò a  
reub e an asal.

29 Agus thog am fàidh corp an duine le  
Dia, agus chuir e air an asail e, agus thug  
e air ais e: agus thàinig an sean fhàidh  
do'n bhaile, gu caoidh a dheanamh, agus  
gu 'adhlacadh.

30 Agus chuir e a chorp 'n a uaigh féin;  
agus rinn iad caoidh os a cheann, ag ràdh,  
Mo thruaighe mo bhràthair!

31 Agus an deigh dha esan adhlacadh,  
labhair e r'a mhic, ag ràdh, 'N uair a gheibh  
mise bàs, an sin adhlacibh mi anns an  
uaigh anns am bheil an duine le Dia  
adhlacite; làimh r'a chràmhaibh-san cuir-  
ibh mo chnàmhan-sa:

32 Oir gu deimhin thig e gu crìch an nì  
a dh'èigh e le focal an Tighearn' an aghaidh  
na h-aitarach ann am Bet-el, agus an  
aghaidh uile thighean nan àitean àrda, a  
tha ann am bailtibh Shamaria.

33 An deigh an nì so, cha do phill Iero-  
boam o 'dliroch shlighe, ach rinn e a ris  
de'n chuid a b'isle de'n t-sluagh sagartan  
do na h-àitibh àrda: ge b'e leis am b'àill,  
choisrig se e, agus bha e 'n a aon de shag-  
artaibh nan àitean àrda.

34 Agus bha an nì so 'n a pheacadh do  
thigh Ieroboam, agus a chum a ghearradh  
as, agus a chum a sgrios bhàrr aghaidh na  
talmhainn.

#### CAIB. XIV.

1 Chaidh bean Ieroboam a dh'ionnsuidh an  
fhàidh Ahiah a dh'fhiosrachadh dheth a  
thaobh a mic. 5 Dh'innis Ahiah dhi am  
breitheanas a bha gu teachd air tigh Ieroboam.  
21 Rìoghachadh aingidh Rehoboam. 25  
Chreach Sisac Ierusalem. 29 Fhuair Re-  
hoboam bàs, agus rìghich Abiam a mhac 'n a  
àit.

**A**NNS an àm sin bha Abiah, mac Iero-  
boam, gu tinn.

2 Agus thubhairt Ieroboam r'a mhnaoi,  
Eirich a nis, agus cuir thu féin ann an coslas  
eile, air chor as nach aithnich iad gur tu  
bean Ieroboam; agus imich do Shiloh:  
feuch, an sin tha Ahiah am fàidh, a dh'innis

dhomhsa gu'm bìthinn a'm' rìgh air an  
t-sluagh so.

3 Agus thoir leat a'd làimh deich builinn-  
ean, agus breacagan, agus soitheach meala,  
agus falbh d'a ionnsuidh: innsidh esan duit  
ciod a dh'éireas do'n leanabh.

4 Agus rinn bean Ieroboam mar sin, agus  
dh'éirich i, agus chaidh i do Shiloh, agus  
thàinig i gu tigh Ahiah: ach cha b'urrainn  
Ahiah nì fhaicinn, oir dhorchaicheadh a  
shùilean le aois.

5 Agus thubhairt an Tighearn ri Ahiah,  
Feuch, tha bean Ieroboam a' teachd a  
dh'iarraidh nì ort a thaobh a mic, oir tha e  
gu tinn: mar so agus mar so labhraidh tu  
rithe; oir tarlaidh 'n uair a thig i a steach,  
gu'n gabh i oirre féin gur bean eile i.

6 Agus tharladh, an uair a chual' Ahiah  
fuaim a cos, agus i a' teachd a steach air an  
dorus, gu'n dubhairt e, Thig a steach, a  
bhean Ieroboam: c'ar son a tha thu a'  
gabhair ort gur bean eile thu? ach chuir-  
eadh mise 'ad ionnsuidh le teachdairreachd  
chruaidh.

7 Falbh, innis do Ieroboam, Mar so tha'n  
Tighearn Dia Israeil ag ràdh, A chionn  
gu'n d'ardaich mise thu á meadhon an  
t-sluagh, agus gu'n do chuir mi thu a'd  
cheannard air mo shluagh Israel,

8 Agus gu'n do reub mi an rìoghachd o  
thigh Dhaibhidh, agus gu'n d'thug mi dhuitse  
i; agus gidheadh nach robh thu mar m'òglach  
Daibhidh, a ghléidh m'aitheantan, agus a  
lean mi le 'uile chridhe, a dheanamh an  
nì sin a mhàin a bha ceart ann mo shùil-  
ibh-sa;

9 Ach gu'n d'rinn thu olc os ceann nan  
uile a bha romhad, agus gu'n deachaidh tu  
agus gu'n d'rinn thu dhuit féin diathan eile,  
agus dealbhan leaghta, gu fearg a chur  
ormsa; agus gu'n do thilg thu mi air do  
chùlaobh:

10 Uime sin, feuch, bheir mise olc air  
tigh Ieroboam, agus gearraidh mi as o  
Ieroboam esan a nì uisge ri balla, esan a  
dhruideadh a steach agus a dh'fhàgadh ann  
an Israel; agus bheir mi air falbh fuigheall  
tighe Ieroboam, mar a bheir neach air falbh  
aolach gus an teirig e.

11 Esan a gheibh bàs de Ieroboam anns  
a' bhaile, ithidh na madraidh e; agus esan  
a gheibh bàs anns a' mhachair, ithidh  
eunlaith an athair e: oir labhair an Tigh-  
earn e.

12 Uime sin éirich thusa, imich do d' thigh  
féin: an uair a théid do chosan a steach  
do'n bhaile, gheibh an leanabh bàs.

13 Agus nì Israel uile caoidh air a shon,  
agus adhlacaidh iad e: oir thèid esan a  
mhàin o Ieroboam a dh'ionnsuidh na  
h-uaigne; a chionn gu'n d'fhuaradh ann  
nì maith a thaobh an Tighearna Dhé Is-  
raeil, ann an tigh Ieroboam.

14 Os bàrr, togaidh an Tighearn suas dha



féin rìgh air Israel, a ghearras as tigh Ieroboam air an là sin: ach ciod? a nis féin.

15 Agus buailidh an Tighearn Israel, mar a ghluaisear cuile anns an uisge, agus spionaidh e Israel as an fhearann mhaith so, a thug e d'an aithrichibh, agus sgapaidh e iad air an taobh thall de'n amhainn; a chionn gu'n d'rinn iad an doireachan, a' cur feirge air an Tighearn.

16 Agus bheir e thairis Israel, air son pheacaidhean Ieroboaim, a pheacaich, agus a thug air Israel peacachadh.

17 Agus dh'èirich bean Ieroboaim, agus dh'imich i, agus thàinig i gu Tirsah: agus an uair a chaidh i steach air stairsnich an tighe, fhuair an leanabh bàs.

18 Agus dh'adhlaidh iad e, agus rinn Israel uile caoidh air a shon, a réir focail an Tighearna, a labhair e le làimh 'òglaich féin Ahiah an fhàidh.

19 Agus a' chuid eile de ghnìomharaibh Ieroboaim, mar a chog, agus mar a rìghich e, feuch, *tha* iad sgrìobhta ann an leabhar eachdraidh rìghrean Israeil.

20 Agus *biad* na làithean a rìghich Ieroboam dà bhliadhna thar fhichead: agus choitil e maille r'a aithrichibh, agus rìghich Nadab a mhac 'n a àit.

21 Agus rìghich Rehoboam mac Sholaimh ann an Iudah. *Bha* Rehoboam bliadhna agus dà fhichead a dh'aois an uair a thòisich e air rìoghachadh; agus rìghich e seachd bliadhna deug ann an Ierusalem, ann baile a thagh an Tighearn á uile threubhan Israeil, a chur 'ainme an sin: agus *b'e* ainm a mhàthar Naamah, Ban-amonach.

22 Agus rinn Iudah ole ann an sùilbhan an Tighearna, agus bhrosnach iad e gu h-eud le'm peacaidhean, a rinn iad os ceann nan uile a rinn an aithrichean:

23 Oir thog iadsan mar an ceudna àitean àrda dhoibh féin, agus dealbhan, agus doir-eachan, air gach cnoc àrd, agus fo gach craoibh uaine.

24 Agus bha mar an ceudna Sodomaich anns an tìr: rinn iadsan a réir uile ghràin-eileachdan nan cinneach, a thilg an Tighearn a mach roimh chloinn Israeil.

25 Agus anns a' chùigcamh bliadhna de rìgh Rehoboam, thàinig Sisac rìgh na h-Eipht a nìos an aghaidh Ierusalem:

26 Agus thug e leis ionmhais tighe an Tighearna, agus ionmhais tighe an rìgh; bhuin e leis eadhon an t-iomlan: agus thug e leis na sgiathan òir uile a rinn Solamh.

27 Agus rinn rìgh Rehoboam sgiathan umha 'n an àit, agus thug e thairis *iad* gu làimh cheannard an fhreiceadain a ghléidh dorus tighe an rìgh.

28 Agus an uair a chaidh an rìgh a steach do thigh an Tighearna, dh'iomchair am freiceadan iad, agus thug iad air an ais iad gu seòmar an fhreiceadain.

29 Agus a' chuid eile de ghnìomharaibh Rehoboaim, agus na h-uile nithean a rinn e, nach 'eil iad sgrìobhta ann an leabhar eachdraidh rìghrean Iudah?

30 Agus bha cogadh eadar Rehoboam agus Ieroboam ré an làithean uile.

31 Agus choidil Rehoboam maille r'a aithrichibh, agus dh'adhlaidh e maille r'a aithrichibh ann am baile Dhaibhidh: agus *b'e* ainm a mhàthar Naamah, Ban-amonach. Agus rìghich Abiam a mhac 'n a àit.

## CAIB. XV.

1 *Rìoghachadh aingidh Abiam: 7 a bhàs: 8 rìghich Asa 'n a dhéigh. 23 Fhuair Asa bàs, agus rìghich Jehosaphat 'n a àit. 25 Rìoghachadh aingidh Nadab: 27 mharbhadh e le Baasa: 28 rìghich Baasa 'n a dhéigh, agus choimhlion e fàistneachd Ahiah an aghaidh tighe Ieroboaim.*

**A**NIS anns an ochdamh bliadhna deug de rìgh Ieroboam mac Nebait, rìghich Abiam os ceann Iudah.

2 Tri bliadhna rìghich e ann an Ierusalem: agus *b'e* ainm a mhàthar Maachab, nighean Abisaloim.

3 Agus ghluais e ann an uile pheacaidhean 'athar, a rinn e roimhe: agus cha robh a chridhe iomlan leis an Tighearn a Dhia, mar a bha cridhe Dhaibhidh 'athar.

4 Gidheadh, air sgàth Dhaibhidh thug an Tighearn a Dhia lòchran dha ann an Ierusalem, a chur a mhic suas 'n a dhéigh, agus a dhaingneachadh Ierusalem:

5 A chionn gu'n d'rinn Daibhidh an *ni a bha* ceart ann an sùilbhan an Tighearna, agus nach do chlaon e o na h-uile *nìthibh* a dh'aithean e dha ré uile làithean a bheatha, ach a mhàin 'an cùis Uriah an Hitich.

6 Agus bha cogadh eadar Rehoboam agus Ieroboam ré uile làithean a bheatha.

7 A nis a' chuid eile de ghnìomharaibh Abiam, agus na h-uile *nìthean* a rinn e, nach 'eil iad sgrìobhta ann an leabhar eachdraidh rìghrean Iudah? agus bha cogadh eadar Abiam agus Ieroboam.

8 Agus choitil Abiam maille r'a aithrichibh; agus dh'adhlaidh iad e ann am baile Dhaibhidh: agus rìghich Asa a mhac 'n a àit.

9 Agus anns an fhicheadamh bliadhna de Ieroboam rìgh Israeil, rìghich Asa os ceann Iudah.

10 Agus bliadhna agus dà fhichead rìghich e ann an Ierusalem: agus *b'e* ainm a mhàthar Maachab, nighean Abisaloim.

11 Agus rinn Asa an *ni a bha* ceart ann an sùilbhan an Tighearna, mar a rinn Daibhidh 'athair.

12 Agus dh'fhuadaich e na Sodomaich as an tìr, agus chuir e air falbh na dealbhan uile a rinn 'aithrichean.

13 Agus mar an ceudna Maachab a mhàthair, chuir e eadhon ise o *bhi* 'n a ban-

righinn, a chionn gu'n d'rinn i dealbh uamhasach ann an doire: agus sgrios Asa a dealbh uamhasach, agus loisg se e aig sruth Chidroin.

14 Ach cha do chuireadh as do na h-àitibh àrda: gidheadh, bha cridhe Asa iomlan leis an Tighearn ré a làithean uile.

15 Agus thug e steach na nithean a naomhaich 'athair, agus na nithean a naomhaich e féin, do thigh an Tighearn', airgid, agus òr, agus soithichean.

16 Agus bha cogadh eadar Asa agus Baasa rìgh Israeil, ré an làithean uile.

17 Agus chaidh Baasa rìgh Israeil suas an aghaidh Iudah, agus thog e Ramah, a chum nach leigeadh e le neach air bith dol a mach no teachd a steach gu Asa rìgh Iudah.

18 Agus ghabh Asa an t-airgid agus an t-òr uile a dh'fhàgadh ann an iomhasaibh tighe an Tighearna, agus ann an iomhasaibh tighe an rìgh, agus thug e iad 'an làimh a sheirbhiseach: agus chuir rìgh Asa iad gu Ben-hadad mac Thabrimoin, mhic Hesioin rìgh Shiria, a bha 'chòmhnuidh ann an Damascus, ag ràdh,

19 *Tha* còmhcheangal eadar mise agus thusa, agus eadar m'athair-sa agus d'athair-sa: feuch, chuir mi a d'ionnsuidh tiodhlac airgid agus òir; thig agus bris do chòmhcheangal ri Baasa rìgh Israeil, a chum gu'm falbh e uam.

20 Agus dh'éisd Ben-hadad ri rìgh Asa, agus chuir e ceannardan nan armailtean a bha aige, an aghaidh bhailtean Israeil, agus bhuail e lion, agus Dan, agus Abet-maachah, agus Cinerot uile, maille ri tìr Naphtali uile.

21 Agus an uair a chuala Baasa sin, sguir e de thogail Ramah, agus ghabh e còmhnuidh ann an Tirsah.

22 An sin thug rìgh Asa gairm air feadh Iudah uile, (cha robh neach air bith saor;) agus thug iad leo clachan Ramah, agus 'fhiodh, leis an do thog Baasa e; agus thog rìgh Asa leo Gebah Bheniamin, agus Mispah.

23 Agus a' chuid eile de uile ghnìomh-araibh Asa, agus a neart uile, agus gach *ni* a rinn e, agus na bailtean a thog e, nach 'eil iad sgrìobhta ann an leabhar eachdraidh rìghrean Iudah? Gidheadh, 'an àm a shean aois bha eucail 'n a chosaibh.

24 Agus choidil Asa maille r'a aithrichibh, agus dh'adhlacaidh e maille r'a aithrichibh ann am baile Dhaibhidh 'athair: Agus rìghich a mhac Iehosaphat 'n a àit.

25 Agus thòisich Nadab mac Ieroboaim air rìoghachadh os ceann Israeil anns an dara bliadhna de Asa rìgh Iudah; agus rìghich e os ceann Israeil dà bhliadhna.

26 Agus rinn e olc ann an sùilbhan Tighearna, agus ghluais e ann an slighe

'athar, agus 'n a pheacadh leis an d'thug e air Israel peacadhadh.

27 Agus rinn Baasa mac Ahiah, de thigh Isachair, ceannaire 'n a aghaidh: agus bhuail Baasa e làimh ri Gibeton, a *bhuineas* do na Philistich, an uair a bha Nadab agus Israel uile a' teannachadh Ghibetoin.

28 Mar so mharbh Baasa e anns an treas bliadhna de Asa rìgh Iudah, agus rìghich e 'n a àit.

29 Agus an uair a rìghich e, bhuail e tigh Ieroboaim uile; cha d'fhàg e neach air bith anns an robh anail aig Ieroboaim, gus an do sgrios se e, a réir focail an Tighearna, a labhair e le làimh a sheirbhisich Ahiah an t-Silonaich.

30 Airson pheacaidhean Ieroboaim a pheacaidh e, agus leis an d'thug e air Israel peacadhadh; air son a' bhrosnachaidh leis an do bhrosnaich e'n Tighearn Dia Israeil gu feirg.

31 Agus a' chuid eile de ghnìomharaibh Nadaib, agus na h-uile *nithean* a rinn e, nach 'eil iad sgrìobhta ann an leabhar eachdraidh rìghrean Israeil?

32 Agus bha cogadh eadar Asa agus Baasa rìgh Israeil ré an làithean uile.

33 Anns an treas bliadhna de Asa rìgh Iudah, thòisich Baasa mac Ahiah air rìoghachadh os ceann Israeil uile ann an Tirsah; agus rìghich e ceithir bliadhna fichead.

34 Agus rinn e olc ann an sùilbhan Tighearna, agus ghluais e ann an slighe Ieroboaim, agus 'n a pheacadh leis an d'thug e air Israel peacadhadh.

## CAIB. XVI.

1 *Fàistneachd Iehu an aghaidh tighe Bhaasa.* 5 *Fhuair Baasa bàs, agus rìghich Elah 'n a àit.* 8 *Mharbh Simri Elah.* 18 *Loisg Simri e féin 'n uair a theannaich Omri e ann an Tirsah.* 22 *Bhuadhaich Omri air Tibni.* 27 *Fhuair Omri bàs agus rìghich Ahab 'n a àit.*

**U**IME sin thàinig focal an Tighearna gu Iehu mac Hanani an aghaidh Bhaasa, ag ràdh.

2 A chionn gu'n d'àrdaich mise thu o'n duslach, agus gu'n d'rinn mi thu a'd' cheannard air mo shluagh Israel, ach gu'n do ghluais thusa ann an slighe Ieroboaim, agus gu'n d'thug thu air mo shluagh Israel peacadhadh, 'g am bhrosnachadh gu feirg le 'm peacaidhean:

3 Feuch, gearraidh mi as slìochd Bhaasa, agus slìochd a thighe; agus ni mi do thigh-sa mar thigh Ieroboaim mhic Nebait.

4 Esan a dh'eugas de Bhaasa anns a' bhaile, ithidh na madraidh e; agus esan a dh'eugas leis anns an fhearann, ithidh eunlaith an athair e.

5 Agus a' chuid eile de ghnìomharaibh Bhaasa, agus na *nithean* a rinn e, agus a neart, nach 'eil iad sgrìobhta ann an leabhar eachdraidh rìghrean Israeil?



6 Agus choidil Baasa maille r'a aithrichibh, agus dh'adhlaiceadh e ann an Tirsah: agus righich Elah a mhac 'n a àit.

7 Agus mar an ceudna le fàimh an fhàidh Iehu mhic Hanani, thàinig focal an Tighearn' an aghaidh Bhaasa, agus an aghaidh a thighe, air son an uile uile a rinn e ann an sùilbhan an Tighearna, 'g a bhrosnachadh gu feirg le obair a làmh, gu bhli mar thigh Ieroboaim, agus a chionn gu'n do mharbh se e.

8 Anns an t-sèathamh bliadhna fichead de Asa righ Iudah, thòisich Elah mac Bhaasa air rioghachadh os ceann Israeil ann an Tirsah; agus righich e dà bhliadhna.

9 Agus rinn a sheirbhiseach Simri, ceannard leth a charbad, ceannairc 'n a aghaidh 'n uair a bha e ann an Tirsah, ag òl gus an robh e air mhìsg ann an tigh Arsah, a bha os ceann a thighe ann an Tirsah.

10 Agus chaidh Simri steach, agus bhuail se e, agus mharbh se e, anns an t-seachdamh bliadhna fichead de Asa righ Iudah; agus righich e 'n a àit.

11 Agus an uair a thòisich e air rioghachadh, co luath as a shuidh e air a righ-chathair, bhuail e tigh Bhaasa uile: cha d'fhàg e neach air bith aige a dheanadh uisge ri balla, d'a luchd-dàimh no d'a chàir-dibh.

12 Mar so sgrios Simri tigh Bhaasa uile, a réir focail an Tighearna, a labhair e an aghaidh Bhaasa le fàimh Iehu an fhàidh;

13 Air son uile pheacaidhean Bhaasa, agus pheacaidhean Elah a mhic, leis an do pheacaidh iad, agus leis an d'fhug iad air Israel peacachadh, a' brosnachadh an Tighearn' Dé Israeil gu feirg le'n diomhanasaibh.

14 Agus a' chuid eile de ghnìomharaibh Elah, agus na h-uile nithean a rinn e, nach 'eil iad sgrìobhta ann an leabhar eachdraidh rìghrean Israeil?

15 Anns an t-seachdamh bliadhna fichead de Asa righ Iudah, righich Simri seachd lùithean ann an Tirsah: agus bha'n sluagh air campachadh an aghaidh Ghibetoin, a bhuineadh do na Philistich.

16 Agus chual' an sluagh a bha air campachadh, 'g a ràdh, Rinn Simri ceannairc, agus mar an ceudna bhuail e'n righ: uime sin rinn Israel uile Omri, ceannard an t-slàigh, 'n a righ air Israel an là sin féin anns a' champ.

17 Agus chaidh Omri, agus Israel uile maille ris, suas o Ghibeton, agus theannaidh iad Tirsah.

18 Agus an uair a chunnaic Simri gu'n do ghlacadh am baile, chaidh e steach do luchairt tìgle an r.gh, agus loisg e tigh an righ os a cheann féin le teine, agus dh'euig e.

19 Air son a pheacaidhean leis an do pheacaidh e, a' deanamh uile ann an sùilbhan an Tighearn', a' gluasad ann an slighe Iero-

boaim, agus 'n a pheacadh a rinn e, ann an tabhairt air Israel peacachadh.

20 Agus a' chuid eile de ghnìomharaibh Shimri, agus a cheannairc a rinn e, nach 'eil iad sgrìobhta ann an leabhar eachdraidh rìghrean Israeil?

21 An sin roinneadh sluagh Israeil 'n an dà leth: lean leth an t-sluaigh Tibni mac Ghinait, gu 'dheanamh 'n a righ; agus lean an leth eile Omri.

22 Ach bhuadhaich an sluagh a lean Omri air an t-sluaigh a lean Tibni mac Ghinait: agus fhuair Tibni bàs, agus righich Omri.

23 Anns an aon bhliadhna deug thar fhichead de Asa righ Iudah, thòisich Omri air rioghachadh os ceann Israeil; agus righich e dà bhliadhna dheug: ann an Tirsah righich e sè bliadhna.

24 Agus cheannaich e sliabh Shamaria o Shemer air dhà thàlann airgid, agus thog e aitreabh air an t-sliabh, agus ghoir e ainm a' bhaile a thog e, a réir ainme Shemeir, sealbhadair sléibh Shamaria.

25 Ach rinn Omri ole ann an sùilbhan an Tighearna, agus rinn e ni bu mhiosa na iadsan uile a bha roimhe:

26 Oir ghluais e ann an uile shlighe Ieroboaim mhic Nebait, agus 'n a pheacadh leis an d'fhug e air Israel peacachadh, a' brosnachadh an Tighearn' Dé Israeil gu feirg le'n diomhanasaibh.

27 Agus a' chuid eile de ghnìomharaibh Omri, a rinn e, agus a neart a dh'fheuch e, nach 'eil iad sgrìobhta ann an leabhar eachdraidh rìghrean Israeil?

28 Agus choidil Omri maille r'a aithrichibh, agus dh'adhlaiceadh e ann an Samaria: agus righich Ahab a mhac 'n a àit.

29 Agus thòisich Ahab mac Omri air rioghachadh os ceann Israeil, anns an ochdamh bliadhna deug thar fhichead de Asa righ Iudah: agus righich Ahab mac Omri os ceann Israeil ann an Samaria, dà bhliadhna thar fhichead.

30 Agus rinn Ahab mac Omri ole ann an sùilbhan an Tighearna, os ceann nan uile a bha roimhe.

31 Agus mar gu'm bu ni faoin dhasan gluasad ann am peacaidhean Ieroboaim mhic Nebait, ghabh e 'n a mnaoi Iesebel, nigean Etbaail, righ nan Sidonach, agus chaidh e agus rinn e seirbhis do Bhaal, agus shleuchd e dha.

32 Agus chuir e suas altair do Bhaal ann an tigh Bhaail, a thog e ann an Samaria.

33 Agus rinn Ahab doire; agus rinn Ahab ni's mò a bhrosnachadh an Tighearn' Dé Israeil gu feirg na uile rìghrean Israeil a bha roimhe.

34 'N a lùibh-san thog Hiel am Betel-each Iericho: ann an Abiram a cheud-ghin shuidhich e a bhymait, agus ann an Segub a mhac a b'òige chuir e suas a gheatachan, a

réir focail an Tighearna, a labhair e le làimh Iosua mhic Nuin.

CAIB. XVII.

1 *Fàisteachd an aghaidh Ahab.* 6 *Bheathach fithich am fàidh Eliah aig sruth Cherit.* 8 *'N uair a thiormaich an sruth chuir Dia e dh'ionnsuidh bantraich ann an Sarephat.* 17 *Fhuair mac na bantraich bàs, agus dh'ath-bheothaich e a ris.*

**A**GUS thubhairt Eliah an Tisbitheach, a *bha* de luchd-àiteachaidh Ghilead, ri Ahab, *Mar is beò an Tighearn Dia Israeil, an làthair am bheil mise a'm' sheasamh, cha bhi 's na bliadhnaibh so drùchd no uisge ann, ach a réir m'fhocail-sa.*

2 Agus thàinig focal an Tighearna d'a ionnsuidh, ag ràdh,

3 Imich as a so, agus tionndaidh thu féin a làimh na h-àirde 'n ear, agus folaich thu féin aig sruth Cherit, a *tha* fa chomhair Iordain.

4 Agus òlaidh tu de'n t-sruth, agus dh'àithn mise do na fithich do bheathachadh an sin.

5 Agus dh'imich e, agus rinn e a réir focail an Tighearna; oir chaidh e, agus ghabh e còmhnuidh aig sruth Cherit, a *tha* fa chomhair Iordain.

6 Agus thug na fithich d'a ionnsuidh aran agus feoil 's a' mhaduinn, agus aran agus feoil 's an fheasgar; agus dh'òl e as an t-sruth.

7 Ach an ceann tamuill thiormaich an sruth, a chionn nach robh uisge anns an tìr.

8 Agus thàinig focal an Tighearna d'a ionnsuidh, ag ràdh,

9 Eirich, imich gu Sarephat, a's le Sidon, agus gabh còmhnuidh an sin: feuch, dh'àithn mise do mhnaoi a *tha* 'n a bantraich an sin do bheathachadh.

10 Agus dh'éirich e, agus chaidh e do Sharephat: agus an uair a thàinig e gu geata a' bhaile, feuch, bha a' bhantrach an sin a' tional bhioran; agus ghairm e oirre, agus thubhairt e, Thoir a'm' ionnsuidh, guidheam ort, beagan uisge ann an soitheach, a chum gu'n òl mi.

11 Agus an uair a bha i a' dol g'a thoirt leatha, ghlaodh e rithe, agus thubhairt e, Thoir a m' ionnsuidh, guidheam ort, greim arain a'd' làimh.

12 Agus thubhairt ise, *Mar is beò an Tighearn do Dhia, cha-n'èil breacag agam, ach làn an duirn de mhin ann an soitheach, agus beagan olaidh ann an còrn:* agus, feuch, *tha* mi a' tional biorain no dhia, a chum gu'n téid mi steach, agus gu'n deasaich mi e dhomh féin agus do m' mhae, agus gu'n ith sinn e, agus gu'm faigh sinn bàs.

13 Agus thubhairt Eliah rithe, Na bith-eadh eagal ort; falbh, dean a réir d'fhocail: ach dean dhomhsa diubh sin breacag bheag an toiseach, agus thoir a m' ionn-

suidh i, agus dhuit féin agus do d'mhae deasaich 'n a dhéigh sin.

14 Oir mar so thà'n Tighearn Dia Israeil ag ràdh, Cha chaithear an soitheach mine, agus cha teirig an còrn olaidh, gus an là 's an cuir an Tighearn uisge air aghaidh na talmhainn.

15 Agus dh'fhalbh i, agus rinn i a réir focail Eliah: agus dh'ith ise, agus esan, agus a tigh rè mòrain de làithibh.

16 Cha do chaitheadh an soitheach mine, agus cha do theirig an còrn olaidh, a réir focail an Tighearna, a labhair e le làimh Eliah.

17 Agus thachair an déigh nan nithean sin, gu'n d'fhàs mac na mnà, *eadhon* mnà an tigh, gu tinn; agus bha a thinneas cho trom as nach d'fhagadh anail ann.

18 Agus thubhairt i ri Eliah, Ciod e mo ghnothuch-sa riut, a dhuine le Dia? an d'thàinig thu a m' ionnsuidh a chur mo pheacaidh 'an cuimhne, agus a mharbhadh mo mhic?

19 Agus thubhairt esan rithe, Thoir dhomhsa do mhae. Agus ghlac e as a h-uchd e, agus thug e suas e do sheòmar uachdarach, anns an robh e féin a' fantuinn, agus chuir e 'n a luidhe air a leabaidh féin e.

20 Agus dh'éigh e ris an Tighearn, agus thubhairt e, A Thighearna mo Dhia, an d'thug thu mar an cudna ole air a' bhantraich aig am bheil mi air aoidheachd, le a mac a mharbhadh?

21 Agus shìn se e féin air an leanabh tri uairean, agus dh'éigh e ris an Tighearn, agus thubhairt e, A Thighearna mo Dhia, thigeadh, guidheam ort, anam an leinibh so a steach ann a ris.

22 Agus dh'éisd an Tighearn ri guth Eliah; agus thàinig anam an leinibh a steach ann a ris, agus dh'ath-bheothaich eadhlach e.

23 Agus ghlac Eliah an leanabh, agus thug e sìos e as an t-seòmar uachdarach do'n tigh, agus thug e d'a mhàthair e: agus thubhairt Eliah, Feuch, tha do mhae beò.

24 Agus thubhairt a' bhean ri Eliah, A nis le so tha fios agam gur duine le Dia thu, agus gur fìrinn focal an Tighearn ann do bheul.

CAIB. XVIII.

1 *Nochd Eliah e féin do Ahab, 18 agus thug e admhlasan dha air sona dhroch ghnìomharan.* 40 *Mharb e fàidhean Bhaail aig sruth Chisoin.* 41 *Thug e fios do Ahab gu'n tigeadh pailteas uisge air aghaidh na talmhainn.*

**A**GUS an déigh mòrain làithean, thàinig focal an Tighearna gu Eliah anns an treas bliadhna, ag ràdh, Falbh, nochd thu féin do Ahab, agus bheir mise uisge air aghaidh na talmhainn.

2 Agus dh'fhalbh Eliah g'a nochdadh féin do Ahab: agus *bha* gorta mhòr ann an Samaria.

3 Agus ghairm Ahab air Obadiah, a *bha*



os ceann a thighe: (a nis bha eagal an Tighearna gu mòr air Obadiah:

4 Oir an uair a thug Iesebel faineir fàidhean an Tighearn' a ghearradh as, ghabh Obadiah ceud fàidh, agus dh'fholaich e iad 'n an leth-cheudaibh ann an uaimh, agus bheathaich e iad le h-aran agus uisge.)

5 Agus thubhairt Ahab ri Obadiah, Imich do'n tìr, a dh'ionnsuidh nan tobar uisge uile, agus a dh'ionnsuidh nan sruth uile, a dh'fheuchainn am faigh sinn fear, a chum gu'n gléidh sinn ar n-eich agus ar muil-eidcan beò, agus nach caill sinn an spréidh uile.

6 Agus roinn iad an tìr eatorra gu dol troimpe: chaidh Ahab air aon slighe leis féin, agus chaidh Obadiah air slighe eile leis féin.

7 Agus an uair a bha Obadiah 's an t-slighe, feuch, thachair Eliah air: agus dh'aithnich se e, agus thuit e air 'aghaidh, agus thubhairt e, An tusa 'tha'n so, mo thighearn' Eliah?

8 Agus thubhairt esan ris, *Is* mi: imich, innis do d' thighearn, Feuch, *tha* Eliah an so.

9 Agus thubhairt esan, Ciod am peacadh a rinn mi, gu'n tugadh tu do sheirbhiseach 'an làimh Ahaib, g'am mharbhadh?

10 *Mar* is beò an Tighearn do Dhia, cha-n'eil cinneach no rioghachd, do nach do chuir mo thighearn g'ad iarraidh: agus an uair a thubhairt iad, Cha-n'eil e'n so, ghabh e mionnan de'n rioghachd agus de'n chinneach, nach d'fhuir e thu.

11 Agus a nis *tha* thu ag ràdh, Imich, innis do d' thighearn, Feuch, *tha* Eliah an so.

12 Agus tachairaidh, an uair a dh'imicheas mise uait, gu'n tog spiorad an Tighearna leis thusa far nach 'eil fhios agamsa; agus an uair a thig mise a dh'innseadh do Ahab, agus nach faigh e thu, gu'm marbh e mise: gidheadh *tha* eagal an Tighearn' ormsa do sheirbhiseach o m'òige.

13 Nach d'innseadh do m' thighearn ciod a rinn mi 'n uair a mharbh Iesebel fàidhean an Tighearna, mar a dh'fholaich mi ceud fear a dh'fhàidhibh an Tighearna, 'n an leth-cheudaibh ann an uaimh, agus a bheathaich mi iad le h-aran agus le h-uisge?

14 Agus a nis *tha* thu ag ràdh, Imich, innis do d' thighearn, Feuch, *tha* Eliah an so; agus marbhaidh e mi.

15 Agus thubhairt Eliah, *Mar* is beò Tighearn nan slògh, an làthair am bheil mi a'm' sheasamh, gu deinnhin nochdaidh mi mi féin dha an diugh.

16 Uime sin chaidh Obadiah 'an coinnimh Ahaib, agus dh'innis e dha: agus chaidh Ahab 'an coinnimh Eliah.

17 Agus an uair a chunnaic Ahab Eliah, thubhairt Ahab ris, An tusa esan a tha 'cur Isracil fo bhuaireas?

18 Agus thubhairt esan, Cha mhise a chuir Isracil fo bhuaireas, ach thusa agus tigh d'athar, a thaobh gu'n do thréig sibh àitheantan an Tighearn', agus gu'n do lean sibh Baalim.

19 A nis uime sin cuir *fios*, cruinnich a m' ionnsuidh-sa Isracil uile gu sliabh Charnell, agus fàidhean Bhaail, ceithir cheud agus leth-cheud, agus fàidhean nan doire, ceithir cheud, a tha 'g itheadh aig bord Iesebel.

20 Agus chuir Ahab *fios* a dh'ionnsuidh chloinn Isracil uile, agus chruinnich e na fàidhean an ceann a chéile gu sliabh Charnell.

21 Agus thàinig Eliah dh'ionnsuidh an t-sluaigh uile, agus thubhairt e, Cia fhad a bhitheas sibh 's an ioma-chomhairl' eadar dhà bharail? Ma's e'n Tighearn 'a's Dia ann, leanaibh e; ach ma's e Baal, leanaibh esan. Ach cha do fhreagair an sluagh e aon fhocal.

22 An sin thubhairt Eliah ris an t-sluagh, Dh'fhàgadh mise, eadhon mise a mhàin a'm' fhàidh leis an Tighearn; ach tha fàidhean Bhaail ceithir cheud agus leth-cheud fear 'an àireamh.

23 Thugadh iad dhuinne ma ta dà tharbh òg, agus taghadh iadsan dhoibh féin aon tarbh òg, agus gearradh iad 'n a mhìribh e, agus cuireadh iad air connadh e; ach na cuireadh iad teine foidhe: agus deasaichidh mise an tarbh òg eile, agus cuiridh mi air connadh e, ach cha chuir mi teine foidhe.

24 An sin gairmibh-sa air ainm bhur diathan féin, agus gairmidh mise air ainm an Tighearn: agus an Dia a fhreagras le teine, bithidh esan 'n a Dhia. Agus fhreagair an sluagh uile agus thubhairt iad, *Is* maith a labhair thu.

25 Agus thubhairt Eliah ri fàidhibh Bhaail, Taghaibh-sa dhuibh féin aon tarbh òg, agus deasaichibh 'an toiseach e, oir tha sibh lionmhòr; agus gairmibh air ainm bhur diathan, ach na cuiribh teine foidhe.

26 Agus ghabh iad an tarbh òg a thugadh dhoibh, agus dheasaich iad e, agus ghairm iad air ainm Bhaail o mhaduinn eadhon gu meadhon-là, ag ràdh, A Bhaail, éisd ruinne! Ach cha *robh* guth, no neach air bith a fhreagradh ann: agus leum iad air an altair a rinn iad.

27 Agus an uair a bha e mu mheadhon-là, rinn Eliah fanoid orra, agus thubhairt e, Eighibh le guth àrd; oir *is* dia e: an dara cuid *tha* e a' beachd-smuaineachadh, no *tha* e air tòir, no *tha* e air thurus, no theagamh gu'm bheil e 'n a chodal, agus gu'm feumar a dhùsgadh.

28 Agus dh'èigh iadsan le guth àrd, agus ghearr siad iad féin a réir an gnàtha le claidhibh agus le lannaibh, agus an do thaom an fhuil a mach orra.

29 Agus an uair a chaidh meadhon-là thairis, agus a rinn iad fàidheadaireachd

gu àm toirt suas na h-ìobairt-*fheasgair*, cha *robh* guth ann, uo aon air bith a fhreagradh, no 'bheireadh faineir *iad*.

30 Agus thubhairt Eliah ris an t-sluagh uile, Thigibh am fagus domh-sa. Agus thàinig an sluagh uile am fagus da; agus chàirich e altair an Tighearn' a *bha* air a briseadh sìos.

31 Agus ghabh Eliah dà chloich dheug, a réir àireimh threubh mhac Iacoib, chum an d'thàinig focal an Tighearn', ag ràdh, Bithidh Israel mar ainm ort.

32 Agus thog e, leis na clachaibh, altair ann an ainm an Tighearn'; agus rinn e clais co mhòr as gu'n cumadh i dà thomhas sìl, mu'n cuairt air an altair.

33 Agus shuidhich e'n connadh, agus ghearr e'n tarbh òg 'n a mhuiribh, agus chuir e air a' chonnadh *e*.

34 An sin thubhairt e, Lìonaibh ceithir soithichean le h-uisge, agus dòirtibh e air an ìobairt-loisgte, agus air a' chonnadh. Agus thubhairt e, Deanaibh an dara h-uair e, agus rinn iad an dara h-uair e: agus thubhairt e, Deanaibh an treas uair e, agus rinn iad an treas uair e.

35 Agus chaidh an t-uisge mu'n cuairt air an altair; agus lion e mar au ceudua a' chlais le h-uisge.

36 Agus 'an àm toirt suas na h-ìobairt-*fheasgair*, thàinig Eliah ann fàidh 'am fagus, agus thubhairt e, A Thighearna Dhé Abrahaim, Isaac, agus Israeil, biodh fhios an diugh gur tusa 'a's Dia ann an Israel, agus *gur* mise d'òglach, agus *gur* ann air d'fhocal-sa rinn mi na nìthan so uile.

37 Eisd rium, A Thighearna, éisd rium; agus bitheadh fios aig an t-sluagh so gur tusa an Tighearn Dia, agus gu'n do phill thu an eridhe air ais a ris.

38 An sin thuit teine au Tighearn', agus chaith e an ìobairt-loisgte, agus an connadh, agus na clachan, agus an luathre; agus an t-uisge *bha* 's a' chlais dh'imlich e suas.

39 Agus an uair a chunnaic an sluagh uile e, thuit iad air an aghaidh, agus thubhairt iad, *Is* e'n Tighearn féin 'a's Dia ann, *is* e'n Tighearn féin 'a's Dia ann.

40 Agus thubhairt Eliah riu, Glacaibh fàidhean Bhaail; na rachadh duine dhiubh as. Agus ghlac siad iad; agus thug Eliah sìos iad gu sruth Chisoin, agus mharbhb e iad an sin.

41 Agus thubhairt Eliah ri Ahab, Eirich suas, ith agus òl; oir *tha* fuaim pailteis uisge ann.

42 Agus chaidh Ahab suas a dh'ithheadh agus a dh'òl; agus chaidh Eliah suas gu mullach Charmoil, agus thilg se e féin sìos air an talamh, agus chuir e 'aghaidh eadar a ghluinibh;

43 Agus thubhairt e r'a òglach, Falbh suas a nis, amhaire a dh'ionnsuidh na fairge. Agus chaidh esan suas, agus dh'amhaire e,

agus thubhairt e, Cha-n'eil ni air bith ann. Agus thubhairt e, Falbh a ris seachd uairean.

44 Agus air an t-seachdamh uair thubhairt e, Feuch, *tha* neul beag cosmhuil ri bois duine ag éirigh as an fhairege. Agus thubhairt e, Falbh suas, abair ri Ahab, Ulluich do *charbad*, agus gabh sìos, a chum nach bac an t-uisge thu.

45 Agus anns a' cheart àm sin, dhorch-aicheadh na speuran le neulaibh agus le gaoith; agus bha uisge mòr ann. Agus mharcaich Ahab, agus chaidh e do Iesreel.

46 Agus bha làmh an Tighearn' air Eliah; agus chrìoslaich e a leasraidh, agus ruith e roinnh Ahab, gus an d'thàinig e do Iesreel.

## CAIB. XIX.

1 *Theich Eliah o làthair Iesebel, agus thàinig e gu Beerseba. 4'S an fhàsach dh'iarr e dha féin bàs fhagail; 5 ach rinn aingeal an Tighearn' cabhair air. 9 Ann an Horeb dh'fhoillsich Dia e féin dha, agus chuir se e a dh'ungadh Hasaël, Iehu, agus Elisa.*

**A** GUS dh'innis Ahab do Iesebel na h-uile *nìthan* a rinn Eliah, agus cionnus a mharbh e na fàidhean uile leis a' chlaidheamh.

2 Agus chuir Iesebel teachdair a dh'ionnsuidh Eliah, ag ràdh, Mar sin deanadh na diathan *riumsa*, agus tuilleadh mar an ceudna, mur dean mise mu'n àm so am màireach d'anam-sa mar anam aoin diubhsan.

3 Agus bha eagal air, agus dh'éirich e, agus dh'fhalbh e air sgàth 'anama, agus thàinig e gu Beer-seba, a *bhuineas* do Iudah, agus dh'fhàg e 'òglach an sin.

4 Ach chaidh e féin astar latha do'n fhàsach, agus thàinig e agus shuidh e fo chraoibh-aiteil, agus dh'iarr e dha féin bàs fhagail, agus thubhairt e, Is leòr e; a nis a Thighearna, thoir leat m'anam; oir cha-n fhearr mise ua m'aithrichean.

5 Agus an uair a luidh e agus a choidil e fo chraoibh-aiteil, feuch, an sin bhean aingeal ris, agus thubhairt e ris, Eirich, ith.

6 Agus dh'amhaire e, agus, feuch, *bha* aig a cheann breacag a bhrùicheadh air a' ghrìosaich, agus soithreach uisge: agus dh'ith agus dh'òl e, agus luidh e sìos a ris.

7 Agus thàinig aingeal an Tighearn' air ais an dara h-uair, agus bhean e ris, agus thubhairt e, Eirich, ith; oir tha'n turus mòr air do shon.

8 Agus dh'éirich esan, agus dh'ith agus dh'òl e, agus dh'imich e ann an neart a' bhìdh sin dà fhlichead là, agus dà fhlichead oidhche, gu ruig Horeb sliabh Dhé.

9 Agus chaidh e steach an sin do uaimh, agus ghabh e tàmh innte; agus, feuch, thàinig focal an Tighearna d'a ionnsuidh, agus thubhairt e ris Ciod e do ghuothuch an so, Eliah?



10 Agus thubhairt esan, Bha mi ro eud-mhor air son an Tighearna Dé nan slògh: oir thréig clann Israeil do choimhcheangal, thilg iad sìos d'altairean, agus mharbh iad d'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anama, chum a thoirt air falbh.

11 Agus thubhairt e, Falbh a mach, agus seas air an t-slabh an làthair an Tighearna. Agus, feuch, ghabh an Tighearn seachad, agus reub gaoth mhòr agus làidir na beanntan, agus bliris i na creagan 'n am bloighdibh roimh an Tighearn, *ach cha robh* an Tighearn anns a' ghaoith; agus an déigh na gaoithe crith-thalmhainn, *ach cha robh* an Tighearn anns a' chrith-thalmhainn;

12 Agus an déigh na crith-thalmhainn teine, *ach cha robh* an Tighearn anns an teine; agus an déigh an teine guth ciuin caol.

13 Agus an uair a chual' Eliah e, chòmh-daich e 'aghaidh le 'fhalluinn, agus chaidh e mach, agus sheas e 'am beul na h-uamha; agus, feuch, *thàinig* guth d'a ionnsuidh, agus thubhairt e, Ciod e do ghnothuch an so, Eliah?

14 Agus thubhairt esan, Bha mi ro eud-mhor air son an Tighearna Dé nan slògh: oir thréig clann Israeil do choimhcheangal, thilg iad sìos d'altairean, agus mharbh iad d'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anama, chum a thoirt air falbh.

15 Agus thubhairt an Tighearn ris, Falbh, pill air do shlighe gu fàsach Dhamascuis: agus an uair a thig thu, ung Hasael 'n a rìgh air Siria.

16 Agus Iehu mac Nimsi ungaidh tu 'n a rìgh air Israel: agus Elisa mac Shaphait o Abel-meholah ungaidh tu 'n a fhàidh a'd àite féin.

17 Agus tacharaidh, esan a théid as o chlàidheamh Hasael, gu marbh Iehu e; agus esan a théid as o chlàidheamh Iehu, gu marbh Elisa e.

18 Gidheadh dh'fhàg mi *dhomh* féin ann an Israel seachd mìle, na glùinean uile nach do lùb iad féin do Bhaal, agus gach uile bheul nach d'thug pòg dha.

19 Agus dh'fhalbh e as a sin, agus fhuair e Elisa mac Shaphait, agus e a' treabhadh le dà chuing dheug *dhamh* roimhe, agus e féin leis an dara cuing deug: agus chaidh Eliah thairis d'a ionnsuidh, agus thilg e 'fhalluinn air.

20 Agus dh'fhàg esan na daimh, agus ruith e 'n déigh Eliah, agus thubhairt e, Leig dhomh, guidheam ort, m'athair agus mo mhàthair a phògadh, agus an sin leanaidh mi thu. Agus thubhairt esan ris, Falbh, pill; oir ciod a rinn mise ort?

21 Agus phill e uaidh, agus ghabh e cuing dhamh, agus mharbh e iad, agus le acfhuinn

nan damh bhrùich e am feoil, agus thug e do'n t-sluagh i, agus dh'ith iad. An sin dh'èirich e, agus chaidh e'n déigh Eliah, agus fhrithleil e dha.

## CAIB. XX.

1 *Theannaich Ben-hadad agus na Sirianaich Samaria. 13 Bhual Ahab agus òganaich uachdarain Israeil iad. 22 Thàinig na Sirianaich a chogadh ri Israeil aig Aphec, agus bhualleadh iad a ris le h-àr mòr. 31 Rinn Ahab coimhcheangal ri Ben-hadad.*

**A**GUS chruinnich Ben-hadad rìgh Shiria a shluagh uile an ceann a chèile; agus *bha* dà rìgh dheug thar fhichead maille ris, agus eich, agus carbaid: agus chaidh e suas agus theannaich e Samaria, agus chog e 'n a aghaidh.

2 Agus chuir e teachdairean gu Ahab rìgh Israeil do'n bhaile, agus thubhairt e ris, Mar so tha Ben-hadad ag ràdh,

3 D'airgiod agus d'òr is leamsa; do mhnathan mar an ceudna agus do chlann, *eadhon a' chuid* a's fearr dhiubh, is leamsa iad.

4 Agus fhreagair rìgh Israeil, agus thubhairt e, A réir d'fhocail, mo thighearn' a rìgh, is leat mise, agus gach *ni* a *tha* agam.

5 Agus phill na teachdairean, agus thubhairt iad, Mar so labhair Ben-hadad, ag ràdh, Ged a chuir mi fios a d' ionnsuidh, ag ràdh, D'airgiod, agus d'òr, agus do mhnathan, agus do chlann bheir thu dhomh-sa;

6 Gidheadh mu'n tràth so am màireach cuiridh mi mo sheirbisich a d' ionnsuidh, agus rannsaichidh iad do thigh, agus tighean do sheirbhiseach: agus tacharaidh e, gach *ni* a tha taitneach do d' shùilibh, *gu'n* cuir iad 'n an làimh, agus *gu'n* toir iad leo e.

7 Agus ghairm rìgh Israeil air uile shean-airibh na tìre, agus thubhairt e, Thugaibh fainear, guidheam oirbh, agus faicibh cionnus a *tha'm fear* so ag iarraidh uile; oir chuir e *fios* a m' ionnsuidh, air mo mhnàibh, agus air mo chloinn, agus air m'airgiod, agus air m'òr, agus cha do dhiùlt mi e.

8 Agus thubhairt na seanairean uile agus an sluagh uile ris, Na éisd ris, agus na aontaich leis.

9 Uime sin thubhairt e ri teachdairibh Bhen-hadad, innsibh do m' thighearn an rìgh, Gach *ni* air an do chuir thu *fios* gu d'òglach an toiseach, *ni* mi; ach an *ni* so cha-n urrainn mi 'dheanamh. Agus dh'fhalbh na teachdairean, agus thug iad freagradh air ais d'a ionnsuidh.

10 Agus chuir Ben-hadad *fios* d'a ionnsuidh, agus thubhairt e, Mar sin deanadh na diathan riumsa, agus tuilleadh mar an ceudna, ma's leòr duslach Shamaria gu làn an dorn do'n t-sluagh uile a *tha* 'g am leantuinnsa.

11 Agus fhreagair rìgh Israeil, agus thu-

bhairt e, Abraibh *ris*, Na deanadh an tì sin uail, a tha 'erioslachadh *'armachd* uime, mar an ti a chuir dheth *i*.

12 Agus an uair a chuala *Ben-hadad* an teachdaireachd so, agus e fèin agus na rìghrean ag òl anns na pàillionaibh, thubhairt e r'a sheirbhisich, Cuiribh *sibh fèin 'an ordugh*. Agus chuir iadsan *iad fèin 'an ordugh* an aghaidh a' bhaile.

13 Agus, feuch, thàinig fàidh àraidh gu Ahab rìgh Israeil, agus thubhairt e, Mar so tha'n Tighearn ag ràdh, Am faca tusa an sluagh mòr so uile? feuch, bheir mise a'd làimh iad an diugh, agus bithidh fios agad gur mise an Tighearn.

14 Agus thubhairt Ahab, Co leis? Agus thubhairt esan, Mar so tha'n Tighearn ag ràdh, Le òganaich nachdarana nan dùchannan. An sin thubhairt e, Cò 'chuireas an cath 'an ordugh? Agus thubhairt esan, Thusa.

15 An sin rinn e òganaich uachdaran nan dùchannan àireamh, agus bha ann dìubh dà cheud agus a dhà dheug thar fhichead: agus 'n an déigh-san rinn e an sluagh uile àireamh, eadhon uile *shluagh* chloinn Israeil, seachd mìle.

16 Agus chaidh iad a mach mu mheadhonn-là: ach *bha* Ben-hadad ag òl gus an robh e air mhig anns na pàillionaibh, e fèin agus na rìghrean, eadhon an dà rìgh dheug thar fhichead a bha 'g a chòmhnadh.

17 Agus chaidh òganaich uachdaran nan dùchannan a mach an toiseach: agus chuir Ben-hadad *daoine* mach, agus dh'innis iad da, ag ràdh, Thàinig daoine mach à Samaria.

18 Agus thubhairt esan, Ma's ann gu sìth a thàinig iad a mach, glacaibh beò iad; no ma's ann gu cogadh a thàinig iad a mach, glacaibh beò iad.

19 Agus thàinig iad a mach as a' bhaile, òganaich uachdaran nan dùchannan, agus an armailt a lean iad.

20 Agus mharbh gach fear dìubh 'fhear: agus theich na Sirianaich, agus ruaig Israeil iad; agus chaidh Ben-hadad rìgh Shiria as air *muin* eich, maille ris a' mharcshluagh.

21 Agus chaidh rìgh Israeil a mach, agus bhuail e na h-eich, agus na carbaid, agus mharbh e na Sirianaich le h-àr mòr.

22 Agus thàinig am fàidh gu rìgh Israeil, agus thubhairt e ris, Falbh, neartaich thu fèin, agus thoir fainear, agus faic ciod a ni thu; oir aig teachd mu'n cuairt na bhàdhna thig rìgh Shiria mòs a'd aghaidh.

23 Agus thubhairt seirbhisich rìgh Shiria ris, *Is* diathan bheann an diathan-san; uime sin bhuaidhaich iad oirm: ach cogamaid riu anns a' chòmhnard, agus gun teagamh buadhaichidh sinne orrasan.

24 Agus dean an ni so, Thoir na rìghrean air falbh, gach fear as àit, agus cuir ceannardan 'n an àit.

25 Agus dean armailt àircamh dhuit fèin, mar an armailt a thuit agad, each air an each, agus carbad air a' charbad; agus cogaidh sinn riu anns a' chòmhnard, agus gu cinn-teach buadhaichidh sinn orra. Agus dh'èisd e r'an guth, agus rinn e mar sin.

26 Agus aig teachd mu'n cuairt na bhàdhna rinn Ben-hadad na Sirianaich àireamh, agus chaidh e suas gu h-Aphec a chogadh ri h-Israel.

27 Agus chaidh clann Israeil àireamh, agus bha iad uile a lathair, agus chaidh iad 'n an coinnimh: agus champaich clann Israeil fa'n comhair, mar dhà threud bheag ghabhar: ach lion na Sirianaich an tìr.

28 Agus thàinig duine le Dia, agus labhair e ri rìgh Israeil, agus thubhairt e, Mar so tha'n Tighearn ag ràdh, A chionn gu'n dubhairt na Sirianaich, Is Dia bheann an Tighearn, ach cha-n e Dia nan gleann e; air an aobhar sin bheir mise an sluagh lionmhor so uile ann ad làimh-sa, agus bithidh fios agaibh gur mise an Tighearn.

29 Agus champaich iad mu choimimh a chéile seachd làithean: agus air an t-seachdamh là chuireadh an cath: agus mharbh clann Israeil de na Sirianaich ceud mìle coisiche ann an aon là.

30 Ach theich a' chuid eile gu h-Aphec, do'n bhaile; agus *an sin* thuit balla air seachd mìle fichead fear de na dh'fhàgadh. Agus theich Ben-hadad, agus thàinig e do'n bhaile, do sheòmar-chùil.

31 Agus thubhairt a sheirbhisich ris, Feuch a nis, chuala sinn mu rìghrean tighe Israeil, gur rìghrean iochdmhor iad: cuir eamaid ma ta saic-eudach air ar leasraidh, agus cuird air ar cinn, agus rachamaid a mach gu rìgh Israeil; theagamh gu'n saor e d'anam.

32 Agus cheangail iad saic-eudach air an leasraidh, agus chuir iad cuird air an cinn, agus thàinig iad gu rìgh Israeil, agus thubhairt iad, Tha do sheirbhisich Ben-hadad ag ràdh, Leig dhomh, guidheam ort, a bhi beò. Agus thubhairt esan, *Am bheil* e fathast beò? *is e* mo bhràthair e.

33 Agus thug na daoine an aire gu furach-air a *dh'fheuchainn an tigeadh ni air bith* uaith, agus ghrad-ghlac iad e; agus thubhairt iad, Do bhràthair Ben-hadad. An sin thubhairt esan, Rachaidh, thugaibh leibh e. Agus thàinig Ben-hadad a mach d'a ionnsuidh; agus thug e air dol suas do'n charbad.

34 Agus thubhairt Ben-hadad ris, Na bailtean a thug m'athair-sa o d'athair-sa, bheir mise air an ais, agus ni thusa sràidean dhuit fèin ann an Damascus, mar a rinn m'athair-sa ann an Samaria. An sin thubhairt Ahab, Leigidh mise air falbh thu leis a' coimhcheangal so. Mar so rinn e coimhcheangal ris, agus leig e air falbh e.

35 Agus thubhairt duine àraidh de mhac-



aibh nam fàidhean r'a choimhearsnach ann am focal an Tighearna, Buail mi, guidheam ort. Agus dhiùlt an duine a bhualadh.

36 An sin thubhairt esan ris, A chionn nach d'éisd thu ri guth an Tighearna, feuch, co luath as a dh'fhalbhas tu uam-sa, marbhaidh leòmhann thu. Agus co luath as a dh'fhalbh e uaith, fhuair leòmhann e, agus mharbh se e.

37 'N a dhéigh sin fhuair e duine eile, agus thubhairt e, Buail mi, guidheam ort. Agus bhuail gu deimhin an duine e, agus lot se e.

38 Agus dh'fhalbh am fàidh, agus dh'fheith e air an rìgh làimh ris an t-slighe, agus chuir se e féin ann an coslas eile le luath air 'aghaidh.

39 Agus an uair a bha'n rìgh a' gabhail scachad, dh'éigh e ris an rìgh, agus thubhairt e, Chaidh d'òglach a steach gu meadhon a' chatha, agus, feuch, thionndaidh duine a leth-taobh, agus thug e duine a m' ionnsuidh-sa, agus thubhairt e, Gléidh am fear so: mur bi e r'a fhaotainn air chor sam bith, bithidh d'anam-sa air son 'anama-san, no diolaidh tu tàlann airgid.

40 Agus am feadh a bha d'òglach a' bith-dheanamh an so agus an sud, cha robh esan r'a fhaghail. Agus thubhairt rìgh Israeil ris, is ann mar so a bhitheas do bhreitheanas-sa; dh'orduich thu féin e.

41 Agus rinn e cabhag, agus chuir e'n luath air falbh o 'aghaidh; agus dh'aithnich rìgh Israeil e, gu'm b'ann de na fàidhean e.

42 Agus thubhairt e ris, Mar so tha'n Tighearn ag ràdh, A chionn gu'n do leig thu as do làimh duine a dh'orduich mise gu léir-sgrios, uime sin bithidh d'anam-sa air son 'anama-san, agus do shluagh-sa air son a shluaigh-san.

43 Agus dh'fhalbh rìgh Israeil a dh'ionnsuidh a thighe dubhach agus feargach, agus thàinig e gu Samaria.

# CAIB. XXI.

1 Bha Ahab dubhach 'n a spiorad a chionn gu'n do dhiùlt Nabot 'fhion-lios a thoirt da. 8 Chuir Iesebel Nabot gu bàs. 17 Thug Eliah fios do Ahab air a' bhreitheanas a labhair Dia d'a thaobh air son a dhroch ghnuimharan. 27 Ghabh Ahab aithreachas.

A GUS thachair an déigh nan nithean an sin gu'n robh fion-lios aig Nabot an t-Iesreeleach, a bha ann an Iesreel, làimh ri lùchairt Ahaib rìgh Shamaria.

2 Agus labhair Ahab ri Nabot, ag ràdh, Thoir dhomhsa d'fhion-lios, gu bli agam 'n a lios luibhean, a chionn gu bheil e fagus do m' thigh, agus bheir mise dhuitse air a slon fion-lios a's fearr na e; no ma's e a's taitniche leat, bheir mi dhuit a luach 'an airgid.

3 Agus thubhairt Nabot ri Ahab, Nar leigeadh Dia dhomhsa, gu'n tugainn oighreachd m'aithrichean dhuitse.

4 Agus thàinig Ahab d'a thigh dubhach agus feargach, air son an fhocail a labhair Nabot an t-Iesreeleach ris: oir thubhairt e, Cha toir mi dhuit oighreachd m'aithrichean: agus luidh e sìos air a leabaidh, agus thionndaidh e 'aghaidh air falbh, agus cha-n itheadh e aran.

5 Ach thàinig Iesebel a bhean d'a ionnsuidh, agus thubhairt i ris, C'ar son a tha do spiorad cho dubhach, agus nach ith thu aran?

6 Agus thubhairt esan rithe, Air son gu'n do labhair mi ri Nabot an t-Iesreeleach, agus gu'n dubhairt mi ris, Thoir dhomhsa d'fhion-lios air airgid; no, ma's àill leat, bheir mi dhuit fion-lios eile air a shon: agus thubhairt esan, Cha toir mi dhuit m'fhion-lios.

7 Agus thubhairt Iesebel a bhean ris, Tha thus' a nis a' stiùradh rìoghachd Israeil! Eirich, ith aran, agus bitheadh do chridhe subhach: bheir mise dhuit fion-lios Nabot an Iesreeleach.

8 Agus sgrìobh i litrichean ann an ainm Ahaib, agus sheulaich i iad le 'sheula; agus chuir i na litrichean a dh'ionnsuidh nan seanairean, agus a dh'ionnsuidh nan uaislean a bha 'chòmhnuidh maille ri Nabot 'n a bhaile.

9 Agus sgrìobh i anns na litricheibh, ag ràdh, Gairmibh trasgadh, agus thugaibh air Nabot suidhe air toiseach an t-sluaigh:

10 Agus cuiribh dithis dhaoine, mic Bheilail, mu 'choinnimh, a thoirt fianuis 'n a aghaidh, ag ràdh, Mhaslach thu Dia agus an rìgh: agus an sin thugaibh a mach e, agus clachaibh e, a chum gu'm faigh e bàs.

11 Agus rinn daoine a bhaile, eadhon na seanairean, agus na h-uaislean a chòmhnuich 'n a bhaile, a réir an fhios a chuir Iesebel d'an ionnsuidh, a réir an nì a bha sgrìobhta anns na litricheibh a chuir i d'an ionnsuidh.

12 Ghairm iad trasgadh, agus thug iad air Nabot suidhe air toiseach an t-sluaigh.

13 Agus thàinig dithis dhaoine, mic Bheilail, agus shuidh iad mu 'choinnimh: agus rinn fir Bheilail fianuis 'n a aghaidh, eadhon an aghaidh Nabot, an làthair an t-sluaigh, ag ràdh, Mhaslach Nabot Dia agus an rìgh. An sin thug iad a mach as a bhaile e, agus chlach iad e le clachaibh, agus fhuair e bàs.

14 'N a dhéigh sin chuir iad teachdair gu Iesebel, ag ràdh, Chlachadh Nabot, agus tha e marbh.

15 Agus an uair a chuala Iesebel gu'n do chlachadh Nabot, agus gu'n robh e marbh, thubhairt Iesebel ri Ahab, Eirich, gabh scalbh ann am fion-lios Nabot an Iesreeleach, a dhiùlt e 'thoirt duit air

airgiod ; oir cha-n'eil Nabot beò, aeh marbh.

16 Agus an uair a chual' Ahab gu'n robh Nabot marbh, dh'èirich Ahab a dhol sìos gu fion-lios Naboit an Iesreelich, a ghabhail seilbh ann.

17 Agus thàinig focal an Tighearna dh'ionnsuidh Eliah an Tisbithich, ag ràdh,

18 Eirich, falbh sìos a choinneachadh Ahaib rìgh Israeil, a *tha* ann an Samaria: feuch, tha e ann am fion-lios Naboit, d'an deachaidh e sìos a ghabhail seilbh ann.

19 Agus labhraidh tu ris, ag ràdh, Mar so tha'n Tighearn ag ràdh, An do mharbhu thu, agus mar an ceudna an do ghabh thu sealbh? Agus labhraidh tu ris, ag ràdh, Mar so tha'n Tighearn ag ràdh, Anns an àit anns an d'imlich na madraidh fuil Naboit, imlichidh na madraidh d'fhuil-sa, eadhon d'fhuil-sa.

20 Agus thubhairt Ahab ri h-Eliah, An d'fhuair thu mi, O mo nàmhaid? Agus thubhairt esan, Fhuair mi *thu*; a chionn gu'n do reie thu thu féin a dheanamh uile ann an sùilbh an Tighearna.

21 Feuch, bheir mise ole ort, agus cuiridh mi as do d' shliochd, agus gearraidh mi air falbh o Ahab esan a ni uisge ri balla, agus esan a dhruidear a stigh, agus a dh'fhàgar ann an Israel.

22 Agus ni mi do thigh-sa mar thigh Iero-boaim mhie Nebait, agus mar thigh Bhaasa mhie Ahiah, air son a' bhrosnachaidh leis an do bhrosnach thu *mi* gu feirg, agus leis an d'thug thu air Israel peacaeachadh.

23 Agus mar an ceudna mu Iesebel labhair an Tighearn, ag ràdh, Ithidh na madraidh Iesebel aig balla Iesreil.

24 Esan a gheibh bàs de Ahab anns a' bhaile ithidh na madraidh; agus esan a gheibh bàs anns a' mhaeachair ithidh eunlaith an athair.

25 Aeh cha robh *neach* ann cosmhuil ri Ahab, a reic e féin a dheanamh uile ann an sùilbhan Tighearna do bhrìgh gu'n do chuir a bhean Iesebel thuige e.

26 Agus rinn e nithean ro ghràineil ann an leantuinn dhiathan bréige, a réir nan uile *nithean* a rinn na h-Amoraich, a thilg an Tighearn a mach roimh chloinn Israeil.

27 Agus an uair a chual' Ahab na briathran sin, reub e 'eudach, agus chuir e saie-eudach air 'fheoil, agus thraisg e, agus luidh e ann an saie-eudach, agus ghluais e gu foil.

28 Agus thàinig focal an Tighearna gu Eliah an Tisbithich, ag ràdh,

29 An faic thusa mar a tha Ahab 'ga ùmhlaachadh féin a'm' fhianuis-sa? a chionn gu bheil e 'g a ùmhlaachadh féin a'm' fhianuis, cha toir mi an t-ole 'n a làithibh-san: *ach* ann an làithibh a mhie bheir mi an t-ole air a thigh.

CAIB. XXII.

1 Mhealladh Ahab le fàidhibh bréige, agus mharbhadh e aig Ramot-gilead: 40 rìghich Ahasiah 'n a dhìt. 50 Fhuair Iehosaphat rìgh Iudah bàs, agus rìghich Iehoram a mhac 'n a dhèigh.

A GUS dh'fhan iad trì bliadhna gun chogadh eadar Siria agus Israel.

2 Agus anns an treas bliadhna thàinig Iehosaphat rìgh Iudah a nuas gu rìgh Israeil.

3 (Agus thubhairt rìgh Israeil r'a sheirbhisich, Nach 'eil fhios agaibh gur leinne Ramot ann an Gilead? agus *gidheadh tha* sinn gun ghuth againn air a ghlaeadh & làimh rìgh Shiria.)

4 Agus thubhairt e ri Iehosaphat, An téid thu maille riumsa gu cath do Ramot-gilead? Agus thubhairt Iehosaphat ri rìgh Israeil, *Tha* mise mar *tha* thusa, mo shluagh-sa mar do shluagh-sa, meich-sa mar d'eich-sa.

5 Agus thubhairt Iehosaphat ri rìgh Israeil, Fiosraich, guidheam ort, an diugh de fhocal an Tighearna.

6 Uime sin chruinnich rìgh Israeil na fàidhean an ceann a chèile, mu thimcheall ceithir cheud fear, agus thubhairt e riu, An téid mi an aghaidh Ramot-gilead gu cath, no'n leig mi leis? Agus thubhairt iadsan, Falbh suas, oir bheir an Tighearn ann an làimh an rìgh e.

7 Agus thubhairt Iehosaphat, Nach 'eil an so fàidh tuilleadh leis an Tighearn, chum gum fiosraich sinn dheth?

8 Agus thubhairt rìgh Israeil ri Iehosaphat, *Tha* fathast aon fhear ann, Micaiah mac Imlah, leis am feud sinn fiosraichadh de'n Tighearn; ach tha fuath agam dha, oir cha mhaith a chuireas e air mo mhanadhsa, ach ole. Agus thubhairt Iehosaphat, Na abradh an rìgh mar sin.

9 Agus ghairm rìgh Israeil air maor, agus thubhairt e, Greas an so Micaiah mae Imlah.

10 Agus shuidh rìgh Israeil, agus Iehosaphat rìgh Iudah, gach fear air a rìgh-chaitir féin, le'n carradh *rioghail* orra, ann an àite réidh, ann an dol a steach gcata Shamaria, agus na fàidhean uile ri fàidheadaireachd 'n am fianuis.

11 Agus rinn Sedceiah mae Chenaanah adhaircean iaruin dha féin, agus thubhairt e, Mar so tha'n Tighearn ag ràdh, Leo so buailidh tu na Sirianaich, gus an cuir thu as doibh.

12 Agus rinn na fàidhean uile fàidheadaireachd mar so, ag ràdh, Falbh suas gu Ramot-gilead, agus soirbhich; oir bheir an Tighearn ann an làimh an rìgh e.

13 Agus an taeachdair a chaidh a ghairm Micaiah, labhair e ris, ag ràdh, Feuch a nis, tha briathran nam fàidhean le h-aon bheul a' foillseachadh maith do'n rìgh



bitheadh d'fhocal-sa, guidheam ort, mar fhocal aoin diubhsan, agus labhair an *ni a tha* maith.

14 Agus thubhairt Micaiah, *Mar* is beò an Tighearn, an *ni* a their an Tighearn rium, sin labhairidh mise.

15 Agus thàinig o dh'ionnsuidh an rìgh, agus thubhairt an rìgh ris, A Micaiah, an tèid sinn do Ramot-gilead gu cath, no'n leig sinn leis? Agus thubhairt esan ris, Falbh suas, agus soirbhich; oir bheir an Tighearn ann an làmh an rìgh e.

16 Agus thubhairt an rìgh ris, Cia lìon uair a mhionnaicheas mi thu, nach innis thu dhomh ach an fhùrinn ann an ainm an Tighearn?

17 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach *'eil* buachail: agus thubhairt an Tighearn, Cha-n'èil maighstir orra so: pilleadh gach fear dhiubh d'a thigh féin ann an sìth.

18 Agus thubhairt rìgh Israeil ri Iehosaphat, Nach d'innis mi dhuit nach cuireadh e maith sam bith air mo mhanadh-sa, ach ole?

19 Agus thubhairt esan, Uime sin éisd thusa ri focal an Tighearna: Chunnaic mise an Tighearn 'n a shuidhe air a rìgh-chaithir, agus uile shlòigh nan nèamh 'n an seasamh làmh ris, air a làmh dheis agus air a làmh chlì.

20 Agus thubhairt an Tighearn, Cò a chuireas impidh air Ahab, a chum gu'n tèid e suas, agus gu'n tuit e ann an Ramot-gilead? Agus thubhairt aon mar so, agus aon eile mar sud.

21 Agus thàinig spiorad a mach, agus sheas e 'am fianuis an Tighearn', agus thubhairt e, Cuiridh mise impidh air.

22 Agus thubhairt an Tighearn ris, Co leis? Agus thubhairt esan, Thèid mi mach, agus bithidh mi a'm' spiorad bréige ann am beul 'fhàidhean uile. Agus thubhairt e, Cuiridh tu impidh air, agus mar an ceudna buadhaichidh tu: falbh a mach, agus dean mar sin.

23 A nis uime sin, feuch, chuir an Tighearn spiorad bréige ann am beul nam fàidhean sin agad uile, agus labhair an Tighearn ole mi d' thimchioll.

24 Agus chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia'n taobh a chaidh spiorad an Tighearn' uamsa a labhairt riutsa?

25 Agus thubhairt Micaiah, Feuch, chi thu 's an là air an tèid thu steach do sheòmar-cùil gu d'fholach féin.

26 Agus thubhairt rìgh Israeil, Glacaihb Micaiah, agus thugaibh air ais e gu Amon uachdaran a' bhaile, agus gu Ioas mac an rìgh;

27 Agus abraith, Mar so thubhairt an

rìgh, Cuiribh am fear so anns a' phrìosan, agus beathaichibh e le aran airce, agus le uisge airce, gus an tig mise ann an sìth.

28 Agus thubhairt Micaiah, Ma philleas tusa idir ann an sìth, cha do labhair an Tighearn leamsa. Agus thubhairt e, Eisdibh, a shlòigh uile.

29 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

30 Agus thubhairt rìgh Israeil ri Iehosaphat, Cuiridh mise mi féin ann an coslas eile, agus thèid mi a steach do'n chath; ach cuir thusa d'earradh *rioghail* ort. Agus chuir rìgh Israeil e féin ann an coslas eile, agus chaidh e steach do'n chath.

31 Ach dh'àithn rìgh Shìria do'n dà cheannard deug thar fhichead a bha os ceann a charbad, ag ràdh, Na cogaibh ris a' bheag no ris a' mhòr, ach ri rìgh Israeil 'n a aonar.

32 Agus an uair a chunnaic ceannardan nan carbad Iehosaphat, thubhairt iad, Gu cinnteach *is* e so rìgh Israeil. Agus thionndaidh iad a leth-taobh a chogadh 'n a aghaidh: agus ghlaodh Iehosaphat a mach.

33 Agus an uair a chunnaic ceannardan nan carbad *be* rìgh Israeil a bh'ann, phill iad o a leantuinn.

34 Agus tharruing fear a bhogha air thuairmeas, agus bhuail e rìgh Israeil eadar altaibh na fùirich: uime sin thubhairt e r'a charbadair, Tionndaidh do làmh, agus thoir a mach as an fheachd mi; oir tha mi air mo lotadh.

35 Agus mheudaich an cath air an là sin: agus chumadh an rìgh suas 'n a charbad an aghaidh nan Sirianach, agus fhuaireas bàs mu fheasgar; agus ruith an fhuil a mach as an lot gu meadhon a' charbaid.

36 Agus chaidh gairm air feadh an t-slòigh mu luidhe na gréine, ag ràdh, Gach fear d'a bhaile, agus gach fear d'a thìr féin.

37 Agus dh'eug an rìgh, agus thugadh do Shamaria e: agus dh'adhlaic iad an rìgh ann an Samaria.

38 Agus nìgh *neach* an carbad ann an lochan Shamaria, agus dh'imlich na madraidh 'fhuil; agus nìgh iad 'armachd, a réir focail an Tighearn', a labhair e.

39 Agus a' chuid eile de ghuimharaibh Ahaib, agus na h-uile *nithean* a rinn e, agus an tigh de fhiacailibh *elephant* a thog e, agus na bailtean uile a thog e, nach *'eil* iad sgriobhta ann an leabhar eachdraidh rìghrean Israeil?

40 Agus choidil Ahab maille r'a aithrichibh, agus rìghich Ahasiah a mhac 'n a àit.

41 Agus thòisich Iehosaphat mac Asa air rìoghachadh os ceann Iudah anns a' cheathramh bliadhna de Ahab rìgh Israeil.

42 Bha Iehosaphat cùig bliadhna deug thar fhichead a dh'aois an nair a thòisich e air rioghachadh, agus rìghich e cùig bliadhna fichead ann an Ierusalem: agus b'e ainm a mhàthar Asubah nighean Shilhi.

43 Agus ghluais e ann an uile shlighean Asa 'athar; cha do chlaon e uaipe, a' deanamh an *ni a bha* ceart ann an sùilibh an Tighearna: gidheadh, cha d'fhugadh air falbh na h-àitean àrda, oir fathast dh'ìobair an sluagh, agus loisg iad tùis anns na h-àitibh àrda.

44 Agus rinn Iehosaphat sìth ri rìgh Israeil.

45 Agus a' chuid eile de ghnìomharaibh Iehosaphat, agus a thréine a dh'fheuch e, agus cionnus a chog e, nach 'eil iad sgrìobhta ann an leabhar eachdraidh rìgh-reau Iudah?

46 Agus fuigheall nan Sodomach a dh'fhan ann an làithibh Asa 'athar, chuir e as an tìr.

47 'S an àm sin cha robh rìgh ann an Edom: òfhhear-riaghlaidh a bha 'n a rìgh.

48 Rinn Iehosaphat longan Tharsis gu

dol do Ophir air son òir: (ach cha deachaidh iad ann; oir bhriseadh na longan ann an Esion-geber.)

49 Agus thubhairt Ahasiah mac Ahaib ri Iehosaphat, Rachadh mo sheirbhisich-sa maille ri d' sheirbhisich-sa anns na longaibh: ach cha b'àill le Iehosaphat sin.

50 Agus choidil Iehosaphat maille r'a aithrichibh, agus dh'adhlacaidh e maille r'a aithrichibh ann am baile Dhaiblidh 'athar: agus rìghich Iehoram a mhac 'n a àit.

51 Thòisich Ahasiah mac Ahaib air rioghachadh os ceann Israeil ann an Samaria 's an t-seachdamh bliadhna deug de Iehosaphat rìgh Iudah, agus rìghich e os ceann Israeil dà bhliadhna.

52 Agus rinn e olc ann an sùilibh an Tighearna, agus ghluais e ann an slighe 'athar, agus ann an slighe a mhàthar, agus ann an slighe Ieroboam mhic Nebait, a thug air Israel peacachadh:

53 Oir rinn e seirbhis do Bhaal, agus shleuchd e dha, agus bhrosnaich e an Tighearn Dia Israeil gu feirg, a réir nan uile nithean a rinn 'athair.

# DARA LEABHAR NAN RIGH,

D'AN GOIREAR GU COITCHEANN,

## CEATHRAMH LEABHAR NAN RIGH.

### CAIB. I.

1 Bha Ahasiah tinn, 4 agus fhuaire e fìos o Dhià gu'm faigheadh e bàs. 9 Dà uair thug Eliah teine o na nèamhan a losgadh an t-sluaigh a chuireadh g'a ghlacadh. 17 Fhuair Ahasiah bàs, agus rìghich Iehoram 'n a àit.

A GUS rinn Moab ceannaire an aghaidh Israeil an dèigh bàis Ahaib.

2 Agus thuit Ahasiah sìos troimh chliath-uinneig 'u a sheòmar uachdarach a bha ann an Samaria, agus bha e tinn: agus chuir e teachdairean uath, agus thubhairt e riu, Rachaidh, fiosraichibh de Bhaal-sebub dia Ecroin, an tig mi beò o'n tinneas so.

3 Ach thubhairt aingeal an Tighearna ri Eliah an Tisbitheach, Eirich, falbh suas 'an coinnimh theachdairean rìgh Shamaria, agus abair riu, An ann a chionn nach 'eil Dia ann an Israel, a tha sibh a' dol a dh'fhiosrachadh de Bhaal-sebub dia Ecroin?

4 A nis uime sin mar so tha'n Tighearn ag ràdh, O'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs. Agus dh'fhalbh Eliah.

5 Agus an uair a phill na teachdairean d'a ionusuidh, thubhairt e riu, Car son a tha sibh air pilltinn?

6 Agus thubhairt iadsan ris, Thàinig duine a nìos 'n ar coinnimh, agus thubhairt e ruinn, Rachaidh, pillibh a dh'ionnsuidh an rìgh a chuir uath sibh, agus abraibh ris, Mar so tha'n Tighearn ag ràdh, An ann a chionn nach 'eil Dia ann an Israel, a tha thu a' cur theachdairean a dh'fhiosrachadh de Bhaal-sebub dia Ecroin? Uime sin o'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs.

7 Agus thubhairt e riu, Ciod e eugas an duine a thàinig a nìos n' 'ur coinnimh, agus a labhair ribh na briathran sin?

8 Agus thubhairt iadsan ris, Duine molach, agus e crioslaichte le crios leathair m'a leasraidh. Agus thubhairt esan, Is e Eliah an Tisbitheach a bh'ann.

9 Agus chuir an rìgh d'a ionnsuidh ceannard leth-cheud, maille r'a leth-cheud: agus chaidh e suas d'a ionnsuidh, (agus, feuch, bha e 'n a shuidhe air mullaich sléibh,) agus



labhair e ris, A dhuine le Dia, thubhairt an rìgh, Thig a nuas.

10 Agus fhreagair Eliah, agus thubhairt e ri ceannard an leth-cheud, Agus ma's duine le Dia mise, thigeadh teine a nuas o na nèamhan, agus loisgeadh e suas thusa agus do leth-cheud. Agus thàinig teine a nuas o na nèamhan, agus loisg e suas esan agus a leth-cheud.

11 Agus a ris chuir e d'a ionnsuidh ceannard eile leth-cheud, maille r'a leth-cheud: agus labhair e, agus thubhairt e ris, A dhuine le Dia, mar so thubhairt an rìgh, Thig a nuas gu grad.

12 Agus fhreagair Eliah agus thubhairt e riu, Ma's duine le Dia mise, thigeadh teine a nuas o na nèamhan, agus loisgeadh e suas thusa agus do leth-cheud. Agus thàinig teine Dhé a nuas o na nèamhan, agus loisg e suas esan agus a leth-cheud.

13 Agus a ris chuir e uaithe ceannard an treas leth-cheud, maille r'a leth-cheud: agus chaidh an treas ceannard leth-cheud suas, agus thàinig e, agus leig se e féin air a ghluimibh fa chomhair Eliah, agus dh'aslaich e air, agus thubhairt e ris, A dhuine le Dia, bitheadh, guidheam ort, m'anamsa, agus anam an leth-cheud òglach so agad, luachmhòr a'd' shùilibh.

14 Feuch, thàinig teine a nuas o na nèamhan, agus loisg e suas an dà cheud cheannard leth-cheud, maille r'an leth-cheudaibh; ach a nis bitheadh m'anam-sa luachmhòr a'd' shùilibh.

15 Agus thubhairt aingeal an Tighearna ri Eliah, Falbh sìos maille ris; na bitheadh eagal ort roimhe. Agus dh'éirich e, agus chaidh e sìos maille ris a dh'ionnsuidh an rìgh.

16 Agus thubhairt e ris, Mar so tha'n Tighearn ag ràdh, A chionn gu'n do chuir thu teachdairean a dh'fhiosrachadh de Bhaal-sebub dia Eeroìn, mur nach bith-eadh Dia ann an Israel a dh'fhiosrachadh d'a fhocal, uime sin o'n leabaidh sin air an deachaidh tu suas, cha tig thu nuas, ach gu cinn-teach gheibh thu bàs.

17 Agus fhuair e bàs, a réir focail an Tighearna: a labhair Eliah: agus rìghich Iehoram 'n a àit, anns an dara bliadhna de Iehoram mac Iehosaphat rìgh Iudah, a chionn nach robh mac aige.

18 Agus a' chuid eile de ghnìomharaibh Ahasiah a rinn e, nach 'eil iad sgriobhta ann an leabhar eachdraidh rìghrean Israeil?

### CAIB. II.

1 *Dh'iùlt Elisa dealachadh ri Eliah. 11 Thogadh Eliah suas le h-ìomghaoith do na nèamhan. 14 Roinn Elisa uisge Iordain le falluinn a mhaighstir. 23 Mharbh dà mhadh-ghamhain a' clann a rinn fànoid air.*

**A**GUS thachair an uair a bha'n Tighearn gu Eliah a thogail suas le h-ìomghaoith

do na nèamhan, gu'n deachaidh Eliah maille ri Elisa o Ghilgal.

2 Agus thubhairt Eliah ri Elisa, Fan an so, guidheam ort; oir chuir an Tighearn mise gu Bet-el. Agus thubhairt Elisa ris, Mar is beò an Tighearn, agus mar is beò d'anam, cha-n fhàg mi thu. Agus chaidh iad sìos gu Bet-el.

3 Agus thàinig mic nam fàidhean a bha ann am Bet-el a mach gu Elisa, agus thubhairt iad ris, Am bheil fhios agad gu'n toir an Tighearn an diugh do mhaighstir air falbh o d' cheann? Agus thubhairt esan, Seadh, tha fhios agam air; bithibhse 'n 'ur tosd.

4 Agus thubhairt Eliah ris, Elisa, fan an so, guidheam ort; oir chuir an Tighearn mise gu Iericho. Agus thubhairt esan, Mar is beò an Tighearn, agus mar is beò d'anam, cha dealaich mi riut. Agus thàinig iad gu Iericho.

5 Agus thàinig mic nam fàidhean a bha ann an Iericho gu Elisa, agus thubhairt iad ris, Nach 'eil fhios agad-sa gu'n toir an Tighearn an diugh do mhaighstir air falbh o d' cheann? Agus fhreagair esan, Seadh, tha fhios agam air; bithibhse 'n 'ur tosd.

6 Agus thubhairt Eliah ris, Fan, guidheam ort, an so; oir chuir an Tighearn mise gu Iordan. Agus thubhairt esan, Mar is beò an Tighearn, agus mar is beò d'anam, cha-n fhàg mi thu. Agus chaidh iad 'n an dithis air an aghaidh.

7 Agus chaidh leth-cheud fear de mhaighstir nam fàidhean, agus sheas iad fa'n comhair air fad as: agus sheas iadsan 'n an dithis làimh ri Iordan.

8 Agus ghabh Eliah 'halluinn, agus dh'fhill e cuideachd i, agus bhual e na h-uisgeachan, agus roinneadh iad a null agus a nall; agus chaidh iadsan 'n an dithis thairis air *talamh* tioram.

9 Agus an uair a bha iad air dol thairis, thubhairt Eliah ri Elisa, Iarr eiod a 's àill leat mise a dheanamh air do shon, mun toirear mi air falbh uait. Agus thubhairt Elisa, Bitheadh, guidheam ort, cuibhlirion dhùbailte de d' spiorad orm.

10 Agus thubhairt esan, Is cruaidh an ni a dh'iarr thu: *gidheadh*, ma chi thu mise 'n uair a bheirear air falbh uait mi, bithidh e dhuit mar sin; ach mur *faic*, cha bli e mar sin.

11 Agus an uair a bha iad a' gabhail air an aghaidh, agus a' còmhradh, feuch, carbad teine, agus eich theine, agus dhealaich iad o 'chéile iad: agus chaidh Eliah suas le h-ìomghaoith do na nèamhan.

12 Agus chunnaic Elisa sin, agus ghlaodh e, M'athair, m'athair! carbad Israeil, agus a mharc-shluagh. Agus cha-n fhac e nìs mò e: agus rug e air 'cudach féin, agus reub e 'n a dhà mhr e.

13 Agus thog e suas falluinn Eliah a thuit uaithe, agus phill e, agus sheas e làimh ri bruaich Iordain:

14 Agus ghabh e falluinn Eliah a thuit

uaith, agus bhual e na h-uisgeachan, agus thubhairt e, C'ait a nis *am bheil* Tighearn Dia Eliah? Agus an uair a bhnaill e na h-uisgeachan, roinneadh iad a null agus a nall, agus chaidh Elisa thairis.

15 Agus an uair a chunnaic mic nam fàidhean e, a bha ann an Iericho fa' chomhair, thubhairt iad, Dh'fhan spiorad Eliah air Elisa. Agus thàinig iad 'n a choinnimh, agus chrom siad iad féin dha gu làr.

16 Agus thubhairt iad ris, Feuch a nis, tha leth-cheud fear treun maille ri d' sheirbhisich; rachadh iad, guidheamaid ort, agus iarraidh iad do mhaighstir, air eagal gu'n do thog spiorad an Tighearna suas e, agus gu'n do thilg se e air beinn éigin, no ann an gleann éigin. Agus thubhairt esan, Cha chuir sibh uaibh iad.

17 Agus an uair a chuir iad impidh air gus an robh nàire air, thubhairt e, Cuiribh uaibh iad. Agus chuir iad uatha leth-chend fear; agus dh'iarraidh e ré thri làithean, ach cha d'fhuair iad e.

18 Agus an uair a thàinig iad a ris d'a ionnsuidh, agus e a chòmhnuidh ann an Iericho, thubhairt e riu, Nach dubhairt mise ribh, Na rachaibh?

19 Agus thubhairt fir a' bhaile ri Elisa, Feuch a nis, *tha* suidheachadh a' bhaile *so* taitneach, mar a *tha* mo thighearn a' faicinn; ach *tha'n* t-uisge olc, agus an talamh neo-thorach.

20 Agus thubhairt esan, Thugaibh a m' ionnsuidh soitheach ùr, agus cuiribh salann ann. Agus thug iad d'a ionnsuidh e.

21 Agus chaidh e mach a dh'ionnsuidh tobair nan uisgeachan, agus thilg e salann an sin, agus thubhairt e, Mar so tha'n Tighearn ag ràdh, Shlànuch mi na h-uisgeachan sin: cha bhi o sin ni's mò bàs, no *talamh* neo-thorach.

22 Agus shlànucheadh na h-uisgeachan gus an là'n d'ingh, a réir focail Elisa a labhair e.

23 Agus chaidh e suas as a sin gu Bet-el: agus an uair a bha e a' dol suas air an t-slighe, thàinig clann bheag a mach as a' bhaile, agus rinn iad fanoid air, agus thubhairt iad ris, Gabh suas, fhir mhaol; gabh suas, fhir mhaol.

24 Agus sheall e 'n a dhéigh, agus chunnaic e iad, agus mhallach e iad ann an ainm an Tighearna: agus thàinig d' mhaith-ghamhuin bhoirionn a mach as a' choille, agus reub iad a dhà agus dà fhichead duine cloinne dhiubh.

25 Agus chaidh e as a sin gu sliabh Char-meil: agus as a sin phill e gu Samaria.

### CAIB. III.

1 Rìoghachadh aingidh Iehoraim. 4 Rinn Mesa rìgh Mhoib ceannairc 'n a aghaidh. 24 Bhuailleadh na Moabaich. 26 Dh'ìobair rìgh Mhoib a cheud-ghin mic, agus phill sluagh Israeil uaith.

**A** NIS thòisich Iehoram mac Ahaib air rìoghachadh os ceann Israeil ann an

Samaria, anns an ochdamh bliadhna deug de Iehosaphat rìgh Iudah, agus rìghich e dà bhliadhna dheug.

2 Agus rinn e olc ann an sùilbha an Tighearn, ach cha b'ann cosmhuil r'a athair, agus cosmhuil r'a mhàthair; oir chuir e air falbh dealbh Bhaail a rinn 'athair.

3 Gidheadh, ri peacaidhean Ieroboaim mhic Nebait a thug air Israeil peacachadh, dhlùth-lean e: cha do dhealaich e riu sin.

4 Agus bha Mesa rìgh Mhoib 'n a shealbhadair chaorach, agus dh'ìoc e do rìgh Israeil ceud mìle uan, agus cend mìle reithe le'n olainn.

5 Agus an uair a dh'eug Ahab, rinn rìgh Mhoib ceannairc an aghaidh rìgh Israeil.

6 Agus chaidh rìgh Iehoram a mach air an là sin à Samaria, agus rinn e Israeil uile àireamh.

7 Agus chaidh e, agus chuir e *teachdairean* gu Iehosaphat rìgh Iudah, ag ràdh, Rinn rìgh Mhoib ceannairc a'm aghaidh: an téid thu maille rium an aghaidh Mhoib gu cath? Agus thubhairt esan, Théid mi suas: *tha* mise mar *tha* thusa, mo shluagh-sa mar do shluagh-sa, m'eich-sa mar d'eich-sa.

8 Agus thubhairt e, Cia an rathad a théid sinn suas? Agus fhreagair esan, Rathad fasaich Edoim.

9 Agus dh'imich rìgh Israeil, agus rìgh Iudah, agus rìgh Edoim, agus chaidh iad mu'n cuairt astar sheachd là; agus cha robh uisge *aca* do'n t-sluagh, agus do'n spréidh a lean iad.

10 Agus thubhairt rìgh Israeil, Mo thruaighe, gu'n do ghairm an Tighearn na tri rìghrean so cuideachd, chum an toirt thairis do làimh Mhoib.

11 Agus thubhairt Iehosaphat, Nach 'eil an so fàidh leis an Tighearn, a chum gu'm fiosraich sinn de'n Tighearn leis? Agus fhreagair an de sheirbhisich rìgh Israeil, agus thubhairt e, *Tha'n* so Elisa mac Shaphait, a thaom uisge air làman Eliah.

12 Agus thubhairt Iehosaphat, Tha focal an Tighearna maille ris. Agus chaidh rìgh Israeil, agus Iehosaphat, agus rìgh Edoim, sìos d'a ionnsuidh.

13 Agus thubhairt Elisa ri rìgh Israeil, Ciod e mo ghnòthuch-sa riut-sa? imich a dh'ionnsuidh fhàidhean d'athar, agus a dh'ionnsuidh fhàidhean do mhàthar. Agus thubhairt rìgh Israeil ris, Ni h-eadh: oir ghairm an Tighearn na tri rìghrean so cuideachd, chum an toirt thairis do làimh Mhoib.

14 Agus thubhairt Elisa, Mar is beò Tighearn nan slògh, 'an làthair am bheil mi a'm sheasamh, gu cinnteach mur bith-eadh meas agamsa air làthaireachd Iehosaphat rìgh Iudah, cha seallainn ortsa, ni mò a chithinn thu.

15 Ach a nis thugaibh a m' ionnsuidh fear-



ciùil. Agus an uair a bha 'm fear-ciùil a' cluicheadh, bha làmh an Tighearn' air.

16 Agus thubhairt e, Mar so tha'n Tighearn ag ràdh, Dean an gleann so làn de chlaisibh:

17 Oir mar so tha'n Tighearn ag ràdh, Cha-n fhaic sibh gaoth, ni mò a chi sibh uisge; gidheadh lionar an gleann so le h-uisge, agus òlaidh sibh, sibh féin agus bhur spréidh, agus bhur n-ainmhidhean.

18 Agus is beag so ann an sùilibh an Tighearna: bheir e mar an ceudna na Moabaich thairis d'ur làmh.

19 Agus buailidh sibh gach baile daingnichte, agus gach baile taghta, agus leagaidh sibh sìos gach craobh mhaith, agus dùinidh sibh suas na tobraichean uisge uile, agus millidh sibh gach mìr maith *fearainn* le clachaibh.

20 Agus anns a' mhaduinn, mu àm toirt suas an tabhartais-bìdh, feuch, thàinig uisge rathad Edoim, agus lìonadh an tìr le h-uisge.

21 Agus an uair a chuala na Moabaich uile gu'n d'thàinig na rìghrean a nìos a chogadh 'na an aghaidh, ghairmeadh cuid-eich iadsan uile a thàinig gu aois airm ionchar, agus os a cheann *sin*, agus sheas iad aig a' chrìch.

22 Agus dh'éirich iad gu moch anns a' mhaduinn, agus dhealraich a' ghrian air na h-uisgeachan, agus chunnaic na Moabaich thall fa'n comhair na h-uisgeachan dearg mar fhuil:

23 Agus thubhairt iad, *Is* fuil so: sgrìosadh gun teagamh na rìghrean, agus bluaill iad a chéile: a nis ma ta, dh'ionnsuidh na creiche, a Mhoib.

24 Agus an uair a thàinig iad gu camp Israeil, dh'éirich na h-Israelich, agus bhual iad na Moabaich, agus theich iad rompa; ach chaidh iadsan air an aghaidh a' bualadh nam Moabach, eadhon 'n an tìr *féin*.

25 Agus leag iad sìos na bailtean, agus air gach mìr maith fearainn thilg gach fear a chlach, agus lìon iad e; agus dhùin iad suas gach tobar uisge, agus leag iad sìos gach craobh mhaith: a mhàin ann an Cìrharaset dh'fhàg iad a chlachan: ach chuairtich luchd nan crann-tàbhuill e, agus bhual iad e.

26 Agus an uair a chunnaic rìgh Mhoib gu'n do bhuadhaich an cath air, thug e leis seachd ceud fear a tharruing claidheamh, a chum briseadh a steach gu rìgh Edoim; ach cha b'urrainn iad.

27 An sin ghabh e a' cheud-ghin mic, a bha gu rìghlachadh 'n a àit, agus dh'ìobair se e mar iobairt-loisgte air a' bhalla: agus bha corruich mhòr an aghaidh Israeil: agus dh'imich iad uaith, agus phill iad d'an tìr *féin*.

1 *Mheudaich Elisa oladh na bantraich.* 8 *Aig Sunam thug bean àraidh aoidheachd dha.* 18 *Fhuair a mac bàs, agus dh'ath-bheothaich Elisa e.* 42 *Bheathaich e ceud fear le fichead builinn.*

**A**NIS ghlaodh bean àraidh de mhnàibh mhac nam fàidhean ri Elisa, ag ràdh, Fhuair d'òglach m'fhear bàs; agus tha fios agad gu'n robh eagal an Tighearn' air d'òglach: agus tha fear nam fiach air teachd a thoirt mo dhithis mhac leis gu bhì 'n an tràillich aige.

2 Agus thubhairt Elisa rithe, Ciod a ni mise air do shon? innis dhomh ciod a th'agad 's an tigh? Agus thubhairt ise, Cha-n'eil aig do bhanoglaich ni air bith 's an tigh, ach soithichean olaidh.

3 An sin thubhairt esan, Falbh, iarr dhuit féin soithichean 'an coingheall a muigh o d' choimhearsnaich uile, *eadhon* soithichean falamh: na dean le beagan.

4 Agus an uair a théid thu a steach, druididh tu an doras ort féin, agus air do mhacaibh, agus taomaidh tu anns na soithichean sin uile, agus cuiridh tu'n soitheach làn a leth-taobh.

5 Agus dh'fhalbh i uaith, agus dhruid i an doras oirre féin, agus air a macaibh; agus thug iadsan na soithichean d'a h-ionnsuidh, agus thaom ise a mach.

6 Agus an uair a bha na soithichean làn, thubhairt i r'a mac, Thoir a m' ionusuidh fathast soitheach. Agus thubhairt esan rithe, Cha-n'eil soitheach ann tuilleadh. Agus stad an oladh.

7 An sin thàinig i agus dh'innis i *sin* do'n duine le Dia: agus thubhairt esan, Falbh, reic an oladh, agus dìol d'fhiachan; agus thig féin agus do mhic beò air a' chuid eile.

8 Agus thachair air là *àraidh* gu'n deachaidh Elisa thairis gu Sunam, far an robh bean mhòr; agus chuir i impidh air aran itheadh. Agus ge b'e uair a rachadh e seachad, thionndaidheadh e stigh an sin a dh'itheadh arain.

9 Agus thubhairt ise r'a fear, Feuch a nis, tha fhios agam gur duine naomh le Dia e so, a tha 'gabhail seachad oirn cho tric.

10 Deanamaid, guidheam ort, seòmar beag balla, agus cuireamaid da an sin leab-adh, agus bord, agus caithir, agus coinn-leir: agus an uair a thig e d'ar n-ionnsuidh, tionndaidhidh e stigh an sin.

11 Agus tharladh air là *àraidh* gu'n d'thàinig e 'n sin, agus thionndaidh e steach do'n t-seòmar, agus luidh e 'n sin.

12 Agus thubhairt e ri Gehazi 'òglach, Gairm air a' Bhan-sunamaich so. Agus ghairm esan oirre, agus sheas i 'n a fhian-uis.

13 Agus thubhairt e ris, Abair a nis rithe,

Feuch, ghabh thu cùram d'ar taobh-ne leis a' chùram so uile; ciod a *tha* ri dheanamh air do shon? an àill leat labhairt air do shon ris an rìgh, no rì ceannard an t-sloigh? Agus fhreagair ise, Am measg mo shluaigh fèin *tha* mi a' m' chòmhnuidh.

14 Agus thubhairt esan, Ciod ma *ta a tha* ri dheanamh air do shon? Agus thubhairt Gehasi, Gu deimhin cha-n'èil mac aice, agus *tha* a fear sean.

15 Agus thubhairt esan, Gairm oirre. Agus an uair a ghairm e oirre, sheas i anns an dorus.

16 Agus thubhairt e, Aig an àm shuidhichte so, a réir àm na beatha, *bithidh* mac agad a'd' ghilacaibh. Agus thubhairt ise, Na *dean*, mo thighearn, a dhuine le Dia, na dean breug do d' bhanoglaich.

17 Agus dh'fhàs a' bhean torrach, agus rug i mac aig an àm shuidhichte sin mu'n do labhair Elisa rithe, a réir àm na beatha.

18 Agus dh'fhàs an leanabh suas: agus thachair air là *àraidh* gu'n deachaidh e mach a chum 'athar, a dh'ionnsuidh nam buanaichean.

19 Agus thubhairt e r'a athair, Mo cheann, mo cheann! Agus thubhairt esan rì òglach, Tog leat e dh'ionnsuidh a mhàthar.

20 Agus thog esan leis e, agus thug e dh'ionnsuidh a mhàthar e: agus shuidh e air a glùinibh gu meadhon-là, agus *an sin* dh'eug e.

21 Agus chaidh i suas, agus chuir i 'n a luidhe e air leabaidh an duine le Dia, agus dhruid i *an dorus* air, agus chaidh i mach.

22 Agus ghairm i air a fear, agus thubhairt i, Cuir a m' ionnsuidh, guidheam ort, aon de na h-òglach, agus aon de na h-asalaibh, a chum gu'n ruith mi dh'ionnsuidh an duine le Dia, agus gu'n tig mi a ris.

23 Agus thubhairt esan, C'ar son a thèid thu d'a ionnsuidh? an diugh cha-n'èil gealach ùr, no sàbaid ann. Agus thubhairt ise, *Bithidh gach nì* gu maith.

24 An sin chuir i diollaid air asail, agus thubhairt i r'a h-òglach, Tarruing, agus bi 'g imeachd: na cuir moille orm a' marcachd, mur iarr mi ort.

25 Agus dh'imich i, agus thàinig i dh'ionnsuidh an duine le Dia gu sliabh Charneil: agus an uair a chunnaic an duine le Dia i fa 'chomhair, thubhairt e ri Gehasi 'òglach, Feuch, *is i* sud a' Bhan-sunamach.

26 Ruith a nis, guidheam ort, 'n a coimimh agus abair rithe, Am *bheil* thu fèin gu maith? am bheil d'fhear gu maith? am *bheil* an leanabh gu maith? Agus fhreagair ise, *Tha* gu maith.

27 Agus an uair a thàinig i dh'ionnsuidh an duine le Dia chum an t-sléibh, rug i air a chosaibh; ach thàinig Gehasi am fagus gu a cur air falbh. Agus thubhairt an duine le Dia, Leig dhi, oir *tha* a h-anam air

a chràdh innte; agus cheil an Tighearn orna *e*, agus cha d'innis e dhomh.

28 Agus thubhairt ise, An d'iarr mise mac o 'n thighearn? nach dubhairt mi, Na meall mi?

29 An sin thubhairt e ri Gehasi, Crios-laich do leasraidh, agus glac mo bhata-sa ann do làimh, agus bi 'g imeachd: ma thachairas tu air duine sam bith, na beannaich dha; agus ma blicamaicheas duine sam bith dhuit, na freagair e a ris: agus cuir mo bhata air aghaidh an leinibh.

30 Agus thubhairt màthair an leinibh, *Mar* is beò an Tighearn, agus *mar* is beò d'anam-sa, cha-n fhàg mi thu. Agus dh'éirich e, agus lean e i.

31 Agus chaidh Gehasi air aghaidh rompa, agus chuir e 'm bata air aghaidh an leinibh; ach cha *robh* cainnt no clàisteachd *aige*: uime sin phill e 'n a choimimh, agus dh'innis e dha, ag ràdh, Cha-n'èil an leanabh air dùsgadh.

32 Agus an uair a thàinig Elisa a steach do'n tigh, feuch, bha'n leanabh marbh, agus 'n a luidhe air a leabaidh san.

33 Uime sin chaidh e stigh, agus dhùin e 'n dorus orra 'n an dithis, agus rinn e urnuigh ris an Tighearn.

34 Agus chaidh e suas agus luidh e air an leanabh, agus chuir e a bheul air a bheul, agus a shùilean air a shùilibh, agus a làmhnan air a làmhnan, agus shìn se e fèin sìos air, agus dh'fhàs feoil an leinibh blàth.

35 Agus a ris, dh'imich e anns an tigh a null agus a nall, agus chaidh e suas, agus shìn se e fèin sìos air; agus rinn an leanabh sreothartaich seachd uairean, agus dh'fhosgail an leanabh a shùilean.

36 Agus ghairm e air Gehasi, agus thubhairt e, Gairm air a' Bhan-sunamaich so. Agus ghairm esan oirre; agus an uair a thàinig i stigh d'a ionnsuidh, thubhairt esan, Tog leat do mhac.

37 Agus thàinig i agus thuit i aig a chosaibh, agus chroom si i fèin sìos gu làr, agus thog i leatha a mac, agus chaidh i mach.

38 Agus phill Elisa gu Gilgal; agus *bha* gorta 's an tìr, agus *bha* mic nam fàidhean 'n an suidhe fa 'chomhair: agus thubhairt e r'a òglach, Cuir air a' phoit mhòr, agus bruich brochan do mhacaibh nam fàidhean.

39 Agus chaidh aon a mach do'n achadh a thional lùibhean, agus fhuair e fionnain fhiadhaich, agus thionail e dhith dìoncan fadhaich, làn 'fhalluime, agus thàinig e agus ghearr e sìos iad anns a' phoit bhrochain; oir cha b'aithe dhoibh iad.

40 Agus thaom iad a mach do na daoineibh gu itheadh; agus an uair a bha iad ag itheadh de'n bhrochan, ghlaodh iad, agus thubhairt iad, Bàs anns a' phoit, a dhuine



le Dia. Agus cha burrainn iad ithcadh *dheth*.

41 Agus thubhairt esan, Thugaibh ma ta min a m' ionnsuidh. Agus thilg e anns a' phoit *i*; agus thubhairt e, Taom a mach air son an t-sluaigh, a chum gu'n ith iad: agus cha robh ni air bith ole anns a' phoit.

42 Agus thàinig duine o Bhaal-salisa, agus thug e dh'ionnsuidh an duine le Dia aran de'n cheud toradh, fichead builinn eòrna, agus lan dhiasan arbhair 'n an càithleach; agus thubhairt e, Thoir do'n t-sluagh, a chum gu'n ith iad.

43 Agus thubhairt 'fhear-frithealaidh ris, C'ar son a chuirinn so an làthair cheud fear? Agus thubhairt esan a *ris*, Thoir do'n t-sluagh, a chum gu'n ith iad: oir mar so tha'n Tighearn ag ràdh, Ithidh *iad*, agus bithidh fugeall ann.

44 Uime sin chuir e 'n an làthair e, agus dh'ith iad, agus bha fuigheall aca, a réir focail an Tighearna.

### CAIB. V.

1 *Leighis Elisa Naaman an Sirianach o 'luibhre.* 15 *Dhiùlt Elisa tiodhlac a ghabhail uath.* 20 *Fhuair Gehasi an tiodhlac le ceily, agus bhualleadh e le luibhre.*

**A** NIS bha Naaman ceannard slòigh rìgh Shiria 'n a dhuine mòr aig a thighearn, agus urramach; a chionn leis-san gu'n d'thug an Tighearn saorsa do Shiria: bha e mar an ceudna treun ann an neart, *ach bu* lobhar e.

2 Agus chaidh na Sirianaich a mach 'n am buidhnibh, agus thug iad leo 'am braidh-eanas a tìr Israeil caileag bheag; agus bha i a' feitheamh air mnaoi Naamain.

3 Agus thubhairt i r'a ban-mhaighstir, B'fhearr leam gu'm bitheadh mo thighearn maille ris an fhaidh a *tha* ann an Samaria; an sin leighiseadh e o 'luibhre e.

4 Agus chaidh esan a stigh, agus dh'innis e d'a thighearn, ag ràdh, Mar so agus mar so thubhairt a' chaileag a *tha* o thir Israeil.

5 Agus thubhairt rìgh Shiria, Imich romhad, agus cuiridh mise litir a dh'ionnsuidh rìgh Israeil. Agus dh'imich e, agus thug e leis deich talaman airgid, agus sè mìle *bonn* òir, agus deich culaidhean eudach.

6 Agus thug e 'n litir a dh'ionnsuidh rìgh Israeil, ag ràdh, A nis an uair a thig an litir so a d' ionnsuidh, feuch, chuir mi a d' ionnsuidh *leatha* Naaman mo sheirbhiseach, a chum gu'n leighis thu e o 'luibhre.

7 Agus an uair a leugh rìgh Israeil an litir, reub e 'eudach, agus thubhairt e, An Dia mise, a mharbhadh agus a dhcanamh beò, gu'n cuireadh am *fear* so *fios* a m' ionnsuidh duine a leigheas o 'luibhre? uime sin thugaibh fainear, guidheam oirbh, agus faicibh cionnus a tha e 'g iarraidh aobhair a'm' aghaidh.

8 Agus an uair a chual' Elisa an duine le Dia gu'n do reub rìgh Israeil 'eudach, chuir e *fios* a dh'ionnsuidh an rìgh, ag ràdh, C'ar son a reub thu d'eudach? thigeadh e nis a m' ionnsuidh-sa, agus bithidh fios aige gu bheil faidh ann an Israeil.

9 Agus thàinig Naaman le 'eich agus le 'charbad, agus sheas e aig dorus tighe Elisa.

10 Agus chuir Elisa teachdair d'a ionnsuidh, ag ràdh, Imich, agus nigh thu féin seachd uairean ann an Iordan, agus thig d'fheoil a ris a d' ionnsuidh, agus bithidh tu glan.

11 Ach bha fearg air Naaman, agus dh'fhalbh e roimhe, agus thubhairt e, Feuch, shaoil mi, gu cinnteach gu'n tigeadh e mach a m' ionnsuidh, agus gu'n seasadh e, agus gu'n gairmeadh e air ainm an Tighearna' a Dhé, agus gu'n cuireadh e a làmh air an àit, agus gu'n leighiseadh e an lobhar.

12 Nach 'eil Abana agus Pharpar, aimhnichean Dhamascuis, nì's fearr na uile uisgeachan Israeil? nach feud mi mi féin a nigh-eadh anntasan, agus a bhi glan? Agus thionndaidh e, agus dh'fhalbh e roimhe ann an corruich.

13 Agus thàinig a sheirbhiseich am fagus, agus labhair iad ris, agus thubhairt iad, O athair, *nam* bitheadh am fàidh air iarraidh ort ni mòr a dheanamh, nach deanadh tu *e*? nach ro mhò na sin ma ta, 'n uair a tha e 'g ràdh riut, Nigh agus bi glan?

14 An sin chaidh e sìos, agus thum se e féin ann an Iordan seachd uairean, a réir focail an duine le Dia; agus thàinig 'fheoil a ris mar fheoil leinibh bhig, agus ghlanadh e.

15 Agus phill e dh'ionnsuidh an duine le Dia, e féin agus a chuideachd uile, agus thàinig e, agus sheas e 'n a làthair; agus thubhairt e, Feuch, a nis tha fios agam nach 'eil Dia anns an talamh uile ach ann an Israeil: a nis ma ta, guidheam ort, gabh tiodhlac o d' sheirbhiseach.

16 Ach thubhairt esan, *Mar* is beò an Tighearn, 'an làthair am bheil mi a'm' sheasamh, cha ghabh mi *e*. Agus chuir e impidh air a ghabhail, ach dhiùlt esan *e*.

17 Agus thubhairt Naaman, Nach toirear ma ta, guidheam ort, do d' sheirbhiseach luchd dhà mhuileid de thalamh? oir cha toir do sheirbhiseach suas á so a mach tabhartas-loisgte, no iobairt do dhiathaibh air bith eile, ach do'n Tighearn.

18 Anns an ni so gu'n tugadh an Tighearn maitheanas do d' sheirbhiseach, an uair a théid mo thighearn a steach do thigh Rimoin a dhcanamh aoraidh an sin, agus a leigas e a thàic air mo làmh-sa, agus a chromas mise mi féin sìos ann an tigh Rimoin: an uair a chromas mise mi féin sìos ann an tigh Rimoin, gu'n tugadh an Tighearn maitheanas do d' sheirbhiseach anns an ni so,

19 Agus thubhairt esan ris, Imich ann an sìth. Agus dh'imich e uaith beagan as-tair.

20 Ach thubhairt Gehasi òglach Elisa an duine le Dia, Feuch, chaomhain mo mhaighstir Naaman an Sirianach so, a thaobh nach do ghabh e as a làimh *an nì* sin a thug e leis: ach *mar* is beò an Tighearn, ruithidh mise 'n a dhéigh, agus gabhaidh mi nì éigin uaith.

21 Agus lean Gehasi Naaman: agus an uair a chunnaic Naaman e a' ruith 'n a dhéigh, leum e nuas as a charbad 'n a choinnimh, agus thubhairt e, Am *bheil* gach nì gu maith?

22 Agus thubhairt esan, *Tha gach nì* gu maith: chuir mo mhaighstir uaith mi, ag ràdh, Feuch, a nìs thàinig a m' ionnsuidh dà òganach o shliabh Ephraim de mhac-aibh nam fàidhean: thoir dhoibh, guidheam ort, tàlann airgid, agus dà chulaidh eudaich.

23 Agus thubhairt Naaman, *Ma's* toil leat, gabh dà thàlann. Agus choimh-éiginich se e, agus cheangail e dà thàlann airgid ann an dà mhàla, agus dà chulaidh eudaich, agus chuir e iad air dithis d'a òglachaibh; agus ghiùlain iadsan roimhe *iad*.

24 Agus an uair a thàinig e do'n dùn, ghabh e as an làimh *iad*, agus thaisg e anns an tigh *iad*: agus leig e na daoine air falbh, agus dh'fhalbh iad.

25 Agus chaidh esan a steach, agus sheas e 'an làthair a mhaighstir, agus thubhairt Elisa ris, Cia as a thàinig *thusa*, a Ghehasi? Agus thubhairt esan, Cha deachaidh do sheirbhiseach taobh air bith.

26 Agus thubhairt esan ris, Nach deachaidh mo chridhe-sa *maille riut*, an uair a phill an duine o' charbad a'd' choinnimh? an àm so a ghabhail airgid, agus a ghabhail eudaich, agus liosan-olaidh, agus fhìon-liosan, agus chaorach, agus buair, agus òglach, agus bhanoglach?

27 Uime sin dlùth-leanaidh luibhre Naamain riutsa, agus ri d' shliochd gu bràth. Agus chaidh e mach á 'hianuis, 'n a lobhar, *geal* mar shneachda.

## CAIB. VI.

1 *Thug Elisa air iarunn snàmh.* 8 *Leig e ris chomhairle rìgh Shìria, agus thug e gu neo-nì i.* 11 *Chuir rìgh Shìria armailt a' ghlacadh.* 18 *Bhuailleadh iad le doille.* 24 *Theannnach Ben-hadad Samaria.* 25 *Bhuadhaich a' ghorta 's a' bhaile.*

**A**GUS thubhairt mic nam fàidhean ri Elisa, Feuch, a nis, *tha'n* t-àit anns am bheil sinn a chòmhnuidh maille riut ro chumhann air ar son.

2 Leig dhuinn dol, guidheamaid ort, gu Iordan, agus bheir gach fear againn sail as a sin, agus nì sinn dhuinn féin an sin àite gu còmhnuidh a ghabhail ann. Agus fhreagair esan, Rachaidh.

3 Agus thubhairt aon *diubh*, Ma's i do

thoil a nis, falbh féin maille ri d' sheirbhishich. Agus fhreagair esan, Théid mi.

4 Agus chaidh e maille riu: agus an uair a thàinig iad gu Iordan, ghearr iad sìos fiodh.

5 Ach an uair a bha aon *diubh* a' leagadh craoibhe, thuit iarunn *na tuaighe* anns an uisge: agus dh'éigh e agus thubhairt e, Mo thruaigh, a mhaighstir! agus *gur* ann 'an coingheall a *bha* e.

6 Agus thubhairt an duine le Dia, C'àit an do thuit e? Agus dh'fheuch esan da an t-àit. Agus ghearr e sìos maide, agus thilg e 'n sin e, agus thug e air an iarunn snàmh.

7 Agus thubhairt e, Tog leat e. Agus shìn esan a mach a làmh, agus ghabh se e.

8 Agus bha rìgh Shìria a' cogadh ri h-Israel: agus chuir e a chomhairle r'a sheirbhishich, ag ràdh, Ann an leithid so dh'àite *bithidh* mo champ.

9 Agus chuir an duine le Dia *fios* a dh'ionnsuidh rìgh Israeil, ag ràdh, Feuch nach téid thu thairis a dh'ionnsuidh a leithid so dh'àite; oir an sin tha na Sirianaich air teachd a nuas.

10 Agus chuir rìgh Israeil *daoine* a dh'ionnsuidh an àite mun d'innis an duine le Dia dha, agus mu'n d'thug e rabhadh dha, agus dh'ion se e féin an sin, cha b'ann aon uair no dà uair.

11 Agus bha cridhe rìgh Shìria fo blhuair-eas mòr air son an nì so; agus ghairm e air a sheirbhishich, agus thubhairt e riu, Nach innis sibh dhomh cò 'n ar measg-ne 'tha le rìgh Israeil?

12 Agus thubhairt aon d'a sheirbhishich, *Cha-nèil neach air bith*, a thighearn', a rìgh: ach Elisa am fàidh, a *tha* ann an Israel, innsidh *esan* do rìgh Israeil na briathran a labhras tu ann do shedmar-leabach.

13 Agus thubhairt esan, Rachaidh agus seallaibh c'àit *am bheil* e, a chum gr'n cuir mi *daoine* uam, agus gu'n glac mi e. Agus dh'innseadh dha, ag ràdh, Feuch, *tha* e ann an Dotan.

14 Uime sin chuir e eich an sin, agus carbad, agus sluagh mòr: agus thàinig iad 's an oidhche, agus chuairtich iad am baile.

15 Agus dh'éirich seirbhiseach an duine le Dia gu moch 's a' mhaduinn, agus chaidh e mach, agus, feuch, *bha* armailt a' cuairt-eachadh a' bhaile, maille ri eachaibh agus ri carbadaibh; agus thubhairt òglach ris, Mo thruaigh, a mhaighstir! cionnus a nì sinn?

16 Agus fhreagair esan, Na bitheadh eagal ort; oir is lionnhoire *iad* a *tha* leimne na *iadsan* a *tha* leo-san.

17 Agus rinn Elisa urnuigh, agus thubhairt e, A Thighearna, fosgail, guidheam ort a shùilean, a chum gr'n faic e. Agus dh'fhosgail an Tighearn sùilean an ògan-



aich, agus chunnaic e; agus, feuch, *bha'n* sliabh làn each agus charbad teime mu'n cuairt air Elisa.

18 Agus an uair a thàinig iad a nuas d'a ionnsuidh, rinn Elisa urnuigh ris an Tigh-earn, agus thubhairt e, Buail, guidheam ort, an sluagh so le doille. Agus bhuail e iad le doille, a réir focail Elisa.

19 Agus thubhairt Elisa riu, Cha-n i so an t-slighe, agus cha-n e so am baile; leanaibh mise, agus bheir mi sibh a dh'ionnsuidh an duine a tha sibh ag iarraidh. Ach thug e iad gu Samaria.

20 Agus an uair a thàinig iad a steach do Samaria, thubhairt Elisa, A Thighearna, fosgail sùilean nan daoine so, chum gu'n faic iad. Agus dh'fhosgail an Tighearna an sùilean, agus chunnaic iad, agus, feuch, *bha iad* 'am meadhon Samaria.

21 Agus thubhairt rìgh Israeil ri Elisa, an uair a chunnaic e iad, Am buail, am buail mi iad, athair?

22 Agus fhreagair esan, Cha bhuail thu iad: am buaileadh tu iadsan a ghlaic thu 'n am braighdibh le d' chlàidheamh, agus le d' bhogha? cuir aran agus uisge fa'n comhair, a chum gu'n ith agus gu'n ol iad, agus gu'ntéid iad a dh'ionnsuidh an tighearna féin.

23 Agus rinn e deasachadh mòr air an son; agus an uair a dh'ith agus a dh'ol iad, leig e air falbh iad, agus claidh iad a dh'ionnsuidh an tighearn'. Agus cha d'thàinig buidhnean Shiria ni's mò do thìr Israeil.

24 Agus na dhéigh so chruinnich Benhadad rìgh Shiria 'armailt uile, agus chaidh e suas agus theannaich e Samaria.

25 Agus bha gorta mhòr ann an Samaria; agus, feuch, theannaich iad e, agus an robh eann asail *air a reic* air cheithir fichead *bonn* airgid, agus an ceathramh cuid de chab a dh'aolach choluman air chùig *bonn-airh* airgid.

26 Agus an uair a bha rìgh Israeil a' gabhail seachad air a' bhalla, ghlaodh bean ris, ag ràdh, Dean cabhair orm, mo thighearn a rìgh.

27 Agus thubhairt esan, Mur dean an Tighearn cabhair ort, cionnus a ni mise cabhair ort? an ann á urlar an t-sabhail, no as an fhìon-amar?

28 Agus thubhairt an rìgh rithe, Ciod a tha teachd riut? Agus fhreagair isc, Thubhairt a' bhean so rium, Thoir seachad do mhae-sa, chum gu'n ith sinn an diugh e, agus mo mhae-sa ithidh sinn am màireach.

29 Agus bhruidh sinn mo mhae-sa, agus dh'ith sinn e; agus thubhairt mise rithe-sa air an ath là, Thoir seachad do mhae-sa, chum gu'n ith sinn e: ach dh'fholaich isc a mac.

30 Agus an uair a chual' an rìgh briathran na mnà, reub e 'eudach, agus ghabh e seachad air a' bhalla, agus dh'amhaire an

sluagh, agus, feuch, *bha* saic-eudach air 'fheoil air an taobh a stigh.

31 An sin thubhairt e, Gu'n deanadh Dia mar sin riumsa, agus tuilleadh mar an ceudna, ma sheasa sèeam Elisa mhic Shaphait air an diugh.

32 Ach *bha* Elisa 'n a shuidhe 'n a thigh, agus na seanairean 'n an suidhe maille ris: agus chuir an rìgh duine uath as a làthaireachd féin: ach mu'n d'thàinig an teachdair d'a ionnsuidh, thubhairt e ris na seana-iribh, Am faic sibhse mar a chuir mac so a' mhortair duine a thoirt mo chinn diomsa? thugaibh an aire 'n uair a thig an teachdair, druidibh an dorus, agus cunaibh gu daingean e aig an dorus: nach 'eil fuaim chos a thighearna 'n a dhéigh?

33 An uair a bha e fathast a' labhairt riu, feuch, thàinig an teachdair a nuas d'a ionnsuidh: agus thubhairt e, Feuch, tha'n t-ole so o'n Tighearn; e'ar son a dh'fheithinnse air an Tighearn ni's faide?

### CAIB. VII.

1 *Roimh-innis Elisa gu'n bitheadh mòr phailteas ann an Samaria.* 3 *Thug ceathrar dhaoine a chaidh a mach do'n champ fìos seachad gu'n do theich na Sirianaich.* 12 *Chreach rìgh Israeil agus an sluagh camp nan Sirianach.*

**A**N SIN thubhairt Elisa, Eisdibh ri focal an Tighearna: Mar so tha'n Tigh-earn ag ràdh, Mu'n tràth so am màireach reicear tomhas de mhin mhin air secel, agus dà thomhas eòrna air secel, ann an geata Samaria.

2 Agus fhreagair ceannard, a leig an rìgh a thaic air a làimh, an duine le Dia, agus thubhairt e, Feuch, *ged* dheanadh an Tighearn tuil-dhorsan anns na nèamhan an feudadh an ni so' bhi? agus thubhairt esan, Feuch, chi thusa le d' shùilibh e, ach cha-n ith thu d'fheith.

3 Agus bha ceathrar dhaoine air an robh an luibhre aig dol a steach a' gheata; agus thubhairt iad gach fear r'a chéile, C'ar son a dh'fhanas sinn an so gus am bàsaich sinn?

4 Ma their sinn, Rachamaid a steach do'n bhaile, *tha* a' ghorta anns a' bhaile, agus bàsaichidh sinn an sin; agus ma dh'fhanas sinn an so, bàsaichidh sinn mar an ceudna. A nis ma ta thigibh, agus teicheadh gu camp nan Sirianach: ma chaomhnas iad beò sinn, bithidh sinn beò; ach ma mharbhas iad sinn, cha-n fhaigh sinn ach am bàs.

5 Agus dh'éirich iad anns an dùthra gu dol a dh'ionnsuidh caimp nan Sirianach: agus an uair a thàinig iad gus a' chuid a b'fhaide mach de champ nan Sirianach, feuch, cha robh duine *air bith* an sin.

6 Oir thug an Tighearn air feachd nan Sirianach fuaim charbad a chluinntinn, agus fuaim each, *eadhon* fuaim slòigh mhòir: agus thubhairt iad gach fear r'a chéile, Feuch, thuarasdalaich rìgh Israeil 'n ar

n-aghaidh rìghrean nan Hiteach, agus rìghrean nan Èiphiteach, gu teachd oirnn.

7 Uime sin dh'èirich iad, agus theich iad anns an dùthra, agus dh'fhàg iad am bùthan, agus an eich, agus an asail, *ceudhon* an camp mar *a bha* e, agus theich iad air son an anama.

8 Agus an uair a thàinig na labhair sin gu s' chuid a b'fhaide mach de'n champ, chaidh iad a steach do aon bhùth, agus dh'ith iad, agus dh'òl iad, agus thug iad leo as a siu airgid, agus òr, agus cudach, agus chaidh iad agus dh'fholaich siad *iad*; agus thàinig iad air an ais, agus chaidh iad a steach do bhùth eile, agus thug iad leo as a sin mar an *ceudna*, agus chaidh iad agus dh'fholaich siad *iad*.

9 Agus thubhairt iad gach fear r'a chéile, Cha-n'èil sinn a' deanamh gu ceart: *is* là deadh sgeòil an là so, agus *tha* sinne 'n ar tosd: ma dh'fhanas sinn gu solus na maidne, thig olc éigin oirnn: a nis ma ta thigibh, agus rachamaid agus innseamaid do theaghlach an rìgh.

10 Agus thàinig iad agus ghlaodh iad ri dorsairibh a' bhaile, agus dh'innis iad dhoibh, ag ràdh, Chaidh sinne gu camp nan Sirianach, agus, feuch, *cha robh* duine air bith an sin, no guth duine, ach eich ceangailte, agus asail ceangailte, agus na bùthan mar a *bha* iad.

11 Agus ghlaodh na dorsairean, agus dh'innis iadsan do theaghlach an rìgh a stigh.

12 Agus dh'èirich an rìgh anns an oidhche, agus thubhairt e r'a sheirbhisich, Innsidh mi dhuibh a nis ciod a rinn na Sirianaich, oirnn: *tha* fios aca gu *bheil* sinne ocach, agus chaidh iad a mach as a' champ gu'm folach féiu anns a' mhachair, ag ràdh, An uair a thig iad a mach as a' bhaile, glacaidh sinu beò iad, agus theid sinn a steach do'n bhaile.

13 Agus fhreagair aon d'a sheirbhisich, agus thubhairt e, Gabhar a nis cùig de na h-eich a tha air am fàgail, a dh'fhan anns a' bhaile, (feuch, *tha* iad mar uile shluagh Isracil d'an do chuireadh as,) agus cuireamaid *teachdairean* uaim agus faiceamaid.

14 Ghabhadh uime sin dà each carbaid; agus chuir an rìgh *teachdairean* an déigh feachd nan Sirianach, ag ràdh, Rachaidh, agus faicibh.

15 Agus chaidh iad 'n an déigh gu ruig Iordan, agus, feuch, bha'n t-slighe uile làn de eudach, agus de shoitichean, a thilg na Sirianaich uatha 'n an cablaig: agus phill uia teachdairean, agus dh'innis iad do'n rìgh.

16 Agus chaidh an sluagh a mach, agus chreach iad camp nan Sirianach: agus reic-eadh tomhas de mhin mhin air secel, agus dà thomhas eorna air secel, a réir focail an Tighearna.

17 Agus chuir an rìgh cùram a' gheata air a' cheannard, a leig e a thaic air a làimh: agus shaltair an sluagh air anns a' gheata, agus dh'eug e, mar a thubhairt an duine le Dia, a labhair an uair a thàinig an rìgh a nuas d'a ionnsuidh.

18 Agus thachair e, mar a labhair an duine le Dia ris an rìgh, ag ràdh, Bithidh dà thomhas eorna air secel, agus tomhas de mhin mhin air secel, mu'n tràth so am maireach, ann an geata Shamaria:

19 Agus fhreagair an ceannard sin an duine le Dia, agus thubhairt e, Feuch a nis, *ged* dheanadh an Tighearn tuil-dhòrsan anns na nèamhan, am feudadh a' leithid so de ni a bhi? agus thubhairt esan, Feuch, cli thu le d' shùilbh e, ach cha-n ith thu dheth.

20 Eadhon mar sin thachair e dha: oir shaltair an sluagh air anns a' gheata, agus dh'eug e.

## CAIB. VIII.

3 *Phill a' Bhan-sunamach a' tìr nam Philisteach.* 10 *Thug Elisa fios do Haseal gu'm faighheadh Ben-hadad bàs, agus gu'm bitheadh e féin 'n a rìgh air Siria.* 20 *Rinn Edom agus Libnah ceannairc an aghaidh Iudah.* 23 *Rìghich Ahasiah 'an àit Ichoram.*

**A**N SIN labhair Elisa ris a' mhnaoi, d'an d'ath-bheothaich e a mac, ag ràdh, Eirich, agus imich thusa agus do theaghlach, agus falbh air chuairt ge b'e àit am feud thu' bhi air chuairt: oir ghairm an Tighearn air gorta, agus mar an ceudna thig i air an tìr ré sheachd bliadhna.

2 Agus dh'èirich a' bhean, agus rinn i a réir focail an duine le Dia: agus dh'fhalbh i féin agus a teaghlach, agus bha i air chuairt ann an tìr nam Philisteach ré sheachd bliadhna.

3 Agus aig ceann nan seachd bliadhna, phill a' bhean a' tìr nam Philisteach: agus chaidh i mach a ghairm air an rìgh air son a tighe, agus air son a fearainn.

4 Agus labhair an rìgh ri Gehasi, òglach an duine le Dia, ag ràdh, Innis dhomh, guidheam ort, na nithean mòra uile a rinn Elisa.

5 Agus an uair a bha e ag innseadh do'n rìgh mar a dh'ath-bheothaich e *neach* a bha marbh, feuch, ghlaodh a' bhean, d'an d'ath-bheothaich e a mac, ris an rìgh air son a tighe, agus air son a fearainn. Agus thubhairt Gehasi, Mo thighearn', a rìgh, so a' bhean, agus so a mac, a dh'ath-bheothaich Elisa.

6 Agus an uair a dh'fheòraich an rìgh de'n mhnaoi, dh'innis i dha. Agus dh'orduich an rìgh dhi maor àraidh, ag ràdh, Thoir air ais gach *ni* 'bu leatha, agus uile thoradh an fhearainn, o'n là a dh'fhàg i an tìr, cadhon gu s' a nis.

7 Agus thàinig Elisa gu Damascus: agus *bha* Ben-hadad rìgh Shiria tinn: agus



dh'innseadh dha, ag ràdh, Thàinig an duine le Dia an so.

8 Agus thubhairt an rìgh ri Hasael, Gabh ann ad làimh tiodhlac, agus falbh an coinnimh an duine le Dia, agus fiosraich de'n Tighearn leis, ag ràdh, An tig mi beò o'n tinneas so?

9 Agus dh'fhalbh Hasael 'n a choinnimh, agus ghabh e tiodhlac 'n a làimh, eadhon de gach ni maith a bha'n Damascus, luchd dhà fhichead chàmhail: agus thàinig e, agus sheas e 'n a làthair, agus thubhairt e, Chuir do mhac Ben-hadad, rìgh Shiria, mise a' d'ionnsuidh, ag ràdh, An tig mi beò o'n tinneas so?

10 Agus thubhairt Elisa ris, Falbh, abair ris, Feudaidd tu gun teagamh teachd uath: gidheadh, nochd an Tighearn dhomhsa gu'm faigh e gu cinnteach bàs.

11 Agus shocraich e a ghnùis gu seas-mhach, gus an robh nàire air: agus ghuih an duine le Dia.

12 Agus thubhairt Hasael, C'ar son a tha mo thighearn a' gul? Agus fhreagair esan, A chionn gu bheil fios agam air an ole a ni thusa do chloinn Israeil: an daingneachan làidir cuiridh tu ri theine, agus an daoine òga marbhaidh tu leis a' chladheamh, agus an clann bheag bruthaidh tu, agus am mnathan torrach reubaidh tu suas.

13 Agus thubhairt Hasael, Ach ciod, an cù do sheirbhiseach, gu'n deanadh e an ni mòr so? Agus fhreagair Elisa, Nochd an Tighearn dhomhsa *gu'm bi* thu a'd' rìgh air Siria.

14 Agus dh'fhalbh e o Elisa, agus thàinig e dh'ionnsuidh a thighearn, a thubhairt ris, Ciod a thubhairt Elisa riut? Agus fhreagair esan, Dh'innis e dhomh *gu'n* tig thu gu cinnteach *o'n tinneas* so.

15 Agus air an là màireach ghabh e eudach tiugh, agus thum e ann an uisge e, agus sgaoil e air 'aghaidh e, air chor as gu'n d'fhuair e bàs: agus rìghich Hasael 'n a àit.

16 Agus anns a' chùigeamh bliadhna de Ioram mac Ahaib, rìgh Israeil, thòisich Iehoram, mac Iehosaphat rìgh Iudah, air rìoghachadh.

17 Dà bhliadhna dheug thar fhichead a dh'aois bha e 'n uair a thòisich e air rìoghachadh, agus rìghich e ochd bliadhna ann an Ierusalem.

18 Agus ghluais e ann an slighe rìghrean Israeil mar a rinn tigh Ahaib; oir bha nighean Ahaib 'n a mnaoi aige: agus rinn e ole ann an sùilbhan an Tighearna.

19 Gidheadh cha b'àill leis an Tighearn Iudah a sgrios, air sgàth Dhaibhidh 'òg-laich, mar a gheall e dha solus a thabhairt da féin agus d'a mhacaibh an còmhnuidh.

20 'N a làithibh-sau dh'èirich Edom o bhi fo làimh Iudah, agus rinn iad rìgh os an ceann féin.

21 Agus chaidh Ioram thairis gu Sair,

agus na carbadan uile maille ris: agus dh'èirich e 's an oidhche, agus bluaile e na h-Edomaich a bha mu'n cuairt air, agus ceannardan nan carbad: agus theich an sluagh d'am bùthaibh.

22 Gidheadh dh'èirich Edom o bhi fo làimh Iudah gus an là'n diugh: agus dh'èirich Libnah 's an àm cheudna.

23 Agus a' chuid eile de ghnìomharaibh Ioraim, agus gach ni a rinn e, nach 'eil iad sgrìobhta ann an leabhar eachdraidh rìghrean Iudah?

24 Agus choidil Ioram maille r'a aithrichibh, agus dh'adhlacadh e maille r'a aithrichibh ann am baile Dhaibhidh: agus rìghich Ahasiah a mhac 'n a àit.

25 Anns an dara bliadhna deug de Ioram mac Ahaib, rìgh Israeil, thòisich Ahasiah mac Iehoram, rìgh Iudah, air rìoghachadh.

26 Dà bhliadhna thar fhichead a dh'aois bha Ahasiah an uair a thòisich e air rìoghachadh, agus rìghich e aon bhliadhna ann an Ierusalem: agus b'e ainm a mhàthar Ataliah, nighean Omri rìgh Israeil.

27 Agus ghluais e ann an slighe tighe Ahaib, agus rinn e ole ann an sùilbhan an Tighearna, mar a rinn tigh Ahaib: oir bu chliamhuin do thigh Ahaib e.

28 Agus chaidh e maille ri Ioram mac Ahaib, gu cogadh an aghaidh Hasael rìgh Shiria ann an Ramot-gilead; agus lot na Sirianaich Ioram.

29 Agus chaidh rìgh Ioram air ais gu bhi air a leigheas ann an Iesreel o na lotaibh a thug na Sirianaich dha ann an Ramot, an uair a chog e an aghaidh Hasael rìgh Shiria: agus chaidh Ahasiah mac Iehoram, rìgh Iudah, sìos a dh'fhaicinn Ioraim mhic Ahaib ann an Iesreel, a chionn *gu'n robh* e tinn.

## CAIB. IX.

1 Chuir Elisa fàidh gu Ramot-gilead a dh'ungadh Iehu. 11 Rinneadh Iehu 'n a rìgh le ceannardaibh an t-sòigh. 24 Mharbh e Iehoram agus Ahasiah. 30 Thig cailteanach Iesebel a nuas o winneig, agus dh'ith na madraidh a feoil a réir focail an fhàidh Eliah.

**A**GUS ghairm Elisa am fàidh air aon de mhacaibh nam fàidhean, agus thubhairt e ris, Crioslaich do leasraidh, agus gabh an corn olaidh so ann do làimh, agus innich gu Ramot-gilead.

2 Agus an uair a thig thu 'n sin, seallaidh tu an sin air son Iehu mhic Iehosaphait, mhic Nimsi; agus théid thu a stigh, agus bheir thu air éirigh suas o mheasg a bhràithrean, agus bheir thu e do sheòmar-cùil:

3 Agus gabhaidh tu an corn olaidh, agus taomaidh tu air a cheau e, agus their thu, Mar so tha'n Tighearn ag ràdh, Dh'ung mi thu a'd' rìgh air Israel: an sin fosgailidh tu an dorus, agus teichidh tu, agus cha-n fhan thu.

4 Agus dh'imich an t-òganach am fàidh, gu Ramot-gilead.

5 Agus an uair a thàinig e, feuch, *bha* ceannardan an t-slàigh 'n an suidhe; agus thubhairt e, Tha mi agam ri ràdh riut, a cheannaird. Agus thubhairt Iehu, Co ris dhinn uile? Agus thubhairt esan, Riut-sa, a cheannaird.

6 Agus dh'èirich e, agus chaidh e steach do'n tigh, agus thaom e an oladh air a cheann, agus thubhairt e ris, Mar so tha'n Tighearn Dia Israeil ag ràdh, Dh'ung mi thusa a'd rìgh air sluagh an Tighearn', eadhon air Israel.

7 Agus buailidh tu tigh Ahaib do thighearn', agus diolaidh mise fuil mo sheirbhis-each nam fàidhean, agus fuil uile sheirbhis-each an Tighearn', air làmh Iesebeil.

8 Agus sgriosar tigh Ahaib uile, agus gearraidh mi as o Ahab esan a ni uisge ri balla, agus esan a dhruidear suas agus a dh'fhàgar ann an Israel.

9 Agus nì mi tigh Ahaib mar thigh Iero-boaim mbic Nebait, agus mar thigh Bhaasa mbic Ahiah.

10 Agus ithidh na madraidh Iesebel ann an cuibhrionn Iesreil, agus cha *bhi neach air bith ann* a dh'adhlacais i. Agus dh'fhosgail e 'n dorus, agus theich e.

11 An sin thàinig Iehu a mach a dh'ionnsuidh sheirbhis-each a Thighearn', agus thubhairt iad ris, Am *bheil* gach nì gu maith? c'ar son a thàinig am fear cuthaich so a' d'ionnsuidh? Agus thubhairt esan riu, Is aithne dhuibh an duine, agus a chaint.

12 Agus thubhairt iadsan, *Is breug e*; innis dhuinn a nis. Agus thubhairt esan, Mar so agus mar so labhair e rium, ag ràdh, Mar so tha'n Tighearn ag ràdh, Dh'ung mi thu a'd rìgh air Israel.

13 An sin rinn iad cabhag, agus ghabh iad gach fear dliubh 'fhalluin, agus chuir iad foidhe i air mullach na staidhreac, agus shéid iad le trompaid, agus thubhairt iad, Is e Iehu an rìgh.

14 Uime sin rinn Iehu mac Ichosaphait, mbic Nimsi, ceannaire an aghaidh Ioraim: (a nis bha Ioram a' gleidheadh Ramot-gilead, e féin agus Israel uile, an aghaidh Hasaeil rìgh Shiria:

15 Ach phill rìgh Ioram gu bhì air a leigh-eas ann an Iesreel o na lotaibh a thug na Sirianach dha, 'n uair a chog e ri Hasael rìgh Shiria.) Agus thubhairt Iehu, Ma's e blur toil e, na rachadh neach air bith a mach, agus na teicheadh e as a' bhaile, gu dol g'a innseadh ann an Iesreel.

16 Agus mharcaich Iehu ann an carbad, agus chaidh e gu Iesreel; oir *bha* Ioram 'n a luidhe an sin: agus thàinig Ahasiah rìgh Iudah a nuas a dh'fhaicinn Ioraim.

17 Agus sheas fear-faire air an tùr ann an Iesreel, agus cluannaic e buidheann Iehu 'n uair a bha e a' teachd, agus thubhairt e,

*Tha mi 'faicinn buidhne. Agus thubhairt, Ioram, Gabh marcach, agus cuir 'n an coinnimh e, agus abradh e, An sìth a th'ann?*

18 Agus chaidh fear a' marcachd air each 'n a choinnimh, agus thubhairt e, Mar so tha'n rìgh ag ràdh, An sìth a th'ann? Agus thubhairt Iehu, Cìod do ghnothuch-sa ri sìth? tionndaidh air mo chùlaobh. Agus dh'innis am fear-faire, ag ràdh, Thàinig an teachdair d'an ionnsuidh, ach cha-n'èil e teachd air ais.

19 Agus chuir e uath fear eile a' marcachd air each, agus thàinig e d'an ionnsuidh, agus thubhairt e, Mar so tha'n rìgh ag ràdh, An sìth a th'ann? Agus fhreagair Iehu, Cìod do ghnothuch-sa ri sìth? tionndaidh air mo chùlaobh.

20 Agus dh'innis am fear-faire, ag ràdh, Thàinig e eadhon d'an ionnsuidh, agus cha-n'èil e teachd air ais: agus *tha'n* siubhal cosmhuil ri siubhal Iehu mhic Nimsi; oir tha e a' siubhal gu dian.

21 Agus thubhairt Ioram, Ulluich. Agus dh'ulluich e a charbad. Agus chaidh Ioram rìgh Israeil, agus Ahasiah rìgh Iudah, a mach, gach fear dhiubh 'n a charbad, agus chaidh iad a mach 'n an coinnimh Iehu, agus thachair iad air ann an cuibhrionn Nabot an Iesreelich.

22 Agus an uair a chunnaic Ioram Iehn, thubhairt e, An sìth a th'ann, a Iehu? Agus thubhairt esan, Cìod an t-sìth, fhad 's a *bhios* strìopachas Iesebeil do mhàthar, agus a druidhcadhan co lionmhor?

23 An sin thionndaidh Ioram a làmhann agus theich e, agus thubhairt e ri Ahasiah, *Tha* fcall ann, Oh Ahasiah.

24 Agus tharruing Iehu bogha le 'uile neart, agus bhuail e Ioram eadar a ghaird-canan, agus chaidh an t-saighhead a mach troimh a chridhe, agus chrom e sìos 'n a charbad.

25 An sin thubhairt Iehu ri Bidcar a cheannard, Tog *agus* tilg e ann an cuibhrionn fearaim Nabot an Iesreelich: oir is cuimhne leam, an uair a bha mise agus thusa a' marcachd cuideachd an dèigh Ahaib 'rthar, gu'n do chuir an Tighearn an eallach so air.

26 Gu ciunteach chunnaic mi an dé fuil Nabot, agus fuil a mhac, ars' an Tighearn, agus diolaidh mi ort anns a' cuibhrionn so, ars' an Tighearn. A nis ma ta tog *agus* tilg e anns a' cuibhrionn *fhearainn*, a réir focail an Tighearna.

27 Agus an uair a chunnaic Ahasiah rìgh Iudah so, theich e rathad tìghe an liosa: agus lean Iehu 'n a dhéigh, agus thubhairt e, Buail'ibh esan mar an ceudna 'n a charbad. *Agus bhuail iad e aig uchdaich Ghuir, a tha làmh ri Ibleam*: agus theich e gu Mcgido, agus fhuair e bàs an sin.

28 Agus thug a sheirbhisich leo e ann az



carbad gu h-Ierusalem, agus dh'adhlaidh iad e 'n a àit-adhlacaidh, maille r'a aithrichibh ann am baile Dhaibhidh.

29 Agus anns an aon bhliadhna deng de Ioram mac Ahaib, thòisich Ahasiah air rìoghachadh os ceann Iudah.

30 Agus an uair a thàinig Iehu gu Iesreel, chuala Iesebel e; agus chuir i dath mu a suilibh, agus sgeadaich i a ceann, agus dh'amhaire i mach air uimneig.

31 Agus an uair a bha Iehu a' teachd a stigh air a' gheata, thubhairt i, An robh sìth aig Simri, a mharbh a thighearn?

32 Agus thog esan 'aghaidh suas a dh'ionnsuidh na h-uimneige, agus thubhairt e, Cò a tha leamsa, cò agus dh'amhaire dithis no triuir de chaillteanaich a mach air.

33 Agus thubhairt e, Tilgibh a nuas i. Agus thilg iadsan sìos i; agus chrathadh cuid d'a fuil air a' bhalla, agus air na h-eachaidh, agus shaltair iad fo 'n cosaidh i.

34 Agus chaidh e stigh, agus dh'ith agus dh'òl e, agus thubhairt e, Rachaibh a nis a dh'fhaicinn na mna mallaichte sin, agus adhlaidh i; oir is nighean rìgh i.

35 Agus chaidh iad g'a h-adhlacadh, ach cha d'fhuair iad dìth ach an cloigeann, agus na cosan, agus basan a làmh.

36 Agus phill iad, agus dh'innis iad da: agus thubhairt esan, *Is* e so focal an Tighearn', a labhair e le làimh 'òglaich Elish an Tisbithich, ag ràdh, Ann an cuibhrionn Iesreel, ithidh na madraidh feoil Iesebeil:

37 Agus bithidh closach Iesebeil mar aolach air aghaidh an fhearainn ann an cuibhrionn Iesreel, *air chor* as nach abair iad, *Is i so Iesebel*.

#### CAIB. X.

1 *Chuir Iehu mic Ahaib gu bàs.* 12 *Air a shlighe gu Samaria mharbh e bràithrean Ahasiah.* 18 *Le a sheòlachd sgrìos e uile luchd-aoraidh Bhaail, agus loisg e an dealbhan.* 32 *Bhuail Haseal Israel.* 34 *Fhuair Iehu bàs, agus rìghich Jehoahaz 'n a àit.*

**A** GUS *Uha* aig Ahab deich agus tri fichead mac ann an Samaria. Agus sgrìobh Iehu litrichean, agus chuir e do Shamaria *iad*, a dh'ionnsuidh uachdarana Iesreel, a dh'ionnsuidh nan seanair, agus d'an ionnsuidh-san a thog *clann* Ahaib, ag ràdh,

2 A nis an uair a thig an litir so d'ur n-ionnsuidh, o tha mic bhur tighearna maille ribh, agus carbad agaibh, agus eich, agus baile daingichte, agus airm,

3 Amhaireibh a mach cadhon air a shon-san a's fearr agus a's iomchuidh de mhac-aibh bhur tighearn', agus cuiribh e air rìgh-eaithir athar, agus cogaibh air son tighe bhur tighearn'.

4 Ach bha eagal ro mhòr orra-san, agus thubhairt iad, Feuch, cha do sheas dà rìgh roimhe agus cionnus a shecas sinne?

5 Agus chuir *esan* a *Uha* os ceann an tighe, agus *esan* a *Uha* os ceann a' bhaile, agus na seanairean, agus iadsan a thog *a' chlann*, *teachdairean* gu Iehu, ag ràdh, *Is* sinne do sheirbhisich, agus ni sinn gach *ni* a dh'iarraas tu oirnn; cha dean sinn rìgh air bith: an *ni* a tha taitneach a'd' shùilibh-sa, dean e.

6 Agus sgrìobh e d'an ionnsuidh litir an dara uair, ag ràdh, Ma's leamsa sibh, agus *ma* dh'èisdeas sibh ri m' ghuth, gabhaibh cinn mhac bhur tighearn', agus thigibh a m' ionnsuidh-sa mu'n tràth so am màireach gu Iesreel: (a nis *Uha* mic an rìgh, deich agus tri fichead fear, maille ri daoimibh mòra a' bhaile a thog iad.)

7 Agus an uair a thàinig an litir d'an ionnsuidh, ghabh iad mic an rìgh, agus mharbh iad deich agus tri fichead fear, agus chuir iad an cinn ann am bascaidibh, agus chuir iad d'a ionnsuidh *iad* gu Iesreel.

8 Agus thàinig teachdair, agus dh'innis e dha, ag ràdh, Thug iad leo cinn mhac an rìgh. Agus thubhairt esan, Cuiribh iad 'n an dà dhùn aig dol a stigh a' gheata gu maduinn.

9 Agus anns a' mhaduinn chaidh e mach agus sheas e, agus thubhairt e ris an t-sluagh uile, Tha sibhse ionraic: feuch, rinn mise ceannaire an aghaidh mo thighearn', agus mharbh mi e; ach cò a bhuail iad so uile?

10 Bitheadh fios agaibh a nis, nach tuit *lide* de fhocal an Tighearna gu làr, a labhair an Tighearn mu thigh Ahaib; oir rinn an Tighearn an *ni* sin a labhair e le làimh a sheirbhisich Elish.

11 Mar sin bhuail Iehu iadsan uile a mhair de thigh Ahaib ann an Iesreel, agus a dhaoine mora uile, agus a luchd-dàimh, agus a shagartan, agus nach d'fhàg e duine beò aige.

12 Agus dh'èirich e, agus dh'imich e, agus chaidh e do Shamaria. Agus an uair a bha e aig tigh-bearraidh nam buachailleann air an t-slighe,

13 Thachair Iehu air bràithribh Ahasiah rìgh Iudah, agus thubhairt e, Cò sibhse? Agus thubhairt iadsan, *Is* sinne bràithrean Ahasiah, agus tha sinn a' dol sìos a chur failte air cloinn an rìgh, agus air cloinn na ban-rìghinn.

14 Agus thubhairt esan, Glacaidh beò iad. Agus ghlac iad beò iad, agus mharbh siad iad aig slochd an tigh-bearraidh, dà fhichead agus dithis fhear; agus cha d'fhàg e duine beò dhiubh.

15 Agus an uair a dh'fhalbh e as a sin, thachair e air Ichonadab mac Relah a' teachd 'n a choinnimh; agus chuir e failte air, agus thubhairt e ris, Am bheil do chridhe-sa dìreach, mar a tha mo chridhe-sa le d' chridhe-sa? Agus thubhairt Ichonadab, Tha. Ma tha, *ars' esan*, thoir *dhomh*

do làmh. Agus thug e dha a làmh, agus thug e suas e d'a ionnsuidh do'n eharbad.

16 Agus thubhairt e, Thig maille riumsa, agus faic m'èud air son an Tighearn'. Agus thug e air marcaehd 'n a charbad.

17 Agus thàinig e do Shamaria, agus bhuail e iadsan uile a mhair de Ahab ann an Samaria, gus an do sgrios se e, a réir focail an Tighearn', a labhair e ri Eliah.

18 Agus chruinnich Iehu an sluagh uile, agus thubhairt e riu, Rinn Ahab beagan seirbhis do Bhaal, *ach* nì Iehu mòran seirbhis dha.

19 A nis ma ta gairmibh a m' ionnsuidh-sa fàidhean Bhaail uile, a sheirbhisich uile, agus a shagartan uile; na biodh duine dhiubh air chall; oir *tha* iobairt mhòr agam *r'a deanamh* do Bhaal: ge b'e neach a bhios air chall, cha mhair e beò. Ach rinn Iehu so ann an seòltachd, a chum gu'n sgriosadh e luchd-aoraidh Bhaail.

20 Agus thubhairt Iehu, Gairmibh féill namh do Bhaal. Agus ghairm iad i.

21 Agus chuir Iehu *fios* air feadh Israeil uile, agus thàinig uile luchd-aoraidh Bhaail; cha d'fhàgadh duine dhiubh nach d'fhàinig: agus chaidh iad a steach do thigh Bhaail, agus lìonadh tigh Bhaail o cheann gu ceann.

22 Agus thubhairt e ris-san a *bha* os ceann scòmar nan eulaidhean. Thoir a mach eulaidhean do uile luchd-aoraidh Bhaail. Agus thug e mach dhoibh eulaidhean.

23 Agus chaidh Iehu agus Iehonadab mac Rehaib a steach do thigh Bhaail, agus thubhairt e ri luchd-aoraidh Bhaail, Rannsaicibh agus faicibh nach bi an so maille ribh *neach air bith* de sheirbhisich an Tighearn', ach luchd-aoraidh Bhaail a mhaìn.

24 Agus an uair a chaidh iad a steach a thoirt suas lobairtean agus thabhartas-loisgte, shuidhich Iehu ceithir fichead fear leis a muigh, agus thubhairt e, *Ma* théid fear air bith as de na daoineibh a thug mise thairis d'ur làmh, théid anam an neach *a leigeas as e* air son 'anama-san.

25 Agus co luath as a chuir e crìoch air an iobairt-loisgte iobradh, thubhairt Iehu ris an fhreiceadan, agus ris na ceannardaibh, Raehaibh a steach, buailibh iad, na tigeadh duine dhiubh mach. Agus bhuail siad iad le faobhar a' ehlaidheimh, agus thig an freiceadan agus na ceannardan a mach *iad*; agus chaidh iad gu baile tìghe Bhaail.

26 Agus thug iad a mach na dealbhan á tigh Bhaail, agus loisg siad iad.

27 Agus bhris iad sìos dealbh Bhaail, agus bhris iad sìos tigh Bhaail, agus rinn iad e 'n a thigh-salchair gus an lán dìngh.

28 Mar so sgrios Iehu Baal a mach á h-Israel.

29 Gidheadh ri peacaibh Ieroboaim mhie Nebait, a thug air Israel peacachadh, cha do dhealaich Iehu, *eadhon ris* na laoi gh àir

a *bha* ann am Bet-el, agus a *bha* ann an Dan.

30 Agus thubhairt an Tighearn ri Iehu, A chionn gu'n do rinn thu gu maith *anns an nì sin* a dheanamh a *tha* ceart ann mo shùilibh-sa, agus gu'n d'rinn thu ri tigh Ahaib a réir gach *nì a bha* ann am chridhe-sa, suidhidh do mhic de'n cheathramh *ginealach* air rìgh-chaithir Israeil.

31 Ach cha d'thug Iehu an aire air imeachd ann an lagh an Tighearna Dé Israeil le 'uile chridhe; oir cha do dhealaich e ri peacaibh Ieroboaim, a thug air Israel peacachadh.

32 Anns na làithibh sin thòisich an Tighearn air Israel a ghearradh goirid: agus bhuail Hasael iad ann an uile chrìochaibh Israeil;

33 O Iordan a làimh na h-àirde 'n ear, fearann Ghilead uile, na Gadaich, agus na Reubenich, agus na Manasaich, o Aroer, (a *tha* làimh ri sruth Arnoim,) eadhon Gilead agus Bāsan.

34 Agus a' ehuid eile de ghnìomharaibh Iehu, agus gach *nì* a rinn e, agus a thréine uile, nach *èil* iad sgrìobhta ann an leabhar eachdraidh rìghrean Israeil?

35 Agus choitid Iehu maille r'a aithrichibh; agus dh'adhlaic iad e ann an Samaria: agus rìghich Iehoahas a mhae 'n a àit.

36 Agus *b'i* 'n ùin' a rìghich Iehu os ceann Israeil ann an Samaria, ochd bliadhna fichead.

## CAIB. XI:

1 *Dh'fhòlaich Iehoseba Ioa's ré shè bliadhna ann an tigh an Tighearn'. 4 Air an t-seachdamh bliadhna dh'ung Iehoiada e 'n a rìgh air Iudah. 13 Mharbhadh Ataliah. 18 Bhriseadh altairean agus dealbhan Bhaail.*

**A**GUS an uair a chunnaic Ataliah màth-air Ahasiah gu'n robh a mae marbh, dh'éirich i, agus sgrios i an sliochd rìgha 'i uile.

2 Ach ghabh Iehoseba nighean rìgh Ioraim, piuthar Ahasiah, Ioa's mae Ahasiah, agus ghoid i e á measg mhac an rìgh a mharbhadh, agus chuir i e féin agus a bhan-altrum ann an seòmar nan leabaichean: agus dh'fhòlaich iad e o Ataliah air ehor as nach do mharbhadh e.

3 Agus bha e maille rithe 'am folach ann an tigh an Tighearna ré shè bliadhna: agus rìghich Ataliah os ceann na tìre.

4 Agus air an t-seachdamh bliadhna chuir Iehoiada *fios* uaithe, agus ghabh e iadsan a bha os ceann cheudàn, agus na ceannardan, agus am freiceadan, agus thug e steach d'a ionnsuidh iad do thigh an Tighearn', agus rinn e coimheangal riu, agus ghabh e mionnan diubh ann an tigh an Tighearn', agus dh'fheuch e dhoibh mae an rìgh.

5 Agus dh'àithn e dhoibh, ag ràdh, So an nì a nì sibh: *Bithidh* an treas cuid dhibhse



a théid a steach air an t-sàbaid, a' gleidh-eadh faire tighe an rìgh:

6 Agus *bithidh* trian aig geata Shuir, agus trian aig a' gheata air cùlaobh an fhreiceadain: mar so gleidhidh sibh faire an tighe, a chum uach brisear a steach air.

7 Agus *gleidhidh* dà ehuid dhìbhse uile a théid a mach air an t-sàbaid, gleidhidh eadhon iadsan faire tighe an Tighearna mu'n cuairt air an rìgh.

8 Agus cuairtichidh sibh an rìgh air gach taobh, gach fear le 'airm 'n a làimh: agus esan a thig an taobh a stigh de na sreathaibh, marbhar e; agus bithibhse maille ris an rìgh 'u uair a théid e mach, agus au uair a thig e steach.

9 Agus rinn na ceannardan-cheud a réir gach *ni* a dh'àitlin Iehoiada an sagart, agus ghabh iad gach fear dhiubh a dhaoine a *bha* 'dol a steach air an t-sàbaid, maille riutha-san a *bha* 'dol a mach air au t-sàbaid, agus thàinig iad a dh'ionnsuidh Iehoiada an t-sagart.

10 Agus thug an sagart do na ceannardaibh-cheud sleaghan agus sgiathan rìgh Daibhidh, a *bha* ann an tigh an Tighearna.

11 Agus sheas am freiceadan, gach fear le 'airm 'n a làimh, mu'n cuairt air an rìgh, o thaobh deas an tighe gu ruig taobh clì an tighe, làimh ris an altair agus an tigh.

12 Agus thug e mach mac an rìgh, agus chuir e 'n crùn air, agus *thug e dha* an fhianuis; agus rinn iad 'n a rìgh e, agus dh'ung iad e, agus bhuail iad am basan, agus thubhairt iad, Gu ma fada beò an rìgh.

13 Agus an uair a chual' Ataliah fuaime an t-sluaigh a' ruith cuideachd, thàinig i dh'ionnsuidh an t-sluaigh, a steach do thigh an Tighearna.

14 Agus an uair a dh'amhaire i, feuch, eas an rìgh làimh ri post, mar bu ghnàth, gus na h-uachdarain, agus na trompaidirean làimh ris an rìgh; agus rinn sluagh na tire uile gairdeachas, agus shéid iad le trompaidibh: agus reub Ataliah a h-eudach, agus dh'éigh i, Feall, feall!

15 Ach dh'àitlin Iehoiada an sagart do na ceannardaibh-cheud, a chuireadh os ceann an t-slòigh, agus thubhairt e riu, Thugaibh a mach i an taobh a muigh de na sreathaibh; agus ge b'e neach a leanas i, marbhar leis a' chlaideamh e: oir thubhairt an sagart, Na cuirear gu bàs i ann an tigh an Tighearna.

16 Agus thug iad comas d'i, agus dh'imich i air an t-slighe air an tig na h-eich gu tigh an rìgh, agus mharbhadh an sin i.

17 Agus rinn Iehoiada coimhcheangal eadar an Tighearn agus an rìgh agus an sluagh, gu'm bitheadh iad 'n an sluagh aig an Tighearn; mar an ceudna eadar an rìgh agus an sluagh.

18 Agus chaidh sluagh na tire uile a steach do thigh Bhaail, agus leag iad sìos e; 'altairean agus a dhcalbhan bhris iad gu tur; agus mharbh iad Matan sagart Bhaail fa chomhair nan altairean: agus chuir an sagart luchd-riaghlaidh os ceann tighe an Tighearna.

19 Agus ghabh e iadsan a bha os ceann cheudan, agus na ceannardan, agus am freiceadan, agus sluagh na tire uile; agus thug iad a nuas an rìgh o thigh an Tighearn, agus thàinig iad rathad geata an fhreiceadain gu tigh an rìgh: agus shuidh e air caithir nan rìgh.

20 Agus rinn sluagh na tire uile gairdeachas, agus bha 'm baile sàmhach: agus mharbh iad Ataliah leis a' chlaideamh làimh ri tigh an rìgh.

21 Seachd bliadhna dh'aois bha Iehoas an uair a thòisich e air rìoghachadh.

### CAIB. XII.

1 *Dh'orduich Iehoas do na sagartaibh tigh an Tighearn a' chàradh.* 17 *Ghlac Hasael Gat, agus chuir e 'ayhaidh ri dol suas gu Ierusalem.* 18 *Air dha tiodhlac fhaghaidh phill e air ais.* 20 *Chuireadh Iehoas gu bàs, agus righeich Amasiah 'n a àit.*

**A**NNS an t-seachdamh bliadhna de Iehu thòisich Iehoas air rìoghachadh, agus righeich e dà fhichead bliadhna ann an Ierusalem: agus b'e ainm a mhàthar Sibiah o Bheerseba.

2 Agus rinn Iehoas an *ni* a bha ceart ann an sùilbh an Tighearna ré a làithean uile, anns an do theagaisg Iehoiada an sagart e.

3 Ach cha d'thugadh air falbh na h-àitean àrda: *bha* 'n sluagh fathast ag ìobradh, agus a' losgadh tùis anns na h-àitibh àrda.

4 Agus thubhairt Iehoas ris na sagartaibh, Uile airgid nan nithean coisrigte a bheirear a steach do thigh an Tighearn, airgid gach duine a théid seachad 's an òireamh, airgid meas gach duine, an t-airgid uile a thig e ann an eridhe duine sam bith a thoirt a steach do thigh an Tighearna,

5 Gabhadh na sagartan d'an ionnsuidh e gach duine o 'fhear-eòlais; agus càireadh iad briseadh an tighe, eadhon gach briseadh a gheibhear ann.

6 Gidheadh, anns an treas bliadhna fichead de rìgh Iehoas, cha do chàirich na sagartan briseadh an tighe.

7 An sin ghairm rìgh Iehoas air Iehoiada an sagart agus air na sagartaibh *eile*, agus thubhairt e riu, C'ar son nach 'eil sibh a' càradh brisidh an tighe? a nis ma ta na gabhaibh airgid *tuilleadh* o luchd bhuir-eòlais, ach thugaibh air son brisidh an tighe e.

8 Agus dh'aontaich na sagartan gun argiod a ghabhadh *tuilleadh* o'n t-sluagh, agus gun bhriseadh an tighe a chàradh.

9 Ach ghabh Iehoiada an sagart ciste, agus rium e toll 'n a h-uachdar, agus chuir

eiri taobh na h-altarach air an làimh dheis, mar a thig duine a steach do thigh an Tighearna: agus ann an sin chuir na sagartan a bha 'gleidheadh an doruis, an t-airgiod uile a thugadh a steach do thigh an Tighearna.

10 Agus an uair a chunnaic iad gu'n robh mòran airgid anns a' chiste, chaidh sgrìobhaich an rìgh suas, agus an t-àrd shagart, agus cheangail iad suas, agus rinn iad an t-airgiod àireamh a fhuairadh ann an tigh an Tighearna.

11 Agus thug iad an t-airgiod, an uair a dh'àirmheadh e, ann an làimh nan daoine a rinn an obair, a chuireadh os ceann tighe an Tighearna: agus thug iadsan a mach e do na saoir, agus do'n luchd-togail, a rinn obair air tigh an Tighearna,

12 Agus do chlacharaibh, agus do Inched-snaidhidh chlach, agus a cheannach fiodha agus chlachan snaidhte a chàradh brisidh tighe an Tighearna, agus air son gach ni a chuireadh a mach air an tigh g'a chàradh.

13 Gidheadh, cha d'rinneadh do thigh an Tighearna copain airgid, smàldairean, cuachan, trompaidean, soithichean òir air bith, no soithichean airgid air bith, de'n airgid a thugadh a steach do thigh an Tighearna:

14 Ach thug iad e do'n luchd-oibre, agus chàirich iad leis tigh an Tighearna.

15 Os barr, cha d'thug iad air na daoineibh, an làimh an d'thug iad an t-airgiod chum a thoirt do'n luchd-oibre, cunntas a thoirt seachad: oir rinn iadsan gu fìrinneach.

16 Cha d'thugadh an t-airgiod-eusaontais agus an t-airgiod-peacaidh a steach do thigh an Tighearna: bu leis na sagairtibh e.

17 An sin chaidh Hasael rìgh Shìria suas, agus chog e an aghaidh Ghat, agus ghlac se e: agus chuir Hasael aghaidh ri dol suas gu h-Ierusalem.

18 Agus ghabh Iehoas rìgh Iudah na nithean coisrigte uile a choisrig Iehosaphat, agus Iehoram, agus Ahasiah aithrichean, rìghrean Iudah, agus a nithean coisrigte féin, agus an t-òr uile a fhuairadh ann an ionmhasaibh tighe an Tighearna, agus tighe an rìgh, agus chuir e dh'ionnsuidh Hasael rìgh Shìria e; agus dh'imich e o Ierusalem.

19 Agus a' chuid eile de ghnìomharaibh Iehoais, agus gach ni a rinn e, nach 'eil iad sgrìobhta ann an leabhar eachdraidh rìghrean Iudah?

20 Agus dh'èirich a sheirbhisich, agus rinn iad ceannaire, agus bhuail iad Iehoas ann an tigh Mhilo, a tha 's an dol sìos gu Sila:

21 Oir bhuail Iosachar mac Shimeait, agus Iehosabad mac Shomair a sheirbhisich e, agus fhuair e bàs; agus dh'adhlac iad e maille r'a aithrichibh ann am baile Dhaibhidh: agus rìghich Amasiah a mhac 'n a àit.

## CAIB. XIII.

1 Rìoghachadh aingidh Iehoahais. 5 Shaoradh Israel o fhoirneart nan Sirianach. 9 Fhuair Iehoahas bàs, agus rìghich a mhac 'n a àit. 14 Roimh-innis Elisa do Ioas gu'm buadh-aicheadh e air na Sirianach. 20 Fhuair Elisa bàs. 22 Bhuail Ioas na Sirianach tri uairean.

**A** NNS an treas bliadhna fichead de Ioas mac Ahasiah rìgh Iudah, thòisich Iehoahas mac Iehu air rìoghachadh os ceann Israeil ann an Samaria; agus rìghich e seachd bliadhna deug.

2 Agus rinn e olc ann an sùilbhan an Tighearna, agus lean e peacaidhean Ieroboaim mhic Nebait, a thug air Israel peacachadh: cha do dhealaich e riu.

3 Agus las fearg an Tighearna an aghaidh Israeil, agus thug e thairis iad do làimh Hasael rìgh Shìria, agus do làimh Bhenhadaid mhic Hasael, ré a làithean uile.

4 Agus ghuidh Iehoahas air an Tighearna, agus dh'èisd an Tighearna ris; oir chunnaic e foirneart Israeil, oir rinn rìgh Shìria foirneart orra.

5 (Agus thug an Tighearna fear-saoraidh do Israel, agus chaidh iad a mach o bhi fo làimh nan Sirianach: agus ghabh clann Israeil còmhnuidh 'n am bùthaibh, mar a rinn iad roimhe.

6 Gidheadh, cha do dhealaich iad ri peacaidhean tighe Ieroboaim, a thug air Israel peacachadh, ach ghluais iad annta: agus dh'fhan an doire cuideachd ann an Samaria.)

7 Agus cha d'fhàgadh aig Iehoahas de'n t-sluagh ach leth-chend marcach, agus de'ch carbad, agus de'ch mìle coisiche; oir sgrìos rìgh Shìria iad, agus rinn e iad mar an dslach le buaidh.

8 Agus a' chuid eile de ghnìomharaibh Iehoahais, agus gach ni a rinn e, agus a thréine, nach 'eil iad sgrìobhta ann an leabhar eachdraidh rìghrean Israeil?

9 Agus choidil Iehoahas maille r'a aithrichean, agus dh'adhlac iad e ann an Samaria, agus rìghich Ioas a mhac 'n a àit.

10 Anns an t-seachdamh bliadhna deug thar fhichead de Iehoas rìgh Iudah, thòisich Ioas mac Iehoahais air rìoghachadh os ceann Israeil ann an Samaria; agus rìghich e sè bliadhna deug.

11 Agus rinn e olc ann an sùilbhan an Tighearna: cha do dhealaich e ri uile peacaidhean Ieroboaim mhic Nebait, a thug air Israel peacachadh, ach ghluais e annta.

12 Agus a' chuid eile de ghnìomharaibh Ioais, agus gach ni a rinn e, agus a thréine leis an do chog e an aghaidh Amasiah rìgh Iudah, nach 'eil iad sgrìobhta ann an leabhar eachdraidh rìghrean Israeil?

13 Agus choidil Ioas maille r'a aithrichibh, agus shuidh Ieroboaim air a rìgh-



chaithir: agus dh'adhlaicadh Ioad ann an Samaria maille ri rìghribh Israeil.

14 A nis bha Elisa tinn d'a thinnas d'an d'fhuair e bàs, agus thàinig Ioad rìgh Israeil a nuas d'a ionnsuidh, agus ghuil e os a cheann, agus thubhairt e, O athair, athair, carbad Israeil agus a mharc-shluagh.

15 Agus thubhairt Elisa ris, Gabh bogha agus saighdean: agus ghabh e d'a ionnsuidh bogha agus saighdean.

16 Agus thubhairt e ri rìgh Israeil, Cuir do làmh air a' bhogha. Agus chuir e a làmh air; agus chuir Elisa a làmh air làmh an rìgh.

17 Agus thubhairt e, Fosgail an uinneag a làmh na h-àirde 'n ear: agus dh'fhosgail e i. An sin thubhairt Elisa, Tilg: agus thilg esan. Agus thubhairt e, Saighdean-saoraidh an Tighearn', agus saighdean-saoraidh o Shiria: oir bualaidd tu na Sirianaich ann an Aphec, gus an cuir thu as *doibh*.

18 Agus thubhairt e, Gabh na saighdean: agus ghabh esan iad. Agus thubhairt e ri rìgh Israeil, Buail air an talamh: agus bhuail e trì uairean, agus stad e.

19 Agus bha fearg air an duine le Dia ris, agus thubhairt a, Bu chòir dhuit buaidh cuig no sè uairean, an sin bhuailleadh tu Siria gus an cuireadh tu as *dith*: ach a nis buaidh tu Siria a *mha'n* trì uairean.

20 Agus fhuair Elisa bàs, agus dh'adhlaic iad e: agus thàinig buidheann nam Moabach a stigh do'n tìr aig teachd a steach na bliadhna.

21 Agus an uair a bha iad ag adhlacadh duine, feuch, chunnaic iad buidheann *dhaoine*, agus thilg iad sìos an duine do àit-adhlacaidh Elisa; agus an uair a leigeadh an duine sìos, agus a bhean e ri cnàmhan Elisa, dh'ath-bheothaicheadh e, agus dh'èirich e air a chosaibh.

22 A nis rinn Hasael rìgh Shiria foirmeart air Israel ré uile làithcan Iehoahais.

23 Ach bha'n Tighearn bàigheil riu, agus ghabh e truas riu, agus dh'amhair e orra air sgàth a choinnheicangail ri Abraham, Isaac, agus Iacob, agus cha b'àill leis an sgrìos, cha mhò a thilg e as a làthair iad gus a nis.

24 Agus fhuair Hasael rìgh Shiria bàs, agus rìghich Ben-hadad a mhac 'n a àit.

25 Agus thug Ioad mac Iehoahais air an ais á làmh Bhen-hadad mhic Hasael, na bailtean a thug esan á làmh Iehoahais 'athar anns a' chogadh: trì uairean bhuail Ioad e, agus thug e air an ais bailtean Israeil.

#### CAIB. XIV.

1 *Chuir Amasiah gu bàs na daoine a mharbh 'athair. 7 Bhuail e na h-Edomach ann an gleann an t-salainn. 11 Chog Iehoas rìgh Israeil 'n a aghaidh, agus chreach e Ierusalem. 17 Chuir ead Amasiah gu bàs, agus rìghich Asariah 'n a àit.*

A NNS an dara bliadhna de Iehoas mac Iehoahais rìgh Israeil, rìghich Amasiah mac Ioad rìgh Iudah.

2 Cùig bliadhna fichead a dh'aois bha e an uair a thòisich e air rìoghachadh, agus rìghich e naoi bliadhna fichead ann an Ierusalem: agus *b'e* ainm a mhàthar Iehodan o Ierusalem.

3 Agus rinn e an *ni a bha* ceart ann an sùilbhan an Tighearna; ach cha b'ann cosmhail ri Daibhidh 'athair: a réir gach *ni a* rinn Ioad 'athair, rinn esan.

4 Ach cha d'thugadh air falbh na h-àitean àrda: fathast *bha'n* sluagh ag iobradh, agus a' losgadh tùis air na h-àitibh àrda.

5 A nis an uair a dhaingnicheadh an rìoghachd 'n a làmh, mharbh e a sheirbhiseach a mharbh an rìgh 'athair.

6 Ach mic nam mort-fhear cha do mharbh e; mar tha e sgriobhta ann an leabhar lagha Mhaois, anns an d'àithn an Tighearn, ag ràdh, Cha chuirear na h-aithrichean gu bàs air son nam mac, agus cha chuirear na mic gu bàs air son nan aithrichean: ach cuirear gach duine gu bàs air son a pheacaidh féin.

7 Bhuail e de Edom ann an gleann an t-salainn deich mìle, agus ghlac e Selah anns a' chogadh, agus thug e Iocteel mar ainm air gus an là 'n duigh.

8 An sin chuir Amasiah teachdairean a dh'ionnsuidh Iehoais mhic Iehoahais, mic Iehu rìgh Israeil, ag ràdh, Thig, seallamaid air a chéile 's an aghaidh.

9 Agus chuir Iehoas rìgh Israeil *teachdairean* a dh'ionnsuidh Amasiah rìgh Iudah, ag ràdh, Chuir am foghannan a *bha* ann an Lebanon fios a dh'ionnsuidh an t-seudair a *bha* ann an Lebanon, ag ràdh, Thoir do nighean do mo mhac-sa 'n a mnaoi: agus chaidh fiadh-bheathach seachad a *bha* ann an Lebanon, agus shaltair e sìos am foghannan.

10 Bhuail thu gun amharus Edom, agus thog do chridhe suas thu: dean uail *á so*, agus fan aig do thigh: oir c'ar son a bhith-eadh làmh agad ann an nì chum d'aimhleis, air chor as gu'n tuiteadh tu féin agus Iudah maille riut?

11 Ach cha d'éisd Amasiah ris: uime sin chaidh Iehoas rìgh Israeil suas, agus dh'amhair e féin agus Amasiah rìgh Iudah air aghaidh a chéile aig Betsemes, a *bhuineas* do Iudah.

12 Agus bhuailleadh Iudah roimh Israeil, agus theich iad gach fear a dh'ionnsuidh am bùthan.

13 Agus ghlac Iehoas rìgh Israeil Amasiah rìgh Iudah, mac Iehoais mhic Amasiah, aig Betsemes, agus thàinig e gu h-Ierusalem, agus bhris e sìos balla Ierusalem, o gheata Ephraim gu geata na h-oisne, ceithir cheud làmh-choille.

14 Agus ghabh e an t-òragus an t-airgiod uile, agus na soithichean uile a fhuaradh ann an tigh an Tighearn', agus ann an

ionmhasaibh tighe an rìgh, agus braighdean-gill, agus phill e gu Samaria.

15 Agus a' chuid eile de ghnìomharaibh Iehoais a rinn e, agus a thrèime, agus mar a chog e ri Amasiah rìgh Iudah, nach 'eil iad sgriobhta ann an leabhar eachdraidh rìgh-rean Israeil?

16 Agus choidil Iehoas maille r'a aithrichibh, agus dh'adhlaiacadh e ann an Samaria maille ri rìghrìbh Israeil, agus rìghich Ieroboam a mhac 'n a àit.

17 Agus bha Amasiah mac Ioais rìgh Iudah, beò an dèigh bàis Iehoais, mhic Iehoahais rìgh Israeil, cuig bliadhna deug.

18 Agus a' chuid eile de ghnìomharaibh Amasiah, nach 'eil iad sgriobhta ann an leabhar eachdraidh rìgh-rean Iudah?

19 Agus rinn iad ceannairc 'n a aghaidh ann an Ierusalem; agus theich e gu Lachis: ach chuir iad *daoine* 'n a dhèigh gu Lachis, agus mharbh iad e an sin.

20 Agus thug iad leo air eich e: agus dh'adhlaiacadh e ann an Ierusalem maille r'a aithrichibh ann am baile Dhaibhidh.

21 Agus ghabh sluagh Iudah uile Asariah, agus e sè bliadhna deug a dh'aois, agus rinn iad 'n a rìgh e 'an àit 'athar Amasiah.

22 Thog esan Elat, agus dh'aisig se e do Iudah, an dèigh do'n rìgh' codal maille r'a aithrichibh.

23 Anns a' chùigeamh bliadhna deug de Amasiah mac Ioais, rìgh Iudah, thòisich Ieroboam mac Ioais rìgh Israeil, air rìoghachadh ann an Samaria; agus rìghich e bliadhna agus dà fhichead.

24 Agus rinn e ole ann an sùilbhan an Tighearna: cha do dhealaich e ri uile pheacaidhean Ieroboaim mhic Nebait, a thug air Israel peacachadh.

25 Dh'aisig e crìoch Israeil o dhol a steach Hamait gu ruig muir a' chòmhnaird, a réir focail an Tighearna Dé Israeil, a labhair e le làimh a sheirbhisich Ionah, mhic Amitai an fhàidh, a *bha* o Ghat-hepher.

26 Oir chunnaic an Tighearn àmhghar Israeil, *gu'n robh* e ro shearbh; oir cha *robh* neach air bith air a dheurdeadh suas, agus cha d'fhàgadh neach air bith, agus cha *robh* fear-còmhnaidh ann aig Israel.

27 Agus cha dubhairt an Tighearn gu'n dubhadh e mach ainm Israeil o *bhi* fo nèamh: ach shaor e iad le làimh Ieroboaim mhic Ioais.

28 Agus a' chuid eile de ghnìomharaibh Ieroboaim, agus gach *ni* a rinn e, agus a thrèine, mar a chog e, agus mar a dh'aisig e Damascus, agus Hamat, *'bu* le Iudah, do Israel, nach 'eil iad sgriobhta ann an leabhar eachdraidh rìgh-rean Israeil?

29 Agus choidil Ieroboam maille r'a aithrichibh, maille ri rìghrìbh Israeil; agus rìghich Sachariah a mhac 'n a àit.

7 *Fhuair Asariah bàs, agus rìghich Iotam 'n a àit.* 10 *Mharbh Salum Sachariah rìgh Israeil.* 14 *Chuir Menahem Salum gu bàs, agus rìghich e 'n a àit.* 29 *Rinn Tiglat-pileser joirneart air Israel, &c.*

**A**NNS an t-seachdamh bliadhna fhichead de Ieroboam rìgh Israeil, thòisich Asariah mac Amasiah rìgh Iudah air rìoghachadh.

2 Sè bliadhna deug a dh'aois bha e 'n uair a thòisich e air rìoghachadh; agus rìghich e dà bhliadhna dheug agus dà fhichead ann an Ierusalem; agus *b'e* ainm a mhàthar Iecholiah o Ierusalem.

3 Agus rinn e an *ni* a *bha* ceart ann an sùilbhan an Tighearn', a réir gach *ni* a rinn Amasiah 'athair.

4 Gidheadh, cha d'thugadh air falbh na h-àitean àrda: fathast *bha* 'n sluagh ag iobradh, agus a' losgadh tùis anns na h-àitibh àrda.

5 Agus bhuail an Tighearn an rìgh, agus bha e 'n a lobhar gu là a bhàis, agus ghabh e còmhnuidh ann an tigh air leth: agus *bha* Iotam mac an rìgh os ceann an tighe, a' toirt breth air sluagh na tìre.

6 Agus a' chuid eile de ghnìomharaibh Asariah, agus gach *ni* a rinn e, nach 'eil iad sgriobhta ann an leabhar eachdraidh rìgh-rean Iudah?

7 Agus choidil Asariah maille r'a aithrichibh, agus dh'adhlaiad e maille r'a aithrichibh ann am baile Dhaibhidh: agus rìghich Iotam a mhac 'n a àit.

8 Anns an ochdamh bliadhna deug thar fhichead de Asariah rìgh Iudah, rìghich Sachariah mac Ieroboaim os ceann Israeil ann an Samaria sè mìosan.

9 Agus rinn e ole ann an sùilbhan an Tighearna, mar a rinn 'aithrichean: cha do dhealaich e ri peacaidhean Ieroboaim mhic Nebait, a thug air Israel peacachadh.

10 Agus rinn Salum mac Iabeis ceannaire 'n a aghaidh, agus bhuail se e 'am fianuis an t-sluaigh, agus mharbh se e, agus rìghich e 'n a àit.

11 Agus a' chuid eile de ghnìomharaibh Shachariah, feuch, *tha* iad sgriobhta ann an leabhar eachdraidh rìgh-rean Israeil.

12 *B'e* so focal an Tighearn', a labhair e ri Iehu, ag ràdh, Suidhidh do mhic air rìgh-chaitheir Israeil, gu ruig an ceathramh *gin-ealach*. Agus bha e mar sin.

13 Thòisich Salum mac Iabeis air rìoghachadh anns an naothamh bliadhna deug thar fhichead de Udsiah rìgh Iudah, agus rìghich e mìos iomlan ann an Samaria:

14 Oir chaidh Menahem mac Ghadi suas o Thirsah, agus thàinig e gu Samaria, agus bhuail e Salum mac Iabeis ann an Samaria, agus mharbh se e, agus rìghich e 'n a àit.

15 Agus a' chuid eile de ghnìomharaibh



Shaluum, agus a cheannaire a rinn e, feuch, *tha* iad sgrìobhta ann an leabhar eachdraidh rìghrean Israeil.

16 An sin bhuail Menahem Tiphseh, agus iadsan uile a *bha* ann, agus a chrìochan o Thirsah; a chionn nach d'fhosgail iad *dha*, uime sin bhuail se e: a mhnathan torrach uile reub e suas.

17 Anns an naothamh bliadhna deug thar fhìchead de Asariah rìgh Iudah thòisich Menahem mae Ghadi air rìoghachadh os ceann Israeil; agus rìghich e deich bliadhna ann an Samaria.

18 Agus rinn e olc ann an sùilbhan Tighearna: cha do dhealaich e ré 'uile làithean ri peacaidhean Ieroboam mhic Nebait, a thug air Israel peacachadh.

19 Agus thàinig Pul rìgh Asiria an aghaidh na tìre: agus thug Menahem do Phul mìle tàlann airgid, a chum gu'm biodh a làmh leis, a dhàingneachadh na rìoghachd 'n a làmh.

20 Agus thog Menahem an t-airgid o Israel, *eadhon* uathasan uile a bha comasach ann an saobhreas, leth-cheud seel airgid o gach duine, chum a thabhairt do rìgh Asiria: agus phill rìgh Asiria air ais, agus cha d'fhan e 'n sin anns an tìr.

21 Agus a' chuid eile de ghnìomharaibh Mhenahem, agus gach *ni* a rinn e, nach 'eil iad sgrìobhta ann an leabhar eachdraidh rìghrean Israeil?

22 Agus choidil Menahem maille r'a aithrichibh; agus rìghich Pecahiah a mhac 'n a àit.

23 Anns an deicheamh bliadhna agus dà fhìchead de Asariah rìgh Iudah, thòisich Pecahiah mac Mhenahem air rìoghachadh os ceann Israeil ann an Samaria; agus rìghich e dà bhliadhna.

24 Agus rinn e olc ann an sùilbhan Tighearna: cha do dhealaich e ri peacaidhean Ieroboam mhic Nebait, a thug air Israel peacachadh.

25 Ach rinn Pecah mae Remaliah, ceannard leis féin, ceannaire 'n a aghaidh, agus bhuail se e ann an Samaria, ann an lùchairt tighe an rìgh, maille ri Argob, agus ri Arieh, agus maille ris leth-cheud fear de na Gileadaich: agus mharbh se e, agus rìghich e 'n a àit.

26 Agus a' chuid eile de ghnìomharaibh Pecahiah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

27 Anns an dara bliadhna deug agus dà fhìchead de Asariah rìgh Iudah, thòisich Pecah mac Remaliah air rìoghachadh os ceann Israeil ann an Samaria; agus rìghich e fichead bliadhna.

28 Agus rinn e olc ann an sùilbhan Tighearna: cha do dhealaich e ri peacaidhean Ieroboam mhic Nebait, a thug air Israel peacachadh.

29 Ann an làithibh Phècah rìgh Israeil thàinig Tiglat-pileser rìgh Asiria, agus ghlac e Iion, agus Abel-bet-maachah, agus Ianoah, agus Cedes, agus Hasor, agus Gilead, agus Galile, uile thìr Naphtali, agus thug e 'n am braighdibh iad gu Asiria.

30 Agus rinn Hoseah mac Elah ceannaire an aghaidh Phècah mhic Remaliah, agus bhuail se e, agus mharbh se e, agus rìghich e 'n a àit, anns an fhìcheadamh bliadhna de Iotam mac Udsiah.

31 Agus a' chuid eile de ghnìomharaibh Phècah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

32 Anns an dara bliadhna de Phècah mac Remaliah rìgh Israeil, thòisich Iotam mac Udsiah rìgh Iudah air rìoghachadh.

33 Cùig bliadhna fichead a dh'aois bha e 'n uair a thòisich e air rìoghachadh; agus rìghich e sè bliadhna deug ann an Ierusalem: agus *b'e* ainm a mhàthar Ierusa, nigh-ean Shadoie.

34 Agus rinn e an *ni* a bha ceart ann an sùilbhan Tighearna: a réir nan uile *nithean* a rinn Udsiah 'athair, rinn esan.

35 Gidheadh cha d'fhugadh air falbh na h-àitean àrda: fathast *bha* 'n sluagh ag òbradh agus a' losgadh tùis anns na h-àitibh àrda. Chuir e suas an geata a b'airde de thigh an Tighearna.

36 Agus a' chuid eile de ghnìomharaibh Iotaim, agus gach *ni* a rinn e, nach 'eil iad sgrìobhta ann an leabhar eachdraidh rìghrean Iudah?

37 (Anns na làithibh sin thòisich an Tighearna air Resin rìgh Shiria, agus Pecah mae Remaliah a chur an aghaidh Iudah.)

38 Agus choidil Iotam maille r'a aithrichibh, agus dh'adhlacadh e maille r'a aithrichibh ann an baile Dhaibhidh 'athar: agus rìghich Ahas a mhac 'n a àit.

## CAIB. XVI.

1 Rìoghachadh aingidh Ahas. 5 Chog Resin agus Pecah 'n a aghaidh. 10 Rinn Ahas altair a réir samhlaidh altarach a bha ann an Damascus, agus dh'òbair e òirre. 20 Fhuair e bàs, agus rìghich Heciah 'n a àit.

'S AN t-seachdamh bliadhna deug de Phècah mae Remaliah, thòisich Ahas mae Iotaim rìgh Iudah air rìoghachadh.

2 Fìchead bliadhna dh'aois *bha* Ahas an uair a thòisich e air rìoghachadh, agus rìghich e sè bliadhna deug ann an Ierusalem; agus cha do rinn e an *ni* a bha ceart ann an sùilbhan Tighearna' a Dhé, mar a rinn Daibhidh 'athair.

3 Ach dh'imich e ann an slighe rìghrean Israeil, agus mar an ceudna thug e air a mhac dol troimh 'n teine, a réir ghràineil-eachd nan eimneach, a thilg an Tighearna a mach roimh chloinn Israeil.

4 Agus dh'ìobair e agus loisg e trìs anns na h-àitibh àrda, agus air na cnoic, agus fo gach craoibh uaine.

5 An sin thàinig Resin rìgh Shiria, agus Pecah mac Remaliah rìgh Israeil, a nìos gu n-Ierusalem a chogadh: agus theannaich iad Ahas, ach cha b'urrainn iad buaidh a thoirt air.

6 'S an àm sin choisinn Resin rìgh Shiria Elat air ais do Shiria, agus dh'fhògair e na h-Iudhaich á h-Elat: agus thàinig na Sirian-aich do Elat, agus ghabh iad còmhnuidh ann gus an là 'n diugh.

7 Agus chuir Ahas teachdairean gu Tiglat-pileser rìgh Asiria, ag ràdh, *Is mise d'òglach agus do mhac; thig a nìos agus saor mi á làimh rìgh Shiria, agus á làimh rìgh Israeil, a dh'éirich a'm' aghaidh.*

8 Agus ghabh Ahas an t-airgiod agus an t-òr a fhuaradh ann an tigh an Tighearn', agus ann an ionmhasaibh tighe an rìgh, agus chuir se e mar thiodhlac gu rìgh Asiria.

9 Agus dh'éisd rìgh Asiria ris; oir chaidh rìgh Asiria suas an aghaidh Dhamascuis, agus ghlac se e, agus thug e a *shluagh* leis 'am braighdeanas gu Cir, agus mharbh e Resin.

10 Agus chaidh rìgh Ahas 'an coinnimh Thiglat-pileser rìgh Asiria gu Damascus, agus chunnaic e altair a *bha* ann an Damascus: agus chuir rìgh Ahas gu h-Uriah an sagart samhladh na h-altarach, agus a cumadh, a réir a h-uile oibre.

11 Agus thug Uriah an sagart altair a réir gach ní a chuir Ahas an rìgh o Dhamascuis: mar sin rinn Uriah an sagart i air cheann do rìgh Ahas teachd o Dhamascuis.

12 Agus an uair a thàinig an rìgh o Dhamascuis, chunnaic an rìgh an altair: agus thàinig an rìgh am fagus agus dh'ìobair e oirre.

13 Agus loisg e a thabhartas-loisgte, agus a thabhartas-bidh, agus thaom e a thabhartas-dìbhe, agus chrath e fuil a thabhartas-an-sìth air an altair.

14 Agus thug e mar an ceudna an altair umha, a *bha* 'm fianuis an Tighearn', o bheul-aobh an tighe, o eadar an altair agus tigh an Tighearn', agus chuir e i air taobh tuath na h-altarach.

15 Agus dh'àithn rìgh Ahas do Uriah an sagart, ag ràdh, Air an altair mhòir loisg tabhartas-loisgte na maidne, agus tabhartas-bidh an fheasgair, agus tabhartas-loisgte an rìgh, agus a thabhartas-bidh, agus tabhartas-loisgte uile shluaigh na tìre, agus an tabhartas-bidh, agus an tabhartas-dìbhe; agus crath oirre uile fhuil an tabhartais-loisgte, agus uile fhuil na h-ìobairte: agus bithidh an altair umha agamsa gu fìosrachadh *leatha*.

16 Mar so rinn Uriah an sagart, a réir gach ní a dh'àithn rìgh Ahas.

17 Agus ghearr rìgh Ahas iomail nam bonn diubh, agus dh'atharraich e dhiubh an soitheach-ionnlaid, agus thug e nuas an fhaireg bhàrr nan damh umha a bha foipe, agus chuir e i air urlar chlach.

18 Agus an còmhdachadh sàbaid a thog iad 's an tigh, agus slighe an rìgh a steach o'n leth muigh, thionndaidh e o thigh an Tighearn' air son rìgh Asiria.

19 A nis a' chuid eile de ghnìomharaibh Ahais a rinn e, nach 'eil iad sgrìobhta ann an leabhar eachdraidh rìghrean Iudah?

20 Agus choidil Ahas maille r'a aithrichibh, agus dh'adhlacadh e maille r'a aithrichibh ann am baile Dhaibhidh; agus rìghlich Hesechia a mhac 'n a àit.

## CAIB. XVII.

1 *Rìoghachadh aingidh Hoseah.* 4 *Rinn Hoseah agus Sò rìgh na h-Eiphit ceannaire an aghaidh Shalmaneser.* 6 *Ghlac Salmaneser Samaria.* 24 *Chuir Dia leòmhain an measg ant t-suaigh choigrich a dlàithich Samaria.*

**A**NNS an dara bliadhna deug de Ahas rìgh Iudah, thòisich Hoseah mac Elah air rìoghachadh ann an Samaria air Israeil; agus rìghlich e naoi bliadhna.

2 Agus rinn e ole ann an sealladh an Tighearn', ach cha b'ann mar rìghrìbh Israeil a bha roimhe.

3 'N a aghaidh-san thàinig a nìos Salmaneser rìgh Asiria; agus bha Hoseah 'n a sheirbhiseach aige, agus thug e tiodhlac dha.

4 Agus fhuair rìgh Asiria ceannaire ann an Hoseah; oir chuir e teachdairean gu Sò rìgh na h-Eiphit, agus cha d'thug e tiodhlac air bith gu rìgh Asiria, mar a *chleachd* e o bhliadhna gu bliadhna: nìme sin dhruid rìgh Asiria suas e, agus cheangail e ann am prìosan e.

5 An sin thàinig rìgh Asiria nìos troimh 'n fhearann uile, agus chaidh e suas gu Samaria, agus theannaich se e trì bliadhna.

6 Anns an naothamh bliadhna de Hoseah ghlac rìgh Asiria Samaria, agus thug e leis Israel do Asiria, agus shuidhich e iad ann an Halah, agus ann an Habor *lòimh ri* amhainn Ghosain, agus ann am bailtibh nam Medeach.

7 Oir tharladh gu'n do pheacaich clann Israeil an aghaidh an Tighearn' an Dé, a thug a nìos iad á tìr na h-Eiphit, o bhì fo làimh Pharaoh rìgh na h-Eiphit, agus bha eagal dhiathan eile orra,

8 Agus dh'innich iad ann an reachdaibh nan cinneach, (a thilg an Tighearn a mach roimh chloinn Israeil), agus ann an reachdaibh rìghrean Israeil a rinn iad.

9 Agus rinn clann Israeil gu dìomhair nithean nach *robh* ceart an aghaidh an Tighearn' an Dé, agus thog iad dhòibh féin àitean àrda 'n ann mòr-bhàitibh uile, o thùrait au luchd-faire gus am baile daingnichte.

10 Agus chuir iad suas dhoibh fèin



dealbhan agus doireachan air gach uile chnoc àrd, agus fo gach uile chraoibh uaine.

11 Agus an sin loisg iad tùis anns na h-àitibh àrda uile, mar na cinnich a thug Dia air falbh rompa; agus rinn iad nithean olc' a bhrosnachadh an Tighearn' gu corr-uich:

12 Oir rinn iad seirbhis do iòdholaibh, mu'n d'thubhairt an Tighearn riu, Cha dean sibh an ni so.

13 Gidheadh thug an Tighearn fianuis an aghaidh Israeil, agus an aghaidh Iudah, leis na fàidhibh uile *agus leis* an luchd-seallaidh uile, ag ràdh, Fìllobh o bhur droch shlighean, agus gleidhibh m' àitheantan *agus* mo reachdan, a réir an lagha uile a dh'àithn mi d'ur n-aithrichibh, agus a chuir mi d'ur n-ionnsuidh le m' sheirbhisich na fàidhean.

14 Gidheadh cha b'àill leo éisdeachd, ach chruadhaich iad am muineal, cosmhuil ri muineal an aithrichean, nach do chreid ams an Tighearn an Dia.

15 Agus rinn iad *thair air* a reachdaibh, agus air a choimhcheangal a rinn e r'an aithrichibh, agus air a theisteis leis an d'thug e fianuis 'n an aghaidh; agus lean iad dìomhanas, agus dh'fhàs iad dìomhain, agus chaidh iad an déigh nan cinneach a *bha* mu'n cuairt orra, mu'n d'thug an Tighearn sparradh dhoibh, nach deanadh iad cosmhuil rin.

16 Agus thréig iad uile àitheantan an Tighearn' an Dé, agus rinn iad dhoibh féin dealbhan leagtha, eadhon dà laogh, agus rinn iad doire, agus rinn iad aoradh do uile armailt nèimh, agus rinn iad seirbhis do Bhaal.

17 Agus thug iad air am macaibh agus air an nigheanaibh dol troimh 'n teine, agus ghnàthaich iad fiosachd agus druidheachd, agus reic iad iad féin a dheanamh uile ann an sealladh an Tighearna, chum a bhrosnachadh gu feirg.

18 Uime sin bha fearg ro mhòr aig an Tighearn ri h-Israel, agus dh'atharraich e iad as a shealladh: cha d'fhàgadh aon ach treubh Iudah a mhàin.

19 (Mar an ceudna cha do ghléidh Iudah àitheantan an Tighearn' an Dé, ach dh'imich iad ann an reachdaibh Israeil a rinn iad.)

20 Agus chuir an Tighearn cùl ri uile shliochd Israeil, agus chuir e fo àmhghar iad, agus thug e thairis iad do làimh chreachadairean, gus an do thilg e as a shealladh iad.

21 Oir sgar Israel e féin o thigh Dhaibhidh, agus rinn iad Ieroboam mac Nebait 'n a righ; agus dh'fhuadaich Ieroboam Israel o'n Tighearn a leantuinn, agus thug e orra peacadh mòr a pheacachadh.

22 Agus dh'imich clann Israel ann an uile

pheacaidhean Ieroboaim a rinn e: cha do dhealaich iad riu;

23 Gus an d'atharraich an Tighearn Israel as a shealladh, mar a thubhairt e le 'sheirbhisich uile na fàidhean. Agus thugadh Israel air falbh as an tìr féin do Asiria, gus an là 'n diugh.

24 Agus thug rìgh Asiria *daoine* o Babilon, agus o Chutah, agus o Abha, agus o Hamat, agus o Shepharbhaim, agus shuidhich e *iad* ann am bailtibh Shamaria, 'an àite chloinn Israeil; agus shealbhaich iad Samaria, agus ghabh iad còmhnuidh 'n a bhailtibh.

25 Agus tharladh, 'n uair a ghabh iad an toiseach còmhnuidh an sin, nach robh eagal an Tighearn' orra; uime sin chuir an Tighearn leòmhain 'n am measg, a mharbh *cuid* diubh.

26 Air an aobhar sin labhair iad ri rìgh Asiria, ag ràdh, Na cinnich a dh'atharraich thu, agus a shuidhich thu ann am bailtibh Shamaria, cha-n aithne dhoibh gnàth Dhé na tìre: uime sin chuir e leòmhain 'n am measg, agus, feuch, tha iad 'g am marbhadh, a chionn nach aithne dhoibh gnàth Dhé na tìre.

27 An sin dh'àithn rìgh Asiria, ag ràdh, Thugaibh leibh an sin aon dena sagartaibh a thug sibh as a sin; agus rachadh e agus gabhadh e còmhnuidh an sin, agus teagaisgeadh e dhoibh gnàth Dhé na tìre.

28 An sin thàinig aon de na sagartaibh a thug iad leo á Samaria, agus ghabh e còmhnuidh ann am Bet-el, agus theagaisg e dhoibh cionnus bu chòir dhoibh eagal an Tighearn' a bhi orra.

29 Gidheadh, rinn gach cinneach diathan dhoibh féin, agus chuir iad *iad* ann an tighibh nan àitean àrda a rinn na Samaritich, gach cinneach 'n am bailtibh féin anns an do ghabh iad còmhnuidh.

30 Agus rinn daoine Bhabiloìn Sucot-Benot, agus rinn daoine Chuit Nergal, agus rinn daoine Hamait Asima,

31 Agus rinn na h-Abhaich Nibhas agus Tartac, agus loisg na Sepharbhaich an clann 's an teine do Adramelech agus Anamalech, diathan Shepharbhaim.

32 Agus bha eagal an Tighearn' orra, agus rinn iad doibh féin de'n chuid a b'isle dhiubh sagartan nan àitean àrda, agus thug iad suas iobairtean air an sòn ann an tighibh nan àitean àrda.

33 Bha eagal an Tighearn' orra, agus rinn iad seirbhis d'an diathaibh féin, a réir gnàthan nan cinneach a thug iad leos a sin.

34 Gus an là 'n diugh tha iad a' deanamh a réir nan ceud gnàth: cha 'n'eil eagal an Tighearn' orra, cha mhòr tha iad a' deanamh a réir nan reachdan, no 'réir nan orduighean, no 'réir an lagha, no 'réir na h-aithne a dh'àithn an Tighearn do chloinn Iacob, air an d'thug e Israel mar ainm.

35 Ris an d'rinn an Tighearn coimhcheangal, agus d'an d'thug e sparradh, ag ràdh, Cha bhi eagal dhiathan eile oirbh, agus cha chrom sibh sibh féin doibh, agus cha dean sibh seirbhis doibh, agus cha-n iobair sibh doibh:

36 Ach an Tighearn, a thug a nìos sibh á tìr ua h-Eiphit le mòr chumhachd, agus le gairdean sint' a mach, 'eagal-san bithidh oirbh, agus dha-san làibhidh sibh an glùn, agus dha-san iobraidh sibh.

37 Agus na reachdan, agus na h-orduigh-ean, agus an lagh, agus an àithne a sgrìobh e dhuibh, bheir sibh an aire gu'n dean sibh iad gu bràth; agus cha bhi eagal dhiathau eile oirbh.

38 Agus an coimhcheangal a rinn mise ribh cha dì-chuimhnich sibh; agus cha bhi eagal dhiathan eile oirbh.

39 Ach bithidh eagal an Tighearna bhuir Dé oirbh, agus saoraidh esan sibh á lànuh bhuir naimhdean uile.

40 Gidheadh cha d'éisd iad, ach rinn iad a réir an ceud ghnàthan.

41 Agus bha eagal an Tighearn' air na cinnich sin, gidheadh rinn iad seirbhis d'an dealbhaibh snaidhte féin, araon an clann, agus clann an cloinne: mar a rinn an aithrichean, is amhuil a tha iadsan a' deanauh gus au là'n diugh.

## CAIB. XVIII.

1 *Rìoghachadh agus treubhantas Hesechia. 9 Ghlac Salmaneser Samaria. 13 Thàinig Senacherib a nìos an aghaidh bhailtean Iudah, agus thog e cis o Hesechia. 17 Chàin Rabsaceh Hesechia.*

**A** GUS anns an treas bliadhna de Hoseah mac Elah rìgh Israeil, thòisich Hesechia mac Ahais, rìgh Iudah, air rìoghachadh.

2 Cùig bliadhna fichead a dh'aois bha e 'u uair a thòisich e air rìoghachadh; agus rìghich e naoi bliadhna fichead ann an Ierusalem: agus 'e ainm a mhàthar Abi, nighean Shechariah.

3 Agus rinn e an *ni a bha* ceart ann an suilbhan an Tighearn', a réir nan uile nithean a rinn Daibhidh 'athair.

4 Chuir e air falbh na h-àitean àrda, agus bhris e na dealbhan, agus ghearr e sìos na doireachan, agus mhuin-phrom e an nathair umha a rinn Maois; ior gus na làithibh siu bha clann Israeil a' losgadh tùis dhi: agus thugadh Nehustan mar ainm oirre.

5 As an Tighearn Dia Israeil bha 'earbsadh; agus 'n a dhéigh cha robh neach sam bith cosmhuil ris an measg uile rìghrean Iudah, no *aon* a bha roimhe.

6 Oir dlùth-lean e ris an Tighearn, cha do chlaon e o a leantainn; ach ghléidh e àitheantan, a dh'àithn an Tighearnu do Mhaois.

7 Agus bha 'n Tighearn maille ris: anns gach àite d'au deachaidh e, shoirbhich e.

Agus dh'éirich e 'n aghaidh rìgh Asiria, agus cha d'rinn e seirbhis dha.

8 Bhuail e ua Philistich gu ruig Gasa, agus a chrìochan, o thùr an fhuiceadain gu ruig am baile daingnichte.

9 Agus anns a' cheathramh bliadhna de rìgh Hesechia, agus 's an t-seachdamh bliadhna de Hoseah mac Elah rìgh Israeil, thàinig Salmaneser, rìgh Asiria, a nìos an aghaidh Shamaria, agus theannaich se e.

10 Agus ghlac iad e an ceann thri bliadhna: anns au t-seathamh bliadhna de Hesechia, agus 's an naothamh bliadhna de Hoseah rìgh Israeil, ghlacadh Samaria.

11 Agus thug rìgh Asiria leis Israel do Asiria, agus chuir e iad ann an Halah agus ann an Habor *làimh ri* amhainu Ghosain, agus ann am bailtibh uam Medeach:

12 A chionn nach d'éisd iad ri guth an Tighearn' au Dé, ach gu'n do bhris iad a choimhcheangal, na h-uile *nithean* a dh'àithn Maois òglach an Tighearna; nach d'éisd iad *riu*, agus nach mò a rinu siad *iad*.

13 Agus anus a' cheathramh bliadhna deng de rìgh Hesechia thàinig Senacherib rìgh Asiria a nìos au aghaidh uile bhailtean daingnichte Iudah, agus ghlac e iad.

14 Agus chuir Hesechia rìgh Iudah *teachd-air* ann gu rìgh Asiria do Lachis, ag ràdh, Chiontaich mi; pill uam: *an ni* a chuireas tu orm, giùlaimidh mi. Agus chuir rìgh Asiria air Hesechia rìgh Iudah tri cheud tàlann airgid, agus deich tàlanna fichead òir.

15 Agus thug Hesechia *dha* an t-airgiod uile a fhuaradh ann an tigh an Tighearn', agus ann an iomhasaibh tìghe an rìgh.

16 Anns an àm sin ghearr Hesechia air falbh còmhlaichean teampuill an Tighearn', agus na h-ursainnean a chòmhdaich Hesechia rìgh Iudah, agus thug e iad do rìgh Asiria.

17 Agus chuir rìgh Asiria Tartan, agus Rabsaris, agus Rabsaceh, o Lachis gu rìgh Hesechia le sluagh mòr au aghaidh Ierusalem: agus air teachd a nìos doibh, thàinig iad agus sheas iad aig sruth-chlais na linne a's àirde, a *tha* air slighe achaidh au huadh-adair.

18 Agus an uair a dh'éigh iad ris an rìgh, thàinig a mach d'an ionnsuidh Eliacim mac Hileciah, a *bha* os ceann an teaghlaich, agus Sebnà an sgrìobhaich, agus Ioas uac Asaiph an seanachaidh.

19 Agus thubhairt Rabsaceh *riu*, Abraibh a nis ri Hesechia, Mar so tha 'n rìgh mòr, rìgh Asiria, ag ràdh, Ciod an carbbsadh mhòr so a th'agad?

20 Tha thu ag ràdh, (ach *is* briathran faoin *iad*.) Tha comhairle agus neart *agam* chum a' chogaidh: a nis ma ta cò as am bheil thu ag earbsadh, gu'u deauadh tu cogadh a'm aghaidh-sa?

21 A nis, feuch, tha thu 'g earbsadh as an



luirg bhrìste chuilce sin, as an Eiphit, a théid, ma leigeas duine a chudthrom oirre, a steach 'n a làimh, agus a thollas troimhe i. *Is ann mar so a tha Pharaoh rìgh na h-Eiphit dhoibhsan uile a dh'earbas as.*

22 Ach ma their sibh rium, As an Tighearn' ar Dia tha ar n-carbsadh: nach e so esan, a chuir Hesechia air falbh 'àitean àrda, agus 'altairean, agus a thubhairt ri Iudah agus ri Ierusalem, Fa chomhair na h-altarach so sleuchdaidh sibh ann an Ierusalem?

23 A nis uime sin, guidheam ort, thoir gill do m' thighearn rìgh Asiria, agus bheir mise dhuit dà mhìle each, ma's urrainn thusa air do thaobh féin marcaich a chur orra.

24 Cionnus ma ta 'bheir thu air aon cheannard, de na seirbhisich a's lugha a tha aig mo thighearn-sa, 'aghaidh a thionndadh uait, agus a dh'earbas tu as an Eiphit air son charbad agus marc-shluaigh?

25 *Ach* a nis, an ann as eugmhais an Tighearn' a thàinig mis' a nìos an aghaidh an àite so, g'a sgrios? Is e 'n Tighearn a thubhairt riumsa, Falbh suas an aghaidh na tìre so, agus sgrios i.

26 An sin thubhairt Eliacim mac Hileciah, agus Sebna, agus Ioah, ri Rabsaceh, Labhair, guidheam ort, ri d' sheirbhisich anns a' chainnt Shirianaich, oir tuigidh sinn i; agus na labhair ruinn anns a' chainnt Iudhaich, 'an cluasaibh an t-sluaigh a tha air a' bhalla.

27 Ach thubhairt Rabsaceh riu, An ann a dh'ionnsuidh do thighearna-sa, agus a d' ionnsuidh-sa, a chuir mo thighearn mise a labhairt nam briathran so? nach ann a dh'ionnsuidh nan daoine a tha 'n an suidhe air a' bhalla, a chum gu'n ith iad an salchar féin, agus gu'n òl iad an uisge féin maille ribhse?

28 An sin sheas Rabsaceh, agus dh'èigh e le guth àrd anns a' chainnt Iudhaich, agus labhair e, ag ràdh, Eisdibh ri focal an rìgh mhòir, rìgh Asiria:

29 Mar so tha'n rìgh ag ràdh, Na mcalladh Hesechia sibh, oir cha-n urrainn e bhuir saoradh á m' làimh-sa:

30 Agus na tugadh Hesechia oirbh bhuir dòchas a chur 's an Tighearn, ag ràdh, Gu deimhin saoraidh an Tighearn sinne, agus cha toir car thairis am baile so do làimh rìgh Asiria.

31 Na h-éisdibh ri Hesechia: oir mar so tha rìgh Asiria ag ràdh, Deanaibh suas cairdeas riumsa, agus thigibh a mach a m' ionnsuidh, agus itubh gach fear d'a chrann-fìge, agus gach fear d'a chrann-fìge féin, agus òlaibh gach fear uisge a thobair féin;

32 Gus an tig mise, agus gu'n toir mi air falbh sibh do thìr cosmhuil r'ur tìr féin, tìr arbhair agus fìona, tìr arain agus fhionlies, tìr olaidh a' chroinn olaidh, agus meala,

a chum gu'm bi sibh beò, agus nach faigh sibh bàs: agus na h-éisdibh ri Hesechia, an uair a chuireas e impidh oirbh, ag ràdh, Saoraidh an Tighearn sinn.

33 An do shaor rianh diathan nan cinn-each, gach aon a thìr féin, á làimh rìgh Asiria?

34 C'àit *am bheil* diathan Hamait, agus Arphaid? c'àit *am bheil* diathan Shepharbhaim, Hena, agus Ibhah? an do shaor iad Samaria as mo làimh-sa?

35 Cò am measg uile dhiathan nan dùch-annan, a shaor an tìr féin as mo làimh-sa, gu'n saoradh an Tighearn Ierusalem as mo làimh?

36 Ach bha 'n sluagh 'n an tosd, agus cha do fhreagair iad aon fhocal da: oir b'i àithne an rìgh dhoibh, Na tugaibh freagradh air.

37 An sin thàinig Eliacim mac Hileciah, a bha os ceann an teaghlaich, agus Sebna an sgriobhaich, agus Ioah mac Asaiph an seanachaidh, gu Hesechia le'n eudach reubta, agus dh'innis iad da briathran Rabsaceh.

## CAIB. XIX.

1 *Chuir Hesechia fios a dh'ionnsuidh Isaiah gu urnuigh a dheanamh air a shon.* 20 *Fàist-neachd Isaiah a thaobh Shenacherib.* 33 *Bhuail aingear an Tighearn' armaid nan Asirianaich.* 37 *Chuir a mhic Senacherib gu bàs.*

**A**GUS an uair a chuala Hesechia an rìgh e, reub e 'eudach, agus chòmhdaich se e féin le saic-eudach, agus chaidh e do thigh an Tighearna.

2 Agus chuir e Eliacim, a bha os ceann an tighe, agus Sebna an sgriobhaich, agus seanairean nan sagart, còmhdaichte le saic-eudach, gu Isaiah am fàidh, mac Amois.

3 Agus thubhairt iad ris, Mar so tha Hesechia ag ràdh, *Is là teimn*, agus ach-mhasain, agus maslaidh an là so: oir tha clann air teachd gu inbhe breith, agus neart gu'm breith cha-n'èil ann.

4 Theagamh gu'n chuinn an Tighearn do Dhia uile bhriathran Rabsaceh, a chuir a thighearn rìgh Asiria a mhaslachadh an Dé bheò; agus gu'n cronaich e na briathran a chual' an Tighearn do Dhia: tog suas d'urnuigh ma ta air son an fhuighill a dh'fhàg-adh.

5 Uime sin an uair a thàinig seirbhisich rìgh Hesechia gu h-Isaiah,

6 Thubhairt Isaiah riu, Mar so their sibh r'ur tighearn, Mar so tha'n Tighearn ag ràdh, Na bitheadh eagal ort roimh na briathraibh a chuala tu, leis an d'thug seirbhisich rìgh Asiria masladh dhomhsa.

7 Feuch, cuiridh mise spiorad ann, agus chuinnidh e tuairesgeul, agus pillidh e d'a thìr féin; agus bheir mise air tuiteam leis a' chaidheamh 'n a thìr féin.

8 Agus phill Rabsaceh, agus fhuair e rìgh

Asiria a' cogadh an aghaidh Libnah: oir chual' e gu'n d'fhalbh e o Lachis.

9 Agus an uair a chual' e 'g a ràdh mu Thirhacah rìgh Etiopia, Feuch, thàinig e mach a chogadh riut; chuir e teachdairean a ris gu Hesechia, ag ràdh,

10 Mar so labhraidh sibh ri Hesechia rìgh Iudah, ag ràdh, Na mcalladh do Dhia thu, as am bheil thu 'g earbsadh, ag ràdh, Cha toirear Ierusalem thairis do làimh rìgh Asiria.

11 Feuch, chuala tu cìod a rinn rìghrean Asiria ris gach uile thir, g' an sgrios gu tur; agus an saorar thusa?

12 An do shaor diathan nan cinneach iad-san a sgrios m'aithrichean-sa, *eadhon* Gosan, agus Haran, agus Reseph, agus clann Edeim a bha ann an Telasar?

13 C'ait am bheil rìgh Hamait, agus rìgh Arpaid, agus rìgh mòr-bhaile Shepharbhaim, Hena, agus Ibhah?

14 Agus ghabh Hesechia an litir á làimh nan teachdairean, agus leugh e i: agus chaidh Hesechia suas do thigh an Tighearn, agus sgaoil e i 'am fianuis an Tighearna.

15 Agus rinn Hesechia urnuigh 'an làthair an Tighearn', agus thubhairt e, O Thighearna Dhé Israeil, a tha 'd chòmhnuidh *eadar* na cheruban, is tu féin Dia, thusa a'd' aonar, *Dia* uile rioghachdan na talmhainn; is tu a rinn na nèamhan agus an talamh.

16 Crom, a Thighearn', a nuas do chluas, agus éisd; fosgail, a Thighearna, do shùilean, agus faic: seadh chuinn briathran Shenacherib, a chuir e a mhaslachadh an Dé bheò.

17 Gu deimhin, a Thighearna, sgrios rìghrean Asiria na cinnich agus an tìrean;

18 Agus thilg iad an diathan 's an teime: oir cha *bu* diathan iad, ach oibre làmhan dhaoine, fiodh agus clach: uime sin sgrios siad iad.

19 A nis ma ta, O Thighearn' ar Dia, saor sinn, guidheam ort, as a làimh, chum gu'm bi fios aig uile rioghachdaibh na talmhainn gur tusa an Tighearn Dia, thu féin a'd' aonar.

20 An sin chuir Isaiah mac Amois *teachd-air* gu Hesechia, ag ràdh, Mar so tha'n Tighearn Dia Israeil ag ràdh, An urnuigh a rinn thu riumsa mu thimchioll Shenacherib rìgh Asiria, chuala mi.

21 So am focal a labhair an Tighearn mu 'thimchioll: Rinn òigh nìghean Shìoin tàir ort; rinn i gàire fanoid riut; chrath nìghean Ierusalem a ceann air do chùlaobh.

22 Cò d'an d'thug thu masladh agus toibheum? agus cò an aghaidh an d'àrdaich thu do ghuth, agus a thog thu do shùilean gu h-àrd? an aghaidh *Ti* naomh Israeil.

23 Le làimh do theachdairean mhàsach thu an Tighearn', agus thubhairt thu, Le

lìonmhoireachd mo eharbad dhìrich mi àirde nam beann, shosan Lebanoin; agus gearraidh mi sìos a chraobhan seudair a's àirde, agus roghadh a chraobhan giuthais, agus thèid mi stigh a dh'aitibh-tàimh a chrìche, frith a Charmeil.

24 Chladhaich mi agus dh'òl mi uisgeachan coimheach, agus le bonn mo chos thiormaich mi suas uile aimhuichean nan daingneach.

25 Nach cuala tu o cheann fada *cionnus* a rinn mi e, *agus* o'n aimsir chéin gu'n do dh'calbh mi e? a nis thug mi gu crìch e, gu'm bitheadh tusa chum bailtean daingnichte fhàsachadh 'n an carnaibh sgrios.

26 Uime sin bha 'n luchd-àitcachaidh air bheag neirt: bha crith-cagail orra agus amhludh; bha iad *mar* fheur na macharach, agus *mar* an luibh ghlas, *mar* fheur mullaich nan tighean, agus *mar* arbhar seargta mu'm fàs e suas.

27 Ach is aithne dhomh d'àite-còmhnuidh, agus do dhol a mach, agus do theachd a steach, agus fraoch d'fheirge a'm' aghaidh.

28 A chionn gu bheil fraoch d'fheirge a'm' aghaidh, agus d'onfhadh air teachd a nìos gu m' chluasaibh, uime sin cuiridh mi mo dhubhan a'd' shròin, agus mo shrian a'd' bheul, agus pillidh mi air d'ais thu 's an t-slighe air an d'thàinig thu.

29 Agus *bithidh* so 'n a chomharadh dhuit: Ithidh tu air a' bhliadhna so na nithean a dh'fhàsas leo féin, agus anns an dara bliadhna na nithean a chinneas asda sin; agus anns an treas bliadhna cuiridh agus buainidh sibh, agus suidhichidh sibh fionlios, agus ithidh sibh d'an toradh.

30 Agus gabhaidh am fuigheall a thèid as de thigh Iudah, fathast freumh sìos, agus cuiridh e toradh dheth.

31 Oir á Ierusalem thèid fuigheall a mach, agus iadsan a thèid as o shliabh Shìoin: nì eud Thighearna nan sluagh so.

32 Uime sin mar so tha'n Tighearn ag ràdh mu thimchioll rìgh Asiria, Cha tig e do'n bhaile so, agus cha tilg e saighead ann, agus cha tig e fa chomhair le sgéith, agus cha chuir e suas tòrr 'n a aghaidh.

33 Air an t-slighe air an d'thàinig e, air an t-slighe cheudna pillidh e, agus cha tig e steach do'n bhaile so, ars' an Tighearn:

34 Oir dìonaidh mise am baile so chum a shaoradh, air mo shon féin, agus air son Dhaibhidh m'òglaich.

35 Agus air an oidhche sin féin chaidh aingeal an Tighearna mach, agus bluail e ann an camp nan Asirianach ceud agus ceithir fichead agus cùig mìle: agus an uair a dh'éirich iad gu moch anns a' mhàduinn, feuch, *bha* iad uile 'n an corpaibh marbha.

36 Agus dh'imich Senacherib rìgh Asiria, agus chaidh e agus phill e, agus ghabh e còmhnuidh ann an Nìnebheh.

37 Agus an uair a bha e ri aoradh ann an



tigh Nisroich a dhé, bhuail Adramelech agus Sareser a mhie e leis a' chiadheamh; agus theich iad do thìr Armenia: agus rìghich Esarhadon a mhae 'n a àit.

## CAIB. XX.

1 'N uair bha Hecseciah tinn gu bàs rinn e urnuigh ri Dia, agus fhuair e gealladh gu'm maireadh e beò. 12 Chuir Berodach-baladan teachdaircan d'a ionnsuidh, agus dh'fheuch e dhoibh na h-uile nithean a bha 'n a thigh. 21 Fhuair Hecseciah bàs, agus rìghich Manaseh 'n a àit.

**A**NNS na làithibh sin bha Hecseciah a tinn gu bàs: agus thàinig ann fàidh Isaiah mae Amois d'a ionnsuidh, agus thubhairt e ris, Mar so tha'n Tighearn ag ràdh, Cuir do thigh 'an ordugh, oir gheibh thu bàs, agus cha bhi thu beò.

2 An sin thionndaidh e 'aghaidh ris a' bhalla, agus rinn e urnuigh ris an Tighearn, ag ràdh,

3 Guidheam ort, O Thighearna cuimhniche a nis cionnus a ghluais mi a'd làthair ann am firinn, agus le cridhe iomlan, agus a rinn mi an *ni a tha* maith a'd shùilibh. Agus ghnìl Hecseciah gu goirt.

4 Agus mu'n deachaidh Isaiah mach do'n chùirt mheadhonaich, thàinig focal an Tighearna d'a ionnsuidh, ag ràdh,

5 Pill, agus abair ri Hecseciah ceannard mo shluaigh, Mar so tha'n Tighearn, Dia Dhaibhidh d'athar, ag ràdh, Chuala mise d'urnuigh, chunnaic mi do dhcoir: feuch, slànuchidh mi thu; air an treas là théid thu suas do thigh an Tighearna.

6 Agus cuiridh mi ri d' làithibh cùig bliadhna deug; agus saoraidh mi thusa, agus am baile so, a làimh rìgh Asiria; agus dìonaidh mi am baile so air mo shon féin, agus air son Dhaibhidh m'òglach.

7 Agus thubhairt Isaiah, Gabhaibh meall fhigisean. Agus ghabh agus chuir iad e air an neasaid, agus shlànuicheadh e.

8 Agus thubhairt Hecseciah ri Isaiah, Ciod an comharadh gu'n leighis an Tighearn mi, agus gu'n téid mi suas air an treas là do thigh an Tighearna?

9 Agus thubhairt Isaiah, *Bithidh* so 'n a chomharadh dhuit o'n Tighearn, gu'n dean an Tighearn an ni a labhair e: An téid an dubhar air aghaidh deich ceumannan, no'n téid e air ais deich ceumannan?

10 Agus fhreagair Hecseciah, Is suarach an ni do'n dubhar dol sìos deich ceumannan; ni h-cadh, ach pillcadh an dubhar air ais deich ceumannan.

11 Agus ghlaodh Isaiah am fàidh ris an Tighearn; agus thug e air ais an dubhar deich ceumannan, a chaidh e sìos air ceumannaibh Ahais.

12 'S an àm sin chuir Berodach-baladan mac Bhaladain, rìgh Bhabailon, *teachdaircan* le litricheibh agus tiodhlac gu Hecseciah: oir chual' e gu'n robh Hecseciah tinn.

13 Agus rinn Hecseciah gairdeachas os an ceann, agus dh'fheuch e dhoibh uile thigh-tasgaidh a nithean luachmhòr, an t-airgid, agus an t-òr, agus na spiosraidh, agus an oladh luachmhòr, agus a thigh armachd, agus na nithean uile a fhuaradh 'n na ionmhasaibh: cha robh ni 'n a thigh, no 'n a rioghachd uile, nach d'fheuch Hecseciah dhoibh.

14 An sin thàinig Isaiah am fàidh gu rìgh Hecseciah, agus thubhairt e ris, Ciod a thubhairt na daoine so? agus cia as a thàinig iad a'd ionnsuidh? agus thubhairt Hecseciah, Thàinig iad o thìr chéin, o Bhabailon.

15 Agus thubhairt e, Ciod a chunnaic iad a'd thigh? Agus fhreagair Hecseciah, Na h-uile *nithean a tha a'm* thigh chunnaic iad: cha-n'eil ni ann am ionmhasaibh nach d'fheuch mi dhoibh.

16 Agus thubhairt Isaiah ri Hecseciah, Eisd ri focal an Tighearna:

17 Feuch, tha na làithean a' teachd, anns am bi na h-uile *nithean a tha* ann ad thigh, agus na h-ionmhasan a thaisg d' aithrich-eann suas gus an là'n diugh, air an giùlan gu Babilon: cha-n fhàgar ni air bith, ars' an Tighearn.

18 Agus *cuid* de d' mhacaibh a thig uait, a ghineas tu, bheir iad leo, agus bithidh iad 'n an caillteanaich ann an luchairt rìgh Bhabailon.

19 An sin thubhairt Hecseciah ri Isaiah, *Is* maith focal an Tighearn' a labhair thu: thubhairt e mar an ceudna, Nach *maith*, ma bhios sìth agus firinn a'm làithibh-sa?

20 Agus a' chuid eile de ghnìomharaibh Hecseciah, agus a thréine uile, agus mar a rinn e lochan, agus sruth-chlais, agus a thug e uisge steach do'n bhaile, nach 'eil iad sgrìobhta ann an leabhar eachdraidh rìghrean Iudha?

21 Agus chòidil Hecseciah maille r'a aithrichibh: agus rìghich Manaseh a mhac 'n a àit.

## CAIB. XXI.

1 *Rìoghachadh aingidh agus òdhol - aoradh Mhanas-h.* 10 *Fàistneachd an aghaidh Iudha.* 17 *Fhuair Manaseh bàs, agus rìghich Amos 'n a àit.* 23 *Mharbh a sheirbhiseach Amos: 26 rìghich Iostah 'n a àit.*

**D**A bhliadhna dheug a dh'aois bha Manaseh 'n uair a thòisich e air rìoghachadh, agus rìghich e cùig bliadhna deug agus dh'fhichead ann an Ierusalem: agus *be* ainm a mhàthar Hephzibah.

2 Agus rinn e olc ann an sùilibh an Tighearn', a réir ghràimeileachd nan cinncach, a thilg an Tighearn mach roimh chloinn Israeil.

3 Oir thog e suas a ris na h-àitean àrda a sgrìos Hecseciah 'athair; agus chuir e suas altairean do Bhaal, agns rinn e doire, mar a rinn Ahab rìgh Israeil; agus

shleuchd e do uile armailt uèin, agus riun e seirbhis doibh.

4 Agus thog e altaircan ann an tigh an Tighearna, mu'n dubhairt an Tighearna, Ann an Ierusalem cuiridh mi m'ainm.

5 Agus thog e altaireau do uile armailt uèin, ann an dà chùirt tìghe an Tighearna.

6 Agus thug e air a mhac dol troimh 'n teine, agus thug e faineas amannan, agus ghnàthaich e druidheachd, agus chuir e air chois leannainshith, agus luchd-fiosachd: dh'oibrich e mòr aingidheachd ann an sùilbh an Tighearna, g'a bhrosnachadh gu fèirg.

7 Agus chuir e dealbh snaidhte an doire a rinn e, anns an tigh mu'n dubhairt an Tighearna ri Daibhidh, agus ri Solamh a mhac, Anns an tigh so, agus ann an Ierusalem, a thagh mi á uile threubhan Israeil, cuiridh mi m'ainm gu bràth.

8 Cha mhò a bheir mi air cosaibh Israeil caruchadh tuilleadh a mach as an fhearann a thug mi d'an aithrichibh; a ruhain ma bheir iad an aire gu'n dean iad a réir nan uile *nithean* a dh'aithn mise dhoibh, agus a réir an lagha uile a dh'aithe m'òglach Maois dhoibh.

9 Ach cha d'éisd iad: agus tharruing Manaseh iad gu tuilleadh uile a dheanamh na rinn na cinnich, a sgrìos an Tighearna roimh chloinn Israeil.

10 Agus labhair an Tighearna le 'sheirbhisich na faidhean, ag ràdh,

11 A chionn gu'n d'riun Manaseh rìgh Iudah na gràineileachdan so, agus gu'n d'rinn e nì's mìosa na na h-uile *nithean* a rinn na h-Amoraich a *bha* roimhe, agus gu'n d'thug e air Iudah war an ceudna peacachadh le ìodholaibh:

12 Uime sin mar so tha'n Tighearna Dia Israeil ag ràdh, Feuch, *tha* mi 'tabhairt uile air Ierusalem agus Iudah, a bheir air gach neach a chluinneas e, gu'm bi gaoir 'u a dhà chluais.

13 Agus sinidh mi mach os ceann Ierusalem sreang-thomhais Shamaria, agus sreang-riaghailt tìghe Ahaib: agus glanaidh mi as Ierusalem mar a ghlanas *neach* soith-each, g'a ghlanadh, agus a' tionndadh a bheoil foidh.

14 Agus tréigidh mi fuigheall m'òigh-reachd, agus bheir mi iad do làimh an naimhdean; agus bithidh iad 'n an creich agus 'n an cobhartach d'an naimhidh uile;

15 A chionn gu'n d'rinn iad ole a'm' shùilbh, agus gu'n do bhrosnaich iad mi gu fèirg o'n là 's an d'thàinig an aithrichean mach as an Eiphit, eadhon gus an là 'n diugh.

16 Os bàrr, dhòirt Maneseh fuil nèd-chiontach gu ro mhòr, gus an do lìon e Ierusalem o cheann gu ceann, a thuilleadh air a pheacadh fèin leis an d'thug e air

Iudah peacachadh, le ole a dheanamh ann an sùilbh an Tighearna.

17 Agus a' chuid eile de ghnìomharaibh Mhanaseh, agus na h-uile *nithean* a rinn e, agus a pheacadh a rinn e, nach 'eil iad sgrìobhta ann an leabhar eachdraidh rìgh-rean Iudah?

18 Agus choidil Manaseh maille r'a aithrichibh, agus dh'adhlacaidh e ann an lìos a thighe fèin, ann an lìos Udsa: agus rìghich Amon a mhac 'n a àit.

19 Dà bhliadhna thar fhichead a dh'aois *bha* Amon an uair a thòisich e air rìoghachadh; agus rìghich e dà bhliadhna ann an Ierusalem: agus *b'e* ainm a mhàthar Mesulemet, nighean Haruis o Iotbah.

20 Agus rinn e ole ann an sùilbh an Tighearna, mar a rinn Manaseh 'athair.

21 Agus dh'imich e anns an uile shlighe 's an d'imich 'athair, agus rinn e seirbhis do na h-ìodholaibh d'an d'rinn 'athair seirbhis, agus rinn e aoradh dhoibh:

22 Agus thréig e 'n Tighearna Dia 'aithrichean, agus cha do ghluais e ann an slighe an Tighearna.

23 Agus rinn seirbhisich Amon ceannaire 'n a aghaidh, agus mharb iad an rìgh 'n a thighe fèin.

24 Agus mharb sluagh na tìre iadsan nìle a rinn ceannaire an aghaidh rìgh Amon; agus rinn sluagh ua tìre Iosiah a mhac 'n a rìgh 'n a àit.

25 Agus a' chuid eile de ghnìomharaibh Amon a rinn e, nach 'eil iad sgrìobhta ann an leabhar eachdraidh rìgh-rean Iudah?

26 Agus dh'adhlac iad e 'n a uaigh fèin ann an lìos Udsa: agus rìghich Iosiah a mhac 'n a àit.

## CAIB. XXII.

1 *Dh'ordnich Iosiah tigh an Tighearna' a chàradh.* 8 *Fhuair Hileiah leabhar an lagha, agus leugh Saphan e an làthair an rìgh.* 12 *Dh'fhoisraich Iosiah de Dhia thaobh bhriathran an lagha.* 15 *Roimh-innis Huldah sgrìos Ierusalem.*

**O**CHD bliadhna dh'aois *bha* Iosiah 'n ua 3 a thòisich e air rìoghachadh, agus rìghich e aon bhliadhna deug thar fhichead ann an Ierusalem: agus *b'e* ainm a mhàthar Iedidah, nighean Adaiah o Bhoscat.

2 Agus rinn e an nì a *bha* ceart ann an sùilbh an Tighearna', agus dh'imich e ann an uile shlighe Dhaibhidh 'athar, agus cha do chlaon e dh'ionnsuidh na làimhe deise uo na làimhe clìthe.

3 Agus anus an ochdamh bliadhna deug de rìgh Iosiah, chuir an rìgh Saphan mac Asaliah, mhic Mhesulaim, an sgrìobhaiche, do thigh an Tighearna', ag ràdh,

4 Falbh suas gu Hileiah an t-àrd shagart, chum gu'n àircamh e an t-airgiod a thugadh do thigh an Tighearna', a chruinnich luchd-glèidhidh an doruis o'n t-sluagh:

5 Agus thugadh iad e do làimh luchd



deanamh na h-oibre, dhoibhsan a tha os ceann tighe an Tighearn': agus thugadh iadsan e do luchd deanamh na h-oibre, a tha ann an tigh an Tighearn', a chàradh brisidh an tìghe;

6 Do shaoir, agus do luchd togail, agus do chlachairibh, agus a cheannach fiodha, agus chlach snaidhte, a chàradh an tìghe.

7 Gidheadh, cha d'rinneadh cunntas riu thaobh an airgid a thugadh d'an làimh, a chionn gu'n d'rinneadh gu h-ionraic.

8 Agus thubhairt Hilciah an t-àrd shagart ri Saphan an sgrìobhaiche, Fhuair mi leabhar an lagha ann an tigh an Tighearn': agus thug Hilciah an leabhar do Shaphan, agus leugh se e.

9 Agus thàinig Saphan an sgrìobhaiche dh'ionnsuidh an rìgh, agus dh'aithris e 'n gnothuch do'n rìgh, agus thubhairt e, Chruinnich do sheirbhìsich an t-airgid a fhuaradh anns an tigh, agus thug iad e do làimh luchd deanamh na h-oibre, a bha os ceann tighe an Tighearna.

10 Agus dh'innis Saphan an sgrìobhaiche do'n rìgh, ag ràdh, Thug Hilciah an sagart leabhar dhomh: agus leugh Saphan e an làthair an rìgh.

11 Agus an uair a chual' an rìgh briathran leabhair an lagha, reub e 'eudach.

12 Agus dh'aithn an rìgh do Hilciah an sagart, agus do Ahicam mac Shaphan, agus do Achbor mac Mhicaiah, agus do Shaphan an sgrìobhaiche, agus do Asabiah seirbhìsich an rìgh, ag ràdh,

13 Rachaidh, fìsraichibh de'n Tighearn' air mo shon-sa, agus air son an t-sluaigh, agus air son Iudah uile, thaobh bhriathran an leabhair so a fhuaradh: oir is mòr fearg an Tighearn' a tha air lasadh 'n ar n-aghaidh, a chionn nach d'éisd ar n-aithrichean ri briathraibh an leabhair so, a dheanamh a réir *gach nì* a tha sgrìobhta d'ar taobh.

14 Uime sin chaidh Hilciah an sagart, agus Ahicam, agus Achbor, agus Saphan, agus Asabiah, dh'ionnsuidh Huldah na ban-fhàidh, mnà Shaluum mhic Thiebhabh, mhic Harhais, fir-gleidhidh an eudaich, (a nis *bha* i 'chòmhnuidh ann an Ierusalem anns an oil-thigh), agus labhair iad rithe.

15 Agus thubhairt i riu, Mar so tha'n Tighearn Dia Israeil ag ràdh, Innsibh do'n duine a chuir a' m' ionnsuidh-sa sibh,

16 Mar so tha'n Tighearn ag ràdh, Feuch, bheir mise olc air an àite so, agus air a luchd-àiteachaidh, *eadhon* uile bhriathran an leabhair a leugh rìgh Iudah:

17 A chionn gu'n do thréig iad mise, agus gu'n do loisg iad tùis do dhiathaibh cìle, chum mo bhrosnachadh gu corruich le uile oibribh an lamh: uime sin lasaidh m'fhearg an aghaidh an àite so, agus cha mhùchar i.

18 Ach ri rìgh Iudah a chuir sibh a dh'fhiosrachadh de'n Tighearn, mar so their sibh ris, Mar so tha'n Tighearn Dia

Israeil ag ràdh, *A thaobh nam briathran a chual' thu,*

19 A chionn gu'n robh do chridhe tìom, agus gu'n d'irishich thu thu fèin an làthair an Tighearna, 'n uair a chual' thu cìod a labhair mise an aghaidh an àite so, agus an aghaidh a luchd-àiteachaidh, gu'm biodh iad 'n am fàsach, agus 'n am mallachadh, agus *gu'n do* reub thu d'eudach, agus *gu'n do* ghuil thu a'm' fhianuis; chuala mise mar an ceudna *thusa*, ar's an Tighearn.

20 Feuch uime sin, cruinnichidh mise thu chum d'aithrichean, agus cruinnichear thu do d' uigh 'an sìth, agus cha-n fhaic do shùilean an t-olc sin uile a bheir mise air an àite so. Agus thug iad fìos a ris a dh'ionnsuidh an rìgh.

## CAIB. XXIII.

1 *Leugh Josiah leabhar an lagha 'an éisdeachd an t-sluaigh; 3 Rinn e coimhcheangal 'am fianuis an Tighearna: 4 Chuir e air falbh iòdhol-aoradh, 24 leanmoin-shìth, agus luchd-fìosachd. 29 Marbh Pharaoh-necho Josiah aig Megido, agus rìghich Iehouhas 'n a dait.*

**A** GUS chuir an rìgh teachdairean uaithe, agus chruinnich d'a ionnsuidh uile sheanairean Iudah, agus Ierusalem.

2 Agus chaidh an rìgh suas do thigh an Tighearn', agus daoine Iudah uile, agus uile luchd-àiteachaidh Ierusalem maille ris, agus na sagartan, agus na fàidhean, agus an sluagh uile eadar bheag agus mhòr: agus leugh e 'n an éisdeachd uile bhriathran leabhair a' choimhcheangail, a fhuaradh ann an tigh an Tighearna.

3 Agus sheas an rìgh làimh ri post, agus rinn e coimhcheangal 'am fianuis an Tighearna, gu'n gluaiseadh iad an dèigh an Tighearn', agus gu'n gleidheadh iad dh'atheantan, agus a theisteis, agus a reachdan, le'n uile chridhe, agus le'n uile anam, a choimhleadh bhriathran a' choimhcheangail so, a tha sgrìobhta 's an leabhar so: agus shcas an sluagh uile ris a' choimhcheangal.

4 Agus dh'aithn an rìgh do Hilciah an t-àrd shagart, agus do shagartaibh an dara *orduigh*, agus do luchd-gleidhidh an doruis, na soithichean uile a rinneadh do Bhaal, agus do'n doire, agus do uile armailt nèimh, a thoirt a mach a teampull an Tighearn': agus loisg e iad an taobh a muigh de Ierusalem ann am machairibh Chidroin, agus ghiùlain e'n huath gu Bet-el.

5 Agus chuir e as do shagartaibh an iòdhol-aoraidh, a dh'orduich rìghrean Iudah a losgadh tùis ann na h-àitibh àrda, ann am mòr-bhailtibh Iudah, agus anns na h-àitibh mu thimchioll Ierusalem; iadsan mar an ceudna a loisg tùis do Bhaal, do'n ghréin, agus do'n ghealach, agus do na reultaibh siùhlach, agus do uile armailt nèimh.

6 Agus thug e'n doire o thigh an Tighearn', an taobh a mach de Ierusalem, gu sruth Chidroin, agus loisg se e aig sruth Chidroin,

agus mhìn-phronn e gu luaithre e, agus thilg e a luaithre air uaighibh cloinne an t-sluaigh.

7 Agus bhris e sìos tighcan nan Sodomach a *bha* làimh ri tigh an Tighearna, far an robh na mnathan a' figheadh chùirteinean do'n doire.

8 Agus thug e mach na sagartan uile á baidtibh Iudah, agus thruaill e na h-àitean àrda far an do loisg na sagartan tùis, o Gheba gu Beer-seba, agus bhris e sìos àitean àrda nan geata, a *bha* ann an dol a stigh geata Iosua uachdarain a' bhaile, a *bha* air làimh chli duine ann an geata a' bhaile.

9 Gidheadh, cha deachaidh sagartan nan àitean àrda suas gu altair an Tighearn' ann an Ierusalem, ach dh'ith iad aran neo-ghoirtichte am measg am bràithrean.

10 Agus thruaill e Tophet a *tha* ann an gleann mhic Hinnoin, a chum nach feudadh duine air bith toirt air a mhac no air a nighinn dol troimh 'n teine do Mholech.

11 Agus thug e air falbh na h-eich a thug rìghrean Iudah do'n ghréin, o dhol a steach tìghe an Tighearna, làimh ri seòmar Natan-melech a' chailteanaich, a *bha* 's a' mhach-bhaile, agus loisg e carbadan na gréine le teine.

12 Agus na h-altairean a *bha* air mullach seòmair uachdaraich Ahais, a rinn rìghrean Iudah, agus na h-altairean a rinn Manaseh ann an dà chùirt tìghe an Tighearna, thilg an rìgh sìos, agus bhris e o sin iad, agus thilg e 'n luaithre ann an sruth Chidroin.

13 Agus na h-àitean àrda a *bha* fa chomhair Ierusalem, a *bh'air* ann làimh dheis de shliabh na truailleadheachd, a thog Solamh rìgh Israeil do Astarot gràineileachd nan Sidonach, agus do Chemos gràineileachd nam Moabach, agus do Mhileom gràineileachd chloinn Amoin, thruaill an rìgh.

14 Agus bhris e 'n am bloighdibh na dealbhan, agus ghearr e sìos na doireachan, agus lion e 'n àitean le cnàmhan dhaoine.

15 Os bàrr, an altair a *bh'aig* Bet-el, agus an t-àit àrd a rinn Ieroboam mac Nebait, a thug air Israel peacachadh, araon an altair agus an t-àit àrd bhris e sìos, agus loisg e 'n t-àit àrd; agus mhìn-phronn e gu luaithre e, agus loisg e 'n doire.

16 Agus an uair a thionndaidh Iosiah mu'n cuairt, chunnaic e na h-uaghean a *bha* 'n sin 's an t-sliabh, agus chuir e daoine uath, agus thug e na cnàmhan as na h-uaghean, agus loisg e iad air an altair, agus thruaill e i, a rèir focail an Tighearn, a labhair òglach Dhé a chuir 'an cèill na briathran so.

17 An sin thubhairt e, Ciod e an carragh so a *tha* mi 'faicinn? Agus thubhairt daoine a' bhaile ris, *Is i* uaigh òglach Dhé a th'ann, a thàinig o Iudah, agus a chuir 'an cèill na nithean sin a rinn thusa an aghaidh altarach Bhet-eil.

18 Agus thubhairt e, Leigibh leis; na

gluaiscadh duine sam bith a chnàmhan-sa; agus leig iad tàmh d'a chnàmhan maille ri cnàmhan an fhàidh a thàinig á Samaria.

19 Agus mar an ceudna uile thighean nan àitean àrda a *bha* ann am baidtibh Shamaria, a rinn rìghrean Israeil a bhrosnachadh an Tighearna gu feirg, thug Iosiah air falbh, agus rinn e riu a rèir nan uile ghnìomh a rinn e ann am Bet-el.

20 Agus mharbh e uile shagartan nan àitean àrda a *bha* 'n sin air na h-altairibh, agus loisg e cnàmhan dhaoine orra, agus phill e gu h-Ierusalem.

21 Agus dh'àithn an rìgh do'n t-sluagh uile, ag ràdh, Cumaibh a' chàisg do'n Tigh-earn bhur Dia, mar *tha* e sgriobhta ann an leabhar a' choimheangail so.

22 Gu cinnteach cha do chumadh a leithid so de chàisg, o làithibh nam breitheamh a thug breth air Israel, no ann an uile làithibh rìghrean Israeil, no rìghrean Iudah:

23 Ach anns an ochdamh bliadhna deng de rìgh Iosiah, chumadh a' chàisg so do'n Tighearn, ann an Ierusalem.

24 Os bàrr, na leannain-shith, agus an luchd-fiosachd, agus na dealbhan, agus na h-iodholan, agus gach uile ghràineileachd a chunnacas ann an tìr Iudah, agus ann an Ierusalem, chuir Iosiah air falbh, a chum gu'n coimhlionadh e briathran an lagha, a *bha* sgriobhta 's an leabhar a' fhuair Hileiah an sagart ann an tìgh an Tighearna.

25 Agus cosmhuil ris-san cha robh rìgh air bith roimhe, a phill a dh'ionnsuidh an Tighearna le 'uile chridhe, agus le 'uile anam, agus le 'uile neart, a rèir lagha Mhaois uile; agus 'n a dhéigh cha d'éirich a shamhuil.

26 Gidheadh, cha do phill an Tighearn o theas 'fheirge mòire, leis an do las 'fhearg an aghaidh Iudah, air son nan uile bhrosnachadh leis an do bhrosnaich Manaseh e.

27 Agus thubhairt an Tighearn, Atharr-aichidh mi Iudah mar an ceudna as mo shealladh, mar a dh'atharraich mi Israel, agus cuiridh mi cùl gu tur ris a' mhòr-bhaile so Ierusalem, a thagh mi, agus ris an tìgh mu'n dubhairt mi, Bithidh m'ainm an sin.

28 Agus a' chuid eile de ghnìomharaibh Iosiah, agus na h-uile nithean a rinn e, nach 'eil iad sgriobhta ann an leabhar eachdraidh rìghrean Iudah?

29 'N a làithibh-san chaidh Pharaoh-neeoh rìgh na h-Eiphit suas an aghaidh rìgh Asiria gu amhainn Euphrates: agus chaidh rìgh Iosiah 'n a aghaidh, agus mharbh esan e aig Megido 'n uair a chunnaic se e.

30 Agus ghiùlain a sheirbhisich e marbh ann an carbad o Mhegido, agus thug iad e gu h-Ierusalem, agus dh'adhlac iad e 'n e uaigh féin: agus ghabh sluagh na tìre Ie hoahas mac Iosiah, agus dh'ung iad e, agus rinn iad 'n a rìgh e 'an àit 'athar.



31 Tri bliadhna fichead a dh'aois *bha* Iehoahas an uair a thòisich e air rìoghachadh; agus rìghich e trì mìosan ann an Ierusalem: agus *b'e* ainm a mhàthar Hamutal, nighean Jeremiah o Libnah.

32 Agus rinn e olc ann an sùilbhan Tighearn', a réir nan uile *nithean* a rinn 'aithrichean.

33 Agus chuir Pharaoh-necho e ann an cuibhreachaibh aig Riblah, ann an tìr Hamait, a chum nach rìoghaicheadh e ann an Ierusalem; agus chuir e ceud tàlann airgid, agus tàlann òir, mar chùis air an tìr.

34 Agus rinn Pharaoh-necho Eliacim mac Iosiah 'n a rìgh 'an àit Iosiah 'athar, agus dh'atharraich e 'ainm gu Iehoiaim, agus thug e air falbh Iehoahas; agus thàinig e don Eiphit, agus dh'eug e an sin.

35 Agus thug Iehoiaim an t-airgiod agus an t-òr do Pharaoh: ach thug e faineair an tìr a mheas a chum gu'n iocadh iad an t-airgiod a réir àithne Pharaoh; dh'iarr e 'n t-airgiod agus an t-òr o shluagh na tìre, o gach neach a réir a mheas, gus a thabhairt do Pharaoh-necho.

36 Chig bliadhna fichead a dh'aois *bha* Iehoiaim an uair a thòisich e air rìoghachadh, agus rìghich e aon bliadhna deug ann an Ierusalem; agus *b'e* ainm a mhàthar Sebudah, nighean Phedaiiah o Rumah.

37 Agus rinn e olc ann an sùilbhan Tighearn', a réir nan uile *nithean* a rinn aithrichean.

## CAIB. XXIV.

1 Rinn Iehoiaim ceannairc an aghaidh Nebuchadnesair. 5 Fhuair e bàs, agus rìghich Iehoiachin 'n a àit. 7 Bhuadhaich rìgh Bhabiloìn air rìgh na h-Eiphit. 10 Ghlac Nebuchadnesair Ierusalem, agus thug e leis Iehoiachin 'am braighdeanas do Babilon. 17 Rinneadh Sedeciah 'n a rìgh 'n a àit.

**N** aithibh-san thàinig Nebuchadnesair rìgh Bhabiloìn a mìos, agus *bha* Iehoiaim 'n a sheirbhiseach aige trì bliadhna: an sin phill e agus rinn e ceannairc 'n a aghaidh.

2 Agus chuir an Tighearn 'n a aghaidh buidhnean de na Caldeanaich, agus buidhnean de na Sirianaich, agus buidhnean de na Moabaich, agus buidhnean de chloinn Amoin, agus chuir e iad an aghaidh Iudah g'a sgrios, a réir foicail an Tighearn', a labhair e le 'sheirbhiseach na faidhean.

3 Gu cinnteach air àithne an Tighearna thàinig *so* air Iudah, chum an atharrachadh as a shealladh air son pheacaidhean Mhanasch, a réir nan uile *nithean* a rinn e:

4 Agus mar an ceudna air son na fola neò-chiontaich a dhòirt e; oir lion e Ierusalem le fuil neò-chiontaich, nach maitheadh an Tighearn.

5 Agus a' chuid eile de ghnìomharaibh Iehoiaim, agus na h-uile *nithean* a rinn e,

nach 'eil iad sgrìobhta ann an leabhar cachdraidh rìghrean Iudah!

6 Agus choidil Iehoiaim maille r'a aithrichibh: agus rìghich Iehoiachin a mhac 'n a àit.

7 Agus cha dh'àinig rìgh na h-Eiphit ni's mò as a thìr féin: oir ghlac rìgh Bhabiloìn o amhainn na h-Eiphit gus an amlainn Euphrates, gach nì 'bu le rìgh na h-Eiphit.

8 Ochd bliadhna deug a dh'aois *bha* Iehoiachin an uair a thòisich e air rìoghachadh; agus rìghich e ann an Ierusalem trì mìosan: agus *b'e* ainm a mhàthar Nehusta, nighean Elnatain o Ierusalem.

9 Agus rinn e olc ann an sùilbhan Tighearn', a réir nan uile *nithean* a rinn 'athair.

10 Anns an àm sin thàinig seirbhisich Nebuchadnesair rìgh Bhabiloìn a mìos an aghaidh Ierusalem, agus theannaicheadh am baile.

11 Agus thàinig Nebuchadnesair rìgh Bhabiloìn an aghaidh a' bhaile, agus theannaich a sheirbhisich e.

12 Agus chaidh Iehoiachin rìgh Iudah a mach a dh'ionnsuidh rìgh Bhabiloìn, e féin, agus a mhàthair, agus a sheirbhisich, agus a cheannardan, agus a chaillteanaich: agus ghlac rìgh Bhabiloìn e 's an ochdamh bliadhna d'a rìoghachadh.

13 Agus thug e mach as a sin uile ionmhais tighe an Tighearn', agus ionmhais tighe an rìgh, agus ghearr e 'n am bloighdibh na soithichean òir uile a rinn Solamh rìgh Israeil ann an teampull an Tighearna, mar a labhair an Tighearn.

14 Agus thug e leis Ierusalem uile, agus na ceannardan uile, agus na daoine treuna uile, deich mìle de bhràighdibh, agus an luchd-ceirde uile, agus na goibhnean: cha d'fhan a h-aon ach bochdan sluagh na tìre.

15 Agus thug e leis Iehoiachin do Babilon, agus màthair an rìgh, agus mnathan an rìgh, agus a chaillteanaich, agus daoine cumhachdach na tìre; *iad sin* thug e leis 'am braighdeanas, o Ierusalem do Babilon:

16 Agus na daoine gaisgeil uile, seachd mìle, agus an luchd-ceirde agus na goibhnean, mìle, iadsan uile a *bha* comasach agus a dheanadh cogadh, cadhion iadsan thug rìgh Bhabiloìn 'am braighdeanas leis do Babilon.

17 Agus rinn rìgh Bhabiloìn Mataniah bràthair 'athar 'n a rìgh 'n a àit, agus dh'atharraich e 'ainm gu Sedeciah.

18 Bliadhna thar fhichead a dh'aois *bha* Sedeciah 'n uair a thòisich e air rìoghachadh; agus rìghich e aon bhliadhna deug ann an Ierusalem: agus *b'e* ainm a mhàthar Hamutal, nighean Jeremiah o Libnah.

19 Agus rinn e olc ann an sùilbhan an

Tighearn', a réir nan uile *nithean* a rinn Iehoiacim.

20 Oir troimh chorruidh an Tighearna bha e *mar sin* ann an Ierusalem agus ann an Iudah, gus an do thilg e as a làthair iad: agus rinn Sedeciah ceannaire an aghaidh rìgh Bhabìlòin.

## CAIB. XXV.

1 *Theannaich Nebuchadnesar Ierusalem. 4 Ghlac e Sedeciah, agus chuir e mach a shùilean. 8 Loisg Nebusaradan Ierusalem. 18 Mharbhadh uaislean Iudah aig Riblah. 23 Cuir Ismael Gedaliah gu bàs. 27 Nochd Ehhil-merodach caoimhneas do Iehoiachin.*

A GUS anns an naothamh bliadhna d'a rìoghachadh, 's an deicheamh mìos, air an deicheamh là de'n mhìos, thàinig Nebuchadnesar rìgh Bhabìlòin, e fèin agus 'armailt uile, an aghaidh Ierusalem, agus champaich e 'n a h-aghaidh; agus thog iad daingnichean 'n a h-aghaidh mu'n cuairt.

2 Agus bha am baile air a theannachadh gus an aon bhliadhna deug de rìgh Sedeciah.

3 Agus air an naothamh là de'n *cheathramh* mìos, bhuadhaich a' ghorta 's a' bhaile, agus cha robh aran ann do shluagh na tìre.

4 Agus bhriseadh sìos am baile, agus theich na fir-chogaidh uile 's an oidhche, air slighe a' gheata, eadar an dà bhalla, a *tha* làmh ri lìos an rìgh; (a nis *bha* na Caldeanaich an aghaidh a' bhaile mu'n cuairt;) agus dh'imich iad air an t-slighe dh'ionnsuidh a' chòmhnaird.

5 Agus lean armailt nan Caldeanach an rìgh, agus rug iad air ann an còmhnan-daibh Iericho; agus agus sgapadh 'armailt uile uath.

6 Mar sin ghlac iad an rìgh, agus thug iad suas e dh'ionnsuidh rìgh Bhabìlòin gu Riblah; agus thug esan breth air.

7 Agus mharbh e mic Shedeciah fa chomhair a shùil, agus chuir e a shùilean á Sedeciah, agus cheangail se e le geimhlìbh umha, agus thug e leis e do Bhabìlòin.

8 Agus anns a' chùigeamh mìos, air an t-seachdamh là de'n mhìos, b' i sin an naothamh bliadhna deug de rìgh Nebuchadnesar, rìgh Bhabìlòin;) thàinig Nebusar-adan ceannard an fhreiceadain, seirbhiseach rìgh Bhabìlòin, gu h-Ierusalem:

9 Agus loisg e tigh an Tighearn', agus tigh an rìgh, agus tighean Ierusalem uile; agus gach uile thigh mòr loisg e le teine.

10 Agus leag uile armailt nan Caldeanach, a *bha* maille ri ceannard an fhreiceadain, sìos ballachan Ierusalem mu'n cuairt.

11 Agus a' chuid eile de'n t-sluagh a dh'fhàgadh 's a' bhaile, agus an luchd-teichidh a chaidh thairis gu rìgh Bhabìlòin, maille ri fuigheall an t-sluaigh, thug Nebusar-adan ceannard an fhreiceadain air falbh leis.

12 Ach dh'fhàg ceannard an fhreiceadain

cuid de bhochdaibh na tìre, *gu bhì* 'n an luchd-deasachaidh fhìonaincan agus 'n an treabhaichibh.

13 Agus na puist umha a *bha* ann an tigh an Tighearna', agus na buinn, agus an fhairge umha a *bha* ann an tigh an Tighearna, bhris na Caldeanaich 'n am bloighdibh, agus thug iad leo an umha do Bhabìlòin.

14 Agus na poitean, agus na sluasaidean, agus na smàladairean, agus na spàinean, agus na soithichean umha uile leis an d'rinn iad frithealadh, thug iad leo.

15 Agus na h-aighnean teine, agus na cuachan, na *nithean* a *bha* dh' òr 'n a òr, agus a *bha* dh' airgid 'n a airgid, thug ceannard an fhreiceadain air falbh.

16 Dà phost, aon fhairge, agus na buinn a rinn Solamh air son tighe an Tighearna; bha umha nan soithichean sin uile gun tomhas:

17 Ochd làmhnan-coille deug àirde aoin phuist, agus an ceann-mullaich a *bh'air* a dh' umha; agus àirde a' chinn-mhullaich trì làmhnan-coille: agus an lìon-obair, agus na pomgranatan air a' cheann-mhullaich mu'n cuairt, iad sin uile de umha: agus an leithid sin *bha* aig an dara post, maille ri lìon-obair.

18 Agus ghlac ceannard an fhreiceadain Seraiah an t-àrd-shagart, agus Sephaniah an dara sagart, agus na trì dorsairean.

19 Agus as a' bhaile thug e aon chaillteanach, a *bha* os ceann nam fear-cogaidh, agus cuignear fhear dhiubhsan a *bha* 'n làthair an rìgh, a fhuaradh 's a' bhaile, agus àrd sgrìobhaiche na h-armailt, a *bha* 'teagasg cogaidh do shluagh na tìre, agus trì fichead fear de shluagh na tìre a fhuaradh 's a' bhaile.

20 Agus ghlac Nebusar-adan ceannard an fhreiceadain iad sin, agus thug e iad gu rìgh Bhabìlòin do Riblah.

21 Agus bhuail rìgh Bhabìlòin iad, agus mharbh e iad aig Riblah, ann an tìr Hamait. Agus thugadh Iudah air falbh as an tìr fèin.

22 Agus os ceann an t-sluaigh a dh'fhàgadh ann an tìr Iudah, a dh'fhàg Nebuchadnesar rìgh Bhabìlòin, eadhon os an ceann-san chuir e Gedaliah mac Ahicaim, mhic Shaphan.

23 Agus an uair a chual' uile cheannardan nan armailt, iad fèin agus an daoine, gu'n do rinn rìgh Bhabìlòin Gedaliah 'n a uachdaran, thàinig gu Gedaliah do Mhispah, eadhon Ismael mac Netaniah, agus Iohan-an mac Chareah, agus Seraiah mac Thanhumeit an Nectophatach, agus Iasaniah mac Mhaachataich, iad fèin agus an daoine.

24 Agus mhionnaich Gedaliah dhoibh, agus d'an daoinibh, agus thubhairt e riu, Na bitheadh eagail oirbh a bhì 'n ur seirbhisich do na Caldeanaich: gabhaibh còmh-



nuidh 's an tìr, agus deanaibh seirbhis do rìgh Bhabiloin, agus éiridh gu maith dhuibh.

25 Ach anns an t-seachdamh mìos, thàinig Ismael mac Netaniah, mhic Elisama, de'n t-sliochd rìoghail, agus deichnear fhear maille ris, agus bhuail iad Gedaliah air chor as gu'n d'eug e, agus na h-Iudhaich agus na Caldeanaich a bhia maille ris aig Mispah.

26 Agus dh'éirich an sluagh uile eadar bheag agus mhòr, agus ceannardan nan armait, agus thàinig iad do'n Eiphit: oir bha eagal nan Caldeanach orra.

27 Ach anns an t-seachdamh bliadhna deng thar fhichead de bhraighdeanas Iehoiachin rìgh Iudah, anns an dara mìos

deug, air an t-seachdamh là fichead de'n mhìos, thog Ebbil-merodach rìgh Bhabiloin, air a' bhliadhna anns an do thòisich e air rìoghachadh, suas ceann Iehoiachin rìgh Iudah á prìosan.

28 Agus labhair e gu caoimhneil ris, agus chuir e suas a rìgh-chaitir os ceann rìgh-chathrach nan rìgh, a bha maille ris ann am Babilon:

29 Agus mhùth e 'eudach-prìosain; agus dh'ith e aran a ghnàth 'n a làthair ré uile làithean a bheatha.

30 Agus bu chuibhrionn ghnàthaichte a chuibhrionn a thugadh dha o'n rìgh, cuid laitheil fa chomhair gach là, ré uile làithean a bheatha.

## CEUD LEABHAR

NAN

# E A C H D R A I D H.

### CAIB. I.

1 *Sliochd Adhaimh gu Noah.* 5 *Mic Iapheit.* 8 *Mic Ham.* 17 *Mic Sheim.* 24 *Sliochd Sheim gu Abraham.* 29 *Mic Ismaeil.* 32 *Mic Cheturah.* 36 *Sliochd Abraham le Esau, &c.*

**A** DHAMH, Set, Enos,  
2 Cenán, Mahaleel, Iered,  
3 Henoch, Metuselah, Lamech,  
4 Noah, Sem, Ham, agus Iaphet.

5 Mic Iapheit; Gomer, agus Magog, agus Madai, agus Iabhan, agus Tubal, agus Mesech, agus Tiras.

6 Agus mic Ghomeir; Aschenas, agus Riphath, agus Togarmah.

7 Agus mic Iabhain; Elisah, agus Tarsis, Citim, agus Dodanim.

8 Mic Ham; Cus, agus Misraim, agus Phut, agus Canaan.

9 Agus mic Chuis; Seba, agus Habhilah, agus Sabta, agus Raamah, agus Sabtecha; agus mic Raamah; Seba agus Dedan.

10 Agus ghin Cus Nimrod: thòisich esan air a bhi cumhachdach air an talamh.

11 Agus ghin Misraim na Ludaich, agus na h-Anamaich, agus na Lebabaich, agus na Naphtulaich,

12 Agus na Patrusaich, agus na Casluhaich, (o'n d'fhàinig na Philistich,) agus na Caphtoraich.

13 Agus ghin Canaan Sidon a cheud-ghin, agus Het,

14 Agus an t-Iebusach, agus an t-Amorach, agus an Gargasach,

15 Agus an t-Ibheach, agus an t-Archach, agus an Sineach,

16 Agus an t-Arbhadach, agus an Semarach, agus an t-Hamatach.

17 Mic Sheim; Elam, agus Asur, agus Arphacsad, agus Lud, agus Aram; agus mic Aram Us, agus Hul, agus Geter, agus Mesech.

18 Agus ghin Arphacsad Selah, agus ghin Selah Eber.

19 Agus do Eber rugadh dithis mhac: b'e ainm aoin diubh Peleg, a chionn 'n a làithibh-san gu'n do roinneadh an talamh; agus ainm a bhràthar Ioctan.

20 Agus ghin Ioctan Almodad, agus Seleph, agus Hasarnabhet, agus Ierah,

21 Agus Hadoram, agus Usal, agus Dielah,

22 Agus Ebal, agus Abimael, agus Seba,

23 Agus Ophir, agus Habhilah, agus Iobab. *B'iad sin uile mic Ioctain.*

24 Sem, Arphacsad, Selah,

25 Eber, Peleg, Reu,

26 Serug, Nahor, Terah,

27 Abram, *is e sin Abraham.*

28 Mic Abraham; Isaac agus Ismael.

29 *Is iad so an ginealaich:* Ceud-ghin Ismaeil, Nebaiot; an sin Cedar, agus Adbeel, agus Mibsam,

30 Misma, agus Dumah, Masa, Hadad, agus Tema,

31 Ietur, Naphis, agus Cedemah. *Is iad sin mic Ismaeil.*

32 Agus mic Cheturah, coimhlcabach Abraham: rug ise Simran, agus Ioesan, agus Medan, agus Midian, agus Isbac, agus Suah. Agus mic Ioesau; Seba, agus Dedan.

33 Agus mic Mhidiaín; Ephah, agus Ephér, agus Henoch, agus Abida, agus Eldaah. *Is iad* sin uile mic Cheturah.

34 Agus ghin Abraham Isaac. Mic Isaac; Esau agus Israel.

35 Mic Esau; Eliphás, Reuel, agus Ieus, agus Iaalán, agus Corah.

36 Mic Elipháis; Teman, agus Omar, Sephi, agus Gatan, agus Cénas: agus rug Timna, coimhleabach Elipháis, dha Amalec.

37 Mic Reueil; Nahat, Serah, Samah, agus Midsah.

38 Agus mic Shcír; Lotan, agus Sobal, agus Sibeon, agus Anah, agus Dison, agus Eser, agus Disan.

39 Agus mic Lotain; Hori, agus Homam: agus *b'i* Timna piuthar Lotain.

40 Mic Shobail; Alian, agus Manahat, agus Ebal, Sephi, agus Onam. Agus mic Shibeoin; Aiah, agus Anah.

41 Mic Anah; Dison. Agus mic Dhisoin; Amram, agus Esban, agus Itran, agus Cheran.

42 Mic Eiscir; Bilhan, agus Sabhan, agus Iacan. Mic Dhisain; Ús, agus Aran.

43 A nis *is iad* so na rìghrean a rìghich ann an tìr Edoim, mun do rìghich rìgh air bith os ceann chloinn Israeil; Bela mac Bheoir: agus *b'e* ainm a bhaile Dìnhabab.

44 Agus dh'eug Bela; agus rìghich Iobab, mac Sherah o Bhosrah, 'n a àit.

45 Agus dh'eug Iobab; agus rìghich 'n a àit Husam o thìr nan Temanach.

46 Agus dh'eug Husam; agus rìghich Hadad mac Bhedaid (a bhuail Midian ann am machair Mhoaid) 'n a àit: agus *b'e* ainm a bhaile Abhit.

47 Agus dh'eug Hadad; agus rìghich Samlah o Mhasrecah 'n a àit.

48 Agus dh'eug Samlah; agus rìghich Saul o Rehobot làimh ris an amhainn 'n a àit.

49 Agus dh'eug Saul; agus rìghich Baalhanan mac Achboir 'n a àit.

50 Agus dh'eug Baalhanan; agus rìghich Hadad 'n a àit: agus *b'e* ainm a bhaile Pau; agus *b'e* ainm a mhàna Mehetabel, nighean Mhatreid, nighinn Mhesahaib.

51 Dh'eug Hadad mar an ceudna. Agus *b'iad* cinn-fheadhna Edoim; Timnah ceann-fheadhna, Aluah ceann-fheadhna, Ietet ceann-fheadhna,

52 Aholibamah ceann-fheadhna, Elah ceann-fheadhna, Pinon ceann-fheadhna,

53 Cenes ceann-fheadhna, Teman ceann-fheadhna, Mibsar ceann-fheadhna,

54 Magdiel ceann-fheadhna, Iram ceann-fheadhna. *Is iad* sin cinn-fheadhna Edoim.

## CAIB. II.

1 Mic Israeil. 3 Sliochd Iudah le Tamar. 13

Mic Iese. 18 Sliochd Chaleib mhic Hesroin.

25 Sliochd Ierahmeil. 34 Sliochd Shesain.

50 Sliochd Chaleib mhic Huir.

*Is iad* so mic Israeil; Reuben, Simeon, Lebbi, agus Iudah, Isachar, agus Sebulun,

3 Dan, Ioseph, agus Benjamin, Naphtali, Gad, agus Aser.

3 Mic Iudah; Er, agus Onan, agus Selah: rugadh dha an triuir so le nighinn Shuah a' Bhan-chanaanaich. Agus bha Er ceud-ghin Iudah ole ann an sùilibh an 'Tighearn', agus mharbh se e.

4 Agus rug Tamar a bhan-chliamhuin dha Phares agus Serah. *B'iad* uile mhic Iudah cùignear.

5 Mic Phareis; Hesron agus Hamul.

6 Agus mic Sherah; Simri, agus Etan, agus Heman, agus Calcol, agus Dara: cùignear dhiubh uile.

7 Agus mic Charmi; Achar, fear-buairesis Israeil, a chiontaich anns an nì mhallaichte.

8 Agus mic Etain; Asariah.

9 Agus mic Hesroin, a rugadh dha; Ierah-meel, agus Ram, agus Chelubai.

10 Agus ghin Ram Aminadab, agus ghin Aminadab Nahson, ceannard chloinn Iudah;

11 Agus ghin Nahson Salma, agus ghin Salma Boas,

12 Agus ghin Boas Obed, agus ghin Obed Iese,

13 Agus ghin Iese a cheud-ghin Eliab, agus Abinadab an dara mac, agus Sima an treas,

14 Netaneel an ceathramh, Radaí an cùig-eamh,

15 Osem an seathamh, Daibhidh an seachdamh:

16 Agus *b'iad* am peathraichean-san Seruah agus Abigail. Agus mic Shcrual; Abisai, agus Ioab, agus Asahel, triuir.

17 Agus rug Abigail Amasa: agus *b'e* athair Amasa, Ieter an t-Ismeeach.

18 Agus ghin Caleb mac Hesroin ri Asubai a mhnaoi, Ieriot: *b'iad* so mar an ceudna a mic, Ieser, agus Sobab, agus Ardon.

19 Agus an uair a bha Asubah marbh, ghabh, Caleb d'a ionnsuidh Ephrat, a rug Hur dha.

20 Agus ghin Hur Uri, agus ghin Uri Besaleel.

21 Agus 'n a dhéigh sin chaidh Hesron a steach a dh'ionnsuidh nighinn Mhachir, athar Ghilead, agus ghabh e i 'n uair a bha e trì fichead bliadhna dh'aois; agus rug i dha Segub.

22 Agus ghin Segub Iair, aig an robh trì thar fhichead de bhailtibh mora ann an tìr Ghilead.

23 Agus thug e Gesur agus Aram le bailtibh Iair natha, maille ri Cenat agus a bhailtibh, *eadhon* trì fichead baile mòr: *bhuin iad* sin uile do mhacaibh Mhachir, athar Ghilead.

24 Agus an déigh do Hesron bàs fhaghail ann an Caleb-ephrah, an sin rug Abiah bean Hesroin Asur athair Thecoah dha.

25 Agus *b'iad* mic Ierahmeil ceud-ghin



# 1 EACHDRAIDH, III.

Hesroin, Ram an ceud ghin, agus Bunah, agus Oren, agus Osem, agus Ahiah.

26 Bha mar an ceudna bean cile aig Ierahmeel d'am ùainm Atarah; b'ise màthair Onaim.

27 Agus b'iad mic Ram ceud-ghin Ierahmeel, Maas, agus Iamin, agus Ecer.

28 Agus b'iad mic Onaim, Samai, agus Iada. Agus mic Shamai; Nadab agus Abisur.

29 Agus ùe ainm mnà Abisuir, Abihail; agus rug i dha Ahban agus Molid.

30 Agus mic Nadaib; Seled agus Apaim: ach fhuair Seled bàs gun chlann.

31 Agus mic Apaim; Isi. Agus mic Isi; Sesan. Agus mic Shesain; Ahlai.

32 Agus mic Iada bràthar Shamai; Ieter, agus Ionatan: agus fhuair Ieter bàs gun chlann.

33 Agus mic Ionatain; Pelet, agus Sasa. B'iad sin mic Ierahmeel.

34 A nis cha robh aig Sesan mic ach nigh-eanan: agus bha aig Sesan òglach, Eiphiteach, d'am ùainm Iarha.

35 Agus thug Sesan a nighcan d'a òglach Iarha 'n a mnaoi; agus rug i dha Atai.

36 Agus ghin Atai Natan, agus ghin Natan Sabad,

37 Agus ghin Sabad, Ephlal, agus ghin Ephlal Obed,

38 Agus ghin Obed Iehu, agus ghin Iehu Asariah,

39 Agus ghin Asariah Heles, agus ghin Heles Eleasah,

40 Agus ghin Eleasah Sisamai, agus ghin Sisamai Salum,

41 Agus ghin Salum Iecamiah, agus ghin Iecamiah Elisama.

42 A nis b'iad mic Chaleib bràthar Ierahmeel, Mesa a cheud-ghin; ùesan athair Shiph; agus mic Mhairesah athar Hebroin.

43 Agus mic Hebroin; Corah, agus Tapuah, agus Recem, agus Sema.

44 Agus ghin Sema Raham, athair Iorcoaim: agus ghin Recem Samai.

45 Agus ùe mac Shamai Maon: agus ùe Maon athair Bhet-suir.

46 Agus rug Ephah coimhleabach Chaleib Haran, agus Mesa, agus Gases: agus ghin Haran Gases.

47 Agus mic Iahdai; Regem, agus Iotam, agus Gesan, agus Pelet, agus Ephah, agus Saaph.

48 Rug Maachah coimhleabach Chaleib Seber agus Tirhanah.

49 Rug i mar an ceudna Saaph athair Mhadmanah, Sebhah athair Mhachbenah, agus athair Ghibeah: agus ùi nighcan Chaleib Achsa.

50 B'iad so mic Chalcib mhic Huir, ceud-ghin Ephratah; Sobal athair Chiriat-earim,

51 Salma athair Bhet-lehem, Hareph athair Bhet-gadair.

52 Agus bha aig Sobal athair Chiriat-earim mic; Haroeh, Hatsi; Hameniot.

53 Agus teaghlaichean Chiriat-icairim; na h-Itrich, agus na Puthich, agus na Sumataich, agus na Misraich: uathia-san thàinig na Sareataich, agus na h-Estaulaich.

54 Mic Shalma; Bet-lehem, agus na Neto-phataich, Atarot, tigh Ioaib, agus leth nam Manaheteach, na Soraich.

55 Agus teaghlaichean nan sgrìobhaich a bha 'chòmhnuidh aig Iabes; na Tirataich, na Simeataich, agus na Suchataich. Is iad sin na Cench a thàinig o Hemat, athair tighe Rechab.

## CAIB. III.

1 Mic Dhaibhidh. *Slìochd Sholaimh gu Sede-  
ciah. 17 Slìochd Ieconiah.*

**A**NIS b'iad so mic Dhaibhidh, a rugadh dha ann an Hebron: an ceud-ghin Amnon o Ahinoam a' Bhan-iesreeleach; an dara mac, Daniel o Abigail a' Bhan-charmeleach:

2 An treas mac, Absalom mac Mhaachah, nighinn Thalmair rìgh Ghesuir: an ceathramh, Adoniah mac Hagit:

3 An cùigeamh, Sephatiah o Abital: an sèathamh, Iream le Eglah a mnaoi.

4 Rugadh an t-sèathnar sin dha ann an Hebron; agus ann an sin rìghich e seachd bliadhna agus sè mìosan: agus ann an Ierusalem rìghich e trì bliadhna deug thar fhichead.

5 Agus rugadh iad so dha ann an Ierusalem; Simea, agus Sobab, agus Natan, agus Solamh, ceathrar, o Bhatseba nighinn Amiel:

6 Ibhar mar an ceudna, agus Elisama, agus Eliphelet.

7 Agus Nogah, agus Nepheg, agus Iaphia, 8 Agus Elisama, agus Eliada, agus Eliphelet, naonar.

9 B'iad sin mic Dhaibhidh uile, a bhàrr air macaibh nan coimhleabach, agus Tamar am piuthar.

10 Agus ùe mac Sholaimh Rehoboam, Abia a mhac-san, Asa a mhac-san Iehosaphat a mhac-san,

11 Ioram a mhac-san, Ahasiah a mhac-san, Ioas a mhac-san,

12 Amasiah a mhac-san, Asariah a mhac-san, Iotam a mhac-san,

13 Ahas a mhac-san, Hesechia a mhac-san, Manaseh a mhac-san,

14 Amon a mhac-san, Iosiah a mhac-san.

15 Agus b'iad mic Iosiah; an ceud-ghin Iohanan, an dara mac Iehoiacim, an treas mac Sedeciah, an ceathramh, Salum.

16 Agus mic Iehoiacim; Ieconiah a mhac, Sedeciah a mhac.

17 Agus mic Ieconiah; Asir, Salatiel a mhac,

18 Agus Malchiram, agus Pedaiah, agus Senasar, Iecamiah, Hosama, agus Neda-biah.

# 1 EACHDRAIDH, IV.

19 Agus *Viad* mic Phedaiah Scrubabel, agus Simeì: agus mic Sherubabel; Mesulan, agus Hananiah; agus Selomit am piuthar:

20 Agus Hasubah, agus Ohel, agus Berechiah, agus Hasadiah, Iusab-hesed, cùighear.

21 Agus mic Hananiah; Pelatiah, agus Iesaniah a mhac-san, Rephaiah a mhac-san, Arian a mhac-san, Obadiah a mhac-san, Sechaniah a mhac-san.

22 Agus mic Shechaniah; Semaiah: agus mic Shemaiah; Hatus, agus Igeal, agus Bariah, agus Neariah, agus Saphat, sèathnar.

23 Agus mic Neariah; Elioenai, agus Heciah, agus Asricam, trìuir.

24 Agus *Viad* mic Elioenai; Hodaiah, agus Eliasib, agus Pelaiah, agus Acub, agus Iohanan, agus Dalaiah, agus Anani, seachdnar.

## CAIB. IV.

1 *Sliochd Iudah le Calèh mac Huir.* 5 *Sliochd Asuir.* 21 *Sliochd Shelah.*

**M**IC Iudah; Phares, Hesron, agus Carmi, agus Huur, agus Sobal.

2 Agus ghin Reaiah mac Shobail Iahat; agus ghin Iahat Ahumai, agus Lahad. *Is iad* sin teaghlaichean nan Soratach.

3 Agus *thàinig iad* so o athair Etain; Iesreel, agus Isma, agus Idbas: agus *b'e* amm am peathar Haseleponi.

4 Agus Penuel athair Ghedoir, agus Eser athair Husah. *Is iad* sin mic Huir, ceudghin Ephratah, athar Bhet-lehem.

5 Agus bhia aig Asur athair Thecoah dà uhnai, Helah agus Naarah.

6 Agus rug Naarah dha Ahusam, agus Hephher, agus Temeni, agus Haahastari. *B'iad* sin mic Naarah.

7 Agus *b'iad* mic Helah, Seret, agus Iesoar, agus Etnan.

8 Agus ghin Cos Anub, agus Sobebah, agus teaghlaichean Aharheil, mhic Haruim.

9 Agus bha Iabes nì b'urramaiche na a bhràithrean: agus thug a mhàthair Iabes mar ainm air, ag ràdh, A chionn gu'n d'rug mi e le doilgheas.

10 Agus ghairm Iabes air Dia Israeil, ag ràdh, O gu'm beannaicheadh tu mi da rìreadh, agus gu'n cuireadh tu mo chrìoch-an'am farsaingeachd, agus gu'm bitheadh do làmh leam, agus gu'n gleidheadh tu mi o ole, a chum nach eràidh e mi! Agus dhèanaich Dia dha an nì sin a ghuidh e.

11 Agus ghin Chelub bràthair Shuah Mehìr: *b'esan* athair Estein.

12 Agus ghin Estein Betrapha, agus Paseah, agus Tchinah athair Irnahais. *Is iad* sin fir Rechah.

13 Agus mic Chenais; Otniel, agus Seraiah: agus mic Otniel; Hatat.

14 Agus ghin Meonotai Ophrah: agus ghin Seraiah Ioab, athair *muinntir* glinne Charasaim; oir bu luchd-ceirde iad.

15 Agus mic Chaleib mhic Iephunch; Iru, Elah, agus Naam: agus mic Elah; Cenas.

16 Agus mic Ichaleleil; Siph, agus Siphah, Tiria, agus Asarcel.

17 Agus *Viad* mic Esra, Ieter, agus Mered, agus Ephher, agus Ialon: agus rug i Miriam, agus Samai, agus Isbah athair Estemoa.

18 Agus rug a bhean Ichudiah Iered athair Ghedoir, agus Heber athair Shiocho, agus Iecutiel athair Shanoah. Agus *is iad* sin mic Bhithia nighinn Pharaoh, a ghabh Mered 'n a mnaoi.

19 Agus mic a mhnà Hodiah, peathar Nahaim, athar Cheilah a' Gharmaich, agus Estemoa a' Mhaachataich.

20 Agus *Viad* mic Shimoìn, Ammon, agus Rinah, Ben-hanan, agus Tilon. Agus *b'iad* mic Isi, Sohet, agus Ben-sohet.

21 *B'iad* mic Shelah mhic Iudah, Er athair Lecah, agus Laadah athair Mhar-esah, agus teaghlaichean tighe na muinntir a dh'oilbrich anart grinn de thigh Asbea.

22 Agus Iocim, agus daoine Choseba, agus Ioas, agus Saraph, aig an robh an uachdararachd ann am Moab, agus Iasubilehem. Agus *is* seann nithean *iad sin*.

23 *B'iad* sin na criadhadairean, agus iad-san a chòmhnuich am measg lus an agus ghàraidhean: maille ris an rìgh 'n a obair dh'fhan iad an sin.

24 *B'iad* mic Shimeoin, Nemuel, agus Iamin, Iarib, Serah, agus Saul:

25 Salum a mhac-san, Mibsam a mhac-san, Misma a mhac-san.

26 Agus mic Mhisma; Hamuel a mhac, Sachur a mhac-san, Simeì a mhac-san.

27 Agus *bha* aig Simeì sè mic deug agus sèathnar nighean: ach aig a bhràithribh cha robh mòran cloinne, agus cha deachaidh an teaghlaichean uile ann an lìonmhoireachd, cosmhail ri cloinn Iudah.

28 Agus chòmhnuich iad ann am Beer-seba, agus Moladah, agus Hasarsual,

29 Agus ann am Bilhah, agus ann an Esem, agus ann an Tolad,

30 Agus ann am Betuel, agus ann an Hormah, agus ann an Siclag,

31 Agus ann am Bet-mareabot, agus ann am Hasar-susim, agus ann am Bet-berei, agus ann an Saaraim. *B'iad* sin am bailtean mòra, agus an do rìghich Daibhidh, maille ri'm bailtibh beaga.

32 Etan mar an ceudna, agus Ain, Rimon, agus Tochen, agus Asau, cùig bailtean mòra;

33 Agus am frith-bhailtean uile a *bha* mu'n cuairt air na mòr-bhailtibh sin gu ruig Baal. *B'iad* sin an ionadan-tàmh, agus an sloinneadh.

34 Agus Mesobab, agus Iamlech, agus Iosah mac Amasiah,



# 1 EACHDRAIDH, V.

35 Agus Ioeil, agus Iehu mac Iosibiah, mhic Sheraiah, mhic Aseil,

36 Agus Elioenai, agus Iaacobah, agus Iesohaiah, agus Asajah, agus Adiel, agus Iesimiel, agus Benaiah,

37 Agus Sisa mac Shiphi, mhic Aloid, mhic Iedaiah, mhic Shimri, mhic Shemaiah.

38 *Bha* iad sin a *tha* air an aithris air an ainmibh 'n an ceannardaibh 'n an teaghlachean féin: agus ann an tigh an aithrichean mbeudaich iad gu mòr.

39 Agus chaidh iad gu ruig dol a steach Ghedoir, *eadhon* gu ruig taobh an ear a' ghlinne, a dh'iarraidh ionaltraidh d'an treudaibh.

40 Agus fhuair iad ionaltradh reamhar agus maith, agus *bha* an tìr farsaing, agus samhach, agus sìochail: oir *bha sìochd* Ham a chòmhnuidh an sin roimhe.

41 Agus thàinig iadsan a *tha* sgrìobhta air an ainm, ann an làithibh Heseciah rìgh Iudah, agus bhuail iad am bùthan, agus na h-ìouadan-còmhnuidh a fhuaradh an sin, agus chuir iad as doibh gu tur gus an là'n diugh, agus ghabh iad còmhnuidh 'n an àite; a chionn gu' *n robh* ionaltradh an sin d'an treudaibh.

42 Agus chaidh *cuid* diubbh, *eadhon* de mhacaibh Shimeon, cùig ceud fear, gu sliabh Sheir; agus Pelatiah, agus Neariah, agus Rephaiah, agus Udsiel, mic Isi air an ceann.

43 Agus bhuail iad am fuigheall a chaidh as de Amalec, agus còmhnuidh iad an sin gus an là'n diugh.

## CAIB. V.

1 *Sìochd Reubein (a chaill a chòir-bhreith) gus an d'thugadh air falbh iad ann am braigheanas. 11 Cinn-fheadhna Ghad. 18 Aireamh agus treubhantas mhac Reubein, Ghad, agus leth-thréibh Mhanaseh.*

**A**NIS *Viad* mic Reubein, ceud-ghin Israel, (oir 'b'esan an ceud-ghin; ach a chionn gu'n do thruaill e leabadh athar, thugadh a chòir-bhreith do mhacaibh Ioseph mhic Israel: agus cha-n'eil na ginealaich gu bhli air an àireamh a réir na còir-bhreithe.

2 Oir buadhaich Iudah air a bhràithribh, agus uaith-san *thàinig* an t-àrd riaghladair, ach bu le Ioseph a' chòir-bhreith;)

3 Mic Reubein, ceud-ghin Israel; Hanoch, agus Palu, Hesron, agus Carmi.

4 Mic Ioeil; Semaiah a mhac, Gog a mhac-san, Simeì a mhac-san,

5 Micah a mhac-san, Reaia a mhac-san, Baal a mhac-san,

6 Beerah a mhac-san, a thug Tiglat-pilneser, rìgh Asiria, air falbh leis: 'b'esan uachdaran nan Reubeneach.

7 Agus *bha* 'bhràithrean a réir an teaghlachan, ('nuair a dh'airmheadh an sloinn-

cadh a réir an ginealach,) 'n an cinn-fheadhna, Ieiel, agus Sechariah,

8 Agus Bela mac Asaiah, mhic Shema, mhic Ioeil, aig *an robh* a chòmhnuidh ann an Aroer, eadhon gu ruig Nebo, agus Baalmeon:

9 Agus a làimh na h-àirde 'n ear chòmhnuich e gu ruig dol a steach an fhàsaich o'n amhainn Euphrates; a chionn gu'n d'fhàs an spréidh ro lìonmhor ann am fearann Ghilead.

10 Agus ann an làithibh Shaul rinn iad cogadh ris na Hagaraich, a thuit le'n làimh: agus còmhnuich iad 'n am bùthaibh-san air feadh uile aghaidh na h-àird' an ear de Ghilead.

11 Agus còmhnuich clann Ghad thall fa'n comhair, ann an tìr Bhàsain gu ruig Saleah:

12 Ioeil an ceann, agus Saphan a b'fhaisge, agus Iaanai, agus Saphat ann am Basan.

13 Agus *viad* am bràithrean de thigh an aithrichean, Michael, agus Mesulam, agus Seba, agus Iorai, agus Iachan, agus Sia, agus Heber, seachdnar.

14 *Is iad* sin clann Abihail mhic Huri, mhic Ieroah, mhic Ghilead, mhic Mhicheail, mhic Iesai, mhic Iahdo, mhic Bhuis:

15 Ahi mac Abdieil, mhic Ghuni, ceann tighe an aithrichean.

16 Agus ghabh iad còmhnuidh ann an Gilead, ann am Bàsan, agus 'n a bhailtibh, agus ann an uile fhearann chomh-roinn Sharoin, air an crìochaibh.

17 Dh'airmheadh iad sin uile le sloinntaireachd ann an làithibh Iotaim rìgh Iudah, agus ann an làithibh Ieroboam rìgh Israel.

18 *Bha* mic Reubein, agus na Gadaich, agus leth-thréibh Mhanaseh, de fhearaibh treuna, fir chomasach gu sgiath agus claidheamh iomchar, agus gu tilgeadh le bogha, agus teòma air cogadh, ceithir agus dà fhichead mìle, agus seachd ceud agus trì fichead *'an àireamh*, chaidh a mach gu cogadh.

19 Agus rinn iad cogadh ris na Hagaraich, agus ri Ietur, agus Nephtis, agus Nodab;

20 Agus chuidicheadh leo 'n an aghaidh, agus thugadh thairis 'n an làimh na Hagaraich, agus iadsan uile a *bha* maille ri: oir dh'éigh iad ri Dia anns a' chath, agus dh'aontaich esan le'n guidhe, a chionn gu'n d'earb iad as.

21 Agus thug iad leo am feudail; d'an càmhalaibh deich agus dà fhichead mìle, agus de chaorich dà cheud agus leth cheud mìle, agus de asalaibh dà mhìle, agus de dhaoinibh ceud mìle:

22 Oir thuit mòran sìos air am marbhadh, a chionn gu'n *robh* an cogadh o Dhia. Agus ghabh iad còmhnuidh 'n an àite gu ruig am braigheanas.

23 Agus còmhnuich clann leth-thréibh

Mhanaseh anns an tìr, o Bhàsan gu Baal-hermon, agus Senir, agus gu sliabh Hermoin, agus dh'fhàs iad lionmhor.

24 Agus b'iad so cinn tighe an aithrichean, eadhon Ephraim, agus Isi, agus Eliel, agus Asriel, agus Jeremiah, agus Hodabbiah, agus Iahdiel, daoine treunmhor, daoine ainmeil, cinn tighe an aithrichean.

25 Ach chiontaich iad an aghaidh Dhé an aithrichean, agus chaidh iad le striopachas an déigh dhiathan muinntir na tíre, a sgríos Dia rompa.

26 Agus dhùisg Dia Israeil suas spiorad Phul rìgh Asiria, agus spiorad Thiglat-pilnèseir rìgh Asiria, agus thug e leis iad, (eadhon na Reubenich, agus na Gadaich, agus leth-thréibh Mhanaseh,) agus thug e iad gu Halah, agus Habor, agus Hara, agus gu amhainn Ghosain, agus an là'n diugh.

# CAIB. VI.

1 Mic Lebhi. 4 Shiochd Eleasair gu ruig am braighdeanas. 20 Mic Ghersein, Chohait, agus Mherari. 49 Dreuchd Aaroin: 50 A shiochd gu ruig Ahimaas.

MIC Lebhi; Gerson, Cohat, agus Merari.

2 Agus mic Chohait; Amram, Ishar, agus Hebron, agus Udsiel.

3 Agus mic Amram; Aaron, agus Maois, agus Miriam. Agus mic Aaroin; Nadab, agus Abihu, Eleasar, agus Itamar.

4 Ghin Eleasar Phinehas, agus ghin Phinehas Abisua,

5 Agus ghin Abisua Buci, agus ghin Buci Udsi,

6 Agus ghin Udsi Serahiah, agus ghin Serahiah Meraiot,

7 Ghin Meraiot Amariah, agus ghin Amariah Ahitub,

8 Agus ghin Ahitub Sadoc, agus ghin Sadoc Ahimaas,

9 Agus ghin Ahimaas Asariah, agus ghin Asariah Iohanan.

10 Agus ghin Iohanan Asariah, (esan a bha 'frithealadh ann an dreuchd an t-sagairt anns an tigh a thog Solamh ann an Ierusalem,)

11 Agus ghin Asariah Amariah, agus ghin Amariah Ahitub,

12 Agus ghin Ahitub Sadoc, agus ghin Sadoc Salum,

13 Agus ghin Salum Hilciah, agus ghin Hilciah Asariah,

14 Agus ghin Asariah Seraiah, agus ghin Seraiah Iehosadac,

15 Agus chaidh Iehosadac 'am braighdeanas, an uair a thug an Tighearn air falbh Iudah agus Ierusalem le làimh Nebuchadnesair.

16 Mic Lebhi; Gerson, Cohat, agus Merari.

17 Agus is iad so ainmean mhac Ghersein; Libni, agus Sime.

18 Agus b'iad mic Chohait, Amram, agus Ishar, agus Hebron, agus Udsiel.

19 Mic Mherari; Mahli, agus Musi. Agus is iad so teaghlaichean nan Lebhitheach, a réir an aithrichean:

20 O Ghersein; Libni a mhac, Iahat a mhac-san, Simah a mhac-san,

21 Ioah a mhac-san, Ido a mhac-san, Serah a mhac-san, Ieaterai a mhac-san.

22 Mic Chohait; Aminadab a mhac, Corah a mhac-san, Asir a mhac-san,

23 Elcanah a mhac-san, agus Ebiasaph a mhac-san, agus Asir a mhac-san,

24 Tahat a mhac-san, Uriel a mhac-san Udsiah a mhac-san, agus Saul a mhac-san.

25 Agus mic Elcanah; Amasai, agus Ahimot:

26 Elcanah a mhac-san, Sophai a mhac-san, agus Nahat a mhac-san,

27 Eliab a mhac-san, Ieroham a mhac-san, Elcanah a mhac-san,

28 Agus mic Shamueil; an ceud-ghin Joel, agus an dara Abiah.

29 Mic Mherari; Mahli, Libni a mhac-san, Sime a mhac-san, Udsa a mhac-san,

30 Simea a mhac-san, Hagiah a mhac-san, Asaiah a mhac-san.

31 Agus is iad sin iadsan a chuir Daibhidh os ceann seirbhís a' chiùil ann an tigh an Tighearn, an déigh do'n àire fois fhaighail.

32 Agus bha iad a' frithealadh fa chomhair pàilliuin bùtha a' choimhthionail le ceòl, agus an do thog Solamh tigh an Tighearn ann an Ierusalem; agus an sin dh'fheith iad air an dreuchd a réir an orduigh.

33 Agus is iad so iadsan a bha 'feitheamh, le'n cloinn: de mhacaibh nan Cohatach; Heman am fear-ciùil, mac Ioeil, mhic Shemueil,

34 Mhic Elcanah, mhic Ierohaim, mhic Elieil, mhic Thoah,

35 Mhic Shuph, mhic Elcanah, mhic Mhahait, mhic Amasai,

36 Mhic Elcanah, mhic Ioeil, mhic Asariah, mhic Shephaniah,

37 Mhic Thahait, mhic Asir, mhic Ebiasaph, mhic Chorah,

38 Mhic Ishair, mhic Chohait, mhic Lebhi, mhic Israeil.

39 Agus a bhràthair Asaph, (a sheas air a làimh dheis,) eadhon Asaph mac Bherachiah, mhic Shimea,

40 Mhic Mhichacil, mhic Bhaaseiah, mhic Mhalchiah,

41 Mhic Etni, mhic Sherah, mhic Adaiah, 42 Mhic Etain, mhic Shimah, mhic Shimeil,

43 Mhic Iahait, mhic Ghersein, mhic Lebhi.

44 Agus am bràithrean mic Mherari air an làimh chli; Etan mac Chisi, mhic Abdi, mhic Mhaluich,



45 Mhic Hasabiah, mhic Amasiah, mhic Hilciah,

46 Mhic Amsi, mhic Bhani, mhic Shameir,

47 Mhic Mhahli, mhic Mhusi, mhic Mherari, mhic Lebhi.

48 Dh' orduich eadh mar an ceudna am bràithrean na Lebhithich chum uile ghnè sheirbhis pàilluin tìghe Dhé.

49 Ach thug Aaron agus a mhic suas tabhartais air altair na h-ìobairt-loisgte, agus air altair na tùise; agus dh'orduich eadh iad chum uile oibre an ionaid ro naoimh, agus a chum réite a dheanamh air son Israeli, a réir gach uì a dh'àitlm Maois òglach Dhé.

50 Agus is iad so mic Aaroin; Eleasar a mhac, Phinehas a mhac-san, Abisua a mhac-san,

51 Buci a mhac-san, Udsi a mhac-san, Searahiah a mhac-san.

52 Meraiot a mhac-san, Amariah a mhac-san, Ahitub a mhac-san,

53 Sadoc a mhac-san, Alimaas a mhac-san.

54 Agus is iad so an àiteachan-còmh-nuidh, air feadh an lùchairtean 'n an crìochaibh, de mhacaibh Aaroin, de theaghlachibh nan Cohatach; oir bu leo-san an crannchur.

55 Agus thug iad dhoibh Hebron ann an tìr Iudah, agus 'fhearann comh-roinn mu'n cuairt air.

56 Ach achanna a' bhaile, agus a fhrith-bhailtean thug iad do Chalcb mac Iephuneh.

57 Agus do mhacaibh Aaroin thug iad bailtean; Hebron am baile didein, agus Libnah le 'fhearann comh-roinn, agus Iatir, agus Estemoa le 'fhearann comh-roinn:

58 Agus Hilan le 'fhearann comh-roinn, Debir le 'fhearann comh-roinn,

59 Agus Asan le 'fhearann comh-roinn, agus Betsemes le 'fhearann comh-roinn:

60 Agus o thréibh Bheniamin; Geba le 'fhearann comh-roinn, agus Alemctle 'fhearann comh-roinn, agus Anatot le 'fhearann comh-roinn. B'iad am bailtean uile, air feadh an teaghlachan, trì bailtean deug.

61 Agus do mhacaibh Chohait a dh'fhàgadh de theaghlach an thréibh sin, thugadh o'n leth-thréibh, eadhon leth-thréibh Mhanaseh, le crannchur, deich bailtean.

62 Agus do mhacaibh Ghersoim air feadh an teaghlachan, thugadh o thréibh Isachair agus o thréibh Aseir, agus o thréibh Naphtali, agus o thréibh Mhanaseh ann am Bàsan, trì bailtean deug.

63 Do mhacaibh Mherari air feadh an teaghlachan, o thréibh Reubein, agus o thréibh Ghad, agus o thréibh Shebuluin, thugadh le crannchur dà bhaile dheug.

64 Agus thug clann Israeil do na Lebh-

ithich na bailtean sin le'm fearann comh-roinn.

65 Agus thug iad le crannchur o thréibh chloimn Iudah, agus o thréibh chloimn Shimeoin, agus o thréibh chloimn Bheniamin, na bailtean sin a ghairmear air an ainmibh.

66 Agus bla aig a' chuid eile de theaghlachibh mhac Chohait bailtean an crìch o thréibh Ephraim.

67 Agus thug iad dhoibh de na bailtibh didein, Sechem ann an sliabh Ephraim, le 'fhearann comh-roinn; Geser mar an ceudna le 'fhearann comh-roinn,

68 Agus Iocmeam le 'fhearann comh-roinn, agus Bethoron le 'fhearann comh-roinn,

69 Agus Aialon le 'fhearann comh-roinn, agus Gat-rimon le 'fhearann comh-roinn;

70 Agus o leth-thréibh Mhanaseh; Aner le 'fhearann comh-roinn, agus Bileam le 'fhearann comh-roinn, air son teaghlach chloimn Chohait a dh'fhàgadh.

71 Do mhacaibh Ghersoim thugadh o theaghlach leth-thréibh Mhanaseh, Golan ann am Bàsan le 'fhearann comh-roinn, agus Astarot le 'fhearann comh-roinn:

72 Agus o thréibh Isachair; Cedes le 'fhearann comh-roinn, Daberat le 'fhearann comh-roinn,

73 Agus Ramot le 'fhearann comh-roinn, agus Anem le 'fhearann comh-roinn:

74 Agus o thréibh Aseir; Masal le 'fhearann comh-roinn, agus Abdon le 'fhearann comh-roinn,

75 Agus Ilucoc le 'fhearann comh-roinn, agus Rehob le 'fhearann comh-roinn:

76 Agus o thréibh Naphtali; Cedes ann an Galile le 'fhearann comh-roinn, agus Hamon le 'fhearann comh-roinn, agus Ciriataim le 'fhearann comh-roinn.

77 Do'n chuid eile de chloimn Mherari thugadh o thréibh Shebuluin, Rimon le 'fhearann comh-roinn, Tabor le 'fhearann comh-roinn:

78 Agus air taobh thall Iordain Èinuh ri Iericho, air an taobh an ear de Iordan, thugadh dhoibh o thréibh Reubein, Beser ann an fhàsach le 'fhearann comh-roinn, agus Iahsah le 'fhearann comh-roinn,

79 Agus Cedemot le 'fhearann comh-roinn, agus Mephaat le 'fhearann comh-roinn:

80 Agus o thréibh Ghad; Ramot ann an Gilead le 'fhearann comh-roinn, agus Mahanaim le 'fhearann comh-roinn,

81 Agus Hesbon le 'fhearann comh-roinn, agus Iaser le 'fhearann comh-roinn.

#### CAIB. VII.

1 Mic Isachair, 6 Bheniamin, 13 Naphtali, 14 Mhanaseh, 20 agus Ephraim. 21 Bròn Ephraim, &c.

A NIS B'iad mic Isachair, Tola, agus Puah, Iasub, agus Simron, ceathrar.

2 Agus mic Thola; Udsi, agus Rephaiah,

agus Ieriel, agus Iahmai, agus Ibsam, agus Semuel, cinn tighe an aithrichean, *eadhon* Thola: daoine treuna 'n an ginealachaidh, d'am b'aireamh ann an làithibh Dhaibhidh dà mhìle thar fhichead agus sè ceud.

3 Agus mic Udsi; Israhiah: agus mic Israhiah; Michael, agus Obadiah, agus Ioel, agus Isiah, cùighear; iad uile 'n an ceann-*aibh* *tighe*:

4 Agus aca-san, a réir an ginealach, a réir tighe an aithrichean, *bha* buidhnean shaighdeirean gu cogadh, sè mìle deug thar fhichead *féar*: oir bha iomadh bean agus mac aca.

5 Agus *bha* am bràitlirean am measg uile theaghlachan Isachair 'n an daoineibh treuna, air an àireamh 's an iomlan a réir an ginealach 'n an seachd agus ceithir fichead mìle.

6 Mic Bheniamin; Bela, agus Becher, agus Iedial, triuir.

7 Agus mic Bhela; Esbon, agus Udsi, agus Udsiel, agus Ierimot, agus Iri, cùighear; cinn tighe an aithrichean, daoine treuna, agus dh'airmheadh iad a réir an ginealach 'n an dà mhìle thar fhichead, agus ceithir deug thar fhichead.

8 Agus mic Bhecheir; Semira, agus Ioas, agus Elieser, agus Elioenai, agus Omri, agus Ierimot, agus Abiah, agus Anatot, agus Alamet. *Is* iad sin uile mic Bhecheir.

9 Agus *b'e* an àireamh a réir an sloinnidh a réir an ginealach, cinn tighe an aithrichean, daoine treuna, fichead mìle agus dà cheud.

10 Agus mic Iediaeil; Bilhan: agus mic Bhilhan; Ieus, agus Benjamin, agus Ehud, agus Cenaarab, agus Setan, agus Tarsis, agus Alisahar.

11 *Bha* iad sin uile, mic Iediaeil, a réir cheann an aithrichean, daoine treuna, 'n an seachd mìle deug agus dà cheud *féar*, iomchuidh gu dol a mach chum cogaidh agus catha.

12 Supim mar an ceudna agus Hupim mic Ir, agus Husim mic Aheir.

13 Mic Naphtali; Iahsiel, agus Guni, agus Ieser, agus Salum, mic Bhilhadh.

14 Mic Mhanaseh; Asriel, a rug i: (*ach* rug a choimhleabach, a' Bhan-aramach, Machir athair Ghilead.

15 Agus ghabh Machir mar mhuaipiuhtar Hupim agus Shupim, agus *b'e* ainm a peathar Maachah: agus *b'e* ainm an dara mic Selphehad: agus bha aig Selphehad nigh-eanan.

16 Agus rug Maachah bean Mhachir mac, agus thug i Peres mar ainm air; agus *b'e* ainm a bhràthar Seres; agus b'iad a mhic-san Ulam agus Racem.

17 Agus mic Ulaim; Bedan. *B'iad* sin mic Ghilead, mhic Mhachir, mhic Mhanaseh.

18 Agus rug a phiuthar Hamolecet Isod, agus Abieser, agus Mahalah.

19 Agus b'iad mic Shemida, Abian, agus Sechem, agus Lichi, agus Aniam.

20 Agus mic Ephraim; Sutelah, agus Bered a mhac-san, agus Tahat a mhac-san, agus Eladah a mhac-san, Tahat a mhac-san,

21 Agus Sabad a mhac-san, agus Sutelah a mhac-san, agus Eser, agus Elead, a mharbh fir Ghat a rugadh 's an tìr *sin*, a chiomn gu'n d'hàinig iad a nuas a thogail an creich.

22 Agus rinn an athair Ephraim bròn ré iomadh là, agus thàinig a bhràithrean gu comhlhurchadh a thoirt da.

23 Agus chaidh e stigh a dh'ionnsuidh a mhna, agus dh'fhàs i torrach, agus rug i mac, agus thug e Beriah mar ainm air, a chiomn gu'n d'èirich gu h-olc do 'thigh.

24 (Agus b'i a nighean Serah, ise a thog Bet-horon iochdarach, agus uachdarach, agus Udsen-serah.)

25 Agus b'e Rephah a mhac, mar an ceudna Reseph, agus Tela a mhac-san, agus Tahan a mhac-san,

26 Laadan a mhac-san, Amihud a mhac-san, Elisama a mhac-san,

27 Non a mhac-san, Iehosua a mhac-san.

28 Agus *b'iad* an seilbh agus an àiteachan-còmhnuidh Bet-el agus a bhailtean, agus a làimh na h-àirde 'n ear Naaran, agus a làimh na h-àirde 'n iar Geser le 'bhailtibh, Sechem mar an ceudna agus a bhailtean, gu ruig Gasa agus a bhailtean.

29 Agus làimh ri cloinn Mhanaseh, Bet-sean agus a bhailtean, Taanach agus a bhailtean, Megido agus a bhailtean, Dor agus a bhailtean. Anna sin ghabh clann Ioseph mhic Isracil còmhnuidh.

30 Mic Ascir; Innah, agus Isuah, agus Isui, agus Beriah, agus Serah am piuthar.

31 Agus mic Bheriah; Heber, agus Malchiel: *b'esan* athair Bhirsabhit.

32 Agus ghin Heber Iaphlet, agus Somer, agus Hotam, agus Suah am piuthar.

33 Agus mic Iaphlet; Pasach, agus Bimhal, agus Asbhat: *is* iad sin mic Iaphlet.

34 Agus mic Shameir; Ahi, agus Rohgah, Iehubah, agus Araim.

35 Agus mic Heleim a bhràthar; Sophah, Imna, agus Seles, agus Amal.

36 Mic Shophah; Suah, agus Harnepher, agus Saul, agus Beri, agus Imrah,

37 Beser, agus Hod, agus Sama, agus Silsah, agus Itran, agus Beera.

38 Agus mic Ieteir; Iephuneh, agus Pis-pah, agus Ara.

39 Agus mic Ula; Ara, agus Haniel, agus Resia.

40 B'iad sin uile mic Aseir, cinn tighe an aithrichean, daoine taghta, treun ann an neart, roghadh nan uachdaran. Agus an uair a dh'airmheadh iad a réir an ginealach



# 1 EACHDRAIDH, VIII, IX.

chum cogaidh agus catha, b'e an àireamh sè mìle fichead fear.

## CAIB. VIII.

1 *Mic agus cinn-fheadhna Bheniamin. 33 Shiochd Shaul agus Ionatain.*

**A**NIS ghin Benjamin Bela a cheud-ghin, Asbel an dara, agus Ahara an treas, 2 Nohah an ceathramh, agus Rapha an cùigeamh.

3 Agus b'iad mic Bhela, Adar, agus Gera, agus Abihud,

4 Agus Abisua, agus Naaman, agus Ahoah.

5 Agus Gera, agus Sephuphan, agus Huram.

6 Agus is iad so mic Ehuid: is iad so cinn aithrichean luchd-àiteachaidh Gheba, agus dh'atharraich siad iad gu Manahet:

7 Agus Naaman, agus Ahiah, agus Gera, dh'atharraich e iad, agus ghin e Udsa, agus Ahihud.

8 Agus ghin Saharaim clann ann an tìr Mhoab, an deigh dha Husim agus Baara a mhnathan a chur air falbh.

9 Agus ghin e ri Hodes a mhnai, Iobab, agus Sibia, agus Mesa, agus Malcham.

10 Agus Ieus, agus Sachia, agus Mirma. B'iad sin a mhic, cinn nan aithrichean.

11 Agus ri Husim ghin e Ahitub agus Elpaal.

12 Mic Elpaail; Eber, agus Misam, agus Samed, a thog Ono, agus Lod le 'bhailtibh.

13 Agus Beriah agus Sema: b'iadsan cinn aithrichean luchd-àiteachaidh Aialoin, a ruaig luchd-àiteachaidh Ghat:

14 Agus Ahio, Sasac, agus Ierimot,

15 Agus Sebadiah, agus Arad, agus Ader,

16 Agus Michael, agus Ispah, agus Ioha, mic Bheriah;

17 Agus Sebadiah, agus Mcsolam, agus Heseci, agus Heber,

18 Agus Ismerai, agus Iesiah, agus Iobab, mic Elpaail;

19 Agus Iacim, agus Sichri, agus Sabdi,

20 Agus Elioenai, agus Siltai, agus Eliel,

21 Agus Adaiah, agus Beraiah, agus Simrat, mic Shimhi;

22 Agus Ispau, agus Heber, agus Eliel,

23 Agus Abdon, agus Sichri, agus Hanan,

24 Agus Hauaniah, agus Elam, agus Antotiah,

25 Agus Iphedeiah, agus Penuel, mic Shasaic;

26 Agus Samserai, agus Sehariah, agus Ataliah,

27 Agus Iaresiah, agus Eliah, agus Sichri, mic Ierohaim.

28 Sin cinn nan aithrichean, a réir an ginealach, cinn-fheadhna. Bha iad sin a chòmhnuidh ann an Ierusalem.

29 Agus ann an Gibeon bha *Iehiel*, athair Ghibeoin, a chòmhnuidh; agus b'e ainm a mhnà Maachah;

30 Agus a cheud-ghin mic Abdon, agus Sur, agus Cis, agus Baal, agus Ner, agus Nadab, 31 Agus Gedor, agus Ahio, agus Sacher, agus Miclot.

32 Agus ghin Miclot Simeah. Agus chòmhnuidh iad sin mar an ceudna fa chomhair ann bràithrean ann an Ierusalem maille riam bràithribh.

33 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

34 Agus b'e mac Ionatain Merib-baal; agus ghin Merib-baal Micah.

35 Agus b'iad mic Mhicah, Piton, agus Melech, agus Tarea, agus Ahas.

36 Agus ghin Ahas Iehoadah; agus ghin Iehoadah Alemet, agus Asmabhet, agus Simri; agus ghin Simri Mosa,

37 Agus ghin Mosa Binea: b'e Rapha a mhac-san, Eleasah a mhac-san, Asel a mhac-san.

38 Agus bha aig Asel seathnar mhac; agus is iad so an ainmean, Asricam, Bocheru, agus Ismael, agus Seariah, agus Obadiah, agus Hanan. B'iad sin uile mic Aseil.

39 Agus b'iad mic Esec a bhràthar, Ulam a cheud-ghin, Iehus an dara, agus Eliphelet an treasa.

40 Agus bha mic Ulaim 'n an daoineibh treuna, 'n am fir-bhogha; agus bha mòran mhac aca, agus mhac am mac, ceud agus leth-cheud: iad sin uile de mhacaibh Bheniamin.

## CAIB. IX.

1 *Toiseach ghinealach Israeil agus Iudah. 2 Na h-Israelich, 10 na sagartan, 14 agus na Lebhithich, a ghabh còmhnuidh ann an Ierusalem. 27 Cùram nan Lebhithich. 35 Shiochd Shaul agus Ionatain.*

**A**GUS dh'àirmheadh Israel uile a réir an ginealach, agus, feuch, bha iad sgrìobhta ann an leabhar rìghrean Israeil. Ach thugadh Iudah air falbh do Bhabylon air sou an eusaontais.

2 Agus b'iad an ceud luchd-àiteachaidh a ghabh còmhnuidh 'n an seabh 'n am bailtibh, na h-Israelich, na sagartan, na Lebhithich, agus na Netinich.

3 Agus ann au Ierusalem ghabh còmhnuidh de chloin Iudah, agus de chloinn Bheniamin, agus de chloinn Ephraim, agus Mhanaseh;

4 Utai mac Amihuid, mhic Omri, mhic Imri mhic Bhani, de chloinn Pharais mhic Iudah.

5 Agus de na Silonaich; Asaiah an ceud-ghin, agus a mhic.

6 Agus de mhacaibh Sherah; Ieuel, agus an bràithrean, sè ceud agus ceithir fichead agus a deich.

7 Agus de mhacaibh Bheniamin; Salu mac Mhesulaim, mhic Hodabiah, mhic Haseuah;

8 Agus Ibnciah mac Ierohaim, agus Elah mac Udsi, mhic Mhichri, agus Mesulam mac Shephathiah, mhic Reueil, mhic Ibniah; 9 Agus am bràithrean, a réir an ginealach, naoi ceud agus sè deug agus dà fhichead. *Bu* chinn aithrichean na daoine sin uile ann an tigh an aithrichean.

10 Agus de na sagartaibh; Iedaiah, agus Iehoiarib, agus Iachin;

11 Agus Asariah mac Hileiah, mhic Mhesulam, mhic Shadoic, mhic Mheraiot, mhic Ahituib, riaghladair tighe Dhé;

12 Agus Adaiah mac Ierohaim, mhic Phasuir, mhic Mhalchiah; agus Maasai mac Adeil, mhic Iahserah, mhic Mhesulaim, mhic Mhesulemit mhic Imeir;

13 Agus am bràithrean, cinn tighe an aithrichean, mìle agus seachd ceud agus trì fichead, daoine ro fhoghainteach fa chomhair oibre seirbhis tighe Dhé.

14 Agus de na Lebhithich; Semaiah mac Hasuib, mhic Asricaim, mhic Hasabiah, de mhacaibh Mherari;

15 Agus Bachacar, Heres, agus Galal, agus Mataniah mac Mhichah, mhic Shichri, mhic Asaiph;

16 Agus Obadiah mac Shemaiah, mhic Ghalail, mhic Iedutuin, agus Berechiah mac Asa, mhic Elcanah, a bha 'chòmhnuidh ann am frith-bhailtibh nan Netophatach.

17 Agus *Biad* na dorsairean Salum, agus Acub, agus Talmon, agus Ahiman, agus am bràithrean: *b'e* Salum an ceannard;

18 A *bha* gus an àm so aig geata an rìgh air an taobh an ear, 'n an dorsairibh ann an cuideachdaibh chloinn Lebbhi.

19 Agus *bha* Salum mac Chore, mhic Ebiasaiph, mhic Chorah, agus a bhraithrean, (de thigh 'athar), na Corahaich os ceann oibre na seirbhis, 'n an luchd-gleidhidh gheatachan a' phàilliuin; agus an aithrichean os ceann slòigh an Tighearna, 'n an luchd-gleidhidh air dol a stigh a' phàilliuin.

20 Agus *b'e* Phinehas mac Elcasair a bu cheann-riaghlaidh orra *o shean* 'am fianuis an Tighearna.

21 Maille ris *bha* Sechariah, mac Mheselemiah, 'n a dhorsair doruis pàilliuin a' choimhthionail.

22 Iad sin uile a thaghadh gu bhi 'n an dorsairibh anns na geataibh, bu dà cheud agus dà fhear dheug iad. Dh'àirmheadh iad sin a réir an ginealach 'n am frith-bhailtibh, a shuidhich Daibhidh agus Samuel am fear-seallaidh 'n an dreuchd snidhichte.

23 Mar sin bha iadsan, agus am mic, os ceann gheatachan tighe an Tighearna, agus tighe a' phàilliuin chum an gleidheadh.

24 Ann an ceithir chearnaibh bha na dorsairean, a làimh na h-àirde 'n ear, na h-àirde 'n iar, na h-àirde tuath, agus na h-àirde deas.

25 Agus am bràithrean 'n am frith-bhail-

ibh, gu teachd an déigh sheachd làithean o àm gu h-àm maille ri u.

26 Oir bha na Lebhithich sin, na ceithir àrd dhorsairean, 'n an dreuchd snidhichte, agus bha iad os ceann sheòmraichean, agus os ceann ionmhasan tighe Dhé.

27 Agus bha iad a' gabhail tàimh mu'n cuairt air tigh Dhé, a chionn gu'm b'ann orra-san a *bha a* chùram, agus gu'm buineadh dhoibh 'fhosgladh gach maduinn.

28 Agus *bha cuid* diubh os ceann nan soithichean frithealaidh, chum an toirt a stigh agus a mach air àireamh.

29 Chuireadh *cuid* diubh mar an ceudna os ceann nan soithichean, agus os ceann uile innealan an ionaid naoinn, agus os ceann na mine mine, agus an fhìona, agus na h olaidh, agus na tùise, agus nan spìosraich.

30 Agus *bha cuid* de mhacaibh nan sagart a' deanamh na h-oladh-ungaidh de na spìosraich.

31 Agus b'ann aig Matitiah *aon* de na Lebhithich, eadhon ceud-ghin Shalum a' Chorahaich, a *bha* dreuchd snidhichte os ceann nan nithean a rinneadh ann an aighnibh.

32 Agus *bha cuid eile* d'am bràithribh, de mhacaibh nan Colatach, os ceann arain na fianuis, gu 'dheasachadh gach sàbaid.

33 Agus *is* iad sin an luchd-ciùil, cinn aithrichean nan Lebhithich, a *bha* anns na seòmraicheibh, saor *o gach cùram eile*; oir a là agus a dh'oidhche *bha* orra 'bhi r'an obair-san.

34 *Bha* cinn aithrichean sin nan Lebhithich 'n an cinn a réir an ginealach: bha iad a chòmhnuidh ann an Ierusalem.

35 Agus ann an Gibeon chòmhnuich athair Ghibeoin, Iehiel; agus *b'e* ainm a mhnà Maachah;

36 Agus a cheud-ghin mic Abdon, an sin Sur, agus Cis, agus Baal, agus Ner, agus Nadab,

37 Agus Gedor, agus Ahio, agus Sechariah, agus Miclot.

38 Agus ghin Miclot Simeam: agus ghabh iadsan mar an ceudna còmhnuidh fa chomhair am bràithrean ann an Ierusalem, maille r'am bràithribh.

39 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

40 Agus *b'e* mac Ionatan Merib-baal: agus ghin Merib-baal Micah.

41 Agus *Biad* mic Mhichah, Piton, agus Melechi, agus Tahrea, agus Ahas.

42 Agus ghin Ahas Iehoadah, agus ghin Iehoadah Alemet, agus Asmabhet, agus Simri; agus ghin Simri Mosa;

43 Agus ghin Mosa Binea: agus *b'e* Rephiah a mhac-san, Eleasah a mhac-san, Asel a mhac-san.

44 Agus bha aig Asel sèathnar mhac, agus



# 1 EACHDRAIDH, X, XI.

**is** iad so an ainmean: Asricam, Bocheru, agus Ismael, agus Scariah, agus Obadiah, agus Ihanan. *B'iad sin mic Aseil.*

## CAIB. X.

1 *Bhuail na Philistich clann Israeil, agus mharbh iad Saul. 11 Nochd fir Iabais-ghilead coimhneus do Shaul agus d'a mhic. 14 Thugadh an rìoghachd do Dhaibhidh.*

**A**NIS chog na Philistich an aghaidh Israeil; agus theich fir Israeil o fhianuis nam Philisteach, agus thuit iad sìos marbhta ann an sliabh Ghilboa.

2 Agus lean na Philistich gu teann an deigh Shaul, agus an deigh a chuid mac; agus bhuail na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus chuimsich na fir-bhogha e, agus lotadh e leis na fir-bhogha.

4 An sin thubhairt Saul ri fear-iomchair 'arm, Rùisg do chlàidheamh agus sàth tromham e, air eagail gu'n tig na daoine neo-thimchioll-ghearrta sin, agus gu'n gnàthaich iad gu maslach mi. Ach cha deanadh fear-iomchair 'arm sin, oir bha eagail mòr air. Uime sin ghlac Saul claidheamh, agus thuit e air.

5 Agus an uair a chunnaic fear-iomchair 'arm gu'n robh Saul marbh, thuit esan marb an ceudna air a' chlàidheamh, agus fhuair e bàs.

6 Mar sin fhuair Saul bàs, agus a thriuir mhac, agus dh'eug a thigh uile 's an aon àm.

7 Agus an uair a chunnaic uile fhir Israeil a *bha* 's a' ghleann gu'n do theich iad, agus gu'n robh Saul agus a mhic marbh, an sin thréig iad am bailtean, agus theich iad; agus thàinig na Philistich, agus chòmhnuich iad anna.

8 Agus air an là màireach, an uair a thàinig na Philistich a dh'fhaobhachadh nam marbh, fhuair iad Saul agus a mhic air tuiteam ann an sliabh Ghilboa.

9 Agus an uair a dh'fhaobhaich iad e, ghlac iad a cheann, agus 'airm, agus chuir iad *fios* do thir nam Philisteach mu'n cuairt, gu sgeul a thoirt do thigh an diathan bréige, agus do'n t-sluagh.

10 Agus chuir iad 'airm ann an tigh an diathan agus dhaingnich iad a cheann ann an teampull Dhagoin.

11 Agus an uair a chual' uile *luchd-àiteachaidh* Iabais-ghilead na h-uile *nithean* a rinn na Philistich ri Saul,

12 Dh'éirich na fir threuna uile, agus thug iad leo corp Shaul, agus cnirp a chuid mac, agus thug iad gu Iabais iad, agus dh'adhlac iad an cnàmhan fo 'n daraig ann an Iabais, agus thrais iad seachd làithean.

13 Mar so dh'eng Saul air son a chionta a rinn e 'n aghaidh an Tighearn', an aghaidh focail an Tighearna nach do ghléidh e, agus mar an ceudna a chionn gu'n d'iarr e *bean*

aig an robh leannan-sìth, a dh'fhiosrachadh *dhith*.

14 Agus nach d'fhiosraich e de'n Tighearn: uime sin mharbh se e, agus thionndaidh e 'n rìoghachd a dh'ionnsuidh Dhaibhidh mhic Iese.

## CAIB. XI.

1 *Rinneadh Daibhidh 'n a rìgh air Israel aig Hebron. 5 Ghlac e tìr Shioin. 10 Aireamh a dhaoine treuna.*

**A**N SIN chruinnich Israel uile iad féin a dh'ionnsuidh Dhaibhidh gu Hebron, ag ràdh, Feuch, *is* sinne do chnàimh agus d'fheoil.

2 Agus a bhàrr air so, 's an ùine 'chaidh seachad, eadhon an uair a bha Saul 'n a rìgh, *bu* tusa a threòraich a mach, agus a thug a steach Israel; agus thubhairt an Tighearn do Dhia riut, Beathaichidh tusa mo shluagh Israel, agus bithidh tu a'd' cheannard air mo shluagh Israel.

3 Agus thàinig uile sheanaircan Israeil a dh'ionnsuidh an rìgh gu Hebron; agus rinn Daibhidh coimhcheangal riu ann an Hebron 'am fianuis an Tighearn': agus dh'ung iad Daibhidh 'n a rìgh air Israel, a réir focail an Tighearn', le làimh Shamueil.

4 Agus chaidh Daibhidh agus Israel uile gu h-Ierusalem, (is e sin Iebus,) far an robh na Iebusaich, luchd-àiteachaidh an fhearainn.

5 Agus thubhairt luchd-àiteachaidh Iebuis ri Daibhidh, Cha tig thu 'n so. Gidheadh, ghlac Daibhidh tìr Shioin; *is* e sin baile Dhaibhidh.

6 Agus thubhairt Daibhidh, Ge b'e 'bhuaileas na Iebusaich an toiseach, bithidh esan 'n a cheannard agus 'n a uachdaran. Agus chaidh Iob mac Sheruah suas an toiseach, agus bha e 'n a cheannard.

7 Agus ghabh Daibhidh còmhnuidh 's an tìr; uime sin thug iad baile Dhaibhidh mar ainm air.

8 Agus thog e am baile mu'n cuairt, eadhon o Mhulo mu'n cuairt: agus chuir Iob suas a ris a' chuid eile de'n baile.

9 Agus dh'fhàs Daibhidh ni bu mhò, agus ni bu mhò; oir *bha* Tighearn nan sluagh leis.

10 Agus *is* iad so roghadh nan daoine treuna a *bha* aig Daibhidh, a neartaich iad féin leis 'n a rìoghachd, agus le h-Israel uile, gu rìgh a dheanamh dheth, a réir focail an Tighearna mu thimchioll Israeil.

11 Agus *is* e so àireamh nan daoine treuna a *bha* aig Daibhidh; Iasobeam, mac Hachmoni, 'n a cheann air triuir: thog esan a shleagh an aghaidh thri ceud, a mharbhadh leis 's an aon àm.

12 Agus 'n a dhéigh-san *bha* Eleasar, mac Dhodo, an t-Ahohach: b'aon esan de na tri gaisgich.

13 Bha esan maille ri Daibhidh ann an Pasdamim, agus an sin bha na Philistich

air cruinnachadh an ceann a dhéile gu cath; [agus dh'innich fir Israeil rompa:

Dh'éirich esan, agus bhuail e na Philistich agus an robh a lámh sgèth, agus gu'n do lean a lámh ris a' chlaidheamh. Agus dh'oibrich an Tighearn saorsa mhòr air an là sin; agus phill an sluagh 'n a dhéigh a mhàin a thional creiche.

Agus 'n a dhéigh-san bha Samah, mac Agee, an Hararach: agus chruinnicheadh na Philistich 'n am buidhinn; far an robh dail fhearainn làn eorna; agus theich an sluagh roimh na Philistich.

14 Agus shuidhich iadsan iad féin 'am meadhon na dalach *sin*, agus dhion iad i, agus mharbh iad na Philistich; agus shaor an Tighearn *iad* le saorsa mhòir.

15 A nis chaidh triuir de na deich ceannaird fhichead sìos do'n charraig a dh'ionnsuidh Dhaibhidh, gu uaimh Adullaim: agus champaich feachd nam Philisteach ann an gleann Rephaim.

16 Agus *bha* Daibhidh an sin 's an daingneach; agus *bha* freiceadan nam Philisteach an sin ann am Bet-lehem.

17 Agus mhiannaich Daibhidh, agus thubhairt e, O nach tugadh neach dhomh deoch uisge o thobar Bhet-lehem, a *tha* aig a' gheata!

18 Agus bhris an triuir troimh fheachd nam Philisteach, agus tharruing iad uisge á tobar Bhet-lehem a *bha* aig a' gheata, agus ghabh iad *e*, agus thug iad *e* gu Daibhidh: ach cha-n òladh Daibhidh *e*, ach thaom *e* mach e do'n Tighearn,

19 Agus thubhairt e, Nar leigeadh mo Dhia dhomh gu'n deanaim an ni so: an òlainnse fuil nan daoine so a chuir am beatha ann an cunnart? oir le cunnart am beatha thug iad leo *e*: uime sin cha-n òladh e dheth. Na nithean sin rinn an triuir dhaoine treuna.

20 Agus *bha* Abisai, bràthair Ioaib, 'n a cheann air triuir: agus thog e a shleagh an aghaidh tri cheud, a mharbh *e*; agus *bha* ainm aige am measg triuir.

21 De'n triuir *b'e* a b'urramaiche na an dithis, agus *bha* e 'n a cheannard orra: gideadh, cha d'ràinig e gu ruig a' *cheud* triuir.

22 *Mharbh* Benaiah, mac Iehoiada, mhic duine ghaisgeil o Chabseel, a rinn mòran ghnomhanan, mharbh esan dithis fhear leòmhanaid de Mhoab: chaidh e sìos mar an ceudna, agus mharbh e leòmhann ann am meadhon sluichd air latha sneachda.

23 Agus mharbh e Eiphiteach, duine de mheudachd *mhòir*, cuig lamhan-coille air àirde; agus ann an làimh an Eiphitich *bha* sleagh cosmhail ri garman figheadair; ach chaidh esan sìos d'a ionnsuidh le luirg, agus spior e 'n t-sleagh a làimh an Eiphitich, agus mharbh e le 'shleagh féin *e*.

24 Na *nithean* sin rinn Benaiah mac Ie-

hoida, agus *bha* ainm aige am measg triuir dhaoine treuna.

25 Feuch, de'n triuir *b'e* a b'urramaiche, ach cha d'ràinig e gu ruig a' *cheud* triuir: agus chuir Daibhidh e os ceann a fhreicead-ain.

26 Mar an ceudna *b'iad* daoine treuna nan armait, Asahel bràthair Ioaib, Elhanan mac Dhodo o Bhet-lehem,

27 Samot an t-Ilarorach, Heles am Pelonach,

28 Ira mac Iceis an Tecoch, Abieser an t-Anatotach,

29 Sibecai an t-Husatach, Ilai an t-Ahohach,

30 Maharai an Netophatach, Heled mac Bhaanah an Netophatach,

31 Itai mac Ribai o Ghibeah chloinn Bheniamin, Benaiah am Piratonach,

32 Hurai o shruthaibh Ghaais, Abiel an t-Arbatach,

33 Asmabhet am Baharumach, Eliabha an Saalbonach.

34 Mic Haseim a' Ghisonaich; Ionatan mac Shage an t-Harach,

35 Ahiam mac Shacair an t-Harach, Eliphal mac Uir,

36 Hephher am Mecheratach, Ahiah am Pelonach,

37 Hesro an Carmeleach, Naarai mac Esbai,

38 Ioel bràthair Natain, Mibchar mac Hageri,

39 Selec an t-Amonach, Naharai am Bero-  
tach, fear-ionchair arm Ioaib mhic Sheruiah,

40 Ira an t-Itrcach, Gareb an t-Itrcach,

41 Uriah an t-Hiteach, Sabad mac Ahlai,

42 Adina mac Shisa Reubeneach, ceannard de na Reubenich, agus deich thar fhichead maille ris,

43 Hanan mac Mhaachah, agus Iosaphat am Mitneach,

44 Udsia an t-Asteratach, Sama agus Iehiel mic Hotaim an Aroerich,

45 Iediel mac Shimri, agus Ioha a bhràthair an Tidscach,

46 Eliel am Mahabhach, agus Ieribai agus Iosabhiach mic Elnaaim, agus Itmah am Moabach,

47 Eliel, agus Obed, agus Iasiel o Mhesobia.

## CAIB. XII.

1 *Na buidhnean a thàinig a dh'ionnsuidh Dhaibhidh gu Siclag.* 23 *Na daoine armaichte a thàinig d'a ionnsuidh gu Helron.*

**A**NIS is iad so iadsan a thàinig a dh'ionnsuidh Dhaibhidh gu Siclag, 'n uair a *bha* e fathast 'g a chumail féin a stigh air cagal Shaul mhic Chis: agus *bha* iad am measg nam fear treuna, 'n an luchd-cuideachaidh 's a' chogadh.

2 *Bha iad* armaichte le boghannaibh, agus teòma leis an làimh dheis agus chli air clachan a *thilgeadh*, agus saighdean á



bogha, *eadhon* de bhràithribh Shaul de Bheniamin.

3 *B'e* Ahiesera 'bu bharraichte *dhiubh*, an sin Ioa, mic Shemaah a' Ghibeataich; agus Iesiel agus Pelet mic Asmabheit; agus Beracha, agus Ichu an t-Anatotach,

4 Agus Ismaiah an Gibconach, duine treun am measg an deich thar fhìchead, agus os ceann an deich thar fhìchead; agus Ieremiah, agus Iehasiel, agus Iohanan, agus Iosabad an Gederatach,

5 Elusai, agus Ierimot, agus Bealiah, agus Semariah, agus Sephatiah an t-Haruphach, 6 Elcanah, agus Iesia, agus Asareel, agus Toeser, agus Iasobeam, na Corhaich,

7 Agus Ioelach agus Sebadiah, mic Iero-haim o Ghedor.

8 Agus de na Gadaich chaidh thairis a dh'ionnsuidh Dhaibhidh, do'n daingneach anns an fhàsach, daoine treuna, fir-chogaidh *iomchuidh* chum catha, d'am b'aithne sgiath agus targaid a lannhseachadh, aig *an robh* an gnùisean mar ghnùisibh leòmhnan, agus iad co luath ris na h-èildibh air na beanntaibh.

9 Eser an ceud fhear, Obadiah an dara, Eliab an treas,

10 Misanah an ceathramh, Ieremiah an cùigeamh,

11 Atai an sèathamh, Eliel an seachdamh, 12 Iohanan an t-ochdamh, Elsabad an naothamh,

13 Ieremiah an deicheamh, Machbanai an t-aon fhear deug.

14 *Bha* iad sin de mhacaibh Ghad 'n an ceannardaibh an t-slàigh : an t-aon 'bu lugha dhiubh os ceana ceud, agus an t-aon 'bu mhò os ceana mìle.

15 *Sin* iad an a chaidh thairis air Iordan 's a' ceud mhòs, an uair a bha sruth 'cur thairis air a bruachaibh uile; agus chuir iad an ruaig air *muinntir* nan gleann uile, a làimh na h-àirde 'n ear, agus na h-àirde 'n iar.

16 Thàinig mar an ceudna *cuid* de chloinn Bheniamin agus Iudah do'n daingneach a dh'ionnsuidh Dhaibhidh.

17 Agus chaidh Daibhidh a mach 'n an coinnemh, agus fhreagair e, agus thubhairt e riu, Ma thàinig sibh gu sìochail a m' ionnsuidh-sa a chuideachadh leam, bithidh mo chridhe leibh le aon rùn: ach ma thàinig sibh a chum mo bhrath do m' naimhaidibh, 'n uair nach 'eil encoir air bith a'm làmhnan, gu'n amhairceadh Dia ar n-aithrichean air *sin*, agus gu'n cronaich-eadh se e.

18 An sin thàinig an spiorad air Amasai, am fear a b'inhiche de na ceannardaibh, agus thubhairt e, Leatsa tha sinne, a Dhaibhidh, agus air do thaobh, a mhic Iese: sìth, sìth dhuist, agus sìth do d' luchd-cuideachaidh; oir tha do Dhia a' còmh-nadh leat. Agus ghabh Daibhidh iad,

agus rinn e iad 'n an ceannardaibh na buidhne.

19 Agus chaidh *cuid* de Mhanasach thairis a dh'ionnsuidh Dhaibhidh, 'n uair a thàinig e leis na Philistich an aghaidh Shaul gu cath, ach cha do chuidich iad leo; oir, le comhairle, chuir tighearnan nam Philisteach air falbh e, ag ràdh, Le *cunnart* ar ceann-ne thèid e thairis a dh'ionnsuidh Shaul a thighearna.

20 'N uair a bha e 'dol gu Siclag, chaidh thairis d'a ionnsuidh de Mhanasach, Adnah, agus Iosabad, agus Iedael, agus Michael, agus Iosabed, agus Elihu, agus Siltai, cinn-fheadhna nam mìltean a bha de Mhanasach.

21 Agus chuidich iad le Daibhidh an aghaidh buidhne nan creachadairean: oir *bu* daoine treuna iad uile, agus bha iad 'n an ceannardaibh 's an fheadh.

22 Oir mu'n àm *sin*, là 'n déigh là, thàinig iad a dh'ionnsuidh Dhaibhidh a chòmh-nadh leis, gus an robh feachd mòr ann, mar fheadh Dhé.

23 Agus *is* e so àireamh nan *daoine* armaichte chum cogaidh, a thàinig a dh'ionnsuidh Dhaibhidh gu Hebron, a thionndadh rìoghachd Shaul d'a ionnsuidh-san, a réir focail an Tighearna.

24 Mic Iudah, a ghiùlain sgiath agus sleagh, sè mìle agus ochd ceud, armaichte chum cogaidh.

25 De mhacaibh Shimeoin, fir threuna gu cogadh, seachd mìle agus ceud.

26 De mhacaibh Lebbi, ceithir mìle agus sè ceud.

27 Agus Iehoiada ceannard nan Aaronach, agus maille ris trì mìle agus seachd ceud.

28 Agus Sadoe òganach ro threun, agus de thigh 'athar dà cheannard thar fhìchead.

29 Agus de mhacaibh Bheniamin, luchd-dàimh Shaul, trì mìle; oir fathast *bha* 'chuid 'bu mhò dhiubh 'n am freiceadan air tigh Shaul.

30 Agus de mhacaibh Ephraim, fìhead mìle agus ochd ceud, fir threuna, ainmeil ann an tigh an aithrichean.

31 Agus de leth-thrèibh Mhanasach, ochd mìle deug, a dh'ainmich-eadh air an ainmibh, gu teachd a dheanamh Dhaibhidh 'n a rìgh.

32 Agus de mhacaibh Isachair, aig an robh aithne air na h-aimsiribh, a thuigsinn ciod a bu chòir do Israel a dheanamh, *bu* dà cheud an ceannardan; agus am bràithrean uile aig an ordugh-san.

33 De Shebulun a' mhèud 's a chaidh mach gu cath, daoine tèdha ann an cogadh, le uil' innealaibh cogaidh, deich agus dà fhìchead mìle, a chuideachadh Dhaibhidh gun cheilg 'n an cridhe.

34 Agus de Naphtali mìle ceannard, agus

maille riu-san, le sgéith agus sleagh, seachd mìle deug thar fhichead.

35 Agus de ua Danaich, teòma ann an cogadh, o chd mìle fichead agus sè ceud.

36 Agus de Aser, a' mheud 's a rachadh a mach gu cath, teòma ann au cogadh, dà fhichead mìle.

37 Agus air an taobh eile de Iordan, de na Reubenich, agus de na Gadaich, agus de leth-thréibh Mhanaseh, le uil' innealaibh-cogaidh chum catha, ceud agus fichead mìle.

38 Na fir-chogaidh sin uile, d'am b'athne dol' an ordugh *blàir*; le cridhe iomlan thàinig iad gu Hebron a dheanamh Daibhidh 'n a rìgh os ceann Israeil uile: agus mar an ceudna bha 'chuid eile de Israel gu léir a dh' aon chridhe chum Daibhidh a dheanamh 'n a rìgh.

39 Agus bha iad an sin maille ri Daibhidh trì làithean, ag itheadh agus ag òl: oir dh'nulluich am bràithrean air an sou.

40 A bhàrr air sin, thug iadsan a bha fagus doibh, gu ruig Isachar, agus Sebulun, agus Naphtali, arau leo air asalaibh, agus air chàmhalaibh, agus air mhuileidibh, agus air dhaimh, biadh, min, mill fhige, agus bagaidean de fhìon-dhearcaibh tiormichte, agus fìon, agus oladh, agus daimh, agus caoraich ann am pailteas; oir bha aoibhneas ann an Israel.

### CAIB. XIII.

1 *Thug Daibhidh an àire o Chiriat-earim. 9 Bhual Dia Usa, agus fhuair e bàs. 13 Dh'fhàgadh an àire aig tigh Obed-edoim.*

**A**GUS chuir Daibhidh a chomhairle riu-san a bha os ceann mhiltean agus cheud, ris gach uile cheannard.

2 Agus thubhairt Daibhidh ri uile chomhchruinneachadh Israeil, Ma *chithear* iomchuidh dhuibh, agus *gur ann* o'n Tighearn ar Dia a tha '*chùis*, cuireamaid fios a mach a dh'ionnsuidh ar bràithrean anns gach àit, a dh'fhàgadh ann an uile thàir Israeil, agus maille riu-san a dh'ionnsuidh nan sagart agus nan Lebhitheach a tha 'n am bailtibh 'em fearann comh-roinn, iad g'an cruinneachadh féin thugainn.

3 Agus thugamaid a ris àire ar Dé d'ar a-ionnsuidh: oir cha d'fhiosraich sinn dheth ann an làithibh Shaul.

4 Agus thubhairt an comhchruinneachadh gu léir, gu'm bu chòir sin a dheanamh; oir bha an nì ceart ann an sùilbh an t-sluaigh uile.

5 Uime sin chruinnich Daibhidh Israel uile an ceann a chéile, o Shihor na h-Eiphit gu dol a steach Hamait, chum àire Dhé a thoirt o Chiriat-earim.

6 Agus chaidh Daibhidh suas, agus Israel uile do Bhaalat, *cadhon* gu Ciriat-earim a bhuineadh do Iudah, a thabhairt leo as a sin àire Dhé an Tighearn, a tha 'chòmh-

nuidh *eadar* na cherubim air an gairmcar 'ainm.

7 Agus ghiùlan iad àire Dhé air feun ùr o thigh Abinadaib: agus dh'iomain Usa agus Ahio am feun.

8 Agus chluich Daibhidh agus Israel uile 'am fianuis Dhé le 'n uile neart, eadhon le laoidhean, agus le clàrsaichean, agus le saltairibh, agus le tiompanaibh, agus le ciombalaibh, agus le trompaidibh.

9 Agus an uair a thàinig iad gu h-urlarbualaidh Chidoim, chuir Usa a mach a làmh a ghabhail greim de'n àire, oir chuir na daimh air chrith i.

10 Agus las fearn an Tighearn' an aghaidh Usa, agus bhuail se e, a chionn gu'n do chuir e a làmh ris an àire: agus dh'eug e 'n sin an làthair Dhé.

11 Agus bha doilgheas air Daibhidh a chionn gu'n d'rinn an Tighearn briseadh air Usa: agus dh'ainmich e 'n t-àite sin Peres-usa gu ruig an là 'n diugh.

12 Agus bha eagal air Daibhidh roimh Dhia air an là sin, agus thubhairt e, Cionnus a bheir mise àire Dhé dhachaidh do m' ionnsuidh?

13 Uime sin cha d'thug Daibhidh an àire d'a ionnsuidh féin gu baile Dhaibhidh; ach thug e a leth-taobh i gu tigh Obed-edoim a' Ghithich.

14 Agus dh'fhan àire Dhé maille ri teaghlach Obed-edoim 'n a thigh trì mìosan. Agus bheannaich an Tighearn tigh Obed-edoim, agus gach nì a bh'aige.

### CAIB. XIV.

1 *Chuir Hiram fiodh agus clachairean a dh'ionnsuidh Dhaibhidh. 4 Ainmean a chloinne a rugadh dha ann an Ierusalem. 8 Bhual Daibhidh na Philistich dà uair le h-àr mòr.*

**A**NIS chuir Hiram rìgh Thiruis teachdairean a dh'ionnsuidh Dhaibhidh, agus fiodh seudair, agus clachairean, agus saoir, a thogail tighe dha.

2 Agus dh'athnìch Daibhidh gu'n do dhaingnich an Tighearn e 'n a rìgh air Israel, agus gu'n d'árdaicheadh gu mòr a rioghachd air sou a shluaigh Israeil.

3 Agus ghabh Daibhidh tuilleadh bhan ann an Ierusalem; agus ghin Daibhidh fathast mié agus nigeanan.

4 Agus is iad so ainmean a chloinne a bha aige ann an Ierusalem; Samua, agus Sobab, Natan, agus Solamh,

5 Agus Ibhar, agus Elisua, agus Elphalet,

6 Agus Nogah, agus Nepheg, agus Iaphia,

7 Agus Elisama, agus Beeliada, agus Eliphalet.

8 Agus an uair a chuala na Philistich gu'n d'ungadh Daibhidh 'n a rìgh air Israel uile, thàinig na Philistich gu léir a nìos a dh'iarraidh Dhaibhidh: agus chuala Daibhidh sin, agus chaidh e mach 'n an aghaidh.

9 Agus thàinig na Philistich, agus sgaoil siad iad féin ann au gleaun Rephaim.



10 Agus dh'fhiosraich Daibhidh de Dhia, ag ràdh, An téid mi suas an aghaidh nam Philisteach, agus an toir thu thairis iad a'm' làimh? Agus thubhairt an Tighearn ris, Gabh suas, agus bheir uise thairis iad a' d' làimh.

11 Agus thàinig iad gu Baal-perasim; agus bhuail Daibhidh an sin iad. Agus thubhairt Daibhidh, Bhreis Dia mo naiuh-dean o' chéile le m' làimh-sa, mar bhriseadh uisgeachan: uime sin thug iad Baal-perasim mar ainm air an àite sin.

12 Agus dh'fhàg iad an diathan an sin, agus thug Daibhidh àitlne, agus loisgeadh iad le teine.

13 Agus thàinig na Philistich a ris, agus sgaoil siad iad féin anns a' ghleann.

14 Uime sin dh'fhiosraich Daibhidh a ris de Dhia; agus thubhairt Dia ris, Na gabh suas 'n an déigh; tionndaidh air falbh uatha, agus thig orra fa chomhair chraobh nan smeur.

15 Agus an uair a chluinnacas tu fuaim siubhail annam barraibh chraobh nan smeur, an sin théid thu mach chum catha; oir théid Dia a uach romhad, a bhuailadh feachd uam Philisteach.

16 Agus rinn Daibhidh mar a dh'àithn Dia dha: agus bhuail iad feachd nam Philisteach o Ghibeou eadhon gu Gaser.

17 Agus chaidh ainm Dhaibhidh a mach do gach tìr, agus thug an Tighearn 'eagal-san air na h-uile chinncachaibh.

# CAIB. XV.

1 *Dh'orduich Daibhidh do na Lebhithich an àire a thoirt suas do'n àit a dh'ulluich e air a son.*  
*29 Rinn Michal tàir air 'n a cridhe 'n uair a chluinnic i e a' dannsadh agus a' cluicheadh.*

**A**GUS rinn Daibhidh dha féin tighean ann am baile Dhaibhidh, agus dh'ulluich e àite do àire Dhé, agus sluidhich e bùth dhi.

2 An sin thubhairt Daibhidh; cha chòir do ueach air bith àire Dhé iomchar, ach do na Lebhithich: oir iadsan ròghnaich an Tighearn gu àire Dhé iomchar, agus gu frithealadh dha gu bràth.

3 Agus chruinnich Daibhidh Israel uile an ceann a chéile gu h-Ierusalem, gu àire an Tighearn' a thoirt suas a dh'ionnsuidh a h-àite, a dh'ulluich e air a son.

4 Agus chruinnich Daibhidh mic Aaroin agus na Lebhithich:

5 De mhacaibh Chohait; Uziel an ceann, agus a bhràithrean ceud agus fichead.

6 De mhacaibh Mherari; Asaiah an ceann, agus a bhràithrean dà cheud agus fichead.

7 De mhacaibh Ghersoim; Ioel an ceann, agus a bhràithrean ceud agus deich thar fhichead.

8 De mhacaibh Elisaphain; Semaiah an ceann, agus a bhràithrean dà cheud.

9 De mhacaibh Hebroin; Eliel an ceann, agus a bhràithrean ceithir fichead.

10 De mhacaibh Udseil; Aminadab an ceann, agus a bhràithrean ceud agus da fhear dheug.

11 Agus ghairm Daibhidh air Sadoc agus Abiatar na sagartan, agus air na Lebhithich, air Uriel, Asaiah, agus Ioel, Semaiah, agus Eliel, agus Aminadab,

12 Agus thubhairt e riu, *Is sibhse cinn aithrichean nan Lebhitheach: naomhaichibh sibh féin, sibhse agus bhuir bràithrean, chum gu'n toir sibh suas àire an Tighearna Dé Israeil, a dh'ionnsuidh an àit a dh'ulluich mise dhi:*

13 Oir a chionn nach *robh sibh a làthair* roimhe, rinn an Tighearn ar Dia briseadh oirne, do bhrìgh nach d'iarr sinn e air mhodh dligeach.

14 Uime sin naomhaich na sagartan agus na Lebhithich iad féin, a thubhairt suas àire an Tighearna Dé Israeil.

15 Agus ghiùlain mic nan Lebhitheach àire Dhé air na guailnibh, leis na lunnabha orra, mar a dh'àithn Maois a réir focail an Tighearna.

16 Agus labhair Daibhidh ri h-uachdaran-aibh nan Lebhithich, am bràithrean orduchadh *'bhi* 'n an luchd-ciuil le h-inneal-aibh-ciuil, saltairibh, agus clàrsaichibh, agus ciombalaibh, a' deanamh fuaim, a' togail suas a' ghutha le h-aoibhneas.

17 Uime sin dh'orduich na Lebhithich Heman mac Ioel; agus d'a bhràithribh, Asaph mac Bherechiah; agus de mhacaibh Mherari am bràithribh, Etan mac Chusaiah:

18 Agus maille riu am bràithrean de'n dara *ceum*, Sechariah, Ben, agus Iaasiel, agus Semiramot, agus Iehiel, agus Uni Eliab, agus Benaiah, agus Maaseiah, agus Matitiah, agus Elipheleh, agus Micneiah, agus Obed-edom, agus Ioel, na dorsair-ean.

19 Agus bha'n luchd-ciuil, Heman, Asaph, agus Etan, gu fuaim a dheanamh le ciombalaibh umha;

20 Agus Sechariah, agus Asiel, agus Semiramot, agus Iehiel, agus Uni, agus Eliab, agus Maaseiah, agus Beuaiah, le saltairibh air Alamot:

21 Agus Matitiah, agus Elipheleh, agus Micneiah, agus Obed-edom, agus Ioel, agus Asaiah, le clàrsaichibh air Seminit a thoirt barrachd.

22 Agus bha Cenaniah uachdaran de na Lebhithich os ceann na laoidh: sheòl e mu thimchioll na laoidh, a chionn gu'n *robh e* eòlach.

23 Agus bha Berechiah agus Elcanah 'n an dorsairibh do'n àire.

24 Agus bha Sebaniah, agus Iehosaphat, agus Netaneel, agus Amasai, agus Sechariah, agus Benaiah, agus Elieser na sagartan, a' séideadh leis na trompaidibh roimh àire Dhé: agus bha Obed-edom agus

Iehiah 'n an luchd-gleidhidh doruis na h-àirce.

25 Mar siu chaidh Daibhidh agus scan-aircan Israeil, agus na ceannardan mhìltean, a thoirt suas àirce coimheangail au Tighearn' a tigh Obcd-edoim le h-aobhneas.

26 Agus au uair a chuidich Dia leis na Lebhithich a ghlùlaiu àirce coimheangail au Tighearna, dh'ìobair iad seachd tairbh òga agus seachd reitheachau.

27 Agus bha Daibhidh sgèdaichte le falluim de anart grinn, agus na Lebhithich uile a bha 'gìulan na h-àirce, agus an luchd-cuill, agus Chenaniah an t-àrd fhear-seiuu am measg au luchd-cuill: air Daibhidh mar an ceudna bha ephod anairt.

28 Mar so thug Israel uile suas àirce coimheangail au Tighearna le h-iolaich, agus le fuaim a' bhuabhuill, agus le trompaidibh, agus le ciombalaibh, a' deanamh coimhsheirm le saltairibh agus clàrsaichibh.

29 Agus an uair a thàinig àirce coimheangail au Tighearna steach do bhaile Dhaibhidh, bha Michal nighean Shaul ag amharca a mach air uinneig, agus chunnaic i rìgh Daibhidh a' damnsadh agus a' cluicheadh; agus riun i tàir air 'n a cridhe.

# CAIB. XVI.

1 *Thug Daibhidh suas iobairtean, agus bheannaich e an sluagh. 7 A laoidh mholaidh. 37 Dh'orduich e cuid de'n t-sluagh a fhrithealadh roimh an àirce.*

**A**GUS thug iad a steach àirce Dhé, agus chuir iad i ann am meadhon a' bhùtha a shuidhich Daibhidh air a son: agus thug iad seachad iobairtean-loisgte agus iobairtean-sith 'am fianuis Dhé.

2 Agus an uair a chuir Daibhidh crìoch air na h-iobairtean-loisgte 'thoirt suas, agus na h-iobairtean-sith, bheannaich e 'n sluagh 'an ainm an Tighearna.

3 Agus roinn e air gach aon de Israel, eadar fhear agus bhean, do gach aon builinn arain, agus mìr maith feòla, agus copan fìona.

4 Agus dh'orduich e cuid de na Lebhithich a fhrithealadh roimh àirce an Tighearn', agus a chur air chuimhne, agus a thoirt buidheachais agus cliù do'n Tighearn Dia Israeil:

5 Asaph an ceann, agus 'n a dhéigh-san Sechariah, an sin Ieiel, agus Semiramot, agus Iehiel, agus Matitiah, agus Eliab, agus Benaiah, agus Obed-edom: agus Ieiel le saltairibh agus clàrsaichibh; agus Asaph le c'ombalaibh a' deanamh fuaim:

6 Benaiah mar an ceudna agus Iabasiel na sagartan, le trompaidibh a ghnàth roimh àirce coimheangail Dhé.

7 An sin air an là sin, thug Daibhidh seachad a' cheud uair an *laidh* mholaidh so do'n Tighearn, ann an làimh Asaiph agus a bhràithrean:

8 Molaibh an Tighearn, gairmibh air 'ainm, deanaibh a ghnìomharan aithnichte am measg nan sluagh.

9 Seinnibh dha-san, seinnibh sailm dha, labhraibh air 'uile oibribh iougantach-san.

10 Deanaibhse uail 'n a ainm naomh: deanadh cridhe ua muinntir a tha 'g iarraidh an Tighearna gairdeachas.

11 Iarraibh an Tighearn agus a neart, iarraibh a ghnàis a ghnàth.

12 Cuimhnichibh 'oibrean iougantach a rinn e, a chomharau agus breitheanais a bhéil;

13 O sibhse a shìochd Israeil 'òglaich-san, sibhse a chlann Iacoib, a dhaoine taghta-san.

14 *Is* esan an Tighearn ar Dia-ne: air feadh na talmhainn uile *tha* a bhreitheanais-san.

15 Cuimhnichibh an còmhnuidh a choimheangail, am focal a dh'àithn e do mhìle ginealach;

16 A rinn e ri h-Abraham, agus a mhionnan do Isaac:

17 Agus dhaingnich e siu do Iacob mar lagh, do Israel mar choimheangal bith-bhuan,

18 Ag ràdh, Dhuitse bheir mi fearann Chanaain, crannchur bhuir n-oighreachd.

19 An uair nach robh iad ach ro thearc 'an àircamh, agus 'n an coigrich ann.

20 Agus a chaidh iad o chinncach gu cinncach, agus o rìoghachd gu sluagh eile;

21 Cha do leig e le dhìne sam bith eucoir a dheanamh orra; agus smachdaich e rìghrean air an son-san:

22 *Ag ràdh*, Na beanaibh ri m' dhao'nibh ungta, agus air u'fhàidhibh na deanaibh cron sam bith.

23 Seinnibh do'n Tighearn, gach uile thir; foillsichibh o là gu là a shlàinte.

24 Cuiribh a ghlòir 'an céill am measg nan cinneach; 'oibre iougautach am measg nan uile shluagh:

25 Oir *is* mòr an Tighearn, agus ro airidh air cliù; agus *is* aobhar eagail esan os ceann nan uile dhiathan:

26 Oir *is* iodholan uile dhiathan nan cinncach; ach *is* e 'n Tighearn a rinn na nèamhan.

27 *Tha* glòir agus mòralachd 'n a làthair; neart agus subhachas 'n a ionad-san.

28 Thugaibh do'u Tighearn, sibhse fhìneacha nan sluagh; thugaibh do'n Tighearn urram agus neart.

29 Thugaibh do'n Tighearn an t-urram a's cubhaidh d'a ainm: thugaibh tabhartas leibh, agus thigibh 'n a làthair; sleuchdailb do'n Tighearn ann am uaise na naomhachd.

30 Bitheadh cagal oirbh 'n a fhianuis-san, gach uile thir: daingnichear au dounhan leis, air chor as nach ghuaisear e.

31 Bitheadh na nèamhan ait, agus deanadh an talamh gairdeachas; agus abradh iad am



measg nan cinneach, Tha'n Tighearn a' rioghachadh.

32 Beucadh an fhaire, agus a làn; deanadh a' mhaichair gairdeachas, agus gach *ni* a *tha* innte.

33 An sin seinnidh craobhan na coille gu h-àrd-ghruthach an làthair an Tighearn', a chionn gu bheil e 'teachd a thoirt breth air an talamh.

34 Molaibh an Tighearn, oir *tha* e maith; oir gu bràth *mairidh* a thròcair.

35 Agus abraibhise, Tèaruinn sinn, O 'Dhé ar slàinte, agus cruinnich r'a chéile sinn, agus saor sinn o na cinnich, a chum gu'n toir sinn moladh do d'ainm naomha-sa, agus gu'n dean sinn uail ann ad chlu.

36 Beannaichte gu robh an Tighearn Dia Israeil gu saoghal nan saoghal. Agus thubhairt an sluagh uile, Amen, agus chliùthaich iad an Tighearn.

37 Agus dh'fhàg e an sin fa chomhair àirce còimheangail an Tighearn', Asaph agus a bhràithrean, a fhrithealadh air beulaobh na h-àirce an còmhnuidh, mar a dh'iarraidh obair gach là:

38 Agus Obed-edom, agus am bràithrean, oehd agus trì fichead: Obed-edom mar an ceudna, mac Iedutuin, agus Hosah, 'n an dorsairibh:

39 Agus Sadoc an sagart, agus a bhràithrean na sagartan, fa chomhair pàilliuin an Tighearna, anns an àit àrd a *bh'*ann an Gibcon,

40 A dh'ìobradh ìobairtean-loisgte do'n Tighearn air altair na h-ìobairt-loisgte a ghnàth, 's a' mhaduinn agus 's an fheasgar, agus a *dheanamh* a réir gach ni a *tha* sgrìobhta ann an lagh an Tighearn', a dh'aithean e do Israel:

41 Agus maille riu-san Heman agus Iedutun, agus a' chuid eile a thaghadh, a ghairmeadh air an ainmibh, a thoirt cliù do'n Tighearn, a chionn gu *bheil* a thròcair bith-bhuan:

42 Eadhon maille riu-san Heman agus Iedutun le trompaidibh, agus le ciombal-aibh, a' deanamh fuain, agus le h-inneal-aibh ciuil Dhé: agus *bha* mic Iedutuin 'n an dorsairibh.

43 Agus dh'fhalbh an sluagh uile, gach duine d'a thigh féin: agus phill Daibhidh a bheannachadh a thighe féin.

# CAIB. XVII.

1 *Thoir misg Natan do Dhaibhidh tigh a thogail do Dhia.* 11 *Fhuair Daibhidh gealladh air beannachdaibh àraidh 'n a shliochd.* 16 *'Urnuigh agus a laoidh-mholaidh.*

**A** NIS an uair a bha Daibhidh 'n a shuidhe 'n a thigh, thubhairt Daibhidh ri Natan am fàidh, Feuch, *tha* mise a'm' chòmhnuidh ann an tigh seudair, ach *tha* àire còimheangail an Tighearna fo chùirt-einibh.

2 Agus thubhairt Natan ri Daibhidh,

Dean gach ni a *tha* ann ad chridhe; oir *tha* Dia leat.

3 Agus air an oidhche sin féin thàinig focal Dhé gu Natan, ag ràdh,

4 Falbh agus innis do m'òglach Daibhidh, Mar so tha'n Tighearn ag ràdh, Cha tog thusa dhomhsa tigh gu còmhnuidh 'ghabhail ann:

5 Oir cha do ghabh mise còmhnuidh ann an tigh o'n là air an d'thug mi nìos Israel as an Eiphit gus an là'n diugh, ach bha mi o bhùth gu bùth, agus o phàilliuin gu pàilliuin.

6 Ge b'e taobh a chaidh mi le h-Israel uile an do labhair mi focal ri h-aon de bhreith-eamhnaibh Israel, (d'an d'aithean mi mo shluagh a bheathachadh,) ag ràdh, C'ar son nach do thog sibh dhomh tigh seudair?

7 A nis uime sin mar so their thu ri m' sheirbhiseach Daibhidh, Mar so tha Tighearn nan sluagh ag ràdh, thug mi thu o chrò nan caorach, o leantuinn nan caorach, gu bhì ann ad cheannard air mo shluagh Israel:

8 Agus bha mi leat gach taobh a chaidh thu, agus ghearr mi as do naimhdean uile romhad, agus rinn mi dhuit ainm cosnuil ri ainm nan daoine mòra a *tha* air an talamh.

9 Agus dh'òrduich mi àite do m' shluagh Israel, agus shuidhich mi iad, agus gabhaidh iad còmhnuidh 'n an àit, agus cha ghluaisear iad tuilleadh; cha mhò a chlaoidheas clann na h-aingidheachd iad tuilleadh, mar an toiseach,

10 Agus o'n àm 's an d'aithean mi do bhreith-eamhnaibh *bhì* os ceann mo shluaigh Israel: agus ceannsaichidh mi do naimhdean uile. Mar an ceudna tha mi 'g innseadh dhuit gu'n tog an Tighearn tigh dhuit.

11 Agus an uair a choinmhlionar do làithean, agus gur h-éigin duit triall maille ri d'athairichibh, togaidh mise suas do shliochd a'd' dhéigh, a bhitheas de d' mhacaibh; agus daingnichidh mi a rioghachd-san.

12 Togaidh esan tigh dhomh, agus daingnichidh mi a rìgh-chaitheir gu bràth.

13 Bithidh mi a'm' athair dha, agus bithidh esan 'n a mhac dhomhsa; agus cha toir mi mo thròcair air falbh uaith, mar a thug mi uaithe-san a bha romhad-sa.

14 Agus suidhichidh mi e ann am thigh agus ann am rioghachd gu bràth; agus bithidh a rìgh-chaitheir daingean gu bràth.

15 A réir nam briathar so uile, agus a réir an taisbeinidh so uile, mar sin labhair Natan ri Daibhidh.

16 An sin chaidh rìgh Daibhidh a stigh, agus shuidh e 'am fianais an Tighearn', agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

17 Agus bu bheag so a'd' shùilbha-sa, O Dhé, oir labhair thu *mar an ceudna* mu thigh do sheirbhisich ré aimsir fhada ri

## 1 EACHDRAIDH, XVIII.

teachd, agus thug thu meas orm a réir staid duine àrd-inbhich, a Thighearna Dhé.

18 Ciod tuilleadh is urrainn Daibhidh a ràdh riut, air son urrainn do sheirbhiseach? ach is aithne dhuit do sheirbhiseach.

19 A Thighearna, is ann air son do sheirbhiseach, agus a réir do chridhe féin a rinn thu na nithean mora so uile, a chum gu'n deanadh tu na nithean mòra so gu léir aithnichte.

20 O Thighearna, cha-n'eil neach ann cosmhuil riutsa, agus cha-n'eil Dia ann ach thusa, a réir gach nì a chuala sinn le'r cluasaibh.

21 Agus cia an cinneach air thalamh cosmhuil ri d' shluagh Israel, a chaidh Dia a shaoradh mar shluagh dha féin, a dhcanamh aithe dhuith féin, a dheanamh nithean mora agus uamhasach le cinnich fhògradh roimh do shluagh, a shaor thu as an Eiphit?

22 Oir rinn thu do shluagh Israel 'n an sluagh dhuit féin gu bràth; agus tha thusa, a Thighearn', a'd' Dhia aca.

23 A nis ma ta, a Thighearn', am focal a labhair thu mu thimchioll do sheirbhiseach, agus mu thimchioll a thighe, daingnickear e gu bràth, agus dean mar a thubhairt thu.

24 Bitheadh e eadhon air a dhaingneachadh, agus àrdaicear d'ainm-sa gu bràth, ag ràdh, *Is e Tighearn nan sluagh Dia Israeil a's Dia do Israel*: agus bitheadh tigh Daibhidh do sheirbhiseach air a dhaingneachadh a d' fhianuis.

25 Oir dh'fhoillsich thusa, O mo Dhia, do d' sheirbhiseach, gu'n togadh tu tigh dha: uime sin fhuair do sheirbhiseach 'n a chridhe urnuigh a dheanamh a'd' làth-air.

26 Agus a nis, a Thighearn', is tu féin Dia, agus gheall thu do d' sheirbhiseach am maitheas so.

27 A nis uime sin gu ma toil leat tigh do sheirbhiseach a bheannachadh, a chum gu'm bi e gu bràth a'd' fhianuis: oir an uair a bheannaicheas tusa, a Thighearna, beannaichte bithidh e gu bràth.

### CAIB. XVIII.

1 Cheannsaich Daibhidh na Philistich, agus thug e na Moabaich fo chis. 3 Bhual e Hadareser agus na Sirianaich. 9 Chuir Tou a mhac le tiòdhlaicibh a dh'ionnsuidh Daibhidh. 13 Chuir Daibhidh freiceadain ann an Edom. 15 A luchd-dreuchd.

**A**GUS an déigh so bhuail Daibhidh na Philistich, agus cheannsaich e iad; agus ghlac e Gat agus a bhailean bcaga á làimh nam Philisteach.

2 Agus bhuail e Moab; agus bha na Moabaich 'n an seirbhiseach aig Daibhidh, agus thug iad tabhartais leo.

3 Agus bhuail Daibhidh Hadareser righ Shobah gu ruig Hamat, an uair a chaidh e a dhaingneachadh a thighearnais aig amhainn Euphrates.

4 Agus thug Daibhidh uaith mìle carbad, agus seachd mìle marcach, agus fichead mìle coisiche: agus ghearr Daibhidh speireachan each nan carbad uile, ach dh'fllag e dhiubh dlighe cheud carbad.

5 Agus an uair a thàinig Sirianaich Dhamascuis a chuideachadh le Hadareser righ Shobah, mharbh Daibhidh de na Sirianaich dà mhìle fichead fear.

6 An sin chuir Daibhidh freiceadain ann an Siria Dhamascuis; agus bha na Sirianaich 'n an seirbhiseach aig Daibhidh, agus thug iad tabhartais leo. Agus ghléidh an Tighearn Daibhidh gach taobh a chaidh e.

7 Agus ghabh Daibhidh na sgiathan òir a bh'air seirbhiseich Hadareser, agus thug e iad gu h-Ierusalem.

8 Agus o Thibat agus o Chun, bailtibh Hadareser, thug Daibhidh ro mhòran umha, leis an d'rinn Solamh an fhairege umha, agus na puist, agus na soithichean umha.

9 Agus an uair a chuala Tou righ Hamait gu'n do bhuail Daibhidh uile shluagh Hadareser righ Shobah,

10 Chuir e Hadoram a mhac gu righ Daibhidh, a chur fàilte air, agus g'a bheannachadh, a chionn gu'n do chog e 'n aghaidh Hadareser, agus gu'n do bhuail se e; (oir bha Hadareser a' cogadh ri Tou); agus leis-san gach uile glmè shoithichean òir, agus airgid, agus umha.

11 Iad sin mar an ceudna choisrig righ Daibhidh do'n Tighearn, maille ris an airgid agus an òr a thug e o na cinneach-aibh so uile; o Edom, agus o Mhoab, agus o chloinn Amoin, agus o na Philistich, agus o Amalec.

12 Os bàrr, mharbh Abisai mac Sheruah de na h-Edomaich ann an gleann an t-salaimn ochd mìle deug.

13 Agus chuir e freiceadain ann an Edom; agus bha na h-Edomaich uile 'n an seirbhiseach aig Daibhidh. Agus ghléidh an Tighearn Daibhidh gach taobh a chaidh e.

14 Agus rìghich Daibhidh air Israel uile; agus bha e a' cur 'an gnìomh breitheanais agus ceartais d'a shluagh uile.

15 Agus bha Ioab mac Sheruah os ceann na h-armailte; agus Iehosaphat mac Ahiluid 'n a sheanachaidh;

16 Agus Sadoc mac Ahituib, agus Ahimelech mac Abitair 'n an sagartaibh; agus Sabhsa 'n a sgrìobhaiche;

17 Agus Benaiah mac Iehoiada os ceann nan Cereteach, agus nam Peleteach. Agus b'iad mic Dhaibhidh 'bu mhò inbhe mu thimchioll an righ.



## CAIB. XIX.

1 *Bhuin Hanun gu h-òle ri teachdaireibh Dhaibhidh.* 6 *Bhuail Ioab clann Amoin agus na Sirianaich a thàinig g'an còmhladh.* 17 *Cheannsaich Daibhidh na Sirianaich.*

**A** GUS an déigh so fhuair Nahas rìgh chloinn Amoin bàs, agus rìghich a mhac 'n a àit.

2 Agus thubhairt Daibhidh, Nochdaidh mi caoinhneas do Hanun mac Nahais, a chionn gu'n do nochd 'athair-san caoinhneas dhomhsa. Uime sin chuir Daibhidh teachdairean gu comhfhurtachd a thoirt da mu thùmhchioll 'athar: agus thàinig seirbhiseich Daibhidh do fhearann chloinn Amoin gu Hanun, chum comhfhurtachd a thabhairt da.

3 Ach thubhairt ceannardan chloinn Amoin ri Hanun, An saoil thusa gur ann a chum urram a thabhairt do d'athair a chuir Daibhidh a d' ionnsuidh luchd comhfhurtachd? nach ann a raonsachadh, agus a ghabhail beachd air an fhearann, agus a' sgrìos, a thàinig a sheirbhisich a' d' ionnsuidh?

4 Uime sin ghlac Hanun seirbhisich Dhaibhidh, agus bhearr e iad, agus ghearr e an eudach 's a' mheadhon, gu ruig am màsan; agus chuir e air falbh iad.

5 Agus chaidh daoine, agus dh'innis iad do Dhaibhidh mar a bhuineadh ris na fearaibh; agus chuir esan teachdairean 'n an coinnneamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho agus am fàs bhur feusag, agus an sin pillibh.

6 Agus an uair a chunnaic clann Amoin gu'n d' rinn siad iad féin gràineil do Dhaibhidh, chuir Hanun agus clann Amoin mìle tàlann airgid a thuarasdalachadh charbad agus marc-shluaigh dhoibh á Mesopotamia, agus á Siria-maachah, agus á Sobah.

7 Agus thuarasdalaich iad dà mhìle dheug thar fhichead fear, agus carbadan, agus rìgh Mhaachah agus a shluagh; agus thàinig iadsan agus champaich iad fa chomhair Mhedeaba. Agus chruinnich clann Amoin iad féin 'an ceann a chèile as am bailtibh, agus thàinig iad chum catha.

8 Agus an uair a chuala Daibhidh sin, chuir e mach Ioab; agus uile fheachd nan daoine treuna.

9 Agus thàinig clann Amoin a mach, agus chuir iad an cath 'an ordugh fa chomhair geata a' bhaile: agus bha na rìghrean a thàinig, leo féin anns a' mhachair.

10 Agus an uair a chunnaic Ioab gu'n robh aghaidh a' chatha ris air a bheulaobh, agus air a chùlaobh, thagh e mach cuid de uile dhaoineibh taghta Israeil, agus chuir e ann an ordugh catha iad an aghaidh nan Sirianaich.

11 Agus a' chuid eile de'n t-sluagh thug e thairis do hìmh Abisai a bhràthar, agus

chuir iadsan iad féin 'an ordugh an aghaidh chloinn Amoin.

12 Agus thubhairt e, Ma bhitheas na Sirianaich nì's treise na mise, an sin cuidichidh tusa leamsa: ach ma bhitheas clann Amoin nì's treise na thusa, an sin cuidichidh mise leatsa.

13 Bi misneachail, agus bitheamaid gaisgeil air son ar sluaigh, agus air son bhailean ar Dé: agus deanadh an Tighearn an nì a tha maith 'n a shùilibh.

14 Agus thàinig Ioab am fagus, agus an sluagh a bha maille ris, an aghaidh nan Sirianaich gu cath; agus theich iad roimhe.

15 Agus an uair a chunnaic clann Amoin gu'n do theich na Sirianaich, theich iadsan mar an ceudna roimh Abisai a bhràthair, agus chaidh iad a steach do'n bhaile. An sin thàinig Ioab gu h-Ierusalem.

16 Agus an uair a chunnaic na Sirianaich gu'n do bhuail iad roimh Israeil, chuir iad teachdairean uatha, agus thug iad a mach na Sirianaich a bha air an taobh thall de'n amhaoin; agus chaidh Sopach ceannard armaite Hadareseir rompa.

17 Agus an uair a dh'innseadh sin do Dhaibhidh, chruinnich e Israeil uile, agus chaidh e thar Iordan, agus thàinig e orra, agus chuir e 'n cath 'an ordugh 'n an aghaidh. Agus an uair a chuir Daibhidh an cath 'an ordugh an aghaidh nan Sirianaich, chog iad ris.

18 Agus theich na Sirianaich roimh Israeil; agus mharbh Daibhidh de na Sirianaich fà sheachd mìle carbad, agus dà fhichead mìle coisiche, agus mharbh e Sopach ceannard na h-armaite.

19 Agus an uair a chunnaic seirbhisich Hadareseir gu'n do bhuail iad roimh Israeil, rinn iad sìth ri Daibhidh, agus rinn iad seirbhis da: agus cha chuidicheadh na Sirianaich le cloinn Amoin tuilleadh.

## CAIB. XX.

1 *Theannaich Ioab Rabah:* 2 *Chreach Daibhidh am baile, agus bhuin e gu cruaidh r'a shluagh.* 4 *Mharbhadh triuir fhamhairean.*

**A** GUS aig teachd mu'n cuairt na bliadhna, mu'n àm anns an téid rìghrean a mach gu cogadh, tharruing Ioab a mach neart an airm, agus chuir e fàs duthaich chloinn Amoin, agus thàinig e agus theannaich e Rabah; (ach dh'fhan Daibhidh ann an Ierusalem); agus bhuail Ioab Rabah, agus sgrìos se e.

2 Agus thug Daibhidh crùn an rìgh bhàrr a chinn, agus fhuair e cudthrom tàlann òir ann, agus bha clachan luachmhor ann; agus chuireadh e air ceann Daibhidh; agus thug e mach ro mhòran creiche as a' bhaile.

3 Agus thug e mach an sluagh a bha ann, agus ghearr e iad le sàibh, agus le h-inneal-aibh-bualaidh iaruin, agus le tuaghan: agus mar so bhuin Daibhidh ri uile bhailtibh

## 1 EACHDRAIDH, XXI.

chloinn Amoin. Agus phill Daibhidh agus an sluagh uile gu h-Ierusalem.

4 Agus 'n a dhéigh so dh'éirich cogadh ann an Geser ris na Philistich: an sin bhuail Sibeach an t-Husatach Sipai a bha de shliochd an fhamhair; agus cheannsaicheadh iad.

5 Agus bha ris cogadh ris na Philistich; agus bhuail Elhanan mac Iair Lahmi, bráthair Gholiath a' Ghitich, aig an robh crann a shleagha mar gharmain figheadair.

6 Agus bha fathast cogadh ann an Gat, far an robh fear de mheudachd mhóir, agus se meoir aige air gach làimh, agus se air gach cois, ceithir thar fhichead an àireamh; agus rugadh esan mar an ceudna do'n fhamhair.

7 Ach an uair a thug e dùbhlán do Israel, mharbh Ionatan mac Shimea, bráthair Dhaibhidh, e.

8 Rugadh iad sin do'n fhamhair ann an Gat; agus thuit iad le làimh Dhaibhidh, agus le làimh a sheirbhiseach.

### CAIB. XXI.

1 Chuir Daibhidh Ioab gu Israel àireamh: 7 Mhì-thaitinn an nì so ri Dia: 8 Dhàidich Daibhidh a pheacadh. 10 De na trì nithibh a chuir Dia fa' chomhair ròghnaich e a' plàigh. 16 Rinn Daibhidh eadar-ghuidhe air son an t-sluaigh. 18 Cheannaich e urlar-bualaidh Ornain.

**A**GUS sheas Satan suas an aghaidh Israel, agus bhrosnuich e Daibhidh gu Israel àireamh.

2 Agus thubhairt Daibhidh ri Ioab, agus ri uachdaranaihb an t-sluaigh, Rachaibh, àirmhibh Israel o Bheer-seba eadhon gu Dan; agus thugaibh an àireamh a m' ionnsuidh-sa, chum gu'm bi fios again air.

3 Agus fhreagair Ioab, Gu'n deanadh an Tighearn a shluaigh féin ceud uair nì's lionmhoire na tha iad. Ach, mo thighearn' a rìgh, nach iad seirbhisich mo thighearn' iad uile? 'Car son ma seadh a tha mo thighearn ag iarraidh an nì so? 'Car son a bhios e 'n a aobhar cionta do Israel?

4 Gidheadh, bhuadhaich focal an rìgh an aghaidh Ioab: uime sin dh'innich Ioab, agus chaidh e air feadh Israeil uile, agus thàinig e gu h-Ierusalem.

5 Agus thug Ioab uibhlir àireimh an t-sluaigh do Dhaibhidh: agus bha ann de Israel uile, mìle de mhiltibh agus ceud mìle fear a tharruing claidheamh; agus de Iudah, ceithir cheud agus deich agus trì fichead mìle fear a tharruing claidheamh.

6 Ach Lebhi agus Benjamin cha d'rinn e àireamh 'n am measg; oir bha focal an rìgh gràineil do Ioab.

7 Agus mhi-thaitinn an nì so ri Dia; uime sin bhuail e Israel.

8 Agus thubhairt Daibhidh ri Dia, Pheacaidh mi gu mòr, a chionn gu'n d'rinn mi an nì so; ach a nis, guidheam ort, thoir air

falbh cionta do sheirbhisich; oir rinn mi gu ro amaideach.

9 Agus labhair an Tighearn ri Gad, fear-seallaidh Dhaibhidh, ag ràdh,

10 Falbh agus labhair ri Daibhidh, ag ràdh, Mar so tha'n Tighearn ag ràdh, Tri nithean tha mi 'cur fa d' chomhair; ròghnaich dhuit féin aon diubh, chum gu'n dean mi dhuit e.

11 Agus thàinig Gad a dh'ionnsuidh Dhaibhidh, agus thubhairt e ris, Mar so tha'n Tighearn ag ràdh, Gabh do roghainn:

12 Aon chuid trì bliadhna gortaidh; no 'bhithrimiosan' a' teicheadh roimh do naimh-dibh, agus claidheamh do naimhdean a' breith ort; no trì làithean de chlaidheamh an Tighearna, cadhon de'n plàigh, anns an fhearann, agus aingeal an Tighearn' a' sgrios air feadh uile chrìochan Israeil: a nis uime sin faic ciod a fhreagaireas mi dha-san a chuir uaith mi.

13 Agus thubhairt Daibhidh ri Gad, Tha mi ann an teim mhòir: tuiteam a nis ann an làimh an Tighearn', oir is ro lionmhor a thròcairean; ach ann an làimh duine na tuiteam.

14 Agus chuir an Tighearn plàigh air Israel: agus thuit de Israel deich agus trì fichead mìle fear.

15 Agus chuir Dia aingeal gu h-Ierusalem, chum a sgrios: agus an uair a bha e a' sgrios, dh'amhairc an Tighearn, agus ghabh e aithreachas a thaobh an uile, agus thubhairt e ris an aingeal a bha ri sgrios, *Is leòir e*; cum a nis air do làimh. Agus sheas aingeal an Tighearna làimh ri urlar-bualaidh Ornain an Iebusaich.

16 Agus thog Daibhidh suas a shùilean, agus chunnaic e aingeal an Tighearna 'n a sheasamh eadar talamh agus nèamh, agus a chlaidheamh rùisgte 'n a làimh, sìnte mach os ceann Ierusalem: agus thuit Daibhidh agus seanairean Israeil, còmhdaichte le saic-eudach, sìos air an aghaidh.

17 Agus thubhairt Daibhidh ri Dia, Nach mise a dh'aitn an sluagh àireamh? Is mise féin a pheacaidh, agus a rinn gu ro olc; ach na caoraich so, ciod a rinn iadsan? Bith-eadh do làmh, guidheam ort, a Thighearna mo Dhia, a'm' aghaidh-sa, agus an aghaidh tighe m'athar; ach an aghaidh do shluaigh na bitheadh i, gu plàigh a chur orra.

18 An sin dh'aitn aingeal an Tighearna do Ghad a ràdh ri Daibhidh, gu'n rachadh Daibhidh suas a thogail altarach do'n Tighearn ann an urlar-bualaidh Ornain an Iebusaich.

19 Agus chaidh Daibhidh suas air focal Ghaid, a labhair e ann an ainm an Tighearna.

20 Agus thionndaidh Ornan air ais, agus chunnaic e an t-aingeal; agus dh'fhòlaich a cheathrar mhac, a bha maille ris, iad



fein. A nis bha Ornan a' bualadh cruithneachd.

21 Agus an uair a thàinig Daibhidh a dh'ionnsuidh Ornan, dh'anihaire Ornan agus chunnaic e Daibhidh, agus chaidh e mach as an urlar-bhualaidh, agus chrom se e fein do Dhaibhidh le 'aghaidh gu lár.

22 An sin thubhairt Daibhidh ri Ornan, Thoir dhomhsa àit an urlar-bhualaidh so, a chum gu'n tog mi altair ann do'n Tighearn: air a làn luach bheir thu dhomh e, a chum gu'n caisgear a' phlàigh o'n t-sluagh.

23 Agus thubhairt Ornan ri Daibhidh, Gabh thugad e, agus deanadh mo thighearn an rìgh an *ni a tha* maith 'n a shùilbh: feuch, tha mi 'toirt a' bhuair *dhuut* chum ìobairtean-loisgte, agus nan innealan-bualaidh chum connaidh, agus a' chruthneachd chum tabhartais-bidh; sin uile tha mi 'tabhairt *duit*.

24 Agus thubhairt rìgh Daibhidh ri Ornan, Ni h-eadh, ach gu deimhin ceannaichidh mi *iad* air an làn luach; oir cha ghabh mi an *ni a's* leatsa gu 'thoirt do'n Tighearn, agus cha toir mi suas ìobairtean-loisgte gun chostus.

25 Uime sin thug Daibhidh do Ornan air an àite, sè ceud secl òir air thomhas.

26 Agus thog Daibhidh an sin altair do'n Tighearn, agus dh'ìobair e ìobairtean-loisgte agus ìobairtean-sith, agus ghairm e air an Tighearn; agus fhreagair se e le teine o neamh air altair na h-ìobairt-loisgte.

27 Agus dh'àithn an Tighearn do'n aingel; agus chuir e suas a chlàidheamh a ris 'n a thruaill.

28 'S an àm sin, an uair a chunnaic Daibhidh gu'n do fhreagair an Tighearn e ann an urlar-bhualaidh Ornan an Iebusaich, dh'ìobair e an sin:

29 Oir bha pàillion an Tighearn' a rinn Maois 's an fhàsach, agus altair na h-ìobairt-loisgte 's an àm sin anns an àit àrd ann an Gibcon.

30 Ach cha b'urrainn Daibhidh dol 'n a lathair, a dh'fhiosrachadh de Dhia; oir bha e fo eagal air son claidheamh aingil an Tighearna.

# CAIB. XXII.

1 Dh'ulluich Daibhidh gu pàill air son tìghe an Tighearna. 6 Thagaisg e do Sholamh a dh'eadanas, agus geallannan Dhé d'a thaobh. 17 Thug e àithne do wachdaranaih Israeil iad a chuideachadh le Solamh.

**A**GUS thubhairt Daibhidh, *Is* e so tìgh an Tighearn' Dé, agus *is i* so altair na h-ìobairt-loisgte do Israeil.

2 Agus dh'àithn Daibhidh na coigrich a bha ann am fearann Israeil a chruinneachadh an ceann a chèile; agus chuir e clachairean a ghearradh chlachan snaidhte a thogail tìghe Dhé.

3 Agus sholair Daibhidh iarunn ainn am

pailteas chum tàirngean do chomhlachibh nan geatachan, agus a chum nan dùthadh; agus umha ann am pailteas, gun tomhas;

4 Agus fiodh seudair gun àireamh, oir thug na Sìdonaich agus muinntir Thiruis fiodh seudair 'am pailteas a dh'ionnsuidh Dhaibhidh.

5 Agus thubhairt Daibhidh, Tha Solamh mo mhac òg agus maoth; agus an tìgh a tha ri thogail do'n Tighearn, *is eòir* a dheanamh mòr agus àrd, a chum gu'm bi e ainmeil agus 'n a aobhar uail air feadh gach uile thìr: uime sin ulluichidh mise fa 'chomhair. Agus dh'ulluich Daibhidh gu pàill roimh a bhàs.

6 Agus ghairm e air Solamh a mhac, agus dh'àithn e dha tìgh a thogail do'n Tighearn Dia Israeil.

7 Agus thubhairt Daibhidh ri Solamh, A mhic, air mo shonsa dheth, bha ann am aire tìgh a thogail do ainm an Tighearna mo Dhe:

8 Ach thàinig focal an Tighearn' a m' ionnsuidh, ag ràdh, Dhòirt thu mòran fola, agus rinn thu cogannan mòra: cha tog thu tìgh do m'ainm-sa, a chionn gu'n do dhòirt thu mòran fola air an talamh a'm' fhianuis.

9 Feuch, beirear mac dhut: bithidh esan 'n a dhuine foistinneach, agus bheir mise fois dha o 'naimhdeibh uile mu'n cuairt; oir bithidh Solamh mar ainm air, agus sìth agus suaimhneas bheir mise do Israel r'a linn-san.

10 Togaidh esan tìgh do m'ainm-sa; agus bithidh e 'n a mhac dhomh, agus *bithidh* mise a'm' athair dha-san; agus daingnichidh mi rìgh-chathair a rìoghachd os ceann Israeil gu bràth.

11 A nis uime sin, a mhic, gu'n robh an Tighearn maille riut, chum gu'n soirbhich thu, agus gu'n tog thu tìgh an Tighearna do Dhé, mar a labhair e mu d' thirachìoll.

12 A mhàin gu'n tugadh an Tighearn dhuit gliocas agus tuigse, agus gu'n tugadh e dhuit àithne a thaobh Israeil, chum gu'n gléidh thu lagh an Tighearna do Dhé.

13 An sin soirbhichidh tu, ma bheir thu 'n aire gu'n coimhlion thu na reachdan agus na breitheanas a dh'àithn an Tighearn do Mhaois a thaobh Israeil: bi làidir, agus biodh deadh mhiseach agad; na gabh eagal agus na bi fo uamhann.

14 A nis, feuch, ann am theanntachd dh'ulluich mise fa chomhair tìghe an Tighearna ceud mìle tàlann òir, agus mìle de mhìldeibh tàlann airgid, agus de umha agus de iarunn gun tomhas: (oir tha ro-phailteas ann:) fiodh mar an ceudna agus clachan dh'ulluich mi; ach feudaidh tusa cur riu.

15 Mar an ceudna tha luchd-oibre 'am pailteas agad, snaidheadairean agus luchd saothreachaidh cloiche agus fiodha, agus gach uile gnè dhaoime tìrail fa chomhair gach gnè oibre.

16 Air an òr, an airgiod, agus an umha, agus an iarunn, cha-n'èil àireamh. Eirich agus dean romhad, agus gu robh an Tighearn maille riut.

17 Dh'èithn Daibhidh mar an ceudna do uachdaranaibh Israeil gu léir, iad a chuid-eachadh le Solamh a mhac, *ag ràdh*,

18 Nach 'èil an Tighearn bhur Dia maille ribh? agus nach d'thug e dhuibh suaimhneas air gach taobh? oir thug e luchd-àiteachaidh na tìre a'm' làimh-sa; agus tha'n tìr air a eòsnachadh roimh an Tighearn, agus roimh a shluagh.

19 A nis uime sin socraichibh bhur eridhe agus bhur n-anam a dh'iarraidh an Tighearn bhur Dé: éiribhse agus togaibh ionad naomh an Tighearna Dé, chum gu'n toir sibh steach-àire còmhcheangail an Tighearn, agus soithichean naomha Dhé, do'n tigh a tha r'a thogail do ainm an Tighearna.

### CAIB. XXIII.

1 *Rinn Daibhidh, 'n a shean aois, Solamh 'n a rìgh. 3 Àireamh nan Lebhithich. 7 Teaghlachan nan Gersonach. 12 Mic Chohait. 21 Mic Mherari. 24 Dreuchd nan Lebhithich.*

**A**NIS an uair a bha Daibhidh sean agus 'n làn de làithibh, rinn e Solamh a mhac 'n a rìgh air Israel.

2 Agus chruinnich e 'n ceann a chèile ceannardan Israeil uile, agus na sagartan agus na Lebhithich.

3 Agus dh'àirmheadh na Lebhithich o aois dheich bliadhna fichead agus os a cheann: agus b'e an àireamh air an cinn, duin' air dhùine, oehd mìle deug thar fhichead.

4 Dhuibh sin bha ceithir mìle fichead gu obair tighe an Tighearn' a chur air a h-aghaidh, agus sè mìle 'n an luchd-riaghlaidh agus 'n am breitheamhnaibh:

5 Agus ceithir mìle 'n an dorsairibh; agus ceithir mìle a' cliùthachadh an Tighearn' leis na h-innealaibh a rinn *Daibhidh* gu cliùthachadh.

6 Agus roinn Daibhidh iad 'n an roinnibh eadar mhacaibh Lebhi, *eadhon* Ghersoin, Chohait, agus Mherari.

7 De na Gersonaich; Laadan agus Simeil.

8 Mic Laadain; Ichiel an ceann, agus Set-am, agus Ioel, triuir.

9 Mic Shimeil; Selomit, agus Hasiel, agus Haran, triuir. *B'iad sin cinn aithrichean Laadain.*

10 Agus mic Shimeil; Iahat, Sidsa, agus Ieus, agus Beriah. *B'iad sin mic Shimeil, ceathrar.*

11 Agus b'e Iahat an ceann, agus Sidsa an dara fear: ach cha robh mòran mhac aig Ieus agus Beriah; uime sin bha iad ann an aon àireamh, a réir tighe an aithrichean.

12 Mic Chohait; Amram, Itsar, Hebron, agus Udsiel, ceathrar.

13 Mic Amrain; Aaron agus Maois; agus dhealaicheadh Aaron chum gu'n naomhaich-

eadh e na nithean ro naomha, e féin agus a mhic gu bràth, gu'n loisgeadh e tùis an làthair an Tighearna, gu'm fritheilceadh e dha, agus gu'm beannaicheadh e 'ainm gu bràth.

14 A nis *mu thimchioll* Mhaois òglaich Dhé, bha a mhic air an ainmeachadh de thrèibh Lebhi.

15 Mic Mhaois; Gersom agus Elieser.

16 Mic Ghersoim; Sebul an ceann.

17 Agus b'iad mic Elieser; Rehabiah an ceann. Agus cha robh aig Elieser mic sam bith eile; ach bha mic Rehabiah ro ònmhor.

18 Mic Itsar; Selomit an ceann.

19 Mic Hebroin; Ieriah an ceud *fhear*, Amariah an dara, Iahasiel an treas, agus Iecameam an ceathramh.

20 Mic Udsiel; Micah an ceud *fhear*, agus Iesiah an dara.

21 Mic Mherari; Machli agus Musi: mic Mhachli; Eleasar agus Cis.

22 Agus fhuair Eleasar bàs, agus cha robh mic aige, ach a mhàin nigheanan: agus ghabh am bràithrean mic Chis iad.

23 Mic Mhusi; Machli, agus Eder, agus Ieremot, triuir.

24 *B'iad sin mic Lebhi, a réir tighe an aithrichean, cinn nan aithrichean mar a dh'àirmheadh iad le àireamh an ainmean air an cinn, a rinn obair seirbhìs tighe an Tighearn', o aois fhichead bliadhna agus os a cheann.*

25 Oir thubhairt Daibhidh, Tha'n Tighearn Dia Israeil air toirt fois d'a shluagh, agus gabhaidh iad còmhnuidh ann an Ierusalem gu bràth.

26 Agus mar an ceudna a thaobh nan Lebhithich, cha *bh'i'm* pàilliu aca *ni's mò* r'a iomchar, agus uile shoithichean a sheirbhìs.

27 Oir le briathraibh deireannach Dhaidhidh dh'àirmheadh na Lebhithich o aois fhichead bliadhna agus os a cheann:

28 A chionn gu'm *b'e* an dreuchd-san bhi fo làimh mhae Aaron, fa chomhair seirbhìs tighe an Tighearn', anns na cùirtibh, agus anns na seòmraichibh, agus ann an glanadh nan uile nithean naomha, agus *ann an* obair seirbhìs tighe Dhé;

29 Aaron fa chomhair an arain thaisbeanaidh, agus fa chomhair na mine mine chum tabhartais-bidh, agus fa chomhair nam breacagan neo-ghoirtichte, agus fa chomhair nan nican *a dheasaichear* 's an aghann agus a ròistear, agus fa chomhair gach uile glùnè tomhais agus meud;

30 Agus a chum seasamh gach maduinn a thoirt buidheachais agus eliu do'n Tighearn, agus mar an ceudna mu fheasgar;

31 Agus a chum gach ìobairt-loisgte thoirt suas do'n Tighearn, air na sàbaidibh, agus air na gealaichibh nuadh, agus air na fèillich suidhichte, ann an àireamh, a réir



na riaghailt' a dh'àithneadh dhoibh a ghnàth an lathair an Tighearna.

32 Agus a chum gu'n gleidheadh iad cùram pàilliuin a' choinnlethionail, agus cùram an ionaid naoimh, agus cùram mhac Aaroin am bràithrean, ann an seirbhis tighe an Tighearna.

#### CAIB. XXIV.

1 Roinneadh mic Aaroin le crannchur 'n an ceithir buidhnibh thar fhichead. 20 Roinneadh a' chuid eile de mhacaibh Lebhi le crannchur.

**A**GUS is iad so roinnean mhac Aaroin. Mic Aaroin; Nadab, agus Abihu, Eleasar, agus Itamar.

2 Ach fhuair Nadab agus Abihu bàs roimh an athair, agus cha robh clann aca: uime sin fhrithleil Eleasar agus Itamar ann an dreuchd an t-sagairt.

3 Agus roinn Daibhidh iad, araon Sadoc de mhacaibh Eleasair, agus Ahimelech de mhacaibh Itamair, a réir an àireimh 'n an seirbhis.

4 Agus fhuairadh mic Eleasair nìs lionnhoire 'n am prìomh dhaoimibh na mic Itamair; agus mar so roinneadh iad: De mhacaibh Eleasair bha sè prìomh dhaoine deug, a réir tighe an aithrichean; agus de mhacaibh Itamair ochdnar, a réir tighe an aithrichean.

5 Agus roinneadh iad le crannchur, iad so leò sin; oir bha uachdarain an ionaid naoimh, agus uachdarain nam breitheamhan, de mhacaibh Eleasair agus de mhacaibh Itamair.

6 Agus sgrìobh Semaiah mac Netaneil an sgrìobhaiche, duine de na Lebhitheach iad, am fianuis an rìgh, agus nan uachdarain, agus Shadoie an t-sagairt, agus Ahimelech mhic Abiatair, agus cheann aithrichean nan sagart agus nan Lebhitheach; aon prìomh thigh air a ghabhail air son Eleasair, agus aon air a ghabhail air son Itamair.

7 Agus thàinig a' cheud chrann a mach do Ichoiariab, an dara do Iedaiah,

8 An treasa do Harim, an ceathramh do Sheorim,

9 An cùigeamh do Mhachiah, an sèathamh do Mhiamin,

10 An seachdamh do Hacots, an t-ochdamh do Abiah,

11 An naothamh do Iesua, an deicheamh do Shecaniah,

12 An t-aon deug do Eliasib, an dara crann deug do Iacim,

13 An treas deug do Chupah, an ceathramh deug do Iesebeab,

14 An cùigeamh deug do Bhilgah, an sèathamh deug do Imer,

15 An seachdamh deug do Hedsir, an t-ochdamh deug do Aphses,

16 An naothamh deug do Phetahiah, am ficheadamh do Iehesecel,

17 An t-aon thar fhichead do Iachin, an dara thar fhichead do Ghamul,

18 An treas thar fhichead do Dhelaiah, an ceathramh thar fhichead do Mhaasiah.

19 B'e sin an àireamh a réir an seirbhis chum teachd a steach do thigh an Tighearna, a réir an gnàtha, fo làimh Aaroin an athar, mar a dh'àithn an Tighearna Dia Israeil dha.

20 Agus a thaobh a' chuid eile de mhacaibh Lebhi: de mhacaibh Amrain; Subael: de mhacaibh Shubaeil; Iehdeiah.

21 A thaobh Rehabiah: de mhacaibh Rehabiah, an ceud fhear Isiah.

22 De na h-Itaraich; Selomot: de mhacaibh Shelomoit; Iahat.

23 Agus mic Hebroin; Ieriah an ceud fhear, Amariah an dara, Iahasiel an treasa, Iecameam an ceathramh.

24 De mhacaibh Udsieil; Micah: de mhacaibh Mhichah; Samir.

25 B'e bràthair Mhichah Isiah: de mhacaibh Isiah; Sechariah.

26 B'iad mic Mherari, Machli agus Musi: mic Iaasiah; Beno.

27 Mic Mherari le Iaasiah; Beno, agus Soham, agus Sachur, agus Ibrì.

28 O Mhachli thàinig Eleasar, aig nach robh mic sam bith.

29 A thaobh Chis: mic Chis; Ierahmeel.

30 Agus mic Mhusi; Machli, agus Eder, agus Ierimot. B'iad sin mic nan Lebhitheach, a réir tighe an aithrichean.

31 Agus chuir iad sin mar an ceudna crannchur fa chomhair am bràithrean mhac Aaroin, 'am fianuis Dhaibhidh an rìgh, agus Shadoie, agus Ahimelech, agus cheann aithrichean nan sagart agus nan Lebhitheach, eadhon cinn nan aithrichean fa chomhair am bràithrean a b'òige.

#### CAIB. XXV.

1 Aireamh agus dreuchd an luchd-frithealaidh.

8 Roinneadh iad le crannchur 'n an ceithir buidhnibh thar fhichead.

**O**S bàrr, chuir Daibhidh agus ceannardan an t-sluaigh air leth fa chomhair na seirbhis de mhacaibh Asaiph, agus Hemain, agus Iedutuinn. daoine a dheanadh faidheadaireachd, le clàrsaichibh, le salt-airibh, agus le ciombalaibh. Agus b'e àireamh an luchd-frithealaidh, a réir an seirbhis:

2 De mhacaibh Asaiph; Sachur, agus Ioseph, agus Netaniah, agus Asarelah, mic Asaiph, fo làimh Asaiph, a bha ri faidheadaireachd a réir àithne an rìgh.

3 O Iedutun: mic Iedutuinn; Gedaliah, agus Seri, agus Iesaiah, agus Simeì, agus Hasabiah, agus Matitiah, seathnar fo làimh a' athar Iedutuinn, a bha ri faidheadaireachd le clàrsaich a thoirt buidheachais agus cliù do'n Tighearna.

4 O Heman: mic Hemain; Buciah, Mataniah, Udsiel, Sebul, agus Ierimot, Han-

aniah, Hanani, Eliatah, Gidalti, agus Romamti- eser, Iosbecasah, Maloti, Hotir, Mahasiot:

5 B'iad sin uile mic Hemain, fhir-seallaidh an rìgh, ann am briathraibh Dhé, chum an adhare a thogail suas. Agus thug Dia do Heman ceithir mic dheug agus trì nigh-eanan.

6 Bha iad so uile fo làimh an athar. fa chomhair laoidhean tighe Dhé, le ciombal-aibh, saltairibh, agus clàrsaichibh, chum seirbhis tighe Dhé, fo làimh an rìgh, Asaiph, Hemain agus Iedutuìn.

7 Agus b'e an àireamh maille r'am bràith-ribh, a fhuair iunnsachadh air laoidhibh an Tighearna, *eadhon* iadsan uile a bha tàrail, dá cheud, ceithir fichead agus ochdnar.

8 Agus chuir iad crannchur, buidheann an aghaidh *buidhne*, am beag co mhaith ris a' mhòr, an t-oid-iunnsaich co mhaith ris an fhoghlumach.

9 Agus thàinig an ceud chrannchur a mach air Asaph, do Ioseph: an dara do Gheda- liah, dha féin agus d'a bhràithribh agus d'a mhacaibh, dà fhear dheug:

10 An treas do Shachur, d'a mhacaibh agus d'a bhràithribh, dà fhear dheug:

11 An ceathramh do Isri, d'a mhacaibh agus d'a bhràithribh, dà fhear dheug:

12 An cùigeamh do Netaniah, d'a mhac- aibh agus d'a bhràithribh, dà fhear dheug:

13 An sèathamh do Bhuchiah, d'a mhacaibh agus d'a bhràithribh, dà fhear dheug:

14 An seachdamh do Iesarelach, d'a mhac- aibh agus d'a bhràithribh, dà fhear dheug:

15 An t-ochdamh do Iesaiach, d'a mhac- aibh agus d'a bhràithribh, dà fhear dheug:

16 An naothamh do Mhataniah, d'a mhac- aibh agus d'a bhràithribh, dà fhear dheug:

17 An deicheamh do Shimei, d'a mhacaibh agus d'a bhràithribh, dà fhear dheug:

18 An t-aon deug do Asareel, d'a mhac- aibh agus d'a bhràithribh, dà fhear dheug:

19 An dara *crannchur* deug do Hasabiah, d'a mhacaibh agus d'a bhràithribh, dà fhear dheug:

20 An treas deug do Shubael, d'a mhacaibh agus d'a bhràithribh, dà fhear dheug:

21 An ceathramh deug do Mhatitiah, d'a mhacaibh agus d'a bhràithribh, dà fhear dheug:

22 An cùigeamh deug do Ierimot, d'a mhacaibh agus d'a bhràithribh, dà fhear dheug:

23 An sèathamh deug do Hananiah, d'a mhacaibh agus d'a bhràithribh, dà fhear dheug:

24 An seachdamh deug do Iosbecasah, d'a mhacaibh agus d'a bhràithribh, dà fhear dheug:

25 An t-ochdamh deug do Hanani, d'a mhacaibh agus d'a bhràithribh, dà fhear dheug:

26 An naothamh deug do Mhaloti, d'a

mhacaibh agus d'a bhràithribh, dà fhear dheug:

27 Am ficheadamh do Eliatah, d'a mhac- aibh agus d'a bhràithribh, dà fhear dheug:

28 An t-aon thar fhichead do Hotir, d'a mhacaibh agus d'a bhràithribh, dà fhear dheug:

29 An dara thar fhichead do Ghidalti, d'a mhacaibh agus d'a bhràithribh, dà fhear dheug:

30 An treas thar fhichead do Mhahasiot, d'a mhacaibh agus d'a bhràithribh, dà fhear dheug:

31 An ceathramh thar fhichead do Romam- tieser, d'a mhacaibh agus d'a bhràithribh, dà fhear dheug.

## CAIB. XXVI.

1 Roinnean nan dorsair. 13 Thilgeadh croinn air son nan geatachan. 20 Ghabh na Lebh- ilich cùram ionmhasan tighe Dhé, agus ion- mhasan nan nìhean naomha.

A THAOBH roinnean nan dorsair: de na Corhaich, Meselemiah mac Chore, de mhacaibh Asaiph.

2 Agus mic Mheselemiah; Sechariah an ceud-ghin Iediel an dara, Sebadiah an treas, Iatniel an ceathramh,

3 Elam an cùigeamh, Iehohanan an sèath- amh, Elioenai an seachdamh.

4 Agus mic Obed-edoim; Semaiah an ceud-ghin, Iehosabad an dara, Ioah an treas, agus Sacar an ceathramh, agus Ne- taneel an cùigeamh,

5 Amiel an sèathamh, Isachar an seachd- amh, Peultai an t-ochdamh; oir bheanna- aich Dia e.

6 Agus do Shemaiah a mhac rugadh mic, a bha riaghladh tighe an athar: oir *bu* daoine treuna iad.

7 Mic Shemaiah: Otni, agus Rephael, agus Obed, Elsabad: agus *b'iad* am bràith- rean, daoine gaisgeil, Elihu agus Semachiah.

8 Iad sin uile de mhacaibh Obed-edoim: iad féin, agus am mic, agus am bràithrean, daoine comasach annan neart fa chomhair na seirbhis, 'n an trì fichead agus a dhà, o Obed-edom.

9 Agus *bha* aig Meselemiah mic agus bràithrean, daoine gaisgeil, ochd fir dheug.

10 Agus *bha* aig Hosah, de chloinn Mhe- rari, mic; Simri an ceann: (oir ged nach b'e an ceud-ghin, gidheadh rinn 'athair e 'n a cheann:

11 Hilciah an dara fear, Tebaliah an treas', Sechariah an ceathramh: uile mhic agus bràithrean Hosah tri deug.

12 Dhiubh sin *bha* roinnean nan dorsair, *eadhon* de na prìomh dhaoineibh a *bha* ri faire fa chomhair am bràithrean, gu frith- ealadh ann an tigh an Tighearna.

13 Agus thilg iad croinn, am beag co mhaith ris a' mhòr, a réir tighe an aithrich- ean, air son gach geata.

14 Agus thuit an crannchur a làimh na



# 1 EACHDRAIDH, XXVII.

h-àird' an ear air Selemiah: agus thilg iad croinn air son a mhic Sechariah, (comhairliche glic), agus thàinig a chrannchur-san a mach mu thuath.

15 Do Obed-edom mu dheas, agus d'a mhacaibh tigh Asupim.

16 Do Shupim agus do Hosah a làimh na h-àird' an iar, maille ris a' gheata Salechet, làimh ri cruaidh-rathad na h-uchdaich, faire fa chomhair faire.

17 Air an taobh an ear *bha* seathnar Lebhith-each, air an taobh mu thuath ceathrar gach là, air an taobh mu dheas ceathrar gach là, agus air taobh Asupim dithis agus dithis.

18 Aig Parbar a làimh na h-àird' an iar, ceathrar aig a' chruaidh-rathad, agus dithis aig Parbar.

19 Is iad sin roinnean nan dorsair de mhacaibh Chore, agus de mhacaibh Mhe-rari.

20 Agus de na Lebhithich, *bha* Ahiah os ceann ionmhasan tighe Dhé, agus os ceann ionmhasan nan nithean naomha.

21 *A thaobh* mhac Laadain: mic a' Gher-sonaich Laadain, prìomh aithrichean, *eadhon* o Laadan an Gersonach *bha* Iehieli.

22 Mic Iehieli; Setam, agus Ioel a bhràthair, a *bha* os ceann ionmhasan tighe an Tighearna.

23 De na Hamramaich, de na h-Idsaraich, de na Hebronaich, *agus* de na h-Udsielich.

24 Agus *bha* Sebul mac Ghersoim, mhic Mhaois, 'n a àrd riaghlair air na h-ionmhasaibh.

25 Agus a bhràithrean le Elieser; Rhehabiah a mhac, agus Iesai h a mhac-san, agus Ioram a mhac-san, agus Sichelri a mhac-san, agus Selomit a mhac-san.

26 *B'e* Selomit so agus a bhràithrean, a *bha* os ceann uile ionmhasan nan nithean coisrigte, a choisrig Daibhidh an rìgh, agus cinn nan aithrichean, agus an ceannardan mhilltean agus cheud, agus ceannardan an t-slòigh.

27 As na cathaibh agus as na creachaibh choisrig iad *tabhartais* a chàradh tighe an Tighearna.

28 Agus gach uile *ni* a choisrig Samuel am fear-seallaidh, agus Saul mac Chis, agus Abner mac Neir, agus Ioab mac Sheruah; *agus* ge b'e neach a choisrig *ni* air bith, *bha* sin fo làimh Shelomit agus a bhràithrean.

29 De na h-Idsaraich, *bha* Chenaniah agus a mhic fa chomhair nan gnothuichean o'n leth muigh os ceann Israeil, 'n an luchd-riaghlaidh agus 'n am breitheamhaibh.

30 De na Hebronaich, *bha* Hasabiah agus a bhràithrean, daoine gaisgil, mìle agus seachd ceud fear, 'n an luchd-riaghlaidh air Israel air an taobh so de Iordan a làimh na h-àirde 'n iar, ann an uile gnothuichibh an Tighearn', agus ann an seirbhais an rìgh.

31 De na Hebronaich, *b'e* Ieriah ceann nan Hebronach a réir ghinealach 'aithrichean. Anns an dà fhicheadamh bliadhna de rìoghachadh Dhaibhidh dh'iarradh iad, agus fhuaradh 'n an measg daoine treuna ann an Iaser Ghilead.

32 Agus a bhràithrean, daoine gaisgil, dà mhìle agus seachd ceud, cinn nan teaghlach: agus rinn Daibhidh iad 'n an riaghlairibh os ceann nan Reubeneach, agus nan Gadach, agus leth-thréibh Mhanaseh, anns gach *ni* a bhuineadh do Dhia, agus ann an gnoth-uichibh an rìgh.

## CAIB. XXVII.

1 *An dà cheannard dheug a fhrithail do'n rìgh mìos air mhìos air feadh uile mhìos na bliadhna.* 16 *Ceannardan threubh Israeil.* 25 *Luchd-dreuchd Dhaibhidh.*

**A** NIS *bha* clann Israeil, a réir an àireimh, *eadhon* cinn nan aithrichean, agus na ceannardan mhilltean agus cheud, agus an luchd-riaghlaidh, a' frithealadh do'n rìgh anns gach cùis a bhuineadh do na roinnibh, a *bha* 'teachd a steach agus a' dol a mach mìos air mhìos, air feadh uile mhìos na bliadhna: anns gach roinn *bha* ceithir mìle fichead fear.

2 Os ceann na ceud roinne, fa chomhair a' cheud mhìos, *bha* Iasobeam mac Shabdieil, agus 'n a roinn-san *bha* ceithir mìle fichead.

3 De chloinn Pheres *bha* ceann uile cheannardan an t-slòigh fa chomhair a' cheud mhìos.

4 Agus os ceann roinn an dara mìos *bha* Dodai an t-Aholach, agus air a roinn-san *b'e* Miclot am fear-riaghlaidh: agus 'n a roinn-san mar an ceudna *bha* ceithir mìle fichead.

5 *B'e* treas ceannard an t-slòigh, fa chomhair an treas mìos, Benaiah mac Ichoiada, àrd shagairt: agus 'n a roinn-san *bha* ceithir mìle fichead.

6 So am Benaiah ud a *bha* treun am measg an deich thar fhichead, agus os ceann an deich thar fhichead: agus 'n a roinn-san *bha* Amisabad a mhac.

7 *B'e* 'n ceathramh ceannard, fa chomhair a' cheathramh mìos, Asahel bràthair Ioab, agus Sebadiah a mhac 'n a dhéigh: agus 'n a roinn-san *bha* ceithir mìle fichead.

8 *B'e* 'n cùigeamh ceannard, fa chomhair a' chùigeamh mìos, Samhut an t-Israhach: agus 'n a roinn-san *bha* ceithir mìle fichead.

9 *B'e* 'n sèathamh ceannard, fa chomhair an t-sèathamh mìos, Ira mac Iceis, an Tecothach: agus 'n a roinn-san *bha* ceithir mìle fichead.

10 *B'e* 'n seachdamh ceannard, fa chomhair an t-seachdamh mìos, Heles am Pelonach de chloinn Ephraim: agus 'n a roinn-san *bha* ceithir mìle fichead.

11 *B'e* 'n t-ochdamh ceannard, fa chomhair an ochdamh mìos, Sibecai an t-Husatach

de na Sarhaich: agus 'n a roinn-san *bha* ceithir mìle fichead.

12 *B'e'n* naothamb *ceannard*, fa chomhair an naothamb mìos, Abieser an t-Anetotach de chloinn Iarain: agus 'n a roinn-san *bha* ceithir mìle fichead.

13 *B'e'n* deicheamh *ceannard*, fa chomhair an deicheamh mìos, Benaiah am Piratonach de chloinn Ephraim: agus 'n a roinn-san *bha* ceithir mìle fichead.

14 *B'e'n* t-aon *cheannard* deug, fa chomhair an aon mhìos deug, Benaiah am Piratonach de chloinn Ephraim: agus 'n a roinn-san *bha* ceithir mìle fichead.

15 *B'e'n* dara *ceannard* deug, fa chomhair an dara mìos deug, Heldai an Netophatach o Otniel: agus 'n a roinn-san *bha* ceithir mìle fichead.

16 Os barr, os ceann threubh Israeil: *b'e* ceannard nan Reubencach, Elieser mac Shiechri: nan Simeonach, Sephatiah mac Mhaachah:

17 Nan Lebhitheach, Hasabiah mac Chemuel: nan Aaronach, Sadoc:

18 *Ceannard* Iudah, Elihu aon de bhràithribh Dhaibhidh: *ceannard* Isachair, Omri mac Mhichael:

19 Shebuloim, Ismaiah mac Obadiah: *ceannard* Naphtali, Ierimot mac Asriel:

20 *Ceannard* chloinn Ephraim, Hosea mac Asasiah: leth-thréibh Mhanaseh, Ioel mac Pheдах:

21 *Ceannard* leth-thréibh Mhanaseh ann an Gilead, Ido mac Shechariah: Bheniamin, Iasiel mac Abneir:

22 Dhain, Asareel mac Ierohaim. *B'iad* sin ceannardan threubh Israeil.

23 Ach cha de ghabh Daibhidh an àir-eamh o aois fhichead bliadhna agus foidhe; a chionn gu'n dubhairt an Tighearn, gu'n deanadh e Israel lionmhor mar reultan nan nèamh.

24 Thòisich Ioab mac Sheruah air àir-eamh, ach cha de chrìochnaich e, a chionn gu'n robh air a shon so fearg an aghaidh Israeil; cha mhò 'chuireadh sìos an uibhir ann an àireamh eachdraidh rìgh Daibhidh.

25 Agus os ceann ionnhasan an rìgh *bha* Asmabhet mac Adiel: agus os ceann nan tigh-tasgaidh anns na machairibh, anns na mòrbhailtibh, agus anns na frith-bhailtibh, agus anns na tùraibh, *bha* Iehonatan mac Udsiah.

26 Agus os an ceann-san a rinn obair na macharach, ann an treabhadh an fhearainn, *bha* Esri mac Chehulb.

27 Agus os ceann nam fion-lios *bha* Simeir an Ramatach: os ceann toraidh nam fion-lios, fa chomhair nam fion-thaisgeach, *bha* Sabdi an Siplinnitheach.

28 Agus os ceann nan craobh olaidh agus nan craobh sìcomoir a *bha* 's na còmh-nardaibh ìosal *bha* Baal-hanan an Gede-

reach: agus os ceann nan taisgeach olaidh *bha* Ioas.

29 Agus os ceann a' chruidh a *bha* air fear ann an Saron *bha* Sitrai an Saronach: agus os ceann a' chruidh anns na glèantaibh *bha* Saphat mac Adlai.

30 Os ceann nan cànhal mar an ceudna *bha* Obil an t-Ismaelach: agus os ceann nan asal *bha* Iehdeiah am Meronotach.

31 Agus os ceann nan treud *bha* Iasis an t-Hagcreach. *B'iad* sin uile luchd-riaghlaidh na màoin a buleirigh Daibhidh.

32 Mar an ceudna *bha* Ionatan, bràthair-athar Dhaibhidh 'n a chomhairleach, 'n a dhuine glic, agus 'n a sgrìobhaiche: agus *bha* Iehiel mac Hachmoni maille ri mic an rìgh.

33 Agus *b'e* Ahitophel comhairleach an rìgh, agus Husai an t-Architheach companach an rìgh.

34 Agus an dèigh Ahitopheil *bha* Iehoiada mac Bhenaiah, agus Abiatar. Agus *b'e* Ioab ceannard armait' an rìgh.

# CAIB. XXVIII.

1 *Chruinnich Daibhidh uile cheannardan Israeil gu Ierusalem, agus thug e earail doibh àitheantan an Tighearn' a ghleidheadh. 9 Dh'orduich e do Sholamh tigh a thogail do Dhia. 11 Thug e dhia samhlaidh an tìghe, agus or agus airgiod air son na h-oibre.*

**A**GUS chruinnich Daibhidh gu h-Ierusalem uile cheannardan Israeil, ceannardan nan treubh, agus ceannardan nan roinn a *bha* 'frith-ealadh do'n rìgh, agus na ceannardan mhltean, agus na ceannardan cheud, agus an luchd-riaghlaidh os ceann uile mhàoin agus spréidh an rìgh agus a mhac, leis an luchd-dreuchd, agus na daoineibh cumhachdach, agus na daoineibh gaisgeil uile.

2 An sin sheas Daibhidh an rìgh suas air a chosaibh, agus thubhairt e, Eisdibh riumsa, mo bhràithrean, agus mo shluagh: *Bha* e agamsa a'm' chridhe tigh-còmhnuidh a thogail do àire còimheangail an Tighearn', agus do stòl-chos ar Dia-ne, agus dh'ulluich mi fa chomhair na h-oibre:

3 Ach thubhairt Dia rium, Cha tog thu tigh do m'ainm-sa, a chionn gu'n *robh* thu a'd' fhear-cogaidh, agus gu'n do dhòirt thu fuil.

4 Gidheadh roghnaich an Tighearn Dia Israeil mi roimh uile thigh m'athar, gu bhi m' rìgh air Israel gu bràth: oir roghnaich e Iudah mar riaghlair, agus á tigh Iudah, tigh m'atharsa, agus am measg mhac m'athar bu toil leis mise a dheanamh a'm' rìgh os ceann Israeil uile.

5 Agus de m' mhacaibh uile, (oir thug an Tighearn mòran mhac dhomh,) roghnaich e Solamh mo mhac gu suidhe air rìgh-chaitir rìoghachd an Tighearn' os ceann Israeil.

6 Agus thubhairt e rium, Togaidh Solamh



do mhac mo thigh-sa agus mo luchairtean; oir thagh mi e gu bhli 'n a mhac agam, agus bithidh mise a'm' athair aige-san.

7 Os bàrr, daingnichidh mi a rìoghachd gu bràth, ma bhios esan seasmhach a chòimhlionadh nàitheantan agus mo bhreitheanais, mar air an là'n dugh.

8 A nis uime sin *guidheam oirbh* ann an sealladh Isracil uile, comhehrinneachaidh an Tighearn', agus ann an éisdeachd ar Dé-ne, gleidhibh agus iarraibh uile àith-eantan an Tighearna bhuir Dé: chum gu'n seallbhaich sibh am fearann maith so, agus gu'm fàg sibh e mar oighreachd d'ur cloinn 'n ur dèigh gu bràth.

9 Agus thusa a Sholaimh, a mhic, bitheadh aithne agad air Dia d'athar, agus dean seirbhis da le cridhe iomlan, agus le inntinn thoilich: oir tha'n Tighearn a' rannachadh nan uile chridhe, agus a' tuigsinn uile dhealbhadh nan smuain: ma dh'iarras tus' esan, gheibhear e leat; ach na thréigear tu e, tilgidh e uaith thu gu bràth.

10 Thoir an aire a nis, oir thagh an Tighearn thu gu tigh a thogail do'n ionad naomh; bi làidir agus dean e.

11 An sin thug Daibhidh do Sholamh a mhac samhladh an sgàth-thigh, agus a thighcan, agus 'ionadan-ionmhais, agus a sheòmraichean uachdarach, agus a sheòmraichean an leth stigh, agus àite na caithir-thròcair.

12 Agus samhladh nan uile nithean a bha aige 'n a inntinn, a thaobh luchairtean tighe an Tighearn', agus a thaobh nan uile sheòmraichean mu'n cuairt, a thaobh ionadan-ionmhais tighe Dhé, agus a thaobh ionadantaigridh nan nithean coisrigte.

13 Mar an ceudna thaobh roinnean nan sagart agus nan Lebhitheach, agus a thaobh uile oibre seirbhis tighe an Tighearn', agus a thaobh nan uile shoithichean seirbhis ann an tigh an Tighearna.

14 A thaobh òir air chudthrom chum *nithean* òir, chum uile innealan gach uile ghnè sheirbhis; a *thaobh airgid* chum uile innealan airgid air chudthrom, chum uile innealan gach uile ghnè sheirbhis:

15 Eadhon an cudthrom chum nan coinnleir òir, agus a chum an lòchranan òir, air chudthrom chum gach coinnleir agus a lòchranan: agus a chum nan coinnleir airgid air chudthrom, chum a' choinnleir agus a lòchranan, a réir feuma gach coinnleir.

16 Agus òr air chudthrom chum bhord an arain thaisbeanaidh, chum gach buird, agus airgid chum nam bord airgid:

17 Mar an ceudna òr glan chum nan greimichean feòla, agus nan cuach, agus nan copan: agus a chum nan soitheach-ionmlaid òir, òr air chudthrom fa chomhair gach soitheach-ionmlaid; agus *airgid* air chudthrom fa chomhair gach soitheach-ionmlaid airgid:

18 Agus a chum altair na tùise òr fìorghlan air chudthrom; agus òr fa chomhair samhlaidh carbaid nan chernub, a sgaoil a mach an *sgiatan*, agus a chòmhdach àire coimheangail an Tighearna.

19 So uile, *arsa Daibhidh*, thug an Tighearn orm a thuigsinn ann an sgrìobhadh le a làmh orm, *eadhon* uile oibre an t-samhlaidh so.

20 Agus thubhairt Daibhidh ri Solamh a mhac, Bi làidir agus gabh misneach, agus dean e: na bitheadh eagal ort, agus na bi fo uamhas, oir bithidh an Tighearn Dia, mo Dhia-sa, leat; cha-n fhàillig e thu, cha mhò a thréigear e thu, agus an crìoch-naich thu an obair uile fa chomhair seirbhis tighe an Tighearna.

21 Agus, feuch, roinnean nan sagart agus nan Lebhitheach *maille riut* chum uile sheirbhis tighe Dhé, agus maille riut a chum gach uile ghnè oibre, gach duine toileach tàirail fa chomhair gach uile ghnè sheirbhis; agus na ceannardan agus an sluagh gu h-iomlan freagarrach do d'aith-cantaibh uile.

## CAIB. XXIX.

6 Thug uachdarain threubh Israeil tabhartais *uatha gu toileach fa chomhair tighe Dhé. 10 Urnuigh Daibhidh. 20 Bheannaich an sluagh an Tighearn, agus rinn iad Solamh an dara uoir 'n a rìgh. 26 Rìoghachadh agus bàs Daibhidh.*

**A**GUS thubhairt Daibhidh an rìgh ris a' chomhehrinneachadh uile, Tha Solamh mo mhac d'an d'rinn Dia a nbàin roghainn, òg agus maoth agus *tha* 'n obair mòr: oir cha-n ann air son duine ach air son an Tighearna Dé *tha* an lèibhairt.

2 A nis le m'uile neart dh'ulluich mise fa chomhair tighe mo Dhé, an t-òr chum *nithean* de òr, agus an t-airgid chum *nithean* de airgid, agus an t-umha chum *nithean* de umha, agus an t-iarunn chum *nithean* de iarunn, agus am fiodh chum *nithean* de fiodh; clachan onies, agus clachan r' an cur, clachan loinnreach agus de iomadh dath, agus gach uile ghnè chlach luach-mhor, agus clachan marmoir 'am pailteas.

3 Os bàrr, a chionn gu'n do shocraich mi m'aigne air tigh mo Dhé, tha agam de m' sheilbh àraidh féin, de òr agus de airgid a thug mi seachad do thigh mo Dhé, a bhàrr air na dh'ulluich mi uile fa chomhair an tighe naomh,

4 Tri mìle tàlann òir, de òr na h-Ophir, agus seachd mìle tàlann de airgid fìorghlan, a chòmhdachadh bhallachan an tighe:

5 An t-òr fa chomhair *nithean* de òr, agus an t-airgid fa chomhair *nithean* de airgid, agus fa chomhair gach uile ghnè oibre a *nithean* le làmhnan luchd-ceirde. Agus cò

a tha toileach air a sheirbhis a choisreagadh an diugh do'n Tighearn.

6 An sin thug cinn nan aithrichean agus uachdarain threubh Israeil, agus na ceannardan mhillean agus cheud, maille ris an luchd-riaghlaidh os ceann oibre an rìgh, tabhartais uatha gu toileach.

7 Agus thug iad seachad fa chomhair seirbhis tighe Dhé, de òr cùig mìle tàlann agus deich mìle darcon, agus de airgiod deich mìle tàlann, agus de umha ochd mìle deug tàlann, agus ceud mìle tàlann iarainn.

8 Agus ge b'e aig an d'fhuaradh clachan *luachmhor*, thug iad seachad *iad* do ionmhas tighe an Tighearna, le làimh Iebicil a' Ghersonaich.

9 Agus rinn an sluagh gairdeachas a chionn gu'n d'thug iad uatha gu toileach, a chionn le cridhe iomlan gu'n d'thug iad tabhartas uatha gu toileach do'n Tighearn: agus rinn Daibhidh an rìgh mar an ceudna gairdeachas le aoibhneas mòr.

10 Air an aobhar sin bheannaich Daibhidh an Tighearn ann am fianuis a' chomhchruinneachaidh uile: agus thubhairt Daibhidh, Gu ma beannaicht' thu, a Thighearna Dhia Israeil ar n-athar, gu saoghal nan saoghal.

11 *Is* leatsa, O Thighearn', a' mhòrachd, agus an cumhachd, agus a' ghloir, agus a' bhuaidh, agus a' mhòralachd; oir is leat na h-uile a tha air nèamh agus air talamh: *is* leat an rìoghachd, O Thighearn', agus tha thu air d'ardachadh mar cheann thar na h-uile.

12 Uaitse *tha teachd* araon saoihbreas agus urram, agus *tha* thu a' rìoghachadh os ceann gach uile, agus ann ad làimh *tha* cumhachd agus neart; agus ann ad làimh *tha e neach* a dheanamh mòr, agus neart a thoirt do gach neach.

13 A nis uime sin, ar Dia-ne, tha sinn a' toirt buidheachais duit, agus a' cliùthachadh d'ainm urramaich.

14 Ach cò mise, agus ciod iad mo shlugh, gu'm bitheadh e 'n ar comas tabhartais a thoirt seachad cho toileach air an dòigh so? oir *is* ann uaitse *tha* sin na h-uile nithean, agus is ann de d' chuid féin a thug sinn duit:

15 Oir *is* coigrich sinne a'd' fhianuis agus luchd-cuairt, mar ar n-aithrichean uile; mar fhaileas *tha* ar làithean air talamh, agus cha-n'èil buanas ann.

16 O Thighearn' ar Dia, *tha* 'm pailteas so uile a dh'ulluich sinne a thogail tighe dhuit fa chomhair d'ainm naoimh a' *teachd* o d' làimh féin, agus *is* leat féin e gu léir.

17 Tha fios agam mar an ceudna, mo Dhia gu'n dearbh thusa an cridhe, agus gu bheil tlachd agad ann an treibhdhircas. Do m' thaobh-sa, ann an treibhdhircas mo chridhe thug mi gu toileach uam mar thabhartas na nithean so uile: agus a nis chunnaic mi le h-aoibhneas do shlugh, a tha 'n so a làthair, a' toirt seachad gu toileach an tabhartais dhuit-sa.

18 O Thighearna Dhia Abraham, Isaac, agus Israeil ar n-aithrichean, gléidh so gu bràth ann am breithneachadh smuaintean cridhe do shluaigh, agus nlluich an cridhe dhuit féin;

19 Agus thoir do Sholamh mo mhac cridhe iomlan, a ghleidheadh d'aithteantan, do theisteis, agus do reachdan, agus a dheanadh nan *nithean* so uile, agus a thogail na lùchairt fa chomhair an d'ulluich mise.

20 Agus thubhairt Daibhidh ris a' chomhchruinneachadh uile, A nis beannaichibh an Tighearn blur Dia. Agus bheannaich an comhchruinneachadh gu léir an Tighearn Dia an aithrichean, agus chrom iad sìos an cinn, agus thug iad urram do'n Tighearn agus do'n rìgh.

21 Agus dh'ìobair iad ìobairtean do'n Tighearn, agus thug iad seachad ìobairtean-loisgte do'n Tighearn air an là màireach an déigh an là sin, eadhon mìle tarbh, mìle reithe, agus mìle uan, le'n tabhartais-dibhe, agus ìobairtean 'am pailteas air son Israeil uile;

22 Agus dh'ìth agus dh'òl iad an làthair an Tighearn' air an là sin le mòr shubhachas; agus rinn iad Solamh mac Dhaibhidh 'n a rìgh an dara uair, agus dh'ung iad e do'n Tighearn 'n a àrd uachdaran, agus Sadoc 'n a shagart.

23 Agus shuidh Solamh ann an caithir rìoghail an Tighearna mar rìgh 'an àite Dhaibhidh 'athar, agus shoirbhich leis, agus bha Israel uile ùmhhal dha.

24 Agus strìochd na h-uachdarain uile, agus na daoine cumhachdach, agus mar an ceudna uile mhic rìgh Daibhidh, iad féin do Sholamh an rìgh.

25 Agus dh'ardaich an Tighearn Solamh gu ro mhòr 'an sealladh Israeil uile, agus thug e mòralachd rìoghail dha nach robh aig rìgh sam bith roimhe ann an Israel.

26 Mar so rìghich Daibhidh mac Iese os ceann Israeil uile.

27 Agus b'ì 'n ùine a rìghich e os ceann Israeil dà fhichead bliadhna: ann an Hebron rìghich e seachd bliadhna, agus ann an Ierusalem rìghich e trì bliadhna deug thar fhichead.

28 Agus fhuair e bàs ann an deadh shean aois, làn de làithibh, de shaoibhreas, agus de urram: agus rìghich Solamh a mhac 'n a àit.

29 A nis gnìomharan Dhaibhidh an rìgh, eadar thoiseach agus dheireadh, feuch, *tha* iad sgrìobhta ann an leabhar Shamueil an fhir-sheallaidh, agus ann an leabhar Naitain an fhàidh, agus ann an leabhar Ghad an fhir-sheallaidh.

30 Maille r'a rìoghachadh gu léir, agus a chumhachd, agus na h-aimsircan a chaidh thairis air, agus thar Israel, agus thar uile rìoghachdan nan dùchan.



## EACHDRAIDH.

## CAIB. I.

- 1 *Dh'iarr Solamh agus coimhthional Israeil an Tighearn ann an Gibeon.* 7 *Dh'fhoillsich Dia e fèin do Sholamh ann an aisting.* 8 *Roghnaich Solamh gliocas: 13 A charbaid agus a mharc-shluagh.*

**A**GUS dhaingnicheadh Solamh mac Dhaibhidh 'n a rioghachd, agus bha 'n Tighearn a Dhia maille ris, agus dh'ardaich se e gu mòr.

2 Agus dh'àithn Solamh do Israel uile, do na ceannardaibh mhiiltan agus cheud, agus do na breitheamhnaibh, agus do gach uachdaran air Israel uile, cinn nan aithrichean.

3 Agus chaidh Solamh agus an coimhthional uile maille ris do'n àit àrd a bha ann an Gibeon; oir an sin bha pàillion coimhthional Dhé, a rinn Maois, òglach an Tighearn, anns an fhàsach.

4 Ach àirc Dhé thug Daibhidh a nìos o Chiriat-earim do 'n àit a dh'ulluich Daibhidh dhi; oir shuidhich e pàillion air a son ann an Ierusalem.

5 Mar an ceudna, bha 'n altair umha, a rinn Besaleel mac Ùri, mhic Huir, an sin fa chomhair pàilliuin an Tighearn; agus dh'iarr Solamh agus an coimhthional e.

6 Agus chaidh Solamh suas an sin a dh'ionnsuidh na h-altair-umha 'am fianuis an Tighearna, a bha aig pàillion a' coimhthional, agus dh'ìobair e oirre mìle ìobairt-loisgte.

7 Air an oidhche sin dh'fhoillsich Dia e fèin do Sholamh, agus thubhairt e ris, Iarr ciod a bheir mi dhuit.

8 Agus thubhairt Solamh ri Dia, Nochd thu do Dhaibhidh m'athair caomhneas mòr, agus rinn thu mise a'm rìgh 'n a àit.

9 A nis, a Thighearna Dhé, coimhlonar do ghealladh do Dhaibhidh m'athair: oir rinn thu mise a'm rìgh air shluagh, lionmhor mar dhulach na talmhainn.

10 Thoir dhomh a nis gliocas agus eòlas, a chum gu'n téid mi mach agus gu'n tig mi steach roimh an t-sluagh so: oir cò 'a's urrainn breth a thabhairt air do shluagh so a tha cho mòr?

11 Agus thubhairt Dia ri Solamh, A chionn gu'n robh so a'd' chridhe, agus nach d'iarr thu beartas, maoin, no cliu, no beatha do naimhdean, agus mar an ceudna nach d'iarr thu saoghal fada; ach gu'n d'iarr thu dhuit fèin gliocas agus còlas, leis an tugadh tu breth air mo shluagh-sa, air an d'rinn mi thu a'd' rìgh;

12 Tha gliocas agus eòlas air an tabhairt duit, agus bheir mise dhuit beartas, agus maoin, agus cliu, air chor as nach robh a' leithid aig na rìghribh a bha romhad, agus a'd' dhéigh nach bi a' leithid.

13 Agus thàinig Solamh o'n àit àrd a bha ann an Gibeon gu h-Ierusalem, o làthair pàilliuin a' coimhthional, agus rìghich e os ceann Israeil.

14 Agus chruinnich Solamh carbadan agus marc-shluagh: agus bha mìle agus ceithir cheud carbad aige, agus dà mhìle dheug marcach; agus chuir e iad ann am bailtibh nan carbad, agus maille ris an rìgh ann an Ierusalem.

15 Agus thug an rìgh air airgiod agus air òr a bhi ann an Ierusalem mar na clachan, agus thug e air na crannaibh seudair a bhi mar na croinn shicomoir a tha anns an t-srath, air lionmhoircachd.

16 Agus thugadh eich do Sholamh a mach as an Eiphit, agus snàth-lìn: ghabh ceann-aichean an rìgh an snàth-lìn air luach.

17 Agus thàinig iad a nìos, agus thug iad a mach as an Eiphit carbad air shè ceud secel airgid, agus each air cheud agus leth-cheud: agus mar sin do uile rìghribh nan Hiteach, agus do rìghribh Shiria, le'n làimh-san thugadh a mach iad.

## CAIB. II.

- 1 *Aireamh an luchd oibre chum tigh Dhé a thogail.* 3 *Chuir Solamh fios a dh'ionnsuidh Hiraim air son duine teòna air oibreachadh ann an òr, agus air son fiodha.* 11 *Freagradh càirdeil Hiraim.*

**A**GUS shonraich Solamh tigh a thogail do ainm an Tighearn, agus tigh d'a rioghachd.

2 Agus chomharraich Solamh a mach deich agus trì fichead mìle fear-iomchair eallach, agus ceithir fichead mìle fear-gearraidh anns a' bheinn, agus trì mìle agus se' ceud a shealltainn thairis orra.

3 Agus chuir Solamh teachdair gu Huram rìgh Thiruis, ag ràdh, Mar a rinn thu ri Daibhidh m'athair, agus a chuir thu d'a ionnsuidh craobhan seudair a thogail tighe dha gu còmhnuidh a ghabhail ann. *dean riomsa:*

4 Feuch, tha mi gu tigh a thogail do ainm an Tighearna mo Dhé, chum a choisreagadh dha, gu tuis chùbhraidh a losgadh 'n a fhianuis, agus air son an arain thaisbeanaidh bhith-bhuain, agus air son ìobairtean-loisgte air maduinn agus air feasgar, air na sàbaidibh, agus air na gealachibh ùra, agus

## 2 EACHDRAIDH, III.

air àrd fhéillibh an Tighearn' ar Dé: gu bràth *tha so ceangailte* air Israel.

5 Agus *bithidh* an tigh a thogas mise mòr: oir *is* mòr ar Dia-ne os ceann nan uile dlathian.

6 Ach cò 'a's urrainn tigh a thogail dha, 'n uair nach cum na nèamhan, no nèamhan nan nèamh e? Agus cò mise gu'n togainn dha tigh, ach a mhàin a losgadh iobairtean 'n a fhianuis?

7 A nis ma ta cuir a m' ionnsuidh duine, tèoma air oibreachadh ann an òr, agus ann an airgid, agus ann an umha, agus ann an iarunn, agus ann an corcur, agus ann an dearg, agus ann an gorm, agus a tha eòlach air gearradh gu grinn maille ris na daoineibh ealanta a *tha* maille rium-sa ann an Iudah, agus ann an Ierusalem, a sholair Daibhidh m'athair.

8 Cuir a m' ionnsuidh mar an ceudna craobhan seudair, craobhan giuthais, agus craobhan alghum o Lebanon: oir tha fhios agam gu bheil do sheirbhisich eòlach air fiodh a ghearradh ann an Lebanon: agus, feuch, *bithidh* mo sheirbhisich-sa maille ri d' sheirbhisich-sa.

9 Eadhon a dheasachadh dhomh fiodha ann am pailteas; oir *bithidh* an tigh a tha mise gus a thogail mòr agus iongantach.

10 Agus, feuch, bheir mi do d' sheirbhisich, na gearradair a ghearras fiodh, fichead mìle tomhas de chruithneachd buailte, agus fichead mìle tomhas eorna, agus fichead mìle bat fiona, agus fichead mìle bat olaidh.

11 Agus fhreagair Hiram rìgh Thiruis ann an sgriobhadh, a chuir e dh'ionnsuidh Sholaimh, A chionn gu bheil gràdh aig an Tighearn d'a shluagh, rinn e thusa a'd' rìgh os an ceann.

12 Thubhairt Hiram mar an ceudna. Beannaichte *gu robh* an Tighearn Dia Israeil a rinn nèamh agus talamh, a thug do Dhaibhidh an rìgh mac glic, aig am bheil eòlas agus tuigse, a thogail tigh do'n Tighearn, agus tigh d'a rìoghachd.

13 Agus a nis chuir mi 'a d' ionnsuidh duine eòlach, aig am bheil tuigse, a *bha* aig Hiram m'athair;

14 Mac mnà de nigheanaibh Dhain, agus 'athair 'n a dhuine o Thirus, tèoma air oibreachadh ann an òr, agus ann an airgid, ann an umha, ann an iarunn, ann an cloich, agus ann am fiodh, ann an corcur, ann an gorm, agus ann an anart grinn, agus ann an dearg; agus air gearradh gach gnè gearraidh, agus air dealbhadh gach nì innleachdaich a chuirear fa 'chouhair, maille ri d' dhaoineibh ealanta-sa, agus daoineibh ealanta mo thighearna Dhaibhidh d'athair.

15 A nis air na aobhar sin an cruithneachd, agus an t-eorna, an oladh, agus am fion, air an do labhair mo thighearn, cuireadh e *iad* a dh'ionnsuidh a sheirbhisich:

16 Agus gearraidh sinne fiodh á Lebanon,

a réir gach feum' a bhios agad; agus bheir sinn a d'ionnsuidh e 'n a ràthaibh air muir gu Iopa; agus bheir thusa suas e gu h-Ierusalem.

17 Agus rinn Solamh àireamh air na coigriche uile a *bha* ann an tìr Israeil, an deigh an àircimh leis an d'rinn Daibhidh 'athair an àireamh; agus fhuaradh ann diubh ceud agus leth-cheud mìle, agus trì mìle agus sè ceud.

18 Agus rinn e trì fichead agus deich mìle dhiubh 'n an luchd-iomchair eallach, agus ceithir fichead mìle 'n an gearradairibh anns an t-sliabh, agus trì mìle agus sè ceud 'n an luchd-amhair thairis a thoirt air an t-sluagh obair a dheanamh.

### CAIB. III.

1 An t-tùil agus an t-àm 's an do thòisich Solamh air togail ann an teampull. 3 Tomhas agus uidheam an teampull. 8 Tomhas an tigh eòra naomh. 14 An brat, 15 agus na puist.

**A**GUS thòisich Solamh air togail tìghe an Tighearn' ann an Ierusalem air sliabh Mhoriah, far an d'fhoillsicheadh an Tighearn do Dhaibhidh 'athair, anns an àit a dh'ulluich Daibhidh ann an urlar-bualaidh Ornain an Iebusaich.

2 Agus thòisich e air togail air an dara mìos, anns a' cheathramh bliadhna d'a rìoghachadh.

3 Agus *is* iad so na nithean a shuidhich-eadh le Solamh chum tigh Dhé a thogail: am fad ann an lèmh-an-coille, a réir a' cheud tomhais, trì fichead lèmh-choille, agus an leud fichead lèmh-choille.

4 Agus an sgàth-thigh a *bha* air beulaobh an tìghe, fichead lèmh-choille 'fhad, a réir leoid an tìghe, agus ceud agus fichead lèmh-choille 'àirde: agus chòmhdach e thairis e air an taobh a stigh le h-òr fìor-ghlan.

5 Agus an tigh mòr chòmhdach e le fiodh giuthais, agus chòmhdach e thairis e le h-òr fìor-ghlan, agus thug e air craobhan-pailme éirigh suas air, agus slabhraidhean.

6 Agus sgeadaich e an tigh le clachaibh uasal air sgàth sgéimhe; agus *b'e* an t-òr òr Pharbhaime.

7 Agus chòmhdach e thairis an tigh, na sailthean, na puist, agus a bhallachan, agus a dhorsan, le h-òr; agus ghearr e cherubim air na ballachaibh.

8 Agus rinn e 'n tigh ro naomh: 'fhad a réir leoid an tìghe, fichead lèmh-choille, agus a leud fichead lèmh-choille: agus chòmhdach e thairis e le h-òr fìor-ghlan, a *thàinig* gu sè ceud tàlann.

9 Agus *b'e* cothrom nan tairngean leth-cheud seel òir: agus chòmhdach e thairis na seòmraichean uachdarach le h-òr.

10 Agus anns an tigh ro naomh rinn e dà cherub de obair sho-ghluasaid, agus chòmhdach e thairis le h-òr iad.

11 Agus *bha* sgiathan nan cherub fichead



## 2 EACHDRAIDH, IV.

làmh-choille air fad: aon sgiath cùig làmhan-coille, a' ruigheachd gu balla an tighe; agus an sgiath eile cùig làmhan-coille, a' ruigheachd gu sgiath a' cheruib eile:

12 Agus sgiath a' cheruib eile cùig làmhan-coille, a' ruigheachd gu balla an tighe; agus an sgiath eile cùig làmhan-coille, tàthta ri sgiath a' cheruib eile.

13 Sgaol sgiathan nan cherub sin iad féin a mach fichead làmh-choille: agus sheas iad air an cosaibh, agus an aghaidhean ris an taobh a stigh.

14 Agus rinn e am brat *de ghorm*, agus *de chorcur*, agus *de dhearg*, agus *de anart grinn*, agus dh'òibrich e cherubim air.

15 Agus rinn e air beulaobh an tighe dà phosta cùig làmhan-coille deng thar fhichead air àirde, agus an ceann a *bha* air mullach gach aoin diubh cùig làmhan-coille.

16 Agus rinn e slabhraidhean, *mar anns a' ghuth-àit*, agus chuir e *iad* air mullach nam post; agus rinn e ceud pomgranat, agus chuir e *iad* air na slabhraidhibh.

17 Agus chuir e suas na puist air beulaobh an teampuill, aon air an làimh dheis, agus aon air an làimh chli. Agus thug e lachin mar ainm air a' *phost* air an làimh dheis, agus Boas mar ainm air a' *phost* air an làimh chli.

### CAIB. IV.

1 *An altair umha*. 2 *A' mhuir leaghta*. 6 *Na soithichean-ionnlaid*, 7 *na coinnleirean*, 8 *agus na buird*. 19 *An t-uidheam a rinn-eadh de òr*.

**A**GUS rinn e altair umha: fichead làmh-choille a fad, agus fichead làmh-choille a leud, agus deich làmhan-coille a h-àirde.

2 Agus rinn e muir leaghta, deich làmhan-coille o bhile gu bile, cruinn mu'n cuairt, agus cùig làmhan-coille a h-àirde; agus chuairtich snàthain dheich làmhan-coille thar fhichead i mu'n cuairt.

3 Agus foipe *bha* coslas dhamh, a chuairtich i mu'n cuairt, deich anns an làmh-choille a' dol mu thimchioll na mara mu'n cuairt. Thilgeadh dà shreath dhamh an uair a thilgeadh i féin.

4 Sheas i air dà dhamh dheug, tri ag amharc ri tuath, agus tri ag amharc an iar, agus tri ag amharc ri deas, agus tri ag amharc an ear: agus *chuireadh* a' mhuir orra gu h-àrd, agus *bha* a' chuid-dheiridh dhiubh uile a stigh.

5 Agus *bha* leud boise air tiuighead innte, agus *bha* a bile air a dheanadh mar bhile copain, le blàthaibh lili: ghabh i agus chum i trì mìle bat.

6 Agus rinn e deich soithichean-ionnlaid, agus chuir e cùig dhiubh air an làimh dheis, agus cùig air an làimh chli, a dh'ionn-

lad anna: nithean na h-iobairt-loisgte nigh iad anna; ach *bha* a' mhuir air son nan sagart, a dh'ionnlaid innte.

7 Agus rinn e deich coinnleirean òir, a réir an cumaidh, agus chuir e *iad* anns an teampull, cùig air an làimh dheis, agus cùig air an làimh chli.

8 Agus rinn e deich buird, agus chuir e *iad* anns an teampull, cùig air an làimh dheis, agus cùig air an làimh chli: agus rinn e ceud cuach òir.

9 Agus rinn e cùirt nan sagart, agus a' chùirt mhòr, agus dorsan air son na cùirte, agus chòmhdaich e an dorsan thairis le h-umha.

10 Agus chuir e a' mhuir air an taobh deas de'n cheann an ear, fa chomhair na h-àirde deas.

11 Agus rinn Hiram na h-aighnean, agus na sluasaidean, agus na cuachan; agus chuir Hiram crìoch air deanamh na h-òibre a rinn e do rìgh Solamh ann an tigh Dhé:

12 *Eadhon* an dà phost, agus na cuairtean, agus na cinn a *bh'* air mullach an dà phuist, agus an dà lion-obair a chòmhdachadh dà chuairt nan ceann a *bh'* air mullach nam post:

13 Agus ceithir cheud pomgranat do'n dà lion-obair; dà shreath phomgranat do gach lion-obair, a chòmhdachadh dà chuairt nan ceann, a *bh'* air na puist.

14 Agus rinn e buinn, agus rinn e soithichean-ionnlaid ar na buinn:

15 Aon mhuir, agus dà dhamh dheug foipe:

16 Agus na h-aighnean, agus na sluasaidean, agus na greimichean fèda, agus an uidheam uile, rinn Hiram do rìgh Solamh ann an tigh an Tighearna de umha liobhta.

17 Ann an còmhnaid Iordain thilg an rìgh iad, anns an talamh chreadha eadar Suet agus Seredath.

18 Agus rinn Solamh an t-uidheam so uile ann am mòr-phailteas; oir cha robh e comasach cìothrom an umha fhaghail a mach.

19 Agus rinn Solamh an t-uidheam uile a *bhuineadh* do thigh Dhé, agus an altair òir, agus na buird air an *robh* aran na fianuis;

20 Agus na coinnleirean maille r'an lòch-ranaibh, chum gu'n loisgeadh iad a réir a' ghnàtha air beulaobh a' ghuth-àite, de òr fìorghlan;

21 Agus na blàthan, agus na lòchrain, agus na clobhachan, de òr, eadhon de'n òr 'bu ghloine;

22 Agus na smàladairean, agus na cuachan, agus na spàinean, agus na taiseirean de òr fìor-ghlan;

23 Agus dol a steach an tighe, a dhorsan a bh'fhaide a stigh aig an ionad ro naomh, agus dorsan tighe an teampull, de òr.

## CAIB. V.

1 *Thug Solamh na nithen naomhaichte a stigh do'n teampull.* 2 *Thug na Lebhithich anios an àirc á baile Dhaibhidh.* 11 *'N uair a bha na Lebhithich, &c. a' moladh Dhé lionadh an teampull le neul.*

**A**GUS chríochnaichheadh an obair uile a rinn Solamh air son tighe an Tighearn: agus thug Solamh a stigh nithen naomhaichte Dhaibhidh 'athar: an t-airgiod, agus an t-òr, agus na h-innealan uile, chuir e am measg ionmhasan tighe Dhé.

2 An sin chruinnich Solamh seanairean Israeil, agus cinn nan treubh uile, ceannard-an aithrichean chloinn Israeil, gu h-Ierusalem, chum gu'n tugadh iad a nìos àirc coimhcheangail an Tighearn 'á baile Dhaibhidh, a's e Sion.

3 Agus chruinnich fir Israeil uile iad féin a dh'ionnsuidh an rìgh air an fhéill, [ann am mìos Etanim,] is e sin an seachdamh mìos.

4 Agus thàinig uile sheanairean Israeil; agus thog na Lebhithich an àirc.

5 Agus thug iad suas an àirc, agus pàillion a' choimhthionail, agus na soithichean naomha uile a bha 's a' phàillion: thug na sagartan agus na Lebhithich iad sin suas.

6 Agus dh'ìobair rìgh Solamh, agus coimhthional Israeil uile a chruinnich d'a ionnsuidh roimh an àirc, caoraich agus crodh, nach robh e'n comas àireamh no mheas, a thaobh lionmhoireachd.

7 Agus thug na sagartan a steach àirc coimhcheangail an Tighearna d'a h-àite féin, do ghuth-àit an tighe, do'n ionad a's ro naoimhe, eadhon fo sgiathaibh nan cherub:

8 Oir sgaoil na cherubim a mach an sgiathan os ceann àite na h-àirce, agus dhòmhaich na cherubim an àirc agus a lunnan gu h-àrd.

9 Agus tharruing iad a mach na lunnan, air chor as gu'm faicteadh cinn nan lunn o'n àirc fa chomhair a' ghuth-àite; ach cha-n fhaicteadh a mach iad: agus tha iad an sin gus an là'n diugh.

10 Cha robh nì air bith anns an àirc ach an dà chlàr a chuir Maois an sin ann an Horeb, an uair a rinn an Tighearn coimhcheangal ri cloinn Israeil, aig teachd a mach dhoibh as an Eiphit.

11 Agus an uair a thàinig na sagartan a mach as an ionad naomh; oir naomhaicheadh na sagartan uile a bha làthair: cha robh iad a' feitheamh 's an àm sin a réir an roinnean;

12 An sin bha na Lebhithich, an luchd-seinn, agus iad uile de Asaph, de Heman, de Iedutun, maille r'am macaibh agus am bràithribh, air dhoibh 'bhi air an sgeadachadh ann an lion-eudach geal, le ciombalaibh, agus le saltairibh, agus le clàrsaichibh, 'n an seasamh aig a' cheann an ear de'n

altair, agus maille ri ceud agus fichead sagart a' deanamh fuaim le trompaidibh.)

13 Agus bha iad mar aon a' deanamh fuaim le trompaidibh, agus a' seinn, a thoirt air aon ghuth a bhi air a chluinntinn a mholadh agus a thoirt buidheachais do'n Tighearn. Ach an uair a thog iad suas an guth leis na trompaidibh, agus na ciombalaibh, agus na h-innealaibh ciuil, agus a bha iad a' moladh an Tighearn, a chionn gu bheil e maith, a chionn gu mair a thròcair gu bràth; an sin lionadh an tigh le neul, tigh an Tighearna.

14 Agus cha b'urrainn na sagartan seasamh a fhrithealadh air sgàth an neoil: oir lion glòir an Tighearna tigh Dhé.

## CAIB. VI.

1 *Bheannaich Solamh an sluagh, agus mhol e Dia.* 12 *Urnuih agus altheuinge Sholaimh 'n uair a choisrig e an teampull.* 19 *Ghuidh e gu'n tugadh Dia éisdeachd d'a urnuih, agus gu'm bitheadh a làthaireachd maille ris a ghuidh.*

**A**N sin thubhairt Solamh, Thubhairt an Tighearn gu'n gabhadh e còmhnuidh ann an dorchadas tiugh.

2 Ach thog mise tigh-còmhnuidh dhuit, agus àite chum thu dh'fhantuinn ann gu bràth.

3 Agus thionndaidh an rìgh 'aghaidh, agus bheannaich e uile choimhthional Israeil, (agus uile choimhthional Israeil 'n an seasamh.)

4 Agus thubhairt e, Gu ma beannaichte an Tighearn Dia Israeil, a choimhion le a làimh na labhair e le 'bheul ri m'athair Daibhidh, ag ràdh,

5 O'n là air an d'thug mi mo shlugh a mach á tìr na h-Eiphit, cha do thagh mi baile sam bith á uile threubhan Israeil a thogail tighe, chum gu'm bitheadh m'ainm an sin, agus cha do thagh mi duine sam bith gu bhi 'n a uachdaran os ceann mo shluaigh Israeil.

6 Ach a nìs thagh mi Ierusalem, a chum gu'm bitheadh m'ainm an sin; agus thagh mi Daibhidh gu bhi os ceann mo shluaigh Israeil.

7 Agus bha e ann an cridhe Dhaibhidh m'athair tigh a thogail do ainm an Tighearna Dé Israeil.

8 Agus thubhairt an Tighearn ri Daibhidh m'athair, A chionn gu'n robh e ann ad chridhe tigh a thogail do m' ainm-sa, is maith a rinn thu gu'n robh e ann ad chridhe:

9 Gidheadh, cha tog thusa an tigh, ach do mhac a thig a mach as do leasraibh, togaidh esan an tigh do m'ainm-sa.

10 Agus choimhion an Tighearn 'fhocal a labhair e, agus dh'éirich mise suas 'an àite Dhaibhidh m'athair, agus tha mi a'm shuidhe air rìgh-chaithir Israeil, mar a labhair an Tighearn, agus thog mi an tigh do ainm an Tighearna Dé Israeil:



11 Agus shuidhich mi an sin an àire, anns am bheil còmhcheangal an Tighearn', a rinn e ri cloinn Israeil.

12 Agus sheas e roimh altair an Tighearn', an làthair uile còmhthionail Israeil, agus sgaoil e mach a làmh,

13 (Oir rinn Solamh bonn umha, agus chuir se e ann am meadhon na ùirthe, cùig làmhna-coille air fad, agus cùig làmhna-coille air leud, agus trì làmhna-coille air àirde; agus shcas e air, agus leig se e féin air a ghlùinibh an làthair còmhthionail Israeil uile, agus sgaoil e mach a làmh gu nèamh.)

14 Agus thubhairt e, A Thighearna Dhé Israeil, cha-nèil Dia ann còmhluil riutsa anns na nèamhan, no air an talamh, a chumas còmhcheangal agus tràdair ri d' sheirbhisich, a ghluaiscas a'd' fhianuis le'n uile chridhe:

15 A chum ri d'òglach Daibhidh m'athair an ni a labhair thu ris; oir labhair thu le d' bheul, agus le d' làimh còmhluil thu, mar air an là'n diugh.

16 A nis uime sin, a Thighearna Dhé Israeil, cum ri d'òglach Daibhidh m'athair an ni a labhair thu ris, ag ràdh, Cha bhi duine dhith ort a'm' fhianuis-sa, a shuidheas air rìgh-chaitir Israeil, ma choinlhideas a mhàin do chlànn an slighe, a ghluasad ann am lagh, mar a ghluais thusa a'm' fhianuis.

17 Agus a nis, a Thighearna Dhé Israeil, daingnichear d'fhocal a labhair thu ri d'òglach Daibhidh.

18 Ach an gabh Dia d'a rìreadh còmhluidh maille ri daoineibh air an talamh? feuch, cha chum na nèamhan agus nèamhan nan nèamh thusa; cia is ro lugha na sin an tigh so a thog mise?

19 Gidheadh, amhaire air urnuigh do sheirbhisich, agus air athchuinge, a Thighearna mo Dhia a dh'èisdeachd ris a' ghlaodh agus ris an urnuigh, a tha do sheirbhisich a' deanamh a' d'fhianuis;

20 A chum gu'm bi do shùilean fosgailte ris an tigh so a dh'oidhe agus a là, eadhon ris an àite mu'n dubhairt thu gu'n cuireadh tu d'ainm an sin, a dh'èisdeachd ris an urnuigh a ni do sheirbhisich a dh'ionnsuidh an àite so.

21 Eisd air an aobhar sin ri athchuinge do sheirbhisich, agus do shluaigh Israeil, an uair a ni iad urnuigh a dh'ionnsuidh an àite so; agus èisd thusa o d'àite-còmhluidh, o na nèamhan; agus an uair a dh'èisdeas tu, maith dhoibh.

22 Ma pheacaicheas duine an aghaidh a choinlhear-naich, agus ma dh'iarraas e mionnan air, a' toirt air mionnachadh, agus gu'n tig na mionnan an làthair d'altarach anns an tigh so;

23 An sin èisd thusa o na nèamhan, agus dean, agus thoir breith air do sheirbhisich, ag iocadh do'n aingidh, a' toirt a shlighe

air a cheann féin; agus a' fireanachadh an fhùirein, a' tabhairt da a réir 'fhircantachd.

24 Agus ma bhuailear do shluaigh Israeil an làthair an nàmhaid, a chionn gu'n do pheacaich iad a'd' aghaidh, agus ma phillcas iad agus gu'n aicidh iad d'ainm, agus gu'n dean iad urnuigh, agus gu'n guidh iad a'd' làthair anns an tigh so;

25 An sin èisd thusa o na nèamhan, agus maith peacadh do shluaigh Israeil, agus thoir a ris iad do'n fhearann a thug thu dhoibh féin agus d'an aithrichibh.

26 An uair a dhruidear na nèamhan, agus nach bi uisge ann, a chionn gu'n do pheacaich iad a'd' aghaidh-sa, agus a ni iad urnuigh a dh'ionnsuidh an àite so, agus a dh'aidicheas iad d'ainm, agus a dh'iompaichear iad o'm peacadh, an uair a chuireas tu fo àmhghar iad;

27 An sin èisd thusa o na nèamhan, agus maith peacadh do sheirbhisich, agus do shluaigh Israeil, a chum gu'n teagaisg thu dhoibh an t-slighe mhaith air an còir dhoibh ghluasad, agus gu'n cuir thu uisge air an fhearann a thug thu do d' shluaigh mar oighreachd.

28 An uair a bhios gorta anns an tìr, an uair a bhios plaigh ann, an uair a bhios seargadh ann, no fuar-dhealt, lèust, no burruis; an uair a theannaicheas a nàmhaid e ann an tìr a bhailtean, ciod air bith plaigh, agus ciod air bith euslaint a bhios ann;

29 Ge b'e urnuigh, ge b'e athchuinge a chuirear suas le duine sam bith, no le d' shluaigh Israeil uile, an uair a bhios fios aig gach aon air a phlaigh féin, agus a dh'oighcheas féin, agus a sgaoileas e mach a làmh a dh'ionnsuidh an tìghe so;

30 An sin èisd thusa o na nèamhan, o d'àite-còmhluidh, agus maith, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mhàin a tha fios air cridheachaibh chloinn nan daoine.)

31 A chum gu'm bi eagal orra romhad-sa, a ghluasad ann ad shligheibh rè an làithean uile a bhitheas iad beò anns an tìr a thug thu d'ar n-aithrichibh.

32 Os bàrr, a thaobh a' choigrich, nach 'eil de d' shluaigh Israeil, ach a thig a tìr chéin air sgàth do mhòir ainme-sa, agus do làimhe làidir, agus do ghairdein sìnte mach, agus a thig agus a ni urnuigh anns an tigh so;

33 An sin èisd thusa o na nèamhan, o d'àite-còmhluidh, agus dean a réir nan uile nithean mu'n glaoth an coigreach riut; a chum gu'm bi eòlas aig uile shlighean na talmhainn air d'ainm, agus gu'm bi cagal orra romhad, mar *tha air* do shluaigh Israeil, agus gu'm bi fios aca gu'n goirear d'ainm-sa air an tigh so a thog mise.

34 An uair a theid do shluaigh a mach a chogadh an aghaidh an naimhdean air an

t-slighe air an cuir thu iad, agus a ni iad urnuigh riut a làimh a' bhaile so a rògh-naich thusa, agus an tighe a thog mise do d'ainm;

35 An sin éisd thusa o na nèamhan r'an urnuigh agus r'an athcheuinge, agus cum ceartas riu.

36 An uair a pheacaicheas iad a'd aghaidh, (oir cha-n'eil duine ann nach peacaich,) agus a lasas d'fhearg 'n an aghaidh, agus a bheir thu thairis iad d'an naimhdibh, agus a bheir iad leo 'n am braighdibh iad do thir ann fad no am fagus;

37 Gidheadh ma thig iad gu inntinn cheart anns an tìr d'an d'thugadh 'n am braighdibh iad, agus ma dh'ionmpaichear iad, agus ma ni iad urnuigh riut ann an tìr am braighdeanais, ag ràdh, Pheacaich sinn, rinn sinn gu h-eucorach, agus rinn sinn gu h-aingidh;

38 Ma philleas iad a d' ionnsuidh-sa le'n uile chridhe, agus le'n uile anam, ann an tìr am braighdeanais, d'an d'thugadh iad 'n am braighdibh, agus ma ni iad urnuigh a làimh an tìre féin a thug thu d'an aithrichibh, agus a làimh a' bhaile a rògh-naich thu, agus a làimh an tighe a thog mise do d'ainm;

39 An sin éisd thusa o na nèamhan, o d'àite-còmhnuidh, r'an urnuigh agus r'an athcheuinge, agus cum ceartas riu, agus maith do d' shluagh a pheacaich a'd aghaidh.

40 A nis, mo Dhia, bitheadh, guidheam ort, do shùilean fosgailte, agus thugadh do chluasan an aire do urnuigh an àite so.

41 Ach a nis éirich thusa, a Thighearna Dhé, do d' àite suaimheis, thu féin, agus àire do neirt. Bitheadh do shagartan, a Thighearna Dhé, air an sgeadachadh le slàinte, agus deanadh do naoimh gairdeachas ann am maitheas.

42 A Thighearna Dhé, na tionndaidh air falbh gnùis d'aoin ungta: cuimhnich tròc-airean Dhaibhidh do sheirbhisich.

### CAIB. VII.

1 *Lìon glòir an Tighearn' an teampull. 5 Choisrig Solamh agus clann Israel tigh Dhé. 10 agus an sin phill an sluagh d'am bàthaibh aoibhneach agus subhach 'n an cridhe. 12 Dh'fhoillsich Dia e féin a ris do Sholamh, agus rinn e coimhcheangal ris.*

**A**GUS an uair a chuir Solamh crìoch air urnuigh a dheanamh, thàinig an teine a nuas o nèamh, agus loisg e suas an tabhartas-loisgte agus na h-iobairtean; agus lion glòir an Tighearn' an tigh.

2 Agus cha b'urrainn na sagartan dol a steach do thigh an Tighearn', a chionn gu'n do lion glòir an Tighearna tigh an Tighearna.

3 Agus an uair a chunnaic clann Isracil uile mar a thàinig an teine nuas, agus glòir an Tighearna, air an tigh, chrom siad iad

féin le'n aghaidhean chum na talmhainn a' an urlar, agus rinn iad aoradh, agus mho iad an Tighearn, a chionn *gu bheil e* maith, gu *mair* a thròcair gu bràth.

4 An sin dh'iobair an rìgh agus an sluagh uile iobairtean 'am fianuis an Tighearna.

5 Agus dh'iobair rìgh Solamh mar iobairt dà mhìle fichead bò, agus ceud agus fich-eud mìle caora: agus choisrig an rìgh agus an sluagh uile tigh Dhé.

6 Agus dh'fheith na sagartan air an dreuchd; na Lebhithich mar an ceudna le innealaibh-ciùil an Tighearn', a rinn Daibhidh an rìgh a mholadh an Tighearn, a chionn gu *mair* a thròcair gu bràth, an uair a bha Daibhidh a' clùthachadh le 'n làimh-san: agus shéid na sagartan trompaidean rompa, agus sheas Israel uile.

7 Agus naomhaich Solamh meadhon na cùirte a *bha* fa chomhair tighe an Tighearn': oir thug e suas an sin iobairtean-loisgte, agus saill nan tabhartas-sith, a chionn nach b'urrainn an altair umha a rinn Solamh na h-iobairtean-loisgte, agus na tabhartasan-bidh, agus an t-saill, a ghabhail.

8 Agus chum Solamh anns an àm sin an fhéill seachd làithean, agus Israel uile maille ris, comhchruinneachadh ro mhòr, o dhol a stigh Hamait gu ruig amhainn na h-Eiphit.

9 Agus air an ochdamh là chum iad àrd chointhional; oir chum iad coisreagadh na h-altarach seachd làithean, agus an fhéill seachd làithean.

10 Agus air an treas là fichead de'n t-seachdamh mìos leig e an sluagh air falbh d'am bàthaibh, aoibhneach agus subhach 'n an cridhe air son a' mhaithcis a nochd an Tighearn do Dhaibhidh, agus do Sholamh, agus do Israel a shluagh.

11 Agus chrìochnaich Solamh tigh an Tighearna, agus tigh an rìgh; agus gach nì a thàinig ann an cridhe Sholaimh a dheanamh ann an tigh an Tighearna, agus 'n a thigh féin, shoirbhich leis 'n a dheanamh.

12 Agus dh'fhoillsich an Tighearn e féin do Sholamh 's an oidhche, agus thubhairt e ris, Chuala mi d'urnuigh, agus thagh mi 'n t-àite so dhomh féin air son tighe iobairte.

13 Ma dhruideas mi na nèamhan, agus nach bi uisge ann, no ma dh'aitheacas mi do na locuist am fearann itheadh suas, no ma chuireas mi plàigh am measg mo shluaigh;

14 Ma dh'irioslaicheas mo shluagh air an goirear m'ainm iad féin, agus gu'n dean iad urnuigh, agus gu'n iarr iad mo ghnuis, agus gu'm pill iad o'n droch shligheibh, an sin cuimhnidh mise o na nèamhan, agus maithidh mi ann peacadh, agus leighisidh mi am fearann.

15 A nis bithidh mo shùilean fosgailte



## 2 EACHDRAIDH, VIII.

agus bheir mo chluasan an aire do urnuigh an àite so:

16 Oir a nis thagh mi agus naomhaich mi an tigh so, chum gu'n bi m'ainm an sin gu bràth; agus bithidh mo shùilean agus mo chridhe an sin gach là.

17 Agus ma ghluaisear tusa ann am fhianuis, mar a ghluais Daibhidh d'athair, agus ma ni thu a réir gach *ni* a dh'àithn mi dhuit, agus gu'n gléidh thu mo reachdan agus mo bhreitheanais;

18 An sin daingnichidh mise rìgh-chaithir do rìoghachd, mar a rinn mi còmhcheangal ri Daibhidh d'athair, ag ràdh, Cha bhi duine d'hiath ort gu bhi 'n a uachdaran ann an Israel.

19 Ach ma thionndaidheas sibh uam, agus gu'n tréig sibh mo reachdan agus m'aitheantan a chuir mi roimh sibh, agus gu'n téid sibh agus gu'n dean sibh seirbhis do dhiaibh eile, agus gu'n sleuchd sibh dhoibh;

20 An sin spionadh mise sibh á m'fhear-ann a thug mi dhuibh; agus an tigh so a naomhaich mi do m'ainm, tilgidh mi as mo shealladh, agus ni mi e 'n a shamhladh agus 'n a leth-fhocal am measg nan uile chinneach.

21 Agus an tigh so a bha co àrd, bithidh iongantais air gach neach a théid seachad air, agus their e, Car son a rinn an Tighearn mar so ris an tìr so, agus ris an tigh so?

22 Agus freagar, A chionn gu'n do thréig iad an Tighearn Dia an aithrichean, a thug a mach iad á tìr na h-Eiphit, agus gu'n do ghabh iad d'an ionnsuidh diathan eile, agus gu'n do shleuchd iad dhoibh, agus gu'n do rinn iad seirbhis dhoibh; uime sin thug e an t-òc so uile orra.

### CAIB. VIII.

1 Na bailtean a thog Solamh. 7 Rinneadh tràillean de na Canaanach. 11 Thug Solamh suas nighean Pharaoh a dh'ionnsuidh a tìghe féin. 14 Shuidhich e roinnean nan sagart, agus nan Lebhithich. 17 Thug longan Sholaimh òr o Ophir.

**A**GUS tharladh 'an ceann fhichead bliadhna, anns an do thog Solamh tigh an Tighearn' agus a thigh féin,

2 Na bailtean a thug Hiram do Sholamh, gu'n do thog Solamh iad, agus thug e air cloinn Israeil còmhuidh a ghabhail an sin.

3 Agus chaidh Solamh gu Hamat-sobah, agus thug e buaidh air.

4 Agus thog e Tadmor anns an fhàsach, agus na bailtean-ionnsuidh uile a thog e ann an Hamat.

5 Mar an ceudna thog e Bet-horon uachdarach, agus Bet-horon iochdarach, bailtean daingnichte, le ballachaibh, geatachaibh agus crannaibh:

6 Agus Baalat, agus na h-uile bhailtean-ionnsuidh a bha aig Solamh, agus uile bhailtean nan carbad, agus bailtean a'

mhare-shluaigh, agus uile mhianm Sholaimh a mhianmaich e 'thogail ann an Ierusalem, agus ann an Lebanon, agus ann an uile thìr a thighearnais.

7 A thaobh an t-sluaigh uile a dh'fhàgadh de na Hitich, agus de na h-Amoraich, agus de na Peridsich, agus de na Hibhich, agus de na Iebusaich, nach robh de Israel,

8 D'an cloinn a dh'fhàgadh 'n an déigh anns an tìr, nach do sgrios clann Israeil, dhiubhsan thog Solamh cùs gus an là'n diugh.

9 Ach de chloinn Israeil cha d'rinn Solamh tràill sam bith air son 'oibre; oir bha iad 'n an fìr-chogaidh, agus 'n an uachdaranaibh, agus 'n an ceannardaibh aige, agus 'n an riaghlairibh a charbad agus a mharc-shluaigh.

10 Agus b' iad so uachdarain an luchd-dreuchd a bha aig rìgh Solamh, dà cheud agus leth-cheud a riaghail os ceann an t-sluaigh.

11 Agus thug Solamh suas nighean Pharaoh á baile Daibhidh a dh'ionnsuidh an tìghe a thog e dhi: oir thubhairt e, Cha ghabh mo bhean-sa còmhuidh ann an tìgh Daibhidh rìgh Israeil; oir is naomha na h-àitean d'an d'thàinig àire an Tighearna steach.

12 An sin dh'ìobair Solamh ìobairtean-loisgte do'n Tighearn, air altair an Tighearn', a thog e fa chomhair an sgàth-thìghe;

13 A dhlighe féin air gach là, ag ìobradh a réir àithne Mhaois, air na sàbaidibh, agus air na gealaichibh nomha, agus air na féilibh sonraichte, tri uairean 's a' bhliadhna, air féill an arain neo-ghoirtichte, agus air féill nan seachduin, agus air féill nam pàillium.

14 Agus shuidhich e, a réir riaghailt Daibhidh 'athar, roinnean nan sagart chum an seirbhis, agus na Lebhithich chum an cùraim, a mholadh agus a fhrith-ealadh 'am fianuis nan sagart, a réir dlighe gach là; agus na dorsairean a réir an roinnean aig gach geata: oir mar sin dh'àithn Daibhidh òglach Dhé.

15 Agus cha do chlaon iad o àithne an rìgh mu na sagairtibh agus na Lebhithich a thaobh ni air bith, no' thaobh nan ionmhais.

16 Agus dheasaicheadh obair Sholaimh uile gu ruig an là anns an do leagadh bunait tìghe an Tighearn', agus gus an do chrìochnaicheadh e. Mar sin rinneadh tigh an Tighearna gu h-iomlan.

17 An sin chaidh Solamh gu h-Esion geber, agus gu h-Elot, air taobh na mara ann an tìr Edoim.

18 Agus chuir Hiram d'a ionnsuidh l'lainm a sheirbhisach longan, agus seirbhisich aig an robh còlas na faire; agus chaidh iad maille ri seirbhisich Sholaimh

gu h-Ophir, agus thug iad as a sin ceithir cheud agus leth-cheud talann òir, agus thug iad gu rìgh Solamh iad.

## CAIB. IX.

1 Thàinig ban-rìghinn Sheba gu h-Ierusalem a dhearbhadh Sholaimh. 3 Ghabh i iongantais r'a ghliocas. 13 Cudthrom an òir a thàinig dh'ionnsuidh Sholaimh ann an aon bhliadhna. 16 A rìgh-chaitir. 20 A shoithichean-òil. 29 A bhàs.

**A**GUS an uair a chuala ban-rìghinn Sheba cliù Sholaimh, thàinig i a dhearbhadh Sholaimh le ceisidibh cruaidhe gu h-Ierusalem, le cuideachd ro mhòir, agus le càmhalaibh a' giùlan spìosraidh agus òir ann am pailteas, agus chlachan luachmhor: agus an uair a thàinig i dh'ionnsuidh Sholaimh, labhair i ris gach nì a bha 'n a cridhe.

2 Agus fhreagair Solamh dhi a ceisdean uile: agus cha robh nì air bith 'am folach air Solamh nach d'innis e dhi.

3 Agus an uair a chummaic ban-rìghinn Sheba gliocas Sholaimh, agus an tigh a thog e,

4 Agus biadh a bhuird, agus suidhe a sheirbhiseach, agus feitheamh a luchd-frithealaidh agus an trusgan, agus a ghillean-cupain agus an trusgan, agus a dhol-suas air an deachaidh e suas gu tigh an Tighearna; cha robh spiorad imte nì's mò. 5 Agus thubhairt i ris an rìgh, B'fhiòr an t-iomradh a chuala mi ann am thìr fèin air do ghnìomharaibh, agus air do ghliocas:

6 Gidheadh cha do chreid mi am briathran, agus an d'thàinig mi, agus gu'm faca mo shùilean; agus, feuch, cha d'innseadh dhomh leth meud do ghliocais: chaidh thu thar an iomradh a chuala mi.

7 Is sona do dhaoine, agus is sona iad so do sheirbhisich, a sheasas a'd' fhianuis an còmhuidh, agus a chluinneas do ghliocas.

8 Gu ma beannaichte an Tighearn do Dhia a ghabh tlachd annad gu d' chur air a rìgh-chaitir, gu bhì 'd' rìgh air son an Tighearna do Dhé: a chionn gu'n do ghràdaich do Dhia Israel, chum an daingneachadh gu bràth, uime sin rinn e thusa a'd' rìgh os an ceann, a dheanamh breitheanaid agus ceartais.

9 Agus thug i do'n rìgh ceud agus fichead talann òir, agus ro mhòran de spìosraidh, agus clachan luachmhor: Agus cha robh riamh a leithid so de spìosraidh, as a thug ban-rìghinn Sheba do rìgh Solamh.

10 Agus mar an ceudna thug seirbhisich Huraim, agus seirbhisich Sholaimh, a thug òr o Ophir, fiodh alguim leo, agus clachan luachmhor.

11 Agus rinn an rìgh de'n fhiodh alguim staidhrichean do thigh an Tighearn, agus do thigh an rìgh, agus clarsaichean agus salt-airean do'n luchd-ciùil: agus cha-n' fhacas an leithid roimhe ann an tìr Iudah.

12 Agus thug rìgh Solamh do bhan-rìghinn Sheba a h-uile mhìann a dh'iarr i, a thuilleadh air na thug i dh'ionnsuidh an rìgh: agus thionndaidh i agus dh'imich i d'a tìr, i fèin agus a seirbhisich.

13 A nis b'e cudthrom an òir a thàinig a dh'ionnsuidh Sholaimh ann an aon bhliadhna, sè ceud agus trì fichead agus sè talannan òir:

14 A thuilleadh air na thug na ceann-aichean agus an luchd malairt, agus uile rìghrean Arabia, agus uachdarain na tìre; a thug òr agus airgiod a dh'ionnsuidh Sholaimh.

15 Agus rinn rìgh Solamh dà cheud sgiath de òr buailte: chaidh sè ceud *secel* de òr buailte chum gach sgéithe.

16 Agus *rinn e* trì cheud targaid de òr buailte: chaidh trì cheud *secel* òir chum gach targaide: agus chuir an rìgh iad ann an tigh frithe Lebanoin.

17 Rinn an rìgh mar an ceudna rìgh-chaitir mlòr de fhiacalaidh *elephant*, agus chòmhdaich e i leis an òr a bu ghloine.

18 Agus *bha* sè ceuman aig an rìgh-chaitir agus cos-stòl òir, air an tàthadh ris an rìgh-chaitir, agus lànhan air gach taobh de'n àite-shuidhe, agus dà leòmhann a' seasamh làmh ris na làmhnan.

19 Agus sheas dà leòmhann dheug an sin air na sè ceumaibh, air an taobh so agus air an taobh ud. Cha d'rinneadh a leithid ann an rìoghachd air bith eile.

20 Agus *bha* uile shoithichean òil rìgh Sholaimh a dh' òr, agus uile shoithichean tighe frithe Lebanoin a dh' òr fìor-ghlan: cha robh meas de airgiod ann an làithibh Sholaimh chum nì sam bith.

21 Oir chaidh loingeis an rìgh gu Tarsis maille ri seirbhisich Huraim: aon uair anns na trì bliadhnaibh thàinig loingeis Tharsis a' giùlan òir agus airgid, fhiacal *elephant*, agus apan agus pheucag.

22 Agus thug rìgh Solamh barrachd air uile rìghribh an domhain ann an saoihbreas agus gliocas.

23 Agus dh'iarr uile rìghrean na talmhainn teachd an làthair Sholaimh, a chluinntim a ghliocais a chuir Dia 'n a chridhe.

24 Agus thug iad leo gach fear a thìodhlac, soithichean airgid, agus soithichean òir, agus trusganan, agus airm, agus spìosraidh, agus eich, agus muileidean, cuibhrionn bliadhna anns gach bliadhna.

25 Agus bha aig Solamh ceithir mìle prasach each air son a charbad, agus dà mhìle dheug marcach, a chuir e mach ann am bailtibh nan carbad, agus maille ris an rìgh ann an Ierusalem.

26 Agus rìghich e os ceann nan rìghrean uile, o'n amhainn gu ruig tìr nam Philisteach, agus gu ruig erioch na h-Eiplit.

27 Agus thug an rìgh airgiod a bhi ann an Ierusalem mar chlachan, agus air na



## 2 EACHDRAIDH, X, XI.

crannaibh seudair thug e *bhi* mar na croinn shicomoir, a *tha* anns an t-srath, air lion-  
moireachd.

28 Agus thugadh eich a dh'ionnsuidh Sholaimh as an Eiphit, agus as gach uile thir.

29 Agus a' chuid eile de ghnìomharaibh Sholaimh, an toiseach agus mu dheireadh, nach *'eil* iad sgrìobhta ann an leabhar Nàtain an fhàidh, agus ann am fàidhead-  
aireachd Ahiah an t-Silonaich, agus ann an seallannaibh Ido an fhuir-sheallaidh an aghaidh Ieroboam mhic Nebait?

30 Agus rìghich Solamh ann an Ierusalem os ceann Israeil uile, dà fhichead bliadhna.

31 Agus choidil Solamh maille r'a aith-  
richibh, agus dh'adhlaiseadh e ann am baile Dhaibhidh 'athar; agus rìghich Reho-  
boam a mhac 'n a àit.

### CAIB. X.

1 *Thàinig clann Israeil do Shechem gu Rehobam a dheanamh 'n a rìgh. 6 Dhiùlt esan comhairle nan seann daoine, agus labhair e gu gair ris an t-sluagh, a réir comhairle nan daoine òga. 16 Rinn clann Israeil ceannairc 'n a aghaidh.*

**A**GUS chaidh Rehobam do Shechem: oir thàinig Israel uile do Shechem g'a dheanamh 'n a rìgh.

2 Agus an uair a chuala Ieroboam mac Nebait *sin*, a *bha* anns an Eiphit, far an do theich e o ghnìis rìgh Solaimh, phill Ieroboam as an Eiphit.

3 Agus chuir iad *fios*, agus ghairm iad e: agus thàinig Ieroboam agus Israel uile, agus labhair iad ri Rehobam, ag ràdh,

4 Dh'antromaich d'athair ar cuing-ne, ach eutromaich thus' a nis seirbhis chruaidh d'athar, agus a chuig throm a chuir e oirnn, agus ni sinn seirbhis dhuit.

5 Agus thubhairt e riu, 'An ceann thrì lùithean thigibh a rìs a m'ionnsuidh. Agus dh'fhalbh an sluagh.

6 Agus chuir rìgh Rehobam a chomhairle ris na seann daoineibh a sheas an làthair Sholaimh 'athar, an uair bu bhead e, ag ràdh, Cionnus a chomhairlicheas sibh *dhomh* freagradh a thabhairt do'n t-sluagh so?

7 Agus labhair iadsan ris, ag ràdh, Ma bhitheas tusa caomhneil ris an t-sluagh so, agus gu'n toilich thu iad, agus gu'n labhair thu riu briathran maith, bitheadh iadsan agadsa 'n an seirbhisich gu bràth.

8 Ach thrèig esan comhairle nan seann daoine, a thug iad air; agus chuir e 'chomhairle ris na daoineibh òga a dh'fhàs suas maille ris féin, agus a sheas 'n a làthair.

9 Agus thubhairt e riu, Ciod a *tha* sibhse a' comhairleachadh, a chum gu'n thoir sinn freagradh do'n t-sluagh so, a labhair rium, ag ràdh, Eutromaich a' chuig a chuir d'athair oirnn?

10 Agus labhair na daoine òga a dh'fhàs

suas maille ris *féin* ris, ag ràdh, Mar so their thu ris an t-sluagh a labhair riut, ag ràdh, Dh'antromaich d'athair ar cuing-ne, ach eutromaich thusa dhuinm *i*; mar so their thu riu, *Is* gairbhe mo lùghdag-sa na leasraidh m'athar.

11 Agus a nis chuir m'athair gum amharus oirbh cuing throm, ach cuiridh mise ri bhur cuing; smachdaich m'athair sibh le slataibh, ach *smachdaichidh* mise *sibh* le scorpionaibh.

12 Agus thàinig Ieroboam agus an sluagh uile gu Rehobam air an treas là, mar a dh'aithn an rìgh, ag ràdh, Thigibh a rìs a m'ionnsuidh air an treas là.

13 Agus fhreagair an rìgh iad gu garbh; agus thrèig rìgh Rehobam comhairle nan seann daoine.

14 Agus labhair e riu a réir comhairle nan daoine òga, ag ràdh, Dh'antromaich m'athair bhur cuing, ach cuiridh mise rithe; smachdaich m'athair sibh le slataibh, ach *smachdaichidh* mise *sibh* le scorpionaibh.

15 Mar so cha d'éisd an rìgh ris an t-sluagh; oir bha'n t-aobhar o Dhia, chum gu'n coimhlionadh an Tighearnu 'fhocal féin, a labhair e le làimh Ahiah an t-Silonaich ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibhrionn a th'againne ann an Daibhidh? agus chan *'eil* oighreachd againn ann am mac Iese: gach fear do d' bhrùthaibh, O Israeil; a nis thoir an aire air do thigh féin, a Daibhidh. Agus dh'fhalbh Israel uile d'am brùthaibh.

17 Ach a *thaobh* chloinn Israeil a bha 'chòmhnuidh ann am bailtibh Iudah, rìghich Rehobam os an ceann.

18 An sin chuir rìgh Rehobam Adoram a *bha* os ceann na cise *d'an ionnsuidh*; agus chlach clann Israeil e le clachaibh, agus fhuair e bàs: agus rinn Rehobam cabhag gu dol suas d'a charbad, chum gu'n teicheadh e do Ierusalem.

19 Agus rinn Israel ceannaire an aghaidh tighe Dhaibhidh gus an là'n diugh.

### CAIB. XI.

1 *Chruinnich Rehobam armailt a chogadh an aghaidh Israeil. 6 Na bailtean daingichte a thog e. 13 Thàinig na sagartan agus na Lebhithich gu Ierusalem, a chionn gu'n do chuir Ieroboam iad o fhorithealadh 'n an dreuchd. 18 Muathan agus clann Rehobaim.*

**A**GUS an uair a thàinig Rehobam gu h-Ierusalem, chruinnich e de thigh Iudah agus Bheniamin, ceud agus ceithir fichead mìle *fear* taghta, deanta ri cogadh, a chogadh an aghaidh Israeil, a chum an rìoghachd a thoirt a rìs gu Rehobam.

2 Ach thàinig focal an Tighearna gu Semaiah òglach Dhé, ag ràdh,

3 Labhair ri Rehobam, mac Sholaimh,

rìgh Iudah, agus ri h-Israel uile ann an Iudah agus ann am Benjamin, ag ràdh, 4 Mar so tha'n Tighearn ag ràdh, Cha téid sibh suas, agus cha chog sibh ri' bràithribh; pillibh, gach fear a dh'ionnsuidh a thighe; oir leamsa rinneadh an nì so. Agus dh'éisd iad ri briathraibh an Tighearn', agus phill iad o dhol an aghaidh Ieroboaim.

5 Agus ghabh Rehoboam eòmhuidh ann an Ierusalem, agus thog e bailtean daingnichte ann an Iudah;

6 Thog e eadhon Bet-lehem, agus Etam, agus Tecoa,

7 Agus Bet-sur, agus Socho, agus Adullam, 8 Agus Gat, agus Maresah, agus Siph,

9 Agus Adoraim, agus Lachis, agus Asecah,

10 Agus Sorah, agus Aialon, agus Hebron; a tha ann an Iudah, agus ann am Benjamin, 'n am bailtibh daingnichte.

11 Agus neartaich e na daingnichteann, agus chuir e ceannardan amta, agus taisgeachan-bidh, agus olaidh, agus fìona.

12 Agus anns gach baile fa leth *chuir e* sgiathan agus sleaghan, agus rinn e ro làidir iad; oir bha Iudah agus Benjamin aige air a thaobh.

13 Agus thàinig na sagartan agus na Lebhithich, a bha ann an Israel uile, d'a ionnsuidh as an crìochaibh uile:

14 (Oir dh'fhàg na Lebhithich am fo-bhailtean, agus an sealbh, agus thàinig iad gu Iudah agus gu h-Ierusalem; a chionn gu'n do chuir Ieroboam agus a mhic iad o fhrithéaladh ann an dreuchd nan sagart do'n Tighearn.

15 Agus rinn e dha féin sagartan air son nan àitean àrda, agus air son dheamhan, agus air son nan laogh a rinn e.)

16 Agus 'n au déigh-san thàinig a mach á uile theubhan Israel, iadsan a shoeraich an cridhe a dh'iarraidh an Tighearna Dhé Israeil, gu h-Ierusalem a dh'ìobradh do'n Tighearn Dia an aithrichean.

17 Agus dhaingnich iad rioghachd Iudah, agus rinn iad Rehoboam mac Sholaimh làidir ré thri bliadhna; oir ré thri bliadhna ghluais iad ann an slighe Dhaibhidh agus Sholaimh.

18 Agus ghabh Rehoboam Mahalat nighean Ierimoit, mhie Dhaibhidh, dha féin 'n a mnaoi; Abihail mar an ceudna, nighean Eliaib, mhie Iese:

19 Agus rug ise dha clann; Ieus, agus Semariah, agus Saham.

20 Agus 'n a déigh-sa ghabh e Maachah, nighean Absaloin, a rug dha Abiah, agus Atai, agus Sisa, agus Selomit.

21 Agus ghràdhach Rehoboam Maachah, nighean Absaloin, os ceann a bhan agus a choimhleabach uile; oir ghabh e dha féin oehd muài dheug, agus tri fichead coimhleabach, agus ghin e oehd mie fhichead, agus tri fichead nighean.)

22 Agus rinn Rehoboam 'n a cheannard Abiah, mac Mhaachah, gu bhli 'n a riaghlair am measg a bhràithrean; oir smuainich e air a dheanamh 'n a rìgh.

23 Agus rinn e gu glic, agus sgaoil e a' *chuid eile* d'a mhacaibh uile air feadh uile thùre Iudah agus Bheniamin, anns na bailtibh daingnichte uile; agus thug e dhoibh pailteas bidh: agus dh'ìarr e mòran bhan.

## CAIB. XII.

1 *Thrèig Rehoboam lagh an Tighearna.* 2 *Thàinig Sisac rìgh na h-Eiphit a nìos 'n a aghaidh, agus ghlac e bailtean daingnichte Iudah.* 5 *Dh'ìrosalach Rehoboam e féin, agus thug Dia cùil-eigin de shaorsa dha.* 13 *A rioghachadh agus a bhàs.*

**A** GUS an uair a dhaingnìceadh rioghachd Rehoboaim, agus a dh'fhàs e cumhachdach, thrèig e lagh an Tighearn', agus Israel uile maille ris.

2 Agus anns a' chùigeamh bliadhna de rìgh Rehoboam, thàinig Sisac rìgh na h-Eiphit a nìos an aghaidh Ierusalem, (a chionn gu'n do pheacaich iad an aghaidh an Tighearna.)

3 Le mìle agus dà cheud carbad, agus le trì fichead mìle marcach: agus *bha 'n* sluagh gun àireamh a thàinig maille ris as an Eiphit; na Lubaich, na Sucaich, agus na h-Etiopaich.

4 Agus ghlac e na bailtean daingnichte a *bhuineadh* do Iudah, agus thàinig e gu h-Ierusalem.

5 An sin thàinig Semaiah am fàidh gu Rehoboam, agus gu h-uachdaranaibh Iudah, a bha air cruinneachadh gu h-Ierusalem air eagal Shisaic, agus thubhairt e riu, Mar so tha'n Tighearn ag ràdh, Dh'fhàg sibhse mise, agus air an aobhar sin dh'fhàg mise sibhse ann an àimh Shisaic.

6 An sin dh'ìrosalach uachdarain Israeil agus an rìgh iad féin, agus thubhairt iad, *Tha'n* Tighearn ceart.

7 Agus an uair a chunnaic an Tighearn gu'n d'ìrosalach siad iad féin, thàinig focal an Tighearna gu Semaiah, ag ràdh, Dh'ìrosalach siad iad féin; cha sgrìos mi iad, ach bheir mi dhoibh cùil-eigin de shaorsa; agus cha taomar mo chorruich a mach air Ierusalem le àimh Shisaic.

8 Gidheadh, bithidh iad 'n an seirbhisich aige, agus bithidh aithne aca air mo sheirbhis-sa, agus air seirbhis rioghachdan nan dùchan.

9 Uime sin thàinig Sisac rìgh na h-Eiphit a nìos an aghaidh Ierusalem, agus thug e leis ionmhais tighe an Tighearn', agus ionmhais tighe an rìgh; bhuin e leis an t-ionlan: agus e leis mar an ceudna na targaidean òir a rinn Solamh.

10 Agus rinn rìgh Rehoboam targaidean umha 'n an àit, agus thug e thairis *iad* do àimh cheannard an fhreiceadain, a ghléidh dorus tighe an rìgh.



11 Agus an uair a chaidh an rìgh a steach do thigh an Tighearna, thàinig am freiceadan agus thog siad iad, agus thug iad air an ais iad gu seòmar an fhreiceadain.

12 Agus an uair a dh'ìrìosaich se e féin, thionndaidh corruich an Tighearn' uaiti, chum nach sgriosadh se e gu tur. Agus mar an ceudna ann an Iudah bha nithean gu maith.

13 Agus dhaingnich rìgh Rehoboam e féin ann an Ierusalem, agus rìghich e. A nis *bha* Rehoboam aon agus dà fhichead bliadhna dh'aois an uair a thòisich e air rìoghachadh, agus rìghich e seachd bliadhna deug ann an Ierusalem, am baile a thagh an Tighearn a mach á uile threubhan Israeil a chur 'ainne an sin: agus *Ùe* ainm a mhàthar Naamah, Ban-amonach.

14 Agus rinn e ole, a chionn nach d'ulluich e a chridhe a dh'iarraidh an Tighearna.

15 A nis gnìomharan Rehoboam, an toiseach agus mu dheireadh, nach 'eil iad sgrìobhta ann an leabhar Shemaiah an fhàidh, agus Ido an fhìr-sheallaidh, mu thimchioll ghinealach? Agus *bha* cogadh eadar Rehoboam agus Ieroboam ré an lùithean uile.

16 Agus choidil Rehoboam maille r'a aithrichibh, agus dh'adhlacaidh e ann am baile Dhaibhidh: agus rìghich Abiah a mhac 'n a àit.

## CAIB. XIII.

1 *Bha cogadh eadar Abiah agus Ieroboam.* 5 *Chuir Abiah 'an cèill ceartas a chùise.* 13 *Bhuadhaich e air Ieroboam, agus mharb e Israel le h-àr mòr.* 21 *A mhnathan agus a chlann.*

**A** NIS anns an ochdamh bliadhna deug de rìgh Ieroboam, thòisich Abiah air rìoghachadh os ceann Iudah.

2 Tri bliadhna rìghich e ann an Ierusalem: agus *Ùe* ainm a mhàthar Maachah, nighean [Abisaloim, mhic] Urieil o Ghibeah. Agus bha cogadh eadar Abiah agus Ieroboam.

3 Agus chuir Abiah an cath 'an ordugh le armailt de dhaoineibh treuna ann an cogadh, ceithir cheud mìle fear taghta: agus chuir Ieroboam an cath 'an ordugh 'n a aghaidh le ochd ceud mìle fear taghta, daoine treuna gaisgil.

4 Agus sheas Abiah suas air sliabh Shemariam, a *tha* ann an sliabh Ephraim, agus thubhairt e, Eisdibh rium, a Ierobeam, agus Israeil uile.

5 Nach bu chòir dhuibhse fios a bhli agaibh gu'n d'thug an Tighearn Dia Israeil an rìoghachd os ceann Israeil thairis do Dhaibhidh gu bràth, *eadhon* dhà-san agus dà mhacuibh le coimheangal salaim?

6 Gidheadh, dh'éirich Ieroboam, mac Nebait, seirbhiseach Sholaimh mhic Dhaibhidh suas, agus rinn e ceannaire an aghaidh a thighearna:

7 Agus chruinnich d'a ion: suidh daoine faoine, mic Bheiai, agus neartaich siad iad féin an aghaidh Rehoboam, mhic Sholaimh, 'n uair a bha Rehoboam òg agus tais-chridheach, agus nach b'urrainn e cur 'n an aghaidh.

8 Agus a nis *tha* sibh a' smuaineachadh air cur an aghaidh rìoghachd an Tighearn' ann an làmh mhac Dhaibhidh; agus *tha* sibh 'n 'ur sluagh mòr, agus *tha* agaibh laogh òir, a rinn Ieroboam dhuibh mar dhiathan.

9 Nach do thilg sibh a mach sagartan an Tighearna, mic Aaroin, agus na Lebhitich, agus nach d'rinn sibh dhuibh féin sagartan mar chinnich *eile* an domhain? Gach neach a thig g'a choisregadh féin le tarbh òg agus le seachd reitcheaibh, bithidh esan air ball 'n a shagart dhoibhsan nach 'eil 'n an diathaibh.

10 Ach d'ar taobh-ne, *is e'n* Tighearn ar Dia, agus cha do thréig sinn e: agus *is iad* mic Aaroin na sagartan a *tha* 'frithealadh do'n Tighearn, agus *tha* na Lebhitich a' *jeitheamh* air an obair féin:

11 Agus *tha* iad a' losgadh do'n Tighearn iobairtean-loisgte air gach maduinn agus air gach feasgar, agus tùis chùbhraidh; agus *tha* aran na fianuis air a' bhòrd fhìor-ghlan, agus an coinnèir òir maille r'a lòchranaibh a lasadh air gach feasgar: oir *tha* sinne a' gleidheadh curaim an Tighearn 'ar Dé; ach thréig sibhse e.

12 Agus, feuch, maille ruinne *tha* Dia féin 'n a cheannard *oirnn*, agus a shagartan le trompaidibh fuaimneach a thoirt caismeachd 'n 'ur n-aghaidh-sa. A chlann Israeil, na cogaibhse an aghaidh an Tighearna Dé bhuir n-aithrichean; oir cha soirbhich leibh.

13 Ach thug Ieroboam air luchd feall-fholaich teachd mu'n cuairt air an cùlaobh, air chor as gu robh iad féin fa chomhair Iudah, agus an luchd feall-fholaich air an cùlaobh.

14 Agus an uair a sheall Iudah 'n an déigh, feuch, *bha'n* cath air am beulaobh agus air an cùlaobh: agus ghlaodh iad ris an Tighearn, agus rinn na sagartan fuaim le trompaidibh.

15 Agus rinn fir Iudah gàir: agus an uair a rinn fir Iudah gàir, air ball bhuail Dia Ieroboam agus Israeil uile roimh Abiah agus Iudah.

16 Agus thieich clann Israeil roimh Iudah; agus thug Dia thairis iad 'n an làmh.

17 Agus mharbh Abiah agus a shluagh iad le h-àr mòr; oir thuit sìos marbhta de Israel, cùig ceud mìle fear taghta.

18 Agus dh'ìrìosaicheadh clann Israeil air an àm sin, agus neartaicheadh clann Iudah, a chionn gu'n d'earb iad as an Tighearn Dia an aithrichean.

19 Agus lean Abiah an ruaig air Iero-

boam, agus ghlac e uaith mòr-bhailtean: Bet-el le 'bhailtibh beaga, agus Iesana le 'bhailtibh beaga, agus Ephron le 'bhailtibh beaga.

20 Agus cha d'fhuair Ieroboam neart nì's mò ann an làithibh Abiah: agus bhual an Tighearn e, agus fhuair e bàs.

21 Ach dh'fhàs Abiah cumhachdach, agus phòs e ceithir mnathan deug, agus ghin e dà mhac thar fhichead, agus sè nigheanan deug.

22 Agus a' chuid eile de ghnìomharaibh Abiah, agus a shlighean, agus a bhriathran, *tha iad* sgrìobhta ann an eachdraidh an fhàidh Ido.

#### CAIB. XIV.

1 *Fhuair Abiah bàs, agus rìghich Asa 'n a àit.*

3 *Chuir Asa air falbh altairean nan diathan coimheadh. 9 Bhual e na h-Etiopaich aig Maresah, agus thug e mòran creiche uatha.*

**A**GUS choidil Abiah maille r'a aithrichibh, agus dh'adhlaic iad e ann am baile Dhaibhidh; agus rìghich Asa a mhac 'n a àit. 'N a làithibh-san bha'n tìr sàmhach deich bliadhna.

2 Agus rinn Asa an *ni a bha* maith agus ceart ann an sùilbh an Tighearn' a Dhé;

3 Oir chuir e air falbh altairean nan diathan coimheadh, agus na h-àitean àrda, agus bhris e sìos na dealbhan, agus ghearr e sìos na doireachan;

4 Agus dh'àitlin e do Iudah an Tighearn Dia an aithrichean iarraidh, agus an lagh a ghlèidheadh, agus an àithne.

5 Chuir e air falbh mar an ceudna á uile bhailtibh Iudah na h-àitean àrda, agus na dealbhan. Agus bha 'n rìoghachd sàmhach 'n a làthair.

6 Agus thog e bailtean daingnichte ann an Iudah: oir bha'n tìr sìochail, agus cha robh eogadh aige anns na bliadhnaibh sin; oir thug an Tighearn fois da.

7 Uime sin thubhairt e ri Iudah, Togamaid na bailtean so, agus deanamaid mu'n cuairt *orra* ballachan, le tìraibh, geatachaibh, agus crannaibh, an uair a *thà'n* tìr fathast romhainn: oir dh'iarr sinne an Tighearn ar Dia; dh'iarr sinn e, agus thug e fois dhuinn air gach taobh. Uime sin thog iad, agus shoibhich leo.

8 Agus bha aig Asa armailt *de dhacainibh* a dh'iomchair sgiath agus sleagh, à Iudah tri cheud mìle, agus à Benjamin, a dh'iomchair targaid agus a tharruing bogha, dà cheud agus ceithir fichead mìle; iad sin uile 'n an daoinibh treuna gaisgeil.

9 Agus thàinig a mach 'n an aghaidh Serah an t-Etiopach le armailt mìle de mhiltibh, agus tri cheud carbad, agus thàinig e gu Maresah.

10 Agus chaidh Asa mach 'n a aghaidh, agus chuir iad an cath 'an ordugh ann an gleann Shephatah aig Maresah.

11 Agus ghlaodh Asa ris an Tighearn a

Dhia, agus thubhairt e, A Thighearna, cha-n'eil ann ach an aon chuid duitse cuideachadh le mòran, no leo-san a *tha* gun neart: cuidich leime, a Thighearn' ar Dia; oir asadsa earbaidh sinn, agus ann ad ainm-sa thèid sinn an aghaidh na mòr-chuideachd so: a Thighearn', is tusa ar Dia; na buadh-aicheadh duine a'd' aghaidh.

12 Agus bhual an Tighearn na h-Etiopaich roimh Asa, agus roimh Iudah; agus theich na h-Etiopaich.

13 Agus lean Asa agus an sluagh a *bha* maille ris iad gu Gerar: agus thuit de na h-Etiopaich uiread as nach robh tuilleadh neirt aca; oir sgrìosadh iad roimh an Tighearn agus roimh 'fheachd: agus thug iad leo ro-mhòran creiche.

14 Agus bhual iad na bailtean uile mu'n cuairt air Gerar, oir bha eagal an Tighearn' orra: agus chreach iad na bailtean uile, oir bha mòran creiche anna.

15 Agus bhual iad mar an ceudna bùthan na sprèidh, agus thug iad leo caoraich ann am pailteas, agus camhalan; agus phill iad gu h-Ierusalem.

#### CAIB. XV.

1 *Fàidheadaireachd Asariah. 8 Chuir Asa air falbh na h-iodholan gràineil à tìr Iudah.*

12 *Rinn e fèin agus an sluagh uile coimheadhal ris an Tighearn. 16 Chuir e Maachah a mhàthair o bhì 'n a ban-rìghinn a chionn gu'n d'rinn i dealbh ann an doire.*

**A**GUS thàinig spiorad Dhé air Asariah mac Odeid:

2 Agus chaidh e suas 'an coinneamh Asa, agus thubhairt e ris, Eisidibh riumsa, Asa, agus Iudah uile, agus a Bheniamin; *Tha'n* Tighearn maille ribh, am feadh a tha sibhse maille ris-san; agus na dh'iarras sibh e, gheibhear leibh e; ach na thréigear sibhse esan, tréigidh esan sibhse.

3 A nis ré iomadh là *bithidh* Israel as eugmhais Dhé na firinn, agus as eugmhais sagairt a theagaisgeas, agus as eugmhais lagha.

4 Ach an uair a philleas iad 'n an airc a dh'ionnsuidh an Tighearna Dé Israeil, agus a dh'iarras iad e, gheibhear leo e.

5 Agus anns na h-amannaibh sin cha *bhì* sìth ann dhà-san a thèid a mach, no dhà-san a thig a steach, ach buaireas mòr air uile luchd-àiteachaidh nan dùchan.

6 Agus sgrìosar cinneach le cinneach, agus baile le baile; oir claidhidh Dia iad leis gach airc.

7 Ach bithibhse làidir, agus na bitheadh bhur àmhan lag; oir tha duais ann air son bhur n-oibre.

8 Agus an uair a chual' Asa na briathran sin, agus fàidheadaireachd [Asariah mlic] Odeid an fhàidh, ghabh e misneach, agus chuir e air falbh na h-iodholan gràineil à tìr Iudah agus Bheniamin uile, agus as na



bailtibh a ghlac e de shliabh Ephraim, agus dh'athmadhaich e altair an Tigh-eam', a bha air beulaobh sgàth-thighe an Tighearna.

9 Agus chruinnich e Iudah uile agus Benjamin, agus na coigrich maille ri uile h-Ephraim, agus á Manaseh, agus á Simeon; oir thàinig iad thairis d'a ionnsuidh á h-Israel ann am pailteas, an uair a chumnaic iad gu'n robh an Tighearna a Dha maille ris.

10 Agus chruinnich iad 'an ceann a chéile aig Ierusalem anns an treas mìos, anns a' chùigeamh bliadhna deug de rìoghachadh Asa.

11 Agus dh'ìobair iad do'n Tighearna 's an àm sin de'n chreic a thug iad leo, seachd ceud bhò, agus seachd mìle caora.

12 Agus rinn iad coimhcheangal gu'n iarradh iad an Tighearna Dia an aithrichian le'n uile chridhe, agus le'n uile anam;

13 Agus gu'n rachadh gach neach nach iarradh an Tighearna Dia Israeil, a chur gu bàs, co dhiubh bu bheag no mòr, fear no bean e.

14 Agus mhiomnaich iad do'n Tighearna le guth àrd, agus le gàir, agus le trompaidibh, agus le buabhullaibh.

15 Agus rinn Iudah uile gairdeachas a thaobh nam mìonnan sin: oir mhiomnaich iad le'n uile chridhe, agus dh'iarr iad e le'n uile rùn; agus fhuaradh e leo. Agus thug an Tighearna fois dhoibh air gach taobh.

16 Agus mar an ceudna *thaobh* Mhaachah màthar rìgh Asa, chuir e i o *bhì* 'n a ban-rìghinn, a chionn gu'n d'rinn i dealbh uamhasach ann an doire: agus ghearr Asa sìos a dealbh uamhasach, agus mhin-phronn se e, agus loig se e aig sruth Chidroin.

17 Ach cha do chuireadh na h-àitean àrda air falbh á h-Israel: gidheadh, bha cridhe Asa ionlan ré a lathcan uile.

18 Agus thug e steach na nithean a naomhaich 'athair, agus na nithean a naomhaich e féin, do thigh an Tighearna', aigiod, agus òr, agus soithichean.

19 Agus cha robh cogadh tuilleadh ann gu ruig an cùigeamh bliadhna deug thar fhlichead de rìoghachadh Asa.

# CAIB. XVI.

1 Rinn Asa coimhcheangal ri Benhadad an aghaidh Bhaasa. 7 Thug Hanani aithreachas do Asa a chionn gu'n d'earb e as na Siriaich. 12 Dh'fhàs eucail 'n a chosailh. 13 A bhàs.

**A**NNS an t-seathamh bliadhna deug thar fhlichead de rìoghachadh Asa, thàinig Baasa rìgh Israeil a mìos an aghaidh Iudah, agus thog e Ramah, chum nach leigeadh e le neach air bith dol a mach no teachd a stigh gu Asa rìgh Iudah.

2 An sin thug Asa mach aigiod agus òr á ionnhasaibh tighe an Tighearna' agus tighe an rìgh, agus chuir e *teachdairean* gu

Benhadad rìgh Shiria a bha 'còmhnaidh aig Damascus, ag ràdh,

3 *Bilheadh* coimhcheangal eadar mise agus thusa, mar a bha eadar m'athair-sa agus d'athair-sa: feuch, chuir mi a d'ionnsuidh aigiod agus òr; falbh, bris do choimhcheangal ri Baasa rìgh Israeil, a chum gu'n imich e uam.

4 Agus dh'éisd Benhadad ri rìgh Asa, agus chuir e ceannardan nan armait a bha aige, an aghaidh bhailtean Israeil; agus bhuail iad Ion, agus Dan, agus Abel-maim, agus uile bhailtean ionmhais Naphtali.

5 Agus an uair a chuala Baasa sin, leig e dheth Ramah a thogail, agus sguir e d'a obair.

6 An sin thug Asa an rìgh leis Iudah uile; agus thug iad leo clachan Ramah, agus fhiodh, leis an robh Baasa a' togail; agus thog e leo Geba, agus Mispah.

7 Agus anns an àm sin thàinig Hanani am fear-seallaidh gu h-Asa rìgh Iudah, agus thubhairt e ris, A chionn gu'n d'earb thu á rìgh Shiria, agus nach d'earb thu as an Tighearna do Dha, uime sin tha armait rìgh Shiria air dol as o d' àimh.

8 Nach robh na h-Etiopaich agus na Lubaich nan sluagh Ìomhor, le ro-mhòran charbad agus mare-shluaigh? gidheadh, a chionn gu'n d'earb thu as an Tighearna, thug e thairis do d' àimh iad.

9 Oir *tha* sùilcan an Tighearna' ag amharc a null agus a nall air feadh na talmhainn uile, a chum e féin a nochdadh làidir as an leth-san, aig am *theil* cridhe ionlan d'a thaobh. Rinn thu gu h-amaideach an so; air an aobhar sin o so a mach bithidh cogadh a'd' aghaidh.

10 An sin bha fearg air Asa ris an fhear-sheallaidh, agus chuir e ann an tigh prìosain e, a chionn gu'n robh e ann an corruich ris a thaobh an *ni* so. Agus rinn Asa ainneart air *cuid* de'n t-sluagh 's an àm sin.

11 Agus, feuch, gnìomharan Asa, an toiseach agus mu dheireadh, feuch, *tha* iad sgrìobhta ann an leabhar rìghrean Iudah agus Israeil.

12 Agus dh'fhàs eucail air Asa 'n a chosailh ams an naothamh bliadhna deug thar fhlichead d'a rìoghachadh, *gus an d'thàinig* eucail gu h-àrde *mhoir*: gidheadh, 'n a eucail cha d'iarr e an Tighearna, ach na lighichean.

13 Agus choidil Asa maille r'a aithrichibh, agus dh'eug e anns an aon bhliadhna thar an dà fhlichead d'a rìoghachadh.

14 Agus dh'adhlac iad e 'n a uigh féin, a rinn e air a shon féin ann am baile Dhaibhidh, agus chuir iad 'n a luidhe e ann an leabaidh, a hionadh le nithibh cùbhraidh, agus le h-ionaidh gnè olaidh air an deasachadh le h-ealadhain an léigh: agus rinn iad dha losgadh ro mhòr.

## CAIB. XVII.

1 *Ghluais Iehosaphat ann an slighibh an Tighearna. 7 Chuir e cuid d'a nachdaranaibh a theagas ann am bailtibh Iudah. Thug na Philistich agus na h-Arabaich tiodhlacan d'a ionnsuidh. 13 A ceannardan agus 'armailtean.*

**A**GUS rìghich Iehosaphat a mhae 'n a àit, agus neartaich se e fèin an aghaidh Israeil.

2 Agus chuir e feachd ann an uile bhailtibh daingnichte Iudah, agus chuir e freiceadain ann an tìr Iudah, agus ann am bailtibh Ephraim, a ghlac Asa 'athair.

3 Agus bha 'n Tighearn maille ri Iehosaphat, a chiom gu'n do ghluais e ann an ceud shligheibh Dhaibhidh 'athar, agus nach d'iarr e dh'ionnsuidh Bhaalim;

4 Ach gu'n d'iarr e dh'ionnsuidh [an Tighearna] Dé 'athair, agus gu'n do ghluais e 'n a àitheantaibh, agus cha b'ann a réir deandaais Israeil:

5 Uime sin dhaingnich an Tighearn an rìoghachd 'n a lèinn; agus thug Iudah uile tiodhlacan gu Iehosaphat; agus bha aige beartas agus urram ann am pailteas.

6 Agus dh'ardaich eadha a chridhe ann an slighibh an Tighearna; agus mar an ceudna chuir e air faibh na h-àitean àrda agus na doireachan à Iudah.

7 Agus anns an treas bliadhna d'a rìoghachadh chuir e *cuid* d'a nachdaranaibh, Benhail, agus Obadiah, agus Sechariah, agus Netaneel, agus Micaiah, a theagasg ann am bailtibh Iudah.

8 Agus maille ri u-san na Lebhithich, Se-maiah, agus Netaniah, agus Sebadaiah, agus Asahel, agus Semiramot, agus Iehonatan, agus Adoniah, agus Tobiah, agus Tob-adoniah, Lebhithich *uile*; agus maille ri u-san Elisama, agus Iehoram, na sagartan.

9 Agus theagaisg iad ann an Iudah, agus leabhar lagha an Tighearn aca, agus chaidh iad mu'n cuairt air feadh uile bhailtean Iudah, agus theagaisg iad an sluagh.

10 Agus bha eagal an Tighearn air uile rìoghachdaibh nan tìr a *bha* mu'n cuairt air Iudah, agus cha do chog iad ri Iehosaphat.

11 Agus thug *cuid* de na Philistich tiodhlacan do Iehosaphat, agus airgid cise: mar an ceudna thug na h-Arabaich d'a ionnsuidh spréidh, seachd mìle agus seachd cend reithe, agus seachd mìle agus seachd ceud boc-gaibhre.

12 Agus dh'fhàs Iehosaphat gu h-anabarrach mòr; agus thog e ann an Iudah caist-ealan agus bailtean ionmhais.

13 Agus bha mòran iobair aige ann am bailtibh Iudah, agus fir-chogaidh, daoine comasach gaisgeil ann an Ierusalem.

14 Agus is e so an àireamh, a réir tighe an aithrichean: De Iudah, ceannardan mhilltean; Adnah an ceannard, agus maille

ris daoine comasach gaisgeil, trì cheud mìle.

15 Agus 'n a dhéigh-san Iehohanan an ceannard, agus maille ris dà cheud agus ceithir fichead mìle.

16 Agus 'n a dhéigh-san Amasiah mac Shichri, a thug e fèin suas do'n Tighearn, agus maille ris dà cheud mìle fear comasach gaisgeil.

17 Agus de Bheniamin; Eliada fear comasach gaisgeil, agus maille ris daoine arm-aichte le bogha agus le targaid, dà cheud mìle.

18 Agus 'n a dhéigh-san Iehosabad, agus maille ris ceud agus ceithir fichead mìle, deas gu cogadh.

19 *Bha* iad sin a' feitheamh air an rìgh, a bhàrr *orra-san* a chuir an rìgh anns na bailtibh daingnichte air feadh Iudah uile.

## CAIB. XVIII.

1 *Chaidh Iehosaphat maille ri Ahab an aghaidh Ramot-gilead. 4 Dh'fhosraich iad de fhocal an Tighearna, agus thug na fàidhean bréige làn-dearbhadh dhoibh gu'n soirbhicheadh leo. 6 Chuireadh fios air Micaiah: 15 Roimhinis e bàs Ahaib.*

**A**GUS bha aig Iehosaphat beartas agus cliu ann am pailteas; agus rinn e cleamhnas ri Ahab.

2 Agus 'an ceann bhliadhnan àraidh chaidh e sìos a dh'ionnsuidh Ahaib do Shamar: agus mharbh Ahab caoraich agus crodh ann am pailteas air a shon, agus air son an t-sluaigh a *bha* maille ris, agus chuir e impidh air dol suas gu Ramot-gilead.

3 Agus thubhairt Ahab rìgh Israeil ri Iehosaphat rìgh Iudah, An téid thu maille riumsa do Ramot-gilead? Agus fhreagair ean e, *Tha* mise mar *tha* thusa, agus mo shluagh-sa mar do shluagh-sa, agus *bithidh sinn* leat anns a' cogadh.

4 Agus thubhairt Iehosaphat ri rìgh Israeil, Fiosraich, guidheam ort, an diugh de fhocal an Tighearna.

5 Uime sin chruinnich rìgh Israeil na fàidhean 'an ceann a chéile, ceithir cheud fear, agus thubhairt e ri u, An téid sinn do Ramot-gilead gu cath, no'n leig mi leis? Agus thubhairt iadsan, Falbh suas; oir bheir Dia 'an lèinn an rìgh *iad*.

6 Agus thubhairt Iehosaphat, Nach 'eil an so fàidh tuilleadh leis an Tighearn, chum gu'm fiosraich sinn dheth?

7 Agus thubhairt rìgh Israeil ri Iehosaphat, *Tha* fathast aon fhear *ann*, leis am feud sinn fiosrachadh de'n Tighearn; ach *tha* fuath agam dhia, oir cha-n'èill e 'dean-amh fàisteachd mu' m' thinnchioll idir air maith, ach an còmhnuidh air ole: *is* e so Micaiah, mac Imla. Agus thubhairt Iehosaphat, Na h-abradh an rìgh mar sin.

8 Agus ghairm rìgh Israeil aon d'a mhaor-aibh, agus thubhairt e, Greas an so Micaiah mac Imla.



9 Agus shuidh rìgh Israeil, agus Iehosaphat rìgh Iudah, gach fear air a rìgh-eibhathir féin, le'n earradh *rìoghail* orra, agus shuidh iad ann an àite réidh, aig dol a steach geata Shamaria; agus *bha* na faidhean uile ri faidheadaireachd 'n an làthair.

10 Agus rinn Sedeciah, mac Chenaanah, adhaircean iaruin dha féin, agus thubhairt e, Mar so tha'n Tighearn ag ràdh, Leo so buailidh tu na Sirianaich, gus an cuirear as doibh.

11 Agus rinn na faidhean uile faidheadaireachd mar sin, ag ràdh, Falbh suas gu Ramot-gilead, agus soirbhich; oir bheir an Tighearn 'an làimh an rìgh iad.

12 Agus an teachdair a chaidh a ghairm Mhicaiah, labhair e ris, ag ràdh, Feuch, *tha* briathran nam faidh le h-aon bhicul a' *foillseachadh* maith do'n rìgh: bitheadh d'fhocal-sa, guidheam ort, mar *fhocal* aoin diubhsan, agus labhair maith.

13 Agus thubhairt Micaiah, *Mar is* beò an Tighearn, cadhon *an ni* a their mo Dhia, sin labhraidh mise.

14 Agus thàinig e dh'ionnsuidh an rìgh, agus thubhairt an rìgh ris, A Mhicaiah, an téid sinn do Ramot-gilead gu cath, no'n leig mi leis? agus thubhairt esan, Rachaibh suas, agus soirbhichibh, oir bheir an bhur làimh iad.

15 Agus thubhairt an rìgh ris, Cia lion uair a chuireas mi mionnan ort, nach innis thu dhomh ach an fhàirinn ann an ainm an Tighearna?

16 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach *'eil* buachaill: agus thubhairt an Tighearn, Cha-n' *eil* maighstir orra so; pilleadh gach fear d'a thigh féin ann an sìth.

17 (Agus thubhairt rìgh Israeil ri Iehosaphat, Nach d'innis mi dhuit, nach deanadh e faisteachd mu m' thimchioll-sa air maith, ach air olc?)

18 A rìs thubhairt e, Uime sin éisdibh ri focal an Tighearna: Chunnaic mise an Tighearn 'n a shuidhe air a rìgh-eibhathir, agus uile shlòigh nan nèamh 'n an seasamh air a làimh dheis agus air a làimh chlì.

19 Agus thubhairt an Tighearn, Cò a chuireas impidh air Ahab rìgh Israeil, a chum gu'n téid e suas, agus gu'n tuit e ann an Ramot-gilead? Agus labhair aon, ag ràdh mar so, agus aon eile ag ràdh mar sud.

20 Agus thàinig spiorad a mach, agus sheas e 'am fianuis an Tighearna, agus thubhairt e, Cuiridh mise impidh air. Agus thubhairt an Tighearn ris, Cia leis?

21 Agus thubhairt esan, Théid mi mach, agus bithidh mi a'm' spiorad bréige ann am beul 'fhaidhean uile. Agus thubhairt an Tighearn, Cuiridh tu impidh air, agus mar an ceudna buaidhichidh tu: imich, agus dean mar sin.

22 A nis uime sin, feuch, chuir an Tighearn spiorad bréige ann am beul nam faidh sin agad, agus labhair an Tighearn oile mu d' thimchioll.

23 An sin chaidh Sedeciah mac Chenaanah am fagus, agus bhual e Micaiah air a' ghiall, agus thubhairt e, Cia an taobh a chaidh spiorad an Tighearn' uamsa a labhair riutsa?

24 Agus thubhairt Micaiah, Feuch, chi thu 's an là sin air an téid thu steach do sheòmar-cùil gu d'fhalachadh féin.

25 An sin thubhairt rìgh Israeil, Glacaihb Micaiah, agus thugaibh air ais e gu h-Amon uachdaran a' bhaile, agus gu Iosamacan rìgh;

26 Agus abraibh, Mar so thubhairt an rìgh, Cuiribh am fear so anns a' phrìosan, agus beathaichibh e le aran airce, agus le uisge airce, gus am pill mise ann an sìth.

27 Agus thubhairt Micaiah, Ma philleas tusa idir ann an sìth, cha do labhair an Tighearn leamsa. Agus thubhairt e, Eisdibh a shlòigh uile.

28 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

29 Agus thubhairt rìgh Israeil ri Iehosaphat, Cuiridh mise mi féin ann an coslas eile, agus théid mi steach do'n chath; ach cuir thusa d'earradh *rìoghail* ort. Agus chuir rìgh Israeil e féin ann an coslas eile, agus chaidh e steach do'n chath.

30 A nis dh'àithn rìgh Shiria do cheannardaibh nan carbad a *bha* aige, ag ràdh, Na cogaibh ris a' bheag, no ris a' mhòr, ach ri rìgh Israeil a mhàin.

31 Agus an uair a chunnaic ceannardan nan carbad Iehosaphat, thubhairt iad, Is e so rìgh Israeil: uime sin thàinig iad mu'n cuairt air a chogadh. Ach ghlaodh Iehosaphat a mach, agus chuidich an Tighearn leis, agus dh'aom Dia iad *gu falbh* uaith.

32 Oir an uair a chunnaic ceannardan nan carbad nach b'e rìgh Israeil a bha ann, phill iad o a leantuin.

33 Agus tharruing fear a bhogha air thuairmeis, agus bhual e rìgh Israeil eadar altan na lùirich: uime sin thubhairt e r'a charbadair, Tiomnaidh do làmh, agus thoir a mach as an fheachd mi; oir tha mi leòinte.

34 Ach mheudaich an cath air an là sin: uime sin dh'fhan rìgh Israeil suas 'n a charbad an aghaidh nan Sirianach gu ruig am feasgar; agus fhuair e bàs mu àm dol fodha na gréine.

## CAIB. XIX.

1 *Thug Iehu achmhasan do Iehosaphat a chionn gu'n do chuidich e le Ahab. 4 Chaidh Iehosaphat a mach air feadh an t-sluaigh, agus shuidhich e breitheamhan anns an tìr. 6 Theagaisg e dhoibh an dteasdanas.*

**A** GUS phill Iehosaphat rìgh Iudah a dh'ionnsuidh a thighe ann an sìth gu h-Ierusalem.

2 Agus chaidh Iehu mac Hanani am fear-

seallaidh a mach 'n a choimhinn, agus thubhairt e ri rìgh Iehosaphat, Am buineadh dhuit-sa an t-ainm a chuideachadh, agus iadsan a ghràdhachadh a dh'fhuathaicheas an Tighearn? uime sin *tha* fearg riut o làthair an Tighearna.

3 Ach fhuairadh nithean maithe annad, a thaobh gu'n do chuir thu air falbh na doirceanan as an tìr, agus gu'n d'fhuich thu do chridhe a dh'iarraidh Dhé.

4 Agus ghabh Iehosaphat còmhnuidh ainm an Ierusalem: agus chaidh e mach a ris air feadh an t-sluaigh, o Bheer-seba gu sliabh Ephraim, agus thug e air an ais iad a dh'ionnsuidh an Tighearna Dé an aithrichean.

5 Agus shuidhich e breitheamhnan anns an tìr, air feadh uile bhailtean daingnichte Iudah, anns gach baile fa leth.

6 Agus thubhairt e ris na breitheamhnaibh, Thugaibh an aire ciod a ni sibh, oir cha-n ann air son duine a tha sibh a' tabhairt breith, ach air son an Tighearna; agus *tha e fèin* maille ribh anns a' bhreitheanas.

7 A nis ma ta bitheadh eagal an Tighearn' oirbh: thugaibh an aire agus bithibh a' deanamh; oir maille ris an Tighearn ar Dia cha-n'eil eucart, no bàigh ri ueach seach a chéile, no gabhail duaise.

8 Agus mar an ceudna ann an Ierusalem shuidhich Iehosaphat *cuid* de na Lebhithich, agus *de* na sagartaibh, agus de cheann-aibh theaghlach Israeil, air son breitheanais an Tighearn', agus gu comusachadh a *chrìoch-nachadh* an uair a phill iad gu h-Ierusalem.

9 Agus thug e sparradh dhoibh, ag ràdh, Mar so ni sibh ann an eagal an Tighearn', ann an ionracas, agus le cridhe iomlan.

10 Agus ge b'e cùis a thig d'ur n-ionnsuidh o bhur bràithribh a tha 'còmhnuidh ni am bairtibh, eadar fuil agus fuil, eadar lagh agus àithne, reachdan agus breitheanais, bheir sibh rabhadh dhoibh nach dean iad eusaontas an aghaidh an Tighearn', agus gu'n tig fearg oirbhse agus air bhur bràithribh: deanaibh nuair so, agus eha chiontaich sibh.

11 Agus, feuch, *tha* Anuriah an t-àrd shagart os bhur ceann ann an uile ghnòth-uichibh an Tighearna; agus Sebadiah mac Ismaeil 'n a cheannard air tigh Iudah ann an uile ghnòth-uichibh an rìgh; agus na Lebhithich 'n an luchd-riaghlaidh 'n ur fianuis. Bithibh misneachail, agus deanaibh; agus bithidh an Tighearn maille ris a' mhaith.

## CAIB. XX.

1 Thàinig na Moabaich agus na h-Amonaich gu cath an aghaidh Iudah. 5 Urnuigh Iehosaphat. 14 Fàistneachd Iahasiel. 22 Bhuail eadh clann Amoin agus Mhoab le h-àr mòr. 26 Bheannaich an sluagh an Tighearn, agus phill iad gu h-Ierusalem.

A GUS an déigh nan nithean so thàinig clann Mhoab, agus clann Amoin, agus

maille ri uicid de na h-Edomaich, an aghaidh Iehosaphait gu cath.

2 Agus thàinig *teachd-ùirean*, agus dh'innis iad do Iehosaphat, ag ràdh, Tha sluagh mòr a' teachd ort a nall thar fairge, agus o Edom; agus, feuch, *tha* iad ann an Hasason-tamar: *is e* sin En-gedi.

3 Agus bha eagal air Iehosaphat, agus chuir e 'aghaidh a dh'iarraidh an Tighearn', agus ghairm e trasgadh air feadh Iudah uile.

4 Agus chruinnicheadh Iudah 'an ceann a chéile a dh'iarraidh *còmhnuidh* o'n Tighearn: eadhon a uile bhailtibh Iudah thàinig iad a dh'iarraidh an Tighearna.

5 Agus sheas Iehosaphat ann an coimhthional Iudah agus Ierusalem, ann an tigh an Tighearna, fa chomhair na cùirte nomha.

6 Agus thubhairt e, a Tighearna Dhé ar n-aithrichean nach tusa Dia anns na nàmh-an? agus *nach 'eil* thu a' riaghladh os ceann uile rìoghachdan nan einncach? agus ann ad làimh-sa *nach 'eil* neart agus cumhachd, air chor as nach 'eil neach air bith comasach air seasamh a' d'aghaidh?

7 Nach tusa ar Dia-ne, a dh'fhògair a mach luchd-àiteachaidh na tìre so roimh do shluagh Israel, agus a thug i do shliochd Abraham do charaid gu bràth?

8 Agus ghabh iad còmhnuidh innte, agus thog iad air do shonsa innte ionad naomh, air son d'ainme-sa, ag ràdh,

9 Ma thig ole air bith oirnn, elaidheamh, breitheanas, no plàigh, no gorta, seasaidh sinn fa chomhair an tìghe so, agus ann ad fianuis-sa, (oir *tha* d'aim anns an tigh so,) agus glaochaidh sinn riut 'n ar teinn, agus eisidh tusa, agus saoraidh tu sinn.

10 Agus a nis, feuch, *tha* clann Amoin, agus Mhoab, agus sléibh Sheir, aig nach do leig thu le h-Israel dol troimh an crìochan, 'n uair a thàinig iad a tìr na h-Eiphit, ach thionndaidh iad uatha, agus cha do sgrios siad iad.

11 Feuch a uis, *mar a tha* iad a' toirt luigheachd dhuinn, le teachd gus ar tilgeadh a mach a' d'òighreachd, a thug thu dhuinn r'a seallbhachadh.

12 O ar Dia, nach toir thu breith orra? oir cha-n'eil neart againne an aghaidh an t-sluaigh mhòir so, a tha 'teachd oirnn: agus cha-n'eil fhios againn ciod a ni sinn; ach ortsa *tha* ar sùilean.

13 Agus sheas Iudah uile 'am fianuis an Tighearna; mar an ceudna an òigridh, an mnathan, agus an clann.

14 Agus air Iahasiel, mac Shechariah, mhic Bhenaiiah, mhic Iehiel, mhic Mhathaniah, Lebhithach de mhacaibh Asaibh, bha spiorad an Tighearna, ann am meadhon a' choimhthionail.

15 Agus thubhairt e, Eisidibh *riumsa*, a Iudah uile, agus a luchd-àiteachaidh Ierusalem, agus thusa a rìgh Iehosaphait: Mar



so tha'n Tighearn ag ràdh ribh, Na bitheadh eagal no faitheas oirbh air son an t-sluaigh mhòir so; oir cha leibhse an cath, ach le Dia.

16 Am màireach rachaibh sìos 'n an aghaidh: feuch, *tha* iad a' teachd a nìos rathad uehdaich Shids; agus gheibh sibh iad aig ceann an t-srutha, fa chomhair fàsaich Ierueil.

17 Cha *bhi* cath agaibh r'a chur an so; a mhàin thigibh a làthair, seasaibh, agus faicibh saorsa an Tighearna maille ribh, a Iudah, agus a Ierusalem: na bitheadh eagal no faitheas oirbh; am màireach rachaibh a mach 'n an aghaidh, agus *bithidh* an Tighearn maille ribh.

18 Agus chrom Ienosaphat a cheann, le 'aghaidh gu lár; agus thuit Iudah uile, agus luchd-àiteachaidh Ierusalem, sìos 'am fianuis an Tighearn', a' deanamh aoraidh do'n Tighearn.

19 Agus dh'éirich na Lebhithich de chloinn nan Cohatach, agus de chloinn nan Corlach, suas a mholadh an Tighearna Dé Israeil le guth mòr, gu h-àrd.

20 Agus dh'éirich iad gu moch anns a' mhaduinn, agus chaidh iad a mach gu fàsach Thecoa: agus an uair a *bha* iad a' dol a mach, sheas Iehosaphat agus thubhairt e, Eisdibh riumsa, a Iudah, agus a luchd-àiteachaidh Ierusalem; Creidibh anns an Tighearn bhuir Dia, agus daingnichear sibh; creidibh 'fhàidhean, agus soirbhichidh leibh.

21 Agus an uair a thug e comhairle do'n t-sluaigh, dh'orduich e luchd-seinn do'n Tighearn, agus daoine a mholadh maise na naomhachd, an uair a thigeadh iad a mach roimh an armait, agus a theireadh, Thugaibh buidheachas do'n Tighearn, oir gu bràth *mairidh* a thròcair.

22 Agus an uair a thòisich iad air seinn agus air moladh, chuir an Tighearn luchd feall-fholaich an aghaidh chloinn Amoin, agus Mhoib, agus sléibh Sheir, a thàinig an aghaidh Iudah; agus bhuailcadh iad:

23 Oir sheas clann Amoin agus Mhoib suas an aghaidh luchd-àiteachaidh sléibh Sheir, chum *am* marbhadh agus *an* sgrios gu tur; agus an uair a chuir iad as do luchd-àiteachaidh Sheir, chuidich iad gach aon diubh gus a chèile a sgrios.

24 Agus an uair a thàinig Iudah làmh ri tùr na faire anns an fhasach, dh'amhaire iad air an t-sluaigh mhòr, agus, feuch, *bha* iad 'n an corpaibh marbha air tuiteam gu talamh, agus cha deachaidh duine as diubh.

25 Agus thàinig Iehosaphat agus a shluaigh a thoirt leo an creiche; agus fhuair iad 'n am measg ann am pailteas araoon beartas maille ris na corpaibh marbha, agus seudan laachmhor a thug iad dhiubh air an son fèin, tuilleadh as a b'urrainn iad iomchar

leo: agus bha iad trì làithean ann an cruinn-eachadh na creiche; oir *bha* i mòr.

26 Agus air a' cheathramh là chruinnich-eadh iad 'an ceann a chèile ann an gleann Bherachah; oir an sin bheannaich iad an Tighearn: uime sin thugadh mar ainm air an àite sin gleann Bherachah, gus an là'n diugh.

27 An sin plùll fir Iudah agus Ierusalem uile, agus Iehosaphat air an ceann, a dhol air an ais gu h-Ierusalem le gairdeachas; oir thug an Tighearn orra gairdeachas a dheanamh os ceann an naimhdean.

28 Agus thàinig iad gu h-Ierusalem le saltairibh, agus le clàrsaichibh, agus le trompaidibh, a dh'ionnsuidh tighe an Tighearna.

29 Agus bha eagal Dhé air uile rìoghachdaibh nan dùchannan *sin*, an uair a chual' iad gu'n do chog an Tighearn an aghaidh naimhdean Israeil.

30 Agus bha rìoghachd Iehosaphat sàmhach; oir thug a Dhia fois dha air gach taobh.

31 Agus rìghich Iehosaphat os ceann Iudah: cuig bliadhna deug thar fhichead a dh' aois *bha* e 'n uair a thòisich e air rìoghachadh, agus rìghich e cuig bliadhna fich-ead ann an Ierusalem: agus *b'e* ainm a mhàthar Asubah, nighean Shilhi.

32 Agus ghluais e ann an slighe Asa 'athar, agus cha do dhealaich e rithe, a' deanamh an *ni* a *bha* ceart aon an sùilibh an Tighearna.

33 Ach cha d'thugadh air falbh na h-àitean àrda; oir fathast cha d'ulluich an sluagh an cridhe air son Dhé an aithrichean.

34 A nis a' chuid eile de ghlèomharaibh Iehosaphat, an tòiseach agus mu dheireadh, feuch, *tha* iad sgriobhta ann am briathraibh Iehu mhic Hanani, a chuir e sìos ann an leabhar rìghrean Israeil.

35 Agus 'n a dhéigh so rinn Iehosaphat rìgh Iudah coimhcheangal ri Ahasiah rìgh Israeil, a bha ole 'n a dheanadas.

36 Agus rinn e coimhcheangal ris longan a dheanamh a rachadh gu Tarsis; agus rinn iad na longan ann an Esiou-geber.

37 Ach rinn Eliesar, mac Dhodabhah o Mharesah, fàistneachd an aghaidh Iehosaphat, ag ràdh, A chionn gun d'rinn thu coimhcheangal ri Ahasiah, bhris an Tighearn d'oibre. Agus bhriseadh na longan, agus cha b'urrainn iad dol gu Tarsis.

## CAIB. XXI.

1 *Fhuair* Iehosaphat bàs, agus rìghich Iehoram 'n a àit. 4 *Mharbh* Iehoram a bhràithrean. 8 Rinn Edom agus Libnah ceannaire 'n a aghaidh. 16 *Chreach* na Philistich e agus rinn iad ainneart air. 18 *A bhàs*, agus 'adhlac.

**A** GUS choidil Iehosaphat maille r' aithrichibh, agus dh'adhlacaidh e maille r'a aithrichibh ann am baile Dhaibhidh: agus rìghich Iehoram a mhac 'n a àit.

2 Agus *bha* bràithrean aige-san, mic Iehosaphait, Asariah, agus Iehiel, agus Sechariah, agus Asariah, agus Michael, agus Sephatiah: *bhàd* sin uile mic Iehosaphait, rìgh Iudah.

3 Agus thug an athair dhoibh iomadh tiodhlac airgid agus òir, agus nithean luach-mhor, maille ri bailtibh daingnichte ann an Iudah; ach thug e an rìoghachd do Iehoram, a chionn gu'n *b'e* an ceud-ghin e.

4 Agus an uair a dh'éirich Iehoram suas gu rìoghachd athar, agus a dhaingnich se e féin, mharbh e a bhràithrean uile leis a' chlàidheamh, agus mar an ceudna *feadhain* de uachdaranaibh Israeil.

5 Dà bhliadhna dheug thar fhichead a dh'ois *bha* Iehoram an uair a thòisich e air rìoghachadh, agus rìghich e ochd bliadhna ann an Ierusalem.

6 Agus ghluais e ann an slighe rìghrean Israeil, mar a rinn tigh Ahaib; oir bha nighean Ahaib 'n a mmaoi aige: agus rinn e ole ann an sùilbhan Tighearna.

7 Gidheadh, cha b'ail leis an Tighearna tigh Dhaibhidh a sgrìos, air sgàth a' choimh-cheangail a rinn e ri Daibhidh, agus gu'n do gheall e solus a thabhairt da féin agus d'a mhacaibh gu bràth.

8 'N a làithibh-san dh'éirich na h-Edomaich o *bhi* fo làimh Iudah, agus rinn iad rìgh os an ceann féin.

9 Agus chaidh Iehoram a mach le 'chcannardaibh, agus a charbadan uile maille ris: agus dh'éirich e 's an oidheche, agus bhuail e na h-Edomaich a thàinig mu'n cuairt air, agus ceannardan nan carbad.

10 Gidheadh, dh'éirich na h-Edomaich o *bhi* fo làimh Iudah gus an lè'n diugh. Agus dh'éirich Libnah 's an àm cheudna o *bhi* fo a làimh, a chionn gu'n do thréig e an Tighearna Dia 'aithrichean.

11 Mar an ceudna rinn e àitean àrda ann an sléibhtibh Iudah, agus thug e air luchd-àiteachaidh Ierusalem strìopachas a dheanamh, agus tharruing e Iudah a dh'ionnsuidh sin.

12 Agus thàinig sgrìobhadh d'a ionnsuidh o Eliah am fàidh, ag ràdh, Mar so tha'n Tighearna, Dia Dhaibhidh d'athar, ag ràdh, A chionn nach do ghluais thu ann an slighibh Iehosaphait d'athar, no ann an slighibh Asa rìgh Iudah,

13 Ach gu'n do ghluais thu ann an slighe rìghrean Israeil, agus gu'n d'thug thu air Iudah agus luchd-àiteachaidh Ierusalem strìopachas a dheanamh, cosmhuil rìstriopachas tighe Ahaib, agus mar an ceudna gu'n do mharbh thu do bhràithrean de thigh d'athar, a b'fhearr na thu féin:

14 Feuch, buailidh an Tighearna le plàigh mhòir do shluagh, agus do chlamh, agus do mhnathan, agus do mhaoin uile.

15 Agus *bithidh* tu ann an tinneas mòr le eucail do mhionaich, gus an tuit

do mhionach a mach leis an eucail. o *là* gu *là*.

16 Uime sin bhrosnaich an Tighearna an aghaidh Iehoraim spiorad nam Philisteach, agus nan Arabach, a *bha* làimh ris na h-Etiopaich:

17 Agus thàinig iad a nìos gu Iudah, agus bhris iad a steach iunte, agus thug iad leo a' mhaoin uile a fhuaradh ann an tigh an rìgh, agus mar an ceudna a mhic agus a mhnathan; air chor as nach d'fhàgadh mac aige ach Ahasiah a mhac a b'òige.

18 Agus 'n a dhéigh so uile bhuail an Tighearna e 'n a mhionach le h-eucail nach gabhadh leigheas.

19 Agus an déigh làithean àraidh, 'an ceann dà bhliadhna, thuit a mhionach a mach le 'eucail, agus fhuair e bàs le droch ghalaraidh; agus cha d'rinn a shluagh losgadh air a shon cosmhuil ri losgadh 'aithrichean.

20 Dà bhliadhna dheug thar fhichead a dh'ois bha e 'n uair a thòisich e air rìoghachadh, agus rìghich e ochd bliadhna ann an Ierusalem agus shiubhail e gun déidh sam bith air; agus dh'adhlac iad e ann am baile Dhaibhidh, ach cha b'ann 'an àitibh-adhlac ann an rìghrean.

## CAIB. XXII.

1 Rìoghachadh aingidh Ahasiah. 5 Rinn e comhcheangal ri Iehoram, agus mharbhadh e le Iehu mac Nimsi. 10 Chuir A'aliah an slìochd rìoghail gu bas, agus rìghich i os ceann na tìre.

**A**GUS rinn luchd-àiteachaidh Ierusalem Ahasiah a mhac a b'òige 'n a rìgh 'n a àit: oir mharbh a' bhuidheann a thàinig maille ris na h-Arabaich do'n champ na mic a bu shine uile. Agus rìghich Ahasiah mac Iehoraim, rìgh Iudah.

2 Dà bhliadhna thar fhichead a dh'ois *bha* Ahasiah 'n uair a thòisich e air rìoghachadh, agus rìghich e aon bhliadhna ann an Ierusalem: agus *b'e* ainm a mhàthar Ataliah nighean Omri.

3 Ghluais esan mar an ceudna ann an slighibh tighe Ahaib; oir b'i 'mhàthair a chomhairliche a dheanamh uile.

4 Air an aobhar sin rinn e ole ann an sùilbhan Tighearna, cosmhuil ri tigh Ahaib; oir b'iad sin a chomhairlichean an déigh bàis 'athar, chum a sgrìos.

5 Ghluais e mar an ceudna a réir an comhairle, agus chaidh e maille ri Iehoram, mac Ahaib rìgh Israeil, a chogadh ann aghaidh Hasaeil rìgh Shiria ann an Ramot-gilead: agus lot na Sirianaich Ioram.

6 Agus phill e gu bhli air a leigheas ann an Iesreel o na lotaibh a thug iad dha ann an Ramah, an uair a chòmhraig e an aghaidh Hasaeil rìgh Shiria. Agus chaidh Ahasiah mac Iehoraim, rìgh Iudah, sìos a dh'fhàicinn Ioraim mhic Ahaib ann an Iesreel, a chionn gu'n robh e tinn.



7 Agus b'ann o Dhia' bha sgrios Ahasiah, le 'theachd gu Ioram: oir an uair a thàinig e, chaidh e mach maille ri Iehoram an aghaidh Iehu mhie Nimsi, a dh'ung an Tigh-earn a ghearradh as tighe Ahaib.

8 Agus an uair a bha Iehu a' deanamh breitheanas air tigh Ahaib, agus a fhuair e uachdarain Iudah, agus mic bhràithrean Ahasiah, a fhrithheil do Ahasiah, mharbh e iad.

9 Agus dh'iarr e Ahasiah; agus ghlac iad e, agus e 'am folach ann an Samaria: agus thug iad e dh'ionnsuidh Iehu, agus mharbh iad e, agus dh'adhlac iad e, a chionn, thubhairt iad, gur e mac Iehosaphat e, a dh'iarr an Tighearn le 'uile chridhe. Agus cha robh e 'n comas do thigh Ahasiah an rìoghachd a ghleidheadh ni b'fhaide.

10 Agus an uair a chunnaic Ataliah, màthair Ahasiah, gu'n robh a mac marbh, dh'èirich i, agus sgrios i uile shliochd rìoghail tighe Iudah.

11 Agus ghabh Iehosabet, nighean an rìgh, loas mac Ahasiah, agus ghoid i e à measg mhac an rìgh a mharbhadh, agus chuir i e féin agus a bhanaltrun ann an seòmar nan leapaichean. Mar sin dh'fhol-aich Iehosabet, nighean rìgh Iehoraim, bean Iehoiada an t-sagairt e (oir b'i piuthar Ahasiah i) o Ataliah, air chor as nach do mharbh i e.

12 Agus bha e maille ri u' am folach ann an tigh Dhé ré shè bliadhna; agus Ataliah a' rìoghachadh os ceann na tìre.

## CAIB. XXIII.

1 Rinn Iehoiada loas 'n a rìgh. 12 Chuireadh Ataliah gu bàs. 16 Bhrieadh altaircan agus dealhan Bhaail. 20 Shuidhich Iehoiada Ious air an rìgh-chathair.

**A**GUS anns an t-seachdamh bliadhna neartaich Iehoiada e féin, agus ghabh e na ceannardan cheud, Asariah mac Ierohaim, agus Ismael mac Iehohanain, agus Asariah mac Obeid, agus Maaseiah mac Adaiah, agus Elisaphat mac Shichri, a steach ann an coimhcheangal ris.

2 Agus chaidh iad mu'n cuairt ann an Iudah, agus chruinnich iad na Lebhithich a mach à uile bhailtibh Iudah, agus cinn aithrichean Israeil, agus thàinig iad gu h-Ierusalem.

3 Agus rinn an coimhthional uile coimhcheangal ris an rìgh ann an tigh Dhé: agus thubhairt e riu, Feuch, rìghaichidh mac an rìgh, mar a thubhairt an Tighearn munhac-aibh Dhaibhidh.

4 So an ni a ni sibh: *Bithidh* an treas cuid dhìbhse a théid a steach air an t-sàbaid, de na sagartaibh agus de na Lebhithich, 'n an luchd-gleidhidh nan dorsan:

5 Agus *bithidh* trian aig tigh an rìgh; agus trian aig geata na bunaite: agus *bithidh* an sluagh uile ann an cùirtibh tighe an Tigh-earna.

6 Ach na tigeadh a steach do thigh an Tighearn' ach na sagartan, agus iadsan de na Lebhithich a fhrithheil; théid iadsan a steach, oir *tha* iad naomha: ach coimhidh an sluagh uile faire an Tighearna.

7 Agus cuairtichidh na Lebhithich an rìgh air gach taobh, gach fear le 'airm 'n a làimh; agus ge b'e neach a thig a steach do'n tigh, cuirear gu bàs e: ach bithibhse maille ris an rìgh, 'n uair a thig e steach, agus an uair a théid e mach.

8 Agus rinn na Lebhithich, agus Iudah uile, a réir nan uile *nithean* a dh'àithn Iehoiada an sagart, agus ghabh iad gach fear a dhaoine féin a bha gu teachd a steach air an t-sàbaid, maille ri uile-sa bha gu dol a mach air an t-sàbaid; oir cha do leig Iehoiada an sagart air falbh na roinnean.

9 Agus thug Iehoiada an sagart do na ceannardaibh-cheud sleaghan, agus sgiathan, agus targaidean, a *bliag* rìgh Daibhidh, a *bha* ann an tigh Dhé.

10 Agus chuir e an sluagh uile, gach fear le 'ghath 'n a làimh, o thaobh deas an tighe gu ruig taobh clì an tighe, làimh ris an altair agus an tigh, mu'n cuairt air an rìgh.

11 Agus thug iad a mach mac an rìgh, agus chuir iad an crùn air, agus *thug iad dha* an fhianuis, agus rinn iad 'n a rìgh e: agus dh'ung Iehoiada agus a mhic e, agus thubhairt iad, Gu ma fada beò an rìgh.

12 Agus an uair a chual' Ataliah fuaim an t-sluaigh a' ruith cuideachd, agus a' moladh an rìgh, thàinig i dh'ionnsuidh an t-sluaigh, a steach do thigh an Tighearna.

13 Agus dh'annhaire i, agus, feuch, sheas an rìgh làimh r'a phost aig an dol a steach, agus na h-uachdarain agus na trompaidean làimh ris an rìgh; agus rinn uile shluag na tìre gairdeachas, agus rinn iad fuaim le trompaidibh, agus an luchd-seinn le h-innealaibh-ciùil, agus iadsan a bha eòlach air moladh: agus reub Ataliah a h-eudach, agus thubhairt i, Foill! Foill!

14 An sin dh'àithn Iehoiada an sagart do na ceannardaibh-cheud a chuireadh os ceann an t-slàigh, agus thubhairt e riu, Thugaibh a mach ian taobh a muigh de na sreathbhaibh; agus ge b'e neach a leanas i, marbhar leis a chladheamh e: oir thubhairt an sagart, Na cuiribh gu bàs i ann an tigh an Tighearna.

15 Agus thug iad comas di; agus an uair a thàinig i gu dol a stigh geata nan each aig tigh an rìgh, mharbh iad an sin i.

16 Agus rinn Iehoiada coimhcheangal eadar e féin, agus an sluagh gu léir, agus an rìgh, gu'm bitheadh iad 'n an sluagh aig an Tighearn.

17 Agus chaidh an sluagh uile a stigh do thigh Bhaail, agus leag iad sìos e, agus bhris iad altaircan agus a dhealbhan gu tur, agus mharbh iad Matan sagart Bhaail fa chomhair nan altair.

18 Agus shnidhich Iehoiada luchd-riaghlaidh tighe an Tighearna le làimh nan sagart agus nan Lebbitheach, a roinn Daibhidh ann an tigh an Tighearna, chum iobairtean-loisgte an Tighearna' iobradh, mar *tha* e sgrìobhta ann an lagh Mhaois, le gairdeachas agus le seinn, a réir orduigh Dhaibhidh.

19 Agus shuidhich e na dorsairean aig geataibh tighe an Tighearna, chum nach rachadh neach air bith a stigh, *a bha* neo-ghlan ann an ni air bith.

20 Agus ghabh e na ceannardan-chend, agus na h-àrd naislean, agus uachdarain an t-sluaigh, agus nile shluagh na tìre, agus thug iad a nuas an rìgh o thigh an Tighearna'; agus thàinig iad troimh 'n gheata àrd a steach do thigh an rìgh, agus chuir iad an rìgh 'n a shuidhe air rìgh-chaithir na rìoghachd.

21 Agus rinn uile shluagh na tìre gairdeachas: agus bha'm baile sàmhach, an dèigh dhoibh Ataliah a mharbhadh leis a' chlàidheamh.

## CAIB. XXIV.

1 *Dh'orduigh Ioa* do na sagartaibh agus do na Lebbithich tigh an Tighearna' a chàradh. 15 Bàs Iehoiada. 17 *Thrèig Ioa* lagh Dhé, agus mharbh e Sechariah mac Iehoiada. 23 *Chreach na Siriaich* Ierusalem. 25 *Mharbh a sheirbhiseich Ioa*, agus rìghich Amasiah a mhac 'n a àit.

**S**EACHD bliadhna dh'aois *bha* Ioa an uair a thòisich e air rìoghachadh, agus rìghich e dà fhichead bliadhna ann an Ierusalem: agus *Ùe* ainm a mhàthar Sibia o Bheersaba.

2 Agus rinn Ioa an *ni a bha* ceart ann an sùilbh an Tighearna ré uile làithean Iehoiada an t-sagairt.

3 Agus ghabh Iehoiada air a shon dà mhaoi, agus ghin e mic agus nigheanan.

4 Agus 'n a dhéigh so bha e ann an inntinn Ioa is tigh an Tighearna' a chàradh.

5 Agus chruinnich e ri 'chéile na sagartan agus na Lebbithich, agus thnhairet e rin, Rachaidh a mach do bhaitibh Iudah, agus cruinnichibh o Israel uile airgid a chàradh tighe bhnr Dé o bhliadhna gu bliadhna, agus faicibh gu'n dean sibh cabhag 's a ghnothnch. Gidheadh cha d'rinn na Lebbithich cabhag.

6 Agus ghairm an rìgh Iehoiada an t-àrd-sagart, agus thnhairet e ris, 'Car son nach d'iarr thn air na Lebbithich eis Mhaois, òglaich an Tighearna', a thoirt a steach o Iudah, agus o Ierusalem, agus o choimh-thional Israel, air son pàilliun na fianuis?

7 Oir bhris mic na droch mhnà Ataliah sìos tigh Dhé; agus mar an cendna uile nithean coisrigte tighe an Tighearna thug iad seachad do Bhaalim.

8 An sin air àithne an rìgh rinn iad ciste,

agus chuir iad i aig geata tighe an Tighearna' air an taobh a muigh.

9 Agus thug iad gairm air feadh Iudah agus Ierusalem, eis Mhaois, òglaich Dhé, *a chuir e* air Israel anns an fhàsach, a thoirt a steach do'n Tighearna.

10 Agus rinn na h-uachdarain nile agus an sluagh uile gairdeachas, agus thug iad leo, agus thilg iad anns a' chiste, gns an do lìonadh i.

11 Agus an uair a thugadh a' chiste steach a dh'ionnsuidh luchd-riaghlaidh an rìgh le làimh nan Lebbitheach, agus a chunnaic iad gu'n *robh* mòran airgid *innte*, an sin thàinig sgrìobhaich an rìgh agus fear-riaghlaidh an àrd-shagairt, agus dh'fhal-amhuich iad a' chiste, agus ghabh iad i, agus thug iad air a h-ais i d'a h-àite féin. Mar sin rinn iad o là gu là, agus chruinnich iad airgid ann am pailteas.

12 Agus thug an rìgh agus Iehoiada e dhoibhsan a rinn obair seirbhis tighe an Tighearna', agus thnarsdalaidh iad luchd-snaithidh *chluach* agus saoir a chàradh tighe an Tighearna', agus mar an ceudna luchd-oibre ann an iarum agus 'an umha a dheanamh suas tighe an Tighearna.

13 Agus dh'oibrich an luchd-oibre, agus choimhlonadh an obair le'n làimh; agus rinn iad suas tigh an Tighearna co cheart as a bha e roimhe, agus dhaingnich iad e.

14 Agus an uair a chrìochnaich iad *an obair*, thug iad na dh'fhagadh de'n airgid an làthair an rìgh agus Iehoiada, agus rinn iad soithichean deth do thigh an Tighearna, soithichean-frithalaidh nan iobairt-loisgte, agus spàinean, agus soithichean òir agus airgid: agus dh'ìobair iad iobairtean-loisgte a ghnàth ann an tigh an Tighearna, ré uile làithean Iehoiada.

15 Ach dh'fhàs Iehoiada sean, agus bha e làn de làithibh, agus fhuair e bàs: ceud agus deich bliadhna fichead a dh'aois *bha e* 'n uair a fhuair e bàs.

16 Agus dh'adhlac iad e ann am baile Dhaibhidh maille ris na rìghribh, a chionn gu'n d'rinn e maith ann an Israel, araon a thaobh Dhé, agus a thaobh a thighe.

17 Agus an dèigh bàis Iehoiada, thàinig uachdarain Iudah, agus rinn iad ùmhachd do'n rìgh. An sin dh'éisd an rìgh ri u.

18 Agus thrèig iad tigh an Tighearna Dé an aithrichean, agus rinn iad seirbhis do dhoireachaibh agus do dhealbhaibh: agus thàinig fearg air Iudah agus Ierusalem air son an cionta.

19 Gidheadh chuir e fàidhean d'an ionnsuidh, gu'n toirt air an ais a dh'ionnsuidh an Tighearna'; agus rinn iad fianuis 'n an aghaidh, ach cha d'éisd iadsan rin.

20 Agus thàinig spiorad an Tighearna' air Sechariah mac Iehoiada an t-sagairt, agus sheas e os ceann an t-sluaigh, agus thubhairt e rin, Mar so tha Dia ag ràdh, 'Car son



a *tha* sibh a' briseadh àitheantan an Tighearna? uime sin cha soirbhlich sibh. A chionn gu'n do thréig sibhse an Tighearna, tréigidh esan sibhse.

21 Agus chaidh iad ann an combhbhoinn 'n a aghaidh, agus chlach iad le clachaibh e, air àithne an rìgh, ann an eùirt tìghe an Tighearna:

22 Oir cha do chuimhnich Ios an rìgh an caoimheas a rinn Iehoiada 'athair ris, ach mharbh e a mhac: agus an uair a bha esan a' faghail a' bhàis, thubhairt e, Chì an Tighearna, agus agraidh e.

23 Agus aig ceann na bliadhna thàinig armailt Shiria mos 'n a aghaidh; agus thàinig iad gu Iudah agus gu h-Ierusalem, agus sgrìos iad uile uachdarain an t-sluaigh o uheasg an t-sluaigh, agus chuir iad an creach uile dh'ionnsuidh rìgh Dhamascuis.

24 Oir le beagan dhaoine thàinig armailt Shiria, agus thug an Tighearna thairis 'n an làimh sluagh ro mhòr, a chionn gu'n do thréig iad an Tighearna Dia an aithrichean: uime sin rinn iad breitheanas an aghaidh Iois.

25 Agus an uair a dh'imich iad uaith, a chionn gu'n d'fhàg iad e ann an eucailibh mòra, rinn a sheirbhisich féin ceannaire 'n a aghaidh air son fola mhic Iehoiada an t-sagairt, agus mharbh iad e air a leabaidh, agus an uair a fhuair e bàs, dh'adhlac iad e ann am baile Dhaibhidh, ach cha d'adhlac iad e ann an àitibh-adhlac nan rìghrean.

26 Agus 's iad so iadsan a rinn ceannaire 'n a aghaidh; Sabad mac Shimeait na Ban-amaonach, agus Iehosabad mac Shimrit na Ban-mhoabaich, agus a mhic.

27 A nis a *thaobh* meud na cìse a thog e, agus mar a rinn e suas tìgh Dhié, feuch, *tha* iad sgrìobhta ann an eachdraidh leabhar nan rìghrean. Agus rìghich Amasiah a mhac 'n a àit.

### CAIB. XXV.

3 Chuir Amasiah gu bàs na daoine a mharbh 'athair. 6 Thuarasdalaich e armailt á h-Israel an aghaidh nan Edomach. 11 Bhual e na h-Edomach ann an gleann an t-salainn. 22 Chog Ios 'n a aghaidh, agus bhuadhaich e air. 27 Bàs Amasiah.

**C**UIG bliadhna fìhead a dh'aois bha Amasiah 'n uair a thòisich e air rìoghachadh, agus rìghich e naoi bliadhna fìhead ann an Ierusalem: agus *b'e* ainm a mhàthar Iehodan o Ierusalem.

2 Agus rinn e an *nì* a bha eart ann an sùilibh an Tighearna, ach cha b'ann le crìdhe ionlan.

3 A nis an uair a dhaingnicheadh an rìoghachd dha, mharbh e a sheirbhisich a mharbh an rìgh 'athair.

4 Ach an clann cha do mharbh e, a réir mar *tha* e sgrìobhta anns an lagh ann an leabhar Mhaois, far an d'àithn an Tighearna, ag ràdh, Cha chuirear na h-aithrichean gu

bàs air son nam mac, agus cha chuirear na mic gu bàs air son nan aithrichean; ach cuirear gach duine gu bàs air son a pheacaidh féin.

5 Agus chruinnich Amasiah Iudah r'a chéile, agus rinn e iad, a réir tìghe an aithrichean, 'n an ceannardaibh mhàltean agus 'n an ceannardaibh cheud, ann an Iudah agus ann am Benjamin uile: agus rinn e an àireamh o fhìhead bliadhna dh'aois agus os a cheann, agus fhuair e ann diubh trì cheud mìle *fear* taghta, a rachadh a mach gu cath, a laimhsicheadh sleagh agus sgiath.

6 Thuarasdalaich e mar an ceudna á h-Israel ceud mìle fear comasach, gaisgeil, air cheud tàlann airgid.

7 Ach thàinig duine le Dia d'a ionnsuidh, ag ràdh, A rìgh, na rachadh armailt Israeil maille riut; oir cha-n'èil an Tighearna maille ri h-Israel, *cadhon maille ri* cloinn Ephraim uile.

8 Ach ma's àill leat imeachd, dean, bi làidir air son a' chatha: bheir Dia ort tuiteam roimh an nùmhaid; oir *tha* Dia comasach air còmhnaidh a dheanamh, agus air tilgeadh sìos.

9 Agus thubhairt Amasiah ris an duine le Dia, Ach ciod a nì sinn mu'n cheud tàlann a thug mi do armailt Israeil? Agus fhreagair an duine le Dia, Tha'n Tighearna comasach air mòrau tuilleadh na sin a thabhairt duitse.

10 An sin sgaoil Amasiah iadsan de'n armailt a thàinig d'a ionnsuidh á h-Ephraim, a chum gu'n rachadh iad d'an àite féin. Agus las am fearg gu mòr an aghaidh Iudah, agus phill iad d'an àite féin ann an corruich mhòir.

11 Agus neartaich Amasiah e féin, agus thug e mach a shluagh, agus chaidh e gu gleann an t-salainn, agus bhuail e de chloinn Sheir deich mìle.

12 Agus deich mìle *dhiubh* ghlac clann Iudah beò, agus thug iad leo iad gu mullach carraig, agus thilg iad sìos iad o mhullach na carraig, agus bhriscadh iad gu tur.

13 Ach bhris fir na h-armailt' a chuir Amasiah, air an ais, a chum nach rachadh iad maille ris gu cath, a stigh air bailtibh Iudah, o Shamaria cadhou gu ruig Beth-horon, agus bhuail iad trì mìle dhiubh, agus thug iad leo creach mhòr.

14 A nis an déigh do Amasiah teachd o àr nan Edomach, thug e leis diathan chloinn Sheir, agus chuir e suas iad dha féin mar dhiathailibh, agus chrom se e féin sìos rompa, agus loisg e tùis dhoibh.

15 Uime sin las fearg an Tighearna an aghaidh Amasiah, agus chuir e d'a ionnsuidh fàidh, a thubhairt ris, C'ar son a dh'iarr thu'n déigh dhiathan an t-sluaigh, nach b'urraim an sluagh féin a shaoradh as do làimh-sa?

16 Agus an uair a bha e a' labhairt ris, fhireagair esan e, An d'rinneadh thusa a'd' chomhairliche do'n rìgh? bi 'd' thosd; c'ar son a bhiththeadh tu air do bhualladh? Agus leig am fàidh dheth, agus thubhairt e, Tha fios agam gu'n do shìonaich Dia air do sgrios, a chionn gu'n d'rinn thu so, agus nach d'éisd thu ri m' chomhairle-sa.

17 An sin ghabh Amasiah rìgh Iudah chomhairle, agus chuir e *teachdair*ean a dh'ionnsuidh Ioais, mhic Iehoahais, mhic Iehu rìgh Israeil, ag ràdh, Thig, faiceamaid aghaidh a chèile.

18 Agus chuir Ioas rìgh Israeil *teachdair*ean gu Amasiah rìgh Iudah, ag ràdh, Chuir am foghannan a bha ann an Lebanon *teachdair* a dh'ionnsuidh an t-seudair a bha ann an Lebanon, ag ràdh, Thoir do nighean do m' mhac-sa 'n a mnaoi: agus chaidh fiadh-bheathach seachad a bha ann an Lebanon, agus shaltair e sìos ann foghannan.

19 Thubhairt thu, Feuch, bhuail mi Edom, agus thog do chridhe suas thu chum uail a dheanamh: fan a nis aig do thigh: c'ar son a bhiththeadh làmh agad ann an nì chum d'aimhleis, air chor as gu'n tuiteadh tu féin agus Iudah maille riut?

20 Ach cha d'éisd Amasiah ris, oir bha e o Dhia an toirt thairis 'n a làimh, a chionn gu'n d'iarr iad an déigh dhathann Edoim.

21 Uime sin chaidh Ioas rìgh Israeil suas, agus chunnaic e féin agus Amasiah rìgh Iudah aghaidh a chèile aig Bet-semes, a *bhuineas* do Iudah.

22 Agus bhuailleadh Iudah roimh Israel, agus theich iad gach fear a dh'ionnsuidh a bhùtha.

23 Agus ghlac Ioas rìgh Israeil Amasiah rìgh Iudah mac Ioais, mhic Ahasiah, aig Betsemes, agus thug se e gu h-Ierusalem, agus bhris e sìos balla Ierusalem, o gheata Ephraim gu geata na h-oisne, ceithir cheud làmh-choille.

24 Agus ghabh e an t-òr agus an t-airgid uile, agus na soithichean uile a fhuaradh ann an tigh Dhé aig Obed-edom, agus ionmhasan tìghe an rìgh, agus braighde-gill, agus phill e gu Samaria.

25 Agus mhair Amasiah mac Ioais, rìgh Iudah, beò an déigh bàis Ioais mhic Iehoahais rìgh Israeil, cùig bliadhna deug.

26 Agus a' chuid eile de ghnìomharaibh Amasiah, an toiseach agus mu dheireadh, feuch, nach 'eil iad sgrìobhta ann an leabhar rìghrean Iudah agus Israeil?

27 Ach o'n àm anns an do thionndaidh Amasiah o leantuinn an Tighearn, rinn iad ceannaire 'n a aghaidh ann an Ierusalem, agus theich e gu Lachis: ach chuir iad *daoine* 'n a dhéigh gu Lachis, agus mharbh iad e an sin.

28 Agus thug iad leo air eachaibh e, agus

dh'adhaic iad e maille r'a aithrichibh ann am baile Dhaibhidh.

## CAIB. XXVI.

1 *Soirbheachadh Udsiah: 9 Na tàir a thog e ann an Ierusalem: 11 'Armailt, agus 'innil-chogaidh. 16 Bhuailleadh e le luibhre air son a pheacaidhean. 22 A bleds.*

**A** GUS ghabh sluagh Iudah uile Udsiah, agus e s'è bliadhna deug a dh'aois, agus rinn iad e 'n a rìgh 'an àit 'athar Amasiah.

2 Thog esan Elat, agus dh'aisig se e do Iudah, an déigh do'n rìgh codal maille r'a aithrichibh.

3 Sè bliadhna deug a dh'aois bha Udsiah 'n uair a thòisich e air rìoghachadh, agus rìghich e dà bhliadhna dheug agus dà fhlichead ann an Ierusalem: agus b'e ainm a mhàthar Iecoliah o h-Ierusalem.

4 Agus rinn e an nì a bha ceart ann an sùilbh an Tighearn', a réir gach nì a rinn Amasiah 'athair.

5 Agus dh'iarr e Dia ann an làithibh Shechariah, a theagaisg e ann an eagal Dhé: agus fhad 's a dh'iarr e an Tighearn, thug Dia air soirbheachadh.

6 Agus chaidh e mach, agus chog e 'n aghaidh nam Philisteach, agus bhris e sìos balla Ghait, agus balla Iabneith, agus balla Asdoid; agus thog e bailtean ann an Asdod, agus am measg nam Philisteach.

7 Agus chuidich Dia leis an aghaidh nam Philisteach, agus an aghaidh nan Arabach a bha 'n an còmhnuidh ann an Gur-baal, agus nan Amonach.

8 Agus thug na h-Amonach tìodhlacan do Udsiah; agus chaidh 'ainm a mach gu ruig dol a steach na h-Eiphit, oir dh'fhàs e ro chumhachdach.

9 Agus thog Udsiah tùir ann an Ierusalem aig geata na h-oisne, agus aig geata a' ghlinne, agus aig an oisinn, agus dhaingnich e iad.

10 Agus thog e tùir anns an fhàsach, agus chladhaic e mòran thobar; oir bha mòran spréidh aige, agus anns an tìr ìosal agus anns a' còmhnuard treabhaichean, agus fion-liosadairean anns na sléibhtibh agus ann an Carmel, a chionn gu'm bu toigh leis tuathanachas.

11 Bha aig Udsiah mar an ceudna armailt *de dhaoine*ibh a dheanadh cogadh, a rachadh a mach gu cath 'n am buidhneibh, a réir uibhir an àircinnh, le làimh Ieiel an sgrìobhaiche, agus Mhaaseiah an fhir-riaghlaidh, fo làimh Hananiah *aon* de uachdaranaibh an rìgh.

12 B'e àireamh iomlan phrìomh aithrich-eann nan daoine comasach gaisgeil, dà mhìle agus sè caud.

13 Agus fo 'n làimh-san bha armailt, trì cheud mìle agus seachd mìle agus cùig ceud, a dheanadh cogadh le treun neart, a chuideachadh leis an rìgh an aghaidh an nàmhaid.



14 Agus dheasaich Udsiah air an son, *eadhon* do'n fheachd uile, targaidean, agus sleaghan, agus clogaidean, agus lùirichean, agus boghanman, agus cranna-tabhuill a *thilgeadh* chlach.

15 Agus rinn e ann an Ierusalem innil-chogaidh, a dhealbhadh le daoineibh ealanta, gu bhli air na tùraibh agus air oisnibh *nam ballachan*, a thilgeadh shaighead agus chlach mòra leo: agus chaidh 'ainm a mach 'an cèin, oir b'iongantach an dòigh air an do chuidicheadh leis gus an d'fhàs e cumhachdach.

16 Ach an uair a dh'fhàs e cumhachdach, thogadh a chridhe suas a chum aimhleis, agus pheacaich e an aghaidh an Tighearn' a Dhé: oir chaidh e steach do theampull an Tighearn', a losgadh tùise air altair na tùise.

17 Agus chaidh Asariah an sagart a steach 'n a dhèigh, agus maille ris ceithir fichead sagart leis an Tighearn, fir threuna;

18 Agus sheas iad an aghaidh Udsiah an rìgh, agus thubhairt iad ris, Cha *bhuin* e dhuit-sa, Udsiah, tùis a losgadh do'n Tighearn, ach do na sagartaibh, mic Aaroin, a tha air na naomhachadh a losgadh tùise: imich a mach as an ionad naomh, oir pheacaich thu, agus cha *bhi* e dhuit a chum urrainn o'n Tighearn Dia.

19 Agus bha fearg air Udsiah, agus tùiseir aige 'n a làimh a losgadh tùise: agus an uair a bha fearg air ris na sagartaibh, air ball dh'éirich luibhre suas ann an clàr 'eudain, 'an fianuis nan sagart ann an tigh an Tighearn', os ceann altair na tùise.

20 Agus dh'amhairc Asariah an t-àrd shagart, agus na sagartan uile air, agus, feuch, *bha* luibhre air ann an clàr 'eudain, agus ghreas iad a mach as a sin e; agus rinn e fèin mar an ceudna cabhag gu dol a mach, a chionn gu'n do bhuail an Tighearn e.

21 Agus bha Udsiah an rìgh 'n a lobhar gu là a bhàis agus ghabh e còmhnuidh ann an tigh air leth, mar fhear a bha 'n a lobhar, an uair a dhruideadh a mach e á tigh an Tighearna: agus *bha* Iotam a mhac os ceann tighe an rìgh, a' toirt breth air sluagh na tìre.

22 Agus a' chuid eile de ghnìomharaibh Udsiah, an toiseach agus mu dheireadh, sgrìobh Isaiah am faidh, mac Amois.

23 Agus choidil Udsiah maille r'a aithrichibh, agus dh'adhlac iad e maille r'a aithrichibh ann am magh àit-adhlacaidh nan rìgh: oir thubhairt iad, *Tha* e 'n a lobhar. Agus rìghich Iotam a mhac 'n a àit.

## CAIB. XXVII.

1 Rìoghachadh Iotaim: 5 Bhuadhaich e air na h-Amonaich. 9 Fhuair e bàs, agus rìghich Ahas 'n a àit.

**C**UIG bliadhna fichead a dh'aois *bha* Iotam an uair a thòisich e air rìoghachadh, agus rìghich e sè bliadhna deug ann

an Ierusalem; agus *b'e* ainm a mhàthar Ierusa, nighean Shadoic.

2 Agus rinn e an *ni a bha* ceart ann an sùilibh an Tighearn', a réir nan uile *nithean* a rinn Udsiah 'athair; gidheadh cha dcachaidh e steach do theampull an Tighearn', agus *bha'n* sluagh fathast truailidh.

3 Thog e geata àrd tighe an Tighearn', agus air balla Opheil thog e mòran.

4 Agus thog e bailtean ann an sléibhtibh Iudah, agus anns na coilltibh thog e caist-ealan agus tùir.

5 Agus chog e ri rìgh chloinn Amoin, agus thug e buaidh orra. Agus thug clann Amoin dha air a' bhliadhna sin fèin ceud tìalan airgid, agus deich mìle tomhas cruithneachd, agus deich mìle *tomhas* eorna. So thug clann Amoin seachad da, araon air an dara bliadhna, agus *air* an treas.

6 Agus dh'fhàs Iotam cumhachdach, a chionn gu'n do dheasaich e a shlighean 'am fianuis an Tighearn' a Dhé.

7 Agus a' chuid eile de ghnìomharaibh Iotaim, agus a chogaidhean uile, agus a shlighean, feuch, *tha* iad sgrìobhta ann an leabhar rìghrean Israel agus Iudah.

8 Cùig bliadhna fichead a dh'aois *bha* e 'n uair a thòisich e air rìoghachadh, agus rìghich e sè bliadhna deug ann an Ierusalem.

9 Agus choidil Iotam maille r'a aithrichibh, agus dh'adhlac iad e ann am baile Dhaibhidh: agus rìghich Ahas a mhac 'n a àit.

## CAIB. XXVIII.

1 Rìoghachadh aingidh Ahais. 5 Thug Dia thairis e do làimh rìgh Shiria agus rìgh Israeil. 9 Chuir clann Israeil braighdean Iudah air an ais. 20 Shràich rìgh Asria Ahab. 22 'N a theanntachd chiontaich e ni bu mhò an aghaidh Dhé.

**F**ICHEAD bliadhna dh'aois *bha* Ahas an uair a thòisich e air rìoghachadh, agus rìghich e sè bliadhna deug ann an Ierusalem: agus cha d'rinn e an *ni a bha* ceart ann an sùilibh an Tighearna, mar a *rinn* Daibhidh 'athair.

2 Ach dh'imich e ann an slighibh rìghrean Israeil, agus mar an ceudna rinn e dealbhan leaghta do Bhaalim.

3 Agus loisg e tùis ann an gleann Bhen-hinoim, agus loisg e a chlànn anns an teine, a réir ghràincileachdan nan cinneach a thilg an Tighearn a mach roimh chloinn Israeil.

4 Agus dh'fòbar e agus loisg e tùis anns na h-aitibh àrda, agus air na cnoic, agus fo gach craoibh uaine.

5 Uime sin thug an Tighearn a Dhia thairis e 'an làimh rìgh nan Sirianach; agus bhuail iad e, agus thug iad leo mòran diubh 'n am braighdibh, agus thug siad *iad* gu Damascus: agus thugadh mar an ceudna thairis e 'an làimh rìgh Israeil, a bhuail e le h-àr mòr.

6 Agus mharbh Pecah mac Remaliah ann an Iudah ceud agus fichead mìle ann an aon là, fir threuna uile; a chionn gu'n do thréig iad an Tighearn Dia an aithrichean.

7 Agus mharbh Sichri, duine treun de Ephraim, Maaseiah mac an rìgh, agus Asricam uachdaran an tighe, agus Elcanah a' bhfaigse do'n rìgh.

8 Agus thug clann Israeil leo 'n am braighdibh d'am bràithribh dà cheud mìle, bean, mac agus nighean, agus thog iad mar an ceudna crach mhòr uatha, agus thug iad a' chreach gu Samaria.

9 Ach bha fàidh leis an Tighearn an sin d'am b'ainm Oded, agus chaidh e mach 'am fianuis an t-slàigh a thàinig gu Samaria, agus thubhairt e riu, Feuch, a chionn gu robh fearg air an Tighearn Dia bhur n-aithrichean ri Iudah, thug e thairis iad ann bhur làimh-sa, agus mharbh sibh iad le ainiochd a ràinig suas gu nèamh.

10 Agus a nis *tha* sibh a' cur roimhìbh clann Iudah agus Ierusalem a chur foidhìbh mar thràillibh agus mar bhan-tràillibh agaibh. Nach 'eil idir agaibhse, *eadhon* agaibhse peacadhean an aghaidh an Tighearna bhur Dé?

11 A nis ma ta éisdibh riumsa, agus thugaibh air an ais na braighdean a thug sibh leibh ann am braighdeanas o bhur bràithribh; oir tha fearg laiste an Tighearna ribh.

12 An sin dh'éirich daoine àraidh de cheannaibh chloinn Ephraim, Asariah mac Iohanain, Berechiah mac Mhesilemoit, agus Iehisciah mac Shaluim, agus Amasa mac Hadlai, suas 'n an aghaidh-san a thàinig o'n chogadh,

13 Agus thubhairt iad riu, Cha toir sibh na braighdean a steach an so; oir *bhithheadh sin* 'n a chionta an aghaidh an Tighearn' oirme. *Tha* sibhse a' cur roimhìbh tuilleadh a chur r'ar peacadhean, agus r'ar cionta, 'n uair a tha ar cionta *cheana* mòr agus fearg laiste ri h-Israel.

14 An sin dh'fhàg na daoine a bha fo 'n armaibh na braighdean agus a' chreach 'am fianuis nan uachdaran agus a' chomh-chruinneachaidh uile.

15 Agus dh'éirich na daoine a ghairmeadh air an aum, agus ghabh iad na braighdean, agus dh'éidich iad leis a' chreich iadsan uile a bha lomnochd dhiubh, agus an uair a chuir iad eudach agus brògan orra, thug iad orra itheadh agus òl, agus dh'ung siad iad, agus chuir iad air asalaibh iadsan uile a bha annmhum diubh, agus thug siad iad gu Iericho, baile nan craobh pailme, a dh'ionnsuidh am bràithrean; agus phill iad gu Samaria.

16 'S an àm sin chuir rìgh Ahas *fios* a dh'ionnsuidh rìgh Asiria, e 'chuideachadh leis.

17 Oir thàinig na h-Edomaich a rìs, agus

bhuail iad Iudah, agus thug iad leo braighdean.

18 Thug na Philistich mar an ceudna ionnsuidh air bailtibh a' chòmhnaidh, agus air an taobh deas de Iudah, agus ghlac iad Bet-emes, agus Aialon, agus Gederot, agus Socho le 'bhailtibh beaga, agus Timnah le 'bhailtibh beaga, agus Gímso le 'bhailtibh beaga; agus ghabh iad còmhnuidh an sin.

19 Oir rinn an Tighearn Iudah ìosal air son Ahas rìgh Iudah, a chionn gu'n d'rinn e Iudah lomnochd, agus gu'n d'rinn e cionta mòr an aghaidh an Tighearna.

20 Uime sin thàinig Tilgat-pilneser rìgh Asiria d'a ionnsuidh, agus shàraich, ach cha do neartaich se e.

21 Oir ghabh Ahas cuibhrionn á tigh an Tighearn', agus á tigh an rìgh, agus o na h-uachdaranaihb, agus thug e *sin* do rìgh Asiria; ach cha do chuidich e leis.

22 Agus 'an àm a theantachd rinn e fathast tuilleadh cionta an aghaidh an Tighearna, an rìgh so féin Ahas.

23 Oir dh'ìobair e do dhiathaibh Dhamas-cuis a bhuail e, agus thubhairt e, A chionn gu'n cuidich diathan rìghrean Shiria leo, ìobraidh mise dhoibh a chum gu'n cuidich iad leamsa: ach is anna bha iad 'n an aobhar sgrios dha féin, agus do Israel uile.

24 Agus chruinnich Ahas soithichean tighe Dhé, agus ghearr e 'n am mìribh soithichean tighe Dhé, agus dhruid e dorsan tighe an Tighearna. Agus rinn e dha féin altairean anns gach cearnaidh de Ierusalem.

25 Agus anns gach baile fa leth de Iudah rinn e àitean àrda, chum tuis a losgadh do dhiathaibh coimheach, agus bhrosnaich e gu feirg an Tighearn Dia 'aithrichean.

26 Agus a' chuid eile d'a ghnìomharaibh agus d'a shligheibh uile, an toiseach agus mu dheireadh, feuch, *tha* iad sgriobhta ann an leabhar rìghrean Iudah agus Israeil.

27 Agus chòidil Ahas maille r'a aithricheibh, agus dh'adhlac iad e anns a' bhaile, ann an Ierusalem; ach cha d'thug iad e do àitibh-adhlac rìghrean Israeil: agus rìghich Hesechiah a mhac 'n a àit.

## CAIB. XXIX.

1 *Rìoghachadh Hesechiah. 5 Thug e earail do na Lebhthich iad a naomhachadh tighe Dhé. 12 Naomhaich na Lebhthich iad féin, agus ghlan iad an teampull. 20 Iobairtean Hesechiah.*

**T**HOISICH Hesechiah air rìoghachadh 'n uair a bha e cuig bliadhna fichead a dh'aois, agus rìghich e naoi bliadhna fichead ann an Ierusalem: agus *b'e* ainm a mhàthar Abiah, nighean Shechariah.

2 Agus rinn e an *ni* a bha ceart ann an suilbh an Tighearn', a réir nan uile *nithean* a rinn Daibhidh 'athair.

3 Anns a' cheud bliadhna d'a rìoghachadh, air a' cheud mhìos, dh'fhosgail e



dorsan tighe an Tighearn', agus chàirich e iad.

4 Agus thug e stigh na sagartan agus na Lebhithich, agus chruinnich e iad do'n t-sràid an ear,

5 Agus thubhairt e riu, Eisdibh rium, a Leblitheacha; a nis naomhaichibh sibh féin, agus naomhaichibh tigh an Tighearna Dé bhur n-aithrichean, agus thugaibh a mach an salchar as an *ionad* naomh:

6 Oir pheacaich ar n-aithrichean, agus rinn iad an *ni a bha* ole ann an sùilibh an Tighearn' ar Dé, agus thréig iad e, agus thionndaidh iad an aghaidhean o phàillium an Tighearn', agus chuir iad cùl ris.

7 Mar an ceudna dhruid iad dorsan an sgàth-thighe, agus chuir iad as na òelhrain, agus cha do loisg iad tùis, agus cha d'thug iad ìobairtean-loisgte suas anns an *ionad* naomh, do Dhia Israeil.

8 Uime sin bha fearg an Tighearna ri Iudah agus ri h-Ierusalem, agus thug e thairis iad do theinn, do uamhann, agus do sgeig, mar a chi sibh le'r sùilibh.

9 Oir feuch, thuit ar n-aithrichean leis a' chlaidheamh, agus *tha* ar mic, agus ar nigh-eanan, agus ar muathan ann am braigh-deanas air son so.

10 A nis *tha e* ann am chridhe coimh-cheangal a dheanamh ris an Tighearn Dia Israeil, a chum gu'n tionndaidh 'fhearg laiste uainn.

11 Mo mhic, na bìthibh a nis dearmadach; oir thaghl an Tighearn sibh gu seasamh 'n a làthair a dheanamh seirbhis da, agus gu bhi a' frithealadh dha agus a' losgadh tùise.

12 An sin dh'èirich na Lebhithich, Mahat mac Amasai, agus Ioel mac Asariah, de mhacaibh nan Cohatach: agus de mhacaibh Mherari, Cis mac Abdi, agus Asariah mac Iehaleilei: agus de na Gersonaich, Ioah mac Shinnah, agus Eden mac Ioah:

13 Agus de mhacaibh Elisaphain, Simri agus Iehiel: agus de mhacaibh Asaiph, Sechariah agus Mataniah:

14 Agus de mhacaibh Hemain, Iehiel agus Simei: agus de mhacaibh Iedutuin, Semaiah agus Udsiel.

15 Agus chruinnich iad am bràithrean, agus naomhaich siad iad féin, agus thàinig iad a réir àithne an rìgh ann am briathraibh an Tighearna, a ghlanadh tighe an Tighearna.

16 Agus chaidh na sagartan do'n chuid a b'fhaide steach de thigh an Tighearna g'a ghlanadh, agus thug iad a mach gach salchar a fhuair iad ann an teampull an Tighearna, gu cùirt tighe an Tighearna. Agus thog na Lebhithich leo e, gu 'thoir a mach gu sruth Chidroin.

17 A nis thòisich iad air a' cheud là de'n cheud mhìos air naomhachadh, agus air an ochdamh là de'n mhìos thàinig iad gu sgàth-thigh an Tighearn', agus naomhaich iad tigh

an Tighearn' ann an ochd làithibh, agus air an t-seathamh là deug de'n cheud mhìos chrìochnaich iad an *obair*.

18 An sin chaidh iad a steach a dh'ionnsuidh Heseciah an rìgh, agus thubhairt iad, Ghlan sin tigh an Tighearn' uile, agus altair na h-ìobairt-loisgte maille r'a soithichibh uile, agus bord an arain thaisbeanaidh maille r'a shoithichibh uile.

19 Agus na soithichean sin uile a chuir rìgh Ahas, an uair a rìghich e, air falbh 'n a eusaontas, dheasaich sinne agus naomhaich sinn, agus, feuch, *tha* iad fa chomhair altair an Tighearna.

20 An sin dh'èirich Heseciah an rìgh gu moch, agus chruinnich e uachdarain a' bhaile, agus chaidh e suas do thigh an Tighearna.

21 Agus thug iad leo seachd tairbh òga, agus seachd reitheachan, agus seachd uain, agus seachd buic-ghaibhre mar ìobairt-pheacaidh air son na rìoghachd, agus air son an *ionaid* naoimh, agus air son Iudah; agus dh'àithn e do na sagartaibh, mic Aaroin an ìobradh air altair an Tighearn'.

22 Uime sin mharbh iadsan na tairbh, agus ghabh na sagartan an fhuil, agus chrath iad i air an altair: mharbh iad mar an ceudna na reitheachan, agus chrath iad an fhuil air an altair: mharbh iad cuideachd na h-uain, agus chrath iad an fhuil air an altair.

23 Agus thug iad leo na buic-ghaibhre air son na h-ìobairt-pheacaidh an làthair an rìgh agus a' choimhthionail, agus chuir iad an làmh an orra:

24 Agus mharbh na sagartan iad, agus chrath iad am fuil air an altair chum rèite 'dheanamh air son Israeil uile: oir dh'àithn an rìgh an ìobairt-loisgte agus an ìobairt-pheacaidh air son Israeil uile.

25 Agus chuir e na Lebhithich ann an tigh an Tighearna le ciombalaibh, le salt-airibh, agus le clàrsaichibh, a réir àithne Dhaibhidh, agus Ghaid fhir-sheallaidh an rìgh, agus Natain an fhàidh: oir *b'i sin* àithne an Tighearna le Rìmh 'fhàidhean.

26 Agus sheas na Lebhithich le h-inneal-aibh Dhaibhidh, agus na sagartan leis na trompaidibh.

27 Agus dh'àithn Heseciah an ìobairt-loisgte ìobradh air an altair: agus an uair a thòisich an ìobairt-loisgte, thòisich *mar an ceudna* laoidh an Tighearna leis na trompaidibh, agus le h-innealaibh Dhaibhidh rìgh Israeil.

28 Agus rinn an coimhthional uile aoradh, agus sheinn an luchd-seinn, agus shéid na trompadairean: *mhair* so uile gus an do chrìochnaich iad an ìobairt-loisgte.

29 Agus an uair a chuir iad crìoch air ìobradh, chròin an rìgh agus iadsan uile a bha maille ris iad féin, agus rinn iad aoradh.

## 2 EACHDRAIDH, XXX.

30 Agus dh'àithn Hesechia an rìgh agus na h-uachdarain do na Lebhithich gu moladh iad an Tighearn ann am briathraibh Dhaibhidh, agus Asaiph an fhir-sheallaidh: agus mhol iad le subhachas, agus chrom iad an cinn, agus rinn iad aoradh.

31 An sin fhrèagair Hesechia, agus thubhairt e, A nis choisrig sibh sibh féin do'n Tighearn: thigibh am fagus, agus thugaibh leibh iobairtean, agus tabhartais-bhuidheachais do thigh an Tighearna. Agus thug an coimhthional a steach iobairtean, agus tabhartais-bhuidheachais, agus iadsan uile a bha toileach 'n an cridhe, tabhartais-loisgte.

32 Agus b'e àireamh nan tabhartas-loisgte a thug an coimhthional leo, trì fichead agus deich tairbh òga, ceud reithe, dà cheud uan; iad sin uile chum iobairt-loisgte do'n Tighearn.

33 Agus na nithean coisrigte, sè ceud bò, agus trì mìle caora.

34 Ach bha na sagartan tearc, agus cha b'urrainn iad na tabhartais-loisgte uile fhionnadh: uime sin chuidich am bràithrean na Lebhithich leo, gus an do chrìochnaich iad an obair, agus gus an do naomhaich na sagartan iad féin; oir *bha* na Lebhithich nì bu deise 'n an cridhe chum iad féin a naomhachadh na na sagartan.

35 Agus mar an ceudna *bha* na tabhartais-loisgte 'am pailteas, maille ri saill nan tabhartas-sìth agus nan tabhartas-dìbhe, chum na h-iobairt-loisgte. Agus dheasaich-eadh seirbhìs tìghe an Tighearna.

36 Agus rinn Hesechia agus an sluagh uile gairdeachas, a chionn gu'n do dheasaich Dia air son an t-sluaigh: oir rinneadh an nì gu grad.

### CAIB. XXX.

1 *Thug Hesechia fainear gairm a thabhairt air feadh Israeil uile iad a chumail na càisge ann an Ierusalem.* 13 *Thug an comhchrinneachadh air falbh altairean nan dia coimheach, agus chum iad a' chàisg ceithir là deug.*

**A**GUS chuir Hesechia *fios* gu h-Israel uile agus gu Iudah, agus mar an ceudna sgrìobh e litrichean gu h-Ephraim agus gu Manaseh, iad a theachd gu tigh an Tighearn ann an Ierusalem, a chumail na càisge do'n Tighearn Dia Israeil.

2 Agus ghabh an rìgh, agus 'uachdarain, agus an coimhthional uile ann an Ierusalem, comhairle a' chàisg a chumail air an dara mìos.

3 Oir cha b'urrainn iad a cumail 's an àm sin, a chionn nach do naomhaich na sagartan iad féin gu leòr, agus nach robh an sluagh air cruinneachadh gu h-Ierusalem.

4 Agus thaitinn an nì ris an rìgh, agus ris a' choimhthional uile.

5 Agus shuidhich iad reachd, gairm a thabhairt air feadh Israeil uile o Bheer-seba eadhon gu Dan, iad a theachd a chumail na

càisge do'n Tighearn Dia Israeil ann an Ierusalem; oir cha do chum mòran i mar a bha e sgrìobhta.

6 Agus chaidh na gillecan-ruithe le litricheibh o'n rìgh agus o' uachdaranaibh air feadh Israeil uile agus Iudah, agus a réir àithne an rìgh, ag ràdh, A chlann Israeil pillibh a dh'ionnsuidh an Tighearna Dé Abraham, Isaac, agus Israeil, agus pillidh esan a dh'ionnsuidh an fhuighill dèibh a chaidh as o làimh rìghrean Asiria.

7 Agus na bithibh cosmhuil ri'r n-aithrichibh, agus cosmhuil ri'r bràithribh, a pheacaich an aghaidh an Tighearna Dé an aithrichean, agus thug esan thairis iad gu léir-sgrìos, mar a chi sibh.

8 A nis na bithibhse cruaidh-mhuineileach cosmhuil ri'r n-aithrichibh: thugaibh sibh féin thairis do'n Tighearn, agus rachaibh a steach d'a ionad naomh, a naomhaich e gu bràth; agus deanaibh seirbhìs do'n Tighearn bhur Dia, a chum gu'n tionndaidh lasan 'fheirge air falbh uaibh.

9 Oir ma philleas sibh a dh'ionnsuidh an Tighearna, [gheibh] bhur bràithrean agus bhur clann iochd 'n am fianuis-san a thug leo 'am braigheanas iad, air chor as gu'm pill iad a dh'ionnsuidh na tìre so: oir gràs-mhor agus tròcaireach *thà'n* Tighearn bhur Dia, agus cha tionndaidh e a ghnùis air falbh uaibh, ma philleas sibh d'a ionnsuidh.

10 Agus chaidh na gillecan-ruithe thairis o bhaile gu baile, air feadh tìre Ephraim agus Mhanaseh, eadhon gu ruig Sebulun: ach bha iad a' fanoid orra, agus a' deanamh ball-magaidh dhiubh.

11 Gidheadh, dh'irioslaich daoine *àraidh* de Aser, agus *de* Mhanaseh, agus *de* Shebulun iad féin, agus thàinig iad gu h-Ierusalem.

12 Mar an ceudna ann an Iudah bha làmh Dhé a thoirt aoin chridhe dhoibh, a dheanamh àithne an rìgh agus nan uachdaran, a réir focail an Tighearna.

13 Agus chruinnich ann an Ierusalem mòran sluagh, a chumail féill an arain neo-ghoirtichte anns an dara mìos, comhchrinneachadh ro mhòr.

14 Agus dh'èirich iad, agus thug iad air falbh na h-altairean a *bha* ann an Ierusalem, agus na h-altairean uile air son tùise thug iad air falbh, agus thilg siad iad ann an sruth Chidroin.

15 Agus mharbh iad a' chàisg air a' cheathramh là deug do'n dara mìos; agus bha nàir air na sagartan agus air na Lebhithich, agus naomhaich siad iad féin, agus thug iad a steach iobairtean-loisgte do thigh an Tighearna.

16 Agus sheas iad 'n an àit a réir an riaghailt, a réir lagha Mhaois òglaich Dhé; agus chrath na sagartan an fhuil a *ghabh iad* o làimh nan Lebhithich.

17 Oir *bha* mòran anns a' choimhthional



nach robh air an naomhachadh: uime sin bha cùram marbhadh na càise air na Lebhithich, air son gach neach nach *robh* glan, a chum an naomhachadh do'n Tigh-earn.

18 Oir cha do ghlan mòran de'n t-sluagh, mòran de Ephraim, agus de Mhanasch, de Isachar, agus de Shebulun iad féin; gidh-eadh, dh'ith iad a' chàisg, cha b'ann mar *tha e* sgrìobhta.

19 Ach rinn Heseciah urnuigh air an son, ag ràdh, Gu'n tugadh an Tighearn maith maithneas do gach aon, a dh'cassaich a chridhe a dh'iarraidh an Tighearn 'Dé aithrichean, ged nach *eil e glan* a réir glanaidh an *ionaid* naoimh.

20 Agus dh'éisd an Tighearn ri Heseciah, agus leighis e an sluagh.

21 Agus chum clann Israeil a bha làthair ann an Ierusalem féill an arain neo-ghoirt-ichte seachd làithean le mòr ghairdeachas: agus mhol na Lebhithich agus na sagartan an Tighearn o là gu là, *a' seinn* le h-ìneal-aibh fuaimneach do'n Tighearn.

22 Agus labhair Heseciah gu caoimhneil ris na Lebhithich uile, a theagaisg eòlas maith an Tighearna: agus dh'ith iad *air* an fhéill ré sheachd làithean, ag ìobradh ìobairtean-sith, agus a' cliùthachadh an Tighearn 'Dé an aithrichean.

23 Agus ghabh an coimhthional uile comhairle seachd làithean eile a chumail: agus chum iad seachd làithean *eile* le h-aobhneas.

24 Oir thug Heseciah rìgh Iudah suas do'n choimhthional mìle tarbh òg, agus seachd mìle caora; agus thug na h-uachdarain suas do'n choimhthional mìle tarbh òg, agus deich mìle caora: agus naomhaich mòran shagart iad féin.

25 Agus rinn coimhthional Iudah uile gairdeachas, agus na sagartan, agus na Lebhithich, agus an coimhthional uile a thàinig á h-Israel, agus na coigrich a thàinig á tìr Israeil, agus a bha 'chòmhnuidh ann an Iudah.

26 Mar sin bha mòr aobhneas ann an Ierusalem; oir o làithibh Sholaimh, mhic Dhaibhidh rìgh Israeil, cha *robh* a leithid ann an Ierusalem.

27 An sin dh'éirich na sagartan agus na Lebhithich, agus bheannaich iad an sluagh: agus chuala [Dia] an guth, agus thàinig an urnuigh suas d'a àite-còmhnuidh naomhsan, do nèamh.

### CAIB. XXXI.

2 Shuidhich Heseciah roinnean nan sagart agus nan Lebhithich. 5 Thug clann Israeil seachd gu toileach ceud thoradh an fhearainn.

11 An tìud-dreuchd a bha os ceann nan tabhartas.

**A**GUS an uair a chrìochnaicheadh so uile, chaidh Israel uile a bha làthair a mach do bhaitibh Iudah, agus bhris iad

na dealbhan, agus ghearr iad sìos na doir-eachan, agus thilg iad sìos na h-ionadan àrda agus na h-altairean á Iudah uile agus á Beniamin, agus ann an Ephraim agus Manaseh, gus an do sgrìos iad gu tur *iad*. An sin phill clann Israel uile, gach duine a dh'ionnsuidh a sheilbhe féin, d'am baitibh féin.

2 Agus shuidhich Heseciah roinnean nan sagart agus nan Lebhithich a réir an roinnean, gach duine a réir a shìorbhis féin, na sagartan agus na Lebhithich air son nan ìobairt-loisgte, agus air son nan ìobairt-shith, a fhrithealadh, agus a thabhairt buidheachais, agus a chliùthachadh ann an geatachaibh chaamp an Tighearna:

3 Cuibhrionn an rìgh mar an ceudna d'a mhaoin, air son nan ìobairt-loisgte, air son ìobairt-loisgte na maidne, agus an fheasgair, agus ìobairte-loisgte nan sàbaid, agus nan gealach ùra, agus nam féill suidhichte, mar *tha e* sgrìobhta ann an lagh an Tighearna.

4 Dh'àithn e cuidcachd do'n t-sluagh a bha 'chòmhnuidh ann an Ierusalem, gu'n tugadh iad seachd cuibhrionn nan sagart agus nan Lebhithich, chum gu'm bitheadh iad air an daingneachadh ann an lagh an Tighearna.

5 Agus co luath as a thàinig an àithne mach, thug clann Israeil seachd gu pailt ceud thoradh an arbhair, an fhìona, agus na h-olaidh, agus na meala, agus uile fhàis an fhearainn; agus deachamh nan uile *nith-ean* thug iad a stigh ann am pailteas.

6 Agus a thaobh chloinn Israeil agus Iudah a bha 'chòmhnuidh ann am baitibh Iudah, thug iadsan mar an ceudna stigh deachamh a' bhuair agus nan caorach, agus deachamh nan nithen naomha a bha air an naomhachadh do'n Tighearn an Dia, agus rinn iad mòran chruach *diubh*.

7 Anns an treas mìos thòisich iad air bunaithean nan cruach a leagadh, agus anns an t-seachdamh mìos chrìochnaich siad iad.

8 Agus thàinig Heseciah agus na h-uachdarain, agus chunnaic iad na cruachan, agus bheannaich iad an Tighearn agus a shluagh Israel.

9 Agus dh'fhiosraich Heseciah de na sagartan agus na Lebhithich mu thimchioll nan cruach.

10 Agus fhreagair Asariah an t-àrd shagart de thigh Shadoic e, agus thubhairt e, O'n a thòisich iad air na tabhartais a thoirt a steach do thigh an Tighearna, dh'ith sinn gus an do shàsuicheadh sinn, agus dh'fhàg sinn pailteas: oir bheannaich an Tighearn a shluagh, agus dh'fhàgadh am pailteas mòr so.

11 An sin dh'àithn Heseciah àitean-tasgaidh ulluchadh ann an tigh an Tighearna; agus dh'ulluich siad *iad*;

12 Agus thug iad a stigh na tabhartais

agus an deachamh, agus na *nithean* naomhaichte gu fìrinneach; agus os an ceann *bha* Cononiah an Lebbitheach 'n a riaghlair, agus Simeì a bhràthair 's an àit a bh'fhaigse.

13 Agus *bha* Iehiel, agus Asariah, agus Nahat, agus Asahel, agus Ierimot, agus Iosabad, agus Eliel, agus Ismahiah, agus Mahat, agus Benaiah, 'n an luchd-amhairc thairis fo làimh Chononiah, agus Shimeì a bhràthar, air àithne Heseciah an rìgh, agus Asariah uachdarain tighe Dhé.

14 Agus *bha* Core mac Innah an Lebbitheach, an dorsair a làimh na h-àird' an ear, os ceann shaor thiodhlac Dhé, chum gu'n tugadh e seachad tabhartais an Tighearna, agus na nithean ro naomh.

15 Agus làimh ris-san Eden, agus Beniamin, agus Iesua, agus Senuiah, agus Amariah, agus Secaniah, ann am bailtibh nan sagart 'u an dreuchd, a thabhairt d'am bràithribh 'n an roinnibh, do'n bheag mar do'n mhòr.

16 A thuilleadh air àireamh nam fìrionnach a réir an ginealach o thri bliadhna dh'aois agus os a cheann, do gach neach a théid a steach do thigh an Tighearn', a chuibhrionu lathail, air sou an scribeis 'n an dreuchd, a réir an roinnean;

17 Araon do àireamh nan sagart a réir an ginealach, a réir tighe an aithrichean, agus nan Lebbitheach o fhichead bliadhna dh'aois agus os a cheann, 'n an dreuchd, a réir an roinnean;

18 Agus do àireamh an cloinne bige uile a réir an ginealach, am ban, agus am mac, agus an nigheanan, do'n choimhlthional uile; oir 'n an dreuchd naomhaich siad iad féin gu mòr;

19 Agus do mhacaibh Aaroin na sagart-aibh ann am fearann comh-roinn am bailtean, auns gach baile fa leth, na daoine a dh'ainmicheadh air ainm, a thabhairt an cuibhrinn do gach fìrionnach am measg nan sagart, agus dhoibhsan uile a bha air an àireamh a réir an ginealach am measg nan Lebbitheach.

20 Agus rinn Heseciah mar so air feadh Iudah uile: agus rinn e an *nì sin a bha* maith, agus ceart, agus fìrinneach ann am fianuis an Tighearn' a Dhé.

21 Agus a thaobh gach oibre air an do thòisich e ann an seirbhis tighe Dhé, agus anns an lagh, agus anns na h-àitheantaibh, a dh'iarraidh a Dhé, rinu e i le 'uile chridhe, agus shoirbhich leis.

## CAIB. XXXII.

V *Dhaingnich Heseciah baile Ierusalem an aghaidh rìgh Asiria. 9 Teachdaireachd mhaslach Shenacherib. 20 Bhual aingeal an Tighearna feachd nan Asirianach. 32 Bàs agus adhlacadh Heseciah.*

A N déigh nan nithean so agus an uair a bha iad air an suidheachadh, thàinig

Senacherib rìgh Asiria, agus chaidh e steach do Iudah, agus champaich e an aghaidh nam bailtean daingnichte, agus shònraich e air an cosnadh dha féin.

2 Agus an uair a chunnaic Heseciah gu'n d'thàinig Senacherib, agus gu'n robh e 'cur roimhe cogadh an aghaidh Ierusalem,

3 Chuir e a chomhairle r'a uachdaranaibh agus r'a dhaoinibh cumhachdach, uisg-cachan nan tobar a bha'n taobh a muigh de'n bhaile a dhùnadh suas; agus chuidich iad leis.

4 Agus chruinnich sluagh mòr, agus dhùin iad suas na tobraicheau uile, agus na sruthain a bha 'ruith ann am meadhon na tìre, ag ràdh, C'ar son a' thigeadh rìghrean Asiria, agus a gheibheadh iad mòran uisge?

5 Agus dhaingnich se e féin, agus thog e am balla uile a chaidh a bhriseadh, agus chuir e suas tùir air, agus balla eile air an taobh a muigh, agus dhaingnich e Milo baile Dhaibhidh, agus rinn e gathan agus targaidean anu am pailteas.

6 Agus chuir e ceannardan cogaidh os ceann an t-sluaigh, agus chruinnich e iad d'a ionnsuidh ann an sràid geata a' bhaile, agus labhair e r'an cridhe, ag ràdh,

7 Bithibh làidir agus bithibh misneachail, na bitheadh cagal agus na bitheadh faitheas oirbh roimh rìgh Asiria, no roimh an t-sluagh mhòr so uile a *tha* maille ris; oir is mò *na tha* leinne na leis-san.

8 Leis-san *tha* gairdean feòla, ach leinne *tha'n* Tighearn: ar Dia, a chuideachadh leinn, agus a chur ar catha. Agus dh'earb an sluagh á briathraibh Heseciah rìgh Iudah.

9 'N a dhéigh so chuir Senacherib rìgh Asiria a sheirbhisich gu h-Ierusalem, (oir *bha* e féin aig Lachis, agus a neart uile maille ris), a dh'ionnsuidh Heseciah rìgh Iudah, agus a dh'ionnsuidh Iudah uile, a *bha* aig Ierusalem, ag ràdh,

10 Mar so *tha* Senacherib rìgh Asiria ag ràdh, Cia as a *tha* sibh ag carbsadh, agus sibh a' fantuinn 'n 'ur daingneach ann an Ierusalem?

11 Nach 'eil Heseciah 'g 'ur comhairleachadh sibh féin a thoirt thairis gu bàs le gorta agus le tart, ag ràdh, Saoraidh an Tighearn ar Dia sinn á làimh rìgh Asiria?

12 Nach do chuir Heseciah so féin air falbh 'àitean àrda, agus 'altaireau, agus nach d'àithn e do Iudah agus do Ierusalem, ag ràdh, Fa chomhair aoin altarach sleuchdaidh sibh, agus loisgidh sibh tùis oirre?

13 Nach 'eil fhios agaibh ciod a riun mise agus maithrichean ri uile shluagh nan dùchan? an robh diathan chinneach nan tìr sin comasach air an tìr féin a shaoradh as mo làimh-sa?

14 Cò am measg uile dhiathan nan cinn-each sin a sgrios maithrichean-sa gu tur, a b'urrainn a shluagh a shaoradh as mo



làimh-sa, gu'm bitheadh bhur Dia-sa eom-  
asach air bhur saoradh as mo làimh?

15 A nis ma ta na mealladh Hececiah sibh,  
agus na comhairlicheadh e sibh mar so,  
agus na creidibh e; oir cha robh dia air  
bith cinneach no rìoghachd sam bith com-  
asach air a shluagh a shaoradh as mo  
làimh -sa, agus á làimh maithrichean;  
nach lugha gu mòr na sin is urrainn  
bhur Dia-sa bhur saoradh as mo làimh?

16 Agus labhair a sheirbhishich tuilleadh  
as so an aghaidh an Tighearna Dé, agus an  
aghaidh a sheirbhishich Hececiah.

17 Sgrìobh e mar an ceudna litrichean a  
chàincaidh an Tighearna Dé Israeil, agus a  
labhairt 'n a aghaidh, ag ràdh, Mar nach do  
shaor diathan chinneach nan dùchan an  
sluagh as mo làimh-sa, mar sin cha saor  
Dia Hececiah a shluagh as mo làimh.

18 Ghlaodh iad cuideachd le guth àrd 's a'  
ehànain Iudhaich ri sluagh Ierusalem a  
*bha* air a' bhalla, gu eagal agus buaireas  
a chur orra, chum gu'n glacadh iad am  
baile.

19 Agus labhair iad an aghaidh Dhé Ie-  
rusalem, mar an aghaidh dhiathan shluagh  
na talmhainn, oibre lannhan dhaoine.

20 Agus rinn Hececiah an rìgh, agus am  
fàidh Isaiah mac Amois, urnuigh air son so,  
agus ghlaodh iad gu nèamh.

21 Agus chuir an Tighearn aingeal uaith,  
a sgrìos na daoine eomasaeh gaisgeil uile,  
agus na ceannardan, agus na h-uachdaran  
ann an camp rìgh Asiria; uime sin phill e  
le nàire gnùise d'a thìr féin. Agus an uair  
a chaidh e steach do thigh a dhé, mharbh  
iadsan a thàinig a mach á 'innibh féin e 'n  
sin leis a' chlaidheamh.

22 Mar so shaor an Tighearn Hececiah  
agus luchd-àiteachaidh Ierusalem á làimh  
Shenacherib rìgh Asiria, agus á làimh nan  
uile, agus stiùir e iad air gach taobh.

23 Agus thug mòran tabhartais a dh'ionn-  
suidh an Tighearna gu h-Ierusalem, agus  
tiodhlacan a dh'ionnsuidh Hececiah rìgh  
Iudah; agus dh'àrdaicheadh e ann an  
sùilbhan nan uile chinneach 'n a dhéigh sin.

24 Auns na làithibh sin bha Hececiah tinn  
gu bàs, agus rinn e urnuigh ris an Tigh-  
earn: agus dh'éisd esan ris, agus thug e  
comharadh dha.

25 Ach cha d'ìoc Hececiah a ris a réir mar  
a bhuillicheadh air; oir thogadh a chridhe  
suas: agus bha fearg ris, agus ri Iudah agus  
Ierusalem.

26 Gidheadh dh'ìrioslaich Hececiah e féin  
air son uabhair a chridhe; (*araon* e féin  
agus luchd-àiteachaidh Ierusalem;) uime  
sin eha d'thàinig fearg an Tighearn 'orra  
ann an làithibh Hececiah.

27 Agus bha aig Hececiah beartas agus  
urram ro mhòr: agus rinn e dha féin ionn-  
mhasan a dh' airgid, agus a dh' òr, agus de  
ehlachaidh luachmhor, agus de spioraidh,

agus de thargaidibh, agus de gach seud  
taitneach;

28 Agus tighean-tasgaidh air son toraidh  
an arbhair, agus an fhìona, agus na h-òlaidh;  
agus tighean air son gach gnè ainmhidh,  
agus mainneircean air son nan treud.

29 Agus rinn e dha féin bailtean: agus *bha*  
scalbh chaorach agus buar *aige* ann am  
pailteas, oir thug Dia dha maoin ro mhòr.

30 Chuir Hececiah so féin mar an ceudna  
stad air sruth uisge uachdarach Ghìhoìn,  
agus thug e sìos dìreach e a làimh na  
h-àirde 'n iar do bhaile Dhaibhidh. Agus  
shoirrbhich Hececiah 'n a oibrich uile.

31 Gidheadh, a thaobh theachdairean  
uachdaran Babiloin, a chuireadh d'a ionn-  
suidh a dh'fhiosrachadh mu'n iongantais a  
bha 's an tìr, thréig Dia e g'a dhearbhadh,  
chum gu'm bitheadh fios aige air gach *ni a*  
*bha* 'n a chridhe.

32 Agus a' chuid eile de ghnìomharaibh  
Hececiah, agus a mhaithreas, feuch, *tha* iad  
sgrìobhta ann am fàistneachd Isaiah an  
fhàidh, mhic Amois, agus ann an leabhar  
rìghrean Iudah agus Israeil.

33 Agus choidil Hececiah maille r'a aith-  
richibh, agus dh'adhlac iad e ann an àrd  
àit-adhlacaidh mhac Dhaibhidh: agus thug  
Iudah uile agus luchd-àiteachaidh Ieru-  
saleim urram dha 'n uair a fhuair e bàs.  
Agus rìghich Manaseh a mhac 'n a àit.

## CAIB. XXXIII.

1 Rìoghachadh aingidh Mhanaseh. 10 Thug  
ceannardan rìgh Asiria *am* braigheanas e  
gu Babilon. 12 Dh'ìrioslaich se e féin an sin,  
agus thug Dia air ais e d'a rìoghachd. 14 A  
ghnìomharan. 20 Fhuair e bàs, agus rìghich  
Amon 'n a àit.

**D**A bhliadhna dheug a dh'aois *bha*  
Manaseh 'n uair a thòisich e air rìogh-  
achadh, agus rìghich e cùig bliadhna deug  
agus dà fhichead ann an Ierusalem.

2 Ach rinn e olc ann an sùilbhan an Tigh-  
earn', a réir ghràineilcachd nan cinneach, a  
thìlg an Tighearn a mach roinn chloinn  
Israeil.

3 Oir thog e suas a ris na h-àitean àrda a  
sgrìos Hececiah 'athair, agus chuir e suas  
altairean do Bhaalim, agus rinn e doir-  
eachan, agus shleuchd e do uile shlòigh nan  
nèamh, agus rinn e seirbhis doibh.

4 Agus thog e altairean ann an tigh an  
Tighearna, mu'n dubhairt an Tighearn,  
Ann an Ierusalem bithidh m'ainm-sa gu  
bràth.

5 Agus thog e altairean do uile shlòigh  
nan nèamh ann an dà chùirt tìghe an Tigh-  
earna.

6 Agus thug e air a chloinn dol troimh  
'n teine ann an gleam mhic Hinoim; agus  
thug e faincar àman, agus ghnàthaich o  
geasachd agus druidheachd, agus chuir o  
air chois leannain-shith agus luchd-fios-  
achd: dh'oibrich e mòr aingidheachd ann

an sùilibh an Tighearna, g'a bhrosnachadh gu feìr.

7 Agus chuir e dealbh shnaidhte, iòdhol a rinn e, ann an tigh Dhé, mu'n dubhairt Dia ri Daibhidh, agus ri Solamh a mhac, Anns an tigh so, agus ann an Ierusalem, a thagh mi a uile thruabhau Israeil, cuiridh mi m'ainm gu bràth.

8 Agus cha charuich mi cos Israeil nì's mò as an fhèaram a dh'orduich mi do bhur n-aithrichibh; ma bheir iad a mhàin an aire gu'n deau iad gach *ni* a dh'àithn mi dhoibh, a réir an lagha uile, agus nau reachd, agus nan riaghailt le làimh Mhaois.

9 Mar sin thug Manaseh air Iudah agus luchd-àiteachaidh Ierusalem dol air seacharan, gu tuilleadh uile a dheanamh na *rinn* na cinnich, a sgrìos an Tighearn roimh chloinn Israeil.

10 Agus labhair an Tighearn ri Manaseh, agus r'a shluagh; ach cha-n éisdeadh iad.

11 Uime sin thug an Tighearn orra ceannardan feachd rìgh Asiria; agus ghlac iad Manaseh ann an droighnich, agus cheangail iad e le slabhraidhibh, agus thug iad leo e gu Babilon.

12 Agus an uair a bha e ann an àmhghar dh'iarr e an Tighearn a Dhia, agus dh'ìrìslaich se e féin gu mòr 'am fianuis Dhé 'aithrichean,

13 Agus rinn e urnuigh ris, agus rinn eadh esan réidh ris, agus dh'éisd e r'a ath-chuinge, agus thug e air ais e gu h-Ierusalem d'a rìoghachd. Agus dh'aithnich Manaseh gur e'n Tighearn a's Dia ann.

14 Agus 'n a dheigh so thog e balla an taobh a muigh de bhaile Dhaibhidh, air an taobh an iar de Ghìhon anns a' ghleann, eadhon gu ruig dol a stigh geata an éisg, agus thug e mu'n cuairt air Ophel e, agus thog e suas e gu ro àrd; agus chuir e ceannardan cogaidh ann an uile bhailtibh daing-nichte Iudah.

15 Agus chuir e air falbh na diathan coimheach agus an iòdhol á tigh an Tighearn', agus na h-altairean uile a thog e ann an sliabh tighe an Tighearn', agus ann an Ierusalem, agus thilg e mach as a' bhaile *iad*.

16 Agus chàirich e altair an Tighearn', agus dh'ìobair e oirre ìobairtean-sithe agus buidheachais, agus dh'àithn e do Iudah seirbhis a dheanamh do'n Tighearn Dia Israeil.

17 Gidheadh, dh'ìobair an sluagh fathast anns na h-àitibh àrda, *ach* a mhàin do'n Tighearn an Dia.

18 Agus a' chuid eile de ghnìomharaibh Mhanaseh, agus 'urnuigh r'a Dhia, agus briathran nam fear-seallaidh a labhair ris ann an ainm an Tighearna Dé Israeil, feuch, *tha* iad sgrìobhta ann an leabhar rìghrean Israeil.

19 'Urnugh mar an ceudna, agus mar a

dh'éisdeadh ris, agus a pheacadh uile, agus 'eusaontas, agus na h-àitean anns an do thog e ionadan àrda, agus ann do chuir e suas doireachan agus dealbhan snaidhte, mu'n d'ìrìslaicheadh e, feuch, *tha* iad sgrìobhta am measg bhriathar nam fear-seallaidh.

20 Agus choidil Manaseh maille r'a aithrichibh, agus dl'adhlaid iad e 'n a thigh féin; agus rìghich a mhac Amon 'n a àit.

21 Dà bhliadhna thar fhichead a dh'aois *bha* Amon an uair a thòisich e air rìoghachadh, agus rìghich e dà bhliadhna ann an Ierusalem.

22 Agus rinn e ole ann an sùilibh an Tighearna, mar a rinn Manaseh 'athair: oir dh'ìobair Amon do na dealbhaibh snaidhte uile a rinu Manaseh 'athair, agus rinn e seirbhis doibh:

23 Agus cha d'ìrìslaich se e féin 'am fianuis an Tighearna, mar dh'ìrìslaich Manaseh 'athair e féin; ach mheudaich Amon eusaontas.

24 Agus rinn a sheirbhisich ceannaire 'n a aghaidh, agus mharbh iad e 'n a thigh féin.

25 Ach mharbh sluagh na tìre iadsan uile a rinn ceannaire an aghaidh rìgh Amoin, agus rinn sluagh na tìre Iosiah a mhac 'n a rìgh 'n a àit.

#### CAIB. XXXIV.

1 *Ghlan Iosiah Iudah agus Ierusalem o na h-àitibh àrda.* 8 *Chuir e luchd-oibre a chàradh tighe an Tighearna.* 14 *Fhuair Hileiah leabhar an lagha, agus leugh Saphan e 'an éisdeachd an rìgh.* 23 *Roimh-innis Huldah sgrìos Ierusalem.*

**O**CHD bliadhna dh'aois *bha* Iosiah 'n uair a thòisich e air rìoghachadh, agus rìghich e ann an Ierusalem aon bhliadhna deug thar fhichead.

2 Agus rinn e an *ni* a *bha* ceart ann an sùilibh an Tighearn', agus dh'imich e ann an sliagh Dhaibhidh 'athair, agus cha do chlaon e dh'ionnsuidh na làimhe deise no na làimhe clìthe.

3 Oir anns an ochdamh bliadhna d'a rìoghachadh, 'n uair a bha e fathast òg, thòisich e air Dia Dhaibhidh 'athair iarraidh, agus anns an dara bliadhna deug thòisich e air Iudah agus Ierusalem a ghlanadh o na h-àitibh àrda, agus na doireachan, agus na dealbhan snaidhte, agus na dealbhan leaghta.

4 Agus bhris iad sìos altairean Bhaalim 'n a fhianuis, agus na dealbhan grianaich a *bha* gu h-àrd os an ceann ghearr e sìos, agus na doireachan; agus na dealbhan snaidhte, agus na dealbhan leaghta bhris e 'n am mìribh, agus phroun e gu luathre, agus chrath e *i* air uaighean na muinntir a dh'ìobair dhoibh.

5 Agus loisg e cnàmhan nan sagart air an



altairibh, agus ghlan e Iudah agus Ierusalem.

6 Mar an ceudna ann am bailtibh Mhanaseh, agus Ephraim, agus Shimeoin, eadhon gu ruig Naphtali, 'n an àitibh fàsaichte mu'n cuairt.

7 Agus an uair a bhris e sìos na h-altair-eann agus na doireachan, agus a phronn e na dealbhan snaidhte gu luathre, agus a ghearr e sìos na dealbhan grianach uile air feadh tìre Israeil uile, phill e gu h-Ierusalem.

8 Agus anns an ochdamh bliadhna deug d'a rioghachadh, 'n uair a ghlan e an tìr, agus an tigh, chuir e Saphan mac Asaliah, agus Maaseiah uachdaran a' bhaile, agus Ioah mac Ioahais an seanachaidh, a chàradh tìge an Tighearn' a Dhé.

9 Agus thàinig iad gu Hilciah an t-àrd shagart, agus thugadh *dhoibh* an t-airgiod a thugadh steach do thigh Dhé, a chruinnich na Lebhithich a ghléidh na dorsan o làimh Mhanasch agus Ephraim, agus o uile fhuigheall Israeil, agus o Iudah uile, agus o Bheniamin, agus o luchd-àiteachaidh Ierusalem.

10 Agus thug iad e do làimh luchd-deanamh na h-oibre, a chuireadh os ceann tìge an Tighearn', agus thug iadsan e do'n luchd-oibre a dh'oibrich ann an tigh an Tighearn', a chàradh agus a leasachadh an tìge:

11 Thug iad e eadhon do na saoraibh agus do'n luchd-togail, a cheannach chlach snaidhte, agus fiodha chum nan ceangal, agus gu urlar a chur 's na tighibh a mhìll rìghrean Iudah.

12 Agus rinn na daoine an obair gu firinn-each: agus *b'iad* an luchd amhaire thairis orra Iahat agus Obadiah, na Lebhithich, de mhacaibh Mherari; agus Sechariah agus Mesulam, de mhacaibh nan Cohatach, a chur na h-oibre air a h-aghaidh; mar an ceudna de na Lebhithich gach neach a bha eòlach air innealaibh-ciùil.

13 *Bha iad* cuideachd os ceann luchd-ionmhair nan eallach, agus 'n an luchd amhaire thairis orra-san uile a rinn obair ann an gnè seirbhìs air bith: agus de na Lebhithich *bha* sgrìobhaichean, agus riaghladairean, agus dorsairean.

14 Agus an uair a bha iad a' toirt a mach an airgid a thugadh a steach do thigh an Tighearna, 'huair Hilciah an sagart leabhar lagha an Tighearn' an làimh-sgrìobhaidh Mhaois.

15 Agus fhreagair Hilciah, agus thubhairt e ri Saphan an sgrìobhaiche, Fhuair mi leabhar an lagha ann an tigh an Tighearna. Agus thug Hilciah an leabhar do Shaphan.

16 Agus thug Saphan an leabhar a dh'ionnsuidh an rìgh, agus dh'aithris e 'n gnothuch do'n rìgh, ag ràdh, Gach *ni* a dh'aitheadh do d' sheirbhìsiech, *tha* iad a' deanamh.

17 Chruinnich iad an t-airgiod a fhuaradh ann an tigh an Tighearn', agus thug iad e do làimh an luchd-amhaire-thairis, agus do làimh luchd-deanamh na h-oibre.

18 Agus dh'innis Saphan an sgrìobhaiche do'n rìgh, ag ràdh, Thug Hilciah an sagart leabhar dhomh. Agus leugh Saphan e an làthair an rìgh.

19 Agus an uair a chual' an rìgh briathran an lagha, reub e 'eudach.

20 Agus dh'aithn an rìgh do Hilciah, agus do Ahicam mac Shaphain, agus do Abdon mac Mhicah, agus do Shaphan an sgrìobhaiche, agus do Asaiah seirbhiseach an rìgh, ag ràdh,

21 Rachaibh, fiosaichibh de'n Tighearn air mo shon-sa, agus air an son-san a dh'fhagadh ann an Israel agus ann an Iudah, thaobh bhriathar an leabhair a fhuaradh: oir *is* mòr fearg an Tighearn', a tha air a taomadh a mach oirn, a chionnach do choimhid ar n-aithrichean focal an Tighearn', a dheanamh a réir gach *ni a tha* sgrìobhta anns an leabhar so.

22 Agus chaidh Hilciah agus *iadsan* a dh'orduich an rìgh gu Huldah a' bhan-fhàidh, bean Shalum, mhic Thicbhah, mhic Hasrah fhir-ghleiddhidh an eudaich; (a nis bha i 'chòmhnuidh ann an Ierusalem ann an oil-thigh;) agus labhair iad rithe mar sin.

23 Agus fhreagair i iad, Mar so tha'n Tighearn Dia Israeil ag ràdh, Innsibh do'n duine a chuir sibh a m'ionnsuidh-sa,

24 Mar so tha'n Tighearn ag ràdh, Feuch, bheir mise ole air an àite so, agus air a luchd-àiteachaidh, *eadhon* gach mallach-adh a *tha* sgrìobhta anns an leabhar a leugh iad 'am fianuis rìgh Iudah;

25 A chionn gu'n do thréig iad mise, agus gu'n do loisg iad tùis do dhiathaibh eile chum mo bhrosnachadh gu corruich le uile oibrìbh an làmh; uime sin taomar m'fhearg a mach air an àite so, agus cha mhùchar i.

26 Ach a thaobh rìgh Iudah, a chuir sibh a dh'fhiosrachadh de'n Tighearn, mar so their sibh ris, Mar so tha'n Tighearn Dia Israeil ag ràdh, *A thaobh* nam briathar a chual' thu,

27 A chionn gu'n do thiomach do chridhe, agus gu'n d'irioslaich thu thu féin an làthair Dhé, 'n uair a chual' thu a bhriathran an aghaidh an àite so, agus an aghaidh a luchd-àiteachaidh, agus gu'n d'irioslaich thu thu féin a'm' làthair-sa, agus gu'n do reub thu d'eudach, agus gu'n do ghul thu a'm' làthair, chuala mise mar an ceudna *thusa*, ars' an Tighearn.

28 Feuch, cruinnichid mi thu chum d'aithrichean, agus cruinnichear thu do d'uaigh 'an sìth, agus cha-n fhaic do shùilean an t-òle sin uile a bheir mise air an àite so, agus air a luchd-àiteachaidh. Agus thug iad fios a ris a dh'ionnsuidh an rìgh.

29 Agus chuir an rìgh *teachdair*ean uaith,

agus chruinnich e r'a chéile uile sheanairean Iudah agus Ierusalem.

30 Agus chaidh an rìgh suas do thigh an Tighearn', agus fir Iudah uile, agus luchd-àiteachaidh Ierusalem, agus na sagartan agus na Lebhithich, agus an sluagh uile eadar bheag agus mhòr; agus leugh e 'n an éisdeachd uile bhriathran leabhair a' choimhcheangail, a fhuaradh ann an tigh an Tighearna.

31 Agus sheas an rìgh 'n a àite féin, agus rinn e coimhcheangal 'am fianuis an Tighearna, gu'n gluaiseadh e 'n déigh an Tighearn', agus gu'n gleidheadh e àitheantan, agus a theisteis, agus a reachdan, le 'uile chridhe agus le 'uile anam, a choimhlichnadh bhriathar a' choimhcheangail, a tha sgrìobhta anns an leabhar so.

32 Agus thug e orra-san uile a fhuaradh ann an Ierusalem agus Beniamin, seasamh: agus rinn luchd-àiteachaidh Ierusalem a réir coimhcheangail Dhé, Dhé an aithrichean.

33 Agus chuir Iosiah air falbh na gràin-eileachdan uile as na tìrìbh uile a *bhuineadh* do chloinn Israeil, agus thug e orra-san uile a fhuaradh ann an Israel seirbhis a dheanamh do'n Tighearn an Dia. Ré a làithean uile cha do chlaon iad o leantuinn an Tighearna, Dhé an aithrichean.

## CAIB. XXXV.

1 *Chum Iosiah càisg do'n Tighearn ann an Ierusalem.* 20 *Chaidh e a chogadh ri rìgh na h-Eipthi, agus mharbhadh e aig Megido.* 25 *Rinn Jeremiah tuireadh air a shon.* 26 *A ghnìomharan.*

**A**GUS chum Iosiah ann an Ierusalem a' chàisg do'n Tighearn: agus mharbh iad a' chàisg air a' cheathramh là deug de'n cheud mhios.

2 Agus shuidhich e na sagartan 'n an dreuchd, agus thug e misneach dhoibh chum seirbhis tighe an Tighearna.

3 Agus thubhairt e ris na Lebhithich a theagaisg Israel uile, a *bha* naomba do'n Tighearn, Cuiribh an àire naomh anns an tigh a thog Solamh, mac Dhaibhidh, rìgh Israeil: cha *bhi* i 'n a h-eallaich air bhur guallibh: deanaibh seirbhis a nis do'n Tighearn bhur Dia, agus d'a shluagh Israel;

4 Agus deasaichibh sibh féin a réir tighe bhur n-aithrichean, a réir bhur roinnean, mar a sgrìobh Daibhidh rìgh Israeil, agus mar a sgrìobh Solamh a mhac;

5 Agus seasaihb anns an *ionad* naomh a réir roinnean theaghlach aithrichean bhur bràithrean de'n t-sluagh, agus a *réir* roinne theaghlach aithrichean nan Lebhithich;

6 Agus marbhaibh a' chàisg, agus naomhaichibh sibh féin, agus deasaichibh bhur bràithrean, chum gu'n dean *iad* a réir focail an Tighearna le làimh Mhaois.

7 Agus thug Iosiah do'n t-sluagh caoraich, uain agus minn, iad uile air son ìobairtean càisge dhoibhsan uile a bha làthair, gu ruig

deich mìle fichead an àireamh, agus trì mìle bò: iad sin de mhaoin an rìgh.

8 Agus thug na h-uachdarain aige gu co-leach do'n t-sluagh, do na sagartaibh, agus do na Lebhithich. Thug Hileiah, agus Sechariah, agus Iehiel, uachdarain tighe Dhé, do na sagartaibh, air son ìobairtean na càisge, dà mhìle agus sè ceud [caora,] agus trì cheud bò.

9 Agus thug Conaniah, agus Semaiah, agus Netaneel agus a bhràithrean, agus Hasabiah, agus Iehiel, agus Iosabad, uachdarain nan Lebhithich, do na Lebhithich air son ìobairtean na càisge, cùig mìle [caora,] agus chig ceud bò.

10 Agus dh'ulluicheadh an t-seirbhis, agus sheas na sagartan 'n an àit, agus na Lebhithich 'n an roinnibh, a réir àithne an rìgh.

11 Agus mharbh iad a' chàisg, agus chrath na sagartan [an fhuil] le'n làimh, agus dh'fhionn na Lebhithich.

12 Agus thug iad air falbh na h-ìobairtean-loisgte, chum gu'n tugadh iad seachad a réir roinnean theaghlach an t-sluaigh, a dh'ìobradh do'n Tighearn, mar *tha e* sgrìobhta ann an leabhar Mhaois: agus mar sin *rinn iad* ris a' bhuar.

13 Agus ròist iad a' chàisg le teine, a réir na riaghailt; ach bhrùich iad na *tabhartais* naomha ann am poitibh, agus ann an coir-eachaibh, agus ann an aighnibh, agus roinn siad *iad* gu grad am measg an t-sluaigh uile.

14 Agus 'n a dhéigh sin dheasaich iad dhoibh féin agus do na sagartaibh. A chionn gu'n *robh* na sagartan, mic Aaroin, ag ìobradh ìobairtean-loisgte agus na saill gu h-oidheche, nime sin dheasaich na Lebhithich dhoibh féin agus do na sagartaibh, mic Aaroin.

15 Agus *bha'n* luchd-seinn, mic Asaiph, 'n an àite féin, a réir àithne Dhaibhidh, agus Asaiph, agus Hemain, agus Iedutuin fear-seallaidh an rìgh, agus na dorsairean aig gach geata: cha-n fheumadh iad an seirbhis fhàgail, oir dheasaich am bràithrean na Lebhithich air an son.

16 Agus dheasaicheadh uile sheirbhis an Tighearn' air an là sin féin, chum a' chàisg a chumail, agus ìobairtean-loisgte ìobradh air altair an Tighearn', a réir àithne an rìgh Iosiah.

17 Agus chum clann Israeil, a bha làthair, a' chàisg 's an àm sin, agus féill an arain neoghoirtichte, seachd làithean.

18 Agus cha do chumadh a leithid sin de chàisg ann an Israel o làithibh Shamueil an fhàidh; ni mò a chum uile rìghrean Israeil a leithid de chàisg as a chum Iosiah, agus na sagartan, agus na Lebhithich, agus Iudah agus Israel uile a bha làthair, agus luchd-àiteachaidh Ierusalem.

19 Anns an ochdamh bliadhna deug ùe rìoghachadh Iosiah chumadh a' chàisg so.



20 'N a dhéigh so uile 'n uair a dheasaich Iosiah an teampull, thàinig Necho rìgh na h-Eiphit a nìos a chogadh an aghaidh Charchemis, làimh ri Euphrates: agus chaidh Iosiah a mach 'n a aghaidh.

21 Ach chuir esan teachdairean d'a ionnsuidh, agus ràdh, Ciod e mo ghnothach-sa riutsa, a rìgh Iudah? Cha-n ann a'd' aghaidh-sa *tha* mise teachd an diugh, ach an aghaidh tighe ris am bheil mi a' cogadh; agus dh'aithn Dia dhomh mi 'dheanamh cabhaig: leig dhìot a *bhi* ri Dia, a *tha* maille riumsa, chum nach sgrios e thu.

22 Gidheadh cha do thionndaidh Iosiah 'aghaidh uaith, ach dh'fhàs e ni bu déine gu cogadh 'n a aghaidh, agus cha d'éisd e ri briathraibh Necho o bheil Dhé, agus chaidh e steach a chur catha ann an gleann Mhegido.

23 Agus thilg na fir-bhogha air rìgh Iosiah; agus thubhairt an rìgh r'a sheirbhisich, Beiribh leibh mi, oir *tha* mi air mo lotadh gu mòr.

24 Agus thug a sheirblisich e as a' charbad sin, agus chuir iad e anns an dara carbad a *bha* aige; agus thug iad e gu h-Ierusalem, agus fhuair e bàs, agus dh'adhlacaidh e ann an àit-adhlac 'aithrichean: agus rinn Iudah agus Ierusalem uile caoidh air son Iosiah.

25 Agus rinn Ieremiah tuireadh air son Iosiah; agus labhair na fir-sheinn agus na mnathan-seinn uile mu thinnicholl Iosiah 'n an tuireannaibh gu ruig an là 'n diugh, agus rinn siad iad 'n an reachd ann an Israel. Agus, feuch, *tha* iad sgrìobhta ann an *leabhar* nan tuireadh.

26 Agus a' chuid eile de ghnìomharaibh Iosiah, agus a mhaithas, mar *tha* e sgrìobhta ann an lagh an Tighearna,

27 Eadhon a gliniomharan an toiseach agus mu dheireadh, feuch, *tha* iad sgrìobhta ann an leabhar rìghrean Israeil agus Iudah.

# CAIB. XXXVI.

1 Chuir rìgh na h-Eiphit Iehoahas o rìoghachadh ann an Ierusalem. 2 Rinneadh Iehoiachim 'n a rìgh 'n a àit. 6 Cheangail Nebuchadne-sar Iehoiachim chum a thoirt do Bhabilon.

14 Sgrìos na Caldéanaich Ierusalem. 22 Gairm Chiruis.

**A** Gus ghabh sluagh na tìre Iehoahas mac Iosiah, agus rinn iad 'n a rìgh e 'an àit 'athar ann an Ierusalem.

2 Tri bliadhna fichead a dh'aois *bha* Iehoahas an uair a thòisich e air rìoghachadh, agus rìghich e tri mìosan ann an Ierusalem.

3 Agus chuir rìgh na h-Eiphit e [o rìoghachadh] ann an Ierusalem, agus chuir e ceud tàlann airgid, agus tàlann òir, mar chis air an tìr.

4 Agus rinn rìgh na h-Eiphit Eliachim a bhràthair 'n a rìgh air Iudah agus Ierusalem, agus thionndaidh e 'ainm gu Ieho-

iacim. Agus ghabh Necho Iehoahas a bhràthair, agus thug e do'n Eiphit e.

5 Cùig bliadhna fichead a dh'aois *bha* Iehoiachim an uair a thòisich e air rìoghachadh, agus rìghich e aon bhliadhna deug ann an Ierusalem: agus rinn e ole ann an sùilbhan an Tighearn' a Dhé.

6 'N a aghaidh-san thàinig Nebuchadne-sar rìgh Bhabiloin a nìos, agus cheangail e ann an geimhlibh umha e, chum a thoirt do Bhabilon.

7 Thug Nebuchadne-sar mar an ceudna leis *cuid* de shoithichibh tighe an Tighearna do Bhabilon, agus chuir e iad 'n a theampull ann am Babilon.

8 Agus a' chuid eile de ghnìomharaibh Iehoiachim, agus a ghràineileachdan a rinn e, agus na fhuaradh ann, feuch, *tha* iad sgrìobhta ann an leabhar rìghrean Israeil agus Iudah. Agus rìghich Iehoiachim a mhac 'n a àit.

9 Ochd bliadhna deug a dh'aois *bha* Iehoiachim an uair a thòisich e air rìoghachadh, agus rìghich e tri mìosan agus deich làithean ann an Ierusalem; agus rinn e ole ann an sùilbhan an Tighearna.

10 Agus aig ceann na bliadhna chuir rìgh Nebuchadne-sar *daoine* uaith, agus thug e do Bhabilon e, maille ri soithichibh taitneach tighe an Tighearn'; agus rinn e Sedeciah a bhràthair 'n a rìgh air Iudah agus Ierusalem.

11 Bliadhna thar fhichead a dh'aois *bha* Sedeciah 'n uair a thòisich e air rìoghachadh, agus rìghich e aon bhliadhna deug ann an Ierusalem.

12 Agus rinn e ole ann an sùilbhan an Tighearn' a Dhé; agus cha d'irioslaich se e fèin 'am fianuis Ieremiah an fhàidh, a *labhair* o bheil an Tighearn'.

13 Agus mar an ceudna rinn e ccannairc an aghaidh rìgh Nebuchadne-sar, a thug air mionnachadh air Dia: ach rinn e a mhuineal rag, agus chruaidhich e a chridhe o thionndadh a dh'ionnsuidh an Tighearna Dhé Israeil.

14 Mar an ceudna pheacaich iadsan uile a b'airde de na sagartaibh agus de'n t-sluagh gu ro mhòr, a rèir uile ghràineileachd nan ciuneach, agus thruaill iad tigh an Tighearn', a naomhaich e ann an Ierusalem.

15 Agus chuir an Tighearn Dia an aithrichean *fios* d'an ionnsuidh le làimh a theachdairean, ag èirigh gu moch, agus a' cur uaith; a chionn gu'n robh truas aige d'a shluagh, agus d'a àite-còmhnuidh.

16 Ach rinn iadsan fauoid air teachdairibh Dhé, agus rinu iad dàimeas air a bhriathraibh, agus rinn iad truaise air fhàidhibh, agus an d'éirich fearg an Tighearn' an aghaidh a shluagh air chor as nach *robh* leigheas ann.

17 Uime sin thug e orra rìgh nan Caldéanach, a mharbh an daoine òga leis a' chlaidh-

eamh ann an tigh an *ionaid* naoimh, agus nach do chaomhain òig-fhear no òigh, seann duine no esan a bha air a chomadh leis an aois: thug e thairis iad uile 'n a làimh.

18 Agus uile shoithichean tighe Dhé, mòr agus beag, agus ionmhais tighe an Tighearn', agus ionmhais an rìgh agus 'uachdaranan, thug e leis uile do Bhabìlon.

19 Agus loisg iad tigh Dhé, agus bhris iad sìos balla Ierusalem, agus loisg iad a lùchairtean uile le teine, agus mhill iad a shoithichean taitneach uile.

20 Agus iadsan a chaidh as o'n chlàidheamh thug e leis do Bhabìlon, far an robh iad 'n an seirbhisich aige féin agus aig a mhacaibh, gus an do rìghich rìgh Phersia:

21 Chum gu'm bitheadh focal an Tighearna le beul Ieremiah air a choimhlionadh, gus am mealadh an tìr a sàbaidean:

ré na h-ùine a bha i fas, chum i sàbaidean gus an do choimhlionadh trì fichead agus deich bliadhna.

22 A nis ann an ceud bhliadhna Chiruis rìgh Phersia, chum gu'm bitheadh focal an Tighearna le beul Ieremiah air a choimhlionadh, dhùisg an Tighearn suas spiorad Chiruis rìgh Phersia, agus thug e fainear gairm a bhi air a tabhairt air feadh a rioghachd uile, agus a *chur* mar an ceudna ann an sgrìobhadh, ag ràdh,

23 Mar so tha Cìrus rìgh Phersia ag ràdh, Uile rioghachdan an domhain thug an Tighearn Dia nan nèamh dhomhsa, agus dh'aithn e dhomh tigh a thogail dha ann an Ierusalem, a *tha* ann an Iudah: ge b'e neach a *tha* 'n 'ur measg d'a shluagh uile, gu robh an Tighearn a Dhia maille ris, agus rachadh e suas.

## ESRA.

### CAIB. I.

1 Dh'ordwich Cìrus an teampull a thogail. 7 Dh'aisig e soithichean tighe an Tighearna do Shesbadsar uachdaran Iudah. 9 Aireamh nan soithichean.

**A**NIS ann an ceud bhliadhna Chiruis rìgh Phersia, chum gu'm bitheadh focal an Tighearna le beul Ieremiah air a choimhlionadh, dhùisg an Tighearn suas spiorad Chiruis rìgh Phersia, agus thug e fainear gairm a bhi air a tabhairt air feadh a rioghachd uile, agus a *chur* mar an ceudna ann an sgrìobhadh, ag ràdh,

2 Mar so tha Cìrus rìgh Phersia ag ràdh, Uile rioghachdan an domhain thug an Tighearn Dia nan nèamh dhomhsa, agus dh'aithn e dhomh tigh a thogail dha ann an Ierusalem, a *tha* ann an Iudah.

3 Ge b'e neach a *tha* 'n 'ur measg-sa d'a shluagh uile, gu robh a Dhia maille ris, agus rachadh e suas gu h-Ierusalem a *tha* ann an Iudah, agus togadh e tigh an Tighearna Dhé Israel: *is* esan an Dia, a *tha* ann an Ierusalem.

4 Agus ge b'e neach a dh'fhàgadh ann an àite sam bith far am *bheil* e air chuairt, cuidicheadh daoine 'àite leis le h-airgid, agus le h-òr, agus le maoin, agus le h-ainmhidhibh, a thuilleadh air an tabhartas saorthoil air son tighe Dhé a *tha* ann an Ierusalem.

5 An sin dh'éirich cinn aithrichean Iudah agus Bheniamin, agus na sagartan agus na Lebhithich, gach neach aig an do dhùisg Dia a spiorad gu dol suas a thogail tighe an Tighearn', a *tha* ann an Ierusalem.

6 Agus neartaich iadsan uile a *bha* mu'n cuairt doibh an làmh na soithichibh airgid,

le h-òr, le maoin, agus le h-ainmhidhibh, agus le nithibh luachmhor, a thuilleadh air gach *ni* a thugadh seachad le saor-thoil.

7 Thug mar an ceudna an rìgh Cìrus a mach soithichean tighe an Tighearn', a thug Nebuchadnesar a mach a h-Ierusalem, agus a chuir e ann an tigh a dhiathan: 8 Eadhon iad sin thug Cìrus rìgh Phersia mach le làimh Mhitredait fhir-ghleidhidh an ionmhais, agus rinn e an àireamh do Shesbadsar uachdaran Iudah.

9 Agus *is* e so an àireamh: Deich cuachan fichead òir, mìle cuach airgid, naoi sgeanan fichead,

10 Deich thar fhichead soitheach-ionnlaid òir, ceithir cheud agus deich soitheach-ionnlaid airgid de'n dara *seòrsa*, mìle de shoithichibh eile.

11 Na soithichean òir agus airgid uile, cùig mìle agus ceithir cheud: *iad sin* uile thug Sesbadsar suas maille ris na braighdibh, a thugadh suas o Bhabìlon gu h-Ierusalem.

### CAIB. II.

1 Aireamh an t-sluaigh a phill gu Ierusalem. 36 Aireamh nan sagart, 40 nan Lebhithich, 43 nan Netineach. 55 agus mhac sheirbhisich Sholaim. 68 Na tabhartais air son togail an teampull.

**A**GUS *is* iad so clann na mòr-roinne, a chaidh suas de na braighdibh, dhiubhsan a thugadh air falbh, a thug Nebuchadnesar rìgh Bhabìlon air falbh leis do Bhabìlon, agus a phill gu h-Ierusalem agus Iudah, gach fear d'a baile féin;

2 A thàinig maille ri Scrubabel, Iesua, Nehemiah, Seraiah, Realaiah, Mordecai, Bilsan, Mispar, Bigbhai, Rehun, Baanah.



AIRFAMH LHAGINE SLUAIGH ISRAEL.

3 Mic Pharois dà mhìle, ceud, tri fichead agus a dhà-dheug.  
 4 Mic Shephathiah, tri cheud, tri fichead agus a dhà-dheug.  
 5 Mic Arah, seachd ceud, tri fichead agus cùig-deug.  
 6 Mic Phahat-mhoaib, de chloinn Iesua [agus] Ioaib, dà mhìle, ochd ceud agus a dhà-dheug.  
 7 Mic Elaim, mìle, dà cheud, leth-cheud agus a ceithir.  
 8 Mic Shatu, naoi ceud, dà fhichead agus a cùig.  
 9 Mic Shacai, seachd ceud, agus tri fichead.  
 10 Mic Bhani, sè ceud, dà fhichead agus a dhà.  
 11 Mic Bhebai, sè ceud, fichead agus a tri.  
 12 Mic Asgaid, mìle, dà cheud, fichead agus a dhà.  
 13 Mic Adonicaim, sè ceud, tri fichead agus a sè.  
 14 Mic Bhigbhai, dà mhìle, da fhichead agus sè-deug.  
 15 Mic Adin, ceithir cheud, leth-cheud agus a ceithir.  
 16 Mic Ateir o Hecseciah, ceithir fichead agus ochd-deug.  
 17 Mic Bhcsai, tri cheud, fichead agus a tri.  
 18 Mic Iorah, ceud agus a dhà-dheug.  
 19 Mic Hasuim, dà cheud, fichead agus a tri.  
 20 Mic Ghibair, ceithir fichead agus cùig-deug.  
 21 Mic Bhet-leheim, ceud, fichead agus a tri.  
 22 Daoine Netophah, dà fhichead agus sè-deug.  
 23 Daoine Anatoit, ceud, fichead agus a h-ochd.  
 24 Mic Asmabheit, dà fhichead agus a dhà.  
 25 Mic Chiriat-arim, Chephirah, agus Bhecroit, seachd ceud agus dà fhichead agus a tri.  
 26 Mic Ramah agus Gheba, sè ceud, fichead agus a h-aon.  
 27 Daoine Mhichmais, ceud, fichead agus a dhà.  
 28 Daoine Bhet-eil agus Ai, dà cheud, fichead agus a tri.  
 29 Mic Nebo, dà fhichead agus a dhà-dheug.  
 30 Mic Mhagbis, ceud, leth-cheud agus a sè.  
 31 Mic Elaim cile, mìle, dà cheud, leth-cheud agus a ceithir.  
 32 Mic Harim, tri cheud agus fichead.  
 33 Mic Loid, Hadid, agus Ono, seachd ceud, fichead agus a cùig.  
 34 Mic Iericho, tri cheud, dà fhichead agus a cùig.

35 Mic Shenaar, tri mìle agus sè ceud agus deich thar fhichead.  
 36 Na sagartan: Mic Iedaiah, de thigh Iesua, naoi ceud, tri fichead agus tri-deug.  
 37 Mic Imeir, mìle, dà fhichead agus a dhà-dheug.  
 38 Mic Phasuir, mìle, dà cheud, dà fhichead agus a seachd.  
 39 Mic Harim, mìle agus seachd-deug.  
 40 Na Lebhithe: Mic Iesua agus Chad-mieil, de chloinn Hodabhiah, tri fichead agus ceithir-deug.  
 41 An luchd-seinn: Mic Asaph, ceud, fichead agus a h-ochd.  
 42 Mic nan dorsairean: Mic Shaluim, mic Ateir, mic Thalmoin, mic Acuib, mic Hattita, mic Shobai, iad uile ceud agus naoi-deug thar fhichead.  
 43 Na Netinich: Mic Shiha, mic Hasupha, mic Thabaoit,  
 44 Mic Cherois, mic Shiahah, mic Phadoim.  
 45 Mic Lebanah, mic Hagabah, mic Acuib,  
 46 Mic Hagai, mic Shalmal, mic Hanain,  
 47 Mic Ghideil, mic Ghahair, mic Reaiah,  
 48 Mic Resin, mic Necoda, mic Ghadsaim,  
 49 Mic Udsea, mic Phaseah, mic Bhesai,  
 50 Mic Asnah, mic Mhehunim, mic Neplusim,  
 51 Mic Bhacbuic, mic Hacupha, mic Harhuir,  
 52 Mic Bhasluit, mic Mhehida, mic Harsa,  
 53 Mic Bharcois, mic Shisera, mic Thamah,  
 54 Mic Nesiah, mic Hatipha.  
 55 Mic sheirbhiseach Sholaimh: Mic Shotai, mic Shophereit, mic Pheruda,  
 56 Mic Iaaiah, mic Dharcoim, mic Ghideil,  
 57 Mic Shephathiah, mic Hatil, mic Phochereit o Sheboim, mic Ami.  
 58 Na Netinich uile, agus clann sheirbhiseach Sholaimh, tri cheud, ceithir fichead agus a dhà-dheug.  
 59 Agus so iadsan a chaidh suas o Thel-melah, Telharsa, Cherub, Adan, agus Imer; ach cha b'urrainn iad tigh an athar a nochdadh agus an sliochd, am b'ann de Israel iad:  
 60 Mic Dhelaiah, mic Thobiah, mic Necoda, sè ceud, leth-cheud agus a dhà.  
 61 Agus de mhacaibh nan sagart: Mic Habaiah, mic Chois, mic Bharsillai, a ghabh bean de nigheanaibh Bharsillai a' Ghilead-aich, agus a ghoireadh air an ainm.  
 62 Dh'iarr iadsan an clàr-sgrìobhaidh 'n am measg-san a bha air an àireamh le sloinne-teireachd, ach cha d'fhuaradh iad: uime sin ghearradh as o'n t-sagartachd iad.  
 63 Agus thubhairt an Tirsata riu, nach feudadh iad itheadh de na nithibh ro naomha, gus an seasadh sagart suas le Urin agus le Tumim.  
 64 An coimhthional uile cuideachd, dà fhichead agus dà mhìle, tri cheud agus tri fichead;  
 65 A thuilleadh air an seirbhisich agus an

banoglaich, d'an *robh* ann seachd mìle, trì cheud agus seachd-deug thar fhichead; agus dhiubh-san dà cheud 'n am fearaibh agus 'n am mnàibh-seinn.

66 An eich, seachd ceud agus sè-deug thar fhichead: am muileidean, dà cheud, dà fhichead agus a cùig:

67 Au càmhalan, ceithir cheud agus cùig-deug thar fhichead: *an* asail, sè mìle, seachd ceud agus fichead.

68 Agus *thug* cuid de chinn nan aithrichean, 'n uair a thàinig iad do thigh an Tighearn' a *tha* ann an Ierusalem, seachad d'an saor-thoil air son tighe Dhé, chum a chur suas 'n a àite féin.

69 A réir an comais thug iad, gu h-ionmhas na h-oibre, trì fichead agus aon mhìle daron òir, agus cùig mìle punnd airgid, agus ceud culaidh sagairt.

70 Agus ghabh na sagartan agus na Lebhithich, agus *cuid* de'n t-sluagh, agus an luchd-seinn, agus na dorsairean, agus na Netinich, còmhuidh 'n am bailtibh, agus Israel uile 'n am bailtibh.

### CAIB. III.

1 *Thog an sluagh altair Dhé Israeil, 4 agus thug iad seachad an iobairt-loisgte lathail. 10 'N uair a leagadh bunait an teampuill mhol na sagartan agus na Lebhithich an Tighearn.*

**A** GUS an uair a thàinig an seachdamh mìos, agus clann Israeil 'n am bailtibh, chruinnich an sluagh an ceann a chéile mar aon duine gu h-Ierusalem.

2 Agus sheas Iesua mac Iosadaic suas, agus a bhràithrean na sagartan, agus Serubabel mac Shealtieil, agus a bhràithrean, agus thog iad altair Dhé Israeil, a dh'ìobradh iobairtean-loisgte oirre, mar *tha e* sgrìobhta ann an lagh Mhaois òglaich Dhé.

3 Agus shuidhich iad an altair air a bonnaibh, oir *bha* eagal orra roimh shluagh nan tìr sin; agus dh'ìobair iad iobairtean-loisgte do'n Tighearn, iobairtean-loisgte air ma-duinne agus air feasgar.

4 Agus chum iad féill nam pàillium, mar *tha e* sgrìobhta, agus dh'ìobair iad an iobairt-loisgte lathail ann an àireamh, a réir na riaghailt, a dhlighe féin air gach là;

5 Agus 'n a dhéigh sin an iobairt-loisgte ghnàthaichte, araon air na gealaichibh nomha, agus air uile fhéillibh naomhaichte an Tighearn', agus o gach neach a thug seachad gu toileach tabhartas saor-thoile do'n Tighearn.

6 O'n cheud là de'n seachdamh mìos thòisich iad air iobairtean-loisgte iobradh do'n Tighearn, 'n uair nach do leagadh *fathast* bunait teampuill an Tighearna.

7 Ach thug iad airgid do na snaidhead-airibh agus do'n luchd-ceirde; agus biadh, agus deoch, agus oladh do na Sidonaich agus do na Tioraich, a chum gu'n tugadh iad fiodh seudair o Lebanon gu muir Iopa,

a réir a' chomais a fhuair iad o Chirus rìgh Phersia.

8 Agus anns an dara bliadhna an déigh dhoibh teachd gu tigh Dhé aig Ierusalem, anns an dara mìos, thòisich Serubabel mac Shealtieil, agus Iesua mac Iosadaic, agus fuigheall ann bràithrean na sagartan agus na Lebhithich, agus iadsan uile a thàinig o'n bhraighdeanas gu h-Ierusalem; agus dh'òrduich iad na Lebhithich, o fhichead bliadhna dh'aois agus os a cheann, a chur oibre tighe an Tighearn' air a h-aghaidh.

9 Agus sheas Iesua agus a mhic agus a bhràithrean, Cadmiel agus a mhic, agus mic Iudah mar aon *duine*, a ghreasadh an luchd-oibre ann an tigh Dhé: mic Henadaid [agus] am mic agus am bràithrean na Lebhithich.

10 Agus an uair a leag an luchd-togail bunait teampuill an Tighearna, sheas na sagartan 'n an culaidhibh le trompaidibh, agus na Lebhithich, mic Asaiph, le ciombal-aibh, a mholadh an Tighearn le làimh Dhaibhidh rìgh Israeil.

11 Agus fhreagair iad a chéile ann am moladh, agus ann an tabhairt buidheachais do'n Tighearn, A chionn gu *bheil e* maith, gu *mair* a thròcair do Israeil gu bràth. Agus rinn an sluagh uile gair mhòr, an uair a mhol iad an Tighearn, a chionn gu'n do leagadh bunait tighe an Tighearna.

12 Ach *bha* mòran de na sagartaibh agus de na Lebhithich, agus de chinn nan aithrichean, seann daoine a chunnaic an ceud thigh, 'n uair a leagadh bunait an tighe so fa chomhair an sùl, a' gul le guth àrd; agus *bha* mòran a' deanamh gair gu h-àrd le h-aoibhneas:

13 Air chor as nach b'urrainn an sluagh fuaim gair an aoibhneis aithneachadh, seach fuaim gul an t-sluaigh; oir rinn an sluagh gair mhòr, agus chualas an fhuaim 'an cèin

### CAIB. IV.

1 *Ann an togail an teampuill dh'annhunnach sluagh na tìre làmhnan sluaigh Iudah. 7 Sgrìobh iad litir gu Artacerseas. 17 Freagradh Artacerseis. 23 Sguir obair tighe Dhé.*

**A** GUS chuala naimhdean Iudah agus Bheniamin gu'n *robh* clann a' bhraighdeanais a' togail an teampuill do'n Tighearn Dia Israeil:

2 Agus thàinig iad gu Serubabel, agus gu cinn nan aithrichean, agus thubhairt iad riu, Togaidh sinne maille ribh; oir tha sinne ag iarraidh bhuir Dé-sa mar sibh féin, agus dhasan *tha* sinn ag iobradh o làithibh Esar-hadoin rìgh Asiria, a thug a mìos an so sinu.

3 Ach thubhairt Serubabel agus Iesua agus a' chuid eile de cheannaibh aithrichean Israeil riu, Cha bhuin e dhuibhs e tigh a thogail maille ruinne d'ar Dia-ue; oir togaidh sinn féin 'n ar n-aonar do'n Tigh-



earn Dia Israeil, mar a dh'àithn Cyrus rìgh Phersia dhuinn.

4 Uime sin dh'annhunnach sluaigh na tìre lànhan sluaigh Iudah, agus chuir iad dragh orra anns an togail;

5 Agus thuarasdalaich iad comhairlich 'n an aghaidh, a bhacadh an rùn ré uile làithean Chiruis rìgh Phersia, eadhon gus an do rìghich Darius rìgh Phersia.

6 Agus an uair a rìghich Ahasuerus, ann an toiseach a rìoghachaidh, sgrìobh iad litir-chasaid an aghaidh luchd-àiteachaidh Iudah agus Ierusalem.

7 Agus ann an làithibh Artacserseis sgrìobh Bislam, Mitridat, Tabcel, agus a' chuid eile d'an cuideachd, gu Artacserces rìgh Phersia; agus bha sgrìobhadh na litir-cach ann an sgrìobhadh nan Sirianach, agus air a mhìneachadh anns a' chàinain Shirianaich.

8 Sgrìobh Rehun an t-àrd chomhairleach, agus Simsai an sgrìobhaiche, litir an aghaidh Ierusalem gu h-Artacserces an rìgh anns na briathraibh so:

9 An sin sgrìobh Rehun an t-àrd chomhairleach, agus Simsai an sgrìobhaiche, agus a' chuid eile de'n cuideachd, na Dinathaich, na h-Apharsachaich, na Tarpelaich, na h-Apharsaich, na h-Archebbich, na Babilonaich, na Susanchaich, na Dehabhaich, na n-Elamaich,

10 Agus a' chuid eile de na cinnich a thug Asnapar mòr agus urramach a nall, agus a shuidhich e ann am bailtibh Shemaria, agus a' chuid eile air an taobh so de'n amhainn, agus ann an leithid so a dh' àm.

11 Is e 'so ath-sgrìobhadh na litireach a chuir iad d'a ionnsuidh: Gu h-Artacserces an rìgh, do sheirbhisich, na daoine air an taobh so de'n amhainn, agus aig a leithid so a dh' àm.

12 Bitheadh fios aig an rìgh gu bheil na h-Iudhaich a thàinig a nìs uait d'ar n-ionnsuidh air teachd gu h-Ierusalem, a' togail a' bhaile cheannairich agus uile sin, agus a' cur suas a bhallachan, agus a' ceangal r'a chèile nam bunaitan.

13 Bitheadh a nìs fios aig an rìgh, ma thogar ann baile so, agus ma chuirear suas a bhallachan, nach ioc iad dlìghe, cìs, no càin, agus gu'n toir thu call air teachd-a-steach ann rìgh.

14 A nìs a chionn gu bheil sinne air ar beathachadh o'n lùchairt, agus nach 'eil e iomchuidh dhuinn easurram an rìgh fhaicinn, uime sin chuir sinn litir uamh, agus thug sinn fios do'n rìgh,

15 Chum gu'n rannsaichear ann an leabhar eachdraidh d'aithrichean, agus gu'm faigh thu anns an leabhar eachdraidh, agus gu'm bi fios agad gu bheil ann baile so 'n a bhaile ceannaircheach, agus diùbhalach do rìghribh agus do mhòr-roinnibh, agus gu'n robh iad a' deanamh buaireis 'n a mheadhon 's an

t-sean aimsir: air son so sgriosadh am baile so.

16 Tha sinn a' toirt fios do'n rìgh, ma thogar ann baile so, agus ma chuirear suas a bhallachan, an sin nach bi cuibhrionn air bith agad air an taobh so de'n amhainn.

17 Chuir an rìgh freagradh gu Rehun an t-àrd chomhairleach, agus Simsai an sgrìobhaiche, agus a' chuid eile d'an cuideachd a bha 'chòmhnuidh ann an Samaria, agus a' chuid eile an taobh thall de'n amhainn, Sìth, agus aig a leithid so a dh' àm.

18 An litir a chuir sibh a m'ionnsuidh, leughadh gu soilleir a'm làthair i.

19 Agus thugadh àithne leam, agus rannsaicheadh, agus fhuaradh a mach gu'n robh am baile so o shean ag éirigh an aghaidh rìghrean, agus gu'n d'rinneadh ceannaire agus buaireas ann.

20 Agus bha rìghrean cumhachdach ann an Ierusalem, a rìghich os an ceann-san uile air an taobh thall de'n amhainn; agus dh'ìocadh dlìghe, cìs, agus càin doibh.

21 Thugaibhse nìs àithne, a thoirt air na daoine sin sgur, agus nach togar am baile sin gus an tig ordugh uamsa.

22 Thugaibh an aire ma ta nach dean sibh mearachd an so. 'Car son a dh'fhàsadh calladh ann gu cron nan rìgh?

23 An sin an uair a leughadh ath-sgrìobhadh litireach Artacserseis an rìgh ann 'an làthair Rehuim, agus Shimsai an sgrìobhaiche, agus an cuideachd, chaidh iad le cabhaig suas gu h-Ierusalem a dh'ionnsuidh nan Iudhach, agus thug iad orra sgur leis an làimh làidir.

24 An sin sguir obair tighe Dhé, a tha ann an Ierusalem. Sguir i gus an dara bliadhna de rìoghachadh Dhariuis rìgh Phersia.

## CAIB. V.

1 *Le brosnachadh Hagai thòisich Serubabel agus Iesua air tigh Dhé a thogail. 3 Dh'fheuch Tatnai agus Setar-bosnai ri'n bacadh: 5 Thugadh a' chàis a dh'ionnsuidh Dhariuis.*

**A**CH rinn Hagai am fàidh, agus Sechariah mac Ido an fhàidh, fàidheadaireachd do na h-Iudhaich a bha ann an Iudah agus ann an Ierusalem, fàidheadaireachd dhoibh ann an ainm an Tighearna Dé Israeil.

2 An sin dh'éirich Serubabel mac Shealtiel, agus Iesua mac Isadaic, agus thòisich iad air tigh Dhé a thogail, a tha ann an Ierusalem; agus maille riu-san bha fàidhean Dhé a' cuideachadh leo.

3 Anns an àm sin fèin thàinig d'an ionnsuidh Tatnai, an t-uachdaran air an taobh so de'n amhainn, agus Setar-bosnai, agus an cuideachd, agus mar so thubhairt iad riu, Cò 'thug ordugh dhuibhse an tigh so a thogail, agus na ballachan so a dheanamh suas?

4 An sin thubhairt iad riu air an dòigh so,

Cainm a *th'* air na daoineibh a *tha* 'togail na h-aitreachb so?

5 Ach bha sùil an Dé air seanairibh nan Iudhach, agus cha d'thug iad orra sgar, gus an d'thàinig a' chùis a dh'ionnsuidh Dhariuis; agus an sin thugadh freagradh le litir mu thimchioll so:

6 Ath-sgrìobhadh na litreach a chuir Tatnai an t-uachdaran air an taobh so de'n amhainn, agus Setar-bosnai agus a chuid-eachd na h-Arphasachaich, a *bha* air an taobh so de'n amhainn, a dh'ionnsuidh Dhariuis an rìgh:

7 Chuir iad litir d'a ionnsuidh, anns an robh sgrìobhta mar so: Gu Darius an rìgh, gach uile shìochainnt.

8 Bitheadh fios aig an rìgh gu'n deachaidh sinn gu mòr-roinn Iudea, a dh'ionnsuidh tighe an Dé mhòir, a *tha* 'g a thogail le clachaibh mòra, agus *tha* fiodh air a chur anns na ballachaibh, agus *tha*'n obair so a' dol gu luath air a h-aghaidh, agus *tha* soirbheachadh leatha 'n an làmhnan.

9 An sin dh'fhedraich sinn de na sean-airibh sin, [agus] mar so thubhairt sinn riu, Cò 'thug dhuibh ordugh an tigh so a thogail, agus na ballachan so 'chur suas?

10 Agus mar an ceudna dh'fhedraich sinn an ainmean diubh, a thoirt fios duit, a chum gu'n sgrìobhamaid ainmean nan daoine a *bh'* air an ceann.

11 Agus mar so thug iad freagradh dhuinn, ag ràdh, *Is* sinne seirbhisich Dhé nan nèamh agus na talmhainn, agus *tha* sinn a' togail tighe a chaidh a thogail iomadh bliadhna roimhe so, a thog agus a chrìochnaich rìgh mòr a bh'air Israel.

12 Ach an uair a bhrosnaich ar n-aithrichean Dia nèimh gu feirg, thug e thairis iad do làimh Nebuchadnesair rìgh Bhabiloin a' Chaldèanaich, a sgrìos an tigh so, agus a thug an sluagh leis do Bhabilon.

13 Ach ann an ceud bhliadhna Chiruis rìgh Bhabiloin, thug rìgh Cirus ordugh tigh so Dhé a thogail.

14 Agus mar an ceudna soithichean òir agus airgid tighe Dhé, a thug Nebuchadnesair as an teampull a *bha* ann an Ierusalem, agus a thug e leis do theampull Bhabiloin, iad sin thug rìgh Cirus a mach á teampull Bhabiloin, agus thugadh iad do *fhear d'am* b'ainm Sesbadsar, a rinn e 'n a uachdaran;

15 Agus thubhairt e ris, Gabh na soithichean so, imich, thoir leat iad do'n teampull a *tha* ann an Ierusalem, agus bitheadh tigh Dhé air a thogail 'n a àit.

16 An sin thàinig Sesbadsar sin, agus leag e bunait tighe Dhé a *tha* ann an Ierusalem; agus o'n àm sin gus a mis *tha* e 'g a thogail, agus cha-n'èil e *futhast* crìochnaichte.

17 A mis uime sin, ma's maith leis an rìgh, deanar rannsachadh ann an tigh ionmhais an rìgh a *tha* ann am Babilon, a dh'fheuchainn an d'thugadh an t-ordugh so le rìgh Cirus, tigh so Dhé a thogail ann an Ierusalem, agus cuireadh an rìgh *fios* d'ar n-ionnsuidh *ciod i* a thoil a thaobh an *ni* so.

## CAIB. VI.

1 *Thug Darius ordugh do Thatnai agus Shetar-bosnai iad a chuideachadh le seanairibh nan Iudhach chum tigh Dhé a thogail.* 13 *Chrìochnaich na h-Iudhach an teampull.* 16 *Choirig iad e le gairdeachas.*

**A**N sin thug Darius an rìgh ordugh seachad, agus rannsaich iad ann an tigh nan leabhar, far an robh na h-ionmhais air an tasgadh ann am Babilon.

2 Agus fhuaradh ann an Achmeta, anns an lùchairt a *tha* ann am mòr-roinn nam Medach, clàr, agus mar so *bha* sgrìobhta ann gu bhi air a chumail air chuimhne.

3 Ann an ceud bhliadhna Chiruis an rìgh, thug Cirus an rìgh ordugh seachad a thaobh tighe Dhé ann an Ierusalem, Bitheadh an tigh air a thogail, an t-àit anns an d'iobair iad iobairtean, agus a bhunaitean air an suidheachadh gu làidir: àirde, trì fichead làmh-choille; a leud, trì fichead làmh-choille:

4 Tri sreathan de chlachaibh mòra, agus sreath de fhiodh ùr; agus iocar an costus á tigh an rìgh.

5 Agus mar an ceudna aisigear soithichean òir agus airgid tighe Dhé, a thug Nebuchadnesar as an teampull a *tha* ann an Ierusalem, agus a thug e leis do Bhabilon, agus thugar a ris iad do'n teampull a *tha* ann an Ierusalem, *gach aon* d'a àit féin, agus suidhich iad ann an tigh Dhé.

6 A nis a Thatnai, uachdaran air an taobh thall de'n amhainn, a Shetar-bosnai, maille ri r cuideachd na h-Arphasachaich a *tha* air an taobh thall de'n amhainn, bithibhse fada o sin:

7 Leigibh le obair tighe so Dhé: togadh uachdaran nan Iudhach, agus seanairean nan Iudhach, tigh so Dhé 'n a àit.

8 Agus *tha* mise a' toirt ordugh a thaobh na ni sibh ri seanairibh nan Iudhach sin, chum tigh so Dhé a thogail; eadhon gu'n tugar de mhaoin an rìgh, de'n chis air an taobh thall de'n amhainn, costus air ball do na daoineibh sin, a chum nach cuirear bacadh orra.

9 Agus na *tha* dh'easbhuidh orra, araon tairbh òga, agus reitheachan, agus uain, air son iobairtean-loisgte Dhé nèimh, cruithneachd, salann, fion, agus oladh, a réir ordugh nan sagart a *tha* ann an Ierusalem, thugar gu cinnteach dhoibh o là gu là, gun fhàillinn;

10 A chum gu'n toir iad seachad tabhartais deadh-bholaigh do Dhia nèimh, agus



gu'n dean iad urnuigh air son beatha an rìgh agus a mhaic.

11 Mar an ceudna thug mi seachad ordugh, ge b'e neach a dh'atharraicheas am focal so, gu'n spìonar sìos fiodh as a thigh, agus an uair a chuirear suas e, gu'n crochar air e, agus gu'n deanar a thigh 'n a dhùnan air son so.

12 Agus an Dia a thug air 'ainm còmh-nuidh a ghabhail an sin, gu'n sgriosadh esan na rìghrean sin uile, agus an sluagh a shìneas a mach an làmh a dh'atharrachadh agus a sgrios tighe Dhé a *tha* ann an Ierusalem. Thug mise Darius ordugh seachad; deantar an ni gu luath.

13 An sin rinn Tatnai an t-uachdaran air an taobh so de'n amhainn, Setar-bosnai, agus an cuideachd, gun dàil a réir an *fhios* a chuir Darius an rìgh uath.

14 Agus thog seanaisrean nan Iudhach, agus shoirbhich leo a réir fàidheadaireachd Hagai an fhàidh, agus Shechariah mhic Ido; agus thog iad agus chrìochnaich iad, a réir àithne Dhé Israeil, agus a réir àithne Chiruis agus Dhariuis, agus Artacerseis rìgh Phersia.

15 Agus chrìochmaicheadh an tigh so air an treas là de'n mhìos Adar, a *bha* anns an t-seathamh bliadhna de rìoghachadh Dhariuis an rìgh.

16 Agus chum clann Israeil, na sagartan agus na Lebhithich, agus a' chuid eile de chloinn a' bhraighdeanais, coisreagadh tighe so Dhé le gairdeachas;

17 Agus dh'ìobair iad aig coisreagadh tighe so Dhé, ceud tarbh òg, dà cheud reithe, ceithir cheud uan; agus mar iobairt-phèacaidh air son Israeil uile, dà bhoc dheug ghaibhre, a réir àireimh threubh Israeil.

18 Agus shuidhich iad na sagartan 'n an roinnibh, agus na Lebhithich 'n an sealaihbh, air son seirbhìs Dhe, a *tha* ann an Ierusalem; mar tha e sgrìobhta ann an leabhar Mhaois.

19 Agus chum clann a' bhraighdeanais a' chàisg air a' cheathramh là deug de'n cheud mhìos.

20 Oir ghlanadh na sagartan agus na Lebhithich le 'chéile: *bha* iad uile glan, agus mharb iad a' chàisg do chloinn a' bhraighdeanais uile, agus d'am bràithribh na sagartaihbh, agus dhoibh féin.

21 Agus dh'ith clann Israeil a thàinig air an ais o'n bhraighdeanas, agus iadsan uile a dhealaich iad féin d'an ionnsuidh o shalchar chinneach na tìre, a dh'iarraidh an Tighearna Dhé Israeil.

22 Agus chum iad féill an arain neo-ghoirichte seachd làithean le h-aobhneas: oir rinn an Tighearna aoibhinn iad, agus thionndaidh e cridhe rìgh Asiria d'an ionnsuidh, a' neartachadh an làmhann ann an obair tighe Dhé, Dhé Israeil.

1 *Ginealach Esra o Aaron. 6 Chaidh Esra suas o Bhabilon gu h-Ierusalem. 11 A' sgrìobhadh na litreach a thug Artacerseis dha. 27 Bheannaich Esra Dia.*

**A** GUS an dèigh nan nithean sin, ri linn Artacerseis rìgh Phersia, *chaidh* Esra mac Sheraiah, mhic Asariah, mhic Hileiah,

2 Mhic Shaluum, mhic Shadoic, mhic Ahituib,

3 Mhic Amariah, mhic Asariah, [mhic Iohannain, mhic Asariah, mhic Ahimaais, mhic Shadoic, mhic Ahituib, mhic Amariah,] mhic Mheraoit,

4 Mhic Sheraiah, mhic Udsi, mhic Bhuci,

5 Mhic Abisua, mhic Phinehais, mhic Eleasair, mhic Aaron an àrd shagairt:

6 Chaidh Esra so suas o Bhabilon, agus e 'n a sgrìobhaiche deas ann an lagh Mhaois, a thug an Tighearna Dia Israeil seachad: agus thug an rìgh dha, a chionn gu'n robh làmh an Tighearna' a Dhé air, 'iarrtus uile.

7 Agus chaidh *cuid* de chloinn Israeil, agus de na sagartaihbh, agus de na Lebhithich, agus de'n luchd-seinn, agus de na dorsairibh, agus de na Netinich, suas gu h-Ierusalem, anns an t-seachdamh bliadhna de Artacerseis an rìgh.

8 Agus thàinig e gu h-Ierusalem anns a' chùigeamh mìos, a *bha* anns an t-seachdamh bliadhna de'n rìgh.

9 Oir air a' cheud là de'n cheud mhìos thòisich e air dol suas o Bhabilon, agus air a' cheud là de'n chùigeamh mìos thàinig e gu h-Ierusalem, a chionn gu'n robh làmh mhaith a Dhé air.

10 Oir dh'ulluich Esra a chridhe a dh'iarraidh lagha an Tighearna', agus g'a dheanamh, agus a theagasg ann an Israel reachdan agus bhreitheanas.

11 Agus *is* e so ath-sgrìobhadh na litreach a thug rìgh Artacerseis do Esra an sagart, sgrìobhaiche, sgrìobhaiche briathar aitheantan an Tighearna', agus a reachdan do Israel:

12 Artacerseis rìgh nan rìgh, gu Esra an sagart, sgrìobhaiche lagha Dhé nan nàmh, gach uile *shìth*, agus 'n a leithid so a dh' àm.

13 Tha mi a' toirt orduigh, iadsan uile ann an rìoghachd de shluagh Israeil, agus d'a shagartaihbh, agus d'a Lebhithich, leis an àill triall do h-Ierusalem, gu'n téid iad maille riut-sa:

14 A thaobh gu'n do chuireadh thu leis an rìgh, agus le 'sheachd luchd-comhairle, a dh'fhiosrachadh mu thimchioll Iudah agus Ierusalem, a réir lagha do Dhé a *tha* ann ad làmh;

15 Agus a thoirt leat an airgid agus an òir, a thug an rìgh agus a luchd-comhairle d'an toil féin do Dhia Israeil, aig *am bheil* àite-còmhnuidh ann an Ierusalem;

16 Agus an airgid agus an òir uile a gheibh thu ann an uile mhòr-roinn Bhabiloin, maille ri tabhartas saor-thoile an t-sluaigh agus nan sagart, a' toirt seachad d'an saor-thoil air son tighe an Dé, a *tha* ann an Ierusalem:

17 A chum gu'n ceannaich thu air ball leis an airgid so tairbh òga, reitheachan, uain, agus an tabhartais-bidh, agus an tabhartais-dìbhe, agus gu'n ìobair thu iad air altair tighe bhuir Dé a *tha* ann an Ierusalem.

18 Agus ge b'e ni a's maith leat féin agus le d' bhràithribh a dheanamh leis a' chuid eile de'n airgid agus de'n òr, a réir toile bhuir Dé deanaibh.

19 Na soithichean mar an ceudna a *tha* air an tabhairt duit, air son seirbhìs tighe do Dhé, thoir seachad 'am fianuis Dhé Ierusalem.

20 Agus ge b'e ni tuilleadh a bhios feumail air son tighe do Dhé, a chi thu aobhar air a bhuileachadh, builich e á tigh-ionmhais an rìgh.

21 Agus *tha* mise, mise féin Artaceserses an rìgh, a' toirt orduigh do uile luchd-coimhead an ionmhais a *tha* air an taobh thall de'n amhainn, ge b'e ni a dh'iarras Esra an sagart, sgrìobhaiche lagha Dhé nan nèamh oirbh, gu'n deantar air ball e;

22 Gu ruig ceud tàlann airgid, agus gu ruig ceud tomhas cruithneachd, agus gu ruig ceud bat fìona, agus gu ruig ceud bat olaidh, agus salann gun àireamh.

23 Gach ni a *tha* a réir àithne Dhé nan nèamh, deantar gu cùramach e do thigh Dhé nan nèamh, air eagal gu'm bi fearg an aghaidh rioghachd an rìgh agus a mhac.

24 Mar an ceudna *tha* sinn a' toirt fios duibh a thaobh nan sagart uile agus nan Lebhithich, an luchd-seinn, nan dorsair, nan Netineach, no sheirbhiseach tighe so Dhé, nach feudar dìghe, cìs, no càin a chur orra.

25 Agus suidhich thusa, Esra, a réir gliocais do Dhé, a *tha* ann ad làimh, uachdaran, agus breitheamhnan, a bheirbreth air an t-sluaigh uile a *tha* air an taobh thall de'n amhainn, orra-san uile d'an aithne laghan do Dhé; agus teagaisgibh iadsan do nach aithne iad.

26 Agus gach neach nach dean a réir lagha do Dhé agus lagha an rìgh, deantar breitheanas air ball air, ma's ann a chum bàis, no chum fògraidh, no chum ùbhlaidh, no chum prìosain.

27 Beannaichte *gu robh* an Tighearn Dia ar n-aithrichean, a chuir mar so ann an cridhe an rìgh, a dheanamh maiseach tighe an Tighearn', a *tha* ann an Ierusalem;

28 Agus a fhuair tòcrair dhomhsa 'am fianuis an rìgh agus a luchd-comhairle, agus 'am fianuis uile uachdaran cumhachdach an rìgh: agus neartaichadh mi a clionn gu'n

robh làmh an Tighearna mo Dhé orm; agus chruinnich mi á h-Israel daoine taghta gu dol suas maille rium.

CAIB. VIII.

1 *Aireamh an t-sluaigh a phill maille ri Esra o Bhabilon.* 15 *Chuir Esra fios gu Ido air son sheirbhiseach a fhrìthealadh do thigh Dhé.* 24 *Chuir e ionmhasan an teampull fo làimh nan sagart.*

**A**GUS is iad so cinn an aithrichean, agus an àireamh a réir an ginealach, a chaidh suas maille rium o Bhabilon, ri linn Artaceserses an rìgh:

2 De mhacaibh Phinehais; Gersom: de mhacaibh Itamair; Daniel: de mhacaibh Dhaibhidh; Hatus.

3 De mhacaibh Shechaniah; \*\*\*\*: de mhacaibh Pharois; Sechariah: agus maille risan *bha* air an àireamh a réir an ginealach de fhrìonnaich ceud, agus leth-cheud.

4 De mhacaibh Phahat-mhoib; Elioenai mac Sherahiah, agus maille ris dà cheud frìonnaich.

5 De mhacaibh [Shatu:] Sechaniah mac Iahasiel, agus maille ris tri cheud frìonnaich.

6 Agus de mhacaibh Adin; Ebed mac Ionatain, agus maille ris leth-cheud frìonnaich.

7 Agus de mhacaibh Elaimh; Iesaiiah mac Ataliah, agus maille ris tri fichead agus deich frìonnaich.

8 Agus de mhacaibh Shephatiah; Sebadiah mac Mhicheail, agus maille ris ceithir fichead frìonnaich.

9 De mhacaibh Ioaib; Obadiah mac Iehiel, agus maille ris dà cheud, agus ochd frìonnaich dheug.

10 Agus de mhacaibh [Bhani:] Selomit mac Iosiphiah, agus maille ris ceud, agus tri fichead frìonnaich.

11 Agus de mhacaibh Bhebai; Sechariah mac Bhebai, agus maille ris ochd frìonnaich thar fhichead.

12 Agus de mhacaibh Asgaid; Iohanan, mac Hacatain, agus maille ris ceud, agus deich frìonnaich.

13 Agus de mhacaibh deireannach Adoniacaim; agus is iad so an ainmean, Eliphelet, Ieiel, agus Semaiah, agus maille riu tri fichead frìonnaich.

14 Agus de mhacaibh Bhigbhai; Utai agus Sabud, agus maille riu tri fichead agus deich frìonnaich.

15 Agus chruinnich mi iad a dh'ionnsuidh na h-ainhne a *tha* teachd gu Ahabha, agus an sin dh'fhan sinn ann am bùthaibh tri làithean, agus ghabh mi beachd de'n t-sluaigh, agus de na sagartan, agus cha d'fhuair mi'n sin a h-aon de mhacaibh Lebhi.

16 An sin chuir mi fios air Elieser, air Ariel, air Semaiah, agus air Elnatan, agus air Natan, agus air Sechariah, agus air Mesu-



lam, prìomh dhaoine; agus air Ioiarib, agus air Elnatan, daoine tuigseach.

17 Agus chuir mi iad le h-àithne gu Ido an ceann, aig àit Chasiphia, agus dh'innis mi dhoibh cìod a theireadh iad ri Ido, [agus] r'a bhràithribh na Netinich aig àit Chasiphia, gu'n tugadh iad d'ar n-ionnsuidh seirbhisich air son tighe ar Dé.

18 Agus le làimh mhaith ar Dé oirnn thug iad d'ar n-ionnsuidh Is-sechel, de mhacaibh Mhahli, mhic Lebhi, mhic Israeil, agus Serebiah agus a mhic agus a bhràithrean, ocd *fir* dheug;

19 Agus Hasabiah, agus maille ris Iesaiah de mhacaibh Mherari, a bhràithrean, agus am mic, fichead;

20 Agus de na Netinich a dh'orduich Daibhidh agus na h-uachdarain air son seirbhis nan Lebhitheach, dà cheud agus fichead Netineach: ghoireadh iad uile air an ainm.

21 An sin ghairm mi trasgadh 's an àite sin aig amhainn Ahabha, chum gu'n irios-laicheamaid sinn féin 'am fianuis ar Dé, a dh'iarraidh air slighe cheirt dhuinn féin, agus d'ar cloinn bhig, agus d'ar maoin uile.

22 Oir bu nàr leam buidheann shaighdear agus marc-shluagh iarraidh air an rìgh, a chuideachadh leinn an aghaidh an nàmhaid air an t-slighe; a chionn gu'n do labhair sinn ris an rìgh, ag ràdh, Tha làmh ar Dé chum maith orra-san uile a dh'iarraas e, ach a chumhachd agus 'fhearg 'n an aghaidh-san uile a thréigeas e.

23 Uime sin thraisg sinn, agus dh'iarr sinn ar Dia air son so, agus dh'éisd e rìr n-ath-chuinge.

24 An sin chuir mi air leth dà fhear dheug dhiubhsan a b'airde de na sagart-aihb, Serebiah, Hasabiah, agus deichnear d'am bràithribh maille riu;

25 Agus thomhais mi dhoibh an t-airgid, agus an t-òr, agus na soithichean, tabhartas tighe ar Dé, a thug an rìgh, agus a luchd-comhairle, agus a dhaoine mòra, agus Israel uile a bha làthair, seachad;

26 Thomhais mi eadhon d'an làimh sè ceud agus leth - cheud tàlann airgid, agus de shoitlichibh airgid ceud tàlann, agus ceud tàlann òir;

27 Agus fichead cuach òir de mhìle darcon; agus dà shoitheach a dh'umha buidh maith, luachmhor mar òr.

28 Agus thubhairt mi riu, *Tha* sibhse naomha do'n Tighearn, agus na soithichean naomha, agus an t-airgid agus an t-òr 'n a thabhartas saor-thoile do'n Tighearn Dia bhuir n-aithrichean.

29 Deanaibh faire, agus coimheadaibh, gus an cothromaich sibh *iad* 'am fianuis uachdarain nan sagart, agus nan Lebhitheach, agus uachdarain aithrichean Israeil ann an Ierusalem, ann an scomraichibh tighe an Tighearna.

30 Uime sin ghabh na sagartan agus na Lebhitich cothrom an airgid agus an òir, agus nan soitheach, chum an tabhairt gu h-Ierusalem a dh'ionnsuidh tighe ar Dé.

31 Agus dh'imich sinn o amhainn Ahabha air an dara là deug de'n cheud mhìos, gu dol do h-Ierusalem; agus bha làmh ar Dé oirnn, agus shaor e sinn o làimh an nàmhaid, agus o'n *làmh*-san a bha 'deanamh feall-fholach air an t-slighe.

32 Agus thàinig sinn gu h-Ierusalem, agus dh'fhan sinn an sin trì làithean.

33 Agus air a' cheathramh là thomhais eadh an t-airgid agus an t-òr, agus na soithichean ann an tigh ar Dé, le làimh Mheremot mhic Uriah an t-sagairt, agus maille ris bha Eleasar mac Phinechais, agus maille riu-san Iosabab mac Iesua, agus Noadiah mac Bhinui, Lebhitich:

34 A réir àireimh agus a réir tomhais nan uile: agus sgrìobhadh an tomhas uile 's an àm sin.

35 Thug clann na muinntir a thugadh air falbh, agus a thàinig o'n bhraighdeanas, seachad iobairtean-loisgte do Dhia Israeil, dà tharbh dheug òg air son Israeil uile, ceithir fichead reithe agus sè deug, trì fichead uan agus seachd deug, dà bhoc dheug ghaibhre mar iobairt-phèacaidh: iad uile 'n an iobairt-loisgte do'n Tighearn.

36 Agus thug iad seachad orduighean an rìgh do àrd riaghlairibh an rìgh, agus do na h-uachdaranaibh air an taobh so de'n amhainn; agus chuir iadsan an sluagh agus tigh Dhé air an aghaidh.

## CAIB. IX.

1 *Rinn Esra caoidh a chionn gu'n do ghabh sluagh Israeil d'an ionnsuidh mnathan coimheach. 5 Dh'irioslaich se e féin, agus rinn e urnuigh ri Dia.*

**A**GUS an uair a rinneadh na nithean sin, thàinig na h-uachdarain 'a m' ionnsuidh, ag ràdh, Cha do dhealaich sluagh Israeil, agus na sagartan, agus na Lebhitich iad féin o shluagh na tìre, a' *deanamh* a réir an gràineileachd, eadhon nan Canaanach, nan Hitcach, nam Peridseach, nan Iebusach, nan Amonach, nam Moabach, nan Eiphiteach, agus nan Amorach.

2 Oir ghabh iad d'an nighcnaibh dhoibh féin agus d'am macaibh, agus mheasg an sliochd naomh iad féin ri sluagh nan tìr: agus bha làmh nan uachdarain agus nan riaghlair air thoiseach amas a' chionta so.

3 Agus an uair a chuala mi an nì so, reub mi m'eadach, agus m'fhalluinn, agus spion mi *cuid* de ghruaig mo chinn agus m'fheusag, agus shuidh mi sìos fo uamhann.

4 An sin chruinnicheadh 'a m' ionnsuidh iadsan uile a chrìochnaich roimh bhriathraibh Dhé Israeil, air son euceirt na muinntir a thugadh air falbh; agus shuidh mi fo uamhann gu ruig an iobairt-fheasgair.

5 Agus aig an ìobairt-fheasgair dh'èirich mi o m' thùirse, le m'endach agus m'fhalluinn reubta umam, agus leag mi mi féin air mo ghluinibh, agus sgaoil mi mach mo làmhnan a dh'ionnsuidh an Tighearna mo Dhé,

6 Agus thubhairt mi, O mo Dhia, *tha nàir'* orm agus rudhadh gruaidh m'aghaidh thogail riutsa, mo Dhia: oir tha ar n-euceartan air fas lìonmhor os ar ceann, agus tha ar cionta air éirigh suas gu nèamh.

7 O làithibh ar n-aithrichean *bha* sinn ann an cionta mhòir guruig an là 'n diugh, agus air son ar n-euceartan thugadh thairis sinn féin, ar rìghrean, ar sagartan do làimh rìghrean nan tìr, do'n chlàidheamh, do dhaorsa, agus do chreachadh, agus do nàire gnùise, mar air an là 'n diugh.

8 Agus a nis car tamuill bhig nochdadh gràs o'n Tighearn ar Dia, a dh'fhàgail duinn fuighill, agus a thabhairt tàirnge dhuinn 'n a ionad naomh, chum gu'n soillsicheadh ar Dia ar sùilean, agus gu'n tugadh e dhuinn beagan beothachaidh 'n ar daorsa:

9 Oir *bha* sinne 'n ar tràillibh, gidheadh 'n ar daorsa cha do thréig ar Dia sinn, ach fhuair e tròcair dhuinn ann an sùilibh rìghrean Persia, a thoirt duinn ath-bheothachaidh a chur suas tighe ar Dé, agus a leasachadh na mhilleadh ann, agus a thoirt duinn balla ann an Iudah agus ann an Ierusalem.

10 Agus a nis, O ar Dia, ciod a their sinn an déigh so? oir thréig sinn d'àitheantan,

11 A dh'àithn thu le d' sheirbhisich na fàidhean, ag ràdh, *Tha'n* talamh d'am bheil sibh a' dol g'a shealbhachadh, 'n a thalamh neòghlan le neòghloine shluaigh nan tìr, le'n gràineileachdaibh, a lìon e o cheann gu ceann le'n salachar.

12 A nis ma ta na tugaibh bhuir nigh-eanan d'am macaibh, agus an nigheanan-san na gabhaibh do bhuir macaibh-sa, agus na h-iarraibh an sith, no an saobhbheas gu bràth; chum gu'm bi sibh làidir, agus gu'n ith sibh maith an fhearainn, agus gu'm fàg sibh e 'n a oighreachd do'r cloinn gu bràth.

13 Ach an déigh gach *ni* a thàinig oirnn air son ar droch oibre, agus air son ar cionta mhòir, o nach d'rinn thusa ar Dia peanas oirnn a réir ar droch thoillteanais, agus gu'n d'thug thu dhuinn a leithid so de shaorsa;

14 Nam briseamaid a ris d'àitheantan, agus nan deanamaid cleamhnas ri sluagh nan gràineileachd sin, nach bitheadh fearg ort ruinn gus an cuireadh tu as *duinn*, air chor as nach *bitheadh* fuigheall no dol as ann?

15 A Thighearna Dhé Israeil *is* ceart thusa, oir tha fuigheall a làthair dhinn, mar air an là 'n diugh. Feuch, *tha* sinn a'd' fhianuis 'n ar peacaidhean: oir cha-n urrainn sinn seasamh a'd' fhianuis air son so.

1 *Thug* Sechaniah misneach do Esra, agus *cham-hàirlich* e na mnathan coimheach a chur air falbh. 7 Chruinnicheadh an sluagh gu h-Ierusalem, 9 agus dh'aidich iad am peacaidhean. 18 Aireamh na muinntir a ghabh dhoibh féin mnathan coimheach.

A NIS an uair a rinn Esra urnuigh, agus a dh'aidich e, a' gul, agus 'g a thilg-eadh féin sìos fa chomhair tighe Dhé, chruinnich d'a ionnsuidh á h-Israel comh-chruinneachadh ro mhòr de fhearaibh, agus de mhnàibh, agus de chloinn; oir ghuil an sluagh gu mòr.

2 Agus labhair Sechaniah mac Iehieil, *aon* de mhacaibh Elaim, agus thubhairt e ri h-Esra, Pheacaich sinn an aghaidh ar Dé, agus ghabh sinn d'ar n-ionnsuidh mnathan coimheach de shluagh na tìre: ach a nis tha dòchas aig Israel a thaobh an ni so.

3 A nis uime sin deanamaid coimhcheangal ri'r Dia, na mnathan uile a chur uainn, agus iadsan a rugadh leo, a réir comhairle mo thighearna, agus na muinntir a chrìoth-naicheas roimh àithne ar Dé, agus deanar a réir an lagha.

4 Eirich; oir dhuitse *buinidh* an ni so, agus *bithidh* sinne maille riut: gabh misneach, agus dean.

5 Agus dh'èirich Esra, agus thug e air na h-àrd shagartaibh, na Lebhithich, agus Israel uile mionnachadh, gu'n deanadh iad a réir an fhocail so; agus mhionnaich iad.

6 An sin dh'èirich Esra o làthair tighe Dhé, agus chaidh e do sheòmar Iohanain, mhic Èlíasib: agus an uair a thàinig e 'n sin, cha d'ith e aran, agus cha d'òl e uisge; oir rian e bròn air son cionta na muinntir a thugadh air falbh.

7 Agus thug iad gairm air feadh Iudah agus Ierusalem, do uile chloinn a' bhraigh-deanais, iad a chruinneachadh an ceann a chèile gu h-Ierusalem;

8 Agus ge b'e neach nach tigeadh 'an ceann thri làithean, a réir comhairle nan uachdaran agus nan seanair gu'n tugtadh uait a mhaoin uile, agus gu'm bitheadh e féin air a dhealachadh o chomhchruinneachadh na muinntir a thugadh air falbh.

9 Agus chruinnicheadh fir Iudah agus Bheniamin uile gu h-Ierusalem 'an ceann thri làithean: *bha* e *anns* an naothamh mìos, air an fhicheadamh là de'n mhìos: agus shuidh an sluagh uile ann an sràid tighe Dhé, air chrith air son an ni so, agus air son an uisge mhòir.

10 Agus dh'èirich Esra an sagart, agus thubhairt e ri u, Pheacaich sibh, agus ghabh sibh dhuibh féin mnathan coimheach a mheudachadh peacaidh Israeil.

11 A nis ma ta deanaibh aidmheil do'n Tighearn Dia bhuir n-aithrichean, agus coimh-lionaibh a thoil; agus dealaichibh sibh féin o shluagh na tìre, agus o na mnàibh coimheach.



12 Agus fhreagair an coimhthional uile, agus thubhairt iad le guth àrd, Mar sin, a réir d'fhocail, *tha e ceangailte* oirrne a dheanamh.

13 Ach *tha'n* sluagh lionmhor, agus *is* àm mòr uisge e, agus cha-n urrainn sinn seasamh a muigh, agus cha-n obair aoin là, no dà là so; oir tha sinn lionmhor a pheacaich anns an ni so.

14 Seasadh a nis ar n-uachdarain de'n choimhthional uile, agus aig àmaibh suidhichte thigeadh iadsan uile 'n ar bailtibh a ghabh dhoibh féin mnathan coimheach, agus maille riu seanairean gach baile, agus a bhreitheamhnan, gus an tionndaidhear fearg laiste ar Dé uainn a thaobh an ni so.

15 Sheas a mhàin Ionatan mac Asaheil, agus Iahasiah mac Thiebhal, air son so: agus chuidich Mesulam agus Sabetai an Lebhithcach leo.

16 Agus riun clann a' bhraighdeanais mar sin: agus dhealaicheadh Esra an sagart, agus cinn àraidh nan aithrichean a réir tighe an aithrichean, agus iad uile a réir an ainmean, agus shuidh iad sìos air a' cheud là de'n deicheamh mìos a rannsachadh na cuise.

17 Agus chrìochnaich iad a thaobh nan daoine uile a ghabh dhoibh féin mnathan coimheach, air a' cheud là de'n cheud mìos.

18 Agus am measg mhac nan sagart fhuaradh a ghabh dhoibh féin mnathan coimheach: De mhacaibh Iesua, mhic Iosadaic, agus a bhràithrean; Maaseiah, agus Elieser, agus Iarib, agus Gedaliah.

19 Agus thug iad an làmhlan gu'n cuireadh iad uatha am mnathan: agus air dhoibh bhi ciontach, *thug iad* reithe de'n treud air son an cionta.

20 Agus de mhacaibh Imeir; Hanani, agus Sebadiah.

21 Agus de mhacaibh Harim; Maaseiah, agus Eliah, agus Semaiah, agus Iehiel, agus Udsiah.

22 Agus de mhacaibh Phasuir; Elioenai, Maaseiah, Ismael, Netancel, Iosabad, agus Elasah.

23 Agus de na Lebhithich; Iosabad, agus Simeì, agus Celaiah, (*is e sin Celita*), Petaiah, Iudah agus Elieser.

24 Agus de'n luchd-seinn; Eliasib: agus de na dorsairibh; Salum, agus Telem, agus Uri.

25 Agus de Israel: De mhacaibh Pharois; Ramaiah, agus Iesiah, agus Malchiah, agus Miamin, agus Eliaser, agus Malchiah, agus Benaiah.

26 Agus de mhacaibh Elaim; Mataniah, Sechariah, agus Iehiel, agus Abdi, agus Ierimot, agus Eliah.

27 Agus de mhacaibh Shatu; Elioenai, Eliasib, Mataniah, agus Ieremot, agus Sabad, agus Asisa.

28 Agus de mhacaibh Bhebai; Iehohanan, Hananiah, Sebai, agus Atlai.

29 Agus de mhacaibh Bhani; Mesulam, Maluch, agus Adaiah, Iasub, agus Seal, agus Ramot.

30 Agus de mhacaibh Phahat-mhoibh; Adna, agus Chelal, Benaiah, Maaseiah, Mataniah, Besaleel, agus Binui, agus Manaseh.

31 Agus de mhacaibh Harim; Elieser, Isiah, Malchiah, Semaiah, Simeon,

32 Benjamin, Maluch, agus Semariah.

33 De mhacaibh Hasum; Matenai, Matatah, Sabad, Eliphelet, Ieremai, Manaseh, agus Simeì.

34 De mhacaibh Bhani; Maadai, Amram, agus Uel,

35 Benaiah, Bedaiah, Cheluh,

36 Bhaniah, Meremot, Eliasib,

37 Mataniah, Matenai, agus Iasau,

38 Agus Bani, agus Binui, Simeì,

39 Agus Selemiah, agus Natan, agus Adaiah,

40 Machnadebai, Sasai, Sarai,

41 Asareel, agus Selemiah, Semariah,

42 Salum, Amariah, agus Ioseph,

43 De mhacaibh Nebo; Ieiel, Matitiah, Sabad, Sebina, Iadau, agus Ioel, Benaiah.

44 Ghabh iad sin uile dhoibh féin mnathan coimheach: agus aig cuid diubh bha mnathan ris an robh clann aca.

## NEHEMIAH.

### CAIB. I.

1 'N uair a chuala Nehemiah iomradh air doilgheas nan Iudhach a dh'fhàgadh de'n bhaighdeanas thraisg e, agus rinn e bròn 'am fànuis Dhé. 5 Urnuigh Nehemiah.

BRIATHRAN Nehemiah mhic Hachaliah. Agus tharladh anns a' mhìos Chisleu, anns an fhicheadamh bliadhna, 'u uair a bha mi ann an Susan an lùchairt,

2 Gu'n d'fhàinig Hanani, aon de m' bhràith-

ribh, e féin agus daoine de Iudah; agus dh'fhèdraich mi dhiubh a thaobh nan Iudhach a chaidh as, a dh'fhàgadh de'n bhaighdeanas, agus mu thimchioll Ierusalem.

3 Agus thubhairt iad rium, *Tha'm* fuighcall a dh'fhàgadh de'n bhaighdeanas an sin anns a' mhòr-roinn, ann an àmhghar mòr agus ann an mì-chliu; agus bhriseadh balla Ierusalem sìos, agus loisgeadh a geatachan le teine.

## NEHEMIAH, II.

4 Agus an uair a chuala mi na briathran so, shuidh mi sìos, agus ghluil mi, agus rinn mi bròn làithean *àraidh*, agus thraisg mi, agus rinn mi urnuigh 'am fianuis Dhé nan nàmh,

5 Agus thubhairt mi, Guidheam ort, a Thighearna, Dhé nan nàmh; an Dia mòr agus uamhasach, a ghlèidheas coimh-cheangal agus tròcair dhoibhsan a ghràdh-aicheas e, agus a choinheadas 'aithéantan;

6 Bitheadh do chluas a nis furachair, agus do shùilean fosgailte, chum gu'n fèid thu ri urnuigh d'òglach, a *tha* mi a' deanamh a'd' fhianuis a nis, a là agus a dh'oidheche, air son chloinn Israeil d'òglach: agus *tham* 'g aideachadh pheacaidhean chloinn Israeil, a pheacaich sinn a'd' aghaidh: pheacaich aràon mise agus tigh m'athar.

7 Rinn sinn gu ro thruailidh a'd' thaobhsa, agus cha do ghlèidh sinn na h-'aithéantan, no na reachdan, no na breitheanais a dh'àithn thu do d'òglach Maois.

8 Cuimhnich, guidheam ort, am focal a dh'àithn thu do d'òglach Maois, ag ràdh, *Ma* pheacaicheas sibh, sgapaidh mise sibh am measg nan cinncach.

9 Ach *ma* philleas sibh a m'ionnsuidh, agus gu'n coimhid sibh m'aitheantan, agus gu'n dean sibh iad, ged robh iad dhiubh air an tilgeadh a mach do'n chuid a's iomall-aiche de nàmh, cruinnichidh mi as a sin iad, agus bheir mi iad do'n àit' a thagh mi, a chur m'ainme 'an sin.

10 A nis *is* iad so do sheirbhisich agus do shluagh, a shaor thu le d' mhòr chumhachd, agus le d' làimh thrèin.

11 A Thighearna, guidheam ort, bitheadh do chluas a nis furachair ri urnuigh do sheirbhisich, agus ri urnuigh d'òglach, le'm miann eagal d'ainme 'bhi orra: agus soirbhich, guidheam ort, le d' sheirbhisich an diugh, agus thoir dha tròcair ann an sealladh an duine so. A nis bha mise a'm' ghille-cupain aig an rìgh.

### CAIB. II.

1 *Thug Artacserces comas do Nehemiah dol a thogail balla Ierusalem.* 9 *Thàinig e gu Ierusalem, agus dh'fheuch e litrichean an rìgh do na h-uachdaranabh.* 17 *Bhrosnaich e an sluagh gus am balla a thogail.*

**A** GUS tharladh ann am mìos Nisain, anns an fhicheadamh bliadhna de Artacserces an rìgh, gu'n robh fion fa chomhair; agus ghabh mi am fion, agus thug mi e do'n rìgh. Agus cha robh mise *roimhe sin* dubhach 'n a fhianuis.

2 Uime sin thubhairt an rìgh rium, C'ar son a tha do ghnùis dubhach, agus gun thu bhi tinn? cha nì *eile* so ach cràdh cridhe. Agus bha eagal mòr orm;

3 Agus thubhairt mi ris an rìgh, Gu mair-eadh an rìgh gu bràth: c'ar son nach bith-eadh mo ghnùis dubhach, an uair a tha 'm baile, àit-adhlacaidh m'aithearchan, air

'fhàsachadh, agus a gheatachan air an caitheadh le teime?

4 Agus thubhairt an rìgh rium, Ciod e so a *tha* thu ag iarraidh? Agus rinn mi urnuigh ri Dia nan nàmh:

5 Agus thubhairt mi ris an rìgh, Ma's maith leis an rìgh, agus ma gheibh do sheirbhisich deadh-ghean a'd' fhianuis, gu'n cuireadh tu mi dh'ionnsuidh Iudah, gu baile àit-adhlacaidh m'aithearchan, agus gu'n tog mi e.

6 Agus thubhairt an rìgh rium, agus a' bhanrighinn 'n a suidhe làimh ris, Cia fad an ùine 'bhios tu air do thurus; agus c'uir a philleas tu? Agus bu toil leis an rìgh me chur air falbh, agus shuidhich mi àm ris.

7 Agus thubhairt mi ris an rìgh, Ma's toil leis an rìgh, thugar litrichean dhomh a dh'ionnsuidh nan uachdaran air an taobh thall de'n amhainn, chum gu'n cuir iad thairis mi gus an tig mi gu Iudah;

8 Agus litir gu Asaph fear-gleidhidh frithe an rìgh, chum gu'n toir e dhomh fiodh a dheanamh sailthean air son gheatachan na lùchairt 'a *bluineas* do'n tigh, agus air son balla a' bhaile, agus air son an tighe d'an téid mi. Agus thug an rìgh dhomh, a réir làimhe mhaith mo Dhé orm.

9 Agus thàinig mi dh'ionnsuidh nan uachdaran air an taobh eile de'n amhainn, agus thug mi dhoibh litrichean an rìgh. A nis chuir an rìgh maille rium ceannardan de'n armailt agus marc-shluagh.

10 An uair a chuala Sanbalat an t-Horonach, agus Tobiah an seirbhisich an t-Amonach e, chuir e doilgheas mòr orra gu'n d'thàinig duine a dh'iarraidh leas chloinn Israeil.

11 Agus thàinig mi gu h-Ierusalem, agus bha mi 'n sin trì làithean.

12 Agus dh'èirich mi 's an oidheche, mi féin agus beagan dhaoiné maille rium; ach cha d'innis mi do dhuine ciod a chuir mo Dhia ann am chridhe a dheanamh ann an Ierusalem: agus cha robh ainmhidh maille rium, ach an t-ainmhidh air an do mharaich mi.

13 Agus chaidh mi mach 's an oidheche air geata a' ghlinne, agus fa chomhair tobair an dragoin, agus gu geata an aolaich, agus ghabh mi sealladh de bhallachaibh Ierusalem, a *bha* air am briseadh sìos, agus d'a geatachaibh a bha air an caitheadh le teime.

14 Agus chaidh mi air m'aghaidh gu geata an tobair, agus gu lochan an rìgh: ach cha robh àit ann do'n ainmhidh a *bha* fodham gu dol thairis.

15 An sin chaidh mi suas 's an oidheche làimh ris an t-sruth, agus ghabh mi sealladh de'n balla, agus thionndaidh mi air n'ais, agus chaidh mi steach air geata a' ghlinne, agus phill mi.

16 Agus cha robh fios aig na riaghlairibh



c'ait an deachaidh mi, no ciod a rinn mi, agus cha d'innis mi e do na h-Iudhaich, no do na sagartaibh, no do na h-àrd uaislibh, no do na riaghlairibh, no do'n chuid eile a rinn an obair.

17 Agus thubhairt mi riu, *Tha sibh a' faicinn a' chruaidh-chais anns am bheil sinn*, mar a tha Ierusalem air a fàsachadh, agus a geatachan air an losgadh le teine: thigibh agus togamaid balla Ierusalem, chum nach bi sinn ni's mò 'n ar masladh.

18 Agus dh'innis mi dhoibh a thaobh làimhe mo Dhé, a *bha* maith orm, agus mar an ceudna briathran an rìgh a labhair e rium. Agus thubhairt iad, Eireamaid agus togamaid. Agus neartaich iad an làmhan chum maith.

19 Ach an uair a chuala Sanbalat an t-Horonach, agus Tobiah an seirbhiseach an t-Amonach, agus Gesem an t-Arabach e, rinn iad gàire fanoid oirnn, agus rinn iad tàir oirnn, agus thubhairt iad, Ciod an ni so a *tha* sibh a' deanamh? an dean sibh ceannaire an aghaidh an rìgh?

20 An sin fhreagair mi iad, agus thubhairt mi riu, Dia nan nèamh, soirbhichidh esan leinn: a chionn gur sinne a sheirbhisich, éiridh sinn agus togaidh sinn: ach agaibhse cha-n'eil cuibhrionn, no còir, no cuimhneachan ann an Ierusalem.

### CAIB. III.

1 *Ainmean agus ordugh an t-sluaigh a thog balla Ierusalem.*

**A**GUS dh'éirich Eliasib an t-àrd shagart maille r'a bhràithribh na sagartan, agus thog iad geata nan caorach: naomhaich iad e, agus chuir iad suas a chomhlachan: eadhon gu ruig tùr Mheah naomhaich iad e, agus gu ruig tùr Hananeeil.

2 Agus làimh ris-san thog fir Iericho: agus làimh riu-san thog Sacur mac Imri.

3 Ach geata an éisg thog mic Hasenaah: leag iad a shailthean, agus chuir iad suas a chomhlachan, a ghlasan, agus a chroinn.

4 Agus làimh riu-san chàirich Meremot mac Uriah, mhic Chois: agus làimh ris-san chàirich Mesulam mac Bherechia, mhic Mhesesabeil: agus làimh riu-san chàirich Sadoc mac Bhaanah.

5 Agus làimh riu-san chàirich na Tecoaich: agh cha do chuir an àrd uaislean an muineal ri seirbhis an Tighearna.

6 Agus an seann gheata chàirich Iehoiada mac Phaseah, agus Mesulam mac Bhesod-eiah: leag iad a shailthean, agus chuir iad suas a chomhlachan, agus a ghlasan, agus a chroinn.

7 Agus làimh riu-san chàirich Melatiah an Gibeonach, agus Iadon am Meronotach, fir Ghibcoin agus Mhispah, gu ruig rìgh-chaitlir an uachdarain air an taobh so de'n amhainn.

8 Làimh ris-san chàirich Udsiel mac Har-

haiah, de na h-òr-cheardaibh: agus làimh ris-san chàirich Hananiah, mac *aoin* de na léighean, agus neartaich iad Ierusalem gu ruig am balla leathan.

9 Agus làimh riu-san chàirich Rephaiah mac Huir, riaghlair leth-roinne Ierusalem.

10 Agus làimh ris-san chàirich Iedaiah mac Harumaph, eadhon fa chomhair a thighe: agus làimh ris-san chàirich Hatus, mac Hasabniah.

11 An t-ath-thomhas chàirich Malchia mac Harim, agus Hasub mac Phahat-mhoab, agus tùr nan àmhuinnean.

12 Agus làimh ris-san chàirich Salum mac Haloheis, riaghlair leth-roinne Ierusalem, e féin agus a nigheanan.

13 Geata a' ghlinne chàirich Hanun, agus luchd-àiteachaidh Shanoah: thog iad e, agus chuir iad suas a chomhlachan, a ghlasan, agus a chroinn, agus mìle làmh-choille de'n bhalla, gu ruig geata an aolaich.

14 Ach geata an aolaich chàirich Malchia mac Rechaib, riaghlair roinne Bhet-hacereim: thog se e, agus chuir e suas a chomhlachan, a ghlasan, agus a chroinn.

15 Ach geata an tobar chàirich Salum mac Chol-hoseh, riaghlair roinne Mhispah: thog se e, agus chuir e dìon air, agus chuir e suas a chomhlachan, a ghlasan, agus a chroinn, agus balla lochain Shiloah làimh ri lios an rìgh, agus gu ruig na ceuman a' dol sìos o bhaile Dhaibhidh.

16 'N a dhéigh-san chàirich Nehemiah mac Asbuie, riaghlair leth-roinne Bhet-suir, gu ruig fa chomhair àitean-adhlacaidh Dhaibhidh, agus gu ruig an lochan a rinn-eadh, agus gu ruig Bet-agbarim.

17 'N a dhéigh-san chàirich na Lebhitich, Rehun mac Bhani: làimh ris-san chàirich Hasabiah, riaghlair leth-roinne Cheilah, 'n a roinn féin.

18 'N a dhéigh-san chàirich am bràithrean, Babhai mac Henadaid, riaghlair leth-roinne Cheilah.

19 Agus làimh ris-san chàirich Eser mac Iesua, riaghlair Mhispah, an t-ath-thomhas fa chomhair an dol suas do'n arm-thigh aig an tionndadh.

20 'N a dhéigh-san chàirich Baruch mac Shabai an t-ath-thomhas, o'n tionndadh gu ruig dorus tighe Eliasib an àrd-shagairt.

21 'N a dhéigh-san chàirich Meremot mac Uriah, mhic Acois, an t-ath-thomhas, o dhorus tighe Eliasib gu ruig ceann tighe Eliasib.

22 Agus 'n a dhéigh-san chàirich na sagartan, daoine a' chòmhnaidh.

23 'N a dhéigh-san chàirich Benjamin agus Hasub, fa chomhair an thighe: 'n a dhéigh-san chàirich Asariah mac Mhaasciah, mhic Ananiah, làimh r'a thigh.

24 'N a dhéigh-san chàirich Binui, mac Henadaid, an t-ath-thomhas, o thigh Asa-

riah gu ruig an tìonndadh, agus gu ruig an oisinn.

25 Palal mac Udsai, fa chomhair an tionndaidh, agus an tùir a tha 'dol a mach o thigh àrd an rìgh a *bha* làimh ri cùirt a' phrìosain: 'n a dhéigh-san Pedaiah mac Pharois.

26 Mar an ceudna na Netinich a bha 'chòmhnuidh ann an Ophel, gu ruig fa chomhair geata an uisge a làimh na h-àirde 'n ear, agus an tùir a tha 'dol a mach.

27 'N au déigh-san chàirich na Tecoaich an t-ath-thomhas, fa chomhair an tùir mhòir a tha 'dol a mach, gu ruig balla Opheil.

28 O thaobh shuas geata nan each chàirich na sagartan, gach aon fa chomhair a thighe.

29 'N an déigh-san chàirich Sadoc mac Imeir, fa chomhair a thighe: agus 'n a dhéigh-san chàirich Semaiah, mac Shechiaiah, fear-gleidhidh an doruis an ear.

30 'N a dhéigh-san chàirich Hananiah, mac Shelemiah, agus Hanun, seathanh mac Shalaiph, an t-ath-thomhas: 'n a dhéigh-san chàirich Mesulam mac Bherechiah, fa chomhair a sheòmar féin.

31 'N a dhéigh-san chàirich Malchiah, mac an òr-cheird, gu àite nan Netimeach, agus nan ceannaichean, fa chomhair geata Mhipheid, agus gu dol suas na h-oisinn.

32 Agus o dhòl suas na h-oisinn gu geata nan caorach, chàirich na h-òr-cheird agus na ceannaichean.

#### CAIB. IV.

1 'Nuair a bha an naimhdean a' deanamh fanoird air na h-Iudhaich rinn Nehemiah urnuigh, agus bhuaic e ann an togail a' bhalla. 9 Shuidh e freiceadan, 13 agus dh'armaich e an luchd-oibre.

**A**GUS an uair a chuala Sanbalat gu'n robh sinn a' togail a' bhalla, bha fearg air, agus bha e ann an corruich ro mhòir, agus rinn e fanoird air na h-Iudhaich.

2 Agus labhair e 'am fianuis a bhràithrean agus armailt Shamaria, agus thubhairt e, Cìod a ni na h-Iudhaich amhann so? an daingnich siad iad féin? an òbair iad? an crìochnaich iad ann an là? an tog iad suas a ris na clachan as na dùnaibh luathre a chaidh a losgadh?

3 Agus bha Tobiah an t-Amonach làimh ris, agus thubhairt e, Eadhon an *ni* a tha iad a' togail, ma thèid sìonnach suas, brisidh e sìos am balla cloiche.

4 Eisd, O ar Dia, oir tha tàir air a dhean-amh oirm, agus tionmdaidh am masladh air an ceann féin, agus tabhair iad 'n an còbhartach ann an tìr a' bhraighdeanais:

5 Agus na còmhdaich an eucart, agus na dubhar a mach am peacadh a d'fhianuis; oir bhrosnaich iad *thu* gu féirg an làthair an luchd-togail.

6 Agus thog sinn am balla; agus cheang-ladh am balla uile ri 'chéile gu ruig a leth:

oir bha toil aig an t-sluagh obair a dhean-amh.

7 Ach an uair a chuala Sanbalat, agus Tobiah, agus na h-Arabaich, agus na h-Amonaich, agus na h-Asdodaich, gu'n robh uile bhallachan Ierusalem 'g an cur suas, gu'n do thòisich na bèarnan ri 'bhi air an dnuadh, an sin bha fearg mhòr orra.

8 Agus chuir iad uile an comhairle ri 'chéile iad a theachd a chogadh an aghaidh Ierusalem, agus g'a bhacadh.

9 Ach rinn sinn urnuigh r'ar Dia, agus shuidhich sinn freiceadan 'n an agaidh a là agus a dh'oidhche fa'n comhair.

10 Agus thubhairt Iudah, Tha neart luchd-iomhair nan eallach air fàilheachadh, agus mòran luathre ann, air chor as nach urrainn sinn am balla a thogail.

11 Agus thubhairt ar naimhdean, Cha bhi fios aca, agus cha-n fhaic iad, gus an tig sinn a stigh 'n am meadhon, agus gu marbh sinn iad, agus gu'n cuir sinn stad air an obair.

12 Agus an uair a thàinig na h-Iudhaich a bha 'chòmhnuidh làimh ri, thubhairt iad ruinn deich uairean, As gach àit 'o'm pill sibh d'ar n-ionnsuidh-ne, *bithidh iad oirbh*.

13 Uime sin shuidhich mi anns na h-àitibh a b'isle air cùlaobh a' bhalla, agus air na h-àitibh a b'àirde, shuidhich mi cadhion an sluagh a réir an teaghlaichean le'n claidhibh, le'n sleaghan, agus le'm boghachan.

14 Agus dh'amhair, agus dh'éirich, mi, agus thubhairt mi ris na h-àrd uaislibh, agus ris na riaghlairibh, agus ris a' chuid eile de'n t-sluagh, Na bitheadh eagal oirbh rompa: cuimhnichibh an Tighearn mòr agus uamhasach, agus cogaibh air son bhuir bràithrean, bhuir mac, agus bhuir nigh-eaman, bhuir ban, agus bhuir tighean.

15 Ach an uair a chual ar naimhdean gu'n d'fhuair sinn fios air, agus a thug Dia an comhairle gu neo-ni, phill e'm uile dh'ionnsuidh a' bhalla, gach aon a dh'ionnsuidh 'oibre féin.

16 Agus o'n àm sin a mach dh'oibrich leth m'òglach-sa anns an obair, agus chum an leth eile dhiubh na sleaghan, na sgiathan, agus na boghachan, agus na luirichean; agus bha na riaghlairan air cùlaobh uile thighe Iudah.

17 Dh'oibrich iadsan a thog air a' bhalla, agus iadsan a ghiùlain callachan, maille ri-san a luchdaich, *gach aon* le aon làimh anns an obair, agus leis an làimh eile chum e gath.

18 Agus bha aig gach aon de'n luchd-togail a chlaidheamh crìoslaichte air a làis, an uair a thog iad: agus bha esau a shéid an trompaid làimh riumsa.

19 Agus thubhairt mi ris na h-àrd uaislibh, agus ris na riaghlairibh, agus ris a' chuid eile de'n t-sluagh, *Tha'n* obair mòr agus farsainn, agus tha sinn air ar deal-



achadh air a' bhalla gach aon fada o 'chéile:

20 Ge b'e àit anns an cluinn sibh fuaim na trompaid', cruinnichibh an sin d'ar n-ionn-suidhne: cogaidh ar Dia air ar son.

21 Agus saothraich sinn anns an obair: agus chum leth dhiubh na sleaghan o éirigh na maidne gus am facas na rionnagan.

22 Mar an ceudna 's an àm sin thubhairt mi ris an t-sluagh, Fanadh gach aon maille r'a òglach ann an Ierusalem, chum gu'm bi iad 'n am freiceadan dhuinn 's an oidhehe, agus 's an là 'n an oibrichibh.

23 Agus cha do chuir mise, no mo bhràithrean, no m'òglaich, no fir an fhreiceadain a lean mi, dhinn ar n-cudach; *ach a mhàin* gu'n do chuir gach duine dheth e air son 'ionnlaid.

#### CAIB. V.

1 *Rinn an sluagh gearan an aghaidh cise an rìgh, agus daorsa an cloinne.* 6 *Chronaich Nehemiah na h-àrd uaislean a chionn gu'n robh iad a' togail ocair o'm bràithribh.*

**A**GUS bha gair mhòr aig an t-sluagh, agus aig am mnàibh, an aghaidh am bràithrean na h-Iudhaich.

2 Agus bha ann a thubhairt, *Le* ar mic agus ar nigheanan *tha* sinne lionmhòr; agus gabhaidh sinn sìol *air an son*, chum gu'n ith sinn, agus gu'm bi sinn beò.

3 Agus bha ann a thubhairt, Ar fearann, agus ar fion-lios, agus ar tighean bheir sinn 'an geall, chum gu'm faigh sinn sìol anns a' ghorta.

4 Agus bha ann a thubhairt, Ghabh sinn airgid 'an coingheall air son cise an rìgh *air* ar fearann agus ar fion-losaibh.

5 Agus a nis mar fheoil ar bràithrean *tha* ar feoil-ne, mar am mic-san ar mic-ne; ach feuch, *tha* sinn a' toirt thairis ar mac agus ar nigheanan gu bhi 'n an tràillibh, agus *tha cuid* d'ar nigheanaibh air an toirt thairis *cheana*, agus gun chomas againn *am fuasgladh*, an uair a tha ar fearann agus ar fion-lios aig daoinibh eile.

6 Agus bha fearg mhòr orm an uair a chuala mi an gair, agus na briathran sin.

7 Agus chuir mi mo chomhairle ri m' chridhe féin, agus chronaich mi na h-àrd uaislean, agus na riaghlair, agus thubhairt mi riu, *Tha* gach aon agaibh a' togail ocair o a bhràithair. Agus chuir mi comh-chruinneachadh mòr 'n an aghaidh.

8 Agus thubhairt mi riu, Shaor sinne, a réir ar comais, ar bràithrean na h-Iudhaich a reiceadh ris na cinnich, agus an reic sibhse mar an ceudna bhur bràithrean, agus an reicear iad ruinn féin? Agus bha iad 'n an tosd, agus cha d'fhuair iad ni air bith ri ràdh.

9 Mar an ceudna thubhairt mi, Cha mhaith an ni a *tha* sibh a' deanamh: nach buin-cadh dhuibh ghasad ann an eagal ar Dé, air son maslaidh nan cinneach ar nainhdean?

10 Dh'fheudainn-sa cuideachd, mobhràithrean, agus m'òglaich, airgid agus sìol a thogail uatha. Leigeamaid dhinn, guidheam oirbh, an t-ain-dlighe so.

11 Aisigibh dhoibh, guidheam oirbh, mar air an là 'n diugh, am fearann, am fion-lios, an liosan-olaidh, agus an tighean; mar an ceudna *cuid* de'n airgid, agus de'n t-sìol, de'n fhion, agus de'n olaidh, a *tha* sibh a' togail uatha.

12 Agus thubhairt iadsan, Aisigidh sinn, agus cha-n iarr sinn uatha: mar sin ni sinn mar *tha* thu 'g ràdh. An sin ghairm mi na sagartan, agus ghabh mi mionnan diubh gu'n deanadh iad a réir a' gheallaidh so:

13 Mar an ceudna chrath mi m'uchd, agus thubhairt mi, Mar so crathadh Dia gach duine nach coimhlion an gealladh so, a mach as a thigh, agus á 'obair, eadhon mar so crathar a mach agus falmhaichear e. Agus thubhairt an coimhlthional uile, Amen, agus mhol iad an Tighearn. Agus rinn an sluagh a réir a' gheallaidh so.

14 Os bàrr, o'n là air an d'thugadh ordugh dhomh mi bhi m'uchdaran orra ann an tìr Iudah, o'n fhicheadamh bliadhna, eadhon gus an dara bliadhna deug thar fhichead de Artacerces an rìgh, dà bhliadhna dheug, cha d'ith mise no mo bhràithrean aran an uachdarain.

15 Ach bha na ceud uachdarain a *bha* romham trom air an t-sluagh, agus ghabh iad uatha aran agus fion, a thuilleadh air dà fhichead secel airgid; rinn eadhon an òglaich ain-tighearnas air an t-sluagh: ach cha d'rinn mise mar sin air sgath eagail Dhé.

16 Agus mar an ceudna ann an obair a' bhalla so bhuaich mi, agus cha do cheannaich sinn fearann; agus chruinnicheadh m'òglaich uile 'an sin a dh'ionnsuidh na h-oibre.

17 Agus *bha* aig mo bhord ceud gu leth Iudhach agus riaghlair, a bhàrr orra-san a thàinig ar n-ionnsuidh o na cinnich a *tha* mu'n cuairt oirnn.

18 Agus *so* na dheasaicheadh air son gach là, aon damh, sè caoraich thaghta; mar an ceudna dheasaicheadh eoin dhomh, agus aon uair anns na deich làithibh pailteas de gach *gnè* fhìona: gidheadh air son so cha d'iarr mi aran an uachdarain, a chionn gu'n robh an daorsa trom air an t-sluagh so.

19 Cuimhnich ormsa, mo Dhia, chum maith, a *thaobh* gach *ni* a rinn mi air son an t-sluaigh so.

#### CAIB. VI.

1 *Dh'fheuch Sanbalat ri Nehemiah a mhaslachadh le bhith 'togaill droch sgeoil air.* 15 *Chronaich eadhach balla Ierusalem.* 17 *Chuir uaislean Iudah litrichean fealltach a dh'ionnsuidh Thobiah.*

**A**NIS an uair a chuala Sanbalat, agus Tobiah, agus Gesem an t-Arabach,

agus a' chuid eile d'ar naimhdeibh gu'n do thog mi am balla, agus nach d'fhàgadh briseadh ann, (ged nach do chuir mi suas 's an àm sin comhlachan air na geataibh.)

2 Chuir Saubalat agus Geseu *teachdairean* a m' ionnsuidh, ag ràdh, Thig, agus coinnicheadh a chèile ann an Chephirim ann an còmhnaidh Ono: ach smuainich iad-san air oile a dheanamh orm.

3 Agus chuir mi teachdairean d'an ionnsuidh, ag ràdh, *Tha* mi a' deanamh oibre mòire, agus cha-n urrainn mi dol sìos: c'ar son a sguireadh an obair, an uair a dh'fhàg ainse i, agus a rachainn sìos d'ur u-ionnsuidh?

4 Gidheadh chuir iad *teachdairean* a m' ionnsuidh air an dòigh so ceithir uairean; agus fhreagair mi iad air an dòigh chendna.

5 An sin chuir Sanbalat a m' ionnsuidh air an dòigh so an eùigeamh uair 'òglach féin, agus litir fhosgailte 'n a làimh;

6 Anns an robh sgrìobhta; Am measg nan cinneach tha e air aithris, agus tha Gesem ag ràdh, *gu bheil* thusa agus na h-Iudhaich a smuaineachadh air ceannaire a dheanamh: uime sin *tha* thu a' togail a' bhalla, a chum gu'm bi thu a'd' rìgh orra a réir nam briathar so.

7 Agus uar an ceudna dh'orduich thu fàidhean a ghairm mu d' thimchioll ann an Ierusalem, ag ràdh, *Is* rìgh e ann an Iudah: agus a nis aithrisear do'n rìgh a réir nam briathar so. A nis ma ta thig, agus cuir-amaid ar comhairle ri 'chéile.

8 An sin chuir mi *fiòs* d'a ionnsuidh, ag ràdh, Cha d'rinneadh nithean sam bith mar tha thu 'g ràdh, ach is ann as do chridhe féin a tha thu 'g an dealbh.

9 Oir *bha* iad uile a' cur eagail oirn, ag ràdh, Annhunaichear an làmhan o'n obair, agus cha deantar i: ach a nis ncartaich mise mo làmhan.

10 An sin chaidh mi steach do thigh She-maiah, mhic Dhelaiah, mhic Mhectabeeil, agus e air a dhruideadh suas; agus thubhairt e, Coinnicheadh a chèile ann an tigh Dhé, ann am meadhon an teampull, agus dùineamaid dorsan an teampull; oir thig iad g'ad mharbhadh, cadhòn anns an oidhebe thig iad g'ad mharbhadh.

11 Agus thubhairt mi, An teich duine mar *tha* mise? agus cò mar *tha* mise a rachadh a steach do'n teampull, a chum gu maireadh e beò? Cha téid mi steach.

12 Agus, feuch, dh'aithnich mi nach do chuir Dia uaithe e, ach gu'n do labhair e an fhàidheadaireachd so a'm' aghaidh: oir thug Tobiah agus Sanbalat duais dha.

13 Air an aobhar so thugadh duais dha chum gu'm bitheadh eagail ormsa, agus gu'n deanainn mar so, agus gu'm peacaichinn, agus gu'm bitheadh fàth droch sgeoil aca, chum gu maslaicheadh iad mi.

14 Cuimhnich thusa, mo Dhia, air Tobiah

agus Sanbalat a réir an oibre sin, agus mar an ceudna air a' bhan-fhàidh Noadiah, agus a' chuid eile de na fàidhibh leis am b'aill eagal a chur orm.

15 Ach chrìochnaicheadh am balla air a' chùigeamh là fichead de'n mhìos. Elul, ann an dà là dheug agus dà fhichead.

16 Agus an uair a chual' ar naimhdean uile e, agus a chunnaic na cinnich uile a *bha* mu'n cuairt duinn e, thilgeadh gu mòr sìos iad 'n an sùilibh féiu; oir dh'aithnich iad gu'm b'ann le'r Dia-ue a rinneadh an obair so.

17 Os bàrr, anns na làithibh sin chuir àrd uaislean Iudah mòran litrichean gu Tobiah, agus thàinig litrichean Thobiah d'au ionnsuidhsan:

18 Oir *bha* mòran ann an Iudah air toirt am miannan da, a chionn gu'm bu chliamh-uin e do Shechania mac Arah; agus gu'n do ghabh Iohanan a mhac nighean Mhesulaim, mhic Bherechiah, 'n a mnaoi.

19 Mar an ceudna dh'aithris iad a dheadh bhuaidhean a'm' fhianuis, agus dh'innis iad mo bhriathran-sa dha. Agus chuir Tobiah litrichean uaithe gu eagal a chur orm.

## CAIB. VII.

1 *Thug Nehemiah àithne d'a bhràthair agus do uachdaran na làchairt a thaobh Ierusalem.*  
5 *Fhuaradh leabhar ginealach na muinntir' a phill gu h-Ierusalem.* 8 *Aireamh an t-sluaigh,* 39 *nan sagart,* 43 *nan Lebhiteach,* 46 *agus nan Netieach,* &c. 70 *Na tabhartais a thugadh seachad.*

**A** NIS an uair a thogadh am balla, agus a chuir mi suas na comhlachan, agus a dh'orduicheadh na dorsairean, agus an luchd-seinn, agus na Lebhiteich,

2 Thug mi àithne do m' bhràthair Hanani, agus Hananiah uachdaran na làchairt, a thaobh Ierusalem; (oir *bha* e 'n a dhuine fìrinneach, agus cagal Dhé air os ceann mhòrain.)

3 Agus thubhairt mi riu, Na fosgailear geatachan Ierusalem gus am fas a' ghrian teth; agus ag seasadh doibh fathast aig làimh, druideadh iad na comhlachan, agus erannadh iad *iad*: agus shuidhich mi freiceadain de luchd-àiteachaidh Ierusalem, gach aon 'n a fhreiceadan, agus gach aon fa chomhair a thighe féin.

4 A uis *bha'm* baile farsainn agus mòr: ach *bha'n* sluagh tearc ann, agus cha robh na tighean air an togail.

5 Agus chuir mi Dhia ann am chridhe gu'n crùinnichinn ri 'chéile na h-àrd uaislean, agus na riaghlairean, agus an sluagh, gu bhli air an àireamh a réir an ginealach: agus fhuair mi leabhar ginealach na muinntir' a thàinig a nìos an toiseach, agus fhuair mi sgrìobhta ann,

6 *Is* iad so clann na mòr-roinne, a chaidh suas de na braidhibh, dhiubhsan a thugadh air falbh, a thug Nebuchadnesar rìgh



Bhabailoin air falbh leis, agus a phill gu h-Ierusalem agus gu Iudah, gach fear d'a bhaile féin;

7 A thàinig maille ri Serubabel, Iesua, Nehemiah, Asariah, Raamiah, Nahamani, Mordecai, Bilsan, Misperet, Bigbhai, Nehum, Baanah.

AIREAMH DHAOINE SLUAIGH ISRAEL.

8 Mic Pharois, dà mhìle, ceud, tri fichead agus a dhà-dheug.

9 Mic Shephatiah, tri cheud, tri fichead agus a dhà-dheug.

10 Mic Arah, sè ceud, dà fhichead agus a dhà-dheug.

11 Mic Phahat-mhoaib, de chloinn Iesua agus Ioaib, dà mhìle, ochd ceud agus ochd-deug.

12 Mic Elaim, mìle, dà cheud, leth-cheud agus a ceithir.

13 Mic Shatu, ochd ceud, dà fhichead agus a cùig.

14 Mic Shacai, seachd ceud agus tri fichead.

15 Mic Bhinui, sè ceud, dà fhichead agus a h-ochd.

16 Mic Bhebai, sè ceud, agus a h-ochd thar fhichead.

17 Mic Asgaid, dà mhìle, tri cheud agus a dhà thar fhichead.

18 Mic Adonicaim, sè ceud, tri fichead agus a seachd.

19 Mic Bhigbhai, dà mhìle, tri fichead agus a seachd.

20 Mic Adin, sè ceud, leth-cheud agus a cùig.

21 Mic Ateir o Heseciah, ceithir fichead agus ochd-deug.

22 Mic Hasuim, tri cheud, agus a h-ochd thar fhichead.

23 Mic Bhesai, tri cheud, agus a ceithir thar fhichead.

24 Mic Hariph, ceud agus a dhà-dheug.

25 Mic Ghibeoin, ceithir fichead agus cùig-deug.

26 Fir Bhet-leheim agus Netophah, ceud, ceithir fichead agus a h-ochd.

27 Fir Anatoit, ceud, agus a h-ochd thar fhichead.

28 Fir Bhet-asmabheit, dà fhichead agus a dhà.

29 Fir Chiriat-earim, Chephirah, agus Bheeroit, seachd ceud, dà fhichead agus a tri.

30 Fir Ramah agus Gheba, sè ceud, agus a h-aon thar fhichead.

31 Fir Mhichmais, ceud agus a dhà thar fhichead.

32 Fir Bhet-eil agus Ai, ceud agus a tri thar fhichead.

33 Fir Nebo-air, leth-cheud agus a dhà.

34 Mic Elaim-air, mìle, dà cheud, leth-cheud agus a ceithir.

35 Mic Iarim, tri cheud agus fichead.

36 Mic Iericho, tri cheud, dà fhichead agus a cùig.

37 Mic Loid, Hadid agus Ono, seachd ceud agus a h-aon thar fhichead.

38 Mic Shenaar, tri mìle, naoi ceud agus deich thar fhichead.

39 Na sagartan: Mic Iedaiah, de thigh Iesua, naoi ceud, tri fichead agus tri-deug.

40 Mic Imeir, mìle, leth-cheud agus a dhà.

41 Mic Phasuir, mìle, dà cheud dà fhichead agus a seachd.

42 Mic Harim, mìle agus seachd-deug.

43 Na Lebhithich: Mic Iesua agus Chadmieil, de chloinn Hodebhah, tri fichead agus ceithir-deug.

44 An luchd-seinn: Mic Asaiph, ceud, dà fhichead agus a h-ochd.

45 Na dorsairean: Mic Shaluim, mic Ateir, mic Thalmoin, mic Acuib, mic Hatita, mic Shobai, ceud, agus ochd-deug thar fhichead.

46 Na Netinich: Mic Shiha, mic Hasupha, mic Thabaoit,

47 Mic Cherois, mic Shia, mic Phadoin,

48 Mic Lebana, mic Hagaba, mic Shalmair,

49 Mic Hanain, mic Ghideil, mic Ghahair,

50 Mic Reaiah, mic Resin, mic Necoda,

51 Mic Ghadsaim, mic Udsa, mic Phaseah,

52 Mic Bhesai, mic Mheunim, mic Nephtesim.

53 Mic Bhacbuic, mic Hacupha, mic Harhuir,

54 Mic Bhaslit, mic Mhehida, mic Harsa,

55 Mic Bhareois, mic Shisera, mic Thamah,

56 Mic Nesiah, mic Hatipha.

57 Mic sheirbhiseach Sholaimh: Mic Shotai, mic Shophereit, mic Pherida,

58 Mic Iaala, mic Dharcoin, mic Ghideil,

59 Mic Shephatiah, mic Hatil, mic Phochereit o Shebaim, mic Amoin:

60 Na Netinich uile, agus clann sheirbhiseach Sholaimh, tri cheud, ceithir fichead agus a dhà-dheug.

61 Agus so iadsan a chaidh suas o Thelmelah, Teiharsa, Cherub, Adon agus Imer; ach cha b'urraim iad tigh an athar a nochdadh agus an sliochd, am b'ann de Israel iad.

62 Mic Dhelaiah, mic Thobiah, mic Necoda, sè ceud, dà fhichead agus a dhà.

63 Agus de na sagartaibh: Mic Habaiah, mic Chois, mic Bharsillai, a ghabh bean de nigheanaibh Bharsillai a' Ghileadaich, agus a ghoireadh air an ainm.

64 Dh'iarr iadsan an clàr-sgrìobhaidh 'n am measg-san a bha air an àireamh a réir an ginealach, ach cha d'fhuaradh e: uime sin ghearradh as o'n t-sagartachd iad.

65 Agus thubhairt an Tirsata riu, nach

feudadh iad itheadh de na nithibh ro naomha, agus an seasadh sagart suas le Urim agus Tmim.

66 An coimhthional uile cuideachd, dà fhichead agus dà mhìle, tri cheud agus tri fichead;

67 A thuilleadh air an òglaich agus am banoglaich, d'an robh ann seachd mìle, tri cheud agns seachd-deng thar fhichead, agus dhiubhsan dà cheud, agus dà fhichead agus a cùig 'n am fearaibh agus 'n am mnàibh-seinn.

68 An eich, seachd ceud agus sè deug thar fhichead: am muileidean, dà cheud dà fhichead agus a cùig;

69 [An] càmhalan, ceithir chend agus cùig-deug thar fhichead: [an] asalan sè mìle, seachd cend agus fichead.

70 Agns thug cnid de chinn nan aithrichean seachad air son na h-oibre. Thug an Tirsata seachad do'n ionmhas, mìle darcon òir, leth-chend cnach, cùig cend agus deich thar fhichead enlaidh sagairt.

71 Agus thug *cuid* de chinn nan aithrichean seachad do ionmhas na h-oibre, fichead mìle darcon òir, agus dà mhìle agns dà cheud punnd airgid.

72 Agus *so* na thug a' chnid eile de'n t-sluagh: fichead mìle darcon òir, agus dà mhìle punnd airgid, agns tri fichead agus seachd culaidh sagairt.

73 Agns ghabh na sagartan, agns na Lebhithich, agus na dorsairean, agns an luchd-seinn, agus *cuid* de'n t-sluagh, agus na Netinich, agus Israel uile, còmhnuidh 'n am bailtibh; agus an uair a thàinig an seachdamh mìos, *bha* clann Israeil 'n am bailtibh.

### CAIB. VIII.

1 *Leugh Esra leabhar an lagha 'an èisdeachd a' coimhthionail.* 9 *Chiùinich na Lebhithich an sluagh.* 15 *Chum iad fèill nam pàillium.*

**A**GUS chrinnich an slagh uile an ceann a chèile mar aon daine do'n t-sràid a *tha* fa chomhair geata an uisge; agus dh'iarr iad air Esra an sgrìobhaiche e 'thoirt a làthair leabhar lagha Mhaois, a dh'àithn an Tighearn do Israel.

2 Agus thug Esra an sagart an lagh an làthair a' coimhthionail, aron fhear agus bhan, agus gach uile a thnigeadh 'n uair a chluintheadh iad *e*, air a' cheud là de'n t-seachdamh mìos.

3 Agns leugh e ann fa chomhair na sràide a *tha* fa chomhair geata an uisge, o mhad-uim gu meadhon-là, an làthair nam fear agus nam ban, agus na muinntir a thuigeadh; agns *bha* cluasan an t-sluaigh uile ri leabhar an lagha.

4 Agus sheas Esra an sgrìobhaiche air crannaig fhiodha, a rinn iad air son a' ghrnothuich, agus làimh ris sheas Matitiah, agus Sema, agus Anaiah, agus Uriah, agus

Hilciah, agus Maaseiah, air a làimh dheis; agus air a làimh chli Pedaiah, agus Misael, agus Malchiah, agns Hasum, agus Hasbadana, Sechariah [agus] Mesulam.

5 Agus dh'fhosgail Esra an leabhar ann an sealladh an t-sluaigh uile, oir bha e os ceann an t-sluaigh uile; agus an uair a dh'fhosgail se e, sheas an sluagh uile.

6 Agus bheamaich Esra an Tighearn, an Dia mòr: agus fhreagair an sluagh uile, Amen, Amen, a' togail suas an làmh. Agus chrom iad an cinn, agus rinn iad aoradh do'n Tighearn le'n aghaidhibh ris an talamh.

7 Mar an ceudna thug Icsna, agus Bani, agus Serebiah, Iamin, Acub, Sabetai, Hodiah, Maasiah, Celita, Asariah, Iosabad, Hanan, Pelaiah, agns na Lebhithich, air an t-sluagh an lagh a thuigsinn: agus sheas an sluagh 'n an àite.

8 Agus leugh iad ann an leabhar lagha Dhé gu soilleir, agns thug iad an seadh seachad; agus thuig iadsan an uair a leughadh.

9 Agus thubhairt Nehemiah, neach a's e an Tirsata, agus Esra an sagart an sgrìobhaiche, agns na Lebhithich a theagaisg an sluagh, ris an t-sluagh uile, *Tha* 'n là so naomh do'n Tighearn bhur Dia; na dean-aibh caoidh no gul: oir ghul an sluagh uile, 'n uair a chual' iad briathran an lagha.

10 An sin thubhairt e riu, Imichibh, ithibh *nithean* reamhra, agus òlaibh *nithean* milis, agus cuiribh cuibhriannon d'an ionn-snidh-san do nach d'ulluicheadh nì air bith; oir *tha* 'n là so naomh d'ar Tighearn: agus na bithibh ri bròn, oir *is* e gairdeachas an Tighearna bhur neart.

11 Agus chiùinich na Lebhithich an sluagh uile, ag ràdh, Bithibh 'n ur tosd, oir *tha* 'n là naomh, agns na bithibh ri bròn.

12 Agus dh'imich an slagh uile a dh'itheadh agus a dh'òl, agus a chur chuibhrionn uatha, agus a dheanamh aoibhneis mhòir, a chionn gu'n do thuig iad na briathran a chuir iad 'an cèill doibh.

13 Agus air an dara là chruinnicheadh cuideachd cinn aithrichean an t-sluaigh uile, na sagartan agus na Lebhithich gu h-Esra an sgrìobhaiche, chum gu'n tuigeadh iad briathran an lagha.

14 Agus fhair iad sgrìobhta anns an lagh a dh'àithn an Tighearn le làimh Mhaois, gu'n gabhadh clann Israeil còmhnuidh ann am pàilliumaibh air an fhéill air an t-seachdamh mìos.

15 Agns an uair a chual' iad so, thug iad gairu 'n am bailtibh uile, agus ann an Ierusalem, ag ràdh, Rachaibh a mach do'n t-sliabh, agus thugaibh leibh geugan chrann-olaidh, agns geugan giuthais, agns gengan miortail, agns geugan pailme, agus geugan chraobh tiugh, a dheanamh phàillium, mar *tha* e sgrìobhta.



16 Agus chaidh an sluagh a mach, agus thug iad leo iad, agus rinn iad dhoibh féin pàillianan, gach fear air mullach a thighe, agus 'n an cùirtibh, agus ann an cùirtibh tighe Dhé, agus ann an sràid geata an uisge, agus ann an sràid geata Ephraim.

17 Agus rinn uile choimhthional na muinntir a thàinig air an ais o'n bhraighdeanas pàillianan, agus shuidh iad fo na pàillian-aibh: oir o làithibh Iosua mhic Nuin, gu ruig an là sin, cha d'rinn clann Israeil mar sin; agus bha gairdeachas ro mhòr ann.

18 Agus leugh e ann an leabhar lagha Dhé là'n déigh là, o'n cheud là gu ruig an là mu dheireadh: agus chum iad an fhéill seachd làithean, agus air an ochdamh là àrd choimhthional a réir a' ghnàtha.

CAIB. IX.

1 *Dh'aidich sluagh Israeil am peacaidhean féin, agus euceartan an aithrichean. 4 Labhair na Lebhithich air maitheas agus truacantas Dhé d'a shluagh Israel.*

**A**GUS air a' cheathramh là fichead de'n mhìos so chrunniceadh clann Israeil ann an trasgadh, agus ann an saic-eudach, agus ùir orra.

2 Agus dh'calaich siol Israeil iad féin o uile chloinn choigreach, agus sheas iad, agus dh'aidich iad am peacaidhean, agus euceartan an aithrichean.

3 Agus dh'éirich iad 'n an àit, agus leugh iad ann an leabhar lagha an Tighearn' an Dé an ceathramh cuid de'n là; agus ceathramh eile dh'aidich iad, agus rinn iad aoradh do'n Tighearn an Dia.

4 An sin dh'éirich air cheumaibh nan Lebhithichead, Iesua, agus Bani, Cadmiel, Sebaniah, Buni, Serebiah, Bani, agus Chenani, agus ghlaodh iad le guth àrd ris an Tighearn an Dia.

5 Agus thubhairt na Lebhithich, Iesua agus Cadmiel, Bani, Hasabniah, Serebiah, Hodiah, Sebaniah, agus Petaliah, Eiribh, beannaichibh an Tighearn bhur Dia gu saoghal nan saoghal: agus beannaichte gu robh d'ainm glòrmhor-sa, a tha air àrdachadh os ceann gach beannachaidh agus cliu.

6 Is tusa, is tusa a'd' aonar an Tighearn: rinn thu na nèamhan, nèamhan nan nèamh agus an slòigh uile, an talamh agus gach nì a tha air, na cuantan agus gach nì a tha ann, agus tha thu 'g an cumail suas uile; agus tha slòigh nan nèamh a' deanamh aoraidh dhuit.

7 Is tu féin an Tighearn an Dia, a thagh Abram, agus a thug a mach e á h-Ur nan Caldéanach, agus a thug Abraham mar ainm air.

8 Agus fhuair thu a chridhe firinneach a'd' fhianuis, agus rinn thu coimheangal ris, gu'n tugadh tu tìr nan Canaanach, nan Hiteach, nan Amorach, agus nan Peridseach, agus nan Iebusach, agus nan Girsasach, gu'n tugadh tu so d'a shliochd;

agus choimhlonn thu do bhriathran, oir tha thu ceart:

9 Agus chumnaic thu àmhghar ar n-aithrichean anns an Eiphit, agus chuala tu an glaoth aig a' mhuir ruaidh:

10 Agus nochd thu comharan agus iongantais air Pharaoh, agus air a sheirbhisich uile, agus air uile shluagh a thìre; oir bha fios agad gu'n d'rinn iad gu h-uabhrach 'n an aghaidh: agus fhuair thu dhuit féin ainm, mar air an là 'n diugh.

11 Agus roinn thu a' mhuir rompa, agus chaidh iad troimh mheadhon na mara air talamh tioram; agus an luchd-tòrachd thilg thu anns an doimhne, mar chloich anns na h-uisgeachaibh làidir.

12 Agus le meall neoil thredraich thu iad 's an là; agus le meall teine 's an oidheche, a shoillseachadh dhoibh na slighe air an imicheadh iad.

13 Agus thàinig thu nuas air sliabh Shinaì, agus labhair thu ri u o nèamh, agus thug thu dhoibh breitheanais chearta, agus laghan fìor-ghlan, reachdan agus àitheantan maithe.

14 Agus do shàbaid naomh dh'fhoillsich thu dhoibh; agus àitheantan, agus reachdan, agus lagh, dh'àithn thu dhoibh le làimh Mhaois d'òglaich:

15 Agus aran o nèamh thug thu dhoibh 'n an ocras, agus uisge as a' charraig thug thu mach dhoibh 'n an tart: agus thubhairt thu ri u dol a steach a shealbhadh an fhearainn a mhionnaich thu gu'n tugadh tu dhoibh.

16 Ach rinn iad féin agus ar n-aithrichean gu h-uabhrach, agus chruaidhich iad am muineal, agus cha d'éisd iad ri d'àitheant-aibh,

17 Agus dhiùlt iad éisdeachd, agus cha do chluimnich iad d'iongantasan a rinn thu 'n am measg; ach chruaidhich iad am muineal, agus chomharraich iad ceannard, chum pilltinn d'an daorsa 's an Eiphit: ach is Dia thusa a tha ealamh gu maitheanas a thoirt seachad, gràsmhor agus tròcaireach, mall a chum feirge, agus pàit ann an truacantas, agus cha do thréig thu iad.

18 Eadhon an uair a rinn iad dhoibh féin laogh leaghta, agus a thubhairt iad, So do dhia a thug a nìos thu as an Eiphit, agus a dh'oibrich iad mòran brosnachaidh;

19 Gidheadh a'd' thruacantas mòr cha do thréig thu iad 's an fhàsach: cha do dhealach am meall neoil ri u 's an là, gu'n treòrachadh air an t-slighe; no am meall teine 's an oidheche, a shoillseachadh na slighe dhoibh air an imicheadh iad.

20 Agus do spiorad maithe thug thu seachad gu'n teagasg, agus do mhana cha do chum thu o'm beul, agus uisge thug thu dhoibh 'n an tart.

21 Eadhon dà fhichead bliadhna bheath-aich thu iad 's an fhàsach: cha robh dìth

orra: cha d'fhàs an eudach sean, agus cha d'at au cosan.

22 Agus thug thu dhoibh rìoghachdan agus slòigh, agus roinu thu iad auu an cearnaibh; agus shealbhaich iad tìr Shihoin, agus tìr rìgh Hesboin, agus tìr Og rìgh Bhàsain.

23 Agus rinn thu an clann Ìonmhor mar reultan nan nèamh, agus thug thu iad do'n tìr mu'n dubhairt thu r'an aithrichibh, gu'n rachadh iad a steach g'a scalbhachadh.

24 Agus chaidh an clauu a steach, agus shealbhaich iad an tìr, agus chiosuaich thu rompa luchd-àiteachaidh na tìre, na Canaan-aich, agus thug thu thairis 'n an làimh iad féin agus an rìghrean, agus sluagh na tìre, a dheanamh riu mar bu mhiann leo.

25 Agus ghlac iad bailtean daingnichte, agus talamh reamhar, agus shealbhaich iad tighean làn de gach *ni* maith, tobraichean cladhaichte, fion-liosan agus liosan-olaidh, agus craobhan meas ann am pailteas: agus dh'ith iad, agus shàsuicheadh iad, agus dh'èas iad reamhar, agus bha toil-inntinn aca ann ad mhòr mhaithreas-sa.

26 Gidheadh, bha iad eas-umhal agus rinn iad ceannaire a'd' aghaidh, agus thilg iad do lagh air an cùlaobh, agus mharbh iad d'fhàidhean a thug fianuis 'n an aghaidh, chum am pilltinn a d'ionnsuidh, agus dh'oibrich iad uòran brosnachaidh.

27 Air an aobhar sin thug thu thairis iad do làimh an naimhdean, a shàraich iad: agus ann an àm an airce ghlaodh iad riut, agus o na nèamhan chuala tu, agus a'd' mhòr thrèair thug thu dhoibh luchd-saoraidh, a shaor iad à làimh an naimhdean.

28 Ach an uair a bha fois aca, rinn iad ole a ris a'd' fhianuis; uime sin dh'fhàg thu iad ann an làimh an naimhdean, agus bha uachdaranachd aca orra. Gidheadh, an uair a phill iad agus a ghlaodh iad riut, chuala tu o na nèamhan, agus shaor thu iad a'd' mhòr thrèair iomadh uair:

29 Agus thug thu fianuis 'n an aghaidh, chum an toirt air an ais a dh'ionnsuidh do lagha: gidheadh, rinn iadsan gu h-naibhreach, agus cha d'éisd iad ri d'aitheantaibh, ach pheacaich iad an aghaidh do bheirtheanas, (nithean ma bheir duine ùmhlachd dhoibh, bithidh e beò aunta;) agus tharruing iad air falbh an gualann, agus chruaidhich iad am muineal, agus cha-n éisdeadh iad.

30 Agus ghiùlain thu leo ré iomadh bliadhna, agus rinn thu fianuis 'n an aghaidh le d' spiorad le làimh d'fhàidhean: ach cha-n éisdeadh iad, agus thug thu thairis iad do làimh shluagh nan tìr.

31 Gidheadh ann ad mhòr thrèair cha do chuir thu as doibh gu tur, agus cha do thréig thu iad; oir *is* Dia gràsmhor agus trèair-each thusa.

32 A nis ma ta, O ar Dia-nc, a Dhé mhòir, chumhachdaich, agus uamhasaich,

a chumas coimhcheangal agus trèair, na measar beag a' d'fhianuis an sàrachadh so uile a thàinig oirne, air ar rìghribh, air ar n-uachdaranaimh, agus air ar sagartaibh, agus air ar fàidhibh, agus air ar n-aithrichibh, agus air do shluagh nìle, o làithibh rìghrean Asiria gu ruig an là'n diugh.

33 Ach *tha* thusa cothromach anns gach *ni* a thàinig oirun; oir rinn thusa gu fìrinn-each, ach rinn sinne gu h-aingidh.

34 Cha do ghléidh ar rìghrean, ar n-uachdaran, ar sagartan, no ar n-aithrichean do lagh-sa, agus cha d'éisd iad ri d'aitheantaibh, agus ri d' theisteachas leis an d'thug thu teisteachas 'n an aghaidh:

35 Oir cha do rinu iad seirbhis dhuit 'n an rìoghachd, agus auns a' mhòr mhaith a thug thu dhoibh, agus auus au fhearann fharsaing agus reamhar a chuir thu fa'n comhair; agus cha do phill iad o'u droch oibribh.

36 Feuch, *is* seirbhisich sinn an diugh, agus am fearann a thug thu d'ar n-aithrichibh a dh'ithheadh a thoraidh agus a mhaith, feuch, *is* seirbhisich sinn ann.

37 Agus *is* mòr a thoradh do na rìghribh a chuir thu os ar ceann air son ar peacaidhean; agus *tha* uachdaranachd aca os ceann ar corp, agus os ceann ar spréidhe, a réir an toile, agus tha sinn ann an àmhlach mòr.

38 Agus air son so uile nì sinn coimhcheangal cinnteach, agus sgrìobhaidh sinn *e*; agus cuiridh ar n-uachdaran, ar Lebhithich, agus ar sagartan an seula air.

## CAIB. X.

1 *Ainmean an t-sluaigh a chuir an seula ris a' choimhcheangal.* 28 Chaidh a' chuid eile de'n t-sluagh fo mhionnaibh gluasad ann an lagh Dhé.

**A**GUS so iadsan a chuir an seula air: Nehemiah an Tirsata, mac Hachaliah, agus Sedeciah,

2 Seraiah, Asariah, Jeremiah,  
3 Pasur, Amariah, Malchiah,  
4 Hatus, Sebaniah, Maluch,  
5 Harim, Meremot, Obadiah,  
6 Daniel, Gineton, Baruch,  
7 Mesulam, Abiah, Miamin,  
8 Maasiah, Bilgai, Semaiah: *biad sin na sagartan.*

9 Agus na Lebhithich: Iesua mac Asaniah, Binui de mhacaibh Henadaid, Cadmiel;

10 Agus am bràithrean, Sebaniah, Hodiah, Celita, Pelaiah, Hanan,

11 Micha, Rehob, Hasabiah,  
12 Sacur, Serebiah, Sebaniah,

13 Hodiah, Bani, Beuinu.  
14 Cinn an t-sluaigh: Paros, Pahat-moab,

Elam, Satu, Bani,  
15 Buni, Asgad, Bebai,

16 Adoniah, Bigbhai, Adin,



17 Ater, Hisciah, Adsar,  
18 Hodiah, Hasum, Besai,  
19 Hariph, Anatot, Nebai,  
20 Magbias, Mesulam, Hesir,  
21 Mesesabeel, Sadoc, Iadua,  
22 Pelatiah, Hanan, Anaiah,  
23 Hosea, Hananiah, Hasub,  
24 Halohes, Pileha, Sobec,  
25 Rehum, Hasabnah, Maseciah,  
26 Agus Ahiah, Hanan, Anan,  
27 Maluch, Harim, Baanah.

28 Agus a' chuid eile de'n t-sluagh, na sagartan, na Lebhithich, na dorsairean, an luchd-seinn, na Netinich, agus iadsan uile a dhealaich iad fèin o shluagh nan tìr a chum lagha Dhé, am mnathan, am mic, agus an nigheanan, gach aon aig an robh còlas agus tuitse;

29 Dhluth-lean iad r'am bràithribh, an àrd uaislean, agus chaidh iad fo mhallachadh, agus fo mhionnaibh, gluasad ann an lagh Dhé, a thugadh seachad le làimh Mhaois òglaich Dhé, agus a choinhead agus a dheanamh uile àitheantan Iehobhah ar Tighearn', agus a bhreitheanas, agus a reachdan:

30 Agus nach toir sinn ar nigheanan do shluagh na tìre, agus nach gabh sinn an nigheanan-san d'ar macaibh:

31 Agus ma bheir sluagh na tìre leo bathar, no biadh air bith air là na sàbaid, g'a reiceadh, nach ceannaich sinn e uatha air an t-sàbaid, no air là naomh: agus gu'n leig sinn seachad an t-seachdamh bliadhna, agus togail nam fiach uile.

32 Mar an ceudna rinn sinn reachdan dhinnin fèin, an treas cuid de sheel a chur a dh'fhiahaibh oirm fèin gach bliadhna, air son seirbhis tìghe ar Dé;

33 Air son an arain thaisbeanaidh, agus air son an tabhartais-bhìdh ghnàthaichte, agus air son iobairt-loisgte ghnàthaichte nan sàbaid agus nan gealach ùr, air son nam fèill suidhichte, agus air son nan nithean naomha, agus air son nan iobairt-phacaidh, a dheanamh rèite air son Israeil, agus air son uile oibre tìghe ar Dé.

34 Agus thilg sinn croinn, na sagartan, na Lebhithich, agus an sluagh mu'n tabhartas-fhiodha, chum a thabhairt gu tigh ar Dé, a rèir tìghe ar n-aithrichean, air amaibh suidhichte, o bhliadhna gu bliadhna, a losgadh air altair an Tighearn' ar Dé, mar *tha* e sgrìobhta anns an lagh:

35 Agus a thabhairt ceud-thoraidh ar fear-aim, agus ceud-thoraidh uile mheas gach uile chraoibh, o bhliadhna gu bliadhna, gu tigh an Tighearna:

36 Agus a thabhairt ceud-ghin ar mae, agus ar n-ainmhidhean, mar *tha* e sgrìobhta anns an lagh, agus ceud-ghin ar cruaidh agus ar caorach, gu tigh ar Dé, dh'ionnsuidh nan sagart a fhrithheilas ann an tigh ar Dé:

37 Agus gu'n tugamaid ceud-thoradh ar taoise, agus ar tabhartasan, agus meas gach gnè craoibhe, fiona agus olaidh, dh'ionnsuidh nan sagart, gu seòmraichibh tìghe ar Dé; agus deachamh ar fearainn do na Lebhithich, air chor as gu faigheadh na Lebhithich sin an deachamh ann an uile bhailtibh ar treabhachais.

38 Agus bithidh an sagart mac Aaroin maille ris na Lebhithich, an uair a thogas na Lebhithich an deachamh: agus bheir na Lebhithich suas leo deachamh an deachaimh gu tigh ar Dé, a steach do na seòmraichibh, do thigh an ionmhaiss:

39 Oir bheir clann Israeil, agus clann Lebhì leo tabhartas an arbhair, an fhiona nuaidh, agus na h-olaidh, steach do na seòmraichibh, far *am bheil* soithichean an ionaid naomh, agus na sagartan, [agus] an luchd-frithealaidh, agus na dorsairean, agus an luchd-seinn. Agus cha tréig sinne tigh ar Dé.

CAIB. XI.

1 *Chòmhnuich vachdarain an t-sluaigh, agus na daoine a thàirg iad fèin gu toileach, ann an Ierusalem:* 20 *Ghabh a' chuid eile de'n t-sluagh còmhnuidh gach duine 'n a sheilbh fèin.*

**A** GUS chòmhnuich vachdarain an t-sluaigh ann an Ierusalem; agus thilg a' chuid eile de'n t-sluagh croinn, a thoirt aoin as an deichnear a ghabhail còmhnuidh ann an Ierusalem am baile naomh, agus *gu'm bitheadh* naoi earrannan anns na bailtibh eile.

2 Agus bheannaich an sluagh na daoine uile, a thàirg iad fèin gu toileach gu còmhnuidh 'ghabhail ann an Ierusalem.

3 Agus *is* iad so einn na mòr-roinne, a chòmhnuich ann an Ierusalem, agus ann am bailtibh Iudah: ghabh gach aon còmhnuidh 'n a sheilbh fèin, 'n am bailtibh, na h-Israelich, na sagartan, agus na Lebhithich, agus na Netinich, agus mic sheirbhiseach Sholaimh.

4 Agus chòmhnuich ann an Ierusalem de chloinn Iudah agns de chloinn Bheniamin: de chloinn Iudah: Ataiah mac Udsiah, mhic Shechariah, mhic Amariah, mhic Shephatiah, mhic Mahalaleil, de chloinn Phereiss:

5 Agus Maseciah mac Bharuich, mhic Chollhoseh, mhic Hasaiah, mhic Adaiah, mhic Ioarib, mhic Shechariah, mhic Shiloni.

6 Mie Phereiss uile a chòmhnuich ann an Ierusalem, ceithir cheud, trì fichead, agus oehd fir threuna.

7 Agus *is* iad so mie Bheniamin; Salu mac Mhesulaim, mhic Ioeid, mhic Phedaiah, mhic Chohaiah, mhic Mhaaseiah, mhic Itieil mhic Iesaiah.

8 Agus 'n a dhéigh-san Gabai, Salai, naoi ceud agus a h-oehd thar fhichead.

9 Agus Iocl mac Shichri 'n a fhear-amhair thairis orra; agus Iudah mac She-nuah au dara *fear* os ceann a' bhaile.

10 De na sagartaibh: Iedaiah, Ioiarib, Iachin,

11 Seraiah mac Hilciah, mhic Mhesulaim, mhic Shadoic, mhic Mheraiot, mhic Ahi-tuib, riaghlair tighe Dhé.

12 Agus am bràithrean a rinn obair an tighe, ochd ceud, agus a dhà thar fhichead: agus Adiah mac Ierohaim, mhic Phelaliah, mhic Ansi, mhic Shechariah, mhic Phasuir, mhic Mhalchiah;

13 Agus a bhràithrean, cinn nan aithrich-ean, dà cheud, dà fhichead, agus a dhà: agus Amasai mac Asareil, mhic Ahasai, mhic Mhesilemoit, mhic Imeir.

14 Agus am bràithrean, fir chomasach ghaiseil, ceud agus a h-ochd thar fhichead: agus 'n a fhear-amhair thairis orra Sab-diel, mac *aoin* de na daoineibh mora.

15 Agus de na Lebhithich: Semaiah mac Hasuib, mhic Asricaim, mhic Hasabiah, mhic Bhuni;

16 Agus Sabetai, agus Iosabad, de cheann-aibh nan Lebhithich, os ceann oibre tighe Dhé o'n leth muigh.

17 Agus Mataniah mac Mhicha, mhic Shabdi, mhic Asaiph, an ceud fhear a thòis-icheadh air buidheachas a thoirt ann an urnuigh; agus Bacbuciah, an dara *fear* am measg a bhràithrean, agus Abda mac Sha-mua, mhic Ghalail, mhic Iedutuin.

18 Na Lebhithich uile anns a' bhaile naomh, dà cheud, ceithir fichead, agus a ceithir.

19 Agus na dorsairean, Acub, Talmon, agus am bràithrean a bhia ri faire aig na geataibh, ceud, trì fichead, agus a dhà-dheug.

20 Agus *bha* 'chuid eile de Israel, na sagartan, agus na Lebhithich, ann an uile bhailtibh Iudah, gach fear 'n a sheilbh féin.

21 Ach ghabh na Netinich còmhnuidh ann an Ophel; agus *bha* Siha agus Gispa os ceann nan Netineach.

22 Agus *b'e* fear-amhair thairis nan Lebhithich ann an Ierusalem Udsi mac Bhani, mhic Hasabiah, mhic Mhataniah, mhic Mhicha. De mhacaibh Asaiph, *bha* 'n luchd-seinn fa chomhair oibre tighe Dhé:

23 Oir *b'i* àithne an rìgh mu'n timchioll, gu'm bitheadh cuibhrionn araidh air son an luchd-seinn, a dhlighe féin air gach là.

24 Agus *bha* Petaiah mac Mhesesabceil, de chloinn Sherah mhic Iudah, aig làimh an rìgh anns gach cùis a thaobh an t-sluaigh.

25 Agus a thaobh nam bailtean beaga 'n am fearann, chòmhnuich *cuid* de mhac-aibh Iudah ann an Ciri-at-arba agus 'n a bhailtibh beaga, agus ann an Dibon agus 'n a bhailtibh beaga, agus ann an Iecabseel agus 'n a bhailtibh beaga,

26 Agus ann an Iesua, agus ann am Mola-dah, agus ann am Bet-pelet,

27 Agus ann an Hasar-sual, agus ann am Beer-seba agus 'n a bhailtibh beaga,

28 Agus ann an Sielag, agus ann am Me-conah agus 'n a bhailtibh beaga,

29 Agus ann an En-rimon, agus ann an Sareah, agus ann an Iarmut,

30 Sanoah, Adulam, agus 'n am bailtibh beaga, ann an Lachis agus 'n a fhearann, ann an Asecah agus 'n a bhailtibh beaga. Agus chòmhnuich iad o Bheer-seba gu ruig gleann Hinoim:

31 Agus mic Bheniamin o Gheba, ann am Michmas, agus Aia, agus Bet-el agus 'n a bhailtibh beaga,

32 Ann an Anatot, Nob, Ananiah,

33 Hasor, Ramah, Gitaim,

34 Hadid, Seboim Nebalat,

35 Lod, agus Ono, gleann an luchd-ceirde.

36 Agus de na Lebhithich *bha* roinnean, ann an Iudah, agus ann am Beniamin.

# CAIB. XII.

1 Na sagartan, agus na Lebhithich a chaidh suas maille ri Serubabel. 12 Cinn aithrichean nan sagart. 27 Coisreagadh balla Ierusalem. 44 Dreuchd nan sagart agus nan Lebhithich a shuidhicheadh anns an teampull.

**A**GUS is iad so na sagartan agus na Lebhithich a chaidh suas maille ri Serubabel mac Shealtieil, agus Iesua: Seraiah, Ieremiah, Esra,

2 Amariah, Maluch, Hatus,

3 Sechaniah, Rehun, Meremot,

4 Ido, Gineto, Abiah,

5 Miamin, Maadiah, Bilgah,

6 Semaiah, agus Ioiarib, Iedaiah,

7 Salu, Amoc, Hilciah, Iedaiah: *b'i*ad sin cinn nan sagart agus am bràithrean ann an Iàithibh Iesua.

8 Agus na Lebhithich: Iesua, Binui, Cad-miel, Serebiah, Iudah, agus Mataniah a *bha* os ceann nan laoidh-mholaidh, e féin agus a bhràithrean:

9 Agus Bacbuciah, agus Uni, agus am bràithrean, a *bha* thall fa'n comhair-san anns na fairibh.

10 Agus ghin Iesua Ioiacim, agus ghin Ioiacim Elhasib, agus ghin Elhasib Ioiada,

11 Agus ghin Ioiada Ionatan, agus ghin Ionatau Iadua.

12 Agus ann an Iàithibh Ioiacim *bha* 'n an sagartan, cinn nan aithrichean: o Seraiah, Meraiah: o Ieremiah, Hananiah:

13 O Esra, Mesulau: o Amariah, Ichonahan:

14 O Mhelicu, Ionatan: o Shechaniah, Ioseph:

15 O Harinu, Adnah: o Mheraiot, Helcai:

16 O Ido, Sechariah: o Glineton, Mesulam:

17 O Abiah, Sichri: o Mhiamin, \*\*\*: o Mhoadiah, Pitai:

18 O Bhilgah, Samua: o Shemaiah, Ichonatan:



# NEHEMIAH, XIII.

19 O Ioiarib, Matenai: o Iedaiah, Udsi:  
20 O Shalai, Calai: o Amoc, Eber:  
21 O Hilciah, Hasabiah: o Iedaiah, Neta-  
neel.

22 Sgrìobhadh sìos na Lebhithich ann  
an làithibh Eliasib, Ioiada, agus Iohanain,  
agus Iadua, cinn nan aithrichean; agus na  
sagartan gu ruig rìoghachadh Dhariuis a'  
Phersaich.

23 Sgrìobhadh sìos mic Lebhi, cinn nan  
aithrichean, ann an leabhar nan eachdraidh,  
gu ruig làithean Iohanain mhic Eliasib.

24 Agus cinn nan Lebhithic: Hasabiah,  
Serebiah, agus Iesua mac Chadmiel, agus  
ann bràithrean thall fa'n comhair, a mholadh  
agus a thabhairt buidheachais a réir aithne  
Dhaibhidh òglaich Dhé, faire fa chomhair  
faire.

25 Mataniah, agus Bacbuciah, Obadiah,  
Mesulam, Talmon, Acub, 'n an dorsairibh  
a' coimhead na faire aig stairsneachaibh  
nan geata.

26 Iad sin ann an làithibh Ioiacim mhic  
Iesua, mhic Iosadaic, agus ann an làithibh  
Nehemiah an nachdarain, agus Esra an  
t-sagairt, an sgrìobhaiche.

27 Agus aig coisreagaidh balla Ierusalem  
dh'farr iad na Lebhithich as an àithibh uile,  
chum an tabhairt gu h-Ierusalem, a chunnail  
a' choisreagaidh le h-aobhneas, agus le  
breth-buidheachais, agus le seinn, le ciom-  
balaibh, saltairibh, agus le clàrsaichibh.

28 Agus chruinnich mic an luchd-seinn an  
ceann a chéile, araon as an tìr chòmhnaird  
mu thimchioll Ierusalem, agus á bailtibh  
beaga Netophati;

29 Agus á tighl Ghilgail, agus á machairibh  
Gheba agus Asnabheit; oir thog an luchd-  
seinn bailtean beaga dhoibh féin mu thim-  
chioll Ierusalem.

30 Agus ghlan na sagartan agus na Lebh-  
ithich iad féin, agus ghlan iad ann sluagh,  
agus na geatachan, agus am balla.

31 An sin thug mi suas nachdarain Iudah  
air a' bhalla, agus dh'orduich mi dà chuid-  
eachd mhòr chum molaidd, agus gu'n imich-  
eadh aon a dh'ionnsuidh na làimhe deise  
air a' bhalla gu geata an aolaich:

32 Agus 'n an déigh-san chaidh Hosaiah,  
agus leth nachdarain Iudah,

33 Agus Asariah, Esra, agus Mesulam,

34 Iudah, agus Benjamin, agus Semaiah,  
agus Jeremiah:

35 Agus cuid de mhacaibh nan sagart le  
trompaidibh; Sechariah mac Ionatain, mhic  
Shemaiah, mhic Mhataniah, mhic Mhichai-  
ah, mhic Shacuir, mhic Asaiph;

36 Agus a bhraithrean Semaiah, agus  
Asareel, Milalai, Gilalai, Maai, Netaneel,  
agus Iudah, agus Hanani, le innealaibh-  
ciùil Dhaibhidh òglaich Dhé, agus Esra an  
sgrìobhaiche rompa.

37 Agus aig geata an tobair a bha fa'n  
comhair, chaidh iad suas air ecumaibh baile

Dhaibhidh, aig dol suas a' bhalla, os ceann  
tighle Dhaibhidh, gu ruig geata an uisge a  
làimh na h-àirde 'n car.

38 Agus dh'imich a' chuideachd eile a bha  
chum molaidd thall fa'n comhair, agus mise  
'n an déigh, agus leth an t-sluaigh air a'  
bhalla, o thaobh shuas tìr nan àmhuinn gu  
ruig am balla leathan;

39 Agus o thaobh shuas geata Ephraim,  
agus os ceann an t-seann gheata, agus os  
ceann geata an éisg, agus tìr Hananeil,  
agus tìr Mheah, gu ruig geata nan caorach;  
agus sheas iad ann an geata a' phrìosain.

40 An sin sheas an dà chuideachd a bha  
chum molaidd ann an tigh Dhé, agus mise  
agus leth nan riaghlair maille rium:

41 Agus na sagartan, Eliacim, Maaseiah,  
Miniamin, Michaiah, Elieoenai, Sechariah,  
Hananiah le trompaidibh;

42 Agus Maaseiah, agus Semaiah, agus  
Eleazar, agus Udsi, agus Iehohanai, agus  
Malchiah, agus Elam, agus Eser: agus sheinn  
an luchd-seinn gu h-àrd, agus Iesraiah 'n a  
fhear-amhaire thairis orra.

43 Agus dh'ìobair iad air an là sin ìobairt-  
can mòra, agus rinn iad gairdeachas; oir  
thug Dia orra gairdeachas a dheanamh le  
h-aobhneas mòr: rinn na mnathan mar an  
ceudna agus a' chlànn gairdeachas, agus  
chualas gairdeachas Ierusalem 'an céin.

44 Agus shuidhicheadh air an là cheudna  
daoine os ceann nan seòmar air son nan  
ionmhas, air son nan tabhartas, air son nan  
ceud thoradh, agus air son nan deachamh,  
chum gu'n cruinnicheadh iad anna á  
achannaibh nam bailtean cuibhrionnann an  
lagha do na sagartan agus do na Lebhithich:  
oir bha aobhneas air Iudah air son nan  
sagart agus air son nan Lebhithic a bha  
a' feitheamh.

45 Agus choimhid iad faire an Dé, agus  
faire a' ghlanaidh, araon an luchd-seinn  
agus na dorsairean, a réir aithne Dhaibh-  
idh agus Sholaimh a mhic:

46 Oir ann an làithibh Dhaibhidh agus  
Asaiph o shean bha cinn ann air an luchd-  
seinn, agus air na laoidhibh molaidd agus  
buidheachais do Dhia.

47 Agus thug Israel uile seachad ann an  
làithibh Sherubabel, agus ann an làithibh  
Nehemiah, cuibhrionnann an luchd-seinn agus  
nan dorsair, dlìge gach là air a là féin;  
agus naomhaich iad nithean do na Lebh-  
ithich; agus naomhaich na Lebhithich do  
chloinn Aaroin.

## CAIB. XIII.

1 Air leughadh an lagha dhoibh dhealaicheadh  
Israel o'n t-sluaigh mheasgta. 4 'N uair a  
phill Nehemiah thug e faineir na seòm-  
raichean a ghlanaidh. 10 Thagair e càis  
nan Lebhithic. 15 Mu bhriseadh na sàbaid. 23 Mu na h-Iudhaich a phòs  
mnathan coimheadh.

A IR an là sin leughadh ann an leabhar  
A Mhaois ann an éisdeachd an t-sluaigh,

agus fhuaradh sgrìobhta ann, uach tigeadh an t-Amonach agus an Moabach a steach do choinnithiual Dhé gu bràth;

2 A chionn nach do choinnich iad clann Israeil le h-aran agus le h-uisge, agus gu'n do thuarasdalaich iad Balaam 'n an aghaidh chum am uallachadh: ach thionndaidh ar Dia am mallachadh gu beannachadh.

3 A uis an uair a chual' iad an lagh, dhealaich iad au slugh measgta uile o Israel.

4 Agus roimhe so *bha* aig Eliasib an sagart, a chuireadh os ceann seòmair tighe ar Dé, cleamhnas ri Tobiah.

5 Agus rinn e dha seòmair mòr, far au robh iad roimhe a' cur an tabhartais-bhìdh, na tùise, agus nan soitheach, agus deachaimh an arbhair, an fhìona nuaidh, agus na h-olaich, (a dh'orduicheadh do na Lebhithich, agus do'n luchd-seinu, agus do na dorsairibh,) agus tabhartais nan sagart.

6 Ach an uair a thachair so uile cha robh mise ann an Ierusalem; oir anns au dara bliadhna deug thar fhichead de Artaceseres rìgh Babiloin, thàinig mi dh'ionnsuidh an rìgh, agus an dèigh làithean àraidh fhuair mi mo chead o'n rìgh:

7 Agus thàinig mi gu h-Ierusalem, agus thug mi an t-ole a rinn Eliasib air son Thobiah, seòmair a dheanadh dha ann an cùirtibh tighe Dhé.

8 Agus ghabh mi gu ro ole e; agus thilg mi uile airneis-tighe Thobiah uach as an t-seòmair.

9 Agus dh'àithn mi, agus ghlan iad ua seòmraichean: agus thug mi air an ais an sin soithichean tighe Dhé, an tabhartas-bìdh agus an tuis.

10 Agus dh'aithnich mi nach d'thugadh seachad cuibhriomnan nan Lebhithich; oir theich ua Lebhithich agus au luchd-seinu a rinn an obair, gach duine a dh'ionnsuidh 'fhearainn féin.

11 Agus thug mi achmhasan do na riaghlairibh, agus thubhairt mi, C'ar son a thrèigeadh tigh Dhé? Agus chruinnich mi iad ri 'chéile, agus shuidhich mi iad 'n an àit.

12 Agus thug Iudah uile deachamh an arbhair, agus an fhìona nuaidh, agus ua h-olaich a steach do na h-ionmhasaibh.

13 Agus chuir mi luchd-coimhid os ceann nan ionmhas, Selemiah an sagart, agus Sadoc an sgrìobhaiche; agus de na Lebhithich, Pedajah; agus làmh riu-san Hauan mac Shacuir, mhic Mhataniah: oir mheasadh fìrinneach iad, agus *bha* orra-san roim air am bràithribh.

14 Cuimhnich orm, O mo Dhia, air son so, agus na cuir as do shealladh mo dheadh ghnìomharan a rinn mi a thaobh tighe mo Dhé agus a thaobh 'fhairean.

15 Anns na làithibh sin chunnaic mi ann an Iudah *daoine* a' saltairt fhìon-amar air

an t-sàbaid, agus a' toirt a stigh sguab, agus a' cur luchd air asalaibh; agus mar an ceudna fìon, fìon-dhearcan, agus figean, agus gach gnè callaich, a thug iad a stigh do h-Ierusalem air là na sàbaid: agus thug mi fianuis 'n an aghaidh air an là air au do reic iad biadh.

16 Ghabh mar an ceudna Tìoraich còmh-muidh ann, a thug a stigh iasg agus gach gnè bathair; agus reic iad air an t-sàbaid ri clann Iudah, agus ann an Ierusalem.

17 Agus thug mi achmhasan do àrd uaislibh Iudah, agus thubhairt mi riu, Ciod an ni ole so a tha sibh a' deanamh, agus sibh a' briseadh là na sàbaid?

18 Nach d'rinn blur n-aithrichean mar so, agus nach d'thug ar Dia an t-ole so nìle oirne, agus air a' bhaile so? agus *tha* sibhse a' toirt tuilleadh feirge air Israel leis au t-sàbaid a bhriscadh.

19 Agus an uair a thòisich geatachan Ierusalem air a bhì dorchà roimh 'u t-sàbaid, dh'àithn mi, agus dhruideadh na comhlachan; agus dh'àithn mi nach bitheadh iad air am foghladh gus an dèigh na sàbaid: agus *cuid* de m'òglachaibh shuidhich mi aig na geataibh, chum nach tigeadh eallach a stigh air là na sàbaid.

20 Agus ghabh na ceannaichean, agus luchd-reicidh gach gnè bathair, tàmh an taobh a muigh de Ierusalem uair no dhà.

21 Agus thug mi fianuis 'n an aghaidh, agus thubhairt mi riu, C'ar son a tha sibh a' gabhail tàmh fa chomhair a' bhalla? na ni sibh a ris e, leagaidh mi làmh oirbh. O'n àm sin cha d'thàinig iad *tuilleadh* air au t-sàbaid.

22 Agus dh'àithn mi do na Lebhithich, a bha 'g an glanadh féin, agus a thàinig a ghleidheadh nan geata, gu'n naomhaicheadh iad là na sàbaid. Cuimhnich orm, O mo Dhia, *thaobh* so mar an ceudna, agus caomhain mi a réir meud do thrèicair.

23 Mar an ceudna anns na làithibh sin chunnaic mi Iudhaich a phòs mnathan de Asdod, de Amon, agus de Mhoab.

24 Agus labhair an clann leth ann an cainnt Asdod, agus cha b'urrainn iad labhairt ann an cainnt nan Iudhach, *ach* a réir cainnte an dà shluaigh.

25 Agus thug mi achmhasan dhoibh, agus mhallaich mi iad, agus bhuail mi cuid diubh, agus spion mi dhiubh an fàit, agus thug mi orra mionnachadh air Dia, uach tugadh iad an nigheanan d'am macaibh-san, agus nach gabhadh iad an nigheanan-san d'am uacaibh, no dhoibh féin.

26 Leis na nithibh sin nach do phcaicigh Solamh rìgh Israeil? gidheadh am measg mhòrain chimeach cha robh rìgh ann cosmhuil ris, a bha air a ghràdhachadh le 'Dhia, agus a rinn Dia 'n a rìgh air Israel uile, ach thug mnathan coimheach air-san féin peacachadh.



27 An éisd sinn ribh ma ta gus an t-ole mòr so uile a dheanamh, gu peacachadh an aghaidh ar Dé, le mnathan coimheach a phòsadh.

28 Agus bha *aon* de mhacaibh Ioiada, mhic Eliasib an àrd-shagairt, 'n a chliamh-uin aig Sanbalat an t-Horonach: uinne sin dh'fhògair mi uam e.

29 Cuimhnich orra, O mo Dhia, chionn gu'n do thruaill iad an t-sagartachd, agus

coimheangal na sagartachd agus nan Lebhithheach.

30 Mar so ghlan mi iad o gach coigreach, agus dh'orduich mi fairean nan sagart agus nan Lebhithheach, gach aon 'n a ghnòthuch féin:

31 Agus air son nan tabhartas-fiodha, aig amaibh suidhichte, air son nan ceud thoradh. Cuimhnich orm, O mo Dhia, chum maith.

## ESTER.

### CAIB. I.

1 *Rinn Ahasuerus cuirm d'a uachdaranaihb agus d'a sheirbhisich. 10 Dhiùlt Bhasti teachd an làthair an rìgh 'n uair a' chuir e fios oirre. 16 Le comhairle Mhemucain chuir an rìgh air faibh Bhasti.*

**A**NIS ann an làithibh Ahasueruis, (*is e* so an t-Ahasucrus a rìghich o India gu ruig Etiopia, *os ceann* ceud, agus seachd thar fhichead mòr-roinn;)

2 Anns na làithibh sin, an uair a shuidh rìgh Ahasucrus air rìgh-chaitir a rìgh-achd, a *bha* ann an Susan an luchairt;

3 Anns an treas bliadhna d'a rìghachadh, rinn e fleadh d'a nachdarain uile, agus d'a sheirbhisich; *agus* cumhachd Phersia agus Mhedia, àrd uaislean agus uachdarain nam mòr-roinnean 'n a làthair;

4 An uair a nochd e saobhbheas a rìgh-achd ghlòrnhoir, agus urram a mhòrachd òirdheire, ré ceud agus ceithir fichead là.

5 Agus an uair a chrìochnaicheadh na làithean sin, rinn an rìgh do'n t-sluagh uile a bha làthair ann an Susan an luchairt, cadar mhòr agus bheag, fleadh sheachd làithean, ann an cùirt lios tighe an rìgh.

6 *Bha na cùirteinean* geal, uaine, agus gorm air an crochadh le cordaibh de anart grunn agus de choreur, air failbheagaibh airgid, agus puist marmoir: na leapaichean a dh' òr agus a dh' airgiod, air leac-urlair de mharmer dearg, agus gorm, agus geal, agus dubh.

7 Agus thug iad deoch seachad ann an soithichibh òir, agus na soithichean eucosmhuil r'a chéile, agus fion rìoghail ann am pailteas, mar a thigeadh do'n rìgh.

8 Agus *bha* 'n t-òl a réir an lagha, gun neach ann a dh'éignicheadh; oir mar sin dh'àithn an rìgh do uile dhaoinibh mòra a thighe, gu'n deanadh iad mar a b'àill leis gach duine.

9 Mar an ceudna rinn Bhasti a' bhan-rìghinn fleadh do na mnàibh *anns* an tigh rìoghail a *bhuineadh* do rìgh Ahasucrus.

10 Air an t-seachdamh là, 'n uair a bha cridhe an rìgh subhach le fion, dh'àithn e

do Mheluman, do Bhista, do Harbona, do Bhigta, agus do Abagta, do Shetar, agus do Charcas, na seachd caillteanaich a fhrith-cil ann an làthair an rìgh Ahasueruis,

11 Bhasti a' bhan-rìghinn a thoirt an làthair an rìgh leis a' chrùn rìoghail, a nochdadh do'n t-sluagh agus do na h-uachdaranaihb a sgéimhe; oir *bha* i maiseach ri amharc oirre.

12 Ach dhiùlt a' bhan-rìghinn Bhasti teachd air àithne an rìgh a *thug e seachd* le làimh nan caillteanaich: agus bha corruich mhòr air an rìgh, agus las 'fhearg an taobh a stigh dheth.

13 An sin thubhairt an rìgh ris na daoineibh glìce, d'am b'aithne na h-aimsircan, (oir *b'e* sin gnàth an rìgh d'an taobh-san uile a bha còlach air lagh agus breitheanas;

14 Agus làimh ris *bha* Carsena, Setar, Admata, Tarsis, Meres, Marsena, agus Memucan, seachd uachdarain Phersia agus Mhedia, a *bha* 'faicinn gnùise an rìgh, *agus* a shuidh air thoiseach 's an rìoghachd.)

15 A réir an lagha ciod a ni sinn ris a' bhan-rìghinn Bhasti, a chionn nach d'rinn i iarrtas an rìgh Ahasueruis le làimh nan caillteanaich?

16 Agus thubhairt Memucan an làthair an rìgh agus nan uachdaran, Cha-n ann air an rìgh a mhàin a rinn Bhasti a' bhan-rìghinn cucoir, ach mar an ceudna air na h-uachdaranaihb uile, agus air an t-sluagh uile, a *tha* ann an uile mhòr-roinneibh rìgh Ahasueruis:

17 Oir nithear gnìomh na ban-rìghinn aithnichte do na mnàibh uile, air chor as gu'n dean iad tàir air am fir 'n an sùilibh, 'n uair a their iad, Dh'àithn an rìgh Ahasueruis a' bhan-rìghinn Bhasti a thoirt a steach 'n a làthair, ach cha d'fhàinig i.

18 Mar an ceudna air an là'n diugh labhairidh bain-tighearnan Phersia agus Mhedia, a chluinneas mu ghnìomh na ban-rìghinn, ri uile uachdaranaihb an rìgh: mar so *èiridh suas* pailteas tàire agus feirge.

19 Ma's maith leis an rìgh, thigeadh àithne rìoghail a mach uaith, agus sgrìobhar i am

measg laghannan nam Persach agus nam Médeach, chum nach atharraichear i, Nach tig Bhasti nì's mò an làthair an rìgh Ahasueruis, agus gu'n toir an rìgh a h-inbhe rioghail do mhnaoi eile a's fearr na ise.

20 Agus an uair a chluinnear àithne an rìgh a bheir e seachad air feadh a rìoghachd uile, (oir *tha* i mòr,) bheir na mnathan uile urram d'am fearaibh, eadar mhòr agus bheag.

21 Agus thaitinn am focal ris an rìgh agus r'a uachdaranaibh; agus rinn an rìgh a réir focail Mhemucain:

22 Agus chuir e litrichean a dh'ionnsuidh uile mhòr-roinnean an rìgh, dh'ionnsuidh gach mòr-roinne a réir a sgrìobhaidh, agus a dh'ionnsuidh gach sluagh a réir an càinain, gu'm bitheadh gach fear 'n a uachdaran 'n a thigh féin; agus gu'm bitheadh so air fhoillseachadh a réir càinain gach sluagh.

### CAIB. II.

1 *Chomhairlich 'òglaich do'n rìgh ban-rìghinn eile iarraidh 'an àite Bhasti. 5 Dì'àraich Mordecai Ester. 15 Thaitinn Ester ri Ahasuerus, agus rinneadh i 'n a ban-rìghinn.*

**A**N dèigh nam nithean sin, an uair a thraoigh fearg an rìgh Ahasueruis, chuimhnich e air Bhasti, agus na rinn i, agus na dh'àithneadh 'n a h-aghaidh.

2 An sin thubhairt òglaich an rìgh a fhritheil da, Iarrar do'n rìgh òighean òga sgiamhach:

3 Agus orduicheadh an rìgh luchd-riaghlaidh ann an uile mhòr-roinnibh a rìoghachd, agus cruinnicheadh iad na h-òighean òga sgiamhach uile gu Susan an lùchairt, gu tigh nam ban, fo làimh Hegai, chailteanaich an rìgh, fhir-ghleidhidh nam ban; agus thugar *dhoibh* na nithean air son an glanaidh.

4 Agus bitheadh an òigh a thaitneas ris an rìgh, 'n a ban-rìghinn 'an àite Bhasti. Agus thaitinn an nì ris an rìgh, agus rinn e mar sin.

5 Bha Iudhach àraidh ann an Susan an lùchairt, d'am b'ainm Mordecai, mac Iair, mhic Shimei, mhic Chis, duine de Bheniamin,

6 A thugadh air falbh o Ierusalem leis a' bhraghdeanas a thugadh air falbh maille ri Ieconiah rìgh Iudah, a thug Nebuchadne-sar rìgh Bhabiloin air falbh.

7 Agus dh'àraich e Hadasah, (*b'i* sin Ester,) nighean bràthar-athar, oir cha robh athair no màthair aice; agus bha'n òigh maiseach 'n a cruth, agus sgiamhach 'n a gnùis: agus an uair a dh'èug a h-athair agus a màthair, ghabh Mordecai d'a ionnsuidh i mar a nìghean féin.

8 Agus an uair a chualas àithne an rìgh agus 'ordugh, agus an uair a chruinnicheadh iomadh òigh gu Susan an lùchairt, gu bhli fo làimh Hegai, thugadh Ester mar an

ceudna gu tigh an rìgh, gu bhli fo làimh Hegai, fhir-ghleidhidh nam ban.

9 Agus thaitinn an òigh ris, agus fhuair i caoimhneas 'n a làthair, agus rinn e deifir gus a nithean air son glanaidh, agus na bhuineadh dhi, a thabhairt d'a h-ionnsuidh, agus gu seachd maighdeanan iomchuidh a thabhairt di á tigh an rìgh; agus chuir e i féin agus a maighdeanan do'n *àit* a b'fhearr de thigh nam ban.

10 Cha d'innis Ester a sluagh, no a luchd-dàimh; oir dh'àithn Mordecai dhi gun innseadh.

11 Agus gach là *bha* Mordecai ag im-eachd fa chomhair cùrte tighe nam ban, a dh'fhiosrachadh cionnus a bha Ester, agus ciod a dh'èireadh dhi.

12 Agus an uair a thàinig àm gach òighe gu dol a steach a dh'ionnsuidh an rìgh Ahasueruis, an dèigh dhi bhì dà mhios dheug a réir gnàtha nam ban, (oir mar sin choimhlionadh làithean an glanaidh, sè mìosan le h-olaidh mirr, agus sè mìosan le luibhibh cùbhraidh, agus le nithibh *eile* chum glanaidh nam ban,)

13 An sin mar so thàinig gach òigh a dh'ionnsuidh an rìgh: gach *nì* a dh'iarr i thugadh dhi gu dol a steach leatha á tigh nam ban gu tigh an rìgh.

14 Air feasgar chaidh i steach, agus 's a' mhaduinn phill i gu dara tigh nam ban, fo làimh Shaasgais, chailteanaich an rìgh, fhir-ghleidhidh nan coimhleabach: cha d'thàinig i steach tuilleadh a dh'ionnsuidh an rìgh, mar do ghabh an rìgh tlachd dhi, agus gu'n do ghairmeadh i air a h-ainm.

15 Agus an uair a thàinig àm Esteir, nìghinn Abihail, bràthar-athar Mhordecai, (a ghabh d'a ionnsuidh i mar a nìghean féin,) gu dol a steach a dh'ionnsuidh an rìgh, cha d'iarr i nì air bith ach na dh'ord- uich Hegai, cailteanach an rìgh, fear- gleidhidh nam ban: agus fhuair Ester gean-maith 'n an sùilbh-san uile a dh'amh- airc oirre.

16 Agus thugadh Ester a dh'ionnsuidh an rìgh Ahasueruis, a dh'ionnsuidh a thighe rioghail, anns an deicheamh mìos, (*is* e sin mìos Thebeit,) anns ant-seachdamh bliadhna d'a rioghachadh.

17 Agus ghràdhaich an rìgh Ester os ceann nam ban uile, agus fhuair i gean- maith agus caoimhneas 'n a làthair os ceann nan òighean uile; agus chuir e an crùn rioghail air a ceann, agus rinn e 'n a ban- rìghinn i 'an àite Bhasti.

18 An sin rinn an rìgh fleadh mòr d'a uachdaranaibh uile agus d'a sheirbhisich, fleadh Esteir; agus thug e saorsa do na mòr-roinnibh, agus thug e seachad tiodh- lacan, mar bu chubhaidh do'n rìgh.

19 Agus an uair a chruinnicheadh na h-òighean an dara uair, an sin shuidh Mordecai ann an geata an rìgh.



20 Cha d'innis Ester *fatthast* a luchd-dàimh, no a sluagh, mar dh'àithn Mordecai dhi; oir rinn Ester iarrtus Mhordecai, mar a rinn i 'n uair a dh'àraicheadh i maille ris.

21 Anns na làithibh sin, an uair a bha Mordecai 'n a shuidhe ann an geata an rìgh, bha fearg air Bigtan agus Teres, dithis de chailteanaich an rìgh, dhiubhsan a bha 'coimhead an doruis, agus dh'iarr iad làmh a chur anns an rìgh Ahasuerus.

22 Agus fhuair Mordecai fios air an ni sin, agus dh'innis se e do Ester a' bhan-rìghinn; agus dh'innis Ester e do'n rìgh ann an ainm Mhordecai.

23 Agus rannsaicheadh an ni, agus fhuair adh a mach e, agus chrochadh suas iad le 'chéile air cranu; agus sgrìobhadh e ann an leabhar nan eachdraidh am fianuis an rìgh.

### CAIB. III.

1 *Dh'àrdaich Ahasuerus Haman, agus thug a sheirbhisich uile urram da, ach Mordecai an t-Iudhach 'n a aonar: 5 Air an aobhar sin dh'iarr Haman na h-Iudhaich gu léir a sgrios.*

**A**N déigh nan nithcan sin rinn an rìgh Ahasuerus Haman, mac Hamedata an Agagaich, 'n a *dhuine* mòr, agus dh'àrd-ach se e, agus chuir e àite-suidhe os ceann nan uachdaran uile a *bha* maille ris.

2 Agus chrom na seirbhisich uile a *bha* ann an geata an rìgh iad fèin, agus thug iad urram do Haman, oir dh'àithn an rìgh mar siu d'a thaobh; ach cha do chrom Mordecai e fèin, agus cha d'thug e urram dha.

3 Agus thubhairt seirbhisich an rìgh, a *bha* ann an geata an rìgh, ri Mordecai, 'Car son a tha thu a' briscadh àithne an rìgh?

4 Agus an uair a labhair iad ris là 'n déigh là, agus nach d'éisd e riu, an sin dh'innis iad e do Haman, a dh'fheuchainn an seasadh briathran Mhordecai; oir dh'innis e dhoibh gu'm *t-Iudhach* e.

5 Agus chunnaic Haman nach do chrom Mordecai e fèin, agus nach d'thug e urram dha, agus bha Haman làn feirge.

6 Agus cha b'fhiù leis làmh a chur ann an Mordecai 'n a aonar, oir nochd iad da sluagh Mhordecai; uime sin dh'iarr Haman na h-Iudhaich uile 'sgrios a *bha* ann an uile rìoghachd Ahasuerus, sluagh Mhordecai.

7 Anns a' cheud mhìos, (*is e sin mìos Nisaim*) anns an dara bliadhna deug de rìgh Ahasuerus, thilgadh Pur, *is e sin* an crannchur, an làthair Hamain, o là gu là, agus o mhìos gu mìos, *gus* an dara mìos deug, *is e sin mìos Adair*.

8 Agus thubhairt Haman ri rìgh Ahasuerus, Tha sluagh àraidh ann air an sgaol-cadh agus air an roinn am measg an

t-sluaigh ann an uile mhòr-roinnibh do rìoghachd, agus *tha* laghauman air leth aca seach gach sluagh, agus cha-n'eil iad a' coimhead laghannau au rìgh; uime sin cha-n'eil e air son leas an rìgh am fulang.

9 Ma's toil leis an rìgh, sgrìobhar gu'm bi iad air an sgrios, agus locaidh mise deich mìle tàlann airgid d'an làimh-san a ni an gnothach, chum a thabhairt do ionmhasaibh an rìgh.

10 Agus thug an rìgh 'fhàinne bhàrr a làimhe, agus thug se e do Haman, mac Hamedata an Agagaich, nàmhaid nan Iudhach.

11 Agus thubhairt an rìgh ri Haman, *Tha'n* t-airgid air a thabhairt duit, agus an sluagh, a dheanamh riu mar *is* àill leat.

12 Agus ghairmeadh sgrìobhaichean an rìgh air an treas là deug de'n cheud mhìos, agus sgrìobhadh, a réir gach ni a dh'àithn Haman, chum àrd riaghlairan an rìgh, agus a chum nan uachdaran a *bha* os ceann gach mòr-roinne, agus a chum cheann-icadhna gach sluagh, *chum* gach mòr-roinne a réir an sgrìobhaidh, agus a *chum* gach sluagh a réir an càinain: ann an ainm an rìgh Ahasuerus sgrìobhadh e, agus sheulaicheadh e le fàinne an rìgh.

13 Agus chuiricadh na litrichean le làimh ghillean-ruithe gu uile mhòr-roinnibh an rìgh, a sgrios, a mharbhadh, agus a chur as do na h-Iudhaich uile, eadar òg agus shean, chloinn blig agus mhnàibh, ann an aou là, air au treas là deug de'n dara mìos deug, (*is e sin mìos Adair*), agus ann feudail a *thogail* mar chreic.

14 B'e suim an sgrìobhaidh, Gu'n tugtadh àithne seachad anns gach mòr-roinn, air a foilleachadh do gach sluagh, iad a bhi deas fa chomhair an là sin.

15 Chaidh na gilleau-ruithe a mach, air an greasad le h-àithne an rìgh; agus thugadh an t-ordugh seachad ann an Susau an luch-airt: agus shuidh an rìgh agus Haman sìos a dh'òl; ach bhà'm baile Susan fo amhladh.

### CAIB. IV.

1 *Rinn Mordecai agus na h-Iudhaich bròn air son àithne an rìgh d'an taobh. 4 Thugadh fios do Ester air an ni so, agus chomhairicheadh dhi eadar-ghuidhe a dheanamh air son nan Iudhach. 15 Ghairm i trasgadh.*

**A**N uair a dh'àithnich Mordecai gach *ni* a rinneadh, reub e 'eudach, agus chuir e saic-eudach air agus luathre, agus chaidh e mach gu meadhon a' bhaile, agus ghlaodh e le glaoth àrd agus searbh.

2 Agus thàinig e cadhou fa chomhair geata an rìgh: oir cha-n fheadadh neach air bith dol a stigh do ghcata an rìgh le saic-eudach air.

3 Agus anns gach uile uhhòr-roinn d'an d'thàinig focal an rìgh agus 'ordugh, *bha* bròn mòr am measg nan Iudhach, agus

trasgadh, agus gul, agus caoidh; agus luidh mòran ann an saic-eudach agus ann an luathrac.

4 Agus thàinig maighdeanan Esteir agus a' caillteanaich, agus dh'innis iad sin di. Agus bha a' bhàn-rìghinn ro dhoilgheasach, agus chuir i eudach gu bhì air a chur air Mordecai, agus gu'n tugtadh 'eudach-saice dheth: ach cha ghabhadh esan e.

5 An sin ghairm Ester air Hatach, aon de chaillteanaich an rìgh, d'an d'orduich e feitheamh oirre, agus thug i àithne dha gu Mordecai, gu'm faigheadh e fios ciod e so, agus c'ar sou so.

6 Agus chaidh Hatach a mach a dh'ionnsuidh Mhordecai, gu sràid a' bhaile, a bha fa chomhair geata an rìgh.

7 Agus dh'innis Mordecai dha gach *ni* a thachair dha, agus an t-suim airgid a gheall Haman a thombas a stigh do ionmhasaibh an rìgh air sou nan Iudhach, chum an sgrios.

8 Agus thug e dha ath-sgrìobhadh an orduigh, a thugadh ann an Susan gus an sgrios, chum 'fheuchainn do Ester, agus a chur 'an cèill di, agus a dh'àithneadh dhi gu'n rachadh i stigh a dh'ionnsuidh an rìgh, a dh'aslachadh air, agus a ghuidhe air as leth a sluagh.

9 Agus thàinig Hatach, agus dh'innis e do Ester briathran Mhordecai.

10 Agus labhair Ester ri Hatach, agus thug i àithne dha gu Mordecai:

11 Tha fios aig seirbhiseich an rìgh uile, agus aig sluagh mhòr-roinnean an rìgh, ge b'e air bith fear no bean a thèid a steach a dh'ionnsuidh an rìgh do'n chùirt a's faide a stigh, air nach gairmear, *gu bheil* aon lagh aige a chur gu bàs, ach a mhàin esan d'an sin an rìgh a mach a shlat-òir rìoghail, a chum gu'm bi e beò; ach cha do ghoireadh ormsa teachd a steach a dh'ionnsuidh an rìgh na deich lathan fichead so.

12 Agus dh'innis iad do Mhordecai briathran Esteir.

13 Agus dh'àithn Mordecai freagradh a thoirt do Ester, na smuainich agad féin gu'n téid thu as ann an tigh an rìgh nì's mò na na h-Iudhaich uile:

14 Oir ma bhitheas tusa gu tur a'd' thosd 's an àm so, thig lasachadh agus saorsa do na h-Iudhaich o àit' eile; ach sgriosar thusa agus tigh d'athar: agus cò aig am bheil fios nach ann air son a leithid so dh' àm a thàinig thu do'n rìoghalachd?

15 An sin dh'arr Ester *am* freagradh so a thoirt do Mhordecai;

16 Falbh, cruinnich r'a chéile na h-Indhaich uile a gheibhear ann an Susan, agus traisgibh air mo shon-sa, agus na h-ithibh agus na h-òlaibh ré thri làithean, a là no dh'oidheche: traisgidh mise agus mo mhaighdeanan air an dòigh cheudna; agus an sin thèid mi a stigh a dh'ionnsuidh an rìgh, ni

nach 'eil a réir an lagha; agus mar sin ma bhàsaicheas mi, bàsaicheam.

17 Agus dh'imich Mordecai, agus rinn e a réir gach *ni* a dh'àithn Ester dha.

## CAIB. V.

1 *Fhuair Ester deadh-ghean 'an sealladh an rìgh.* 4 *Thug i cuireadh do'n rìgh agus do Haman a dh'ionnsuidh fleadha.* 9 *Bha Haman làn feirge an aghaidh Mhordecai.* 14 *Le comhairle a rabhà agus a chairdean rinn e croich air a shon.*

**A** NIS air an treas là chuir Ester oirre a [culaidh] rìoghail, agus sheas i anns a' chùirt a b'fhaide steach de thigh an rìgh, fa chomhair tighe an rìgh: agus bha'n rìgh 'n a shuidhe air a rìgh-chaitheir anns an tigh rìoghail, fa chomhair geata an tighe.

2 Agus an uair a chunnaic an rìgh Ester a' bhàr-rìghinn 'n a seasamh anns a' chùirt, fhuair i deadh-ghean 'n a shealladh: agus shìn an rìgh a mach gu Ester an t-slat-òir rìoghail a bha 'n a làimh; agus thàinig Ester am fagus, agus bhean i ri bàrr na slaite.

3 An sin thubhairt an rìgh rithe, Ciod a's àill leat, a bhàn-rìghinn Ester? agus ciod e d'iarrrtus? gu ruig leth na rìoghachd bheirear dhuit e.

4 Agus fhreagair Ester, Ma's maith leis an rìgh, thigeadh an rìgh agus Haman an diugh a dh'ionnsuidh na fleadha a dheasaich mi dha.

5 Agus thubhairt an rìgh, Greasaibh Haman a dheanamh mar a thubhairt Ester. Agus thàinig an rìgh agus Haman a dh'ionnsuidh na fleadha a dheasaich Ester.

6 Agus thubhairt an rìgh ri Ester aig fleadh an fhìona, Ciod i d'athchuinge? agus bheirear dhuit i: agus ciod e d'iarrrtus? agus gu ruig leth na rìoghachd nithear e.

7 Agus fhreagair Ester, agus thubhairt i, Is i m'athchuinge agus m'iarrrtus;

8 Ma fhuair mi deadh-ghean ann an sealladh an rìgh, agus ma's maith leis an rìgh m'athchuinge a dheanachadh, agus m'iarrrtus a dheanamh, thigeadh an rìgh agus Haman a dh'ionnsuidh na fleadha a dheasaicheas mi dhoibh, agus am maireach ni mi a réir focail au rìgh.

9 Agus chaidh Haman a mach air an là sin aoibhneach agus subhach 'n a chridhe: ach an uair a chunnaic Haman Mordecai ann an geata an rìgh, agus nach d'éirich e, agus nach do charuich e air a shon, bha e làn feirge an aghaidh Mhordecai.

10 Gidheadh chum Haman air féin, agus chaidh e dhachaidh; agus chuir e *fios* uaith, agus thug e air a chairdibh teachd d'a ionnsuidh, agus air Sercs a mhnaoi.

11 Agus chuir Haman 'an cèill doibh mòralachd a bheartais, agus lionmhoireachd a mhac, agus gach *ni* leis au d'rinn an rìgh mòr e, agus mar a dh'ardaich se e



os ceann nan uachdaran, agus sheirbhiseach an rìgh.

12 Thubhairt Haman mar an ceudna, Os bàrr, cha d'thug Ester a' bhan-rìghinn duine air bith a stigh maille ris an rìgh a dh'ionnsuidh na fleadha a dheasaich i, ach mi féin; agus mar an ceudna am màir-each, tha mi air mo chuireadh leatha maille ris an rìgh.

13 Gidheadh cha dean so uile a bheag de mhaith dhomh, am feadh a chi mi Mordecai an t-Iudhach 'n a shuidhe ann an geata an rìgh.

14 Agus thubhairt Seres a bhean ris, agus a chairdean uile, Deanar croich leth-cheud làmh-choille air àirde, agus anns a' mhàd-uinn labhair ris an rìgh gu'n crochar Mordecai oirre; agus gabh a steach maille ris an rìgh dh'ionnsuidh na fleadha gu subhach. Agus thaitinn an ni ri Haman, agus thug e fainear a' chroich a bhi air a deanamh.

#### CAIB. VI.

1 *Smuainich Ahasuerus air urram a chur air Mordecai a chionn gu'n d'innis e air Bigtana agus air Teres; 10 Shònraicheadh Haman gu so a dheanamh. 13 Roimh-innis a chairdean do Haman gu'n tuiteadh e roimh Mhordecai.*

**A**IR an oidhche sin theich codal an rìgh uath; agus dh'iarr e leabhar-cuimhne nan eachdraidh làthail a bhi air a thabhairt d'a ionnsuidh; agus leughadh iad 'an fianuis an rìgh.

2 Agus fhuaradh sgrìobhta, gu'n d'innis Mordecai air Bigtana agus air Teres, dithis de chailteanaich an rìgh, dhiubhsan a bha 'coinhead an doruis, a dh'iarr làmh a chur ann an rìgh Ahasuerus.

3 Agus thubhairt an rìgh, Ciod an t-urram agus an inbhe a thugadh do Mhordecai air son so? Agus thubhairt òglach an rìgh a fhritheil dha, Cha d'rinneadh ni air bith air a shon.

4 Agus thubhairt an rìgh, Cò a tha 's a' chùirt? (a nis bha Haman air teachd do'n chùirt a b'fhaide a nuach de thigh an rìgh, a labhair ris an rìgh, gu'm bitheadh Mordecai air a chrochadh air a' chroich a dheasaich e dha.)

5 Agus thubhairt òglach an rìgh ris, Feuch, tha Haman 'n a sheasamh anns a' chùirt. Agus thubhairt an rìgh, Thigeadh e stigh.

6 Agus thàinig Haman a stigh; agus thubhairt an rìgh ris, Ciod a nithear do'n duine air an toil leis an rìgh urram a chur? (A nis thubhairt Haman 'n a chridhe, Cò air an toil leis an rìgh urram a chur ni's mò na orm féin?)

7 Agus fhreagair Haman an rìgh, Air son an duine air an toil leis an rìgh urram a chur,

8 Thugar a làthair a' chulaidh rìoghail a chuireas an rìgh air, agus an t-each air am

marcaich an rìgh, agus an crùn rìoghail a chuirear air a cheann:

9 Agus thugar a' chulaidh agus an t-each do làmh aoin de uachdaraibh ro urramach an rìgh, agus sgeadaicheadh iad an duine air an toil leis an rìgh urram a chur, agus thugadh iad air marcaich air an each air sràid a' bhaile mhòir, agus gairmeadh iad roimhe, Mar so nithear do'n duine air an toil leis an rìgh urram a chur.

10 Agus thubhairt an rìgh ri Haman, Greas ort, gabh a' chulaidh agus an t-each mar a thubhairt thu, agus dean mar sin do Mhordecai an t-Iudhach, a tha 'n a shuidhe ann an geata an rìgh: na dearmaid ni air bith de na thubhairt thu.

11 An sin ghabh Haman a' chulaidh agus an t-each, agus sgeadaich e Mordecai, agus thug e air marcaich air an each air sràid a' bhaile mhòir, agus ghairm e roimhe, Mar so nithear do'n duine air an toil leis an rìgh urram a chur.

12 Agus phill Mordecai gu geata an rìgh: ach ghreas Haman d'a thigh féin ri bròn, agus a cheann còmhdaichte.

13 Agus dh'innis Haman do Sheres a bhean, agus d'a chairidibh uile gach ni a thachair dha. Agus thubhairt a dhaoime glìce agus Seres a bhean ris, Ma's ann de shìochd nan Iudhach Mordecai, roimh an do thòisich thu air tuiteam, cha bhuadh-aich thu 'n a aghaidh, ach gun teagamh tuitidh tu roimhe.

14 An uair a bha iad fathast a' labhairt ris, thàinig cailteanaich an rìgh, agus rinn iad deifir gu Haman a thabhairt a dh'ionnsuidh na fleadha a dheasaich Ester.

#### CAIB. VII.

1 *Aig an fhleadh dh'iarr Ester air an rìgh gu'n tèarnadh e i féin agus a sluagh a ois-innleachd Haman. 7 Bha fearg air an rìgh ri Haman, agus dh'orduich e a chur gu bàs.*

**A**GUS thàinig an rìgh agus Haman chum na fleadha maille ri Ester a' bhan-rìghinn.

2 Agus thubhairt an rìgh ri Ester mar an ceudna air an dara là aig fleadh an fhìona, Ciod i d'athchuinge, a bhan-rìghinn Ester? agus bheirear dhuit i: agus ciod e d'iarrtus? agus gu ruig leth na rìoghachd nith-eair e.

3 Agus fhreagair Ester a' bhan-rìghinn, agus thubhairt i, Ma fhuair mi deadh-ghean a'd' shùilb, a rìgh, agus ma's maith leis an rìgh, thugar dhomh m'anam air m'athchuinge, agus mo shluagh air m'iarrtus:

4 Oir reiceadh sinn, mise agus mo shluagh, gu bli air ar dìteachadh, air ar marbhadh, agus air ar léir-sgrìos: ach nam b'ann mar thràillibh agus mar bhan-tràillibh a reic-cadh sinn, bhithinn a'm' thòsd, ged nach b'urram an nàmbaid call an rìgh a dheanamh suas.

5 Agus fhreagair rìgh Ahasuerus, agus thubhairt e ri Ester a' bhan-rìghinn, Cò e so? agus c'ait an bheil esan, aig an robh a dhànadas 'n a chrìdhe deanamh mar sin?

6 Agus thubhairt Ester, Is e 'n t-eascaraid agus an nàmhaid Haman an droch dhuine so. Agus bha eagal air Haman an làthair an rìgh agus na ban-rìghinn.

7 Agus dh'éirich an rìgh 'n a fheirg o fhleadh an fhìona, agus chaidh e do lios na lùchairt; agus sheas Haman gu 'anam a ghuidhe o Ester a' bhan-rìghinn; oir chummaic e gu'n do shònraicheadh ole 'n a aghaidh leis an rìgh.

8 Agus phill an rìgh o lios na lùchairt gu tigh fleadh' an fhìona; agus bha Haman air tuiteam air an leabaidh air an robh Ester. Agus thubhairt an rìgh, An éignich e a' bhan-rìghinn mar an ceudna a'm' làthair ann am thigh? An uair a chaidh an focal á beul an rìgh, chòmhdaich iad aghaidh Hamain.

9 Agus thubhairt Harbonah, aon de na caillteanaich, an làthair an rìgh, Feuch, tha mar an ceudna a' chroich a rinn Haman do Mhordecai, a labhair maith air son an rìgh, 'n a seasamh ann an tigh Hamain, leth-cheud làmh-choille air àirde. Agus thubhairt an rìgh, Crochaibh e oirre.

10 Agus chroch iad Haman air a' chroich a dheasaich e do Mhordecai. Agus thraogh fearg an rìgh.

### CAIB. VIII.

1 Dh'àrdaich Ahasuerus Mordecai os ceann tìghe Hamain. 3 Thugadh comas do Ester na litrichean a sgrìobh Haman an aghaidh nan Iudhach a ghairm air an ais. 15 Inbhe Mhordecai.

AIR an là sin thug an rìgh Ahasuerus tigh Hamain, eascaraid nan Iudhach, do Ester a' bhan-rìghinn; agus thàinig Mordecai an làthair an rìgh: oir dh'imnis Ester ciod a dhàimh dhi.

2 Agus thug an rìgh dheth 'fhàinne a thug e o Haman, agus thug se e do Mhordecai. Agus chuir Ester Mordecai os ceann tìghe Hamain.

3 Agus labhair Ester a ris an làthair an rìgh, agus thuit i sìos aig a chosaibh, agus ghluil i, agus ghuidh i air gu'n cuireadh e air falbh o Hamain an Agagaich, agus 'ais-innleachd a dhealbh e an aghaidh nan Iudhach.

4 Agus shìn an rìgh a mach an t-slat-òir rioghail gu h-Ester. Agus dh'éirich Ester, agus sheas i an làthair an rìgh,

5 Agus thubhairt i, Ma's maith leis an rìgh, agus ma fhuair mise deadh-ghean 'n a làthair, agus ma tha an ni ceart 'am fianuis an rìgh, agus ma tha mi taitneach 'n a shùilibh, sgrìobhar a ghairm air an ais nan litrichean a dhealbhadh le Haman mac Hamedata an Agagaich, a sgrìobh e chum na h-Iudhaich

a tha ann an uile mhòr-roinnibh an rìgh a sgrìos.

6 Oir cionnus is nrrainn mi amharc air an ole a thig air mo shluagh? agus cionnus is urrainn mi amharc air sgrìos moluchd-dàimh?

7 An sin thubhairt an rìgh Ahasuerus ri Ester a' bhan-rìghinn, agus ri Mordecai an t-Iudhach, Feuch, tigh Hamain thug mi do Ester, agus esan chroch iad air a' chroich, a chionn gu'n do chuir e a làmh anns na h-Iudhaich.

8 Sgrìobhaibhse mar an ceudna air son nan Iudhach, mar is maith leibh, ann an ainm an rìgh, agus seulaichibh le fàinne an rìgh: oir an sgrìobhadh a sgrìobhar ann an ainm an rìgh, agus a sheulaichear le fàinne an rìgh, cha-n' fheudar a chur air ais.

9 Uime sin ghairmeadh sgrìobhaichean an rìgh air an àm sin anns an treas mìos, (is e sin mìos Shìbhain,) air an treas là fichead dheth; agus sgrìobhadh, a réir gach nì a dh'àithn Mordecai, chum nan Iudhach, agus a chum nan àrd-riaghlairan, agus nan ceannard agus uachdaran nam mòr-roinnean a tha o India gu h-Etiopia, ceud agus fichead agus seachd mòr-roinn, chum gach mòr-roinne a réir an sgrìobhaidh, agus a chum gach sluagh a réir an càinain, agus a chum nan Iudhach a réir an sgrìobhaidh, agus a réir an càinain.

10 Agus sgrìobh e ann an ainm an rìgh Ahasuerus, agus sheulaich e le fàinne an rìgh, agus chuir e litrichean le làmh theachdairean air cachaibh, a' marcachd air cachaibh luatha, agus air muileidibh, slìochd nan capull;

11 Anns an d'thug an rìgh cead do na h-Iudhaich, a bha anns gach baile, cruinneachadh 'an ceann a chèile, agus seasamh air son an anaman, a sgrìos, a mharbhadh, agus a chur as do uile neart sluagh agus mòr-roinne a thigeadh 'n an aghaidh, aràon an clann bheag agus am mnathan, agus an creach a thogail,

12 Air aon là ann an uile mhòr-roinnibh an rìgh Ahasuerus, air an treas là deug de'n dara mìos deug, (is e sin mìos Adair.)

13 B'e suim an sgrìobhaidh, Gu'n tugtadh àithne seachad anns gach mòr-roinn, air a foillseachadh do gach sluagh, gu'm bitheadh na h-Iudhaich deas air an là sin gu'n dioladh fèin air an naimhdeb.

14 Chaidh na teachdairean a mach, a' marcachd air cachaibh luatha, [agus] air muileidibh, le cablaig, agus iad air an greasad le àithne an rìgh: agus thugadh an t-ordugh seachad ann an Susan an lùchairt.

15 Agus chaidh Mordecai mach á làthair an rìgh ann an eudach rioghail de ghorm agus de gheal, agus le crùn mòr òir, agus le trusan de anart grinn agus de chorcur: agus rinn baile Shusan gairdeachas, agus bha e aoibhinn.



16 Aig na h-Iudhaich bha solus, agus aoibhneas, agus gairdeachas, agus urram.

17 Agus anns gach mòr-roinn, agus anns gach baile, ge b'e àit d'an d'fhàinig àithne an rìgh agus 'ordugh, bha aoibhneas agus gairdeachas aig na h-Iudhaich, cuirm agus là maith. Agus dh'fhàs mòran de shluagh na tìre 'n an Iudhaich; oir thuit eagal nan Iudhach orra.

CAIB. IX.

1 *Le còmhnaidh nan uachdaràn mharbh na h-Iudhaich an naimhdean, agus croch iad mic Hamain.* 20 *Shuidhich Mordecai an ceathramh agus an cùigeamh là deug de mhìos Adair gu bhì 'n an làithibh-fèille do na h-Iudhaich.*

**A**NIS anns an dara mìos deug, (*is e sin mìos Adair*) air an treas là deug de'n mhìos, air an robh àithne an rìgh agus 'ordugh gu bhì air an còimhlionadh, air an là anns an robh dùil aig naimhdeibh nan Iudhach cumhachd fhaghail os an ceann, (ged thachair, air 'atharrach, gu'n robh aig na h-Iudhaich cumhachd os an ceann-san a dh'fhuathaich iad.)

2 Chruinnich na h-Iudhaich iad fèin 'an ceann a chèile 'n am bailtibh, ann an uile mhòr-roinnibh an rìgh Ahasueruis, gu làmh a chur anna-san a dh'iarr an cròn; agus cha b'urraim duine air bith seasamh 'n an aghaidh, oir thuit an eagal air gach uile shluagh.

3 Agus thug uile uachdarana nam mòr-roinnean agus na h-àrd-riaghlaircan, agus na ceannardan, agus iadsan a rinn gnoth-uichean an rìgh, urram do na h-Iudhaich; oir thuit eagal Mhordceai orra:

4 Oir bha Mordecai mòr ann an tigh an rìgh, agus chaidh 'iomradh a mach air feadh nam mòr-roinnean uile; oir dh'fhàs an duine so Mordecai ni bu mhò agus ni bu mhò.

5 Agus bhuail na h-Iudhaich an naimhdean uile le buille a' chlaidheimh, agus àir, agus sgrios; agus rinn iad mar bu mhiann leo orrasan a dh'fhuathaich iad.

6 Agus ann an Susan an lùchairt mharbh na h-Iudhaich, agus sgrios iad cùig ceud fear.

7 Agus Parsandata, agus Dalphon, agus Aspata,

8 Agus Porata, agus Adalia, agus Aridata,

9 Agus Parmasta, agus Arisai, agus Aridai, agus Bhaiesata,

10 Deich mic Hamain mhic Hamedata, namhaid nan Iudhach, mharbh iad: ach air a' chreic cha do chuir iad an làmh.

11 Air an là sin thugadh àircamh na muinntir a mharbhadh ann an Susan an lùchairt an làthair an rìgh.

12 Agus thubhairt an rìgh ri Ester a' bhan-rìghinn, Mharbh na h-Iudhaich agus sgrios iad cùig ceud fear ann an Susan an

lùchairt, agus deich mic Hamain: agus anns a' chuid eile de mhòr-roinnibh an rìgh ciod a rinn iad? ach ciod i d'athchuinge? agus bhiceir dhuìt i: agus ciod e d'iarrtus os barr? agus nìthear e.

13 Agus thubhairt Ester, Ma's maith leis an rìgh, thugar comas do na h-Iudhaich a tha ann an Susan, deanamh mar an ceudna am màireach a rèir orduigh an là'n diugh, agus crochar deichmic Hamain air a' chroich.

14 Agus dh'àithn an rìgh a dhcanamh mar sin; agus thugadh an t-ordugh ann an Susan; agus chroch iad deich mic Hamain.

15 Agus chruinnich na h-Iudhaich a bha ann an Susan 'an ceann a chèile mar an ceudna air a' cheathramh là deug de mhìos Adair, agus mharbh iad ann an Susan trì chend fear; ach air a' chreich cha do chuir iad an làmh.

16 Agus chruinnich a' chuid eile de na h-Iudhaich a bha ann am mòr-roinnibh an rìgh 'an ceann a chèile, agus sheas iad air son an anama, agus bha fois aca o'n naimhdeibh, agus mharbh iad d'an cascairdibh cùig-deug agus trì fichead mìle; ach air a' chreich cha do chuir iad an làmh.

17 Air an treas là deug de mhìos Adair rinn iad mar so; agus bha fois aca air a' cheathramh là deug de'n mhìos cheudna, agus rinn iad e 'n a là cuirme agus aoibhneis.

18 Ach chruinnich na h-Iudhaich a bha ann an Susan iad fèin 'an ceann a chèile air an treas là deug, agus air a' cheathramh là deug de'n mhìos; agus bha fois aca air a' chùigeamh là deug de'n mhìos cheudna, agus rinn iad e 'n a là cuirme agus aoibhneis.

19 Uime sin rinn Iudhaich nam bailtean beaga, a bha 'n an còmhnaidh ann am bailtibh nam mòr-roinnean, an ceathramh là deug de mhìos Adair 'n a là aoibhneis, agus cuirme, agus 'n a là maith, agus a chur chuibhrionn a chum a chèile.

20 Agus sgrìobh Mordceai na nithean so, agus chuir e litrichean chum nan Iudhach nìle a bha ann an uile mhòr-roinnibh an rìgh Ahasueruis, am fad 's am fagus;

21 Chum a shuidheachadh 'n am measg, gu'n cumadh iad an ceathramh là deug de mhìos Adair, agus an cùigeamh là deug dheth gach bliadhna,

22 A rèir nan làithean anns an d'fhuair na h-Iudhaich fois o'n naimhdeibh, agus a' mhìos a dh'iompaichheadh dhoibh o thùirse gu h-aoibhneas, agus o bhròn gu h-àm maith; gu'n deanadh siad iad 'n an làithibh cuirme, agus aoibhneis, agus a chur chuibhrionn chum a chèile, agus thòdhlacan chum nam bochd.

23 Agus ghabh na h-Iudhaich os làimh deanamh mar a thòisich iad, agus mar a sgrìobh Mordecai d'an ionnsuidh;

## ESTER, X.

24 A chionn gu'n do smuainich Haman, mac Hamedata an Agagaich, nàmhaid nan Iudhach uile, an aghaidh nan Iudhach chum an sgrios, agus gu'n do thilg e Pur, (*is e sin, crannchur*) chum an dèitheachadh agus an sgrios;

25 Ach an uair a thàinig [Ester] an làth-air an rìgh, dh'ovduich e le litir, gu'm pill-eadh 'ais-innleachd dona a dhealbh e an aghaidh nan Iudhach air a cheann fèin, agus gu'm bitheadh esan agus a mhic air an crochadh air a' chroich.

26 Uime sin dh'ainmich iad na làithean sin Purim, a réir ainme Phuir: Air an aobhar sin air son uile bhriathar na litir-each sin, agus na chunnaic iad a thaobh an nì so, agus na thachair dhoibh,

27 Shuidhich na h-Iudhaich, agus ghabh iad orra fèin, agus air an sliochd, agus orrasan uile a leanadh riu, air chor as nach rachdadh thairis air, gu'n cumadh iad an dà là sin a réir an sgrìobhaidh, agus a réir an am', anns gach bliadhna:

28 Agus gu'm biodh na làithean sin air an cuimhneachadh, agus air an cumail air feadh gach àil, gach teaghlaich, gach mòr-roinne, agus gach baile; agus nach leigtheadh sios na làithean sin Phurim am measg nan Iudhach, agus nach rachadh as d'an cuimhne o'n sliochd.

29 Agus sgrìobh a' bhan-rìghinn Ester nighean Abihail, agus Mordecai an t-Iudh-

ach, leis an uile ùghdarras, a dhaingneachadh na dara litireach so Phurim.

30 Agus chuir e litrichean chum nan Iudhach uile, chum a' cheud agus nan seachd mòr-roinn fhichead de rìoghachd Ahasueruis, le briathraibh sìth agus fìrinn,

31 A dhaingneachadh làithean sin Phurim 'n an amannaibh, mar a shuidhich Mordecai an t-Iudhach agus Ester a' bhan-rìghinn d'an taobh, agus mar a dh'orduich iad air an son fèin, agus air son an sliochd nithean nan trasgadh agus an éighich.

32 Agus dhaingnich ordugh Esteir nith-ean Phurim sin; agus sgrìobhadh e ann an leabhar.

### CAIB. X.

1 *Mòrachd agus cumhachd Ahasueruis. 3 Dh'iarr Mordecai maith d'a shluagh.*

**A**GUS chuir an rìgh Ahasuerus cis air an tìr, agus air eileanaibh na mara.

2 Agus uile ghluinmharan a thréine agus a chumhachd, agus foillseachadh mòrachd Mhordecai chum an d'ardaich an rìgh e, nach 'eil iad sgrìobhta ann an leabhar eachdraidh rìghrean Mhèdia agus Phersia?

3 Oir 'e Mordecai an t-Iudhach a b'fhaigse do rìgh Ahasuerus; agus bha e mòr am measg nan Iudhach, agus taitneach do mhòr chuideachd a bhraithrean, ag iarraidh maith d'a shluagh, agus a' labhairt sìth r'a shliochd uile.

## I O B.

### CAIB. I.

1 *Ionracas, teaghlach, agus maoin Iob. 6 Rinn Satan casaid bhrèige 'n a'ghaidh. 13 Dh'innseadh do Iob gu'n d'fhagadh a mhaoin air falbh, agus gu'n d'fhuair a chlamn bàs. 20 'N a theanntachd bheannaich e Dia.*

**B**HA duine ann an tìr Uis d'am b'ainm Iob; agus bha'n duine sin coimhlionta agus dìreach, agus 'n a neach air an robh eagal Dhé, agus a sheachaim olc.

2 Agus rugadh dha seachd mic, agus trì nigheanan.

3 Agus b'i a mhaoin seachd mìle caora, agus trì mìle càmhal, agus cuig ceud cuig dhamh, agus cuig ceud asal bhoirionn, agus teaghlach ro mhòr: agus bha 'n duine sin mòr os ceann uile dhaoine na h-àirde 'n ear.

4 Agus chaidh a mhic agus rinn iad cuirm ann an tigh, gach fear air a là fèin; agus ehuir iad fios, agus thug iad cuireadh d'an trì peathraichibh a dh'itheadh agus a dh'òl maille riu.

5 Agus an uair a chaidh làithean na cuirme mu'n cuairt, chuir Iob fios orra, agus naomh-

aich e iad; agus dh'éirich e moch 's a' mhaduinn, agus dh'ìobair e ìobairt-loisgte a réir an àireimh uile: oir thubhairt Iob, Theagamh gu'n do pheacaich mo mhic, agus gu'n do mhallach iad Dia 'n an cridhe. Mar so rinn Iob gach là.

6 A nis bha là air an d'fhàinig mic Dhé gu seasamh an làthair an Tighearna; agus thàinig mar an ceudna Satan 'n am measg.

7 Agus thubhairt an Tighearna ri Satan, Cia as a thàinig thu? Agus fhreagair Satan an Tighearna, agus thubhairt e, O imeachd mu'n cuairt air an talamh, agus o shiubhal sios agus suas air.

8 Agus thubhairt an Tighearna ri Satan, An d'fhug thu fainear m'òglach Iob, nach 'eil neach ann cosmhuil ris air an talamh, duine coimhlionta agus dìreach, air am bheil eagal Dhé, agus a' seachnadh uile?

9 Agus fhreagair Satan an Tighearna, agus thubhairt e, An ann a nasgaidh a tha eagal Dhé air Iob?

10 Nach do chuir thu gàradh mu'n cuairt da fèin, agus mu'n cuairt d'a thigh, agus mu'n cuairt do gach nì a tha aige air gach



taobh? Obair a làmh bheannaich thu, agus dh'fhàs a mhàoin mòr's an tìr:

11 Ach cuir a nis a mach do làmh, agus bean ris gach *nì* a *th'* aige, agus as an eudan mallaichidh e thu.

12 Agus thubhairt an Tighearn ri Satan, Feuch, *tha* gach *nì* a *tha* aige a'd làmh-sa: a mhàin air fèin na cuir do làmh. Agus chaidh Satan a mach o làthair an Tighearna.

13 Agus bha là air an robh a mhic agus a nigheanan ag itheadh, agus ag òl fiona ann an tigh an bràthar a bu shine:

14 Agus thàinig teachdair gu Iob, agus thubhairt e, Bha na daimh a' treabhadh, agus na h-asail ag ionaltradh làmh riu;

15 Agus leum na Sabcanaich *orra*, agus thug iad leo iad, agus mharbh iad na h-òglaich le faobhar a' chlaidheimh; agus chaidh mise a'm' aonar as a dh'innseadh dhuit.

16 An uair a bha e fathast a' labhairt, thàinig mar an ceudna *fear* eile, agus thubhairt e, Thuit teine Dhé o na nèamhan, agus loisg e na caoraich, agus na h-òglaich, agus chuir e as doibh; agus chaidh mise a'm' aonar as a dh'innseadh dhuit.

17 An uair a bha e fathast a' labhairt, thàinig mar an ceudna *fear* eile, agus thubhairt e, Rinn na Caldéanaich suas tri buidhean, agus thug iad ionnsuidh air na càmhalaibh, agus thug iad leo iad, agus mharbh iad na h-òglaich le faobhar a' chlaidheimh; agus chaidh mise a'm' aonar as a dh'innseadh dhuit.

18 An uair a bha e fathast a' labhairt, thàinig mar an ceudna *fear* eile, agus thubhairt e, *Bha* do mhic agus do nigheanan ag itheadh, agus ag òl fiona ann an tigh an bràthar a bu shine:

19 Agus, feuch, thàinig gaoth mhòr o'n fhàsach, agus bhuail i air ceithir oisinnibh an tìghe, agus thuit e air na h-òganaich, agus *tha* iad marbh; agus chaidh mise a'm' aonar as a dh'innseadh dhuit.

20 An sin dh'èirich Iob, agus reub e 'fhalluin, agus bhearr e a cheann, agus thuit e sìos air an talamh, agus rinn e aoradh,

21 Agus thubhairt e, Lomnochd thàinig mi á broim mo mhàthar, agus lomnochd pillidh mi an sin: thug an Tighearn uaith, agus thug an Tighearn leis: beannaichte gu robh ainn an Tighearna.

22 An so uile cha do pheacaich Iob, agus cha do labhair e gu h-amaideach an aghaidh Dhé.

## CAIB. II.

1 *Phuair Satan comas Iob a bhuaireadh: 7 bhuail se e le neasgaidibh craiteach. 9 Thug Iob achmhasan d'a mhnaoi. 11 Thàinig a chairdean a dheanamh bròin maille ris.*

**A** RIS bha là air an d'thàinig mic Dhé gu seasamh an làthair an Tighearna,

agus thàinig mar an ceudna Satan 'n am measg gu seasamh an làthair an Tighearna.

2 Agus thubhairt an Tighearn ri Satan, Cia as a thàinig thu? Agus fhreagair Satan an Tighearn, agus thubhairt e, O imeachd mu'n cuairt air an talamh, agus o shiubhal sìos agus suas air.

3 Agus thubhairt an Tighearn ri Satan, An d'thug thu fainear m'òglach Iob, nach *eil* neach ann cosmhuil ris air an talamh, duine coimhlionta agus dìreach, air am bheil eagal Dhé, agus a' seachnadh uile? agus fathast *tha* e 'gleidheadh 'ionracais, ge do ghluais thusa mi 'n a aghaidh chum a sgrios gun aobhar.

4 Agus fhreagair Satan an Tighearn, agus thubhairt e, Croicinn air son croicinn, eadhon gach *nì* a *th'* aig duine bheir e air son a bheatha.

5 Ach cuir a nis a mach do làmh, agus bean r'a clùnaimh agus r'a fheoil, agus as an eudan mallaichidh e thu.

6 Agus thubhairt an Tighearn ri Satan, Feuch, *tha* e a'd làmh-sa; ach caomhain a bheatha.

7 Agus chaidh Satan a mach o làthair an Tighearn, agus bhuail e Iob le neasgaidibh craiteach, o bhonn a chois gu mullach a chinn.

8 Agus ghabh e slige-chreadha g'a sgriobadh fèin leatha; agus shuidh e am measg na luaithe.

9 An sin thubhairt a bhean ris, Am *bheil* thu fathast a' cumail d'ionracais? mallaich Dia, agus faigh bàs.

10 Ach thubhairt esan rithe, Mar a labhras aon de na nuaibh amaideach *tha* thu a' labhairt: seadh, an gabh sinn maith o làmh Dhé, agus nach gabh sinn olc? An so uile cha do pheacaich Iob le 'bhilibh.

11 A nis an uair a chuala tri chairdean Iob an t-olc so uile a thàinig air, thàinig iad gach fear o 'àite fèin; Eliphas an Temanach, agus Bildad an Suhach, agus Sophar an Naamatach; oir shuidhich iad eatorra fèin teachd a dheanamh bròin maille ris, agus a thubhairt comhfhurtachd dha.

12 Agus an uair a thog iad an sùilean fad as, agus nach d'athnìch iad e, thog iad an guth agus ghuil iad; agus reub iad gach fear 'fhalluin, agus chrath iad duslach air an cinn a làmh nan nèamh.

13 Agus shuidh iad sìos maille ris air an talamh seachd làithean agus seachd oidhchean, agus cha do labhair neach focal ris; oir chunnaic iad gu'n robh a dhoilgheas ro mhòr.

## CAIB. III.

1 *Mhallaich Iob an là air an d' rugadh e. 20 Ann an searphas 'anama tha e a' caoidh gu'n do dhruid Dia suas e air gach taobh.*

**N** A dheigh so dh'fhosgail Iob a bheul, agus mhallach e a là.

2 Agus labhair Iob, agus thubhairt e,  
3 Rachadh as do'n là air an d'rugadh mi,  
agus do'n oidhche anns an dubhradh,  
Ghineadh leanabh mic.

4 Bitheadh an là sin 'a dhorchadas; na  
h-iarraidh Dia e o'n àirde, agus na deal-  
raicheadh solus air.

5 Dubhadh an dorchadas agus sgàile a'  
bhàis e; gabhadh neul còmhuidh air;  
deanadh iad uamhasach e mar na làithean  
a's seirbhe.

6 An oidhche sin, glacadh dorchadas i; na  
cuirear i ri làithibh na bliadhna; ann an  
àireamh nam mìos na tigeadh i.

7 Feuch, bitheadh an oidhche sin aonar-  
anach; na tigeadh fonn aoibhinn oirre.

8 Mallaicheadh iadsan i a mhallaicheas an  
là, a tha deas a thogail am bròin.

9 Dorchaichear reultan a dùthrath; amh-  
airceadh i air son soluis, ach na tigeadh e;  
agus na faiceadh i rosgan na maidne:

10 A chionn nach do dhruid i dorsan mo  
bhronn, agus nach d'fholaich i bròn o m'  
shùilibh.

11 C'ar son nach d'eug mi o'n bhronn? *c'ar*  
*son*, an uair a thàinig mi as a' bholg, nach  
d'thug mi suas an deò?

12 C'ar son a ghabh na glùinean romham?  
agus c'ar son na cìochan, gu'n deothailinn?

13 Oir a nis luidhinn sìos, agus gheibhinn  
fois; choidhinn, an sin bhitheadh tàmh agam;

14 Maille ri rìghribh agus luchd-còmh-  
airle na talmhainn, a thog àitean aonar-  
anach dhoibh féin;

15 No maille ri h-uachdaranaibh aig *an*  
*robh* òr, a lion an tighean le h-airgiod:

16 No mar thorraicheas anabach folaichte  
cha bhithinn ann; mar naoidheanan nach  
faca solus.

17 An sin sguiridh na h-aingidh de bhuaireas,  
agus an sin gheibh iadsan a tha sgith  
le saothair fois:

18 Cuideachd bithidh tàmh aig na prìosan-  
aich; cha chluinn iad guth an fhir-shàr-  
achaidh.

19 Tha am beag agus am mòr an sin; agus  
an seirbhiseach saor o'mhaighstir.

20 C'ar son a thug e do'n truagh solus,  
agus beatha dhoibhsan a tha ann an sear-  
bhas anama?

21 A tha 'gabhair fadail air son a' bhàis,  
ach cha-n'èil e a' teachd; agus a chladh-  
aicheas air a shon nì's mò na air son ion-  
mhasan folaichte:

22 A nì aoibhneas ro mhòr, a nì luath-  
ghaire 'n uair a gheibh iad an uaigh:

23 Do'n duine aig am bheil a shlighe  
folaichte, agus a dhruid Dia suas air gach  
taobh.

24 Oir roimh mo bhiadh thig m'osnaich,  
agus toamar a mach mar uisge mo bhùir-  
eadh.

25 Oir an nì roimh an robh eagal mòr  
orm, thachair e dhomh; agus an nì

roimh an robh mi fo uamhann, thàinig e  
orm.

26 Cha robh mi 'an sìth, agus cha d'fhuair  
mi fois, agus cha robh tàmh agam; oir  
thàinig buaireas.

## CAIB. IV.

1 *Thug Eliphaz achmhasan do Iob a chionn*  
*g'un robh e dh'easbhuidh dòchais dhiadhaidh.*

7 *Dh'innis e dha gu'n sgriosadh Dia an t-aingidh,*  
*ach gu'n gleidheadh e an t-ionracan beò.*

12 *Tha e ag isicheadh feodhais an duine an*  
*làthair Dhé.*

**A**N sin fhreagair Eliphaz an Temanach,  
agus thubhairt e,

2 Ma dh'fheuchas sinn ri labhairt riut, an  
gabh thu gu h-òle e? ach cò a's urrainn e  
féin a chumail o labhairt?

3 Feuch, theagaisg thusa mòran, agus  
neartaich thu na làmhnan luga.

4 Esan a bha 'tuíteam chum do bhriathran  
suas, agus na glùincan annhunn neartaich  
thu.

5 Ach a nis thàinig e ort, agus ghabh thu  
gu h-òle e; bhean e riut, agus tha thu fo  
amhluchd.

6 Nach e d'eagal *diadhaidh* d' earbsa, agus  
ionracas do shlighean do dhòchas?

7 Cuimhnich, guidheam ort, cò e an neò-  
chiontach a sgriosadh, no c'ait an do ghearr-  
adh as na h-ionracain.

8 A réir mar a chuunaic mise, iadsan a  
threabhas euceart, agus a chuireas aingidh-  
eachd, buainidh iad e.

9 Le séideadh Dhé sgriosar iad, agus le  
anail a shróine cuircar as doibh.

10 Tha beucaich an leòmhain, agus guth an  
leòmhain ghairg, agus fìaclan nan leòmhain  
òga air am briseadh.

11 Tha 'n seann leòmhain a' bàsachadh a  
dhùth cobhartaich, agus sgarar o 'chéile  
cuileanan an leòmhain bhoirinn.

12 Ach a m' ionnsuidh-sa thugadh focal  
gu h-uaignidheach, agus ghabh mo chluas  
beagan deth.

13 Ann an smuaintibh o aislingibh na  
h-oidhche, 'n uair a thuiteas codal trom air  
daoinibh,

14 Thàinig eagal orm agus crith, a thug  
air mo chnàmhan gu léir criothnachadh:

15 Agus ghabh spiorad seachad roimh mo  
ghnùis; sheas falt mo chuirp:

16 Sheas e, ach cha d'aithnich mi a chruth:  
dealbh fa chomhair mo shùl — tosd, agus  
chuala mi guth:

17 Am bi duine nì's ceirte na Dia? am bi  
fear nì's gloine na 'Chruith-fhear?

18 Feuch, as a sheirbluisich cha-n earb  
e; agus as leth 'ainglean cuiridh e amaid-  
eachd:

19 Nach lugha na sin asda-san, a tha 'n an  
còmhuidh ann an tighibh creadha, aig *am*  
*bheil* am bunait anns an duslach, a bhruthar  
roimh an leòmann?

20 O mhaduinn gu feasgar bruthar iad;



gun neach ann 'g a thoirt fainear, théid as doibh gu bràth.

21 Nach siubhail am feodhas air falbh maille rin? bàsaichidh iad, agus cha-n ann le glocas.

## CAIB. V.

1 *Tha Eliphaz a' nochdadh gu bheil crìoch an aingidh truagh; 6 gu bheil an duine air a bhreth chum trioblaid; 8 gur còir iarraidh a dh'ionnsuidh Dhé anns gach teanntachd: 17 agus gu bheil smachdachadh an Tighearna chum maith an duine.*

**G**AIRM a nis, ma tha e ann a fhreagairreas thu; agus cia de na naoimh ris an tiundaidh thu?

2 Oir marbhadh fearg an t-amaideach, agus bheir tnu bàs an duine shuaraich.

3 Chunnaic mi an t-amaideach a' freumhachadh; ach mhallaich mi 'àite-còmhnuidh air ball.

4 Is fhad a bhios a mhic o thèaruinteachd, agus bruthar iad anns a' gheata, gun neach ann gu'n teasairginn.

5 Agus ithidh an t-ocrach suas 'fhoghara, agus eadhon as an dris gabhaidh se e: sluidigh an creachadar suas am maoin.

6 Ged nach tig àmhghar a mach as an duslach, agus nach fàs carraid as an talamh,

7 Gidheadh, rugadh an duine chum carraid, mar a dh'éireas na scadan suas.

8 Ach dh'iarrainnse dh'ionnsuidh Dhé, agus a chum Dhé chuirinn mo ghuth:

9 A tha 'deanamh nithean mòra agus do-rannsachaidh; nithean iongantach gun àireamh:

10 A tha 'toirt fhras uisge air aghaidh na talmhainn, agus a' cur uisgeachan air aghaidh nam machair;

11 A chum iadsan a tha ìosal a chur an àird, agus iadsan a tha dùbhach a thogail suas 'an tèaruinteachd:

12 A tha 'toirt innleachdan nan cuilbheartach gu neo-ni, air chor as nach coimhilion an làmhnan an gnìomh:

13 A tha 'glacadh nan daoine glìce 'n an cuilbheartachd fèin, air chor as gu'n tilgear sìos comhairle nan daoine fiara.

14 'S an là coimnichidh iad dorchadas; agus mar anns an oidheche smeuraichidh iad mu mheadhon-là.

15 Ach saoraidh e am bochd o'n chlàidheamh, o'm beul, agus o làmh a' chumhachdaich.

16 Agus aig a' bhochd bithidh dòchas, agus druididh aingidheachd a beul.

17 Feuch, is nèarachd an duine a smachdaichear le Dia: air cronachadh an Uile-chumhachdaich ma ta na dean-sa tàir.

18 Oir cràdhaidh e, agus ceanglaidh e suas; lotaidh e, agus leighisidh a làmhnan.

19 Ann an sè teanntachdaibh saoraidh e thu, agus anns an t-seachdamh cha tig olc an gar dhuit.

20 Ann an gorta tèarnaidh e thu o'n bhàs; agus ann an cogadh, o chumhachd a' chlàidheamh.

21 O sgiùrsadh na teanga folaichear thu; agus cha bhi eagal ort roimh sgrios an uair a thig e.

22 Ri sgrios agus ri gorta gàiridh tu; agus roimh fhiadh-bheathaichibh na talmhainn cha bhi cagal ort.

23 Oir ri clachaibh na macharach bithidh tu ann an coimhicheangal; agus bithidh fiadh-bheathaichean na macharach ann an sìth rint.

24 Agus aithnichidh tu gu'm bi do phàillion ann an sìth; agus amhaircidh tu air d'àite-còmhnuidh, agus cha dean thu gu 'h-ole.

25 Aithnichidh tu mar an ceudna gu'm bi do shliochd homhor, agus do ghineal mar fheur na talmhainn.

26 Thig thu ann an làn aois chum na h-naighe, mar a chuirear suas cruach arbhair 'n a h-àm.

27 Feuch, so an ni a rannsaich sinn; mar sin tha e: èisd ris, agus bitheadh fios agad air, air do shon fèin.

## CAIB. VI.

1 *Tha Iob a' leigeadh ris meudachd a dhoilgheis: 8 agus ag iarraidh gu'm bu toil le Dia a ghearradh as: 14 Thug e achmhasan d'a chaidribh.*

**A**CH fhreagair Iob, agus thubhairt e, 2 O nach robh mo dhoilgheas air a làn-chòthromachadh, agus mo dhòruinn togta anns na meidhibh le 'chéile!

3 Oir a nis bliththeadh e ni bu truime na gaimeamh na fairege: uime sin tha mo bhriathran air an slugadh suas.

4 Oir tha saighdean an Uile-chumhachdaich annam, agus tha an nìmh ag òl suas mo spioraid: tha uamhasan Dhé 'g an cur fèin 'an ordugh catha a'm' aghaidh.

5 An dean am fiadh-asal sìtirich os ceann feoir? an dean an damh geum os ceann 'innlinn?

6 An gabh an ni a tha neo-bhlasta itheadh gun salann? am bheil blas air gealagan an uibhe?

7 Tha m'anam a' diultadh beantuinn riù: tha iad sin mar mo bhiaidh bròin.

8 O nach tugtadh dhomh m'athcheuinge; agus gu'n deònaicheadh Dia dhomh mo mhiann!

9 Agus gu'm bu toil le Dia mo sgrios; gu'n cnireadh e mach a làmh, agus gu'n gearradh e as mi!

10 An sin bhitheadh furtachd agam fathast, ged bithiunn air mo chruadhachadh ann an do-bhròn, agus nach caomhnadh e; oir cha do cheil mi briathran an Aoin naoimh.

11 Ciod e mo neart, gu'm bitheadh dòchas agam? agus ciod i mo chrìoch, gu'n sininn mo bheatha?

12 An e neart nan clach mo neart? am bheil m'fheoil de umha?

13 Nach 'eil mo chabhair annam féin? agus an d'fhuadaicheadh gliocas uam?

14 Dha-san a thréigas a charaid is mòr am masladh e; tréigidh e mar an ceudna eagal an Uile-chumhachdaich.

15 Mheall mo bhràithrean mi mar shruth: mar neart nan sruth ghabh iad seachad:

16 A bhitheas dubh le h-eigh; anns am fol-aichear an sneachd:

17 An uair a leaghas iad, théid as doibh; an uair a dh'fhàsas e teth, caithear as an àit iad.

18 Tha ceuman an slighe air claonadh: thig iad gu neo-ni, agus sgriosar iad.

19 Dh'amhairc buidhnean Thema, dh'fheith euideachdan Sheba orra.

20 Bha iad fo amhladh, a chionn *roimhe sin* gu'n robh dòchas aca: thàinig iad an sin, agus bha nàire orra.

21 Ach a nis tha sibhse 'n 'ur neo-ni; chi sibh mo bhriseadh-eridhe, agus tha eagal oirbh.

22 An dubhairt mi, Thugaibh a m' ionnsuidh? no d'ur maoin thugaibh tiodhlac air mo shon?

23 No tèarnaibh mi o làimh an nàmhaid? no o làimh nan cumhachdach saoraibh mi?

24 Teagaisgibh mi, agus bithidh mi a'm' thosd; agus ma chaidh mi 'bheag'am mearachd, thugaibh orm a thuigsinn.

25 Nach neartmhor briathran eart? ach ciod a chronaicheas esan a chronaicheas 'n 'ur measg?

26 An sinuainich sibh air briathran a chronachadh, agus cainnt an eu-dòchasaich, a tha mar ghaoith?

27 Seadh, tha sibh a' leum air an dilleachdan, agus a' cladhach *sluichd* d'ur caraid.

28 A nis, uime sin, ma's toil leibh, amhaircibh orm; agus *bithidh e* soilleir dhuibh, ma ni mi breug.

29 Pillibh, guidheam oirbh, na bitheadh euceart ann; seadh, pillibh fathast, *tha m'fhìreantachd*-sa ann.

30 Am bheil ann am theangaidh euceart? nach aithmich mo bhlas nithean fiara?

## CAIB. VII.

1 *Tha Iob a' caoidh gu bheil a thrioblaid ro throm air a shon; 11 agus ann an searbhas a spioraid a' deanamh gearuin ri Dia. 20 Dh'aicheadh e 'eusaontas 'am fianuis Dhé.*

**N**AACH 'eil àm suidhichte aig an duine air thalamh? agus mar làithean fhìrtuasadail a làithean?

2 Mar a mhiannaicheas an seirbhiseach an sgàile, agus mar a bhitheas sùil aig an fhear-tuasadail ri duais 'oibre;

3 Mar sin fhuair mise mar sheibh dhomh féin mìosan dìomhanais, agus àirmhear dhomh oidhlichean cràidh.

4 Ma luidheas mi sìos, their mi, C'uin a dh'èireas mi, agus a théid an oidheche thairis? agus tha mi làn luasgaidh a null agus a nall gu briseadh na faire.

5 Tha m'fheoil air a còmhachadh le cnuimhibh agus spairtibh àire; bhris mo chroicinn, agus tha e breun.

6 Tha mo làithean nìs luaithe na spàl figheadair, agus tha iad air an caitheadh gun dòchas.

7 Cuimhnich gur gaoth mo bheatha: cha phill mo shùil a dh'fhaicinn maith.

8 Shùil an ti a chunnaic mi, cha-n fhaic i mi: *bithidh* do shùilean orm, agus cha *bhi* mi ann.

9 Caithear an neul, is théid e as; mar sin esan a théid sìos do'n uaigh, cha tig e nìos.

10 Cha phill e nìs mò dh'ionnsuidh a thighe; agus cha-n aithnich 'ait e nìs mò.

11 Uime sin cha chum mi mo bheul; labhairaidh mi ann an teamntachd mo spioraid; gearrainidh mi ann an searbhas m'anama.

12 Am muir mi, no muc-nihara, gu'n cuir-eadh tu faire orm?

13 Ma their mi, Bheir mo leabadh furtachd dhomh, eutromaichidh m'uirigh mo ghcearan;

14 An sin cuiridh tu fuathas orm le h-aislingibh, agus uamhas le scallannaibh:

15 Agus is fearr le m'anam tachdadh, bàs na beatha.

16 Tha mi 'gabhail gràin *deth*; cha b'àill leam a bhi beò gun bràth: leig leam, oir is dìomhanas mo làithean.

17 Ciod e an duine, gu'n àrdaicheadh tu e? agus gu'n suidhicheadh tu do chridhe air?

18 Agus gu'm fiosraicheadh tu e gach maduinn? gach mionaid gu'n dearbhadh tu e?

19 Cia fhad a bhitheas tu gun dealachadh rium? agus nach leig thu leam gus an sluig mi sìos mo shìle?

20 Pheacaich mi; ciod a ni mi riut, O fhir-còimhid dhaoine? c'ar son a chuir thu mi a' d' aghaidh, agus a tha mi a'm' eire orm féin?

21 Agus c'ar son nach maith thu m'eusaontas, agus nach cuir thu air falbh m'euceart? oir a nis anns an duslach coillidh mi; agus iarraidh tu mi anns a' mhaduinn, ach cha *bhi* mi ann.

## CAIB. VIII.

1 *Tha Bildad a' nochdadh gu'n gléidh an t-uile-cumhachdach breitheanas; 4 gu'n diol e do gach neach a réir a ghaomharan; 8 agus gu'm bàsaich dòchas a' chealgair mar a sheargas luibh na macharach.*

**A**N sin fhreagair Bildad an Suhach, agus thubhairt e,

2 Cia fhad a labhras tu *mar sin*, agus a *bhitheas* briathran do bheoil *mar ghaoith làidir*?

3 Am fiar Dia breitheanas, agus am fiar an t-Uile-cumhachdach ceartas?

4 Ma pheacaich do chlam 'n a aghaidh agus gu'n d'thug e thairis iad do'n eusaontas;



'5 Nan iarradh tu gu moch a dh'ionnsuidh Dhé, agus air an Uile-chumhachdach nan aslaichadh tu;

6 Nam *bithheadh* tu glan agus ionraic, gu rianteach a nis mhosgaileadh e air do shon, agus dheanadh e àite-còmhuidh d'fhìr-eantachd sìochail.

7 Ged bhitheadh do thoiseach beag, dh'fhàsadh do chrìoch gu mòr.

8 Oir fiosraich, guidheam ort, de'n linn roimhe, agus deasaich thu féin chum rannsachaidh an aithrichean:

9 (Oir o'n dé tha sinne, agus cha-n aithne dhuinn, a chionn gur sgàile ar làithean air thalamh:)

10 Nach teagaisg iad thu, nach innis iad duit, agus o'n cridhe nach labhair iad briathran?

11 Am fàs an luachair gun làthach? am fàs an mìn-fheur gun uisge?

12 'N uair a bhitheas e fathast 'n a ghlaise, cha ghearrar sìos e; gidheadh, roimh gach luibh seargaidh e.

13 Mar sin ceuman na h-uile neach a dhi-chuimhnichas Dia; agus bàsaichidh dòchas a' chealgair:

14 Aig an gearrar a dhòchas as, oir *is e* lìon an damhain-allaidh 'earbsa.

15 Leigidh e a thaic ri 'thigh, ach cha seas e; cumaidh se gu daingean e, ach cha mhair e.

16 Uaine *tha* e fa chomhair na gréine; agus 'n a lios fàsaich a mheanglan suas.

17 Air a' charn bithidh a fhreumhan air am figheadh air feadh a chéile, agus fiosraichidh e àit nan clach.

18 Ma ghearras e as o 'àit e, an sin àich-eadhaidh se e, *ag ràdh*, Cha-n fhaca mi thu.

19 Feuch, *is* e so aoibhneas a shlighe-san; ach as an ùir fàsaich aon eile.

20 Feuch, cha tilg Dia air falbh an *duine* foirfe, agus cha ghabh e greim de làimh nan daoine aingidh:

21 Gus an lìon e do bheul le gàire, agus do bhilean le gairdeachas.

22 Iadsan a dh'fhuathaicheas thu, comh-daichear iad le nàire; agus cha *bhi* pàillium nan aingidh ann.

## CAIB. IX.

1 *Tha Iob ag aideachadh ceartaids Dhé; 14 a' nochadh nach eil e 'g iarraidh e féin fhìreanachadh; 20 agus nach còir breth 'thoirt air neach air bith a rèir an dòigh air am bheil Dia a' buintinn ris.*

**A**GUS fhreagair Iob, agus thubhairt e, 2 Gu deimhin tha fhios agam gu bheil e mar sin: oir cionnus a shaoras duine e féin aig Dia?

3 Ma's àill leis a chùis a thagradh 'n a làthair, cha fhreagair se e aon *uair* as a' mhìle.

4 Gie; ann an cridhe, agus treun ann an

neart, cò a chruaidhich e féin 'n a aghaidh, agus a shoirbhiach?

5 A dh'atharraicheas na beanntan, agus cha bhi fios ac' *air*; a thilgeas bun os ceann iad 'n a fheirg:

6 A chrathas an talamh as 'àit, agus crìoth-naichidh a phuist:

7 A dh'aitheanas do'n ghréin, agus cha-n éirich i; agus air na reultaibh a chuireas seula:

8 A sgaoileas a mach na nèamhan 'n a aonar, agus a shaltaireas air tonnaibh na fairege:

9 A tha 'deanamh Arcturuis, Orioin, agus Phleiaides, agus sheòmraichean na h-àirde deas:

10 A tha 'deanamh *nithean* mòra, nach bi e 'n comas fhaghail a mach, agus *nithean* iongantach nach gabh àireamh.

11 Feuch, théid e seachad orm, agus cha-n fhaic mi e; agus gabhaidh e thairis, ach cha mhothaich mi e.

12 Feuch, ma bheir e air falbh, cò a bhacas e? cò a their ris, Ciod a tha thu a' deanamh?

13 Cha tionndaidh Dia air falbh 'fhearg: foidhe cromaidh fir-chuideachaidh an àrd-ain.

14 Nach ro lugha na sin a fhreagaireas mise e, a thaghas mi mo bhriathran ris?

15 Oir ged bhithinn ionraic, cha fhreagairinn e; air mo bhreitheamh dh'aslaichinn.

16 Nan gairminn, agus gu'm freagaireadh e mi, cha chreidinn gu'n d'éisd e ri m' ghuth:

17 Oir le doinionn tha e 'g am bhruthadh, agus a' deanamh mo lot lionmhor gun aobhar.

18 Cha leig e leam m'anail a tharruing, ach lìonaidh e mi le searbas.

19 Ma *labhrar* mu neart, feuch, *tha e* làidir; agus ma *labhrar* mu bhreitheanas, cò a shuidhicheas àm air mo shon?

20 Ma dh'fhireanaicheas mi mi féin, dèidh mo bheul féin mi; agus foirfe *ma ni mi* mi féin, nochdaidh e fiar mi.

21 Foirfe ged bhithinn, cha-n aithnichinn e; a'm' anam dheanainn tàir air mo bheatha.

22 *Is* aon ni e: uime sin thubhairt mi, Am foirfe agus an t-aingidh *tha e a'* sgrios.

23 Ma mharbhas an t-slat gu h-obann, ri deuchainn nan neò-chiontach gairidh e.

24 Thugadh an talamh 'an làimh an aingidh: aghaidhean a bhreitheamhna còmh-daichidh e: mur *dean e mar so*, c'àite, cò esan a *ni*?

25 Bha mo làithean ni bu luaithe na gille-ruithe: theich iad air falbh, cha-n fhac iad naith.

26 Ghabh iad seachad mar na longaibh luatha; mar an iolaire a' dol air iteig a chum cobhartaich.

27 Ma their mi, Di-chuimhnichidh mi mo

ghearan, leigidh mi dhìom mo dhubh-achas, agus bheir mi comhfhurtachd dhomh féin;

28 Tha eagal orm roimh mo dhoilgheas-aibh uile; tha fios agam nach meas thu neò-chiontach mi.

29 Ma bhitheas mi aingidh, c'ar son ma ta a shaothraichinn gu dìomhain?

30 Ma nìgheas mi mi féin ann an uisgibh sneachda, agus ma ghlanas mi gu glan mo làmhann;

31 An sin tumaidh tu mi 's an t-slochd, agus gabhaidh m'eudach féin gràin dìom.

32 Oir cha duine e mar a tha mise, gu'm freagairinn e, gu'n tigeamaid cuideachd gu breitheanas.

33 Cha-n'èil fear-réite cadaruinn, a chuireadh a làmh oirnn le 'chéile.

34 Thugadh e air falbh a shlat dhìom, agus na cuireadh eagal roimhe uamhas orm.

35 An sin labhrainn, agus cha bhitheadh eagal orm roimhe: ach cha-n'èil mi mar sin agam féin.

## CAIB. X.

1 *Ann an searbhas 'anama thagair Iob a chèis an làthair Dhé: 18 tha e a' caoidh nach d'fhug e suas an deò gun sùil 'g a fhaicinn. 20 Ghuidh e air Dia beagan comhfhurtachd a thabhairt da.*

THA m'anam sgìth de m' bheatha; fàgaidh mi mo ghearan orm féin; labhairaidh mi ann an searbhas m'anama.

2 Their mi ri Dia, Na dìt mi; thoir fios dhomh c'ar son a tha thu a' cur a'm' aghaidh.

3 Am maith leat gu'n sàraicheadh tu? gu'n deanadh tu tàir air obair do làmh? agus gu'n dealraicheadh tu air comhairle nan aingidh?

4 Am bheil sùilean feòla agad? an ann mar a chi duine, a chi thusa?

5 An ann mar làithibh duine a tha do làithean-sa? am bheil do bhliadhnachan mar làithibh duine,

6 Gu'n sireadh tu air son m'euceirt, agus gu'n rannsaicheadh tu air son mo pheacaidh?

7 Tha fhios agad nach d'rinn mi gu h-aingidh: agus cha-n'èil neach ann a shaoras o d' làimh.

8 Dhealbh do làmhann-sa mi, agus rinn iad mi comh-cheart mu'n cuairt; agus an sgrìos thu mi?

9 Cuimhnich, guidheam ort, gur ann mar chriadh a rinn thu mi; agus gu duslach an tionndaidh thu mi a ris?

10 Mar bhainne nach do thaom thu mi mach, agus mar chàise nach do dhaingnich thu mi?

11 Le croicionn agus le feoil chòmhdach thu mi, agus le cnàmhann agus féithean-luthaidh dhion thu mi.

12 Beatha agus caoimhneas dhednaich thu dhomh, agus choimhid do fhreasdal mo spiorad.

13 Agus na nithean so dh'fholaich thu a'd' chridhe: tha fios agam gu bheil so agad.

14 Ma pheacaiocas mi, bheir thu faineam mi, agus o m'euceart cha saor thu mi.

15 Ma bhitheas mi aingidh, mo thruaigh mi! agus ma bhitheas mi ionraic, cha tog mi mo cheam. Làn maslaidh tha mi, agus faic féin m'amhghar;

16 Oir tha e a' meudachadh; mar leòmhann garg tha thu a' sealg orm; agus a ris tha thu 'g ad nochdadh féin iongantach orm.

17 Tha thu ag ath-nuadhachadh d'fhianuisean a'm' aghaidh, agus a' meudachadh do chorruich rium; tha caochlaidh agus cogadh a'm' aghaidh.

18 C'ar son ma ta a thug thu mach as a' bhroinn mi? Och nach d'fhug mi suas an deò, gun sùil 'g am fhaicinn!

19 Bhithinn mar nach bithinn ann; o'n bhroinn a dh'ionnsuidh na h-uaiغه bhithinn air mo ghiùlan.

20 Nach tearc mo làithean? sguir ma ta, agus leig leam, agus gu'm faigh mi beagan comhfhurtachd,

21 Mu'n siubhail mi, agus nach pill mi tuilleadh, gu tir an dorchadais agus sgàile a' bhàis;

22 Tir dorchadais mar dhuibhlre sgàile a' bhàis, agus as cugmhais gach riaghailt, agus far am bheil an solus mar dhorchadas.

## CAIB. XI.

1 *Thug Sophar gear-achmhasan do Iob a chionn gu'n d'fhirinnich se e féin: 7 tha e a' nochdadh nach fheud duine mòrachd Dhé a rannsaichadh; 13 agus nach bi dochas aig neach fhad 's a bhios euceart 'n a lèine.*

A sin fheagair Sophar an Naamatach, agus thubhairt e,

2 Do lionnhoireachd bhriathar nach toir-ea freagradh? agus an saorar fear na mòr bhruidhne?

3 An toir do bhreugan-sa air daoinibh a bhi 'n an tosd? agus an uair a ni thu fanoid, nach cuir duin' air bith nàir' ort?

4 Oir thubhairt thu, Glan tha mo theagasg, agus neò-chiontach tha mi ann ad shùilibh.

5 Ach, O nach labhradh Dia, agus nach fosgaileadh e a bhilean riut;

6 Agus nach nochdadh e dhuit nithean dìomhair a' ghliocais, gu bheil iad dùbailte na tha ann! Bitheadh fios agad uime sin gu bheil Dia 'g ad agairt air son d'euceirt.

7 An urrainn thusa le rannsachadh Dia fhaghail a mach? an urrainn thu an t-Uile-chunbhadhach fhaghail a mach gu h-iomlan?

8 Ard mar na nèamhan; ciod a ni thu? ni's dòimhne na ifrinn; ciod a's aithne dhuit?

9 Nì's faide na'n talamh a thomhas, agus nì's léithne na'n fhaige.

10 Ma ghearras e as, no ma dhùincas e suas, no ma chruinnicheas e ri 'chéile, cò a bhacas e?



11 Oir is aithne dha daoine faoine; agus an uair a chi e euccart, nach toir e faineir i?

12 Agus b'àill leis an duine fhaoin a bhi glie, ged is ann mar loth asail fhiadhaich a bheirear duine.

13 Ma dheasaichas tu do chridhe, agus gu'n sin thu d'a ionnsuidh do làmh;

14 Ma bhios euccart a'd làimh, cuir fada uait i, agus na leig le aingidheachd còmh-nachadh a'd phàilliumaibh.

15 Oir an sin togaidh tu suas do ghnùis gum smal, agus bithidh tu seasmhach, agus cha bhi eagal ort:

16 Oir di-chuimhnichidh tu do dhochair; mar na h-uisgeachaibh a chaidh seachad cuimhnichidh tu i.

17 Agus n'is soilleire na meadhon-là fàsaidh d'aois; ged robh thu ann an dorchadas, mar a' mhaduinn bithidh tu.

18 Agus earbaidh tu, oir bithidh dòchas agad; agus cladaichidh tu, [agus] gu tèaruinte gabhaidh tu tàmh.

19 Agus an uair a luidheas tu sìos, cha chuir neach air bith eagal ort; agus iarraidh mòran do ghnùis.

20 Ach fàilnichidh sùilean nan aingidh; agus dol as cha bhi aca; agus bithidh an dòchas mar thoirt suas an deò.

#### CAIB. XII.

1 *Chronaich Iob a chairdean: 6 Dh'fheuch e dhòibh gu bheil an t-aingidh 'sòirbheachadh 's a' bheatha so. Neart agus gliocas an Uile-chumhachdaich.*

**A**GUS fhreagair Iob, agus thubhairt e, 2 Cha-n'eil teagamh nach sibhse an sluagh, agus maille ribhse bàsaichidh gliocas.

3 Ach agamsa tha tuigse, mar tha agaibh-se; cha-n isle mise na sibhse: agus cò aig nach 'eil fios air an leithidean sin?

4 Mar neach a tha 'n a bhall-magaidh aig a charaid tha mise, a ghairmeas air Dia, agus freagairidh se e: 'n a bhall-fochaid tha an duine ceart ionraic.

5 Mar lòchran fu thàir ann an smuaintibh an ti a tha aig fois, bithidh esan a bhitheas ullamh gu sleamhnachadh le 'chois.

6 Stochail bithidh pàilliuman chreachad-airean; agus tèaruinte bithidh iadsan a bhrosnaicheas Dia; d'an d'thug Dia ni 'n an làimh.

7 Ach feòraich a nis de na h-ainmhidhean, agus teagaisgidh iad thu; agus de cunlaith nan speur, agus innsidh iad duit:

8 Nò labhair ris an talamh, agus teagaisgidh e thu; agus cuiridh iasg na mara 'an cèill duit.

9 Cò aig nach 'eil fios a thaobh nan nithean so uile, gur i làmh an Tighearn' a rinn so?

10 Aig am bheil 'n a làimh anam gach ni beò, agus anail gach uile fheòla dhaoine.

11 Nach dearbh a' chluas briathran? agus nach blais am beul a bhiaidh?

12 Anns na h-aosmhoir tha gliocas; agus ann am fad lùithean tuigse.

13 Maille ris-san tha gliocas agus neart; aige-san tha comhairle agus tuigse.

14 Feuch, brisidh e sìos, agus cha togar suas: druididh e suas duine, agus cha-n fhosgaillear.

15 Feuch, eumaidh e na h-uisgeachan air an ais, agus tiormaichidh iad suas; agus cuiridh e mach iad, agus tilgidh iad bun os ceann an talamh.

16 Aige-san tha neart agus gliocas: 's leis-san esan a mheallair, agus esan a mheallas.

17 Cuiridh e air falbh comhairlich creachta, agus de bhreitheamhaibh ni e amadain.

18 Cuibhreath rìghrean sgaoilidh e, agus crìoslaichidh e crìos air an leasraibh.

19 Cuiridh e air falbh uachdarain creachta, agus tilgidh e sìos na cumhachdaich.

20 Atharraichidh e cainnt nam firinn-each, agus bheir e air falbh tuigse nan aosmhor.

21 Taomaidh e tàir air àrd-uaislibh, agus annhumaichidh e neart nan daoine treuna.

22 Taisbeanaidh e nithean doimhne á dorchadas, agus bheir e sgàile a' bhàis gu solus.

23 Meudaichidh e na cinnich, agus sgrìosaidh se iad: cuiridh e na cinnich ann an farsuinneachd, agus cuiridh se iad ann an eumhainneachd.

24 Bheir e air falbh cridhe cheannard shlaigh na talmhainn, agus cuiridh e air seacharan iad ann am fàsach as eugmhais slighe.

25 Smeuraichidh iad 's an dorchadas, agus iad gun solus; agus bheir e orra tuisleachadh mar dhuine air mhisg.

#### CAIB. XIII.

1 *Chronaich Iob a chairdean do bhrìgh gu'n do labhair iad gu h-aingidh as leth Dhé: 14 Ged nach do thuig e aobhar a thriobaid cha d'fhàilnich a dhòchas: 20 Dh'iarr e fios fhaghail air a pheacaidhean.*

**F**EUCH, chunnaic mo shùil so uile; chuala mo chluas, agus mhothaich i e.

2 Mar is aithne dhuibhse, is aithne dhomh-sa mar an ceudna: cha-n isle mise na sibhse.

3 Ach labhrainn-sa ris an Uile-chumhachdach, agus b'àill leam tagradh ri Dia.

4 Oir 's luchd-cumadh bhreug sibhse, léighean nach fiu sibh uile.

5 O nach robh sibh gu tur 'n 'ur tosd! agus b'e sin bhuir gliocas.

6 Cluinnibh a nis mo thagraidh, agus éisdibh ri deasboireachd mo bhilean.

7 An labhair sibh gu h-aingidh air son Dhé? agus air a shon-san an labhair sibh gu cealgach?

8 An gabh sibh r'a ghnùis? air son Dhé an dean sibh comhstri?

9 Am bheil e maith gu'n rannsachadh e mach sibh? mar a nìther fanoid air duine, an dean sibh fanoid air-san?

10 Gu cinuteach cronaichidh e sibh, ma ghabhas sibh ann an uaignidheas ri gnùis.

11 Nach cuir 'dirdhearcais-san eagail oirbh? agus nach tuit 'uamhann-san oirbh?

12 Tha bhuir cuimhne cosmhuil ri laithre, mar chuirp creadha bhuir cuirp.

13 Bithibh 'n 'ur tosd a m' thaobh-sa, agus labhraidh mi, agus thigeadh orm na dh'fheudas.

14 'Car son a tha mi 'gabhaill m'fheòla a'm' fhiaclaibh, agus a' cur mo bheatha a'm' làimh?

15 Ged mharbh e mi, gidheadh earbaidh mi as: ach tagraidh mi mo shlighean 'n a fhianuis.

16 Mar an ceudna bithidh e dhomhsa chum slàinte; oir cha tig cealgair 'n a làth-air.

17 Eisdibh gu furachar ri m' chainnt, agus ri m' sgeul lèr clusaibh.

18 Feuch a nis, chuir mi mo chùis ann an ordugh: tha fios agam gu'n saorar mi.

19 Cò esan a thagras rium? oir a nis, ma bhitheas mi a'm' thosd, bheir mi suas an deò.

20 A mhàin dà nì na deau rium; an sin o d' ghuùis cha-n' fholaich mi mi féin.

21 Tarruing do làmh fada uam? agus na cuireadh d'uamhann eagail orm.

22 An sin gairm thusa, agus freagairidh mise: no labhraidh mise, agus freagair thusa mi.

23 Cia lìonmhor m'eucairtan agus mo pheacaidhean? air m'eusaontas agus mo pheacadh thoir fios domh.

24 'Car son a tha thu a' folach do ghnùise, agus 'g am mheas mar nàmhaid duit?

25 Am bris thu an duilleag a thilgear a null agus a nall? agus an ruaig thu an asbhuain thioram?

26 Oir tha thu a' sgrìobhadh nithean searbh a'm' aghaidh, agus a' toirt orm eucairtan m'òige a shealbhachadh.

27 Agus tha thu a' cur mo chos anns a' cheap, agus a' geur-amharc air mo shligheibh gu léir, agus a' cur chomhar air bonnaibh mo chos.

28 Agus mar ni breun cuirear as da, mar thrusgan a dh'itheas an leomann.

## CAIB. XIV.

1 *Dh'askuich Iob fad-fhulangas Dhé, do bhrìgh gu bheil an duine air bheag làithean agus làn àmhghair.* 13 *Dh'ìarr e àite tàimh gus an tigeadh crìoch 'aimesire suidhichte.*

**T**HA 'n duine a rugadh o mhnai, gearr-shaoghalach, agus làn àmhghair.

2 Mar bhlàth thig e mach, agus gearrar sìos e: agus teichidh e mar sgàile, agus cha-n' fhan e.

3 Gidheadh air a leithid sin dh'fhosgail thu do shùilean; agus mise tha thu a' tabhairt gu breitheanas maille riut.

4 Cò a bheir glan á neòghan? cha tabhair a h-aon.

5 Gu deimhiu tha a làithean suidhichte, tha àireamh a mhìos agadsa; dh'orduich thu a chrìochan, agus cha téid e thairis orra.

6 Tionndaidh uaidh chum gu'm bi fois aige, gus an coimhlion e mar fhear-tuarasdail a là.

7 Oir tha dòchas á craoibh, ma ghearrar sìos i, gu'm fàs i a ris, agus nach fàilnich a faillean òg.

8 Ged fhàs a freumh sean anns an talamh, agus anns an ùir ged bhàsaich a stoc;

9 Trid fhàile an uisge ùr-fhàsaidh i, agus bheir i mach geugan mar òg-chraoibh.

10 Ach bàsaichidh fear, agus théid gu tur as da; agus bheir duine suas an deò, agus c'ait am bheil e?

11 Fàilnichidh na h-uisgeachan o'n mhuir, agus caithear an amhainn, agus tiormaichidh i suas:

12 Mar sin luidhidh an duine sìos, agus cha-n' éirich e; gus nach bì na nèamhan ann, cha mhosgail iad, agus cha dùisgear as an codal iad.

13 Och nach folaicheadh tu mi anns an uaigh, nach gleidheadh tu mi 'an uaignidheas, gus am biodh d'fhearg thairis! nach suidhicheadh tu dhomh àm àraidh, agus gu'n cuimhnichheadh tu mi!

14 Ma bhàsaicheas duine, an tig e beò? uile làithean m'aimsire suidhichte feithidh mi, gus an tig mo chaochladh.

15 Gairmidh tusa, agus freagairidh mise thu: air obair do làmh bithidh déigh agad.

16 Oir a nis tha thu ag àireamh mo cheum: agus nach 'eil thu ri faire air mo pheacadh?

17 Seulaichte ann an ceanglachan tha m'eusaontas, agus fuaighidh tu suas m'eucairt.

18 Agus gu deimhin tuitidh a' bheinn, agus théid as di; agus atharraichear a' charraig as a h-àite.

19 Caithidh na h-uisgeachan na clachan: bheir thu tuil air na nithibh a dh'fhàsas á ùir na talmhainn, agus sgriosaidh tu dòchas an duine.

20 Buadhaichidh tu gu bràth 'n a aghaidh, agus siubhlaidh e: caochailidh tu a ghnùis, agus cuiridh tu air falbh e.

21 Urramach fàsaidh a mhic, agus cha bhi fios aig air; agus islichear iad, ach cha toir e fainear iad.

22 Ach bithidh 'fheoil an taobh a stigh dheth cràiteach, agus ni 'anam an taobh a stigh dheth bròn.

## CAIB. XV.

1 *Chronaich Eliphas Iob air son a dhànadais 'n a fhìreantachd féin.* 17 *Nochd e gu'n cràdhar an t-aingidh ré a làithean uile.*

**A**N sin fhreagair Eliphas an Temanach, agus thubhairt e,

2 An luidh duine glie air eòlas na gaoithe,



agus an Ìon e a chliabh leis a' ghaoith an ear?

3 An tagair e le briathraibh gun tairbhe, agus le cainnt leis nach dean e maith?

4 Seadh, tha thu a' tilgeadh dhìot eagail, agus a' leigeadh urnuigh dhìot an làthair Dhé.

5 Oir teagaisgidh d'aingidheachd do bheul, agus ròghnaichidh tu teanga nan cuilbheartach.

6 Ditidh do bheul féin thu, agus cha mhise; agus bheir do bhilean féin fianuis a'd' aghaidh.

7 An tusa an ceud duine a rugadh? no roimh na enocaibh an do rinneadh thu?

8 An cuala tu 'bheag ann an comhairle dhìomhair Dhé? agus a d'ionnsuidh féin a mhàin an do tharruing thu gliocas?

9 Ciod a's aithne dhuitse, nach aithne dhuinne? a thuigeas tusa, nach tuig sinne?

10 Tha araon an ceann-liath agus an t-aosmhor 'n ar measg-ne, nì's sine gu mòr na d'athair.

11 Am beag leat sòlasan Dhé? agus am bheil nì dhìomhair agad?

12 C'ar son a tha do chridhe 'g ad thoirt air falbh? agus c'ar son a tha do shùilean a' caogadh?

13 Gu bheil thu a' tionndadh do spioraid an aghaidh Dhé, agus a' leigeadh an leithid-can sin de bhriathraibh a mach as do bheul?

14 Cò e an duine, gu'm bitheadh e glan? agus gu'n saoradh esan e féin, a rugadh o mhnai?

15 Feuch, as a naoimh cha-n earb e; agus cha-n'èil na nèamhan glan 'n a shùilbhi.

16 Nach gràineile agus nach sailiche gu mòr an duine, a dh'òlas cuccart mar uisge?

17 Innsidh mi dhuit, éisd rium; agus na chummaic mi, cuiridh mi 'n céill;

18 A dh'aithris daoine glíce, agus nach do cheil an aithirichean orra:

19 D'an d'thugadh 'n an aonar an talamh, agus cha d'ìmhich coigreach 'n an measg.

20 Ré a lùithean uile cràdhar an t-aingidh; agus folaichear àireamh a bhliadhnachan air an fhear-shàrachaidh.

21 Tha fuaim eagalach 'n a chluasaibh: 'n a shoirbheachadh thig an fear-millidh air.

22 Cha chreid e gu'm pill c as an dorchadas; agus feithear air leis a' chlàidheamh.

23 Tha e ag imeachd mu'n cuairt air son arain, *ag ràdh*, C'ait am bheil e? tha fios aige gu bheil là an dorchadais deas aig a làimh.

24 Cuiridh teanntachd agus àmhghar uamhas air: buadhaichidh iad air, mar rìgh deas a chum catha.

25 Oir sinidh e mach a làmh an aghaidh Dhé, agus an aghaidh an Uile-chumhachdaich neartaichidh se e féin.

26 Ruithidh e air, air a mhuineal, air cop-aibh tiugha a sgiath;

27 A chionn gu'n do chòmhdaich e a ghnùis le a shult, agus gu'n d'rinn e fillean saille air a leasraibh.

28 Agus còmhnuichidh e ann am bailtibh fàsaichte, ann an tighibh nach 'eil air an àiteachadh, a tha ullamh gu bhì 'n an carn-aibh.

29 Cha bhì e beartach, agus cha mhair a mhaoin; agus cha sìn e mach a fhreumh 's an talamh.

30 Cha triall e á dorchadas; tiormaichidh lasair a mheanglan; agus siubhlaidh e le anail a bheoil.

31 Na h-earbadh esan a mheallair á dìomh-anas; oir dìomhanas bithidh aige mar luigheachd.

32 Roimh a là coimhlionar e; agus cha bhì a gheug uaine.

33 Crathaidh e dheth mar an fhìonain 'fhìon-dhearc anabaich, agus tilgidh e dheth mar an crann olaidh a bhlàth.

34 Oir bithidh coimhlional nan cealgair aonarach, agus caithidh teine pàillìunan na duais-bhratha.

35 Ginidh iad donas, agus beiridh iad drochbheart, agus ulluicidh an com cealg.

## CAIB. XVI.

1 *Chronaich Iob a chairdean do bhrìgh gu'n robh iad 'n an luchd-comhfhurtachd truagh.*

7 *Chuir e 'an céill an dòigheas a thàinig air;*

17 *agus thagair e a neo-chiontas.*

**A** CH fhreagair Iob, agus thubhairt e,  
2 Chuala mi mòran d'an leithidibh sin: *is luchd-comhfhurtachd truagh sibh uile.*

3 Am bi crìoch air briathraibh gaoithe? no ciod a tha 'toirt an dànadais duit gu bheil thu a' freagairt?

4 Dh'fheudainn-sa mar an ceudna labhairt cosmhail ribhse: nam bitheadh bhuir n-anam 'an àite m'anama-sa, dh'fheudainn briathran a chur cuideachd 'n 'ur n-aghaidh, agus mo cheann a chrathadh ribh:

5 [Ach] neartaichinn sibh le m' bheul, agus lughdaicheadh gluasad mo bhilean *bhuir dòigheas.*

6 Ged labhair mise, cha lughdaichear mo dhòigheas; agus *ma* bhitheas mi a'm' thosd, ciod am fuasgladh a gheibh mi?

7 Ach a nis sgithich e mi: sgap thu mo chuideachd uile.

8 Agus rinn thu mi làn phreasag-cudain; mar fhianuis tha *sin*: agus dh'èirich mo chaoile a'm' aghaidh; rì m'èudan freagairidh i.

9 Reub a chorruih mi, agus tha fuath aige dhonh: chas e 'fhiacalan rium; tha mo namhaid a' geurachadh a shùl orm.

10 Has iad am beul rium; le masladh bhuail iad mo ghiallan; cuideachd chruinnich iad a'm' aghaidh.

11 Thug Dia mi thairis do'n air-diadhaidh, agus 'an làimh nan aingidh thilg e mi.

# IOB, XVII, XVIII.

12 'An sìth bha mi, ach phronn e mi: agus rug e air mo mhùineal, agus chrath e as a chèile mi, agus chuire suas mi dha féin mar chuspair.

13 Tha a luchd-shaighead 'g am chuairt-eachadh air gach taobh: sgoiltidh e m'airnean o' chéile, agus cha chaomhain e; taomaidh e mach mo dhombblas air an talamh.

14 Brisidh e mi le briseadh air bhriseadh; ruithidh e orm mar churaidh.

15 Dh'fhuaigh mi saic-cudach air mo chroiciunn, agus shalaich mi m'adharc 's an duslach.

16 Tha m'eadan air atadh le gal, agus air mo rosgaibh *tha* sgàile a' bhàis;

17 Cha-n ann air son euceirt a'm' làmhnan: mar an ceudna *tha* m'urnuigh glan.

18 A thalainn, na còmhdaich thusa m'fhuil, agus na bitheadh àit aig mo ghlaodh.

19 Mar an ceudna nis, feuch, anns na nèamhan *tha* m'fhianuis, agus esan a bheir teistean orm anns na h-àirdibh.

20 A' fanoid orm *tha* mo chairdean; chum Dhé *tha* mo shùil a' taomadh *dheur*.

21 O nach feudadh duine tagradh ri Dia, mar a *thagras* mac an duine r'a choimhearsnach!

22 An uair a thig beagan de bhliadhnaibh, an sin 's an t-slighe air nach pill mi siubhlaidh mi.

## CAIB. XVII.

1 *Rinn Iob gearan an aghaidh a chairdean, agus thug e a chàis an làithair Dhé. 11 Chaidh a dhòchas 's a' bheatha so thairis.*

**T**HRUAILLEADH m'anail; ghearradh as mo làithean; *tha* na h-uaignean air mo shon-sa.

2 Nach 'eil luchd-fanoid maille rium? agus 'n am brosnachadh nach 'eil mo shùil a' buanachadh?

3 Cuir sìos a nis, thoir dhomh urras maille riut: cò esan a ghlacas mo làmh?

4 Oir dh'fholuich thu an cridhe o thuigse; uime sin cha-n àrdaich thu iad.

5 Esan a ni mìodal r'a chairdibh, fàilnichidh sùilean a chloinne.

6 Agus rinn e mi a'm' ghlànath-fhocal an t-sluaigh; agus *tha* mi mar bhall-fochaid rompa.

7 Agus dhorchaidh mo shùil le bròn, agus *tha* mo bhuill uile mar sgàile.

8 Bithidh uamhas air na h-ionracain air son so; agus dùisgidh an neò-chiontach an aghaidh a' chealgair.

9 Agus cumaidh an *duine* cothromach a shlighe; agus gheibh esan a *tha* glan 'n a làmhnan tuilleadh neirt.

10 Ach air bhuir son-sa uile, pillibh agus thigibh a nis; agus cha-n fhaigh mi *duine* glie 'n 'ur measg.

11 Chaidh mo làithean thairis, bhriseadh mo smuaintean air falbh, seilbh mo chridhe.

12 An oidhech tionndaidh iad gu là: *tha'n* solus goirid a thaobh dorchadais.

13 Ma dh'fheitheas mi, is f'n uaigh mo thigh: 's an dorchadas rinn mi mo leaba.

14 Ri truaillidheachd thubhairt mi, *Is tu* m'athair; ris a' chuimh, *Is tu* mo mhàthair, agus mo phiuthar.

15 Agus c'àit a nis *am bheil* mo dhòchas? seadh, mo dhòchas-sa, cò 'chi e?

16 *Gu* crannaibh an t-sluichd théid iad sìos: an sin *bithidh ar* fois cuideachd anns an duslach.

## CAIB. XVIII.

1 *Thug Bildad achmhasan do Iob a chionn gu'n robh e dh'easbhuidh foighidín. 5 Dh'innis e gu'n cuirear solus an aingidh as, agus gu'n sgriosar a chuimhne bhàrr aghaidh na talmhainn.*

**A**N SIN fìreagair Bildad an Suhach, agus thubhairt e,

2 Cia fhada gus an cuir sibh crìoch air briathraibh? tuigibh, agus 'n a dhéigh sin labhranaid.

3 C'ar son a mheasar sinne mar ainmhidhean, agus a tha sinn tàireil a'd' shùilibh-sa?

4 *Tha e* a' reubadh 'anama 'n a chorruich: air do shon-sa an tréigear an talamh? agus an atharraichear a' charraig as a h-àite?

5 Seadh, cuirear solus an aingidh as: agus cha dealraich lasair a theine.

6 Dorchaichear an solus 'n a phàillium, agus cuirear as a lòchran aige.

7 Cumhannaichear ceuman a neirt, agus tilgidh a chomhairle féin sìos e:

8 Oir cuirear ann an lìon e le a chosaibh féin, agus air ribe imichidh e.

9 Glacaidh an cord air shàil e; buadhaichidh am fear-reubaim 'n a aghaidh.

10 Fòluichte anns an talamh *tha* ribe air a shon, agus inneal-glacaidh air a shon air an t-slighe.

11 Air gach taobh cuiridh uamhasan eagal air, agus fuadaichidh iad air a chosaibh e.

12 Bithidh a neart air a chlaoidh le h-ocras, agus léir-sgrìos deas aig a thaobh.

13 Ithidh e suas neart a chroicinn; ithidh ceud-ghin a' bhàis suas a neart.

14 Spìonar as a phàillium a dhòchas; agus bheir se e gu rìgh nan uamhann.

15 Gabhaidh e còmhuidh 'n a phàillium, a chionn nach leis-san e; crathar pronnasg air àite-còmhuidh.

16 Shìos tiormaichear a fhreumhan, agus shuas gearrar air falbh a bhàrr.

17 Sgriosar a chuimhne as an talamh, agus cha *bhi* ainm aige air an t-sràid.

18 Fògaircar e o sholus gu dorchadas, agus as an t-saoghal tilgear e.

19 Cha *bhi* mac aige, no mac a mhic am measg a shluaigh, no neach a mhairas 'n a àitibh-còmhuidh.

20 R'a là bithidh iongnadh orra-san a thig 'n a dhéigh, mar a ghlac uamhas iadsan a thàinig roimhe.

21 Gu deimhin *is* iad sin ionadan-còmh-



nuidh an aingidh; agus is e so 'àite-san, do nach aithne Dia.

CAIB. XIX.

1 *Tha Iob a' gearan gu'n d'ardaich a chairdean iad fèin 'n a aghaidh 'n uair a bhean làmh an Tighearna ris.* 23 *A dhòchas ann an aiseirigh o na marbhaibh.*

**A** CH fhreagair Iob, agus thubhairt e,  
2 Cia fhada chuireas sibh doilgheas air m'anam, agus a bhriseas sibh mo chridhe le briathraibh?

3 Na deich nairean so mhaslaich sibh mi: cha nàr leibh *gu* bheil sibh cho coimheach rium.

4 Agus gu deimhin ma chaidh mi air seacharan, fanaidh mo sheacharan agam fèin.

5 An àrdaich sibhse d'a rìreadh sibh fèin a'm' aghaidh, agus an tagair sibh mo mhasladh a'm' aghaidh?

6 Bitheadh fios agaibh a nis gu'n do thilg Dia thairis mi, agus gu'n do chuir e a lion mu'n cuairt orm.

7 Feuch, glaothaidh mi, Eucoir, ach cha-n éisdear rium; éighidh mi gu h-àrd, ach cha-n'èil breitheanas ann.

8 Dhùin e suas mo shlighe air chor as nach urrainn mi dol seachad, agus chuir e dorchadas air mo cheumaidh.

9 Bhuin e mo ghloir dhòm, agus thug e an crùn bhàrr mo chinn.

10 Sgrios e mi air gach taobh, agus chaidh as domh; agus chuir e air falbh, mar chraoibh, mo dhòchas.

11 Agus las 'fhearg a'm' aghaidh, agus mheas e mi mar *aon* d'a naimhaidibh.

12 Cuideachd thàinig a bhuidhnean, agus chuir iad suas an sliغه a'm' aghaidh, agus champaich iad mu'n cuairt air mo phàillion.

13 Chuir e mo bhràithrean fada uam; agus tha mo luchd-eòlais gu deimhin air fàs coimheach rium.

14 Thréig mo dhùilean, agus dhi-chuimhnich mo luchd-eòlais mi.

15 Mheas muinntir mo thighe, agus mo bhanoglaich mi mar choigreach: a'm' eil-threach bha mi 'n an sùilbha.

16 Air mo sheirbhiseach ghairm mi, agus cha do fhreagair e: le m' bheul fèin ghuidh mi air.

17 Bha m'anail coimheach do m' mhnaoi, ge do ghuidh mi as leth cloinne mo chuirp fèin.

18 Rinn eadhon clann òg tàir orm: dli'éirich mi, agus labhair iad a'm' aghaidh.

19 Ghabh mo luchd-rùin uile gràin dhòm; agus tha iadsan a ghràdhaidh mi air tionndadh a'm' aghaidh.

20 Ri m' chroicinn agus ri m'fheoil dhlùthlean mo chnàmhan; agus chaidh mi as le croicinn m'fhiacal.

21 Gabhaibh truas dhòm, gabhaibh truas dhòm, O mo chairdean, oir bhean làmh Dhé rium.

22 C'ar son a gheur-leanas sibhse mi mar *nì* Dia, agus le m'fheoil nach sàsuichear sibh?

23 O nach robh mo bhriathran a nis air an sgriobhadh! O nach robh iad air an cur sìos ann an leabhar!

24 Le peann iarunn agus luaidh gu bràth ann an carraig nach robh iad air an gearradh!

25 Oir tha fios agam gu bheil m'fhear-saoraidh beò, agus ma dheireadh gu'n seas e air an talamh:

26 Agus an dèigh dhoibh so mo chroicinn a chnàmh, gidheadh ann am fheoil gu'm faic mi Dia:

27 Neach a chi mise air mo shon fèin, agus air an amhaire mo shùilean-sa, agus ni h-e neach eile: so uile chuir mi suas a'm' chom fèin.

28 Ach their sibhse, C'ar son a gheur-leanamaid e, agus gu'n d'fhuaradh freumh a' ghnothuich ann?

29 Bitheadh eagal oirbh roimh 'n chlaidheamh; oir fàsaidh an claidheamh teth [an aghaidh] euceartan, chum gu'm bi fios agaibh gu'm bi breitheanas ann.

CAIB. XX.

1 *Tha Sophar a' nochdadh gur gearr caithream nan aingidh, agus nach mair soirbheachadh a' chealgair ach car tiota.*

**A** N sin fhreagair Sophar an Naamatach, agus thubhairt e,

2 Uime sin tha mo smuaintean a' toirt orm freagairt, agus air a shon so ni mi deifir.

3 Achmhasan mo mhaslaidh cluinneam, agus tha spiorad mo thuigse a' toirt orm freagairt.

4 Nach aithne dhuit so o chian, o shuidh-icheadh an duine air thalamh,

5 Gur gearr caithream nan aingidh, agus nach 'èil gairdeachas a' chealgair ach car tiota?

6 Ged éirich 'airde suas gus na nèamhan, agus ged ruig a cheann na neoil;

7 Mar 'aolach fèin gu bràth théid as da: their iadsan a chumnaic e, C'ait am bheil e?

8 Mar aisling grad-shiubhlaidh e, agus cha-n fhaighear e; agus teichidh e mar shealladh na h-oidhche.

9 An t-sùil a chumnaic e, cha-n fhaic i e tuilleadh; agus ni's mò cha-n amhaire 'àite fèin air.

10 Iarraidh a milic na bochdan a thoil-eachadh, agus aisgidh a làmhan am maoil.

11 Tha a chnàmhan làn de *pheacadh* 'òige, agus maille ris anns an duslach luidhidh e.

12 Ged robh an t-olc milis 'n a bheul, *ged* fholaich se e fo a theangaidh;

13 *Ged* chaomhain se e, agus nach tréig se e, ach gu'n gléidh se e an taobh a stigh a bheoil;

14 Tionndaidhear a bhiadh 'n a mhìonach,

gu domblas nan nathair an taobh a stigh dheth.

15 Shluig e sìos beartas, agus sgeithidh e nìos e: tilgidh Dia mach as a bhroimn e.

16 Sìgaidh e nìmh nan nathair: marbhadh teanga na nathrach milltich e.

17 Cha-n fhaic e na h-aimhnichean 'n an roimh, na sruthan mheala agus ime.

18 Aisgidh e an nì air son an do shaothraich e, agus cha sluig e sìos e: a réir a shaoibhreis bithidh 'aiceag, agus cha dean e gairdeachas ann.

19 A chionn gu'n d'rinn e fòireigin, gu'n do thréig e na bochdan, le h-aimneart gu'n d'thug e air falbh tigh nach do thog e.

20 Oir cha mhothaich e suaimneas 'n a chom, cha tèaruim e 'bheag de na mhiannaich e.

21 Cha-n fhàgar a bheag d'a bhiadh; uime sin cha bhì stùil aig duine air bith r'a mhaoin.

22 Ann an iomlaine a' phailteis bithidh e ann an teanntachd: thig gach aobhar dragha air.

23 An uair a bhios e gus a blhrù a lìonadh, tilgidh Dia fraoch 'fheirge air, agus frasaidd e air e 'n uair a bhitheas e ag itheadh.

24 Teichidh e roimh na h-armaibh iarunn; buailidh am bogha umha troimhe e.

25 Tairngear, agus thig a mach as a' chorp, thig an claidheamh loimreach a mach as a dhomblas: thig uamhasan air.

26 Bithidh gach uile dhorchadas folaichte 'n a ionadaibh dìomhair: loisgidh teine gun séideadh e: éiridh gu h-olc dhàsan a dh'fhàgar 'n a phàillium.

27 Foillsichidh na nèamhan 'aingidheachd; agus éiridh an talamh 'n a aghaidh.

28 Triallaidh fàs a thighe: sruthaidh nìthean as ann an là 'fheirge.

29 Is e so cuibhrionn an duine aingidh o Dhia, agus an oighreachd a dh'orduicheadh dha le Dia.

## CAIB. XXI.

1 *Dh'iarr Iob gu'n èisdeadh a chairdean gu furachar r'a chainnt: 7 tha e a' nochdadh gu bheil na h-aingidh air uairibh a' soirbheachadh: 16 agus air uairibh eile gu bheil an sgrios soirleir. 30 Tha an t-aingidh air a gheithidh-eachd chum là an sgrios.*

**A**CH fhreagair Iob, agus thubhairt e,  
2 Èisidibh gu furachar ri m' chainnt, agus bithedh so mar bhur comhfhurtachd.

3 Fuilgibh dhomh, agus labhraidh mi; agus an déigh dhomh labhairt, cuiribh r'f faoid.

4 A'm' thaobh-sa, an ann ri duine tha mo ghearan? agus nam b'ann, c'ar son nach bithedh mo spiorad fo bhuaireas?

5 Amhaireibh orm, agus bithedh iongnadh oirbh, agus cuiribh bhur làmh air bhur beul.

6 Oir an uair a chuimhniceas mi, tha eagal orm; agus glacadh geilt - chrith m'fheoil.

7 C'ar son a tha na h-aingidh beò, a dh'fhàsas iad sean, agus a bhitheas iad àrd ann an cumhachd?

8 *Tha'n* shloechd air a dhaingneachadh 'n am fianuis maille riu, agus an gineal fa chomhair an sùil.

9 *Tha'n* tighean saor o eagal; agus cha-n'eil slat Dhé orra.

10 Ginidh an tarbh, agus cha-n fhàilnich e; beiridh am bò laogh, agus cha tilg i e.

11 Cuiridh iad a mach an clann bheag mar threud; agus dannsaidh an gineal.

12 Togaidh iad an tiompan agus a' chàl-sach; agus nì iad gairdeachas ri fuaim an orgain.

13 Caithidh iad an làithean ann an saoihbheas, agus ann an tiota théid iad sìos do'n uagh.

14 Agus their iad ri Dia, Imich uainn; oir cha-n àill leinn còlas do shlighean.

15 Cò e an t-Uile-chumhachdach, gu'n deanamaid seirbhìs dha? agus cìod an tairbhe 'bhitheas ann duinn, ma nì sinn urnuigh ris?

16 Fèuch, cha-n'eil am maith 'n an làimh: tha comhairle nan aingidh fada uam-sa.

17 Cia minic a chuirear coinnell nan aingidh as? agus a thig an sgrios orra? roinnidh Dia doilgheasan 'n a fheirge.

18 Bithidh iad mar asbhuain roimh 'n ghaioth, agus mar mholh a bheir an ionghaath leatha.

19 Taisgidh Dia suas 'euceart-san d'a chloinn: diolaidh e dha, agus bithidh fios aig air.

20 Chi a shùilean a sgrios, agus do fheirge an Uile-chumhachdaich òlaidh e.

21 Oir cìod an tlachd a bhitheas aige 'n a thigh 'n a dhéigh, 'n uair a ghearrar as àireamh a mhìos 'n am meadhon?

22 Do Dhia an teagaisg neach air bith còlas, agus gur e féin a bheir breth orra-san a tha àrda?

23 Bàsaichidh e so 'n a làn neart, agus e nìle aig fois agus 'an sìth.

24 Tha 'innidh làn saill, agus a chuamhan air an taiseachadh le smior.

25 Agus bàsaichidh e sin ann an searbas 'anama, agus cha-n ith e idir le toil-inntinn.

26 Cuideachd anns an duslach luidhidh iad, agus còmhdaichidh ennuimhean iad.

27 Fèuch, is aithne dhomh bhur smuaintean, agus na h-innleachdan a tha sibh a' dealbhadh gu h-eucorach a'm' aghaidh:

28 Oir their sibh, C'àit am bheil tigh an duine mhòir, agus c'àit am bheil ionadan-còmhnuidh nan aingidh?

29 Nach d'fhèdraich sibh dhiubh-san a ghabhas seachadh air an t-slighe? agus nach aithne dhuibh an comharan?

30 Gu'n gleidhear an t-aingidh chum là an



sgrios; chnm là na feirge gu'n toirear a mach iad.

31 Cò a chnreas 'an céill a shlighe as an endan: agus cò a dh'ìocas dha na rinn e?

32 Ach a chnm na h-uaghe bheirear e, agus anns an àit-adhlacaidh fanaidh e.

33 Bithidh fòidean a' ghlinne milis dha, agus tairngidh gach duine 'n a dhéigh, mar a tha iad do-àireamh roimhe.

34 Cionnus ma ta a tha sibh a' tabhairt comhfhurtachd dhomh gn diomhain, an uair a tha cealg'n ur freagradh?

## CAIB. XXII.

1 *Thug Eliphas fairneach nach urrainn duine 'bhi tarbhach do Dhia. 5 Chuir e mòran aingidheachd as leth Iob. 21 Dh'earail e air gu'n dluth-teanadh e ris an Tighearn, agus gu'n dìoladh e a bhòidean da.*

**A**N sin fhreagair Eliphas an Tcmanach, agus thn bhairt e,

2 Do Dhia am fèid duine a bhi tarbhach, mar a dh'fhendas esan a tha glie a bhi tarbhach dha féin?

3 An toil-inntinn do'n Uile-chnmhachdach gu'n saor thnsa thu féin? agns am bnannachd e dha-san, gu'n dean thn do shlighcan iomlan?

4 Air eagal romhad an cronaich e thu? an téid e chnm breitheanais leat?

5 Nach 'eil d'aingidheachd mòr? agus d'encearta gun chrìoch?

6 Oir ghabh thn geall o d' bhràithribh gun aobhar, agus endach nan lomnochd bhuin thn dhinbh.

7 Cha d'thug thn uisge do'n sgìth r'a òl, agns o'n ocrach chum thu aran.

8 Ach aig fear a' ghairdean làidir bha an talamh; agus ghabh an duine urramach comhnuidh ann.

9 Chnir thu bantraichean uait falamh, agus bhriseadh gairdeanan nan dilleachdan.

10 Air an aobhar sin mu'n cuairt ort bha ribeachan, agus ghlac geilt obann thu;

11 No dorchadas air chor as nach faicheadh tn; agus chòmhdachd pailteas uisgeachan thn.

12 Nach 'eil Dia ann an àirde nan nèamh? agus faic mullach nan rionnag, cia àrd a tha iad.

13 Agus their thnsa, Cionnus tha fios aig Dia? troimh an dorchadas am breithnich e?

14 Tha neoil 'n an còmhachadh dha, agus cha-n fhaic e; agus ann an cùirt nan nèamh sinbhlaidh e.

15 An d'thng thn fairneach an t-slighe o shean, air an d'imich daoine aingidh?

16 A ghearradh sìos roimh an àm, agus thaom tuil thar am bunait;

17 A thubhairt ri Dia, Imich nainn; agus ciod a's urrainn an t-Uile-chnmhachdach a dheanamh air ar son?

18 Gidheadh lion e an tighean le nithibh maith: ach gn ma fada bhitheas comhairle nan aingidh uamsa?

19 Chi na h-ionraic, agus bithidh aoibhneas orra; agus ni an neò-chiontach gàire-fanoid riu.

20 'An àit nach do ghearradh ar maoin-ne sìos; ach loisgidh teine am fngheall-san.

21 Gabh-sa nis eòlas air-san, agus bi 'an sìth: mar sin thig maith a d' ionnsuidh.

22 Gabh, guidheam ort, an lagh o' bheul, agns cuir snas a bhriathran ann ad chridhe.

23 Ma philleas tn dh'ionnsuidh an Uile-chnmhachdach, togar suas thu; cniridh tn euccart 'am fad o d' phàillinnaibh.

24 Agus cuiridh tn suas òr mar dhmslach, agus òr Ophir mar chlachaibh nan sruth.

25 Agus bithidh an t-Uile-chnmhachdach 'n a dhìdean agad, agus bithidh pailteas aingid agad.

26 Oir an sin bithidh do thlachd anns an Uile-chnmhachdach, agus togaidh tu suas do ghnais a dh'ionnsuidh Dhé.

27 Ni thn urnuigh ris, agus èisdidh e rint, agns dìolaidh tn do bhòidean.

28 Agus cniridh tn ni romhad, agus daingnichear dhnit e; agus air do shlighibh deachraichidh solus.

29 An uair a dh'islichear daoine, an sin their thn, Bithidh àrdachadh ann; agus saoraidh e an t-iriosal.

30 Saoraidh se esan nach 'eil neò-chiontach, agns saorar e le gloine do làmh-sa.

## CAIB. XXIII.

1 *Mhiannaich Iob teachd a dh'ionnsuidh àite-còmhnuidh Dhé, agus a chèis a thagradh 'n a làthair. 8 Ged tha Dia neo-fhaicsinneach is aithne dha shlighe an duine. 11 Ionraicas Iob. 13 Tha comhairle Dhé neo-chaochluidheach.*

**A**CH fhreagair Iob, agus thn bhairt e; 2 An dingh féin is searbh mo ghearan: is truime mo bhuille na m'osna.

3 Och gun fhios agam c'àit am faighinn esan, agus gu'n tiginn a dh'ionnsuidh àite!

4 Chuirinn mo chèis 'an ordugh 'n a làth-air, agus fionainn mo bheul le h-argnmaidibh.

5 Bhitheadh fios agam air na briathraibh leis am freagaireadh e mi, agus thuiginn ciod a theireadh e rium.

6 Le a mhòr chumhachd an tagaireadh e a'm' aghaidh? ni h-eadh; ach chuireadh e neart annam.

7 An sin thagaireadh am firean ris, agus bhithinn air mo shaoradh gu bràth o m' bhrèitheamh.

8 Fench, théid mi air m'aghaidh, ach cha-n'èil esan ann; agus air m'ais, ach cha mhothaich mi e:

9 Air an làimh chli, far am bheil e ag oibreachadh, ach cha-n fhaic mi e; folaidh se e féin air an làimh dheis, agus cha léir dhomh e.

10 Ach is aithne dha an t-slighe agam: an uair a dhearbhas e mi, mar òr thig mi a mach.

11 Air a cheumaidh chum mo chos; ghléidh mi a shlighe agus cha do chlaon mi.

12 O àitlne a bhlcan cha deachaidh mi air m'ais; nì's mò na mo dhlighe *bìdh* mhcas mi briathran a bheoil.

13 Ach *tha* e 's an aon *bheachd*, agus cò a dh'iompaichas e? agus *an* nì a's miann le 'anam, *sin* ni e.

14 Oir còimhlionaidh e an nì a dh'orduich-cadh dhomhsa: agus *tha* mòran d'an leithidibh sin aige.

15 Uime sin *tha* fiamh orm 'n a fhianuis; an uair a bheir mi fainear, *tha* eagal orm roimhe:

16 Oir thaisich Dia mo chridhe, agus chuir an t-Uile-chumhachdach fiamh orm;

17 A chionn nach do ghearradh as mi roimh an dorchadas, agus o m' ghnùis nach d'fholaich e an dorchadas.

## CAIB. XXIV.

1 *Nochd Iob gu bheil na h-aingidh gu minic a' soirbheachadh 'n an aingidheachd, agus a' bàsachadh mar shluagh cile.*

C'AR SON, o nach d'fholaicheadh aim-sirean o'n Uile-chumhachdach, nach faic iadsan d'an aithne e a làithean?

2 Atharrachidh iad na comharan-fearainn; bheir iad treudan leo le foirueart, agus biadhaidh siad iad.

3 Iomainidh iad air falbh asal nan dilleachdan; mar gheall glacadh iad damh na bantraich.

4 Tionndadhaidh iad na feumaich as an t-slighe: le 'chéile folaichidh bochdan na talmhainn iad féin.

5 Feuch, mar asalaibh fiadhaich anns an fhàsach théid iad a mach a chum an oibre, ag éirigh gu moch a chum creiche: *bheir* am fàsach biadh dhoibh d'an òigridh.

6 Anns an fhearann busainidh iad arbhar; agus cruinnichidh iad fion-fhogharadh an aingidh.

7 Bheir iad air an lomnochd luidhe gun eudach, agus gun chòmhdachadh anns an fhuachd.

8 Le frasaibh nam beann bithidh iad fiuch, agus a dhith fàsagaidh gabhaidh iad 'n an glacaibh a' charraig.

9 Spionaidh iad an dilleachdan o'n chich, agus o'n bhochd gabhaidh iad geall.

10 Bheir iad air imeachd lomnochd, gun eudach; agus o na h-ocraich bheir iad leo an sguab.

11 An taobh a stigh d'am ballachaibh fàisgidh iad oladh; bruthaidh iad *am* fion-amair, agus fuilingidh iad tart.

12 As a' bhaile *tha* daoine ag osnaich, agus éighidh anam nan *daoine* leònta; gidheadh cha chuir Dia amaideachd as an leth.

13 Tha iad dhiubhsan a dh'éireas suas an aghaidh an t-soluis; cha-u aithne dhoibh a shlighean, agus cha ghluais iad 'n a cheum-aibh.

14 Leis an t-solus éiridh am mortair,

[agus] marbhaidh e am bochd agus am feumach; agus anns an oidheche bithidh e mar ghaduiche.

15 Mar an ceudna feithidh sùil an adhart-ranaich ris an dubh-thra, ag ràdh, Cha-n fhaic sùil mi; agus cuiridh e folach air 'aghaidh.

16 Cladhaichidh iad anns an dorchadas troimh thighibh, a chomharaich iad dhoibh féiu 's an là; cha-n aithne dhoibh an solus: 17 Oir *tha* 'mhaduim dhoibh-san mar sgàile a' bhàis: ma dh'aithnicheas *neach iad, bithidh iad ann an* uamhasaibh sgàile a' bhàis.

18 Luath *tha* e mar na h-uisgeachan; mallaichear au cuibhirionn air an talamh: cha-n fhaic e slighe nam fion-lios.

19 Bheir tioruachd agus teas leo uisgeachan an t-sneachda; an uaigh *iadsan a* pheacach.

20 Di-chuimhnichidh a' bhrù e; biadhaidh a' chnuimh gu millis air; nì's mò cha chuiumhnichear e; agus briscar aingidheachd mar chram.

21 Bithidh e olc ris a' *mhnai* neo-thorr-aich, nach beir *clann*; agus do'n bhantraich cha dean e maith.

22 Agus tairngidh e na daoine treuna le a neart: éiridh e suas, agus cha-n'èil *neach air bith* cinnteach d'a bheatha.

23 Bheir e dha 'bhi ann an tèaruinteachd, agus *as a sin* earbaidh e; ach *tha* a shùilean air an slighibh.

24 Ardaichear iad ré tamuill, ach cha *bhi* iad ann; islichear iad, agus mar na h-uile bheirear air falbh iad, agus mar cheann déise gearrar as iad.

25 Agus mur 'èil e mar sin a nis, cò a nì breugaire dhiom, agus a bheir gu neo-ni mo chainnt?

## CAIB. XXV.

1 *Nochd Bildad tighearnas an Uile-chumhachdach, agus truaillidheachd an duine.*

A N sin fhreagair Bildad an Suhach, agus thubhairt e,

2 *Tha* tighearnas agus eagal maille ris-san: nì e sith 'n a ionadaibh àrda.

3 Am bheil àireamh air bith air a shlàigh? agus cò air nach éirich a sholus.

4 Cionnus ma ta a shaorair duine an làthair Dhé? agus cionnus a bhitheas esan glan a rugadh o mhnai?

5 Amhairc cadhonn air a' ghealaich, agus cha dealraich i; agus cha-n'èil na rionnagan glan 'n a shealladh.

6 Cia is ro-lugha na sin an duine *a tha* 'n a chnuimh; agus mac au duine *a tha* 'n a chnuimh?

## CAIB. XXVI.

1 *Chronaich Iob Bildad: 5 Dh'aidich e gu bheil cumhachd agus gliocas Dhé gun chrìoch, agus do-rannsachaidh.*

A CH fhreagair Iob, agus thubhairt e, 2 Cionnus a chuidich thu leis an tì *a*



*tha* gun chumhachd? cionnus a shaor thu an geardean *a tha* gun neart?

3 Cionnus a chomhairlich thu esan aig nach *'eil* gliocas, agus a dh'fhoillsich thu gu pailte an nì mar a tha e?

4 Cò ris a labhair thu briathran? agus cò leis an spiorad a thàinig uait?

5 Dealbhar *nithean* marbha fo na h-uisgeachaidh, agus an luchd-àiteachaidh.

6 Lomnochd tha ifrim 'n a làthair, agus cha-*n'eil* còmhachadh aig léir-sgrìos.

7 *Tha e* a' sìneadh na h-àirde tuath os ceann an ionaid fhalaimeh, a' crochadh na talmhainn air neo-nì;

8 A' ceangal suas nan uisgeachan 'n a neulaibh, agus cha reubar an neul fòpa;

9 A' cumail a stigh aghaidh a rìgh-chaithearach, a' sgaoileadh a neoil oirre.

10 Chuairtich e na h-uisgeachan le crìoch-aibh, gus an teirig an là maille ris an oidheche.

11 Crìothnaichidh puist nan nèamh, agus bithidh uamhas orra 'r a achmhasan.

12 Le 'chumhachd roinnidh e an fhairge, agus le 'thuisge buailidh e an t-uaibhreach.

13 Le a spiorad sgeadaich e na nèamhan; dhealbha a làmh an nathair fùbach.

14 Feuch, *is* iad sin cuid d'a shlighibh; ach cia beag a' chuibhrionn a chuala sinn deth? agus cò a dh'fheudas tairmeanach a chumhachd a thuigsinn?

CAIB. XXVII.

1 *Tha Iob a' cur roimhe buanachadh 'n a ion-racas*, agus 'n a fhìreantachd, 8 a chionn gu bheil an cealgair gun dòchas.

**A**GUS bhunaich Iob 'n a chosamlachd a labhairt a mach, agus thubhairt e,

2 Mar is beò Dia *a* thug air falbh mo bhreitheanas, agus an t-Uile-chumhachdach a chràidh m'anam,

3 Co fhad as a bhithcadh m'anail annam, agus spiorad Dhé ann am chuinneinibh,

4 Cha labhair mo bhilean aingidheachd, agus cha chan mo theanga cealg.

5 Nar leigeadh Dia gu'n saorainn sibh: gus am bàsaich mi, cha dealaich mi ri m'ion-racas.

6 Ann am fhìreantachd fanaidh mi, agus cha leig mi uam i; cha mhaslaich mo chridhe m'ì ré mo làithean.

7 Mar an t-aingidh bitheadh mo nàmhaid; agus esan a dh'éireas suas a'm' aghaidh mar an t-eucorach.

8 Oir ciod e dòchas a' chealgair, ge do bhunaich e, 'n uair a bheir Dia air falbh 'anam?

9 An éisd Dia r'a ghlaodh, 'n uair a thig àmhghar air?

10 Anns an Uile-chumhachdach an gabh e tlachd? an gairm e air Dia gach àm?

11 Teagaisgidh m' sibh le làmh Dhé; *an nì a th'* aig an Uile-chumhachdach, cha cheil mi.

12 Feuch, chunnaic sibh féin uile e; c'ar son ma ta a tha sibh cho ro fhaoine?

13 Is i so cuibhrionn an duine aingidh aig Dia, agus oighreachd luchd-foirneirt *a* gheibh iad o'n Uile-chumhachdach.

14 Ma dh'fhàsas a mhic Ìomhor, *is ann* air son a' chlàidheimh; agus cha sàsaichear a shliochd le h-aran.

15 Adhlaichear iadsan a mhaireas 'n a dhéigh anns a' bhàs; agus cha ghuil a bhantraichean.

16 Ged chann e suas airgid mar an duslach, agus ged dheasaich e eudach mar an làthach;

17 Deasaichidh se e, ach cuiridh an t-ion-racan air e; agus roinnidh an neò-chiontach an t-airgid.

18 Togaidh e mar an leomann a thigh, agus mar bhothan *a* nì am fear-coimhid.

19 Luaidh e an saobhir sìos, ach cha chruinnichear e: fosgailidh e a shùilcan, agus cha-*n'eil* e ann.

20 Glacaidh uamhasan e mar uisgeachan: 's an oidheche goididh doininn air falbh e.

21 Bheir a' ghaoth an ear leatha e, agus siubhlaidh e; agus le h-ionghaoith grad-ghluaisidh i as 'ait e.

22 Oir caithidh Dia air, agus cha chaomhain e: bu mhiann leis teicheadh as a làmh.

23 Buailidh *duine* ann basan ris, agus le sgeig fuadaichidh iad as 'ait e.

CAIB. XXVIII.

1 *Tha Iob a' nochdadh, ged ramnaich duine nithean domhain an t-saoghail so, nach urrainn e luach gliocais a thuigsinn: 23 Aig Dia a mhaìn tha eòlas air gliocas.*

**G**U cinn-teach tha dol a mach aig an airgid, agus àit aig an òr anns an leagh iad e.

2 Bheirear iarunn as an talamh, agus leaghar a' chlach 'n a h-umha.

3 Chuir e crìoch air an dorchadas; agus ramnaichidh e mach gach ionlaime, clachan duibhre agus sgàile a' bhàis.

4 Brisidh an sruth a mach o'n luchd-àiteachaidh; dearmadar iad leis a' chois; tiormaichear suas iad; o dhaoineibh siubhlaidh iad.

5 *A thaobh* na talmhainn, aiseide thig aran; agus foipe tionndaidhear suas amhuil teine:

6 *Is iad* a clachan àit na saphir; agus *tha* duslach òir aice:

7 Ceum nach aithne do'n eunlaith, agus nach faea sùil na seabhaige.

8 Cha do shaltair cuileanan an leòmhain air, agus cha deachaidh an leòmhain garg seachad air.

9 Air a' charraig cuiridh e mach a làmh: tilgidh e bun os ceann na beanntan.

10 Anns na creagaibh bheir e air aimh-nichibh briseadh a mach; agus cli a shùil gach nì luachmhor.

11 Ceanglaidh e na h-aimhnichean o dhòl

thairis; agus *an nì a tha* folaichte bheir e gu solus.

12 Ach cia as a gheibhear gliocas? agus càit am bheil ionad na tuigse?

13 Cha-n aithne do dhuine a huach; agus cha-n fhaighear i ann an tìr nam beò.

14 Their au doimhne, Cha-*n'èil* i annam-sa; agus their a' mhuir, Cha-*n'èil* i maille riumsa.

15 Cha toirear òr air a son, agus cha tomhaisear airgid mar a huach.

16 Cha mheasar i le h-òr na h-Ophir, leis an Onics luachmhoir, no leis an t-saphir.

17 Cha choimeasar òr no leug rithie; agus cha *bhi* a malairt le seudaibh de'u òr fhiorghlan.

18 Air coireal, no neamhnuidibh cha luadh-ar; oir tha luach gliocais os ceann nan clach a's uaisle.

19 Cha choimeasar topas na h-Etiopia rithie: leis an òr fhiorghlan cha mheasar i.

20 Cia as ma ta a thig gliocas? agus càit am bheil ionad na tuigse?

21 Oir tha i 'am folach o shùilibh nan uile bheò; agus o eunlaith au athair tha i 'an eleith.

22 Thubhairt léir-sgrios agus am bàs, Le'r cluasaibh chuala sinn a cliù.

23 Tuigidh Dia a slighe, agus is aithne dha a h-ait:

24 Oir gu eriochan na talmhainn amh-aireidh esan; fo na nìamhan uile chi e:

25 Chum gu'n dean e eudthrom do'n ghaoith, agus *gu'n* tomhais e ua h-uisgeachau le tomhas.

26 An uair a rinn e reachd do'n uisge, agus slighe do dhealanaich na tairneanaich;

27 An siu chunnaic e i, agus dh'fhoillsich e i; dheasaich e i, seadh, agus ramnaich e mach i.

28 Agus thubhairt e ris an duine, Feuch, eagal an Tighearna, *is* e sin gliocas; agus an t-olc a thréigsinn, tuigse.

## CAIB. XXIX.

1 *Chuimhnich Iob air na làithibh's an do dhealraich lòchran Dhé air a cheann: 11 Bha e 'n a charaid do'n dilleachdan, agus do'n bhant-raich.*

**A**GUS bhunaich Iob 'n a chosamlachd a labhairt a mach, agus thubhairt e,

2 Och nach robh mi mar anns na mìos-aibh a chaidh tharun, mar anns na làithibh air an do choimhid Dia mi!

3 'N uair a thug e air a lòchran dealraich-adh air mo cheann, agus le a sholus a ghluais mi 's an dorehadas;

4 Mar a bha mi ann am làithibh m'òige, 'n uair a bha rùn-diomhair Dhé air mo phàillium;

5 An uair a bha'n t-Uile-chumhachdach fathast maille rium, agus m'òganaich mu m' thimchioll;

6 An uair a nigh mi mo cheuman le h-ìm,

agus a thaom a' charraig a mach dhomh sruthain olaidh;

7 'N uair a chaidh mi mach gu geata a' bhaile, a dheasaich mi m'àite-suidhe anns an t-sràid.

8 Chunnaic na daoine òga mi, agus dh'fholaich siad iad féiu; agus dh'érich na daoine aosda, agus sheas iad.

9 Sguir na h-uachdarain de labhairt, agus chuir iad an làmh air am beul.

10 Dh'fhan na h-àrd-naisleann 'n an tosd, agus lean an teanga r'an gial.

11 An uair a chual' a' ehluas, bheannaich i mi; agus an uair a chunnaic an t-sùil, thug i fianuis leam:

12 A ehionn gu'n do shaor mi am bochd a bha 'g éigheach, agus an dilleachdan aig nach robh fear-cuideachaidh.

13 Thàinig beannachadh au ti a bha ullamh gu bàsachadh orm; agus thug mi air eridhe na bantraich seinn le h-aobhneas.

14 Chuir mi ionracas orm, agus dh'eudaich e mi: mar fhalluinn agus mar choron bha mo bhreitheanas.

15 Bu shùilean mi do'n dall, agus bu chosan mi do'n bhacach.

16 Bha mi a'm' athair do na bochdan; agus a' ehùis nach b' aithne dhomh ramnaich mi a mach.

17 Agus bhris mi gial an droch dhuine, agus a' fhaiclaibh spion mi a' ehreach.

18 Agus thubhairt mi, Ann am nead gheibh mi bàs, agus mar a' ghaineamh ni mi mo làithean Ìomhor.

19 Bha mo fhreumh air a sgaoileadh a mach làimh ris na h-uisgeachan, agus luidh an drùehd ré na h-oidliche air mo mheangan.

20 Bha mo ghloir ùr agam, agus dh'ath-nuadhaicheadh mo bhogha anu am làimh.

21 Riumsa dh'éisd daoine, agus dh'fheith iad, agus bha iad 'n au tosd ri m' chomhairle.

22 An déigh mo bhriathran cha do labhair iad a ris; agus shìl mo chainnt orra.

23 Agus bha sùil aca rium, mar ris an uisge; agus dh'fhosgail iad am beul gu farsuinn, mar air son an uisge dheireannaich.

24 Ma ghàir mi riu, cha do ehreid iad; agus solus mo ghuùise cha do thilg iad sìos.

25 Thagh mi mach an slighe, agus shuidh mi mar cheannard, agus chòmhluich mi mar rìgh ann an armailt, mar aon a bheir comhfhurtachd do luchd-bròiu.

## CAIB. XXX.

1 *Tha Iob a' caoith gu'n robh a mheas agus a cliù air an t-ionndadh gu mastadh; 15 agus gu'n robh a shoirbheachadh air atharrachadh gu àmhghar.*

**A**CH a nis tha iadsan a's òige na mise a' deanamh fanoid orm, muinntir nach b'fhiu leam an aithrichean a chur maille ri conaibh mo threuda.

2 Seadh, ciod an tairbhe a bhitheadh



dhomhsa ann an neart an làmh, aig an deachaidh as d'an sean aois?

3 Le dìth agus le gorta *bha iad* uaigneach, a' teicheadh do'n fhàsach, a *bha* 's an àm a chaidh seachad 'n a fhàsalachd agus 'n a léir-sgrìos:

4 A' gearradh sìos maloinh làimh ris na preasaibh, agus freumhan-aiteil mar bhiadh.

5 O mheasg *dhaoinè* dh'fhògradh a mach iad: dh'éigh iad 'n an aghaidh, mar an aghaidh gaduiche.

6 *Bha iad* a' chòmhnuidh ann an sgaradh nan gleann, ann an uamhan na talmhainn agus nan creag.

7 Am measg nam preas rinn iad gearan: fo an canntagaich chruinnicheadh iad ri 'chéile:

8 Clann nan amadan, seadh, clann *dhaoinè* gun chliu: *bha iad* ni bu tàireile na'n talamh.

9 Agus a nis is mise a's òran doibh, agus tha mi a'm' leth-fhocal aca.

10 Tha iad a' gabhail gràin dìom, tha iad a' teicheadh fad as uam, agus cha chaomh-ain iad smugaid a thilgeadh a'm' eudan.

11 A chionn gu'n d'fhuasgail e mo chòrd, agus gu'n do shàraich e mi, leig iadsan mar an ceudna an t-srian sgaoilte romham.

12 Air *mo* dheas làimh dh'éirich an òigridh; thug iad air mo chosaibh sleamhnachadh uam, agus thog iad suas a'm' aghaidh sliogean an sgrìos.

13 Mhill iad mo cheuman, chuir iad m'aimhleas air aghaidh, gun fhear-cuideachaidh aca.

14 Mar bhriseadh a steach leathan thàinig iad, mar ann an iér-sgrìos thaom iad a stigh.

15 Thionndaidh uamhasan a'm' aghaidh: ruaig iad m'anam mar a' ghaoth; agus mar neul chaidh mo thèaruinteachd seachad.

16 Agus a nis tha m'anam air a dhòrtadh a mach orm; ghlac làithean àmhghair mi.

17 'S an oidhche tha mo chnàmhan air an tolladh annam: agus cha bhi m'fhéithean aig fois.

18 Le meud a neirt mhùth e m'eudach: mar bhile mo chòta chuairtich e mi.

19 Thig e mi anns an làthaich, agus tha mi air fàs cosmhuil ri duslach agus ri luath.

20 Dh'éigh mi riut, agus cha d'éisd thu rium; sheas mi suas, agus [cha] d'fhug thu fàinear mi.

21 Tha thu air fàs an-ìochdmhor rium; le neart do làimhe tha thu 'g ad chur féin a'm' aghaidh.

22 Tha thu 'g am thogail ris a' ghaoith: tha thu 'toirt orm marcachd oirre, agus a' leaghadh as mo bhrìgh.

23 Oir tha fhios agam gu'n toir thu mi gu bàs, agus a chum an tighe a dh'orduich-eadh do gach uile bheò.

24 Gidheadh cha sin e mach a làmh a chum na h-uaigne, ged ghlaodh iad 'n a sgrìos.

25 Nach do ghul mise air a shon-san a bha ann an àmhghar? nach robh m'anam doilich air son an *duine* bhochd?

26 An uair a bha sùil agam ri maith, an sin thàinig òle; agus an uair a bha dùil agam ri solus, thàinig dorchadas.

27 Bha m'innigh air ghoil, agus cha robh fois aca: chuir làithean àmhghair romham.

28 Ri bròn dh'imich mi as eugmhais na grèine: dh'éirich mi, anns a' chomhchruinn-eachadh dh'éigh mi.

29 Is bràthair mi do na dragonaibh, agus is companach mi do na comhachagaibh.

30 Dhubhadh mo chroicinn orm, agus loisgeadh mo chnàmhan le teas.

31 Agus tha mo chlàrsach air tionndadh gu bròn, agus m'organ gu guth na muinntir a ghluileas.

## CAIB. XXXI.

1 *Tha Iob a' nochdadh gu'n do ghluais e ann an trèibhdhreas a chridhe; 16 agus gu'n robh e caoinneil ris an dilleachdan agus ris na bochdaibh.*

**R**INN mi coimhcheangal ri m'shùilbhb: c'ar son ma ta a smuainichinn air maighdinn?

2 Oir ciod e cuibhrionn Dhé o'n *ionad* shuas, agus oighreachd an Uile-chumhachdaich o'n àirde?

3 Nach 'eil sgrìos ann do'n droch *dhuine*, agus coimhchead do luchd-deanamh na h-euceirt?

4 Nach 'eil e a' faicinn mo shlighean, agus ag àireamh mo cheuman gu léir?

5 Ma ghluais mi le dìomhanas, agus ma ghreas mo chos a chum ceilge;

6 Cothromaichear mi ann am meighibh a' cheartais, chum gu'm bi fios aig Dia air m'ionracas.

7 Ma thionndaidh mo cheum as an t-slighe, agus an dèigh mo shùl gu'n do ghluais mo chridhe, agus ri m'làmban gu'n do lean smal air bith;

8 Cuiream, agus itheadh neach eile; seadh, bitheadh mo shliochd air an spionadh as am frèinb.

9 Ma mhcalladh mo chridhe le mnaoi, agus aig doras mo choimhearsnaich ma rinn mi feall-fholach;

10 Meileadh mo bhean do neach eile, agus cromadh daoine eile oirre:

11 Oir is cionta mòr so, agus is euceart e air son nam breitheamh.

12 Oir is teine e a loisgeas chum sgrìos, agus a spionadh as m'fhàs uile.

13 Ma rinn mi tàir air chùis m'òglaich, no mo bhanoglaich, an uair a thagair iad rium;

14 Ciod ma ta a ni mi 'n uair a dh'éireas Dia? agus an uair a dh'fhiosraicheas e, ciod a fhreagaireas mi dha?

15 Nach e'n ti a rinn mise anns a' bhroinn, a rinn ean? agus nach aon a dhealbh sinn anns a' bhroinn?

16 Ma chum mi na bochdan o'm miann,

agus ma thug mi air sùilbhlh na bantraiche fàilneachadh;

17 No ma dh'ith mi mo ghreim a'm aonar, agus nach d'ith an dilleachdan dheth;

18 (Oir o m'òige dh'fhàs e suas maille rium, mar aig 'athair: agus o bhroinn mo mhàthar thròraich mi ise.)

19 Ma chumnaic mi neach a' bàsachadh a dh'ith eudaich, agus nach robh còmhachadh aig a' bhochd;

20 Mur do bheannaich a leasraidh mi, agus mur do bhlàthaicheadh e le lomradh mo chaorach;

21 Ma thog mi mo làmh an aghaidh an dilleachdain, an uair a chumnaic mi mo chòmhadh anns a' gheata;

22 Tuiteadh mo ghairdean o'n t-sluimean, agus brisear mo ruighe o'n chùaimh.

23 Oir bha sgrìos o Dhia 'u a uamhas dhomh-sa, agus a thaobh àirde-san cha robh e'n comas domh fulang.

24 Ma chuir mi 's an òr mo dhòchas, agus ma thubhairt mi ris an òr fhòr-ghlan, *Is tu m'earbsa*;

25 Ma rinn mi gairdeachas a chionn gu'n robh mo bheartas mòr, agus a chionn gu'n d'fhuair mo làmh mòrau;

26 Ma dh'amhairc mi air a' ghrèin an uair a dhealrach i, no air a' ghealaich a' gluasad ann an soillse,

27 Agus gu'n do mhealladh mo ehridhe os ìosal, agus gu'n do phòg mo bheul mo làmh:

28 *Is eionta* so mar an ceudna *air son a' bhreitheimh*; oir dh'àicheadhaim an Dia a tha shuas.

29 Ma rinn mi gairdeachas ri sgrìos an ti a dh'fhuathaich mi, agus uia thog mi mi féin suas a chionn gu'n d'fhàinig olc air:

30 Oir cha do leig mi le m' bheul peacachadh le mallachadh iarraidh air 'anam.

31 Mur dubhairt fir mo phàilliuin, Oeh nach robh sinn air a' bàsachadh le 'fheoil!

32 Am nuigh cha do luidh an coigreach: mo dhorus dh'fhosgail mi do'n fhear-turuis.

33 Ma cheil mi, mar Adhamh, m'èusaontais, le m'èuceart fholachadh a'm' uchd:

34 An uair a bha eagal orm roimh mhòr-shluagh, uo'ehuir tarcuais theaghlach uamhas orm, agus a bha mi a'm' thòsd, agus nach deachaidh mi nach air dorus.

35 Oeh nach èisdeadh aon rium! feuch, *is e* mo mhiam *gu'm* freagairiadh an t-Uile-chumhachdach mi, agus *gu'n* sgrìobhadh m'fhear-casaid leabhar.

36 Gu deimhin air mo ghualainn ghabhainn e; cheanglainn e mar choron orm.

37 Aircaim mo cheuman chuirinn 'an eèill da; mar cheannard rachaim am fagus da.

38 Ma dh'èigheas m'fhearann a'm' aghaidh, no ma ghearaineas mar an ceudna a chlais-ean:

39 Ma dh'ith mi a thoradh gun airgiod, no ma thug mi air a luchd-seilbh an anam a

40 Ann an àite cruithneachd fàsadh droigheach, agus 'an àit corna canntagach. Chriochnaicheadh briathran Iob.

## CAIB. XXXII.

1 *Las fearg Elihu an aghaidh Iob agus a thriuir chairdean.* 6 *Chrònaich e a chairdean a chionn nach do dhearbhadh iad an aghaidh Iob.* 16 *Nochd e 'eud gu labhairt.*

A N sin sguir an triuir dhaoine so do fhreagrachd a thoirt do Iob, a chionn gu'n robh e ionraic 'u a shùilbhlh féin.

2 Agus las fearg Elihu mhie Bharacheil a' Bhustithich, de chinneadh Ram; an aghaidh Iob las 'fhearg, a chionn gu'n d'fhreanaich se e féin ni's mò na Dia.

3 Mar an ceudna an aghaidh a thriuir chairdean las 'fhearg, a chionn nach d'fhuair iad freagrachd, agus gu'n do dh'it iad Iob.

4 A nis dh'fheith Elihu gus an do labhair Iob, a chionn gu'm bu shine iad na ean.

5 An uair a chumnaic Elihu nach robh freagrachd air bith ann am beul an triuir dhaoine so, an sin las 'fhearg.

6 Agus fhreagair Elihu mae Bharacheil a' Bhustithich, agus thubhairt e, *Tha mise òg*, agus sibhse aosmhor; uime sin bha eagal orm, agus bha mi sgàthach mu m' bharail a nochdadh dhuibh.

7 Thubhairt mi, Labhradh làithean, agus teagaisgeadh lionmhoireachd bhladhmach-an gliocas.

8 Ach *tha* spiorad 's an duine, agus bheir anail an Uile-chumhachdaich tuigse dha.

9 Cha bhì daoine mòra a *ghnàth* glie; agus cha tuig na h-aosmhoir breitheanas.

10 Uime sin thubhairt mi, Eisdibh rium; nochdaidh mise mar an ceudna mo bharail.

11 Feuch, dh'fheith mi ri'r briathraibh; dh'èisid mi ri'r reusonaibh, gus an do rannas-aich sibh eod a theireadh sibh.

12 Seadh, thug mi fainear sibh; agus, feuch, cha robh aon agaibh a dhearbhadh an aghaidh Iob, no a thug freagrachd d' a bhriathraibh;

13 Air eagal gu'n abradh sibh, Fhuair sinn a mach gliocas: *is e* Dia a thilgeas sìos e, cha-n e duine.

14 A nis cha do chuir e a bhriathran 'an ordugh a'm' aghaidh-sa; agus le bhuir foe-laibh-sa cha fhreagair mise e.

15 Bha uamhas orra; cha do fhreagair iad ni bu mhò; sguir iad de labhairt.

16 Agus dh'fheith mi, ach cha do labhair iad; ach sheas iad, agus cha do fhreagair iad ni bu mhò.

17 Freagairidh mise mar an ceudna mo chuid féin; nochdaidh mise mar an ceudna mo bharail.

18 Oir tha mi làn de bhriathraibh; tha spiorad mo chuim 'g am èigheachadh.

19 Feuch, *tha* mo ehom mar fhìon gun dol as aige; uar shearragan nuadha, tha e ullamh gu bhì air a reubadh.



20 Labhraidh mi, agus bithidh lasachadh agam; fosgaidh mi mo bhilean, agus freagairidh mi.

21 Na gabham-sa, guidheam ort, ri gnùis duine air bith; agus ri duine na labhram gu miodalach.

22 Oir cha-n aithne dhomhsa caimnt mhiodalach: nam *baithne*, gu h-aithghearr bheireadh mo Chruith-fhear air falbh mi.

CAIB. XXXIII.

1 *Thairg Elihu e féin a thagradh ri Iob: 8 Chronaich se e a chionn gu'n robh dòchas aig 'n a neò-chiontas. 14 Le aising na h-oidheche bheir Dia eòlas do'n duine.*

**U**IME sin, a Iob, cluin, guidheam ort mo bhriathran, agus éisd ri m'fhoclaibh uile.

2 Feuch, a nis dh'fhosgail mi mo bheul; labhair mo theauga ann am bheul.

3 O ionracas mo ehiridhe *thig* mo bhriathran; agus labhraidh mo bhilean eòlas gu soilleir.

4 Rinn spiorad Dhé mi, agus thug anail an Uile-chumhachdaich beatha dhomh.

5 Ma's urrainn thu, freagair mi, cuir do bhriathran 'au ordugh a'm' làthair, seas suas.

6 Feuch, *tha* mise, mar a *tha* thu féin o Dhia; as a' chréidh dhealbhaidh mise mar an ceudna.

7 Feuch, cha chuir m'uamhas-sa eagal ort, agus cha bhi mo lámh trom ort.

8 Gu cinnteach labhair thu a'm' éisdeachd, agus chuala mi guth [do] bhriathar, *ag ràdh*.

9 Glan *tha* mi, gun eusaontas; neò-chiontach *tha* mi, agus cha-n'eil euceart annam.

10 Feuch, *tha* e 'faghail chùiseau a'm' aghaidh; *tha* e 'g am mheas mar a nàmhaid;

11 *Tha* e a' cur mo chos anns a' cheap; *tha* e a' geur-amharc air mo cheumaibh gu léir.

12 Feuch, *an* so cha-n'eil thu ceart; freagairidh mi thu gur mò Dia na duine.

13 C'ar son a chuireas tu 'n a aghaidh? oir ann an aon air bith d'a nithibh cha toir e cunntas.

14 Oir aon uair labhraidh Dia, agus an dara uair cha-n amhaire e thairis air.

15 Ann an aising, ann an sealladh na h-oidheche, 'n uair a thuiteas codal trom air daoinibh, 'n uair a bhitheas iad 'n an suain air an leabaidh;

16 An sin fosgaidh e cluasau dhaoine, agus seulaichidh e an teagasg.

17 Chum gu'n tarraing e duine o a dheuadas, agus gu'm folaich e uabhar o dhuine;

18 Gu'n cum e 'anam o'n t-slochd, agus a bheatha o sgrios leis a' chlaidheamh.

19 Oir smachdaichear e le péin air a leabaidh, agus lìomhoireachd a chuamh le *péin* làidir:

20 Air chor as gu'n gabh a bheatha gràin

de aran, agus 'anam de bhiadh deadhbhlasda.

21 Caithear 'fheoil air chor as nach faicear i; agus a chnàmhan nach facas, seasaidh a mach.

22 Agus tairngidh 'anam am fagus do'n uaign, agus a bheatha do na milltearaibh.

23 Ma bhitheas teachdair aige, eadar-theangair, aon am measg mhìle, a nochdadh 'ionracais do dhuine;

24 Au sin gabhaidh e truas deth, agus their e, Saor e o dhol sìos do'n t-slochd; fhuair mi éiric.

25 Bithidh 'fheoil m'is àire na *feoil* leinibh; thug e air ais gu làithibh 'dige:

26 Ni e urnuigh ri Dia, agus gabhaidh e gu caomhneil ris; agus chi e a ghnùis le gairdeachas; oir iocaidh e do dhuine 'ionracas.

27 Amhaireidh e air daoinibh, agus *ma* their aon duine, Pheacaich mi, agus chlaon mi an *ni* a *bha* ceart, agus cha robh e chum tairbhe dhomh;

28 Saoraidh e 'anam o dhol sìos do'n t-slochd, agus chi a bheatha solus.

29 Feuch, na *nithean* sin uile oibrichidh Dia gu minic a thaobh duine.

30 A thoirt 'anama air ais o'n t-slochd gu bli air a shoilleachadh le solus nam beò.

31 Thoir fainear, a Iob, éisd rium; bi d'thosd, agus labhraidh mi.

32 Ma *tha* 'bheag agad r'a ràdh, freagair mi: labhair, oir bu mhiam leam do shaoradh.

33 Mur 'eil, éisd thusa riumsa: bi d'thosd, agus teagaisgidh mise dhuit gliocas.

CAIB. XXXIV.

1 *Rinn Elihu casaid air Iob, a chionn gu'n dubhairt e gu'n robh e ionraic, agus gu'n d'thug Dia air falbh a bheirtheanas. 10 Cha chomhnuich aingidheachd maille ri Dia. 34 Chronaich Elihu Iob.*

**A**THUILLEADH air so fhreagair Elihu, agus thubhairt e,

2 Chuinnibh mo bhriathran, a *dhaoine* glíce, agus éisdibh rium, sibhse aig an bheil eòlas:

3 Oir dearbhaidh a' chluas briathran, agus blaisidh am beul biadh.

4 Ròghmaicheamaid dhuinn féin breitheanas: bitheadh fios againn eadarunn féin ciod *an ni* a *tha* maith.

5 Oir thubhairt Iob, Tha mi ionraic; agus thug Dia air falbh mo bheirtheanas.

6 Ann am bheirtheanas tha mi air mo mhealladh: *tha* mo lot do-leighis, as eugmhais eusaontais.

7 Co an duine 'tha cosmhuil ri Iob, a dh'òlas suas magadh mar uisge?

8 A dh'innicheas ann an cuideachd luchd-deanamh na h-euceirt, agus a shiubhlas le droch dhaoinibh.

9 Oir thubhairt e, Cha-n'eil tairbhe ann do dhuine tlachd a ghabhail ann an Dia.

10 Uime sin éisdibh rium, sibhse a dhaoine tuigseach: Fada gu robh aingidheachd o Dhia, agus euceart o'n Uile-chumbachdach. 11 Oir gnìomh duine iocaidh e dha, agus bheir e air gach duine gu'm faigh e réir a shlighe.

12 Seadh, gu cinnteach cha dean Dia gu h-aingidh, agus cha chlaon an t-Uile-chumbachdach breitheanas.

13 Cò a chuir an talamh fo a chùram? agus cò a shuidhich an domhan uile?

14 Ma chuireas e a chridhe air, ma chruinnicheas e d'a ionnsuidh féin a spiorad agus 'anail;

15 Bàsaichidh gach uile fheoil le 'chéile, agus pillidh an duine a ris do'n duslach.

16 A nis ma tha tuigse *agað*, chuinnsa; éisd ri guth mo bhriathar:

17 An riaghal esan féin aig am 'bheil fuath do cheartas? agus an dèit thu esana's ro-cheirte?

18 An abrar ri rìgh, *Tha thu* aingidh? ri daoineibh urramach, *Tha sibh* ain-diadhaidh?

19 *Ris-san* nach gabh ri gnùis uachdaran, agus nach meas an saobhir nì's mò na'm bochd? oir *is* iad uile oibre a làmh.

20 Gu h-obann gheibh iad bàs, agus mu mheadhon-oidhche cuirear an sluagh fo bluaireas, agus sìubhlaidh iad: agus bheir ear an cumhachdach air falbh gun làmh.

21 Oir *tha* a shùilean air slighibh duine, agus chi e a cheumnan gu léir.

22 Cha-n'èil dorchadas no sgàile bàis ann, far am folaich luchd-deanamh na h-aingidh-eachd iad féin.

23 Oir cha leig e tuilleadh 's a *chòir* air duine, chum gu'n rachadh e ann am breitheanas ri Dia.

24 Brisidh e sìos *daoine* cumhachdach gun àireamh, agus cuiridh e suas *daoine* eile 'n an àite.

25 Uime sin is aithne dha an gnìomharan, agus tilgidh e bun os ceann *iad* 's an oidhche, agus sgriosar iad.

26 Mar dhroch dhaoineibh buailidh e iad ann an sealladh soilleir dhaoine eile:

27 A chionn gu'n do thionndaidh iad air an ais uath, agus nach d'thug iad fainear air an bith d'a shlighibh;

28 Air chor as gu'n d'thug iad air glaoth nam bochd teachd d'a ionnsuidh, agus gu'n cual' e glaoth nan truaghan.

29 An uair a bheir esan fois, cò a ni buaireas? agus an uair a dh'fholaicheas e a ghnùis, cò a chi e? ma's ann a thaobh cinnich; no a thaobh duine a mhàin.

30 A chum nach rìghidh duine a bhios 'n a chealgair, air eagal g'um bitheadh an sluagh air an rìbeadh.

31 Gu cinnteach ri Dia tha e iomchuidh r'a ràdh, Ghiùlain mi *smachdachadh*, cha chiontaich mi *nì's mò*.

32 An *ni* nach léir dhomh, teagaisg thusa

dhomh: ma rinn mi aingidheachd, cha dean mi *sin* nì's mò.

33 An ann a réir do thoile-sa *bu chòir an nì a bhi?* diolaidh se e, ma dhiùltas tusa, oir is tu féin a ròghnaicheas, agus cha mhise; uime sin an nì a's aithne dhuit labhair.

34 Inneadh daoine tuigseach dhomh, agus éisdeadh duine glie rium.

35 Labhair Iob gun eòlas, agus *bha* a bhriathran as eugnhaeis gliocais.

36 *Ise* mo mhiaun Iob a bhi air a dhearbhadh chum na criche, air son a fhreagraidhean le daoineibh aingidh.

37 Oir tha e a' cur ceannaire r'a pheacadh, a' bualadh a bhas 'n ar measg, agus a' deanamh a bhriathran lionmhor an aghaidh Dhé.

## CAIB. XXXV.

1 *Chronaich Elihu Iob a chionn gu'n dubhairt e gu'n robh 'fhìreantachd os ceann fireantachd Dhé* 9 Glaohdhaidh mòran a tha air an sàrachadh ri Dia, ach cha-n fhaigh iad éisdeadh, do bhrìgh gu bheil iad as eugnhaeis creidimh.

**F**HREAGAIR Elihu a ris, agus thubhairt e,

2 An saoil thusa so a bhi ceart, *gu'n* dubhairt thu, *Tha m'fhìreantachd-sa os ceann fireantachd Dhé*.

3 Oir thubhairt thu, Ciod an tairbhe 'bhitheas ann dhuitse? *Agus*, ciod a' bhuanachd a bhitheas ann dhomhsa, *ma shaorar mi o m' pheacadh?*

4 Freagairidh mise thu, agus do chompanaich maille riut.

5 Amhaire air na nèamhan, agus, feuch; agus faic na neoil a's àirde na thu.

6 Ma pheacaicheas tu, ciod a mi thu 'n a aghaidh-san? agus *ma* dh'fhàsas d'eusaontais lionmhor, ciod a ni thu air-san?

7 Ma bhitheas tu ionraic, ciod a bheir thu dha-san? no ciod a gheibh e o d' laimh?

8 Feudaidd d'aingidheachd *cron a dheanamh* do dhuine mar tha thusa, agus d'fhìreantachd a *bhi tarbhach* do mhaic an duine.

9 Glaohdhaidh iadsan a tha air an sàrachadh le mòran, éighidh iad air son gairdein na mòir chuideachd.

10 Ach cha-n abair aon neach, C'àit am bheil Dia mo Chruith-fhear, a tha 'tabhairt dhàn seachad 's an oidhche?

11 A tha 'g ar teagasg nì's mò na ainmhidhean na talmhainn, agus 'g ar deanamh nì's glie na eunlaith nan speur.

12 An sin éighidh iad, (ach cha fhreagair *neach air bith iad*) air son uabhair dhroch dhaoine.

13 Gu cinnteach cha-n éisd Dia ri diomhanas, agus cha bli meas aig an Uile-chumbachdach air.

14 Ged their thu nach faic thu e, tha breitheanas 'n a làthair; uime sin earb thusa as.

15 Ach a nis a chionn nach 'èil e mar sin, dh'fhiosraich e 'n a chorruih, gidheadh mi h-aithne dha *sin* ann an deuchainn mhòir.



16 Uime sin fosgailidh Iob a bheul gu dìomhain: ni e briathran lionmhor gun eòlas.

## CAIB. XXXVI.

1 *Nochd Elihu gu bheil Dia ceart 'n a uile shlighibh.* 8 *Crioch smachdachaidh Dhé.* 24 *Tha oibre an Tighearn' iongantach agus do-thuigsinn.*

**A**GUS chaidh Elihu air aghaidh, agus thubhairt e,

2 Leig dhomh beagan, agus nochdaidh mi dhuit gu *bheil* fathast ni *agam* ri labhairt air son Dhé.

3 Tairngidh mi m'eòlas o chéin, agus do m' Chruith-shear bheir mi ceartas.

4 Oir gu cinnteach cha *bhi* mo bhriathran breugach: *tha* esan a tha iomlan ann an eòlas maille riut.

5 Feuch, *tha* Dia cumhachdach, agus cha dean e tàir; cumhachdach ann an neart le gliocas.

6 Cha gléidh e beò an t-aingidh; ach bheir e ceartas do na bochdaibh.

7 Cha tarruing e a shùilean o'n ionracan; ach *tha iad* le righribh air an righ-chaithir, agus daingnichidh e iad gu bràth, agus àrd-aichear iad.

8 Agus ma *bhios* iad ccangailte ann an geimhlibh, ma ghluar iad ann an cordaibh amhghair,

9 An sin nochdaidh e dhoibh an obair agus an eusaontais, gu'n robh iad anabarrach.

10 Agus fosgailidh e an cluas chum fòghluim, agus àithnidh e dhoibh pilltinn o euceart.

11 Ma dh'éisdeas iad *ris* agus ma ni iad seirbhis *da*, caithidh iad an làithean ann an saobhbreas, agus am bliadhnan ann an subhachas.

12 Ach mur éisd iad, cuirear as doibh leis a' chlaidheamh, agus gheibh iad bàs gun eòlas.

13 Ach carnaidh na cealgairean' s a' chridhe suas fearg; cha-n éigh iad an uair a cheanglas e iad.

14 Gheibh iad bàs 'n an òige, agus *tha* am beatha am measg nan neòghlan.

15 Saoraidh e am bochd 'n a àmhghar; agus fosgailidh e an cluasan 'n an sàrach-adh.

16 Eadhon mar sin dh'atharraicheadh e thusa á meadhon teanntachd gu àite farsuinn, far nach *'eil teanntachd* air bith; agus *bhiodh* na chuirteadh air do bhòrd làn de shail.

17 Ach choimhlion thu breitheanas an aingidh: gabhaidh breitheanas agus ceartas greim *dhiot*.

18 A chionn *gu bheil* fearg *riut*, tabhair an aire na toir e air falbh thu le a bhuille: an sin cha saor éiric mhòr thu.

19 Am meas e do shaoibhreas? cha *mheas*, no òr, no uile neart cumhachd.

20 Na miannaich an oidhche 'n uair a ghearrar as sluagh 'n an àite.

21 Tabhair an aire nach claoen thu gu euceart; oir so ròghnaich thu thar àmhghar.

22 Feuch, àrdaichidh Dia le a chumhachd; cò a theagaisgeas cosmhuil ris-san?

23 Cò a dh'fhiosraich a shlighe? agus cò a dh'fheudas a ràdh, Rinn thu euceart?

24 Cuimhlich gu'n àrdaich thu 'obair-san, a chi daoine.

25 Chi na h-uile dhaoine i: chi duine i o chéin.

26 Feuch, *tha* Dia mòr, agus cha-n aithne dhuinne e; agus cha rannsaichear a mach àireamh a bhliadhnachan.

27 Oir ni e meabh na braoin uisge: taomaidh iad a nuas uisge a réir a chèò;

28 A shileas na neoil; frasaiddh iad air an duine gu pailt.

29 A bhàrr air so an urrainn *neach air bith* sgaoileadh nan neul a thuigsinn, no fuaim a phàilliuin?

30 Feuch, sgaoilidh e a sholus air, agus còmhdaichidh e ìochdar na fairge.

31 Oir leo sin bheir e breth air an t-sluagh; bheir e biadh seachad ann am pailteas.

32 Le a fàghan còmhdaichidh e an solus, agus àithnidh e dha teachd a ris.

33 Nochdaidh an fhuaim aige a thaobh sin, an spréidh mar an ceudna a thaobh na théid suas.

## CAIB. XXXVII.

1 *Tha Dia uamhasach 'n a oibrigh; 15 agus 'n a gliocas do-rannsaichidh.* 23 *Is còir do dhaoineibh eagal a bhì orra roimhe.*

**M**AR an ceudna uime so chrìochnaich mo chridhe, agus charaicheadh as àit e.

2 Eisdibh gu furachar ri fuaim a ghutha, agus an torman a théid a mach as a bheul.

3 Fo na nèamhan uile stiùraidh se e, agus a dhealanach gu crìochaibh na tal-mhainn.

4 'N a dhéigh sin beucaidh guth: ni e tairneanach le guth a mhòralachd; agus cha chum e air an ais iad an uair a chluinnear a ghuth.

5 Ni Dia tairneanach le a ghiuth gu h-iongantach; ni e nithean mòra do-thuigsinn.

6 Oir ris an t-sneachda their e, Bi-sa air an talamh; mar an ceudna ris an uisge mheanbh, agus ri uisge mòr a neirt.

7 Air fàmh gach duine cuiridh e seula, chum gu'n aithnich na h-uile dhaoine 'obair-san.

8 Agus théid na fiadh-bheathaichean a steach d'an garaidh, agus 'n an àitibh-tàimh luidhidh iad.

9 As an àirde deas thig an ioma-ghaoth, agus fuachd as an àirde tuath.

10 Le h-anail Dhé bheirear reodhadh; cumhannaichear leud nan uisgeachan.

11 Mar an ceudna le uisgeachadh sgith-

ichidh e an neul tiugh: sgaoilidh e a neul soillseach.

12 Agus tionudaidhear mu'n cuairt e le a chomhairle; chum gu'n dean iad ge b'e nì a dh'àithneas e dhoibh air aghaidh a' chruinne-ché.

13 Bheir e air teachd, ma's ann a chum smachdachaidh, no air son 'fhearaiun, no air son trècail.

14 Eisd ri so, a Iob; scas, agus tabhair faineir oibre iongantach Dhé.

15 Am bheil fios agad c'uin a dh'orduich Dia iad, agus a thug e air solus a neoil dealachadh?

16 Am bheil fios agad air cothromachadh nan neul, *air* oibribh iongantach an tì a tha iomlan ann an eòlas?

17 Cionnus a tha d'eudach blàth, 'n uair a chiuinichear an talamh leis a' ghaoith á deas?

18 An do sgaoil thu mach maille ris-san na speuran, a tha làidir, mar sgàthan leaghta?

19 Nochd dhuinn ciod a their sinn ris; cha-n urrainn sinn *arcainnt* a chur ann an ordugh a thaobh dorchadais.

20 An innsear dha 'n uair a labhras mi? Ma labhras duine, gu cinnteach sluigear suas e.

21 Agus a nis cha-n-fhaic *daoine* an solus dealach a tha anns na neulaibh: ach siubhlaidh a' ghaoith, agus glanaidh i iad.

22 As an àirde tuath thig deadh aimsir: aig Dia tha mòrachd uamhasach.

23 An t-Uile-chumhachdach, cha-n urrainn sinn 'fhaghail a mach: *tha e* òirdheire ann an cumhachd, agus ann am breitheanas, agus ann an làn cheartas: cha sàruich e.

24 Uime sin bithidh eagal air daoimibh roinne: cha bhi meas aige air *duine* sam bith a *bhithas* glie ann an eridhe.

## CAIB. XXXVIII.

1 *Ghairm Dia air Iob as a' cuairt-ghaoith, agus dh'iarr e reusonachadh ris: 4 Le bhi 'g àireamh nìlean iongantach a chumhachd nochd Dia dha gu bheil an duine a dh'ith eòlais agus neir.*

**A**N sin fhreagair an Tighearn Iob as a' cuairt-ghaoith, agus thubhairt e,  
2 Cò e so a tha 'dorchachadh comhairle le briathraibh gun eòlas?

3 Crìoslaich a nis mar fhear do leasraidh, agus feòraichidh mi dhìot, agus freagair thusa mi.

4 C'ait an robh thu an uair a leag mise bunaitean na talmhainn? innis, ma tha tuigse agad.

5 Cò a shuidhich a thoinhsean, ma's aithne dhuit? no cò a shìn an snàithne-tomhais air?

6 Ciod air am bheil a bhunaitean air an ìaingneachadh? no cò a leag a chlach-oisinn;

7 'N uair a sheinn reultan na maidne euid-

eachd, agus a rinn uile mhic l'hé gaird-eachas?

8 No cò a dhruid a stigh an fhainge le dorsaibh, 'n uair a bhris i mach *mar* gu'n tigeadh i as a' bhroinn?

9 An uair a rinn mi neul 'n a thrusgan dhi, agus tiugh dhorchadas 'n a chrios-pasgaidh dhi?

10 Agus a bhris mi suas dhi m'àite suidhichte, agus a rinn mi dhi crannan agus dorsan;

11 Agus a thubhairt mi, Gu ruig so thig thu, ach cha tig nì's faide, agus 'an so coisgear do thonnann uaibhreach?

12 O *thoiseach* do làithean an d'thug thu àithne do'n mhaduinn? an d'thug thu fios a h-àite do'n scarthanaich?

13 A chum greim a ghabhail de chrìoch-aibh na talmhainn, agus gu'n crathadh na h-aingidh as.

14 Tionndaidhear e mar chriadh *ris* an t-seula; agus seasaidh iadsan mar eudach.

15 Agus cumar an solus o na h-aingidh, agus brisear an gairdean àrd.

16 An deachaidh tu steach gu tobraichibh na fàirge? no ann an ramnsachadh an dubh-aigein an d'innich thu?

17 An d'fhosgladh geatachan a' bhàis dhuit? no 'm faca tu dorsan sgàile a' bhàis?

18 An d'thug thu faineir leud na talmhainn? innis, ma's aithne dhuit e uile.

19 C'ait *am bheil* an t-slighe anns an còmhluich an solus? agus an dorchadas, c'ait *am bheil* 'ionad-san?

20 Gu'n gabhadh tu e g'a chrìch, agus gu'm b'aithne dhuit na ceuman a dh'ionnsuidh a thighe?

21 An aithne dhuit e, a chionn gu'n d'rugadh tu an sin, no *gu bheil* àireamh do bhliadhnachan mòr?

22 An deachaidh tu steach gu ionmhasaibh an t-sneachda? no'm faca tu ionmhasan na cloiche-mcallain?

23 A thaisg mise fa chomhair aimsir na teanntachd, fa chomhair là a' chatha agus a' chogaidh.

24 Cia an rathad a dhealaichear an solus, a sgaoileas a' ghaoth an ear air an talamh?

25 Cò a roinn sruth-chlais air son na tuile, agus slighe air son dealanaich na tairneanaich;

26 A thoirt air frasadh air an talamh *far* nach 'eil duine; *air* an fhàsach gun duine ann;

27 A shàsachadh an fhàsaich agus an dìthreabh, agus a thoirt air cinneas an luis mhaòith fàs suas?

28 Am bheil athair aig an uisge? no cò a ghin braoin an drùchda?

29 A broinn cò an d'thàinig an eigh? agus liath-reodhadh nan peur, cò a ghin e?

30 Mar chloich tha na h-uisgeachan air an cruadhachadh, agus aghaidh na doimhne air reodhadh.



31 Am feud thusa cumhachdan milse Phleiaides a cheangal, no ceanglaichean Orìoin fhuasgladh?

32 An toir thu mach Madsarot 'n a àm? no an stiùir thu Arcturus maille r'a mhacaibh?

33 An aithne dhuit reachdan nan nèamh? an suidhich thu an uachdaranachd air an talamh?

34 An tog thu suas a dh'ionnsuidh nan neul do ghuth, air chor as gu'n còmhdaich pailteas uisgeachan thu?

35 An cuir thu uait dealanaich, agus an téid iad, agus an abair iad riut, *Tha sinn an so?*

36 Cò a chuir gliocas 's an taobh a stigh? no cò a thug tuigse do'n chridhe?

37 Cò a dh'àirmheas na neoil ann an gliocas? no cò a choisgeas searragan nan nèamh;

38 'N uair a dh'fhàsas an duslach 'n a mheall cruaidh, agus a dhlùth-leanas na fòidean ri 'chéile?

39 An sealg thusa cobhartach do'n leòmhnan bhoirionn, agus an sàsaich thu cìocras nan leòmhnan òga;

40 'N uair a chrùbas iad 'n an garaidh, a dh'fhanas iad ann an sgàile clum feall-fheitheamh?

41 Cò a sholaras do'n fhitheach a lòn? an uair a dh'éigheas an t-àl òg aige ri Dia, théid iad air ionnroll a chum bidh.

## CAIB. XXXIX.

1 *Nochd Dia a chumhachd féin, agus anmhuinn-eachd agus aineolas an duine, le e bhi 'coimhead agus a' riaghladh fhiadhl-bheathaichean na macharach air dòigh neo-aithnichte do chrucair cruthaichte.*

**A**N aithne dhuitse an t-àm anns am beir gabhair fhiadhaich na carraig'? an toir thu fàinear c'uin a bheireas na h-éildean laoiigh?

2 An urrainn thu na mìosan àireamh a choinmhlionas iad, agus an aithne dhuit an t-àm anns am beir iad?

3 Cromaidh siad iad féin, beiridh iad an àl, tilgidh iad dhiubh an do-bhròn.

4 Tha an àl ann an culaidh mhaith, tha iad a' fàs suas anns na cluainibh; théid iad a mach, agus cha phill iad d'an ionnsuidh.

5 Cò a chuir a mach an t-asal fìadhaich saor, agus cò a dh'fhuasgail ceanglaichean an asail fhiadhaich?

6 D'an d'rinn mi a thigh de'n fhàsach, agus fàite-còmhnuidh de'n fhearann neo-thorach.

7 Ni e tarcuis air mòr shluagh a' bhaile; ri éigheach an fhir-ghreasaidh cha-n éisd e.

8 Rannsaichidh e na sléibhtean chum ion-altraidh, agus siridh e 'n déigh gach nì uaine.

9 Am bi an t-aon-adharcach toileach air seirbhis a dheanamh dhuit? am fan e aig do phrasaich?

10 An ceangaíl thu an t-aon-adharcach le

'chuing anns a' chlais? no'n cliath e na gleanntan a'd' dhéigh?

11 An earb thu as, a chionn gur mòr a neart? no 'm fàg thu d'obair dha?

12 An creid thu e gu'n aisig e do shìol, agus gu'n cruinnich se e do d' urlar-bualaidh?

13 *An tusa 'thug* sgiathan breagha do na penceagaibh? no sgiathan agus iteach do'n struth;

14 A dh'fhàsas a h-uibhean 's an talamh, agus a bhlàthaicheas iad 's an duslach,

15 Agus a dhì-chuimhnichas gu'm feud cos an bruthadh, no fiadhl-bheathach na macharach ann breisach?

16 Cruadhaichear i an aghaidh a h-alaich, mar nach *bu* leatha iad: diomhain *tha* a saothair gun eagal;

17 A chionn gu'n do dhiùlt Dia dhi gliocas, agus nach do roinn e tuigse rithe.

18 Ge b'e uair a thogas si i féin an àird, ni i tair air an each, agus air a mharcach.

19 An d'thug thusa neart do'n each? an d'eudaich thu a mhuineal le tàirneanaich?

20 An dean thu gealtach e mar an leum-nach-uaine? *is* uamhasach glòir a chuinn-einean.

21 Bùraichidh e le 'chois anns a' ghleann, agus ni e gairdeachas 'n a neart: théid e air aghaidh 'an coimneamh an airm.

22 Nì e magadh air eagal, agus cha bhi uamhann air, agus cha phill e air ais o fhaobhar a' chlaidheimh.

23 Nì 'm balg-saighid torman 'n a aghaidh, an t-sleagh loimreach agus an gath.

24 Le gairge agus feirg cladhaichidh e 'n talamh; agus cha chreid e gur i fuaim na trompaid' a *tha* ann.

25 Ann am meadhan *fuaim* na trompaid' their e, Ha, ha! agus fad as gabhaidh e fàileadh a' chatha, tàirneanaich nan ceannard, agus na h-iolaich.

26 An ann le d' ghliocas-sa a dh'iteal-aicheas an t-seabhag, a shìneas i a sgiathan a làimh na h-àirde deas?

27 An ann air d' àithne-sa a dh'éireas an iolaire suas, agus a ni i a nead gu h-àrd?

28 Gabhaidh i còmhnuidh anns a' charraig, agus fanaidh i air seòr na carraig', agus *anns* an daingneach.

29 As sin iarraidh i cobhartach; chi a sùilean fad as.

30 Agus deothailidh a h-àlach suas fuil; agus far *am bi* na mairbh, an sin *bithidh* ise.

## CAIB. XL.

1 *Dh'irioslaich Iob e féin an làthair Dhé. 6 Labhair an Tighearn ris as a' chuaiirt-ghaoith. 15 Dh'fhoillsich Dia a chumhachd ann an cruthachadh Bhehemoit.*

**A**THUILLEADH air so fhreagair an Tighearn Iob, agus thubhairt e,

2 An teagaisg esan a ni strì ris an Ùile-

chumhachdach? esan a thagras ri Dia, freagradh e air a shon.

3 Agus fhreagair Iob an Tighearn, agus thubhairt e,

4 Feuch, tha mi gràineil; ciod a fhreagras mi dhuit? cuiridh mi mo làmh air mo bheul.

5 Aon nair labhair mi, ach cha fhreagair mi; seadh, dà nair, ach cha-n abair mi tuilleadh.

6 An sin fhreagair an Tighearn Iob as a' chnairt-ghaoith, agns thubhairt e,

7 Crìoslaich a nis mar dhuine do leasraidh: fèdraidhidh mi dhìot, agus freagair thusa mi.

8 An toir thusa mo bhreitheanas-sa gu neoni? an d'it thu mise, chnm gu saorar thn fèin?

9 Am *theil* gairdean agad cosmhuil ri Dia? no'n dean thu tàirneanach le guth cosmhuil ris-san?

10 Sgeadaich thn fèin a nis le mòrachd agus le h-òrdheirceas, agus eudaich thu fèin le glòir agus maise.

11 Taom a mach fraoch d'fheirge, agns faic gach neach a tha uaibhreach, agns irioslaich e.

12 Faic gath neach a tha uaibhreach, isich e, agus saltair sìos na droch dhaoine 'n an àite.

13 Folaich iad 's an dnlach le 'chéile, ceangail an aghaidhean ann an dìomhair-cachd.

14 An sin mar an cendna aidichidh mise dhuit, gu'n saor do dheas làmh fèin thu.

15 Fench a nis, Behemot, a rinn mise maille rint; ithidh e fenn mar dhamh.

16 Fench a nis, *tha* a neart 'n a leasraidh, agus a spionnadh ann an iomlaig a bhronn.

17 Gluaisidh e 'carbail mar shendar: tha fèithean-luthaidh a shleisdean ceangailte r'a chéile.

18 *Tha* a chnàmhan làidir mar nmha; *tha* a chnàmhan mar chrannaibh iarunn.

19 *Is* e tùs shlighean Dhé e; an ti a chruthaich e, feudaich esan a chlàidheamh a thoirt ann fagus *da*.

20 Gn cinnteach bheir na sléibhtean dha fenn, far am bi nile bheathaichean na mach-arach ri sùgradh.

21 Fo na crannaibh dnbharach luidhidh e, ann am folach na cnìce agus na làthaich.

22 Còmhdaichidh na croinn dnbharach e le'n sgàile: nairtichidh seileach an t-sruthain e.

23 Feuch, thig amhaoin gu cruaidh air, agns cha dean e deifir: bithidh dòchas aige 'n uair a thig Iordan a mach g'a bhenl.

24 'N a shùilbhan an glac *duine* e? le dnbhamaibh an toll e a shròn?

#### CAIB. XLI.

*Cumhachd Dhé mar tha e air a nochdadh anns an Lebhìatan.*

**A**N tarruing thu mach Lebhìatan le dubhan, no a theanga le cord a leigeas tu sìos?

2 An cuir thu cromag 'n a shròin, agus le deilg an toll thn a ghial?

3 An dean e mòran asluchaidh ort? an labhair e *briathran* minc riut?

4 An dean e còmhcheangail riut? an gabh thn e mar sheirbhisich gu bràth?

5 An dean thu cluicheadh ris mar *ri* h-eun? no'n ceangail thu e do d' ghruagaichibh?

6 An dean na companaich cuirm dhìeth? an roinn iad e am measg nan ceannaichean?

7 An lion thu le gathaibh a chroicinn, no le mòr-ghathaibh éisg a cheann?

8 Cuir do làmh air, cuimhnich an cath, na dean tuilleadh.

9 Feuch, is dìomhain a dhòchas-san: eadhon aig a shealladh nach tilgear *duine* sìos?

10 Nach borb e'n uair a dhùisgeas *neach* e? agus cò esan a sheasas 'n a làthair?

11 Cò a ghabh romham, agns gu'n diolaim? *gach ni a tha* fo na nèamhan uile *is* leamsa e.

12 Cha cheil mi a bhuill, no a neart, no a dhealbh sgiamhach.

13 Cò a dh'fhoillsicheas aghaidh 'eudaich? cò a thig d'a ionnsuidh le a shrian dhùbailte?

14 Cò a dh'fhosgailleas dorsan 'aghaidh? *tha* 'thiaclan uamhasach mu'n cuairt.

15 *Is iad* a lannan 'naill, dùinte suas le 'chéile *mar le* seula daingean;

16 Aon air a cnr ri h-aon eile, air chor as nach tig deò eatorra.

17 Tha iad air an tàthadh ri 'chéile, tha iad a' dlùth-leantuinn ri 'chéile, agus cha ghabh iad dealachadh.

18 Le a shitriche soillsichidh solus; agns *tha* a shùilean cosmhuil ri rosgaibh na maidne.

19 As a bheul théid lensan; lemnaidh sradan teine a mach.

20 A cuimneibh a shròine thig deatach a mach, mar á poit air ghoil, no coire.

21 Lasaidh 'anail gual, agus théid lasair a mach as a bheul.

22 'N a mhuineal còmhnuichidh neart, agus roimhe ruithidh bròn.

23 Tha fillimean 'theòla a' leantuinn ri 'chéile: *tha* iad daingean anna fèin; cha ghabh iad gluasad.

24 *Tha* a chridhe cruaidh mar chloich, crnaidh eadhon mar chloich-mhuilinn ìochd-raich.

25 An nair a thogas se e fèin suas, bithidh nacumhachdach fo gheilt: fenn eagal brisidh glanaidh siad iad fèin.

26 Cha seas claidheamh an ti a bhcanas ris; an t-sleagh, an gath, no'n lùireach.

27 Measaidh e mar chonlaich an t-iarunn, mar fhiodh grod an t-umha.

28 Cha toir an t-saighead air teicheadh; 'n an conlaich tionndaidhear leis clachan a' chroinn-tabhuill.

29 Mar chonlaich measar gathan; agus ni e gàire ri crathadh sleagha.



30 Foidhe *tha* clachan geura: sgaoladh e *nithean* geura air an làthaich.

31 Bheir e air an doimhne 'bhi air ghoil mar choire: an fhairege ni e mar phoit olaidh-ungaidh.

32 'N a dhéigh bheir e air a shlighe soill-seachadh: saoilidh *neach* an t-aigean a bhi liath.

33 Air thalamh cha-*neil* a shamhuil, a rinneadh as eugmhais eagail.

34 Chi e gach *ni* àrd: *tha* e 'n a rìgh os ceann uile chloinne an uabhair.

## CAIB. XLII.

- 1 *Dh'ùmhlaich Iob e féin fo làimh Dhé.* 7 *Chronaich Dia a thrùir chairdean a chionn nach do labhair iad an nì a bha ceart d'a thaobh.* 9 *Ghabh an Tighearn ri Iob, agus thug e dha a dhà uiread 's a bha aige roimhe.* 13 *Clann Iob: 16 'Aois agus a bhàs.*

**A** N sin fhreagair Iob an Tighearn, agus thubhairt e,

2 Tha fios agam gur urraian thusa gach *ni* a dheanamh, agus nach ceilcar smuain air bith ort.

3 Cò esan a cheileas comhairle gun eòlas? uime sin chuir mi 'n cèill *nithean* nach do thuig mi; *nithean* tuilleadh 's iongantach air mo shon-sa, nach b'aithne dhomh.

4 Eisd, guidheam ort, agus labhairidh mi: feòraichidh mi dhìot, agus foillsich thusa dhomh.

5 Le éisdeachd na cluaise chuala mi thu; ach a nis chunnaic mo shùil thu.

6 Uime sin gabhaidh mi gràin dìom féin, agus ni mi aithreachas ann an duslach agus ann an luathre.

7 Ach an déigh do'n Tighearn na briathran sin a labhairt ri Iob, thubhairt an Tighearn ri Eliphas an Temanach, Tha m'fhcarg air a lasadh a'd' aghaidh-sa, agus an aghaidh do dhithis chairdean, a chionn nach do labhair sibh a'm' thaobh-sa an *ni a bha* ceart, mar a *labhair* m'òglach Iob.

8 Agus uime sin gabhaidh dhuibh féin seachd tairbh òga agus seachd reitheachan, agus rachaibh a dh'ionnsuidh m'òglach Iob,

agus iobraibh iobairt-loisgte air bhuir son féin; agus ni m'òglach Iob urnuigh air bhuir son, oir ris-san gabhaidh mi: chum nach buin mi ribh a *réir bhuir* n-amaideachd, a chionn nach do labhair sibh a'm' thaobh-sa an *ni a bha* ceart, mar a *labhair* m'òglach Iob.

9 Agus chaidh Eliphas an Temanach, agus Bildad an Suhach, agus Sophar an Naanuat-ach, agus rinn iad mar a dh'àithn an Tighearn dhoibh: agus ghabh an Tighearn ri Iob.

10 Agus thionndaidh an Tighearn braighdeanas Iob, an uair a rinn e urnuigh air son a chairdean: agus thug an Tighearn do Iob a dhà uiread 's a bha aige roimhe.

11 Agus thàinig a bhràithrean uile d'a ionnsuidh, agus a pheathraichean uile, agus iadsan uile d'am b'aithne e roimhe, agus dh'ith iad aran maille ris 'n a thigh; agus bha truas aca dheth, agus thug iad comh-fhurtachd dha thaobh an uile uile a thug an Tighearn air: agus thug iad dha gach aon diubh bonn airgid, agus gach aon diubh cluas-fhàinne òir.

12 Agus bheannaich an Tighearn crìoch Iob nì's mò na a thoiseach; agus bha aige ceithir mìle deug caora, agus sè mìle camhal, agus mìle cuing dhamh, agus mìle asal bhoirionn.

13 Agus bha aige seachd mic, agus trìùir nighean.

14 Agus thug e Iemima mar ainm air a' cheud *té*, agus Cesiah mar ainm air an dara, agus Ceren-hapuch mar ainm air an treas *té*.

15 Agus cha d'fhuaradh mnathan cho sgiamhach ri nigheanaibh Iob anns an tìr uile; agus thug an athair dhoibh oighreachd ann an measg am bràithrean.

16 Agus bha Iob beò 'n a dhéigh so ceud agus dà fhichead bliadhna; agus chunnaic e a mhic, agus mic a mhac, ceithir gineal-aich.

17 Agus fhuair Iob bàs 'n a sheann duine agus làn de làithibh.

## LEABHAR NAN SALM.

## SALM I.

- 1 *Sonas an fhùirein.* 4 *Sgrìosar na h-aingidh ann am breitheanas.*

**I**S beannaichte an duine sin nach gluais ann an comhairle nan aingidh, agus nach seas ann an slighe nam peacach, agus nach suidh ann an caithir luchd-fanoid:

2 Ach aig *am bheil* tlachd ann an lagh an Tighearn; agus a smuainicheas air a laghsan a là agus a dh'oidhech.

3 Bithidh e mar chraoibh suidhichte

làimh ri sruthaibh uisge, a bheir a mach a toradh 'n a h-aimsir, agus nach caill a duilleach: agus soirbhichidh leis gach ni a ui e.

4 Cha-n ann mar sin a *bhithas* na h-aingidh; ach mar mhoill a sgapas a' ghaoth.

5 Air an aobhar sin cha seas na h-aingidh ann am breitheanas, no peacaich ann an còimhlthional nam firean.

6 Oir is aithne do'n Tighearn slighe nam firean; ach sgrìosar slighe nan aingidh.

## SALM II-V.

### SALM II.

1 *Cumhachd agus oighreachd Chrìosd: 10 Thugadh earail do bhreitheamhnaibh na talmhainn iad a dheanamh seirbhìs dha.*

**C**'AR SON a ghabh na cinnich boile, agus a smuainich na slòigh ni dìomhain?

2 *Car son a dh'éirich rìghrean na talmhainn, agus a ghabh na h-uachdarain comhairle le 'chéile, an aghaidh an Tighearn', agus an aghaidh 'Aoin ungta - san, ag ràdh,*

3 Briseamaid o 'chéile an cnibhreach, agus tilgeamaid dhinn an cuing?

4 An tì a tha 'n a shuidhe air nèamh, ni e gaire; ni an Tighearn fanoid orra.

5 An sin labhraidh e riu 'n a fheirc; agus 'n a chloinnich cuiridh e uamhann orra.

6 Gidheadh dh'ung mise mo Rìgh air Sion, mo shliabh naomh-sa.

7 Cuiridh mi 'an cèill ordugh an Tighearn: thubhairt e rium, *Is tu mo mhac-sa; an diugh ghin mi thu.*

8 Iarr orm, agus bheir mi dhuit na cinnich mar oighreachd, agus crìochan na talmhainn mar sheilbh.

9 Brisidh tu iad le slait iarunn; mar shoithcach criadhaidair, pronnaidh tu iad 'n am bloighdibh.

10 A nis ma ta, a rìghrean, bithibh glic; gabhaibh fòghlum, a bhreitheamhna na talmhainn.

11 Deanaibh seirbhìs do'n Tighearn le h-eagal, agus deanaibh gairdeachas le ball-chrith.

12 Pògaibh am Mac, air eagal gu'm bi fearg air, agus gu'n sgrìosar sibh 's an t-slighe, 'n uair a lasas ach gu beag a chorruich. *Is beannaichte iadsan uile a dh'earbas as.*

### SALM III.

1 *Tha Dia 'n a sgéith agus 'n a dhìdean dhoibh-san a dh'earbas as.*

Salm le Daibhidh, 'n uair a theich e roimh Absalom a mhac.

**A** THIGHEARNA, nach lìonmhòr a dh'fhàs mo naimhdean? *Is iomadh iad a tha 'g éirigh a'm' aghaidh.*

2 *Is iomadh iad a their ri m'anam, nach 'eil furtachd aige ann an Dia. Selah.*

3 Ach tha thusa, a Thighearn', a'd' sgéith dhomhsa; mo ghlòir, agus fear-fogalach mo chinn.

4 Le m' ghuth dh'éigh mi ris an Tighearn, agus dh'éisd e rium as a shliabh naomh. Selah.

5 Luidh mi sìos, agus choidil mi: dhùisg mi, oir chum an Tighearn suas mi.

6 Cha-n eagal leam deich mìle sluagh, a chuir iad fèin a'm' aghaidh air gach taobh.

7 Eirich, a Thighearn; saor mi, O mo Dhia: oir bhuail thu mo naimhdean uile air an gial; bhris thu faclan nan aingidh.

8 *Is leis an Tighearn an fhurtachd: air do shluagh tha do bheannachd. Selah.*

### SALM IV.

1 *Thug Daibhidh achmhasan d'a naimhdeibh, agus chomhairlich e iad. 6 Nochd e gu bheil sonas an duine, cha-n ann 'am mòr phailteas nìthan talmhaidh, ach ann an deadh-ghean an Tighearna.*

Do'n àrd fhear-ciùil air Neginot. Salm le Daibhidh.

**'N** UAIR a dh'éighcas mi, éisd rium, a Dhé m'ionracais; 'n uair a tha mi ann an tóinn, dh'fhuasgail thu orm; dean trèc air orm, agus éisd ri m'urnuigh.

2 A chlann nan daoine, cia fhad a thionndaidheas sibh mo ghlòir chum nàire? a ghràdhachcas sibh dìomhanas, a shireas sibh an déigh bhreug? Selah.

3 Ach bitheadh fios agaibh gu'n do ròghnuich an Tighearn an duine naomh dha fèin: éisidh an Tighearn an uair a dh'éighcas mi ris.

4 Bitheadh eagal oirbh, agus na peacaichibh: labhraidh r'ur cridhe air bhur leabaidh, agus bithibh tosdach. Selah.

5 Iobraibh iobairtean ionracais, agus carbaidh as an Tighearn.

6 Tha mòran ag ràdh, Cò a nochdas dhuinn ni maith? Tog oirnne solus do ghnuise, a Thighearna.

7 Chuir thu aoibhneas ann am chridhe, ni's mò na 'n uair is pailte an arbhar agus am fion-san.

8 Ann an sìth araon luidhidh mi, agus coidlidh mi; oir is tusa mhàin, a Thighearn', a bheir orm còmhnuidh 'ghabhail gu tèaruinte.

### SALM V.

1 *Dh'iarr Daibhidh gu'n tugadh Dia éisd-eachd d'a urnuigh. 4 Is fuathach leis an Tighearn luchd-deanamh an uile. 8 Ghuidh Daibhidh gu'n trèdraidheadh Dia e 'n a fhìreantachd.*

Do'n àrd fhear-ciùil air Nechilot. Salm le Daibhidh.

**R**IM' bhriathraibh éisd, a Thighearna; beachdaich air mo smuaintibh.

2 Thoir an aire do ghuth mo ghlaoidh, mo Rìgh, agus mo Dhia; oir riutsa ni mi urnuigh.

3 A Thighearn', air maduinn chuinnidh tu mo ghuth; air maduinn deasaichidh mi mi fèin a'd' làthair, agus amhaircidh mi suas.

4 Oir cha Dia thusa aig am bheil tlachd ann an aingidheachd, agus cha chòmhnuich an t-aingidh maille riut.

5 Cha seas na h-amadain a'd' làthair: is fuath leat luchd-deanamh an uile.

6 Sgrìosaidh tu luchd-labhairt bhreug: is gràin leis an Tighearn an duine fuilcachdach agus cealgach.

7 Ach air mo shon-sa, ann an lìonmhoir-eachd do thrèc air, thig mi steach do d'



thigh; sleuchdaidh mi aig do theampull naomh, ann ad cagal.

8 A Thighearna, treòraich mi ann ad fhùreantachd: air sgàth mo naimhdean, dean do shlighe dìreach romham:

9 Oir cha-n'èil eachd 'n am beul; is tur aingidheachd e an taobh a stigh dhiubh; is uaigh fhosgailte an sgornan; ni iad mìodal le 'n teangaidh.

10 Sgrìos iad, a Dhé; tuiteadh iad le'n comhairle féin: air son lìonmhoircachd an cuceartan tilg a mach iad; oir rinn iad ceannaire a'd' aghaidh.

11 Ach deanadh iadsan uile aoibhneas a chuireas an dòigh annad: gu bràth deanadh iad iolach, a chionn gu'n dìon thu iad: agus deanadh iadsan luathghaire annad, leis an ionmhuinn d'aime.

12 Oir beannaichidh tusa am firean, a Thighearna: le deadh-ghèan cuartichidh tu e, mar le sgéith.

### SALM VI.

1 'N a theantachd rinn Daibhidh gearan ri Dia. 8 Chuir e a dhòchas, agus rinn e geardeachas, ann an tròcair an Tighearna.

Do'n àrd fhear-ciùil air Neginot air Seminit. Salm le Daibhidh.

**A** THIGHEARNA, ann ad chorruich na cronuich mi, agus ann ad fheirg na smachdaich mi.

2 Gabh truas dhom, a Thighearn', oir tha mi lag: slànuih mi, a Thighearn', oir tha mi gunàmhan air an cràdh;

3 Agus tha m'anam air a chràdh gu mòr: ach thusa, a Thighearna, cia fhad?

4 Pill, a Thighearna, fuasgail m'anam: saor mi, air sgàth do thròcair.

5 Oir anns a' bhàs cha-n'èil cuimlme ort: anns an uaigh cò a bheir dhuit cliù?

6 Tha mi sgìth le m'osnaich; ré na h-oidhche tha mi 'cur mo leabaidh air snàmh; le m' dheuraibh uisgicheam m'uirigh.

7 Caithear le dubhachas mo shùil; fàsaidh i sean, air son m'cascairdean gu léir.

8 Imichibh nam, sibhe uile a luchd-deanamh na h-cuceirt, oir chual' an Tighearn guth mo chaoidh.

9 Chual' an Tighearn m'athchuinge; gabhaidh an Tighearn ri m'urnuigh.

10 Cuirear gu nàire agus gu mòr amhluaidh mo naimhdean gu léir: pillcadh iad, cuirear gu h-obann gu nàire iad.

### SALM VII.

1 Ghuidh Daibhidh air Dia gu'n saoradh se e o làmh a naimhdean. 9 Tha e a' nochdadh tig' an dearbh Dia criùhe an duine, agus gu'n tig an t-aingidh gu bochdainn.

Sigaion le Daibhidh, a sheinn e do'n Tighearn, thaobh bhriathar Chuis a' Bheniaminich.

**A** THIGHEARNA mo Dhia, annad cuircam mo dhòigh: saor mi uathas an uile a tha'n tòir orm, agus teasairg mi:

2 Air cagal mar leòmhnan gu'n reub e m'anam, 'g a liodairt, gun neach a shaoras.

3 A Thighearna mo Dhia, ma rinn mi so; ma tha lochd a'm' làmhnan;

4 Ma dh'ìoe mi òle do'n fhear a bha 'an sìth rium, no ma rinn mi foirneart air-san a bha 'n a eascairid domh gun aobhar;

5 Geur-leanadh an nàmhaid m'anam, agus glacadh se e, agus saltradh e mo bheatha gu làr, agus leagadh e mo chliù 's an duslach. Selah.

6 Eirich, a Thighearn', a'd' fheirg; tog suas thu féin air son corruich mo naimhdean; agus mosgail air mo shon chum na breth a dh'èithn thu.

7 An sin cuartichidh coimhthional an t-sluaigh thu; air an son-san uime sin pill gu h-ionad àrd.

8 Bheir an Tighearn breth air an t-sluaigh: thoir breth orm, a Thighearn', a réir m'fhir-eantachd, agus a réir m'ionracais a tha annam.

9 Thigeadh crìoch air aingidheachd nan aingidh; ach daingnich thusa am firean: oir dearbhaidh tu na cridheachan agus na h-àirnean, a Dhé chothuromaich.

10 Is e Dia mo sgiath, a shaoras iadsan a tha ceart ann an cridhe.

11 Is breitheamh cothuromach Dia, agus bithidh Dia ann am feirg ris a' chiontach gach là.

12 Mur pill e, geuraichidh e a chlaidheamh: chuir e a bhogha air lagh, agus dheasaich se e.

13 Agus dh'ulluich e air a shon innil bàis: dhealbh e a shaighdean an aghaidh luchd-geur-leamhuinn.

14 Feuch, tha e ri saothair le h-cuceart; ghin e òle, agus rug e breug.

15 Dh'fhosgail e slochd, agus chladhaich se e, agus thuit e féin anns a' chlais a rinn e.

16 Pillidh 'òle air a cheann féin, agus thig 'fhoirneart a nuas air a chlaiginn féin.

17 Molaidh mise an Tighearn a réir a cheartais; agus seinnidh mi cliù do ainm an Tighearn' a's rò àirde.

### SALM VIII.

1 Tha glòir Dhé air a h-àrdachadh le oibribh iongantach a làmh, 5 agus le 'mhaitheas do mhac an duine.

Do'n àrd fhear-ciùil air Gitit. Salm le Daibhidh.

**O** IEHOBAH ar Tighearna, cia òirdheire d'ainm air feadh na talmhainn uile? a shocrach do ghlòir os ceann nan nàmh.

2 A beul naoidhean agus chiochran dh'òrd- uich thu neart, air son do naimhdean, chum gu'n coisgeadh tu an nàmhaid agus an dioghaltach.

3 'N uair a dh'amhairceas mi air do nàmhnan, obair do mheur; air a' ghealaich agus na reultaibh, a shuidhich thu;

4 Cò e an duine gu'm bitheadh tusa cuimhneachail air, agus naic an duine gu'm fiosraicheadh tu e?

## SALM IX, X.

5 Rinn thu e beagan ni b'isle na na h-aingil, agus chrùn thu e le glòir agus le h-urram.

6 Thug thu uachdaranachd dha os cionn oibre do làmh: chuir thu gach ni fo 'chos-aibh;

7 Caoraich agus buar uile, agus mar an ceudna ainmhidhean na macharach;

8 Eunlaith nan speur, agus iasg na mara, a shiubhlas air slighibh nan cuan.

9 O Iehobhah, ar Tighearna, cia dìrdheire d'ainm air feadh na talmhainn uile?

## SALM IX.

1 *Mhol Daibhidh an Tighearn do Urrigh gu'n d'fhog e breth air a naimhidh. 13 Ghuidh e gu'n deanadh Dia tròcair air 'n a àmhghar, agus gu'n saoradh e an t-ainnis á làmh an aingidh.*

Do'n àrd fhear-cinil air Mut-laben. Salm le Daibhidh.

**M**OLAIDH mi thu, a Thighearna, le m'uile chridhe; cuiridh mi'n céill d'oibre iongantach gu léir.

2 Ni mi aoibhneas agus gairdeachas annad; seinnidh mi cliu do d'ainm, O'Thi a's àirde.

3 'N uair a phillear mo naimhdean air an ais, tuitidh iad agus théid as doibh a'd' fhianuis:

4 Oir sheas thu dhomh mo chòir agus mo chúis: shuidh thu air do rìgh-chaitheir, a' toirt breth le ceartas.

5 Smachdaich thu na cinnich, sgrios thu na h-aingidh; chuir thu as d'an ainm gu saoghal nan saoghal.

6 Chaidh crìoch air sgrios an nàmhaid am feasd; leag thu sìos am bailtean mòra: théid as d'an cuimhne maille riù féin.

7 Ach mairidh an Tighearn gu sìorruidh: dheasaich e a rìgh-chaitheir chum breitheanas.

8 Agus bheir esan breth air an t-saoghal ann am fireantachd, ni e breitheanas do'n t-sluagh ann an ceartas.

9 Agus bithidh an Tighearn 'n a dhaingneach do'n ti a shàruichear, 'n a dhaingneach ann an aimsiribh teanntachd.

10 Agus cuiridh iadsan d'an aithne d'ainm an dògh annad: oir cha tréig thusa, a Thighearn', iadsan a dh'iarras thu.

11 Seinnibh cliu do'n Tighearn a chòmhluicheadh ann an Sion; aithrisibh am measg nan cinneach a ghnòmaran.

12 'N uair a ni e rammsachadh air son fola, cuimhnichidh e orra: cha dì-chuimhnich e glaoth nam bochd.

13 Dean tròcair orm, a Thighearna: amhaire air m'àmhghar a tha mi 'fulang uatha-san le'm fuathach mi, O thusa a tha ga m' thogail suas o gheataibh a' bhàis;

14 Chum gu foillsich mi do chliu uile ann an geataibh nighinn Shìoin: ni mi gairdeachas ann ad shlàinte.

15 Thuit na cinnich sìos anns an t-slochd

a rinn iad: anns an 'lìon a dh'fholaich iad, chaidh an cos féin 'an sàs.

16 Aithnichear an Tighearn 's a' bhreitheanas a rinn e: ann an gnìomh a làmh féin ribear an t-aingidh. Higaion. Selah.

17 Cuirear na h-aingidh gu h-ìfrinn, na cinnich uile nach cuimhnich Dia.

18 Oir cha dì-chuimhnichear an t-ainnis gu bràth; cha téid as do dhòchas nam bochd gu sìorruidh.

19 Eirich, a Thighearna, na buadhaicheadh duine; thugar breth air na cinnich a'd' fhianuis.

20 Cuir, a Thighearn', eagal orra; chum gu'n aithnich na cinnich nach 'eil annta féin ach daoine. Selah.

## SALM X.

1 *Tha Daibhidh a' nochdadh gu bheil slighean nan aingidh doilgheasach an còmhuidh. 12 Cuidichidh Dia leis an duine bochd, 14 agus cumaidh e ceartas ris an dilleachdan.*

**C**'AR son, a Thighearn', a sheasas tu fad o làmh? a dh'fholaicheas tu thm féin ann an aimsiribh teanntachd?

2 'N a uabhar geur-leanaidh an t-aingidh am bochd: glacar iad 's na h-inleachdaibh a dhealbhadh.

3 Oir ni an t-aingidh ràiteachas á miann a chridhe; agus molaidh e an duine sanntach, a's beag air Dia.

4 Ann an uabhar a ghmùise cha-n iarr an t-aingidh Dia: cha-n'eil Dia 'n a uile smuaintibh.

5 Tha a shlighean doilgheasach anns gach àm; tha do bhreitheanas àrd as a shealladh: thaobh a naimhdean uile, ni e tarchuis orra.

6 Thubhairt e 'n a chridhe, Cha ghluais-eair mi; gu bràth cha bhi mi ann an àmhghar.

7 Tha a bheul làn de mhallachadh, agus de chéig, agus de mhealltaireachd: fo 'theangaidh tha donas agus dìomhanas.

8 Suidhidh e ann an ionadaibh-folaich nam bailtean beaga; ann an àitibh dìomhair mortaidh e an neò-chiontach: tha a shùilean ann an uaignidheas a' dearcadh air a' bhochd.

9 Ni e feall-fholach gu dìomhair, mar leòmhann 'n a gharaidh: ni e feall-fholach chum gu'n glac e an duine bochd: glacaidh e an duine bochd, 'g a tharruing 'n a lìon.

10 Crùbaidh e, cromaidh e sìos, agus tuitidh am bochd le 'dhaoinibh làidir.

11 Thubhairt e 'n a chridhe, Dhì-chuimhnich Dia: dh'fholaich e a ghmùis; cha léir dha sud am feasd.

12 Eirich, a Thighearna Dhé, tog suas do làmh: na dì-chuimhnich na daoine bochda.

13 'Car son a rinn an t-aingidh tàir air Dia? a thubhairt e 'n a chridhe, Cha-n iarr thu e?

14 Chunnaic thu e; oir is léir dhuib donas agus mì-run, chum an dìoladh le d' làmh:



ortsa fàgaidh an duine bochd e féin; is tu fear-cuideachaidh an dilleachdain.

15 Bris thusa gairdean an aingidh, agus an droch dhuine; rannsaich a mach 'aingidh-eachd gus nach faigh thu *i*.

16 *Tha'n* Tighearn 'n a Rìgh gu saoghal nan saoghal: sgriosadh na cinnich a mach as a thìr.

17 A Thighearna, chuala tu miann nan daoine bochda: deasaichidh tu an cridhe; bheir thu air do chluais éisdeachd.

18 A chumail ceirt ris an dilleachdan agus ris an truaghan, chum nach dean duine o'n ùir foirneart ni's mò.

## SALM XI.

1 *Chuir Daibhidh a dhòchas ann an Dia. 4 Freasdal agus ceartas an Uile-chumhachdaich.*

Do'n àrd fhear-ciùil. Salm le Daibhidh.

**A**S an Tighearn carbam: c'ar son a their sibh ri m'anam, Teich as mar eun, gu d' shliabh?

2 Oir feuch, chuir na h-aingidh bogha air lagh; ghleus iad an saighead air sreing, chum tilgeadh 's an dorch a orra-san a tha ceart 'n an cridhe.

3 Ma sgriosar na bunaitean, ciod a ni am firean?

4 *Tha'n* Tighearn 'n a theampull naomh; *tha* rìgh-chaithir an Tighearn' anns na nèamhan: chi a shùilean, rannsaichidh a rosgan clann nan daoine.

5 Rannsaichidh an Tighearn am firean; ach an t-aingidh, agus esan a thug spéis do fhoirneart, is fuath le 'anam.

6 Frasaidd e air na h-aingidh, ribeachan, teine agus pronnuse, agus doinionn uamhasach, mar chuibhrionn an cupain.

7 Oir is ionmhuinn leis an Tighearn cheart ceartas: amhaireidh a ghuais air an duine ionraic.

## SALM XII.

1 *Dh'iarr Daibhidh còmhnaidh o Dhia. 3 Tha e a' gabhail misnich dha féin do bhrìgh gu'n toir Dia an t-aingidh gu breitheanas, agus gu'n teasairg e na h-ionracain.*

Do'n àrd fhear-ciùil air Seminit. Salm le Daibhidh.

**C**UIDICH *leam*, a Thighearn', oir cha-n'èil duine diadhaidh ann; oir theirig na h-ionraic o mheasg chloinn nan daoine.

2 Labhraidh iad dìomhanas gach neach r'a choimhearsnach: *le* bilibh miodalach, le cridhe dùbailte labhraidh iad.

3 Sgathaidh an Tighearn na bilean miodalach uile, an teangadh a labhras *nithean* mòra;

4 Iadsan a thubhairt, Le'r teangaidh buaidhichidh sinn; *is* leinn féin ar bilean: cò a *tha* 'n a thighearn' os ar ceann?

5 Air son fòirneirt nam bochd, air son osnaich nan ainmis, a nis éiridh mi, ars' an Tighearn: cuiridh mi e ann an t'èaruint-eachd *uaithe-san* a bhagras 'n a aghaidh.

6 *Is* briathran fìor-ghlan briathran an Tighearna; *mar* airgiod air a dhearbhadh ann an àmhuinn chreadha, air a ghlanadh seachd uairean.

7 Gleidhidh tusa sinn, a Thighearna; dìonaiddh tu sinn o'n ghinealach so gu bràth.

8 Gluaisidh na h-aingidh air gach taobh, 'n uair a dh'arduichear iadsan a's suaraiche de chloinn nan daoine.

## SALM XIII.

1 *Tha' Daibhidh a' caoidh gu'n do dhì-chuimhnich Dia e: 3 a' guidhe gu'n soillsicheadh e 'inntinn: 5 agus ag carbsadh ri slàinte o thròcair an Tighearna.*

Do'n àrd fhear-ciùil. Salm le Daibhidh.

**C**IA fhad, a Thighearn', a dhì-chuimhnichas tu mi? an ann gu bràth? Cia fhad a dh'fholaichas tu do ghnùis uam?

2 Cia fhad a ghabhas mi comhairle ann am anam, bròn ann am chridhe gach là? Cia fhad a dh'arduichear mo nàmhaid os mo cheann?

3 Amhaire orm, éisd rium, a Thighearna mo Dhia: soillsich mo shùilean, air eagal gu'n coidil mi chum bàis:

4 Air eagal gu'n abair mo nàmhaid, Bhuaidhaich mi 'n a aghaidh; gu'n dean m'cascairdean gairdeachas an uair a dh'aomar mi.

5 Ach dh'earb mise á do thròcair; ni mo chridhe gairdeachas ann ad shlàinte.

6 Seinnidh mi do'n Tighearn, a chionn gu'n do bhuin e rium gu fial: [agus seinnidh mi cliu do ainm an Tighearn' a's ro àirde.]

## SALM XIV.

1 *Chuir Daibhidh 'an cèll truaidhidheachd a' chuime-daoine: 4 agus dhearbhadh e 'chàis an aghaidh nan aingidh o sholus an coguise féin.*

Do'n àrd fhear-ciùil. Salm le Daibhidh.

**T**HUBHAIRT an t-amadan 'n a chridhe, *Tha-n'èil* Dia ann. *Tha* iad truaidhidh; rinn iad oibre gràineil; cha-n'èil neach ann a ni maith.

2 Dh'amhaire an Tighearn a nuas o nèamh air cloinn nan daoine, a dh'fheuchainn an robh neach ann a bha glie, a bha 'g iarraidh Dhé.

3 Chlaon iad uile; *tha* iad gu léir air fàs salach: cha-n'èil neach ann a ni maith, cha-n'èil eadhon aon.

4 Nach 'èil còlas aca-san uile a tha 'dean-amh na h-eucorach, a tha 'g itheadh suas mo shluaigh, *mar* a dh'itheadh iad aran, agus nach gairm air an Tighearn?

5 An sin gabhadh iad eagal mòr, a chionn gu *bheil* Dia ann an ginealach nam firean.

6 Nàirich iad comhairle an duine blochd, a chionn gur e'n Tighearn a thearmunn.

7 O gu'n tigeadh slàinte Israeil a mach á Sion! An uair a bheir an Tighearn air ais braighdeanas a shluaigh, ni Iacob gairdeachas, ni Israel aoibhneas.

## SALM XV.

1 Còmhnuichidh an t-ionracan, agus an neach a labhras an fhàirinn 'n a chridhe, ann an pàillion Dhé.

Salm le Daibhidh.

**A** THIGHEARNA, cò 'dh'fhanas ann ad phàillion? cò 'chòmhluicheadh air do shliabh naomh?

2 Esan a ghluaiscas gu h-ionraic, agus a ni ceartas, agus a labhras an fhàirinn 'n a chridhe:

3 Nach dean cùl-chàineadh le 'theangaidh, nach dean ole d'a charaid, agus nach tog droch seùl air a chòimhearsnach:

4 Leis an suarach an droch dhuine, ach a bheir urram dhoibhsan air am bi eagal an Tighearn'; a mhionnaicheas chum a chall-daich féin, agus nach atharraich:

5 Nach cuir 'airgid a mach air ocar, agus nach gabh duais an aghaidh an neò-chiontaich. Esan a ni na nithean sin, cha ghluaiscar gu bràth e.

## SALM XVI.

1 *Tha Daibhidh a' cur a dhòigh ann an Dia: 4 a' gabhail gràin de luchd iodhol-aoraidh; 8 agus a' deanamh gairdeachais do bhrìgh gu bheil dòchas aig ann an aiseiridh o na mairbh.*

Michtam le Daibhidh.

**G**LEIDH mi, a Dhé, oir chuir mi mo dhòigh annad.

2 Thubhairt mi ri Iehobhah, *Is* tu mo Thighearn: cha *ruig* mo mhaithreas ortsa.

3 A thaobh nan naomh a *tha* air thalamh, agus nam flath; *tha* mo thlachd uile anna.

4 Meudaichear an doilgheasan dhoibhsan a ni deifir an déigh *dhiathan* eile: cha-n iobair mi an iobairtean-dibhe de fhuil, agus cha luaidh mi air an ainmibh le m' bhlilbh.

5 *Is* e an Tighearn cuibhrionn m'òighreachd agus mo chupain: is tusa a chumas suas mo chrannchur.

6 Thuit mo chrannchur dhomhsa ann an ionadaibh aoibhneach; seadh, *tha* oighreachd thaitneach agam.

7 Beannaichidh mise an Tighearn, a thug comhairleorm: *tha* m'airnean mar an ceudna 'g am theagasg 'an àm na h-oidheche.

8 Chuir mi an Tighearn romham a ghnàth: a chionn gu *bheil* e air mo dheas làimh, cha ghluaisear mi.

9 Uime sin ni mo chridhe aoibhneas, agus ni mo ghlòir gairdeachas: gabhaidh m'fheoil mar an ceudna fois ann an dòchas.

10 Oir cha-n fhàg thu m'anam anns an uaigh: cha leig thu le d'aon naomh truaidheachd fhàicinn.

11 Feuchaidh tu dhomh slighe na beatha: *tha* lànachd aoibhneis a'd làthair-sa: *tha* mòr shubhachas aig do dheas làimh gu sìorruidh.

## SALM XVII.

1 *Chuir Daibhidh 'an cèll ionracas a chridhe féin, 8 agus ghuidh e gu'n teasairgeadh Dia e o ghlòis nan aingidh.*

Urnuigh le Daibhidh.

**E**ISD ri ceartas, a Thighearna, tabhair aire do m' ghlaodh; cluinn m'urnuigh, a *thig a mach* cha-n ann o bhlilbh cealgach.

2 O d'fhianuis thigeadh mo bhreth: faiccadh do shùilean nithean cothromach.

3 Dhearbh thu mo chridhe; dh'fhiosraich thu *mi*'s an oidheche; rannsaich thu mi, cha d'fhuair thu a *bheag*: is e mo rùn nach ciontaich mo bheul.

4 A thaobh ghnìomharan dhaoine, le focal do bhilean sheachainn mi ceuman a' mhillteir.

5 Cum suas mo cheuman ann ad shlighean, chum nach sleamhuich mo chosan.

6 Ghairm mi ort, oir éisdidh tu rium, a Dhé; aom do chluas a'm' ionnsuidh, cluinn mo chainnt.

7 Taisbein do chaoimhneas iongantach, O thusa a shaoras, le d' dheas làimh, iadsan a dh'earbas asad uatha-san a dh'éireas suas 'n an aghaidh.

8 Gléidh mi mar chloich na sùla, fo sgàile do sgiathan foluich mi.

9 O ghlòis nan droch dhaoine a tha ri foirneart orra, naimhdean m'anama a tha ga m' chuairteachadh air gach taobh.

10 'N an saill tha iad air an druidealh suas; le'm beul labhraidh iad gu h-uabhair.

11 'N ar ceum a nis chuairtich iad sinn: shuidhich iad an sùilean, a' cromadh sìos gu làr.

12 Cosmhuil ri leòmhann a tha gionach chum cobhartaich, agus ri leòmhann òg a' feitheamh ann an ionadaibh dìomhair.

13 Éirich, a Thighearna, cuir roimhe, leag sìos e, saor m'anam o'n aingidh le d' chlaidheamh.

14 O dhaoineibh le d' làimh, a Thighearn', o dhaoineibh an t-saoghail, *d'am bheil* an cuibhrionn 's a' bhleatha so, agus d'an do lion thu am brù le d'ionmhas foluichte: sàsuichear an clann, agus fagaidh iad am fuigheall d'an naoidheanaibh.

15 Air mo shon-sa, ann am fireantachd chi mi do ghlòis: sàsuichear mi, 'n uair a dhùisgeas mi, le d' choslas.

## SALM XVIII.

1 *Laoidh bhuidheachais le Daibhidh air son na saorsa mòir, agus nam beannachdan lionmhor a dhèanaich Dia dhà.*

Do'n àrd fhear-ciuil, [Salm] le Daibhidh, òglach an Tighearn', a labhair ris an Tighearn briathran na laoidh so, 's an là air an do shaor an Tighearn e a' làimh a naimhdean uile, agus a làimh Shaul: agus an dubhairt e,

**G**RADHAICHIDH mi thu, a Thighearna mo neart.



2 *Is* e an Tighearn mo charraig, agus mo dhaingneach, agus m'fhear-saoraidh: mo Dhia, mo chreag anns an cuiream mo dhòchas; mo sgiath, agus adharc mo shlàinte, mo thùr ard.

3 Gairmidh mi air an Tighearn a's airidh air cliu, agus o m' naimhdebh saorai mi.

4 Chuairtich piantan a' bhàis mi, agus chuir tuiltean dhroch dhaoine eagal orm.

5 Chuairtich piantan ifrinn mi; ghabh lìontan a' bhàis romham.

6 A'm' éigin ghairm mi air an Tighearn, agus ri m' Dhia ghlaodh mi: chual' e as a theampull mo ghuth, agus thàinig mo ghlaodh 'n a làthair d'a chluasaibh.

7 An sin chrathadh agus chriothnadh an talamh, agus ghluaiseadh bunaitean nam beann agus chrathadh iad, a chionn gu'n robh corruich air.

8 Chaidh deatach suas as a shròin, agus dhian-loisg teine as a bheul: lasadh éibhlean leis.

9 Agus lùb e na nèamhan, agus thuirling e nuas: agus *bha* dorchadas fo a ehosaibh.

10 Agus mharaich e air cherub, agus chaidh e air iteig: agus dh'itealaich e air sgiathaibh na gaoithe.

11 Chuir e dorchadas mar ionad dìomhair mu'n cnairt air: *bu* phàillion da, duibhre uisgeachan, neoil nan speur.

12 O'n dealradh a bha fa'chomhair chaidh a neoil thairis; clachan-meallain agus éibhlean teine.

13 Agus rinn an Tighearn tairneanach 's na speuraibh, agus chuir an Tì a's àirde a mach a ghuth.

14 Agus chuir e mach a shaighdean, agus sgap e iad; agus thilg e mòran tein'-athair, agus chlaoidh e iad.

15 Agus chunnacas aigein nan uisge, agus nochdadh bunaitean an domhain, le d' a'chmhasan-sa, a Thighearna, le séideadh anail d'fheirge.

16 Chuir e nuas o'n àirde, ghlac e mi, tharruing e mi á h-uisgeachaibh lìon-mhor.

17 Shaor e mi o m' nàmhaid làidir, agus uatha-san a dh'fhuathaich mi; oir bu treise iad na mise.

18 Ghabh iad romham ann an là m'àmhaighair: ach bha'n Tighearn 'n a chùl-taice dhomh.

19 Agus thug e mach mi gu ionad farsuinn: shaor e mi, a chionn gu'n do ghabh e clach annam.

20 Thug an Tighearn luigheachd dhomh a réir m'ionracais: a réir gloine mo làmh dhìol e dhomh.

21 Oir ghléidh mi slighean an Tighearn', agus cha do chlaon mi gu h-aingidh o m' Dhia.

22 Oir *bha* a bhreitheanais uile a'm' fhianuis; agus a reachdan cha do chuir mi uam.

23 Agus bha mi ionraic 'n a fhianuis, agus ghléidh mi mi féin o m' aingidheachd.

24 Uime sin dhìol an Tighearn dhomh a réir m'ionracais, a réir gloine mo làmh ann an sealladh a shùl.

25 Do'n duine thròcaireach nochdaidh tu thu féin tròcaireach; do'n duine ionraic nochdaidh tu thu féin ionraic.

26 Do'n duine ghlan nochdaidh tu thu féin glan; agus do'n duine reasgach nochdaidh tu thu féin reasgach.

27 Oir saoraidh tu an sluagh a tha fo àmhghar; ach na sùilean àrda bheir thu nuas.

28 Oir lasaidh tusa mo lòchran, a Thighearna: soillsichidh mo Dhia mo dhorchadas.

29 Oir leatsa ruith mi troimh bhuidhinn; agus le m' Dhia leum mi thar balla.

30 *A thaobh* Dhé, *tha* a shlighe iomlan: *tha* focal an Tighearn' air a dhearbhadh: *is* sgiath e dhoibhsan uile a chuireas an dòchas ann.

31 Oir cò *a's* Dia ann ach an Tighearn? agus cò *a's* carraig ann ach ar Dia-ne?

32 *Is* e Dia a tha 'g am chrioslachadh le neart, agus a' deanamh mo shlighe iomlan.

33 *Tha* e 'deanamh mo chos mar *chosaibh* éilde, agus ga m' shocrachadh air m'aitibh àrda.

34 *Tha* e a' teagasg mo làmh gu cath, air chor as gu'm briscar bogha umha le m' ghairdeinibh.

35 Agus thug thu dhomh sgiath do shlàinte: agus chum do dheas làmh suas mi, agus rinn do chaoimhneas mòr mi.

36 Rinn thu mo cheuman farsuinn fodham, air chor as nach do shleamhuich mo chosan.

37 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

38 Lot mi iad, agus cha bhi e 'n comas doibh éirigh; thuit iad fo m' chosaibh.

39 Oir chrioslaich thu mi le neart chum catha: leag thu sìos fodham iadsan a dh'éirich suas a'm' aghaidh.

40 Agus thug thu dhomh mo naimhdean air mhuineal; iadsan a dh'fhuathaich mi, agus ghearr mi as iad.

41 Ghlaodh iad, ach cha *robh* fear-saoraidh ann; *eadhon* air an Tighearn, ach cha do fhreagair e iad.

42 An sin mhìn-phronn mi iad mar dhuslach fa chomhair na gaoithe: mar chlàbar nan sràid bhrùth mi iad.

43 Shaor thu mi o chomh-strì an t-sluaigh; rinn thu mi a'm' cheann air na cinnich: ni sluagh nach b'aithe dhomh, seirbhis domh.

44 Co luath 's a chluinneas iad, géillidh iad dhomh: stròchdaidh coigrich dhomh.

45 Seargaidh coigrich as, agus bithidh eagal orra mach as an àitibh-daingne.

46 *Is* bed an Tighearn, agus gu ma beann-

## SALM XIX-XXI.

aichte mo charraig-sa! agus air 'àrdachadh gu robh Dia mo shlàinte!

47 *Is e* Dia nì dìoghaltas air mo shon, agus a chuireas an sluagh fodham;

48 A shaoras mi o m' naimh-dibh. Seadh, os an ceann-san a dh'èireas suas a'm aghaidh togaidh tusa suas mi: o fhear an ainneirt saoraidh tu mi.

49 Uime sin cliùthaichidh mi thu, a Thighearn', am measg nan cinneach, agus seinnidh mi do d'ainm.

50 Bheir esan saorsa mhòr d'a rìgh, agus nochdaidh e trècair d'a aon ungta fèin, do Dhaibhidh agus d'a shliochd gu bràth.

### SALM XIX.

1 *Tha oibre Dhé's na nèamhan a' cur an cèill glòir 'an Cruithfir.* 7 *Oirdheircas lagha Dhé.* 12 *Ghuidh Daibhidh gu'n glanadh Dia e o pheacaidhean dhomhair agus dānadais.*

Do'n àrd fhear-ciùil. Salm le Daibhidh.

**C**UIRIDH na nèamhan an cèill glòir Dhé, agus nochdaidh na speuran gnìomh a làmh.

2 Tha là a' deanamh sgeòil do là, agus oidhche a' foillseachadh eòlais a dh'oidhche.

3 Cha-nèil cainnt, cha-nèil briathran, anns nach cluinnear an guth.

4 Air feadh na talmhainn uile chaidh am fuaim a mach, agus am focail gu h-ìomall an domhain.

5 Do'n ghréin chuir e pàillinn anna; agus tha i mar nuadh fhear-pòsda a' teachd a mach á 'sheòmar; nì i gairdeachas mar ghaisgeach a' ruith 'n a shlighe.

6 Tha a dol a mach o chrich nan spur, agus a cuairt gu ruig an crìochan; agus cha-nèil nì air bith a dh'fhòlaichear o a teas.

7 *Is* iomlan lagh an Tighearn', ag iompachadh an anama; tha fianuis an Tighearna cinnteach, a' deanamh a' bhaoghalta glic.

8 Tha reachdan an Tighearna ceart, a' deanamh a' chridhe aoibhneach; tha àithne an Tighearna glan, a' soillseachadh nan sùl.

9 Tha cagal an Tighearna fìor-ghlan, a' marsuim am feasd; *is* fìrinn breitheanais an Tighearna; tha iad gu h-ìomlan cothromach.

10 Nì's mòr 'an iarraidh tha iad na'n t-òr, seadh, na mòran de'n òr fhìor-ghlan; agus nì's mìlse na a' mhill, seadh, na a' mhill a shileas as na cìribh-meala.

11 Os bàrr, tha do sheirbhiseach a' faot-aimm rhabaidh uatha: 'n an coimhead tha mòr dhuais.

12 Cò a thuigeas a sheacharain? o *lochdaibh* diomhair glan thusa mi.

13 Mar an ceudna o *pheacaibh* dānadais cum air ais d'òglach; na bitheadh àrd-cheannas aca orm: an sin bithidh mi ion-raic, agus bithidh mi neò-chiontach o eusantas mòr.

14 Bitheadh briathran mo bheoil, agus smuaintean mo chridhe, taitneach a'd' làthair, a Thighearna, mo charraig, agus m'fhear-saoraidh.

### SALM XX.

1 *Urnuigh air son tèaruinteachd ann an là teanntachd.* 6 *Tha Daibhidh a' cur 'an cèill gu'n saor Dia 'aon ungta le neart-saoraidh a dheas làimh.*

Do'n àrd fhear-ciùil. Salm le Daibhidh.

**C**U'N éisdeadh an Tighearn riut ann an là teanntachd! gu'n cumadh ainm Dhé Iacoib suas thu!

2 Gu'n cuireadh e cabhair thugad as 'ionad naomh! agus á Sion gu neartaicheadh o thu!

3 Gu'n cuimhnichheadh e do thabhartasan uile, agus gu'n gabhadh e gu taitneach uait d'ìobairt-loisgte! Selah.

4 Gu'n tugadh e dhuit a réir do chridhe fèin, agus gu'n coimhlionadh e do chomhairle uile!

5 Nì sinne aoibhneas ann ad shlàinte, agus ann an ainm ar Dia-ne togaidh sinn suas ar bratach. Gu'n coimhlionadh Dia d'iarr-tuis uile!

6 A nìs tha fios agam gu'n saor an Tigh earn 'aon ungta fèin: éisidh e ris o nèamh an a naomhachd, le neart-saoraidh a dheas làimh.

7 Earbaidh cuid á carbadaibh, agus cuid á h-eachaibh; ach cuimhnichidh sinne ainm an Tighearn' ar Dé.

8 Dh'fhicheadh iadsan, agus thuit iad; ach dh'èirich sinne, agus sheas sinn.

9 Saor an rìgh, a Thighearna; agus éisd ruinn 's an uair a ghairmeas sinn.

### SALM XXI.

1 *Laoidh bhuidheachais le Daibhidh air son maitheis Dhé d'a thaoibh.* 7 *Sgrìosaidh an Tighearn iadsan le'm fuathach e.*

Do'n àrd fhear-ciùil. Salm le Daibhidh.

**A**NN ad neart, a Thighearna, nì an rìgh aoibhneas; agus ann ad shlainte cia mòr an gairdeachas a nì e?

2 Miann a chridhe thug thu dha; agus ath-chuinge a bhilean cha do dhiùlt thu dha. Selah.

3 Oir ghabh thu roimhe le beannachadh do mhaithais; chuir thu m'a cheann coron a dh'òr fìor-ghlan.

4 Dh'ìarr e beatha ort: thug thu dha fad làithean gu saoghal nan saoghal.

5 *Is* mòr a ghloir trid do shlàinte-sa: urram agus mòralachd chuir thu air.

6 Oir rinn thu e ro bheannaichte gu bràth; rinn thu e ro aoibhneach le d' ghnùis.

7 Oir carbaidh an rìgh as an Tighearn; agus trid thrècair an Tì a's àirde, cha ghluaiscar e.

8 Gheibh do làmh a mach do naimhdean uile; gheibh do dheas làmh a mach iadsan le'm fuathach thu.



## SALM XXII, XXIII.

9 Ni thu iad mar àmhainn theintich ann an àm d'fheirge: sluigidh an Tighearn sìos iad 'n a chorruich, agus caithidh an teine iad.

10 An toradh sgriosaidh tu o'n talamh, agus an slieòid o chloinn nan daoine.

11 Oir dhealbhadh olea d'aghaidh; smuainich iad droch smuaintean, nach b'urrainn iad a choimhleadh.

12 Uime sin bheir thu orra an cùl a thionndadh; air sreangaibh do bhogha gleusaidh tu do shaighdean 'n an aghaidh.

13 Bi air d'ardachadh, a Thighearn', ann ad neart: seinnidh sinne agus molaidh sinn do chumhachd.

### SALM XXII.

1' *N a theanntachd ghairm Daibhidh air Dia, 6 agus leig e ris da an trioblaid a thàinig air.*

22 *Gheall e buidheachas follaiseach agus cliù a thabhairt da.*

Do'n àrd fhear-ciùil air Ailet-sachar. Salm le Daibhidh.

**M**O Dhia, mo Dhia, c'ar son a thréig thu mi? fad' o m'ghlaoth, o bhriathraibh mo bhùiridh.

2 O mo Dhia! gairmcam anns an là, ach cha fhreagair thu; agus anns an oidhche, ach cha'n eil fois agam.

3 Ach *tha* thusa naomh, a'd' chòmhnuidh far am bheil cliù Israeil.

4 Asadsa dh'earb ar n-aithrichean; dh'earb iad, agus shaor thu iad.

5 Riutsa ghlaoth iad, agus theasairgeadh iad; asadsa dh'earb iad, agus cha robh nàire orra.

6 Ach *is* enuimh mise, agus cha duine; maslath dhaoine, agus tàir an t-shaigh.

7 Ni iadsan uile a ehi mi, gàire-fanoid rium; easaidh iad am beul, crathaidh iad an ceann, *ag ràdh*,

8 Chuir e a dhòigh anns an Tighearn, fuasgladh e air; saoradh se e, a chiunn gu bheil tlachd aige ann.

9 Ach *is* tusa an Ti a thug a mach as a' bhroinn mi; *bu* tu aobhar mo dhòchais, air cìh mo mhàthar.

10 Orta thilgeadh mi o'n bhroinn; o bhroinn mo mhàthar *is* tusa mo Dhia.

11 Na bi-sa fada uam, oir *tha* àmhghar dlùth dhomh, agus gun neach ann gu m' ehuideachadh.

12 Chuairtich mòran tharbh mi; dh'iadh *tairbh* làidir Bhàsain umam.

13 Dh'fhosgail iad orm am beul, mar leòman reubach agus beucach.

14 Mar uisge dhòirteadh mach mi, agus sgàin mo ehnàmhann uile o'chèile: tha mo chridhe mar chéir, air leaghadh ann am meadhon mo ehnim.

15 Air tiormachadh mar shoitheach ecreadha tha mo neart; agus *tha* mo theangadh a' leantuinn ri m' ghial; agus gu h-ùir a' bhàis thug thu mi.

16 Oir chuairtich madraidh mi; dh'iadh

coimhthional dhroch dhaoine umam: lot iad mo làmhann agus mo ehsan.

17 Feudaigh mi mo ehnàmhann uile àireamh: tha iadsan a' sealltuinn, tha iad a' geur-amharc orm.

18 Roinn iad mo thrusgan eatorra, agus air mo bhrat thilg iad crannehar.

19 Ach na bi-sa, a Thighearn, fada nam: O thusa mo neart, greas gu m' ehabhair.

20 Teasairg m'anam o'n chlaideamh; m'aon *ghràidh* o neart a' mhadaidh.

21 Saor mi o bheul an leòmhain, agus o adharcaibh nam buabhall teasairg mi.

22 Cuiridh m'in céill d'ainm do m' bhràithribh; ann am meadhon a' choimhthional molaidd mi thu.

23 Sibhse air am bheil eagal Dhé, molaibh e: sibhse uile, a shìol Iacoib, thugaibh glòir dha; agus bitheadh 'eagal-san oirbh, sibhse uile a shìol Israeil.

24 Oir eha do rinn e tàir air, agus cha dc ghabh e gràin de àmhghar an truaghain, agus eha d'fholuich e a ghnùis air; ach an uair a ghlaoth e ris, dh'éisd e.

25 Orta *bithidh* mo mholadh anns a' mhòr choimhthional: mo bhòidean iocaidh mi 'n an làthair-san d'an eagal e.

26 Ithidh na daoine maecanta, agus sà-suichear iad: molaidd iadsan an Tighearn a dh'iarras e: bithidh an cridhe beò gu bràth.

27 Cuimhnichidh air, agus pillidh a dh'ionnsuidh an Tighearn', uile ehirochan na talmhainn; agus strìochdaidh uile theaghlach-eann nan cinneach 'n a làthair.

28 Oir *is* leis an Tighearn an riogachaid; agus *tha* esan 'n a uachdaran air na einnieh.

29 Ithidh daoine reamhra na talmhainn uile, agus ni iad aoradh: 'n a làthair-san sleuchdaidh iadsan uile a thèid sìos do'n duslaeh; oir eha ehum neach 'anam beò.

30 Ni slieòid seirbhìs dha: measar e do'n Tighearn mar ghinealach.

31 Thig iad, agus cuiridh iad 'an céill 'fhìreantachd do'n àl ri teachd, gu'm b'esan a rinn *sud*.

### SALM XXIII.

1 *Dh'earb Daibhidh à freasdal agus à mailheas Dhé.*

Salm le Daibhidh.

**I**S e'n Tighearn mo bhuaehaille: eha bhi mi ann an dìth.

2 Ann an eluainibh glasa bheir e orm luidhe sìos: Rùmh ri h-uisgeachaidh ciùine treòraichidh e mi.

3 Aisigidh e m'anam; treòraichidh e mi air slighibh na fircantachd air sgàth 'ainme féin.

4 Seadh, ged shiubhail mi troimh ghleann sgàile a' bhàis eha bhi eagal uile orm; oir *tha* thusa maille rium: bheir do shlat agus do long comhfhurtachd dhomh.

5 Deasaichidh tu bord fa m' eomhair ann am fianuis mo naimhdean: dh'uing thu le

h-olaidh mo cheann; tha mo chupan a' cur thairis.

6 Gu cinnteach leanaidh maith agus tròcair mi uile làithean mo bheatha; agus còmh-nuichidh mi ann an tigh an Tighearna fad mo làithean.

## SALM XXIV.

1 *Ard-uachdaranachd Dhé os ceann na talmhainn.* 3 *Seasaidh am firean ann an ionad naomh an Tighearna.* 7 *Dol a steach Rìgh na glòire d'a àite-còmhnuidh.*

Salm le Daibhidh.

**I**S leis an Tighearna an talamh, agus a làn; an domhan, agus iadsan a tha 'n an còmhnuidh ann.

2 Oir shuidhich e air na cuantaibh c, agus shocraich e air na sruthaibh e.

3 Cò a théid suas gu sliabh an Tighearna? agus cò a sheasas 'n a ionad naomh-san?

4 Esan aig am bheil làmhnan neò-chiontach agus cridhe glan, nach do thog 'anam ri dìomhanas, agus nach do mhionnaich chum ceilge.

5 Gheibh esan beannachadh o'n Tighearna, agus fireantachd o Dhia a shlàinte.

6 *Is i so ginealach na dream' a dh'iarras e, a dh'iarras do ghnùis, a Dhia Iacob.* Selah.

7 Togaibh, a gheatachan, bhur cinn, agus bitibh air bhur togail suas, a dhorsan sìorruidh; agus thig Rìgh na glòire steach.

8 Cò e so Rìgh na glòire? An Tighearna làidir agus treun, an Tighearna treun ann an cath.

9 Togaibh suas bhur cinn, a gheatachan, agus bitibh air bhur togail suas, a dhorsan sìorruidh, agus thig Rìgh na glòire steach.

10 Cò e so Rìgh na glòire? Tighearna nan slògh, *is esan Rìgh na glòire.* Selah.

## SALM XXV.

1 *Ghuidh Daibhidh gu'n trèoraicheadh Dia e ann an slighe na fìrinn;* 7 *gu'n maitheadh e peacaidhean d'ige;* 16 *agus gu'n deanadh e cabhair air ann an àm a thrioblaid.*

Le Daibhidh.

**R**IUTSA, 'Thighearna, togam m'anam suas.

2 Annadsa, mo Dhia, cuiream mo dhòchas; na nàraichear mi, agus na deanadh mo naimhdean gairdeachas os mo cheann.

3 Seadh, na nàraichear neach sam bith a dh'fheithas ortsa; bitheadh nàire orra-san a chiontaicheas gun aobhar.

4 Nochd dhomh do shlighean, a Thighearna; teagaisg dhomh do cheuman.

5 Trèoraich mi ann ad fhìrinn, agus teagaisg mi; oir *is* tusa Dia mo shlàinte, agus ortsa tha mi 'feitheamh gach là.

6 Cuimhnich do chaoimh thròcairean, a Thighearna, agus do chaoimhneas gràdhach; oir *tha* iad ann o chian nan cian.

7 Peacaidhean m'òige, agus m'eusantaib, na cuimhnich thusa: a réir do thròcair bi-sa

cuimhneachail orm, air sgàth do mhaith-eis, a Thighearna.

8 *Is* maith agus *is* dìreach an Tighearna; uime sin teagaisgidh e peacaich 's an t-slighe.

9 Trèoraichidh e na daoine ciùin' ann am breitheanas; agus teagaisgidh e do na daoineibh ciùin' a shlighe.

10 *Is* tròcair agus fìrinn uile shlighean an Tighearna, dhoibhsana ghlèidheas a choinh-cheangal agus a theisteis.

11 Air sgàth d'ainme, a Thighearna, lugh mo chionta; oir *tha* e mòr.

12 Cò e am fear air am bheil eagal an Tighearna? seòlaidh e esan 's an t-slighe a ròghnuicheas e.

13 Ni 'anam tàmh ann am maith; agus mealaidd a shliochd an tìr.

14 *Tha* rùn an Tighearna' aig an dream d'an eagal e; agus foillsichidh e dhoibh a choinhcheangal.

15 *Tha* mo shùilean a glmàth ris an Tigh-earna; oir bheir esan mo chosan as an lìon.

16 Amhaire orm, agus gabh truas dìom; oir *tha* mi a'm' aonar, agus fo àmhghar.

17 *Tha* teim mo chridhe a' dol 'am meud: o m' àmhgharaibh saor thusa mi.

18 Amhaire air m' àmhghar, agus air mo phéin, agus lugh mo pheacaidhean gu léir.

19 Amhaire air mo naimhdeibh, oir *tha* iad lìonmh; agus le fuath anabarrach *tha* iad ga m' fhuathachadh.

20 Gléidh m'anam, agus saor mi; na leig fo nàire mi, oir chuir mi mo dhòigh annad.

21 Dìonadh ionracas agus ceartas mi; oir *tha* mi 'feitheamh ortsa.

22 Saor Israel, a Dhé, as 'àmgharaibh uile.

## SALM XXVI.

1 *Chuir Daibhidh 'an cèll 'ionracas féin, agus ghuidh e gu'n rannsaicheadh Dia 'airnean agus a chridhe.* 8 *Dh'iarr e 'bhi air a shaoradh o dhaoineibh fuileachdach.*

Le Daibhidh.

**T**Hoir breth orm, a Thighearna, oir ghluais mi ann am ionracas: o chuir mi mo dhòigh anns an Tighearna, cha ghluaisear mi.

2 Fidir mi, a Thighearna, agus dearbh mi; rannsaich m'airnean agus mo chridhe.

3 Oir *tha* do chaoimhneas gràdhach fa chomhair mo shùl; agus ghluais mi ann ad fhìrinn.

4 Cha do shuidh mi le daoineibh mealltach, agus maille ri luchd-ceilge cha téid mi steach.

5 *Is* beag orm còmhthional luchd-uile, agus le daoineibh aingidh cha suidh mi.

6 Nighidh mi mo làmhnan ann an neò-chionta, agus cuartichidh mi d'altair, a Thighearna;

7 Chum gu foillsich mi le guth molaidh, agus gu'n cuir mi 'an cèll d'òibre iongantach gu léir.



8 A Thighearn', is ionmhuinn leam còmh-nuidh do theach-sa, agus ionad pàilliuin do ghloire.

9 Na cruinnich m'anam le peacaich, no mo bheatha le daoineibh fuileachdach:

10 Aig am bheil lochd 'n an lèmhán, agus an lèmh dheas làn de dhuais-bhratha.

11 Ach ghuaisidh mise ann am ionracas: saor mi, agus dean tròcair orm.

12 Tha mo chos 'n a seasamh ann an ionad còmhnuard: anns na coimhthionail beannaichidh mi an Tighearn.

## SALM XXVII.

1 *Cha robh eagal air Daibhidh roimh a naimhdeibh do bhrìgh gu'n robh Dia 'n a shlàinte dha. 7 Ghuidh e air an Tighearn tròcair a nochdadh dha, agus a thèarnadh o thoil luchd-foirneirt.*

Le Daibhidh.

**I**S e an Tighearn mo sholas, agus mo shlàinte; cò 'chuireas eagal orm? *Is e an Tighearn neart mo bheatha; cò 'chuireas geilt orm?*

2 'N uair thàinig luchd-uile orm a dh'ith-eadh suas m'fheola, mo naimhdean agus m'eascairdean, thuissich iad féin, agus thuit iad.

3 Ged champaicheadh feachd a'm' aghaidh, cha bhitheadh eagal air mo chridhe: ged éireadh cogadh a'm' aghaidh, á so ní mi mo bhun.

4 Aon *ni* ghuidh mi air an Tighearn, sin iarraidh mi, a bhi 'm' chòmhnuidh ann an tigh an Tighearna ré uile làithean mo bheatha, chum gu faicinn maise an Tighearn', agus gu fiosraicinn 'n a theampull.

5 Oir folaichidh e mi 'n a sgàth-thigh ann an là an uile; folaichidh e mi ann an òmha-aireachd a phàilliuin; air carraig togaidh e suas mi.

6 Agus a nis togar suas mo cheann os ceann mo naimhdean mu'n cuairt orm; agus ìobraidh mi 'n a phàilliuin ìobairtean aoibh-neis; seinnidh mi, agus canaidh mi cliù do'n Tighearn.

7 Eisd, a Thighearna, ri m' ghuth, 'n uair a dh'éigheas mi; dean tròcair orm, agus freagair mi.

8 'N uair a thubhairt *ihusa*, Iarraidhse mo ghnùis; thubhairt mo chridhe riut, Do ghnùis, a Thighearn', iarraidh mi.

9 Na folaich do ghnùis uam; na cuir air falbh d'òglach ann am feirg: bu tusa mo chabhair; na fàg mi, agus na tréig mi, a Dhia mo shlàinte.

10 'N uair a thréigear m'athair agus mo mhàthair mi, an sin togaidh an Tighearn suas mi.

11 Teagaisg dhomh do shlighe, a Thighearn', agus treòraich mi air slighe dhìrich, air sgàth mo naimhdean.

12 Natabhair thairis mi do thoil mo naimhdean; oir dh'éirich fianuiscan bréige a'm' aghaidh, agus luchd bagairt foirneirt.

13 Gidheadh chreid mise gu'm faicinn maitheas an Tighearn' ann an tìr nam beò.

14 Feith air an Tighearn; glac misneach, agus neartaichidh esan do chridhe: feith, tha mi 'g ràdh, air an Tighearn.

## SALM XXVIII.

1 *Ghuidh Daibhidh gu'n cuidicheadh Dia leis 'an aghaidh a naimhdean. 6 Bheannaich e Dia; 9 agus rinn e urnuigh air son an t-sluaigh.*

Le Daibhidh.

**R**IUTSA, a Thighearn', éigheam, mo charraig: na bi-sa a'd' thosd a m' thaobh, air eagal, ma bhitheas tu a'd' thosd a m' thaobh, gu'm fas mi cosmhail riu-san a theid sìos do'n uaigh.

2 Eisd ri guth m'athcheingean an uair a ghlaodhas mi riut, an uair a thogas mi mo lèmhán chum do ghuth-àite naomh-sa.

3 Na tarruing mi mach leis na h-aingidh, agus le luchd-deanamh na h-eucorach, a tha 'labhairt sìth r'an coimhearsnaich, agus ole aca 'n an cridhe.

4 Thoir dhoibh a réir an oibre, agus a réir aingidheachd an gnìomharan; a réir oibre an lèmh thoir dhoibh; ioc an luigheadh dhoibh.

5 A chionn nach toir iad an aire do ghnìomharaibh an Tighearna, no do obair a lèmh, sgriosaidh e iad, agus cha tog e suas iad.

6 Beannaichte gu robh an Tighearn, a chionn gu'n d'éisd e ri guth m'athcheingean.

7 *Is e an Tighearn mo neart, agus mo sgiath; annsan chuir mo chridhe a dhòchas, agus chuidicheadh leam; uime sin rinn mo chridhe gairdeachas; agus le m' laoidh molaidh mi e.*

8 *Is e an Tighearn neart a shluaigh; agus is esan neart slàinte 'aoin ungta féin.*

9 Saor do shluaigh, agus beannaich d'òighreachd: beathaich iad, agus àrdaich iad gu bràth.

## SALM XXIX.

1 *Thug Daibhidh corail do uachdaranaibh glòir a thubhairt do Dia, 3 a chionn gu bheil a cumhachd mòr, 11 agus gu bheil e 'n a dhìdean d'a shluaigh.*

Salm le Daibhidh.

**T**HUGAIBH do'n Tighearn, a chlann nan cumhachdach, thugaibh do'n Tighearn glòir agus neart.

2 Thugaibh do'n Tighearn a' ghloir a's cubhaidh d'a ainm; sleuchdaibh do'n Tighearn ann am maise na naomhachd.

3 *Tha* guth an Tighearna os ceann nan uisgeachan: rinn Dia na glòire tairmeanach, an Tighearn, os ceann nan uisgeachan mòra.

4 *Tha* guth an Tighearna cumhachdach; *tha* guth an Tighearna làn mòralachd.

5 Brisidh guth an Tighearna na seudair; seadh, brisidh an Tighearn seudair Le-banoin.

6 Agus bheir e orra leum mar laogh; Lebanon agus Sirion, mar bhuabhull òg.

7 Sgoiltidh guth au Tighearna lasraichean an teine.

8 Crathaidh guth an Tighearnu' am fàsach; crathaidh au Tighearn fàsach Chadeis.

9 Bheir guth an Tighearn air na h-eildibh an laogh a thilgeadh, agus louaidh e na coilltean; agus 'n a theampull cuiridh gach neach 'an cèll a ghloir.

10 Suidhidh an Tighearn air an tuil; agus suidhidh an Tighearn 'n a Rìgh gu sìorruidh.

11 Bheir an Tighearn neart d'a shluagh; beannaichidh an Tighearn a shluagh le sìth.

## SALM XXX.

1 *Mhol Daibhidh Dia a chionn gu'n do theas-airg se e. 4 Chomhairlich e do gach neach buidheachas a thabhairt do'n Tighearn.*

Salm; laoidh coisreagaidh tighe Daibhidh.

**M**OLAIDH mi thu, a Thighearn'; oir thog thu suas mi, agus cha d'thug thu air m'cascairdibh gairdeachas a dheanadh os mo chean.

2 A Thighearna mo Dhia, ghlaodh mi riut, agus shlànuich thusa mi.

3 A Thighearna, thog thu m'auan a nìos as au uagh; ghléidh thu beò mi, chum nach rachainn sìos do'n t-slochd.

4 Seinnibh do'n Tighearn, sibhse a naoimhsan, agus thugaibh buidheachas ri cuimhneachadh air a uamhachd.

5 Oir *cha-n'èil* ach tiota 'n a fheirg; *tha* beatha 'n a dheadh-ghean: ré oidhche mairidh bròu, ach air maduinn *thig* gairdeachas.

6 Thubhairt mise ann am shocair, Cha ghluaisear mi am feasd.

7 A Thighearna, le d' dheadh-ghean thug thu air mo bheinn seasamh gu daingean: dh'fholuich thu do ghnùis; bha mi fo amhladh.

8 Ghlaodh mi riutsa, a Thighearn'; agus air an Tighearn dh'asluich mi.

9 Ciod an tairbhe a *tha* ann am fhuil, 'n uair a théid ui sìos do'n t-slochd? Am mol an ùir thu? an cuir i 'an cèll d'fhèrrinn.

10 Eisd rium, a Thighearn', agus dean tràdeair orm: A Thighearna, bi-sa a'd' fhear-cuideachaidh leam.

11 Thionndaidh thu dhomhsa mo bhròn gu damnsadh: chuir thu dhom m'eudachsaic, agus chrìoslaich thu mi le h-aobhneas;

12 Chum gu'n seiuicheadh mo ghloir cliu dhuit, agus nach bitheadh i 'n a tosd. A Thighearna mo Dhia, gu bràth molaiddh mise thu.

## SALM XXXI.

1 *Chuir Daibhidh a dhòchas ann an Dia, 7 agus rinn e gairdeachas 'n a thròcair. 9 'N a throbhlaid dh'earb e as an Tighearn. 19 Mhol e maitheas Dhè.*

Do'n àrd fhear-ciùil. Salm le Daibhidh.

**A**NNADSA, a Thighearn', cuiream mo dhòigh; na uaireachar mi gu bràth: trid d'fhèrantachd saor mi.

2 Aom a m' ionnsuidh do chluas; gu grad furtaich oru: bi-sa a'd' charraig laidir dhonh, a'd' thigh-tearmuinn chum mo dhion.

3 Oir *is* tusa mo charraig, agus mo dhainneach; agus air sgàth d'aimme trèdraichidh agus stiùraidh tu mi.

4 Bheir thu mi as an lìon a dh'fholuich iad fa m' chomhair; oir *is* tusa mo neart.

5 Aun ad làimh-sa tiomnam mo spiorad: saor mi, a Thighearna Dhé na firinn.

6 *Is* fuath leat iadsan a bheir fainear dìomhanais bhreugach: ach anns an Tighearn chuir mise mo dhòchas.

7 Ni mi aoibhneas agus gairdeachas ann ad thròcair: oir chunnaic thu m'amlghar; b'aithe dhuit m'anam ann an teanutachdaibh;

8 Agus cha do dhruid thu suas mi anu an làimh an nàmhaid; shocraich thu mo chosan ann an àite farsuinn.

9 Gabh truas dìom, a Thighearn', oir *tha* mi ann an teinn; tha uo shùil, m'anam, agus mo chom, air seargadh as le doilgheas.

10 Oir chlaoidheadh mo bheatha le bròn, agus uo bhliadhnan le h-osnaich; air son m'euicert thuit mo neart, agus chaitheadh mo chnàmha.

11 Ann meag mo naimhdean gu léir bha mi a'm' mhasladh, agus gu h-àraidh do m' choimhearsnaich, agus a'm' aobhar eagail do m' luchd còlais: iadsan a chunnaic mi a muigh, theich iad nam.

12 Dhè-chuimhnichheadh mi mar dhuine marbh air dol a' cuimhne; *tha* mi mar shoitheach briste.

13 Oir chuala mi cùl-chàineadh m'bhàrain dhaoine; *tha* eagail air gach taobh, 'n uair a ghabh iad comhairle le 'chèile a'm' aghaidh, a dheallb iad mo bheatha 'thoirt uam.

14 Ach dh'earb mise asadsa, a Thighearna: thubhairt mi, *Is* tu mo Dhia.

15 Ann ad làimh-sa *tha* m'aimsirean: saor mi a làimh mo naimhdean, agus uatha-san a tha 'n tòir orm.

16 Thoir air do ghnùis dealrachadh air d'òglach: saor mi air sgàth do thròcair.

17 Na nàraichear mi, a Thighearnu', oir ghairm mi ort; uaire bitheadh air na h-aingidh, 'n an tosd bitheadh iad 's an uagh!

18 Deanar balbh ua bilean breugach, a labhras an aghaidh an fhèirein gu cruaidh, le h-uabhar agus tarcais.

19 Cia mòr do mhaithreas, a thaig thu dhoibhsan do'u eagail thu; a rinn thu dhoibhsan a dh' carbas asad, 'am fianuis chloinn nan daoine!

20 Folaichidh tu iad ann an dìomhair-eachd do làthaireachd o àilgheas dhaoine; folaichidh tu iad ann am pàilluinn o strì nan teangadh.

21 Beannaichte *gu robh* an Tighearn; oir nochd e gu h-iongantach a chaoimh-



neas dhomh - sa ann am baile daing-  
nichte.

22 Thubhairt mise a'm' dheifir, Ghearr-  
adh as mi o fhiannais do shùl: gideadh  
dh'éisd thusa ri guth m'asluchaidh, 'n nair  
a dh'éigh mi riut.

23 Gràdhaidh an Tighearn, sibhse uile  
a naomh-san: gleidhidh an Tighearn na  
daoine tréibhdhreach, agus diolaidh e gu  
pailt dhàsan a ni gu h-uabhbreach.

24 Bithibhse misneachail, agus neartaich-  
idh esan bhur cridhe, sibhse uile a chuir  
bhur dòchas anns an Tighearn.

## SALM XXXII.

1 *Beannachadh an duine d'an do mhaitheadh  
'eusaontas. 3 Bheir aidmheil peacaidh fòis  
do'n choquis. 8 Dh'earailich Daibhidh air an  
t-sluagh gluasad gu cothromach.*

Le Daibhidh, Maschil.

**I**S beannaichte esan d'an do mhaitheadh  
'eusaontas, d'am bheil a pheacadh air  
'fholach.

2 *Is* beannaichte an duine, nach cuir an  
Tighearn euceart as a leth, agus aig nach  
'eil cealg 'n a spiorad.

3 An uair a bha mi a'm' thosd, luidh aois  
air mo chnàmhan, le m' bhùireadh fad an là.

4 Oir a là agus a dh'oidhe bha do làmh  
trom orm: tha mo bhrìgh air a tionndadh  
gu tiormachd an t-samhraidh. Selah.

5 Dh'aidich mi mo pheacadh dhuit, agus  
cha do cheil mi m'euceart: thubhairt mi,  
Aidichidh mi m'eucaontais do'n Tighearn;  
agus mhaith thusa cionta mo pheacaidh.  
Selah.

6 Air an aobhar sin ni gach duine diadh-  
aidh urnuigh riutsa, 's an am anns am faigh-  
ear thu: gu cinnteach ann an tuil nan  
uisgeachan mòra, cha tig iad am fagus da.

7 *Tha* thusa a'd' ionad-foluich dhomh; o  
theinn gleidhidh tu mi; le h-òranaibh saorsa  
cuartichidh tu mi. Selah.

8 Fìor-theagaisgidh mi thu, agus nochd-  
aidh mi dhuit an t-slighe air an tigeadh  
dhuit triall; seòlaidh mi dhuit le m' shùil.

9 Na bi mar each, no mar mhuileid, aig  
nach 'eil ciall; d'an cuirear sparrag agus  
srian 'n am beul, chum nach tig iad am  
fagus dhuit.

10 *Is* lìonmhor dòilgheasan do'n aingidh;  
ach cuartichidh thròcair esan a dh'earbas as  
an Tighearn.

11 Bithibh aoibhneach anns an Tighearn,  
agus deanaibh gairdeachas, sibhse fhircana;  
agus deanaibh luathghaire, sibhse uile a tha  
ceart ann an cridhe.

## SALM XXXIII.

1 *Is* còir do'n fhìrean Dia a mholadh, 4 air son  
a mhaithis, 6 a chumhachd, 12 agus a  
fhreasdail. 18 Tha sùil an Tighearn orra-  
san a chuireas an dòigh 'n a thròcair.

**D**EANAIBH gairdeachas 's an Tigh-  
earn, sibhse fhìreana; do na h-ionraic  
tha cliu ciatach.

2 Molaibh an Tighearn air clàrsaic: air

an t-saltair, inneal-ciùil nan deich teud,  
seinnibh dha.

3 Canaibh dha òran nuadh; seinnibh fonn  
gu h-ealanta, le fuaim àrd.

4 Oir tha focal an Tighearna ceart, agus tha  
'oibre uile air an deanamh ann am frinn.

5 Is iomhuinn leis ceartas agus breith-  
eanas; de mhaithreas an Tighearna tha'n  
talamh làn.

6 Le focal an Tighearna rinneadh na  
nèamhan, agus le h-anail a bheoil an slòigh  
uile.

7 Carnaidh e suas mar thorr uisgeachan  
na fàirge; cuiridh e an doimhne suas 'n a  
thighibh-tasgaidh.

8 Roimh an Tighearn bithcadh eagal air  
an talamh uile; roimhe-san bitheadh fiamh  
air uile luchd-àiteachaidh an domhain:

9 Oir labhair e, agus bha e ann; dh'àithn  
e, agus sheas e.

10 Rinn an Tighearn comhairle nan cinn-  
each faoin; thug e innleachdan an t-sluaigh  
gu neo-ni.

11 Seasaidh comhairle an Tighearna gu  
siorruidh, smuaintean a chridhe o linn gu  
linn.

12 *Is* beannaichte an cinneach sin, aig am  
bheil an Tighearn 'n a Dhia dhoibh: an  
sluagh a ròghnaich e mar oighreachd dha  
féin.

13 O na nèamhan amhaircidh an Tigh-  
earn a nuas; cli e uile chlànn nan daoine.

14 O ionad seasmhach a chòmhnuidh  
beachdaichidh e air uile luchd-àiteachaidh  
na talmhainn.

15 Dhealbhadh esan an cridhe air aon dòigh;  
bheir e fàinear an gnìomharan uile.

16 Cha tearnar rìgh le meud 'fheachd; cha  
saorar laoch le meud a neirt.

17 *Is* diomhain an t-each chum tèaruint-  
eachd; agus le meud a neirt cha saor e.

18 Feuch, tha sùil an Tighearn orra-san  
d'an eagal e; orra-san a chuireas an dòchas  
'n a thròcair;

19 Chum an anam a theasairginn o'n bhàs,  
agus an cumail beò anns a' ghorta.

20 Feithidh ar n-anam air an Tighearn; is  
esan ar cabhair, agus ar sgiath.

21 Oir ann-san ni ar cridhe gairdeachas, a  
chionn 'n a ainm naomh-san gu'n do chuir  
sinn ar dòigh.

22 Gu'n robh do thròcair, a Thighearn',  
oirnn, a réir mar a chuir sinn ar dòchas  
annad.

## SALM XXXIV.

1 *Dh'earailich Daibhidh air an t-sluagh Dia a  
mholadh. 8 Is* beannaichte an duine a  
dh'earbas as an Tighearn. 15 Saoraidh Dia  
am fìrean as gach teanntachd.

Le Daibhidh, an uair a dh'atharraich 'e a  
ghrùlan 'an làthair Abimeleich, agus a chuir  
esan uaith e, agus a dh'imich e.

**B**EANNAICHDH mi an Tighearn gach  
àm: 'an còmhnuidh bithidh a mholadh  
ann am bheul.

2 Anns an Tighearn ni m'anam uailh; chluinnidh na daoine sèimhe, agus ni iad aoibhneas.

3 Molaibh an Tighearn leamsa, agus àrd-aicheamaid ainm le 'chéile.

4 Dh'iarr mi an Tighearn, agus dh'éisd e rium; agns shaor e mi o gach aobhar cagail a bha agam.

5 Dh'amhaire iad air, agus shoillsicheadh iad; agus cha robh nàire air an gnùis.

6 Ghlaodh an duine bochd so, agus dh'éisd an Tighearn ris; agus as a theanntachdaibh gu léir shaor se e.

7 Campaichidh aingeal an Tighearna mu'n timchioll-san d'an eagal e, agus teasairgidh e iad.

8 O blaisibh agus faicibh gur maith an Tighearn: *is* beannaichte an duine sin a dhearbhas as.

9 Bithheadh eagal an Tighearn' oirbh, a naoimh-san; oir cha *bhi* dith air a luchd-eagail-san.

10 Bithidh easbhuidh air na leòmhanaibh òga, agus bithidh ocras orra; ach orra-san a dh'iarras an Tighearn cha bhi maith air bith a dhith.

11 Thigibh, a chlann, éisdibh rium; teagaisgidh mi dhuibh eagal an Tighearna.

12 Cò e am fear a mhiannaicheas beatha, a ghràdhacheas làithean a dh'fhaicinn maith?

13 Gléidh do theangadh o olc, agus do bhilcan o labhairt ceilg.

14 Seachainn an t-olc, agus dean am maith; iarr sìochaint agus lean i.

15 *Tha* sùilean an Tighearn' air na fireanaibh, agus a chluas r'an glaoth.

16 *Tha* gnùis an Tighearn' an aghaidh luchd-deanamh uile, chum an cuimhne a ghearradh as o'n talamh.

17 Ghlaodh na [fireanan,] agus dh'éisd an Tighearn; agus as an teamntachdaibh gu léir shaor e iad.

18 *Is* dlùth an Tighearn dhoibh-san a tha briste 'n an cridhe; agus saoraidh e iadsan a tha brùite 'n an spiorad.

19 *Is* lionmhor àmhgharan an fhìrean; ach asda air fad saoraidh an Tighearn e.

20 Gleidhidh an Tighearn a chnàmhann uile: cha bhi h-aon diubh briste.

21 Marbhaidh olc na h-aingidh; agus iadsan a tha 'toirt fuath do'n fhìrean lom-sgrìosar iad.

22 Saoraidh an Tighearn anam a sheirbhis-each; agus cha sgrìosar aon air bith dhiubh-san a chuireas an dòigh ann.

## SALM XXXV.

1 *Chuir Daibhidh suas athcheuinge air son tèaruinteachd da fèin, agus sgrìos d'a naimhaidibh.*

11 *Ghearrain e gu'n do dhìol a naimhdean dha olc ann an éiric maith.* 22 *Ghuidh e gu'n tagradh Dia a chùis.*

Le Daibhidh.

**T**AGAIR, a Thighearna, riu-san a thagras a'm' aghaidh; cog 'n an aghaidh-san a chogas a'm' aghaidh.

2 Glac targaid agus sgiath, agus éirich chum mo chuideachaidh.

3 Agus tarruing a mach an t-sleagh, agus druid an t-slighe 'n an aghaidh-san a tha 'n tòir orm: abair ri m'anam, *Is* mi do shlàinte.

4 Nàire agus masladh gu'n robh orra-san a tha 'g iarraidh m'anama: gu'm pillar iad-san air an ais, agus gu'n robh amhlaidh orra, a tha 'smuaineachadh uile dhomh.

5 Bithheadh iad mar mhoil fa chomhair na gaoithe, agus aingeal an Tighearna 'g an ruagadh.

6 Bithheadh an slighe dorcha agus sleamhuinn, agus aingeal an Tighearn' 'an tòir orra.

7 Oir gun aobhar dh'fholuich iad air mo shon an lion; gun aobhar chladhaich iad slochd air son m'anama.

8 Thigeadh sgrìos air gun fhios da, agus a lion a dh'fholuich e, glacadh se e fèin: 's an sgrìos sin tuiteadh e.

9 Ach ni m'anam-sa gairdeachas anns an Tighearn; ni e aoibhneas 'n a slàinte.

10 Their mo chnàmhan uile, A Thighearna, cò a's cosmhuil riutsa, a theasairgeas am bochd uaith-san a's treise na e, agns am bochd agus an t-ainmis uaith-san a chreachadh e?

11 Dh'éirich fianuisean eucorach; chuir iad as mo leth *nithean* air nach robh fios agam.

12 Dhiòl iad dhomh olc ann an éiric maith, *a' cur rompa* mo bheatha a thoirt uam.

13 Ach a m' thaobhsa, 'n uair a bha iad-san gu tinn, b'e eudach-saic mo chulaidh; dh'frioslaich mi m'anam le trasgadh, agus phill m'umh a'm' uched fèin.

14 Mar gu'm bu charaid no bràthair dhomh a bhitheadh ann, ghluais mi; mar fhear-caoidh a mhàthar, gu dubhach chrom mi sìos.

15 Ach air bhi dhomhsa ann an àmhghar, bha iadsan ait, agus chruinnich iad le 'chéile; chruinnich daoine suarach nach b'aithne dhomh le 'chéile a'm' aghaidh; renb iad, agus cha do sguir iad.

16 Le luchd dian-mhagaidh cealgach, chas iad am faclan rium.

17 Cia fhad, a Thighearn', a dh'amhaire-eas tu air *so?* saor m'anam o am milleadh, m'aon *ghràidh* o na leòmhanaibh.

18 Clhàthachidh mi thu anns a' mhòr choimhthional; am measg sluagh lionmhoir molaich mi thu.

19 Na deanadh iadsan a tha 'nannaimhaidibh dhomh gu h-eucorach, gairdeachas os mo cheann: iadsan aig am bheil fuath dhomh gun aobhar, na caogadh iad le'n sùil:

20 Oir cha labhair iad sìth; ach an aghaidh dhaoine ciùne na tìre dealbhaidh iad nithean cealgach.

21 Dh'fhosgail iad am beul gu farsuinn a'm' aghaidh; thubhairt iad, Aha, aha! chunnaic ar sùil.



22 Chunnaic thusa so, a Thighearna, na bi a'd' thosd: a Thighearna, na bi fada uam.

23 Tog ort, agus mosgail chum mo cheirt; chum mo chùise, mo Dhia agus mo Thighearna.

24 Thoir breth orm a réir do cheartais, a Thighearna mo Dhia, agus na deanadh iad gairdeachas os mo cheann.

25 Na h-abradh iad 'n an cridhe, Aha, is e sud ar miann: idir na h-abradh iad, Shluig sinn suas e.

26 Nàire agus amhladh gu'n robh orrasan le 'chéile, a tha 'deanamh gairdeachais ri m'òle: còmhdaichear le nàire agus mas-ladh iadsan a dh'ardaicheas iad féin a'm' agbaidh!

27 Deanadh iadsan iolach, agus bitheadh iad aoibhneach, a sheasas mo chòir dhomh; agus abradh iad a ghnàth, Mòr chliù gu'n robh do'n Tighearna, aig am bheil tlachd ann an sìth a sheirbhisich!

28 An sin cuiridh mo theangadh 'an céill do cheartas, air feadh an là do chliù.

## SALM XXXVI.

1 Euceart agus cealg nan aingidh. 5 Oir-dheirceas trècair Dhé. 10 Dh'astuich Daibhidh air Dia gu'm buanaicheadh e a chaoimhneas dhoibhsan a bha ionraic 'n an cridhe.

Do'n àrd fhear-ciùil, Le Daibhidh òglach an Tighearna.

'S E a their an t-aingidh an taobh a stigh d'a chridhe, gu'm pceacich e: cha-n'èil eagal Dhé fa chomhair a shùil.

2 Oir ni e bàigh ris féin 'n a shùilibh féin, agus am faighear a mach a chionta mar aobhar fuatha.

3 Is euceart agus cealg briathran a bhcoil: leig e dheth a bhi glie, maith a dheanamh.

4 Dealbhaidh e euceart air a leabaidh; suidhichidh se e féin air slighe nach 'èil maith: cha-n oillteil leis an t-òle.

5 A Thighearna', anns na nèamhan tha do thrècair; tha d'fhìrinn gu ruig na neoil.

6 Tha d'fhircantachd mar na beanntan àrda, do bhreitheanais 'n an doimhne mhòir: gleidhidh tusa, a Thighearna', duine agus ainmhidh.

7 Cia luachmhor do chaoimhneas gràdhach, a Dhé! uime sin earbaidh clann nan daoine à sgàile do sgiathan.

8 Sàsuichear iad gu mòr le saill do thighe; agus as amhainn do shòlasan bheir thu orra òl.

9 Oir agadsa tha tobar na beatha: ann ad sholus-sa chi sinne solus.

10 Buanaich do chaoimhneas gràidh dhoibhsan a chuir eòlas ort, agus d'fhìreantachd dhoibhsan a tha ionraic 'n an cridhe.

11 Na tigeadh cos an àrdain orm, agus na gluaiseadh làmh nan aingidh mi.

12 An sin thuit luchd-deanamh na h-euceirt sìos; leagadh sìos iad, agus cha-n urrainn iad éirigh.

## SALM XXXVII.

1 Chomhairlich Daibhidh do gach neach feith-camh air an Tighearna, 10 do bhrìgh gu'n sgrìos e an t-aingidh, 28 agus gu'n gléidh e an t-ionracan beò.

Le Daibhidh.

NA bitheadh campar ort mu dhaoineibh aingidh, agus na gabh farmad ri luchd-deanamh na h-euceirt:

2 Oir mar am fear gearrar gu grad sìos iad, agus mar an luibh ghlas seargaidh iad.

3 Earb thusa as an Tighearna, agus dean maith: mar sin gabhaidh tu còmhuidh 's an tìr, agus beathaichear thu gu cinnteach.

4 Mar an ceudna gabh tlachd anns an Tighearna, agus bheir e dhuit iartruis do chridhe.

5 Tabhair suas do shlighe do'n Tighearna; agus earb as, agus ni se e:

6 Agus bheir e mach d'fhìreantachd mar an solus, agus do bhreitheanas mar am meadhan-là.

7 Bi 'd' thosd an làthair an Tighearna, agus feith le foighidinn air: na bitheadh campar ort mu'n tì a shoirbhicheas 'n a shlighe, mu'n fhear a bheir a dhroch inn-leachdan gu buil.

8 Leig fearg dhìot, agus tréig corruich; na bitheadh campar ort air aon chor chum uile.

9 Oir gearrar as droch dhaoine; ach iadsan a dh'fheitheas air an Tighearna, buan-mhealaidh iad an talamh.

10 Oir fathast tamull beag, agus cha bhi an t-aingidh ann; seadh, bheir thu faineair 'àite-san, agus cha bhi e ann.

11 Ach meallaidh daoine macanta an talamh, agus gabhaidh iad tlachd ann am meud na sìth.

12 Tha'n t-aingidh a' cumadh uile do'n ionraic, agus a' casadh 'fhiacal ris.

13 Ni Dia fanoid air, oir is léir dha gu bheil a là a' teachd.

14 Tharruing na h-aingidh an claidheamh, agus chuir iad am bogha air ghleus, a leagadh sìos a' bhoched agus an ainmis, a mharbhadh luchd deadh-bheus.

15 Thèid an claidheamh a steach 'n an cridhe féin, agus brisear am bogha.

16 Is fearr beagan aig an duine ionraic na saobhreas mhòrain dhroch dhaoine.

17 Oir brisear gairdeanan dhroch dhaoine; ach cumaidh Dia suas na fircanan.

18 Is fiosrach Dia air làithibh nan daoine ionraic, agus bithidh an oighreachd gu sìorruidh.

19 Cha chuirear gu nàire iad ann an àm an uile, agus ann an làithibh na gorta sàsuichear iad.

20 Ach sgrìosar droch dhaoine, agus bithidh naimhdean an Tighearna mar shaill uan: thèid as doibh, mar dheataich thèid as doibh.

21 Gabhaidh an t-aingidh air iasachd, agus cha-n ioc e rìs; ach tha'm firean trèaireach, agus bheir e uaith.

22 Oir iadsan a bheannaichear leis, mealaidh iad an talamh; agus iadsan a mhall-aichear leis, gearrar as iad.

23 Leis an Tighearn tha ceuman duine air an orduchadh, agus gabhaidh e tlachd 'n a shlighe:

24 Ged thuit e, cha tilgear gu tur sìos e; oir cumaidh an Tighearn suas air làimh e.

25 Bha mi òg, agus a nis tha mi sean; gidheadh cha-n fhaca mi am firean air a thréiginn, agus a shliochd ag iarraidh arain.

26 Tha e ghnàth truacanta agus coingheallach; agus bithidh a shliochd beanuichte.

27 Seachaidh an t-olc, agus dean am maith, agus gabh còmhuidh gu bràth.

28 Oir is toigh leis an Tighearn breitheanas, agus cha tréig e a naoimh: gu bràth coimhdear iadsan; ach gearrar as shliochd nan aingidh.

29 Mealaidh na fireanan an tìr, agus gabhaidh iad còmhuidh innte gu bràth.

30 Cuiridh beul an fhèin 'an cèill gliocas, agus labhraidh a theagaidh breitheanas.

31 Tha lagh a Dhé 'n a chridhe: cha sleamhuich a cheuman.

32 Bithidh an droch dhuine ri faire air an fhìrean, agus iarraidh e a mharbhadh.

33 Cha-n fhàg an Tighearn e 'n a làimh; agus cha dìt se e, 'n uair a bheirar breth air.

34 Feith air an Tighearn, agus gléidh a shlighe; agus àrdaichidh e thu, chum an tìr a mhealtuinn: 'n uair a ghearrar as droch dhaoine, chì thu e.

35 Chumnaic mi an duine aingidh ann am mòr chumhachd, agus e 'g a sgaoileadh féin a mach mar ùr chraoibh uaine.

36 Ach chaidh e seachad, agus, feuch, cha robh e ann; agus dh'iarr mi e, ach cha d'fhuaras e.

37 Thoir fairean an duine foirfe, agus amhaire air an duine ionraic; oir is i sìth a's crìoch do'n duine sin.

38 Ach sgriosar luchd eusaontais faraon; gearrar as crìoch dhroch dhaoine.

39 Tha slàinte nam firean o'n Tighearn; is ean an neart ann an am teanntachd:

40 Agus cuidichidh an Tighearn leo, agus teasairgidh e iad: teasairgidh e iad o dhroch dhaoimibh, agus saoraidh e iad, a chionn gu'n d'earb iad as.

## SALM XXXVIII.

1 *Ghaidh Daibhidh air Dia gu'n gabhadh e truas deth, 21 agus gu'n cuidicheadh e leis.*

Salm le Daibhidh a chur 'an cuimhne.

**A** THIGHEARNA, na cronuich mi aun ad chorroich, agus na smachdaich mi aun an teas d'fheirge:

2 Oir shàthadh do shaighdean annam, agus tha do làmh trom orm.

3 Cha-n'eil fallaineachd a'm' fheoil air son

d'fheirge: cha-n'eil sìth a'm' chnàmhan air son mo pheacaidh:

4 Oir chaidh m'euceartan thar mo cheann: mar eirè thruim tha iad ro throm air mo shion.

5 Tha mo chreuchdan lobhta, breun, air son m'amaideachd.

6 Tha mi cràiteach; chromadh sìos mi gu mòr; air feadh an là uile tha mi 'g imeachd gu dubhach:

7 Oir tha mo leasraidh làn de *ghalar* grànnda; agus cha-n'eil fallaineachd a'm' fheoil.

8 Tha mi lag, agus ro bhrùite: tha mi a' buireadh trid mi-shuainhmeis mo chridhe.

9 A Thighearna, *tha* mo mhian uile a'd làthair; agus cha-n'eil m'osnaich foluichte ort.

10 Tha mo chridhe a' plocartaich; thréig mo neart mi: a thaobh fradhair e mo shùl, sin mar an ceudna cha-n'eil agam.

11 Tha luchd mo ghaoil agus mo chairdean a' seasamh fa chomhair mo leoin; agus tha mo dhilsean a' seasamh fad' uam.

12 Agus tha luchd-iarraidh m'anama a' cur ribeachan *romham*, agus luchd-iarraidh m'uile a' labhairt nithean aimhleasach, agus a' smuaineachadh ceirge air feadh an là uile.

13 Ach mar dhuine bodhar, cha chluinn mise; agus *tha* mi mar dhuine balbh, nach fosgail a bheul.

14 Tha mi eadhon mar fhear nach cluinn, agus aig nach 'eil achmhasain 'n a bheul.

15 Oir annad-sa, a Thighearna, chuir mi mo dhòchas: éisdidh tusa, a Thighearna mo Dhia.

16 Oir thubhairt mi, Air eagal gu'n deau iad gairdeachas a'm' aghaidh; 'n uair a shleamhuicheas mo chos, gu'n àrdaich siad iad féin a'm' aghaidh.

17 Oir *tha* mi ealamh gu tuisleachadh, agus *tha* mo dhoilgheas a'm' fhianuis a ghnàth.

18 Oir aidichidh mi m'euceart; bithidh mi doilich air son mo pheacaidh.

19 Ach *tha* mo naimhdean beothail, tha iad làidir; agus tha iadsan aig am bheil fuath dhomh gu h-eucorach, air fàs lìon-mhor.

20 Agus tha iadsan a dh'ìocas olc air son maith a' cur a'm' aghaidh, a chionn gu bheil mi 'leautuinn a' mhaith.

21 Na tréig mi, a Thighearna, mo Dhia; ua bi-sa fad uam.

22 Greas chum mo chuideachaidh, a Thighearna, mo shlàinte.

## SALM XXXIX.

1 *Thug Daibhidh aire nach peacaicheadh e le 'theangaidh. 4 Tha beatha an duine mar sgàile, agus mar leud boise a làithean. 8 Dh'iarr Daibhidh gu'n saoradh Dia e o 'eusaontas.*

Do'n àrd fhear-ciuil, do Iedutun. Salm le Daibhidh.

**T**HUBHAIRT mi, Bheir mi 'n aire do m' shlighibh, nach peacaidh mi le m'



## SALM XL, XLI.

theangaidh: gleidhidh mi srian air mo bheul, an uair a bhitheas an *duine* aingidh a'm' fhianuis.

2 Bha mi balbh, tosaich; dh'fhan mi o labhairt maith *fèin*; ach dhùisgeadh mo dhoilgheas.

3 Dh'fhàs mo chridhe teth an taobh a stigh dhìom; 'n uair a bha mi a' beachd-smuaineachadh, las an teine; labhair mi le m' theangaidh:

4 Thoir fios dhomh, a Thighearna, air mo chrìch, agus tomhas mo làithean cìod e, 'chum gu'm bi fios agam cia gearr mo ré.

5 Feuch, mar leud boise rinn thu mo làithean, agus *tha* m'aois mar neo-ni a'd' fhianuis: gu deimhin *is* dìomhanas gach duine aig 'fheabhas. Selah.

6 Gu deimhin *tha* gach duine a' siubhal ann an samhladh dìomhain: gu deimhin cuirear mi-shuainimeas orra gu faoin: carnaidh *neach* suas *beartas*, gun fhios aige eò 'mhealas e.

7 Agus a nis cìod ris am feitheam, a Thighearna? *tha* mo dhòchas annad-sa.

8 Saor mi o m'èusaontasaihb uile; na dean ball-maslaidh an amadain dhìom.

9 Bha mi a'm' thosd, cha d'fhosgail mi mo bheul, a chionn gur tusa a rinn e.

10 Tog dhìom do bhuille: le beum do làimh-sa chlaoidheadh mi.

11 Le achmhasanaibh air son euceirt 'n nair a ehronaicheas tu duine, bheir thu air a shnuadh eitheadh mar leomann: gu deimhin *is* dìomhanas gach duine. Selah.

12 Cluinn m'urnuigh, a Thighearn', agus éisd ri m' ghlaodh; ri m' dheoir na bi a'd' thosd: oir *is* eoireach mi maille riut, agus fear-euairt, mar m'athrichean uile.

13 O! eaconhain mi, chum gu'm faigh mi neart, mu'n siubhail mi, agus nach bi mi ann ni's mò.

## SALM XL.

1 Nochd Daibhidh *sonas an duine a chuireas a dhòchas anns an Tighearn*. 6 'S e ùmhlaichd d'a thoil an òbairt a's taitneiche le Dia. 11 Dh'asluich Daibhidh air an Tighearn slàinte dha fèin agus amhladh d'a naimhdeibh.

Do'n àrd fhear-ciuil. Salm le Daibhidh.

**D**H'FHEITH mi le foighidinn ris an Tighearn, agus chrom e thugam; agus chual' e mo ghlaodh.

2 Agus thug e nìos à sloehd uamhuinn mi, á clàbar làthaich, agus chuir e mo ehosan air earraig; shocraich e mo cheuman.

3 Agus chuir e òran nuadh ann am bheul, òran-molaidh d'ar Dia: ehi mòran e, agus bithidh eagal orra, agus earbaidh iad as an Tighearn.

4 *Is* beannaichte an duine sin a chuireas a dhòchas anns an Tighearn, agus nach seall an déigh nan uaibhreach, no 'n an déigh-san a ehlaonas chum bréige.

5 *Is* ònmhor, a Thighearna mo Dhia, na nithean a rinn thu! d'oibre iongantach,

agus do smuaintean d'ar taobh-ne, cha-n'eil e 'n eomas a chur sìos 'an ordugh dhuit: nochdainn agus ehurrinn 'an ceill iad; ach *tha* iad ni's lìonmhoire na gu'n gabh iad àireamh.

6 Ann an òbairt agus 'an tabhartas cha do ghabh thu tlaehd: dh'fhosgail thu mo chluasan: òbairt-loisgte agus òbairt-pheacaidh eha d'iarr thu.

7 An sin thubhairt mi, Feuch, *tha* mi 'teachd; ann an rola an leabhair *tha* e sgrìobhta ormsa;

8 *Is* e mo thlachd do thoil a dheanamh, a Dhé; seadh, *tha* do lagh 'an taobh a stigh de m' ehridhe.

9 Rinn mi sgeul air d'fhìreantachd 's a' choimhthional mhòr: feuch, eha do choisg mi mo bhilean, a 'Thighearn', is aithne dhuit.

10 Cha d'fholuich mi d'fhìreantachd ann am meadhan mo ehridhe: chuir mi'n céill d'fhìrinn agus do shlàinte: eha do cheil mi do ehaoimhneas gràdhach, agus d'fhìrinn, o'n ehoinmthional mhòr.

11 A Thighearna, na cum-sa do chaomh thròcairean uam: gleidheadh do chaomhneas gràdhach agus d'fhìrinn a ghnàth mi.

12 Oir dh'iadh uile gun àireamh mu'n euairt orm; ghlac m'euicartan mi, agus cha-n'eil e 'n comas dhomh sealltuinn suas; ni's lìonmhoire *tha* iad na folt mo chinn, agus thréig mo ehridhe mi.

13 Gu ma toil leat, a Thighearna, mo theasairginn; greas, a Thighearna, chum mo chuideachaidh.

14 Nàire agus amhladh gu'n robh orrasan le 'chéile, a *tha* 'g iarraidh m'anama 'g a sgrìos: ruagar air an ais agus nàraichear iadsan a *tha* 'guidhe uile dhomh.

15 Aonaranach gu'n robh iadsan mar thuarasdal an nàire, a their riumsa, Aha, Aha!

16 Deanadh iadsan uile a dh'iarras thusa, gairdeachas agus aoibhneas annad: abradh iadsan 'an còmhnuidh, a ghràdhacheas do shlàinte, Mòr mholadh gu'n robh do'n Tighearn.

17 *Tha* mise bochd agus uireasbhuidheach, ach smuainichidh an Tighearn orm: *is* tusa m'fhear-cabhair, agus m'fhearsaoraidh; a Dhé, na dean moille.

## SALM XLI.

1 Thuarasdal an duine chaoimhneil. 4 Ghuidh Daibhidh gu'n nochdadh Dia tròcair dha.

11 Dh'aicidh e maithas Dhé d'a thaobh.

Do'n àrd fhear-ciuil. Salm le Daibhidh.

**I**S beannaichte esan a bheir an aire do'n duine bhochd: ann an là an uile saoraidh an Tighearn e.

2 Gleidhidh an Tighearn e, agus cumaidh e beò e, agus bithidh e beannaichte air thalamh: na tabhair thusa e do thoil a naimhdean.

3 Bheir an Tighearn neart dha air leabaidh a thinnis iarganaich: a leabadh uile ni thusa dha 'n a euslainte.

4 Thubhairt mi, A Thighearna, dean tràc- air orm: leighis m'anam, oir pheacaich mi a'd' aghaidh.

5 Tha mo naimhdean a' labhairt uile orm, ag ràdh, 'Cuin a gheibh e bàs agus a sgriosar ainm?

6 Agus ma thig neach g'am shealltuinn, labhraidh e dìomhanas; carnaidh a chridhe eucart dha féin; théid e mach, agus labhraidh se e.

7 Tha iadsan uile aig am bheil fuath dhomh a' cogarsaich le 'chéile a'm' aghaidh: tha iad a' dealbh uile a'm' aghaidh.

8 Tha droch ni, *ars' iadsan*, air teachd air; agus esan a tha nis 'n a luidhe, cha-n éirich e ni's mò.

9 Eadhon fear mo shìth, as an d'earb mi, esan a dh'ith de m'aran, thog e a shàil a'm' aghaidh.

10 Ach dean-sa, a Thighearna, tràc air orm, agus tog suas mi, agus bheir mi luigheachd dhoibh.

11 Le so tha fios agam gu bheil tlachd agad-sa annam, a chionn nach 'eil mo nàmhaid a' deanamh caithreim os mo cheann.

12 Ach air mo shonsa, cumaidh tu suas mi ann am ionracas, agus suidhichidh tu mi a'd' fhianuis gu bràth.

13 Beannaichte gu robh an Tighearn Dia Israeil, o shìorruidheachd gu sìorruidheachd! Amen agus Amen!

SALM XLII.

1 *Tha cridhe Dhaibhidh a' togairt a dh'ionnsuidh Dhé.* 5 *Ghlac e misneach a bhrìgh trècar an Tighearna.*

Do'n àrd fhear-ciùil, Maschil, air son mbac Chorah.

**M**AR a thogras am fiadh chum nan sruth uisge, mar sin tha m'anam a' togairt a'd' ionnsuidh-sa, a Dhé.

2 Tha tart air m'anam chum Dhé, chum an Dé bheò: c'uin a thig mi, agus a nochdar mi 'am fianuis Dhé?

3 Is iad mo dheoir a's biadh dhomh a là agus a dh'oidhe, 'n uair a theirear rium gach là, C'ait am bheil do Dhia?

4 Na nìthan so is cuimhne leam, agus tha mi 'dòrtadh a mach m'anama leam féin; oir ghabh mi thairis leis a' mhòr-chuideachd, chaidh mi leo gu tigh Dhé, le fuaim gairdeachais agus molaidh, leis a' chuideachd a bha 'cumail là féille.

5 C'ar son a tha thu air do leagadh sìos, O m'anam? agus c'ar son a tha thu fo bhuair-eas 'an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

6 Leagadh sìos m'anam 'an taobh a stigh dhìom: uime sin cuimhnichidh mi ortsa, mo Dhia, o thìr Iordain, agus o Hermon, o shliabh Mhìtsair.

7 Tha doimhne a gairm air doimhne le fuaim d'fhèadain uisge; chaidh do stuaidh-can agus do thonnain uile tharum.

8 Anns an là àithnuidh an Tighearn a thròc- air; agus 's an oidheche *bithidh* a laoidh maille rium, agus m'urnuigh ri Dia mo bheatha.

9 Their mi ri Dia mo charraig, C'ar son a dhì-chuimhuich thu mi? c'ar son a tha mi a' triall gu dubhach air son foirneirt an eascaraid?

10 Mar chlaidheamh a'm' chnàmhan, tha mo naimhdean a' toirt maslaidh dhomh, 'n uair a their iad rium gach là, C'ait am bheil do Dhia?

11 C'ar son a tha thu air do leagadh sìos, O m'anam? agus c'ar son a tha thu fo bhuaircas an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIII.

1 *Dh'iarr Daibhidh air Dia a chùis a thagradh, agus e féin a threòrachadh chum a phàilliu- an.* 4 *Chuir e a dhòchas ann an Dia.*

**T**HOIR breth orm, a Dhé, agus tagair mo chùis: o chinneach an-ìochdmhor; o fhear na ceilge agus na h-euceirt, saor thusa mi.

2 Oir is tusa Dia mo neirt; c'ar son a chuir thu mi fada uait? c'ar son a tha mi a' triall gu dubhach air son foirneirt an eascaraid?

3 O cuir a mach do sholus agus d'fhirinn! seòladh iadsan mi, thugadh iad mi chum do shléibh naoimh-sa, agus chum do phàilliu-an.

4 An sin théid mi dh'ionnsuidh altair Dhé, a dh'ionnsuidh Dhé ma'oihlneis ro mhòir; agus molaidh mi thu air a' chlarsaich, a Dhia, mo Dhia.

5 C'ar son a tha thu air do leagadh sìos, O m'anam? agus c'ar son a tha thu fo bhuaircas 'an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIV.

1 *Chuimhnich an eaglais air na tiòdlacaibh a thug Dia dhi o shean; 9 agus tha i a' caoidh gu'n do thrèig e i a nis: 17 chuir i 'an cèill a h-ionracas, agus ghuidh i gu'n deanadh Dia cabhair oirre.*

Do'n àrd fhear-ciùil, air son mbac Chorah, Maschil.

**A**DHE, le'r-chusaibh chualasinn, dh'innis ar n-aithrichean dhuinn an obair a rinn thu 'n an làithibh-san, 's na làithibh o shean.

2 Le d'laimh thilg thu mach na cinnich, ach shuidhich thu iadsan: chlaoidh thu na slòigh, ach thug thu orra-san soirbheach- adh.

3 Oir cha-n ann le'n claidheamh féin a fhuair iad sealbh 's an tìr, agus cha-n e an gairdean féin a shaor iad; ach do dheas làmh, agus do ghairdean-sa, agus solus do



ghnùise, a chionn gu'n robh deadh-ghean agad doibh.

4 *Is* tu féin mo Rìgh, a Dhé: àitlm thusa saorsa do Iacob.

5 Trìd-sa buailidh sinn ar naimhdean; trìd d'ainne-sa saltraidh sinn orra-san a dh'éireas 'n ar n-aghaidh.

6 Oir as mo bhogha cha-n carb mi, agus cha saor mo chlaidheamh mi.

7 Ach shaor 'thusa sinn o ar naimhdeibh, agus nàirich thu iadsan aig an robh fuath dhuinn.

8 A Dia ni sinne uaill air feadh an là; agus d'ainm-sa molaidh sinn gu sìorruidh. Selah.

9 Ach a nis thilg thu uait sinn, agus nàirich thu sinn; agus cha-n'eil thu 'dol a mach le'r n-armailtibh.

10 Thug thu oirmn tionndadh air ar n-ais o'n nàmhaid, agus tha iadsan le'm fuathach sinn 'g ar creachadh.

11 Thug thu sinn mar chaoraich air son bith; agus am measg nan cinneach sgap thu sinn.

12 Reic thu do shluagh gun fhiach, agus cha do mheudaich thu do mhaoin le'n luach.

13 Rinn thu sinn 'n ar masladh d'ar coimhearsnaich, 'n ar ball fanoid agus magaidh dhoibhsan a tha mu'n cuairt oirnn.

14 Rinn thu gnàth-fhocal dhinn am measg nan cinneach, aobhar crathaidh-cinn am measg an t-sluaigh.

15 Fad an là *tha* m'amhluidh a'm' fhianuis, agus chòmhdaich nàire mo ghnùise mi.

16 Air son gutha an fhlir a bheir masladh agus toibheum, air son fianuis an nàmhaid agus an dhoighaltaich.

17 Thàinig so uile oirnn; gidheadh, cha do dhì-chuimhnich sinn thu, agus cha d'rinn sinn cealg ann ad choimhcheangal.

18 Cha do thionndaidh ar cridhe air ais, agus cha do chlaon ar cos o d' shlighe:

19 Ge do mhìn-phronn thu sinn ann an ionad dhràgon, agus ge do chòmhdaich thu sinn le sgàil a' bhàis.

20 Ma dhì-chuimhnich sinn ainm ar Dé, no ma shìn sinn ar làmhnan gu Dia coimheach,

21 Nach ramnsaich Dia so a mach? oir tha fios aige-san air *nithibh* dìomhair a' chridhe.

22 Ach air do shon-sa mharbhadh sinn ré an là gu léir; mheasadh sinn mar chaoraich chum casgraidh.

23 Mosgail; c'ar son a choidleas tu, a Thighearna? dùisg, na tilg uait *sinn* gu bràth.

24 C'ar son a dh'fholaicheas tu do ghnùis? a dhì-chuimhnicheas tu ar n-àmhghar, agus ar foirneart?

25 Oir chromadh sìos ar n-anam do'n ùir; dhlùth-lean ar com ris an talamh.

26 Eirich, cuidich leinn, agus saor sinn air sgàth do thròcair.

## SALM XLV.

1 *Mòralachd oighreachd Chrìosd. 10 Dleasdanas na h-eaglaise, agus na sochairean a tha i a'mealhuinn.*

Do'n àrd fhear-ciùil air Sosanim, air son mhac Choram, Maschil. Oran gràidh.

**T**HA mo chridhe a' deachdadh deadh ni; cuiridh mi 'n céill na nithean a rinn mi do'n Rìgh; *bithidh* mo theangadh mar pheann fir-sgrìobhaidh dheis.

2 Is maisiche thu na clann nan daoine; dhòirteadh gràs ann ad bhilibh: uime sin bheannaich Dia thu gu bràth.

3 Crìoslaich do chlaidheamh air do leis, O a ghaiseich; le d' ghlòir, agus le d' mhòralachd.

4 Marcaich air d'aghaidh gu buadhach air sgàth na firinn, agus na macantachd, agus na fireantachd; agus teagaisgidh do dheas làmh dhuit nithean uamhasach.

5 *Is* geur do shaighdean, (tuitidh na slòigh fodhad,) *is geur iad* ann an cridhe naimhdean an Rìgh.

6 *Tha* do rìgh-claithir, a Dhé, gu saoghal nan saoghal: *is* slat cheartais slat-shuaicheantais do rìoghachd-sa.

7 Ghràdhaich thusa fireantachd, agus thug thu fuath do aingidheachd; uime sin dh'ung Dia, do Dha-sa, thu le h-laidh aoibhneis os ceann do chompanach.

8 De mhirr, agus de alos, agus de chasia, *théid faile o d'* thrusgan uile, a mach à lùchairtibh de fhiaclaibh elephant, leis an do chuireadh aoibhneas ort.

9 *Tha* nigheanan rìghrean am measg do bhan urramach; seasaidh do bhan-rìghinn air do dheas làmh, ann an òr na h-Ophir.

10 Eisd, a nigean, agus amhaire, agus aom do chluas; agus dì-chuimhnich do shluagh féin, agus tigh d'athar.

11 An sin gabhaidh an Rìgh mòr tìlachd ann ad àille: a chionn gur esan do Thighearna, thoir-sa urram dha.

12 *Thig* eadhon nighean Thiruis le tiodhlac; asluichidh daoine saobhir an t-sluaigh do dheadh-ghean.

13 Uile ghlòrmhor *tha* nighean an rìgh a stigh; air oibreachadh le h-òr *tha* a h-eudach.

14 Ann an trusgan de obair ghréis' bheir-eir i chum an Rìgh: bheir-eir na maighdeanan 'n a déigh, a bana-chompanaich, a steach thugad.

15 Bheir-eir iad le h-aoibhneas agus le gairdeachas; théid iad a steach do lùchairt an Rìgh.

16 'An àite d'aithrichean bithidh do mhic; ni thu iad 'n an uachdaranabha air an talamh uile.

17 Bheir ni air d'ainm a bhi air chuimhne anns gach linn a thig: uime sin molaidh an sluagh thu gu saoghal nan saoghal.

## SALM XLVI—XLIX.

### SALM XLVI.

1 *Tha Dia 'n a thearmunn agus 'n a neart d'a shluagh féin. S Eirail gu beachdachadh air oibríth iongantach Dhé.*

Do'n árd fhear-ciuil air son mhac Choram.  
Oran air Alamot.

**I**S e Dia ar tearmunn agus ar neart; ar cabhair ro dheas ann an teanntachd-aibh:

2 Air an aobhar sin cha bhli eagal oirnn, ged ghluaisear an talamh, agus ged atharruichar na beanntan gu meadhon na fairge.

3 Ged bheuc a h-uiscgachan, agus ged chuirear thar a chéile iad; ged chríohtnuich na beanntan le a h-atairachd. Selah.

4 *Tha amhainn ann, agus ní a sruthan caithir Dhé ait; naomh-ionad phàillion an Ti a's àirde.*

5 *Tha Dia 'n a meadhon; cha ghluaisear i: cuideichidh Dia leatha gu moch air mhaduinn.*

6 Ghabh na cinnich boile; ghluaisedh na rìoghachdan: chuir e mach a ghnth, leagh an talamh.

7 *Tha Dia nan slògh leinn; is e Dia Iacoib a's dìdean duinn. Selah.*

8 Tigibh, faicibh oibre an Tighearna, gach léir-sgrìos a rinn e air thalamh.

9 Coisgidh e an cogadh gu h-ìomall na talmhainn; brisidh e am bogha, agus gearraidh e an t-sleagh: na carbadan-cogaidh loisgidh e le teine.

10 Bithibh sàmhach, agus tuigibh gn' mise Dia: àrdaichear mi am measg nan cinneach, àrdaichear mi air thalamh.

11 *Tha Dia nan slògh leinn; is e Dia Iacoib a's dìdean duinn. Selah.*

### SALM XLVII.

1 *Nochd an salmadar gu ùeil Dia 'n a Rìgh mòr os ceann na talmhainn, agus 'n a aobhar eagail do gach neach.*

Do'n árd fhear-ciuil. Salm air son mhac Choram.

**B**UAILIBH blunr basan, uile shlòigh; togaibh iolach do Dhia le guth gairdeachais.

2 Oir *tha'n Tighearna*, an Ti a's àirde, 'n a aobhar eagail: *is Rìgh mòr e os ceann na talmhainn uile.*

3 Cuiridh e na slòigh fo'r smachd, agus na cinnich fo'r cosaibh.

4 Taghaidh e ar n-oighreachd dhuinn, òir-dheircas Iacoib, a ghràdhaich e. Selah.

5 Chaidh Dia suas le caithream, an Tighearna le fuaim trompaid.

6 Seinnibh moladh do Dhia, seinnibh; seinnibh moladh d'ar Rìgh, seinnibh:

7 Oir *is e Dia rìgh na talmhainn uile; seinnibh moladh gu h-còlach.*

8 *Tha Dia 'n a Rìgh os ceann nan cinneach: tha Dia 'n a shuidhe air rìgh-caithir a naomhachd.*

9 Chnimmicheadh uachdarain nan sluagh le 'chéile, sluagh Dhé Abraham: oir *is le Dia sgiathan na talmhainn; tha e air 'ardachadh gu mòr.*

### SALM XLVIII.

1 *Tha an eaglais sgiamhach 'n a suidheachadh, 3 agus tha Dia 'n a thearmunn di anns gach teanntachd.*

Oran agus Salm air son mhac Choram.

**I**S mòr an Tighearna, agus is ro airidh air chliu e ann am baile ar Dé, ann an sliabh a naomhachd.

2 Sgiamhach 'n a shuidheachadh, tha sliabh Shìoin, aoibhneas na talmhainn uile: air an taobh mu thuath *tha* baile an Rìgh mhòir.

3 Aithnìhear Dia 'n a lùchairtibh mar thearmunn.

4 Oir fench, chruinnicheadh na rìghrean; ghabh iad thairis le 'chéile.

5 Chunnaic iad, agus b'ìoghnadh leo; bha uamhas orra, ghreas iad orra.

6 Ghlac geilt-chrith iad an sin, pian mar phéin mna' ri saothair.

7 Le gaoith an earmin-bhrisidh tu longan Tharsis.

8 Mar a chuala sinn, is amhuil a chunnaic sinn ann am baile Tighearna nan slògh, ann am baile ar Dé: daingnichidh se e gu bràth. Selah.

9 Smuainich sinn air do chaoimhneas gràidh, a Dhé, ann am meadhon do theamp-uill.

10 Mar d'ainm, a Dhé, mar sin *tha* do chliu gu crìochaibh na talmhainn: tha do dheas fàmh làn de fhìreantachd.

11 Deanadh sliabh Shìoin aoibhneas, deanadh nigheanan Iudah gairdeachas, air son do bheirtheanas.

12 Cuairtichibh Sìon, agus rachaibh m'a timchioll; àirmhibh a tùir.

13 Thngaibh an aire d'a balla làidir, comh-araichibh a lùchairtean, chum gu'n cuir sibh 'an céill e do'n àl ri teachd.

14 Oir *is e an Dia so ar Dia-ne* gu saoghal nan saoghal: stiùraidh e sinn gu rnig am bàs.

### SALM XLIX.

1 *Chuir an salmadar 'an céill do'n t-sluagh gu'n labhradh a bheut air nìthibh tuigsach.*

6 *Nochd e dhoibh dìomhanas nìthan talmhaidh.*

Do'n árd fhear-ciuil, Salm air son mhac Choram.

**C**LUINNIBH so, a shlòigh uile, éisidibh, *sìbhse* uile luchd-àiteachaidh an domhain;

2 Araon a dhaoine ìosal agus àrd, beartach agus bochd le 'chéile.

3 Labhraidh mo bhenl gliocas, agus smuainichidh mo chridhe air tìgise.

4 Aomaidh mi gu cosamhlachd mo chlnas; nochdaidh mi air a' chlàrsaich mo ràdh dorchas.



# SALM L, LI.

5 C'ar son a bhitheadh cagal orm ann an làithibh an uile, 'n uair a chuairticheas aingidheachd m'casairdean mi,

6 A dh'earbas as an saoirheas, agus a ni uail a' pailteas ann beartais?

7 Cha-n urrainn duine air chor sam bith a bhràthair a shaoradh, no éiric a thabhairt do Dhia air a shon:

8 (Oir tha saorsa an anama luachmahor, agus sguiridh e am feasd.)

9 Gu'n maireadh e beò gu sìorruidh, agus nach faicadh e truailidheachd.

10 Oir ehi e gu'm faigh na daoine glìce bàs, gu'n sgriosar le chéile an t-amadan agus an t-ùmaidh, agus gu'm fàg iad ann beartas aig daoimibh eile.

11 Is iad smuaintean an eridhe gu mair an tighean gu bràth, an ionadan-còmhnuidh o linn gu linn: bheir iad ainm air an fearann, a réir an ainme féin.

12 Ach ged robh an duine ann an urram, cha mhair e: is cosmhuil e ris na h-ainmhidhean, a ghearrar as.

13 Is i so an slighe, eadhon an amaidheachd: gidheadh gabhaidh an slìochd tlachd 'n an caimnt. Selah.

14 Mar chaoiraich cuirear iad 's an uaigh; ithidh am bàs iad, agus bithidh uachdaranachd aig na fireanaibh os an ceann anns a' mhaduinn: scargaidh ann dreach as 's an uaigh, an ionad-còmhnuidh.

15 Ach saoraidh Dia m'anam-sa o chumhachd na h-naighe; oir gabhaidh e mi d'a ionnsuidh. Selah.

16 Na gabh thusa eagal an uair a dh'fhàsas duine beartach, 'n uair a mheudaichear glòir a thighe:

17 Oir 'n uair a gheibh e bàs, cha toir e ni air bith leis; cha téid a ghloir sìos 'n a dhéigh:

18 Ged bheannaich e 'anam féin, 'n uair a tha e beò; agus molar thusa, 'n uair a ni thu maith dhuibh féin.

19 Théid e gu h-àl a shinnsear: gu bràth cha-n fhaic iadsan solus.

20 Tha 'n duine, a tha ann an urram, agus a tha gun tuigse, cosmhuil ris na h-ainmhidhean a ghearrar as.

## SALM L.

1 Mòralachd agus cumhachd Dhé. 7 Cha-n'èil tlachd aig an Tighearn ann an òbairt, 14 as eugmhais òbairt buidheachais. 16 Cronaichidh Dia an cealgair.

Salm le Asaph.

**L**ABHAIR Dia nan Dia, Iehobhah, agus ghairm e an talamh o éirigh gu ruig luidhe gréine.

2 A mach á Sion, iomlanachd na maise, dhealruich Dia.

3 Thig ar Dia-ne, agus cha bhi e 'n a thosd: roimh a ghuais lasaidh teine millteach, agus mu'n cuairt air bithidh doimionn mhòr.

4 Gairmidh e air na nèamhan o'n àirde,

agus air an talamh, eum breth a thoirt air a shluagh.

5 Cruinnichibh mo naoimh a m' ionnsuidh, iadsan a rinn coimheangal rium le h-òbairt.

6 Agus cuiridh na nèamhan 'an céill a cheartas; oir is e Dia féin a's Breitheamh ann. Selah.

7 Eisdibh, O mo shluagh, agus labhraidh mi; O Israeil, agus mi mi fianuis a'd' aghaidh: is mise Dia, do Dhia-sa.

8 Air son d'ìobairtean cha-n agair mi thu; oir tha d'ìobairtean-loisgte a ghnàth a'm' fhianuis.

9 Cha ghabh mi tarbh òg as do thigh, no gabhair fhìrionn as do mhaimeiribh:

10 Oir is leamsa uile bheathaichean na coille, an spréidh air mìle slabh.

11 Is aithne dhomhsa uile eunlaith nam beann; agus is leamsa fiadh-bheathaichean na macharach.

12 Nam bithinn ocrach, cha-n innsinn duitse: oir is leamsa an domhan, agus a làn.

13 An e gu'n ithinn fcoil tharbh? agus an òlaim fuil ghlabhar?

14 Iobairt iobairt bhuidheachais do Dhia, agus ioc do bhòidean do'n Tì a's àirde.

15 Agus gairm orm ann an là teanntachd: saoraidh mise thu, agus bheir thusa glòir dhomhsa.

16 Ach ris an droch dhuine their Dia, Cìod e do ghnòthuch-sa mo reachdan a chur 'an céill, no gu'n gabhadh tu mo choimheangal ann ad bheul;

17 'N uair tha fuath agad air fòghlum, agus a thilg thu mo bhrìathran air do chùl?

18 Ma chunnaic thu gaduiche, dh'aontaich thu leis; agus maille ri bheud adhaltrannais bha do chuibhrionn.

19 Chuir thu do bheul chum uile, agus dhealbh do theangadh eagla.

20 Shuidh thu, agus an aghaidh do bhràthar labhair thu; agus do mhac do mhàthar thug thu beum.

21 Na nithean so rinn thu, agus bha mise a'm' thosd; shaoil thu gu'n robh mi gutur mar thu féin: cronaichidh mi thu, agus cuiridh mi gach nì 'an ordugh fa chomhair do shùl.

22 Smuainichibh a nis air so, sibhse nach cuimhnich Dia; air eagal gu'n reub mi as a chéile, gun neach ann a theasairgeas.

23 Esan a dh'òbras moladh, bheir e glòir dhomhsa; agus dh'àsan a dh'orduicheas a shlighe, nochdaidh mi slàinte Dhé.

## SALM LI.

1 Dh'aicidh Daibhidh a pheacichean, agus ghuidh e gu'n dubhadh Dia as iad. 7 Dh'astuiche air Dia gu'n naomhaicheadh se e. 17 'S e spiorad briste iobairt Dhé.

Do'n àrd fhear-ciùil, Salm le Daibhidh, 'n uair a thàinig Natan ann faidh d'a ionnsuidh, an dèigh dha bhi aig Bateba.

**D**EAN tròcair orm, a Dhé, a réir do chaoimhneis gràidh; a réir òmhoir-

eachd do chaomh thròcairean, dubh as m'èusaontas.

2 Gu h-ìomlan iomail mi o m' lochd, agus glan mi o m' pheacadh:

3 Oir tha mi ag aideachadh m'èusaontais, agus *tha* mo pheacadh a'm lathair a ghnàth.

4 A'd'aghaidh, a'd'aghaidh fèin a mhàin pheacaich mi, agus rinn mi olc a'd' shealladh, air chor as gu'm fircanaichear thusa 'n uair a labhras tu, gu'm bi thu glan 'n uair a bheir thu breth.

5 Feuch, ann an euceart dhealbhadh mi, agus ann am peacadh ghabh mo mhàthair mi 'n a broinn.

6 Feuch, is ionmhuinn leat an fhìrinn's an taobh a stigh; agus anns an *ionad* fholuichte bheir thu orm gliocas a thuigsinn.

7 Glan mi le hìosop, agus bithidh mi glan; ionnail mi, agus bithidh mi nì's gile na sneachda.

8 Thoir orm guth subhachais agus aoibhneis a chluinntinn; agus nì na enàmhnan a bhris thu gairdeachas.

9 Foluich do ghnùis o m' pheacaidhean, agus dubh as m'èuceartan gu léir.

10 Cruthaich annam cridhe glan, a Dhé; agus ath-nuadhaich spiorad ceart 'an taobh a stigh dhìom.

11 Na tilg mi o d' shealladh, agus na toir do spiorad naomh uam.

12 Aisig dhomh gairdeachas do shlàinte, agus le d' spiorad saor cum suas mi.

13 Teagaisgidh mi do luchd-cusaontais do shlighean; agus ionpaichear peacaich a d' ionnsuidh.

14 Saor mi o chionta fola, a Dhé, a Dhé mo shlàinte: àrd-mholaidh mo theangadh d'fhìreantachd.

15 A Thighearna, fosgail mo bhilean, agus euridh mo bheul 'an cèill do chliu.

16 Oir cha-n iarr thu ìobairt, no bheirinn dhuit *i*; ann an ìobairt-loisgte cha-n'èil tlachd agad.

17 *Is* iad ìobairtean Dhé spiorad briste: air cridhe briste agus brùite, a Dhé, cha dean thusa tàir.

18 Dean maith, a'd' dheadh-ghean, do Shìon; tog suas ballachan Ierusalem.

19 An sin taitnidh ìobairtean ionracais riut, ìobairtean-loisgte agus làn ìobairtean-loisgte: an sin ìobraidh iad tairbh òga air d'altair.

## SALM LII.

1 *Chronaich Daibhidh Doeg air son a mhì-ruin, agus roimh-innis e a sgrìos. 8 Thug e buidheachas do Dhia do bhrìgh gu'n robh dòchas aige 'n a thròcair.*

Do'n àrd fhear-ciùil, Maschil le Daibhidh, 'n uair a thàinig Doeg an t-Edomach, agus a dh'innis e do Shaul, agus a thubhairt e ris, Thàinig Daibhidh gu tigh Ahimelech.

**C**'AR SON a nì thu uail as an ole, O 'ghaisgrich? *Mairidh* maithreas Dhé a ghnàth.

2 Dealbhaidh do theangadh aimt leas, mar caltuim ghéir, ag oibreachadh ceilge.

3 Is annsa leat an t-olc na maith, a bhrèug na briathran a' cheartais. Selah.

4 Is ionmhuinn leat gach focal millteach, an teangadh chealgach.

5 Uime sin sgrìosaidh Dia thu gu bràth: bheir e air falbh thu, agus tairgidh e as [do] phàillium thu, agus spìonaidh e do fhreumhan á tìr nam beò. Selah.

6 Agus chì na fireanan, agus bithidh eagal orra, agus nì iad gàire uime, *ag ràdh*,

7 Feuch, so ann fear nach d'rinn a neart do Dhia, ach a dh'earb á pailteas a bheartais, agus a neartaich e fèin 'n a aingidheachd.

8 Ach *bithidh* mise mar chrann-olaidh uaine ann an tigh Dhé; earbaidh mi á tròcair Dhé gu saoghal nan saoghal.

9 Mòlaidh mise thu gu sìorruidh, a chionn gu'n d'rinn thu *e*; agus feithidh mi air d'ainmsa, *oir* tha e maith an lathair do naomh.

## SALM LIII.

1 *Chuir Daibhidh 'an cèill truaillidheachd a' chinne-daoine. 6 Mhiannaich e slàinte an Tighearna fhaicinn.*

Do'n àrd fhear-ciùil air Mahalat, Maschil le Daibhidh.

**T**HUBHAIRT an t-amadan 'n a chridhe, Cha-n'èil Dia ann: tha iad truaillidh, agus rinn iad aingidheachd ghràineil; cha-n'èil neach ann a nì maith.

2 Dh'amhairc Dia a nuas o nèamh air eloinn nan daoine, a dh'fheuchaim an robh neach ann a bha glia, a bha 'g iarraidh Dhé.

3 Chaidh gach aon diubh air ais; tha iad gu léir air fàs salach: cha-n'èil neach ann a nì maith, cha-n'èil eadhon aon.

4 Nach 'èil còlas aca-san a tha 'deanamh na h-eucorach, a tha 'g itheadh suas mo shluaigh, mar a dh'ithcadh iad aran, *agus* nach gairm air Dia?

5 An sin ghabh iad eagal mòr, an uair nach robh aobhar eagal ann; sgaoil Dia a ehnàmha-san o' chéile a champaich *a'd' aghaidh*: nàirich thu iad, a chionn gu'n d'rinn Dia tàir orra.

6 O gu'n tigeadh slàinte Isracil a mach á Sion! An uair a bheir Dia air ais braighdeanas a shluaigh, nì Iacob gairdeachas, nì Israel aoibhneas.

## SALM LIV.

1 *Rinn Daibhidh gearan an aghaidh nan Siph-each. 4 Tha dòchas aige gu'n cuidich Dia leis, agus gu'n diol e olc d'a naimhaidh.*

Do'n àrd fhear-ciùil air Neginot, Maschil le Daibhidh, 'n uair a thàinig na Siphich, agus a thubhairt iad ri Saul, Nach 'èil Daibhidh 'g a fholach fèin maille ruinne?

**A**IR sgàth d'ainme, a Dhé, saor thusa mi, agus le d' eumhachd eum coth-runn.

2 Chunn m'urnuigh, a Dhé; éisd ri briathran mo bhcoil.



3 Oir dh'éirich coigrich a'm' aghaidh, agus dh'iarr luchd foinneirt mo bheatha; cha do chuir iad Dia fa'n comhair. Selah.

4 Feuch, *is e* Dia m'fhear-cuidcachaidh: *tha'n* Tighearn dhiubhsan a chumas suas mo bheatha.

5 Diolaidh e ole do m' naimhdibh: a'd' fhìrinn gearr as iad.

6 Le saor thoil bheir mi òbairt dhuit; molaidh mi d'ainm, a Thighearn, oir *tha e* maith.

7 Oir shaor thu mi as gach teinn: agus chumnaic mo shùil *mo mhiann* air mo naimhdibh.

## SALM LV.

1 *'N a theanntachd ghuidh Daibhidh gu'n tugadh Dia éisdeachd d'a urnuigh.* 16 *Ghlac e misneach a' clionn gu'n robh dochas airge gu'n saoradh Dia e as gach trioblaid.*

Do'n àrd fhear-ciùil air Neginot, Maschil le Daibhidh.

**E**ISD, a Dhé, ri m'urnuigh, agus na folaich thu féin o m'asluchadh.

2 Thoir aire dhomh, agus éisd rium: tha mi àrd ann am ghearan, agus ri bùireadh:

3 Air son gutha m'casaraid, air son foinneirt an duine aingidh; oir tha iad a' tilgeadh eucirt orm, agus ann am feirg tha iad a' toirt fuatha dhomh.

4 Tha mo chridhe air a chràdh an taobh a stigh dhom, agus thuit uamhasan a' bhàis orm.

5 Thàinigagal agus crith orm, agus chòmhdaich uamhunn mi.

6 Agus thubhairt mi, Och, nach robh agam sgiathan! mar chohuman theichinn as air iteig, agus gheibhinn fois.

7 Feuch, shiùbhlainn fad as; chòmhnuichinn anns an fhàsach. Selah.

8 Dheanaim deisir gu dol as o ghaoith làidir, agus o'n doiminn.

9 Sgrìos, a Thighearn, agus roinn an teangan; oir chumnaic mi foinneart agus consachadh 's a' bhaile.

10 A là agus a dh'oidhche tha iad a' dol mu'n cuairt air, air a bhallachan; agus *tha* eucart agus aimhreas 'n a mheadhon.

11 *Tha* aingidheachd 'n a mheadhon; agus cha dealaich feall agus cealg r'a shràidibh.

12 Oir cha bu nàmhaid a thug maslaidh dhomh, no dh'fhuilgim e; cha b'e fear le 'm b'fhuathach mi a dh'ardaich e féin a'm' aghaidh, no dh'fholaichinn mi féin uaith:

13 Ach thusa! fear a bu choimpe dhomh féin, fear m'uiil, agus fear m'eòlais.

14 Le 'chéile ghabh sinn comhairle bhlasta; gu tigh Dhé dh'imich sinn cuidcachd.

15 Gabhadh am bàs sealbh orra, rachadh iad sìos beò do'n uaigh; oir *tha* uile 'n an àite-còmhnuidh, 'n am meadhon.

16 Gladhaidh mise ri Dia; agus saoraidh Ichobhah mi.

17 Air feasgar, air maduinn, agus aig meadhon-là mi m'urnuigh, agus glaoth-

aidh mi gu b'àrd; agus éisdidh esan ri m' ghuth.

18 Saoraidh e m'anam ann an sìth o'n chòmhrag a'm' aghaidh; oir is lionmhor iad a tha 's'ri rium.

19 Eisdidh Dia, agus bheir e nuas iad, eadhon esan a tha ann o chian. Selah: oir cha-n'èil atharrachadh orra, agus cha-n'èil eagal Dhé orra.

20 Shìn e mach a làmh 'n an aghaidh-san a bha ann an sìth ris; bhris e a choimhcheangal.

21 Bu mhìne na ìm focail a bheòil, ach *bha* cogadh 'n a chridhe; bu bhuige a bhriathran na oladh, ach *bu* chlaidhean ruisgte iad.

22 Tilg air an Tighearn do chùram, agus cumaidh esan suas thu: cha leig e am feasd do'n fhìrean a bhàir air a ghluasad.

23 Ach tilgidh tusa, a Dhé, sìos iad gu slochd an sgrìos: cha mhair daoine fuil-eachdach agus cealgach leth an làithean; ach cuiridh mise mo dhòigh annadsa.

## SALM LVI.

1 *Rinn Daibhidh gearan a bhrìgh foinneirt a naimhdean.* 9 *Chuir e 'an cèll a dhòchas ann am focal Dhé, agus gheall e Dia a mholadh.*

Do'n àrd fhear-ciùil air Ionatelim-rechocim, Michtam le Daibhidh, an uair a ghlac na Philistich e ann an Gat.

**D**EAN iochd orm, a Dhé; oir b'àill le duine mo shlugadh suas: tha e 'g am shàruchadh gach là le cogadh.

2 B'àill le m'eascairdibh mo shlugadh suas gach là; oir is lionmhor iad a tha 'cogadh rium o ionad àrd.

3 'S an là air am bi eagal orm, carbaidh mi asadsa.

4 Ann am Dia molaidh mi 'fhocal; ann an Dia chuir mi mo dhòigh; cha-n eagal leam ciod a dh'fheudas feoil a dheanamh orm.

5 Gach là tha iad a' fiaradh mo bhriathar; *tha'n* smuaintean uile a'm' aghaidh chum uile.

6 Tha iad a' cruinneachadh le 'chéile, tha iad 'g am folach féin; tha iad a' toirt fàinear mo cheumanna, 'n uair a tha iad a' feith-eamh air son m'anama.

7 Le h-eucoir an téid iad as? ann ad fheirg leig sìos na slògh, a Dhé.

8 Tha thu ag àireamh mo sheacharain: cuir mo dheoir ann ad shearraig: nach 'èil iad ann ad leabhar?

9 An sin pillar mo naimhdean air an ais, 's an là a ghairmeas mi ort: air so tha fios agam, oir *tha* Dia leam.

10 Ann am Dia molaidh mi 'fhocal: anns an Tighearn molaidh mi 'fhocal.

11 Ann am Dia chuir mi mo dhòigh: cha-n eagal leam ciod a dh'fheudas duine a dheanamh orm.

12 Ormsa, a Dhé, *tha* do bhòidean: iocaidh mi cliu dhuit:

13 Oir shaor thu m'anam o'n bhàs, agus mar an ceudna mo chosan o thuiseadh, chum gu'n gluaisinn ann ad fhianuis, a Dhé, ann an solus nam beò.

## SALM LVII.

1 *N'a urnuigh tha Daibhidh a' guidhe gu'n deanadh Dia tròcair air, agus gu'n saoradh se e o'n fhear le'm b'àill a sgrios.* 7 *Dh'àrd-aicheadh a chridhe gu Dia a mholadh.*

Do'n àrd fhear-ciùil, Al-taschit, Michtam le Daibhidh, 'n uair a theich e o làthair Shaul do'n uaimh.

**D**EAN tròcair orm, a Dhé, dean tròcair orm; oir annadsa tha m'anam a' cur a dhòigh, agus fo sgàile do sgiathan gabhaidh mi mo thearmunn, gus an téid na h-uile so uile thairis.

2 Eighidh mi ris an Dia a's àirde, ri Dia a choimhionas nìthan air mo shon.

3 Cuiridh e neart o nèamh, agus saoraidh e mi; bheir e masladh do'n fhear le'm b'àill mo shlugadh suas. Selah. Cuiridh Dia a mach a thròcair agus 'fhìrinn.

4 *Tha m'anam am measg leòmhann; tha mi a'm luidhe am measg drounge air lasadh, daoine aig am bheil am fiacan 'n an sleaghan agus 'n an saighdibh, agus an teangadh 'n a claidheamh geur.*

5 Ardaich thu féin os ceann nan nèamh, a Dhé; do ghlòir os ceann na talmhainn uile.

6 Dheasaich iad lìon fa chomhair mo cheum; chrom iad m'anam sìos: chladhaich iad slochd romham; thuit iad féin 'n a mheadhon. Selah.

7 Tha mo chridhe deas, a Dhé, tha mo chridhe deas; seinnidh mi, agus molaidh mi.

8 Mosgail, mo ghlòir; mosgail, a shaltair agus a chlàrsach: mosglaidh mi féin moch air mhaduinn.

9 Molaidh mi thu am measg nan sluagh, a Thighearna; seinnidh mi dhuit am measg nan cinneach:

10 Oir *is* mòr do thròcair gu ruig na nèamhan, agus d'fhìrinn gu ruig na neòil.

11 Ardaich thu féin os ceann nan nèamh, a Dhé; do ghlòir os ceann na talmhainn uile.

## SALM LVIII.

1 *Thug Daibhidh achmhasan do bhreitheamh-naibh aingidh.* 3 *Nochd e gu bheil na h-aingidh a' dol air seacharan o'n bhroinn; 6 agus thug e thairis iad do bhreitheanas.*

Do'n àrd fhear-ciùil, Al-taschit, Michtam le Daibhidh.

**A**N labhair sibh, a choimhthionail, da rìreadh an ceartas, an toir sibh breth gu cothromach, a chlann nam daoine?

2 Seadh, 'n ur cridhe tha sibh a' dealbh aingidheachd; airtalamh tha sibh a' tomhas foirneirt bhuir làmh.

3 Tha na h-aingidh a' claonadh o'n bhroinn; tha iad a' dol air seacharan o'm breith, a' labhairt bhreug.

4 *Tha an nìmh mar nìmh nathrach; tha iad mar nathair bhodhar, a dhruideas a cluas;*

5 Nach éisd ri guth nan druidhean, a tha ro sheòlta 'n an druidheachd.

6 Bris am fiacan, a Dhé, 'n am beul; pronn gu tur tuisg nan leòmhann dga, a Thighearna.

7 Leaghadh iad, mar uisgeachan a ruith-eas 'an còmhnuidh; cuireadh *Dia* a shaighdean 'n an aghaidh, agus gearrar as iad.

8 Mar sheilcheig a blitheas a' leaghadh as, rachadh iad as: *mar* thorraicheas anabuich mnà, na faiceadh iad a' ghrian.

9 Mu'm mothaidh bhuir coireachan *teas* o'n droighnich, bheir e air falbh iad *mar* le h-ìomaghaoith, araon beò, agus 'n a chorruidh.

10 Bithidh aoibhneas air an fhùrean, an uair a chi e an dioghaltas: nighidh e a chosan ann am fuil an duine aingidh.

11 An sin their duine, Gu deimhin *tha* duais ann do'n fhùrean; gu cinnteach tha Dia ann a tha' toirt breth air an talamh.

## SALM LIX.

1 *Ghuidh Daibhidh gu'n teasairgeadh Dia e o a naimhdbh.* 8 *Chuir e a dhòchas anns an Tighearn.* 11 *Dh'iarr e sgrios a naimhdean.*

Do'n àrd fhear-ciùil, Al-taschit, Michtam le Daibhidh; 'n uair a chuir Saul daoine uath, agus a chuir iad faire air an tigh, chum a mharbhadh.

**T**EASAIRG mi o m' naimhdbh, O mo Dhia; dìon mi uatha-san a tha 'g éirigh a'm' aghaidh.

2 Teasairg mi o luchd-deanamh na h-euceirt, agus o dhaoineibh fuileachdach saor mi:

3 Oir feuch, tha iad a' feitheamh nam fàth an aghaidh m'anama; tha daoine cumbachdach air cruinneachadh a'm' aghaidh; cha-n ann *air son* mo lochd-sa, no *air son* mo pheacaidh, a Thighearna.

4 Gun choire *agam*sa, ruithidh iad, agus ulluichidh siad iad féin: mosgail thusa a chuideachadh leam, agus amhaire.

5 O thusa, a Thighearn, a Dhé nan sluagh, a Dhé Israeil, mosgail a dh'fhiosrachadh nan cinneach uile: na dean iochd air luchd-eusaonta's ciontach nam bich. Selah.

6 Pillidh iad 's an fheasgar, ni iad donnal-aich mar choin, agus theid iad mu'n cuairt air a' bhaile.

7 Feuch, brùchdaidh iad a mach le'm beul; *tha* claidhean 'n am bilibh: Oir cò, *ars' iadsan*, a chluinneas?

8 Ach ni thusa, a Thighearna, gàire umpa; ni thu fanoid air na cinnich uile.

9 O thusa mo neart, feithidh mi ort: oir *is* e Dia mo dhaingneach.

10 Mo Dhia, gabhadh a thròcair romham: bheir Dia dhomh gu'm faic mi *mo mhiann* air m'eascairdibh.



# SALM LX—LXI.

11 Na marbh iad, airagal gu'n dì-chuimh-  
nich mo shluagh; sgaol iad le d' neart,  
agus leag gu h-ìosal iad, a Thighearn' ar  
sgiaith.

12 *Air son* peacaidh am beoil, *air son*  
bhriathar am bilean, glacair iad 'n an àrdan;  
eadhon air son nam mallachd agus nam  
breug a labhras iad.

13 Sgrios [iad] ann am feirg, sgrios, [iad],  
agus na *bitheadh* iad ann; agus bitheadh  
fios aig daoine gu bheil Dia 'n a uachd-  
aran ann an Iacob, gu ruig crìochan na  
talmhainn. Selah.

14 Pillidh iad 's an fheasgar, ni iad donna-  
laich mar choin, agus théid iad mu'n cuairt  
air a' bhaile.

15 Gabhaidh iad a null agus a nall air  
son bìdh, agus mur sàsuichear iad, ni iad  
gearan.

16 Ach seinnidh mise mu d' neart, agus  
àrd-mholaidh mi 's a' mhaduinn do thròcair;  
oir bu tusa mo dhaingneach, agus mo dhìd-  
ean, ann an là mo theanntachd.

17 O thusa mo neart, seinnidh mi dhuist;  
oir is e Dia mo dhaingneach, mo Dhia-sa,  
mo thròcair.

## SALM LX.

1 *Tha Daibhidh ri caoidh a chionn gu'n robh  
fearg air Dia r'a shluagh.* 4 *Teasairgidh  
an Tighearn iadsan a's ionnmhuinn leis.*

Do'n àrd fhear-ciùil air Susan-edut, Michtam  
le Daibhidh, chum teagaisg, an uair a chog  
e an aghaidh Aram-naharaim, agus an agh-  
aidh Aram-sobah, agus a phill Iobab, agus a  
bhuail e de Edom ann an gleann an t-salainn  
da mhìle dheug.

**A** DHE, thilg thu uait sinn, sgap thu  
sinn, bha fearg ort; O pill thusa ruinn.  
2 Chuir thu an talamh air chrith; bhris  
thu e; slànuaich a bhriseadh, oir tha e air a  
luasgadh.

3 Nochd thu do d' shluagh *nithean* cruaidhe;  
thug thu oirnn fìon a' bhuaireis òl.

4 Thug thu bratach dhoibhsan d'an eagal  
thu, gu bhi air a togail suas air sgàth na  
firinn'. Selah.

5 Chum gu'n teasairgear iadsan a's ion-  
nmhuinn leat, saor thusa le d' dheas làimh,  
agus éisd rium.

6 Labhair Dia 'n a naombachd: ni mi  
aoibhneas; roinnidh mi Sechem, agus  
tomhaisidh mi gleann Shucoit.

7 *Is* leamsa Gilead, agus *is* leam Manaseh;  
agus *is* e Ephraim neart mo chinn, Iudah  
fear-tabhairt mo lagha:

8 *Is* e Moab mo shoitheach-ionnlaid; os  
ceann Edoim tigidh mi mo bhròg: thar  
Palestìn ni mi caithream.

9 Cò a bheir mi do'n bhaile dhaingnichte?  
cò a threòraicheas mi gu h-Edom?

10 Nach tusa, a Dhé? *thusa* a thilg uait  
sinn, agus nach deachaidh a mach, a Dhé  
maille r'ar n-armailtibh?

11 Thoir còmhnaidh dhuinn ann an teinn;  
oir is dìomhain furtachd duine.

12 Trid Dhé ni sinn treubhantas; oir sal-  
traidh esan sìos ar naimhdean.

## SALM LXI.

1 *Rinn Daibhidh urnuigh ri Dia, 4 agus chuir  
e a dhòchas 'n a thròcair.*

Do'n àrd fhear-ciùil air Neginot. *Salm* le  
Daibhidh.

**E**ISD, a Dhé, ri m' ghlaodh, thoir an  
aire do m' urnuigh.

2 O iomall na talmhainn éighidh mi riut, an  
uair a bhitheas mo chridhe lag: chum na  
carraig' a's àirde na mi féin, treòraich thusa  
mi:

3 Oir bha thusa a'd' thearmunn dhomh,  
a'd' thùr làidir an aghaidh an nàmhaid.

4 Gabhaidh mi còmhnuidh ann ad phàillium  
gu bràth: cuiridh mi mo dhòigh ann an  
sgàil do sgiathan. Selah.

5 Oir chuala tusa, a Dhé, mo bhòidean:  
thug thu oighreachd dhoibhsan air am  
bheil eagal d'ainme.

6 Cuir thusa làithean ri làithibh an rìgh:  
*bitheadh* a bhliadhnan mar linn agus linn.

7 Maireadh e gu bràth 'am fianuis Dhé:  
gleidheadh tròcair agus fìrinn e.

8 Mar sin seinnidh mi cliù do d'ainm gu  
bràth, chum gu'n diòl mi mo bhòidean o là  
gu là.

## SALM LXII.

1 *Chronaich Daibhidh a naimhdean air son an  
aingidheachd, 5 agus thug e misneach do na  
h-ionracain.* 9 *Cha chòir dòchas a chur ann  
an aoibhreas.*

Do'n àrd fhear-ciùil, do Iedutun. *Salm* le  
Daibhidh.

**A**IR Dia a mhàin *tha* m'anam a' feith-  
eamh: uait-san *thig* mo shlàinte.

2 *Is* esan a mhàin mo charraig agus mo  
shlàinte: *is e* mo dhìdean: cha ghluaisear  
gu mòr mi.

3 Cia fhad a dhealbhas sibh aimhleas an  
aghaidh duine? marbhar sibh uile; mar  
bhalla ag aomadh, mar ghàradh air chrith  
bithidh sibh.

4 A mhàin chum a thilgeadh sìos o 'àirde  
tha iad a' gabhail comhairle le 'chéile; is  
miam leo breugan; le'm beul beannaichidh  
iad, ach 'n an cridhe mallaichidh iad.  
Selah.

5 A mhàin air Dia feith, O m'anam; oir is  
ann uait-san a *tha* mo dhòchas.

6 *Is* esan a mhàin mo charraig, agus mo  
shlàinte: *is e* mo dhìdean; cha ghluaisear  
mi.

7 Ann an Dia *tha* mo shlàinte agus mo  
ghlòir; carraig mo neirt, mo thearmunn is  
e Dia.

8 Cuiribh air gach àm bhur dòigh ann, O  
a shluagh; dòirtibh a mach bhur cridhe  
'n a fianuis: *tha* Dia 'n a thearmunn  
duinn. Selah.

9 Gu cinnteach *tha* clann Adhaimh 'u an dìomhanas, clann an duine 'u am brèig: air meidh ma chuirear iad, *is* eutruime iad gu léir na dìomhanas.

10 Na h-earbaibh á foirneart, agus á reubainn na deanaibh uail: an uair a dh'fhàsas saoihbheas, na cuiribh bhuir cridhe *air*.

11 Aon uair labhair Dia; dà uair chuala mi so, gur le Dia cumhachd.

12 Mar an ceudna dhuitse, a Thighearna, *buinidh* trècair; oir bheir thu luigheachd do dhuine a réir 'oibre.

## SALM LXIII.

1 *Tha cridhe Dhaibhidh a' togradh a dh'ionnsuidh Dhé. 9 Sgrìosar a naimhdean le faobhar a' chlàidheimh. 11 agus bithidh e féin aoibhneach ann an Dia.*

Salm le Daibhidh, 'n uair a bha e ann am fàsach Iudah.

**A** DHIA, *is* tu mo Dhia-sa; gu moch iarraidh mi thu: *tha* tart air m'anam a'd' dhéigh, *tha* m'fheoil a' togradh a d'ionnsuidh ann an tìr thioraim agus thartimhoir, as eugmhais uisge:

2 Chum, mar a chunnaic mi thu ann *ad* ionad uaomh, gu'm faicinn do chumhachd agus do ghloir.

3 A chionn gur fearr do chaoimhneas gràidh na beatha, bheir mo bhilean cliù dhuit.

4 Mar sin beannaichidh mi thu, an cian is beò mi; ann ad ainm togaidh mi mo làmh.

5 Mar le smior agus le saill sàsuichear m'anam, agus le bìlbh aoibhneach molaidh mo bheul *thu*;

6 'N uair a chumhniceas mi ort air mo leabaidh, a bheachd-smuainicheas mi ort ann am fairibh ua h-oidheche.

7 A chionn gu'n robh thu a'd' chabhair agam, uime sin fo sgàile do sgrìathan ni mi gairdeachas.

8 Tha m'anam a' dlùth-leantuin riut: cumaidh do dheas làmh suas mi.

9 Ach iadsan a dh'iarraas m'anam a chum a sgrìos, théid iad do ionadaibh ìochdarach na talmhainn.

10 Tuitidh iad le faobhar a' chlàidheimh; mar chuibrionn do ua sionnaich bithidh iad.

11 Ach bithidh an rìgh aoibhneach ann an Dia: ui gach neach a mhionnaicheas airsan, uail: an uair a dhruidear beul na dream a labhras breug.

## SALM LXIV.

1 *Ghuidh Daibhidh gu'n gleidheadh Dia e o chomhairle dhìomhair dhroch dhaoine: 7 ghabh e misneach dha féin do bhrìgh gu'n robh duil aige ri'n sgrìos fhaicinn.*

Do'n àrd fhear-ciùil. Salm le Daibhidh.

**E** ISD, a Dhé, ri m'ghuth ann am asluchadh; o eagal an nàmhaid gléidh mo bheatha.

2 Folaich mi o chomhairle dhìomhair dhroch dhaoine, o chomhchruinneachadh luchd-deanamh na h-eucèir;

3 A gheuraich mar chlàidheamh au teangadh; a dheasaich au saighdean, *eadhon* briathran searbha;

4 Chum an tilgeadh ann an *ionadaibh* dìomhair air au *duine* ionraic: gu h-obann tilgidh iad air, agus cha bhì eagal orra.

5 Gabhaidh iad misneach dhoibh féin ann an droch-bheirt; labhraidh iad le 'chéile mu leagadh ribeachan gu dìomhair; 's e their iad, Cò a chi sinn?

6 Rannsaichidh iad a mach euceartan; coimhlionaidh iad mìn-rannsachadh; agus sin an taobh a stigh do dhuine, eadhon 's a' chridhe dhomhain.

7 Ach tilgidh Dia saighead orra-san; gu h-obann bithidh iad air an lotadh.

8 Agus bheir iad air an teangaidh féin tuiteam orra féin: teichidh gach neach a chi iad.

9 Agus bithidh eagal air gach duine, agus cuiridh iad 'an céill obair Dhé; oir tuidgidh iad a ghnìomh-san.

10 Nì an fircan aoibhneas anns an Tigh-earn, agus cuiridh e a dhòchas ann: agus nì iadsan uile a tha ceart 'n an cridhe gairdeachas.

## SALM LXV.

1 *Mhol Daibhidh an Tighearn air son a thròc- air. 4 Beannaichidh an t-sluaigh a thaghas Dia, agus a bheir e'm fagus da.*

Do'n àrd fhear-ciùil. Salm no laoidh le Daibhidh.

**O** RTSA, O Dhé, *tha* moladh a' feith-eamh ann an Sion; agus dhuitse dòlar a' bhòid.

2 O thusa a dh'éisdeas ri h-rrnuigh, thugad-sa thig gach feoil.

3 Thug euceartan buaidh oirnn: ar n-eus-aontaies glanaidh tusa uainn.

4 *Is* beanuaichte *esan* a thaghas tusa, agus a bheir thu am fagus *duit*; gheibh e còmhuidh a'd' chùirtibh: sàsuichear sinne le maitheas do thighe, do theampuill naoimh.

5 *Le* nithibh uamhasach ann an cearas bheir thu freagradh dhuinn, a Dhé ar slàinte, dòchas uile chrìochan na talmhainn, agus na fairge, fada uainn!

6 A tha 'socrachadh nam beau le do chumhachd, air do chrìolachadh le neart:

7 A chaisgeas fuainu fhairegean, fuaim an tonn, agus buaireas nan cinneach.

8 Gabhaidh eadhon luchd-àiteachaidh nan crìoch fada mach eagal roimh do chomh-araibh: bheir thusa air dol a mach na maidne agus an fheasgair gairdeachas a dheanamh.

9 Tha thu a' fiosrachadh na talmhainn, agus 'g a uisgeachadh; nì thu ro bheartach e, oir tha amhainn Dhé làn uisge: deasaichidh tu arbhar, 'n uair a dh'ulluich thu e uar so.



10 Tha thu gu pailt ag uisgeachadh 'iom-  
airean; tha thu a' leagadh sìos a sgrìoban;  
le frasaibh ni thu tais e; beannaichidh tu  
thàs.

11 Crùnaidh tu a' bhliadhna le d' mhaith-  
eas; agus silidh do cheuman saill.

12 Silidh iad air eluainibh an fhàsaich;  
agus ni na cuic gairdeachas air gach  
taobh.

13 Tha na cluainean air an sgeadachadh  
le treudaibh, agus tha na glinn air an còmh-  
dachadh le h-arbhar: ni iad iolach ait;  
seadh seinnidh iad.

## SALM LXVI.

1 *Chuir Daibhidh impidh air gach uile thir an  
Tighearn a mholadh.* 5 *Tha oibre Dhé  
uamhasach: S is coir do gach neach a bheann-  
achadh: 13 gheall Daibhidh gu'n coimhlion-  
adh e a bhòidean da.*

Do'n àrd fhear-ciùil. Salm no laoidh.

**T**VOGAIBH iolach ait do Dhia, a thirean  
uile:

2 Seinnibh glòir 'ainme, deap' bh a chliu  
glòrmhor.

3 Abraibh ri Dia, Cia h-uamhasach d'oibre?  
trid meud do neirt, strìochdaidh do naimh-  
dean dhuit.

4 Sleuchdaidh gach tìr dhuit, agus seinn-  
idh iad dhuit; seinnidh iad do d'ainm.  
Selah.

5 Thigibh, agus faicibh oibre Dhé: uamh-  
asach tha e 'n a ghnìomharaibh air clann  
nan daoine.

6 Thionndaidh e a' mhuir gu talamh tior-  
am: troimh 'n t-sruth ghabh iad thairis  
d'an cois: an sin rinn sinn gairdeachas ann.

7 Le 'thréun neart riaghlaidh e gu bràth;  
amhaircidh a shùilean air na cinnich; na  
h-àrdaicheadh luelud-ceannaire iad féin.  
Selah.

8 Beannaichibh, O a shlòigh, ar Dia-ne,  
agus thugaibh air fuaim a mholaidh 'bhi air  
a chluinntinn;

9 Neach a chumas ar n-anam beò, agus  
nach leig le'r cois carachadh.

10 Oir dh'earbh thu sinn, a Dhé; ghlan thu  
sinn 's an teine, mar a ghlanar airgid.

11 Thug thu steach 's'an lion sinn; chuir  
thu teinn air ar leasraidh.

12 Thug thu air daoibh mareachd thar  
ar cian: chaidh sinn troimh theine, agus  
troimh uisge; ach thug thu mach sinn gu  
h-ionad saobhair.

13 Théid mi do d' thigh le h-ìobairtibh-  
loisgte: coimhlionaidh mi dhuit mo bhòid-  
ean.

14 Leis an d'fhosgladh mo bhilean, agus  
a labhair mo bheul, an uair a bha mi ann  
an éigin.

15 Iobairtean-loisgte de fheadail reamhar  
ìobraidh mi dhuit, maille ri tùis reith-  
eachan: bheir mi suas buar, maille ri gabh-  
raibh. Selah.

16 Thigibh, éisdibh, sibhse uile air am

bheil eagal Dhé, agus cuiridh mi 'n céill na  
rinn e air son m'anama.

17 Ghlaodh mi ris le m' bheul, agus  
dh'ardaicheadh e le m' theangaidh.

18 Ma bheir mi spéis do euceart a'm'  
chridhe, cha-n éisd an Tighearn rium.

19 Gu dearbh dh'éisd Dia, thug e an aire  
do ghuth m'urnuigh.

20 Beannaichte gu'n robh Dia, nach do  
thionndaidh m'urnuigh uaith-san, agus a  
thròdeair uamsa.

## SALM LXVII.

1 *Urnuigh air son soirbheadhaidh rioghachd  
Chrìosd, 3 chum gu'm bi na cinnich aoibh-  
neach, 4 agus gu'mol na slòigh an Tighearn.*

Do'n àrd fhear-ciùil air Neginot. Salm no  
laoidh.

**G**U'N deanadh Dia tròdeair oirnn, agus  
gu'n beannaicheadh e sinn! agus gu'n  
tugadh e air a ghnùis dealrachadh oirnn!  
Selah.

2 Chum gu'n aithniehear do shlighe air an  
talamh, do shlàinte am measg nan uile  
chinncach.

3 Moladh na slòigh thu, a Dhé! moladh na  
slòigh uile thu!

4 Bitheadh na cinnich aoibhneach, agus  
deanadh iad luathghaire; oir bheir thusa  
breth air na slòigh ann an ceartas, agus  
riaghlaidh tu na cinnich air an talamh.  
Selah.

5 Moladh na slòigh thu, a Dhe! moladh na  
slòigh uile thu!

6 Bheir an talamh a thoradh: gu'm beann-  
aicheadh Dia, ar Dia-ne, sinn!

7 Gu'm beannaicheadh Dia sinn! agus gu'n  
robh 'eagal-san air uile chrìochaibh na  
talamhainn!

## SALM LXVIII.

1 *Ghuidh Daibhidh gu'n sgapadh Dia anaimh-  
dean. 4 Earail gu Dia a mholadh air son a  
thròcairean, 7 agus air son a chùraim d'a  
shluagh.*

Do'n àrd fhear-ciùil. Salm no laoidh le  
Daibhidh.

**E**IREADH Dia! bitheadh a naimhdean  
air an sgapadh, agus teicheadh iadsan  
aig am bheil fuath dha, o 'ghnùis!

2 Mar dh'fhuadaichear deatach, fuadaich-  
ear iad: mar a leaghar céir fa chomhair an  
teine, sgriosar droch dhaoine 'am fianuis  
Dhé.

3 Ach bitheadh na fireanan aoibhneach;  
deanadh iad gairdeachas 'am fianuis Dhé,  
agus bitheadh iad suilbhre le luathghaire.

4 Seinnibh do Dhia, molaibh 'ainm; àrd-  
aichibh esan a tha 'marcachd air na nàmhàn  
le 'ainm Iah, agus deanaibh gairdeachas 'n a  
fhianuis.

5 Athair nan dilleachdan, agus breitheamh  
nam bantrach is e Dia ann an ionad-còmh-  
nuidh a naomhachd.

6 Suidhichidh Dia na daoine aonaranach  
ann an teaghlach; bheir e mach iadsan a

tha ceangailte le cuibhricht; ach gabhaidh na ceannairich còmhuidh anu an *tìr* thartmhoir.

7 A Dhé, 'n nair a chaidh thu mach roimh do shluagh, 'n nair a dh'imich thu anns au fhàsach; Selah:

8 Chrìothnaich an talamh, shìl mar au ceudna ua nèamhau; [leagh na beanntan] o làthair Dhé, Sinai sin féin o làthair au Tighearna Dé Israeil.

9 Shìl thu nuas uisge gu pailt, a Dhé; air d'òighreachd, agus i sgìth, dh'fhurtaich thu.

10 Chòmhnuich do choimthional innte; dheasaich thu, a Dhé, de d' mhaithcas do'n *duine bhochd*.

11 Chuir an Tighearna a ghuth a mach; *bu* lionmhor cuideachd na muinntir' a dh'fhoillsich e.

12 Theich, theich rìghrean nan armait-eau; agus roimh ise a dh'fhan aig an tigh a' chreach.

13 Ge do luidh sibh am measg choir-eachan, *bithidh sibh mar* sgiathaibh colum-air air an còmhcadachd le h-airgiod, agus 'iteagan le h-òr buidhe.

14 'N uair a sgaol an t-Uile-chumhachd-ach rìghrean iuute, *bha* i geal mar shneachd air Salomon.

15 *Tha* beinn Dhé *mar* bheinn Bhàsain, 'n a beinn àrd *mar* bheinn Bhàsain.

16 C'ar son a leumas sibh, a bheantau àrda? *is* i so a' bheinn anns am mianu le Dia còmhuidh a ghabhail, seadh, còmhnuichidh an Tighearna *inn*te gu bràth.

17 *Tha* carbaid Dhé 'u am fichead mìle, le mìltibh de mìltibh *aingeal*: *tha* an Tighearna 'n am measg, *mar* ann an Sinai, 's an ionad naomh.

18 Chaidh thu suas air *ionad* àrd, thug thu bruid ann am braighdeanas: thug thu tiodhlacan do dhaoineibh, seadh, eadhon do dhaoineibh ceannairceach, chum gu'n gabhadh an Tighearna Dia còmhnuidh 'n *am measg*.

19 Beannaichte *gu'n robh* an Tighearna, a *tha* gach là 'g ar cumail suas, Dia ar slàinte! Selah.

20 *Is* e ar Dia-ne Dia ua slàinte; agus do'n Tighearna Dia *buinidh* an t-slighe o'n bhàs.

21 Ach brisidh Dia ceann a naimhdean, claignonn greannach an fhir a dh'imicheas 'n a pheacaidhean.

22 Thubhairt an Tighearna, *Mar* o Bhàsan bheir mi *mo shluagh* air an ais; bheir mi air an ais *iad mar* o dhòimhneachdaibh na faire:

23 Chum gu'n tumar do chos ann am fuil do naimhdean, teangadh do mhadradh anns an *ni* cheudna.

24 Chunnaic iad do thriall, a Dhé! triall mo Dhé, mo Rìgh, 's an ionad naomh!

25 Dh'imich an luchd-seinn air thoiseach,

an luchd-ciuil 'n an déigh, 'am meadhon mhaighdean a' bualadh thiompan.

26 Auns na coimhthionalaibh beannaichibh Dia, an Tighearna o thobar Israeil.

27 An sin *tha* Benjamin beag 'n a uachdaran orra, ceannardan Iudah an luchd-comhairle, ceannardan Shebuluin, ceannardan Naphtali.

28 Dh'aitim do Dhia dhuit do neart: ueartaich, a Dhé, au *ni* so a rinu thu air ar son.

29 Air son do theampull ann an Ierusalem, bheir rìghrean tiodhlac dhuit.

30 Smachdaich luchd nan sleagh, mòr chuideachd nan tarbh, le laoiigh an t-sluaigh, *gu*s au strìoedh iad le mìribh airgid: sgap thusa na slòigh a ghabh tlachd de'n chogadh.

31 Thig àrd uaislean as au Eiphit; sìnidh Etiopia a lánhan a mach gu luath ri Dia.

32 A rìoghachda na taluinn, seinnibh do Dhia; seinnibh uoladh do'n Tighearna: Selah.

33 Dha-san a tha 'marcachd air nèamhan uan nèamh o chian! Feuch, *tha* e a' cur a mach a ghntha, gutha neirt.

34 Thugaibhse neart do Dhia: *thar* Israel *tha* a ghloir, agus *tha* a neart anns ua neul-aibh.

35 *Is* uamhasach thusa, a Dhé, o d'ionad-aibh naomha! *Is* e Dia Israeil a bheir neart agus treòir d'a shluagh. Gu ma beannaichte Dia!

## SALM LXIX.

1 'N a theanntachd rinn Daibhidh gearan ri Dia: 13 ghuidh e air son saorsa o 'thrioblaidibh: 22 thug e thairis a naimhdean gu Ìir-sgrìos: 30 gheall e Dia 'àrdachadh le breith-buidheachais.

Do'n àrd fhear-ciuil air Sosanim. Le Daibhidh.

**T**EASAIRG mi, a Dhé, oir thàinig na h-uisgeachan steach gu ruig m'anam.

2 Tha mi a' dol fodha ann an làthaich dhomhain, guu àite gu seasamh: *tha* mi air teachd gu doimhneachdaibh 'n an uisge, agus *tha* u sruth a' dol tharinn.

3 Tha mi sgìth le m' ghlaodhaich; *tha* mo scornan air tiormachadh: *tha* mo shùilean air fàilneachadh le feitheamh air mo Dhia.

4 Is homhhoire na falt mo chinu iadsan aig am bheil fuath dhomh gun aobhar: *tha* iadsan air fàs làidir le'm b'àill mo mhilleadh, a *tha* 'n an naimhdeibh dhomh gu h-eucorach; an ni sin nach d'thug mi leam, an sin is éigin domh 'aiseag.

5 Tha fios agadsa, a Dhé, air m'amaid-eachd; agus cha-n'eil mo lochdan folaichte ortsa.

6 Na bitheadh nàire orra-san air mo sgàth-sa, a dh'fheithcas ortsa, a Thighearna Dhé nan slògh: na bitheadh amhluidh orra-san air mo sgàth-sa, a dh'iarra thusa a Dhé Israeil:



7 Oir air do sgàth-sa dh'fhuiling mi mas-ladh; chomhdaich amhladh mo ghnùis.

8 Is coigreach mi do m' bhràithribh, agus còmhach do chloinn mo mhàthar:

9 Oir dh'ith eud do thighe suas mi; agus ormsa thuit toibheum na muinntir sin a thug toibheum dhuitse.

10 Agus an uair a dh'irioslaich mi m'anam le trasgadh, bha e 'n a mhasladh dhomh.

11 Agus rinn mi mo chulaidh de shaic-eudach, agus bha mi a'm leth-fhocal aca.

12 Tha iadsan a tha 'n an suidhe anns a' gheata a' labhairt a'm aghaidh; agus *tha mi a'm* òran aca-san a tha 'g òl dibhe làidir.

13 Ach air mo shon-sa, *tha* m'urnuigh riutsa, a Thighearna, ann an àm taitneach: a Dhé, ann an lìomhoireachd do thròcair éisd rium, ann am fìrinn do shlàinte.

14 Saor mi o'n làthach, agus na racham sìos: teasaigear mi uatha-san le'm fuathach mi, agus o na h-uisgeachaibh domhain.

15 Na rachadh tuil nan uisge tharum, agus na shuigeadh an doimhneachd mi, agus na druideadh an slochd a bheul orm!

16 Eisd rium, a Thighearna, oir *is* maith do ehaomhneas gràdhach; a réir lìomhoireachd do chaomh thròcairean pill rium.

17 Agus na folaich do ghnùis o d' òglach, oir tha mi ann an aire; éisd rium gu grad.

18 Druid ri m'anam, saor e; a bhrìgh m' eascairdean, teasaig mi.

19 Is aithne dhuit mo mhasladh, agus mo nàire, agus mo mhi-chliu: a'd fhianuis *tha* mo naimhdean uile.

20 Bhris masladh mo chridhe, agus tha mi iarganaeh: agus dh'amhaire mi air son *neach* a ghabhadh trasas, ach cha robh e ann; agus air son luchd-comhfhurtachd, ach cha d'fhuair mi *iad*.

21 Agus thug iad dhomh, mar mo bhiadh domblas; agus ann am ìotadh, thug iad dhomh fion-geur r'a òl.

22 Bitheadh am bord fa'n comhair mar ribe, agus an soirbheachadh mar cheap-tuistidh *dhoibh*.

23 Dorehaichear an sùilean, chum nach faie iad; agus thoir air an leasraidh a ghnàth bhi air chrith.

24 Dòirt d'fhearg orra, agus glacadh do chorruih gheur iad.

25 Bitheadh an àite-tàimh fàs; 'n am pàillunaibh na gabhadh neach còmhnuidh!

26 Oir gheur-lean iad an tì a bhuail thusa; agus labhair iad chum doilgheis dhoibhsan a rinn thu lot.

27 Cuir eucart r'an eucart, agus na tig-eadh iad a steach a'd fhìreantachd-sa.

28 Dubh a mach iad á leabhar nam beò, agus maille ris na fireanaibh na sgrìobhar iad.

29 Aeh mise, a *tha* boehd agus brònach, togadh do shlàinte, a Dhé, an àird mi.

30 Molaidh mise ainm Dhé le h-òran, agus ardaichidh mi e le breith-buidheachais.

31 Agus is fearr leis an Tighearna *so* na damh, *na* tarbh òg a tha adharcaeh, erobh-anach.

32 Chi na daoine sèimh so, agus bithidh aoibhneas orra: sibhse a dh'iarraas an Tighearna, bithidh bhuir cridhe beò.

33 Oir éisdidh an Tighearna ri bochdaibh, agus cha dean e tàir air a phrìosanaich.

34 Moladh na nèamhan agus an talan e; na cuantan, agus gach nì a ghluaiseas anna!

35 Oir saoraidh Dia Sion, agus togaidh e bailtean Iudah; agus gabhaidh iad còmh-nuidh an sin, agus mealaidh iad i.

36 Sealbhaichidh slìochd a sheirbhiseach i, agus gabhaidh iadsan a ghràdhacheas 'ainm-san còmhnuidh innte.

## SALM LXX.

1 *Ghuidh Daibhidh gu'n deanadh Dia deifir chum a chuideachaidh, 2 agus gu'n cuireadh e a naimhdean fo amhaidh.*

Do'n àrd fhear-ciuil. *Salm* le Daibhidh, a chur an cuimhne.

**A** DHE, chum mo theasairgim, a Thighearna, chum mo chuideachaidh dean eabhag.

2 Bitheadh nàire agus amhladh orra-san a tha 'g iarraidh m'anama: pillair air an ais iad, agus mòr amhladh gu'n robh orra-san a tha 'miannachadh uile dhomh.

3 Gu'm pillair iadsan air an ais, mar thuarasdal d'au nàire, a their rium, Ahà, ahà!

4 Deanadh iadsan uile a tha ga d' iarraidh, aoibhneas agus gairdeachas annad; agus abradh iadsan a ghnàth, le'n toil de shlàinte, Mòr mholadh gun robh do Dhia!

5 Ach *tha* mise boehd agus uireasbhuidh-cach; a Dhé, greas a m' ionnsuidh: *is* tusa mo eabhair agus m'fhear-saoraidh; a Thighearna, na dean moille.

## SALM LXXI.

1 *Chuir an salmard an cèll maithas Dhé d'a thaobh 's an ainm a chaidh seachad, 12 agus ghuidh e nach tilgeadh e uair e 'n a shean aois. 19 Chliuthaich e an Tighearna.*

**A** NNADSA, a Thighearna, cuiream mo dhòigh: nàire na bitheadh orm am feasd.

2 A'd' cheartas teasaig mi, agus thoir orm dol as; aom do chluas rium, agus saor mi.

3 Bi-sa a'd' charraig làidir dhomh, chum an rachaiun a ghnàth: dh'àithn thu mi bhi air mo shaoradh; oir *is* tu mo charraig, agus mo dhaingneach.

4 O mo Dhia, thoir fuasgladh dhomh á làimh an aingidh, á làimh an duine eucoraich agus an-ìochdmhoir.

5 Oir *is* tusa mo dhòchas, a Thighearna Dhé, mo dhòigh o m'òige.

# SALM LXXII, LXXIII.

6 Leatsa chumadh mise suas o'n bhroinn :  
 6 h-innibh mo mhàthar bhuin thu mi: ortsa  
*bithidh* mo mholadh an còmhnuidh.

7 Mar aobhar iongantais tha mi aig mòran;  
 ach is tusa mo thearmunn làidir.

8 Lionar mo bheul *le d' mholadh, le d' chliù-*  
*sa gach là.*

9 Na tilg uait mi 'an àm sean aoise; 'n uair  
 a dh'fhàilnicheas mo neart, na tréig mi.

10 Oir labhair mo naimhdean a'm' aghaidh;  
 agus ghabh iadsan a tha 'feitheamh nam  
 fàth air m'anam, comhairle 'n' chéile,

11 Ag ràdh, Thréig Dia e: leanaibh e gu  
 teann, agus glacaibh e; oir cha-n'eil neach  
 ann a shaoras e.

12 A Dhé na bi-sa fada nam; O mc Dhia,  
 greas gu m' chabhair.

13 Bitheadh nàire, bitheadh claidh, air  
 eascairdibh m'anama: còmhdaichear le mas-  
 ladh agus le mi-chliù iadsan a tha 'g iarraidh  
 m'uile.

14 Ach sr-earbaidh mise, agus cuiridh mi  
 ri d' chliù uile.

15 Aithrisidh mo bheul d'fhìreantachd,  
 air feadh an là do shlàinte; ged nach aithne  
 dhomh an àireamh.

16 Théid mi air m'aghaidh ann an neart  
 an Tighearna Dé: ni mi sgeul air d'fhìr-  
 eantachd, d'fhìreantachd féin a mhàin.

17 O Dhé, theagaisg thu mi o'mòige; agus gu  
 ruige so chair mi d'òibre iongantach 'an céill.

18 Agus a nis an uair a tha mi sean agus  
 liath, a Dhé na tréig mi; gus an cuir mi 'an  
 céill do neart do'n àl so, do gach àl ri  
 teachd do chumhachd.

19 Agus tha d'fhìreantachd-sa, a Dhé,  
 ro àrd, O thusa a rinn nithean mòra: a Dhé,  
 cò d's cosmhuil riut?

20 A nochd dhomh teanntachdan mòra  
 agus cruaidh', a bheothaicheas mi a ris,  
 agus o dhoimhneachdaibh na talmhainn a  
 bheir a nìos mi a ris.

21 Meudaichidh tu mo mhòrachd, agus air  
 gach taobh bheir thu sòlas dhomh.

22 Uime sin molaidh mise thu air an  
 t-saltair, *seadh* d'fhirinn-sa, mo Dhia; sein-  
 nidh mi dhuit air a' chlàrsaich, O Aoin  
 naoimh Israeil.

23 Ni mo bhilean mòr-ghairdeachas an  
 uair a sheinneas mi dhuit, agus m'anam a  
 shaor thu.

24 Labbraidh mar an ceudna mo theang-  
 adh air d'fhìreantachd air feadh an là; oir  
 chuireadh anhluidh, oir chuireadh nàire  
 orra-san a tha 'g iarraidh m'aimhleis.

## SALM LXXII.

1 Rinn Daibhidh urnuigh air son Sholaimh, 4  
 agus nochd e ceartas, sonas, agus glòir a  
 rioghachd. 18 Beannaich e Dia.

Air son Sholaimh.

A DHE, thoir do bhreitheanais do'n rìgh,  
 agus d'fhìreantachd do mhac an rìgh.

2 Bheir esan breth air do shluagh le fìr-  
 eantachd, agus air do bhochdaibh le ceartas.

3 Bheir na beantan sith do'n t-sluagh,  
 agus na tulaichean.

4 Le ceartas bheir e breth air bochdaibh  
 an t-sluaigh; saoraidh e clann nan ainis,  
 ach min-bhrisidh e fear an fhoirneirt.

5 Bithidh d'eagal orra am feadh a mhair-  
 eas a' ghrian agus a' ghealach, o linn gu  
 linn.

6 Thig e nuas mar uisge air an fhaiche  
 bhuaite, mar fhraisaibh a dh'uisgicheas an  
 talamh.

7 'N a làithibh-san soirbhichidh leis an  
 fhìrean, agus bithidh pailteas sìth ann, gus  
 nach bi a' ghealach ann ni's mò.

8 Agus bithidh uachdaranachd aige o  
 fhairge gu fairge, agus o'n amhainn gu ruig  
 crìochaibh na talmhainn.

9 'N a fhianuis sleuchdaidh sìos luchd-  
 còmhnuidh an fhàsaich; agus imlichidh a  
 naimhdean an ùir.

10 Bheir rìghrean Tharsis agus nan eilean  
 tiodhlacan uatha; bheir rìghrean Sheba  
 agus Shaba tabhartais dha.

11 Agus sleuchdaidh na h-uile rìghrean  
 sìos dha; ni na cinnich uile seirbhis dha.

12 Oir saoraidh e an t-ainnis an uair a  
 dh'éigheas e; agus an truaghan, aig nach  
 'eil fear-cuideachaidh.

13 Caomhnaidh e am bochd agus am  
 feumach; agus tearnaidh e anaman nam  
 feumach.

14 O fhoill agus o fhoirneart saoraidh e an  
 anam; agus bithidh am fuil luachmhor 'n a  
 shùilibh.

15 Agus bithidh e beò, agus bheirear dha  
 a dh'òr Sheba: agus nithear urnuigh air a  
 shon a ghnàth; gach là beannaichear e.

16 Bithidh dorlach sìl 's an talamh air  
 mullach nam beann; crathaidh mar Leb-  
 anon a thoradh; agus thig iadsan de'n  
 bhaile fo bhlàth, mar luibh na talmhainn.

17 Bithidh 'ainm-san buan gu sìorruidh;  
 comh-mhairionn ris a' ghreinn bithidh 'ainm-  
 san; agus annsan beannaichear na slòigh  
 uile, agus beannaichidh iadsan e.

18 Beannaichte gu'n robh an Tighearn  
 Dia, Dia Israeil, an ti a mhàin a ni nithean  
 iongantach!

19 Agus beannaichte gu'n robh 'ainm  
 glòrmhorsan gu sìorruidh; agus lionar an  
 talamh uile le 'ghlòir! Amen, agus Amen!

20 Chrìochnaichidh urnuighean Dhaibh-  
 idh mhic Iese.

## SALM LXXIII.

1 Is beag nach d'fhàilnich creidimh an t-salm-  
 adair 'n uair a chunnaic e soirbheachadh nan  
 aingidh; 15 ach thuig e ma dheireadh gu'n  
 sgriosar iad gu tur. 23 Chuir e a dhòigh ann  
 an Dia.

Salm le Asaph.

GU deimhin tha Dia maith do Israel,  
 dhoibhsan a tha glan 'n an cridhe.

2 Ach air mo shonsa, is beag nach d'aom  
 mo chosan; cha mhòr nach do shleamh-  
 nuich mo cheuman uam.



3 Oir ghabh mi farniad ri h-amadanaibh, ri faicinn soirbhcahaidh dhaoine aingidh:

4 Oir cha-n'eil cuibhrichean 'n am bàs; ach tha an neart làidir.

5 Ann an anshocair mar dhaoineibh eile cha-n'eil iad; agus mar dhaoineibh eile cha-n'eil iad air an saruchadh:

6 Uime sin mar shlabhraidh chuairtich àrdan iad; mar thrusgan, chòmhaich foirneart iad.

7 Sheas an sùil a mach le saill; fhuair iad tuilleadh is miann an cridhe.

8 Tha iad truailidh, agus labhraidh iad gu h-aingidh air foirneart; gu h-àrd labhraidh iad.

9 Chuir iad am beul an aghaidh nan nàmh; agus ghluais an teangadh air feadh na talmhainn.

10 Aobhar sin pillidh a shluagh an so; agus faisgear uisgeachan *cupain* lain a mach doibh.

11 Agus their iad, Cionnus is aithne do Dhia? agus am bheil eòlas aig an Ti a's àirde?

12 Feuch, 'is iad sin na daoine aingidh, a tha 'soirbhcahadh' 's an t-saoghal; tha iad a' carnadh suas beartais.

13 Da rìreadh gu dìomhain ghlan mi mo chridhe, agus nìgh mi mo làmhnan 'an neò-chiontas:

14 Oir bhuailleadh mi air feadh an là, agus smachdaicheadh mi gach maduinn.

15 Nan abrainn, Labhraidh mi mar so, feuch, air gincalach do chloinne dheanainn eucor.

16 'N uair a smuainich mi air so a thuig-sinn, bu chruaidh an gnothuch e ann am shùilibh.

17 Gus an deachaidh mi steach do naomh-ionad Dhé: an sin thuig mi an crìoch-san.

18 Gu deimhin ann an àitibh sleamhain chuir thu iad: thilg thu sìos iad gu sgrìos.

19 Cionnus a thugadh iad gu sgrìos, mar ann an tiota? a chuireadh as doibh gu tur le h-uamhasaibh?

20 Mar aising 'n uair a dhùisgeas neach; a Thighearn, anns a' bhaile nì thu tarceis air an dealbh.

21 Ach bha mo chridhe goirt, agus bha goimh a'm airmibh.

22 Agus bha mi baòth, agus aineolach; mar ainmhidh bha mi a'd' lathair.

23 Gidheadh, tha mi a ghnàth maille riut; chum thu suas mi air mo dheas làmh.

24 Le d' eomhairle stiùraidh tu mi, agus fadheòidh gabhaidh tu mi *chum* glòire.

25 Cò a *th'* agam anns na nàmhnan *ach thusa?* agus 'an coimhneas riut cha-n'eil neach air thalamh air am bheil mo dhéigh.

26 Tha m'fheòil agus mo chridhe air fàil-neachadh: 'is e Dia ncart mo chridhe agus mo chuibhrionn gu sìorruidh.

27 Oir feuch, sgrìosar iadsan a théid fada

uait: ghearr thu as gach neach a chaidh uait le strìopachas.

28 Ach is maith dhomhsa teachd dlùth do Dhia: anns an Tighearn Dia chuir mi mo dhòigh, chum gu'm foillsichinn d'òibre uile.

## SALM LXXIV.

1 *Tha'n salmadair a' caoidh gu'n do thilg Dia uait a shluagh féin; 10 agus g'a bhrosnachadh gu cabhair a dheanamh orra, 18 do bhrìgh gu'n d'thug an naimhdean beum doibh.*

Maschil le Asaph.

C'AR SON, a Dhé, a thilg thu uait *sinn* gu bràth? a lasas d'fhearg ri caoraich d'ionaidh?

2 Cuinmhich do choimhthional, a cheann-aich thu o chian, a shaor thu; slat d'òigh-reachd, beinn Shìoin so anns an do ghabh thu còmhuidh.

3 Tog do chosan chum nam fasach sìorruidh, chum nan uile ole a rinn an nàmhaid ann *ad* ionad naomh.

4 Bhac do naimhdean am measg do choimhthional; chuir iad suas am brataich-can mar eomhairibh.

5 Bha *neach* ainmeil 'réir is mar a thogadh e a thuagh gu h-àrd air coille thiugh.

6 A nis mar an ceudna bhris iad sìos 'obair ghicartha le 'chéile le tuaghan agus le h-ord-aibh.

7 Chuir iad ri theine d'ionad naomh gu ruig an làr; thruaill iad pàillion d'ainme-sa.

8 Thubhairt iad 'n an cridhe, Sgrìosamaid iad le 'chéile: loisg iad uile ionadan-cruinn-cachaidh Dhé 's an tìr.

9 Ar comharan cha-n fhaic sinn; cha-n'eil fàidh ann nì's mò, agus cha-n'eil neach 'n ar measg aig am bheil fhios cia fhad.

10 Cia fad, a Dhé, a bheir an t-eascaraid beum? an dean an nàmhaid tarceis air d'ainm gu bràth?

11 C'ar son a phuilcas tu do làmh, do dheas làmh féin air a h-ais? buin a mach o d' bhròlach i.

12 Oir 'is e Dia mo Rìgh o chian, ag oibreachadh slàinte 'am meadhon na talmhainn.

13 Sgaoil thusa an fhairge le d' neart; bhris thu cinn nan dràgon air na h-uisgeachaibh.

14 Phronn thu cinn Lebhiatain; thug thu e mar bhiadh do'n t-sluagh anns an fhàsach.

15 Sgoilt thu an tobar agus an sruth; thiomhaich thu ainmnichean mòra.

16 'Is leatsa an là, mar an ceudna 'is leatsa an oidheche: is tu 'dheasaich solus agus grian.

17 Shuidhich thu uile chrìochan na talmhainn; rinn thu an samhradh agus an geamhradh.

18 Cuinmhich so: thug an t-eascaraid beum, a Thighearna, agus rinn sluagh amaid each tarceis air d'ainm.

19 Na toir suas do'n fhiadh-bheathach

anam do cholumain: anaman do dhaoine truagha na dì-chuimhnich gu bràth.

20 Thoir an aire do'n choimhcheangal; oir tha àitean dorcha na tìre làn de ionadaibh-còmhnuidh an fhoirneirt.

21 Na pillear air ais le nàire an ti a shàr-uichear: moladh am bochd agus am feumach d'ainm.

22 Eirich, a Dhé, tagair do chùis féin: cuimhnich mar a tha 'n t-amadan a' toirt toibheim dhuit gach là.

23 Na dì-chuimhnich guth do naimhdean, toirm na muinntir a dh'éirich a'd' aghaidh, a tha 'dol suas an còmhnuidh.

## SALM LXXV.

1 *Mhol an salmador Dia, 2 agus gheall e gu'n tugadh e breith le ceartas. 4 Chronaich e na h-uabhairich.*

Do'n àrd fhear-ciùil. Al-taschit. Salm no laoidh le Asaph.

**B**HEIR sinn moladh dhuit, a Dhé, bheir sinn moladh; oir gu bheil d'ainm am fagus cuiridh d'oibre iongantach 'an céill.

2 'N uair a ghlacas mi an t-am suidhichte, bheir mi breith le ceartas.

3 Sgaoileadh an tìr agus a luchd-àiteachaidh gu léir: cumaidh mise suas a puist. Selah.

4 Thnbhairt mi ris na h-amadanaibh, Na bithibh amaideach; agus ris na h-aingidh, Na togaibh suas bhur n-adharc.

5 Na togaibh suas bhur n-adhare gu h-àrd; na labhraibh le muineal rag.

6 Oir cha-n ann o'n ear, no o'n iar, no o dheas a thig àrdachadh.

7 Ach is e Dia am Breitheamh: leagaidh e sìos am fear so, agus àrdaichidh e am fear sin.

8 Oir tha cupan ann an làimh an Tighearna, agus tha am fìon dearg: làn coimeisg tha e, agus dòirtidh e cuid as: ach a dheasgainean faisgidh agus òlaidh uile dhaoine aingidh na talmhainn.

9 Ach ni mise gairdeachas gu bràth; seinnidh mi moladh do Dhia Iacoib.

10 Agusgathaidh mi sìos uile adharcanan aingidh: àrdaichear adharcan an fhèirein.

## SALM LXXVI.

1 *Tha Dia glòrmhor ann an Sìon, 7 agus 'n a chùis eagail do gach neuch. 11 Is còir bòidean iocadh dha.*

Do'n àrd fhear-ciùil air Neginot. Salm no laoidh le Asaph.

**A**ITHNICHEAR Dia ann an Indah; ann an Israel tha 'ainm mòr:

2 Agus ann an Salem tha a phàillium, agus ionad-còmhnuidh ann an Sìon.

3 An sin bhris e saighdean a' bhogha, an sgiath, agus an claidheamh, agus an cath. Selah.

4 Is treun thusa, is glòrmhor thu os ceann bheann na creiche.

5 Chreachadh iadsan a bha misneachail ann an cridhe; chòidil iad an codal, agus

cha d'fhuair na daoine treuna gu léir an làmhann.

6 Le d'achmhasan, a Dhé Iacoib, chuireadh araon am marcach agus an t-each 'n an suain.

7 Is cùis eagail thusa, eadhon thusa: agus cò 'sheasas a'd' làthair an uair a bhitheas fearg ort?

8 Thug thusa air breitheanas gu'n cualadh o nèamh e: bha eagal air an talamh, agus bha e 'n a thàmh;

9 An uair a dh'éirich Dia chum breitheanasais, a shaoradh uile dhaoine ciùine na talmhainn. Selah.

10 Gu cinnteach bheir fearg duine moladh dhuit: fuigheall na feirge coisgidh tu.

11 Bòidichibh, agus iocaibh do'n Tighearna bhur Dia: thugadh iadsan uile a tha m'a thimchioll tiodhlacan dhà-san a's aobhar eagail ann.

12 Sgathaidh e sìos spiorad uachdaran: is cùis eagail e do rìghribh na talmhainn.

## SALM LXXVII.

1 *Rinn an salmador urnaigh ri Dia 'n a theinn, agus fhuair e èisdeachd. 10 Bheachd-smuainich e air oibribh thròcaireach an Tighearna, agus ghlac e misneach.*

Do'n àrd fhear-ciùil, do Iedutun. Salm le Asaph.

**L**E M' ghuth dh'éigh mi ri Dia, le m' ghuth dh'éigh mi ri Dia, agus dh'éisid e rium.

2 Ann an là mo theinn dh'iarr mi an Tighearna; shineadh mo làmh a mach 's an oidhche gun sgur; dhiùlt m'anam sòlas a ghabhail.

3 Chuimhnich mi air Dia, agns bha mi fo bhuairesas; rinn mi gearan, agus chlaoidheadh mo spiorad. Selah.

4 Chum thu mo shùilean 'n am faireachadh; tha mi iarganach, agus cha-n urrainn mi labhairt.

5 Smuainich mi air na làithibh o shean, air bliadhnachaibh na h-aimsir chéin.

6 Chuimhnich mi mo cheòl 's an oidhche; rinn mi cainnt ri m' chridhe féin, agus rannsaich mo spiorad gu geur:

7 An tilg an Tighearna uaith gu bràth? agus nach nochd e a dheadh-ghean ni's mò?

8 An do sguir a chaoimhneas am feasd? an d'fhàilnich 'fhocal o linn gu linn?

9 An do dhearmaid Dia a bhi gràsmhor? an do dhruid e 'n a chorruich a chaoimh-thròcairean? Selah.

10 An sin thnbhairt mise, Is e so m'annuineachd: is e caochladh deas làimhe an Ti a's àirde a th'ann.

11 Cuimhnichidh mi oibre an Tighearna; gu deimhin cuimhnichidh mi d'iongantais o'n aimsir chéin.

12 Agus beachd-smuainichidh mi air d'oibribh gu léir, agus air do ghnìomhar-aibh labhraidh mi.



13 *Tha* do shlighe, a Dhé, 's an ionad naomh: cò *a tha* 'n a Dhia mòr mar *ar Dia-ne?*

14 *Is* tusa an Dia a tha 'deanamh nithean iongantach: thaisbein thu am measg nan shluagh do neart.

15 Shaor thu le d' ghairdean do shluagh, mie Iacoib agus Ioseph. Selah.

16 Chumnaic na h-uisgeachan thu, a Dhé! chumnaic na h-uisgeachan thu; bha eagal orra, seadh, ghluaisceadh na doimhneachdan.

17 Dhòirt na neoil a nuas uisge; rinn na speuran fuaim; mar an ceudna chaidh do shàighdean a mach.

18 *Bha* guth do thairneanaich 's an speur; shoillsich do dhealanaich an saoghal; ghluaisceadh agus chrìochnaich an talamh.

19 'S an fhairge *bha* do shlighe, agus do cheuman anns na h-uisgeachaibh mòra; agus cha d'aithnicheadh lurg do chos.

20 Threòraich thu mar threud do shluagh, le làimh Mhaois agus Aaroin.

## SALM LXXVIII.

1 *Chomhairlich an salm adair do'n t-shluagh reachdan agus glòir an Tighearn' a nochdadh d'an cloinn. 9 Eochdraidh feirge Dhé an aghaidh chloinn Israeil.*

Maschil le Asaph.

**E**ISDIBH, O mo shluagh, ri m' reachd; aomaihb bhur chuas chum bhriathar mo bheòil.

2 Fosgailidh mi mo bheul ann an cosamhlachd; cuiridh mi sean-fhocail dh'orcha 'an céill:

3 A chuala sinn, agus a b'aithne dhuinn, agus a dh'innis ar n-aithrichean dhuinn.

4 Cha cheil sinn air an cloinn *iad*, a' foillseachadh cliù an Tighearna do'n àl a tha ri teachd, agus a neart, agus 'oibre iongantach a rinn e:

5 Oir chuir e suas teisteas ann an Iacob, agus shuidhich e lagh ann an Israel, a dh'àithn e d'ar n-aithrichibh gu'n deanadh iad aithnichte d'an cloinn;

6 Chum gu'm bitheadh fios aig an àl ri teachd *orra*, gu'n éireadh a' chlann a bheirt-cadh, agus gu'n cuiradh iad 'an céill *iad* d'an cloinn féin;

7 Agus gu'n cuireadh iad an dòchas ann an Dia, agus nach dì-chuimhniceadh iad oibre Dhé, ach gu'n gleidheadh iad 'aith-eantan;

8 Agus nach bitheadh iad mar an aithrichean, 'n an ginealach easumhal agus ceannairceach, ginealach nach do shuidhich an cridhe gu cearr, agus aig nach robh an spiorad tairis do Dhia.

9 Ged bha chaidh Ephraim fo'n armaibh, agus ge do thilg iad le bogha, phill iad air an ais ann an là catha.

10 Cha do ghléidh iad coimheangal Dhé, agus dhiùlt iad imeachd 'n a reachd.

11 Agus dhì-chuimhnich iad 'oibre, agus 'iongantais a nochd e dhoibh.

12 An làthair an aithrichean rinn e nithcan iongantach, ann an tìr na h-Eiphit, ann am machair Shoaìn.

13 Sgoilt e an fhairge, agus thug e iadsan thairis; agus thug e air na h-uisgeachaibh seasamh mar thòrr.

14 Agus stiur e iad le neul 's an là, agus air feadh na h-oidhche le solus teine.

15 Sgoilt e na creagan 's an fhàsach, agus thug e deoch dhoibh, mar á doimhneachd-aibh mòra.

16 Agus thug e sruthan a mach as a' charraig, agus thug e air uisgeachaibh ruith sìos mar aimhnichibh.

17 Gidheadh pheacaich iad fathast nì's mò 'n a aghaidh, a' brosnachadh an Tì a's àirde 's an fhàsach.

18 Agus bhuair iad Dia 'n an cridhe, ag iarraidh bidh d'am miann.

19 Seadh, labhair iad an aghaidh Dhé; thubhairt iad, An urrainn Dia bord a dheasachadh 's an fhàsach?

20 Feuch, bhuail e a' chreag, agus bhrùchd uisgeachan a mach, agus dh'éirich na tuiltean: an urrainn e mar an ceudna aran a thabhairt? an deasaich e feoil d'a shluagh?

21 Uime sin chual' an Tighearn, agus bha corruich air; agus las teine an aghaidh Iacoib, agus mar an ceudna dh'éirich fearg an aghaidh Israeil:

22 A chionn nach do chreid iad ann an Dia, agus nach d'earb iad as a shlàinte;

23 Ge do dh'àithn e do na neulaibh o'n àirde, agus ge do dh'fhosgail e dorsan nan nèamh;

24 Agus ge do fhras e nuas mana orra r'a itheadh, agus ge do thug e dhoibh coirce nan nèamh.

25 Dh'ith daoine biadh nan aingeal: thug e dhoibh an sàth de lòn.

26 Thug e air gaoith an ear imeachd 's na nèamhan, agus le a neart thug e stigh a' ghaoth á deas.

27 Agus fhras e nuas feoil orra mar dhuslach, agus cunlaith iteagach mar' ghaincamh na fàirge.

28 Agus thug e orra tuiteam 'am meadhon an caimp, mu thimchioll an àitean-còmh-nuidh.

29 Agus dh'ith iad, agus làn-shàsuicheadh iad; oir thug e dhoibh am miann féin.

30 Cha robh iad air an sgarachduinn o am miann: fathast *bha* am biadh 'n am beul;

31 An sin thàinig fearg Dhé orra, agus mharb e iadsan a bu shultmoire dhiubh, agus leag e sìos daoine taghta Israeil.

32 An dèigh so gu léir pheacaich iad fathast, agus cha do chreid iad air son 'oibre iongantach-san.

33 Uime sin chaith e an làithean ann an dìomhanas, agus am bliadhnachan ann an uamhas.

# SALM LXXIX.

34 'N uair a mharbh e iad, an sin dh'iarr iad e, agus phill iad, agus bha iad gu moch ag iarraidh Dhé;

35 Agus chuimhnich iad gu'm 'b'e Dia an carraig, agus an Dia a's àirde am fear-saoraidh.

36 Ach rinn iad mìodal ris le'm beul, agus rinn iad breug dha le'n teangaidh:

37 Oir cha robh an cridhe ceart maille ris, agus cha robh iad dìleas 'n a choimh-cheangal.

38 Gidheadh gu h-ìochdmhor mhaith esan an lochd, agus cha do sgrios e iad; seadh, iomadh uair thionndaidh e 'fhearg uaith, agus cha do dhùisg e a chorruich uile;

39 Oir chuimhnich e nach robh annta ach feoil; osag gaoithe a shiubhlas, agus nach pill a ris.

40 Cia tric a bhrosnuich iad e anns an fhàsach, a chuir iad campar air anns an ionad uaigneach?

41 Seadh, phill iad air an ais, agus bhuair iad Dia, agus chuir iad tomhas air Aon naomh Israeil.

42 Cha do chuimhnich iad a làmh, no'n là air an do shaor e iad o'n nàmhaid;

43 Mar a nochd e a chomharan anns an Eiphit, agus 'oibre iongantach ann am machair Shoin;

44 Agus a thionndaidh e an uisgeachan gu fuil, agus an sruthan, air chor as nach feudtadh òl diubh;

45 A chuir e 'n am measg iomadh gnè chuileag, a dh'ith suas iad, agus losgann a sgrios iad;

46 A thug e an toradh do'n bhurras, agus an saothar do'n locust;

47 A mhill e an croinn-fhìona le cloich-mheallain, agus an croinn-fhìge le reodhadh;

48 Agus a thug e thairis am feudail do'n chloich-mheallain, agus an treudan do'n tein-athair;

49 A thilg e orra teas 'fheirge, boile, agus corruich, agus teinn, le aingil olc a chur 'n am measg;

50 A rinn e slighe d'a fheirg, nach do chaomhain e an anam o'n bhàs, ach a thug e thairis am beatha do'n phlàigh;

51 Agus a bhuail e gach ceud-ghin 's an Eiphit, toiseach an neirt ann am pàillion-aibh Ham;

52 Ach a thug e mach mar chaoraich a shluagh féin, agus a thredraich e iad mar threud anns an fhàsach;

53 Agus a stiùir e iad gu tèaruinte, air chor as nach robh eagail orra, ach a chòmhdaich an fhairge an naimhdean;

54 Agus a thug e iad gu crìch 'ionaid naomh-san, do'n t-sliabh so a choisinn a dheas làmh;

55 Agus a thilg e mach na cinnich rompa, agus a roinn e oighreachd dhoibh le crann-chur, agus a thug e air treubhan Israeil

còmhnuidh a ghabhail 'n am pàillion-aibh-san.

56 Gidheadh bhuair agus bhrosnuich iad an Dia a's àirde, agus cha do ghléidh iad a theisteis.

57 Ach phill iad, agus ghluais iad gu fealltach, mar an aithrichean; chaidh iad a thaobh, mar bhogha fiar;

58 Agus bhrosnuich iad e le'n ionadaibh àrda, agus le'n dealbhan gearrta dhùisg iad e gu h-eud.

59 Chuala Dia, agus bha fearg air, agus ghabh e gràin mhòr de Israel:

60 Agus thréig e pàillion Shiloh, am bùth a shuidhich e am measg dhaoine.

61 Agus thug e suas a neart gu braighdeanas, agus a ghlòir do làimh an nàmhaid.

62 Agus thug e thairis a shluagh do'n chlaidheamh, agus ghabh e fearg r'a oighreachd.

63 Loisg an teine an òigridh, agus cha d'fhuair an òighean pòsadh.

64 Thuit an sagartan leis a' chlaidheamh, agus cha d'rinn am bantraichean bròn.

65 An sin mhosgail an Tighearn mar neach a bha 'n a chodal, mar churaidh a ni iolach an deigh dha fion òl.

66 Agus bhuail e a naimhdean 'n an deir-eadh; thug e masladh bithbhuan dhoibh.

67 Agus dhiùlt e pàillion Ioseiph, agus cha do thagh e treubh Ephraim.

68 Ach thagh e treubh Iudah, sliabh Shoin a ghràdhaich e.

69 Agus thog e 'ionad naomh féin mar lùchairt àrd, mar an talamh a shuidhich e gu bràth.

70 Agus thagh e Daibhidh 'òglach, agus thug se e o chrò nan caorach.

71 O bli 'n deigh nan caorach a bha trom le h-àl, thug se e a bheathachadh Iacoib a shluagh, agus Israeil 'oighreachd.

72 Agus bheathaich e iad a réir ionracais a chridhe; agus le seòltachd a làmh stiùir e iad.

## SALM LXXIX.

1 Tha an salmadair rìcaoidh air son sgrios Ierusalem. 8 Ghuidh e gu'n cuidicheadh Dia le 'oighreachd air sgàth glòire 'ainme féin.

Salme le Asaph.

**A**DHE, thàinig na cinnich a steach do d' oighreachd; thruaill iad do theampull naomh; dh'fhàg iad Ierusalem 'n a càrnaibh.

2 Thug iad cuirp do sheirbhiseach mar bhìadh do eunlaith nan speur, feoil do naomh do fhiadh-bheathaichibh na tal-mhainn.

3 Dhòirt iad am fuil mar uisge timchioll Ierusalem, agus cha robh neach gu'n adhlacadh.

4 Tha sinn 'n ar masladh d'ar coimhears-naich, 'n ar n-aobhar fanoid agus magaidh dhoibhsan a tha mu'n cuairt oirnn.



5 Cia fhad, a Thighearn', a bhitheas fearg ort? air bràth an las d'èud mar theine?

6 Dòirt do chorruich air na cinnich aig nach 'eill eòlas ort, agus air na rioghachdaibh nach gairm air d'ainm.

7 Oir chuir iad as do Iacob, agus rinn iad 'aite-còmhnuidh 'n a fhàsach.

8 Na cuimhnich thusa 'n ar n-aghaidh ar n-euceartan roimhe so: gu luath gabhadh do thròcairean romhainn; oir thugadh gu ro ìosal sinn.

9 Cuidich leinn, a Dhé ar slàinte, air sgàth glòire d'ainme; agus teasaing sinn, agus glan ar peacaidh uainn air son d'ainme féin.

10 C'ar son a theireadh na cinnich, C'ait am bheil an Dia? aithnìchear 'am measg nan cinneach fa chomhair ar sùl dioghaltas fola do sheirbhiseach, a dhòirteadh!

11 Thigeadh osnaich a' phrìosanaich a'd' làthair, a réir meud do neirt: saor thusa iadsan a dh'orduicheadh chum bàis.

12 Agus òc d'ar coimhearsnaich a sheachd uiread 'n am brollach, am masladh leis an do mhaslach iad thusa, a Thighearna.

13 Agus molaiddh sinne, do shluagh agus caoraich d'ionaltraidh, thusa gu bràth: o linn gu linn cuiridh sinn 'an cèill do chliu.

SALM LXXX.

1 *Dh'asluich an salmador air Dia gu'n tugadh e air a ghnùis dealrachadh air a shluagh. 8 Thionndaidheadh tròcairean Dhé gu breith-eanas.*

Do'n àrd fhear-ciùil air Sosanim Edut. Salm le Asaph.

**O** AODHAIR 'Isracil, éisd, thusa a stiùireas Ioseph mar threud; thusa a tha d' chòmhnuidh eadar na cheruban, dealraich a mach.

2 An làthair Ephraim, agus Bheniamin, agus Mhanasch, dùisg do chumhachd, agus thig gu'r saoradh.

3 Pill sinn, a Dhé; agus thoir air do ghnùis dealrachadh, agus saorar sinn.

4 A Thighearna Dhé nan slògh, cia fhad a bhitheas fearg ort ri urnuigh do shluagh?

5 Thug thu dhoibh aran nan deur r'a ith-eadh, agus thug thu dhoibh deoir r'an òl ann am pailteas.

6 Rinn thu sinn 'n ar n-aobhar strì d'ar coimhearsnaich; agus ni ar n-casairdean gàire-fanoid umainn.

7 A Dhé nan slògh, pill sinn; agus thoir air do ghnùis dealrachadh, agus saorar sinn.

8 Thug thu fionain as an Eiphit; thig thu mach na cinnich, agus shuidhich thu i.

9 Réitich thu aite fa comhair, agus thug thu oirre freumhachadh gu daingean, agus lìon i an tìr.

10 Chòmhdaichheadh beanntan le a sgàile, agus le a gougabli seudair àrda.

11 Chuir i mach a nicoir gu ruig a' mhuir, agus a meanglain gu ruig an amhainn.

12 C'ar son a bhris thu sìos a ballachan-

dìonaidh, air chor as gu'm bheil uile luchd-gabhail na slighe 'g a spìonadh?

13 Tha an torc as a' choille 'g a fàsachadh, agus tha fiadh-bheathach na macharach 'g a h-ithheadh suas.

14 A Dhé nan slògh, pill, guidheamaid ort; amhaire a nuas o nèamh, agus faic, agus fiosraich an fhìonain so;

15 Agus am fion-lìos a shuidhich do dheas-lamh, agus am meanglan a neartaich thu dhuit féin.

16 Loisgeadh i le teine, ghearradh sìos i: le achmhasan do ghnùise sgriosar iad.

17 Bitheadh do lamh air fear do làimhe deise, air mac an duine a neartaich thu dhuit féin.

18 An sin cha phill sinn air ar n-ais uait: beothaich sinn, agus gairmidh sinn air d'ainm.

19 A Thighearna Dhé nan slògh, pill sinn, thoir air do ghnùis dealrachadh, agus saorar sinn.

SALM LXXXI.

1 *Earrail gu Dia a mholadh. 8 Chomhairlich Dia do Israel àmhlaich a thoir d'a thoil, agus gheall e an teasairginn o làimh an naime-dean.*

Do'n àrd fhear-ciùil air Gitit. Salm le Asaph.

**S** EINNIBH gu h-ait do Dhia, ar neart; togaibh iolach do Dhia Iacob.

2 Glacaibh sahn, agus thugaibh tiompan leibh: a' chlarsach bhinn maille ris an t-salt-air.

3 Anns a' ghealaich nuaidh séidibh an trompaid, anns an àm shuidhichte, air là ar féile.

4 Oir bu reachd so do Israel, riaghailt le Dia Iacob.

5 Mar fhianuis shuidhich se e ann an Ioseph, an uair a thàinig e mach à tìr na h-Eiphit, far an cual' e caint nach do thuig e.

6 O'n callaich thug mi as a ghuala: o na poitibh shaoradh a lamhan.

7 Ann an teinn ghairm thu, agus shaor mi thu; fhreagair mi thu ann an ionad dìomhair na tairmeanach: dhearbh mi thu làimh ri uisgeachaibh Mheribah. Selah.

8 Eisd, o mo shluagh, agus bheir mi fianuis dhuit; O Isracil, ma dh'éisdeas tu rium;

9 Cha bhi Dia coigreach agad, agus cha chom thu sìos do dhia coimheach.

10 Is mise an Tighearn do Dhia, a thug a nìos thu à tìr na h-Eiphit: fosgail do bheul gu farsuin, agus lìonaidh mise e.

11 Gidheadh cha d'éisd mo shluagh ri m' ghuth, agus cha do ghabh Israel rium.

12 Uime sin thug mi thairis iad do anamian an eridhe féin; dh'imich iad 'n an comhairle féin.

13 O nach éisdeadh mo shluagh rium! nach imicheadh Israel a'm' shligibh!

14 Gu luath leagaim sìos an casairdean,

agus thionndaidhinn mo làmh an aghaidh an naimhdean.

15 Bheireadh luchd-fuath an Tighearn' ùmhlaich dha: ach mhaireadh an aimsirsan gu bràth.

16 Agus bheathaicheadh e iad le smior a' chrùithmeachd: agus le mil o'n charraig a' h-àsuichinn thn.

## SALM LXXXII.

1 *Chronaich an salm adair na h-uachdarain a chionn gu'n d'fhug iad breth gu h-eucorach;*  
3 *agus thug e earail doibh ceartas a chumail ris na bochdaibh.*

Salm le Asaph.

**T**HA Dia 'n a sheasamh ann an coimh-thional nan cumhachdach: am measg nan diathan bheir e breth.

2 Cia fhad a bheir sibh breth gu h-encorach, agns a ghabhas sibh ri gnùis dhaoine aingidh? Selah.

3 Deanaibh ceartas do'n bhoichd agus do'n dilleachdan; cnaibh còir ris an truaghan agus ris an fhenmach.

4 Teasaigibh am boichd agns an t-ainnis; á làmh nan aingidh saoraibh iad.

5 Cha-n'eil eòlas no tuigse aca; ann an dorchadas gluaisidh iad: tha uile bhunaitean na talmhainn air chrith.

6 Thubhairt mi, *Is* diathan sibh, agus *is* mic sibh uile do'n Tì a's àirde.

7 Ach gheibh sibh bàs mar dhaoine, agns tuitidh sibh mar aon de na h-uachdaranai bh.

8 Eirich, a Dhé, thoir breth air an talamh; air seallbhaidh tu na h-nìle chinnich mar oighreachd.

## SALM LXXXIII.

1 *Tha an salm adair a' gearan gu'n d' rinn naimhdean Israeil ceannaire 'n an aghaidh.*

9 *Dh'asuaich e air Dia an sgrìos gu h-obann.*

Laoidh no Salm le Asaph.

**A**DHE, na bi a'd' thosd; na bi sàmhach, agns na bi a'd' thàmh, a Dhé:

2 Oir fench, tha do naimhdean ri buaireas; agus thog iadsan le'm fuathach thn, suas an cinn.

3 An aghaidh do shlaigh gu cnìlbheartach dhealbhadh iad olc, agns ghabh iad comhairle le 'chéile an aghaidh do mhninntir dhìomhair.

4 Thubhairt iad, Thigibh, agus gearramaid as iad o *bhi* 'n an cinneach, chum nach cuimhnichear ainm Israeil nì's mò:

5 Oir le h-aon inntinn ghabh iad comhairle le 'chéile, a'd' aghaidh-sa rinn iad coimhcheangal.

6 Paillunan Edoim agus na h-Ismaelich, Moab agus na Hagaraich,

7 Gebal, agus Amon, agus Amalec, na Philistich maille ri luchd-àiteachaidh Thruis:

8 Mar an ceudna dhlùth-lean Asur rin: bu chòmhmadh iad do chloinn Lot. Selah.

9 Dean orra mar *air* Midian, mar *air* Sisera, mar *air* Iabin, aig sruth Chisoin;

10 A sgrìosadh aig Endor, a rinneadh mar aolach do'n talamh.

11 Dean an àrd uaislean mar Oreb, agus mar Sheeb, agus an nachdarain gn léir mar Sheba, agns mar Shalmna;

12 A thubhairt, Glacamaid dhuinn féin mar oighreachd àiteachan-còmhnaidh Dhé.

13 O mo Dhia, dean iad mar roth; mar asbhuaibh roimh'n ghaoith.

14 Mar a loisgeas teine a' choille, agus mar a chuireas lasair na beanntan ri theine;

15 Mar sin dean thusa tòrachd orra le d' dhoiminn, agus le d' ioma-ghaoith cuir namhunn orra.

16 Lìon an endan le masladh, chum gu'n iarr iad d'ainm, a Thighearna.

17 Bitheadh amhladh agus bnaireas orra gu bràth; seadh, glacadh nàire iad, agus sgrìosar iad:

18 Chum gu'm bi fhios aig *daoinibh* gur tusa mhàin d'an ainm Iehobhah, an Tì a's àirde os ceann na talmhainn nìle.

## SALM LXXXIV.

1 *Bha an salm adair 'an geall air cùirtibh an Tighearn', 4 agus nochd e beannachadh an t-sluaigh a bha 'n an còmhnuidh anna.*

Do'n àrd fhear-ciuil air Gith. Salm air son mhac Churah.

**C**IA ion-ghràdhach do phàillunan, a Thighearna nan slògh!

2 Tha m'annam a' miannachadh, seadh, eadhon a' fannachadh le dèigh air cùirtibh an Tighearna: tha mo chridhe agus m'fheoil ag éigheach gu h-àrd air son an Dé bhead.

3 Fhuair eadhon an geallbhonn tigh, agus an gobhlan-gaoithe nead dhi féin, anns an cnireadh i a h-àlach; d'altairean-sa, a Thighearna nan slògh, mo Dhia, agus mo Rìgh.

4 *Is* beannaichte iadsan a tha 'n an còmhnaidh a'd' thigh-sa: molaidh iad thu a ghnàth. Selah.

5 *Is* beannaichte an dnine sin aig *am bheil* a neart annadsa, agus iadsan aig *am bheil* do shlighean 'n an cridhe.

6 A' dol troimh ghleann Baca, ni iad sin tobar ann: lìonaidh mar an ceudna an t-uisge na linntean.

7 Imichidh iad o neart gu neart; nochdar *gach aon diubh* an làthair Dhé ann an Sion.

8 A Thighearna Dhé nan slògh, chuinn m'urnuigh; cisd, a Dhé Iacob. Selah.

9 A Dhé, ar sgiath, faic, agns amhairc air gnùis d'Aoin ungta:

10 Oir *is* fearr là a'd' chùirtibh na mìle: b'fhearr leam a bhi ri dorsaireachd ann an tigh mo Dhé, na bhì'm chòmhnuidh ann am paillunaibh aingidheachd:

11 Oir *is* grian agus *is* sgiath an Tighearn Dia; agus bheir an Tighearn gràs agus glòir: cha chum e maith air bith natha-san a ghluaiseas gu h-ionraic.

12 A Thighearna nan slògh, *is* beannaichte an dnine a chuireas a dhoigh annadsa.



## SALM LXXXV.

1 *Dh'aidich an salmadair gu'n robh Dia bàigheil r'a shluagh; 4 ghuidh e gu'm meudaicheadh e a thròcair dhoibh; 8 agus nochd e gu'm bheil slàinte dlùth dhoibhsan air am bheil eagal an Tighearna.*

Do'n àrd fhear-ciuil. Salm air son mhac Chorah.

**B**HA thusa bàigheil, a Thighearna, ri d' thir: thug thu air ais braighdeanas Iacob.

2 Mhaith thu cionta do shluaigh; dh'fhol-uich thu am peacadh uile. Selah.

3 Choisg thu do chorruih uile; thionndaidh thu o fhraoch d'fheirge.

4 Pill sinn, a Dhé ar slàinte, agus tog d'fhearg dhinn.

5 Gu bràth am bi corruich ort ruinn? an sin thu d'fhearg o linn gu linn?

6 Nach ath-bheothaich thu sinn? chum gu'n dean do shluagh gairdeachas annad?

7 Nochd dhuinn, a Thighearna, do thròcair, agus deònuich dhuinn do shlàinte.

8 Cluinnidh mi ciod a their Dia an Tighearna: oir labhraidh e sith r'a shluagh, agus r'a naomh; ach na pilleadh iad chum amaideachd.

9 Gu dearbha *tha* a shlàinte dlùth dhoibhsan d'an cabhal e; chum gu'n còmhnuich glòir 'n ar tir.

10 Tha tròcair agus fìrinn air còmhlaich-adh a chèile: tha ceartas agus sith air pògadh a chèile.

11 Fasaidd fìrinn a nios as an talamh, agus seallaidh ceartas a nuas o na nèamhan.

12 Seadh, bheir an Tighearna maith dhuinn; agus bheir ar fearann maith a thoradh.

13 Imichidh ceartas roimhe, agus stiùraidh e a cheumanna 's an t-slighe.

## SALM LXXXVI.

1 *Athchuinge Dhaibhidh. 5 Dh'aidich e gu'n robh Dia maith agus iochdmhor. 14 Rinn e gearan an aghaidh nan uaibhreach, agus ghuidh e air Dia tròcair a dheanamh air.*

Urnuigh le Daibhidh.

**A**OM, a Thighearna, do chluas, éisd rium; *oir tha* mi bochd agus uir-easbluidheach.

2 Gléidh m'anam, oir *tha* mi diadhaidh: O thusa mo Dhia, saor d'òglach, a dh'earbas asad.

3 Dean tròcair orm, a Thighearna; oir *tha* mi a' glaochaich riut gach là.

4 Dean anam d'òglach fèin aoibhinn; oir riutsa, a Thighearna, togaidh mi m'anam:

5 Oir *tha* thusa, a Thighearna, maith agus iochdmhor, agus pailt ann an tròcair dhoibhsan uile a ghairmeas ort.

6 Eisd, a Thighearna, ri m'urnuigh, agus thoir fainear guth m'athchuinge.

7 Ann an là mo theinn gairmidh mi ort; oir freagairidh tu mi.

8 Cha-n'eil do shamhuil-sa am measg nan

diathan, a Thighearna; agus cha-n'eil oibre ann, cosmhuil ri d'oibribh-sa.

9 Thig na cinnich uile a rinn thu, agus sleuchdaidh iad a'd làthair, a Thighearna, agus bheir iad glòir do d'ainm.

10 Oir is mòr thusa, agus *tha* thu a' dean-amh nithean iongantach; is tusa Dia, thu fèin a mhàin.

11 Teagaisg dhomh, a Thighearna, do shlighe; gluaisidh mi a'd fhirinn: coimh-cheangail mo chridhe chum eagal d'ainme 'bhi orm.

12 Molaidh mi thu, a Thighearna mo Dhia, le m'uile chridhe, agus bheir mi glòir do d'ainm gu bràth:

13 Oir is mòr do thròcair ormsa, agus shaor thu m'anam o'n t-slochd a's iochdaraiche.

14 A Dhé, dh'éirich na h-uaibhreach a'm' aghaidh, agus dh'iarr coimhlthional luchd-foirneirt m'anam; agus cha do chuir iad thusa rompa.

15 Ach *tha* thusa, a Thighearna, a'd Dhia iochdmhor, agus gràsmhor, mall chum feirge, agus pailt ann an tròcair agus ann am fìrinn.

16 Amhaire orm, agus dean tròcair orm; thoir neart do d'òglach, agus saor mac do bhanoglaich.

17 Thoir dhomh comharadh air maith, chum gu'm faic iadsan e aig am bheil fuath dhomh, agus gu'n gabh iad nàire, a chionn, a Thighearna, gu'n do chuidich thusa leam, agus gu'n d'thug thu comhfhurtachd dhomh.

## SALM LXXXVII.

1 *Bunait agus glòir Shìoin. 4 Tha a shluagh eadar-dhealaichte o gach sluagh eile.*

Salm no laoidh air son mhac Chorah.

**T**HA a bhunait anns na beanntaibh naomha.

2 Is ionnmhuinn leis an Tighearna geatachan Shìoin, thar uile ionadan-còmhnuidh Iacob.

3 Innsear nithean glòrmhor ortsa, a chaithir Dhé. Selah.

4 Cuimhnichidh mi Rahab agus Babel dhoibhsan d'an aithne mi: feuch, Palestin, agus Tìorus, maille ri h-Etiopia; rugadh am fear so an sin.

5 Ach mu Shìon theicrear, Rugadh am fear so agus am fear ud innte, agus daingnichidh an Tì a's àirde i.

6 Comharaichidh an Tighearna, 'n uair a sgrìobhas e sìos na fìncachan, *gu'n* d'rugadh am fear so an sud. Selah.

7 *Bithidh* araon luchd-seinn agus luchd-ciuil an sin: *tha* mo thobraichean uile annadsa.

## SALM LXXXVIII.

1 *Tha an salmadair a' guidhe gu'n tugadh Dia éisdeachd d'a urnuigh, 3 agus a' leigeadh ris da na trioblaidean a thàinig air.*

Laoidh no salm air son mhac Chorah, do'n àrd fhear-ciuil air Mahalat Leanot, Maschil le Heman an t-Esrahach.

**A** THIGHEARN', a Dhé mo shlàinte, a là agus a dh'oidheche ghlaodh mi a'd fhianuis.

2 Thigeadh m'urnuigh a'd làthair; aom do chluas ri m' ghlaodh:

3 Oir tha m'anam làn truaighe, agus tha mo bheatha dlùth do'n uaigh.

4 Mheasadh mi mar iadsan a théid sìos do'n t-slochd; tha mi uar dhuine gun neart;

5 Saor am measg uam marbh, mar iadsan a mharbhadh, a tha 'u au luidhe 's au uaigh, air nach 'eil cuimhne agad nì's mò; oir o d' làmh ghearradh as iad.

6 Chuir thu mi 's an t-slochd a's isle ann an dorchadas, anns na doimhneachdaibh.

7 Luidh d'fhearg orm gu teann, agus le d' thonnaibh uile chlaoidh thu mi. Selah.

8 Chuir thu mo luchd-eòlais fada uam; rium thu mi a'm' ghràiveileachd dhoibh: druidte suas *tha mi*, agus cha-n urrainn mi teachd a mach.

9 Tha mo shùil a' fàilneachadh a bhrìgh m'annghair; ghairm mi ort, a Thighearna, gach là; shìn mi mo làmhau riut.

10 Do na marbhaibh au uochd thu iongantais? an éirich na mairbh, agus am mol iad thu? Selah.

11 An cuircar 'an céill do chaoimhneas caomh 's an uaigh? d'fhìrinn ann an sgrìos?

12 An aithnichear d'iongantais anns an dorchadas? agus d'fhìreantachd ann an talamh ua dì-chuimhne?

13 Ach riutsa, a Thighearna, ghlaodh mise; agus auns a' mhaduinu thig m'urnuigh a'd làthair.

14 C'ar son, a Thighearna, a thilgeas tu m'anam uait? a dh'fholaicheas tu do ghnùis uam?

15 *Tha* mise air mo chràdh, agus dlùth do'n bhàs, o m'dìge; dh'fhuiling mi d'uamhasan, tha mi ann an imcheist.

16 Dh'fìnich d'fhearg gheur tharum; chlaoidh d'uamhasan mi.

17 Chaidh iad timchill orm mar uisge gach là; chuairtich iad mi le 'chéile.

18 Chuir thu fear mo ghaoil agus mo charaid fada uam: *tha* luchd m'eòlais ainm an dorchadas.

## SALM LXXXIX.

1 *Mhol an salmair Dia air son a gheallannan tròcaireach do Dhaibhidh. 5 Cumhachd agus mòrachd an Tighearna. 15 Tre fhìreantachd Dhé bithidh an t-ionracan air 'àrdachadh; 19 agus dìonaidh an Tighearna e o làimh a naimhdean. 38 Tha an salmair a' caoidh gu'n do thilg Dia a shluagh uaiht. 46 Rinn e urnuigh ri Dia, agus bheannaich se e.*

Maschil le h-Etan an t-Esrahach.

**A**IR tròcairibh an Tighearna gu bràth seinnidh mi; o linn gu linn foillsichidh mi d'fhìrinn le m' bheul:

2 Oir thubhairt mi, Gu bràth togar suas tròcair; anns na nàmhnan daingnichidh tu d'fhìrinn, *ag ròdh*,

3 Rinn mi coimhceangal ri m' Aon taghta; m'ionnaich mi do Dhaibhidh, m'òglach.

4 Gu bràth daingnichidh mi do shliochd agus togaidh mi suas do rìgh-chaitheir o linn gu linn. Selah.

5 Molaidh na nàmhnan d'iongantais, a Thighearna; mar an ceudna d'fhìrinn ann an coimhthional nan naomh.

6 Oir cò ann am fàitheauas a choimhmeasar ris an Tighearna? cò am measg mhac nan cumhachdach a shamhluchear ris an Tighearna?

7 Is aobhar eagail Dia gu mòr ann an coimhthional nan naomh; agus is còir urram a thabhairt da os an ceann-san uile a *tha* m'u'n cuairt da.

8 A Thighearna Dhé nan slògh, cò a *tha* cosmhuil riut? treun *tha* thusa, a Thighearna, agus *tha* d'fhìrinn m'u'n cuairt duit.

9 Rìaghlaidh tusa onfha na fairge: 'n uair a dh'èireas a tonnan, coisgidh tu iad.

10 Mhìn-phrom thu Rahab, mar dhuine leònta; le gairdean do neirt sgap thu do naimhdean.

11 *Is* leatsa na nàmhnan, mar an ceudna *is* leat an talamh; shuidhich thusa an cruinne-cé, agus a làu.

12 Chruthaich thusa an àirde tuath, agus an àirde deas; nì Tabor agus Hermon gairdeachas aon ad ainm.

13 Agadsa *tha* gairdean neartmhor: is làidir do làmh, is àrd do dheas làmh.

14 *Is* iad ceartas agus breitheanas àite-tàimh do rìgh-chaitheach; théid tròcair agus fìrinn roimh do ghnùis.

15 *Is* beannaichte au slugh d'an aithne an fhuaim aoibhneach: imichidh iad, a Thighearna, aon au solus do ghnùise.

16 Ann ad ainm-sa nì iad gairdeachas air feadh an là; agus aon ad fhìreantachd àrd-aichear iad.

17 Oir *is* tusa glòir an neirt; agus ann ad dheadh-gheau àrd-aichear ar n-adhare.

18 Oir *is* e'n Tighearna ar sgiath, agus Aon naomh Israeil ar Rìgh.

19 An sin labhair thu ann an taisbeanadh ri d' Aon naomh, agus thubhairt thu, Chuir mise cuideachadh air aon a *tha* cumhachdach; dh'àrdaich mi aon taghta as an t-slugh.

20 Fhuair mi Daibhidh m'òglach; le m'olaidh naomh dh'ung mi e;

21 Le'm bi mo làmh gu daingean: mar an ceudna neartaichidh mi ghairdean e.

22 Cha tog an nàmhaid eis dheth; agus cha chlaoidh mac an uile e.

23 Agus pronnaidh mi a naimhdean roimhe, agus buaidh mi iadsan le'm fuathach e.

24 Agus *bithidh* m'fhìrinn agus mo thròcair maille ris; agus ann am ainm-sa àrd-aichear 'adhare-san.

25 Agus cuiridh mi a làmh anns au fhainge, agus a dheas làmh anns na h-àimhnichibh.

26 Glaodhaidh e rium, *Is* tu m'athair, mo Dhia, agus carraig mo shlàinte.



27 Mar an ceudna ni mi *mo* cheud-ghin dheth, 'ard os ceann rìghrean na talmhainn.  
28 Gu bràth gleidhidh mi mo thròcair dhia, agus bithidh mo choimhcheangal seas-mhach leis.

29 Agusuidhichidh migu bràth a shliochd, agus a rìgh-chaithir mar làithibh nan nèamlh.

30 Ma thréigeas a chlann mo lagh, agus nach gluais iad ann am bhreitheanais;

31 Ma mhi-naomhaicheas iad mo reachdan, agus nach gléidh iad m'aitheantan;

32 An sin fiosraichidh mi le slait an eus-aontas, agus le buillibh an euceart.

33 Gidheadh, cha bhuin mi gu tur mo chaoimheas-gràidh uaithe, agus cha bhreug-naich mi mo ghealladh.

34 Cha bhris mi mo choimhcheangal; agus an ni a thàinig as mo bhlilbh cha chaochail mi.

35 Aon uair mhionnaich mi air mo naomhachd, nach dean mi breug do Dhaibhidh.

36 Mairidh a shliochd gu bràth, agus a rìgh-chaithir mar a' ghrian a'm' làthair.

37 Mar a' ghealach, daingnichear e gu bràth; agus mar fhianuis dhileas ann an nèamlh. Selah.

38 Ach thilg thu uait, agus ghabh thu gràin; bha fearg ort ri d'Aon ungta.

39 Sgaol thu coimhcheangal d'òglaich; thruaill thu a choron, *g'a thilgeadh* gu làr.

40 Bhris thu a bhallachan-dìonaiddh uile; rinn thu a dhaingnich 'n an sgrios.

41 Creachaidh iadsan uile a ghabhas an t-slighe e: tha e 'n a mhasladh d'a choimhearsnaich.

42 Thog thu suas deas làmh a naimhdean; rinn thu 'eascairdean uile aith.

43 Mar an ceudna phill thu faobhar a chlaidheimh, agus cha d'thug thu air seasamh anns a' chath.

44 Chuir thu as d'a ghloir, agus thilg thu sìos a rìgh-chaithir gu làr.

45 Ghiorraich thu làithean 'òige; chòmhdaich thu e le nàire. Selah.

46 Cia fhad, a Thighearn, a dh'fholuicheas tu thu féin gu tur? a loisgeas, mar theine, do chorruidh?

47 Cuimhnich cia gearr m'aimsir: c'ar son a chruthaich thu gu dìomhain clann nan daoine uile?

48 Cò e an duine a tha beò, agus nach faic ann bàs, *no* 'thcasairgeas 'anam féin o làmh na h-uaigne? Selah.

49 C'ait *am theil* do chaoimheasan-gràidh roimhe so, a Thighearn, a mhionnaich thu do Dhaibhidh air d'fhirinn.

50 Cuimhnich, a Thighearn, masladh do sheirbhiseach; gu'n do ghiùlain mise ann am uchd uile *mhasladh* sluagh mhòir.

51 Leis an do mhaslaich do naimhdean, a Thighearn; leis an do mhaslaich iad ceuman d'Aoin ungta.

52 Beannaichte gu'n *robh* an Tighearn gu sìorruidh! Amen agus Amen.

## SALM XC.

1 *Dh'fhoillsich Maois freasdal Dhé do chloinn Israel. 9 Nochd e gu'n bheil làithean an duine gearr; 13 agus ghluidh e gu'n sàsuicheadh Dia a shluagh le 'thròcair.*

Urnuigh le Maois, òglach Dé.

**A** THIGHEARNA, bha thusa a'd' ionad-còmhnuidh dhuinn o linn gu linn.

2 Mu'n do ghineadh na beanntan, agus mu'n do dhealbhadh thu an talamh agus an cruinne-cé, eadhon o bhlith-bhuantachd gu bith-bhuantachd *is* tusa Dia.

3 Tionndaidhidh tu an duine gu sgrios; agus their thu, Pillibh, a chlann nan daoine.

4 Oir tha mìle bliadhna ann ad shealladhsa, mar an là'n dé 'n uair a théid e seachad, agus *mar* fhaire anns an oidhche.

5 Dh'fhuadaich thu iad, mar le sruth; *mar* chodal tha iad: anns a' mhaduinn *tha iad* mar fheur a dh'fhàsas suas.

6 Air maduinn thig e fo bhlàth, agus fasaidd e suas; air feasgar gearrar sìos e, agus seargaidh e.

7 Oir tha sinn air ar caitheadh le d' fheirg, agus le d' chorruidh tha sinn air ar claidh.

8 Chuir thu ar n-euceartan a'd' fhianuis, ar *peacaidhean* dìomhair ann an solus do ghnuise.

9 Oir tha ar làithean air teireachduinn ann ad fheirg: chaith sinn ar bliadhnachan mar sgeul a dh'inneadh.

10 Tha làithean ar bliadhnachan 'n an tri fichead bliadhna agus a deich; agus le tuilleadh neirt ma *bhàitheas* ceithir fichead ann, *is* saothair agus doilgheas an spionnadh: oir gearrar as e gu grad, agus siubhlaidh sinn.

11 Cò d'an aithne neart d'fheirge, agus a réir d'eagail, do chorruidh?

12 Teagaisg dhuinn mar so ar làithean àireamh, chum gun socraich sinn ar cridhe air gliocas.

13 Pill, a Thighearn; cia fhad? agus gabh aithreachas a thaobh do sheirbhiseach.

14 Sàsuich sinn gu moch le d' thròcair, a chum gu'n dean sinn gairdeachas agus aoibhneas rè ar làithean uile.

15 Dean aoibhneach sinn a réir nan làithean *air* an do chràidh thu sinn, nam bliadhnachan *anns* am faca sinn olc.

16 Faicear d'obair le d' sheirbhisich, agus do ghloir le 'n cloinn.

17 Agus bitheadh maise an Tighearn' ar Dé oirn; agus daingnich thusa obair ar làmh dhuinn; seadh, daingnich obair ar làmh.

## SALM XCI.

1 *Tèaruinteachd agus sonas nan ionracan fo sgàile an Uile-chumhachdaich.*

**G**ABHAIDH esan a tha 'n a chòmhnuidh ann an ionad dìomhair an Ti a's àirde, tàmh fo sgàile an Uile-chumhachdaich.

2 Their mi mu thimchioll an Tighearna, *is* e mo thearmunn, agus mo dhaingneach; mo Dhia, anns an cuir mi mo dhòigh.

3 Gu dearbh saoraidh e thu o riban cunad-air, o'n phlàigh mhilltich.

4 Le iteagaibh còmhdaichidh e thu, agus, fo a sgiathan bithidh d'earbsa: *bithidh* 'thìrinn 'n a sgéith agus 'n a targaid dhuit.

5 Cha bhi egal ort a thaobh an uamhais anns an oidheche, *no* na saighde a ruitheas 's an là;

6 *No* na plàigh' a ghluaiscas ann an dor-chadas, *no* an sgrios a mhilleas mu mheadhon-là.

7 Tuitidh mìle ri d' thaobh, agus deich mìle air do làmh dheis; ach cha tig e am fagus duit.

8 A mhàin le d' shùilibh seallaidh tu, agus chi thu dìol nan aingidh.

9 A chionn gu'n d'rinn thu an Tighearn 'n a thearmunn, an Ti a's àirde 'n a ionad-còmhnuidh dhuit;

10 Cha-n éirich ole air bith dhuit, agus cha tig plàigh am fagus do d'fhàrdaich:

11 Oir bheir e àithne d'a aingibh mu d' thimchioll, chum do ghleidheadh ann ad shlighibh uile.

12 'N an làmhnan togaidh iad suas thu, air egal gu'm buail thu do chos air cloich.

13 Air an leòmhann agus air an nathair-nimhe saltraidh tu; pronnaidh tu fo d' chois an leòmhann òg agus an dràgon.

14 A chionn gu'm bheil gràdh aige dhomh, saoraidh mi e; àrdaichidh mi e, a chionn gur aithne dha m'ainm.

15 Gairmidh e orm, agus éisdidh mi ris; *bithidh* mi maille ris ann an teim; teasairgidh mi e, agus bheir mi urram dha.

16 Le fad làithean sàsuidhidh mi e, agus nochdaidh mi dha mo shlàinte.

## SALM XCII.

1 *Dh'earalaich am fàirdh Dia a mholadh, 4 air son a bhreitheanais air luchd-deanamh an uile, 10 agus air son a mhaithéis do'n ionracan.*

Salm *no* laoidh air son là na sàbaid.

**I**S maith an ni buidheachas a thabhairt do'n Tighearn, agus cliu a thabhairt do d'ainmsa, O Thi a's àirde;

2 Do chaoimhnas-gràidh a chur 'an céill anns a' mhaduinn, agus d'fhàrinn gach oidheche,

3 Air inneal-ciùil nan deich teud, agus air an t-saltair; air a' chlàrsaich le fuaim fhonn-mhoir àird.

4 Oir rinn thu mi aoibhinn, a Thighearna, trid d'òibre-sa; ann an gnìomharaibh do làmh ni mi gairdeachas.

5 Cia mòr do ghnìomharan-sa, a Thighearna! ro dhomhain tha do smuaintean.

6 Cha-n còl do'n amhlair, agus cha tuig an t-amadan so.

7 An uair a chinneas na h-aingidh mar fheur, agus a thig uile luchd-deanamh na h-euceirt fo bhlàth, *bithidh* iad air an sgrios ann feasd.

8 Ach *tha* thusa ro àrd gu sìorruidh, a Thighearna.

9 Oir feuch, do naimhdean, a Thighearna, oir feuch, do naimhdean, sgriosar iad: sgapar mìle luchd-deanamh na h-euceirt.

10 Ach mar *adharce* buabhuill àrdaichidh tu m'adharce-sa; ungair mìle le h-olaidh ùir.

11 Agus amhaircidh mo shùil air m'eas-cairdibh; mu na droch dhaoibh a dh'éireas suas a'm' aghaidh chuinnidh mo chluasan.

12 Mar chrann-pailme, thig am fream fo bhlàth; mar sheudair air Lebanon, fasaidh e suas.

13 Iadsan a shuidhichear ann an tigh an Tighearn, ann an cùirtibh ar Dé-ne thig iad fo bhlàth:

14 Fathast 'n an sean aois bheir iad a mach toradh; sultmhor, agus ùr bithidh iad.

15 A chum gu nochd iad gu *bheil* an Tighearn mo charraig, cothromach, agus nach *'eil* euceart ann.

## SALM XCIII.

*Mòralachd agus naomhachd oighreachd Chrìosd.*

**T**HAN Tighearn a' rioghachadh, tha e air a sgeadachadh le mòralachd; tha'n Tighearn air a sgeadachadh le neart, agus chrìosaich se e féin: tha'n saoghal mar an ceudna air a dhaingneachadh, chum nach gluaisear e.

2 Dhaingnicheadh do rìgh-chaithir o chian: o shìorruicheadh *tha* thusa.

3 Thog na tuitlean suas, a Thighearna, thog na tuitlean suas an guth: togaidh na tuitlean suas an tonnann.

4 Os ceann toirme uisgeachan ònmhor, os ceann thonn neartmhor na mara, is neartmhor anns na h-àrdaibh an Tighearn.

5 Tha do theisteis ro fhior: do d' thigh-sa is iomchuidh naomhachd, a Thighearna, gu bràth.

## SALM XCIV.

1 *Dh'asluich Daibhidh air Dia gu'n iocadh e luigheachd do na h-uabhrich. 8 Nochd e freasdal Dhé, agus beannachadh an duine a smachdaichear leis. 16 Tha Dia 'n a fhearcuidcachaidh do'n fhìrean.*

**A**DHE an dioghaltais, a Thighearn! Dhé an dioghaltais, dealraich a mach.

2 Ardaich thu féin, a Bhreitheimh na talmhainn: ioc luigheachd do na h-uabhrich.

3 Cia fhad a ni na h-aingidh, a Thighearna, cia fhad a ni na h-aingidh caithream?

4 *Cia fhad* a bhrùchdas iad briathran, a labhras iad nithean cruaidhe? a bhitheas uile luchd-deanamh an uile ri ràiteachas?

5 A bhruthas iad do shluagh, a Thighearna, agus a chlaoidheas iad d'oighreachd?

6 A mharbhas iad a' bhantrach agus an coigreach, agus a mhortas iad na dilleach-dain?

7 Agus a their iad, Cha-n fhaic an Tighearn, agus cha toir Dia lacoib faineir e.

8 Tuigibh, *sibhse* amhlaircan ann measg an t-sluaigh; agus amadana, e'uin a bhitheas sibh glie?



9 An ti a shuidhich a' dhluas, nach cluinn e? an ti a dhealbhan an t-sùil, nach faic e?

10 An ti a smachdaicheas na fineachan, nach cronaich e? an ti a theagaisgeas còlas do'n duine, nach 'eil eòlas aige?

11 Is fiosrach an Tighearn air smuaintibh dhaoine, gur dìomhanas fad.

12 Is beannaichte an duine a smachdaicheas tusa, a Thighearn', agus a theagaisgeas tu as do lagh:

13 Chum fois a thabhairt da e làithibh an uile, gus an cladhaichear slochd do'n aingidh.

14 Oir cha tilg Dia dheth a shluagh, agus cha tréig e 'oighreachd féin;

15 Ach pillidh breitheanas ri ceartas; agus leanaidh iadsan uile a tha ionraic 'n an cridhe e.

16 Cò a dh'éireas leam an aghaidh luchd-deanamh an uile? cò a sheasas air mo shon an aghaidh luchd-deanamh na h-aingidheachd?

17 Mur bitheadh an Tighearn 'g am chuid-eachadh, is beag nach robh m'anam 'n a thàmh gu tosdach?

18 'N uair a thubhairt mi, Tha mo chos air sleamhnachadh uam, chum do thròcair, a Thighearna, suas mi.

19 Ann an lìonmhoireachd mo smaintean an taobh a stigh dhìom, thug do chomh-fhurtachd-sa sòlas do m'anam.

20 Am bi comann riutsa aig rìgh-chaitheir nah-cruicir, a dhealbhasaimhneas le reachd?

21 Cruinnichidh iad le 'chéile an aghaidh anama an fhàirein, agus dìtidh iad fuil neò-chiontach.

22 Ach is e'n Tighearn mo dhaingneach; agus is e mo Dhia carraig mo dhòchais.

23 Agus dìolaidh e orra féin an euceart, agus 'n an aingidheachd féin gearraidh e as iad; gearraidh an Tighearn air Dia as iad.

## SALM XCV.

1 *Earail gu Dia a mholadh air son a mhòrachd, 6 agus air son a mhaithéis.*

**O** THIGIBH, seinneamaid do'n Tighearn; togamaid iolach do charraig ar slàinte.

2 Thigearnaid 'n a fhianuis le buidheachas, agus le sailmaibh togamaid ceòl dha gu suil-bhreach:

3 Oir is Dia mòr an Tighearn, agus is Rìgh mòr e os ceann nan uile dhia.

4 'N a làimh-san tha doimhneachdan na talmhainn; agus is leis àirde nam beann.

5 Is leis an fhaighe, oir is e a rinn i; agus dhealbha a làmh-an talamh tioram.

6 O thigibh, sleuchdamaid, agus cromamaid sìos; tuiteamaid air ar glùinibh 'am fianuis an Tighearn' a rinn sinn:

7 Oir is esan ar Dia, agus is sinne sluagh 'ionaltraidh-san, agus caoraich a làimhe.

8 An diugh ma dh'éisdeas sibh r'a ghuth, na cruaidhichibh bhur cridhe, mar anns a

chonnasachadh, mar ann an là a' bhuairidh, anns an fhàsach;

9 'N uair a bhuair bhuir n-aithrichean mi, a dhearbha iad mi, agus a chunnaic iad m'oireb ré dhà fhichead bliadhna.

10 Chuireadh campar orm leis a' ghinealach ud, agus thubhairt mi, Is sluagh seacharanach 'n an cridhe iad, agus cha-n aithne dhoibh mo shlighean:

11 D'an d'thug mi mo mhionnan a'm' fheing, nach rachadh iad a steach do m' fhois.

## SALM XCVI.

1 *Earail gu glòir Dhé a' chur 'an cèill, 10 agus gu gairdeachas a dheanamh a' chionn gu bheil e a' rìoghachadh os ceann an domhain.*

**C**ANAIBH do'n Tighearn laoidh nuadh; canaibh do'n Tighearn, a thàmh nìle.

2 Canaibh do'n Tighearn, beannaichibh 'ainm; foillsichibh o là gu là a shlàinte.

3 Cuiribh 'an cèill am measg nan cinneach a ghloir, am measg gach sluagh 'iongantais-san.

4 Oir is mòr an Tighearn, agus is ro airidh e air cliu: is aobhar eagail esan os ceann nan uile dhia:

5 Oir is iodholan uile dhiathan nan cinneach: ach is e'n Tighearn a rinn na nèamhan.

6 Tha urram agus mòralachd 'n a fhianuis: neart agus maise 'n a ionad naomh.

7 Thugaibh do'n Tighearn, sibhse fhineacha nan sluagh; thugaibh do'n Tighearn glòir agus neart.

8 Thugaibh do'n Tighearn a' ghloir a's cubhaidh d'a ainm: thugaibh tabhartas leibh, agus thigibh a steach d'a chùirtibh.

9 Sleuchdaibh do'n Tighearn ann am maise na naomhachd; bitheadh eagail oirbh 'n a fhianuis, gach uile thir.

10 A braibh am measg nan cinneach, Tha'n Tighearn a' rìoghachadh: mar an cendna daingnichear an domhan, chum nach gluais-e: bheir e breth air na slòigh le ceartas.

11 Bitheadh na nèamhan aoibhneach, agus deanadh an talamh gairdeachas; beucadh an fhaighe, agus a làn.

12 Bitheadh a' mhachair ait, agus gach nì a th' imte; an sin deanadh uile chroinn na coille luathghaire

13 An làthair an Tighearna; oir tha e a' teachd, oir tha e a' teachd a thoirt breth air an talamh: bheir e breth air an t-saoghal le ceartas, agus air na slòigh le 'fhìrinn.

## SALM XCVII.

1 *Mòralachd rìoghachd Dhé. 8 Rinn Sion gairdeachas air son bhrèitheanas an Tighearna. 10 Gleidhidh Dia anaman a naomh.*

**T**HA'N Tighearn a' rìoghachadh; bith-each aiteas air an talamh: deanadh na h-eileanan lìonmhor gairdeachas.

2 Tha ncoil agus dorchadas m'a thimchioll: is iad ceartas agus bhrèitheanas àite-còmh-nuidh a rìgh-chaitheach.

3 Thèid teine roimhe, agus loisgidh e snas a naimhdean air gach taobh.

4 Shoillsich a dhealanaich an crinne-cé; chunnaic, agns chrìochnaich an talamh.

5 Leagh na beanntan as mar chéir o làth-air an Tighearn', o làthair Thighearna na talmhainn uile.

6 Chuiridh na nèamhan 'an céill a cheartas, agus chi gach shnagh a ghlòir.

7 Bithidh uamhunn orra-san uile a ni seirbhis do dhealbhan snaidhte, a ni uaill á h-ìodholaibh: slenchdaibh dha, a dhiathan uile.

8 Chuala Sion, agns bha aoibhneas oirre; agus rinn nigheanan Iudah gairdeachas, air son do bhreitheanas, a Thighearna.

9 Oir *tha* thusa, a Thighearn', àrd os ceann na talmhainn uile; *tha* thu air d'ardachadh gu mòr os ceann nan uile dhia.

10 Sibhse a ghràdhaicheas an Tighearn, fuathaichibh olc: gleidhidh e anaman a naomh; á làimh nan aingidh saoraidh e iad.

11 Dh'éirich solus do'n fhìrean, agns aoibhneas dhoibhsan a tha ionraic 'n an eridhe.

12 Bitheadh aoibhneas oirbh, fhìreana, anns an Tighearn; agns thugaibh buidheachas ri cuimhneachadh air a naomhachd.

## SALM XCVIII.

1 *Chuir an salmadair 'an céill slàinte Dhé d'a phobull Israèl.* 4 *Thug e earail do'n t-shuagh buidheachas a thabhairt do Dhia.*

Salm.

**O** SEINNIBH do'n Tighearn laoidh nuadh, oir rinn e nithean iongantach; dh'oirbich a dheas làmh agus a ghairdean naomh slàinte dha.

2 Thaisbein an Tighearn a' shlàinte; ann an sealladh nan cinneach dh'fhoillsich e 'fhìreantachd.

3 Chuimhnich e a thròcair agus 'fhìrinn do theaghlach Israèil; chunnaic uile chrìochan na talmhainn slàinte ar Dé.

4 Togaibh iolach ait do'n Tighearn, a thìrean uile: togaibh bhuir guth, deanaibh gairdeachas, agus seinnibh cliu.

5 Seinnibh do'n Tighearn le clàrsaich; le clàrsaich agns guth sailme.

6 Le trompaidibh agns guth na h-adhairc', togaibh iolach ait 'an làthair an Rìgh Iehobhah.

7 Beucadh an fhairege agus a làn, an saoghal agus iadsan a tha 'n an còmhnuidh ann.

8 Buaileadh na tuiltean am bosan; cnid-eachd deanadh na beanntan luathghaire

9 An làthair an Tighearna; oir *tha* e a' teachd a thabhairt breth air an talamh: bheir e breth air an t-saoghal ann am fireantachd, agus air na slòigh ann am ceartas.

## SALM XCIX.

1 *Tha am fàidh a' nochdadh gu bheil Dia 'n a rìgh os ceann na talmhainn, 5 agus gur còir sleuchdadh aig stòl a chos.*

**T**HA'N Tighearn a' rìoghachadh; crìoht-naicheadh na slòigh: *the e 'n a shuidhe eadar cheruban; bitheadh crith air an talamh.*

2 *Tha'n* Tighearn mòr ann an Sion, agus *tha* e àrd os ceann gach sluaigh.

3 Moladh iad d'ainm mòr, agus uamhasach: *is* naomh e.

4 Agus is toigh leis an Rìgh chumhachdach breitheanas: is tu a shoerlicheas a' chòir; ni thusa breitheanas agus ceartas ann an Iacob.

5 Ardaichibh an Tighearn ar Dia, agus sleuchdaibh aig stòl a chos: *is* naomh esan.

6 *Bha* Maois agus Aaron am measg a shagart, agns Samuel 'n am measg-san a ghairm air 'ainm: ghairm iadsan air an Tighearn, agus fhreagair esan iad.

7 Ann an baideal neoil labhair e rin: ghléidh iad a theisteis, agus an reachd a thug e dhoibh.

8 A Thighearn' ar Dia, fhreagair thusa iad: is tu an Dia a thng maitheanas dhoibh, ge do rinn thu dìoghaltas air son an gnìomharan.

9 Ardaichibh an Tighearn ar Dia, agns sleuchdaibh aig a shliabh naomh: oir *is* naomh an Tighearn ar Dia.

## SALM C.

1 *Earail gu seirbhis a dheanamh do Dhia mar ar cruith-fhear agus ar fear-saoraidh, 4 agus gu cliù a thabhairt da air son a mhairtheis, a thròcair agus 'fhìrinn.*

Salm molaidh.

**T**OGAIBH iolach ait do'n Tighearn, a thìrean uile.

2 Deanaibh seirbhis do'n Tighearn le h-aoibhneas, thigibh 'n a fhianuis le luathghaire.

3 Bitheadh fios agaibh gur e'n Tighearn a's Dia ann: *is* e a rinn sinn, agus cha sinn féin; *is* sinn a shluagh, agns caoraich 'ionaltraidh-san.

4 Thigibh a steach air a gheataibh le baidheachas, d' a chùirtibh le moladh; thngaibh buidheachas dha, beannaichibh 'ainm.

5 Oir *tha'n* Tighearn maith; *mairidh* a thròcair gu bràth, agus 'fhìrinn o linn gu linn.

## SALM CI.

1 *Chuir Daibhidh roimhe gu'n gluaisheadh e ann an ionracas a chridhe, 5 agus gu'n gearradh e as luchd-deanamh an uile.*

Salm le Daibhidh.

**M**U thròcair agus mu bhreitheanas seinnidh mi: dhuitse, a Thighearna, canaidh mi.



## SALM CII, CIII.

2 Iomchairidh mi mi féin gu glic air slighe ionraic; O cùin a thig thu a m' ionnsuidh? gluaisidh mi ann an ionracas mo chridhe 'am meadhon mo thighe.

3 Cha chuir mi ni ole sam bith fa chomhair mo shùl: is fuathach leam obair luchd eusaontais; cha lean i rium.

4 Triallaidh cridhe iargalt uam; air an daoì cha chuir mi eòlas.

5 An ti gu dìomhair a bheir beum d'a choimhearsnach, esan gearraidh mi as; an ti aig am bheil sealladh àrd, agus cridhe uaibhreach, esan cha-n fhuilg mi.

6 *Bithidh* mo shùilean air fireanaibh na tìre, chum gu'n gabh iad còmhnuidh leam: esan a ghluaiseas ann an slighe ionraic, ni e seirbhis dhomh.

7 Cha ghabh fear-deanamh ceilge còmhnuidh ann am thigh; cha-n fhuirich fear-labhairt bhreug fa chomhair mo shùl.

8 Gu moch gearraidh mi as uile dhroch dhaoine na tìre; chum gu'n sgath mi as o chaithir an Tighearn' uile luchd-deanamh an uile.

### SALM CII.

1 *Thaom am fàidh a ghearan 'an làthair Dhè. 2 Chluinnich e air tròcair an Tighearna d'a shluagh, agus ghlac e misneach. 23 Tha Dia neo-chaòchluideach 'n a bith.*

Urnuigh air son duine thruaigh 'n uair a bhithas e air a shàruchadh, agus a thaomas e a ghearan 'an làthair an Tighearna.

**A** THIGHEARNA, éisd ri m'urnuigh, agus thigeadh mo ghlaodh a d'ionnsuidh.

2 Na foluich do ghnùis uam ann an là mo theinn: aom do chluas rium 's an là *air an gairm* mi ort; éisd rium gu grad.

3 Oir tha mo làithean air teireachdainn mar dheataich, agus tha mo chnàmhan air an losgadh mar theinntein.

4 Tha mo chridhe air a bhualadh, agus áir seargadh mar fheur; air chor as nach cuimhne leam m'aran itheadh.

5 Le guth m'osnaich, lean mo chnàmhan ri m'fheoil.

6 Tha mi cosmhuil ri pelican an fhàsaich; tha mi mar chomhachaig nan ionad aonaranach.

7 Tha mi ri faire, agus tha mi mar eun 'n a aonar air mullach tighe.

8 Air feadh an là tha mo naimhdean 'g am mhasluchadh; agus iadsan a tha air bhoile rium, mhionnaich iad a'm' aghaidh.

9 Oir dh'ith mi luath mar aran, agus mhcasg mi mo dheoch le m' dheuraibh,

10 Trid do chorruih agus d'fheirge; oir thog thu mi suas, agus leag thu mi sìos.

11 Tha mo làithean, mar sgàile, ag aomadh sìos; agus tha mi féin, mar fheur, air seargadh.

12 Ach mairidh tusa, a Thighearna, gu bràth, agus do chuimhne o linn gu linn.

13 Eiridh tusa, ni thu tròcair air Sion;

oir tha'n t-àm gu deadh-ghean a nochdadh dhi, seadh, an t-àm suidhichte air teachd.

14 Oir tha do sheirbhisich a' gabhail tlachd 'n a clachaibh, agus tha deadh rùn aca d'a luaithre.

15 Mar sin bithidh eagal air na cinnich roimh ainm an Tighearna, agus air uile rìghrìbh na talmhainn roimh a ghloir.

16 An uair a thogas an Tighearn suas Sion, chithear e 'n a ghloir.

17 Bheir e 'n aire do urnuigh nan dìobarach, agus cha dean e tàir air an athchuinge. 18 Sgrìobhar so do'n àl ri teachd; agus molaidd an sluagh a ghinear an Tighearn.

19 Oir dh'amhairc e nuas o àirde a naomh-achd féin; na o nèamhan sheall an Tighearn air an talamh.

20 A chluinntinn osnaich a' phrìosanaich, chum fuasgladh orra-san a dh'orduicheadh chum bàis;

21 Chum ainm an Tighearna 'chur 'an céill ann an Sion, agus a chliu ann an Ierusalem;

22 An uair a chruinnichear na slòigh le 'chéile, agus na rìoghachdan, gu seirbhis a dheanamh do'n Tighearn.

23 Chlaidh e anns an t-slighe mo neart; ghiorraich e mo làithean.

24 Thubhairt mi, Mo Dhia, na tabhair air falbh mi ann am meadhon mo làithean: *tha* do bhliadhnachan-sa air feadh nan uile linn.

25 O chian leag thu bunaitan na talmhainn; agus is iad na nèamhan obair do làmh.

26 Théid as doibhsan, ach mairidh tusa: fàsaidh iadsan uile sean mar eudach; mar thrusgan caochlaidh tu iad, agus bithidh iad air an caochlaidh.

27 Ach is tusa an Tì ceudna, agus cha chrìochnaichear do bhliadhnachan.

28 Mairidh clann do sheirbhiseach, agus daingnichear an sliochd a'd' fhanuis.

### SALM CIII.

1 *Earcail gu cliu a thoirt do Dhia a chionn gu'm bheil a mhaithas mòr, 15 agus a thròcair o shiorruidheachd orra-san d'an eagal e.*

*Salm le Daibhidh.*

**B**EANNAICH an Tighearn, O m'anam; agus molaidd gach ni a tha'n taobh a stigh dhomh, 'ainm naomh-san.

2 Beannaich an Tighearn, O m'anam; agus na dì-chuimhnich a thiodhlacan uile.

3 'S e mhaithas dhuit do pheacadhean gu léir, a shlànucias d'euslaintean uile;

4 A shaoras do bheatha o sgrios, a chrúnas thu le caomhneas-gràidh agus le caomh thròcairibh.

5 A shàsuicheas do bheul lenithibh maithe, air chor as gu'n athnuadhaichear d'òige, mar òige na h-ìolaire.

6 Ni an Tighearn ceartas agus breith-eanas dhoibhsan uile a tha air an sàruchadh,

7 Dh'fhoillsich e a shlighean do Mhaois, a ghniomharan do chloinn Israeil.

8 *Is* tròcaireach agus *is* gràsmhor an Tighearn, mall chum feirge, agus pailt ann an caoimheas-gràidh.

9 Cha bhi e 'cronachadh gu sìorruidh, agus cha ghlèidh e *'fheary* gu bràth.

10 A réir ar peacaidhean cha d'rinn e oirm, agus a réir an n-uccartan cha d'thug e luigheachd dhuinn.

11 Oir mar a tha na nèamhan àrd os ceann na talmhainn, *mar sin* tha a thròcair mòr d'an taobh-san d'an eagal e.

12 Co fhad as a tha 'n àird an ear o'n àird an iar, co fhad as sin chuir e uainn ar n-eusantaibh.

13 Mar a ghabhas athair truas d'a chloinn, gabhaidh an Tighearn truas dhiubhsan d'an eagal e.

14 Oir is aithne dha ar dealbh; is cuimhne leis gur duslach sinn.

15 An duine, mar fheur *tha* a làithean; mar bhlàth na macharach, mar sin fàsaidh e fo bhlàth.

16 Oir gabhaidh a' ghaoth thairis, agus cha *bhi* e ann; agus cha-n aithnich 'ionad fèin e n's mò.

17 Ach *tha* tròcair an Tighearn 'o shìorruidheachd orra-san d'an eagal e, agus 'fhìr-eantachd do chloinn an cloinne;

18 Dhoibhsan a chumas a choimhcheangal, agus a chuimhnichas 'aithcantan, chum an deanamh.

19 Shocruidh an Tighearn a rìgh-chaithir anns na nèamhan; agus tha a rioghachd a' riaghladh os ceann nan uile.

20 Beannaichibh an Tighearn, sibhse 'ainglean, treun ann an neart, a' deanamh 'iarrtuis, ag èisdeachd ri fuaim 'fhocail.

21 Beannaichibh an Tighearn, a shlòigh uile, sibhse a luchd-frithealaidh a ni a thoil.

22 Beannaichibh an Tighearn, 'oibre uile, anns gach àite d'a thighearnas: beannaich an Tighearn, O m'anam!

## SALM CIV.

1 Mòralachd, cumhachd, agus freasdal Dhé.

31 Mairidh glòir an Tighearna gu bràth.

33 Gheall am fàidh gu'n canadh e moladh do Dhia an cian a bha e beò.

**B**EANNAICH an Tighearn, O m'anam! A Thighearna mo Dhia, tha thusa ro mhòr; le h-urram agus mòralachd tha thu air do sgeadachadh.

2 *Tha* thu a' cur soluis umad mar thrusgan, a' sìneadh a mach nan nèamh mar chùirtein.

3 Tha e a' leagadh sailthean a sheòmar anns na h-uisgeachaibh, a' deanamh nan neul 'n an carbad dha fèin, a' siubhal air sgiathaibh na gaoithe;

4 A' deanamh 'ainglean 'n an spioradaibh, a luchd-frithealaidh 'n an teine lasarach.

5 Shuidhich e an talamh air a bhunaitibh, chum nach gluaisteadh e gu bràth.

6 Leis an doimhneachd, mar le trusgan, chòmhdaich thu e: sheas na h-uisgeachan os ceann nan beann.

7 O d'achmhasan-sa theich iad, o ghuth do thairneanaich ghreas iad rompa.

8 Chaidh iad suas ri taobh nam beann; chaidh iad sìos air feadh nan gleann do'n àit a dh'orduich thusa dhoibh.

9 Shuidhich thu crìoch air nach téid iad thairis; chum nach pill iad a rìs a chòmh-dachadh na talmhainn.

10 *Tha* e a' cur thobar anns na gleanntaibh, a tha a' ruith air feadh nam beann.

11 Bheir iad d'coch do uile bheathaichibh na macharach; coisgidh na h-asail fhiadh-aich an tart.

12 Am fagus doibh còmhnuichidh eunlaith nan speur, a bhitheas a' seinn am measg nan geug.

13 Uisgichidh e na beanntan o' sheòmraichibh: le toradh a ghniomh sàsuichear an talamh.

14 Bheir e air feur fàs do'n spréidh, agus air luibh chum seirbhis an duine, chum aran a thabhairt as an talamh,

15 Agus fion a ni cridhe an duine subhach, oladh a ni a ghnùis dealrach, agus aran a neartaicheas cridhe an duine.

16 Tha craobhan an Tighearna làn brìgh, seudair Lebanoin a shuidhich e:

17 Far an dean na h-eoin an nid; aigan store *tha* na craobhan giuthais mar ionad-tàmh.

18 *Tha* na beanntan àrda 'n an tearmunn do na gabhair fhiadhaich; na creagan do na coimcanaibh.

19 Rinn e a' ghealach air son aimsirean; is aithne do'n ghréin mar a luidheas i.

20 Ni thu dorchadas, agus tha'n oidhech ann: an sin snàigidh uile bheathaichean na coille *mach*.

21 Beucaidh na leòmhain òga air son cobh-artach, agus ag iarraidh am bìdh air Dia.

22 Eiridh a' ghrian, cruinnichidh iad le 'chéile, agus 'n an àitibh-tàmh luidhidh iad.

23 Théid an duine mach gu 'obair, agus gu 'shaothair gu feasgar.

24 Cia lionmhor d'oibre, a Thighearna! ann an ghloas rinn thu iad gu léir: tha'n talamh làn le d' shaoibhreas;

25 *Mar an ceudna* an cuan so a tha mòr agus farsuin, anns am bheil creutairean snàigeach gun àireamh, arann beathaichean beaga agus mòra.

26 An sin siubhlaidh na longan; agus an Lebhiatan sin, a dhealbh thu gu bhi 'sùgradh ann.

27 Fèithidh iad sin uile orts, chum gu'n tabhair thu dhoibh am biadh 'n a thràth.

28 Bheir thusa dhoibh, cruinnichidh iad-san; fosgailidh tu do làmh, sàsuichear iad le maith.

29 Fòluichidh tu do ghnùis, bithidh iad fo amhladh; bheir thu uatha an deò, eugaidh iad, agus pillidh iad ri'n ùir.



30 Cuiridh tu mach do spiorad, cruthaichear iad; agus athnuadhaichidh tu aghaidh na talmhainn.

31 Mairidh glòir an Tighearna gu bràth: ni an Tighearn gairdeachas 'n a oibribh.

32 Seallaidh e air an talamh, agus crìothnaichidh e; beanaidh e ris na beanntaibh, agus bithidh deatach dhiubh.

33 Seinnidh mise do'n Tighearn an cian is beò mi; canaidh mi moladh do m' Dhia fhad's a bhitheas bith agam.

34 Bithidh mo smuaintean air milis; ni mi gairdeachas anns an Tighearn.

35 Sgrìosar peacaich a mach as an talamh, agus cha bhi na h-aingidh ann ni's mò. Beannaich an Tighearn, O manam. Mol-aibhse an Tighearn.

## SALM CV.

1 *Is còir buidheachas a thabhairt do Dhia, agus a ghnàis iarraidh a ghnàth.* 8 *Nochd an salmadair freasdal Dhè do Abraham; 16 do Ioseph: 23 agus do Israel's an Eiphit, &c.*

**T**HUGAIBH buidheachas do'n Tighearn; gairmibh air ainm; foillsichibh am measg nan sluagh a ghnìomharan.

2 Seinnibh dha; seinnibh sailm dha; labhraibh air 'oibribh iongantach-san gu léir.

3 Deanaibh uail a' ainm naomh-san: bithheadh gairdeachas air cridhe na dream a dh'iarraas an Tighearn.

4 Iarraibh an Tighearn agus a neart; iarraibh a ghnùis a ghnàth.

5 Cuimhnichibh 'oibre iongantach a rinn e; a chomharan agus breitheanais a bheoil.

6 O sibhse a shliochd Abraham 'oglaich-san, sibhse a chlann Iacob a dhaoine taghta-san.

7 *Is esan an Tighearn ar Dia-ne; air feadh na talmhainn uile tha a bheitheanais.*

8 Cuimhnich e gu sìorruidh a choimcheangal, am focal a dh'orduich e do mhìle ginealach;

9 A rinn e ri h-Abraham, agus amhionnan do Isaac:

10 Agus dhaingnich e sin do Iacob mar reachd, do Israel mar choimcheangal bith-bhuan;

11 Ag ràdh, Dhuitse bheir mi fearann Chanaan, crannchur bhuir n-oighreachd.

12 An uair nach robh iad ach ro thearc 'an àireamh, agus 'n an coigrich ann;

13 Agus a chaidh iad o chinneach gu cinn-each, o rìoghachd gu sluagh eile;

14 Cha do leig e le duine sam bith eucoir a dheanamh orra, agus smachdaich e rìghrean air an son;

15 *Ag ràdh, Na beanaibh ri m' dhaoinibh ungta, agus air m' fhaidhibh na deanaibh cron.*

16 Agus ghairm e gorta air an tìr; bhris e uile lorg an arainn.

17 Chuir e duine rompa, Ioseph, a reiceadh mar thràill.

18 Le geimhlibh dhochainn iad a chosan; chuireadh 'an iarunn e gu teann;

19 Gu ruig an t-àm anns an d'fhàinig a bhriathar: dhearbhaig focal an Tighearn e.

20 Chuir an rìgh teachdair uaidh, agus dh'fhuasgail e air; uachdaran an t-sluaigh, agus leig e saor as e.

21 Rinn se e 'n a thighearn air a thigh, agus 'n a uachdaran os ceann a mhaoin uile:

22 Chum gu'n ceangladh e 'ard-cheannardan a réir a thoile, agus gu'n deanadh e a shean-airean glic.

23 Agus thàinig Israel do'n Eiphit, agus bha Iacob air chuairt ann an tìr Cham.

24 Agus thug e air a shluagh fas ro lìon-mhor, agus rinn e ni bu treise iad na'n naimhdean.

25 Dh'iompaich e an cridhe gu fuath a thoirt d'a shluagh, agus gu buntainn gu cealgach r'a sheirbhisich.

26 Chuir e d'an ionnsuidh Maois 'òglach fèin, Aaron a thagh e.

27 Nochd iad a chomharan 'n am measg, agus a bheartan iongantach ann an tìr Cham.

28 Chuir e mach dorchadas, agus bha dorchadas ann: agus eha d'rinn iad ceannaire an aghaidh fhocail.

29 Thionndaidh e an uisgeachan gu fuil, agus mharbh e an iasg.

30 Thug an tìr a mach losgannan gu pailt, ann an seòmraichibh an rìghrean.

31 Labhair e, agus thàinig iomadh gnè chuireag agus mialan 'n an crìochaibh uile.

32 Air son an uisge thug e dhoibh clach-mheallain, agus teine lasarach 'n an tìr.

33 Agus bhuail e an eoinn-fhìona agus an croim-fhìge; agus bhris e craobhan an crìoch.

34 Labhair e, agus thàinig locuist, agus burruis, agus sin gun àireamh;

35 Agus dh'ith iad gach luibh 'n an tìr; agus dh'ith iad meas an fearainn.

36 Agus bhuail e gach ceud-ghin 'n an tìr, toiseach an neirt uile.

37 Agus thug e mach iad le h-airgiod agus le h-òr: agus 'n an treubhan uile cha robh aon neach lag.

38 Bha aoibhneas air an Eiphit an uair a chaidh iad a mach; oir thuit an eagal-san orra.

39 Sgaoil e neul mar chòmhach, agus teine gu solus a thoirt 's an oidhche.

40 Dh'iarra iad, agus thug e dhoibh gearragoirt; agus le h-aran nèimh shàsuich e iad.

41 Dh'fhosgail e a' chreag, agus bhrùchd uisgeachan a mach; ruith iad air na h-ionadaibh tioram mar amhainn.

42 Oir chuimhnich e a ghealladh naomh do Abraham a shoirbhiseach.

43 Agus thug e mach a shluagh le h-aoibhneas, a dhaoine taghta le gairdeachas.

44 Agus thug e dhoibh fearann nan cinn-each; agus shealbhaich iad saothair nan sluagh;

45 Chum gu'n tugaadh iad fainear a reachd-an, agus gu'n gleidheadh iad a laghan. Molaibh an Tighearn.

## SALM CVI.

1 *Chomhairlich an Salmadair do'n t-sluagh Dia a mholadh air son a mhaithéis.* 4 *Ghuidh e gu'n cuimhnichadh Dia orra le a dheadh-ghean.* 6 *Chuir e 'an cèill ceannairc Israel;* 47 *agus chrochnaich e le urnaigh.*

**M**OLAIBH an Tighearn. O thugaibh buidheachas do'n Tighearn, oir *tha* e maith, oir gu bràth *mairidh* a thròcair.

2 Cò a's urrainn gnìomharan treun' an Tighearn' a chur 'an cèill? cò a's urrainn a chlu uile fhoillseachadh?

3 *Is* beannaichte iadsan a choimhideas breitheanas, a ni ceartas anns gach àm.

4 Cuimhnich oirnn, a Thighearna, leis an deadh-ghean a *tha thu* 'nochdadh do d' shluagh féin: O fiosaich sinn le d' shlàinte:

5 Chum gu'm faic sinn maith do dhaoine taghta, chum gu'u dean sinn aoibhneas ann an aoibhneas do chinnich; chum gu'n dean sinn uail le d' oighreachd-sa.

6 Pheacaich siune le'r n-aithrichibh; rinn sinn gu h-olc, rinn sinn gu h-aingidh.

7 Cha do thug air n-aithrichean d' iongantais anns an Eipht; cha do thug iad ìomhoireachd do throcairean, ach bhrosnuich iad thu làmh ris a' mhuir, aig a' mhuir ruaidh.

8 Gidheadh theasaig e iad air sgàth 'ainme féin; chum gu'n nochdadh e a chumhachd.

9 Agus smachdaich e a' mhuir ruadh, agus thiormaicheadh i; agus threoraich e iad troimh na doimhneachdaibh, mar troimh fhàsach.

10 Agus theasaig e iad o làmh an tì a thug fuath *dhoibh*, agus shaor e iad o làmh an namhaid.

11 Agus dh'fholuich na h-uisgeachan an eascairdean; cha d'fhàgadh aon diubh.

12 An sin chreid iad a bhriathran, agus sheinn iad a chliu.

13 Gu luath dhì-chuimhnich iad a ghnìomharan; cha d'fheith iad r'a chomhairle.

14 Ach ghlac ana-miann iad's an fhàsach, agus bhuair iad Dia anns an ionad uaigheach.

15 Agus thug e dhoibh an iarrtus, ach chuir e caoile air an anam.

16 Agus ghabh iad farmad ri Maois anns a' champ, agus ri h-Aaron *sagart* naomh an Tighearna.

17 Dh'fhosgail an talamh, agus shluig e sìos Datau, agus dh'fholuicheadh cuid-eachd Abiraim.

18 Agus las teine 'n an cuideachd; loisg an lasair suas na droch dhaoine.

19 Rinn iad laogh ann an Horeb, agus shleuchd iad do'n dealbh iaghta.

20 Agus dh'atharraich iad an glòir gu cosamhlachd daimh a dh'ithicis fear.

21 Dhì-chuimhnich iad Dia am Fear-saoraidh, a rinn nithean mòra anns an Eipht;

22 Nithean iongantach ann an tìr Cham, nithean uamhasach aig a' mhuir ruaidh:

23 Uime sin thubhairt e gu'm milleadh e iad, mur bhlithheadh gu'n do sheas 'òglach taghta Maois fa chomhair anns a' bhearn, gus a chorruich a thionndadh uatha, chum nach sgriosadh e iad.

24 Agus rinn iad tarcuis air an tìr thaitnich: cha do chreid iad fhocal.

25 Agus rinn iad gearan 'n am bùth-aibh; agus cha d'éisd iad ri guth an Tighearna.

26 An sin thog e a làmh 'n an aghaidh, a thoirt orra tuiteam anns an fhàsach;

27 Agus a thilgeadh sìos an sliochd am measg nan cinneach, agus gu'n sgaoileadh air feadh nan tìr.

28 Mar an ceudna naisg iad iad féin ri Baal-peor, agus dh'ith iad ìobairtean nam marbh.

29 Agus bhrosnuich iad e le'n gnìomhar-aibh; agus bhris a' phlàigh a steach orra.

30 An sin sheas Phinehas, agus chuir e breitheanas 'an gnìomh; agus choisgadh a' phlàigh.

31 Agus mheasadh sin dha mar fhìreantachd, o linn gu linn gu bràth.

32 Chuir iad fearg air mar an ceudna aig uisgeachan Mheribah; agus dh'éirich olc do Mhaois air an son.

33 Oir bhrosnuich iad a spiorad, air chor as gu'n do labhair e gu h-aithghearr le 'bhlilbh.

34 Cha do sgrios iad na slòigh, mu'n d'thug an Tighearn àithne dhoibh;

35 Ach choimh-mheasg iad iad féin am measg nan cinneach, agus dh'fhòghluinn iad an oibre.

36 Agus rinn iad seirbhis d'an ìodholaibh, a bha mar ribe dhoibh.

37 Agus dh'ìobair iad an mic agus an nigheanan do dheamhnaibh,

38 Agus dhòirt iad fuil neo-chiontach, fuil an mac agus an nighean, a dh'ìobair iad do ìodholaibh Chanaain: agus thruaillceadh an tìr le fuil.

39 Agus rinneadh nedghlan iad le'n oibribh, agus chaidh iad air strìopachas le'n gnìomharaibh.

40 Agus las fearg an Tighearn' an aghaidh a shluagh, agus ghabh e gràin d'a oighreachd.

41 Agus thug e suas iad do làimh nan cinneach; agus bha iadsan a dh'fhuathaich iad, 'n an uachdarain os an ceann.

42 Agus shàruich an namhdean iad; agus leagadh gu h-ìosal iad fo'n làimh.

43 Iomadh uair shaor e iad; ach bhrosnuich iad e le'n comhairlibh, agus thugadh sìos iad air son au cionta.

44 Gidheadh thug e an àmhghar faimear, an uair a chual' e an glaoch:

45 Agus chuimhnich e dhoibh a choimh-cheangal, agus ghabh e aithreachas a réir ìomhoireachd a thròcair.

46 Agus fhuair e truas dhoibh 'an sealladh



na muinntir sin a thug leo 'n am braighdibh iad.

47 Saor sinn, a Thighearn' ar Dia, agus tionail sinn o mbeasg nan cinneach, chum buidheachas a thabhairt do d'ainm naomhsa, chum caithream a dheanamh ann ad chliu.

48 Gu ma beannaichte an Tighearn Dia Israeil o shìorruidheachd gu sìorruidheachd! agus abradh an sluagh uile, Amen. Molaibhse an Tighearn.

## SALM CVII.

1 *Chomhairlich Daibhidh do'n t-sluagh Dia a mholadh air son a mhaithéis, 6 agus air son a fhreasdail d'an taobh anns gach teanntachd.*

**O** THUGAIBH buidheachas do'n Tighearn, oir *tha e* maith, oir gu bràth *mairidh a* thròcair.

2 *Mar so* abradh iadsan a shaoradh leis an Tighearn, a shaor e o làimh an nàmhaid;

3 Agus a chruinnich e as na tìribh, o'n àird an ear agus o'n àird an iar, o'n àirde tuath agus o'n àirde deas.

4 Chaidh iad air seacharan anns an fhàsach, ann an ionad uaigneach; slighe gu baile tàimh cha d'fhuair iad.

5 Ocrach agus tartmhor, dh'fhàilnich an anam amta.

6 An sin ghlaodh iad ris an Tighearn 'n an aire, agus as an teanntachdaibh shaor e iad.

7 Agus thredraich e iad air slighe cheirt, chum gu'n rachadh iad gu baile tàimh.

8 O gu moladh *daoine* Dia air son a mhaithéis, agus air son a bheartan iongantach do chloinn nan daoine!

9 Oir shàsuich e an t-anam cìocrach, agus lion e an t-anam ocrach le maith.

10 Iadsan a shuidh ann an dorchadas agus ann an sgàile a' bhàis, ceangailte ann an truaighe agus ann an iarunn,

11 A chionn gu'n d'rinn iad ceannaire an aghaidh bhriathar Dhé, agus gu'n d'rinn iad tàir air comhairle an Tì a's àirde;

12 Aig an do leagadh sìos an cridhe le anshocair: thuit iad, agus cha robh fear-cuideachaidh ann;

13 An sin ghlaodh iad ris an Tighearn 'n an aire, agus as an teanntachdaibh shaor e iad.

14 Thug e iad á dorchadas agus á sgàile a' bhàis, agus bhris e o 'chéile an cuibhreach.

15 O gu moladh *daoine* an Tighearn air son a mhaithéis, agus air son a bheartan iongantach do chloinn nan daoine!

16 Oir bhris e na geatachan umha, agus ghearr e sìos na croinn iarunn.

17 Bha amadain, air son an eusaontais agus air son an euceartan, fo àmhghar.

18 De gach biadh ghàbh an anam gràin, agus thàinig iad dlùth do gheatachaibh bais.

19 An sin ghlaodh iad ris an Tighearn 'n an aire, agus as an teanntachdaibh shaor e iad.

20 Chuir e 'fhocal uaith, agus shlànuich e iad; agus shaor e iad o sgrios.

21 O gu moladh *daoine* an Tighearn air son a mhaithéis, agus air son a bheartan iongantach do chloinn nan daoine!

22 Agus gu'n ìobradh iad ìobairtean buidheachais, agus gu'n cuireadh iad 'an cèill a ghniomharan le luathghaire!

23 Iadsan a théid sìos do'n fhaire air longaibh, a ni obair air uisgeachaibh mòra,

24 Chi iadsan gnìomharan an Tighearn', agus a bheartan iongantach 's an doimhne.

25 Oir labhraidh e, agus dùisgidh e a' ghaoth dhoinionnach, agus togaidh i a tonnan.

26 Théid iad suas do na nèamhan, théid iad sìos do na doimhneachdaibh; le h-àmhghar leagaidh an anam.

27 Théid iad thuige agus uaith, agus tuislichidh iad mar dhuine air mhisg; agus théid as d'an cèill uile.

28 An sin glaothaidh iad ris an Tighearn 'n an aire, agus as an teanntachdaibh bheir e iad.

29 Cuiridh e an doimhne gu fèith; agus bithidh a tonnan 'n an tàmh.

30 An sin bithidh iad ait, a chionn gu'm bi iad foisneach; agus bheir e iad do'n chialadh a's miannach leo.

31 O gu moladh *daoine* an Tighearn air son a mhaithéis, agus air son a bheartan iongantach do chloinn nan daoine!

32 Agus gu'n àrdaicheadh iad e ann an coimhthional an t-sluaigh, agus ann an àite-suidhe nan seanar gu moladh iad e!

33 Nì e aìmhnichean 'n an fàsach, agus tobraichean uisge 'n an talamh tartmhor.

34 Fearann beartach *nì e* fàs, air son ain-gidheachd a luchd-àiteachaidh.

35 Nì e fàsach 'n a ùmhe uisge, agus fearann tioram 'n a thobraichibh uisge.

36 Agus an sin bheir e air na h-ocraich còmhnuidh a ghabhail; agus deasaichidh iad baile-tàimh;

37 Agus sìol-chuiridh iad achaidhean, agus suidhichidh iad fion-liosan; agus bheir iad toradh pailt uatha.

38 Agus beannaichidh e iad, agus fasaichd iad ro fhonnhor; agus cha lughdaich e an spréidh.

39 Ach *ma pheacaicheas iad*, lughdaichear agus leigear sìos iad le foirneart, ole, agus doilgheas.

40 Dòirtidh e tarcuis air àrd-uaislibh, agus cuiridh e air seacharan iad ann an fàsach as eugmhais slighe.

41 Agus togaidh e suas ann bochd o thruaighe, agus nì e teaghlaichean *dha* mar threud.

42 Chi na fireanan so, agus bithidh iad aig; agus druididh gach euceart a beul.

43 Cò a tha glie, agus a bheir faineir na nithean sin? tuigidh esan caoimhneas gràdhach an Tighearna.

## SALM CVIII.

1 *Ghlac Daibhidh misneach gu Dia a mholadh, 5 agus dh'iarr e còmhnaidh uatha a réir a gheallaidhean.*

Laoidh no Salm le Daibhidh.

**T**HA mo chridhe deas, a Dhé; seinnidh mi agus molaidh mi, eadhon le mo ghlòir.

2 Mosgail, a shaltair agus a chlarsach: mosglaidh mi féin moch air mhaduinn.

3 Molaidh mi thu am measg nan sluagh, a Thighearn', agus seinnidh mi dhuit am measg nan cinneach.

4 Oir is mòr do thròcair os ceann nan nèamh; agus tha d'fhìrinn gu ruig na neòil.

5 Bi air d'ardachadh os ceann nan nèamh, a Dhé; agus os ceann na talmhain uile *bitheadh* do ghlòir.

6 Chum gu'n teasairgear iadsan a's ionmhuinn leat, saor thusa le d' dheas làimh, agus éisd rium.

7 Labhair Dia 'n a naomhachd: ni mi aoibhneas, roinnidh mi Sechem, agus tomhaidsidh mi gleann Shucoit.

8 Is leamsa Gilead; is leam Manaseh; agus is e Ephraim neart mo chinn; Iudah fear-tabbairt mo lagha.

9 Is e Moab mo shoitheach-ionnlaid; os ceann Edoim tilgidh mi mo bhròg: thar Palestin ni mi caithream.

10 Cò a bheir mi do'n bhaile dhaingnichte? cò a thredraicheas mi gu h-Edom?

11 Nach tusa, a Dhé? *thusa* a thilg uait sinn, agus nach deachaidh a mach, a Dhé, le ar n-armailtibh?

12 Thoir còmhnaidh dhuinn ann an aire; oir is dìomhain furtachd duine.

13 Trid Dhé ni sinn treubhant; oir saltraidh esan sìos ar naimhdean.

## SALM CIX.

1 *Tha Daibhidh a' gearan gu'n do bhuin a naimhdean gu cealgach ris. 6 Thug e thairis iad do léir-sgrios: 16 Nochd e gu'n do ghràdhach iad aingidheachd; 21 agus ghuidh e gu'n saoradh Dia e o luchd-ditidh 'anam.*

Do'n àrd fhear-ciùil. Salm le Daibhidh.

**A**DHE mo chliù, na bi a'd' thosd.

2 Oir tha beul an aingidh, agus beul na céilge fosgailte a'm' aghaidh; labhair iad a'm' aghaidh le teangaidh nam breug.

3 Agus le briathraibh fuatha chuairtich iad mi; agus chog iad a'm' aghaidh gun aobhar.

4 Ann an éiric mo ghràidh tha iad naimhdeil dhomh, agus mi ri h-urnuigh.

5 Agus dh'iol iad dhomh olc 'an éiric maith, agus fuath 'an éiric mo ghràidh.

6 Cuir an t-aingidh os a cheann, agus seasadh Satan aig a dheas làimh.

7 'N uair a bheirear breth air, faighear ciontach e, agus bitheadh 'urnuigh dha 'n a peacadh.

8 Bitheadh a làithean tearc, agus glacadh neach cile a dhreuchd.

9 Bitheadh a chlaun 'n an dilleachdain, agus a bhean 'n a bantraich.

10 A ghnàth air seacharan bitheadh a chlann, agus iarradh iad déirc; agus sireadh iad as an àitibh fàs.

11 Glacadh fear nam fiach gach ni a tha aige, agus creachadh coigrich a shaothair.

12 Na bitheadh neach ann a ni tròcair air, agus na bitheadh aon ann a ghabhas truas d'a chloinn gun athair.

13 Sgrìos gu'n robh air a shliochd: 's an àl a thig 'n a dbéigh, gu'n cuirear as d'a ainm.

14 Air chuimhne bitheadh aingidheachd 'aithrichean aig an Tighearn; agus na cuir-eas as peacadh a mhàthar.

15 Bitheadh iad 'am fianuis an Tighearn' a ghnàth; agus gearradh c as an cuimhne o'n talamh.

16 A chionn nach do chuimhnich e tròcair a nochdadh, ach gu'n do gheur-lean e an duine bochd agus uireasbhuidheach, agus aig an robh cridhe goirt, chum a mharbhadh.

17 Mar a ghràdhach e mallachadh, thigeadh e air: mar nach robh tlachd aige ann am beannachadh, bitheadh e fada uatha.

18 Mar a chuir e mallachadh uime mar 'eudach, thigeadh e steach mar uisge 'n a chom, agus mar olaidh 'n a chnàmhan.

19 Bitheadh e dha mar an trusgan leis an còmhdaichear e, agus mar an crios leis an crioslaichear e a ghnàth.

20 Is e so obair m' eascairdean an làthair an Tighearna, agus nan daoine a labhras olc an aghaidh m'anama.

21 Ach dean thusa air mo shon, a Thighearna Dhé, air sgàth d'ainme; a chionn gu *bheil* do thròcair maith, saor thusa mi.

22 Oir tha mi bochd agus uireasbhuidh-cach, agus tha mo chridhe air a lotadh an taobh a stigh dhòim.

23 Mar sgàile a' claochadh sìos tha mi a' siubhal; tha mi air m'fhudachadh mar an locust.

24 Tha mo ghlùinean lag le trasgadh, agus tha m'fheoil a' teireachduinn le dìth sulta.

25 Agus tha mi a'm' aobhar maslaidh dhoibh: 'n uair a sheall iad orm, chrath iad an cinn.

26 Cuidich leam, a Thighearna mo Dhia; saor mi a réir do thròcair:

27 Chum gu'm bi fios aca gur i so do làmh, gur tusa, a Thighearn', a rinn e.

28 Mallaicheadh iadsan, ach beannaich thusa: 'n uair a dh'éircas iad, bitheadh nàire orra; ach bitheadh d'òglach-sa aig.

29 Bitheadh m' eascairdean air an còmh-dachadh le nàire, agus bitheadh iad air am folach le'n anhludh féin, mar le falhuinn.



30 Ard-mholaidh mi an Tighearn le m' bheul; agus am measg na mòr-chuideachd bheir mi cliù dha.

31 Oir seasaidh e aig deas làimh an duine bhochd, chum a shaoradh o luchd-dìtidh 'anam.

## SALM CX.

1 *Oighreachd, 4 sagartachd, 5 buaidh, 7 agus fulangas Chrìosd.*

Salm le Daibhidh.

**T**HUBHAIRT an Tighearn ri m' Thighearn, Suidh aig mo dheas làimh, gus an cuir mi do naimhdean 'n an stòl fo d' chosaibh.

2 Slat-shuaicheantais do chumhachd cuiridh an Tighearn a mach á Sion: bi thusa a d' uachdaran ann am meadhon do naimhdean.

3 *Bithidh* do shluagh ro thoileach ann an là do chumhachd: ann am maise na naomhachd, mar an drùchd o bholg na maidne, *bithidh* d' òige agad.

4 Mhionnach an Tighearn, agus cha ghabh e aithreachas, *Is* sagart thu gu bràth, a réir orduigh Mhelchisedeic.

5 Buailidh an Tighearn, a tha aig do dheas làimh, rìghrean ann an là 'fheirge.

6 Bheir e breth am measg nan cinneach; ònaidh e *gach àit le* corpaibh marbha; lotaidh e an t-uachdaran os ceann iomadh tìr.

7 De'n t-sruth air an t-slighe òlaidh e; uime sin togaidh e suas a cheann.

## SALM CXI.

1 *Is cubhaidh cliù a thabhairt do Dhia air son 'oibre glòrmhor agus iongantach. 7 Is iad firinn agus ceartas gnìomharan a làmh.*

**M**OLAIBHSE an Tighearn. Bheir mise cliù do'n Tighearn le m' uile chridhe, ann an coinneamh nam firean, agus anns a' choimhthional.

2 *Tha* gnìomharan an Tighearna mòr; rannsaichear iad leo-san uile aig am bheil tlachd anna.

3 Urramach agus glòrmhor *tha* 'obair-san; mairidh 'fhìreantachd gu bràth.

4 Chuir e a ghnìomharan iongantach air chuimhne: gràsmhor agus truacanta *tha* an Tighearn.

5 Thug e lòn dhoibhsan d'an eagal e: cuimhnichidh e gu bràth a choimhcheangal.

6 Chuir e neart 'oibre 'an céill d'a shluagh, le oighreachd nan cinneach a thabhairt doibh.

7 *Is* iad firinn agus ceartas gnìomharan a làmh; *tha* àitheanta-san uile fìor.

8 Seasmhach *tha* iad gu saoghal nan saoghal, deanta ann am firinn agus ann an ceartas.

9 Chuir e saorsa dh'ionnsuidh a shluaigh, dh'àithn e a choimhcheangal gu bràth: *is* naomh agus urramach 'ainm-san.

10 *Is* e eagal an Tighearna toiseach a' ghliocais; *tha* deadh thuigse aca-san uile a ni *àitheanta-san*: mairidh a chliù gu bràth.

## SALM CXII.

1 *Beannachadh agus tèaruinteachd nan ionracan: 10 Chi na h-aingidh an soirbheachadh, agus bithidh fearg orra.*

**M**OLAIBHSE an Tighearn. *Is* beannaichte an duine air am bi eagal an Tighearn', a ghabhas tlachd mòr d'a àitheantaibh.

2 Làidir anns an tìr bithidh a shliochd; beannaichear gincalach nam firean.

3 *Bithidh* maoin agus saoihbheas 'n a thigh; agus mairidh 'fhìreantachd gu bràth.

4 Ann an dorchadas éiridh solus do na fireanaibh: gràsmhor agus làn truacantais, agus cothromach *tha* [an Tighearn.]

5 *Is* maith do'n duine a bhitheas truacanta agus coingheallach, a riaghlas a ghnòthuichean gu ceart:

6 Oir gu bràth cha ghluaisear e; air chuimhne gu bràth bithidh am firean.

7 Roimh dhroch sgeul cha bhi eagal air; *tha* a chridhe suidhichte, ag earbsadh as an Tighearn.

8 *Tha* a chridhe air a shocrachadh, cha bhi eagal air, gus am faic e *crìoch* a naimhdean.

9 Sgaol e, thug e do na bochdaibh; mairidh 'fhìreantachd gu bràth; mairidh 'adharc le h-urram.

10 Chi an droch dhuine, agus bithidh fearg air; casaidh e 'fhiacalan, agus seargaidh e as; sgriosar miann nan aingidh.

## SALM CXIII.

1 *Earail gu Dia a mholadh, 6 do bhrìgh gu'n d' isich se e fèin gu amharc air oibrìb a làmh.*

**M**OLAIBHSE an Tighearn. Molaibh, molaibh ainm an Tighearna.

2 Gu ma beannaichte ainm an Tighearn', o'n àm so agus gu bràth.

3 O éirigh na gréine gu ruig a luidhe, *is* ionmholta ainm an Tighearna.

4 Ard os ceann nan cinneach uile *tha* an Tighearn, os ceann nan nèamh a ghlòir.

5 Cò a's cosmhuil ris an Tighearn ar Dia, a tha 'n a chòmhnuidh shuas?

6 A dh'isicheas e fèin gu amharc air *na nithibh a tha* 's na nèamhan, agus air an talamh.

7 Togaidh e am bochd o'n duslach; o'n òtrach àrdaichidh e an t-ainnis;

8 Chum a chur 'n a shuidhe le àrd uaislibh, le àrd uaislibh a shluaigh.

9 Bheir e air a' mhnaoi a tha gun shliochd còmhnuidh a ghabhail ann an tigh, 'n a màthair ait cloinne.

## SALM CXIV—CXVII.

### SALM CXIV.

1 *Tha cumhachd Dhé, a nochd e do Israel 'n uair a thug e mach iad as an Eiphit, 'n a aobhar eagail d'a shluagh.*

**M**OLAIBHSE an Tighearn. 'N uair a thàinig Israel a mach as au Eiphit, tigh Iacob o shluagh coimheach,

2 Bha Iudah dha mar a chòmhuidh naomh, Israel mar a thighearnas.

3 Chunnaic an cuan, agus theich e; thionndaidh Iordan air a h-ais.

4 Leum na beanntan mar reitheachan, na cuic mar uain.

5 Ciod, a chuain, a thug ort teicheadh? a Iordain, a thug ort tionndadh air d'ais?

6 A bheanntan, a thug oirbh leum mar reitheachan; a chnocan, mar uain?

7 Crìothnaich, a thalaimh, an làthair an Tighearn', an làthair Dhé Iacob!

8 A thionndaidheas a' charraig gu linne uisge, au ailbhinn gu tobar uisge!

### SALM CXV.

1 *Nochd an salmair gu'm buin glòir do Dhia a mhàin.* 4 *Dìomhanas ìodhol-aoraidh.* 9 *Earrail gu earbsadh as an Tighearn.*

**T**ABHAIR glòir, a Thighearna, cha-n ann duinne, cha-n ann duinne, ach do d'ainm féin, air sou do thròcair agus air son d'fhìrinn.

2 Car son a theireadh na cinnich, C'àit a nis *am bheil* an Dia?

3 Ach *tha* ar Dia-ne anns na nèamhan, agus rinn e gach ni a b'àill leis.

4 *Is* airgid agus òr an ìodhoil-san, obair làmh dhaoine!

5 *Tha* beòil aca, ach cha labhair iad; sùileau aca, ach cha-n fhaic iad.

6 *Tha* cluasan aca, ach cha chluinn iad; srònan aca, ach cha ghabh iad fàile.

7 *Tha* làmban aca, ach cha laimsich iad; cosan aca, ach cha-n imich iad; agus cha labhair iad troimh an scòran.

8 Cosmhuil riu féin *tha* iadsan a ni iad, agus gach neach a dh'earbas asda.

9 Earbadh tigh Israel as an Tighearn: *is* esan an còmhnaidh, agus an sgiath.

10 Earbadh tigh Aaroin as an Tighearn: *is* esan an còmhnaidh, agus an sgiath.

11 Iadsan air am bi eagal an Tighearn', earbadh iad as an Tighearn: *is* esan an còmhnaidh agus an sgiath.

12 Bha an Tighearn cuimhneachail oirnn: beannaichidh e sinn; beannaichidh e tigh Israel; beannaichidh e tigh Aaroin.

13 Beannaichidh e iadsan air am bi eagal an Tighearna, na big agus na mòir.

14 Cuiridh an Tighearn sibh ann an lìon-mhoireachd, sibh féin agus bhuir clann.

15 *Is* beannaichte sibhse o'n Tighearn, a rinn na nèamhan agus an talamh.

16 *Is* leis an Tighearn na nèamhan, *eadhon* na nèamhan; ach an talamh thug e do chloinn nan daoine.

17 Cha mhol na mairbh an Tighearn, no iadsan uile a thèid sìos tosdach do'n *uaigh*.

18 Ach beannaichidh sinne an Tighearn, o'n àm so agus gu bràth. Molaibhse an Tighearn.

### SALM CXVI.

1 *Chuir an salmair an cèill a ghràdh agus a dhleasdanas do Dhia air son na tròcair' a nochd e dha.* 12 *Gheall e a bhòidean iocadh do'n Tighearn ann an sealladh a shluaigh.*

**I**S toigh leam an Tighearn, oir dh'éisid e ri guth m'athcheuingean.

2 A chionn gu'n d'aom e a chluas rium, uime sin ri m' bheò éighidh mi ris.

3 Chuairtich doilgheasan a' bhàis mi, agus ghlac piantan ifrinn mi: fhuaire mi teinn agus bròn.

4 An sin ghairm mi air ainm an Tighearn: A Thighearna, guidheam ort, saor m'anam.

5 *Is* gràsmhor an Tighearn, agus cothromach; agus *is* tròcaireach ar Dia-ne.

6 Gleidhidh an Tighearn na daoine aon-fhillte: dh'isicheadh mi, agus theasairg e mi.

7 Pill, O m'anam, gu d' shuaimhneas, oir bhuin an Tighearn riut gu fial.

8 Oir shaor thu m'anam o'n bhàs, mo shùil o dheuraibh, agus mo chos o shleamhnachadh.

9 Gluaisidh mi 'am fianuis an Tighearn' ann an tìr nam beò.

10 Chreid mi, uime sin labhair mi; chlaoidh-eadh mi gu mòr.

11 Thubhairt nai a'm' dheifir, *Tha* gach duine breugach.

12 Ciod a dh'ìocas mi do'n Tighearn air son 'uile thiodhlacan dhomh?

13 Glacaidh mi cupan na slàinte, agus gairmidh mi air ainm an Tighearna.

14 Iocaidh mi mo bhòidean do'u Tighearn, a nis an làthair a shluaigh uile.

15 *Is* luachmhor ann an sealladh an Tighearna bàs a naomh.

16 O a Thighearna, gu deimhin *is* mi d'òglach, *is* mi d'òglach, mac do bhanog-laich; sgaol thu mo chuibhreach.

17 Dhuitse ìobraidh mi ìobairt mhòlaidh, agus air ainm an Tighearna gairmidh mi.

18 Iocaidh mi mo bhòidean do'n Tighearn a nis an làthair a shluaigh uile,

19 Ann an cùirtibh tighe an Tighearn', ann ad mheadhon-sa, O Ierusalem. Molaibhse an Tighearn.

### SALM CXVII.

1 *Earrail gu Dia a mholadh air son a thròcair' agus 'fhàirinn'.*

**M**OLAIBH an Tighearn, sibhse a chinn-eacha uile; molaibh e, a shùigh uile:

2 Oir is mòr a thròcair chaomh d'ar taobhne; agus *mairidh* firinn an Tighearna gu bràth. Molaibhse an Tighearn.



# SALM CXVIII, CXIX.

## SALM CXVIII.

1 *Is'airidh Dia air buidheachas a chionn gu mair a thròcair gu bràth.* 5 *Nochd an sal-madair gur maith an nì earbsadh as an Tighearn.*

**O** THUGAIBH buidheachas do'n Tigh-earn, oir *tha e maith, oir gu bràth mairidh a thròcair.*

2 Abradh Israel a nis, gu *mair a thròcair gu bràth.*

3 Abradh tigh Aaroin a nis, gu *mair a thròcair gu bràth.*

4 Abradh iadsan a nis d'an eagal an Tigh-earn, gu *mair a thròcair gu bràth.*

5 Ann an teinn ghairm mi air an Tighearn: fhreagair an Tighearn mi, *ga m' chur ann an ionad farsuinn.*

6 *Tha'n Tighearn leam, cha-n eagal leam ciod a dh'fhèudas duine a dheanamh orm.*

7 *Tha'n Tighearn am measg mo luchd-euideachaidh, agus chi mi crìoch mo luchd-fuatha.*

8 *Is fearr carbsadh as an Tighearn, na earbsadh á duine.*

9 *Is fearr carbsadh as an Tighearn, na earbsadh á h-uachdaranaibh.*

10 Chuairtich na cinnich gu léir mi; ach ann an ainm an Tighearna gearraidh mi as iad.

11 Chuairtich iad mi, seadh, chuairtich iad mi; ach ann an ainm an Tighearna gearraidh mi as iad.

12 Chuairtich iad mi mar bheachan; cuir car as iad mar theine droighnich; oir ann an ainm an Tighearna gearraidh mi as iad.

13 Thug thu ionnsuidh dhian orm, chum mo leagadh; ach chuidich an Tighearn leam.

14 *Is e an Tighearn mo neart, agus mo cheòl; agus is e mo shlàinte.*

15 *Tha guth gairdeachais agus slàinte ann am pàillunaibh nam fearcan: rinn deas làmh an Tighearna treubhantas!*

16 Dh'àrdaicheadh deas làmh an Tighearna; rinn deas làmh an Tighearna treubhantas!

17 Cha-n fhaigh mi bàs, ach mairidh mi beò, agus cuiridh mi'n céill oibre an Tighearna.

18 Throm-smachdaich an Tighearn mi; ach gu bàs cha d'thug e thairis mi.

19 Fosglaibh dhomh geatachan an ionracais; théid mi steach orra, agus molaidh mi an Tighearn.

20 *Is e so geata an Tighearn', air an téid na fircanan a steach.*

21 Molaidh mi thu, oir dh'éisd thu rium, agus is tu mo shlàinte.

22 A' chlach a dhiùlt na clachairean, rinn-eadh i 'n a cloich-chinn na h-oisinn.

23 O'n Tighearn tha so; is iongantach e 'n ar sùilibh-ne!

24 *Is e so an là a rinn an Tighearn:*

deanamaid gairdeachas, agus bitheamaid ait air.

25 Guidheamaid ort, a Thighearna, saor a nis; guidheamaid ort, a Thighearna, soirbheich leinn a nis.

26 Beannaichte gu'n robh an Ti a thig ann an ainm an Tighearna; thug sinne beannaichd oirbhe o thigh an Tighearna.

27 *Is e Dia a's Tighearn ann, agus dhealraich e oirnn: ceanglaibh an iobairt le cordaibh, eadhon ri adharcaibh na h-altarach.*

28 *Is tusa mo Dhia, agus molaidh mi thu: mo Dhia, àrdaichidh mi thu.*

29 O thugaibh buidheachas do'n Tighearn, oir *tha e maith, oir gu bràth mairidh a thròcair!*

## SALM CXIX.

1 *'S an t-salm so tha Daibhidh a' deanamh iomadh urnaigh ri Dia, a' seinn cliù d'a ainm, a' cur 'an céill a thlachd 'n a lagh, agus ag iarraidh gu'm bitheadh a cheuman air an stiùradh chum reachdan an Tighearn' a choimhead.*

### N ALEPH.

**I**S beannaichte iadsan a tha neo-lochdach anns an t-slighe, a dh'imicheas ann an lagh an Tighearna.

2 *Is beannaichte iadsan a ghleidheas a theisteis, a dh'iarras e le'n uile chridhe.*

3 Mar an ceudna cha dean iad aingidheachd: 'n a shligheibh imichidh iad.

4 Dh'àithn thu d'orduighean a bhi air an coimhead gu dìchiollach.

5 O nach robh mo cheuman air an stiùradh chum do reachdan a choimhead!

6 An sin cha ghabh mi nàire, an uair a bheir mi spéis do dh'aitheantaibh gu léir.

7 Molaidh mi thu le trèibhdhìreas cridhe, 'n uair a dh'fhòghlumas mi breitheanais do cheartais.

8 Coimhididh mi do reachdan: O na tréig mi gu tur!

### β BETH.

9 Ciod leis an glan an t-dèganach a shlighe? trid faicill, a réir d'fhocail.

10 Le m'uile chridhe dh'iarr mi thu: na leig dhomh dol air seacharan o d'aitheantaibh.

11 A'm' chridhe dh'fholuich mi d'fhocal, chum nach peacaichinn a'd' aghaidh.

12 *Is beannaichte thusa, a Thighearna: teagaig dhomh do reachdan.*

13 Le m' bhlilibh chuir mi 'n céill uile bhreitheanais do bheòil.

14 Ann an slighe do theistear rinn mi gairdeachas, mar os ceann gach uile shaoibheis.

15 Aird'aitheantaibh beachd-smuainichidh mi, agus dearcaidh mi air do cheumaibh.

16 Ann ad reachdaibh gabhaidh mi tlachd; cha dì-chuimhnich mi do bhriathran.

### γ GIMEL.

17 Buin gu fial ri d'òglach, chum gu'm bi mi beò, agus gu'n coimhid mi do bhriathran.

18 Fosgail mo shùilean, ehum gu'm faic mi nithean iongantach o d' lagh.

19 *Is* coigrach air thalamh mi; na ceil orm d'aitheantan.

20 Tha m'anam brùite, le déidh air do bhreitheanais gach tràth.

21 Smachdaich thu na h-uabhrich: *is* malluichte iadsan a théid air seacharau o d'aitheantaibh.

22 Tioundaidh uam masladh agus tàir; oir ghléidh mi do theisteis.

23 Shuidh eadhon nachdarain, agus labhair iad a'm' aghaidh; ach bheachd-smuainich d'òglach air do reachdaibh.

24 Mar an eudna *is* iad do theisteis mo thlachd, mo chomharrichean.

† DALETH.

25 Tha m'anam a' leantuinn ris an ùir: beothaich mi a réir d'fhocail.

26 Chuir mi 'an céill mo shlighean, agus dh'éisd thu rium: teagaisg dhomh do reachdan.

27 Thoir orm slighe d'aitheantan a thuig-sinn, agus labhraidh mi air d'oibribh ion-gautach.

28 Tha m'anam a' leaghadh as le tuirse: nearthaich mi a réir d'fhocail.

29 Cuir uam slighe nam breug, agus gu gràsmhor deònaich dhomh do lagh.

30 Ròghnaich mi slighe na firinn; chuir mi do bhreitheanais *fa m' chomhair*.

31 Dhlùth-leam mi ri d' theisteis: a Thighearna, na cuir gu nàire mi.

32 Ann an slighe d'aitheantan ruithidh mi, 'n uair a chuireas tu mo chridhe aon am farsuinneachd.

† HE.

33 Teagaisg dhomh, a Thighearna, slighe do reachdan, agus gleidhidh mi i gu ruig a' chrìoch.

34 Thoir tuigse dhomh, agus gleidhidh mi do lagh; seadh, coimhididh mi e le m'uile chridhe.

35 Thoir orm triall 'an ceum d'aitheantan; oir ann-sa tha mo thlachd.

36 Lùb mo chridhe gu d' theisteis, agus ni h-ann gu sannt.

37 Tionndaidh mo shùilean o amhare air diomhanas; ann ad shligheibh beothaich mi.

38 Daingnich d'fhocal do d'òglach, air *am bheil* d'eagal-sa.

39 Cuir uam mo mbasladh a's cagal leam; oir *tha* do bhreitheanais maith.

40 Feuch, is miannaeh leamsa do reachdan: a'd' cheartas beothaich mi.

† VAU.

41 Agus thigeadh do thròcàir a m'ionnsuidh, a Thighearn, do shlàinte a réir d'fhocail:

42 An sin bithidh freagradh agam dhàsan a bheirmasladh dhomh, gu bheil m'carbsadh a d'fhocal-sa.

43 Agus na buin focal na firinn gu h-ionmhan

as mo bheil; oir anu ad bhreitheanais chuir mi mo dhèchas.

44 Agus coimhididh mi do lagh a ghnàth, gu suthainn is gu sìor.

45 Agus gluaisidh mi ann am farsuinneachd; a chionn gu'n iarr mi do reachdan.

46 Agus labhraidh mi air do theisteis an làthair rìghrean, agus cha bhi nàire orm.

47 Agus gabhaidh mi tlachd de d'aitheantaibh, d'an d'thug mi gràdh.

48 Agus togaidh mi mo làmhnan ri d'aitheantaibh, d'an d'thug mi gràdh: agus beachd-smuainichidh mi air do reachdaibh.

† ZAIN.

49 Cuimhnich am focal do d'òglach, as an d'thug thu orm carbsadh.

50 *Is* e so mo chomhfhurtachd ann an amhghar; oir bheothaich d'fhocal mi.

51 Rinn na h-uabhrich fànoid orm gu mòr; gidheadh o d' lagh cha do chlaon mi.

52 Cuimhnich mi do bhreitheanais o chian, a Thighearn, agus fhuair mi comhfhurtachd.

53 Ghlac uamhunn mi a thaobh nan daoine aingidh, a thréigas do lagh.

54 B'iad do reachdan mo cheòl ann an tigh mo chuairt.

55 Chuimhnich mi d'ainm, a Thighearn, anns an oidheche, agus ghléidh mi do lagh.

56 Mar so thachair e dhomhsa, a chionn gu'n do ghléidh mi do reachdan.

† CHETH.

57 *Is* tusa mo chuibhlrionn, a Thighearna: thubhairt mi gu'n coimhidinn d'fhocail.

58 Dh'asluich mi do dheadh-ghean le m'uile chridhe: dean tròcàir orm a réir d'fhocail.

59 Chnuasaich mi mo shlighean, agus phill mi mo chosan ri d' theisteis.

60 Rinn mi deifir, agus cha robh mi mairnealach chum d'aitheantan a choimhead.

61 Chreach buidhnean dhroch dhaoine mi; ach cha do dhà-chuimhnich mi do lagh.

62 Mu mheadhon-oidheche éiridh mi, chum buidheachas a thoirt duit air son bhreithcanais do cheartaiss.

63 *Is* fear-comuinn mi dhoibhsan uile air an bi d'eagal, agus dhoibhsan a ghlèidheas do reachdan.

64 De d' thròcàir, a Thighearna, tha'n talamh làn: teagaisg dhomh do reachdan.

† TETH.

65 Rinn thu gu maith ri d'òglach, a Thighearn, a réir d'fhocail.

66 Teagaisg dhomh deadh thuigse agus còlas; oir chreid mi d'aitheantan.

67 Mu'n robh mi ann an amhghar, chaidh mi air seacharan; ach a nis tha mi a' gleidheadh d'fhocail.

68 *Is* maith thusa, agus ni thu maith: teagaisg dhomh do reachdan.

69 Dhealbha na h-uabhrich breug a'm' aghaidh; ach gleidhidh mise d'aitheantan le m'uile chridhe.



70 Co reamhar ri saill tha an cridhe-san; ach ann ad lagh tha mo thlachd-sa.

71 *Is* maith dhomhsa gu'n robh mi ann an àmhghar, chum gu'm fòghlumainn do reachdan.

72 *Is* fearr dhomhsa lagh do bheòil, na mìltean a dh'òr agus a dh'airgiod.

• IOD.

73 Rinn agus dhealbh do làmhnan mi: thoir tuigse dhomh, chum gu'm fòghlum mi d'aitheantan.

74 Chi iadsan air am bi d'eagal mi, agus bithidh iad ait, a chionn gu'n d'earb mi á d'fhocal.

75 Tha fhios agam, a Thighearna, gu bheil do bhreitheanais ceart, agus gur ann am firinn a chlaoidh thu mi.

76 Bitheadh a nis do thròcair chaomh chum comhfhurtachd dhomh, a réir d'fhocail ri d'òglach.

77 Thigeadh do chaomh thròcairean a m'ionnsuidh, chum gu'm bi mi beò; oir *is* e do lagh mo thlachd.

78 Bithcadh nàire air luchd an àrdain, oir gun aobhar bhuin iad gu fiar rium; ach beachd-smuainichidh mise air d'aitheantaibh.

79 Pilleadh iadsan air am bheil d'eagal rium, agus iadsan a tha eòlach air do theisteis.

80 Bitheadh mo chridhe tréibhdhireach ann ad reachdaibh, chum nach nàraichear mi.

• CAPH.

81 Tha m'anam air a chlaoidh le déigh air do shlàinte: ann ad fhocal chuir mi mo dhòchas.

82 Tha mo shùilean air an caitheadh *le feitheamh* ri d'fhocal, 'n uair a tha mi ag ràdh, C'uin a ni thu furtachd orm?

83 Oir tha mi mar shearraig ann an deataich; gidheadh cha do dhì-chuimhnich mi do reachdan.

84 Cia lion iad làithean d'òglach? c'uin a chuireas tu breitheanas 'an gnìomh orrasan a tha'n tòir orm?

85 Chladhaich na h-uabhrich sluichd dhomh, nach 'eil a réir do lagha.

86 *Is* firinn d'aitheantan-sa gu léir: gu fealltach tha iad 'an tòir orm; cuidich thusa leam.

87 Is beag nach do chuir iad as domh air talamh; ach cha do thréig mise do reachdan.

88 A réir do chaomh thròcair beothaich thusa mi, agus gleidhidh mi teistean do bheòil.

• LAMED.

89 Gu bràth, a Thighearna, tha d'fhocal seasmhach anns na nàmhnan.

90 O linn gu linn tha d'fhìrinn: dhaingnich thu an talamh, agus seasaidh e.

91 A réir d'orduighean tha iad buan *gus*

an diugh; oir *is* iad na h-uile do sheirbhisich.

92 Mur bhitheadh *gu'm be* do lagh mo thlachd, an sin gheibhim bas a'm àmhghar.

93 Gu bràth cha dì-chuimhnich mi do reachdan; oir leo-san bheothaich thu mi.

94 *Is* leat mise, saor mi; oir dh'iarr mi do reachdan.

95 Dh'fheith na h-aingidh orm, chum mo sgrios; ach beachd-smuainichidh mise air do theisteis.

96 Chunnac mi crìoch gach iomlaineachd; ach tha d'aithe-sa ro fharsuinn.

• MEM.

97 O cia h-ionmhuinn leam do lagh-sa? gach là *is* e mo chùis-smuaineachaidh.

98 Le d'aithe rinn thu mi nì's glìce na m'eascairdean; oir *tha* i a ghnàth maille rium.

99 Os ceann mo luchd-teagaisg uile tha mi a' tuigsinn; oir *is* iad do theisteis mo chùis-smuaineachaidh.

100 Os ceann nan seanaire tha mi crìonna, a chionn gu'm bheil mi a' gleidheadh do reachdan.

101 O gach droch shlighe chum mi mo chosan, chum gu'n coimhidinn d'fhocal.

102 O d' bhreitheanais cha do chlaon mi: oir theagaisg thusa mi.

103 Cia milis le m' bhlas do bhriathran! *nì's mìlse tha iad* na mìl do m' bheul.

104 Trid do reachdan fhuair mi tuigse: uime sin is fuathach leam gach slighe bheugach.

• NUN.

105 *Is* lòchran d'fhocal do m' chois, agus solus do m' cheum.

106 Mhionnaich mi, agus coimhlionaidh mi e, gu'n coimhid mi breitheanais do cheartaibh.

107 Tha mi ann an àmhghar ro mhòr: ath-bheothaich mi, a Thighearna, a réir d'fhocail.

108 Gabh uam gu taitneach, guidheam ort, a Thighearna, saor thabhartaibh mo bheòil; agus teagaisg dhomh do bhreitheanais.

109 *Tha* m'anam a ghnàth a'm làimh; gidheadh cha do dhì-chuimhnich mi do lagh.

110 Chuir droch dhaoine ribe romham; ach o d' reachdaibh cha deachaidh mise air seacharan.

111 Ghabh mi do theisteis mar oighreachd gu bràth; oir *is* iad aoibhneas mo chridhe.

112 Dh'aom mi mo chridhe chum do reachdan a chur 'an gnìomh a ghnàth, gu ruig a' chrìoch.

• SAMECH.

113 Is fuath leam smuaintean faoine; ach is toigh leam do lagh.

114 *Is* tusa m'ionad-foluich, agus mo sgiath: á d'fhocal-sa tha m'earbsa.

115 Imichibh uam, a luchd-deanaimh an uile; oir gleidhidh mise àitheantan mo Dhé.

116 Cum suas mi a réir d'fhocail, agus mairidh mi beò; agus na leig fo nàire mi a thaobh mo dhòchais.

117 Daingnich mi, agus bithidh mi tèaruinte; agus bithidh tlachd agam ann ad reachdaibh a ghnàth.

118 Shaltair thu orra-san uile a chaidh air seacharan o d' reachdaibh; oir *is* breug an cealg.

119 Mar shal tilgidh tu uait uile dhroch dhaoine na talmhainn; uime sin is toigh leam do theisteis.

120 Chriothnaich m'fheoil le h-uamhunn romhad; agus bha eagal orm roimh do bhreitheanais.

¶ AIN.

121 Rinn mi breitheanas agus ceartas: na fàg mi do m' luchd-fòirneirt.

122 Bi-sa 'an urras air d'òglach chum maith: na deanadh na h-uabhrich foirneart orm.

123 Tha mo shùilean air an caitheadh *le bhi 'sealltuinn* air son do shlàinte, agus air son focail d'fhireantachd.

124 Buin ri d'òglach a réir do thròcair', agus teagaisg dhomh do reachdan.

125 *Is* mi d'òglach; thoir tuigse dhomh, chum gu'm bi eòlas agam air do theisteis.

126 *Is* mithich dhuit, a Thighearn', a bhi 'deanamh: bhris iad do lagh.

127 Uime sin is annsa leamsa d'aitheantan na'n t-òr, seadh, na'n t-òr fìor-ghlan.

128 Uime sin measam do reachdan uile [*a thaobh gach nì*] a bhi ceart: is fuathach leam gach sliغه bhreugach.

¶ PE.

129 *Is* iongantach do theisteis: air an aobhar sin gleidhidh m'anam iad.

130 Bheir fosgladh do bhriathar solus, a' teagasg nan daoine aon-fhillte.

131 Dh'fhosgail mi mo bheul, a' ploscartaich; oir bha mi 'an geall air d'aitheantaibh.

132 Amhaire orm, agus dean tròcair orm, mar is gnàth leat a dheanamh dhoibhsan le'n ionmhuinn d'ainm.

133 Stiur mo cheuman a réir d'fhocail; agus na bitheadh aig euceart sam bith uachdaranachd orm.

134 Teasaig mi o fhoirneart dhaoine; agus coimhididh mi d'òrduighean.

135 Thoir air do ghnùis dealrachadh air d'òglach, agus teagaisg dhomh do reachdan.

136 Ruith sruthan dheur sìos o m' shùilibh, a chionn nach do choimhid iad do lagh.

¶ TSADDI.

137 *Is* cothromach thusa, a Thighearn', agus *is* ceart do bhreitheanas.

138 Dh'aitn thu do theisteis mar cheartas agus mar fhìrinn mhòir.

139 Chlaoidh m'èud mi, a chionn gu'n do dhì-chuimhnich mo naimhdean do bhriatharan.

140 Ro ghlan *tha* d'fhocal-sa, agus is ionmhuinn le d'òglach e.

141 *Tha* mi beag agus suarach; gidheadh cha dì-chuimhnich mi do reachdan.

142 *Is* ceartas sìorruidh do cheartas-sa, agus *is* fìrinn do lagh.

143 Ghlac teinn agus àmhghar mi; ach *is* iad d'aitheantan mo thlachd.

144 *Mairidh* ceartas do theisteas gubràth: thoir-sa tuigse dhomh, agus bithidh mi beò.

¶ KOPH.

145 Ghlaodh mi le m' uile chridhe; éisd rium, a Thighearna: gleidhidh mi do reachdan.

146 Ghlaodh mi riut; saor mi, agus coimhididh mi do theisteis.

147 Thàinig mi roimh 'n chamhanaich, agus dh'èigh mi: á d'fhocal dh'earb mi.

148 Ghabh mo shùilean roimh fhairibh na h-oidhche, chum gu'm beachd-smuainichinn air d'fhocal.

149 Eisd ri m' ghuth a réir do chaoimhneis-ghràidh: a Thighearn', a réir do bhreitheanais beothaich mi.

150 Thàinig luchd-leannmhuinn droch-bheirt am fagus: ach fada bha iad o d' lagh.

151 Am fagus *tha* thusa, a Thighearn'; agus *is* fìrinn d'aitheantan uile.

152 O thoiseach b'fhiosrach mi a thaobh do theisteas, gu'n do shuidhich thu iad gu bràth.

¶ RESH.

153 Amhaire air m'àmhghar, agus teasaig mi; oir cha do dhì-chuimhnich mi do lagh.

154 Tagair mo chùis, agus saor mi; a réir d'fhocail beothaich mi.

155 *Is* fada slàinte o dhroch dhaoineibh; oir cha-n iarr iad do reachdan.

156 *Is* lìonmhor do chaoimh thròcairean, a Thighearn'; a réir do bhreitheanas beothaich mi.

157 *Is* lìonmhor mo luchd-tòrachd agus m'eascairdean; gidheadh, o d' theisteis cha do chlaon mise.

158 Chunnaic mi luchd-eusaontais, agus bha doilgheas orm, a chionn nach do choimhid iad d'fhocal.

159 Feuch, is ionmhuinn leam do reachdan: a Thighearn', a réir do chaoimhneis-ghràidh beothaich thusa mi.

160 O thoiseach *is* fìrinn d'fhocal-sa; agus gu bràth *mairidh* uile bhreitheanais do cheartais.

¶ SCHIN.

161 Bha uachdaran 'an tòir orm gun aobhar: ach roimh d'fhocal-sa tha eagal air mo chridhe.

162 *Tha* aiteas orm ri d'fhocal-sa, mar neach a fhuair creach mhòr.

163 *Is* fuath leam, agus is oilleil leam breug; ach is toigh leam do lagh-sa.

164 Seachd uairean 's an là bheiream moladh dhuit, air son bhreitheanas do cheartais.

165 *Is* mòr sìth na muinntir' a tha 'toirt



gràidh do d' lagh, agus cha-n éirich aobhar tuislidh dhoibh.

166 Dh'fheith mi ri d' shlàinte, a Thighearna; agus choimhlion mi d'aitheantan.

167 Choimhid m'anam do theisteis, agus is ro ionmhuinn leam iad.

168 Choimhid mi do reachdan agus do theisteis; oir *tha* mo shlighean uile fa d' chomhair.

■ TAU.

169 Thigeadh mo ghlaodh am fagus a'd' làthair, a Thighearna: a réir do bhriathar thoir tuisge dhomh.

170 Thigeadh m'asluachadh a'd' làthair: a réir d'fhocail teasaig mi.

171 Cuiridh mo bhilean 'an céill do chliu, 'n uair a theagaisgeas tu dhomh do reachdan.

172 Aithrisidh mo theangadh d'fhocal; oir is ceartas d'aitheantan uile.

173 Cuidicheadh do làmh leam; oir rògh-naich mi do reachdan.

174 Bha mi 'n geall air do shlàinte, a Thighearna; agus is e do lagh mo thlachd.

175 Bitheadh m'anam beò, agus molaidh e thu: agus cuidicheadh do bhreitheanais leam.

176 Chaidh mi air seacharan mar chaora chaillte; iarr d'òglach, oir cha do dhi-chuimhnich mi d'aitheantan.

### SALM CXX.

1 *Ghuidh Daibhidh gu'n saoradh Dia e o'n teangaidh chealgaich.*

Laoidh nan ceum.

**A** 'M' éigin ghlaodh mi ris an Tighearna, agus dh'éisd e rium.

2 A Thighearna, saor m'anam o bhlilib nam breug, o'n teangaidh chealgaich.

3 Ciod a bheirear dhuit? agus ciod a nithear ort, a theangaidh chealgaich?

4 Geur shaighdean laoiach, le éibhlilib de'n aiteal.

5 Mo thruaighe mi, gu bheil mi air chuairt ann am Mesech, gu bheil mi a'm' chòmh-nuidh ann am bùthaibh Chedair!

6 Is fada 'ghabh m'anam còmhnuidh leosan a thug fuath do shith.

7 *Tha mise air son sìth; ach 'n uair a labhras mi, tha iadsan air son cogaidh.*

### SALM CXXI.

1 *Tèaruinteachd an t-suaigh do'm bheil Dia 'n a fhear-coimhead.*

Laoidh nan ceum.

**T**OGAIDH mi mo shùilean chum nam beann, o'n tig mo chabhair.

2 *Thig mo chabhair o'n Tighearna, a rinn nèamh agus talamh.*

3 Cha leig e le d' chois sleamhnachadh: cha tuit clò codail air d'fhear-coimhead.

4 Feuch, cha tuit clò codail no suain air fear-coimhead Israeil.

5 Is e an Tighearna d'fhear-coimhead: is e an Tighearna do sgàile air do làmh dheis.

6 'S an là cha bhuail a' ghrian thu, no a' ghealach 's an oidhche.

7 Coimhididh an Tighearna thu o gach ole: coimhididh e d'anam.

8 Coimhididh an Tighearna do dhol a mach, agus do theachd a steach, o'n àm so eadhon gu bràth.

### SALM CXXII.

1 *Bha aoibhneas air Daibhidh 'n uair a chaidh e do thigh an Tighearna. 6 Ghuidh e air son sìth agus suaimhneis do Ierusalem.*

Laoidh nan ceum, le Daibhidh.

**B**HA aoibhneas orm an uair a thubhairt iad rium, Do thigh an Tighearna théid sinn.

2 Seasaidh ar cosan an taobh a stigh de d' gheataibh, O Ierusalem.

3 Tha Ierusalem air a togail mar àrd bhaile a tha air a choimhcheangal ri 'chéile;

4 D'an téid na treubhan suas, treubhan an Tighearna, gu teistean Israeil, a thoirt buidheachais do ainm an Tighearna.

5 Oir an sin tha caithrichean breitheanais air an suidheachadh, caithrichean tighe Dhaibhidh.

6 Guidhibhse air son sìth Ierusalem: soir-bhichidh iadsan leis an ionmhuinn thu.

7 Sìth gu robh an taobh a stigh de d' bhallaichaibh, suaimhneas a'd' lèchaitibh!

8 Air sgàth mo bhràithrean agus mo chàirdean their mi nis, Sìth *gu robh* an taobh a stigh dh'ot?

9 Air sgàth tighe an Tighearna' ar Dé, iarraidh mi maith dhuit.

### SALM CXXIII.

1 *Athchuinge air son trècair, 4 agus air son saorsa o tharcuis nan uaibhreach.*

Laoidh nan ceum.

**A** D'IONNSUIDH thog mi mo shùilean, O thusa a *tha* 'd' chòmhnuidh anns na nèamhan.

2 Feuch, mar *tha* sùilean òglach air làimh an maighstirean, agus mar *tha* sùilean banoglaich air làimh a bana-mhaighstir, mar sin *tha* ar sùilean-ne air an Tighearna ar Dia, agus an dean e trècair oirn.

3 Dean trècair oirn, a Thighearna, dean trècair oirn; oir tha sinn air ar lìonadh làn tarcuis.

4 Lìonadh ar n-anam làn le fanoid luchd na seasgaireachd, le tarcuis nan uaibhreach.

### SALM CXXIV.

1 *Bheannaich Daibhidh an Tighearna do bhrìgh gu'n do shaor e a shluagh uatha-san a dh' éirich 'n an aghaidh.*

Laoidh nau ceum, le Daibhidh.

**M**UR bitheadh an Tighearna leinn, a bradh Israel a nis;

2 Mur bitheadh an Tighearna leinn, an uair a dh' éirich daoine 'n ar n-aghaidh;

3 An sin shluigeadh iad beò sinn, an uair a las am fearg 'n ar n-aghaidh;

4 An sin thigeadh tuitlean uisgeachan tharuinn, rachadh an sruth thar ar n-anam:

5 An sin rachadh na h-uisgeachan uaibhreach thar ar n-anam.

6 Beannaichte gu *robh* an Tighearn, nach d'thug sinn mar chreich d'am fìaclaibh.

7 Chaidh ar n-anam as mar eun á ribe nan eunadair; bhriseadh an ribe, agus chaidh sinn as.

8 *Tha* ar cabhair ann an ainm an Tighearna, a rinn nàmh agus talamh.

## SALM CXXV.

1 *Bithidh iadsan a dh'earbas as an Tighearn ann an tèaruinteachd. 4 Urnuigh air son nan ionracan, agus an aghaidh nan aingidh.*

Laoidh nan ceum.

**BITHIDH** iadsan a dh'earbas as an Tighearn mar shliabh Shìoin, nach caruichear, *ach* a mhaireas gu sìorruidh.

2 *Mar tha* na beanntan mu thimchioll Ierusalem, mar sin *tha'n* Tighearn mu thimchioll a shluaigh, o'n àm so agus gu bràth.

3 Oir cha ghabh slat nan daoibh tàmh air crannchur nam firean, air eagal gu'n sìneadh na fireanan an làmhian chum eucèirt.

4 Dean maith, a Thighearna, dhoibhsan a tha maith, agus dhoibhsan a tha ionraic 'n an cridhe.

5 Ach iadsan a thèid a thaobh d'an slighibh claona, iomainidh an Tighearn a mach le luchd-deanamh an uile. Sìth gu'n *robh* air Israel!

## SALM CXXVI.

1 *Bha an eaglais aoibhneach 'n uair a thug Dia air ais braighdeanas Shìoin.*

Laoidh nan ceum.

**'N** UAIR a thug an Tighearn air ais braighdeanas Shìoin, bha sinn mar dhaoine a chunnaic aising.

2 An sin lìonadh ar beul le gàire, agus ar teangadh le luathghaire: an sin thubhairt iad am measg nan cinneach, Rinn an Tighearn nithean mòra air an son.

3 Rinn an Tighearn nithean mòra air ar son-ne: bha sinn aoibhneach.

4 Pill a ris, a Thighearn', ar braighdeanas, mar shruthaibh 's an àirde deas.

5 Iadsan a chuireas sìol le deuraibh, buainidh iad le gairdeachas.

6 Esan a thèid a mach, agus a ghuileas, ag iomchar roghadh sìl, gu cinnteach thig e a ris le gairdeachas, ag iomchar a sguab.

## SALM CXXVII.

1 *Tha gach saothair dìomhain as eugmhais beannachd an Tighearna. 3 'S e dann oighreachid Dhé.*

Laoidh nan ceum, le Solamh.

**MUR** tog an Tighearn an tigh, gu dìomhain saothraichidh a luchd-togail: mur glèidh an Tighearn am baile, gu dìomhain nì am fear-coimhid faire.

2 *Is* dìomhain dhuibhs e bhì 'g éirigh gu moch, a bhì 'suidhe gu h-annmoch, ag ith-

eadh arain a' bhròin; 'n uair a bheir esan codal do fhear a ghlàidh.

3 Feuch, *is* iad clann oighreachd an Tighearna, toradh na bronn a dhuais.

4 Mar shaighdibh ann an làmh gaisgich, mar sin *tha* mic na h-òige.

5 *Is* sona am fear aig am bheil a bholg-saighead làn diubh: cha bhì nàire orra, 'n uair a labhras iad r'an naimhidibh anns a' gheata.

## SALM CXXVIII.

1 *Na beannachdan a leanas iadsan air am bi eagal an Tighearna.*

Laoidh nan ceum.

**'S** beannaichte gach neach air am bi eagal an Tighearn', a ghluaisas 'n a shligheibh.

2 Oir ithidh tu toradh do làmh: sona *bithidh* tu, agus *éiridh* gu maith dhuit.

3 *Bithidh* do bhean mar fhìonain tharbh-aich làmh ri taobhan do thighe; do chlànn mar òg chroinn-olaidh mu thimchioll do bhuird.

4 Feuch, mar so beannaichear an duine, air am bi eagal an Tighearna.

5 Beannaichidh an Tighearn thu á Sion, agus chi thu maith Ierusalem ré uile làithean do bheatha.

6 Seadh, chi thu clann do chloinne, *agus* sìth air Israel.

## SALM CXXIX.

1 *Maitheas Dhé d'a shluagh Israel. 5 Urnuigh an aghaidh naimhdean na h-eaglais.*

Laoidh nan ceum.

**'S** minic a chràidh iad mi o m'òige, labradh Israel a nis:

2 Is minic a chràidh iad mi o m'òige; gidh-cadh cha d'thug iad buaidh orm.

3 Air mo dhruim threabh an luchd-treabhaidh; tharruing iad an sgrìoban fada.

4 *Tha* an Tighearn cothromach: ghearr e o 'chéile cuird nan aingidh.

5 Cuirear gu h-amhladh, agus pillear air an ais iadsan uile le'm fuathach Sion.

6 Bithidh iad mar fheur air mullach thighean, a sheargas mu'm fàs e suas:

7 Leis nach lìon am buanaiche a ghlac, no fear-ceangail nan sguab a bhrollach.

8 Nì mò 'their iadsan a bhlithcas a' dol seachad riu, Beannachd an Tighearna gu'n *robh* oirbh: tha sinne 'g ur beannachadh ann an ainm an Tighearna.

## SALM CXXX.

1 *'N a theanntachd ghlaodh an salmairri Dia, 5 agus chuir e a dhòigh 'n a fhocal.*

Laoidh nan ceum.

**O** NA dìomheachdaibh ghlaodh mi riut, a Thighearna.

2 A Thighearna, éisd ri m' ghuth; thugadh do chluasan an aire do ghuth m'ath-chuingean.

3 Ma chomharaicheas tusa aingidheachd, a Thighearna; a Thighearna, cò a sheasas.



4 Ach maille riutsa *tha* maithcanas; agus uime sin bithidh eagal *air daoinibh* romhad.  
5 Tha mi a' feitheamh air an Tighearn, tha m'anam a' feitheamh, agus 'n a fhocal tha mo dhòigh.

6 Tha m'anam a' feitheamh air an Tighearn ni's mò na luchd-faire na maidne, *seadh*, na luchd-faire na maidne.

7 Earbadh Israel as an Tighearn; oir aig an Tighearn *tha* tròcair, agus aige-san *tha* mòr shaorsa;

8 Agus saoraidh e Israel o 'euceartaibh gu léir.

## SALM CXXXI.

1 *Nochd Daibhidh irioslachd a chridhe féin, 3 agus dh'earail e air Israel earbsadh á Dia.*

Laoidh nan ceum, le Daibhidh.

**A** THIGHEARNA, cha-n'eil mo chridhe uaibhlreach, no mo shùilean àrd; agus cha do ghabh mi gnothuch ri nithibh mòra, no ri nithibh a bha àrd air mo shon.

2 Gu deimhin shoeraich agus chiùinich mi m'anam, mar leanabh a chuireadh o chich a mhàthar; mar leanabh a chuireadh o'n chich *tha* m'anam-sa.

3 Earbadh Israel as an Tighearn, o'n àm so agus gu bràth.

## SALM CXXXII.

1 *Eud Dhaibhidh chum àit ulluchadh do phàillium an Tighearna. 11 Na geallaidhean a thug Dia do Dhaibhidh.*

Laoidh nan ceum.

**C**UIMHNICH, a Thighearn' air Daibhidh, agus air 'uile àmhlghar:

2 Mar a mhionnaich e do'n Tighearn, a bhòidich e do *Dhia* treun Iacoib, *ag ràdh*,

3 Gu deimhin cha téid mi do phàillium mo thighe, cha téid mi suas air mo leabaidh;

4 Cha toir mi codal do m' shùilb, no suain do m' rosgaibh,

5 Gus am faigh mi àit do'n Tighearn, ionad-còmhnuidh do *Dhia* treun Iacoib.

6 Feuch, chuala sinn uime aig Ephratah; fhuair sinn e ann am machairibh na coille.

7 Théid sinn a steach d'a phàillunaibh; sleuchdaidh sinn aig stòl a choisè.

8 Eirich, a Thighearna, gu d' thàmh, thu féin agus àire do neirt.

9 Sgeadaichear do shagartan le h-ionracas, agus deanadh do naoimh luathghaire.

10 Air sgàth Dhaibhidh d'òglach, na cuir air a h-ais aghaidh d'Aoin ungta.

11 Mhonnaich an Tighearn do Dhaibhidh ann 'am firinn; cha phill e uath: De thoradh do chuirp suidhichidh mi air do righ-chaitir.

12 Ma choimhideas do chlànn mo choimh-cheangal agus mo theistean, a theagaisgeas mi dhòibh, suidhidh mar an ceudna an clann-san air do righ-chaitir gu bràth.

13 Oir ròghnaich an Tighearn Sion; mhianuich e i mar ionad-còmhnuidh dha féin, *ag ràdh*,

14 *Is i* so mo shuaimhneas gu sìorruidh:

an so gabhaidh mi còmhnuidh, oir mhianuich mi i.

15 Beannaichidh mi gu mòr a lòn; sàsuichidh mi a bochdan le h-aran.

16 Eudaichidh mi a sagartan le slàinte; agus ni a naoimh àrd luathghaire.

17 An sin bheir mi air adharc Dhaibhidh fàs: dh'òrduich mi lèchran do m' Aon ungta.

18 Eudaichidh mi a naimhdean le nàire: ach air féin thig a choron fo bhlàth.

## SALM CXXXIII.

1 *Tha Daibhidh a' nochdadh cia taitneach an ni do bhràithribh còmhnuidh a ghabhail cuideachd ann an aonachd.*

Laoidh nan ceum, le Daibhidh.

**F**EUCH, cia maith agus cia taitneach an ni do bhràithribh còmhnuidh a ghabhail cuideachd ann an aonachd!

2 Mar dheadh oladh-ungaidh air a' cheann, a ruith sìos air an fheusaig, feusaig Aaroin, a ruith sìos air ionnall a thrusgain;

3 Mar dhealt air Hermon, a thuiteas air sléibhtibh Shìoin: oir an sin dh'àithn an Tighearn am beannachadh, beatha gu sìorruidh.

## SALM CXXXIV.

*Earail gu Dia a bheannachadh.*

Laoidh nan ceum.

**F**EUCH, beannaichibh an Tighearn, sibhse òglacha an Tighearna gu léir, a sheasas ann an tigh an Tighearna gach oidhche.

2 Togaibh bhur àmhan *anns* an ionad naomh, agus beannaichibh an Tighearn.

3 Beannaicheadh an Tighearn thu á Sion, a rinn nèamh agus talamh.

## SALM CXXXV.

1 *Earail gu Dia a nholadh air son a mhaithis, 6 a chumalachd, 8 agus a bheisteanas an aghaidh naimhdean a shluagh. 15 Diomhanas iodhol nan cinneach.*

**M**OLAIBH an Tighearn; molaibhse, òglacha an Tighearna.

2 Sibhse a sheasas ann an tigh an Tighearna, ann an cùirtibh tìghe ar Dé,

3 Molaibh an Tighearn, oir *tha'n* Tighearn maith: seinnibh cliu d'a ainm, oir *tha* e taitneach.

4 Oir ròghnaich an Tighearn Iacob dha féin, Israel mar 'ionmhas sònruichte.

5 Oir *tha* fios agam gur mòr an Tighearn, agus *gu bheil* ar Tighearn os ceann nan uile dhàthann.

6 Ge b'e ni 'bu toil leis an Tighearn rinn e air nèamh agus air talamh, anns na cuant-aibh, agus anns na doimhneachdaibh uile.

7 *Is* esan a bheir air a' chèd dol 'sua os clurich na talmhainn; a ni dealanach le h-uise; a bheir a mach a' ghaoth á 'ionad-aibh-tasgaidh;

8 A bhuail ceud-ghin na h-Eiphit, araoon duine agus ainmhidh;

9 A chuir comharan agus iongantasan ann

ad mheadhon, O Eiphit, air Pharaoh agus air 'òglaich gu léir;

10 A bhuail cinnich mhòra, agus a mharbh rìghrean mòra,

11 Sihon rìgh nan Amorach, agus Og rìgh Bhàsain, agus uile rìoghachdan Chanaain,

12 Agus a thug am fearann mar oighreachd, mar oighreachd do Israel a shluagh.

13 *Mairidh* d'ainm-sa, a Thighearna, gu bràth; do chuimhne, a Thighearna, o linn gu linn.

14 Oir bheir an Tighearn breth air a shluagh, agus gabhaidh e aithreachas a thaobh a sheirbhiseach.

15 *Is* airgid agus òr iodholan nan cinn-each, obair lamhan dhaoine.

16 Tha beòil aca, ach cha labhair iad; suilean aca, ach cha-n fhaic iad.

17 Tha cluasan aca, ach cha chluinn iad: ni mò a tha anail 'n am beul.

18 Cosmhuil riù féin tha iadsan a ni iad, gach neach a dh'earbas asda.

19 A thigh Israeil, beannaichibh an Tighearn; a thigh Aaroin, beannaichibh an Tighearn.

20 A thigh Lebhi, beannaichibh an Tighearn; sibhse air am bheil eagal an Tighearna, beannaichibh an Tighearn.

21 Beannaichte gu'n robh an Tighearn á Sion, aig am bheil a chòmhuaidh ann an Ierusalem. Molaibhse an Tighearn.

## SALM CXXXVI.

1 *Earail gu buidheachas a thoirt do Dhia air son a thròcairean, agus nan iongantasan mòra a rinn e air son sluagh Israeil.*

**O** THUGAIBH buidheachas do'n Tighearn, oir *tha* e maith; oir gu bràth *mairidh* a thròcair.

2 Thugaibh buidheachas do Dhia nan dia; oir gu bràth *mairidh* a thròcair.

3 Thugaibh buidheachas do Thighearn nan tighearn; oir gu bràth *mairidh* a thròcair.

4 Dhà-san 'n a aonar a ni iongantasan mòra; oir gu bràth *mairidh* a thròcair.

5 Dhà-san a rinn na nèamhan le gliocas; oir gu bràth *mairidh* a thròcair.

6 Dhà-san a shìn an talamh os ceann nan uisge; oir gu bràth *mairidh* a thròcair.

7 Dhà-san a rinn soluis mhòra; oir gu bràth *mairidh* a thròcair.

8 A' ghrian a riaghladh an là; oir gu bràth *mairidh* a thròcair.

9 A' ghealach agus na reultan a riaghladh na h-oidhche; oir gu bràth *mairidh* a thròcair.

10 Dhà-san a bhuail na h-Eiphitich 'n an ceudghimibh; oir gu bràth *mairidh* a thròcair:

11 Agus a thug a mach Israel as am meadhon; oir gu bràth *mairidh* a thròcair:

12 Le làimh thréin, agus le gairdean sìnte mach; oir gu bràth *mairidh* a thròcair.

13 Dhà-san a roinn a' mhuir ruadh 'n a roinnibh; oir gu bràth *mairidh* a thròcair.

14 Agus a thug air Israel dol troimh a meadhon; oir gu bràth *mairidh* a thròcair:

15 Ach a thilg Pharaoh agus 'armailt bun os ceann anns a' mhuir ruaidh; oir gu bràth *mairidh* a thròcair.

16 Dhà-san a thrèoraich a shluagh troimh an fhàsach; oir gu bràth *mairidh* a thròcair.

17 Dhà-san a bhuail rìghrean mòra; oir gu bràth *mairidh* a thròcair.

18 Agus a mharbh rìghrean treuna; oir gu bràth *mairidh* a thròcair:

19 Sihon rìgh nan Amorach; oir gu bràth *mairidh* a thròcair:

20 Agus Og rìgh Bhasain; oir gu bràth *mairidh* a thròcair:

21 Agus a thug am fearann mar oighreachd; oir gu bràth *mairidh* a thròcair:

22 Mar oighreachd do Israel 'òglach féin; oir gu bràth *mairidh* a thròcair:

23 A chuimhnich oirnn 'n ar staid ìosal; oir gu bràth *mairidh* a thròcair:

24 Agus a shaor sinn o ar naimhdeibh; oir gu bràth *mairidh* a thròcair.

25 A tha 'tabhairt bìdh do gach feoil; oir gu bràth *mairidh* a thròcair.

26 O thugaibh buidheachas do Dhia nan nèamh; oir gu bràth *mairidh* a thròcair.

## SALM CXXXVII.

1 'N am braighdeanas chuimhnich clann Israeil le bròn air an tìr féin. 7 Chronaicheadh clann Edoim agus Bhabiloìn.

**L**AIMH ri aimhnichibh Bhabiloìn, an sin shuidh, agus ghuil sinn, an uair a chuimhnich sinn air Sion.

2 Air na crannaibh seilich 'n a meadhon chroc sinn ar clàrsaichean.

3 Oir an sin dh'iarr iadsan a thug 'an braighdeanas sinn, òran oirnn; agus dh'iarr iadsan a rinn fògaraich dhinn aoibhneas oirnn, *ag ràdh*, Seinnibh dhuinn aon de laoidhibh Shioin.

4 Cionnus a sheinneas sinne laoidh an Tighearn' ann an tìr choimhich?

5 Ma dhì-chuimhniceas mise thusa, a Ierusalem, dì-chuimhnicheadh mo lamh dheas a seòltachd.

6 Leanadh mo theagadh ri m' ghial, mur cuimhnich mi ort, mur fearr leanu Ierusalem na m'aoibhneas a's àirde.

7 Cuimhnich, a Thighearna, clann Edoim, ann an là Ierusalem, a thubhairt, Leagaibh, leagaibh sìos i gu ruig a bunait.

8 A nighean Bhabiloìn, a lom-sgriosar, *is* sona esan a dhìolas dhuitse, a réir mar a rinn thu oirne.

9 *Is* sona esan a ghlacas agus a phronnas do chlann bheag ris na clachaibh.

## SALM CXXXVIII.

1 Mhol Daibhidh an Tighearn air son 'fhàirinn agus a chaoimhneis-gràidh. 4 Roimh-innis e gu'n tugadh rìghrean na talmhainn moladh do Dhia.

Salm le Daibhidh.

**M**OLAIDH mi thu, a Thighearna, le m'ùile chridhe; an làthair nan dia seinnidh mi cliu dhuit.



2 Sleuchdaidh mi aig do theampull naomh, agus molaidh mi d'ainm air son do chaoimh-neis-gràidh, agus air son d'fhìrinn; oir dh'ardaich thu d'fhocal os ceann d'ainme uile.

3 'S an là air an do ghlaodh mi *riut* fhreagair thu mi; nartaich thu mi le treòir a'm anam.

4 Molaidh uile rìghrean na talmhainn thu, a Thighearna, 'n uair a chluinneas iad briathran do bheoil:

5 Agus seinnidh iad ann an slighibh an Tighearna; oir *is* mòr glòir an Tighearna.

6 Ge h-àrd an Tighearna, gidheadh seallaidh e air an ìrrosal; ach aithnichidh e an t-uaibhreath fad as.

7 Ged ghluais mi ann am meadhan àmhghair, ath-bheothaichidh tu mi; an aghaidh corruich mo naimhdean sinidh tu do làmh, agus saoraidh do dheas làmh mi.

8 Coimhlionaidh an Tighearna air mo shon; *mairidh* do thròcair, a Thighearna, gu bràth: na tréig oibre do làmh.

## SALM CXXXIX.

1 *Dh'aicidh Daibhidh gu'n robh làthaireachd Dhé mu'n cuairt da a ghlaidh.* 17 *Mhol e an Tighearna air son a thròcairean;* 23 *agus ghluaidh e bli air a theòrachadh 's an t-slighe shìorruidh.*

Do'n àrd fhear-ciuil. Salm le Daibhidh.

**A** THIGHEARNA, rannsaich thu mi, agus is aithne dhuit mi.

2 Is aithne dhuit mo shuidhe agus m'èirigh; tuigidh tu mo smuaintean fad as.

3 Chuairtich thu mo cheum agus mo luidhe sìos, agus air mo shlighibh gu léir is fiosrach thu.

4 Oir feuch, cha-n'eil focal air mo theangaidh, a Thighearna, nach aithne dhuit gu léir.

5 Am dhéigh, agus romham, chuairtich thu mi, agus chuir thu do làmh orm.

6 *Is* ro iongantach an t-eòlas *so* air mo shon: tha e àrd; cha ruig mi air.

7 C'àit an tèid mi o d' spiorad? agus c'àit an teich mi o d' ghluais?

8 Ma théid mi suas do nèamh, *tha* thu 'n sin; ma nì mi mo leabadh ann an ifrinn, feuch, *tha* thu 'n sin.

9 *Ma* ghabhas mi sgiathan na maidne, agus gu'n còmhnuich mi ann an ionadaibh iomallach na fairge;

10 Eadhon an sin stiùraidh do làmh mi, agus cumaidh do dheas làmh mi.

11 Ma their mi, Gu deimhin folaichidh an dorchadas mi, bithidh an oidheche féin mar sholus mu'n cuairt orm.

12 Cha-n fholaich eadhon an dorchadas uaitse; ach dealraichidh an oidheche mar an là: *is* ionann an dorchadas agus an solus duitse.

13 Oir ghabh thu sealbh air m'àirmibh: dh'fholuich thu mi ann am broinn mo mhàthar.

14 Molaidh mi thu, oir is uamhasach, iongantach a dhealbhaidh mi; is iongantach d'oire-sa, agus *is* ro fhiosrach m'anam air sin.

15 Cha d'fholaicheadh mo chorp uait an uair a rinneadh mi ann an diomhaireachd, a dhealbhaidh mi gu h'iongantach ann an ionadaibh iochdarach na talmhainn.

16 Chunnaic do shùilean mo cheud-fhàs anabaich, agus ann ad leabhar sgrìobhadh sìos mo *bhuill* uile, a dhealbhaidh ri h-uine, gun aon diubh *fathast* ann.

17 O cia luachmhor leamsa do smuaintean-sa, a Dhé! cia mòr an àireamh!

18 Nan àirmhinn iad; is lionmhoire iad na a' ghaincann: 'n uair a dhùisgeas mi, tha mi a ghnàth maille riutsa.

19 Gu cinnteach, a Dhé, marbhadh tusa an t-aingidh: uime sin, a dhaoine fuileachdach, imichibh uam:

20 Oir labhair iad a'd' aghaidh gu h-aingidh; thug do naimhdean *d'ainm* an diomhanas.

21 Nach 'eil mi 'tabhairt fuath, a Thighearna, dhoibhsan a tha 'tabhairt fuath dhuitse? agus nach 'eit mi 'gabhairt gràin dhoibhsan a tha 'g éirigh suas a'd' aghaidh?

22 Le fuath iomlan tha mi 'tabhairt fuath dhoibh; mar naimhdean measam iad.

23 Rannsaich mi, a Dhé, agus aithnich mo chridhe: dearbh mi, agus tuig mo smuaintean.

24 Agus amhaire am *bheil* slighe olc air bith annam, agus treòraich mi anns an t-slighe shìorruidh.

## SALM CXL.

1 *Ghluaidh Daibhidh gu'n teasairgeadh Dia e o ais-innleachd a naimhdean.* 12 *Tha dòchas aig gu'n cum an Tighearna ceartas ris na bochdaibh.*

Do'n àrd fhear-ciuil. Salm le Daibhidh.

**T** EASAIRG mi, a Thighearna, o'n droch dhuine; o fhear na foireigne gléidh mi;

2 A tha 'smuaineachadh ainnheis 'n an cridhe; cruinnichidh iad gach là *chum* cogaidh.

3 Gheuraich iad an teangadh, mar *theangaidh* nathrach; *tha* ninn na nathrach fo'm bilibh. Selah.

4 Gléidh mi, a Thighearna, o làmhnan nan aingidh; o fhear an fhoirneirt dìon mi, le'm b'àill mo cheuman a thilgeadh bun os ceann.

5 Dh'fholuich na h-uaibhrich rìbe dhomh, agus cuird; sgaoil iad lion ri taobh na slighe; leag iad cip-thuislidh romham. Selah.

6 Thubhairt mi ris an Tighearna, *Is* tu mo Dhia: éisd, a Thighearna, ri guth m'ath-chuingean.

7 A Iehobhah, a Thighearna, neart mo shlàinte, dh'fholuich thu mo cheann ann an là catha.

8 Na deònuich, a Thighearna, miannan an aingidh; na soirbhich le 'ais-innleachd, air eagal gu'n àrdaich siad iad féin. Selah.

## SALM CXLI—CXLIH.

9 A thaobh nan daoine a chuairtich mi, còmhdaicheadh aimhleas am bilean féin iad.

10 Tuitedh éibhlean teine orra: 's an teine tilgear iad; ann an slochdaibh domhain, chum nach éirich iad a ris.

11 Na daingnichear fear-labhairt uile air an talamh: sealgaidh olc air fear an fhoirneirt chum a sgrìos.

12 Tha fhios agam gu'n cum an Tighearn ceartas ris an duine through, còir ris na bochdaibh.

13 Gu dearbh bheir na fireanan moladh do d'ainm: gabhaidh na h-ionracain còmhuidh a'd' fhianuis.

### SALM CXLI.

1 *Ghuidh Daibhidh gu'n éisdeadh Dia r'a ghuth; 3 gu'n cuireadh e faire air a bheul, 9 agus gu'n còmhdaicheadh se e o ribe luchd-deanamh na h-euceirt.*

#### Salm le Daibhidh.

**A** THIGHEARNA, tha mi ag éigheach riut; greas a m' ionnsuidh; éisd ri m' ghuth, 'n uair a dh'éigheas mi riut.

2 Cuir car m'urnuigh a'd' làthair, *mar* thùis; togail suas mo làmh, *mar* an iobairt fheasgair.

3 Cuir, a Thighearna, faire air mo bheul; gléidh dorus mo bhilean.

4 Na aom mo chridhe gu ni olc air bith, gu beartan aingidh a chur 'an gnòmh le luchd-deanamh na h-euceirt: agus na h-itheam féin d'an nithibh mìlse.

5 Buaileadh am firean mi, *is* caoinheas e; agus cronachadh e mi, *is* oladh luachmhor e, nach bris mo cheam: oir fathast *bithidh* m'urnuigh mar an ceudna *air an son* 'n an àmhghairibh.

6 'N uair a thilgear sìos am breitheamhnan ann an ionadaibh clachach, éisdidh iad ri m' bhriathraibh, oir tha iad mìlis.

7 Mar a ghearras agus a sgoilteas neach *fiodh* air an làr, sgaoileadh ar cuàmhan aig beul na h-uaigne.

8 Ach riut-sa, a Iehobhah, a Thighearna, *tha* mo shùilean: annadsa chuir mi mo dhòigh; na tréig m'anam.

9 Coimhid mi o'n ribe a leag iad dhomh, agus o chip-thuislidh luchd-deanamh na h-euceirt.

10 Tuitedh na h-aingidh 'n an hontaibh féin, am feadh a bhitheas mise a' gabhail thairis.

### SALM CXLII.

1 'N a thrioblaid ghlaodh Daibhidh ris an Tighearna, 5 agus thom e a ghearan 'n a làthair. Maschil le Daibhidh. Urnuigh 'n uair a bha e anns an uaimh.

**L**E M' ghuth ghlaodh mi ris an Tighearn; le m' ghuth dh'ashuich mi air an Tighearn.

2 Thaum mi mo ghearan 'n a làthair; chuir mi 'n céill mo theinn 'n a fhianuis.

3 'N uair a chlaoidheadh mo spiorad amam,

b'aithne dhuitse mo cheum: 's an t-slighe air an d'fhicheadh mi, dh'fholuich iad ribe dhomh.

4 Dh'amhairc mi air mo làimh dheis, agus feuch, cha robh fear ann d'am b'aithne mi; thréig cabhair mi; cha robh neach ann a dh'fheòraicheadh air son m'anama.

5 Ghlaodh mi riut, a Thighearna; thubhairt mi, *Is* tu mo thearmunn, mo chuibhrionn ann an tìr nam beò.

6 Thoir an aire do m' ghlaodh, oir dh'islich-cadh mi gu mòr; saor mi uatha-san a tha'n tòir orm, oir is treise iad na mi.

7 Thoir m'anam á prìosan, chum gum mol mi d'ainm: cuairtichidh na fireanan mi; oir buinidh tu gu fial rium.

### SALM CXLIH.

1 *Ghuidh Daibhidh air an Tighearn gu'm bitheadh e bàigheil ris ann am breitheanas. 3 Tha e ri caoidh gu'n d' rium a naimhdean geur-leanmhuinn air 'anam. 5 Dh'asluich e air Dia gu'n nochdadh e dha a chaoimheas-gràidh, 7 agus gu'n teasairgeadh se e o làimh a naimhdean.*

#### Salm le Daibhidh.

**C**LUIINN m'urnuigh, a Thighearna; éisd ri m'athcheuingibh ann ad fhèrrim, freagair mi ann ad cheartas.

2 Agus na tig ann am breitheanas gu d'òglach; oir ann ad fhianuis cha-n fhìrean-aichear duine beò air bith.

3 Oir gheur-leam an nàmhaid m'anam; bhual e mo bheatha sìos gu làr; thug e orm còmhuidh 'ghabhail ann an dorchadas, mar iadsan a bha fada marbh.

4 Uime sin chlaoidheadh mo spiorad amam: tha mo chridhe briste an taobh a stigh dhomh.

5 Is cuimhne leam na làithean o chian; tha do ghnòmharaan gu léir a' teachd a'm' aire; tha mi a' beachd-smuaincachadh air obair do làmh.

6 Shìn mi mo làmhnan riutsa: *tha* m'anam, mar thalamh tartmhor, *'an geall* ort. Selah.

7 Eisd rium gu grad, a Thighearna; chaidh as do m' spiorad: na folaich do ghnùis orm, air eagal gu'm bi mi cosmhuil riut-san a théid sìos do'n t-slochd.

8 Thoir orm do chaoimheas-gràidh a chluinntinn anns a' mhaduinn, oir annadsa chuir mi mo dhòigh: thoir orm gu'n aithnich mi an t-slighe anns an còir dhomh imeachd, oir riut-sa tha mi 'togail suas m'anama.

9 Teasairg mi o m' naimhdeibh, a Thighearna: a d'ionnsuidh-sa teichidh mi.

10 Teagaisg dhomh do thoil a dheanamh, oir *is* tu mo Dhia: treòraicheadh do spiorad maith mi gu tìr an iourcais.

11 Air sgàth d'ainme, a Thighearna, beothaich thusa mi: tràd d' fhèircantachd saor m'anam o theinn.

12 Agus trid do thròcair gearr as mo naimhdean, agus sgrìos iadsan uile a tha 'claidh m'anama; oir *is* mi d'òglach.



## SALM CXLIV.

1 *Bheannaich Daibhidh an Tighearn do bhrìgh gu'n robh e 'n a fhear-saoraidh dhia. 5 Ghuidh e gu'n teasairgeadh Dia e o làimh cloinne choigreach. 9 Gheall e Dia a mholadh.*

*Salm le Daibhidh.*

**B**EANNAICHTE gu'n robh an Tigh-earn mo charraig, a theagaisgeas mo làmh an cath, mo mheoir gu comhrag:

2 Mo mhaith, agus mo dhaingeach; mo thùr àrd, agus m'fhear-saoraidh-sa; mo sgiath, agus an ti as an carb mi; a cheannsaicheas mo shluagh fodham.

3 A Thighearna, ciod e an duine, gu'm bheil thu a' gabhail eòlais air? mac an duine, gu'm bheil meas agad air?

4 Is cosmhail an duine ri dìomhanas: *tha* a fuithean mar sgàile a ghabhas seachad.

5 A Thighearna, lùb do fhlaithuasan, agus thig a nuas: bean ris na beanntaibh, agus bithidh deatach dhiubh.

6 Cuir a mach dealanach, agus sgaoil iad; tilg do shaighdean, agus claidh iad.

7 Sin uait do làmh o'n àirde, saor mi, agus teasairg mi o uisgeachaibh mòra, á làimh cloinne choigreach;

8 Aig am bheil am beul a' labhairt dìomhanais, agus *is* i'n deas làmh deas làmh na bréige.

9 A Dhé, seinnidh mi dhuit òran nuadh; air an t-saltair, *air* inneal-ciuil nan deich teud, seinnidh mi moladh dhuit.

10 *Is* esan a bheir buaidh do rìghribh, a shaoras Daibhidh, 'òglach féin, o'n chlaidheamh mhillteach.

11 Saor mi, agus teasairg mi o làimh cloinne choigreach, aig am bheil am beul a' labhairt dìomhanais, agus *is* i'n deas làmh deas làmh na bréige:

12 Chum gu'm *bi* ar mic mar ùr chroinn a' fas suas 'n an òige, ar nigheanan mar chlachaibh oisinn, snàidhte a *réir* coslais lùchairt:

13 Chum gu'm *bi* ar saibhlean làn, a' toirt uatha de gach gnè thoraidh, ar caoraich a' breth 'n am mìltean, seadh deich mìltean 'n ar macharaibh;

14 Gu'm *bi* ar daimh làidir gu h-obair; nach *bi* briseadh steach ann, no dol a mach; agus nach *bi* gearan 'n ar sràidibh.

15 *Is* sona an sluagh, a tha 's an staid so: *is* sona an sluagh, d'an Dia an Tighearn.

## SALM CXLV.

1 *Chuir Daibhidh an céill cumhachd iongantach an Tighearna, 7 a mhaithas, 18 a cheartas agus a naomhachd.*

*Laidh-mholaidh le Daibhidh.*

**A**RDACHIDH mi thu, mo Dhia, mo Rìgh; agus beannaichidh mi d'ainm gu saoghal nan saoghal.

2 Gach là beannaichidh mi thu, agus molaidh mi d'ainm gu saoghal nan saoghal.

3 *Is* mòr an Tighearn, agus *is* ro àiridh e air moladh; agus cha-n fheadar a mhòrachd a rannsachadh.

4 Molaidh àl do àl do ghnìomharan, agus cuiridh iad 'an céill d'òibre cumhachdach.

5 Air urram glòire do mhòrachd agus air d'òibribh iongantach labhraidh mi.

6 Agus labhraidh daoine air neart do bheartan uamhasach; agus aithrisidh mise do mhòrachd.

7 Cuiridh iad 'an céill gu pailt cuimhne do mhaithéis mhòir, agus àrd-mholaidh iad d'fhìreantachd.

8 *Is* gràsmhor agus truacanta an Tighearn; mall chum feirge, agus pailt ann an trècair.

9 *Is* maith an Tighearn do na h-uile, agus *tha* a chaomh thròcairean os ceann oibre uile.

10 Molaidh d'òibre gu léir thu, a Thighearna; agus beannaichidh do naoimh thu.

11 Air glòir do rìoghachd labhraidh iad, agus cuiridh iad 'an céill do chumhachd:

12 Chum a bheartan iongantach a dheanamh aithnichte do chloinn nan daoine, agus glòir mòralachd a rìoghachd.

13 *Is* rìoghachd shìorruidh do rìoghachd-sa; agus *mairidh* d'uachdaranachd air feadh nan uile ghinealach.

14 [Tha an Tighearn fìrinneach 'n a uile bhriathraibh, agus naomh 'n a uile ghnìomharaibh.]

15 Cumaidh an Tighearn suas iadsan uile a tha 'tuitam, agus togaidh e 'n àird iadsan uile a tha air cromadh sìos.

16 Tha sùilean nan uile a' feitheamh ort, agus bheir thu doibh am biadh 'n a thràth.

17 Tha thu a' fosgladh do làimh, agus a' sàsachadh miann gach ni beò.

18 *Tha'n* Tighearn ceart 'n a uile shlighibh, agus naomh 'n a uile ghnìomharaibh.

19 *Is* dlùth an Tighearn dhoibhsan uile a ghairmeas air, dhoibhsan uile a ghairmeas air ann am fìrinn.

20 Coimhlionaidh e miann na dream d'an eagal e; agus éisdidh e r'an glaoth, agus saoraidh e iad.

21 Gleidhidh an Tighearn iadsan uile a ghràdhaicheas e; ach sgriosaidh e na h-aingidh gu léir.

22 Air cliu an Tighearna labhraidh mo bheul: agus beannaichidh gach feoil 'ainm naomh-san gu saoghal nan saoghal.

## SALM CXLVI.

1 *Gheall Daibhidh gu'm moladh e Dia ré a bheatha. 5 Is sona an ti a dh'earbas as an Tighearn.*

**M**OLAIBHSE an Tighearn: mol an Tighearn, O m'anam.

2 Molaidh mi an Tighearn 'an cian is beò mi; seinnidh mi cliu do m' Dhia, am feadh a bhitheas bith agam.

3 Na h-carbaibh á h-uachdaranaibh, á mac duine sam bith, anns nach 'eil furtachd.

4 Thèid 'anail as, pillidh e ga ùir; 's an là sin fèid as d'a smuaintibh.

5 *Is* sona an ti aig am bheil Dia Iacoib

## SALM CXLVII—CXLIX.

mar a chabhair, aig *am bheil* a dhòchas anns an Tighearn a Dhia,

6 A rinn nàmh agus talamh, a' mhuir agus gach nì a *tha* anna; a ghleidheas firinn gu bràth;

7 A chumas còir riu-san a tha fo fhoirneart; a bheir biadh do na h-oeraich. Cuiridh an Tighearn na prìosanaich fo sgaoil.

8 Fosgaidh an Tighearn *sùilean* nan dall; togaidh an Tighearn suas iadsan a tha air an cromadh sìos: is ionmhuinn leis an Tighearn na fireanan.

9 Gleidhidh an Tighearn na coigrich; togaidh e suas an dìlleachdan agus a' bhan-trach: ach tilgidh e slighe nan aingidh bun os ceann.

10 Rìghaichidh an Tighearn gu bràth, do Dhia-sa, a Shìon, o linn gu linn. Molaibhse an Tighearn.

### SALM CXLVII.

1 *Dh'àithn am fàidh buidheachas a thabhairt do'n Tighearn air son a mhaithis d'a shluagh; 4 air son a chumhachd, 6 agus a thròcair. 15 Tha nachdaranachd aig Dia os ceann gach nì a chruthaich e.*

**M**OLAIBHSE an Tighearn; oir *is* maith an nì a bhi 'tabhairt chiu d'ar Dia, oir *tha e* taitneach, agus *tha* moladh ciatach.

2 Togaidh an Tighearn suas Ierusalem; cruinnichidh e ri 'chéile diobaraich Israeil.

3 Leighisidh e iadsan aig am bheil cridhe briste, agus ceanglaidh e suas an leònta.

4 Innsidh e àireamh nan rionnag; bheir e ainmean orra uile.

5 *Is* mòr ar Tighearn, agus *is* mòr a chumhachd; *tha a* thuigse gun tomhas.

6 Togaidh an Tighearn suas na daoine ciùine; tilgidh e sìos na h-aingidh gu làr.

7 Seinnibh do'n Tighearn le buidheachas; seinnibh moladh d'ar Dia-ne aira' chlàrsaich:

8 A dh'fhòlaicheas nàmh le neulaibh, a dh'ulluicheas uisge do'n talamh, a bheir air fear fàs air na sleibhtibh.

9 Bheir esan a bhiadh do'n ainmhidh, do na fithich òga a ghoireas.

10 Ann an neart an eich cha bhi a dhùil; ann an cosaibh fir cha ghabh e tlachd.

11 Gabhaidh an Tighearn tlachd ann-tan d'an eagal e, a chuirceas an dòigh 'n a thròcair.

12 Mol an Tighearn, a Ierusalem; mol do Dhia, a Shìon:

13 Oir neartaich e croinn do gheatachan; bheannaich e do chlànn an taobh a stigh dhòt.

14 Nì e sìth a'd chrìochaibh; sàsuichidh e thu le smior a' chruthneachd.

15 Cuiridh e mach 'àithne air thalamh; gu luath ruithidh 'fhocal.

16 Bheir e sneachd mar olaime; sgaoilidh e an liath-reodha mar luathre.

17 Tilgidh e mach 'eigh mar ghreamann-

an; cò a dh'fheudas seasamh fa chomhair 'fhuachd?

18 Cuiridh e mach 'fhocal, agus leaghaidh e iad; sèididh a ghaoth, sruthaidh na h-uisgeachan.

19 Foillsichidh e 'fhocal do Iacob, a reachd-an agus a bhreitheanais do Israel.

20 Cha do bhuin e mar so ri cinneach sam bith; cha mhò a b'athne dhoibh a bhreith-eanais. Molaibhse an Tighearn.

### SALM CXLVIII.

1 *Dh'earail Daibhidh air na h-ainglibh, agus air gach creutair cruthaichte, Dia a mholadh.*

**M**OLAIBHSE an Tighearn. Molaibh an Tighearn o na nàmh; molaibh e anns na h-àrdaibh.

2 Molaibh e, 'aingle uile; molaibh e, a shlòigh uile.

3 Molaibh e, a ghrian agus a ghealach; molaibh e, uile reulta soluis.

4 Molaibh e, a nàmh nan nàmh, agus uisgeacha *tha* os ceann nan nàmh.

5 Moladh iad ainm an Tighearna; oir dh'àithn e, agus chruthaich eadhlach.

6 Agus dhaingnich e iad gu saoghal nan saoghal; rinn e àithne, nach téid thairis.

7 Molaibh an Tighearn o'n talamh, a dhàrgona, agus a dhoimhneachdan uile.

8 Teine agus clach-sneachda; sneachd agus ceò; gaoth dhoimhneach a' coimhlionadh 'fhocal;

9 Na beamtann agus na cnuic uile; craobhan-meas agus na h-uile sheudair;

10 *Fiadh*-bheathaichean, agus gach uile ainmhidh; nithean snàigeach, agus cunlaith iteach;

11 Rìghrean na talmhainn agus na h-uile shlòigh; nachdaranan agus uile bhreith-eamhan na talmhainn;

12 Araon òig-fhir agus òighean; seann daoine agus clann;

13 Moladh iad sin ainm an Tighearna: oir tha 'ainm-san a mhàin urramach, *tha* a ghloir os ceann na talmhainn agus nan nàmh.

14 Agus dh'àrdaich e adharc a shluaigh, moladh a naomh uile, *eadhon* chloim Israeil, sluaigh a tha'm fagus da. Molaibhse an Tighearn.

### SALM CXLIX.

1 *Is airidh Dia air chiu air son a mhaithis d'a shluagh, 5 agus air son a dhòghallais air na cinnich.*

**M**OLAIBHSE an Tighearn. Seinnibh do'n Tighearn òran nuadh, *seinnibh* a mholadh ann an coimhlional nan naomh.

2 Bitheadh Israel aoibhneach 'n a Chruth-fhear: deanadh clann Shìoin gairdeachas 'n an Rìgh.

3 Moladh iad 'ainm anns an dannsadh: le tiompan agus le clàrsaich seinnadh iad dha.

4 Oir gabhaidh an Tighearn tlachd 'n a shluagh: nì e na daoine seimhe sgiamhach le slàinte.



5 Deanadh na naoimh gairdeachas ann an glòir: deanadh iad iolach air an leapaichibh.

6 *Bitheadh* àrd chliu Dhé 'n am beul, agus claidheamh dà fhaobhair 'n an làimh,

7 A chum dìoghaltas a dheanamh air na cinnich, smachdachadh goirt air na slòigh;

8 A chum an rìghrean a cheangal le slabhraidhibh, agus an àrd uaislean le geimhlìbh iaruin;

9 A chum an breitheanas a chur 'an gnìomh orra, a tha sgrìobhta: *tha'n t-urram* so aig a naoimh uile. Molaibhse an Tighearn.

## SALM CL.

*Earrail gu Dia a mholadh le innealaibh-ciùil.*  
MOLAIBHSE an Tighearn. Molaibh Dia 'n a ionad naomh; molaibh e ann an spùraibh a chumhaichd.

2 Molaibh e air son a ghnìomharan treuna; molaibh e a rèir àirde a mhòrachd.

3 Molaibh e le fuaim trompaid; molaibh e le saltair, agus le clàrsaich.

4 Molaibh e le tiompan agus damnsadh; molaibh e le innealaibh-ciùil nan teud, agus le organ.

5 Molaibh e le ciombalaibh fonnmhor; molaibh e le ciombalaibh àrd-fluaimneach.

6 Moladh gach ni anns am bheil anail an Tighearn. Molaibhse an Tighearn.

## GNATH-FHOCAIL.

## CAIB. I.

1 *Feum agus luach a ghliocais.* 7 *Is e eagail an Tighearna tùs an eòlais.* 20 *Rinn gliocas gearran an aghaidh luchd-fochaid,* 24 *agus bhagair i iad le léir-sgrìos.*

GNATH-FHOCAIL Sholaimh, mhic Dhaibhidh, rìgh Israeil;

2 A dh'aithneachadh gliocais agus teagaisg, a thuigsinn bhriathar na tuigse;

3 A ghabhail teagaisg a' ghliocais, a' cheartais, agus a' bhreitheanas, agus na còrach;

4 A thoirt géire dhoibhsan a tha baoghalt, eòlais agus cèill do'n òganach.

5 Eisdidh duine glic, agus meudaichidh e fòghlum; agus seallbaichidh duine tuigseach comhairlean glìce:

6 A thuigsinn gnàth-fhocail, agus eadar-mhìneachaidh; fhocal nan daoine glìce, agus am briathar dorch.

7 *Is e eagail an Tighearna tùs an eòlais:* air gliocas agus teagasg ni amadain tàir.

8 A mhic, eisd thusa ri teagasg d'athar, agus na tréig lagh do mhàthar:

9 Oir 'n an coron maise *bithidh* iad do d' cheann, agus 'n an slabhruidhibh do d' mhùineal.

10 A mhic, ma thàlaidheas peacaich thu, na h-aontaich thusa leo.

11 Ma their iad, Thig leinne, deanamaid feall-fheitheamh air fuil, huidheamaid am folach air son an neo-chiontaich gun aobhar:

12 Mar an uaigh sluigearaid suas beò iad, agus iomlan mar iadsan a théid sìos do'n t-slochd.

13 Glicibh sinn gach uile mhaoin luachmhor, fionaidh sinn ar tighean le creich:

14 Tìg a steach do chranncur 'n ar measgme; bithidh aon sporan againn uile.

15 A mhic, na h-imich thusa 's an t-slighe maille riu; cum air a h-ais do chos o'n ceann.

16 Oir tha'n cosan a' ruith a chum uile, agus a' deanamh deifir a dhòrtadh fola.

17 Gu deimhin is dìomhain an lìon a sgaoil-eachd ann an sealladh eoin air bith.

18 Agus tha iad ri feall-fholach an aghaidh am fola féin; tha iad a' luidhe ann an uaigneas an aghaidh an anama féin.

19 Mar sin tha sliagan gach neach a tha samntach air buannachd: anam a sealbhadair ann bheir i air falbh.

20 Tha gliocas ag éigheach a muigh, anns na sràidibh tha i a' cur a mach a gutha;

21 Ann an àitibh sònruichte a' chomh-chruinneachaidh tha i ag éigheach, ann am fosgladh nan geatachan: anns a' bhaile tha i a' cur a mach a briathran, *ag ràdh.*

22 Cia fhad, a dhaoine baoghalt, a ghràdh-aicheas sibh baoghaltachd? agus a ghabhas luchd-fochaid tlachd 'n am fochaid, agus a bheir amadain fuath do eòlas?

23 Pillibh ri m' achmhasan: feuch, dòirtidh mi mach mo spiorad oirbh; ni mi aithnichte mo bhriathran duibh.

24 A chionn gu'n do ghairm mi, agus gu'n do dhiùlt sibhse, gu'n do shìn mi mach mo làmh, agus nach d'fhug duine's ambith an aire;

25 Ach gu'n do chuir sibh an neo-bhrìgh n'uile chomhairle, agus nach b'àill leibh a bheag de m' achmhasan;

26 Ni mise mar an ceudna gàire ri'r sgrìosa; ni mi fanoid an uair a thig bhuir n-eagal;

27 An uair a thig bhuir n-eagal mar fhàsachadh, agus a thig bhuir léir-sgrìos oirbh mar iona-ghaoith; 'n uair a thig teinn agus cràdh-cridhe oirbh.

28 An sin gairmidh iad ormsa, ach cha fhreagair mi; iarraidh iad mi gu moch, ach cha-n fhaigh iad mi;

29 A chionn gu'n d'fhuathaich iad eòlas, agus nach do ròghnaich iad cagal an Tighearna.

30 Cha b'àill leo 'bheag de m' chomhairle, rinn iad tàir air m'achmhasan uile.

31 Uime sin ithidh iad de thoradh an slighe féin, agus lionar iad le'n innleachdaibh féin.

32 Oir marbhaidh claonadh nan daoine baoghalta iad, agus sgriosaidh soirbheachaidh nan amadan iad féin.

33 Ach ge b'e 'dh'éisdeas riumsa, gabhaidh e còmhnuidh anu an tèaruinteachd, agus bithidh e saor o eagail uile.

## CAIB. II.

1 'N uair a théid gliocas a steach do'n chridhe teagaisgidh i eagail an Tighearna, 10 dìonaidh i o shlighe an droch dhuine, 20 agus treòraichidh i air slighe na beatha.

A Mhic, ma ghabhas tu mo bhriathran-sa, agus ma dh'fholuicheas tu m'áith-eantan maíle riut;

2 Air chor as gu'n aom thu do chluas ri gliocas, gu'n leag thu do chridhe air tuigse;

3 Seadh, ri eòlas ma dh'éigheas tu, ri tuigse ma thogas tu suas do ghuth;

4 Ma dh'iarraas tu i mar airgiod, agus ma rannsaicheas tu air a son, mar air son ionmhasan folaichte;

5 An siu tuigidh tu eagail an Tighearna, agus gheibh thu eòlas Dhé;

6 Oir bheir an Tighearna gliocas; as a bheul thig eòlas agus tuigse.

7 Tha e 'tasgadh suas gliocais fhallain air son uam firean: is sgiath e dhoibhsan a ghluaiseas gu h-ionraic.

8 Tha e a' coimhead ceuman a' bhreith-eanas, agus a' diù slighe a naomh.

9 An sin tuigidh tu fireantachd, agus breitheanas, agus cearntas; seadh, gach uile dheadh shlighe.

10 An uair a théid gliocas a steach ann ad chridhe, agus a bhitheas eòlas taitneach do d' anam.

11 Ni ciall do dhion, coimhididh tuigse thu:

12 Gu d' shaoradh o shlighe an droch dhuine; o'n duine a labhras uithean fiara;

13 A dh'fhàgas ceuman an ionracais, a dh'imeachd ann an slighibh an dorchadais;

14 Leis an aoibhinn an t-òle a dheanamh, agus a tha 'gabhadh tlachd ann an ingealtachd nan aingidh.

15 'G am bheil an slighean cam, agus iad a' claonadh 'n an ceumaibh:

16 Chum do shaoradh o'n mhnaoi choimhich, o'n bhana-choigrich a ui miodal le a briathraibh;

17 A thréigheas oide-fòghluim a h-òige, agus a dhì-chuimhniceas coimheangal a Dé;

18 Oir tha a tigh a' claonadh chum bàis, agus a ceuman chum nam marbh.

19 Cha phill duine 's am bith a théid d'a h-ionnsuidh, agus a ris cha-n fhaigh e slighean na beatha.

20 Chum gu'n imich thu ann an slighe dhaoine maithe, agus gu'n gléidh thu ceuman nam firean.

21 Oir gabhaidh na h-ionracain còmhnuidh 's an tìr, agus fanaidh na daoine foirfe innte.

22 Ach gearrar na daoine aingidh bhàrr na talmhainn, agus spìonar luchd-eusaontais as.

## CAIB. III.

1 Chomhairlich Solamh do'n t-sluagh gu'n coimh-ideadh iad lagh an Tighearna, 5 gu'n earbadh iad a' mhaithreas, 7 gu'm bitheadh iad tríosail, 9 diadhadh, 10 agus foighidneach. 20 Cumhachd, 21 agus sochairean a' ghliocais. 33 Mallachadh nan aingidh.

A Mhic, na dhì-chuimhnich mo lagh; ach gleidheadh do chridhe m'áith-eantan:

2 Oir làithean buan, agus saoghal fada, agus sìth bheir iad dhuit.

3 Na tréigeadh tròcair agus firinn thu: ceangail iad nu' d' mhuineal; sgrìobh iad air clàr do chridhe.

4 Agus gheibh thu deadh-ghean, agus tuigse mhaith ann an sealladh Dhé agus dhaoine.

5 Earb as an Tighearna le d' uile chridhe; agus ri d' thuigse féin na bitheadh do thaic.

6 Ann ad uile shlighibh aidich e, agus seòlaidh esan do cheuman.

7 Na bi glic a'd' shùilbh féin; bitheadh eagail an Tighearna ort, agus tréig olc.

8 'N a shlàinte bithidh e do d' iomlaig, agus 'n a smior do d' chnàmhan.

9 Thoir urram do'n Tighearna le d' mhaoin, agus le ceud thoradh d'uile chinneis:

10 Agus lionar do shàibhlean le pailteas, agus le fion nuadh rùthidh d'fhìon-amair thairis.

11 Air cronachadh an Tighearna, a mhic, na dean-sa tàir, agus na sgithich d'a smachdachadh.

12 Oir esan a's toigh leis an Tighearna smachdaichidh e, mar a smachdaicheas athair am mac anns am bheil a tlachd.

13 Is sona an duine a dh'amaiscas air gliocas, agus am fear a gheibh tuigse:

14 Oir is fearr a ceannachd na ceannachd airgid, agus a buannachd na'n t-òr.

15 Is luachmhoire i na na seudan, agus cha-n'eil gach ni a's urrainn thu 'mhiannachadh r'an coimhneas rithe.

16 Tha saoghal fada 'n a làimh dheis; 'n a làimh chli saobhbreas agus urram.

17 Is slighean subhachais a slighean, agus is sìth a ceuman uile.

18 Is craobh beatha i dhoibhsan a ni greim oirre, agus is sona iadsan a ghleidheas i.

19 Le gliocas shuidhich an Tighearna an talamh; le tuigse shocraich e na uèmhnan.

20 Le 'eòlas-san brisear suas na doimhneachdan, agus silidh na neoil a nuas an drùchd.

21 A mhic, na dealaicheadh iad ri d' shùilbh: coimhid gliocas fallain agus tuigse.

22 Agus bithidh iad 'u am beatha do d' anam, agus 'n am maise do d' mhuineal.

23 Au sin imichidh tu a'd' shlighe gu tèaruinte, agus cha tuislich do chos.



24 An uair a luidheas tu sìos, cha bhi eagal ort: seadh, luidhidh tu sìos, agus bithidh do chodal milis.

25 Na bitheadh sgàth ort roimh eagal obann, no roimh fhàsachadh nan aingidh 'n uair a thig e.

26 Oir bithidh an Tighearn 'n a thearmunn duit, agus gleidhidh e do chos o bhi air a glacadh.

27 Na cum maith o'n dream d'an dlighear e, 'n uair a tha e'n comas do làimh a dheanamh.

28 Na h-abair ri d' choimhearsnach, Imich, agus thig a ris, agus an màireach bheir mi dhuit, 'n uair a tha e agad làimh riut.

29 Na dealbh olc an aghaidh do choimhearsnaich, agus e 'gabhaill còmhnuidh gu muinghineach làimh riut.

30 Na dean strì ri duine gun aobhar, mur do rinn e cron ort.

31 Na bitheadh farmad agad ri fear an fhoirneirt, agus na ròghnaich a bheag d'a shligibh.

32 Oir *is* gràineileachd do'n Tighearn an duine ceannairceach; ach *tha* a rùn aig an ionracan.

33 *Tha* mallachd an Tighearn' ann an tigh an aingidh; ach beannaichidh e àite-còmhnuidh nam firean.

34 Gu cinnteach air luchd-fochaid ni e fochaid; ach do'n iriosal bheir e gràs.

35 Sealbhaichidh na daoine gliec urram; ach is e nàire ardachadh nan amadan.

## CAIB. IV.

1 *Nochd Solamh do'n t-sluagh an teagasg a thug athair dha, 5 agus chomhairtich e dhoibh gliocas fhaotainn do bhrìgh gu'n toir i gu h-urram iad. 14 Dh'earalaich e orra slighe nan aingidh a sheachnadh; 20 aire a thoirt d'a bhriathraibh; 23 agus an cridhe a ghlèidheadh leis gach uile dhìcholl.*

**CLUINNIBH**, a chlann, teagasg athar, agus thugaibh an aire, chum, gu'm faigh sibh eòlas air tuigse:

2 Oir tha mi 'toirt duibh deadh theagaisg; na tréigbhe mo reachd.

3 Oir bu mhise mac mùirneach m'athar, agus mar aon-ghin mic *bha mi* ann an sealladh mo mhathar.

4 Theagaisg e mi mar an ceudna, agus thubhairt e rium, Gleidheadh do chridhe mo bhriathran; coimhid m'aitheantan agus mair bed.

5 Faigh gliocas; faigh tuigse: na dì-chuimhnich, agus na claon o bhriathraibh mo bheoil.

6 Na tréig i, agus gleidhidh i thu: gràdh-aich i, agus coimhididh i thu.

7 *Is* e gliocas an ni sònruichte; faigh gliocas, agus maille ri d' uile fhaghail faigh tuigse.

8 Ardaich i, agus cuiridh i suas thu; bheir i gu h-urram thu, 'n uair a ghabhas tu a'd' ghlacaibh i.

9 Bheir i do d' cheann coron maise: crùn glòire bheir i seachad duit.

10 Eisd, a mhic, agus gabh m'fhocail: agus bithidh bliadhnachan do bheatha lionmhor.

11 Ann an slighe a ghliocais theagaisg mi thu: thredraich mi thu ann an ceumaidh dìreach.

12 'N uair a dh'imicheas tu, cha teann-aichear do cheuman; agus an uair a ruith-eas tu, cha tuislich thu.

13 Dean greim daingean air teagasg; na leig as e; coimhid e, oir *is* e do bheatha e.

14 Na gabh a steach do rathad nan aingidh, agus na h-imich ann an slighe dhroch dhaoine.

15 Seachain i, na gabh seachad làimh rithe, pill uaiphe, agus imich romhad.

16 Oir cha choidil iadsan mur dean iad olc: agus tha'n codal air a thoirt uatha mur toir iad air *cuid-eigin* tuiteam.

17 Oir tha iad ag itheadh arain na h-aingidheachd, agus ag òl fiona an ainneirt.

18 Ach *tha* slighe nam firean mar an solus deaich, a dhealraicheas nì's mò agus nì's mò gu ruig an là iomlan.

19 *Tha* slighe nan aingidh mar dhorchadas: cha-n aithne dhoibh ciod air am bheil iad a' tuisleachadh.

20 A mhic, do m' fhoclaibh thoir aire; ri mo bhriathraibh aom do chluas:

21 Na h-imicheadh iad o d' shùilibh: gléidh iad ann am meadhan do chridhe.

22 Oir *is* beatha iad dhoibhsan a gheibh iad, agus ioc-shlaint d'am feoil uile.

23 Leis gach uile dhìchioll gléidh do chridhe; oir as a sin *tha* sruthan na beatha.

24 Cuir uait am beul fiar, agus na bilcan beumach cuir fada uait.

25 Sealladh do shùilean gu ceart rompa, agus seòladh rosgan do shùl gu dìreach romhad.

26 Cothromaich ceuman do chos, agus bith-eadh do shlighean uile air an socrachadh.

27 Na tionndaidh a chum na làimhe deise, no clithe: caraich do chos o'n olc.

## CAIB. V.

1 *Chomhairtich Solamh do'n t-sluagh aire a thoirt do ghliocas; 5 agus nochd e dhoibh mealltaireachd mnà coimhich. 22 Glac an t-aingidh 'n a eucartaibh fèin.*

**A** MHIC, do m' ghliocas thoir an aire; ri m' thuigse aom do chluas;

2 Chum gu'n coimhid thu ciall, agus gu'n gléidh do bhilean eòlas.

3 [Na h-èisd ri mealltaireachd mnà:] oir mar a' clìr-mheala sìdh bilean mnà coimhich, agus *is* mìnne na oladh a beul.

4 Ach *tha* a crìoch searbh mar a' bhurmaid, geur mar chlaidheamh dà fhaobhair.

5 *Tha* a cosan a' dol sìos chum a' bhàis: ni a ceuman greim air ifrinn.

6 Air eagal gu'n cothromaicheadh tu slighe na beatha, luaineach *tha* a ceuman

*air chor as nach urrainn thu an aith-neachadh.*

7 A uis uime sin, a chlann, éisdibh rium, agus na dealaichibh ri briathraibh mo bheoil.

8 Atharraich do shlighe fada uaipe, agus na tig am fagus do dhorus a tighe:

9 Air eagal gu'n toir thu do neart do mhuinntir eile, agus do bhliadhnachan do'n an-ìochdmhor:

10 Air eagal gu'n lìonar coigrich le d' shaoibhreas, agus gu'm bi do shaothair ann an tigh coigrich:

11 Agus gu'n dean thu caoidh ma dheir-eadh, 'n uair a chaithear d'fheoil agus do chorp,

12 Agus gu'n abair thu, Cionnus a thug mi fuath do theagasg, agus a rinn mo chridhe tàir air achmhasan?

13 Agus nach robh mi ùmhla do ghuth mo luchd-teagaisg, agus nach d'aom mi mo chluas riu-san a theagaisg mi?

14 Is beag nach robh mi anns gach ole, 'am meadhon a' chomhchruinneachaidh, agus a' choimhthionail.

15 Oluisgeachan as do shoitheach féin; agus uisgeachan ruith as do shoitheach féin.

16 Bitheadh do thobraichean air an sgaoil-eadh a mach; do shruthan uisge anns na sràidibh.

17 Bitheadh iad agad féin a mhàin, agus na b'ann aig coigrich maille riut.

18 Bitheadh do thobraichean beannaichte; agus dean gairdeachas maille ri mnaoi-phòsda d'òige.

19 *Bitheadh i mar* an eilid ghràdhach, agus mar an earba thaitneach; sàsuicheadh a cìochan thu 's gach àm: le a gràdh bi a ghnàth air do lìonadh.

20 Agus c'ar son, a mhic, a mheallar thu le mnaoi choimhich, agus a dhlùthaicheas tu ri brollach bana-choigrich?

21 Oir fa chomhair shùil au Tighearna *tha* shlighean an duine, agus *tha* c' a' cothro-machadh a cheuman uile.

22 Glacaidh 'euceartan féin au t-aingidh, agus le cuird a pheacaidh ceanglar e.

23 Bàsaichidh e gun teagasg; agus ann am meud 'amaideachd théid e air seacharan.

## CAIB. VI.

1 *An aghaidh luchd-urrais*, 7 *an leisgein*, 12 *agus nan daoine aingealt*. 16 *Na seachd nithean a tha 'n an gràinealachd do'n Tighearna*. 25 *Le mnaoi mhi-gheamnuidh sgriosar anam an duine*.

**A** MHIC, ma tha thu 'n urras air do charaid, *ma* bhuail thu do làmh le neach eile.

2 Ribeadh thu le briathraibh do bheoil; ghlacadh thu le foclaibh do bheoil.

3 Dean so a nis, a mhic, agus saor thu féin, an uair a thig thu 'n làmh do charaid; imich, irioslaich thu féin, agus dean cinnteach do charaid.

4 Na toir codal do a snùilb, no clò codail do d' rosgaibh.

5 Thoir as thu féin mar earba á làmh *an t-sealgair*, agus mar eun á làmh an eunad-air.

6 Imich a chum an t-seangain, a leisgein; thoir fainear a shlighean, agus bi glie:

7 Aig uach 'eil fear-seòlaidh, fear-amhaire, no riaghlair,

8 A dh'ulluicheas a bhiadh 's an t-samh-radh, agus a chruinnicheas a theachd-an-tìr 's an fhogharadh.

9 Cia fhad a choidleas tu, a leisgein? c'uin a dh'èireas tu as do chodal?

10 *Fathast* beagan codail, beagan clò codail, beagan pasgaidh nan làmh gu codal.

11 An sin thig do bhochdainn mar fhear-siubhail, agus d'uireasbhuidh mar dhuine fo armaibh.

12 Duine nach fhu, fear aingidh, siubh-laidh e le beul ana-cneasda.

13 Caogaidh e le 'shùil, bheir e sanas le 'chois, teagaisgidh e le 'mheuraibh.

14 *Tha* aingealtachd 'n a chridhe, *tha* e a' dealbhadh uile a ghnàth; togaidh e aimhreit:

15 Uime sin gu h-obann thig a sgrios; gu grad brisear e, gun leigheas.

16 Na sè nithean so is fuathach leis an Tighearna; seadh, *tha* seachd nithean 'n an gràinealachd d'a anam:

17 Sealladh àrd, teagadh bhreugach, agus làmhan a dhòirteas fuil neò-chiontach;

18 Cridhe a dhealbhas smuaintean aingidh, cosan a bhitheas luath a ruith chum uile;

19 Fianuis bhreugach a labhras breugan, agus esan a thogas aimhreit-eadar bràithribh.

20 A mhic, coimhid àithne d'athar, agus na tréig reachd do mhàthar:

21 Ceangail iad a ghnàth air do chridhe, daingnich iad mu d' mhuineal.

22 'N uair a dh'imicheas tu, treòraichidh iad thu; 'n uair a choidleas tu gleidhidh iad thu; agus *an uair* a dhùisgeas tu, labhraidh iad riut.

23 Oir *is* lòchran an àithne, agus *is* solus an reachd, agus *is* iad achmhasain teagaisg slighe na beatha;

24 Chum do ghleidheadh o'n droch mhnai, o mhiodal teagaidh na mnà coimhich.

25 Na miaunaich a maise ann ad chridhe; agus na glacadh i thu le a rosgaibh:

26 Oir le mnaoi mhi-gheamnuidh *bheir* *ear duine* gu greim arain; agus sealgaidh a' bhan-adhaltrannaich air an anam luach-mhor.

27 An urrainn duine teine a ghabhail 'n a bhrollach, agus gun 'eudach a bhi air a losgadh?

28 An urrainn duine imeachd air éibhlbheithe, agus gun a chosan a bhi air an losgadh?

29 Mar sin esan a théid a steach chum



mnà a choimhearsnaich: cha bhi neach air bith neo-chiontach a bheanas rithe.

30 Cha deanar tàir air gaduiche, ma ghoideas e a shàsachadh 'anam, 'n uair a bhitheas e ocrach:

31 Ach ma ghlaçar e, aisigidh e a sheachd uiread; uile mhaoin a thighe bheire seachad.

32 Ach ge b'e 'ni adhaltrannas ri mnaoi, tha e gun tuigse: sgriosaidh esan a ni e 'anam fèin.

33 Lot agus mi-chliu gheibh e; agus a mhasladh cha ghlanar as.

34 Oir is e 'n t-eud cuthach an fhir: uime sin cha chaomhain e ann an là an dhoigh-altais.

35 Cha bhi suim aige dh'éiric air bith; ni mò a thoilichear e, ged bheir thu dha mòran thiodhlacan.

### CAIB. VII.

1 *Chomhairlich Solamh do'n t-shluagh 'aitheantan a thagadh 'n an cridhe. 6 Seòlachd agus cuilbheartan na mnà coimhich. 24 Sgriosar iadsan a chlaonas 'n a déigh.*

**A** MHIC, gléidh mo bhriathran, agus taisg m'aitheantan maille riut.

2 Gléidh m'aitheantan, agus bi beò; agus mo lagh mar dhubhagan do shùl.

3 Ceangail iad air do mheuraibh; sgrìobh iad air clàr do chridhe.

4 Abair ri gliocas, *Is* tu mo phiuthar; agus goir do bhan-charaid de thuigse:

5 Chum gu'n gléidh iad thu o'n mhaoi choimhich, o'n bhana-choigrich a ni miodal le a briathraibh.

6 Oir aig uinneig mo thighe dh'amhaire mi troimh mo chléith,

7 Agus sheall mi am measg nan daoine baoghalta; thug mi fainear am measg nan òganach, òig-fhear gun chéill,

8 A' dol seachad air an t-sràid fagus d'a h-òisinn, agus ghabh e an t-slighe chum a tighe,

9 'S an dù-thràth, 's an fheasgar, 's an oidheche dhuibh dhoirche:

10 Agus, feuch, thachair bean air ann an culaidh strìopaiche, agus i cuilbheartach 'n a cridhe.

11 *(Tha i àrd-ghuthach agus ceann-làidir; cha-n fhan a cosan 'n a tigh.*

12 A nis *tha i* mach, a nis anns na sràidibh, agus a' feitheamh nam fàth aig gach oisinn.)

13 Agus rug i air, agus phòg i e, agus le aghaidh gun nàire thubhairt i ris,

14 *Tha* tabhartais-shith agam; an diugh dh'òc mi mo bhòidean:

15 Uime sin thàinig mi mach a'd' chionn-eamh, a dh'iarraidh d'aghaidh gu dìchiollach, agus fhuair mi thu.

16 Le còmhdaichibh grinne sgeadaich mi mo leabadh, le *oibribh* gearra, le lion-eudaich min o'n Eiphit.

17 Rinn mi mo leabadh cùbhraidh le mirr, aloe, agus canal.

18 Thug, gabhamaid ar sàth de ghaol gu

maduinn; deanamaid comh-ghairdeachas ann an gaol:

19 Oir cha-n'èil fear an tighe aig a bhaile; chaidh e air turus fada:

20 Sporan airgid thug e leis; air an là shuidhichte thig e dhachaidh.

21 Le mòran d'a cainnt mhilis thug i air aontachadh; le miodal a bilean chomh-éignich i e.

22 Tha e a' dol 'n a déigh gun dàil, mar a théid an damh chum a mharbhaidh, no'n t-amadan a chum peanais a' chip;

23 Gus an téid saighead troimh 'àinean, mar a ghreasas eun do'n ribe, gun fhios aige gur ann chum a bhàis a *tha e*.

24 A nis uime sin éisdibh rium, a chlann, agus thugaibh aire do bhriathraibh mo bheoil:

25 Na clao nadh do chridhe chum a sligh-ean, na rach air seacharan 'n a ceumaibh.

26 Oir lot agus leag i sìos mòran; seadh chaidh mòran de dhaoibh treuna amharbhadh leatha.

27 *Is e a tigh an t-slighe gu h-ifrinn, a' dol sìos gu seòmraichibh a' bhàis.*

### CAIB. VIII.

1 *Gairm, 6 teagasg luachmhor, 15 sochairean prìsel, 22 agus sìorruidheachd a' ghliocas, 32 Sòirbhlidh esan a gheibh gliocas, 36 agus esan a dhùllas i ni e cron d'a anam fèin.*

**N** ACH 'eil gliocas ag éigheach? agus nach 'eil tuigse a' cur a mach a gutha?

2 Air mullach nan àit àrda, làimh ris an t-slighe, ann am meadhon nan rathad *tha i* 'n a seasamh.

3 Làimh ris na geatachaibh, aig dol a stigh a' bhaile, far an tigear a steach air na dorsaibh tha i ag éigheach:

4 Ribhse, O fheara, tha mi ag éigheach; agus *tha* mo ghuth ri cloinn nan daoine.

5 A dhaoine baoghalta, tuigibh gliocas; agus amadana, tuigibh 'n ur cridhe.

6 Eisidibh, oir labhraidh mi air nithibh òirdheire; agus *bithidh* fosgladh mo bhilean air nithibh cearta.

7 Oir labhraidh mo bheul firinn; agus *is* gràineileachd aingidheachd do m' bhlìbh.

8 Ann an ceartas *tha* uile bhriathran mo bheoil; annta-san cha-n'èil ni air bith ole no fiar.

9 *Tha* iad uile soilleir dhà-san a thuigeas, agus ceart dhoibhsan a gheibh eòlas.

10 Gabhaibh mo theagasg, agus mi h-e airgid, agus eòlas thar an òr thaghta.

11 Oir *is* fearr gliocas na na clachan luachmhor; agus cha-n'èil na h-uile nithean a dh'fheudar a mhiannachadh r'an coimhmeas rithe.

12 Tha mise gliocas a'm' chòmhnuidh maille ri céill, agus *tha mi* faghail a mach eòlais air nithibh innleachdach.

13 *Is e eagal an Tighearn* 'an t-ole fhuathachadh; uabhar, agus àrdan, agus an droch shlighe, agus am beul fiar is fuathach leann.

14 *Is* leamsa comhairle, agus fìor ghliocas: *is* leamsa tuigse; *is* leamsa neart.

15 Leamsa rioghaichidh rìghrean, agus orduichidh uachdarain ceartas.

16 Leamsa riaghlaidh nachdarain, agus daoine mòra, uile bhreitheamhan na talmhainn.

17 Iadsan aig am bheil gràdh dhomh gràdh-aichidh mi; agus iadsan a dh'iarras mi gu moch gheibh iad mi.

18 *Tha* beartas agus urram maille rinnsa; saoi bhreas maireannach agus fircantachd.

19 *Is* fearr mo thoradh na òr. eadhon na òr fìor-ghlan; agus mo theachd-a-stigh na airgid taghta.

20 Air slighe a' cheartais treoraichidh mi; ann an meadhon chenman a' bhreitheanais;

21 A chum gu'n toir mi orra-san le'n ionmhuinn nì maoin a shealbhadh; agus lionaidh mi an ionmhasan.

22 Bha mise aig an Tighearn ann an toiseach a shlighe, roimh 'oibribh o shean.

23 O shìorruidheachd chuireadh suas mi, o'n toiseach, mun robh an talmh ann.

24 Mun robh doimhneachdan ann, ghineadh mise; 'n nair nach robh tobraichean ann, lán nìsgeachan.

25 Mun do shuidhicheadh na beanntan; roimh na enocaibh ghineadh mise.

26 Mun d'rinn e fathast an talmh, no na machraichean, no a' chuid a's àirde de dhùslach an domhain.

27 'N nair a dheasaich e na nèamhan, *bha* mìn sin; 'n nair a tharruing e cuairt air aghaidh na doimhne;

28 'N nair a dhaingnich e 'n t-athar shuas; 'n nair a neartaich e tobraichean na doimhne;

29 'N uair a thng e a reachd do'n fhairege, nach rachadh na h-nìsgeachan thar 'aithne; 'n nair a shuidhich e bunaitean na talmhainn;

30 An sin bha mise aige mar neach a dh'al-trumadh *maille ris*; agus bu mhi a thlachd gach là, a' deanamh gairdeachais 'n a fhianuis an còmhnuidh;

31 A' deanamh gairdeachais anns a' chnìd a dh'àitichear d'a thalamh, agus mo thlachd maille ri cloinn nan daoine.

32 A nis uime sin, a chlann, éisdibh rium; oir is sona *iadsan* a ghleidheas mo shlighean.

33 Eisdibh ri teagasg, agus bithibh glic, agus na diùltaibh e.

34 *Is* beannaichte an duine a dh'éisdeas rium, a' deanamh faire aig mo gheataibh gach là, a' feitheamh aig ursainnibh mo dhorsan.

35 Oir esan a gheibh mise, gheibh e beatha, agus gheibh e deadh-ghean o'n Tighearn.

36 Ach esan a pheacaicheas a'm aghaidhsa, nì e cron d'a anam féin: iadsan uile a dh'fhuathaicheas mi, gràdhaidh iad am bàs.

## CAIB. IX.

1 *Fòghlum* agus luach a' ghliocais. 13 *Tha bean amaideach àrd-ghuthach agus baoghalta*, 18 agus theid a h-aoidhean do dhoimhneachd ifrinn.

**T**HOG gliocas a tigh; shnaidh i a seachd puist:

2 Mharbh i a feoil; mheasg i a fion; dheasaich i mar an cudna a bord:

3 Chuir i mach a h-bìgean; tha i a' gairm air na h-àitibh a's àirde de'n bhaile:

4 Ge b'e neach a *tha* baoghalta, thigeadh e a stigh an so: rin-san a tha dhith tuigse tha i ag ràdh,

5 Thigibh, ithibh de m'aran-sa, agus òlaibh de'n fhìon a mheasg mi.

6 Tréigibh nithean amaideach, agus bithibh beò; agus imichibh air slighe na tuigse.

7 Esan a bheir achunnhasan do fhear-fochaid, gheibh e dha féin maslach; agus esan a chronaicheas an t-aingidh, *gheibh e* dha féin smal.

8 Na cronaich fear-fochaid, air eagal gu'm fuathaich e thu: cronaich an duine glic, agus gràdhaidh e thu.

9 Thoir teagasg do'n duine ghlic, agus bithidh e nì's glìce: teagaisg an duine cothromach, agus meudaichidh e ann am fòghlum.

10 *Is* e eagal an Tighearn toiseach a' ghliocais; agus *is* e eòlas air nithean naomha, tuigse.

11 Oir leamsa nithear do làithean lionmhor, agus cuirear ri bliadhnachaibh do bheatha.

12 Ma bhitheas tu glic, bithidh tu glic dhuit féin: ach *ma* bhitheas tu ri fochaid, is tu féin a mhàin a dh'iomchairs e.

13 *Tha* bean amaideach àrd-ghuthach; baoghalta, agus cha-n aithne dhi nì air bith:

14 Oir suidhidh i aig doras a tighe, air caithir, ann an àitibh àrda a' bhaile,

15 A ghairm orra-san a bhitheas a' dol seachad air an t-slighe, a' gabhail dìreach rompa.

16 Ge b'e neach a *tha* baoghalta, thigeadh e stigh an so; agus ris-san a tha dhith tuigse their i.

17 *Tha* na h-uìsgeachan a ghoidear milis, agus an t-aran a dh'ithear ann an uaigneas taitneach.

18 Ach cha-n'eil fhios aige gu *bheil* na mairbh an sin; ann an doimhneachdaibh ifrinn gu *bheil* a h-aoidhean.

## CAIB. X.

1 *Dionaidh Dia an t-ionracan*. 6 *Beannaichear am fìrean, ach sgriosar an t-amadan bith-bhrìathrach*. 12 *Folaichidh gràdh gach cìnta*.

25 *Thig sgriosair luchd-deanamh na h-eucèirt*, 31 ach cha ghluaisear am fìrean gu bràth.

**G**NATH-FHOCAIL Sholaimh. Nì mac glic athair subhach; ach *is* e mac amaideach dubhachas a mhàthar.



2 Cha-n'eil tairbhe ann an ionmhasaibh aingidheachd; ach saoraidh ionracas o'n bhàs.

3 Cha leig an Tighearn le anam an ionraice gort fhulang; ach sgaoilidh e maoin nan aingidh.

4 Ni làmh na leisge bochd; ach ni làmh nan dìchiollach beartach.

5 Esan a chruinnicheas anns an t-samh-radh, *is* mac glie e; ach esan a choidleas anns an fhogharadh, *is* mae maslach e.

6 *Bithidh* beannachdan air ceann an fhìre-in; ach còmhdaichidh foirmeart beul nan aingidh.

7 *Bithidh* euimhne an fhìrein beann-aichte; ach lobhaidh ainm nan aingidh.

8 Gabhaidh esan a tha glie 'n a chridhe aitheantan; ach tuitidh an t-amadan bith-bhriathrach.

9 Esan a ghluaiseas ann an ionracas, gluaisidh e gu tèaruainte; ach esan a chlaonas a shlighean, aithnìcheair e.

10 Esan a chaogas le 'shùil, bheir e aobhar bròin; agus tuitidh an t-amadan bith-bhriathrach.

11 *Is* tobar beatha beul an fhìrein; ach còmhdaichidh foirmeart beul nan aingidh.

12 Dùisgidh fuath aimhreitean; ach fol-aichidh gràdh gach coire.

13 Ann am bìlibh an duine thuigsich gheibhear gliocas; ach tha slat air son druim an tì a tha as eugmhais tuigse.

14 Ceilidh daoine glie na's aithne dhoibh; ach tha beul an amadain dlùth do sgrios.

15 *Is* e beartas an duine shaoibhir a chaithir làidir; *is* e milleadh nam bochd an uireasbhuidh.

16 Tha saothair an fhìrein chum beatha; teachd-a-stigh an aingidh chum peacaidh.

17 Tha esan a choimhideas fòghlum anns an t-slighe gu beatha; ach tha esan a dhùltas achmhasan air seacharan.

18 Esan a cheileas fuath le bìlibh cealgach, agus esan a labhras mi-chliu, *is* amadan e.

19 Ann an Ìonmhoireachd bhriathar cha bhithear saor o pheacadh; ach tha esan a choisgeas a bhilean glie.

20 Mar airgid taghta tha teangadh an fhìrein; ach tha cridhe nan aingidh mar ni nach fìù.

21 Beathaichidh bilean an fhìrein mòran; ach eugaidh na h-amadain a dhith tuigse.

22 Ni beannachadh an Tighearna saobhair, agus cha chuir e doilgheas 'n a chuidcachd.

23 Tha e mar shùgradh do'n amadan olc a dheanamh; ach tha gliocas aig fear na tuigse.

24 An ni a's eagal leis an aingidh, thig e air; ach dènaichear miann nam firean.

25 Mar a thèid an iona-ghaoth thairis, mar sin cha *bhi* an droch dhuine ni's mò; ach *is* bunait sìorruidh am firean.

26 Mar fhìon-geur do na fìaclaibh, agus mar dheataich do na sùilibh, mar sin tha'n leisgein dhoibhsan a chuireas uatha e.

27 Cuiridh eagal an Tighearna ri làithibh *duine*; ach giorraichear bliadhnachan nan aingidh.

28 *Bithidh* dùil nam firean 'n a aobhar aoibhneis; ach thèid as do dhòchas nan aingidh.

29 *Is* neart do na h-ionraic slighe an Tighearna; ach *thig* sgrios air luchd-deanamh na h-euceirt.

30 Cha ghluaisear am firean gu bràth; ach cha ghabh na h-aingidh còmhuidh air an talamh.

31 Bheir beul an fhìrein a mach gliocas; ach gearr as an teangadh fhiar.

32 Tha fios aig bìlibh an fhìrein air an nì a tha taitneach; ach *labhraidh* beul nan aingidh nithean fiara.

## CAIB. XI.

1 *Is taitneach le Dia an duine ionraic*, 5 *ach sgriosar an t-aingidh as a làthair*. 15 *Ciùrrar esan a thèid 'an urras air coigreach*. 20 *Is gràineileachd do'n Tighearna iadsan a tha fìar 'n an cridhe*. 30 *Gheibh am firean duais air thalamh*.

**T**HA meadhan mealltach 'n an gràineil-eachd do'n Tighearn; ach *is* taitneach leis toimhsean cearta.

2 'N uair a thig uabhar, thig masladh; ach aig na h-iriosail tha gliocas.

3 Seòlaidh ionracas nam firean iad; ach millidh fiaradh luchd dò-bheirt iad fèin.

4 Cha bhi tairbhe ann an saobhreas 'an là na feirge; ach saoraidh fireantachd o'n bhàs.

5 Seòlaidh fireantachd an duine ionraic a shlighe; ach trid 'aingidheachd fèin tuitidh an t-aingidh.

6 Saoraidh fireantachd nan ionraic iad; ach glacar luchd-easaontais 'n an olc fèin.

7 'N uair a bhàsaicheas an droch dhuine, thèid as d'a dhòchas; agus teirigidh dùil luchd-euceirt.

8 Saorar am firean o theinn; ach thig an droch dhuine 'n a àite.

9 Le 'bheul millidh cealgair a choimhears-nach; ach trid eòlais saorar na fireanan.

10 'N uair a dh'éireas gu maith do na fireanaibh, ni am baile gairdeachas; agus an uair a sgriosar na h-aingidh, *bithidh* luathghaire am.

11 Le beannachadh nan ionraic àrdaichear baile; ach le beul nan aingidh leagar e.

12 Ni esan a tha as eugmhais gliocais tàir air a choimhearsnach; ach bithidh fear na tuigse 'n a thosd.

13 Ìmichidh fear tualais mu'n euairt a' foillseachadh nithean dìomhair; ach esan a tha fìrinneach 'n a spiorad, ceilidh e ni.

14 Far nach 'eil comhairle, tuitidh sluagh; ach ann an Ìonmhoireachd luchd-comhairle tha tèaruinteachd.

15 Ciùrrar gu goirt esan a bhitheas 'an urras air coigreach; ach esan a dh'fhuathaicheas luchd-urrais, bithidh e tèaruinte.

16 Gheibh bean ghràsail urram; agus eos-  
naidh daoine laidir saobhbreas.

17 Nì an duine iochdmhor maith d'a  
anam féin; ach esan a tha an-iochdmhor,  
elaoilidh e 'fheoil féin.

18 Oibrihidh an droch dhuine obair  
mhealltach; ach aige-san a chuireas fir-  
eantachd *bithidh* duais chinnteach.

19 Mar so *tha* fireantachd chum beatha;  
ach esan a leanas an t-olc, *leanaidh e* chum  
a bhàis féin e.

20 *Is* gràineileachd do'n Tighearn iadsan  
a tha fiar 'n an cridhe; ach *is* taitneach leis  
iadsan a tha ionraic 'n an slighe.

21 *Ged dh'iadhadh* làmh mu làimh, cha  
bhi an droch dhuine gun pheanas; ach  
saorair sìochd nam firean.

22 *Mar* fhailbheag òir ann an sròin muice,  
*tha* bean sgiamhach agus i as eugmhais  
tuigse.

23 *Tha* miann nam firean a mhàin maith;  
ach *is* e dòchas nan aingidh fearg.

24 Tha neach ann a sgapas, agus fàsaidh  
e nì's saobhire; agus *tha* e ann a chumas  
aige fhéin tuilleadh 's a tha ceart, ach *thig*  
*e* gu bochduinn.

25 Nithear an t-anam fial sultmhor; agus  
an ti a dh'uisgicheas, uisgichear mar an  
ceudna e féin.

26 Esan a thaisgeas sìol, mallaichidh an  
sluagh e; ach *bithidh* beannachd air ceann  
an ti a reiceas.

27 Esan a dh'iarras maith gu dùrachd-  
ach, gheibh e deadh-ghean; ach an ti a  
dh'iarras olc, *thig an t-olc* air féin.

28 Esan a dh'earbas as a shaoibhbreas, tuit-  
idh e; ach mar ghéig, *thig* na fireanan fo  
bhlàth.

29 Esan a chuireas a theaghlach féin fo  
bhuaireas, *bithidh e* 'n a oighre air a'  
ghaoith; agus an t-amadan 'n a sheirbhis-  
each dhà-san a tha glic 'n a chridhe.

30 *Is* craobh beatha toradh an fhèin;  
agus *tha* esan a chosnas anaman glic.

31 Feuch, bheirear luigheachd do'n fhìr-  
ean air an talamh; nach mò na sin do'n  
aingidh agus do'n pheacach.

## CAIB. XII.

1 *Dionaidh Dia an duine maith, ach ditidh e*  
*fear nan droch innleachd.* 14 *Iocar luig-*  
*eachd a làmh do gach neach.* 22 *Tha bilean*  
*nam breug 'n an gràineileachd do Dhia.*

**E**SAN a ghràdhaicheas fòghlum, gràdh-  
aichidh e eòlas; ach esan a dh'fhuath-  
aicheas achmhasan, *tha e* amaidheach.

2 Gheibh duine maith deadh-ghean o'n  
Tighearn; ach ditidh e fear nan droch inn-  
leachd.

3 Cha daingniehear duine le h-aingidh-  
eachd; ach cha ghluaisear freumh nam  
firean.

4 *Tha* bean mhaith 'n a erùn d'a fear; ach  
mar lobhadh 'n a ehnàmh *tha* isc a nàir-  
icheas e.

5 *Is* ceartas smuaintean nam firean; ach  
*is* cealg comhairle nan aingidh.

6 *Is* iad briathran nan aingidh feall-fheith-  
eamh air son fola; ach tearnaidh beul nan  
ionraic iadsan.

7 Tilgear na h-aingidh bun os ceann, agus  
cha *bhi* iad ann; ach seasaidh tigh nam fir-  
ean.

8 A réir a ghliocais molar duine; ach nith-  
ear dimeas air-san a tha fiar 'n a ehridhe.

9 *Is* fearr esan air an deantar tàir, agus a  
tha 'n a sheirbhiseach dha féin, na esan a  
bheir urram dha féin, agus a bhitheas a dhith  
arain.

10 Bithidh eùram aig an duine ionraic de  
bheatha 'aिमhidh; ach *is* an-iochdmhor  
truacantaìs nan aingidh.

11 Esan a threabhas 'Thearann, sàsuichear  
le h-aran e; ach esan a leanas daoine diomh-  
ain, *tha e* gun tuigse.

12 Miannaichidh an t-aingidh hòn dhroch  
dhaoine; ach bheir freumh nam firean  
*toradh.*

13 Le peacadh *a* bhilean ribear an droch  
dhuine; ach theid am firean as o aire.

14 De thoradh *a* bheoil sàsuichear duine  
le maith; agus iocar luigheachd làmh duine  
dha féin.

15 *Tha* slighe an amadain ceart 'n a shùil-  
ibh féin; ach *tha* esan a dh'èisdeas ri comh-  
airle, glic.

16 Aithnìchear air ball fearg an amadain;  
ach ceilidh duine ciallach masladh.

17 *Esan* a labhras an fhìrinn, foillsichidh  
e ceartas; ach *foillsichidh* fianuis bhreug-  
ach cealg.

18 *Tha* dream ann a labhras mar lotaibh  
claidheimh; ach *is* slàinte teangadh nan  
daoine glice.

19 Bithidh bilean na fìrinn seasmhach gu  
bràth; ach cha *bhi* an teangadh bhreugach  
ach car tiota.

20 *Is* cealg a bhitheas ann an cridhe luchd-  
deilbh an uile; ach do luchd-comhairle na  
sithe *bithidh* gairdeachas.

21 Cha-n éirich aimhleas air bith do'n fhìr-  
ean; ach lionar na h-aingidh le h-olc.

22 *Is* gràineileachd do'n Tighearn bilean  
nam breug; ach *is* iad an dream a nì gu  
fìrinneach, a thlachd.

23 Ceilidh duine ciallach eòlas; ach foill-  
sichidh eridhe nan amadan amaidheachd.

24 Riaghlaidh làmh nan dìchiollach; ach  
bithidh *làmh* na leigse fo eòis.

25 Nì iomagain ann an eridhe duine a  
chromadh sìos; ach nì focal maith sòlasach e.

26 *Is* fearr am firean na a choimhearsnach;  
ach cuiridh slighe nan aingidh air seacharan  
iad féin.

27 Cha ròist an leisgein a shithionn; ach  
*is* luachmhor saobhbreas an duine dhìch-  
iollaich.

28 Ann an slighe na fireantachd *tha*  
beatha; agus 'n a ceum cha-n'èil bàs.



## CAIB. XIII.

- 1 *Cuiridh duine glic faire air a bheul.* 12  
*Ni an dòchas 'am bi dàil, an cridhe tinn.* 20  
*Sgriosar companach nan aingidh.*

**EISDIDH** mac glic ri teagasg 'athar; ach cha-n éisd fear na fochaid ri achmhasan.

2 De thoradh a bheoil ithidh duine ni maith; ach *ithidh* anam nan eucorach ainneart.

3 Esan a choimhideas a bheul, gleidhidh e 'anam; ach esan a dh'fhosglas a bhilean, *thig* sgrios air.

4 Miannaichidh anam an leisgein, agus cha *bhi aige*; ach nithear anam nan dìchiollach sultmhor.

5 Is beag air an fhìrean na breugan; ach fàsaidh an droch dhuine gràineil, agus nàirichear e.

6 Gleidhidh fireantachd esan a tha ionraic 'n a shlighe: ach elaidhidh aingidheachd am peacach.

7 Tha neach ann a ghabhas air a bhi beart-ach, agus gun ni air bith *aige*; tha neach ann a ghabhas air a bhi bochd, agus mòr shaoibhreas aige.

8 *Is* e éric anama duine a shaoibhreas; ach cha chluinn am bochd achmhasan.

9 Ni solus nam firean aoibhneach; ach cuircear as lèchran nan aingidh.

10 O uabhar a mlàin thig consasachadh; ach aig na daoineibh a ghabhas deadh chomhairle *tha* gliocas.

11 Lughdaichearsaoibhreas an dìomhanais; ach esan a chruinnichas le saothair, meudaichidh e.

12 Ni an dòchas a bhitheas fada gun choimhlionaidh, an cridhe tinn; ach *is* craobh beatha am miann 'n uair a thig e.

13 Esan a ni tàir air focal, millear e; ach esan air am bi eagal roimh àithne, gheibh e luigheachd.

14 *Is* tobar beatha lagh an *duine* ghlic, chum dol as o fiontaibh a' bhàis.

15 Bheir tuigse mhaith deadh-ghean; ach *is* cruaidh slighe luchd-eusaontais.

16 Ni gach duine ciallach a ghnothuch le h-eòlas; ach leigidh an t-amadan ris 'amaideachd.

17 Tuitidh an droch theachdair ann an ole; ach *is* slàinte an teachdair dileas.

18 Bochdainn agus nàire *bithidh* dhàsan a dhiùltas fòghlum; ach an ti aig am bi meas air achmhasan, gheibh e urram.

19 Is milis do'n anam am miann a choimhlionair; ach *is* beag air amadanaihb dealachadh ris an ole.

20 An ti a shiùbhlas le daoineibh glie, bithidh e glie; ach sgriosar eompanach nan amadan.

21 Leanaidh ole peacaich; ach do na fireanaibh iocar maith.

22 Fàgaidh duine maith oighreachd aig

cloinn a chloinne; ach taisgear do'n fhìrean maoin a' pheacaich.

23 *Bithidh* mòran bith ann an treabhadh nam bochd; ach bithidh neach ann a sgriosar a dhith breitheanaiss.

24 An ti a chaomhnas a shlat, is beag air a mhac; ach an ti leis an ionmhuinn e, smaehdaichidh se e 'n a thràth.

25 Ithidh am firean gu sàsachadh 'anama; ach bithidh dith air broinn nan aingidh.

## CAIB. XIV.

- 1 *Claonaidh an t-amadan a shlighe,* 9 *agus ni e magadh de'n pheacadh.* 20 *Le' choimhearsnach fèin fuathaichear an duine bochd.* 29 *Is duine glic esan a tha mall chum feirge.*

**CUIRIDH** gach bean ghlic a tigh suas; ach leagaidh a' bhean amaideach sìos e le a lànhan fèin.

2 Esan a ghluaisceas 'n a ionracas, bithidh cagal an Tighearn' air; ach esan a tha fiar 'n a shlighibh, ni e tàir air.

3 Ann am beul an amadain *tha* slatuabhair; ach gleidhidh bilean nan daoine glie iad.

4 Far nach bi daimh, *bithidh* a' phrasaeh glan; ach *bithidh* fàs mòr le neart an dàimh.

5 Cha dean an fhianuis dhileas breug; ach labhraidh an fhianuis chealgach breugan.

6 Iarraidh fear na fochaid gliocas, agus cha-n *fhaigh* e; ach do'n ti a thuigeas *tha* eòlas furasda.

7 Imich á làthair an duine amaidich, 'n uair nach mothaich thu ann bilean an eòlais.

8 *Is* e gliocas an duine chiallaich a shlighe a thuigsinn; ach *is* cealg amaideachd nan amadan.

9 Ni amadain magadh air a pheacadh; ach am measg nam firean *tha* deadh-ghean.

10 Is aithne do chridhe *duine* scarbhadas 'anama; agus 'n a aoibhneas eha bhi comhroinn aig coigreach.

11 Tilgear tigh nan aingidh bun os ceann; ach thig pàillun nan ionraic fo bhlàth.

12 Tha slighe ann a chithear dìreach le duine; ach *is* iad a crìoch slighean a' bhàis.

13 Ann an gàire fèin bithidh an eridhe brònach; agus *is* e deireadh an t-subhachais sin tùrse.

14 Le 'shlighibh fèin lìonar esan a thionndaidh air ais 'n a chridhe; agus uaith fèin *sàsuaichear* an duine maith.

15 Creididh an duine baoghalta gach focal; ach bheir an duine ciallach an aire d'a cheum.

16 Bithidh eagal air an duine ghlic, agus tréigidh e 'n t-ole; ach tha-n t-amadan borb agus dàn.

17 An ti air am bi fearg gu h-obann, ni e gu h-amaideach; agus fuathaichear fear nan droch innleachd.

18 Sealbhaichidh daoine baoghalta amaid-eachd mar oighreachd; ach crìnar na daoine ciallach le h-eòlas.

19 Cromaidh droch dhaoine an làthair dhaoine maith, agus na h-aingidh aig geataibh an fhìrean.

20 Eadhon le 'choimhearsnach féin fuath-  
aichear duine bochd; ach *is* fionnhor iad  
leis an ionmhuinn an duine saoi-bhir.

21 An ti a nì tàir air a choimhearsnach,  
peacaichidh e; ach *is* sona an ti a ghabhas  
truas do na bochdaibh.

22 Nach téid iadsan air seacharan a  
dhealbhas an t-olc? ach *bithidh* tràcair  
agus fìrinn acasan a dhealbhas am maith.

23 Anns gach saothair bithidh tairbhe;  
ach *thig* cainnt nam bilean a mhàin gu  
h-uireasbhuidh.

24 *Is* e crùn nan daoine glie an saoi-bh-  
reas; ach *is* amaideachd amaideachd nan  
amadan.

25 Saoraidh fianuis fhìor amaman; ach  
labhraidh *fianuis* chealgach breugan.

26 Ann an eagal an Tighearna *tha* aobhar  
earbsaidh fàidir; agus aig a chloinn bithidh  
didean.

27 *Is* e eagal an Tighearna tobar na beatha,  
chum dol as o fiontaibh a' bhàis.

28 Ann an fionnhoireachd sluagh *tha*  
urram an rìgh; ach ann an dìth sluagh *tha*  
milleadh na uachdarain.

29 An ti a tha mall chum feirge, *tha* e  
pàit ann an tuigse; ach esan a tha dian 'n a  
spiorad, ardaichidh e amaideachd.

30 *Is* e beatha na feòla cridhe fallain; ach  
*is* e lobhadh nan cnàmh an tnu.

31 An ti a shàruicheas am feumach, mas-  
luichidh e a Chruith-fhear; ach bheir an  
ti sin urram dha, a ghabhas truas do'n  
bhochd.

32 'N a aingidheachd fuadaichear air falbh  
an t-aingidh; ach bithidh dòchas aig an  
fhìrean 'n a bhàs.

33 Ann an cridhe an duine thuigsich  
gabhaidh gliecas tàmh; ach aithnìchear *an*  
*nì* a *tha* 'n taobh a stigh nan amadan.

34 Ardaichidh fìreantachd cinneach; ach  
*is* e am peacadh masladh sluagh air bith.

35 *Bithidh* deadh-ghean an rìgh aig seir-  
bhiseach glie; ach bithidh 'fhearg 'n a  
aghaidhsan a bhitheas 'n a aobhar naire.

## CAIB. XV.

1 *Is* craobh beatha teagadh nan daoine glie. 8  
*Tha* iobairt nan aingidh 'n a gràineileachd do  
Dhia. 27 Bheir esan a tha samtach 'n a  
chridhe buaireas air a thigh féin.

**P**ILLIDH freagradh mìn corruich; ach  
dùisgidh briathran garga fearg.

2 Cuiridh teagaidh nan daoine glie 'an  
cèill eòlas gu ceart; ach dòirtidh beul nan  
amadan a mach amaideachd.

3 *Tha* sùilean an Tighearn' anns gach àit,  
ag amhare air na droch dhaoinibh' agus air  
na deadh dhaoinibh.

4 *Is* craobh beatha teagadh fhallain; ach  
*is* briseadh spioraid fìaradh innte.

5 Nì amadan tàir air teagasg 'athar; ach  
*is* ciallach an ti a bheir an aire do aeh-  
mhasan.

6 Ann an tigh an fhìrean *tha* mòran ion-

mhais; ach ann an teachd-a-stìgna an aing-  
idh *tha* buaireas.

7 Sgaoididh bilean nan daoine glie eòlas;  
ach cha *dean* cridhe nan amadan mar sin.

8 *Is* gràineileachd do'n Tighearn iobairt  
nan aingidh; ach *is* i urnuigh nan ionraic a  
thlachd.

9 *Is* gràineileachd do'n Tighearn slighe an  
aingidh; ach *is* ionmhuinn leis an ti a leanas  
an dèigh fireantachd.

10 *Is* searbh smachdachadh dhà-san a  
thréigean an t-slighe; ach gheibh esan le'm  
fuathach aehmhasan, bàs.

11 *Tha* fìrinn agus sgrios fa chomhair an  
Tighearna; cia mòr a's mò na sin eridh-  
eachan chloinn nan daoine?

12 Cha toigh le fear-fochaid esan a chro-  
nicheas; agus a dh'ionnsuidh dhaoine glie  
cha téid e.

13 Nì cridhe subhach gnùis shuilibhir; ach  
le bròn a chridhe brisear an spiorad.

14 Iarraidh cridhe an duine thuigsich  
eòlas; ach beathaichear beul nan amadan  
le amaideachd.

15 *Tha* uile làithean an duine thruaigh  
olc; ach *is* cuirm a ghnàth an cridhe ait.

16 *Is* fearr beagan le h-eagal an Tigh-  
earna, na ionnhas mòr, agus buaireas leis.

17 *Is* fearr tràth-bidh de luibhibh, far am  
bì gràdh, na damh biadhtha agus fuath  
leis.

18 Dùisgidh fear feargach comsachadh;  
ach esan a tha mall chum feirge, ciùinichidh  
e ainnheir.

19 *Tha* slighe an leisgein mar ghàradh  
droighinn; ach *tha* rathad nan ionraic air a  
dheanamh rèidh.

20 Nì mac glie athair aoibhneach; ach nì  
mac amaideach tàir air a mhàthair.

21 *Is* aobhar aoibhneis amaideachd dhà-  
san a tha as eugnais ghlocais; ach imich-  
idh fear na tuigse gu dìreach.

22 Gun chomhairle, thig rùintean gu neo-  
nì; ach ann an fionnhoireachd luchd-comh-  
airle daingnìchear iad.

23 Bithidh aoibhneas aig duine le freag-  
radh a bheòil; agus focal 'n a thràth, cia  
maith e!

24 *Tha* slighe na beatha shuas do'n duine  
ghlic, chum dol as o fìrinn shìos.

25 Sgriosaidh an Tighearn tigh nan uaibh-  
reach; ach daingnichidh e crìoch na ban-  
traich.

26 *Is* gràineileachd do'n Tighearn smuain-  
tean dhroch dhaoine; ach *is* briathran  
taitneach *briathran* nam fìor-ghlan.

27 Bheir esan a tha samtach air buann-  
achd, buaireas air a thigh féin, ach bithidh  
esan le'm fuathach duais-bhratha, beò.

28 Smuainichidh cridhe an fhìrean ciomus  
*is* còir dha freagradh; ach dòirtidh beul nan  
aingidh a mach droch nìthan.

29 *Tha* 'n Tighearn fada o na h-aingidh;  
ach cìsidh e ri h-urnuigh nam fìrean.



30 Ni solus nan sùl an cridhe aoibhneach; agus bheir deadh chliu smior do na cnàmhan.

31 Gabhaidh a' chluas a dh'èisdeas ri ach-mhasan na beatha còmhuidh an measg nan daoine glìce.

32 An ti a dhiùltas fòghlum, ni e tàir air 'anam féin; ach an ti a dh'èisdeas ri ach-mhasan, gheibh e tuigse.

33 Is e eagal an Tighearna fòghlum a' ghliocais; agus roimh urram *tha* irioslachd.

## CAIB. XVI.

1 *Tha Dia'n a Bhreitheamh os ceann gach dùile, 16 Oirdheirceas a' ghliocais, 27 Gnàthaichidh an duine mì-dhiadhaidh aingidheachd an còmhuidh.*

**T**HA deasachadh cridhe duine, agus freagradh na teagaidh o'n Tighearn.

2 Tha uile shlighean duine glan 'n a shùil-bh féin; ach cothromaichidh an Tighearn na spioraid.

3 Tabhair d'oire thairis do'n Tighearn, agus daingnichear do smuaintean.

4 Rinn an Tighearn gach ni air a shon féin, agus mar an ceudna an t-aingidh air son là an uile.

5 Is gràineileachd do'n Tighearn gach neach a tha uaibhreach 'n a chridhe: *ged dh'iadhadh làmh mu làmh, cha bhi e gun pheanas.*

6 Trid tròcair agus frinn glanar euceart; agus trid eagail an Tighearna tréigear an t-ole.

7 An uair a ghabhas an Tighearn tlachd ann an slighibh duine, bheir e air a naimhdeb féin a bhi ann an sìth ris.

8 Is fearr beagan le h-ionracas, na teachd a-stigh mòr gun cheartas.

9 Smuainichidh cridhe duine air a shlighe; ach is e'n Tighearn a stiùreas a cheuman.

10 Tha faistneachd air bilibh an rìgh: ann am breitheanas cha dean a bheul euceart.

11 Is leis an Tighearn toimhsean agus meidhean cearta: *is iad uile chlachan-tomhais a' mhàla 'obair-san.*

12 Is gràineileachd do rìghribh aingidheachd a dheanamh; oir le h-ionracas daingnichear an rìgh-chaithir.

13 Is taitneach do rìghribh bilean an ionracais; agus is ionmhuinn leo esan a labhras *nìthean* cearta.

14 Tha fearg rìgh mar theachdairean bàis; ach ciùinichidh duine glìc i.

15 Ann an solus guise rìgh *tha* beatha; agus *tha* a dheadh-ghean mar neul an uisge dheireannaich.

16 Cia mòr *is* fearr gliocas fhaotainn na òr? agus *is* ròghnaiche tuigse fhaotainn na aingiod?

17 Is e rathad mòr nan ionraic an t-ole a thréigsinn: an ti a choimhideas a shlighe, gleidhidh e 'anam.

18 Roimh sgrios *théid* uabhar; agus roimh leagadh, spiorad àrdanach.

19 Is fearr a bhi de spiorad iriosal maille

riu-san a tha ciùin, na a' cùreach a roim maille ris na h-uaibhrich.

20 An ti a ni gnothuch gu tuigseach, gheibh e maith; agus an ti a dh'earbas as an Tighearn, *is* sona e.

21 Goirear duine crìonna de'n ti a tha glìc 'n a chridhe; agus meudaichidh mìlseachd nam bilean fòghlum.

22 Is tobar beatha an tuigse do'n ti aig am bheil i; ach *is* amaideachd fòghlum nan amadan.

23 Ni cridhe an duine ghlic a bheul tuigseach, agus air a bhilibh cuiridh e fòghlum.

24 Mar chùr-mheala *tha* briathran taitneach, mìlis do'n anam, agus 'n an slàinte do na cnàmhan.

25 Tha slighe ann a tha ceart ann an sealladh duine; ach *is* iad slighean a' bhàis a crìoch.

26 An ti a shaothraichas, saothraichidh e air a shon féin; oir iarraidh a bheul air e.

27 Cladhaichidh an duine mì-dhiadhaidh ole; agus air a bhilibh *bithidh* mar theine loisgeach.

28 Togaidh an duine fiar aimhreit; agus dealaichidh fear na cogarsaich càirdean dlùtha.

29 Meallaidh fear an fhoirneirt a choimhearsnach, agus bheir e air imeachd air slighe nach *'eil* maith.

30 Druididh e a shùilean chum smuaineachadh air nithibh fiara; a' gluasad a bhilean, bheir e ole gu crìch.

31 Is coron gloire an ceann liath, a gheibhear ann an slighe an ionracais.

32 Is fearr an ti a tha mall chum feirge na gaisgeach; agus an ti a riaghlas a spiorad féin na esan a ghlacas àrd-bhaile.

33 Anns an uchd tilgear an crannchur; ach is ann o'n Tighearn a *tha* a riaghladh gu léir.

## CAIB. XVII.

1 *Dearbhaidh Dia smuaintean cridhe an duine.*

7 *Cha-n'èil mòralachd ciatach do luchd-deanamh na h-eucirt. 19 Sgriosar an neach a ghràdhaidheas aimhreit.*

**I**S fearr greim tioram, agus suaimhneas leis, na tigh làn iobairtean maille ri h-aimhreit.

2 Riaghlaidh seirbhiseach tuigseach os ceann a' mhic a bhitheas 'n a aobhar nàire; agus am measg nam bràthar roinnidh e an oighreachd.

3 Tha a' phoit-ghlanaidh air son an aingid, agus an amhuinn air son an òir; ach dearbhaidh an Tighearn na cridheachan.

4 Bheir an droch dhuine an aire do bhilibh na h-eucirt; éisdidh am breugaire ri teangaidh an aimhleis.

5 An ti a ni fanoid air a' bhochd, bheir e masladh d'a Chruith-fhear: an ti a ni gairdeachas ri dòruinn, cha bhi e neò-chiontach.

6 Is iad clann an cloinne coron sheann

daoine agus *is* iad an aithrichean urram cloinne.

7 Cha-n'èil cainnt na mòralachd ciatach do'n amadan: nach lugha na sin a *tha* bilcan na bréige ciatach do dhuine mòr.

8 *Is* clach uasal tiodhlac ann an sùilibh an ti aig am bi e; ge b'e taobh gus an tionndaidh e, soirbhichidh leis.

9 An ti a cheileas lochd, cosnaidh e gràdh; ach esan a dh'aithrisceas ni, dealaichidh e cairdean.

10 Drùthaidh achmhasan nì's mò air duine glic, na ceud buille air amadan.

11 *Is* ceannaire a mhàin a dh'iarras an droch dhuine; uime sin cuirear teachdair an-ìochdmhor 'n a aghaidh.

12 Tachaireadh math-ghamhuin air call a cuileinean air duine, nì's luaithe na amadan 'n a amaideachd.

13 Ge b'e 'dh'ìocas olc air son maith, cha dealaich olc r'a thigh.

14 *Mar gu'n* leigeadh neach a mach uisgeachan, *tha toiseach* aimhreit'; uimesin mu'n sgaoil a' chomhstri, leig dhìot i.

15 *Tha'n* ti a shaoras an t-aingidh, agus an ti a dh'iteas am firean, aràon 'n an gràin-eileachd do'n Tighearn.

16 Car son a *tha* luach ann an làimh amadain a dh'fhaotainn gliocais, agus e gun chridhe aige?

17 Anns gach àm gràdhaichidh caraid; agus rugadh bràthair fa chomhair teinn.

18 *Is* duine gun tuigse a bhuaileas a làmh, a theid 'an urras 'am fianuis a charaid.

19 Gràdhaichidh esan peacadh, a ghràdh-aicheas aimhreit: an ti a dh'àrdaicheas a dhorus, iarraidh e sgrios.

20 An ti a *tha* fiar 'n a chridhe, cha-n fhaigh e maith; agus an ti a *tha* lùbach 'n a theangaidh, tuitidh e ann an olc.

21 An ti a ghineas amadan, *gìnidh se e* chum a dhoilgheis féin; oir cha bhi sòlas aig athair amadain.

22 Ni cridhe subhach maith *mar* leigh-eas; ach tiormaichidh spiorad briste na cnàmhan.

23 Bheir droch dhuine tiodhlac á 'uchd, a chlaonadh shlighean a' bhreitheanais.

24 Fa chomhair an duine thuigsich *tha* gliocas; ach *tha* sùilean amadain ann an iomall na talmhainn.

25 *Tha* am mac amaideach 'n a dhoilgheas d'a athair, agus 'n a shearbhadas dh'ise a rug e.

26 Mar an ceudna cha-n'èil e maith peanas a dheanamh air an fhìrean, *no* àrd uaislean a bhuaidh air son ceartais.

27 Caomhnaidh an ti aig am bheil eòlas a bhriathran; agus bithidh fear na tuigse eiuin 'n a spiorad.

28 Measar an t-amadan féin, 'n uair a bhitheas e 'n a thosd, 'n a dhuine glic; agus an ti a dhruideas a bhilean, 'n a dhuine tuigsach.

## CAIB. XVIII.

1 *Cha-n'èil* tlachd aig an amadan ann an gliocas. 10 *Tha an Tighearn* 'n a thàr làidir dhoibhsan a chuireas an dòigh ann. 21 *Ann an cumhachd na teangaidh* *tha bàs agus beatha.*

**A** REIR a thograidh iarraidh esan a sgaras e féin, agus buinidh e ris gach gliocas.

2 Cha-n'èil tlachd aig an amadan ann an tuigse, ach gu'm foillsicheadh a chridhe e féin.

3 An uair a thig an t-aingidh, thig mar an ceudna tarcuais, agus maille ri mì-chliu masladh.

4 *Mar* uisgeachan domhain *tha* briathran beòil duine; *mar* shruth sgaoilteach *tha* tobar a' ghliocais.

5 Cha-n'èil e maith gabhail ri gnùis an droch dhuine, chum am firean a thilgeadh bun os ceann ann am breitheanas.

6 Théid bilean an amadain ann an aimhreit, agus gairmidh a bheil air buillibh.

7 *Is* e beul amadain a sgrios, agus *is* iad a bhilean ribe 'anama féin.

8 *Tha* briathran fir na cogarsaich mar lot-aibh, agus théid iad sìos gu ionadaibh ìochd-arach a' chuim.

9 Mar an ceudna an ti sin a *tha* leasg 'n a obair, *is* bràthair e do'n mhillteir mhòr.

10 *Is* tùr làidir ainm an Tighearna: ruithidh am firean d'a ionnsuidh, agus bithidh e tèaruinte.

11 *Is* e beartas an duine shaoibhir a chaithir làidir, agus mar bhalla àrd 'n a bheachd féin.

12 Roinn sgrios bithidh cridhe duine uaibhreach, agus roinnh urram *bithidh* iroslachd.

13 An ti a bheir freagradh ann an eòis mu'n cluinn e *i*, *is* amaideachd agus nàire dha e.

14 Giùlainidh spiorad duine a laigse: ach cò a's urrainn spiorad briste a ghiùlan?

15 Gheibh cridhe an duine chrìonna eòlas; agus iarraidh cluas nan daoine glice eòlas.

16 Ni tiodhlac duine àite dha, agus bheir e an làthair dhaoine mòra e.

17 *Saoilear* gu'm bheil a' chòir aige-san, a *tha* air thoiseach ann an agairt a chùise; ach thig a choimhearsnach, agus ramsaichidh se e.

18 Bheir an cranncheur air aimhreitibh sgur, agus roinnidh e eadar na cumhachd-aich.

19 *Tha* bràthair air a bhrosnachadh nì's cruaidhe r'a chosnadh na caithir làidir; agus *tha* aimhreitcan bhràithrean mar chrannaibh lùchairt.

20 Le toradh beòil duine lìonar a bhrù; agus le toradh a bhilean sàsuichear e.

21 *Tha* bàs agus beatha ann an cumhachd na teangaidh; agus ithidh esan leis an ion-mhuinn i d'a toradh.



22 An ti a dh'amaiseas air mnaoi, amaisidh e air ni maith, agus gheibh e deadh-ghean o'n Tighearn.

23 Le h-impidibh labhraidh an duine bochd; ach freagraidh an duine saobhir gu garbh.

24 Feumaidh fear aig am bi cairdean, cairdeas a nochdadh; agus tha caraid ann a leanas ni's dlùithe na bràthair.

## CAIB. XIX.

1 Bàsaichidh an t-anam a bhitheas amaideach agus as eugmhais còlais. 16 Eiridh gu maith dhà-san a ghlèidheas tagh air Tighearna. 26 Bheir mac aingidh masladh agus nàire air athair.

**I**S fearr am bochd a ghluaiseas 'n a ionracas, na esan a tha fiar 'n a bhillibh, agus e 'n a amadan.

2 Mar an ceudna cha mhaith do'n anam a bhi as eugmhais còlais; agus an ti a ni cabhag le 'chasaibh, tuisichidh e.

3 Claonaidh amaideachd duine a shlighe, agus an aghaidh an Tighearna ni a chridhe gearan.

4 Ni saobhreas mòran chairdean; ach sgarar am bochd o a charaid.

5 Cha bhi fianuis bhreugach gun pheanas; agus an ti a labhras breugan, cha téid e as.

6 Iarraidh mòran deadh-ghean an duine mhòir; agus bithidh gach duine 'n a charaid do fhear nan tiodhlac.

7 Bheir uile bhràithrean an duine bhochd fuath dha: nach mò na sin a théid a chairdean 'am fad uaith; leanaidh e iad le briathraibh, ach tha iad gun éifeachd.

8 An ti a gheibh gliocas, gràdhachidh e 'anam féin; an ti a ghlèidheas tuigse, gheibh e maith.

9 Cha bhi fianuis bhreugach gun pheanas; agus sgriosar an ti a labhras breugan.

10 Cha-n'éil aoibhneas iomchuidh do amadan; is lughda na sin do sheirbhiseach riaghladh o' ceann uachdarana.

11 Ni tuigse duine mall chum feirge, agus is i a ghloir amharc thairis air eucoir.

12 Mar bheucaich leòmhain tha fearg rìgh; ach mar dhrùchd air fear tha a dheadh-ghean.

13 Is aobhar doilgheis d'a athair mac amaideach; agus mar shìor-shileadh uisge tha aìmhreitean innà.

14 Is iad oighreachd aithrichean tigh agus saobhbreas; ach is ann o'n Tighearn a tha bean chiallach.

15 Bheir leisge air duine tuiteam ann an trom chodal; agus fuilingidh an t-anam dìomhanach ocras.

16 An ti a ghlèidheas an àithne, gheidhidh e 'anam féin; ach an ti a ni tàir air a shligibh, gheibh e bàs.

17 An ti a ghabhas truas do'n bhochd, bheir e air iasachd do'n Tighearn; agus an ni a bheir e uaith, iocaidh e dha a ris.

18 Smachdaich do mhac am feadh a tha

dòchas d'a thaobh, agus na caomhnadh d'anam air son a gheairin.

19 Fuilingidh fear na feirge mòire peanas; oir ma shaoras tu e, feumaidh tu 'dheanamh a ris.

20 Eisd ri comhairle, agus gabh fòghlum, chum gu'm bi thu glic ann ad làithibh deireannach.

21 Is lionmhor na smuaintean ann an cridhe duine; ach is i comhairle an Tigh-earn' a sheasas.

22 Is e tlachd duine a chaoimhneas; agus is fearr duine bochd na breugaire.

23 Treòraichidh eagal an Tighearna gu beatha, agus gheibh esan a bhitheas air a lìonadh leis fois; cha-n fhiosraichear le h-olc e.

24 Folaichidh an leisgein a làmh 'n a bhrollach; uircad as chum a bheòil cha tabhair e i a ris.

25 Buail fear-fochaid, agus bithidh an duine neo-gheur air 'thaicill; agus cronaidh duine tuigseach, agus tuigidh e còlais.

26 An ti a chreachas 'athair, agus a dh'fhògras a mhàthair, is mac a bheir nàire agus masladh e.

27 Sguir, a mhic, a dh' éisdeachd ris an teagasg a chuireas air seacharan o bhriathraibh an còlais.

28 Ni fianuis aingidh tareuis air breitheanas; agus slugidh beul dhroch dhaoine euceart.

29 Dh'ulluicheadh breitheanas do luchd-fochaid, agus buillean do dhruim nan amadan.

## CAIB XX.

1 Tha e 'n a ni urramach fantuinn o aìmhreit.

10 Is gràineileachd do Dhia tomhas meallach.

22 Cha chòir do neach olc iocadh air son uile.

**I**S eagalach an ni fìon, is buaireasach an ni deoch làidir; agus ge b'e neach a mheallair leo, cha-n'éil e glic.

2 Mar bheucaich leòmhain tha eagal rìgh; an ti a bhrosnuicheas e gu feirg, peacaichidh e an aghaidh 'anama féin.

3 Is urramach an ni do fhear fantuinn o aìmhreit; ach measgaidh gach amadan innnte.

4 Air son an fhuachda cha treabh an leisgein; iarraidh e déire anns an fhogharadh, ach cha-n fhaigh e.

5 Mar uisge domhain tha comhairle ann an cridhe duine, ach tairngidh fear na tuigse nìos i.

6 Gairmidh mòran dhaoine gach aon diubh a mhaithreas féin; ach cò a gheibh duine fìrinneach?

7 Gluaisidh am firean 'n a ionracas: sona bithidh a mhic 'n a dhéigh.

8 'N uair a shuidheas rìgh air caithir-bhreitheanas, sgaoilidh e gach olc le 'shùilbhih.

9 Cò a dh'fheudas a ràdh, Ghlan mi mo chridhe, tha mi glan o m' phacadh?

10 Aon chothrom agus cothrom eile, aon

soitheach-tomhais agus soitheach-tomhais  
*eile*, is gràineileachd iad araon do'n Tighearn.

11 Aithnìchear eadhon leanabh le a bheusaibh, an *bì* a dheanadas glau, agus an *bì* e ceart.

12 A' chluas a chluinneas, agus au t-sùil a chi, rinn an Tighearn iad araon.

13 Na gràdhach codal, air cagal gu'n tig thu gu bochdainn; fosgail do shùileau, agus sàsuichear thu le h-araun.

14 Cha-n fhiù, cha-n fhiù, ars' an ceannuiche; ach an uair a dh'imicheas e roimhe, an sin ui e uaill.

15 Tha òr ann, agus mòran de chlachaidh luachmhor; ach *is* iad bilean au eòlais an seud a's luachmhoire.

16 Gabh cudach an ti a chaidh 'au urras air coigreach; agus air son bava-choigrich gabh an geall uaith.

17 *Is* milis le duine aran na ceilge; ach 'n a dhéigh sin lionar a bheul de ghameamh.

18 Daingnìchear gach tionnsgnath le comhairle; agus le comhairle ghlic dean cogadh.

19 A' foillseachadh nithean dìomhair, imichidh fear-tuaileis mu'n cuairt: uime sin ris-san a ui miodal le 'bhilibh ua bith-eadh gnothuch agad.

20 Ge b'e uhalluicheas 'athair, no a mhàthair, cuir ear as a lòchran ann an duibhre dorchadais.

21 Feudar oighreachd fhaotainn gu luath an toiseach; ach chabhi a crìoch beannaichte.

22 Na h-abair, Iocaidh mi olc air son uile: feith air an Tighearn, agus saoraidh e thu.

23 *Is* gràineileachd do'n Tighearn *aon* chlach-thomhais agus clach-thomhais *eile*, agus cha-n'èil meidhean mealltach maith.

24 Is ann o'n Tighearn *a tha* ceuman duine; oir ciouus a thuigeas duine a shlighe féin?

25 *Is* ribe e do dhuine itheadh de'n ni a tha naomh, agus an déigh bhòidean a bhi 'fiosrachadh.

26 Sgapaidd rìgh glic na h-aingidh, agus bheir e air an roth teachd thairis orra.

27 *Is* e spiorad duine lòchran an Tighearn', a' sgrùdadh gach ionaid an taobh a stigh de'n chomh.

28 Gleidhidh tràceair agus fìrinn rìgh; seadh, le tràceair daingnìchear a rìgh-chaitheir.

29 *Is* e urram dhaoine òga an neart; agus *is* e maise sheaun daoine, an ceann liath.

30 Glanaidh guirme cneidhe olc; mar sin glanaidh buillean na bheil au taobh a stigh de'u chomh.

## CAIB. XXI.

1 *Rannsaichidh Dia* cridhe an duine. 15 *Rògh-naichidh am fìrean breitheanas.* 27 *Tha robairt nan aingidh 'n a gràineileachd an làthair Dhé.*

**M**AR shruthaibh uisgeachan *tha* cridhe rìgh ann an làimh an Tighearna: ge b'e taobh is àill leis, tionudaidhidh se e.

2 *Tha* uile shlighean duine ceart 'u a shùilbh féin; ach measaidh an Tighearn ua cridheachan.

3 Ceartas a dheanamh agus breitheanas, *is* ròghnaiche leis au Tighearn ua òbairt.

4 *Is* peacach sealladh àrd, agus cridhe naibhreach, lòchran nan aingidh.

5 *Bheir* gu deimhin smuaintean an duine dhìchiollaich gu pailteas; ach *thig* gach neach a tha gun fhoighidin da rìreadh gu dìth.

6 Iomhanas fhaotainn le teagaidh bhreug-aich, *is* dìomhanas e air a luasgadh a null agus a uall aig an dream a dh'iarraas am bas.

7 Sgrìosaidh reubainn nan aingidh iad, a chionn gu'n diùlt iad breitheanas a dheanamh.

8 Fiar agus coimheach tha slighe duine; ach *a thaobh* an fhìor-ghloiu, *tha* a dheanadas dìreach.

9 Is fearr còmhnuidh a ghabhail ann an oisinn mullaich tìghe, na maille ri mnaoi aimhreiteich ann an tìgh farsuim.

10 Miannaichidh anam an aingidh olc: cha-n fhaigh a choinhearsnach deadh-ghean 'n a shùilbh.

11 An uair a nithear peanas air fear-fochaid, fàsaidh am baoghalta glic; agus an uair a theagaisgear an duine glic, gheibh e eòlas.

12 Bheir am fìrean an aire gu glic do thigh an aingidh: tilgear na h-aingidh bun os ceann air son an aingidheachd.

13 Au ti a dhruideas a chluas ri glaoth an duine bhochd, glaothaidh e féin mar an ceudna, ach cha-n éisdear ris.

14 Cùinichidh tiòdlac ann an dìomhair-eachd fearg; agus duais 's an uchd, corruich dhian.

15 *Is* aoibheanas do'n fhìrean breitheanas a dheanamh; ach *thig* sgrìos air luchd-deanamh na h-euceirt.

16 An duine a théid air seacharan o shlighe na tuisge, fanaidh e ann an còimhthional nam marbh.

17 *Bithidh* esan 'n a dhuine bochd aghràdh-aicheas sògh; an ti a ghràdhaidheas fìon agus oladh, cha-n fhàs e saobhir.

18 'N a éiric air son au fhìreiu *bithidh* an t-aingidh, agus air son nan ionraic an duine fealltach.

19 *Is* fearr còmhnuidh a ghabhail ann am fàsach, na maille ri mnaoi aimhreiteich agus fheargach.

20 *Tha* iomhanas taitneach agus oladh ann an àite-còmhnuidh an duine ghlic; ach caithidh an t-amadan e.

21 An ti a leanas fìreantachd agus tràceair, gheibh e beatha, fìreantachd, agus urram.

22 Do chaithir nan daoine treuna streapaidh an duine glic, agus leagaidh e sìos neart a h-earbsa.

23 An ti a ghleidheas a bheul agus a



theangadh, gleidhidh e 'anam o theanntach-daibh.

24 Fear-magaidh uaibhreach àrdanach is ainm dhàsan, a ghiùlainneas e féin ann an corruich an uabhair.

25 Marbhaidh miann an leisgein e; oir diùltaidh a lèmhain obair a dheanamh.

26 Air feadh an là sanntaichidh e gu mòr; ach bheir am firean uaith, aguscha chaomhain e.

27 Is gràieileachd ìobairt nan aingidh: cia mòr is mò, 'n uair a bheirear suas i le droch rùn?

28 Sgriosar fianuis bhreugach; ach an ti a dh'èisdeas, labhraidh e chum *deadh* chriche.

29 Cruaidhichidh an droch dhuine 'eudan; ach ni esan a tha ionraic a shlighe dìreach.

30 Cha-'nèil gliocas, no tuigse, no comhairle ann, an aghaidh an Tighearna.

31 Deasaichear an t-each fa ìomhair là a' chatha; ach is ainm o'n Tighearna a tha tèaruinteachd.

## CAIB. XXII.

1 *Trid eagail an Tighearna tha urram agus beatha. 9 Beannaichear esan aig am bheil sùil thruacanta, 16 ach esan a shàruicheas am bochd thig e gu h-uireasbhuidh. 24 Is còir fear na fèirge a sheachnadh.*

**I**S ròghnaiche ainm maith na mòr shaoibhreas, agus deadh ghean na airgid agus òr.

2 Coinnichidh am beartach agus am bochd a chéile: is e'n Tighearna a riun iad gu léir.

3 Chi an duine crionna olc, agus folaichidh se e féin; ach gabhaidh na daoine baoghailta air an aghaidh, agus fuilingidh iad peanas.

4 Trid irioslachd [agus] eagail an Tighearna, *thig* saoihbreas, agus urram, agus beatha.

5 Tha droighionn agus ribeachan ann an slighe an duine fhiar: an ti a ghleidhcas 'anam féin, théid e 'am fad uatha.

6 Teagaisg leanabh a thaobh na slighe air an còir dha imeachd; agus an uair a bhitheas e sean, cha tréig e i.

7 Riaghaidh am beartach os ceann nam bochd; agus *bithidh* an ti a ghabhas 'an coingheall 'n a sheirbhiseach dhà-san a bheir 'an coingheall.

8 An ti a shìol-chuireas euceart, buainidh e dìomhanas; agus caithear slat 'fheirge.

9 Beannaichear esan aig am bheil sùil fhial; oir bheir e d'a aran do'n bhochd.

10 Tilg a mach am fear-fochaid, agus théid connsachadh a mach; seadh, sguridh combhstri agus masladh.

11 An ti leis an ionmhuinn gloine cridhe, is taitneach a bhilean, *bithidh* an rìgh 'n a charaid aige.

12 Coinnichidh shùilean an Tighearn' eòlas; ach tilgidh e bun os ceann briathran a' chiontaich.

13 Thair an leisgein, *Tha* lèdmhan am muigh, anns na sràidibh marbhar mi.

14 Is slochd domhain beul bhan coimichach; an ti a's gràineil leis an Tighearn, tuitidh e ann.

15 Tha amadeachd ceangailte ann an cridhe leinibh; ach cuiridh slat an smachdachaidh fada uaith i.

16 An ti a shàruicheas am bochd a mheudachadh a *mhaoin* féin, agus an ti a bheir do'n t-saoibhir, *thig* e gu deimhin gu h-uireasbhuidh.

17 Aom do chluas, agus éisd ri briathraibh dhaoine glice, agus socraich do chridhe air m'eòlas-sa:

18 Oir is taitneach an *ni* e, ma ghleidhcas tu iad ann ad chom, ma bhitheas iad araon deas air do bhilibh.

19 Chum gu'm bitheadh d'earbsa as an Tighearn, nochd mi dhuit au diugh, eadhon dhuit-sa.

20 Nach do sgrìobh mi dhuit nithean òir-dheire', ann an comhairlibh, agus ann an eòlas?

21 Chumgu nochdainn duit cinnte bhriathar na firinn; chum gu'm freagradh tu briathran na firinn dhoibhsan a chuireas fios a d'ionnsuidh?

22 Na creach am bochd a chionn gu'm *bheil* e bochd, agus na sàruich an truaghan anns a' gheata:

23 Oir tagraidh an Tighearn an cùis, agus nullidh e anam na muinntir' a mhilleas iad.

24 Na dean suas cairdeas ris an fhear-gach; agus maille ri fear na h-àrd-chorruich na h-imich;

25 Air eagal gu'n iunnsaich thu a shlighean, agus gu'm faigh thu ribe do d'anam.

26 Na bi dhiubh-san a bhuailcas an lèmhain, no dhiubh-san a théid 'an urras air son fhiach.

27 Mur 'eil *ni* agad gu dìoladh, c'ar son a bheirteadh uait do leabadh a tha fodhad?

28 Na h-atharraich an seanu chomharadh-criche, a shuidhich d'aithrichean.

29 *Ma* chi thu fear a bhitheas ealamh 'n a ghnothuichibh, seasaidh e an làthair rìghrean, cha seas e an làthair dhaoine ìosal.

## CAIB. XXIII.

1 *Tha saoihbreas talmhaidh neo-tharbhach. 15 Is còir leanabh a smachdachadh. 21 Thig am misgeir agus an geòcaire gu bochdainn. 29 Buinidh bròn dhàsan a dh'iaras fion measga.*

**A**N UAIR a shuidheas tu a dh'itheadh maille ri h-uachdaran, thoir an roaire do na *bheil* fa d' chomhair;

2 Agus cuir sgian ri d' sgornan, ma's duine thu air do thabhairt do gheocaireachd.

3 Na miannaich a nithean mìlse; oir is biadh mealltach iad.

4 Na saothraich gu fàs saoiibhir; leig dhìot do ghliocas féin.

5 An cuir thu do shùilean air an *ni* nach 'eil ann? oir gu cinnteach *ni saoihbreas*

sgriathan dha féin, mar iolaire a dh'itealaicheas chum nan nêamh.

6 Na h-ith aran an *tì aig am bheil* droel shùil, agus na miannaich a nithean milse.

7 Oir mar a smuainicheas e 'n a anam, mar sin *bithidh* e: Ith agus òl, their e riut, aeh eha *bhì* a chridhe leat.

8 An greim a dh'ith thu, sgeithidh tu nìos, agus caillidh tu do bhriathran milse.

9 Na labhair ann an elusaibh amadain; oir ni e tàir air gliocas do bhriathar.

10 Na h-atharraich an seann chomharadh-erliche; agus air ahaibh nan dilleadhan na bris a steach:

11 Oir *tha* am fear-saoraidh eumhachd-ae; tagraidh e an chis a'd' aghaidh.

12 Aom do chridhe ri fòghlum, agus do chnasan ri briathraibh eòlais.

13 Na eum smachdaeadh o leanabh; oir *ma* bhuaileas tu e le slait, eha-n fhaigh e bàs.

14 Buailidh tu e le slait, agus saoraidh tu 'anam o ifrinn.

15 A mhie, ma bhitheas do chridhe glic, ni mo ehridhe-sa gairdeachas, eadhon mo ehridhe-sa:

16 Seadh, ni m'airnean gairdeachas, 'n uair a labhras do bhilean nithean earta.

17 Na gabhadh do ehridhe farmad ri peacaich: aeh *bi* ann an eagal an Tighearn' air feadh an là uile.

18 Oir gu deimhin tha erioch ann; aeh eha ghearrar as do dhòchas.

19 Eisd thusa, a mhie, agus bi glie, agus treòraich do ehridhe anns an t-slighe.

20 Na bi am measg phòiteirean fiona; am measg luchd comh-ithidh geòdeach feòla.

21 Oir thig am misgeir agus an geòcaire gu bochdainn; agus eudaichidh turra-chodal *duine* le huideagaibh.

22 Eisd ri d'athair a ghin thu, agus na dean tàir air do mhàthair 'n uair a bhitheas i aosda.

23 Ceannaich an fhìrinn, agus na reic i; *mar an ceudna* gliocas, agus fòghlum, agus tuigse.

24 Ni athair an fhìrein mòr ghairdeachas; agus ni esan a ghineas *mac* glic, aoibhneas ann.

25 Ni d'athair agus do mhàthair aoibhneas, agus ni ise a rug thu gairdeachas.

26 A mhie, thoir dhomhsa do ehridhe, agus còmhaidh do shùilean mo shlighean.

27 Oir *is* sloehd domhain strìopach; agus *is* sloehd eumhann bana-choigreach.

28 Tha i mar an ceudna ri feall-fheitheamh mar chreachadair, agus cuiridh i luchd-dòbheirt ann an Ìomhoireachd am measg dhaoine.

29 Cò d'am *buin* truaighe? cò a *tha* ri bròn? cò aig am *bheil* comsachadh? cò a *tha* ri gearan? cò aig am *bheil* lotan gun aobhar? cò aig am *bheil* deirge shùil?

30 Iadsan a dh'fhanas fad' aig an fhìon iadsan a theid a dh'iarraidh fiona measgta.

31 Na h-amhaire thusa air an fhìon an nair a bhitheas e dearg, 'n uair a bheir e a dhath 's a' chupan, a theid e sìos dìreach.

32 Ma dheireadh teumaidh e mar nathair, agus mar an rìgh-nathair sàthaidh e a ghath.

33 Amhaireidh do shùilean air mnaibh còmhacach, agus cuiridh do chridhe 'an cèill nithean cliona:

34 Agus bithidh tu mar an ti a luidheas sìos ann am meadhon na fairge, no mar esan a luidheas air bàrr croim-siùil.

35 Bhuail iad mi, *their thu*, agns cha robh mi tinn; ghabh iad orm, agns eha do mhothaich mi: c'uin a dhùisgeas mi? an sin iarraidh mi fathast e.

## CAIB. XXIV.

1 *Cha chòir do neach farmad a ghabhail ri droch dhaoibh.* 11 *Rannsaichidh Dia an cridhe, agus iocaidh e do gach duine a réir a ghnìomharan.* 30 *Bochdainn an duine leis.*

**N**A gabh farmad ri droch dhaoibh, agus na miannaich a bhi maille rin:

2 Oir smuainichidh an eridhe air milleadh, agus labhraidh am bilean mu dhonas.

3 Le gliocas togar tigh, agus le tuigse daingnichear e;

4 Agus le h-còlas lìonar a sheòmrachan leis gach saoihbheas luachmhor agus taitneach.

5 *Tha* 'n duine glie 'n a *dhuine* làidir; agus tha fear an eòlais trenn ann an neart.

6 Oir le comhairle ghlie ni thu do chogadh; agus ann an Ìomhoireachd chomhairleach *tha* tèaruinteaeidh.

7 *Tha* gliocas àrd air son amadain; anns a' gheata na fosgladh e a bheul.

8 Esan a smuainicheas air ole a dheanamh, goirear fear nan droch innleachd dheth.

9 *Is* peacadh smuaintean na h-amaideachd; agus *is* e fear na foelaid gràin dhaoine.

10 *Ma* dh'fhannaicheas tu ann an là an àmhghair, *is* beag do neart.

11 *Ma* dhearmadas tu iadsan a thairngear eumh bhis, agus iadsan a tha ullamh gu bhi air am marbhadh a thearnadh;

12 *Ma* their thu, Feuch, cha robh fios againn air so; nach toir esan a chothrom-aiheas an eridhe fainear? agus nach bi fios aige-san a choimhideas d'anam? agns nach ioe e do gach duine a réir a ghnìomharan?

13 A mhie, ith thusa mìl, a chionn g'n'm *bheil i* mailh, agus a' ehir mheala a *tha* milis do d' bhlas.

14 Mar sin *bithidh* eòlas a' ghliocais do d'anam, ma gheibh thu *e*; agus an uair a thig do ehrioch, cha ghearrar as do dhòchas.

15 Na dean feall-fholach, a dhroch dhimine, an aghaidh àite-còmhnuidh an fhìrein; na ereach 'ionad-tàmh.

16 Oir seachd nairean tuitidh am fìrean, agns éiridh e *ris*; ach tuitidh na h-aingidh ann an ole.



17 An uair a thuiteas do nàmhaid, na bi aobhneach, agus an uair a thuistlicheas e, na deanadh do chridhe gairdeachas:

18 Air eagal gu'n faic an Tighearn, agus gu'm bi e ole 'n a shùilibh, agus gu'n tionndaidh e 'fhearg uath.

19 Na bitheadh campar ort mu dhroch dhaoineibh, agus na gabh farmad ris na h-aingidh:

20 Oir cha bhi crìoch mhaith air an droch dhuine; cuirear lòchran nan aingidh as.

21 A mhic, bitheadh eagal an Tighearn' agus an rìgh ort: riu-san aig am bheil atharrachadh giùlain na bitheadh gnothuch agad:

22 Oir gu h-obann thig an dòruinn; agus cò d'am fios an sgrios arao?

23 *Buinidh* na nithean so mar an ceudna do dhaoineibh glìce. Cha mhaith an nì gnùis aithneachadh ann am breitheanas.

24 Eusan a their ris an aingidh, *Tha* thu cothromach, malluichidh an sluagh e; gabhaidh na fineachan gràin deth.

25 Ach bithidh toil-inntinn aca-san a chronaicheas e, agus thig beannachadh uath orra.

26 Pògar bilean an ti a bheir freagradh ceart.

27 Ulluich d'obair am muigh, agus deasaich i dhuit féin anns an achadh, agus 'n a dhéigh sin tog do thigh.

28 Nàb'ad 'fhanuis gun aobhar an aghaidh do choimhearsnaich; agus na meall le d' bhlilibh.

29 Na h-abair, Mar a rinn e orm, mar sin ni mi air: òcaidh mi do'n duine a reir 'òibre.

30 Ghabh mi seachad air fearann an duine leisg, agus air fion-lios an duine gun tuigse;

31 Agus, feuch, bha e uile air fas suas le chuaranaibh, chomhdaich an canntagach 'aghaidh, agus bhriscadh sìos a bhalla cloiche.

32 An sin chunnaic mi, thug mi an aire gu maith; dh'amhaire mi, fhuair mi fòghlum.

33 Fathast beagan codail, beagan clò-chodail, beagan pasgaidh nan làmh gu codal:

34 An sin thig do bhochdaim mar fhear-siubhail, agus d'uircasbhuidh mar dhuine fo armaibh.

## CAIB. XXV.

1 *Gnàth-fhocail mu thimchioll rìghrean.* 8 *Cha-n'eil e iomchuidh dol a mach gu h-obann gu strì.* 18 *Tha fear na fianuis-bhréige mar chlaideamh agus mar shaignead gheur.*

2 *S* iad so mar an ceudna gnàth-fhocail Sholaimh, a dh'ath-sgrìobh daoine Hese-ciah rìgh Iudah.

2 *Is i* glòir Dhé ni a cheiltinn; ach *is e* urram rìghrean ni a rannsachadh.

3 *Tha* neamh air àirde, agus an talamh air doimhne, agus cridhe rìghrean do-rannsachaidh.

4 Buin an salchar o'n airgiod, agus thig soitheach a mach do'n òr-cheard.

5 Buin an droch dhuine á lathair an rìgh,

agus daingnichear ann am fireantachd a rìgh-chaitir.

6 Na gabh urram dhuit féin ann am fianuis rìgh, agus na seas ann an àite dhaoine mòra:

7 Oir *is* fearr gu'n abrar riut, Thig a nìos an so, na gu'n cuirear sìos thu 'am fianuis an uachdarain a chunnaic do shùilean.

8 Na gabh a mach gu h-obann gu strì, air eagal *nach bi fios agad* ciod a ni thu 'n a dhéigh sin, an uair a bheir do choimhearsnach gu nàire thu.

9 Tagair do chùis ri d' choimhearsnach; agus na foillsich rùn-dìomhair do neach eile:

10 Air eagal gu'n cuir an ti a chluinneas gu nàire thu, agus nach atharraichear do mhiasadh.

11 *Mar* àbhlan òir ann an dealbhan airgid, *tha* focal a labhrar gu h-ìomchuidh.

12 *Mar* chluas fhàinne òir, agus mar usgair de'n òr fhìor-ghlan, *tha* fear-cronachaidh glìce aig chuais fhurachair.

13 Mar fhuachd sneachda ann an àm an fhogharaidh, *tha* teachdair dìleas dhoibh-san a chuireas uatha e; oir ath-bheothaichidh e anam a mhaighstir.

14 *Mar* neoil agus *mar* ghaoith gun uisge *tha* am fear a ni uail á tiodhlac gu breugach.

15 Le fad-fhulangas cuirear impidh air uachdaran, agus brisidh teangadh mhìn enàimh.

16 An d'fhuair thu mìl? ith nì's leòr dhuit dith; air eagal gu'n làn-shàsuichear thu, agus gu'n sgeith thu i.

17 Tarruing do chos á tigh do choimhearsnaich, air eagal gu'm bi e sgith dhìot, agus gu'm fuathaich e thu.

18 *Is* ord, agus claidheamh, agus saighead gheur, am fear a bheir fianuis bhréige an aghaidh a choimhearsnaich.

19 *Mar* fhiacail bhrìste, agus *mar* chois as an alt, *tha* earbsa á duine neo-dhìleas ann an là airce.

20 *Mar* esau a bheir air falbh eudach ann an là fuachda, *mar* fhìon-geur air creag-shalainn, mar sin *tha* esan a sheinuas drain do'n chridhe thùirseach.

21 Ma bhitheas do nàmhaid ocrach, thoir aran dha r'a itheadh; agus ma bhitheas e òtmhor, thoir uisge dha r'a òl:

22 Oir carnaidh tu éibhlean teine air a cheann, agus bheir an Tighearn luigheadh dhuit.

23 Cuiridh a' ghaoth á tuath air falbh an t-uisge; mar sin *cuiridh a'* ghnùis fheargach *air falbh* teangadh a' chùl-chàinidh.

24 *Is* fearr còmhuidh a ghabhail ann an oisinn mhullaich tìghe, na maille ri mnaoi aimhreitich ann an tigh farsuinn.

25 *Mar* uisgeachan fuara do'n anam thart mhòr, mar sin *tha* deadh sgeul á tìr chéin.

26 *Mar* thobar air a chur troimh a chéile, agus *mar* fhuaran air a thruaileadh, *tha*

am firean a thuislicheas 'am fianuis an aingidh.

27 Cha-n'èil e maith mòran meala itheadh; agus cha ghloir e do dhaoibh an glòir fèin iarraidh.

28 Mar mhor-bhaile briste sìos, gun bhalla, tha am fear aig nach 'èil ceannsal air a spiorad fèin.

CAIB. XXVI.

1 Tha urram neo-iomchuidh do'n amadan. 13 Mu thimchioll an leisgein; 17 agus an neach a ghabhas gnothuch ri conspoid nach buin da.

MAR shneachd 's an t-samhradh, agus mar uisge 's an fhogharadh, mar sin cha-n'èil urram iomchuidh do'n amadan.

2 Mar eun air faondradh, mar an gobhlan-gaoithe ag itealach, mar sin cha tig am mallachd gun aobhar.

3 Cuipe do'n each, srian do'n asal, agus slat do dhruim nan amadan.

4 Na freagair amadan a réir 'amaideachd, air eagal gu'm bi thu fèin cosmhuil ris.

5 Freagair amadan a réir 'amaideachd, air eagal gu'm bi e glic 'n a shùilb fèin.

6 Gearraidh esan dheth a chosan, òlaidh e dochann, a chuireas teachdaireachd le làimh amadain.

7 Cha-n ionann cosan a' bhacaich; mar sin tha gnàth-fhocal ann am beul amadan.

8 Mar neach a cheanglas clach ann an crann-tabhuill, mar sin tha esan a bheir urram do amadan.

9 Mar a théid bior suas ann an làimh misgeir, mar sin tha gnàth-fhocal ann am beul amadan.

10 Bheir an Dia mòr, a dhealbh gach nì, duais do'n amadan, agus bheir e duais do luchd-eusaontais.

11 Mar a philleas madadh chum a sgeith fèin, pillidh amadan chum 'amaideachd fèin.

12 Am bheil thu 'faicinn duine a tha glic 'n a bharaill fèin? tha aobhar dòchais nì's mò de'n amadan na dheth-san.

13 Their an leisgein, Tha leòmhann 's an t-slighe, leòmhann anns na sràidibh.

14 Mar a thionndaidheas an doras air a lùdnain, mar sin an leisgein air a leabaidh.

15 Folaichidh an leisgein a làmh 'n a bhrollach; is doilich leis a toirt chum a bheòil.

16 Is glice an leisgein 'n a bharaill fèin, na seachdnar a bheir freagradh gu ceart.

17 Mar neach a bheireas air madadh air a chluasaibh, tha esan a théid seachad, agus a ghabhas gnothuch ri conspoid nach buin da.

18 Mar fhear air bhoile, a thilgeas leusan-teine, saighdean, agus bàs,

19 Mar sin tha am fear a mheallas a choimhearsnach, agus a their, Nach ann ri fala-dhà a tha mi?

20 Far am bi dìth connaidh, théid an teine as; agus far nach bi fear-cogarsaich, sguiridh a' chomh-stri.

21 Mar ghual do éibhlibh, agus mar

chonnadh do theine, mar sin tha fear nan ainmheit a dhùsgadh strì.

22 Tha briathran fir na cogarsaich mar lotaibh, agus théid iad sìos gu ionadaibh iochdarach a' chuim.

23 Mar shoitheach creadha air a chòmh-dachadh le sal airgid, tha bilean air lasadh agus cridhe olc.

24 Le 'bhilibh ceilidh an ti a dh'fhuath-aicheas; ach 's an taobh a stigh dheth taisgidh e cealg.

25 An uair a labhras e gu breagha, na creid e; oir tha seachd graineileachdan 'n a chridhe.

26 An ti a chòmhdaicheas 'fhuath le ceilg, foillsichear 'aingidheachd 'am fianuis a' chomh-chruinneachaidh.

27 An ti a chladhaicheas slochd, tuitidh e fèin ann; agus an ti a charuicheas clach, pillidh i air fèin.

28 Fuathaichidh an teagadh bhreugach iadsan d'an dean i dochair; agus oibrichidh am beul mìodalach sgrios.

CAIB. XXVII.

1 Cha chòir uail a dheanamh a thaobh an là maireach. 12 Seachnaidh an duine crìonna an t-olc, 23 agus bithidh aithne mhaith aig air staid a thighe.

NA dean uail a thaobh an là maireach; oir cha-n'èil fhios agad ciod a bheir là mu'n cuairt.

2 Moladh neach eile thu, agus na b'e do bheul fèin; coigreach, agus na b'iad do bhllean fèin.

3 Is trom clach, agus is cudthromach a' ghaineamh; ach is truime corruich amadain na iad le 'chéile.

4 Is an-ìochdmhor corruich, agus mar thuil tha fearg; ach eò a's urrainn scasamh 'am fianuis tnu?

5 Is fearr achmhasan follaiseach na gràdh folaichte.

6 Is dileas lotan caraid; ach is cealgach pògan eascaraid.

7 Gabhaidh an t-anam làn gràin de'n chùr-mheala; ach do'n anam ocrach is milis gach nì searbh.

8 Mar eun air seacharan o a nead, mar sin tha am fear a théid air seacharan o 'àite fèin.

9 Nì oladh-ungaidh agus deadh-fhaile an cridhe ait: mar sin nì mìlsead caraid duine le comhairle a chridhe.

10 Na tréig do charaid fèin, no caraid d'athar, agus na rach a steach do thigh do bhràthar ann an là d'annghair: is fearr coimhearsnach am fagus na bràthar fad as.

11 Big glic, a mhic, agus dean mo chridhe ait, agus bithidh freagradh agam dhàsan a bheir masladh dhomh.

12 Chi an duine crìonna olc, agus folaichidh se e fèin; ach gabhaidh na daoine baoghalta air an aghaidh, agus fuilingidh iad peanas.

13 Gabh cudach an ti a chaidh 'an urras



air coigreach, agus air son bana-choigrich gabh an geall uath.

14 An ti a bheannaicheas a charaid le guth àrd, ag éirigh gu moch 's a' mhaduinn, measar c' dha mar mhallachadh.

15 Tha sìor-shileadh uisge ann an là frasach, agus bean airmheiteach cosmhuil ri 'chéile.

16 Ge b'e 'dh'fhlaicheas i, folaichidh e a' ghaoth, agus oladh-ungaidh a làinhe deise a bhrathas i féin.

17 Geuraichear iarunn air iarunn, agus geuraichidh duine gnùis a charaid.

18 Ge b'e 'ghleidheas craobh-flùge, ithidh e d'a toradh; mar sin esan a dh'fheitheas air a mhaighstir, gheibh e urram.

19 Mar a' fhreagras aghaidh do aghaidh ann an uisge, mar sin freagraidh eridhe duine do dhuine.

20 Cha sàsuehear ifrinn agus léir-sgrìos, agus cha sàsuehear sùilean dhaoine.

21 Mara' phoit-ghlanaidh air son an airgid, agus an ànluinn air son an òir, mar sin tha duine do bheul an ti a mholas e.

22 Ged phronnadh tu amadan ann an soitheach-promaidh an measg cruithneachd le bruthadair, cha dealaich 'amaideachd ris.

23 Bithheadh aithne mhaith agad air staid do chaorach; thoir an aire do d' thrèdaibh.

24 Oir cha mhair beartas gu bràth: agus am mair an crùn o linn gu linn?

25 Nochdar am fear gearrta, agus taisbeanaidh am fear maoth e féin, agus cruinnichear luibhean nam beann.

26 Bithidh na h-uain chum d'eudaich; agus is iad na gabhar luach d'fhearainn.

27 Agus bithidh nì's leòr de bhainne ghabhar agad chum bìdh, chum bìdh do theaghlaich, agus chum beathachaidh do mhaighdeanan.

## CAIB. XXVIII.

1 Soirbhichidh leis an duine a ghluaiscas 'n a ionracas, 7 ach esan a nì gu h-àingidh tuitidh e 'n a shlochd féin.

**T**UEICHDH an t-àingidh, gun neach 'bhi 'an tòir air; ach bithidh na h-ionraic dàna mar leòmhann.

2 Air son eusaontais tìre bithidh mòran uachdaran oirre; ach le duine tuigseach eòlach nithear a staid buan.

3 Tha duine bohd a nì foirneart air boehdaibh, mar uisge millteach nach fàg biadh 'n a dhéigh.

4 Molaidh iadsan a thréigean an lagh na h-àingidh; ach nì iadsan a ghleidheas an lagh strì riu.

5 Cha tuig droch dhaoine breitheanas; ach tuigidh iadsan a dh'farras an Tighearn na h-uile nì.

6 Is fearr am bohd a dh'imieheas 'n a ionraeas, na esan a tha fiar 'n a shligibh, ged bhitheadh e saoi bhir.

7 An ti a ghleidheas an lagh, is mac glie e; ach esan a tha 'n a chompanach do luchd-aimehreit, nàirichidh e 'athair.

8 An ti a mheudaicheas a mhaoin le h-ocar agus le buannachd eucoraich, cruinnichidh e dhà-san a ghabhas truas de'n bhoehd.

9 An ti a thionndaidheas a chluas air falbh o chluinntinn an lagha, bithidh 'urnuigh féin 'n a graineileachd.

10 An ti a chuireas na fireanan air seacharan air droch shlighe, tuitidh e 'n a shlochd féin; ach mealaidh na h-ionraic nithean maithe.

11 Is glie duine saoi bhir 'n a bhàrill féin; ach rannsaichidh an duine bohd aig am bi tuigse mach e.

12 'N uair a nì na fireanan gairdeachas, bithidh glòir mhòr ann; ach an uair a dh'éireas na h-àingidh, folaichear duine.

13 An ti a dh'fhlaicheas a pheacaidhean, cha soirbhich leis; ach esan a dh'aidicheas agus a thréigean iad, gheibh e trèdcair.

14 Is beannaichte an duine air am bi eagal a ghnàth; ach esan a chruaidhicheas a chridhe, tuitidh e ann an ole.

15 Mar leòmhann beucach, agus marmhath-ghamhuin a ruitheas a null agus a nall, tha uachdaran àingidh os ceann shlaigh bhoehd.

16 Am fear-riaghlaidh aig nach 'eil tuigse, is mòr mar an eudna am fear-foirneirt e; ach an ti a dh'fhuathaicheas sannt, sìnidh e a làithean.

17 An duine a nì ainneart air fuil neach sam bith, teichidh e gu ruig an slochd; na camadh aon duine e.

18 An ti a ghluaiscas gu h-ionraic, tèarnar e; ach esan a tha fiar 'n a shligibh, tuitidh e dh'aon bheum.

19 An ti a threabhias 'fhearann, bithidh pailteas arain aige; ach esan a leanas an déigh dhaoine dìomhain, bithidh bohdainn gu leòr aige.

20 Bithidh duine firinneach pailt ann am beannachdaibh; ach esan a nì deifir gu 'bhi saoi bhir, cha bhi e neò-chiontach.

21 Cha mhaith an nì gnùis aithneachadh; gidheadh air son greim arain ciontaichidh duine.

22 Nì fear na droch shùla deifir gu 'bhi saoi bhir; ach cha-n 'eil fhios aige gu'n tig bohdainn air.

23 An ti a chronaicheas duine, 'n a dhéigh sin gheibh e nì's mòr de dhèadh-ghèan na esan a nì miodal le 'theangaidh.

24 An ti a nì reubainn air 'athair no air a mhàthair, agus a their, Cha-n'èil cionta ann, is companach e do fhear-millidh.

25 An ti aig am bheil cridhe àrdanach, dùisgidh e strì; ach esan a dh'earbas as an Tighearn, nithean sultmhòr e.

26 An ti a dh'earbas as a chridhe féin, is amadan e; ach esan a ghluaiscas gu glie, saorar e.

27 An ti a bheir do'n bhoehd, cha bhi dìth air; ach air an ti a dh'fhlaicheas a shùilean bithidh iomadh mallaehd.

28 'N uair a dh'éireas na h-àingidh, fol-

aichidh daoine iad fèin; ach an uair a sgriosar iad, fàsaidh na fireanau lìonmhor.

## CAIB. XXIX.

1 'N uair a riaghlas na fireanan soirbhichidh leis an t-sluagh. 15 Bheir an t-slat agus ach-mhasan gliocas do leanabh. 22 Mu thimchioll fèirge, 23 uabhair, 24 agus comh-roinn ri gaduiche.

A M fear a chroinichear gu minic, gidh-eadh a chruaidhicheas a uhuineal, sgriosar e gu h-obann, agus sin gun leigheas.

2 'N uair a bhitheas na fireanan cumhachdach, ni an sluagh gairdeachas; ach an uair a riaghlas na h-aingidh, ni an sluagh osnaich.

3 Am fear a ghràdhaicheas gliocas, ni e athair ait; ach esan a chumas cuideachd ri strìopaichean, caithidh e a mhaoin.

4 Le breitheanas daingnichidh an rìgh an tìr; ach sgriosaidh an fear a ghabhas tiòdh-lacan i.

5 Am fear a ni mìodal r'a choimhearsnach, sgaoilidh e lìon air son a chos.

6 Ann an eusaontas droch dhuine tha ribe; ach seinnidh am fireau, agus bithidh e aoihbheach.

7 Bheir am firean an aire do chùis nam bochd; ach cha ghabh an t-aingidh suim do eòlas a bhli aig' oirre.

8 Bheir luchd-fochaid baile ann an ribe; ach pillidh daoine glìce fearg.

9 Ma ni duine glìc strì ri duine amaid-each, co dhìubh a bhitheas fearg air, uo' ni e gàire, cha bhi fòis ann.

10 Fuathaichidh daoine fuileachdach an duine iouraic; ach iarraidh daoine cothromach 'anam.

11 Cuiridh amadan 'an cèill 'inntinn uile; ach cumaidh duine glìc a stigh i gus au dèigh sin.

12 Ma dh'èisdeas uachdaran ri breugaibh, bithidh a sheirbhiseich uile aingidh.

13 Coimnichidh am bochd agus an cealg-air a chéile; bheir an Tighearn solus d'an sùilbh araon.

14 Ma bheir rìgh breth air bochdaibh ann am firinn, daingnichear a rìgh-chainthir gu bràth.

15 Bheir an t-slat agus ach-mhasan gliocas uatha; ach cuiridh an leanabh a dh'fhàgar dha fèin nàire air a mhlàthair.

16 'N uair a bhitheas ua h-aingidh lìonmhor, bithidh eusaontas lìonmhor: ach chi na firean an leagadh.

17 Cronaich do uhac, agus bheir e suaimhneas dhuit: seadh, bheir e sòlas do d'anam.

18 Far nach 'eil taisbeanadh, theid an sluagh a dhith; ach an ti a choimhèdas au lagh, is sona esan.

19 Le briathraibh cha leasaichear seirbhiseach; oir ged thuig e, cha fhreagair e.

20 Am bheil thu faicinn duine a tha dian 'n a bhriathraibh? tha aobhar dòchais nì's mo de'n amadau na dheth-san.

21 Ma thogas neach a sheirbhiseach suas gu mùirneach o bha e 'n a leanabh, ma dheireadh bithidh e aige mar mliach.

22 Dhuigidh duine feargach aimhreit, agus bithidh fear na corruich pailt ann an eusaontas.

23 Islichidh uabhar duine e; ach gheibh esan a tha iriosal 'n a spiorad urram.

24 An ti a ni comh-roinn ri gaduiche, fuathaichidh e 'anam fèin: cluinidh e mall-achadh, ach cha-n fhoillsich e.

25 Bheir eagal duine ribe leis; ach ge b'e 'dli'earbas as an Tighearn, bithidh e tèaruinte.

26 Larraidh mòran deadh-ghean an uachd-arain; ach is ann o'n Tighearn a tha breitheanas gach duine.

27 Is e fear na h-euceirt gràineileachd nam firean; agus is e'n ti a tha ceart 'n a shlighe gràineileachd nan aingidh.

## CAIB. XXX.

1 Aideachadh Aguir mhic Iaceh. 7 'N a urnuigh dh'iarr e dà nì o Dhia. 11 Na ceithir ginealachan aingidh; 15 agus na ceithir nìhean nach sàsuteachar. 17 Ceithir nìhean do-thuisinn; 24 agus ceithir nìhean beaga a tha ro ghlic.

B BRIATHRAN Aguir mhic Iaceh, eadhon an fhàidheadaireachd: labhair an duine ri h-Itiel, eadhon ri h-Itiel agus ri h-Ucal.

2 Gu deimhin tha mi nì's amaidiche na duine air bith, agus cha-n'eil tuigse duine agam.

3 Agus cha d'fhòghluim mi gliocas, ni mò a tha còlas agam air nìthibh uaomha.

4 Cò a chaidh suas do nèamh, no 'thàinig a nuas? cò a chruinnich a' ghaoth 'n a dhornaibh? cò a cheangail na h-uisgeachan ann an trusgan? cò a shuidhich uile chriochan na talmhainn? ciod a's ainm dha? agus ciod e ainm a mhic, ma tha fhios agad?

5 Tha uile fhocal Dhé fìor-ghlan: is sgiath e dhoibhsan a chuireas an dòigh ann.

6 Na cuir-sa ni air bith r'a bhriathraibh, air eagal gu'n cronaich e thu, agus gu'm faighear breugach thu.

7 Dà ni dh'iarr mi ort; na diùlt iad dhomh mu'm faigh mi bàs.

8 Dìomhanas agus breugan cuir fada uam; na toir dhomh bogdaimn no beartas, beathaich mi le biadh a bhitheas iomchuidh air mo shon.

9 Air eagal gu'm bi mi làn, agus gu'n àicheadh mi thu, agus gu'n abair mi, Cò e au Tighearn? no gu'm bi mi bochd, agus gu'n goid mi, agus gu'u toir mi ainm mo Dhé ann an dìomhanas.

10 Na dean casaid air seirbhiseach r'a mhaighstir, air eagal gu'm mallaich e thu, agus gu'm faighear ciontach thu.

11 Tha ginealach ann a mhallachas an athair, agus nach beannaich au màthair.

12 Tha ginealach ann a tha glan 'u an



sùilbh féin, gidheadh nach 'eil air an nigh-eadh o an salchar.

13 *Tha* ginealach ann aig am bheil an sùilean àrda, agus fàbhraidhean an sùl air an togail suas.

14 *Tha* ginealach ann aig am bheil am fiacalan mar chlaidhean, agus am fiacalan-cùil mar sgeanan, a dh'itheadh suas nan truaghan o'n talamh, agus nam feumach o mheasg dhaoine.

15 Aig an deal-each tha dithis nighean, ag *éigheach*, Tabhair, tabhair. Tha tri nithean ann nach sàsuichear, seadh, ceithir nithean nach abair, *Is leòr e*:

16 An uaigh, agus a' bhrù neo-thorrach, an talamh nach sàsuichear le h-uisge, agus an teine nach abair, *Is leòr e*.

17 An t-sùil a' ni magadh air 'athair, agus a' ni tarcuis air ùmhhlachd do 'mhàthair, spionaidh fithich a' ghlinne a mach i, agus ithidh na h-iolairean òga suas i.

18 Tha tri nithean ann a's iongantach leam, seadh, ceithir nithean nach aithne dhomh:

19 Slighe iolaire anns na speuraibh, slighe nathrach air carraig, slighe luinge ann an meadhon na fairge, agus slighe fir le h-ògh.

20 Mar so tha slighe ban-adhaltranaich: ithidh i, agus glanaidh i a beul, agus their i, Cha d'rinn mi olc air bith.

21 Air son tri nithean aghluaisleadh an talamh, agus air son ceithir nach urrainn e 'ghlùlan:

22 Air son seirbhisich an uair a riaghlas e, agus air son amadain an uair a bhitheas e làn de bhìadh.

23 Air son mnà fhuathaich an uair a phòsar i, agus air son banoglaich an uair a bhitheas i 'n a h-òighre air a bana-mhaighstir.

24 Tha ceithir nithean beaga air an talamh, ach *tha* iad ro ghlic:

25 *Tha* ua seagain 'n an sluagh nach 'eil bìdir, gidheadh ulluichidh iad am biadh 's an t-samhradh;

26 *Tha* na coineanan 'n am muinntir nach 'eil neartmhor, gidheadh togaidh iad an tighean anns na creagaibh;

27 Cha-n'èil rìgh aig na locustaibh, gidheadh imichidh iad a mach uile 'n am buidh-nibh.

28 Gabhaidh an damhan-alluidh greim le a làmh, agus *bithidh* e ann an luchairtibh nan rìgh.

29 Tha tri nithean a dh'imicheas gu maith, seadh, ceithir, a tha tlachdmhor 'n an siubhal:

30 An leòmhlan a's treise am measg bhacath-aichean, agus nach pill air ais o aon air bith;

31 Mìol-chù, boc-gaibhre mar an ceudna, agus rìgh an aghaidh uach feudar éirigh.

32 Ma rinn thu gu h-amdaidheach le thu féin a thogail suas, no ma smuainich thu olc, *cuir* do làmh air do bheul.

33 Gu deimhin bheir luasgadh bainne ìm a mach, agus bheir fàsgradh na sròine fuil a

mach: mar sin bheir dùsgadh cèrruich ainnhreith a mach.

## CAIB. XXXI.

1 *Comhairle Lemueil mu thimchioll dìbhe làidir.*  
8 *Is còir cùis an truaghain agus an fheumaich a thagradh.* 10 *Deadh luach mnà shubhaileich.*

**D**RIATHRAN rìgh Lemueil, an fhàidh-cadaireachd a theagaisg a mhàthair dha.

2 Ciod, a mhic? agus ciod, a mhic mo bhronn? agus ciod, a mhic mo bhòidean?

3 Na tabhair do neart do bhoirionnaich, no do shlighean do'n ni a mhilleas rìghrean.

4 Cha-n'èil e air son rìghrean, a Lemueil, cha-n'èil e air son rìghrean fion òl, uo air son uachdarain déidh a bhi aca air dìbh làidir;

5 Air eagal gu'n òl iad, agus gu'n dì-chuimhnich iad an lagh, agus gu'n claon iad breictheanas do aon sam bith de chloinn an àmhghair.

6 Thugaibh deoch làidir dhà-san a tha ull-amh gu bàsachadh, agus fion dhoibhsan a tha ann an searbhadas anama.

7 Oladh e, agus dì-chuimhnichidh e a bhochdainn, agus na cuimhnichidh e a thruaighe nìs mò.

8 Fosgail do bheul air son an duine bhaibh, ann an cùis nan uile a tha air an orduchadh chum sgrios.

9 Fosgail do bheul, thoir breth le ceartas, tagair cùis an truaghain agus an fheumaich.

10 Cò a gheibh bean shubhaileach? oir *tha* a luach gu mòr os ceann chlach uasal.

11 Earbaidh cridhe a fir aisde, agus cha bhi feum aige air creich.

12 Iocaidh i maith dha, agus cha-n e olc, re uile làithean a beatha.

13 Iarraidh i olann agus lìon, agus oibrichidh i gu toileach le a làmh.

14 Tha i mar longaibh nan ceannaichean, bheir i a biadh o *thìr* chéin.

15 Eiridh i mar an ceudna 'n uair is i an oidhe a tha fathast ann, agus bheir i lòn d'a teaghlach, agus cuibhrionn d'a maigh-deanaibh.

16 Measaidh i achadh, agus ceannaichidh i e: le toradh a làmh suidhichidh i fion-lìos.

17 Crioslaichidh i a leasraidh le neart, agus neartaichidh i a gairdeanan.

18 Mothaichidh i gu *bheil* a ceannachd maith: cha téid a coinneal as 's an oidhe.

19 Cuiridh i a làmh air an dealgan, agus gabhaidh glacan a làmh greim de'n chuigeil.

20 Fosgaidh i a glac do'n truaghan, agus sinidh i a làmh do'n fheumach.

21 Cha-n'èil eagal oirre roimh 'n t-sneachd air son a teaghlach; oir *tha* a teaghlach uile air an éideadh le scarlaid.

22 Ni i dhi féin trusgain de obair ghréis; de shìoda agus de chorcur *tha* a h-eudach.

23 Aithnichear anns na geataibh a fear, an uair a shuidheas e maille ri seanairibh na tìre.

## ECLESIASTES, I, II.

24 Ni i hion-eudach grinn, agus reicidh i e, agus bheir i criosan do'n cheannaiche.

25 Neart agus urram *is* eudach dhi; agus ni i gairdeachas 's an àm ri teachd.

26 Fosgailidh i a beul le gliocas, agus *tha* lagh a' chaoimhneis air a teagaidh.

27 Bheir i an aire do shlighibh a teaghlach, agus cha-n ith i aran an dìomhanais.

28 Eiridh a clann, agus beannaichidh iad i; a fear, agus molaidd e i.

29 Rinn mòran nìgean gu subhailceach, ach thug thusa barrachd orra uile.

30 *Is* mealltach deadh-ghean, agus *is* dìomhain maise; *ach* bean *air am bi* eagal an Tighearn', *is* ise a mholar.

31 Thugaibh dhi de thoradh a làmh, agus moladh a h-oibre féin anns na geataibh i.

# ECLESIASTES,

NO AN

## SEARMONAICHE.

### CAIB. I.

1 *Tha an Searmonaiche a' nochdadh gur dìomhanas gach ni air thalamh. 9 Cha-n'èil ni air bith nuadh fo'n ghréin nach robh ann cheana 's an àimsir a chuidh seachad.*

**B**RIATHRAN an t-Searmonaiche, mhic Dhaibhidh, rìgh ann an Ierusalem.

2 Dìomhanas nan dìomhanas! ars' an Searmonaiche; dìomhanas nan dìomhanas! *is* dìomhanas na h-uile ni.

3 Cìod an tairbhe a th'aig duine 'n a uile shaothair a ni e fo'n ghréin?

4 *Tha aon* ghinealach a' siubhal, agus ginealach *eile* a' teachd; ach fanaidh an talamh gu bràth.

5 Eiridh mar an ceudna a' ghrian, agus thèid a' ghrian fodha, agus luathaichidh i d'a h-àite féin as an d'éirich i.

6 Thèid a' ghaoth a làimh na h-àirde deas, agus thèid i mu'n cuairt do'n àirde tuath; thèid i mu'n cuairt agus mu'n cuairt a ghluath, agus ath-phillidh a' ghaoth air a cuairtibh féin.

7 Ruithidh na h-aimhnichean uile chum na mara, gidheadh *cha-n'èil* a' mhuir làn: chum an àite as an d'fhàinig na h-aimhnichean, dh'ionnsuidh sin pillidh iad a ris.

8 *Tha* na h-uile ni làn de shaothair; cha-n urrainn duine a chur 'an céill: cha sàsuichear an t-sùil le faicinn, agus cha lìonar a' chluas le cluinntinn.

9 An ni a bha ann, *is* e an ni sin féin a bhitheas ann; agus an ni sin a rinnadh, *is* e an ni sin féin a nithear; agus *cha-n'èil* ni sam bith nuadh fo'n ghréin.

10 Am bheil ni ann mu'n feudar a ràdh, Feuch, *tha* e so nuadh? Bha e ann cheana 's au t-sean àimsir a bh'ann romhainn.

11 *Cha-n'èil* cuimhne air bith air na nithean a bha ann roimhe; cha mhò a bhitheas cuimhne air na nithean a tha ri teachd, aca-san a thig 'n an déigh.

12 Bha mise an Searmonaiche a'm' rìgh air Israel ann an Ierusalem.

13 Agus thug mi mo chridhe a shìreadh agus a rannsachadh le gliocas, mu thimchioll gach ni a nithear fo nèamh: an t-saothair ghoirt so thug Dia do chloinn nan daoine, chum an cleachdadh féin rithe.

14 Chunnaic mi na h-uile obair fo'n ghréin; agus, feuch, *is* dìomhanas iad uile, agus cràdh spioraid.

15 An ni a tha cam, cha ghabh e deanamh dìreach; agus an ni a tha dh'easbhuidh, cha ghabh e àireamh.

16 Labhair mi ri m' chridhe féin, ag ràdh, Feuch, dh'fhàs mi mòr, agus fhuair mi tuilleadh gliocais na iadsan uile a bha romham ann an Ierusalem, agus chunnaic mo chridhe mòran gliocais agus eòlais.

17 Agus thug mi mo chridhe a dh'fhaotainn eòlais air gliocas, agus air euthach agus air amaideachd: dh'aithnigh mi gur cràdh spioraid e so mar an ceudna.

18 Oir ann am mòran gliocais *tha* mòran doilgheis; agus an ti a mheudaicheas eòlas, meudaichidh e bròn.

### CAIB. II.

1 *Mhothaich an Searmonaiche nach robh ann an subhachas ach dìomhanas. 13 Tha gliocas fad os ceann amaideachd. 18 Tha gach saothair fo'n ghréin dìomhain. 24 Cha-n'èil ni a's fearr na gu'n tugadh duine air 'anam maith a mhealtuinn.*

**T**HUBHAIRT mi a'm' chridhe, Teanu orm a nis, dearbhaidh mi thu le subhachas; uime sin meal maith: ach, feuch, *is* dìomhanas so mar an ceudna.

2 Mu ghàire thubhairt mi, *Is* euthach e; agus mu shùgradh, Cìod a ni e?

3 Dh'iarr mi ann am chridhe mi féin a thubhairt do fhìon, (gidheadh a' seòladh mo chridhe ann an gliocas,) agus greim a ghabhail air amaideachd, gus am faicinn cìod e am maith sin do chloinn nan daoine 'bu chòir dhoibh a dheanamh fo nèamh air feadh uile làithean am beatha.

4 Rinn mi oibre mòra dhomh féin: thog



mi dhomh féin tighean; shuidhich mi dhomh féin fion-liosan:

5 Rinn mi dhomh féin gáraidhean agus liosan chraun-meas, agus shuidhich mi annta craobhan de gach gné thoraidh;

6 Rinn mi dhomh féin lochain uisge, a dh'uisgeachadh leo na coille anns am fàs craobhan:

7 Fhuair mi òglaich agus banoglaich, agus rugadh scrìbbisich a'm' thigh: bha mar an ceudna seallbh mòr bhuar agus threud agam, os ceann nan uile a bha romham ann an Ierusalem:

8 Chàrn mi suas mar an ceudna dhomh féin a' riogd agus òr, agus iomhas sònruichte nan rìgh agus nam mòr-roinn; fhuair mi dhomh féin fir-chiuil agus mnathan-ciuil, agus aoibhneas an chloinn nan daoine, *mar a tha innil-chiuil*, agus sin de gach gné.

9 Mar sin bha mi mòr, agus dh'fhàs mi nì's mò na gach duine a bha romham ann an Ierusalem: os bàrr, dh'fhan mo ghliocas agam.

10 Agus gach nì a mhiannaich mo shùilean cha do chum mi uatha; cha do bhac mi mo chridhe o shubhachas sam bith: oir rinn mo chridhe aoibhneas ann am shaothair uile; agus b'e so mo chuibrionn de m'uile shaothair.

11 An sin sheall mi air m'oibrìbh uile a rinn mo lànhan, agus air an t-saothair anns an do shaothraich mi 'g a deanamh; agus, feuch, *bu* dìomhanas an t-iomlan, agus buaireas spioraid, agus cha robh tairbhe ann fo'n ghréin.

12 Agus sheall mi air m'ais a dh'fhaicinn gliocais, agus euthaich, agus amaideachd: oir ciod a dh'*fheudas* an duine a dheanamh a thig an dèigh an rìgh? an nì sin féin a rinneadh cheana.

13 Agus chunnaic mi gu bheil gliocas co fhad os ceann amaideachd, 's a tha solus os ceann dorchadasais.

14 Tha sùilean an duine ghlic 'n a cheann; ach imichidh an t-amadan ann an dorchadas: gidheadh dh'aithnich mi mar an ceudna gu'n tachradh an t-aon nì dhoibh uile.

15 An sin thubhairt mi a'm' chridhe, Mar a thachras do'n amadan, mar sin tachraidh dhomh-sa féin; agus c'ar son uime sin a bha mise nì bu ghlice *na esan?* an sin thubhairt mi a'm' chridhe, gur dìomhanas so mar an ceudna.

16 Oir cha *bhi* cuimhne air an duine ghlic nì's mò na air an amadan gu bràth; o dhi-chuimhnichear na nithean a *tha* nis ann uile anns na làithibh a tha ri teachd: agus cionnus a dh'eugas an duine glic? mar an t-amadan.

17 Uime sin dh'fhuathaich mi beatha, a chionn gur doilgheasach dhomh an obair a dh'oibrichear fo'n ghréin: oir *is* dìomhanas na h-uile nì agus cràdh spioraid.

18 Seadh, dh'fhuathaich mi mo shaothair

uile 's na shaothraich mi fo'n ghréin, a chionn gu'm fàg mi i do'n fhear a bhitheas a'm' dheigh.

19 Agus cò aig am bheil fios cia dhiubh a bhitheas e 'n a dhuine glic no 'n a amadan? gidheadh bithidh uachdaranachd aige os ceann mo shaoithreachd uile anns an do shaothraich mi, agus anns an d'fhuaradh mi gu glic fo'n ghréin. *Is* dìomhanas so mar an ceudna.

20 Air an aobhar sin thionndaidh mi' thoirt air mo chridhe dol 'an eu-dòchas mu'n uile shaothair 's na shaothraich mi fo'n ghréin.

21 Oir tha duine ann aig *am bheil* a shaothair ann an gliocas, agus ann an eòlas, agus ann an ceartas; gidheadh do dhuine nach do shaothraich ann bheil se e mar a chuibrionn. *Is* dìomhanas so mar an ceudna, agus ole mòr.

22 Oir ciod a th'aig duine d'a uile shaothair, agus de bhuaireas a chridhe, anns an do shaothraich e fo'n ghréin?

23 Oir *is* doilgheasan a làithean uile, agus *is* dò-bhròn a shaothair: eadhon 's an oidhche cha ghabh a chridhe fois. *Is* dìomhanas so mar an ceudna.

24 Cha-n'èil nì ann a's fearr do dhuine na gu'n ithcadh agus gu'n òladh e, agus gu'n tugadh e air 'anam maith a mhealtuinn 'n a shaothair.

25 Oir cò a's urrainn itheadh, no cò eile a nì cabhag *chuige* nì's mò na mise?

26 Oir do'n duine a *tha* maith 'n a shealladh, bheil *Dia* gliocas, agus eòlas, agus aoibhneas: ach do'n pheacach bheil e saothair, a chruinneachadh agus a chàrnadh suas, chum gu'n tabhair e do'n tì a tha maith ann am fianuis Dhé. *Is* dìomhanas so mar an ceudna, agus cràdh spioraid.

### CAIB. III.

1 *Tha àm aig gach rùn fonèamh.* 11 Rinn *Dia* gach nì maiseach ged nach urrainn duine 'obair fhaotainn a mach. 16 *Tha breitheanas chloinn nan daoine claon, ach bheil Dia breth gu cothromach.*

**A**IG gach nì *tha* tràth, agus àm aig gach rùn fo nèamh:

2 Am gu breith, agus àm gu bàs fhaotainn; àm gu suidheachadh, agus àm gus an nì a shuidhichadh a spionadh suas;

3 Am gu marbhadh, agus àm gu leigheas; àm gu brisadh sìos, agus àm gu togail suas;

4 Am gu gul, agus àm gu gàire; àm gu caoidh, agus àm gu damnsadh;

5 Am gu clachan a thilgeadh air falbh, agus àm gu clachan a chruinneachadh; àm gu gabhail 'an glacaibh, agus àm gu fantuinn o ghabhail 'an glacaibh;

6 Am gu cosuadh, agus àm gu call; àm gu gleidheadh, agus àm gu tilgheadh air falbh;

7 Am gu reubadh, agus àm gu fuaigheal; àm gu bhi tosdach, agus àm gu labhairt;

8 Am gu gràdhachadh, agus àm gu fuathachadh; àm gu cogadh, agus àm gu sìth;

9 Ciod an tairbhe a tha aige-san a dh'òib-  
richeas, 's an nì sin anns an saothraich e?

10 Chumnaic mi an t-saothair a thug Dia  
do chloinn nan daoine, chum an cleachdadh  
fèin rithe.

11 Rinn e gach nì maiseach 'n a àm fèin:  
chuir e mar an ceudna an saoghal 'n an  
eridhe, air chor as nach urraium aon duine  
an obair fhaotainn a mach a tha Dia a'  
deanamh, o thoiseach gu deireadh.

12 Tha fhios agam nach 'eil maith air bith  
annta, ach gu'm bitheadh duine subhach,  
agus gu'u deamadh e maith ré a bheatha.

13 Agus mar an ceudna gu'n itheadh agus  
gu'n dladh gach duine, agus gu'm mealadh  
e maith a shaoithreach uile, *is* e sin tiodhlac  
Dhé.

14 Tha fhios agam gach nì a ni Dia, gu'm  
bi e ann gu bràth; cha ghabh aon nì cur ris,  
no aon uì toirt uaith: agus ni Dia *so*, chum  
gu'm bitheadh eagal air daoineibh roimhe.

15 An nì a bha, tha e ann a nis; agus an  
nì a bhitheas, bha e ann cheana; agus  
iarraidh Dia an nì a chaidh seachad.

16 Agus os bàrr, chumnaic mi fo'n ghréin  
àit a' bhreitheanais, *gu'n robh* euceart an  
*sin*; agus àite na fireantachd, *gu'n robh*  
aingidheachd an *sin*.

17 Thubhairt mi a'm' chridhe, Bheir Dia  
breth air an fhàirean agus air an aingidh:  
oir *tha* àm an sin chum gach uile rùn, agus  
chum gach uile oibre.

18 Thubhairt mi auu am chridhe a thaobh  
staid chloinn nau daoine, gu'u glanadh Dia  
iad, agus gu'm faicadh iad gur ainmhidhean  
iad fèin.

19 Oir an nì sin a thachras do chloinn nan  
daoine, tachraidh e do na h-ainmhidhean;  
tachraidh dìreach an t-aon nì dhoibh: mar  
a dh'eugas aon diubh, is ann mar sin a  
dh'eugas an t-aon eile; seadh, is i an aon  
auil a *tha* aca uile; agus cha-n'eil barrachd  
aig duine air ainmhidh, oir *is* dìomhanas  
iad uile.

20 Thèid iad uile do aon àite; tha iad uile  
o'n duslach, agus pillidh iad uile do'n duslach.

21 Cò d'an aithne spiorad chloinn nan  
daoine a thèid suas, agus spiorad an ainm-  
hidha a thèid sìos chum na talmhainn?

22 Uime sin tha mi ag aithneachadh nach  
'eil nì a's fearr na gu'n deanadh duine gaird-  
eachas 'n a oibribh, a chionn gur e sin a  
chuibhrionu: oir cò 'bheir e a dh'fhaicinn  
an nì a bhitheas 'n a dhéigh?

#### CAIB. IV.

1 Tha dìomhanas air a mheudachadh le foirneart,  
4 agus le fàrmad. 7 Amaideachd agus  
dìomhanas sannta. 13 Is fearr duine bochd  
na rìgh amaideach.

**A**N sin thionndaidh mi, agus dh'amhaire  
mi air na h-uile fhoirneartaibh a  
nithear fo'n ghréin, agus, feuch, deoir na  
dream a bha fo fhoirneart, agus gun aon  
fhear-comhlhfurtachd aca! agus air taobh

an luchd-foirneart *bha* neart, ach cha *robh*  
fear-comhlhfurtachd aca-san.

2 Uime sin mhol mi na mairbh a dh'eug  
cheana, nì's mò na na beòthan a tha beò  
fathast.

3 Ach *is* fearr na iad le 'chéile an ti nach  
robh ann fathast, nach faca an droch obair  
a nithear fo'n ghréin.

4 A ris, dh'amhaire mi air gach uile shaoth-  
air agus gach uile obair cheirt, gur fàth  
farmaid do dhuine o 'choimhearsnach i. *Is*  
dìomhanas so mar an ceudna, agus buaireas  
spioraid.

5 Paisgidh an t-amadan a làmhnan r'a  
chéile, agus ithidh e 'fheoil fèin.

6 *Is* fearr làn duirn le suainhneas, na'n dà  
làmh làn le saothair agus buaireas spioraid.

7 Au sin thionndaidh mi, agus chumnaic  
mi dìomhanas fo'n ghréin.

8 Tha duine ann leis fèin, agus cha-n'eil  
lethbhreac aige; seadh, cha-n'eil leanabh no  
bràthair aige: gidheadh cha-n'eil crìoch air  
a shaothair uile, agus cha sàsuichear a shùil  
le saoihbheas; cha mhò a *thèir e*, Cò air  
son am bheil mi a' saothreachadh, agus a'  
fàgail m'anama dh'easbhuidh maith? *Is*  
dìomhanas so mar an ceudna, agus *is* saothair  
ghoirt e.

9 *Is* fearr dithis na aon duine, a chionn  
gu'm bheil deadh dhuais aca air son an  
saoithreach.

10 Oir ma thuiteas duine dhiubh togaidh  
an duine eile suas a chompanach: ach mo  
thruaighe esan a *tha* 'n a aonar an uair a  
thuiteas e; oir cha-n'eil neach eile aige g'a  
thogail suas.

11 Mar an ceudna ma luidheas dithis cuid-  
eachd, bithidh iad blàth: ach cionnus a  
bhitheas aon blàth leis fèin.

12 Agus ma bhuaidhaicheas aon air seas-  
aidh dithis 'n a aghaidh; agus cha bhrisear  
cord thri dual gu h-obann.

13 *Is* fearr leanabh bochd agus glic na  
rìgh sean agus amaideach, nach gabh comh-  
airle nì's mò.

14 Oir á priosan thig e a rìoghachadh; an  
ti mar an ceudna a rugadh 'n a rìoghachd,  
*fàsaidh e* bochd.

15 Thug mi an aire do gach uile bheò a  
shuibhlhas fo'n ghréin, maille ris an dara  
leanabh a sheasas suas 'n a àite.

16 Cha-n'eil crìoch air an t-sluagh uile,  
orra-san uile a bha rompa: cha dean iadsan  
mar an ceudna a thig 'n an déigh gaird-  
eachas ann. Gu cinnteach *is* dìomhanas so  
mar an ceudna, agus buaireas spioraid.

#### CAIB. V.

1 Earail gu gùlan iomchuidh ann an teampall  
Dhé. 9 Cha sàsuich aargiod agus paillean an  
neach a ghràdhaicheas iad. 18 'S e tìodhlac  
Dhé do nhean an duine gairdeachas a dhean-  
amh 'n a uile shaothair, agus a shaoibheas a  
mhealhuinn.

**C**OIMHID do chos an nair a thèid thu  
do thigh Dhé, agus bi nì's deise gu



chuinntinn na gu ìobairt nan amadan a tha-bhairt; oir cha-nèil iad sin a' toirt an aire gu bheil iad a' deanamh uile.

2 Na bi bras le d' bheul, agus na luathaicheadh do chridhe gu nì a labhairt an làthair Dhé: oir tha Dia air nèamh, agus thusa airthalamh: uime sin bitheadh do bhriathran tearc.

3 Oir thig aisling le iomadalachd ghnòth-uichean, agus aithnìchear guth amadain le iomadalachd bhriathar.

4 An uair a bhòidicheas tu bòid do Dhia, na cuir dàil 'n a dioladh; oir cha-nèil tlachd aige ann an amadanaibh: an nì a bhòidicheas tu, dìol e.

5 Is fearr gun thu bhòideachadh, na gu'm bhòidicheadh tu, agus nach dioladh tu.

6 Na leig le d' bheul a thoirt air d'fheoil peacachadh; agus na h-abair an làthair an aingil, gu'm bu mhearachd e; c'uim an bitheadh fearg air Dia air son do ghutha-sa, agus an sgriosadh e obair do làmh?

7 Oir mar ann an iomadalachd nan aisling a bhitheas diomhanais, is amhuil a bhitheas iad ann an iomadalachd nam briathar: ach bitheadh eagal Dhé ortsa.

8 Ma chi thu foirneart an duine bho chd, agus fiaradh breitheanais agus ceartais le làimh làidir ann am mòr-roim, na bitheadh iongnadh ort ris an nì so: oir bheir an tì a's àirde na'n neach a tha àrd aca-san an aire, agus tha iad ann a's àirde na iadsan.

9 A nis tha toradh na talmhainn air son nan uile: riaràichear an rìgh fèin as an fhearann.

10 An ti a ghràdhaidheas airgid, cha sàs- uichear e le h-airgid; no'n ti a ghràdhaidheas pailteas, le toradh: is diomhanas so mar an ceudna.

11 An uair a mheudaichear nithean maithe, meudaichear iad a dh'itheas iad; agus ciod an tairbhe a tha anna d'an sealbhadairibh, ach am faicinn le'n sìlhibh?

12 Tha codal oibriehe milis, cia dhiubh a dh'itheas e beagan no mòran: ach cha-n fhuiling sàsachd an t-saoibhir dha codal.

13 Tha olc cràiteach ann a chunnaic mi fo'n ghrèin, saoihbheas air a ghleidheadh d'a shealbhadairibh chum an aimhleis.

14 Ach théid as do'n t-saoibhreas sin le droch shaothair: agus goidh e mac, agus cha bhi nì air bith 'n a làimh.

15 Mar a thàinig e mach lomnochd á broinn a mhàthar, ath-phillidh e, a' dol mar a thàinig e; agus cha ghiùlan e nì air bith d'a shaothair a bheir e leis 'n a làimh.

16 Is olc cràiteach so mar an ceudna, air gach uile chor air an d'fhàinig e, mar sin gu'n téid e: agus ciod an tairbhe a tha aige-san a shaothraich do'n ghaoith?

17 Mar an ceudna ré a làithean uile ithidh e ann an dorchadas, agus bithidh mòran doilgheis agus feirge aige 'n a thinneas.

18 Feuch, an nì a chunnaic mise maith, gur tlachdmhor do dhuine itheadh agus òl, agus maith a mhealtuinn 'n a uile shaothair a ghabh e fo'n ghrèin, air feadh uile làithean a bheatha a bheir Dia dha; oir is e sin a chuibhrionn.

19 Gach duine mar an ceudna d'an d'thug Dia beartas agus saoihbheas, agus d'an d'thug e comas itheadh dhiubh, agus a chuibhrionn a ghlacadh, agus gairdeachas a dheanamh 'n a shaothair; is e so tiodhlac Dhé.

20 Oir cha mhòr a chuimhnìcheas e làithean a bheatha; a chionn gu'm freagair Dia e ann an aoibhneas a chridhe.

## CAIB. VI.

1 Diomhanas beartais agus saoihbheis do'n duine do nach 'eil Dia a' tabhairt comais am mealtuinn. 7 Cha sàsuichear miann an duine air thalamh. 10 Cha-n aithne do neach ciod a bhitheas 'n a dhèigh fo'n ghrèin.

**T**HA olc ann a chunnaic mi fo'n ghrèin, agus tha e coitichionn am measg dhaoine;

2 Duine d'an d'thug Dia beartas, agus saoihbheas, agus urram, agus gun e dh'eas-bhuidh nì air bith d'a anam de na h-uile a mhiannaicheas e, ach do nach 'eil Dia a' tabhairt comais itheadh dheth, ach tha coigreach 'g a itheadh: is diomhanas so, agus is droch anshocair e.

3 Ma ghineas duine ceud leanabh, agus gu'm bi e beò iomadh bliadhna, air chor as gu'm bi làithean a bhliadhan lòn-mhor, agus nach sàsuichear 'anam le maith, agus mar an ceudna nach bi adhlacadh aige, is fearr, tha mi ag ràdh, torraicheas anabuich na e.

4 Oir ann an diomhanas thig e, agus ann an dorchadas théid e, agus le dorchadas còmhdaichear 'ainm.

5 Mar an ceudna cha-n fhac e a' ghrian, agus cha b'aithne dha nì air bith: tha tuilleadh foise aige so na aig an fhear eile.

6 Seadh, ged bhitheadh e beò mìle bliadhna dà uair, gidheadh cha-n fhaic e maith: nach imich iad uile do aon àite?

7 Tha uile shaothair an duine air son a bheòil, agus gidheadh cha-n'èil a mhiann sàsichte.

8 Oir ciod tuilleadh a th'aig an duine ghlic na aig an amadan? ciod a th'aig a' bhoich, d'an aithne siubhal an làthair nam beò?

9 Is fearr sealladh nan sùl na seacharan a' mhiann: is diomhanas so mar an ceudna agus buaireas spioraid.

10 An nì a bha ann, dh'ainmicheadh e cheana, agus tha fhios gu'm b'è'n duine e, agus nach urrainn e gleachd ris-san a's treise na e fèin.

11 O tha mòran de nithibh ann a mheudaicheas diomhanas, ciod a's fearrd an duine sin?

12 Oir cò aig am bheil fios ciod a tha maith do dhuine 's a' bheatha so, ré uile

làithean a bheatha dhìomhain a chaitheas e mar sgàile? oir cò a's urrainn innseadh do dhuine eiod a bhitheas 'n a dhèigh fo'n ghrèin?

CAIB. VII.

1 *Is fearr deadh ainm na na nithean a's luachmhoire; 2 dol do thigh a' bhròin, na dol do thigh na cuirme; 5 agus èisdeachd ri achmhasan duine ghlic, na èisdeachd ri òran amadan. 23 Tha èolas a' ghliocas cruaidh ri fhaotainn a mach.*

**I**S fearr deadh ainm na oladh-ungaidh luachmhor, agus là bàis na la breith neach.

2 *Is fearr dol do thigh a' bhròin, na dol do thigh na cuirme; oir is e sin crìoch nan uile dhaoine, agus gabhaidh am beò g'a chridhe e.*

3 *Is fearr doilgheas na gàire; oir le dubhachas na gnùise nithear an eridhe ni's fearr.*

4 *Tha cridhe nan daoine glise ann an tigh a' bhròin, ach cridhe nan amadan ann an tigh an t-subhachais.*

5 *Is fearr èisdeachd ri achmhasan duine ghlic, na gu'n èisdeadh duine ri h-òran amadan.*

6 Oir mar fhuaim droighnich fo phoit, mar sin tha gàire an amadain: is dìomhanas so mar an ceudna.

7 Gu cinnteach cuiridh foirneart duine glie air bhoile, agus milidh tiòdhlaic an cridhe.

8 *Is fearr deireadh ni na a thoiseach: is fearr esan a tha foighidneach 'n a spiorad na esan a tha àrdanach 'n a spiorad.*

9 Na bi cabhagach ann ad spiorad gu fearg a ghabhail; oir còmhnuichidh fearg ann an uèdh amadan.

10 Na h-abair, Ciod a b'aobhar gu'n robh na ceud làithean ni b'fhearr na iad so? oir cha-n ann o ghliocas a dh'fhèdoraicheas tu mu'n ni so?

11 *Is maith gliocas maille ri h-oighreachd: agus leis sin tha tairbhe aca-san a chi a' ghrian.*

12 Oir is dèidean gliocas, agus is dèidean airgid: ach is e òirdheirceas an èolais, gu'n toir gliocas beatha dhoibhsan aig am bi e.

13 Smuainich air obair Dhé: oir cò a's urrainn an ni sin a dheanamh dìreach a rinn esan cam?

14 Ann an là an t-soirbheachaidh bi subhach, ach ann an là a chruaidh-chàis smuainich: rinn Dia mar an ceudna so fa chomhair sud, a chum nach faigheadh duine mach aon ni 'n a dhèigh.

15 Chunnac mi na h-uile nithean ann an làithibh mo dhìomhanais; tha firean ann d'an téid as 'n a fhìreantachd, agus tha duine aingidh ann a shìneas a làithean 'n a aingidheachd.

16 Na bi anabarrach fireanta, agus na gabh ort a bhli ro ghlic: c'ar son a sgrìosadh tu thu féin?

17 Na bi ro aingidh, agus na bi amaideach: c'ar son a dh'eugadh tu roimh d'am?

18 *Is maith dhuit greim a ghabhail deth so, agus o so mar an ceudna na tabhair air a h-ais do làmh; oir an ti air am bi eagal Dhé, thig e asda sin uile.*

19 Neartaichidh gliocas duine glic ni's mò na deichnear dhaoine cumhachdach a tha 's a' chaithir.

20 Oir cha-n'eil duine ceart air an talamh, a ni maith, agus nach peacaich.

21 Mar an ceudna na tabhair aire do na h-uile bhriathraibh a labhrar, air eagal gu'n cluin thu d'òglach 'g ad mhallachadh.

22 Oir tha fhios aig do chridhe, gur minie a mhallach thu féin daoin' eile mar an ceudna.

23 So uile dhearbhb mi le gliocas: thubhairt mi, Bithidh mi glic; ach b'fhada sin uam.

24 An ni sin a tha fad' as, agus ro dhomhain, cò a dh'fheudas 'fhaotainn a mach?

25 Leag mi mo chridhe air faotainn èolais air, agus air rannsachadh, agus air sìreadh gliocais, agus aobhair nithean, agus air fios a bhì agam air aingidheachd amaideachd, agus air amaideachd na mi-chèille.

26 Agus fhuair mi ni's seirbhe na'm bàs a' bhean, aig a bheil a cridhe 'n an ribeachan agus 'n an lìontan, agus a làmhnan 'n an ceanglaichean: ge b'e neach a thaitneas ri Dia, théid e as uaipe; ach glacar am peacach leatha.

27 Feuch, an ni so fhuair mi, ars' an searmonaiche, a' meas gach aoin an déigh a chéile, a dh'fhaotainn an àireimh a mach:

28 Ni a tha m'anam ag iarraidh fathast, ach nach d'fhuair mi: aon fhear am measg mhìle fhuair mi, ach bean 'n am measg sin uile cha d'fhuair mi.

29 Feuch, an ni so a mhàin fhuair mi, gu'n d'rinn Dia an duine trèibh dhìreach; ach dh'iarr iad féin iomadh innleachd a mach.

CAIB. VIII.

1 *Bheir gliocas duine air a ghnùis dealrachadh.*

8 *Cha-n'eil cumhachd aig neach air bith os ceann an spioraid. 12 Eiridh gu maith do'n fhàcan, ach sgrìosar an t-aingidh. 16 Cha-n urrainn duine obair Dhé fhaotainn a mach.*

**C**O a tha mar an duine glic? agus cò d'an aithne eadar-mhìneachadh ni? Bheir gliocas duine air a ghnùis dealrachadh, agus atharraichear dànachd a ghnùise.

2 Comhairlicheam dhuit àithne an rìgh a choinhead, agus sin air son miònnan Dhé.

3 Na bitheadh cabhag ort gu dol as a shealladh: na buanaich ann an droch ni, oir ni esan gach ni a's àill leis.

4 Far am bheil focal rìgh, tha cumhachd; agus cò dh'fheudas a ràdh ris, Ciod e sin a tha thu a' deanamh?

5 Ge b'e 'ghleidheas an àithne, cha mhothaich e droch ni sam bith; agus is aithne do chridhe duine ghlic an agus breitheanas.

6 A chionn aig gach ni gu bheil am agus



breitheanas; uime sin *tha* truaghe an duine trom.

7 Oir cha-*n'eil* fhios aige air an nì a bhith-eas ann: oir cò 'dh'innseas dha cionnus a bhith-eas c.

8 Cha-*n'eil* duine sam bith aig am bheil cumhachd os ceann an spioraid, a chumail an spioraid, no cumhachd ann a là a' bhàis; agus cha-*n'eil* dol as anns a' chath *sin*; cha mhò a theasairgeas aingidheachd iadsan a ghnàthaicheas i.

9 So uile chunnaic mi, agus shuidhich mi mo chridhe air gach obair a nithear fo'n ghréin: *tha* àm ann 's an riaghlaidh duine os ceann duin' eile, g'a aimhleas féin.

10 Agus mar sin chunnaic mi na h-aingidh adhlacte, a thàinig agus a dh'innich o àit an naoinh, agus dhà-chuimhnichheadh iad anns a' chaithir 's an d'rinn iad mar sin: *is* dìomhanas so mar an ceudna.

11 A chionn nach 'eil binn an aghaidh droch oibre 'g a cur 'an gnìomh gu luath, uime sin *tha* cridhe chloinn nan daoine làn-shuidhichte air ole a dheanamh.

12 Ged nì peacach ole ceud uair, agus gu'n sìnear a *làithean*, gèidheadh *tha* fios cinnteach agam gu'n éirich gu maith dhoibhsan air am bi eagal Dhé, air am bi eagal 'n a làthair.

13 Ach cha-n éirich gu maith do'n aingidh, cha mhò a shìneas e a *làithean*; mar sgàile *bithidh* esan air nach bi eagal an làthair Dhé.

14 *Tha* dìomhanas ann a nithear air an talamh, gu'm bheil fìreanan ann d'an tachair a réir oibre nan aingidh; agus gu'm bheil daoine aingidh ann d'an tachair a réir oibre nan firean: thubhairt mi gur dìomhanas so mar an ceudna.

15 Au sin mhol mi subhachas, a chionn nach '*eil* nì a's fearr aig duine fo'n ghréin na itheadh agus òl, agus a bhi subhach; oir fanaidh sin aige d'a shaothair, ré *làithean* a bheatha, a bheir Dia dha fo'n ghréin.

16 An uair a leag mi mo chridhe air còlas a' ghliocas fhaotainn, agus air na gnoth-uichean a nithear air an talamh fhaicinn; (oir mar an ceudna *tha* neach ann nach faic eodal a là no dh'oidheche le 'shùilibh.)

17 An sin chunnaic mi uile obair Dhé, nach urrainn duine an obair a nithear fo'n ghréin fhaotainn a mach; a chionn ged nì duine a dhìchioll air a faotainn a mach, gèidheadh nach faigh e *i*; seadh fathast, ged shaoil duine glic gu'm faigh e eòlas *oirre*, nach urrainn e a faotainn a mach.

# CAIB. IX.

1 Tachraidh an t-aon nì do na h-uile dhaoibh. 4 *Tha* dòchas aig na beòthaibh a mhàin. 13 *Is* fearr gliocas na neart.

OIR chuir mi romham ann am chridhe so uile a chur 'an céill, Gu bheil na fireanan agus na daoine glice, agus an oibre,

ann an làimh Dhé: cha-n aithne do dhuine sam bith ann chuid gràdh no fuath, *leis* na h-uile nithibh a *tha* fà'n comhair.

2 *Thig* na h-uile nithean air an aon seòl do na h-uile dhaoibh: tachraidh an t-aon nì do'n fhìrean agus do'n aingidh; do'n mhaith, agus do'u ghla, agus do'n neòghlan; dhà-san a dh'obras, agus dhà-san nach ìobair: mar a *tha* an duine maith, is ann mar sin a *tha* am peacach; agus esan a mhionnaicheas, mar an ti air am bheil eagal mhionn.

3 *Is* ole so am measg nan uile nithean a nithear fo'n ghréin, gu'n tachair an t-aon nì dhoibh uile; agus mar an ceudna gu'm bheil cridhe chloinn nan daoine làn uile, agus gu'm bheil eutlach 'n an cridhe am fad 's is beò iad, agus 'n a dhéigh sin gu'n téid iad chum nam marbh.

4 Oir aig gach neach a tha ceangailte ris na h-uile bheòthaibh, *tha* dòchas: oir is fearr madadh beò na leòman marbh.

5 Oir *tha* fios aig na beòthaibh gu'm faigh iad bàs: ach cha-*n'eil* fios nì air bith aig na mairbh, cha mhò *tha* luigheadh aca nì's mò; oir théid an cuimhne air dhà-chuimhu'.

6 Chaidh as mar an ceudna a nis d'an gràdh, agus d'am fuath, agus d'am farnad; agus cha bhi cuibhriom aca tuilleadh gu bràth ann an aon nì a nithear fo'n ghréin.

7 Imich romhad, ith d'aran le gairdeachas, agus òl d'fhion le cridhe subhach; oir *tha* Dia a nis toilichte le d'obribh.

8 Bitheadh d'earradh 's gach àm geal; agus na bitheadh dìth oladh-ungaidh air do cheann.

9 Caith do bheatha gu subhach leis a' mhnai a's ionmhuinn leat ré uile *làithean* beatha do dhìomhanais, a thug e dhuit fo'n ghréin: oir *is* e so do chuibhriom anns a' bheatha so, agus ann ad shaothair a ghabhas tu fo'n ghréin.

10 Ge b'e nì a gheibh do làmh r'a dheanamh, dean e le d' dhìchioll; oir cha-*n'eil* obair, no innteach, no eòlas, no gliocas anns an uaigh, d'am bheil thu a' dol.

11 Thionndaidh mi, agus chunnaic mi fo'n ghréin, nach ann do na daoibh luatha a *tha* an réis, no do na daoibh treuna an cath, no do na daoibh glice aran, no do dhaoibh tuisgeach saoihbreas, no do dhaoibh eòlach deadh-ghean, ach gu'n tachair àm agus tuiteamas dhoibh uile:

12 Oir gu deimhin cha-*n'eil* fhios aig duine air 'am féin: mar iasg a ghlacar ann an droch lion, agus mar eoin a ghlacar ann an ribe, is ann mar sin a ribear clann nan daoine ann an droch àm, an uair a thuiteas e orra gu h-obann.

13 An gliocas so mar an ceudna chunnaic mi fo'n ghréin, agus bu mhòr agam e.

14 Bha caithir bheag ann, agus beagan dhaoine innte; agus thàinig rìgh mòr 'n a h-aghaidh, agus shuidh e mu'n cuairt oirre,

agus chuir e daingnichean mòra suas 'n a h-aghaidh.

15 Agus fhuaradh innte duine bochd glie, agus theasaing e a' chaitheir le 'ghliocas; ach cha do chuimhnich neach air bith air an duine bhochd sin.

16 An sin thubhairt mise, *Is* fearr gliocas na neart: gidheadh, nithear tàir air gliocas an duine bhochd, agus cha-n éisdear r'a bhriathraibh.

17 Eisdear ri briathraibh dhaoine glice ann an ciùneas, nì's mò na ri glaoth an ti a riaghlas am measg amadan.

18 *Is* fearr gliocas na innealan cogaidh: ach millidh aon pheacach mòran maith.

#### CAIB. X.

1 *Mu thimchioll gliocais agus amaideachd.* 12 *Is cuthach millteach briathran an amadain.*

17 *Is sona an tìr aig am bheil uachdaran glie.*

**B**HEIR cuileagan marbha air oladh-ungaidh an leigh boladh breun a chur dhith: *is amhuil* a nì beagan amaideachd airsan a tha cliuiteach air son gliocais agus urrainn.

2 *Tha* cridhe duine ghlic air a làimh dheis; ach cridhe amadain air a làimh chli.

3 'S an t-slighe féin, an uair a shiubhlas an t-amadan, tréigidh a ghliocas e, agus their e ris gach duine, gur amadan e.

4 Ma dh'éireas spiorad an uachdarain a'd' aghaidh, na fag d'áite; oir ciùinichidh géilleadh lochdan mòra.

5 'Tha olc a chunnaic mi fo'n ghréin, mar sheacharan a thig o lathair an uachdarain;

6 Cuirear amaideachd 'an inbhe mhòir, agus suidhidh na saoi bhir ann an ionad ìosal.

7 Chunnaic mi seirbhisich air eachaibh, agus uachdarain a' siubhal mar sheirbhisich air an talamh.

8 An ti a chladhaicheas slochd, tuitidh e féin ann; agus an ti a bhriseas callaid, teumaidh nathair e.

9 An ti a dh'atharraicheas clachan, goirtichear e leo; agus an ti a sgoilteas fiodh, bithidh e 'an cunnart uaithe.

10 Ma bhitheas an t-iarunn maol, agus nach geuraich e am faobhar, feumaidh e an tuilleadh spionnadh a chur ris; ach *tha* gliocas tarbhach a sheòladh.

11 Gu deimhin teumaidh an nathair gun srann, agus cha-n fhearr am bith-bhriathrach.

12 *Tha* briathran beòil duine ghlic gràs-mhor; ach sluigidh bilcan amadain e féin suas.

13 *Is* amaideachd toiseach bhriathar a bheoil; agus *is* cuthach millteach deireadh a chainnte.

14 Agus tha amadan làn de bhriathraibh: cha-n'èil fhios aig duine ciod a bhitheas ann; agus ciod a bhitheas ann 'n a dhéigh eò a's urrainn innseadh dha?

15 Sgithichidh saothair nan amadan gach aon diubh, a chionn nach aithne dha cionnus a théid e do'n chaitheir.

16 Mo thruaighe thu, a thìr, an uair *is* leanabh a's rìgh dhuit, agus a dh'itheas d'uachdaran *biadh* anns a' mhàduinn!

17 *Is* sona thu, a thìr, an uair *is* e do rìgh mac nan uasal, agus a dh'itheas d'uachdarain ann an àm iomchuidh, chum neirt, agus cha-n ann chum misge!

18 Le mòran leisge théid an aitreabh sìos; agus le dìomhanas nan làmh snidhidh an tigh troimhe.

19 Nithear cuirm chum aiteis, agus nì fion duine subhach: ach freagraidh an t-airgiod na h-uile nithean.

20 Eadhon ann ad smuaintibh na mallaich an rìgh, agus an taobh a stigh de d' sheòmar na mallaich an saoi bhir; oir giùlainidh enn an athair an guth, agus innsidh an nì air am bheil sgiathan a' chiùis.

#### CAIB. XI.

1 *Earail gu bhì caoinheil ris na bochdan.* 7 *Is còir do gach neach cuimhneachadh air bàs agus breitheanas ann an làitheibh 'òige.*

**T**ILG d'aran air aghaidh nan uisgeachan; oir an déigh mhòrain làithean gheibh thu e.

2 Thoir cuibhrionn do sheachdnar, agus mar an ceudna do ochnar; oir cha-n'èil fhios agad ciod an t-olc a bhitheas air an talamh.

3 Ma bhitheas na neoil làn de uisge, falmhaichidh siad *iad féin* air an talamh; agus ma thuiteas craobh mu dheas no mu thuath, ams an àite 's an tuit a' chraobh, an sin bithidh i.

4 An ti a bheir an aire do'n ghaoith, cha chuir e sìol; agus an ti a dh'amhairceas air na neoil, cha bhuain e.

5 Mar nach 'èil fhios agad ciod i slighe an spioraid, no cionnusa *de fhòsas* na cnàmhan ann am broinn na mnà a bhitheas torrach, is amhuil sin nach 'èil fhios agad air oibribh Dhé, mar a nì e na h-uile nithean.

6 Anns a' mhàduinn cuir do shìol, agus 's an fheasgar na toir air do làmh sgar; oir cha-n'èil fhios agad cia dhiubh a's fearr a shoirbhicheas so no sud, no am *bi* iad le 'chéile co mhaith.

7 Gu deimhin *is* milis an solus, agus *is* taitneach do na sùilbhe sealduinn air a ghréin.

8 Ach ma mhaireas duine iomadh bliadhna, agus gu'n dean e gairdeachas anna uile; gidheadh cuimhneachadh e làithean an dorchadais, gu'm bi iad lionmhor. *Is* dìomhanas gach nì a thig.

9 Dean gairdeachas, a dhuinn 'òige, ann ad òige, agus deanadh do chridhe subhach thu ann an làitheibh d'òige, agus siubhail ann an slighibh do chridhe, agus ann an sealladh do shùl: ach bitheadh fhios agad air an



son so uile gu'n toir Dia chum breitheanais thu.

10 Uime sin atharraich doilgheas o d' chridhe, agus cuir olc air falbh o d' fheoil; oir is dìomhanas leanabachd agus òige.

### CAIB. XII.

1 *Is còir do gach duine a Chruith-fhear a chuimhneachadh ann an làithibh d'òige.* 8 *Theagaisg an searmonaiche eòlas do'n t-sluagh.* 13 *'S e eagal Dhé agus àitheantan a ghlèidheadh, comh-dhànadh na cùise uile.*

**C**UIMHNICH a nis do Chruith-fhear ann an làithibh d'òige, mu'n tig na droch làithean, agus an druid na bliadh-nachan *riut*, anns an abair thu, Cha-n'èil tlachd agam anna:

2 Mu'n dorchaidhear a' ghrian, agus an solus, agus a' ghealach, agus na reultan, agus am pill na neoil an déigh an uisge:

3 Anns an là 's an criothnaich luchd-gleidhidh an tighe, agus an crom na daoine laidir iad féin, agus an sguir an luchd-bleith, a chionn gu'm bheil iad tearc, agus an dorchaidhear an dream a sheallas a mach air na h-uinneagaibh;

4 Agus an dùinear na dorsan anns na sràidibh, an uair a bhitheas fuaim na bleith ìosal, agus a dh'éireas e suas aig guth an eoin, agus a dh'islichear uile nigheanan a' chiuil;

5 Mar an ceudna, 'n uair a bhitheas eagal orraroimh ni àrd, agus a bhitheas uamhasan anns an t-slighe, agus a bhitheas a' chraobh-almoìn fo bhlàth, agus a bhitheas an leumnach-uaine 'n a callaich, agus a theirg-

eas miann; a chionn gu'm bheil an duine a' triall d'a chòmhnuidh bhuan, agus gu'm bheil an luchd-cumhaidh a' dol mu'n cuairt 's na sràidibh.

6 Mu'm fuasgailear an cord airgid, agus am bruthar an copan òir, agus am brisear a' chuinneag aig an tobar, agus am brisear an roth aig an t-soitheach-chumail.

7 An sin pillidh an duslach chum na tal-mhainn mar a bha e; agus pillidh an spiorad chum Dhé, a thug uaith e.

8 Dìomhanas nan dìomhanas! ars' an searmonaiche: is dìomhanas na h-uile nithean.

9 Agus os bàrr, a chionn gu'n robh an searmonaiche glic, theagaisg e'n còmhnuidh eòlas do'n t-sluagh; agus thug e deadh aire, agus shir e mach, agus dheasaich e mòran ghnàth-fhocail.

10 Dh'iarr an searmonaiche briathran taitneach fhaotainn: agus bha an ni a sgrìobhadh ceart, briathran na firinn.

11 Tha briathran nan daoine glìce mar bhioraibh, agus mar thàirngibh air an sparradh le uachdaranai bh choimhthional, a thugadh le aon aodhaire.

12 Agus tuilleadh, leo so, a mhic, gabh rabhadh: air mòran leabhraichean a dh'can-amh cha-n'èil crìoch; agus tha mòran leughaidh 'n a sgìos do'n fheoil.

13 Chluinneamaid brìgh na chaidh a ràdh uile; Bitheadh eagal Dhé ort, agus glèidh àitheantan; oir is e so *dleasdanas* iomlan an duine.

14 Oir bheir Dia gach obair chum breith-canais, maille ris gach ni dìomhair, ma's maith, no ma's olc e.

## DAN SHOLAIMH.

### CAIB. I.

1 *Gràdh na h-eaglais do Chrìosd: 7 'n a h-urnnuigh ghuidh i gu'n tredraicheadh e i a dh'ionnsuidh a threud.* 8 *Sheòl Crìosd i gu bùthaibh nan aodhairean,* 9 *agus nochd e meud a ghràdh dhi.*

**D**AN nan dàn, dàn Sholaimh. 2 Pògadh e mi le pògaibh a bheòil; oir is maith do ghràdh seach fion.

3 Air son fàile cùbhraidh is maith d'oladh-ungaidh-sa: is oladh-ungaidh air a dòrtadh d'ainm; uime sin ghràdhaich na h-òighean thu.

4 Tarruing mi. A'd' dhéigh ruithidh sinn. D'a sheòdraichibh thredraich an Rìgh mi. Ni sinn luathghaire agus bithidh aoibhneas oirnn annadsa: cuiridh sinn 'an cuimhne do ghràdh nì's mò na fion: ghràdhaich na fireanan thu.

5 Dubh tha mi, ach sgiamhach, O a nigh-eannan Ierusalem, mar bùthaibh Chedair, mar chùirteinibh riomhach Sholaimh.

6 Na bitheadh umhail agaibh ged tha mi dorch, a chionn gu'n d'amhairc a' ghrian orm: bha mic mo mhàthar ann am feirg rium; rinn iad coimheadaiche nam fion-lios diom: am fion-lios a bu leam féin cha do choimhid mi.

7 Innis dhomh, O thusa d'am bheil gràdh aig m'anam, c'àit an ionaltair thu do threudan, c'àit an toir thu orra luidhe sìos mu mheadhon-là; oir c'ar son a bhihinn mar aon air faondradh am measg threud do chompanach?

8 Mur 'eil fhios agad, O thusa a's àillidh am measg bhàn, imich a mach air luig an treud, agus ionaltair do mheannain làimh ri bùthaibh nam buachaillan.

9 Ri h-eachaibh ann an carbadaibh Pharaoh samblaicheam thu, a bhean mo ghaoil.

10 Is àillidh do ghruaidhean le sreathaibh sheud, do mhuineal le slabhraidhibh.

11 Sreathan òir mi sinn dhuit, le ballachai bh airgid.

12 Am feadh a tha'n Rìgh aig a chuirn, tha mo spionnadh a' sgaoiladh fhàile cùbhaidh.

13 Is ceanglachan mirr mo ghràdh dhomh-sa; eadar mo chiochaibh luidhidh e re na h-oidheche.

14 Tha mo ghràdh dhomh-sa, mar bhagaid de'n chrann-champhuir ann am fion-liosaibh Engedi.

15 Feuch, tha thu àillidh, a bhean mo ghaoil; feuch, tha thu àillidh; tha sùilean choluman agad.

16 Feuch, tha thu àillidh, fhir mo ghràdh, agus taitneach, agus tha ar n-uirigh uaine.

17 Is croinn sheudair sailthean ar tighe, croinn-ghiuthais ar ceann-fhiodh.

### CAIB. II.

1 Tha gràdh Chrìosd 'n a bhrataich do'n eaglais.

8 Dòchas, 10 agus dreuchd na h-eaglais.

14 Càran Chrìosd mu thimchioll na h-eaglais.

15 Ròs o Sharon mise, lili nan gleann.

2 Mar lili am measg droighinn, is amhuil mo ghràdh-sa am measg nan nighean.

3 Mar chrann-ubhall am measg chrann na coille, is amhuil mo rùn-sa am measg nan òganach: fo a sgàile mhianmaich mi, agus shuidh mi sìos, agus bha a thoradh mìlis do m' bhlas.

4 Thèraich e mi do thigh an fhìona, agus b'è a bhratach tharum an gràdh.

5 Cumaibh suas mi le còrnaibh, sgapaibh ùbhlán mu m' thimchioll, oir tha mi tinn le gràdh.

6 Tha a làmh chli fo m' cheann, agus a làmh dheas timchioll orm.

7 Cuiream mar fhiachaibh oirbh, a nigh-eanan Ierusalem, air earbaibh agus air éildibh na macharach, nach cuir sibh dragh air, agus nach dùisg sibh mo ghràdh, gus an àill leis féin.

8 Guth mo ghràdh! Feuch, tha e a' teachd, a' leumnaich air na beanntaibh, a' toirt sìthidh air na tulaichibh.

9 Is cosmhuil mo ghràdh ri h-earbaidh no ri laogh féidh: feuch, tha e 'n a sheasamh air cùl ar balla, a' scalltuinn a mach air na h-uinneagaibh 'g a nochdadh féin troimh'n chléith.

10 Fhreagair mo ghràdh, agus thubhairt e rium, Eirich, a bhean mo ghaoil, m'aon sgiamhach, thig leam:

11 Oir feuch, tha'n geamhradh seachad, tha'n t-uisge thairis, dh'imich e roimhe.

12 Chithear na blàthan air an talamh, tha àm seinn nan eun air teachd, agus cluinnear guth an turtuir 'n ar tìr.

13 Tha an crann-fige a' cur a mach 'fhigean glasa, agus tha dearcán maotha a' chròinn-fhìona a' toirt faile cùbhraidh uatha: éirich, a bhean mo ghaoil, m'aon sgiamhach, agus thig leam.

14 Mo choluman, 'tha ann an sgoltaibh na creige, ann an ionad dìomhair a' bhruthaich, leig dhomh anharc ort, leig dhomh

do ghuth a chluinntinn! oir tha do ghuth binn, agus d'eugas maiseach.

15 Glacaidh dhuinn na sìonnaich, na sìonnaigh bheaga, a mhilleas na croinn-fhìona, agus dearcán òga ar crann-fhìona.

16 Is leamsa mo ghràdh, agus is leis-san mise: tha e ag ionatradh am measg nan lili.

17 Gus am bris an là, agus an teich na sgàilean, pill; bi cosmhuil ri carbaidh, a ghràidh, no ri laogh féidh air beanntaibh Bheteir.

### CAIB. III.

1 'N a teanntachd dh'iarr an eaglais còmhnaidh o Chrìosd; 6 agus rinn i gairdeachas 'n a mhaithleas.

AIR mo leabaidh anns an oidheche dh'iarr mi an ti d'am bheil gràdh aig m'anam: dh'iarr mi e, ach cha d'fhuair mi e.

2 Eiridh mi a nis, agus théid mi mu'n cuairt anns a' chaithir, anns na sràidibh, agus anns na slighibh farsuinn iarraidh mi esan d'am bheil gràdh aig m'anam: dh'iarr mi e, ach cha d'fhuair mi e.

3 Thachair orm an luchd-faire a' dol mu'n cuairt anns a' chaithir: Am faca sibh an ti d'am bheil gràdh aig m'anam?

4 Cha deachaidh mi ach beagan air m'aghaidh uatha, 'n uair a fhuair mi esan d'am bheil gràdh aig m'anam; rinn mi greim air, agus cha leiginn as e, gus an d'thug mi e do thigh mo mhàthar, agus d'a scòmar-sa a rug mi.

5 Cuiream mar fhiachaibh oirbh, a nigh-eanan Ierusalem, air earbaibh agus air éildibh na macharach, nach cuir sibh dragh air, agus nach dùisg sibh fear mo ghràdh, gus an àill leis féin.

6 Cò ise a tha 'g éirigh suas as an fhàsach mar stuadhaibh deataich, cùbhraidh le mirr agus tùis, le uile mhin-dhus ceannaiche nan spiosraidh?

7 Feuch, uirigh Sholaimh! Tri fichead treun fhear m'a timchioll de threun fhear-aibh Israeil.

8 Fir chlaidheimh uile, cleachdta ann an cogadh; gach fear le 'chlaidheamh air a léis, an aghaidh gabhaidh na h-oidheche.

9 Rinn Solamh an Rìgh leabadh-phòsaidh dha féin de chrannaibh Lebanon.

10 A puist dhealbh e de airgiod, a h-ìochd-ar de òr, a còmhach de chorcur; bha a meadhon air 'oibreachadh le samhlaibh gràidh le nigh-eanaibh Ierusalem.

11 Rachaibh a mach, a nigh-eanan Shìoin, agus faicibh Rìgh Solamh leis a' chrùn leis an do chrùn a mhàthair e air là a phòsaidh, agus air là subhachais a chridhe.

### CAIB. IV.

1 Nochd Chrìosd dreach agus maise na h-eaglais.

16 Ghuidh an eaglais gu'm bitheadh i air a deanamh iomchuidh air son làthaireachd Chrìosd.

FEUCH, is àillidh thu, a bhean mo ghaoil; feuch, is àillidh thu! tha sùilean



choluman agad an taobh a stigh de d' chiabhan: *tha* d'fholt mar theud ghabhar a nochdar o shliabh Ghilead.

2 *Is* cosmhuil do dheud ris an treud lomarta, a thàinig a nìos o'n àite-nìghidh, a bheir-eas gach aon diubh càraid, agus gun aon chaora sheasg 'n am measg.

3 Mar shnàthainn dearg air a dhath dà uair *tha* do bhilean, agus *tha* do chainnt binn: mar mhìr de phomgranat *tha* do chamogan 'am meadhon do chiabh.

4 Tha do mhuineal mar thùr Dhaibhidh, air a chur suas gu bhì 'n a thigh-arm: *tha* mìle targaid crochta suas ris, uile sgiathan nan treun fhear.

5 *Tha* do dhà clìch mar dhà mheann carba, càraid na maoslich, a dh'ionaltras am measg nan lili.

6 Gus am bris an là, agus an teich na sgàilean, thèid mi gu beinn a' mhirr, agus gu tulach na tùise.

7 *Tha* thu uile àillidh, a bhean mo ghaoil, agus smal cha-n'èil annad.

8 Leamsa o Lebanon, a chéile, leamsa thig o Lebanon: seall o mhullach Amana, o mhullach Shenir agus Hermoin, o àitibh tàimh nan leòmhán, o bheanntaibh nan leopard.

9 Dh'èignich thu mo chridhe, a phiuthar, a chéile; dh'èignich thu mo chridhe le aon de do shùilibh, le aon slabhraidh mu d' mhuineal.

10 Cia taitneach a tha do ghràdh, a phiuthar, a chéile! Cia mòr is fear na fion do ghràdh, agus fàile d'oladh-ungaidh na na h-uile spìosraidh!

11 *Mar* a' chìr-mhcala silidh do bhilean, a chéile: *tha* mìl agus bainne fo d' theangaidh; agus *tha* fàile do thrusgain mar fhàile cùbhraidh Lebanoin.

12 *Is* lios glaste thu, a phiuthar, a chéile; fuanan dùinte, tobair air a sheulachadh.

13 *Tha* do gheugan *mar* lios phomgranat, leis a' mheas a's taitneiche; *le* croinn champhìr maille ri preasaibh spìocnaird:

14 Spìocnaird agus cròthach; cuile mhilis agus canal, leis na h-uile chraobhan tùise; mirr agus aloe, maille ris na spìosraidh a's taghta;

15 Fuanan lios, tobar uisgeachan beò, agus a' sruthadh o Lebanon.

16 Eirich, a ghaoth á tuath, agus thig, a ghaoth á deas, séid air feadh mo liosa, rachadh fàile cùbhraidh a spìosraidh a mach. Thigeadh m'annsachd d'a lios, agus itheadh e a thoradh taitneach.

# CAIB. V.

1 *Mhosgail an eaglais 'n uair a ghairm Crìosd*: 2 *A gràdh do'n Tighearn*. 9 *Tha Crìosd maiseach agus sònruichte am measg dheich mìle*.

**T**HA mi air teachd do m' lios, a phiuthar, a chéile; thionail mi mo mhirr maille

ri m' spìosraidh; dh'ith mi mo chìr-mhcala maille ri m' mhil; dh'òl mi m'fhion maille ri m' bhainne. Itihb, a chairdean, òlaibh, seadh, òlaibh gu pailt, a luchd mo ghràidh.

2 Tha mi a' m' chodal, ach tha mo chridhe ri faire. Guth fir mo ghràidh a' bualadh! Fosgail dhomh, mo phiuthar, mo bhana-charaid, mo choluman, mo bhean choimhlionta; oir tha mo cheann còmhdaichte le drùchd, mo chiabhan le braonaibh na h-oidhche.

3 Chuir mi dhòm mo thrusgan; cionnus a chuireas mi orm e? dh'ionnlaid mi mo chosan; cionnus a shalaicheas mi iad?

4 Chuir fear mo ghràidh a làmh troimh tholl an *doruis*, agus ghluaiseadh m'innigh air a shon.

5 Dh'èirich mi a dh'fhosgaidh do fhear mo ghràidh; agus shìl mo làmhan mirr, agus mo mheòir mirr ruidhteach, air làmhan na glaise.

6 Dh'fhosgail mi do fhear mo ghràidh; ach thionndaidh fear mo ghràidh, agus dh'imich e roimhe. Thréig m'anam mi 'n uair a labhair e. Dh'iarr mi e, ach cha d'fhuair mi e; ghairm mi air, ach cha do fhreagair e mi.

7 Fhuair an luchd-faire a bha 'dol air an cuairtibh 's a' bhaile mi; bhuail iad mi, lot iad mi; thug luchd-coimhid nam balla m'fhalluinn dhìom.

8 Cuiream mar fhiachaibh oirbh, a nigh-eanan Ierusalem, ma gheibh sibh fear mo ghràidh, gu'n innis sibh dha, *mar tha* mi tinn le gràdh.

9 Cìod e fear do ghràidh-sa thar fear-gràidh *eile*, O thusa a's àillidh am measg bhan? cìod e fear do ghràidh-sa thar fear-gràidh *eile*, gu'n do chuir thu air an dòigh so mar fhiachaibh oirnn?

10 *Tha* fear mo ghràidh-sa geal agus dearg, sònruichte am measg dheich mìle.

11 *Tha* a cheann *mar* an t-òr a's gloine; a chiabhan bachlagach, dubh mar am fith-each.

12 *Tha* a shùilean mar shùilibh choluman làimh ri sruthaibh uisgeachan, a nigheas iad féin ann am bainne, air an suidheachadh gu ceart.

13 *Tha* a ghruaidhean mar leabaidh spìosraidh, *mar* bhlàthaibh cùbhraidh; a bhilean *mar* lildhibh, a' sìleadh mirr ruidhtich.

14 *Tha* a làmhan *mar* fhàinnibh òir suidhichte le berilibh; a chom *mar* fhiacail *elephaint* liobhta, air a cur thairis le saphiribh:

15 *Tha* a chosan *mar* phuist marmoir, suidhichte air bonnaibh de'n òr a's gloine; a choslas *mar* Lebanon, barraichte *mar* na seudair.

16 *Is* ro mhilis a bheul; seadh, *tha* e gu léir ionmhuinn. *Is* e so fear mo ghràidh-sa, agus *is* e so mo charaid, a nigheanan Ierusalem.

## CAIB. VI.

1 *Tha an eaglais a' cur 'an cèill a creidimh, agus a gràidh do Chrìosd. 4 Nochd Crìosd, maise na h-eaglais', 10 agus a ghràdh dhi.*

**C**AIT an deachaidh fear do ghràidh, O thusa a's àillidh ann measg bhan? cia an taobh a thionndaidh fear do ghràidh? agus iarraidh sinn e maille riut.

2 Chaidh fear mo ghràidh-sa sìos d'a lios, gu leapaichibh nan spìosraidh, a dh'ionalt-radh anns na liosaibh, agus a thional lili.

3 Is le fear mo ghràidh mise, agus is leamsa fear mo ghràidh: tha e ag ionalt-radh am measg nan lili.

4 Is àillidh thu, a bhean mo ghaoil, mar Thìrsach, maiseach mar Ierusalem, uamhasach mar shluagh le'm brataichibh.

5 Tionndaidh uam do shùilean, oir chlaoidh iad mi: *tha* d'fholt mar threud ghabhar a nochdar o Ghilead.

6 *Tha* do dheud mar threud chaorach, a thàinig a nìos o'n àite-nighidh, a bheireas gach aon diubh càraid, agus gun aon chaora sheasg 'n am measg.

7 Mar mhìr de phomgranat *tha* do chamog-an 'am meadhon do chiabh.

8 Tha trì fichead ban-righinn, agus ceithir fichead leannan ann, agus òighean gun àireamh.

9 Is ise 'n a h-aonar mo choluman, mo bhean choimhlionta; is i aon nighean a màthar i, a seirce-sa a rug i. Chumnaic na nigheanan i, agus bheannaich iad i; na ban-righinnean agus na leannan, agus mhol iad i.

10 Cò ise a chithear mar a' mhaduinn, sgiamhach mar a' ghealach, glan mar a' ghrian, uamhasach mar *shluagh* le'm brataichibh?

11 Do lios nan cùd chaidh mi sìos, a ghabhail beachd de thoradh a' ghlinne, a dh'fhaicim an robh an fhìonain fo bhlàth, an robh na pomgranait a' briseadh a mach.

12 Mun d'thug mi an aire, air leam gu'n do thairngeadh a mach dhomh carbadan Aminadaibh.

13 Pill, pill, a Bhan-Shulamach, pill, pill, agus amhaireamaid ort. Car son a dh'amhaireadh sibh air a' Bhan-Shulamaich? mar bhuidheam dà fheadh.

## CAIB. VII.

1 *Ailleachd agus maise na h-eaglais: 10 Nochd i a creidimh, agus a dèigh air Crìosd.*

**C**IA àillidh do chosan ann am brògaibh, a nighean rìoghail! *tha* uist do shliasad mar usgraichibh, obair lànfh fir-cirde:

2 *Tha* d'imleag mar chuaich chruinn, air nach bi casbhuidh dibhe; do bholg mar dhùn cruthneachd, cuairtiche le lili-dhibh.

3 *Tha* do dhà chich mar dhà mhean earba, càraid na maoslich.

4 *Tha* do mhuineal mar thùr ìbhorì; do

shùilean mar lochaibh éisg ann an Hecson, làimh ri geata Bhat-rabim; do shròn mar thùr Lebanon, a sheallas a làimh Dhamascuis.

5 *Tha* do cheann ort cosmhuil ri Carmel, agus folt do chiun cosmhuil ri coreur: *tha* an rìgh ceangailte 'n a sheòmrachibh.

6 Cia àillidh, agus cia taitneach a tha thu, a ghaoil, ann ad mhaisealachd?

7 Tha'n àirde sin agad cosmhuil ri craoibh-phailme, agus *tha* do chiochan mar bhagaidibh fhion-dhearc.

8 Thubhairt mi, Streapaidh mi suas do'n chraoibh-phailme, gabhaidh mi greim d'a geugaibh: agus a nis bitfidh do chiochan mar bhagaidibh de'n fhìon-chraoibh, agus cùbhraidheachd d'eudainn marchùbhraidheachd nan ubhall:

9 Mar an ceudna do chàirean mar am fìon a's farr, air son mo ghràidh, a théid sìos gu milis, a' toirt caimte do bhlilb ann dream a choidleas.

10 Is le fear mo ghràidh mise, agus is ann ormsa a *tha* a dhéidh.

11 Thig, fhir mo ghràidh, rachamaid a mach do'n mhachair; fanamaid ré na h-oidhche anns na bailtibh.

12 Anns a' mhoch-thràth rachamaid do na fìon-liosaibh, seallamaid am bheil an fhìon-chraobh air teachd fo bhlàth, am bheil an fhìon-dhearc bheag 'g a nochdadh féin, am bheil na pomgranait air briseadh a mach: an sin bheir mi mo ghràdh dhuit.

13 Tha na mandragan a' tabhairt fàile cùbhraidh uatha; agus aig ar geataibh, gach meas a's taghta, ùr agus sean, fhir mo ghràidh, thaisg mi dhuitse.

## CAIB. VIII.

1 *Thug an eaglais gràdh mòr do Chrìosd. Gairm nan cinneach. 14 Ghuìdh an eaglais air son teachd Chrìosd.*

**T**S truagh nach robh thu mar mo bhràthair, a dheothail cìochan mo mhàthar! Nam faighinn a muigh thu, phògaim thu, agus cha deantadh tàir orm.

2 Thredraichinn thu, bheirinn leam thu do thigh mo mhàthar, a theagaisgeadh mi; bheirinn ort òl de fhìon spìosradhach, de shùgh mo phomgranait.

3 *Bhithheadh* a làmh chli fo m' cheann, agus bhithheadh a làmh dheas timchioll orm.

4 Cuiream mar fhiachaibh oirbh, a nigheanan Ierusalem, [air earbaibh agus air éildibh na macharach], nach cuir sibh dragh air, agus nach dùisg sibh fear mo ghràidh gun an àill leis féin.

5 Cò ise a tha 'teachd a nìos o'n fhàsach, an taice ri fear a gràidh? Fo'n chraoibh-ubhall thog mi suas thu: an sin bha do mhàthair ri saothair ort; an sin bha i ri saothair, rug i thu.

6 Cuir mise mar sheula air do chridhe,



mar sheula air do ghairdean; oir làidir mar am bàs *tha* an gràdh, an-ìochdmhor mar an uigh an t-eudach: *is* ìbhle teine 'èibhle-san, lasair ro gharg.

7 Cha-n urraim uisgeachan lìonmhor an gràdh a mhùchadh, agus cha bhàth na tuiltean e. Nan tugadh duine uile mhaoin a thighe air son gràidh, dheanadh daoine tàir air gu tur.

8 *Tha* piuthar bheag againn, agus cha-n'èil cìochan aice: cìod a nì sinn air son ar peathar, 's an là anns an labhrar m'a timchioll?

9 Ma's balla i, togaidh sinn oirre lùchairt airgid; agus ma's dorus i, dùinidh sinn suas i le bordaibh seudair.

10 *Bu* bhalla mi, agus *bha* mo chìochan mar thùraibh; an sin *bha* mi 'n a shùilibh mar aon a fhuair deadh-ghèan.

11 Bha fion-lios aig Solamh ann am Baalhamon; dh'earb e am fion-lios ri luchd-coimhid; bha gach fear gu tabhairt *da*, air son a thoraidh, mìle *bonn* airgid.

12 *Tha'm* fion-lios a's leamsa fa m' chomhair: *tha* am mìle *bonn* dhuitse, a Sholaimh, agus dà cheud do luchd-coimhead a thoraidh.

13 O thusa a ghabhas còmhndh anns na liosaibh, tha do chompanaich a' cluinntinn do ghutha; thoir ormsa a' chluinntinn.

14 Dean cabhaig, fhir mo ghràidh, agus bi cosmhail ri h-earba, no ri laogh féidh air beanntaibh nan spìosraidh.

# ISAIAH.

## CAIB. I.

1 *Tha* Isaiah a' gearan a chionn gu'n d'rinn Iudah ceannairc an aghaidh an Tighearna. 5 Truaidheachd an t-sluaigh. 10 Chronaich am fàidh iad air son an tabhartas dìomhain; 16 agus chomhairlich e dhoibh aithreachas a ghabhail. 28 Sgrìos nan aingidh.

**T**AISBEANADH Isaiah mhic Amois, a chunnaic e nu thimchoill Iudah agus Ierusalem, ann an làithibh Usiah, Iotam, Ahais, agus Hesechia, rìghrean Iudah.

2 Cluinnibh O nèamhan, agus tabhair éisdeachd O thalamh, oir tha an Tighearna a' labhairt: Dh'altruim mise, agus thog mi suas clann; agus rinn iadsan ceannairc a'm' aghaidh.

3 Is aithne do'n damh a shealbhadair, agus do'n asail prasach a maighstir; ach cha-n aithne do Israel; cha-n'èil mo shluagh-sa a' toirt fainear.

4 Ah, cinneach peacach! sluagh luchdaichte le h-aingidheachd! siol nan daoi! clann a tha 'n am milltearaibh! thréig iad an Tighearna, bhrosnuich iad Ti naomh Israeil gu feirg, dh'fhalbh iad air an ais.

5 C'ar son a bhuaillear sibh nì's mò? théid sibh nì's faide agus nì's faide air seacharan. Tha an ceann uile tinn, agus an cridhe uile fann.

6 O bhonn na coise gu ruig an ceann, cha-n'èil fallaineachd ann; ach lot, agus bruthadh, agus creuchd lobhta; cha do theann-aiseachd ri 'chéile iad, cha do cheangladh suas iad, cha do thaisicheadh le h-olaidh iad.

7 Tha bhuir tìr fàs, tha bhuir bailtean air an losgadh le teine; bhuir fearann, tha coigrich 'g a ithcadh suas 'n 'ur làthair; agus dh'fhàsaicheadh e, mar gu'm bitheadh e air a sgrìos le sluagh coimheach.

8 Agus tha nighean Shìoin air a fàgail mar bhothan ann am fion-lios, mar thigh-

fasgaidh ann an gàradh chularan, mar bhaile air a theannachadh le naimhdeibh.

9 Mur bhitheadh gu'n d'fhàg Tighearna nan sluagh iarmad ro bheag againn, 's ann a bhitheamaid mar Shodom, bhitheamaid cosmhail ri Gomorrah.

10 Cluinnibh focal an Tighearna, O uachdarana Shodom; éisdibh ri lagh ar Dé-ne, a mhuinntir Ghomorrah:

11 Cìod e lìonmhoireachd 'ur n-ìobairtean dhomhsa? deir an Tighearna: tha mi làn de thabhartasaibh-loisgte reitheachan, agus de shail bhèathaichean biadhtha; ach ann am fuil tharb, agus uan, agus bhoc ghaibhre, cha-n'èil mo thlachd.

12 An uair a thig sibh gu'r taisbeanadh féin ann am làthair-sa, cò a dh'iarr so air 'ur làimh, mo chùirtean-sa a shaltairt?

13 Na tugaibh tabhartas dìomhain uaibh nì's mò: tha tùis 'n a gràineileachd dhomh; a' ghealach ùr, agus an t-sàbaid, gairm a chomh-chruinneachaidh, cha-n fheudar leam 'fhuilang; is euceart eadhon an comhghairm naomh.

14 Bhuir gealaichean ùra, agus 'ur féillean suidhichte, is fuath le m'anam; tha iad 'n an eallaich orm; tha mi sgèth d'an giùlan.

15 Agus an uair a shìneas sibh mach 'ur làmhnan, folaichidh mise mo shùilean uaibh; seadh an uair a nì sibh iomadh urnuigh, cha-n éisd mi: tha 'ur làmhnan làn fola.

16 Nighibh, glanaibh; cuiribh air falbh òle 'ur deanadais as mo shealladh; sguiribh de'n òle.

17 Fòghlumaibh maith a dheanamh; iarraibh breitheanas; deanaibh fuasgladh air an fhear a tha sàruichte; cumaidh còir ris an dilleachdan; tagraibh cùis na bantraich.

18 Thigibh a nis, agus tagramaid ri 'chéile, deir an Tighearna; ged robh 'ur peacaidhean mar an scarlaid, bithidh iad geal mar an

sneachd; ged robh iad dearg mar choreur, bithidh iad mar olainu.

19 Ma bhitheas sibh toileach agus umhal, ithidh sibh *toradh* maith an fhearainn:

20 Ach ma bhitheas sibh eas-umhal agus ceannairceach, ithear suas sibh leis a' chlaidheamh; oir labhair beul an Tighearn 'e.

21 Cionnus a dh'fhàs a' chaitheir dhileas 'n a strìopaich! bha i làn de bhreitheanas, bha ionracas a' gabhail còmhnuidh innte, ach a nis mortairean.

22 Tha d'airgid air fàs 'n a shalchar; tha d'fhòn air a mheasgadh le h-uigse:

23 Tha d'uachdarain ceannairceach, agus 'n an companachaidh mhèirleach; tha gach aon diubh 'an geall air tìodhlac, agus a' leantuinn dhuaisean; ris an dilleachdan cha-n'eil iad a' cumail cothrom, agus cùis na bantraich cha-n'eil a' teachd 'n an làth-air.

24 Uime sin deir an Tighearn, Tighearn nan sluagh, Ti cumbachdach Israeil, Aha! bheir mi fois dhomh féin a thaobh m'eas-cairdean; dìolaidh mi mi féin air mo naimh-dibh:

25 Agus pillidh mi mo làmh ort, agus glanaidh mi uait do shalchar gu ro ghlan, agus bheir mi air falbh d' uile staoin.

26 Agus aisgidh mi do bhreitheamhnan: mar air tùs, agus do luchd-comhairle mar a bha iad 'an toiseach; 'n a dhéigh sin goirear dhòt baile na fireantachd, a' chaitheir dhileas.

27 Saorar Sion ann am breitheanas, agus a muinntir iompaichte ann ara fireantachd.

28 Agus claidhear luchd-eusaontais agus peacaich maraon; agus bithidh iadsan a thréigean an Tighearn air an caitheamh as.

29 Oir gabhaidh iad nàire de na daragaibh a mhiannaich sibh; agus bithidh rugha gruaidh oirbh air son nan liosan a ròghnaich sibh:

30 Oir bithidh sibh mar dharaig aig am bheil a duilleach air seargadh, agus mar lios anns nach 'eil uigse.

31 Agus bithidh an duine làidir mar asgart, agus 'oibriche mar shrad: agus loisgidh iad le 'chéile cuideachd, agus cha bhì neach ann a mhùchas iad.

### CAIB. II.

1 *Fàidheadaireachd mu thimchioll rìoghachd Chrìosd.* 6 *Air son an àinigidheachd thréig Dia tigh Iacoib.* 10 *Dh'innseadh do'n t-sluagh q' n' leagar sìos àrdan nan uaibhreach ann an là mòr an Tighearna.*

**A**M focal a chumnaic Isaiah mac Amois mu thimchioll Iudah agus Ierusalem.

2 Tarlaidh anns na làithibh deireannach gum bi shlabh tìghe an Tighearna air a dhaingneachadh air mullach nan sléibhteann; agus àrdaichear e os ceann nam beann; agus sruthaidh na h-uile chinnich d'a ionnsuidh.

3 Agus théid mòrau shlògh, agus their iad, Thigibh, agus rachamaid suas gu shlabh

an Tighearna, gu tigh Dhé Iacoib; agus teagaisgidh e sinn mu a shlighibh, agus imichidh sinn 'n a cheumaibh; oir o Shìon théid an lagh a mach, agus focal an Tighearn o Ierusalem.

4 Agus bheir e breth am measg nan cinn-each, agus bheir e achmhasan do mhòran shlògh; agus buailidh iad an claidhean gu coltair, agus an sleaghan gu corraibh-sgathaidh; cha tog cinneach claidheamh an aghaidh cinnich, agus cha-n fhòghlum iad cogadh ni's mò.

5 O thigh Iacoib, thigibh agus imicheamaid ann an solus an Tighearna.

6 Air an aobhar sin thréig thu do shìnach, tigh Iacoib, a chionn gu bheil iad air an lìonadh o'n àird an ear, agus 'n an luchd-fiosachd mar na Philistich; agus tha an tlachd ann an cloinn choigreach.

7 Agus tha an tìr air a lìonadh le airgid agus òr, agus cha-n'eil crìoch air an ionmhas-aibh; tha an tìr air a lìonadh le h-eachaibh, agus cha-n'eil crìoch air an carbadaibh.

8 Tha an tìr fòs air a lìonadh le h-ìodhol-aibh; tha iad a' sleuchdadh do obair an làmh féin, do'n ni sin a rinn am meòir féin.

9 Agus tha an duine suarach a' cromadh sìos, agus tha an duine àrd 'g a isleachadh féin; agus cha tabhair thusa maitheanas dhoibh.

10 Imich a steach do'n charraig, agus fol-aich thu féin anns an ùir, roimh uamhas an Tighearn, agus o ghlòir a mhòrachd.

11 Islichear sealladh uaibhreach an duine mhòir, agus leagar sìos àrdan nan daoine suarach; agus bithidh an Tighearn 'n a aonar air àrdachadh anns an là sin.

12 Oir *thig* là Tighearna nan sluagh air gach neach a tha uaibhreach agus àrd, agus air gach neach a tha air a thogail suas, agus leagar sìos e;

13 Agus air uile sheudaraibh Lebanoin, a tha àrd agus togt a suas; agus air uile dharagaibh Bhàsain;

14 Agus air na h-uile bheanntaibh àrda, agus air na h-uile chinocaibh a tha togt a suas;

15 Agus air gach tùr àrd, agus air gach balla daingnichte;

16 Agus air uile longaibh Tharsis, agus air na h-uile dhealbhan sgiamhach.

17 Agus islichear uabhar an duine mhòir, agus leagar sìos àrdan nan daoine suarach; agus bithidh an Tighearn 'n a aonar air àrdachadh anns an là sin.

18 Agus cuiridh e na h-ìodholan gu buileach air cùl.

19 Agus théid iad a steach ann an còsaibh nan creag, agus ann an tuill na talmhainn, roimh uamhas an Tighearn, agus o ghlòir a mhòrachd, 'n uair a dh'éireas a chrathadh na talmhainn gu h-uamhasach.

20 Anns an là sin tilgidh duine ìodholan airgid agus ìodholan òir, a rinn iad, *gach*



aon dha féin, gu sleuchdadh dhoibh, chum nam fann agus chum nan ialtag;

21 Gu dol a steach ann an còsaibh nan creag, agus ann am mullaichibh nan sgeir, roimh uamhas an Tighearn, agus o ghloir a mhòrachd, 'n uair a dh'èireas e a chrathadh na talmhainn gu h-uamhasach.

22 Leigibh dhìbh *'ur dùil* ri duine, aig am bheil 'anail' n a chuinnceanab; oir ciod am fath mu'n gabhar meas dheth?

### CAIB. III.

1 *Na h-uile a bha gu teachd air Iudah a chionn gu'n do thrèig iad Dia.* 10 *Eiridh gu maith do'n ionracan,* 11 *ach diolar do'n aingidh a rèir gnìomharan a làmh.* 16 *Peanas nigh-eanan Shioin air son an uail.*

**O**IR feuch, bheir an Tighearn, Tighearn nan sluagh, air falbh o Ierusalem agus o Iudah, an lorg agus am bata, uile lorg an arain, agus uile lorg an uisge,

2 An treun-fhear agus am fear-cogaidh, am breitheamh agus am fàidh, an duine glic agus an seanair;

3 An ceannard air leth-cheud agus an duine urramach, agus an comhairliche, agus am fear-ceirde seòlta, agus am fear-labhairt deas-bhriathrach.

4 Agus ni mi leanabain 'n an uachdaran-bailh orra, agus riaghlaidh naoidheanan os an ceann.

5 Agus bithidh an sluagh air an sàruchadh, gach fear le 'chéile, agus gach fear le 'choimhearsnach; ni an t-ogach tair air an aosda, agus an duine an-ualas air an duin' uasal.

6 An uair a ghlacas fear a bhràthair, de thigh 'athar, air a thrusgan, *ag ràdh*, Thig, agus bi a'd' fhear-riaghlaidh oirn, agus bithidh an t-aomadh so fo do làimh-sa:

7 Labhraidh e air an là sin, ag ràdh, Cha bhi mis' a'm' fhear-slanuchaidh *dhuibh*; oir ann am thigh-sa cha-n'eil biadh no eudach; na cuiribh mise suas a'm' fhear-riaghlaidh air an t-sluagh.

8 Oir tha Ierusalem air aomadh sìos, agus Iudah air tuiteam; a chionn gu bheil an teaghadh agus an deanadas an aghaidh an Tighearna, a bhrosnachadh sùl a ghlòire.

9 Tha sealladh an gnùise a' toirt fannis 'n an aghaidh; agus tha iad a' deanamh am peacaidh follaiseach, mar Shodom; cha-n'eil iad 'g a fholach; is truagh do an anamaibh, oir thug iad ole orra féin.

10 Abraibh ris an ionracan *gur maith a dh'èireas* dha; oir toradh an gnìomharan ithidh iad.

11 Is an-aoibhin do'n aingidh; *is ole a dh'èireas* dhà-san; oir diolar dha obair a làmh féin.

12 *Do thaobh* mo shluaigh-sa, tha clann a' deanamh sàruchaidh orra, agus tha mnathan a' riaghladh os an ceann. O mo shluagh, tha do chinn-iuil 'g ad chur air seacharan, agus a' fiaradh slighe do cheuman.

13 Tha an Tighearn a' seasamh suas chum tagraidh; agus tha e a' seasamh a thabhairt breith air an t-sluagh.

14 Tionnsgnaidh an Tighearn ann am breitheanas ri seanairibh a shluaigh, agus r'an uachdaranab; oir dh'ith sibh suas am fion-lios; tha creach nam bochd 'n 'ur tighibh.

15 Ciod a's ciall duibh, gu bheil? sibh a' pronnadh mo shluaigh, agus a' bleth eudan-nan nam bochd? deir Iehobhah Tighearn nan sluagh.

16 Os bàrr, thubhairt an Tighearn, A chionn gu bheil nigheanan Shioin uallach, agus ag imeachd le muinealaibh sìnte mach, agus le sùilibh meara, ag imeachd le ceumaibh iullagach, agus a' deanamh fuaimne le'n còsaibh:

17 Uime sin ni an Tighearn maol mullach cinn nigheanan Shioin, agus leigidh an Tighearn ris an nàire.

18 Anns an là sin bheir an Tighearn air falbh àille nan cos-flàinneachan, agus na bréidean, agus na samhrlachan-gealaich,

19 Na cluigeanan, agus na làmh-flailean, agus na sgàilean,

20 Na cuileanan, agus na ghùineanan, agus na foilteanan, agus na soircean-boltraich, agus na cluas-flàinneachan,

21 Na fàinneachan, agus na seudan-sròine,

22 Na trusganan lasach, agus na tonnagan, agus na falluinean, agus na dealgan,

23 Na sgàthanan, agus na léintean anairt, agus na curaichdean, agus na bratan-sgàile.

24 Agus 'an àite deadh fhàile *bithidh* bréine, agus 'an àite ciosa *bithidh* srachadh, agus 'an àite fuil air a dheadh-chleachdadh *bithidh* maoile, agus 'an àite crios-uchd *bithidh* ceanglachan saic-eudaich, agus losgadh 'an àite maise.

25 Tuitidh do dhaoine leis a' chlaidheamh, agus do threun-fhir anns a' chogadh.

26 Agus ni a geatachan caoidh agus bròn; agus suidhidh i, gu h-aonaranach, sìos air an làr.

### CAIB. IV.

1 *Teanntachd bhan Iudah.* 2 *Sonas agus maise riochachd Chrìosd.*

**A**GUS ni seachd mnathan greim air aon fhear 's an là sin, ag ràdh, Ar n-aran féin ithidh sinn, agus ar n-eudach féin caitidh sinn; a mha'n bitheamaid air ar n-ainmeachadh ortsas, a thoirt air falbh ar mi-chliu.

2 Anns an là sin bithidh meangan an Tighearna sgiamhach agus glòrmhor, agus toradh an fhearainn oirdheire agus mais-each, dhoibhsan a théid as de Israel.

3 Agus tarlaidh, an neach a dh'fhàgar ann an Sion, agus a dh'fhanas ann an Ierusalem, goirear esan naomh, *cadhon* gach aon a tha sgriobhta am measg nam beò ann an Ierusalem.

4 An uair a nìgheas an Tighearn air faibh'

salchar nigheanan Shioin, agus a ghlanas e fuil Ierusalem as a meadhon, le spiorad breitheanais, agus le spiorad losgaidh.

5 Agus cruthaichidh an Tighearn air gach àite-tàimh de shliabh Shioin, agus air a còimhlìonalaibh, neul anns an là, agus deatach, agus dealradh teine lasaraich anns an oidhche; oir thar a' ghloir uile bithidh còmhach.

6 Agus bithidh e'n a blùth, air son sgàile o'n teas anns an là, agus air son dèidin, agus air son ionaid-fasgaidh o'n doininn agus o'n uisge.

### CAIB. V.

1 *Le cosamlachd lios-fìona nochd Dia ceartas a bhreitheanais. 8 Nì an Tighearn peanas air luchd-sannt, 11 air gèdairibh, 18 air luchd-deanamh an uile, 20 agus orra-san a ghnàth-achas euceart. 26 Còimhlìonadh bhreitheanas Dhè.*

**S**EINNIDH mi nis do fhear mo ghràidh, òran le fear mo ghràidh mu thimchioll a lios-fìona. Bha aig mo ghràdh-sa fion-lios air cnoc àrd tarbhach.

2 Agus chuir e callaid m'a thimchioll, agus ghlan e na clachan as, agus shuidhich e rogha fìonain ann, agus thog e tùr 'n a mheadhon, agus chladhaich e amar-fìona cuideachd; agus dh'amhairc e dh'fheuchainn an tugadh e mach dearcain fìona, agus thug e mach dearcain fiadhain.

3 Agus nise, O luchd-àiteachaidh Ierusalem, agus fheara Iudah, thugaibh breth, goidheam oirbh, eadar mise agus m'fhion-lios.

4 Ciod tuilleadh a ghabhadh deanamh ri m'fhion-lios nach d'rim mi ris? Car son, an uair a dh'amhairc mi an tugadh e mach dearcain fìona, a thug e mach dearcain fiadhain?

5 Agus a nis thigibh, nochdaidh mise dhuibh ciod a ni mi ri m'fhion-lios; bheir mi air falbh a challaid, agus ithear suas e; brisidh mi a bhalla, agus bithidh e air a shaltair sìos.

6 Agus cuiridh mi fàs e; cha sgathar e, agus cha ruamhair e; ach fàsaidh an dris agus an droighinn ann; agus bheir mi àithne do na neulaibh nach fras iad uisge air.

7 Oir is e fion-lios Tighearna nan sluagh tigh Israeil, agus daoine Iudah luibh a mhòir thlachd; agus bha sùil aige ri breitheanas, agus feuch ain-tighearnas; ri ceartas, agus feuch gaoidh ghoirt.

8 Is an-aobhin dhuibhse a tha 'cur tìge ri tigh, agus a' cur achaidh ri achadh, gus nach bi àit ann, agus gu'n gabh sibh còmh-nuidh leibh fèin ann am meadhon na tire.

9 Ann am chluasaibh *thubhairt* Tighearn nan sluagh, Gu deimhin bithidh iomadh tigh fàs, *tighean* mòra agus maiseach, gun neach a' gabhail còmh-nuidh anna.

10 Bheir deich acairean de fhion-lios aon

bhat *fìona*, agus *Urua* Homer de shìol uaith Ephal.

11 Is an-aobhin dhoibhsan a dh'éireas gu moch 's a' mhaduinn, a dhol an dèigh dibhe làidir; a bhuanacheas gu fcasgar, ionnus gu'n cuir am fion teas orra.

12 Agus tha a' chlàrsach, agus a' chruit-chiùil, agus an tàbor, agus a' phìob, agus fion 'n an cuirmibh; ach obair an Tighearna cha-n'eil iad a' cur 'an suim, agus gnòmh a làmh cha-n'eil iad a' toirt fainear.

13 Uime sin tha mo shluagh air dol ann am braighdeanas, a chionn *gubheil* iad gun eòlas; agus tha an uaislean air bàsachadh le gort, agus an islean air tiormachadh le tart.

14 Air an aobhar sin mheudaich an uaigh a ciocras, agus dh'fhosgail i a beul thar tomhas; agus thèid an glòir, agus am mòr shluagh, agus an greadhnachas, agus esan a tha ri aighir, sìos d'a h-ionnsuidh.

15 Agus leagar sìos an duine suarach, agus islichear an duine cumbhachdach, agus islichear sùilean nan uaibhreach.

16 Ach bithidh Tighearn nan sluagh air 'ardachadh ann am breitheanas; agus bithidh an Dia naomh air a naomhachadh ann an ceartas.

17 An sin ionaltraidh na h-uain mar is àbhaist doibh; agus ithidh coigrich mach-raichean fàsail na muinntir' reamhair.

18 Is an-aobhin dhoibhsan a tha 'tarruing aingidheachd le cordaibh dìomhanais, agus peacaidh mar le taodaibh feuna:

19 A deir, Deanadh e deifir, greasadh e 'obair, a chum gu'm faic sinn; agus dlùth-achaidh comhairle Ti naoimh Israeil, agus thigeadh i *gu crìch*, a chum gu'm bi fios againn.

20 Is truagh dhoibhsan a deir maith ri ole, agus ole ri maith; a tha 'cur dorchadais 'an àite soluis, agus soluis 'an àite dorchadais; a tha 'cur an t-seirbh 'an àit a' mhillis, agus a' mhillis 'an àit an t-seirbh.

21 Is truagh dhoibhsan a tha glic 'n am barail fèin, agus 'n am beachd fèin tuigseach.

22 Is truagh dhoibhsan a tha làidir a dh'òl fìona, agus 'n an daoineibh neartanhor a mheasgadh dibhe làidir:

23 A tha 'saoradh a' chiontaich air son duaise; agus a' toirt ionracais an fhèirein air falbh uaith.

24 Uime sin mar a dh'imlicheas teangadh an teine suas an asbhuain, agus a chnàmhas an lasair am moll, *mar sin* bithidh am freumh-san mar fhiodh gròd, agus thèid an blàth suas mar dhùslach; a chionn gu'n do dhiùlt iad le tàir lagh Tighearna nan sluagh, agus gu'n do chuir iad eul ri focal Ti naoimh Israeil.

25 Air an aobhar sin tha corruich an Tighearn' air lasadh an aghaidh a shluaigh; agus shìn e mach a làmh 'n an aghaidh, agus



## ISAIAH, VI, VII.

bhail e iad; agus chrìochnaich na sléibhteann, agus bha an colainnean mar aolach air meadhon nan sràidean. Air son so uile, cha-n'eil a chorruich air pilleadh air falbh; ach tha a làmh fathast sìnte mach.

26 Agus togaidh e suas bratach do na cinnich am fad as, agus ni e fead air an son o iomall na talmhainn; agus, fench, le deifir thig iad gu lath.

27 Cha bhi aon neach fann, agus cha bhi aon neach tuisleach 'n am measg; cha tig clò, cha tig codal *air aon diubh*; cha-n'fhnasgailear crios an leasraidh, agus cha bhrisear barr-iall am bròg.

28 Aig am bheil an saighdean air an geurachadh, agus am boghachan uile air ghleus; bithidh iongannan an each air am meas mar ailbhinn, agus an rothan mar chuairt-ghaoith.

29 *Bithidh* am beucaich mar leòmhnan boireann; beucaidh iad mar leòmhanaibh òga; agus ni iad mllan, agus glacaidh iad a' chreach, agus togaidh iad leo i, agus cha bhi neach ann a theasairgeas.

30 Agus anns an là sin beucaidh iad 'n an aghaidh, mar bheucaich na fàirge; agus seallaidh iad air an talamh, agus, fench, dorchadas *agus* teanntachd; agus bithidh an solus air a dhorchachadh anns na speuraibh.

### CAIB. VI.

1 *Taisbeanadh Isaiah mu thimchioll an Tighearna 'n a ghldòir.* 5 Bha am fàidh fo eagal, 6 agus thug aingeal misneach dha. 8 Chuir eadh e dh'ionnsuidh an t-sluaigh a nochdadh dhoibh gu'n robh iad reasgach agus do-lubaidh.

**A**NNS a' bhliadhna 's an d'fhuair rìgh Usiah bàs, chunnaic mi an Tighearn 'n a shuidhe air caithir rìoghail, àrd agus togtas suas; agus lion iomall a thrusgain an teampull.

2 Os a cheann sheas seraphim: aig gach aon bha sè sgiathan; le dithis chòmhdach e 'n aghaidh, agus le dithis chòmhdach e a chosan, agus le dithis rinn e itealaich.

3 Agus ghlaodh iad, gach aon r'a chéile, agus thubhairt iad, Is naomh, naomh, naomh Tighearn nan sluagh; tha an talamh uile lan d'a ghldòir.

4 Agus ghluais ursainnean an doruis le guth an ti a ghlaodh, agus lionadh an tigh le deataich.

5 Agus thubhairt mi, Mo thruaighe mise! oir chaidh as domh; oir is duine mi aig am bheil bilean neòghlan, agus am measg sluaigh aig am bheil bilean neòghlan tha mi a'm' chòmhnuidh; oir chunnaic mo shùilean an Rìgh, Tighearn nan shlagh.

6 An sin thàinig aon de na seraphim ag itealaich a m' ionnsuidh, agus 'n a làmh éibhleag bheò, a thug e leis a' chlobha bhàrr na h-altarach;

7 Agus bhean e ri mo bheul, agus thubhairt e, Feuch, bhean so ri d' bhilibh; agus tha

d'aingidheachd air a toirt air falbh, agus do lochd air a ghlanadh.

8 Agus chuala mi guth an Tighearn' ag ràdh, Cò leis a chuireas mi fios? agus cò 'théid air an son? Agus thubhairt mi, Feuch, tha mise an so; cuir fios leamsa.

9 Agus thubhairt e, Rach, agus abair ris an t-sluagh so, Cluinnibh da rìreadh, ach na tuigibh; agus seallaibh da rìreadh, ach na tugaibh fainear.

10 Dean cridhe an t-sluaigh so reamhar, agus dean an chnasan trom, agus druid an suilean; mu'n faic iad le'n sùilibh, agus mu'n cluinn iad le'n chluasibh, agus mu'n tuig iad le'n cridheachaibh, agus gu'n ionpaichear iad, agus gu'm bi iad air an slànuchadh.

11 An sin thubhairt mise, Cia fhad a Thighearn? Agus thubhairt esan, Gus an cuirear bailtean fàs, gun neach 'g an àiteachadh; agus tighean, gun duine d' gabhail ògmhuidh anna; agus gu'm bi am fearann gu tur air fhàsachadh;

12 Agus gu'm fogair an Tighearn daoine am fad as; agus gu'm bi fasalachd mhòr ann am meadhan na tìre.

13 Ach fathast *bithidh* deachamh imte; agus pillidh e, agus caithear e; mar an cuilinn agus an darach, aig am bheil brìgh anna, ged thig iad an duilleach; mar sin *bithidh* sìol naomh 'n a bhrìgh imte-sa.

### CAIB. VII.

1 Thug Isaiah misneach do Ahas 'n uair a bha e fo amharus air son Resin agus Phecah. 14 Fàisteachd a thaobh Chriod. 17 Bhagradh Iudah le breitheanas uamhasach.

**A**NN an làithibh Ahais mhic Iotaim, mhic Usiah, rìgh Iudah, chaidh Resin rìgh Shìria, agus Phecah mac Remaliah rìgh Israeil, snas do Ierusalem, a chogadh 'n a h-aghaidh, ach cha b'urrainn iad buadhachadh oirre.

2 Agus dh'innseadh do thigh Dhaibhidh, ag ràdh, Tha Siria ann an comh-bhoim ri Ephraim; agus bha a chridhe air a ghluasad, agus cridhe a shluaigh; mar a ghluaisear craobhan na coille roimh'n ghaoith.

3 Agus thubhairt an Tighearn ri Isaiah, Rach a mach a nis 'an còdhail Ahais, thu féin, agus Sear-iasub do mhac, aig ceann sruth-chlais 'n a linne nachdaraich, air slighe achaidh an luadhaidair.

4 Agus abair ris, Thoir an aire, agus bi a'd' thosd; na gabh eagal, agus na bi lag-chridh-cach, air son dà earr nan àithinnean smùidreach so, air son corruich Resin agus Shìria, agus mhic Remaliah.

5 Air son gu'n do dhealbh Siria, Ephraim, agus mac Remaliah, olc a'd' aghaidh, ag ràdh,

6 Rachamaid suas an aghaidh Iudah, agus teannaicheamaid e, agus briseamaid a steach, agus enireamaid rìgh suas gu rìoghachadh 'n a mheadhon, eadhon mac Thabcail;

## ISAIAH, VIII.

7 Mar so deir an Tighearn Iehobhah, Cha seas e, ni mò thig e gu crìch.

8 Ged is e ceann Shiria Damascus, agus ceann Dhamascuis Resin; gidheadh an taobh a stigh de chùig agus tri fichead bliadhna, bithidh Ephraim air a bhriseadh, ionnus uach bi e 'u a chinuach:

9 Ged is e ceann Ephraim Samaria, agus ceann Shamaria mac Remaliah. Mur creid sibh, gu cinnteach cha bli sibh seasmhach.

10 Agus labhair an Tighearn fathast ri Ahas, ag ràdh,

11 Iarr dhuit féin comharadh o'n Tighearn do Dhia; iarr anns an doimhne, no anns an àirde shuas.

12 Ach thubhairt Ahas, Cha-n iarr mi, ni mò a bhuaireas mi an Tighearn.

13 Agus thubhairt esan, Eisdibh a nis, a thigh Dhaibhidh; Am beag leibh daoine a sgitheachadh; ach an sgithich sibh fòs mo Dhia?

14 Air an aobhar sin, bheir an Tighearn féin comharadh dhuibh; Feuch, bithidh òigh torrach, agus beiridh i mac; agus bheir i Imaucel mar ainm air.

15 Im agus uil ithidh e, gus an tuig e an t-ole a dhùltadh, agus am maith a ròghnachadh.

16 Oir mu'n aithue do'n leanabh an t-ole a dhùltadh, agus am maith a ròghnachadh, fasaichear fearann an dà rìgh leis am bheil thu air do chlaoidh.

17 Bheir an Tighearn ortsa, agus air do shluagh, agus air tigh d'athar, làithean, nach robh an leithidean ann o'n là 's an do dhealaich Ephraim ri Iudah; *eadhon* rìgh Asiria.

18 Agus tarlaidh anns an là sin, gu'n gairm an Tighearn a' chuileag a tha ann an iomall aithmichean na h-Eiphit, agus an seilleau a th'ann an talamh Asiria:

19 Agus thig iad, agus luidhidh an t-ìomlan diubh anns na gleantaibh fasail, agus ann an còsaibh nan creag, agus air gach uile d'bhroighnich agus air gach uile phreas.

20 Anus an là sin lomaidh an Tighearn le eultainn thuarsadail, leis an t-sluagh air taobh thall na h-aimhue, le rìgh Asiria, an ceann agus fionna uan cosau; agus bearraidh i eadhon an fheusag.

21 Agus tarlaidh anns an là sin gu'n àraich duine bò òg agus dà chaora:

22 Agus o phailteas a' bhainne bheir iad uatha, ithidh e im; oir im agus mil ithidh gach neach a d'fhàg anus an tìr.

23 Agus tarlaidh anns an là sin, gach àit anns an robh mìle fìouain, *air am meas* air mhìle bonn airgid, gu'm bi e 'n a sgitheach agus 'n a d'bhroighnich.

24 Le saighdibh agus leis a' bhogha thig iad an sin; oir bithidh an talamh uile 'n a sgitheach agus 'n a d'bhroighnich.

25 Agus *air* na h-uile cluicair a' bhith-eas air an ruamhradh leis a' chaibe, cha tig

cagal sgithich no droighnich; ach bithidh e 'n a àiridh dhamh, agus 'n a ionaltradh mheanbh-chruidh.

### CAIB. VIII.

1 *Roinh-innis Isaiah sgrìos Dhamascuis agus Shamaria le rìgh Asiria.* 9 *Seasaidh rùn Dhé gu sìorruidh.* 11 *Bithidh aoibhneas orra-san a chuireas an dòigh agus an carbsa 'an Dia.*

**A**GUS thubhairt an Tighearn rium, Gabh clàr ruòr, agus sgrìobh air, le inneal-sgrìobhaidh duine mu Mhahe-salal-has-bas.

2 Agus thug mi leam, chum dearbhaidh, fianaisean fìrinneach, Uria an sagart, agus Sechariah mac Ieberechiah.

3 Agus dhlùthaich mi ris a' bhan-flàidhe; agus d'fhàs i torrach, agus rug i mac: agus thubhairt an Tighearn rium, Thoir mar ainm air Maher-salal-has-bas:

4 Oir mu 'au aithne do'n leanabh "m'athair agus mo mhàthair" a ràdh, togar air falbh saoihbreas Dhamascuis agus creach Shamaria, roimh rìgh Asiria.

5 Agus labhair an Tighearn fathast rium, ag ràdh,

6 A chionn gu'n do chuir an sluagh so cùl ri uisgeachaibh Shiloah, a ruithcas gu sèimh; agus gu 'm bheil iad a' gabhail tlachd ann an Resin agus ann am mac Remaliah:

7 Uime sin, feuch, bheir an Tighearn a nìos orra uisgeachan na h-aimhne, làidir agus homhior, *eadhon* rìgh Asiria agus 'uile ghreadhmachas; agus cìridh e os ceann a chlaisean uile, agus theid e thar 'uile bhruchaibh.

8 Agus gabhaidh e roimhe air feadh Iudah, a' ruith thairis agus a' sgaoileadh; *eadhon* gus am muineal ruigidh e; agus bonaidh sgaoileadh a sgiathan leud do thìre-sa, O Imaucel.

9 Cruinnichibh r'a chéile, a chiumeacha, agus brisear sibh 'n ur bloighdibh; éisdibh, sibhse uile' tha 's na dùchamaibh fad as; crioslaichibh sibh féin, agus brisear sibh 'n ur bloighdibh; crioslaichibh sibh féin, agus brisear sibh 'n ur bloighdibh.

10 Cuiribh blur comhairle ri 'chéile, agus thig i gu neò-bhrigh; labhraibh am focal, agus cha seas e; oir tha Dia leinue.

11 Oir thubhairt an Tighearn rium, le lèimh làidir, agus theagaisg e mi, a chum uach siubhlainn ann an slighe an t-sluaigh so, ag ràdh,

12 Na abairh-sa comh-bhoimn ris gach ni ris an abair an sluagh so comh-bhoimn; agus na gabhaibh eagail roimh an uamhas-san, agus na bitheadh geilt oirbh.

13 Tighearn nan sluagh, naomhaichibh esan féin; agus *bitheadh* esan duibh 'u a chùis-eagail, agus *bitheadh* esan duibh 'n a aobhar ball-chrith.

14 Agus bithidh e 'u a ionad naomh; ach 'n a chloich-thuislidh, agus 'n a charraig-



## ISAIAH, IX.

oilbheim do dhà thigh Isracil; 'n a lion agus 'n a ribe do luchd-àiteachaidh Ierusalem.

15 Agus gheibh mòran 'n am measg tuisleadh, agus tuitidh iad, agus brisear iad, agus ribear agus glacar iad.

16 Ceangail suas an fhianuis, seulaich an lagh ann measg mò dheisciobul-sa.

17 Ach feithidh mise ris an Tighearn a tha 'folach a ghlùise o thigh Iacoib, agus bithidh sùil agam ris.

18 Feuch, *tha* mise, agus a' chlann a thug an Tighearn dhomh, 'n ar comharaibh agus 'n ar n-iongantasaibh ann an Israel, o Thighearn nan sluagh a tha 'n a chòmhnuidh ann an sliabh Shìoin.

19 Agus an uair a their iad ruibh, Iarraibh a chum nam ban-fhiosaichean, agus chum nan druidhean, muinntir a ni bìdeil agus borbhanaich; nach bu chòir do shluagh iarraidh chum an Dé? an ann a dh'iarraidh iad a chum nam marbh, 'an àite nam beò?

20 Iarradh iad chum an lagha agus chum na fianuis; mur labhair iad a réir an fhocail so, 's ann a' chionn nach 'eil solus ann.

21 Agus siubhlaidh *gach aon* d'a thrìd, ann an teinn agus ann an gorta; agus tarlaidh, 'n uair a bhitheas e ann an gorta, gu'm bi corruich air ris féin, agus mallachidh e a rìgh agus a Dhia, agus e 'sealltuinn suas.

22 Agus seallaidh e air an talamh, agus feuch teanntachd agus doilleireachd; dubhar an àmhghair, agus tigh dhorchadas.

### CAIB. IX.

1 *Aoibhneas na h-eaglais air son teachd rìgh-achd Chrìosd.* 8 *Na breitheanaidh a bheir Dia air Israel air son an uabhair,* 13 *am mìchreidimh,* 18 *agus an aingidheachd.*

**G**IDHEADH cha bhi an doilleireachd mar a bha ri linn a h-àmghair, an uair a bhuail e gu h-eutrom an toiseach talamh Shebuloin agus talamh Naphtali, agus 'n a dhéigh sin bhuail e ni bu truime e, air sliغه na fairge, taobh thall Iordain, Galile nan cinneach.

2 An sluagh a bha 'siubhal ann an dorchadas, chunnaic iad solus mòr; iadsan a bha 'n an còmhnuidh ann an tìr sgàile a' bhàis, dh'éirich solus orra.

3 Rinn thu an cinneach ìomhoir; nach do mheudaich thu an aoibhneas? rinn iad gairdeachas a'd làthair, marghairdeachas anns an fhogharadh; mar a ni daoine gairdeachas, an uair a roinneas iad a' creach.

4 Oir bhris thu cuing 'callacha, agus bata a ghualinc, slat an fhlir a shàruich e, mar ann an là Mhidiain.

5 Oir tha gach uile chath an fhlir-chogaidh le cruaidh iomairt, agus eudaich air a thunnadh ann am fuil; ach bithidh so le losgadh, agus connadh air son an teine.

6 Oir rugadh dhuinne duine-cloinne, thugadh dhuinne mac; agus bithidh an uachdaranachd air a ghualainn; agus goirear mar ainm dheth, Iongantach, Comhairliche, an

Dia cumhachdach, an t-Athair sìorruidh, Prionnsa na sìthe.

7 Air fas 'uachdaranachd, agus air a shìth, cha tig crìoch; air caithir rìghail Dhaibhidh, agus air a rìghachd; chum a daingneachadh agus a socrachadh le breitheanas agus le ceartas, o so a mach agus gu sìorruidh: bheir eud Tighearna nan sluagh so gu crìch.

8 Chuir an Tighearn focal a dh'ionnsuidh Iacoib, agus thuit e air Israel.

9 Agus bithidh fios aig an t-sluagh uile, aig Ephraim agus fear-àiteachaidh Shamaria, a tha ag ràdh, ann an uail agus àrdan cridhe,

10 Tha na clachan creadha air tuiteam, ach togaidh sinn le clachaibh suaidhte; tha na craobhan sicamoir air an gearradh sìos, ach cuiridh sinn craobhan seudair 'n an àit.

11 Uime sin àrdaichidh an Tighearn luchd m'ruin Resin 'n a aghaidh, agus togaidh e suas a naimhdean le 'chéile;

12 Na Sirianaich o'n taobh bheòil, agus na Philistich o'n taobh chùil; agus ithidh iad suas Israel le beul farsuinn. Air son so uile cha-n'eil a chorruich air a pileadh air falbh; ach tha a làmh fathast sìnte mach.

13 Ach cha-n'eil an sluagh so air pilltinn ris an ti a bhuail iad; ni mò dh'iarr iad Tighearn nan sluagh:

14 Uime sin gearraidh an Tighearn as o Israel an ceann agus an t-carball, a' gheug agus an luachair, ann an aon là.

15 An duine aosmhor agus urramach, is esan an ceann; agus am fàidh a tha 'teagasg bréige, is esan an t-carball.

16 Oir tha luchd-stiùraidh an t-sluaigh so 'g an cur air seacharan; agus bithidh iadsan a stiùar leo air an slugadh suas.

17 Air an aobhar sin cha dean an Tighearn gairdeachas os ceann an òganach, ni mò ni e iochd r'n dilleachdain agus am bantraichean; oir tha gach aon diubh 'n a chealgair agus 'n a fhear dò-bheirt, agus tha gach beul a' labhairt anmaideachd. Air son so uile cha-n'eil a chorruich air a pileadh air falbh, ach tha a làmh fathast sìnte mach.

18 Oir loisgidh aingidheachd mar theine; ithidh i suas an dris agus an droighionn; agus cuiridh i ri theine badan na frithe; agus éiridh iad 'an àird 'n an smùid a' dol suas.

19 Trid corruich Tighearna nan sluagh dhorchaidheadh an tìr; agus bithidh an sluagh mar chonnadh air son an teine: cha dean duine iochd air a bhràthair féin.

20 Agus bheir e teum air an àmh dheis, agus gidheadh bithidh e ocrach; agus ithidh e suas air an àmh ehl, agus cha bhi iad sàsichte; ithidh gach duine feoil a ghàird-ein féin.

21 Ithidh Manaseh Ephraim, agus Ephraim Manaseh; agus bithidh iad le 'chéile an aghaidh Iudah. Air son so uile cha-n'eil a

chorruich air a pilladh air falbh, ach tha a lāmh fathast siute mach.

CAIB. X.

1 *Eiridh gu h-olc dhoibhsan a tha 'g orduchadh reachdan eucorach.* 5 *Claoidhidh Dia na h-Asirianaich air son an droch ghnìomharan.* 20 *Teamar iarmad de Israel.* 24 *Fhuair Iudah gealladh air saorsa.* 28 *Sgrìos nan Asirianaich.*

**I**S truagh dhoibhsan a tha 'g orduchadh reachdan eucorach, na sgrìobhaichean a tha ag àithneadh foirneirt.

2 A thionndadh an fheumaich o bhreith-eanas, agus a thabhairt an còrach le h-aimheart o bhochdaibh mo shluaigh; air chor as gu'm bi bantraichean 'n an cobhartach dhoibh, agus *gu'n* creach iad na dilleachdain.

3 Agus ciod a ni sibh ann an là an smachdachaidh? agus anns an léir-sgrìos a thig o chéin? Cò dh'ionnsuidh a theicheadh sibh chum cabhair? agus c'ait am fàg sibh 'ur glòir?

4 As m'eugmhais-sa aomaidh iad sìos fo na prìosanaich, agus tuitidh iad fo na mairbh. Air son so uile cha-n'eil a chorruich air a pilladh air falbh, ach tha a lāmh fathast siute mach.

5 Ho Asirianaich, slat mo chorruich; agus am bata 'n an lāmh *is e* sin m'fhearg.

6 An aghaidh cinnich chealgaich cuiridh mi e; agus an aghaidh sluagh *ris am bheil* mo chorruich bheir mi dha àithne, a thogail creiche, agus a thoirt leo cobhartaich; agus g'an saltairt sìos mar chlàbar nan sràidean.

7 Gidheadh cha-n e sin a bhitheas 'n a airc-san, agus cha-n e rùn a chridhe e; ach *is e* milleadh a tha 'n a chridhe, agus cinnich nàch gann a ghearradh as.

8 Oir a deir e, Nach 'eil mo cheannardan uile 'n an rìghribh?

9 Nach 'eil Calno mar Charchemis? Nach 'eil Hamat mar Arphad? Nach 'eil Samaria mar Dhamaseus?

10 Mar a ghlae mo lāmh rìoghachdan nan ìodholan, aig an robh dealbhan snaidhte ni b'fhearr na iad sin a tha ann an Ierusalem agus ann an Samaria;

11 Mar a rinn mi ri Samaria agus r'a h-ìodholaibh, nach dean mi mar an ceudna ri Ierusalem agus r'a dealbhan-sa?

12 Ach tarlaidh, 'n uair a choimhlìonas an Tighearn 'obair gu h-ionmhan air slabh Shìoin agus air Ierusalem, gu'n dean mi dìoghaltas air toradh cridhe uaibhrich rìgh Asiria, agus air sealladh àrd a shùil.

13 Oir deir e, Le neart mo lāmhe rinn mi e, agus le mo ghliocas; oir tha deadh thuigse agam; agus dh'atharraich mi crìochan nam fineachan, agus chreach mi an ionmhasan, agus leag mi sìos an sluagh mar *dhuine* treun:

14 Agus fhuair mo lāmh, mar nead, maoin nan slògh; agus mar a chruinnicheas neach uibhean a thrèigeadh, mar sin chruinnich

mise an talamh uile; agus cha robh aon a ghluais an sgiath, a dh'fhosgail an gob, no rinn biog.

15 An dean an tuadh uailh an aghaidh an fhir a tha 'gearradh leatha? An àrdaich an tuireasg e fèin an aghaidh an fhir a tha 'g a iomairt? mar gu'n sìncadh an t-slat *i fèin* an aghaidh an neach a tha 'g a togail; no mar gu'n togadh an lorg suas o fèin mar nach 'b'fhiodh a bh'ann.

16 Air an aobhar sin cuiridh an Tighearn, Tighearn nan sluagh, caoile air a' mhuintir reamhair; agus fo 'bìrdheirceas fadaidh e losgadh, mar losgadh teine.

17 Agus bithidh solus Israeil 'n a theine, agus a Thì naomh 'n a lasair; agus loisgidh agus caithidh e a dhroighionn agus a dhris ann an aon là;

18 Agus caithidh e glòir a fhrìdhe, agus 'achaidh tharbhach, cadar anam agus fheoil; agus bithidh iad mar fhear-iomchair brataich a' call a thrèoir.

19 Agus bithidh fuigheall chraobhan a choille tearc, ionnus gu'n sgrìobh leanabh an àireamh.

20 Agus tarlaidh anns an là sin, nach leig iarmad Israeil, agus iadsan a thèid as de thìgh Iacob, an taic nì's mò air an fhear a bhuail iad; ach leigidh iad an taic air an Tighearn, Tì naomh Israeil, ann am fìrinn.

21 Pillidh fuigheall, eadhon fuigheall de Iacob, dh'ionnsuidh Dhé uile-chumhachdach.

22 Oir ged robh do shluagh, O Israeil, mar ghaineamh na fairge, cha phill ach fuigheall diubh. An léir-sgrìos a dh'ord-uicheadh, ruithidh e thairis le ceartas.

23 Oir sgrìos, cadhon *sgrìos* sònruichte ni Iehobhah, Tighearn nan sluagh, ann am meadhan na tìre uile.

24 Air an aobhar sin mar so deir Iehobhah, Tighearn nan sluagh, Na bitheadh eagal ort, O mo shluagh, a tha 'chòmhnuidh ann an Sion, roimh an Asirianaich; le slait buailidh e thu, agus a bhata togaidh e suas a'd' aghaidh, a réir gnàtha na h-Eiphit.

25 Ach fathast tìne ro ghearr, agus coimhlìonar m'fhearg, agus mo chorruich 'n an léir-sgrìos.

26 Agus togaidh Tighearn nan sluagh slat-sgrìusaidh 'n a aghaidh, cosmhuil ri àr Mhìdiaim aig carraig Oreib: agus mar a bha a slat air an fhairge, mar sin togaidh e suas i, a réir gnàtha na h-Eiphit.

27 Agus tarlaidh anns an là sin, *gu'n* atharraichear 'callach bhàrr do ghuaile, agus a chuing bhàrr do mhùineil; agus caithear a' chuing a dh'easbhuidh na h-oladh-ungaidh.

28 Thàinig e gu Aiat, chaidh e thairis gu Migron; aig Michmas taisgidh e 'airneis.

29 Chaidh iad a null air an aiseag; ann an Gebah ghabh iad tāmh: tha Ramah air chrith; tha Gibeah Shaul a' teicheadh.



30 Tog suas do ghuth, O nighean Ghallim; cluinnear e gu ruig Laís, O Anatót thruagh.

31 Theich Madmenah; tha luchd-àiteachaidh Ghebim air gabhail na ruaighe.

32 Fanaidh e fathast an là sin ann an Nob; crathaidh e a làmh an aghaidh enaic nighinn Shioin, an aghaidh sléibh Ierusalem.

33 Feuch, sgathaidh Iehobhah, Tighearn nan sluagh, a' gheug le luasgadh mòr; agus bithidh iadsan a's àirde fàs air an gearradh sìos, agus na h-uabhrich air an isleachadh.

34 Agus gearraidh e dosan na frìdhe le iarum; agus tuitidh Lebanon le làimh chumhachdaich.

### CAIB. XI.

1 *Rioghachd shìochail an fhàillein a dh'fhàsas suas a' freumh Iese. 10 Bithidh Criosd mar bhrataich do na cinnich, 12 agus tionailidh e a' chéile diobaraich Israeil.*

**A**GUS thaig geug a mach o bhonn Iese, agus fàsaidh faillean suas as a fhreumhan.

2 Agus gabhaidh spiorad an Tighearna còmhnuidh air, spiorad gliocais agus tuigse, spiorad comhairle agus cumhachd, spiorad eòlais agus eagail an Tighearna:

3 Agus bithidh e geur-mhothachail ann an eagail an Tighearna; agus cha-n ann a réir seallaidh a shùil a bheir e breth, no a réir claisteachd a chluas a bheir e achmhasan.

4 Ach le ceartas bheir e breth air a' bhoichd, agus bheir e achmhasan le cothrom, as leth dhaoine ciùine na talmhainn; agus buailidh e an talamh le slait a bhoich, agus le anail a bhile marbhaidh e an t-aingidh.

5 Agus bithidh ionracas 'n a chrios m'a leasraidh, agus fìrinn 'n a crios m'a airnibh.

6 An sin gabhaidh am madadh-alluidh còmhnuidh maille ris an uan, agus luidhidh an liopard sìos maille ris a' mheann; agus an laogh, agus an leòmhann òg, agus an spréidh reamhar còmhla; agus nì leanabh bcag an stiùradh.

7 Agus ionaltraidh a' bhò agus am math-gnathuinn le 'chéile; luidhidh an àlach sìos cuideachd; agus ithidh an leòmhann connlach mar an damh.

8 Agus cluichidh an leanabh cìche air toll na nathrach nìmh; agus air nead na rìgh-nathrach cuiridh an leanabh a thàinig o'n chich a làmh.

9 Cha dochainn agus cha sgrios iad, air feadh mo shléibh naoimh-sa gu h-ìomlan; oir lìonar an talamh le eòlas an Tighearna, mara chòmhdhaicheas na h-uisgeachan aig einn na fairege.

10 Agus anns an là sin, bithidh freumh Iesc 'n a sheasamh mar bhrataich do na slòigh; d'a ionnsuidh-san iarraidh na cinnich, agus bithidh a thàmh glòrmhor.

11 Agus tarlaidh anns an là sin, gu'n cuir

an Tighearn a mach a làmh a ris an dara uair, a thoirt air ais fuighill a shluaigh, a dh'fhàgar *dhiùbh*, o Asiria, agus o'n Eiphit, agus o Phatros, agus o Chus, agus o Elam, agus o Shinar, agus o Hamat, agus o innsibh na fairege.

12 Agus togaidh e 'n àird bratach air son nan cinneach, agus tionailidh e diobaraich Israeil, agus muinntir sgapta Iudah cruinnichidh e le 'chéile o cheithir chearnaibh na talmhainn.

13 Agus sguridh farmad Ephraim, agus bithidh luchd-sàruchaidh Iudah air an gearradh as; cha bhi farmad aig Ephraim ri Iudah, agus cha sàruich Iudah Ephraim.

14 Ach leumaidh iad air guaillibh nam Philisteach an taobh an iar; creachaidh iad le 'chéile muinntir na h-àird' an ear; air Edom agus Moab leagaidh iad an làmh, agus bheir clann Amoin géill doibh.

15 Agus millidh an Tighearn teangadh na fairege Eiphitich, agus crathaidh e a làmh os ceann na h-Aimhne le a ghaoith làidir; agus buailidh e i'n a seachd sruthaibh, agus bheir e orra imeachd troimpe le cos-aibh tioram.

16 Agus bithidh rathad mòr aig fuigheall a shluaigh a dh'fhàgar o Asiria; mar a bha aig Israeil, anns an là 's an d'thàinig e nìos o thìr na h-Eiphit.

### CAIB. XII.

1 *Laoidh-bhuidheachais do'n Tighearn air son a mhaithais agus a chomhfhurtachd d'a shluagh.*

**A**GUS their thu anns an là sin, Molaidh mi thu, O Thighearna, ged bha thu feargach rium, tha d'fhearg air a pilleadh air falbh, agus thug thu comhfhurtachd dhomh.

2 Feuch, is e Dia mo shlàinte; earbaidh mi, agus cha bhi eagail orm; oir is e an Tighearn Iehobhah mo neart agus mo cheòl; is e fòs a's slàinte dhomh.

3 An sin tairgidh sibh uisge le h-aobh-neas a tobraichibh na slàinte.

4 Agus anns an là sin their sibh, Molaidh an Tighearn, gairmibh air 'ainn; cuiribh an cèill a ghlòimharan am measg nan cinneach; cumaidh air chuimhne gu'm bheil 'ainn air 'ardachadh.

5 Canaidh do'n Tighearn, oir rium e gnìomh òrdheire; tha so aithnichte anns an talamh uile.

6 Eigh gu h-àrd, agus dean iolach, a bhean-àiteachaidh Shioin; oir is mòr ann ad mheadhon Ti naomh Israeil.

### CAIB. XIII.

1 *Ghairm Dia a dhaoine treuna chum a chorr- uich a chur 'an gnìomh. 5 Bhagair e Babilon a sgrios leis na Medich. 19 Fàsachadh agus léir-sgrìos Bhabiloin.*

**T**ROM callach Bhabiloin, a chunnaic Isaiah mac Amois.

## ISAIAH, XIV.

2 Air sliabh àrd togaibh suas brataeh; éigibh riu gu h-àrd; siuibh *'ur* lùmh, a ehum gu'n tèid iad a steach air geataehaibh nan uaislean.

3 Thug mi àithne do mo dhaoine coisrigte; seadh, ghairm mi mo dhaoine treuna ehum mo chorruich *a chur 'an gnòmh*; muintir a tha 'deanamh luathghaire aum am mhòraehd.

4 Fuaim mòr-chuideaehd anns na sléibh-tibh, amhuil sluaigh mhòir; fuaim luasgaidh rioghachdan ehinneach air an eruinneachadh le 'ehéile; tha Tighearn nan sluagh a' deasachadh feachd ehum catha.

5 Tha iad a' teachd o thìr ehéin, o iomall nan nèamh, an Tighearn agus buill-airm a chorruich, a mhilleadh na tìre gu léir.

6 Guilibh gu h-àrd, oir tha là an Tighearna dlùth; mar léir-sgrìos o'n Uile-ehumhaehd-aeh thig e.

7 Air an aobhar sin lagaichear na h-uile lùmhan, agus leaghaidh gaeh eridhe duine.

8 Agus bithidh iad fo uamhas; ni piantan agus guinean greim orra; mar mhnaoi ri saothair cràidhear iad; seallaidh iad gach aon air a chéile le h-iongantais; mar las-raichibh teine *bithidh* an eudaim.

9 Feuch, tha là an Tighearna 'teahd, garg le feirg agus le dian chorruich, a ehur na tìre fàs, agus a sgrìos nan eioutaeh a maeh aise.

10 Oir eha tabhair reultan nèimh, agus a comh-shoillse, uatha an solus; *bithidh* a' ghrian air a dorehachadh 'n a dol a mach, agus eha toir a' ghealach air a solus dealradh.

11 Agus diolaidh mis' air an t-saoghal an droeh-bheart, agus air ua h-aiugidh an eueart; agus cuiridh mi erioch air àrdan nau uaibhreach, agus leagaidh mi sìos uail nan uamhasaeh.

12 Ni mi duine ni's luachmhoire na òr grinn; seadh duine, na fìor òr na h-Ophir.

13 Uime sin luaisgidh mi na nèamhan, agus gluaisear an talamh as 'àit; ann am feirg Tighearna nau sluagh, agus ann an là a dhian chorruich.

14 Agus bithidh iad mar earba air a ruagadh, agus mar threud ehaorach naeh 'eil ueach a' cuairteachadh; tionndaidhidh iad gach aon ehum a shluagh féin; agus teichidh iad gach aon g'a dhùthaieh féin.

15 Gaeh fear a ghlaear, sàthar troimh e; agus na h-uile a dhùth-lèanach r' a chéile, tuitidh iad leis a' ehlaidheamh.

16 Agus pronnar an naoidheanan fa chomhair an sùl; bithidh an tighean air an creachadh, agus am mnathan air an éigneachadh.

17 Fench, dùisgidh mi suas 'n an aghaidh na Méidich, aig nach bi meas air airgid; agus *air son* òir, eha bhi suim aca dheth.

18 Pronnaidh am boghachan na h-ògan-aièh, agus eha dean iad iochd air toradh

na bronn; eha ghabh an sùil truas do leanabaibh.

19 Agus bithidh Babilon, maise nan riogh-aehdan, glòir uaille nan Caldéach, mar an léirsgrìos a *thug* Dia air Sodom agus Gomorrah.

20 Cha'n àitichear gu bràth i, ni mò 'ghabhar eòmhuidh innte feadh lùu nau linn; eha suidhich an t-Arabaeh bùth an sin; ni mò 'ni buachaillean buaile an sin.

21 Ach gabhaidh fiadh-bheathaiehean au fhàsaich eòmhuidh au sin; agus bithidh an tighean làn uathbheistean; agus gabhaidh na cailleachan-oidheche tàmh an sin, agus ni na gabhair fhiadhaieh mire an sin.

22 Agus freagraidh na h-eòin fhiadhaich a chéile 'n a lùehairtibh, agus na dragonan anns na seòmraichibh aoibhinn; agus tha a h-am 'am fagus, agus eha bhi a làithean air an sineadh.

## CAIB. XIV.

1 *Gheall Dia gu'n deanadh e iochd air Israel, agus gu'n suidhicheadh e iad fathast 'n am fearann féin. 3 Sgrìos rìgh Bhabilòin. 24 Ràn Dhé an aghaidh nan Asirianach. 29 Bhagraidh Palestina.*

**O**IR ni an Tighearn iochd air Iacob, agus rìghnaichidh e fathast Israel, agus suidhichidh e iad 'n am fearann féin; agus bithidh an coigreach air a cheangal riu, agus dlùth-leanaidh iad ri tigh Iacòib.

2 Agus gabhaidh na einnich iad, agus bheir iad gu'n àite féin iad, agus seabh-aichidh tigh Israeil iad ann am fearann an Tighearna, mar òglaich agus mar bhau-oglaich; agus ni iad braighean dhiubhsan aig an robh iad 'n am braigheibh; agus riaghlaidh iad os ceann na muintir a bha 'g an sàruchaidh.

3 Agus tarlaidh anns an là anns an tabhair an Tighearn dhuit fois o d' àmhghar, agus o d' mhi-shuaimhneas, agus o'n daorsa ehuaidh a leagadh ort.

4 Gu'n tog thu an fhàistueachd so an aghaidh rìgh Bhabilòin, agus their thu, Cionnus a sguir am fear-sàruchaidh! *cìon-nus* a sguir ise a bha sgeadaichte le h-òr!

5 Bhreis an Tighearn lorg nan aingidh, slat rioghail an luchd-riaghlaidh.

6 Esan a bhuail na slòigh ann am feirg, le buille gun sgur; esan a thug fo ghéill na cinuich ann au eorruich; tha e air a dhian-ruagadh, gun neach a' baeadh.

7 Tha an talamh uile aig fois, agus ann au suaimhneas; tha iad a' togail iolaich.

8 Tha na eroim-ghiuthais féin ri gairdeachas tharad, agus croim-sheudair Lebanoin, *ag ràdh*, O'n nair a thuit thusa, eha d' thàinig fear-gearraidh a nìos 'n ar n-aghaidh-ne.

9 Tha ionad nam marbh air ghlasad shìos air do shou, gu do chionneachadh aig do theachd; tha e 'dùsgadh nam marbh air do



shon, uile dhaoine mòra na talmhainn; tha e 'toirt air uile rìghrean nan cinneach éiridh suas o'n caithrichibh.

10 Labhairidh gach aon diubh, agus their iad riut, Am bheil thusa fòs air fàs lag mar tha sinne? An d'rinneadh thu cosmhuil ruinne?

11 Tha d'uabhar air a thoirt a nuas chum na h-uaigne, agus fuaim d'innealan-ciuil; tha a' chnuimh air a sgaoileadh fodhad, agus is iad na cnuimheagan do chòmhachadh.

12 Cionnus a tha thu air tuiteam o nèamh, a Reul dhearach, a mhic na maidne! Cionnus a tha thu air do ghearradh sìos gu làr, *thusa* a thug fo ghéill na cinnich!

13 'S ann a thubhairt thu ann ad chridhe, Thèid mi suas a chum nan nèamhan, os ceann reultan Dhéardaichidh mi mo rìgh-chaitheir; agus suidhidh mi air sliabh a' chomhehrinneachaidh, air taobh nah-àirde tuath.

14 Thèid mi suas os ceann àirde nan neul: bithidh mi cosmhuil ris an Tì a's àirde.

15 Ach bheirear a nuas thu chum na h-uaigne, gu taobhan an t-sluichd.

16 Iadsan a chi thu, amhaircidh iad gu geur ort, gabhaidh iad beachd dhìot: An e so, *deir iad*, am fear a thug air an talamh criothnachadh, a chuir rioghachdan air chrith?

17 A rinn an saoghal mar fhàsach, agus a leag sìos a bhailtean; nach d'fhosgail am prìosan d'a bhraighdibh?

18 Tha uile rìghrean nan cinneach, an t-ionlan diubh, a' luidhe sìos ann an greadh-nachas, gach aon 'n a fhàrdaich féin.

19 Ach tha thusa air do thilgeadh a mach as an uaign, mar ghéig ghràineil, mar thrusgan nan daoine a mharbhadh, a throimh-lotadh leis a' chlaidheamh, a chaidh sìos gu clachan an t-sluichd; mar chlosaich air a saltairt fo chosaibh.

20 Cha-n adhlacair thu 'n an co-chuid-eachdsan, a chionn gu'n do sgrios thu do dhùthaich, gu'n do mharbh thu do dhaoine; cha bhi iomradh gu bràth air slìochd dhroch dhaoine.

21 Ulluchibh sgrios air son a chloinne, air son aingidheachd an aithrichean; a chum nach éirich iad, agus nach sealbhaich iad an talamh, agus nach lion iad aghaidh an domhain le bailtibh.

22 Oir éiridh mise 'n an aghaidh, *deir Tighearn* nan sluagh, agus gearraidh mi as o Bhabilon an t-ainm agus an t-iarmad, agus am mac agus an t-ogha, *deir an Tighearn*.

23 Agus ni mi e 'n a sheilbh do'n ghràineig, agus 'n a lgunichean uisge; agus sguabaidh mi e le sguab an léir-sgrios, *deir Tighearn* nan sluagh.

24 Mhionnaich Tighearn nan sluagh, ag ràdh, Gu cinnteach mar a dhealbh mise, mar sin tarlaidh; agus mar a chuir mi romham, thig sin gu buil;

25 A chum an t-Asirianach a bhriseadh ann am dhùthaich, agus a shalttradh fo m' chosaibh air mo shléibhtibh: an sin falbhaidh a chuing dhiaibh, agus togar 'callach bhàrr an guaille.

26 So a' chomhairle a tha air a suidheachadh mu'n talamh uile; agus so an làmh a tha sìnte mach thar nan uile chinneach.

27 Oir shònruich Tighearn nan sluagh a' chomhairle, agus cò a bhacas? agus is i a làmh-san a tha sìnte mach, agus cò a philleas air a h-ais i?

28 Anns a' bhliadlana 's an d'fhuair rìgh Ahas bàs, bha an trom eallach so.

29 Na dean-sa gairdeachas, O uile Phalestina, a chionn gu'n do bhriseadh slat an fhir a bha 'g ad bhualadh; oir o fhreumh na nathrach thig a mach rìgh-nathair, agus is toradh dhi nathair theinnteach, itealach.

30 Agus beathaichear ceud-ghin nam bochd, agus luidhidh an t-ainnis sìos ann an tèaruinteachd; agus marbhaidh mi do fhreumh-sa le gorta, agus d'iarmad cuiridh e gu bàs.

31 Dean nuallan, O gheata; éigh, O chaitheir; O Phalestina, tha thu uile air do leaghadh as; oir o'n àirde tuath thig deatach, agus cha bhi neach aonaranach 'n a thràthaibh suidhichte.

32 Agus ciod am freagrach a bheirear do theachdairibh nan cinneach? Gu'n do leag an Tighearn 'bunaitcan Shìoin, agus innte cuiridh bochdan a shluaigh an dòchas.

# CAIB. XV.

1 Eallach nam Moabach a chionn gu'm bheil an tìr air a fàsachadh, agus air a lomadh gu làr.

**T**ROM eallach Mhoab. A chionn gu'm bheil Ar Mhoab air a fàsachadh, ams an oidheche, agus air a lomadh gu làr; a chionn gu'm bheil Cir Mhoab air a fàsachadh, agus air a lomadh gu làr:

2 Chaidh e suas gu Bait agus gu Dibon, na h-ionadaibh àrda, a ghul. Ni Moab caoincadh air son Nebo agus air son Mkedeba; air gach ceann diubh *bithidh* maoile; *bithidh* gach feusag air a gearradh deth.

3 Ann a sràidibh crioslaichidh siad iad féin le eudach-saic; air mullach a tighean, agus ann a sràidibh, caoinidh gach aon diubh, a' sìleadh dheur gu frasach.

4 Agus bithidh Hesbon ag éigheach, agus Elealeh; cluinnear an guth gu ruig Iahas; uime sin glaothaidh daoine armaichte Mhoab gu h-àrd; bithidh a beatha searbh dhi.

5 Tha mo chridhe ag éigheach air son Mhoab; *teichidh* a luchd-fuadain do Shoor, mar agh tri bliadlana dh'aois; diridh iad uchdach Luhit le gul; oir ann an slighe Horonaim togaidh iad ìolach mhìllidh.

6 Oir bithidh uisgeachan Nimrim 'n an léir-sgrios; oir tha an luibh air seargadh;

# ISAIAH, XVI, XVII.

tha am fear air teircachdainn; cha-n'eil ni glas ann.

7 Air an aobhar sin, am beartas a fhuair iad, agus an nì sin a thaisg iad, bheir iad air falbh gu sruth nan seileach.

8 Oir chaidh an éigheach timchioll crìche Mhoab; *ràinig* a caoineadh gu Eglain, agus a caoineadh gu Beer-Elim.

9 Oir tha uisgeachan Dhimoin làn fola; oir bheir mise tuilleadh air Dimon, an leòmhann orra-san a thèid as o Mhoab, agus air fuigheall na tìre.

## CAIB. XVI.

1 *Chomhairlicheadh o Mhoab a bhi umhal dhà-san a shuidheas air rìgh-chaitlir Dhaibhidh. 6 Chaidh Moab a bhagradh le sgrios air son 'ardain, 'uail, agus 'fheirge.*

**C**UIRIBHSE uan a dh'ionnsuidh na tìre, o Shela an fhàsaich, gu sliabh nighinn Shioin.

2 Oir mar eunlaith seacharanach, air am fògradh o'n nead, *mar sin* bithidh nigh-eanan Mhoab aig àthaibh Arnoin.

3 Tabhair coimhairle, cuir 'an gnòmh breitheanas; dean do sgàile mar an oidheche ann an àirde 'mheadhon-là; folaich na diobaraich; na brath am fògarach.

4 Gabhadh mo dhiobairich tamh maille rint, O Mhoab; bi a'd' ionad-foluich dhoibh o'n mhilltear; oir thàinig crìoch air an fhear-shàruchaidh, sguir am fear-millidh; tha an luchd-saltairt air an caitheadh as an tìr.

5 Agus daingnichear an rìgh-chaitlir ann an trócair, agus suidhidh e oirre ann am fìrinn, ann am pàilliuin Dhaibhidh, a' tabhairt breth, agus a' ramnsachadh na còrach, agus a' luathachadh ceartaies.

6 Chuala sinn uabhar Mhoab; *tha e* ro naibhreach; 'ardain, agus 'uail, agus 'fhearg; *ach* cha-n'eil a spionnadh d'a réir.

7 Air an aobhar sin caoinidh Moab; air son Mhoab caoinidh gach aon; air son bunaithean Chir-hareseit nì sibh tuireadh; gu cinnteach *tha iad* air am bualadh.

8 Oir tha machraichean Hesboin air failneachadh, agus fionain Shìbmah; bhris maitean nan cinneach sìos a fion-chroinn ghasta; ràinig iad gu Iaser; sgaoil iad *air feadh* an fhàsaich; shìn a geugan iad fèin a mach, chaidh iad thar an fhairege.

9 Air an aobhar sin guilidh m' le gul Iaseir air son fionain Shìbmah; uisgichidh m' thu le m' dheuraibh, O Hesboin agus Elealeh; oir dh'fhalbh a' chomh-ghair air son do mheas-samhraidh, agus air son d'fhogharaidh.

10 Agus tha aoibhneas agus gairdeachas air an toirt air falbh o'n mhaclair thorrach; agus anns na fion-hiosaibh cha dean iad ceòl, cha tog iad iolach; anns na h-amar-aibh cha bhruth an fear-bruthaidh fion; thug mise air an iolach sgur.

11 Uime sin nì mo chom fuaim mar chlàrs-

aich, air son Mhoab; agus mo thaobh a stigh, air son Chir-hareis.

12 Agus tarlaidh, 'n uair a chithear gu'n do sgithich Moab e fèin air an ionad ard, gu'n tèid e steach d'a ionad naomh a dhean-amh urnuigh; ach cha soirbhich leis.

13 So am focal a labhair an Tighearn mu timchioll Mhoab o'n àm sin.

14 Ach a nis labhair an Tighearn ag ràdh, 'an ceann thrì bliadhna, mar bhliadnaibh fir-thuarsdail, nìthear glòir Mhoab tàireil, le a mhòr shluagh uile; agus *bithidh* am fuigheall ro bheag agus annlunn.

## CAIB. XVII.

1 *Tha Siria agus Israel air am bagradh. 6 Trèidh fuigheall de Israel an iòdhol-aoradh. 9 Sgriosar a' chuid eile dhùibh a chionn gu'n do dhì-chuimhnich iad Dia an slàinte.*

**T**ROM eallach Dhamascuis. Feuch, tha Damascuis air 'atharrachadh o *bhi 'n a* bhaile, agus bithidh e 'n a thòrr léir-sgrios.

2 Tha bailtean Aroer air an trèigsinn; bithidh iad air son threud a luidheas sìos, agus cha *bhi neach* 'g am fudachadh.

3 Agus dealaichidh an daingneach o Ephraim, agus an rìghachd o Dhamascuis; agus fuigheall Shiria, bithidh iad mar ghloir chloinne Israeil, deir Tighearn nan sluagh.

4 Agus tarlaidh anns an là sin, gu'm bi glòir Iacoib air a caitheadh as, agus fàsaich saill 'fheòla tana.

5 Agus bithidh e amhuil an uair a chruinnicheas *neach* fogharadh an arbhair, agus a bhuaineas a ghairdean na diasan; agus bithidh e amhuil a thionailcas *neach* diasan ann an gleann Rephaim.

6 Gidheadh fàgar ann fuigheall dhearcn, mar ann an crathadh a' chroinn-olaidh; dhà *no trì* de dhearcaibh air mullach a' mbeangain a's àirde; ceithir *no cùig* air a gheug-aibh torrach, iomallach, deir an Tighearn Dia Israeil.

7 Air an là sin amhaircidh duine air a Cruith-fhear, agus seallaidh a shùilean air Tì naomh Israeil.

8 Agus cha-n amhaire e air na h-altairibh a rinn a lamhan fèin, agus air an nì sin a dhealbh a mheoir cha seall e; araon na doireachan agus na dealbhan.

9 Anns an là sin bithidh a bhaltean daingnichte cosmhuil ri meangan a dh'fhàgadh, no ri géig a dh'fhàg iad, roimh chloinn Israeil; agus bithidh léir-sgrios ann.

10 A chionn gu'n do dhì-chuimhnich thu Dia do shlàinte, agus nach robh thu cuimhneachail air carraig do neirt: air an aobhar sin suidhichidh tu craobhan taitneach, agus suidhichidh tu failleanan coimheach.

11 Anns an là bheir thu air do chraobhan fàs, agus anns an oidheche bheir thu air do shìol cinntinn; *ach bithidh* am fogharadh



n a dhùn ann an là a' dhoilgheis agus a' bhròin guu dòchas.

12 Is an-aoibhlin do mhòr chuideachd nam fineachan lionmhor, a tha 'deanamh fuaim mar fhuaim nan cuantan; agus do bheucaich nan cinneach, a tha ri beucaich cosmhuil ri toirm uisgeachan làidir.

13 Beucaidh na cinnich cosmhuil ri toirm mhòrain uisgeachau; ach bheir *Dia* dhoibh achmhasan, agus teichidh iad fad air falbh; agus fuadaichear iad mar chanach an t-sléibh roimh'n ghaoith, agus mar chuairteig roimh an ioma-ghaoith.

14 Agus, feuch, ri h-àm an fheasgair, uamhas; agus mu'n tig a' mhaduinn, chanèil e ann. So cuibhrionn na muinntir a tha 'g ar creachadh, agus crannchur na dream a tha 'g ar spùinneadh.

CAIB. XVIII.

1 *Bhagair Dia gu'n sgrìosadh e luchd-àiteachaidh Etiopia. 7 Bheir tìrean iomallach tabhartas gu Tighearn nan sluagh.*

**I**S truagh do'n tìr a tha folaichte le sgiathaibh, a tha air taobh thall aimhnichean Etiopia:

2 A tha 'cur theachdairean air an fhairege, agus ann an eathraichibh cuilec air aghaidh nan uisgeachan, *ag ràdh*, Imichibh, a theachdairean luatha, gu cinneach air a sgaoileadh a mach agus air a lomadh; gu sluagh uamhasach o'n toiseach gu ruige so; gu cinneach air a thomhas a mach leis an t-sreing, agus air a shaltairt sìos; aig am bheil Thearann air a chreachadh leis na h-aimhnichibh.

3 Sibhse uile a luchd-àiteachaidh an t-saoghail, agus a tha 'gabhadh còmhuidh air an talamh, an uair a thogar bratach suas air na sléibhtibh, faicibh; agus an uair a shéidear trompaid, éisdibh.

4 Oir mar so thubhairt an Tighearn rium, Gabhaidh mi fois, agus bithidh mo shùil air m'àite-còmhuidh; mar theas deahrach air an fheur, mar neul dealta ann an teas an fhogharaidh.

5 Oir roimh an fhogharadh, 'n uair a bhith-eas am blàth iomlan, agus a bhitheas am fiondhearc an-abuich a' tilgeadh a bhlàtha; gearraidh e dheth na meoir le corraibh-sgathaidh, agus na geugan bheir e air falbh, agus gearraidh e sìos.

6 Fàgar iad le 'chéile gu eunlaith nam beann, agus gu beathaichibh na talmhainn; agus cuiridh an eunlaith thairis an samh-radh orra, agus cuiridh gach uile bheathach na talmhainn thairis an geamhradh orra.

7 Anns an àm sin bheir e tabhartas gu Tighearn nan sluagh o chinneach air a sgaoileadh a mach agus air a lomadh; agus o shluagh uamhasach o'n toiseach gu ruige so; cinneach air a thomhas a mach leis an t-sreing, agus air a shaltairt sìos, aig am bheil am fearann air a chreachadh leis ua-

h-aimhnichibh, gu ionad ainne Tighearna nan sluagh, gu sliabh Shìoin.

CAIB. XIX.

1 *Eallach na h-Eiphit. 11 Amaideachd ceannardan Shoaìn. 18 Fàistneachd mu thimchioll na h-Eiphit; 23 agus mu thimchioll Israel agus Asiria.*

**T**ROM eallach na h-Eiphit. Feuch tha au Tighearn a' marcachd air neul luath, agus a' teachd do'n Eiphit; agus bithidh iodholan na h-Eiphit air an ghlasad 'n a fhianuis; agus leaghaidh cridhe na h-Eiphit 'n a meadhon.

2 Agus cuiridh mis' Eiphitich an aghaidh Eiphiteach; agus cogaidh iad gach fear an aghaidh a bhràthar, agus gach fear an aghaidh a choimhearsnaich; baile an aghaidh baile, agus rìoghachd an aghaidh rìoghachd.

3 Agus fannaichidh spiorad na h-Eiphit 'n a meadhon; agus cuiridh mi ann an neo-bhrìgh a comhairle; agus iarraidh iad a chum nan iodholan, agus a chum nan druiddhean, agus a chum na muinntir aig am bheil leannain-shìth, agus a chum an luchd-fiosachd.

4 Agus bheir mi thairis na h-Eiphitich do làimh tighearna an-ìochd-mhoir; agus riaghlaidh rìgh borb os an ceann, deir an Tighearn, Tighearn nan sluagh.

5 Agus fàilnichidh na h-uisgeachan o'n fhairege, agus théid an Amhainn 'an deòthadh, agus tìormaichear suas i.

6 Agus tionndaidhidh iad na h-aimhnichean fad a leth-taobh, agus bithidh na sruthan-dìonaidh air an deanamh falamh agus tioram; seargaidh a' chuide agus an luachair.

7 Na huibhean ùrar ri taobh nan sruth, aig beul nan sruth, agus gach ni a chuireadh 'an cois nan sruth, seargaidh iad, sguabar air falbh iad, agus cha bhi iad ann ni's mò.

8 Agus ni na h-iasgairean bròn, agus ni iadsan uile a tha 'tilgeadh dubhain anns an amhainn coidh; agus fannaichidh iadsan a tha 'sgaoileadh lìontan air aghaidh nan uisgeachan.

9 Agus cuir ead gu h-amhludh iadsan a tha 'g oibreachadh an lìn ghrinn, agus iadsan a tha 'figheadh lion-oibre.

10 Agus sgaoilear as a chéile innleachdan gach uile neach a ni claisean agus linn-tichean air son éisg.

11 Gu cinnteach is amadain ceannardan Shoaìn; thug comhairlichean glìce Pharaoh comhairle mhi-chéillidh; cionnus a deir sibh ri Pharaoh, Is mise mac nan daoine glìce, mac nan rìgh a bh'ann o chian.

12 C'ait am bheil iad? Cia iad do dhaoine glìce? innseadh iad dhuit a nis, agus cuir eadh iad 'an céill, ciod i comhairle Tighearna nan sluagh do thaobh na h-Eiphit.

13 Dh'fhàs ceannardan Shoaìn 'n an amadain, tha ceannardan Noph air au mealladh

agus thug iad air an Eiphit dol air seach-  
arara, *eadhon* luchd-taice a treubhan.

14 Chuir an Tighearn 'n an meadhon  
spiorad seacharain; agus thug iad air an  
Eiphit dol air seacharan 'n a h-uile oibribh,  
cosmhail ri misgear a' tuisleachadh 'n a  
sgcith.

15 Ni mò 'bhitheas obair air bith anns an  
Eiphit, aig a' cheann no aig an earball, aig  
a' ghéig no aig an luachair, r'a dheanadh.

16 Anns an là sin bithidh an Eiphit  
cosmhail ri mnàibh; agus bithidh crith  
agus geilt oirre, roimh chrathadh làimhe  
Tighearna nan sluagh, a chrathas e os a  
ceann.

17 Agus bithidh tìr Iudah 'n a cùis-cagail  
do'n Eiphit; gach neach a ni luaidh oirre,  
gabhadh e eagal ann féin; air son comhairle  
Tighearna nan sluagh, a ghabh e 'n a h-aghaidh.

18 Anns an là sin, bithidh cùig bailtean  
ann an tìr na h-Eiphit, a' labhairt cainnt  
Chanaain, agus a' mionnachadh do Thigh-  
earn nan sluagh; goirear de aon diubh Baile  
an sgrios.

19 Anns an là sin bithidh altair do'n Tigh-  
earn ann am meadhon tìre na h-Eiphit; agus  
carradh aig a crìch do'n Tighearn.

20 Agus bithidh e mar chomharadh agus  
mar fhianuis do Thighearn nan sluagh ann  
an tìr na h-Eiphit; oir glaothaidh iad ris  
an Tighearn air son an luchd-sàruchaidh,  
agus cuiridh e d'an ionnsuidh fear-saoraidh,  
*eadhon* fear treun, agus fuasglaidh e iad.

21 Agus bithidh an Tighearn aithnichte  
do'n Eiphit, agus aithnichidh na h-Eiphitich  
an Tighearn anns an là sin; agus bheir iad  
iobairtagus tabhartas uatha; agus geallaidh  
iad gealladh do'n Tighearn, agus coimh-  
hionaidh iad e.

22 Agus buailidh an Tighearn an Eiphit,  
a' bualadh agus a' leigheas; agus pillidh iad  
dh'ionnsuidh an Tighearna, agus éisdidh  
esan ri'n guidhe, agus leighisidh e iad.

23 Anns an là sin bithidh rathad mòr o'n  
Eiphit gu Asiria; agus thig an t-Asirianach  
do'n Eiphit, agus an t-Eiphiteach gu Asiria;  
agus ni an t-Eiphiteach aoradh maille ris  
an Asirianach.

24 Anns an là sin measar Israel an treas  
aon, maille ris an Eiphit agus ri Asiria, 'n a  
bheannachadh ann am meadhon na tìre;

25 A bheannaicheas Tighearn nan sluagh,  
ag ràdh, Beannaichte gu'n robh an Eiphit,  
mo shluagh-sa; agus Asiria, obair mo làmh;  
agus Israel, mo'oghreachd.

## CAIB. XX.

1 *Fàidheadaireachd mu thimchioll bhraighdean  
na h-Eiphit agus Etiopia.*

**A**NNS a' bhliadhna's an d'thàinig Tartan  
gu Asdoid; an uair a chuir Sargon  
rìgh Asiria mach e, agus chog e an aghaidh  
Asdoid, agus ghlac se e;

2 Anns an àm sin labhair an Tighearn le  
Isaiah mac Amois, ag ràdh, Imich, agus  
fuasgail an t-eudach-saic o d' leasraidh,  
agus cuir dhìot do bhrògan bhàrr do chos;  
agus rinn e mar sin, ag imeachd lomnochd  
agus casruisgte.

3 Agus thubhairt an Tighearn, Amhuil a  
dh'imich m'òglach Isaiah, lomnochd agus  
casruisgte trì bliadhna, 'n a chomharadh  
agus 'n a iongantas air an Eiphit agus air  
Etiopia; .

4 Mar sin bheir rìgh Asiria air falbh braigh-  
dean na h-Eiphit, agus fògaraich Etiopia,  
òigrìdh agus seann daoine, le an taobh-cùil  
air a leigeadh ris, a chum nàire na h-Eiphit.

5 Agus bithidh iad fo anhladh, agus  
gabhadh iad nàire de Etiopia 'bu bhun-  
dòchais doibh, agus de'n Eiphit, a' b'aoibhar  
uaill doibh.

6 Agus their fear-àiteachaidh na tìre so  
anns an là sin; Feuch is amhuil so ar bun-  
dòchais, dh'ionnsuidh an do theich sinn air  
son cabhair, a chum gu'm bitheamaid air ar  
saoradh o rìgh Asiria; cionnus ma ta théid  
sin as?

## CAIB. XXI.

1 *Ann an sealladh chunnaic am fàidh sgrios  
Babiloin. 11 Thug e rabhadh do Edom. 13  
Ainnsir shuidhichte trioblaid Arabia.*

**T**ROM eallach fàsaich na fairge. Mar  
th'ionnsuidh anns an àirde deas, a'  
dol seachad; o'n fhàsach tha e 'teachd, o  
thìr uamhasaich.

2 Dh'fhoillsicheadh sealladh eagalach  
dhomh; tha an cealgair a' caitheadh foill,  
agus tha an fear-creachaidh a' creachadh.  
Rach suas O Elaim; teannaich O Mhedia;  
chuir mise crìoch air a h-uile osnach.

3 Uime sin lionadh mo leasraidh le cràdh;  
ghlac piantan mi, mar phiantaibh mnà ri  
saothair-chloinne. Bha mi air mo chromadh  
sios, an uair a chuala mi; dh'fhàs mi air  
chrith, 'n uair a chunnaic mi.

4 Chlisg mo chridhe; chuir uamhas fiamh  
orm; feasgar mo shòlais thionndaidh e gu  
h-uamhunn domh.

5 Deasaich am bòrd; suidhich an fhaire;  
ith; òl; éiribh, a cheanna-feadhna, ungaibh  
an sgiath.

6 Òir mar so thubhairt an Tighearn rium,  
Imich, suidhich fear-faire; an ni a chi e,  
innsadh e.

7 Agus chunnaic e carbad le dà mharcach,  
carbad le asalaibh, agus carbad le càmh-  
aibh; agus thug e fainear gu dìchiollach le  
geur aire.

8 Agus ghlaodh e, Leòmhann: Mo thigh-  
earna, tha mi a'm' sheasamh an còmhnuidh  
ann am ionad-faire, air feadh an là; agus  
tha mi a' fantuinn air mo fhreiceadan ré  
gach oidheche.

9 Agus, feuch, an so tha carbad de dhaoi-  
nibh a' teachd, le dà mharcach. Agus fhreag-  
air e agus thubhairt e, Tha Babilon air



## ISAIAH, XXII.

tuiteam, air tuiteam; agus tha uile dhealbhan air snaidhte a diathan air am briseadh gu làr.

10 Och mo bhualadh, agus arbhar m'ùrlair! an nì a chuala mi o 'Thighearn nan sluagh, Dia Israeil, chur mi 'an cèill duibhse.

11 Trom eallach Dhumah. Dh'èigh e rium o Sheir, fhir na faire, ciod mu'n oidheche? Fhir na faire, ciod mu'n oidheche?

12 Thubhairt am fear-faire, Tha a' mhaduinn a' teachd, agus fòs an oidheche; ma dh'fhiosraicheas sibhse, fiosraichibh: pillibh, thigibh.

13 An fhàistneachd mu thimchioll Arabia. Anns an fhrith ann an Arabia gabhaidh sibh tàmh, a chuideachdan-siubhail Dhèdanim.

14 Thug luchd-àiteachaidh tìre Thema uisge dh'ionnsuidh an tartanhoir; le an aran thàinig iad 'an còdhail an fhògaraich.

15 Oir o na claidhibh theich iad, o'n chlaidheamh rùisgte, agus o'n bhogha lùbta, agus o bhoile a' chogaidh.

16 Oir mar so thubhairt an Tighearn rium, Fathast bliadhna, mar bhliadhnachaibh fir-thuarasdail, agus bithidh uile ghloir Chedair air caitheadh às.

17 Agus lughdaichear fuigheall àireimh nam fear-bogha, fir threuna de mhacaibh Chedair; oir labhair an Tighearn Dia Israeil e.

### CAIB. XXII.

1 *Tha am fàidh a' caoidh léir-sgrìos nan Iudach.*  
8 *Chronaich e iad a' chionn gu'n do chuir iad an dòchas 'n an innleachdaibh féin.* 15 *Roimhinis am fàidh sgrìos Shebna.* 20 *Ardachadh Eliacim.*

**T**ROM eallach glinn an taisbeanaidh. Ciod a thàinig ort a nis, gu'n deachaidh thu gu léir suas gu mullach nan tighean?

2 Thus' a bha làn faruim, a'd' chaithir fluaimnich, a'd' chaithir aoibhinn: do dhaoine a th'air am marbhadh, cha do mharbhadh leis a' chlaidheamh iad; nì mò is anns a' chath a dh'èug iad.

3 Tha do chinn-fheadhna uile air siubhal le 'chéile, cheangladh iad leis na fir-bhogha; na h-uile a fhuaradh annad, cheangladh iad le 'chéile, theich iad fad air falbh.

4 Air an aobhar sin thubhairt mi, Tionndaidh air falbh uam; guilidh mi gu goirt; na feuchaibh ri comhfhurtachd a thoirt domh, air son léir-chreach nìghinn mo shluagh.

5 Oir is là cruaidh-iomairt e, agus saltairt sìos, agus buairidh, o Iehobhah Tighearn nan sluagh, ann an gleann an taisbeanaidh; a' briseadh sìos bhallachan, agus a' glaoth-aich ris na beantaibh.

6 Agus tha Elam a' giùdan a' bhuilg-shaighead, le carbad de dhaoimibh agus le marc-shluagh; agus tha Cir a' rùsgadh na sgéithe.

7 Agus tarlaidh gu'm bi rogha do ghleann

air an lionadh le carbadaibh, agus cuiridh na marcaich iad féin 'an ordugh fa chomhair a' gheata.

8 Agus thugadh air falbh còmh-dachadh Iudah; agus sheall thu 's an là sin ri airm tìghe na frìthe.

9 Agus chummaic sibh bearnan baile Dhaibhidh, gu bheil iad lionmhor; agus chrùnn-ich sibh uisgeachan na linne ischdaraich.

10 Agus rinn sibh tighean Ierusalem àireamh, agus bhris sibh sìos na tighean a neartachadh a' bhalla.

11 Agus rinn sibh clais eadar an dà bhalla, air son uisge na seann linne; ach cha d'amhaire sibh a'rsan a rinn e; agus ean a dhealbh o shean e, cha d'thug sibh faineir.

12 Agus anns an là sin ghairm Iehobhah Tighearn nan sluagh gu gul, agus gu caoidh, agus gu maoile, agus gu crioslachadh le eudach saic:

13 Ach feuch, aoibhneas agus aighear, marbhadh dhamh agus casgairt chaorach, itheadh feòla agus òl fiona; itheamaid agus òlamaid, oir am màireach gheibh sinn bàs.

14 Agus dh'fhoillsicheadh le Tighearn nan sluagh ann am chluasaibh, Gu deimhin cha ghlanar an aingidheachd so air falbh uaibh, agus am faigh sibh bàs, deir Iehobhah Tighearn nan sluagh.

15 Mar so deir Iehobhah Tighearn nan sluagh, Imich, rach a dh'ionnsuidh an stiubhaird so, dh'ionnsuidh Shebna, a tha os ceann an tìghe, agus abair ris;

16 Ciod a th'agad an so? agus cò a th'agad an so, gu'n do chladhaich thu mach uaigh an so air do shon féin? mar neach a tha 'cladhachadh mach uaighe dha féin gu h-àrd, a tha 'gcarradh àite-còmhnuidh dha féin ann an carraig.

17 Feuch tilgidh an Tighearn a mach thu, 'g ad thilgeadh a mach gu làidir; agus nì e gu cinnteach do chòmh-dachadh.

18 Gu cinnteach cuiridh e car dhiot mu'n cuairt, agus bheir e urchair air falbh dhuit mar spitheig gu tìr fharsuinn; ann an sin gheibh thu bàs, agus ann an sin bithidh do charbadan sgiamhach 'n an nàire do thigh do thighearna.

19 Agus iomainidh mi á d'ait thu, agus o d'imbhe tilgidh mi sìos thu.

20 Agus tarlaidh anns an là sin, gu'n gairm mise m'ògach Eliacim mac Hilciah;

21 Agus sgeadaichidh mi e le d'fhalluinn-sa, agus le do chrìos ncartaichidh mi e; agus d'uachdaramachd bheir mi thairis d' a làimh; agus bithidh e 'n a athair do luchd-àiteachaidh Ierusalem, agus do thigh Iudah.

22 Agus iuchair tìghe Dhaibhidh cuiridh mi air a' ghualainn; agus fosgailidh e, agus cha druid aon neach; agus druiddidh e, agus cha-n fhosgail aon neach.

23 Agus daingnichidh mi e *mar* tharrain ann an àite cinn-teach; agus bithidh e mar chaithir ghliòrmoir air sòn tighe 'athar.

24 Agus crochaidh iad airsan uile ghliòr tighe 'athar, an sliochd agus an gineal, gach soitheach beag, o na h-uile ghnè chnach, gus na h-uile ghnè aghann.

25 Anns an là sin, deir Tighearn nan slagh, bithidh an tarran a *bha* air a suidheachadh ann an àite daingean air a h-atharrachadh; agus gearrar sìos i, agus tuitidh i; agus gearrar an eallach a *bha* oirre air falbh; oir labhair an Tighearn e.

### CAIB. XXIII.

1 *Léir-sgrìos eagalach Thiruis.* 15 'An ceann deich agus trì fichead bliadhna pillidh Tirus chum a cosnadh, agus nì i strìopachas le uile rioghachdaibh an domhain.

**T**ROM eallach Thiruis. Deanaibh caoin-eadh a longa Tharsis; oir sgriosadh i gu tur, ionnus nach 'eil tigh no fardoch ann; o thalamh Chitìim dh'fhoillsicheadh dhoibh e.

2 Bithibh tosdach, a luchd-àiteachaidh an eilein: lìonadh thn le ceannaichibh Shidoin, a tha 'siubhal thar cuan.

3 Agus sìol Shihoir o uisgeachaibh mòra, fàs na h-Aimhne, *ò sin* a teachd-a-stigh; agus bha i 'n a margadh do na cinnich.

4 Biodh nàir ort O Shidoin, oir labhair an fhaire, eadhon neart na faire, ag ràdh, cha robh mi ri saothair, agus cha d'rug mi clann; eha d'ràich mi òganaich, nì mò thog mi suas òighean.

5 Mar a *bha* 'n uair a chualas *sgèul* mu'n Eiphit, *mar sin* bithidh iad fo àmhghar ri chuinntinn *sgèil* mu Thirns.

6 Rachaibh a null gu Tarsis; deanaibh caoineadh, a luchd-àiteachaidh nan eilean.

7 An i so bhuir *caithir* aoibhinn, aig am bheil a h-aois o aimsir chéin? Giùlainidh a cosan féin i fad as gu fantuinn air chuairt.

8 Cò a ghabh a' chomhairle so 'an aghaidh Thiruis, a thug seachad coronan rioghail, aig am bheil a ceannaichean 'n am prionnsaibh; agus a luchd-malairt 'n an daoinibh urramach na tire?

9 *Is e* Tighearn nan slagh a dh'ordruich e, a chur smala air uabhar gach uile ghliòre, agus a thabhairt uile uaislean na tire fo dhimeas.

10 Ruith thairis air d'fhearann, mar amhainn, O nighean Tharsis; cha-n'eil neart ann nì's mò.

11 Shìn e a làmh tharais air an fhaire; chrath e na rioghachdan; thug an Tighearn àithne an aghaidh na *caithreach* a tha 'n a ceannaiche, chum a daingnichean làidir a sgrios.

12 Agus thubhairt e, Cha dean thu caithream nì's mò, O òigh shàruichte, a nighean Shidoin; éirich, rach thairis gu Citim; an sin fòs cha-n fhaigh thu suaimheas.

13 Feuch tìr nan Caldéach cha robh an sluagh so ann, *gus an* do shuidhich an t-Asirianach i air son luchd-àiteachaidh an fhàsaich; thog iad a baidealan, chuir iad suas a luchairtean; agus rinn e a sgrìos.

14 Guilbith gu h-àrd, a longa Tharsis; oir sgriosadh bhuir neart.

15 Agus tarlaidh anns an là sin, gu'n leigear air dearmad Tirus deich agus trì fichead bliadhna, a réir làithean aois rìgh; 'an ceann deich agus trì fichead bliadhna, seinnidh Tirus mar strìopaich.

16 Glac do chlàrsach, cuairtich am baile, a strìopach a bha air do dh'earmad; deun ceòl gu bin; seinn iomadh òran; a chum gu'n cuimhnichear a rìs thu.

17 Agus 'an ceann deich agus trì fichead bliadhna, thig an Tighearn a dh'amharc Thiruis; agus pillidh i chum a cosnadh; agus nì i strìopachas le uile rioghachdaibh an domhain, a tha air aghaidh na talmhainn.

18 Agus bithidh a malairt agus a buannachd naomh do'n Tighearn; cha taisgear suas e, agus cha ghleidhear gu tèaruint e; oir bithidh a malairt air son na muinntir a tha 'chòmhnuidh 'am fianuis an Tighearna, air son lòn a shàsnicheas, agus air son eudaich a mhaireas.

### CAIB. XXIV.

1 *Breitheanas uamhasach an Tighearna air an tìr.* 13 Cliuthaichidh iarmad e le h-aobhneas.

16 *Uamhas luchd-àiteachaidh na talmhainn.*

23 *Riogaichidh Tighearn nan slagh air beinn Shìoin.*

**F**EUCH tha an Tighearn a' deanamh an fhearainn falamh, agus 'g a chur fàs; tha e 'g a thionndadh bun os ceann, agus a sgapadh a lùchd-àiteachaidh.

2 Agus tarlaidh, mar a *bhitheas* an sluagh, mar sin *bithidh* an sagart; mar a *bhitheas* an t-òglach, mar sin *bithidh* a mhaighstir; mar a *bhitheas* a' bhanoglach, mar sin *bithidh* a bannmhaighstir; mar a *bhitheas* an ceannaiche, mar sin *bithidh* am fear-reic; mar a *bhitheas* esan a bheir iasachd, mar sin *bithidh* esan a ghabhas iasachd; mar a *bhitheas* an fear a ghabhas riadh, mar sin *bithidh* am fear a bheir riadh uath.

3 Nìthear an tìr gu tur falanah, agus creachar i gu buileach; oir labhair an Tighearn am focal so.

4 Tha an tìr ri caoidh agus a' seargadh; tha an saoghal air lagachadh agus a' seargadh; tha uaislean na tire air lagachadh.

5 Tha an tìr eadhon air a trnailleadh fo a lùchd-àiteachaidh; oir bhris iad an reachd, dh'atharraich iad an t-ordugh; sgaoil iad an coimheangal sìornidh.

6 Air an aobhar sin dh'ith mallachd suas an tìr, agus tha a luchd-àiteachaidh air am fàsachadh; uime sin tha luchd-àiteachaidh na tire air an losgadh snas, agus is teare an dream a dh'fhàgadh.

7 Tha am fion nuadh ri caoidh, tha an



fhionan lag, tha luchd a' churidhe aoibhinn uile ag osnaich.

8 Sguir fuaim aighireach uan tiompan; theirig luathghaire na muinntir a bha ri gairdeachas; sguir aighear na clàrsaich.

9 Cha-n òl iad fion le ceòl; bithidh deoch làidir searbh dhoibhsan a dh'òlas i.

10 Tha caithir na mi-riaghailt air a briseadh sìos; tha gach tigh air a dhruideadh suas, air chor as nach feud aon neach dol a steach.

11 Tha gaoir anns gach sràid air son fiona; dhorchaidheadh gach aighear; shiubhail gairdeachas an fhearainn air falbh.

12 Dh'fhàgadh léir-chreach anns a' bhaile, agus le buaireas bhriseadh sìos an geata.

13 An uair a bhitheas e mar so ann am meadhon na tìre, am measg an t-shluaigh, bithidh amhuil crathadh a' chroinn-olaidh, agus mar an dioghlum an uair a chrìochnaichear am fion-fhogharadh.

14 Togaidh iadsan an guth, cliùthaichidh iad gu h-àrd mòrachd an Tighearna; ni iad iolach o'n fhaire.

15 Uime sin anns an teine glòraichibh an Tighearna; eadhon ainm an Tighearna Dia Israeil, ann an eileanaibh a' chuain.

16 O iomall na talmhainn chuala sinn òrain, eadhon glòir do'n fhìrean; ach thubhairt mise, mo chaoile, mo chaoile; mo thruaighe mi! tha na mealltairean a' mealladh, seadh le foill tha na mealltairean a' mealladh.

17 Tha an t-uamhas, agus an slochd, agus an ribe ort, O fhir-àiteachaidh na tìre.

18 Agus tarlaidh, esan a theicheas o ghuth an uamhas, gu'n tuit e 's an t-slochd; agus esan a thig a nìos o mheadhon an t-sluichd, gu'n glacar anns an ribe e; oir tha na tuil-dhorsan o'n àird air am fosgladh; agus tha bunaitean na talmhainn air an luasgadh.

19 Tha an tìr gu tur air a briseadh sìos; tha an tìr air a sgaoileadh gu buileach as a chèile; tha'n tìr air a luasgadh gu garbh.

20 Bithidh an tìr a' gluasad thuig agus uaithe mar mhisgear; agus atharraichear i mar bhòthan-tàimh; oir luidhidh a h-aingidheachd gu trom oirre; agus tuitidh i, agus cha-n éirich i ni's mò.

21 Agus tarlaidh, anns an là sin, gu'n smachdaich an Tighearna na daoine àrda a tha shuas, agus rìghrean ua talmhainn air an talamh.

22 Agus cruinnichear iad ri 'chéile, mar a chruinnichear prìosanaich ann an slochd; agus druidear suas iad mar ann am prìosan; agus an déigh mòrain làithean fiosraichear iad.

23 An sin bithidh a' ghealach air a maslachadh, agus a' ghrian air a nàrachadh; oir riohaichidh Tighearna nau sluagh air beinn Shìoin, agus ann an Ierusalem; agus ann am fianuis a sheanaichan bithidh a' ghloir.

CAIB. XXV.

1 Mhol am fàidh Dia air son a bhreitheanas; 6 agus rinn e gairdeachas 'n a shlàinte.

**O** THIGHEARNA, is tu mo Dhia; àrd-aichidh mi thu, molaiddh mi d'ainm; oir rinn thu nithean iongantach; is dil-seachd agus firinn do chomhairlean o shean.

2 Oir rinn thu a' chaithir 'n a tòrr, am baile daingnichte 'n a charn sgrios; chuir thu àros nan coigreach o' bhi 'n a bhaile; gu bràth cha togar e.

3 Air an aobhar sin bheir an sluagh borb dhuit glòir; gabhaidh caithir nan cinneach uamhasach eagal romhad.

4 Oir bha thu a'd neart do'n bhoichd, a'd neart do'n fheumach 'n a airc; a'd dhìdean o'n dominn, a'd sgaile o'n teas; an uair a bha gaioth nan uamhasach mar dhoinn a' séideadh ris a' bhalla.

5 Mar an teas ann am fearann seargta, bheir thusa nuas farum nan uaibhreach; mar an teas le sgaile neoil, islichear geug nan uamhasach.

6 Agus anns a' bheinn so ni an Tighearna do na h-uile chinnich cuiridh de nithibh blasda, cuiridh de fhìon aosda, de nithean blasta làn de smior, de fhìon aosda air a dheadh tharruing.

7 Agus sgriosaidh e air a' bheinn so an còmhdaich a' chomhdaich aghaidh nan uile shluaigh, agus an sgaile 'bha air a sgaoileadh thar nau uile chinneach.

8 Sluigidh e suas ann bàs le buaidh, agus siabaidh an Tighearna Iehobhah an deur o gach aghaidh, agus masladh a shluaigh bheir e air falbh o'n talamh uile; oir labhair an Tighearna e.

9 Agus anns an là sin theirear, Feuch, is e so ar Dia-ne; dh'fheith sinn ris, agus thèarunn e sinn; is e so an Tighearna, dh'fheith sinn ris, ni sinn gairdeachas agus uail 'n a shlàinte.

10 Oir gabhaidh làmh au Tighearna fois air an t-sliabh so; agus bithidh Moab air a shaltair foidhe, mar a shaltair connlach air an òtrach.

11 Agus sìnidh e mach a làmhnan 'u a mheadhon, mar a shìneas ann fear a shnàmh a mach a làmhnan gu snàmh; agus bheir e nuas uabhar, maille ri creich a làmh.

12 Agus daingneach àrd do bhallachan leagaidh e sìos, islicheidh e, bheir e chum an làir eadhon chum an duslaich.

CAIB. XXVI.

1 Earail gu earbsadh à Dia do bhrìgh gu'n dean e breitheanas air an nàmhaid, 12 agus gu'n nochd e tròcair d'a shluaigh féin. 20 Smachdaichidh Dia luchd-àiteachaidh na talmhainn air son an aingidheachd.

**A** NNS an là sin seinnear an dàn so ann an tìr Iudah; Tha againn caithir làidir; slàinte cuiridh e suas mar bhallachan agus mar dhaingneach.

2 Fosglaidh-sa na geatachan, a chum gu'n

féid an cinneach firinneach a steach, a choimhideas an fhirinn.

3 Gleidhidh tu cian ann an sith iomlain, *aig am bheil* 'inntinn suidhichte ort, a chionn gu'n do chuir e a dhòchas annad.

4 Cuiribh-sa bhur dòchas anns an Tighearn do ghnàth, oir anus an Tighearn Iehobhab tha neart siorruidh.

5 Oir dh'ìsich e iadsau a bha 'chòmhnuidh gu h-àrd; a' chaithir àrd, thug e nuas; thug e nuas i chum an làir; thug e *eadhon* chum an duslaich.

6 Saltraidh a' chos oirre, cosan an fheum-  
aich, ceuman nam bochd.

7 Tha slighe au fhàirein ro dhìreach; ni thusa ceum au fhàireiu fìor-chòmhnaidh.

8 Seadh, ann an slighe do bhrèithneais dh'fheith sinn ort; tha miann ar n-anama air d'aum, agus air do chuimhne.

9 Le m'anam mhiannaich mi thu 's an oidhche; seadh, le mo spiorad an taobh a stigh dh'iarr mi thu 's a' mhaduinn; oir an uair a bhitheas do bhrèitheauais air an talamh, fòghlumaidd luchd-àiteachaidh an t-saoghail fireantachd.

10 Nochdar tròcair do'n aingidh, *gidheadh* cha-n fhòghlum e fireantachd; ann an tìr an ionracais buinidh e gu fealltach; agus cha toir e fainear mòralachd an Tighearna.

11 A Thighearna, tha do làmh togtà suas, *gidheadh* cha-n fhaic iad; *ach* chi iad, agus bithidh iad fo amhladh air sin eud an t-sluaigh; seadh, loisgidh teine do naimhdean suas iad.

12 A Thighearna, orduichidh tu sith dhuinne; oir eadhon ar u-uile bheartan cumhachdach dh'oibrich thusa annainn.

13 O Thighearna ar Dia, bha ceannas oirnn aig tighearnaibh eile bharrachd ortsa; *ach* annadsa a mhàin ni sinn luaidh air d'aum.

14 *Tha iad* marbh, cha tig iad beò; dh'eug iad, cha-u èirich iad; uime sin dh'fhiosraich agus mhill thu iad, agus sgrios thu as an cuimhne gu tur.

15 Mheudaich thu an cinneach, O Thighearna; mheudaich thu an cinneach; tha thu air do ghlòrachadh; sgaoil thu e a mach *eadhon* gu uile iomallaibh na talmhainn.

16 A Thighearna, ann an àmhghar dh'iarr iad thu; dhòirt iad a mach au athebuinge an uair a bha do smachdachadh orra.

17 Mar a bhitheas bean thorrach ann an teamtachd, an uair a bhitheas am a h-aiseid am fagus, ag éigheach gu h-àrd 'n a sothair; mar so bha sinn anu ad fhianuis, O Thighearna.

18 Dh'fhàs sinn torrach, dha sinn ann an teamtachd, rug sinn mar gu'm b'e gaoth; cha d'oibrich sinn slàinte anus an talamh, ni mò tha luchd-àiteachaidh an t-saoghail air tuiteam.

19 Thig do mhairbh beò; *maille ri* mo chorp marbh-sa èiridh iad. Diùsgibh agus seinnibh, sibhse 'tha 'chòmhnuidh anns an

duslach; oir tha do dhrùchd mar dhrùchd luibhean; agus tilgidh an talamh a mach na mairbh.

20 Thig, O mo shluagh, imich a steach do d' sheòmaichibh, agus druid do dhorsan mu'n cuairt duit; foluich thu féin car tamuill bhig, car tiota, gus an gabh a' chorruih thairis.

21 Oir, feuch, tha an Tighearn a' teachd a mach as 'àit, a smachdachadh luchd-àiteachaidh na talmhainn air son an aingidheachd; agus leigidh an talamh ris an fhuil a tha air, agus cha chòmhdaich e nì's mò a mhairbh.

CAIB. XXVII.

1 *Cìram Dhé d'a fhìon-lios.* 7 *Smachdachaidh Dia a shluagh ann an tròcair agus ann an tomhas ceart; 12 agus tionaidh e iad o gach tìr d'an d'fhugadh 'am braidhdeanas iad.*

**A** NNS an là sin smachdaichidh an Tighearn, le a chlaidheamh cruaidh, agus mòr, agus làidir, Lebhiatan an nathair dhìreach, agus Lebhiatan an nathair lùbach; agus marbhaidh e an dràgon a tha 's an fhaerge.

2 Anns an là sin, canaibhse do fhìon-lios an fhìona dheirg;

3 Tha mise, an Tighearn, 'g a choimhead, uisgicheam e gach tiota; chum 's nach doch-  
aunn *acon neach* e, coimhididh mi e a là agus a dh'oidhech.

4 Annamsa cha-n'èil dian chorruih. Cò a chuireadh an droighionn agus an dris a'm' aghaidh anns a' chath? rachainn trompa, loisginn iad le chéile.

5 Nò deanadh e greim air mo neart; deanadh e sith rium; sith ni e rium.

6 Bheir e orra-san a thig o Iacob freumhachadh; brisidh Israel a mach, agus thig e fo bhàth; agus lìonaidh eaghaidh an t-saoghail le toradh.

7 An do bhuail se e a réir bualaidh an ti a bhuail esan? Am bheil e air a mharbhadh a réir àir na muinntir a mharbhadh leis?

8 Ann an tomhas ceart, au uair a bhriscas e mach, ni thu tagradh ris. Choisg e a gaoth gharbh ann an là na gaoithe an ear.

9 Uime sin, le so glanar aingidheachd Iacoib air falbh; agus *is e* so an toradh uile a thabhairt air falbh a pheacaidh; 'n uair a ni e uile chlachan na h-altarach mar chlachan aoil a tha air am pronnadh as a chéile, cha seas na doireachan no na dealbhan suas nì's mò.

10 Ach bithidh a' chaithir dhaingnichte fàs, agus an t-àite-còmhnuidh air a thréig-sinn, agus air fhàgail mar fhàsach; an sin ionaltraidh an laogh, agus an sin luidhidh e sìos, agus ithidh e a geugan.

11 An uair a sheargas a meanglain, brisear iad; thig mnathan agus cuiridh iad ri theine iad; oir is sluagh gun tuigse iad; uime sin cha ghabh an ti a rium iad truas diubh;



agus cha nochd esan a dhealbhadh iad caoimhneas dhoibh.

12 Agus tarlaidh anns an là sin, gu'n dean an Tighearn bualadh o chlais na h-Aimhne gu sruth na h-Eiphit; agus tionail ear sibhse suas, aon agus aon, O chlamh Israeil.

13 Agus tarlaidh anns an là sin, gu'n séid ear a' ghall-tromp mhòr: agus thig iadsan a bha 'bàsachadh ann an tìr Asiria, agus iadsan a bha air an sgapadh ann an tìr na h-Eiphit; agus sleuchdaidh iad sìos do'n Tighearn, anns an t-sliabh naomh, ann an Ierusalem.

### CAIB. XXVIII.

1 *Bharadh Ephraim air son a mhisge agus 'uail'. 5 Bithidh Dia 'n a choron maise do iarmad a shlugaigh. 16 Tha Crìosd air a ghealltainn. 23 Gliocas freasdaidh Dhé air a nochdadh ann an oibrigh an treabhaiche.*

**I**S an-aobhlin do chrùn uaibhreach mhisgearan Ephraim, agus do bhlàth sheargach am maise glòrmhoir; dhoibhsan a tha air ceann a' ghlinn bheartaich, a tha air an leagadh sìos le fion.

2 Feuch, tha aig an Tighearn fear cumhachdach agus làidir, mar stoirm chlach-mheallain, mar dhoinninn mhilltich, mar thuil uisgeachan mòra a' taomadh thairis, a thilgeas sìos chum an làir le a làimh.

3 Bithidh coronan uaibhreach mhisgearan Ephraim air an saltairt fo 'chosaibh.

4 Agus bithidh blàth sheargach am maise glòrmhoir, a tha air ceann a' ghlinn bheartaich, mar am meas tràth roimh an t-samhradh, a chi an neach a dh'amhairceas air, agus cha luaithe 'bhitheas e 'n a làimh na dh'itheas e suas e.

5 Anns an là sin bithidh Tighearn nan sluagh 'n a chrùn glòire, agus 'n a choron maiseach fìo iarmad a shlugaigh;

6 Agus 'n a spiorad breithcanais dhàsan a shuidheas ann am breitheanas; agus 'n a neart dhoibhsan a philleas air ais an cath chum a' gheata.

7 Ach chaidh iadsan fòs a thaobh le fion, agus le dibh làidir chaidh iad air seacharan; chaidh an sagart agus am fàidh a thaobh le dibh làidir, shluigeadh suas iad le fion, chaidh iad air seacharan le dibh làidir; chaidh iad 'am mearachd ann an sealladh, thaislich iad ann am breitheanas.

8 Oir tha am buird uile làn de sgeith, agus de shalchar, air chor as nach 'eil àite sam bith saor.

9 Cò d'an teagaisg e eòlas, agus cò d'an teagaisg e fòghlum? dhoibhsan a chuireadh o'n chich, agus a sgaradh o'n bhròlach.

10 Oir tha àithne air àithne, àithne air àithne; rann air roinn, rann air roinn; beagan an so, beagan an sud.

11 Oir le beul manntach, agus le teagaidh choimhich, labhraidh e ris an t-sluagh so.

12 Ris an dubhairt e, So an fhois leis an

tabhair sibh fois dhà-san a tha sgèth, agus so an suaimhneas; gidheadh cha-n éisdeadh iadsan.

13 Ach bithidh focal an Tighearna dhoibhsan 'n a àithne air àithne, àithne air àithne; rann air roinn, rann air roinn; beagan an so, beagan an sud; a chum gu'n rachadh iad, agus gu'n tuiteadh iad air an ais, agus gu'n bithheadh iad air an briseadh, agus air an ribeadh, agus air an glacadh.

14 Uime sin chuinnibh focal an Tighearn, a luchd-fanoid, a luchd-riaghlaidh an t-shuaigh so a tha ann an Ierusalem.

15 A chionn gu'n dubhairt sibh, Dhaingnich sinn coimhcheangal ris a' bhàs, agus ris an uaigh rinn sinn còrdadh; an uair a shiùbhlas a' phlàigh thairis mar thuil, cha ruig i sinne; oir ghabh sinn a' bhreug mar ar dèidin, agus fo cheilg dh'fholaich sinn sinn féin.

16 Air an aobhar sin mar so deir an Tighearn Iehobhah, Feuch suidhichidh mise mar stéidh ann an Sion clach, clach dhearbhta, clach-chinn na h-oisinn; sàr bhunait; esan a chreideas, cha chuir car gu h-amhluidh e.

17 Agus tomhaisidh mise mach breitheanas leis an riaghailt, agus ceartas leis an t-sreing-thomhais; agus sguabaidh a' chlach-mheallain air falbh an dèidin-bhréige, agus còmhdaichidh na h-uisgeachan an t-àite-folaich.

18 Agus brisear 'ur coimhcheangal ris a' bhàs, agus cha seas 'ur còrdadh ris an uaigh; 'n uair a shiùbhlas a' phlàigh thairis mar thuil, an sin bithidh sibhse air bhrù saltairt sìos leatha.

19 O'n àm anns an siubhail i troimhe, ni i greim oirbh; oir maduinn an déigh maidne siubhlaidh i troimhe, a là agus a dh'oidhech; agus dùisgidh eadhon an t-ionradh a mhàin uamhunn.

20 Oir tha an leabadh tuilleadh 's goirid gu neach g'ashineadh féin oirre; agus tha am brat tuilleadh 's ai-leathan gu neach e féin a phasgadh ann.

21 Oir éiridh an Tighearn suas, mar ann an sliabh Pherasim, bithidh corruidh air mar ann an gleann Ghibcoim; a chum gu'n coimhlean e 'obair féin, 'obair neo-ghnàthach; agus gu'n dean e a ghnìomh féin, a ghnìomh coimheach.

22 Agus a nis, na bithibh ri fanoid, air eagal gu'n deanar bhrù cuibhrichean làidir; oir chuala mi o Iehobhah Tighearn nan sluagh sgrios, eadhon air a shònruchadh air an tìr uile.

23 Thugaibh -sa an aire, agus chuinnibh mo ghuth; éisdibh, agus chuinnibh mo bhrìathran.

24 Am bheil an treabhaiche ri h-ar, ré an là, chum cur a dheanamh? Am bheil e a' fosgladh agus a' briseadh fòidean 'fhearainn?

25 An uair a ni e 'aghaidh còmhnaidh, nach

sgaoil e an sin a' mheanbh-phcasair, agus nach sgap e an cumin; agus nach cuir e an cruithneachd anns an àit a's fearr, agus an t-còrna anns an ionad shuidhichte, agus an seagal 'n a chrìch féin?

26 Oir bithidh a Dhia a' teagasg còlais dha, agus 'g a innsachadh.

27 Oir cha-n'èil a' mheanbh-phcasair air a bualadh le inneal-bualaidh; ni mo 'bheir-e ar roth feuma tionndadh air a' chumin; ach tha a' mheanbh-phcasair air a bualadh le bata, agus an cumin le luirg.

28 Ach tha *sìol air son* arain air a bhruthadh: do bhrìgh nach bi e 'g a shìor-bhualadh, no 'g a bhriseadh le roth 'heuma, no 'g a phronnadh le 'eachaibh.

29 Tha so fòs a' teachd o Thighearn nan sluagh; tha esan iongantach ann an comhairle, òirdheire ann an gnìomh.

### CAIB. XXIX.

1 *Teanntachd Ierusalem, agus léir-sgrìos a luchd-claoidh le làimh an Tighearna.* 9 *Chronaicheadh na h-Iudhaich air son an cealygreachd.* 17 *Fhuair iad gealladh air nìdh maithe.*

**M**O thruaighe Ariel, Ariel, am baile anns an do chòmhnuich Daibhidh; cuiribh bliadhna ri bliadhna; marbhadh iad iobairtean.

2 Gidheadh teannaichidh mise Ariel, agus bithidh caoidh agus bròn ann; agus bithidh e Quomhsa mar Ariel.

3 Agusampaichidh mi a'd' aghaidh mu'n cuairt; agus teannaichidh mi thu le tòrr; agus togaidh mi daingnichean a'd' aghaidh.

4 Agus bheir-e sìos thu, agus labraidh tu as an talamh, agus bithidh do chainnt ìosal as an duslach; agus thig do ghuth a mach as an talamh, mar fhiosaiche, agus ni do chainnt borbhanaich as an duslach.

5 Agus mar an dus mìn bithidh mòr bhuidheann do choigreach, agus bithidh mòr bhuidheann nan uamhasach mar am mòl luaineach; agus tarlaidh e ann an tiota, gu h-obann.

6 Smachdaichear thu le Tighearn nan sluagh, le tairneanaich, agus le crith-thalmhainn, agus le trem ghuth, le stòirm agus doimn, agus lasair theine chaithtich.

7 Agus amhuil brúadar, aising na h-oidhche, bithidh mòr shluagh nan uile chinn-each, cadhnan na h-uile a tha 'cogadh rithe féin, agus *ri* a daingneach, agus a tha 'g a teannachadh.

8 Agus amhuil *duine* oerach a chi aising, agus, feuch, tha e 'g itheadh, ach air dùsgadh dha, tha 'anam ciocrach; agus amhuil *duine* tartmhor a chi aising, agus, feuch, tha e 'g òl, ach air dùsgadh dha, feuch *tha* e fann agus 'anam a' miannachadh; mar sin tarlaidh do mhòr chuideachd nan uile chinn-each a tha a' cogadh an aghaidh sléibh Shìoin.

9 Stadaibh, agus gabhaibh iongantas; scallaibh mu'n cuairt le h-ioghnadh, agus anhaireibh; tha iad air mhisg, ach cha-n ann le fion; tha iad a' call nan cos, ach cha-n ann le dibh làidir.

10 Oir dhòirt an Tighearn oirbh spiorad suaine; agus dhruid e suas 'ur sùilean; air na fàidhean agus 'ur luchd-riaghlaidh, agus air an luchd-scallaibh chuir e còmhach.

11 Agus tha an taisbeanadh uile dhuibhse, mar bhriathran leabhair air a ghlasadh suas, a bheir *iad* do neach aig am bheil fòghlum, ag ràdh, Leugh so, guidheamaid ort; agus their esan, Cha-n urrainn mi, oir tha e glaiste suas.

12 Agus bheir-e an leabhar do neach aig nach 'eil fòghlum, ag ràdh, Leugh so, guidheam ort; agus their esan, Cha-n'èil fòghlum agam.

13 Uime sin thubhairt an Tighearn, A chionn gu'm bheil an sluagh so a' teachd dlùth *dhomhsa* le'm beul, agus a' toirt-onoir dhomh le'm bìlibh, ach 'n an cridhe gu'n do theich iad fada uam; agus gu'm bheil an eagal romham-sa air a theagasg le àitheantaibh dhaoine;

14 Air an aobhar sin, feuch, thèid mis' air m'aghaidh a dheanamh iongantis am measg an t-sluaigh so, iongantis agus iongantas; ionnus gu'n téid gliocas an daoine glìce ann am muga, agus tuigse an daoine tuigseach as an t-sealladh.

15 Is truagh dhoibhsan a tha 'g iarraidh an comhairle fholach gu domhain o'n Tighearn; aig am bheil an gnìomharan ann an dorchda, agus a tha 'g ràdh, Cò a tha 'g ar faicim? Cò aig am bheil fios umainn?

16 Gu cinnteach measar bhuir n-ais-im-leachdan mar chriadh a' chriadh-dhair: an abair an obair mu'n oibriche, Cha d'inn e mi? agus an abair an ni a dhealbhadh mu'n neach a dhealbha e, Cha robh tuigse aige?

17 Nach tamull ro bheag fòs, gus an deanar Lebanon 'n a fhearann torrach, agus gus am measar am fearann torrach mar fhàsach?

18 Agus anns an là sin cluinnidh na bodh-air briathran an leabhair; agus as an dubhar agus as an dorchadas gheibh sùilean nan dall an léirsinn.

19 Meudaichidh fòs na daoine sèimhe an aobhneas anns an Tighearn; agus ni na bochdan am measg dhaoine gairdeachas ann an Ti naomh Israeil.

20 Oir dh'fhàilnich an t-uamhasach, agus thàinig crìoch air an fhear-fhocaidh; agus ghearradh as iadsan uile a bha furachair chum aingidheachd;

21 A ni duine 'n a pheacach air son focail; a tha 'leagadh rìbe air a shonsan a tha 'tagradh anns a' gheata; agus a tha 'tionndadh an iourcain a leth-taobh air son ni nach fiù.



22 Air an aobhar sin mar so deir an Tighearn, esan a shaor Abraham, mu thimchioll tighe Iacoib, Cha nàraichear Iacob, agus cha bhi 'aghaidh nis fo amhlua dh.

23 Ach an uair a chi e a chlànn, obair mo làmh-sa, 'n a mheadhon, naomhaichidh iad m'ainm, agus naomhaichidh iad Ti naomh Iacoib, agus bithidh eagal orra roimh Dhia Israeil.

24 Tuigidh iadsan fòs, a chaidh 'am mearachd ann an spiorad, fìor eòlas; agus fòghlumaidh iadsan a bha ri borbhanaich teagasg.

CAIB. XXX.

1 *Chronaicheadh an sluagh do bhrìgh gu'n do chuir iad an dòigh's an Eiphit, 8 agus gu'n d'ruin iad tair air focal Dhè. 18 Tròcair an Tighearna d'a eaglais. 27 Bithidh a sluagh aobhneach 'n uair a bhuailcas Dia na h-Asirianaich.*

**I**S ruagh do'n chloinn cheannaircigh, deir an Tighearn, a tha 'dealbh chomhairlean, ach cha-n ann uamsa; a tha 'còmhdaichadh le brat-folaich, ach cha-n ann le mo spiorad-sa; a chum gu'n cuir iad peacadh ri peacadh:

2 A tha 'g imeachd gu dol sìos do'n Eiphit, ach nach d'fhiosraich dhìomsa; chum iad féin a neartachadh le neart Pharaoh, agus a dheanamh buin á sgàile na h-Eiphit.

3 Ach bithidh neart Pharaoh dhuibh 'n a nàire; agus 'ur bun á sgàile na h-Eiphit 'n a mhasladh.

4 Oir bha a cheannardan aig Soan, agus thàinig a theachdairean gu Hanes.

5 Ghabh iad uile nàire de sluagh o nach d'fhuair iad tairbhe; o nach d'fhuair iad cuideachadh no tairbhe; ach a bha 'n an nàire agus 'n an masladh.

6 Eallach ainmhidhean na h-àirde deas; gu tìr aire' agus éiginn, as an tìg an leòmhán òg agus an seann leòmhán, an nathair nimhe, agus an nathair theinnteach iteach; giùl-ainidh iad an saoihbreas air gualainn nan asal òga, agus an ionmhas air croit nan càmhail, dh'ionnsuidh sluagh nach tabhair buannachd dhoibh.

7 Oir is dìomhain agus gun tairbhe còmh-nadh nan Eiphiteach; uime sin thubhairt mi rithe so, 'S e an neart fantuinn 'n an tàmh.

8 Imich a nis, sgrìobh e fa'n comhair air clàr, agus comharaich e air leabhar; chum gu'm bi e air son nan aimsirean a thig, air son fianuis gu sìorruidh;

9 Gur sluagh ceannairceach so, clann bhreugach, clann leis nach àill éisdeachd a thabhairt do lagh an Tighearna:

10 A tha 'g ràdh ris na fir-sheallaidh, Na faicibh; agus ris na fàidhean, Na labhraibh nithean cearta ruinn ann am fàistneachd; labhraibh ruinn nithean mìne; deanaibh fàistneachd cheilge:

11 Clanaibh air falbh o'n t-slighe; rach-

aibh a leth-taobh o'n rathad dhìreach; cuiribh air falbh uaim Ti naomh Israeil.

12 Air an aobhar sin, mar so deir Ti naomh Israeil, A chionn gu bheil sibh a' deanamh tàire air an fhocal so, agus ag earbsadh á clàonadh agus á ceannaire, agus a' leigeil bhuir taic ris;

13 Uime sin bithidh an t-òc so dhuibh mar bhriseadh ullamh gu tuiteam, mar aomadh ann am balla àrd, a thuiteas gu làr gu h-obann, ann an tiota.

14 Agus brisidh se e, mar bhriseadh soithich a' chriadhadair, a bhrisear 'n a bhloighdibh; cha chaomhain e, air chor as nach faighear, ann a bhriseadh, sgealb a thogas teine o'n teimntein, no a bheir uisge o'n tobar.

15 Oir mar so deir an Tighearn Iehobhabh, Ti naomh Israeil, ann am pilleadh, agus ann an sàmhchair, tèarnar sibh; ann an suaimhneas agus ann an earbsa bithidh 'ur neart; ach cha b'àill leibhse.

16 Ach thubhairt sibh, Ni h-eadh, ach air eachaibh teichidh sinn; air an aobhar sin teichidh sibh; agus air ainmhidhean luatha marcaichidh sinn; uime sin bithidh iadsan luath a leanas air 'ur tòir.

17 Teichidh aon mhìle roimh bhagradh aoin; roimh achmhasan chùignear teichidh sibh; gus am fàgar sibh mar chrann lom air mullach sléibh, agus mar bhrataich air cnoc.

18 Agus air an aobhar so feithidh an Tighearn, chum gu'n nochd e deadh-ghean dhuibh; agus air an aobhar so àrdaichear e, chum gu'n nochd e tròcair dhuibh; oir is Dia ceart-bhreitheach an Tighearn; is beannaichte iadsan uile a tha 'feitheamh ris-an.

19 Oir gabhaidh sluagh còmhnuidh ann an Sion, ann an Ierusalem; cha ghul thu nì's mò; nì e mòr thròcair ort, ri guth do ghlaoidh; co luath 's a chluimneas e, bheir e freagradh dhuit.

20 Agus ged bheir an Tighearn dhuibh aran airce, agus uisge àmhghair, gidheadh cha bhi do luchd-teagaisg air an fògradh fad' as; ach bithidh do shùilean a' faicinn do luchd-teagaisg.

21 Agus cluinidh do chluasan focal o' d' chùlaobh, ag ràdh, So an t-slighe, gluaisibh imte, 'n uair a thionndaidheas sibh chum na làimhe deise, no chum na làimhe clithe.

22 Agus truailidh sibh trusgan 'ur dealbhan airgid, agus sgeadachadh do dhealbhan òir; tilgidh tu uait iad mar eudach truailte; their thu ris, Teich uam.

23 An sin bheir e uisge air son do shìl, leis an cuir thu d'fhearam; agus aran de thoradh na talmhainn, agus bithidh e reamhar agus pait; anns an là sin, ionalt-raidh do spréidh ann an àilean farsuinn;

24 Agus itidh na dainh, agus na h-asail òga a threabhas ann fearann, innlim air a

deadh-glhanadh, air a gréidheadh leis a' gnuit agus leis an t-sluasaid.

25 Agus air gach beinu uhdòir, agus air gach cuoc àrd, bithidh caochain agus sruth-  
au uisge; ann an là an àir mhòir, an uair a thuiteas ua baidealán.

26 Agus bithidh solus ua gealaich mar sholus na gréine, agus bithidh solus na gréine a sheachd uiread, mar sholus sheachd fàithean; 's au là anns an ceangail an Tighearn suas briseadh a shluaigh, agus anns an leighis e lot a bhuille.

27 Feuch, tha ainm an Tighearn a' teachd o chéin, a' losgadh le fheirg, agus an eallach tron; tha a bhilean air an lìonadh le corruich, agus a theangadh mar theine caitheach.

28 Agus bithidh 'anail mar shruth dian a' ruith thairis, a' ruigheachd gu meadhon a' mhuineil; a dh'fhasgnadh nan cinneach le faskan an diomhanais; agus bithidh srian ann an giallaibh ua t-sluaigh, 'g au tarruing air seacharan.

29 Bithidh ceòl agaibh, mar anus an oidhche 's au coimhèdar féill naomh; agus gairdeachas cridhe, amhuil an uair a dh'imicheas neach le ceòl pioba, chum dol gu sliabh an Tighearna, gu carraig Israeil.

30 Agus bheir an Tighearn faicear gu'n cluinnear a ghuth glòrmhor, agus gu'm faicear leagadh a nuas a ghaidein, le corruich ghaire, agus le lasair teine chaithich; le sgapadh, agus doimn, agus clach-aibh-meallain.

31 Oir le guth an Tighearna buailear sìos an t-Asirianach, a bha 'bualadh le slait.

32 Agus anns gach àit 'au siubhail au t-slat shònruichte, a leagas an Tighearn air, bithidh tiompan agus clàrsaich; agus le cruaidh chòmhrag cogaidh e leatha.

33 Oir dh'ulluicheadh Tophet o shean; eadhon air son an rìgh tha sin air 'ulluchadh; rinn e dombain e, rinn e farsuin e; cruach theine agus mòran connaidh; tha anail an Tighearna, mar shruth pronnais 'g a fhadadh.

#### CAIB. XXXI.

1 *Is truagh dhoibhsan a tha 'g iarraidh còmh-naidh o'n Eipht 'an àite bhi 'g earbsadh us an Tighearn. 6 Earail gu pìllinn a dh'ionnsuidh Dhé. 8 Sgrios nan Asirianach.*

**I**S truagh dhoibhsan a tha 'dol sìos do'n Eipht air son còmhnaidh; a tha 'g earbsadh á h-eachaibh, agus a' cur an dòchais ann an carbadaibh, a chionn gu bheil iad lìomhor; agus ann an marcaichibh a chionn gu bheil iad ro làidir; ach cha seall iad air Tì naomh Israeil, agus cha-n iarr iad an Tighearn.

2 Ach tha Eisan glic, agus bheir e olc orra, agus cha chuir e fhocal air chùl; ach éiridh e an aghaidh tighe nan aingidh, agus an aghaidh cabhair na muinntir a tha 'dean-amh euceirt.

3 Oir is daoine na h-Eiphtich, agus cha Dia iad; agus is feoil an eich, agus cha spiorad; an uair a shìneas an Tighearn a mach a làmh, tuitidh an fear-cuideachaidh, agus leagar sìos am fear a bha air a chòmhnadh leis; agus millear iad gu léir le 'chéile.

4 Oir mar so thubhairt an Tighearn rium; mar a bheucas an leòmhán, eadhon an leòmhán òg, os ceann a chobhartaich, 'n uair a chruinnichear buidheann bhuaichillean 'n a aghaidh; cha ghabh e geilt roimh an guth, agus cha chaill e a mhiseach air son an comhghair; is amhluidh thig Tighearn nan sluagh a nuas gu cogadh air son sléibh Shioin, agus air son a chuic.

5 Mar eunlaith ag itealaidh os ceann an òlaich, mar sin dìonaidd Tighearn nan sluagh Ierusalem; le dìonadh saoraidh e i; agus le leum thairis tèarnaidh e i.

6 Pillibh d'a ionnsuidh-san o'n do chlaon clau Israeil le seacharan fada.

7 Oir anns an là sin tilgidh gach aon aih falbh uaith 'ìodholan airgid, agus 'ìodholan òir, a rinn 'ur làmhann féin duibh chum peacaidh.

8 Agus tuitidh an t-Asirianach, cha-n anu le claidheamh gaisgich; seadh cha-n e claidheamh duine a shluigeas suas e; ach teichidh e o'n chladheamh, agus claidhearn a dhaoine òga.

9 Agus troimh eagal théid e null dh'ionnsuidh a dhaingnich, agus gabhaidh a chinu-fheadhna geilt roimh'n bhrataich; deir au Tighearn, aig am bheil a theine ann an Sion, agus 'amhuil ann an Ierusalem.

#### CAIB. XXXII.

1 *Son as rioghachd Chrìosd. 9 Fàidheadaireachd mu thimcheall fàsachadh na tìre. 15 'N uair a dh'èirtear an spiorad a nuas air an t-sluagh nì brùicheanas còmhnaidh air thalamh.*

**F**EUCH, rioghaichidh rìgh ann am fìr-eantachd, agus riaghlaidh uachdarain ann am breitheanas.

2 Agus bithidh duine mar ionad-fasgaidh o'n ghaoith, agus mar dhèidh o'n doimn; mar sruthaibh uisge ann an àite tioram, mar sgàile creige mòire ann an tìr air-snealaich.

3 Agus cha bhi ceò air sùilibh na muinntir a chi; agus bheir cluasan na muinntir a chluinneas éisdeachd.

4 Agus tuigidh cridhe an duine bhraist eòlas; agus bithidh teangadh an duine mhanntaich calamh chum labhairt gu soilleir.

5 Cha ghoirear an t-ùmaidh fial nì's mò, agus cha-n abrar gu'n bheil am fear modhoir daoineachdail.

6 Oir labhraidh an t-ùmaidh do ghnàth amaideachd, agus dealbhaidh a chridhe aingidheachd; a chur 'an gnìomh ceilge, agus a labhairt foill an aghaidh an Tighe-



earn, a dheanadh anama an ocrach falamh, agus a thabhairt na dibhe o'n duine iotmhor.

7 Tha innealan an duine mhiodhoir ole; tha e a' dealbh innleachdan aimhleasach, a' ribeadh nam bochd le briathraibh breugach, 's a' cheart am anns an labhair an t-ainniseach gu firinnach.

8 Ach dealbhaidh an duine fial nìthan fiala; agus le nìthibh fiala daingnichear e.

9 Eiribh, a mhnathan a tha gu suaimheach, chuinnibh mo ghuth; a nigheanan gun umhail, èisdibh ri mo chainnt.

10 Iomadh là agus bliadhna bithidh sibh gun fhois, O mhnathan gun umhail; oir dh'fhàilnich am fion-fhogharadh, cha tig tional an toraidh.

11 Criothnaichibh, sibhse a tha suaimheach; bithibh gun fhois, sibhse a tha gun umhail; cuiribh dhìbh, rùisgibh sibh féin, agus crioslaichibh 'ur leasraidh le eudach-saic.

12 Nì iad caoidh air son nan cìoch, air son nam machraichean taitneach, air son na fionain torraich.

13 Thig an droighionn agus an dris a mìs thar fearann mo shluaigh; seadh thar nan uile thighibh aobhach anns a' bhaile luagh-aireach.

14 Oir tha an t-àros air a thrèigsinn; tha buidheann Ìomhann na caithreach air am fàgail: bithidh an daingneach agus an tùr 'n an uaimhean gu bràth, 'n an aoibhneas do na h-asalaibh fiadhaich, 'n an ionatrachd air son nan treudan;

15 Gus an dòirtear a nuas oirnn an Spiorad o'n àird, agus gu'm bi am fàsach 'n a mhachair thorraich, agus gu'm measar a' mhachair thorrach 'n a frìdh.

16 An sin nì breitheanas tàmh anns an fhàsach, agus anns a' mhachair thorraich gabhaidh fìreantachd còmhaidh.

17 Agus is sìth obair na fireantachd; agus is toradh do'n fhìreantachd suaimhneas agus tèaruinteachd gu sìorruidh.

18 Agus gabhaidh mo shluaigh còmhuidh ann am fardaich fhoistinich, agus ann an ionadaibh-còmhuidh tèaruinte, agus ann an àiteachan-tàmh suaimhneach,

19 An uair a thig a' chlach-mheallain a nuas air an doire, agus a nìthear a' chaithir co ìosal ris a' chòmhuard.

20 Is beannaichte sibhse a tha 'cur sìl ri taobh gach uisge, a tha 'cur a mach coise an dainh agus na h-asail.

# CAIB. XXXIII.

1 Breitheanas Dhé an aghaidh nàimhdean Shìoin. 13 Glacaidh uamhunn na cealgairean, 15 ach iadsan a ghluaiseas gu h-ionraic. bithidh Dia 'n a dhàim doibh.

I S an-aobhlin duitse a chreachadair, nach robh air do chreachadh thu féin; agus fhir na foill, ris nach do bhuin iad gu fealltach: an nair a sguireas tu de chreachadh, creachar thu; agus an uair a bheir

thu thairis a bhi ri foill, buinidh iad gu fealltach riut.

2 O Thighearna, dean tròcair oirnn; ortsa tha sinn a' feitheamh; bi thus' a'd' ghairdean dhoibh gach maduinn; ar slàinte fòs ri h-am na h-airce.

3 O ghuth a' bhuaireis theich na slòigh; an uair a thog thu suas thu féin, sgapadh na cinnich.

4 Agus cruinnichear 'ur creach mar a chruinnicheas am burrus: mar shiubhal nan locust, thig e orra.

5 Tha an Tighearna air 'àrdachadh; seadh, tha a chòmhuidh gu h-àrd; lìon e Sion le breitheanas agus ceartas.

6 Agus bithidh slàinte làidir, gliocas, agus còlas, 'n an daingneachadh do d' linn; tha cagal an Tighearna 'n a ionmhas da.

7 Feuch, togaidh na daoine cumhachdach gaor an taobh a muigh; guilidh teachdairean na sìthe gu goirt.

8 Tha na rathaidean mòra fàsail, dh'fhalbh am fear-turuis; bhris e an còimheangal, chuir e cùl ris na caithrichibh, cha-n'eil meas aig air duine.

9 Tha an talamh ri bròn, agus a' fannachadh; tha Lebanon gu nàire, agus air a ghearradh sìos; tha Saron air fàs mar fhàsach; agus Bàsan agus Carmel air crathadh dhiubh an toraidh.

10 A nis éiridh mi, deir an Tighearna; a nis àrdaichear mi; a nis togaidh mi suas mi féin.

11 Bithidh sibh torrach air moll; beiridh sibh asbhuaig; nì bhuir anail, mar theine, bhuir caithleadh.

12 Agus bithidh na slòigh mar aol air a losgadh; mar dhroighionn air a ghearradh sìos, loisgear iad anns an teine.

13 Chuinnibh, O sibhse 'tha fad' as, an nì a rinn mi; agus sibhse 'tha dlùth, aidichibh mo chumhachd.

14 Tha na peacaich ann an Sion fo eagal; ghlac uamhunn na cealgairean; cò 'n ar meas a ghabhas còmhuidh maille ri teine millteach? cò 'n ar meas a ghabhas còmhuidh maille ri lasraichibh sìorruidh?

15 Eisan a ghluaiseas gu h-ionraic, agus a labhras gu ceart; a ghabhas gràin de bhuannachd na h-ainneirt, a chrathas a làmh o 'bhi' glacadh duaise na h-eucorach; a dhruideas a chluas o éisdeachd ri sgeul fola, agus a dhùineas a shùilean o amhare air ole;

16 Bithidh a chòmhuidh-san anns na h-ionadaibh àrda; bithidh daingnichean nan creag 'n an didean dha; bheir ar an dha; mairidh uisge gu cinnteach aige.

17 Seallaidh do shùilean air an Rìgh 'n a mhaise; chi iad an tìr a tha cian fad' as.

18 Smuainichidh do chridhe air uamhunn. C'ait am bheil an sgrìobhaiche? C'ait am bheil am fear-tomhais? C'ait am bheil esan a rinn na daingnichean àireamh?

19 Cha-n fhaic thu sluagh borb; luchd na cainte domhain, nach b'urraim thu 'chluinntim; luchd na teangaidh manntaich, nach b'urraim thu 'thuigsinn.

20 Amhaire air Sion, caithir air n-àrd fhèilean; chi do shùilean Ierusalem 'n a còmhnuidh fhoistinich, 'n a pàilliu nach atharraichear; cha ghluaisear aon d'a phuist gu bràth, ni mò 'bhrisear aon d'a chordaibh.

21 Ach ann an sin *bithidh* an Tighearn glòrmhor dhuinne 'n a ionad aimhnichean agus sruthan leathan; cha siubhail bàtarann ann; ni mò 'théid long ghreadhnach troimhe.

22 Oir *is e* an Tighearn air breitheamh; *is e* an Tighearn air fear-tabhairt lagha; *is e* an Tighearn air Rìgh; tèarnaich e sinn.

23 Tha do chuid fuasgaile; cha b'urraim iad an crann a ro-dhaingeachadh; cha b'urraim iad an seòl a sgaoileadh; au sin tha creach phailt air a roinn; ghlac am bacach a' chobhartach.

24 Agus cha-n abair am fear-àiteachaidh, Tha mi tinn; gheibh an sluagh, a tha 'chòmhnuidh an sin, maithneas 'n an aingidheachd.

#### CAIB. XXXIV.

1 *Fear an Tighearn' an aghaidh nan cinneach a tha 'n an naimhaidh d'a eaglais.* 16 *Ciùnte na fàisteachd.*

**D**LUATHAICHIBH, a chinneacha, chum éisdeachd; agus thngaibh aire, O fhineachan; éisdeadh an talamh, agus a làn; an saoghal, agus na h-uile a tha 'teachd a mach uaidh.

2 Oir tha fearg air an Tighearn an aghaidh nan cinneach uile; agus corruich an aghaidh an slògh uile; chuir e as doibh, thug e thairis iad chum casgairt.

3 Agus tilgear am mairbh a mach; agus o'n cairbhean éiridh breun bholadh; agus leaghaidh na sléibhtean sìos le'm fuil.

4 Agus crìonaidh feachd nèimh gu léir air falbh, agus fillear na nèamhan air a chéile mardhuille leabhair; agus tuitidh am feachd uile sìos, mar thuiteas an duilleag sheargta o'n fhionain, agus mar am meas làn-abuich o'u chrann-fhìge.

5 Oir tha mo chladheamh air a ehur air mhisg anns na nèamhan; feuch, tuitidh e air Idumea, agus air an t-sluagh a mhallaich mise, chum breitheanais.

6 Tha claidheamh an Tighearna sàsuteichte le fuil; tha e biadhta le saill, le fuil uan agus ghabhar, le saill airnean reitheachan; oir tha iobairt aig an Tighearn ann am Bosrah, agus àr mòr ann an tìr Idumea.

7 Agus thig na h-aon-adharcaich a luas maille riu, agus na daimh maille ris na tairbh; agus cuirear an tìr air snàmh le fuil, agus nìhear an duslach reamhar le saill.

8 Oir is e là dhòghaltais an Tighearn' a

*th'ann*, agus bliadhna an ath-dhòlaidh air son consaichaidh Shìoin.

9 Agus iompaichear a sruthan gu pic, agus a duslach gu pronnas; agus fasaich a fearann uile 'n a phic loisgich.

10 Cha téid a chur as a dh'oidheche na a là; gu sìorruidh théid a deatach suas; o àl gu h-àl bithidh i fàs; gu hinn nan hian cha téid aon neach troimpe.

11 Ach sealbhaichidh am peliean agus a' ghràineag i; agus gabhaidh a' chailleach-oidheche agus am fitheach còmhnuidh innte; agus sìnidh e thairis oirre sreang an léir-sgrìos, agus clachan na fàsalachd.

12 Gairmidh iad a h-uaislean do'n rìoghachd, ach cha *bhi iad* ann; agus thig a ceannardan uile gu neo-ni.

13 Agus fasaich an droighionn suas 'n a luchartibh; an eamtagach agus an dris 'n a daingnichibh; agus bithidh i 'n a fàrdaich aig draonaibh, 'n a h-àros aig nigheauaibh na comhachaidh.

14 Agus còinnichidh fiadh-bheathaichean an fhasaich agus fiadh-bheathaicheau na macharach a chéile; agus gladdhaidh am fiadh-dhuine r'a chompanach; an sin fòs gabhaidh an sereuchag-oidheche fois, agus gheibh i dhì féin àite-tàimh.

15 Au sin ni a' chailleach-oidheche mhòr a nead, agus beiridh i a h-uibhean; agus ni i gur, agus cruinnichidh i a h-àlach fo a sgàile; an sin fòs cruinnichearna h-iolairean, gach aon le a chéile féin.

16 Fiosraichibh de leabhar an Tighearna, agus leughaidh; cha bhi aon dhiubh so air chall, cha bhi aon as eugnmais a céile; oir is e mo bheul-sa 'thug an àithne, agus is e a spiorad a thionail iad.

17 Agus thilg e an crannchur air an son, agus roinu a làmh dhoibh e le sreing; sealbhaichidh iad e gu sìorruidh; o àl gu h-àl gabhaidh iad còmhnuidh ann.

#### CAIB. XXXV.

1 *Glòir agus soirbheachadh rìoghachd Chrìosd.* 9 *Siubhaidh a' mhuinntir shaorta ann an slighe an Tighearna, agus thig iad gu Sion le caithream agus aobhneas.*

**N**I am fasach agus an talamh tartmhor gairdeachas air an son; agus bithidh an dìthreachd aig, agus thig e fo bhlàth mar an ròs.

2 Brisidh e mach gu h-ùrar, seadh ni e gairdeachas gu subhach agus gu ceòlmhor; bheirear glòir Lebanoin dha, maise Charneil agus Sharoin; chi iad sin glòir an Tighearna, agus maise air Dé-ne.

3 Neartaichibh-sa na làmhnan laga, agus daingnichibh na glùinean annmhuinn.

4 Abraibh riu-san a tha lag-chridheach, Bithibh làidir, na bitheadh eagal oirbh; feuch, thig bhuir Dia le dòghaltas, 's e Dia le ath-dhòladh; thig e féin, agus saoraidh e sibh.

5 An sin fosgailear sùilean nan dall, agus



bithidh cluasan nam bodhar air am fosladh.

6 An sin leumaidh am bacach mar fhiadh, agus seinnidh teangadh a' bhalbhain; oir anns an fhàsach brisidh uisgeachan a mach, agus sruthan anns an dithleabh.

7 Agus fàsaidh am fearann tioram 'n a linne, agus am fearann tartmhor 'n a thob-raichibh uisge: ann an àite-còmhnuidh nan dràgon, agus 'n an leabadh, bithidh fear, leis a' chuile agus an luachair.

8 Agus bithidh rathad mòr an sin, agus slighe; agus goircar slighe na naomhachd dheth; cha siubhail neach neòghlan troimhe; ach *bithidh* e air an son-san; cha tèid am fear-turuis no na daoine baoghalta air seacharan ann.

9 Cha bhi leòmhnan an sin, ni mò 'thig fiadh-bheathach millteach suas ann; cha-n fhaighear an sin e; ach siubhlaidh a' mhuintir shaorta ann:

10 Agus pillidh saor-dhaoine an Tighearna, agus thig iad gu Sion le caithream, agus aoibhneas siorruidh air an cin; gheibh iad gairdeachas agus aoibhneas, agus teichidh bròn agus osnach air falbh.

CAIB. XXXVI.

1 *Ghlac Senacherib rìgh Asiria uile bhailtean daingnichte Iudah.* 2 *Chuir e Rabsaceh a dh'ionnsuidh Ierusalem a thubhairt maslaidh do Hesechiah.* 13 *Briathran Rabsaceh a labhair e 'an èisdeachd an t-sluaigh.* 22 *Dh'innseadh iad do Hesechiah.*

**A**GUS tharladh anns a' cheathramh bliadhna deug de rìgh Hesechiah, gu'n d'fhàinig Senacherib rìgh Asiria nìos an aghaidh uile bhailtean daingnichte Iudah, agus ghlac e iad.

2 Agus chuir rìgh Asiria Rabsaceh o Lachis do Ierusalem, dh'ionnsuidh rìgh Hesechiah, le armaid mhòir; agus sheas e aig sruth-chlais na linne uachdaraich, air rathad mòr achaidh an luadhadair.

3 An sin thàinig a mach d'a ionnsuidh Eliacim mac Hilechiah, a bha os ceann an tighe, agus Sebnah au sgrìobhaiche, agus Ioah mac Asaiph an seanachaidh.

4 Agus thubhairt Rabsaceh riu, Abraibh a nis ri Hesechiah, Mar so deir an rìgh mòr, rìgh Asiria, Ciod e am bun-dòchais so as am bheil thu ag earbsadh?

5 Tha thu ag ràdh, (ach is briathran faoine iad.) Tha comhairle agus neart agam air son a' chogaidh; a nis cò as am bheil thu ag carbsadh, gu'n deanadh tu ceannaire a'm' aghaidh-sa?

6 Feuch, tha thu 'g carbsadh as an luig bhrìste chuilec sin, an Eiphit; ni, ma leigeas duine a chudthrom air, a theid a steach 'n a làimh, agus a thollas troimhe i: mar so tha Pharaoh rìgh na h-Eiphit dhoibhsan uile a dh'earbas as.

7 Ach ma their thu rium, As an Tighearn

ar Dia tha ar n-earbsa; nach e sin esan a chuir Hesechiah air falbh 'ionadan àrda agus 'altairean; agus thubhairt e ri Iudah agus ri Ierusalem, Fa chomhair na h-altarach so sleuchdaidh sibh?

8 A nis uime sin, guidheam ort, géill do m' thighearn rìgh Asiria; agus bheir mise dhuit dà mhìle each, ma's urrainn thu, air do thaobh -sa, marcaichean a chur orra.

9 Cionnus ma ta a philleas tu air ais aon cheam-feadhna de na seirbhisich a's lugha 'tha aig mo thighearn? agus a dh'earbas tu as an Eiphit air son charbadan agus marc-shluaigh?

10 Agus a nis, an ann as eugmhais an Tighearn? a thàinig mise a nìos an aghaidh na tire so, g'a sgrìos? Is e an Tighearn a thubhairt rium, Rach suas an aghaidh na tire so, agus sgrìos i.

11 An sin thubhairt Eliacim, agus Sebnah agus Ioah ri Rabsaceh, Labhair, guidheamaid ort, ri do sheirbhisich, anns a' chainnt Shirianaich, oir tuigidh sinn i; agus na labhair ruinn anns a' chainnt Iudhaich, ann an cluasaibh an t-sluaigh a tha air a' bhalla.

12 Agus thubhairt Rabsaceh, An ann a dh'ionnsuidh do thighearna-sa agus a d'ionnsuidh-sa, a chuir mo thighearn mise, a labhair nam briathar so? nach ann a dh'ionnsuidh nan daoine a tha 'n an suidhe air a' bhalla, a chum gu'n ith iad an salchar féin, agus gu'n òl iad an uisge féin, maille ribhse?

13 An sin sheas Rabsaceh, agus ghlaodh e le guth àrd anns a' chainnt Iudhaich, agus thubhairt e, Chunnibh briathran an rìgh mhòir, rìgh Asiria:

14 Mar so deir an rìgh, Na mealladh Hesechiah sibh, oir cha bhi e comasach air 'ur tèarnadh:

15 Agus na tugadh Hesechiah oirbh bhuir dòchas a chur anns an Tighearn, ag ràdh, Gu cinnteach tèarnaidh an Tighearn sinn, cha toirear thairis am baile so ann an làimh rìgh Asiria:

16 Na h-èisdibh ri Hesechiah; oir mar so deir rìgh Asiria, Deanaibh coimhcheangal riumsa le tiodhlac, agus thigibh a m' ionnsuidh; agus itheadh gach fear d'a chrann-fìona, agus gach fear d'a chrann-fìge féin, agus òladh gach fear uisge a thobair féin;

17 Gus an tig mise agus gu'n toir mi sibh gu tìr cosmhul r' r' tìr féin; tìr arbhair agus fhìona, tìr arain agus fhìon-liosan.

18 Thugaibh an aire nach cuir Hesechiah impidh oirbh, ag ràdh, Tèarnaidh an Tighearn sinn. An do theasairg diathan nan cinneach, gach aon a thair féin, à làimh rìgh Asiria?

19 C'àit am bheil diathan Hamait agus Arphaid? c'àit am bheil diathan Sheph-

arbhaim? an do theasaig iad Samaria as mo làimh-sa?

20 Cò 'am measg uile dhiathan nan dùthchan so, a theasaig an tìr féin as mo làimh-sa, gu'n teasaigeadh an Tighearn Ierusalem as mo làimh?

21 Ach dh'fhan iad 'n an tosd, agus cha d'thug iad focal freagraidh dha; oir b'i àitlne an rìgh, Na tugaibh freagradh dha.

22 An sin thàinig Eliacim mac Hileiah, a bha os ceann an tighe, agus Sebnah an sgrìobhaiche, agus Ioah mac Asaiph an seanachaidh, gu Hesechia, le'n eudach reubta, agus dh'innis iad dha briathran, Rabsaceh.

CAIB. XXXVII.

1 'N a theanntachd chuir Hesechia fios a dh'ionnsuidh Isaiah gu urnuigh a dheanamh air a shon. 8 Lùir Shenacherib. 14 Urnuigh Hesechia. 21 Roimh-innis Isaiah sgrìos Shenacherib. 36 Bhuail aingeal an Tighearna camp nan Asirianach.

**A**GUS an uair a chuala Hesechia an rìgh se e fèin le eudach saic, agus chaidh e a steach do thìgh an Tighearna.

2 Agus chuir e Eliacim a bha os ceann an tighe, agus Sebnah an sgrìobhaiche, agus seanairean nan sagart, còmhdaichte le eudach saic, gu Isaiah mac Amois, am fàidh.

3 Agus thubhairt iad ris, Mar so deir Hesechia, Is là teinn agus achmhasain agus maslaidh an là so; oir tha clann air teachd gu inbhe breith, agus neart gu breith chà-nèil ann.

4 Theagamh gu'n tabhair an Tighearn do Dhia fainear briathran Rabsaceh, a chuir a thighearn rìgh Asiria a mhaslachadh an Dé bheò; agus gu'n cronuich e na briathran a chual' an Tighearn do Dhia: cuir thusa ma ta suas urnuigh air son an iarmaid a dh'fhàgadh.

5 Mar sin thàinig òglaich rìgh Hesechia gu Isaiah.

6 Agus thubhairt Isaiah riu, Mar so their sibh ri 'ur tighearn, Mar so tha an Tighearn ag ràdh, Na bitheadh eagal ort air son nam briathran a chuala tu, leis an d'thug òglaich rìgh Asiria masladh dhomhsa.

7 Feuch cuiridh mi osag air, agus cluinidh e tuairisgeul, agus pillidh e d'a thìr féin; agus bheir mi air tuiteam leis a' chlàidheamh 'n a thìr féin.

8 Mar sin phill Rabsaceh, agus fhuair e rìgh Asiria a' cogadh an aghaidh Libnah; oir chual e gu'n d'fhalbh e o Lachis.

9 Agus an uair a chual' e mu thimchioll Thirhacab rìgh Etiopia, ag ràdh, Thàinig e mach a chogadh riut; chuir e teachdairean gu Hesechia, ag ràdh,

10 Mar so their sibh ri Hesechia rìgh Iudah, Na mealladh do Dhia thu, as am bheil thu ag càrbsadh, ag ràdh, Cha

toir car Ierusalem thairis do làimh rìgh Asiria.

11 Feuch, chuala tu ciod a rinn rìghrean Asiria ris na dùthchannaibh nìle, 'g aa sgrìos gu tur; agus am bi thusa air do thearnadh?

12 An do theasaig diathan nan cinneach iadsan a sgrìos maithrichean-sa, eadhon Gosan, agus Haran, agus Reseph, agus miz Edein a bha ann an Telasar?

13 C'àit am bheil rìgh Hamait, agus rìgh Arphaid, agus rìgh mòr-bhaile Sheph-arbhaim, Hena, agus Ibah?

14 Agus ghabh Hesechia an litir o làimh nan teachdairean, agus leugh e i; agus chaidh Hesechia suas do thìgh an Tighearn, agus sgaoil e i 'an fianuis an Tighearna.

15 Agus rinn Hesechia urnuigh ris an Tighearn, ag ràdh,

16 O Thighearna nan sluagh, Dhia Isracil, a tha a'd' chòmhnuidh eadar na cheruban; is tusa féin, a'd' aonar, Dia uile rìoghachdan na talmhainn; is tu a rinn na nèamhan agus an talamh.

17 Crom, o Thighearna, do chluas, agus cluin; fosgail, O Thighearna, do shùilean, agus faic; agus cluin nìle bhriathran Shenacherib, a chuir e a mhaslachadh an Dé bheò.

18 Gu deimhin, O Thighearna, sgrìos rìghrean Asiria na cinnich uile, agus am fearann,

19 Agus thilg iad an diathan anns an teine; oir cha bu diathan iad, ach obair làmhnan duine, fiodh agus clach; uime sin sgrìos iadsan iad.

20 Ach a nis, O Thighearna ar Dia, teasaig sinn o a làimh; a chum gu'm bi fios aig uile rìoghachdaibh na talmhainn gur tusa, a Thighearna, an t-aon Dia.

21 An sin chuir Isaiah mac Amois fios gu Hesechia, ag ràdh, Mar so deir an Tighearn Dia Isracil, Do thaobh na h-urnuigh a rinn thu rian mu thimchioll Shenacherib rìgh Asiria;

22 So am focal a labhair an Tighearn m'a thimchioll-san; Rinn òigh-nighean Shìoin tàir ort, rinn i gaire fanoid riut; chrath nighean Ierusalem a ceann air do chùl-aobh.

23 Cò d'an d'thug thu masladh agus toibheum? agus cò an aghaidh an do thog thu do ghuth, agus an do thog thu suas do shùilean gu h-àrd? an ann an aghaidh Tì naomh Isracil?

24 Le do luchd-muinntir mhaslaich thu an Tighearn, agus thubhairt thu, Le lionnhoir-cachd mo charbad dhìrich mi àirde nam beann, slios an Lebanon; agus gearraidh mi sìos a' chuid a's àirde d'a chraobhan seudair, rogha a chraobhan giuthais; agus thèid mi stigh do ionad àrd a chrìche, frìdh a Charmeil.



25 Chladhaich mi, agus dh'òl mi uisgeachan; agus le bonn mo chos thiorraich mi uile shruthan nan ionadan daingnichte.

26 Nach cuala tu o shean *gu'n* d'rinn mi e, agus o aimsiribh céin *gu'n* do dhealbh mi e? A nis thug mi gu crìch e, *gu'm* bitheadh tusa chum bailte daingnichte 'chur fas 'n an carnaibh sgrios.

27 Uime sin bha an luchd-àiteachaidh air bheag neart; bha iad fo gheilt-chrith agus amhluaadh; bha iad mar fheur na macharach, agus mar an luibh uaine; *mar* fheur mullaich an tighe, agus *mar* an t-arbhar a sheargas mu'm fas e suas.

28 Ach is aithne dhomh do shuidhe sìos, agus do dhòl a mach, agus do theachd a steach, agus do bhoile a'm' aghaidh.

29 A chionn *gu'n* d'fhàinig do bhoile a'm' aghaidh, agus d'ardan a nìos *gu'm* chluas-aibh; air an aobhar sin cuiridh mi mo dhubhan ann ad shròin, agus mo shrian ann ad bheul; agus pillidh mi air d'ais thu air an t-slighe air an d'fhàinig thu.

30 Agus bithidh so 'n a chomharadh dhuit; Ithibh air a' bhliadhna an an ni sin a dh'fhàsas leis féin, agus air an dara bliadhna an ni a chimeas a sin; agus air an treas bliadhna cuiribh agus buainibh; agus suidhichibh fion-liosan, agus ithibh an toradh.

31 Agus gabhaidh am fuigheall a théid as do thigh Iudah, fathast freumh sìos, agus giùlainidh e toradh suas.

32 Oir o Ierusalem théid fuigheall a mach, agus iadsan a théid as o shliabh Shìoin: nì cud Tighearna nan sluagh so a choimhlionadh.

33 Air an aobhar sin, mar so deir an Tighearn mu thimchioll rìgh Asiria, Cha tig e a steach do'n bhaile so, agus cha tilg e saigh-ead ann, agus cha tog e sgiath fa chomhair, agus cha chuir e suas tòrr 'n a aghaidh.

34 Air an t-slighe air an d'fhàinig e, mar sin pillidh e; agus do'n bhaile so cha tig e steach, deir an Tighearn.

35 Agus dìonaiddh misc am baile so chum a thèarnadh, air mo sgàth féin, agus air sgàth Dhaibhidh m'òglaich.

36 Agus chaidh aingeal an Tighearn' a mach, agus bhuail e, ann an camp nan Asirianach, ceud agus ceithir fichead agus cùig mìle; agus an uair a dh'èirich *dawine* 's a' mhaduinn, bha iad sin uile 'n an corp-aibh marbha.

37 Agus thog Senacherib rìgh Asiria air, agus dh'fhalbh e, agus phill e, agus ghabh e còmhuidh ann an Ninebbheh.

38 Agus tharladh, an uair a bha e ri aoradh ann an tigh Nisroich a-dhia, *gu'n* do bhuail Adramelec agus Sareser, a mhic, e leis a' chlaidheamh, agus theich iad do thìr Armenia; agus rìghich Esarhadon a mhac 'n a àite.

1 'N uair bha Hesechia tinn gu bàs rinn e urnuigh ri Dia, agus fluair e gealladh *gu'n* cuirteadh cùig bliadhna deug ri a làithibh.  
7 Mar chomharadh air so thug Dia air a'is dubhar nan ceum. 9 Laoidh-bhuidheadhais Hesechia.

A NNS na làithibh sin bha Hesechia tinn gu bàs; agus thàinig Isaiah am fàidh, mac Amois, d'a ionnsuidh, agus thubhairt e ris, Mar so tha an Tighearn ag ràdh, Cuir do thigh 'an ordugh; oir gheibh thu bàs, agus cha mhair thu beò.

2 An sin thionndaidh Hesechia 'aghaidh ris a' bhalla, agus rinn e urnuigh ris an Tighearn;

3 Agus thubhairt e, Guidheam ort, O Thighearna, cumhuich a nis cionnus a ghluais mi a'd' làthair ann am firinn, agus le cridhe iomlan, agus a rinn mi an *ni a tha* maith a'd' shùilibh. Agus ghuil Hesechia gu goirt.

4 An sin thàinig focal an Tighearna dh'ionnsuidh Isaiah, ag ràdh,

5 Falbh agus abair ri Hesechia, Mar so deir an Tighearn, Dia Dhaibhidh d'athar, Chuala mise d'urnuigh, chunnaic mi do dheòir; feuch, cuiridh mi ri d' làithibh cùig bliadhna deug;

6 Agus saoraidh mi thusa agus am baile so à lèimh rìgh Asiria; agus dìonaiddh mi am baile so.

7 [Agus thubhairt Isaiah,] 'Se so a's comharadh dhuit *gu'n* dean an Tighearn an ni a labhair e;

8 Feuch, bheir mi air ais dubhar nan ceum, a tha air dol sìos leis a' ghréin air uairead-air-gréine Ahais, deich ceuman air ais. Agus phill a' ghrian air a h-ais deich ceuman air na ceumaibh air an deachaidh i sìos.

9 So sgrìobhadh Hesechia rìgh Iudah, an uair a bha e tinn, agus a shlànucheadh e o 'thinneas.

10 Thubhairt mi, ann an giorrachadh mo làithean, Théid mi a steach air dorsaibh na h-uaghe; chaill mi fuigheall mo bhliadhnachan.

11 Thubhairt mi, Cha-n fhaic mi nì's mò an Tighearn, *eadhon* an Tighearn, ann an tìr nam beò; cha seall mi air duine nì's mò, maille ri luchd-àiteachaidh an t-saoghail.

12 Tha m'aois air dealachadh rium, agus dh'atharraicheadh i air falbh mar bhothan buachaille; ghearradh as mo bheatha mar *gu'm* b'ann leis an fhlighheadair; tha e 'g am chlaoidheadh le tinneas caithreach; o là eadhon gu h-oidhche tha thu a' cur as domh.

13 Shaoil mi, gus a' mhaduinn, *gu'm* bris-eadh e, mar lèomhan, mo chuimhan uile; o là cadhon gu h-oidhche tha thu a' cur as domh.

14 Mar ghobhlán-gaoithe *no mar* chòrr, rinn mi canran; rinn mi caoidh mar cholu-

man: tha mo shùilean air fàilneachadh le sealltuinn suas. O Thighearua, tha mi air mo shàrachadh; bi thusa a'd urras dhomh.

15 Ciod a their mi? Labhair e rium, agus fòs choimhlean e. Gluaisidh mi gu fòil uile bhliadhnachan mo bheatha, air son àmhghair m'anama.

16 O Thighearna, troimh na nithibh sin bithidh iad beò, agus anns na nithibh sin tha beatha mo spioraid: mar sin shlànuich agus bheothaich thu mi.

17 Feuch, tha m'àmhlghar air a chaochladh gu fois; theasaing thu gu caomh m'anam o shlochd millteach; seadh, thilg thu air do chùlaobh m'uile lochdan.

18 Gu deimhin cha dean an uaigh luaidh ort; cha toir am bàs clùì dhuit; cha chuir iadsan a théid sìos do'n t-slochd an dòigh ann ad fhìrinn.

19 Am beò, am beò, molaidd esan thu, mar a ni mise air an là'n diugh; foillsichidh an t-athair do'n chloinn do thairisneachd.

20 Bha an Tighearna leam gu m' thèarnadh; air an aobhar sin seinnidh sinn mo dhàin air na h-inncalaibh-ciùil, uile làithean ar beatha, ann an tigh an Tighearna.

21 Agus thubhairt Isaia, Gabhadh iad meall fhigean, agus sgaoileadh iad air an neasgaid iad, agus slànuichear e.

22 Agus thubhairt Hecseciah, Ciod e an comharadh gu'n téid mi suas do thigh an Tighearna?

CAIB. XXXIX.

1 Chuir Merodach-baladan teachdlairean a dh'ionnsuidh Hecseciah: 2 dh'fheuch esan doibh uile ionmhas a thighe: 3'n uair a chual' Isaia, so, dh'ionns e do Hecseciah gu'n rachadh gach nì a bha 'n a thigh a ghiùlan air falbh gu Babilon.

**A**NNS an àm sin, chuir Merodach-baladan, mac Bhaladain rìgh Bhabiloìn, lùir agus tiòdhlac gu Hecseciah; oir chual' e gu'n robh e tinn, agus gu'n do shlànuich-eadh e.

2 Agus rinn Hecseciah gairdeachas air an son; agus dh'fheuch e dhoibh tigh-tasgaidh a nìtheau luachmhor, a t-airgid, agus an t-òr, agus na spìosraidhean, agus an oladh luachmhor, agus a thigh-armachd gu léir, agus na h-uile nì a fhuaradh 'n a ionmhasaibh; cha robh nì 'n a thigh, agus 'n a rìoghachd uile, nach d'fheuch e dhoibh.

3 Agus thàinig am fàidh Isaia gu rìgh Hecseciah, agus thubhairt e ris, Ciod a thubhairt na daoine so? agus cia as a thàinig iada d'ionnsuidh? Agus thubhairt Hecseciah, Thàinig iad a m' ionnsuidh o thìr chéin, o Bhabilon.

4 Agus thubhairt e, Ciod a chunnaic iad ann ad thigh? Agus thubhairt Hecseciah, Na h-uile nì a th'ann am thigh chunnaic iad; cha-n'eil nì ann am ionmhasaibh nach d'fheuch nì dhoibh.

5 An sin thubhairt Isaia ri Hecseciah, Cluinn focal Tighearna nan sluagh;

6 Feuch, tha na làithean a' teachd, anns am bi gach nì a th'ann ad thigh, agus a thaisg d'athrichean suas gus an là an diugh, air a ghiùlan air falbh gu Babilon; cha-n fhàgar nì air bith, deir an Tighearna.

7 Agus de d' mhacaibh a thig uait, a ghineas tu, bheir iad leò; agus bithidh iad 'n an cailteanaich ann an lùchairt rìgh Bhabiloìn.

8 An sin thubhairt Hecseciah ri Isaia, Is maith focal an Tighearna' a labhair thu; oir thubhairt e gu'm bi sìth agus fìrinn ann ré mo làithibh-sa.

CAIB. XL.

1 Thug Dia comhfhurtachd d'a shluagh. 3 Searmonachadh Eòin Baistidh. 9 Deadh sgeul an t-soisgeil. 12 Mòrachd agus cumhachd an Tighearna.

**T**HUGAIBH comhfhurtachd, thugaibh comhfhurtachd do mo shlugh-sa, deir 'ur Dia.

2 Labhraibh gu sòlasach ri Ierusalem; agus glaothaibh rithe, gu'n do choimhleanadh a cogadh, gu'n do ghlanadh a h-aingidheachd; oir fhuair i o làimh an Tighearna' a dhà uircad r'a h-uile pheacaidhean.

3 Guth an tì a ghlaodhas anns an fhàsach, Ulluchibh slighe an Tighearna; rèitichibh, agus an dè-threachb, slighe àrd d' ar Dia-ne.

4 Bithidh gach gleann air àrdachadh, agus gach sliabh agus cnoc air 'isleadh; agus nìthear an càin dìreach, agus na h-ionadan garbha 'n an còmhnaidh rèidh.

5 Agus foillsichear glòir an Tighearna', agus chì gach uile fheoil i le 'chéile; oir is e beul an Tighearna' a labhair.

6 Tha guth ag ràdh, Eigh; agus thubhairt mise, Ciod a dh'èighcas mi? Is fear gach uile fheoil, agus tha a h-òirdheirceas uile mar bhlàth na macharach:

7 Tha am fear a' seargadh, am blàth a' crìonadh, 'n uair a shéideas gaoth an Tighearna' air; gu cinnteach is fear an sluagh.

8 Tha am fear a' seargadh, am blàth a' crìonadh; ach seasaidh focal ar Dé-ne gu sìorruidh.

9 O thusa a tha 'tabhairt deadh sgéoil do Shìon, gabh suas gu sliabh àrd, O thusa a tha 'tabhairt deadh sgéoil do Ierusalem, tog do ghuth le ncart; tog e, na bitheadh eagal ort; abair ri bailtibh Iudah, Feuch bhur Dia!

10 Feuch thig an Tighearna Iehobhah le làimh làidir, agus bheir a ghairdean buaidh a mach dha; feuch, tha a dhuais maille ris, agus 'obair 'n a fhianuis.

11 Mar bhuaichail beathaichidh e a theud; le a ghairdean cuairtichidh e na h-uain, agus giùlainidh e iad 'n a uachd; iomainidh e gu sèimh an spréidh a tha trom le h-àl.

12 Cò a thomhaiss na h-uiscachan ann



an glaic a làimhe; agus a shìn a mach na nèamhan le réis; agus a chruinnich duslach na talmhainn ann an soithenach-tomhais; agus a chothromaich na sléibhlean ann an sligibh, agus na cruic ann am meigh-chothroim?

13 Cò a sheòl Spiorad an Tighearna; no mar aon d'a chomhairle, a theagaisg e?

14 Cò ris a chuir e a chomhairle, agus cò a theagaisg e, agus a sheòl dha ceum a' bhreitheanas, agus a dh'ionnsaich dha eòlas, agus a sheòl dha slighe na tuigse?

15 Feuch, *tha* na cinnich mar bhoimne an t-soithich-uigse; agus measar iad mar dhus mìn na slighe-tomhais: feuch, togaidh e suas na h-eileanan mar smùirnean.

16 Agus cha leòr Lebanon, gu a losgadh, agus cha leòr a bheathaichean air son ìobairt-loisgte.

17 *Tha* na cinnich uile mar neo-ni 'n a làthair-san; tha iad air am meas leis mar fhìor neo-ùl agus dìomhanas.

18 Cò ris, ma seadh, a shamhlacheas sibh Dia? agus ciod an coslas a ni sibh dha?

19 Tigidh am fear-ceirde dealbh snaidhte, agus cuiridh au t-òr-cheard thairis e le h-òr; agus ni e slabhruidhean airgid *air a shon*.

20 Am fear aig nach 'eil fìù tabhartais, taghaidh e mìr fiodha nach grod; iarraidh e mach dha féin fear-oibre seòlta, a chuireas 'an uigheam dealbh snaidhte nach téid a ghluasad.

21 Nach d'fhuaire sibh fios? nach cuala sibh *sgùil*? nach do chuireadh 'an céill duibh o thùs? nach do thug sibh o *leagadh* bunaiten na talmhainn?

22 *Is esan* a tha 'n a shuidhe air cuairt na talmhainn, agus *tha* a luchd-àiteachaidh mar fhionnain-fheoir; a tha 'sincadh a mach nan nèamhan mar sgàil thana, agus 'g an sgaoileadh mar bhùth anns an gabhar còmh-nuidh.

23 A tha 'tabhairt phrionnsachan gu neo-ni, agus a' deanamh bhreitheamhan 'n an dìomhanas.

24 Seadh, cha suidhichear iad, ni mò a chuirear iad, ni mò a fhreumhaicheas am bun 's an talamh; an uair a shéideas e orra, seargaidh iad; agus bheir a' chuairt-ghaoth air falbh iad mar asbhuan.

25 Cò ris ma ta a shamhlucheas sibh mise, no a choimeasar mi? deir an Ti naomh.

26 Togaibh 'ur suilean an àird, agus feuch-aibh, cò a chruthaich iad so; Esan a bheir a mach an armaitean air àireamh; a ghairmeas orra uile air an airm; troimh meud a neirt agus treise a chumhachd, cha bhi aon air chall.

27 C'uime a deir thusa, O Iacoib, agus a labhras tu, O Israeil; Tha mo shlighe fol-uichte o'n Tighearn, tha mo chòir air a icigeadh air dearmad le mo Dhia?

28 Nach aithne dhuit, nach cuala tu? An-

Dia bith-bhuan, an Tighearn, Cruith-fhear chriochan na talmhainn, cha-n fhannaich agus cha sgithich e; cha-n fheudar a thuigse a rannsachadh.

29 Bheir esan neart do'n anmhunn, agus dhoibhasan a *tha* gum lùgh meudaichidh e treise.

30 Fàsaidh na h-òigfhir lag agus sgith, agus tuitidh an òigridh thaghta gu làr;

31 Ach iadsan a dh'fheitheas air an Tighearn gheibh iad spionnadh nuadh; éiridh iad suas unar iolair air a sgiathaibh; ruithidh iad agus cha bhi iad sgith, siùbhlaidh iad agus cha-n fhàs iad fann.

CAIB. XLI.

1 *Nochd Dia a fhreasdal agus a ghràdh do'n Eaglais.* 9 Chomhairliche e d'a shluagh an dòchas a shuidheachadh airsan do bhrìgh gr'n cum e suas iad le deas làimh 'fhìreantachd. 21 *Dìomhanas nan dia coimheach.*

**D**ITHIBH 'n 'ur tosd a'm' làthair, O eileanan, agus ath-nuadhaicheadh na slòigh an neart; thigeadh iad am fagus, an sin labhradh iad; dlùthaicheamaid r'a chéile chum tagraidh.

2 Cò a dhùisg suas an t-ionracan o'n ear, a ghairm e chum a chois, a chuir na cinnich 'n a fhochair, agus a thug dha riaghladh thar rìghribh? a rinn iad mar an duslach roimh a chlaidheamh, agus mar an asbhuan fhuadaichte roimh a bhogha?

3 Ruaisg e iad, chaidh e thairis ann an tèaruntachd; air slighe nach d'imich e roimhe le a chosaibh.

4 Cò a dh'oibrich agus a choimhlion so, a' gairm nan ginealach o thùs? Mise an Tighearn, an ceud neach, agus maille rìusan air dheireadh, *is* mise e.

5 Chunnais na h-eileanan, agus ghabh iad eagal; iomallan na tìre, agus bha iad fo uamhas; dhlùthaich iad, thàinig iad am fagus.

6 Chuidich gach fear a choimhearsnach, agus thubhairt e r'a bhràthair, Bì misneachail.

7 Mar sin thug an saor misneach do'n òr-cheard; esan a mhlànieas leis an òrd, do'n fhear a bhuaileas air an innein, ag ràdh, *Tha* e ullamh chum a thàthadh; agus dhaingnich e le tairngibh e, air chor as nach ghlaisteadh e.

8 Ach thusa Israeil, m'òglach, a Iacoib, a ròghnaich mi; shìochd Abraham mo charaid;

9 *Thusa*, a stiùr mi o iomallaibh na talmhainn, agus a ghairm mi o mheasg a maith-ean; agus thubhairt mi riut, Is tu m'òglach; ròghnaich mi thu, agus cha do chuir mi cùl riut:

10 Na bitheadh eagal ort, oir *tha* mise maille riut; na bitheadh geilt ort, oir is mise do Dhia; neartaichidh mi thu; seadh, cuidichidh mi thu; seadh, cumaidh mi suas thu le deas làimh m'fhìreantachd.

11 Feuch nàraichear agus maslaichear iad-san uile a bha air bhoile riut; bithidh iad mar neo-ni; agus théid iadsan a ni strì riut 'aom mugha.

12 Iarraidh tu iad, agus cha-n fhaigh thu iad, *eadhon* na daoine a rinn strì riut; bithidh na daoine a rinn cogadh riut mar neo-ni, agus mar ni gun bhrìgh.

13 Oir tha mise, an Tighearn do Dhia, 'g ad chumail suas air do làimh dheis; tha mi ag ràdh riut, Na bitheadh eagail ort, ni mise cabhair ort.

14 Na bitheadh eagail ort, a chnuimh Iacoib, a dhaoine bàsmhor Israeil; ni mise cabhair ort, deir an Tighearn, agus is e d'fhear-saoraidh Ti naomh Israeil.

15 Feuch, ni mise thu a'd inneal-bualaidh geur, nomha, aig am bi faclan; buailidh tu na sléibhteann, agus pronnaidh tu gu mìn iad; agus ni thu na cnuic mar mholl.

16 Fasgainidh tu iad, agus bheir a' ghaoth air falbh iad, agus sgapaidd a' chuairt-ghaoth iad; ach ni thusa gairdeachas anns an Tighearn, ni thu uaill ann an Ti naomh Israeil.

17 An uair a bhitheas am bochd agus an t-ainnis ag iarraidh uisge, agus nach bi e ann; agus a bhitheas an teagadh air tiorrachadh le tart; mise Iehobhah freagram iad; Dia Israeil, is mi mach tréig iad.

18 Fosgailidh mi aimhnicean anns na h-ionadaibh àrda, agus tobraichean ann am meadhon nan gleann; ni mi am fàsach 'n a linne uisge, agus am fearann tioram 'n a shruthaibh uisge.

19 Cuiridh mi anns an fhàsach an seudar, an sitta, am miortal, agus an crann-olaidh; suidhichidh mi anns an fhàsach an giuthas, an gall-ghiuthas, agus am bocsa le 'chéile.

20 A chum gu'm faic agus gu'n aithnich iad, agus gu'n toir iad fainear, agus gu'n tuig iad maraon, gur i làmh an Tighearn a rinn so, agus gur e Ti naomh Israeil a dhealbha e.

21 Thugaibh mi fagus 'ur chùis, deir an Tighearn; thugaibh a làthair bhur mòr chumhachdan, deir rìgh Iacoib.

22 Thigeadh iad am fagus, agus innseadh iad dhuinn na nithean a thig gu crìch; innseadh iad dhuinn ciod iad na nithean a bha roimhe, chum gu'n toir sinn fainear iad; agus gu'm bi fios againn air a' chrìch; no cuireadh iad 'an céill nithean ri teachd.

23 Innsibh dhuinn na nithean a thig gu crìch an déigh so, agus aithnichidh sinn gur diathan sibh; seadh deanaibh maith no deanaibh olc, a chum gu'n amhaire sinn, agus gu'm faic sinn e maraon.

24 Feuch, is neo-ni sibh, agus is ni gun bhrìgh blur n-obair: is gràineileachd *esan* a ròghnaicheas sibh.

25 Thog mi suas *fear* o thuath, agus thig e; o éirigh na gréine gairmidh e air m'ainm; agus thig e nuas air prionnsaibh mar *air*

clàbar agus mar a shaltras an criadh-dair a' chriadh.

26 Cò a dh'innis o thùs, ionnus gu'm bitheadh fios againn? agus roimh làimh, gu'n abramaid, *Tha e ceart?* Seadh, cha-n'eil neach ag innseadh, seadh, cha-n'eil neach ag cur 'an céill, seadh, cha-n'eil neach ag chumtinn bhur briathran.

27 *Their mi* ri Sion an toiseach, Feuch, feuch iad sin; agus do Ierusalem bheir mi teachdair deadh sgeòil.

28 Oir dh'amhaire mi, agus cha robh neach ann, agus 'n am measg cha robh fear-comhairle; no neach a bheireadh freagradh an uair a dh'fheòraich mi dhiubh.

29 Feuch, is dìomhanas iad uile; is neo-ni an oibre; is gaoth agus faoineis an dealbhan leaghta.

CAIB. XLII.

1 *Dreuchd agus sagartachd Chriosd.* 10 *Eavail gu Dia a chliathachadh.* 17 *Nàraichear iadsan a tha 'cur an dòchais ann an dealbh snaidhte.* 18 *Chronaicheadh clann Israeil air son am mì-chreidimh.*

**F**EUCH m'òglach, a chumas mi suas; m'aon taghta, anns am bheil tlachd aig m'anam: chuir mi mo spiorad air; foillsichidh e breitheanas do na cinnich.

2 Cha ghlaodh e, agus cha tog e iolach; agus cha chluinnear a ghuth anns na sràidibh.

3 A' chuire bhruite cha bhris e, agus an òn d'am bheil caol smùid cha mhùch e; foillsichidh e breitheanas chum firinn.

4 Cha tig fàilng no briseadh air, gus an suidhich e breitheanas air an talamh; agus feithidh na h-eileanan air a lagh.

5 Mar so deir an Tighearn Dia, *esan* a chruthaich na nàman, agus a shìn a mach iad; a sgaoil a mach an talamh agus na chinneas as; a tha 'tabhairt anail do'n t-sluagh a tha air, agus deò dhoibhsan a tha 'g imeachd air:

6 Ghairm mise Iehobhah thu ann am fir-eantachd, agus gabhaidh mi greim de d' làimh, agus gleidhidh mi thu; agus bheir mi thu mar choimhcheangal do'n t-sluagh, mar sholus do na cinnich.

7 A dh'fhosgadh nan suilean dalla; a tha-bhairt nam prìosanach a mach as a' phrìosan, agus na muinntir a tha 'n an suidhe ann an dorchadas a tigh na daorsa.

8 Is mise Iehobhah, is e sin m'ainm; agus mo ghloir cha tabhair mi do neach eile, no mo chliu do dhealbhan snaidhte.

9 Feuch na seann nithean, thàinig iad gu crìch, agus nithean nuadha cuiream 'an céill; mu'm bris iad a mach, foillsichidh mi dhuibh iad.

10 Seinnibh do'n Tighearn òran nuadh; seinnibh a chliu o iomall na talmhainn; sibhse a bhitheas a' dol air cuan, agus na h-uile a tha 'g a bonadh; eileanan, agus na h-uile a tha 'chòmhluaidh anna.



11 Togadh am fàsach *iolach*, agus na bailtean a tha ann; na bailtean beaga, luchd-aitheachaidh Chedair; deanadh luchd-aitheachaidh na creige comh-ghair; o mballach nan sléibhtean togadh iad iolach.

12 Thugadh iad glòir do'n Tighearn, agus euireadh iad 'an cèill a ehlui ann measg nan eilean.

13 Mar threun-fhear théid an Tighearn a mach; mar fhear-cogaidh dùisgidh e suas eud; gladhaidh e, seadh togaidh e iolach; ni e gaisge an aghaidh a naimhdean.

14 Dìr'fhan mi fada samhach, bha mi a'm' thosd, chum mi orm féin; *nìs* éighidh m' mar mhuaoi ri saothair; sgriosaidh mi, agus ithidh mi suas maraon.

15 Cuiridh mi fàs sléibhtean, agus tiormachidh mi am feur uile; ni mi na h-aimhnichean 'n an eileanaibh, agus tiormaichidh mi na linncean uisge.

16 Agus stiùraidh mi na doill air slighe nach b'aithne dhoibh; troimh cheumaibh air nach robh iad eòlach treòrachidh mi iad; ni mi an dorchadas 'n a sholus rompa, agus *ni mi* slighean fiara dìreach: na nithean so ni mi air an son, agus cha tréig mi iad.

17 Pillear air an ais, nàraichear gu tur, iadsan a tha 'cur an dòchais ann an dealbh snaidhte; a tha 'g ràdh ris na dealbhan leaghta, Is sibhse ar diathan-ne.

18 Chuinnibh, sibhse 'tha bodhar; agus a dhaoine dalla, amhaireibh a chum gu'm faic sibh.

19 Cò a tha dall ach m'dglach-sa, no bodhar mar an teachdair a ehuir mi uam? Cò a tha dall mar esan a tha iomlan, no dall mar dglach an Tighearna?

20 Tha thu faicinn iomadh ni, ach cha-n'èil thu' tabhairt fainear; tha do chluasan fosgailte, ach gun a bhi 'cluinnntinn.

21 Tha an Tighearn gràsmhor air sgàth 'fhirinn féin; ardaichidh e an lagh, agus euiridh e urram air.

22 Ach is sluagh so a tha spùinnnte agus creachta; tha iad uile air an glacadh ann an slochdaibh, agus air an druicheadh a steach ann am prìosanaibh; rinneadh iad 'n an cobhartach, agus cha-n'èil neach 'g an tèarnadh; 'n an creieh, agus cha-n'èil neach a deir, Thoir air ais.

23 Cò 'n 'ur measg a dh'éisdeas ri so; a bheir fainear, agus a ghabhas suim 's an àm ri teachd?

24 Cò a thug Jacob mar chobhartach, agus Israel do'n luchd-creachaidh? Nach b'è an Tighearn, esan an aghaidh an do pheacach iad, agus nach b'aill leogluasad 'n a slighibh, ni mò 'thug iad géill d'a reachd?

25 Air an aobhar sin dhòirt e air teas a ehorruich, agus neart a' chatha; agus dh'fhadaidh e teine mu'n euairt da, ach cha do thuig e; agus loisg se e, gidheadh cha d'thug e fainear.

1 *Thug Dia comhfhurtachd do'n eaglais le 'gheallanaibh prìseil: 8 Ghairm e an sluagh 'n a làthair a dh'fhaicinn a chumhachd: 14 roimh-innis e sgrìos Bhabailin, 18 agus tèarnuicheadh a shluaigh féin. 22 Chronaich Dia a phobull a chionn gu'n do thréig iad a sheirblus.*

**A**CH a nis mar so deir an Tighearn a chruthaich thu, O Iacòib, agus a dhealbh thu, O Israel; Na bitheadh eagal ort, oir shaor mise thu; ghairm mi thu air d'ainm; is leamsa thu.

2 An uair a shiùbhlas tu troimh na h-uisgeachaidh, *bithidh* mise maille riut; agus troimh na h-aimhnicheibh, cha tigiad tharad; an uair a dh'innicheadh tu troimh an teime, cha loisgear thu, agus cha dean an lasair greim ort.

3 Oir is mise an Tighearn do Dhia, Ti naomh Israel, d'fhear-saoraidh: thug mi an Eiphait ann ad éric; Etiopia agus Seba air do shon.

4 A chionn gu'n robh thu luachmhor ann am shealladh, fhuair thu urram, agus thug mise gràdh dhuit; uime sin bheir mi daoine air do shon, agus sloigh 'an éric d'anama.

5 Na bitheadh eagal ort, oir tha mise maille riut; o'n ear bheir mi do shliochd, agus o'n iar cruinnichidh mi thu:

6 Their mi ris an àirde tuath, Thoir seachad, agus ris an àirde deas, Na cum air ais; thoir mo mhic o chéin, agus mo nigheanan o chriocheibh na talmhaian;

7 *Eadhon* gach neach a tha air a ghairm air m'ainm-sa; oir ehum mo ghloire chruthaich mi e, dhealbh mi e; seadh, rinn mi e.

8 Thugaibh a mach iadsan a tha dall, agus sùilean aca; agus a tha bodhar, agus eluasan aca.

9 Cruinnichear na einneih uile ri 'chéile, agus tionailear na slòigh; cò 'n ann measg a dh'fhoillsicheadh so, agus a dh'innseas duinn na nithean air thoiseach? Thugadh iad *a làthair* ann fìanuisèan, a chum gu'm bi iad air am fireanaehadh; no éisdeadh iad, agus aidieheadh iad, *Tha sin* fìor.

10 Is sibhse m'fianuisèan, deir an Tighearn, cadhon m'dglach a ròghnaich mi; a chum gu'n aithnich agus gu'n creid sibh mi; agus gu'n tuig sibh gur mi Esan; romham-sa cha robh dia sam bith air a dhealbhadh, ni mò 'bhitheas aon a'm' dhéidh.

11 *Is* mise, *cadhon* mise, an Tighearn; agus a mach uamsa cha-n'èil slànuidhear ann.

12 Dh'fhoillsich mise, agus theasairg mi, agus ehuir mi 'n cèill, an uair nach robh *dia* eile 'n 'ur measg; uime sin is fianuisèan sibh dhomhsa, deir Iehobhah, gur mi Dia.

13 Eadhon mu'n robh an là ann, *is* mi E; agus cha-n'èil neach ann a theasairgeas as mo làimh; oibrichidh mise, agus cò a bhacas e?

14 Mar so deir an Tighearn, 'ur fear-saor-

# ISAIAH, XLIV.

aidh, Ti naomh Israeil, Air blur son-se chuir mi fìos gu Babilon, agus thug mi nuas a croimn-dhruididh uile, agus na Caldèich a ni uailh 'n an longaibh.

15 Is mise au Tighearn, bhur Ti naomh, Cruith-fhear Israeil, blur rìgh.

16 Mar so deir an Tighearn, esan a ni shlighe anns an fhàirge, agus rathad anns na h-uisgeachaibh laidir;

17 A bheir a mach an carbad agus an t-each, an armailt agus am feachd; le 'chéile luidhidh iad sìos, agus cha-n éirich iad; chuireadh as iad, mhùchadh iad mar asgart.

18 Na cuimhnichibh na nithcan a bh'ann roimhe; agus na uithean a bha o shean ua tugaibh fainear.

19 Feuch ni mi ni nuadh; a nis brisidh e mach: nach toir sibh aire dha? Seadh, ni mi ams an fhàsach slighe, agus ainnichiean anns an dìthreach.

20 Bheir fiadh-bheathach na macharach glòir dhomh; na dràgonan agus na caill-eachan-oidhe; a chionn gu'n d'thug mi uisgeachan anns an fhàsach, ainnichiean anns an dìthreach; a chum deoch a thabhairt do m' shluagh; do mo mhuinntir thaghta.

21 An sluagh so dhealbh mi air mo shon féin; cuiridh iad 'an céill mo chliu.

22 Gidheadh cha do ghairm thu orm O Iacoib; ach ghabh thu seirbhe dhòm O Israeil.

23 Cha d'thug thu a m' ionnsuidh meanbh-chroth do thabhartais loisgte; ni mò 'thug thu urram dhomh le d'ìobairtibh; cha do shàruich mi thu le tabhartas, ni mò a sgithich mi thu le tùis.

24 Cha do cheannaich thu dhomh-sa le h-airgiod a' chuilc chùbhraidh, ni mò 'lion thu mi le saill d'ìobairtean; ach shàruich thu mi le do lochdaibh; sgithich thu mi le d' eu-ceartaibh.

25 Is mise, mise féin, esan a dhubhas d' eu-ceartan as, air mo sgàth féin; agus do lochdan cha chum mi air chuimhne.

26 Cuir a'm' chuimhne, tagramaid ri 'chéile; cuir 'an céill do chùis dh'fheuchainn an glan thu thu féin.

27 Fheacaidh do cheud athair, agus chiontaich do luchd-teagaisg a'm' aghaidh:

28 Uime sin sgar mi mach uachdarain an ionaid naoimh; agus thug mi thairis Iacob chum mallachaidh, agus Israel chum maslaidh.

## CAIB. XLIV.

1 *Thug Dia comhfhurtachd d'a eaglais. 9 Dìomhanas luchd deanamh dhealbhan snaidhte. 21 Chomhairlich Dia d'a shluagh an dòigh a chuir 'n a thròcàir, 28 agus gheall e gu'n suidhicheadh e iad a ris 'n an tìr le làmh Chuiris.*

A CH a nis éisd, O Iacoib m'òglach, agus Israeil a ròghmaich mi.

2 Mar so deir an Tighearn a chruthaich thu, agus a d'albailh thu o'n bhroinn, agus

a chuidicheas thu; Na bitheadh eagal ort, a Iacoib m'òglach, agus a Iesuruin a rògh-naich mi;

3 Oir dòirtidh mi mach uisge air an tartmhor, agus sruthan air an fhearann chruaidh; dòirtidh mi mach mo Spiorad air do shliochd, agus mo bheannachd air do ghineil.

4 Agus fasaidd iad suas mar anns an fheur; mar gheugaibh seilich ri taobh nau sruth-chlaisean.

5 Their am fear so, Is leis an Tighearn mise; agus ainnichear fear eile air ainm Iacoib; agus sgriobhaidh fear eile le a làimh do'n Tighearn, agus sloinnidh se e féin air ainm Israeil.

6 Mar so deir an Tighearn, rìgh Israeil, agus 'fhear-saoraidh, Tighearn nan sluagh, is mi an ceud neach, agus is mi an neach deireannach; agus a mach uamsa cha-n'eil dia ann.

7 Agus cò, mar mise, a ghairmeas, agus a chuireas 'an céill e, agus a chuireas 'an ordugh dhomh e, o'n àm anns an do shuidhich mi an sluagh o shean? no a chuireas 'an céill duim na nithean a tha a' teachd, agus a tha ri teachd.

8 Na bitheadh eagal oirbh, agus na bitheadh geilt oirbh; nach d'fhoillsich mise dhuit o'n àm uð, agus nach d'innis mi? seadh is fianuisean sibh dhomh. Am bheil dia ann ach mise? seadh cha-n'eil dia eile ann; cha-n aithne dhomh aon.

9 Iadsan a ni dealbh shnaidhte, is dìomhanas iad uile; agus 'n an uithibh taitneach cha bhi tairbhe; agus tha iad 'n am fianuisibh 'n an aghaidh féin, nach fàic iad, agus nach tuig iad, a chum gu'm bitheadh iad air an nàrachadh.

10 Cò a dh'albailh dia, no a thilg dealbh leaghta, anns nach 'eil tairbhe sam bith?

11 Feuch, bithidh a chompanaich uile air an nàrachadh; agus an luchd-oibre, is daoine iad; cruinnichear iad uile r'a chéile, seasadh iad suas; bithidh eagal orra, agus bithidh iad air an nàrachadh le 'chéile.

12 Gearraidh an gobha mìr iarunn, oibrichidh se e anns na h-èibhlìibh, agus ni e a chumadh le h-ordaibh, agus caithidh e spionnadh a ghairdein air; seadh bithidh e ocrach, agus fàinichidh a neart; cha-n òl e uisge, agus bithidh e fann.

13 Sìnidh an saor a mach a riaghailt, comharaichidh se e le dath; bheir e cumadh air leis an lochdar, agus sgèithidh se e leis a' ghothal-roinn; agus dealbhaidh se e a réir coslais fir, a réir maise duine, chum fantuinn anns an fhàrdaich.

14 Gearraidh e sìos craobhan seudair dha féin, agus gabhaidh e an giuthas agus an darach, a thaghas e dha féin ann measg chraobhan na fàidhe; suidhicidh e crann-uinninn, agus altruidh an t-uisge e.

15 An sin bithidh e aig duine chum a



losgadh; agus gabhaidh e dheth, agus garaidh se e féin; seadh, cuiridh e teine ris, agus deasaichidh e aran; seadh, ni e dia, agus bheir e aoradh *dha*; ni e dealbh snaidhte dheth, agus cromaidh e sìos *dha*.

16 Cuid dheth loisgidh e 's an teine; le cuid *eile* dheth *deasaichidh agus* ithidh e fcoil; ròstaidh e biadh, agus sasuichear e; an sin garaidh se e féin, agus their e Aha, rinn mi mo gharadh; dhàithnich mi an teine.

17 Agus de'n chuid eile dheth ni e dia, eadhon dealbh snaidhte *dha* féin; cromaidh e sìos *dha*, agus bheir e aoradh *dha*; agus ni e urnuigh ris, agus their e, Teasairg mi, oir is tu mo dhia.

18 Cha-n'eil eòlas aca, ni mò tha tuigse aca; oir dhruid e an sùilean air chor as nach faic iad, agus an cridheachan air chor as nach tuig iad.

19 Agus cha-n'eil aon neach 'a toirt fainear 'n a chridhe, ni mò 'tha eòlas no tuigse aige gu a ràdh, Loisg mi cuid dheth 's an teime, dheasaich mi fòs aran air éibhlidh dheth; ròist mi feoil agus dh'ith mi, agus an dean mi am fuigheall deth 'n a ghràin-eileachd? an crom mi mi féin sìos do bhun craoibhe?

20 Tha e a' teachd beò air luathre; thug cridhe meallta air seacharan e, air chor as nach toir e as 'anam féin; ni mò their e, Nach 'eil breug ann am làmh dheis?

21 Cuimhnich na nithean so, O Iacoib; agus Israeil, oir is tu m'òglach; dhealbh mi thu, is òglach dhomhsa thu; O Israeil, cha leig mise air dì-chuimhn' thu.

22 Dhùbh mi as, mar neul, d'eu-ceartan; agus mar cheò, do lochdan; pill rium, oir shaor mise thu.

23 Seinnibh, O nèamhan, oir thug an Tighearn gu crìch; togaibh iolach, O dhoimhneachdan na talmhainn; brisibh a mach le ceileir, a shléibhteacn; O dhoire, agus gach craobh a tha ann; oir shaor an Tighearn Iacob, agus ghlòraich se e féin ann an Israeil.

24 Mar so deir an Tighearn d'fhear-saoraidh, agus esan a dhealbh thu o'n bhroinn; Is mise an Tighearn, cruth-fhear nan uile nithean; a tha 'sineadh nan nèamhan a mach a'm' aonar; a tha 'sgaoileadh na talmhainn leam féin;

25 A bheir gu neo-ni comharan nam mealltairean, agus a chuiras na fiosaichean air chuthach; a philleas daoine glìce air an ais, agus a thionndaidheas an eòlas gu amaideachd.

26 A dhaingnicheas focal a sheirbhisich, agus a choimhlonas comhairle a theachd-airean; a deir ri Ierusalem, Bithidh tu air d'àiteachadh; agus ri bailtibh Iudah, Bithidh sibh air bhuir togail; agus a h-ionadan fasail togaidd mi suas.

27 A deir ris an doimhne, Bi air do

thiormachadh; agus tiormaichidh mi d'aime-nichean:

28 A deir mu Chirus, Is e mo bhuachaille; agus coimhlonaidh e m'uile thoil; ag ràdh ri Ierusalem, Togar thu; agus ris an team-pull, Leagar do bhunait.

# CAIB. XLV.

1 Ghairm Dia Cirus air sgàth Iacoib agus Israeil. 11 Gheall e saorsa agus slàinte d'a shluagh. 20 Dìomhanas dhealbhann snaidhte. 22 Slàinte an Tighearna do uile iomallach na talmhainn.

**M**AR so deir an Tighearn r'a aon ungta, ri Cirus de 'm bheil greim agam air a làmh dheis, a cheannsachadh chinneach roimhe, agus fuasgailidh mi leasraidh righ-rean; a dh'fhosgladh nan còmhlaich roimhe, agus cha bhi na geatachan air an druid-eadh.

2 Théid mise romhad, agus ni mi na *slighean* fiara dìreach; na còmhlaichean umha spealgaidh mi, agus na croinn iaruin brisidh mi 'n am bloighdibh.

3 Agus bheir mi dhuit ionmhasan an dorchadais, agus taisgeachan nan ionadan dìomhair; a chum gu'm bi fios agad gur mise an Tighearn, a ghairm thu air d'ainm, Dia Israeil.

4 Air sgàth Iacoib m'òglach, agus Israeil a ròglmaich mi, ghairm mi eadhon air d'ainm thu; thug mi sloinneadh ort, agus thu aineolach orm.

5 Is mi an Tighearn, agus cha-n'eil ann ach mi; a mach uainsa cha-n'eil Dia ann: crioslaichidh mi thu, agus thu aineolach orm.

6 A chum gu'm bi fios aca o éirigh na gréine agus o'n Iar, nach 'eil ann ach mi. Is mise an Tighearn, agus cha-n'eil atharrach ann.

7 Tha mi a' dealbh an t-soluis, agus a' cruthachadh an dorchadais; a' deanamh sìthe, agus a' cruthachadh dòlais; tha mise an Tighearn a' deanamh nan nithean so uile.

8 Sìlibh, O nèamhan, o'n àird, agus frasadh na neoil a nuas fireantachd; fosgladh an talamh, agus gineadh iad slàinte, agus fasadh fireantachd a nìos maraon; is mise an Tighearn a chruthaich e.

9 Is an-aobhin dhàsan a ni strì ris an fhear a rinn e; an t-slige-chreadha ri fear-deilbh na creadh: an abair a' chriadh ris-san a chumas i, Ciod a tha thu 'deanamh? no an abair an ni a rinn thu, Cha-n'eil lamhan aige-san a rinn mi?

10 Is an-aobhin dhà-san a their r'a athair, Ciod a tha thu 'gintinn? no r'a mhàthair, Ciod a tha thu 'breith?

11 Mar so deir an Tighearn, Ti naomh Israeil, agus esan a dhealbh e, Fedraichibh dhòm nithean ri teachd, mu thimcheall mo chloinne; agus iarraibh orm a thaobh oibre mo làmh.

12 Is mise a rinn an talamh, agus chruthaich mi an duine air; is iad mo lamhan a shìn a mach na nèamhan; agus d'am feachd uile thug mi àithne.

13 Thog mi esan suas ann am fireantachd, agus ni mi dìreach uile shlighean; togaidh e mo chaitir, agus fuasgailidh e mo bhraighdean; cha-n ann air son luach, no air son duaise, deir Tighearn nan sluagh.

14 Mar so deir an Tighearn, Saothair na h-Eiphit, agus ceannachd Etiopia, agus na Sabèich, daoine àrda ann an cruth; thig iad thairis a d'ionnsuidh, agus bithidh iad leat; leanaidh iad thu; ann an cuibhrichtibh thig iad thairis; agus cromaidh iad sìos duit, agus cuiridh iad suas athchuinge riut; *ag ràdh*, Gu deimhin annadsa *tha* Dia; agus cha-n'eil Dia eile ann.

15 Gu deimhin is Dia thusa a tha 'g ad fhòlach féin, O Dhé Israeil, an Slànuidhear.

16 Tha iad air an nàrachadh, tha iad eadhon air am maslachadh, an t-ionlan diubh; cuirear iad maraon gu h-amhladh, *a tha 'n an luchd-deanamh* iodholan.

17 Ach saorair Israel anns an Tighearn le saorsa shiorruidh; cha nàraichear sibh, ni mò mhaslaichear sibh, feadh linn-tean na sìorruidheachd.

18 Oir mar so deir an Tighearn, a chruthaich na nèamhan; esan, eadhon Dia, a dhealbh an talamh agus a rinn e, esan a d'haingnich e; (cha do chruthaich e gu dìomhain e, dhealbh se e gu bhi air àiteachadh;) Is mise an Tighearn, agus cha-n'eil atharrach ann.

19 Cha do labhair mi ann an uaigneas, ann an ionad dorcha de'n talamh; cha dubhairt mi ri slìochd Iacoib gu dìomhain, Iarraibh mi: is mise an Tighearn a labhras ann am fireantachd, a dh'fhoillsicheas nith-ean cearta.

20 Cruinnichibh sibh féin, agus thigibh; dlùthaichibh ri 'chéile, sibhse a tha air dol as o mheasg nan cinneach: cha-n'eil eòlas aca-san a tha 'cur suas fiodha an deilbh shnaidhte, agus a' deanamh urnuigh ri dia nach urrainn tèarnadh.

21 Cuiribh 'an céill, agus thugaibh am fagus; seadh, cuireadh iad an comhairle ri 'chéile; cò a dh'aitrhis so o chian? a dh'innis e o'n àm ud? nach mise, an Tighearn? agus cha-n'eil dia tuilleadh ann ach mi; Dia ceart agus Slànuidhear; cha-n'eil ann ach mi.

22 Seallaibh riumsa, agus bithibh air bhur tèarnadh, uile iomalla na talmhainn; oir is mise Dia, agus cha-n'eil atharrach ann.

23 Orn féin mhlionnaich mi; chaidh firinn a mach as mo bheul; briathar, agus cha phill e air ais; Gu cinnteach d'nomhsa lùbaidh gach glùn, mionnaichidh gach teangadh.

24 Gu cinnteach, deir *neach*, anns an Tighearn tha agam fireantachd agus neart; d'a ionnsuidh-san thig iad; bithidh iadsan uile

air an nàrachadh air am bheil corruich 'n a aghaidh.

25 Anns an Tighearn fireanaichear uile shliochd Israeil, agus ni iad uaill.

# CAIB. XLVI.

1 *Cha b'urrainn iodholan Bhabiloin iad féin a thèarnadh.* 3 *Tèarnaidh Dia a shlugh gu ruig a' chrìoch.* 5 *Cha samhluaichear Dia ri iodholaibh.* 12 *Tha slàinte an Tighearn' am fagus.*

**T**HIA Bel a' cromadh sìos, Nebo a' crùbhadh; bha an iodholan air na beathaichibh agus air na h-ainmhidhean; tha bhur n-eallachan trom, 'n an cudthrom do'n ainmhidh airseanach.

2 Chrùb iad, chrom iad sìos le 'ehéile; cha b'urrainn iad an eallach a thèarnadh; ach chaidh iad féin ann am braidheanas.

3 Eisdibh rium a thigh Iacoib, agus uile iarnad tìghe Israeil; a ghiùlaineadh *team* o'n bhroinn, a dh'iomchaidh o'n bholg:

4 Eadhon gu *bhur* sean aois, agus gu *bhur* falt liath, is mise féin an ti a ghiùlaineadh sibh; is mi a rinn, agus ghiùlainidh mi; iomchaidh mi, agus tèarnaidh mi.

5 Cò e ris an samhluaich sibh mi, agus ris an dean sibh cosmhail mi? agus cò e ris an coimeas sibh mi, a chum gu'm bisim ionann?

6 Taomaidh iad òr as a' mhàla, agus tomhaisidh iad airgid anns a' mheigh; tuaras-dalaichidh iad òr-cheard, agus ni esan dia dheth; eromaidh iad sìos, seadh ni iad aoradh.

7 Ghiùlainidh iad e air an guaillibh, iomchaidh iad e, agus cuiridh iad e 'n a àit, agus seasaidh e; as 'ionad cha ghluais e; seadh, gladhaidh *neach* ris, ach cha fhreagair e, agus cha teasairg se o 'theinn.

8 Cuimhnichibh so, agus bithibh fearail; thugaibh fàinear e a ris, a luchd-brisidh an lagha.

9 Cuimhnichibh na ceud nithean, *a bh'ann* o shean; oir is mise Dia, agus cha-n'eil atharrach ann; *is mise* Dia, agus cha-n'eil mò shamhuil ann;

10 A' foillseachadh na crìche o'n tùs agus o'n aimsir chéin; nan nithean nach 'eil *fathast* deanta; ag ràdh, Seasaidh mo chomhairle, agus gach ni a's àill leam ni mi:

11 Ag gairm na h-iolair o'n ear, agus fir mo chomhairle o thir chéin; seadh, labhair mi, agus bheir mi gu crìch e; rùnaich mi, agus coimhlionaidh mi e.

12 Eisdibh rium, sibhse aig am bheil an cridhe rag, a tha fad' as o fhìreantachd:

13 Bheir mise am fagus m'fhìreantachd-sa, cha bhi i fad' as; agus cha dean mo shlàinte mòile; agus bheir mi slàinte ann an Sion, do Israel mo ghloir.

# CAIB. XLVII.

1 *Bhagair Dia Babilon le breitheanasaibh namhasach.* 12 *Cha teasairg lionmhoireachd a druidheachdan agus a geasadoireachd i.*

**T**HIG a mnas agus dean suidhe ann an duslach, Oigh-nighean Bhabiloin; suidh



air an làr, cha-n'èil rìgh-chaithir ann, a nighean nan Caldéach; oir cha ghoir iad maoth agus mùirneach dhiot nì's mò.

2 Gabh na clachan-muilinn agus bleith min; leig ris do chlabhan, rùisg do throidh, leig ris do chos, imich troimh na h-aimh-nichibh.

3 Leigear ris do lomnochduigh, chithear eadhon do nàire; nì mi dìoghaltas, cha choinnich mi *thu mar* dhuine.

4 Ar fear-saoraidh, is e Tighearn nan sluagh a's ainm dha, Ti naomh Israeil.

5 Suidh a'd' thosd, rach a steach ann an dorchadas, O nighean nan Caldéach; oir cha-n abrar riut nì's mò Baintighearn nan rìoghachdan.

6 Bha corruich orm ri mo shluagh; thruaill mi m'òighreachd, agus thug mi thairis iad do d' làmh; cha do nochd thu thàis trècair dhoibh; air an aosda leag thu do chungu trom.

7 Agus thubhairt thu, Bithidh mi a'm' bhaintighearn gu sìorruidh; air chor as nach do leag thu d'aire air na nithibh so; cha do chuimhnich thu a chrìoch dhèireannach.

8 Uime sin, cluinn so a nis, a bhean shoghmhor, a tha a'd' shuidhe gun umhail; a tha 'g ràdh ann ad chridhe, *Tha mi*, agus cha-n'èil ann ach mi; cha suidh mi a'm' bhantraich, cha-n aithnich mi call cloinne.

9 Gidheadh thig an dà nì so ort gu h-obann, ann an aon là, call cloinne, agus bantrachas; thig iad ort 'n an làn toulias, air son lìonmhoireachd do dhruidheachdan, agus iomadalachd do ghisreagan.

10 Oir dh'earb thu á d' aingidheachd; thubhairt thu, Cha-n'èil neach 'g am fhaicinn; chuir eadhon do ghliocas agus d'èòlas air seacharan thu; air chor as gu'n dubhairt thu ann ad chridhe, *Tha mi*, agus cha-n'èil ann ach mi.

11 Uime sin thig ole ort, nach bi fios agad cia as a dh'èirich e; agus tuitidh ainmleas ort, nach bi thu comasach air a thionndadh uait; agus thig léir-sgrìos ort gu h-obann, gun thu 'g a mhothachadh.

12 Seas suas a nis le do ghisreagaibh, agus le lìonmhoireachd do dhruidheachdan, anns an do shaothraich thu o d'òige; ma's e as gur urrainn thu buannachd fhaghail, ma's e as gu'm feud thu buadhachadh.

13 Tha thu air do sgithheachadh ann an lìonmhoireachd do chomhairlean. Seasadh na speuradairean suas, luchd-amharc nan reultan, iadsan a tha ri fiosachd gach mìos, agus tèarnadh iad thu o *na nithibh* a tha gu teachd ort.

14 Feuch bithidh iad mar asbhuaibh, loisgidh an teine suas iad; cha tèaruinn iad an anaman féin o chumhachd na lasarach; cha-n *fhàgair fù* éibhleig gu neach a gharadh, no teine gu suidhe làmh ris.

15 Is amhuil a bhitheas dhuit a' mhuinntir leis an do shaothraich thu, iadsan ris an

robh gnothuch agad o d' òige; tionndaidhidh gach aon a leth-taobh gu a ghnothuch féin; cha *bhi* d'fhear-tèarnaidh ann.

CAIB. XLVIII.

1 *Dh'fhoillsich Dia e féin ann am fàistneachd, chum gu'm faiceadh an sluagh nach b'iad an rìodholan a dh'òrduich don nì a thàinig gu crìch.* 9 *Teasairgidh e a phobull Israel air sgàth 'ainme féin.* 12 *Chomhairlich e dhoibh a bhi umhal d'a thoil.* 20 *Saoraidh e iad o gach teanntachd.*

**C**LUINNIBH so, O thigh Iacoib, sibhse a tha air bhur n-ainmreachadh air Israel; agus a thàinig a mach o uisgeach-aibh Iudah; a tha 'mionnachadh air ainm an Tighearn, agus a' deanamh luaidh air Dia Israeil; ach cha-n ann 'am firinn no ann an ionracas.

2 Oir tha iad 'g an ainmreachadh féin air a' Chaithir naomh, agus a' leigeil an taice ri Dia Israeil; is e Tighearn nan sluagh a's ainm dha.

3 Dh'fhoillsich mi na ceud nithean o thùs; agus o m' bheul chaidh iad a mach, agus chuir mi 'an céill iad; ann an ath-ghoirid rinn mi *iad*, agus thàinig iad gu crìch.

4 A chionn gu'n robh fios agam gu'n robh thu reasgach, agus *gu'n robh* do mhuineal mar fhèith iarunn, agus d'èudan 'n a umha.

5 Uime sin dh'fhoillsich mi dhuit *iad* o'n tùs; mu'n d'thàinig iad gu crìch, dh'innis mi dhuit *iad*; a chum nach abradh tu, Is e m'ìodhol a thug mu'n cuairt iad; is iad mo dhealbhn snaidhte, agus mo dhealbhn leaghta, a dh'òrduich iad.

6 Chuala tu so, faic e air a choimhlionadh; agus nach cuir sibhse 'an céill e? Inneam dhuit nithean nuadha o'n àm so, a ghleidhadh dìomhair, agus air nach robh fios agad.

7 Tha iad air an tabhairt gu crìch a nis, agus cha b'ann o shean; agus roimh an là so cha chuala tu iad; a chum nach abradh tu, Feuch, bha fios agam orra.

8 Scadh, cha chuala tu; scadh, cha b'aithne dhuit; scadh, o'n toiseach cha d'fhosgadh do chluas; oir bha fios agam gu'm buineadh tu gu ro chealgach, agus *gu'm b'e* Fear-eusaontais a b'ainm dhuit o'n bhroinn.

9 Air sgàth m'ainme cuiridh mi dàil ann am chorrach, agus air son mo chliu cumaidh mi air a h-ais i uaitse, air chor as nach gearr mi as thu.

10 Feuch, ghlan mi thu, ach cha b'ann le h-airgid; thagh mi thu ann an àmhuinn an àmhghair.

11 Air mo sgàth, air mo sgàth féin, nì mi e; oir cionnusa a bhitheadh *m'ainm* air a mhaslachadh? Agus mo ghloir cha tabhair mi do neach eile.

12 Eisd rium, O Iacoib, agus Israeil, a ghairm mi, *Is mi* Easan, *is mi* an ceud neach; *is mi* fòs an neach dèircannach.

13 Is i mo làmh a leag stéidh na talmhainn, agus réis mo dheas làimhe a thomhais na nèamhan; bheir mi gairm dhoibh, seasaidh iad suas le 'chéile.

14 Cruinnichibh uile sibh féin ri 'chéile, agus éisdibh; cò 'n am measg a dh'fhoillsich na nithean so? cuiridh esan a's ionmhuinn leis an Tighearn 'an gnìomh a thoil air Babilon, agus bithidh a ghairdean air na Caldéich.

15 Misc, mise, féin labhair; seadh, ghairm mi e, threòruich mi e, agus soirbhichidh a shlighe.

16 Dlùthaichibh rium, agus cluinnibh so; o'n toiseach cha do labhair mi ann an uaigneas; o'n àm 'an do thachair e, bha mise an sin; agus a nis chuir an Tighearn Iehobhah, agus a Spiorad, a mach mise.

17 Mar so deir an Tighearn, d'fhear-saoraidh, Ti naomh Israeil; Is mise an Tighearn do Dhia, a tha 'teagasg dhuit cìod a thig gu d' bhuannachd; a tha 'g ad stiùradh anns an t-slighe air an imich thu.

18 O gu'n tugadh tu fainear m'àitheantan-sa! an sin bhitheadh do shìth mar amhainn, agus d'fhreantachd mar thonnann na fairge.

19 Agus bhitheadh do shìol mar a' ghain-eamh, agus sìochd do chuim mar a' meanbh-chlochan; cha bhitheadh d'ainm air a ghearradh as, no air a sgrios as mo làthair.

20 Rachaidh a mach o Bhabilon; teichibh o thìr nan Caldéach; le guth gairdeachais innsibh, cuiribh so 'an céill; sgaoilbhadh an sgeul gu iomall na talmhainn; abraibh, Shaor an Tighearn 'òglach féin Iacob.

21 Agus cha robh tart orra anns na fàs-aichibh troimh an d' thug thu orra sìubhal; thug e air uisge sruthadh dhoibh as a' charraig; seadh, sgoilt e a' chreag, agus bhrùchd an t-uisge mach.

22 Cha-n'eil sìth, deir an Tighearn, do'n aingidh.

CAIB. XLIX.

1 *Tha Crìosd a' gearan gu'n doshaothraich e gu dìomhain am measg nan Iudhach. 5 Thug Dia e mar shòlus do na cinnich gu iomall na talmhainn. 13 Mairidh gràdh an Tighearna gu bràth d'a eaglais: 24 tèarnaidh Dia i o a luchd-sàruchaidh.*

**E**ISDIBH, O eileanan, riumsa; agus thugaibh aire, a shlàigh, o chéin; o'n bhroinn ghairm an Tighearn mi; o chom m' mhiàthar thug e luaidh air m'ainn.

2 Agus rinn e mo bheul mar chlàidheamh geur; ann an sgàil a làimhe dh'fholaich e mi; seadh, rinn e mi a'm' ghath liomhta; thaisg e mi ann a dhorlach.

3 Agus thubhairt e rium, Is tu m'òglach, O Israeil, anns am bi mi air mo ghloirachadh.

4 Agus thubhairt mise, Shaothraich mi gu dìomhain; air son neo-ni, agus air son dìomh-  
anais, chaith mi mo neart; ach gu cinnteach

tha mo bhreith maille ris an Tighearn, agus m'obair maille ri mo Dhia.

5 Agus a nis mar so deir an Tighearn, (a dhealbhadh mi o'n bhroinn gu bhi a'm' òglach dha, a thabhairt Iacoib air ais d'a ionnsuidh, agus a chum gu'm bi Israeil air a chruinn-cachadh thuige; uime sin bitheam glòrmhor ann an sùilbhi an Tighearn, agus bithidh mo Dhia 'n a neart dhomh:

6 Mar so deir e, Is ni suarach dhuit gu'm bitheadh tu a'd' òglach dhomhsa, a thogail suas gheugan Iacoib, agus a dh'aiscag mheanglan Israeil; bheir mi thu fòs mar shòlus do na cinnich, gu bhi a'd' shlàinte uamsa gu iomall na talmhainn.

7 Mar so deir an Tighearn, fear-saoraidh Israeil, a Thi naomh; ris-san a tha air a dlùmeas le daoineibh, ris-san d'an do ghabh an cinneach gràin; ri seirbhiseach an luchd-riaghlaidh; a chi rìghrean, agus éiridh iad suas; uachdarain, agus ni iad aoradh; air son an Tighearn a tha dìleas, agus Ti naomh Israeil a rùghnaich thu.

8 Mar so deir an Tighearn, Ann an àm taitneach cluaila mi thu, agus ann an là na slàinte chuidich mi thu; agus gleidhidh mi thu, agus bheir mi thu mar choimhcheangal do'n t-sluagh; a dhaingneachadh na tìre, agus a thabhairt air na h-òighreachdaibh fàsaidh a bhi air an sealbhaichadh;

9 A ràdh ris a' mhuinntir a tha ceangailte, Rachaidh a mach; agus riu-san a tha ann an dorchadas, Thigibh am follais: Beathaichear iad air na sìgibh, agus anns na h-uile ionadaibh àrda ni iad ionaltradh.

10 Cha bhi ocras no tart orra, ni nìò 'bhuail-eas an teas nò a' ghrian iad; oir ni esan aig am bheil iochd orra an stiùradh, agus treòraichidh e iad a chum nan sruthan uisge.

11 Agus ni mi mo shlàibhtean uile 'n an slighe chòmhlaire; agus togar suas mo rathaidean mòra.

12 Feuch, thig iad so o chian; agus, feuch, iad so o thuath agus o'n iar; agus iad so o thìr Shinim.

13 Seinnibh gu h-àrd O nèamhan, agus dean gairdeachas O thalaimh; agus togaibh iolach O shlàibhtean; oir thug an Tighearn comhfhurtachd d'a shluagh, agus gabhaidh e truas d'a mhuinntir a tha fò amhghar.

14 Ach thubhairt Sion, Thréig an Tighearn mi, agus rinn mo Thighearn mo dhì-chuimhneachadh.

15 An dì-chuimhnich màthair a leanabh cìche, gun iochd a dheanamh air mac a cuim? Feudaidh eadhon iadsan dì-chuimhneachadh, ach cha dì-chuimhnich mise thusa.

16 Feuch air dearnaibh mo làmh ghearr mi thu; tha do bhallachan a'm' fhianuis 'an còmhnuidh.

17 Ni do chlànn deifir; sìubhlaidh iadsan a mach asad, a bha 'g ad sgrios agus 'g ad chur fàs.



18 Tog suas do shùilean, agus faic; tha iad so uile air an cruinncachadh ri 'chèile, tha iad a' teachd a d'ionnsuidh. *Mar* is beò mise, deir an Tighearn, sgeadaichidh tu thu féin leo uile, mar le culaidh rìomhaich; agus ceanglaidh tu iad *umad*, mar a ni bean-bainne a seudan.

19 Oir d'ionadan fàsail agus faondrach, agus fearann do léir-sgrìos, eadhon a nis bithidh e air a dhomhlachadh le luchd-àiteachaidh; agus siubhlaidh iadsan fad' air falbh, a bhla 'g ad shlugadh suas.

20 Their a' chlànn, a sgaradh uait, fathast ann ad chluasaibh, Tha an t-ionad so ro chumhann air mo shon; thoir àite dhomha a chum gu'n gabh mi còmhnuidh.

21 An sin their thu ann ad chridhe, Cò a ghlin dhomh iad so? oir dh'fhàgadh mi gun chloinn agus a'm' aonar, a'm' fhògarach agus air m'fhuadachadh; agus cò a dh'àraich iad so? Feuch, dh'fhàgadh mi a'm' aonar; iad so, c'ait *an robh* iad?

22 Mar so deir an Tighearn Iehobhah, Feuch, togaidh mise mo làmh ris na cinnich agus ris na slòigh cuiridh mi suas mo bhratach; agus bheir iad do m'lic 'n an uchd, agus giùlainear do nigheanan airan guaillibh.

23 Agus bithidh rìghlean 'n an oideachan-altruim dhuit, agus am ban-rìghinnean 'n am màthraichean-altruim dhuit; sleuchdaidh iad sìos duit, le'n aghaidh ris an làr, agus imlichidh iad duslach do chos; agus aithnichidh tu gur mise an Tighearn, agus cha nàraichear iadsan a chuireas an dòchas annamsa.

24 An toirear a' chreach o'n fhear làidir, no na leigear a' chobhartach dhlìgheach as?

25 Ach mar so deir an Tighearn, Bheir eadhon cobhartach an fhir làidir uaith, agus thèid creach an fhir uamhasaich as; oir gleacaidh mi ris-san a ghleacas riut, agus do chlànn tèarnaidh mi.

26 Agus bheir mi air do luchd-sàruchaidh am feoil féin itheadh; agus cuiridh mi air m'hiag iad le'm fuil féin, mar le fion nuadh; agus bithidh fios aig gach uile fheoil gur mise an Tighearn do Shlànuidheach, agus gur e d'fhear-saoraidh Ti cumhachdach Iacòib.

CAIB. L.

1 'S ann air son an do-bheartan féin a thilgeadh na h-Iudhaich air falbh. 5 Fulangas Chrìost. 7 Tha Dia 'n a fhear-cuideachaidh d' a sheirbhiseach. 10 Eàrail gu earbsadh as an Tighearn.

**M**AR so deir an Tighearn, C'ait am bheil litir-dhealachaidh 'ur màthar, a chuir mise uam? No cò e am measg mo luchd-fiachan ris an do reic mi sibh? Feuch, air son 'ur dò-bheartan tha sibh air bhuir reic; agus air son 'ur n-eu-ceartan chuireadh air falbh 'ur màthair.

2 C'ar son, an uair a thàinig mi, nach robh aon neach ann? an uair a ghairm mi,

nach d'thug aon neach freagradh? Am bheil mo làmh air fas co roghoirid as nach urrainn mi saoradh? agus am bheil mi gun chumhachd agam gu tèarnadh? Feuch, le m'achmhasan tiormaichidh mi an fhaire, ni mi na h-aìmhnichean 'n am fasach; tha an iasg a' lobhadh dl'easbhuidh uisge, agus a' bàsachadh le tart.

3 Eideam na nèamhan le dubh-dhorchadas, agus cuiridh mi eudach-saie orra mar chòmhdach.

4 Thug an Tighearn Iehobhah dhomhsa teangadh nan daoine fòghluimte, a chum gu'm bàithne dhomh focal a labhairt ann an deadh 'an ris an *neach a tha a'airsnealach*; tha e 'dùsgadh, maduinn a dèigh maidne; tha e 'dùsgadh mo chluaise, gu éisdeachd mar a ni fòghlumach.

5 Dh'fhosgail an Tighearn Iehobhah mo chluas, agus cha robh mi ceannaireach; ni mò thionndaidh mi air m'ais.

6 Thug mi mo dhruin do'n luchd-bualaidh, agus mo ghialan dhoibhsan a spion an fheusaig; cha d'fholuich mi mo ghnùis o nàire agus o shìle.

7 Oir is e an Tighearn Iehobhah m' fhear-cuideachaidh, air an aobhar sin cha chuirear mi gu h-amhluidh; uime sin shuidhich mi mo ghnùis mar chloich-theine, agus tha fios agam nach nàraichear mi.

8 Tha esan am fagus a dh'fhìreanaicheas mi; cò esan a ni strì rium? Seasamaid a nach le 'chèile; cò e m'earcaid? thigeadh e dlùth a'm' chòdhail.

9 Feuch, is e an Tighearn Iehobhah m'fhear-cuideachaidh, cò a dhiteas mi? Feuch, fàsaidh iad uile sean mar thrusgan; itluidh an leòman suas iad.

10 Cò e 'n 'ur measg air am bheil eagal an Tighearn', a tha 'g éisdeachd ri guth a sheirbhisich, a tha 'siubhal ann an dorchadas, agus aig nach 'eil solus? earbadh e á àinm an 'Tighearn', agus leigeadh e a thaic 'a Dhia.

11 Feuch, sibhse uile a tha 'fadadh teine, a tha 'g 'ur cuairteachadh féin le sradaibh; siubhlaidh ann an solus bhuir teine, agus nan sradan a las sibh, so gheibh sibh o m' làmh-sa, luidhidh sibh sìos ann an doilghios.

CAIB. LI.

1 Chomharrlicheadh do na fireanaibh an dòchas a chur 's an Tighearn, do bhrìgh gu'n toir e comhlhùrtachd do Shìon. 4 Mu thimcheall fireantachd agus slàinte Dhé. 7 Cha chòir eagal a ghabhail roimh mhasladh dhaoine. 17 Tha am fàidh a' deanamh caoidh air son Ierusalem.

**E**ISDIBH rium, sibhse 'tha 'leantuinn fireantachd, sibhse 'tha 'g iarraidh an Tighearn'; seallaibh ris a' charraig o'n do ghearradh a mach sibh, agus ri sìochd na h-uamha o'n do chladhaicheadh sibh.

2 Seallaibh air Abraham 'ur n-athair, agus air Sarah a rug sibh; oir ghairm mise e 'n a

aonar, agus bheannaich mi e, agus rinn mi lionmhòr e.

3 Oir bheir an Tighearn comhfhurtachd do Shìon; bheir e comhfhurtachd d'a h-ionad-aihbh fàsail uile; agus nì e a fàsach mar Eden, agus a dìthreabh mar ghàradh an Tighearna; gheibhear aoibhneas agus subh-achas innte, breith-buidheachais agus fonn ciuil.

4 Eisdibh rium, O mo shluagh; agus thug-aihbh aire dhomh, O m' fhine; oir thig reachd a mach uam, agus foillsichidh mi mo bhreitheanas chum soluis do na slòigh.

5 Tha m'fhìreantachd am fagus, tha mo shlàinte air dol a mach, agus nì mo ghàirdean breitheanas air na fineachaibh; feithidh na h-eileanan rium, agus ann am ghàirdean cuiridh iad an dòchlas.

6 Togaibh 'ur shùilean suas ris na nèamh-an, agus amhaircibh air an talamh shìos; oir sgaoilear o 'chèile na nèamhan mar dheataich, agus fàsaidh an talamh sean mar thrusgan; agus bàsaichidh a luchd-àiteachaidh air an amhludh cheudna; ach mairidh mo shlàinte-sa gu sìorruidh, agus cha téid m'fhìreantachd air chùil.

7 Eisdibh rium, sibhse 'tha eòlach air fireantachd, a shluagh aig am bheil mo lagh ann 'ur cridhe; na bitheadh eagal oirbh roimh mbasladh dhaoine, agus na gabhaibh geilt roimh an càineadh.

8 Oir ithidh an leòdan iad mar thrusgan, agus ithidh a' chnuimh iad mar olainn; ach mairidh m'fhìreantachd-sa gu sìorruidh, agus mo shlàinte gu linn nan linntean.

9 Dùisg, dùisg, cuir umad neart, O ghàird-ein an Tighearna; dùisg, mar anns na làithibh o shean, anns na h-aimsiribh o chian. Nach tusa a ghearr Rahab, a lot an dragon?

10 Nach tusa a thiormaich an fhainge, uisgeachan na doimhne mòire? a rinn doimhneachdan na fairge 'n an slighe do'n mhuinntir shaorta gu dol thairis.

11 Mar so pillidh muinntir shaorta an Tighearn' agus thig iad gu Sion le iolach; agus bithidh aoibhneas bith-bhuan air an ceann; gheibh iad aoibhneas agus subh-achas, agus teichidh mulad agus caoidh air falbh.

12 Is mise, *eadhon* mise, an ti a bheir dhuibh comhfhurtachd; cò thusa gu'm bitheadh eagal ort roimh dhuine a gheibh bàs, agus roimh mhac an duine a nithear mar an fear?

13 Agus gu'n dì-chuimhnichheadh tu an Tighearn do Chruith-fhear, a shìn a mach na nèamhan, agus a leag stéidh na talmhainn; agus gu'm bitheadh sìor eagal ort gach là, air son corruich an fhir-shàruchaidh, mar gu'm bitheadh e ullamh gu sgrios? agus c'ait am bheil corruich an fhir-shàruchaidh.

14 Tha am prìosanach a' deanamh deifir gu bhì air 'fhuasgladh, a chum nach faigh

e bàs anns an t-slochd, agus nach fàilnich 'aran.

15 Oir is mise an Tighearn do Dhia, a chiùinnicheas an fhainge, an uair a bheucas a tonnan: is e Tighearn nan sluagh a's ainm dhia.

16 Agus chuir mise mo bhriathran ann ad bheil, agus le sgàile mo làimhe dh'fholuich mi thu; a shuidheachadh nan nèamhan, agus a leagadh bunaiten na talmhainn; agus a ràdh ri Sion, Is tu mo shluagh.

17 Dùisg, dùisg, éirich suas o Ierusalem, a dh'òl, o làmh an Tighearna, cuach a chorr- uich; dh'òl thu, dh'fhàisg thu as, deisgean cuache na ball-chrith.

18 Cha-n'èil fear-stiùraidh aice, am measg nan uile mhac a rug i; cha-n'èil *aon* a ghhlacas air làmh i, am measg nan uile mhac a dh'altruim i.

19 Thachair an dà nì so dhuit; cò a nì caoidh air do shon? creachadh agus mill-eadh, a' ghort agus a claidheamh; cò a bheir dhuit comhfhurtachd?

20 Tha do mhic air fannachadh, tha iad air tuiteam sìos aig ceann gach sràide, mar tharbh fadhaich ann an lion; lìonadh iad làn de chorruch an Tighearna, de achmhasan do Dhé.

21 Air an aobhar sin, cluinn so a nis, O thusa a tha fo àmhghar, agus air mhisg, ach cha-n ann le fion.

22 Mar so deir do Thighearn Iehobhah, agus do Dhia a thagras cùis a shluaigh; Feuch, thug mi as do làmh cuach na ball-chrith; deisgean cuache mo chorruch; cha-n òl thu dhi nì's mò.

23 Ach cuiridh mi i ann an làmh luchd do shàruchaidh, a tha 'g ràdh ri d'anam, Crom sìos, a chum gu'n téid sinn thairis; agus leag thu do chorp sìos mar an làr, agus mar an t-sràid, dhoibhsan a tha 'gabhaill seachad.

# CAIB. LII.

1 *Thug Dia comhfhurtachd do'n eaglais 7 Maise rioghachd Chrìosd. 9 Chomhairlicheadh do'n eaglais gairdeachas a dheanamh ann an slàinte a Tighearna. Glòir Chrìosd 'n uair a dh'àrdaichear e.*

**D**UISG, dùisg, cuir umad do neart, O Shìon; cuir umad do chulaidh sgiamhach, O Ierusalem, a Chaithir naomh; oir cha téid an neo-thimchioll-ghearrta agus an neoghlan a steach ann nì's mò.

2 Crath thu féin o'n duslach; rach suas, dean suidhe, O Ierusalem; fuasgail thu féin o cheanglaichibh do mhuineil, O nighean Shìoin a tha fo dhaorsa.

3 Oir mar so deir an Tighearn, Air neo-nì reiceadh sibh, agus cha-n ann le h-airgiod a dh'fhuasgailear sibh.

4 Oir mar so deir an Tighearn Iehobhah, Chaidh mo shluagh sìos do'n Eiphit an tois-each, gu bhì air chuairt an sin; agus rinn



an t-Asirianach, mu dheireadh, an sàruchadh.

5 Agus a nis, ciod a th'agamsa an so, deir an Tighearn, o thugadh air falbh mo shluagh air neo-ni? tha an luchd-riaghlaidh a' toirt orra caoineadh, deir an Tighearn; agus tha m'ainm-sa an còmhnuidh, gach aon là, a' faghail toibheim.

6 Air an aobhar sin, bithidh eòlas aig mo shluagh air m'ainm; air an aobhar sin bithidh fios aca, air an là sin, gur mise an ti a tha 'labhairt; feuch, is mise a th'ann.

7 Cia maiseach air na sléibhtibh cosan an teachdair' aoibhinn, a tha 'g éigheach sìthe; teachdair' an deadh sgeòil, a tha 'g éigheach slàinte; a tha 'g ràdh ri Sion, Is e do Dhia a's rìgh ann.

8 Togaidh do luchd-faire an guth; le'n guth ni iad iolach le 'chéile; oir chi iad aghaidh ri h-aghaidh, an uair a bheir an Tighearn Sion air a h-ais.

9 Brisibh a mach le gairdeachas, deanaibh ceòl le 'chéile, O fhàsaichean Ierusalem; oir thug an Tighearn combhfurtachd d'a shluagh, shaor e Ierusalem.

10 Leig an Tighearn ris a ghairdean naomh ann an sùilibh nan uile chinneach; agus chi uile iomallan na talmhainn slàinte ar Dé-ne.

11 Imichibh, imichibh; rachaibh a mach as a sin; na beanaibh ri nì neòghlan; rachaibh a mach as a meadhon; bithibhse glan, a tha 'gùlan shoithichean an Tighearna.

12 Oir cha-n ann le cabhaig a théid sibh a mach, agus cha-n ann le teicheadh a shiùbhl-sibh; oir gluaisidh an Tighearn roimh-ibh, agus cuairtichidh Dia Israeil sibh o'n taobh chùil.

13 Feuch, ni m'òglach gu glic; bithidh e air a thogail suas, agus air 'ardachadh, agus bithidh e ro àrd.

14 Mar a ghabh mòran iongantas riut; (is co mhòr a' mhì-mhaise a rinneadh air 'aghaidh, seach aon duine; agus air a dhreach, seach clann nan daoine);

15 Mar sin crathaidh e uisge air mòran chinneach; 'n a fhianuis druididh rìghrean an beoil; oir an nì nach do chuirleadh 'an céill doibh, chi iad; agus an nì nach cual iad, bheir iad fainear.

### CAIB. LIII.

1 Tha am fàidh a' gearan gu'n robh an sluagh dh'eachbhuidh creidimh. 4 Fulangas Chrìosd: 11 Chi e de shaothair 'anama agus bithidh e toilichte.

**C**O a chreid ar teachdaireachd? agus cò do'n robh gairdean an Tighearn' air 'hoillsachadh.

2 Oir fàsaidh e suas mar fhailleàn 'n a làthair, agus mar fhreumh a' talamh tioram; cha-n'eil sgeimh no grinneas aige, gu'n amhairceamaid air; ni mò tha maise aige, gu'n iarramaid e.

3 Tha e air a dhìmeas, agus air a chur air

chùl le daoineibh; 'n a dhuine dhoilghiosan, agus còlach air bròn; agus mar neach a dh'fholuicheas 'aghaidh uaimn, tha e air a dhìmeas, agus cha-n'eil suin againn dheth.

4 Gu deimhin ar n-anmhuinneachd ghiùlain e, agus ar doilghiosan dh'iomchair e; ach shaoil sinne gu'n robh e air a bhualachd, air a smachdachadh le Dia, agus air a chlaoidh-eadh.

5 Ach lotadh e air son ar peacaidh-ne, bhruthadh e air son ar n-aingidheachdan; leagadh airsan smachdachadh ar sìth, agus le a chreuchdaibh-san shlànuicheadh sinne.

6 Chaidh sinn uile, mar chaoraich, air seacharan; thionndaidh sinn, gach aon g'a shlighe féin; agus leag an Tighearn airsan aingidheachd gach aoin againn.

7 Shàruicheadh e, agus rinneadh ainneart air, gidheadh cha d'fhosgail e a bheul; thugadh e mar uan chum a chasgraidh, agus mar chaora 'bhithreas balbh 'an làthair a luchd-loimairt, mar sin cha d'fhosgail e a bheul.

8 O fhòirneart agus o bhreitheanas thugadh air falbh e; agus a ghinealach cò a chuireas 'an céill? oir ghearradh as e o thùr nam beò; air son eusaontais mo shluaigh-sa bha e air a thronnbhualachd.

9 Agus dh'orduicheadh 'uaigh maille ris na h-aingidh, agus maille ri duine saoi bhir 'n a bhàs; air son nach d'rinn e eucoir, agus nach robh cealg 'n a bheul.

10 Ach b'i toil an Tighearn' a bhruthadh; chuir e fo àmhghar e; an uair a ni thu 'anam 'n a iobairt-réitich, chi e slìochd, sinear a lùthean; agus soirbhichidh rùn an Tighearna 'n a làimh.

11 De shaothair 'anama chi e, agus bithidh e toilichte. Le còlas airsan ni m'òglach fìreanach mòran fhìreanachadh; oir giùlainidh e an eu-ceartan.

12 Air an aobhar sin, roinnidh mi dha cuibhrionn maille ris a' mhòran, agus roinnidh e a' chreach maille ris na cumhachdaich; a chionn gu'n do dhòirt e nach 'anam gu bàs; agus gu'n robh e air 'àireamh an measg nan ciontach; agus ghiùlain e peacadh mhòrain, agus rinn e eadar-ghuidhe air son nan ciontach.

### CAIB. LIV.

1 Fhuair na cinnich gealladh gu'm bitheadh iad air an gabhail a steach do rìoghachd Chrìosd. 4 Tèarnar iad anns gach teanntachd. 11 Bheir Dia combhfurtachd dhoibh, agus teagaisgidh e iad 's an t-slighe cheart.

**S**EINN, a bhean aimrid nach d'rug clann; seinn gu luadh-ghaireach, agus dean iolach àrd, thusa nach robh ri saothair-chloinne; oir is lìonmhoire clann na mnà aonaranaich, na clann na mnà pòsda, deir an Tighearn.

2 Leudaich ionad do phàilliuin, agus sgaoilcadh iad a mach brata-còmhdaich do

bhùthan; na caomhain, leig 'am fad do chùird, agus daingnich do phuist:

3 Oir air an làimh dheis, agus chli, brisidh tu mach; agus sealbhaidhidh do shliochd na cinnich, agus àitichidh iad na caithrich-ean fasail:

4 Na gabh eagal, oir cha mhaskaichear thu; na gabh nàire, oir cha chuirear thu gu h-amhladh; oir dì-chuimhnichidh tu nàire d'òige, agus masladh do bhantrachais cha chuimhnich thu nì's mò.

5 Oir is e d'fhear-pòsda do Chruith-fhear; 's e Tighearn nan sluagh a's ainm dha; agus is e d'fhear-saoraidh Ti naomh Israeil; goirear Dia an domhain uile mar ainm ris.

6 Oir mar mhnaoi air a tréiginn, agus fo àmhghar 'n a spiorad, ghairm an Tighearn thu, agus mar mhnaoi a phòsadh 'n a h-òige, a chionn gu'n do chuireadh air falbh thu, deir an Tighearn.

7 Ré tiota bhig, dhealaich mi riut; ach le mòr iochd cruinnichidh mi thu.

8 Ann an corruich bhig, dh'fholuich mi mo ghnùis car tiota uait; ach le caoimhneas sìorruidh ni mi tròcair ort, deir an Tighearn d'fhear-saoraidh.

9 Oir tha so *mar* uisgeachaibh Noah dhomh; mar a mhionnaich mi nach rachadh uisgeachan Noah tuilleadh thar an talamh, is amhuil a mhionnaich mi nach bithinn ann an corruich riut, agus nach toirinn ach-mhasan duit.

10 Oir dealaichidh na sléibhtean *rì'm bunaitibh*, agus atharraichear na beanntan *as an àit*; ach cha dealaich mo chaoimhneas riutsa, agus cha-n atharraichear coimh-cheangal mo shìthe, deir an Tighearn aig am bheil truas dhìot.

11 O thusa a tha ainmiseach, air do luasgadh leis an doinnn, agus gun chomhfhurtachd agad; feuch leagaidh mi do chlachan ann an dath sgiamhach, agus suidhichidh mi do bhunaitan le clachan saphir.

12 Agus ni mi d'uinneagan de chlachan rubi, agus do gheatachan de charbuncalaibh, agus d'uile iomall de chlachan rìomhach.

13 Agus *bithidh* do chlànn uile air an teagas leis an Tighearn; agus is mòr a bhitheas sìth do chloinne.

14 Ann am fireantachd soeraichear thu; bithidh tu fada o shàruchadh, ionnus nach gabh thu eagal; agus o uamhas, ionnus nach tig e dlùth dhuit.

15 Feuch, bithidh cruinneachadh gu deimhin ann, ach cha-n ann leam-sa; cò 'sam bith a chruinnicheas a'd' aghaidh, tuitidh e air do sgàth.

16 Feuch, is mise a chruthaich an gobha a tha 'sèideadh suas nan éibhlean 's an teine, agus a' toirt a mach a'fhuinn a chum 'oibre; agus is mi a chruthaich am milltear a chum cur fàs.

17 Cha soirbhich innceal sam bith a dhealbhar a'd' aghaidh; agus dìtidh tu

gach teangadh a dh'éireas riut 'am breith-eanas. Is i so oighreachd sheirbhiseach an Tighearna; agus *tha* am fireantachd uamsa, deir an Tighearn.

CAIB. LV.

1 *Ghairm am fàidh air an t-sluagh teachd a dh'ionnsuidh Chrìosd, agus an slighe aingidh agus an smuaintean eucorach a thréigsinn. 8 Sonas an fhìreìn.*

**H**O! gach neach air am bheil tart, thigibhse chum nan uisgeachan; agus *esan* aig nach 'eil airgid, thigibh, ceannaichibh agus ithibh; seadh, thigibh, ceannaichibh, gun airgid agus gun luach, fìon agus bainne.

2 C'ar son a tha sibh a' caitheamh airgid air *ni* nach aran? agus bhur saothair air *ni* nach sàsuich? Eisdibh le deadh aire riumsa, agus ithibh *an ni a tha* maith; agus gabhadh 'ur n-*anam* toil-inntinn ann an cuilm shòghmhoir.

3 Aomaidh 'ur chuas, agus thigibh a m'ionnsuidh-sa; éisdibh, agus mairidh 'ur n-*anam* beò; agus ni mi ruibh coimh-cheangal sìorruidh, *eadhon* tròcairean cinnteach Dhaibhidh.

4 Feuch, thug mi e mar fhianuis do na cinnich, 'n a cheann-iùil agus 'n a uachdaran do na slòigh.

5 Feuch, gairmidh tu cinneach nach b'aithne dhuit; agus cinnich do nach b'aithne thu, ruithidh iad a'd' ionnsuidh, air sgàth an Tighearna do Dhé, agus air son Ti naomh Israeil; oir ghlòraich e thu.

6 Iarraibh an Tighearn, am feadh a tha e r'a fhaotainn; gairmibh air, am feadh a tha e am fagus.

7 Tréigeadh an t-aingidh a shlighe, agus an duine eucorach a smuaintean; agus pill-eadh e ris an Tighearn, agus nochdaidh e tròcair dha; agus ri ar Dia-ne, oir bheir e maithneas gu pailt.

8 Oir cha-n *iad* mo smuaintean-sa bhur smuaintean-sa, ni mò *is iad* 'ur slighean-sa, mo shlighean-sa, deir an Tighearn.

9 Oir *mar* a tha na nèamhan àrd seach an talamh; mar sin tha mo shlighean-sa àrd seach bhur slighean-sa, agus mo smuaintean-sa seach bhur smuaintean-sa.

10 Oir mar a thig an t-uisge a nuas, agus an sneachd o nèamh, agus nach pill e an sin, ach gu'n uisgich e an talamh, agus gu'n toir e air fàs torrach, agus toradh a thabhairt uait, a chum gu'n tabhair e siol dhà-san a chuirceas, agus aran dhà-san a dh'itheas;

11 Is amhuil a bhitheas m'fhocal-sa a théid a mach as mo bheul; cha phill e a m'ionnsuidh gun tairbhe; ach coimhlionaidh e an ni a's àill leam, agus bheir e gu buil *an ni* mu'n do chuir mi mach e.

12 Oir le h-aoibhneas théid sibh a mach, agus le sìth stiùrar sibh air 'ur n-aghaidh;



togaidh na sléibhteann agus na enuic roimh-ibh àrd iolach, agus uile chraobhan na macharach buailidh am basan.

13 An àite droighne fàsaidh an giuthas, agus 'an àite drise fàsaidh am mìortal; agus bithidh e do'n Tighearn mar ainm, mar chomharadh bith-bhuan, nach cuirear as àite.

CAIB. LVI.

1 *Earrail gu breitheanas a choimhead.* 3 *Tha Dia a' gealltuinn gu'n gabh e ris gach neach a ghluaisas gu taitneach 'n a làthair.* 9 *Tha trioblaidean na h-eaglais ag èirigh o luchd-faire dall agus aineolach.*

**M**AR so deir an Tighearn, Coimhead-aibh breitheanas, agus deanaibh ceartas; oir tha mo shlàinte dlùth chum teachd, agus m'fhireantachd chum a bhi air a foillseachadh.

2 Is beannaichte an duine a ni so, agus mac an duine a ni greim air; a choimhideas an t-sàbaid gun a mi-naomhachadh, agus a choimhideas a fiamh o aon olc a dheanamh.

3 Agus na labradh mac a' choigrich, a tha 'dlùth-leantunn ris an Tighearn, ag ràdh, Sgar an Tighearn mise gu tur o 'shluagh; agus na h-abradh an caillteanaich, Feuch, *tha* mise a'm' chrann tioram.

4 Oir mar so deir an Tighearn, Do na caillteanaich a choimhideas mo shàbaidean, agus a rùghnaicheas an *ni* a thaitneas rium, agus a ni greim air mo choimh-cheangal;

5 Dhoibh sin bheir mi ann am thigh, agus an taobh a stigh de m' bhallachan, àit agus ainm nìs fearn na *ainm* mhac agus nìghean; ainm sìorruidh bheir mi dhoibh, nach gearrar as.

6 Agus mic a' choigrich a tha 'dlùth-leantunn ris an Tighearn, gu frithealadh dha, agus gràdh a thoirt do ainm an Tighearna, agus gu 'bhi 'n an òglaich dha; gach aon a ghleidheas an t-sàbaid gun a mi-naomhachadh, agus a ni greim air mo choimh-cheangal;

7 Iad sin bheir mi chum mo shléibh naomh; agus nì mi aoibhneach iad ann am thigh-urnuigh; *bithidh* an tabhartais-loisgte agus an iobairtean air an gabhail gu taitneach air m'altair; oir goirear ri m' thighsa, Tigh-urnuigh air son nan uile shlògh.

8 Mar so deir an Tighearn Iehobhah, a tha 'cruinneachadh r'a chéile diobaraich Israeil; Fathast cruinnichidh mi *muinntir eile* d'a ionnsuidh, a thuilleadh orra-san a tha air an cruinneachadh.

9 O uile bheathaichean na macharach, thigibh chum itheadh; O uile bheathaichean na fridhe.

10 Tha a luchd-faire dall, gach aon diubh; tha iad aineolach, gach aon diubh; is coin bhalbh iad nach urrainn tabhannaich; a' tuiteam 'n an codal, 'g an sìneadh féin sìos, leis an ionnuimh codal.

11 Seadh, is coin chiochrach iad nach urrainn a bhi toilichte; agus is buachaillean iad nach urrainn tuigsinn; tha iad a' sealltuinn, gach aon diubh, air a shlighe féin; gach fear air a bhuannachd o a chrich féin.

12 Thigibh, *deir iad*, gabhamaid fion, agus òlmaid dibh laidir; agus mar an là'n diugh bithidh am maireach, agus nìs ro phailte gu mòr.

CAIB. LVII.

1 *Gheibh na h-ionracain agus na daoine trèaireach bàs ann an sìth.* 3 *Chronaich Dia na h-Iudhaich air son an droch ghlòimharan.* 13 *Eiridh gu maith do'n neach a chuireas a dhòchas anns an Tighearn.*

**T**HAN duine ionraic a' bàsachadh, agus gun aon neach a' toirt faineir; agus na daoine trèaireach air an toirt air falbh, agus gun aon neach a' tuigsinn gu bheil an t-ionracan air a thoirt air falbh o'n olc a *tha ri teachd*.

2 Sìubhlaidh e ann an sìth; gabhaidh esan fois 'n a leabaidh, a tha 'g imeachd 'n a ionraics.

3 Ach thigibhse am fagus an so, a mhaca na ban-fhiosaich, a shliochd an adhaltran-aich agus na strìopaich.

4 Cò d'ém bheil sibh a' deanamh àbhachd? ris am bheil sibh a' deanamh beoil fharsuinn, agus a' sìneadh a mach na teangaidh? Nach clann sibh a chlaon a leth-taobh, sìol na foill?

5 A' fadadh *bhur n-an-mhiann* le h-òdh-olaibh gu gach crann uaine; a' marbhadh na cloinne anns na gleannataibh, gu sgoltaibh nan creag.

6 Am measg mhìn *chlachan* a' ghlinne tha do chuibhrionn; is iad sin, is iad sin do chrannachur; eadhon dhoibh so dhòirt thu mach tabhartas-dibhe, dh'ìobair thu dìodhlac. An gabhainn-sa tlachd anna sin?

7 Air sliabh cruachach àrd shuidhidh thu do leabadh; eadhon do'n àite sin chaidh thu suas a thoirt seachad iobairt.

8 Air cùl an doruis agus na h-ursainn chuir thu suas do chuimhneachan; dh'imich thu air falbh uamsa, agus chaidh thu suas; leudaich thu do leabadh, agus rinn thu coimheangal riu; thug thu gràdh do an leabaidh-san, cia b'e àit anns am faca tu *i*.

9 Agus chaidh thu dh'amharc an rìgh le h-oladh-ungaidh, agus mhendaich thu do bholtraichean; agus chuir thu do theachd-airean 'am fad, agus dh'slich thu thu féin eadhon gus an uaigh.

10 Ann am buanas do shlighe sgithicheadh thu; *ach* cha dubhairt thu, Cha-r'eil dòchas ann; fhuair thu beatha do òimhe; air an aobhar sin cha d'fhannaich thu.

11 Agus cò as a ghabh thu eagal agus fiamh, gu'n d'rinn thu breug, agus nach do chuimhnic thu ormsa, nì mo 'thug thu faincar? Nach d'fhan mise a'm' thosd,

eadhon o chian, agus eha-n'eil eagal ort romham?

12 Leigidh mise ris d'fhìreantachd, agus do ghniomharan; oir eha dean iad feum dhuit.

13 An nair a ghlaodhas tu, deanadh do ehuidheachdan do thèarnadh; ach togaidh a' ghaoth air falbh iad uile, bheir an ceò as iad; ach an neach a chuireas a dhòchas annam - sa, scalbhaichidh e am fearann, agus gheibh e mar oighreachd uo shliabh naomh.

14 Au sin their mi, Tilgibh suas, tilgibh suas; ulluichibh an t-slighe; thugaibh air falbh *gach* ceap-tuislidh á rathad mo shluaigh.

15 Oir mar so deir an Ti àrd agus uasal, do'n àite-còmhnuidh sìorruidheachd, do'n ainm an Ti naomh; Anns an ionad àrd agus naomh tha mise a' gabhail còmhnuidh; maille ris-san fòs a tha leònta agus iriosal 'n a spiorad; a bheothachadh spioraid nan iriosal, agus a bheothachadh eridhe nan daoine leònta.

16 Oir cha bhi mi a' cronachadh gu sìor, agus cha bhi fearg orm an còmhnuidh; oir dh'fhàilnichheadh an spiorad romham, agus ua h-anaman a rinn mi féin.

17 Air son cionta a shannta bha corruich orm, agus bhuail mi e, a' folachadh mo ghnùise ann am feirg; agus dh'imich e roimhe gu fiar, air slighe a chridhe féin.

18 Dh'amhairc mise air a shligheibh, agus leighisidh mi e; seadh, treòraichidh mi e, agus aisigidh mi sòlasau dhàsan agus d'a luchd-bròin.

19 Is mi a chruthaicheas toradh nam bìlean; sìth, sìth, dhàsan a tha fad as, agus dhàsan a tha dlùth, deir an Tighearn; agus slànuchidh mi e.

20 Ach tha na h-aingidh eòsmhuil ris a' mhuir bhuairte, oir cha-n urrainn i 'bhi aig fois; ach tha a h-uisgeachan a' dùsgadh nìos salchair agus làthaich.

21 Cha-n'eil sìth, deir mo Dhia, do na h-aingidh.

# CAIB. LVIII.

1 Chuir am fàidh 'an cèll an dealachadh a tha eadar trasg mheadhtach agus trasg dhiaidhaidh. 8 Beannaichidh an Tighearn esan a thraisgeas gu ceart, 13 agus a choimhideas là na sàbaid

**G**HLAODH gu h-àrd, na eamhain; mar ghall-truimp tog suas do ghuth; agus nochd do m' shluagh-sa an eusaontas, agus do thigh Iacòb an lochdan.

2 Gidheadh o là gu tha iad 'g am iarraidh-sa, agus is toil leo eòlas a ghabhail air mo shligheibh; mar chinneach a tha 'cur 'an gnìomh fireantachd, agus nach do thréig reachd an Dé; tha iad a' fiosrachadh dhìomhsa mu thimchioll reachdan na fireantachd, agus is miann leo 'bhi 'teachd dlùth do Dhia.

3 C'ar son a thraisg sinn, *deir iad*, agus nach 'eil thusa a' faicinn? C'ar son a chraiddh sinn ar n-anam, agus nach 'eil thusa a' toirt fairear? Feuch, ann an là bhuir traisg tha sibh a' meaituinn 'ur sòlais, agus 'ur n-uile dhlighe saothreach tha sibh ag agairt.

4 Feuch, tha sibh a' trasgadh chum connsachaidh agus aimlireit, agus chum bualadh le dòn na h-cucorach; cha bhi sibh ri trasg mar air an là'n diugh, a thoirt air bhuir guth gu'n cluinnear e gu h-àrd.

5 An e leithid so de thrasg a ròghnaich mise, gu'n cuireadh duine 'anam fo leòn car là? An e gu'n cromadh e a cheann mar luachair, agus gu'n sgaoileadh e sac-eudach agus luaithre foidhe? An abair thu trasg ri so, agus là taitneach do'n Tighearn?

6 Nach e so an trasg a tha mise a' ròghnachadh; cuibhrichean na h-aingidheachd a sgaoileadh, na h-uallaichean troma 'lasachadh, agus a' mhuinntir shàruichte 'fhuasgladh; agus gach uile chuing a bhriseadh?

7 Nach e d'aran a roinn ris an ocrach, agus aoidheachd a thoirt do na bochdaibh seachranach? an uair a chi thu an lomonochd gu'n còmhdaich thu e; agus nach foluich thu thu féin o d'fheoil féin?

8 An sin brisidh do sholus a mach mar a' mhaduinn, agus fasaidh do shlàinte gu grad; agus thèid d'fhìreantachd air thois-each ort: bithidh glòir an Tighearna 'g ad chuairteachadh o'n taobh chùil.

9 An sin gairmidh tu, agus freagraidh an Tighearn; glaothaidh tu, agus their e, *Tha* mise an so. Ma chuireas tu air falbh as do mheadhon a' chuing, tomhadh a' mheòir, agus labhairt toibheim;

10 Agus ma thiomhaicheas d'anam ris an ocrach, agus gu'n sàsuich thu an t-anam leònta; an sin éiridh do sholus ann an doilleireachd, agus bithidh do dhorchadas mar mheadhon-là.

11 Agus stiùraidh an Tighearn thu an còmhnuidh, agus sàsuichidh e d'anam ri àn tarta, agus ungaidh e do chnàmhan; agus bithidh tu mar lios air a' dhèadh-uisgeachadh, agus mar thobar fìor-uisge, air nach tig failing uisge.

12 Agus togaidh iadsan a *ghinear* uait na seann làraichean; togaidh tu suas bunaitean nan iomadh ginealach; agus goirear dhiot Fear-càraimh a' bheuma, Fear-aig nan ròidean chum a bhi air an àiteachadh.

13 Ma philleas tu air falbh do chos o'n t-Sàbaid, do thoil féin a dhcanamh air mo là naomh-sa; agus gu'n abair thu ris an t-Sàbaid, Toil-imtinn; ri là naomh an Tighearn, Urramach; agus gu'n tabhair thu onoir dhi, gun a bhi 'lèantuinn do shlighean féin, no 'gabhail do shòlais féin, no 'labhairt do bhriathran *féin*;

14 An sin gabhaidh tu tlachd anns an Tighearn; agus bheir mise ort marcachd air ionadaibh àrda na talmhainn; agus beath-



aichidh mi thu le oighrcahd Iacoib d'athar; oir labhair beul an Tighearn' e.

CAIB. LIX.

1 *Chuir eu-ceartan chloinn Israeil dealachadh eadar iad féin agus an Dia. 16 Tha slàinte air an Tighearn a mhàin. 20 Coimhcheangul an fhuir-shaoraidh.*

**F**EUCH, cha-n'eil làmh an Tighearn' air dol 'an giorrad, air chor as nach feud i tèarnadh; ni mò tha a chluas air fàs mall, air chor as nach feud i cluinntinn.

2 Ach chuir bhur n-eu-ceartan dealachadh eadar sibh féin agus bhur Dia; agus dlì'fholuich 'ur lochdan uaibh a ghnùis, ionnus nach éisd e.

3 Oir tha bhur làmh an truailleadh le fuil, agus 'ur meòir le h-eu-ceart; labhair 'ur bilean cealg; bithidh bhur teangadh a' teachd air aimhcas.

4 Cha-n'eil neach a' gairm air ceartas, cha-n'eil neach a' tagradh air son na fìrinn; tha iad a' cur an dòigh ann an dìomhanas, agus a' labhairt bhreug; torrach le h-aimhcas, agus a' breith eu-ceirt.

5 Tha iad a' gur air uibhean na ri-nathrach, agus a' figheadh lìon an damhan-alluidh; esan a dh'itheas de'n uibhean, gheibh c bàs; agus an uair a bhruthar e' brisidh nath a nimhe mach.

6 De'n lìontaibh cha deanar trusgan; ni mò 'chòmhdaicheas iad iad féin le'n oibrìbh; ni mò is oibre na h-eucorach iad; agus tha gnìomh an fhoirneirt 'n an làmh an.

7 Tha an cas a' ruith chum uile, agus tha iad a' greasad chum fuil neo-chiontach a dhòrtadh; is innleachdan aingidheachd an innleachdan; tha léir-sgrìos agus milleadh 'n an ceumaibh.

8 Slighe na sìthe cha-n aithne dhoibh, ni mò 'tha ceart-bhreth 'n an ròidibh; rinn iad dhoibh féin ceuman cam; cò air bith a shìubhlas annta, cha-n aithne dha sìth.

9 Air an aobhar sin tha breitheanas fada uaim, agus cha-n'eil ceartas a' breith oirnn; tha sinn ag amharc air son soluis, ach feuch dorchadas; air son soilleirachd, ach tha sinn a' gluasad ann an duibhre.

10 Tha sinn a' smeurachadh, mar na doill, ag iarraidh a' bhalla; agus mar mhuinntir gun fhradharc tha sinn a' smeurachadh; tha sinn a' tuisleachadh mu mheadhon-là, mar anns an dù-thrà; *tha sinn* ann an ionadaibh uaigneach mar dhaoineibh marbha.

11 Tha sinn a' bùirich mar mhath-ghamhnuibh; mar cholumain tha sinn ri sìor-chaoircan; tha ar sùil ri breitheanas, ach cha-n'eil e ann; ri fuasgladh, ach 's ann a tha e fada uaim.

12 Oir tha ar lochdan air fàs lìonmhor ann ad làthair, agus tha ar ciontan a' toirt fianuis 'n ar n-aghaidh; oir tha ar lochdan 'n ar cuideachd, agus ar n-aingidheachd is léir dhuinn;

13 Le peacachadh agus le breugaibh an aghaidh an Tighearn', agus le pilleadh air falbh o ar Dia; le ainneart a labhairt, agus le ceannairc a dhealbhadh; agus le briathran breugach aithris o'n chridhe.

14 Agus tha breitheanas air pilleadh air ais, agus tha ceartas a' seasamh fad as; oir thuislich an fhìrinn air an t-sràid, agus cha b'urrainn ionracas teachd a steach.

15 Agus tha fìrinn air teicheadh air falbh; agus tha esan, a shìcachaineas an t-òlc, 'g a dheanamh féin 'n a chreigh; agus chumnaic an Tighearn, agus mhi-thaitinn e ris, nach robh breitheanas ann.

16 Agus chumnaic e nach robh fear ann, agus b'ìoghnadh leis nach robh eadar-mheadhonair ann; an sin dh'oibrich a ghairdean féin slàinte air a shon; agus 'fhìreantachd féin chum i suas e.

17 Agus chuir e uime fìreantachd mar uchd-éididh; agus clogaid na slàinte air a cheann; agus chuir e uime trusgan an dioghaltas mar eudach, agus chòmhdaich se e féin le h-eud mar le falluinn.

18 A réir an gnìomharan, mar sin bheir e ath-dhioladh; corruich d'a naimhdebh, dioghaltas d'a cascairdibh; do na h-eilean-aibh iocaidh e dioghaltas.

19 Mar sin bheir *iadsan* o'n iar urram do ainm an Tighearna; agus *iadsan* o éirigh na gréine d'a ghloir; an uair a thig an nàmhaid mar thuil, togaidh Spiorad an Tighearna suas bratach 'n a aghaidh.

20 Agus thig am Fear-saoraidh gu Sion, agus tionndaidhidh e eusaontas o Iacob, deir an Tighearn.

21 Agus air mo shon-sa, is e so mo choimhcheangal riu, deir an Tighearn; Mo Spiorad a tha ortsa, agus mo bhriathran a chuir mi ann ad bheul, cha dealaich iad ri d' bheul, no ri beul do shliochd, no ri beul sliochd do shliochd, deir an Tighearn, o'n àm so eadhon gu sìorruidh.

CAIB. LX.

1 *Thig na cinnich o chéin, agus tionndaidhear mòr shluagh an domhain a dh'ionnsuidh Chrìosd. 15 Nì Dia an eaglais 'n a aobhar gairdeachais feadh linn nan linn.*

**E**IRICH, dealraich; oir thàinig do sholus, agus tha glòir an Tighearn' air éirigh ort.

2 Oir, feuch, còmhdaichidh dorchadas an talamh, agus dall-cheo na cinnich; ach ortsa éiridh an Tighearn, chithear a ghloir a' dealradh ort.

3 Agus thig cinnich dh'ionnsuidh do sholuis, agus rìghrean dh'ionnsuidh do ghrian-éirigh.

4 Tog suas do shùilean mu'n cuairt, agus faic; tha iad uile air an cruinneachadh ri 'chéile; tha iad a' teachd a d' ionnsuidh; thig do mhic o chéin, agus bithidh do nigh canan air an altrum ri d' thaobh.

5 An sin chì thu, agus sruthaidh tu thairis,

agus ni do chridhe plogartaich, agus nith-ear farsuim e; a chionn gu'n tionndaidhear mòr shluagh na faireg thugad, agus gu'n tig feachd nan cinneach a d' ionnsuidh.

6 Còmhdaichear thu le h-ionmhoireachd nan càmhail, le dromedairibh Mhidiain agus Ephah; thig iad uile o Sheba; òr agus tuis ghlainidh iad, agus cliù an Tighearna cuiridh iad 'an cèill.

7 Cruinnichear a d'ionnsuidh uile threudan Chedair; ni reitheachan Nebaioit frithcal-adh dhuit; théid iad suas, agus gabhar iad gu taitneach air m'altair; agus tigh mo ghlòire *fathast* glòraichidh mi.

8 Cò iad so a tha 'suamh mar cheò, agus mar cholumain *ag itealaich* a dh'ionnsuidh an ionaid-tàimh?

9 Gu deimhin feithidh na h-eileanan rium, agus longan Tharsis air thoiseach; a thoirt do mhac o chéin, *le'n* airgid agus an òr maille riu; a chum ainme an Tighearna do Dhé, agus a chum Ti naoimh Israeil, oir glòraich esan thu.

10 Agus togaidh mic a' choigrich suas do bhallachan, agus frithheilidh an rìghrean duit; oir ann am chorruch bhual mi thu, aeh ann am dheadh-ghean ni mi iochd ort.

11 Agus bithidh do gheatachan fosgailt' an còmhnuidh; a là agus a dh'oidheche cha druidear iad; a chum gu'n toirear a d'ionnsuidh mòr shluagh nan cinneach, agus an rìghrean le greadhnachas.

12 Oir an cinneach agus an rìghachd nach dean seirbhis dhuit, bithidh iad caillte; seadh, sgriosar na cinnich sin gu tur.

13 Thig glòir Lebanon a d'ionnsuidh, an giuthas, an gall-giuthas, agus an crann-boca le 'chéile; a chur maise air mo naomh-ionad-sa, agus a chum gu'n glòraichinn àite mo chos.

14 Agus thig mic do luchd-sàruchaidh 'g an cromadh féin ann ad làthair; agus ni gach neach a rinn tàir ort umhlachd gu bonaibh do chos; agus goiridh iad dhìot, Caithir an Tighearna, Sion Ti naoimh Israeil.

15 'An àit thu bhi air do thréigsinn, agus air d'fhuathachadh, air chor as nach do shiubhail aon neach tromhad; ni mi thu a'd oirdhearcas sìorruidh, a'd aobhar-gairdeachais feadh linn nan linn.

16 Agus deothailidh tu bainne chinneach, agus cìoch rìghrean deothailidh tu; agus bithidh fios agad gur mise an Tighearn do Shlànuidhear; agus gur e d'fhear-saoraidh Ti cumhachdach faoib.

17 Agus 'an àit umha, bheir mi òr; agus 'an àit iarunn, bheir mi airgid; agus 'an àite fiodha, umha; agus 'an àite chlach, iarunn; agus ni mi do mhaoir 'n an sìth, agus do chis-mhaoir 'n an ceartas.

18 Cha chluinnear nì's mò foirneart ann ad fhearrann, sgrios agus milleadh ann ad chrìochaibh; ach their thu Slàinte *mar*

*ainm* ri d' bhallachan, agus Moladh ri d' gheatachan.

19 Cha bhi a' ghrian agad nì's faide mar sholus anns an là; ni mò 'bhitheas dealradh na gealaich 'g ad shoillseachadh; ach bithidh an Tighearn 'n a sholus sìorruidh dhuit, agus do Dhia 'n a ghlòir agad.

20 Cha téid do ghrian tuilleadh sìos, ni mò dhorchaichear do ghealach; oir bithidh an Tighearn 'n a sholus sìorruidh dhuit, agus crìochnaichear làithean do bhròin.

21 Agus *bithidh* do shluagh uile 'n am fireanaibh; seallbhaichidh iad am fearann gu sìorruidh; am meangan a shuidhich mi, obair mo làmhnan, chum gu'm bi mi air mo ghlòrachadh.

22 Fàsaidh an aon bheag 'n a mìle, agus an aon shuarach 'n a cinnach làidir; luath-aichidh mise Iehobhah e 'n a thràth.

## CAIB. LXI.

1 *Dreuchd Chrìosd.* 4 *Ath-nuadhaichidh Dia an eaglais, agus bheir e d' a luchd-frithealaidh éididh molaidh 'an àite spioraid airseil.*

**T**HA Spiorad an Tighearna Iehobhah orm, do bhrìgh gu'n d'ung an Tighearn mi; a thoirt deadh sgeòil do'n mhacanta chuir e mi; a cheangal suas luchd a' chridhe bhrìste, a dh'éigheach fuasglaidh do na braidhibh, agus fosglaidh a' phrìosain dhoibhsan a tha ceangailte;

2 A dh'éigheach bliadhna thaitnich an Tighearna, agus là dìoghaltais ar Dé-ne; a thoirt comhfhurtachd dhoibhsan uile a tha ri bròn;

3 A dh'orduchadh do luchd-caoineadh Shìoin, a thoirt doibh maise 'an àite luathre, oladh aoibhneis 'an àite bròin, éididh molaidh 'an àite spioraid airseil; a chum gu'n goirteadh dhiubh Craobhan fireantachd, a shuidhich an Tighearn air sgàth a ghlòire.

4 Agus togaidh iad suas na seann làraichean, càirichidh iad r'a chéile na h-ionadan sgaoilte o chian; ath-nuadhaichidh iad na bailtean brìste, ionadan fàsaichte nan iomadh linn.

5 Agus seasaidh coigrich suas, agus beathaichidh iad bhur treudan; agus *bithidh* mic a' choigrich 'n an treabhaichean dhuibh, agus 'n an luchd-saoithreachaidh na fionain.

6 Ach goirear dhihbh Sagartan an Tighearna; Luchd-frithealaidh ar Dé-ne theirear ribh; saoihbreas nan cinneach ithidh sibh, agus 'n an glòir ni sibh uail.

7 'An àite bhur nàire *gheibh sibh cuibh-rionn* dhùbailte; agus 'an àite maslaidh, ni iad gairdeachas 'n an cuibh-rionn; uime sin 'n an tìr seallbhaichidh iad roinn dhùbailte; bithidh aoibhneas aca gu sìorruidh.

8 Oir is mise an Tighearn, leis an ionmhuinn breitheanas; is beag orm ainneart air son tabhartais-loisgte; agus cuiridh mi air a h-agaidh an obair ann am firinn; agus coimlicheangal sìorruidh ni mi riu.



9 Agus aithnichear an sliochd ann measg nan cinneach, agus an gineal am measg nan sluagh; na h-uile a chi iad, aidichidh iad gur sliochd iad a bheannaich an Tighearn.

10 Ni mi gairdeachas gu mòr anns an Tighearn; bithidh m'anam aoibhneach ann am Dhia; oir chuir e orm éididh na slàinte, chòmhdaich e mi le trusgan na fireantachd; mar a sgeadaichas fear-bainne e féin le crùn sgianbhach, agus mar a dh'uigheamaicheas bean-bainne i féin le a seudaibh.

11 Oir mar a chuireas an talamh a mach a chinneas, agus mar a bheir an lìos air an t-sìol fàs a nìos; mar sin bheir an Tighearn Iehobhah air fireantachd agus moladh fàs suas 'an làthair nan uile cinneach.

## CAIB. LXII.

1 *Eud an fhàidh air son soirbheachaidh na h-eaglais.* 6 *Dreuchd an luchd-faire.* 8 *Dhaingnich Dia a gheallaidhean le bhi 'mionnachadh air féin.* 10 *An t-ulluchadh air son an t-soisgeil.*

**A**IR sgàth Shìoin cha bhi mi a'm' thosd, agus air sgàth Ierusalem cha ghabh mi fois; gus am bris a fireantachd a mach mar sholus dealrach, agus a slàinte mar leus lasarach.

2 Agus chi na cinnich d'fhìreantachd, agus na h-uile rìghrean do ghloir; agus bheirear ainn nuadh ort, a ghairmeas beul an Tighearna.

3 Agus bithidh tu a'd' chrùn glòire ann an àimh an Tighearn; agus a'd' choron rìoghail ann an glaic do Dhé.

4 Cha-n abrar riut tuilleadh, Té ris an do chuircadh eul; ni mò theirear ri d'fhearnam tuilleadh, am Fasach; ach 's e theirear riut, Bean mo rùn; agus ri d'fhearnam, Bean-phòsda; oir bithidh rùn an Tighearn' ort, agus bithidh d'fhearnam air a cheangal ann am pòsadh.

5 Oir mar a phòsas duin-òg dìgh, mar sin pòsaidh d'fhear-togail thusa; agus mar a ni am fear nuadh-pòsda gairdeachas 'n a mhnaoi, mar sin ni do Dhia gairdeachas annadsa.

6 Chuir mi luchd-faire air do bhallachan, O Ierusalem; ré an là, agus ré na h-oidheche, cha bhi iad 'n an tosd; sibhse 'tha 'deanamh luaidh air ainn an Tighearna, na bithibhse 'n'ur tosd;

7 Agus na tugaibh fois dha, gus an daingnich e, agus gus an dean e Ierusalem 'n a cliù air an talamh.

8 Mhionnaich an Tighearn air a àimh dheis, agus air a ghairdean cumhachdach, Cha tabhair mi ni's mò d'arbhar mar lòn do d' naimhdbh; ni mò dh'òlas clann a' choigric d'fhion nuadh, air son an do shaothraich thu:

9 Ach ithidh iadsan e, a thionaileas e, agus molaidh iad an Tighearn, agus iadsan

a chruinnicheas e, òlaidh iad e ann am chùirtibh naomha-sa.

10 Siubhlaibh, siubhlaibh troimh na geat-achaibh; ulluichibh slighe an t-sluaigh; tilgibh suas, tilgibh suas an rathad mòr; glanaibh as na clachan; togaibh suas bratach air son nan slògh.

11 Feuch, ghlaodh an Tighearn gu iomall an domhain; Abraibh ri nighinn Shìoin, Feuch, tha do Shlànuidhear a' teacld; feuch, tha a luigheachd maille ris, agus *duais* 'oibre 'n a làthair.

12 Agus theirear riu, An sluagh naomh, muinntir shaorta an Tighearna; agus riutsa theirear, Miannaichte, Baile nach tréigear.

## CAIB. LXIII.

1 *Nochd Criosd a chumhachd gu tèarnadh, agus a dhìoghaltas air a naimhdbh.* 7 *Dh'aithris am fàidh tròcairean Dhé, agus meud a mhaith-eis do thigh Israeil.* 15 *Ghuidh e gu'n sealladh Dia air a shluagh a réir lionmhoireachd a thròcairean.*

**C**O so a tha 'teachd o Edom, le culaidh dhaithte o Bhosrah? e so a tha sgianhach 'n a éididh, a' siubhal ann am mòrachd a neirt? Mise, a tha 'labhairt ann am fireantachd, cumhachdach gu tèarnadh.

2 C'ar son a tha d'éididh dearg, agus d' fhaluing mar neach a' saltairt an amair-fhìona?

3 Shaltair mi an t-amar a'm' aonar, agus de na slògh cha robh aon neach maille rium; oir shaltair mi orra ann am fheirg, agus phronn mi iad ann am chorruidh; agus chrathadh am fuil air mo chulaidh, agus tharruing mi sal air mèididh uile.

4 Oir bha là an dioghaltais ann am chridhe, agus bha bliadhna mo mhuinntir shaorta air teachd.

5 Agus dh'amhaire mi, agus cha robh fear-cuideachaidh ann; agus b'ìoghnadh leam nach robh fear-taice ann; uime sin dh'oibrich mo ghairdean féin slàinte dhomh, agus chum mo chorruidh féin taic rium.

6 Agus shaltair mi sìos na slògh ann am fheirg, agus chuir mi air mhisg iad ann am chorruidh, agus thug mi sìos an neart chum an làir.

7 Tròcairean an Tighearn' aithrisidh mi, agus cliù an Tighearn'; a réir gach ni a bhuilich an Tighearn oirnn, agus meud a mhaith-eis do thigh Israeil, a dheonaich e dhoibh a réir a chaoimhneis, agus a réir lionmhoireachd a thròcairean.

8 Oir thubhairt e, Gu deimhin is iad mo shluagh, clann nach dean breug; agus bha e 'n a Shlànuidhear dhoibh.

9 'N an uile àmhghar bha esan fo àmhghar; agus rinn aingeal a làthaireachd an tearnadh; ann a ghràdh agus ann a iochd rinn e féin an saoradh; agus dh'ionchair e iad, agus ghiùlain e iad, ré nan uile làithean o shean.

10 Ach rinn iadsan ceannaire, agus chuir

iad doilghios air a Spiorad naomh; air chor as gu'n d'fhàs e 'n a nàmhaid doibh, agus chog e féin 'n an aghaidh.

11 An sin chuimhnich e na làithean o shean, Maois agus a shluagh; ag ràdh, Cia esan a thug a nìos iad o'n fhaireg, le buachaille a threud? Cia esan a chuir a Spiorad naomh an taobh a stigh dheth?

12 A stiùir iad aig deas làimh Mhaois le a ghairdean glòrmhor; a' sgoltadh nan uisgeachan roimhe, a dheanamh ainme shiorruidh dha féin?

13 'G an stiùradh troimh an doimhne, mar each anns an fhàsach, ionnus nach tnislich-eadh iad?

14 Mar a théid an spréidh sìos do'n ghleann, thng Spiorad an Tighearn' orra fòis a ghlabhail: mar sin threoraich thu do shluagh, a dheanamh ainme ghlòrmhoir dhuit féin.

15 Seall a nuas o nèamh, agus faic o d'ionad-còmhnuidh naomh agus glòrmhor; càit am bheil d'eud, agus do neart; lion-mhoireachd do thròcairean agus do thruas dhìom? Am bheil iad air an cnuail air an ais?

16 Gu deimhin is tusa ar n-Athair, ged nach aithne do Abraham sinn, agus nach 'eil Israel a' gabhail ruinn; is tusa, a Thighearn', ar n-Athair, ar Fear-saoraidh; tha d'ainm o shìorruidheachd.

17 C'ar son, a Thighearn', a thug thu oirn dol air seacharan o d' shligheibh, agus a chruaidhich thu ar cridhe o d' eagal? Pill air sgàth do sheirbhiseach, trenbhan d'oigh-reachd féin.

18 Is beag an ùine a shealbhaich do shluagh naomh; shaltair ar naimhdean sìos do naomh-ionad.

19 Bu leat sinne riamh; cha robh thu a' riaghladh os an ceann-san; cha robh iad air an gairm air d'ainm.

#### CAIB. LXIV.

1 Dh'iarr an eaglais foillseachadh cumhachd Dhè; 4 dh'aidich i gu'n robh a thròcairean lionmhor; 9 agus gluidh i nach cuimhnich-eadh e a h-àingidheachd 'n a h-aghaidh gu bràth.

**O** GU'N reubadh tu o'chéile na nèamhan, gu'n tigeadh tu nuas, gu'n sruthadh na sléibhteann sìos ann ad làthair;

2 Mar a loisgeas an teine-leaghaidh, mar a chuireas an teine goil air uisge; a chum d'ainm a dheanamh aithnichte do d' naimhdeibh, gu'n crìochnaicheadh na cinnich ann ad fhianuis!

3 An nair a rinn thu nithean iongantach ris nach robh suil againn, thàinig thu nuas; ann ad làthair shruth na sléibhteann sìos.

4 Oir rianh cha chuala daoine, cha d'fhairich iad le'n cluais, ni mò 'chunnaic suil, dia eile ach thusa, a nì a leithid air son an ti a dh'fhoitheas air.

5 Tha thu a' teachd 'an còdhail an ti a tha

'gabhail tlachd ann an ceartas a dheanamh; a' mhuinntir a tha cuimhneach ortsa ann ad shligheibh; feuch, tha corruich ort, oir pheacaich sinne; eadhon rìusan o shean, ach tha sinne air ar tèarnadh.

6 Agus tha sinne uile mar ni truaillidh, agus ar n-uile fhìreantachd mar lùideig shalaidh; agus tha sinn uile air seargadh mar dhuilleach; agus rinn ar lochdan, mar a' ghaoth, ar giùlan air falbh.

7 Agus cha-n'eil aon neach ann a tha 'gairm air d'ainm, a tha 'g a dhùsgadh féin suas a dheanamh greim ort; oir dh'fhoilnich thu do ghnuis uainn, agus chlaoidh thu sinn air son ar n-enceartan.

8 Ach a nis, O Thighearn', is tusa ar n-Athair; is sinne a' chruaidh, agus is tusa ar fear-deilbh; agus is sinne uile obair do làimhe.

9 Na bitheadh corruich ro gheur ort, a Thighearn', agus na cuimhnich aingidh-cachd gn bràth; feuch, amhaire, guidheam-aid ort, is sinne uile do shluagh.

10 Dh'fhàs do bhailtean naomha 'n am fàsach; tha Sion 'n a fàsach; tha Ierusalem faodrach.

11 Tha ar tigh naomh agus àluinn, anns an d'thng ar n-aithrichean moladh dhuit, air a losgadh le teine; agus tha ar n-uile nithean tlachdmhor air an léir-sgrìos.

12 An cnu thu ort féin air son nan nithean sin, a Thighearn'? Am bi thu a'd' thosd, agus an cràidh thu sinn gn goirt?

#### CAIB. LXV.

1 Ghairm Dia na cinnich, agus thréig e na h-Iudhaich air son an mì-chreidimh agus an aingidheachd. 8 Tearnar fuigheall diubhe. 11 Thig breitheanas air an aingidh, ach beannaichear an t-ionracan. 17 An nuadh Ierusalem.

**D**HFHOILLSICHEADH mi dhoibh-san nach robh 'g am fharraid; fhuaradh mi leosan nach robh 'g am iarraidh; thubhairt mi, Feuch mi, feuch mi, ri cinn-each nach robh air 'ainmeachadh orm.

2 Shìn mi mach mo làmhnan fad an là ri slagh ceannaireach, a tha 'gluasad ann an droch shlighe, a réir an innleachdan féin;

3 Sluagh a tha an còmhnuidh 'g am bhros-nuchadh gu feirg ri m'aghaidh; ag iòbradh anns na liosaibh, agus a' losgadh tùise air na clachaibh-creadha;

4 A tha 'fantuinn am measg nan àiteach-an-àdhlaic, agus a' gabhail còmhnuidh anns na h-uaimhean; a tha 'g itheadh feòla mhuc, agus aig am bheil sùgh nithean gràineil 'n an soithichibh.

5 A tha 'g ràdh, Fan agad féin, na tig am fagns domhsa; oir is mise a's naomhe na thusa. Tha iad so 'n an deataich ann am shròin, 'n an teine 'tha 'losgadh ré an là uile.

6 Feuch, tha e sgrìobhta ann am làthair; chan-n fhan mi a'm' thosd, ach ath-dhìolaidh mi; seadh, ath-dhìolaidh mi rì'n uchd,



7 Bhur n-eu-ceartan, agus eu-ceartan 'ur n-aithrichean le 'chéile, deir an Tighearn, a loisg tuis air na sléibhtibh, agus a thug toibheum dhomh air na cnocaihbh; seadh, tomhaisidh mi air ais dhoibh 'n an uclh an obair a *rinn iad* roimhe so.

8 Mar so deir an Tighearn, Amluil a gheibhear am fion nuadh anns a' bhagaide, agus a their *neach*, Na mill e, oir tha beannaichadh ann; mar sin ni mise air sgàth mo sheirbhiseach; cha sgrios mi an t-ionlan.

9 Agus bheir mi mach sliochd o Iacob, agus o Iudah sealbhadair mo shléibhtean; agus sealbhaidhidh mo mhuinntir thaghta am fearann, agus gabhaidh m'òglaich tàmh ann.

10 Agus bithidh Saron 'n a chrò chaorach, agus gleann Achoir 'n a bhuaile bhò, air son mo shluaigh-sa, a bha 'g am iarraidh.

11 Agus sibhse a thréig an Tighearn, a dhì-chuimhnich mo shliabh naomh; a tha 'deasachadh buird do Ghad, agus a' lionadh iobairt-dhibhe do Mheni;

12 Airmhìdh mi sibhse chum a' chlaidh-einagh, agus cromaidh sibh uile sìos chum a' chasgraidh; a chionn, an uair a ghlaodh mi, nach do fhreagair sibhse; an uair a labhair mi, nach d'éisd sibh; ach rinn sibh ole ann am shealladh, agus an ni anns nach robh tlachd agam ròghnaich sibh.

13 Air an aobhar sin mar so deir an Tighearn Iehobhah, Feuch, ithidh m'òglaich-sa, ach bithidh ocras oirbhse; feuch, òlaidh m'òglaich-sa, ach bithidh tart oirbhse; feuch, ni m'òglaich-sa gairdeachas, ach bithidh nàire oirbhse:

14 Feuch, seinnidh m'òglaich-sa tre aoibhneas cridhe, ach glaothaidh sibhse tre dhoilghios cridhe; agus tre chràdh spioraid ni sibh caoineadh.

15 Agus fàgaidh sibh bhur n-ainm mar mhallachadh do m' mhuinntir thaghta-sa; oir marbhaidh an Tighearn Iehobhah thu, agus bheir e ainm eile air 'òglaich.

16 An neach a bheannaicheas e féin air talamh, beannaichidh se e féin ann an Dia na firinn; agus an neach a bheir mionnan air talamh, mionnaichidh e air Dia na firinn; a chionn gu bheil na h-àmgharan roimhe air an dì-chuimhneachadh, agus a chionn gu bheil iad foluichte o m' shùilibh.

17 Oir feuch, cruthaicheam nèamhan nuadha agus talamh nuadh; agus cha chuimhnichear iad sin a *bh'ann* roimhe, agus cha tig iad ann an aire an *duine*.

18 Ach deanaihbse gairdeachas, agus bitibh aoibhneach gu cian nan cian, *air son an nì* a chruthaicheam; oir feuch, cruthaicheam Ierusalem 'n a cùis-aoibhneis, agus a sluagh 'n an cùis-ghairdeachais.

19 Agus bithidh mi aoibhneach ann an Ierusalem, agus ni mi gairdeachas ann am shluagh; agus cha chluinnear guth caoidh no guth caoinidh innte ni's mò.

20 Oir cha bhi as a sin suas naoidhean gearr-shaoghalach, no scam duine nach do choimhlion a bithéan; oir bàsaichidh an naoidhean *an uair a ruigeas* e ceud bliadhna dh'aois; ach bithidh am peacach a *ruigeas* ceud bliadhna dh'aois mallaichte.

21 Agus togaidh iad tighean, agus gabhaidh iad còmhnuidh *ann*ta; agus suidhichidh iad fion-liosan, agus ithidh iad d'an toradh.

22 Cha dean iadsan togail, agus neach eile àiteachadh; cha dean iadsan suidheachadh, agus neach eile itheadh; oir mar làithean craoibhe *bithidh* làithean mo shluaigh-sa; agus mealaidh mo mhuinntir thaghta ré ùin fhada obair an làmhan féin.

23 Cha saothraich iad gu diomhain, ni mò 'ghineas iad *sliochd* chum dragha; oir is iad siol dhaoine beannaichte an Tighearn, agus an sliochd maille riu.

24 Agus tarlaidh, mu an gairm iad, freagraidh mi; agus an feadh a bhitheas iad fòs a' labhairt, éisdidh mi.

25 Ni am madadh-alluidh agus an t-uan ionatràdh le 'chéile; agus ithidh an leòmh-an connlach mar an damh; ach 's e an duslach a's biadh do'n nathair. Cha dochainn agus cha mhìl iad ann mo shliabh naomhsa uile, deir an Tighearn.

# CAIB. LXVI.

1 *Tha Dia a' nochdadh d'a shluagh gu'm feum iad seirbhis a dheanamh dha gu h-iriosal, agus ann an treibhdhìreas an cridhe.* 5 *Bheir an Tighearn comhfhurtachd dhoibhsan a ghluaiseas 'n a eagal.* 15 *Dòirtidh e a chorr-uich air an aingidh.* 18 *Cruinnichear na h-Iudhaigh agus na cinnich do aon eaglais.*

**M**AR so deir an Tighearn, Is iad na nèamhan mo rìgh-chaitheir, agus an talamh stòl mo chos; cia e an tigh a thogas sibh dhomhsa? agus cia e ionad mo chòmhnuidh?

2 Oir na nithean so uile rinn mo làmh, agus na nithean so uile is leamsa, deir an Tighearn; ach air an *fhear* so amhaireidh mi, *eadhon* airsan a tha bochd agus leònta 'n a spiorad, agus a chrìothnaicheas roimh m'fhocal.

3 Tha esan a mharbhas damh, *mar gu'm* mortadh e duine; esan a dh'ìobras uan, *mar gu'n* cuireadh e an ceann de mhadadh; esan a bheir seachad tabhartas, *mar gu'n tugadh e seachad* fuil mhuc; esan a loisgeas tuis, *mar gu'm* beannaicheadh e iodhol; seadh, ròghnaich iad an slighean féin, agus 'n an gràineileachdaibh féin tha an anam a' gabhail tlachd.

4 Ròghnaichidh mise fòs am faoin-smuaintean, agus an cùis-eagail bheir mi orra; a chionn gu'n do ghlaodh mi, agus nach d'thug aon neach freagraidh; labhair mi, agus cha d'éisd iad; ach rinn iad ole ann am shealladh, agus an ni anns nach robh tlachd agam ròghnaich iad.

5 Chluinnibhse focal an Tighearna, sibhse 'tha crìochnachadh roimh 'fhocal; bhur bràithrean a tha 'toirt fuatha dhuibh, a thilg a mach sibh air sgàth m'ainme-sa, deir iad, Bitheadh an Tighearna air a ghlòrachadh; ach foillsichear e chum aoibhneis dhuibhse, agus cuirear iadsau gu h-amhladh.

6 Guth àrd-ghlaidh o'n chaithir: guth o'n teampull; guth au Tighearna, a' toirt ath-dhòlaidh d'a naimh-dibh.

7 Mu'n robh i ann an saothair-chloinne, dh'aiseadadh i; mu'n d'fhàinig a h-ìogh-annan, rug i leanabh-mic.

8 Cò 'chual' a leithid so? cò 'chunnaic an leithidean so de nithibh? an tabhair an talamh a mach a *thoradh* ann au aon là? am bi cinneach air a bhreith 'dh'aon bheum? oir cha bu luaithe 'bha Sion ann an saothair na rug i a clann.

9 An toir mi gus a' bhreith, agus nach toir mi fainear gu'm beirear? deir au Tighearna; an gin mi, agus am bac mi a' bhreith? deir do Dhia.

10 Deanaibh gairdeachas le Ierusalem, agus bithibh subhach air a son, sibhse uile le'u iomhuinu i; bithibh ro aoibhneach leatha, sibhse uile a tha ri bròn air a son;

11 A chum gu'n deòthail sibh, agus gu'm bi sibh sàsuichte le cìochaibh a sòlais; a chum gu'n tarruing sibh, agus gu'm faigh sibh toilnùtinu ann am pailteas a glòire.

12 Oir mar so deir an Tighearna; Feuch, sgaoileam sìth thairis oirre mar amhainn, agus glòir nan cinneach mar shruth a' taomadh a nuas; an sin deòthaidh sibh, giùlainear sibh air an léis, agus luaisgear sibh air ua glùinibh.

13 Mar ueach do'n tabhair a mhàthair comhfhurtachd, mar siu bheir mise comhfhurtachd dhuibhse; agus ann an Ierusalem gheibh sibh sòlas.

14 Au uair a chi sibh so ni bhur cridhe gairdeachas; agus bithidh 'ur cnàmhan ùr mar am feur; agus foillsichear làmh an Tighearna d'a òglaich; ach lasaidh 'fhearg an aghaidh a naimhdean.

15 Oir feuch, thig an Tighearna le teine, agus a charbad mar chuairt-ghaoith; a

dhòrtadh a mach a chorroich mar ain-teas, agus 'achmhasain le lasraichibh teine.

16 Oir le teine agus le a chlaidheamh tagraidh an Tighearna ris gach uile fheoil; agus bithidh mòran air am marbhadh leis an Tighearna.

17 Iadsau a tha 'g an naomhachadh féin agus 'g an glanadh féin agus na liosaibh, air cùl aoit *chraoibhe* 's a' mheadhon; ag itheadh feòla mhuc, agus na gràineileachd, agus nau luch; gearrar as iad le 'chéile, deir an Tighearna.

18 Oir is *aithne* dhomhsa an gnèimharan, agus an iunleachdan; thigean a chruinn-eachadh nan uile cinneach agus theangan-anan ri 'chéile; agus thig iad, agus chi iad nò ghlòir.

19 Agus cuiridh mi comharadh 'n am measg; agus a' mhuinntir a théid as diubh cuiridh mi dh'ionnsuidh nan cinneach, gu Tarsis, Pul, agus Lud, a thairngeas an bogha; gu Tùbal agus Iabhan, na crìochan fad' as; uach cuala iomradh orm, agus nach faca riamh mo ghlòir; agus cuiridh iad 'an céill mo ghlòir ann measg nau cinneach.

20 Agus bheir iad 'ur bràithrean uile, as gach cinneach, *mar* tabhartas do'n Tighearna; air eachaibh, agus air carbadaibh, agus air uirighibh, air muilidibh, agus air ainmhidhean luath-chosach; gu mo shliabh naomh-sa Ierusalem deir an Tighearna; amhuil a bheir clauu Israèil tabhartas ann au soitheach glau gu tigh an Tighearna.

21 Agus dhiubhsau mar an ceudna gabhaidh mi, air son shagart, agus air sou Lebhitheach, deir an Tighearna.

22 Oir amhuil a mhaireas ua uèmhau nuadha, agus au talamh nuadh, a tha mi 'cruthachadh, ann am fhianuis, deir an Tighearna; mar sin mairidh bhur sliochd-se, agus 'ur u-ainm.

23 Agus tarlaidh, o ghealaich ùir gu gealaich ùir, agus o shàbaid gu sàbaid, gu'n tig gach uile fheoil a dheanaibh aoraidh ann am làthair-sa, deir an Tighearna.

24 Agus théid iad a mach, agus seallaidh iad air ciosaichean nan daoine a chioutaich a'm' aghaidh; oir cha blàsaich au cuimh, agus cha mhùchar an teine; agus bithidh iad 'n an gràineileachd do na h-uile fheoil.

## I E R E M I A H.

### CAIB. I.

1 An t-àm 's an d'rinn Ieremiah *fàisteachd*: 4 Naomhaich Dia e o'n bhroinn. 11 Nochdadh dha gu'n rachadh Ierusalem a syrios. 17 Neartaich Dia e fa chomhair a dhreuchd.

**B**RIATHRAN Ieremiah mhic Hilciah, aon de na sagartaibh a bha 'an Anatot ann am fearann Bheniamin:

2 A dh'ionnsuidh an d'fhàinig focal an Tighearna' ann au làithibh Iosiah mhic Amoin rìgh Iudah, auns an treas bliadhna deug d'a rìoghachadh.

3 Thàinig e mar an ceudna ann an làithibh Iehoiaim mhic Iosiah rìgh Iudah, gu ceann aon bliadhna deug Shedeciah mhic Iosiah, rìgh Iudah, gus an d'fhugadh air falbh



Ierusalem ann am braighdeanas anns a' chùigeamh mìos.

4 Thàinig an sin focal an Tighearn' a m'ionnsuidh-sa, ag ràdh,

5 Mu'n do dhealbh mi thu 's a' bhroinn, b'aithne dhomh thu; agus mu'n d'fhàinig thu mach o'n bholg, chuir mi air leth thu: mar flàidh do na cinnich thug mi thu.

6 An sin thubhairt mise, Och! a Thighearna Iehobhah, feuch, cha-n aithne dhomh-sa labhairt, oir is leanabh mi.

7 Agus thubhairt an Tighearn rium, Na h-abair, Is leanabh mi: ach a chum nan uile gus an cuir mise thu, thèid thu; agus ciod sam bith a dh'aithneas mi dhuit, labhraidh tu.

8 Na bitheadh eagal ort roimh an gnùis; oir tha mise maille riut a chum do thearnadh, deir an Tighearn.

9 Agus chuir an Tighearn a mach a làmh, agus bhean e ri m' bheul; agus thubhairt an Tighearn rium, Feuch, chuir mise mo bhirriathran ann ad bheul.

10 Feuch, chuir mi thu air an là'n diugh os ceann nan cinneach agus os ceann nan rioghachd, gu spionadh as, agus gu tarruing a nuas, agus gu sgrios, agus gu leagail; gu togail, agus gu suidheachadh.

11 Agus thàinig focal an Tighearn a m'ionnsuidh, ag ràdh, Ciod a tha thu 'faicinn, a Ieremiah? Agus thubhairt mise, Tha mi 'faicinn slaithe de chraoibh almoìn.

12 Agus thubhairt an Tighearn rium, Is ceart a chunnaic thu: oir greasaidh mise m'fhocal a chum a choimhlionadh.

13 Agus thàinig focal an Tighearn a' m'ionnsuidh an dara uair, ag ràdh, Ciod a tha thu 'faicinn? Agus thubhairt mise, Tha mi 'faicinn coire air ghòil, agus air a tionndadh o'n àirde tuath.

14 Agus thubhairt an Tighearn rium, O'u àirde tuath brisidh an t-òlc a mach air uile luchd-aiteachaidh na tìre.

15 Oir feuch, gairmidh mise air uile theaghlaichean rioghachdan na h-àirde tuath, deir an Tighearn; agus thig iad, agus suidhichidh iad, gach aon a rìgh-chaithir aig dol a steach gheatachan Ierusalem, agus air a ballachan uile mu'n cuairt, agus os ceann uile bhailtean Iudah.

16 Agus cuiridh mise mo bhreitheanais 'an ceill 'n an aghaidh, air son an uil' aingidheachd; a chionn gu'n do thréig iad mise, agus gu'n do loisg iad tuis do dhiathaibh cile, agus gu'n do shleuchd iad do oibribh an lamhan féin.

17 Crìoslaich thusa suas uime siu do leasraidh, agus éirich, agus labhair riu na h-uile nithean a dh'aithneas mise dhuit; na bith-eadh fiamh ort rompa, air eagal gu'u cuir mise gu h-amhladh thu 'n am fianuis.

18 Oir feuch, rinn mise thu an diugh a'd' chaithir dhaingnichte, agus a'd' phost iar-uinn, agus a'd' bhalla umha, an aghaidh na

tìre so uile; an aghaidh rìghrean Iudah, an aghaidh a mòr uaislean, au aghaidh a sagartan, agus an aghaidh sluaigh na tìre:

19 Agus cathaichidh iad ann ad aghaidh, ach cha toir iad buaidh ort: oir tha mise maille riut, deir an Tighearn chum do thearnadh.

## CAIB. II.

1 *Chuimhnich Dia as leth nan Iudhach an caoimhneas a nochd e dhoibh 'n an òige, agus thagair e riu nu thimcheòll an aingidheachd. 18 Chlronaich e iad air son an òidholan. 35 Tha dòchas an t-sluaigh 'n an neo-chiontas féin diomhain.*

**T**HAINIG focal an Tighearna mar an ceudna a m'ionnsuidh, ag ràdh,

2 Imich agus glòdh ann an clusaibh Ierusalem, ag ràdh; Mar so deir an Tighearn, Chuimhnich mise as do leth an caoimhneas a nochd mi dhuit ann ad òige, gràdh do cheangail-pòsaidh, 'n uair a dh'imich thu a'm' dhèigh anns an fhàsach, ann am fearann nach do threabhadh.

3 Is naomhachd do'n Tighearn Israel, ceud thoradh a chinneis: iadsan uile a tha 'g a shlugadh suas, measar iad ciontach; thig aithneas orra, deir an Tighearn.

4 Cluinnibh focal an Tighearn', O thigh Iacobi, agus uile theaghlaichean tìghe Israeil:

5 Mar so deir an Tighearn; Ciod an euceart a fhuair 'ur n-aithrichean aunnam-sa, gu'n d'imich iad fada uam, agus gu'n do ghluais iad an déigh diomhanais, agus gu'n d'fhàs iad diomhain?

6 Agus cha dubhairt iad, C'àit am bheil an Tighearn, esau a thug a nìos sinn o thìr na h-Eiphit, a stiùir sinn troimh an fhàsach, troimh fhearann fàisail agus làn shlochd, troimh fhearann tart' agus sgàile bàis, trid fearainn nach do shiubhail aon duine troimhe, agus far nach do ghabh duine riamh còmhuidh?

7 Thug mi sibh mar an ceudna gu dùth-aich thorraich, a dh'itheadh a toraidh, agus a maitheis; ach an uair a thàinig sibh a steach, thruaill sibh m'fhearann agus m'òighreachd rinn sibh 'n a gràineileachd.

8 Cha dubhairt na sagartan, C'àit am bheil au Tighearn? agus iadsan a lainsich an reachd, cha b'aithne dhoibh mise: rinn na h-aodhairean fòs ceannaire ann am aghaidh; agus rinn na fàidhean fàistneachd le Baal, agus lean iad nithean nach toir buannachd.

9 Uime sin tagraidh mise ruibh fathast, deir an Tighearn, agus ri cloinn bhuir cloinne tagraidh mi.

10 Oir siubhlaibh thairis gu crìdhan Chitim, agus faicibh; agus cuiribh fios gu Cedar, agus thugaibh geur aire; feuchaidh an do thachair riamh a leithid so.

11 An do chaochail cinneach an diathan, eadhon iad sin nach robh 'n an diathan?

Ach chaochail mo shluagh-sa an glòir air son ui gun bhuannachd.

12 Bitheadh ioghuaadh oirbh, O nèamhan, mu'n nì so, agus bitheadh uamhas oirbh: bithibh air bhuir trom-bhualadh le h-uamhunn, deir an Tighearn:

13 Oir chuir mo shluagh-sa dà olc 'au guìomh: thréig iad mise, tobar nan uisgeachan beò; agus chladhaich iad a mach dhoibh féin sluichd, sluichd eu-dìonach, nach cuu uisge.

14 An tràill Israel? Ma's ann de chloinn an teaghlaich e, e'uim' an d'rinneadh e'n a chobhartaich?

15 Beucaidh na leòmhain òga 'n a aghaidh; thog iad an guth, rinn iad 'fhearann 'n a fhàsach; tha a bhailtean air an losgadh, gun aon 'g an àiteachadh.

16 Nì clann Noiph agus Taphaneis mar an ceudna mullach do chinn a bhriseadh.

17 Nach do choisinn thu so dhuit féin, a chionn gu'n do thréig thu an Tighearn do Dhia, an uair a bha e 'g ad stiùradh anns an t-slighe?

18 Agus a nis ciod do ghnòthuch ri slighe na h-Eiphit, a dh'òl uisgeachan Shihoir? No ciod do ghnothuch ri slighe Asiria, a dh'òl uisgeachan na h-Aimhne?

19 Smachdaichidh d'aingidheachd féin thu, agus nì do chùl-sleamhnachadh féin do chionnachd: aithnich uimes sin agus faic, gur olc agus searbh an nì, gu'u do thréig thu an Tighearn do Dhia, agus nach 'eil m'eagal-sa annad, deir an Tighearn Dia nan sluagh.

20 Gu deimhin o chian fada bhris mi do chuig, sgaol mi do chuibhrichean; agus thubhairt thu, Cha bhi mi eas-umhal. Oir air gach cnoc àrd, agus fo gach craoibh uaine, tha thu 'dol air seacharan ri striopachas.

21 Gidheadh shuidhich mise thu a'd' fhionainn uasail, gu h-ìomlan a'd' shìol ceart: ach cionnus a chaochail thu orm, a' gheug chrìo-uach na fionainn coimhich?

22 Oir ged nigh thu féin le natar, agus ged ghabh thu mòran siapuinn, tha d'aingidheachd air a comharachadh ann am làthair-sa, deir an Tighearn Iehobah.

23 Cionnus a dh'fheudas tu ràdh, Cha-n 'eil mi salach, cha deachaidh mi an déigh Bhaalim? Feuch do shlighe anns a' ghleann; aithnich ciod a rinn thu. Tha thu mar dhromedari luath ag imeachd 'n aslighe;

24 Mar asail fhiadhaich cleachda ri fàsach, a thairngeas a' ghaoth suas 'n a cuinneanaibh, ann an cìocras a h-anama: an trà thig a miann cò a philleas i? Iadsan uile 'bhitheas 'ga h-iarraidh cha sgithichear iad; 'an ceann a mìosa gheibh iad i.

25 Cum do chos o bhi rùisgte, agus do mhùineal o thart. Ach thubhairt thusa, Cha-n'eil leigheas air a' chùis a nis; cha chum; oir ghràdhaich mi coigrich, agus 'n an déigh théid mi.

26 Mar a bhitheas nàire air meirleach an uair a ghlacar e; mar sin chuircadh gu uàire tigh Israeil; iad féin, an rìghrean, an uachdarain, agus an sagartan, agus am fàidhean:

27 A tha 'g ràdh ri mìr fiodha, *Is tu m'athair*; agus ri cloich, *Is tu 'ghin mi*; oir thionndaidh iad riumsa an cùl, is cha-n i an aghaidh; ach ann an àm an airce their iad, Eirich, agus teasairg sinn.

28 Ach c'ait am bheil do dhìathan a rinn thu dhuit féin? Eireadh iadsan, ma's urrainn iad do thèarnadh ann an àm do chruaidh-chais: oir a *rèir* àireimh do bhailtean bha do dhìathan, O Iudah.

29 C'ar son a thagras sibh riumsa? chiontaich sibh uile a'm' aghaidh, deir an Tighearn.

30 Gu dìomhain bhual mi bhuir clann; cha do ghabh iad cronachadh. Shluig 'ur claidheamh féin 'ur fàidhean, amhuil leòmhann millteach.

31 O sibhse de'n ghinealach so, feuchaibh focal an Tighearn: an robh mise a'm' fhàsach do Israel? a'm' fhearann dorchadais? C'uim an dubhairt mo shluagh, *Is tigh-carnau sinn oirnn féin*; cha tig sinn nìs mò thugad-sa?

32 Am feud òg-bhean a h-usgraicheap a dhearmad? no bean-bainne a h-éideadh? Gidheadh dhearmaid mo shluagh mise làithean gun àireamh.

33 C'uim an seòl thu do shlighe a dh'iarraidh gaoil? air an aobhar sin fòs scòlaidh mise dòrainnean air do shlighean-sa.

34 Fhuaradh ann ad sgiobul mar an ceudna fuil anama nan neò-chiontach bochda: cha-n ann le sgrùdadh domhain a fhuair mi mach i, ach air a craobh-sgaoilteach.

35 Gidheadh tha thu 'g ràdh, A chionn gu bheil mi neò-chiontach, gu cinnteach pillidh a chorruih uam. Feuch tionnsgnaidh mise ann am breitheanas riut, a chionn gu bheil thu ag ràdh, Cha do pheacaich mi.

36 C'uim am bi thu eo ro luaineach a chaochladh do shlighe? bithidh fathast nàire ort de'n Eiphit, amhuil a bha nàire ort de Asiria.

37 Seadh, euideachd théid thu mach as a so, le d' làmh an air do cheann: oir dhiùlt an Tighearn cuspairean do dhòchais, agus leo cha soirbhich thu.

### CAIB. III.

1 Mòr-thròcair an Tighearna do Iudah. 6 Tha Israel nìs neò-chiontaiche na Iudah. 12 Ghairn Dia iad gu aithreachas. 20 Dh'aithich an sluagh am peacaidhean.

THEIR iad, Ma chuireas duine air falbh a bhean, agus gu'n imich i uaith, agus gu'n gabh i le fear eile, am pill e d'a h-ioun-suidh a ris? nach bi am fearann sin gu ro mhòr air a thraillteachd? Ach rinn thusa striopachas le mòran leanuan; gidheadh pill riumsa a ris, deir an Tighearn.



## IEREMIAH, IV.

2 Tog do shùilean suas ris na h-ionadaibh àrda, agus, feuch, cia an t-àit anns nach do thruaillleadh thu? Shuidh thu 'g am feith-eamh anns na slighibh, mar an t-Arabach 's an fhàsach; agus shalaich thu am fearann le d'striopachas, agus le d' dhroch-bheirt.

3 Agus chumadh na fras an ais, agus an t-uisge deireannach cha robh ann; goidheadh agadsa bha aodan striopaich, chuir thu cùl ri nàire.

4 Nach gairm thu ormsa o'n uair so, *ag ràdh*, Mathair, bu tusa fear stiùraidh m'òige?

5 An gléidhear *fearg* gu bràth? an cumar *corruich* gu sìorruidh air chuimhne? Feuch, labhair, agus rinn thu aingidheachd; agus chaidh e leat.

6 Thubhairt an Tighearn rium fòs ann an làithibh Iosiah an rìgh, Am faca tu ciod a rinn Israel chùl-sleamhnach? Chaidh i suas air gach shlabh àrd, agus fo gach crann gorm, agus an sin rinn i striopachas.

7 Agus thubhairt mise, an déigh dhi so uile a dheanamh, Pill a m'ionnsuidh-sa: ach cha do phill i. Agus chunnaic a piuthar fhealltach Iudah so.

8 Agus chunnaic mise, 'n uair, air son na h-uile adhaltrannais anns an robh Israel chùl-sleamhnach ciontach, a chuir mi air falbh i, agus thug mi litir dhealachaidh dhi, goidheadh nach do ghabh a piuthar fhealltach Iudah eagal, ach gu'n d'innich i, agus gu'n d'rinn i féin striopachas mar an ceudna.

9 Agus tharladh, le ro-mheud a tograidh gu neòghloine, gu'n do thruaill i am fearann, agus gu'n d'rinn i adhaltrannas le clachaibh agus le crannaibh.

10 Agus fòs an déigh so uile cha do phill a piuthar fhealltach Iudah riumsa le a h-uile chridhe, ach gu cealgach, deir an Tighearn.

11 Uime sin thubhairt Iehobhah rium; Is mò 'dh'fhìreannaich Israel chùl-sleamhnach i féin na Iudah chealgach.

12 Innich agus glaoth na briathran so fa chomhair na h-àirde tuath, agus abair; Pill, O Israel chùl-sleamhnach, deir an Tighearn, agus cha leig mi mo chorruich ort; oir tha mise trócaireach, deir an Tighearn, cha ghléidh mi m'fhearg gu bràth.

13 A mhàin aoidh do chionta, gu'n d'rinn thu eusantas an aghaidh an Tighearna do Dhé; agus gu'n d'rinn thu do shlighean coitichionn do choigrich, fo gach aon chraoibh uaine; agus nach d'thug sibh géill do m' ghuth-sa, deir an Tighearn.

14 Pillibh, O chlann chùl-sleamhnach, deir an Tighearn, oir tha mi pòda ruibh: agus gabhaidh mi sibh, aon á baile, agus dithis á teaghlach, agus bheir mi sibh gu Sion:

15 Agus bheir mi dhuibh adhairean a réir mo chridhe féin, agus beathaichidh iad sibh le h-eòlas agus le tuigse.

16 Agus tarlaidh, an uair a théid sibh 'an

lionmhoireachd agus 'am meud anns an fhearann, anns na làithibh sin, deir an Tighearn, cha-n abair iad nìs mò, Airce coimh-cheangail an Tighearna, nì mò 'thig i 'n ar aire, nì mò 'chuimhnicheas iad i, nì mò 'bheir iad sùil 'n a déigh, nì mò 'nìthear sin tuilleadh.

17 Anns an àm sin theirear ri Ierusalem: 'rìgh-chlathir an Tighearna; agus bithidh tathaich nan uile chinneach d'a h-ionnsuidh, air sgàth ainme an Tighearn' a bhitheas ann an Ierusalem; agus cha ghluais iad nìs mò a réir cruais an droch chridhe féin.

18 Anns na làithibh sin théid tigh Iudah gu tigh Israeil; agus thig iad le 'chéile mach as an tìr mu thuath, a chum an fhearainn a thug mise mar sheilbh do 'r n-aithricibh.

19 Agus 'n uair a thubhairt mi, Cionnus a bheir mi àite dhuit am measg mhac, agus a bheir mi dhuit am fearann taitneach, oighreachd aoibhneach shluagh nan cinneach? an sin thubhairt mi, Goiridh tu dhiomsa, Mathair; agus cha phill thu air d'ais o m' leantuin.

20 Gu deimhin, *mar* a chlaonas bean neò-dhìleas o a fear-pòda, mar sin bhuin sibhse gu neò-dhìleas riumsa, O thigh Israeil, deir an Tighearn.

21 Chualas guth air na h-ionadaibh àrda; caoidh agus athchuinge cloinne Israeil; a chionn gu'n do chlaon iad an slighe; dhì-chuimhnich iad an Tighearn an Dia.

22 Pillibh, a chlann chùl-sleamhnach, leigh-isidh mise bhur cùl-sleamhnachaidh. Feuch, tha sinn a'teachd a d'ionnsuidh, oir is tu an Tighearn ar Dia.

23 Gu deimhin *cha-n'eil ach* dìomhanas anns na caochaibh, ann an neart nan sléibhte; gu deimhin anns an Tighearn ar Dia-ne tha slàinte Israeil.

24 Ach dh'ith an nì nàrach sin suas saothair air n-aithrichean o 'r n-òige; an caoraich, agus am buar, am mic, agus an nigheanan.

25 Luidhidh sinn sìos 'n ar nàire, agus thig ar masladh tharunn: a chionn gu'n do pheacaich sinn an aghaidh an Tighearn' ar Dia, sinn féin agus ar n-aithrichean, o'r n-òige, eadhon gus an là an diugh, agus nach robh sinn ùmhal do ghuth an Tighearn' ar Dia.

### CAIB. IV.

1 *Bhrosnuich Dia clann Israeil gu githreachas le 'gheallanaibh, 3 agus Iudah, le 'bhi' bagairt breitheanasan uamhasach a thoirt orra. 19 Chaidh am fàidh gu mòr léir-sgrìos an fhearainn.*

**M**A philleas tu a rìs, O Israeil, deir an Tighearn, a m'ionnsuidh-sa pillidh tu; agus na chuireas tu air falbh do ghràineil-cachdan o m' làthair-sa, an sin cha ghluais-easr thu:

2 Ach mionnaichidh tu, Mar is beò an Tighearn, ann am fìrinn, ann am breith-canas, agus ann an ìonracas: agus beann-

aichidh na cinnich iad féin annsan, agus annsan ni iad uail.

3 Uime sin, mar so deir an Tighearn ri fearaibh Iudah, agus ri Ierusalem; Brisibh suas blur fearann-treabhaidh, agus na cuiribh am measg dhroighionn.

4 Bithibh air 'ur timchioll-ghearradh do'n Tighearn, agus thugaibh air falbh roimh-ehroicinn 'ur cridheachan, O fheara Iudah, agus a luchd-àiteachaidh Ierusalem; mu'n téid mo chorruih-sa mach mar theine, agus mu 'n las i, air chor is nach feudar a mùchadh, air son aingidheachd 'ur gnìomharan.

5 Cuiribhse 'an céill ann an Iudah, agus ann an Ierusalem deanaibh follaiseach, agus abraibh; Séidibh an trompaid anns an tìr; éighibh gu h-àrd agus abraibh, Cruinnichibh ri 'chéile, agus rachanaid a steach do na caithreachibh daingnichte.

6 Cuiribh suaicheantas suas ann an Sion, rachaibh air bhur n-ais, na seasaibh; oir tha mise a' tabhairt uile o'n àirde tuath, eadhon léir-sgrìos mòr.

7 Thàinig an leòmhán a nìos o a dhoire, agus tha milltear nan cinneach air a thurus: dh'imich e mach as àite chum d'fhearann a dheanamh 'n a fhàsach; bithidh do bhailtean air an sgrìos, air chor is nach bi aon 'g an àiteachadh.

8 Air an aobhar sin crioslaichibh sibh féin le sac-éididh, deanaibh caoidh agus gul; oir cha-n'eil fraoch feirge an Tighearn' air a pilleadh air falbh uaim.

9 Agus tarlaidh anns an là sin, deir an Tighearn, gu 'm bàsaich cridhe an rìgh, agus cridhe nan àrd-naisean; agus bithidh amhlhuath air na sagartaibh, agus uamhas air na fàidhibh.

10 An sin thubhairt mise, Och! a Thigh-carna Iehobhah! gu cìnteach mheall thu gu tur an sluagh so agus Ierusalem, ag ràdh, Bithidh sìth agaibh; an uair a tha 'n claidheamh a' ruigheachd gu ruig an t-anam.

11 Anns an àm sin theirear ris an t-sluagh so agus ri Ierusalem; Gaoth loisgeach ann an ionadaibh sgaoilte an fhàsach, leth ri nighinn mo shluaigh-sa; cha-n ann gu fasnadh no gu glanadh;

12 Thig treun-ghaoth o na h-àitibh sin a m'ionnsuidh-sa; a nis fòs labhaird mi féin breitheanas 'n an aghaidh.

13 Feuch, mar neulaibh thig e nìos; mar chuart-ghaoith bithidh a charbadan; is luaithe na iolairan a chuid each; mo thruaighe sinne! oir tha sinn creachta.

14 Glan do chridhe o aingidheachd, O Ierusalem, a chum gu'n tèarnar thu. Cia fhad a ghabhas do smuaintean aingidh còmhnuidh 'an taobh a stigh dhìot?

15 Oir tha guth ag éigheach o Dhan, agus a' cur àmhghair 'an céill o shliabh Ephraim.

16 Glaothaibhse ris na cinnich, Feuch!

Cuiribh 'an céill an aghaidh Ierusalem, gu bheil luchd-freiceadain a' teachd o dhùth-aich fad as, agus gu'n tog iad suas an guth an aghaidh bhailtean Iudah.

17 Mar luchd-coimhid faiche tha iad 'n a h-aghaidh mu'n cuart di, a chionn gu'n d'rinn i ar-a-mach ann am aghaidh-sa, deir an Tighearn.

18 Choisinn do shlighe agus do dheanadas na nithean so dhuit; 's i so d'aingidheachd; a chionn gu bheil i searbh, oir tha i ruigheachd do ehridhe.

19 Mo chom, mo chom! tha mi air mo chràdh ann am ballachan mo ehridhe; 'an taobh a stigh dhìom tha mo chridhe ri fuaim; cha-n urrainn mi fantuinn a'm' thòsd; a chionn gu'n cuala tu, O m'anam! guth na trompaid, gaoir a' chatha.

20 Tha léir-sgrìos air lorg léir-sgrìos air a ghairm; gu cìnteach tha 'n tìr gu h-iomlan air a creachadh: gu h-obann chreachadh mo phàillionan, mo sgàileachan ann an tiota.

21 Cia fhad a chi mi a' bhratach? a chluinn-cas mi fuaim na trompaid?

22 Gu cìnteach tha mo shluagh-sa amaid-each, ormsa cha do ghabh iad còlas; is clann aig nach 'eil tuigse iad, agus tha iad air dhiobhail céile: tha iad seòlta a dheanamh uile, ach maith a dheanamh cha-n aithne dhoibh.

23 Chumaid mi an talamh, agus, feuch! *bha e gum* dealbh agus falamh; na nèanhan fos, agus bha iad gun solus.

24 Chumaid mi na sléibhteann, agus, feuch! chriochnaich iad; agus bha na cnuc uile air an luasgadh gu mòr.

25 Dh'amhaire mi, agus, feuch! cha robh aon duine ann; agus uile coin na h-ealtuinn, theich iad.

26 Dh'amhaire mi, agus, feuch! *bha a'* mhachair thorrach 'n a fhàsach, agus a h-uile bhailtean air an tilgeadh sìos, roimh làthair an Tighearna, roimh dhian-theas 'Theirge.

27 Oir mar so deir Iehobhah, Bithidh am fearann gu h-iomlan air 'fhàsachadh, ach cha dean mi làn chrìoch.

28 Air son so ni an talamh bròn, agus dorchaidhean na nèanhan shuas; a chionn gu 'n do labhair mise, agus cha ghabh mi aithreachas; chuir mi romham, agus cha téid mi air m'ais uaith.

29 Roimh iolach nam marcach agus nam fear-bogha, tha gach caithir a' teicheadh; chaidh iad a steach do thuing choilltibh, agus streap iad suas air na creagaibh: tha na h-uile bhailtean air an tréiginn, agus cha-n'eil aon duine 'g an àiteachadh.

30 Agus thusa, 'n uair a chreachar thu, ciod a ni thu? Ged éideas thu thu féin le coreur, ged sgèadaicheas thu thu féin le seudaibh òir, ged uingas thu do rosgan le dathaibh, gu dìomhaìn ni thu thu féin



sgiamhach: nithear tàir ort le do leannain, air d'anam tha iad 'an tòir.

31 Gu cinnteach chuala mi glaoth amhuil mnà ri saothair, teanachd amhuil mnà ri breith a ceud leinibh, glaoth nighinn Shioin; a' caoidh, a' sgaoidleadh a bas, agus ag ràdh, Mo thruaighe mise nis! oir tha m'anam air a chlaoidh le luchd-mortaigh!

CAIB. V.

1 Na breitheanas a thug Dia air na h-Iudhaich air son an aingidheachd, 7 an adhaltranais, 10 an ceilge, 20 agus an euceartan.

**R**UITHIBH air 'ur n-ais agus air 'ur n-aghaidh feadh shràidean Ierusalem, agus faicibh a nis, agus bitheadh fios agaibh, agus iarraidh 'n a h-ionadaibh farsuinn, am faigh sibh aon duine, am bheil neach sam bith ann a tha 'cur 'an gnìomh breitheanas, a tha 'g iarraidh na firinn; agus bheir mise dhi maithcanas.

2 Ach ged a their iad, Mar is beò an Tighearn, gu deimhin tha iad a' mionnachadh gu breugach.

3 O Tighearna, nach 'eil do shùilean-sa air an fhirinn? Bhual thu iad, ach cha d'rinn iad bròn; chaith thu iad, ach dhiùlt iad gabhail ri smachdachadh; rinn iad an aghaidh n'is cruaidhe na creag; dhiùlt iad pilleadh.

4 An sin thubhairt mise, Gu cinnteach is iad so na daoine ìosal; tha iad gun chéill, a chionn uach aithne dhoibh slighe an Tighearna, breitheanas an Dé.

5 Ruigidh mi na daoine usal, agus labhairidh mi ri-u-san; oir is aithne dhoibh-san slighe an Tighearna, breitheanas an Dé. Ach spealg iad so gu h-ionmhan a' chuing, sgaoid iad as a chéile na cuibhricean.

6 Uime sin ni lèomhan as a' choille an sgrios, ni madadh-alluidh an fhàsaich am milleadh; ni liopard faire os ceann am bailtean: gach aon a théid a mach asda reubar e 'n a bhloighdibh; a chionn gu bheil an lochdan fionnhor, an cùl-sleamh-nachadh minic.

7 Cionnus a mhaithas mi so dhuit? thréig do chlann mise, agus mhionnaich iad orra sin nach 'eil idir 'n an diathan: an uair a shàsuich mise iad le òn, an sin rinn iad adhaltranas, agus ann an tigh na strìop-aich chruinnich iad 'n am buidhnibh.

8 Bha iad mar òig-eich bhiadhla 's a' mhaduinn; gach aon a' sìtrich an déigh mnà a choimhearsnach.

9 Air son nan nithean so nach tig mise g'an amhare, deir an Tighearn; agus air a' leithid so de chinneach nach dean m'anam dòghaltas?

10 Rachaibh-sa suas air a ballachan, agus sgriosaidh; na deanaidh crìochnachadh: thugaibh air falbh a daingnichean, oir cha bhui iad do 'n Tighearn.

11 Oir bhui tigh Israel agus tigh Iudah gu ro chealgach riunsa, deir an Tighearn.

12 Dh'àicheadh iad an Tighearn, agus thubhairt iad; Cha-n e a th'ann; ni mò 'thig ole oirnn; agus an claidheamh no a' ghort cha-n fhaic sinn.

13 Ach bithidh na fàidhean mar ghaoith; agus cha-n'eil am focal anna: mar so nithear orra féin.

14 Air an aobhar sin mar so deir Iehobhah Dia uan sluagh; A chionn gu bheil sibh a' labhairt an fhocail so, feuch, ni mise m'fhocal ann ad bheil-sa 'n a theine, agus an sluagh so 'u an connadh, agus loisgidh e suas iad.

15 Feuch, bheir mi 'n 'ur n-aghaidh cinneach o chéin, O thigh Israel, deir an Tighearn: is cinneach cumhachdach e, is cinneach ro shean e; cinneach nach aithne dhuit an cainnt, ni mò 'thuigeas tu ciod a their iad.

16 Tha am balg-saighead mar uaigh fhosgailte; tha iad uile 'n an daoine treuna.

17 Agus caithidh iad d'fhogharadh, agus d'aran; caithidh iad do mhic agus do nighcanan; caithidh iad do chaoraich agus do chroth; caithidh iad d'fhlionainean agus do chroinn-fhige; ni iad bochd leis a' chlaidheamh na bailtean daingnichte anns an robh thu a' cur do dhòchais.

18 Gidheadh anns na làithibh sin, deir an Tighearn, cha dean mise ruibh crìochnachadh.

19 Agus tarlaidh, an uair a their sibh, 'Cuim' an d'rinn an Tighearn ar Dia ruinn na nithean so uile? an sin freagraidh tusa iad, Amhuil a thréig sibhse mise, 's a rinn sibh seirbhis do dhiathaibh coimheach ann 'ur tìr, mar sin ni sibh seirbhis do choigrich ann an dùthaich nach leibh féin.

20 Innsibhse so ann an tigh Iacoib, agus cuiribh 'an céill e ann an Iudah, ag ràdh,

21 Eisdibh so a nis, O shluagh amaidheach agus mhi-chéillidh, aig am bheil sùilean, ach nach faic; aig am bheil cluasan, ach nach cluinn.

22 Nach bi eagal oirbh romham-sa, deir an Tighearn? nach crìothnaich sibh ann am làthair-sa, a shuidhich a' ghaineamh mar chrich do 'n fhainge, le òrugh buan, nach feud i dol thairte: ged luaisgeas a tuinn iad féin, cha toir iad buaidh; ged bheucas iad cha téid iad ni 's faide?

23 Ach aig an t-sluagh so tha cridhe easumhal agus ceannairceach: chaidh iad air an ais, agus dh'imich iad air falbh.

24 Ni mò deir iad 'n an cridhe, Bitheadh a nis eagal an Tighearn' ar Dé oirnn, a tha 'toirt arann a' cheud uisge agus an uisge dheircannaich, 'n a àm féin; seachduinean suidhichte an fhogharaidh tha e 'gleididheadh air ar son.

25 Phill bhuir n-aingidheachd na nithean so air falbh; agus chum bhuir lochdan an ni a tha maith air ais uaidh.

26 Oir gheibhear am measg mo shluaigh-

## IEREMIAH, VI.

sa droch dhaoine: tha iad ri feall-fholach, mar neach a' suidheachadh lìontan; tha iad a' leagadh riibe, tha iad a' glacadh dhaoine.

27 Mar chliabh a tha làn eun, mar sin tha an tighean làn ceilge: uime sin tha iad air fàs mòr, agus air cinntinn saoiibhir.

28 Tha iad air fàs reamhar, tha iad dealrach: seadh, thug iad bàrr air gnìomh-àraibh nan aingidh: cha-n'eil iad a' toirt breth air a' chùis, eòis an dilleachdain, gidheadh tha iad a' soirbheachadh; agus còir an uireasbhuich cha-n'eil iad a' seasamh.

29 Air son nan nithean so nach tig mise g'an amhare? deir an Tighearn: air a' leithid so de chinneach nach dean m'auam dìoghaltas?

30 Tha nì uamhasach agus ro eagalach 'g a chur 'an gnìomh anns an tìr:

31 Tha na fàidhean ri faistneachd bhréige; agus na sagartan a' riaghladh air an làmh-san; agus is ait le u' shluagh-sa e 'bhi mar sin: ach ciod a nì sibh anu an deireadh ua cùise.

### CAIB. VI.

1 *Tha naimhdean Iudah dìan gu a làchairtean a sgrìos. 9 Ghearrain am fàidh gu'n robh an sluagh a' tràigsinn an Tighearn: 18 Dh'fhoillsich e breitheanas Dhe; 26 agus bhrosnuich e an sluagh gu aithreachas.*

**T**EICHBH gu h-ìomlan, O mhaca Bheuiamin, a mach a' meadhon Ierusalem, agus ann an Tecoa séidibh an trompaid; air Betacereim fòs cuiribh suas comharadh teine: oir dh'fhoillsicheadh oile o'n àirde tuath, agus dòrainn mhòr.

2 Cosmhui ri àit-ionaltraidh taitneach rinn mise nighean Shìoin.

3 D'a h-ionnsuidh thig na buachaillean le'n treudaibh: suidhichidh iad am pàill-ìuman a' na h-aghaidh air gach taobh; ionaltraidh iad gach aon 'n a àite féiu.

4 Deasaichibh cogadh 'u a h-aghaidh: Eiribh, agus rachamaid suas mu mheadhon là: Mo thruaighe sinne! oir tha 'n là air dol seachad; oir tha dubharan an annoich air an sìneadh a mach.

5 Eiribh, agus rachamaid suas anns an oidhe, agus milleamaid a làchairtean.

6 Oir mar so labhair Tighearn nan sluagh, Gearraibh sìos craobhan, agus tilgibh tòrr an aghaidh Ierusalem: is i so a' chaitlir a tha gu bh' air a smachdachadh; is fòirneart i gu h-ìomlan 'au taobh a stigh dhi.

7 Amhuil a chuireas tobar a mach 'uisgeachan, mar sin tha ise a' cur a mach a drochbheirt: tha ainneart agus creach ri chluinntinn innte: a'm làthair-sa do ghnàth tha bròn agus lotadh.

8 Gabh fòghlum, O Ierusalem, air eagal gu'n dealaich n'anam riut; air eagal gu'n dean mi fàsach dhìot, fearann neo-àitichte.

9 Mar so deir Tighearn nan sluagh; Diolamaid iad gu buileach mar fhionain iarmad Israeil: pill air a h-ais do làmh,

mar fhear-tionail nam fion-dheartean gus na cliabhan.

10 Cò ris an labhair mi, agus d'an toir mi rabhadh, air chor is gu'n cluinn iad? Feuch, tha an cluas gun timchioll-ghearradh, agus cha-n urrainn iad éisdeachd: feuch, tha focal Iehobhah dhoibh-san 'n a mhasladh; cha-n'eil tlachd aca ann.

11 Air an aobhar sin tha mise làn corr-ùich [an Tighearna:] tha mi sgìth g'a cumail a steach: dòirtidh mi mach i air a' chloinn anns na sràidibh, agus air an òigridh a tha cruinn le 'chéile: seadh, glacar am fear, agus fòs a bhean, an t-aosda, maille ris an tì a bhitheas làn de làithean.

12 Agus bheirear thairis an tighean do dhaoineibh eile, an fearann agus na muathan mar an ceudna; oir sìnidh mise mo làmh a mach an aghaidh luchd-àiteachaidh na tìre, deir an Tighearn.

13 Oir o'n aon a's lugha gus an aon a's mò dhiubh, tha gach neach 'g a thoirt féin suas d'a ana-miannaibh; agus o'n fhàidh fòs gus an sagart, tha gach aon a' gnàthachadh ceilge.

14 Leighis iad mar an ceudna lot nighiun mo shluagh-sa gu faoin, ag ràdh, Sìth, sìth; agus gun sìth ann.

15 An robh nàire orra chionn gu'n do chuir iad gràineileachd 'an gnìomh? nì h-cadh, cha do ghabh iad nàire air aon chor; nì mò 'bha rugha air an gruaidh: uime sin tuitidh iad an measg na muinntir a thuiteas; anns an àm 'an tig mise 'g an amhare, tilgear sìos iad, deir an Tighearn.

16 Mar so thubhairt an Tighearn; Seas-aibh anns na ròidibh agus faicibh, agus feòraichibh air son nan seana cheuman, C'ait am bheilant-slighe mhaith agus gluaisibh innte; mar sin gheibh sibh fois do 'r n-anamaibh. Ach thubhairt iadsan, Cha ghluais sinn [innle.]

17 Chuir mi mar an ceudna luchd-faire os 'ur ceann, ag ràdh; Eisidibh ri fuaim na trompaid. Ach thubhairt iadsau, Cha-n éisd sinn.

18 Uime sin cluinnibh, O fhineacha, 's bitheadh fios agaibh, O choimhthìouail; an nì sin a tha 'n am measg cluinn, O 'thal-amh!

19 Feuch, bheir mise dòrainn air an t-sluagh so, toradh an smuaintean féin; a chionn nach d'thug iad éisdeachd do m' bhrìathraibh: agus a thaobh mo reachd, chuir iad eadhon cùl ris.

20 C'uim an tig tùis o Sheba thugam-sa? agus a' chuide chùbhraidh o dhùthaich fad as? Cha-n'eil bhuir tabhartais-loisgte taitneach, nì mò 'tha tlachdagam-sa 'n 'ur n-ìob-airtibh.

21 Air an aobhar sin mar so deir an Tighearn, Feuch, leagaidh mi cip-thuislidh 'an rathad an t-sluaigh so, agus tuitidh na h-aithrichean agus na mic orra; an coimh-



earsnach agus a charaid bàsaichidh le 'chéile.

22 Mar so deir an Tighearn, Feuch, tha slugh a' teachd o fhearann na h-àirde tuath, agus dùisgear cinneach mòr o chriochaibh na talmhainn.

23 Glacaidh iad am bogha agus an t-sleagh: tha iad an-ìochdmhor, agus cha ghabh iad truas; beuchdaidh an guth mar an fhaire, agus marcaichidh iad air eachaibh, air an tarruing an ordugh mar dhaoine gu cogadh, ann ad aghaidh-sa, O nighean Shìoin.

24 Chuala sinn iomradh air so: dh'fhàs ar lamhan lag; tha goimh air deanamh greim oirnn; pian, amhuil innà ri saothair chloinne.

25 Na rachaibh a mach do'n mhachair, na sìubhaibh anns an t-slighe; oir an sin tha elaidhean an nàmhaid, uamhas air gach taobh.

26 O nighean mo shluaigh, éid thu féin le eudach saic, agus dean thu féin aornagain ann an luathre: dean caoidh *mar air son* aoin mhic, cumha ro gheur: oir gu h-obann thig an creachadair oirn.

27 Shònruich mi thusa gu bhi a'd' bhaideal, a'd' dhaingneach am mcasg mo shluaigh; agus aithnichidh tu, agus dearbhaidh tu an slighe.

28 Tha iad uile 'n an daoineibh a thug barrachd ann an ceannaire, a' gluasad gu cealgach: is umha agus iarunn iad; an t-ionlan diubh 'n an innealaibh truailidheachd.

29 Loisgeadh na builg leis an teine, chaith-eadh an luaith; leagh am fear-leaghaidh gu dìomhain; oir cha-n eil iadsan a tha ole air an sgaradh air falbh:

30 Airgid nach fhu theirear riu-san, a chionn gu'n do chuir an Tighearn cùl riu.

### CAIB. VII.

1 *Chuir Dia Jeremiah a ghairm nan Iudach gu aithreachas chum 's nach bitheadh iad air an giùlan 'am brathdeanas.* 17 *Bhagair an Tighearn iad le 'fheirg do ùrigh gu'n do chuir iad campar air le'n òdhol aoradh.* 21 *Ghluais an slugh ann an comhairleibh asinnleachdach an cridhe féin.* 32 *Breith-eanas air am bagradh orra air son an droch ghlomharan.*

**A**M focal a thàinig gu Jeremiah o'n Tighearn, ag ràdh;

2 Seas ann an geata tighe an Tighearna, agus glaodh anns an àite sin am focal so, agus abair, Cluinnibh focal an Tighearn', uile Iudah, sibhse tha 'g imeachd a steach air na dorsaibh so gu aoradh a thoirt do Iehobhah.

3 Mar so deir Tighearn nan slugh, Dia Israel, Leasaichibh 'ur slighean agus 'ur ghlomharan, agus bheir mise dhuibh còmh-nuidh a ghabhail anns an àite so.

4 Na h-earbaibh á briathraibh brengach, ag ràdh, Is teampull an Tighearna, teampull an Tighearna, teampull an Tighearn' iad so.

5 Oir ma leasaicheas sibh gu h-ionlan 'ur slighean agus 'ur ghlomharan; ma bheir sibh breitheanas gu ceart eadar duine agus a choimhearsnach;

6 Mur sàruich sibh an coigreach, an dill-eachdan agus a' bhantrach; agus mur dòirt sibh fuil neò-chiontach anns an àite so, agus mur téid sibh air lorg dhiathan eile, chum 'ur dòrainn féin:

7 An sin bheir mise dhuibh còmh-nuidh a ghabhail anns an àite so, anns an fhearann a thug mi do'r n-aithrichibh, o linn gu linn.

8 Feuch, tha sibhse a' deanamh buin á briathraibh breugach o nach faigh sibh buannachd.

9 Ciod? am feadh a tha sibh a' goid, a' mortadh, agus a' deanamh adhaltranais, agus a' miònachadh gu breugach, agus a' losgadh tùise do Bhaal, agus a' gluasad air lorg dhiathan coimheach, air nach robh eòlas agaibh:

10 An tig sibh an sin, agus an seas sibh ann am lathair-sa, 's an tigh so a tha air a ghairm air m' ainm, agus an abair sibh, Tha sinn air ar toirt thairis a chum nan gràineil-eachdan so uile a chur 'an gnìomh?

11 An e gu'n d'rinneadh an tigh so, a dh'ainmicheadh ormsa, 'n a shlochd mheir-leach 'u'ur sùilbh-sa? Feuch, chunnaic mise féin e, deir an Tighearn.

12 Ach rachaibh a nis do m' àite-sa a tha 'an Siloh, far an do chuir mi m' ainm 'an toiseach, agus faicibh cionnus a bhuin mi ris, air son aingidheachd mo shluaigh Israel.

13 Agus a nis, a chionn gu'n d'rim sibhse na h-oibre so uile, deir an Tighearn, agus gu'n do labhair mise ruibh ag éirigh gu moch, agus a' labhairt, ach cha d'èisd sibhse; agus gu'n do ghlaodh mi ruibh, ach cha do fhreagair sibh:

14 Uime sin, ni mi ris an tigh so a dh'ainmicheadh orm, as am bheil sibhse a' deanamh buin, agus ris an ionad a thug mi dhuibhse, agus do 'r n-aithrichibh, amhuil a rinn mi ri Siloh.

15 Agus tilgidh mi sibh a mach á m'fhianuis, mar a thilg mi mach blur bràithrean uile, an t-ionlan de shliochd Ephraim.

16 Air an aobhar sin, na guidh thusa air son an t-sluaigh so, ni mò 'chuireas tu suas glaodh no athcluinge as an leth, ni mò 'ni thu eadar-ghuidhe riumsa; oir cha-n éisd mise riut.

17 Nach faic thu ciod a tha iad so a' deanamh ann am bailtibh Iudah, agus ann an sràidibh Ierusalem?

18 Tha a' chlann a' tional connaidh, agus na h-aithrichean a' fadadh an teine, agus na mnathan a' fuineadh taoise, a dheanamh bhreacag do bhan-righinn nèimh, agus a dhòrtadh a mach thabhartasan-dibhe do dhiathaibh eile, gu campar a chur ormsa.

19 Am bheil iad a' cur campair ormsa? deir an Tighearn; nach ann a tha iad a' cur

[d'ragh] orra féin, a chum maslaidh an gnúise féin?

20 Air an aobhar sin, mar so deir an Tighearn Iehobhab, Feuch, d'òirtear m'fhearg-sa, agus mo dhian-chorruich a mach air an àite so, air duine agus air ainmhidh, agus air craobhan na macharach, agus air toradh an fheurainn; agus loisgidh i, agus cha ghabh i mùchadh.

21 Mar so deir Tighearn nan sluagh, Dia Israeil, Cuiribh 'ur tabhartais-loisgte ri' n-ìobairtibh, agus ithibh feoil.

22 Oir cha do labhair mise ri' n-aithrichibh, ni mò 'dh'àithn mi dhoibh, anns an là 's an d'thug mi iad a mach á tìr na h-Eiphit, nu thachitoll thabhartas-loisgte no ìobairtean:

23 Ach an ni so dh'àithn mi dhoibh, ag ràdh, Thugaibh géill do m'ghuth, agus bithidh mise a'm Dhia dhuibhse, agus bithidh sibhse 'n 'ur sluagh dhomh-sa; agus gluaisibh anns na h-uile shligheibh a dh'àithn mi dhuibh, a chum gu'n éirich gu maith dhuibh.

24 Ach cha d'éisid iad, ni mò dh'aom iad an cluas, ach ghluais iad ann au comhairlibh aismleachdach an droch chridhe féin, agus chaidd iad air an ais, agus cha-n ann air au aghaidh.

25 O'n là air au d'thàinig bhur n-aithrich-ean a mach á tìr na h-Eiphit, gus an là 'n diugh, chuir mi d'ur n-ìonsuidh m'uile sheirbhishich na fàidhean, ag éirigh gach là gu moch agus 'g an cur a uach:

26 Gidheadh cha d'éisid iad rium, ni mò dh'aom iad an cluas, ach chruaidhich iad am muineal; rium iad ni bu mhiosa na'n aithrich-ean.

27 Uime sin, labhraidh tu na briathran so uile riu, ach cha-n éisid iad rint: gladhaidh tu riu mar an ceudna, ach cha fhreagair iad thu.

28 Uime sin their thu riu, So an cinueach nach 'eil a' toirt géill do ghuth au Tighearn' an Dia; ni mò 'ghabh iad ri cronuchadh: dh'eug an fhirinn, agus ghearradh a mach o'm beul i.

29 Gearr dhìot do ghruag, *O Ierusalem*, agus tilg uait i, agus tog suas tuircadh air na h-ionadaibh àrda: oir chuir Iehobhab naith, agus thréig e ginealach a chorruich.

30 Oir rinn clann Iudah ole ann an sheall-adh-sa, deir au Tighearn; chuir iad an gràin-cileachdan auns an tigh a dh'ainmicheadh ormsa, chum a thraillleadh.

31 Agus thog iad ionadan àrda Thopheit, a th'ann an gleann mhie Hinoim, a losgadh am mac agus au nigheanan 's an teine; ni nach d'àithn mise, 's uach d'thàinig idir ann am chridhe.

32 Air an aobhar sin, feuch, tha na làithean a' teachd, deir an Tighearn, anns nach goirear ni 's mò ris Tophet, no gleann mhie Hinoim; ach gleann a' mharbhadh:

oir adhlaidh iad ann an Tophet, gus nach bi àite *salamh* ann.

33 Agus bithidh cairbhean an t-sluaigh so 'n am biadh do eunlaith an athair, agus do bheathaichibh na talmhainn; agus cha-n fhuadaich aen neach air falbh iad.

34 An sin cuiridh mise cosgadh ann am bailtibh Iudah, agus ann an sràidibh Ierusalem, air guth an t-subhachais, agus guth an aoibhneis, guth an fhir nuadh-phòsda, agus guth ua mnà nuadh-phòsda: oir bithidh an dùthaich 'n a fasach.

# CAIB. VIII.

1 *Teanntachd agus trioblaidhean nan Iudhach.*  
5 *Chronaich am fàidh iad air son an cùl-sleamhnachaidh.* 13 *Nochd e dhoibh na breitheanais a bha gu teachd orra, 18 agus rinn e caoidh air son an leòin.*

**A**NNS an àm sin, deir an Tighearn, A bheir iad a mach cnàmhan righrean Iudah, agus cnàmhan a prionnsachan, agus cnàmhan nan sagart, agus cnàmhan nam fàidhean, agus cnàmhan luchd-àiteachaidh Ierusalem as an uagheau;

2 Agus sgaoilidh siad iad mu choineamh na gréine, agus na gealaich, agus uile fheachd nheimh, d'au d'thug iad speis, agus d'an d'rinn iad seirbhis, agus air au robh iad a' leanmhuinn, agus a bha iad ag iarraidh, agus d'an d'thug iad aoradh: cha chruinnicheadh iad, cha-n adhlacaidh iad; 'n au aolach bithidh iad air aghaidh na talmhainn.

3 Agus bithidh bàs ni's roghnaiche na beatha leis an uile fhuigheall a mhaireas de'n teaghlach ole so, a bhitheas 'n am fuigheall auns gach uile àite gus am fògair mise iad, deir Tighearn nan sluagh.

4 Os barr, their thu riu, Mar so deir an Tighearn; An tuit iad agus uach éirich iad a ris? An téid e air falbh, agus nach pill e air ais?

5 C'ar son *ma ta* tha'n sluagh so a' sleamhnachadh air an ais? *C'ar son* a tha Ierusalem ri cùl-sleamhnachadh bith-bhuan? tha iad a' deanamh greim daingean air ceilg, tha iad a' diùltadh pilleadh.

6 Thug mise faineag, agus chuala mi; cha do labhair iad gu ceart: cha-n'eil aithreachas air aon neach d'a aingidheachd, ag ràdh, Ciod a rium mi? Tha gach aon a' pilleadh g'a shlighe, mar a dhian-ruitheas an t-each a chum a' chòmhraig.

7 Scadh, is aithne do'n chorra-bhàin auns an athar a h-àm féin, agus is aithne do'n choluman, agus do'n chorra-mhònaidh, agus do'n ghòlan-ghaoithe àm an teachd: ach cha-n aithne do m'shluaigh-sa breitheanas an Tighearna.

8 Cionnus a their sibh, Tha sinu glic, agus tha reachd an Tighearna 'n ar measg? Feuch, gu deimhin is dìomhanas obair na cleit-sgrìobhadh, cha-n'eil auns na sgrìobhaichibh ach dìomhanas.



## IEREMIAH, IX.

9 Nàraicheadh na daoine glic, tha iad fo gheilt, tha iad 'an sàs; feuch, ri focal an Tighearna chuir iad cùl; agus ciod an ghlocas a tha aca?

10 Uime sin, am mnathan bheir mise do dhaoineibh cile; am fearann dhoibhsan a theid 'an seilbh ann: oir tha iad uile, o'n neach a's mò gus an neach a's lugha, air an toirt suas d'an ana-miannaibh; o'n fhàidh cadhon gus an sagart, tha gach aon a' gnàthachadh ceilge.

11 Agus leigliis iad lot nighinn mo shluaigh-sa gu faoin, ag ràdh, Sìth, sìth; agus gun sìth ann.

12 An robh nàire orra chionn gu'n do chuir iad gràineileachd 'an gnìomh? Ni h-eadh, eha robh iad nàrach air aon chor, ni mò 'ghabh an gruaidh rugha: uime sin tuitidh iad am measg na muinntir a thuiteas; anns an àm 's an tig mise 'g an amhare tilgear sìos iad, deir an Tighearn.

13 Ni mise gu buileach an sgrios, deir an Tighearn; cha bhi fion-dhearc air an fhìon-ain, no figean air a' chrann-fhìge; seargaidh cadhon an duilleach; agus *na nithean* a thug mise dhoibh sìubhlaidh uatha.

14 C'ar son a tha sinn a' suidhe 'n ar tàmh? cruinnichibh sibh féin agus racham-aid a steach do na caithrichibh daingnichte; agus bithcamaid 'n ar tosd an sin; oir chuir an Tighearn ar Dia 'n ar tosd sinn, agus thug e dhuinn uisge dom-blasda r'a òl, a chionn gu'n do pheacaich sinn an aghaidh an Tighearna.

15 Bha stùil againn ri sìth, ach maith sam bith eha *d'fhàinig*; ri h-aimsir slàinte, agus feuch uamhas!

16 O Dhan chualas srannail a chuid each: roimh thorman sitrich 'eacha meannach chrìothnaich am fearann uile: oir thàinig iad, agus shluig iad am fearann, agus gach ni a tha ann; a' chaithir agus iadsan a tha 'g a h-àiteachadh.

17 Oir feuch, cuiridh mise 'n 'ur measg, nathraichean, rìgh-nathraichean, air nach luidh geasan, agus teumaidh iad sibh, deir an Tighearn.

18 Cha-n'èil leighcas air mo bhròn; tha mo chridhe fo leòn an taobh a stigh dhìom.

19 Feuch, guth glaoidh nighinn mo shluaigh, o thìr chéin: Nach 'eil an Tighearn ann an Sion? nach 'eil a rìgh innte? c'ar son ma ta 'bhrosnuich iad misc gu feing le'n dealbhan snaidhte, agus le'n dìombanasaidh coimheach?

20 Chaidh am fogharadh seachad, tha'n samhradh thairis, ach cha-n'èil sinne air ar saoradh.

21 Air son leòin nighinn mo shluaigh, tha mise air mo leòn; tha mi dubh-bhrònach; rinn uamhunn mo ghilcadh.

22 Nach 'eil ioc-shlàint ann an Gilead? nach 'eil léigh an sin? C'ar son, ma ta, nach

'eil slàinte air a h-aiscag do nighinn mo shluaigh-sa?

## CAIB. IX.

1 *Tha am fàidh a' caoidh aingidheachd a shluaigh, 9 agus nam breitheanas a thàinig orra.* 12 *Nochd e dhoibh gu'n do smachdaich Dia iad a chionn nach robh iad umhal d'a ghuth.* 21 *Chomhairlich e dhoibh gun uaill a dheanamh 'n an ghlocas féin.*

**O**CH nach b'uisge mo chann, agus nach bu tobar dheur mo shùilean, a chum gu'n guilinn a là agus a dh'oidheche air son muinntir mharbhta nighinn mo shluaigh!

2 Och nach robh agam anns an fhàsach pàillium fir-thuruis, a chum gu'm fagainn mo shluaigh, agus gu'n imichinn uatha! oir is luchd adhaltranais iad uile, coimhthional de dhaoine cealgach.

3 Agus tha iad a' lùbadh an teangaidh *mar* am bogha chum ceilge; ach cha-n'èil iad treubhach air son na firinn anns an talamh: oir tha iad a' dol air an aghaidh o ole gu òle, agus cha-n'èil eòlas ac' orm-sa, deir an Tighearn.

4 Bithibh air 'ur faicill, gach aon roimh a choimhearsnach, agus na h-carbaibh & bràthair air bith: oir le foill meallaidh gach bràthair, agus gluaisidh gach comp-anach gu cealgach.

5 Agus meallaidh iad, gach aon a choimhearsnach, agus cha labhair iad an fhìrinn: chleachd iad an teangadh ri labhairt bhreug; sgithich iad iad féin, a' cur 'an gnìomh dòbheairt.

6 Tha do chòmhnuidh ann am meadhon ceilge; ann an ceilg tha iad a' diùltadh eòlas a ghabhail ormsa, deir an Tighearn.

7 Air an aobhar sin, mar so deir Tighearn nan sluagh, Feuch, leaghaidh mi iad, agus dearbhaidh mi iad; oir ciod a dh'fheadas mi'dheanamh a thaobh nighinn moshluaigh?

8 Tha an teangadh *mar* shaighdeh fìr-mhillidh; is cealg a's cainnt di: le 'bheul labhraidh neach gu sìochail r'a choimhearsnach, ach 'n a chridhe tha e 'caitheadh foill air.

9 Air son nan nithean so nach tig mise *g'an* amhare? deir an Tighearn: air a' leithid so de chinncach nach dean m'anam dòghaltas?

10 Air son nan sléibhteann togaidh mi gul agus caoidh, agus air son ionadan-còmhnuidh an fhàisach, tuireadh, a chionn gu bheil iad air an losgadh suas, air chor as nach téid aon neach trompa; agus cha chluinnear *annsa* guh na spréidhe: cunlaith an athair agus an t-aimhidh maraon theich, shiubhail air falbh.

11 Agus ni mise Ierusalem 'n a càrnaibh, 'n a h-uaimh dhràgon; agus bailtean Iudah ni mi 'n am fàsach, gun neach 'g an àiteachadh.

12 Cò e 'n duine glic, a thuigeas so? agus ris an do labhair beul an Tighearn, a chum

gu'n cuireadh e'n céill e. C'ar son a tha n' tìr air a milleadh; air a losgadh suas mar fhàsach, nach 'eil aon neach ag imeachd troimpe?

13 Agus thubhairt an Tighearn, Do bhrìgh gu'n do thréig iad mo reachd a chuir mise fa'n comhair, agus nach robh iad àmhhal do m' ghuth, nì mò 'ghluais iad d'a réir:

14 Ach gu'n do ghluais iad a réir breith-neachaidh an cridhe féin, agus an déigh nan dia a theagaisg an aithrichean dhoibh:

15 Uime sin, mar so deir Tighearn nan sluagh, Dia Israel; Feuch, beathaichidh mise iad, *cadhon* an sluagh so, le luibhean searbha, agus bheir mi uisge dom-blasda dhoibh r'a òl.

16 Sgapaidd mi iad mar an ceudna 'measg nan cinnich, air nach robh aon chuid iad féin no an aithrichean eòlach: agus cuiridh mi an claidheamh air an tòir, gus an cuir mi as doibh.

17 Mar so deir Tighearn nan sluagh, Thugaibh fairear, agus gairmibh mnathan-tuiridh, agus thigeadh iad; agus cuiribh fios air mnathan seòlta, agus thigeadh iadsan:

18 Agus deifricheadh iad, agus togadh iad suas caoidh air ar son; a chum gu'n ruith ar sùilean sìos le deuraibh, agus gu'm brùchd ar rosgan a mach le h-uisge-eachaibh.

19 Gun amharus chualas guth caoidh o Shìon; Cionnus a tha sinn air ar creachadh! tha sinn air ar maslachadh gu ro mhòr! a chionn gu'n do thréig sinn am fearann, a chionn gu'n do thilg iad sìos ar n-ionadan-còmhnuidh.

20 Air an aobhar sin éisdibh, O 'mhathan, focal an Tighearn, agus glacadh bhuir chuas focal a bheòil: agus teagasgibh do'r nigh-eanaibh caoidh, agus gach aon d'a ban-chòimhearsnaich tuireadh:

21 Oir tha am bàs air teachd an àird gus ar n-uinncean, air teachd a steach do 'r lùchairtean; *thàinig e* a ghearradh sìos araon an naoidhein anns a' mhachair, agus nan òganach anns na sràidibh.

22 Abair, Mar so deir an Tighearn; Tuitidh eadhon colaimean dhaoine mar aolach air aghaidh na faiche, agus mar an dlaogh an déigh a' bhuanais, 'n uair nach bi aon neach ann gu' thional.

23 Mar so deir an Tighearn, Na deanadh an duine glic uail as a ghliocas, agus na deanadh an duine neartmhor uail as a neart, agus na deanadh an duine saoi bhir uail a' shaoibhreas:

24 Ach deanadh esan a nì uail, uail á so, gu bheil tuigse, agus eòlas aige ormsa, gur mi an Tighearn a nochdas caoimheas gràdhach, breitheanas, agus ceartas air an talamh; oir anns na nìtibh so tha mo thlachd-sa, deir an Tighearn.

25 Feuch, tha na làithean a' teachd, deir

an Tighearn, anns an smachdaich mise na h-uile neach timchioll-ghearrta, maille ris an neo-thimchioll-ghearrta.

26 An Eiphit, agus Iudah, agus Edom, agus clann Amoin, agus Moab, agus na h-uile a tha anns na cearnaibh iomallach, a tha 'chòmhnuidh anns an fhàsach: oir tha na cinnich so uile neo-thimchioll-ghearrta, agus tha tigh Israel uile neo-thimchioll-ghearrta 'n an cridhe.

# CAIB. X.

1 *Cha-n'èil neach air bith ann cosmhuil ri Dia cumhachdach Israel.* 17 *Thug am fàidh fios do'n t-sluagh gu'n claidhear iad.* 23 *Rinn e urnuigh ri Dia.*

**C**LUINNIBH am focal a tha an Tigh-earn a' labhairt ruibh, O thigh Israel.

2 Mar so deir an Tighearn; Na fòghlum-aibh slighe nan cinnich, agus na bitheadh eagal oirbh roimh chomharan nan nèamh, ged a tha eagal air na cinnich rompa.

3 Oir tha gnàthachadh nan slògh 'n a fhìor-dhìomhanas: oir tha iad a' gearradh craoibhe as a' choille, obair làmh an fhìr a dh'oibricheas le inneal geur.

4 Le h-airgid agus le h-òr tha iad 'g a deanamh maiseach, le tairngibh agus le h-orduibh tha iad 'g a deanamh daingean, air chor as nach ghluais i.

5 Mar chram-pailme tha iad so rag, agus cha labhair iad: is éigin an giùlan, a chionn nach urrainn iad imeachd: na bitheadh eagal oirbhse rompa, oir cha-n urrainn iad cron a dheanamh; agus fòs maith a dheanamh cha-n'èil 'n an comas.

6 Cha-n'èil aon neach ann cosmhuil riutsa, O Tighearn; Is mòr thu, agus is mòr d'ainm ann an cumhachd.

7 Cò air nach bitheadh eagal romhad-sa, O Rìgh nan slògh? oir dhuitse buinidh *urran*; a chionn nach 'èil ann measg uile dhaoine glic nan cinnich, agus am measg an uile rioghachdan, aon neach cosmhuil riut.

8 Ach tha iad gu h-iomlan brùideil agus mì-thuigseach: tha am fìodh e féin a' cur 'an céill an dìomhanais.

9 Bheirear airgid air a bhualadh a mach o Tharsis, agus òr o Uphas; obair an fhìr-oibre, agus làimhe an òir-cheaird; is gorm agus dearga 'séididh dhoibh: is iad gu léir obair dhaoine seòlta.

10 Ach Ichobabai, is esan an Dia fìor, an Dia beò, agus an rìgh bith-bhuan: roimh a chorruih-san crìothnaichidh an talamh, agus cha-n urrainn na cinnich 'fhearg a ghiùlan.

11 Mar so their sibh riu, Na diathan nach d'rinn na nèamhan no an talamh, sgriosar iad a mach o'n talamh, agus o bhi fo na nèamhan so.

12 Rinn esan an talamh le 'chumhachd, shoeruih e an saoghal le 'ghliocas, agus le 'thuigse sgaol e mach na nèamhan.



## IEREMIAH, XI.

13 'N uair a chuireas e mach a ghuth, tha toirm uisgcachan anns na nèamhan, bheir e air a' ched dol suas o ehiriochaibh na talmhainn: ni e dealanach le frasaibh, agus bheir e mach a' ghaoth as 'ionadaibh-tasgaidh.

14 Dh'fhàs gach duine mar bhrùid 'n a eòlas; nàraicheadh gach òr-ehéard le òmh-aigh leaghta; oir is ni breugach an dealbhan leaghta, agus anail air bith cha-n'èil anna.

15 Is ni faoin iad, obair mhearachdach: ann an àm an smachdachaidh théid iad 'am magha.

16 Cha chosmhuil riu so Cuibhrionn Iacoib; oir is esan fear-cumaidh an domhain, agus is e Israel slat 'oighreachd; Tighearn nan sluagh is ainm dha.

17 Cruinnich suas do mhaoim as an fhear-ann, O thusa a tha'g àiteachadh an daing-nich:

18 Oir mar so deir an Tighearn; Feuch, bheir mi urchair do luchd-àiteachaidh na tìre, air a' chuairt so, agus elaoidhidh mi iad, air chor as gu mothaiehl iad *mo dhìoghaltas*.

19 Mo thruaighe mise thaobh mo dhoch-ainn! is cràiteach mo ehreuchd: ach thubhairt mi, Gu deimhin is deacair so, ach is éigin 'fhulang.

20 Tha mo phàilliu air a ehur fàs, agus tha mo ehaid gu léir air am briseadh; dh'imich mo chlam a mach uam, agus cha-n'èil iad ann: cha-n'èil neach ann a sgaoileas mo phàilliu a mach ni 's mò, no 'chuireas suas mo sgàile.

21 Oir tha na h-aodhairean air fàs brùideil, agus cha-n'èil iad ag iarraidh an Tighearn. uime sin cha soirbhich leo féin, agus bithidh an treudan uile air an sgpadh.

22 Fuaim an iomraidh! feuch, tha i 'teachd dlùth, eadhon ghasad mòr o'n tìrmu thaath, a dheanamh bhailtean Iudah 'n am fàsach, 'n an àite-còmhuidh do dhràgonaidh.

23 Is aithne dhomh, a Thighearn, nach 'èil slighe duine 'n a chomas féin: cha-n'èil e 'n comas duine a tha 'g imeachd a cheum a stiùradh.

24 O Thighearna, eronuich mi, ach ann an tomhas; ni h-ann a'd' chorruih, air eagal gu'n cuir thu as domh.

25 Dòirt a mach do dhian-chorruih air na cinnich nach do ghabh eòlas ort, agus air na teaghlaichean nach 'èil a' gairm air 'ainm: oir dh'ith iad suas Iacob, 'g a itheadh agus 'g a chaiticamh, agus rinn iad àite-còmh-nuidh fàail.

### CAIB. XI.

1 *Ghairm am fàidh briathran a' choimhcheangail, agus thug e aicmhasan do na h-Iudhaich a bha eas-umhal do fhocal an Tighearna. 11 Labhair e ole mu'n tìmhchioll air son an òdhol-aoraidh, 18 agus mu thìmhchioll luchd-àiteachaidh Anatòit.*

**A** M focal a thàinig gu Ieremiah o'n Tighearn, ag ràdh,

2 Cluinn briathran a' choimhcheangail so, agus labhair iad ri fearaibh Iudah, agus ri luchd-àiteachaidh Ierusalem;

3 Agus abair riu, Mar so deir an Tighearn Dia Israel, Mallaichte gu'n robh an duine nach bi ùmhal do bhriathraibh a' choimhcheangail so,

4 A dh'àithn mise do 'ur n-aithricheibh anns an là 's an d'thug mi iad a mach á tìr na h-Eiphit, as an fhùirneis iaruin, ag ràdh, Thugaibh géill do m' ghuth, agus deanaibh na nithean sin uile, réir mar tha mise 'g àithneadh dhuibh: mar sin bithidh sibh 'n 'ur sluagh dhomhsa, agus bithidh mise ann am Dhia dhuibhse;

5 A chum gu'n coimhion mi na mionnan a mhiomaidh mi do 'ur n-aithricheibh, gu'n tugaim doibh fearann a' sruthadh le uil agus le bainne, mar air an là 'n diugh. An sin fhreagair mise, agus thubhairt mi, Gu ma h-amhluidh a bhitheas, O Thighearna.

6 Agus thubhairt an Tighearn rium, Glaoth na briathran so gu léir, ann am bailtibh Iudah, agus ann an sràidibh Ierusalem, ag ràdh, Cluinnibhse briathran a' choimhcheangail so, agus deanaibh iad.

7 Oir dh'earalaich mise gu dùrachdach do 'ur n-aithricheibh, air an là 's an d'thug mi iad a mach á tìr na h-Eiphit, gus an là 'n diugh, ag éirigh gu moch agus ag earalachadh, ag ràdh, Thugaibh géill do m' ghuth.

8 Gidheadh cha d'thug iadsan géill, ni mò dh'aom iad an eluas, ach ghluais iad gach aon a réir crosdachd a dhroch chridhe féin: uime sin bheir mise orra uile bhriathran a' choimhcheangail so, a dh'àithn mi dhoibh a dheanamh, ach nach d'rinn iad.

9 Mar an ceudna thubhairt an Tighearn rium, Fhuaradh co-fheall an measg fheara Iudah, agus am measg luchd-àiteachaidh Ierusalem.

10 Tha iad air pillcadh air an ais gu aingidheachd an aithrichean o shean, a dhiùit mo bhriathran-sa a choimhead; agus a chaidh air lorg dhiathan coimheach, a chum gu'n deanadh iad seirbhis dhoibh: bhris tigh Israel agus tigh Iudah mo choimhcheangal, a rinn mi r'an aithricheibh.

11 Uime sin mar so deir an Tighearn, Feuch, bheir mise orra dòrainn o nach bi e comasach dhoibh dol as; agus ged ghlaodhas iad rium, cha-n' éisd mi riu.

12 An sin théid bailtean Iudah, agus luchd-àiteachaidh Ierusalem, agus glaothaidh iad ris na diathan do'n do loisg iad tùis; ach cha dean iad sin air aon chor an tèarnadh ri àm an airce.

13 Oir a réir àireimh do bhailtean, bha do dhiathan, O Iudah; agus a réir àireimh shràidean Ierusalem chuir sibh suas alt-airean do'n ni nàrach sin, altairean a losgadh tùise do Bhaal.

14 Air an aobhar sin na dean thusa urnuigh air son an t-sluaigh so, ni mò flogas tu suas

glaoth no athchuinge as an leth: oir cha-n éisd mise 's an àm 's an glaoth iad rium ann an airc.

15 Ciod a th'aig mo ghràdh ri 'dheanamh ann am thigh-sa? chuir i 'n gnìomh mòr ghràineileachdan; agus tha 'n fheoil naomh air teicheadh uait. An uair a tha thu aingidh, an sin tha thu aoibhneach.

16 Gorm-chrann olaidh, maiseach agus deadh-thorrach, thug an Tighearn mar ainm ort: le fuaim toirme mòire dh'fhadaidh e teine 'n a mhullach, agus tha a gheugan air am briseadh.

17 Oir rinn Tighearn nan sluagh, a shuidhich thu, ole a labhairt a d' aghaidh; air son aingidheachd tìghe Israeil, agus tìghe Iudah, a chuir iad 'an gnìomh 'n an aghaidh féin, le mise 'bhrosnachadh gu feirg, le tùis a losgadh do Bhaal.

18 Thug an Tighearn, mar an ceudna, fios dhomhsa, agus thuig mi; an sin dh'fheuch thu dhomh an innleachdan.

19 Oir bha mi mar uan, *no mar dhamh*, air a stiùradh a chum a' chasgraidh; agus cha robh fios agam gu'n do dhealbhadh iad innleachdan ann am aghaidh, *ag ràdh*, Sgriosamaid an crann maille r'a thoradh, agus gearramaid e sìos á fearann nam beò, a chum nach bi 'ainm n'is mò air a chuimhneachadh.

20 Ach, O Thighearna nan sluagh, a bheir breth gu cothromach, a dhearbhas na h-àirnean agus an cridhe, faicem do dhìoghaltas orra; oir dhuitse dh'fhoillsich mi mo chùis.

21 Air an aobhar sin, mar so deir an Tighearn, A thaobh muinntir Anatoit, a tha ag iarraidh d'anama, ag ràdh, Na dean faistneachd ann an ainm Ichobah, mu'm faigh thu bàs le'r làimh-ne:

22 (Uime sin, mar so deir Tighearn nan sluagh.) Feuch, smachdaichidh mise iad; bàsaichidh na h-òganaich leis a' chlaidheamh; bàsaichidh am mic agus an nigh-eanan le gorta.

23 Agus cha-n fhàgar fuigheall beò dhiubh; oir bheir mise ole air muinntir Anatoit, bliadhna an smachdachaidh.

# CAIB. XII.

1 *Tha am fàidh a' gearan gu bheil na h-aingidh a' soirbheachadh 'n an slighe. 7 Thérig Dia a sluagh air son an aingidheachd: 14 bhagair e gu'n sgriosadh e luchd-deanamh an uile, ach gheall e truas a ghabhail diubhsan a ghluais-eas gu h-iriosal 'n a làthair.*

**I**S ceart thusa, O Thighearna, 'n uair a thagam riut: gidheadh ceadaidh dhomh labhairt riut mu thimchioll do bhreith-eanais: C'ar son a tha slighe nan droch dhaoine a' soirbheachadh? *c'ar son* a tha iadsan uile suaimhneach a tha ro aingidh?

2 Shuidhich thusa iad, seadh, ghabh iad freumh; tha iad a' fas, agus fòs a' toirt a mach toraidh: tha thusa dlùth 'n am beul, ach fada o'n àirneibh.

3 Ach is aithne dhuitse mi, O Thighearna; clumnaic thu mi, agus dhearbhu thu mo chridhe, [gu bheil] e leat: tarruing iad a mach mar chaoraich air son a' chasgraidh, agus cuir air leth iad fa chomhair là a' mharbhadh.

4 Cia fhad a ni'm fearann bròn, agus a blithneas luibhean gach macharach a' seargadh, air son aingidheachd a luchd-àiteachaidh? Bhàsaich gach ainmhidh agus eun, a chionn gu'n dubhairt iad, Cha-n fhaic esan ar crìoch dheireannach.

5 Ma ruith thu leis na coisichean, agus gu'n do sgithich iad thu, cionnus idir a ni thu strì ri h-eachaibh? agus ann am fearann sìth *ged* robh agad dòchas, gidheadh ciod a ni thu ann an onfla lordain?

6 Air son gu'n do bhuin eadhon do blàrathrean agus tigh d'athar, eadhon iadsan, gu fealltach riut; ruaig eadhon iadsan thu le h-éighe chruaidh; na creid iad ged labharas iad briathran caoine riut.

7 Thérig mise mo thigh, dh'fhàg mi m'òighreachd, thug mi thairis gràdh m'anama do làimh a naimhdean.

8 Bha m'òighreachd dhomhsa mar leòman anns a' choille; chuir i mach a guth ann am aghaidh: air an aobhar sin thug mi fuatl dhi.

9 Bha m'òighreachd dhomhsa mar an t-eun fuileachach Seboa; Oeuna fuileachach, thigibhse 'na h-aghaidh air gach taobh; cruinnichibh, uile bheathaiche na macharach, thigibh a chum itheadh a suas.

10 Mhill mòran aodhairean mo lios fìona, shaltair iad mo chuibrionn fo chois, rinn iad mo chuibrionn taitneach 'n a fhàsach uaigneach.

11 Rinn iad e 'n a fhàsach, tha e 'n a fhàsach ri caoidh riumsa; rinneadh an tìr gu h-ìomlan fas, gidheadh cha-n'eil aon neach 'g a chur 'an suim.

12 Air gach uile thulaich 's an fhàsach thàinig an luchd-creachaidh; oir sluididh claidheamh an Tighearna suas, o aon iomall d'en tìr gus an t-iomall eile: cha bhi sìth aig aon fheoil.

13 Chuir iad cruithneachd, ach buainidh iad droighinn: shaoraich iad, ach cha bhuannaich iad: mar sin masluichear sibh a thaobh 'ur cinneis, trid lasair feirge an Tighearna.

14 Mar so deir an Tighearn; A thaobh m'uile dhroch choimhearsnach, a tha 'cur dragh' air an oighreachd a thug mise mar sheilbh do m'shluaigh Israel; feuch, spionaidh mi iad a mach as am fearann, agus as am meadhon spionaidh mi mach tigh Iudah.

15 Agus tarlaidh, an déigh dhomh an tarruing a mach, gu'm pill mi, agus gu'n gabh mi truas diubh, agus bheir mi iad air an ais, gach aon g'a oighreachd féin, agus gach aon g'a fhearann féin.

16 Agus tarlaidh, ma dh'fhòghluimeas iad



da rìreadh slighean mo shluaigh-sa, gu mionnachadh air m' ainm, Mar is beò Iehobhah, amhuil a theagaisg iadsan do m' shluagh-sa mionnachadh air Baal, an sin daingnichcar iad ann am meadhon mo shluaigh.

17 Ach mur toir iad géill, an sin spìonaidh mi a nìos an cinneach sin, a' spìonadh a nìos agus a' sgrios, deir an Tighearn.

CAIB. XIII.

1 *Le samhladh crios' anairt, noch Dia sgrios a shluaigh.* 12 *Le cosamhlachd shearragan air an lìonadh le fion, roimh-innis e meud an trioblaidéan.* 15 *Chomhairlich e dhoibh aithreachas a ghabhail;* 22 *agus noch e dhoibh gu'm b' e meud an cionta a, b' aobhar air na h-uile a thàinig orra.*

**M**AR so thubhairt an Tighearn rium, Imich agus faigh dhuit féin crios anairt, agus cuir air do leasraibh e, ach na cuir ann an uisge e.

2 Is amhuil a fhuair mi crios, a réir focail an Tighearna, agus chuir mi air mo leasraibh e.

3 Agus thàinig focal an Tighearn a m'ionnsuidh an dara uair, ag ràdh,

4 Gabh an crios a fhuair thu, a tha air do leasraibh, agus éirich, imich gu Euphrates, agus folaic an sin e, ann an sgoltadh de'n charraigh.

5 Is amhuil a dh'imich mi agus 'dh'fholaic mi e aig Euphrates, mar a dh'àithn an Tighearn dhomh.

6 Agus tharladh an déigh mhòrain fàithean, gu'n dubhairt an Tighearn rium, Éirich, imich gu Euphrates, agus thoir as a sin an crios a dh'àithn mise dhuit fholach anns an àite sin.

7 An sin dh'fhalbh mi gu Euphrates, agus chladhaich mi, agus thug mi an crios as an àite 's an d'fholuich mi e; agus, feuch, bhà'n crios millte, cha b'fhàir air son ni sam bith e.

8 An sin thàinig focal an Tighearn a m'ionnsuidh, ag ràdh,

9 Mar so deir an Tighearn; Air a' mhodh so millidh mise uailh Iudah, agus uailh mhòr Ierusalem.

10 An sluagh ole so, 'tha 'diùltadh mo bhriathran-sa éisdeachd, a tha 'siubhal a réir cruais an cridhe féin, agus a' dol an déigh dhiahtan còimheach, gu seirbhis a dheanamh dhoibh, agus gu aoradh a thoirt doibh; bithidh iad eadhon mar an crios so, nach fàir air son ni sam bith.

11 Oir mar a dhlùth-leanas an crios ri leasraibh duine, mar sin thug mise air tigh Israeil uile, agus air tigh Iudah uile, dlùth-leantuin riomsa, deir an Tighearn; a chum gu'm bitheadh iad dhomh mar shluagh, agus mar ainm, agus mar chliù, agus mar ghloir: ach cha-n éisdeadh iadsan.

12 Labhraidh tu riù fòs am focal so, Mar so deir Iehobhah Dia Israeil; Lìonar gach

soireadh le fion. Agus their iad riut, Nach 'eil fios cinnteach againn gu'n lìonar gach soircaidh le fion?

13 An sin their thu riù, Mar so deir an Tighearn, Feuch lìonaidh mise luchd-àiteachaidh na tìre so air fad, cadhon na rìghrean a tha 'n an suidhe 'an àite Dhaibhidh air a rìgh-chaitheir, agus na sagartan, agus na fàidhean, agus uile luchd-àiteachaidh Ierusalem, le misg.

14 Agus pronnaidh mi iad an aghaidh a chéile, eadhon na h-aithrichean agus na mic le 'chéile, deir an Tighearn; cha ghabh mi truas, ni mò 'chaomhaicneas mi, ni mò a ni mi iochd, air chor as nach sgriosainn iad.

15 Eisdibh, agus thugaibh aire, na bitibh uairbheach; oir labhair an Tighearn.

16 Thugaibh-sa glòir do'n Tighearn bhur Dia, mu'n tig an dorchadas, agus mu'n tuislich 'ur cosan air sléibhtibh na doilleireachd; an sin, an uair a bhitheas 'ur shùil ri solus, caochlaidhear e gu sgàile a' bhàis, eadhon gu dorchadas tiugh.

17 Ach mur éisd sibh ris, guilidh m'anam ann an ionadaibh uaigneach air son 'ur n-uabhair, agus guilidh mo shùil gu goirt, agus silidh mo dhèòir gu pailt, a chionn gu'n toirear ann am braigheanas treud an Tighearna.

18 Abair ris an rìgh, agus ris a' bhan-rìghinn, Irisichibh sibh féin, suidhibh sìos; oir leagar sìos bhur culaidh-chinn, eadhon crùn bhur glòire.

19 Tha bailtean na h-àirde deas air an druideadh suas, agus cha-n'èil neach 'g am fosgladh; tha Iudah uile air a toirt 'am bruid, tha i gu h-ìomlan air a toirt ann am braigheanas.

20 Tog suas do shùilean agus faic iadsan a tha 'teachd o'n àirde tuath: c'àit am bheil an treud a thugadh dhuit, caoraich do mhaise?

21 Ciod a their thu an uair a thig smachdachadh ort? an déigh dhuit a theagasg dhoibh riaghladh tharad mar cheannardan? nach dean ioghannan do ghlacadh, amhuil mnaoi ri saothair?

22 Agus an uair a their thu ann ad chridhe, C'ar son a thàinig na nithean so orn? Air son meud do chionta tha do sgiobaill air an leigeadh ris, tha do shàiltean air an rùsgadh.

23 Am feud an t-Etiopach a chraicinn a mhùthadh, no an liopard a bhreicc an sin feudaidh sibhse, 'bha cleachda ri ole, maith a dheanamh.

24 Air an aobhar sin sgapaidh mise iad mar an asbhuain, a shiubhlas air falbh le gaioth an fhàisach.

25 Is e so do chrannchur, an cuibhrionn a thomhaiscadh leamsa air do shon, deir an Tighearn; a chionn gu'n do dhì-chuimhnich thu mise, agus gu'n do chuir thu do dhòchas anns a' bhreig.

26 Uime sin leigidh mise do sgiobaill ris air do bheulaobh, a chum gu'm faicear do nàire.

27 Chunnaic mi d'adhaltranas, agus do shìtrich, agus do strìopachas mhi-nàrach, do ghràineileachdan air na cnocaibh, anns a' mhachair. Mo thruaighe thu, O Ierusalem! nach bi thu air do ghlanadh? c'uin idir a bhitheas sin?

CAIB. XIV.

1 *Goinne mhòr. 7 Urnuigh an fhàidh. 10 Dhùilt Dia éisdeachd r'a shluagh. 13 Bàs-aicheadh ann fàidh bréige, agus an sluagh a chreid e. 17 Dh'orduich Dia do Ieremiah caoidh a dheanamh air son an trioblaidean.*

**F**OCAL an Tighearn', a thàinig gu Ieremiah a thaobh na goinne.

2 Tha Indah ri bròn, dh'fhàs a geatachan lag; tha iad duaichnadh air an làr; agus tha gaor Ierusalem air dol suas.

3 Chuir na h-uaislean fòs an clann bheag a dh'iarraidh uisge; thàinig iad gu na sluichd, agus cha d'fhuair iad uisge sam bith; phill iad le 'n soithichibh falamh; bha nàire agus masladh orra, chomhdaich iad an cinn.

4 A chionn gu bheil am fearann 'n a smùr, oir cha robh uisge anns an tìr; ghabh na treabhaichean nàire, dh'fholuich iad an cinn.

5 Seadh fòs, rug an eilid a laogh anns a' mhachair, agus thréig i e, a chionn nach robh fear ann.

6 Agus sheas na h-asalan fadhaich air na h-ionadaibh àrda, tharruing iad suas a' ghaoth mar dhràgonaidh; dh'fhàilnich an sùilean a chionn nach robh fear ann.

7 Ged tha ar n-euceartan a' tabhairt fianuis 'n ar n-aghaidh, O Thighearna, dean thusa air sgàth d'ainme féin: oir tha ar cùl-sleamhnachaidh lionmhor, pheacaich sinn a' d'aghaidh.

8 O dhòchais Israeil, a Shlànuidhear ri àm airce, c'uin am bitheadh tu mar choigreach anns an tìr? agus mar fhear-turuis a thionndaidheas a leth-taobh gu fuireach car oidhche?

9 C'uin am bitheadh tu mar neach ann an suain chodail? mar ghaigeach aig nach 'eil cumhachd gu tèarnadh? Gidheadh tha thusa, O Thighearna, 'n ar meadhon, agus orts tha sinn air ar n-ainmeachadh; na dean ar tréigsinn.

10 Mar so deir an Tighearn a thaobh an t-sluaigh so, Mar so bu toil leo dol air seachran, cha do chum iad air an ais an cosan; uime sin cha ghabh an Tighearn riu, cuimhnichidh e nis an aingidheachd, agus cronuichidh e an cionta.

11 Uime sin thubhairt an Tighearn rium, Na guidh as leth an t-sluaigh so air son an leas.

12 An uair a thraisgeas iad, cha-n éisd

mise r an glaoth; agus an uair a dh'ìobras iad ìobairt-loisgte agus tabhartas, cha ghabh mise iad; ach leis a' chlaidheamh, agus leis a' ghort, agus leis a' phlàigh, cuiridh mi as doibh.

13 An sin thubhairt mise, Och! a Thighearna Dhia! feuch, tha na fàidhean agràdh riug, Cha-n fhaic sibh an claidheamh, ni mò thig gort oirbh, ach sìth chinnteach bheir mise dhuibh anns an àite so.

14 An sin thubhairt an Tighearn rium, Tha na fàidhean ri fàisteachd bhréige ann am ainm-sa; cha do chuir mise uam iad, ni mò 'thug mi àithne dhoibh, ni mò 'labhair mi riu: sealladh breugach, agus fiosachd, agus neo-ni, agus mealltaireachd an cridhe féin, tha iad a' fàisteachd dhuibh.

15 Uime sin mar so deir an Tighearn; A thaobh nam fàidhean a tha ri fàisteachd ann am ainm-sa, ged nach do chuir mise mach iad, agus ag ràdh, Cha bhi claidheamh agus gorta 's an fhearann so; Le claidheamh agus le gorta bithidh na fàidhean sin air an caitheamh.

16 Agus bithidh an sluagh do 'n d'rinn iad fàisteachd air an tilgeadh a mach ann an sràidibh Ierusalem, fa chùis na gorta, agus a' chlaidheamh, agus cha bhi neach ann a dh'adhlaiseas iad; iad féin, am mnathan, agus am mic, agus an nigheanan: oir taomaidh mise orra féin an aingidheachd.

17 Agus labhraidh tu riu am focal so; Sileadh mo shùilean le deuraibh a dh'oidhche is a là, agus na sguireadh iad: oir tha òigh-nighean mo shluaigh air a dochann le dochann mòr, le buille ro chràiteach.

18 Ma théid mi mach do'n mhachair, an sin feuch iadsan a mharbhadh leis a' chlaidheamh! agus ma théid mi steach do'n bhaile, an sin feuch iadsan a tha air an claidh leis a' ghorta! seadh, tha am fàidh, agus fòs an sagart ag imeachd air chuairt, gu talamh anns nach 'eil iad eòlach.

19 An do chuir thu gu tur cùl ri Iudah? an d'fhuathaich d'anam Sion? c'uin an do bhuail thu sinn, agus gun aon chabhair againn? bha ar sùil ri sìth, ach maith cha d'fhàinig; agus ri àm leighis, agus feuch àmhghar!

20 Tha sinn ag aideachadh, O Thighearn', ar n-aingidheachd féin, agus euceart ar n-aithrichean; oir pheacaich sinn a' d'aghaidh-sa.

21 Na tilg uait sinn air sgàth d'ainme féin; na maslaich caithir do ghloire: cuimhnich, na bris do choimhcheangal ruinn.

22 Am bheil aon air bith am measg dhìomhanas nan cinneach a's urrainn uisge 'thoirt seachd? no'n urrainn na nàmhainn fras an a thabhairt? nach tu féin an ti a ni sin, O Thighearn' Dia-ne? air an aobhar sin, feithidh sinn riut; oir is tu a rinn na nithean so uile.



CAIB. XV.

*uamhasach nan Iudhach. 10 'N uair a e am fàidh gearan a thaobh mì-rùin a umhdean, fhuair e gealladh gu'm bithheadh ad bàigheil ris ann an dm na h-airce. 15 Rinn e urnaigh, 19 agus thugadh misneach dha.*

**A**N sin thubhairt an Tighearn rium; Ged sheasadh Maois agus Samuel a'm lathair, cha bhitheadh m'anam leis an t-sluagh so; cuir a mach iad á m'fhianuis, agus siubhladh iad air falbh.

2 Agus tarlaidh, ma their iad riut, C'àit an siubhail sinn air falbh? an sin their thu riu, Mar so deir an Tighearn, Iadsan a tha air son bàis, a chum bàis; agus iadsan a tha air son a' chlàidheimh, a chum a' chlàidheimh; agus iadsan a tha air son na gorta, chum na gorta; agus iadsan a tha air son na bruid, a chum braighdeanais.

3 Agus orduichidh mise os an ceann ceithir scòrsan, deir an Tighearn, an claidheamh gu marbhadh, agus na coing reubadh, agus eunlaith an athair, agus beathaichean na macharach, gu itheadh agus gu mill-eadh.

4 Agus fuadaichidh mi iad air feadh uile rìoghachdan an domhain, air son Mhanasch, mhic Hesechia, rìgh Iudah, air son *nan nithcan sin* a rinn e ann an Ierusalem.

5 Oir cò 'ghabhas truas dìot, O Ierusalem? no cò 'ni bròn leat? no cò 'théid a leth-taobh, a dh'fheòraich cionnus a tha thu?

6 Thréig thu mise, deir an Tighearn, chaidh thu air d'ais; air an aobhar sin, sinidh mise mo làmh a mach a' d'aghaidh, agus sgrìosaidh mi thu; tha mi sgèth de ghabhail aithreachais.

7 Uime sin dh'fhuadaich mi iad le inneal fasnaidh ann an geatachaibh na tìre: dh'fhàg mi gun chlam, sgrìos mi mo shluagh; o'n slighibh cha do phill iad.

8 Rinneadh am bantraichean ni bu lion-mhoire leamsa na gaineamh na faire: thug mi an aghaidh na màthar agus nam mac fear-millidh ann am meadhon an là: thug mi air nàmhaid agus air uamhasan bualadh oirre gu h-obann.

9 Dh'fhannaich ise a rug seachdmar, thug i suas an deò; chaidh a grian sìos am feadh a bha fathas an là ann; nàraicheadh agus mhaslaicheadh i: agus na mhaireas diubh bhoir mise do'n chlàidheamh ann am fianuis an naimhdean, deir an Tighearn.

10 Mo thruaighe mise, O mo màthair! oir rug thu mi a'm' fhear-strì, agus a'm' fhear-connsachaidh anns an fhearann uile; cha d'thug mi seachad air ocar, ni mò 'thug ann neach air ocar dhomh; *gidheadh* tha iad uile 'g am mhallachadh.

11 Thubhairt an Tighearn, Gu cinnteach éiridh gu maith do d'iarmaid; gu cinnteach bheir mi air an nàmhaid a bhi bàigheil riut ann an àm na h-airce, agus ann an àm a' chruidh-chais.

12 Am bris esan iarum 'n a bhloighdibh, iarum o thuath agus umha?

13 Do mhaoin agus d'ionmhasan bheir mise mar chreich, cha-n ann air son luach, ach air son d'uile lochdan; seadh ann ad uile chrìochaibh.

14 Agus bheir mi *orra* siubhal air falbh le d' naimhdibh gu fearann air nach robh thu eòlach; oir tha teine air 'thadadh ann am fheirg, agus lasaidh e 'n 'ur n-aghaidh.

15 Agadsa tha fios, O Thighearna; cuimhnich ormsa, agus thig g'am amharc, agus thoir dhomh aichmheil air mo luchd-tòrachd; ann am buanas d'fheirge na toir air falbh mi; thoir faineair gu'n d'fhuiling mi masladh air do sgàth.

16 Fhuaradh do bhriathran, agus dh'i'th mi suas iad; agus bha d'fhocal dhomh 'n a aoibhneas, agus 'n a ghàirdeachas do m' chridhe; oir tha mi air m'ainmeachadh ortsa, O Iehobhah Dhia nan sluagh.

17 Cha do shuidh mi ann an cuideachd luchd-fochaid, ni mò 'bha mi subhach; air son do làimh-sa shuidh mi ann am aonar; a chionn gu'n do lion thusa mi le boile.

18 C'uim am bheil mo ghoinn gun lasachadh? agus mo chreuchd bàsmhor, a' d'fàltadh a bhi air a leigheas? e'ar son a bhitheas tusa dhomh uile gu léir anhuil sruthan mealltach, as nach feudar earbsadh?

19 Uime sin mar so deir an Tighearn, Ma philleas tu, an sin bheir mise air d'ais thu, agus seasaidh tu ann am lathair: agus ma sgaras tu an ni luachmhor o'n ni nach fuit, mar mo bheul-sa bithidh tu: pillidh iad so riutsa, ach cha phill thusa rìusan.

20 Agus ni mise dhìot, an aghaidh an t-sluaigh so, balla làidir umha; an uair a chathacheas iad a' d'aghaidh cha toir iad buaidh ort: oir tha mise maille riut, a chum do dhìon, agus a chum do thèarnadh, deir an Tighearn.

21 Agus saoraidh mi thu o làimh nan aingidh, agus fuasglaidh mi thu o ghreim nan uamhasach.

CAIB. XVI.

*1 Roimh-innis am fàidh léir-sgrìos nan Iudhach.*

*14 Bheir Dia orra pillinn o'm braigheanas air dòigh n'è glòrmhoire na 'thug e mios iad a' tìr na h-Eipht. 16 Diolaidh e doibh an aingidheachd le tomhas dubailte, agus an sin pillidh iad d' a ionnsuidh.*

**T**HAINIG focal an Tighearna fòs a m'ionnsuidh, ag ràdh,

2 Cha ghabh thu dhuit féin bean, ni mò 'bhitheas agad mic no nigheanan anns an àite so.

3 Oir mar so deir an Tighearn; A thaobh nam mac, agus a thaobh nan nigheanan, a tha air am breith anns an àite so, agus a thaobh am màithrichean a rug iad, agus a thaobh an aithrichean a ghin iad, anns an tìr so;

4 Le bàs doilgheasach bàsaichidh iad;

cha deanar caoidh air an son, agus cha-n adhlàicear iad; mar aolach air aghaidh na talmhainn bithidh iad; le claidheamh fòs, agus le gorta, caithear iad; agus bithidh an cairbhean mar lòn do eunlaith an athair, agus do bheathaicheibh na talmhainn.

5 Oir mar so deir an Tighearn, Cha téid thu steach do thigh a' bhròin, ni mò 'théid thu 'dheanamh caoidh, no 'thoirt dhoibh comhfhurtachd; oir thug mise air falbh mo shìth o'n t-sluagh so, deir an Tighearn, caomhneas gràdhach agus caomh-thrèairean.

6 Agus gheibh iad bàs, eadar bheag agus mhòr, anns an tìr so; cha-n adhlàicear iad, agus cha deanar caoidh air an son; cha ghearr aon neach e féin, ni mò 'ni aon neach e féin maol air an son.

7 Agus cha bhris *daoine aran* 'n am measg, ri àm bròin, a chum comhfhurtachd a thoirt doibh air son neach a fhuair bàs; ni mò bheirrean dhoibh deoch á cupan na comhfhurtachd, air son athar neach, no air son a mhàthar.

8 Mar an ceudna cha téid thu gu tigh na cuirme, gu suidhe sìos maille riu a dh'ith-eadh agus a dh'òl.

9 Oir mar so deir Tighearn nan sluagh, Dia Israeil, Feuch, cuiridh mise 'n a thosd anns an àite so, fa chomhair 'ur sùl-se, agus ann 'ur làithibh, guth an t-subhachais, agus guth an aoibhneis, guth an fhir nuadh-phòsda, agus guth na mnà nuadh-phòsda.

10 Agus tarlaidh, an uair a dh'inneas tu do'n t-sluagh so na nithean so uile, agus a their iad riut, C'ar son a labhair an Tighearn 'n ar n-aghaidh an t-òlc mòr so uile? agus ciod i ar n-aingidheachd, agus ciod e ar lochd, a chuir sinn 'an gnìomh an aghaidh an Tighearn' ar Dia?

11 An sin their thusa riu, A chionn gu'n do thréig bhuir n-aithrichean mise, deir an Tighearn, agus gu'n deachaidh iad air lorg dhiathan eile, agus gu'n d'thug iad seirbhis dhoibh, agus gu'n d'thug iad dhoibh aoradh, agus gu'n do thréig iad mise, agus nach do choinnidh iad mo reachd.

12 Agus gu'n d'rinn sibhse nìs mìosa na bhuir n-aithrichean; oir feuch, tha sibh ag imcadh, gach aon a réir ais-innleachd a dhroch chridhe féin, gun ghéill a thoirt dhomhsa.

13 Uime sin tilgidh mi sibh a mach as an tìr so, gu tìr air nach d'fhuair sibh còlas, sibh féin no 'ur n-aithrichean; agus an sin ni sibh seirbhis do dhiathaibh còimheach, a là agus a dh'oidhech, a chionn nach dean mise tròcair oirbh.

14 Uime sin, feuch tha na làithean a' teachd, deir an Tighearn, anns nach abrar nìs mò, Mar is beò an Tighearn, a thug a nìos clann Israeil á tìr na h-Eiphit;

15 Ach, Mar is beò an Tighearn, a thug air an ais clann Israeil o thalamh na h-àirde tuath, agus o gach talamh gus an

d'fhògair e iad; oir bheir mise air an ais iad gu'm fearann féin, a thug mi do 'n aithrichibh.

16 Feuch, cuiridh mi fiosair mòran iasgair-ean, deir an Tighearn, agus ni iad an iasgach; agus 'n a dhéigh sin, cuiridh mi fios air mòran shealgair-ean, agus ni iad an scalg, o gach uile shliabh, agus o gach uile chnoc, agus o sgeiribh nan creag.

17 Oir tha mo shùilean-sa air an uile shligheibh; cha-n'eil iad foluichte o m'ghnùis, ni mò 'tha an aingidheachd air a còmhachadh o fhradharc mo shùl.

18 Agus dìolaidh mi le tomhas dùbailte an aingidheachd agus an lochd, a chionn gu'n do thruaill iad m'fhearann le sail-chead an gnìomharan fuathach; agus le 'n gràineileachdaibh lion iad m'oghreachd.

19 O Thighearna, mo neart, agus mo dhaingneach, agus mo dhèidein ann an là na h-àirce; a d'ionnsuidh-sa thig na cinnich o chrìochaibh na talmhainn, agus their iad, Gu deimhin sheallbaich ar n-aithrichean ni gun bhrìgh; diomhanas, agus nithean gun tairbhe.

20 An dean duine dha féin diathan, agus nach 'eil iad 'n an diathan?

21 Air an aobharsin, foillsichidh mi dhoibh, air an aon uair so, foillsichidh mi dhoibh mo làmh agus mo chumhachd; agus bithidh fios aca gur e m'ainm Iehobhabh.

#### CAIB. XVII.

1 *Braighdeanas Iudah air son am peacaidhean.* 5 *Is mallaichte an neach a chuireas a dhòchas ann an duine, ach is beannaichte ean a chuireas a dhòchas ann an Dia.* 9 *Rannsaichidh Dia cridhe cealgach an duine.* 17 *Athcuinge an fhàidh.* 19 *Aidne mu thimchioll na sàbaid.*

**T**HA peacadh Iudah air a sgrìobhadh le peann iaruin; le roinn daoimein tha e air a ghearradh, air clàr an cridhe, agus air adharcaibh an altairean:

2 Am feadh a tha an clann a' cuimhneachadh an altairean, agus an doircean, aig na crannaibh uaine, air na enocaibh àrda.

3 O mo shliabh anns a' mhachair, do mhaoin, agus do thaisgeachan gu h-ìomlan, bheir mi thairis do 'n chreich; d'ionadan làidir, air son peacaidh, air feadh d'uile chrichan.

4 Agus fògrar thu, eadhon thusa féin, o d' oighreachd a thug mi dhuit; agus bheir mi ort seirbhis a dheanamh do d' naimhidibh ann an tìr anns nach 'eil thu còlach: a chionn gu'n d'fhadaidh sibh, ann am fhèirg-sa, teine a loisgeas gu sìorruidh.

5 Mar so deir an Tighearn, Is mallaichte an neach a chuireas a dhòchas ann an duine, agus a ni feoil 'n a gairdean da, agus aig am bheil cridhe 'tha 'claonadh air falbh o'n Tighearn.

6 Oir bithidh e mar phreas scargta's an ionad sgaoilte, nach mothach ann maith an uair a thig e; ach a tha 'g àiteachadh



ionadan loisgte an fhàsaich, fearainn gun toradh agus gun chòmhnuidh.

7 Is beannaichte an neach a dh'earbas as an Tighearn, agus a chuireas a dhòchas ann an Iehobhah.

8 Oir bithidh e mar chraoibh air a suidh-eachdhrithaobhnan uisgeachan, a sgaoileas a mach a freumhan ri taobh an t-srutha, agus nach mothaich e uin a thig an tart: ach aig am bi a duilleach uaine, agus air nach bi ionagain ann am bliadhna na tiormachd, ni mò 'sguireas i' thoirt seachad toraidh.

9 Tha an eridhe cealgach thar nan uile *nìthean*, agus *tha e* do-leighcas; cò a's urrainn a thuigsinn?

10 Tha mise Iehobhah a' rannsachadh a' chridhe, agus a' sgrudadh nan àirnean, a chum gu'n tabhair mi do gach neach a réir a shlighe, agus a réir toraidh a dheanadais.

11 *Mar a' cheare a ni gur air uibhean*, agus nach toir a mach coin, [tha] esan a gheibh beartas, ach nach ann le còir; ann am meadhan a làithean dealaichidh e ris; agus 'n a chrich dheireannaich bithidh e 'n a amadan.

12 Is rìgh-chaitheir ghòrmhor, àrdaichte o chian, àit ar n-ionaid naomh-ne.

13 O Thighearna, cuspair-dòchais Israeil, bithidh amhladh air gach aon a thréigear thu; sgrìobhar iad 'n an luchd-ceannaire 's an talamh; a chionn gu'n do thréig iad an Tighearn, tobar nan uisgeachan beò.

14 Leighis mi, O Thighearn', agus bithidh mi air mo leighcas; sianuich mi, agus bithidh mi air mo shlànachadh; oir is tu mo chliu.

15 Feuch, tha iad so ag ràdh rium, C'ait am bheil focal an Tighearna? thigeadh e nis.

16 Ach cha d'rinn mi deifir o bhi a'm' fhear-coimhid a'd' dhéigh-sa, agus là na h-iarguin cha d'iarr mi; agad féin tha fios air an ni a thàinig a mach as mo bheul, bha e ann ad làthair.

17 Na bi a'd' uamhas domh; is tu mo dhì-dein ann an là na h-airce.

18 Bitheadh nàire air a' mhuinntir a tha 'g am ruagadh, ach na nàraichear mise: bitheadh iadsan fo gheilt, ach na bitheadh geilt ormsa: thoir thusa orra là na dòrainn, agus le sgrios dùbailte sgrios iad.

19 Mar so thubhairt an Tighearn rium; Falbh agus seas ann an geata cloinne an t-sluaigh, air an tig rìghrean Iudah a steach, agus air an téid iad a mach, agus ann an uile gheatachaibh Ierusalem;

20 Agus abair riu, Cluinnibhse focal an Tighearn', a rìghrean Iudah, agus a Iudah uile, agus uile luchd-àiteachaidh Ierusalem, a tha 'teachd a steach air na geatachan so.

21 Mar so deir an Tighearn, Thugaibh aire dhuibh féin, agus na giùlainibh uallach air bith air là na sàbaid, agus na tugaibh a steach i air geatachan Ierusalem;

22 Ni mò 'bheir sibh a mach uallach as bhuir tighibh air là na sàbaid, ni mò 'ni sibh obair air bith; ach naomhaichibh là na sàbaid, mar a dh'àithn mise do 'ur n-aith-richibh.

23 Ach cha d'thug iadsan géill, ni mò dl'aom iad an cluas, ach rinn iad am muineal rag, air chor as nach éisdeadh iad, agus air chor as nach gabhadh iad teagasg.

24 Ach tarlaidh, ma dh'éisdeas sibh gu cùramach riumsa, deir an Tighearn, gun uallach sam bith a thoirt a steach troimh gheatachan a' bhaile so air là na sàbaid, ach là na sàbaid a naomhachadh, gun obair sam bith a dheanamh air:

25 An sin théid a steach air geatachan a' bhaile so, rìghrean agus prionnsachan, 'n an suidhe air rìgh-chaitheir Dhaibhidh, a' marcachd air carbadaibh agus air eachaibh, iad féin agus an ceannardan, fir Iudah, agus luchd-àiteachaidh Ierusalem; agus daing-nichear gu bràth a' chaitheir so.

26 Agus thig iad o bhaitibh Iudah, agus o na h-àiteachaibh timchioll Ierusalem, agus o fhearann Bheniamin, agus o 'n chòmhnaidh, agus o na beanntaibh, agus o'n àirde deas, a' toirt leo thabhartasan-loisgte, agus iobairtean, agus thabhartasan-bidh, agus tùise, a' toirt iobairtean-molaidh gu tigh an Tighearna.

27 Ach mur h-éisd sibh riumsa, chum là na sàbaid a naomhachadh, agus gun uallach a ghiùlan, a' dol a steach air geatachan Ierusalem air là na sàbaid; an sin fadaidh mise teine 'n a geatachaibh, agus loisgidh e luchairtean Ierusalem, agus cha-n fheudar a mhùchadh.

# CAIB. XVIII.

1 *Le samhladh soithich a' chriadhadair nochd Dia gu'm feudadh e 'dheanamh r'a shluaigh mar is àit leis.* 11 *Chaidh ole a chumadh an aghaidh shluaigh Iudah air son an ceannaire.* 18 *Athcuinge Jeremiah.*

**A**M focal a thàinig a dh'ionnsuidh Ieremiah o'n Tighearn, ag ràdh,

2 Eirich, agus imich sìos gu tigh a' chriadhadair, agus an sin bheir mise ort mo bhriathran a chluinntinn.

3 An sin chaidh mi sìos gu tigh a' chriadhadair, agus, feuch, bha e 'dheanamh oibre air na leacaibh.

4 Agus bha 'n soithich a bha e 'dheanamh de chriadh, air a' mhilleadh ann an làmh a' chriadhadair; an sin rinn e dheth a ris soithich eile, mar a chunnacas ceart do'n chriadhadair a dheanamh.

5 An sin thàinig focal an Tighearn' a m' ionnsuidh, ag ràdh,

6 O thigh Israeil, nach feud mise a dheanamh ruibhse mar an criadhadair so? deir an Tighearn. Feuch, mar a' chriadh ann an làmh a' chriadhadair, is amhuil sin sibhse ann am làmh-sa, O thigh Israeil.

7 C'uin air bith a labhras mise mu thim-

chioll cinnich, agus mu thimchioll rìoghachd, gu spionadh a mìos, gu leagail sìos, agus gu sgrios;

8 Ma philleas an cinneach sin an aghaidh an do labhair mi, o'n olc: gabhaidh mise aithreachas de'n olc a bha anu am aire thoirt orra.

9 Agus c'uin air bith a labhras mi mu thimchioll cinnich, agus mu thimchioll rìoghachd, gu 'thogail, agus gu 'shuidh-eachadh;

10 Agus gu'n dean e an ni sin a tha ole ann am shealladh, agus nach bi e umhal do m'ghuth; an sin gabhaidh mi aithreachas de'n mhaith a bha romham a dheanamh dhoibh.

11 A nis, uime sin, imich agus labhair ri fearaibh Iudah, agus ri luchd-àiteachaidh Ierusalem, ag ràdh, Mar so deir an Tighearn, Feuch, tha mise a' cumadh uile 'n 'ur n-aghaidh, agus a' dealbh innleachd 'n 'ur n-aghaidh: pillibh a nis gach aon o' dhroch shlighe, agus leasaichibh 'ur slighean agus 'ur gnìomharan.

12 Ach thubhairt iadsan, Cha-n'eil dòchas anu; oir gluaisidh sinn a réir ar smuaintean féin, agus ni sinn, gach aon a réir tograidh a dhroch chridhe féin.

13 Uime sin mar so deir an Tighearn, Feòraichibh a nis am measg nan cinneach, cò a chuala an samhail so de mithibh? rinn ògh Israeil ni ro ghràineil.

14 An tréig duine mo mhagh-sa air son carraig, *air son* sneachda Lebanoin? an tréigear am fuar uisge-ruith air son uisgeachau eile?

15 Ach dhì-chuimhnich mo shluagh mise, loisg iad tùis do dhìomhanas, agus thug iad orra tùiseachadh 'n an slighibh a bha 'n an seann ròidibh, gu gluasad air ceum-aibh eile, *air* slighe nach 'eil deanta;

16 A chum am fearann a dheanamh fàs, 'n a bhall-àbhacais bith-bhuan: gabhaidh gach neach a théid seachad air mòr iongantas, agus crathaidh e a cheann.

17 Sgapaidh mise iad mar gu'm b'ann le gaoith an ear roimh an nàmhaid; tionndaidhidh mi riu mo chùl, agus cha-n i m'aghaidh ann an là an léir-sgrios.

18 An sin thubhairt iad, Thigibh, agus dealbhamaid innleachdan an aghaidh Ieremiah: oir cha bhàsaich an reachd o'n t-sagart, no comhairle o'n eagnuidh, no 'm focal o'n fhàidh. Thigibh, agus buaileamaid e leis an teangaidh, agus na tugamaid aire do aon d'a bhriathraibh.

19 Thoir thusa, O Iehobhab, aire dhomh, agus cluinn guth na muinntir a tha ri strì rium.

20 An diòlar olc air son maith? Gu cinnteach chladhaich iad slochd air son m'anama. Cuimhnich cionnus a sheas mi ann ad fhianuis, a dheanamh eadar-ghuidhe a chum an leas, a thionndadh do chorruch air falbh uatha.

21 Uime sin thoir thusa thairis an clann do'n ghorta, agus thoir orra leaghadh as le neart a' chlaidheimh; bitheadh am mnathan air am fàgail gun chlann, agus iad 'n am bantraichean, agus faigheadh am fir bàs leis a' phlàigh, agus bitheadh an òganaich air am marbhadh anns an àraich leis a' chlaidheamh.

22 Cluinnear gaoir as an tighean, an trà 'bheir thusa feachd orra gu h-obann; oir chladhaich iad slochd gu mise a ghlacadh, agus shuidhich iad lìontan air son mo chos.

23 Ach agadsa, O Thighearna, tha fios air an innleachdaibh uile an aghaidh m'anama; ua maith an cionta, agus na glan an lochd a mach á d'fhianuis: ach tilgear iad thairis ann ad làthair; tionnsgain 'n an aghaidh ann an àm do chorruch.

# CAIB. XIX.

1 *Le samhladh soithich criadhaid air a bhris-eadh 'n a bhloighdibh, nochd Dia léir-sgrios nan Iudhach air son am peacaidhean.*

**M**AR so thubhairt Iehobhab rium-sa, Falbh agus faigh criadh-shoitheadh criadhaid, agus *thoir leat* cuid de shean-airibh an t-sluaigh, agus de sheanairibh nan sagart;

2 Agus théid thu mach gu gleann mhic Hinoim, a tha fa clomhair a' gheata Harsit, agus gladhaidh tu anns an àite sin na briathran a labhras mise riut;

3 Agus their thu, Eisdibhse focal an Tighearn, O a rìghrean Iudah, agus a luchd-àiteachaidh Ierusalem: Mar so deir Tighearn nan sluagh, Dia Israeil, feuch, bheir mise olc air an àite so, a bheir air neach sam bith a chluinneas e gu'm bi gaoir 'n a chluasaibh:

4 A chionn gu'n do thréig iad mise, agus gu'n d'rinn iad an t-àite so coimheach, agus gu'n do loisg iad tùis ann do dhiathaibh eile, nach b'aithne dhoibh; iad féin, agus aithrichean, agus rìghrean Iudah, agus gu'n do lion iad an t-àite so le fuil neò-chiontaich:

5 Agus gu'n do thog iad ionadan àrda Bhaail, a chum am mic a losgadh anns an teine, *mar* thabhartais-loisgte do Bhaal; *ni* nach d'àithn mise, ni mò 'labhair mi, ni mò 'thàinig e ann am aire:

6 Uime sin, feuch, tha na làithean a' teachd, deir an Tighearn, anns nach abrar ris an àite so ni's mò Tophet, no gleann mhic Hinoim, ach gleann a' mharbhadh.

7 Agus cuiridh mise gu neò-bhrìgh comhairle Iudah agus Ierusalem anns an àite so; agus bheir mi orra tuiteam leis a' chlaidheamh an làthair an naimhdean, agus le làimh na muinntir a tha 'g iarraidh an anama: agus bheir mi an colainnean mar bhiahd do eunlaith an athair, agus do bheathaichibh na talmhainn.

8 Agus ni mi a' chaitheò 'n a fàsach, agus 'n a ball-sgeig: bithidh mòr-ioghnadh



air gach neach a théid seachad oirre, agus ni e sgeig air son a h-uile phlàighean.

9 Agus bheir mise orra gu'n ith iad feoil am mac, agus feoil an nigheanan; agus ithidh iad, gach aon feoil a charaid, anns a' chogadh, agus anns an teinn, leis an teann-achear iad le 'n naimhaidibh, agus leo-san a tha 'g iarraidh an anama.

10 An sin brisidh tu an soitheach ann an sealladh nan daoine a théid maille riut.

11 Agus their thu riu, Mar so deir Tigh-eann nan sluagh. Amhuil so brisidh mise an sluagh so, agus am baile so, mar a bhriseas *neach* soitheach a' chriadhaidh, nach feudar a shlànuchadh a ris; agus adhlaicear *daoine* ann an Tophet, gus nach bi àit ann gu adhlacadh.

12 Mar so ni mise ris an àite so, deir an Tighearn, agus r'a luchd-còmhnuidh, air chor as gu'n deanar am baile so eadhon mar Tophet.

13 Agus bithidh tighean Ierusalem, agus tighean rìghrean Iudah, mar ionad Tophet, neoighlan; maille ris na tighean sin air fad, far an d'rinn iad tùis a losgadh air am mullach do uile fheachd nèimh, agus iobairtean-dìbe a dhòrtadh a mach do dhiathaidh coimheach.

14 Agus thàinig Ieremiah o Tophet, chum an do chuir an Tighearn e gu fàistneachd; agus sheas e ann an cùirt tighe an Tighearna, agus thubhairt e ris an t-sluagh uile,

15 Mar so deir Tighearn nan sluagh, Dia Israeil, Feuch, bheir mise air a' bhaile so, agus air 'uile bhailtibh, an t-ole sin uile a labhair mi 'n a aghaidh; a chionn gu'n d'rinn iad am muineal rag, air chor as nach éisd-eadh iad ri mo bhriathraibh.

### CAIB. XX.

1 *Fhuair Pasur ainm eile, agus bhagradh e le breitheanasaidh uamhasach, do bhrìgh gu'n do bhuail e Ieremiah. 7 Ghearrainn a' fàidh gu'n robh e 'n u chùis-mhaslaidh do na h-Iudhaich, 14 agus mhalluich e an là air an d'rugadh e.*

**A**N uair a chuala Pasur mac Imeir an sagart, (a bha fòs 'n a àrd uachdaran ann an tigh an Tighearna.) Ieremiah a' fàistneachd nan nithen so:

2 An sin bhuail Pasur Ieremiah am fàidh, agus chuir e anns an tigh-smachdachaidh e, a bha aig geata uachdarach Bheniamin, làimh ri tigh an Tighearna.

3 Agus tharladh air an là màireach, gu'n do leig Pasur Ieremiah a mach as an tigh-smachdachaidh. An sin thubhairt Ieremiah ris, Cha-n e Pasur a thug an Tighearn mar ainm ort, ach Magor-misabib.

4 Oir uar so deir an Tighearn, Feuch, ni mise dhìot uamhas duit fèin, agus do d' uile chairidibh; agus tuitidh iadsan le claidheamh au naimhdean, agus do shùilean-sa 'g amharc; agus Iudah uile bheir mi do làimh rìgh Bhabiloin, agus bheir e leis iad ann am

braighdeanas gu Babilon, agus cuiridh e gu bàs iad leis a' chlaidheamh.

5 Agus bheir mi seachad uile neart a' bhaile so, agus 'uile shaothair, agus 'uile nithen luachmhor; agus uile bheartas rìghrean Iudah bheir mi thairis do làimh an naimhdean, a chreachas iad, agus a ghlacas iad, agus a bheir iad air falbh gu Babilon.

6 Agus thusa, a Phasur, agus na h-uile 'tha 'chòmhnuidh ann ad thigh, siùbhlaidh sibh air falbh ann am braighdeanas; agus thèid thusa gu Babilon, agus an sin gheibh thu bàs, agus an sin adhlaicear thu, thu fèin agus d'nile chairdean, do'n d'rinn thu fàistneachd bhréige.

7 Mheall thu mi, O Thighearna, agus bha mi air mo mhealladh; is tu a's treise na mise, agus thug thu buaidh: tha mi ann am chùis-mhagaidh gach là, gach aon ri fanoid orm.

8 Oir co tric as a labhras mi, a ghlaodhas mi mach an aghaidh ainneirt, no dh'éigheas mi léir-chreach, tha focalan Tighearn air a dheanamh dhomh 'n a chùis-mhaslaidh agus fhanoid gach aon là.

9 An uair a their mi, Cha toir mi iomradh air, ni mò 'labhras mi tuilleadh 'n a ainm; an sin tha e ann am chridhe, mar gu'm b'e teine loisgeach, air a dhruideadh suas ann am chnàman; agus ged a sgòthich mi mi fèin 'g a chumail a steach, cha-n urrainn mi.

10 Oir chuala mi tuairisgeul mhòrain, Uamhas air gach taobh aithrisibhse, agus aithrisidh sinne e; tha iadsan uileris an robh mi ann an sìth furachair air son mo thuislidh, *ag ràdh*. Theagamh gu'm meallar e, agus gu'm faigh sinn buaidh air, agus gu'n dean sinn dioghaltas air.

11 Ach tha an Tighearn leam mar aon chumhachdach uamhasach; air an aobhar sin tuislichidh mo luchd-tòir, agus cha bhuaidh-aich iad: tha iad air an ionadh le nàire ro mhòr, a chionn nach do shoirbhich leo, le masladh bith-bhuan, nach leigear gu bràth air dì-chuimhn.

12 Ach, O Thighearna nan sluagh, a dhearbhas am firean, agus a chi na h-àirnean agus an cridhe, faicann orra do dhìogh-altas: oir dhuitse leig mise ris mo chùis.

13 Seinnibhse do'n Tighearn; molaibhse an Tighearn, oir shaor e anam a' bhoched á làimh nan aingidh.

14 Malluichte *gu robh* an là air an d'rugadh mise; an là air an d'rug mo mlàthair mi, nar robh e beannaichte.

15 Malluichte *gu robh* esan a thug fios a dh'ionnsuidh m' athar, *ag ràdh*, Tha leanabh mic air a bhreth dhuit, g'a dheanamh ro aoibhneach.

16 Agus bitheadh an duine sin mar na bailtean a sgrios an Tighearn, agus mu nach do ghabh e aithreachas; chuinneadh e gaoir anns a' mhaduinn agus iolach anns a' mheadhlon-là;

17 A chionn nach do mharbh e mi o'n bhroinn, no gu'm bitheadh mi mlhàthair 'n a h-uagh dhomh, agus a brù an còmhnuidh torrach *leam*.

18 C'uim an d'fhàinig mi mach as a' bhroinn a dh'fhaicinn mi-shuaimhneis agus bròin, agus a chaitheamh mo làithean ann am masladh?

# CAIB. XXI.

1 *Thug am fàidh fios do Shedeciah gu'm buadh-aicheadh Nebuchadresar 'n a aghaidh.* 8 *Chomhairlich e do'n t-slugh do thairis a dh'ionnsuidh nan Caldèach.* 11 *Dh'àithn e do'n rìgh breitheanas a dheanamh.*

**A**M focal a thàinig a chum Ieremiah o'n Tighearn, an uair a chuir an rìgh Sedeciah d'a ionnsuidh Pasur mac Mhel-ciah, agus Sephaniah mac Mhaaseiah an sagart, ag ràdh,

2 Fiosraich, guidheamaid ort, de'n Tighearn air ar son-ne, oir tha Nebuchadresar rìgh Bhabiloin a' cogadh 'n ar n-aghaidh; a dh'fheuchainn an dean an Tighearn ruinn a réir 'uile bheartan iongantach, a chum gu'n téid e suas uainn.

3 Agus thubhairt Ieremiah riu, Mar so their sibh ri Sedeciah;

4 Mar so deir an Tighearn Dia Israeil, Feuch, tionndaidhidh mise air an ais na h-airm-chogaidh a tha 'n 'ur làmhnan, leis am bheil sibh a' cogadh an aghaidh rìgh Bhabiloin, agus an aghaidh nan Caldèach a tha 'g 'ur teannachadh air taobh a muigh a' bhalla, agus cruinnichidh mi iad ann am meadhon a' bhaile so.

5 Agus ni mise féin cogadh 'n 'ur n-aghaidh le làimh sinne mach, agus le gàirden treun, eadhon ann am feirg, agus ann am boile, agus ann am corruich mhòir.

6 Agus buailidh mi luchd-àiteachaidh a' bhaile so, eadar dhuine agus ainmhidh; gheibh iad bàs de phlàigh mhòir.

7 Agus 'n a dhéigh sin, deir an Tighearn, bheir mi thairis Sedeciah rìgh Iudah, agus 'òglaich, agus an sluagh, eadhon na dh'fhàg anns a' bhaile so o'n phlàigh, o'n chhlaidheamh, agus o'n ghorta, do làimh Nebuchadresar rìgh Bhabiloin, agus do làimh an naimhdean, agus do làimh na muinntir a tha 'g iarraidh an anama, agus buailidh e le faobhar a' chhlaidheimh iad: cha ghabh e trnas diubh, ni mò 'chaomhaineas e, ni mò 'ni e trócair.

8 Agus ris an t-slugh so their thu, Mar so deir an Tighearn, Feuch, tha mise a' cur mu 'r coinneamh slighe na beatha, agus slighe a' bhàis.

9 Ean a dh'fhanas anns a' bhaile so, bàs-aichidh e leis a' chhlaidheamh, agus leis a' ghort, agus leis a' phlàigh: ach ean a théid a mach, agus a théid thairis a dh'ionnsuidh nan Caldèach a tha 'g 'ur teannachadh mu'n cuairt, mairidh e beò, agus bithidh 'anam aige mar chobhartaich.

10 Oir chuir mise mo ghnuis an aghaidh a' bhaile so air son uile, agus cha-n ann air son maith, deir an Tighearn; do làimh rìgh Bhabiloin bheirear thairis e, agus loisgidh esan e le teùe.

11 Agus mu thimchioll tighe rìgh Iudah, cluinnibhse focal an Tighearn;

12 O thigh Dhaibhidh, mar so deir Iehobhah, Deanaibh gu moch breitheanas, agus saoraibh an duine sàrnichte o làimh an fhir-shàruchaidh, mu'n téid mo chorrnich-sa mach mar theine, agus mu'n las i air chor as nach feudar a mùchadh, air son aingidh-eachd bhur gnìomharan.

13 Feuch, tha mise a'd' aghaidh, O thusa a tha 'chòmhnuidh ann an gleann Shoir, anns a' chòmhnard, deir au Tighearn; sibhse 'tha 'g ràdh, Cò 'thig a nuas 'n ar n-aghaidh? no cò 'thig a steach d'ar n-ionadan còmhnuidh?

14 Ach smachdaichidh mise sibh a réir toraidh bhur deanadais, deir an Tighearn; agus lasaidh mi teine 'n a coilltibh, agus loisgidh e gach ni mu'n cuairt da.

# CAIB. XXII.

1 *Earrail do thigh an rìgh breitheanas agus ceartas a chur 'an gnìomh.* 10 *Mu thimchioll Shaluum,* 13 *Iehoiacim,* 20 *agus Choniah.*

**M**AR so thubhairt an Tighearn; Falbh sios gu tigh rìgh Iudah, agus an sin labhraidh tu am focal so,

2 Agus their thu, Chuinn focal an Tighearn! O a rìgh Iudah, a tha a'd' shuidhe air rìgh-chaitir Dhaibhidh, thu féin, agus d'òglaich, agus do shluagh a tha 'dol a steach air na dorsaibh so;

3 Mar so deir an Tighearn; Cuiribh 'an gnìomh breitheanas agus ceartas, agus saoraibh an duine sàrnichte o làimh an fhir-shàruchaidh: agus na deanaibh foill: na deanaibh ainneart air a' choigreach, air an dilleachdan, no air a' bhantraich, ni mò 'dhòirteas sibh fuil neò-chiontach anns an àite so.

4 Oir ma ni sibh gun amharus a réir an fhocail so, an sin thig a steach air geatachan an tighe so rìghrean a shuidheas ann an àite Dhaibhidh, air a rìgh-chaitir, a' marcachd air carbadaibh agus air eachaibh, gach aon, 'òglaich, agus a shluagh.

5 Ach mur toir sibh éisdeachd do na briathraibh so, orm féin thug mise mionnan, deir an Tighearn, Gu cinnteach nithear ionad fàs de'n tigh so.

6 Oir mar so thubhairt an Tighearn a thaobh tighe rìgh Iudah; Tha thu mar Ghilead dhomhsa, O mhullaich Lebanoin; ach ni mi gu cinnteach fàsach dhiot, bailtean nach bi àitichte.

7 Agus orduichidh mi ann ad aghaidh luchd-millidh, gach aon le 'armaibh; agus gearraidh iad sios rogha do sheudar, agus tilgidh iad anns an teine *iad*.

8 Agus gabhaidh mòran chiuncach seachad



air a' bhaile so, agus their iad, gach aon r'a choinhearsnach, C'ar son a rinn an Tighearn mar so ris a' bhaile mhòr so?

9 An sin freagraidh iad, A chionn gu'n do thréig iad coimhcheangal an Tighearn' an Dia, agus gu'n d'thug iad aoradh do dhiath-aibh coimheach, agus gu'n d'rinn iad scribhis dhoibh.

10 Na guilibh air son a' mhairbh, ni mò 'ni sibh caoidh air a shon: guilibh gu goirt air a shon-san a dh'imich air falbh: oir cha phill e ni's mò, agus cha-n fhaic e tuilleadh tir a dhùchais.

11 Oir mar so deir Iehobhah mu thimchioll Shalumh mhic Iosiah, rìgh Iudah, a rìghich 'an àite Iosiah 'athar, a chaidh a mach as an àite so, Cha phill e thuige ni's mò.

12 Ach anns an àite gus an d'thug iad air falbh e ann am braighdeanas, gheibh e bàs; agus an tìr so cha-n fhaic e ni's mò.

13 Is an-aobhuin dhà-san a thogas a thigh le h-eucoir, agus 'ard-sheòmhraichean le ana-cothrom; a ghabhas saothair a choimhearsnaich a nasgaidh, agus air son 'oibre nach toir dha dìoladh.

14 A tha 'g ràdh, Togaidh mi dhomh féin tigh mòr, agus seòmraichean farsuinn: a' gearradh a mach dha féin mar an ceudna uinneagan, 'g a chòmhachadh fòs le seudar, agus 'g a dhath le corcur.

15 An rìgh thu a chionn gu bheil thu 'g ad dhùnadh féin ann an seudar? nach d'ith agus nach d'òl d'athair, agus nach d'rinn e cothrom agus ceartas? An sin shoirbhich leis.

16 Dhion e cùis a' bhochd agus an fheumaich; an sin dh'éirich gu maith dha. Nach b'e so eòlas a ghabhail ormsa? deir an Tighearn.

17 Ach cha-n'eil do shùilean-sa agus do chridhe ach air d' ana-miannan féin, agus air fuil nan neò-chiontach, a chum a dòrtadh, agus air sàruchadh agus fòirneart, a chum a dheanamh.

18 Air an aobhar sin, mar so deir an Tighearn mu thimchioll Iehoiacim mhic Iosiah rìgh Iudah, Cha dean iad caoidh air a shon, *ag ràdh*, Och mo bhràthair! no, Och mo phluthar! Cha dean iad caoidh air a shon, *ag ràdh*, Och a Thighearna! no, Och a ghloir-san!

19 Le h-adhlacadh asail adhlacair e, air a tharruing air falbh, agus air a thilgeadh 'an taobh a mach de gheatachan Ierusalem.

20 Imich suas gu Lebanon agus éigh; agus air Bàsan tog an aon do ghluh, agus glaoch o na crìochaibh mu'n cuairt, oir chlaoidheadh iadsan uile a thug gràdh dhuit.

21 Labhair mi riut ann an àm do shoirbheachaidh, thubhairt thu, Cha-n éisd mi: b'e so do chleachduim o d'òige.

22 A chionn nach d'éisd thu ri m' ghluh-

sa, ithidh osann suas an t-ìomlan do d' aodhairibh, agus imichidh do luchd-gaoil air falbh ann am braighdeanas: gu cinnteach an sin bithidh nàir ort, agus còmhdaichear thu le h-amhluidh air son d'uile dhrocu dheanadais.

23 O thusa 'tha 'g àiteachadh Lebanon, a tha 'deanadh do nid ann an seudaraibh, cia gràs-mhor a bhitheas tu an uair a ni piantan greim ort, goimh, amhuil mnaoi ri saothair!

24 Mar is beò mise, deir an Tighearn, ged 'b'e Coniah mac Iehoiacim rìgh Iudah, am fàinne air mo làimh dheis, gidheadh as a sin dheanainn do spionadh;

25 Agus bheir mi thu do làimh na muinntir a tha 'g iarraidh d'anama, agus do làimh na muinntir roimh am bheil eagal ort, eadhon do làimh Nebuchadresair rìgh Babiloin, agus do làimh nan Caldéach.

26 Agus tilgidh mi mach thu féin, agus do mhàthair a rug thu, gu dùthaich choimhich, far nach robh sibh air 'ur breith, agus an sin gheibh sibh bàs.

27 Agus gus an talamh d'am bu mhiannach leo pilleadh, gu sin cha phill iad.

28 An dealbh suarach briste an duine so Coniah? no an soitheach e anns nach 'eil aig aon neach tlachd? c'uim an bheil iad air an tilgeadh a mach, e féin agus a shliochd, agus air an iomain gu tir anns nach 'eil iad eòlach.

29 O 'thalamh! a thalamh! a thalamh! cluinn focal an Tighearna.

30 Mar so deir an Tighearn, Sgrìobhaibhse am fear so gun chlam, duine nach soirbhich 'n a làithibh: oir cha soirbhich duine d' a shliochd, a shuidheas air caithir Dhaibhidh, agus a riaghlas 'n a dhéigh so ann an Iudah.

## CAIB. XXIII.

1 *Chuir Ieremiah 'an cèll do na h-aodhairibh aingidh gu'n claidheadh Dia iad air son an deanadais, 3 agus gu'n tionailleadh e fuigheall a threud, 5 Tha Crìod, am Meanglan fireanach, air a ghealltainn, 9 Breitheanais Dhé an aghaidh nam fàidhean brèige, 33 agus 'n an aghaidh-san a rinn fanoid air fàidhean an Tighearna.*

**I**S an-aobhin do na h-aodhairibh a tha 'sgrios agus a' sgapadh treud mo chluaine-sa, deir an Tighearn.

2 Air an aobhar sin mar so deir an Tighearn Dia Isracil, a thaobh nan aodhaircan a tha 'g ionaltradh mo shluaigh-sa, Sgap sibh mo threud, agus dh'fhuadaich sibh air falbh iad, agus cha deachaidh sibh g'an amharc; feuch, thig mise g'ur n-amharc-se air son aingidheachd 'ur deanadais, deir an Tighearn.

3 Ach tionailidh mi fuigheall mo threud as gach uile dhùthaich gus an d'fhògair mi iad, agus bheir mi iad air an ais d' am mainniribh féin, agus fàsaidh iad torrach agus lionmhòr.

4 Agus togaidh mi suas os an ceann aodh-  
airean a dh'ionatras iad, air chor as nach  
bi eagal orra tuilleadh, ni mò 'bhitheas geilt  
orra, ui mò 'bhitheas iad air an smachd-  
achadh, deir an Tighearn.

5 Feuch, tha na làithean a' teachd, deir  
an Tighearn, anns an tog mise suas do  
Dhaibhidh Meanglan fircanach, agus riogh-  
aiehidh rìgh, agus soirbhichidh leis, agus  
cuiridh e 'an gnìomh breitheanas agus  
ecartas air an talamh.

6 'N a làithibh-san tèarnar Iudah, agus  
gabhadh Israel còmhnuidh ann an tèar-  
uinteachd; agus is e so 'ainm a ghoirear ris,  
IEHOBAH AK FIREANTACHD-NE.

7 Air an aobhar so, feuch, tha na làithean  
a' teachd, deir an Tighearn, anns nach abair  
iad ni's mò, Mar is beò au Tighearn a thug  
a uios clann Israel à tìr na h-Eiphit.

8 Ach, Mar is beò an Tighearn, a thug a  
mìos agus a stiùr slìochd tìghe Israeil as  
an tìr mu thuath, agus as na dùthchaibh  
sin uile gus an d'fhuadaich mise iad: a  
chum gu'n gabhadh iad còmhnuidh 'n am  
fearann féin.

9 A thaobh nam fàidhean. Tha mo chridhe  
briste an taobh a stigh dhìom; tha mo  
chnàmhan gu léir air ghluasad; is cosmhuil  
mi ri fear air mhisg; is ionann mi 's duine  
air an d'fhuair fìon làmh-an-uachdar, air  
son an Tighearna, agus air son bhriathran  
a naomhachd.

10 Oir tha am fearann làn de luchd-  
adhaltranais: oir air son mhionnan tha 'n  
tìr a' caoidh: tha ionadan aobhinn an  
fhàsaich air tiormachadh suas; tha an  
siubhal mar an ceudna olc, agus an neart  
eucorach.

11 Oir tha am fàidh agus an sagart araon  
ain-diadhaidh; eadhon ann am theach féin  
fhuair mi an aingidheachd, deir an Tigh-  
earn.

12 Uime sin bithidh an slighe dhoibh mar  
ionadan sleamhain ann an dorchadas;  
iomaineair iad air an aghaidh, agus tuitidh  
iad ann: gu cinnteach bheir mise dòrainn  
orra, bliadhna an smachdachaidh, deir an  
Tighearn.

13 Amhuil a chunnaic mi ann am fàidhean  
Shamaria amaideachd; rinn iad faistneachd  
ann an aium Bhaail, agus thug iad air mo  
shluagh Israel dol air seacharan:

14 Mar sin ann am fàidhean Ierusalem  
chunnaic mi uamharrachd: tha iad a'  
deanamh adhaltranais, agus ag imeachd  
ann am breugaibh: tha iad a' neartachadh  
mar au ceudna làmhnan nan aingidh, air  
chor as uach 'eil aon neach a' pillcadh o  
'aingidheachd: tha iad, an t-ionlan diubh,  
dhomhsa mar Shodom, agus a luchd-àiteach-  
aidh mar Ghomorah.

15 Air an aobhar sin mar so deir Tigh-  
earn nan sluagh mu thimchioll nam fàidh-  
ean; Feuch, bheir mise dhoibh searbh-

luibhean r'an itheadh, agus uisge dom-  
blasda r'a òl: oir o fhàidhean Ierusalem  
tha ain-diadhachd air dol a mach air feadh  
na tìre gu h-ionlan.

16 Mar so deir Tighearn nan sluagh, Na  
h-éisdibh ri briathraibh nam fàidhean, a  
tha ri faistneachd dhuibh; tha iad 'g 'ur  
mealladh le nithibh faoine; tha iad a'  
labhairt fiosachd an cridhe féin, agus cha-n  
ann o bheul an Tighearna;

17 Ag ràdh an còmhnuidh ris a' mhuinntir  
a tha 'deanamh di-meas air focal an Tigh-  
earna, Bithidh sìth agaibh; agus am feadh  
a tha gach aon ag imeachd a réir ana-  
miannau a chridhe féin, tha iad ag ràdh,  
Cha tìg olc air bith oirbh.

18 Oir cò a sheas ann an comhairle  
dhiomhair an Tighearna, agus a chunnaic,  
agus a chual' a chùis? no co a dh'éisd agus  
a chual' fhocal?

19 Feuch, chaidh cuairt-ghaoth mach o'n  
Tighearn le boile, eadhon cuairt-ghaoth ro  
dhan; air ceann nau aingidh tuitidh i gu  
h-uamhasach.

20 Cha phill corruich an Tighearn' air a  
h-ais, gus an cuir e 'n gnìomh, agus gus an  
coimhlean e rùn a chridhe: anns na làith-  
ibh deircannach bheir sibh so faicear le làn  
aire.

21 Cha do chuir mise na fàidhean so a  
mach, gidheadh ruith iad: cha do labhair  
mi riu, gidheadh rinn iad faistneachd.

22 Ach nam bitheadh iad air seasamh ann  
am chomhairle-sa, an sin bheireadh iad air  
mo shluagh mo bhriathran éisdeachd, an  
sin bheireadh iad orra pillcadh o'n slighe,  
agus o aingidheachd au deuadais.

23 An Dia dlùth do làimh mise, deir an  
Tighearn? agus nach Dia mi am fad  
as?

24 Am feud neach air bith e féin fhòlach  
ann an ionadaibh dìomhair, air chor as nach  
faic mise e? deir an Tighearn. Nach 'eil  
mise a' lìonadh nan nèamhan agus ua  
talmhainn? deir an Tighearn.

25 Chuala mise ciod a thubhairt na fàidh-  
can, a tha 'faistneachd bhreug ann am ainm-  
sa, ag ràdh, Chunnaic mi aisling, chunnaic  
mi aisling.

26 Cia fhada bhitheas so 'an cridhe nam  
fàidhean a tha ri faistneachd bhreug? seadh,  
fàidhean cèile an cridhe féin:

27 Aig am bheil rùn a thoirt air mo  
shluagh-sa m'ainm a leigeil air dì-chuimhn,  
le 'n aislingibh a tha iad ag innseadh, gach  
aon d'a choimhearsnach, amhuil a rinn au  
aithrichean m'ainm a leigeil air dì-chuimhn,  
air son Bhaail.

28 Am fàidh aig am bheil aisling, inus-  
cadh e aisling; ach esan aig am bheil m'  
fhocal-sa, labhradh e m'fhocal gu dìleas:  
ciod e am moll do'n chruithneachd? deir  
an Tighearn.

29 Nach ionann m'fhocal-sa agus teine?



deir an Tighearn: agus nach ionann e agus òrd a bhriseas a' chreag 'n a bloighdibh?

30 Uime sin, feuch, tha mise an aghaidh nam fàidhean, deir an Tighearn, a tha 'goid mo bhriathran-sa, gach aon o' choimhearsnach.

31 Feuch, tha mise an aghaidh nam fàidhean, deir an Tighearn, a tha 'gnàthachadh an teangaidh fein, agus ag ràdh, Labhair esan e.

32 Feuch, tha mise an aghaidh na muinntir a tha 'faistneachadh aishngean bréige, deir an Tighearn, agus a tha 'g an innseadh, agus a' toirt air mo shluagh-sa dol air seacharan le 'm breugaibh agus le 'm briathraibh faoine; gidheadh cha do chuir mise a mach iad, ni mò 'thug mi àitme dhoibh; air an aobhar sin cha dean iad air aon chor tairbhe do'n t-sluagh so, deir an Tighearn.

33 Agus an uair a dh'fheadraicheas an sluagh so, no fàidh, no sagart, diot, ag ràdh, Ciod e focal cudthromach an Tighearna? an sin their thusa riu, Is sibhse an cudthrom, agus tilgidh mise dhìom sibh, deir an Tighearn.

34 Agus am fàidh, agus an sagart, agus an sluagh, a their, Focal cudthromach an Tighearna, bheir eadhon mise peanas air an duine sin agus air a theaghlach.

35 Mar so their sibh, gach aon r'a choimhearsnach, agus gach aon r'a bhràthair, Ciod a fhreagair an Tighearn? agus, Ciod a labhair an Tighearn?

36 Agus air focal cudthromach an Tighearna cha toir sibh luaidh ni's mò; oir is cudthrom do gach aon a bhriathran fein: oir chlaon sibh briathran an Dé bheò, Tighearna nan sluagh, an Dé-ne.

37 Mar so their thu ris an fhàidh, Ciod am freagradh a thug an Tighearn dhuit? agus, Ciod a labhair an Tighearn?

38 Ach ma their sibh, Focal cudthromach an Tighearna: uime sin, mar so deir an Tighearn, A chionn gu bheil sibh ag ràdh an fhocal so, Focal cudthromach an Tighearna, ge do chuir mise fios thugaibh, ag ràdh, Cha-n abair sibh Focal cudthromach an Tighearna;

39 Uime sin, feuch, togaidh mise sibhse mar chudthrom, agus tilgidh mi air falbh, araon sibh fein agus am baile so, a thug mi dhuibhse, agus do 'ur n-aithrichibh, a mach as mo làthair;

40 Agus bheir mi oirbh masladh sìorruidh, agus nàire bhi-th-bhuan, nach leigear gu bràth air dì-chuimhn.

#### CAIB. XXIV.

1 *Le samhladh fhigean muith agus olca chuir am fàidh 'an cèill gu'n gabhadh Dia ris na dh'fhalbh ann an daorsa de Iudah: 8 agus gu'n tugadh e thairis Sedeciah agus a shluagh gu 'bhi 'n an cùis-fhanoid do na cinnich.*

DH'FHOILLSICH an Tighearn dhomh, agus, feuch, dà chliabh fhigean air an

cur fa chomhair teampuill an Tighearna, an déigh do Nebuchadresar rìgh Bhabiloin, Ieconiah mac Iehoiacim rìgh Iudah, agus maithéan Iudah, agus an luchd-ealain, agus na h-airm-cheaird, a thoirt air falbh ann am braigheanas o Ierusalem, agus an toirt leis gu Babilon:

2 *Ann an aon chliabh bha figean ro mhaith, mar na figean a bhitheas 'an toiseach abuih: agus anns a' chliabh eile figean ro dhona, nach feudtadh itheadh aig an olcas.*

3 An sin thubhairt an Tighearn rium, Ciod a tha thu 'faicinn, a Ieremiah? agus thubhairt mise, Figean: na figean maithé ro mhaith; agus na droch fhigean ro dhona, air chor as nach feudar an itheadh aig an olcas.

4 An sin thàinig focal an Tighearn a' m' ionnsuidh, ag ràdh,

5 Mar so deir an Tighearn, Dia Israeil, Amhuil na figean maithé so, mar sin gabhaidh mise ris na dh'fhalbh ann an daorsa de Iudah, a chuir mi mach as an àite so gu tìr nan Caldeach, a chum an leas.

6 Oir suidhichidh mi mo shùilean orra chum maith, agus bheir mi iad air an ais do'n tìr so; agus togaidh mi iad, agus cha tilg mi sìos; agus socraichidh mi iad, agus cha spion mi á bun.

7 Agus bheir mi dhoibh cridhe gu m' aithneachadh, gur mi an Tighearn; agus bithidh iad dhomhsa 'n an sluagh, agus bithidh mise dhoibhsan a'm' Dhia; oir pillidh iad a m' ionnsuidh le 'n uile chridhe.

8 Agus anhuil na droch fhigean, nach feudar itheadh aig an olcas, (mar so gu deimhin deir an Tighearn,) mar sin bheir mi thairis Sedeciah rìgh Iudah, agus 'uachdarain, agus am fuigheall de Ierusalem a dh'fhanas anns an tìr so, agus iadsan a tha 'chòmhnuidh ann am fearann na h-Eìphit;

9 Bheir eadhon mise thairis iad gu 'bhi air an luasgadh air feadh uile rìoghachdan an domhain, a chum an aimhleis; gu bhi 'n an cùis-fhanoid, agus 'n an gnàth-fhocal, 'n am ball-magaidh, agus 'n am mallachadh, anns a h-uile àite gus am fògair mi iad.

10 Agus cuiridh mi an claidheamh, a' ghort, agus a' phlàigh 'n am measg, gus an caithear iad bhàrr an fhearainn, a thug mise dhoibh fein agus do'n aithrichibh.

#### CAIB. XXV.

1 *Roimh-innis Ieremiah braigheanas nan deich agus trì fichead bliadhna; 12 agus léir sgrìos Bhabiloin 'n uair a chomhlionar na làithean sin. 15 Le samhladh euaiche fìona chuir am fàidh 'an cèill sgrìos mhòran cinnich.*

A M focal a thàinig a dh'ionnsuidh Ieremiah mu thimchioll uile shluagh Iudah, ann an ceathramh bliadhna Iehoiacim mhic Iosiah rìgh Iudah; b'i sin ceud bliadhna Nebuchadresar rìgh Bhabiloin:

2 A labhair Ieremiah am fàidh ri uile shluagh Iudah, agus ri uile luchd-àiteachaidh Ierusalem, ag ràdh,

3 O theas bliadhna deug Iosiah mhic Amoin rìgh Iudah, eadhon gus an là an diugh, (is i so an treas bliadhna fichead,) thàinig focal an Tighearn 'a ur' ionnsuidh-sa, agus labhair mi ruibhse, ag éirigh gu moch agus a' labhairt; ach cha d'éisd sibh.

4 Agus chuir an Tighearn do 'ur n-ionnsuidh' uile sheirbhhisich na fàidhean, ag éirigh gu moch agus 'g an cur a mach; ach cha d'éisd sibhse, agus ui mò dh'aom sibh 'ur cluas gu éisdeachd.

5 Thubhairt iadsan, Pillibh air 'ur n-ais a nis, gach aon o 'dhroch shlighe, agus o olcas a dheanadais, agus gabhaibh còmhnuidh anns an fhearann a thug an Tighearn dhuibh, agus do 'ur u-aithrichibh o linn gu linn.

6 Agus na rachaibh an déigh dhiathan coimheach, gu seirbhhis a dhcanamh dhoibh, agus gu aoradh a thoirt doibh, agus na brosnuichibh mise gu corruich le obair 'ur làmh; agus cha dean mi ole oirbh.

7 Gidheadh cha d'éisd sibh riumsa, deir an Tighearn; a chum gu'm brosnuicheadh sibh mi gu corruich le obair 'ur làmh, a chum 'ur n-aunhleis féin.

8 Uime sin mar so deir Tighearn nan sluagh, A chionn nach d'éisd sibh ri mo bhrìathraibh-sa,

9 Feuch, cuiridh mi fios, agus bheir mi leam uile mhuinntir na h-àirde tuath, deir an Tighearn, agus Nebuchadresar rìgh Bhabiloin m' òglach, agus bheir mi iad an aghaidh na tìre so, agus an aghaidh a luchd-àiteachaidh, agus an aghaidh nan cinneach so uile mu'n cuairt, agus sgrìosaidh mi gu tur iad, agus ni mi iad 'n an uamhas, agus 'n an sgeig, agus 'n am fàsach gu bràth.

10 Os bàrr, bheir mi uatha guth a' ghaird-eachais agus guth an aoibhneis, guth an fhuirnuadh-phòsda, agus guth namnà uadhpòsda, fuaim nan clachan-muilinn, agus solas na coimle.

11 Agus bithidh am fearann so uile 'n a fhàsach, agus 'n a uamhas; agus ni na cinich so seirbhhis do rìgh Bhabiloin deich agus trì fichead bliadhna.

12 Agus tarlaidh, 'n uair a choimhlionar deich agus trì fichead bliadhna, gu'n smachdaich mise rìgh Bhabiloin, agus an cinneach sin, deir an Tighearn, air sou au aingidheachd, agus fearann nan Caldéach, agus ui mi e 'n a fhàsach gu bràth.

13 Agus bheir mi air an fhearann sin m' uile bhriathran a labhair mi 'n a aghaidh, gach ni 'tha sgrìobhta 's an leabhar so, a rimm Ieremiah fhàistneachd an aghaidh nan uile chinneach.

14 Oir ni mòran chinneach, agus rìghrean mòra, seirbhhis a ghabhail dhuibhsan mar an ceudna: agus diolaidh mise riu a réir an

gnìomharan, agus a réir oibre an làmhnan féin.

15 Oir mar so tha an Tighearn Dia Isracil ag ràdh rium, Gabh cuach-fhìona na fraoich-feirge so as mo làimh-sa, agus thoir r'a h-òl i do na h-uile chiuneach a dh'ionnsuidh an cuir mise thu:

16 Agus òlaidh iad, agus bithidh iad air bhall-chrith, agus air chuthach, leis a' chlaidheamh a chuireas mise 'n am measg.

17 An sin ghlac mi a' chuach á làimh an Tighearn, agus thug mi r'a h-òl i do na h-uile chinneach a dh'ionnsuidh an do chuir an Tighearn mi;

18 Do Ierusalem, agus do bhailtibh Iudah, agus d'a rìghribh, agus d'a h-uachdaranabih, a chum an deanamh 'n an nochd-làraich, 'n an uamhas, 'n an sgeig, agus 'n am mallachadh, mar air an là 'n diugh:

19 Do Pharaoh rìgh na h-Eìphit, agus d'a òglachaibh, agus d'a uachdaranabih, agus d'a uile shluagh;

20 Agus do gach uile shluagh eile 'tha measg a chéile, agus do uile rìghribh fearainn Uis, agus do uile rìghribh fearainn nam Philisteach, agus do Ascelon, agus do Ghasah, agus do Ecron, agus do fluigheall Asdoid;

21 Do Edom, agus do Mhoab, agus do chloinu Amoin;

22 Agus do uile rìghribh Thiruis, agus do uile rìghribh Shidoin, agus do rìghribh nan crìochan a tha 'n taobh thall de'n fhairge;

23 Do Dhedan, agus do Thema, agus do Blus, agus do na h-uile a tha anns na cearnaibh iomallach;

24 Agus do uile rìghribh Arabia, agus do uile rìghribh an t-sluaigh mheasgta á tha 'chòmhnuidh anns an fhàsach;

25 Agus do uile rìghribh Shimri, agus do uile rìghribh Elaim, agus do uile rìghribh Mhedia;

26 Agus do uile rìghribh na h-àirde tuath, am fad agus am fagus, gach aon le 'chéile, agus do uile rìghachdaibh an domhain, a tha air aghaidh na talmhainu: agus òlaidh rìgh Shesaich 'n an déigh so.

27 Agus their thu riu, Mar so tha an Tighearn Dia nan sluagh, Dia Isracil, ag ràdh, Olaidh, agus bithibh air mhisg, agus sgeithibh, agus tuitibh, agus na h-èiribh ni's mò, roimh 'n chlaidheamh a chuireas mise 'n 'ur measg.

28 Agus tarlaidh, ma dhiùltas iad a' chuach a ghabhail as do làimh, gu òl, an sin gu'n abair thu riu, Mar so deir Tighearn nan sluagh, Olaidh sibh gu deimhin.

29 Oir feuch, air a' chaithir a tha air a h-ainmneachadh air m' ainm, oirre sin tha mise 'tìomsgnadh air ole a thabhairt, agus am feud sibhse dol as gu glan-shaor o pheanas? cha téid sibh as: oir gairnidh mise claidheamh air uile luchd-àiteachaidh na talmhainn, deir Tighearn nan sluagh.



## IEREMIAH, XXVI.

30 Air an aobhar sin labhair thusa 'n an aghaidh na briathran faistneachd so air fad, agus abair riu, Beucaidh an Tighearn o 'ionad àrd, agus o ionad còmhnuidh a naomhaehd cuiridh e mach a ghuth; beucaidh e gu cumhachdach an aghaidh ionaid a thàmh; togaidh e iolach, mar [iolach] luchd-bruthaidh nam *fion-dearc*, an aghaidh uile luchd-àiteachaidh na talmhainn.

31 Thig toirm gu iomallaibh na talmhainn, a cliomn gu bheil comh-strì aig Dia ris na einnich; tagraidh e ris na h-uile fheoil; bheir e 'n dream a tha ole do'n chlaidheamh, deir an Tighearn.

32 Mar so tha Tighearn nan sluagh ag ràdh, Feuch, thèid ole a mach o chinneach gu einneach, agus dùisgear suas iomaghaioch mhòr o chrìochaibh na talmhainn.

33 Agus bithidh iadsan a mharbhar leis an Tighearn 's an là sin, o aon iomall na talmhainn eadhon gu iomall cile na talmhainn; cha deanar caoidh air an son, ni mò 'ehruinniehear iad, ni mò dh'adhlacair iad; 'n an aolach air aghaidh na talmhainn bithidh iad.

34 Togaibh gaoir bhròin, a bhuachaillean, agus èighibh, agus deanaibh sibh féin aoirnecan, [ann an luaithe,] sibhse a's urramaiche de'n treud, a cliomn gu bheil làithean bhuir marbhaidh agus bhuir sgapaidd air an coimhionadh; agus tuitidh sibh mar shoitheach luachmhor.

35 Agus cha bhi seòl teichidh aig na buachailibh, no dol as aig maithcan an treud.

36 Guth caoidh nam buachaillean, agus nuallan mhaithean an treud: oir mhill an Tighearn an eluain-ionaltraidh.

37 Mhilleadh fòs ionadan-còmhnuidh na sìthe le dian-chorruich an Tighearna.

38 Thréig e, mar leòmhann, a gharaidh; oir rinneadh an euid fearainn fàs, troimh chorruich a' mhillteir, agus troimh dhian-thcas 'fheirge.

### CAIB. XXVI.

1 *Chomhairlich Jeremiah do'n t-sluagh an aingidheachd a thrèigsinn: 8 Ghlac na sagartan agus an sluagh e chum a chur gu bàs air son nan nithean a labhair e riu. 12 Thagair e a chàis féin. 16 Leig an sluagh as e.*

**A** NN an toiscach linn Iehoiacim, mhie Iosiah rìgh Iudah, thàinig am focal so o'n Tighearn, ag ràdh,

2 Mar so tha an Tighearn ag ràdh, Seas ann an èurid tìghe an Tighearn', agus labhair ri uile bhailtigh Iudah, a tha 'teachd a dhcanamh aoraidh ann an tigh an Tighearna, na h-uile bhriathran a dh'aitheas mise dhuit a labhairt riu; na lughdaich focal;

3 A dh'fheuchainn an èisd iad, agus am pill iad, gach aon o 'dhroch shlighe, chum gu'n gabh miscaithreacas de'n ole a tha ann

am rùn a thoirt orra air son aingidheachd an gnìomharan.

4 Agus their thu riu, Mar so tha an Tighearn ag ràdh, Mur èisd sibh riumsa, gu sìubhal ann am reachd, a chuir mi fa 'r comhair,

5 Gu èisdeachd a thoirt do bhriathraibh mo sheirbhiseach na fàidhean, a chuir mi thugaibh, araon ag éirigh gu moeh agus 'g an cur a mach, (ged nach d'èisd sibhse;)

6 An sin 's mise an tigh so cosmhail ri Siloh, agus ni mi am baile so 'n a mhallachadh do uile chinnich na talmhainn.

7 Agus chuala na sagartan, agus na fàidhean, agus an sluagh uile, Jeremiah a' labhairt nam briathran so ann an tigh an Tighearna.

8 A nis tharladh, air do Jeremiah sgur de labhairt nan uile nithean a dh'aithean an Tighearn *cha* a labhairt ris an t-sluagh uile, gu'n do ghlae na sagartan, agus na fàidhean, agus an sluagh uile e, ag ràdh, Cuirear gu deimhin gu bàs thu.

9 Car son a rinn thu faistneachd ann an ainn an Tighearn', ag ràdh, Bithidh an tigh so cosmhail ri Siloh, agus cuirear a' chaithir so fàs gun aon 'g a h-àiteachadh? Agus ehruinnieadh an sluagh air fad an aghaidh Jeremiah, ann an tigh an Tighearna.

10 'N uair a chuala maithcan Iudah na nithean so, an sin thàinig iad a mìos o thigh an rìgh, gu tigh an Tighearn', agus shuidh iad ann an dol a steach a' gheata nuaidh aig tigh an Tighearn'.

11 An sin labhair na sagartan, agus na fàidhean ris na maithibh, agus ris an t-sluagh gu léir, ag ràdh, Is airidh an duine so air bàs, oir rinn e faistneachd an aghaidh na caithreach so, mar a chuala sibh le 'r clusaibh.

12 An sin labhair Jeremiah ris na maithibh uile, agus ris an t-sluagh gu h-iomlan, ag ràdh, Chuir an Tighearn mise gu labhairt ann am faistneachd an aghaidh an tìghe so, agus an aghaidh na caithreach so, na h-uile bhriathran sin a chuala sibh.

13 Uime sin a nis leasaichibh 'ur slighe agus 'ur deanadas, agus thugaibh géill do ghuth an Tighearna bhuir Dé; agus gabhaidh an Tighearn aithreachas de'n ole a labhair e 'n 'ur n-aghaidh.

14 Air mo shon-sa, feneh, tha mi 'n 'ur làmh; deanaibh rium mar a chithear maith agus ceart duibh.

15 Ach bitheadh gu cinnteach fios agaibh, ma chuireas sibh gu bàs mise, gu'n tarruing sibh fuil neò-chiontach oirbh féin, agus air a' chaithir so, agus air a luchd-àiteachaidh: oir gu frinneach chuir an Tighearn mise thugaibh, gu na briathran so uile a labhairt 'n 'ur clusaibh.

16 An sin thubhairt na maithcan, agus an sluagh uile ris na sagartan, agus ris na fàidhibh, Cha-n airidh an duine so air bàs,

oir ann an ainm an Tighearn' ar Dé labhair e ruinn.

17 An sin sheas cuid de sheanairibh na tire suas, agus labhair iad ri uile choimhthional an t-sluaigh, ag ràdh,

18 Rinn Micah an Morastach faistneachd ann an làithibh Hesechia rìgh Iudah, agus labhair e ri uile shluagh Iudah, ag ràdh, Mar so deir Tighearn nan sluagh, Bithidh Sion mar mhaichair air a treabhadh, agus bithidh Ierusalem 'n a carnaibh, agus sliabh an tighe mar ionadaibh àrda na fridhe.

19 An d'thug Hesechia rìgh Iudah, agus Iudah uile thairis gu bàs e? nach robh eagal an Tighearn' air, agus nach d' iarr e an Tighearn, agus ghabh an Tighearn aithreachas de'n oile a labhair e 'n an aghaidh? Ach sinne, tha sinn a' deanamh aithleis mhòir an aghaidh ar n-anama féin.

20 Agus bha fòs duine ann a rinn faistneachd ann an ainm an Tighearn', Uriah mac Shemariah, o Chireat-earain, a rinn faistneachd an aghaidh a' bhaile so, agus an aghaidh na tire so, a réir uile bhriathran Ieremiah:

21 Agus an uair a chuala Iehoiacim an rìgh, agus a dhaoine cumhachdach uile, agus na maithean uile, a bhriathran, dh'iarr an rìgh a chur gu bàs; agus chuala Uriah sin, agus bha eagal air, agus theich e, agus dh'imich e do'n Eiphit:

22 Agus chuir an rìgh Iehoiacim daoine Eiphiteach, Elnatan mac Achboir, agus iad-san a bha leis, do'n Eiphit;

23 Agus thug iad Uriah a mach as an Eiphit, agus thug iad e chum an rìgh Iehoiacim, a mharbh e leis a' chlaidheamh, agus a thilg a chorp ann an uaighean nan daoine coitcheinn.

24 Gidheadh bha làmh Ahicaim mhic Shaphain le Ieremiah, chum nach bitheadh e air a thoirt thairis do làimh an t-sluaigh, gu 'chur gu bàs.

CAIB. XXVII.

1 *Tha Ieremiah a' faistneachd gu'm buadhaich-eadh Nebuchadresar air na rìghrean a bha mu'n cuairt da.* 9 *Chomhairlich e dhoibh géilleachduinn do rìgh Bhabiloin.* 12 *Thug e a' chomhairle cheudna do Shedeciah.*

**A**NN an toiseach linn Iehoiacim mhic Iosiah rìgh Iudah, thàinig am focal so gu Ieremiah o'n Tighearn, ag ràdh,

2 Mar so tha an Tighearn ag ràdh rium, Dean dhuit féin bannan agus cuingeann, agus cuir iad air do mhuineal;

3 Agus cuir iad gu rìgh Edoim, agus gu rìgh Mhoab, agus gu rìgh nan Amonach, agus gu rìgh Thiruis, agus gu rìgh Shidoim, le làmh nan teachdairean a tha 'teachd gu Ierusalem, a chum Shedeciah rìgh Iudah:

4 Agus aithn doibh a ràdh ri 'n tighearn-aibh, Mar so tha Tighearn nan sluagh, Dia Israeil, ag ràdh, Mar so their sibh ri 'ur tighearnaibh;

5 Rinn mise an talamh; an duine agus an t-ainmhidh a tha air aghaidh na tabuhalinn, le mo mhòr-chumhachd, agus le m' ghairdean sìnte mach; agus cò air bith do 'm facas iomchuidh leam a thabhairt, dhà-san thug mi e.

6 Agus a nis thug mi na dùthehan so uile do lamh m' òglaich Nebuchadresar rìgh Bhabiloin, agus beathaichean na macharach fòs thug mi dha, gu frithealadh dha.

7 Agus bheir na h-uile chinnich géill dhasan, agus d' a mhac, agus do mhac a mhic, gus an tig am a dhùthecha féin: an sin bheir iomadich cinneach, agus rìghrean mòra aisans gu'n toir e géill doibh.

8 Agus tarlaidh, an cinneach no an rìoghachd nach toir géill do Nebuchadresar so rìgh Bhabiloin, agus nach cuir am muineal fo chuing rìgh Bhabiloin, le claidheamh, agus le gort, agus le plàigh, smachdaichidh mise an cinneach sin, deir an Tighearn, gus an sgrios mi iad gu tur le làimh-san.

9 Uime sin na h-éisdibh-sa ri 'ur fàidhean, no ri 'ur fiosaichean, no ri 'ur luchd-bhrudair, no ri 'ur speuradairean, no ri 'ur druidhean, a tha 'labhairt ruibh, ag ràdh, Cha toir sibh géill do rìgh Bhabiloin:

10 Oir tha iad a' faistneachd bréige dhuibh, a chum 'ur n-atharrachadh iad' o 'ur fearann féin, agus a chum gu'm fògrainn-sa mach sibh, agus gu'n rachadh sibh am mugha.

11 Ach an cinneach sin a chuireas an ambach fo chuing rìgh Bhabiloin, agus a bheir dha ùmhachd, leigidh mise dhoibh sin fuireach 'n am fearann féin, agus treabhaidh iad e, agus gabhaidh iad còmh-nuidh ann.

12 Agus labhair mise ri Sedeciah rìgh Iudah, a réir nam briathran so air fad, ag ràdh, Cuiribh 'ur n-amh'chan fo chuing rìgh Bhabiloin, agus thugaibh dha ùmhachd, dha féin, agus d'a shluagh, agus mairibh beò.

13 C'ar son a bhàsaicheas sibh, thu féin agus do shluagh, leis a' chlaidheamh, leis a' ghort, agus leis a' phlàigh, mar a labhair Dia an aghaidh a' chinnich nach toir géill do rìgh Bhabiloin?

14 Uime sin na h-éisdibh ri briathraibh nam fàidhean a tha 'labhairt ruibh, ag ràdh, Cha toir sibh ùmhachd do rìgh Bhabiloin: oir tha iad a' faistneachd bréige dhuibh.

15 Oir cha do chuir mise a mach iad, deir an Tighearn, gidheadh tha iad a' faistneachd bréig' ann an ainm, a chum gu'm fògrainn sibhse mach, agus gu'n rachadh sibh 'am mugha; sibh féin agus na fàidhean a tha ri faistneachd dhuibh.

16 Labhair mi cuideachd ris na sagartaibh, agus ris an t-sluagh so uile, ag ràdh, Mar so deir an Tighearn, Na h-éisdibh ri briathraibh



raibh 'ur fàidhean a tha ri fàistneachd dhuibh, ag ràdh, Feuch, bheirear soithichean tìghe an Tighearn' air an ais o Bhabìlon a nis gu h-aithghearr; oir tha iad a' fàistneachd bréige dhuibh.

17 Na h-éisidibh riu; géillibh do rìgh Bhabìlon agus mairibh beò; c'ar son a bhithcadh ann baile so air a dheanamh 'n a fhàsach?

18 Ach ma's fàidhean iad, agus ma tha focal an Tighearna maille riu, deanadh iad a nis eadar-ghuidhe ri Tighearn nan sluagh, a chum nach rachadh na soithichean a tha air am fàgail ann an tìgh an Tighearn', agus ann an tìgh rìgh Iudah, agus ann an Ierusalem, gu Babilon.

19 Oir mar so tha Tighearn nan sluagh ag ràdh, mu thimchioll nam post, agus mu thimchioll na fairge, agus mu thimchioll nam bonn, agus mu thimchioll na cuid eile de na soithichibh a dh'fhan anns a' bhaile so;

20 Nach d'thug Nebuchadnesar rìgh Bhabìlon leis, an uair a thug e air falbh ann am braidhdeanas Ieooniah mac Iehoiacim rìgh Iudah, o Ierusalem gu Babilon, agus uile uaislean Iudah agus Ierusalem;

21 Seadh, mar so deir Tighearn nan sluagh, Dia Israeil, mu thimchioll nan soithichean a dh'fhan ann an tìgh an Tighearn', agus ann an tìgh rìgh Iudah, agus ann an Ierusalem;

22 Gu Babilon bheirear air falbh iad, agus an sin bithidh iad gus an là anns an tèid mise g'an amhar, deir an Tighearn: an sin bheir mise a nìos iad, agus aisgidh mi iad a rìs do'n àite so.

# CAIB. XXVIII.

1 *Fàistneachd bhréige Hananiah.* 5 *Chuir Ieremiah 'an cèll ciod an doigh air an aithnìchean na fàidhean a chuir Dia a mach.* 10 *Bhris Hananiah a' chuing bhàrr muineil Ieremiah.* 12 *Le samhladh chuibhrichean iarunn dhainnigh Ieremiah an fàistneachd a labhair e.* 15 *Roinh-innis e bàs Hananiah.*

**A**GUS tharladh anns a' bhliadhna sin a fèin, ann an toiseach linn Shedeciah rìgh Iudah, anns a' cheathramh bliadhna, anns a' chùigcamh mìos, gu'n do labhair Hananiah mac Asuir, am fàidh a bha o Ghibeon, riumsa ann an tìgh an Tighearn', an làthair nan sagart, agus an t-sluaigh uile, ag ràdh,

2 Mar so labhair Tighearn nan sluagh, Dia Israeil, ag ràdh, Bhris mise cuing rìgh Bhabìlon.

3 'An ceann dà bhliadhna iomlain bheir mise air an ais a chum an àite so uile shoithichean tìghe an Tighearn', a thug Nebuchadnesar rìgh Bhabìlon air falbh o'n àite so, agus a ghiùlain e gu Babilon.

4 Agus bheir mi chum an àite so a rìs Ieooniah mac Iehoiacim rìgh Iudah, maille ri uile bhraighdibh Iudah, a dh'imich gu

Babilon, deir an Tighearn; oir brisidh mise cuing rìgh Bhabìlon.

5 Agus thubhairt am fàidh Ieremiah ris an fhàidh Hananiah, an làthair nan sagart, agus an làthair an uile shluaigh a bha 'nan seasamh ann an tìgh an Tighearna,

6 Thubhairt eadhon am fàidh Ieremiah, Amen: gu'n deanadh an Tighearn mar sin; gu'n coimhlonadh an Tighearn do bhriathran a rinn thu fhàistneachd, le soithichean tìghe an Tighearn', agus gach nì eile a thugadh air falbh ann am braidhdeanas, a thoirt air an ais o Bhabìlon a chum an àite so.

7 Gidheadh cluinn thusa a nis am focal so 'tha mise a' labhairt ann ad èisdeachd, agus ann an èisdeachd an t-sluaigh uile;

8 Na fàidhean a bha romhas-sa agus romhad-sa o shean, rinn iad fàistneachd araon a thaobh mhòran dhùthchan, agus a thaobh rioghachdan mòra, air cogadh, agus air gort, agus air plàigh.

9 Am fàidh a nì fàistneachd mu shìth, 'n uair a thig focal an fhàidh gu crìch, aithnìcheargur e an Tighearn gu deimhin a chuir am fàidh sin a mach.

10 An sin thug am fàidh Hananiah a' chuing bhàrr muineil an fhàidh Ieremiah, agus bhris e i.

11 Agus labhair Hananiah an làthair an t-sluaigh uile, ag ràdh, Mar so deir an Tighearn, Amhuil so brisidh mise cuing Nebuchadnesar rìgh Bhabìlon o mhuineal nan uile chinneach an taobh a stigh de dhà bhliadhna iomlan. Agus dh'fhalbh am fàidh Ieremiah roimhe.

12 Agus thàinig focal an Tighearna gu Ieremiah (an dèigh do'n fhàidh Hananiah a' chuing a bhriseadh bhàrr muineil an fhàidh Ieremiah,) ag ràdh,

13 Imich agus labhair ri Hananiah, ag ràdh, Mar so deir an Tighearn, Na cuibhrichean fiodha bhris thu, ach nì thu 'n an àite cuibhrichean iarunn.

14 Oir mar so deir Tighearn nan sluagh, Dia Israeil, Cuing iarunn chuir mise air muineal nan cinneach so uile, a chum gu'n tugadh iad géill do Nebuchadnesar rìgh Bhabìlon; agus bheir iad géill da; agus beathaichean na macharach thug mi dha mar an ceudna.

15 An sin thubhairt am fàidh Ieremiah ris an fhàidh Hananiah, Eisd a nis, a Hananiah; Cha do chuir an Tighearn fios leatsa, ach tha thu 'toirt air an t-sluaigh so earbsa a dheanamh á bréig.

16 Uime sin mar so deir an Tighearn, Feuch, tilgidh mise thu bhàrr aghaidh na talmhainn; air a' bhliadhna so gheibh thu bàs, a chionn gu'n do labhair thu ceannaire an aghaidh an Tighearna.

17 Mar sin fhuair am fàidh Hananiah bàs air a' bhliadhna sin fèin, anns an t-seachdamh mìos.

CAIB. XXIX.

1 *Briathran na litreach a chuir Ieremiah a dh'ionnsuidh an t-sluaigh a thugadh air falbh ann am braighdeanas. 10 Dh'innis e doibh gu'm pilleadh iad a ris d' an tìr féin 'n uair a choinhlonar deich agus tri fichead bliadhna. 20 Fàistneachd mu thimchioll nam fàidhean bréige; 24 agus mu thimchioll Shemariah air son nan litreachan a sgrìobh e dh'ionnsuidh an t-sluaigh.*

**A**NIS is iad so briathran na litreach a chuir am fàidh Ieremiah o Ierusalem gus a' chuid eile de na seanairibh a thugadh air falbh ann am braighdeanas, agus gus na sagartan, agus gus na fàidhean, agus gus an uile shluagh a thug Nebuchadnesar air falbh ann am braighdeanas o Ierusalem gu Babilon;

2 (An déigh do Ieconiah an rìgh, agus a' bhàn-rìghinn, agus na cailteanaich, agus maithean Iudah agus Ierusalem, agus an luchd-ealain, agus na h-airm-cheaird, im-cachd air falbh o Ierusalem:)

3 Le làimh Elasa mhic Shaphain, agus Ghenariah mhic Hilciah, (a chuir Sedeciah rìgh Iudah do Bhabilon, gu Nebuchadnesar rìgh Bhabilon,) ag ràdh,

4 Mar so deir Tighearn nan sluagh, Dia Israeil, ris na h-uile a tha air an toirt air falbh ann am braighdeanas, a chuir mise air falbh ann am braighdeanas o Ierusalem gu Babilon,

5 Togaibh tighean, agus gabhaibh còmhuidh; agus suidhichibh fìosan, agus ithibh an toradh:

6 Gabhaibh mnathan, agus ginibh mic agus nigheanan; agus gabhaibh mnathan d' ur macaibh, agus thugaibh 'ur nigheanan do fhearaibh, a chum gu'm beir iad mic agus nigheanan; a chum gu meudaichear sibh anns an àite sin, agus nach lughdaichear sibh.

7 Agus iarraibh sìth na dùthcha gus an do chuir mise air falbh sibh ann am braighdeanas: agus guidhibh air a son ris an Tighearn: oir 'n a sìth-sa bithidh sìth agaibhse.

8 Oir mar so deir Tighearn nan sluagh, Dia Israeil, Na meallar sibh leis na fàidhean a tha 'n ur measg, agus le 'ur luchd-fìosachd; ni mò 'dh'èisdeas sibh ri 'ur brùadair a tha sibh a' toirt fainear a bhrùadar.

9 Oir tha iad a' fàistneachd bhreug dhuibh ann am ainm-sa; cha do chuir mise a mach iad, deir an Tighearn.

10 Oir mar so deir an Tighearn, An uair a choinhlonar ann am Babilon deich agus tri fichead bliadhna, thig mise gu 'n amhare, agus coimhlionaidh mi dhuibh m' fhocal maith, a chum 'ur toirt air 'ur n-ais do'n àite so.

11 Oir is aithne dhomh na smuaintean a smuainich mi do 'ur taobh, deir an Tighearn, smuaintean sìthe, agus cha-n e ainm-leis, a thoirt duibh sìochd agus dòchais.

12 An sin gairmidh sibh orm, agus théid sibh agus ni sibh urruigh rium, agus éisdidh mise ruibh.

13 Agus iarraidh sibh mi, agus gheibh sibh mi, an uair a rannsaicheas sibh air mo shon le 'ur n-uile chridhe.

14 Agus bithidh mise air m' fhaotainn leibh, deir an Tighearn, agus pillidh mi air a h-ais 'ur braighdeanas, agus cruinnichidh mi sibh o na h-uile chinnich, agus o na h-uile àite gus an d'fhògair mi sibh, deir an Tighearn; agus bheir mi sibh a ris a chum an àite o'n do chuir mi air falbh sibh ann am braighdeanas.

15 A chionn gu'n dubhairt sibh, Thog an Tighearn suas duinn fàidhean ann am Babilon:

16 Mar so deir an Tighearn ris an rìgh a tha 'n a shuidhe air caithir Dhaibhidh, agus ris an uile shluagh a tha 'chòmhnuidh anns a' bhaile so, agus ri 'ur bràithribh nach deachaidh a mach leibh ann am braighdeanas;

17 Mar so deir Tighearn nan sluagh, Feuch, cuiridh mise orra an claidheamh, a' ghort, agus a' phlàigh, agus ni mi iad mar dhroch fhigean, nach feudar itheadh aig an oleas.

18 Agus dian-ruaigidh mi iad leis a' chladheamh, leis a' ghort, agus leis a' phlàigh; agus bheir mi thairis iad gu 'bhi air an luasgadh air feadh uile rìoghachdan an domhain, gu 'bhi 'n am mallachadh, agus 'n an uamhas, agus 'n an sgeig, agus 'n am masladh, am measg nan uile chinneach gus am fògair mi iad.

19 A chionn nach d'èisd iad ri m' bhriathraibh-sa, deir an Tighearn 'n uair a chuir mi do'n ionnsuidh m' òglach na fàidhean, ag èirigh gu moch, agus 'g an cur a mach; ach cha n-éiscadh sibhse, deir an Tighearn.

20 Cluinnibh uime sin, focal Ichoblah, sibhse uile a tha de'n bhraighdeanas, a chuir mise o Ierusalem gu Babilon:

21 Mar so deir Tighearn nan sluagh, Dia Israeil, a thaobh Ahaib mhic Cholaiah, agus Shedeciah mhic Mhaaseiah, a tha 'fàistneachd bréig' dhuibh ann am ainm-sa, Feuch, bheir mise thairis iad do làimh Nebuchadnesar rìgh Bhabilon, agus marbhaidh esan iad fa chomhair 'ur sùl;

22 Agus natha-san togar suas mallachadh le uile bhraighdibh Iudah a th'ann am Babilon, ag ràdh, Gu'n deanadh an Tighearn thu cosmhuil ri Sedeciah, agus cosmhuil ri Ahab, a ròst rìgh Bhabilon anns an teine.

23 A chionn gu'n do chuir iad 'an gnìomh aingidheachd ann an Israel, agus gu'n d' rinn iad adhaltranas le nnaibh an coimhearsnach, agus gu'n do labhair iad briathran breugach ann am ainm-sa, nach d' àithn mise dhoibh, air am bheil cadhon mise



## IEREMIAH, XXX.

fiosrach agus a'm' fliannis, deir an Tighearn.

24 Labhraidh tu fòs ri Semaiah an Nehelamach, ag ràdh,

25 Mar so labhair Tighearn nan sluagh, Dia Isracil, ag ràdh, A chionn gu'n do chuir thu litrichean ann ad ainm a chum an uile shluaigh a th'ann an Ierusalem, agus a chum Shephaniah mhic Mhaaseiah an sagart, agus a chum nan sagart air fad, ag ràdh,

26 Rinn an Tighearn dhiot-sa sagart ann an àite Ichoiada an t-sagairt, a chum gu'm bitheadh Inched-riaghailt ann an tigh an Tighearn', air son gach duine 'tha air chuthach, agus a' deanamh dheth féin faidh, a chur ann an tigh-smachdachaidh, agus ann an sàs.

27 Uime sin a nis, c'uime nach do chron- uich thu Ieremiah o Anatot, a tha 'g a dheanamh féin 'n a fhàidh dhuibh?

28 Oir chuir e gun amharus fios thugainne a tha ann am Babilon, ag ràdh, Tha an daorsa so buan, togaibh tighean, agus gabh- aibh còmhnuidh, agus suidhicibh hosan, agus ithibh an toradh.

29 [Agus leugh Sephaniah an sagart an litir so ann an cluasaibh Ieremiah an fhàidh.]

30 Uime sin thàinig focal an Tighearna gu Ieremiah, ag ràdh,

31 Cuir fios gu muinntira' bhraighdeanas air fad, ag ràdh, Mar so labhair an Tighearn a thaobh Semaiah an Nehelamaich; A chionn gu'n d'rinn Semaiah faistneachd dhuibh an uair nach do chuir mise mach e, agus gu'n d'thug e oirbh earbsa a dheanamh à bréig:

32 Air an aobhar sin, mar so tha an Tighearn ag ràdh, Feuch, smachdaichidh mise Semaiah an Nehelamach agus a shliochd: cha bhi aige duine 'ghabhas còmhnuidh am measg an t-sluaigh so, ni mò 'chi e am maith a ni mise air son mo phobuill, deir an Tighearn, a chionn gu'n do labhair e ceannaire an aghaidh an Tighearna.

### CAIB. XXX.

1 *Nochd Dia do Ieremiah gu'n tugadh e air ais braidheanas a shluaigh; 4 agus gu'n tèarn- adh e iad o'n uile àmhgharaibh. 10 Thug am fàidh misneach do Iacob. 23 Tuitidh dòrainn air ceann nan ciotach.*

**A**M focal a thàinig a chum Ieremiah o'n Tighearn, ag ràdh,

2 Mar so labhair an Tighearn Dia Isracil, ag ràdh, Sgrìobh dhuist féin ann an leabhar na h-uile bhriathran a labhair mise riut.

3 Oir feuch, tha na làithean a' teachd, deir an Tighearn, anns an toir mise air a h-ais braidheanas mo shluaigh, Isracil agus Iudah, deir an Tighearn, agus bheir mi orra pilltinn a chum an fhearainn a thug mi do'n aithrichibh, agus sealbhaichidh iad e.

4 Agus so na briathran a labhair an Tighearn,

mu thimchioll Israeil, agus mu thim- chioll Iudah.

5 Oir mar so deir an Tighearn, Guth criotli- nachaidh chuala sinn; eagal, agus cha-n e sith.

6 Fèòruichibh a nis, agus feuchaibh am beir fìrionnach leanabh? c'uime am faic mi gach duine agus a làmhnan air a leasraibh, mar mhnaoi ri saothair, agus tha na h-uile aghaidh air fàs bàn?

7 Mo thruaighe! oir is mòr an là sin, agus cha-n'eil a choimeas ann: agus is aimsir teanntachd i do Iacob; ach téarnar aisd' e.

8 Oir tarlaidh anns an là sin, deir Tighearn nan sluagh, gu'm bris mise a chuing bhàrr a mhuineil, agus a chuibhrichean sgaoilidh mi as a chèile; agus cha ghabh coirigh mi's mò seirbhis deth.

9 Ach bheir iad seirbhis do'n Tighearn an Dia, agus do Dhaibhidh an rìgh, a thogas mise suas doibh.

10 Uime sin na bitheadh eagal ort, O Iacob, mòglach-sa, deir an Tighearn, agus na bitheadh geilt ort, O Israeil: oir feuch, bheir mise tèaraint' thu o chéin, agus do shliochd o thìr an daorsa; agus pillidh Iacob, agus gheibh e fois agus sith, agus cha bhi ann neach a' cur eagal air.

11 Oir tha mise maille riut, deir an Tighearn, chum do thèarnadh: ged bheir mi crioch iomlan air na h-uile chinnich gus an d' fhògair mi thu, gidheadh cha toir mi crioch iomlan ortsa: ach smachdaichidh mi thu ann an tomhas, agus cha leig mi as thu gu h-iomlan o pheanas.

12 Oir mar so deir an Tighearn, Is do- leigheas do bhruthadh, is cràiteach do chreuchd.

13 Cha-n'eil neach ann a ni tagradh air do shìon, a chum gu'm bitheadh tu air do cheangal suas: iocshlàint chum leigheis cha-n'eil agad.

14 Rinn do leannain gu léir do dhearnadh: cha-n'eil iad 'g a d' iarraidh, oir rinn mise do lot le lot nàmhaid, le smachdachadh garg; a chionn gu'n robh do chionta mòr; do lochdan fionnhor.

15 C'uime an glaoth thu air son d' àmhghair? cha ghabh do bhàrr leigheas; a chionn gu'n robh do chionta mòr, do lochdan fionnhor, rinn mise na nithean so ort.

16 Uime sin bithidh iadsan uile a tha ga d' shlugadh, air an slugadh, agus thèid do naimhdean uile, gach aon duibh ann am braidheanas: bithidh iadsan a tha ga d' chreachadh 'n an creich, agus na h-uile a tha 'deanamh cobhartaich dhiot, bheir mise gu bhli 'n an cobhartach.

17 Oir aisgidh mi slàinte dhuist, agus leighisidh mi do chreuchdan, deir an Tighearn; ge do thubhairt iad riut Diobarach, Sìon, ise de nach 'eil aig aon neach sin.

18 Mar so deir an Tighearn, Feuch, bheir mise air a h-ais daorsa phàillium Iacob,

agus air 'ionadan-còmhnuidh ni mi iochd, agus togar am baile air a thòrr féin, agus bithidh an luchairt a réir a nòis féin air a daingneachadh.

19 Agus a mach asda thig buidheachas, agus guth na muinntir 'a ni gairdeachas; agus ni mise lionmhòr iad, agus cha bhi iad teare; ni mi fòs glòrmhòr iad, agus cha bhi iad suarrach.

20 Bithidh a chlann fòs mar roimhe so, agus bithidh a choimhthional air a dhaingneachadh ann am làthair-sa, agus ni mi peanas air gach neach a shàruicheas e.

21 Agus thig 'Uachdaran uaithe féin, agus thig 'fhear-riaghlaidh a mach as a mheadh-on; agus tairngidh mise e, agus thig e dlùth dhomh: oir cò e so a shocruidh a chridhe air teachd am fagus dhomhsa? deir an Tighearn.

22 Agus bithidh sibhse 'n ur sluagh dhomhsa, agus bithidh mise ann am Dhia dhuibhse.

23 Feuch, tha cuairt-ghaoth an Tighearn' a' dol a mach le corruich; cuairt-ghaoth bhuan, a thuiteas le dòrainn air ceann nan ciontach.

24 Cha phill dian-chorruich an Tighearn' air a h-ais, gus an dean, agus gus an coimh-lion e rùn a chridhe: anns na làithibh deir-eannach bheir sibh so fainear.

# CAIB. XXXI.

1 *Gheall Dia gu'n nochdadh e caoimheas do Israel, 9 agus gu'n treòraicheadh e iad air slighe réidh. 15 Thugadh comhfhurtachd do Rachel 'n uair a bha i a' gul air son a cloinne. 18 Ghabh Ephraim aithreachas agus phill e a dh'ionnsuidh Dhé. 27 Cùram an Tighearna a' eaglais.*

**A**NNS an àm sin, deir an Tighearn, bithidh mise ann am Dhia do uile theaghlachibh Israeil, agus bithidh iadsan dhomhsa 'n an sluagh.

2 Mar so deir an Tighearn, Fhuair an sluagh a dh'fhàgadh leis a' chlaidheamh, caoimheas anns an fhàsach; *eadhon* Israel, 'n uair a chaidh mise a thoirt fois da.

3 O chéin dh'fhoillsicheadh Iehobhah dhomhsa, *ag ràdh*, Seadh, le gràdh sìorruidh ghràdhaidh mi thu; uime sin tharruing mi thu le caoimheas gràdhach.

4 A ris togaidh mi thu, agus bithidh tu air do thogail, O ògh Israeil; a ris sgeadachear thu le d' thiompanaibh, agus théid thu mach ann an dannsa na muinntir 'a ni aidhear.

5 Suidhichidh tu fathast fion-lìosan air sléibhtibh Shamaria; suidhichidh an luchd-suidheachaidh, agus ithidh iad an toradh.

6 Oir thàinig an là, dh'éigh an luchd-faire air shlabh Ephraim; Eiribh, agus rachamaid suas gu Sion, a chum an Tighearn 'ar Dia.

7 Oir mar so deir an Tighearn, Deanaibh iolach ann an Iacob le h-aobhneas, agus

deanaibh luadh-ghair an measg rogha nan cinneach; cuiribh 'an céill, molaibh, agus abraibh, O Thighearna, saor do shluagh, iarnmad Israeil.

8 Feuch, bheir mi iad o'n tìr mu thuath, agus tionailidh mi iad o chrìochaibh na talmhainn: an dall agus am bacach maille ri u, a' bhean thorrach, maraon agus ise a tha ri saothair; 'n an cuideachd mhòir pillidh iad.

9 Thig iad le gul, agus le caomhalachd ni mise an treòrachadh; treòraichidh mi iad ri taobh nan sruthan uisge, air slighe réidh, far nach faigh iad tuisleadh; oir tha mise ann am athair do Israel; agus Ephraim, is esan mo cheud-ghin.

10 Chuinnibh focal an Tighearna, O chinn-eacha, agus cuiribh 'an céill e anns na h-eileamaibh fad as, agus abraibh, Esan a sgap Israel, ni e a chruinneachadh agus a choinhead, mar ni buachaille a threud.

11 Oir shaor an Tighearn Iacob, agus dh'fhuasgail se e o làimh an fhir a bu treise na e féin.

12 Uime sin thig iad agus seinnidh iad ann an àirde Shìoin, agus cruinnichidh iad ri 'chéile chum maithéis an Tighearn', air son cruithneachd, agus air son fìona, agus air son olaidh, agus air son àlach an treud agus na spréidhe: agus bithidh an anam mar ghàradh air uisgeachadh, agus cha dean iad air aon chor bròn ni's mò.

13 An sin ni an ògh gairdeachas anns an dannsa, na daoine òga, agus na seann daoine le 'chéile: oir tionndaidhidh mise am bròn gu h-aobhneas, agus bheir mi dhoibh comhfhurtachd, agus ni mi sòlasach iad an déigh an àmhghair.

14 Agus sàsuidhidh mi anam nan sagart le nithibh blasda, agus bithidh mo shluagh air an sàsachadh le mo mhaitheas, deir an Tighearn.

15 Mar so deir an Tighearn, Chualas guth am an Ramah, caoidh, gul ro ghoirt; Rachel a' gul air son a cloinne; dhiùlt i comhfhurtachd air son a cloinne, a chionn nach 'eil iad ann.

16 Mar so deir an Tighearn, Cum do ghuth o chaoidh, agus do shùilean o dheuraibh: oir gheibh do shaothair duais, deir an Tighearn, agus thig iad a ris o thìr an nàmhaid.

17 Agus tha dòchas a thaobh do chrich dheireannaich, deir an Tighearn, gu'n tig do chlann a ris gu'n crìochaibh féin.

18 Gu deimhin chuala mi Ephraim a' caoidh gu goirt, Smachdaich thu mi, agus bha mi air mo smachdachadh, mar dhamh nach do chleachd a' chuing: pill thusa mi, agus bithidh mi air mo philleadh; oir is tu an Tighearn mo Dhia.

19 Gu deimhin an déigh dhomh 'bhi air mo philleadh, ghabh mi aithreachas; agus an déigh dhomh 'bhi air mo theagasg, bhuail mi air mo léis; bha nàire orm, seadh fòs



geur-amhludh, a chionn gu'n do ghiùlain mi masladh m'òige.

20 Nach e Ephraim mo mhac caomh? nach leanabh ro thaitneach e? oir, o'n uair a labhair mi 'n a aghaidh, tha mi gu dùrachdach 'g a chuimhneachadh fathasd: uime sin tha iomairt ann am chom air a shon: ni mi gu deimhin tròcair air, deir an Tighearn.

21 Cuir suas dhuit féin comharan slighe; dean duit féin croinn àrda: cuir do chridhe ris an t-slighe, an t-slighe air an d'imich thu: pill a ris, O òigh Israeil, pill a ris dh'ionnsuidh do chaithrichean so.

22 Cia fhad a bhitheas tu a' tionndadh mu'n cuairt, O a nighean chùl-sleamhnach: oir chruthaich an Tighearn ni nuadh air an talamh, Ni bean fear a chuairteachadh.

23 Mar so deir Tighearn nan sluagh, Dia Israeil, Gnàthaichidh iad fathast a' chainnt so ann am fearann Iudah, agus 'n a bhaillibh, an uair a bheir mise air a h-ais am braighdeanas, Gu'm beannaicheadh an Tighearn thu, O àite-còmhnuidh a' cheartais, O shléibh na naomhachd.

24 Agus ann an Iudah, agus 'n a uile bhaillibh, gabhaidh treabhaichean còmhnuidh, agus luchd-coimhead nan treudan.

25 Oir shàsuich mise an t-anam tartmhor, agus gach anam ocrach lion mi.

26 An sin mhosgail, agus chunnaic mi, agus bha mo chodal taitneach dhomh.

27 Feuch, tha na làithean a' teachd, deir an Tighearn, anns an cur mise tigh Israeil, agus tigh Iudah le sìol duine agus le sìol ainmhidh.

28 Agus tarlaidh, amhuil a rinn mise faire os an ceann gu spionadh a nìos, gu briseadh, agus gu tilgeadh sìos, agus gu sgrìos, agus gu claidh; mar sin ni mi faire os an ceann, gu togail, agus gu suidheachadh, deir an Tighearn.

29 Anns na làithibh sin cha-n abair iad nì's mò, Dh'ith na h-aithrichean meas scarbh, agus tha dèisinn air fìaclaibh na cloinne.

30 Ach gheibh gach aon bàs 'n a aingidheachd féin; gach aon a dh'itheas an caorann searbh, air fìaclaibh-san bithidh dèisinn.

31 Feuch, tha na làithean a' teachd, deir an Tighearn, anns an dean mise coimhcheangal nuadh ri tigh Israeil, agus ri tigh Iudah:

32 Cha-n ann a réir a' choimhcheangail a rinn mi r'an aithricheibh, anns an là 's an do ghlaic mi air làimh iad, a chum an toirt a mach á tìr na h-Eiphit; eadhon mo choimhcheangal a bhris iad, ged a bha mi a' m' fhear-pòsda dhoibh, deir an Tighearn:

33 Ach is e so an coimhcheangal a ni mi ri tigh Israeil; An déigh nan làithean sin, deir an Tighearn, cuiridh mi mo reachd 'n an taobh a stigh, agus sgrìobhaidh mi air an cridheachan e, agus bithidh mise dhoibh-

san a'm' Dhia, agus bithidh iadsan dhomh'sa 'n am pobull.

34 Agus cha teagaisg iad nì's mò, gach aon a choimhearsnach, agus gach aon a bhràthair, ag ràdh, Gabhaibh còlas air an Tighearn; oir bithidh eòlas aca ormsa uile, o'n neach a's lugha, gus an neach a's mò dhiubh, deir an Tighearn: oir maithidh mise an aingidheachd, agus cha chuimhnich mi nì's mò an cionta.

35 Mar so deir an Tighearn, a tha 'toirt na gréine air son soluis anns an là, orduighean na gealaich agus nan reultan air son soluis anns an oidheche, 'tha 'deanamh na faire cùim, trà bhitheas a tuinn a' beucaich; Tighearn nan sluagh is e 'ainm.

36 Ma dh'imicheas na h-orduighean so as mo shealladh-sa, deir an Tighearn, *an sin* cuideachd sguridh shìochd Israeil o bhi 'n an cinneach am feasd ann am làthair.

37 Mar so deir an Tighearn, Ma dh'fheadar na nèamhan shuas a thomhas, agus bun-aitean na talmhain shìos a rannsachadh a mach, *an sin* tilgidh mise uam mar an ceudna uile shìochd Israeil, air son gach ni a rinn iad, deir an Tighearn.

38 Feuch, tha na làithean a' teachd, deir an Tighearn, anns an togar am baile air son an Tighearn, o thòrr Hananeil, gu geata na h-òisne.

39 Agus thèid an t-sreang-thomhais fathasd a mach m'a choinneamh, thar sliabh Ghareib, agus cuairtichidh i steach Goat.

40 Agus gleann nan corp marbha gu h-iomlan, agus na luathre, agus na machraichean uile gu sruthan Chidroim, gu oisinn geata nan each an taobh an ear, bithidh iad naomha do'n Tighearn: cha spionar a nìos, agus cha tilgear sìos e nì's mò gu bràth.

## CAIB. XXXII.

1 'N uair bha Ieremiah air a dhruideadh suas 's a' phrìosan le Sedeciah, thug Dia ordugh dha achadh Hanameel a cheannach. 13 Fhuair Baruch earail theann air sgrìobhaidhean na ceannachd a ghlèidheadh mar chomharadh gu'm pilleadh an sluagh d'an tìr féin. 16 Urnuigh Ieremiah. 26 Faisteachd mu thimchioll Israeil agus Iudah.

**A**M focal a thàinig gu Ieremiah o'n Tighearn anns an deichead bliadhna de linn Shedeciah rìgh Iudah, (b'i sin an t-ochdamh bliadhna-deug de linn Nebuchadnesair.)

2 Anns an àm 's an robh feachd rìgh Bhabiloìn a' cuairteachadh Ierusalem, agus Ieremiah am fàidh air a dhruideadh suas ann an cùirt a' phrìosain a bha'n tigh rìgh Iudah.

3 Oir dhruid Sedeciah rìgh Iudah suas e, ag ràdh, C'uime an bheil thu ri faisteachd, agus ag ràdh, Mar so deir an Tighearn, Feuch, bheir mise am baile so do làimh rìgh Bhabiloìn, agus glacaidh esan e?

4 Agus cha téid Sedeciah rìgh Iudah as o

làimh nan Caldéach, ach bheirear suas e gu deimhin do làimh rìgh Bhabiloin, agus labhraidh e ris, beul ri beul, agus chì a shùilean a shùilean-san.

5 Agus bheir e leis Sedeciah gu Babilon, agus an sin bithidh e gus an tig mise 'g a amhare, deir an Tighearn: ged ghleachd sibh ris na Caldéich, cha bhuadhaich sibh.

6 Agus thubhairt Ieremiah, Thàinig focal an Tighearn' a m' ionnsuidh, ag ràdh,

7 Feuch, thig Hanameel mac Shalum, bràthar d'athar, do d' ionnsuidh, ag ràdh, Ceannaich dhuit féin m' achadh-sa a tha ann an Anatot, oir is leat còir 'fhuasglaidh, gus a cheannach.

8 Agus thàinig Hanameel, mac bhràthar m' athar a m' ionnsuidh ann an eùirt a' phrìosain, a réir focail an Tighearn', agus thubhairt e rium, Ceannaich, guidheam ort, m'achadh a tha ann an Anatot, ann an dùthaich Bheniamin: oir is leatsa a' chòir-sheilbhe, agus is leatsa a fuasgladh, ceannaich e dhuit féin: an sin dh'aithnich mi gu'm b'e so focal an Tighearna.

9 Agus cheannaich mi achadh Hanameel, mhic bhràthar m' athar, a bha ann an Anatot, agus thomhais mi dha an t-airgid, seachd seceil deug airgid.

10 Agus chuir mi mo làmh ris an sgrìobhadh, agus sheulaich mi e, agus ghabh mi fianuisan, agus chothromaich mi an t-airgid air a' mheigh.

11 Agus ghabh mi dearbhadh a' cheannaich, e sin anns an robh an gnothuch agus na cùmhnanntan seulaichte, agus e sin a bha fosgailte.

12 Agus thug mi dearbhadh a' cheannaich do Bharuch mac Neriah, mhic Mhaaseiah, ann an sealladh Hanameel mhic bhràthar m' athar, agus 'an làthair nam fianuisan, a chuir an làmh ri leabhar a' cheannaich, 'an làthair nan Iudhach uile a bha 'n an suidhe ann an eùirt a' phrìosain.

13 Agus thug mi earail theann do Bharuch 'n an làthair, ag ràdh,

14 Mar so tha Tighearn nan sluagh, Dia Israeil, ag ràdh, Gabh na sgrìobhaidhean so, sgrìobhadh so na ceannachd, araon e sin a tha seulaichte, agus an sgrìobhadh so a tha fosgailte, agus cuir iad ann an soitheach criadha, clum gu mair iad mòran làithean.

15 Oir mar so deir Tighearn nan sluagh, Dia Israeil, Sealbhaichear tighean, agus machraichean, agus fion-liosan anns an tìr so fathasd.

16 A nis an uair a thug mi seachad sgrìobhadh na ceannachd do Bharuch mac Neriah, rinn mi urnuigh ris an Tighearn, ag ràdh,

17 Ah, a Thighearna Dhia, feuch, rinn thusa nèamh agus an talamh le d' mhòr chumhachd agus le d' ghairdean sìnte mach, agus cha-n'eil ni sam bith tuilleadh's cruaidh ort.

18 Taisbeanaidh tu caoinhneas gràdhach do mhiltibh, agus dìolaidh tu aingidheachd nan aithrichean ann an uchd an cloinne 'n an dèigh; an Dia mòr, cumhachdach, do'n ainm Tighearn nan sluagh.

19 Mòr ann an comhairle, agus cumhachdach ann an gnìomh, (oir tha do shùilean fosgailte air uile shlighibh chloinn nan daoine, a thoirt do gach aon a réir a shlighe, agus a réir toraidh a ghnìomharan;)

20 A dh'fhoillsich comharan agus mìorbhuilean ann an tìr na h-Eiphit, gus an là an diugh, agus ann an Israel, agus am measg dhaoine, agus a rinn duit féin ainm, mar air an là 'n diugh;

21 Agus a thug a mach do shluagh Israel á tìr na h-Eiphit le comharaibh, agus le mìorbhuilibh, agus le làimh làidir, agus le gairdean sìnte a mach, agus le h-uamhas mòr;

22 Agus a thug dhoibh am fearann so, a mhionnaich thu do'n aithrichibh gu'n tugadh tu dhoibh, fearann a' sruthadh le bainne agus le mìl:

23 Agus thàinig iad a steach, agus shealbhaich iad e; ach cha d' thug iad géill do d' ghluh-sa, ni mò 'ghluais iad ann ad reachd; cha d'rinn iad ni sam bith de na h-uile nithibh a dh'aithn thusa dhoibh a dheanamh; uime sin thug thu an t-olc so uile orra.

24 Feuch na h-innill-bhrisidh, tha iad air teachd a chum na caithreach gus a glacadh, agus tha am baile air a thoirt do làimh nan Caldéach a tha 'cogadh 'n a aghaidh, air son a' chlàidheimh, agus na gorta, agus na plàighe; agus an ni a labhair thu, thàinig e gu crìch; agus, feuch, tha thusa 'g a fhaicinn.

25 Gidheadh thubhairt thu riumsa, (O Thighearna Dhia,) Ceannaich dhuit féin an t-achadh air son airgid, agus gabh fianuisan: an uair a tha am baile air a thoirt thairis do làimh nan Caldéach.

26 An sin thàinig focal an Tighearna gu Ieremiah, ag ràdh.

27 Feuch, is mise an Tighearn, Dia na h-uile fheòla: am bheil ni sam bith tuilleadh's cruaidh ormsa?

28 Uime sin, mar so deir an Tighearn, Feuch, bheir mi am baile so do làimh nan Caldéach, agus do làimh Nebuchadnesair rìgh Bhabiloin, agus glacadh e e:

29 Agus thig na Caldéich a tha 'cogadh an aghaidh na caithreach so, agus cuiridh iad teine rithe, agus loisgidh iad i, maille ris na tighibh far an do loisg iad tùis air am mullach do Bhaal, agus air an do dhòirt iad tabhartasan-dìbhe a mach do dhiathaibh eile, chum mise a bhrosnachadh gu feirg.

30 Oir cha d'rinn clann Israeil, agus clann Iudah ach ole a mhàin ann am fianuis-sa o'n òige: oir cha d'rinn clann Israeil ach a nàimh mo bhrosnachadh gu feirg le obair an làmh, deir an Tighearn.



31 Oir bha am baile so dhomhsa 'na mbarbar feirge agus eorruich, o'n là's an do thog iad e eadhon gus an là an diugh; a chum gu'n atharraichinn e as mo shealladh;

32 Air son uile aingidheachd eoinne Israeil, agus eoinne Iudah, a rinn iad a chum mise a bhrosnuadh gu eorruich, iad féin, an righrean, an uachdarain, an sàgartan, agus am fàidhean, agus muinntir Iudah, agus luchd-àiteachaidh Ierusalem.

33 Agus thionndaidh iad riumsa an cùl, agus cha-n i an aghaidh; ged a theagaisg mi iad, ag éirigh gu moch agus a' teagasg, gidheadh eha d' éisd iadsan, a ghabhail teagaisg.

34 Ach shuidhich iad an gràineileachdan anns an tigh a tha air 'ainmeachadh ormsa, chum a thruailladh.

35 Agus thug iad ionadan àrda Bhaail, a tha ann an gleann mhic Hinoim, a thoirt air am mic agus air an nigheanan dol troimh an teine do Mholoch; ni nach d'àithn mise dhoibh, agus nach d'fhàinig idir ann am aire; a' cur'an gnìomh na gràineileachd so, gu eionta 'thoirt air Iudah.

36 Agus a nis uime sin, mar so deir an Tighearn Dia Israeil, a thaobh na caithreach so, mu 'm bheil sibhse ag ràdh, Bithidh i air a toirt thairis do làmh rìgh Bhablòin, leis a' ehlaidheamh, agus leis a' ghort, agus leis a' phlàigh:

37 Feuch, tionailidh mise iad as na h-uile dhùthchaibh gus an d' fhògair mi iad ann am dhiomb, agus ann am ehorruich, agus ann am mhòr-fheirg; agus bheir mi chum an àite so iad a ris, agus bheir mi orra còmhuidh a ghabhail gu téaruinte.

38 Agus bithidh iad dhomhsa 'n an sluagh, agus bithidh mise dhoibhsan a'm Dhia.

39 Agus bheir mi dhoibh an chridhe, agus aon slighe, a chum gu 'm bi m' eagals gu bràth orra, chum an leas féin, agus leas an eoinne 'n an déigh.

40 Agus ni mi riù coimheangal sìorruidh, nach pill mi air falbh uatha, chum maith a dheanamh dhoibh; agus cuiridh mi m' eagal 'n an cridhe, eum nach dealaieh iad rium.

41 Seadh, ni mi gairdeachas os an ceann chum maith a dheanamh dhoibh, agus suidhichidh mi iad anns an fhearann so gu deimhin, le m' uile chridhe, agus le m' uile anam.

42 Oir mar so deir an Tighearn, Amhuil a thug mi an t-ole mòr so uile air an t-sluagh so, is amhluidh a bheir mi orra am maith sin uile a gheall mi dhoibh.

43 Agus ceannaichear achaidhean anns an fhearann so, mu 'm bheil sibhse ag ràdh, Tha e fas gun duine no ainmhidh: tha e air a thoirt do làmh nan Caldéach.

44 Ceanaichidh daoine achaidhean air son airgid, agus cuiridh iad an làmh ri

sgriobhaidhean, agus seulaichidh iad, agus gabhaidh iad fianuiscan ann am fearann Bheniamin, agus anns na h-àiteachaibh dlùth do Ierusalem, agus ann am bailtibh Iudah, agus ann am bailtibh nam beann, agus ann am bailtibh a' chòmhnaird, agus ann am bailtibh na h-àirde deas: oir bheir mise air a h-ais am braighdeanas, deir an Tighearn.

CAIB. XXXIII.

1 *Dhaingnich Dia a ghealladh do na h-Iudhaich gu'm pilleadh iad o'm braighdeanas, 10 agus gu'n chumteadh a ris 'n ann fearann guh an aobhneis agus an t-subhachais. 15 Tha Crìost air a ghealltainn. 19 Bithidh an coimheangal a rinn Dia ri Daibhidh seas-much gu bràth.*

**O**S bàrr, thàinig focal an Tighearna gu Ieremial an dara uair, (an trà 'bha e fathasd air a dhruideadh suas ann an cùirt a' phrìosain,) ag ràdh,

2 Mar so deir an Tighearn a rinn e, an Tighearn a dhealb e, a tha fòs 'g a dhaingneachadh; is e 'ainm Iehobhah;

3 Glaoth riumsa, agus freagraidh mi thu, agus feuchaidh mi dhuit nithean mòra agus cumhachdaeh, air nach 'eil thu còlach.

4 Oir mar so tha an Tighearn, Dia Israeil, ag ràdh, a thaobh thighean a' bhaile so, agus a thaobh thighean righrean Iudah, a tha air an tilgeadh sìos leis na h-innibhrisidh, agus leis a' ehlaidheamh;

5 A tha air teachd gu eogadh air taobh nan Caldéach, agus gu'n lionadh le corpaibh marbha nan daoine a bluaile mise ann am fheirg, agus ann am ehorruich, agus a thug orm, air son an uile aingidheachd, mo ghluais fhòlach o'n bhaile so:

6 Feuch, bheir mi dha slàinte agus leigh-eas, agus ni mi an slànachadh; agus nochdaidh mi dhoibh paitheas sìthe agus firinn.

7 Agus bheir mi air a h-ais braighdeanas Iudah, agus braighdeanas Israeil; agus togaidh mi iad mar air tùs.

8 Agus glanaidh mi iad o'n uile aingidheachd, leis an do chiontaich iad a'm aghaidh; agus maithidh mi an uile lochdan, leis an do pheacaich iad, agus leis an d'rinn iad ceannaire a'm aghaidh.

9 Agus bithidh am baile so dhomhsa 'n a ainm sòlais, 'n a mholadh, agus 'n a mhaise, am measg uile chiumeach na talmhainn, a chluinneas gach uile mhaith a ni mise dhoibh: agus bithidh eagal agus crith orra, air son an uile mhaithais, agus air son an uile shoirbheachaidh a dheònaicheas mise dhoibh.

10 Mar so deir an Tighearn, a ris cluinnear anns an àite so, (mu 'm bheil sibhse ag ràdh, Tha e fas gun duine agus gun ainmhidh, eadhon ann am bailtibh Iudah, agus ann an sràidibh Ierusalem, a tha fas, gun duine, eadhon gun fhear-àiteachaidh, agus gun ainmhidh.)

# IEREMIAH, XXXIV.

11 Guth aoibhneis, agus guth subhachais, guth an fhir nuadh-phòsda, agus guth na mnà nuadh-phòsda; guth na muinntir a their, Molaibhse Tighearn nan sluagh, oir tha an Tighearn maith, oir tha a thròcair buan gu sìorruidh; agus na muinntir a bheir an ìobairt-mholaidh gu tigh an Tighearna: oir bheir mise air a h-ais daorsa an fhearainn, mar air tùs, deir an Tighearn.

12 Mar so deir Tighearn nan sluagh, Fathasd anns an àite so a tha fàs, gun duine agus gun ainmhidh, agus 'n a uile bhailtibh, bithidh àite-còmhnuidh nam buachaille an a' toirt air an treudan luidhe sìos.

13 Ann am bailtibh nam beann, agus ann am bailtibh a' chòmhnaidh, agus ann am bailtibh na h-àirde deas, agus ann am fearann Bheniamin, agus anns na h-ionadaibh timchioll Ierusalem, agus ann am bailtibh Iudah, siùbhlaidh na treudan a ris fo làimh an tì a ni an àireamh, deir an Tighearn.

14 Feuch, tha na làithean a' teachd, deir an Tighearn, anns an coimhlean mise an ni maith sin a gheall mi do thigh Israel, agus do thigh Iudah.

15 Anns na làithibh sin, agus anns an àm sin, bheir mise air Meanglan fireantachd fàs suas do Dhaibhidh, agus cuiridh e 'an gnìomh breitheanas agus ceartas air an talamh.

16 Anns na làithibh sin tèarnar Iudah, agus gabhaidh Ierusalem còmhnuidh ann an tèaruinteachd: agus is e so esan ris an goirear IEREMIAH AN FIREANTACHD.

17 Oir mar so tha Iehobhah ag ràdh, Cha bhi gu bràth a dh'uireasbhuidh air Daibhidh duine a shuidheas air rìgh-chaitheir tìghe Israel;

18 Ni mò bhitheas na sagartan na Lebhithich gun duine ann am làthair-sa, a dh'ìobradh thabhartas-loisgte, agus a losgadh thabhartas-bidh, agus a dheanamh ìobairt an còmhnuidh.

19 Thàinig focal an Tighearna fòs gu Ieremiah, ag ràdh,

20 Mar so deir an Tighearn, Ma dh'fheudar leibh mo choimhcheangal-sa ris an là a bhriseadh, agus mo choimhcheangal ris an oidhche, agus nach bi là no oidhche ann 'n an àm féin;

21 An sin fòs feudar mo choimhcheangal-sa ri Daibhidh m' òglach a bhriseadh, gun mhac a bhi aige gu riaghladh air a rìgh-chaitheir; agus ris na Lebhithich na sagartan, mo luchd-frithealaidh.

22 Mar nach feud feachd nèimh a bhi air àireamh, no gaineamh na fairge 'bhi air a tomhas: is amhluidh a ni mise lionmhor sìochd Dhaibhidh m' òglach, agus na Lebhithich a tha 'frithealadh dhomh.

23 Os bàrr, thàinig focal an Tighearna gu Ieremiah, ag ràdh,

24 Am bheil thu 'toirt faineas ciod a tha'n sluagh so a' labhairt, ag ràdh, An dà theaghlach a rìghnaich an Tighearn, rinn e an tilgeadh uairt? agus rinn iad ì-meas air mo shluagh-sa, air chor as nach 'eil iad 'g am meas ni's mò mar chinneach.

25 Mar so tha an Tighearn ag ràdh, Mur 'eil mo choimhcheangal-sa ris an là agus ris an oidhche; reachdan nèimh agus talmhainn mur do shoeruidh mi;

26 An sin tilgidh mi uam sìochd Iacoib, agus Dhaibhidh m' òglach, gun aon d'a shìochd a ghabhail, gu bhli 'n an luchd-riaghlaidh thar sìochd Abraham, Isaac, agus Iacoib: oir bheir mi air a h-ais am bruid, agus ni mi tròcair orra.

## CAIB. XXXIV.

1 *Roimh-innis am fàidh sarios Ierusalem, agus dàn Shedeciah. 8 Leig na h-uachdarain d'an òglach agus d' am banoglaich falbh saor a réir a' choimhcheangail. 11 Ach thug iad fo smachd iad a ris. 12 Ghairm am fàidh saorsa do'n chlaidheamh, do'n phlàigh, agus do'n ghort an aghaidh nan Iudhach.*

**A**M focal a thàinig gu Ieremiah o'n Tighearn, ('n uair a chog Nebuchadnesar rìgh Babiloin, agus uile fheachd, agus uile rìoghachdan an domhain a bha fo thighearnas, agus na slògh uile, an aghaidh Ierusalem, agus an aghaidh a h-uile bhailtean,) ag ràdh,

2 Mar so tha an Tighearn, Dia Israel, ag ràdh, Imich, agus labhair ri Sedeciah rìgh Iudah, agus abair ris, Mar so deir an Tighearn, Feuch, bheir mise am baile so do làimh rìgh Babiloin, agus loisgidh e le teine e:

3 Agus thusa, cha téid thu as o' làimh, ach bithidh tu gu cinnteach air do ghlacadh, agus air do thoirt thairis d'a làimh, agus chi do shùilean sùilean rìgh Babiloin, agus labhraidh e riut beul ri beul, agus falbhaidh tu gu Babilon.

4 Gidheadh cluinn focal an Tighearna, O Shedeciah, do rìgh Iudah; Mar so deir an Tighearn do d' thaobh-sa, Cha-n fhaigh thu bàs leis a' chlaidheamh;

5 Gheibh thu bàs ann an sìth; agus a réir losgaidh d' aithrichean, na rìghrean roimhe so, a bha air thoiseach ortsa, is amhluidh a loisgear tùis dhuitse; agus ni iad caoidh air do shon, ag ràdh, Och a thighearna! oir labhair mise am focal, deir an Tighearn:

6 Agus labhair Ieremiah am fàidh na briathran so uile ri Sedeciah rìgh Iudah, ann an Ierusalem,

7 An uair a chog feachd rìgh Babiloin an aghaidh Ierusalem, agus an aghaidh uile bhailtean Iudah a bha air am fàgail, an aghaidh Lacheis, agus an aghaidh Asceah: oir mhair iad so de bhailtibh Iudah 'n am bailtibh daingnichte.

8 Am focal a thàinig gu Ieremiah o'n Tighearn,



earn, an déigh do rìgh Sedeciah coimhcheangal a dheanamh ris an uile shluagh a bha ann an Ierusalem, a dh'èigheach saorsa dhoibh:

9 A chum gu'n leigeadh gach duine d'a òglach, agus gach duine d'a bhanoglaich, Eabhrach no ban-Eabhrach, falbh saor, gun neach a ghabhail seirbhais diubh, gach aon de Iudhach a bhràthair.

10 A nis, an uair a chuala na h-uachdarain uile, agus an sluagh uile a thionnsgain ams a' choimhcheangal, gu'n leigeadh gach duine d'a òglach, agus gach duine d'a bhanoglaich falbh saor, nach gabhadh aon seirbhais diubh ni bu mhò, an sin thug iad géill, agus leig iad air falbh iad.

11 Ach thionnadaidh iad a rìs, agus thug iad air na h-òglach, agus air na banoglaich, a leigeadh air falbh saor, pilleadh air an ais, agus thug iad fo smachd iad, a chum a bhi 'n an òglach, agus 'n am banoglaich.

12 Uine sin thàinig focal an Tighearna gu Ieremiah, ag ràdh,

13 Mar so tha an Tighearna, Dia Israeil, ag ràdh, Rinn mise coimhcheangal ri 'urn aithrichibh anns an là 's an d'thug mi iad a mach à tìr na h-Eiphit, à tigh nan daor, ag ràdh,

14 'An ceann sheachd bliadhna, leigibh a chead, gach aon d'a bhràthair Eabhrach, a bha air a reic riut: an uair a bheir e seirbhais duit sè bliadhna, leigidh tu dha falbh uait saor. Ach cha d'èisd 'ur n-aithrichean riumsa, ni mò dh'aom iad an cluas.

15 Agus bha sibh a nis air pilleadh, agus air deanamh gu ceart ann am shealladh-sa, le saorsa a ghlaodhaich, gach neach d'a choimhearsnach; agus rinn sibh coimhcheangal ann am flianus, anns an tigh a tha air a ghairm air m' ainm:

16 Ach phill sibh, agus thruaill sibh m' ainm, agus thug sibh, gach aon air 'òglach, agus gach aon air a bhanoglaich, a leig e saor uath gu 'thoil féin, pilleadh air an ais; agus chuir sibh fo smachd iad, gu 'bli dhuibh 'n an òglach agus 'n am banoglaich.

17 Air an aobhar sin, mar so deir an Tighearna, Cha d'èisd sibh riumsa ann an saorsa a ghlaodhach, gach aon d'a bhràthair, agus gach aon d'a choimhearsnach: feuch do 'ur taobh-se tha mise a' glaodhach saorsa, deir an Tighearna, do'n chlaidheamh, do'n phlàigh, agus do'n ghort; agus bheir mi oirbh 'bhi air 'ur luasgadh air feadh uile rìoghachdan an domhain.

18 Agus bheir mi a' mhuinntir a bhris mo choimhcheangail, nach do chomhlion briathran a' choimhcheangail a riun iad ann am làthair-sa, 'n uair a ghearr iad an laogh 'n a dhà leth, agus a dh'imich iad eadar a bhloighdean,

19 Ceannardan Iudah, agus ceannardan Ierusalem, agus na cailteanaich, agus na sagartan, agus uile shluagh an fhearainn a dh'imich eadar bloighdean an laogh;

20 Bheir mi eadhon iad sin do làimh an naimhdean, agus do làimh na muinntir a tha 'g iarraidh an anama; agus bithidh an cairbhean mar bhiadh do eunlaith an athair, agus do bheathaichibh na talmhainn.

21 Agus Sedeciah rìgh Iudah, agus a phrionnsachan, bheir mise do làimh an naimhdean, agus do làimh na muinntir a tha 'g iarraidh an anama, eadhon do làimh feachdan rìgh Bhabiloin, a tha air imeachd suas uaibh.

22 Feuch, bheir mise àithne, deir an Tighearna, agus bheir mi orra pilleadh air an ais do'n bhaile so; agus cogaidh iad 'n a aghaidh, agus glacadh iad e, agus loisgidh iad e le teine; agus bailtean Iudah ni mi 'n an làraich luim gun aon neach 'g an àiteachadh.

CAIB. XXXV.

1 *Le àimhlachd nan Rechabach do àithne an athar, 12 dhiteadh na h-Iudhaich air son an eas-àimhlachd do Dhia. 18 Bheannaich Dia na Rechabach.*

**A**M focal a thàinig gu Ieremiah o'n Tighearna, ann an làithibh Iehoiachim mhic Iosiah rìgh Iudah, ag ràdh,

2 Imich gu tigh nan Rechabach, agus labhair riu, agus thoir iad a chum tighe an Tighearna, gu aon de na seòmraichibh, agus thoir dhoibh fion r'a òl.

3 An sin ghabh mi Iasaniah mac Ieremiah, mhic Habasaniah, agus a bhràithrean, agus 'uile mhic, agus uile theaghlach nan Rechabach;

4 Agus thug mi iad gu tigh an Tighearna, gu seòmair mhac Hanain, mhic Igdaliah, òglach Dhé, a bha ri taobh seòmair nan uachdaran, a bha os ceann seòmair Mhaaseiah mhic Shaluin, fir-gleidhidh an doruis:

5 Agus chuir mi air beulaobh mhac tighe nan Rechabach soircean lán fion, agus copain; agus thubhairt mi riu, Olaibh fion.

6 Ach thubhairt iadsan, Cha-n'òl sinne fion: oir thug Ionadab mac Rechaib ar n-athair, àithne dhuinn, ag ràdh, Na h-òlaibhse fion, sibh féin no 'ur mic gu bràth.

7 Ni mò thogas sibh tigh, no 'chuireas sibh sìol, no 'shuidhicheas sibh fion-lios, no bhitheas aon agaibh; ach fad 'ur n-uile làithean ni sibh còmhuidh ann am bùthaibh, a chum gu mair sibh mòran làithean 's an fhearann anns am bheil sibh 'n 'ur coigrich.

8 Agus thug sinn géill do ghuth Ionadab mhic Rechaib ar n-athar, ams gach ni a chuir e mar fhiachaibh oirn, gu fhìon air bith òl fad ar n-uile làithean, sinn féin, ar mnathan, ar mic, no ar nigheanan;

9 No tighean a thogail duinn féin gu còmhuidh 'ghabhail anna: ni mò 'tha againn fion-lios, no achadh, no sìol.

10 Ach ghabh sinn còmhuidh ann am bùthaibh, agus thug sinn géill, agus rinn sinn a réir gach ni a dh'àithn ar n-athair Ionadab dhuinn.

11 Ach tharladh, an uair a thàinig Nebuchadnesar rìgh Bhabiloin a mìos do'n fhearann, gu'n dubhairt sinn, Thigibh, agus rachamaid gu Ierusalem, air eagal feachd nan Caldéach, agus air eagal feachd nan Sirianach: air an aobhar sin tha sinn a' chòmhuidh ann an Ierusalem.

12 An sin thàinig focal an Tighearna gu Ieremiah, ag ràdh,

13 Mar so tha Tighearna nan sluagh, Dia Israeil, ag ràdh, Imich agus abair ri fearaibh Iudah, agus ri luchd-àiteachaidh Ierusalem, Nach gabh sibh ri teagasg, a thoirt éisdeachd do m' bhriathraibh-sa? deir an Tighearna.

14 Tha briathran Ionadaib mhic Rechaib, a dh'àithn e d'a mhacaibh, gun fhìon òl, air an coimhionadh; oir gus an là an diugh eha-n òl iad *fìon sam bith*, ach tha iad ùmhal do àithne an athar: gidheadh labhair mise ruibhse, ag éirigh gu moch agus a' labhairt, ach cha d'éisd sibh rium.

15 Chuir mi d'ur n-ionnsuidh mar an ceudna m' uile sheirbhisich na fàidhean, ag éirigh gu moch agus 'g an cur a mach, ag ràdh, Pillibh a nis, gach aon o 'dhroch shlighe, agus leasaichibh 'ur deanadas, agus na rachaibh air long dhiathan eile gu seirbhis a thoirt doibh, agus gabhaibh còmhuidh anns an fhearann a thug mise dhuibh, agus d'ur n-athrichibh: ach cha d'aom sibh 'ur cluas, nì mò 'thug sibh éisdeachd dhomh.

16 A chionn gu'n do choimhlon mic Ionadaib, mhic Rechaib, àithne an athar, a dh'àithn e dhoibh, ach nach d'éisd an sluagh so riumsa;

17 Air an aobhar sin, mar so deir Iehobah Dia nan sluagh, Dia Israeil; Feuch, bheir mise air Iudah, agus air uile luchd-àiteachaidh Ierusalem, an t-òle sin uile a labhair mi 'n an aghaidh: a chionn gu'n do labhair mi riu, ach nach d'éisd iad; agus gu'n do ghlaodh mi riu, ach nach do fhreagair iad.

18 Agus ri teaghlach nan Rechabach thubhairt Ieremiah; Mar so deir Tighearna nan sluagh, Dia Israeil, A chionn gu'n d'thug sibhse géill do àithne Ionadaib 'ur n-athar, agus gu'n do choimhid sibh 'uile iartuis, agus gu'n d'rinn sibh a réir gach nì a dh'àithn e dhuibh:

19 Uime sin mar so deir Tighearna nan sluagh, Dia Israeil, Cha bhi Ionadab mac Rechaib gun duine aige gu seasamh ann am làthair-sa gu bràth.

# CAIB. XXXVI.

1 Sgrìobh Baruch fàidheadaireachd Ieremiah air clàr, agus leugh e i 'an éisdeachd an t-sluaigh. 11 Chuir na h-uachdarain fios gu Baruch, agus leugh e an clàr 'n an éisdeachd. 20 Loisg an rìgh an clàr. 31 Sgrìobh Baruch air clàr eile uile bhriathran a' chuid chlàir.

A GUS tharladh ann an ceathramh bliadhna Iehoiacim mhic Iosiah rìgh Iudah,

gu'n d'thàinig am focal so gu Ieremiah o'n Tighearna, ag ràdh,

2 Gach dhuit clàr-sgrìobhaidh, agus sgrìobh ann na h-uile bhriathran a labhair mise riut an aghaidh Israeil, agus an aghaidh Iudah, agus an aghaidh nan uile chionneach, o'n là 's an do labhair mi riut ann an làithibh Iosiah, eadhon gus an là 'n diugh.

3 Theagamh gu'n tabhair tigh Iudah fainear an t-òle sin uile a th'ann am aire-sa 'dheanamh orra; air chor as gu'm pill iad, gach aon o 'dhroch shlighe, agus gu'm maith mise an aingidheachd agus am peacadh.

4 An sin ghairm Ieremiah Baruch mac Neriah; agus sgrìobh Baruch o bheul Ieremiah uile bhriathran an Tighearna, a labhair e ris, air clàr-sgrìobhaidh.

5 Agus dh'àithn Ieremiah do Bharuch, ag ràdh, Tha mise air mo dhruideadh suas, cha-n urrainn mi dol gu tigh an Tighearna:

6 Uime sin, imich thusa agus leugh anns a' chlàr a sgrìobh thu o m' bheul-sa, briathran an Tighearna ann an éisdeachd an t-sluaigh, ann an tigh an Tighearna, air là an traisg: agus fòs leughaidh tu iad ann an éisdeachd Iudah uile a thig a mach as am bailtibh.

7 Theagamh gu'n cuir iad suas an ath-chuinge an làthair an Tighearna, agus gu'm pill iad, gach aon o 'dhroch shlighe; oir is mòr an fhearg, agus a' chorruich a labhair an Tighearna an aghaidh an t-sluaigh so.

8 Agus rinn Baruch mac Neriah a réir gach nì a dh'àithn Ieremiah am fàidh dha, a' leughadh anns an leabhar briathran an Tighearna ann an tigh an Tighearna.

9 Agus tharladh ann an cùigeamh bliadhna Iehoiacim mhic Iosiah rìgh Iudah, anns an naothamh mìos, gu'n d'éigh iad trasg an làthair an Tighearna, an sluagh uile a bha ann an Ierusalem, agus an sluagh uile a thàinig o bhailtibh Iudah gu Ierusalem.

10 An sin leugh Baruch anns an leabhar briathran Ieremiah ann an tigh an Tighearna, ann an seòmar Ghemariah mhic Shaphain an sgrìobhaiche, anns a' chùirt uachdaraich, aig dol a steach geata nuaidh tìge an Tighearna, ann an éisdeachd an t-sluaigh uile.

11 Agus chuala Michaiiah mac Ghemariah, mhic Shaphain, uile bhriathran an Tighearna as an leabhar,

12 Agus chaidh e sìos gu tigh an rìgh, gu seòmar an sgrìobhaiche; agus, feuch, bha na h-uachdarain uile 'n an suidhe an sin, Elisama an sgrìobhaiche, agus Deiaiah mac Shemaiah, agus Elnatan mac Achboir, agus Gemariah mac Shaphain, agus Sedeciah mac Hananiah, agus na h-uastean uile.

13 An sin chuir Michaiiah 'an cèill doibh na h-uile bhriathran a chual' e, 'n uair a leugh Baruch an leabhar ann an éisdeachd an t-sluaigh.

14 Agus chuir na h-uachdarain uile Ichudi



mac Netaniah, mhic Shelemiah, mhic Chusi, gu Baruch, ag ràdh, Glac ann ad làimh an clàr 's an do leugh thu ann an éisdeachd an t-sluaigh, agus thig. Agus ghabh Baruch mac Neria an clàr 'n a làimh, agus thàinig e do'n ionnsuidh.

15 Agus thubhairt iad ris, Suidh sìos a nis, agus leugh e 'n ar n-éisdeachd. Agus leugh Baruch 'n an éisdeachd.

16 A nis tharladh, an uair a chuala iad na h-uile bhriathran, gu'n d'amhaire iad le h-eagal, gach aon air a chèile; agus thubhairt iad ri Baruch, Innsidh sinn gu deimhin do'n rìgh na briathran so air fad.

17 Agus dh'fheòraich iad de Bharuch, ag ràdh, Innis duinn a nis cionnus a sgrìobh thu na briathran so uile o 'bhair?

18 Agus fhreagair Baruch iad, Labhair e rium le 'bheul na briathran so uile, agus sgrìobh mi iad le dnbh ann an leabhar.

19 An sin thubhairt na h-uachdarain ri Baruch, Falbh, agus folaich thu féin, thusa agus Ieremiah; agus na bitheadh fios aig aon neach c'àit am bi sibh.

20 Agus chaidh iad a steach a chum an rìgh do'n chùirt, ach thaisg iad suas an clàr ann an seòmar Elisamah an sgrìobhaiche; agus dh'innis iad na h-uile bhriathran ann an éisdeachd an rìgh.

21 An sin chuir an rìgh Iehudi a thoirt a' chlàir d'a ionnsuidh, agus thug e á seòmar Elisamah an sgrìobhaiche e, agus leugh Iehudi e ann an éisdeachd an rìgh, agus ann an éisdeachd nan uile uachdaran a sheas ri taobh an rìgh.

22 Agus bha'n rìgh 'n a shuidhe anns an tigh gheamhraidh, anns an naothamh mìos, agus bha teinntin fa 'chomhair le éibhlìbh teine.

23 Agus tharladh an uair a leugh Iehudi tri no ceithir earrannan, gu'n do ghearr e leis an sgein-phinn e, agus thilg e anns an teine a bha air an teinntin e, gus an robh an clàr gu h-ìomlan air a chaitheamh anns an teine a bha air an teinntin.

24 Ach cha do ghabh iad eagal, ni mò reub iad an trusgain, aon chuid an rìgh, no aon d'a sheirbhìsich a chuala na briathran so uile.

25 Agus ge do rinn Elnatan, agus Delaiah, agus Gemariah eadar-ghuidhe ris an rìgh, nach loisgeadh e an clàr, gidheadh cha-n éisdeadh e riu.

26 Agus dh'àithn an rìgh do Ierahmeel mac Hameleich, agus do Sheraiah mac Asricil, agus do Shelemiah mac Abdeeil, Baruch an sgrìobhaiche agus Ieremiah am fàidh a ghlacadh: ach dh'fholaich an Tighearn iad.

27 An sin thàinig focal an Tighearna gu Ieremiah, (an deigh do'n rìgh an clàr agus na briathran a sgrìobh Baruch o bheul Ieremiah a losgadh,) ag ràdh,

28 Gabh thugad a ris clàr eile, agus

sgrìobh ann na h-nìle bhriathran ceudna 'bha 's a' cheud chlàr, a loisg Iehoiacim rìgh Iudah.

29 Agus their thu ri Iehoiacim rìgh Iudah, Mar so deir an Tighearn, Loisg thu 'n clàr so, ag ràdh, C'uime an do sgrìobh thu ann, ag ràdh, Thig rìgh Bhabiloìn gu deimhin, agus sgriosaidh e am fearann so, agus gearraidh e gach duine agus gach beathach a mach as?

30 Air an aobhar sin, mar so deir an Tighearn a thaobh Iehoiacim rìgh Iudah, Cha bhi aige neach a shuidheas air rìgh-chaithir Dhaibhidh, agus tilgear a chlosach a mach a chum an teas anns an là, agus a chum an reothaidh anns an oidheche.

31 Agus ni mise peanas air féin agus air a shliochd, agus air a sheirbhìsich, air son an eusaontais, agus bheir mi orra-san, agus air luchd-àiteachaidh Ierusalem, agus air fearaibh Iudah, an t-ole sin uile a labhair mi 'n an aghaidh, ach nach d'éisd iad.

32 An sin ghabh Ieremiah clàr eile, agus thug e do Bharuch mac Neria, an sgrìobhaiche e, a sgrìobh ann o bheul Ieremiah, uile bhriathran an leabhair a loisg Iehoiacim rìgh Iudah anns an teine; agus chuir eadh os bàrr riu mòran de bhriathraibh eile cosmhuil riu sin.

# CAIB. XXXVII.

1 Chuir Sedeciah fios a dh'ionnsuidh Ieremiah gu urnuigh a deanamh air a shon. Roimh-innis am fàidh gu'm buadhaicheadh na Caldéich. 11 Ghlac na h-uachdarain Ieremiah, agus chuir iad 'am prìosan e. 16 Dh'innis am fàidh do Sedeciah gu'n tugadh Dia thairis e do làimh rìgh Bhabiloìn.

**A** GUS rìghlich Sedeciah mac Iosiah ann an àite Choniah mhic Iehoiacim, a rinn Nebuchadnesar rìgh Bhabiloìn n a rìgh ann am fearann Iudah.

2 Ach cha d'éisd, aon chuid e féin no a sheirbhìsich, no sluagh na tìre, ri briathraibh an Tighearn', a labhair e leis an fhàidh Ieremiah.

3 Agus chuir an rìgh Sedeciah Iehneal mac Shelemiah, agus Sephaniah mac Mhaaseiah an sagart, a chum an fhàidh Ieremiah, ag ràdh, Dean urnuigh, a nis, guidheam ort, ris an Tighearn ar Dia air ar son-ne.

4 A nis bha Ieremiah a' teachd a steach agus a' dol a mach am measg an t-sluaigh, oir cha do chuir iad fathasd ann am prìosan e.

5 Anns an àm sin bha feachd Pharaoh air teachd a mach as an Eiphit; agus an uair a chuala na Caldéich, a bha a' teannachadh Ierusalem mu'n cuairt, ionradh orra, dh'imich iad o Ierusalem.

6 An sin thàinig focal an Tighearna chum an fhàidh Ieremiah, ag ràdh.

7 Mar so tha an Tighearn, Dia Isracil, ag ràdh, Mar so their sibh ri rìgh Iudah a chuir thugamsa sibh, gu m'iarraidh; Feuch,

pillidh feachd Pharaoh, a thàinig a mach 'g 'ur còmhlaidh, do'n Eiphit, d'an tìr fèin.

8 Agus thig na Caldéich a rìs, agus cogaidh iad an aghaidh na caithreach so, agus glacadh iad i, agus loisgidh iad i le teine.

9 Mar so deir an Tighearn, Na meall-aibh sibh fèin, ag ràdh, Gu deimhin imichidh na Caldéich uainn: oir cha-n imich iad.

10 Oir ged bhuailleadh sibh uile fheachd nan Caldéach a tha 'cogadh 'n 'ur n-aghaidh, agus nach maireadh 'n am measg ach daoine leònta, gach aon 'n a bluth, dh'éireadh iad sin fèin suas, agus loisgeadh iad am baile so le teine.

11 Agus tharladh an uair a dh'imich sluagh nan Caldéach air falbh o Ierusalem, air eagal sluaigh Pharaoh,

12 Gu'n d'imich an sin Ieremiah a mach á Ierusalem, a chum dol gu fearann Bheniamin, a dh'fhàotainn cuibhriun deth am measg an t-sluaigh.

13 Agus an uair a bha e ann an geata Bheniamin, bha ceannard an fhreiceadain an sin, d' am b'ainm Iriah, mac Shelemiah, mhic Hananiah; agus ghlac e Ieremiah an fàidh, ag ràdh, Tha thu 'dol thairis a chum nan Caldéach.

14 An sin thubhairt Ieremiah, Cha-n fhìor sin; Cha-n'eil mi 'dol thairis a chum nan Caldéach: ach cha d'èis e ris: mar sin ghlac Iriah Ieremiah, agus thug e chum nan uachdaran e.

15 Agus bha corruich air na h-uachdaran-aibh ri Ieremiah, agus bhuail iad e, agus chuir iad ann am prìosan e, ann an tigh Ionatain an sgriobhaiche; oir rinn iad prìosan deth sin.

16 An uair a chaidh Ieremiah steach do'n phrìosan iochdarach, agus do na slochdaibh, agus a bhuanach Ieremiah an sin mòran làithean;

17 An sin chuir Sedeciah an rìgh fios, agus thug e mach e; agus dh'fheòraich an rìgh dheth gu h-uaigneach 'n a thigh, agus thubhairt e, Am bheil focal sam bith o'n Tighearn? Agus thubhairt Ieremiah, Tha: oir thubhairt e, Do làimh rìgh Bhabiloin sheirear thairis thu.

18 Os bàrr thubhairt Ieremiah ri rìgh Sedeciah, Ciod an cron a rinn mise ann ad aghaidh-sa, no'n aghaidh do sheirbhiseach, no'n aghaidh an t-sluaigh so, gu'n do chuir sibh mi ann am prìosan?

19 C'àit am bheil a nis 'ur fàidhean a rinn faistneachd dhuibh, ag ràdh, Cha tig rìgh Bhabiloin 'n 'ur n-aghaidh, no'n aghaidh an fhearainn so?

20 Ach èis a nis, guidheam ort, a thigh-earna, mo rìgh; gabhar m' athcheuinge, guidheam ort, ann ad làthair; agus na toir orm pillleadh gu tigh Ionatain an

sgriobhaiche, air eagal gu'n faigh mi bàs an sin.

21 Agus dh'àithn an rìgh Sedeciah gu'n cuireadh iad Ieremiah ann an cùirt a' phrìosain, agus gu'n tugadh iad dha gach là cuibhrionn arain á sràid nam fuincadairean, gus am bitheadh uile aran a' bhaile air teir-eachduinn. Agus dh'fhan Ieremiah ann an cùirt a' phrìosain.

CAIB. XXXVIII.

1 *Thilgeadh Ieremiah 's an t-slochd a bha ann an cùirt a' phrìosain: 7 Thug Ebed-melech a nìos as an t-slochd e. 14 Dh'iarr an rìgh comhairle o Ieremiah; 17 Dh'àithn esan da e fèin a thoirt thairis do làimh rìgh Bhabiloin.*

**A**N sin chuala Sephatiah mac Mhatain, agus Gedaliah mac Phasuir, agus Incal mac Shelemiah, agus Pasur mac Mhalechiah, na briathran a labhair Ieremiah ris an t-sluaigh uile, ag ràdh,

2 Mar so deir an Tighearn, Esan a dh'fhan-as anns a' bhaile so bàsaichidh e leis a' chlàidhean, leis a' ghort, agus leis a' phlàigh; ach esan a thèid a mach a chum nan Caldéach, mairidh e beò; oir gheibh e 'anam mar chobhartach, agus mairidh e beò.

3 Mar so tha an Tighearn ag ràdh, Bheir-e ar gu deimhin am baile so suas do làimh feachda rìgh Bhabiloin, a ghlacas e.

4 Air an aobhar sin, thubhairt na h-uachdaran ris an rìgh, Bitheadh an duine so, guidheamaid ort, air a chur gu bàs: oir mar so tha e 'lagachadh làmh an luchd-cogaidh a tha iathas da làthair anns a' bhaile so, agus làmh an t-sluaigh uile, le bhli labhairt a' leithid so de bhriathraibh rin: oir cha-n'eil an duine so ag iarraidh leas an t-sluaigh so, ach an aimhleis.

5 An sin thubhairt an rìgh Sedeciah, Feuch, tha e 'n ur làimh: oir cha-n e 'n rìgh esan a dh'fheadas aon ni a chur 'n ur n-aghaidh.

6 An sin ghlac iad Ieremiah, agus thilg iad e ann an slochd Mhalechiah mhic Hamel-eich, a bha ann an cùirt a' phrìosain; agus leig iad sìos Ieremiah le cordaibh. Agus anns an t-slochd cha robh uisge sam bith, ach clàbar: agus chaidh Ieremiah fodha anns a' chlàbar.

7 A nis an uair a chuala Ebed-melech an t-Etiopach, aon de na caillteanaich a bha 'n tigh an rìgh, gu'n do chuir iad Ieremiah 's an t-slochd, (agus an rìgh 'n a shuidhe 's an àm sin ann an geata Bheniamin,)

8 Chaidh Ebed-melech a mach á tigh an rìgh, agus labhair e ris an rìgh, ag ràdh,

9 Mo thighearn' a rìgh, rinn na daoine so gu h-olc anns gach ni a rinn iad ri Ieremiah ann fàidh, a thilg iad anns an t-slochd; oir gheibh e bàs le h-ocras anns an àite sin, a chionn nach 'eil ni's mò ann anns a' bhaile.



10 An sin dh'àithn an rìgh do Ebed-melech an t-Etiopach, ag ràdh, Thoir leat á so deich fir fhlicheadh, agus thoir a nìos Ieremiah ann fàidh as an t-slochd, mu 'm faigh e bàs.

11 Agus thug Ebed-melech leis na daoine, agus chaidh e steach do thigh an rìgh fo 'n tigh-thasgaidh, agus thug e as a sin seana bhroineagan, agus seann luideagan, agus leig e sìos iad gu Ieremiah do'n t-slochd le cordaibh.

12 Agus thubhairt Ebed-melech an t-Etiopach ri Ieremiah, Cuir a nis na seann luideagan, agus na broineagan so, fo d' achlais-ean mu na cordaibh. Agus rinn Ieremiah mar sin.

13 Agus tharruing iad a nìos Ieremiah le cordaibh, agus thug iad a mach as an t-slochd e; agus dh'fhan Ieremiah ann an cùirt a' phrìosain.

14 An sin chuir an rìgh Sedeciah fios, agus thug e Ieremiah am fàidh d'a ionnsuidh gus an treas dol-a-steach a tha 'n tigh an Tighearn'. Agus thubhairt an rìgh ri Ieremiah, Feòraichidh mi ni àraidh dhìot; na ceil a' bheag orm.

15 Agus thubhairt Ieremiah ri Sedeciah, Ma dh'inneas mi dhuit, nach dean thu gu cinnteach mo chur gu bàs? agus ma bheir mi comhairle ort, an èisd thu rium?

16 An sin mhionnaich an rìgh Sedeciah do Ieremiah os ìosal, ag ràdh, Mar is beò an Tighearn a rinn dhuinn an t-anam so, cha chuir mi gu bàs thu, ni mò 'bheir mi thairis thu do làimh na muinntir' sin a tha 'g iarraidh d'anama.

17 Agus thubhairt Ieremiah ri Sedeciah, Mar so tha Iehobhab, Dia nan sluagh, Dia Israeil, ag ràdh, Ma théid thu gu deimhin thairis gu cinn-fheadhna rìgh Bhabiloin, an sin mairidh d'anam beò, agus cha loisgear an baile so le teine; ach mairidh tu beò, thu féin agus do theaghlach.

18 Ach mur téid thu mach gu cinn-fheadhna rìgh Bhabiloin, an sin bheirear am baile so do làmh nan Caldéach, agus loisgidh iad e le teine, agus cha téid thusa féin as o'n làmhnan.

19 Agus thubhairt an rìgh Sedeciah ri Ieremiah, Tha eagal nan Indhach orm, a theich a chum nan Caldéach, gu'n toir iad thairis mi do'n làmhnan, agus gu'n dean iad fanoid orm.

20 Ach thubhairt Ieremiah, Cha toir iad thairis thu; thoir géill, guidheam ort, do ghuth an Tighearna, 's an ni a tha mise a' labhairt riut: mar sin éiridh gu maith dhuit, agus mairidh d'anam beò.

21 Ach ma dhiùltas tu dol a mach, so an ni a thaisbein an Tighearn dhomhsa:

22 Eadhon, feuch, na h-uile mhnathan a tha air am fàgail ann an tigh rìgh Iudah, bhicear a mach gu cinn-fheadhna rìgh Bhabiloin, agus their iad, Bhrosnuich do

chairdean thu, agus thug iad buaidh ort: chuir iad do chosan 'an sàs anns an làthaich agus phill iad air an ais.

23 Agus bheir iad a mach d' uile mhnathan, agus do chlann a chum nan Caldéach; agus cha téid thu féin as o'n làmhnan, ach glacar thu le làmh rìgh Bhabiloin, agus bithidh tu coireach anns a' bhaile so 'bhi air a losgadh le teine.

24 An sin thubhairt Sedeciah ri Ieremiah, Na bitheadh fios aig duine sam bith air na briathraibh so, agus cha-n fhaigh thu bàs.

25 Ach ma chluinneas na h-uachdarain gu'n do labhair mise riut, agus gu'n tig iad a d'ionnsuidh, agus gu'n abair iad riut, Innis dhuinn a nis ciod a thubhairt thu ris an rìgh, na ceil e oirne, agus cha chuir sinn gu bàs thu; mar an ceudna ciod a thubhairt an rìgh riutsa:

26 An sin their thu riu, Thaisbein mi m' athchuinge an làthair an rìgh, nach tugadh e orm pileadh gu tigh Ionatain, dh'fhaotainn bàis an sin.

27 Agus thàinig na h-uachdarain uile gu Ieremiah, agus dh'fhiosraich iad d'heith; agus dh'inns e dhoibh a réir nan uile bhriathran so a dh'àithn an rìgh dha: mar sin sguir iad de labhairt ris, oir cha do mhothaichheadh a' chùis.

28 Mar sin dh'fhan Ieremiah ann an cùirt a' phrìosain, gus an là 's an do ghlacadh Ierusalem; agus bha e 'n sin an uair a ghlacadh Ierusalem.

# CAIB. XXXIX.

1 *Ghlac rìgh Bhabiloin Ierusalem. 6 Mharbh e mic Shedeciah. 7 agus cheangail se e féin chum a thoirt gu Babilon. 11 Aithne Nebuchadnesair mu thimchioll Ieremiah. 15 Gealladh Dhé do Ebed-melech.*

**A**NN an naothamh bliadhna Shedeciah rìgh Iudah, anns an deicheamh mìos, thàinig Nebuchadnesar rìgh Bhabiloin, agus 'uile fheadh an aghaidh Ierusalem, agus champaich iad m' a timchioll.

2 Ann an aon bhliadhna deug Shedeciah, anns a' cheathramh mìos, air an naothamh là de'n mhìos, bha a' chaithir air a briseadh suas.

3 Agus thàinig uile chinn-fheadhna rìgh Bhabiloin a steach, agus shuidh iad anns a' gheata 's a' mheadhon; Nergal-sareser, Samgar-nebo, Sarsechim, Rabsaris, Nergal-sareser, Rabmag, leis a' chuid eile air fad de chinn-fheadhna rìgh Bhabiloin.

4 Agus tharladh, an trà 'chunnaic Sedeciah rìgh Iudah iad, agus na fir-chogaidh uile, gu'n do theich iad, agus gu'n deachaidh iad a mach as a' bhaile anns an oidheche, air slighe gàraidh an rìgh, troimh 'n gheata, cadar an dà bhalla; agus chaidh iad a mach air slighe a' chòmhnaird.

5 Ach lean feachd nan Caldéach air an tòir, agus rug iad air Sedeciah ann an

còmhnrdaibh Iericho; agus ghlac iad e, agus thug iad e gu Nebuchadnesar rìgh Bhabailoin, aig Rìblah, ann am fearann Hamait, far an d'thug e breth air.

6 An sin mharbh rìgh Bhabailoin mie Shedeciah, ann an Rìblah, fa chomhair a shùl; mharbh rìgh Bhabailoin uile mhaithlean Iudah mar an ceudna.

7 Agus chuir e mach sùilean Shedeciah, agus cheaugail e le slabhruidhean e, a chum a thoirt gu Babilon.

8 Agus loisg na Caldéich tigh an rìgh, agus tighean an t-sluaigh le teine, agus bhris iad sìos ballachan Ierusalem.

9 An sin thug Nebusar-adan, ceannard an fhreiceadain, leis 'n am braighdibh gu Babilon am fuighleach sluaigh a dh'fhan anns a' bhaile, agus iadsan a theich thairis d'a ionnsuidh, leis a' chuid eile de'n t-sluaigh a dh'fhan beò.

10 Ach cuid de bhochdaibh an t-sluaigh, aig nach robh ni sam bith, dh'fhàg Nebusar-adan ceannard an fhreiceadain ann am fearann Iudah, agus thug e dhoibh fionlosan agus machraichean anns an àm sin.

11 Agus thug Nebuchadnesar rìgh Bhabailoin àithne mu thimchioll Ieremiah do Nebusar-adan ceannard an fhreiceadain, ag ràdh,

12 Thoir leat e, agus thoir aire mhaith dha, agus na dean cron sam bith air, ach dean ris amhuil mar a their e riut.

13 Mar sin chuir Nebusar-adan ceannard an fhreiceadain fios, agus Nebusasan, Rabsaris, agus Nergal-sareser, Rabmag, agus uile chinn-fheadhna rìgh Bhabailoin:

14 Chuir eadhon iadsan fios, agus thug iad Ieremiah mach á cùirt a' phrìosain, agus thug iad e do Ghedaliah mac Ahicaim, mhic Shaphain, gu 'thoirt dhachaidh: mar sin ghabh e còmhnuidh am measg an t-sluaigh.

15 Agus thàinig focal an Tighearna chum Ieremiah, 'n uair a bha e *jathasd* air a dhruideadh suas ann an cùirt a' phrìosain, ag ràdh,

16 Imich agus labhair ri Ebed-melech an t-Etiopach, ag ràdh, Mar so tha Tighearna nan sluaigh, Dia Israeil, ag ràdh, Feuch, bheir mise mo bhriathran air a' bhaile so air son uile, agus cha-n ann air son maith; agus thig iad gu crìch ann ad fhianuis-sa anns an là sin.

17 Ach tèarnaidh mi thusa's an là sin, deir an Tighearna, agus cha toirear thairis thu do làmh na muinntir roimh am bheil eagal ort.

18 Oir tèarnaidh mi thu, agus cha tuit thu leis a' chlaideamh, ach bithidh d'anam mar chobhartach agad, a chionn gu'n do chuir thu do dhòchas annam-sa, deir an Tighearna.

## CAIB. XL.

1 Chaidh Ieremiah air ais gu Gedaliah an deigh do Nebusar-adan 'fhuasgladh o na slabhruidhean a bha air a làmh. 8 Phill na h-Iudhaich a chaidh a sgapadh gu Gedaliah. 13 Cha do chreid Gedaliah Iohanan 'n uair dh'innis e dha gu'n robh Ismael ag iarraidh a mharbhadh.

**A**M focal a thàinig a chum Ieremiah o'n Tighearna, an deigh do Nebusar-adan ceannard an fhreiceadain a leigeadh as o Ramah, an uair a thugadh e d'a ionnsuidh, agus e ceangailte le slabhruidhean am measg na muinntir sin uile a thugadh air falbh 'n am braighdibh o Ierusalem agus o Iudah, a thugadh ann am braighdeanas gu Babilon.

2 Agus ghabh ceannard an fhreiceadain Ieremiah, agus thubhairt e ris, Labhair an Tighearna do Dhia-sa an t-òle so an aghaidh an àite so.

3 A nis thug an Tighearna gu crìch e, agus rinn e mar a labhair e: a chionn gu'n do pheacaich sibh an aghaidh an Tighearna, agus nach d'thug sibh géill d'a ghuth, air an aobhar sin tha'n t-òle so air teachd oirbh.

4 Agus a nis feuch, tha mise 'g ad fhuasgladh an diugh o na slabhruidhean a bha air do làmh: ma chi thu ceart teachd leamsa gu Babilon, thig; agus bheir mi aire mhaith dhuit: ach mur faic thu ceart teachd leamsa gu Babilon, fan: feuch, tha am fearann gu h-ìomlan fa d' chomhair: far am faicear ceart agus iomchuidh dhuit dol, theirig ann; agus ciod air bith tuilleadh cha chumar air ais e.

5 Falbh uime sin air d'ais gu Gedaliah mac Ahicaim, mhic Shaphain, a rinn rìgh Bhabailoin 'n a uachdaran os ceann bhailean Iudah, agus gabh còmhnuidh leis, am measg an t-sluaigh: no falbh c'àit air bith an faic thu iomchuidh dol. Mar sin thug ceannard an fhreiceadain biadh agus duals da, agus leig e dha imeachd.

6 An sin chaidh Ieremiah gu Gedaliah mac Ahicaim, gu Mispah, agus ghabh e còmhnuidh leis, am measg an t-sluaigh a dh'fhàgadh, anns an fhearann.

7 A nis an uair a chuala uile cheannardan an fheachd a bha 's na machraichibh, iad féin agus an daoine, gu'n d'rinn rìgh Bhabailoin Gedaliah mac Ahicaim 'n a uachdaran anns an fhearann, agus gu'n d'earb e ris fir, agus mnathan, agus clann, eadhon cuid de bhochdaibh an fhearainn, dhiubhsan nach d'thugadh air falbh ann an daorsa gu Babilon;

8 An sin thàinig iad gu Gedaliah gu Mispah, eadhon Ismael mac Netaniah, agus Iohanan, agus Ionatan, mic Charea, agus Seraiah mac Thanhuncit, agus mic Ephai an Netophataich, agus Iesaniah mac Maa-chataich, iad féin agus an daoine.

9 Agus mhionnaich Gedaliah mac Ahicaim



## IEREMIAH, XLI.

mhic Shaphain dhoibhsan, agus do'n daoine, ag ràdh, Na bitheadh eagal oirbh géill a thoirt do na Caldéich; gabhaibh còmh-nuidh anns an tìr, agus thugaibh géill do rìgh Bhabiloìn, agus éiridh gu maith dhuibh.

10 Air mo shon-sa, feuch, ni mi còmh-nuidh ann am Mispah, a fhrithéaladh do na Caldéich a thig d'ar n-ionnsuidh; ach sibhse, tionailibh fion, agus meas samhraidh, agus oladh, agus cuiribh iad 'n ur soithicibh, agus deanaibh còmh-nuidh 'n ur bailtibh air an d'rinn sibh greim.

11 Air an dòigh cheudna 'n uair a chuala na h-Iudhaich uile a bha ann am Moab, agus am measg nan Amonach, agus ann an Edom, agus a bha anns na h-uile dhùthch-aibh, gu'n d'fhàg rìgh Bhabiloìn fuigheall de Iudah, agus gu'n do chuir e os an ceann Gedaliah mac Ahicaim, mhic Shaphain;

12 An sin phill na h-Iudhaich uile as na h-uile àite gus an robh iad air am fògradh, agus thàinig iad gu tìr Iudah, gu Gedaliah, do Mhispah, agus thionail iad fion, agus meas samhraidh, gu ro phailt.

13 Agus thàinig Iohanan mac Chareah, agus uile cheannardan an fheachd a bha 's na maclraichibh, gu Gedaliah do Mhispah.

14 Agus thubhairt iad ris, Am bheil fios agad gu cinnteach gu'n do chuir Baalis rìgh nan Amonach Ismael mac Netaniah chum do mharbhadh? Ach cha do chreid Gedaliah mac Ahicaim iad.

15 An sin labhair Iohanan mac Chareah ri Gedaliah ann am Mispah gu h-uaig-neach, ag ràdh, Leig dhomhsa dol, guidh-eam ort, agus marbhaidh mi Ismael mac Netaniah, agus cha bhi fios agi duine sam bith *air*: cuime am marbhadh e thusa, agus gu'm biodh na h-Iudhaich uile a tha air an cruinneachadh a d' ionnsuidh air an sgapadh, agus gu'm bàsaicheadh na tha mairiorm de Iudah?

16 Ach thubhairt Gedaliah mac Ahicaim ri Iohanan mac Chareah, Cha dean thu an nì so, oir is breug a tha thu 'labhairt a thaobh Ismaeil.

### CAIB. XLI.

*1 Mharbh Ismael Gedaliah, 5 agus daoine àraidh a thàinig d'an ionnsuidh o Shechem agus o Shamaria. 10 Dh'imich Ismael gu dol thairis chum nan Amonach. 12 Chaidh Iohanan a chogaidh 'n a aghaidh, agus thug e uair na braghdean.*

**A**NIS tharladh air an t-seachdamh mìos, gu'n d'thàinig Ismael mac Netaniah, mhic Elisama, de'n t-sìol rìoghail, agus maithean an rìgh, eadhon deich fir, maille ris, gu Gedaliah mac Ahicaim do Mhispah, agus an sin dh'ith iad aran le 'chéile ann am Mispah.

2 An sin dh'éirich Ismael mac Netaniah, agus na deich fir a bha maille ris, agus bhuaill iad Gedaliah mac Ahicaim, mhic

Shaphain, leis a' chlàidheamh, agus mharbh iad e, esan a chuir rìgh Bhabiloìn 'n a uachdaran os ceann an fhearainn.

3 Mharbh Ismael mar an ceudna na h-Iudhaich uile 'bha maille ris, maille ri Gedaliah ann am Mispah, agus na Caldéich a fhuair adh an sin, na fir-chogaidh.

4 Agus tharladh air an dara là, an déigh dha Gedaliah a mharbhadh, agus gun fhios zig duine sam bith *air*;

5 Gu'n d'thàinig daoine àraidh o Shechem, o Shiloh, agus o Shamaria, ceithir fichead fear, aig an robh am feusagan air am bearradh, an endaichean air an reubadh, agus iad féin air an gearradh, le tabhartasaibh agus tùis 'n an làimh, gu'n toirt gu tigh an Tighearna.

6 Agus chaidh Ismael mac Netaniah mach o Mhispah 'n an còdhail, a' gul fad na slighe; agus tharladh an uair a choinnich e iad, gu'n d' thubhairt e riu, Thigibh gu Gedaliah mac Ahicaim.

7 Agus tharladh an uair a thàinig iad gu meadhon a' bhaile, gu'n do mharbh Ismael mac Netaniah iad, *agus thilg e iad* ann am meadhon an t-sluichd, e féin agus na daoine 'bha leis.

8 Ach fhuaireadh 'n am measg deichnear fhear a thubhairt ri Ismael, Na marbh sinne: oir tha ionmhasan againn 's a' mliach-air, de chruithneachd, agus de eorna, agus de olaidh, agus de mhill. Mar sin sguir e, agus cha do mharbh e iad am measg am bràithrean.

9 A nis b'e 'n slochd anns an do thilg Ismael uile chuirp mharbha nan daoine a mharbh e air son Ghedaliah, an *slochd* sin a rinn Asa an rìgh air eagal Bhaasa rìgh Israeil; lion Ismael mac Netaniah e leo-sa a mharbhadh.

10 An sin thug Ismael leis ann an daorsa na h-uile 'bha làthair de'n t-sluagh a bh'ann am Mispah, *eadhon* nigheanan an rìgh, agus an sluagh uile a dh'fhan ann am Mispah, a thug Nebusar-adan ceannard an fhreiceadain do Ghedaliah mac Ahicaim; thug eadhon Ismael mac Netaniah leis ann an daorsa iad, agus dh'imich e gu dol thairis a chum nan Amonach.

11 Ach an uair a chuala Iohanan mac Chareah, agus uile cheannardan an fheachd, a bha maille ris, an t-ole *ud* a rinn Ismael mac Netaniah,

12 An sin thug iad leo na daoine air fad, agus chaidh iad a chogadh ri Ismael mac Netaniah, agus fhuair iad e aig na h-uig-eachaibh mòra a tha ann an Gibeon.

13 A nis tharladh an uair a chunnaic an sluagh sin uile 'bha le Ismael Iohanan mac Chareah, agus uile cheannardan an fheachd a bha maille ris, gu'n robh iad an sin aoibhneach.

14 Agus thionndaidh an sluagh uile, a thug Ismael air falbh ann am braighdeanas

o Mhispah, mu'n cuairt, agus phill iad, agus chaidh iad gu Iohanan mac Chareah.

15 Ach chaidh Ismael mac Netaniah as o Iohanan le ochdnar fhear, agus chaidh e chum nan Amonach.

16 An sin ghabh Iohanan mac Chareah, agus uile cheannardan au fheachd a bha leis, uile iarmad an t-sluaigh a bhuin e o Ismael mac Netaniah, o Mhispah, (an déigh dha Gedaliah mac Ahicaim a mharbhadh,) gaisgich, fir-chogaidh, agus unathan, agus clann, agus caillteanaich, a thug e air an ais o Ghibcon:

17 Agus dh'imich iad, agus ghabh iad còmhnuidh ann an aitreabh Chinnhaim, a tha làmh ri Betlehem, a chum falbh gu dol a steach do'n Eiphit, á fianuis nan Caldeach:

18 Oir bha eagal orra rompa, a chionn gu'n do mharbh Ismael mac Netaniah Gedaliah mac Ahicaim, a rinn rìgh Bhabailoin 'n a uachdaran anus an fhearann.

CAIB. XLII.

1 *Dh'iarr ceannardan an fheachd air Ieremiah urnuigh a dheanamh ri Dia air an son. 5 Gheall iad a bhi ùmhail do fhocal an Tighearna. 7 Dh'innis am fàidh dhoibh gu'm bitheadh iad air an tearnadh ann an Iudea, ach air an sgrìob nan rachadh iad sìos do'n Eiphit. 19 Thug e acaimhasan dhoibh air son an ceilge.*

**A**N sin thàinig am fagus uile cheannardan an an fheachd, agus Iohanan mac Chareah, agus Iesaniah mac Hosaiah, agus an sluagh gu h-ìomlaid, o'n bheag gus a' mhòr;

2 Agus thubhairt iad ri Ieremiah am fàidh, Bitheadhar n-athechuinge, guidheamaid ort, taitneach ann ad làthair, agus dean urnuigh air ar sou ris an Tighearn do Dhia, eadhon air son an iarmaid so uile, (oir cha d'fhàgadh dhinn ach beagan á mòran, mar a tha do shùilean 'g ar faicinn,)

3 Gu'n seòladh an Tighearn do Dhia dhuinn an t-slighe anns an gluais sinn, agus au ni a tha sinn ri 'dheanamh.

4 Agus thubhairt Ieremiah am fàidh riu, Chuala mi; feuch, ni mise urnuigh ris an Tighearn bhur Dia a réir 'ur briathran; agus tarlaidh, ge b'e freagradh a bheir an Tighearn dhuibh, gu'n innis mise dhuibh e: cha chum mi ni sam bith air ais uaibh.

5 Agus thubhairt iad ri Ieremiah, Bitheadh an Tighearn 'u a fhianuis fhìor agus dhùileas eadarunn, mur dean sinne gach ni air son an cuir an Tighearn do Dhia d' ar n-ionnsuidh thu.

6 Ma's maith no ma's olc e, bheir sinn géill do ghuth an Tighearn' ar Dia, dh'ionnsuidh am bheil sinn 'g ad chur; a chum gu'n érich gu maith dhuinn an uair a bhitheas sinn ùmhail do ghuth an Tighearn' ar Dia.

7 Agus tharladh 'an ceam d'èich làithean, gu'n d'fhàinig guth an Tighearna gu Ieremiah.

8 An sin ghairm e Iohanan mac Chareah, agus uile cheannardan an fheachd a bha maille ris, agus an sluagh uile, o'n bheag gus a' mhòr,

9 Agus thubhairt e riu, Mar so deir an Tighearn Dia Israeil, dh'ionnsuidh an do chuir sibh mise chum 'ur n-athechuinge a chur suas 'n a làthair;

10 Ma dh'fhanas sibh 'an còmhnuidh anns an tìr so, an sin togaidh mise sibh, agus cha tilg mi sìos; agus suidhichidh mi sibh, agus cha spion mi nìos: oir is aithreach lean an t-olc a rinn mi oirbh.

11 Na bitheadh eagal rìgh Bhabailoin oirbh, as am bheil sibh a' gabhail eagail: na bitheadh eagal oirbh roimhe, deir an Tighearn; oir tha mise leibh g'ur tèarnadh, agus g'ur saoradh as a làimh.

12 Agus nochdaidh mi tràcairean duibh, agus gabhaidh esan truas d'ibh, agus suidhichidh e sibh 'n 'ur dùthaich féin.

13 Ach ma their sibh, Cha ghabh sinn còmhnuidh anns au fhearann so; air chor as nach toir sibh géill do ghuth an Tighearna bhur Dé.

14 Ag ràdh, Nì h-eadh; ach théid sinn do thìr na h-Eiphit, far nach faic sinn cogadh sam bith, nì mò chluinneas sinn fuaim na trompaid, no bhitheas casbhuidh araiu oirnn; agus an siu gabhaidh sinn còmhnuidh:

15 (Seadh a nis uime sin éisdibh focal an Tighearna, O iarmaid Iudah, Mar so tha Tighearn nan sluagh, Dia Israeil, ag ràdh, Ma chuireas sibh da rìreadh bhur n-aghaidh ri dol do'n Eiphit, agus gu'n téid sibh an sin air chuairt;)

16 An sin tarlaidh gu'n dean an claidheamh, roimh am bheil eagal oirbh, 'ur glacadh an sin anu an tìr na h-Eiphit; agus a' ghort, roimh am bheil eagal oirbh, dlùthleanaidh air 'ur tòir an sin anns an Eiphit; agus an sin gheibh sibh bàs.

17 Is amhluidh a thachaireas do na h-uile dhaoineibh a chuireas an aghaidh ri dol do'n Eiphit gu fantuinn air chuairt au sin; bàsaichidh iad leis a' chladheamh, leis a' ghort, agus leis a' phlàigh; agus cha bhi aon a uhaireas, no 'théid as o'n olc a bheir mise orra.

18 Oir mar so deir Tighearn nan sluagh, Dia Israeil, Mar a bha m'fhearg agus mo chorruih air a dòrtadh a mach air luchd-àiteachaidh Ierusalem, is amhluidh bhitheas mo chorruih air a dòrtadh a mach oirbhse 'n trà théid sibh a steach do'n Eiphit: agus bithidh sibh 'n 'ur mallachadh, agus 'n 'ur n-uamhas, agus 'n 'ur mallachd, agus 'n 'ur masladh; agus cha-n fhaic sibh an t-àite so nìs mò.

19 Is e focal an Tighearna do 'ur taobhsa, O fhuigheill Iudah, Na rachaibh do'n Eiphit; bitheadh fios cinnteach agaibh gu'n d'thug mise rabhadh dhuibh an diugh.



20 Gu deimhin chuir sibh 'an gnìomh cealg an aghaidh 'ur n-anaman féin: oir chuir sibh mise chum an Tighearn bhur Dia, ag ràdh, Guidh air ar son-ne ris an Tighearn ar Dia, agus a rèir gach nì a their an Tighearn ar Dia, mar sin innis duinn, agus nì sinne.

21 Agus dh'innis mise dhuibh air an là an diugh, ach cha d'thug sibhse géill do ghuth an Tighearna bhur Dé, no do aon nì air son an do chuir e mise do 'ur n-ionnsuidh.

22 Air an aobhar sin bitheadh dearb' fhios agaibh gu'm bàsaich sibh leis a' chlaidheamh, agus leis a' ghort, agus leis a' phlàigh, anns an àite gus an àill leibh siubhal gu fantuinn air chuairt.

### CAIB. XLIII.

1 *Cha do chreid na ceannardan fàistneachd Ieremiah; 5 agus air an aobhar sin ghiùlain iad e féin agus a' chuid eile de'n t-sluagh do'n Eiphit. 8 Roimh-innis Ieremiah gu'm buail-eadh rìgh Babiloin tìr na h-Eiphit.*

**A**GUS tharladh, trà sguir Ieremiah a labhairt ris an iomlan de'n t-sluagh uile bhriathran an Tighearn, 'an Dé, air son an do chuir an Tighearn an Dia esan d'an ionnsuidh, eadhon nan uile bhriathran so;

2 Gu'n do labhair Asariah mac Hoseah, agus Iohanan mac Chareah, agus na daoine uaibhreach uile, ag ràdh ri Ieremiah, Is breug a tha thu 'labhairt: cha do chuir an Tighearn ar Dia thu gu ràdh, Na rachaibh do'n Eiphit a dh'fhantuinn air chuairt an sin:

3 Ach tha Baruch mac Neriah 'g ad bhros-nuchadh 'n ar n-aghaidh, a chum ar toirt suas do làimh nan Caldéach, a chum ar marbhadh, no ar toirt air falbh 'n ar braidhribh gu Babilon.

4 Mar so cha d'thug Iohanan mac Chareah, agus uile cheannardan an fheachd, agus an sluagh uile, géill do ghuth an Tighearna, gu còmhnuidh 'ghabhail ann an tìr Iudah:

5 Ach ghabh Iohanan mac Chareah, agus uile cheannardan an fheachd, a' mheud as a bha làthair de Iudah, a phill o na h-uile chinnich gus an robh iad air am fògradh, gu còmhnuidh 'ghabhail ann an tìr Iudah;

6 Na fir, agus na mnathan, agus a' chlann, agus nigheanan an rìgh, agus gach neach a dh'fhàg Nebusar-adan ceannard an fhreiceadain le Gedaliah mac Ahicaim, mhic Shaphain, agus Ieremiah am fàidh, agus Baruch mac Neriah;

7 Agus dh'imich iad gu tìr na h-Eiphit; oir cha d'thug iad géill do ghuth an Tighearna; agus thàinig iad eadhon gu Taphanes.

8 An sin thàinig focal an Tighearna gu Ieremiah ann an Taphanes, ag ràdh,

9 Gabh ann ad làimh clachan mòra, agus folaich iad anns a' chriadh, ann an àth nan clachan-crèadh, a tha aig dol a steach tighe

Pharaoh, ann an Taphanes, ann an sealladh fhear Iudah.

10 Agus abair riu, Mar so tha Tighearn nan sluagh, Dia Israeil ag ràdh; Feuch, cuiridh mise fios, agus gabhaidh mi Nebuchadnesar rìgh Bhabiloìn, mo sheirbhiseach, agus suidhichidh mi a rìgh-chaitlhir air na clachaibh so a dh'fholaich mi, agus sgaoilidh e a phàillium rìoghail os an ceann.

11 Agus thig e, agus buailidh e tìr na h-Eiphit, iadsan a tha chum bàis, le bàs; agus iadsan a tha chum daorsa, le daorsa; agus iadsan a tha chum a' chlaidheimh, leis a' chlaidheamh.

12 Agus fadaidh mise teine ann an tighibh dhiathan na h-Eiphit; agus loisgidh esan iad, agus bheir e air falbh 'n am braidhribh iad, agus éididh se e féin le tìr na h-Eiphit, mar a dh'éideas buachaill e féin le 'thrusgan; agus theid e mach as a sin ann an sìth.

13 Brisidh e fòs dealbhan tighe na gréine a tha ann au tìr na h-Eiphit, agus tighean dhiathan na h-Eiphit loisgidh e le teine.

### CAIB. XLIV.

1 *Chronaich Ieremiah na h-Iudhaich 's an Eiphit air son an iadhol-aoraidh: 11 Dh'innis e roimh-làimh an léir sgrìos 15 Aingidheachd agus reasgachd nan Iudhach.*

**A**M focal a thàinig gu Ieremiah mu thimchioll nan uile Iudhach a tha 'chòmhnuidh ann am fearann na h-Eiphit, a tha 'chòmhnuidh aig Migdol, agus aig Taphanes, agus aig Noph, agus ann an dùthaich Phatros, ag ràdh,

2 Mar so tha Tighearn nan sluagh, Dia Israeil, ag ràdh, chunnaic sibh an t-uile ole a thug mise air Ierusalem agus air uile bhailtibh Iudah; oir feuch an diugh tha iad 'n am fàsach, agus cha-n'eil neach 'g an àiteachadh,

3 Air son an aingidheachd a chuir iad 'an gnìomh, a chum mise a bhrosnuchadh gu feing, le iad a dhol a losgadh tùise gu seirbhis a thoirt do dhiathan eile nach b'aithne dhoibh: dhoibhsan, dhuibhse, no do 'ur n-aithrichibh.

4 Chuir mi mar an ceudna do 'ur n-ionnsuidh m'uile sheirbhiseich na fàidhean, ag éirigh gu moch agus 'g an cur a mach, ag ràdh, Guidheam oirbh, na deanaibh an nì gràineil so a's fuathach leam-sa.

5 Ach cha d'éisd iad, nì mò 'thionndaidh iad an chuas, gu pilleadh o'n aingidheachd, agus gun tùis a losgadh do dhiathan eile.

6 Uime sin bha m'fhearg agus mo chorruich air a taomadh a mach, agus air a lasadh ann am bailtibh Iudah, agus ann an sràidibh Ierusalem, agus tha iad 'n am fàsach, agus 'n an làraich sgaoilte, mar air an là an diugh.

7 Agus a nìs mar so deir Ichobhah Dia nan sluagh, Dia Israeil; C'uime ana bheil sibh a' cur 'an gnìomh an uile mhòir so an

aghaidh 'ur n-anaman féin, a ghearradh as uaibh an fhir agus na muà, an leinibh agus an naoidhein, a mach á Iudah; ionnus nach fàgar fuigheall beò dhihbh;

8 Agus gu bheil sibh 'g am bhrosnachadh-sa gu corruich le oibribh 'ur làmh, a' losg-adh tùise do dhiathan coinneach ann an tìr na h-Eiphit, gus am bheil sibh air dol a ghabhail còmhnuidh; a chum gu'm bitheadh sibh air 'ur gearradh as, agus gu'm bitheadh sibh 'n 'ur mallachadh, agus 'u 'ur masladh am measg uile chinneach na taluhainn?

9 An do dhì-chuimhuich sibh aingidheachd bhuir n-aithrichean, agus aingidheachd rìghrean Iudah, agus aingidheachd am mnathan, agus 'ur n-aingidheachd féin, agus aingidheachd 'ur ban, a chuir iad 'an gnìomh ann am fearann Iudah, agus ann an sràidibh Ierusalem?

10 Cha-n'eil iad air an irioslachadh gus an là an diugh, ni mò 'ghabh iad eagal, no 'ghluais iad ann am lagh-sa, no ann am reachdaibh, a chuir mi roimhibhse, agus roimh bhuir n-aithrichibh.

11 Uime siu mar so tha Tighearn nan sluagh, Dia Israel, ag ràdh, Feuch, cuiridh mise mo ghnùis 'n 'ur n-aghaidh a chum uile, eadhon a chum Iudah uile a ghearradh air falbh.

12 Agus gabhaidh mi fuigheall Iudah, a chuir an aghaidh ri dol do thìr na h-Eiphit gu fantuinn air chuairt an sin, agus caithear iad uile ann an tìr na h-Eiphit; tuitidh iad leis a' chlaidheamh, caithear iad leis a' ghort; o'n bheag gus a' mhòr, bàsaichidh iad leis a' chlaidheamh, agus leis a' ghort; agus bithidh iad 'n am mallachadh, agus 'n an uamhas, agus 'n am mallachd, agus 'n am masladh.

13 Agus smachdaichidh mi iadsan a tha 'chòmhnuidh ann an tìr na h-Eiphit, mar a smachdaich mi Ierusalem, leis a' chlaidheamh, leis a' ghort, agus leis a' phlàigh.

14 Agus de fhuigheall Iudah a tha air teachd air chuairt do'n Eiphit, cha bhi neach a théid as no 'mhaireas beò, gu pilleadh do thìr Iudah, dh'ionnsuidh am bheil iad 'an geall air pilleadh a ghabhail còmhnuidh; seadh, cha phill ach iadsan a théid as.

15 An sin na h-uile dhaoine aig an robh fios gu'n do loisg am mnathan tùis do dhiathan eile, agus na h-uile mhnathan a sheas dlùth, sluagh mòr, eadhon an sluagh uile a bha 'chòmhnuidh ann an tìr na h-Eiphit, ann am Patros, fhreagair iad Ieremiah, ag ràdh,

16 A thaobh an fhocail a labhair thu ruinn ann an ainman Tighearna, cha-n éisd sinn riut.

17 Ach ni sinn gu deimhin gach uile ni a thig a mach as ar beul féin, a losgadh tùise do bhan-rìghinn nèimh, agus a thaomadh a mach thabhartas-dìbhe dhi; anhuil a rinn sinn, sinn féin agus ar n-aithrichean, ar

rìghrean, agus ar n-uaislean, ann am bailtibh Iudah, agus ann an sràidibh Ierusalem: oir an sin bha pailteas bidh againn, agus shoirbhich leinn, agus cha-n fhaca sinn olc air bith.

18 Ach o'n àm's an do sguir sinn de losg-adh tùise do bhan-rìghinn nèimh, agus de thaomadh a mach thabhartas-dìbhe dhi, bha casbhuidh nan uile nithean oirn, agus bha sinn air ar caitheamh leis a' chlaidheamh agus leis a' ghort.

19 Agus an uair a loisg sinn tùis do bhan-rìghinn nèimh, agus a dhòirt sinn a mach tabhartas-dìbhe dhi, an d'rinn sinn breacagan dhi g'a h-aoradh, agus a dhòrtadh thabhartas-dìbhe dhi, as eugmhais ar feara?

20 An sin labhair Ieremiah ris an uile shluagh, ris na fearaibh, agus ris na mnàibh, agus ris an uile shluagh a thug dha freagradh, ag ràdh,

21 An tùis a loisg sibh ann am bailtibh Iudah, agus ann an sràidibh Ierusalem, sibh féin, agus 'ur n-aithrichean, 'ur rìghrean, agus 'ur n-uachdarain, agus sluagh an fhearainn, nach do chuimhnich an Tighearn iad, agus nach d'thàinig iad 'n a aire?

22 Air chor as nach feudadh an Tighearn giùlan *leibh* ni b'fhaide, air son aingidheachd 'ur deanadais, air son nan gràineil-eachd a chuir sibh 'an gnìomh: air an aobhar sin tha 'ur fearann 'n a fhàsach, agus 'n a uamhas, agus 'n a mhallachd, gun aon fhear-àiteachaidh, mar air an là an diugh.

23 A chionn gu'n do loisg sibh tùis, agus a chionn gu'n do pheacaich sibh an aghaidh an Tighearn', agus nach d'thug sibh géill do ghuth an Tighearna, ni mò 'ghluais sibh 'n a lagh, no 'n a reachdaibh, no 'n a àitheantaibh: air an aobhar sin tha'n t-olc so air teachd oirbh, mar air an là an diugh.

24 Os bàrr, thubhairt Ieremiah ris an t-sluagh uile, agus ris na mnàibh uile, Eisdibh focal an Tighearn', uile Iudah a tha 'an tìr ua h-Eiphit;

25 Mar so labhair Tighearn nan sluagh, Dia Israel, ag ràdh, Labhair sibh féin agus 'ur mnathan le 'ur beoil, agus chuir sibh 'an gnìomh le 'ur làmh, ag ràdh, Coimhlionaidh sinn gu deimhin ar bòidean a thug sinn, gu tùis a losgadh do bhan-rìghinn nèimh, agus tabhartas-dìbhe 'dhòrtadh a mach dhi: ni sibh gu deimhin 'ur bòidean a dhaingneachadh, agus ni sibh gu deimhin 'ur bòidean a choimhlionadh.

26 Uime sin éisdibh focal an Tighearn', uile Iudah, a tha 'chòmhnuidh ann an tìr na h-Eiphit; Feuch, mhlionnaich mise air m'ainm mòr, deir an Tighearn, nach bi m'ainm nì's mò air ainneachadh ann am beul duine air bith de Iudah, ann an uile thìr na h-Eiphit, ag ràdh, Mar is beò an Tighearn Dia.

27 Feuch, ni mise faire os an ecann air son uile, agus cha-n ann air son maith, agus sgriosar gach duine de Iudah a tha 'n tìr na



h-Eiphit, leis a' chlaidheamh, agus leis a' ghort, gus am bi làn chrìoch orra.

28 Agus a' mhuinntir a thèid as o'n chlaidheamh, pillidh iad o thìr na h-Eiphit gu tìr Iudah, tearc ann an àireamh: agus aithnichidh uile fhuigheall Iudah a chaidh air chuairt do thìr na h-Eiphit, cò dhiubh a sheasas, m'fhocal-sa, no am focal-san.

29 Agus *bithidh* so mar chomharadh dhuibh, deiran Tighearn, gur mise a smachdaich sibh anns an àite sin, a chum gu'n aithnich sibh gu cinnteach gu'n seas mo bhrìathran-sa 'n 'ur n-aghaidh a chum 'ur dochaimn:

30 Mar so deir an Tighearn, Feuch, bheir mise Pharaoh-hophra rìgh na h-Eiphit do làimh na naimhdean, agus do làimh na muinntir a tha 'g iarraidh 'anama; mar a thug mi Sedeciah rìgh Iudah do làimh Nebuchadnesair rìgh Bhabiloìn, agus fear-tòrachd 'anama.

CAIB. XLV.

1 'N uair bha Baruch fo eagal thug Ieremiah misneach dha.

**A**M focal a labhair Ieremiah am fàidh ri Baruch mac Neria, 'n uair a sgrìobh e na briathran so ann an leabhar o bheul Ieremiah, ann an ceathramh bliadhna Iehoiacim mhic Iosiah rìgh Iudah, ag ràdh,

2 Mar so labhair an Tighearn Dia Israeil do d' thaobh-sa, O Bharuch;

3 Thubhairt thu, Mo thruaighe mise nis! oir chuir an Tighearn bròn rim' dhoilghios; tha mi sgìth le m' osnaibh, agus fois air bith cha d' fhuair mi!

4 Mar so their thu ris, Mar so thubhairt an Tighearn, Feuch, an ni sin a thog mi, tilgidh mi sìos; agus an ni sin a shuidhich mi spìonaidh mi nìos; cadhon ann fearann so gu h-iomlan.

5 Agus am bheil thusa ag iarraidh air do shon fèin nithean mòra? Na h-iarr: oir, feuch, bheir mise olc air na h-uile fheoil, tha an Tighearn ag ràdh: ach bheir mi dhuitse d'anam mar chobhartach, anns na h-uile àite gus an téid thu.

CAIB. XLVI.

1 *Roimh-innis Ieremiah gu'm buaileadh Nebuchadnesair feachd rìgh na h-Eiphit.* 27 Thug e comhfhurtachd do Jacob 'n a bhràighdeanas.

**F**OCAL an Tighearn' a thàinig gu Ieremiah am fàidh, mu thimchioll nan cinneach.

2 Mu thimchioll na h-Eiphit. A thaobh feachd Pharaoh-necho rìgh na h-Eiphit, a bha ri taobh na h-aimhne Euphrateis ann an Carchemis, a bhuail Nebuchadnesair rìgh Bhabiloìn, ann an ceathramh bliadhna Iehoiacim, mhic Iosiah, rìgh Iudah.

3 Gleusaibh an targaid agus an sgiath, agus dlùthaichibh a chum a' chatha.

4 Uidhimichibh na h-eich, agus rachaibh air am muin, a mharc-shluaigh; agus seas-

aibh a mach le ceann-bheartaibh; Ìomhaibh na sleaghan, cuiribh oirbh na làirichean.

5 C'uime an faca mi iad so fo gheilt, agus a' gabhail na ruaige? tha cadhon an daoine cumhachdach air an claidh; seadh a' teich-eadh gu luath, agus gun iad a' scalltuinn 'n an deigh. Tha eagal air gach làimh, deir an Tighearn.

6 Na teicheadh am fear luath, agus na rachadh am fear làidir as; a làimh na h-àirde tuath, ri taobh na h-aimhne Euphrateis, thuislich, agus fhuair iad leagadh.

7 Cò so a' teachd a nìos mar amhainn, agus a h-uisgeachan ag atadh mar thuiltean?

8 Dh'èirich an Eiphit mar amhainn, tha a h-uisgeachan ag atadh mar thuiltean, agus tha i ag ràdh, Thèid mi suas, còmhdaichidh mi am fearann, sgrìosaibh mi a' chaitir agus iadsan a tha 'g a h-àiteachadh.

9 Rachaibh air 'ur n-eachaibh, agus bithibh air mhìre-chatha; air na carbadaibh, agus rachadh na fir-chogaidh a mach: na h-Etiopaich, agus na Libianaich a ghlacas an sgiath, agus na Lìdianaich a ghlacas agus a chuireas air lagh am bogha.

10 Oir is e so là Tighearna nan sluagh, là dìoghaltais, a chum e fèin a dhioladh air a naimhdeibh: agus sluigidh an claidheamh, agus bithidh e sathach, agus cuirear air mhisg e le 'm fuil: oir tha iobairt aig Tighearn nan sluagh anns an tìr mu thuath, làimh ri amhainn Euphrateis.

11 Theirig suas gu Gilead, agus gabh ìocshlaint, O òg-bhean, a nighean na h-Eiphit; is dìomhain duit mòran chungaidhean-leigheis a ghnàthachadh: air do leigheas cha bhì thu.

12 Chuala na cinnich do mhasladh, agus lìon do ghaoir an talamh: oir thuislich iad, an laoch an aghaidh an laoch; thuit iad araon le 'chéile.

13 Am focal a labhair an Tighearn ri Ieremiah am fàidh, mu theachd Nebuchadnesair rìgh Bhabiloìn, a bhuail na tìre na h-Eiphit.

14 Foillsichibh anns an Eiphit, agus cuiribh 'an céill ann am Migdol; innsibh fòs ann an Noph, agus ann an Taphanes abraibh; Seas daingean, agus deasaich thu fèin; oir shluig an claidheamh a' mhuinntir a tha mu'n cuairt duit.

15 C'uime am bheil do chumhachdaich air an leagadh? cha do sheas iad, a chionn gu'n do thig an Tighearn sìos iad.

16 Thug e air mòran tuisleachadh, seadh, tuitcam air muin a chéile: thubhairt iad uime sin, Thigibh, agus pilleamaid gu ar sluagh fèin, agus gu tìr ar dùchais, o chlaidheamh a' mhillteir.

17 Dh'èigh iad an sin, O Pharaoh, a rìgh na h-Eiphit, chuir ioma-luasgadh bacadh air a' choinneimh a shuidhicheadh.

18 Mar is beò mise, deir an Rìgh, d'an ainm Iehobhah Dia nan sluagh, gu deimhin

mar Thabor am measg nam beann, agus mar Charnel ri taobh na fairge, thig e.

19 Cuir d' airneis 'an uidheam air son dol air ghluasad, O a nighean a tha 'chòmhuidh 's an Eiphit; oir bithidh Noph 'n a fhàsach, bithidh e fòs 'n a làraich luim, gun aon 'g a àiteachadh.

20 Is agh air am bheil aogus àluinu an Eiphit; tha milleadh o'n àirde tuath a' teachd *n a h-aghaidh*.

21 Tha a fir-thuarasdail fòs 'n a meadhon mar dhaimh bhiadhta; gidheadh thioundaidh eadhon iadsau an cùlaobh, theich iad le 'chéile, cha do sheas iad; a chionn gu'u d'fhàinig orra là an aìmhleis, aìmsir an smachdachaidh.

22 Théid a ghuth a mach mar *ghuth* nathrach; oir gluaisidh iad mar armailt, agus thig iad 'n a h-aghaidh le tuaghan, mar luchd-gearradh chraobh.

23 Gearraibh sìos a coilltean, tha an Tighearn ag ràdh, air chor as nach faighear iad le iarraidh; ge lionmhoire iad na locuist, agus ged nach feudar an àireamh.

24 Tha amhluidh air nighinn na h-Eiphit; thugadh thairis i do làimh sluagh na h-àirde tuath.

25 Thubhairt Tighearn nan sluagh, Dia Israeil, Feuch, smachdaichidh mise Amon No, agus Pharaoh, agus an Eiphit, agus a diathan, agus a rìghrean; eadhon Pharaoh agus iadsan a tha 'cur an dòchais ann.

26 Agus bheir mi thairis iad do làimh na muinntir a tha 'g iarraidh an 'anama, eadhon do làimh Nebuchadnesair rìgh Bhabiloìn, agus do làimh a sheirbhisich: agus 'n a dhéigh sin àitichear i, mar anns na làithibh o shean, deir an Tighearn.

27 Ach na bitheadh eagail ortsa, O Iacoib, m' òglaich, agus na bitheadh geilt ort, O Israeil; oir, feuch, bheir mise tèaruinte thu o chéin, agus do shliochd o thir an daorsa, agus pillidh Iacob, agus gheibh e fois agus sìth; agus cha bhì aon neach ann a chur eagail air.

28 Na bitheadh eagail ort, O Iacoib m' òglaich, deir an Tighearn, oir tha mise maille riut; ged bheir mi crìoch iomlan air na h-uile chinnich gus an d'fhògair mi thu, gidheadh cha toir mi crìoch iomlan ortsa: ach smachdaichidh mi thu ann an tomhas, agus cha-n fhuiling mi dhuit dol as gu h-iomlan saor.

CAIB. XLVII.

1 *Fàistneachd mu thimchioll léir-sgrìos nam Philisteach.*

**F**OCAL an Tighearn, a thàinig gu Ieremiah am fàidh a thaobh nam Philisteach, mu'n do bhuail Pharaoh Gasa.

2 Mar so deir an Tighearn, Feuch, tha uisgeachan a' teachd a uios o'n àirde tuath, agus fàsaidh iad 'n an tuil a thig thairis, agus a chòmhdachas am fearann, agus

gach ni a th' ann; am baile, agus iadsan a tha 'g a àiteachadh: agus éighidh na daoine gu h-àrd, agus ni uile luchd-àiteachaidh na tìre tuireadh.

3 Ri fuaim tartair ionganann eacha meam-uach, ri farum a' charbad, ri stairich a rothan, cha seall na h-athrichean air an ais ri 'n cloinn, le laighe làmh;

4 Air son an là a tha 'teachd a chreachadh nam Philisteach uile, agus a ghearradh air falbh o Thirus agus o Shidon gach fear-cuideachaidh a mhaireas: oir creachaidh an Tighearn na Philistich, fuigheall tìre Chapltoir.

5 Thàinig maoile air Gasa; mhilleadh Ascelon. O fhuigheill an glinne; cia fhada 'ni thusa thu féin a ghearradh?

6 Ho! a chlaidheimh Iehobhah! cia fhada gus an gabh thu fois? taig thu féin ann ad thruaill, gabh fois, agus bi sàmhach.

7 Cionnus a dh'fheudas e 'bhi sàmhach, o thug an Tighearn àithne dha? An aghaidh Asceloin, agus an aghaidh oir-thir na fairge, an sin dh'orduich se e.

CAIB. XLVIII.

1 *Breitheanas nam Moabach, 7 a chionn gu'n do chuir iad an dòchas 'n an saobhlreas, 11 'n an soirbheachadh, 14 agus 'n an neart chum cogaidh. 26 Nithear Moab 'n a dhàl-fanoid air son uaille agus àrdain a chridhe. 47 Bheirear bruid Mhoab air a h-ais anns na làithibh deireannach.*

**M**U thimchioll Mhoab. Mar so tha Tighearn nan sluagh, Dia Israeil, ag ràdh; Is an-aobhin do Nebo! oir tha e air a chreachadh: tha Ciriataim air a chur gu h-amhladh, air a ghlacadh; tha e air a mhaslachadh, an daingneach àrd, agus air a bhriseadh sìos.

2 Nì's mò cha bhì uail aig Moab ann an Hesbon; dhealbhadh iad olc 'n a aghaidh, *ag ràdh*, Thigibh, agus gearramaid as e o 'bhi 'n a chinneach: milllear thusa mar an ceudna, O Mhadmein, bithidh an claidheamh air do thòir.

3 Tha fuaim éighich o Horonaim, mill-eadh agus àr mòr.

4 Tha Moab air a mhilleadh, thug a' chlana bheag air an gaor a bhì air a cluinntinn.

5 Gu dearbh aig uchdaich Luhit, théid gul a suas gun fhois: gu dearbh aig leathad Horonaim chuala mo uaimhdean éigh a' mhillidh.

6 Teichibh, tèarnaibh 'ur n-anam, agus bithibh mar phreas seargta 's au ionad sgaoilte.

7 Oir a chionn gu'n d'earb thu á do mhaoin, agus á d'ionmhasaibh, air an aobhar sin bithidh tu féin fòs air do ghlacadh: agus théid Chemos air falbh 'am braidhdeanas, a shagartan agus 'uachdarain maille ris.

8 Thig creachadair fòs air gach uile bhaile; agus cha téid baile air bith as: agus millear



an gleann, agus théid an còmhuard a sgrios, amhuil a labhair an Tighearn.

9 Thugaibh sgiathan do Moab, a chum gu'n teich e gu luath air falbh; agus bith-eadh a bhailtean 'n am fàsach, gun aon 'g an àiteachadh.

10 Is malluichte esan a ni obair an Tighearna gu cealgach; agus is malluichte esan a chumas a chlaidheamh air ais o fhuil.

11 Bha suaimhneas aig Moab o 'òige, agus shocruch e air a dheasgainibh, agus cha do tharruingeadh a mach o shoitheach gu soitheach e, ni mò dh'imich e ann am braighdeanas: air an aobhar sin mhair a bhlas ann, agus cha d' atharraicheadh fhàile.

12 Uime sin, feuch, tha na làithean a' teachd, deir an Tighearn, anns an cuir mise d'a ionnsuidh luchd-ghuasaid, a bheir air dol air ghluasad, agus a dh' fhalamhaicheas a shoithichean, agus a bhriseas a shoireachan.

13 Agus bithidh nàire air Moab á Chemos, mar a bha nàire air tigh Israeil á Bet-el am muinghinn.

14 Cionnus a their sibh, Tha sinn 'n ar daoine cumhachdach, agus treuna air sou a' chatha?

15 Tha Moab air a chreachadh, agus air dol suas as a bhailtibh, agus thàinig an òigridh thaghta-san a nuas a chum an àir, deir an Rìgh, d'an ainm Iehobhabh Dia nan sluagh.

16 Tha léir-sgrios Mhoab dlùth do làimh, agus àmhghar gu luath a' greasad.

17 Guilibh air a shon, sibhse uile mu'n cuairt da; agus sibhse uile d'an aithne 'ainm, abraibh, Cionnus a bhriseadh slat-rioghail na treise! lorg na maise!

18 Thig a nuas o d' àilleachd, agus suidh ann an Iota, O a nhegan a tha 'g àiteachadh Dhiboin; a chionn gu bheil creachadair Mhoab air teachd a nìos ann ad aghaidh, fear-millidh do dhaingnichean.

19 Seas aig an t-slighe, agus gabh sealladh, O bhean-àiteachaidh Arceir; feòraich dheth-san a theicheas, agus dh'ise 'chaidh as, abair, Cìod a rinneadh?

20 Mhaisluicheadh Moab, oir bhriseadh sìos e: deanaibh ulartaich agus àrd-èigh-each; insibh an sgeul ann an Arnon, gu bheil Moab air a mhilleadh.

21 Agus thàinig breitheanas air an tìr chòmhnuaid; air Holon, agus air Iahasah, agus air Mephaat,

22 Agus air Dibon, agus air Nebo, agus air Bet-diblataim,

23 Agus air Ciriataim, agus air Bet-gamul, agus air Bet-moon,

24 Agus air Ceriot, agus air Bosrah, agus air uile bhailtibh fearainn Mhoab, am fad agus am fagus.

25 Ghearradh adharc Mhoab uaith, agus tha a ghairdean air a bhriseadh, deir an Tighearn.

26 Cuir air mhìsg e; a chionn gu'n do thog e suas e féin an aghaidh an Tighearna: seadh, ni Moab e féin aornagain 'n a sgeith féin, agus bithidh e mar an ceudna 'n a bhall-fanoid.

27 Oir, nach robh Israel 'n a bhall-fanoid dhuitse? an d'fhuaradh an measg mheirleach e, gu'n tugadh tu ana-cainnt da leis na h-uile bhriathraibh a b'urrainn thu?

28 Fàgaibh na bailtean, agus gabhaibh còmhnuidh anns a' charraig, O sibhse a tha 'g àiteachadh Mhoab; agus bithibh cosmhail ris a' choluman a ni a nead ann am bruaich bile na h-uaimhe.

29 Chuala sinn uabhar Mhoab; tha e ro uaibhreach; a mhòr-chuis, agus 'uabhar, agus 'uail, agus àrdan a chridhe.

30 Is aithne dhomhsa, deir an Tighearn, a chorruich, ach cha-n'eil a neart d'a réir; a ràiteachas, ach cha-n'eil a dheanadas d'a réir.

31 Air an aobhar sin guilidh mise air son Mhoab, eadhon air son Mhoab uile togaidh mi 'n àird mo ghuth; ri fearaibh Chir-hereis ni Iaser éigheach le gul.

32 Guilidh mi air do shon, O fhònain Shibmah; sgaol do mheanglain thar an fhaire, ràinig iad gu ruig fairge Iaseir; air do mheas-samhraidh, agus air d' fhion-fhogharadh bhuail am fear-millidh.

33 Agus tha aoibhneas agus gairdeachas air an toirt air falbh o'n mhachair thorraich, eadhon o thìr Mhoab; agus air fìon o'n amar-bhruthaidh chuir mise casgadh; am fear-bruthaidh cha bhruth, an iolach cha-n iolach i.

34 O ghaoir Hesboin gu Elealeh, gu Iahas chuir iad a mach an guth, o Shoar gu ruig Horonaim, mar thrì-bliadhnach aighe; oir bithidh eadhon uisgeachan Nimrim 'n an léir-sgrios.

35 Agus cuiridh mise casgadh ann am Moab, tha an Tighearn ag ràdh, airsan a dh'ìobras air ionad àrd, agus airsan a loisgas tùis d'a dhiathaibh.

36 Air an aobhar sin ni mo chridhe fuaim mar phiobaibh air son Mhoab: ni eadhon mo chridhe fuaim mar phiobaibh air son fhear Chir-hereis: a chionn gu'n deachaidh am beartas a fhuair iad am mugh.

37 Seadh, bithidh gach ceann maol, agus gach feusag beartta: air na làmhnan uile bithidh gearraidhean, agus air na leasraibh uile sac-éididh.

38 Air mullach uile thighean Mhoab, agus 'n a shràidibh, bithidh tuireadh coitichionn: oir bhris mise Moab, mar shoitheach anns nach 'eil tlachd aig aon neach, deir an Tighearn.

39 Cionnus a bhriseadh sìos e! (bhùir iad) cionnus a thionndaidh Moab a chùlaobh! nàraicheadh Moab, agus bithidh e 'n a bhall-fanoid, agus 'n a uamhunn dhoibhsan uile mu'n cuairt da.

40 Oir mar so tha an Tighearn ag ràdh, Feuch, itealachidh aon mar iolair, agus sgaoilidh e a sgiathan thar Mhoab.

41 Ghlacadh na bailtean, agus tha na daingnichte an làimh, agus bithidh cridheachan laoch Mhoab anns an là sin mar chridhe mnà ri saothair.

42 Agus sgriosar Moab o bhi nì's mò 'n a chinneach, a chionn gu'n d' àrdaich se e fèin an aghaidh an Tighearna.

43 *Bithidh* an t-uamhas, an slochd, agus an rib ort, O fhir-àiteachaidh Mhoab, deir an Tighearn.

44 Esan a theicheas o'n uamhas, tuitidh e 's an t-slochd, agus csan a dh'èireas as an t-slochd, glacar e 's an rib; oir bheir mise air, *eadhon* air Moab, bliadhna a smachdachaidh, deir an Tighearn.

45 Fo sgàile Hesboin sheas iadsan a theich o'n ainneart: ach thig teine mach o Hesbon, agus lasair a meadhon Shihoin, agus loisgidh e cearna Mhoab, agus mullach cinn nan daoine ceannaireach.

46 Is an-aobhin dhuitse, O Mhoab! tha thusa cailte, O shluagh Chemois! oir thugadh do mhic air falbh am bairighdeanas, do nigheanan ann am bruid mar an ceudna.

47 Gidheadh bheir mise air a h-ais bruid Mhoab anns na làithibh deireannach, deir an Tighearn. An fhad so breitheanas Mhoab.

CAIB. XLIX.

1 *Breitheanas nan Amonach, 7 nan Edomach, 23 Dhamascuis, 28 Chedair, 30 Hasoir, 34 agus Elaim. 39 Bheirar bruid Elaim air a h-ais anns na làithibh deireannach.*

MU thimchioll nan Amonach, Mar so tha an Tighearn ag ràdh, Nach 'eil mic idir aig Israel? nach 'eil oighre sam bith aige? c'uime am bheil sealbh aig Milcom air Gad, agus a shluagh a chòmhnuidh 'n a bhailtibh?

2 Uime sin, feuch, tha na làithean a' teachd, deir an Tighearn, 's an toir mise faineir gu'n chluinnear ann an Rabah nan Amonach caismeachd cogaidh; agus bithidh e 'n a thòrr léir-sgrios, agus loisgear a nigheanan le teine: an sin bithidh Israel 'n a oighre air an dream a bha 'n an oighreachan airsan, deir an Tighearn.

3 Dean ulartaich, O Hesboin, oir chreachadh Ai: éighibh, a nigheana Rabah, cuiribh umaibh eudach-saic: deanaibh tuireadh, agus ruithibh air 'ur n-ais agus air 'ur n-aghaidh ri taobh nan callaidean; oir falbhaidh Milcom ann am bairighdeanas, a shagartan agus 'uachdarain maille ris.

4 C'uime am bheil thu ri uail ann an gleann-taibh? *ged* a tha do ghleann torrach, O a nighean cheannaireach: ag earbsa as a h-ionmhasaibh, *ag ràdh*, cò 'thig a m'ionnsuidh-sa?

5 Feuch, bheir mise uamhas ort, tha an Tighearn Dia nan sluagh ag ràdh, o na

h-uile taobh m'n cuairt duit, agus iomaineir a mach sibh, gach aon roimhe, agus cha bhi neach ann a chruinnicheadh air an ais a' mluinntir a ghabhas an naig.

6 Ach 'n a dhéigh sin bheir mise air a h-ais bairighdeanas cloinne Amon, deir an Tighearn.

7 Mu thimchioll Edoim. Mar so tha Tighearn nan sluagh ag ràdh, Nach 'eil gliocas nì's mò ann an Teman? an do bhàsaich comhairle nan daoine glise? an deachaidh an gliocas am mngha?

8 Teichibh, pillibh air 'ur n-ais, rachaibh domhain a ghabhail còmhnuidh, O a luchd-àiteachaidh Dhedain; oir bheir mise dòrainn Esau air, an uair a smachdaicheas mi e.

9 Ma thig luchd-tionail fhion-dhearc a d' ionnsuidh, cha-n fhàg iad uiread as dioghlum: ma thig gaduichean anns an oidhche, creachaidh iad gus am bi aca nì's leòr.

10 Oir rùisg mise Esau, leig mi ris 'ionadan dìomhair, air chor as nach feud se e fèin fholach; chreachadh a shliochd, agus a bhràithrean, agus a choimhearsnaich, agus cha-n'eil e fèin ann.

11 Fàg do dhilleachdain, gleidhidh mise beò iad; agus cuireadh do bhantraichean an dòchas annam-sa.

12 Seadh, mar so deir an Tighearn, Feuch, iadsan nach robh cho toilleteanach air òl de'n chùach, dh'òl iad dhi gu deimhin, agus am feud thusa dol saor as? cha téid thu as, ach gu deimhin òlaidh tu.

13 Oir orm fèin mhionnaich mise, deir an Tighearn, gu'm bi Bosrah 'n a léir-sgrios, 'n a mhaslaidh, 'n a fhàsach, agus 'n a mballachadh; agus gu'm bi 'uile bhailtean 'n am fàsaichean sìormidh.

14 Chuala mi aithris o'n Tighearn, agus chuireadh teachdair chum nan cinneach, *ag ràdh*, Cruinnichibh ri 'chéile, agus thigibh 'n a h-aghaidh, agus éiribh suas chum a' chatha.

15 Oir feuch, ni mise beag thu 'am measg nan cinneach, *agus* suarach am measg dhaoine.

16 Rinn do mhòr-chumhachd do mhealladh, uabhar do chridhe, O thusa 'tha 'g àiteachadh uamha na carraig, a tha 'gleidheadh airde a' chnuic: ged a ni thu do nead, gu h-àrd, mar an iolair, as a sin bheir mise nuas thu, deir an Tighearn.

17 Agus bithidh Edom 'n a fhàsach; bithidh uamhunn air gach neach a théid seachad air, agus ni iad sgeig m' a uile léir-sgrios.

18 Ceart mar ann an sgrios Shodoin agus Ghomora, agus nan ionadan a bha dlùth dhoibh, deir an Tighearn, cha ghabh duine còmhnuidh an sin, ni mò 'théid mac duine gu fuireach air chuart ann.

19 Feuch, mar leòmhann thig e nìos o ataircachd Iordain gu ionad-còmhnuidh nan cumhachdach. Gu deimhin bheir mise faineir gu luath gu'n ruith e nìos as a sin:



agus cò e an gaisgeach taghta a chuireas mi os a cheann? Oir cò a's cosmhuil riumsa, no cò a chumas coinneamh rium, no c'ait am bheil am buachaill sin a's urrainn seasamh ann am làthair?

20 Air an aobhar sin éisdibh rùn an Tighearna, a rùnaich e an aghaidh Edoim, agus a smuaintean a smuaintich e an aghaidh luchd-àiteachaidh Themain: gu deimhin spionar air falbh àlach an treud, gu deimhin nìthear léir-sgrios, os an ceann, d'an àite-còmhnuidh.

21 Le fuaim an leagaidh, tha crith air an talamh; tha 'ghaoir a' dol a mach; aig a' Mhuir-ruaidh chualas an éigheach.

22 Feuch, thig e nìos mar iolair ag itealach, agus sgaoidibh e a sgiathan thar Bhosrah; agus bithidh cridheachan laoch-ruidh Edoim anns an là sin mar chridhe mnà ri saothair.

23 Mu thimchioll Dhamascuis. Chuireadh gu h-amhladh Hamat agus Arphad, oir chual' iad droch sgeul; tha iad fo iomagain mar mhuir bhuaire nach feud a bhi samhach.

24 Tha Damascus air fàs lag, tha e 'g a thionndadh féin gu teicheadh, agus fhuair eagal greim air; ghlac teanntachid e, agus ioghannan, mar mhuir ri saothair.

25 Cionnusch mairiann caithir a' mholaidh, baile mo shòlais!

26 Uime sin tuitidh a h-òganaich 'n a sràidibh, agus gearrar as na fir-chogaidh uile 's an là sin, deir Tighearn nan sluagh.

27 Agus fadaidh mise teine ann am balla Dhamascuis, agus loisgidh e luchairtean Bhen-hadaid.

28 A thaobh Chedair, agus a thaobh ròghachdan Hasoir, a bhuail Nebuchadnesar rìgh Bhabiloin. Mar so thubhairt an Tighearn, Eiribh, rachaibh suas gu Cedar, agus creachaibh daoine na h-àirde an ear.

29 Am bùthan agus an treudan glacadh iad, an sgàileachan agus an airneis uile; agus an camhalan gabhadh iad dhoibh féin; agus abradh iad riu, Uamhas air gach taobh.

30 Teichibh, imichibh gu luath, rachaibh domhain a ghabhail còmhnuidh, Ó a luchd-àiteachaidh Hasoir, deir an Tighearn; oir ghabh Nebuchadnesar rìgh Bhabiloin combhairle 'n 'ur n-aghaidh, agus dhealbh e innleachd 'n 'ur n-aghaidh.

31 Eiribh, rachaibh suas an aghaidh cinnich shuaimhneich, a tha 'gabhal còmhnuidh gun chùram, deir an Tighearn; aig nach 'eil aon chuid dorsan no croinn; a tha 'còmhnuidh air leth leo féin.

32 Agus bithidh an camhalan 'n an cobhartaich, agus pailteas an spréidhe 'n a chreigh; agus sgapaiddh mise gus na h-uile ghaoth iadsan a th'anns na cearnaibh iomallach, agus o na h-uile taobh dheth bheir mise an dòruinn, deir an Tighearn.

33 Agus bithidh Hasor 'n a ionad-còmhnuidh dhràgon, 'n a fhàsach bith-bhuan; cha ghabh duine còmhnuidh an sin, ni mò théid mac duine gu fuireach air chuairt ann.

34 Focal an 'Tighearn' a thàinig gu Ieremiah am fàidh mu thimchioll Elaim, 'an toiseach linn Shedeciah rìgh Iudah, ag ràdh,

35 Mar so tha Tighearn nan sluagh ag ràdh, Feuch, brisidh mise bogha Elaim, a' chuid a's tréine d'an cumhachd.

36 Agus bheir mise air Elaim ceithir ghaathan o cheithir chearnaibh nèimh, agus sgapaiddh mi iad roimh na gaathan so uile; agus cha bhi cinneach sam bith gus nach tig iadsan a dh'fhògradh o Elaim.

37 Oir bheir mise air Elaim a bhi fo gheilt roimh an naimhdean, agus roimh 'n mhuinntir a tha 'g iarraidh an anama; agus bheir mi aimhleas orra, teas mo chorruch, deir an Tighearn; agus cuiridh mi 'n an dèigh an claidheamh gus an cuir mi as doibh.

38 Agus cuiridh mi mo rìgh-chaithir ann an Elaim, agus sgriosaiddh mi as a sin an rìgh agus na ceannardan, deir an Tighearn.

39 Ach tarlaidh anns na làithibh deir-cannach, gu'n toir mise air ais braighdeanas Elaim, deir an Tighearn.

#### CAIB. L.

1, 9, 21, 35 *Na breitheanaibh uamhasach a bha gu teachd air Babilon.* 4, 17, 33 *Saorsa chloinn Israeil.*

**A**M focal a labhair an Tighearn mu thimchioll fearainn nan Caldéach, le Ieremiah am fàidh.

2 Cuiribh an céill am measg nan cinneach, agus foillsichibh, agus cuiribh suas a' bhrataich; foillsichibh, na ceilibh: abraibh, Ghlacadh Babilon, mhasluicheadh Bel, bhriseadh Merodach 'n a bhloighdibh, chlaoidheadh a h-ìodholan, bhriseadh 'n am bloighdibh a dealbhan.

3 Oir tha cinneach a' teachd a nìos 'n a h-aghaidh o'n àirde tuath, a ni a fearann 'n a fhàsach, air chor as nach gabh aon neach còmhnuidh ann; eadar dhuine agus ainmhidh gluaisidh iad, siubhlaidh iad air falbh.

4 Ach anns na làithibh sin, agus air an àm sin, deir an Tighearn, thig clann Israeil, iad féin agus clann Iudah le 'chéile, ag imeachd, agus a' gul 'n an imeachd, agus iarraidh iad an Tighearn an Dia.

5 Iarraidh iad an t-slighe gu Sion le 'n aghaidh d'a h-ionnsuidh, *ag ràdh*, Thigibh agus naisgeamaid sinn féin ris an Tighearn ann an coimhcheangal sìorruidh nach leigear air dì-chuimhne.

6 Bu chaoraich chaillte mo shluagh-sa: thug an aodhairean orra dol air seacharan, tharruing iad a thaobh iad air na sléibh-tibh; shiubhail iad o shliabh gu cnoc, leig iad an àite-fois air dì-chuimhne.

## JEREMIAH, L.

7 Iadsan uile a fhuair iad, shluig iad suas iad; oir thubhairt an naimhdean, Cha-n'èil sinn ri cron air bith, a chionn gu'n do pheacaidh iad an aghaidh an Tighearn, àite-tàimh a' cheartais; eadhon an Tighearna, dòchais an aithrichean.

8 Gluaisibh a mach á meadhan Bhabiloin, agus imichibh á tìr nan Caldeach, agus bithibh mar na gabhraibh firionn air toiseach nan treudan.

9 Oir feuch, dùsgidh mise, agus bheir mi nìos an aghaidh Bhabiloin, coimhthional chinneach mòra o'n tìr mu thuath; agus cuiridh iad iad féin 'an ordugh 'n a h-aghaidh, air sheòl as gu'n glacer i: bithidh an saighdean mar gu'm b' ann o ghaisgeach seòlta; cha phill aon diubh gu dìomhain.

10 Agus bithidh Caldeà 'n a creich, iadsan uile a chreachas i gheibh iad an sàth, deir an Tighearn.

11 A chionn gu bheil sibh ri gairdeachas, a chionn gu bheil sibh ri aidhear, O sibhse a chreach m' oighreachd; a chionn gu bheil sibh air fàs reamhar mar agh biadhata, agus ri sitrich mar eachaibh meamrach.

12 Masluichear 'ur màthair gu mòr, nàraichear ise a rug sibh; feuch ise, deireadh nan cinneach, 'n a fàsach, 'n a fearann tioram agus falaah.

13 Air son corruich an Tighearna cha bhi i nìs mò air a h-àiteachadh, ach bithidh i 'n a fàsach gu h-ionlan: bithidh uamhunn air gach aon a théid seachad air Babilon, agus ni e sgeig m' a h-uile phlàighibh.

14 Cuiribh sibh féin 'an ordugh an aghaidh Bhabiloin air gach taobh: sibhse uile a lùbas am bogha, caithibh oirre, na caomhnaibh saighdean; oir chiontaich i an aghaidh an Tighearna.

15 Eighibh os a ceann air gach taobh: strìochd si i féin; thuit a daingnichean, thilgeadh sìos a ballachan: oir is e so dìogh-altas an Tighearna, deanaibhse dìoghaltas oirre: mar a rinn i féin, deanaibhse rithe.

16 Gearraibh o Bhabilon am fear-cuir, agus esan a ghlacas an corran ann an àm an fhogharaidh: air eagal claidheimh a' mhiliteir, pillidh iad, gach aon g'a shluagh, teichidh iad gach aon g'a dhùthaich.

17 Is treud sgapta Israel; rinn leòmhain a ruagadh; an toiseach, chaith rìgh Asiria suas e; agus mu dheireadh, dh'ith Nebuchadnesar so rìgh Bhabiloin gu ruig an cnàimh e.

18 Air an aobhar sin mar so tha Tighearn nan sluagh, Dia Israeil, ag ràdh, Feuch, smachdaichidh mise rìgh Bhabiloin agus 'fhearann, mar a smachdaich mi rìgh Asiria.

19 Ach bheir mi Israel air ais gu 'àite-còmhnuidh féin, agus ionaltraidh e air Carmel agus Basan, agus air sliabh Ephraim agus air Gilead sàsuichear 'anam anns na làithibh sin.

20 Agus anns an àm sin, deir an Tighearn,

iarrar aingidheachd Israeil, agus cha bhi i ann; agus lochdan Iudah, ach cha bhi iad r' ann faotainn: oir bheir mise maithneas dhoibh sin a chaomhaanas mi.

21 An aghaidh fearainn nan ceannairceach imich suas, air féin, agus air a luchd-àiteachaidh dean peanas, O a chladheimh, agus cuir as gu buileach d'an gineil, deir an Tighearn, agus coimhliion gach nì mar a dh'aithean mise dhuith.

22 Tha fuaim a' chatha 's an fhearann, eadhon milleadh ro mhòr.

23 Cionnus a bhriseadh agus a spealgadh faireche an domhain uile! Cionnus a dh'fhàs Babilon 'n a fàsach lom am measg nan cinneach!

24 Leag mise rib air do shon, agus bha thu fòs air do ghlacadh, O Bhabilon, an uair nach do shaoil thu: fhuaradh, agus fòs ghlacadh thu, a chionn gu'n d'rinn thu strì an aghaidh an Tighearna.

25 Dh' fhosgail an Tighearn a thigh-arm, agus thug e mach airm a chorruich: oir is i so obair Iehobhah, Tighearna nan sluagh, ann an tìr nan Caldeach.

26 Thigibh 'n a h-aghaidh o 'n chearna a's iomallaiche, fosglaihb a tighean-tasgaidh, cuiribh fo 'ur cosaibh i mar thòrr, agus sgriosaihb i gu buileach; na bitheadh fuigh-eall di air 'fhàgail.

27 Marbhaibh a daimh air fad: rachadh iad sìos a chum an àir: is truagh dhoibhsan! oir tha an là air teachd, àm an smachdachaidh.

28 Guth an na muinntir a theich, agus a chaidh as o thìr Bhabiloin, a dh' fhoill-seachadh ann an Sion dìoghaltais an Tighearn ar Dia-ne, dìoghaltais a theampuil.

29 Gairmibh sluagh lionmhor an aghaidh Bhabiloin; sibhse uile a tha 'lùbadh a' bhogha, cuartichibh le feachd i air gach làimh; na rachadh cuid air bith dhi as; dìolaibh rithe a réir a h-oibre, a réir gach nì a rinn i, deanaibh rithe; a chionn gu 'n d' rinn i gu h-uabhbreach an aghaidh an Tighearna, an aghaidh Ti naoimh Israeil.

30 Air an aobhar sin tuitidh a h-òganaich 'n a sràidibh, agus bithidh a fir-chogaidh uile air an gearradh as anns an là sin, deir an Tighearn.

31 Feuch tha mise a'd' aghaidh, O uabhbheirich, deir Iehobhah Tighearn nan sluagh: gu cinnteach tha do là air teachd, an t-àm 's an dean mise do smachdachadh.

32 Agus gheibh an t-uabhbheirich tuisleadh agus leagadh, agus cha bhi neach ann a thogas suas e: agus fadaidh mise teine 'n a bhailtibh, agus loisgidh e gach nì mu'n cuairt da.

33 Mar so tha Tighearn nan sluagh ag ràdh, Shàruicheadh clam Israeil, agus clann Iudah le 'chéile; agus rinn iadsan uile a thug 'am braighdeanas iad greim daingean orra; dhiùlt iad an leigeadh air falbh.



34 Is eumhachdach am fear-saoraidh; Iehobhah Dia nan sluagh is e 'a'innm: tagraidh e gu daingean an chùis, a chum gu 'n toir e suaimhneas do 'n talamh, agus mì-shuaimhneas do luchd-àiteachaidh Bhabiloin.

35 Bithidh claidheamh air na Caldéich, tha an Tighearn ag ràdh, agus air luchd-àiteachaidh Bhabiloin, agus air a h-uachdaranaibh, agus air a daoineibh glisce;

36 Claidheamh air na breugairibh, agus bithidh iad air mhì-chéill; claidheamh air a daoineibh cumhachdach, agus bithidh iad fo uamhunn.

37 Claidheamh air a h-eachaibh, agus air a carbadaibh, agus air a h-uile shluagh coimhneasgta a tha 'n a meadhan, agus bithidh iad mar mhnàibh; claidheamh air a h-ionmhasaibh, agus bithidh iad air an spùinneadh;

38 Tiormachd air a h-uisgeachaibh, agus tiormaichear suas iad: a chionn gur h-i tìr nan dealbhan snaidhte, agus as a h-ìodhol-aibh gu bheil i a' deanamh uaille.

39 Air an aobhar sin gabhaidh fiadh-bheathaichean nam fasach, agus madaidh-alluidh nan coilltean tàmh *an sin*; an sin fòs nì nigheanan na caillich-oidheche còmh-nuidh: agus cha-n àitichear i tuilleadh gu sìorruidh; nì mò ghabhar còmhnuidh innte o linn gu linn.

40 Amhuil 'n uair a sgrios Dia Sodom agus Gomorah, agus na bailtean a bha dùth dhoibh, deir an Tighearn, cha ghabh duine còmhnuidh an sin, nì mò théid mac duine gu fuireach air chuairt ann.

41 Feuch, sluagh a' teachd o 'n àirde tuath, eadhon cinneach mòr, agus dìsgear mòran rìghrean o chrìoeaibh an domhain.

42 Am bogha agus an t-sleagh glaeaidh iad: tha iad fuileachdach, agus cha nochd iad tròcair: beueaidh an guth mar an fhairege, agus marcaichidh iad air eachaibh, ann an ordugh mar dhaoine chum a' chatha, ann ad aghaidh-sa, O nighean Bhabiloin.

43 Chuala rìgh Bhabiloin ionradh orra, agus dh' fhàs a làmhnan lag; ghlac àmhghar e, goimh, amhuil mnà ri saothair.

44 Feuch, mar leòmhnan thig e nìos o atair-eachd Iordain gu còmhnuidh nan cumhachdach. Gu deimhin bheir mise faineair gu luath gu'n ruith e nìos as a sin; agus cò e an gaisgeach taghta a chuireas mise os a cheann? Oir cò a's cosmhuil riumsa, no cò a chumas coinneamh rium, no c' àit am bheil am buachaill sin a's urrainn seasamh ann am làthair?

45 Air an aobhar sin éisdibh rùn an Tighearn a rùnaich e an aghaidh Bhabiloin, agus a smuaintean a smuainich e an aghaidh tìre Chaldéa. Gu deimhin spìonar air falbh àlach an treud, gu deimhin nithear léir-sgrios, os an ceann, d' an àite-còmh-nuidh.

46 Leis an fhuaim, Ghlacadh Babilon! tha an talamh air a huasgadh, agus chualas a' ghaoir an measg nan cinneach.

CAIB. LI.

1 *Breitheanais uamhasach an Tighearn' an aghaidh Bhabiloin. 19 Is e Dia cuibhrionn Iacob agus Israeil. 59 Sgrìobh Ieremiah an fhàisteachd mu thimchioll léir-sgrios Bhabiloin ann an leabhar, agus dh' àithn e do Sheriah a thilgeadh 'am meadhon Euphrateis.*

**M**AR so tha an Tighearn ag ràdh, Feuch, dùisgidh mise suas an aghaidh Bhabiloin, agus an aghaidh na muinntir a tha 'chòmhnuidh ann am meadhon na dream sin a tha 'g éirigh 'a m' aghaidh, gaoth sgriosach:

2 Agus cuiridh mi gu Babilon luchd-fasgnaidh, agus fasgnaidh iad i, agus falamh-aichidh iad a fearann; oir cuartichidh iad air gach taobh i ann an là na h-airee.

3 Lùbadh an saighdear gun tàmh a bhogha, agus na cuireadh e dheth a lùireach; agus na caomhnaibh a h-òganaich, sgriosaidh gu buileach an t-ionlan d' a feachd.

4 Agus tuitidh iadsan a mharbhar ann an tìr nan Caldéach, agus iadsan a bhuailear troimh 'n a sràidibh.

5 Oir cha do dhiobradh Israel no Iudah le 'Dhia, le Tighearn nan sluagh, ged a bha ann fearann air a lionadh le peacadh an aghaidh Ti naoimh Israeil.

6 Teichibh a mach á meadhon Bhabiloin, agus sàbhaladh gach neach 'anam, mu'n gearrar os sibh 'n a h-aingidheachd; oir is i so aimsir dìoghaltais an Tighearna; diolaidh e rìthe luigheachd.

7 Bu chupan òir Babilon ann an làimh an Tighearn', a chuir an talamh uile air mhìsg: d'a fion dh'òl na cinnich, uime sin tha na cinnich air bhoile.

8 Thuit Babilon gu h-obann, agus mhilleadh i; guilibh os a ceann; gabhaibh ioc-shlaint air son a leòin, ma dh'fheadar mar sin a leigheas.

9 B' àill leinne Babilon a leigheas, ach cha-n'èil i air a leigheas; tréigibh i, agus rachamaid gach aon d'a dhùthaich féin; oir ràinig a breitheanas na nìamhan, agus thogadh suas e gus na speuraibh.

10 Thug an Tighearn saorsa dhuinne; thigibh agus cuireamaid an céill ann an Sion obair an Tighearn' ar Dia.

11 Geuraichibh na saighdean; cruinnichibh na sgiathan; dhùisg an Tighearn suas spìorad rìghrean Mhedia; oir tha a rùn an aghaidh Bhabiloin, a chum a sgrios: gu deimhin is e dìoghaltas an Tighearna, dìoghaltas a theampuil.

12 Fa chomhair bhallachan Bhabiloin cuiribh suas a' bhratach, deanaibh am freiceadan làidir; suidhichibh fir-fhaire, deasaichibh luchd feall-fholach; oir mar a dhealbha an Tighearn, mar an ceudna rinn

o, na nìthean sin a labhair e an aghaidh luchd-àiteachaidh Bhabailoin.

13 O thusa' tha 'chòmhnuidh air mòran uisgeachaibh, saoi bhir ann an ionmhasaibh, thàinig do chrìoch, tomhas do shannta.

14 Thig Tighearn nan sluagh miomann air fèin, *ag ràdh*, Gu deimhin lìonaidh mi thu le daoimibh, mar gu'm b' ann le locuist, agus togaidh iad suas iolach ann ad aghaidh.

15 Rinn esan an talamh le 'chunnachd, shocruidh e 'n saoghal le 'ghliocas, agus le 'thnigse sgaoil e mach na nèamhan.

16 'N uair a chuireas e mach a ghuth, tha toirm uisgeachan anns na nèamhan, agus bheir e air a' cheò dol suas o iomallaibh na talmhainn; ni e dealanach le frasaibh, agus bheir e mach a' ghaoth as 'ionadaibh-tasgaidh.

17 Dh'fhàs gach duine mar bhrùid 'n a còlas; nàraicheadh gach òr-cheard le iomhaigh leaghta; oir is ni breugach an dealbhan leaghta, agus cha-n'èil anail anna.

18 Is ni faoin iad, obair mhearachd: ann an am an smachdachaidh thèid iad 'am mugha.

19 Cha chosmhuil riu so Cuibhriomn Iacoib, oir is esan Fear-cumaidh an domhain uile; agus is e *Israel* slat 'oighreachd; Tighearn nan sluagh is e 'ainm.

20 Is tu mo thuagh-chatha, agus m' acfhuinne-chogaidh; agus leatsa brisidh mi cinnich 'n am bloighdibh; agus leatsa millidh mi rioghachdan;

21 Agus leatsa brisidh mi 'n am bloighdibh an t-each agus a mharcach; agus leatsa brisidh mi 'n a bhloighdibh an carbad, agus esan a shuidheas air;

22 Agus leatsa brisidh mi 'n am bloighdibh am fear agus a' bhean; agus leatsa brisidh mi 'n am bloighdibh an seann duine agus an leanabh; agus leatsa brisidh mi 'n am bloighdibh an t-òganach agus a' ghrugach;

23 Agus leatsa brisidh mi 'n am bloighdibh am buachaill agus a threud; agus leatsa brisidh mi 'n am bloighdibh an treabhaiche agus a chuing; agus leatsa brisidh mi 'n am bloighdibh cinn-fheadhna agus luchd-riaghlaidh.

24 Agus dìolaidh mi ri Babilon, agus ri uile luchd-àiteachaidh Chaldéa, an uile ole a rinn iad ann an Sion, 'n 'ur scalladh-se, deir an Tighearn.

25 Feuch, tha mise ann ad aghaidh, O a shléibh sgriosach, deir an Tighearn, a tha 'sgrios na talmhainn uile; agus sìnidh mi mo làmh a mach ort, agus iomainidh mi thu sìos o na creagaibh, agus ni mi beinn loisgte dhìot.

26 Agus cha ghabh iad dhìot clach air son oisne, no clach air son bhunaitean; ach ann ad charnaibh léir-sgrios bithidh tu gu sìorruidh, deir an Tighearn.

27 Cuiribh suas bratach anns an fhearann,

séidibh an trompaid am measg nan cinn-each, deasaichibh 'n a h-aghaidh cinnich gairmibh 'an ceann a chéile 'n a h-aghaidh rioghachdan, Ararat, Mini, agus Aschenas; sonraichibh ceannfheadhna 'n a h-aghaidh; thugaibh air na h-eachaibh teachd a nìos mar na locuist fhriodhanach.

28 Deasaichibh 'n a h-aghaidh cinnich, rìghrean Mhedia, a cinn-fheadhna, agus a h-uile luchd-riaghlaidh, agus uile fhearann a tighearnais.

29 Agus bithidh crith air an fhearann, agus doilghios; oir seasaidh comhairle an Tighearn 'an aghaidh Bhabailoin gu daingean, a dheanamh tìre Bhabailoin 'n a fàsach, gun neach 'g a h-àiteachadh.

30 Leig laoch Bhabailoin dhiubh cogadh, dh'fhàid iad ann an daingnichibh; dh'fhàid an treise; dh'fhàs iad mar mìnathan; loisgeadh a h-ionadan-còmhnuidh; bhriseadh a còinn-dhruidh.

31 Greasaidh fear-ruith gu luath 'an còdhail fir-ruith, agus teachdair 'an còdhail teachdaire, a dh'innseadh do rìgh Bhabailoin gu'n do ghilacadh a bhaile aig *gach* ceann;

32 Agus tha na slighean air an glacadh, agus a' chuile loisg iad le teine, agus tha na fir-chogaidh air am bualadh le h-uamhunn.

33 Oir mar so tha Tighearn nan sluagh, Dia Israeil, *ag ràdh*, Tha nighean Bhabailoin mar urlar-bualaidh; fathasd tiota beag, agus thig àm a bualaidh, agus àm a buain.

34 Dh'ith Nebuchadnessar rìgh Bhabailoin suas sinn, chaith e sinn, rinn e sinn 'n ar soitheach falamh; shluig e suas sinn mar dhràgon; lìon e a bhrù le ar nìthibh blasda, thilg e mach sinn.

35 Gu'n robh an t-ainneart a rinneadh ormsa, agus air m' fheoil air Babilon, their fear-àiteachaidh Shìoin; agus, Gu'n robh m' fhuil-sa air luchd-àiteachaidh Chaldéa, their Ierusalem.

36 Air an aobhar sin, mar so tha an Tighearn *ag ràdh*, Feuch, tagraidh mise do chùis, agus ni mi dìoghaltas air do shon; agus tiormaichidh mi suas a fairge, agus ni mi a màthair-uisge tioram.

37 Agus bithidh Babilon 'n a carnaibh, 'n a h-ionad-còmhnuidh dhràgon, 'n a h-uamhas, agus 'n a ball-sgeig, gun aon 'g a h-àiteachadh.

38 Beucaidh iad le 'chéile mar leòmhanaibh; sgalaidd iad mar chuileanaibh leòmhnan.

39 'N an teas cuiridh mise cuirinn rompa, agus cuiridh mi air mhisg iad, a chum gu'n dean iad aighir, agus gu'n coidil iad codal sìorruidh, agus nach dùisg iad, ars' an Tighearn.

40 Bheir mi nuas iad mar uain a chum am marbhadh, mar reitheachan maille ris na gabhraibh fìrionn.

41 Cionnus a ghilacadh Sesac! agus cionnus



## IEREMIAH, LII.

a rinneadh greim air cliù an domhain uile! cionnus a dh'fhàs Babilon 'n a h-uamhas am measg nan cinneach!

42 Thàinig an fhairge nìos air Babilon: tha i air a còmhachadh le lìonmhoireachd a toman.

43 Tha a bailtean 'n am fasach, 'n am fearann tioram, agus 'n an làraich sgaoilte; talamh anns nach 'eil duine a chòmhnuidh, ni mò théid mac duine troimpe.

44 Agus bheir mise breitheanas air Bel ann am Babilon, agus bheir mi mach as a bheul an ni sin a shluig e; agus cha chruinnich na cinneach 'an ceann a chéile thuige ni's mò; thuit fòs balla Bhabailoin.

45 Rachaibh-se mach as a meadhon, O mo shluagh-sa, agus tèarnaibh gach aon 'anam o chorruch ghairg an Tighearna.

46 Agus a chum nach bi 'ur cridhe meata, ni mò 'bhitheas eagal oirbh roimh an iomradh a chluinnear anns an fhearann: oir thig an t-iomradh air bliadhna, agus air an ath-bhliadhna 'n a dhéigh sin thig iomradh, agus ainneart anns an fhearann, uachdarau an aghaidh uachdarain;

47 Air an aobhar sin, feuch, tha na làithean a' teachd anns an dean mise breitheanas air dealbhan snaidhte Bhabailoin; agus cuirrear gu h-amhladh a fearann uile, agus tuitidh a mairbh gu léir 'n a meadhon.

48 Agus togaidh na nèamhan agus an talamh iolach os ceann Bhabailoin, agus na h-uile 'tha ann: an uair a thig a luchd-creachaidh 'n a h-aghaidh o'n àirde tuath, deir an Tighearna.

49 Oir mar thug Babilon air muinntir chlaoidhte Israeil tuiteam; mar sin aig Babilon thuit muinntir chlaoidhte an domhain uile.

50 Sibhse a chaidh as o'n chlaidheamh, imichibh roimhibh, na fanaibh 'n 'ur seasamh: cuimhnichibh an Tighearna o chéin, agus thigeadh Ierusalem 'n 'ur n-aire.

51 Bha sinn fo amhladh, a chionn gu'n cuala sinn nu-chliu, chòmhdach uaire ar n-aghaidh; oir thàinig coimhlich a steach do ionadaibh naomha tighe an Tighearna.

52 Uime sin feuch, tha na làithean a' teachd, deir an Tighearna, anns an dean mise breitheanas air a dealbhan snaidhte; agus feadh a fearann uile bithidh acain nan daoine leònta.

53 Ged éireadh Babilon suas gu ruig na nèamhan, agus ged dhaingnicheadh i gu h-àrd a ucart, uamsa thig luchd-creachaidh d'a h-ionnsuidh, deir an Tighearna.

54 Fuaim éighlich o Bhabailon, agus léir-sgrìos mòr o thìr nan Caldéach.

55 Oir mhàil an Tighearna Babilon, agus bhàsaich a mòr-fharum 'n a meadhon; ged bha a fuaim mar thoirm uisgeachan mòra, ge b' àrd a dh'éirich a farum.

56 A chionn gu'n d'fhàinig fear-millidh 'n a h-aghaidh, an aghaidh Bhabailoin; agus

ghlacadh a laoiach, agus bhriseadh gach aon d' am boghachan; oir bheir au Tighearna, Dia na luigheachd, gu cinnteach luigheachd dh'isc.

57 Agus cuiridh mise air mhig a prionnsachan, agus a daoine glìce, a cinn-fheadhna, agus a h-uachdarain, agus a daoine cumhachdach; agus coitidh iad codal bith-bhuan, agus cha dùisg iad tuilleadh, deir an Rìgh d'an ainm Iehobhah *Dian* nan sluagh.

58 Mar so tha Tighearna nan sluagh ag ràdh, Brisear gu tur ballachan leathan Bhabailoin, agus loisgear a geatachan àrda le teine; agus saothairichidh na slòigh gu dìomhain, agus ua cinneach anns an teine, gus au toir iad thairis le sgìos.

59 An focal a dh'àithu Ieremiah am fàidh do Sheraiah mac Neriaih, mhic Mhaaseiah, 'n uair a chaidh e le Sedeciah rìgh Iudah gu Babilon, anns a' cheathramh bliadhna d'a linn: agus b'e Seraiah an t-àrd chaillteanach.

60 Agus sgrìobh Ieremiah na h-uile olc a bha ri teachd air Babilon ann an aon leabhar, na briathran so uile 'tha air an sgrìobhadh mu thimcheall Bhabailoin.

61 Agus thubhairt Ieremiah ri Seraiah, 'N uair a thig thu gu Babilon, agus a chi, agus a leughas tu na briathran so uile,

62 An sin their thu; O Thighearna, labhair thu na aghaidh an àite so gu 'ghearradh as, air ehor as nach bi neach a chòmhnuidh ann, aon chuid duine no ainmuidh, ach gu'm bi e fàs gu sìorruidh.

63 Agus tarlaidh, 'n uair a sguireas tu de leughadh an leabhair so, gu'n ceagail thu clach ris, agus tilgidh tu e ann am meadhon Euphrateis.

64 Agus their thu, Mar so théid Babilon fodha, agus cha-n éirich i ni's mò, a thaobh an uile a bheir mise oirre; agus cìosnaich-e ar iad.

An fhad so briathran Ieremiah.

## CAIB. LII.

1 *Rioghachadh aingidh Shedeciah agus a cheann-airc an aghaidh Nebuchadnesair. 4 Ghlac Nebuchadnesair Ierusalem. 8 Mharbh e mic Shedeciah, agus chuir e mach a shùilean. 12 Chuir Nebusar a'alam an baile, agus loisg e. 24 Chuir rìgh Bhabailoin àrd uaislean nan Iudhach gu bàs ann an Babilh.*

**B**HA Sedeciah bliadhna thar fhichead d' dh'aois an uair a thòisich e air rioghachadh, agus rìghich e aon bhliadhna deug ann an Ierusalem; agus b'e aium a mhàthar Hamutal, nighean Ieremiah o Libnah.

2 Agus rinn e an *ni sin a bha* olc ann an suilibh an Tighearna, a rèir gach ni a rinn Iehoiacin.

3 Oir troimh fheirg au Tighearna tharladh ann an Ierusalem agus ann an Iudah, gus an do thig e iad a mach as 'thiannis, gr'n d' rinn Sedeciah ar-a-mach an aghaidh rìgh Bhabailoin.

4 Agus tharladh anns an naothamh bliadhna d'a linn, anns an deicheamh mìos, air an deicheamh là de'n mhìos, gu'n d'fhàinig Nebuchadnesar rìgh Bhabiloin, e fèin agus uile fheachd, an aghaidh Ierusalem, agus shuidhich iad *camp* 'n a h-aghaidh, agus thug iad daingnichean 'n a h-aghaidh air gach taobh.

5 Mar sin bha am baile air a theannachadh agus an aon bhliadhna deug de linn rìgh Shedeciah.

6 Agus anns a' cheathramh mìos, air an naothamh là de'n mhìos, bha a' ghorta trom anns a' bhaile, agus cha robh aran air bith aig muinntir na tìre.

7 An sin bha a' chaithir air a briseadh sìos, agus theich na fir-chogaidh uile, agus chaidh iad a mach as a' chaithir feadh na h-oidhche, air slighe a' gheata, eadar an dà bhalla a bha aig lios an rìgh, (an uair a bha na Caldéich aig a' chaithir timchioll mu'n cuairt,) agus dh'imich iad air slighe a' chòmhnaidh.

8 Ach lean feachd nan Caldéach air tòir an rìgh, agus rug iad air Sedeciah ann an còmhnaidh Iericho; agus bha 'fheachd uile air an sgapadh uaith.

9 Agus ghlac iad an rìgh, agus thug iad suas e gu rìgh Bhabiloin, aig Riblah, ann am fearann Hamait, far an d'thug e breitheanas air.

10 Agus mharbh rìgh Bhabiloin mic Shedeciah fa chomhair a shùil: mharbh e mar an ceudna uile cheannardan Iudah ann an Riblah.

11 Agus chuir e mach sùilean Shedeciah, agus cheangail e le slabhruidhean e; agus thug rìgh Bhabiloin leis e gu Babilon, agus chuir e ann am prìosan e gu là a bhàis.

12 Agus anns a' chùigeamh mìos, air an deicheamh là de'n mhìos, (b'i sin an naothamh bliadhna deug de linn Nebuchadnesar rìgh Bhabiloin,) thàinig Nebusar-adan ceannard an fhreiceadain, a fhrithheil do rìgh Bhabiloin, gu Ierusalem,

13 Agus loisg e tigh an Tighearn', agus tigh an rìgh; agus uile thighean Ierusalem, eadhon a h-uile tigh mòr loisg e le teine.

14 Agus bhris uile fheachd nan Caldéach, a bha le ceannard an fhreiceadain, ballachan Ierusalem sìos air gach taobh.

15 Agus *cuid* de bhochdaibh an t-sluaigh, agus fuigheall an t-sluaigh a dh'fhan anns a' bhaile, agus iadsan a chaidh thairis gu rìgh Bhabiloin, agus a' chuid eile de'n t-sluaigh, thug Nebusar-adan ceannard an fhreiceadain air falbh 'n am braighdibh.

16 Ach *cuid* de bhochdaibh an fhearainn dh'fhàg Nebusar-adan ceannard an fhreiceadain gu *bhi* 'n an luchd-deasachaidh fliònaimean, agus 'n an treabhaichibh.

17 Agus na puist umha a bha ann an tigh an Tighearn', agus na buinn, agus an fhairge umha a bha 'n tigh an Tighearna, bhris na

Caldéich, agus thug iad an umha uile gu Babilon.

18 Na coireachan fòs, agus na sluasaidean, agus na smaladairean, agus na cuachan, agus na liadhan, agus na h-uile shoithichean umha, leis an do fhrithheil iad, thug iad air falbh.

19 Agus na soithichean ionnlaid, agus na h-aighnean-teine, agus na cuachan, agus na coireachan, agus na còimleirean, agus na liadhan, agus na copain, a' chuid a bha dh'òr 'n a òr; agus a' chuid a bha dh'airgid 'n a airgid, thug ceannard an fhreiceadain air falbh.

20 An dà phost', an aon fhairge, agus an dà tharbh dheug umha, a bha fo na bonnaibh a rinn rìgh Solamh air son tighe an Tighearna; cha robh tomhas air umha nan soithichean so uile.

21 A thaobh nam post, b'e àirde gach aoin phuist ochd làmh-choille deug; agus dheanadh sreang dà làmh-choille dheug a thomhas mu'n cuairt; agus b'e 'thiughead ceithir òirich, fàs an taobh a stigh.

22 Agus bha coron umha air; agus b'e cùig làmh-choille àirde gach aoin choroin, le lìon-obair agus pomgranataibh air na coronaibh mu'n cuairt, an t-iomlan a dh'umha; air a' phost eile mar an ceudna bha pomgranatan cosmhail ri uile.

23 Agus bha sè-deug agus ceithir fichead pomgranat air aon taobh, ceud pomgranat air an lìon-obair uile mu'n cuairt.

24 Agus thug ceannard an fhreiceadain leis Seraiah an t-àrd-shagart, agus Sephaniah an dara sagart, agus na trì dorsairean.

25 Thug e fòs as a' bhaile caillteanach air an robh cùram nam fear-cogaidh, agus seachd fir dhiubhsan a bha dlùth do phearsa an rìgh, a fhuaradh anns a' bhaile, agus àrd-sgrìobhaiche an t-sluaigh, a ghabh àireamh muinntir an fhearainn, agus trì fichead fear de mhuinntir an fhearainn, a fhuaradh ann am meadhon a' bhaile:

26 Ghabh eadhon Nebusar-adan ceannard an fhreiceadain iad, agus thug e iad a chum rìgh Bhabiloin gu Riblah.

27 Agus bhuail rìgh Bhabiloin iad, agus chuir e gu bàs iad ann an Riblah, ann am fearann Hamait: mar sin thugadh Iudah air falbh ann am braighdeanas as 'fhearann fèin.

28 So an sluagh a thug Nebuchadnesar air falbh ann am braighdeanas; aims an t-seachdamh bliadhna, trì mìle Iudhach agus trì thar fhichead.

29 Ann an ochdamh bliadhna deug Nebuchadnesar, thug e air falbh ann am braighdeanas o Ierusalem, ochd ceud anam, agus a dhà dheug thar fhichead.

30 Ann an treas bliadhna fichead Nebuchadnesar, thug Nebusar-adan ceannard an fhreiceadain air falbh ann am braigh-



## TUIREADH IEREMIAH, I.

deanas de na h-Iudhaich seachd ceud, dà fhichead agus cùig anam: b'iad na h-anaman uile ceithir mìle agus sè ceud.

31 Agus tharladh anns an t-seachdamh bliadhna deug thar fhichead de bhraigh-deanas Iehoiacim rìgh Iudah, anns an dara mìos deug, air a' chuigeamh là fichead de'n mhìos, gu'n do thog Ehbil-merodach rìgh Bhabiloin, anns a' cheud bhliadhna d'a linn, suas ceann Iehoiacim rìgh Iudah, agus thug e mach á prìosan e,

32 Agus labhair e gu caomhail ris, agus chuir e a chaithir os ceann chaithrich-ean nan rìghrean a bha leis ann am Babilon.

33 Agus dh'atharraich e 'eideadh-prìosain: agus dh'ith e aran 'n a fhianuis do ghnàth, fad uile làithean a bheatha.

34 Agus air son a lòin lathail, thugadh dha o rìgh Bhabiloin, gach aon là cuibh-rionn, gu là a bhàis, fad uile làithean a bheatha.

## TUIREADH

# I E R E M I A H.

### CAIB. I.

1 *Staid mhaladach Ierusalem. 12 Tha i ri caoidh a chionn gu'n robh a trioblaidean mòr thar tomhas, 18 agus ag aideachadh gu'n robh breithleanais Dhé ceart, &c.*

**C**IA uaigneach a tha i 'n a suidhe, a' chaithir a bha làn de dhaoine! cionnus a dh'fhàs i mar bhantraich! Ise 'bha mòr am measg nan cinneach, agus 'n a ban-uachdaran am measg nan dùthchan, cionnus a tha i air teachd fo chìs!

2 Tha i ri gul gu geur anns an oidheche, agns a deoir air a gruaidhean; fear comh-fhurtachd air bith cha-n'eil aice am measg a h-uile luchd-gaoil; bhuin a cairdean uile gu fealltach rithe, dh'fhàs iad 'n an naimhdean di.

3 Dh'imich Iudah air falbh ann am braigh-deanas; ann an an-shocair, agus ann an daorsa mhòir tha i 'chòmhluaidh am measg nan cinneach; cha-n'eil i 'faotainn suaimhneis air bith; rug a luchd-ruagaidh uile oirre eadar na cunglaichean.

4 Tha ròidean Shìoin ri bròn, a chionn nach 'eil aon neach a' teachd a chum na h-àrd-fhéille; tha a geatachan uile fàs; tha a sagartan ri acain; tha a h-òighean fo leòn, agus tha i féin ann an searbhadas.

5 Is iad a h-eascairdean a tha 'n uachdar, tha a naimhdean a' soirbheachadh; oir leòn an Tighearn i air son Ìomhoireachd a lochdan; dh'fhalbh a clann 'am braigh-deanas fa chomhair an nàmhaid.

6 Agus dhealaich a sgèimh uile ri nighinn Shìoin; tha a prionnsachan air fàs mar fhéidh nach 'eil a' faotainn ionaltraidh; agus dh'imich iad gun neart roimh an fhear-ruagaidh.

7 Chuimhnich Ierusalem ann an là a h-àmhghair, agus a truaighe, air a h-uile nithibh sòlasach a bha aice anns na làithibh o shean; an trà thuit a daoine ann an làimh an nàmhaid, agus nach d'rinn neach a cuid-

eachadh; chunnaic na naimhdean, agus rinn iad fanoid air a sàbaidibh.

8 Pheacaich Ierusalem gu trom; air an aobhar sin tha i air a h-atharrachadh; iad-san uile 'thug urram dhi, tha iad ri tàir oirre, a chionn gu'm fac' iad a lomnochduidh; seadh, tha ise ri caoidh, agus a' tionndadh air a h-ais.

9 Bha a salchar 'n a h-iomail; cha robh i cuimhneach air a crìch dheireannaich; uime sin thugadh i nuas gu h-iongantach; cha-n'eil fear-comhfhurtachd aice: amhaire, O Thighearn', air m' àmhghar, oir mheudaich an nàmhaid *e féin*.

10 Shìn an nàmhaid a mach a làmh air a h-uile nithibh taitneach; gu deimhin chunnaic i cinnich a' dol a steach d'a h-ionad naomh, do'n d'àithn thusa nach rachadh iad a steach do d' choimhthional.

11 Tha a sluagh uile ag osnaich; tha iad ag iarraidh arain; thug iad an nithean luachmhor air son lòin, a chumail beò an anama: feuch, O Thighearn', agus thoir faineart, mar a tha mi air fàs suarach.

12 O sibhse uile' tha 'gabhail an rathaid, amhaircibh agus faicibh am bheil bròn sam bith cosmhuil ri mo bhròn-sa a thugadh orm, o'n uair an d'rinn an Tighearn mo smachdachadh ann an là a dhian fheirge.

13 Chuir e teine a nuas, agus thug e air dol a steach do m' chnàmhan; sgaol e lìon air son mo chos; phill e mi air m' ais: rinn e fàs mi, fad an là ri caoidh.

14 Tha a' chning air a ceangal; tha mo lochdan air an sniomh le a làimh, tha iad air an càradh mu m' mhuineal; thug e air mo threise tuiteam, thug an Tighearn thairis mi d' an làmhau, cha-n urrainn mi éirigh suas.

15 Shaltair an Tighearn fo chois m' uile dhaoine cumhachdach ann am mheadhon: ghairm e coimhthional a' m' aghaidh a bhruthadh mo dhaoine òga; mar ann an

## TUIREADH IEREMIAH, II.

amar-bruthaidh fìona, bhruth an Tighearn òigh-nighean-Iudah.

16 Air son nan nithean so guileam, tha mo shùil, mo shùil a' sìleadh sìos le h-uisge; chionn gu bheil am fear-comhfhurtachd, a bheireadh fuasgladh do m'anam, fada uam: tha mo chlan uaigneach, a chionn gu'n d'thug an nàmhaid buaidh.

17 Tha Sion a' sgaoileadh a mach a làmh, cha-n'èil neach ann a thoirt di comhfhurtachd; dh'àithn an Tighearn a thaobh Iacoib, a naimhdean a bhi air gach taobh mu'n cuairt da; tha Ierusalem 'n am measg mar aon a chuireadh air leth air son neoghloine.

18 Is ceart an Tighearn, oir chathaich mise an aghaidh àitheantan; éisdibh, guidheam oirbh, a shìobh gu léir, agus faicibh mo bhròn: m'òighean agus m'òganaich dh'fhalbh ann am braidheanas.

19 Ghairm mi air mo leannain, ach mheall iad mi; thug mo shagartan agus mo sheanairean suas an deò anns a' bhaile, am feadh a dh'iarr iad am biadh gu cabhair air an anam.

20 Feuch, O Thighearna, mar a tha mi ann an teinn: tha mo chom fo thrioblaid; tha mo chridhe air tionndadh an taobh a stigh dhomh; oir chiontaich mi gu trom: a muigh tha 'n claidheamh a' sgrios, a stigh tha mar am bàs.

21 Chual' iad mar a rinn mi acain, ach cha-n'èil neachann a thoirt domh comhfhurtachd; chuala mo naimhdean uile m' àmhghar; rinn iad gairdeachas a chionn gu'n d'rinn thusa sin: bheir thusa gu crìch an là a ghairm thu, agus bithidh iadsan cosmhuil riumsa.

22 Thigeadh an aingidheachd uile fa d' chomhair; agus dean riu, mar a rinn thu riumsa air son m' uile lochdan: oir tha m' osuaidhean lionmhor, agus mo chridhe lag.

### CAIB. II.

1 *Tha Jeremiah a' deanamh gearain do bhrìgh gu'n do thùg Dia sìos àiteachan-còmhnuidh nighinn Iudah, 5 agus gu'n do mheudaich e a bròn agus a doilghios. 15 Tha a naimhdean ri sgeig-fhiacal agus a' crathadh an cinn ri nighinn Ierusalem.*

**C**IONNUS a tharruing an Tighearn 'n a chorruih neul air nighinn Shioin! agus a thilg e sìos o nèamh gu talamh maise Israeil! agus cha do chuimhnich e stòl a choisie ann an là 'fheirge!

2 Shluig an Tighearn suas uile àiteachan-còmhnuidh Iacoib, agus cha do ghabh e tras; thilg e sìos 'n a chorruih daingnichean làidir nighinn Iudah: thug e suas gu làr iad; thruaill e an rìoghachd agus a daoine urramach.

3 Ghearr e as 'n a dhian-fheirg adharc Israeil uile: tharruing e air a h-ais a làmh dheas o aghaidh an nàmhaid; agus loisg e an aghaidh Iacoib mar theine lasarach a loisgeas air gach taobh.

4 Làb e a bhogha mar nàmhaid; thog e 'n àird a làmh dheas mar eas-caraid, agus mharbh e na h-uile òganach a bha taitneach do'n t-sùil; ann am pàillium nighinn Shioin thaom e mach a chorruih mar theine.

5 Bha an Tighearn mar nàmhaid: shluig e suas Israeil, shluig e suas 'arois uile; sgrios e a dhaingnichean làidir, agus mheudaich e ann an nighinn Iudah bròn agus caoidh.

6 Agus sgaoil e as a chéile a phàillium mar challaid; sgrios e a choimhthional féin: leig an Tighearn as 'aire ann an Sion an àrd-fhéill agus an t-sàbaid; agus rinn e fàir, ann an teas a chorruih, air an rìgh agus air an t-sagart.

7 Chuir an Tighearn air cùl 'altair, ghabh e gràin d' a naomh-ionad; thug e suas ballachan a h-arois do làmh an eas-caraid; rinn iad gàir ann an tigh an Tighearna, mar ann an là àrd-fhéille.

8 Tha an Tighearn fa rùn ballachan nighinn Shioin a mhilleadh; shùn e mach sreang, cha do chum e a làmh o mhilleadh: ach thug e air au daingneach agus air a' bhalla caoidh; shearg iad as le chéile.

9 Tha a geatachan air dol sìos anns an talamh; mhill agus bhris e a croim-dhruididh; tha a rìghrean agus a h-uachdarain am measg nan cinneach; an lagh cha-n'èil ann; aig a fàidhean fòs cha-n'èil sealladh air bith o'n Tighearn.

10 Tha seanairean nighinn Shioin 'n an suidhe air an làr, tha iad 'n an tosd; chuir iad duslach air an ceann: chrìoslaich iad iad féin le sac-éididh: tha òighean Ierusalem a' cromadh sìos an ciun gu làr.

11 Tha mo shùilean air fàilneachadh le deuraibh; tha mo chom fo thrioblaid; dhòirteadh mo sgamhan air an talamh air sou léir-sgrios nighinn mo shluaigh; a chionn gu bheil a' chlan bheag agus na naoidheanan a' faunachadh ann an sràidibh a' bhaile.

12 Rì 'm màithrichibh tha iad ag ràdh, C'ait am bheil arbhar agus fion? an trà tha iad a' fàilneachadh mar dhaoine leònta ann an sràidibh a' bhaile, trà tha an anam air a dhòrtadh a mach ann an uchd am màthar.

13 Cìod a thairngeas mi mar f'hanuis a'd' aghaidh? cìod an ni a shàmhluicheas mi riut, O nìghean Ierusalem! cìod a choimceas mi riut, a chum gu'u tugainn comhfhurtachd dhuist, O òigh-nighean Shioin? oir tha do bhriseadh mòr mar an fhairge; cò 'dh'fheudas do leigheas.

14 Chunnaic d' fhàidhean nithean dìomhaain agus amaideach air do shon, agus cha do leig iad ris d' euceart, a chum do bhraighdeanas a philleadh air ais; ach chunnaic iad air do shon fàistneachd neofhirinneach, agus aobhar fògraidh.

15 Tha 'mheud as a tha 'gabhail seachad a' bualadh am bas riut: tha iad ri sgeig-



fhiacal, agus a' crathadh an cinn ri nighinn Ierusalem, *agradh*. An e so am baile ri 'n goircair Foirceachd maise, Aoibhneas an domhain uile?

16 Dh'fhosgail do naimhdean uile am beul a'd' aghaidh: rinn iad sgeig is giosgan fhiacal; thubhairt iad, Shluig sinn suas e; gu cinnteach is e so an là ri 'n robh ar suil: fhuair sinn e, chunnaic sinn e.

17 Rinn an Tighearn an ni sin a dhealbh e; choimhlinn e 'fhocal, a dh'athm e anns na làithibh o shean: thilg e sìos, agus cha do ghabh e truas; ach thug e air nàmhaid gairdeachas a dheanamh os do cheann, dh'ardaich e adhare do naimhdean.

18 Dh'èigh an cridhe, Ann an làthair an Tighearn, O a nighean Shioin, sìleadh deo'r sìos mar shruth a là agus a dh'oidhche: na toir dhuit féin suaimhneas air bith; na gabhadh cloch do shùil fois.

19 Eirich, glaoth gu h-àrd anns an oidhche: ann an tùs na faire dòirt a mach do chridhe mar uisge fa chomhair gnùise Iehobhab: tog suas do làmhnan d'a ionnsuidh air son anama do chloinn òige, a tha 'faineachadh le h-ocras aig ceann gach aoin sràide.

20 Feuch, O Thighearn, agus thoir fainear cò ris a bhuin thu mar so: an ith na mnathan toradh na bronn, naoidheanan maotha? am marbhar an sagart agus am fàidh ann an ionad naomh an Tighearna?

21 Luidh an t-òg agus an sean air an làr anns na sràidibh; tha m' òighean agus m' òganaich air tuiteam leis a' chlaidheamh; mharbh thu iad ann an là do chorroich; mharbh thu, agus cha do ghabh thu truas.

22 Ghairm thu, mar air là suidhichte, m' uamhasan air gach taobh, air chor as, air là feirge an Tighearna, nach robh neach ann a chaidh as, no 'mhair beò: a' mhuinntir a dh'oil agus a dh'araich mi, chuir mo nàmhaid as doibh.

### CAIB. III.

1 Tha am fàidh ri caoidh air son a thrioblaid-ean féin. 22 Mòr-thròcair an Tighearna dhoibhsan uile a dh'fheitheas air. 37 Cha chòir do neach gearan a dheanamh 'n uair a smachdaichear e air son a pheacaidhean. 55 Ghuidh am fàidh gu'n tugadh Dia buigh-eachd d'a naimhidibh.

**I**S mise an duine a chunnaic àmhghar le slait a chorroich.

2 Stiùir emi, agus thug e orm gluasad ann an dorchadas, agus ni h-ann 'an solus.

3 Gu cinnteach a'm' aghaidh-sa phill e; tha e 'pilladh a làimh air a h-ais ann am aghaidh feadh an là gu h-ionlan.

4 M' fheoil agus mo chraicinn rinn e sean; bhris e mo chnàmhnan.

5 Thog e ann am aghaidh, agus chuairtich e mi le domblas agus le saothair.

6 Chuir e mi 'chòmhnuidh ann an ionad-aibh dorecha, mar iadsan a tha cian marbh.

7 Chuairtich e mi le garadh air gach taobh,

air chor as nach feud mi teachd a mach; rinn e mo shlabhruidh trom.

8 Mar an ceudna, trà ghlaodhas agus a dh'èigheas mi, tha e 'druicadh a mach m' urnuigh.

9 Dhruid e suas mo shlighe le clachaibh snaidhte; rinn e cam mo cheuman.

10 Mar mhath-ghamhuim a' luidhe 'am folach bha e dhomh, mar leòmhann ann an ionadaibh uaigneach.

11 Rinn e mo shlighe fiar, agus reub e mi 'am bloighdibh: rinn e mi a'm' aonaran.

12 Lùb e a bhogha, agus chuir e mise mar chomhara air son na saighde.

13 Thug e air saighdibh a dhòrlaich dol a steach ann am àirneibh.

14 Bha mi ann am chùis-mhagaidh do mo shluagh uile, ann am òran doibh fad an là.

15 Lìon e mi le scarbhadas, chuir e air mhisg mi le searbh-luibhean.

16 Bhris e m' fhiacal fòs le clachan gainmhiche, chòmhdaich e mi le luaithe.

17 Agus dh'atharraich thu m' anam am fad o shìth; dhì-chuimhnich mi soirbheachadh.

18 Agus thubhairt mi, Tha mo spionnadh agus mo dhòchas air bàsachadh o 'n Tighearn.

19 Tha cuimhneachadh air m' àmhghair agus mo thruaighe, 'n a shearbhadas agus 'n a dhomblas.

20 Tha m' anam fathasd 'gan cuimhneachadh, agus air 'irioslachadh an taobh a stigh dhìom.

21 Tha mi 'gairm so a ris gu m' aire; uime sin tha dòchas agam.

22 Is ann de thròcairibh an Tighearna nach 'eil sinn air ar caitheadh, a chionn nach 'eil fàillinn air a thròcairibh.

23 Tha iad nuadh gach aon mhaduinn, is mòr do dhilseachd!

24 Is e an Tighearn mo chuibhrionn, tha m' anam ag ràdh; uime sin cuiridh mi mo dhòchas ann.

25 Is maith an Tighearn dhoibhsan a dh'fheitheas air, do'n anam a dh'iarraas e.

26 Is maith 'bhi ann an dòchas, agus feith-eamh gu fòil ri slàinte an Tighearna.

27 Is maith do dhuine a' chuing a ghiùlan 'n a òige;

28 Suidhidh e 'n a aonar, agus bithidh e 'n a thòsd, a chionn gu'n d'rinn e a giùlan.

29 Cuiridh e 'bheul anns an duslach, ma's teagamh gu'm bi dòchas ann.

30 Bheir e a ghial do'n ti a bhuaileas e; bithidh e air a fionadh làn de mhasladh.

31 Oir cha tilg an Tighearn uaith gu bràth;

32 Ach ged bheir e aobhar bròin, gidheadh ni e iochd a réir lionmhoireachd a thròcairean.

33 Oir cha chlaoidh e d' a dheòin, ni mò 'chràidheas e clann nan daoine.

34 Prìosanaich na talmhainn uile a blhruthadh f'a chosaibh,

## TUIREADH IEREMIAH, IV.

35 Còir duine 'thionndadh a leth-taobh, fa chomhair gnùise an Ti a's àirde,

36 Eucoir a dheanamh air duine 'n a chùis, cha taitneach leis an Tighearn.

37 Cò esan a their, agus gu'n tige e gu crìch, an uair nach àithn an Tighearn?

38 Nach ann o ordugh an Ti a's ro àirde a thig oile agus maith?

39 C'ume an dean duine beògearan, duine air son smachdachaidh a pheacaidh.

40 Rannsaicheamaid agus dearbhamaid ar slighean, agus pilleamaid a rìs a dh'ionnsuidh an Tighearna.

41 Togamaid suas ar cridhe maille ri ar làmh an Dia anns na nèamhan.

42 Pheacaich sinne agus rinn sinn ar-amach, agus cha do mhaith thusa.

43 Chuairtich thu le feirg, agus gheur-lean thu sinn; mharbh thu, cha do ghabh thu truas.

44 Chòmhdaich thu thu féin le neul, ionnus nach rachadh urnuigh troimhe.

45 Rinn thu sinn 'n ar salchar agus 'n ar diù am measg an t-shluaigh.

46 Dh'fhosgail ar naimhdean uile am beul 'n ar n-aghaidh.

47 Thàinig eagal agus rib oirnn, fàsalachd agus milleadh.

48 Tha mo shùil a' sìleadh sìos le sruthaibh uisge air son léir-sgrìos nighinn mo shluaigh.

49 Tha mo shùil a' sìleadh sìos gun chasg agus gun sgur,

50 Gus an seall an Tighearn a nuas, agus gus an amhaire e o nèamh.

51 Tha mo shùil a' cur doilgheis air mo chridhe, air son uile nighnean mo bhaile.

52 Ruaig mo naimhdean mi gu geur mar eun, gun aobhar.

53 Ghearr iad as m'anam anns a' phrìosan, agus chuir iad clach orm.

54 Chaidh uisgeachan thar mo cheann mar thuil; thubhairt mi, Tha mi air mo ghearradh as.

55 Ghairm mi air d' ainm-sa, O Thighearn'. as an t-slochd iochdarach.

56 Chuala tu mo ghuth; na cum do chluas o m' atheuinge agus o mo ghlaodh.

57 Tharruing thu 'm fagus anns an là 's an do ghairm mi ort: thubhairt thu, Na bith-eadh eagal ort.

58 Thagair thusa, O Thighearna, cùisean m'anama; shaor thu mo bheatha.

59 Chunnaic thusa, O Thighearna, m' àmhghar: cum thusa còir rium.

60 Chunnaic thu an uile dhìoghaltas, an uile innleachd an am aghaidh;

61 Chuala tu am masladh, O Thighearna, an uile innleachdan ann am aghaidh;

62 Bile na muinntir a dh'èirich suas a'm' aghaidh, agus am borbhanaich ann am aghaidh fad an là.

63 Feuch an suidhe sìos, agus an éirigh suas; is mise an ceòl.

64 Bheir thusa luigheachd dhoibh, O Thighearn'. a réir oibre an làmh.

65 Bheir thu doilghios cridhe dhoibh, ni thu am mallachadh.

66 Ruaigidh tu ann am feirg, agus sgrìosaidh tu iad o bhi fo nèamhan an Tighearna.

### CAIB. IV.

1 *Tha am fàidh ri caoidh air son thrioblaiden Shìoin. 21 Bhagradh Edom. 22 Fhuair Sion comhfhuartachd.*

**C**IONNUS a thàinig smal air an òr! a chaochail an t-òr ro fhinealta! tha clachan an naomh-ionaid air an tilgeadh a mach air mullach gach aoin sràide!

2 Mic luachmhor Shìoin, a dh'fheudtadh a choimeas ri òr finealta, cionnus a mbeasar iad mar shoithichean creadha, obair a' chreadhadair!

3 Tairngidh eadhon na dràgoin a mach am brollach, bheir iad a' chioch d' an àlach: tha nighean mo shluaigh-sa an-ìochdmhor, mar na struthan 's an fhàsach.

4 Tha teangadh naoidhein na cìche a' leantuinn r'a ghial le tart: tha 'chlann òg ag iarraidh arain; cha-n'eil aon 'g a bhriseadh dhoibh.

5 Tha iadsan aig an robh biadh sòghail 'n an aonarain anns na sràidibh; iadsan a thogadh suas ann an scarlaid, tha iad a' sgaoileadh an làmh mu'n òtrach.

6 Seadh, tha peanas aingidheachd nighinn mo shluaigh-sa nì's mò na peanas peacaidh Shodoim, a thilgeadh bun os ceann ri tiota, agus air uach d' thàinig laigse làmh.

7 Bha a Nasaraich nì bu ghloine na sneachd; bu ghile iad na bainne; bu deirge iad 's a' chorp na ruiteachain; bha an dreach mar shaphir.

8 Is duibhe an gnùis na gual; cha-n aith-nichear iad anns na sràidibh; tha an craicinn a' leantuinn ri 'n cnàmhan; tha e air tiormachadh; tha e air fàs mar mhaide.

9 Is fearr dhoibhsan a mharbhar leis a' chlaidheamh na dhoibhsan a mharbhar le gort; oir tha iad sin a' seargadh as, air an lotadh dh'uireasbhuidh toraidh na mach-arach.

10 Bhruich làmhnan nam ban iochdmhor an clann féin; b' iad am biadh, ann an léir-sgrìos nighinn mo shluaigh.

11 Choinnlean an Tighearn a chorruich; thaom e mach a dhian-fhearg, agus las e teine ann an Sion, agus loisg e sin a bunaitean.

12 Cha chreideadh rìghrean na talmhainn, no uile luchd-àiteachaidh an domhain, gu' rachadh an t-eas-caraid agus an nàmhaid a steach air geatachan Ierusalem.

13 Air son pheacaidhean a fàidhean, agus aingidheachd a sagart, a dhòirt fuil nam firean 'n a meadhan;

14 Chaidh iad air seacharan mar dhaoine dall anns na sràidibh, shalaidh iad iad féin



## TUIREADH IEREMIAH, V.

le fùil, air chòr as nach feudadh daoine tuintainn ri 'n cudach.

15 Imichibh, tha sibh neòghlan, thubhairt daoine riu; imichibh, imichibh, na bean-aibh: seadh, theich iad, dh'fhalbh iad; thubhairt iad am measg nan cinneach, Cha ghabh iad còmhnuidh an so nì's mò.

16 Rinn fearg an Tighearn' an sgaoileadh; cha chuir e nì's mò 'an suim iad: cha robh meas aca air pearsaibh nan sagart; ris na seanairibh cha do chum iad bàigh.

17 Am feadh a bha sinn ann, dh'fhàilnich ar sùilean ag amharc ri cobhair dhiomhain: am feadh a rinn sinn faire, bha ar sùil ri cinneach nach b' urrainn tèarnadh.

18 Lorgaich iad ar ceuman, air chor as nach feudamaid imeachd 'n ar sràidibh: tha ar crìoch dlùth, tha ar làithean air an coimhlionadh; seadh, thàinig ar crìoch.

19 Bu luaithe ar luchd-leanmhuinn na iol-airean nèimh; ruaig iad sinn air na sléibh-tìbh, luidh iad am folach air ar son anns an fhàsach.

20 Ghlacadh 'n an slochdaibh anail ar cuinnean, ti ungta an Tighearna, mu'n d' thubhairt sinn, Fo a sgaile mairidh sinn beò am measg nan cinneach.

21 Dean gairdeachas, agus bi ait, O nighcan Edoim, aig am bheil do chòmhnuidh ann am fearann Uis; théid an cupan thairis fòs thugadsa; bithidh tu air mhisg, agus leigidh tu ris do lomnochduidh.

22 Tha peanas d' euceirt air a choimhlionadh, O nighcan Shìoin; cha toir e nì's mò air falbh ann am bruid thu: smachdaichidh e d' euceart-sa, O nighcan Edoim, leigidh e ris do lochdan.

### CAIB. V.

1 *Tha Sion a' gearan a maslaidh agus a' cur an cèill na h-uile a thàinig oirre.*

**C**UIMHNICH, O Thighearna, ciod a thàinig oirnn: thoir fàinear, agus faic ar masladh.

2 Thugadh thairis ar n-oighreachd do choimhich, ar tighean do choigrich.

3 Tha sinn 'n ar dilleachdain, agus gun athair, ar màthraichean mar bhantraichibh.

4 Dh'òl sinn ar n-uisge air son airgid; tha ar connadh air a reic ruinn.

5 Le cuing ar muineal tha sinn air a sìor-leòn; tha sinn a' saothreachadh, agus gun fhois againn.

6 Thug sinn an làmh do na h-Eiphitich, agus do na h-Asirianaich, a chum 'bhi air ar sàsachadh le h-aran.

7 Pheacaich ar n-aithrichean, agus cha-n' cil iad ann, agus ghiùlain sinn an euceartan.

8 Bha seirbhisich 'n an uachdarain oirnn: cha-n'eil duine sam bith ann a shaoras o'n làmhnan.

9 Fhuair sinn ar n-aran le *cunnart* ar n-anama, do bhrìgh claidheimh an fhàsaich.

10 Bha ar croicinn dubh mar àmhuinn, do bhrìgh na gorta uamhasaich.

11 Dh'èignich iad na mnathan ann an Sion, na maighdeanan ann an caithrichibh Iudah.

12 Bha prionnsachan air an crochadh suas le 'n làimh: cha d' thug iad urram doaghaidh nan aosda.

13 Ghabh iad na h-òganaich gu meileadh, agus thuit a' chlann fo 'n chonnadh.

14 Thréig na seanairean an geata, na h-òganaich an ceòl.

15 Sguir aoibhneas ar cridhe; chaochail ar damnsadh gu bròn.

16 Thuit an coron bhàrr ar cinn: mo thruaighe sinne, a chionn gu'n do pheacaich sinn.

17 Air son so tha ar cridhe lag; air son nan nithean so tha ar sùilean air an dorchachadh.

18 Air son sléibh Shìoin a tha fàs; tha na sìonnaich a' coiseachd air.

19 Ach tha thusa, O Thighearna, mairean-nach gu sìorruidh; do chaithir rioghail o linn gu linn.

20 Cuime an dean thu dearmad oirnn gu bràth, agus am bheil thu 'g ar trèigsinn ùine co fhada?

21 Pìll sinne thugad, O Thighearn', agus bithidh sinn air ar pilleadh: ath-nuadhaich ar làithean mar o shean.

22 Oir thilg thu sinn cian fada uait; bha thu ro fheargach 'n ar n-aghaidh.

## E S E C I E L.

### CAIB. I.

1 *An t-àm 's an d'rinn Eseciel fàidheadaireachd aig anhainn Chebair.* 4 *Costas nan ceithir cheruban a chunnaic am fàidh 'n uair a bha làmh an Tighearn' air.* 26 *Sàmladh glòire Dhé.*

**A**GUS tharladh, anns an deicreamh bliadhna fichead, anns a' cheathramh mìos, air a' chùigeamh là de'n mhios, (air

dhomhsa 'bhi measg nam braighdean aig anhainn Chebair,) gu'n d' fhosgladh na nèamhan, agus chunnaic mi taisbeanan Dhé.

2 Air a' chùigeamh là de'n mhios, (b'i sin an chùigeamh bliadhna de bhruid rìgh Ichoiadin.)

3 Thàinig focal an Tighearna gu Eseciel an sagart, mac Bhusi, ann an tìr nan Cald-

Each, aig uisge Chebair; agus bha làmh an Tighearn air anns au àite sin.

4 Agus dh'amhairc mi, agus, feuch, ghiùlain ioma-ghaath o'n àirde-tuath, neul mòr a bha air a chuairteachadh le filltean teine, agus dealradh air gach taobh dheth; agus 'n a mheadhou bha amhuil dreach òmbair, eadhon anu am meadhon an teine.

5 Agus mach as a mheadhon mar an cèudna *thòinig* coslas cheithir bhèd-chreutairean, agus b' e so au aogus; Bha iad ann am meudachd duine,

6 Agus bha ceithir aghaidhean aig gach aon diubh, agus ceithir sgiathan aig gach aon diubh.

7 Agus bha an còsan dìreach; agus bha bonn au cos nuar bhonn coise laoiigh, agus dhealraich iad mar dhath praise lomhta.

8 Agus bha làmhnan duine fo an sgiathaibh, air an ceithir taobhan; agus bha aig a' cheithir an aghaidhean agus an sgiathan.

9 Bha an sgiathan dlùthaichte, gach aon r' a chèile; cha do thionndaidh iad 'n uair a ghluais iad; chaidh iad air au aghaidh, gach aon dìreach roimhe.

10 Air son coslais an aghaidhean, bha aca 'n an ceathrar aghaidh duine, agus aghaidh leòmhain air au taobh deas; agus bha aca 'n an ceathrar aghaidh daimh air an làimh chli: bha fòs aca 'n au ceathrar aghaidh iolair.

11 B' amhuil so an aghaidhean: agus an sgiathan sgaoilte gu h-àrd; dithis aig gach aon, dlùthaichte r' a chèile, agus dithis a' folach au cuirp.

12 Agus dh'imich iad, gach aon dìreach air aghaidh: far an robh an spiorad air tì dol, dh'imich iad: cha do thionndaidh iad 'n uair a dh'imich iad.

13 A thaobh coslais nam bèd-chreutairean, bha an aogus mar éibhlean darga teine, cosmhuil ri lòchran, a chaidh air ais agus air aghaidh am measg nam bèd-chreutairean: agus bha 'n teine dealrach; agus as an teine thàinig a mach dealanach.

14 Agus ruith na bèd-chreutairean, agus phill iad, mar phlath dealanaich.

15 A nis am feadh a bha mi 's calltuinn air na bèd-chreutairibh, feuch, aon roth air an talamh, làmh ris na bèd-chreutairibh, aig an ceithir aghaidhean.

16 Bha dreach nan rothan agus an obair mar dhreach criostail; agus bha an aon choslas aig a' cheithir, agus bha an aogus agus an obair mar gu'm bitheadh ann roth ann am meadhon rotha.

17 'N an imeachd dh'imich iad air an ceithir taobhan: cha do thionndaidh iad 'n uair a dh'imich iad.

18 A thaobh an cearcal, bha iad co àrd as gu'm b' uasahasach iad; agus bha an cearcal làn de shùilibh mu'n cuairt doibh 'n an ceathrar.

19 Agus an uair a ghluais na bèd-chreut-

airean, ghluais na rothan làimh riu: agus au uair a thogadh na bèd-chreutairean stas o 'n talamh, thogadh na rothan.

20 C'àit air bith a bha'n spiorad air tì dol, dh'imich iadsan an taobh a bha'n spiorad air tì dol, agus thogadh suas na rothan fa'n comhair; oir bha spiorad a' bhèd-chreutair anns na rothaibh.

21 'N uair a ghluais iad sin, ghluais [iad so;] agus 'n uair a sheas iad sin, sheas [iad so;] agus 'n uair a thogadh iad sin suas o'n talamh, thogadh na rothan suas fa'n comhair: oir bha spiorad a' bhèd-chreutair anns na rothaibh.

22 Agus bha aogus an speur a bha thar cinn a' bhèd-chreutair mar dhreach criostail uamhasaich, air a sgaoileadh thar an cinn gu h-àrd.

23 Agus fo an speur bha an sgiathan gu dìreach, gach aon fa chomhair a chèile; aig gach aon bha dithis, a dh'fholuich air an taobh so, agus aig gach aon bha dithis a dh'fholuich air an taobh sin, au cuirp.

24 Agus chuala mi fuaim an sgiathan, mar thoirm mhòran uisgeachan, mar ghuth an Uile-chumhachdaich; an uair a ghluais iad, chluimteadh fuaim mar thorman sluagh; tràth 'sheas iad, leig iad sìos an sgiathan.

25 Agus bha guth o'n speur, a bha thar an cinn, tràth 'sheas iad, agus a leig iad sìos an sgiathan.

26 Agus os ceann an speur, a bha thar an cinn, bha sàmhladh rìgh-chaitheach, mar choslas cloiche sapheir; agus air sàmhladh na rìgh-chaitheach, bha taisbeanadh mar gu'm bitheadh coslas duine 'n a shuidhe air.

27 Agus chunnaic mi mar dhreach òmbair, mar choslas teine air gach taobh a stigh ann: o thaisbeanadh a leasraidh, agus os a cheanu, agus o thaisbeanadh a leasraidh agus foidhe, chunnaic mi mar gu'm bitheadh ann coslas teine, agus e dealrach mu'n cuairt.

28 Mar choslas a' bhogha a tha 's an neul ann an là na froise, b' amhuil dreach an dealraidh mu'n cuairt. B' e so foillseachadh sàmhlaidh glòire an Tighearna; agus 'n uair a chuanaic mise, thuit mi air m' aghaidh, agus chuala mi guth aoin a' labhairt.

## CAIB. II.

1 *Dreuchd Eseciel. 6 An àithne a thug Dia dha. 9 Chaidh rola leabhair a sgaoileadh fa 'choinneamh anns an robh sgrìobhta tuireadh agus bròn.*

**A**GUS thubhairt e rium, A mhic an duine, seas air do chosaibh, agus labhraidh mise riut.

2 Agus chaidh an spiorad a steach anuam an uair a labhair e rium, agus chuir e air mo chosaibh mi, ionnus gu'n cuala mi an ti a labhair rium.

3 Agus thubhairt e rium, A mhic an duine, tha mise ga d' chur gu cloimn Israeil,



gu cinneach ceannairceach a rinn ar-a-mach a'm' aghaidh; chiontaich iad féin agus an aithrichean a'm' aghaidh, agus an là an diugh.

4 Oir is clann mhì-nàrach agus chruaidh-chridheach iad: tha mise ga d' chur d'an ionnsuidh, agus their thu riu, Mar so deir an Tighearn Dia.

5 Agus iadsan, ma dh'éisdeas iad, no ma dhearmaideas iad, (oir is tigh ceannairceach iad,) gidheadh bithidh fios aca gu'n robh fàidh 'n am measg.

6 Agus thusa, a mhic an duine, na bith-eadh eagal ort rompa, agus na bitheadh fianh ort roimh am briathraibh, ged a tha drisean agus droighionn mu'n cuairt duit, agus do chòmhnuidh am measg nathraichean nimhe: na bitheadh eagal ort roimh am briathraibh, ni mò 'bhitheas geilt ort roimh an gnùis, ged is tigh ceannairceach iad.

7 Agus labhraidh tu mo bhriathran-sa riu, co ac' a dh'éisdeas iad, no 'dhearmaideas iad; oir tha iad ro cheannairceach.

8 Ach thusa a mhic an duine, cluinn ciod a tha mise ag ràdh riut; Na bi thusa eas-unhal, cosmhail ris an tigh eas-umhal sin: fosgail do bheul, agus ith an ni a bheir mise dhuit.

9 Agus 'n uair a dh'amaaire mi, feuch, bha làmh air a' cur a m' ionnsuidh, agus, feuch, bha ròla leabhair innte; .

10 Agns sgaoil e fa m' choinneamh e; agus bha e sgrìobhta stigh agus a mach: agus bha sgrìobhta ann tuireadh, agus bròn, agus truaighe.

### CAIB. III.

1 *Dh'ith Eseciel ròla an leabhair: 4 thug Dia misneach dha: 15 fhuair e fios air a dhleasdanas mar fhear-faire, 25 agus air an dòigh air am buineadh na h-Iudhaich ris.*

**O**S bàrr thubhairt e rium, A mhic an duine, ith an ni a gheibh thu; ith an ròla so, agus falbh, labhair ri tigh Israeil.

2 Mar sin dh'fhosgail mi mo bheul, agus thug e orm an ròla sin itheadh.

3 Agus thubhairt e rium, A mhic an duine, thoir air do bhroinn itheadh, agus lion do chom leis an ròla so a bheiream-sa dhuit. An sin dh'ith mi, agus bha e ann am bheul mar mhill air mhillsead.

4 Agus thubhairt e rium, A mhic an duine, falbh, imich gu tigh Israeil, agus labhair le m' bhriathraibh-sa riu.

5 Oir cha-n'eil thu air do chur gu sluagh aig am bheil teagadh choimheach, agus cainnt chruaidh, *ach* gu tigh Israeil.

6 Cha-n ann gu mòran sluagh, aig am bheil teagadh choimheach, agus cainnt chruaidh, nach urrainn thu 'm briathran a thuigsinn: gu cinnteach na 'n cuirium do'n ionnsuidh-san thu, dh'éisdeadh iad riut.

7 Ach cha-n éisd tigh Israeil riut, oir cha-n éisd iad riumsa; oir tha tigh Israeil uile mì-nàrach agus cruaidh-chridheach.

8 Feuch, rinn mi do ghnùis làidir an

aghaidh an gnùise-san, agus d' endan làidir an aghaidh an eudain-san.

9 Mar adamant, nì's cruaidhe na clach theine, rinn mise d' eudan: na bitheadh eagal ort rompa, agus na bitheadh sgath ort roimh an gnùis, ged tha iad 'n an tigh ceannairceach.

10 Os bàrr, thubhairt e rium, A mhic an duine, gabh ann ad chridhe m' uile bhriathran-sa a labhras mi riut, agus éisd le d' chluasaibh.

11 Agus falbh, imich dh'ionnsuidh na muinntir a tha ann am bruid, gu cloinn do shluaigh, agus labhair riu, agus innis doibh, Mar so tha an Tighearn Dia ag ràdh, co ac' a dh'éisdeas iad no nach éisd.

12 An sin thog an spiorad suas mi, agus chuala mi air mo dhéigh guth tormain mhòir, *ag ràdh*, Beannaichte gu robh glòir an Tighearn' o 'aite féin.

13 *Chuala mi* fòs fuaim sgiath nan beò-chreutairean a bhean ri 'chéile, agus fuaim nan'roth thall mu'n coinneamh, agus fuaim luasgaidh mhòir.

14 An sin thog an spiorad suas mi, agus thug e leis mi, agus dh'imich mi ann an scirbhe, ann an teas mo spioraid, ach bha làmh an Tighearna treun orm.

15 An sin thàinig mi chum na muinntir a bha 'n am braidhribh aig Tel-abib, a bha 'chòmhnuidh làimh ri amhainn Chebair, agus shuidh mi far an do shuidh iadsan, agus dh'fhan mi 'n sin seachd làithean làn uamhais 'm am meadhon.

16 Agus tharladh 'an ceann sheachd làithean, gu'n d' thàinig focal an Tighearn' a m' ionnsuidh, *ag ràdh*,

17 A mhic an duine, rinn mise fear-faire dhìot do thigh Israeil: uime sin, éisd am focal o m' bheul agus thoir rabhadh dhoibh uamsa.

18 'N uair a their mise ris an aingidh, Gheibh thu gu cinnteach bàs; agus nach toir thusa rabhadh dha, agus nach labhair thu a thoirt rabhaidh do'n chiontach o 'dhroch shlighe, chum 'anam a thèarnadh; bàsaichidh an droch dhuine sin 'n a aingidheachd, ach iarraidh mise 'fhuil air do làimh-sa.

19 Gidheadh ma bheir thu rabhadh do'n aingidh, agus nach pill e o 'aingidheachd, no o 'dhroch shlighe, bàsaichidh esan 'n a aingidheachd; ach shaor thusa d' anam féin.

20 A ris, an uair a philleas firean o 'fhir-eantachd, agus a chuireas e 'n gnìomh peacadh, agus a chuireas mise ceap-tuislidh fa' chomhair, gheibh e bàs; a chionn nach d'thug thusa dha rabhadh, 'n a pheacadh gheibh e bàs, agus cha chumhnichear 'fhireantachd a rinn e; ach iarraidh mise 'fhuil air do làimh-sa.

21 Gidheadh ma bheir thu rabhadh do'n fhirean, air chor as nach ciontach am firean, agus nach dean e peacadh; mairidh e gu cinnteach beò, do bhrìgh gu'n d'

fhuir e rabhadh; mar an ceudna shaor thusa d' anam féin.

22 Agus bha lánh an Tighearn' orm an sin, agus thubhairt e rium; Eirich, siubhail a mach do'n chomhnuard, agus an sin labhairaidh mise riut.

23 An sin dh'éirich mi, agus chaidh mi mach a chum a' chomhnuaird, agus, feuch, sheas glóir an Tighearna's an áite sin, mar a' ghloir a chunnaic mi aig amhainn Chebar; agus thuit mi air m' aghaidh.

24 An sin chaidh an spiorad annam, agus chuir e air mo chosaibh m'í, agus labhair e rium, agus thubhairt e rium, Falbh, druid thu féin a stigh ann ad thigh.

25 Ach thusa, O mhic an duine, fench, cuiridh iad boinn ort, agus ceanglaidh iad thn leo, agus cha téid thu mach 'n am measg.

26 Agus bheir mise air do theangaidh leantuinn ri d' ghial, air chor as gu'm bí thu balbh, agus nach bí thu dhoibh a'd' fhear-cronachaidh; oir tha iad 'n an tigh ceann-airceach.

27 Ach an uair a labhras mise riut, fosglaidh mi do bheul, agus their thu riu, Mar so tha an Tighearn Dia ag ràdh, Esan a dh'éisdeas, éisdeadh e; agus esan a dhearmaideas, dearmaideadh e: oir tha iad 'n an tigh ceannairceach.

#### CAIB. IV.

1 *Dh'orduicheadh do'n fhàidh baile Ierusalem a tharruing air lic-shuaine agus a chluairteachadh le feachd, mar chomharadh do thigh Israeil. 9 Leis an lòn a chaidh a shonrachadh dhà chuireadh 'an cèil an teanntachd a bha gu teachd air na h-Iudhaich.*

**T**HUSA mar an ceudna, a mhic an duine, gabh thugad leac-shuaine, agus cuir fa d' chomhair i, agus tarruing oirre am baile, Ierusalem:

2 Agus cuairtich e le feachd, agus tog 'n a aghaidh daingneach, agus tilg suas tòrr 'n a aghaidh; suidhich fòs camp 'n a aghaidh, agus cuir reitheachan-cogaidh 'n a aghaidh air gach taobh mu'n cuairt.

3 A thuilleadh air so, gabh thugad aghann iarunn, agus suidhich e mar bhalla iarunn, eadar thu agus am baile, agus cuir do ghnuis 'n a aghaidh, agus bithidh e air a theannachadh, agus cuiridh tu camp 'n a aghaidh: bithidh so 'n a chomharadh do thigh Israeil.

4 Luidh thusa fòs air do thaobh clì, agus leig euceart tìghe Israeil air: a réir àireimh nan làithean a luidheas tu air, giùlainidh tu an euceart.

5 Oir leig mise ortsa bliadhnachan an euceartan, a réir àireimh nan làithean, trì cheud deich agus ceithir fichead là: mar sin giùlainidh tu euceart tìghe Israeil.

6 Agus 'n uair a choimhlionas tu iad, luidh a ris air do thaobh deas, agus giùlainidh tu euceart tìghe Indah dà

fhichead là: dh'orduich mise dhuit là air son bliadhma.

7 Uime sin cuiridh tu d' aghaidh ri séisdeadh Ierusalem, agus bithidh do ghairdean air a rùsgadh, agus ní thu faistneachd 'n a aghaidh.

8 Agus, feuch, cuiridh mise cuibhrichean ort, agus cha tionnadaidh thu thu féin o'n aon taobh gus an taobh eile, gus an crìochnaich thn làithean do shéisdidh.

9 Gabh thugad fòs cruithneachd, agus eorna, agus pònair, agus peasair, agus meanbh-pheasair, agus peasair fhiadhain, agus cuir iad ann an aon soitheach, agus dean duit féin aran diubh, a réir àireimh nan làithean a luidheas tu air do thaobh; trì cheud ceithir fichead agus deich làithean ithidh tu dheth.

10 Agus bithidh am biadh a dh'itheas tu air a chothromachadh, fichead secel anns an là: o àm gu h-àm ithidh tu e.

11 Olaidh tu mar an ceudna uisge le tomhas; an sèathamh cuid de hin: o àm gu h-àm òlaidh tu.

12 Agus ithidh tu e mar bhreacagan eorna, agus le aolach a thig a mach á duine deasaichidh tu e 'n an sealladh.

13 Agus thubhairt an Tighearn, Eadhon mar so ithidh clann Israeil an aran truailte measg nan cinneach, dh'ionnsuidh an iomain mise iad.

14 An sin thubhairt mise, Ah a Thighearna Dhia! feuch, cha do thruailleadh m' anam-sa: oir o m' òige nìos gus a nìs cha d' ith mi dheth sin a bhàsaicheas leis féin, no 'bha 'n a chonabhlach; ní mò 'thàinig feoil ghràineil ann am bheul.

15 An sin thubhairt e rium, Feuch, thug mi dhuit buachar bhò an àite aolach duine, agus deasaichidh tu d' aran leis.

16 Os bàrr thubhairt e rium, A mhic an duine, feuch, brisidh mise lorg an arain ann an Ierusalem; agus ithidh iad aran air chothrom agus le cùram; agus òlaidh iad uisge le tomhas agus le h-uamhas.

17 A chum gu'm bí uireasbhuidh arain agus misge orra, agus gu'm bí uamhas orra gach aon ri 'chéile, agus gu'n leagh iad air falbh air son an euceirt.

#### CAIB. V.

1 *Le sàmhladh ealtuinn bearradair nochdadh breitheanais Dhé an aghaidh Ierusalem, 12 le plàigh, le gorta, le claidheamh, agus le sgapadh.*

**A**GUS thusa, a mhic an duine, gabh thugad sgian gheur, gabh thugad ealtuinn bearradair, agus thoir oirre siubhal air do cheann, agus air d' fheusaig; an sin gabh meigh thomhais, agus roinn am folt.

2 Trian loisgidh tu le teine ann am meadhon a' bhaile, tràth bhitheas làithean an t-séisdidh air an coimhlionadh; agus gabhaidh tu trian, agus buailidh tu m'a thimchioll le sgein; agus sgapaidh tu trian leis



a' ghaoith, agus tairngidh mise mach claidheamh 'n an deigh.

3 Gabhaidh tu mar an ceudna dhiubh ueagan ann an àireamh, agus ceanglaidh tu iad ann ad sgiortaibh.

4 An sin gabh dhiubh a ris, agus tilg iad aun am meadhon an teine, agus loisg iad anns an teine ; as a sin thig teine mach gu tigh Israel uile.

5 Mar so tha an Tighearn Dia ag ràdh, Is i so Ierusalem ; chuir mise i 'am meadhon nan cinneach, agus nan dùthchan mu'n cuairt di.

6 Agus dh'atharraich i mo bhreitheanais gu aingidheachd nì's mò na na cinnich ; agus mo reachdan nì's mò na na dùthchan mu'n cuairt di : oir dhiùlt iad mo bhreitheanais ; agus mo reachdan, cha do ghluais iad anna.

7 Uime sin, mar so tha an Tighearn Dia ag ràdh, A chionn gu'n d' fhàs sibh Ìon-mhor seach na cinnich mu'n cuairt duibh, agus nach do ghluais sibh ann am reachdaibh-sa, nì mò choimhid sibh mo bhreitheanais, nì mò rinn sibh eadhon a réir breitheanais nan cinneach mu'n cuairt duibh ;

8 Uime sin, mar so tha an Tighearn Dia ag ràdh, Feuch, tha mise, eadhon mise a'd' aghaidh, agus nì mi breitheanais ann ad mheadhon, ann an sealladh nan cinneach.

9 Agus nì mi annad an nì sin nach d' rinn mi, agus nach dean mi nì's mò nì cosmhuil ris, air son d' uile ghràineileachdan.

10 Uime sin ithidh na h-aithrichean am mic ann ad mheadhon, agus ithidh na mic an aithrichean ; agus nì mise breitheanais annad, agus sgapaidh mi an t-ionlan de d' fhuigheall anns gach uile ghaoith.

11 Air an aobhar sin, mar is beò mise, deir an Tighearn Dia, Gu deimhin, a chionn gu'n do thruaill thu m' ionad uamh le d' uile nithibh fuathach, agus le d' uile ghràineileachdaibh, uime sin lughdaichidh mise thu mar an ceudna ; agus cha chaomhain mo shùil, nì mò bhitheas truas air bith agam.

12 Bàsaichidh trian diot leis a' phlàigh, agus le gorta caithear iad ann ad mheadhon : agus tuitidh trian leis a' ehlaidheamh mu'n cuairt duit ; agus sgapaidh mise trian anns na h-uile ghaoithaibh, agus tairngidh mi mach claidheamh 'n an deigh.

13 Mar so coimhlionar mo chorruich, agus bheir mi air mo dhian fheirg luidhe orra, agus bheir mi dhomh féin fois : agus bithidh fios aca gur mise an Tighearn a labhair ann am eud, an tràth 'choimhlionas mi orra mo dhian chorruich.

14 A thuilleadh air so, nì mi dhiot fàsach agus masladh am measg nan cinneach mu'n cuairt duit, ann an sealladh nan uile a théid seachad.

15 Agus bithidh tu ann ad mhasladh, agus ann ad mhagadh, ann ad theagasg, agus ann ad uamhas, do na cinnich mu'n cuairt duit,

an tràth nì mise breitheanais annad, ann am feirg, agus ann am corruich, agus ann an gargachmhasanaibh : mise Iehobhah labhair.

16 An tràth 'ehuircas mi orra droch shaighdean na gorta, a bhitheas air son sgrìos, a ehuireas mise g'ur sgrìos : meudaichidh mi fòs a' ghort oirbh, agus brisidh mi lorg 'ur n-arain.

17 Mar sin cuiridh mi oirbh gort, agus droch bheathaichean, agus nì iad uireas-bhuidheach thu : agus siùblaidh plàigh agus fuil tromhad, agus bheir mi ort an claidheamh ; mise Iehobhah labhair.

## CAIB. VI.

1 *Breitheanais Israel air son an iòdholan.* 8 *Tearnar fuigheall dhiubh.* 11 *Dh'orduidh eadh do'n fhàidh caoidh a dheanamh air son ghràineileachdan tìghe Israel.*

**A** GUS thàinig focal air Tighearn' a m' ionnsuidh, ag ràdh,

2 A mhie an duine, cuir d' aghaidh ri sléibhtibh Israel, agus dean fàistneachd 'n an aghaidh,

3 Agus abair, A shléibhteann Israel, chuinnibh focal an Tighearna Dia, mar so tha an Tighearn Dia ag ràdh ris na sléibhtibh, agus ris na cnocaibh, ris na sruthaibh, agus ris na gleanntaibh, Feuch, bheir mise, mise féin, ehlaidheamh oirbh, agus sgrìosaidh mi 'ur n-ionadan àrda.

4 Agus bithidh 'ur n-altairean fàs, agus 'ur dealbhan air am briseadh : agus tilgidh mise sìos 'ur daoine marbhta fa chomhair 'ur n-iòdholan.

5 Agus leagaidh mi cuirp mharbha chloinn Israel fa chomhair an iòdholan ; agus sgapaidh mi 'ur cuàmhan mu thimcheall 'ur n-altairean.

6 Ann 'ur n-uile àiteachaibh còmhnuidh, nithear na bailtean fàs, agus bithidh 'ur n-ionadan àrda faondraeh, air ehor as gu'm bi 'ur n-altairean fàs agus uaigneach, agus gu'n tìg briseadh agus eosgadh air 'ur n-iòdholaibh, agus gu'n dubhar as 'ur n-oibre.

7 Agus tuitidh iadsan a bhitheas lèonta 'ur 'ur meadhon ; agus bithidh fios agaibh gur mise an Tighearn.

8 Gidheadh fagaidd mi fuigheall, air ehor as gu'm bi agaibh cuid a théid as o'n ehlaidheamh am measg nan cinneach, an tràth 'bhitheas sibh air 'ur sgapadh am measg nan dùthchan.

9 Agus euimhnichidh a mheadh dhibh is a théid as mise, 'am measg nan cinneach gus an toirear iad 'n am braidhribh, an tràth 'chìosnaicheas mise an cridhe strìopachail a dhealaich rium, agus an sùilean a tha 'dol air strìopachas an deigh an iòdholan ; agus bithidh gràin aca dhiubh féin air son nan ole a chuir iad 'an gnìomh 'n an uile ghràineileachdaibh.

10 Agus aithnichidh iad gur mise an Tighearn, agus nach ann gu dìomhain a thubhairt mi gu'n deanainn an t-ole so orra.

11 Mar so tha an Tighearn Dia ag ràdh, Buail le d' làimh, agus breab le d' chois, agus abair, Mo thruaighe! air son uile dhroch ghràineilcachdan tighe Israeil; oir tuitidh iad leis a' chlaidheamh, leis a' ghort, agus leis a' phlàigh.

12 Esan a tha fad as bàsaichidh leis a' phlàigh; agus esan a tha dlùth tuitidh leis a' chlaidheamh; agus esan a mhaireas, agus a tha air a shéisdeadh, bàsaichidh leis a' ghort: mar so coimhlionaidh mise mo chorroich orra.

13 An sin bithidh fios agaibh gur mise an Tighearn, an tràth 'bhitheas an daoine marbhta, measg an ìodholan, mu'n cuairt air an altairibh, air gach aon chnoc àrd, air uile mhallachaibh nan sliabh, agus fo gach uile chrann uaine, agus fo gach daraig gheugaich; an t-àite 's an d' thug iad boltrach cùbhraidh do'n uile ìodholaibh.

14 Mar sin sinidh mise mach mo làmh orra, agus ni mi am fearann fàs, seadh, ni's uaigniche 'n a fàsach Dhiùblait, 'n an uile ionadaibh-còmhnuidh; agus bithidh fios aca gur mi an Tighearn.

# CAIB. VII.

1 Léir-sgrios Israeil. 16 Ni am fuigheall a théid as caoidh air son an aingidheachd. 20 Cheadaich Dia do naimhdean Israeil ant-ionad naomh a thruaillleadh a chionn gu'n do pheacach iad 'n a aghaidh. 23 Le sàmhladh slabhruidh chuir am fàidh an céill braigheanas a sluaigh.

**O**S bàrr, thàinig focal an Tighearn' a m' iomsuidh, ag ràdh,

2 Fòs a mhic an duine, abair, Mar so tha an Tighearn Dia ag ràdh ri fearann Israeil: Thàinig crìoch, thàinig crìoch air ceithir chearnaibh na tìre.

3 A nisthàinig crìoch ort, agus cuiridh mise mo chorroich ort, agus bheir mi breth ort a réir do shlighe, agus dìolaidh mi riut d' uile ghràineilcachdan.

4 Agus cha chomhainn mo shùil thu, ni mò bhitheas truas agam, ach dìolaidh mi riut do shlighe, agus bithidh do ghràineilcachdan ann ad mheadhon; agus bithidh fios agaibh gur mise an Tighearn.

5 Mar so tha an Tighearn Dia ag ràdh; Feuch, tha ole, aon ole eile a' teachd.

6 Tha crìoch air teachd, thàinig a' chrìoch; tha i ri faire air do shon, feuch thàinig i.

7 Dh'éirich a' mhaduinn ort, O thusa a tha ag àiteachadh na tìre; thàinig an t-àm, tha là an àmhghair dlùth, agus cha-n e ath-fhreagrachd nan sliabh.

8 A nis gu h-aithghearr dòirtidh mi mach m' fhearg, agus coimhlionaidh mi mo chorroich ort: agus bheir mi breth ort a réir do shlighe, agus dìolaidh mi riut d' uile ghràineilcachdan.

9 Agus cha chomhainn mo shùil, ni mò bhitheas truas agam: dìolaidh mi riut a réir do shlighe, agus do ghràineilcachdan

ann ad mheadhon; agus bithidh fios agaibh gur mise an Tighearn a tha 'bualadh.

10 Feuch an là, feuch, thàinig e; chaidh a' mhaduinn a mach, thàinig blàth air an t-slaic, ùr-fhàs air an uabhar.

11 Dh'fhàs ainneart suas gu slait aingidheachd: cha mhair aon diubh, no d'e'n sluagh, no aon a bhuineas doibh, ni mò bhitheas cumha sam bith air an son.

12 Thàinig an t-àm, tha an là a' teachd am fagus; na deanadh am fear-reice gairdeachas, no am fear-ceannaich bròn: oir thuit fearg air a mòr-chuideachd uile.

13 Oir cha phill am fear-reice ris an ni sin a reiceadh, ged robh iad am measg nam beò; oir tha an taisbeanadh mu thimchioll a mòr-chuideachd uile; cha phill iad, ni mò 'neartaicheas aon duine e féin ann an aingidheachd a bheatha.

14 Shéid iad an trompaid, eadhon a chum na h-uile a dheanamh deas; ach cha-n'eil neach air bith a' dol a chum a' chatha: oir tha m' fhearg-sa air a mòr-chuideachd uile.

15 Tha an claidheamh a muigh, agus a' phlàigh, agus a' ghort a stigh: esan a tha 's a' mhair a bàsaichidh c leis a' chlaidheamh; agus esan a tha 's a' bhaile ni gort agus plàigh 'itheadh suas.

16 Ach iadsan a théid as diubh, théid as, agus bithidh iad air na sléibhtibh mar cholumain nan gleann, iad uile a' caoidh, gach aon diubh air son 'aingidheachd féin.

17 Bithidh na làmhnan uile lag, agus bithidh na gluinean uile òmhunn mar uisge.

18 Crìoslaichidh iad fòs iad féin le eudachsaic, agus ni uamhas an còmhdachadh, agus bithidh nàire air na h-uile aghaidh, agus air an cinn uile bithidh maoile.

19 Tilgidh iad an airgid anns na sràidibh, agus atharraichear an òr: cha bhi an airgid agus an òr comasach air an saoradh ann an là feirge an Tighearna: cha sàsuich iad an anaman, ni mò lìonas iad an com: a chionn gu'n toir an aingidheachd tuisleadh orra.

20 A chionn gu'n d' rinn iad dheth éididh àillidh agus sgiamhach, leis an do sgeudaich iad dealbhan gràinil an nithcan fuathach, uime sin bheir mise fainear gu'm buincar e uatha.

21 Agus bheir mi e do làmhnan nan coimhach mar chobhartach, agus do dhroch dhaoimibh na talmhainn mar chreic, agus ni iadsan a thruaillleadh.

22 Pillidh mi fòs m' aghaidh uatha, agus bithidh m' ionad dìomhair air a thruaillleadh; oir théid an luchd-spùinnidh a steach ann, agus truailleadh iad e.

23 Dean slabhruidh; oir tha am fearann làn de chiontaibh fuilteach, agus tha a' chaithir làn de ainneart.

24 Uime sin, bheir mise a' cluid a's miosa de na cinnich, agus sealbhaichidh iad an tighean: cuiridh mi fòs coisgadh air uabhar



nan neartmhor, agus truaillear an ionadan naomha.

25 Tha léir-sgrìos a' teachd, agus iarraidh iad sìth, ach cha bhi i ann.

26 Thig urchuid air urchuid, agus tuairisgeul air thuairisgeul; an sin iarraidh iad sealladh o'n fhàidh: ach eugaidh an lagh o'n t-sagart, agus comhairle o na seanairibh.

27 Ni an rìgh eaidh, agus bithidh an prionnsa air 'èideadh le léir-sgrìos, agus bithidh làmhnan sluagh na tìre fo gheilt: ni mise riu a réir an slighe, agus a réir an toillteanaibh bheir mi breth orra, agus bithidh fios aca gur mi an Tighearn.

### CAIB. VIII.

1 *Thugadh am fàidh ann am foillseachaidh Dhé gu Ierusalem, 5 agus nochaidh dha ìomhaigh an eud, 7 cùirt nan cosamhlachd, 13 luchd-caoidh Thamuis, 16 agus luchd-aoraidh na grèine, 17 Corruich Dhé an aghaidh luchd an ìodhol-aoraidh.*

A GUS tharladh anns an t-sèathamh bliadhna, anns an t-sèathamh mìos, anns a' chùigeamh ià de'n mhìos, 'n uair a shuidh mi ann am thigh, agus seanaircan Iudah 'n an suidhe mu'm chomhair, gu'n do thuit orm an sin làmh an Tighearna Dia.

2 An sin dh'amhaire mi, agus, feuch, cosamhlachd mar shàmhladh duine: o thaisbeanadh a leasraidh agus foidhe mar theine: agus o 'leasraibh agus os a cheann, mar thaisbeanadh dealanaich, mar dhath òmhair.

3 Agus ehuir e mach cumachd làimhe, agus ghlaic e mi air dual de m' cheann, agus thog an spiorad suas mi eadar talamh agus nèamh, agus thug e mi ann am foillseachaidh Dhé gu Ierusalem, gu dorus a' gheata a's faide steach, a tha 'g amharc ris an àirde tuath, far an robh àite ìomhaigh an eudaich, a bhrosnuicheas gu eudach.

4 Agus, feuch, bha glòir Dhé Israeil an sin, a réir an t-seallaidh a chunnaic mi anns a' chòmhnard.

5 An sin thubhairt e rium, A mhic an duine, tog suas do shùilean a nis ri slighe na h-àirde tuath: agus thog mi suas mo shùilean ri slighe na h-àirde tuath, agus, feuch, mu thuath, aig geata na h-altarach, ìomhaigh so an eudaich anns an dol a steach.

6 Agus thubhairt e rium, A mhic an duine, am faic thu cìod a tha iad a' deanamh? na gràineilcachdan mòra 'tha tigh Israeil a' cur 'an gnòmh an so, a chum gu'n rachainn-sa am fad o m' naomh-ionad? ach pill fathasd, chi thu gràineilcachdan a's mò.

7 Agus thug e mi gu dorus na cùirte; agus an uair a dh'amhaire mi, feuch toll anns a' bhalla.

8 An sin thubhairt e rium, A mhic an duine, cladhaich a nis anns a' bhalla: agus 'n uair a chladhaich mi anns a' bhalla, feuch dorus.

9 Agus thubhairt e rium, Imich a steach, agus iuch gràineilcachdan aingidh a tha iad a' deanamh an so.

10 Mar sin chaidh mi steach agus chunnaic mi, agus, feuch, uile chosamhlachdan gach nà slànàigas, agus gach beathaich ghràineil, agus uile ìodholan tìghe Israeil air an tarruing air a' bhalla, gach taobh mu'n cuairt.

11 Agus sheas 'n an làthair deich agus trì fichead fear de sheanairibh tìghe Israeil, agus 'n am meadhon sheas Iaasaniah mac Shaphain, gach fear le 'thùisair 'n a làimh, agus neul tiugh tùise a' dol suas.

12 An sin thubhairt e rium, A mhic an duine, am faca tu cìod a tha scanaircan tìghe Israeil a' deanamh anns an dorch, gach fear ann an seòmraichibh ìomhaigh-eachd féin? oir tha iad ag ràdh, Cha-n'eil an Tighearn 'g ar faicinn; thréig an Tighearn an talamh.

13 Thubhairt e rium mar an ceudna, Pill fòs a rìs, chi thu gràineilcachdan a's mò a tha iad a' deanamh.

14 An sin thug e mi gu dorus geata tìghe an Tighearn, a bha ris an àirde tuath, agus, feuch, an sin shuidh mnathan a' gul air son Thamuis.

15 An sin thubhairt e rium, Am faca tu so, a mhic an duine? pill fòs a rìs, chi thu gràineilcachdan nì's mò na iad so.

16 Agus thug e mi do'n chùirt a's faide steach de thigh an Tighearn, agus, feuch, aig dorus teampull an Tighearn, eadar an sgath-thigh agus an altair, tuaircan cùig fir fhichead, le 'n cùlaobh ri teampull an Tighearn, agus an aghaidh ris an àird an car, agus iad ag aoradh do'n ghréin ris an àird an car.

17 An sin thubhairt e rium, Am faca tu, O mhic an duine? An nì faoin do thigh Iudah a bhi 'deanamh nan gràineilcachdan a tha iad a' deanamh an so? oir lion iad an tìr le ainneart, agus phill iad gu m' bhrosnuchadh-sa chum feirge; agus, feuch, chuir iad am meanglan ri an sròin.

18 Uime sin buinidh mise riu-san fòs ann am feirg: cha chaomhain mo shùil, nì mò bhitheas truas agam: agus ged éigh iad ann am chluasaibh le guth àrd, gidheadh cha-n èisd mi riu.

### CAIB. IX.

1 *Ann an taisbeanadh chunnaic am fàidh seiseir fhear, agus air gach aon diùbh inneal-sgrìos. 4 Dh'ordhuicheadh dhoibh iadsan a bha 'g osnaich air son an gràineilcachdan a chomh-arachadh, 5 agus càch a sgrìos.*

G HLAODH e fòs ann am chluasaibh le guth àrd, ag ràdh, Thoir air uachdarain a' bhaile teachd am fagus, eadhon gach duine le 'arm-sgrìos 'n a làimh.

2 Agus, feuch, thàinig seiscar fhear o shlighe a' gheata a's àirde, 'tha 'g amharc ris an àirde tuath, agus aig gach fear 'inn-

éal-sgríos féin 'n a làimh: agus bha aon fhear 'n am measg air 'éideadh le lion-eudach, agus acfhuinn-sgrìobhaidh cléirich air a léis: agus chaidh iad a steach, agus sheas iad ri taobh na h-altarach umha.

3 Agus dh'éirich glòir Dhé Israel suas bhàrr a' cheruib air an robh e, gu stairs-neach an tighe; agus ghlaodh e ris an duine 'bha air 'éideadh leis an lion-eudach, aig an robh an acfhuinn-sgrìobhaidh cléirich r'a thaobh;

4 Agus thubhairt an Tighearn ris, Imich troimh mheadhona' bhaile, troimh mheadh-on Ierusalem, agus cuir comharadh air eudanaibh na muinntir a tha 'g osnaich agus a' glaothaich air son nan uile ghràin-eileachdan a tha air an deanamh 'n a meadhon.

5 Agus ri càch thubhairt e ann am éisdeachd, Rachaibhse 'n a dhéigh-san troimh 'n bhaile, agus buailibh: na caomhaineadh 'ur suil, ni mò bhitheas truas agaibh.

6 Marbhaibh gu tur an seau, agus an t-òg, an òigh, agus an leanabh, agus na mnathan; ach na beanaibh ri aon duine air am bheil an comharadh; agus tòisichibh aig mo naomh-ionad-sa. An sin thòisich iad aig na scann daoine 'bha fa chomhair an tighe.

7 Agus thubhairt e riu, Truaillibh an tigh, agus lonaibh na cùrtean leis na mairbh; rachaibh a mach: agus chaidh iad a mach, agus mharbh iad anns a' bhaile.

8 Agus tharladh trà bha iad 'g am marbhadh, agus a bha mise air m'fhàgail, gu'n do thuit mi air m' aghaidh, agus ghlaodh mi, ag ràdh, Ah! a Thighearna Dhia, an sgrìos thu iarnad Israel uile, ann an dòrtadh a mach do dhian chorrucail air Ierusalem?

9 An sin thubhairt e rium, Tha aingidh-eachd tighe Israel agus Iudah annhor, agus tha am fearann làn de fhuil, agus am baile làn de cheannaire: oir tha iad ag ràdh, Thérig an Tighearn an talamh, agus cha-n'eil an Tighearn a' faicinn.

10 Agus air mo shon-sa mar an ceudna, cha chaomhain mo shùil, ni mò bhitheas truas agam; dolaidh mi an slighe air au ceann.

11 Agus, feuch, dh'innis am fear a bha sgeudaichte leis an lion-eudach, agus aig an robh an acfhuinn-sgrìobhaidh r'a thaobh, a' chuis, ag ràdh, Rinn mi amhuil mar a dh'àitha thu dhomh.

#### CAIB. X.

1 Taisbeanadh nan éibhean teine a bha air an sgapadh thar a' bhaile. 5 Taisbeanadh nan cheruban. 10 Dreach agus coslas nan cheruban.

**A**N sin dh'amhairc mi, agus, feuch, anns an speur a bha thar cinn nan cheruban, taisbeanadh os an ceann mar gu'm bitheadh ann clach shaphir, mar thaisbeanadh coslais rìgh-chaitheach.

2 Agus labhair e ris an duine 'bha sgeud-

aichte leis an lion-eudach, agus thubhairt e, Imich a steach eadar na rothan, fo an cherub, agus lion do làmh le éibhlibh teine eadar na cheruban, agus sgap iad thar a' bhaile. Agus chaidh e steach ann am shealladh.

3 A nis sheas na cheruban air taobh deas an tighe, 'n uair a chaidh an duine steach; agus lion an neul a' chùirt a' b'haide stigh.

4 An sin chaidh glòir an Tighearna suas bhàrr a' cheruib, agus sheas i os ceann stairs-nich an tighe; agus lionadh an tigh leis an neul, agus bha a' chùirt làn de dhealradh glòire an Tighearna.

5 Agus chualas fuaim sgiath nan cheruban gus a' chùirt a' b'haide mach, mar ghuth an Dé uile-chumhachdaich an uair a labhras e.

6 Agus tharladh, an trà 'thug e àithne do'n duine 'bha sgeudaichte leis an lion-eudach, ag ràdh, Glac teine o eadar na rothan, o eadar na cheruban, gu'n deachaidh e 'n sin a steach, agus sheas e làmh ris na rothaibh.

7 Agus shìn cherub a mach a làmh o eadar na cheruban, chum an teine a bha eadar na cheruban, agus ghabh e dheth; agus chuir e ann an làmh an ti 'bha sgeudaichte leis an lion-eudach e; neach a ghlac e agus a chaidh a mach.

8 Agus chunnacas anns na cheruban cumachd làimhe duine fo an sgiathaibh.

9 Agus 'n uair a dh'amhairc mise, feuch na ceithir rothan aig taobh nan cheruban, aon roth aig aon cherub, agus roth eile aig cherub eile: agus bha dreach nan rothan air dhath cloiche criostail.

10 Agus air son an aoguis, bha 'n aon choslas aca 'n an ceathrar, mar gu'm bith-eadh roth ann am meadhon rotha.

11 'N uair a ghluais iad, dh'imich iad air an ceithir taobhan; cha do thionndaidh iad 'n an imeachd, ach ris an àite gus an robh an ceann ag amharc, lean iadsan e; cha do thionndaidh iad 'n uair a dh'imich iad.

12 Agus bha an corp gu h-ìomlan, agus an dromannan, agus an sgiathan, agus na rothan, làn de shùilibh mu'n cuairt air gach taobh, eadhon na rothan a bha aca 'n an ceathrar.

13 Agus ris na rothaibh ghlaodhadh ann am éisdeachd-sa, Ruithibh.

14 Agus bha ceithir eudanan aig gach aon: aghaidh cheruib a' cheud eudan, agus aghaidh duine an dara eudan, agus aghaidh leomhain an treas, agus aghaidh iolairc an ceathramh.

15 Agus thogadh suas na cheruban. So am beò-chrèutair a chunnaic mise aig sruth Chebair.

16 Agus an uair a ghluais na cheruban, dh'imich na rothan làmh riu: agus 'n uair a thog na cheruban suas an sgiathan, a



chum éiridh suas o'n talamh, cha do thionud-aidh na rothan ceudna sin o bhi 'nam foch-air.

17 'N uair a sheas iad sin, sheas iad so; agus 'n uair a dh'éirich iad sin suas, dh'éirich iad so; oir bha spiorad a' bheò-chlreutair anna.

18 An sin dh'imich glòir an Tighearn' o stairsnan an tighe, agus sheas i thar na cheruban.

19 Agus thog na cheruban suas an sgiathan, agus chaidh iad suas o'n talamh ann am shealladh: an uair a chaidh iad a mach, bha na rothan mar an ceudna làimh riu; agus sheas iad aig dorus geata shòir tighe an Tighearn', agus bha glòir Dhé Israeil tharta os an ceann.

20 So am beò-chlreutair a chunnaic mi fo Dhia Israeil, làimh ri sruth Chebair; agus dh'aithnich mi gu'm b' iad na cheruban.

21 Bha ceithir eudanan aig gach aon fa leth, agus aig gach aon bha ceithir sgiathan; agus bha coslas làmhan duine fo an sgiathaibh.

22 Agus b'c coslas an aghaidhean na h-aghaidhean ceudna a chunnaic mi aig sruth Chebair, an agus agus iad féin: dh'imich iad gach aon dìreach air aghaidh.

### CAIB. XI.

1 *Thaisbeanadh do Eseciel dànachd mhaithean Iudah: 4 diolaidh Dia am peacaidhean air an ceann. 13 Bàs Pelatiah. 17 Cruinnichidh Dia a shluagh féin as na dùthchannaibh anns an robh iad air an sgapadh. 22 Chaidh glòir an Tighearn' suas a' meadhon a' bhaile.*

**A**GUS thog an spiorad suas mi, agus thug e mi gu geata 'n ear tighe an Tighearn', tha 'g amhare ris an àird an ear: agus, feuch, aig dorus a' gheata, cùig fir fhlichead: agus chunnaic mi 'n am measg Iaasaniah mac Asuir, agus Pelatiah mac Bhenaiah, uachdarain an t-sluaigh.

2 An sin thubhairt e rium, A mhie an duine, so na daoine 'tha 'dealbh uile, agus a' toirt droch chomhairle 's a' bhaile so;

3 A tha 'g ràdh, Cha-n'eil e dlùth; togamaid tighean: is e am baile so an coire, agus sinne an fheoil.

4 Air an aobhar sin, dean fàistneachd 'n an aghaidh, dean fàistneachd a mhie an duine.

5 Agus thuit orm spiorad an Tighearn', agus thubhairt e rium, Abair, Mar so tha an Tighearn ag ràdh, Mar so thubhairt sibh, O thigh Israeil: oir is aithne dhomhsa na nithean 'tha 'teachd 'n 'ur n-inntinn, gach uile ni dhiubh.

6 Mheudaich sibh 'ur mairbh anns a' bhaile so, agus lion sibh a shràidean leosan a mharbhadh.

7 Air an aobhar sin mar so tha an Tighearn Dia ag ràdh, 'Ur mairbh a chuir sibh 'n a mheadhon, is iadsan an fheoil, agus is e 'm

baile so an coire; ach bheir mise sibh a mach as a mheadhon.

8 Bha eagal oirbh roimh an ehlaidheamh; agus bheir mise claidheamh oirbh, deir an Tighearn Dia.

9 Agus bheir mi sibh a mach as a mheadhon, agus bheir mi thairis sibh do làmhan choimheach, agus ni mi breitheanais 'n 'ur measg.

10 Tuitidh sibh leis a' chlaidheamh: bheir mise breitheanas oirbh ann an iomall Israeil, agus bithidh fios agaibh gur mi an Tighearn.

11 Cha-n i a' chaithir so a bhitheas 'n a coire dhuibh, ni mò bhitheas sibhsc 'n a meadhon mar fheoil: ann an iomall Israeil bheir mise breth oirbh.

12 Agus bithidh fios agaibh gur mise an Tighearn; oir cha do ghluais sibh ann am reachdaibh, ni mò 'rinn sibh mò bhreitheanas, ach rinn sibh a réir nòis nan cinneach a tha air gach taobh mu'n cuairt duibh.

13 Agus tharladh an trà 'rinn mise faistneachd, gu'n d'eug Pelatiah mac Bhenaiah: an sin thuit mi sìos air m' aghaidh, agus ghlaodh mi le guth àrd, agus thubhairt mi, Ah! a Thighearn Dhia, an dean thu làn chrìoch air iarmad Israeil?

14 A ris thàinig focal an Tighearn' a m' ionnsuidh, ag ràdh,

15 A mhie an duine, is iad do bhràithrean, do bhràithrean, fir do dhìlseachd, agus uile thigh Israeil gu h-ìomlan, ris an dubhairt luchd-àiteachaidh Ierusalem, Imichibh am fad o'n Tighearn: dhuinne thugadh am fearann so mar sheilbh.

16 Air an aobhar sin abair, Mar so tha an Tighearn Dia ag ràdh, Ged 'thilg mi fada uam iad am measg nan cinneach, agus ged 'sgap mi iad am measg nan dùthchan, gidheadh bithidh mi dhoibh ann am naomh-ionad beag anns na dùthchannaibh gus an tig iad.

17 Uime sin abair, Mar so tha an Tighearn Dia ag ràdh, Ni mi eadhon 'ur tional o na cinnich, agus 'ur cruinneachadh as na dùthchaibh anns an robh sibh air 'ur sgapadh, agus bheir mi dhuibh fearann Israeil.

18 Agus thig iad d'a ionnsuidh, agus bheir iad 'uile nithean fuathach, agus 'uile ghràine-eileachdan air falbh as.

19 Agus bheir mi dhoibh aon chridhe, agus cuiridh mi spiorad nuadh an taobh a stigh dhiubh; agus bheir mi an cridhe cloiche as am feoil, agus bheir mi dhoibh cridhe feòla;

20 A chum gu'n gluais iad ann am reachdaibh, agus gu'n coimhid iad m' orduighean, agus gu'n dean siad iad: agus bithidh iad 'n am pobull dhomh-sa, agus bithidh mise a'm Dhia dhoibhsan.

21 Ach d'ò'n taobh-san a thionndas an cridhe a réir cridhe an nithean fuathach agus an gràineileachdan, diolaidh mise an

alighe air an ceann féin, deir an Tighearn Dia.

22 An sin thog na cheruban suas an sgiathan, agus na rothlan làimh riu; agus bha glóir Dhé Israeil tharta os an ceann.

23 Agus chaidh glóir an Tighearna suas o mheadhon a' bhaile, agus sheas i air an t-slabh a tha air an taobh an ear de'n bhaile.

24 'N a dhéigh sin ghlac an spiorad suas mi, agus thug e mi ann an taisbeanadh le spiorad Dhé gu Caldéa, chum nam braighdean. Mar sin chaidh an sealladh a chunnaic mi suas nam.

25 An sin labhair mi riu-san a bh'anns an daorsa, na h-uile nithean a thaisbean an Tighearn dhomh.

### CAIB. XII.

1 *Le atharrachadh Eseciel nochdadh braighdeanas Shedeciah. 17 Ball-chrith agus uamhunn nan Iudhach. 21 Chronuich am fàidh iad air son an gnàth-fhocail.*

**T**HAINIG focal an Tighearna fòs a m' ionnsuidh, ag ràdh,

2 A mhic an duine, tha thu 'chòmhnuidh ann am meadhon tigh cheannairich, aig am bheil sùilean gu faicinn, ach cha-n'eil iad a' faicinn; tha cluasan aca gu cluinntinn, ach cha-n'eil iad a' cluinntinn: oir is tigh ceannairceach iad.

3 Uime sin, a mhic an duine, deasaich dhuit féin airneis air son dol air imrich, agus atharraich anns an là 'n an sealladh; agus atharraichidh tu o d' àite, gu àit eile 'n an sealladh; theagamh gu'n toir iad fainear, ged is tigh ceannairceach iad.

4 An sin bheir thu mach d' airneis anns an là 'n an sealladh, mar airneis air son imrich: agus théid thu mach 's an annoch 'n an sealladh, mar iadsan a théid a mach ann am braighdeanas.

5 Cladhaich troimh 'n bhalla 'n an sealladh, agus thoir a mach troimhe sin.

6 'N an sealladh giùlainidh tu air do ghuaillibh, bheir thu mach anns an dubh-annoch: còmhdaichidh tu d' aghaidh air chor as nach faic thu an làr: oir chuir mi thu mar chomharadh do thigh Israeil.

7 Agus rinn mi ceart mar a dh'àithneadh dhomh: thug mi mach m' airneis anns an là, mar airneis air son braighdeanas, agus anns an annoch chladhaich mi troimh 'n bhalla le m' làimh; thug mi mach i's an dubh-annoch, agus giùlain mi air mo ghuaillibh i' n an sealladh.

8 Agus air maduinn thàinig focal an Tighearn a m' ionnsuidh, ag ràdh,

9 A mhic an duine, nach dubhairt tigh Israeil, an tigh ceannairceach, riut, Ciod a tha thu 'deanamh?

10 Abair tha sa riu, Mar so tha an Tighearn Dia ag ràdh, Do'n phrionnsa ann an Ierusalem *buinidh* an t-uallach so, agus do thigh Israeil a tha 'n am measg.

11 Abair, Tha mise ann am chomharadh dhuibh; amhuil a rinn mise, mar sin nith-eir riu-san: atharraichidh iad, agus théid iad air falbh ann am braighdeanas.

12 Agus am prionnsa a tha 'n am measg giùlainidh e air a ghuaillibh anns an dubh-annoch, agus théid e mach: cladhaichidh iad troimh 'n bhalla, chum giùlain a mach d'a thrìd: còmhdaichidh e 'aghaidh, air chor as nach faic e 'n làr le 'shùilibh.

13 Sgaoilidh mise fòs mo lìon air, agus glacer ann am rib e; agus bheir mi e gu Babilon, gu tìr nan Caldéach; gidheadh cha-n fhaic e i, ged fhaigh e bàs an sin.

14 Agus sgapaidh mi ris gach aon ghaoith na h-uile 'tha m'a thimchioll g' a chòmh-nadh, agus 'uile bhuidhnean; agus tairngidh mi mach an claidheamh 'n an déigh.

15 Agus aithnichidh iad gur mise an Tighearn, 'n uair a sgapas mi iad am measg nan cinneach, agus a sgaoileas mi iad feadh nan dùthchan.

16 Agus fàgaidh mi beagan fhear dhiubh o 'n chladheamh, o 'n ghort, agus o 'n phlàigh, a chum gu'n cuir iad 'an céill an uile ghràineileachdan am measg nan cinneach gus an tig iad; agus aithnichidh iad gur mise an Tighearn.

17 Os barr, thàinig focal an Tighearn a m' ionnsuidh, ag ràdh,

18 A mhic an duine, ith d' aran le crith, agus òl d' uisge le ball-chrith agus le cùram;

19 Agus abair ri sluagh na tìre, Mar so tha an Tighearn Dia ag ràdh mu thimchioll luchd-àiteachaidh Ierusalem, agus dùthcha Israeil, Ithidh iad an aran le cùram, agus òlaidh iad an uisge le uamhas, air chor as gu'm bi am fearann fàs o 'n iomlan a tha ann, air son fòirneirt na muinntir sin uile 'tha 'chòmhnuidh ann.

20 Agus nithear na bailtean a tha air an àiteachadh fàs, agus bithidh am fearann falamh; agus aithnichidh sibh gur mise an Tighearn.

21 Agus thàinig focal an Tighearn a m' ionnsuidh, ag ràdh,

22 A mhic an duine, Ciod e an gnàth-fhocal sin a th' agaibh ann am fearann Israeil, ag ràdh, Tha na làithean air an sineadh, agus dh'fhàilnich gach uile fhoills-eachadh.

23 Innis doibh uime sin, Mar so tha an Tighearn Dia ag ràdh, Bheir mise air a' ghnàth-fhocal so sgar, agus cha labhair iad e ni's faide mar ghnàth-fhocal ann an Israel: ach abair riu, Tha na làithean aig làimh, agus buil gach aoin taisbeinidh.

24 Oir cha bhi nì's mò aon taisbeanadh faoin, no fàistneachd mhiodalach an taobh a stigh de thigh Israeil.

25 Oir mise Iehobhah, labhraidh mi, agus am focal a labhras mi thig gu crìch: cha dean e ni's faide moille; oir ann 'ur làith-



ibhse, O thigh cheannairich, labhraidh mise an focal, agus ni mi e, deir an Tighearn Dia.

26 A ris thàinig focal an Tighearn' a' m' ionnsuidh, ag ràdh,

27 A mhic an duine, feuch tha tigh Israeil, ag ràdh, Tha 'n taisbeanadh a tha e 'faicinn air son mhòran làithean, agus tha e ri fàistneachd mu na h-aimsiribh fad as.

28 Air an aobhar sin abair riu, Mar so tha an Tighearn Dia ag ràdh, Cha bhi aon de mo bhriathraibh-sa air a shìneadh nì's faide; ach am focal a labhras mi, coimhlionar e, deir an Tighearn Dia.

### CAIB. XIII.

1 *Chronaiceadh na fàidhean brèige a chionn gu'n d' rinn iad fìosachd 'n uair nach do chuir an Tighearn a mach iad.* 17 *Mu thimcheall nam ban-fhàidhean brèige.*

**A**GUS thàinig focal an Tighearn' a' m' ionnsuidh, ag ràdh,

2 A mhic an duine, dean fàistneachd an aghaidh fhàidhean Israeil, a tha ri fàistneachd, agus abair thusa riu-san a tha ri fàistneachd as an cridhe féin, Eisdibhse focal an Tighearna.

3 Mar so tha an Tighearn Dia ag ràdh, Is deacair do na fàidhibh amaideach, a tha 'leantuin an spioraid féin, agus nach faca ni sam bith.

4 O Israeil, is cosmhuil d' fhàidhean ris na sionnaich anns na rásaichibh.

5 Cha deachaidh sibh suas a chum nam bearnan, ni mò 'rinn sibh suas a' challaid do thigh Israeil, gu seasamh anns a' chath ann an là an Tighearna.

6 Chumnaic iad dìomhanas, agus rinn iad fìosachd bhrèige, ag ràdh, Deir an Tighearn; 'n uair nach do chuir an Tighearn a mach iad: agus thug iad air daoinibh earbsadh gu'n daingnicheadh iad am focal.

7 Nach faca sibh sealladh faoin, agus nach do labhair sibh fìosachd bhrèige, le bhi 'g ràdh, Thubhairt an Tighearn, ged nach do labhair mise?

8 Air an aobhar sin, Mar so tha an Tighearn Dia ag ràdh, A chionn gu'n do labhair sibh dìomhanas, agus gu'n faca sibh breugan, uime sin feuch, tha mise 'n 'ur n-aghaidh, deir an Tighearn Dia.

9 Agus bithidh mo làmh air na fàidhibh a chù dìomhanas, agus a tha fàistneachd bhrèig: cha bhi iad ann an coimhthional mo shluaigh, ni mò 'bhitheas iad air an sgrìobhadh ann an sgrìobhadh tìghe Israeil, ni mò 'théid iad a steach do fhearrann Israeil; agus aithnichidh sibh gur mise an Tighearn Dia.

10 A chionn, eadhon a chionn gu'n d' thug iad air mo shluaigh dol air seacharan, ag ràdh, Sith, agus gun sith a bhi ann: agus thog aon suas balla, agus, feuch, thilg càch thairis e le *criadh* gun oibreachadh.

11 Abair riu-san a tha 'g a thilgeadh

thairis le *criadh* gun oibreachadh, gu'n tuit e: bithidh fras thuilteach ann, agus tuirlingidh sibhse, O chlachan-meallain mòra; agus ni gaoth dhoinionnach a bhriseadh.

12 Feuch, 'n uair a thuiteas am balla, nach abrar ruibh, C'ait am bheil a' chriadh leis an do thilg sibh thairis e?

13 Uime sin, mar so tha an Tighearn Dia ag ràdh, Ni mise fòs a bhriseadh le gaoith dhoinionnach ann am fheirg: agus bithidh fras thuilteach ann am chorruih-sa ann, agus clachan-meallain mòra ann am dhian-fheirg g'a mhillleadh.

14 Mar sin brisidh mi sìos am balla a thilg sibh thairis le *criadh* gun oibreachadh, agus bheir mi nuas gu làr e, air chor as gu'n leigear ris a bhunaitean; agus tuitidh e, agus bithidh sibhse air 'ur mill-eadh 'n a mheadhon; agus aithnichidh sibh gur mise an Tighearn.

15 Mar so coimhlionaidh mi mo chorruih air a' bhalla, agus orra-san a thilg thairis e le *criadh* gun oibreachadh, agus their mi ruibh, Cha-n'eil am balla ann, ni mò tha iadsan a thilg thairis e;

16 *Eadhon* fàidhean Israeil, a tha ri fàistneachd mu thimcheall Ierusalem, agus a tha 'faicinn seallaidh sìth-thaimh dhi, agus gun sìth idir ann, deir an Tighearn Dia.

17 Mar an ceudna, thusa, a mhic an duine, cuir d' eudan an aghaidh nigheanan do shluaigh, a tha ri fàistneachd as an cridhe féin, agus deansa fàistneachd 'n an aghaidh.

18 Agus abair, Mar so tha an Tighearn Dia ag ràdh, Is truagh do na muathan a tha 'fuaigheal chluasag ris na h-uile asgailtibh, agus a' cur brèidean air ceann gach aoise, a dheanamh seilg air anamaibh. An dean sibh sealg air anamaibh mo shluaigh-sa, agus an coimhid sibh beò anama na muinntir' a tha teachd thugaibh?

19 Agus an truail sibh mise measg mo shluaigh air son ghlacaidean eòrna, agus air son mhìrean arain, a mharbhadh nan anaman nach bu chòir bàsachadh, agus a choimhead beò nan anaman nach bu chòir a bhi beò, le 'ur breugaibh do m' shluaigh-sa, 'tha 'g éisdeachd 'ur breug?

20 Air an aobhar sin, mar so tha an Tighearn Dia ag ràdh, Feuch, tha mise an aghaidh 'ur cluasag, leis am bheil sibh an sin a' sealg air na h-anamaibh, a chum an glacadh; agus spionaidh mise iad o 'ur gairdeinibh, agus leigidh mi air falbh na h-anaman, na h-anaman sin air am bheil sibh a' sealg a chum an glacadh.

21 Reubaidh mi fòs 'ur brèidean, agus saoraidh mi mo shluaigh a mach as 'ur làimh, agus cha bhi iad nì's mò 'n 'ur làimh gu bhi air an sealg: agus aithnichidh sibh gur mise an Tighearn.

22 A chionn le breugaibh gu'n d' rinn sibh cridhe an ionracain dubhach, agus nach d'

rinn mise dubhach e; agus gu'n do neart-  
aich sibh lànhan an aingidh, chum nach  
pilleadh e o 'dhròch shlighe, le bhi 'geallt-  
uinn beatha dha.

23 Uime sin cha-n fhaic sibh dìomhanas  
nì's mò, agus cha dean sibh fàisteachd  
tuilleadh; oir saoraidh mise mo shluagh as  
'ur làimh, agus bithidh fios agaibh gur mi  
an Tighearn.

#### CAIB. XIV.

1 *Thug Dia achmhasan do'n t-sluagh a chuir  
suas ìodholan 'n an cridhe.* 3 *Chomhairtich-  
eadh dhoibh aithreachas a ghabhail.* 12 *Cha  
saor eadar-gluidhe air bith iad o'n ghorta,  
15 o bheathaichibh cronail, 17 o'n chlaidheamh,  
19 agus o'n phlàigh.* 22 *Fàgar iarmad de'n  
t-sluagh.*

**A**N sin thàinig cuid de sheanairibh  
Israeil a' m' ionnsuidh, agus shuidh  
iad mu m' choimeamh.

2 Agus thàinig focal an Tighearn a' m'  
ionnsuidh, ag ràdh,

3 A mhic an duine, chuir na daoine so  
suas an ìodholan 'n an cridhe, agus chuir  
iad ceap-tuislidh an aingidheachd fa 'n  
comhair: an leig mise dhoibh air aon chor  
m' iarraidh?

4 Uime sin labhair riu, agus abair riu,  
Mar so tha an Tighearn Dia ag ràdh, Gach  
duine de thigh Israeil a chuireas suas  
ìodholan 'n a chridhe, agus a chuireas ceap-  
tuislidh 'aingidheachd fa chomhair, agus a  
thig chum an fhàidh, bheir mise Iehobhah  
freagradh dhàsan a thig, a réir lionmhoir-  
eachd ìodholan.

5 A chum gu'n glac mi tigh Israeil 'n an  
cridhe féin, a chionn gu bheil iad uile air  
dol air seacharan uamsa tre an ìodholan.

6 Air an aobhar sin, abair ri tigh Israeil,  
Mar so tha an Tighearn Dia ag ràdh,  
Gabhaidh aithreachas, agus pillibh o 'ur  
n-ìodholaibh; agus tionndaidh 'ur n-aghaidh  
air falbh o 'ur n-uile ghràncileachdaibh.

7 Oir gach aon de thigh Israeil, no de na  
coigrich a tha air chuairt ann an Israel, a  
tha 'g a sgaradh féin uamsa, agus a' cur  
suas ìodholan 'n a chridhe, agus a' cur  
ceap-tuislidh 'aingidheachd fa chomhair,  
agus a' teachd a chum fàidh, a dh'fhiosrach-  
adh dheth mu m' thimcheall-sa; bheir mise  
Iehobhah freagradh dha mi féin.

8 Agus cuiridh mi mo ghnàis an aghaidh  
an duine sin, agus ni mi e 'n a chomharadh  
agus 'n a ghnàth-fhocal, agus gearraidh  
mi as e o mhacadh mo shluagh; agus  
aithnichidh sibh gur mise an Tighearn.

9 Agus ma bhitheas an fàidh air a mheall-  
adh an trà labhair e ni, is mise an Tighearn  
a mheall am fàidh sin; agus sinidh mi mo  
làmh a mach air, agus sgriosaidh mi e o  
mhacadh mo phobull Israeil.

10 Agus giùlainidh iad peanas an euceart-  
an: bithidh peanas an fhàidh amhuil peanas  
an ti a dh'iarraas *thuge;*

11 A chum nach téid tigh Israeil nì's mò  
air seacharan uamsa, agus nach bi iad air  
an truailladh nì's mò le 'n uile chiontaibh;  
ach a chum gu'm bi iad dhomh-sa 'n am  
pobull, agus mise dhoibh-san ann am Dhia,  
deir an Tighearn Dia.

12 Thàinig a ris focal an Tighearn a' m'  
ionnsuidh, ag ràdh,

13 A mhic an duine, trà pheacaicheas an  
tìr ann am aghaidh-sa le ciontachadh gu  
h-annmhor, an sin sinidh mi a mach mo làmh  
oirre, agus brisidh mi lorg a h-arain, agus  
cuiridh mi gort oirre, agus gearraidh mi  
uaiphe duine agus ainmhidh.

14 Ged bhitheadh an triuir fhear so, Noah,  
Daniel, agus Iob innte, cha saoradh iad ach  
an anaman féin le 'm fireantachd, deir an  
Tighearn Dia.

15 Ma bheir mise air beathaichibh cronail  
dol troimh an fhearann, agus gu mill iad e,  
air chor as gu'm bi e fàs, ionnus nach feud  
neach air bith dol troimhe air son a' bheath-  
aich:

16 Ged bhitheadh an triuir dhaoine so ann,  
mar is beò mise, tha an Tighearn Dia ag  
ràdh, cha saoradh iad aon chuid mic no  
nigheanan; shaortheadh iad féin a mhàin,  
ach bhitheadh ann fearann fàs.

17 No ma bheir mise claidheamh air an  
fhearann so, agus gu'n abair mi, A chlaidh-  
cinnh, imich troimh an fhearann; air chor  
as gu'n gearr mi duine agus ainmhidh a  
mach as:

18 Ged bhitheadh an triuir dhaoine so  
ann, mar is beò mise, tha an Tighearn Dia  
ag ràdh, cha saoradh iad aon chuid mic no  
nigheanan, ach bhitheadh a mhàin iad féin  
air an saoradh.

19 No ma chuireas mi plàigh do'n fhearann  
sin, agus gu'n dòirt mi mo chorruich a mach  
air ann am fuil, a chum duine agus ainmhidh  
a ghearradh a mach as:

20 Ged bhitheadh Noah, Daniel, agus Iob  
ann, mar is beò mise, tha an Tighearn Dia  
ag ràdh, cha saoradh iad aon chuid mac no  
nighean: cha saoradh iad ach an anaman  
féin le 'm fireantachd.

21 Oir mar so tha an Tighearn Dia ag  
ràdh, Cia mò gu mòr trà chuireas mi mo  
cheithir breitheanais ghoirt air Ierusalem,  
an claidheamh, agus a' ghort, agus an  
beathach cronail, agus a' phlàigh, a chum  
duine agus ainmhidh a ghearradh a mach  
as?

22 Gidheadh feuch, fàgar iarmad ann, a  
bheirear a mach, mic agus nigheanan: feuch,  
thig iad a mach thugaibh, agus chi sibh an  
slighe, agus an gnìomharan: agus gheibh  
sibh comhfhurtachd a thaobh an uile a thug  
mise air Ierusalem, a thaobh gach ni a thug  
mi air.

23 Agus bheir iad comhfhurtachd dhuibh,  
an uair a chi sibh an slighe, agus an gnìomh-  
aran: agus aithnichidh sibh nach ann guu



aobhar a rinn mise gach ni a rinn mi ann,  
deir an Tighearn Dia.

CAIB. XV.

1 *Le cosamhlachd an fhion-chroinn, 6 nochd Dia do Eseciel gu'n tilgeadh e clann Israeil uaithe gu tur.*

**A**GUS thàinig focal an Tighearn' a' m' ionnsuidh, ag ràdh,

2 A mhic an duine, Ciod e am fion-chrann ~~thar~~ crann air bith cile, *ma bhitheas* e mar ghéig a tha measg chraobhan na coille?

3 An gabhar fiodh dheth gu obair air bith a dheanamh? no an gabhar cnag dheth a chrochadh soithich air bith air?

4 Feuch, tilgear e's an teine mar chonnadh; loisgidh an teine a dhà cheann, agus loisgear a mheadhon: am bheil e iomchuidh air son cungaiddh?

5 Feuch, 'n uair a bha e slàn cha robh e iomchuidh air son cungaiddh sam bith: cia mò gu mòr is lugha 'bhitheas e iomchuidh air son oibre, 'n uair a chaitheas an teine e, agus a bhitheas e loisgte?

6 Air an aobhar sin, mar so tha an Tighearn Dia ag ràdh, Mar am fion-chrann am measg chrann na coille, a thug mise do'n teine mar chonnadh, is ambluidh a bheir mi luchd-àiteachaidh Ierusalem.

7 Agus cuiridh mi mo ghnùis 'n an aghaidh, theid iad a mach o theine, agus ni tein' eile an caitheamh: agus aithnichidh sibh gur mise an Tighearn, trà chuireas mi mo ghnùis 'n an aghaidh.

8 Agus ni mi am fearann fàs, a chionn gu'n do chuir iad 'an gnìomh euceart, deir an Tighearn Dia.

CAIB. XVI.

1 *Le cosamhlachd leinibh mhaoth nochdadh ceud staid Ierusalem. 9 Gràdh Dhé d'a taobh. 15 A striopachas gràineil. 35 Bhagair Dia Ierusalem le breitheanas uamhasach. 44 Thruaill sluagh Israeil iad féin nì's mò na na cinnich a bha mu'n cuairt doibh.*

**A**RIS thàinig focal an Tighearn' a' m' ionnsuidh, ag ràdh,

2 A mhic an duine, thoir air Ierusalem a gràineileachdan aithneachadh,

3 Agus abair, Mar so tha an Tighearn Dia ag ràdh ri Ierusalem, ~~Tla~~ do bhreth agus do dhùchas o thir Chanaan; b' Amorach d' athair, agus bu bhan-Hiteach do mhàthair.

4 Agus air son do dhùchais, anns an là 's an d' rugadh thu, cha do ghearradh d' imeag, ni mò bha thu air do nigheadh ann an uisge, gu do mhaothachadh: cha do chrathadh salann ort, ni mò bha thu air do phasgadh.

5 Cha do ghabh sùil air bith truas diot, a chum aon ni dhiubh so a dhcanamh dhuit, a dheanamh iochd ort; ach bha thu air do thilgadh a mach anns a' mhachair sgaoilte, le gràin do d' anam, air an là 's an d' rugadh thu.

6 Agus an trà ghabh mise seachad dlùth dhuit, agus a chunnaic mi thu salach ann ad fhuil féin, thubhairt mi riut, *agus thu* ann ad fhuil, Mair beò; seadh, thubhairt mi riut, *agus thu* ann ad fhuil, Mair beò.

7 Thug mi ort fàs lionmhor mar chinneas na faiche, agus dh'fhàs thu lionmhor agus mòr; agus thàinig thu gu sgeudachadh maiseach: tha do chlochan air an cumadh, agus do ghruag air fas, 'an àite dhuit a bhi ruisgte agus lom.

8 Agus 'n uair a ghabh mise seachad dlùth dhuit, agus a dh'amhaire mi ort, feuch, bha d'aimsir 'n a h-aimsir gràidh, agus sgaoil mise mo sgiobull os do cheann, agus dh'fhol-uich mi do lònnochduidh: seadh mhionnaich mi dhuit, agus thionnsgain mi ann an coimhcheangal riut, deir an Tighearn Dia, agus bu leamsa thu.

9 An sin nigh mi thu le h-nisge, seadh, nigh mi d' fhuil gu glan air falbh uait, agus dh'ung mi thu le h-olaidh.

10 Sgeudaich mi thu fòs le h-obair-ghrèise, agus chuir mi brògan de chraicinn bruic ort, agus chrioslaich mi mu'n cuairt thu le h-anart grinn, agus chòmhdaich mi thu le sìoda.

11 Rinn mi sgiamhach thu mar an ceudna le seudan, agus chuir mi lām-fhailean air do lāmhan, agus slabhruidh mu d' mhuineal.

12 Agus chuir mi send rìomhach air d' eudan, agus chuas-fhàinnachan ann ad chluasaibh, agus crùn maiseach air do cheann.

13 Mar so bha thu air do sgeudachadh le h-òr agus le h-airgiod; agus bha do thrusgan a dh'anart grinn, agus de shìoda, agus de obair ghrèise; dh'ith thu mìn-chruithneachd, agus mìl, agus oladh, agus bha thu ro mhaiseach, agus dh'fhàs thu suas gu bhi a'd rìoghachd.

14 Agus chaidh d' iomradh a mach am measg nan cinneach air son do mhaise: oir bha sin iomlan tre mo sgèimh-sa a chuir mi ort, deir an Tighearn Dia.

15 Ach chuir thu do dhòigh ann ad mhaise féin, agus rinn thu striopachas an aghaidh do chliu, agus dhòirt thu mach do striopachas air gach neach a ghabh seachad; bu leis-san thu.

16 Agus ghabh thu de d' chulaidhean, agus rinn thu maiseach d' ionadan àrda le dathan eag-samhuil, agus rinn thu striopachas orra, mar nach robh, agus mar nach bi.

17 Ghabh thu fòs do sheudan rìomhach de m' òr-sa, agus de m' airgiod, a thug mi dhuit; agus rinn thu dhuit féin dealbhan dhaoine, agus chuir thu striopachas 'an gnìomh leo.

18 Agus ghabh thu do chulaidhean grèise, agus chòmhdaich thu iad: agus chuir thu m' oladh-sa, agus mo thùis mu'n comhair.

19 Mo bhiadh fòs a thug mi dhuit, min-chruithneachd, agus oladh, agus mil, a thug mi dhuit r' an itheadh, chuir thu eadhon 'n an làthair iad mar fhàile càbhraidh.

20 Seadh cuideachd, tha an Tighearn Dia ag ràdh, ghabh thu do mhic agus do nigh-eanan a rug thu dhomhsa, agus iad so dh'ìobair thu dhoibhsan, gu bhi air an slugadh suas.

21 An ni suarach dhuit, le d' strìopachas, gu'n do mharbh thu mo chlan, agus gu'n d' thug thu iad seachad gu dol troimh an teine air an son-san?

22 Agus ann ad uile ghràineileachdaibh agus strìopachais, cha do chuimhnich thu làithean d' òige, trà bha thu lomnochd agus rùisgte, air do thruaillleadh ann ad fhuil fèin.

23 Agus tharladh, an dèigh d' aingidheachd uile, (Mo thruaighe, mo thruaighe thu! deir an Tighearn Dia.)

24 Gu'n do thog thu dhuit fèin fòs ionad àrd, agus gu'n d' rinn thu dhuit fèin àite àrd anns gach aon sràid.

25 Thog thu ionad àrd air gach aon cheann de'n t-slighe, agus thug thu air do mhaise 'bhi air a fuathachadh, agus rinn thu coitichionn thu fèin do gach aon a ghabh seachad, agus rinn thu do strìopachais lìonmhor.

26 Rinn thu fòs strìopachas leis na h-Eiphitch, do choimhearsuaich, a tha mòr ann am feoil; agus mheudaich thu do strìopachais, a chum mise a bhrosnachadh gu feirg.

27 Feuch uime sin, shìn mise mo làmh a mach os do cheann, agus lughdaich mi do lòn, agus thug mi thairis thu do thoil na muimtir leis am fuathach thu, uigheanan nam Philisteach, air am bheil nàire do d' shlighe mhì-chiataich.

28 Rinn thu mar an ceudna strìopachas leis na h-Asirianaich, a chionn gu'n robh thu do-shàsachaidh; seadh, rinn thu strìopachas leo, agus gidheadh cha-n fheadadh tu 'bhi air do shàsachadh.

29 Mheudaich thu os bàrr do strìopachas ann am fearann Chanaain gu ruig Caldéa, agus gidheadh cha robh thu sàsaichte le sin.

30 Cionnus a ghlanas mise do chridhe, tha an Tighearn Dia ag ràdh, 'n uair a tha thu 'deanamh nan nithcan so uile, obair mnà neo-gheamnuidh ladarna?

31 'N uair a tha thu 'togail d' ionaid àird 'an ceann gach slighe, agus a' deanamh d' àite àird anns gach aon sràid; agus nach robh thu cosmhuil ri strìopaich, (a chionn nach b' fhiù leat tuarasdail.)

32 Ach ri mnaoi a ni adhaltranas, a ghabhas coigrich 'an àit a fir fèin.

33 Do na h-uile strìopaich bheir iad duais; ach tha thusa a' toirt duaise do d' leannanaibh uile, agus 'g an tuarasdalachadh, a chum gu'n tigeadh iad thugad gach aon taobh air son do strìopachais.

34 Agus tha thusa dìreach an aghaidh

nòis mhnathan eile ann ad strìopachas, am feadh nach 'eil aon neach a' dol air do dhèigh a dheanamh strìopachais: is ann a tha thu a' toirt duaise seachad, agus gun duais air bith 'g a toirt duit: uime sin tha thu 'n an aghaidh ann ad nòs.

35 Air an aobhar sin, O a strìopach, cluinn focal an Tighearna:

36 Mar so tha an Tighearn Dia ag ràdh, A chionn gu'n robh do shalchar air a dhòrtadh a mach, agus do lomnochduidh air a leigeadh ris troimh do strìopachais le d' leannanaibh, agus le uile ìodholaibh do ghràineilcachdan, agus le fuil do chloinne, a thug thu dhoibh;

37 Feuch uime sin cruinnichidh mise d' uile leannain, leis an do ghabh thu sòlas, agus na h-uile do'n d'thug thu gràdh, leis na h-uile do'n d'thug thu fuath: ni mi eadhon an cruinneachadh mu'n cuairt ann ad aghaidh, agus leigidh mi ris doibh do lomnochduidh, a chum gu'm faic iad do lomnochduidh uile.

38 Agus bheir mi breth ort mar a bheirear breth air mnàibh a bhriseas an ceangal-pòsaidh, agus a dhòirteas fuil, agus bheir mi peanas ort ann an corruich agus ann an eud.

39 Agus bheir mi thu fòs d' an làimh, agus tilgidh iad sìos d' àite enocach, agus brisidh iad sìos d' ionadan àrda; buinidh iad dhìot mar an ceudna d' eudach, agus glacadh iad do sheudau rìomhach, agus fagaidh iad thu lomnochd agus rùisgte.

40 Bheir iad mar an ceudna buidheann a nìos a'd' aghaidh, agus clachaidh iad thu le clachaibh, agus sàthaidh iad tromhad an claidhean.

41 Agus loisgidh iad do thighean le teine, agus ni iad breitheanas ort ann an sealladh mhòran bhan: agus bheir mise ort sgur de strìopachas, agus cha toir thu tuarasdail seachad ni's mò.

42 Mar sin bheir mi air mo chorrutich riut fois a ghabhail, agus imichidh m' eud uait, agus gabhaidh mi fois, agus cha bhi fearg orm ni's mò.

43 A chionn nach do chuimhnich thu làithean d' òige, agus gu'n do chuir thu corruich ormsa anns na nithibh so uile; feuch uime sin, diolaidh mise fòs do shlighe air do cheann, tha an Tighearn Dia ag ràdh; agus cha chuir thu 'an gnìomh an neòghloine so thar d' uile ghràineilcachdaibh.

44 Feuch gach aon a ghnàthaicheas sean-fhocail, gnàthaichidh an sean-fhocal so a'd' aghaidh, ag ràdh, Mar a' mhàthair is amhluidh an nighean.

45 Is tusa nighean do mhàthar, leis am fuathach a fear agus a clann: agus is tu piuthar do pheathraichean, leis am b' fhuathach am fir agus an clann: bu bhan-Hiteach 'ur màthair, agus b' Amorach 'ur u-athair.



46 Agus is i do phiuthar a's sine Samaria, i fèin agus a nigheanau a tha 'chòmhnuidh aig do làimh chlì: agus do phiuthar a's òige, a tha 'chòmhnuidh aig do làimh dheis, Sodom agus a nigheanan.

47 Gidheadh 'n an slighe-san cha do ghluais thu, ni mò 'rinn thu a réir an gràineileachd-an: ach mar gu'm bu ni ro bheag sin, bha thu air do thruaillleadh ni's mò na iadsan a'd uile shlighibh.

48 Mar is beò mise, tha an Tighearn Dia ag ràdh, cha d' rinn do phiuthar Sodom, i fèin no a nigheanan, mar a rinn thusa, thu fèin agus do nigheanan.

49 Feuch b' i so aingidheachd do pheathar Sodom; uabhar, sàth arain, agus pailteas dìomhanais, bha innte fèin agus 'n a nigh-eanaibh; ni mò a neartaich i lamh a' bhochd agus an fheumaich.

50 Agus bha iad àrdanach, agus chuir iad gràineileachd 'an gnìomh ann am fhianuis-sa; uime sin thug mi air falbh iad mar a chunnacas ceart domh.

51 Ni mò 'chuir Samaria 'an gnìomh leth do lochdan-sa; ach mheudaich thu do ghràineileachdan ni's mò na iadsan, agus dh'fhìreanaich thu do pheathraichean ann ad uile ghràineileachdaibh a rinn thu.

52 Thusa fòs a thug breth air do pheathraichibh, giùlain do nàire fèin, air son do lochdan a chuir thu 'n gnìomh ni's gràineile na iadsan: tha iadsan ni's ionraice na thusa: seadh, bi thusa air do mhaslachadh fòs, agus giùlain do nàire, a chionn gu'n d' fhìreanaich thu do pheathraichean.

53 An uair a philleas mi air a h-ais am braighecanas, bruid Shodoim agus a cuid nighean, agus bruid Shamaria agus a cuid nighean, an sin *bheir mi air a h-ais* bruid do bhraighecan-sa 'n am meadhan;

54 A chum gu'n giùlain thu do nàire fèin, agus gu'm bi thu air do mhaslachadh anns gach ni a rinn thu, a chionn gu'n robh thu toirt doibh comhfhurtachd.

55 'N uair a philleas do pheathraichean, Sodom agus a cuid nighean, gus an ceud staid, agus a philleas Samaria agus a cuid nighean gus an ceud staid, an sin pillidh tusa agus do nigheanan gu'r ceud staid.

56 Oir cha robh luaidh air do phiuthair Sodom ann ad bheul ann an là d' uabhair.

57 Mu'n robh d' aingidheachd air a leigeadh ris, agus àm do mhaslaidh, mar nigheanan Shìria, agus na h-uile 'bha dlùth dhi, agus mar nigheanan nam Philisteach a bha mu'n cuairt duit.

58 Giùlainidh tu do neòghloine agus do ghràineileachdan, deir an Tighearn.

59 Oir mar so tha an Tighearn Dia ag ràdh, Buinidh mise riutsa amhuil mar a rinn thu fèin, a rinn tair air na miounan, ann am briseadh a' choimhcheangail.

60 Gidheadh cuimhnichidh mi mo choimhcheangal riut ann an làithibh d' òige, agus

daingnichidh mi riut coimhcheangal sìorruidh.

61 An sin cuimhnichidh tu do shlighe, agus bithidh nàire ort, 'n uair a ghabhas tu do pheathraichean, do phiuthar a's sine agus do phiuthar a's òige: agus bheir mise dhuith iad mar nigheanan, ach cha-n ann air son do choimhcheangail-sa.

62 Agus daingnichidh mi mo choimhcheangal riutsa, agus bithidh fios agad gur mi an Tighearn:

63 A chum gu'n cuimhnich thu, agus gu'm bi nàire ort, agus nach fhosgail thu do bheul gu bràth ni's mò, do bhligh do nàire, 'n uair a bhitheas mise réidh riut air son gach uile ni a rinn thu, deir an Tighearn Iehobhah.

## CAIB. XVII.

1 *Chuir am fàidh 'an cèill am breitheanas a bha gu teachd air Sedeciah a chionn gu'n d' rinn e ceannairc an aghaidh rìgh Bhabiloìn, 22 Fàistneachd mu thimchioll rìoghachd Chrìosd.*

A GUS thàinig focal an Tighearn 'a' m' ionnsuidh, ag ràdh,

2 A mhic an duine, cuir a mach toimhseachan, agus labhair cosamhlachd ri tigh Israeil;

3 Agus abair, Mar so tha an Tighearn Dia ag ràdh, Thàinig fir-eun mòr, le sgiathaibh mòra, agus le altaibh làidir, lau de chlùmhaich, air an robh dathan eug-samhluidh, gu Lebanon, agus ghabh e am meagan a' b' àirde de'n t-seudar.

4 Ghearr e dheth bàrr a mheanganan òga, agus thug e leis e gu tìr malairt; shuidhich e ann am baile cheannaichean e.

5 Ghabh e fòs de shìol an fhearainn, agus chuir e ann am machair thorraich e; shuidhich e ri taobh uisgeachan mòra e, 'g a chur mar chrann seilich:

6 Agus dh'fhàs e, agus thàinig e gu bhì 'n a fhìonain leathain, air bheag àirde, aig an robh a gheugan air an tionndadh ris [an fhìr-eun,] agus aig an robh a fhreumhan foidhe: mar sin dh'fhàs e 'n a fhìonain, agus thug e mach geugan, agus chuir e uaithe meangain.

7 Bha fòs ann fir-eun mòr eile, le sgiathaibh mòra, agus mòran clùmhaich; agus, feuch, chlaon an fhìonain so a freumhan d'a ionnsuidh, agus thilg i mach a geugan thuige, chum a bhì air a h-uisgeachadh le claisibh a ghàraidh.

8 Bha i air a suidheachadh ann am fearann maith, ri taobh uisgeachau mòra, chum gu'n tugadh i mach geugau, agus gu'n giùlainicadh i toradh, agus gu'm bithheadh i 'n a deadh fhìonain.

9 Abair thusa, Mar so tha an Tighearn Dia ag ràdh, Am bi piseach oirre? nach spion e nìos a freumhan, agus nach gearr e dhi a toradh, air chor as gu'n searg e? crìonaidd i ann an uile dhuilleach a ceud-fhàis, eadhon gun chumhachd mòr, no

mòran sluaigh, g'a spionadh a nìos as a freumhan.

10 Seadh, feuch, an déigh a suidheachadh, am bi piseach oirre? nach searg i gu tur an uair a bheanas a' ghaoth an ear rithe? crìonaidh i anns na claisibh anns an d' fhàs i.

11 Os bàrr, thàinig focal an Tighearn' a m' ionnsuidh, ag ràdh,

12 Abair a nìs ris an tigh cheannairceach, Nach 'eill fios agaibh cìod a's ciall do na nithibh so? Innis doibh, Feuch, tha rìgh Bhabiloin air teachd gu Ierusalem, agus ghlac e a rìgh, agus a prionnsachan, agus thug e leis iad gu Babilon:

13 Agus ghabh e de shliochd an rìgh, agus rinn e còimhcheangal ris, agus ghabh e mionnan deth: ghlac e fòs daoine cumhachdach na tìre:

14 A chum gu'm bitheadh an dùthaich suarach, ionnus nach togadh i suas i fèin; ach le 'choimhcheangal a choimhead gu'm feudadh i seasamh.

15 Ach rinn e ar-a-mach 'n a aghaidh-san le 'theachdairean a chur do'n Eiplit, a chum gu'n tugadh iad dha eich agus mòran sluaigh: an éirich gu maith dha? an téid esan a nì na nithean so as? no am bris e an còimhcheangal agus an saor a e?

16 Mar is beò mise, deir an Tighearn Dia, gu deimhin anns an àit *am bheil còmhnuidh* an rìgh a rinn rìgh dheth-san, neach a rinn e tàir air a mhionnan, agus a bhris e a chumhantanan, *eadhon* leis-san, ann am meadhan Bhabiloin, gheibh e bàs.

17 Nì mò 'nì Pharaoh feum dha, le 'fheachd cumhachdach, agus le 'bhuidheinn mhòir, anns a' chogadh, le tòrr a thilgeadh suas, agus le daingnichean a thogail, a ghearradh as mhòran anaman.

18 A chionn gu'n d' rinn e tàir air na mionnan, leis a' choimhcheangal a bhris-eadh, (an uair a thug e, feuch, a làmh,) agus a rinn e na nithean so uile, cha téid e as.

19 Uime sin, mar so tha an Tighearn Dia ag ràdh, Mar is beò mise, mo mhionnan air an d' rinn e tàir, agus mo choimhcheangal a bhris e, *eadhon* sin diolaidh mise air a cheann fèin.

20 Agus sgaoilidh mi mo lìon air, agus glacar ann am rib e; agus bheir mi e gu Babilon, agus tagraidh mi ris an sin air son a chionta, leis an do chiontaich e a'm aghaidh.

21 Agus tuitidh na theich thuige, le 'uile fheachd, leis a' chlaidheamh; agus bithidh iadsan a dh'fhàgar air an sgapadh ris na h-uile ghaoith: agus aithnichidh sibh gur mise Iehobhah a labhair e.

22 Mar so tha an Tighearn Dia ag ràdh, Gabhaidh mise mi fèin de'n ghéig a's àirde de'n t-seudar àrd, agus suidhichidh mi e; gearraidh mi o bhàrr a mheanganann òga,

geug mhaoth, agus suidhichidh mi air sliabh uachdarach agus àrd i.

23 Air shlabh àrd Israeil suidhichidh mi i; agus togaidh i suas a geug, agus bheir i mach toradh, agus fasaidd i 'n a seudar rìoghail: agus foipe gabhaidh na h-uile eunlaith de gach aon iteig còmhnuidh; fo dhubhar a geug ni iad còmhnuidh.

24 Agus aithnichidh uile chraobhan na macharach gu'n d' thug mise Iehobhah nuas an crann àrd, gu'n d' ardaich mi an crann ìosal, gu'n d' rinn mi an crann uaine tioram, agus gu'n d' thug mi air a' chraun thioram a bhli fo bhlàth: mise Iehobhah labhair, agus ni mi e.

# CAIB. XVIII.

1 *An dòigh air am buin Dia ri duine ionraic, 10 ri mac aingidh an duine ionraic, 14 agus ri mac ionraic an duine aingidh, 19 Giùl-ainidh gach neach 'aingidheachd fèin, 21 Gheibh an t-aingidh mailheanas 'n a aingidheachd ma ghabhas e aithreachas.*

**T**HAINIG focal an Tighearn' a m' ionnsuidh a ris, ag ràdh,

2 Cìod a's ciall duibh, gu bheil sibh a' gnàthachadh an t-sean-fhocal so a thaobh dùthcha Israeil, ag ràdh, Dh'ith na h-aithrichean dearcann searbhha, agus tha déisinn air faclaibh na cloinne?

3 Mar is beò mise, tha an Tighearn Dia ag ràdh, cha bhli aobhar agaibh an sean-fhocal so a ghnàthachadh nìs mò ann an Israeil.

4 Feuch is leamsa na h-uile anam; mar is leam anam an athar, is amhluidh is leam anam a' mhic: an t-anam a chiontaicheas gheibh e sin bàs.

5 Ach ma bhitheas duine ionraic, agus gu'n dean e an nì a bhitheas dligheach agus ceart,

6 Mur d'ith e air na sléibhtibh, nì mò 'thog e suas a shùilean ri ìodholaibh tighe Israeil, no 'thruaill e bean a choimhearsnaich, no 'thàinig e dùth do mhnai a chuireadh air leth,

7 Agus mur do shàraich e aon neach, *ach* gu'n d' thug e 'gheall air ais do'n fheumach; mur do chreach e neach air bith le fòirneart, *ach* gu'n d' thug e aran do'n ocrach, agus gu'n do chòmhdaich e 'n lònnochid le eudach;

8 Esan nach d' thug seachad air ocar, nì mò 'ghabh aon riadh, a chum air a h-ais a làmh o euceart, a rinn breitheanas fìor eadar duine agus duine,

9 A ghluais ann am reachdaibh, agus a choimhid mo bhreitheanas, gu fìrinn a chur 'an gnìomh; so an duine ionraic, mairidh esan gu deimhin beò, deir an Tighearn Dia.

10 Ma ghineas e mac a bhitheas 'n a shlaidear, agus 'n a fhear-dòrtaidh fola, a nì samhail aoin nì dhiubh so,

11 Agus nach dean aon de na *dleasdana*is



sin, ach a dh'ith eadnon air na sléibhtibh, agus a thruaill bean a choimhearsnaich,

12 A shàruich an bochd agus am feumach, a chreach le fòirneart, nach d' thug air ais an geall, agus a thog suas a shùilean ri ìodholaibh, a chuir 'an gnìomh gràineil-eachd,

13 A thug seachad air ocar, agus a ghabh riadh: am mair e 'n sin beò? cha mhair e beò: rium e na gràineilcachdan so uile; gheibh e gu cinnteach bàs, bithidh 'fhuil air féin.

14 Agus, feuch, ma ghineas esan mac a chi na h-uile lochdan a rium 'athair, agus gu'n toir e faineas, agus nach dean e an leithid;

15 Nach d'ith air na sléibhtibh, ni mò 'thog e suas a shùilean ri ìodholaibh tighe Israeil, nach do thruaill bean a choimhearsnaich,

16 Nach do shàruich aon neach, nach do ghléidh an geall, ni mò 'chreach le h-ainneart, *ach* a thug 'aran do'n ocrach, agus a chomhdaich an lomnochd le eudach;

17 A thog a làmh o na bochdaibh, nach do ghabh ocar no riadh, a rinn mo bhreith-eanais, a ghluais ann am reachdaibh; cha-n fhaigh esan bàs air son aingidheachd 'athar, mairidh e gu cinnteach beò.

18 'Athair, a chionn gu'n do shàruich e gu h-an-ìochdmhor, gu'n do chreach e a bhràthair le fòirneart, agus gu'n d' rinn e an ni sin nach robh ceart am measg a shluaigh, feuch, bàsaichidh eadhon esan 'n a aingidheachd.

19 Gidheadh tha sibhse ag ràdh, C'ar son? nach 'eil am mac a' giùlan aingidheachd an athar? An uair a rinn am mac an ni sin a tha dligheach agus ceart, a ghléidh e mo reachdan-sa uile, agus a rinn e iad, mairidh e gu cinnteach beò.

20 An t-anam a chiontaicheas, gheibh esan bàs: cha ghiùlain am mac aingidheachd an athar, ni mò 'ghlùlaines an t-athair aingidheachd a' mhic: bithidh fhìreantachd an fhìrean air féin, agus aingidheachd an aingidh air féin.

21 Ach ma philleas an t-aingidh o 'uile aingidheachd a rinn e, agus gu'n coimhid e mo reachdan-sa, agus gu'n dean e an ni sin a tha dligheach agus ceart, mairidh e beò, cha-n fhaigh e bàs.

22 'Uile lochdan a chuir e 'n gnìomh cha bhi iad air an cuimhneachadh dha: 'n a fhìreantachd a chuir e 'n gnìomh mairidh e beò.

23 Am bheil tlachd air bith agam-sa ann am bàs an aingidh? tha an Tighearn Dia ag ràdh: nach ann a *tha mo tlachd* 'n a philleadh o 'shlighe, agus gu'm bitheadh e beò?

24 Ach an uair a philleas am firean air falbh o 'fhìreantachd, agus a chuireas e 'n gnìomh aingidheachd, a' deanamh a réir nan uile ghràineilcachdan a nì an t-aingidh, am mair e beò? air 'uile fhìreantachd a

rinn e cha bhi iomradh: 'n a chionta a chiontaich e, agus 'n a pheacadh a pheacaich e, anna-san gheibh e bàs.

25 Gidheadh tha sibhse ag ràdh, Cha-n'eil slighe an Tighearna cothromach. Fìsidh a mis, O thigh Israeil, nach 'eil mo shlighean-sa cothromach? nach 'eil 'ur shlighean-se neo-chothromach?

26 'N uair a chlaonas am fìrean o 'fhìreantachd, agus a chuireas e 'n gnìomh aingidheachd, agus a bhàsaicheas e imte; air son 'aingidheachd a rinn e gheibh e bàs.

27 A ris, an uair a philleas an t-aingidh air falbh o 'aingidheachda chuir e 'n gnìomh, agus a ni e an ni a tha dligheach agus ceart, gléidhidh e 'anam beò.

28 A chionn gu bheil e 'toirt faineas, agus a' pilleadh o 'uile lochdaibh a chuir e 'n gnìomh, mairidh e gu cinnteach beò, cha-n fhaigh e bàs.

29 Gidheadh tha tigh Israeil ag ràdh, Cha-n'eil slighe an Tighearna cothromach. O thigh Israeil, Nach 'eil mo shlighean-sa cothromach? nach 'eil 'ur shlighean-se neo-chothromach?

30 Uime sin bheir mise breth oirbh, O thigh Israeil, gach aon a réir a shlighe, tha an Tighearn Dia ag ràdh: Gabhaibh aithreachas, agus pillibh o 'ur n-uile chiontaibh; mar sin cha dean aingidheachd 'ur milleadh.

31 Tilgibh uaibh 'ur n-uile chionta leis an do chiontaich sibh, agus deanaibh dhuibh féin cridhe nuadh, agus spiorad nuadh; oir c'ar son a bhàsaicheas sibh, O thigh Israeil?

32 Oir cha-n'eil tlachd agam-sa ann am bàs an ti a bhàsaicheas, tha an Tighearn Dia ag ràdh: uime sin, pillibhse, agus mairibh beò.

## CAIB. XIX.

1 *Tuireadh air son uachdaran Israeil.* 10 *Le cosamhlachd fionain air a suidheachadh ann an fhàsach nochdadh staid aonaranach Ierusalem.*

**O**S bàrr, tog thusa suas tuireadh air son uachdaran Israeil,

2 Agus abair, Ciod i do mhàthair? leòmh-an boirionn: luidh i sìos am measg leòmh-an, dh'altruim i a cuileanan am measg leòmh-an òga.

3 Agus thog i suas aon d'a cuileanaibh: dh'fhàs e 'n a leòmh-an òg, agus dh'fhoghlaim e breth air a' chreich; shluig e daoine.

4 Chuala na cinnich fòs iomradh air, ghlacadh e 'n an slochd, agus thug iad e le slabhruidhibh gu tìr na h-Eiphit.

5 A nis, 'n uair a chumnaic i gu'n d' fhàs i lag, agus gu'n do chaill i a dòchas, an sin ghiab i aon eile d'a cuileanaibh, agus rinn i leòmh-an òg d'heith.

6 Agus dh'imich e sìos agus suas am measg nan leòmh-an, dh'fhàs e 'n a leòmh-an òg, agus dh'fhoghlaim e breth air a' chreich; shluig e daoine.

7 Agus thug e faineas an àrois, agus chuir e fàs an bailtean; agus bha 'n dùthaich fo uamhas, agus an làn a bha innte, le fuaim a bheucaich.

8 An sin chruinnich na cinnich 'n a aghaidh air gach taobh, o na mòr-roinnibh, agus sgaoil iad an liou thairis air: ghlacadh e 'n an slochd.

9 Agus chuir iad e 'n sàs ann an slabh-ruidhean, agus thug iad e gu rìgh Bhabiloin; thug iad e gu dainguichean, a chum nach cluinnteadh tuilleadh a ghuth air sléibh-tibh Israeil.

10 Tha do mhàthair cosmhuil ri fionain, suidhichte ri taobh nan uisgeachan: bha i torrach, agus làn de gheugaibh, a thaobh mhòran uisgeachan.

11 Agus bha slatau làidir aice, air son slatan-riaghlaidh nau uachdaran; agus bha a h-àirde togtas suas am measg nan tiugh-ghèagan, agus chunnacas i 'u a h-àirde féin am measg ìomhoireachd a meanglan.

12 Ach spionadh a uios i ann an corruich, thilgeadh i sìos gu làr, agus thiormaich a ghaoth an ear suas a meas: bhriseadh agus sheargadh a slatan làidir, loisg an teine iad.

13 Agus a nis, tha i air a suidheachadh anns an fhàsach, ann am fearaun tioram tartmhor.

14 Agus tha teine air dol a mach o shlaith d'a geugaibh, a loisg a meas, air chor as nach 'eil slat làidir air bith aice gu bhi 'n a slaith gu riaghladh. Is tuireadh so, agus bithidh e 'n a thuireadh.

### CAIB. XX.

1 *Dhùilt Dia 'bhi air fhiosrachadh le seanairibh Israeil: 4 Dh'aithris e an ceannairc 'n a aghaidh 's an Eiphit, 13 's an fhàsach, 27 agus ann an tìr a' gheallaidh. 33 Bhagair e iad le 'chorruich, 34 ach gheall e an tional as na dùthaich anns an robh iad air an sgapadh.*

**A**GUS tharladh anns an t-seachdamh bliadhna, 's a' chùigeamh mìos, air an deicheadm là d'en mhios, gu'n d'fhàinig cuid àraid de sheanairibh Israeil a dh'fhiosrachadh o'n Tighearn, agus shuidh iad ann am làthair-sa.

2 An sin thàinig focal an Tighearn' a m' ionnsuidh, ag ràdh,

3 A mhic an duine, labhair ri seanairibh Israeil, agus abair riu, Mar so tha an Tighearn Dia ag ràdh, Au d'fhàinig sibh a dh'fhiosrachadh dhìom-sa? mar is beò mise, deir an Tighearn Dia, cha bhi mi air m' fhiosrachadh leibh.

4 An tagair thusa as an leth, a mhic an duine, an tagair thu? thoir orra gu'n aithnich iad gràineileachdan an aithrichean;

5 Agus abair riu, Mar so tha an Tighearn Dia ag ràdh, Anns an là 's an do rònnaich mise Israeil, agus anns an do thog mi suas mo làmh air son sliochd tìghe Iacoib, agus anns an d'rinn mi m' féin aithnichte dhoibh

ann an tìr na h-Eiphit, 'n uair a thog mi suas mo làmh air an son, ag ràdh, Is mi Iehobhabh 'ur Dia:

6 Anns an là 's an do thog mi suas mo làmh air an son, gu'n toirt a mach á tìr na h-Eiphit, a chum fearainn a rannsaich mi mach dhoibh, a' sruthadh le bainne agus le mìl, a's e glòir nan uile fhearann.

7 An sin thubhairt mi riu, Tilgibh uaibh, gach aon neach gràineileachdan a shùl, agus na truaillibh sibh féin le ìodholaibh na h-Eiphit: is mise Iehobhabh 'ur Dia.

8 Ach chathaich iad a'm' aghaidh, agus cha-n èisdeadh iad rium: cha do thilg iad uatha, gach aon gràineileachdan an sùl, ni mò 'thréig iad ìodholan na h-Eiphit: an sin thubhairt mi, Dòirtidh mi mo chorruich orra, a chum gu'n coimhlion mi m' fhearg 'n an aghaidh ann am meadhon tìre na h-Eiphit.

9 Ach dh'òibrich mi air sgàth m' ainme féin, a chum nach truaillteadh e an làthair nan cinneach am measg an robh iad, agus an d' rinn mi mi féin aithnichte dhoibh 'n an sealladh, le 'n toirt a mach á tìr na h-Eiphit.

10 Air an aobhar sin thug mi orra dol a mach á tìr na h-Eiphit, agus thug mi iad a chum an fhàsaich;

11 Agus thug mi dhoibh mo reachdan, agus dh'fhoillsich mi dhoibh mo bhreith-eanaid, iad sin ma choimhlionas duine sam bith, mairidh e beò anna.

12 A thuilleadh air so fòs, thug mi dhoibh mo shàbaidean, gu bhi 'n an comharadh eadar mise agus iadsan, a chum gu'n aithnìcheadh iad gur mi an Tighearn a tha 'g an naomhachadh.

13 Ach rinn tìgh Israeil ceanaire a'm' aghaidh anns an fhàsach: cha do ghluais iad ann am reachdaibh, agus rinn iad tàir air mo bhreitheanaid, nithean ma ni duine, mairidh e beò anna; agus mo shàbaidean thruaill iad gu mòr: an siu thubhairt mi gu'n dòirtinn mo chorruich a mach orra 's an fhàsach, a chum an caitheamh.

14 Ach dh'òibrich mi air sgàth m' ainme féin, a chum nach bitheadh e air a thruaill-eachd am measg nau cinneach, a thug mi iad a mach 'n an sealladh.

15 Ach fòs thog mi suas mo làmh dhoibh auns an fhàsach, nach tugainn iad do'n fhearann a thug mi dhoibh, a' sruthadh le bainne agus le mìl, a's e glòir nan uile fhearann:

16 A chionn gu'n d'rinn iad tàir air mo bhreitheanaid, agus nach do ghluais iad ann am reachdaibh, ach gu'n do thruaill iad mo shàbaidean: oir chaidh an eridhe an déigh an ìodholan.

17 Gidheadh chaomhain mo shùil iad o'n sgrìos, ni mò 'rinn mi crìoch a thoirt orra 's an fhàsach.

18 Ach thubhairt mi r'an cloinn auns an



fhàsach, Na gluaisibhse ann an reachdaibh 'ur n-aithrichean, ni mò ghléidheas sibh am breitheanais, no thruailleas sibh sibh féin le 'n iodholaibh.

19 Is mise an Tighearn 'ur Dia; gluaisibh ann am reachdaibh, agus coimhidibh mo bhrèitheanais, agus deanaibh iad:

20 Agus naomhaichibh mo shàbaidean; agus bithidh iad 'n an comharadh eadar mise agus sibhse, a chum gu'm bi fios agaibh gur mise an Tighearn bhur Dia.

21 Gidheadh, rinn an clann ar-a-mach ann am aghaidh: cha do ghluais iad ann am reachdaibh, ni mò 'choimhid iad mo bhrèitheanais gu'n deanamh, nìthean ma ni duine, mairidh e beò annta; thruaill iad mo shàbaidean: an sin thubhairt mi gu'n dòirtinn a mach mo chorruich orra, chum gu'n coimhlionainn m' fhearg 'n an aghaidh anns an fhàsach.

22 Gidheadh, phill mi air a h-ais mo làmh, agus rinn mi air sgàth m' ainme féin, a chum nach bitheadh e air a thruailleadh ann am fianuis nan cinneach, a thug mi iad a mach 'n an scalladh.

23 Thog mi suas mo làmh dhoibh fòs anns an fhàsach, gu'n sgapainn iad am measg nan cinneach, agus gu'n sgaoilinn iad feadh nan dùthchan;

24 A chionn nach do chuir iad 'an gnìomh mo bhrèitheanais, ach gu'n d'rinn iad tàir air mo reachdaibh, agus gu'n do thruaill iad mo shàbaidean, agus gu'n robh an sùilean an déigh iodholan an aithrichean.

25 Uime sin thug mi dhoibh fòs reachdan nach robh maith, agus breitheanais leis nach bitheadh iad beò.

26 Agus thruaill mi iad 'n an tiodhlacaibh féin, le iad a bhi 'toirt air gach ni a dh'fhosglaas a' bhrù dol troimh an teine, ionnus gu'n deanainn-sa fàs iad, a chum gu'n aithnicheadh iad gur mi an Tighearn.

27 Uime sin, a mhic an duine, labhair ri tigh Israeil, agus abair riu, Mar so tha an Tighearn Dia ag ràdh, Ann an so fòs mhaslaich 'ur n-aithrichean mise, le ciontachadh gu trom a'm' aghaidh.

28 'N uair a thug mi iad do'n fhearann, mu' n do thog mi suas mo làmh gu'n tugainn doibh e, an sin chumnaic iad gach cnoc àrd, agus na croinn thiugha uile, agus dh'ìobair iad an sin an ìobairtean, agus an sin thug iad seachad an tabhartasan fuathach: an sin fòs rinn iad am fàile cùbhraidh, agus dhòirt iad a mach an ìobairtean-dibhe.

29 An sin thubhairt mi riu, Ciod an t-ionad àrd gus am bheil sibh a' dol? agus gearcar Bamah mar ainm air gus an là an diugh.

30 Uime sin, abair ri tigh Israeil, Mar so tha an Tighearn Dia ag ràdh, Am bheil sibh air 'ur truailleadh a réir nòis bhur n-aithrichean? agus am bheil sibh a' cur strìopachais 'an gnìomh a réir an gràncilcachdan-san?

31 Oir an uair a tha sibh a' toirt seachad 'ur tiodhlacan, 'n uair a tha sibh a' toirt air 'ur mic dol troimh an teine, tha sibh 'g'ur truailleadh féin le 'ur n-uile iodholaibh, eadhon gus an là an diugh: agus an toir mise freagradh dhuibh, O thigh Israeil? Mar is beò mi, tha an Tighearn Dia ag ràdh, cha toir mi dhuibh freagradh.

32 Agus an ni sin a tha 'teachd 'n 'ur n-aire cha tachair air chor air bith, ann am bheil sibh ag ràdh, Bithidh sinn mar na cinnich, mar mhuinntir nan dùthchan, ann an seirbhis a thoirt do chran agus do chloich.

33 Mar is beò mise, tha an Tighearn Dia ag ràdh, gu cinnteach le làimh chumhachdaich, agus le gairdean sinte mach, agus le corruich air a dòrtadh a mach, riaghlaidh mise os 'ur ceann:

34 Agus bheir mi mach sibh as na slòigh, agus tionailidh mi sibh as na dùthchan anns am bheil sibh air 'ur sgapadh, le làimh thréin, agus le gairdean sinte mach, agus le corruich air a dòrtadh a mach.

35 Agus bheir mi sibh gu fàsach nam fineachan, agus an sin tagraidh mi ruibh aghaidh ri h-aghaidh.

36 Amhuil a thagair mi ri 'ur n-aithrichean ann am fàsach tire na h-Eiphit, is amhuil a thagras mi ruibhse, deir an Tighearn Dia.

37 Agus bheir mi oirbh imeachd fo 'n t-slait, agus bheir mi sibh fo cheangal a' chùmhnaint.

38 Agus glanaidh mi mach as 'ur measg na ceannaircich, agus an dream a tha 'cìontachadh a'm' aghaidh: bheir mi iad a mach as an dùthaich anns am bheil iad air chuairt, agus cha téid iad a steach do fhearann Israeil; agus aithnichidh sibh gur mise an Tighearn.

39 Air 'ur son-se, O thigh Israeil, mar so tha an Tighearn Dia ag ràdh, Imichibh, deanaibh seirbhis, gach aon duine d'a iodholaibh a nis 'n a dhéigh so, mur éisd sibh riumsa: ach na truaillibh m' ainm naomh-sa nì's mò le 'ur tabhartasaibh agus le 'ur n-iodholaibh.

40 Oir ann am shliabh naomh-sa, ann an sliabh àirde Israeil, tha an Tighearn Dia ag ràdh, ann an sin ni uile thigh Israeil, na bhitheas air thalamh uile dhiubh, seirbhis dhomh-sa: an sin gabhaidh mi riu, agus an sin iarraidh mi 'ur tabhartais, agus ceud thoraidh 'ur n-ìobairtean le 'ur n-uile nithibh naomha.

41 Gabhaidh mi ruibh le 'ur boltrach cùbhraidh an uair a bheir mi mach sibh o na fineachan, agus a thionailcas mi sibh o na dùthchan anns an robh sibh air 'ur sgapadh; agus bithidh mi air mo naomhachadh annaibh ann am fianuis nan cinneach.

42 Agus aithnichidh sibh gur mise an Tighearn, 'n uair a bheir mi sibh gu fearann Israeil, gus an dùthaich mu'n do thog

mi suas mo làmh gu'n tugainn i do 'ur n-aithrichibh.

43 Agus ann an sin cuimhnichidh sibh 'ur slighe, agus 'ur n-uile dheanadais, anns an robh sibh air 'ur truailleadh; agus bithidh sibh gràineil ann 'ur sealladh fèin air son 'ur n-uile lochdan a rinn sibh.

44 Agus aithnichidh sibh gur mise an Tighearn, 'n uair a dh'oirbrieas mi leibh air son m' ainme fèin, cha-n anu a réir 'ur droch shlighe, no a réir 'ur deanadais aingidh, O thigh Israeil, deir an Tighearn Dia.

45 Os bàrr thàinig focal an Tighearn a m' ionnsuidh, ag ràdh,

46 A mhic an duine, cuir d' aghaidh ris an àirde deas, agus leig sìleadh *de d' fhocal* ri deas, agus dean faistneachd an aghaidh fridhe na macharach mu dheas;

47 Agus abair ri fridh na h-àirde deas, Eisd focal an Tighearna; Mar so tha an Tighearn Dia ag ràdh, Feuch, fadaidh mise teine annad, agus loisgidh e gach uile chrann uaine annad, agus gach uile chrann seargta; cha mhùchar an teine lasarach, agus loisgear ann na h-uile aghaidh o dheas gu ruige tuath.

48 Agus chi na h-uile fheoil gur mise an Tighearn a las e: cha bhi e air a mhùchadh.

49 An sin thubhairt mise, Ah! a Thighearna Dhia, tha iad ag ràdh do m' thaobhsa, Nach 'eil e 'labhairt chosamhlachd dorchas?

# CAIB. XXI.

1 *Fàistneachd an aghaidh fearainn Israeil.*  
18 *Stiùireadh claidheamh rìgh Bhabiloìn an aghaidh Ierusalem.* 28 *Lèir-sgrìos nan Amonach.*

**A**GUS thàinig focal an Tighearn a m' ionnsuidh, ag ràdh,

2 A mhic an duine, cuir d' aghaidh ri Ierusalem, agus leig sìleadh *de d' fhocal* ris na h-ionadaibh naomha, agus dean faistneachd an aghaidh fearainn Israeil,

3 Agus abair ri fearann Israeil, Mar so tha an Tighearn ag ràdh, Feuch, tha mise ann ad aghaidh, agus tairngidh mi mach mo chlaidheamh as a thruaill, agus buinidh mi mach asad am firean agus an t-aingidh.

4 A chionn gu'n gearr mi as uait am firean agus an t-aingidh, uime sin theid mo chlaidheamh a mach as a thruaill an aghaidh gach uile fheòla, o dheas gu tuath:

5 A chum gu'n aithnich gach uile fheoil gu'n dotharruing mise Iehobhah mo chlaidheamh a mach as a thruaill; cha phill e air ais ni's mò.

6 Dean acain uime sin, a mhic an duine, a dhochainneas do leasraidh; agus le searbhbas dean osnaich fa chomhair an sùl.

7 Agus tarlaidh, 'n uair a their iad riut, C'ar son a tha thu 'g osnaich? gu'm freagar thusa, Air son an sgeoil, a chionn gu bheil e 'teachid: agus leaghadh gach aon chridhe, agus bithidh na làmhnan uile lag,

agus gach aon spiorad fann, agus na glùincan uile annhunn mar uisge: feuch tha e 'teachid, agus bheirear e gu crìch, deir an Tighearn Dia.

8 A ris thàinig focal an Tighearn a m' ionnsuidh, ag ràdh,

9 A mhic an duine, dean faistneachd, agus abair, Mar so tha an Tighearn ag ràdh, Abair, Tha claidheamh, tha claidheamh air a gheurachadh, agus fòs air a lìomhadh.

10 Tha e air a gheurachadh a dheanamh àir ghoirt; tha e air a lìomhadh a chum gu'n dealradh e; a chum gu'n tilgeadh e sìos slat rìoghail mo mhic, gun chrann air bith a chaomhnadh.

11 Agus thug e gu bhi air a lìomhadh e, chum gu'm bitheadh e air a ghlacadh: tha an claidheamh air a gheurachadh, agus tha e air a lìomhadh, gu 'thoirt do làmh a' mharbhaiche.

12 Eighe agus dean nuallan, a mhic an duine, oir bithidh e air mo shluagh-sa, air uile mhòr-uaislibh Israeil: bithidh uamhasan, do thaobh a' chlaidheimh, air mo shluagh: buail, uime sin, air do léis.

13 Oir tha e dearbhata; agus an t-slat rìoghail an uair nach caomhain e i, cha bhi ann ni's mò, deir an Tighearn Dia.

14 Dean thusa, uime sin, a mhic an duine, faistneachd, agus buail do làmhnan air a chéile, agus bitheadh an claidheamh an treas uair air a dhùblachadh, claidheamh nan daoine marbhata, claidheamh a' ghaishgich a mharbhadh, a theid a steach d' an seòmraichibh uaigneach.

15 Chuir mi roinn a' chlaidheimh an aghaidh an geatachan uile, a chum gu meathadh an cridhe, agus gu meudaichear am mill-eadh: ah! rinneadh loimreach e, gheuraicheadh air son an àir e.

16 Imich thusa taobh no taobh éigin, air do làmh dheis, no air do làmh chlì, ciod air bith taobh a tha d' aghaidh.

17 Buailidh mise fòs mo làmhnan air a chéile, agus bheir mi air mo chorruich gu'n gabh i fois: mise Iehobhah thubhairt e.

18 Thàinig focal an Tighearn a m' ionnsuidh a ris, ag ràdh,

19 Mar an ceudna, a mhic an duine, sònraich dà shlighe dhuit fèin, a chum gu'n tigeadh claidheamh rìgh Bhabiloìn: thig araon an dithis a mach as an aon tìr; agus tagh thusa àite, tagh e aig ceann na slighe chum a' bhaile.

20 Sònraich slighe, chum gu'n tigeadh an claidheamh gu Rabat nan Amonach, agus gu Iudah ann an Ierusalem, a' chaitheir dhaingnichte.

21 Oir sheas rìgh Bhabiloìn aig dealachadh na slighe, aig ceann an dà shlighe, a dheanamh fiosachd: homh e a shaighdean; chuir e a chomhairle ri dealbhan, sheall e anns an sgamhan.

22 Aig a làmh dheis bha'n fhàistneachd



air son Ierusalem, a dh'orduchadh cheanna-feadhna, a dh'fhosgladh a' bheoil anns an àr, a thogail suas a' ghutha le h-iolaich, a dh'orduchadh reitheachan-cogaidh an aghaidh nan geatachan, a thilgadh suas tòrr, a thogail daingnich.

23 Agus bithidh e dhoibhsan mar neach ri fàistneachd bhréige 'n an sealladh, dhoibhsan a thug mionnan: ach gairmidh e gu cuimhne an aingidheachd, a chum gu'm bi iad air an glacadh.

24 Air an aobhar sin mar so tha an Tighearn Dia ag ràdh, a chionn gu'n d'thug sibh air 'ur n-aingidheachd a bhi air a cuimhneachadh, le 'ur n-eusaontas a bhi air a leigeadh ris, air chor agus gu bheil 'ur lochdan follaiseach 'n 'ur n-uile dheanadas: a chionn gu bheil sibh air 'ur toirt gu cuimhne glacar 'an làimh sibh.

25 Agus thusa, a phrionnsa mhi-dhiadhaidh, aingidh Israeil, aig am bheil do là air teachd, anns am bi crìoch air aingidheachd.

26 Mar so tha an Tighearn Dia ag ràdh, Atharraich an coron rioghail, agus thoir dhìot an crùn: cha-n e an aon ceudna 'bhitheas ann: àrdaich an t-ìosal, agus islich an t-àrd.

27 Tigidh mi c bun os ceann, bun os ceann, bun os ceann, agus cha bhi e ann, gus an tig esan aig am bheil còir air, agus dhàsan bheir mi c.

28 Agus thusa, a mhic an duine, dean fàistneachd, agus abair, Mar so tha an Tighearn Dia ag ràdh a thaobh nan Amonach, agus a thaobh am maslaidh: eadhon abair thusa, Tha an claidheamh tàirngte: air son an àir tha e lìomhta; air son sgrios tha e mar dhealanach.

29 (Am feadh a tha thu 'faicinn dhuit féin dìomhanais, am feadh a tha thu 'fàistneachd dhuit féin bréige,) a chum do thoirt air mhuinealaibh na muinntir a leònadh, nan aingidh aig am bheil an là air teachd, anns am bi crìoch aig an euceart.

30 An toir mi air pillcadh air ais g' a thruaill? Anns an àite 's an do chruthaich-eadh thu, ann am fearann do dhùthchais, bheir mise breth ort.

31 Agus dòrtidh mi mach ort mo dhian chorruich; séididh mi ort ann an teine m' fheirge, agus bheir mi thairis thu do làimh dhaoine brùideil, cleachdta ri milleadh.

32 Bithidh tu mar chonnadh do'n teine: bithidh d'fhuil ann am meadhon an fhearainn; cha bhi thu nì's mò air chuimhne: oir mise Iehobhah labhair e.

### CAIB. XXII.

1 Gràineileachdan Ierusalem. 17 Loisgidh Dia clann Israeil mar shal 'am meadhon na fuirneis. 23 Thruaillidheachd gach uile shluagh, air son an do dhòirteadh dian chorruich Dhé orra.

**O**S bàrr thàinig focal an Tighearn' a m'ionnsuidh, ag ràdh,

2 A nis, a mhic an duine, an tagair thu, an tagair thu à leth na caithreach fhuileach-daich? seadh, feuchaidh tu dhi a h-uile ghràineileachdan.

3 An sin abair thusa, mar so tha an Tighearn Dia ag ràdh, Tha a' chaithir a' dòrtadh fola 'n a meadhon, a chum gu'n tigeadh a h-àm, agus a' deanamh ìodholan 'n a h-aghaidh féin, gu i féin a thruaillleadh.

4 Tha thu air fas ciontach ann ad fhuil a dhòirt thu, agus thruaill thu thu féin ann ad ìodholaibh a rinn thu; agus thug thu air do làithean teachd dlùth, agus thàinig thu chum do bhliadhnachan; uime sin rinn mise dhìot masladh do na cinnich, agus ball-magaidd do na h-uile dhùthchaibh.

5 Iadsan a tha dlùth, agus iadsan a tha fada uait, ni iad fanoid ortsa 'tha mi-chlùit-each, a tha ri mòran sàruchaidh.

6 Feuch tha uachdarain Israeil annad, gach aon a réir a chumhachd a dhòrtadh fola.

7 Annadsa rinn iad dìmeas air athair agus màthair: ann ad mheadhon bhuin iad le h-ainneart ris a' choigreach: annadsa shàruich iad an dilleachdan agus a' bhant-rach.

8 Rinn thu tàir air mo nithibh naomha-sa, agus thruaill thu mo shàbaidean.

9 Annadsa tha luchd aithris sgeoil a dhòrtadh fola: agus annad tha iad ag itheadh air na sléibhtibh: ann ad mheadhon tha iad a' cur 'an gnìomh neòghloine.

10 Annadsa leig iad ris lomnochduidh an athar; dh'islich iad annad isc a chuireadh a thaoibh air son neòghloine.

11 Agus rinn aon gràineileachd le mnaoi a choimhearsnaich; agus thruaill aon eile gu gràineil nighean a mhnà; agus dh'islich neach eile annad a phiuthar, nighean 'athar.

12 Annadsa ghabh iad duais gu fuil a dhòrtadh: ghabh thu ocar agus riadh, agus bhuannaich thugusanntach o d' choimhearsnaich le h-ana-cothrom, agus dhì-chuimh-nich thu mise, deir an Tighearn Dia.

13 Feuch uime sin bhuail mise mo làmh air do bhuannachd neo-ionraic a rinn thu, agus air d'fhuil, a bha ann ad mheadhon.

14 An urrainn do chridhe fulang, no'n urrainn do làmh an bhi làidir anns na làithibh anns am buin mise riut? Mise Iehobhah labhair, agus ni mi.

15 Agus sgapaidh mi thu measg nan cinn-each, agus sgànraidh mi thu measg nan dùthchan, agus caithidh mi do neòghloine asad.

16 Agus bithidh tu air do thruaillleadh ann an sealladh nan cinneach, agus aith-nichidh tu gur mise an Tighearn.

17 Agus thàinig focal an Tighearn' a m' ionnsuidh, ag ràdh,

18 A mhic an duine, tha tigh Israeil air fas dhomhsa mar shal; tha iad uile 'n an umha, agus 'n an stàn, agus 'n an iarunn,

agus 'n au luaith, ann am meadhon na fùirneis; cha-n'eil annta ach sal airgid.

19 Air an aobhar sin, mar so tha an Tighearn Dia ag ràdh, A chionn gu'n d'fhàs sibh uile 'n 'ur sal, feuch, uime sin, cruinnichidh mise sibh gu meadhon Ierusalem.

20 Mar a chruinnicheas iad airgid, agus umha, agus iarrunn, agus luaith, agus stàn gu meadhon na fùirneis, a chum au teine a shéideadh air, gus a leaghadh; is amhuil a chruinnicheas mise sibhse ann am chorruih, agus ann am fheirg, agus fàgaidh mi sibh an sin, agus leaghaidh mi sibh.

21 Seadh, cruinnichidh mi sibh, agus séididh mi oirbh auu an teine mo chorruih, agus bithidh sibh air 'ur leaghadh 'n a mheadhon.

22 Mar a leaghar airgid ann am meadhon na fùirneis, is ambluidh a leaghar sibhse 'n a mheadhon-sin; agus aithnichidh sibh gu'n do dhòirt mise Iehobhab mach mo chorruih oirbh.

23 Agus thàinig focal an Tighearn 'a m' ionnsuidh, ag ràdh,

24 A mhic an duine, abair ris an fhearann, Is tusa anu fearann nach 'eil air d' uisgeachadh, air nach do thuit frasachd ann an là na dian fheirge.

25 Tha co-bhoim fhàidhean 'n a mheadhon; mar leòmhann beucach, 'an tòir air a' chreich: shluig iad anaman: ghlac iad an t-ionmhas agus na nithean luachmhor: rinn iad a bhantraichean lionmhor 'u a mheadhon.

26 Bhriis a shagartan mo reachd, agus mhi-naomhaich iad mo nithean naomha: cha do chuir iad dealachadh sam bith eadar an naomh agus am mi-naomh, ni mò dh'fheuch iad ciod a tha neòghlan, agus ciod glan: agus dh'fholuich iad an sùilean o m' shàbaidean, agus tha mi air mo mhi-naomhachadh 'n am measg.

27 Tha 'uachdaran 'n a mheadhon mar mhadraibh-alluidh, ciocrach a chum creiche, a dhòrtadh fola, a sgrios auaman, a dh'fhaotainn buannachd neo-ionraic.

28 Agus chòmhdaich 'fhàidhean iad le criadh guu oibreachadh, a' faicinu dìomhanais, agus a' fàistneachd bhreug dhoibh, ag ràdh, Mar so tha an Tighearn Dia ag ràdh, 'n uair nach do labhair an Tighearn.

29 Ghnàthaich sluagh an fhearainn ainneart, agus chuir iad an gnìomh reubainn, agus shàruich iad am bochd agus am feumach: seadh, rinu iad fòirneart air a' choigreach gu h-eucorach.

30 Agus dh'iarr mise air son duine 'n am measg a dheanadh suas a' challaid, agus a sheasadh anns a' bhriseadh fa m' chomhair air son an fhearainn, a chum nach sgrios-ainn e; ach cha d'fhuair mi aon neach.

31 Uime sin dhòirt mi mach orra mo dhian chorruih; chaith mi iad le teine m' fheirge: an slighe féin dhòil mi air an cinn, deir an Tighearn Dia.

CAIB. XXIII.

1 Strìopachas Aholah agus Aholibah. 22 Smachdaichidh an luchd-gaoil iad. 36 Thugadh aelmhlasan dhoibh air son an strìopachais, 45 agus dh'fhoillsicheadh na breitheanais a bha gu teuchd orra.

**T**HAINIG focal an Tighearn 'a m' ionnsuidh a ris, ag ràdh,

2 A mhic an duine, bha dithis bhan ann, nigheanan na h-ainn mhàthar;

3 Agus rinu iad strìopachas anns an Eiphit, rinn iad strìopachas 'n an òige; an sin bha an uchd air a bhruthadh, agus an sin bhruthadh cìochan am maighdeanais.

4 Agus b' iad an ainmean, Aholah ise 'bu shiue, agus Aholibah a piuthar: agus bu leamsa iad, agus rug iad uic agus nigheanan: mar so an ainmean; is i Aholah Samaria, agus is i Aholibah Ierusalem.

5 Agus rinn Aholah strìopachas an uair bu leamsa i; agus bha i 'n deigh air a leannain, air na h-Asirianaich, a coimhearsnaich.

6 Sgèudaichte le gorm, 'n an cinn-fheadhna, agus 'n an luchd-riaghlaidh, iad uile 'n an òganaich àillidh, marc-shluagh, a' marcachd air eachaibh.

7 Mar so rinn i strìopachas leo, leis a mheud as a bha dh'fhearaibh taghta 'n Asiria, agus leis na h-uile air an robh a cion; le 'n òdholaibh uile shalaich si i féin.

8 Ni mò a sguir i d' a strìopachas leis an Eiphit: oir 'n a h-òige luidh iad leatha, agus bhruth iad cìochan a maighdeanais, agus dhòirt iad oirre an strìopachas.

9 Air an aobhar sin thug mise thairis i do làimh a leannan, do làimh nan Asirianach air an robh a cion.

10 Leig iad so ris a lomnochduidh; ghabh iad a mic agus a nigheanan, agus mharbh iad i leis a' chhlaidheamh: agus dh'fhàs i ionraiteach am measg bhan, oir thug iad breitheanas oirre.

11 Agus an uair a chunnaic a piuthar Aholibah so, bha i ni bu truaillidh 'n a gràdh neo-uheasarra na ise; agus 'n a strìopachas ni bu mhò na a piuthar 'n a strìopachas.

12 Bha a cion air na h-Asirianaich a coimhearsnaich, cinn-fheadhna, agus luchd-riaghlaidh, sgèudaichte gu ro sgiamhach, marc-shluagh, a' uaracadh air eachaibh, iad uile 'n an òganaich àillidh.

13 An sin chunnaic mi gu'n robh i air a truaillleadh, gu'm b' ionann slighe dhoibh araon;

14 Ach gu'n deachaidh ise ni b' fhaide 'n a strìopachas: oir an uair a chunnaic i daoine air an dealbh air a' bhalla, òmhaighean nan Caldeach, air an tarruing le coreur,

15 Crìoslaichte le crìosaibh air an leasraibh, sgèudaichte le ceann-èididh daithie air an cinn, iad uile mar chinn-fheadhna ri 'm faicinn, cosmhuil ri mic Bhabiloin, a dh'araich tìr Chaldéa.

16 Agus co luath as a chunnaic i iad le a



sùilibh, ghabh i cion orra, agus chuir i teachdairean d'an ionnsuidh, gu Caldéa.

17 Agus thàinig na Babilonaich d'a h-ionnsuidh gus an leabadh-ghaoil, agus thruaill iad i le'n strìopachas: ach an dèigh 'bhi air a thruailleadh leo, bha a h-inntinu air a claonadh air falbh uatha.

18 Mar sin leig i ris a strìopachas, agus leig i ris a lomnochduidh; an sin phill m' inntinn-sa uaipe, amhuil a phill m' inntinn o a piuthair.

19 Gidheadh mheudaich i a strìopachais, le làithean a h-òige 'ghairm gu cuimhne, anns an d' rinn i strìopachais ann an tìr na h-Eiphit.

20 Oir mhiannaich i a cò-chéilidhean, aig am bheil am feoil mar fheoil asal agus an stol mar shìol each.

21 Mar so ghairm thu gu cuimhne neòghloine d' òige, ann am bruthadh do bhrollaich leis na h-Eiphitich, ann am bruthadh cìochan d' òige.

22 Air an aobhar sin, O Aholibah, mar so tha an Tighearn Dia ag ràdh, Feuch, dhùsgidh mise suas do leannaiu ann ad aghaidh, o 'm bheil d' inntinn air claonadh, agus bheir mi iad ann ad aghaidh air gach taobh;

23 Na Babilonaich, agus na Caldéich uile, Pecod agus Soa, agus Coa, na h-Asirianaich uile maille ri: iad uile 'n an daoine àillidh, cinn-fheadhna, agus luchd-riaghlaidh, tigh-earnan mòra agus ìomraiteach, iad uile a' marcachd air eachaibh.

24 Agus thig iad ann ad aghaidh le carbad-aibh, le cairtean, agus le rothan, agus le coimhthional sluagh, a chuireas ann ad aghaidh targaid, agus sgiath, agus clogaid, air gach aon taobh: agus cuiridh mise breitheanas fa'n comhair, agus bheir iad breth ort a réir am breitheanais.

25 Agus cuiridh mise m' eud a'd' aghaidh, agus buinidh iad gu ro ghar riut: bheir iad air falbh do shròn, agus do chluasan, agus tuitidh d' fhuigheall leis a' chlaidheamb: bheir iad leo do mhic, agus do nigheanan, agus loisgear na dh'fhàgar dhìot anns an teiue.

26 Bheir iad dhìot mar an ceudna d' eudach, agus bheir iad air falbh do sheudan maiscach.

27 Mar so bheir mise air do neòghloine sgar annad, agus air do strìopachas le tìr na h-Eiphit: air chòr as nach tog thu suas do shùilean riu, agus nach cuimhnich thu an Eiphit nì's mò.

28 Oir mar so tha au Tighearn Dia ag ràdh, Feuch, bheir mise thairis thu do làimh na muinntir leis an fuathach thu, do làimh na muinntir o'm bheil do chridhe air claonadh.

29 Agus buinidh iad riut gu fuathach, agus bheir iad air falbh d' uile shaothair, agus fagaidh iad thu lom agus rùisgte; agus bithidh lomnochduidh do strìopachais air a

leigeadh ris, araon do ghràineileachd agus do strìopachas.

30 Ni mise na nithean so riut, a chionn gu'n deachaidh tu le strìopachas an dèigh nan cinneach, a chionn gu bheil thu air do thruailleadh le'n ìodholaibh.

31 Ghluais thu ann an slighe do pheathar, uime sin bheir mise a cupan-sa ann ad làimh.

32 Mar so tha an Tighearn Dia ag ràdh, Olaidh tu de chupan do pheathar, domhain agus farsuinn; nithear gàire fanoid riut, agus bithidh tu a'd' bhall-magaidh; is mòr na bheil ann.

33 Lionar thu le misg agus le doilghios, le cupan uamhas agus léir-sgrìos, le cupan do pheathar Shamaria.

34 Ni thu fòs 'ol agus a shùghadh as, agus brisidh tu a bhloighdean, agus spionaidh tu do chòchan fèin asad: oir mise labhair e, deir an Tighearn Dia.

35 Uime sin mar so tha an Tighearn Dia ag ràdh, A chionn gu'n do dhi-chuimhnich thu mise, agus gu'n do thilg thu mi air do chùlaobh, air an aobharsin, giùlain thusa fòs do ghràineileachd agus do strìopachais.

36 Thubhairt an Tighearn rium os bàrr, A mhic an duine, an toir thu breth air Aholah, agus air Aholibah? seadh, foillsich dhoibh an gràineileachdan;

37 Gu'n do chuir iad 'an gnìomh adhaltranas, agus gu bheil fuil 'n an làmhnan, agus le 'n ìodholaibh gu'n d'rinn iad adhaltranas, agus gu d'thug iad fòs air am mic, a rug iad dhomhsa, siubhal air au son-san troimh an teine g' an losgadh.

38 Os bàrr rinn iad so riumsa; thruaill iad m' ionad naomh air an là sin féin, agus mhi-naomhaich iad mo shàbaidean.

39 Oir an uair a mharbh iad an clann d' an ìodholaibh, an sin thàinig iad air an là sin féin do m' ionad naomh-sa, 'g a thruailleadh; agus, feuch, mar so rinu iad ann am meadhon mo thighe.

40 Agus a thuilleadh air so, gu'n do chuir iad fios air daoine gu teachd o chéin, chum an do chuireadh teachdair; agus, feuch, thàinig iad, air son an d'rinn thu thu féin a nigheadh, do shùilean a dhath, agus thu féin a sgèudachadh le seudaibh.

41 Agus shuidh thu air leabaidh urram-aich, agus bord ulluichte f'a comhair, air an do chuir thu mo bholtrach-sa, agus u'oladh.

42 Agus bha guth na muinntir a bha aig saaimhneas maille riu, agus mòr chuid-eachd nam fear o Shaba, o'n fhàsach, a chuir làmh-fhailean air an làmhnan, agus coroin mhaiseach air an cinn.

43 Au sin thubhairt miso rithe-sa 'bha sean ann an adhaltranas, An dean iad anis strìopachas leatha, agus ise *leo-san*?

44 Gidheadh chaidh iad a steach d'a h-ionnsuidh, mar a théid iad a steach gu

striopaich: mar sin chaidh iad a steach gu Aholah agus gu Aholibah, na mnathan neoghlan.

45 Agus bheir na daoine cothromach breth orra, a réir breith bhan adhaltranach, agus a réir breith bhan a dhòirteas fuil; a chionn gur ban-adhaltranaich iad, agus gu bheil fuil 'n a lánhan.

46 Oir mar so tha an Tighearn Dia ag ràdh, Bheir mise nìos cuideachd orra, agus bheir mi iad gu bhli air an atharrachadh, agus air an creachadh.

47 Agus clachaidh a' chuideachd iad le clachaidh, agus gearraidh iad sìos iad le 'n claidhibh; marbhaidh iad am mic agus an nigheanan, agus loisgidh iad an tighean le teine.

48 Mar so cuiridh mise cosg air gràineil-cachd anns an fhearann, a chum gu'm foghlum na h-uile mhnathan gun deanamh a réir 'ur gràineileachd-sa.

49 Agus dìolaidh iad ruibh 'ur gràineil-eachd, agus giùlainidh sibh lochdan 'ur n-iodholan, agus aithnichidh sibh gur mise an Tighearn Dia.

# CAIB. XXIV.

1 *Le cosamlachd coire air ghoil nochdadh téir-sgrìos Ierusalem. 15 Thoirmisgeadh do Eseciel bròn a dheanamh air son bàis a mhnà, 19 chum gu'n cuireadh e 'an cèill do na h-Iudhaich gu'n tig trioblaidhean orra a thèid os ceann bròin.*

**A**RIS, anns an naothamh bliadhna, anns an deicheamh mìos, air an deicheamh là de'n mhìos, thàinig focal an Tighearn 'a m' ionnsuidh, ag ràdh,

2 A mhic an duine, sgrìobh dhuit ainm an là, a' cheart là so: chuir rìgh Bhabiloìn e féinan aghaidh Ierusalem air a' cheart là so.

3 Agus labhair cosamlachd ris an tigh cheannairceach, agus abair ris, Mar so tha an Tighearn Dia ag ràdh, Cuir air coire; cuir air e, agus fòs dòirt ann uisge:

4 Cruinnich a mhìrean ann, gach aon mhìr maith, an t-sliasaid agus an sliincan; lìon e le roghadh nan cnàmhan.

5 Gabh roghadh an treud, agus loisg fòs na cnàmhan foidhe, thoir goil bhras air, agus bitheadh a chnàmhan air am bruich ann.

6 Uime sin, mar so tha an Tighearn Dia ag ràdh, Is an-aobhain do'n chaithir fhuiltich, do'n choire aig am bheil a shal ann, agus o nach deachaidh a shal a mach uaithe; thoir a mach e, mìr air mhìr, na tuiteadh crannchur air bith air.

7 Oir tha a fuil 'n a meadhon, chuir i air mullach creige i, cha do dhòirt i air an talamh i, chum a folach le duslach:

8 A chum gu'n tugadh i air feirg teachd a nìos a dheanamh dìoghaltais: chuir mise a fuil air mullach creige, chum nach bith-eadh i air a folach.

9 Air an aobhar sin, Mar so tha an Tigh-

earn Dia ag ràdh, Is an-aobhain do'n chaithir fhuiltich; nì mise fòs a' chruach-ùine mòr.

10 Carnaibh connadh, fadaibh an teine, caithibh an fheoil, cuiribh oirre spìosraidh gu leòr, agus loisgear na cnàmhan.

11 An sin cuir falamh e air 'éibhlibh, a chum gu'n teasaich a' phràis, agus gu'n loisg i, agus gu'm bi a salchar air a leaghadh innte, air chor as gu'm bi a sal air a chaith-eamh.

12 Lean a sal rithe gu teann, agus cha dè dhealaich e rithe; tha a salchar mòr, tha a salchar breun.

13 Ann ad shalchar tha neoighloine, do bhrìgh gu'n do ghlan mi thu, agus nach robh thu glan; cha bhì thu air do ghlanadh o d' thruaillidheachd nìs mò, gus an toit mise air mo chorroich gu'n gabh i tàmh ort.

14 Mise Iehobhah labhair, thig e gu crìch, agus coimlonaiddh mise e, cha téid mi air m'ais, nì mò chaomhaineas mi, no ghabhas mi aithreachas; a réir do shlighe, agus a réir do dheanadais bheir iad breth ort, deir an Tighearn Dia.

15 Mar an ceudna thàinig focal an Tighearn 'a m' ionnsuidh, ag ràdh,

16 A mhic an duine, feuch, bheiream-sa air falbh uait miann do shùl le buille: gidh-eadh cha dean thu bròn no gul, nì mò shìleas do dheòir.

17 Leig dhìot glaothaich, na dean caoidh air son nam marbh, ceangail culaidd do chinn ort, agus cuir do bhrògan air de chosaibh, agus na foluich do ghnùis, agus na h-ith aran luchd-bròin.

18 Mar sin labhair mi ris na daoineibh anns a' mhaduinn, agus dh'eug mo bhean mu am-moch: agus rinn mi 's a' mhaduinn mar dh'àithneadh dhomh.

19 Agus thubhairt an sluagh rium, Nach innis thu dhuinn ciod ar gnothuch-ne ris na nithibh so a tha thu 'deanamh?

20 An sin fhreagair mi iad, Thàinig focal an Tighearn 'a m' ionnsuidh, ag ràdh,

21 Labhair ri tigh Israeil, Mar so tha an Tighearn Dia ag ràdh, Feuch, truaillidh mise m' ionad naomh, òirdheirceas 'ur treise, miann 'ur sùl, agus an nì a 's caomh le 'ur n-anam: agus 'ur mic agus 'ur nigheanan a dh'fhàgadh, tuitidh iad leis a' chlaideamh.

22 Agus nì sibh mar a rinn mise: cha-n fholuich sibh 'ur n-aghaidh, agus cha-n ith sibh aran luchd-bròin.

23 Agus bithidh 'ur n-èididh air 'ur cinn, agus 'ur brògan air 'ur cosaibh: cha dean sibh bròn no gul, ach scargaidh sibh as air son 'ur n-euceartan, agus nì sibh bròn, gach aon r'a chéile.

24 Mar so tha Eseciel dhuibh 'n a chomh-aradh: a réir gach nì a rinn esan, nì sibhse: agus an uair a thig so, aithnichidh sibh gur mise an Tighearn Dia.



25 Mar an ceudna, a mhic an duine, nach *tachair* e anns an là 's am buin mise uatha an neart, aoibhneas an glòire, miann an sùl, agus an nì sin air an suidhich iad an inntinn, am mic, agus an nigheanan;

26 Gu'n tig esan a thèid as air an là sin do d' ionnsuidh, a thoirt ort a chluinntinn le d' chluasaibh?

27 Anns an là sin fosgailear do bheil do'n tì thèid as, agus labhraidh tu, agus cha bhi thu nì's mò balbh, agus bithidh tu dhoibh mar chomharadh, agus aithnichidh iad gur mise an Tighearn.

### CAIB. XXV.

1 *Nìthear dìoghaltas air na h-Amonaich, 8 air Moab agus air Seir, &c. air son an naimh-deas a nochd iad do na h-Iudhaich.*

**T**HAINIG focal an Tighearn' a rìs a m' ionnsuidh, ag ràdh,

2 A mhic an duine, cuir do ghnùis an aghaidh nan Amonach, agus dean fàistneachd 'n an aghaidh;

3 Agus abair ris na h-Amonaich, Cluinnibh focal an Tighearna Dia, Mar so tha an Tighearn ag ràdh, a chionn gu'n d' thubhairt thu, Aha, an aghaidh m' ionaid naomh, 'n uair a thruaillleadh e, agus an aghaidh fearainn Israeil, an uair a bha e fàs, agus an aghaidh tighe Iudah, an uair a dh'fhalbh iad ann am bairghdeanas;

4 Feuch, uime sin, bheir mise thairis thu do mhuinntir na h-àirdo 'n ear mar sheilbh, agus suidhichidh iad annad an àrois, agus nì iad an àite-còmhnuidh annad: ithidh iad do mheas, agus òlaidh iad do bhainne.

5 Agus nì mi Rabah 'n a crò air son chàmhail, agus clann Amoin 'n a àite-luidhe do threudaibh: agus aithnichidh sibh gur mise an Tighearn.

6 Oir mar so tha an Tighearn Dia ag ràdh, A chionn gu'n do bhuail thu do làmhnan, agus gu'n do bhreab thu le do chosaibh, agus gu'n d' rinn thu gàirdeachas ann ad chridhe, le d' uile tharcuis an aghaidh fearainn Israeil;

7 Feuch, uime sin, sìnidh mise mach mo làmh ort, agus bheir mi seachad thu mar chreigh do na cinnich, agus gearraidh mi as thu o na slòigh, agus caithidh mi thu a mach as na dùthchaibh: sgriosaidh mi thu, agus aithnichidh tu gur mi an Tighearn.

8 Mar so tha an Tighearn Dia ag ràdh, A chionn gu bheil Moab agus Seir ag ràdh, Feuch, tha tigh Iudah cosmhuil ris na h-uile cinnich;

9 Air an aobhar sin, feuch, fosglaidh mise taobh Mhoab, a leigeadh ris nam bailtean a tha air 'iomall, maisc na dùthcha, Betiesimot, Baal-meon, agus Ciriataim.

10 Do fhearaibh na h-àirdo 'n ear, maille ri cloinn Amoin, agus bheir mi iad mar sheilbh, a chum nach bi cuimhne air cloinn Amoin am measg nan cinncach.

11 Agus bheir mi breitheanas air Moab, agus aithnichidh iad gur mi an Tighearn.

12 Mar so tha an Tighearn Dia ag ràdh, A chionn gu'n do ghnàthaich Edom dìoghaltas trom an aghaidh Iudah, agus gu'n d'thug e oibheum mòr anns an dìoghaltas a rinn e orra:

13 Uime sin, mar so tha an Tighearn Dia ag ràdh, Sìnidh mise fòs a mach mo làmh air Edom, agus gearraidh mi as duine agus ainmhidh uaithe, agus nì mi fàs e o Them-an, agus tuitidh muinntir Dhedain leis a' chlaidheamh.

14 Agus leagaidh mi mo dhìoghaltas air Edom le làmh mo shluaigh Israeil, agus nì iad ann an Edom a réir mo chorruich, agus a réir mo dhian-fheirge; agus bithidh fios mo dhìoghaltas aca, deir an Tighearn Dia.

15 Mar so tha an Tighearn Dia ag ràdh, A chionn gu'n do bhuin na Philistich gu dìoghaltach, agus gu'n d' rinn iad dìoghaltas le cridhe aingidh gu milleadh, air son an t-sean nàimhdeis;

16 Uime sin, mar so tha an Tighearn Dia ag ràdh, Feuch, sìnidh mise mach mo làmh air na Philistich, agus gearraidh mi as na Ceretich, agus millidh mi fuigheall slìos na fairge.

17 Agus nì mi dìoghaltas mòr orra le ach-mhasain gharga, agus aithnichidh iad gur mise an Tighearn, 'n uair a leagas mi orra mo dhìoghaltas.

### CAIB. XXVI.

1 *Sgriosar Tirus a chionn gu'n d' rinn i tàir air Ierusalem. 7 Mòr-chumhachd Nebuchadne-sair an aghaidh Thirus. 15 Crìoth-naichidh prìonnasachan na fairge, agus bithidh namhas orra ri fuaim a leayaidh.*

**A**GUS tharladh anns an aon bhliadhna deug, air a' cheud là de'n mhìos, gu'n d' thàinig focal an Tighearn' a m' ionnsuidh, ag ràdh,

2 A mhic an duine, a chionn gu'n d' thubhairt Tirus an aghaidh Ierusalem, Aha, tha ise 'bha 'n a dorsaibh do'n t-sluaigh briste: phill i thugam-sa; leasaichear mise nis, o chuircadh ise fàs;

3 Air an aobhar sin, mar so tha an Tighearn Dia ag ràdh, Feuch, tha mise a'd aghaidh, O Thirus, agus bheir mi air mòran chinneach teachd a mìos a'd aghaidh, mar a bheir an fhaire air a tonnaibh teachd a mìos.

4 Agus sgriosaidh iad ballachan Thirus, agus brisidh iad sìos a daingnich: tairngidh mise fòs a dustach uaipe, agus nì mi i mar mhullach creige.

5 Bithidh i 'n a h-ionad-sgaoidh fhon ann am meadhon na fairge: oir labhair mise, tha an Tighearn Dia ag ràdh, agus bithidh i 'n a creich do na cinnich.

6 Agus marbhar a nigheanan a tha 's a' mhachair leis a' chlaidheamh, agus aithnichidh iad gur mise an Tighearn.

7 Oir mar so tha an Tighearn Dia ag ràdh,

Fench, bheir mise air Tirus Nebuchadnesar rìgh Bhabiloìn, rìgh rìghrean, o'n àirde tuath, le eachaibh, agus le carbadaibh, agus le marcaibh, agus le cuideachdaibh, agus le mòran slaigh.

8 Marbhaidh e leis a' chlàidheamh do nigheanan anns a' mhachair; agus nìe daingneach ann ad aghaidh, agus tilgidh e suas tòrr a'd' aghaidh, agus togaidh e suas a'd' aghaidh an sgiath.

9 Agus cuiridh e innil-cogaidh an aghaidh do bhallachan, agus le 'thuaghan brisidh e sìos do dhaingnich.

10 Le lìonmhoireachd a chuid each, folaidhidh an duslach thu; criothnaichidh do bhalla le toirm a' mharc-shluaigh, agus nan rothan, agus nan carbadan, an uair thèid e steach air do gheatachaibh, mar a thèid daoine steach air baile 's an d' rinneadh briseadh.

11 Le iongannaibh a chuid each saltraidh e sìos do shràidean nìle: marbhaidh e do shluagh leis a' chlàidheamh, agus thèid do dhaingnich làidir sìos gu làr.

12 Agus nì iad creach de d' shaoibhreas, agus nì iad cobhartach de d' cheannachd; agus brisidh iad sìos do bhallachan, agus millidh iad do thighean taitneach; agus leagaidh iad do chlachan, agus d' fhiodh, agus do dhùslach ann am meadhon an uisge.

13 Agus bheir mise air fuaim d' òran sgar, agus cha chluinnear fonn do chlàrsach nì's mò.

14 Agus nì mi thu mar mhullach creige: bithidh tu ann ad ionad sgaolidh lìon: cha bhi thu air do thogail nì's mò: oir mise Iehobhah labhair, deir an Tighearn Dia.

15 Mar so tha an Tighearn Dia ag ràdh ri Tirus, Nach criothnaich na h-eileanan ri fuaim do leagaidh, 'n nair a dh'èigheas a' mhuinntir leònta, 'n nair a nìthear an sgrios ann ad meadhon?

16 An sin thig uile phrionnsachan na fairge nnas o'n rìgh-chaitheirichibh, agus cuiridh iad am falluinnean a thaoibh, agus cuiridh iad dhuibh an culaidhean-grèise: éididh iad iad féin le ball-chrith, suidhidh iad air an làr, agus criothnaichidh iad gach tiota, agus bithidh uamhas orra de d' thaoibh-sa.

17 Agus togaidh iad tuireadh air do shon, agus their iad rint, Cionnus a sgriosadh thusa 'bha air d' àiteachadh le luchd-fairge, a' chaithir ionraiteach a bha làidir anns an fhairge, i féin agus a luchd-àiteachaidh, a tha 'cur an eagal air na h-uile 'tha 'g a tathaich?

18 A nis criothnaichidh na h-eileanan ann an là do leagaidh; seadh, bithidh na h-eileanan a tha 's an fhairge fo bhnaireadh air son do shìnbhail.

19 Oir mar so tha an Tighearn Dia ag ràdh, An uair a nì mise dhiot caithir fhàs, mar na caithrichean nach 'eil air an àiteachadh, an nair a bheir mi nìos ort an

doimhne, agus a thig na tuitlean mòra os do cheann;

20 An nair a bheir mi ort dol sìos leo-san a thèid sìos do'n t-slochd, le muinntir na h-aimsir' o shean, agus a chuireas mi thu 'an ionadaibh iochdarach na talmhainn, ann an ionadaibh fàs o shean, leo-san a thèid sìos do'n t-slochd, air chor as nach bi thu air d' àiteachadh, agus nach seas thu nì's mò ann an tìr nam beò:

21 Nì mi uamhas dhiot, agus cha bhi thu ann: ged iarrar thu, gidheadh cha-n fhaigh-ear thu nì's mò gu bràth, deir an Tighearn Dia.

## CAIB. XXVII.

1 *Margaidhean Thiruis: 26 Ann an là a sgrìos tuitidh a beartas ann am builgean na fairge. 29 Nì maraichean agus luchd-àiteachaidh nan eileannan cooidh air a son.*

**T**HAINIG focal an Tighearn' a m'ionnsuidh a ris, ag ràdh,

2 A nis a mhic an duine, tog suas tuireadh air son Thiruis;

3 Agus abair ri Tirus, O thusa 'tha air do shuidheachadh aig dol a steach na fairge, a tha 'd' cheannachd do'n t-sluagh air son mhòran eileanan, Mar so tha an Tighearn Dia ag ràdh, O Thiruis, thubhairt thu, Tha mi ro sgiamhach.

4 Tha d'iomall ann am meadhon na fairge, rinn do luchd-togail do mhaise foirfe.

5 Rinn iad d' uile chlàir de chrannaibh ginbhais Shenir: thug iad sendair o Lebanon a dheanamh chrann-siùil duit.

6 De dharagaibh Bhàsain rinn iad do ràmhan: rinn cuideachd nan Asurach do thotachan de chnàmhan-denda o eileanaibh Chitìim.

7 B'e anart grinn, le obair-ghrèise o'n Eiphit a sgaol thu mach gu bhì 'n a sheòl duit: b'e gorm agus purpur o eileanaibh Elisah an nì sin a sgendaich thu.

8 B' iad luchd-àiteachaidh Shìdoìn agus Arbhaid do mharaichean: b' iad do dhaoine glìce 'bha annad, O Thiruis, luchd-stiniridh do loingeis.

9 B' iad seanairean Ghebail, agus a dhaoine glìce, 'bha agad 'n an luchd-calcaidh: bha loingeis na fairge gu léir, le 'm maraichean annad, a chum do mhalairt a mheudachadh.

10 B' iad muinntir Phersia, agus Luid, agus Phuit, d' fhir-chogaidh ann ad fheachd: chroch iad suas an sgiath agus a' cheann-bheart annad: chnir iad 'n cèill do mhaise.

11 Bha fir Arbhaid le d' fheachd air do bhallachaibh mu'n cuairt, agus bha na Gamadaich ann ad thùraibh: chroch iad an sgiathan air do bhallachaibh mu'n cuairt: rinn iad do mhaise foirfe.

12 B' i Tarsis do cheannaiche, do bhrìgh pailteis an uile stòrais; le airgid, iarunn, stàn, agus luaith, rinn iad malairt ann ad mhargaidhean.

13 Iabhan, Tubal, agus Mcsech, b' iadsan



do cheannaichean: reic iad pearsannan dhiaoinne, agus soithichean umha ann ad mhargadh.

14 Rinn muinntir Thogarmah malairt ann ad mhargaidhean, le eachaibh, agus le marc-shluagh, agus le muileidibh.

15 B' iad fir Dhedain do cheannaichean, mòran eileanan malairt do làimhe: thug iad a d' ionnsuidh mar thiodhlac, adharcan dènd-clnàmh, agus eboni.

16 B' i Siria do cheannaiche air son lìon-mhoireachd nan oibre a rinn thu: rinn iad malairt ann ad mhargaidhean le emerald, purpur, agus obair-ghrèise, agus anart grinn, agus coral, agus agat.

17 B' iad Iudah agns tìr Israeil do cheannaichean: reic iad ann ad mhargadh cruth-neachd Mhinnit, agus Pannag, agus mil, agns oladh, agus ioc-shlainte.

18 B' e Damascus do cheannaiche ann an lìonmhoireachd nan oibre a rinn thu, air son pailteis an uile shaoibhreis: ann am fìon Helboin, agus ann an olainn ghil.

19 Rinn Dan fòs, agus Iabhan, a' dol air an ais agus air an aghaidh, malairt ann ad mhargaidhean: bha iarunn oibrichte, casia agus calamus ann ad mhargadh.

20 B' e Dedan do cheannaiche ann an eud-aichibh luachmhor air son charbad.

21 Rinn Arabia, agus uile phrionnsachan Chedair malairt riut ann an uain, agus ann an reitheachan, agus ann an gabhraibh: anns na nithibh so b' iad do luchd-malairt.

22 Ceannaichean Sheba agus Raamah, b'iadsan do cheannaichean: rinn iad malairt ann ad mhargadh le taghadh nan uile spiosradh, agus leis na h-uile chlachaidh luachmhor, agus le h-òr.

23 B' iad Haran agus Canneh, agus Eden, ceannaichean Sheba, Asuir, agus Chilmaid, do cheannaichean-sa.

24 B' iad so do luchd-malairt anns na h-uile nithibh, ann an eudaichibh gorma, agus ann an obair-ghrèise, agus ann an cisteachan de chulaidhean riomhach, air an ceangal le cordaibh, agus air an dcanamh de sheudair, ann meag do mhalairt.

25 Sheinu longan Tharsis nu d' thimchioll ann ad mhargadh; agus bha thu air do lìonadh, agus air do dheanamh ro ghlòrmhor ann am meadhan nan cuaintean.

26 Thug do luchd-iomraimh thu gu uisgeachan mòra: bhris a' ghaoth an ear thu ann am meadhan na fairge.

27 Do shaoibhreas, agus do mhargadh, do mhalairt, do mharachean, agus d'fhir-stiuridh, do luchd-calcaidh, agus do luchd-malairt, agus d' uile luchd-cogaidh a tha annad, agus ann ad uile cluideachd a tha ann ad mheadhon, tuitidh ann am builsgan na fairge, ann an là do sgrios.

28 Rìfuaim gaoire luchd-stiuridh do loing-eis, criothnaichidh na bailtean mu'n cuairt duit.

29 Agus thig na h-uile a ghilcas an ràmh, na maraichean, uile stiùreadairean na fairge, nuas o'n longaibh, seasaidh iad air an tìr.

30 Agus bheir iad air an guth gu'n cluinnear e os do cheann, agus glaothaidh iad gu goirt, agus tilgidh iad suas duslach air an cinn, ni iad iad féin aornagain anns an luathre.

31 Agus ni iad iad féin uile maol air do shon, agus crioslaichidh iad iad féin ann an eudach-saic, agus guilidh iad air do shon le goirteas cridhe, le tìreadh geur.

32 Agus 'n an caoidh togaidh iad cumha air do shon, agus ni iad bròn os do cheann; ag ràdh, Cò 'bu chosmhuil ri Tirus, a bu chosmhuil rithe-sa 'tha millte ann am meadhan na fairge?

33 'N uair chaidh d' oibre a mach anns na fairgibh, shàsuich thu iomadh sluagh; rinn thu beartach rìghrean na talmhainn le mòr-phailteas do shaoibhreis agus do mhalairt.

34 'S an àm anns am brisear thu leis an fhairge ann an doimhneachd nan uisgeachan, tuitidh do cheannachd agus do chuideachd gu h-iomlan ann ad mheadhon.

35 Bithidh uamhas, do d' thaobh, air uile luchd-aiteachaidh nan eileanan, bithidh eagal annmhor air an rìghrean, bithidh an gnùis fo ghruaimean.

36 Ni na ceannaichean am measg nan cinn-each sgeig ort; bithidh iad ann ad uamhas, agus cha bhi thu ann nì's mò gu bràth.

# CAIB. XXVIII.

1 Breitheanas an aghaidh prionnsa Thirus a chionn gu'n robh e uaibhreach 'n a chridhe. 11 Caoidh os ceann rìgh Thirus. 20 Breitheanas Shidoin. 24 Tìonailear sluagh Israeil o na cinich am measg am bheil iad air an sgapadh.

**T**HAINIG focal an Tighearn' a m' ionnsuidh a ris, ag ràdh,

2 A mhic an duine, abair ri prionnsa Thirus, Mar so tha an Tighearn Dia ag ràdh, a chionn gu bheil do chridhe air a thogail suas, agus gu'n d' thubhairt thu, Is dia mi, tha mi 'm shuidhe ann an caithir Dhé, ann am meadhan nan cuanta; gidheadh is duine thu, agus cha Dia, ged a chuir thu do chridhe mar chridhe Dhé.

3 Feuch, is glìce thu na Daniel; cha-n'eil dìomhaireachd sam bith foluichte uait:

4 Le d' ghilcas, agus le d' thuigse, fhuair thu dhuit féu maoin, agus fhuair thu òr agus airgiod ann ad thaisgeachaibh.

5 Le d' ghilcas mòr, agus le d' mhalairt, mheudaich thu do shaoibhreas, agus tha do chridhe air a thogail suas le d' bheartas.

6 Air an aobhar sin, mar so tha an Tighearn Dia ag ràdh, A chionn gu'n do chuir thu do chridhe mar chridhe Dhé;

7 Feuch, uime sin, bheir mise coigrich ort, fir uamhasach nan ciuicach; agus tairngidh

iad an claidhean an aghaidh maise do ghliocais, agus truailleadh iad do dhealradh.

8 Cuiridh iad sìos do'n t-slochd thu, agus bàsaichidh tu le bàs na muinntir' a mharbhar ann am meadhon na fairge.

9 An abair thu fathas an làthair an ti a mharbhas thu, Is dia mi? ach bithidh tu a'd' dhuine, agus ni h-ann a'd' dhia ann an làimh an ti a mharbhas thu.

10 Bàsaichidh tu le bàs nan neo-thimchioll-ghearrta, le làimh nan coimheach: oir mise labhair e, deir an Tighearn Dia.

11 Os bàrr, thàinig focal an Tighearn' a m' ionnsuidh, ag ràdh,

12 A mhic an duine, tog suas caoidh os ceann rìgh Thiruis, agus abair ris, Mar so tha an Tighearn Dia ag ràdh, Tha thu 'cur seuladh air do chuid stòrais, làn de ghliocas, agus foirfe ann am maise.

13 Bha thu ann au Eden, gàradh Dhé; b'e do chòmhachd na h-uile clach luachmhor, an sardius, an topas, agus an daimean, am beril, an t-onics, agus an iasper, an saphir, an t-emerald, agus an carbuncal, agus an t-òr: ghleusadh obair do thiompan, agus do phìoban annad anns an là 's au do chruthaicheadh thu.

14 Is tu an cherub ungta a chòmhdaicheas: agus shuidhich mise thu; bha thu air sliabh naomh Dhé; shiubhail thu ann am meadhon nan clachan dealrach.

15 Bha thu foirfe ann ad shligheibh, o'n là 's au do chruthaicheadh thu, gus an d' fhuaradh annad aingidheachd.

16 Le lìonmhoireachd do mhalairt lìon iad do mheadhon le h-ainneart, agus pheacaich thu: uime sin, tilgidh mise thu, mar ni mi-naomh, a mach o shliabh Dhé: agus sgriosaidh mi thu, O a cheruib a chòmhdaicheas! á meadhon nan clachan dealrach.

17 Bha do chridhe air a thogail suas le d' mhaise; thruaill thu do ghliocas le d' dhealradh: tilgidh mise gu làr thu, cuiridh mi thu an làthair rìghrean, gu bhì a' d' bhall-amhairc dhoibh.

18 Le lìonmhoireachd d' euceartan thruaill thu d' ionadan naomha, le euceart do mhalairt; uime sin bheir mise mach teine as do mheadhon, caithidh e thu, agus ni mise luath dhìot air an talamh, ann an sealladh nan uile a chi thu.

19 Iadsan uile d' an aithne thu measg an t-sluaigh, bithidh uamhas orra do d' thaobh: bithidh tu ann ad uambunn, agus cha bhì thu ann ni's mò gu bràth.

20 A ris thàinig focal an Tighearn' a m' ionnsuidh, ag ràdh,

21 A mhic an duine, cuir do ghnùis an aghaidh Shìdoin, agus dean faistneachd 'n a h-aghaidh.

22 Agus abair, Mar so tha an Tighearn Dia ag ràdh, Feuch, tha mise ann ad aghaidh, O Shìdoin, agus bithidh mi air mo ghlorachadh ann ad mheadhon: agus

aithnichidh iad gur mi an Tighearn n uair a ni mi innte breitheanas, agus a bhitheas mi air mo naomhachadh innte.

23 Oir cuiridh mi innte plàigh, agus fuil 'n a sràidibh, agus bheirear breitheanas air au leònta 'n a meadhon, leis a' chlaidheamh a bhitheas oirre air gach taobh; agus aithnichidh iad gur mi an Tighearn.

24 Agus cha bhì dris dhealgach ann ni's mò do thigh Israeil, no drisa bheir doilghios, dhiubhsan uile mu'n cuairt a tha ri tàir orra; agus aithnichidh iad gur mise an Tighearn Dia.

25 Mar so tha an Tighearn Dia ag ràdh, 'n uair a thionailas mise tigh Israeil o ua cinnich ann measg am bheil iad air an sgapadh, agus a bhitheas mi air mo naomhachadh annnta, 'an sealladh nan cinneach, an sin gabhaidh iad còmhnuidh 'n am fearann a thug mise do m' òglach Iacob.

26 Agus gabhaidh iad còmhnuidh ann gu tèarainte, agus togaiddh iad tighen, agus suidhichidh iad fion-liosan: seadh, gabhaidh iad còmhnuidh le dànachd, an uair a ni mise breitheanas orra-san uile 'tha deanamh tàir orra gach taobh mu'n cuairt doibh; agus aithnichidh iad gur mise Iehobhah an Dia.

## CAIB. XXIX.

1 *Breitheanas an aghaidh Pharaoh do bhrìgh gu'n do bhuin e gu cealgach ri Israel.* 8 *Cuir-eir tìr na h-Eiphit fàs, ach cruinnichear a sluagh a ris d'an dùthaich féin 'an ceann dà fhichead bliadhna.* 17 *Gheibh Nebuchadnesar an Eiphit mar thuarasdál air son a sheirbhís an aghaidh Thiruis.*

**A**NNS an deicheamh bliadhna, anns au deicheamh mìos, air an dara là deug de'n mhìos, thàinig focal an Tighearn' a m' ionnsuidh, ag ràdh,

2 A mhic an duine, cuir do ghnùis an aghaidh Pharaoh rìgh na h-Eiphit, agus dean faistneachd 'n a aghaidh-san, agus an aghaidh na h-Eiphit uile.

3 Labhair agus abair, Mar so tha an Tighearn Dia ag ràdh, Feuch, tha mise a'd' aghaidh, O Pharaoh, a rìgh na h-Eiphit, an uabheist mhòr a tha 'n a luidhe ann am meadhon 'aìmhnichean féin, a thubhairt, Is leam féin m' amhainn, rinn mi air mo shou féin i.

4 Ach cuiridh mise dubhain ann ad ghialaibh, agus bheir uir air iasg d' aìmhnichean leantuinn ri d' lannaibh, agus bheir mi mìos thu á meadhon d' aìmhnichean, agus leanaidh uile iasg d' aìmhnichean ri d' lannaibh.

5 Agus tréigidh mise thu 's an fhàsach, thu féin agus uile iasg d' aìmhnichean: tuitidh tu air na machraichibh loma; cha bhì thu air do thional, no air do chruinneachadh ri 'chéile: thug mise thu mar bhiadh do bheathaichibh na macharach, agus do eunlaith an athair.



6 Agus aithnichidh uile luchd-àiteachaidh na h-Eiphit gur mise an Tighearn, a chionn gu'n robh iad 'n an luirg chuilece do thigh Israeil.

7 'N uair a ghlac iad thu, bhris thu 'n an làimh, agus reub thu an gualainn uile: agus an uair a leig iad an taice riut, bhris thu, agus dh'fhàg thu an leasraidh uile gun taice.

8 Air an aobhar siu, mar so tha an Tighearn Dia ag ràdh, Feuch, bheir mise claidheamh ort, agus gearraidh mi mach asad duine agus ainmhidh.

9 Agus bithidh tìr na h-Eiphit falamh agus fàs; agus aithnichidh iad gur mise an Tighearn: a chionn gu'n d' thubhairt e, Is leamsa an amhainn, agus is mi a rinn i.

10 Feuch, uime sin, tha mise ann ad aghaidh, agus an aghaidh d' ainmhnichan; agus ni mi tìr na h-Eiphit gu tur fàs agus falamh, o thùr Shiene, eadhon gu iomall Etiopia.

11 Cha-n imich cos duine sam bith troimpe, agus cha-n imich cos ainmhidh troimpe, ni mò bhitheas i air a h-àiteachadh ré dà fhichead bliadhna.

12 Agus ni mi tìr na h-Eiphit fàs ann am meadhan nan dùthchan a tha fàs, agus bithidh a caithrichean, ann am meadhan nan caithrichean a tha falamh, air an deanamh 'n am fàsach ré dà fhichead bliadhna: agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan.

13 Gidheadh mar so tha an Tighearn Dia ag ràdh, An ceann dà fhichead bliadhna cruinichidh mise na h-Eiphitich o na cinnich anns an robh iad air an sgaoileadh.

14 Agus bheir mi air a h-ais bruid nan Eiphiteach, agus bheir mi orra pilleadh gu fearann Phatros, gu dùthaich an còmh-nuidh, agus bithidh iad an sin 'n an rioghachd shuaraich.

15 Bithidh i suarach seach gach rioghachd, agus cha-n àrdaich si i fèin nì's mò am measg nan cinneach: oir lughaichidh mise iad, air chor as nach riaglaich iad nì's mò os ceann nan cinneach.

16 Agus cha bhli i nì's faide 'n a dòchas aig tigh Israeil, a bheir an eusaontas gu cuimhne, 'n uair a sheallas iad 'n an déigh: ach aithnichidh iad gur mise an Tighearn Dia.

17 Agus tharladh anns an t-seachdamh bliadhna fichead, anns a' cheud mhìos, air a' cheud là de'n mhìos, gu'n d' thàinig focal an Tighearn a' m' ionnsuidh, ag ràdh,

18 A mhic an duine, thug Nebuchadnesar rìgh Bhabiloin air a shluagh seirbhis mhòr a d'heanamh an aghaidh Thiruis: rinneadh gach ceann maol, agus gach gualann lom; gidheadh cha robh tuarasdail air bith aige fèin, no aig a shluagh, air son Thiruis, air sou na seirbhis a rinn c' n a h-aghaidh.

19 Air an aobhar sin, mar so tha an Tighearn Dia ag ràdh, Feuch, bheir mise tìr na h-Eiphit do Nebuchadnesar rìgh Bhabiloin, agus glacadh e a sluagh, agus glacadh e a creach, agus glacadh e a cobhartach, agus bithidh sin 'n a thuarasdail aig a shluagh.

20 Thug mise dha tìr na h-Eiphit air son a shaoithreach leis an do shaoithrich e 'n a h-aghaidh; a chionn gu'n d' oibrich iad air mò shonsa, deir an Tighearn Dia.

21 Anns an là sin bheir mi air adharc tìghe Israeil briseadh a mach, agus bheir mi dhuit-sa fosgladh a' bheoil 'n am meadhan; agus aithnichidh iad gur mise an Tighearn.

# CAIB. XXX.

1 *Tuitidh an Eiphit leis a' chlaidheamh, agus thig uabhar a cumhachd a nuas.* 20 *Neart- aichear gairdean rìgh Bhabiloin chum gu'm bris e gairdean rìgh na h-Eiphit.*

**T**HAINIG focal an Tighearn a' m' ionn- suidh a ris, ag ràdh,

2 A mhic an duine, dean faistneachd agus abair, Mar so tha an Tighearn Dia ag ràdh, Deanaibh ulartaich; Och, au là!

3 Oir tha an là dlùth, eadhon là an Tighearn dlùth, là neulach, àm nan cinneach a bhitheas ann.

4 Agus thig an claidheamh air an Eiphit, agus bithidh cràdh mòr ann an Etiopia, 'n uair a thuiteas iadsan a mharbhar anns an Eiphit, agus bheir iad a sluagh air falbh, agus brisear sìos a bunaitean.

5 Etiopia, agus Libia, agus Lidia, agus an sluagh coimeasgta gu léir, agus Chub, agus muinntir na tìre 'tha 'n co-bhoimn, tuitidh leosan leis a' chlaidheamh.

6 Mar so tha an Tighearn ag ràdh, Tuitidh iadsan fòs a tha 'eumail suas na h-Eiphit, agus thig uabhar a cumhachd a nuas: o thùr Shiene tuitidh iad innte leis a' chlaidheamh, deir an Tighearn Dia.

7 Agus bithidh iad fàs ann am meadhan nan dùthchan fàsail, agus bithidh a bailtean ann am meadhan nam bailtean a tha air am fàsachadh.

8 Agus aithnichidh iad gur mise an Tighearn, 'n uair a chuireas mi teine 's an Eiphit, agus a sgriosar a h-uile luchd-cuideachaidh.

9 Anns an là sin théid teachdairean a mach uamsa ann an longaibh, a chur eagail air na h-Etiopaich air nach 'eil cùram, agus thig cràdh mòr orra, mar ann an là na h-Eiphit: oir feuch, tha e 'teachd.

10 Mar so tha an Tighearn Dia ag ràdh, Cuiridh mise fòs cosgadh air mòr-shluagh na h-Eiphit, le làimh Nebuchadnesair rìgh Bhabiloin.

11 Bheirear e fèin agus a shluagh maille ris, a' chuid a 's uamhasaiche de na cinnich, a sgrios na tìre: agus tairgigidh iad an claidheamh an aghaidh na h-Eiphit, agus bonaidh iad an talamh le mairbh.

12 Agus ni mise na h-ainmhnichan tioram,

agus reicidh mi am fearann ri làimh nan aingidh: agus nì mi an tìr fàs, agus na h-uile 'tha innte, le làimh nan coimheach: mise Iehobhah labhair.

13 Mar so tha an Tighearn Dia ag ràdh, Sgriosaidh mi fòs na h-iodholan, agus dìth-ichidh mi ionhaighean a mach a Noph: agus cha bhi nìs mò prionnsa air tìr na h-Eiphit; agus cuiridh mi eagal ann am fearann na h-Eiphit.

14 Agus nì mi Patros 'n a fhàsach, agus cuiridh mi teine ann an Soan, agus nì mi breitheanais ann an No.

15 Agus dòirtidh mi mo chorruich air Sin, neart na h-Eiphit, agus gearraidh mi as muinntir No.

16 Agus cuiridh mi teine anns an Eiphit, bithidh cràdh mòr air Sin, agus reubar No as a chèile, agus bithidh Noph gach là ann an airc.

17 Tuitidh òganaich Abhein agus Phibeseit leis a' chlaidheamh, agus imichidh na bailtean so gu daorsa.

18 Ann an Tahapanes fòs bithidh an là dorch, 'n uair a bhriseas mise an sin cuing na h-Eiphit: agus sguiridh mòr-chuis a neirt innte: seadh, folachidh neul i, agus théid a nìgeanan air falbh 'am braighdeanas.

19 Mar so nì mise breitheanais anns an Eiphit; agus aithnichidh iad gur mi an Tighearn.

20 Agus tharladh, anns an aon bhliadhna deug, anns a' cheud mhìos, air an t-seachdamh là de'n mhìos, gu'n d'fhàinig focal an Tighearn a' m' ionnsuidh, ag ràdh,

21 A mhic an duine, bhris mise gairdean Pharaoh rìgh na h-Eiphit; agus, feuch, cha cheanglar e suas gu bhi air a leigheas, a chur crios air g' a cheangal, g' a dheanamh làidir, a chumail a' chlaidheimh.

22 Uime sin, mar so tha an Tighearn Dia ag ràdh, Feuch, tha mise an aghaidh Pharaoh rìgh na h-Eiphit, agus brisidh mi a ghairdeanan, e sin a tha làidir, agus e sin a bhriseadh; agus bheir mi air a' chlaidheamh tuiteam as a làimh.

23 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan.

24 Agus neartaichidh mi gairdeanan rìgh Bhabiloin, agus cuiridh mi mo chlaidheamh 'n a làimh: ach brisidh mi gairdeanan Pharaoh, agus nì e caoirean 'n a fhianuis, mar dhuine a tha leònta gu bàs.

25 Ach neartaichidh mi gairdeanan rìgh Bhabiloin, agus tuitidh gairdean Pharaoh sìos; agus aithnichidh iad gur mise an Tighearn, 'n uair a chuircas mi mo chlaidheamh ann an làimh rìgh Bhabiloin, agus a shìneas e mach e air tìr na h-Eiphit.

26 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan; agus aithnichidh iad gur mi an Tighearn.

## CAIB. XXXI.

1 Chuir am fàidh an cèill mòrachd an Asirianach, agus a léir-sgrìos a chionn gu'n robh a chridhe air a thogail suas; 18 nochd e gu'm buineadh Dia air an dòigh cheudna ri Pharaoh rìgh na h-Eiphit.

A GUS tharladh, anns an aon bhliadhna deug, anns an treas mìos, air a' cheud là de'n mhìos, gu'n d'fhàinig focal an Tighearn a' m' ionnsuidh, ag ràdh,

2 A mhic an duine, labhair ri Pharaoh rìgh na h-Eiphit, agus r'a mhòr-chuidcachd, Co ris a's cosmhuil thu ann ad mhòrachd?

3 Feuch, bu chrannta seudair ann an Leb-anon an t-Asirianach, le geugaibh maiscach, agus le sgàile dhorch, agus le àirde mhòir; agus bha a bhàrr an measg nam meanganan tiugha.

4 Thug na h-uisgeachan air fàs, dh'àraich an doimhne suas e, ruith a sruthan mu thimicholl a mheanglan, agus chuir i mach a sruthan beaga chum uile chraobhan na macharach.

5 Uime sin dh'èirich àirde suas os ceann uile chraobhan na macharach, agus bha a mheanganan lionmhor, agus dh'fhàs a gheugan fada, le lionmhoireachd nan uisgeachan, an uair a sgaol e mach.

6 Rinn uile eunlaith nan speur an nid 'n a gheugaibh, agus fo a gheugaibh rug uile bheathaichean na macharach an àlach, agus fo a sgàile ghabh cruinneachadh mhòran chinncach còmhnuidh.

7 Mar so bha e maiscach 'n a mhòrachd, ann am fad a gheugan: oir bha a fhreumh ri taobh nan uisgeachan mòra.

8 Cha b' urrainn na seudair ann an gàradh Dhé 'fhòlach: cha robh na craobhan giuthais cosmhuil r'a mheanganais, no na craobhan geann-chnò cosmhuil r'a gheugaibh: cha robh crann air bith ann an gàradh Dhé cosmhuil ris 'n a mhaise.

9 Rinn mi maiscach e le lionmhoireachd a gheugan; ionnus gu'n do ghabh uile chraobhan Edein, a bha ann an gàradh Dhé, farmad ris.

10 Air an aobhar sin, mar so tha an Tighearn Dia ag ràdh, A chionn gu'n d'rinn e uail as àirde, agus gu'n do chuir e suas a bhàrr ann am meadhon nan neul, agus gu bheil a chridhe air a thogail suas 'n a àirde;

11 Uime sin thug mi thairis e do làimh aoin chumhachdaich nan cinneach: buinidh esan gu làidir ris, dh'fhuadaich mise a mach e air son a chionta.

12 Agus ghearr coimhich, a' chuid a's uamhasaiche de na cinnich, a mach e, agus dh'fhàg iad e: air na sléibhtibh, agus anns na gleanntaibh uile thuit a gheugan, agus tha a mheangain air am briscadh anns gach uile chearnaidh de'n talamh; agus dh'imich uile shluagh an domhain sìos o a sgàile, agus thréig iad e.

13 Air a bhallachan briste gabhaidh uile



eunlaith an athair còmhnuidh, agus bithidh uile bheathaichean na macharach air a gheugaibh:

14 A chum nach àrdaicheadh crann air bith de chrannaibh nan uisgeachan, iad féin air sou an àirde, agus nach cuireadh iad suas am bàrr am measg nan tiugh gheugan, ni mò sheasadh an croinn suas 'n an àirde, gach aon ag òl suas nan uisgeachan: oir tha iad uile air an toirt thairis gu bàs, do ionadaibh ìochdarach na talmhainn, ann am meadhon chloinn nan daoine, maille riu-san a théid sìos do'n t-slochd.

15 Mar so tha an Tighearn Dia ag ràdh, Anns an là air an deachaidh e sìos do'n uaigh, thug mise faineair caoidh a dheanamh; chòmhdach mi air a shon an doimhne, agus choisg mi a tuitlean, agus bhacadh na h-uisgeachan mòra; thug mi fòs air Lebanon caoidh air a shon, agus dh'fhannaich air a shon uile chraobhan na macharach.

16 Thug mi air na cinnich criothnachadh ri fuaim a leagaidh, 'n uair a thilg mi e sìos do'n ionad ìochdarach, leosan: a théid sìos do'n t-slochd; agus bithidh an comhfhurtachd ann an ionadaibh ìochdarach na talmhainn aig uile chraobhan Edein, rogha agus tagha Lebanon, na h-uile 'tha 'g òl suas an uisge.

17 Chaidh iadsan mar an ceudna sìos do'n ionad ìochdarach maille ris, a chum na dream a mharbhadh leis a' chlàidheamh; agus iadsan 'bu ghairdean da, a ghabh còmhnuidh fo a sgaile ann am meadhon nan cinneach.

18 Cò ma ta ris an cosmhuil thusa mar so ann au glòir, agus ann am mòrachd am measg chraobhan Edein? gidheadh, bheir ear sìos thu maille ri craobhan Edein gu àiteachan ìochdarach na talmhainn: luidhidh tu ann am meadhon na muinntir neo-thimchioll-ghearrta, maille riu-san a mharbhadh leis a' chlàidheamh: so Pharaoh agus a mhòr-chuideachd uile, deir an Tighearn Dia.

### CAIB. XXXII.

1 *Tuireadh air son thrioblaidean uamhasach na h-Eiphit: 11 Sgrìosaidd chlàidheamhrigh Bhabilon: 17 Bheir ear luchd-àiteachaidh na h-Eiphit sìos gu ionadan ìochdarach na talmhainn.*

**A**GUS tharladh, anns an dara bliadhna deug, anns an dara mìos deug, air a' cheud là de'n mhìos, gu'n d'fhàinig focal an Tighearn a' m' ionnsuidh, ag ràdh,

2 A mhic an duine, tog suas tuireadh air son Pharaoh rìgh na h-Eiphit, agus abair ris, Is cosmhuil thu ri leòman òg de na cinnich, agus tha thu mar uabheist anns na cuantaibh; agus fhàinig thu mach le d' shruthaibh, agus chuir thu troimh 'chéile na h-uisgeachan le d' chosaibh, agus shaluich thu an ainnimichean.

3 Mar so tha an Tighearn Dia ag ràdh, Sgaoididh mise uime sin mo lion os do cheann, le cuideachd mhòran chinneach, agus bheir iad a nìos thu ann am lion.

4 An sin fàgaidh mi air an talamh thu, tilgidh mi mach air an fhaiche luim thu, agus bheir mi air uile eunlaith an athair luidhe ort, agus bheir mi do uile bheathaichibh na talmhainn an sàth dhìot.

5 Agus cuiridh mi d' fheoil air na sléibhtibh, agus lìonaidh mi na glinn le do thulaichibh.

6 Uisgichidh mi fòs le d' fhuil am fearann anns am bheil thu a' snàmh, gu ruig na sléibhteann; agus bithidh na h-ainmhnicean làn dìot.

7 Agus an uair a chuireas mi as thu, folaidhidh mi na nèamhan, agus ni mi an reultan dorch: còmhdachidh mi a' ghrian le neul, agus cha toir a' ghealach seachad a solus.

8 Uile sholuis dealrach nèimh ni mi dorchas os do cheann, agus cuiridh mi dorchadas air d' fhearann, deir an Tighearn Dia.

9 Cuiridh mi fòs doilghios air cridheachaidh mhòran dhaoine, 'n uair a bheir mi do léir-sgrìos am measg nan cinneach, gus na dùthchan nach b' aithne dhuit.

10 Seadh, cuiridh mi air mòran dhaoine uamhas do d' thaobh, agus bithidh eagal ro mhòr air an rìghribh air do shon, 'n uair thogas mise mo chlàidheamh 'n an làthair; agus criothnaichidh iad ann an tiota; gach aon air son a bheatha féin, ann an là do leagaidh-sa.

11 Oir mar so tha an Tighearn Dia ag ràdh Thig claidheamh rìgh Bhabilon ort.

12 Le claidhibh nan cumhachdach bheir mise air do mhòr-chuideachd tuiteam, leosan uile a's uamhasaiche de na cinnich; agus millidh iad mòr-chuis na h-Eiphit, agus bithidh a mòr-shluagh gu léir air an sgrìos.

13 Sgrìosaidd mi fòs a h-ainmhidhean uile o thaobh nan uisgeachan mòra, agus cha chuir cos duine dragh orra tuilleadh, ni mò ghluaisear iad le ionga ainmhidh.

14 An sin ni mise an uisgeachan domhain, agus bheir mi air an ainmhnichean ruith mar oladh, deir an Tighearn Dia.

15 'N uair a ni mi tìr na h-Eiphit 'n a fàsach, agus a bhithcas an dùthaich falamh de'n ni sin de'n robh i làn, 'n uair a bhnaiceas mi na h-uile 'tha 'chòmhnuidh innte, an sin aithnichidh iad gur mise an Tighearn.

16 So an tuireadh leis an tuir iad os a ceann: ni nìgeanan nan cinneach caoidh air a son: ni iad caoidh air a son, air son na h-Eiphit, agus air son a mòr-shluaigh uile, deir an Tighearn Dia.

17 Tharladh mar au ceudna, 's an dara bliadhna deug, air a' chùigeamh là deug de'n mhìos, gu'n d'fhàinig focal an Tighearn a' m' ionnsuidh, ag ràdh,

18 A mhic an duine, dean cumha air son

mòr-shluaigh na h-Eiphit, agus tilg sios i, i féin agus nighéanai nan cinneach ionrait-each, gu ionadan iochdarach na talmhainn, maille riu-san a théid sios do'n t-slochd.

19 Cò air am bheil thu 'toirt barrachd ann am maise? imich sios, agus luidh leis na neo-thimchioll-ghearrta.

20 Tuitidh iad 'n am meadhon-san a mharbhadh leis a' chlaidheamh: thugadh thairis do'n chlaidheamh i: tairngibh a mach i féin agus a sluagh gu h-ìomlan.

21 Labhraidh cinn-fheadhna nan cumhachdach ris o mheadhon an ionaid iochdarach, maille riu-san a chuidich leis: chaidh iad sios, tha iad 'n an luidhe leis na neo-thimchioll-ghearrta a mharbhadh leis a' chlaidheamh.

22 Tha Asur an sin agus a chuideachd uile: tha 'uaighean-san m' a thimchioll: tha iad uile marbh, air tuiteam leis a' chlaidheamh.

23 Tha an uaighean air an suidheachadh air gach taobh de'n t-slochd, agus tha a chuideachd mu thimchioll 'uaighe: iad uile air am marbhadh, air tuiteam leis a' chlaidheamh, a dhùisg uamhas ann an tìr nam beò.

24 An sin tha Elam agus a shluagh uile mu thimchioll 'uaighe, iad uile air am marbhadh, air tuiteam leis a' chlaidheamh; chaidh iadsan sios neo-thimchioll-ghearrta gu ionadan iochdarach na talmhainn, a dhùisg uamhas ann an tìr nam beò; gidheadh ghiùlain iad an nàire leo-san a chaidh sios do'n t-slochd.

25 Ann am meadhon nam marbh shuidhich iad leabhadh dha maille r'a uile shluagh: tha an uaighean m' a thimchioll, iad uile neo-thimchioll-ghearrta, air am marbhadh leis a' chlaidheamh: ge do dhùisgeadh na uamhas ann an tìr nam beò, gidheadh ghiùlain iad an nàire leo-san a chaidh sios do'n t-slochd: chuireadh e ann am meadhon na muinntir a mharbhadh.

26 An sin tha Mesech, Tubal, agus a shluagh uile; tha an uaighean m' a thimchioll: iad uile neo-thimchioll-ghearrta, air am marbhadh leis a' chlaidheamh, ge do sgaoil iad an uamhas ann an tìr nam beò.

27 Agus cha luidh iad leis na cumhachdach, a thuit de na neo-thimchioll-ghearrta, a chaidh sios do ifrinn le 'n armaibh cogaidh: agus chuir iad an claidhean fo 'n cinn, ach bithidh an aingidheachd air an cnàmhan, ge b' iad uamhas nan cumhachdach ann an tìr nam beò.

28 Seadh, brisear thu ann am meadhon nan neo-thimchioll-ghearrta, agus luidhidh tu leo-san a mharbhadh leis a' chlaidheamh.

29 An sin tha Edom, a rìghrean, agus a phrionusachan uile, a tha le 'n neart 'n an luidheann am fochair na muinntir a mharbhadh leis a' chlaidheamh: luidhidh iad leis na neo-thimchioll-ghearrta, agus leo-san a théid sios do'n t-slochd

30 An sin tha prionnsachan na h-àirde tuath, an t-ìomlan diubh, agus na Sidonaich uile, a chaidh sios leis na mairbh, le 'n uamhas tha nàir'orra d'an cumhachd; agus tha iad 'n an luidhe neo-thimchioll-ghearrta leo-san a mharbhadh leis a' chlaidheamh, agus a' giùlan an nàire leo-san a théid sios do'n t-slochd.

31 Chi Pharaoh iad, agus bithidh comhfhurtachd aige os ceann a mhòr-chuideachd uile, eadhon Pharaoh agus 'fheachd gu léir air am marbhadh leis a' chlaidheamh, deir an Tighearn Dia.

32 Òir dhùisg mise m' uamhas ann an tìr nam beò: agus suidhichear esan ann am meadhon nan neo-thimchioll-ghearrta, leo-san a mharbhadh leis a' chlaidheamh, Pharaoh agus a shluagh gu léir, deir an Tighearn Dia.

### CAIB. XXXIII.

1 Nochdadh do Eseciel a dhleasdanas mar fhear-faire do thigh Israeil. 10 Cha-n'èilltachd air bith aig Dia ann am bàs an aingidh. 21 'N uair a ghlacadh Ierusalem rinn Eseciel fàidheadairachd gu'm bithheadh an fearann air a chur fàs. 30 Cealgaireachd an t-sluagh.

**A** RIS thàinig focal an Tighearn' a m' ionnsuidh, ag ràdh,

2 A mhic an duine, labhair ri cloinn do shluaigh, agus abair riu, 'N uair a bheir mise an claidheamh air dùthaich, ma ghabhas muinntir na dùthcha duine de'n crìochaibh féin, agus gu'n cuir iad e gu bhith a fhear-faire dhoibh;

3 Ma shéideas e'n trompaid 'n uair a chi e an claidheamh a' teachd air an fhearann, agus ma bheir e rabhadh do'n t-sluagh;

4 An sin, cò air bith a chluinneas fuaim na trompaid, agus nach gabh rabhadh; ma thig an claidheamh, agus gu'n toir e air falbh e, bithidh 'fhuil air a cheann féin.

5 Chual e fuaim na trompaid, agus cha do ghabh e rabhadh, bithidh 'fhuil air féin: ach esan a ghabhas rabhadh tèarnaidh e 'anam.

6 Ach ma chi am fear-faire an claidheamh a' teachd, agus nach séid e 'n trompaid, agus nach faigh an sluagh rabhadh; ma thig an claidheamh, agus gu'n toir e aon neach air falbh uatha, tha e air a thoirt air falbh 'n a aingidheachd: ach iarraidh mise 'fhuil air làimh an fhir-fhaire.

7 Mar sin thusa, a mhic an duine, chuir mi thu mar fhear-faire chum tighe Israeil: uime sin éisdidh tu am focal o m' bheul-sa, agus bheir thu dhoibh rabhadh uam-sa.

8 'N uair a their mise ris an aingidh, O dhuine aingidh, gheibh thu gu deimhin bàs; mur labhair thusa chum an t-aingidh a thoirmeasg o 'shlighe, gheibh an duine aingidh sin bàs 'n a aingidheachd: ach air do làimh-sa iarraidh mise 'fhuil.

9 Gidheadh, ma bheir thusa rabhadh do'n



aingidh mu thimchioll a shlighe, gu pill-eadh uaipe: mur pill e o 'shlighe, gheibh e bàs 'n a aingidheachd, ach thèaruinn thusa d' anam.

10 Uime sin, a mhic an duine, labhair thusa ri tigh Israeil, Mar so deir sibh, ag ràdh, Ma bhlitheas ar cionta agus ar lochdan oirnn, agus gu'n searg siun anna, cionnus a dh'fheudas sinn mar sin a bhi beò?

11 Abair riu, Mar is beò mise, deir an Tighearn Dia, cha-n'eil tlachd air bith agam-sa ann am bàs an aingidh; ach gu'm pilleadh an t-aingidh o 'shlighe, agus gu'm bhitheadh e beò: pillibh, pillibh, o 'ur droch shlighibh, e'ar son a bhàsaicheas sibh, O thigh Israeil?

12 Uime sin, a mhic an duine, abair thusa ri cloinn do shluaigh, Cha dean fireantachd an fhìrean a shaoradh ann an là a chionta: agus 'n a aingidheachd cha tuit an t-aingidh anns an là 's am pill e o 'chionta; nì mò dh'fheudas am fìrean a bhi beò air son 'fhìreantachd anns an là's am peacach e.

13 'N uair a their mise ris an fhìrean gu mair e gu deimhin beò: mu nì e bun á 'fhìreantachd féin, agus gu'n dean e aingidheachd, cha chuimhnichear 'uile fhìreantachd; ach air son 'aingidheachd a rinn e, air son sin gheibh e bàs.

14 A ris, an uair a their mise ris an aingidh, Gheibh thu gu deimhin bàs: ma philleas e o 'pheacadh, agus gu'n dean e an nì sin a tha dligheach agus ceart;

15 Ma bheir an t-aingidh air ais an geall, agus gu'n aig e a ris an nì a ghoid e, gu'n gluais e ann an reachdaibh na beatha, gun aingidheachd a chur 'an gnìomh; mairidh e gu deimhin beò, cha-n' fhaigh e bàs.

16 Cha chuimhnichear dha lochd air bith a rinn e: rinn e an nì a tha dleasdhanach agus ceart: mairidh e gu cinnteach beò.

17 Gidheadh tha clann do shluaigh-sa ag ràdh, Cha-n'eil slighe an Tighearna cothromach. Ach air an son-san, cha-n'eil an slighe cothromach.

18 'N uair a philleas am fìrean air ais o 'fhìreantachd, agus a chuiras e 'n gnìomh aingidheachd, gheibh e bàs d' a chionn.

19 Ach ma philleas an t-aingidh air falbh o 'aingidheachd, agus gu'n dean e an nì sin a tha dleasdhanach agus ceart, mairidh e beò d' a chionn.

20 Gidheadh tha sibh ag ràdh, Cha-n'eil slighe an Tighearna cothromach: O thigh Israeil, bheir mise breth oirbh, air gach aon a réir a shlighe.

21 Agus tharladh anns an aon bhliadhna deug d' ar bruid, anns an deicheamh mìos, air a chùigeamh là de'n mhios, gu'n d'thàinig aon a theich o Ierusalem a m' ionnsuidh-sa, ag ràdh, Bhuaileadh am baile.

22 Agus bha lùmh an Tighearn' orm anns

an aumoch, mu'n d'thàinig esan a theich, agus dh'fhosgail i mo bheul, gus an d'thàinig e thugam anns a' mhaduinn; agus dh'fhosgladh mo bheul, agus cha robh mi ni bu mhò balbh.

23 An sin thàinig focal an Tighearn' a m' ionnsuidh, ag ràdh,

24 A mhic an duine, tha iadsan a tha 'g àiteachadh nan ionadan fasa sin de fhearann Israeil a' labhairt, ag ràdh, Bha Abraham 'n a aonar, agus shealbhaich e am fearann: ach tha sinne lionmhor, thugadh am fearann dhuinn mar sheilbh.

25 Air an aobhar sin, abair riu, Mar so tha an Tighearn Dia ag ràdh, Tha sibh ag itheadh maille ris an fhuil, agus a' togail 'ur sùl suas ri 'ur n-iodholaibh, agus a' dòrtadh fola; agus an sealbhaich sibh am fearann?

26 Tha sibh a' seasamh air 'ur claidheamh, tha sibh a' deanamh gràineileachd, agus a' truailleadh, gach aon agaibh, mnà a choimhearsnaich; agus an sealbhaich sibh am fearann?

27 Abair thusa riu mar so, Mar so tha an Tighearn Dia ag ràdh, Mar is beò mise, gu deimhin tuitidh iadsan a tha anns na h-ionadaibh fasa leis a' chladheamh; agus esan a tha 's a' mhachair luim, bheir mise do na beathaichibh r'a itheadh; agus bàsaichidh iadsan a bhitheas anns na daingnichibh agus anns na h-uamhaibh leis a' phlàigh.

28 Oir fàgaidh mise am fearann ro fhàsail, agus sguiridh mòrachd a threise: agus bithidh sléibhtean Israeil fàs, air chor as nach téid aon neach trompa.

29 An sin aithnichidh iad gur mise an Tighearn, 'n uair a ui mi am fearann ro fhàsail, air son an uile ghràineileachdan a chuir iad 'an gnìomh.

30 Agus thusa, a mhic an duine, tha clann do shluaigh an còmhnuidh a' labhairt umad ri taobh nam ballachan, agus ann an dorsaibh nan tighean, agus a' labhairt aon r'a chèile, gach aon r'a bhràthair, ag ràdh, Thigibh, guidheam oirbh, agus éisdibh ciod am focal a tha 'teachd a mach o'n Tighearn.

31 Agus tha iad a' teachd a d' ionnsuidh mar chruinneachadh sluaigh, agus tha iad a' suidhe ann ad làthair mar mo phobull-sa, agus tha iad ag éisdeachd do bhriathran, ach cha-n'eil iad 'g an deanamh: oir tha iad a' taisbeanadh mòran gràidh le'm beul, ach tha an cridhe a' dol an dèigh an sannt.

32 Agus, feuch, tha thusa dhoibh mar òran ro thaitneach duine aig am bheil guth binn, agus a chluicheas gu maith air inneal-ciuil: oir tha iad ag éisdeachd do bhriathran, ach cha-n'eil iad 'g an deanamh.

33 Agus 'n uair a thig so gu crìch, (feuch tha e 'teachd,) an sin aithnichidh iad gu'n robh faidh 'n am measg.

CAIB. XXXIV.

1 *Achmhasan do aodhairibh Israeil. 7 Breitheanas Dhé 'n an aghaidh: 11 A fhreasdal mu thimchioll a shluaigh. 20 Beannachdan rioghachd Chrìosd.*

A GUS thàinig focal an Tighearn 'a m' ionnsuidh, ag ràdh,

2 A mhic an duine, dean faistneachd an aghaidh aodhairean Israeil, dean faistneachd, agus abair riu, O aodhairean, mar so tha an Tighearn Dia ag ràdh, Mo thruaighe aodhairean Israeil, a tha 'g am beathachadh féin; nach bu choir do na h-aodhairibh an treud a bheathachadh.

3 Tha sibh ag itheadh na saill, agus 'g 'ur n-éideadh féin leis an olainn, tha sibh a' marbhadh nan ainmhidhean biadhtha: chan-eil sibh a' beathachadh an treud.

4 Cha do neartaich sibh an lag, ni mò leighis sibh an tinn, ni mò 'cheangail sibh suas e sin a bha briste, ni mò thug sibh air ais a' chuid a sgapadh, ni mò 'dh'iarr sibh a' chuid a chailleadh; ach le h-ainneart riaghlaidh sibh iad, agus le h-an-ìochd.

5 Agus sgapadh iad le dìth aodhairean: agus bha iad 'n am biadh do uile bheathaicheibh na macharach, an uair a bha iad air an sgapadh.

6 Chaidh mo chaoarach-sa air seacharan air feadh nan uile bheann, agus air gach sliabh àrd: seadh, bha mo threud air a sgapadh air aghaidh na talmhainn uile, agus cha robh aon neach 'g an sireadh no 'g an iarraidh.

7 Uime sin, O aodhairean, éisdibhse focal an Tighearna.

8 Mar is beò mise, tha an Tighearn Dia ag ràdh, gu deimhin a chionn gu'n robh mo threud 'n an creich, agus gu'n d'rinn-eadh mo threud 'n am biadh do uile bheathaicheibh na macharach, a chionn nach robh aodhair sam bith ann, ni mò 'dh'iarr m' aodhairean mo threud, ach bheathaich na h-aodhairean iad féin, agus cha do bhiath iad mo threud-sa:

9 Uime sin, O aodhairean, éisdibh focal an Tighearna.

10 Mar so tha an Tighearn Dia ag ràdh, Feuch, tha mise an aghaidh nan aodhairean, agus iarraidh mi mo threud air an àimh, agus bheir mi orra sgar de bhiathadh an treud; ni mò bheathaicheas na h-aodhair-ean iad fèin tuilleadh; oir saoraidh mise mo threud as am beul, a chum nach bi iad dhoibh 'n am biadh.

11 Oir mar so tha an Tighearn Dia ag ràdh, Feuch, lorgaichidh mise, mise féin, mo chaoarach, agus iarraidh mi mach iad.

12 Amhuil a lorgaicheas aodhair a mach a threud, anns an là 'bhitheas e 'measg a chaoarach a chaidh a sgapadh; mar sin iarraidh mise mo chaoarach féin, agus saoraidh mi iad as na h-uile àite gus an robh iad air an sgapadh, anns an là neulach agus dhorchas.

13 Agus bheir mi mach iad o mheasg nan cinneach, agus cruinnichidh mi iad o na dùthchaibh, agus bheir mi iad gu'm fearann féin, agus ionaltraidh mi iad air sléibhtibh Israeil, 'an cois nan ainmnichean, agus ann an uile ionadaibh àitichte na tìre.

14 Ionaltaridh mi iad ann an innis mhaith, agus bithidh am buaile air sléibhtibh àrda Israeil: an sin luidhidh iad ann an ciuain mhaith, agus ionaltraidh iad ann an innis reamhair air sléibhtibh Israeil.

15 Beathaichidh mise mo threud, agus bheir mi orra luidhe sìos, deir an Tighearn Dia.

16 Iarraidh mi a' chuid a chailleadh, agus bheir mi air ais a' chuid a dh'fhuadaicheadh air falbh, agus ceanglaidh mi suas a' chuid a bhriseadh, agus neartaichidh mi a' chuid a bha tinn: ach sgrìosaidd mi an reamhar agus an làidir; beathaichidh mi iad sin le breitheanas.

17 Agus air 'ur son-sa, O mo threud; mar so tha an Tighearn Dia ag ràdh, Feuch, bheir mise breth eadar spréidhagus spréidh, eadar na reitheachan agus na gabhair fhirionn.

18 An ni suarach leibhse an innis mhaith itheadh suas, ach gu'n saltair sibh fòs a' chuid eile de'n ionaltaridh sìos fo 'ur cosaibh? agus òl de na h-uisgeachan domhain, ach an éigin duibh a' chuid eile a shalachadh le 'ur cosaibh.

19 Agus air son mo threud-sa, tha iad ag itheadh an ni sin a shaltair sibh fo 'ur cosaibh, agus ag òl an ni sin a rinn 'ur cosan a thruailladh.

20 Air an aobhar sin, mar so tha an Tighearn Dia ag ràdh riu, Feuch, bheir mise, mise féin, breth eadar an spréidh reamhar agus an spréidh chaol.

21 A chionn gu'n do thulg sibh le taobh agus le slinnein, agus gu'n d'rinn sibh an t-euslan uile a phurradh le 'ur n-adharcaibh, gus an do sgap sibh iad o chéile:

22 Uime sin tèarnaidh mise mo threud, agus cha bhi iad ni's mò 'n an creich; agus bheir mi breth eadar spréidh agus spréidh.

23 Agus cuiridh mi suas aon aodhair os an ceann, agus beathaichidh esan iad, eadhon mo sheirbhiseach Daibhidh; beathaichidh esan iad, agus bithidh e dhoibh 'n a aodhair.

24 Agus bithidh mise Iehobhah 'n am Dhia dhoibh, agus mo sheirbhiseach Daibhidh 'n a phrionnsa 'n am measg; labhair mise Iehobhah e.

25 Agus ni mise coimhcheangal sìthe riu, agus cuiridh mi cosgadh air na droch bheathaicheibh anns an fhcaram; agus gabhaidh iad còmhnuidh gu tèarainte 's an fhàsach, agus coidlidh iad anns na coilltibh.



26 Agus nì mi iadsan, agus na h-ionadan timchioll mo shléibh 'n am beannachadh; agus bheir mi air an fhras teachd a nuas 'n a h-àm: bithidh frasan de bheannach-daibh ann.

27 Agus bheir craobh na macharach seachad a toradh, agus bheir an talamh seachad a chiinneas, agus bithidh iad tèaruinte 'n an dùthaich, agus aithnichidh iad gur mise an Tighearn, 'n uair a bhriseas mi cuibhrichean an cuinge, agus a shaoras mi iad á làimh na muinntir a ghabh seirbhis diubh.

28 Agus cha bhi iad nì's mò 'n an cobhart-aich do na cinnich, nì mò nì beathaichean an fhearainn an slugadh suas: ach gabhaidh iad còmhnuidh gu tèaruinte, agus cha chuir aon neach eagal *orra*.

29 Agus togaidh mi suas doibh meangan cliùiteach, agus cha bhi iad air an claidh nì's mò le gort anns an fhearann, nì mò ghiùlaineas iad masladh nan cinneach nì's faide.

30 Mar so aithnichidh iad gu bheil mise an Tighearn Dia maille riu, agus gur iadsan, tigh Israeil, mo shluagh, deir an Tighearn Dia.

31 Agus sibhse, mo threud, treud m' ionaltraidh, is daoine sibh, agus is mise bhuir Dia, deir an Tighearn Dia.

CAIB. XXXV.

1 *Nìthear breitheanas air sliabh Sheir, 4 agus cuirear a bhailean fàs do bhrìgh gu'n do dhòirt e fuil cloinne Israeil.*

**O**S bàrr, thàinig focal an Tighearn a m' ionnsuidh, ag ràdh,

2 A mhic an duine, cuir d'aghaidh ri sliabh Sheir, agus dean faistneachd 'n a aghaidh,

3 Agus abair ris, Mar so tha an Tighearn Dia ag ràdh, Feuch, O shléibh Sheir, tha mise a'd' aghaidh, agus sinidh mi mo làmh a mach a'd' aghaidh, agus nì mi sgrios agus léir-sgrios ort.

4 Nì mi do bhailtean 'n am fàsach, agus bithidh tu a'd' nochd-làraich, agus bithidh fios agad gur mise an Tighearn.

5 A chionn gu'n robh fuath bith-bhuan agad, agus gu'n do dhòirt thu *fuil* cloinne Israeil le neart a' chhlaidheimh, ann an àm an airce, anns an àm 's an robh deireadh aig an aingidheachd.

6 Air an aobhar sin, mar is beò mise, tha an Tighearn Dia ag ràdh, ulluichidh mi thusa air son fola, agus nì fuil do dhian-ruagadh: a chionn nach d' fhuathaich thu fuil, nì fuil do dhian-ruagadh.

7 Mar so nì mi léir-sgrios air sliabh Sheir, agus gearraidh mi uaithe an ti 'théid a mach, agus an ti a philleas air ais.

8 Agus lìonaidh mi a shléibhtean le 'dhaoiné marbhtha: air do chnocaiibh, agus ann ad ghleanntaibh, agus ann ad uile aithnichte an tuitidh iadsan a mharbhar leis a' chhlaidheamh.

9 Nì mise fàsaichean sìorrudh dhìot, agus cha togar a ris do bhailtean; agus aithnichidh sibh gur mise an Tighearn;

10 A chionn gu'n d' thubhairt thu, Bithidh an dà chinneach so, agus an dà dhùthaich so agam-sa, agus seallbhaichidh sinn iad: ged bha an Tighearn an sin:

11 Uime sin, mar is beò mise, tha an Tighearn Dia ag ràdh, nì mi eadhon a réir d'fheirge, agus a réir d'fharmaid a nochd thu, le d'fhuath 'n an aghaidh; agus nì mi mi féin aithnichte 'n am measg, an uair a bheir mi breth ortsa.

12 Agus aithnichidh tusa gur mi an Tighearn, agus gu'n cuala mi d' uile thoibheum an aghaidh shléibhtean Israeil, ag ràdh, Dh'fhàgadh fàs iad, agus thugadh iad dhuinne g' an slugadh.

13 Mar so le 'ur beul rinn sibh uail ann am aghaidh-sa, agus mheudaich sibh 'ur briathran ann am aghaidh; chuala mise.

14 Mar so tha an Tighearn Dia ag ràdh, An uair a nì an talamh uile gairdeachas, nì mise fàs thusa.

15 Mar a rinn thusa gairdeachas os ceann oighreachd tìge Israeil, a chionn gu'n robh i fàs, mar sin nì mise riutsa: bithidh tu fàs, O shléibh Sheir, agus Idumea uile, an t-ionlan deth; agus aithnichidh iad gur mise an Tighearn.

CAIB. XXXVI.

1 *Sgriosar fuigheall nan cinneach a chionn gu'n d'rinn iad gairdeachas thar léir-sgrios Iudea, 7 agus àrdaichear sléibhtean Israeil. 20 Thilg Dia sluagh Israeil uaithe air son am peacaidhean, ach cruinnichidh e iad a ris le mòr-thrócair.*

**M**AR an ceudna, a mhic an duine, dean faistneachd do shléibhtibh Israeil, agus abair, A shléibhtean Israeil, cluinnibh focal an Tighearna.

2 Mar so tha an Tighearn Dia ag ràdh, A chionn gu'n d' thubhairt an nàmhaid 'n 'ur n-aghaidh, Aha, is leinne fòs na seann ionadan àrda mar sheilbh:

3 Uime sin, dean faistneachd agus abair, Mar so tha an Tighearn Dia ag ràdh, A chionn gu'n d'rinn iad fàs sibh, agus gu'n do shluig iad suas sibh air gach taobh, gu bhi 'n 'ur seilbh do fhuigheall nan cinneach, agus gu bheil sibh air 'ur gabhail ann am beul luchd seanachais, agus 'n 'ur mi-chliu am measg dhaoine:

4 Air an aobhar sin, a shléibhtean Israeil, éisidh focal an Tighearna, Mar so tha an Tighearn Dia ag ràdh ris na sléibhtibh agus ris na cnocaiibh, ris na sruthaibh, agus ris na gleanntaibh, ris na fàsaichibh uaigneach, agus ris na bailtibh a thréigeadh, a dh'fhàs 'n an cobhartaich agus 'n am ball-fanoid do fhuigheall nan cinneach mu'n cuairt:

5 Air an aobhar sin mar so tha an Tighearn Dia ag ràdh, Gu deimhin ann an teine m'eud labhair mi 'n aghaidh fuigheall nan

cinneach, agus an aghaidh Idumea uile, a ghabh mo dhùthaich-sa gu bhì 'n a seilbh dhoibh, le gairdeachas an uile chridhe, le inntinn angidh, g'a toirt thairis mar chreich.

6 Dean fàistneachd uime sin mu thim-chioll fearainn Israeil, agus abair ris na sléibhtibh agus ris na cnocaidh, ris na sruthaibh agus ris na gleanntaibh, Mar so tha an Tighearn Dia ag ràdh, Feuch, labhair mise ann am eud agus ann am chorruidh, a chionn gu'n do ghiùlain sibh tàmailt nan cinneach.

7 Air an aobhar sin, mar so tha an Tighearn Dia ag ràdh, Thog mise suas mo làmh; Gu deimhin na cinnich mu'n cuairt duibh giùlainidh iad féin am masladh.

8 Ach sibhse, O shléibhteann Israeil, cuiridh sibh a mach 'ur geugan, agus bheir sibh 'ur toradh do m' shluagh-sa Israeil, oir tha iad am fagus a chum teachd.

9 Oir fench, tha mise leibh, agus pillidh mi ruibh, agus bithidh sibh air 'ur treabh-adh agus air 'ur cur.

10 Agus ni mi daoine lionmhor oirbh, uile thigh Israeil gu h-iomlan; agus bithidh na bailtean air an àiteachadh, agus bithidh na h-ionadan fàs air a togail.

11 Agus ni mi lionmhor oirbh duine agus ainmhidh, agus fàsaidh iad lionmhor, agus bheir iad toradh; agus suidhichidh mi sibh mar a bha sibh o shean, agus ni mi *ruibh* nìs fearr na ann 'ur ceud chor; agus aithnichidh sibh gur mise an Tighearn.

12 Seadh, bheir mi air daoine coiseachd oirbh, *eadhon* mo phobull Israeil, agus seallbhaichidh iadsan thu, agus bithidh tu dhoibh a'd oighreachd, agus cha dean thu iad nìs mò uireasbhuidheach.

13 Mar so tha an Tighearn Dia ag ràdh, A chionn gu'n abair iad riut, Thusa a shluig suas daoine, agus a dh'fhàg gun sliochd do chinnich:

14 Uime sin cha sluig thu daoine nìs mò, agus cha-n fhàg thu do chinnich nìs mò gun sliochd, deir an Tighearn Dia.

15 Ni mò dh'fhuilingeas mise gu'n cluinnear tàmailt nan cinneach annad tuilleadh, ni mò ghiùlaineas tu masladh an t-sluagh nìs faide, ni mò bheir thu air do chinnich tuiteam tuilleadh, deir an Tighearn Dia.

16 Os bàrr, thàinig focal an Tighearn' a m' ionnsuidh, ag ràdh,

17 A mhic an duine, 'n uair bha tigh Israeil a' chòmhnuidh 'n an dùthaich féin, thruaill iad i le an slighe féin, agus le an deanadas: bha an slighe ann am làthair-sa mar neòghloine mnà a chuireadh air leth.

18 Air an aobhar sin dhòirt mi orra mo chorruidh, air son na fola a dhòirt iad air an fhearann, agus air son an iodholan leis an d'rin iad a thruaillleadh:

19 Agus sgap mi iad am measg nan cinneach, agus bha iad air an sgaoleadh air

feadh nan dùthchannan. A réir an slighe, agus a réir an deanadais thug mise breth orra.

20 Agus 'n uair a chaidh iad a steach a chum nan cinneach gus an deachaidh iad, thruaill iad sin m' ainm naomh-sa, 'n uair a thubhairt iad ri, Is iad so sluagh an Tigh-earna, gidheadh chaidh iad a mach as 'fhearann.

21 Ach ghabh mise truas diubh air son m' ainme naoimh féin, a thruaill tigh Israeil am measg nan cinneach gus an deachaidh iad.

22 Air an aobhar sin, abair ri tigh Israeil, Mar so tha an Tighearn Dia ag ràdh, Cha-n'eil mi 'deanamh so air 'ur son-se, O thigh Israeil, ach air son m' ainme naoimh féin, a thruaill sibhse am measg nan cinneach gus an deachaidh sibh.

23 Ach naomhaichidh mi m' ainm mòr féin, a bha air a thruaillleadh am measg nan cinneach, a thruaill sibhse 'n am meadhan; agus aithnichidh na cinnich gur mise an Tighearn, tha an Tighearn Dia ag ràdh, 'n uair a bhitheas mi air mo naomhachadh annaibhse fa chomhair an sùl.

24 Oir bheir mi sibh o mheasg nan cinneach, agus tionailidh mi sibh as na h-uile dhùthchaibh, agus bheir mi sibh gu 'ur fearann féin:

25 An sin crathaidh mi uisge glan oirbh, agus bithidh sibh glan: o 'ur n-uile shalchar, agus o 'ur n-uile iodholaibh glanaidh mi sibh.

26 Bheir mi fòs dhuibh cridhe nuadh, agus cuiridh mi spiorad nuadh an taobh a stigh dhibh; agus buinidh mi air falbh an cridhe cloiche as 'ur feòil, agus bheir mi dhuibh cridhe feòla.

27 Agus cuiridh mi mo spiorad an taobh a stigh dhibh, agus bheir mi oirbh gluasad ann am reachdaibh, agus coimhididh sibh mo bhreitheanna, agus ni sibh iad.

28 Agus gabhaidh sibh còmhnuidh anns an fhearann a thug mise do 'ur n-aithrichibh, agus bithidh sibh 'n 'ur sluagh dhomh-sa, agus bithidh mise ann am Dhia dhuibhse.

29 Saoraidh mi sibh fòs o 'ur n-uile neo-ghloine; agus gairmidh mi air an arbhar, agus meudaichidh mi e, agus cha chuir mi gort air bith oirbh.

30 Agus meudaichidh mi meas na craoibhe, agus cinneas na macharach, air chor as nach faigh sibh nìs mò masladh gorta measg nan cinneach.

31 An sin cuimhnichidh sibh 'ur droch shlighe féin, agus 'ur deanadas nach robh maith, agus fuathaichidh sibh sibh féin ann 'ur sealladh féin, air son 'ur n-euccartan, agus air son 'ur gràineileachdan.

32 Cha-n' ann air 'ur son-se 'tha mise a' deanamh so, tha an Tighearn Dia ag ràdh, bitheadh fios agaibh: bitheadh nàire agus amhladh oirbh air son 'ur slighean féin, O thigh Israeil.



33 Mar so tha an Tighearn Dia ag ràdh, Anns an là 's an gian mi sibh o 'ur n-uile aingidhceachd, bheir mi fòs fainear gu'n gabh sibh còmhnuidh anns na bailtibh, agus bithidh na h-ionadan fas' air an togail.

34 Agus bithidh am fearann fas air a thrèabhadh, 'an àit e bli'n a luidhe fas' an sealladh gach aoin a ghabh seachad.

35 Agus their iad, Tha an tìr so a bha uaigneach, air fas marghàradh Edein; agus na bailtean falamh, fas', agus millte, tha iad air an daingneachadh, agus air an àit-eachadh.

36 An sin aithnichidh na cinnich a dh'fhàg-adh air gach taobh dhibh gur mise an Tighearn a thogas na h-àitean sgrìosta, a shuidhicheas an t-ionad fàisail: mise Iehobhah labhair, agus ni mi.

37 Mar so tha an Tighearn Dia ag ràdh, Bithidh mise fathasd air m' iarraidh 's an ui so le tigh Israeil, a chum a dheanamh air an son; ni mi lìonmhor iad le daoineibh mar threud.

38 Mar an treud naomh, mar threud Ierusalem 'n a fèillibh àrda: mar sin bithidh na bailtean fas' air an lìonadh le treudaibh dhaoine; agus aithnichidh iad gur mise an Tighearn.

CAIB. XXXVII.

1 *Le ais-eirigh nan cnàmhan tiorma nochd Dia do'n fhàidh gu'n ath-bheòthaicheadh e a shlughag le a spiorad.* 15 *Nìhear Israel agus Iudah 'n an aon shluagh.* 21 *Na beannachdan a shruithas d'an ionnsuidh o Chrìosd an rìgh.*

**B**HA làmh an Tighearn' orm, agus thug e mach mi ann an spiorad an Tighearn', agus chuir e sìos mi ann am meadhon a' ghlinne a bha làn de chnàmhan.

2 Agus thug e orm gabhail seachad orra mu'n cuairt, air gach taobh: agus, feuch, bha iad ro lìonmhor anns a' mhachair sgaoilte; agus, feuch, bha iad ro thioram.

3 Agus thubhairt e rium, A mhic an duine, am feud na cnàmhan so teachd beò? agus fhreagair mise, O Thighearna Dhia, agad-sa tha fios.

4 An sin thubhairt e rium, A mhic an duine, dean faistneachd do na cnàmhan so, agus abair riu, O chnàmha tiorma, éisdibh-se focal an Tighearna.

5 Mar so tha an Tighearn Iehobhah ag ràdh ris na cnàmhan so, Feuch, cuiridh mise anail annaibh, agus bithidh sibh beò.

6 Agus cuiridh mi fèithean oirbh, agus bheir mi air feoil fas oirbh, agus còmhdaichidh mi sibh le craicìonn, agus cuiridh mi anail annaibh; agus bithidh sibh beò, agus aithnichidh sibh gur mi an Tighearn.

7 Mar sin rinn mise faistneachd mar a dh'aitheadh dhomh: agus am feadh a bha mi ri faistneachd, bha toirm ann, agus, feuch, crith-ghluasad, agus thàinig na cnàmhan chum a chèile, cnàimh a chum a chnàmha.

8 Agus an uair a dh'amhaire mi, feuch, dh'fhàs fèithean agus feoil orra, agus còmhdaich an craicìonn iad; ach cha robh anail anna.

9 An sin thubhairt e rium, Dean faistneachd do'n anail, dean faistneachd, a mhic an duine, agus abair ris an anail, Mar so tha an Tighearn Iehobhah ag ràdh, Thig o na ceithir ghaothaibh, O anail, agus séid air na mairbh so, chum gu'm bi iad beò.

10 Is amhuil a rinn mise faistneachd mar a dh'aitheadh dhomh, agus thàinig an anail do'n ionnsuidh, agus dh'fhàs iad beò, agus sheas iad air an cosaibh, armailt anbharr mòr.

11 An sin thubhairt e rium, A mhic an duine, is iad na cnàmhan so an t-ionlan de thigh Israeil; feuch tha iad ag ràdh, tha ar cnàmhan air tiormachadh, agus ar dòchas air a chall, is ann a tha sinn air ar gearradh as.

12 Air an aobhar sin dean faistneachd, agus abair riu, Mar so tha an Tighearn Iehobhah ag ràdh, Feuch, O mo shlughag, fosglaidh mise bhur n-uaignean, agus bheir mi oirbh teachd a nìos as 'ur n-uaignibh, agus bheir mi sibh gu fearann Israeil.

13 Agus aithnichidh sibh gur mise an Tighearn an uair a dh'fhosglas mi 'ur n-uaignean, O mo shlughag, agus a bheir mi sibh a nìos as 'ur n-uaignibh,

14 Agus a chuireas mi mo spiorad annaibh, agus a bhitheas sibh beò, agus a shuidhicheas mi sibh 'n 'ur fearann féin: an sin aithnichidh sibh gur mise Iehobhah a labhair, agus gu'n d'rinn mi, deir an Tighearn.

15 Thàinig focal an Tighearn' a m' ionnsuidh a ris, ag ràdh,

16 A bhàrr air so, a mhic an duine, gabh thusa dluit féin aon mhaide, agus sgrìobh air, Air son Iudah, agus air son cloinne Israeil a chompanaich: an sin gabh maide eile, agus sgrìobh air, Air son Ioseiph, maide Èphraim, agus uile thighe Israeil a chompanaich.

17 Agus ceangail iad aon r'a chèile 'n an aon mhaide; agus fasaidd iad 'n an aon ann ad làimh.

18 Agus an uair a labhras clann do shluaigh riut, ag ràdh, Nach feuch thu dhuinn cìod a's ciall duit leis na nithibh so?

19 Abair riu, Mar so tha an Tighearn Iehobhah ag ràdh, Feuch, gabhaidh mise maide Ioseiph a tha 'n làimh Èphraim, agus fin-eachan Israeil, a chompanaich, agus cuiridh mi iad maille ris, maille ri maide Iudah, agus ni mi aon mhaide dhiubh, agus bithidh iad 'n an aon ann am làimh.

20 Agus bithidh na maidean air an sgrìobh thu ann ad làimh fa chomhair an sùil.

21 Agus abair riu, Mar so tha an Tighearn Iehobhah ag ràdh, Feuch, bheir mise clann Israeil o mheasg nan cinneach gus am bbeil

ad air imeachd, agus cruinnichidh mi iad air gach taobh, agus bheir mi iad gu'n dùthaich fein.

22 Agus ni mi aon chinneach dhiubh anns an fhearann, air sléibhtibh Israeil, agus bithidh aon rìgh 'n a rìgh dhoibh uile: agus cha bli iad ni's mò 'n an dà chinneach, ni mò bhitheas iad air an roinn 'n an dà rìoghachd tuilleadh air aon chor.

23 Ni mò thruaillleas siad iad fèin tuilleadh le 'n ìodholaibh, no le 'n nithibh fuathach, no le aon air bith de'n euceartaibh: ach saoraidh mise iad o'n uile cheannaircibh anns an robh iad ciontach, agus glanaidh mi iad: mar sin bithidh iadsan 'n an sluagh dhomh-sa, agus bithidh mise ann am Dìia dhoibh-san.

24 Agus bithidh m' òglach Daibhidh 'n a rìgh os an ceann: agus bithidh aon bhuach-aill ac' uile: glanaisidh iad fòs ann am reachdaibh, agus bheir iad faineas m' ord-uisgean, agus ni siad iad.

25 Agus gabhaidh iad còmhnuidh 's an fhearann a thug mise do m' òglach Iacob, anns an do ghabh 'ur n-aithrichean còmhnuidh: agus gabhaidh iadsan còmhnuidh ann, iad fèin, agus an clann, agus clann an cloinne gu bràth; agus bithidh m' òglach Daibhidh 'n a rìgh dhoibh gu sìorruidh.

26 A thuilleadh air so, ni mise coimh-cheangal sìthe riu; bithidh e 'n a choimh-cheangal sìorruidh riu, agus suidhichidh mi iad, agus ni mi lìomhior iad, agus cuiridh mi mo naomh-ionad 'n am meadhon gu bràth.

27 Bithidh mo phàillion mar an ceudna maille riu: seadh, bithidh mise dhoibhsan ann am Dìia, agus bithidh iadsan dhomhsa 'n an sluagh.

28 Agus aithnichidh na cinnich gur mise Iehobhah a naomhaicheas Israel, an uair a bhitheas mo naomh-ionad 'n am meadhon gu sìorruidh.

#### CAIB. XXXVIII.

1 *Fàistneachd an aghaidh Ghog: 10 a dhroch smuaintean 's na bliadhnaibh deireannach.*

14 *Sgrìosar e fèin agus a mhòr-shluagh le breitheanas namhasach.*

A GUS thàinig focal an Tighearn 'a m' ionnsuidh-sa, ag ràdh,

2 A mhic an duine, cuir do ghnùis an aghaidh Ghog, tìr Mhagog, àrd phrionnsa Mheseich agus Thubail, agus dean fàistneachd 'n a aghaidh,

3 Agus abair ris, Mar so tha an Tighearn Dia ag ràdh, Feuch, tha mise a'd' aghaidh, O Ghog, àrd phrionnsa Mheseich agus Thubail;

4 Agus pillidh mi air d' ais thu, agus cuiridh mi dubhain ann ad ghialaibh, agus bheir mi mach thu fèin, agus d' fheachd uile, eich agus marcaich, iad uile air an éideadh leis gach uile ghnè *armachd*; eideachadh mhòr le targaidibh agus le sgiath-

aibh, an t-ìomlan diubh ag iomairt chlaidh ean.

5 Persia, Etiopia, agus Libia maille riu; an t-ìomlan diubh le sgéith agus ceannbheart:

6 Gomer agus a chuideachdan uile, tìgh Thogarmah o na cèarnaibh tuatha, agus uile bhuidhnean; mòran sluagh maille riu.

7 Bi thusa deas, agus ulluich air do shon fèin, thu fein agus d' uile chuideachd a tha air an cruinneachadh thugad, agus bi dhoibh a'd' dhèin.

8 An dèigh mhòran làithean thigear g'ad amharc: anns na bliadhnaibh deircannach thig thu do'n fhearann a thugadh air ais o'n chlaidheamh, a chruinnicheadh á mòran chinneach, an aghaidh sléibhtean Israeil, a bha fada fàs: ach thugadh a mach as na cinnich e, agus gabhaidh iadsan uile còmhnuidh ann an tèaruinteachd.

9 Eiridh tu suas, agus thig thu mar dhoinn, bithidh tu cosmhuil ri neul a dh'fholach an fhearainn, thu fèin agus d' uile bhuidhnean, agus mòran sluagh maille riu.

10 Mar so tha an Tighearn Dia ag ràdh, Tarlaidh anns an là sin gu'n tig nithean ann ad aire, agus gu'n smuainich thu droch smuaintean.

11 Agus their thu, Thèid mi suas gu tìr nam bailtean gun bhallachan, thig mi air a' mhuinntir a tha aig fois, a tha 'gabhail còmhnuidh ann an tèaruinteachd, iad uile 'gabhail còmhnuidh gun bhallachan, agus gun chroinn no dorsan aca,

12 A ghlacadh creiche, agus a ghlacadh cobhartaich; a thionndadh do làimhe air na h-ionadan fàsa a tha *nis* air an àiteachadh, agus air an t-sluagh a chruinnicheadh a mach as na cinnich, a fluair seilbh agus maoin, a tha 'chòmhnuidh ann am meadhon na tìre.

13 Their Seba, agus Dedan, agus ceann-aichean Tharsis, agus a chuid bailtean, riu, Am bheil thu air teachd a ghlacadh cobhartaich? an do chruinnich thu do chuideachd a ghlacadh creiche? a thoirt leat òir agus airgid; a thoirt air falbh spréidhe agus maoin; a ghlacadh creiche mòire?

14 Uime sin, a mhic an duine, dean fàistneachd, agus abair ri Gog, Mar so tha an Tighearn Iehobhah ag ràdh, Ams an là 's an gabh mo shluagh-sa Israel còmhnuidh gu tèaruinte, nach bi fios agad?

15 Agus thig thu á d' àite, mach as na cèarnaibh tuatha, thu fèin agus mòran sluagh maille riu, iad uile a' marcachd air eachaibh, buidheam mhòr, agus feachd cumhachdach:

16 Agus thig thu nìos an aghaidh mo shluagh-sa Israeil, mar neul a dh'fholach an fhearainn, tarlaidh e 's na làithibh deireannach, agus bheir mise thu an agh-



aith m' fhearainn, a chum gu'n aithnich na cinnich mi, 'n uair a bhitheas mi air mo naomhachadh annad-sa, O Ghog, fa chomh-air an sùl.

17 Mar so tha an Tighearn Dia ag ràdh, An tusa an ti mu'n do labhair mi o shean le m' sheirbhishich, fàidhean Israeil, a rinn fàistneachd anns na làithibh sin, ré bhliadh-nachan, gu'n tugainn-sa thu 'n an aghaidh!

18 Agus tarlaidh anns an àm cheudna, 'n uair a thig Gog an aghaidh fearainn Israeil, tha an Tighearn Dia ag ràdh, gu'n tig mo chorruch-sa nios ann am eudan.

19 Oir ann am eud, ann an teine mo chorruch, labhair mi: Gu cinnteach anns an là sin bithidh crith mhòr air fearann Israeil:

20 Air chor as gu'n criothnuich ann am làthair-sa iasgan na fairge, agus eunlaith an athair, agus beathaichean na macharach, agus na h-uile nithean snàgach a shnàgas air uachdar na talmhainn, agus na h-uile dhaoine a tha air aghaidh na talmhainn; agus tilgear na sléibhtean sìos, agus tuitidh na h-ionadan àrda, agus tuitidh na h-uile balla gu talamh.

21 Agus gairmidh mise air son claidheimh 'n a aghaidh air feadh m' uile shléibhtean, tha an Tighearn Iehobhah ag ràdh; bithidh claidheamh gach aoin duine an aghaidh a bhràthar.

22 Agus tagraidh mi 'n a aghaidh le plàigh agus le fuil, agus frasaidd mi air féin, agus air a bhuidhnean, agus air a' mhòr-shluagh a tha maille ris, frasan tuilteach, agus clachan-meallain mòra, teine agus pronnusc.

23 Mar so ni mi mòr mi féin, agus naomhaichidh mi mi féin; agus aithnichear mi ann an sùilibh mhòran chinneach, agus bithidh fios aca gur mi an Tighearn.

## CAIB. XXXIX.

1 Breitheanas Dhé an aghaidh Ghog. 8 Bheir Israel buaidh air a shluagh. 11 Adhlaicear Gog ann an gleann Hamon-Gog. 17 Ithidh eoin an athair feoil nan cumhachdach, agus òlaidh iad fuil phrionnsachan na talmhainn air sléibhtibh Israeil. 25 Bheirear air ais braighdeanas Iacòib.

**U**IME sin, dean thusa, a mhic an duine, fàistneachd an aghaidh Ghog, agus abair, Mar so tha an Tighearn Dia ag ràdh, Feuch, tha mise ann ad aghaidh, O Ghog, àrd-phrionnsa Mheseich agus Thubail:

2 Agus pillidh mi air d' ais thu, agus cha-n fhàg mi ach an sèathamh cuid dhìot, agus bheir mi ort teachd a nios o na cèarnaibh thuatha, agus bheir mi thu gu sléibhtean Israeil:

3 Agus buailidh mi do bhogha á do làimh ehl, agus bheir mi air do shaighdean tuit-eam á do làimh dheis.

4 Tuitidh tu air sléibhtibh Israeil, thu féin agus do bhuidhnean uile, agus an sluagh a

tha maille riut: bheir mi thu do'n eunlaith fhuileachdach de gach seòrsa, agus do bheathaichibh na talmhainn, a chum a bhi air do shlugadh suas.

5 Tuitidh tu air a' mhachair sgaoilte; oir labhair mise, deir an Tighearn Iehobhah.

6 Agus cuiridh mi teine air Magog, agus am measg na muinntir a tha 'chòmhnuidh gu neo-umhaileach anns na h-eileanaibh; agus aithnichidh iad gur mi an Tighearn.

7 Mar so ni mi m' ainm naomh aithnichte ann am meadhon mo phobuill Israeil, agus cha leig mi m' ainm naomh a thruailleadh ni's mò; agus bithidh fios aig na cinnich gur mi an Tighearn, aon naomh Israeil.

8 Feuch thàinig e gu crìch, agus rinneadh e, tha an Tighearn Iehobhah ag ràdh: is e so an là mu'n do labhair mise.

9 Agus théid iadsan a tha 'chòmhnuidh ann am bailtibh Israeil a mach, agus cuiridh iad ri theine, agus loisgidh iad na h-airm, an targaid, agus fòs an sgiath, am bogha, agus na saighdean, agus an gath, agus an t-sleagh, agus loisgidh iad le teine iad seachd bliadhna:

10 Air chor as nach toir iad connadh air bith as a' mhachair, ni mò ghearras iad a' bheag de na coilltibh: oir loisgidh iad na h-airm anns an teine, agus creachaidh iad an dream le 'n do chreachadh iad agus spùinnidh iad an dream le 'n do spùinneadh iad, deir an Tighearn Iehobhah.

11 Agus tarlaidh air an là sin gu'n toir mise do Ghog an sin àite air son uaighean ann an Israel, gleann an luchd-siubhail air taobh an ear na fairge; agus bacadh e 'n luchd-siubhail: agus an sin adhlaicidh iad Gog, agus a shluagh uile; agus goiridh iad ris, Gleann sluagh Ghog.

12 Agus bithidh tigh Israeil 'g an adhlacadh, a chum am fearann a ghlanadh, seachd mìosan.

13 Seadh, bithidh uile shluagh an fhearainn 'g an adhlacadh, agus bithidh là mo ghlòire-sa iomraiteach 'n am measg, deir an Tighearn Iehobhah.

14 Agus cuiridh iad air leth daoine deanadach, a shiùbbhas feadh an fhearainn, a dh'adhlacadh, leis an luchd-siubhail, na muinntir a tha fathas air aghaidh na talmhainn, a chum a ghlanadh; 'an ceann sheachd mìosan bithidh iad 'g an iarraidh.

15 Agus an luchd-siubhail a tha 'g imeachd troimh an fhearann, 'n uair a chì aon neach cnàimh duine, an sin cuiridh e comharadh suas làimh ris, gus an adhlaic an luchd-adhlacaidh e ann an Gleann Hamon-Gog.

16 Agus fòs bithidh Hamonah mar ainm air a' bhaile: mar so glanaidh iad ann fearann.

17 Agus thusa, a mhic an duine, mar so tha an Tighearn Iehobhah ag ràdh, Labhair ris gach eun iteachach, agus ri uile bheathaichibh na macharach, Cruinnichibh sibh

féin, agus thigibh; cruinnichibh sibh féin o gach taobh, gu m' iobairt-sa 'tha mi 'dean-amh air 'ur son, *eadhon* àr mòr air sléibhtibh Israeil, a chum gu'n ith sibh feoil, agus gu'n òl sibh fuil.

18 Ithidh sibh feoil nan cumhachdach, agus òlaidh sibh fuil phrionnsachan na talmhainn, *fuil* reitheachan, uan, agus ghabhar, agus tharbh; iad uile air am biathadh ann am Bàsan.

19 Agus ithidh sibh saill gus am bi sibh sàthach, agus òlaidh sibh fuil gus am bi sibh air mhìsg, de m' iobairt-sa a mharbh mi air 'ur son.

20 Mar so lìonar sibh air mo bhòrd-sa le h-eachaibh, agus le carbadaibh, le daoine cumhachdach, agus leis na h-uile fhear-cogaidh, deir an Tighearn Iehobhah.

21 Agus cuiridh mi mo ghòir am measg nan ciuneach, agus chi na cinnich mobhreitheanas a rinn mi, agus mòlaimh a leag mi orra.

22 Mar sin aithnichidh tigh Israeil gur mise an Tighearn an Dia o'n là sin, agus uaithe sin a mach.

23 Agus aithnichidh na cinnich gu'n deachaidh tigh Israeil gu daorsa air son an aingidheachd; a chionn gu'n do pheacaich iad a' m' aghaidh-sa, uime sin dh'fholuich mi mo ghnùis uatha, agus thug mi iad do làimh an naimhdean; mar sin thuit iad uile leis a' chlàidheamh.

24 A réir an neòghloine, agus a réir an cionta rinn mise riu, agus dh'fholuich mi mo ghnùis uatha.

25 Air an aobhar sin, mar so tha an Tighearn Iehobhah ag ràdh, A nis bheir mi air ais braigheanas Iacoib, agus ni mi trècair air uile thigh Israeil, agus bithidh mi eudmhor air son m' ainne naoimh.

26 An déigh dhoibh an nàire a ghiulan, agus an uile chionta leis an do chiontaich iad a'm' aghaidh-sa, 'n uair a ghabhas iad còmhuidh gu tèarainte 'n an dùthaich féin, agus nach cuir aon neach eagal orra.

27 An uair a bheir mise air an ais iad o na cinnich, agus a chruinnicheas mi iad o dhùthchaibh an naimhdean, agus a naomhaichear mi anna ann an sealladh mhòran chinneach.

28 An sin aithnichidh iad gur mise Iehobhah an Dia, a thug faineair iad a bhi air an toirt ann an daorsa am measg nan ciuneach: ach chruinnich mi iad chum an dùthcha féin, agus cha d'fhàg mi aon diubh ni's mò an sin.

29 Ni mò dh'fholaiheas mi tuilleadh mo ghnùis uatha: oir dhòirt mi mach mo spiorad air tigh Israeil, deir an Tighearn Iehobhah.

CAIB. XL.

1 Taisbeanadh mu thimchioll cumadh na caithreach. 9 Tomhas geatachan an sgàth-ghige. 27 Geatachan na càirte stigh. 39 Na h-ochd clàir air an do mharbhadh na h-iobairtean.

**A**NNS a' chùigeamh bliadhna fichead d' ar braigheanas, ann an toiseach na

bliadhna, air an deicheamh là de'n mhìos, (b' i sin an ceathramh bliadhna deug an déigh do'n bhaile 'bhi air a bhualadh,) air a' cheart là sin bha làmh an Tighearn' orm, agus thug e chum an àite sin mi.

2 Ann an taisbeanadh Dhié thug e mi gu tìr Israeil, agus chuir e mi air sliabh ro àrd, làimh ris an robh samhladh cumadh baile thall fa chomhair.

3 Agus thug e 'n sin mi, agus feuch, duine, agus a dhreach mar dhreach umha, le sreing lin 'n a làimh, agus le slait-thomhais; agus sheas e anns a' gheata.

4 Agus thubhairt an duine rium, A mhic an duine, faic le d' shùilibh, agus cuinn le d' chluasaibh, agus socruich do chridhe air na h-uile ni a dh'fheuchas mise dhuit; oir is ann a chum gu'm feuchainn duit iad a thugadh an so thu; foillsich gach ni a chi thu do thigh Israeil.

5 Agus, feuch, bha balla air taobh a mach an tìge mu'n cuairt, agus ann an làimh an duine bha slat-thomhais sè làmh-an-coille air fad, le leud boise ris gach aon làmh-choille: mar sin thomhais e leud a' bhalla, aon slat; agus 'àirde, aon slat.

6 An sin thàinig e gus an geata 'tha 'g amharc ris an àird' an ear, agus chaidh e suas air a cheumaibh, agus thomhais e stairsneach a' gheata, aon slat air leud, agus an t-àrd-dhorus cuideachd, aon slat air leud.

7 Agus bha gach seòmar beag aon slat air fad, agus aon slat air leud, agus eadar na seòmraichean beaga bha cùig làmh-an-coille, agus bha stairsneach a' gheata, aig sgàth-thigh a' gheata an taobh a stigh, aon slat.

8 Thomhais e mar an ceudna sgàth-thigh a' gheata an taobh a stigh, aon slat.

9 An sin thomhais e sgàth-thigh a' gheata, ochd làmh-an-coille, agus a phuist, dà làmh-choille; agus bha sgàth-thigh a' gheata an taobh a stigh.

10 Agus bha trì de sheòmraichibh beaga geata na h-àird' an ear, air an taobh so, agus trì air an taobh ud; bha iad 'n an trì 'dh' aon tommas, agus bha na puist a dh' aon tommas, agus air an taobh so agus air an taobh ud.

11 Agus thomhais e leud dol a steach a' gheata, deich làmh-an-coille, agus fad a' gheata trì deug làmh-choille.

12 B'e an dealachadh fòs fa chomhair nan seòmraichean beaga aon làmh-choille *air an taobh so*, agus aon làmh-choille an dealachadh air an taobh ud; agus bha na seòmraichean beaga sè làmh-an-coille air an taobh so, agus sè làmh-an-coille air an taobh ud.

13 Thomhais e 'n sin an geata o mhullach aoin seòmair bhig gu mullach aoin eile: b' e an leud cùig làmh-an-coille thar fhichead, dorus fa chomhair dorus.

14 Thomhais e mar an ceudna puist trì fichead làmh-choille, eadhon gu bhi 'n am



puist do'n gheata, air gach taobh de'n chùirt.

15 Agus o aghaidh geata an dol a steach, gu aghaidh sgàth-thighe a' gheata-stigh, bha deich agus dà fhichead lām-choille.

16 Agus bha uinneagan cumhann ris na seòmraicheibh beaga, agus ri 'n aghaidh an taobh a stigh de'n gheata mu'n cuairt, agus mar an ceudna ris na sgàth-thighean; agus bha uinneagan mu'n cuairt air an taobh a stigh: agus air gach post bha croinn-phailme.

17 An sin thug e mi do'n chùirt a stigh, agus, feuch, seòmraichean agus urlar deanta air son na cùirte timchioll air gach taobh: bha deich seòmraichean fichead anns an urlar.

18 Agus an t-urlar ri taobh nan geatachan, thall fa chomhair leud nan geatachan, b' e sin an t-urlar a b' ìsle.

19 An sin thomhais e 'n leud o aghaidh a' gheata a b' ìsle, gu aghaidh a mach na cùirte a b' fhaide steach, ceud lām-choille ris an àird 'an ear.

20 An sin thug e mi gus an taobh mu thuath, agus thomhais e fad geata na cùirte mach a tha 'g amharc ris an àirde tuath, agus a leud.

21 Agus b' iad a sheòmraichean beaga, tri air an taobh so, agus tri air an taobh ud, agus bha a phuist agus a sgàth-thighean a réir tomhais a' cheud gheata; b' e deich agus dà fhichead lām-choille 'fhad; agus cùig lāmhan-coille thar fhichead 'àirde.

22 Agus bha an uinneagan, agus an sgàth-thighean, agus an croinn-phailme a réir tomhais a' gheata 'tha 'g amharc ris an àirde 'n ear; agus chaidh iad suas d'a ionnsuidh le seachd ceumaibh; agus bha a sgàth-thighean fa 'n comhair.

23 Agus bha geata na cùirte stigh fa chomhair a' gheata 'tha 'g amharc ris an àirde tuath, mar e sin ris an àirde 'n ear; agus thomhais e o gheata gu geata ceud lām-choille.

24 An déigh sin thug e mi air slighe na h-àirde deas, agus, feuch, geata ris an àirde deas; agus thomhais e a phuist, agus a sgàth-thighean, a réir nan tomhas ceudna.

25 Agus bha uinneagan ann, agus 'n a sgàth-thighean mu'n cuairt air gach taobh, cosmhail ris na h-uinneagaibh sin; b' e 'fhad deich agus dà fhichead lām-choille, agus a leud cùig lāmhan-coille thar fhichead.

26 Agus bha seachd ceuma gu dol suas thuige, agus bha a sgàth-thighean fa chomhair; agus bha croinn-phailme air, aon air an taobh so, agus aon cile air an taobh ud, air a phuist.

27 Agus bha geata's a' chùirt a stigh ri deas, agus thomhais e o gheata gu geata ri deas, ceud lām-choille.

28 Agus thug e mi do'n chùirt a stigh troimh 'n gheata mu dheas, agus thomhais

e an geata mu dheas a réir nan tomhas ceudna.

29 Agus a sheòmraichean beaga, agus a phuist, agus a sgàth-thighean, a réir nan tomhas ceudna; agus bha uinneagan ann, agus 'n a sgàth-thighean air gach taobh mu'n cuairt: b' e deich agus dà fhichead lām-choille 'fhad, agus cùig lāmhan-coille thar fhichead a leud.

30 Agus bha na sgàth-thighean air gach taobh mu'n cuairt, cùig lāmhan-coille thar fhichead air fad, agus cùig lāmhan-coille air leud.

31 Agus bha a sgàth-thighean ris a' chùirt a mach, agus croinn-phailme air a phuist: agus bha ochd ceuman 'n a dhol suas.

32 Agus thug e mi gus a' chùirt a stigh leth ris an àirde 'n ear, agus thomhais e an geata a réir an tomhais so.

33 Agus bha a sheòmraichean beaga, agus a phuist, agus a sgàth-thighean a réir nan tomhas so; agus bha uinneagan ann, agus 'n a sgàth-thighean air gach taobh mu'n cuairt; deich agus dà fhichead lām-choille 'fhad, agus cùig lāmhan-coille thar fhichead a leud.

34 Agus bha a sgàth-thighean ris a' chùirt a mach, agus croinn-phailme air a phuist air an taobh so, agus air an taobh sin; agus bha ochd ceuman 'n a dhol suas.

35 Agus thug e mi gus an geata tuath, agus thomhais e a réir nan tomhas so:

36 A sheòmraichean beaga, a phuist, agus a sgàth-thighean, agus 'uinneagan air gach taobh mu'n cuairt: deich agus dà fhichead lām-choille 'fhad, agus cùig lāmhan-coille thar fhichead a leud.

37 Agus bha a phuist ris a' chùirt a mach, agus croinn-phailme air a phuist air an taobh so, agus air an taobh ud, agus 'n a dhol suas bha ochd ceuman.

38 Agus bha na seòmraichean agus an dol a steach lāmh ri puist nan geatachan, far an do nigh iad na tabhartais-loisgte.

39 Agus ann an sgàth-thigh a' gheata bha dà chlàr air an taobh so, agus dà chlàr air an taobh ud, a chum an ìobairt-loisgte, agus an ìobairt-phacaidh, agus an ìobairt-eus-aontais a mharbhadh orra.

40 Agus air an taobh a mach, mar théid aon suas gu fosgladh a' gheata thuath, bha dà chlàr; agus air an taobh cile, aig sgàth-thigh a' gheata bha dà chlàr.

41 Bha ceithir clàir air an taobh so, agus ceithir clàir air an taobh ud, ri taobh a' gheata; ochd clàir, air an do mharbh iad an ìobairtean.

42 Agus bha na ceithir clàir de chloich shnàighte air son na h-ìobairt-loisgte, lām-choille gu leth air fad, agus lām-choille gu leth air leud, agus aon lām-choille air àirde; air an do leag iad mar an ceudna an aefhuinn leis an do mharbh iad an tabhartais-loisgte agus an ìobairt.

43 Agus bha dubhain iaruin de leud boise an taobh a stigh, air an daingneachadh mu'n cuairt air gach taobh; agus air na clàraibh bha feoil na h-iobairt'.

44 Agus thug e mi chum a' gheata stigh; agus, feuch, an sin bha dà sheòmar anns a' chùirt a stigh; aon air taobh tuath a' gheata, ag amharc ris an àirde deas, agus an t-aon eile air taobh deas a' gheata, ag amharc ris an àirde tuath.

45 Agus thubhairt e rium, Tha an seòmar so 'tha 'g amharc ri deas, air son nan sagart a tha 'frithealadh air coimhead an tighe.

46 Agus tha an seòmar a tha 'g amharc ri tuath air son nan sagart a tha 'frithealadh air coimhead na h-altarach; is iad so mic Shadoic am measg mhac Lebhi, a tha 'teachd dlùth do'n Tighearn chum frithealadh dha.

47 Mar sin thomhais e a' chùirt, ceud làmh-choille air fad, agus ceud làmh-choille air leud, ceithir-chearnach; agus an altair ri aghaidh an teampuill.

48 Agus thug e mi gu sgàth-thigh an teampuill, agus thomhais e gach post de'n sgàth-thigh, cùig làmhan-coille air an taobh so, agus cùig làmhan-coille air an taobh sin; agus b' e leud a' gheata trì làmhan-coille air an taobh so, agus trì làmhan-coille air an taobh sin.

49 B' e fad an sgàth-thighe fichead làmh-choille, agus a leud aon làmh-choille deug, agus anns an dol suas d'a ionnsuidh *bha deich ceuman*: agus bha pruiop aig na puist, aon air an taobh so, agus aon air an taobh sin.

#### CAIB. XLI.

1 *Tomhas, 6 seòmraichean, 18 ceruban, 23 agus dorsan an teampuill.*

**N**A dhéigh sin thug e mi do'n teampull, agus thomhais e na puist, sè làmhan-coille air leud air an aon taobh, agus sè làmhan-coille air leud air an taobh eile, b' e so leud gach puist.

2 Agus b' e leud an doruis deich làmhan-coille; agus bha ursannan an doruis cùig làmhan-coille air an aon taobh, agus cùig làmhan-coille air an taobh eile: agus thomhais e 'fhad, dà fichead làmh-choille, agus a leud fichead làmh-choille.

3 An sin chaidh e gus an taobh a stigh, agus thomhais e post an doruis dà làmh-choille, agus an dorus féin sè làmhan-coille air leud, agus air gach taobh de'n dorus seachd làmhan-coille.

4 Mar sin thomhais e 'fhad fichead làmh-choille, agus an leud fichead làmh-choille, fa chomhair aghaidh an teampuill; agus thubhairt e rium, Is e so an t-ionad ro naomh.

5 'N a dhéigh sin thomhais e balla an teampuill sè làmhan-coille; agus leud gach seòmair-thaoibh ceithir làmhan-coille, timchioll an teampuill air gach taobh.

6 Agus bha na seòmraichean-taoibh aon an déigh aoin, trì deug thar fhichead 'an àireamh, agus bhuincadh iad do'n bhalla sin a bha mu'n cuairt air an teampull air cùl nan seòmraichean-taoibh, bha greim aca dlèth, ach cha robh greim aca ann am balla an teampuill.

7 Agus bha farsuinneachd agus sìor dhol mu'n cuairt an àird chum nan seòmraichean-taoibh, oir chaidh cuairteachadh an tighe do ghnàth suas mu thimchioll an tighe: agus mar sin bha leud an tighe shuas, agus air an dòigh sin bha e 'dol 'am meud o'n t-seòmar iochdarach gus an aon a b' àirde aig a' mheadhon.

8 Chunnaim mi fòs mu'n cuairt air an tigh, o iochdar stéidh nan seòmraichean-taoibh, gu'm b' e àirde gach aoin diubh slat iomlan shè làmhan-coille mòra.

9 B' e leud a' bhalla, a bha eadar na seòmair-thaoibh a mach cùig làmhan-coille; b' e sin fhad as a bha eadar na seòmraichean-taoibh a bha ri taobh an tighe.

10 Agus eadar na seòmraichean *eile* bha fichead làmh-choille air gach taobh, mu'n cuairt do'n tigh.

11 Agus bha dorsan nan seòmraichean-taoibh ris an ionad a dh'fhàgadh, aon dorus ris an àirde tuath, agus dorus eile ris an àirde deas; agus b' e leud an ionaid a dh'fhàgadh cùig làmhan-coille air gach taobh mu'n cuairt.

12 A nis bha an aitreabh a bha fa chomhair an àite air leth, ris an àird an iar, deich agus trì fichead làmh-choille air leud; agus bha balla na h-aitreabh cùig làmhan-coille air tuighead gach taobh mu'n cuairt: agus b'e 'fhad deich agus ceithir fichead làmh-choille.

13 Mar sin thomhais e an tigh ceud làmh-choille air fad, agus an t-àit air leth, agus an aitreabh le a ballachaibh, ceud làmh-choille air fad.

14 Mar an ceudna leud aghaidh an tighe, agus an ionaid air leth ris an àird an ear, ceud làmh-choille.

15 Agus thomhais e fad na h-aitreabh fa chomhair an àit air leth, agus a bha air a chùlaobh, agus a seòmraichean air an taobh so agus air an taobh eile, ceud làmh-choille, maille ris an teampull a stigh, agus ri sgàth-thighibh na cùirte.

16 Bha puist an doruis agus na h-uinn-eagan cumhann, agus na seòmraichean mu'n cuairt air an trì urlair, thall fa chomhair an doruis, foluichte le fiodh timchioll mu'n cuairt, agus o'n làr suas gu ruig na h-uinn-eagan; agus bha na h-uinneagan air an còmhdaichadh.

17 Ach os ceann an doruis, agus anns an teampull a mach, gu e sin a b' fhaide steach, agus air a' bhalla uile mu'n cuairt do'n teampull a stigh agus a muigh,

18 Bha ceruban air an deanamh, agus



croinn-phailme, air chor as gu'n robh crann-pailme eadar cerub agus cerub; agus aig gach cerub bha dà aghaidh:

19 Air chor as gu'n robh aghaidh duine ris a' chrann-phailme air an aon taobh, agus aghaidh leòmhain òig ris a' chrann-phailme air an taobh eile: bha so deanta feadh an tighe uile mu'n cuairt.

20 O'n làr gu os ceann an doruis bha ceruban air an deanamh, agus croinn-phailme, agus air balla an teampuill.

21 Bha puist an teampuill ceithir-chearnach, agus aghaidh an ionaid naoimh air a' chumachd cheudna.

22 Bha an altair de fhiodh trì làmh-choille air àirde, agus dà làmh-choille air fad; air a deanamh cearnach le oisnibh agus clàraibh fiodha: agus thubhairt e rium, So am bord a tha fa chomhair an Tighearna.

23 Agus bha dà dhorus aig an teampull, agus aig an ionad naomh.

24 Agus bha dà dhuilleig aig gach dorus, dà dhuilleig a' tionndadh; dà dhuilleig air son an aoin doruis, agus dà dhuilleig air son an doruis eile.

25 Agus bha ceruban agus croinn-phailme deanta orra, air dorsaibh an teampuill, mar a bha deanta air na ballachan, agus bha déileachan tiugha air aghaidh an sgàth-thighe a mach.

26 Agus bha uinneagan cumhann agus croinn-phailme air an aon taobh agus air an taobh eile, air taobhan an sgàth-thighe, agus air seòmraichean-taobh an tighe, agus air na déileachan tiugha.

### CAIB. XLII.

1 Seòmraichean nan sagart. 13 Naomhaichear iad do'n Tighearn. 15 Thomhas na cùirte mach.

**A**N sin thug e mach mi gus a' chùirt a mach, air slighe na h-àirde tuath, agus thug e mi do'n t-seòmar a bha os ceann an ionaid air leth, agus a bha fa chomhair na h-aitreibh ris an àirde tuath.

2 Fa chomhair fad cheud làmh-choille bha an dorus tuath; agus b' e an leud leth-cheud làmh-choille.

3 Fa chomhair dhorsan na cùirte steach, agus fa chomhair an urlair a bha air son na cùirte mach, bha seòmar air aghaidh seòmair air trì urlair.

4 Gas fa chomhair nan seòmraichean bha àite spaisdearachd deich làmh-choille air leud a stigh, agus ceud làmh-choille air fad; agus bha na dorsan ri tuath.

5 Agus bha na seòmraichean uachdarach cumhann: oir aca so chrìochnaich na seòmraichean beaga, a dh'èirich gus a' cheud agus an dara urlar de'n aitreibh.

6 Oir bha iad 'n an trì urlair, ach cha robh pruiop aca mar phruiop nan cùirtean: uime sin bha an tigh ni bu chumhainne na 'chuid

a b'òchdaraiche agus a bu mheadhonaiche o'n làr.

7 Agus bha am balla 'bha mach fa chomhair air nan seòmraichean, leth ris a' chùirt a b' fhaide mach air beulaobh nan seòmraichean, leth-cheud làmh-choille air fad.

8 Oir b' e fad nan seòmraichean a bha 's a' chùirt a mach leth-cheud làmh-choille: agus, feuch, fa chomhair an teampuill bha ceud làmh-choille.

9 Agus fo na seòmraichean so bha 'n dol a steach air an taobh an ear, mar théid aon a steach anna o'n chùirt a muigh.

10 Bha na seòmraichean ann an tuioghead balla na chùirte ris an àird an ear, thall fa chomhair an ionaid air leth, agus thall fa chomhair an tighe.

11 Agus bha an t-àite spaisdearachd aig an aghaidh cosmhail ri sin a bha aig seòmraichean na h-àirde tuath; ionnan ann am fad, agus ionnan ann am leud; agus bha an uile dhol a mach araon air an aon dreach, agus fòs an dorsan.

12 Agus a réir dorsan nan seòmraichean a bha ris an àirde deas, bha dorus ann an ceann na slighe, na slighe dìreach fa chomhair a' bhalla, ris an àird an ear, mar a théid aon a steach orra.

13 An sin thubhairt e rium, Na seòmraichean mu thuath, agus na seòmraichean mu dheas, a tha fa chomhair an ionaid air leth, is seòmraichean naomha iad, far an ith na sagartan a thig dlùth do'n Tighearn na nithean a's ro naomhe: an sin cuiridh iad na nithean a's ro naomha, agus an tabhartas-bidh, agus an tabhartas-peacaidh, agus an tabhartas-eusaontais; oir tha an t-ionad naomh.

14 'N uair a théid na sagartan a steach ann, an sin cha théid iad a mach as an ionad naomh gus a' chùirt a mach, ach an sin cuiridh iad an eudaichean, far am bheil iad a' frithealadh; oir tha iad naomha: agus cuiridh iad orra eudaichean eile, agus thig iad dlùth do na nithibh sin a tha air son a' phobuill.

15 A nis 'n uair a chuir e crìoch air tomhas an tighe stigh, thug e mach mi chum a' gheata a tha 'g amharc ris an àird an ear, agus thomhais e mu'n cuairt e.

16 Thomhais e an taobh an ear leis an t-slaith-thomhais, cùig agus ceud slat, leis an t-slaith-thomhais timchioll mu'n cuairt.

17 Thomhais e an taobh mu thuath, cùig agus ceud slat, leis an t-slaith-thomhais timchioll mu'n cuairt.

18 Thomhais e an taobh deas, cùig agus ceud slat, leis an t-slaith-thomhais.

19 Thionndaidh e mu'n cuairt gus an taobh an iar, agus thomhais e cùig agus ceud slat, leis an t-slaith-thomhais.

20 Thomhais e air na ceithir taobhan e: bha balla aige mu'n cuairt, cùig agus ceud slat air fad, agus cùig agus ceud air leud,

a dheanamh dealachaidh eadar an t-ionad naomh agus an t-àite mi-naomh.

CAIB. XLIII.

1 *Thàinig glòir an Tighearna chum an teampuill. 7 Gheall Dia còmhnuidh a ghabhail ann, nan trèigeadh an sluagh an peacaidhean. 10 Chum gu'n gabhadh iad nàire de'n euceartaibh dh'fheuch ann fàidh dhoibh samh-ladh agus dreach an teampuill. 13 Tomhas na h-altarach.*

'N A dhéigh sin thug e mi chum a' gheata, an geata 'tha 'g amharc ris an àird an ear:

2 Agus, feuch, thàinig glòir Dhé Israeil o shlighe na h-àirde 'n ear: agus bha a ghuth mar thoirm mhòran uisgeachan, agus dhealraich an talamh le 'ghlòir.

3 Agus bha an sealladh so a chunnaic mi cosmhuil ris an t-sealladh sin a chunnaic mi, 'n uair thàinig e chum am baile a sgrios: agus bha a' choslas mar an coslas a chunnaic mi aig sruth Chebair: agus thuit mi air m' aghaidh.

4 Agus thàinig glòir an Tighearna chum an teampuill, air slighe a' gheata 'tha 'g amharc ris an àird an ear.

5 An sin thog an spiorad suas mi, agus thug e mi gus a' chùirt a stigh, agus, feuch, lion glòir an Tighearn' an teampull.

6 Agus chuala mi e 'labhairt rium a mach as an teampull; agus sheas an duine làimh rium.

7 Agus thubhairt e rium, A mhic an duine, tha thu 'faicinn àite mo rìgh-chaitheach, agus ionad bhonn mo chos, far an gabh mi còmhnuidh ann am meadhon cloinne Israeil gu sìorruidh, agus m' ainm naomh-sa cha truailigh tigh Israeil ni's mò, iad fèin no'n rìghrean, le 'n strìopachas, no le ciosaichibh an rìghrean 'n an ionadaibh àrda.

8 Le suidheachadh an stairsneich aig mo stairsneich-sa, agus am puist aig mo phuist-sa, agus am balla eadar mise agus iadsan, rinn iad eadhon m' ainm naomh a thruaill-eadh le 'n gràineileachdaibh a chuir iad 'an gnìomh: uinne sin chaith mise iad ann am chorruih.

9 A nis cuireadh iad air falbh an strìopachas, agus ciosaichean an rìghrean fada uam, agus gabhaidh mi còmhnuidh 'n am meadhon gu sìorruidh.

10 A mhic an duine, feuch an teampull so do thigh Israeil, a chum gu'n gabh iad nàire de'n euceartaibh; agus tomhaiseadh iad an samhladh.

11 Agus ma bhitheas nàire orra de gach nì a rinn iad, feuch dhoibh dreach an tighe, agus a chumachd, agus a dhol a mach, agus a theachd a stigh, agus 'uile choslas, agus 'uile orduighean, agus 'uile dheilbh, agus 'uile reachdan; agus sgrìobh e 'n an sealladh, a chum gu'n coimhid iad 'uile dhreach, agus 'uile orduighean, agus gu'n dean siad iad.

12 Is e so reachd an tighe; Air mullach an t-sleibh bithidh a chrìoch uile mu'n cuairt ro naomh: feuch is e so reachd an tighe.

13 Agus is iad so toimhsean na h-altarach ann an làmhan-choille, le leud boise ris gach aon làmh-choille; bithidh eadhon làmh-choille 'n a bonn, agus làmh-choille 'n a leud, agus rèis 'n a h-ìomall air an oir mu'n cuairt; agus bithidh so 'n a chuairteachadh do'n altair.

14 Agus o'n bhonn air an làr gu ruig an suidheachadh ìochdarach bithidh dà làmh-choille, agus aon làmh-choille an leud; agus o'n t-suidheachadh a's lugha gus an suidheachadh a's mò, bithidh ceithir làmhan-choille, agus an leud aon làmh-choille.

15 Mar sin bithidh an altair ceithir làmhan-choille; agus o'n altair an àird bithidh ceithir adhaircean.

16 Agus bithidh an altair dà làmh-choille dheug air fad, a dhà-dheug air leud, ceithir-chearnach 'n a ceithir chearnaibh.

17 Agus bithidh am bonn ceithir làmh-choille deug air fad, agus ceithir-deug air leud, 'n a cheithir chearnaibh; agus bithidh an oir mu'n cuairt oirre leth làmh-choille; agus bithidh a bonn làmh-choille mu'n cuairt, agus amhaircidh a ceuman ris an àird an ear.

18 Agus thubhairt e rium, A mhic an duine, mar so tha an Tighearn Dia ag ràdh, Is iad so orduighean na h-altarach anns an là 's an dean iad i, chum tabhartasan-loisgte ìobradh oirre, agus a chum fuil a chrathadh oirre.

19 Agus bheir thu do na sagartaibh na Lebhitheach a tha de shliochd Shadoic, a thig dlùth dhomh-sa, chum frithealadh dhomh, tha an Tighearn Dia ag ràdh, tarbh òg mar thabhartas-peacaidh.

20 Agus gabhaidh tu d' a fhuil, agus cuiridh tu i air a ceithir adhaircibh, agus air ceithir chearnaibh a buinn, agus air an oir mu'n cuairt: mar so glanaidh agus nighidh tu i.

21 Gabhaidh tu fòs tarbh na h-ìobairt-pheacaidh, agus loisgidh esan e ann an ionad orduichte an tighe, an taobh a mach de'n naomh-ionad.

22 Agus air an dara là ìobraidh tu meann de na gabhraibh gun ghaoid, air son tabhartais-peacaidh; agus glanaidh iad an altair, mar a ghlan iad i leis an tarbh.

23 'N uair a sguireas tu d' a glanadh, ìobraidh tu tarbh òg gun ghaoid, agus reithe as an treud gun ghaoid.

24 Agus ìobraidh tu iad an làthair an Tighearna; agus tilgidh na sagartan salann orra, agus ìobraidh iad suas iad mar ìobairt-loisgte do'n Tighearn.

25 Seachd làithean deasaichidh tu, gach aon là, gabhar air son ìobairt-pheacaidh: deasaichidh iad fòs tarbh òg agus reithe as an treud gun ghaoid.



26 Seachd làithean glanaidh iad an altair, agus nigheadh iad i, agus naomhaichidh siad iad féin.

27 Agus an uair a bhitheas na làithean so air an crìochuachadh, tarlaidh air an ochd-amh là, agus mar sin sìos, gu'n dean na sagartan 'ur n-ìobairtean-loisgte air an altair, agus 'ur n-ìobairtean-sith, agus gabhaidh mise ruibh, deiran Tighearn Iehobhah.

CAIB. XLIV.

1 *Chaidh an geata 'tha 'g amharc ris an àird an ear a shonrachadh do'n phrionnsa. 4 Thugadh geur-achmhasan do'n t-sluagh do bhrìgh gu'n do leig iad le coigrichean an t-ionad naomha a thruaillleadh. 9 Giùlainidh na Lebhithich, a dh'fhalbh air seacharan an dèigh an rìodholan, an aingidheachd. 17 Orduighean mu thimchioll nan sagart.*

**A**N sin thug e mi air m' ais air slighe geata an ionad naomha a muigh, a tha 'g amharc ris an àird an ear, agus bhla e dùinte.

2 An sin thubhairt an Tighearn rium, Bithidh an geata so dùinte, cha-n fhosgail-e ar e, agus cha téid neach air bith a steach air, a chionn gu'n deachaidh an Tighearn Dia Israeil a steach air.

3 Uime sin bithidh e dùinte air a' phrionnsa; am prionnsa féin suidhidh ann a dh'ith-eadh arain an làthair an Tighearna; théid e steach air slighe cuirte a' gheata, agus thig e mach air an t-slighe cheudna.

4 An sin thug e mi air slighe a' gheata thuath, fa chomhair an teampuill, agus dh'amhaire mi, agus feuch, lìon glòir an Tighearna teampull an Tighearna; agus thuit mise air m' aghaidh.

5 Agus thubhairt an Tighearn rium, A mhic au duine, thoir geur-aire, agus feuch le d' shùilibh, agus chuinn le d' chluasaibh, gach ni a' their mise riut mu thimchioll uile orduighean tighe an Tighearn, agus 'uile reachdan, agus thoir aire mhaith do dhol a steach an tighe, le uile dhol a mach an ionaid naomh.

6 Agus their thu ris an tigh cheannaireach, ri tigh Israeil, Mar so tha an Tighearn Dia ag ràdh, O thigh Israeil, gu ma leòr leibh d' ur n-uile ghràineileachdaibh,

7 Gu'n d'thug sibh coigrichean neo-thimchioll-ghearrta 'u an cridhe, agus neo-thimchioll-ghearrta 'u am feoil, gu bhi ann am naomh-ionad-sa, a thruaillleadh mo thighe, am feadh a tha sibh a' tiodhlacadh dhomhsa au arain, na saill, agus na fola; agus bhris sibh mo choimhcheangal le 'ur n-uile ghràineileachdaibh.

8 Agus cha do ghléidh sibh cùram mo nithean naomha; ach chuir sibh luchd-coimhid mo chùrain ann am ionad naomh air 'ur son féin.

9 Mar so tha an Tighearn Dia ag ràdh, Cha téid aon choigreach neo-thimchioll-ghearrta 'n a chridhe, no neo-thimchioll-

ghearrta 'n a fheoil a steach do m' ionad naomh-sa, de choigreach air bith a tha 'meas cloinne Israeil.

10 Agus na Lebhithich a dh'imich am fad uamsa, 'n uair a chaidh Israeil air seacharan, a dh'fhalbh air seacharan uamsa au dèigh an iodhol, giùlainidh eadhon iadsan an aingidheachd.

11 Gidheadh bithidh iad 'n an luchd-frith-ealaidh ann am ionad naomh, air am bi cùram gheatachan an teampuill, agus a bhitheas a' frithealadh do'n teampull: marbhaidh iad an tabhartas-loisgte agus an ìobairt air son an t-sluaigh, agus seasaidh iad 'n an làthair gu frithealadh dhoibh:

12 A chionn gu'n d'rinn iad frithealadh dhoibh ann an làthair an iodhol, agus gu'n d'thug iad air tigh Israeil tuiteam gu aingidheachd; uime sin thog mise suas mo làmh 'n an aghaidh, tha an Tighearn Iehobhah ag ràdh, agus giùlainidh iad an aingidheachd.

13 Agus cha tig iad am fagus domh-sa, a dheanamh dleasdanas sagairt domh, no 'theachd dlùth do bheag air bith de m' nithibh naomha 's an ionad a's ro naomhe: ach giùlainidh iad an nàire, agus an gràineileachdan a chuir iad 'an guìomh.

14 Ach ni mi iad 'n au luchd-coimhid cùram an tighe, air son 'uile sheirbhis, agus air son gach uile ni 'bhitheas ri dheanamh ann.

15 Ach na sagartan na Lebhithich, mic Shadoic, a choimhid cùram m' ionaid naomh, 'n uair a chaidh clann Israeil air seacharan uam, thig iadsan dlùth domh, chum frithealadh dhomh, agus seasaidh iad ann am fhianuis a dh'ìobradh dhomh na saill agus na fola, deir an Tighearn Iehobhah:

16 Théid iad a steach do m' ionad naomh, agus thig iad dlùth do m' bhord, a chum frithealadh dhomh, agus coimhididh iad mo chùram.

17 Agus tarlaidh, 'n uair a théid iad a steach air geatachaibh na cuirte stigh, gu'm bi iad air an éideadh le eudach lìn; agus cha tig olainn air bith orra, au feadh a tha iad a' frithealadh anu an geatachaibh na cuirte steach, agus an taobh a stigh.

18 Bithidh curraichdean lìn air an cinn, agus bithidh triughais lìn air an leasraibh: cha chrìoslaich siad iad féin le aon ni a thogas fallus.

19 Agus 'n uair a théid iad a mach do'n chùirt a muigh, a chum an t-sluaigh, cuiridh iad dhiubh an eudaichean auns an d'rinn iad frithealadh, agus cuiridh iad anus na seòmraichibh naomha iad, agus cuiridh iad orra eudaichean eile, agus cha naomhaich iad am pobull 'n an eudaichibh.

20 Ni mò a lomas iad an cinn, no dh'fhuil-ingear iad do'n ciabhan fas fada; cha dean iad ach a mhàin an cinu a bharradh.

21 Nì mò dh'òlas sagart air bith fion, 'n uair théid iad a steach do'n chùirt a stigh.

22 Nì mò ghabhas iad dhoibh féin mar mhmaoi bantrach, no bean a chuireadh air falbh: ach gabhaidh iad maighdeanan de shìochd tighe Israeil, no banutrach aig an robh sagart roimhe.

23 Agus teagaisgidh iad do m' shluagh-sa an dealachadh eadar naomh agus mi-naomh, agus bheir iad orra dealachadh a chur eadar an glan agus an neòghlan.

24 Agus ann an comhstri seasaidh iad ann am breitheanas; bheir iad breth air a réir mo reachdan-sa; agus coimhididh iad mo lagh agus mo reachdan, ann am uile choimhthionalaibh, agus naomhaichidh iad mo shàbaidean.

25 Agus cha tig iad dlùth do dhuine marbh gu iad féin a thruailladh; ach air son athar, no air son màthar, no air son mic, no air son nighinn, air son bràthar, no air son peathar aig nach robh fear, feudaidh siad iad féin a thruailladh.

26 Agus an déigh dha bhì air a ghlanadh, àirmhidh iad dha seachd làithean.

27 Agus air an là 's an téid e steach do'n ionad naomh, do'n chùirt a stigh gu frith-ealadh anns an ionad naomh, bheir e seachad tabhartas-peacaidh, deir an Tighearn Dia.

28 Agus cha bhì oighreachd air bith aca; is mise an oighreachd-san: agus cha toir sibh dhoibh sealbh air bith ann an Israel; is mise an sealbh.

29 Ithidh iad an tabhartas-bìdh, agus an tabhartas-peacaidh, agus an tabhartas-eusaontais; agus aca-sa bithidh gach uile ni coisrigte ann an Israel.

30 Agus bithidh toiseach ceud thoraidh nan uile nithean, agus gach uile thabhartas de gach seòrsa de 'ur tabhartais aig na sagartaibh, bheir sibh mar an ceudna do'n t-sagart toiseach 'ur taoise, chum gu'n toir e air a bheannachadh còmhuidh a ghabhail ann ad thigh.

31 Cha-n ith an sagart de ni air bith a dh'eugas leis féin, no bhitheas reubta, ma's eum no ainmhidh e.

#### CAIB. XLV.

1 An earrann de'n fhearann air son an ionaid naomh, 6 air son a' bhaile, 7 agus air son a' phrionnsa. 9 Orduighean mu thimcheall a' phrionnsa.

**M**AR an ceudna 'n uair a roinneas sibh le crannchur am fearann mar oighreachd, bheir sibh tabhartas do'n Tighearn, earrann naomh de'n fhearann: is e 'fhad cùig mìle fichead *lámh-choille*, agus a leud deich mìle: *bithidh* so naomh 'n a uile chrìochaibh mu'n cuairt.

2 Dheth so bithidh air son an ionaid naomh cùig ceud *air fad*, le cùig ceud *air leud*, ceithir-chearnach mu'n cuairt; agus

leth-cheud *lámh-choille* mu'n cuairt, air son a dhùth-bhailtean.

3 An déigh an tomhais so toimhsidh tu ann am fad cùig mìle fichead, agus ann an leud deich mìle; agus an sin bithidh an t-ionad naomh, an t-àite ro naomh.

4 Bithidh a' chuid so de'n fhearann naomh do na sagartaibh, luchd-frithealaidh an ionaid naomh, a thig dlùth chum frith-ealadh do'n Tighearn; agus bithidh e 'n a ionad air son an tighean, agus 'n a àite naomh air son an naomh-ionaid.

5 Agus fòs cùig mìle fichead air fad, agus deich mìle air leud bithidh aig na Lebhithich, luchd-frithealaidh an tighe, air an son féin, mar sheilbh air son fichead scòmar.

6 Agus orduichidh sibh mar sheilbh na caithreach cùig mìle *lámh-choille* air leud, agus cùig mìle fichead air fad, thall fa chomhair àite an ionaid naomh: bithidh e aig uile thigh Israeil.

7 Agus bithidh aig an uachdaran air an aon taobh, agus air an taobh eile de chuibhriom an ionaid naomh, agus de sheilbh na caithreach, fa chomhair cuibhrinn an ionaid naomh, agus fa chomhair seilbh na caithreach, o'n taobh an iar, ris an iar; agus o'n taobh an ear, ris an ear; agus bithidh am fad thall fa chomhair aoin de na h-earrannaibh, o'n iomall an iar gus an iomall an ear.

8 Anns an fhearann bithidh a shealbh ann an Israel; agus cha sàruich m' uachdaran-sa nì's mò mo shluagh: agus am fearann bheir iad do thigh Israeil a réir an fineachan.

9 Mar so tha an Tighearn Dia agràdh, Gu ma leòr leibh, O uachdarana Israeil: cuiribh uaibh ainneart agus creach, agus deanaibh breitheanas agus ceartas, togaibh leibh 'ur n-aintighearnas o m' shluagh-sa, deir an Tighearn Iehobhah.

10 Bithidh agaibh meighean cothromach, agus ephah chothromach, agus bat cothromach.

11 Bithidh an ephah agus am bat de aon tomhas, air chor as gu'n eum am bat an deicheamh cuid de homer, agus an ephah an deicheamh cuid de homer: bithidh a thomhas a réir an homeir:

12 Agus bithidh ann an secel fichead gerah: fichead secel, cùig secel thar fhichead, cùig secel deug, bithidh sin 'n a mhanch agaibh.

13 So an tabhartas a bheir sibh uaibh; an seathamh cuid de ephah á homer cruithneachd, agus bheir sibh an seathamh cuid de ephah á homer corna.

14 A thaobh reachd na h-olaidh am bat olaidh, bheir sibh uaibh an deicheamh cuid de bhat as a' chòr, is e sin homer dheich bhat; oir is deich bait a tha ann an homer:

15 Agus aon uan as an treud, á dà cheud, á h-ionaltradh reamhar Israeil, air son



tabhartais-bhìdh, agus air son iobairt-loisgte, agus air son thabhartas-sìth, clum réite 'dheanamh air an son, deir an Tighearn Dia.

16 Bheir uile shluagh an fhearainn an tabhartas so air son an uachdarain ann an Israel.

17 Agus buinidh e do'n phrionnsa tabhartais-loisgte, agus tabhartais-bìdh, agus tabhartas-dìbhe thoirt uaithe airna làithibh féill, agus air na gealaichibh nuadh, agus air na sàbaidibh, agus air uile àrd-fhéillibh tighe Israeil: deasaichidh e 'n tabhartas-peacaidh, agus an tabhartas-bìdh, agus an tabhartas-loisgte, agus na tabhartasau-sìth, a dheanamh réite air son tighe Israeil.

18 Mar so tha an Tighearn Dia ag ràdh, Anns a' cheud mhìos, air a' cheud là de'n mhìos, gabhaidh tu tarbh òg gun ghaoid, agus glanaidh tu au naomh-ionad.

19 Agus gabhaidh an sagart de fhuil na h-iobairt-pheacaidh, agus cuiridh e i air puist an tighe, agus air ceithir chearnaibh buinn na h-altarach, agus air puist geata na cùirte stigh.

20 Agus mar sin ni thu air an t-seachdamh là de'n mhìos, air son gach aoine a théid air seachlaran, agus a ni gu h-amaideach: mar sin ni sibh réite air son an teampuill.

21 Anns a' cheud mhìos, air a' cheathramh là deug de'n mhìos, bithidh a' chàisg agaibh, féill sheachd làithean; ithear aran gun ghoirteachadh.

22 Agus air an là sin deasaichidh am prionnsa air a shon féin, agus air son uile shluagh an fhearainn, tarbh air son iobairt-peacaidh.

23 Agus air seachd làithean na féille deasaichidh e iobairt-loisgte do'n Tighearn, seachd tairbh, agus seachd reitheachan gun ghaoid, gach là, fad nam seachd làithean, agus meann de na gabhraibh gach là air son iobairt-peacaidh.

24 Agus deasaichidh e tabhartas-bìdh, cadhlon ephah air son tairbh, agus ephah air son reithe, agus hin olaidh air son ephah.

25 Anns an t-seachdamh mìos, air a' chùigeamh là deug de'n mhìos, ni e a réir sin air féil nan seachd làithean, a réir an tabhartais-peacaidh, a réir na h-ofrail-loisgte, agus a réir an tabhartais-bhìdh, agus a réir na h-olaidh.

# CAIB. XLVI.

1 Riaghailtean mu thimchioll a' phrionnsa, 9 agus mu thimchioll an t-sluaigh: 16 mu thimchioll thiodhlacan a' phrionnsa d' a mhacaibh, agus d' a sheirbhiseich. 21 Ant-àit's am bruich an sagairt an iobairt-eusaontais agus an iobairt-peacaidh.

**M**AR so tha an Tighearn Dia ag ràdh, Bithidh geata na cùirte stigh, a tha 'g amharc ris an àird an ear, druidte air na

sè làithean oibre; ach air an t-sàbaid bithidh e fosgailte, agus air là na ré nuaidh bithidh e fosgailte.

2 Agus théid an t-uachdaran a steach air slighe sgàth-thighe a' gheata an taobh a mach, agus seasaidh e aig ursann a' gheata, agus deasaichidh an sagart a thabhartas-loisgte, agus a thabhartais-shìth, agus ni e aoradh aig stairsnich a' gheata: an sin théid e mach, ach cha druidear an geata gu amnoch.

3 Mar an ceudna ni sluagh an fhearainn aoradh aig doras a' gheata so au làthair an Tighearna, air na sàbaidibh, agus air na gealaichibh nuadha.

4 Agus is i an iobairt-loisgte a bheir an t-uachdaran do'n Tighearn air là na sàbaid, sè uain gun ghaoid, agus reithe gun ghaoid.

5 Agus is e an tabhartas-bìdh ephah air son reithe, agus an tabhartas-bìdh air son nan uan mar a bhitheas 'n a chomas a thoirt uaithe, agus hin olaidh air son ephah.

6 Agus air là na gealaiche nuaidh bheir e tarbh òg gun ghaoid, agus sè uain, agus reithe: bithidh iad gun ghaoid.

7 Agus deasaichidh e tabhartas-bìdh, ephah air son tairbh, agus ephah air son reithe: agus air son nan uan a réir mar a bhitheas 'n a chomas, agus hin olaidh air son ephah.

8 Agus 'n uair a théid an t-uachdaran a steach, théid e stigh air slighe sgàth-thighe a' gheata, agus théid e mach air a shlighe sin.

9 Ach 'n uair a thig muinntir an fhearainn an làthair an Tighearna, anns na h-àrd-fhéillibh, esan a théid a steach air slighe a' gheata thuath gu aoradh, théid a mach air slighe a' gheata dheas; agus esan a théid a steach air slighe a' gheata dheas, théid e mach air slighe a' gheata thuath: cha phill e air slighe a' gheata air an deachaidh e steach, ach théid e mach thall fa chomhair.

10 Agus théid an t-uachdaran a steach 'n am meadhon 'n uair théid iad a steach; agus 'n uair théid iadsan a mach, théid esan a mach.

11 Agus air na féillibh, agus air na h-àrd-fhéillibh, is e an tabhartas-bìdh ephah air son tairbh, agus ephah air son reithe, agus air son nan uan a réir a chomais, agus hin olaidh air son ephah.

12 A nis 'n uair a dheasaicheas an t-uachdaran o 'thoil féin iobairt-loisgte, no tabhartais-shìth, gu toileach do'n Tighearn, fosgailtear dha an sin an geata 'tha 'g amharc ris an àird an ear, agus ulluichidh e iobairt-loisgte, agus a thabhartasau-sìth mar a rinn e air là na sàbaid: an sin théid e mach, agus an déigh dha dol a mach, druidear an doras.

13 Ulluichidh tu gach là tabhartas-loisgte do'n Tighearn, uan de'n cheud bliadhna gun ghaoid; ulluichidh tu e gach aou mhaduinn.

14 Agus ulluichidh tu tabhartas-bìdh air a shon gach aou mhaduinn, an seathamh cuid de cphah, agus an treas cuid de hin olaidh, chum a mheasgadh leis a' mhinchruithneachd; tabhartas-bìdh do ghnàth, le ordugh siorruidh do'n Tighearn.

15 Mar so ulluichidh iad an t-uan, agus an tabhartas-bìdh, agus an oladh gach aon mhaduinn, mar iobairt-loisgte ghnàth-aichte.

16 Mar so tha an Tighearn Dia ag ràdh, Ma bheir an t-uachdaran tìodhlac do aon air bith d'a mhic, bithidh a shealbh sin aig a mhic; bithidh a shealbh aca mar oighreachd.

17 Ach ma bheir e tìodhlac do aon d'a sheirbhisich, an sin bithidh e aige-san gu bliadhna na saorsa: 'n a dhéigh sin pillidh e chum an uachdarain; ach bithidh 'oighreachd aig a mhic dhoibh féin.

18 A thuilleadh air so cha ghabh an t-uachdaran de oighreachd an t-sluaigh le h-ainneart, a chum an tilgeadh a mach as an seilbh: ach bheir e d' a mhic oighreachd as a sheilbh féin: a chum nach bi mo shluaghsa air an sgapadh gach aon o' sheilbh.

19 'N a dhéigh sin thug e mi troimh an fhosgladh, a bha aig taobh a' gheata, gu seòmraichean naomha nan sagart, a bha 'g amharc ri tuath; agus, feuch, bha àite an sin aig oisinn na h-àird' au iar.

20 An sin thubhairt e rium, So an t-àite 's am bruich na sagartau an iobairt-cus-aontais, agus an iobairt-pheacaidh, far am fuin iad an tabhartas-bìdh: a chum nach toir iad a mach iad gus a' chùirt a mach, gus an sluagh a naomhachadh.

21 An sin thug e mach mi gus a' chùirt a mach, agus thug e orm gabhail seachad air ceithir oisinnibh na cùirte; agus, feuch, bha cùirt anns gach aon oisinn de'n chùirt.

22 Ann an ceithir oisinnibh na cùirte bha cùirtean ceangailte rithe, dà fhichead làmh-choille air fad, agus deich thar fhichead air leud: bha na ceithir oisinnnean so de aon tomhas.

23 Agus bha aca balla mu'n cuairt doibh 'n an ceithir, agus ionadan-bruichidh deanta fo 'n bhalla, mu'n cuairt.

24 An sin thubhairt e rium, Is iad so àiteachan na muinntir a bhuirtheas, far am bruich luchd-frithealaidh an teampuill iobairtean an t-sluaigh.

## CAIB. XLVII.

1 *Taisbean nan uisgeachan naomha; 6 Leighidh iad gach beathach a tha 'gluasad. 13 Crichean an fhearainn. 22 Thèid am fearann a roinn le crannchur.*

'N A dhéigh sin thug e mi ris gu dorus an teampuill, agus, feuch, bhrùchd uisgeachan a mach o ìochdar stairsnich an tighe ris an àird an ear: oir bha aghaidh an tighe ris an àird an ear, agus thàinig na

h-uisgeachan a nuas foidhe, o thaobh deas an tighe, air taobh mu dheas na h-altarach.

2 An siu thug e mach mi air slighe a' gheata mu thuath, agus thug e orm siubhal mu'n cuairt air an t-slighe muigh gus an geata mach, air an t-slighe 'tha 'g amharc ris an àird an ear, agus, feuch, ruith uisgeachan a mach air an taobh deas.

3 Agus 'n uair a chaidh an duine aig an robh an t-sreang 'n a làimh, a mach air slighe na h-àird' an ear, thomhais e mìle làmh-choille, agus thug e mi troimh na h-uisgeachan: bha na h-uisgeachan gu ruig na h-aobhran.

4 A ris thomhais e mìle, agus thug e mi troimh na h-uisgeachan; bha na h-uisgeachan gu ruig na glùinean: a ris thomhais e mìle, agus thug e mi troimh na h-uisgeachan; bha na h-uisgeachan gu ruig na leasraidh.

5 'N a dhéigh sin thomhais e mìle; agus bha e 'n a shruth nach b'urraim mi dol thairis air: oir bha na h-uisgeachan air éirigh, uisgeachan air son snamh anna, amhainn nach feudtadh dol troimpe.

6 Agus thubhairt e rium, Nach faca tu, a mhic an duine? an sin thug e leis mi, agus thug e orm pilleadh gu bruaich na h-aimhne.

7 A nis an uair a phill mi, feuch, air bruaich na h-aimhne bha ro-mhòran chraobh, air an taobh so, agus air an taobh eile.

8 An sin thubhairt e rium, Tha na h-uisgeachan so ag imeachd a mach rathad tìre na h-àirde 'n ear, agus a' dol sìos do'n fhàsach, agus a' dol a steach do'n fhaireg; 'n uair bheirear iad a mach a chum na faireg, leighisear na h-uisgeachau.

9 Agus tarlaidh, gach aon bheathach beò, a tha 'gluasad, taobh air bith gus an tig na h-aimhnichean, mairidh e beò: agus bithidh ro-mhòran éisg ann, a chionn gu'n tig na h-uisgeachan so thuige: oir leighisear iad, agus mairidh gach ni beò far an tig an amhainn.

10 Agus tarlaidh, gu'n seas na h-iasgairean oirre, o Engedi gu ruig Eneglaim; bithidh iad 'n an ionad a sgaoidiladh a mach lion, bithidh an iasg a réir an scòrsa, mar iasg na faireg mòire, ro lionmhor.

11 Ach a làthach, agus a h-àiteachan fiucha cha bhi air an leigheas, bheirear iad thairis gu salann.

12 Agus air taobh na h-aimhne, air a bruaich, air an taobh so, agus air an taobh sin, fàsaidh na h-uile chraobhan air son bìdh, aig nach bi an duilleach air seargadh, no an toradh air a chaitheamh: bheir e mach toradh nuadh a réir a mhìosan, do bhrìgh gu'n do shruth 'uisgeachan a mach o 'n ionad naomh; agus bithidh a thoradh air son bìdh, agus a dhuilleach air son leighis.

13 Mar so tha an Tighearn Dia ag ràdh, So a' chrìoch leis an sealbhaich sibh am



fearann, a réir dà threubh dheug Israeil: bithidh dà roinn aig Ioseph.

14 Agus scalbhaichidh sibh e, aon co maith r'a chéile: oir am fearann so mu'n do thog mise suas mo làmh, gu'n tugainn e do 'ur n-aithrichibh, tuitidh oirbhse mar oighreachd.

15 Agus so crìoch an fhearainn air an taobh mu thuath, o'n fhairge mhòir, slighe Hetloin, mar a théid daoine gu Sedad:

16 Hamat, Berotah, Sibraim, a tha eadar crìoch Dhamascuis agus crìoch Hamait; Hasar-haticon, a tha làmh ri iomall Haurain.

17 Agus o'n fhairge bithidh a' chrìoch aig Hasar-enan, crìoch Dhamascuis, agus an àirde tuath air an taobh mu thuath, agus crìoch Hamait: agus so an taobh mu thuath.

18 Agus an taobh an ear toimhsidh sibh o Hauran, agus o Dhamascus, agus o Ghilead, agus o fhearainn Israeil làmh ri Iordan, o'n chrìch gu ruig an fhairge 'n ear: agus so an taobh an ear.

19 Agus an taobh deas mu dheas o Thamar, gu uisgeachan na strì ann an Cades, an sruth gus an fhairge mhòr: agus so an taobh deas mu dheas.

20 An taobh an iar mar an ceudna bithidh aig an fhairge mhòir o'n iomall, gus an tig duine nall fa chomhair Hamait: so an taobh an iar.

21 Mar so roinnidh sibh am fearann so dhuibh, a réir threubhan Israeil.

22 Agus tarlaidh gu'n roinn sibh e le crannchur air son oighreachd dhuibh féin, agus dona coigrichean a bhios air chuairt 'n 'ur measg, a ghineas clann 'n 'ur measg: agus bithidh iad dhuibh mar gu'm bithheadh iad air am breth 's an dùthaich am measg cloinne Israeil; bithidh oighreachd aca maille ruibh, am measg threubhan Israeil.

23 Agus tarlaidh, anns an treubh anns am bi an coigreach air chuairt, an sin gu'n toir sibh dha oighreachd, deir an Tighearn Dia.

## CAIB. XLVIII.

1 Crìochan an dà threubh dheug, 8 an ionaid naomh, 15 a' bhaile agus nan dlùth-bhailtean, 21 agus an uachdarain. 30 Tomhas agus geata a' bhaile.

**A** NIS is iad so ainmean nan treubh, o'n cheann mu thuath gu iomall slighe Hetloin, mar a théid neach gu Hamat, Hasarenan, crìoch Dhamascuis mu thuath, gu iomall Hamait, (oir is iad so a thaobhan an ear agus an iar,) bithidh aon roinn aig Dan.

2 Agus làmh ri crìch Dhain, o'n taobh an ear gus an taobh an iar, aon aig Aser.

3 Agus làmh ri crìch Aseir, o'n taobh an ear gus an taobh an iar, aon aig Naphtali.

4 Agus làmh ri crìch Naphtali, o'n taobh an ear gus an taobh an iar, aon aig Manasheh.

5 Agus làmh ri crìch Mhanasheh, o'n taobh an ear gus an taobh an iar, aon aig Ephraim.

6 Agus làmh ri crìch Ephraim, o'n taobh an ear gus an taobh an iar, aon aig Reuben.

7 Agus làmh ri crìch Reuben, o'n taobh an ear gus an taobh an iar, aon aig Iudah.

8 Agus làmh ri crìch Iudah, o'n taobh an ear gus an taobh an iar, bithidh tabhartas a bheir sibh seachad, cùig mìle fichead làmh-choille air leud, agus air fad mar aon de na h-earrannaibh eile, o'n taobh an ear gus an taobh an iar, agus bithidh an t-ionad naomh 'n a mhcadhon.

9 An tabhartas a bheir sibh seachad do'n Tighearn, bithidh e cùig mìle fichead làmh-choille air fad, agus deich mìle làmh-choille air leud.

10 Agus air an son-san, air son nan sagart, bithidh an tabhartas naomh so, ris an àirde tuath, cùig mìle fichead làmh-choille air fad, agus ris an àird an iar, deich mìle làmh-choille air leud, agus ris an àird an ear, deich mìle làmh-choille air leud, agus ris an àirde deas, cùig mìle fichead làmh-choille air fad; agus bithidh ionad naomh an Tighearna 'n a mhcadhon.

11 Bithidh e air son nan sagart a tha naomhaichte, de mhacaibh Shadoic, a choimhidh an nì a dh'earb mise riu, nach deachaidh air seacharan an uair a chaidh clann Israeil air seacharan, mar a chaidh na Lebhitich air seacharan.

12 Agus is ro naomh dloibh-san tabhartas so an fhearainn, làmh ri crìch nan Lebhitheach.

13 Agus thall fa chomhair crìche nan sagart, bithidh aig na Lebhitich cùig mìle fichead làmh-choille air fad, agus deich mìle làmh-choille air leud; is e am fad uile cùig mìle fichead làmh-choille, agus an leud deich mìle.

14 Agus cha reic iad deth, ni mò ni iad a mhalairt, no bheir iad uatha ceud thoradh an fhearainn: oir tha e naomh do'n Tighearn.

15 Agus bithidh na cùig mìle làmh-choille a tha air am fagail anns an leud, thall fa chomhair nan cùig mìle fichead, 'n a ionad nach bi naomh, air son a' bhaile, air son còmhnuidh, agus air son dlùth-bhailtean; agus bithidh an baile 'n a mhcadhon.

16 Agus so a thoinhsean; an taobh mu thuath ceithir mìle agus cùig ceud, agus an taobh mu dheas ceithir mìle agus cùig ceud, agus air an taobh an ear ceithir mìle agus cùig ceud, agus an taobh an iar ceithir mìle agus cùig ceud.

17 Agus bithidh dlùth-bhailtean na caithreach ris an àirde tuath dà cheud agus leth-cheud, agus ris an àirde deas dà cheud agus leth-cheud, agus ris an àird an ear dà cheud agus leth-cheud, agus ris an àird an iar dà cheud agus leth-cheud.

18 Agus bithidh a' chuid eile air leud, thall

fa chomhair tabhartais a' chuibhrinn naoimh, deich mìle ris an taobh an ear, agus deich mìle ris an taobh an iar: agus bithidh e thall fa chomhair tabhartais a' chuibhrinn naoimh; agus bithidh a chinneas mar lòn do luchd-frithealaidh na caithreach.

19 Agus ni a' mhuinntir a fhrithealas do'n bhaile frithealadh dha & uile threubhan Israeil.

20 Is e an tabhartas uile cùig mìle fichead, le cùig mìle fichead: bheir sibh seachad an tabhartas naomh ceithir-chearnach, maille ri seilbh na caithreach.

21 Agus bithidh a' chuid eile air son an uachdarain, air an taobh so, agus air an taobh eile de'n tabhartas naomh, agus de sheilbh na caithreach, thall fa chomhair nan cùig mìle fichead de'n tabhartas leth ris a' chrìch an ear, agus an taobh an iar thall fa chomhair nan cùig mìle fichead leth ris a' chrìch an iar, thall fa chomhair nan cuibhrionn air son an uachdarain; agus bithidh e so 'n a thabhartas naomh, agus bithidh naomh-ionad an teampuill 'n a mheadhon.

22 An déigh seilbh nan Leblithcach, agus seilbh na caithreach, bithidh sin anns a' mheadhon aig an uachdaran, eadar crìoch Iudah agus crìoch Bheniamin, bithidh so aig an uachdaran.

23 A thaobh na cuid eile de na treubhan, o'n taobh an ear gus an taobh an iar, bithidh aon roinn aig Beniamin.

24 Agus làimh ri crìch Bheniamin, o'n taobh an ear gus an taobh an iar, aon aig Simeon.

25 Agus làimh ri crìch Shimeoin o'n taobh an ear gus an taobh an iar, aon aig Isachar.

26 Agus làimh ri crìch Isachair, o'n taobh an ear gus an taobh an iar, aon aig Sebulun.

27 Agus làimh ri crìch Shebuluin, o'n taobh an ear gus an taobh an iar, aon aig Gad.

28 Agus làimh ri crìch Ghaid, aig an taobh deas mu dheas, bithidh a' chrìoch o Thamar, eadhon gu uisgeachan na strì ann an Cades, gus an amhainn leth ris an fhaire mhoir.

29 So am fearann a roinneas sibh le crann-chur do threubhan Israeil air son oighreachd, agus so na cuibhrionnann aca, deir an Tighearn Dia.

30 Agus so dol a mach na caithreach air an taobh mu thuath, ceithir mìle agus cùig ceud tomlas.

31 Agus bithidh geatachan na caithreach a réir ainmean threubhan Israeil, tri geatachan ris an àirde tuath; aon gheata do Reuben, aon gheata do Iudah, aon gheata do Lebhi.

32 Agus air an taobh an ear ceithir mìle agus cùig ceud: agus tri geatachan; aon gheata do Ioseph, aon gheata do Bheniamin, aon gheata do Dhan.

33 Agus air an taobh mu dheas ceithir mìle agus cùig ceud tomlas: agus tri geatachan; aon gheata do Shimeon, aon gheata do Isachar, aon gheata do Shebulun.

34 Air an taobh an iar ceithir mìle agus cùig ceud, le 'n tri gheatachaibh; aon gheata do Ghad, aon gheata do Aser, aon gheata do Naphtali.

35 Bha e mu'n cuairt ochd mìle deug tomlas; agus bithidh mar aium air a chaithir o'n là sin, Tha an Tighearn an sin.

## DANIEL.

### CAIB. I.

1 *Braighdeanas Iehoiacim. 3 Fhuair Aspenas orduigh foghlum agus teangadh nan Caldéach a theagasg do Dhanìel, Hananiah, Mhisael, agus Asariah. 8 Dhùilt siad iad féin a thrualleadh le biadh an rìgh; 16 uime sin fhuair iad peasair r'a h-ithleadh, agus uisge r'a òl. 17 Dh'fhàis iad ann an gliocas agus ann an tuigse.*

**A**NNS an treas bliadhna de linn Iehoiacin rìgh Iudah, thàinig Nebuchadnesar rìgh Bhabiloin gu Ierusalem, agus chuairtich e le feachd e.

2 Agus thug an Tighearn Iehoiacim rìgh Iudah d'a làimh, le cuid de shòithichean tìghe Dhé, a thug e gu tìr Shìnair, gu tìgh a dhé; seadh, thug e na soithichean gu tìgh-tasgaidh a dhé.

3 Agus labhair an rìgh ri Aspenas uachdaran a chaillteanach, gu'n tugadh e leis

cuid de chloinn Israeil, agus de shliochd an rìgh, agus de na prionnsachaibh.

4 Clann air nach robh cinram air bith, ach a bha maiscach, agus foghluinte anns na h-uile ghliocas, agus fiosrach ann an eòlas, agus seòlta air calaidhean, agus a bha comasach air seasamh ann an luchairt an rìgh, agus d' am feudadh iad foghlum agus teangadh nan Caldéach a theagasg.

5 Agus dh'orduich an rìgh dhoibh lòn lathail de bhiadh an rìgh, agus de'n fhìon a bha e ag òl; mar sin 'g an àrach tri bliadhna, a chum gu'n seasadh iad 'an ceann na h-ainisir' sin an lathair an rìgh.

6 A nis an measg na muinntir' so bha, de chloinn Iudah, Daniel, Hananiah, Misaeh, agus Asariah:

7 D'an d'thug uachdaran nan caillteanach ainmean: oir thug e air Daniel *mar ainm*



Beltesasar; agus air Hananiah Sadrach; agus air Misaël Mesach; agus air Asariah Abednego.

8 Ach ghabh Daniel rùn 'n a chridhe nach truailleadh se e féin leis a' chuibhrionn de bhiadh an rìgh, no leis an fhìon d' an d' òl e: uime sin ghuidh e air uachdaran nan caillteanach, nach bitheadh e air a shalachadh.

9 A nisthug Dia do Dhanìel deadh-ghean agus caomhneas gràdhach o uachdaran nan caillteanach.

10 Agus thubhairt uachdaran nan caillteanach ri Daniel, Tha eagal orm roimh mo thighearn an rìgh, a dh'orduich 'ur biadh agus 'ur deoch: oir ciod uime am faiceadh e 'ur n-aghaidhean nìs miosa coslas na chlànn eile d'ur seòrsa? an sin cuiridh sibh mise ann an cunnart mo chinn o'n rìgh.

11 An sin thubhairt Daniel ri Melsar, a chuir uachdaran nan caillteanach os ceann Dhanicil, Hananiah, Mhisacil agus Asariah,

12 Dearbh do sheirbhisich, guidheam ort, deich làithean, agus thugar dhuinn peasair ri h-itheadh, agus uisge r' a òl.

13 An sin amhaircear air ar n-aghaidhean ann ad làthair-sa, agus air aghaidh na cloinne 'tha 'g itheadh de chuibhrionn bidh au rìgh: agus mar a chithear ceart duit, buin ri d'sheirbhisich.

14 Is amhuil a dh'aontaich e leo anns a' chùis so, agus dhearbhadh e iad deich làithean.

15 Agus 'an ceann dheich làithean bha dreach an aghaidhean nì bu mhaiseiche agus nì bu shultmhoire na an uile chlànn a dh'ith an cuibhrionn de bhiadh an rìgh.

16 Mar so thug Melsar air falbh cuibhrionn am bidh, agus am fion a bu chòir dhoibh òl; agus thug e dhoibh peasair.

17 A thaobh na ecathrar chloinne so, thug Dia dhoibh eòlas agus tuigse anns na h-uile fhoghlum agus ghluic: agus bha tuigse aig Daniel anns na h-uile sheallanaibh agus bhrudaraibh.

18 A nis aig ceann nan làithean, anns an d' thubhairt an rìgh gu'n tugadh e steach iad, an sin thug uachdaran nan caillteanach a steach iad an làthair Nebuchadnesair.

19 Agus rinn an rìgh còmhraidh riu; agus 'n am measg uile cha d' fhuaradh aon cosmhuil ri Daniel, Hananiah, Misaël, agus Asariah: air an aobhar sin sheas iad fa chomhair an rìgh.

20 Agus anns na h-uile ghnathachaidh gliocas agus tuigse a dh'fhiosraich an rìgh dhiubh, fhuair e iad deich uairean nì b'fhearr na na h-uile dhruidean agus speuradairean a bha 'n a rioghachd uile.

21 Agus mhair Daniel gu ceud bhliadhna rìgh Chiruis.

1 *Ghairm Nebuchadnesair druidhean agus luchd-fiosachd nan Caldéach 'n a làthair, 5 agus dh'iarr e gu'n tugadh iad fios da air a bhrudair a bha air dol as aire. 10 'N uair a dh'aidich iad nach b'urrainn doibh an gnothuch fhoillseachadh do'n rìgh, dh'orduich e an cur gu bàs. 18 Chaidh am brudair fhoillseachadh do Dhanìel ann an sealladh na h-oidhche. 31 Am brudair agus a bhrìgh.*

**A** GUS anns an dara bliadhna de linn Nebuchadnesair, bhrudair Nebuchadnesair brudair, leis an robh 'inntinn air a buaireadh, agus dhealaich a chodall ris.

2 An sin dh'èithn an rìgh na druidhean, agus na speuradairean, agus an luchd-fiosachd, agus na Caldéich a ghairm, a dh'fheuchainn do'n rìgh a bhrudair: mar sin thàinig iad, agus sheas iad an làthair an rìgh.

3 Agus thubhairt an rìgh riu, Bhrudair mi brudair, agus bha m' inntinn air a buaireadh a dh'fhaotainn fios a' bhrudair.

4 An sin labhair na Caldéich ris an rìgh anns a' chàin Shìrianach, O a rìgh, mair beò gu bràth: innis do d' sheirbhisich am brudair, agus feuchaidh sinne a bhrìgh.

5 Fhrecagair an rìgh agus thubhairt e ris na Caldéich, Tha an nì air dol as m' aire; mur toir sibhse fios dhomh air a' bhrudair le 'bhrìgh, gearr sibh 'n 'ur bloighdibh, agus nìthear 'ur tighean 'n an dùn aolaich.

6 Ach ma dh'fheuchas sibh am brudair agus a bhrìgh, gheibh sibh uam-sa tiodh-lacan agus duais, agus onoir mhòr: uime sin feuchaibh dhomh am brudair agus a bhrìgh.

7 Fhrecagair iadsan a ris, agus thubhairt iad, Innsadh an rìgh d'a sheirbhisich am brudair, agus feuchaidh sinne a bhrìgh.

8 Fhrecagair an rìgh agus thubhairt e, Tha fios again gu deimhin gu'm b' àill leibh ùine fhaotainn, a chionn gu bheil sibh a' faicinn gu bheil an nì air dol as m' aire.

9 Ach mur toir sibh fios domh air a' bhrudair, cha-n'èil ach an aon bhreth dhuibh: oir dh'ulluich sibh briathran breugach agus truailidh gu labhairt an làthair-sa, gu atharrachadh na h-aimsir: uime sin innsibh dhomh am brudair, agus aithnichidh mi gur urrainn sibh a bhrìgh fheuchainn dhomh.

10 Fhrecagair na Caldéich ann am fianuis an rìgh, agus thubhairt iad, Cha-n'èil duine air an talamh a's urrainn gnothuch an rìgh fhoillseachadh: air an aobhar sin cha-n'èil rìgh, no tighearn, no fear-riaghlaidh dh'iarr an leithid so de nithibh air aon druidh, no speuradair, no Caldéach.

11 Agus is nì deacair a tha an rìgh ag iarraidh, agus cha-n'èil aon air bith eile a's urrainn 'fheuchainn fa chomhair an rìgh, ach na diathan aig nach 'èil an còmhnuidh maille ri feoil.

12 Air an aobhar so bha 'n rìgh ann am feirg, agus ann an teas-chorruich, agus dh'athn e uile dhaoine glìce Bhabiloin a mhilleadh.

13 Agus chaidh an t-ordugh a mach gu'm bithheadh na daoine glìce air am marbhadh; agus dh'iarr iad Daniel agus a chompanaich gu bhi air am marbhadh.

14 An sin fhreagair Daniel, le comhairle agus le gliocas, Arioch, ceann-feadhna freiceadain an rìgh, a chaidh a mach a mharbhadh dhaoine glìce Bhabiloin.

15 Fhreagair e agus thubhairt e ri Arioch, ceann-feadhna an rìgh, C'ar son a tha 'n t-ordugh cho dian o'n rìgh? An sin dh'innis Arioch a' chùis do Dhanìel.

16 An sin chaidh Daniel a steach, agus ghuidh e air an rìgh gu'n tugadh e dha uine, agus gu'm feuchadh e do'n rìgh a' bhrìgh.

17 An sin chaidh Daniel g'a thigh, agus dh'innis e a' chùis do Hananiah, Mhisael, agus Asariah, a chompanaich;

18 A chum gu'n iarradh iad tràceair air Dia nèimh mu thimchioll na dìomhaireachd so; a chum nach bàsaicheadh Daniel agus a chompanaich leis a' chuid eile de dhaoine glìce Bhabiloin.

19 An sin bha an dìomhaireachd air a foillseachadh do Dhanìel ann an sealladh 's an oidhche: an sin bheannaich Daniel Dia nèimh.

20 Fhreagair Daniel agus thubhairt e, Beannaichte gu'n robh ainm Dhé gu saoghal nan saoghal; oir is leis-san gliocas agus cumhachd.

21 Agus atharraichidh e na h-amannan, agus na h-aimsirean: atharraichidh e rìgh-rean, agus cuiridh e suas rìgh-rean: bheir e gliocas do'n ghlic, agus eòlas dhoibhsan d'an aithne tuigse.

22 Foillsichidh e na nithean domhain agus dìomhair: is aithne dha cìod a tha 's an dorchadas, agus tha an solus a chòmhnuidh maille ris.

23 Tha mi 'toirt buidheachais agus cliù dhuit, O thusa, a Dhia m' aithrichean, a thug dhomh gliocas agus cumhachd, agus a thug fios duinn a nis air an ni a dh'iarr sinn ort: oir thug thu fios duinn a nis air gnothuch an rìgh.

24 Uime sin chaidh Daniel a steach gu Arioch, a shonraich an rìgh gu daoine glìce Bhabiloin a mhilleadh: chaidh e agus labhair e mar so ris, Na sgrios daoine glìce Bhabiloin: thoir mise steach ann am fianuis an rìgh, agus feuchaidh mido'n rìgh an seadh.

25 An sin thug Arioch a stigh Daniel ann am fianuis an rìgh gu luath, agus thubhairt e mar so ris, Fhuair mi duine de bhraighdibh Iudah, a bheir fios do'n rìgh air an t-seadh.

26 Fhreagair an rìgh, agus thubhairt e ri Daniel, d' am b' ainm Beltesasar, An urrainn thusa fios a thoirt domh air a' bhruadar a chunnaic mi, agus air a bhrìgh?

27 Fhreagair Daniel ann am fianuis an rìgh, agus thubhairt e, An dìomhaireachd a dh'iarr an rìgh cha-n urrainn na daoine glìce, na speuradairean, na druidean, no an luchd-fiosachd fheuchainn do'n rìgh;

28 Ach tha Dia ann an nèamh a dh'fhoillsicheas nithean dìomhair, agus a tha 'toirt fios do Nebuchadnesar cìod a thachras anns na làitheibh deireannach. Do bhruadar, agus aislingean do chinn air do leabaidh, is iad so iad:

29 (Do d' thaobh-sa, O a rìgh, thàinig do smuaintean ann ad aire air do leabaidh, na nithean a bha ri tachairt 'n a dhéigh so; agus tha esan a dh'fhoillsicheas nithean dìomhair a' toirt fios duit cìod a thig gu crìch.

30 Ach do m' thaobh-sa, cha-n'eil an dìomhaireachd so air a leigeadh ri domh air son gliocais air bith a tha agam thar aon duine beò, ach air an son-san a ni a' bhrìgh aithnichte do'n rìgh; agus a chum gu'm bith-eadh fios agad-sa air smuaintean do chridhe:)

31 Chunnaic thusa, O a rìgh, agus feuch ìomhaigh mhòr: sheas an ìomhaigh mhòr so, aig an robh dealradh oirdheire, fa d' chomhair, agus bha a dreach uamhasach.

32 Bha ceann na h-ìomhaigh so dh' òr finealta, a h-uchd agus a làmhan a dh' airgid, a brù agus a sléisdean a dh' umha,

33 A luirgmean de iarunn, a cosan, cuid de iarunn, agus cuid de chriadh.

34 Chunnaic thu gus an robh clach air a gearradh a mach gun làmhan, a bhuail an ìomhaigh air a cosan a bha de iarunn agus de chriadh, agus a bhris 'n am bloighdibh iad.

35 An sin bha an t-iarunn, a' chriadh, an umha, an t-airgid agus an t-òr, air am briseadh 'n am bloighdibh le 'chéile, agus dh'fhàs iad cosmhuil ri moll nan urlar-bualaidh anns an t-samhradh, agus thug a' ghaoth air falbh iad, air chor as nach d'fhuaradh àite sam bith dhoibh: agus dh'fhàs a' chlach a bhuail an ìomhaigh 'n a sliabh mòr, agus lìon i an talamh uile.

36 So am bruadar; agus innsidh sinn a bhrìgh an làthair an rìgh.

37 O a rìgh, is rìgh os ceann rìgh-rean thusa: oir thug Dia nèimh dhuit rìoghachd, cumhachd, agus neart, agus glòir.

38 Agus c'ait air bith am bheil clann nan daoine a' gabhail còmhnuidh, beathaichean na macharach, agus eunlaith an athair, thug e do d' làimh-sa, agus rinn e uachdaran diot os an ceann uile: is tusa an ceann so a dh' òr.

39 Agus ann ad dhéigh-sa éiridh rìoghachd eile, ni's lugha na thusa, agus treas rìoghachd eile a dh' umha, aig am bi uachdaranachd os ceann an domhain uile.

40 Agus bithidh an ceathramh rìoghachd làidir mar iarunn: amhuil a bhriseas iarunn ann am bloighdibh, agus a chlaoidheas e na h-uile nithean: agus amhuil iarunn a bhris-



uas iad so uile, brisidh i ann am bloighdibh, agus bruthaidh.

41 Agus mar a chunnaic thu na cosan agus na meoir, cuid de chriadh a' chriadh-adair, agus cuid de iarunn, bithidh an rioghachd air a roinn; ach bithidh innte de neart an iarunn, ann a' mheud as a chunnaic thu an t-iarunn air a mheasgadh le criadh-lathaich.

42 Agus mar a bha meoir nan cos, cuid a dh' iarunn, agus cuid de chriadh; bithidh cuid d' an rioghachd làidir, agus cuid briste.

43 Agus mar a chunnaic thu iarunn air a mheasgadh le criadh-lathaich, measgaidh iadsan iad fén le siol dhaoine: ach cha ghreimich iad r'a chéile, amhuil mar nach gabh iarunn tathadh ri criadh.

44 Agus ann an laithibh nan rìghrean so, cuiridh Dia nèimh suas rioghachd nach téid gu sìorruidh a sgrìos: agus cha bhi an rioghachd air a fàgail aig sluagh eile, ach brisidh i 'n am bloighdibh, agus caithidh i na rioghachdan so uile, agus seasaidh i gu sìorruidh.

45 Ann a' mheud as gu'm facadh tu gu'n robh a' chlach air a gearradh a mach as an t-sliabh as eugmhais làmhan, agus gu'n do bhris i 'n am bloighdibh an t-iarunn, an umha, a' chriadh, an t-airgid agus an t-òr; thug an Dia mòr fios do'n rìgh ciod a thig gu crìch 'n a dhéigh so: agus tha am brúadar cinnteach, agus a bhrìgh dearbhta.

46 An sin thuit an rìgh Nebuchadnesar air 'aghaidh, agus thug e urram do Dhanìel, agus dh' àithn e gu'n tugadh iad dha tabhartas agus boltrach eubhraidh.

47 Fhreagair an rìgh Daniel, agus thubhairt e, Gu fìrinneach is e bhuir Dia-sa Dia nan diathan, agus Tighearn nan rìghrean, agus fear-foillsachaidh nìthan dìomhair, air dhuitse bhi comasach an dìomhaireachd so fhoillsachadh.

48 An sin rinn an rìgh duine mòr de Dhanìel, agus thug e dha mòran thìodhlacan luachmhor, agus rinn e fear-riaghlaidh dheth os ceann mhòr-roinn Bhabìloin uile, agus ceannard air na h-uachdarain os ceann uile dhaoine glìce Bhabìloin.

49 An sin dh' iarr Daniel air an rìgh, agus chuir e Sadrach, Mesach, agus Abednego os ceann ghnòthuichean mhòr-roinn Bhabìloin: ach shuidh Daniel ann an geata an rìgh.

#### CAIB. III.

1 Chuir Nebuchadnesar suas ìomhaigh òir, agus dh' orduich e do gach sluagh aoradh a thoirt dì.

8 Dhiùlt Sadrach, Mesach, agus Abednego so a dheanamh. 13 Bhagair an rìgh orra:

16 'Am freagradh: 19 Thilgeadh iad 'am meadhan na h-àmhuinn theinntich: 24 Chuir

Dia aingeal maille riù, agus cha robh cumhachd air bith aig an teine air an cuirp. 26

Thug Nebuchadnesar a mach as an àmhuinn iad.

RINN Nebuchadnesar an rìgh ìomhaigh òir, a bha trì fichead làmh-choille air

àirde, agus sè làmhan-coille air leud: chuir e suas i ann am machair Dhura, ann am mòr-roinn Bhabìloin.

2 An sin chuir Nebuchadnesar an rìgh fios a chum gu'n crùinnichteadh ri 'chéile na prionnsachan, na fir-riaghlaidh, agus na cinn-fheadhna, na breitheamhnan, luchd-coimhid an ionmhais, na comhairlich, na fir-lagha, agus uile luchd-riaghlaidh nam mòr-roinn, gu teachd a chum coisreagaidh na h-ìomhaigh a chuir Nebuchadnesar an rìgh suas.

3 An sin bha na prionnsachan, na fir-riaghlaidh, na cinn-fheadhna, na breitheamhnan, luchd-coimhid an ionmhais, na comhairlich, na fir-lagha, agus uile luchd-riaghlaidh nam mòr-roinn air an cruinneachadh ri 'chéile, chum coisreagadh na h-ìomhaigh a chuir Nebuchadnesar an rìgh suas; agus shìas iad fa chomhair na h-ìomhaigh a chuir Nebuchadnesar suas.

4 An sin ghlaodh fear-èighich gu h-àrd, Dhuibhse tha e air 'àithneadh, O shluagh, fhìneachan, agus a theangan,

5 Ciod air bith àm 's an cluinn sibh fuaim na trompaid, an fheadain, na clàrsaich, sacbuit, saltair, dulsimeir, agus na h-uile seòrsa ciùil, gu'n tuit sibh sìos, agus gu'n toir sibh aoradh do'n ìomhaigh òir a chuir an rìgh Nebuchadnesar suas.

6 Agus cò air bith nach strìochd sìos, agus nach dean aoradh, tilgear e 's an uair sin fén ann am buillsgean àmhuinn theinntich dhian-loisgich.

7 Uime sin anns an àm sin, an uair a chuala an sluagh uile fuaim na trompaid, an fheadain, na clàrsaich, sacbuit, saltair, agus na h-uile seòrsa ciùil, thuit an sluagh uile, na fhìneachan, agus na teangan, sìos, agus thug iad aoradh do'n ìomhaigh òir a chuir an rìgh Nebuchadnesar suas.

8 Air an aobhar sin, anns an àm sin thàinig Caldeich àraidh am fagus, agus rinn iad casaid air na h-Iudhaich.

9 Labhair iad, agus thubhairt iad ris an rìgh Nebuchadnesar, O a rìgh, mair beò gu brath.

10 Thug thusa, O a rìgh, ordugh gu'n deanadh gach aon a chluinneadh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciùil, strìochdadh agus aoradh, do'n ìomhaigh òir:

11 Agus cò air bith nach strìochd sìos, agus nach dean aoradh, gu'm bitheadh e air a thilgeadh ann am buillsgean àmhuinn theinntich dhian-loisgich.

12 Tha Iudhaich àraidh, a chuir thu os ceann ghnòthuichean mhòr-roinn Bhabìloin, Sadrach, Mesach, agus Abednego; cha d'thug na daoine so, O a rìgh, meas ortsa, cha-n' eil iad a' deanamh scrìbhis do d' dhiathan, no 'toirt aoraidh do'n ìomhaigh òir a chuir thu suas.

13 An sin dh'àithn Nebuchadnesar, 'n a fheirg, agus 'n a chorruich, Sadrach, Mesach, agus Abednego, a thoirt d'a ionnsuidh: an sin thug iad na daoine so an lath-air an rìgh.

14 Labhair Nebuchadnesar, agus thubhairt e rin, Am bheil so fìor, O Shadraich, a Mhesaich, agus Abednego? nach 'eil sibhse 'toirt seirbhis do m' dhiathan-sa, no 'toirt aoraidh do'n iomhaigh òir a chuir mi suas?

15 A nis ma bhitheas sibh deas, ge b'e air bith àn anns an cluinn sibh fuaim na trompaid, an fheadain, na clàrsaich, sacbuit, saltair, agus dulsimcir, agus na h-uile seòrsa ciùil, gu strìochdadh sìos, agus aoradh a dheanamh do'n iomhaigh a rinn mise, *is maith*: ach mur dean sibh aoradh, tilgear sibh anns a' cheart uair sin ann am builsgan àmhuinn theinntich dhian-loisgich; agus cò an Dia sin a's urrainn 'ur tèarnadh as mo lamhan-sa?

16 Fhreagair Sadrach, Mesach, agus Abednego, agus thubhairt iad ris an rìgh, O Nebuchadnesar, cha-n'eil suim againne freagradh a thoirt duit anns a' chùis so.

17 Ma's ann mar sin a bhitheas, tha ar Dia-ne, d'am bheil sinn a' toirt seirbhis, comasach air ar saoradh o'n àmhuinn theinntich dhian-loisgich, agus ni e ar saoradh as do lamh-sa, O a rìgh.

18 Ach mur dean, bitheadh fios agad, O a rìgh, nach toir sinn seirbhis do d' dhiathan, no aoradh do'n iomhaigh òir a chuir thu suas.

19 An sin bha Nebuchadnesar làn corr- uich, agus bha dreach a ghnùise air caoch- ladh an aghaidh Shadraich, Mhesaich, agus Abednego: labhair agus dh'àithn e gu'n teassachadh iad an àmhuinn seachd uair- ean ni bu mhò na bu ghnàth leo a teasach- adh.

20 Agus dh'àithn e do na daoineibh a bu treise 'n a fheadh, Sadrach, Mesach, agus Abednego a cheangal, agus a thilgeadh do'n àmhuinn theinntich dhian-loisgich.

21 An sin cheangladh na daoine so 'n an còtaichibh, 'n an triughasaibh, agus 'n an ceann-eudaichibh, agus 'n an eudaichibh eile, agus thilgeadh iad ann am meadhon na h-àmhuinn theinntich dhian-loisgich.

22 Air an aobhar sin, a chionn gu'n robh àithne an rìgh ro theann, agus an àmhuinn ro theith, mharbh lasair an teine na daoine sin a thog suas Sadrach, Mesach, agus Abednego.

23 Agus thuit an triuir dhaoine so, Sad- rach, Mesach, agus Abednego sìos ceang- aithe ann am builsgan na h-àmhuinn theinntich dhian-loisgich.

24 An sin bha an rìgh Nebuchadnesar làn uamhuinn, agus dh'éirich e suas ann an deifir, agus labhair e, agus thubhairt e r'a luchd-comhairle, Nach do thilg sinn triuir dhaoine ceangailte do mheadhon an teine?

Fhreagair iadsan agus thubhairt iad ris an rìgh, Is fìor, O a rìgh.

25 Fhreagair esan agus thubhairt e, Feuch, chi mi ceathrar dhaoine fuasgailte, a' cois- eachd ann am meadhon an teine, agus tha coslas a' cheathramh mar mhac Dhé.

26 An sin thàinig Nebuchadnesar dlùth do bheul na h-àmhuinn theinntich dhian- loisgich, agus labhair e, ag ràdh, A Sad- raich, Mhesaich, agus Abednego, òglacha an Dé a's àirde, thigibh a mach, agus thig- ibh an so. An sin thàinig Sadrach, Mesach, agus Abednego a mach á meadhon an teine.

27 Agus chunnaic na prionnsachan, na h-uachdarain, agus na cinn-fheadhna, agus luchd-comhairle an rìgh, a bha cruinn 'an ceann a chéile, na daoine so, nach robh cumhachd air bith aig an teine air an cuirp, ni mò bha fuiltean d' an ceann dàithte, no an còtaichean air an caochladh, no fàile an teine dhiubh.

28 An sin labhair Nebuchadnesar, agus thubhairt e, Gu ma beannaichte gu'n robh Dia Shadraich, Mhesaich, agus Abednego, a chuir a nuas 'aingéal, agus a shaor 'òglach a chuir an dòchas ann, agus a chuir an aghaidh focail an rìgh, agus a thug seachd an cuirp a chum nach tugadh iad seirbhis no aoradh do dhia air bith, ach an Dia féin.

29 Uime sin tha mise a' toirt teann-ord- uigh, gu'm bi gach sluagh, cìneach, agus teangadh, a labhras ni sam bith air dhoch- air an aghaidh Dhé Shadraich, Mhesaich, agus Abednego, air an gearradh 'n am bloighdibh, agus an tighean air an deanamh 'n an dùn aolaich, a chionn nach 'eil Dia air bith eile ann a's urrainn tèarnadh air an dòigh so.

30 An sin dh'àrdaich an rìgh Sadrach, Mesach, agus Abednego ann am mòr-roinn Bhabiloin.

#### CAIB. IV.

1 *Chuir Nebuchadnesar 'an céill gu'n robh uachd- aranach an Tighearna o linn gu linn. 4 Dh'aithris e an aistling a chunnaic e. 8 Dh'innis Daniel dha ciod a bu bhrìgh dhi. 28 Choinhionadh an aistling.*

**N**EBUCHADNESAR an rìgh chum nan uile shluagh, fhineachan agus theang- an a tha chòmhnuidh air an talamh uile: Gu meudaichear sìth dhuibh.

2 Chunnacas ceart dkomh-sa gu'n cuirinn 'an céill na comharan agus na mìorbhuilean a dh'òibrich an t-àrd Dhia do m' thaobh:

3 Cia mòr a chomharan! agus cia cumh- achdach a mìorbhuilean! a rioghachd-san is rioghachd shìorruidh i, agus tha 'uachd- aranach o linn gu linn.

4 Bha mise Nebuchadnesar gu suaimh- neach ann am thigh, agus gu h-àluinn ann am lùchairt:



5 Chunnaic mi brùadar a chuir eagail orm, agus rinn mo smuaintean air mo leabaidh, agus aisingean mo chinn mo bhuairleadh.

6 Uime sin thug mi teann-ordugh uile dhaoine glie Babiloin a thoirt do sheach a' m' fhiannais, a chum gu'n tugadh iad fios domh air brìgh a' bhrùadair.

7 An sin thàinig a sheach na druidhean, na speurdairean, na Caldèich, agus na fiosaichean: agus dh'innis mi am brùadar 'n an làthair; ach cha d'fhug iad fios domh air a bhrìgh.

8 Ach mu dheireadh thàinig Daniel a sheach a' m' làthair, (d' am b' ainm Beltesasar, a réir ainme mo dhé-sa, agus anns am bheil spiorad nan diathan naomha,) agus 'n a làthair-san dh'innis mi am brùadar, *ag ràdh*,

9 O Bheltesasar, thusa a's àirde de na druidhibh, a chionn gu bheil fios agam gu bheil spiorad nan diathan naomha annad-sa, agus nach cuir dìomhaireachd air bith dragh ort, innis domh sealladh mo bhrùadair a chunnaic mi, eadhon a bhrìgh.

10 Mar so bha aising mo chinn air mo leabaidh; Chunnaic mi, agus, feuch, craobh ann am meadhon na talmhainn, agus bha a h-àirde mòr.

11 Dh'fhàs a' chraobh, agus bha i làidir, agus ràinig a h-àirde gu nèamh, agus a sealladh gu crìch na talmhainn uile:

12 Bha a duilleach maiseach, agus a toradh pailt, agus innte bha biadh air son na h-uile: bha aig beathaichean na macharach sgàile foipe, agus ghabh eunlaith an athair còmhuidh 'n a geugaibh, agus bheathaicheadh na h-uile fheoil uaipe.

13 Chunnaic mi ann an aisingibh mo chinn air mo leabaidh, agus, feuch, thàinig fear-faire, cadhlon aon naomh a nuas o nèamh:

14 Ghlaodh e gu h-àrd, agus thubhairt e mar so, Gearr sìos an crann, agus sgath dheth a gheugan, crath dheth a dhuilleach, agus sgap a thoradh; imicheadh na beathaichean o bhi foidhe, agus na h-eunlaith o 'gheugaibh.

15 Gidheadh, fàg bun a fireumh anns an talamh, cadhlon le bannaibh iaruin agus umha, ann am fear maoth na faiche; agus bitheadh e fiuch le dealt nèimh, agus a chuibhrionn leis na beathaichibh ann am fear na talmhainn.

16 Bitheadh a chridhe air atharrachadh o bhi 'n a chridhe duine, agus thugar dha cridhe ainmhidh; agus gabhadh seachd aimsirean thairis air.

17 Tha a' chùis so le teann-ordugh nam fear-faire, agus an t-iarrrus air focal nan naomh: a chum gu'm bitheadh fios aig na bheil beò gu bheil an Ti a's àirde a' riaghladh ann an rioghachd dhaoine, agus 'g a tabhairt do neach air bith a's àill leis, agus a' cur suas os a ceann an ti a's suarraise de dhaoine.

18 Am brùadar so chunnaic mise Nebu-

chadnesar an rìgh: a nis, O Bheltesasar, foillsich thusa a bhrìgh, a chionn nach 'eil nìle dhaoine glie mo rioghachd comasach air fios a thoirt domh air a bhrìgh: ach tha thusa comasach, oir tha spiorad nan diathan naomha annad.

19 An sin bha Daniel, (d' am b' ainm Beltesasar,) air a lìonadh le h-uamhunn ear aon uaire, agus rinn a smuaintean a bhuairleadh: labhair an rìgh, agus thubhairt e, A Bheltesasar, na deanadh am brùadar no a bhrìgh do bhuairleadh. Fhreagair Beltesasar, agus thubhairt e, Mo thighearna, bitheadh am brùadar dhoibhsan le am fuathach thu, agus a bhrìgh do d' naimhidibh.

20 An crann a chunnaic thu, a dh'fhàs, agus a bha làidir, a ràinig 'àirde gu nèamh, agus a shealladh gus an talamh uile;

21 Aig an robh a dhuilleach maiseach, agus a thoradh pailt, agus anns an robh biadh do na h-uile; foidh an do ghabh beathaichean na macharach còmhuidh, agus aig an robh air a gheugaibh àite-tàimh do eunlaith an athair:

22 Is tusa sin, O a rìgh, a tha air fas agus air cinntinn làidir: oir tha do mbeud air fas agus a' ruigheadh gu nèamh, agus d' nachdaranachd gu crìch na talmhainn.

23 Agus mar a chunnaic an rìgh fear-faire, agus aon naomh a' teachd a nuas o nèamh, agus ag ràdh, Gearr an crann sìos, agus sgrios e; gidheadh fàg bonn a fireumh anns an talamh, eadhon le bannaibh iaruin agus umha ann am fear maoth na faiche; agus bitheadh e fiuch le dealt nèimh, agus a chuibhrionn le beathaichibh na macharach, gus an gabh seachd aimsirean thairis air:

24 So a' bhrìgh, O a rìgh, agus so ordugh an Ti a's àirde, a tha air teachd air mo thighearna an rìgh:

25 Gu'm fògair iad thu o dhaoibh, agus gu'm bi do còmhuidh le beathaichibh na macharach, agus bheir iad ort fear itheadh mar dhaimh, agus fiuchaidh iad thu le dealt nèimh, agus theid seachd aimsirean thairis ort, gus am bi fios agad gu bheil an Ti a's àirde a' riaghladh ann an rioghachd dhaoine, agus 'g a tabhairt do neach air bith a's àill leis.

26 Agus mar a dh'àithn iad bun freumh a' chroinn fhàgail, bithidh do rioghachd cinnteach dhuit, an déigh dhuit fios a bhi agad gu bheil na nèamhan a' riaghladh.

27 Uime sin, O a rìgh, bitheadh mo chomhairle-sa taitneach leat, agus bris air falbh do pheacaidhnan le fireantachd, agus d' eucartan le tròcrair a nochdadh do na bochdaibh, a dh'fheuchainn am buanaichear do shìochaint.

28 Thàinig so uile air rìgh Nebuchadnesar.

29 An ceann dà mhìos deug bha e spaid-scarachd ann an lùchairt rioghachd Babiloin.

30 Labhair an rìgh agus thubhairt e, Nach i so Babilon mhòr, a thog mise mar thigh na rìoghachd, le neart mo chumhachd, agus air son onoir mo mhòrachd?

31 Am feadh a bha am focal ann am beul an rìgh, thuit guth o nèamh, ag ràdh, O a rìgh Nebuchadnesair, riutsa tha e air a labhairt, Tha an rìoghachd air dealachadh riut.

32 Agus fògraidh iad thu o dhaoineibh, agus bithidh do chòmhnuidh le beathaichibh na macharach: bheir iad ort feur itheadh mar dhainn, agus theid seachd aimsirean thairis ort, gus am bi fios agad gu'm bheil an Ti a's àirde a' riaghladh ann an rìoghachd dhaoine, agus 'g a tabhairt do neach air bith a 's àill leis.

33 Air an uair sin féin choimhlionadh an nì sin air Nebuchadnesair; agus bha e air fhògradh o dhaoineibh, agus dh'ith e feur mar dhainn, agus bha a cholann fliuch le dealt nèimh, gus an d'fhàs 'fhionna mar chloimh na h-iolaire, agus 'iongannan mar spùirean cun.

34 Agus an ceann nan làithean thog mise Nebuchadnesair suas uo shùilean ri nèamh, agus phill mo thuigse a m' ionnsuidh, agus bheannaich mi an Ti a's àirde, agus chliùthaich mi, agus thug mi onoir dha-san a tha beò gu sìorruidh, aig am bheil 'uachdaranachd' n a h-uachdaranachd sìorruidh, agus a rìoghachd o linn gu linn.

35 Agus tha uile luchd-àiteachaidh na taluinn air am meas mar neo-nì: agus nì esan mar is àill leis ann am feachd nèimh, agus am measg luchd-àiteachaidh na taluinn: agus cha-n urrainn aon neach a lèimh a bhacadh, no ràdh ris, Ciod a tha thu 'deanamh?

36 Anns an àm sin féin phill mo thuigse thugam; agus a thaobh glòir mo rìoghachd, phill m' onoir agus mo mhòrachd thugam; agus dh'iarr mo luchd-comhairle agus mo thighearnan a m' ionnsuidh; agus bha mi air mo dhainneachadh ann am rìoghachd, agus thugadh tuilleadh dhomh de mhòrachd òirdheire.

37 A nis tha mise Nebuchadnesair a' cliùthachadh agus ag àrdachadh, agus a' toirt onoir do Rìgh nèimh, aig am bheil 'uile oibre 'n am fìrinn, agus a shlighean 'n am breitheanas; agus a mhuinntir a shiùbhlas ann an nabharr, tha esan comasach air an isleachadh.

## CAIB. V.

1 Cuirm aingidh Belsasar; 5 Rinn a smuaintean a bhuaireadh 'n uair a chunnaic e an lèimh-sgrìobhadh air a' bhalla. 25 Dh'innis Daniel do'n rìgh briathran an sgrìobhadh.

**R**INN Belsasar an rìgh cuirm mhòr do fhion ann an làthair a' mhìle.

2 Dh'àithn Belsasar, 'n uair a bhlais e am fion, na soithichean òir agus airgid a thug

'athair Nebuchadnesair as an teampull a bha ann an Ierusalem a thoirt d'a ionnsuidh, a chum gu'n òladh an rìgh agus a mhòr-uaislean, a ruhnathan agus a choimhleabaich asda.

3 An sin thug iad thuige na soithichean òir a thugadh a teampull tighe Dhé, a bha ann an Ierusalem; agus dh'òl an rìgh agus a mhòr-uaislean, a ruhnathan agus a choimhleabaich asda.

4 Dh'òl iad fion, agus chliùthaich iad na diathan òir agus airgid, umha, iarunn, fiodha, agus cloiche.

5 Anns an uair sin féin thàinig a mach meoir lèimhe duine, agus sgrìobh iad thall fa chomhair a' choimhleir, air aghaidh balla làthair an rìgh; agus chunnaic an rìgh a' chuid de'n lèimh a sgrìobh.

6 An sin chaochail gnùis an rìgh, agus rinn a smuaintean a bhuaireadh, air chor as gu'n robh uilt a leasraidh air am fuasgladh, agus bhuaill a ghlùinean an aghaidh a chèile.

7 Ghlaodh an rìgh gu h-àrd na speuradaircan, na Caldéich, agus na fiosaichean a thoirt a stigh: agus labhair an rìgh, agus thubhairt e ri daoine glìce Bhabailin, Cò air bith a leughas an sgrìobhadh so, agus a dh'fhoillsicheas domh-sa a bhrìgh, sgeudaichear e le sgarlaid, agus cuirear slabhruidh òir n'a mhuineal, agus is e an treas fear-riaghlaidh a bhitheas anns an rìoghachd.

8 An sin thàinig uile dhaoine glìce an rìgh a steach; ach cha b'urrainn iad an sgrìobhadh a lughadh, no fios a thoirt do'n rìgh air a bhrìgh.

9 An sin bha an rìgh Belsasar gu mòr air a bhuaireadh, agus bha a ghnùis air a h-atharrachadh, agus bha uamhas air a thigh-earnaibh.

10 A nis thàinig a' bhan-rìghinn air son bhriathran an rìgh agus a thighearnan, a stigh gu tigh na cuirme; agus labhair a' bhan-rìghinn, ag ràdh, O a rìgh nuair beò gu bràth: na deanadh do smuaintean do bhuaireadh, agus na bitheadh do ghnùis air a caochladh.

11 Tha duine ann ad rìoghachd aims am bheil spiorad nan dia naomha, agus ann an làithibh d'athar, bha solus, agus tuigse, agus gliocas, mar ghliocas nan dia, air am faotainn ann; uach a rinn an rìgh Nebuchadnesair d'athair, d'athair-sa, O a rìgh, 'n a uachdaran air na druidhibh, speuradairibh, Caldéich, agus fiosaichibh;

12 Do bhrìgh gu'n d'bhuaireadh spiorad òirdheire, agus eòlas, agus tuigse, mìnneachadh bhruadar, agus taisbeanadh cheistein cruaidhe, agus fuasgladh incheistein, anns an Daniel so féin, air an d'thug an rìgh mar ainm Beltesasar; a nis gairmear Daniel, agus foillsichidh esan a bhrìgh.

13 An sin thugadh Daniel a steach an làthair an rìgh; agus labhair an rìgh, agus



thubhairt e ri Daniel, An tusa an Daniel sin a tha de chloinn bhraighdeanais Iudah, a thug an rìgh, m' athair á tìr nan Iudhach?

14 Chuala mise iomradh ort, gu bheil spiorad nan dia annad, agus gu bheil solus, agus tuigse, agus gliocas òirdheire air 'fhaotainn annad.

15 Agus a nis thugadh na daoine glice, ua speuradairean a steach a'm fhianuis, a chum gu'n leughadh iad an sgrìobhadh so, agus gu'n tugadh iad dhomh-sa fios air a bhrìgh: ach cha b'urraim iad brìgh na cùise fhoillsachadh.

16 Agus chuala mi do d' thaobh-sa, gur urrainn thu brìgh a thoirt á ni, agus ceist-ein fhuasgladh; a nis ma's urrainn thu an sgrìobhadh a leughadh, agus a bhrìgh 'fhoillsachadh dhomh-sa, éidichear thu le sgarlaid, agus cuirear slabhruidh òir mu d' mhuineal, agus is tu an treas fear-riaghlaidh a bhitheas anns an rìoghachd.

17 An sin fhreagair Daniel, agus thubhairt e an làthair an rìgh, Bitheadh do thiodhlacan agad féin, agus thoir do dhuaisean do neach eile, gidheadh leughaidh mise an sgrìobhadh do'n rìgh, agus leigidh mi ris a bhrìgh dha.

18 Ó thusa a rìgh, thug an Dia a's àirde do Nebuchadnesar d'athair rìoghachd, agus mòrachd, agus glòir, agus onoir.

19 Agus air son na mòrachd a thug e dha, bha crith agus cagal air na h-uile shloigh, fhineachaibh, agus theangannaibh roimhe: mharbhadh e an ti a b'àill leis, agus an neach a b'àill leis chumadh e beò, agus an neach a b'àill leis chuireadh e suas, agus an neach a b'àill leis chuireadh e sìos.

20 Ach an uair a bha a chridhe air a thogail suas, agus 'inntinn air a crnachadh ann an uabhar, chuireadh sìos o' chaithir rìoghail e, agus thug iad a ghlòir uath.

21 Agus dh'fhògradh e o chloinn nan daoine, agus bha a chridhe mar na h-ainmhidhean, agus a chòmhnuidh leis na h-asal-aibh fiadhaich: bliadh iad e le fear mar dhaimh, agus bha a chorp fliuch le drùchd nèimh, agus an d'aithnich e gu'm b'e an Dia a's àirde 'bha 'riaghladh ann an rìoghachd dhaoine, agus gu bheil e 'g orduchadh os a ceann an ti a's àill leis.

22 Agus thusa a mhaic, O Bhelsasair, cha d'islich thu do chridhe, ged bha fios agad air so uile:

23 Ach thug thu suas thu féin an aghaidh Tighearua nèimh, agus thug iad soithichean a thighe ann ad làthair, agus dh'òl thu féin, agus do thighearnan, do mhnathan, agus do iannain, fion asda, agus chliùthaich thu na diathan airgid, agus òir, umha, iaruinu, fiodha, agus cloiche, aig nach 'eil léirsinn no claiseachd, no aithne: agus an Dia aig am bheil d'anail 'n a làimh, agus do'm buin d'uile shlighe, cha do ghlòraich thu.

24 An siu chuireadh a' chuid de'n làimh uath, agus bha an sgrìobhadh so air a sgrìobhadh.

25 Agus so an sgrìobhadh a bha air a sgrìobhadh, MENE, MENE, TECEL, UPHARSIN.

26 So brìgh na cùise; MENE, rinn Dia do rìoghachd àireamh, agus chrìochnaich e i.

27 TECEL, tha thu air do thomhas air a' mheigh, agus fhuaircadh easbhuidheach thu.

28 PERES, roinneadh do rìoghachd, agus thugadh i do na Medich agus do na Persich.

29 An sin dh'àithn Belsasar gu'n èideadh iad Daniel le sgarlaid, agus gu'n cuireadh iad slabhruidh òir m'a mhuineal, agus gu'n glaothadh iad m'a thimchioll gu'm b'e an treas fear-riaghlaidh a bhitheadh anns an rìoghachd.

30 Air an oidliche sin chaidh Belsasar rìgh nan Caldéach a mharbhadh.

31 Agus ghlac Darins am Medach an rìoghachd, agus e mu thimchioll trì fichead agus dà bhliadhna dh'aois.

## CAIB. VI.

1 *Chuireadh Daniel os ceann nan uachdaran: 4 rinn iadsan ceannairc 'n a aghaidh, agus thug iad air Darius a thilgeadh do gharaidh nan leòmhán. 18 Theasair Dia e air dòigh ro iongantach. 24 Thilgeadh a naimhdean do'n gharaidh, agus mharb na leòmhán iad. 25 Chluathach Darius Dia.*

**B**'i toil Dhariuis ceud agus fichead uachdaran a chur os ceann na rìoghachd, muinntir a bhitheadh os ceann na rìoghachd uile;

2 Agus os an ceann so trì àrd-uachdarain, (de'm b'e Daniel an ceud aon), a chum gu'n tugadh na h-uachdarain an cunntais doibh, agus uach bithcadh calltach air bith aig au rìgh.

3 An sin bha Daniel so air 'àrdachadh os ceann nan uachdaran, agus nam prionnsachan, a chionn gu'n robh spiorad òirdheire ann; agus bha e'n aire an rìgh a chur os ceann na rìoghachd uile.

4 An sin dh'iarra na h-uachdarain agus na prionnsachan cùis fhaotainn an aghaidh Dhaniel a thaobh na rìoghachd, ach cha b'urraim iad cùis air bith fhaotainn no coire: do bhrìgh gu'n robh e dileas, ni mò 'fhuaircadh mearachd no coire sam bith ann.

5 An sin thubhairt a' mhuinutir so, Cha'n fhaigh sinn cùis air bith an aghaidh an Daniel so, mur faigh sinu i 'n a aghaidh a thaobh reachd a Dhé.

6 An sin chruinnich na h-uachdarain agus na prionnsachan so ri 'chéile chum an rìgh, agus thubhairt iad ris mar so, A rìgh Dhariuis mair beò gu bràth.

7 Ghabh uile uachdarain na rìoghachd, an luchd-riaghlaidh, agus na prionnsachan, na comhairliche agus na cinu-fleadhna, comhairle le 'chéile gu reachd rìoghail a dhaing-

## DANIEL, VII.

neachadh, agus ordugh làidir a dheanamh, ge b'è 'dhiarras athcheuinge air bith air aon dia no duine ré deich làithean fichead, ach ortsa, O a rìgh, gu'n tilgear e ann an garaidh nan leòmhann.

8 A nis, O a rìgh, daingnich an t-ordugh, agus seulaich an sgrìobhadh, a chum nach caochlaidhear e, a rèir reachd nam Médach agus nam Persach, nach fheudar atharrachadh.

9 Uime sin sheulaich rìgh Darius an sgrìobhadh agus an t-ordugh.

10 A nis 'n uair a thuig Daniel gu'n deachaidh an sgrìobhadh a sheulachadh, chaidh e chum a thighe, agus air da 'uinneagan a bhi fosgailte 'n a shòmar ri Ierusalem, thuit e sìos air a ghluinibh trì uairean anns an là, agus rinn e urnuigh, agus thug e buidheachas an làthair a Dhé, mar a rinn e 's an aimsir roimhe.

11 An sin chruinnich na daoine so, agus fhuair iad Daniel ri urnuigh, agus a' deanamh athcheuinge ann an làthair a Dhé.

12 An sin thàinig iad ann fagus, agus labhair iad ann am fianuis an rìgh mu thimchioll orduigh an rìgh, Nach do sheulaich thusa reachd, gach duine sam bith a ni athcheuinge ri aon dia no duine, an taobh a stigh de dheich làithean fichead, ach riutsa, O a rìgh, gu'n tilgear ann an garaidh nan leòmhann e? Fhreagair an rìgh, agus thubhairt e, Tha an ni fìor a rèir reachd nam Médach agus nam Persach, nach atharraich-car.

13 An sin fhreagair iadsan, agus thubhairt iad ann an làthair an rìgh, Daniel sin a tha de chloinn bhruid Iudah, cha-n'èil suim aige dhìot-sa, O a rìgh, no d'ò'n reachd a sheulaich thu, ach tha e ri athcheuinge trì uairean anns an là.

14 An sin bha 'n rìgh, 'n uair a chual e na briathran, ro dhiombach dheth féin, agus shuidhich e a chridhe air Daniel g'a shaoradh: agus shaothraich e gu dol fodha na gréine chum a thèarnadh.

15 An sin chruinnich na daoine so chum an rìgh, agus thubhairt iad ris an rìgh, Bitheadh fios agad, O a rìgh, gur e lagh nam Médach agus nam Persach, nach feudar ordugh no reachd air bith a dhaingnich an rìgh a chaochladh.

16 An sin dh'àithn an rìgh, agus thug iad leo Daniel, agus thilg iad e do gharaidh nan leòmhann: agus labhair an rìgh ri Daniel, ag ràdh, Do Dhia, d'am bheil thu a' deanamh seirbhis a ghnàth, ni esan do thèarnadh.

17 Agus thugadh clach, agus leagadh air beul na garaidh i; agus sheulaich an rìgh le 'sheula féin i, agus le seula a thighearnan; a chum nach bitheadh a' chomhairle air a h-atharrachadh mu thimchioll Dhanicil.

18 An sin chaidh an rìgh d'a lùchairt, agus chaith e an oidhech ri trasg: ni mò 'tbugadh

inuil cùil 'n a làthair; agus dh'imich a chodal uaith.

19 An sin dh'éirich an rìgh gu ro mhoch anns a' mhaduinn, agus chaidh e gu luath gu garaidh nan leòmhann.

20 Agus an uair a thàinig e chum na garaidh, ghlaodh e le guth muladach ri Daniel; *seadh* labhair an rìgh, ag ràdh ri Daniel, O Dhanicil, d'glaich an Dé bheò, am bheil do Dhia, d'am bheil thu a' deanamh seirbhis an còmhnuidh, comasach air do thèarnadh o na leòmhanaibh?

21 An sin thubhairt Daniel, O a rìgh mair beò gu bràth.

22 Chuir mo Dhia-sa nuas 'aingeal, agus dhruid e beoil nan leòmhann, air chor as nach d'rinn iad mo dhochann: do bhrìgh 'n a fhianuis gu'n d'fhuairleadh neo-chiontach mi; agus fòs a'd' fhianuis-sa, O a rìgh, cha d'rinn mi cron sam bith.

23 An sin bha an rìgh ro aoibhneach air a shon, agus dh'àithn e gu'n tugadh iad Daniel a nìos as a' gharaidh: mar sin thugadh Daniel a nìos as a' gharaidh, agus cha d'fhuairleadh gnè air bith dochainn air, a chionn gu'n do chreid e 'n a Dhia.

24 Agus dh'àithn an rìgh, agus thug iad leo na daoine sin a rinn casaid air Daniel, agus thilg siad iad do gharaidh nan leòmhann, iad féin, an clann, agus am mnathan; agus thug na leòmhain buaidh orra, agus bhris iad an cnàmhan uile 'n am bloighdibh, mu'n d' ràinig iad iochdar na garaidh.

25 An sin sgrìobh Darius a chum nan uile shluagh, chinneach agus chànan a tha chòmhnuidh air an talamh uile, Gu robh sìth air a meudachadh dhruibh.

26 Tha mise a' toirt orduigh, anns gach uile thighearnas de m' rìoghachd, gu'm bi crith agus cagal air daoine roimh Dhia Dhanicil: oir is esan an Dia beò, agus bunaitheach gu bràth, agus a rìoghachd-san cha sgriosar a chaidh, agus 'uachdaranachd tha gus a' chrìoch.

27 Saoraidh esan, agus tèarnaidh e, agus oibrichidh e comharan agus micr-bhuilean air nèamh agus air talamh, neach a shaor Daniel o chumhachd nan leòmhann.

28 Mar so shoirbhich Daniel so ann an linn Dhariuis, agus ann an linn Chiruis a Phersaich.

## CAIB. VII.

1 *Aisling mu thimchioll nan ceithir beathaichean mòra a thàinig a nìos an fhuairge, 8 agus mu thimchioll ceithir-rìghail an Tigh-earna. 15 Brìgh nan aisling.*

**A**NN an ceud bhliadhna Bhelsasair rìgh Babiloin, chumnaic Daniel brudair, agus aisling a chinn air a leabaidh: an sin sgrìobh e am brudair, agus dh'innis e suim nan nithean.

2 Labhair Daniel agus thubhairt e, Chumnaic mi ann am aisling anns an oidhech, agus,



feuch, ghleachd ceithir ghaothan nòimh air an fhaire mhòir.

3 Agus thàinig ceithir beathaichean mòra nìos as an fhaire, eag-samhuil aon o 'chèile.

4 Bha a' cheud aon cosmhuil ri leònhan, agus bha sgiathan iolair e aige: agus dh'amhairc mi gus an do spionadh a sgiathan, agus thogadh suas o'n talamh e, agus bha thugadh air seasamh air a chosaibh mar dhuine, agus thugadh dha cridhe duine.

5 Agus feuch beathach eile, an dara aon, cosmhuil ri math-ghamhuinn, agus thog e suas e fèin air aon taobh, agus bha aige trì galan 'n a bheul, an taobh a stigh d'a fhaiclaibh: agus thubhairt iad ris mar so, Eirich, sluig mòran fèola.

6 'N a dhéigh so dh'amhairc mi, agus, feuch, aon eile amhuil liopard, aig an robh air a dhruim ceithir sgiathan coim; bha aig a' bheathach mar an ceudna ceithir chinn; agus thugadh dha uachdaranachd.

7 'N a dhéigh so chuinnic mi ann an aisingibh na h-oidhech, agus feuch ceathramh beathach; eagalach agus uamhasach, agus ro làidir; agus bha faclan mòra iarunn aige: shlaig e suas agus bhris e ann am bloighdibh, agus shaltair e 'm fuigheall le 'chosaibh; agus bha e cu-cosmhuil ris na h-uile beathaichean a bha roimhe; agus bha deich adhaircean air.

8 Thug mi fainear na h-adhaircean, agus, feuch, thàinig a nìos 'n am measg adhare bhac eile, roimh an robh trì de na ceud adhairceibh air an spionadh a nìos as am freunhan: agus, feuch, anns an adhaire so bha sùilean mar shùilean duine, agus beul a' labhairt nithcan mòra.

9 Dh'amhairc mi gus an robh na rìgh-chaitrichean air an suidheachadh, agus shuidh Aosda nan làithean, aig an robh a thrusgan geal mar shneachdadh, agus folt a chinn mar olainn ghloin; a chaithir-rìghail mar lasair theime, a rothan mar theinc-loisgeach.

10 Bhrùchd sruth teinnteach, agus thàinig e mach o a làthair: bha mìle de mhiltibh a' frithcaladh dha, agus sheas deich mìle uair deich mìle 'n a fhianuis: shuidhichadh am breitheanas, agus dh'fhosgladh na leabhraichean.

11 Dh'amhairc mi an sin, do bhrùgh guth nam briathran mòra a labhair an adhaire: dh'amhairc mi gus an do mharbhadh am beathach, agus gus an robh a chorp air a sgrìos, agus air a thoirt do'n lasair-loisgich.

12 A thaobh na cuid eile de na beathaichibh, thugadh an uachdaranachd air falbh: gidheadh shincadh am beatha, ré tamuill agus aimsir.

13 Chuinnic mi ann an aisingibh na h-oidhech, agus, feuch, thàinig neach cosmhuil ri mac an duine le neulaibh nòimh, agus thàinig e chum Aosda nan làithean, agus thug iad e diùth 'n a làthair.

14 Agus thugadh dha uachdaranachd, agus glòir, agus rìoghachd, a chum gu'n tugadh na h-uile shluagh, clinneach, agus theangaidh, seirbhis dha: 'uachdaranachd is uachdaranachd shiorruidh i, nach siubhail thairis, agus a rìoghachd cha sgrìosar i.

15 Bha mise Daniel muladach ann am spiorad, ann am meadhon mo chuirp, agus rinn aisingean mo chum mo bhuairheadh.

16 Thàinig mi am fagus do aon dhiubhsan a sheas dlùth, agus dh'fheòraich mi dheth brìgh an iomlain deth so: an sin dh'innis e dhomh, agus thug e fios domh air brìgh nan nithcan.

17 Na ceithir beathaichean mòra so, is ceithir rìghrean iad, a dh'èireas a mach as an talamh.

18 Ach glacadh naomh an Ti a's àirde an rìoghachd, agus sealbhaidhidh iad an rìoghachd gu sìorruidh, eadhon gu saoghal nan saoghal.

19 An sin b'àill leam fios fhaotainn air seadh a' cheathramh beathaich, a bha eug-samhuil ri càch uile, anbharr uamhasach, aig an robh 'fhaclan de iarunn, agus 'iongannan de phrais; a shluig suas, a bhris ann am bloighdibh, agus a shaltair am fuigheall le 'chosaibh;

20 Fòs air seadh nan deich adhare a bha 'n a cheann, agus na h-aoin eile a thàinig a nìos, agus roimh an do thuit trì, eadhon na h-adhaire sin aig an robh sùilean, agus beul a labhair nithcan ro mhòr, aig an robh sealladh ni bu chruadalaiche na càch.

21 Dh'amhairc mi, agus rinn an adhaire cheudna cogadh ris na naomh, agus bhuadh-aich i 'n an aghaidh;

22 Gus an d'thàinig Aosda nan làithean, agus an d'thugadh breitheanas do naomh an Ti a's àirde; oir thàinig an t-am anns an do sheallbhaich na naomh an rìoghachd.

23 Mar so thubhairt e, Is e an ceathramh beathach an ceathramh rìoghachd a bhith-eas air an talamh, a bhith-eas eug-samhuil o na h-uile rìoghachd, agus a shluigeas suas an talamh uile, agus a shaltras sìos e, agus a bhriseas e 'n a bhloighdibh.

24 Agus na deich adhaircean as an rìoghachd so, is deich rìghrean iad a dh'èireas suas: agus èiridh aon eile 'n an déigh; agus bithidh e eug-samhuil o 'n cheud aon, agus eannsaichidh e trì rìghrean.

25 Agus labhairidh e briathran an aghaidh an Ti a's àirde, agus claidhidh e naomh an Ti a's àirde, agus bithidh diùil aige aimsirean agus reachdan a chaochladh: agus bheirear iad d'a làimh gu aimsir, agus aimsirean, agus roimn aimsir.

26 Agus suidhidh am breitheanas, agus bheir iad air falbh a thighearnas, gu 'chaitheamh, agus gu a sgrìos gu ruig a' chrìoch.

27 Agus bheirear an rìoghachd agus an uachdaranachd agus mòrachd na rìoghachd

fo nèamh uile, do mhuinntir naomh an Tì a's ro àirde, aig am bheil a rioghachd 'n a rioghachd shiorruidh, agus bheir na h-uile thighearnais umhlachd agus géill da.

28 An so bha crìoch na cuise. Air mo shonsa Daniel, rinn mo smuaintean gu ro mhòr mo bhuairleadh, agus dh'atharraich mo ghuibis annam; ach ghléidh mi a' chùis ann am chridhe.

CAIB. VIII.

1 *Taisbeanadh Dhanieil mu thimchioll an reithe agus a' bhuic-ghaibhre.* 15 *Thug Gabriel comhfhurtachd do Dhanieil, 19 agus dh'inns e dha brìgh an taisbeinidh.*

**A** NNS an treas bliadhna de linn rìgh Bhelesair, chunnaicas aisling leamsa, leamsa Daniel, an déigh *na h-aisling* sin a chunnaicas leam an toiseach.

2 Agus chunnaic mi ann an aisling, (agus tharladh 'n uair a chunnaic mi, gu'n robh mi ann an Susan, anns an àros, a tha ann am mòr-roinn Elaim,) agus chunnaic mi ann an aisling, agus bha mi aig amhainn Ulai.

3 An sin thog mi suas mo shùilean, agus chunnaic mi, agus, feuch, sheas fa chomhair na h-aimhne reithe, aig an robh dà adhaire; agus bha an dà adhaireard; ach aon ni b' àirde na 'n aon eile; agus thàinig an aon a b' àirde nìos mu dheireadh.

4 Chunnaic mi an reithe a' purradh le 'adhaireibh an iar, agus mu thuath, agus mu dheas; air chor as nach feudadh beathach air bith seasamh fa' chomhair, ni mò *bha neach ann* a b'urraim saoradh as a làimh, ach rium e a réir a thoile, agus dh'fhàs e mòr.

5 Agus am feadh a bha mi a' beachdachadh, feuch, thàinig boc-gaibhre o'n àird an iar, air aghaidh na talmhainn uile, agus cha do bhean e do'n làr: agus bha adhare shònraichte aig a' bhoc eadar a shùilean.

6 Agus thàinig e chum an reithe aig an robh dà adhaire, a chunnaic mi 'n a sheasamh fa chomhair na h-aimhne, agus ruith e d'a ionnsuidh ann an eutlach a threise.

7 Agus chunnaic mi e 'teachd teann air an reithe, agus dhùisg 'fhearg 'n a aghaidh, agus bhuail e 'n reithe, agus bhris e a dhà adhaire; agus cha robh cumhachd air bith aig an reithe gu seasamh roimhe, ach thilg e sìos chum an làir e, agus shaltair e air: agus cha robh neach air bith a b'urraim an reithe a thèarnadh as a làimh.

8 Air an aobhar sin dh'fhàs am boc-gaibhre ro mhòr: agus 'n uair a bha e làidir, chaidh an adhare mhòr a bhriseadh; agus 'n a h-àite thàinig a nìos ceithir adhairean sònraichte, ri ceithir ghaothaibh nèimh.

9 Agus a mach as aon diùbl thàinig adhare bheag, a dh'fhàs anbharr mòr, ris an àirde deas, agus ris an àird an ear, agus ris an tìr thaitnich.

10 Agus dh'fhàs i mòr gu ruig feachd

nèimh, agus thilg i sìos cuid de'n fheachd, agus de na reultaibh a chum an làir, agus shaltair i orra.

11 Seadh, rinn i uaill aisde féin an aghaidh prionnsa an fheachd, agus leatha thugadh air falbh an iobairt lathail, agus bha àite a naomh-ionaid air a thilgeadh sìos.

12 Agus thugadh feachd dhi an aghaidh *na h-ìobairt* lathail, do bhrìgh eucirt, agus thilg i sìos an fhìrinn a chum an làir; agus dhealbh i inleachdan, agus shoirbhich i.

13 An sin chuala mi aon naomh a' labhairt, agus thubhairt naomh eile ris an *naomh* àraidh sin a labhair, Cia fhad a bhitheas an aisling mu thimchioll *na h-ìobairt* lathail, agus a bheirear thairis eucart gu milleadh, agus a bhitheas an naomh-ionad agus am feachd air an saltairt fo chois?

14 Agus thubhairt e rium, Gu dà mhìle agus trì cheud là: an sin glanar an naomh-ionad.

15 Agus tharladh an uair a chunnaic mise, mise Daniel, an sealladh, agus a dh'iarr mi air son na brìgh, an sin feuch, sheas fa' m' chomhair amhuil coslas duine.

16 Agus chuala mi guth duine eadar *bhrùachan* Ulai, a ghlaodh, agus a thubhairt, A Ghabriel, thoir air *an fhear* so an sealladh a thuigsinn.

17 Agus thàinig e dlùth do'n àite 's an do sheas mi: agus 'n uair a thàinig e, bha eagal orm, agus thuit mi air m' aghaidh: ach thubhairt e rium, Tuig, O mhic an duine, oir anns an aimsir dheireannaich *bithidh* an sealladh.

18 A nis, am feadh a bha e 'labhairt rium, bha mi ann an codal trom, air m' aghaidh ris an talamh: ach bhean e dhomh, agus chuir e suas gu dìreach mi.

19 Agus thubhairt e, Feuch, bheir mise fios duit ciod a thachras ann an erich dheireannaich na dian-fheirge: oir anns an àm a shòraicheadh thig a' chrìoch.

20 An reithe a chunnaic thu, aig an robh dà adhare, is iad sin rìghrean Mhedia agus Phersia.

21 Agus a' ghabhar rìbeach is e sin rìgh na Grèige; agus an adhare mhòr a tha eadar a shùilean, is e sin an ceud rìgh.

22 A nis, air dha sin briseadh, mar a sheas ceithir suas 'n a àite, seasaidh ceithir rioghachdan suas as a' chinneach, ach cha-n ann 'n a neart-san.

23 Agus ann an aimsir dheireannaich na rioghachd, 'n uair a bhitheas luchd an eusaontais air an coimhionadh, seasaidh suas rìgh aig am bi aghaidh bhorb, agus a thuigeas briathran dorch.

24 Agus bithidh a neart cumhachdach, ach cha-n ann le 'threise féin: agus sgriosaidh e gu h-iongantach, agus soirbhichidh leis, agus bheir e gu crìch, agus millidh e na cumhachdaich agus an sluagh naomh.



25 Agus le a sheòltachd fòs bheir e air eileig soirbheachadh 'n a làimh; agus nì e maill as féin 'n a chridhe, agus le foill sgriosaidh e mòran: seasaidh e fòs suas an aghaidh prionnsa nam prionnsachan, ach brisear e as eugmhais làimhe.

26 Agus tha aising nan làithean, a chaidh innseadh, fìor: air an aobhar sin druid thusa suas an sealladh, oir *bithidh* e an ceann mhòran làithean.

27 Agus ormsa Daniel thàinig fàilinn, agus bha mi tinn car làithean *àraidh*; 'n a dhéigh sin, dh'éirich mi suas, agus rinn mi gnothuichean an rìgh; agus bha uamhas orm mu'n aising, ged nach d'thug aon neach *sin* fainear.

## CAIB. IX.

1 *Dh'aidich Daniel peacaidhean an t-sluaigh an làthair an Tighearna.* 16 *Ghuidh e air son Ierusalem.* 24 *Tha deich agus trì fichead seachdain air an orduchadh a chriochnachadh lochdan agus euceirt.*

**A** NN an ceud bhliadhna Dhariuis mhic Ahasueruis, de shìol nam Médach, a rinneadh 'n a rìgh os ceann rìoghachd nan Caldéach.

2 Anns a' cheud bhliadhna d'a linn-san, thug mise Daniel, le leabhraichean, àireanhi nam bliadhnanachan, mu'n d'thàinig focal an Tighearna gu Jeremiah am fàidh, gu'n coimhlionadh e deich agus trì fichead bliadhna 's am bitheadh Ierusalem 'n a làraichibh.

3 Agus chuir mi m' aghaidh ris an Tighearna Dia, g'a iarraidh le urnuigh agus le atcheuinge, le trasg, agus le eudach-saie, agus le luathre:

4 Agus rinn mi urnuigh ris an Tighearn mo Dhia, agus rinn mi m' aidmheil, agus thubhairt mi, O Thighearn', an Dia mòr, agus uamhasach, a tha 'cunail coimhcheangail agus tròcair rìusan a ghràdhachas e, agus do'n dream a choimhdeas àitheantan:

5 Pheacaich sinne, agus chuir sinn 'an gnìomh euceart, agus rinn sinn gu h-aingidh, agus bha sinn ceannaireach, eadhon le dealachadh ri d' àitheantaibh agus ri d' breitheanais.

6 Nì mò dh'éisd sinn ri d' sheirbhiseach na fàidhean, a labhair ann ad ainm-sa ri ar rìghribh, ri ar n-uachdaranaibh, agus ri ar n-aithricheibh, agus ri uile shluagh an fhear-ainm.

7 O Thighearna, *buinidh* fireantachd dhuit-sa, ach dhuinne nàire gnùise, mar air an là an diugh: do mhuinntir Iudah, agus do luchd-àiteachaidh Ierusalem, agus do uile Israel, am fagus agus am fad as, feadh nan uile dhùthchan gus an d'fhògair thusa iad, air son am peacaidhean a pheacaich iad ann ad aghaidh-sa.

8 O Thighearna, dhuinne *buinidh* nàire gnùise, do ar rìghribh, do ar prionnsach-

aibh, agus do ar n-aithricheibh, a chionn gu'n do pheacaich sinn a'd' aghaidh.

9 Do'n Tighearn ar Dia *buinidh* tròcairean agus maithcanais, ge do rinn sinne àr-amach 'n a aghaidh.

10 Nì mò thug sinn géill do ghuth an Tighearn' ar Dia, a chum ghlasad 'n a reachd-aibh a chuir e romhainn le 'sheirbhiseach na fàidhean.

11 Seadh, bhris Israel uile do reachd, eadhon le dol a thaoibh, a chum nach tugadh iad géill do d' ghuth; air an aobhar sin tha am mallachd air a dhòrtadh oirnn, agus an truaighe a tha sgrìobhta ann an lagh Mhaois òglach Dhé, a chionn gu'n do pheacaich sinn 'n a aghaidh.

12 Agus dhaingnich e a bhriathran a labhair e 'n ar n-aghaidh, agus an aghaidh ar breitheamhan a thug breth oirnn, le dòrainn mhòr a thoirt oirnn; oir fo nèamh uile cha d'rinneadh mar a rinneadh air Ierusalem.

13 Mar tha e sgrìobhta ann an lagh Mhaois, tha an t-ole so uile air teachd oirnn; gidheadh cha d'rinn sinn ar n-urnuigh an làthair an Tighearn' ar Dia, a chum gu'm bitheamaid air ar pilleadh o'r n-euceartaibh, agus gu'n tuigamaid d'fhirinn.

14 Uime sin rinn Dia faire air an ole, agus thug e oirnn e; oir tha an Tighearn ar Dia ceart 'n a uile oibribh a tha e'deanamh: oir cha d'thug sinne géill d'a ghuth.

15 Agus a nis, O Thighearn' ar Dia, a thug do shluagh a mach a tìr na h-Eiphit le làimh chumhachdaich, agus a fhuair dhuit féin cliù, mar air an là an diugh, pheacaich sinne, rinn sinn gu h-aingidh.

16 O Thighearn', a réir d' uile fhàireantachd, guidheam ort, leig le d' chorruigh agus le d'fheirg pilleadh air falbh o d' chaithir Ierusalem, do shliabh naomh: a chionn, air son ar lochdan, agus air son aingidheachdan ar n-aithrichean, gu bheil Ierusalem agus do shluagh 'n am masladh do na h-uile mu'n cuairt duinn.

17 A nis, uime sin, O ar Dia, éisd urnuigh d'òglach, agus 'atcheuinge, agus thoir air do ghnùis dealradh air d' ionad naomh a tha 'n a làraich air sgàth an Tighearna.

18 O mo Thighearna, crom do chluas agus cluinn; fosgail do shùilean, agus faic ar sgaoileadh, agus a' chaithir a tha air a gairm air d'ainm: oir cha-n'eil sinn a' taisbeanadh ar n-atheuingean a'd' làthair air son ar n-ionracais, ach air son do mhòr-thròcair féin.

19 O Thighearn', éisd; O Thighearna, maith; O Thighearna, cluinn agus dean; na dean moille, air do shon féin, O mo Dhia: oir tha do chaithir agus do shluagh air an gairm air d' ainm.

20 Agus am feadh a bha nì a' labhairt, agus ri urnuigh, agus ag aicheadh mo lochd, agus lochd mo shluaigh Israeil, agus

a' taisbeanadh m' athcheuinge an làthair an Tighearna mo Dhia, air son slèibh naoimh mo Dhé:

21 Seadh, am feadh a bha mi a' labhairt ann an urnuigh, an neach ceudna, a chum-aic mi anns an aising air tùs, Gabriel air an d'fhugadh itealaich gu luath, bhean rium mu àm na h-ìobairt fheasgair.

22 Agus thug e fios dhomh, agus labhair e rium, agus thubhairt e, O Dhaniel, tha mise nis air teachd a mach a thoirt duit gliocais agus tuigse.

23 Aig toiseach d'athcheuinge thàinig an àithne a mach, agus thàinig mise a dh'fheuchaim duit: oir tha thu air do ghràdhachadh gu ro mhòr: uime sin, tuig a' chùis, agus thoir fainear an aising.

24 Tha deich agus trì fichead seachdain air an orduchadh air do shluagh, agus air a' chaithir naoimh, a chrìochnachadh euccirt, agus a chur crìch air lochdan, agus a dheanamh rèite air son aingidheachd, agus a thoirt a steach fireautachd shìorruidh, agus a sheulachadh suas na h-aising agus na fàisteachd, agus a dh'ungadh an Tì a's ro naoimhe.

25 Aithnich uime siu agus tuig, o dhol a mach ua h-àithne, gu Ierusalem aiseag agus a thogail suas, gu Mesiah am Prionnsa, gu'm bi seachd seachduinean, agus trì fichead agus dà sheachdain: togar an t-sràid a rìs agus am balla, eadhon ann an aimsiribh carraideach.

26 Agus an ceann nan trì fichead agus dà sheachdain, gearrar Mesiah: as, ach cha-n ann air a shon fèin: agus sgriosaidh sluagh a' phrionnsa a thig am baile, agus an naomh-ionad; agus bitheadh a chrìoch sin le tuil, agus gu deireadh a' chogaidh tha léir-sgrìos air 'orduchadh.

27 Agus dainguidhidh esan an coimhcheangal ri mòran car aon seachdain: agus ann am meadhan na seachdain bheir e air an ìobairt agus air an tabhartas sgrù; agus anns an teampull bitheadh gràiveileachd an léir-sgrìos, gus an coimhionar an sgrìos a dh'orduchadh, air a làraich fhàisail.

## CAIB. X.

1 *N uair a dh'irioslaich Daniel e fèin chunnaic e taisbeanadh glòrhmhor, agus bha e fo eagail.*  
10 *Thug aingeal misneach dha, 19 agus neartach se e.*

**A**NN an treas bliadhna Chiruis rìgh Phersia, dh'fhoillsicheadh ni do Dhaniel, (do 'm b' ainm Beltesasar,) agus bha an nì fìor, agus mu thimchioll feachd mhòir: agus thug e a' chùis, oir bha e eòlach ann an sealladh.

2 Anus na làithibh sin bha mise Daniel ri bròn trì seachduinean ionlan.

3 Cha d'ith mi aran taitneach air bith, ni mò thàinig feoil no fion ann am bheul, ni mò dh'ung mi mi fèin idir, gus an robh trì seachduinean ionlan air an coimhionadh.

4 Agus air a' cheathramh là fichead de'n cheud mhìos, an uair a bha mi ri taobh na h-aimhne mòire, Hìdecel;

5 An sin thog mi suas mo shùilean, agus dh'amhairc mi, agus, feuch, duine àraidh ann an eudach lìn, aig an robh a leasraidh erioslaichte le òr grunn Uphais:

6 Bha a chorp fòs cosmhuil ri beril, agus a ghnùis mar dhreach dealanaich, agus a shùilean mar lòchran teine, agus a ghairdeanan agus a chasan cosmhuil ann an dath ri umha lomhta, agus fuaim a bhriathran cosmhuil ri guth suaigh mhòir.

7 Agus chunnaic mise Daniel a mhàin an sealladh: oir cha-n fhaca na daoine 'bha maille rium an sealladh: ach thuit crith mhòr orra, ionnus gu'n do theich iad gu iad fèin fholach.

8 Air an aobhar sin dh'fhàgadh mise ann am aonar, agus chunnaic mi an sealladh mòr so, agus cha d'fhan cumhachd air bith annam: oir dh'atharraicheadh annam mo mhaise gu duaicheachd, agus cha do mhair neart annam.

9 Gidheadh chuala mi fuaim a bhriathran: agus an uair a chuala mi fuaim a bhriathran, an sin bha mi ann an codal trom air m' aghaidh, agus m' aghaidh ris an làr.

10 Agus, feuch, bhean làmh rium, a chuir mi air mo ghlàinibh, agus air basaibh mo làmh.

11 Agus thubhairt e rium, O Dhaniel, a dhuine ro ionmhuim, tuig na briathran a tha mise a' labhairt riut, agus éirich ann ad sheasamh: oir a d' ionnsuidh-sa tha mi nis air mo chur. Agus an uair a labhair e am focal so rium, sheas mi air chrith.

12 An sin thubhairt e rium, Na bitheadh cagal ort, a Dhaniel; oir o'n cheud là's an do shuidhidh thu do chrìche chum tuigsinn, agus chum thu fèin irioslachadh ann an làthair do Dhé, bha do bhriathran air an chluinntinn, agus tha mise air teachd air son do bhriathran.

13 Ach sheas prionnsa rìoghachd Phersia ann am aghaidh làthar fhichead: ach feuch, thàinig Michael, aon de na h-àrd phrionnsachan gu m' chòmhnadh; agus dh'fhan mi an sin le rìghrìbh Phersia.

14 A nis tha mi air teachd a thoirt ort a thuigsinn ciod a thachras do d' shluagh anns na làithibh deircannach: oir tha an sealladh fathasd ré mhòran làithean.

15 Agus an uair a labhair e an leithid so de bhriathraibh rium, chuir mi m' aghaidh ris an làr, agus bha mi ann am thosd.

16 Agus, feuch, bhean neach cosmhuil ri samhladh mhac dhaoine ri m' bhilibh; an sin dh'fhosgail mi mo bheul, agus labhair mi, agus thubhairt mi ris-san a sheas fa m' chomhair, O mo thighearna, leis an t-sealladh, tha m' àmhghar air pilltinn orm, agus thréig mo neart mi.

17 Oir cionnus a dh'fheudas òglach an tì



so mo thighearna labhairt ris an ti so mo thighearn? oir air mo shon-sa, air ball cha d'fhan neart air bith annam, ni mò a dh'fhàgadh anail annam.

18 An sin thàinig a ris agus bhean rium, neach cosmhail ri samhla dhùine, agus neartaich e mi.

19 Agus thubhairt e, O dhuine ro ion-mhuinn, na bitheadh eagal ort; sìth dhuit, bi làidir, seadh bi làidir. Agus an uair a labhair e rium, neartaicheadh mi, agus thubhairt mi, Labhradh mo thighearn; oir rinn thu mo neartachadh.

20 An sin thubhairt e, Am bheil fios agad c'ar son a thàinig mi a d' ionnsuidh? agus a nis pillidh mi gu cogadh ri prionnsa Phersia: agus an uair a thèid mise a mach, feuch, thig prionnsa na Grèige.

21 Ach nochdaidh mi dhuit an-ni sin a tha comharaichte ann an sgrìobtuir na fìrinn; agus cha-n'èil aon a chuireas leam-sa anns na nithibh so ach Michael 'ur prionnsa-sa.

## CAIB. XI.

1 *Sgrìosar Persia le rìgh na Grèige. 5 Coimh-cheangal eadar rìgh na h-àirde deas agus rìgh na h-àirde tuath. 14 Co-bhòim an aghaidh rìgh na h-àirde deas.*

**A**GUS aun an ceud bhliadhna Dhariuis a' Mhédich, sheas mise gu 'dhaingneachadh agus gu 'neartachadh.

2 Agus a nis foillsichidh mi dhuit an fhìrinn; Feuch, seasaidh suas fathasd tri rìghrean ann am Persia; agus bithidh an ceathramh nì's beartaiche gu mòr na iad uile: agus le 'chumhachd, trid a bheartais, dùisgidh e suas na h-uile an aghaidh rìoghachd na Grèige.

3 Agus seasaidh rìgh cumhachdach suas a riaghlas le tighearnas mòr, agus a ni a réir a thoile féin.

4 Agus an uair a sheasas e suas, brisear a rìoghachd, agus roinnear i ri ceithir ghaothan nèimh; agus cha-n ann d' a shliochd, no a réir a thighearnais, leis an do riaghail e: oir bithidh a rìoghachd air a spionadh a nìos, eadhon air son muinntir eile a bharrachd orra so.

5 Agus bithidh rìgh na h-àirde deas làidir, ach bithidh aon de na prionnsaich eadhon nì's làidire na esan; agus bithidh aige tighearnas nì's mò na 'thighearnas-sa.

6 Agus 'an ceann bhliadhnachan ceanglaidh siad iad féin r'a chèile; oir thig nighean rìgh na h-àirde deas a chum rìgh na h-àirde tuath a dheanamh réite eatorra: ach cha ghlèidh i cumhachd a' ghairdein, ni mò 'sheasas i féin no a shliochd: ach bheirar ise seachd, agus iadsan a thug leo i, agus esan a ghin i, agus esan a neartaich i anns na h-aimsiribh so.

7 Ach a mach á meangan d'a freumh seasaidh aon suas 'n a inbhe, a thig le feachd,

agus a thèid a steach gu daingneach rìgh na h-àirde tuath, agus cuiridh e 'n an aghaidh, agus bheir e buaidh.

8 Agus bheir e fòs 'n am braighdibh do'n Eiphit, an diathan, maille ri 'm prionnsachan, agus ri an soithichibh luachmhor airgid agus òir; agus mairidh e tuilleadh bhliadhnachan na rìgh na h-àirde tuath.

9 Mar sin thig rìgh na h-àirde deas d'a rìoghachd-san, agus pillidh e g'a dhùthaich féin.

10 Ach bithidh a mhic air an dùsgadh suas, agus cruinnichidh iad sluagh a dh' fheachdan mòra: agus thig aon gu deimhin, agus sgaoilidh e thairis, agus imichidh e troimh: an sin pillidh e, agus dùisgear suas e, gu ruig a dhaingnich.

11 Agus lìonar rìgh na h-àirde deas le feirg, agus thig e mach, agus cogaidh e ris, eadhon ri rìgh na h-àirde tuath: agus cuiridh e mach sluagh mòr; ach bheirar am mòr-shluagh thairis d'a làimh-san.

12 Agus 'n uair a bheir e air falbh am mòr-shluagh, bithidh a chridhe air a thogail suas, agus tilgidh e sìos deich mìltean; gidheadh cha neartaichear e.

13 Oir pillidh rìgh na h-àirde tuath, agus cuiridh e sluagh mòr a mach, a's mò na 'cheud sluagh, agus thig e gu cinnteach, (an déigh bhliadhnachan àraidh,) le feachd mòr, agus le pailteas saoihbheis.

14 Agus anns na h-aimsiribh sin seasaidh mòran suas an aghaidh rìgh na h-àirde deas: mar an ceudna ni luchd-creachaidh mo shluaigh-sa, iad féin àrdachadh a chum an sealladh a dhaingneachadh, ach tuitidh iad.

15 Mar sin thig rìgh na h-àirde tuath, agus tilgidh e suas tòrr, agus glacaidh e na bailtean a's làidire; agus cha seas gairdeanan na h-àirde deas 'n a aghaidh, no a shluagh taghta, ni mò bhitheas neart air bith a chuireas 'n a aghaidh.

16 Ach ni esan a thig 'n a aghaidh a réir a thoile féin, agus cha seas neach air bith roimhe: agus seasaidh e 's an tìr ghèidh-mhoir, a bhitheas air a sgrìos le a làimh.

17 Suidhichidh e fòs 'n aghaidh gu dol a steach le neart a rìoghachd uile, agus daoine ionraic maille ris: mar so ni e; agus bheir e cha nighean nam ban g'a truailladh: ach cha seas i air a thaobh-san, ni mò bhitheas i air a shon.

18 'N a dhéigh so tionndaidhidh e 'n aghaidh ris na h-eileanaibh, agus glacaidh e mòran: ach bheir prionnsa air a shon féin fainear gu'n sguir am masladh a thug e uaith: gun mhasladh dha féin bheir e air pilleadh air-san.

19 An sin tionndaidhidh e 'n aghaidh ri daingneach a thìre féin: ach gheibh e tuisleadh agus leagadh, agus cha bhi e ri 'fhaotainn.

20 An sin seasaidh suas 'n a àite aon a

chuireas fear-togail chisean thar an rìogh-achd ghlòrmhoir; ach 'an ceann bheagan làithean sgriosar e, cha-n ann 'an corruich no 'an cath.

21 Agus 'u a àite-san seasaidh suas neach suarrach, do nach toir iad onoir na rìogh-achd: ach thig e steach gu sìochail, agus gheibh e'n rìoghachd le mòdal.

22 Agus le gairdeanan na tuile bàthar iad as a làthair, agus briscar iad; seadh, fòs prionnsachan a' choimhcheangail.

23 Agus an dèigh na réite ris, buinidh e gu cealgach; agus thig e nìos, agus fasaiddh e làidir le sluagh beag.

24 Théid e steach gu sìochail eadhon air na h-ionadan a's fearr de'n mhòr-roim, agus ni e an ni nach d'rinn 'aithrichean, no aithrichean 'aithrichean; sgapaiddh e 'n am measg a' chrcach, agus a' chobhartach, agus an saobhbreas: agus dealbhaiddh e innleachdan an aghaidh nan daingnichean làidir, cadhou rè seal.

25 Agus dhùsgidh e suas a chumhachd agus a chruadal, an aghaidh rìgh na h-àirde deas le feachd mòr; agus bithidh rìgh na h-àirde deas air a dhùsgadh suas gu cath, le feachd mòr agus cumhachdach; ach cha seas e: oir dealbhaiddh iad innleachdan 'u a aghaidh.

26 Seadh, marbhaidh iadsan a dh'itheas cuiblrionn d'a bhiadh e, agus sgaoilidh 'fheachd a mach mar thuil: agus tuitidh mòran sìos marbh.

27 Agus bithidh cridheachan nan rìghrean so araon air aimhleasa d'heanamb, agus labhraidh iad breugan air aon bhòrd; ach cha soirbhich sin: oir fathasd bithidh a' chrìoch anns an àm a shonraicheadh.

28 An sin pillidh esan gu 'dhùthaich le saobhbreas mòr; agus bithidh a chridhe an aghaidh a' choimhcheangail naoimh: agus an dèigh so a d'heanamb, pillidh e gu 'thìr féin.

29 Anns an àm a shonraicheadh pillidh e, agus thig e ris an àirde deas; ach cha bhi na nìthean ma dheireadh mar na ceud nìthean.

30 Oir thig longan Chitim 'n a aghaidh: air an aobhar sin bithidh doilghios air, agus pillidh e, agus bithidh fearg air an aghaidh a' choimhcheangail naoimh: mar sin ni e; eadhon pillidh e, agus cumaidh e bàigh riu-san a' thréigean an coimhcheangail naoimh.

31 Agus seasaidh làmhnan air a thaobh, agus truailidh iad naomh-ionad an neirt, agus bheir iad air falbh an iobairt lathail, agus suidhichidh iad a' ghràineileachd a chuireas fàs.

32 Agus a' mhuinntir a ni gu h-ole an aghaidh a' choimhcheangail truailidh e le mòdal: ach an sluagh aig an bheil eòlas air an Dia, bithidh iadsan làidir, agus ni iad gu treun.

33 Agus iadsau aig an bheil tuigse an measg an t-sluaigh, teagaisgidh iad mòran: gidheadh tuitidh iad leis a' chlàidheamh, agus leis an lasair, le daorsa, agus le creich, rè mòran làithean.

34 A nis 'n uair a thuiteas iad, cuidichear iad le beagan cuideachaidh: ach leanaidh mòran riu le mòdal.

35 Agus tuitidh cuid dhiubhsan aig an bheil tuigse, chum an dearbhadh, agus an glanadh, agus an deanaamh geal, eadhon gu am na crìche; a chionn gu bheil e fathasd air son àm' a shonraicheadh.

36 Agus ni an rìgh a réir a thoile féin; agus àrdaichidh se e féin, agus togar e 'n a mhòr-chùis os ceann gach dé, agus labhraidh e nìthean iongantach an aghaidh Dhé nan dia, agus soirbhichidh leis gus au coimh-lìonar a' chorruich: oir nìthean an ni sin a dh'orduicheadh.

37 Ni mò bhlitheas suim aige de dhia 'aithrichean, no de thoil bhan, no suim de dhia air bith: oir mcudaichidh se e féin os ceann nan uile.

38 Ach 'n a àite bheir e onoir do'n dia Mahusim: agus do dhia nach b'aithne d'a aithrichean bheir e onoir le h-òr agus airgid, agus le clachaibh rìomhach, agus nìtheibh taitteach.

39 Mar so ni e; do luchd-coimhid Mhahusim, dhé choimhich, a tha esan ag aideachadh, bheir e onoir mhòr, agus bheir e orra riaghladh thar mòran; agus roimhidh e am fearann air son duaise.

40 Agus 'an àm na crìche ni rìgh na h-àirde deas a phurradh, agus thig rìgh na h-àirde tuath 'n a aghaidh mar chuairt-ghaoith, le carbadaibh, agus le marcaich-aibh, agus le mòran longan; agus théid e steach do na dùthchaibh, agus sgaoilidh e mar thuil, agus sìubhaidh e thairis.

41 Théid e fòs a steach do'n tìr ghlòrmhor, agus bithidh mòran dhùthchan air an tilg-cadh bun os ceann; ach théid iad so as o 'làmh, Edom, agus Moab, agus rogha cloinne Amoin.

42 Sìnidh e fòs a mach a làmh air na dùthchaibh; agus cha téid tìr na h-Eiphit as.

43 Ach bithidh cumhachd aige os ceann nan ionmhasan òir agus airgid, agus os ceann uile nìthean rìomhach na h-Eiphit: agus bithidh na Libianaich agus na h-Etiopaich air a lorg.

44 Ach ni sgeul o'n àird an ear, agus o'n àirde tuath a bhuaireadh: air an aobhar sin théid e mach le corruich mhòir gu sgrios, agus gu mòran a mhilleadh gu tur.

45 Agus suidhichidh e pàillìunan a lùch-airtean cadar na cuaintean, anns an t-shlabh ghlòrmhor naomh; gidheadh thig e gu 'chrìch, agus cha chuidich neach air bith leis.



## CAIB. XII.

1 *Saoraidh Michael Israel ann an aimsir an carraid.* 2 *An aiseirigh choitcheonn.* 5 *Fhuair Daniel eòlas nu thimchioll nan aimsirean.*

**A**GUS anns an àm sin seasaidh Michael suas, am prionnsa mòr a tha 'seasamh air son cloinne do shluaigh-sa; agus bithidh aimsir carraid ann, mar nach robh riamh o bha cinneach ann, gus an uair sin féin: agus anns an àm sin saor an do shluagh-sa, gach aon a gheibhear sgrìobhta 's an leabhar.

2 Agus dùisgidh mòran dhiubhsan a tha 'n an codal ann an duslach na taluhamh, cuid gu beatha shìorraidh, agus cuid gu nàire agus masladh bith-bhuan.

3 Agus dealraidh iadsan a tha glic mar shoilleireachd nan speur; agus iadsan a thionndaidheas mòran gu fireantachd mar na reultan fad saoghail nan saoghal.

4 Ach thusa, O Dhanieil, druid suas na briathran, agus seulaich an leabhar, gu àm na crìche: ruithidh mòran sìos agus suas, agus bithidh eòlas air a mheudachadh.

5 An sin dh'amhaire mise Daniel, agus, feuch, sheas dithis eile, aon air an taobh so de bhruaich na h-aimhne, agus aon air an taobh eile de bhruaich na h-aimhne.

6 Agus thubhairt neach ris an duine 'bha sgeudaichte le lìon-eudach, a bha air uisgeachan na h-aimhne, Cia fhad a bhitheas gu crìch nan iongantas so?

7 Agus chuala mi an duine 'bha sgeudaichte le lìon-eudach, a bha air uisgeachan na h-aimhne, 'n uair a thog e suas a làmh dheas agus a làmh chli gu nèamh, agus a mhionnaich e airsan a tha beò gu sìorraidh, gu 'm bi e gu aimsir, agus aimsirean, agus leth aimsir: agus 'n uair a sguireas e de sgapadh feachd an t-sluaigh naomh, crìochnaichear na nithean so uile.

8 Agus chuala mi, ach cha do thuig mi: an sin thubhairt mi, O mo Thighearn, ciod a' chrìoch a bhitheas aig na nithean so?

9 Agus thubhairt e, Imich romhad, a Dhanieil: oir tha na briathran air an druidealh suas, agus air an seulachadh gu àm na crìche.

10 Bithidh mòran air an glanadh, agus air an deanamh geal, agus air an dearbhadh: ach ni na h-aingidh gu h-ole; agus cha tuig aon neach de na h-aingidh; ach tuigidh na daoine glice.

11 Agus o'n àm 's an toirear air falbh an robairt lathail, agus 's an cuirear suas a' ghràineileachd a ni léir-sgrìos, bithidh mìle, dà cheud, ceithir fichead agus deich làithcan.

12 Is beannaichte esan a dh'fheitheas, agus a thig gus am mìle, an trì chend agus an cùigeamh la deug thar fhichead.

13 Ach imich thusa romhad gus an tig a' chrìoch: oir gabhaidh tu fois, agus seasaidh tu ann ad chrannchur aig crìch nan làithcan.

## H O S E A.

## CAIB. I.

1 *An t-àm 's an d'rinn Hosea fàidheadair-eachd.* 2 *Cham gu'n nochdadh e strìopachas na tìre ghabh Hosea d'a ionnsuidh bean strìopachais, 4 agus rug i Iesreel, Loruhamah, agus Lo-ammi dha.*

**F**OCALan Tighearn' a thàinig gu Hosea, mac Bheeri, ann an làithibh Usiah, Iotaim, Ahais, agus Hesechia, rìghrean Iudah; agus ann an làithibh Ieroboaim, mhic Iohais, rìgh Israeil.

2 Toiseach focail an Tighearna le Hosea. Agus thubhairt an Tighearn ri Hosea, Imich, gabh a d'ionnsuidh bean strìopachais: agus clann strìopachais: oir rinn am fearann strìopachas mòr ann an dealachadh ris an Tighearn.

3 Agus dh'imich e, agus ghabh e Gomer nighean Dhiblaim; agus dh'fhàs i torrach, agus rug i mac dha.

4 Agus thubhairt an Tighearn ris, Goir Iesreel mar ainm air: oir fòs tanull beag, agus dìolaidh mise fuil Iesreil air tigh

Iehu, agus cuiridh mi cosgadh air rìoghachd tìghe Israeil.

5 Agus tarlaidh air an là sin, gu'm bris mise bogha Israeil ann an gleann Iesreil.

6 Agus dh'fhàs i torrach a ris, agus rug i nighean; agus thubhairt Dia ris, Goir Loruhamah, *Cha d'fhuaircas tràcair*, mar ainm oirre; oir cha dean mise tràcair ni's mò air tigh Israeil, ach bheir mi gu tur air falbh iad.

7 Ach air tigh Iudah ni mi tràcair, agus tèarnaidh mi iad leis an Tighearn an Dia, agus cha-n ann le bogha no le claidheamh a thèarnas mi iad, no le cath, no le h-each-aibh, no le maraich.

8 Agus chuir i o'n chùil Loruhamah, agus dh'fhàs i torrach, agus rug i mac.

9 An sin thubhairt Dia, Goir Lo-ammi, *Stuagh nach teamsa*, mar ainm air: oir cha sibhse mo shluagh-sa, agus cha bhi mise ann am Dhia dhuibhse.

10 Gidheadh bithidh àireamh cloinne Israeil mar ghaineamh na fairge, nach gabh

tomhas na àireamh; agus tarlaidh, anns an àite 's an dubhradh riu, Cha sibh mo shluagh-sa, gu'n abrar riu, Is sibh mic an Dé bheadh.

11 Agus bithidh clann Iudah agus clann Israeil air an cruinneachadh ri 'chéile, agus gabhaidh iad dhoibh féin aon cheann, agus thig iad a nìos as an tìr: oir is mòr a bhith-eas là Iesreel.

## CAIB. II.

1 *Chomhairlicheadh do'n t-sluagh an droch ghluinmharan a thèigsinn.* 14 *Bhrosnuich Dia iad gu pillinn d'a ionnsuidh féin le geallanmaibh tròcaireach.*

**A** BRAIBHISE ri 'ur bràithribh, Ammi, *Mo shluagh-sa,* agus ri 'ur peathraichibh, *Ruhamah, Fhuaircas tròcair.*

2 Tagraibh ri 'ur màthair, tagraibh: oir cha-n i mo bhean-sa, ni mò is mise a fear-sa: cuireadh i air falbh uime sin a striopachais as a sealladh, agus a h-adhaltranaid o 'h-uchd:

3 Air eagal gu'n rùisg mise i lommochd, agus gu'n cuir mi i mar anns an là 's an d'rugadh i, agus gu'n dean mi i mar fhàsach, agus gu'n fag mi i mar fhearran tioram, agus gu marbh mi i le tart:

4 Agus nach gabh mi truas d'a cloinn, oir is clann striopachais iad.

5 Oir rinn am màthair striopachas: rinn ise a ghabh 'n a broinn iad gu beag-narach: oir thubhairt i, théid mi an déigh mo luchd-gaoil, a tha 'toirt dhomh m' arain agus m' uisge, m' olaime agus mo lìn, m' olaidh agus mo dhibhe.

6 Uime sin feuch, druididh mise suas a slighe le droighionn, agus dùimidh mi a callaid, air chor as nach amais i air a ceum-aibh.

7 Agus leanaidh i an déigh a luchd-gaoil, ach cha bheir i orra; agus iarraidh i iad, ach cha-n amais i *orra*: an sin their i, Siùbhlaidh mi agus pillidh mi gu m' cheud fhear, oir bha mi ni b'fhearr dheth an sin na an nis.

8 Agus cha robh fios aice gu'n d'thug mise dhi arbhar, agus fion, agus oladh, agus an t-airgid a rinn mi pailt dhi, agus an t-òr a thug iad mar thabhartas do Bhaal.

9 Uime sin pillidh mise, agus bheir mi m' arbhar leam 'n a àm, agus m' fhion 'n a àm, agus bheir mi leam m' ollann agus mo lion, a thugadh a chòmhdachadh a lommochuidh.

10 Agus a nis leigidh mi ris a neòghloine ann an sealladh a luchd-gaoil, agus cha saor duine sam bith as mo laimh i.

11 Bheir mi fòs air a h-aighear uile sgur; a ré nuadh, agus a sàbaid, agus a h-àrd-fhéilean uile.

12 Agus millidh mi a fionain agus a crannfige, mu'n d'thubhairt i, Is iad so mo dhuais a fhuair mi o m' luchd-gaoil: agus ni mi fasach dhiubh, agus ithidh beathaichean na macharach iad.

13 Agus agraiddh mi oirre làithean Bhaalim, anns an do loisg i tùis doibh, agus anns an do sgeudaich si i féin le a cluas-fhàinnibh agus le a seudaibh, agus anns an deachaidh i an déigh a leannan, agus anns an do dhì-chuimhnich i mise, deir an Tighearn.

14 Gidheadh feuch, bheir mise oirre mo leantuinn, agus bheir mi i do 'n fhàsach, agus labhairidh mi rithe gu cairdeil.

15 Agus as a sin bheir mi dhi a fion-liosan, agus gleann Achoir mar dhorus dòchais; agus seinnidh i an sin, mar ann an làithibh a h-òige, agus mar anns an là 's an d'thàinig i nìos a tìr na h-Eiphit.

16 Agus tarlaidh air an là sin, tha an Tighearn ag ràdh, gu'n goir thu dhìom-sa, M'fhear, agus nach goir thu rium nì's mò, Mo Bhaal.

17 Oir bheir mi ainmean Bhaalim a mach as a beul, agus cha-n ainmichear nì's mò, iad air an ainm.

18 Agus anns an là sin ni mise coimheachan-gal air an son, ri beathaichibh ua macharach, agus ri eunlaith nèimh, agus ri nithibh suagach na talmhainn: agus am bogha, agus an claidheamh, agus an cath, brisidh mi a mach as an fhearran, agus bheir mi orra gu'n luidh iad sìos ann an tèaruinteachd.

19 Agus pòsaidh mi thu rium féin gu bràth; seadh, pòsaidh mi rium féin thu ann am fireantachd, agus ann an ceartas, agus ann an caoimhneas, agus ann an caomhghràdh;

20 Seadh, ni mi ceangal-pòsaidh riut ann am firinn, agus gabhaidh tu eòlas air an Tighearn.

21 Agus tarlaidh air an là sin, cluinidh mise, tha an Tighearn ag ràdh, cluinidh mise na nèamhan; agus cluinidh iadsan an talamh;

22 Agus cluinidh an talamh an t-arbhar, agus am fion, agus an oladh; agus cluinidh iadsan Iesreel.

23 Agus suidhichidh mi dhomh féin i anns an fhearnan, agus ni mi tròcair oirre-sa nach d'fhuair tròcair; agus their mi riu-san uach robh 'n an sluagh dhomh, Is tu mo shluagh; agus their iadsan, *Is tu mo Dhia.*

## CAIB. III.

1 *Le ban-adhaltanach a ghabhail, 4 chuir an fàilth 'an cèill trioblaidéan Israeil, 5 agus an aithreachas anns na làithibh deireannach.*

**O**S bàrr thubhairt an Tighearn rium, Imich a ris, gràdhach bean, (ionmhuim le a caraid, ged tha i 'n a ban-adhalt-ranaich,) a réir gràidh an Tighearna do chloinn Israeil, ged 'tha iadsan ag amharc ri diathan eile, agus a' gràdhachadh chopan fiona.

2 Mar sin cheannaich mi dhomh féin i air chùig *buinn* deug airgid, agus òmer corna, agus leth homeir corna.



3 Agus thubhairt mi rithe, Fanaidh tu leam-sa mòran làithean; cha dean thu strìopachas, ni mò bhitheas tu aig fear *eile*; mar sin bithidh mise mar an ceudna agadsa.

4 Oir fanaidh clann Israeil mòran làithean gun rìgh, agus gun phrionnsa, agus gun ìobairt, agus gun ìomhaigh, agus gun cphod, agus gun teraphim:

5 'N a dhèigh sin pillidh clann Israeil, agus iarraidh iad an Tighearn an Dia, agus Daibhidh an rìgh; agus bithidh eagal an Tighearn' agus a mhaithes orra, ams na làithibh deireannach.

## CAIB. IV.

1 *Bha comhstri aig Dia ri cloinn Israeil, 6 agus 'an sagartailh air son am peacaidhean. 15 Thugadh rabhadh do Iudah le léir-sgrìos Israeil.*

**E**ISDLBHSE focal an Tighearn', O ehlann Israeil: oir tha comhstri aig an Tighearn ri luchd-àiteachaidh na tìre; a chionn nach 'eil fìrinn, no trècair, no eòlas Dhé anns an fhearann.

2 Le mìonnaibh, agus breugaibh, agus marbhadh, agus goid, agus deanamh adhartanais, bhris iad a mach; agus tha fuil a' ruigheachd gu fuil.

3 Uime sin ni am fearann caoidh, agus seargaidh gach aon a tha 'chòmhnuidh ann, maille ri beathaichibh na macharach, agus ri eunlaith an athair; seadh, bheirear éisg na fairge fòs air falbh.

4 Gidheadh eha-n'eil duine sam bith a' tagradh, agus cha-n'eil duine sam bith a' cronachadh: oir tha mo shluagh mar d'breach a ni strì ris an t-sagart.

5 Uime sin tuitidh tu 's an là, agus tuitidh am fàidh fòs leat anns an oidhche; agus sgrìosaidh mise do mhàthair.

6 Tha mo shluagh-sa air an sgrìos le dìth eòlais. A chionn gu'n do ehur thu cùl ri eòlas, cuiridh mise fòs cùl riutsa, air chor as nach bi thu agam a'd' shagart: a chionn gu'n do dhearmaid thu lagh do Dhé, dearmaididh mise fòs do ehlann-sa.

7 Amhluidh mar chaidh iad ann am meud, mar sin chiontaich iad a'm' aghaidh-sa: caochlaidh mise an glòir gu nàire.

8 Tha iad ag itheadh suas peacaidh mo shluaigh-sa, agus a' soeruchadh an eridhe air an euceart.

9 Agus amhuil a bhitheas an sluagh, mar sin bithidh an sagart; agus smachdaichidh mise iad air son an slighean, agus dìolaidh mi orra an deanadas.

10 Agus ithidh iad, ach cha bhi iad sàs-ùichte; ni iad strìopachas, agus cha-n fhàs iad bonn-mhor: oir leig iad dhiubh a bhi 'toirt aire do'n Tighearn.

11 Bheir strìopachas, agus fìon, agus fìon nuadh air falbh an eridhe.

12 Tha mo shluagh-sa ag iarraidh comhairle air an crannaibh, agus tha an lorg a' deanamh foillseachaidh dhoibh: oir thug

spiorad an strìopachais orra dol air seacharan, agus chaidh iad le strìopachas air falbh o'n Dia.

13 Air mullaichibh nan sliabh tha iad ag ìobradh, agus air na sléibhtibh tha iad a' losgadh tùise; fo chrannaibh daraich, agus crithinn, agus cuilinn, a chionn gu bheil an sgàile taitneach: air an aobhar sin tha 'ur nigheanan ri strìopachas, agus 'ur mnathan ri adhartanas.

14 Nach smachdaich mise bhuir nigheanan, a chionn gu bheil iad ri strìopachas? agus 'ur mnathan a chionn gu bheil iad ri adhartanas? a chionn gu bheil iad 'g an cur fèin air leth le strìopachean, agus ag ìobradh le luchd neòghloine; uime sin, an sluagh aig nach 'eil tuigse, tuitidh iad.

15 Ged dheanadh tusa strìopachas, O Israeil, *gidheadh* na ciontaichadh Iudah; agus na tigibhse gu Gilgal, ni mò théid sibh suas gu Bet-abhen; ni mò a mhlionnaicheas sibh, Mar is beò an Tighearn.

16 Oir tha Israel a' clonadh air ais, mar agh cùl-sleamhnach: a nis biadhaidh an Tighearn iad mar uan ann an àite fars-ùinn.

17 Tha Ephraim air a dhlùth-cheangal ri ìodholaibh, leig leis:

18 Tha an deoch searbh: rinn a h-uachdar-ain strìopachas gum ehlos; ghràdhaich iad ni nàrach:

19 Cheangail a' ghaoth suas i 'n a sgiath-ailb; agus bithidh nàire orra a thaobh an ìobairtean.

## CAIB V.

1 *Breitheanas an aghaidh nan sagart, an t-sluaigh, agus phrionnsachan Israeil air son am peacaidhean agus an ceannairc.*

**C**LUINNIBHSE so, a shagartan; agus thugaibhse aire, O thigh Israeil; agus thugaibhse fainear, O thigh an rìgh; oir tha breitheanas dlùth dhuibh; a chionn gu'n ròbh sibh mar rib air Mispah, agus mar lion sgaoilte air Tabor.

2 Agus rinn na ceannaircich marbhadh domhain; nime sin bheir mise smachdachadh air an ìomlan diubh.

3 Is aithne dhomhsa Ephraim, agus Israel cha-n'eil 'am folach orm: oir a nis rinn Ephraim strìopachas; tha Israel air a thruaill-eachd.

4 Cha dealbh iad an deanadas gu pilleadh chum an Dé: oir tha spiorad strìopachais 'n am meadhon, agus air an Tighearn cha do ghabh iad eòlas.

5 Air an aobhar sin islichear uabhar Israeil fa chomhair a shùl; agus Israel, agus Ephraim tuislichidh 'n an aingidheachd: tuislichidh fòs Iudah maille riu.

6 Le 'n treudaibh agus le 'm buar, théid iad a dh'iarraidh an Tighearna: ach cha-n fhaigh iad e; tharruing se e fèin uatha.

7 Bhuin iad gu fealltach an aghaidh an Tighearn'; oir ghin iad clann ehoimheacu:

a nis shnigidh mìos iad maille r' an cuibhrionnaibh.

8 Séidibhse an trompaid aun an Gibeal, an buabhuill ann an Ramah: éighibh caismeachd chatha ann am Bet-abhen: *an nàmhaid* air do thòir, O Bheniamin.

9 Bithidh Ephraim 'n a fhàsach ann an là an aichmhasain: am measg threubhan Israeil rinn mise aithnichte an nì sin a thig gu crìch gu deimhin.

10 Bha prionnsachan Iudah cosmhuil riusan a dh'atharraicheas au comharadh-fearainn: dòirtidh mise mo chorruich a uach orra mar uisge.

11 Tha Ephraim sàruichte, briste ann am breitheanas; a chionn gu'n do ghluais e gu toileach au déigh na h-àithne.

12 Uime sin bithidh mise mar leòman do Ephraim: agus mar lobhadh do thigh Iudah.

13 'N uair a chuanaic Ephraim a thinneas, agus Iudah a chreuchd, an sin chaidh Ephraim a chum an Asirianaich, agus chuir e fios gu rìgh Iareb: gidheadh cha b'urraim e 'ur leigheas, nì mò 'shlànuich e 'ur creuchd.

14 Gu deimhin bithidh mise mar leòman do Ephraim, agus mar leòman òg do thigh Iudah: reubaidh mise, eadhon mise féin, agus imichidh mi romham; bheir mi leam, agus cha bhì aou neach ann a thèarnas:

15 Imichidh mi, agus pillidh mi gu m' àite, gus an aidich iad an cionta, agus an iarr iad m' aghaidh: 'n an àmhghar iarraidh iad mi gu moch.

## CAIB. VI.

1 *Earrail gu aithreachas.* 4 *Rinn am fàidh gearan an aghaidh Israeil agus Iudah a chionn gu'n do bhuanaich iad 'n an strìopachas.*

**T**HIGIBH, agus pilleamaid ris an Tighearn: oir is esan a reub, agus is e a nì ar leigheas; is e a bhnaill, agus ceanglaidh e suas sinn.

2 Au ceann dà là nì e ar n-ath-bheothachadh, air an treas là dùisgidh e suas sinn, agus bithidh sinn beò 'n a shealladh.

3 Agus bithidh còlas againn; théid sinn air ar n-aghaidh a ghabhail còlais air au Tighearn: tha a dhol a mach air 'ulluchadh mar a' mhaduinn; agus thig e d' ar n-ionmsuidh mar an t-uisge; mar an t-uisge deireannach, *agus* an ceud uisge air an talamh.

4 Ciod a nì mi riut, O Ephraim? Ciod a nì mi riutsa, O Iudah? oir tha 'ur maithcas mar neul inaidne, agus mar an drùchd moch, a shiùbhlas air falbh.

5 Uime sin sgath mi sìos iad leis na fàidhibh: mharbh mi iad le briathraibh mo bheoil; agus bha do bhreitheanas mar an selus 'n a dhol a mach.

6 Oir dh'iarr mise trèdach agus nì h-e

ìobairt; agus eòlas Dhé nì's mò na ìobairtean-loisgte.

7 Ach bhris iadsan an coimheangal mar Adhamh: an sin bhuia iad gu fealltach a'm' aghaidh-sa.

8 Is caithir luchd-deanamh encorach Gil-ead; air a thruailleadh le fuil.

9 Agus amhuil a dh'fheithcas buidheann air son duine, tha cuideachd nan sagart a' marbhadh anns an t-slighe gu Sechem a dh'aon-bheachd; oir rinn iad gu dàna ain-gidheachd.

10 Ann an tigh Israeil chunnaic mi nì ro ghràineil: an sin tha Ephraim ri strìopachas; tha Israel air a thruailleadh.

11 Air do shon-sa, mar an ceudna, O Iudah, tha fogharadh air a shònrachadh, an uair a philleas mise air ais braigheanas mo shluaigh.

## CAIB. VII.

1 *Chronaicheadh sluagh Israeil air son am peacaidhean.* 11 *Bha fearg air Dia 'n an aghaidh air son an cealgairteachd.*

**A**N uair a b'ail leamsa Israel a leigheas, an sin leigeadh ris aingidheachd Ephraim, agus euceart Shamaria: oir tha iad a' cur 'an gnìomh ceilge: seadh, tha an gaduiche a' dol a steach; tha a' cheathairne ri creach a mugh.

2 Agus cha-n'eil iad a' toirt fainear 'n an cridhe gur cuimhne leamsa an uile aingidheachd: a nis chuairtich an gnìomharan féin iad air gach taobh; tha iad fa chomhair m' aghaidh-sa.

3 Le'u aingidheachd tha iad a' deauamh an rìgh ait; agus nan uachdaran le 'm breugaibh.

4 Is adhaltranaich iad uile; mar àmhuinn air a teasachadh leis an fhluicadair, an uair a sguireas fear-oibreachaidh na taoise d'a fuineadh gus am bi i air a gortachadh.

5 Air là *féille* ar rìgh, 'n uair a bha na prionnsachan air an teasachadh le fion, shìn esan a mach a làmh le luchd-fanoid.

6 Oir dh'ulluich iad an cridhe mar àmhuinn, an feadh a tha iad ri feall-fholach: fad na h-oidhche tha am fuicadair a' codal; anns a' mhaduinn tha i 'losgadh mar theine lasarach.

7 Theasach iad uile iad féin mar àmhuinn, agus shluig iad am breitheamhan; tha an rìghrean uile air tuiteam; cha-u'eil aon 'n am measg a tha 'gairm orm-sa.

8 Ephraim, mheasg esan e féin leis na cinnich; is aran nach deachaidh a thionndadh Ephraim.

9 Shluig coigrich suas a ueart, agus cha-n'eil fios aig air: seadh, tha fuilteanan liatha air an sud agus an so, gidheadh cha-u'eil fios aig air.

10 Agus tha uabhar Israeil a' tabhairt fianuis fa chomhair a shùl: gidheadh cha-n'eil iad a' pilleadh ris an Tighearn an Dia, no 'g a iarraidh air son so uile.



11 Tha Ephraim fòs mar choluman amaid-each, gun eòlas: tha iad a' glaothaich ris an Eiphit, tha iad a' triall gu Asiria.

12 An uair a thriallas iad, sgaoilidh mise mo lion thairis orra; mar eunlaith an athair bheir mi nuas iad: smachdaichidh mi iad an uair a dh'èisdeas iad ri 'n coimhthional.

13 Mo thruaighe iad! oir theich iad uamsa: léir-sgrìos dhoibh, oir chiontaich iad a'm' aghaidh-sa: ged shaor mi iad, gidheadh labhair iad breugan a'm' aghaidh.

14 Agus cha do ghlaodh iad riumsa le 'n cridhe; ged rinn iad donnalaich air an leapaichibh air son arbhair agus fìona: tha iad a' cruinneachadh 'an ceann a chèile, tha iad ag éirigh suas a'm' aghaidh-sa.

15 Seadh, smachdaich mi iad; neartaich mi fòs an gairdeanan; gidheadh tha iad a' dealbh ainnleis a'm' aghaidh.

16 Tha iad a' tionndadh an dèigh ni gun bhuannachd: tha iad mar bhogha cealgach: tuitidh an uachdarain leis a' chlaidheamh, air son nimhe an teangaidh: so cùis am maslaidh aun au tìr na h-Eiphit.

## CAIB. VIII.

1 *Blagradh Israel agus Iudah le léir-sgrìos air son am mì-dhiadhachd agus an ìodhol-aoraidh.*

**A**N trompaid ri d' bheul! mar iolair an a' aghaidh tighe an Tighearna *thig e*: a chionn gu'n do bhris iad mò choimh-cheangal-sa, agus gu'n do chiontaich iad an aghaidh mo reachd.

2 Rium-sa glaothaich iad, O Dhia Israeil, is aithne dhuinne thu.

3 Chuir Israel uaith 'am fad an ni 'tha maith: ni nàmhaid a ruagadh.

4 Chuir iad suas rìghrean, ach cha-n ann namsa: rinn iad uachdarain, agus cha robh agamsa fios air: d' an airgid agus d' an òr rinu iad dhoibh féin ìodholan, a chum gu'n gearrar as iad.

5 Cuir 'am fad uait do laogh, O Shamaria; tha mo chorruich-sa air lasadh 'n an aghaidh: cia fhaid a bhitheas iad gun ruigheachd air neo-chionta?

6 Oir bha so fòs o Israel: dhealbh am fear-oibre e; agus cha Dia 'tha ann: oir brisear 'n a bhloighdibh laogh Shamaria.

7 Oir chuir iad a' ghaoth, agus buainidh iad a' chuairt -ghaoth: cha-n'eil toradh air an dèis; cha toir i uaipe nù; no ma bheir, slugidh coigrich suas i.

8 Tha Israel air a shlugadh suas: a nis tha iad am meas nan cinneach, mar shoith-each auns nach 'eil tlachd air bith.

9 Oir chaidh iad suas gu Asiria: is asal fhiadhaich 's an aonach Ephraim; thuarsdalaich iad leannain.

10 Seadh, ged thuarsdalaich iad am meas nan cinneach, a nis tionailidh mise iad ri 'chéile; agus bithidh iad gu goirid air an cràdh le uallach an rìgh agus 'uachd-aran.

11 A chionn gu'n d'riun Ephraim mòran altairean gu peacachadh, altairean gu peacachadh tha aige.

12 Sgrìobh mise d'a ionnsuidh nithean mòra mo reachd; *ach* mheasadh iad mar ni nach buineadh dhoibh.

13 Tha iad ag ìobradh feòla mar thabh-artas dhomhsa, agus 'g a h-ithheadh; *ach* cha ghabh an Tighearna riu: a nis cuimhnichidh e an aingidheachd, agus smachdaichidh e an lochdan: pillidh iad air an ais do'n Eiphit.

14 Oir dhì-chuimhnich Israel a Chruith-fhear, agus thog e teampull: agus chuir Iudah 'an fionnhoireachd bailtean daingean: ach cuiridh mise teine air a bhailtibh, agus loisgidh e a lùchairtean.

## CAIB. IX.

1 *Teanntachd agus braighdeanas Israeil air son am peacaithean, gu h-àraidh air son an ìodhol-aoraidh.*

**N**A dean aoibhneas, O Israeil, na dean gairdeachas mar na cinnich: oir chaidh thu air striopachas o d' Dhia; ghràdhaich thu duais air gach uile urlar arbhair.

2 Au t-urlar arbhair agus an dabhach-fhìona cha dean am beathachadh, agus meallaidh am fion nuadh an dòchas.

3 Cha ghabh iad còmhnuidh ann am fear-ann an Tighearna: ach pillidh Ephraim do'n Eiphit; agus ann an Asiria ithidh iad nith-ean neoghlan.

4 Cha-n iobair iad *tabhartais*-fhìona do'n Tighearna, ni mò bhitheas iad taitneach dha: bithidh an ìobairtean doibh mar aran luchd-bròin; bithidh iadsan uile a dh'itheas deth air an salachadh; gu dearbh cha tig an aran air son an auama gu tigh an Tighearna.

5 Ciod a ni sibh ann an là na h-àrd-fhéile, agus anu an là féile an Tighearna?

6 Oir feuch, dh'imich iad air falbh o làth-air an fhir-mhillidh: tionailidh an Eiphit iad, adhlaididh Memphis iad: na *h-ionadan* taitneach a cheannaich iad le 'n airgid, seallbaichidh an canntagach iad: 'n am pàillunaibh *fàsaidh* an droighinn.

7 Thàinig làithean an smachdachaidh, thàinig làithean na luigheachd: aithnichidh Israel gu'm b' amadan am faidh, gu'n robh fear an spioraid air bhoile; air son romheud d' aingidheachd, agus air son d' fhuath mhòir.

8 Tha fear-faire Ephraim le m' Dhia-sa: tha am faidh *mar* lion an eunadair 'n a uile shlighibh-sa: *neartaich iad* am fuath an aghaidh tighe mo Dhé.

9 Thruaill siad iad féin, mar ann an làithibh Ghìbeah: cuimhnichidh esan an aingidheachd, smachdaichidh e an lochdan.

10 Mar dhearcan-fìona 'n an fhàsach, fhuair mise Israel; mar am meas luath air a' chrann-fhìge 'n a chend àm, chuannaic mi

'ur n-aithrichean. Ach chaidh iad gu Baal-peor, agus dhealaich siad iad féin a chum an nì naraich sin; agus dh'fhàs iad gràineil, mar *chuspair* an gràidh.

11 Air son Ephraim, itealaichidh an glòir air falbh mar eum; o'n bhreth, agus o'n bhroinn, agus o'n ghineamhuinn.

12 Seadh, ged dh' àraicheas iad an clann, sgriosaidh mise iad o mheasg dhaoine; seadh, is an-aobhinn doibh, an uair a dh'imicheas mise uatha.

13 Tha Ephraim, mar a chunnaic mi Tirus, air a shuidheachadh ann an ionad taitneach: ach bheir Ephraim a mach a chlam do'n fhear-mhillidh.

14 Thoir, O Thighearna. Ciod a bheir thu? thoir dhoibh brù chaillteach, agus cìochan seasa.

15 Tha an oir a gu léir ann an Gilgal *fu m' chomhair*: oir an sin thug mise fuath dhoibh: air son aingidheachd an deanadais iomaidh mi as mo thigh iad; cha toir mi nì's faide gràdh dhoibh; tha am maithean uile cùl-sleamhach.

16 Tha Ephraim buailte; thiormaicheadh suas am freumh; cha ghiùlain iad a' bheag de thoradh: seadh, ged bheircadh iad, gidheadh marbhaidh mise *toradh* gràdhach am bronn.

17 Tilgidh mo Dhia air falbh iad, a chionn nach d'èisd iad ris: agus bithidh iad 'n am fògaraich am measg nan cinneach.

## CAIB. X.

1 *Bhagrachd clann Israeil air son am mi-dhiadhadh agus an roidhol-aoraidh, 12 agus thugadh earail dhoibh aithreachas a ghabhail.*

**B'** FHIONAIN thorrach Israel: thug e mach toradh dha féin: a réir pailteis a thoraidh chuir e altairean 'an ìon-mhoireachd; a réir matheis 'fhearainn rinn e dealbhan àluinn.

2 Tha an cridhe air a roinn; a nis gheibhear ciontaeh iad: brisidh esan sìos an altair-ean: sgriosaidh e an dealbhan.

3 Oir a nis tha iad ag ràdh, Cha-n'eil rìgh air bith againn, a chionn nach robh eagal an Tighearn' oirn: ciod uime sin a dheanadh rìgh dhuinn?

4 Labhair iad briathran *fuoine*, 'n uair a mhionnaich iad; breugan an uair a rinn iad cìomhcheangal: mar so tha breitheanas a' fàs a nìos, mar an iteotha ann an elaisibh na macharach.

5 Air son laoi gh Bhet-abheìn bithidh eagal air luchd-àiteachaidh Shamaria; oir nì a shluagh caoidh os a cheann, agus a shagartan acain air a shon; air son a ghloire, oir dhealaich i ris.

6 Os bàrr bheirear e féin gu Asiria, mar thabhartas do rìgh Iareb: nì masladh greim air Ephraim, agus gabhaidh Israel nàire d'a chomhairle féin.

7 Air son Shamaria, ghearradh a rìgh as mar an cobhar air uachdar an nìsge.

8 Sgriosar fòs ionadan àrda Abheìn, cionta Israel: thig an droighionn agus am fogh-annan a nìos air an altairean; agus their iad ris na sléibhtibh, Folaichibh sinn, agus ris na beanntaibh, Tuitibh oirn.

9 O Israel, chiontaich thu nì's mò na ann an làithibh Ghìbeah: an sin sheas iad: nach d'rug an cath orra ann an Gibeah?

10 An aghaidh cloinne na h-aingidheachd thàinig mise, agus smachdaich mi iad. Agus cruinnichear na slòigh 'n an aghaidh-san 'n uair a smachdaichear iad air son an dà chionta.

11 Agus bithidh Ephraim 'n a agh foghlumte, le 'm miam a bhi 'saltairt a mach an arbhair; ach chaidh mise thairis air a muineal sgiamhach. Bheir mi air Ephraim marcachd; treabhaidh Iudah, brisidh Iacob. 'fhòidean.

12 Cuiribh dhuibh féin ann am fireantachd, buainibh ann an toradh na tròcair: brisibh suas 'ur fearann neo-threabhata: oir is mith-iel Iehobhah iarraidh, gus an tig e; agus am fras e oirbh fireantachd.

13 Threabh sibh aingidheachd, bhuain sibh eucart; dh'ith sibh toradh bhreugan: a chionn gu'n d'earb thu as do shlighe, à mòr-chuideachd do dhaoine treuna;

14 Uime sin éiridh buaircas ann measg do shluagh, agus bithidh d' uile dhaingmichean air am milleadh, amhuil a mhill Salmon Bet-arbel ann an là a' chatha; ghearradh 'n an bloighdibh a' mhàthair agus a' chlann le 'chéile.

15 Is amhuil a nithear ruibhse, O Bhetel, air son ro-mheadh bhur n-aingidheachd: ann am maduinn gearrar as gu cinnteach rìgh Israel.

## CAIB. XI.

1 *Bha sluagh Israeil mi-thaingeil do'n Tighearn air son a thròcairean. 5 Breitheanas Dhé 'n an aghaidh. 8 A thròcair d'an taobh. 12 Cealgairheadh Ephraim.*

**N** UAIR a bha Israel 'n a leanabh, an sin thug mise gràdh dha; agus a mach as an Eiphit ghairm mi mo mhac.

2 'N uair a ghairm iad orra, an sin dh'imich iadsan uatha: dh'ìobair iad do Bhaalim, agus loisg iad tùis do dhealbhan snaighte.

3 Theagaisg mise fòs do Ephraim cois-eachd, 'g an togail ann am ghairdeanaibh; ach cha robh fios aca gu'n do leighis mi iad.

4 Tharruing mi iad le cordaibh duine, le ceanglaichibh gràidh; agus bha mi dhoibh mar neach a thogas dhiubh a' chuing air an giallaibh a gus chuir mi sìos biadh dhoibh.

5 Cha phill e gu tìr na h-Eiphit, ach bithidh an t-Asirianach 'n a rìgh air, a chionn gu'n do dhiùlt iad pilleadh *riumsa*.

6 Agus tuitidh an claidheamh gu trom air a bhaitibh, agus caithidh e a gheugan; agus sluigidh e, air son an comhairlean.

7 Agus tha mo shluagh-sa 'an tì air cùl-sleamhachadh uam; ged ghlaodh iad ris



an Ti a's àirde, cha-n àrdaicheadh aon neach e.

8 Cionnus a bheir mi thairis thu, O Ephraim! cionnus a bheir mi seachad thu, O Israeil! cionnus a nì mi thu mar Admah! a chuircas mi thu mar Sheboim! tha mo chridhe an taobh a stigh dhìom air tionndadh; tha m' aithreachais air lasadh le 'chéile.

9 Cha chuir mi 'n gnìomh mo dhian-chorruich, cha phill mi a mhilleadh Ephraim; oir is Dia mise, agus cha duine; an Ti naomh ann ad mheadhon; gidheadh nach 'eil a' tathaich bhailtean.

10 Siùbhlaidh iad an déigh an Tighearna: beucaidh e mar leòmhann: an uair a bheucas e, an sin criothnaichidh na mic o'n àird an iar.

11 Itelaichidh iad mar eun as an Eiphit, agus mar choluman á tìr Asiria; agus suidhichidh mise 'n an tighibh iad, deir an Tighearna.

12 Tha Ephraim 'g am chuairteachadh le breugaibh, agus tigh Israeil, le ceilg: ach fathast tha Iudah a' riaghladh maille ri Dia; agus tha e dìleas maille ris na naoimh.

## CAIB. XII.

1 *A' ingidheachd Ephraim agus Iudah.* 8 *Chomh-aithreachadh dhoibh aithreachas a ghabhail.* 7 *Chuir peacaidhean Ephraim campar air an Tighearna.*

**T**HA Ephraim ag ionaltradh air gaoith, agus ag imeachd an déigh na gaoithe an ear: gach aon là tha e 'cur bhreug agus reubainn 'an lionmhoireachd; rinn iad fòs coimhcheangal ri Asiria, agus tha oladh 'g a giùlan do'n Eiphit.

2 Tha connsachadh fòs aig an Tighearna ri Iudah, agus nì e peuas air Iacob a réir a shlighean; a réir a dheanadais bheir e dha luigheachd.

3 Anns a' bhroinn ghlaic e a bhràthair air shàil; agus le a neart bha cumhachd aige maille ri Dia.

4 Seadh, bha cumhachd aige maille ris an aingeal; agus thug e buaidh: ghuil e, agus rinn e guidhe ris: fhuair e ann am Betel e, agus an sin labhair e ris.

5 Eadhon Iehobhah Dia nan sluagh, is e Iehobhah a chuimhneachan.

6 Uime sin pill thusa ri d' Dhia: coimhid trècàir agus breitheanas; agus feith air do Dhia a ghnàth.

7 Is fear-malairt e: 'n a làimh tha meigh na mealltaireachd; is toigh leis a bhì ri ainneart.

8 Agus thubhairt Ephraim, Gu deimhin tha mi air fàs saoiubhir, fhuair mi dhomh féin stòras: ann am shaothairibh uile cha-n fhaigh iad euceart air bith annam; bhith-cadh sin 'n a chionta.

9 Agus mise Iehobhah do Dhia, *a thug a nìos thu* o thàir na h-Eiphit, bheir mi ort

fòs còmhnuidh 'ghabhail ann am pàillium-aibh, mar ann an làithibh na h-àrd-fhéille.

10 Labhair mi fòs leis na fàidhean, agus rinn mi lionmhor seallannan; agus le frith-ealadh nam fàidhean ghnàthaich mi cos-amhlachdan.

11 Gu dearbh ann an Gilead tha euceart; gu cinnteach is dìomhanas iad; tha iad ag iobradh tharbh ann an Gilgal; seadh, tha an altairean mar chùirn ann an claisibh na macharach.

12 Ach theich Iacob gu dùthaich Shiria; agus rinn Israel seirbhis air son mnà; agus air son mnà ghléidh e *caoraich*.

13 Agus le fàidh thug an Tighearna Israel a mach as an Eiphit; agus le fàidh thèarn-adh e.

14 Bhrosnuich Ephraim e chum feirge gu ro shearbh: uime sin fàgaidh a Thighearna 'fhuil air féin; agus pillidh e thuige féin a mhàsladh.

## CAIB. XIII.

1 *Dh'fhalbh glòir Ephraim mar mhol air 'fhuadachadh le cuairt-ghaoith.* 4 *Sgrìosaidd Dia iad do bhrìgh gu'n do mhi-ghnàthaich iad a thròcairean.* 15 *Breitheanas Shamaria air son a ceannairc.*

**A**N uair a labhair Ephraim le crith, a dh'àrdaich se e féin ann an Israel; eeh an uair a chiontaich e ann am Baal, bhàsaich e.

2 Agus a nis tha iad a' ciontachadh nì's mò agus nì's mò, agus rinn iad dhoibh féin dealbh leaghta d'an airgid: iodholan a réir an seòltachd féin; an t-ionlan deth obair nam fear-ceirde: tha iad ag ràdh do'n taobh, Deanadh a' mhuinntir a tha 'g iobradh na laigh a phògadh.

3 Air an aobhar sin bithidh iad mar neul na maidne; agus mar an drùdch moch a shiubhlas air falbh: mar am moll air 'fhuadachadh le cuairt-ghaoith o'n urlar-bhualaidh; agus mar dheathach a mach as an luidheir.

4 Gidheadh is mise an Tighearna do Dhia, *a thug a nìos thu* o thàir na h-Eiphit, agus cha bhì aithne agad air dia air bith ach mise; oir cha-n'èil slauuidhear ann ach mi.

5 B'aithne dhomh-sa thu 's an fhàsach, ann am fearann an tarta mhòir:

6 'N an ionaltradh bha iad air an lionadh: bha iad air an lionadh, agus dh'àrdaicheadh an cridhe: air an aobhar sinn dhì-chuimhnich iad mise.

7 Uime sin bithidh mise dhoibh mar leòmhann: mar liopard anns an t-slighe bheir mi fainear iad.

8 Coinnichidh mi iad mar mhath-ghamhuin o'n do bhùineadh a *cuileanan*, agus reubaidh mi sgairt an cridhe; agus an sin sluidhidh mi iad mar leòmhann boirionn: nì fiadh-bheathach na macharach an reubadh.

9 O Israeil, sgrios thu thu féin, ach annam-  
e3 tha do chabhair.

10 Bithidh mise ann am rìgh dhuit: c'ait am bheil aon neach eile a thèarnas thu ann ad chaitheachibh uile! agus do bhreith-eamhnan uile ris an d' thubhairt thu, Thoir dhomh rìgh agus prionnsachan.

11 Thug mise rìgh dhuit ann am fheirg, agus thug mi air falbh e ann am chorruih.

12 Tha aingidheachd Ephraim air a carnadh suas: tha a chionta air a thasgadh.

13 Thig ioghannan mnà ri saothair air: is mac nach 'eil glic e so; no cha-n fhanadh e fada ann an àite briseadh a mach na cloinne.

14 Fuasglaidh mise iad o chumhachd na h-uaighe: saoraidh mi iad o'n bhàs: O bhàis, bithidh mise a'm phlàigh dhuit; O uaigh, bithidh mise a'm sgrìos duit; bithidh aithreachas air 'fhòlach o m' shùilibh.

15 Ged bha e torrach am measg a bhràithrean, thig gaoth an ear, thig gaoth an Tighearna nìs o'n fhàsach, agus fasaidd 'fhuar-an tìoram, agus tiormaichear suas a thobar: bithidh ionnhas uile shoithichean taitneach air a chreachadh.

16 Bithidh Samaria 'n a fàsach, oir rinn i ceannaire an aghaidh a Dé: tuitidh iad leis a' chlàidheamh, brisear an naoidheanan 'n am bloighdibh; agus reubar suas am mnath-an torrach.

## CAIB. XIV.

1 Earail chum aithreachais. 4 Leighisidh Dia cùl-sleamhnachadh a shluagh.

**P**ILL, O Israeil, ris an Tighearna do Dhia, oir thuit thu le d' aingidheachd.

2 Thugaibh leibh briathran, agus pillibh ris an Tighearna; abraibh ris, Thoir air falbh ar n-uile chionta, agus gabh ruinn gu gràmhòr: mar sin bheir sinn seachlad laoih ar bilean.

3 Cha dean Asur ar tèarnadh; air each-aibh cha dean sinn marcachd; ni mò their sinn tuilleadh ri obair ar làmhnan féin, Is sibhse ar diathan: oir annad-sa gheibh an dilleachdan trècair.

4 Leighisidh mise an cùl-sleamhnachadh, gràdhaidh mi iad gu saor: oir phill mo chorruih air falbh uaithi.

5 Bithidh mi mar an drùchd do Israel: fasaidd e mar an ligh, agus cuiridh e mach a fhreumhan mar Lebanon.

6 Sgaoidh a gheugan, agus bithidh a mhaise mar an crann-oladh, agus 'fhàile mar Lebanon.

7 Pillidh iadsan a tha 'chòmhnuidh fo a sgàile: mar an t-arbhar bithidh iad air an ath-bheothachadh; agus fasaidd iad mar an fhionain: bithidh 'fhàile mar fhion Leban-oin.

8 *Their* Ephraim, Ciod mo ghnòthuch-sa tuilleadh ri iòdholaidh? Chuala mise e; agus thug mi fainear e; is cosmhuil mi ri crann uaine giuthais; uamsa tha do thoradh r'a fhaotainn.

9 Cò a tha glic, agus tuigidh esan na nith-ean so? crionna, agus aithnichidh e iad? oir tha slighan an Tighearna ceart, agus gluaisidh na fireanan annta: ach gheibh na ciontaich tuisleadh annta.

## IOEL.

## CAIB. I.

1 *Chuir Ioel 'an cèill léir-sgrìos na talmhainn leis an locust, a' chnàmh-bheist, agus a' bhurruis.*  
8 *Chomhairliche do'n t-sluagh trasg a ghairm, agus iad féin irioslachadh an làthair an Tighearna chum gu'm pilleadh e air falbh a bhreith-eanais.*

**F**OCAL an Tighearna' a thàinig a chum Ioel, mhic Phetueil.

2 Cluinnibh-sa so, a sheann daoine; agus thugaibh-sa fainear, uile luchd-àiteachaidh na tìre: an robh so 'n 'ur làithibh-sa; no 'n làithibh bhur n-aithrichean?

3 Innsibh-sa do 'ur cloinn e, agus inn-seadh 'ur clann do'n cloinn-san, agus an clann-san do ghinealach eile.

4 An ni sin a dh'fhàg a' phailm-chnuimh, dh'ith an locust; agus an ni a dh'fhàg an locust, dh'ith a' chnàmh-bheist; agus an ni sin a dh'fhàg a' chnàmh-bheist, dh'ith am burruis.

5 Dùisgibh, a mhisgearan, agus guilibh; agus deanaibh-sa caoidh, uile phòitearan

fiona, air son an fhion-nuadha, oir tha e air a ghearradh air falbh o 'ur beul.

6 Oir tha cinneach air teachd a nìs air m' fhearann-sa, treun, agus thar àireamh; is fiacalan leòmhain am fiacalan; agus tha fiacalan cùil leòmhain bhoirinn aca.

7 Dh'fhàg iad m' fhionain-sa 'n a fàsach, agus rùisg iad mo chrann-fige: rùisg iad e gu buileach, agus thilg iad air falbh e; tha a gheugan air an deanamh geal.

8 Dean caoidh mar òighe criosluichte le eudach-saic air son céile a h-òighe.

9 Tha an tabhartas-bidh air a ghearradh air falbh, agus an tabhartas-dìbhe o thigh an Tighearna: deanaibh-sa bròn, O shag-artar, òglachar an Tighearna.

10 Tha a' mhachair 'n a fàsach, tha an talamh ri caoidh; oir tha an t-arbhar air a mhilleadh; tha am fion nuadh air scargadh, dh'fhàillich an oladh.

11 Gabhaibh nàire, O threabhaichean deanaibh-sa caoidh, O luchd-densaichidh na fionain, air son a' chruithneachd, agus



air son an eorna: a chionn gu'n do mheath fogharadh na macharach.

12 Tha an fhionain air tiormachadh suas, agus an crann-fige air seargadh; tha an pomgranat, an crann-pailme fòs, agus an crann-ubhall, *eadhon* uile chraobhan na macharach, air seargadh: gu deimhin shearg aoibhneas air falbh o chloinn nan daoine.

13 Criosluichibh sibh féin *le eudach-saic*, agus tuiribh, O shagarta: deanaibh ulart-aich, a luchd-frithealaidh na h-altarach: thigibh, luidhibh fad na h-oidhche ann an eudach-saic, òglacha mo Dhé: oir tha an tabhartas-bidh agus an tabhartas-dìbhe air a chunail air ais o thigh ar Dé.

14 Naomhaichibh-sa trasg, gairmibh là toirmisg, cruinnichibh na seanairean, uile luchd-àiteachaidh na tìre, gu tigh an Tighearna 'ur Dé, agus glaothaibh ris an Tighearn,

15 Och air son an là! oir tha là an Tighearna dlùth, agus mar léir-sgrìos o'n Uile-chumhachdach thig e.

16 Nach 'eil ar lòn air a ghearradh as fa chomhair ar sùl? aoibhneas agus luaghair o thigh ar Dé?

17 Lobh an sìol f'a fhòidibh; dh'fhàgadh fàs na h-ionadan-tasgaidh; bhriseadh sìos na saibhlean: a chionn gu'n do shearg an t-arbhar.

18 Cionnus a tha na beathaichean ag osnaich? tha na buaillean sprèidhe ann an aire, a chionn nach 'eil ionatràdh aca: tha na treudan chaorach fòs air an milleadh.

19 Riutsa, O Thighearna, gladhaidh mise; oir chaith an teine chluaintean an fhàisich, agus loisg an lasair uile chraobhan na macharach.

20 Tha beathaichean na macharach fòs a' gladhaidh riutsa: oir thiomachadh suas na h-aimhnichean uisge, agus chaith an teine chluaintean an fhàisich.

### CAIB. II.

1 *Chuir am fàidh 'an cèill meudachd armaill Dhé: 12 chomhairlich e do'n t-sluagh aithreachas a ghabhail, 13 dh'orduich e trasg, 18 agus gheall e tràcair dhoibh o Dhia. 21 Thug e comhfhartachd do Shìon.*

**S** EIDIBHSE an trompaidh ann an Sìon, agus èighibh caismeachd catha ann an shliabh naomh-sa: criothnaicheadh uile luchd-àiteachaidh na tìre: oir tha là an Tighearn 'a' teachd, oir tha e ann fagus.

2 Là dorchadais agus oghuidheachd: là neul agus tiugh-dhorchadais; mar an doill-eireachd air a sgaileadh air na sléibhtibh, *thig* sluagh lionmhor agus làidir; an leithid cha robh ann o shean, agus cha bhì ni's mò 'n an déigh, eadhon gu bliadhnachan mhòran ghinealach.

3 Rompa tha teine ri sgrìos, agus 'n an déigh tha lasair a' losgadh: tha an fearann mar ghàradh Edein rompa, agus 'n an déigh

'n a fhàsach uaigneach; seadh, cha bhì dol as aig aon nì uatha.

4 Bithidh an coslas mar choslas each; agus mar mharcaichean is amhluidh a ruith-eas iad.

5 Mar fharum charbad air mhullach nam beann leumaidh iad; mar thoirm lasair theine a loisgeas an asbhuain: mar shluagh làidir air an cur 'an ordugh catha.

6 Roimh an gnùis bithidh geur-ghoimh air an t-sluagh: tionailidh na h-uile aghaidh dubhachas.

7 Ruithidh iad air an aghaidh mar dhaoine cumhachdach; streapaidh iad am balla mar luchd-cogaidh; agus siùblaidh iad gach aon air a shlighe, agus eha bhris iad an ordugh.

8 Nì mò theannaicheas aon air aon eile; coisichidh iad gach aon 'n a cheum féin: agus ma thuiteas iad air a' chlàidheamh, cha bhì iad air an leònachd.

9 Ruithidh iad air an ais agus air an aghaidh anns a' bhaile: ruithidh iad air a' bhalla: streapaidh iad suas do na tighean: theid iad a steach air na h-uinneagaibh mar mheirleach.

10 Bithidh ball-chrith air an talamh rompa, criothnaichidh na nàmhain: bithidh a' ghrian agus a' ghealach dorch, agus cumaidh na reultan air ais an dealradh.

11 Agus cuiridh an Tighearn a mach a ghuth fa chomhair 'fheachd: oir tha a champ ro mhòr; oir is trèun esan a thoirt gu buil 'fhocail; oir tha là an Tighearna mòr agus ro namhasach, agus cò 'dh'fheudas 'fhulang?

12 Uime sin a nis mar an ceudna, tha an Tighearn ag ràdh, pillibh a n' ionnsuidh-sa le 'ur n-uile chridhe, agus le trasg, agus le gul, agus le caoidh.

13 Agus reubaibh bhur cridhe, agus nì h-c 'ur n-eudach; agus pillibh ris an Tighearn bhur Dia: oir tha e tràcaireach agus iochdmhor, mall a chum feirge, agus làn de chaomhalachd, agus gabhaidh e aithreachas mu'n òle.

14 Cò aig am bheil fios nach pill, agus nach gabh e aithreachas, agus nach fàg e beannachd 'n a dhéigh, tabhartas-bidh agus tabhartas-dìbhe, do'n Tighearn bhur Dia.

15 Seidibh an trompaidh ann an Sìon, naomhaichibh trasg, gairmibh là toirmisg.

16 Cruinnichibh an sluagh, naomhaichibh an còimhthional; gairmibh na seanairean; tionailibh a' chlann, agus iadsan a tha 'deòthal na cìche: rachadh am fear nuadh-pòda mach as a sheòmar, agus a' bhean nuadh-phòda mach as a seòmar uaigneach.

17 Deanadh na sagartan, seirbhisich an Tighearna, gul eadar an sgàth-thigh agus an altair, agus abradh iad, Caomha'n, O Thighearna, do shluagh, agus na toir d'òighreachd thairis gu maslaidh: a chum gu'n riaghladh na cinnich os an ceann: e' uim' an

abradh iad am measg nan cinneach, C'ait am bheil an Dia?

18 Ansin bithidh an Tighearn eudmhor m'a fhearrann, agus gabhaidh e truas d'ashlagh.

19 Seadh, freagraidh an Tighearn, agus their e r'a shluagh; Fench, cuiridh mi d'ur n-ionnsuidh arbhar, agus fion, agus oladh, agus bithidh sibh air 'ur sànsachadh leo; agus cha dean mi sibh ni mò 'n ur masladh am measg nan cinneach.

20 Ach atharraichidh mi 'am fad uaibh *feachd* na h-àirde nath, agus fògraidh mi e gu fearann falamlh fasail, a thoiseach gus an fhairge 'n ear, agns a dheireadh gus an fhairge 'n iar; agus thig a bhréine mios, agus éiridh a dhroch fhàile, a chionn gu'n do mhaoidh e nithean mòra.

21 Na bitheadh eagal ort, O fhearrainn; bi laghaireach agus ait: oir ni an Tighearn nithean mòra.

22 Na bitheadh eagal oirbh a bheathaiche na macharach: oir tha cluaintean an fhàs-aich a' briseadh a mios; oir tha a' chraobh a' giùlan a toraidh; tha an crann-fige agus an fhionain a' toirt seachad an neirt.

23 Bithibh ait ma ta, O chlan Shioin, agus deanaibh gairdeachas anns an Tighearn bhur Dia; oir thug e dhuibh an t-uisge a's tràithe ann an ceart-thomhas; agus bheir e air frasaibh teachd a nuas d'ur n-ionnsuidh, an ceud uisge, agns an t-nisge deir-eannach amhuil roimhe so.

24 Agus bithidh na h-urlair-bhualaidh làn de ehlruithneachd, agus cuiridh na dabhach-an thairis le fion agus le h-oladh.

25 Agus aisgidh mise dhuibh na bliadh-nachan a dh'ith an locust, a' chnàmh-bheist, am burrs, a' phailm-chninnibh, m' fheachd mòr, a chuir mi 'n ur measg.

26 Agus ithidh sibh ann am pailteas, agus bithidh sibh sàthach, agus cliùthaichidh sibh ainm an Tighearna bhur Dia, a bhuin ruibh gn h-iongantach: agus cha nàraichear ann feasd mo shluagh-sa.

27 Agus aithnichidh sibh gu bheil mise ann am meadhon Israeil, agus gur mi an Tighearn 'ur Dia, agus nach aon air bith eile: agus cha nàraichear ann feasd mo shluagh.

28 Agus tarlaidh 'n a dhéigh sin, gu'n dòirt mise mach mo spiorad air gach uile fheoil, agus ni bhur mic agus bhur nigh-eanan faistneachd, brudairidh 'ur seann daoine brudair, agus chi 'ur n-òganaich seallannan:

29 Agus fòs air na h-òglachaibh agus air na banoglaachaibh, anns na làithibh sin, dòirtidh mi mach mo spiorad.

30 Agus nochdaidh mi iongantais anns na nàmhnan, agus air an talamh; fuil, agus teine, agns smùidrich dheathaich.

31 Iompaichear a' ghrian gn dorchadas, agus a' ghealach gu fuil, mu'n tig là mòr agus uamhasach an Tighearna.

32 Agus tarlaidh, ge b'e air bith a ghairmeas air ainm an Tighearna, tèarnar e: oir ann an sliabh Shioin agus ann an Ierusalem bithidh tèarnadh, mar a thubhairt an Tighearn: cadhon ann measg an iarmaid a ghairmeas an Tighearn.

## CAIB. III.

1 Tograidh Dia ris na cinnich air son a shluagh Israeil, 4 agus diolaidh e dhoibh a rèir an gnìomharan. 18 Beannachdan na h-eaglais.

**O**IR fench, anns na làithibh sin, agus anns an àm sin, 'n uair a bheir mise air a h-ais bruid Iudah, agus Ierusalem, tarlaidh,

2 Gu'n cruinnich mi na h-uile chinnich, agus bheir mi sìos iad gu gleann Iehosaphait, agus tagraidh mi riu an sin air son mo shluagh, agus air son m' oighreachd Israeil, a sgap iad am measg nan cinneach; agus roinn iad mo dhùthaich.

3 Agus thilg iad croinn air son mo shluagh; agus thug iad macan air son strìopaich, agns reic iad nigheanag air son fiona, chum gu'n òladh iad.

4 Seadh, agus ciod 'ur gnòthuch-sa riumsa, O Thirnis, agus a Shioin, agus uile chrìochan Phalestin? an diol sibh dhomh luigheachd? a nis ma bheir sibh dhomh luigheachd, gu lath, gu grad diolaidh mi 'ur luigheachd air 'ur ceann féin;

5 A chionn gu'n do ghabh sibh m' airgiod agus m' òr, agus gu'n do ghiùlain sibh gu bhur teampuill mo nithean luachmhor taitneach.

6 Clann Iudah fòs, agus clann Ierusalem reic sibh ris na Greugaich, a chum gu'n atharraicheadh sibh iad am fad o'n crìch féin.

7 Feuch, togaidh mise iad as an àite gus an do reic sibh iad; agus pillidh mi bhur luigheachd air bhur ceann féin.

8 Agus reicidh mi 'ur mic agus 'ur nigh-eanan gu làmh cloinne Iudah: agus reicidh iadsan iad ris na Sabéich, ri slagh fad as; oir labhair an Tighearn e.

9 Eighibh-sa so am measg nan cinneach; nlluicibh cogadh, dùisgibh suas na cumhachdaich; thigeadh na fir-chogaidh uile am fagus, thigeadh iad a mios.

10 Deanaibh claidhean de 'ur coltraibh, agus sleaghan de 'ur corraibh-sgathaidh; abradh an lag, Tha mi làidir.

11 Cruinnichibh sibh féin, agus thigibh, a chinneacha gu léir, agus tionailibh o gach taobh mu'n cuairt: an sin bheir thusa air na cumhachdaich teachd a nuas, O Thighearna.

12 Dùisgeadh na cinnich, agus thigeadh iad a mios gu gleann Iehosaphait: oir an sin suidhidh mise gu breth a thoirt air na cinnich uile mu'n cuairt.

13 Sàthaibh an corran, oir tha am fogharadh abnìch; thigibh, gabhaibh sìos, oir



tha an t-amar-fiona làn, tha na dabhachan a' cur thairis; oir tha an aingidheachd mòr.

14 Mòr-chuideachdan, mòr-chuideachdan, ann an gleann a' ghearraidh; oir tha là an Tighearna dlùth ann an gleann a' ghearraidh.

15 Dorchaichear a' ghrian agus a' ghealach, agus cumaidh na reultan air ais an dealradh.

16 Agus beucaidh an Tighearn a mach á Sion, agus o Ierusalem cuiridh e mach a ghuth, agus bithidh crith air na nèmhàn, agus air an talamh: ach bithidh an Tighearn 'n a ionad-dìdein d'a shluagh; agus 'n a dhaingneach làidir do chloinn Israeil.

17 Mar sin aithnichidh sibh gur mise an Tighearn 'ur Dia, a tha 'chòmhnuidh ann an Sion, mo shliabh naomh: an sin bithidh

Ierusalem naomh, agus cha téid coigrich troimhe nì's mò.

18 Agus tarlaidh anns an là sin, gu'n sil na sléibhean a nuas fion nuadh, agus sruthaidh na beamntan le bainne; agus sruthaidh uile àmhnichean Iudah le h-uisgeachaibh; agus thig tobar a mach o thigh an Tighearna, agus uisgidh e gleann Shitim.

19 Bithidh an Eiphit 'n a nochd-làraich, agus bithidh Edom 'n a fhàsach uaigneach; air son an ainneirt an aghaidh cloinne Iudah; a chionn gu'n do dhòirt iad fuil nan neò-chiontach 'n am fearann.

20 Ach gabhaidh Iudah còmhnuidh gu sìorruidh, agus Ierusalem o linn gu linn.

21 Agus glanaidh mise am fuil-san, nach do ghlan mi; agus gabhaidh an Tighearn còmhnuidh ann an Sion.

## A M O S.

### CAIB. I.

1 *Ant-àm 's an d'rinn Amos fàidheadaireachd.*  
3 *Nochd e na breitheanais a bha gu teachd air Sìria, 6 air na Philistich, 9 air Tìrus, 11 air Edom, 13 agus air Moab.*

**B**RIATHRAN Amois, a bha am measg bhuachaillean Thecoa, a fhuair e mu thimchioll Israeil, ann an làithibh Usiah rìgh Iudah, agus ann an làithibh Ieroboaim mhie Iohais, rìgh Israeil, dà bhliadhna roimh an chrith-thalmhainn.

2 Agus thubhairt e; Beucaidh Iehobhah o Shion, agus o Ierusalem cuiridh e mach a ghuth; agus ni ionadan-còmhnuidh nam buachaillean bròn, agus seargaidh mullach Charmeil.

3 Mar so tha an Tighearn ag ràdh; Air son thri lochdan Dhamascuis, agus air son cheithir, cha phill mi air falbh a *pheanas*; a chionn gu'n do bhuail iad Gilead le im-calaibh-bualaidh iarunn.

4 Ach cuiridh mise teine air tigh Hasaile, a loisgeas lùchairtean Bhenhadaid.

5 Brisidh mi fòs crann-druididh Dhamascuis, agus gearraidh mi as am fear-àiteachaidh o chòmhnaidh Abheir, agus esan a ghlacas an t-slat-rioghail o thigh Edein: agus sìubhlaidh slugh Shìria ann am bruid gu Cir, deir an Tighearn.

6 Mar so tha an Tighearn ag ràdh; Air son thri lochdan Ghasa, agus air son cheithir, cha phill mi air falbh a *pheanas*; a chionn gu'n d'thug iad a' bhruid uile air falbh 'am braighdeanas, a chum an toirt seachad do Edom:

7 Ach cuiridh mi teine air balla Ghasa, a sgriosas a lùchairtean.

8 Agus gearraidh mi am fear-àiteachaidh air falbh o Asdod, agus esan a ghlacas an t-slat-rioghail o Asclon; agus tionndaidhidh mi mo làmh an aghaidh Ecroin: agus bàsaichidh fuigheall nam Philisteach, deir an Tighearn Iehobhah.

9 Mar so tha an Tighearn ag ràdh; Air son thri lochdan Thiruis, agus air son cheithir, cha phill mi air falbh a *pheanas*; a chionn gu'n d'thug iad suas a' bhruid uile do Edom, agus nach do chuimhnich iad an coimheangal bràthaireil.

10 Ach cuiridh mi teine air balla Thiruis, a loisgeas àrois rioghail.

11 Mar so tha an Tighearn ag ràdh; Air son thri lochdan Edoim, agus air son cheithir, cha phill mi air falbh a *pheanas*; a chionn gu'n do ruaig e a bhràthair leis a' chlaideamh, agus gu'n do thilg e uaith na h-uile iochd, agus gu'n do reub 'fhearg a glmàth, agus gu'n do ghléidh e a chorruidh an còmhnuidh.

12 Ach cuiridh mi teine air Teman, a loisgeas lùchairtean Bhosrah.

13 Mar so tha an Tighearn ag ràdh; Air son thri lochdan chloinne Amoin, agus air son cheithir, cha phill mi air falbh a *pheanas*; a chionn gu'n do reub iad suas mnathan torrach Ghilead, a chum an crìochan fèin a chur 'na farsuinneachd.

14 Ach fadaidh mise teine air balla Rabah, agus loisgidh e sìos a lùchairtean, le iolaich ann an là a' chatha, le cuairt-ghaoith ann an là na doininn.

15 Agus imichidh an rìgh ann am braighdeanas, e fèin agus a mhòr-uaislean le 'chéile, deir an Tighearn.

CAIB. II.

1 Na breitheanais a bha gu teachd air Moab, 4 air Iudah, 6 agus air Israel. 9 Bhagair an Tighearn sluagh Israeil air son am peacaidhean.

MAR so tha an Tighearn ag ràdh; Air son thri lochdan Mhoab, agus air sou cheithir, cha phill mi air falbh a pheanas; a chionn gu'n do loisg e enàmhan rìgh Edoim gu h-aol.

2 Ach cuiridh mi teine air Moab, agus loisgidh e luchairtean Chirioit, agus bàs-aichidh Moab le co-ghaoir, le iolaich, le fuaim na trompaid.

3 Agus gearraidh mi as am breitheanmh á 'mheadhon, agus marbhaidh mi 'uile phrionsachan uaille ris, deir an Tighearn.

4 Mar so tha an Tighearn ag ràdh; Air son thri lochdan Iudah, agus air son cheithir, cha phill mi air falbh a pheanas; a chionn gu'n d'rinn iad dìmeas air reachd an Tighearna, agus nach do choimhid iad àith-cantan; agus thug an diathan bréige orra dol air seacharan, iad sin a chaidh an aithrichean air an déigh.

5 Ach cuiridh mi teine air Iudah, agus loisgidh e luchairtean Ierusalem.

6 Mar so tha an Tighearn ag ràdh; Air son thri lochdan Israeil, agus air son cheithir, cha phill mi air falbh a pheanas; a chionn gu'n do reic iad am firean air son airgid, agus am bochd air son bhròg.

7 Tha iad a' saltairt sìos cheann nam bochd ann an duslach na talmhainn, agus a' fiaradh slighe uan daoine ciùine; agus tha duine agus 'athair a' dol a steach a chum na h-aoin ghruagaich, a thruailleadh n'aime naoinh-sa.

8 Agus tha iad 'g au sìueadh féin air eud-aichibh a ghabhadh 'an geall, aig taobh gach altarach; agus tha iad ag òl fìona na muinntir a dhiteadh ann an tigh an dé.

9 Gidheadh sgrios mise an t-Amorach rompa, a bha àrd mar àirde nan scudar; agus làidir mar na daragaibh: gidheadh sgrios mise a thoradh os a cheann, agus a fireumhan foidhe.

10 Fòs thug mi sibhse a nòs o thìr na h-Eiphit, agus stiùir mi sibh troimh an fhàsach dà fhichead bliadhna; a chum gu'n seallbaicheadh sibh fearann nan Amorach.

11 Agus thog mi suas cuid de 'ur macaibh air son fhàidhean, agus de 'ur n-òganaich air son Nàsarach. Nach ann mar so a tha e, O chlamn Israeil? deir an Tighearn.

12 Ach thug sibh do ua Nàsarach fion r'a òl; agus dh'àithn sibh do no fàidhean, ag ràdh, ua deanaibh faistneachd.

13 Feuch, bruthaidh mise bhur n-àite, mara bhruthas carbad luchdaichte le arbhar a sguaban.

14 Agus tréigidh a luathas an duine luath, agus cha bhi 'n duine làidir treun 'n a neart,

ni mò u' 'n duine eumhachdach e féin a shaoradh.

15 Cha seas esan fòs a laimhsicheas am bogha, agus cha saoran luath-chosach e féin; ni mò thèarnas an tì a mharcaicheas an t-each e féin.

16 Agus esan a tha 'daingneachadh a chridhe an measg nan cumhachdach, teichidh e air falbh rùisgte 's an là sin, deir an Tighearn.

CAIB. III.

1 Aobhar nam breitheanas a thug Dia air cloinn Israeil. 13 'S an là anns an agair Dia lochdan Israeil air. sgriosaidh e altairean Bhaail.

CLUINNIBH am focal so a labhair an Tighearn 'n 'ur n-aghaidh, O chlamn Israeil, an aghaidh an uile theaghlach a thug mi nòs o thìr na h-Eiphit, ag ràdh,

2 Is sibhse mhàin air an d'ò ghabh mi eòlas de uile theaghlachibh na talmhainn: uime sin smachdaichidh mi sibh air son 'ur n-uile lochdan.

3 Am feud dithis imeachd le 'chéile, mur bi iad réidh?

4 Am beuc an leòmhann anns a' choille, an uair naeh 'eil creach air bith aige? an éigh an leòmhann òg as a' gharaidh, mur do ghlaic e aon nì?

5 Am feud eun tuiteam ann an lion air an talamh, far nach 'eil aon rib air a shou? an tog neach caugach suas o'u talamh, agus gun ni air bith a ghlacadh?

6 An séidear an trompaid ann am baile, agus gun cagal a bhi air an t-sluagh? am bi dòrainn ann am baile, agus nach e an Tighearn a chuir ann e?

7 Gu deimhin cha dean an Tighearn Iehobhah aon nì gun a rùn-dìomhair fhoillseachadh d'a sheirbhìsich na fàidhean.

8 Bheuc an leòmhann; cò air nach bi cagal? labhair an Tighearn Iehobhah, cò nach deanadh faistneachd?

9 Cuiribh 'an céil anns na luchairtibh 'an Asdod, agus anns na tallachaibh 'an tìr na h-Eiphit, agus abraibh, Cruinnichibh sibh féin air sléibhtibh Shamaria; agus feuch-aibh an t-ioma-luasgadh mòr a tha 'n a meadhon, agus iadsan a tha air an sàruchadh inute.

10 Oir cha-n aithne dhoibh a' chòir a dheanamh, tha an Tighearn ag ràdh; tha iad a' tasgadh suas foirmeirt agus creich 'n an luchairtibh.

11 Air an aobhar sin, mar so tha an Tighearn Iehobhah ag ràdh, Bithidh eascaraid fòs mu'n cuairt air an fhearann; agus bheir e suas do neart uait, agus creachar do luch-airtean.

12 Mar so tha an Tighearn ag ràdh, Amhuil a spionas an buachaill a mach à beul an leòmhain dà chois, no mìr de chluais; mar sin bheirear a mach clann Israeil, a tha 'chòimhuidh ann an Samaria, ann an cùil leapach; agus ann an Damascus, air uirigh.



13 Eisdibh-sa agus togaibh fianuis do thigh Iacuib, tha an Tighearn Iehobhah, Dia nan sluagh, ag ràdh,

14 Anns an là 's an agair mise lochdan Israeil air, gu'n agair mi fòs air altairean Bheteil; agus gearrar adhaircean na h-altarach dhi, agus tuitidh iad chum an làir.

15 Agus buailidh mi an tigh-geamhraidh maille ris an tigh-shaunhraidh; agus sgriosar na tighean deud-chuamh, agus thig crìoch air na tighean mòra, deir an Tighearn.

#### CAIB. IV.

1 *Chronaicheadh Israeil air son am fòirneirt, 4 an òdhol aoraidh, 6 agus an ceannairc an aghaidh an Tighearna.*

**C**LUINNIBHSE am focal so, O a sprèidh Bhàsain, a tha air sliabh Shamaria; a tha 'sàruchadh nam bochd, a tha 'bruthadh nam feumach; a tha 'g ràdh ri am maighstiribh, Thugaibh d'ar n-iounsuidh agus òlamaid.

2 Mhionnaich an Tighearn Iehobhah air a naomhachd, Feuch, gu'n tig oirbh na làithean anns an toir e sibh air falbh le dubhanaibh, agus bhuir sliochd le dubhanaibh-iasgaich.

3 Agus thèid sibh a mach air na bealaich, gach bà air a' bheadach m'a coinneamh; agus tilgear sibh anns an tigh-chasgairt, deir an Tighearn.

4 Rachaibh gu Betel agus ciontaichibh; aig Gilgal deanaibh 'ur lochdan fionnhar; agus thugaibh leibh bhuir n-iobairtean gach maduinn, 'ur deachamh gach trì bliadhna;

5 Agus iobraibh iobairt-bhuidheachais le taois ghoirt, agus éighibh, cuiribh 'an cèill na saor-thabhartais; oir tha so taitneach dhuibh, O ehlann Israeil, deir an Tighearn Iehobhah.

6 Agus thug mi fòs dhuibh gloine fhiacal 'u'ur n-uile bhailtibh, agus gainne arain ann 'ur n-uile lùchairtibh: gidheadh eha do phill sibh riumsa, deir an Tighearn.

7 Agus chum mi uaibh mar an ceudua an t-uisge, 'n uair a bha fathasd trì mìosan gu fogharadh; agus thug mi air frasadh air aon bhaile, agus gum fhrasadh air baile eile; air aon chuid thàinig an t-uisge; agus a' chuid eile air nach d'thàinig an t-uisge, shearg e.

8 Agus shiubhail dà no trì de bhailtean gu aon bhaile, a dh'òl uisge; ach cha robh iad air an sàsachadh: gidheadh eha do phill sibh riumsa, deir an Tighearn.

9 Bhuail mi sibh le seargadh agus le erith-reothadh; 'n uair a dh'fhàs 'ur gàraidhean agus 'ur fion-lìosan, 'ur croinn-fhàge, agus 'ur croinn-oladh, dh'ith a' phailm-chnuimh iad: gidheadh eha do phill sibh riumsa, deir an Tighearn.

10 Chuir mi 'n'ur measg a' phlàigh, a réir nòis na h-Eiphit mharbh mi 'ur n-òganaich leis a' chlàidheamh, agus thug mi air falbh 'ur n-eich, agus thug mi air droch fhàile bhuir canup teachd a mìos gu'r euineinibh:

gidheadh eha do phill sibh riumsa, deir an Tighearn.

11 Sgrios mi cuid dibh, mar a sgrios Dia Sodom agus Gomorah, agus bha sibh mar àithinne air a spionadh as an losgadh: gidheadh eha do phill sibh riumsa, deir an Tighearn.

12 Air an aobhar sin mar so ni mi riut, O Israeil; agus a chionn gu'n dean mi so riut, ulluich thu féin gu còdhail a chumail ri d' Dhia, O Israeil.

13 Oir feuch, esan a dhealbhas na sléibhteann, agus a chruthaicheas a' ghaoth, agus a dh'fhoillsicheas do dhuine ciod a's smuaintean dha; esan a ni a' mhaduinn 'n a dorchadas, agus a shaltras air ionadaibh àrda na talmhainn, Iehobhah, Dia nan sluagh, is e 'ainm.

#### CAIB. V.

1 *Tuireadh air son Israeil. 4 Earail chum aithreachais. 21 Chuir Dia cùl ri seirbhis chealgach an t-sluaigh.*

**E**ISDIBHSE am focal so a tha mise 'eur 'an cèill 'n'ur n-aghaidh, eadhon tuir-eadh, O thigh Israeil.

2 Thuit, agus cha-u éirich nìs mò, òigh Israeil: tha i sinne mach air a fearann féin; cha-n'èil neach ann g'a togail suas.

3 Oir mar so tha an Tighearn Iehobhah ag ràdh; A' chaithir a chaidh a mach 'n a mìle, fàgaidh i ceud; agus i sin a chaidh a mach 'n a ceud, fàgaidh i deichmear aig thigh Israeil.

4 Uime sin, mar so tha an Tighearn ag ràdh ri thigh Israeil; Iarraibh-sa mise, agus mairidh sibh beò:

5 Ach na h-iarraibh Betel, agus na rach-aibh a steach gu Gilgal, agus na siùbhlaidh thairis gu Beer-seba: oir thèid Gilgal gu deimhin 'am braighdeanas, agus thig Betel gu neo-ni.

6 Iarraibh an Tighearn agus mairidh sibh beò; air eagal gu'm bris e mar theine air thigh Ioseiph, agus gu'n loisg e thigh Israeil, agus nach bi aon neach ann gu 'mbùchadh.

7 Sibhse a tha 'tionndadh breitheanais gu searbhadas, agus a' leigeadh dhibh fireantachd air an talamh,

8 Iarraibh esan a tha 'deanamh nan seachd reultan agus Orion; agus a' tionndadh sgàile a' bhàis gu maduinn, agus a ni an là dorch mar an oidhech: a tha 'gairm air uisgeachan na fairge, agus 'g an dòrtadh a mach air aghaidh na talmhainn; is e Iehobhah 'ainm:

9 A neartaicheas au duine creachta an aghaidh an tréin-fhir; air chor as gu'n tig an duine creachta an aghaidh an daingnich.

10 Is fuath leo esan a bheir achmhasan anns a' gheata; agus is gràin leo esan a labhras gu h-ionraic.

11 Air an aobhar sin, a chionn gu bheil sibh a' saltairt air a' bhochd, agus a' gabhail uaith duaise de chruithneachd; ge do

thog sibh tighean de ehlachan snaighte, gidheadh cha-n àitich sibh iad; *ge do* shuidhich sibh fion-liosan taitneach, gidheadh cha-n òl sibh fion diubhl.

12 Oir is aithne dhomh-sa bhuir lochdan lion-mhor, agus bhuir peacaidhean mòra; sibhse a tha 'claoidh an fhàirein, a tha 'gabhall d'naise, agus a' eur a' bhoehd a leth-taobh anns a' gheata.

13 Air an aobhar sin fanaidh an duine glie 'n a thosd anns an àm sin; oir is ainisr olei.

14 Iarraibh-sa maith, agus ni h-e ole, a ehum gu mair sibh beò; agus mar sin bithidh an Tighearn Dia nan sluagh leibh, mar a labhair sibh féin.

15 Fuathaieibh an t-ole, agus gràdhaieibh am maith, agus daingnieibh breith-eanas anns a' gheata; theagamh gu'm bi an Tighearn Dia nan sluagh gràsmhor do iarmad Ioseiph.

16 Oir mar so tha Iehobhah Dia nan sluagh, an Tighearn, ag ràdh; *Bithidh* eaoidh anns na h-uile shràidibh; agus their iad anns na h-uile rathaidibh mòra, Mo thruaighe, mo thruaighe! agus gairmidh iad an treabhaiche gu bròn, agus iadsan a tha eblaeh air caoidh gu tuireadh.

17 Agus anns na h-uile fion-lios bithidh eaoineadh; oir gabhaidh mise troimh do mheadhon, deir an Tighearn.

18 Is truagh dhuibh-sa 'tha 'g iarraidh là an Tighearna. Ciod e sin duibh-sa là an Tighearna? dorchadas agus eha-n e solus.

19 Ceart mar gu'n teicheadh duine o leòmhann, agus gu'n coinnicheadh math-gamhuim e; no gu'n rachadh e steach d'a thigh, agus a làmh a leigeadh air a' bhalla, agus gu'n deanadh nathair a theumadh.

20 Nach bi là an Tighearna 'n a dhorchadas, agus ni h-ann 'n a sholus? eadhon ro dhorchas, agus gun soilleireachd air bith ann?

21 Is fuath leam, is beag orm 'ur làithean-féille, agus cha gabh mi tlachd ann am faile 'ur n-àrd-fhéillean.

22 Ged iobair sibh dhomh iobairtean-loisgte, agus tabhartais-bhìdh, cha ghabh mi iad; ni mò bheir mi fainear tabhartais-bhìdh 'ur beathaichean reamhra.

23 Buin uam fuaim d' òran; agus eòl do ehlàrsach eha-n èisd mi.

24 Aeh ruitheadh breitheanas sìos mar uisgeachan, agus fireantaehd mar shruth làidir.

25 An do thairg sibh dhomh-sa iobairtean agus tabhartais anns an fhàsach ré dà fhichead bhliadhna, O thigh Israel?

26 *Ni h-eadh*, ach ghiùlain sibh pàillium 'ur dè Moloich, reul bhuir dè Chiùin, bhuir dealbhan, a rinn sibh dhuibh féin.

27 Uime sin bheir mise oirbhl imeachd 'am bruid taobh thall Dhamaseuis, tha an Tighearn, do'n ainm Dia nan sluagh, ag ràdh.

1 *Smachdaichear Israel air son an neo-gheam-nuidheadh*, 12 agus air son am peacaidhean.

**I**S truagh dhoibhsan a tha gu suaimhneach ann an Sion, agus ag earbsadh à sliabh Shamaria; a tha 'g an ainmeachadh féin air tìs nan cinneach, gus am bheil imeachd tìghe Israeil.

2 Sìubhlaihbh thairis gu Calneh, agus faieibh; agus rachaibh as a sin gu Hamat mòr: an sin rachaibh sìos gu Gat nam Philisteach: am fearr iadsan na na rìoghachdan so? no am bheil an eriochan ni's mò na 'ur erioch-sa?

3 *Is truagh* dhoibh-san a tha 'eur an droeh là fada natha, agus a' toirt am fagus àite-suidhe an fhòirneirt:

4 A tha 'luidh air leapaieibh deud-einamh, agus 'g an sìneadh féin air an uirighcan; a tha ag itheadh uan an treud, agus nan laogh à meadhon an tigh-bhiadhaidh:

5 A tha 'seinn do fhuaim na clàrsaich; a tha cosmhuil ri Daibhidh, a' dealbh dhoibh féin innealan-eiùil:

6 A tha 'g òl fiona ann an euachaibh, agus 'g an ngaidh féin le rogha gach olaidh: ach nach 'eil doilieh air son àmhghair Ioseiph.

7 Air an aobhar sin a nis théid iad 'am bruid leis a' eheud chuid a dh'fhalbhas ann am braighdeanas; agus bheircar air falbh eum na muimtir a bha 'g an sìneadh féin.

8 Mhionnach an Tighearn Iehobhah air féin, tha Iehobhah Dia nan sluagh ag ràdh; Is gràin leam òirdheireas Iacoib, agus is fuath leam a lùchairtean: uime sin bheir mi seachad am baile, agus gach ni a tha ann.

9 Agus tarlaidh ma dh'fhanas deichnear fhear ann an aon tigh, gu'm faigh iad bàs.

10 Agus togaidh earaid duine suas e, agus esan a loisgeas e, chum na cnàmhan a thoirt a maeas as an tigh; agus their e ris-san a tha steach 's an tigh, *am bheil aon neach* fathasd leat? Agus their esan, Cha-n'eil: An sin their e, Bi a'd' thosd. A ehiomn nach 'eil iad a' toirt luaidh air ainm Iehobhah.

11 Oir feuch, àithnidh an Tighearn, agus buailidh e an tigh mòr le bearnaibh, agus an tigh beag le sgoltaidhean.

12 An ruith eich air carraig? an treabhar i le daimh? oir thionndaidh sibh breitheanas gu domblas, agus toradh an ionracais gu iteodha.

13 Sibhse a tha ri gairdeachas ann an ni a's neo-ni; a tha ag ràdh, Nach do ghabh sinn do arn-ionnsuidh uachdaranaehd le ar neart féin?

14 Agus, feuch, dùisgidh mise suas einneach 'n 'ur n-aghaidh, O thigh Israeil, tha Iehobhah Dia nan sluagh ag ràdh; agus sàruichidh iad sibh o dhol a steach Hamat, gu ruig amhaim an fhàsaieh.



CAIB. VII.

1 *Rinn Amos urnuigh agus ghabh Dia aithreachas a thaobh an uile a bha e gu thoirt air Israel.* 7 *Le balla agus sreing-riaghailt nochladh Ièir-sgrìos Israel.* 10 *Rinn Amasiah gearan an aghaidh Amois.* 14 *Chuir Amos 'an cèill a dhreuchd.*

**M**AR so thaisbein an Tighearn Iehobhah dhomh-sa, agus, feuch, dhealbh e locuist ann an toiseach teachd a nìos an fhàis mu dheireadh; agus, feuch, b'e sin am fas deircannach, an dèigh bnaib an rìgh.

2 Agus tharladh 'n uair a chuir iad crìoch air itheadh luibhean na tìre, gu'n d' thubhairt mise, O Thighearna Iehobhah, maith, guidheam ort; cò a thogas suas Iacob? oir tha e ro bheag.

3 Ghabh an Tighearn aithreachas dheth so: Cha tachair so, deir an Tighearn.

4 Mar so thaisbein an Tighearn Iehobhah dhomh-sa; agus, feuch, ghairm an Tighearn Iehobhah gu breitheanas le teine, agus loisg e an doimhne mhòr: agus shnìge e snas carrann.

5 An sin thubhairt mise, O Thighearna Iehobhah, sgnir, guidheam ort: cò a thogas suas Iacob? oir tha e ro bheag.

6 Ghabh an Tighearn aithreachas dheth so: Cha tachair so fòs, deir an Tighearn Iehobhah.

7 Mar so thaisbein e dhomh; agus, feuch, sheas an Tighearn air balla *topta* le sreing-riaghailt, agus sreang-riaghailt 'n a làimh.

8 Agus thubhairt an Tighearn rinn; Cìod a tha thu 'faicinn, Amois? Agus thubhairt mise, Sreang-riaghailt. An sin thubhairt an Tighearn, feuch, cuiridh mise sreang-riaghailt ann am meadhon mo shluagh Israel; cha ghabh mi nì's mò seachad orra tuilleadh.

9 Agus cuirear ionadan àrda Israel fàs; agus nìthear naomh-ionaid Israel 'n an làraich sgaoilte, agns éiridh mise an aghaidh tighe Ieroboaim leis a' chlaidheamh.

10 An sin chuir Amasiah sagart Bheteil fios gu Ieroboam rìgh Israel, ag ràdh, Dhealbh Amos foill a'd' aghaidh ann am meadhon tighe Israel: cha'n urrainn am fearann a bhriathran uile a ghiùlan.

11 Oir mar so tha Amos ag ràdh, Gheibh Ieroboam bàs leis a' chlaidheamh; agus bheirear Israel gu deimhin air falbh ann am braighdeanas as an tìr féin.

12 Thubhairt Amasiah mar an ceudna ri Amos; O fhiosaiche, falbh, teich thusa gu tìr Iudah, agns ith aran an sin, agus an sin dean faistneachd:

13 Ach na dean faistneachd nì's mò ann am Betel: oir is e sin naomh-ionad an rìgh, agns is e sin tigh na rìoghachd.

14 An sin fhreagair Amos, agus thubhairt e ri Amasiah, Cha b'fhàidh mise, nì mò bu mhae fàidh mi; ach bu bhuachaill spréidhe mi agus fear-tionail meas sicamoir:

15 Agus thug an Tighearn mi o bhi 'leant-unn an treud; agus thubhairt an Tighearn rium, Falbh, dean faistneachd do m' phobull Israel.

16 A nìs uime sin, cluinn thusa focal an Tighearna: tha thu ag ràdh, Na dean faistneachd an aghaidh Israel, agns na sil-eadh d'fhocal an aghaidh tighe Isaiaic.

17 Air an aobhar sin, mar so tha an Tighearn ag ràdh, Bithidh do bhean 'n a striop-aich anns a' bhaile, agus tuitidh do mhie agus do nigheanan leis a' chlaidheamh; agus bithidh d'fhearran air a roinn leis an t-sreing: agus gheibh thu bàs ann am fear-ann trèillte, agus thèid Israel gu deimhin air falbh ann am braighdeanas, a mach á dhùthaich féin.

CAIB. VIII.

1 *Le diabh de mheas samhradh nochladh gu'n robh crìoch Israel am fagus.* 4 *Thugadh achmhasan dhoibh do bhrìgh gu'n robh iad a' toirt air bochdan an fhearrainn fàilneachadh.* 11 *Bhagruidh an sluagh le dìth fhocal an Tighearna.*

**M**AR so thaisbein an Tighearn Iehobhah dhomh-sa; agus, feuch, cliabh de mheas samhradh.

2 Agus thubhairt e, Cìod a tha thu 'faicinn, Amois? Agus thubhairt mise, Cliabh de mheas samhradh. An sin thubhairt an Tighearn rium, Tha a' chrìoch air teachd air mo shluagh-sa Israel; cha ghabh mise seachad orra nì's mò.

3 Agus bithidh drain an teampuill 'n an ulartaich anns an là sin, tha an Tighearn Iehobhah ag ràdh: *bithidh* mòran de chuirp mharbha anns gach ionad: tilgidh iad gu tosdach a mach iad.

4 Chinnibh so, O sibhse a tha 'slugadh suas an ainms, cadhan a thoirt air bochdan an fhearrainn fàilneachadh,

5 Ag ràdh, C'uin a thèid a' ghealach 'nr seachad, a chum gu'n reiceamaid sìol? agus an t-sàbaid, a chum gu'n tugamaid a mach cruithneachd? a' deanamh an ephah beag, agus an t-sceall mòr; agns a' deanamh na meighe mearachdach le ceilg:

6 A' ceannach nam bochd air son airgid, agns an fhenmaich air son bhròg; a' reic fòs deireadh a' chruithneachd.

7 Mhionnaich an Tighearn air òirdheirecas Iacob, Gn deimhin cha dì-chuimhnich mi gu bràth an uile oibre

8 Nach crìohtuich ann fearann air son so? agus nach dean gach duine a tha 'chòmh-midh ann caoidh? agus nach éirich anhuil tnil thar an ionlan deth? nach tilgear a mach, agus nach bàthar e, mar gu'm b'ann le amhainn na h-Eiphit.

9 Agns tarlaidh air an là sin, tha an Tighearn Iehobhah ag ràdh, gu'n toir mise air a' ghréin dol fodha air mheadhon-là, agns nì mi an talamh dorchais an là shoilleir.

10 Agus tionndaidhidh mi 'ur fèillean gu bròn, agus 'ur n-drain uile gu tuireadh; agus bheir mi eudach-saic air na h-uile leasraibh, agus maoile air gach aon cheann, agus ni mi e mar chumha air son aoin mhie, agus a chrìoch mar là searbh.

11 Fench tha na làithean a' teachd, tha an Tighearn Iehobhah ag ràdh, 's an cuir mise gort anns an fhearann; cha-n i gort a dhùth arain, no tart a dhùth uisge, ach a dhùth éisdeachd fhocal an Tighearna.

12 Agus sìubhlaidh iad o fhairge gu fairge, agus o'n àirde tuath, eadhon gus an àird an ear; ruithidh iad air an ais agus air an aghaidh, a dh'iarraidh focail an Tighearna, agus cha-n fhaigh iad e.

13 Anns an là sin fannaichidh na h-òighean maiseach, agus na h-òganaich le tart.

14 Iadsan a tha 'mionnachadh air peacadh Shamaria, agus ag ràdh, Tha do dhia-sa beò, O Dhain, agus tha cùis-aoraidh Bheer-seba beò; tuitidh eadhon iadsan, agus cha-n éirich iad suas gu bràth tuilleadh.

# CAIB. IX.

1 Làn-dearbhadh lèir-sgrìos Israeil. 11 Togaidh Dia suas pàillium Dhaibhidh, 14 agus bheir e air a h-ais bruid a shluaigh.

**C**HUNNAIC mi an Tighearn 'n a sheas-  
amh air an altair; agus thubhairt e,  
Buail an t-àrd-dhorus, air chor as gu'n  
criothnuich na h-ursaman: oir gearraidh  
mise 's a' cheann iad, an t-ionlan diubh;  
agus an sliochd marbhaidh mi leis a'  
chhlaidheamh: an ti a theicheas dhiubh cha  
téid e as; agus an ti a ghabhas an ruaig  
dhiubh cha tèarnar e.

2 Ged chladhaich iad gu ruig an t-ionad  
ìochdarach, as a sin bheir mo làmh-sa nìos  
iad; ged théid iad suas gu nèamh, as a sin  
bheir mise suas iad:

3 Agus ged fholuicheadh siad iad féin  
ann am mullach Charneil, rannsaichidh  
mise, agus bheir mi mach as a sin iad;  
agus ged bhitheadh iad air am folach o m'  
shealladh ann an ìochdar na fairge, an sin  
bheir mi àithne do'n nathair, agus ni i an  
teumadh.

4 Agus ged rachadh iad gu daorsa roimh  
an naimhdean, an sin bheir mise àithne  
do'n chhlaidheamh, agus marbhaidh e iad:  
agus leagaidh mi mo shùilean orra chum  
uile, agus ni h-ann a chum maith.

5 Oir is e an Tighearn Iehobhah Dia nan  
sluagh a bheanas ris an fhearann, agus

leagaidh e: agus ni na h-uile a tha  
chòmhnuidh ann caoidh; agus éiridh e suas  
gu h-ionlan mar thuil, agus bàthar e, mar  
gu'm b' ann le amhainn na h-Eiphit.

6 Is esan a thogas 'àrd-sheòmraichean anns  
na nèamhan, agus a shuidhicheas a thigh-  
tasgaidh air an talamh; an ti a ghairmeas  
air uisgeachan na fairge, agus a dhòirteas  
iad a mach air aghaidh na talmhainn: is e  
Iehobhah 'ainm.

7 Nach 'eil sibh mar chloinn nan Etiopach  
dhomh-sa, O chlam Israeil? tha an Tigh-  
earn ag ràdh. Nach d'thug mise Israel á  
tìr na h-Eiphit: agus na Philistich á Caphtor,  
agus na Sirianaich á Cir?

8 Feuch, tha sùilean an Tighearn 'Ieho-  
bhah air an rìoghachd chiontaich, agus  
sgriosaidh mise bharr aghaidh na talmhainn  
i: a mhàin cha mhill mi gu tur tigh Iacòib,  
deir an Tighearn.

9 Oir feuch, bheir mise àithne, agus  
criathraidh mi tigh Israeil am measg nan  
uile chinneach, mar a chriathrar sìol ann an  
criathar, gidheadh cha tuit an sìlean a's  
lughadheth air an talamh.

10 Basaichidh uile pheacaidh mo shluaigh-  
sa leis a' chhlaidheamh, a tha 'g ràdh, Cha  
bheir an t-òile oirn, agus cha ghlae e sinn  
gu h-obann.

11 Anns an là sin togaidh mise suas  
pàillium Dhaibhidh a tha air tuiteam, agus  
dùinidh mi suas a bhearnan; agus togaidh  
mi suas a làraichean, agus cuiridh mi suas  
e mar anns na làithibh o shean:

12 A chum gu'n seallbaich iad na mhaircas  
de Edom, agus na h-uile chinuich a dh'ain-  
michear air m' ainm-sa, deir an Tighearn a  
ni so.

13 Feuch tha na làithean a' teachd, tha  
an Tighearn ag ràdh, anns am beir an  
treabhaiche air a' bhunaiche, agus fear-  
bruthaidh nam fion-dhearc air fear cur an  
t-sìl; agus silidh na sléibhte an fion milis,  
agus leagaidh na h-uile chinuic.

14 Agus bheir mise air a h-ais a ris bruid  
mo shluaigh Israeil, agus togaidh iad na  
bailtean fasa, agus ni iad an àiteachadh;  
agus suidhichidh iad fion-liosan, agus òlaidh  
iad am fion; ni iad fòs liosan, agus ithidh  
iad an toradh.

15 Agus suidhichidh mise iad 'n am fear-  
ann, agus cha bhi iad nì's mò air an spionadh  
a nìos as an fhearann a thug mise dhoibh,  
deir an Tighearn do Dhia-sa.



# O B A D I A H.

1 Léir-sgríos Edoim, 3 air son uabhair a chridhe,  
10 agus a ghiùlain a thaobh sluagh Israeil  
'n an teanntachd. 17 Saorsa agus buaidh  
Iacoib.

**S**EALLADH Obadiah. Mar so tha an Tighearn Ichobhah ag ràdh a thaobh Edoim: Chuala sinn aithris o'n Tighearn, agus chuircadh teachdair am measg nan cinneach, *ag ràdh*, Eiribh-sa, agus éireamaid-ne suas 'n a h-aghaidh ann an cath.

2 Feuch, rinn mise beag thu measg nan cinneach: tha thu gu mòr air do chur fo dhùineas.

3 Mheall uabhar do chridhe thu, O thusa a tha chòmhnuidh ann an sgorraibh nan creag, ann ad chòmhnuidh àrd; a tha 'g ràdh ann ad chridhe, Cò a bheir a nuas mi chum an àir?

4 Ged àrdaich thu thu féin mar an iolair, agus ged shuidhich thu do nead am measg nan reultan, as a sin bheir mise nuas thu, deir an Tighearn.

5 Ma thig meirlich a d'ionnsuidh, ma thig gaduichean anns an oidheche, (cionnus a ghearradh as thu!) nach goideadh iad gus am bitheadh gu leòr aca? nan tigcadh luchd-tional nam fion-dhearc a d'ionnsuidh, nach fàgadh iad dòighlun de na dearcan?

6 Cionnus a tha Esau air iarraidh a mach! a nithcan foluichte air an rannsachadh!

7 Thug uile dhaoine do chomuinn a chum na crìche thu; na daoine a bhla 'n sith riut, a dh'ith aran leat, mheall iad thu, agus bhuaich iad ann ad aghaidh: leag iad rib fodhad: cha-n'eil tuigse sam bith annad.

8 Nach sgríos mise 's an là sin, tha an Tighearn ag ràdh, araon na daoine glìce mach à Eodom, agus tuigse à sliabh Esau?

9 Agus claidhear do dhaoine treuna-sa, O Themain; a chum gu'n gearr as gach duine de sliabh Esau le h-àr.

10 Air son d' ainneirt an aghaidh do bhràthar Iacoib, ni nàire do chòmhachadh, agus bithidh tu air do ghearradh as gu bràth.

11 Anns an là 's an do sheas thu air an taobh eile, anns an là 's an d'thug na coimhich a shluagh am braighdeanas, anns an deachaidh coigric a steach air a gheachan, agus anns an do thilg iad cranachur

air Ierusalem, *dhà* eadhon thusa mar aon diubh.

12 Ach cha bu chòir dhuit amharc *le sòlas* air là do bhràthar, anns an là 's an d'rinn-cadh coigricach dheth: ni mò bu chòir dhuit gairdeachas a dheanamh os ceann cloinne Iudah ann an là an léir-sgríos: ni mò bu chòir dhuit labhairt gu h-naibhreach ann an là an àmhghair.

13 Cha bu chòir dhuit dol a steach air geata mo shluaigh-sa ann an là an àmhghair; seadh, cha bu chòir dhuit amharc *le sòlas* air an teinn ann an là an airce; no lamh a chur air am maoin ann an là an àmhghair.

14 Ni mò bu chòir dhuit seasamh anns an t-slighe tharsuinn, a ghearradh as na dream a chaidh as d'a mhuinntir; ni mò bu chòir dhuit iadsan a mhair d'a chuideachd a thoirt suas ann an là na dòrainn.

15 Oir tha là an Tighearna dlàth air na h-uile chinnich: mar a rinn thusa, nithear riut: pillidh do luigheachd air do cheann féin.

16 Oir amhuil a dh'òl sibhse air mo shliabh naomh-sa, òlaidh na h-uile chinnich mu'n cuairt; seadh òlaidh, agus sluigidh iad sìos; agus bithidh iad mar nach bitheadh iad idir ann.

17 Ach air sliabh Shioin bithidh saorsa, agus bithidh naomhachd; agus sealbhaichidh tigh Iacoib an sealbh féin.

18 Agus bithidh tigh Iacoib 'n a theine, agus tigh Ioseph 'n a lasair; agus t'gh Esau 'n a asbhuaib; agus lasaidh, agus loisgidh iadsan iad; agus cha-n fhàgar a h-aon beò de thigh Esau; oir labhair an Tighearn.

19 Agus gabhaidh iadsan o dheas scalbh air sliabh Esau; agus iadsan o'n chòmhuard air na Philistich; agus scalbhaichidh iad machair Ephraim, agus machair Shamaria; agus *sealbhaichidh* Benjamin Gilead.

20 Agus *sealbhaichidh* braighdean an t-sluaigh so chloinne Israeil, fearann nan Canaanach, cadhon gu Sarephat; agus scalbhaichidh braighdean Ierusalem, a th'ann an Sepharad, bailtean na h-àirde dcas.

21 Agus thig fir-shaoraidh nìos air sliabh Shioin, a thoirt breith air sliabh Esau; agus bithidh an rioghachd leis an Tighearn.

# IONAH.

## CAIB. I.

1 *Dh'ordurich Dia do Ionah dol gu Nìneveh, 3 ach theich e gu Tarsis. 4 Bhac Dia e air an t-slighe le doinn ro mhòir, 11 Thilgeadh dhù'n fhairege e leis na maraichean, 17 agus shluig iasg mòr suas e.*

**A** NIS thàinig focail an Tighearna gu Ionah mac Amitai, ag ràdh,  
2 Eirich, innich gu Nìneveh, am baile mòr sin, agus tog do ghuth 'n a aghaidh; oir tha an aingidheachd air teachd a nìos a'm' làthair-sa.

3 Ach dh'éirich Ionah suas gu teichcadh do Tharsis o fhianais an Tighearn; agus chaidh e sìos gu Iopa; agus fluair e long a' dol gu Tarsis, agus phàigh e 'n t-airgid-aisig, agus chaidh e sìos inute, gu dol leo gu Tarsis, o làthair an Tighearna.

4 Ach chuir an Tighearn a mach gaoth mhòr air an fhairege, agus bha onfha ro mhòr air an fhairege; ionnus gu'n do shaoil iad gu'm biodh an long air a briseadh.

5 An sin bha eagal air na maraichean, agus ghlaodh iad gach duine r'a dhia; agus thilg iad a mach am bathar a bha 's an luing do'n fhairege, chum a h-eutromachadh: ach chaidh Ionah sìos gu taobhan na luinge, agus huidh e, agus bha e 'n a shuain chodail.

6 An sin thàinig maighstir na luinge d'a ionnsuidh, agus thubhairt e ris, Ciod a's ciall duit, O thusa a tha a'd chodal? éirich, gairm air do Dhia; theagamh gu'n smuaiu-ich Dia oirn, a chum nach bàsaich sinn.

7 Agus thubhairt iad, gach ann r'a chompanach, Thigibh, agus tilgeamaid croinn, a chum gu'n aithnicheamaid cò air son a tha an t-ole so air teachd oirn. Mar sin thilg iad croinn, agus thuit au crannchur air Iouah.

8 An sin thubhairt iad ris, Innis duinn, guidheamaid ort, ciod a b' aobhar do'n ole so teachd oirn; ciod a's dreuchd dhuit? agus cia as a thàinig thu? ciod a's dèthaich dhuit? agus cò na daoine de 'm bheil thu?

9 Agus thubhairt e riu, Is Eabhruidheach mi, agus tha eagal an Tighearna Dia nèimh orm, an Ti a riun an cuan agus au *talamh* tioram.

10 An sin bha na daoine fo anbharr eagal, agus thubhairt iad ris, C'ar son a rinn thu so? (oir thuig na daoine gu'n do theich e o làthair an Tighearn; oir dh'innis e dhoibh.)

11 An sin thubhairt iad ris, Ciod a ni sinn riut, a chum gu'm bi an fhairege ciùin dhuinn? (oir bha onfha na fairege a' fàs ui bu mhò agus ni bu mhò.)

12 Agus thubhairt e riu, Togaibh suas mi, agus tilgibh a mach mi anns an fhairege;

mar sin bithidh an fhairege ciùin dhuibh-sa: oir tha fios agam gun ann air mo shon-sa tha'n doinnionn mhòr so oirbh.

13 Gidheadh dh'iomair na daoine gu cruaidh, a chum pilleadh gu tìr, ach bha b'urraim iad; oir dh'fhàs onfha na fairege ni bu mhò agus ni bu mhò 'n an aghaidh.

14 Air an aobhar sin, ghlaodh iad ris an Tighearn, agus thubhairt iad, Guidheamaid ort, O Tighearna, na leig dhuinne bàsachadh air son anama an duine so, agus na leig oirn fuil neò-chiontach: oir rinn thusa, O Thighearna, mar a b'àill leat féin.

15 An sin ghlaic iad Ionah, agus thilg iad a mach e anns an fhairege; agus sguir an fhairege d'a boile.

16 An sin bha eagal an Tighearna gu ro mhòr air na daoibh, agus dh'ìobair iad ìobairt do'n Tighearn, agus thug iad bòid-ean.

17 A nis dh'ulluich an Tighearn iasg mòr chum Ionah a shlugadh suas; agus bha Ionah ann am broinn au éisg tri làithean agus tri oidhchean.

## CAIB. II.

1 *Urnuigh agus breth-buidheachais Ionah. 10 Thilg an t-iasg Ionah a mach air talamh tioram.*

**A** N sin rinn Ionah urnuigh ris an Tighearn a Dhia, á broim an éisg,

2 Agus thubhairt e: Ghlaodh mi a thaobh u' àmhghair ris an Tighearn, agus dh'éisd e rium; á broim na h-uaigne ghlaodh mi; chuala tusa mo ghuth.

3 Oir thilg thu mi 's an doimhne, ann am meadhan na fairege; agus dh'iadh na tuittean mu 'm thimchioll; chaidh do shunammean agus do thonnan-sa uile thairis orm.

4 An sin thubhairt mi, Tha mi air mo thilgeadh a mach á fradharc do shùl; gidheadh seallaidh mi a ris ri do theampull naomh.

5 Dh'iadh na h-uisgeachan mu 'm thimchioll, cadhon gu ruig an t-anam: chomhdaich an doimhne mi mu'n cuairt; bha mo cheann air a ribeadh anns an fheamainn.

6 Chaidh mi sìos gu h-ìochdar nan sléibhteann; dhruid an talamh a croinn gu bràth orm: gidheadh thug thusa a nìos as an t-sloehd mo bheatha, O Thighearna mo Dhia.

7 'N uair a dh'fhannaich m'auam an taobh a stigh dhìom, chumhnic mi air an Tighearn; agus thàinig m' urnuigh a d'ionnsuidh, gu d' theampull naomh.

8 Iadsan a tha 'leantuinn air dìomhanasan breugach, tha iad a' tréigsinn an tròcair féin.

9 Ach ìobraidh mise dhuitse le guth



buidheachais; ìcaidh mi an nì sin a fhàic-  
ich mi; is ann do'n Tighearn a bhuineas  
slàinte.

10 Agus labhair an Tighearn ris an iasg,  
agus thilg e mach Ionah air an talamh  
thioram.

CAIB. III.

1 *Chuireadh Ionah a ris a dh'ionnsuidh Nine-  
bheh, agus labhair e ri anns na briathraibh a  
dh'aithn Dia dha.* 5 *Ghabh muinntir Nine-  
bheh aithreachas, 10 agus phill Dia o 'dhiàn-  
chorruich 'n an aghaidh.*

**A** GUS thàinig focal an Tighearna gu  
Ionah an dara nair, ag ràdh,

2 Eirich, imich gu Ninebheh, am baile mòr  
sin, agus labhair ris anns na briathraibh a  
dh'aitheanas mise dhuit.

3 Agus dh'éirich Ionah, agus chaidh e gu  
Ninebheh, a réir focail an Tighearna. (A  
nis bu bhaile ro mhòr Ninebheh, astar thri  
làithean.)

4 Agus thòisich Ionah air dol troimh an  
bhaile, astar aoin là; agus ghlaodh e, agus  
thubhairt e, Fathasd dà fhichead là, agus  
sgriosar Ninebheh.

5 Agus chreid muinntir Ninebheh Dia,  
agus dh'éigh iad trasg, agus chuir iad umpa  
eudach-saie, o'n aon a bu mhò dhiubh gus an  
aon a bu lugha.

6 Oir thàinig an sgeul gu rìgh Ninebheh;  
agus dh'éirich e o a rìgh-chaithir, agus  
chuir e f'halluinn uaith, agus chòmhdaich  
se e féin le eudach-saie, agus shuidh e ann  
an luathre.

7 Agus thug e fainear a ghlaodhach agus  
a chur 'an céill feadh Ninebheh, (le ordugh  
an rìgh agus 'uaislean,) ag ràdh; Na blais-  
cadh duine no beathach, buar no treud,  
aon nì; na h-ìonaltradh iad, agus na h-òladh  
iad uisge.

8 Ach bitheadh duine agus ainmhidh air  
an còmhdachadh le eudach-saie, agus  
glaodhadh iad gu treun ri Dia: seadh, pill-  
eadh iad gach aon o 'd'hròch shlighe, agus  
o'n fhòirneart a tha 'n an àmhan.

9 Cò aig am bheil fios nach pill Dia, agus  
nach gabh e aithreachas, agus nach pill e o  
'dhiàn-chorruich; air chor as nach bàsaich  
sinn?

10 Agus chnnaic Dia an oibre, gu'n do  
phill iad o'n droch shlighe; agus ghabh Dia  
aithreachas mu'n olc a thubhairt e gu'n  
deanadh e orra, agus cha d'rinn se e.

CAIB. IV.

1 *Pha fearq rahòr air Ionah do bhrìgh gu'n do  
nochd Dia tròcair do Ninebheh.* 4 *Chron-  
aicheadh e le samhladh luibh-sgàile.*

**A** GUS mhi-thaitim sin ri Ionah gu ro  
mhòr, agus bha fearq mhòr air.

2 Agus ghuidh e ris an Tighearn, agus  
thubhairt e, Guidheam ort, O Thighearna,  
nach dubhairt mise so, 'n uair a bha mi  
fathasd ann am dhùthaich féin? Uime sin  
theich mi roimhe so gu Tarsis: oir bha fios  
agam gur Dia gràmhor thusa, agus tròcair-  
each, mall a chum feirge, agus pailt ann an  
iochd, agus gu'n gabh thu aithreachas mu olc.

3 Uime sin a nis, O Thighearna, buin,  
guidheam ort, m'anam uam; oir is fearr  
dhomh bhì marbh na beò.

4 An sin thubhairt an Tighearn, Am maith  
a thig dhuit fearg a bhì ort?

5 A nis bha Ionah air dol a mach as a'  
bhaile, agus shuidh e air an taobh an ear  
de'n bhaile, agus an sin rinn e dha féin  
bothan, agus shuidh e foidhe 's an dubhar,  
gus am faiceadh e ciod a thachradh do'n  
bhaile.

6 Agus dh'ulluich an Tighearn Dia luibh-  
sgàile, agus dh'fhàs i suas os ceann Ionah,  
a chum gu'm bitheadh i mar sgàile thar a  
cheann, g'a shaoradh o 'dhoilghios. Agus  
bha Ionah ro ait air son na luibh-sgàile.

7 Ach dh'ulluich Dia enuimh an uair a  
dh'éirich a' mhaduinn air an ath là, agus  
bhuail i an luibh-sgàile, agus shearg i.

8 Agus tharladh 'n uair a dh'éirich a  
ghrian, gu'n do dheasaich Dia gaoth theath  
o'n ear; agus bhuail a' ghrian air ceann  
Ionah, ionnus gu'n d' fhanuich e, agus  
ghuidh e ann féin bàs fhaotainn, agus thubh-  
airt e, Is fearr dhomh bhì marbh na beò.

9 Agus thubhairt Dia ri Ionah, An ceart  
dhuit do chorruich a bhì air lasadh air son  
na luibh-sgàile? Agus thubhairt esan, Is  
ceart domh a bhì ann an corruich gu bàs.

10 An sin thubhairt an Tighearn, chaomh-  
aineadh tusa an luibh-sgàile, air son nach  
do shaothraich thu, nì mò 'thug thu oirre  
fàs, a dh'fhàs suas ann an oidhehe, agus a  
chaidh seachad ann an oidhehe.

11 Agus nach caomhanainn-sa Ninebheh,  
am baile mòr sin, anns am bheil tuileadh  
agus se fichead mìle pearsa, do nach aithne  
an àmh dheas seach an àmh chli; agus  
mòran spréidhe?

# M I C A H.

## CAIB. I.

1 *Ant-àm's an d'rim Micah fàidheadaireachd.*  
 2 *Nochd e jeary Dhé an aghaidh Israeil agus*  
*Iudah air son an òdhol-uoraidh.* 10 *Caoidh*  
*an fhàidh.*

**F**OCAL an Tighearn', a thàinig gu Micah  
 am Morastach, ann an làithibh Iotaim,  
 Ahais, agus Hesechiah, rìghrean Iudah; a  
 chunnaic e a thaobh Shamaria agus Ieru-  
 saleim.

2 Eisdibh, O shlàigh, an t-ìomlan dibh:  
 thoir faineas, O thalamh, agus na h-uile a  
 tha ann; agus biodh an Tighearn Iehobhah  
 'n a fhianais 'n ur n-aghaidh, an Tighearn á  
 'theampull naomh.

3 Oir fench, thig an Tighearn a mach as  
 'àite; agus thig e nuas, agus saltraidh e air  
 ionadaibh àrda na talmhainn.

4 Agus leaghar na sléibhteann foidhe, agus  
 sgoiltear na glinn: mar chéir fa chomhair  
 an teine, mar uisgeachan a dhòirtear thar  
 bruaich chorrach.

5 Air son cusantais Iacoib tha so uile,  
 agus air son lochdan tighe Israeil. Ciod e  
 ensantais Iacoib? Nach e Samaria? agus  
 ciod iad ionadan àrda Iudah? nach iad *sin*  
*a tha 'an Iersalem?*

6 Uime sin ni mise Samaria 'n a carn 's a'  
 mhachair, 'n a h-àit air son snidheachaidh  
 fhion-lios; agus taomaidh mi sìos a clachan  
 do'n ghleann, agus leigidh mi ris a bunait-  
 ean.

7 Agus briseas a dealbhan snaighte gu  
 léir 'n am bloighdibh, agus loisgear a tuar-  
 asdal gu léir le teine, agus an t-ìomlan d'a  
 h-ìodholaibh leigidh mise sìos 'n an làraich:  
 oir de tharasdal strìopaich chruinnich i a  
*h-ionmhais;* agus do tharasdal strìopaich  
 pillidh iad.

8 Air an aobhar sin ni mise caoidh agus  
 àrd-ghul; sìnbhlaidh mi rùisgte agus lom-  
 nochd: ni mi caoidh mar na dragoin, agus  
 cumha mar nigheanan na caillich-oidheche.

9 Oir tha a creuchd do-leigheas, oir thàinig  
 i gu Iudah; thàinig i gu geata mo shluaigh-  
 sa, gu Iersalem.

10 Na cuiribh 'an céill e ann an Gat; na  
 guilbhir air aon chor; ann an tigh Aphrah  
 dean thu féin aornagain 's an luathre.

11 Imich air falbh, a bhean-àiteachaidh  
 Shaphir, le d' nàire air a leigeadh ris: cha  
 deachaidh luchd-àiteachaidh Shanain a  
 mach gu tuireadh: O Bheteseil, gheibh e  
 uaibhse 'àite-seasaimh.

12 Gu dearbh tha bean-àiteachaidh  
 Mharoit a' feitheamh air son maith; gu  
 dearbh thàinig olc a nuas o'n Tighearn gu  
 geata Iersusalem.

13 Ceangail an carbad ris an each luath,

O thusa 'tha 'g àiteachadh Lacheis. B' ise  
 'bu toiseach pacaich do nighean Shioin;  
 oir annas-a shluaireadh eusantais Israeil.

14 Uime sin bheir thu tìodhlacan do Mhor-  
 eset-Gat: bithidh tighean Achsib 'n am  
 mealladh do rìghribh Israeil.

15 Agus bheir mise oighre a d' ionnsuidh-  
 sa, O bhean-àiteachaidh Mhahesah; thig e  
 gu Adulam, glòir Israeil.

16 Dean thu féin maol, agus dean do  
 bhearradh air son do chloinne àillidh;  
 sgaoil, mar an iolair, do mhaoile; oir  
 dh'fhalbh iad uait 'am braighdeanas.

## CAIB. II.

1 *Breitheanas an Tighearn' an aghaidh luchd-*  
*fòirneirt.* 4 *Tuirradh air son atharrachaidh*  
*an t-sluaigh.* 7 *Thugadh achmhasan doibh*  
*air son an aingidheachd.*

**I**S truagh dhoibhsan a tha 'dealbh aing-  
 idheachd, agus a' cur 'an gnìomh uile  
 air an leapaichibh; an uair a shoillsicheas  
 a' mhadninn tha iad 'g a dheanamh, a chionn  
 gu bheil e 'n comas an làimhe.

2 Agus tha iad a'sanntachadh mhachraich-  
 ean, agus 'g an glacadh le fòirneart, agus  
 thighean, agus tha iad 'g an toirt air falbh:  
 mar sin tha iad a' sàruchadh daine agus a  
 thighe; duine mhòir agus 'oighreachd.

3 Air an aobhar sin, mar so tha an Tigh-  
 carn ag ràdh; Fench, an aghaidh an Teagh-  
 laich so tha mise a' dealbh uile, o nach  
 buin sibh air falbh bhur muineil, ni mò  
 dh'imicheas sibh gu h-uailbheach: oir is  
 aimsir olc so.

4 Anns an là sin togar cosamhlachd 'n 'ur  
 n-aghaidh, agus nithear tnireadh le cumha  
 brònach, ag ràdh; Tha sinn gu tur air ar  
 creachadh; dh'atharraich e cuibhrinn mo  
 shluaigh: cionnus a dh'atharraich e uam e?  
 roinn e ar machraichean, a shaoil sinn a  
 bhitheadh air an aiseag dhuinn féin.

5 Gu dearbh cha bhi aon neach agad a  
 shìneas a mac sreang le crannchur ann an  
 coimhlhional an Tighearna.

6 Na deanaibh-sa faistneachd, O sibhse  
 'tha ri faistneachd: cha dean iad faist-  
 neachd dhoibh; cha toir esan air falbh am  
 masladh.

7 Am bheil tigh Iacoib ag ràdh, Am bheil  
 Spiorad an Tighearn' air a chnmhannach-  
 adh? an iad so a ghnìomharan? nach 'eil me  
 bhriathran-sa a' deanamh maith do'n neach  
 a ghluaiscas gu h-ionraic?

8 Ach o chian fada dh'éirich mo shluagl  
 snas mar nàmhaid: tha sibh a' spionadh na  
 fallinn, maille ris an trusgan, o'n mhuinntir  
 a tha 'g imeachd seachad gu tèaruinte, mar  
 dhaoine gun spéis de chogadh.



9 Mnathan mo phobuill thig sibh a mach o'n tighibh taitneach; o'n cloinn thug sibh air falbh mo ghloir gu bràth.

10 Eiribh, agus imichibh, oir cha-n i so bhuir còmhuidh: a chionn gu bheil e air a shalachadh, sgriosar e; agus bithidh an sgrios mòr.

11 Ma ni duine sam bith, ag imeachd ann an spiorad brèige agus ceilg, faistneachd dhuir air son fionag agus air son dibhe làidir, bithidh cadhonn esan 'n a fhàidh do'n t-sluagh so.

12 Cruinnichidh mi gu cinnteach, O Iacoib, an t-iomlan diotsa: cruinnichidh mi gu cinnteach iarmad Israeil; cuiridh mi iad ri chèile mar chaoraich Bhosrah, mar threud ann am meadhon an crò: ni iad farum mòr le lionmhoireachd dhaoine.

13 Thàinig am fear-brisidh a nìos rompa: bhris iad an geata, agus chaidh iad troimhe; agus chaidh iad a mach d'a thrìd; agus siùhlaidh an rìgh air an toiseach, eadhon an Tighearn air an ceann.

### CAIB. III.

1 Chronaicheadh na prionnsachan air son an fòirneirt, 5 agus na fàidhean air son an cealg-aircachd. 11 Aingidheachd nan ceannardan, nan sagart, agus nam fàidhean.

**A**GUS thubhairt mi, Eisdibh, guidheam oirbh, O cheannarda Iacoib, agus a phrionnsacha tighe Israeil; nach buin duibhse fios a bhì agaibh ciod a tha ceart?

2 Sibhse 'tha 'fuathachadh a' mhaith, agus a' gràdhachadh an uile; a tha 'spionadh dhiubh an croicinn, agus am feòla bhàrr an cnàmh:

3 A tha fòs ag itheadh feòla mo shluagh-sa, agus a' fionnadh dhiubh an croicinn, agus a' briseadh an cnàmh, agus 'g an gearradh 'n am bloighdibh, mar fheoil air son na poite, agus mar bhiadh ann am meadhon a' choire.

4 An sin glaothaidh iad ris an Tighearn, ach cha chluinn e iad: folaichidh e fòs a ghnùis uatha 's an àm sin, mar a ghiùlain siad iad fèin gu h-olc 'n an gnìomharaibh.

5 Mar so tha an Tighearn ag ràdh mu thimechioll nam fàidhean a tha 'toirt air mo shluagh-sa dol air seacharan, a tha 'teumadh le 'm fiacailibh, agus a' glaothach, Sith: ach air son an ti nach cuir 'n am beul, tha iad ag ullachadh cogaidh 'n a' aghaidh.

6 Air an aobhar sin thig oidheche oirbh, air chor as nach faic sibh sealladh; agus thig dorchadas oirbh, air chor as nach dean sibh faistneachd; agus théid a' ghrian sìos air na fàidhean, agus bithidh an là os an ceann dorchas.

7 An sin bithidh nàire air na fiosaichean, agus amhluchd air na fàidhean; seadh, còmhadaichidh iad uile ann beul, oir cha-n'èil freagradh air bith o Dhia.

8 Ach gu deimhin tha mise làn de chumhachd, de spiorad an Tighearn', agus de

bhreitheanas, agus de neart; a leigeadh ris 'eusaontais do Iacob, agus a pheacaidh do Israel.

9 Chuinnibh so, guidheam oirbh, a cheannarda tighe Iacoib, agus a luchd-stiùraidh tighe Israeil; sibhse aig am bheil fuath do bhreitheanas, agus a tha 'fiaradh gach uile cbeartais:

10 A tha a' togail Shìoin suas le fuil, agus Ierusalem le dò-bheart.

11 Tha an ceannardan a' toirt breth air son duaise, agus an sagartan a' teagasg air son tuarsadail, agus am fàidhean a' faistneachd air son airgid; gidheadh leigidh iad an taic air an Tighearn, ag ràdh, Nach 'eil an Tighearn 'n ar meadhon? cha tig aon olc oirnn.

12 Uime sin, air bhuir son-sa bithidh Sion air a treabhadh mar nìachair, agus bithidh Ierusalem 'n a carnaibh; agus sliabh an tighe mar ionadaibh àrda na frithe.

### CAIB. IV.

1 Daingneachadh rioghachd Chriosd; 3 bithidh a rioghachd sìochail. 6 Buaidh na h-Eaglais.

**A**CH tarlaidh anns na làithibh deireannach gu'm bi sliabh tighe an Tighearn' air a dhaingneachadh airmullach nan sliabh, agus àrdachear e os ceann nam bean; agus sruthaidh na slòigh d'a ionnsuidh.

2 Agus théid mòran chinneach, agus their iad, Thigibh, agus rachamaid suas gu sliabh an Tighearna, agus gu tigh Dhé Iacoib; agus teagaisgidh e dhuinn m'a shligheibh, agus gluaisidh sinne 'n a cheumaibh: oir á Sion théid an lagh a mach, agus focal an Tighearn' á Ierusalem.

3 Agus bheir e breth am measg mhòran shluagh, agus bheir e achumhasan do chinneach làidir fad as; agus buailidh iad an claidhean gu coltair, agus an sleaghan gu corranaihbh-sgathaidh: cha tog cinneach claidheamh an aghaidh cinnich, agus cha-n fhòghluim iad cogadh ni's mò.

4 Ach suidhidh iad, gach duine fo 'fhionain, agus fo 'chrann-fige féin, agus cha chuir aon neach eagal orra: oir beul Iehobhah Dhia nan sluagh labhair e.

5 Oir gluaisidh na h-uile shluagh, gach aon ann an ainm a dhé féin; ach gluaisidh sinne ann an ainm Iehobhah ar Dé-ne, gu saoghal nan saoghal.

6 Anns an là sin, tha an Tighearn ag ràdh, cruinnichidh mi ise 'tha bacach, agus tionaidh mi ise 'tha air a fògradh a mach, agus ise a chuir mi fo àmhghar.

7 Agus ni mi ise 'bha bacach 'n a h-iarmaid, agus ise 'bha air a tilgeadh air falbh, 'n a cinneach làidir; agus riaghlaidh an Tighearn os an ceann ann an sliabh Shìoin, o so a mach, eadhon gu sìorruidh.

8 Agus thusa, O thùir an treud, a dhaingnich làidir nighinn Shìoin, thig d' àm-sa; agus pillidh an t-sean uachdaranachd, an rioghachd, gu nighinn Ierusalem.

9 A nis c'ar son a tha thu 'glaodhaich gu h-àrd? am bheil rìgh air bith annad? an do bhàsaich d'fhear-comhairle? oir ghlac ioghannan thu, mar mhnaoi ri saothair.

10 Bi ann an saothair, agus beir, O nigh-ean Shìoin, mar mhnaoi ri saothair: oir a nis thèid thu mach as a' chaithir, agus gabhaidh tu còmhnuidh anns a' mhachair, agus thèid thu *eadhon* gu Babilou; an sin saorar thu; an sin fuasglaidh an Tighearn thu à làimh do naimhdean.

11 A nis fòs tha mòran chinneach air cruinneachadh a'd' aghaidh, a tha 'g ràdh, Bitheadh i air a truailleadh, agus faiceadh ar shùil ar *miann* air Sion.

12 Ach cha-n aithne dhoibh so smuaintean an Tighearna, ni mò thuigeas iad a chomhairle: oir ni e an cruinneachadh mar na sguaban a chum an urlair.

13 Eirich agus buail an t-arbhar, O nigh-ean Shìoin; oir ni mise d' adharc 'n a h-iarann, agus d'ionnannan 'n an umbha; agus buailidh tu 'n am bloighdibh mòran chinneach; agus coisrigidh tu an ionnhas do'n Tighearn; agus am maoin do Thriath na talmhainn uile.

#### CAIB. V.

1 *Fàidheadhairs eadh nu thimchioll Chrìosd: air a rìoghachd ghlòrmhor: 8 Bheir e buaidh air a naimhdeibh.*

**A** NIS cruinnich thu féin ann am buidh-nibh, O nigh-ean bhuidhnean; chuairtich iad le feachd sinn; bhual iad le slait air a' ghial breitheamh Israeil.

2 Agus thusa, a Bhetlehem-Ephratah, *ged* tha thu beag am measg mhiltean Iudah; *gidheadh* asad thig a mach a m' ionnsuidh-sa neach a bhitheas 'n a uachdaran air Israel; aig an robh a dhol a mach o shean, o làithibh na sìorruidheadh.

3 Air an aobhar sin bheir e chairis iad, gus an t-àm anns an toir ise, a tha gu lean-abh a bhreth, dhachaidh clann; agus gus an iompaichear fuigheall am bràithrean, maille ri macaibh Israeil.

4 Agus seasaidh e, agus ionaltraidh e a *threud* ann an neart an Tighearna; ann am mòrachd ainme an Tighearn a Dhia; agus bithidh iadsan air an iompachadh: oir a nis bithidh esan mòr gu ruig crìochan na talmhainn.

5 Agus bithidh esan 'n a shìth. 'N uair a thig an t-Asirianach d'ar tìr, agus a shaltras e 'n ar lùchairtibh, an sin togaidh sinn 'n a aghaidh seachd buachaillean, agus ochd cinn-fheadhna shuaigh.

6 Agus cuiridh iad fearann Asiria fàs leis a' chlàidheamh, eadhon fearann Nimroid 'n a dhol a steach: mar so saoraidh iad sinn o'n Asirianach 'n uair a thig e chum ar fearainn, agus 'n uair a shaltras e an taobh a stigh d'ar crìochan.

7 Agus bithidh fuigheall Iacoib am measg mhòran shluagh, mar an drùchd o'n Tigh-

earn, mar na frasan air an fheur nach feith ri duine, agus nach fan ri macaibh dhaoine.

8 Agus bithidh fuigheall Iacoib am measg nan cinneach, 'am meadhon mhòran shluagh, mar leòmhán am measg bheathaichean na frithe, mar chuilcan leòmhain 'am measg nan treud chaorach: e sin, ma thèid e roimhe, araon saltraidh sìos, agus reubaidh, agus cha tèaruim acn neach.

9 Togar do làmh suas os ceann do naimhdean, agus bithidh d' casairdean gu léir air an gearradh as.

10 Agus tarlaidh anns an là sin, tha an Tighearn ag ràdh, gu'n gearr mise do chuid each a mach as do mheadhon, agus sgriosaidh mi do charbaid.

11 Agus gearraidh mi as bailtean d'fhearainn, agus tilgidh mi sìos d' uile dhaingnich-ean.

12 Agus gearraidh mi na druidhean a mach as do mheadhon; agus cha bhi fiosaichean air bith agad.

13 Do dhealbhan snaighte mar an ceudna gearraidh mi as, agus do dhealbhan seas-mhach a mach as do mheadhon; agus cha toir thu nìs mò aoradh do obair do làmh.

14 Agus spionaidh mi nìos do dhoircean as do mheadhon: sgriosaidh mi fòs do naimhdean:

15 Agus nì mi dìoghaltas, ann am feirg agus ann an corruich, air na cinnich, ionnus nach cual iad a *leithid*.

#### CAIB. VI.

1 *Bha comhstri aig an Tighearn r'a shluagh air son an mi-thaingeachd. 13 Thug e achmhasan dhoibh air son an aingidheadh, 16 agus air son an òdhol-aoraidh.*

**E**ISIDIBHSE nis cìod a tha an Tighearn ag ràdh; Eirich, tagair fa chomhair nam beann, agus chuinnleadh na cnuic do ghuth.

2 Eisidibh-sa, O shléibhte, còmhstri an Tighearna; agus sibhse, a bhumaite làidir na talmhainn: oir tha còmhstri aig an Tighearn r'a shluagh, agus tagraidh e ri Israel.

3 O mo shluagh, cìod a rinn mise ort? agus cìod anns an do sgithich mi thu? tog fianais a'm' aghaidh.

4 Oir thu mi nìos thu à tìr na h-Eiphit, agus á tigh nan tràillean shaor mi thu; agus chuir mi romhad Maois, Aaron, agus Miriam.

5 O mo shluagh, cuimhnich a nis cìod a' chomhairle a ghabh Balac rìgh Mhoib; agus cìod am freagradh a thug Balaam mac Bheoir dha, o Shitim gu Gilgal; a chum gu'n aithnich sibh fircantachd an Tighearna.

6 Cìod leis an tig mi ann am fianuis an Tighearna; leis an strìochd mi mi féin an làthair an Dia a's àirde? an tig mi 'n a fhianuis le òbairtibh-loisgte; le laòigh a bhitheas bliadhna dl'aois?



7 Am bi an Tighearn toilichte le mìltibh de reitheadhaibh, le deich mìltibh de shruthaibh olaidh? an toir mi mo cheud-ghin *air son* mo chionta; toradh mo chuirp *air son* cionta m'anana?

8 Dh'fheuch e dhuìt, O dhuine, ciod a tha maith; agus ciod a tha an Tighearn ag iarraidh ort, ach eartas a dheanamh, trècair a ghràdhachadh, agus gluasad gu h-iriosal maille ri d' Dhia.

9 Tha guth an Tighearna 'glaothach ris a' bhaile, agus bheir an duine glic fainear d'ainm: éisdibh-sa an t-slat, agus an Ti a dh'orduich i.

10 Am bheil fathasd ionmhasan na h-aingidheachd ann an tigh an droch dhuine; agus an tomhas gann a tha gràineil?

11 Am meas mise glan i leis na meiglibh eucorach, agus le màla nan cothrom cealgach?

12 Aig am bheil a daoine beartach làn aimeirt: agus labhair a luchd-àiteachaidh breugan; agus tha an teangadh cealgach 'n am beul.

13 Uime sin tionsgnaidh mise air do bhualadh, air do dheanamh fàs air son do lochdan.

14 Ithidh tu, ach cha sàsuichear thu; agus bithidh do leagadh ann ad mheadhon; agus gabhadh tu greim, ach cha ghléidh thu; agus an ni sin a ghléidheas tu, bheir mise do'n chlàidheamh.

15 Cuiridh tu, ach cha bhain thu: bruthaidh tu *meas* a' chroimn-olaidh, ach cha-n ung thu thu féin le h-olaidh; agus dearkan an fhionn-uaidh, ach cha-n òl thu fionn.

16 Oir choimhidh thu reachdan Omri, agus uile oibre tighe Ahaib; agus tha sibh ag imeachd 'n an comhairlibh; a chum gu'n deanainn-sa 'n a h-ionad fàs i, agus a luchd-àiteachaidh 'n an aigeil; agus gu'n giùlain sibhise masladh mo shluaigh-sa.

#### CAIB. VII.

1 *Chuir an Eaglais a muinghin ann an Dia.*

8 *Rinn i gairdeachas 'n a dòchas ri saorsa.*

11 *Thug Dia misneach dhi le bhi 'gealltuinn gu'n smachdaicheadh e a naimhdean.* 18 *Tròcairean Dhé do thaobh a shluaigh.*

**M**O thruaighe mise! oir dh'fhàs mi mar luchd-tionail a' mheas shamhraidh; mar luchd-dioghlaim an fhionn-flogharaidh: eha-n'eil aon bhagaide r'a h-itheadh: tha m'anam ag iarraidh a' ehead thoraidh.

2 Bhàsaich an t-ionracan as an fhearann, agus cha-n'eil neach treibhdhreach am measg dhaoine: tha iad uile a' gabhail fath air son fola: tha iad, gach aon, a' scalg a bhràthar le lion.

3 A chum gu'n dean iad ole le uile dhè-ehioll an làmh; tha am prionmsa agus am breitheamh ag iarraidh duaise: agus tha an duine mòr a' foillsachadh a dhroch thograidh: mar sin tha iad 'g a phasgadh suas.

4 Tha an ti a's fearr dhiubh mar dlris; tha an ti a's ionraice 'n am measg mar phlris dhroighiun: *is e so* là do luchd-faire; tha do smachdachadh air teachd; a nis bithidh iad ann an imcheist.

5 Na h-earbaibh á caraid; na cuiribh muinighin ann am fear-iùil: o'n té a luidheas ann ad uelch gléidh dorsan do bheoil.

6 Oir tha am mac a' toirt eas-onoir do'n athair; tha an nighean ag éirigh suas an aghaidh a màthar, bean a' m'hiic an aghaidh a màthar-chéile: is iad naimhdean duine muinntir a thighe féin.

7 Ach seallaidh mise ris an Tighearn: bithidh modhòchas ann an Dia mo shlàinte: éisdidh mo Dhia rium.

8 Na dean gairdeachas a'm' aghaidh, O mo nàmhaid; ged thuit mi, éiridh mi; ged shuidh mi ann an dorchadas, bithidh an Tighearn 'n a sholus dhomh.

9 Giùlainidh mi corruich an Tighearn', a chionn gu'n do pheacaich mi 'n a aghaidh; gus an tagair e mo chùis, agus an toir e breth air mo shon: bheir e mach mi chum an t-soluis; chi mi 'fhàireantachd.

10 Agus chi mo nàmhaid sin, agus còmhdaichidh màire ise 'thubhairt rium, C' àit am bheil an Tighearn do Dhia? chi do shùilean *am miann* oirre; a nis saltrar sìos i mar chlàbar nan sràid.

11 Anns an là 's am bi do bhallachan air an togail, anns an là sin cuirear 'am fad uait an t-ordugh.

12 Anns an là sin fòs thig iad a d'ionnsuidh o Asiria, agus o na bailtibh daingnichte; agus o'n daingneach eadhon gusanamhainn; agus o fhairge gu fairge, agus o shliabh gu shliabh.

13 Gidheadh bithidh an talamh 'n a fhàsach, air son a luchd-àiteachaidh, air son toraidh an deanadais.

14 Beathaich do shluagh le d' luirg, treud d' oighreachd, a tha 'gabhail còmhnuidh gu h-uaigneach 's an fhrith; ann am meadhon Charmeil ionaltradh iad, ann am Bàsan agus 'an Gilead, mar anns na làithibh o shean.

15 Mar anns na làithibh 's an d' thàinig iad a mach á tìr na h-Eiphit, nochdaidh mise dhoibh nithean mìorbhuileach.

16 Chi na cinnich, agus bithidh iad fo amhladh air son an uile ehumhaich: cuiridh iad an làmh air am beul, bithidh an cluasan bodhar.

17 Imlichidh iad an duslach mar nathair; gluaisidh iad a mach as an tuill mar chnuimhean na talumhainn: bithidh eagal orra roimh an Tighearn ar Dia-ne, agus bithidh iad fo gheilt air do shon-sa.

18 Cò a's Dia ann cosmhuil riutsa, a mhaithneas aingidheachid, agus a ghabhas seachad air eusaoutas iarmaid 'oighreachd? cha ghléidh e a chorruih gu sìorruidh a chionn gur toigh leis trècair.

19 Pillidh e a ris, gabhaidh e truas dinn: cèmhdaichidh e ar n-eusaontais: seadh, tilgidh tu an uile lochdan ann an doimhneachdaibh na fairge.

20 Coimhlionaidh tu an fhìrinn do Iacob, agus an tràdcair do Abraham, a mhionnaich thu do ar n-aithrichibh o na làithibh o shean.

## N A H U M.

### CAIB. I.

*Mòrachd an Tighearna. 7 Bithidh e 'n a daingneach làidir dhoibh-san a chuireas an dòchas ann; 8 ach bheir e crìoch iomlan air a naimhidibh.*

A N fhàistneachd mu thimchioll Ninebheh. Leabhar seallaidh Nahuim an Elcosich.

2 Tha Dia eudmhor, agus ni an Tighearn dìoghaltas; ni an Tighearn dìoghaltas, agus tha e ann am feirg; ni an Tighearn dìoghaltas air 'eascairidibh; agus taisgidh e corruich air son a naimhdean.

3 Tha 'n Tighearn mall a chum feirge, agus mòr ann an cumhachd, agus cha saor an Tighearn air chor air bith an t-aingidh. Anns a' chuairt-dhaoith agus anns an doimhneach a shlighe, agus is iad na neoil luathre a chos.

4 Bheir e achnhasan do'n fhaire, agus ni e tioram i; agus tiormaichidh e suas na h-aimhnichean uile: shearg Bàsan agus Carmel; agus tha blàth Lebanoin air crìonadh.

5 Crìothnaichidh na sléibhtean roimhe-san, agus leaghaidh na cnuic: agus tha an talamh air a losgadh suas 'n a làthair; an saoghal, agus 'uile luchd-àiteachaidh.

6 Cò a's urrainn seasamh roimh 'fhearg-san? agus cò 'dh'fheudas fùireach ann an dian-theas a chorruih? tha a chorruih air a dòrtadh a mach mar theine, agus tha na creagan air an tilgeadh sìos leis.

7 Is maith an Tighearn, is daingneach làidir e ann an là na h-airce, agus is aithne dha iadsan a tha 'cur an dòchais ann.

8 Ach le tuil a' ruith thairis bheir e crìoch iomlan air an dream a d'fèireas 'n a aghaidh; agus ruaigidh dorchadas a naimhdean.

9 Ciod a tha sibh a' smuaineachadh an aghaidh an Tighearna? ni e crìoch iomlan; cha-n éirich àmhghar suas an dara uair.

10 Oir am feadh a tha iad air am filleadh 's a' chéile mar sgitheach; agus mar gu'm b' ann air mhìsg le 'm fion, caithear iad mar asbhuain làn thioram.

11 Asad-sa chaidh aon a mach a dhealbh olc an aghaidh an Tighearna; droch fhear-comhairle.

12 Mar so tha an Tighearn ag ràdh, Ged tha iad sàmhach, agus fòs lìonmhor, gidheadh gearrar as iad, agus sìubhlaidh iad air

falbh. Ge do rinn mi thusa chlaoidh, cha chlaoidh mi thu ni's mò.

13 Oir a nis brisidh mi a chuing-san dhiot, agus sgaoilidh mi as a chéile do chuibhrichean.

14 Agus thug an Tighearn àithne mu d' thimchioll, nach froisear a mach d' ainm ni's mò. A mach á tigh do dhiathan gearraidh mise an ìomhaigh shnaighte, agus an ìomhaigh leaghta; orduichidh mi d' uaigh, oir dh'fhàs thu gràineil.

15 Fench air na sléibhtibh cosan an ti a tha 'toirt deadh sgeoil leis, a tha 'craobh-sgaoileadh sìthe: O Iudah, gléidh d' àrd-fhéilean; coimhion do bhòidean: oir cha siubhail an t-aingidh ni's mò tromhad; tha e gu tur air a ghearradh as.

### CAIB. II.

1 Aisigidh Dia òirdheireas Iacob a ris; 8 agus bheir e armaillean mòra an aghaidh Ninebheh chum a fàsachadh gu tur.

THA esan a phronnas ann am bloighdibh air teachd a nìos fa d' chomhair; gléidh an daingneach, cuir faire air an t-slighe, dean do leasraidh làidir, neartaich gu treun do chumhachd.

2 Oir aisigidh an Tighearn a ris òirdheireas Iacob, mar òirdheireas Israeil: oir mhill an luchd-millidh iad, agus sgrios iad an cugan.

3 Rinneadh sgiath a dhaoine cumhachdach dearg, tha na gaisgich ann an sgarlaid: bithidh na carbadan mar leusaibh lasarach ann an là 'ulluchaidh; agus crathar gu h-uamhasach na sleaghan giubhais.

4 Bithidh na carbadan air bhoile anns na sràidibh, buailidh iad an aghaidh a chéile anns na h-ionadaibh farsuinn: bithidh an dreach mar leusaibh, ruithidh iad mar dhealanaich.

5 Ni e àireamh air a dhaoine treuna a ris: leagaidh iad a sìos 'n an imeachd: ni iad deifir a chum a bhalla, agus ulluichear an didein.

6 Fosgailear geatachan na h-aimhne, agus bithidh an luchairt air a sgaoileadh.

7 Agus bheir car Husab air falbh 'am bruid, bheir car suas i; agus a gruagaichean 'n a co-imeachd mar le guth choluman, a' bualadh air an uchd.

8 Ach tha sruthan Ninebheh mar linne uisge; agus tha iadsan a' teicheadh. Seas-



aibh, seasaibh; ach cha seall aon neach 'n a dhéigh.

9 Glacaibh-sa a' chreach airgid, glacaibh a' chreach òir; oir cha-n'eil crìoch air an ionmhas ghlòrmhor, leis gach uile sheòrsa de shoithichibh rìomhach.

10 Tha i falamh, agus faoin, agus fàs, agus tha an cridhe a' leaghadh, agus na gluinean a' bualadh air a chéile; agus tha mòran cràidh anns na h-uile leasraibh; agus tha an aghaidhean gu léir a' tionail dorchadais.

11 C'aitam bheil còmhnuidh nan leòmhán, agus àite-beathachaidh nan leòmhán òga? far an do ghluais an leòmhán, an seann leòmhán, agus cuilean an leòmhain, gun aon air bith a chur geilt orra.

12 Reub an leòmhán gu leòr air son a chuileanan, agus mharbh e air son a leòmhán-boirionn, agus lìon e a thuill le cobh-artach, agus 'uaimh le creich.

13 Feuch tha mise ann ad aghaidh, tha Tighearn nan sluagh ag ràdh, agus loisgidh mi do charbadan 's an teine; agus ithidh an claidheamh do leòmhain òga; agus gearraidh mise do chreach o'n talamh, agus cha chluinnear nì's mò guth do theachd-airean.

### CAIB. III.

1 *Fàisteachd mu thimchioll léir-sgrìos Ninebheh.*  
9 *Cha-n urrainn a luchd-cuideachaidh atèarn-adh.*

**I**S truagh do'n chaithir fluillich! tha i uile 'n a ceilg, làn de reubainn; cha-n'eil sgur air a' chreich.

2 Fuaim slait-sgiùrsaidh, agus torman farum nan rothan, agus nan each meamnach, agus nan carbad leumnach!

3 Togaidh an mareach suas araon an claidheamh loinnreach, agus an t-sleagh lìomhaidh; agus tha mòran de mhairbh ann, agus àireamh-mhòr de corpaibh: cha-n'eil crìoch air an closaichibh; tha iad a' tuis-leachadh air an corpaibh:

4 Air son lìomhoireachd strìopachais na strìopach maisich, ban-mhaighstir nan druidheachdan; a tha 'reic chinnreach le a strìopachas, agus theaghlachian le a druidheachdan.

5 Feuch, tha mise a'd' aghaidh, tha Tighearn nan sluagh ag ràdh, agus leigidh mi ris do sgiortan air d' aghaidh, agus foillsichidh mi do na cinnich do lomochoidh, agus do na rìoghachdaibh do mhasladh.

6 Agus tilgidh mi salchar gràineil ort, agus nì mi suarach thu, agus cuiridh mi thu mar bhall-amhaire.

7 Agus tarlaidh, iadsan uile a dh'ambh-

airceas ort, gu'n teich iad uait, agus their iad, Rinnadh Ninebheh 'n a fàsach, cò 'chaoidheas i? cia as a dh'iarras mi luchd-còmhluartachd air do shon?

8 Am fearr thusa na No sluaghmhor a bha air a suidheachadh am measg nan aimh-nichean; aig an robh na h-uisgeachan mu'n cuairt di, aig an robh an fhaireg mar dhàid-ein, agus a' mhuir mar bhalla.

9 B'e Etiopia agus an Eiphit a neart, agus bha sin anbharrach: b' iad Put agus Lubim a luchd-cuideachaidh.

10 Gidheadh thugadh air falbh i, dh'imich i ann am braighdeanas: bha a clann òg fòs air am pronnadh 'n am bloighdibh aig ceann nan uile shràidean: agus thilg iad croinn air son a daoine urramach, agus bha a daoine mòra gu léir air an ceangal ann an slabhruidhean.

11 Bithidh tusa fòs air mhisg; folaichidh tu thu féin; iarraidh tu dèidin o'n nàmhaid.

12 Bithidh d'uile dhaingnichean làidir *mar* chroinn-flùge leis na ceud fhligibh abuich: ma chrathar iad, tuitidh iad ann am beul an tì a dh'itheas iad.

13 Feuch, tha do dhaoine mar mhnathan ann ad mheadhon: sgaoilear gu farsuim do d' naimhidibh geatachan do thìre; caithidh an teine do chroinn-dhruididh.

14 Tarruing uisge dhuit féin air son an fheachd, neartaich do dhaingnichean làidir: rach a steach do'n chriadh, agus post an làthach; daingnich an àth-chriadha.

15 An sin nì an teine do chaitheamh; gearraidh an claidheamh as thu, ithidh e suas thu mar a' chnàmh-chnuimh: dean thu féin lìomhor mar a' chnàmh-chnuimh, dean thu féin lìomhor mar an locust:

16 Rinn thu do luchd-malairt lìomhor thar reultan nèimh: millidh a' chnàmh-chnuimh, agus sìubhlaidh i air falbh.

17 Tha iadsan a chrùuadh annad mar na locust, agus do chinn-fheadhna mar na fionnain-fheoir, a chòmhnucneas anns na barranaibh 's an là fhuar; ach 'n uair a dh'éireas a' ghrian teichidh iad air falbh, agus cha-n'eil fios cia an t-àit'am bheil iad.

18 Tha do bhuachailleann rì clò-chodal, O rìgh Asiria: tha d' uaislean 'n an tàmh; tha do shluagh air an sgapadh air na sléibhteann, agus cha-n'eil aon neach ann g' an cruinneachadh.

19 Cha-n'eil leigheas air do bhruthadh: tha do lot nimhneach: na h-uile a chluinneas ionradh ort, buaidh iad am basan os do cheann; oir cò air nach do shiubhail d' ole an còmhnuidh?

# H A B A C U C.

## CAIB. I.

1 *Rinn Habacuc gearan a bhrìgh fòirneirt agus aingidheachd a shluaigh.* 5 *Nochdadh dha dòghalach eagalach an Tighearna le làimh nan Caldéach.*

**A**N fhàistneachd a chunnaic Habacuc am fàidh.

2 Cia fhad, O Thighearn', a ghlaodhas mi, agus nach éisd thu? a ghlaodhas mi riut air son fòirneirt, agus nach saor thu?

3 Car son a tha thu 'nochdadh dhomh aingidheachd, agus a' toirt orm sealltuinn air doilghios? oir tha creach agus fòirneart fa m' chomhair; agus luchd-dùsgaidh strì agus ainnheirete.

4 Air an aobhar sin tha an reachd air fàilneachadh, agus cha-n'eil breitheanas uair air bith a' dol a mach: oir tha an ciontach ag iadbadh mu thimchioll an fhèin: uime sin tha breitheanas eucorach a' dol air aghaidh.

5 Faicibh am measg nan cinneach, agus amhaircibh, agus gabhailh iongantas gu mòr: oir ni mise obair 'n ur làithibh, nach creid sibh ged innsear i duibh.

6 Oir feuch, dùisgidh mi suas na Caldéich, an cinneach searbh agus éasgaidh sin, a dh'innicheas troimh leud an fhearainn, a ghabhail seilbh air na h-àiteachaibh-còmh-nuidh nach leo féin.

7 Tha iad uamhasach agus eagalach: thig am breitheanas agus an òirdheirceas a mach uatha féin.

8 Tha 'n eich fòs nìs' luaithe na liopaird, agus tha iad nìs' buirbe na madaidh-alluidh an annoich: agus sgaoidh am marcaichean iad féin, agus thig am marc-shluagh o ioma-chéin: itealaichidh iad mar an iolair a dheifrìcheas gu itheadh.

9 Thig iad uile air son ainneirt: sgriosaidh iad rompa mar a' ghaoth an ear; agus cruinnichidh iad braighdean mar a' ghain-camh.

10 Agus ni iad sgeig air rìghribh, agus bithidh prionnsachan 'n an cuis-mhagaidh dhoibh: ni iad fanoid air gach daingneach làidir; agus cruachaidh iad suas talamh, agus glacadh iad e.

11 An sin caochlaidh an inntinn, agus sìubhlaidh iad air falbh, agus measar iad ciontach. Tha an neart so aca o an dia.

12 Nach 'eil thusa o shìorruidheachd, O Thighearna, mo Dhia-sa, m' Aon naomh? cha bhàsaich sinn. O Thighearna, dh'orduich thu iadsan air son breitheanais; agus O Dhé chumhachdaich, dhaingnich thu iad air son smachdachaiddh.

13 Tha do shùilean nìs' gloine na gu'n seall thu air olc, agus cha-n' fheud thu amharc air aingidheachd: c' uim' am bheil thu 'g

amharc air luchd-ceannaire, agus a' fantuinn a'd' thosd an uair tha 'n t-aingidh a' slugadh suas an duine a's ionraice na e féin?

14 Agus c'uim' am bheil thu 'deanamh dhaoine mar iasg na fairge, mar na nithibh snàgach aig nach 'eil aon fhear-riaghlaidh os an ceann?

15 Tha iad 'g an togail suas uile leis an dubhan; tha iad 'g an glacadh 'n an lion, agus 'g an cruinneachadh 'n an eangaich; uime sin tha iad aoibhneach agus ait.

16 Air an aobhar sin tha iad ag ìobradh d'an lion, agus a' losgadh tùise d' an eangaich: a chionn leo sin gu bheil an cuibh-rionn reamhar, agus an lòn pailt.

17 An dean iad air an aobhar sin an lion falamh, agus nach caomhain iad a bhi sìormharbhadh nan cinneach?

## CAIB. II.

1 *Dh'orduicheadh do Habacuc an fhàistneachd a sgrìobhadh.* 6 *Nìlhear breitheanas air an t-sluagh a mheudaicheas an nì nach leo féin.* 9 *orra-san a shantaisicheas droch shamh,* 12 *agus orra-san a dhaingnicheas an caithir le aingidheachd.*

**S**EASADH mi air m'fhaire, agus cuiridh mi mi féin air an tùr, agus feuchaidh mi ciod a their e rium, agus ciod a fhreagras mi 'n uair a chronuichear mi.

2 Agus fhreagair an Tighearn mi, ag ràdh; Sgrìobh an fhàistneachd, agus dean soilleir i air clàraibh, air chor as gu'm feud esan ruith a leughas i.

3 Oir tha 'n fhàistneachd fathasd air son aimsir shònraichte, ach air a' cheann mu dheireadh labhraidh i, agus cha dean i breug: ged a ni i moille, feith rithe; oir gu deimhin thig i, cha bhi i air dheireadh.

4 Feuch, cha-n'eil 'anam-san, a tha air a thogail suas, ceart an taobh a stigh dheth: ach mairidh am fìrean beò le a chreidimh.

5 Sèadh fòs, mar dhuine 'théid as an rathad le fìon, tha e uaibhreach, agus cha-n'eil e 'gabhail fois; a' meudachadh a chìocras mar an uaigh; agus mar am bàs cha-n' fheudar a shàsachadh; agus tha e 'cruinneachadh d'a ionnsuidh nan uile cinneach, agus a' tional dha féin nan uile shlugh.

6 Nach tog iad so uile suas cosamhlachd 'n a aghaidh, agus gnàth-fhocal tàmailteach m'a thimchioll, ag ràdh, Is truagh dha-san a mheudaicheas an nì nach leis féin! cia fhad? agus dha-san a luchdaicheas e féin le criadh thiugh.

7 Nach éirich iadsan suas gu grad a theumas thu; agus nach dùisg iadsan a chuireas dragh ort? agus nach bi thusa dhoibh mar chobhartach?

S A chionn gu'n do chreach thu mòran



chinneach, creachaidh uile iarmad nan cinn-  
each thusa: air son fola dhaoine, agus  
saruchaidh an fhearainn, na caithreach,  
agus a h-uile luchd-àiteachaidh.

9 Mo thruaighe esan a tha 'sanntachadh  
le droch shannt d'a thigh; a chum a nead  
a shuidheachadh gu h-àrd; gu e féin a  
shaoradh o chumhachd àmhghair.

10 Dhealbh thu nàire do d' thigh, le  
mòran shluagh a ghearradh as; agus pheac-  
aich thu an aghaidh d' anama féin.

11 Oir glaothaidh a' ehlach a mach as a'  
bhalla; agus freagraidh an t-sail as an  
fhiodh i.

12 Is an-aobhlin dha-san a thogas baile le  
fuil, agus a dhaingnicheas caithir le aing-  
idheachd.

13 Feuch, nach ann o Thighearn nan  
sluagh a tha so, gu'n saothraicheadh daoine  
anns an teine, agus gu'n sgèitheachd slòigh  
iad féin air son n' faoin?

14 Gu cinnteach lìonar an talamh le còlas  
glòire an Tighearna, mar tha na h-uisgeach-  
an a' còmhachadh na fairge.

15 Is an-aobhlin dha-san a tha 'toirt air a  
choimhearsnach òl, a tha 'cur ris a' chopain,  
agus 'g a chur air mhuig mar an ceudna, chum  
gu'n amhaircadh e air a lommhoduidd.

16 Tha thu air do lìonadh le nàire 'an àite  
glòire: òl thusa fos, agus bitheadh do roimh-  
chraicinn air a leigeadh ris: riutsa pillar  
cupan làimhe deise an Tighearn'; agus  
bithidh sgeith nàrach air do ghloir.

17 Oir n' ainneart Lebanon do chòmhdh-  
dachadh, agus cuiridh sgrios ainmhidhean  
eagal ort; air son fola dhaoine, agus air son  
saruchaidh an fhearainn, na caithreach,  
agus a h-uile luchd-àiteachaidh.

18 Ciod an tairbhe 'tha 's an ìomhaigh  
shnaighte, gu'n d'rim am fear a dhealbh i  
a snaigheadh: anns an ìomhaigh leaghta,  
agus ann am fear-teagaisg nam breug, gu'n  
earbadh fear-deanamh na h-oibre so aise, a  
dheanamh iodholan balbha?

19 Is truagh dha-san a tha ag ràdh ris an  
fhiodh, Dùisg: ris a' chloich bhailbh, Eirich.  
An teagaisg i? Feuch, tha i air a cur thairis  
le h-òr agus airgid; agus cha-n'eil anail  
air bith an taobh a stigh dhi.

20 Ach tha an Tighearn 'n a theampull  
naomh: bi a' d' thosd 'n a fhianuis, O tha-  
laimh uile.

### CAIB. III.

1 *Urnuigh Habacuc. 3 Mòrachd an Tighearna.*  
17 *Nochd ann fàidh gu'n robh a chreidimh*  
*làidir ann an Dia a shàinte.*

**U**RNUIGH Habacuc an fhàidh air  
Sigionot.

2 O Thighearna, chuala mi do chainnt; bha  
eagal orm: O Thighearn, ath-bheothaich d'  
obair ann am meadhon nam bliadhnachan,  
ann am meadhon nam bliadhnachan dean  
aithnichte; ann an corruich cuimhnich  
tròcair.

3 Thàinig Dia o Theman, agus an Ti naomh  
o shliabh Phàrain. Selah. Chòmhdaich a  
ghlòir na nèamhan, agus bha an talamh làn  
d'a chlàir.

4 Agus bha a shoilleireachd mar a' ghrian;  
o a làimh *shruith* dèarsannan soluis; agus  
an sin bha àite foluich a mhòrachd.

5 Roimh a ghnùis chaidh a' phlàigh; agus  
chaidh éibhleann teine mach o 'chosaibh.

6 Sheas e, agus thomhais e an talamh;  
dh'amhaire e, agus sgap e na cinnich as a  
chéile; agus bha na sléibhtean sìorruidh  
air am brisicadh; chrom na cuic bhith-  
bhuan; tha a shlighe maireannach.

7 Chummaic mi pàillianan Chusain ann an  
àmhghar: chriotnuich brat-sgàile fearainn  
Mhidiain.

8 An robh corruich air an Tighearn ris na  
tuilteibh? an robh d'fhearg an aghaidh nan  
ainmnichean? an robh do chorroich an  
aghaidh na fairge, gu'n do mharaich thu  
air d' eachaibh, agus air do charbadaibh-  
slàinte?

9 Rinneadh do bhogha glan-rùisgte, a réir  
nam mìom do na treubhan, *eadhon* d'fho-  
cail. Selah. Sgoilt thu an talamh le sruth-  
aibh.

10 Chummaic na sléibhtean thu agus  
chriotnuich iad: ghabh tuil nan uisgeachan  
seachad: chuir an t-aigein a mach a ghuth,  
thog an doimhne suas a làmh.

11 Sheas a' ghrian agus a' ghealach 'n an  
àite: 'n an solus shiubhail do shaighdean;  
'n an dealradh do shleaghan Ìomhaidh.

12 D'fàimich thu troimh an fhearainn ann  
am feirg, bhuail thu na cinnich ann an  
corruich.

13 Chaidh thu mach air son tèarnaidh do  
shluaigh, air son tèarnaidh do mhuinntir  
ungta: bhuail thu 'n ceann o thigh an  
aingidh; leig thu ris na bunaitean gu ruig  
a' mhuineil. Selah.

14 Bhuail thu le d' shlàit ceann a bhail-  
tean. Ruith iad a mach mar chuairt-  
ghaoith gu ar sgapadh; bha an gairdeachas  
mar gu'n sluigeadh iad ann bochd gu  
h-uaigneach.

15 Choisich thusa troimh an fhairge le  
d'eachaibh: troimh chruinneachadh nan uisg-  
eachan mòra.

16 'N uair a chuala mi, chriotnuich mo  
chom: bha mo bhile air chrith roimh do  
ghuth: chaidh lobhadh a steach ann am  
clmàman, agus chriotnuich mi ann am  
àite; a chum gu'm biodh fois agam ann an  
là an àmhghair: 'n uair a thèid e suas  
an aghaidh an t-sluaigh, agus a chlaoidheas e  
iad le 'bhuidhmibh.

17 Ged nach toir an crann-fige uath blàth,  
agus ged nach fàs air an fhionain-cinneas;  
ged fhàinich meas a' chroinn-olaigh, agus  
ged nach toir na machraichean uatha lòn;  
ged ghearrar an treud as o'n mhaoinir, agus  
ged nach bi buair air bith anns na buailteibh;

18 Gidheadh ni mise gairdeachas anns an Tighearn, ni mi aoibhneas ann an Dia mo shlaointe.

19 Is e an Tighearn Iehobhah mo neart,

agus ni e mo chosan mar *chosaihb* éilde, agus bheir e orm coiseachd air m' ionadaibh àrda. Do'n àrd-fhear-chiùil air m' inneal-aibh teudach.

# SEPHANIAH.

## CAIB. I.

1 *An t-àm 's an d'rinn Sephaniah fàidheadair-eachd.* 2 *Smachdaichidh Dia slough Iudah air son am peacaidhean.*

**F**OCAL an Tighearn' a thàinig gu Sephaniah mac Chusi, mhic Ghedaliah, mhic Amariah, mhic Hisciah, ann an Iàth-ean Iosiah, mhic Amoin, rìgh Iudah.

2 Sgrìosaidd mise gu tur na h-uile nìthean bhàrr aghaidh an fhearainn, deir an Tighearn.

3 Sgrìosaidd mi duine agus ainmhidh, sgrìosaidd mi eunlaith an athair, agus iasgan na fairge, agus na cip-thuislidh maille ris na h-aingidh : agus gearraidh mi as an duine bhàrr aghaidh an fhearainn, deir an Tighearn.

4 Sìnidh mi fòs a mach mo làmh air Iudah, agus air uile luchd-àiteachaidh Ierusalem; agus gearraidh mi as fuigheall Bhaail o'n àite so; ainm an luchd-iobraidh maille ris na sagartan ;

5 Agus iadsan a tha 'g aoradh do fheachd nèimh air mhullach nan tighean; agus iadsan a tha 'g aoradh, agus a' mionnachadh air an Tighearn, agus fòs a' mionnachadh air Malcham ;

6 Agus iadsan a phill air an ais o'n Tighearn; agus iadsan nach d'iarr an Tighearn, agus nach d'fhiosraich dheth.

7 Bithibh tosdach an làthair an Tighearn' Iehobhah, oir tha là an Tighearna dlùth; oir dh'ulluich an Tighearn iobairt, ghairm e 'aoidhean.

8 Agus tarlaidh ann an là iobairt an Tighearna gu'n smachdaich mise na prionnsachan, agus clann nan rìghrean, agus na h-uile a tha air an éideadh le eulaidh choimhich.

9 Agus air an là chendna smachdaichidh mi iadsan uile a tha 'leum air a' stairsnich, a tha 'lionadh tighean ann maighstirean le ainneart agus le ceilg.

10 Agus tarlaidh air an là sin, tha an Tighearn ag ràdh, gu'm bi fuaim éighich o gheata an éisg, agus ulartaich o'n dara baile, agus bruanadh mòr o na cnocaihb.

11 Àrd-ghuilibh, a luchd-àiteachaidh Mhacteis, oir tha 'n luchd-malairt gu h-iomlan air an gearradh as; tha uile luchd-giùlan air an airgid air am milleadh.

12 Agus tarlaidh anns an àm sin, gu'n rannsaich mise Ierusalem le coimnibh, agus

smachdaichidh mi na daoine a tha socair air an deasgainibh; a tha 'g ràdh 'n an cridhe, Cha dean an Tighearn maith, ni mò ni e olc.

13 Air an aobhar sin bithidh am maoin 'n a chobhartach, agus an tighean 'n am fasach : agus togaidh iad tighean, ach cha-n àitich iad; agus suidhichidh iad fion-liosan ach cha-n òl iad am fion.

14 Tha là mòr an Tighearna dlùth, *tha e* dlùth, agus a' greasadh gu mòr: tha guth là an Tighearna searbh: guilidh an sin an cunhachdach.

15 Is là feirge an là sin, là trioblaid agus teanntachd; là fasalachd agus léir-sgrìos; là dorchadais agus oghuidheachd; là neul agus tiugh-dhorchadais;

16 Là trompaid agus iolaich an aghaidh nam bailtean daingnichte, agus an aghaidh nan tìr àrda.

17 Agus bheir mise aire air daoine, ionnus gur siubhail iad mar dhoill, a chionn gu'n do pheacaich iad an aghaidh an Tighearn': agus dòrtar a mach am fuil mar dhùslach, agus am feoil mar aolach.

18 Ni mò dh'fheudas an airgid no 'n òr an saoradh ann an là feirge an Tighearna; ach le teine 'eud-san loisgar an fearann uile; oir bheir e gu deimhin léir-sgrìos obann air uile luchd-àiteachaidh na tìre.

## CAIB. II.

1 *Earail chum aithreachais.* 4 *Breitheanas an aghaidh nam Philisteach,* 8 *Mhoai agus Amoin,* 12 *Etiopia,* 13 *agus Ninebheh.*

**C**RUINNICHIBH sibh fèin ri 'chéile seadh cruinnichibh ri 'chéile, O fhlìr cadh gun iarraidh:

2 Mu'n tig an t-ordugh gu buil, mu'n siubhail 'ur là seachad mar mholl; mu'n tig corruich gharg an Tighearn' oirbh, mu'n tig là feirge an Tighearn' oirbh.

3 Iarraibh-sa an Tighearn, uile dhaoine ciùine na talmhainn, a dh'oibrich a blreith-eanas; iarraibh fireantachd, iarraibh mac-antachd: fudaiddh e bhith gu'n tèarnar sibhe ann an là feirge an Tighearna.

4 Gu dearbh tréigear Gasa, agus cuirear fas Ascelon: fògraidh iad a mach Asdod air mheadhon-là; agus bithidh Ecron air a spionadh à freumh.

5 Mo thruaighe luchd-àiteachaidh sliosa na fairge, cinneach nan Cereteach: tha focal an Tighearna 'n 'ur n-aghaidh. O



Chanaain, a thùr nam Philisteach, sgriosaidh mise thu, ionnus nach bi aon 'g ad àiteachadh.

6 Agus bithidh taobh na fairge 'n a bhothain aig buachaillibh, agus 'n a mhaoinneirean aig treudaibh.

7 Agus bithidh an slìos aig iarmad tighe Iudah; ionaltraidh iad air: ann an tighibh Asceloin luidhidh iad sìos anns an amnoch: oir thig an Tighearn an Dia 'g an amhare, agns bheir e air an ais an bràighdean.

8 Chuala mise masladh Mhoai, agus anacaint cloinne Amol, leis an d'rinn iad mo shluagh-sa mhaslachadh, agus iad fèin a mheadachadh an aghaidh an crìochan.

9 Air an aobhar sin mar is beò mise, tha Tighearn nan slagh, Dia Israeil, ag ràdh; gn deimhin bithidh Moab mar Shodom, agus clann Amoin mar Ghomora, 'n a fhàsach canntagaich, agus 'n a phuill shalaim, agus 'n a léir-sgrios sìornidh; ni fuigheall mo shluagh-sa an creachadh, agus iarmad mo chinuich an scallbhachadh.

10 So gheibh iad air son an uabhair, a chionn gu'n d'thug iad masladh, agus gu'n do mheadaich siad iad fèin an aghaidh cinnich Tighearna nan slagh.

11 Bithidh an Tighearn uamhasach 'n an aghaidh: oir bheir e gort air uile dhiathan na talmhainn; agus bheir iad aoradh dha-san, gach aon o' àite fèin, eadhon uile eileanan nan cinneach.

12 Sibhse, mhuinntir Etiopia, mar an cendna, marbhar sibh fèin leis a' chlaidheamh,

13 Agus sinidh e mach a làmh an aghaidh na h-àrde nath, agus sgriosaidh e Asiria; agus ni e Nìnebheh 'n a làraich Inim, tioram mar an fhàsach.

14 Agns luidhidh treudan sìos 'n a meadhon, uile bheathaichean na talmhainn: gabhaidh am pelican agus a' ghràineag tàmh 'n a h-àrd-dhoruis: bithidh am fuaim 'n a h-uinneagaibh; bithidh fasalachd anns an sgàth-thigh: oir leigidh e ris a h-obair shendair.

15 So a' chaithir luathghaireach a ghabh còmhnuidh gu tèaruinte; a thubhairt 'n a cridhe, Tha mi, agus cha-n'èil ann ach mi. Cionnus a dh'fhàs i 'n a fàsach, 'n a h-àite air son bheathaichean gu luidhe sìos ann! nigach aon a thèid seachad oirre sgeig, agus crathaidh e a làmh.

## CAIB. III.

1 Thugadh geur-achmhasan do na h-Iudhaich air son am peacaidhean. 8 Earrail gu feith-eamh air an Tighearn, 14 agus gu gairdeachas a dheanamh 'n a shlàinte.

**I**S an-aobhin dh'ise a tha ceannairceach agus truallte, do'n chaithir a tha ri sàrachadh.

2 Cha d'thug i géill do'n ghnth; cha do ghabh i cronachadh: cha d'earb i as an

Tighearn: cha do tharruinn i dlùth d'a Dia.

3 Tha a prionnsachan an taobh a stigh dhi 'n an leòmhain bheucach; is madaidh-alluidh an amnoch am breitheamhnan cha-n fheith iad gus a' mhadninn gun na cnàmhan itheadh.

4 Is daoine eutrom fealltach a faidhean: thruaill a sagartan an t-ionad naomh: bhris iad an reachd.

5 Tha an Tighearn cothromach 'n a meadhon: cha dean esan euceart: gach maduinn bheir e breitheanas gu solus, cha-n fhàilnich e: ach cha-n'èil còlas aig an encorach air nàire.

6 Ghearr mi as na cinnich: tha an tùir uaigneach; rinn mi fas an sràidean, air chor as nach 'èil aon 'g an imeachd: tha am bailtean air an sgrios, gun duine sam bith anna, gun aon neach 'g an àiteachadh.

7 Thubhairt mi, Gu deimhin bithidh m' eagal ort, gabhaidh tu teagasg: mar sin cha bhitheadh an àite-còmhnuidh air a ghearradh as, cionnus air bith a smachdaichinn iad: ach dh'éirich iad gu moch, agns thraill iad an uile dheanadas.

8 Uime sin feithibh-sa riumsa, tha an Tighearn ag ràdh, gns an là 's an éirich mi suas a chum na creiche: oir is e mo rùn na cinnich a chruinneachadh, na rìoghachdan a tharruing ri 'chèile; a dhòrtadh orra mo chorruidh, uile theas m' fheirge: oir loisgear an talamh gu h-ionmhan le teine m' eud-sa.

9 Gu deimhin pillidh mi 'n sin air na slòigh teangadh ghlan, gu gairm gu léir air ainm an Tighearna, gu seirbhis a dheanamh dha le aon rùn.

10 O thaobh thall aimhnichean Etiopia, bheir mo luchd-atheluinge, am measg mo mhinntir sgapta, tabhartas a m' ionnsuidh.

11 Anns an là sin cha nàraichear thu air son d' uile dheanadais, leis an do chiontaich thn ann am aghaidh-sa: oir an sin bheir mi air falbh as do mheadhon iadsan a tha ri gairdeachas ann ad uabhar; agus cha-n àrdaich thu nì's mò thu fèin ann am shliabh naomh-sa.

12 Fàgaidh mi fòs ann ad mheadhon sluagh anshocrach agus diblidh; agns cuiridh iad an dòchas ann ainm an Tighearna.

13 Cha dean iarmad Israeil aingidheachd, ni mò labhras iad breugan: ni mò gheibhear teangadh chealgach 'n am beul. Oir ionaltraidh agus luidhidh iad sìos, agus cha chuir aon neach eagal orra.

14 Seinn, O nighean Shioin; tog iolach, O Israeil; bi ait, agus dean gairdeachas le d' uile chridhe, O nighean Ierusalem.

15 Thug an Tighearn air falbh do bhreith-eanas; phill Rìgh Israeil air falbh do naimhdean: tha 'n Tighearn ann ad mheadhon; cha-n fhaic thu olc nì's mò.

16 Anns an là sin theirear ri Ierusalem, Na bithheadh eagal ort; agus ri Sion, Na bithheadh do làmhian lag.

17 Tha 'n Tighearn Dia ann ad mheadhon cunnachdach; ni e do thearnadh; ni e gairdeachas os do cheann le luathghair; gabhaidh e fois 'n a ghràdh; ni e gairdeachas os do cheann le seinn.

18 Cruinnichidh mi iadsan a'd mheasg a tha ri caoidh air son an àrd-choimhthionail, do'n robh a mhasladh 'n a callaich.

19 Feuch, millidh mise d' uile luchd-

sàruchaidh arns an àm sin; agus leighisidh mi ise a tha bacach, agus cruinnichidh mi ise a bha sgaoilte; agus ghoibh mi dhoibh cliù agus deadh iomradh anns gach aon tìr anns an d' fhuair iad nàire.

20 Anns an àm sin bheir mi air bhrur n-ais sibh, agus anns an àm 's an cruinnich mi sibh, bheir mi gun amharus dhuibh ainm agus cliù an measg uile chinneach na talmhainn, an uair a philleas mi air ais 'ur braighdeanas fa chomhair an sùl-san, deir an Tighearn.

## H A G A I.

### CAIB. I.

1 *Chronuich am fàidh an sluagh do bhrìgh gu'n do ghabh iad còmhnuidh ann an tighean mais-each, 'n uair bha tigh Dhè 'n a fhàsach; 8 agus bhrosnuich e iad gus an teampull a thogail.*

**A** NN an dara bliadhna Dhariuis an rìgh, anns an t-sèathamh mìos, air a' cheud là de'n mhìos, thàinig focal an Tighearna le Hagai am fàidh gu Serubabel mac Shealtieil, uachdaran Iudah, agus gu Iosuah mac Iose-deich, an t-àrd shagart, ag ràdh;

2 Mar so labhair Tighearn nan sluagh, ag ràdh, Thubhairt an sluagh so, Cha d' thàinig an t-àm gu tigh an Tighearn' a thogail.

3 An sin thàinig focal an Tighearna le Hagai am fàidh, ag ràdh,

4 An àm dhuibh-se, O sibhse, còmhnuidh a ghabhail 'n ur tighean mais-each, agus an tigh so 'n a fhàsach?

5 A nis ma ta mar so tha Tighearn nan sluagh ag ràdh, Thugaibh fainear bhrur slighean.

6 Chuir sibh mòran, agus is beag a thug sibh a steach; tha sibh ag itheadh, ach cha-n'eil gu leòr agaibh; tha sibh ag òl, ach cha-n'eil sibh sàthach; tha sibh 'g ur n-éid-eadh, ach cha-n'eil aon neach blàth: agus esan a tha 'cosnadh tuarasdail, tha e 'g a chosnadh gu 'chur ann an spòran tolltach.

7 Mar so tha Tighearn nan sluagh ag ràdh, Thugaibh fainear bhrur slighean.

8 Rachaibh suas a clum an t-sleibh, agus thugaibh leibh fiodh, agus togaibh an tigh; agus gabhaidh mise tlachd ann, agus bithidh mi air mo ghlòrachadh, deir an Tighearn.

9 Bha sùil agaibh ri mòran, agus, feuch, thàinig e gu beagan; agus an uair a thug sibh dhachaidh e, shéid mise air. C'ar son? tha Tighearn nan sluagh ag ràdh. Air son mo thighe a tha fas, agus sibhse a' ruith gach duine g'a thigh féin.

10 Air an aobhar sin chum na nèamhan os

'ur ceann airais an drùchd, agus ghléidh an talamh a thoradh.

11 Agus ghairm mise tart air an fhearann, agus air na sléibhteann, agus air an arbhar, agus air an fhìon nuadh, agus air an olaidh; agus air gach nì a bheir an talamh a mach; agus air duine, agus air ainmhidh; agus air uile shaothair nan làmh.

12 An sin thug Serubabel mac Shealtieil, agus Iosuah mac Iose-deich, an t-àrd-shagart, leis a' chuid eile de'n t-sluagh uile, géill do ghuth an Tighearn' an Dia, agus do bhriathraibh Hagai an fhàidh, (mar a chuir an Tighearn an Dia fios leis,) agus bha eagail air an t-sluagh roimh an Tighearn.

13 An sin labhair Hagai teachdair an Tighearna, ann an teachdaireachd an Tighearna, ris an t-sluagh, ag ràdh, Tha mise leibh, deir an Tighearn.

14 Agus dhuisg an Tighearn spiorad Sherubabeil mhic Shealtieil, uachdaran Iudah, agus spiorad Iosuah mhic Iose-deich, an t-àrd-shagart, agus spiorad na euid eile de'n t-sluagh uile; agus thàinig iad, agus rinn iad obair ann an tigh Tighearna nan sluagh, an Dia,

15 Air a' cheathramh là fhead de'n t-seathamh mìos, ann an dara bliadhna Dhariuis an rìgh.

### CAIB. II.

1 *Dh'innis Hagai gu'n bithheadh glòir an dara teampull nà's mò na glòir a' cheud teampull.*

10 *Chuir peacaidhean an t-sluagh moille air an obair.*

**A** NNS an t-seachdamh mìos, air an aon là fhead de'n mhìos, thàinig focal an Tighearna leis an fhàidh Hagai, ag ràdh;

2 Labhair a nis ri Serubabel mac Shealtieil, uachdaran Iudah, agus ri Iosuah mac Iose-deich an t-àrd-shagart; agus ris a' chuid eile de'n t-sluagh, ag ràdh,

3 Cò a tha air fhàgail 'n ur measg a chum-aic an tigh so 'n a cheud glòir? agus cionnus a tha sibh 'g a fhaicinn a nis?



nach 'eil e 'n 'ur sùilibh, làmh ri sin, mar neo-ni?

4 Gidheadh a nis bi làidir, O Sherubabel, tha an Tighearn ag ràdh; agus bi làidir, O Iosuah, mhic Iosedeich, àrd-shagairt; agus bithibh-sa làidir, uile shluagh an fhearainn, tha an Tighearn ag ràdh; agus deanaibh obair: oir tha mise leibh, deir Tighearn nan sluagh.

5 *A rèir* an fhocail a dhaingnich mi ruibh 'n uair a thàinig sibh a mach as an Eiphit, mar sin tha mo spiorad a' fantuinn 'n 'ur measg: na bitheadh eagal oirbh.

6 Oir mar so tha Tighearn nan sluagh ag ràdh; Fathasd aon uair, ann an ùine bhig, crathaidh mise na nèamhan, agus an talamh, agus an fhaire, agus am *fearann* tioram:

7 Agus crathaidh mi na h-uile chinnich, agus thig miann nan uile chinneach; agus lèonaidh mi an tigh so le glòir, deir Tighearn nan sluagh.

8 Is leamsa an t-airgiod, agus is leamsa an t-òr, deir Tighearn nan sluagh.

9 Bithidh glòir an tìghe dheireannaich so nì's mò na glòir a' cheud thighe, tha Tighearn nan sluagh ag ràdh; agus anns an àite so bheir mise sìth, deir Tighearn nan sluagh.

10 Air a' cheathramh là fichead de'n naothamh *mìos*, ann an dara bliadhna Dhariuis, thàinig focal an Tighearna, le Hagai am fàidh, ag ràdh;

11 Mar so tha Tighearn nan sluagh ag ràdh, Fèdraich a nis de na sagartaibh mu'n reachd, ag ràdh,

12 Ma ghùlaincas aon feoil naomh ann an sgiobal a thrusgain, agus gu'm bean a thrusgan ri aran, no brochan, no fion, no olaidh, no biadh sam bith, am bi sin naomh? Agus fhreagair na sagartan, agus thubhairt iad, Cha bhi.

13 An sin thubhairt Hagai, Ma bheanas aon a tha neòghlan le corp marbh ri aon air bith de na nìthan so, am bi sin neòghlan? Agus fhreagair na sagartan, agus thubhairt iad, Bithidh e neòghlan.

14 An sin fhreagair Hagai agus thubhairt

e, Is amhuil a bha an sluagh so, agus is amhuil a bha an cinneach so ann am làthair-sa, tha an Tighearn ag ràdh; agus is amhuil a bha uile obair an làmh; agus an tabhartas a thug iad seachad an sin bha e neòghlan.

15 Agus a nis guidheam oirbh, thugaibh fainear; o'n là 'n diugh, agus o sin suas, mu'n do leagadh clach air cloich ann an teampull an Tighearna:

16 'N uair a thàinig aon gu cruaidh fhichead *tomhas*, cha robh ann ach deich: 'n uair a thàinig aon gu amar-bruthaidh an fhìona, gu leth-cheud *soitheach* a tharruing a mach as an amar, cha robh ann ach fichead.

17 Bhuail mi sibh le seargadh, agus le fuar-dhealt, agus le cloich-mheallainn, ann an uile shaothair bhur làmh; gidheadh cha do phill sibh riumsa, deir an Tighearn.

18 Thugaibh fainear a nis o'n là 'n diugh, agus o sin suas, o'n cheathramh là fichead de'n naothamh *mìos*, agus o'n là 's an do leagadh bunaitean teampull an Tighearna: thugaibh fainear.

19 An bheil sìol fathasd anns an t-sabhal? seadh gu ruige so, cha d'thug an fhìonain, no a' chraobh-flùge, no a' phomgranat, no an crann-olaidh, seachad toradh. *Ach* o'n là so mach beannaichidh mise.

20 Agus thàinig focal an Tighearn' a rìs gu Hagai, air a' cheathramh là fichead de'n mhìos, ag ràdh;

21 Labhair ri Serubabel uachdaran Iudah, ag ràdh, Crathaidh mise na nèamhan, agus an talamh;

22 Agus tilgidh mi caithir ròghachdan bun os ceann, agus sgriosaidh mi neart ròghachdan nan cinneach; agus tilgidh mi bun os ceann na carbaid, agus iadsan a tha 'marcachd orra, agus tuitidh na h-eich agus ann marcaichean sìos, gach aon le claidheamh a bhràthar.

23 Anns an là sin, tha Tighearn nan sluagh ag ràdh, gabhaidh mi thusa, O Sherubabel, a mhic Shealtiel, m' òglaich, tha an Tighearn ag ràdh, agus ni mi thu mar sheula; oir ròghnaich mise thu, deir Tighearn nan sluagh.

## SECHARIAH.

### CAIB. I.

1 *Dh'earalaich Sechariah an sluagh gu aithreachas a ghabhail.* 7 *Taisbeanadh nan each ruadha, bhreaca, agus bhàna.* 12 *Geallanna trèaireach a thaobh Ierusalem.* 18 *Taisbeanadh nan ceithir adhaircean.* 20 *Na ceithir fir-cheirde.*

**A** NNS an oechdamh mìos, ann an dara bliadhna Dhariuis, thàinig focal an

Tighearna gu Sechariah mac Bharachiah, mhic Ido, am fàidh, ag ràdh,

2 Bha corruich ro mhòr air an Tighearn ri bhur n-aithrichibh:

3 Agus abair thusa riu, Mar so tha Tighearn nan sluagh ag ràdh, Pillibh-sa riumsa, tha Tighearn nan sluagh ag ràdh; agus pillidh mise ruibhse, deir Tighearn nan sluagh.

4 Na bithibh mar bhuir n-aithrichean, ris an do ghlaodh na fàidhean a bh'ann roimhe so, ag ràdh; Mar so tha Tighearn nan sluagh ag ràdh; Pillibh-sa nis o bhuir droch shlighibh, agus o bhuir droch dheanadais. Ach cha d'èisd iad, ni mò 'thug iad aire dhomh-sa, deir an Tighearn.

5 'Ur n-aithrichean, c'ait am bheil iad? agus na fàidhean, am mair iad beò am feasd?

6 Ach mo bhriathran-sa, agus mo reachdan, a dh'àithn mi do m' òglaich na fàidhean, nach d'rinn iad greim air bhuir n-aithrichean? agus nach d' thubhairt iad, Amhuil mar a shaoil Tighearn nan sluagh a dheanamh ruinne, a réir ar slighean, agus a réir ar deanadais, mar sin rinn e ruinn.

7 Air a' cheathramh là fichead de'n aon mhìos deug, (sin am mìos Sebat,) ann an dara bliadhna Dhariuis, thàinig focal an Tighearna gu Sechariah, mac Bharachiah, mhic Ido, am fàidh, ag ràdh;

8 Chunnaic mi 's an oidheche, agus feuch duine a' marcachd air each ruadh, agus sheas e measg nan craobhan-miortail a bha 's a' ghleann, agus air a chùlaobh bha eich ruadha, bhreaca, agus bhàna.

9 An sin thubhairt mi, Ciod iad so, O mo Tighearn? Agus thubhairt an t-aingeal a labhair rium, Feuchaidh mise dhuit ciod iad so.

10 Agus fhreagair am fear a bha 'n a sheasamh am measg nan craobhan-miortail, agus thubhairt e, So iadsan a chuir an Tighearn gu sìubhal sìos agus suas air feadh na talmhainn.

11 Agus fhreagair iad aingeal an Tighearn', a sheas am measg nan craobhan-miortail, agus thubhairt iad, Shìubhail sinne nìos agus sìos air feadh na talmhainn; agus, feuch, tha an talamh uile 'n a thàmh, agus a' gabhail fois.

12 An sin fhreagair aingeal an Tighearn', agus thubhairt e; O Thighearna nan sluagh, cia fhad a bhios tu gun trèc air a dheanamh air Ierusalem, agus air bailtibh Iudah, ris am bheil thu ann an corruich a nis deich agus trì fichead bliadhna?

13 Agus fhreagair an Tighearn an t-aingeal a labhair riumsa, le briathraibh maithe, le briathraibh sòlasach.

14 Mar sin thubhairt an t-aingeal a bha 'labhairt rium, Glaodh thusa, ag ràdh, Mar so tha Tighearn nan sluagh ag ràdh, Tha mise eudmhor air son Ierusalem, agus air son Shìoin le eud mòr:

15 Agus tha mi ann an corruich ro mhòir ris na cinnich a tha suaimhneach; oir cha robh ormsa ach corruich bheag, agus chuidich iadsan air a h-aghaidh an dòrainn.

16 Air an aobhar sin mar so tha an Tighearn ag ràdh; Phill mi ri Ierusalem le trèc airibh: bithidh mi thighe air a thogail

ann, tha Tighearn nan sluagh ag ràdh, agus bithidh sreang-thomhais air a sgaoileadh a mach air Ierusalem.

17 Glaodh fathasd, ag ràdh, Mar so tha Tighearn nan sluagh ag ràdh, Bithidh mo bhailean-sa fathasd air an sgaoileadh a mach le soirbheachadh, agus bheil an Tighearn fathasd combhfurtachd do Shìon, agus ròghnaichidh e fathasd Ierusalem.

18 An sin thog mi suas mo shùilean, agus chunnaic mi; agus feuch ceithir adhaircean.

19 Agus thubhairt mi ris an aingeal a bha 'labhairt rium, Ciod iad so? Agus fhreagair esan mi, Is iad so na h-adhaircean a sgap Iudah, Israel, agus Ierusalem.

20 Agus dh'fheuch an Tighearn dhomh ceithir fir-cheirde.

21 An sin thubhairt mi, Ciod a thàinig iad so gu dheanamh? Agus labhair esan, ag ràdh; Is iad so na h-adhaircean a sgap Iudah, ionnus nach do thog aon duine suas a cheann: ach thàinig iad so chum eagal a chur orra, a thilgeadh a mach adhaircean nan cinneach a thog suas an adhar an aghaidh fearainn Iudah, chum a sgapadh.

## CAIB. II.

1 *Chuireadh aingeal a thomhas Ierusalem. 6 Thugadh rabhadh do'n t-sluagh Babilon a thrèigsinn. 10 Gheall Dia còmhnuidh a ghabhail am meadhon a shluagh.*

**T**HOG mi suas mo shùilean a ris, agus dh'amhaire mi; agus, feuch, fear le sreing-thomhais 'n a làimh.

2 An sin thubhairt mise, C'ait am bheil thu 'dol? Agus thubhairt e rium, A thomhas Ierusalem, a dh'fheuchainn ciod e a leud, agus ciod e a fad.

3 Agus, feuch, chaidh an t-aingeal a labhair rium a mach, agus chaidh aingeal eile mach 'n a chòdhail.

4 Agus thubhairt e ris, Ruith, labhair ris an òganach sin, ag ràdh: Bithidh Ierusalem air a h-àiteachadh mar bhailean gun bhallachan, le lìonmhoireachd nan daoine agus na spréidhe 'bithies innte.

5 Oir bithidh mise, tha an Tighearn ag ràdh, ann am bhailte teine dhi mu'n cuairt, agus bithidh mi ann am ghlòir 'n a meadhon.

6 Ho! ho! *thigibh* agus teichibh o'n tìr mu thuath, tha an Tighearn ag ràdh; oir ri ceithir ghaothan an athair sgaoil mise sìbh a mach, deir an Tighearn.

7 Ho! a Shìoin, tàr as, O thusa a tha 'chòmhnuidh maille ri nigheann Bhabailoin.

8 Oir mar so tha Tighearn nan sluagh ag ràdh; An déigh na glòire so chuir e mise chum nan cinneach a chreach sibhse: oir an tì 'bheanas ruibhse, beanaidh e ri cloich a shùla-san.

9 Oir feuch, crathaidh mise mo làmh orra, agus bithidh iad 'n an còbhartaich d' an traillibh: agus aithnichibh sibhse gu'n do chuir Tighearn nan sluagh fios leamsa.



10 Seinn, agus dean gairdeachas, O nigh-ean Shìom; oir fench, tha mise a' teachd, agus gabhaidh mi còmhuidh ann ad mheadhon, deir an Tighearn.

11 Agus bithidh mòran chinneach air an cur ris an Tighearn 's an là sin, agus bithidh iad 'n an sluagh dhomh-sa: agus gabhaidh mise còmhuidh ann ad mheadhon; agus bithidh fios agad gu'n do chuir Tighearn nan sluagh mise a d' ionnsuidh.

12 Agus seallbhaichidh an Tighearn Iudah, a chuibhrionn, anns an fhearann naomh; agus ròghnaichidh e Ierusalem a ris.

13 Bi tosdach, O uile fheoil, an làthair an Tighearna: oir tha e air a thogail suas o 'ionad-còmhuidh naomh.

### CAIB. III.

1 *Le samhladh culaidh mhaisich leis an d' éidicheadh Iosuah an t-àrd-shagart, 8 chuir-eadh 'an cèill teachd Chrìosd a thoirt air falbh aingidheachd.*

**A**GUS thaisbein e dhomh Iosuah an t-àrd-shagart, 'n a sheasamh an làthair aingeil an Tighearna; agus Sàtan 'n a sheasamh aig a làimh dheis, gu cur 'n a aghaidh.

2 Agus thubhairt an Tighearn ri Sàtan, Gu'n deanadh an Tighearn do chronachadh, O Shàtan; gu'n deanadh eadhon an Tighearn a ròghnaich Ierusalem, do chronachadh: nach aithinne e so, air spionadh as an teine?

3 A nis bha Iosuah air 'éideadh le eudach salach, agus sheas e an làthair an aingeil.

4 Agus fhreagair ean, agus labhair e rium, 'n a sheas 'n a làthair, ag ràdh, Thugaibh dheth an t-eudach salach. Agus ris-san thubhairt e, Feuch, thug mi air d' aingidheachd imeachd uait, agus éididh mi thu le culaidh mhaisich.

5 Agus thubhairt e, Cuireadh iad ceann-eudach maiseach air a cheann: agus chuir iad ceann-eudach maiseach air a cheann, agus dh'éid iad e le falluinnibh; agus sheas aingeal an Tighearna leo.

6 Agus dhearbhaingeal an Tighearna do Iosuah, ag ràdh,

7 Mar so tha Tighearn nan sluagh ag ràdh, Ma ghluaisas tu ann an shligheibh-sa, agus ma choinhideas tu mo reachd; an sin bheir thu mar an ceudna breth air mo thigh, agus gléidhidh tu fòs mo chùirtean; agus bheir mi dhuit àiteachan coiseachd an measg na muinntir so 'n an seasamh leat.

8 Eisd a nis, O Iosuah, àrd-shagart, thu fèin agus do chompanaich a tha 'n an suidhe a'd làthair: oir is daoine a tha 'n an iongantais iad; oir fench, bheir mise mach m' oglach, AM MEANGAN.

9 Oir feuch, a' ehlach a leag mise fa chomhair Iosuah: air aon chloich tha seachd suilean. Feuch gearraidh mise a gearradh, tha Tighearn nan sluagh ag ràdh, agus atharraichidh mi aingidheachd an fhearainn so ann an aon là.

10 Anns an là sin, tha Tighearn nan sluagh ag ràdh, gairmidh sibh gach fear a choimhearsnach fo 'n fhionain, agus fo 'n chrann-fhìge.

### CAIB. IV.

1 *Leis a' choimleir a bha uile de òr, nochdadh soirbheachadh stéidh an teampuill; 14 agus le dà chrann-oladh shamhuicheadh an dithis ungta a sheas làimh ris an Tighearna.*

**A**GUS thàinig an t-aingeal a labhair rium a ris, agus dhùisg e mi, mar dhuine air a dhùsgadh as a chodal.

2 Agus thubhairt e rium, Ciod a tha thu 'faicinn? Agus thubhairt mise, Dh'amlhaire mi, agus, feuch, coimleir uile dh' òr, le 'chopan air a mhullach, agus a sheachd lòchraim air, agus seachd feadain gus na seachd lòchraim a tha air a mhullach.

3 Agus dà chrann-oladh làimh ris, 'aon air taobh deas a' chopain, agus aon air a thaobh clìth.

4 An sin fhreagair mi, agus labhair mi ris an aingeal a bha ri còmhradh rium, ag ràdh, Ciod iad so, mo thighearna?

5 Agus fhreagair an t-aingeal a bha 'labhair rium, agus thubhairt e rium, Nach 'eil fios agad ciod iad so? Agus thubhairt mise, Cha-n'eil, mo thighearna.

6 An sin fhreagair e agus labhair e rium, ag ràdh, Is e so focal an Tighearna ri Serubabel, ag ràdh, Cha-n ann le neart, no le cumhachd, ach le m' spiorad-sa, deir Tighearn nan sluagh.

7 Cò thusa, O shlèibh mhòir? Roimh Sherubabel fàsaidh tu a'd' chòmhnard; agus bheir e mach a' ehlach-chinn le h-iolach, a' glaothaich, Gràs, gràs gu'n robh dhi.

8 Os bàrr, thàinig focal an Tighearn a m' ionnsuidh-sa, ag ràdh;

9 Leag làmhnan Sherubabel stéidh an tighe so; ni a làmhnan fòs a chrìochnachadh: agus bithidh fios agaibh gu'n do chuir Tighearn nan sluagh mise do bhuir n-ionnsuidh.

10 Oir cò 'rinn dìmeas air là nan nithean beaga? ni eadhon iadsan gairdeachas, agus chi iad an t-sreang-thomhais 'an làimh Sherubabel. Is iad an t-seachdnar so suilean an Tighearna; tha iad a' ruith sìos agus suas air feadh na talmhainn uile.

11 An sin fhreagair mise, agus thubhairt mi ris, Ciod iad an dà chrann-oladh so air taobh deas a' choimleir, agus air a thaobh clì?

12 Agus fhreagair mi a ris, agus thubhairt mi ris, Ciod iad dà ghéig nan crann-oladh, a tha làimh ris an dà fheadan òir a' taomadh na h-olaidh asda fèin?

13 Agus fhreagair e mi, agus thubhairt e, Nach 'eil fios agad ciod iad so? Agus thubhairt mise, Cha-n'eil, mo thighearna.

14 An sin thubhairt ean, Is iad so an dithis ungta 'tha 'n an seasamh làimh ri Tighearn na talmhainn uile.

## CAIB. V.

- 1 *Le samhladh ròla ag itealaich nochdadh mallachd an t-sluaigh a ghoideas, agus a mhionnaicheas gu breugach air ainm an Tighearna.*  
 5 *Le samhladh mnà 'n a suidhe ann an ephah chuireadh 'an cèll aingidheachd na tìre.*

**A** GUS thog mi suas mo shùilean a ris agus dh'amhaire mi, agus, feuch, ròla ag itealaich.

2 Agus thubhairt esau rium, Ciod a tha thu 'faicinn? Agus fhreagair mise, tha mi 'faicinn ròla ag itealaich, fìchad lāmh-choille air fad, agus deich lāmhan-coille air leud.

3 An sin thubhairt e rium, Is e so am mallachd a tha 'dol a mach air aghaidh an fhearainn uile: agus gearrar as gach aon a ghoideas, mar air an taobh so dhet: agus gearrar as gach aon a mhionnaicheas, mar air an taobh sin deth.

4 Thug mise mach e, tha Tighearna nan sluagh ag ràdh, agus théid e steach do thigh a' mheirlich, agus do thigh an tì a tha 'mionnachadh gu breugach air m' ainm-sa; agus fanaidh e ann am meadhon a thighe, agus sgriosaidh e, eadar fhiodh agus chloich e.

5 An sin chaidh an t-aingeal a labhair rium a mach, agus thubhairt e rium, Tog suas a nis do shùilean, agus faic ciod so a tha 'dol a mach.

6 Agus thubhairt mise, Ciod e? Agus thubhairt esau, So Ephah a tha 'dol a mach. Agus thubhairt e, Is i so an samhladh anns an fhearainn uile.

7 Agus, feuch, bha tàlann luaidhe air a thogail suas: agus, feuch, bean 'n a suidhe ann am meadhon na h-ephah.

8 Agus thubhairt e, Is i so Aingidheachd: agus thig e i ann am meadhon na h-ephah; agus chuir e'n cothrom luaidhe air a beul.

9 An sin thog mi suas mo shùilean, agus dh'amhaire mi; agus, feuch, thàinig a mach dà mhnaoi, agus a' ghaoth 'n an sgiathaibh; (oir bha sgiathan aca mar sgiathan corra-laighe; agus thog iad an ephah suas eadar an talamh agus na nēamhan.

10 An sin thubhairt mise ris an aingeal a labhair rium, C'ait am bheil iad so a' giùlan na h-ephah?

11 Agus thubhairt e rium, A thogail tighe dhi ann an tìr Shùair; agus bithidh i air a daingneachadh, agus air a suidheachadh an sin air a bonn.

## CAIB. VI.

- 1 *Taisbean nan ceithir charbad a thàinig a mach o eadar dhà shliabh.* 9 *Le samhladh crùn òir a chuireadh air ceann Iosuah nochdadh òirdheireas rìoghachd Chrìosd.*

**A** GUS a ris thog mi suas mo shùilean, agus dh'amhaire mi; agus, feuch, thàinig ceithir carbadan a mach o eadar dhà shliabh; agus bu shléibhtean umha na sléibhtean.

2 Ris a' cheud charbad bha eich ruadha, agus ris an dara carbad eich dhubha,

3 Agus ris an treas carbad eich ghleala, agus ris a' cheathramh carbad eich bhalla-dhearg.

4 An sin fhreagair mi, agus thubhairt mi ris an aingeal a bha 'labhairt rium, Ciod iad so, mo thighearna?

5 Agus fhreagair an t-aingeal, agus thubhairt e rium, Is iad so ceithir spioradan nan nēamh, a tha 'dol a mach o bhi 'n an seasamh an làthair Tighearna na talmhainn uile.

6 Théid na h-eich dhubha a tha ann a mach do'n tìr mu thuath, agus théid na h-eich gheala mach 'n an déigh; agus théid na h-eich bhalla-dhearg a mach ris an tìr mu dheas.

7 Agus chaidh na h-eich bhalla-dhearg a mach, agus thaing iad imeachd a chum gu'n siùblhadh iad sìos agus suas air feadh na talmhainn: Agus thubhairt e, Falbhaibh, imichibh sìos agus suas air feadh na talmhainn. Is amhail a dh'imich iad sìos agus suas air feadh na talmhainn.

8 An sin ghairm e orm, agus labhair e rium, ag ràdh; Feuch, iad so a tha 'g imeachd gus an tìr mu thuath, chiùinich iad mo spiorad anns an tìr mu thuath.

9 Agus thàinig focal an Tighearna' a m' ionnsuidh, ag ràdh;

10 Gabh dhiubhsan a tha de'n bhruid, de theaghlach Heldai, agus Thobiah, agus Iedaiah; agus falbaidh tu air an là cheudna, agus théid thu steach do thigh Iosiah mhic Shephaniah, a phill o Bhabylon.

11 Agus gabhaidh tu airgid agus òr, agus nì thu crùn, agus cuiridh tu e air ceann Iosuah, mhic Iosedeich, an àrd-shagairt:

12 Agus labhairidh tu ris, ag ràdh; Mar so labhair Tighearna nan sluagh, ag ràdh; Feuch an duine do'n ainm Am MEANGAN; agus fàsaidh e nìos as àite, agus togaidh e teampull an Tighearna.

13 Togaidh eadhon esan teampull an Tighearna; agus gheibh e glòir, agus suidhidh e, agus riaghlaidh e air a rìgh-chaithir; agus bithidh e 'n a shagart air a rìgh-chaithir; agus bithidh comhairle na sìthe eatorra araon.

14 Agus bithidh crùn aig Helem, agus aig Tobiah, agus aig Iedaiah, agus aig Hen mac Shephaniah, mar chumhneachan ann an teampull an Tighearna.

15 Agus thig iadsan a tha fad as, agus togaidh iad ann an teampull an Tighearna; agus bithidh fios agaibh gu'n do chuir Tighearna nan sluagh mise do bhuir n-ionnsuidh. Agus thig so gu crìch, ma bheir sibh géill gu cùramach do ghuth an Tighearna' ur Dia.

## CAIB. VII.

- 1 *Nochd Dia do'n t-sluaigh gu'n do thraisg iad gu dìomhach do bhrìgh nach do thraisg iad air a shon-san.* 4 *Chromuich Sechariah iad air son an cealgairachd.* 6 *agus chomhairlich e dhoibh aithreachas a ghabhail.*

**A** GUS tharladh ann an ceathramh bliadhna Dhariuis, gu'n d'thàinig focal



## SECHARIAH, VIII.

an Tighearna gu Sechariah, air a' cheanthramh là de'n naothamh mìos, *eadhon* Chisleu.

2 'N uair a chuir iad gu tigh Dhé, Seresar agus Regemelcch, agus an daoine, a dh'fhiosrachadh an làthair an Tighearna;

3 A labhairt ris na sagartaibh a bha 'an tigh Tighearna nan sluagh, agus ris na fàidhean, ag ràdh; An dean mi gul anns a' chùigeamh mìos, 'g am dhealachadh féin, mar a rinn mi an iomadh bliadhna so?

4 An sin thàinig focal Tighearna nan sluagh a m' ionnsuidh-sa, ag ràdh;

5 Labhair ri uile shluagh an fhearainn, agus ris na sagartaibh, ag ràdh; 'N uair a thraisg agus a ghluil sibh annsa' chùigeamh agus anns an t-seachdamh mìos, eadhon na deich agus trì fichead bliadhna so, an do thraisg sibh idir air mo shon-sa, *eadhon* air mo shon-sa?

6 Agus an uair a dh'ith sibh, agus 'n uair a dh'òl sibh, nach d'ith sibh *air bhur son féin*, agus nach d'òl sibh *air bhur son féin*?

7 Nach iad so na briathran a dh'éigh an Tighearn leis na ceud fhàidhean, 'n uair bha Ierusalem air a h-àiteachadh, agus a' soirbheachadh, agus a bailtean mu'n cuairt di; agus an taobh deas agus an còmhnaid air an àiteachadh?

8 An sin thàinig focal an Tighearna gu Sechariah, ag ràdh;

9 Mar so labhair Tighearn nan sluagh, ag ràdh; Cuiribh 'an gnìomh ceart-bhreith-eanas, agus nochdaibh tròcair agus iochd gach duine d'a bhràthair;

10 Agus na sàruichibh a' bhantrach, no an dilleachdan, an coigreach, no am bochd; agus na smuainicheadh neach air bith agaibh 'n 'ur cridhe, olc an aghaidh a bhràthar.

11 Ach dh'iùlt iadsan éisdeachd, agns tharruing iad a' ghualadh *o'n chuing*, agus dhruid iad an cluasan, a chum nach cluinneadh iad.

12 Seadh, rinn iad an cridheachan mar chloich adaint, mu'n cluinneadh iad an lagh, agus na briathran a chuir Tighearn nan sluagh le a Spiorad, leis na fàidhean roimhe so: air an aobhar sin, thàinig corruich mhòr o Thighearn nan sluagh.

13 Agns thachair, amhuil a ghlaodh mise, agus nach d'éisd iadsan; mar sin ghlaodh iadsan, agus cha d'éisd mise, deir Tighearn nan sluagh.

14 Ach sgap mi iad le cuairt-ghaoith, am measg nan uile chinneach nach b'aithe dhoibh: agus bha am fearann fas 'n an deigh, air chor as nach do shiubhail neach air bith troimhe, air ais no air aghaidh: agns rinn iad an tìr thaitneach 'n a fàsach.

### CAIB. VIII.

1 *Soirbheachadh Ierusalem.* 9 *Thugadh misneach do'n t-sluagh an teampull a thogail.* 16 *Dh'iarr Dia ceartas agus fìreantachd uapa.* 18 *Ghealladh aobhneas agus soirbheachadh do'n Eaglais.*

**A**GUS thàinig focal Tighearna nan sluagh a m' ionnsuidh, ag ràdh;

2 Mar so tha Tighearn nan sluagh ag ràdh; Bha mise eudmhor air son Shìoin le eud mòr, agus bha mi eudmhor air a son le mòr-chorruich.

3 Mar so tha Tighearn nan sluagh ag ràdh; Phill mise gu Sion, agus gabhaidh mi còmhnuidh ann an Ierusalem; agus goirear ri Ierusalem, Baile fìrinn, agus ri sliabh Tighearna nan sluagh, Sliabh naomh.

4 Mar so tha Tighearn nan sluagh ag ràdh, Gabhaidh seann daoine, agus seana mhnathan còmhnuidh fathasd ann an sràidibh Ierusalem, agus gach duine le a luirg 'n a làimh le ro-aois.

5 Agus bithidh sràidean a' bhaile làn de mhacanaibh agns de nigheanagaibh, a' cluicheadh 'n a sràidibh.

6 Mar so tha Tighearn nan sluagh ag ràdh, Ma bhitheas e iongantach ann an sùilibh iarmaid an t-sluaigh so anns na làithibh sin, am bi e iongantach ann am shùilibh-sa fòs, deir Tighearn nan sluagh?

7 Mar so tha Tighearn nan sluagh ag ràdh, Feuch, saoraidh mise mo shluagh o'n tìr an ear, agus o'n tìr an iar:

8 Agus bheir mi air an ais iad, agus gabhaidh iad còmhnuidh ann an Ierusalem, agus bithidh iad 'n an sluagh dhomh-sa, agus bithidh mise 'am Dhia dhoibh-san, ann am fìrinn, agus ann an ceartas.

9 Mar so tha Tighearn nan sluagh ag ràdh; Bitheadh bhur làmhnan làidir, sibhse 'tha 'chuintinn anns na làithibh so nam briathran so á beul nam fàidhean, a tha 's an là 's am bheil stéidh tìghe Tighearna nan sluagh 'g a shuidheachadh, eadhon an teampull, a chum gu'm bitheadh e air a thogail.

10 Oir roimh na làithean so, cha robh luach saothaireach air bith aig duine, no luach saothaireach air bith aig ainmhidh; ni mò bha sìth aig an tìr a rachadh a mach, no 'thigeadh a steach, leis an teinn; oir chuir mise na h-uile dhaoine, gach aon an aghaidh a choimhearsnaich.

11 Ach a nis cha bhi mi do iarmad an t-sluaigh so mar anns na làithibh roimhe so, deir Tighearn nan sluagh.

12 Oir soirbhichidh an sìol; bheir an fhionain seachad a meas, agus bheir an talamh seachad a thoradh, agus bheir na nèamhan seachad an drùchd; agus bheir mise air iarmad an t-sluaigh so na nithean so gu léir a sheallbhadh.

13 Agus tarlaidh, mar a bha sibh 'n 'ur mallachadh ann measg nan cinneach, O thugh Iudah, agus a thugh Israeil, is amhuil a shaoras mise sibh, agus bithidh sibh 'n 'ur beannachadh. Na bitheadh eagal oirbh, bitheadh 'ur làmhnan làidir.

14 Oir mar so tha Tighearn nan sluagh ag ràdh, Mar a chuir mi romham olc a dheanamh oirbh, an uair a bhrosnuich bhur n-aithrichean mi gu feirg, tha Tighearn nan

sluagh ag ràdh, agus nach do ghabh mi aithreachas;

15 Mar sin smuainich mi a rìs, anns na làithibh so, maith a dheanamh do Ierusalem, agus do thigh Iudah. Na bitheadh eagal oirbheise.

16 So na nithean a ni sibh, Labhraibh, gach neach an fhàirinn r'a choimhearsnach: deanaibh breitheanas na fàirinn agus na sìthe 'n ur geatachaibh:

17 Agus na dealbhaibh 'n ur eridhe, gach aon neach ole an aghaidh a choimhearsnach, agus ua gràdhachibh mionnan bréige sam bith: oir na nithean so uile is fuathach leamsa, deir an Tighearn.

18 Agus thàinig focal Tighearna nan sluagh a m' iomsuidh, ag ràdh;

19 Mar so tha Tighearn nan sluagh ag ràdh, Trasg a' cheathramh *miosa*, agus trasg a' chùigeamh, agus trasg an t-seachdamh, agus trasg an deicheamh, bithidh do thigh Iudah 'n an aoibhneas agus 'n an gairdeachas, agus 'n an fèilean subhach; a mhàin gràdhachibh-sa fàirinn agus sìochainnt.

20 Mar so tha Tighearn nan sluagh ag ràdh, Fathasd *tarlaidh* gu'n tig mòran dhaoine, agus luchd-àiteachaidh mhòran bhailtean:

21 Agus thèid luchd-àiteachaidh aoin *bhaile* gu aon eile, ag ràdh, Rachamaid da rìreadh a dheanamh urruigh 'an làthair an Tighearn', agus a dh'iarraidh Tighearn' nan sluagh: thèid mise mar an ceudna.

22 Seadh, thig mòran shluagh, agus cinnich chumhachdach a dh'iarraidh Tighearna nan sluagh ann an Ierusalem, agus a ghuidhe an làthair an Tighearna.

23 Mar so tha Tighearn nan sluagh ag ràdh, Anns na làithibh sin *tarlaidh* gu'n dean deichnear greim, a uile chànanibh nan cinneach, cadhou gu'n dean iad greim air sgìort an tì a bhitheas 'a Iudhach, ag ràdh, Thèid sinne leat, oir chuala sinn gu bheil Dia leibh.

# CAIB. IX.

1 Ann am meadhan a bhreitheanaibh air na cinnich teasairgidh Dia an Eaglais. 9 Chomh-àiticheadh do Shìon gairdeachas a dheanamh air son teachd Chrìosd. 12 Gheall Dia saorsa agus buaidh d'a phobull.

**F**AISTEACHD focail an Tighearna. A'airfearannHadrach, agus airDamascus gabhaidh i tàmh: (oir tha sùil gach duine, agus uile threubhan Israeil, air an Tighearn.)

2 Agus fòs air Hamat a tha làimh ris; air Tirus agus air Sidon, ged tha i ro ghlie.

3 Ge do thog Tirus dhi fèin daingeachaidh, agus ge do charn i suas airgid mar an dslach, agus òr fìor-ghlan mar pholl nan sràidean;

4 Feuch, tilgidh an Tighearn mach i, agus buailidh e 's an fharige a neart; agus sgriosar i le teime.

5 Chi Ascelon, agus bithidh eagal oirre; Gasa fòs, agus bithidh i ro bhrònach; is

amhuil a bhitheas Ecron, oir nàraicheadh a dòchas; agus bàsaichidh an rìgh o Ghasa, agus cha-n àitichear Ascelon.

6 Agus gabhaidh clann dholain còmhuidh ann an Asdod; agus gearraidh mise as uabhar nam Philisteach.

7 Agus bheir mi air falbh 'fhuil as a bheul, agus a ghràineileachdan o eadar 'fhiacian: ach an tì a mhaireas, bithidh esan air son ar Dé-ne, agus bithidh e mar uachdaran ann an Iudah, agus Ecron mar an Iebusach.

8 Agus campaichidh mise timchioll mo thighe, *'g a dhronadh* o'n fheadh a bhitheas 'dol seachad, no a bhitheas a' pilltinn; ni mò thèid an fear-sàruchaidh trompa ni's mò: oir a nis chunnaic mi le m' shùilibh.

9 Dean gairdeachas gu mòr, O nighean Shìoin; tog iolach, O nighean Ierusalem: feuch, tha do rìgh a' teachd a d' iomsuidh: is firean, agus is Slàuidhear e; iriosal, agus a' marcachd air asail, agus air searrach, mac na h-asail.

10 Agus gearraidh mi as an carbad o Ephraim, agus au t-each o Ierusalem; agus gearrar esan am bogha-cogaidh; agus labhairaidh ean sìth ris na cinnich: agus bithidh 'uachdaranachd o mhuir gu muir, agus o'n amhainn gu iomallaibh na tìre.

11 Air do shon-sa fòs, le fuil do choimh-cheangail chuir mi mach do phrìosanaich as an t-slochd ams uach robh uisge sam bith.

12 Pillibh a chum an daingnich, O phrìosanaich an dòchais; cadhou air an là an diugh tha mi 'g innseadh gu'n diol mi dhuith *beannachdan* dubailte.

13 Oir lùb mi dhomh fèin Iudah, lion mi am bogha le Ephraim; agus togaidd mi suas do mhic-sa, O Shìoin, an aghaidh do mhac-sa, O Ghréig, agus uì mi thu mar chlaidheamh duine chumhachdach.

14 Agus clithair an Tighearn os an ccaun, agus thèid a shaighead a mach mar an dealanach: agus séididh an Tighearn Iehobhah an trompaid, agus thèid e uach le ioma-ghaothaibh na h-àirde deas.

15 Ni Tighearn nan sluagh an dìon: agus ithidh iad, agus ceannsaichidh iad le clach-aibh-tabhuill; agus òlaidh iad, agus ni iad iolach mar le fion; agus lionar iad mar chopain, mar oisinnibh na h-altarach.

16 Agus tèarnaidh an Tighearn an Dia iad anns an là sin, mar threud a shluagh; oir togar suas clachan-buaidh an cruin air feadh an fearainn.

17 Oir cia mòr an soirbheachadh, agus cia mòr am maise! ni an t-arbhar na h-ògan-aich, agus am fion-nuadh na h-òighean, subhach.

# CAIB. X.

1 Is còir iarraidh a dh'ionnsuidh Dhé, 2 agus cha-n ann a dh'ionnsuidh òdhola. 3 Cruinnichidh Dia a shluagh, agus saoraidh e iad.

**I**ARRAIBHSE air an Tighearn uisge ann an àm an uisge dheireanaich; ni



an Tighearn dealanach, agus bheir e dhuibh pailteas uisge; do gach aon fear anns an fhaiche.

2 Oir labhair na h-ìodholan dìomhanas, agus chunnaic na fiosaichean breug, agus dh'innis iad aisingean faoine; is dìomhain an comhfhurtachd: uime sin dh'innis iad air falbh mar threud; bha iad air an claidh, a chionn nach robh buachaill air bith ann.

3 An aghaidh nam buachaillean las mo chorroich-sa, agus na gabhair smachdaich-idh mi. Ach dh'amhair Tighearn nan shuagh air a threud, tigh Iudah; agus ni e iad mar each maiseach anns a' chath.

4 Uaith-san thig a mach a' chlach-òisne, uaith-san an tarann, uaith-san am bogha-catha, uaith-san gach uile uachdaran le 'chéile.

5 Agus bithidh iad ann an cath cosmhuil ri gaisgich a shaltras air clàbar nan sràid: agus cogaidh iad, a chionn gu bheil an Tighearn maille riu; agus cuirear mare-aichean nan each gu nàire.

6 Agus neartaichidh mise tigh Iudah, agus tèarnaidh mi tigh Ioseiph; agus suidhicidh mi iad a ris; oir tha truas agam dhiubh: agus bithidh iad mar nach tilginn fada uam iad: oir is mise Iehobhah an Dia, agus éisdidh mi riu.

7 Agus bithidh Ephraim mar ghaisgeach; agus ni an cridhe gairdeachas, mar le fion: seadh, chi an clann, agus bithidh iad ait; ni an cridhe gairdeachas anns an Tighearn.

8 Gairmidh mise iad, agus cruinnichidh mi iad, oir shaor mi iad: agus meudaichidh iad, *eadhon* mar a mhèudaich iad.

9 Agus cuiridh mi iad mar shìol an measg nan cinneach; agus cuimhnichidh iad ormsa ann an dùthchannaibh fad as; agus mairidh iad beò le 'n cloim, agus pillidh iad a ris.

10 Agus bheir mi air an ais iad o thìr na h-Eiphit, agus cruinnichidh mi iad a mach á Asiria; agus bheir mi iad air an ais gu tìr Ghileaid agus Lebanoin; agus cha bhi àite nìs leòr r'a fhaotainn doibh.

11 Agus théid e troimh an fhairge, le dòr-ainn: agus buailidh e na tonnann anns an fhairge; agus tiornaichidh uile dhoimhneachdan na h-aimhne suas: agus bheir a nuas uabhar Asiria, agus imichidh slat-rìoghail na h-Eiphit seachad.

12 Agus neartaichidh mi iad anns an Tighearn; agus 'n a ainm-sau gluaisidh iad, deir an Tighearn.

## CAIB. XI.

1 *Léir-sgrìos Ierusalem.* 4 *Càram Chrìosd d'a threud.* 15 *Samhladh agus mallachd buachail amaidich.*

**F**OSGAIL do dhorsan, O Lebanoin, a chum gu'n loisg an teine do shendaiv.

2 Guil gu h-àrd, O chraobh ghiuthais, oir thuit an sendar; oir tha iadsan a b' àirde

air an milleadh: deanaibh gul, O dharaga Bhàsain, oir ghearradh frith na callaid.

3 Guth ulartaich nam buachaillean! a chionn gu bheil an glòir air a milleadh: guth beucaich nan lèomhan òga! oir tha uabhar Iordain air a chreachadh.

4 Mar so thubhairt an Tighearn mo Dhia, Beathaich thusa treud a' chasgraidh.

5 A tha an sealbhadairean a' marbhadh, agus 'g an meas féin ued-chiontach: agus tha iadsan a tha 'g an reic ag ràdh, Beannaichte gu'n robh an Tighearn, oir tha mi saobhir: agus cha-u'eil truas aig an aodhairibh féin diubh.

6 Oir cha ghabh mise nìs mò truas de luchd-aiteachaidh na tìre, tha an Tighearn ag ràdh: ach feuch, bheir mi thairis daoine, gach aon do làimh a choimhearsnaich, agus do làimh a rìgh; agus buailidh iad am fearann, agus cha saor mi as an làimh.

7 Agus beathaichidh mi treud a' chasgraidh, *eadhon* sibhse, 'bho chdan an treud. Agus ghabh mi a m' ionnsuidh dà luirg: air aon diubh thug mi mar ainm Maise, agus air an aon eile thug mi mar ainm Cuibhrichean; agus bheathaich mi an treud.

8 Tri aodhairean fòs ghearr mi as ann an aon mhìos; agus bha gràin aig m' anam-sa dhiubh-san, agus bha fuath aig an anam-san dhomh-sa.

9 An sin thubhairt ui, Cha bheathaich mi sibh: an ni sin a bhàsaicheas, bàsaicheadh e; agus an ni sin a tha gu bhli air a ghearradh as, gearrar as e; agus itheadh a' chuid eile, gach aon feoil a chéile.

10 Agus ghabh mi mo lorg, *eadhon* Maise, agus ghearr mi 'n a bloighdibh i, chum gu'm brisinn mo choimhecheagal a rium mi ris na slòigh uile.

11 Agus bhriseadh e 's an là sin: agus mar sin dh'aithnich bochdau an treud a thug an aire dhomh, gu'm b'e sin focal an Tighearna.

12 Agus thubhairt mi riu, Ma chithear ceart duibh, thugaibh *dhomh* mo luach: agus mar faicear, leigibh leis: mar sin thomhais iad air son mo luach, deich *buinn* fhichead airgid.

13 Agus thubhairt an Tighearn rium, Tilg a chum a' chriadhadair e: luach ciatach leis an robh mise air mo mheas leo-san. Agus ghabh mi na deich *buinn* fhichead airgid, agus thilg mi iad ann an tigh an Tighearn, a chum a' chriadhadair.

14 Agus ghearr mi as a chéile mo lorg eile, *eadhon* Cuibhrichean; a chum gu'm brisinn am bràthreachas eadar Iudah agus Israel.

15 Agus thubhairt an Tighearn rium a ris, Gabh a d' ionnsuidh fathasd innealan buachaill amaidich:

16 Oir feuch, togaidh mise suas buachaill 's an fhearann, uach seall an déigh an ui sin

a ghearrar as; nach iarr a' chuid a tha òg; agus nach leighis a' chuid a fluair dochann; nì mò bheathaicheas e a' chuid a sheas: ach ithidh e feoil na codach a tha reamhar, agus reubaidh e an crodhain 'n am bloighd-ibh.

17 Is truagh do'n droch blhuachail a dh'fhàgas an treud; *thig* sgrìos air a ghairdean, agus air a shùil dheis: seargaidh a ghairdeau gu tur, agus dorchaichear a shùil dheas gu h-ìomlan.

### CAIB. XII.

1 *Nithear Ierusalem 'n a copan ball-chri'h, agus 'n a cloich chudthromaich do na slòigh uile.* 6 *Buaidh uachdaran Iudah.* 10 *Aithreachas Ierusalem.*

**F**AISTNEACHD focail an Tighearna, A thaobh Israeil, tha an Tighearna ag ràdh, a tha 'sgaoileadh a mach uan uèamh, agus a' suidheachadh stéidh na talmhainn, agus a' cruthachadh spioraid duine 'an taobh a stigh dheth.

2 Feuch, nì mise Ierusalem 'n a copan ball-chri'h do na slòigh uile mu'n cuairt: air son Iudah mar au ceudna bithidh e 's an fheachd an aghaidh Ierusalem.

3 Agus auus au là sin nì mi Ierusalem 'n a cloich thruim do ua slòigh uile; na h-uile a ghabhas i mar uallach orra féin, gearrar iad 'n am bloighdibh: agus 'n a h-aghaidh bithidh uile chinnich an doulhain air an cruinneachadh ri 'chéile.

4 Anns an là sin, tha an Tighearna ag ràdh, buailidh mise gach each le uamhas, agus a mharcach le cuthach; agus fosglaidh mi mo shùilean air tigh Iudah, agus gach aon each aig na slòigh buailidh mi le doille.

5 Agus their uachdaran Iudah 'n au cridhe, Is iad luchd-àiteachaidh Ierusalem mo neart ann an Tighearna uan sluagh an Dia.

6 Anns an là sin nì mise uachdaran Iudah mar theallach teine am measg connaidh, agus mar leus teine ann an sguab; agus loisgidh iad air an làmh dheis, agus air an làmh chlì, ua slòigh uile mu'n cuairt: agus àitichear Ierusalem a rìs, 'n a h-ionad féin, ann an Ierusalem.

7 Saoraidh an Tighearna fòs pàillunan Iudah, mar o shean; mu'n dean glòir tìghe Dhaibhidh, no glòir luchd-àiteachaidh Ierusalem, iad féin àrdachadh an aghaidh Iudah.

8 Anns an là sin dìonaidh an Tighearna luchd-àiteachaidh Ierusalem; agus bithidh esan a tha lag 'n am uèasg anns au là sin mar Dhaibhidh; agus tigh Dhaibhidh mar Dhaia, mar aingeal an Tighearna 'n an làth-air.

9 Agus tarlaidh anns an là sin, gu'n iarr mise na h-uile chinuich a thig an aghaidh Ierusalem a mhilleadh.

10 Agus dòrtidh mi air tigh Dhaibhidh, agus air luchd-àiteachaidh Ierusalem,

spiorad nan gras agus nan atheluingean; agus amhaircidh iad airsan a lot iad, agus nì iad caoidh air a shon, mar a chaoidheas duine air son aoin mhic: agus bithidh an doilghios air a shon mar dhoilghios air son ceud-ghin.

11 Anns an là sin bithidh cumha mhòr ann an Ierusalem, cosuail ri cumha Hadadrimoin, ann an gleann Mhegidoin.

12 Agus nì am fearann caoidh, gach aon teaghlach air leth: teaghlach tìghe Dhaibhidh air leth, agus am mnathan air leth: teaghlach tìghe Nàtain air leth, agus am mnathan air leth:

13 Teaghlach tìghe Lebhi air leth, agus am mnathan air leth: teaghlach Shimeiair leth, agus am mnathan air leth:

14 Na h-uile theaghlach eile, gach teaghlach air leth, agus am mnathan air leth.

### CAIB. XIII.

1 *An tobar a dh'fhosgail do luchd-àiteachaidh Ierusalem air son peacaidh, agus air son neòghloine.* 7 *Bàs Chrìosd, agus tèaruinteachd trian de'n t-sluagh.*

**A**NNS an là sin bithidh tobar air 'fhosgladh do thigh Dhaibhidh, agus do luchd-àiteachaidh Ierusalem, air son peacaidh agus air son neòghloine.

2 Agus tarlaidh air an là sin, tha Tighearna nan sluagh ag ràdh, gu'n gearr mise mach ainmean nan iodhol as an fhearann, agus cha chuimhnichear iad nì's mò: agus fòs bheir mi air na fiosaichean, agus air na spioradaibh neòghlan siubhal a mach as an fhearann.

3 Agus tarlaidh, 'n uair a nì duine sam bith faistneachd, an sin gu'n abair 'athair agus a mhàthair a ghin e ris, Cha mhair thu beò; oir labhair thu breugan ann an ainm au Tighearna: agus nì 'athair agus a mhàthair a ghin e, a bhualadh troimhe an uair a nì e faistneachd.

4 Agus tarlaidh anns an là sin, gu'm bi nàire air na fàidhibh, gach aon d'a shealladh, 'n uair a nì e faistneachd: nì mò chuireas iad umpa falluimean molach gu mealladh.

5 Ach their *gach aon*, Cha-u fhàidh mise, is treabhaiche mi; oir tha còir aig duine *eile* orm o m' òige.

6 Agus their *aon ris*, Ciod iad na lotan sin ann ad làmh an? An sin freagraidh esan, Iad sin leis an do lotadh mi ann an tigh mo chairdean.

7 Dùisg, O chlàidheimh, an aghaidh mo blhuachail, agus an aghaidh an duine 'tha 'n a dhlùth-chompanach dhomh-sa, tha Tighearna nan sluagh ag ràdh. Buailidh mise am buachail, agus bithidh an treud air a sgapadh; agus tionndaidhidh mi mo làmh air a' mhuinntir bhig.

8 Agus tarlaidh anns an fhearann uile, tha an Tighearna ag ràdh, gu'n gearrasas dà thrian ann, *agus* gu'm bàsaich iad; ach bithidh an treas trian air 'fhàgail ann.



9 Agus bheir mise an treas trian troimh an teine, agus glanaidh mi iad mar a ghlanar an t-airgid, agus dearbhaidh mi iad mar a dhearbhar an t-òr: gairmidh iad air m' ainm-sa, agus éisdidh mise riu; their mi, Is iad mo shluagh; agus their iadsan, Is e an Tighearn mo Dhia.

CAIB. XIV.

1 *Léir-sgrìos Ierusalem.* 3 *Teachd Chrìosd.* 12 *Buaidh Dia naimhdean Ierusalem le plàigh.* 16 *Pillidh am fuigheall ris an Tighearn.*

**F**EUCH, tha là an Tighearn' a' teachd, agus roinnear do chreach ann ad mhcadhon.

2 Oir cruinnichidh mise na h-uile chinnich an aghaidh Ierusalem gu cogadh; agus glacar am baile, agus creachar na tighean, agus éignichear na mnathan; agus théid leth a' bhaile air falbh 'am bruid; agus cha ghearrar a' chuid eile de'n t-sluagh as o'n bhaile.

3 Agus théid an Tighearn a mach, agus cogaidh e an aghaidh nan cinneach sin, mar a chog e ann an là a' chatha.

4 Agus seasaidh a chosan air an là sin air sliabh nan Oladh, a tha fa chomhair Ierusalem air an taobh an car: agus sgoiltidh sliabh nan Oladh 'n a mheadhon, ris an àird an ear, agus ris an àird an iar, *air chor as gu'm bi gleann ro mhòr ann:* agus gluaisidh leth an t-sléibh ri tuath, agus an leth eile ri deas.

5 Agus teichidh sibhse *ratha'd* glinn nan sliabh: oir ruigidh gleann nan sliabh gu h-Asal: seadh, teichidh sibh mar a theich sibh roimh an chrith-talmhainn, ann an làithibh Usiah rìgh Iudah: agus thig an Tighearn mo Dhia-sa, agus a naoinh uile maille ris.

6 Agus tarlaidh anns an là sin, nach bi solus soilleir agus dorchadas ann;

7 Ach bithidh e 'n a aon là, a bhitheas aithnichte do'n Tighearn: cha là, agus cha-n oidheche' bhitheas ann: ach tarlaidh air trà feasgair gu'm bi solus ann.

8 Agus tarlaidh air an là sin, gu'n téid uisgeachan beò a mach à Ierusalem; leth dhiubh ris an fhainge 'n ear, agus leth dhiubh ris an fhainge 'n iar: anns an t-samhradh agus anns a' gheamhradh bithidh e.

9 Agus bithidh an Tighearn 'n a rìgh os ceann na talmhainn uile: anns an là sin bithidh aon Tighearn ann, agus 'ainm 'n a aon.

10 Agus cuairtichidh e am fearann uile mar chòmhnard, o Gheba gu Rimon, mu dheas de Ierusalem: agus togar suas i, agus

àitichear i 'n a h-ionad, o gheata Bheniamin gu bhà a' cheud gheata, agus gu geata na h-òisne, agus o thùr Hananeil gu fion-amair an rìgh.

11 Agus ni daoine còmhnuidh innte, agus cha bhi léir-sgrìos ann ni's mò; ach bithidh Ierusalem air a h-àiteachadh ann an tèarainteachd.

12 Agus so a' phlàigh leis am buail an Tighearn na slòigh uile a chog an aghaidh Ierusalem: leaghaidh am feoil air falbh am feadh a tha iad 'n an seasamh air an cosaibh, agus leaghaidh an sùilean air falbh 'n an sluichd, agus leaghaidh an teangadh air falbh 'n am beul.

13 (Agus tarlaidh anns an là sin gu'm bi buaireas mòr o'n Tighearn 'n am measg: agus glacadh iad greim, gach aon de làimh a choimhearsnaich; agus éiridh a làmh suas an aghaidh làimhe a choimhearsnaich.

14 Agus cogaidh Iudah fòs aig Ierusalem; agus cruinnichear ri 'chéile maoin nan uile cinneach mu'n cuairt, òr, agus airgid, agus earradh, ann am pailteas mòr.)

15 Agus bithidh plàigh an eich, na muileid, a' chàmhail, agus na h-asail, agus nan uile bheathaichean a bhitheas anns na camp-aibh so, mar a' phlàigh so.

16 Agus tarlaidh gu'n téid gach aon a dh'fhàgar, de na h-uile chinnich a thàinig an aghaidh Ierusalem, suas o bhliadhna gu bliadhna gu aoradh a dheanamh do'n Rìgh, Tighearn nan sluagh, agus a choimhead féille nam pàillìunan.

17 Agus tarlaidh, cò sam bith de uile theaghlachibh na talmhainn nach téid suas gu Ierusalem, a dheanamh aoraidh do'n Rìgh, Tighearn nan sluagh, eachdon orra sin cha tig uisge sam bith.

18 Agus mur téid teaghlach na h-Eiphit suas, agus mur tig iad' orra-san bithidh a' phlàigh sin leis am buail an Tighearn na cinnich nach téid suas a choimhead féille nam pàillìunan.

19 So peanas na h-Eiphit, agus peanas nan uile chinneach nach téid suas a choimhead féille nam pàillìunan.

20 Anns an là sin, bithidh air cluig nan each, NAOMHACHD DO'N TIGHEARN: agus bithidh na coireachan ann an tigh an Tighearna mar na cuachan fa chomhair na h-altarach.

21 Seadh, bithidh gach poit ann an Ierusalem, agus ann an Iudah, 'n an naomhachd do Thighearn nan sluagh: agus thig iadsan uile a dh'òbras, agus gabhaidh iad dhiubh, agus bruichidh iad anna: agus cha bhi ni's mò an Canaanach ann an tigh Iehobhabh Dhia nan sluagh, 's an là sin.

# M A L A C H I

## CAIB. I.

1 *Rinn Malachì gearan an aghaidh an t-sluagh air son an aingidheachd. 6 Chuir e 'an cèill doibh an neò-chùram mu thimchioll seirbhis an Tighearna.*

**F**AISTNEACHD focail an Tighearna chum Israeil, le Malachì.

2 Ghràdhaich mise sibh, tha an Tighearn ag ràdh: Gidheadh tha sibhse ag ràdh, Ciod 's an do ghràdhaich thu sinn? Nach b'è Esau bràthair Iacoib, tha an Tighearn ag ràdh? gidheadh ghràdhaich mise Iacob,

3 Agus dh'fhuathaich mi Esau; agus chuir mi a shlèibhtean fas, agus tha 'oighreachd aig nathraichibh an fhàsaich.

4 Mar tha Edom ag ràdh, Rinneadh bochd sinn, ach pillidh sinn agus togaidh sinn na h-ionadan sgaoilte; mar so tha Tighearn nan sluagh ag ràdh, Togaidh iadsan, ach tilgidh mise sìos; agus goirear riu, Crìoch na h-aingidheachd, agus an sluagh ris am bheil corruich aig an Tighearn gu sìorruidh.

5 Agus chi bhuir shùilean-sa, agus their sibh, Bithidh an Tighearn air 'ardachadh thar crìochan Israeil.

6 Bheir mac onoir d'a athair, agus seirbhisich d'a mhaighstir; ma 's athair mise ma ta, c'ait am bheil m' onoir? agus ma 's mhaighstir mi, c'ait am bheil m' eagal? tha Tighearn nan sluagh ag ràdh ruibhse, O shagartan a tha 'deanamh tàire air m' ainm-sa; agus tha sibh ag ràdh, Ciod amns an d'rinn sinne tàir air d' ainm?

7 Tha sibh a' toirt seachad arain thruaillte air m' altair; agus tha sibh ag ràdh, Ciod amns an d'rinn sinne do thruaillleadh? Le sibh a bhi 'g ràdh, Tha bord an Tighearna suarrach.

8 A nis ma thairgeas sibh an ni 'tha dall mar ìobairt, nach olc sin? agus ma thairgeas sibh an ni 'tha bacach agus tinn, nach olc sin? taig e nis do d' uachdaran, am bi e toilichte leat, no 'n gabh e riut, deir Tighearn nan sluagh?

9 Agus a nis, guidheam oirbh, iarraibh aghaidh an Tighearna gu'm bi e tròcaireach dhuinn. Is ann o bhuir làimh-sa thàinig so; an gabh mise ri aon agaibh gu taitneach? deir Tighearn nan sluagh.

10 Gu cinnteach druidear na dorsan 'n 'ur n-aghaidh; agus cha-n fhadaidh sibh teine air m' altair-sa gu diomhain. Cha-n'èil tlachd air bith agam annaibh, tha Tighearn nan sluagh ag ràdh, ni mò ghabhas mi tabhartas air bith o bhuir làimh.

11 Oir, o éirigh na gréine gu ruig a dol fodha bithidh m' ainm-sa mòr am measg nan cinneach; agus anns gach àite taigear tùis do m' ainm-sa, agus tabhartas fìor-ghlan:

oir bithidh m' ainm mòr am measg nan cinneach, deir Tighearn nan sluagh.

12 Ach thruaill sibhse e, le sibh a bhi 'g ràdh, Tha bord an Tighearna truailte; agus an tabhartas air, eadhon a bhìadh, tha e suarrach.

13 Thubhairt sibh fòs, Cia mòr an sgòs e? agus shéid sibh uaibh e, tha Tighearn nan sluagh ag ràdh! agus thug sibh a m' ionnsuidh an ni a bha reubta, agus bacach, agus tinn; mar so thug sibh tabhartas: an gabh mise sin o bhuir làimh, deir Tighearn nan sluagh?

14 Ach malluichte gu robh am mealltair, aig am bheil fìrionn 'n a threud, agus a bhòidicheas agus a dh'ìobras ni truailidh do'n Tighearn: oir is Rìgh mòr mise, tha Tighearn nan sluagh ag ràdh, agus tha m' ainm uamhasach am measg nan cinneach.

## CAIB. II.

1 *Chronuicheadh na sagartan do bhrìgh nach do chuir iad 'an suim an àithne; 10 agus an sluagh a chionn gu'n do phòs iad mnathan choimheach, 13 gu'n d'rinn iad ceannairc, 17 agus gu'n do chuir iad 'an giùmh aingidheachd.*

**A**GUS a nis dhuibh-sa tha 'n àithne so, O shagartan.

2 Mur éisd sibh, agus mur cuir sibh 'an suim i, chum glòir a thoirt do m' ainm-sa, tha Tighearn nan sluagh ag ràdh, cuiridh mise eadhon mallachd oirbh; agus mallachidh mi bhuir beannachdan: seadh mhallaich mi iad cheana, a chionn nach 'eil sibh 'g a chur 'an suim.

3 Feuch, bheir mi air an t-sìol nach fàs e, agus tilgidh mi aolach 'n 'ur n-aghaidh, aolach bhuir n-àrd-fhéilean; agus giùlainear sibh féin maille ris.

4 Agus aithnichidh sibh gu'n do chuir mise do 'ur n-ionnsuidh an àithne so, chum gu maireadh mo choimheangal le Lebhi, deir Tighearn nan sluagh.

5 Bha mo choimheangal ris-san, mu thimchioll beatha agus sìthe, agus thug mi dha iad, air son an cagail leis an robh eagal air romhan, agus leis an robh geilt air roimh m' ainm.

6 Bha lagh na fìrinn 'n a bheul, agus cha d'fhuair eadhon aingidheachd 'n a bhilìbh; ghluais e leamsa ann an sìth agus ann an ionracas, agus phill e mòran air falbh e eu-ceart.

7 Oir bu chòir do bhilìbh an t-sagairt eòlas a choimhead, agus bu chòir an reachd iarraidh as a bheul: oir is esan teachdair Tighearna nan sluagh.

8 Ach chaidh sibh air seacharan o'n t-slighe; thug sibh air mòran tuisleachadh



air an reachd: thruaill sibh coinmheangail Lebbh, deir Tighearn nan sluagh.

9 Uime sin rinn mise fòs sibhse suarrach agus tàireil ann an sealladh an uile shluaigh, a rèir mar nach do choimhid sibh mo shlighean, ach gu'n robh sibh leth-bhreith-each anns an lagh.

10 Nach 'eil aon athair againn uile? nach aon Dia a chruthaich sinn? e'uime am bheil sinn a' buntainn gu fealltach, gach duine an aghaidh a bhràthar, le bhi 'briseadh coinmheangail ar n-aithrichan?

11 Bhuih Iudah gu fealltach, agus chuir-eadh gràineileachd 'an gnìomh ann an Israel agus ann an Ierusalem: oir thruaill Iudah naomhachd Dhé a's ionnmhuin leis, agus phòs e nighean dè choimhich.

12 Gearraidh an Tighearn as an duine a ni so; am fear-faire, agus am fear-freagruidh, a mach á pàillinnaibh Iacoib; agus esan a bheir tabhartas do Thighearn nan sluagh.

13 Agus so fòs rinn sibh; chòmhdaich sibh le deuraibh altair an Tighearna, le gul, agus le h-éigheach; ionns nach 'eil suim aige do thabhartas nì's mò, agus cha ghabh e le deadh-ghean o bhuir lùmh e.

14 Gidheadh tha sibh ag ràdh, C'ar son? A chionn gu'n robh an Tighearn 'n a fhianmis eadar thu agus bean d'òige, ris an do bhuin thu gu fealltach: gidheadh b' i do bhana-chompanach i, agus bean do choimhcheangail.

15 Agus nach d'rimn e aon *sheoil diubh*? agus tha fuigheall an spioraid aige. Agus ciod a tha esan ag iarraidh? sliochd diadhaidh. Uime sin biodh faicill agaibh air bhuir spiorad, agus na buineadh neach air bith gu fealltach an aghaidh muà 'òige.

16 Oir is fuath leam-sa esan a chuireas air falbh, tha an Tighearn Dia Israeil ag ràdh: agus esan a dh'fholaicheas ainneart le 'thrusgan, tha Tighearn nan sluagh ag ràdh. Uime sin biodh faicill agaibh air bhuir spiorad, nach buin sibh gu fealltach.

17 Sgithich sibh an Tighearn le bhuir briathraibh: gidheadh tha sibh ag ràdh, Ciod ann an do sgithich sinne e? Le sibh a bhi 'g ràdh, Tha gach aon a tha 'deanamh uile taitneach ann an sealladh an Tighearna; agus tha tlachd aig annta: no, C'ait am bheil Dia a' bhreitheanais?

### CAIB. III.

1 *Thig Mesiah a ghlanaidh na h-Eaglais, agus a thoirt breth air na h-airgidh.* 7 *Thayadhrabhadh do'n t-sluagh a' aithreachas a ghabhail.* 8 *An cionta namhusach.*

**F**EUCH, cuiridh mise mach mo theachd-air, agus ulluichidhe e 'nt-slighearomham; agus thig an Tighearn a tha sibh ag iarraidh, g'a theampull gu grad; eadhon teachdair a' choimhcheangail, anns am bheil bhuir tlachd; feuch thig esan, deir Tighearn nan sluagh.

2 Ach cò dh'fhleudas là a theachd a ghiùlan? agus cò a shecasas an uair a

dh'fhoillsichear e? oir is cosmhuil e ri teine an fhir-leaghaidh, agus ri acfhuinn-ghlanaidh an fhir a nigheas cudach:

3 Agus suidhidh e mar fhear-leaghaidh agus glanaidh airgid: agus glanaidh e mie Lebbh, agus saoraidh e o shal iad, mar òr agus mar airgid, chum gu'm bi iad 'n an òglaich do'n Tighearn, a' tairgseadh dha tabhartais ann an fireantachd.

4 An sin bithidh tabhartas Iudah agus Ierusalem taitneach do'n Tighearn, mar anns na làithibh o shean, agus anns na bliadhnaibh roimhe so.

5 Agus thig mise dlùth dhuibh gu breith-eanas, agus bithidh mi a'm' fhiannuis luath an aghaidh fhiosaichean, agus an aghaidh adhaltrannach, agus an aghaidh na muinntir a bheir mionnan-eithich, agus an aghaidh na muinntir a tha 'cumail air ais a thuarasdail o'n t-seirbhiseach, a' sàruchadh na bantraich agus an dilleadhain, agus a' cur a' choigreach a thaoibh, agus air nach 'eil eagal romham-sa, deir Tighearn nan sluagh.

6 Oir is mise Iehobhah, cha chaochail mi: air an aobhar sin cha-n'eil sibhse, O chlann Iacoib, air 'ur sgrios.

7 Eadhon o làithibh 'ur n-aithrichean chlaon sibh o m' reachdaibh-sa, agus cha do choimhid sibh iad: pillibh riumsa, agus pillidh mise ruibh-sa, tha Tighearn nan sluagh ag ràdh: Ach thubhairt sibhse, Ciod anns am pill sinn?

8 An creach duine Dia? gidheadh chreach sibhse mise: ach tha sibh ag ràdh, Ciod anns an do chreach sinn thu? Ann an deachannh agus ann an tabhartasaibh.

9 Tha sibh malluichte le mallachd: oir spùim sibh mise; eadhon an cinneach souile.

10 Thugaibh an deachannh uile chum an tigh-thasgaidh, air chor as gu'm bi biadh ann am thigh-sa; agus dearbhaibh mi nis leis an ni so, tha Tighearn nan sluagh ag ràdh, mur fosgail mi dhuibh uinnceagan nan nèamh, a dhòrtadh a mach beannachd oirbh, agus nach bi àit ann g'a chumail.

11 Agus cronuichidh mi am milltear air 'ur sgàth-sa, agus cha mhill e toradh bhuir fearainn, ni mò thilgeas bhuir fionain a meas an-abuich 's an fhaiche, deir Tighearn nan sluagh.

12 Agus goiridh na h-uile chinnich beannaichte sibh: oir bithidh sibh 'n ur dùthaich thaitneach, deir Tighearn nan sluagh.

13 Bha bhuir briathran dalma ann am aghaidh-sa, tha an Tighearn ag ràdh; gidheadh tha sibh ag ràdh, Ciod a labhair sinn a'd' aghaidh.

14 Thubhairt sibh, Is dòimhann seirbhis a thoirt do'n Tighearn; agus ciod a' bhuannachd dhuinn gu'n do choimhid sinn 'ordugh, agus gu'n do ghluais sinn gu brònach an làthair Tighearna nan sluagh?

15 Agus a nis tha sinn a' meas nan uaibhreach sona: seadh tha iadsan a tha 'cur

# MALACHI, IV.

'an gnìomh aingidheachd air an àrdachadh : seadh, tha iadsan a tha 'buaireadh Dhé, eadhon air an saoradh.

16 An sin labhair iadsau air an robh eagal an Tighearna, gach aon gu tric ri 'chéile ; agus dh'éisd an Tighearna, agus chual' e, agus bha leabhair-cuimhne air a sgrìobhadh 'n a làthair air son na muinntir air an robh eagal an Tighearna', agus a smuainich air 'ainm.

17 Bithidh iad agam-sa, tha Tighearna nan sluagh ag ràdh, anns an là sin anns an dean mi suas mo sheudan ; agus caomhainidh mi iad, mar a chaomhaineas duine a mhac féiu a tha 'deauamh seirbhis da.

18 An sin pillidh sibhse, agus chì sibh an dealachadh eadar an firean agus an t-aingidh ; eadar an tí a tha 'deanamh seirbhis do Dhia, agus au tinach 'eil ri seirbhis da idir.

## CAIB. IV.

1 *Breitheanas Dhé air na h-aingidh, agus a mhaithreas dhoibhsan aig am bheil eagal roimhe.* 4 *Chomhairlicheadh do'n t-sluagh lagh an Tighearna' a chuimhneachadh.* 5 *Dreuchd an fhàidh Eliah.*

**O**IR fench, tha 'n là a' teachd, a loisgeas mar àmhuan ; agus bithidh na h-uaihbh-

reich uile, seadh, gach neach a tha ri aingidheachd, mar asbhuain ; agus loisgidh an là 'tha teachd suas iad, tha Tighearna nan sluagh ag ràdh ; oir cha-n fhàg e bun uo bàrr dhiubh.

2 Ach dhuibh-sa air am bheil eagal m' ainme-sa éiridh Grian na fireantachd le slàinte 'n a sgiathan ; agus théid sibh a mach, agus fasaidd sibh suas mar laogh bhiadhta.

3 Agus saltraidh sibh sìos na h-aingidh : oir bithidh iad mar luaithre fo bhonnaibh 'ur cos, anns an là 's an dean mise so, deir Tighearna nan sluagh.

4 Cumhnichibh-sa lagh Mhaois m' òglaich, a dh'àithn mise dha ann an Horeb, air son Israeil uile, eadhon na reachdan agus na breitheanais.

5 Feuch, cuiridh mise do bhur n-ionnsuidh Eliah am fàidh, roimh theachd là mhòir agus uamhasaich au Tighearna.

6 Agus tionudaidhidh esan cridhe nau aithrichean a chum na cloinne, agus cridhe na cloinne chum an aithrichean, air eagal gu'n tig mise, agus gu'm buail mi an fear-ann le léir-sgrios.





# TIOMNADH NUADH

AR

TIGHEARN' AGUS AR SLANUIDHIR

IOSA CRIOSD,

AIR A THARRUING

O'N GHREIGIS

CHUM GAELIG ALBANNAICH;

AGUS

AIR A CHUR A MACH LE H-UGHDARRAS ARD-SHEANAIDH EAGLAIS  
NA H-ALBA.

DUNEIDIN:

CLO-BHUAILTE AIRSON A CHOMUINN DHUTHCHASAICH CHUM  
CRAOBHSGAOILIDH A' BHIUBUILL,

LEIS A' CHUIDEACHD CLO-BHUALAIDH MHAR-SANTAICH.

---

MDCCCLXIII.



# THE HISTORY OF THE

REIGN OF KING CHARLES THE FIRST

BY SAMUEL JOHNSON

LONDON: Printed by A. MILLAR, in Pall-mall.

1720.

IN TWO VOLUMES.

Vol. I.

—

—

# AN SOISGEUL

A REIR

## M H A T A.

### CAIB. I.

1 *Sinnsearachd, 18 gineamhuinn, 21 breith, 23 agus mineachadh ainm Chriosd.*

**L**EABHAR ginealaich Iosa Criosd, mhic Dhaibhidh, mhic Abraham.

2 Ghin Abraham Isaac, agus ghin Isaac Iacob, agus ghin Iacob Iudas agus a bhràithrean.

3 Agus ghin Iudas Phares agus Sara o Thamar, agus ghin Phares Esrom, agus ghin Esrom Aram.

4 Agus ghin Aram Aminadab, agus ghin Aminadab Naason, agus ghin Naason Salmon.

5 Agus ghin Salmon Boos o Rachab, agus ghin Boos Obed o Rut, agus ghin Obed Iese.

6 Agus ghin Iese Daibhidh an rìgh, agus ghin Daibhidh an rìgh Solamh o'n mhnaoi a bha aig Urias.

7 Agus ghin Solamh Roboam, agus ghin Roboam Abia, agus ghin Abia Asa.

8 Agus ghin Asa Iosaphat, agus ghin Iosaphat Ioram, agus ghin Ioram Osias.

9 Agus ghin Osias Iotam, agus ghin Iotam Ahas, agus ghin Ahas Esecias.

10 Agus ghin Esecias Manases, agus ghin Manases Amon, agus ghin Amon Iosias.

11 Agus ghin Iosias Iechonias agus a bhràithrean, mu àm an giùlain do Bhabilon. 12 Agus an déigh an toirt do Bhabilon, ghin Iechonias Salatiel, agus ghin Salatiel Serobabel.

13 Agus ghin Serobabel Abiud, agus ghin Abiud Eliacim, agus ghin Eliacim Asor.

14 Agus ghin Asor Sadoc, agus ghin Sadoc Achim, agus ghin Achim Eliud.

15 Agus ghin Eliud Eleasar, agus ghin Eleasar Matan, agus ghin Matan Iacob.

16 Agus ghin Iacob Ioseph fear-pòda Mhuire, o'n d'rugadh Iosa, d'an goirear Criosd.

17 Uime sin na h-uile ghinealaich o Abraham gu Daibhidh, is ceithir ginealaich deug iad; agus o Dhaibhidh gu bruid Bhabiloin, ceithir ginealaich deug; agus o bhruid Bhabiloin gu Criosd, ceithir ginealaich deug.

18 Agus mar so bha breith Iosa Criosd: oir an déigh do cheangal-pòsaidh bhi air a dheanamh eadar a mhàthair Muire agus

Ioseph, roimh dhoibh teachd cuideachd, fhuaradh torrach i o'n Spiorad Naomh.

19 Ach air bhi do Ioseph a fear 'n a dhuine cothromach, agus gun toil aige ball-samp-uill a dheanamh dhi, bu mhian leis a cur uath os ìosal.

20 Ach ag smuaineachadh nau nithean sin dha, feuch, dh'fhoillsich aingeal au Tigh-earn, e féin da ann am brúadar, ag ràdh, A Ioseph, a mhic Dhaibhidh, na bitheadh eagal ort do bhean Muire a ghabhail a d'ionnsuidh: oir an ui a tha air a ghineadh uin iunte, is ann o'n Spiorad Naomh e.

21 Agus beiridh i mac, agus bheir thu Iosa mar ainm air; oir saoraidh e a shlugh féin o'n peacaidhean.

22 (Agus rinneadh so uile chum gu'n coimhliontadh an ui a thubhairt an Tigh-earn leis an fhàidh, ag ràdh,

23 Feuch, bithidh maighdean torrach, agus beiridh i mac, agus bheir iad Eumanuel mar ainm air, is ionnan sin r'a ràdh, air eadar-theangachadh, Dia maille ruinn.)

24 Agus air mosgladh do Ioseph asa chodal, rinn e mar a dh'iarr aingeal an Tighearn, air, agus ghabh e d'a ionnsuidh a bhean:

25 Agus cha d'aithnich e i gus an d'rug i a ceud-ghin mic; agus thug e Iosa mar ainm air.

### CAIB. II.

1 *Thug na druidhean urram do Chriosd: 14 Theich Ioseph leis do'n Eiphit, 16 agus mharbhadh Herod na leanabain.*

**A**GUS an uair a rugadh Iosa ann am Betlehem Iudea, ann an làitheibh Heroid an rìgh, feuch, thàinig druidhean o'n àird au car gu Ierusalem,

2 Ag ràdh, C'àit am bheil rìgh sin nan Iudhach a tha air a bhreith? oir chunnaic sinne a reult's an àird an ear, agus tha sinn air teachd a thabhairt aoraidh dha.

3 An uair a chuala Herod an rìgh sin, bha e fo thrioblaid, agus Ierusalem uile maille ris.

4 Agus air cruinneachadh nau àrd-shagart uile dha, agus sgrìobhaichean an t-sluaigh, dh'fheoraich e dhiubh c'àit an robh Criosd gu bhi air a bhreith.

5 Agus thubhairt iad ris, Ann am Betlehem Iudea: oir mar so sgrìobhadh leis an fhàidh,



6 Agus thusa Bhetlehem ann an tìr Iudah, cha tu idir a's lugha am measg cheannard Iuda: oir asadsa thig Uachdaran a stiùras mo shluagh Israel.

7 An sin air do Herod na druidhean a ghairm os iosal d'a ionnsuidh, gheur-fhiosraich e dhiubh cia an t-àm anns an d'fhoillsicheadh an reult.

8 Agus chuir e iad gu Betlehem, agus thubhairt e, Imichibh, agus iarraidh gu dìchiollach an naoidhean; agus an déigh dhuibh 'fhaotainn, innsibh dhonnsa c, chum gu'n rachainn-sa féin, agus gu'n deanainn aoradh dha.

9 Agus an uair a chual' iad an rìgh, dh'imich iad; agus, feuch, chaidh an reult a chunnaic iad 's an àird an ear rompa, gus an d'fhàinig i agus gu'n do stad i os ceann an ionaid' an robh an naoidhean.

10 Agus an uair a chunnaic iad an reult, rinn iad gairdeachas le h-aobhneas ro mhòr.

11 Agus air dol a steach dhoibh do'n tigh, fhuair iad an naoidhean maille r'a mhàthair Muire, agus thuit iad sìos, agus rinn iad aoradh dha: agus air fosgladh an ionmhas dhoibh, thug iad dha tiodhlacan; òr, agus tùis, agus mirr.

12 Agus air faotainn rabhaidh o *Dhia* ann am brúadar, gun iad a philltinn a dh'ionnsuidh Heroid, chaidh iad d'an dùthaich féin air slighe eile.

13 Agus an uair a dh'imich iad air an ais, feuch, nochdadh aingeal an Tighearna do Joseph ann am brúadar, ag ràdh, Eirich, agus gabh an naoidhean agus a mhàthair, agus teich do'n Eiphit, agus bi an sin gus an labhair mise riut: oir iarraidh Herod an naoidhean g'a mhilleadh.

14 Agus dh'éirich e, agus ghabh e d'a ionnsuidh an naoidhean agus a mhàthair 's an oidheche, agus dh'imich e do'n Eiphit:

15 Agus bha e an sin gu bàs Heroid: a chum gu'n coimhliontadh an nì a labhair an Tighearn leis an fhàidh, ag ràdh, A mach as an Eiphit ghoir mi mo Mhac.

16 An sin an uair a chunnaic Herod gu'n d'rinn na druidhean fànid air, las e le feirg ro mhòir, agus chuir e *luchd-marbhaidh* uaith, agus mharbh e na bha de leanabaibh mac ann am Betlehem, agus 'n a crìochaibh uile, o aois dhà bhliadhna agus foidhe, a réir na h-aimsir a dh'fhòghluim e gu dìchiollach o na druidhean.

17 An sin choimhlionadh an nì a labhradh le Ieremias ann fàidh, ag ràdh,

18 Chualas guth ann an Rama, caoidh, agus gul, agus bròn ro mhòr, Rachel a' caoineadh a cloinne, agus cha b'àill leatha sòlas a ghabhail, a chionn nach 'eil iad beò.

19 Ach an uair a dh'éug Herod, feuch, nochdadh aingeal an Tighearn ann am brúadar do Joseph 's an Eiphit,

20 Ag ràdh, Eirich, agus gabh an naoidhean agus a mhàthair, agus imich gu talamh

Israeil: oir fhuair an dream a bha 'g iarraidh anama an leinibh bàs.

21 Agus dh'éirich esan, agus ghabh e an leanabh agus a mhàthair d'a ionnsuidh, agus thàinig e gu talamh Israeil.

22 Ach an uair a chual e gu'n robh Archelaus 'n a rìgh 'an tìr Iudea an àite Heroid 'athar, bha eagal air dol an sin: ach, air faotainn rabhaidh dha o *Dhia* ann am brúadar, thionndaidh e gu crìochaibh Ghailile:

23 Agus thàinig e agus ghabh e còmhnuidh ann am baile d'an goirear Nasaret, a chum gu'n coimhliontadh an nì a labhradh leis na fàidhean, Gu'n goirear Nasarach dheth.

### CAIB. III.

1 *Teagasg, dreuchd, agus cùltheamh-beatha Eoin Baistidh.* 7 *Thug e achnlhasan do na Phairisich.* 13 *Bhaist e Crìosd ann an uisge Iordain.*

**A**GUS anns na làithibh sin thàinig Eoin Baistidh, a' scarmonachadh ann am fàsach Iudea,

2 Agus ag ràdh, Gabhaibh aithreachas: oir tha rìoghachd nèimh an fagus.

3 Oir is e so an ti ud mu'n do labhair Esaias am fàidh, ag ràdh, Guth an ti a ghlaodhas anns an fhàsach, Ulluichibh slighe an Tighearna, deanaibh a cheuman dìreach.

4 Agus bha a chulaidh aig Eoin de fhionna chàmhail, agus crìos leathair aige timchioll a leasraidh; agus is e 'bu bhiadh dha locuist agus mìl fhiadhaich.

5 Chaidh Ierusalem a mach d'a ionnsuidh an sin agus Iudea uile, agus luchd-àiteachaidh na dùthcha timchioll Iordain uile.

6 Agus bhaisteadh iad leis-san ann an Iordan, ag aidaichadh am peacaidhean.

7 Ach an uair a chunnaic e mòran de na Phairisich, agus de na Sadusaich a' teachd a chum a bhaistidh-san, thubhairt e ri u, A shìol nan nathraichean nimhe, cò a thug rabhadh dhuibh-sa teicheadh o'n fheirg a tha ri teachd?

8 Air an aobhar sin thugaibh a mach toradh ionchuidh do'n aithreachas.

9 Agus na smuainichibh a ràdh annaibh féin, Tha Abraham 'n a athair againn: oir tha mi ag ràdh ribh, gur comasach Dia air clann a thogail suas do Abraham de na clachaibh sin.

10 Agus a nis tha an tuadh air a cur ri freumh nan crann: air an aobhar sin, ge b'e crann nach toir a mach toradh maith, gearrar sìos e, agus tilgear 's an teine e.

11 Gu deimhin tha mise 'g'ur baisteadh le h-uisge chum aithreachais; ach an ti a thig a'm' dhéigh, is cumhachdaiche e na mi, agus cha-n airidh mise air a bhàrdan a ghiulan: baistidh esan sibh leis an Spiorad Naomh, agus le teine:

12 Aig am bheil a ghluith 'n a làimh, agus glanaidh e gu ro bhaileach 'ùrlar-bualaidh, agus cruinnichidh e a chruthneachd d'a

thigh-tasgaidh; ach loisgidh e am moll le teine nach feudar a mlùchadh.

13 An sin thàinig Iosa o Ghalile gu Iordan a dh'ionnsuidh Eoin, chum gu'm bitheadh e air a bhaisteadh leis.

14 Ach bhac Eoin e, ag ràdh, Tha feum agamsa bhi air mo bhaisteadh leatsa, agus am bheil thusa a' teachd do m' ionnsuidh-sa?

15 Agus fhreagair Iosa agus thubhairt e ris, Leig do'n chùis a bhi mar so a nis; oir mar so is iomchuidh dhuinn gach uile fhìreantachd a choimhlionadh. An sin dh'fhlaing e dha.

16 Agus an uair a bhaisteadh Iosa, chaidh e air ball suas as an uisge; agus, feuch, dh'fhosglaidh nèamh dha, agus chunnaic e Spiorad Dhé a' tuirling mar choluman, agus a' teachd air-san:

17 Agus, feuch, guth o nèamh, ag ràdh, Is e so mo Mhac gràdhach, anns am bheil mo mhòr-thlachd.

#### CAIB. IV.

1 *Bhuair an diabhul Crìosd.* 17 *An dèigh do Iosa buadhachadh air, thòisich e air scarmonachadh.* 24 *Shlànnaich e sluagh a bha eusan.*

**A**N sin thredraicheadh Iosa leis an Spiorad do'n fhàsach, chum gu'm bith-eadh e air a bhuaireadh leis an diabhul.

2 Agus an uair a thraisg e dà fhichead là agus dà fhichead oidhche, an dèigh sin bha ocras air.

3 Agus air teachd do'n bhuaireadair d'a ionnsuidh, thubhairt e, Ma's tu Mac Dhé, thoir àithne do na clachaibh so a bhi 'n an aran.

4 Ach fhreagair esan agus thubhairt e, Tha e sgrìobhta, Cha-n ann leh-aran a nàin a bheathaichear duine, ach leis gach uile fhocal a thig o bheul Dhé.

5 An sin thug an diabhul e do'n bhaile naomh, agus chuir e air binnein an teamp-uill e,

6 Agus thubhairt e ris, Ma's tu Mac Dhé, tilg thu fém sios: oir tha e sgrìobhta, gu'n toir e àithne d'a ainglibh nu d' thimchioll, agus togaidh iad suas thu 'n an làmhann, chum nach buail thu uair air bith do chos air cloich.

7 Thubhairt Iosa ris a ris, Tha e sgrìobhta, Cha bhuair thu an Tighearn do Dhia.

8 Thug an diabhul e a ris chum beinne ro àird, agus nochd e dha uile rioghachdan an domhain, agus an glòir;

9 Agus thubhairt e ris, Iad so uile bheir mise dhuit, ma thuiteas tu sìos agus ma ni thu aoradh dhomhsa.

10 An sin thubhairt Iosa ris, Imich uam, a Shàtain: oir tha e sgrìobhta, Bheir thu aoradh do'n Tighearn do Dhia, agus dhasan 'n a aonar ni thu seirbhis.

11 An sin dh'fhàg an diabhul e; agus, feuch, thàinig ainglean agus fhrithheil iad da.

12 Ach an uair a chual Iosa gu'n do chuir-eadh Eoin 'an làimh, dh'imich e do Ghalile.

13 Agus air fàgail Nasaret da, thàinig e agus ghabh e còmhnuidh ann an Capernaum, a tha ri taobh na fairge, ann an leth-iomall Shabuloìn agus Nephtalim:

14 A chum gu'n coimhlionadh an ni a labhradh le Esaias ann fàidh, ag ràdh,

15 Talamh Shabuloìn, agus talamh Nephtalim, slighe na fairge air an taobh thall de Iordan, Galile nan Cinneach:

16 Am pobull a bha 'n an suidhe 'an dorchadas, chunnaic iad solus mòr; agus tha solus air éirigh do na daoineibh a bha 'n an suidhe 'an tìr agus 'an sgàil a' bhàis.

17 O sin a mach thòisich Iosa air scar-moin a dheanamh, agus a ràdh, Gabhaibh aithreachas, oir tha rioghachd nèimh am fagus.

18 Agus ag imeachd do Iosa ri taobh fairge Ghalile, chunnaic e dithis bhràithrean, Simon d'an goirear Peadar, agus Aindreas a bhràthair, a' tilgeadh lìn 's an fhainge: (oir b'iasgairean iad.)

19 Agus thubhairt e riu, Leanaibh mise, agus ni mi iasgairean air daoineibh dhiibh.

20 Agus air ball dh'fhàg iad na lìontan, agus lean iad esan.

21 Agus air triall da as a sin, chunnaic e dithis cile bhràithrean, Seumas mac Shebede, agus Eoin a bhràthair, ann an luing maille 'ar athair Sebede, a' càradh an lion: agus ghairm e iad.

22 Agus air ball dh'fhàg iad an long agus an athair, agus lean iad e.

23 Agus dh'imich Iosa timchioll Ghalile uile, a' teagasg 'n an sionagogaibh, agus a' searmonachadh soisgeil na rioghachd, agus a' slànachadh gach gnè thimnis, agus gach gnè cucail am measg an t-sluaigh.

24 Agus chaidh a chliu feadh Shìria uile: agus thug iad d'a ionnsuidh iadsan uile a bha eusan, agus a bha air an cuibhreachadh le galaraidh, agus iomadh gnè phian, agus iadsan aig an robh deamhain anna, agus air an robh an tuiteamach, agus luchd pairilis; agus shlànnaich e iad.

25 Agus lean cuideachd mhòr e o Ghalile, agus o Dhecapolis, agus o Ierusalem, agus o Iudea, agus o na crìochaibh a tha an taobh thall de Iordan.

#### CAIB. V.

1 *Searmoin Chrìosd air a' bheinn, anns an bheil na h-òchd beannachdan,* 17 *agus mìn-eachadh an lagha.*

**A**GUS an uair a chunnaic Iosa an sluagh, chaidh e suas air beinn; agus air suidhe dha, thàinig a dheisciobuil d'a ionnsuidh.

2 Agus dh'fhosgail e a bheul, agus theagaisg e iad, ag ràdh,

3 *Is beannaichte iadsan a tha bochd 'n an spiorad:* oir is leo rioghachd nèimh.

4 *Is beannaichte iadsan a tha ri bròn:* oir gheibh iad sòlas.



5 *Is beannaichte na daoine macanta: oir seallbhaichidh iad an talamh mar oigh-reachd.*

6 *Is beannaichte an dream air am bheil ocras agus tart na còrach: oir sàsuichear iad.*

7 *Is beannaichte na daoine tròcaireach: oir gheibh iad tròcair.*

8 *Is beannaichte na daoine a tha glan 'n an cridhe: oir chi iad Dia.*

9 *Is beannaichte luchd-deanamh na sìthe: oir goirear clann Dhé dhiubh.*

10 *Is beannaichte an dream a tha 'fulang geur-leanmhuinn air son na còrach: oir is leo-san rìoghachd nèimh.*

11 *Is beannaichte bhithreas sibh an uair a bheir daoine anacaint dhuibh, agus a ni iad geur-leanmhuinn oirbh, agus a labhras iad gach uile dhroch fhocal ribh gu breugach, air mo sgàth-sa.*

12 *Deanaibh gairdeachas, agus bithibh ro shubhach; oir is mòr bhur duais air nèamh: oir mar sin rinn iad geur-leanmhuinn air na fàidhibh a bha roimhibh.*

13 *Is sibhshe salann na talmhainn: gidheadh ma chailleas an salann a bhlas, ciod leis an saillear e? cha-n'eil feum ann o sin suas, ach a thilgeadh mach, agus a shaltairt fo chosaibh dhaoine.*

14 *Is sibhshe solus an t-saoghail. Cha-n fheudar baile a tha air a shuidheachadh air sliaibh fholach.*

15 *Agus cha las daoine coinnéal, chum gu'n cuir iad i fo shoitheach, ach ann an coinnleir, agus ni i solus do na bheil a stigh.*

16 *Gu ma h-ann mar sin a dhealraicheas bhur solus an làthair dhaoine, chum gu faic iad bhur deadh oibre, agus gu'n toir iad glòir do bhur n-Athair a tha air nèamh.*

17 *Na measaibh gu'n d'fhàinig mise a bhriseadh an lagha no nam fàidhean; cha-n ann a bhriseadh a thàinig mi, ach a choimhlionadh.*

18 *Oir tha mi ag ràdh ribh gu firinneach, Gus an téid nèamh agus talamh thairis, cha téid aon lide no aon phunc de'n lagh thairis, gus an coimhlionar gach aon ni.*

19 *Air an aobhar sin ge b'e neach a bhriseas aon de na h-àitheantaibh so a's lugha, agus a theagaisgeas daoine mar sin, goirear an duine a's lugha dheth ann an rìoghachd nèimh: ach ge b'e neach a ni, agus a theagaisgeas iad goirear duine mèr dheth ann an rìoghachd nèimh.*

20 *Oir tha mi ag ràdh ribh, Mar teir bhur fireantachd-sa barrachd air fireantachd nan sgrìobhaichean agus nam Phairiseach, nach téid sibh air chor air bith a steach do rìoghachd nèimh.*

21 *Chuala sibh, gu'n dubhradh ris na sinn-siribh, Na dean mortadh; agus ge b'e neach a ni mortadh, bithidh e 'an cunnart a' bhreitheanais.*

22 *Ach tha mise ag ràdh ribh, Ge b'e neach aig am bi fearg r'a bhràthair gun aobhar, gu'm bi e 'an cunnart a' bhreitheanais: agus ge b'e neach a their r'a bhràthair, Ràca, gu'm bi e 'an cunnart na comhairle: ach ge b'e neach a their, Amadain, gu'm bi e 'an cunnart teine ifrinn.*

23 *Uime sin ma bheir thu do thabhartas chum na h-altarach, agus gu'n cuimhnich thu an sin gu bheil ni air bith aig do bhràthair a'd' aghaidh;*

24 *Fàg do thabhartas an sin an làthair na h-altarach, agus imich, agus dean réite air tùs ri d' bhràthair, agus an déigh sin thig agus tabhair uait do thiodhlac.*

25 *Bi réidh ri d' eascaraid gu luath, an feadh a bhithreas tu maille ris 's an t-slighe; air eagal gu'n toir an t-eascaraid thairis thu do'n bhreitheamh, agus gu'n toir an breitheamh thu do'n mhaor, agus gu'n tilgear 'am prìosan thu.*

26 *Tha mi ag ràdh riut gu firinneach nach téid thu mach as a sin, gus an ioc thu an fheorling dheireannach.*

27 *Chuala sibh gu'n dubhradh ris na sinn-siribh, Na dean adhaltrannas.*

28 *Ach tha mise ag ràdh ribh, Ge b'e neach a dh'annhaireas air mnaoi chum a miannachadh, gu'n d'riinn e adhaltrannas leatha cheana 'n a chridhe.*

29 *Agus ma bheir do shùil dheas aobhar tuislidh dhuit, spion a mach i, agus tilg uait i: oir is fearr dhuit gu'n sgriosar aon de d' bhallaibh, na do chorp uile bhi air a thilgeadh do ifrinn.*

30 *Agus ma bheir do làmh dheas oilbheum dhuit, gearr dhòit i, agus tilg uait i: oir is fearr dhuit gu'n sgriosar aon de d' bhallaibh, na do chorp uile bhi air a thilgeadh do ifrinn.*

31 *Agus a dubhradh, Ge b'e 'chuireas a bhean-phòsda air falbh, thugadh e litir-dhealachaidh dhi.*

32 *Ach tha mise ag ràdh ribh, Ge b'e neach a chuireas air falbh a bhean-phòsda féin, ach a mhàin air son strìopachais, gu bheil e 'toirt oirre adhaltrannas a dheanamh: agus an ti a phòsas a' bhean sin a chuireadh air falbh, tha e a' deanamh adhaltrannais.*

33 *Mar an ceudna, chuala sibh gu'n dubhradh ris na sinn-siribh, Na tabhair miomnan eitheich, ach coimhlion do mhionnan do'n Tighearn.*

34 *Ach tha mise ag ràdh ribh, Na tugaibh miomnan idir: na tugaibh air nèamh, oir is e rìgh-chaitir Dhé e.*

35 *Na tugaibh air an talamh, oir is e stòl a chos e: na tugaibh air Ierusalem, oir is e baile a' rìgh mhòir e.*

36 *Na tabhair miomnan air do cheann, oir cha-n urrainn thu aon fhuiltein a dheanamh geal no dubh.*

37 *Ach gu ma h-e is combradh dhuibh,*

Seadh, seadh: Ni h-cadh, ni h-cadh; oir ge b'e ni a bhitheas os ceann so, is ann o'n olc a tha e.

38 Chuala sibh gu'n dubhradh, Sùil air son sùla, agus fiacaill air son fiaca.

39 Ach tha mise ag ràdh ribh, Na cuiribh an aghaidh an uile: ach ge b'e neach a bhuaileas tu air do ghial deas, tionndaidh thuige an gial eile mar an ceudna.

40 Agus an ti le'm b'aill thusa a thagradh 's an lagh, agus do chòta a bhuntainn diot, leig leis d'fhalluinn mar an ceudna.

41 Agus ge b'e bheir leis mìle a dh'ain-deoin thu, imich leis dà mhìle.

42 Tabhair do'n ti a dh'iarras ort; agus uaithsan le'm bu mhiann iasachd fhaotainn uait, na pill air falbh.

43 Chuala sibh gu'n dubhradh, Gràdhachidh tu do choimhearsnach, agus bithidh fuath agad do d' nàmhaid.

44 Ach tha mise ag ràdh ribh, Bitheadh gràdh agaibh do bhur naimhdebh, beann-aichibh an dream a mhallaicheas sibh, dean-aibh maith do na daoineibh air am beag sibh, agus deanaibh urnuigh air son na muinntir a tha 'buntuinn ribh gu naimhdeil, agus a tha 'g 'ur gear-leannmhuinn:

45 A chum gu'm bi sibh 'n 'ur cloinn aig bhur n-Athair a tha air nàmh: oir tha esan a' tabhairt air a ghréin féin éirigh air na droch dhaoineibh, agus air na daoineibh maith, agus a' cur uisge air na fircanaibh agus air na neo-fhìreanaibh.

46 Oir ma bhitheas gràdh agaibh do'n mhuinntir aig am bheil gràdh dhuibh, ciod an duais a gheibh sibh? nach 'eil eadhon na cis-mhaoir a' deamamh an ni ceudna?

47 Agus ma chuireas sibh fàilte air bhur bràithribh féin a mhàin, ciod a tha sibh a' deanaibh thar chàich? nach 'eil na cis-mhaoir féin a' deanamh an ni ceudna?

48 Air an aobhar sin bithibh-sa coimh-lionta mar tha bhur n-Athair a tha air nàmh coimhlionta.

## CAIB. VI.

1 *Tha Crìosd a' tabhairt mu dhéire, 5 mu urnuigh, 14 mu mhaithneas d'ar bràithribh, 16 mu thrasgadh, 25 agus mu ro-chlàram 'thaobh an t-saoghail so.*

**T**HUGAIBH an aire nach toir sibh bhur déire 'am fianuis dhaoine, chum gu'm faicear leo sibh; no cha-n fhaigh sibh tuar-sadal o bhur n-Athair a tha air nàmh.

2 Uime sin, an uair a bheir thu do dhéire, na toir faineag galltomp a shéideadh romhad, mar a ni na cealgaircan, amms na sionagogaibh, agus anns na sràidibh, chum gu faigh iad glòir o dhaoineibh. Gu fìrinn-each tha mise ag ràdh ribh, gu bheil an tuar-sadal aca.

3 Ach an uair a bheir thusa déire, na bith-eadh fios aig do làimh chli ciod a tha do làmh dheas a' deanamh;

4 Chum gu'm bi do dhéire 'an uaighidheas:

agus bheir d' Athair a chi 'an uaighidheas duais dhuitse gu follaiseach.

5 Agus an uair a ni thu urnuigh, na bi mar luchd an fhuar-chràbhaidh: oir is ion-mhuinn leo urnuigh a dheanamh amms na sionagogaibh, agus ann an coinneachadh nan sràid 'n an seasamh, chum gu'm faicear le daoineibh iad. Gu deimhin tha mise ag ràdh ribh, gu bheil an tuar-sadal aca.

6 Ach thusa, an uair a ni thu urnuigh, imich a steach do d' sheòmar, agus air dùnadh do dhoruis duit, dean urnuigh ri d' Athair a tha 'an uaighidheas, agus bheir d' Athair a chi 'an uaighidheas, duais dhuit gu follaiseach.

7 Ach an uair a ni sibh urnuigh na gnàth-aichibh ath-iarrtais dhìomhain, mar na Cinnich: oir saoilidh iadsan gu'n éisdear riu air son lionmhoireachd am briathar.

8 Uime sin na bithibh-sa cosmhuil riu: oir tha fios aig bhur n-Athair cia iad na nithean a tha dh'uireasbhuidh oirbh, mu'n iarr sibh air iad.

9 Air an aobhar sin deanaibh-sa urnuigh air a' mhodh so: Ar n-Athair a tha air nàmh, Gu naomhaichear d'ainm.

10 Thigeadh do rìoghachd. Deanar do thoil air an talamh, mar a nithear air nàmh.

11 Tabhair dhuinn an diugh ar n-aran laitheil.

12 Agus maith dhuinn ar fiachan, amhuil mar a mhaithas sinne d'ar luchd-fiach.

13 Agus na leig 'am buaireadh sinn; ach saor sinn o olc: oir is leatsa an rìoghachd, agus an cumhachd, agus a' ghloir, gu sìorruidh. Amen.

14 Oir ma mhaithas sibh an cionta do dhaoineibh, maithidh bhur n-Athair nàmh-aidh dhuibh-sa mar an ceudna:

15 Ach mur maith sibh an cionta do dhaoineibh, cha mhò a mhaithas bhur n-Athair dhuibh-sa bhur cionta.

16 Agus an uair a ni sibh trasgadh, na bitheadh grua'm air bhur gnùis, mar luchd an fhuar-chràbhaidh: oir cuiridh iadsan mi-dhreath air an aghaidh chum gu faicear le daoineibh iad a bhi 'trasgadh. Tha mi ag ràdh ribh gu fìrinn-each, gu bheil an tuar-sadal aca.

17 Ach thusa, an uair a ni thu trasgadh, cuir oladh air do cheann, agus ionnail d'aghaidh:

18 Chum nach faicear le daoineibh gu bheil thu a' deanamh trasgaidh, ach le d' Athair a tha 'an uaighidheas: agus bheir d' Athair a chi 'an uaighidheas, duais dhuit gu follaiseach.

19 Na taisgibh dhuibh féin ionmhais air an talamh, far an truail an leòmann agus a' mheirg e, agus far an cladaich na meirlich a stigh agus an goid iad.

20 Ach taisgibh ionmhais dhuibh féin air nàmh, far nach truail an leòmann no a'



mheirg, agus nach cladhach, agus nach goid na meirlich.

21 Oir ge b'e àit 's am bheil bhur n-ionnhas, is ann an sin a bhitheas bhur cridhe mar an ceudna.

22 Is i an t-shùil solus a' ehuirp: uime sin ma bhitheas do shùil glan, bithidh do chorp uile làn soluis.

23 Aeh ma bhitheas do 'shùil gu h-ole, bithidh do chorp uile dorcha. Air an aobhar sin ma tha an solus a tha annad 'n a dhorchadas, cia mòr an dorchadas sin?

24 Cha-n urrainn neach air bitl seirbhis a dheanamh do (dhà Thighearn: oir an dara cuid bithidh fuath aige do neach aca, agus gràdh do 'n neach eile; no gabhaidh e le neach aca, agus ni e càir air an neach eile. Cha-n urrainn sibh seirbhis a dheanamh do Dhia agus do Mhamon.

25 Uime sin tha mise ag ràdh ribh, Na bitheadh ro-chùram oirbh mu thimchioll bhur beatha, ciod a dh'itheas no dh'òlas sibh; no mu thimchioll bhur cuirp, ciod a chuireas sibh umaibh. Nach mò a' bheatha na 'm biadh, agus an corp na'n t-eudach?

26 Amhaircibh air eunlaith an athair: oir cha chuir iad sìol, agus cha bhuain iad, agus cha chruinnich iad ann an saibhlìbh: gidheadh tha bhur n-Athair nèamhaidh-sa 'g am beathachadh. Nach fearr sibhse gu mòr na iadsan?

27 Agus cò agaibh le mòr-chùram a dh'fheudas aon làmh-choille a chur r'a àirde féin.

28 Agus c'ar son tha sibh ro chùramach mu thimchioll bhur eulaidh? fòghlumaibh cionnus tha na hlighean a' fàs 's a' mhach-air; cha saothraich iad, agus cha snìomh iad.

29 Gidheadh tha mise ag ràdh ribh, Nach robh Solamh féin 'n a uile ghlòir, air eudachadh mar aon diubh so.

30 Air an aobhar sin, ma tha Dia mar sin a' sgeadachadh feoir na macharach, a tha an diugh ann, agus am màireach air a thilgeadh 's an àmhuinn, nach mòr na sin a sgeadaicheas e sibhse, a dhaoine air bheag creidimh?

31 Uime sin na bithibh làn de chùram, ag ràdh, Ciod a dh'itheas sinn? no ciod a dh'òlas sinn? no ciod a chuireas sinn umainn?

32 (Oir iad so uile iarraidh na Cinnich:) oir tha fios aig bhur n-Athair nèamhaidh gu bheil feum agaibh-sa air na nithibh so uile.

33 Ach iarraibh air tùs rioghachd Dhé, agus 'fhircantachd-san, agus cuirear na nithean so uile ribh.

34 Uime sin na bitheadh ro-chùram oirbh mu thimchioll an là màireach: oir bithidh a làn de chùram air an là màireach mu thimchioll a nithean féin: is leòr do'n là 'ole féin.

1 Tha ar Slànuidhean a' cronachadh breth ghrad, 6 a' toirmeasg nithean naomha 'chur 'an neo-shuim, 7 agus ag orduchadh urnnigh a dheanamh. 13 Chomhairlich e do gach neach dol a steach air an dorus chumhann.

**N**A tugaibh breth, chum nach toirear breth oirbh:

2 Oir a réir na breth a bheir sibh, bheirear breth oirbh: agus leis an tomas le'n tomhais sibh, tomhaisear dhuibh a ris.

3 Agus c'ar son tha thu a' faicinn an smùirnein a tha 'an sùil do bhràthar, aeh nach 'eil thu 'toirt faineir an t-sail a tha ann do shùil féin?

4 No cionnus a their thu ri d'bràthair, Fulaing dhomh an smùirnein a spionadh as do shùil; agus, feuch, an t-sail ann do shùil féin?

5 A chealgair, buin air tùs an t-sail as do shùil féin; agus an sin is léir dhuit gu maith an smùirnein a bhuntuinn á sùil do bhràthar.

6 Na toiribh an ni naomh do na madraibh, agus na tilgibh bhur nèamhuidean 'am fianuis nam mae, air eagal gu'n saltair iad orra le'n cosaibh, agus air pilltim doibh gu'n reub iad sibh féin as a chéile.

7 Iarraibh, agus bheirear dhuibh: siribh, agus gheibh sibh: buailibh an dorus, agus fosgailair dhuibh:

8 Oir gach uile neach a dh'iarras, glaeaidh e: agus ge b'e a shireas, gheibh e: agus do'n ti a bhuailas an dorus, fosgailcar.

9 Oir cò an duine agaibh-sa, ma's e 's gu'n iarr a mhac aran, a bheir clach dha?

10 Agus ma's iasg a dh'iarras e, an tabhair e nathair dha?

11 Air an aobhar sin ma's aithne dhuibh-sa 'tha ole, tiòdhlaean maithe a thabhairt do bhur cloinn, nach mòr na sin a bheir bhur n-Athair a tha air nèamh nithean maithe dhoibhsan a dh'iarras air iad?

12 Uime sin gach uile ni 'bu mhainn leibh daoine a dheanamh dhuibh-sa, deanaibh-sa a leithid dhoibhsan mar an ceudna: oir is e so an lagh agus na fàidhean.

13 Imichibh a steach air an dorus chumhann; oir is farsuinn an dorus, agus is leathan an t-slighe a tha 'treòrachadh chum sgrios, agus is Ìonmhor iad a tha 'dol a steach oirre:

14 Aeh is cumhann an dorus, agus is aimhleathan an t-slighe a tha 'treòrachadh chum na beatha, agus is tearc iad a tha 'g amas oirre.

15 Coimhidibh sibh féin o na fàidhibh bréige, a thig d'ur n-ionnsuidh ann an culaidhibh chaorach, ach a tha o'n leth a stigh 'n am madaibh-alluidh.

16 Air an toraibh aithnichidh sibh iad: an tionail daoine dearcann-fiona de dhrisibh, no figisean de na foghannanaibh?

17 Agus mar sin bheir gach uile chrann

maith toradh maith: ach bheir an droch chrann droch thoradh.

18 Cha-n fheud a' chraobh mhaith droch thoradh a ghiulau, no an droch chraobh toradh maith a thabhairt.

19 Gach uile chrann nach giulau toradh maith, gearrar sìos e, agus tilgear 's an teiue c.

20 Air an aobhar sin is ann air an toraibh a dh'aithnicheas sibh iad.

21 Cha-n e gach uile neach a their riumsa, A Thighearn', a Thighearn', a théid a steach do rìoghachd nèimh; ach an ti a ui toil m' Atharsa a tha air nèamh.

22 Is iomadh iad a their riumsa's an là ud, A Thighearn', a Thighearn', nach d'riim sinn fàidheadaireachd a' d'ainm-sa? agus a' d'ainm-sa uach do thilg sinn a mach deamhain? agus a' d'ainm-sa nach d'riun sinn iomadh miorbhuil?

23 Agus an sin aidichidh mise gu follaiseach dhoibh, Cha b'aithne dhomh riamh sibh: imichibh uam, a luchd-deanamh na h-eucorach.

24 Air an aobhar sin, gach uile neach a chluinneas na briathran so agamsa, agus a ni iad, samhluchidh mi e ri duine glie, a thog a thigh air carraig:

25 Agus thuirling an t-uisge, agus thàinig na tuitlean, agus shéid na gaothan, agus bhuail iad air an tigh sin: agus cha do thuit e, oir bha a blunadh suidhichte air earraig.

26 Agus gach uile neach a chluinneas ua briathrau so agamsa, agus nach coimhliou iad, samhluchear e ri duine amaideach a thog a thigh air a' ghaineamh:

27 Agus thuirling an t-uisge, agus thàinig na tuitlean, agus shéid na gaothan, agus bhuail iad air an tigh sin: agus thuit e; agus bu mhòr a thuiteam.

28 Agus tharladh an uair a chrìochnaich Iosa na briathran so, gu'n do ghabh am pobull iongantas r'a theagasg-san:

29 Oir theagaisg e iad nuar neach aig au robh cumhachd, agus cha-n ann mar na sgrìobhaichean.

#### CAIB. VIII.

1 *Ghlan Criosd an lobhar; 5 shlànuich e seirbhiseach a' Chaiptein-ceud; 14 agus màthair-chèile Pheadair: 23 Chluinich e an fhairge, 28 agus thilg e mach deamhain a' dithis dhaoinne.*

**A**GUS air teachd a nuas o'n bheimn dha, lean cuideachd mhòr e.

2 Agus, feuch, thàinig lobhar, agus riun e aoradh dha, ag ràdh, A Thighearna, ma's àill leat, is comasach thu air mise a ghlanadh.

3 Agus shìn Iosa mach a làmh, agus bhean e ris, ag ràdh. Is àill leam; bi thusa glan. Agus air ball bha a luibhre air a glanadh.

4 Agus thubhairt Iosa ris, Feuch nach innis thu do dhuine sam bith, ach imich,

taisbein thu féin do'n t-sagart, agus thoir d'a ionnsuidh an tìodhlac a dh'àithu Maois, mar fhianuis dhoibh.

5 Agus air dol do Iosa a steach do Chaper-naum, thàinig d'a ionnsuidh Caipitin-ceud, a' guidhe air,

6 Agus ag ràdh, A Thighearna, tha m'òglach 'n a luidhe a stigh le pairilis, agus air a phianadh gu h-anabarrach.

7 Agus thubhairt Iosa ris, Théid mise, agus leighisidh mi e.

8 Agus air freagairt do'n Chaipitiu-ceud, thubhairt e, A Thighearna, cha-u araidh mise air thusa a theachd a steach fo u' chléith: ach a mhàin abair am focal, agus slànuichear m'òglach.

9 Oir is cluime mise féin a tha fo ùghdarras, aig am bheil saighdearan fodham: agus their mi ris an fhear so, Imich, agus imichidh e: agus ris an fhear so eile, Thig, agus thig e: agus ri m' sheirbhiseach, Dean so, agus ni se e.

10 'N uair a chual' Iosa so, ghabh e iongantas, agus thubhairt e ris a' mhuinntir a lean e, Gu fìrinneach tha mi ag ràdh ribh, ann an Israel féin nach d'fhuair mi creidimh co mòr as so.

11 Agus tha mi ag ràdh ribh, gu'n tig mòr-an o'n àird an ear, agus o'n àird an iar, agus gu'n suidh iad maille ri Abraham, agus Isaac, agus Jacob, auu au rìoghachd nèimh:

12 Ach gu'n tilgear clann na rìoghachd ann an dorchadas a tha 'n leth a muigh; bithidh an sin gul agus giosgan fhiacal.

13 Agus thubhairt Iosa ris a' Chaipitin-ceud, Imich romhad, agus bitheadh dhuit a réir mar a chreid thu. Agus shlànuicheadh 'òglach air an uair sin féin.

14 Agus an uair a thàinig Iosa gu tigh Pheadair, chunnaic e màthair a mhàin a luidhe, agus i ann am fiabhras.

15 Agus bhean e r'a làimh, agus dh'fhàg am fiabhras i: agus dh'éirich i, agus rinn i fìrthealadh dha.

16 Agus an uair a bha am feasgar air teachd, thug iad d'a ionnsuidh mòran anns an robh deamhain; agus thilg e na spioraid a mach le 'focal, agus shlànuich e iad uile a bha euslan:

17 A chum gu'n coimhlioutadh an ni a labhradh le Esaia am fàidh, ag ràdh, Ghabh essan ar-n-amhmuineachdan air féin, agus ghlain e ar n-euslaintean.

18 Agus an uair a chunnaic Iosa sluagh mòr m'a thimchioll, dh'àithn e dol a sin do'n taobh eile.

19 Agus thàinig sgrìobhaiche àraidh, agus thubhairt e ris, A mhaighstir, leauaidh mise thu, ge b'e taobh a théid thu.

20 Agus thubhairt Iosa ris, Tha tuill aig na sionnaich, agus nid aig eumlaith an ath-air; ach cha-n'eil aig mac an duine ionad anns an cuir e a cheann foidh.



21 Agus thubhairt fear eile d'a dheisciob-  
luibh ris, A Thighearna, leig dhomh-sa imeachd air tús agus m' athair adhlacadh.

22 Ach thubhairt Iosa ris, Lean mise, agus leig leis na mairbh am mairbh féin adhlacadh.

23 Agus air dol dhàsan a steach do luìng, lean a dheisciobuil e.

24 Agus, feuch, dh'éirich doinionn mhòr air an fhaerge, ionnus gu'n d'fholaich na tuim an long: ach bha esan 'n a chodal.

25 Agus thàinig a dheisciobuil d'a ionnsuidh, agus dhùisg iad e, ag ràdh, A Thighearna, teasaing sinn: tha sinn caillte.

26 Agus thubhairt e riu, C'ar son a tha sibh fo eagal, sibhse air bheag creidimh? An sin dh'éirich e, agus ehronuich e na gaothan agus an fhaerge; agus bha ciùine mhòr ann.

27 Ach ghabh na daoine iongantais, ag ràdh, Ciod e 'ghnè dhuine so, gu bheil na gaothan féin agus an fhaerge ùmhail dha?

28 Agus air teachd dha do'n taobh eile, gu tìr nan Gergeseneach, thachair dithis dhaoine air, annsan robh deamhain, a' teachd a mach as na h-àitibh-adhlac, agus iad ro gharg, ionnus nach feudadh duine sam bith an t-slighe sin a ghabhail.

29 Agus, feuch, ghlaodh iad, ag ràdh, Ciod e ar gnothuch-ne riut, Iosa a Mhic Dhé? An d'thàinig thu an so g'ar pianadh roimh an am?

30 Agus bha treud mhòr mhuc 'am fad uatha, ag ionaltadh.

31 Agus dh'iarr na deamhain a dh'ath-chuinge airsan, ag ràdh, Mathilgeas tu mach sinn, leig dhuinn dol 's an treud mhuc ud.

32 Agus thubhairt e riu, Imichibh. Agus air dol a mach dhoibh, chaidh iad auns an treud mhuc: agus, feuch, ruith an treud mhuc uile gu dian sìos air ionad corrach, do'n chuan; agus chailleadh 's na h-uisge-eachaidh iad.

33 Agus theich na buachaillean, agus chaidh iad do'n bhaile, agus dh'innis iad na nithean so uile, agus na thachair dhoibh-san anns an robh na deamhain.

34 Agus, feuch, chaidh am baile uile a mach a choinneachadh Iosa; agus an uair a chunnaic iad e, ghuidh iad air imeachd as an crìochaibh-san.

### CAIB. IX.

1 An dèigh do Chrìost neach air an robh am pairilis a leigheas, 9 ghairm e Mata o bhòrd na cise; 10 dh'ith e maille ri cìs-mhaoir agus ri peacach; 20 shlànwich e bean air an robh dortadh fola; 32 agus duine balbh anns an robh deamhan.

**A**GUS air dol 'an luìng dha, chaidh e thar an uisge, agus thàinig e d'abhaile féin.

2 Agus, feuch, thug iad d'a ionnsuidh duine air an robh am pairilis, 'n a luidhe air leabaidh: agus an uair a chunnaic Iosa

an creidimh, thubhairt e ri fear na pairilis, Bitheadh deadh mhiseach agad, a mhic, tha do pheacaidhean air am maitheadh dhuit.

3 Agus, feuch, thubhairt dream àraidh de na sgrìobhaichibh anna féin, Tha am fear so a' labhairt toibheim.

4 Agus air do Iosa an smuaintean fhaicinn, thubhairt e, C'ar son tha sibh a' smuain-cachadh uile ann bhur cridheachaidh?

5 Oir cia a's usadh a ràdh, Tha do pheacaidhean air am maitheadh dhuit? no a ràdh, Eirich agus imich?

6 Ach a chum gu'm bi fios agaibh gu bheil cumhachd aig Mac an duine peacaidhean a maitheadh air an talamh, (thubhairt e an sin ri fear na pairilis,) Eirich, tog do leabaidh, agus imich do d' thigh.

7 Agus dh'éirich e, agus chaidh e d'a thigh féin.

8 Ach an uair a chunnaic am pobull so, ghabh iad iongantais, agus thug iad glòir do Dhia, a thug a leithid so a chumhachd do dhaoimibh.

9 Agus ag dol do Iosa as an àite sin, chunnaic e duine 'n a shuidhe aig bòrd na cise, d'am b'ainm Mata; agus thubhairt e ris, Lean mise. Agus dh'éirich e, agus lean se e.

10 Agus tharladh, air suidhe do Iosa aig biadh 's an tigh, feuch, thàinig mòran cìs-mhaoir agus pheacach, agus shuidh iad sìos maille ris-san agus r'a dheisciobluibh.

11 Agus an uair a chunnaic na Phairisich so, thubhairt iad r'a dheisciobluibh, C'ar son a dh'itheas blur maighistir-sa maille ri cìs-mhaoir agus ri peacach?

12 Ach an uair a chual' Iosa so, thubhairt e riu, Cha-n ann aig a' mhuinntir a tha slàn tha feum air an léigh, ach aig a' mhuinntir a tha cuslan.

13 Ach imichibh agus fòghlumaibh ciod a's ciall da so, Trècair is àill leam, agus cha-n iobairt: oir cha d'thàinig mise a ghairm nam fireanach, ach nam peacach chum aithreachais.

14 An sin thàinig deisciobuil Eoin d'a ionnsuidh, ag ràdh, C'ar son a tha sinne agus na Phairisich a' trasgadh gu minic, ach nì 'm bheil do dheisciobuil-sa a' trasgadh?

15 Agus thubhairt Iosa riu, Am feud clann seòmar an fhir-nuadh-phòda 'bhi brònach, am feadh a bhitheas am fear-nuadh-phòda maille riu? Ach thig na làithean anns an toircar am fear nuadh-phòda uatha, agus an sin nì iad trasgadh.

16 Cha chuir duine sam bith mìr de eudach nuadh air seann eudach: oir buinidh an nì a chuireadh g'a lionadh suas as an eudach, agus nithear an reubadh nì's miosa.

17 Cha mhò a chuireas daoine fion nuadh ann an seann searragaibh: no brisear na searragan, agus dòirtcar an fion, agus caill-e ar na searragan: ach cuiridh iad fion nuadh

ann an scarragaibh nuadha, agus bithidh iad araon tèarainte.

18 'N uair a bha e a' labhairt nan nithean so riu, feuch, thàinig uachdaran àraidh, agus thug e aoradh dha, ag ràdh, Fhuair mo nighean bàs air ball: ach thig-sa agus cuir do làmh oirre, agus bithidh i beò.

19 Agus dh'èirich Iosa, agus lean e fèin agus a dheisciobail e.

20 (Agus, feuch, thàinig bean, air an robh dòrtadh fola rè dhà bhliadhna dheug, air a chùlaobh, agus bhean i ri iomall 'cudaich:

21 Oir thubhairt i innte fèin, Ma bheanas mi ach ri 'eudach, bithidh mi slà.

22 Ach air tiomnadh do Iosa mu'u cuairt, chunnaic e i, agus thubhairt e, A nighean, bithidh deadh mhiseach agad; shlànuich do chreidimh thu. Agus bha a' bhean slàn o'n uair sin.)

23 Agus an uair a thàinig Iosa gu tigh an uachdarain, agus a chunnaic e an luchd-ciùil, agus a' chuideachd a' deanamh toirm bhròin,

24 Thubhairt e riu, Imichibh roimhibh, oir cha-n'eil an uigheanag marbh ach 'n a codal. Agus rinn iad gàire fochaid ris.

25 Ach an uair a chuireadh a' chuideachd a mach, chaidh e a steach, agus rug e air làmh oirre, agus dh'èirich an nigheanag.

26 Agus chaidh iomradh sin a mach air feadh na tìre sin uile.

27 Agus an uair a dh'imich Iosa as a sin, lean dithis dhall e, ag éigheach, agus ag ràdh, A Mhic Dhaibhidh, dean tròcair oirne.

28 Agus an uair a thàinig e steach do'n tigh, thàinig na doill d'a ionnsuidh: agus thubhairt Iosa riu, Am bheil sibh a' creidsiun gur comasach mise so a dheanamh? Thubhairt iad ris, Tha, a Thighearna.

29 An sin bhean e r'an sùilbh, ag ràdh, Bitheadh e dhuibh a réir bhrur creidimh.

30 Agus dh'fhosgladh an sùilean, agus bhagair Iosa gu geur orra, ag ràdh, Faicibh nach faigh neach air bith fios air so:

31 Ach an uair a dh'imich iad a mach, sgaoil iad a chliù air feadh na dùthcha sin uile.

32 Agus ag dol dhoibhsan a mach feuch, thug iad d'a ionnsuidh duine balbh anns an robh deamhan.

33 Agus an dèigh do'n deamhan a bhi air a thilgeadh a mach, labhair am balbhan: agus ghabh an sluagh iongantas, ag ràdh, Cha-n fhacas a leithid so ann an Israel riamh.

34 Ach thubhairt na Phairisich, Troimh phrionnsa nan deamhan tha e a' tilgeadh a mach dheamhan.

35 Agus ghabh Iosa mu chuairt nan uile chaithrichean agus bhailtean, a' teagasg 'n an sionagogaibh, agus a' searmonachadh soisgeil na rìoghachd, agus a' slànuchadh

gach uile euslaint agus eucail am measg a' phobuill.

36 Ach an uair a chunnaic e an sluagh, ghabh e truas diubh, air son gu'n robh iad air fannachadh, agus air an sgapadh o 'chéile, mar chaoraich aig nach 'eil buach-aill.

37 An sin thubhairt e r'a dheisciobluibh, Gu deimhin is mòr an fogharadh, ach is tearc an luchd-oibre.

38 Uinne sin guidhibh-sa air Tighearn an fhogharaidh, luchd-oibre 'chur a mach chum 'fhogharaidh fèin.

## CAIB. X.

1 *Chuir Criosd a mach a dhà Abstol deug, agus thug e cumhachd dhoibh mìorbhuilean a dheanamh; 5 theagaisg e iad: 16 thug e misneach dhoibh an aghaidh geur-leamhuinn, 40 agus gheall e beannachadh do'n dream a ghabhadh riu.*

**A**GUS air gairm a dhà dheisciobul deug d'a ionnsuidh, thug e cumhachd dhoibh an aghaidh nan spiorad neòghlan, gu'n tilgeadh a mach, agus a shlànuich gach gnè euslaint, agus gach gnè eucail.

2 Agus is iad so aiumean an dà Abstol deug; an ecud *fhear*, Simon d'an goircar Peadar, agus Andreas a bhràthair, Seumas mac Shebede, agus Eoin a bhràthair;

3 Philip agus Bartolomeu, Tomas, agus Mata an cis-mhaor, Seumas mac Alpheuis, agus Lebeus d'an co-aime Tadeus;

4 Simon an Canaanach, agus Iudas Iscariot, an neach fòs a bhrath esan.

5 Chuir Iosa an dà fhear dheug so a mach, a' tabhairt àitlne dhoibh, ag ràdh, Na gabhaibh gu slighe nan Cinneach, agus na rachaibh a steach do *aon* bhaile a bhuineas do na Samaritanaich:

6 Ach gu ma fearr leibh dol a dh'ionnsuidh chaorach chaillte tighe Isracil.

7 Agus air imeachd dhuibh, scarmonaichibh, ag ràdh, Tha rìoghachd nèimh am fagus.

8 Leighisibh an dream a tha tinn, glanaibh na lobhair, dùisgibh na mairbh, tilgibh a mach na deamhan: a nasgaidh fhuair sibh, a nasgaidh thugaibh seachad.

9 Na solairbh òr, no airgiod, no umha ann bhrur sporauaibh;

10 No màla chum bhrur turuis, no dà chòta, no brògan, no bataichean: (oir is airidh am fear-oibre air a lòn.)

11 Agus ge b'e air bith caithir no baile d'an teid sibh a steach, feòraichibh cò a tha 'n a dheadh airidh innte; agus fanaibh an sin gus am fàg sibh an t-àite sin.

12 Agus an uair a thig sibh steach do thigh, beannaichibh dha.

13 Agus ma's airidh an tigh sin, thigeadh bhrur sìth air; ach mur airidh, pillcadh bhrur sìth do bhrur n-ionnsuidh fèin a ris.

14 Agus ge b'e neach nach gabh ribh, agus nach éisd ri 'ur briathraibh; air dol a mach



as an tigh, no as a' bhaile sin dhuibh, crath-airbh dhibh duslach bhur cos.

15 Gu deimhin tha mi ag ràdh ribh, gur so-ìomhaire a bhitheas staid fearainn Shodoin agus Ghomorah ann an là a' bhreithcanais, na staid a' bhaile sin.

16 Feuch, cuiream-sa sibhse nach mar chaoarach am measg mhadaidh-alluidh: air an aobhar sin bithibh-sa glic mar na nathrachean, agus neo-chronail mar na columain.

17 Ach bithibh air bhur faicill o dhaoibh: oir bheir iad 'an làimh sibh do chomhairlibh, agus sgiùrsaidh iad sibh 'n an sion-agogaibh:

18 Agus bheirear sibh an làthair uachdaran agus rìghrean air mo sgàth-sa, mar fhianuis dhoibh-san agus do na Cinnich.

19 Ach an uair a bheir iad 'an làimh sibh, na biodh e 'n a ro-chàs oirbh cionnus no ciod a labhras sibh; oir bheirear dhuibh 's an uair sin féin an uir a labhras sibh.

20 Oir cha sibhse a labhras, ach Spiorad bhur n-Athar féin a labhras annaibh.

21 Agus bheir am bràthair a bhràthair féin suas chum bàis, agus an t-athair am mac; agus éiridh a' chlam an aghaidh am pàrantan, agus bheir iad fainear gu'n cuir-eas gu bàs iad.

22 Agus bithidh fuath aig na h-uile dhaoibh dhuibh air son m'ainme-sa: ach ge b'e 'bhuanachas gus a' chrìoch, is e so a thèarnar.

23 Agus an uair a ui iad geur-leannmhuinn oirbh 's a' bhaile so, teichibh gu baile eile; oir gu deimhin tha mi ag ràdh ribh, Nach imich sibh air feadh bhaltean Israeil mu'n tig Mac an duine.

24 Cha-n'eil an deisciobul os ceann a mhaighstir, no au seirbhiseach os ceann a thighearna.

25 Is leòr do'n deisciobul a bhi mar a mhaighstir, agus do'n t-seirbhiseach a bhi mar a thighearn: ma ghoir iad Beelsebub de fhear an tìghe, nach mò na siu a ghoir-eas iad e d'a mhuinntir?

26 Uime sin na bitheadh cagal oirbh rompa: oir cha-n'eil ni sam bith foilaichte, nach foillsichear; agus 'an cleith, nach deanar aithnichte.

27 An ni a dh'innseas mise dhuibh 's an dorchadas, labhraibh e 's an t-solus; agus an ni a chluinneas sibh 's a' chluais, scar-monaichibh e air mullach nan tighean.

28 Agus na bitheadh eagal na muinntir sin oirbh a mharbhas an corp, ach aig nach 'eil comas an t-anam a mharbhadh: ach gu ma mò bhitheas eagal an Ti sin oirbh, a's urrainn an corp agus an t-anam a mhilleadh araon ann an ifrinn.

29 Nach 'eil dà ghealbhoon air an reic air fheoiring? agus cha tuit a h-aon diubh air an talamh as cugmhais freasdail bhur n-Athar-sa.

30 Ach tha cadhon fuilteinean bhur cinn uile air an àireamh.

31 Air an aobhar sin na bitheadh cagal oirbh, is fearr sibhse na mòran ghealbhoon.

32 Uime sin ge b'e 'dh'aidicheas inise 'am fianuis dhaoine, aidichidh mise esan mar au ceudna 'am fianuis m'Athar a tha air nèamh.

33 Ach ge b'e 'dh'aidheadhas mise 'am fianuis dhaoine, àicheadhaidh mise esan 'am fianuis m'Athar a tha air nèamh.

34 Na measaibh gu'n d'fhàinig mise a chur sìthe air an talamh: cha-n ann a chur sìthe a thàinig mi, ach a chur claidheimh;

35 Oir thàinig mi a chur duine an aghaidh 'athar, agus ua uighinn an aghaidh a màthar, agus bean a' mhic an aghaidh a màthar-chèile.

36 Agus is iad muiantir a theaghlach féin a bhitheas 'n an naimhdean do dhuine.

37 An ti a ghràdhaicheas athair no màthair nìs mò na mise, cha-n airidh orm e: agus an ti a ghràdhaicheas mac no nighean os mo cheam-sa, cha-n airidh orm e:

38 Agus an ti nach glac a chrann-ceusaidh, agus nach lean mise, cha-n airidh orm e.

39 An ti a gheibh 'anam, caillidh se e: ach an ti a chailleas 'anam air mo shonsa, gheibh se e.

40 An ti a ghabhas ribhse, gabhaidh e riumsa; agus an ti a ghabhas riumsa, gabhaidh e ris an ti a chuir uaith mi.

41 An ti a ghabhas ri fàidh ann an ainm fàidh, gheibh e duais fàidh; agus an ti a ghabhas ri fìrcan ann an ainm firein, gheibh e duais firein.

42 Agus ge b'e 'bheir cupan a dh'uisge fuar a mhàin r'a òl do aon neach de 'n fheadhain bheaga so, ann an ainm deisciobuil, gu deimhin tha mi ag ràdh ribh, uach caill e air chor sam bith a dhuais.

## CAIB. XI.

1 Chuir Eoin a dheisciobuil a dh'ionnsuidh Chriosd. 7 Fianuis Chriosd mu thimchioll Eoin. 18 Barail an t-sluaigh mu thimchioll Eoin agus mu thimchioll Chriosd. 20 Chronaich Chriosd muinntir Bhetsaida, &c. 28 A ghairm thròcaireach do'n t-sluaigh a tha fo throm uallach.

**A**GUS tharladh, an uair a chròcaich Iosa àithcantan a thabhairt d'a dhà dheisciobul deug, gu'n d'innich e as a sin a thcagasg agus a shearmonachadh 'n am bailtibh.

2 A nis an uair a chual' Eoin 's a' phrìosan gnìomharan Chriosd, chuir e dìthis d'a dheisciobuibh d'a ionnsuidh,

3 Agus thubhairt e ris, An tusa an ti ud a bha ri teachd, no am bi sùil againn ri neach eile.

4 Fhreagair Iosa agus thubhairt e riu, Imichibh agus innsibh do Eoin na nithcan a tha sibh a' cluinntinn agus a' faicinn:

5 Tha na doill a' faotainn an radhaire,

agus na bacadh ag imeachd, tha na lobhair air an glanadh, agus na bothair a' chuinn-tinn, tha na maibh air an dùsgadh, agus an soisgeul air a shearmonachadh do na bochdan.

6 Agus is beannaichte an ti nach faigh oibheum annam-sa.

7 Agus air imeachd dhoibhsan air falbh, thòisich Iosa air labhairt ris an t-sluagh mu thimchioll Eoin, *ag ràdh*, Ciod e an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

8 Ach ciod e an ni a chaidh sibh a mach a dh'fhaicinn? an e duine air a sgèdachadh ann an eudach mìn? feuch, a' mhuinntir a chaitheas eudach mìn, is ann an tighibh nan rìghrean a tha iad.

9 Ach ciod e an ni a chaidh sibh a mach a dh'fhaicinn? An e fàidh? seadh, tha mi ag ràdh ribh, agus nìs mò na fàidh.

10 Oir is e so an ti mu'm bheil e sgrìobhta, Feuch, cuiream-sa mo theachdair roimh do ghmùis, a dh'nulluicheas do shlighe romhad.

11 Gu deimhin tha mi ag ràdh ribh, 'n am measg-san a rugadh le mnàibh, nach d'éirich neach a's mò na Eoin Baistidh: gidheadh, an ti sin a's lugha ann an rìoghachd nèimh, is mò e na ean.

12 Agus o làithibh Eoin Baistidh gus a nis, tha rìoghachd nèimh a' fulang ainneirt, agus luchd na h-ainneirt 'g a glacadh le lamhachas-fàidir.

13 Oir rinn na fàidhean uile, agus an lagh fàidheadaireachd *gu àm* Eoin.

14 Agus ma's toil leibh a ghabhail, is e so Elias a bha ri teachd.

15 Ge b'e aig ann bheil cluasan chum éisd-eachd, éisd-eachd e.

16 Ach co ris a shamhluicheas mise an ginealach so? Is cosmhail e ri cloinn a shuidheas anns a' mhargadh, agus ag éigh-each r'an companaigh,

17 Agus ag ràdh, Rinn sinne pìobair-eachd dhuibhse, ach cha d'rinn sibhse danna: rinn sinne tuireadh dhuibhse, ach cha d'rinn sibhse gul.

18 Oir thàinig Eoin cha-n ann ag itheadh no ag òl, agus tha iad ag ràdh, Tha deamhan aige.

19 Thàinig Mac an duine ag itheadh agus ag òl, agus tha iad ag ràdh, Feuch, duine geòcach agus pòiteir fiona, caraid chis-mhaor agus phacach: ach tha gliocas air a fireanachadh le a cloinn.

20 An sin thòisich e air achmhasan a thabhairt do na bailtibh anns am mò a rinn-eadh d'a oibribh cumhachdach, air son uach d'rinn iad aithreachas.

21 Is an-aobhinn duit, a Chorasin; is an-aobhinn duit, a Bhetsaida: oir nam bitheadh na h-oibre cumhachdach a rinneadh ann-aibh-sa, air an deanamh ann an Tirus agus ann an Sidon, is fada o'n a dheanadh iad

aithreachas ann an sac-eudach agus 'an luathre.

22 Ach tha mi ag ràdh ribh, Gu'm bi staid Thirus agus Shìdoin nìs so-iomchaire ann an là a' bhreitheanais, na bhitheas blur staid-sa.

23 Agus thusa, a Chapernaum, a tha air do thogail suas gu nèamh, tilgear sios gu h-ìfrinn thu: oir nam bitheadh na h-oibre cumhachdach a rinneadh annad-sa, air an deanamh ann an Sodom, dh'fhanadh e *gun a sgrìos* gus an dugh.

24 Ach tha mi ag ràdh ribh, gur so-iomchaire a bhitheas e do fhearran Shìdoin ann an là a' bhreitheanais, na dhuitse.

25 Anns an àm sin fhreagair Iosa agus thubhairt e, Tha mi a' toirt buidheachais dhuit, O Athair, Thighearna nèimh agus na talmhainn, air son gu'n d'fhoicil thu na nithean so o dhaoibh cagnuidh agus tuigseach, agus gu'n d'fhoillsich thu iad do leanabaibh.

26 Seadh, Athair, do bhrìgh gu'm b'ann mar sin a bha do dheadh thoil-sa.

27 Tha na h-uile nithean air an tabhairt thairis dhomhsa o n' Athair: agus cha-n aithne do neach air bith ann Mac, ach do'n Athair: nì mò is aithne do neach air bith ann a' Athair, ach do'n Mhac, agus do gach aon d'an àill leis a' Mhac 'thoilseachadh.

28 Thigibh a m'ionnsuidh-sa, sibhse uile a tha ri saothair, agus fo throm nallach, agus bheir mise suaimhneas dhuibh.

29 Gabhaibh mo chuing oirbh, agus fògh-lumaibh nam, oir tha mise macanta agus iriosal ann an cridhe: agus gheibh sibh fois do blur n-anamaibh.

30 Oir tha mo chuing-sa so-iomchar, agus tha m'uallach eutrom.

## CAIB. XII.

1 *Chronich Criosd doille nam Phairiseach mu thimchioll brisidh na sàbaid, 3 le sgrìobtuiribh, 11 le reuson, 13 agus le mìorbhuil. 22 Shlànnich e an duine dall agus balbh anns an robh deamhan. 31 Cha mhaithear toibheum an aghaidh an Spioraid naoinh.*

**C**HÀIDH Iosa 's an àm sin air là na sàbaid troimh na h-achaidh arbhair, agus bha ocras air a dheisciobuil, agus thòisich iad air diasan arbhair a bhuain, agus itheadh.

2 Ach an nair a chunnaic na Phairisich so, thubhairt iad ris, Feuch, tha do dheisciobuil a' deanamh an ni nach còir a dheanamh air là na sàbaid.

3 Agus thubhairt ean riu, Nach do leugh sibh ciod a rinn Daibhidh an uair a bha ocras air féin, agus air a' mhuinntir a bha maille ris;

4 Cionnus a chaidh e steach do thigh Dhé, agus a dlùth e aran na fiannis, nach robh ceaduichte dha féin itheadh, no dhoibhsan a bha maille ris, ach do na sàgartaibh a mhaigh?



5 No nach do leugh sibh 's an lagh, gu bheil na sagartan anns an teampull air làithibh na sàbaid a' briseadh na sàbaid, agus iad neo-chiontach?

6 Ach tha mise ag ràdh ribh, gu'm bheil 's an ionad so neach a's mò na'n teampull.

7 Agus nam bitheadh fhios agaibh ciod a's ciall da so, Tròcair is àill leam agus cha-n iobairt, cha ditedh sibh an dream a tha neo-chiontach.

8 Oir is e Mac an duine Tighearn na sàbaid.

9 Agus air dha imeachd as a sin, chaidh e steach d'an sionagog;

10 Agus, feuch, bha duine ann, aig an robh làmh sheargta: agus dh'fheoraich iad dheth, ag ràdh, Am bheil e ceaduichte leigheas a dheanamh air làithibh na sàbaid? chum gu'm bitheadh chis dhìtidh aca 'n a aghaidh.

11 Agus thubhairt esan riu, Cò an duine dhìbh-se, aig am bi aon chaora, agus ma thuiteas i ann an slochd air là na sàbaid, nach beir e oirre, agus nach tog e nìos i?

12 Nach mòr ma ta is fearr duine na caora? Uime sin tha e ceaduichte maith a dheanamh air làithibh na sàbaid.

13 An sin thubhairt e ris an duine, Sin a mach do làmh: agus slàn e mach i; agus bha i air a h-aiseag slàn, mar an làmh eile.

14 Ach chaidh na Phairisich a mach, agus chum iad comhairle 'n a aghaidh, cionnus a dh'fheadadh iad a mhilleadh.

15 Ach an uair a thuig Iosa so, dh'imich e as a sin: agus lean slòigh mhòr e, agus leighis e iad uile.

16 Agus thug e sparradh dhoibh chum nach deanadh iad aithnichte e:

17 A chum gu'n coimhlionadh an nì a labhradh le Esaias am fàidh, ag ràdh,

18 Feuch, mo sheirbhisich fèin a thagh mi; m'aon gràdhach anns am bheil tlachd aig m'anam: cuiridh mi mo Spiorad fèin air, agus nochdaidh e breitheanas do na Cinnich.

19 Cha dean e strì, agus cha ghlaodh e; nì mò a chluinneas neach air bith a ghuth air na sràidibh.

20 Cha bhris e a' chuille bhrùite, agus cha mhùch e an lion as am bi deatach, gus an tabhair e mach breitheanas chum buaidh.

21 Agus is ann à ainm-san a bhitheas muinighinn aig na Cinnich.

22 An sin thugadh d'a ionnsuidh duine anns an robh deamhan, dall agus balbh: agus shlànuich se e, ionnus gu'n do labhair am balbhan agus gu'n robh an dall a' faicinn.

23 Agus ghabh am pobull uile iongantais, agus thubhairt iad, An e so Mac Dhaibhidh?

24 Ach an uair a chuala na Phairisich so, thubhairt iad, Cha-n'eil am fear so a' tilgeadh a mach dheamhan, ach troimh Bhealsebub prionnsa nan deamhan.

25 Agus thuig Iosa an smuaintean, agus thubhairt e riu, Gach rioghachd a tha roimte 'n a h-aghaidh fèin, nithear 'n a fasach i; agus gach uile bhaile no tigh a tha roimte 'n a aghaidh fèin, cha seas e.

26 Agus ma thilgeas Sàtan a mach Sàtan, tha e roimte 'n a h-aghaidh fèin; air an aobhar sin cionnus a sheacas a rioghachd?

27 Agus ma tha mise troimh Bhealsebub a' tilgeadh a mach dheamhan cò troimh am bheil bhur clann-sa 'g an tilgeadh a mach? Uime sin bithidh iad 'n am breith-eamhnan oirbh:

28 Ach ma's ann le Spiorad Dhé a tha mise a' tilgeadh a mach dheamhan, thàinig rioghachd Dhé do bhur n-ionnsuidh-sa.

29 No cionnus is urrainn neach dol do thigh duine làidir, agus airneis a thighe a chreachadh, mur ceangail e air tùs an duine làidir? agus an sin creachaidh e a thigh.

30 An ti nach 'eil leam, tha e a' m' aghaidh; agus an ti nach cruinnich leam, sgapaidd e.

31 Air an aobhar sin tha mi ag ràdh ribh, Gu'm maithear gach peacadh agus gach toibheum do dhaoimibh: gidheadh cha mhaithear toibheum an aghaidh an Spioraid Naoimh do dhaoimibh.

32 Agus ge b'e neach a labhras focal an aghaidh Mhic an duine, maithear dha e: ach ge b'e neach a labhras an aghaidh an Spioraid Naoimh, cha mhaithear dha e, anns an t-saoghal so, no anns an t-saoghal a tha ri teachd.

33 An dara cuid deanaibh a' chraobh maith, agus a toradh maith; no deanaibh a' chraobh truailidh, agus a toradh truailidh: oir is ann air a toradh a dh'aithnichear a' chraobh.

34 A shliochd nan nathraichean nimhe, cionnus a dh'fheadas sibh nithean maithe a labhairt, o tha sibh fèin ole? oir is ann à pailteas a' chridhe a labhras am beul.

35 Bheir duine maith a mach nithean maithe á deadh ionmhas a chridhe: agus bheir an droch dhuine mach droch nithean as a dhroch ionmhas.

36 Ach tha mi ag ràdh ribh, Gu'n toir daoine cunntas ann an là a' bhreitheanas air son gach focail dhìomhain a labhras iad.

37 Oir is ann le d'fhoclaibh a shaorar thu, agus is ann le d'fhoclaibh a dhìtear thu.

38 An sin thugadh dream àraidh de na sgrìobhaichean agus de na Phairisich, ag ràdh, A mhaighstir, bu mhiann leinn comhara fhacinn uait.

39 Ach fhreagair esan agus thubhairt e riu, Tha gincalach ole agus adhaltrannach ag iarraidh comhara, agus cha toirear comhara dhoibh, ach comhar' an fhàidh Ionais.

40 Oir mar a bha Ionas 'am broinn na muice-mara tri làithean agus tri oidheachan; is ann mar sin a bhitheas Mac an duine ann

an cridhe na talmhaian tri làithean agus tri oidhchean.

41 Eiridh muinntir Nìnebheh 's a' bhreith-eanas maille ris a' ghinealach so, agus dìtidh iad e; oir rinn iad aithreachas aig searmoin Ionais; agus, feuch, *tha* nì's mò na Ionas an so.

42 Eiridh ban-rìghinn na h-àirde deas 's a' bhreitheanas maille ris a' ghinealach so, agus dìtidh i c: oir thàinig i o na h-àitibh a's iomallaiche de'n talamh a dh'éisdeachd gliocais Sholaimh; agus, feuch, *tha* nì's mò na Solamh an so.

43 An déigh do'n spiorad neòghlan dol a mach a duine, imichidh e troimh ionadaibh tiorma, ag iarraidh fois, agus cha-n fhaigh e.

44 An sin their e, Pillidh mi do m' thigh as an d'thàinig mi; agus air teachd dha, gheibh e falamh, sguabta, agus deadh-mhaiseach e.

45 Imichidh e an sin, agus bheir e leis seachd spioraid eile a's mìosa na e féin, agus théid iad a steach agus gabhaidh iad còmh-nuidh an sin: agus bithidh cor deireannach an duine sin nì's mìosa na a cheud chor. Is ann cadhon mar sin a thachairas do'n ghinealach aingidh so.

46 Agus air dha bhì fathast a' labhairt ris a' phobull, feuch, sheas a mhàthair agus a bhràithrean a muigh, ag iarraidh labhairt ris.

47 An sin thubhairt neach éigin ris, Feuch, tha do mhàthair, agus do bhràithrean 'u an seasamh a muigh, ag iarraidh labhairt riut.

48 Ach fhreagair esan agus thubhairt e ris an tì a dh'innis *so* dha, Cò i mo mhàthair? agus cò iad mo bhràithrean?

49 Agus air sìneadh a làimhe chum a dheisciobul, thubhairt e, Feuch mo mhàth-air, agus mo bhràithrean!

50 Oir ge b'e neach a ni toil m' Athar-sa a tha air nèamh, is e sin féin mo bhràthair, agus mo phìuthar, agus mo mhàthair.

#### CAIB. XIII.

1 *Cosamhlachd an t-sìoladair agus an t-sìl, 18 air eadar-mhìneachadh. 24 Cosamhlachd a' chogail; 31 an t-sìl mhùstard; 33 na luibhìn; 44 an ionnhaicis fholaichte; 45 agus na nèamh-nuid. 54 Rinn muinntir a dhùthcha tàir air Criosd.*

**A**IR an là sin féin chaidh Iosa mach as an tigh, agus shuidh e ri taobh na fairege.

2 Agus chruinnich sluagh mòr d'a ionn-suidh, air chor as air dol a steach do luig dha, gu'n do shuidh e; agus sheas an sluagh uile air an tràigh.

3 Agus labhair e mòran de nithean riu ann an cosamhlachdaibh, ag ràdh, Feuch, chaidh sìoladair a mach a chur *sìl*.

4 Agus ag cur an t-sìl da, thuit cuid dheth ri taobh an rathaid; agus thàinig na h-cun-laith agus dh'ith iad e.

5 Thuit cuid air ionadaibh creagach, far nach robh mòran talmhainn aige; agus air ball dh'fhàs e suas, a chionn nach robh doimhneachd talmhainn aige.

6 Ach air éirigh do'n ghrèin dhothadh e; agus a chionn nach robh freumh aige, shearg e as.

7 Agus thuit cuid am measg droighinn: agus dh'fhàs au droighinn suas, agus mhùch se e.

8 Ach thuit cuid eile ann am fearann maith, agus thug e toradh a mach, cuid a cheud uiread, cuid a thri fichead, cuid a dheich thar fhichead uiread *'s a chuir-cadh*.

9 Ge b'e neach aig am bheil cluasan chum éisdeachd, éiscadh c.

10 Agus thàinig na deisciobuil, agus thubhairt iad ris, C'ar son a tha thu a' labhairt riu ann an cosamhlachdaibh?

11 Fhreagair esan agus thubhairt e riu, Do bhrìgh gu'n d'thugadh dhuibh-sa còlas a bhì agaibh air rùn diomhair rioghachd nèimh, ach dhoibhsan cha-n'èil so air a thoirt.

12 Oir ge b'e neach aig am bheil, dhàsan bheirair, agus bithidh aige an tuilleadh pailteis: ach ge b'e neach aig nach 'eil, uaithesan bheirair cadhon an ni a tha aige.

13 Uime sin tha mise a' labhairt riu ann an cosamhlachdaibh, do bhrìgh air dhoibh sealltuinn nach faic iad, agus éisdeachd nach cluinn iad, agus nach tuig iad.

14 Agus aunta-san tha faidheadaireachd Esaiais air a coimhlionadh, a tha'g ràdh, Le h-éisdeachd cluinidh sibh, agus cha tuig sibh; agus le h-amharc chì sibh, agus cha-n aithnich sibh.

15 Oir tha cridhe a' phobuill so air fas reamhar, agus an cluasan mall chum éiscadh, agus dhruid iad an sùilean; air eagal uair air bith gu'm faicadh iad le'n sùilibh, agus gu'n cluinadh iad le'n cluasaibh, agus gu'n tuigeadh iad le'n cridhe, agus gu'm biodh iad air an iompachadh, agus gu'n slànuchinn-sa iad.

16 Ach is beannaichte bhur sùilean-sa, oir tha iad a' faicinn; agus bhur cluasan, oir tha iad a' cluinntinn.

17 Oir tha mi ag ràdh ribh gu fìrioneach, Gu'm b'iomadh fàidh, agus fìrcan leis am bu mhiann na nithean so fhaicinn a tha sibhse a' faicinn, agus nach fac' iad: agus na nithean so chluinntinn a tha sibhse a' cluinntinn, agus nach cual iad.

18 Eisidibh air an aobhar sin ri cosamhlachd an t-sìoladair.

19 An uair a chluinneas neach air bith focal na rioghachd, agus nach toir e fainear e, thig an droch spiorad, agus bheir e air falbh an ni a chuiradh n a chridhe: is e so esan anns an do chuiradh an sìol ri taobh an rathaid.

20 Ach esan a fhuair sìol ann an àitibh



creagach, is e so an ti a chluimeas an focal, agus a ghabhas e air ball le gairdeachas :

21 Gidheadh cha-n'eil freumh aigeam féin, ach fanaidh e ré tamuill: agus an uair a thig trioblaid no geur-leamhuinn air son an fhocail, air ball gheibh e oibheum.

22 Eas mar an ceudna a ghabh siol am measg an droighinn, is e so an ti a tha 'chinnintim an fhocail; agus tha ro-chùram an t-saoghail so, agus mealltaireachd beartais a' mùchadh an fhocail, agus bithidh e gun toradh.

23 Ach an ti ud a ghabh siol ann an deadh fhearam, is e sin an neach a tha 'chinnintim an fhocail, agus 'g a thoirt faicear; nach mar an ceudna 'tha 'giulan toraidh, agus a tha 'toirt a mach cnid a cheud uiread, cuid a thri fichead, agus cuid eile a dheich thar fhichead uiread 's a *chuireadh*.

24 Chuir e cosamhlachd eile mach dhoibh, ag ràdh, Is cosmhuil rioghachd nèimh ri duine a chuir siol maith 'n a fhearam:

25 Agus an uair a bha daoine 'n an codal, thàinig a nàmhaid agus chuir e cogal am measg a' chruithneachd, agus dh'innich e roimhe.

26 Ach an uair a thàinig an t-arbhar fo dhéis, agus a thng e mach a thoradh, dh'fhoillsich an cogal e féin mar an ceudna.

27 Agus air teachd do sheirbhiseich fhir-an-tighe thubhairt iad ris, A Thighearna, nach do chuir thusa siol maith ann ad fhearam? c'aite ma seadh as an d'fhair e an cogal?

28 Thubhairt esan riu, Rinn nàmhaid éigin so. Agus thubhairt na seirbhiseich ris, An àill leat uime sin gu'n téid sinne agus gu'n crinnich sinn ri 'chéile iad?

29 Ach thubhairt esan Cha-n àill; air eagal 'n uair a chruinnicheas sibh an cogal, gu'm spion sibh an cruithneachd maille ris.

30 Leigibh leo fàs araon gus an tig am fogharaidh: agus ann an àm an fhogharaidh their mise ris an luchd-buain, Cruinnichibh air tùs an cogal, agus ceanglaibh e 'na cheanglachain chum a losgaidh: ach cruinnichibh an cruithneachd do m' shabhal.

31 Chuir e mach cosamhlachd eile dhoibh, ag ràdh, Tha rioghachd nèimh cosmhuil ri gràinne de shìol mustard, a ghabh neach agus a chuir e 'n a fhearam.

32 Nì gun amharas a's ingha de gach uile phòr: gidheadh air fàs da, is e a's mò de na luibhean, agus fasaidh e 'n a chraun: ionnus gu'n tig emlaith an athair, agus gu'n dean iad mid 'n a gheugaibh.

33 Cosamhlachd eile labhair e rin; Is cosmhuil rioghachd nèimh ri taois ghoirt, a ghabh bean agus a dh'fholaich i ann an tri tomhasaibh mine, gus an do ghoirticheadh an t-ionlan.

34 Na nithean sin uile labhair Iosa ris a' phobull ann an cosamhlachdaibh: agus gun chosamhlachd cha do labhair e riu:

35 A chum gu'n combhliontadh an nì a labhradh leis an fhàidh, ag ràdh, Fosglaidh mi mo bhenlann an cosamhlachdaibh, cuiridh mi'n céill nithean a bha folaichte o thoiseach an t-saoghail.

36 An sin chuir Iosa am pobull air falbh, agus chaidh e steach do'n tigh: agus thàinig a dheisciobuil d'a ionnsuidh, ag ràdh, Minich dhuine cosamhlachd cogail an fhearainn.

37 Agus fhreagair esan agus thubhairt e rin, An ti a chuireas an siol maith is e Mac an duine e:

38 'S e 'm fearann an domhan: agus is e an siol maith clann na rioghachd: ach is e an cogal clann an droch *spioraid*:

39 'S e an nàmhaid a chuir iad an diabhul: 's e am fogharaidh deireadh an t-saoghail: agus is iad na buanaichean na h-àingil.

40 Agus amhail mar a chruinnichear an cogal, agus a loisgear le teine e, is ann mar sin a bhitheas ann an deireadh an t-saoghail so.

41 Cuiridh Mac an duine a'aingil naith, agus tionaidh iad as a rioghachd na h-nìle nithcan a bheir oibheum, agus iadsan a tha 'deanamh aingidheachd;

42 Agus tilgidh siad iad anns an àmhuinn air dearg-lasadh: an sin bithidh gul agus giosgan fhiacal.

43 An sin dealraichidh na fireanan mar a' girian ann an rioghachd an Athar féin. Ge b'e aig am bheil cluasan chum éisdeachd, éisdeadh e.

44 A ris, tha rioghachd nèimh cosmhuil ri ionnhas air 'fholach ann am fearann; nì an déigh fhaotainn, a dh'fholaich duine, agus air sgàth a ghairdeachais air a shon, dh'innich e agus reic e na bha aige uile, agus cheannaich e am fearann sin.

45 A ris, is cosmhuil rioghachd nèimh ri ceannaiche àraidh ag iarraidh nèamhnuidcan maiseach:

46 Agus air amas da air aon nèamhnuid ro luachmhoir, dh'innich e agus reic e na bha aige, agus cheannaich e i.

47 A ris, tha rioghachd nèimh cosmhuil ri lion air a thilgeadh 's an fhaighe, agus a chruinnich de gach uile sheòrsa *éisg*:

48 Agus air dha bli làn, tharruing na *h-iasgaircan* e chum na tràighe, agus air suidhe dhoibh, chruinnich iad na *h-éisg* mhaithle ann an soithichean, ach thilg iad na droch *éisg* a mach.

49 Is ann mar sin a bhitheas ann an deireadh an t-saoghail: théid na h-aingil a mach, agus dealaichidh iad na droch dhaoine a measg nam fireanach;

50 Agus tilgidh siad iad 's an àmhuinn theimnich: an sin bithidh gul agus giosgan fhiacal.

51 Thubhairt Iosa riu, An do thnig sibh na nithean so uile? thubhairt iad ris, Thuig, a Thighearna.

52 Agus thubhairt esan riu, Air an aobhar sin gach uile sgrìobhaiche a tha fòghluimte chuam rioghachd nèimh, is cosmluail e ri fear-tighe, a bheir a mach as 'ionmhas nith-ean nuadha agus sean.

53 Agus thachair an uair a chrìochnaich Iosa na cosamlachdau so, gu'n d'imich e as a sin.

54 Agus an uair a thàinig e d'a dhùthaich féin, thicagaisg e iad 'n an sionagag, ionnus gu'n do ghabh iad iongantais, agus gu'n dubhairt iad, C'ait an d'fhuair am fear so an gliocas so, agus na feartan ud?

55 Nach e so mac an t-saoir? nach e aium a mlàthar Muire? nach iad a bhràithreach, Seumas, agus Ioses, agus Simon, agus Iudas?

56 Agus a pheathraichean, nach 'eil iad uile maille riun? c'ait uime sin an d'fhuair an duine so na nithean ud uile?

57 Agus fhuair iad oibheum ann. Ach thubhairt Iosa riu, Cha-n'èil fàidh gun urram, ach 'n a dhùthaich féin, agus 'n a thigh féin.

58 Agus cha d'rinn e mòran oibre cumhachdach an sin, air son am mi-chreidimh.

#### CAIB. XIV.

1 Barail Heroid mu thimchioll Chrìosd. 3 Chaidh an ceann a bhuntainn a dh'Eoin Baistidh. 13 Chaidh Iosa gu ionad fàisil, 15 far an do bheathaich e cùig mìle fear le cùig builionnaibh, agus dà iasg. 22 Dh'imich e air an fhairge a dh'ionnsuidh a dheisciobul. 34 Shlànuich e sluagh a bha eusan.

'S AN àm sin chuala Herod an Tetrach cliu Iosa,

2 Agus thubhairt e r'a sheirblisich, Is e so Eoin Baistidh; dh'èirich e o ua mairbh, agus uime sin tha feartan air an oibreachadh leis.

3 Oir an uair a ghlac Herod Eoin, cheangail se e, agus thilg e ann am prìosan air son Herodiais, mnà Philip a bhràthar féin.

4 Oir thubhairt Eoin ris, Cha-n'èil e dlìgh-each dhuit i bhì agad.

5 Agus an uair bu mlianan leis a chur gu bàs, bha eagal a' phobuill air, oir bha meas fàidh aca air.

6 Ach an uair a bha co-aium là-breithe Heroid air a chuamail, rinn nighean Herodiais daunsa 'n an làthair, agus thaitinu i ri Herod:

7 Ionnus gu'n do gheall e le mionnaibh, gu'n tugadh e dhi ge b'e air bith ni a dh'iarradh i.

8 Agus air dhise bhì air a teagasg le a màthar roimh làimh, thubhairt i, Thoir dhomh an so ceann Eoin Baistidh air mèis.

9 Agus bha 'n rìgh doilich: ach air son a mhiannan, agus na muinntir a bha 'u au suidhe aig biadh maille ris, dh'àithn e a thubhairt di.

10 Agus air cur *fìr-marbhaidh* uaith,

bluin e a cheann de Eoin anns a' phrìosan.

11 Agus thogadh a cheann air mèis, agus thugadh do'n chailiu e: agus thug ise d'a màthair e.

12 Agus thàinig a dheisciobuil, agus thug iad an corp leo, agus dh'adhlac iad e, agus thàinig iad agus dh'inns iad *sin* do Iosa.

13 An uair a chual' Iosa so, chaidh e as a sin air luing gu ionad fàisil air leth: agus an uair a chual' am pobull *sin*, leau iad d'an cois e as na bailtibh.

14 Agus air dol a mach do Iosa, chunnaic e coimhthional mòr, agus ghabh e truas mòr dhiubh, agus shlànuich e an dream aca 'bha eusan.

15 Agus an uair a b'fheasgar e, thàinig a dheisciobuil d'a ionnsuidh, ag ràdh, Is àite fàisil so, agus tha an t-àm a nis air dol seachad; cuir an sluagh air falbh, chum gu'n tèid iad do na bailtibh, agus gu'n ceannaich iad biadh dhoibh féin.

16 Ach thubhairt Iosa riu, Cha ruig iad a leas falbh; thugaibh-sa dhoibh r'a itheadh.

17 Agus thubhairt iad ris, Cha-n'èil againn an so ach cùig builionnan, agus dà iasg.

18 Thubhairt esan *riu*, Thugaibh au so iad a m' ionnsuidh-sa.

19 Agus dh'àithn e do'u t-sluagh suidhe sìos air an fhìcur, agus ghlac e na cùig builionnan, agus au dà iasg, agus air amharc dha suas gu nèamh, bheanaich agus bhris e, agus thug e ua builionnan d'a dheisciobuibh, agus thug ua deisciobuil do'u t-sluagh iad.

20 Agus dh'ith iad uile, agus shàsuicheadh iad: agus thug iad làn dà chliabh dheug de'n bhiadh bhriste, *a bha* dh'fhuigheall *aca*.

21 Agus bha iadsan a dh'ith mu thimchioll cùig mìle fear, thuilleadh air mnathan agus air cloinn.

22 Agus air ball cho-èignich Iosa a dheisciobuil gu dol ann an luing, agus dol roimhe chum an taoibh eile, gus an cuiradh esan an sluagh air falbh.

23 Agus an uair a leig e an sluagh uaith, chaidh e suas air beinn 'n a aonar a dheanamh urnuigh: agus au uair a bha am feasgar air teachd, bha e an sin 'n a aonar.

24 Ach bha an long 's au àm sin ann am meadhon na fairge, air a tilgeadh a null agus a nall leis ua tonnaibh: oir bha a' ghaoth 'n an aghaidh.

25 Agus anns a' cheathrauh faire de'n oidhe, chaidh Iosa d'an ionnsuidh, ag im-eachd air an fhairge.

26 Agus an uair a chunnaic na deisciobuil e ag imeachd air an fhairge, bha iad fo bhuaireas, ag ràdh, Is spiorad a tha ann; agus ghlaodh iad a mach le h-eagal.

27 Ach labhair Iosa riu air ball, ag ràdh, Biodh misneach mhaith agaibh: is mise a tha ann, na bitheadh eagal oirbh.

28 Agus fhreagair Peadar e agus thubhairt e, A Thighearna, ma's tu a tha ann, iarr



ormsa teachd a d'ionnsuidh air na h-uisgeachaidh.

29 Agus thubhairt esan, Thig. Agus an uair a bha Peadar air teachd a nuas an luing, dh'innich e air na h-uisgeachaidh, chum teachd gu h-Iosa.

30 Ach an uair a chunnaic e a' ghaoth laidir, ghabh e eagal: agus an uair a thòisich e air dol fodha, ghlaodh e, ag ràdh, A Thighearna, fòir orm.

31 Agus air ball shìn Iosa mach a làmh, agus rug e air, agus thubhairt e ris, O thusa air bhag creidimh, c'ar son a bha thu fo amharus?

32 Agus an uair a chaidh iad a steach do'n luing, luidh a' ghaoth.

33 An sin thàinig iadsan a bha's an luing, agus rinn iad aoradh dha, ag ràdh, Gu fìrinneach is tu Mac Dhé.

34 Agus an uair a chaidh iad chum an taoibh eile, thàinig iad gu talamh Ghenesaret.

35 Agus an uair a fhuair luchd an àite sin fìosrachadh uime, chuir iad fìos air feadh na tire sin uile air gach taobh dhiubh, agus thug iad d'a ionnsuidh an dream sin uile a bha euslan.

36 Agus ghuidh iad air, gu'm feudadh iad beantuinn ri iomall 'eudaich a mhàin: agus a mheud dhiubh as a bhean, shlànuiheadh gu h-iomlan iad.

# CAIB. XV.

1 *Chronnich Criosd na sgrìobhaichean agus na Phairisich air son àitheantan Dhé a bhriseadh 'e'n gnàthachadh-san; 11 tha e a' teagasg nach e an nì a thèid a steach do'n bheul a thruaill-eas an duine. 21 Shlànuich e nighean na mnà de mhuintir Chanaain. 32 Shlànuich e ceithir mìle fear, &c. le seachd buillean, agus le beagan iasga meamha.*

**A**N sin thàinig sgrìobhaichean agus Phairisich o Ierusalem gu Iosa, ag ràdh,

2 C'ar son tha do dheisciobuil a' dol an aghaidh gnàthachaidh nan sinnsear? oir cha-n ionnlaid iad an làmhan an uair a dh'itheas iad aran.

3 Ach fhreagair esan agus thubhairt e riu, C'ar son tha sibhse a' briseadh àithne Dhé le bhur gnàthachadh féin?

4 Oir thug Dia àithne, ag ràdh, Thoir urram do d'athair agus do d' mhàthair: agus ge b'e 'mhallaicheas a'athair no 'mhàthair, cuirear gu bàs e.

5 Ach their sibhse, Ge b'e neach a their r'a a'athair no r'a mhàthair, Bitheadh e 'n e thìodhlac do'n teampull gach nì leis an feudadh tu buannachadh àthaotainn uamsa;

6 Nach feum e urram a thabhairt d'a athair no d'a mhàthair. Mar sin chuir sibhse 'an n-cò-bhrìgh àithne Dhé le bhur gnàthachadh féin.

7 A chealgaircan, is maith a rinn Esaias fàidhcadairachd m'ur timchioll, ag ràdh,

8 Tha an sluagh so a' dlùthachadh riomsa le'm beul, agus a' toirt urrainn dhomh le'm bìlibh: ach tha an cridhe fada uam.

9 Ach is ann an dìomhanas tha iad a' deanamh aoraidh dhomhsa, a' teagasg àitheantan dhaoine mar theagasg.

10 Agus air gairm an t-sluaigh dha, thubhairt e riu, Eisdibh agus tuigibh:

11 Cha-n e an nì a thèid a steach 's a' bheul a shalaicheas an duine; ach an nì a thig a mach as a' bheul, is e so a shalaicheas an duine.

12 An sin thàinig a dheisciobuil, agus thubhairt iad ris, Am bheil fhios agad gu'n do ghabh na Phairisich oibheum, an déigh dhoibh na briathran ud a chluinntinn?

13 Ach fhreagair esan agus thubhairt e, Gach uile luibh nach do shuidhich m'Àthair nèamhaidh-sa, spìonar á 'bhun e.

14 Leigibh leo: is eimn-iùil dall nan dall iad. Agus ma threòraicheas dall dall eile, tuitidh iad araon anns a' chlais.

15 Agus fhreagair Peadar agus thubhairt e ris, Mìnich dhuinm a' chosamhlachd sin.

16 Agus thubhairt Iosa, Am bheil sibhse fathast mar an ceudna gun tuigse?

17 Nach 'eil sibh a' tuigsinn fathast ge b'e nì a thèid a steach 's a' bheul, gu'n téid e 's a' bhroinn, agus gu'n tìlgear a mach do'n t-slochd shalachair e?

18 Ach na nithean sin a thig a mach as a' bheul, tha iad a' teachd o'n chridhe, agus is iad sin a shalaicheas an duine.

19 Oir is ann as a' chridhe thig droch smuaintean, mortadh, adhaltrannas, striopachas, gadachd, fianuis bhréige, toibheum:

20 Is iad so na nithean a shalaicheas an duine: ach itheadh le làmhan gun ionnlad, cha salaich sin an duine.

21 Agus air dol do Iosa as a sin, chaidh e gu crìochaibh Thiruis agus Shidoin.

22 Agus, feuch, thàinig bean de mhuinntir Chanaain o na crìochaibh sin, agus ghlaodh i ris, ag ràdh, Dean tròcair orm, a Thighearna, a Mhic Dhaibhidh; tha mo nighean air a buaircadh gu truagh le deamhan.

23 Ach cha d'thug esan freagradh sam bith dhi. Agus thàinig a dheisciobuil d'a ionnsuidh, agus dh'arr iad air, ag ràdh, Cuir air falbh i, oir tha i a' glaochadh 'n ar déigh.

24 Ach fhreagair esan agus thubhairt e, Cha do chuireadh mise ach a chum chaorach chaillte thighe Israeil.

25 An sin thàinig ise agus rinn i aoradh dha, ag ràdh, A Thighearna, cuidich leam.

26 Ach fhreagair esan agus thubhairt e, Cha chòir aran na cloinne a ghlacadh, agus a thilgeadh chum nan con.

27 Agus thubhairt ise, Is fìor, a Thighearna: ach ithidh na coin de'n sbrùileach a thuiteas o bhord an maightirean.

28 An sin fhreagair Iosa agus thubhairt

e rithe, O bhean, is mòr do chreidimh: bitheadh e dhuit mar is toil leat. Agus rinneadh a nighean slàn o'n uair sin a mach.

29 Agus air imeachd do Iosa as a sin thàinig e làimh ri fairge Ghalile; agus an uair a chaidh e suas air beinn, shuidh e sìos an sin.

30 Agus thàinig mòr-shluagh d'a ionnsuidh, agus aca maille riu bacaich, doill, balbhain, daoine ciurramach, agus mòran eile, agus thilg iad sìos aig cosaibh Iosa iad, agus shlànuich e iad:

31 Ionnsu gu'n do ghabh an sluagh iongant-as 'n uair a chunnaic iad na balbhain a' labhairt, na daoine ciurramach slàn, na bacaich ag imeachd, agus na doill a' faicinn: agus thug iad glòir do Dhia Isracil.

32 An sin ghairm Iosa a dheisciobuil d'a ionnsuidh, agus thubhairt e, Tha mi a' gabhail truais de'n t-sluagh, oir dh'fhan iad maille rium a nis ré thri làithean, agus cha-n'eil ni air bith aca r'a itheadh: agus cha chuir mi uam 'n an trasg iad, air eagal gu'm fannaich iad air an t-slighe.

33 Agus thubhairt a dheisciobuil ris, Cia as a gheibhearuid na h-uiread a dh'aran 's an fhàsach, 's a bu leòir a shàsachadh sluagh co mhòr?

34 Agus thubhairt Iosa rin, Cia lìon bnìonnan a tha agaibh! agus thubhairt iadsan, Seachd, agus beagan a dh'iasgaibh beaga.

35 Agus dh'àithn e do'n t-sluagh suidhe sìos air an làr.

36 Agus air glacadh nau seachd buillionn agus nan iasg dha, agus air tabhairt buidheachais, bhris e iad, agus thug e d'a dheisciobuibh, agus thug na deisciobuil do'n t-sluagh iad.

37 Agus dh'ith iad uile, agus shàsuicheadh iad: agus thog iad de'n bhìadh bhriste a dh'fhagadh làn sheachd bascaid.

38 Agus b'iad a' mhuiuntir a dh'ith, ceithir mìle fear, thuilleadh air mnàibh agus air cloinn.

39 Agus air dha an sluagh a leigeadh uaith, chaidh e air luing, agus thàinig e gu crìochaibh Mhagdala.

# CAIB. XVI.

1 Dh'ìarr na Phairisich comharadh. 6 Thug Iosa rabhadh d'a dheisciobuibh mu thimchioll droch theagaisg nam Phairiseach agus nan Sadusach. 13 Barail an t-sluaigh mu thimchioll Chrìosd. 21 Roimh-innis e a bhàs; 23 chronuich e Peadar; 24 agus chuir e mar fhiachaibh orra-san le'm b' àill a leantuinn, an crann-cèusaidh a ghiulan.

**A**GUS air teachd do na Phairisich agus do na Sadusaich 'g a dhearbhadh, dh'ìarriad air comharadh a nochdadh dhoibh o nèamh.

2 Ach fhreagair esan agus thubhairt e riu, An nair is feasgar e, their sibh, *Bithidh* deadh aimsir ann; oir tha an t-athar dearg:

3 Agus air maduinn, *Bithidh* droch aimsir ann an diugh; oir tha an t-athar dearg agus dorcha. A chealgairean, is aithne dhuibh breth a thoirt air gnùis an athair, agus nach 'eil e'n comas duibh comharan nan aimsir a thuigsinn?

4 Tha ginealach aingidh agus adhaltrannach ag iarraidh comharaidh, agus cha toirreair comharadh dhoibh, ach comharadh au fhàidh Ionais. Agus air dha am fagail, dh'imich e as a sin.

5 Agus an uair a thàinig a dheisciobuil a dh'ionnsuidh an taoibh eile dhì-chuimhnuich iad aran a thabhairt leo.

6 Agus thubhairt Iosa riu, Thngaibh an aire, agus gleidhibh sibh féin o thaois ghoirt uam Phairiseach, agus nan Sadusach.

7 Agus bha iad a' reusonachadh eatorra féin, ag ràdh, *Is ann* air son nach d'thug sinn aran leinn.

8 Agus 'n uair a thuig Iosa sin, thubhairt e rin, O sibhse air bheag creidimh, c'ar son a tha sibh a' reusonachadh eadaraibh féin, *gur ann* a chionn nach d'thng sibh aran leibh?

9 Nach 'eil sibh fathast a' tuigsinn, no a' cuimhneachadh cùig buillionnan nan cùig mìle, agus cia lìon cliabh a thog sibh?

10 No seachd buillionnan nan ceithir mìle, agus cia lìon bascaid a thog sibh?

11 Cionnus uach 'eil sibh a' tuigsinn, nach ann mu aran a thubhairt mi ribh, sibh a bhi air bhur faicill o thaois ghoirt nam Phairiseach, agus nan Sadusach?

12 An sin thuig iad cionnus uach d'ìarr e *orra* 'bhi air am faicill o thaois ghoirt an arain, ach o theagasg nam Phairiseach, agus uan Sadusach.

13 Agus air teachd do Iosa gu crìochaibh Chesarea Philipi, dh'fheòraich e d'a dheisciobuibh, ag ràdh, Cò 'tha daoine ag ràdh is e Mac an duine?

14 Agus thubhairt iadsan, *Tha* cuid ag ràdh Eoin Baistidh, cuid Elias, agus cuid eile Ieremias, no aon de na fàidhibh.

15 Thubhairt esan riu, Ach cò 'tha sibhse ag ràdh is mi?

16 Agus fhreagair Simon Peadar agus thubhairt e, Is tusa Crìosd, Mac an Dé bheò.

17 Agus fhreagair Iosa agus thubhairt e ris, Is beannaichte thusa, a Shìmoin Bhar-Iona; oir cha d'fhoillsich fuil agus feoil sin duitse, ach m'Àthair-sa a tha air nèamh.

18 Agus tha mise ag ràdh riut, Gur tusa Peadar, agus air a' charraig so togaidh mise m' eaglais: agus cha toir geatachan ifrinn buaidh oirre.

19 Agus bheir mi dhuit iuchraichean rìoghachd nèimh: agus ge b'e ni a cheanglas tusa air talamh, bithidh e ceangailte air nèamh; agus ge b'e ni a dh'fhuasglas tusa air talamh, bithidh e fuasgailte air nèamh.

20 An sin dh'àithn e d'a dheisciobuibh



gun iad a dh'inneadh do neach air bith, gu'm b'esan Iosa an Crìosd.

21 O'n àm sin a mach thòisich Iosa air a nochdadh d'a dheisciobluibh, gur éigin dhàsan dol suas gu Ierusalem, agus mòran de nithibh fhulang o na seanairibh, agus na h-àrd-shagartaibh, agus na sgrìobhaichibh, agus a bhi air a chur gu bàs, agus a bhi air a thogail suas air an treas là.

22 Agus ghabh Peadar e, agus thòisich e air achinhasan a thabhairt dha, ag ràdh, Gu ma fada sin uaitse, a Thighearna; cha tachair sin duitse.

23 Ach air tionndadh dhàsan, thubhairt e ri Peadar, Imich air mo chùl, a Shàtain; is oibheum dhomh thu: oir cha-n'eil spéis agad de nithibh Dhé, ach de nithibh dhaoine.

24 An sin thubhairt Iosa r'a dheisciobluibh, Ma's àill le neach air bith teachd a'm' dhéigh-sa, àicheadhaidh se e féin, agus togadh e air a chrann-ceusaidh, agus leanadh e mise.

25 Oir ge b'e neach le'm b'àill 'anam a ghleidheadh, caillidh se e; agus ge b'e neach a chailleas 'anam air mo sgàth-sa, gheibh se e.

26 Oir ciod an tairbhe a th' ann do dhuine, ged chosnadh e an saoghal uile, agus 'anam féin a chall? no ciod i a' mhalairt a bheir duine air son 'anama?

27 Oir thig Mac an duine ann an glòir 'Athar, maille r'a ainglibh; agus an sin bheir e do gach neach a réir a ghlìomh-aran.

28 Gu deimhin tha mi ag ràdh ribh, Gu bheil cuid de'n dream a tha 'n an seasamh an so, nach blais bàs, gus am faic iad Mac an duine a teachd 'n a rioghachd féin.

### CAIB. XVII.

1 *Atharrachadh agus dealrachadh crutha Iosa. 14 Shlànuich e an leanabh air an robh an tuiteamaich. 22 Dh'innis e fhulangas roimh-lainn, 24 agus dh'ìoc e a' chùs.*

**A**GUS an déigh shè làithean, ghabh Iosa a Peadar, agus Seumas, agus Eoin a bhràthair, agus thrèoraich e iad air leth gu beinn àrd,

2 Agus dh'atharraicheadh a chruth 'n an làthair; agus dhealraich 'aghaidh mar a' ghrian, agus rinneadh 'eudach geal mar an solus.

3 Agus, feuch, chunnacas leo Maois agus Elias a' comhradh ris.

4 An sin fhreagair Peadar, agus thubhairt e ri Iosa, A Thighearn, is maith dhuinne bhi an so: ma's àill leatsa, deanamaid trì pàillìanan an so: aon duitse, aon do Mhaois, agus aon do Elias.

5 Air dha bhi fathast a' labhairt, feuch, thilg neul soilleach sgàile orra: agus, feuch, guth as an neul, ag ràdh, Is e so mo Mhac gràdhach-sa, anns am bheil mo mhòr-thlachd, éisdibh ris.

6 Agus an uair a chuala na deisciobuil so,

thuit iad air an aghaidh, agus ghabh iad eagal ro mhòr.

7 Agus thàinig Iosa agus bhean e riu, agus thubhairt e, Eiribh, agus na bitheadh eagal oirbh.

8 Agus an uair a thog iad suas an sùilean, cha-n'fhac iad neach air bith, ach Iosa 'n a aonar.

9 Agus 'an àm dhoibh teachd a nuas o'n bheinn, thug Iosa àithne dhoibh, ag ràdh, Na innisibh do neach air bith an nì a chunn-aic sibh, gus an éirich Mac an duine o na marbhaibh.

10 Agus dh'fhèoraich a dheisciobuil dhieth, ag ràdh, 'Car son ma seadh a their na sgrìobhaichean, gur éigin Elias a theachd air tùs?

11 Agus fhreagair Iosa agus thubhairt e riu, Thig Elias gu fìrinneach air tùs, agus aisigidh e na h-uile nithean:

12 Ach tha mise ag ràdh ribh, Gu'n d'thàinig Elias cheana, agus cha d'aithnich iad e, ach rinn iad gach nì a bu toil leo ris: is ann mar sin nuar an ceudna a dh'fhulaingeas Mac an duine uatha.

13 An sin thuig na deisciobuil gu'm b'ann mu Eoin Baistidh a labhair e rin.

14 Agus an uair a thàinig iad chum an t-shaigh, thàinig duine àraidh d'a ionn-suidh, a' tuiteam air a ghlùinibh dha, agus ag ràdh,

15 A Thighearna, dean tròcair air mo mhac, oir tha e gu tinn leis an tuiteamaich, agus is mòr an cràdh a tha e a' fulang: oir tha e gu minic a' tuiteam 's an teine, agus gu tric 's an uisge.

16 Agus thug mi e dh'ionnsuidh do dheisciobuil, agus cha b'urrainn iad a leigheas.

17 Agus fhreagair Iosa agus thubhairt e, A ghinealaich neo-chreidich, agus choirbte, cia fhad a bhitheas mi maille rùibh? cia fhad a dh'fhulaingeas mi sibh? thugaibh a m' ionnsuidh-sa an so e.

18 Agus chronuich Iosa an deamhan, agus dh'imich e as: agus shlànuicheadh an lean-abh o'n uair sin a mach.

19 An sin an uair a thàinig na deisciobuil chum Iosa fa leth, thubhairt iad, 'Car son nach b'urrainn sinne a thilgeadh a mach?

20 Agus thubhairt Iosa riu, Air son bhuir mi-chreidimh: oir gu fìrinneach tha mi ag ràdh ribh, Nam bitheadh agaibh creidimh mar ghràinne mustaird, theadhadh sibh ris a' bheinn so, Atharraich á so an sud, agus dh'atharraicheadh i; agus cha bhitheadh nì air bith cu-comasach dhuibh.

21 Gidheadh, cha téid a' ghnè so mach, ach le h-urnuigh agus le trasgadh.

22 Agus ann feadh a bha iad a' fantuinn ann an Galile, thubhairt Iosa riu, Bitheadh Mac an duine air a bhrath thairis do làmh-an dhaoine:

23 Agus marbhaidh iad e, ach an treas là éiridh e. Agus bha iadsan ro bhrònach.

24 Agus air teachd dhoibh do Chapernaum, thàinig Inghd-togail na cise gu Peadar, agus thubhairt iad *ris*, Nach 'eil bhuir maighstir-sa ag iocadh na cise?

25 Thubhairt esan, Tha. Agus an nair a chaidh e steach do'n tigh, labhair Iosa ris air tùs, ag ràdh, Ciod i do bharail-sa, a Shìmon? co uaitb tha rìghrean na talmhainn a' togail càine no cise? An ann o'n cloinn fèin, no o choigrich?

26 Thubhairt Peadar ris, O choigrich. Thubhairt Iosa ris-san, Air an aobhar sin tha a' chlann saor.

27 Gidheadh, chum nach tugamaid oibheum dhoibh, imich thusa chum na fairege, agus tilg dubhan *innse*, agus tog an ceud iasg a thig a nìos: agus air fosgladh a bheoil duit, gheibh thu bonn airgid; sin gabh, agus tabhair dhoibh air mo shon-sa, agus air do shon fèin.

## CAIB. XVIII.

1 *Thug Crìosd àithne d'a dheisciobluibh 'bhi àmhail agus neo-chronail, 7 oibheum a sheachnadh, agus gun iad a dheanamh tàir air doinn bhig. 15 Labhair Crìosd mu thimchioll maith-eamais. 23 Cosamhlachd an rìgh a ghabh eumantas d'a sheirbhìsich.*

**A** NNS an àm sin fèin thàinig na deisciobuil chum Iosa, ag ràdh, Cò a's mò ann an rìoghachd nèimh?

2 Agus air do Iosa leanabh beag a ghairm d'a ionnsuidh, chuir e 'n am meadhon e,

3 Agus thubhairt e, Gu fìrinnach tha mi ag ràdh ribh, Mur ionpaichear sibh, agus mur bi sibh mar leanabanaibh nach tèid sibh a steach do rìoghachd nèimh.

4 Air an aobhar sin ge b'e 'dh'islicheas e fèin mar an leanaban so, 's e sin fèin a's mò ann an rìoghachd nèimh.

5 Agus ge b'e 'ghabhas aon leanaban d'a lethidh so ann am ainm-sa, gabhaidh e mise.

6 Ach ge b'e neach a bheir oibheum do aon neach de'n mhuinntir bhig so a tha 'creidsinn annam-sa, b'fhearr dha gu'm bitheadh clach-mhuilinn air a crochadh r'a mhuineal, agus gu'm bitheadh e air a bhàthadh ann an doimhne na fairege.

7 Is an-aobhainn do'n t-saoghal air son oibheuman: oir is èigin do oibheumaibh teachd; ach is an aobhainn do'n duine sin troimh an tig an t-oibheum.

8 Uime sin ma bheir do làmh no do chos aobhar oibheim dhuit, gearr dhìot iad, agus tilg uait *iad*: is fearr dhuit dol a steach do'n bheatha air leth-chois no air leth-làmh, na dà làmh no dà chois a bhi agad, agus thu 'bhi air do thilgeadh anns an teine shìorruidh.

9 Agus ma bheir do shùil aobhar oibheim dhuit, spion asad i, agus tilg uait *i*: is fearr dhuit dol a steach chum na beatha air leth-shùil, na dà shùil a bhi agad agus thu 'bhi air do thilgeadh ann an teine ifrinn.

10 Thugaibh an aire nach dean sibh tareuis

air aon neach de'n mhuinntir bhig so; oir tha mise ag ràdh ribh, gu bheil an aingil-san air nèamh a' faicinn a ghnàth gnùis m' Athar-sa, a tha air nèamh.

11 Oir thàinig Mac an duine a shaoradh an ni sin a bha cailte.

12 Ciod a's barail dhuibhse? ma bhlitheas aig duine ceud caora, agus gu'n tèid aon diubh air seacharan, nach fàg e na naoi caoraich dheug agus ceithir fichead air na beamtaibh, agus nach tèid e dh'iarraidh na caorach a chaidh air seacharan.

13 Agus ma tharlas dà gu'm faigh e i, gu deimhin tha mi ag ràdh ribh, Gu'n dean e tuilleadh gairdeachais airson na caorach sin, na air son nan naoi caorach dheug agus ceithir fichead, nach deachaidh air seacharan.

14 Mar so cha-n e toil bhuir n-Athar-sa a tha air nèamh, gu'n rachadh aon neach de'n mhuinntir bhig so a chall.

15 Uime sin na pheacaicheas do bhràthair a'd aghaidh, imich agus innis a lochd dha eadar thu fèin agus esan a mha'n: ma dh'èisdeas e riut, choisinn thu do bhràthair.

16 Ach mur èisd e *riut*, thoir leat aon no dithis eile, chum gu'm bi gach ni air a dheanamh seasmach 'am beul dithis no triuir de fhianuisibh.

17 Agus ma dhiultas e iadsan èisdeachd, innis do'n eaglais e: ach ma dhiultas e 'n eaglais èisdeachd, bitheadh e dhuit mar Gheintileach agus *mar* chis-mhaor.

18 Gu deimhin tha mi ag ràdh ribh, Ge b'e air bith nìthean a cheanglas sibhse air thalamh, bithidh iad ceangailte air nèamh: agus ge b'e air bith nìthean a dh'fhuasglas sibhse air thalamh, bithidh iad fuasgailte air nèamh.

19 A ris tha mi ag ràdh ribh, Ma choirdeas dithis agaibh air thalamh mu thimehioll aoin ni a dh'iarrais iad, nìtheas *so* dhoibh le m' Athair-sa a tha air nèamh.

20 Oir ge b'e àit am bheil dithis no triuir air an cruinneachadh, an ceann a chèile a'm' ainm-sa, tha mise an sin 'n am meadhon.

21 Air dol do Pheadar d'a ionnsuidh 's an àm sin, thubhairt e, A Thighearna, cia minic a pheacaicheas mo bhràthair a'm' aghaidh, agus a mhatheas mi dha? *An ann* gu ruig an seachdamh uair?

22 Thubhairt Iosa ris, Cha-n abair mi riut, gus an seachdamh uair, ach gu deich agus trì fichead seachd uairean.

23 Air an aobhar sin is cosmhuil rìoghachd nèimh ri rìgh àraidh le'm b' àill eumantas a dheanamh r'a sheirbhìsich.

24 Agus an uair a thòisich e air eumantas a dheanamh, thugadh aon d'a ionnsuidh air an robh aige deich mìle tàlann:

25 Ach do bhrìgh nach robh aige ni leis an dioladh e, dh'aitn a thighearn e fèin, agus a bhean, agus a chlann, agus na h-uile nìthean a bha aige a reic, agus dioladh a dheanamh.



26 Air an aobhar sin thuit an seirbhiseach sin sìos agus rinn e umhlachd dha, ag ràdh, A Thighearna, dean foighidinn rium, agus iocaidh mi dhuit an t-iomlan.

27 An sin air do thighearn an òglaich sin truas mòr a ghabhail dheth, leig e a chead da, agus mhaith e na fiachan dha.

28 Ach an uair a chaidh an seirbhiseach sin fèin a mach, fhuair e aon d'a chomh-sheirbhisich air an robh aige ceud peghinn: agus chuir e làmh am, agus rug e air sgornan *air*, ag ràdh, Ioc dhomh na bheil agam ort.

29 Agus thuit a chomh-sheirbhiseach sìos aig a chosaibh, agus ghuidh e air, ag ràdh, Dean foighidinn rium, agus iocaidh mi dhuit an t-iomlan.

30 Agus cha b'àill leis-san *sin*: ach dh'imich e agus thilg e am prìosan e, gus an iocadh e na fiachan.

31 Agus an uair a chunnaic a chomh-sheirbhisich na nithean a rinneadh, bha iad ro dhoilich, agus thàinig iad, agus dh'fhoillsich iad d'an tighearn gach ni a rinneadh.

32 An sin ghairm a thighearn air, agus thubhairt e ris, A dhroch sheirbhisich, mhaith mi dhuit na fiachan ud uile, do bhrìgh gu'n do chuir thu impidh orm:

33 Nach bu chòir dhuitse mar an ceudna trècar a dheanamh air do chomh-sheirbhiseach fèin, amhuil mar a rinn mise trècar ortsa?

34 Agus ghabh a thighearn fearg, agus thug e do na ceusadairibh e, gus an iocadh e 'fhiachan uile dha.

35 Agus mar sin ni m'Athair nèamhaidh ribhse, mur maith gach aon agaibh o bhur cridheachaibh d'a bhràthair an ciunta.

### CAIB. XIX.

1 *Shlànuich Crìosd a' mhuinntir a bha tinn: 3 fhreagair e na Phàirisich mu thimcheall dealachaidh: 10 nochd e c'uin a tha am pòsadh feumail: 13 agus ghabh e ri doinn bhig. 23 Dh'innis e d'a dheisciobluibh cho cruaidh is a tha e air duine saoi bhir dol a steach do rìoghachd nèimh.*

**A**GUS tharladh, an uair a chrìochnaich Iosa na briathran sin, gu'n d'imich e o Ghailile, agus thàinig e gu crìocheibh Iudea, air an taobh thall de Iordan:

2 Agus lean sluagh mòr e, agus shlànuich e iad an sin.

3 Thàinig na Phairisich mar an ceudna d'a ionnsuidh 'g a dhearbhadh, agus ag ràdh ris, Am bheil e ceaduichte do dhuine a bhean a chur uaith air gach uile aobhar?

4 Agus fhreagair esan agus thubhairt e riu, Nach do leugh sibh, An ti a rinn air tùs *iad*, gu'n d'rinn e iad fear agus bean?

5 Agus thubhairt e, Air an aobhar so fàgaidh duine 'athair agus a mhàthair, agus dlùth-leanaidh e r'a mhnaoi: agus bithidh iad araon 'n an aon fheoil.

6 Air an aobhar sin cha dithis iad ni's mò,

ach aon fheoil. Uime sin an ni a cheangail Dia, na sgaoileadh duine.

7 Thubhairt iad ris, C'ar son ma seadh a dh'èithn Maois litir-dhealachaidh a thabhairt *dhi*, agus a cur air faibh?

8 Thubhairt esan riu, Dh'fhulaing Maois dhuibh-sa air son cruais bhur cridhe, bhur mnathan a chur uaibh: ach cha robh e mar sin o thùs.

9 Agus tha mise agràdh ribh, Ge b'e 'chuir-eas uaith a bhean, ach air son strìopachais, agus a phòsas bean eile, tha e a' deanamh adhaltrannais: agus ge b'e neach a phòsas ise a chuireadh air falbh, tha e a' deanamh adhaltrannais.

10 Thubhairt a dheisciobuil ris, Ma's e sin cor an fliir r'a mhnaoi, cha-n'eil am pòsadh maith r'a dheanamh.

11 Ach thubhairt esan riu, Cha-n'eil na h-uile dhaoine comasach air a' chainnt so a ghabhail, ach *iadsan* d'an d'thugadh e.

12 Oir tha cuid 'n an caillteanaich, a rugadh mar sin o bhroinn am màthar; agus tha cuid de chailteanaich ann, a rinneadh 'n an caillteanaich le daoinibh; agus tha caillteanaich ann, a rinn iad fèin 'n an caillteanaich air son rìoghachd nèimh. Ge b'e neach a tha comasach air a ghabhail d'a ionnsuidh, gabhadh se e.

13 An sin thugadh clann bheag d'a ionnsuidh, chum gu'n cuireadh e a làmh an orra, agus gu'n deanadh e urnuigh: agus chronuich na deisciobuil iad.

14 Ach thubhairt Iosa, Fulaingibh do na leanabaibh, agus na bacaibh dhoibh teachd a m' ionnsuidh: oir is ann d'an leithidibh sin tha rìoghachd nèimh.

15 Agus an dèigh dha a làmh an a chur orra, dh'imich e as a sin.

16 Agus, feuch, thàinig neach agus thubhairt e ris, A mhaighstir mhaith, ciod am maith a ni mi chum gu'm faigh mi a' bheatha mhaireannach?

17 Agus thubhairt esan ris, C'ar son a ghoireadh tu maith dhìom-sa? cha-n'eil neach maith ach a h-aon, *eadhon* Dia: ach ma's àill leat dol a steach chum na beatha, coimhid na h-àitheantan.

18 Thubhairt esan ris, Cia iad? agus thubhairt Iosa, Na dean mortadhl. Na dean adhaltrannas. Na goid. Na toir fianuis bhrèige.

19 Thoir urram do 'athair, agus do d' mhàthair: agus, Gràdhaich do choimhearsnach mar thu fèin.

20 Thubhairt an t-òganach ris, Choimhid mi iad sin uile o m'òige: ciod a tha dh'uir-easbhuidh orm fathast?

21 Thubhairt Iosa ris, Ma's àill leat a bhi coimhlìonta, imich, reic na bheil agad, agus tabhair do na bochdaibh, agus gheibh thu ionmhas air nèamh; agus thig, *agus* lean mise.

22 Ach an nair a chual an t-òganach na

briathran sin, dlifhalbh e brònach: oir bha mòr-shaoibhreas aige.

23 An sin thubhairt Iosa r'a dheisciobluibh, Gu firinneach tha mi ag ràdh ribh, gu bheil e cruaidh air duine saoi bhir dol a steach do rìoghachd nèimh.

24 Agus a ris tha mi ag ràdh ribh, Gur usadh do chàmhail dol troimh chrò snàthaid, na do dhuine saoi bhir dol a steach do rìoghachd Dhé.

25 Agus 'n uair a eual a dheisciobuil so, ghabh iad iongantas mòr, ag ràdh, Cò ma seadh an neach a dh'fheudas a bhi air a shàoradh?

26 Ach air amharc do Iosa orra, thubhairt e riu, Do dhaoineibh tha so cu-comasach, ach do Dhia tha na h-uile nìthan comasach.

27 An sin fhreagair Peadar, agus thubhairt e ris, Feuch, thréig sinn na h-uile nìthan, agus lean sinn thusa; air an aobhar sin ciod a gheibh sinn?

28 Agus thubhairt Iosa riu, Gu deimhin tha mi ag ràdh ribh, Sibhse a lean mise, anns an ath-ghineamhuin, an uair a shuidheas Mac an duine air caithir a ghlòire fèin, gu'n suidh sibhse mar an ceudna air dà chaithir dheug, a' toirt breth air dà thrèibh dheug Israeil.

29 Agus ge b'e neach a thréig tighean, no bràithrean, no peathraichean, no athair, no màthair, no bean-phòsda, no clann, no fear-amh air sgàth n'ainne-sa, gheibh e a' cheud uiread, agus a' bheatha mhaireannach mar oighreachd.

30 Ach tha mòran air thoiseach a bhitheas air dheireadh; agus air dheireadh a bhitheas air thoiseach.

## CAIB. XX.

1 *Dhearbh Crìosd, le cosamhlachd air a ghabhail o luchd saoi bhrèach ann an gàradh fìona, nach 'eil Dia fo fhiachaibh do dhuine air bith: 17 roimh-innis e a blàs; 20 theagaisg e d'a dheisciobluibh a bhi umhal; 30 agus thug e an radharc do dhùithis dhaoine datta.*

**O**IR is cosmhuil rìoghachd nèimh ri fear-tighe, a chaidh a mach moch air mhaduim a thuarasdalachadh luchd-oibre d'a ghàradh fìona.

2 Agus an déigh dha cordadh ris an luchd-oibre air pheghinn *Romhanaich* 's an là, chuir e d'a ghàradh fìona iad.

3 Agus an uair a chaidh e mach timchioll na treas uaire, chunnaic e dream eile 'n an seasamh dìomhanach 's a' mhargadh.

4 Agus thubhairt e riu, Imichibh-sa mar an ceudna do'n ghàradh fhìona, agus ge b'e ni a bhitheas eart, bheir mi dhuibh e. Agus dh'imich iad.

5 An uair a chaidh e mach a rìs timchioll na seathamh agus na naothamh uaire, rinn e mar an ceudna.

6 Agus an uair a chaidh e mach mu thimchioll na h-aoin uaire deug, fhuair e dream eile 'n an seasamh dìomhanach, agus thubhairt e riu, C'ar son tha sibh 'n 'ur seasamh an so feadh an là dìomhanach?

7 Thubhairt iad ris, A chionn nach do thuarasdalaich duine air bith sinn. Thubhairt esan riu, Imichibh-sa mar an ceudna do'n ghàradh fhìona, agus ge b'e ni a tha eart, gheibh sibh e.

8 Agus 'n uair thàinig am feasgar, thubhairt tighearn a' ghàraidh fhìona sin r'a stiùbhard, Gairm an luchd-oibre, agus thoir dhoibh an tuarasdail, a' tòiseachadh o'n dream a thàinig mu dheireadh gu ruig na ceud daoine.

9 Agus an uair a thàinig iadsan a thuarasdalaicheadh mu thimchioll na h-aoin uaire deug, fhuair gach duine dhiubh pèghinn.

10 Ach an uair a thàinig an ceud dream, shaoil iadsan gu'm faigheadh iad ni bu mhò; ach fhuair gach aon diubh mar an ceudna pèghinn.

11 Agus air dhoibh 'fhaotainn, rinn iad gearan an aghaidh fhir-an-tighe,

12 Ag ràdh, An dream sin a thàinig mu dheireadh, cha d'rinn iad obar ach aon uair, agus rinn thu iad ionann ruinne, a ghiùlan uallach agus teas an là.

13 Ach fhreagair esan agus thubhairt e ri fear dhiubh, A charaid, cha-n'eil mi a' deanamh cucoir ort: nach do choird thu rium air pheghinn?

14 Tog leat do chuid fèin, agus imich romhad: is i mo thoil-sa a thabhairt do'n ti so a thàinig mu dheireadh, mar a thug mi dhuit-sa.

15 Nach 'eil e ceudaichte dhomh-sa an ni a's toil leam a dheanamh ri mo chuid fèin? am bheil do shùil-sa olc, air son gu bheil mise maith?

16 Mar sin bithidh an dream dheireannach air thoiseach, agus an dream a tha air thoiseach air dheireadh: oir tha mòran air an gairm, ach beagan air an taghadh.

17 Agus aig dol do Iosa suas gu Ierusalem, thug e an dà dheisciobul deng leis a leth taobh anns an t-slighe, agus thubhairt e riu,

18 Feuch, tha sinn a' dol suas gu Ierusalem; agus bithidh Mac an duine air a bhrath thairis do na h-àrd-shagartaibh, agus do na sgrìobhaichibh, agus dìtidh iad chum bàis e.

19 Agus bheir iad thairis e do na Cinnich chum fanoid a dheanamh air, agus chum a sgiùrsadh, agus a cheusadh: ach air an treas là éiridh e a ris.

20 An sin thàinig d'a ionnsuidh màthair eloimne Shebede, maille r'a mic, a' toirt aoraidh dha, agus ag iarraidh ni àraidh air.

21 Agus thubhairt esan rithe, Ciod a b'àill leat? Thubhairt i ris, Abair gu'n suidh iad so mo dhithis mhae, fear aca air do làimh dheis, agus fear eile air do làimh ehlì, a'd' rìoghachd.

22 Ach fhreagair Iosa agus thubhairt e,



Cha-n'eil fhios agaibh ciod a tha sibh ag iarraidh. Am bheil sibh comasach air a' chupan sin òl a dh'òlas mise, agus a bhi air bhuir baisteadh leis a' bhaisteadh leis am baistear mise? Thubhairt iad ris, Tha sinn comasach.

23 Agus thubhairt esan riu, Olaidh sibh gu deimhin de m' chupan-sa, agus baistear sibh leis a' bhaisteadh leis am baistear mise: ach suidhe air mo làimh dheis agus chli, cha leansa sin a thubhairt, ach *dhoibh-san* d' am bheil e air ullachadh le m'Àth-air-sa.

24 Agus 'u uair a chual an deichnear so, bha iad diombach air an dithis bhràithrean.

25 Ach ghairm Iosa iad d'a ionnsuidh, agus thubhairt e, Tha fhios agaibh gn bheil aig uachdaranaibh nan Cinneach tighearnas orra, agus gu bheil aig an daoinibh mòra smachd orra.

26 Ach mar sin cha bhi e 'n 'ur measg-sa: ach ge b'e neach le'm b'ail a bhi mòr 'n 'ur measg, bitheadh e dhuibh 'n a fhear-frith-ealaidh.

27 Agus ge air bith le'm b'ail toiseach a bhi aige 'n 'ur measg, bitheadh esan 'u a sheirbhiseach dhuibh:

28 Amhuil mar uach d'fhàinig Mac an duine chum gu'n deantadh frithealadh dha, ach a dheanamh frithealaidh, agus a thabhairt 'anama féin mar éric air son mhòran.

29 Agus ag dol a mach dhoibh á Iericho, lean sluagh mòr e:

30 Agus, feuch, dithis dhaoine dalla, a bha 'n an suidhe ri taobh na slighe, 'n uair a chual iad gu'n robh Iosa a' dol seachad, ghlaodh iad, ag ràdh, Dean tròcair oirne, a Thighearn', a Mhic Dhaibhidh.

31 Agus chronuich an slagh iad, chum gu'm bitheadh iad 'n an tosd: ach is mòid a ghlaodh iadsan, ag ràdh, Dean tròcair oirim, a Thighearn', a Mhic Dhaibhidh.

32 Agus sheas Iosa, agus ghairm e iad, agus thubhairt e, Ciod a's àill leibh mise a dheanamh dhuibh?

33 Thubhairt iadsan ris, a Thighearn, ar sùilean a bhi air am fosgladh.

34 Agus ghabh Iosa trnas dhuibh, agns bhac e ran sùilbhi: agus air ball thàinig radhare d'an sùilbhi, agns lean iad e.

## CAIB. XXI.

1 Mharcaich Iosa gu Ierusalem air asail; 12 thilg e mach an luchd-reicidh agus ceannachd as an teampull; 17 mhalluich e an crann-fìge, 23 chuir e na sagartan 'n an tosd; 28 agus chronuich e iad le cosamhlachd.

**A**GUS an uair a dhruid iad ri Iersalem, agns a thàinig iad gn Betphage, gu shlabh nan crann-olaidh, an sin chuir Iosa dithis d'a dheisciobuibh uaithi,

2 Ag ràdh riu, Rachaibh do'n bhaile a tha thall fa 'ur comhair, agns air ball gheibh sibh asal ceangailte ann, agus loth maille

rithe: fnasglaibh, agus thugaibh a m' ionnsuidh-sa iad.

3 Agus ma labhras aon duine ni air òith ribh, abraibh, Gu bheil feum aig an Tigh-earn orra; agus cuiridh e uaith air ball iad.

4 Rinneadh na nithean so uile, chum gu'n coimhliontadh an ni a labhradh leis an fhàidh ag ràdh,

5 Innsibh do nighean Shioin, Feuch, tha do Rìgh a' teachd a d' ionnsuidh gn cliùin, agns e 'n a shuidhe air asail, agus air loth mac na h-asail.

6 Agus dh'imich na dcisciobuil, agus rinn iad mar a dh'aitn Iosa dhoibh;

7 Agus thug iad an asal agns an loth leo, agus chnir iad am falluinnear orra, agus chuir iad esan 'n a shuidhe air am muin.

8 Agus sgaoil mòr-shluagh am falluinnear air an t-slighe; agus ghearr dream eile geugan de na crannaibh, agus leag iad air an t-slighe iad.

9 Agus thog an sluagh a bha roimhe agus 'n a dhèigh iolach, ag ràdh, Hosanna 'do Mhac Dhaibhidh: beannaichte gu robh an Ti a thig ann an ainm an Tighearna; Hosanna anns na h-àrdaibh.

10 Agus 'n uair thàinig e steach do Iersalem, ghluaisceadh am baile uile, ag ràdh, Cò e so?

11 Agus thubhairt an slagh, Is e so Iosa am fàidh o Nasaret Ghalile.

12 Agus chaidh Iosa a steach do theampull Dhé, agus thilg e mach iadsan uile a bha 'reic agns a' ceannach anns an teampull, agus thilg e buird luchd-malairt an airgid thairis, agns caithrichean luchd-reicidh nan columan.

13 Agus thubhairt e riu, Tha e sgrìobhta, Goirear tigh urnuigh de m' thigh-sa; ach rinn sibhse 'n a gharaidh luchd-reubainn e.

14 Agus thàinig na doill agus na bacadh d'a ionnsuidh anns an teampull, agus shlanuich e iad.

15 Agns an uair a chunnaic na h-àrd-shlag-artan agus na sgrìobhaichean na gnìomh-aran iongantach a rinn e, agus a' chlann a' glaothaich 's an teampull, agus ag ràdh, Hosanna do Mhac Dhaibhidh, bha corruich mhòr orra.

16 Agus thubhairt iad ris, An cluinn thu ciod a tha a' mhuinntir sin ag ràdh? Agus thubhairt Iosa riu, Tha mi 'cluinninn; nach do leugh sibhse riamh, A beul naoidhean agus chiochran choimhlion thu moladh?

17 Agus an uair a dh'fhàg e iad, chaidh e mach as a' bhaile gu Betani, agus dh'fhan e an sin.

18 Agus an uair a phill e chum a' bhaile air mhaduinn, bha ocras air.

19 Agus air dha crann-fìge fhaicinn air an t-slighe, thàinig e d'a ionnsuidh, agus cha d'fhuair e ni air bith air, ach duilleach a mhaìn; agns thubhairt e ris, Na fasadh

toradh o so suas gu bràth ort. Agus chrìon an crann-fige air ball.

20 Agus an uair a chunnaic na deisciobuill e, ghabh iad iongantas, ag ràdh, Cia luath a shearg an crann-fige as?

21 Agus fhreagair Iosa agus thubhairt e rin, Gu deimhin tha mi ag ràdh ribh, ma bhitheas creidimh agaibh, agus nach bi sibh fo amharus, cha-n e mhaith gu'n dean sibh an ni a rinneadh do'n chrann-flùge, ach mar an ceudna ma their sibh ris a' bheinn so. Togar thu, agus tilgear 's an fhainge thu, bithidh e deanta:

22 Agus ge b'e air bith nithean a dh'iarras sibh ann bhur n-urnuigh, ma chreideas sibh, gheibh sibh iad.

23 Agus an uair a thàinig e do'n teampull, thàinig na h-àrd-shagartan agus seanairean a' phobuill d'a ionnsuidh, agus e a' teagasg, ag ràdh ris, Ciod e an t-ùghdarras leis am bheil thusa a' deanamh nan nithean so? agus co 'thug an cumhachd so dhuit?

24 Agus fhreagair Iosa agus thubhairt e riu, Feòraichidh mise uar an ceudna aon ni dhibhse, agus na dh'innseas sibh dhomh e, innsidh mise dhuibhse air mhodh ceudna cia an t-ùghdarras leis am bheil mi 'deanamh uan nithean so.

25 Baisteadh Eoin, cia as a thàinig e? O uèamh, no o dhaoimibh? Ach reasonaich iadsan 'n am measg féin, ag ràdh, Ma their sinn, O nèamh, their esau ruim, C'ar son ma seadh nach do chreid sibh e?

26 Ach ma their sinn, O dhaoimibh, tha cagal a' phobuill oirm; oir tha meas fàidh aig gach uile dhuine air Eoin.

27 Agus fhreagair iad Iosa, agus thubhairt iad, Cha-n'eil fhios againn. Agus thubhairt esan riu, Ni uè dh'innseas mise dhuibhse cia au t-ùghdarras leis am bheil mi 'deanamh nan nithean so.

28 Ach ciod i bhur barail-sa? Bha aig duine àraidh dithis mhac, agus thàinig e dh'ionnsuidh a' cheud mhic, agus thubhairt e, A mhic, imich, dean obair an diugh a'm' ghàradh fiona.

29 Agus fhreagair esan agus thubhairt e, Cha dean: ach 'n a dhéigh sin, ghabh e aithreachas agus dh'imich e.

30 Agus thàinig e agus an dara mac, agus thubhairt e mar an ceudna. Agus fhreagair esau agus thubhairt e, *Théid*, a Thighearna; gidheadh cha deachaidh e.

31 Cò de'n dithis a rinn toil 'athar? Thubhairt iadsau ris, An ceud fhear. Thubhairt Iosa riu, Gu fìrinneach tha mise ag ràdh ribh, gu'n téid na cis-mhaoir agus na strìopaichean do rìoghachd Dhé roimh-bh-sa.

32 Oir thàinig Eoin do 'ur ionnsuidh 'an slighe na fireantachd, agus cha do chreid sibh e: ach chreid na cis-mhaoir agus na strìopaichean e. Agus ged chunnaic sibhse so, cha do ghabh sibh aithreachas 'n a dhéigh sin, a chum gu'n creidcadh sibh e.

33 Eisdibh ri cosamhlachd eile: Bha fear-tighe àraidh ann, a phlannmhuich fion-lios, agus chuir e gàradh m'a thimchioll, agus chladhaich e ionad-bruthaidh fiona ann, agus thog e tùr, agus shuidhich e air tuath e; agus chaidh e féin air choigreach.

34 Agus an uair a dhruid riu ann an toraidh, chuir e a sheirbhisich a dh'ionnsuidh na tuatha, a dh'fhàotainn a thoraidh.

35 Agus rug an tuath air a sheirbhisich, agus ghabh iad air fear dhiubh, agus mharb iad fear eile, agus chlach iad fear eile.

36 A ris, chuir e seirbhisich eile naith, tuilleadh na's a' chend *chuideachd*; agus rinn iad orra-san mar an ceudna.

37 Ach mu dheireadh, chuir e a mhac féin d'an ionnsuidh, ag ràdh, Bheir iad urram do mo mhac.

38 Ach an uair a chunnaic an tuath am mac, thubhairt iad catorra féin, 'S e so an t-Oighre, thigibh, marbhamaid e, agus glacamaid 'oighreachd-san *dhuinn féin*.

39 Agus rug iad air, agus thilg iad a mach as an fion-lios e, agus mharb iad e.

40 Air an aobhar sin an uair a thig Tighearn an fhion-lios sin, ciod a ni e ris an tuath sin?

41 Thubhairt iad ris, Sgrìosaidd e gu truagh na droch dhaoine sin, agus suidhichidh e am fion-lios air tuath eile, a bheir a thoraidhean dha 'n an aimsiribh féin.

42 Thubhairt Iosa riu, Nach do leugh sibh riamh anns na sgrìobtuiribh, A' chlach a dhiult na clachairean, rinneadh i'n a cloich-chinn na h-oisne: 's e an Tighearn a rinn so, agus tha e iongantach 'u ar suilbhne?

43 Uime sin tha mi ag ràdh ribh, Gu'n toirear rìoghachd Dhé uaibhse, agus gu'n toirear do chinn each eile i, a bheir a toraidhean uatha.

44 Agus ge b'e neach a thuiteas air a' chloich so, brisear e; ach ge b'e air an tuit i, ni i mìn-luathre dheth.

45 Agus an uair a chuala na h-àrd-shagartan agus na Phàirisich a chosamhlachd-san, thug iad gu'n b'ann mu'u tiunchioll féin a labhair e.

46 Ach an uair bu mhiann leo breith air, bha cagal a' phobuill orra, oir bha meas fàidh ac' airsan.

## CAIB. XXII.

1 *Cosamhlachd bainse mhic an Rìgh.* 9 *Gairm nan Cinneach:* 12 *peanas an fùir a bha dh'uir-easbhuidh trusgain na bainse.* 15 *Is còir cìs rocadh do Cheasar.* 23 *Barail mhearachdach nan Sadusach mu thimchioll aiseirigh nam marbh.*

**A** GUS fhreagair Iosa, agus labhair e rin a ris ann an cosamhlachdaibh, ag ràdh,

2 Is cosmhuil rìoghachd nèimh ri rìgh àraidh, a rinu cuirm-pòsaidh d'a mhac féin;

3 Agus chuir e a sheirbhisich a ghairm na



muintir a fhuair cuireadh chum na bainnse: ach cha b' àill leo-san teachd.

4 A ris, chuir e *d'an ionnsuidh* seirbhisich eile, ag ràdh, Abraibh-sa ris a' mhuinntir d'an d'fhugadh cuireadh, Feuch, dheasaich mi mo dhinneir: *tha* mo dhaimh agus *mo* sprèidh bhiaidhta air am marbhadh, agus *tha* na h-uile nithean ullamh; thigibh chum na bainnse.

5 Ach chuir iadsan 'an snarachas e, agus dh'imich iad rompa, fear dhiubh chum fhearainn, agus fear eile chum a cheannachd:

6 Agus rug a' chuid eile *dhiubh* air a sheirbhisich, agus thug iad masladh *dhoibh*, agus mharbh siad *iad*.

7 Ach au uair a chual' an rìgh so ghabh e fearg; agus chuir e 'armailtean uaithe, agus sgrios e an luchd-mortaidh sin, agus loisg e am baile-san.

8 An sin thubhairt e r'a sheirbhisich, Gu fìrinneach tha a' bhanaidh ullamh, gidheadh an dream a fhuair cuireadh cha b'araidh iad *air*.

9 Air an aobhar sin innichibh-sa gus na rathaidibh mòra, agus a lìon *daoine*'s a gheibh sibh, cuiribh *iad* chum na bainnse.

10 Agus chaidh na seirbhisich sin a mach air na rathaidibh, agus chruinnich iad gach uile neach a fhuair iad, eadar oile agus mhaith: agus lìonadh *tigh* na bainnse le muintir a shuidh chum bith.

11 Agus air dol a steach do'n rìgh a dh'fhaicinn nan aoidhean, chunnaic e an sin duine aig nach robh trusgan na bainnse uime:

12 Agus thubhairt e ris, A charaid, cionnus a thàinig thusa steach an so, gun trusgan na bainnse umad? Ach dh'fhan esan 'n a thosd.

13 An sin thubhairt an rìgh ris na seirbhisich, Air a cheangal duibh eadar chosan agus làmhnan, togaibh leibh e, agus tilgibh e anns an dorchadas iomallach: an sin bithidh gul agus giosgan fhiacal.

14 Oir tha mòrau air an gairm, ach beagan air an taghadh.

15 An sin dh'imich na Phairisich, agus ghabh iad comhairle cionnus a dh'fheadadh iad esan a ribeadh 'n a chainnt.

16 Agus chuir iad d'a ionnsuidh an deiseibhuil féin, maille ri luchd-leanmhuinn Heroid, ag ràdh, A mhaighstir tha fhios againn gu bheil thusa fìor, agus gu bheil thu 'teagasg slighe Dhé ann am fìrinn, agus nach 'eil suim agad do dhùine sam bith: oir cha-n'eil thu ag amharc air pearsaibh dhaoine.

17 Uime sin innis dhuinnce do bharail, Am bheil e ceaduichte cìs a thabhairt do Cheasar, no nach 'eil?

18 Ach air tuigsinn am mì-ruin a dh'Iosa, thubhairt e, C'ar son a tha sibh ga m'bhuaireadh, a chealgairan?

19 Nochdaibh dhomhsa airgid na cìse. Agus thug iad d'a ionnsuidh peghinn.

20 Agus thubhairt e riu, Co dha a bhuineas an dealbh so, agus an sgrìobhadh a *tha na' thimchioll*?

21 Thubhairt iadsan ris, Do Cheasar. An sin thubhairt esan riu, Thugaibh uime sin do Cheasar na nithean a's le Ceasar; agus do Dhia, na nithean a's le Dia.

22 Agus an uair a chual' iad so, ghabh iad iongantas, agus dh'fhàg iad e, agus dh'imich iad rompa.

23 Air an là sin féin thàinig d'a ionnsuidh na Sadusaich, a their nach 'eil aiscirigh ann, agus chuir iad ceisd air,

24 Ag ràdh, A mhaighstir, thubhairt Maois, Ma gheibh duine bàs gun chlamh aige, gur còir d'a bhràthair a bhean-san a phòsadh a dhlighe daimhe, agus sìochd a fhogail d'a bhràthair.

25 A nis bha seachdnar bhràithrean 'n ar measg-ne; agus air do'n cheud fhear dhiubh bean a phòsadh, fhuair e bàs, agus a chionn nach robh sìochd aige, dh'fhàg e a bhean d'a bhràthair.

26 Agus *thachair* mar an ceudna do'n dara, agus do'n treas *bràthair*, gu ruig an seachdamh.

27 Agus 'n an déigh uile fhuair a' bhean bàs mar an ceudna.

28 Air an aobhar sin anns an aiscirigh, cò de'n t-seachdnar d'am bean i? Oir bha i aca uile.

29 Agus fhreagair Iosa agus thubhairt e riu, Tha sibh air seacharan, gun eòlas agaibh air na sgrìobtuiribh, no air cumhachd Dhé:

30 Oir anns an aiscirigh cha dean iad pòsadh, ni mò a bheirear 'am pòsadh iad; ach tha iad mar aingil Dhé air nèamh.

31 Ach mu thimchioll aiseirigh nam marbh, nach do leugh sibh an nì sin a labhradh ribh le Dia, ag ràdh,

32 Is mise Dia Abraham, agus Dia Isaac, agus Dia Iacob: cha-n e Dia Dia nam marbh, ach nam beò.

33 Agus an uair a chual' am pobull so, ghabh iad iongantas r'a theagasg-san.

34 Ach an uair a chuala na Phairisich gu'n do chuir e na Sadusaich 'n an tosd, chruinnicheadh iad 'an ceann a chéile.

35 An sin chuir neach àraidh dhiubh, a b'fhear teagaisg an lagha, ceisd *air*, 'g a dhearbhadh, agus ag ràdh,

36 A mhaighstir, cia i an àithne a's mò 's an lagh?

37 Thubhairt Iosa ris, Gràdaichidh tu an Tighearn do Dhia le d'uile chridhe, agus le d'uile anam, agus le d'uile intinn.

38 Is i so a' cheud *àithne* agus an àithne mhòr.

39 Agus *is* cosmhuil an dara rithe so Gràdaichidh tu do choimhearsnach mar thu féin

40 Air an dà àithne so tha'n lagh uile, agus na fàidhean 'an crochadh.

41 Ach air do na Phairisich a bhi cruinn 'an ceann a chèile, dh'fheòraich Iosa dhiubh,

42 Ag ràdh, Ciod i bhur barail-sa mu thimchioll Chrìosd? cò d'am mac e? thubhairt iadsan ris, Do Dhaibhidh.

43 Thubhairtesan riu, Cionnas ma seadh a ghoireas Daibhidh 's an spiorad a Thighearn dheth, ag ràdh,

44 Thubhairt an Tighearn ri m' Thighearn, Suidh air mo làimh dheis, gus an cuir mi do naimhdean 'n an stòl fo d' chosaibh?

45 Air an aobhar sin ma ghoireas Daibhidh a Thighearn dheth, cionnas is mac dha e?

46 Agus cha b'urraim aon neach freagradh sam bith a thubhairt air; ni mò a bha chridhe aig aon neach o'n là sin suas ni air bith fheòraich dheth.

## CAIB. XXIII.

1 *Chomhairlich Crìosd do'n t-sluagh éisdeachd ri deadh theagasg nan sgrìobhaichean, agus nam Phairiseach; ach gun an drocheiseamplair a leanuinn: 5 is còir d'a dheiseioblubh a bhi air am faicill an aghaidh an uabhair; 13 tha e a' cronachadh nam Phairiseach air son an cealgaircachd. 34 agus ag innseadh roimh-làimh sgrios Ierusalem.*

**A**N sin labhair Iosa ris an t-sluagh, agus r'a dheiseioblubh féin,

2 Ag ràdh, Tha na sgrìobhaichean agus na Phairisich 'n an suidhe ann an caithir Mhaois:

3 Air an aobhar sin na h-uile nithean a dh'farras iad oirbh-sa a choinhead, coimhidibh agus deanaibh iad; ach na deanaibh a réir an oibre: oir their iad, agus cha dean iad.

4 Oir ceanglaidh iad uallaichean tromha, agus do-ionmhar, agus cuiridh siad iad air guailnibh dhaoine; gidheadh cha charuich iad féin iad le h-aon d'am meuraibh.

5 Ach an oibre uile tha iad a' deanamh chum a bhi air an faicinn le daoineibh: ni iad an philacteridh leathan, agus iomall an eudaich mòr;

6 Agus is ionmhuinn leo na ceud ionadan-suidhe anns na féillibh, agus na ceud chaithirichean anns na coimhthionalaibh,

7 Agus fàille *fhaghail* air na margaidh-ibh, agus daoine a ghairm Rabbi, Rabbi dhiubh.

8 Ach na goirear Rabbi dhibhse: oir is aon àrd-mhaighstir a tha agaibh, Crìosd; agus is bràithrean sibh féin uile.

9 Agus na goiribh blur n-athair de dhuine sam bith air thalamh: oir is aon Athair a tha agaibh, a tha air nèamh.

10 Cha mhò a ghoirear àrd-mhaighstirean dhibh: oir is aon àrd-mhaighstir a tha agaibh, Crìosd.

11 Ach an ti a's mò 'n'ur measg, bithidh e 'n a òglach agaibh.

12 Agus ge b'e neach a dh'àrdaicheas e

féin, isichear e; agus ge b'e neach a dh'àrdaicheas e féin, àrdaichear e.

13 Ach is an-aobhinn dhuibhse, a sgrìobhaichean agus Phairiseacha, a chealgairean, a chionn gu bheil sibh a' druideadh rioghachd nèimh an aghaidh dhaoine: oir cha téid sibh féin a steach, agus cha-n fhulaing sibh do'n dream a tha 'dol a stigh dol ann.

14 Is an-aobhinn dhuibh, a sgrìobhaichean agus Phairiseacha, a chealgairean; oir tha sibh ag itheadh suas tighean bhantrach, agus air sgàth deadh choslais a' deanamh urnuighcan fada; uime sin gheibh sibh an damnachd a's mò.

15 Is an-aobhinn dhuibh, a sgrìobhaichean agus Phairiseacha, a chealgairean; oircuairt-ichidh sibh muir agus tir chum aon duine a dheanamh de bhur creidimh féin; agus an uair a nithear e, ni sibh mac ifrinn dheth dà uair n's mò na sibh féin.

16 Is an-aobhinn dhuibh, a chinn-iùil dhalla, a their, Ge b'e duine a bheir mionnan air an teampull, cha ni air bith sin: ach ge b'e 'bheir mionnan air òr an teampull, tha e ceangailte.

17 Amadana, agus a dhaoine dalla! oir cò aca a's mò an t-òr, no an teampull a tha 'naomhachadh an òir?

18 Agus, Ge b'e 'bheir mionnan air an altair, cha-n eil suim ann: ach ge b'e 'bheir mionnan air an tiòdhlaic a tha oirre, tha e ceangailte.

19 Amadana, agus a dhaoine dalla! oir cò aca a's mò an tiòdhlaic, no'n altair a tha 'naomhachadh an tiòdhlaic?

20 Air an aobhar sin ge b'e 'mhionnaicheas air an altair, tha e a' mionnachadh oirre féin, agus air gach ni a tha oirre.

21 Agus ge b'e 'mhionnaicheas air an teampull, tha e a' mionnachadh airsan, agus air an Ti a tha 'n a chòmhnuidh ann.

22 Agus ge b'e neach a mhionnaicheas air nèamh, tha e a' mionnachadh air rìgh-chaitir Dhé, agus airsan a tha 'n a shuidhe oirre.

23 Is an-aobhinn dhuibh, a sgrìobhaichean agus Phairiseacha, a chealgairean: oir tha sibh a' toirt an deachaimh as a' mhionnt, agus an anise, agus a' chuimin, agus dhìobair sibh nithean cudthromach an lagha, ceartas, tròcair, agus firinn: bu chòir dhuibh iad so a dheanamh, agus gun iad sud fhàgail gun deanamh.

24 A chinn-iùil dhalla, a shìolaidheas a' mheanbh-chuileag, agus a shluigeas an càmhail.

25 Is an-aobhinn dhuibh, a sgrìobhaichean agus Phairiseacha, a chealgairean; oir glanaidh sibh an taobh a muigh de'n chupan, agus de'n mhèis, ach tha iad an taobh a stigh làn reubainn, agus eucòir.

26 Phairisich dhoill, glan air tùs an taobh a stigh de'n chupan agus de'n mhèis, chum gu'n bi an taobh a muigh dhiubh glan mar an ceudna.



27 Is an-aoibhinn dhuibh, a sgrìobhaichean agus Phairiscacha, a chealgairean: oir is cosmhail sibh ri uaighibh gealaichte, a tha deadh-mhaiseach air an taobh a muigh, ach air an taobh a stigh a tha làn de chnàmhan dhaoine marbha, agus de'n uile shalachar.

28 Mar 'an ceudna tha sibhse an leth a muigh 'am fianuis dhaoine ann an coslas fhìreanan, ach 's an taobh a stigh làn ceilg, agus eusaontais.

29 Is an-aoibhinn dhuibh, a sgrìobhaichean agus Phairiscacha, a chealgairean; oir tha sibh a' togail àitean-adhlacaidh nam fàidhean, agus a' deanamh leac-lithidh nam fìrean deadh-mhaiseach,

30 Agus ag ràdh, Nam bitheamaid ann an làithibh ar n-aithrichean, cha bhithheadh comhpairt againn ri uam am fuil nam fàidhean.

31 Mar sin tha sibh 'n'ur fianuisibh 'n'ur n-aghaidh féin, gur sibh clann na muinntir a mharbh ua fàidhean.

32 Mar sin lonaibhse suas tomhas bhur n-aithrichean.

33 A nathraichean, a shìol nan nathraichean nimhe, cionnus a dh'fheudar leibh dol as o dhannadh ifrinn?

34 Air an aobhar sin feuch, cuiream-sa d'ur ionnsuidh fàidhean, agus daoine glìce, agus sgrìobhaichean; agus cuid dhuibh marbhaidh agus cèusaidh sibh, agus cuid dhuibh sgiùrsaidh sibh ann bhur sionagogaibh, agus ni sibh geur-leannmuim *orra* o bhaile gu baile:

35 Chum gu'n tig oirbh gach uile fhuil fhìreanta a dhòirtcadh air an talamh, o fhuil Abeil fhìreanta, gu fuil Shachariais, mhic Bharachiais, a mharbh sibh eadar an teampull agus an altair.

36 Gu fìrinneach tha mi ag ràdh ribh, Gu'n tig na nithean so uile air a' ghinealach so.

37 A Ierusalem, a Ierusalem, a mharbhas na fàidhean, agus a chlachas an dream a chuirear a d'ionnsuidh, cia minic a b'àill leam do ehlann a chruinneachadh r'a chéile, mar a chruinnicheas ceare a h-coin fo a sgiathaibh, agus cha b'àill leibh!

38 Feuch, fàgar bhur tigh agaibh 'n a fhàsach.

39 Oir tha mise ag ràdh ribh, nach faic sibh mise o so suas, gus an abair sibh, *Is beannaichte an Ti a thig ann an ainm an Tighearna*.

## CAIB. XXIV.

1 *Dh'innis Crìosd roimh-làimh sgrìos Ierusalem: 3 cìod iad agus cia mòr na triobladairean a bhàitheas roimhe sin: 29 comharan a theachd gu breitheanas. 36 Do bhrìgh gu bheil là a' bhrèitheanasais fo-rùichte, is còir do gach neach faire a dheanamh.*

A GUS chaidh Iosa mach, agus dh'imich e o'n teampull; agus thàinig a dheiseio-

buil d'a ionnsuidh, a nochdadh dha aitreabh an teampull.

2 Agus thubhairt Iosa riu, Nach faic sibh iad so uile? gu fìrinneach tha mi ag ràdh ribh, Nach fàgar clach air muin cloiche an so, nach tilgear sìos.

3 Agus air stuidhe dha air sliabh nan crann-olaidh, thàinig a dheiseioibh d'a ionnsuidh 'an uaignidheas, ag ràdh, Innis dhuinne, c'uin a thig na nithean sin *gu crìch*? agus cìod e comhara do theachd-sa, agus deiridh an t-saoghail?

4 Agus fhreagair Iosa agus thubhairt e riu, Thugaibh an aire nach meall aon neach sibh:

5 Oir thig mòran a'm ainm-sa, ag ràdh, Is mise Crìosd; agus meallaidh iad mòran.

6 Agus cluinnidh sibh cogannan, agus tuairisgeul chogannan: thugaibh an aire nach bi sibh fo amhladh: oir is éigin do na *nithibh sin* uile teachd gu crìch, ach cha-nèil a' chrìoch ann fathast.

7 Oir éiridh cinneach an aghaidh cinnich, agus rìoghachd an aghaidh rìoghachd: agus bithidh gorta, agus plàighean, agus criothannan-talmhainn ann am mòran àitean.

8 Agus cha-nèil anna so uile ach toiseach thruaighean.

9 An sin bheir iad thairis sibh chum àmhghair, agus marbhaidh iad sibh: agus bithidh fuath aig gach uile chinneach dhuibh air sgàth m'ainme-sa.

10 Agus an sin gabhaidh mòran oilbheum, agus brathaidh iad a chéile, agus bithidh fuath aca d'a chéile.

11 Agus éiridh mòran fhàidhean bréige, agus meallaidh iad mòran.

12 Agus do bhrìgh gu'm bi an eucoir air a meudachadh, fuaraichidh gràdh mhòrain.

13 Ach ge b'e 'bhitheas seasmhach chum na crìche, 's e so a thèarnar.

14 Agus bithidh soisgeul so na rìoghachd air a shearmonachadh air feadh an domhain uile, mar fhianuis do na h-uile chinneach: agus an sin thig a' chrìoch.

15 Air an aobhar sin an uair a chì sibhse gràmeileachd an léir-sgrìos, air an do labhair Daniel am fàidh, 'n a seasamh anns an ionad naomh, (tuigeadh an ti a leughas,)

16 An sin teicheadh iadsan *a tha ann an Iudea*, chum nam beann:

17 An ti a tha air mullach an tighe, na tigeadh e nuas a thabhairt ni sam bith leis as a thigh:

18 Agus an ti a tha 's a' mhachair, na pillcadh e air ais a thogail 'fhalluinn leis.

19 Agus is an-aoibhinn do na mnàibh torrach, agus dhoibh-san a bheir cìoch uatha 's na làithibh sin.

20 Ach guidhibh-sa gun bhur teicheadh a bhi 's a' gheamhradh, no air an t-sàbaid:

21 Oir anns an àm sin bithidh àmhghar mòr ann, amhuil nach robh ann o thùs an domhain gus a nis, agus nach mò a dhìtheas a chaidh.

22 Agus mur bitheadh na làithean sin air an giorrachadh, cha bhitheadh feoil sam bith air a tèarnadh : ach air son nandaoine taghta bithidh na làithean sin air an giorrachadh.

23 An sin ma their aon duine ribh, Feuch, *tha* Criosd an so, no an sud : na creidibh *e* :

24 Oir éiridh Criosdan bréige, agus fàidhean bréige, agus ni iad comharan agus mìorbhuilean mòra, ionnus gu mealladh iad, nam feudadh e 'bhi, na daoine taghta féin.

25 Feuch, dh'innis mi dhuibh *e* roimhlàimh.

26 Uime sin ma their iad ribh, Feuch, *tha e* 's an fhàsach, na rachaibh a mach : feuch, *tha e* 's na seòmraichibh uaigneach, na creidibh *sin*.

27 Oir a rèir mar a thig an dealanach o'n àird an ear, agus a dhearaicheas i gus an àird an iar ; mar sin mar an ceudna bithidh teachd Mhic an duine.

28 Oir ge b'e àit's am bi a' chairbh, is ann an sin a chruinnichear na h-iolairéan.

29 Air ball an déigh trioblaid nan làithean ud, dorchaidhear a' ghrian, agus cha tabhair a' ghealach a solus, agus tuitidh na reultan o nèamh, agus bithidh cumhachdan nan nèamh air an crathadh.

30 Agus an sin foillsichear comhara Mhic an duine ann an nèamh : agus an sin ni uile thruibhan na talmhainn bròn, agus chi iad Mac an duine a' teachd air neulaibh nèimh, le cumhachd agus glòir ro mhòr.

31 Agus cuiridh e mach 'aingil le fuaim mhòir na galltruimp, agus cruinnichidh iad a shlughag taghta o na ceithir gaothaibh, o leth-iomall nèimh gus an leth-iomall eile.

32 Ach foghlumaibh cosamhlachd o'n chraun-fhìge : an uair a bhitheas a gheug a nis maoth, agus a dh'fhàsas an duilleach, aithnichidh sibh gur fagus an samhradh :

33 Agus mar an ceudna, an uair a chi sibhse na nithean sin uile, bitheadh fios agaibh gu bheil e am fagus, *eadhon* aig na dorsaibh.

34 Gu deimhin tha mi ag ràdh ribh, Nach téid an ginealach so féin thairis, gus an tachair na nithean so uile.

35 Théid nèamh agus talamh thairis, ach cha téid mo bhriathran-sa thairis a chaoidh.

36 Ach cha-n'èil fios an là no na h-uaire sin aig duine air bith, no fòs aig ainglibh nèimh, ach aig m'Athair-sa a mhàin.

37 Ach amhuil a *bha* làithean Noe, mar sin mar an ceudna bithidh teachd Mhic an duine.

38 Oir mar a bha iad anns na làithibh roimh an tuil ag itheadh agus ag òl, a' pòsadh agus a' toirt 'am pòsadh, gus an là 's an deachaidh Noe a steach 's an àire,

39 Agus nach robh fhios aca gus an d'thàinig an tuil, agus an do thog i leatha iad uile ; mar sin mar an ceudna bithidh teachd Mhic an duine.

40 An sin bithidh dithis air a' mhachair : gabhar fear dhiubh, agus fàgar am fear eile.

41 Bithidh dithis bhan a' meileadh anns a' mhuilean ; gabhar a h-aon diubh, agus fàgar an aon eile.

42 Uime sin deanaibhse faire, oir cha-n'èil fhios agaibh cia an uair 's an tig bhuir Tigh-earn.

43 Ach *tha* fhios so agaibh, nam b'fhios-rach fear an tìge cia an uair 's an tìgeadh an gaduiche, gu'n deanadh e faire, agus nach fùlaingeadh e gu'm bitheadh a thigh air a bhristeadh troimhe.

44 Uime sin bithibh-sa ullamh mar an ceudna : oir is ann an uair nach saoil sibh, a thig Mac an duine.

45 Cò e ma seadh a tha 'n a òglach firinneach agus glic, a chuir a Thighearn os ceann a mhuinntir, a thabhairt bidh dhoibh 'n a àm fèin ?

46 *Is* beannaichte an t-òglach sin, a gheibh a Thighearn, ri àm dha teachd, a' deanamh mar sin.

47 Gu deimhin tha mi ag ràdh ribh, gu'n cuir se e os ceann a mhaoin gu h-ìomlan.

48 Ach ma their an droch sheirbhiseach ud 'n a chridhe, Tha mo Thighearn a' cur dàil 'n a theachd ;

49 Agus ma thòisicheas e air a chomh-sheirblisich a bhualadh, agus air itheadh agus òl maille ri luchd-misge ;

50 Thig Tighearn an òglach siu ann an là nach 'èil sùil aige ris, agus ann an uair nach fios da,

51 Agus gearraidh e 'n a bhloighdibh e, agus bheir e a chuibhrionn *da* maille ris na cealgairibh : an sin bithidh gul agus giosgan fhiacal.

## CAIB. XXV.

1 *Cosamhlachd nan deich òighean, 14 agus nan talann : 31 mar an ceudna mion-innsadh mu'n bhreitheanas dheireannach.*

**A**N sin samhlaichear rìoghachd nèimh ri deich òigheibh, a thug leo an lòchrain, agus a chaidh a mach 'an còdhail an fhir nuadh-phòsda.

2 Agus bha cùignear dhiubh glic, agus cùignear amaideach.

3 Thug iadsan a bha amaideach an lòchrain *leo*, ach cha d'thug iad oladh leo.

4 Ach iadsan a bha glic, thug iad oladh leo 'n an soithichibh maille r'an lòchranaibh.

5 Agus air ùeanamh moille do'n fhear nuadh-phòsda, thuit clò codail orra uile, agus suain.

6 Ach anns a' mheadhon-oidhe rinneadh glaoth, Feuch, tha am fear nuadh-phòsda a' teachd ; rachaibh a mach g'a choinneachadh.

7 An sin dh'éirich na h-òighean ud uile, agus dheasaich iad an lòchrain.

8 Agus thubhairt na h-òighean amaideach



*riusan a bha* glic, Thoiribh dhuinne *cuid* de bhuir n-oladh; oir tha ar lèchraim a' dol as.

9 Ach fhreagair iadsan *a bha* glic, ag ràdh, Air eagal nach bi na 's leoir ann dhuinn féin agus dhuibhse gu ma fearr leibh dol a chum an luchd-reicidh, agus ceannaichibh dhuibh féin.

10 Agus an feadh a bha iad a' dol a cheannach, thàinig am fear nuadh-pòsda; agus chaidh iadsan a bha ullamh a steach leis chum a' phòsaidh, agus dhruideadh an dorus.

11 'N a dhéigh sin thàinig mar an ceudna na h-òighean eile, ag ràdh, A Thighearn', a Thighearna, fosgail dhuinne.

12 Ach fhreagair esan agus thubhairt e, Gu deimhin tha mi ag ràdh ribh, nach aithne dhomh sibh.

13 Deanaibh faire air an aobhar sin, do bhrìgh nach aithne dhuibh an là no an nair, air an tig Mac an duine.

14 Oir is cosmhuil e ri duine a' dol air choigrich, a ghairm a sheirbhisich, agus a thug dhoibh a mhaoin:

15 Agus do h-aon duibh thug e cùig tàlannan, agus do neach eile a dhà, agus do neach eile a h-aon; do gach aon fa leth a réir a chomais; agus air ball ghabh e a thurus.

16 Agus dh'imich esan a fhuair na cùig tàlannan, agus rinn e ceannachd leo, agus bhuannaich e cùig tàlannan eile.

17 Agus mar an ceudna esan *a fhuair* a dhà, bhuannaich e dithis eile.

18 Ach an ti a fhuair a h-aon, dh'imich e agus chladhaich e 's an talamh, agus dh'fholaich e airgid a mhaighistir.

19 An déigh aimsir fhada thàinig Tigh-carn nan seirbhiseach sin, agus rinn e cunn-tas riu.

20 Agus thàinig esan a fhuair na cùig tàlannan, agus thug e leis cùig tàlannan eile, ag ràdh, A Thighearna, thug thu dhomh-sa cùig tàlannan: feuch, bhuannaich mi cùig tàlannan eile thuilleadh orra.

21 Agus thubhairt a Thighearn ris, Is maith, a dheadh sheirbhisich fhàirinnich; bha thusa firinneach ann am beagan, cuiridh mise os ceann mhòran thu: imich a steach do aoibhneas do Thighearn'.

22 Agus thàinig esan a fhuair an dà thàlann, agus thubhairt e, A Thighearna, thug thu dhomh-sa dà thàlann: feuch, bhuannaich mi dà thàlann eile thuilleadh orra.

23 Thubhairt a Thighearn ris, Is maith, a dheadh sheirbhisich fhàirinnich; bha thusa firinneach ann am beagan *nithibh*, cuiridh mise os ceann mhòran *nithean* thu: imich a steach do aoibhneas do Thighearn'.

24 Ach an uair a thàinig esan a fhuair an t-aon tàlann, thubhairt e, A Thighearna, bha fhios agam gur duine cruaidh thu, a bhuaineas 's an àite 's nach do chuir thu,

agus a thionaileas 's an ionad anns nach do sgaoil thu;

25 Agus air dhomh 'bhi fo eagal, chaidh mi agus dh'fholaich mi do thàlann 's an talamh: feuch, sin agad do chuid féin.

26 Fhreagair a Thighearn agus thubhairt e ris, A sheirbhisich uile agus leisg, bha fhios agad gu'm buainim-sa 's an àit anns nach do chuir mi, agus gu'n tionalam as an ionad anns nach do sgaoil mi;

27 Bu chòir dhuit uime sin m'airgid a thubhairt do'n luchd-malairt, agus air dhomh teachd gheibhinn mo chuid féin maille r'a riadh.

28 Buanibh uaith uime sin an tàlann, agus thugaibh dhàsan e, aig am bheil na deich tàlannan.

29 (Oir do gach neach aig am bheil bheir-eir, agus bithidh aige gu pailt: ach uaith-san aig nach 'eil, bheir-eir cadhon an nì sin a tha aige.)

30 Agus tilgibh an seirbhiseach mi-tharbh-ach so do dhorchadas iomallach: an sin bithidh gul agus giosgan fhiacal.

31 An uair a thig Mac an duine 'n a ghlòir, agus na h-aingil naomha uile maille ris, an sin suidhidh e air cathair rioghail a ghlòire:

32 Agus cruinnicheadh 'n a làthair-nah-uile chinnich; agus sgaraidh e iad o 'chéile, anhuil a sgaras buachaill na caoraich o na gabhraibh:

33 Agus cuiridh e na caoraich air a làimh dheis, ach na gabhair air a làimh chlì.

34 An sin their an Rìgh riu-san air a dheis, Thigibh, a dhaoine beannaichte m'Àthar-sa, sealbhaichibh mar oighreachd an rioch-achd a tha air a deasachadh dhuibh o leagadh bunaitean an domhain:

35 Oir bha mi ocrach, agus thug sibh dhomh biadh: bha mi tartmhor, agus thug sibh dhomh deoch: bha mi a'm' choigreach, agus thug sibh aoidheachd dhomh:

36 Lomnochd, agus dh'éid sibh mi: bha mi euslan, agus thàinig sibh g'am amhare: bha mi 'am prìosan, agus thàinig sibh a m' ionnsuidh.

37 An sin freagraidh na fireanan e, ag ràdh, A Thighearna, c'uin a chunnaic sinn ocrach thu, agus a bheathaich sinn thu? no tartmhor, agus a thug sinn deoch dhuit?

38 No c'uin a chunnaic sinn a'd' choigreach thu, agus a thug sinn aoidheachd dhuit? no lomnochd, agus a dh'éid sinn thu?

39 No c'uin a chunnaic sinn euslan thu, no 'am prìosan, agus a thàinig sinn a d'ionnsuidh?

40 Agus freagraidh an Rìgh, agus their e riu, Gu deimhin tha mi ag ràdh ribh, a mhead 's gu'n do rinn sibh e do aon de na bràithribh a's lugha agam-sa, rinn sibh dhomh-sa e.

41 An sin their e mar an ceudna rìusan air an làimh chlì, Imichibh uain, a shluagh

malluichte, dh'iomnsuidh an teine shìorruidh, a dh'ulluicheadh do'n diabhul agus d'a ainglibh:

42 Oir bha mi ocrach, agus cha d'thug sibh dhomh biadh: bha mi tartmhor, agus cha d'thug sibh dhomh deoch:

43 Bha mi a'm' choigreach, agus cha d'thug sibh aoidheachd dhomh: lomnochd, agus cha d'èid sibh mi: euslan, agus 'am prìosan, agus cha d'thàinig sibh g'am amharc.

44 An sin freagraidh iadsan mar an ceudna e, ag ràdh, A Thighearna, c'uin a chumaic sinne thu ocrach, no tartmhor, no d' choigreach, no lomnochd, no euslan, no 'am prìosan, agus nach do fhritheil sinn dhuit?

45 An sin freagraidh ean iad, ag ràdh, Gu deimhin tha mi ag ràdh ribh, a mheud 's nach d'rinn sibh e do'n neach a's lugha dhiubh so, cha d'rinn sibh dhomh-sa e.

46 Agus imichidh iadsan chum peanaiss shìorruidh; ach na fireanan chum na beatha maireannaich.

### CAIB. XXVI.

1 *Ghabh na h-uachdarain comhairle chum Iosa a ghluicadh, agus a chur gu bàs.* 6 *Dl'ung bean àraidh a cheannicòlaidh luachmhoir.* 14 *Reic Iudas e ris na h-àrd-shagartairibh.* 17 *Dh'èith Crìosd a' chàisg maille r'a dheisciobluibh.* 26 *Agus dh'orduich e an t-suipeir naomh.* 47 *Bhrath Iudas Iosa, agus thugadh e an làthair Chaiaphais an àrd-shagairt.* 69 *Dh'àicheadh Peadar e.*

**A** GUS tharladh, 'n uair a chrìochnaich Iosa na briathran so uile, gu'n dubhairt e r'a dheisciobluibh,

2 Tha fhios agaibh gu bheil a' chàisg an dèigh dà là, agus tha Mac an duine air a bhrath gu bhì air a chèusadh.

3 An sin chruinnich uachdarain nan sagart, agus na sgrìobhaichean, agus seanairean a' phobuill, gu talla an àrd-shagairt, d'an goirear Caiaphas,

4 Agus ghabh iad comhairle le 'chèile chum Iosa a ghluicadh le feall, agus a chur gu bàs.

5 Ach thubhairt iad, Na *deanamaid* e 's an fhéill, air eagal gu'm bi buaireas am measg a' phobuill.

6 Agus air do Iosa a bhì ann am Betani, ann an tigh Shimoin an lobhair,

7 Thàinig bean d'a iomnsuidh aig an robh bocsa alabastair làn olaidh ro luachmhoir, agus dhòirt i air a cheann e, agus e 'n a shuidhe aig *biadh*.

8 Ach an uair a chunnaic dheisciobuil *sin*, bha fearg orra, ag ràdh, Ciod a's ciall do'n ana-caitheadh so?

9 Oir dh'fheadhail an oladh so 'bhi air a reic air mhòran, agus a bhì air a toirt do na bochdaibh.

10 Ach air aithneachadh so do Iosa, thubhairt e riu, C'ar son a tha sibh a' eur dragha air a' mhuaioi? oir rinn i deadh obair dhomh-sa.

11 Oir tna na bochdan agaibh a ghnàth

maille ribh, ach cha-n'èil mise agaibh a ghnàth.

12 Oir air dòrtadh na h-olaidh so dhi air mo chorp-sa, is ann fa chomhair m'adhlaid a rinn i e.

13 Gu deimhin tha mi ag ràdh ribh, Ge b'èit 'am bi an soisgeul so air a shearmonachadh air feadh an t-saoghail gu h-iomlan, aithriscar an ni a rinn a' bhean so, mar chuimhne oirre.

14 An sin dh'imich aon de'n dà fhear dheug, d'am b'ainm Iudas Iscariot, chum nan àrd-shagart.

15 Agus thubhairt e, Ciod a bheir sibh dhomh-sa, agus brathaidh mi dhuibh e? Agus choird iad ris air dheich buinn fhichead airgid.

16 Agus o'n àm sin a mach dh'iarr e fàth air esan a bhràth.

17 Agus air a' cheud là *de fhéill* an arain neo-ghoirtichte, thàinig na deisciobuil chum Iosa, ag ràdh ris, C'ait an àill leat sinne a dh'ulluchadh dhuit, chum gu'n ith thu a' chàisg?

18 Agus thubhairt esan, Rachaibh do'n bhaile gu lethidh so de dhuine, agus abraibh ris, Tha am maighstir ag ràdh, Tha m'am fagus, cumaidh mi a' chàisg aig do thigh-sa maille ri m' dheisciobluibh.

19 Agus rinn na deisciobuil mar a dh'orduich Iosa dhoibh, agus dheasaich iad a' chàisg.

20 Agus an uair a thàinig am feasgar, shuidh e maille ris an dà fhear dheug.

21 Agus ag itheadh dhoibh, thubhairt e, Gu deimhin tha mi ag ràdh ribh, gu'm brath fear dhiubh mise.

22 Agus bha iad ro bhrònach, agus thòisich gach aon aca fa leth air a ràdh ris, Am mise e, a Thighearna?

23 Agus fhreagair esan agus thubhairt e, An ti a thumas a làmh 's a' mhèis maille rium-sa, brathaidh esan mi.

24 Gu deimhin tha Mac an duine ag im-cachd, a réir mar tha e sgrìobhta m'a thim-chioll: ach is an-aoibhinn do'n duine sin le'm brathar Mac an duine: bu mhaith do'n duine sin mur beirtheadh riamh e.

25 An sin fhreagair Iudas a bhrath e, agus thubhairt e, A mhaighstir, am mise e? Thubhairt esan ris, Thubhairt thu.

26 Agus ag itheadh dhoibh, ghlac Iosa aran, agus air tabhairt buidheachais, bhris se e, agus thug e do na deisciobluibh e, agus thubhairt e, Gabhaibh, ithibh; is e so mo chorp-sa.

27 Agus air gluicadh a' chupain, agus air tabhairt buidheachais, thug e dhoibh e, ag ràdh, Olaibh uile dheadh:

28 Oir is i so m'fhuil-sa an tiomnaidh nuaidh, a dhòirtair air son mhòran chum maithceanais pheacaidhean.

29 Ach tha mi ag ràdh ribh, Nach òl mi á so suas de thoradh so na fionain, agus an là



sin anns an òl mi e nuadh maille ribh ann an riochaidh m'Àthar.

30 Agus air dhoibh laoidh a sheinn, chaidh iad a mach gu sliabh nan crann-olaidh.

31 An sin thubhairt Iosa riu, Gheibh sibh uile oibheum annam-sa an uochd; oir tha e sgriobhta, Buailidh mi am buachaill, agus sgapar caoraich an treuda.

32 Ach an dèigh dhomh-sa éirigh a rìs, thèid mi roimhibh do Ghalile.

33 Agus fhreagair Peadar agus thubhairt e ris, Ged gheibh na h-uile dhaoine oibheum annad, cha-n fhaigh mise oibheum gu bràth.

34 Thubhairt Iosa ris, Gu deimhin tha mi ag ràdh riut, air an oidhche so fèin mu'n goir an coileach, gu'n àicheadh thu mi tri uairean.

35 Thubhairt Peadar ris, Ged a b'èigin dhomh bàsachadh maille riut, cha-n àicheadh mi thu. Agus thubhairt ua deisciobuil uile mar an ceudna.

36 An sin thàinig Iosa maille riu gu ionad d'an goirear Getsemane, agus thubhairt e ris na deisciobuibh, Suidhibh-sa an so, agus an téid mise a dheanamh uruigh an sud.

37 Agus thug e Peadar leis, agus dithis mhac Shebede, agus thòisich e air a bhi brònach, agus ro dhoilgheasach.

38 An sin thubhairt e riu, Tha nu'anam ro bhrònach, eadhon gu bàs: fanaibh-sa an so, agus deanaibh faire maille riumsa.

39 Agus dh'imich e beagan air adhart, agus thuit e air 'aghaidh, a' deanamh uruigh, agus ag ràdh, O m' Athair, ma dh'fheudas e bhi, rachadh an cupan so seachad orm: gidheadh, na bithheadh e mar is àill leamsa, ach mar *is toil* leatsa.

40 Agus thàinig e chum nan deisciobuil, agus fhuair e 'n an codal iad, agus thubhairt e ri Peadar, An ann mar sin, nach b' urrainn sibh faire a dheanamh aon uair a *mhàin* maille rium-sa?

41 Deanaibh faire agus uruigh, chum nach tuit sibh 'am buaireadh: *tha* gun amharus an spiorad togarach; ach *tha* 'n fheoil annhum.

42 A rìs an dara uair, dh'imich e agus rinn e uruigh, ag ràdh, O m' Athair, mur feudar gu'n téid an cupan so seachad orm, gun mi 'g a òl, do thoil-sa gu robh deanta.

43 Agus thàinig e agus fhuair e iad a rìs 'n an codal: oir bha an sùilean trom.

44 Agus dh'fhàg e iad, agus dh'imich e a rìs, agus rinn e uruigh an treas uair, ag ràdh nam briathran ceudna.

45 An sin thàinig e chum a dheisciobuil, agus thubhairt e riu, Coidhibh roimhibh a nis, agus gabhaibh fois; feuch, tha an uair air druidealh, agus tha Mac an duine air a bhruthairis do làmhian pheacach.

46 Eiribh, imicheamaid: feuch, tha an ti a bhrathas mise am fagus.

47 Agus air dha bhi fathast a' labhairt,

feuch, thàinig Iudas, aon de'n dà fhear dheug, agus maille ris cuideachd mhòr le claidhibh agus bataibh o na h-àrd-shagartaibh agus o sheanairibh a' phobuill.

48 A nis bha an ti a bhrath esan air tabhairt comharaidh dhoibh, ag ràdh, Ge b'e neach a phògas mise, is e sin e; deauaibh greim air.

49 Agus air ball thàinig e chum Iosa, agus thubhairt e, Fàilte dhuit, a mlaighstir; agus phòg se e.

50 Ach thubhairt Iosa ris, A charaid, c'ar son a thàinig thu? An sin thàinig iad, agus chuir iad làmh ann an Iosa, agus ghlac iad e.

51 Agus, feuch, shìn a h-aon diubhas a bha maille ri Iosa a làmh, agus tharruing e a chlaidheamh, agus air dha seirbhiseach an àrd-shagairt a bhualadh, ghearr e a chluas dheth.

52 An sin thubhairt Iosa ris, Cuir a rìs do chlaidheamh air ais 'n a ionad fèin: oir iad-san uile a ghlacas an claidheamh, tuitidh iad leis a' chlaidheamh.

53 An saoil thusa nach feud mise a nis m'Àthair a ghuidhe, agus bheir e dhomh tuilleadh is dà legion deug de ainglibh?

54 Ach cionnus an sin bhlithheadh na sgriobtuirean air an coimhlionadh, a *tha 'g ràdh* gur ann mar so is éigin tachairt?

55 Anns an uair sin fèin thubhairt Iosa ris an t-sluagh, Au d'thàinig sibh a mach mar gu'm b'ann an aghaidh gaduiche, le claidhibh agus bataibh chum uise a ghlacadh? Bha mi gach là a'm shuidhe maille ribh 's an teampull a' teagasg, agus cha do chuir sibh làmh annam.

56 Ach thachair so uile, chum gu'm bith-eadh sgriobtuirean nam fàidhean air an coimhlionadh. An sin thréig na deisciobuil uile e, agus theich iad.

57 Agus air dhoibh-san Iosa a ghlacadh, thug iad leo e gu Caiaphas an t-àrd-shagart, far an robh na sgriobhaichean agus na seanairean air cruinneachadh.

58 Ach lean Peadar e fada uatha, eadhon gu talla an àrd-shagairt, agus chaidh e steach, agus shuidh e maille ris na seinbhisich, a dh'fhaicinn na crìche.

59 Agus dh'fhuair na h-àrd-shagartan agus na seanairean, agus a' chomhairle uile, fianuis bhréige an aghaidh Iosa, chum a chur gu bàs.

60 Ach cha d'fhuair iad: seadh, ged a thàinig mòran de fhianuisibh bréige, cha d'fhuair iad. Fa dhèidh thàinig dà fhianuis bhréige.

61 Agus thubhairt iad, Thubhairt an *fear* so, Is urrainn mise teampull Dhé a leagadh, agus a thogail a rìs 'an tri làithibh.

62 Agus air do'n àrd-shagart éirigh, thubhairt e ris, Nach freagair thu 'bheag? Ciod o a tha iad sin a' toirt fianuis a'd' aghaidh?

63 Ach dh'fhuair Iosa 'n a thòsd. Agus fhreagair an t-àrd-shagart agus thubhairt

e ris, Tha mi 'g a' d' mhionnachadh air an Dia bheò, gu'n innseadh tu dhuinn, an tu Crìosd Mac Dhé.

64 Thubhairt Iosa ris, Thubhairt thu: gidheadh tha mi ag ràdh ribh, 'N a dhéigh so chi sibh Mac an duine 'n a shuidhe air deas làimh cumhachd *Dhé*, agus a' teachd air neulaibh nèimh.

65 An sin reub an t-àrd-shagart 'eudach, ag ràdh, gu'n do labhair e toibheum; Ciod am feum tuilleadh a tha againn air fianuisibh? feuch, a nis chuala sibh a thoibheum.

66 Ciod i bhuir barail-sa? Fhreagair iadsan agus thubhairt iad, Tha e toillteanach air a' bhàs.

67 An sin thilg iad smugaid 'n a eudan, agus bhuail iad le 'n basaibh e; agus ghabh cuid eile air le slataibh,

68 Ag ràdh, Dean fàidheadaireachd dhuinn, a Chrìosd, Cò e a bhuail thu?

69 Agus shuidh Peadar a mach anns an talla: agus thàinig cailin àraidh d'a ionnsuidh, ag ràdh, Bha thusa mar an ceudna maille ri Iosa o Ghalile.

70 Ach dh'àicheadh esan 'n an làthair uile, ag ràdh, Cha-n'eil fhios again ciod a tha thu ag ràdh.

71 Agus air dol a mach dha do'n fhòrdhorus, chunnaic *cailin* eile e, agus thubhairt i riasan a bha 'n sin, Bha 'n fear so mar an ceudna maille ri Iosa o Nasaret.

72 Agus dh'àicheadh e a ris le mionnaibh, *ag ràdh*, Cha-n aithne dhomh an duine.

73 Agus tamull beag 'n a dhéigh sin thàinig an dream a bha 'n an seasamh a làthair, agus thubhairt iad ri Peadar, Gu fìrinneach is ann diubh sud féin a tha thusa; oir tha do chaint ga d' bhrath.

74 An sin thòisich e ri mallachadh agus mionnachadh, *ag ràdh*, Cha-n aithne dhomh an duine. Agus air ball ghoir an coileach.

75 Agus chuinnich Peadar briathran Iosa, a thubhairt ris, Mu'n goir an coileach, àicheadhaidh tu mi trì uairean. Agus air dol a mach dha, ghuil e gu goirt.

## CAIB. XXVII.

1 Cheangail na h-uachdaran air na seanair-ean Crìosd, agus thug iad thairis e do Phìlat, 3 Chroch Iudas e fèin. 19 Fhuair Pìlat rabhadh o 'mhnaoi mu thimchioll Chrìosd; 20 dh'ionnuid e a làmh an: 26 agus leig e Barabas fa sgaoil. 29 Chràndadh Crìosd le droighionn; 34 agus cheusadh e. 59 A bhàs agus 'adhlac. 60 Chuir na h-uachdaran faire air 'naigh.

**A**IR teachd do'n mhaduinn, ghabh uachdaran nan sagart uile, agus seanair-ean a' phobuill, comhairle le 'chéile an aghaidh Iosa, chum a chur gu bàs.

2 Agus air dhoibh esan a cheangal, thug iad leo e, agus thug iad thairis e do Phontius Pilat an t-uachdaran.

3 An sin an uair a chunnaic Iudas a bhrath e, gu'n do dhiteadh e, ghabh e aithrezchas,

agus thug e air an aís na deich buinn fhìchead airgid do na h-àrd-shagartaibh, agus do na seanairibh,

4 Ag ràdh, Pheacaich mi, ann am brath na fola neò-chiontaich. Ach thubhairt iadsan, Ciod e sin duinne? amhaire thusa *air sin*.

5 Agus air tilgeadh uaith nam bonn airgid anns an teampull, dh'imich e roimhe, agus chaidh e agus eòroch se e fèin.

6 Agus ghlac na h-àrd-shagartan na buinn airgid, agus thubhairt iad, Cha chòir an cur 's an ionmhas, oir is luach fola iad.

7 Agus air gabhail comhairle dhoibh, cheannaich iad leo fearann a' chriadhaidair, chum a bhi 'n a àit-adhlac do choigrich.

8 Air an aobhar sin goirear de'n fhearann sin, Fearann na fola, gus an là'n diugh.

9 (An sin choimhlionadh an ni a labhradh le Ieremias an fàidh, ag ràdh, Agus ghabh iad na deich buinn fhìchead airgid, luach an ti a mheasadh, neach a mheas iadsan a bha de chloinn Israel,

10 Agus thug siad iad air son fearainn a' chriadhaidair, mar a dh'orduich an Tighearn dhomh-sa.)

11 Agus sheas Iosa an làthair an uachdaran: agus dh'fhiosraich an t-uachdaran dheth, ag ràdh, An tusa Rìgh nan Iudhach? Agus thubhairt Iosa ris, Thubhairt thu.

12 Agus an uair a chuir na h-àrd-shagartan agus na seanair-ean cionta as a leth, cha do fhreagair e ni sam bith.

13 An sin thubhairt Pilat ris, Nach chuinn thu cia lìon nìthean air am bheil iad a' toirt fianuis a'd' aghaidh?

14 Agus cha d'thug e freagradh dha air aon fhocal; ionns gu'n do ghabh an t-uachdaran iongantas ro mhòr.

15 A nis ri àm na féille chleachd an t-uachdaran aon phrìosanach a b'ail leo 'chur fa sgaoil do'n phobull.

16 Agus bha aca 's an àm sin prìosanach ro chomharraichte, d'am b'ainm Barabas.

17 Air an aobhar sin an uair a bha iad cruinn an ceann a chéile, thubhairt Pilat riu, Cò a's àill leibh mise a chur fa sgaoil duibh? Barabas, no Iosa, d'an goirear Crìosd?

18 Oir bha fhios aige gu'm b'ann o fharmad a thug iad thairis e.

19 Agus an uair a bha e 'n a shuidhe air caithir a' bhreitheanais, chuir a bhean teachdaireachd d'a ionnsuidh, ag ràdh, Na bitheadh agad-sa gnothuch sam bith ris an fhìrean sin; oir is mòr a dh'fhuair mise an diugh ann am brudair, air a shon-san.

20 Ach chuir na h-àrd-shagartan agus na seanair-ean impidh air a' phobull gu'n iarradh iad Barabas, agus gu'm milleadh iad Iosa.

21 Agus fhreagair an t-uachdaran agus thubhairt e riu, Cò de'n dithis a's àill leibh mise a chur fa sgaoil duibh? Thubhairt iadsan, Barabas.



22 Thubhairt Pilat riu, Ciod ma seadh a ni mi ri Iosa, d'an goirear Criosd? Thubhairt iad ris uile, Ceusar e.

23 Agus thubhairt an t-uachdaran, C'ar son? ciod an t-olc a rinn e? aeh is mò gu mòr a ghlaodh iadsan, ag ràdh, Ceusar e.

24 Agus an uair a chunnaic Pilat nach do bhuadhaich e 'bheag sam bith, ach gu'n d'éirich an tuilleadh buaireis, ghabh e uisge, agus dh'ionnlaid e a làmhau 'am fianuis an t-sluaigh, ag ràdh, Tha mise neò-chiontach de fluil an fhàirein so; faicibh-sa sin.

25 Agus fhreagair am pobull uile, agus thubhairt iad, Bitheadh 'fluil oirme, agus air ar cloimn.

26 An sin leig e fa sgaoil Barabas dhoibh: ach air dha Iosa a sgiùrsadh, thug e thairis e chum a cheusadh.

27 An sin thug saighdearan an uachdaran leò Iosa do thalla a' bhreitheanais, agus chruinnich iad a' bhluidheann uile m'a thimchioll.

28 Agus air dhoibh a rùsgadh, chuir iad uime falluinn scarlaid.

29 Agus air dhoibh crùn droighinn fhigheadh, chuir iad m'a cheann e, agus slat chuilce 'u a làmh dheis: agus lùb iad an glùn 'n a làthair, agus rinn iad fanoid air, ag ràdh, Gu'm beannaichear thu, a Rìgh nan Iudhach.

30 Agus thilg iad smugaid air, agus ghlaic iad an t-slat chuilce, agus bhuail iad 's a' cheann e.

31 Agus an déigh dhoibh fauoid a dhean-amh air, thug iad an fhalluinn dheth, agus chuir iad 'eudach féin uime, agus thug iad leò e chum a cheusadh.

32 Agus an uair a chaidh iad a mach, fhuair iad duine o Chirene, d'am b'ainm Simon: esan dh'éignich iad gu a chrann-cheusaidh-san a ghiulan.

33 Agus an uair a thàinig iad gu ionad d'an ainm Golgota, siu r'a ràdh, àite-cloiginn,

34 Thug iad dha r'a òl fion geur, measgta le domblas: agus air dha a bhlasad, cha-n òladh se e.

35 Agus an uair a cheus iad e, roinn iad a thrusgan eatorra, a' tigeadh crannchuir: chum gu'n coimhliontadh an ni a labhradh leis an fhàidh, Roinn iad m'eudach eatorra, agus chuir iad crannchur air mo bhrat.

36 Agus shuidh iad, agus rinn iad faire air an sin:

37 Agus chuir iad a chùis-dhàidh sgrìobhta os a cheann, IS E SO IOSA RÌGH NAN IUDHACH.

38 An sin cheusadh maille ris dà ghad-uiche; fear air a làmh dheis, agus fear eile air a làmh chhlì.

39 Agus thug iadsan a bha 'dol seachad toibheum dha, a' crathadh an ceann,

40 Agus ag ràdh, Thusa a leagas an team-pull agus a chuireas suas 'an trì làithibh e,

fòir ort féin: ma's tu Mac Dhé, tìg a nuas o'n chrann-cheusaidh.

41 Mar an ceudna thubhairt na h-àrd-shagartan maille ris na sgrìoblaichibh, agus na seanairibh, a' fanoid air,

42 Shaor e daoine eile, e féin a shaoradh cha-n'eil e comasach: ma's e Rìgh Israeil, thigeadh e nis a nuas o'n chrann-cheusaidh, agus creididh sinn e.

43 Chuir e a dhòigh ann an Dia: saoradh e a nis e, ma tha toil aige dha: oir thubhairt e, Is mise Mac Dhé.

44 Agus thug na gaduichean, a cheusadh maille ris, am beum ceudna dha.

45 A nis o'n t-seathamh uair bha dorchadas air an tìr uile gus an naothamh uair.

46 Agus mu thimchioll na naothamh uaire dh'éigh Iosa le guth àrd, ag ràdh, Eli, eli, lama sabachtani? is e sin r'a ràdh, Mo Dhia, mo Dhia, c'ar son a thréig thu mi?

47 Agus air chuinntinn sin do chuid diubhsan a bha 'n an seasamh an sin, thubhairt iad, Tha am fear so a' glodhaich air Elias.

48 Agus air ball ruith a h-aon diubh, agus ghabh e spong, agus lion e de fhìon geur i, agus air dha a cur air slait chuilce, thug e dha r'a òl.

49 Aeh thubhairt càch, Leig dha, faiceamaid an tig Elias g'a thèarnadh.

50 Agus an uair a dh'éigh Iosa a rìs le glodh mòr, thug e suas a spiorad.

51 Agus, feuch, reubadh brat-roinn an teampull 'n a dhà chuid, o mhullach gu ìochdar; agus chrìochnuich an talamh, agus sgoilteadh na creagan:

52 Agus dh'fhosgadh na h-naighean, agus dh'éirich mòran de chorpaibh nan naomh, a bha 'n an codal,

53 Agus chaidh iad a mach as na h-naighibh an déigh 'aiseirigh-san, agus chaidh iad a steach do'n bhaile naomh, agus nochdadh iad do mhòran.

54 A nis an uair a chunnaic an ceannard-ceud, agus iadsan a bha maille ris a' coimhead Iosa, a' chrith-thalmhainn, agus na nithean eile a rinneadh, ghabh iad eagal mòr, ag ràdh, Gu fìrinneach b'e so Mac Dhé.

55 Agus bha an sin mòran bhan (ag amharc am fad,) a lean Iosa o Ghalile, a' frithcaladh dha:

56 Am measg an robh Muire Magdalen, agus Muire màthair Sheumais agus Ioseis, agus màthair cloinne Shebete.

57 Agus air teachd do'n fheasgar, thàinig duine saoi-bhìr o Arimatea, d'am b'ainm Ioseph, a bha e féiu 'n a dheisciobul aig Iosa mar an ceudna.

58 Chaidh esan gu Pilat, agus dh'iarr e corp Iosa: an sin dh'àithn Pilat an corp a thubhairt da.

59 Agus ghlaic Ioseph an corp, agus phaisg e ann an lìon-eudach fìor-ghlan e,

60 Agus chuir se e 'n a uaigh nuaidh féin,

a chladhaich e ann an carraig: Agus charuich e clach mhòr gu dorus na h-naighe, agus dh'imich e roimhe.

61 Agus bha Muire Magdalen, agus a' Mhuire eile 'n an suidhe fa chomhair na h-uaghe.

62 A nis air an là màireach, an là'n déigh an ulluchaidh, chruinnicheadh na h-àrd-shagartan agus na Phairisich gu Pilat,

63 Ag ràdh, A thighearna, is cuimhne leinn an uair a bha am mealltair ud fathast beò, gu'n dubhairt e, Eiridh mi an déigh thri làithean.

64 Orduich uime sin an uagh a bhi air a coimhead gu cinnteach gus an treas là, air eagal gu'n tig a dheisciobuil 's an oidliche, agus gu'n goid iad leo e, agus gu'n abair iad ris an t-sluagh, Dh'éirich e o na marbhaibh: agus mar sin bithidh am mearachd deireannach nìs miosa na'n ceud *mhearachd*.

65 Thubhairt Pilat riu, Tha faire agaibh; imichibh, deanaibh *an uagh* cho tèaruinte 's is aithne dhuibh.

66 Agus dh'imich iad agus rinn iad an uagh cinnteach a' cur seula air a' chloich, maille ri faire.

# CAIB. XXVIII.

1 *Tha aiseirigh Chrìosd air a' cur an cèill do na mnàibh: 9 nochd Chrìosd e fèin doibh. 11 Thug na h-àrd-shagartan airgid do na saighdear-aibh chum gu'n abradh iad gu'n do ghoideadh as 'uagh e.*

**A**N déigh na sàbaid, aig briscadh na faire air a' cheud là de'n t-seachdain, thàinig Muire Magdalen, agus a' Mhuire eile, a dh'fhaicinn na h-uaghe.

2 Agus, feuch, bha crith-thalmhainn mhòr ann; oir thàinig aingeal an Tighearna nuas o nèamh, agus air teachd dha charuich e a' chlach o'n dorus, agus shuidh e oirre.

3 Agus bha a ghnùis mar dhealanach, agus 'eudach geal mar shucachd.

4 Agus air eagal roimhe chrìothnuich an luchd-coimhid, agus chaidh iad 'an riochd mairbh.

5 Ach fhreagair an t-aingeal agus thubhairt e ris na mnàibh, Na bitheadh eagal oirbhse: oir tha fhios agam gu bheil sibh ag iarraidh Iosa, a chaidh a cheusadh.

6 Cha'n eil e 'n so; oir dh'éirich e, mar a thubhairt e: thigibh, faicibh an t-àit 's an robh an Tighearn 'n a luidhe.

7 Agus imichibh gu luath, agus innsibh d'a dheisciobluibh gu'n d'éirich e o na marbhaibh: agus, feuch, tha e 'dol roimhibh do Ghalile; an sin chi sibh e; feuch, thubhairt mise ribh e.

8 Agus dh'imich iad gu luath o'n uagh, le h-eagal agus mòr-ghairdeachas, agus ruith iad a dh'innseadh d'a dheisciobluibh.

9 Agus ag imeachd dhoibhsan a dh'innseadh d'a dheisciobluibh, feuch, thachair Iosa fèin orra, ag ràdh, Fàilte dhuibh. Agus thàinig iad am fagus da, agus rug iad air a chosaibh, agus rinn iad aoradh dha.

10 An sin thubhairt Iosa riu, Na bitheadh eagal oirbh: imichibh, abraibh ri n' bhràithribh iadsan a dhiol do Ghalile, agus an sin chi iad mi.

11 Agus an uair a bha iadsan ag imeachd, feuch, thàinig cuid de'n luchd-faire do'n bhaile, agus nochd iad do na h-àrd-shagartaibh gach ni a thachair.

12 Agus air cruinneachadh dhoibh-san 'an ceann a chèile maille ris na seanairibh, agus air gabhail comhairle dhoibh, thug iad mòran airgid do na saighdear-aibh,

13 Ag ràdh, Abraibh-sa gu'n d'thàinig a dheisciobuil anns an oidliche, agus gu'n do ghoid iad e, an nair a bha sinne 'n ar codal.

14 Agus ma chluinneas an t-uachdaran so, cuiridh sinne impidh air, agus nì sinn sibhse tèarminte.

15 Agus ghabh iad an t-airgid, agus rinn iad mar a theagaisgeadh dhoibh: agus tha a' chainnt so air a h-aithris am measg nan Iudhach gus an là'n diugh.

16 An sin chaidh an t-aon deisciobul deug do Ghalile, do'n bheinn far an d'orduich Iosa dhoibh.

17 Agus an nair a chunnaic iad e, rinn iad aoradh dha: ach bha cuid aca fo amharas.

18 Agus thàinig Iosa, agus labhair e rin, ag ràdh, Thugadh dhomh-sa gach uile chumhachd air nèamh agus air talamh.

19 Uime sin imichibh-sa, agus deanaibh deisciobuil de gach nìle chinnmach, 'g am baisteadh ann an ainm an Athar, agus a' Mhic, agus an Spioraid naoimh;

20 A' teagasg dhoibh gach uile ni a dh'aitm mise dhuibh a chomhead: Agus, fench, tha mise maille ribh a ghnàth, gu deireadh an t-saoghail. Amen.



## M H A R C U I S.

## CAIB. I.

- 1 *Dreuchd Eoin Bhaistidh. 9 Bhaisteadh Iosa.*  
 14 *Shearmonaich e soisgeul rìoghachd Dhé.*  
 16 *Ghairm e Peadar, Aindreas, Seumas agus Eoin.* 23 *Leighis e aon anns an robh deamhan,* 32 *agus mòran de mhuintir a bha eusan.*

**T**OISEACH Soisgeil Iosa Criosd, Mhìe Dhé:

2 A réir mar tha e sgrìobhta anns na fàidhibh, Feuch, cuiream mo theachdair roimh do ghnuis, a dh'ulluicheas do shlighe romhad.

3 Guth an ti a' dh'éigheas anns an fhàsach, Ulluichibh slighe an Tighearna, deanaibh a cheuman dìreach.

4 Bha Eoin a' baisteadh anns an fhàsach, agus a' searmonachadh baistidh an aithreachais, chum maithceanais pheacaidhean.

5 Agus chaidh a mach d'a ionnsuidh tìr Iudea uile, agus luchd-àiteachaidh Ierusalem, agus bhaisteadh leis iad uile ann an amhainn Iordain, ag aideachadh an peacaidhean.

6 Agus bha Eoin air' eudachadh le fionna chàmhail, agus crios leathair m'a leasraidh; agus bu bhiadh dha locuist agus mìl fhiadh-aihe.

7 Agus shearmonaich e, ag ràdh, Tha neach a' teachd a'm' dhéigh a's eumhachdaiche na mise, neach nach airidh mise air cromadh sìos agus barr-iall a bhròg fhuasgladh.

8 Bhaist mise gu dearbh sibh le h-uisge; ach baistidh esan sibh leis an Spiorad Naomh.

9 Agus tharladh anns na làithibh sin, gu'n d'fhàinig Iosa o Nasaret Ghalile, agus bhaisteadh e le h-Eoin ann an Iordan.

10 Agus air ball an uair a chaidh e suas as an uisge, chunnaic e na nèamhan air an fosgladh, agus an Spiorad mar choluman a' teachd a nuas air.

11 Agus thàinig guth o nèamh, *ag ràdh*, Is tusa mo Mhac gràdhach, anns am bheil mo mhòr-thlachd.

12 Agus air ball tharruing an Spiorad e do'n fhàsach.

13 Agus bha e'n sin 's an fhàsach dà fhichead là air a bhuaireadh le Sàtan, agus bha e maille ris na fiadh-bheathaicheibh, agus fluritheil na h-ainglean da.

14 Agus an déigh Eoin a' clur 'am prìosan, thàinig Iosa do Ghalile, a' searmonachadh soisgeil rìoghachd Dhé.

15 Agus ag ràdh, Choimhlionadh an aim-sir, agus tha rìoghachd Dhé ann fagus;

deanaibh-sa aithreachas, agus creidibh an soisgeul.

16 Agus air dha bhi 'g imeachd ri taobh fairge Ghalile, chunnaic e Simon, agus Aindreas a bhràthair, a' tilgeadh lìn 's an fhainge: (oir b'iasgairean iad.)

17 Agus thubhairt Iosa rin, Thigibh a'm' dhéigh-sa, agus ni mi 'n ur iasgaireibh air daoineibh sibh.

18 Agus air ball dh'fhàg iad an lìontan, agus lean iad esan.

19 Agus an uair a chaidh e beagan air aghaidh as a sin, chunnaic e Seumas *mac* Shebede, agus Eoin a bhràthair, agus iad 's an luìng a' càradh an lìontan.

20 Agus air ball ghairm e iad; agus dh'fhàg iad Sebede an athair 's an luìng maille ris an luchd-tuarasdail, agus lean iad esan.

21 Agus chaidh iad a steach do Chaper-naum; agus air ball air dha dol a stigh do'n t-sionagag air an t-sàbaid, theagaisg e.

22 Agus ghabh iad iongantas r'a theagasg: oir bha e 'g an teagasg mar neach aig an robh ùghdarras, agus cha b'ann mar na sgrìobhaichean.

23 Agus bha 'n an sionagag-san neach anns an robh spiorad neòghlan, agus ghlaodh e, 24 Ag ràdh, Leig leinn; ciod ar gnothuch-ne riut, Iosa o Nasaret? an d'fhàinig thu gar sgrìos-ne? Is aithne dhomh eò thu, aon naomh Dhé.

25 Agus ehronuich Iosa e, ag ràdh, Bi a' d'fhosd, agus thig a mach as.

26 Agus an uair a reub an spiorad neòghlan e, agus a ghlaodh e le guth àrd, thàinig e mach as.

27 Agus ghabh iad mòr-iongantas uile, ionnus gu'n robh iad a' cur na ceisde so r'a chéile, ag ràdh, Ciod e so? Ciod e an teagasg nuadh so? oir le h-ùghdarras tha e 'toirt orduigh cadhòn do na spioradaibh neòghlan, agus tha iad ùmhail dha.

28 Agus chaidh a ehlit air ball a mach air feadh na tìre uile timcheall Ghalile.

29 Agus gun dàil, air dhoibh dol a mach as an t-sionagag, chaidh iad a steach do thigh Shimoin agus Aindreas, maille ri Seumas agus Eoin.

30 Ach bha màthair-chéile Shimoin 'n a luidhe ann am fiabhrus; agus ghrad labhair iad ris uimpe.

31 Agus thàinig esan agus thog e i, a breith air làimh oirre; agus air ball dh'fhàg am fiabhrus i, agus fluritheil i dhoibh.

32 Agus an uair a bha 'm feasgar ann, air

do'n ghréin dol fodha, thug iad d'a ionnsuidh iadsan uile a bha euslan, agus iadsan anns an robh deamhain.

33 Agus bha 'm baile uile air a chruinn-eachadh chum an doruis.

34 Agus leighis e mòran air an robh ionnadh gnè cucail, agus thilg e mach mòran dheamhan, agus cha d'fhulaing e do na deamhaibh labhairt, air son gu'm b'aithne dhoibh e.

35 Agus air dha éirigh 's a' mhaduinn, fada roimh là, chaidh e mach, agus dh'imich e gu àite fasail, agus rinn e urnuigh an sin.

36 Agus lean Simon, agus an dream a bha maille ris e.

37 Agus air 'fhaotainn dhoibh thubhairt iad ris, Tha gach uile neach ga d'iarraidh.

38 Agus thubhairt esan ri, Rachamaid a dh'ionnsuidh nam bailtean eile làimh ruim, chum gu'n searmonaich mi an sin mar an ceudna; oir is ann a chum na crìche so thàinig mise mach.

39 Agus shearmonaich e 'n an sionagogaibh air feadh Ghalile uile, agus thilg e mach na deamhain.

40 Agus thàinig lobhar d'a ionnsuidh, a' guidhe air, agus a' lùbadh a ghluin da, agus ag ràdh ris, Ma's àill leat, tha thu comasach air mise a dheanamh glan.

41 Agus ghabh Iosa truas mòr dheth, agus air sìneadh a mach a làimhe, bhean e ris, agus thubhairt e ris, Is àill leam; bi-sa glan.

42 Agus co luath as a labhair e, air ball dh'fhalbh an luibhre uaith, agus rinneadh glan e.

43 Agus thug e geur-ordugh dha, agus air ball chuir e air falbh e;

44 Agus thubhairt e ris, Feuch nach innis thu 'bheag do neach air bith: ach innich, nochd thu féin do'n t-sagart, agus tabhair mar iobairt air son do ghlanaidh na nithean a dh'aithn Maois, mar fhianuis dhoibh.

45 Agus air dhàsan dol a mach, thòisich e air innseadh gu ro fhollaiseach, agus air a' chùis a sgaoileadh mu'n cuairt, air chor as nach feudadh Iosa dol tuilleadh gu follaiseach a steach do'n bhàile; ach bha e mach ann an àitibh uaigneach: agus thàinig iad d'a ionnsuidh as gach àird.

## CAIB. II.

*Leighis Crìosd neach air an robh am pairilis: 14. ghairm e Mata o àite togail na cise; 16. dh'ùh e maille ri cis mhaoir agus ri peacaich; 18. ghabh e leith-sgeul a dheisciobul air son nach robh iad a' trasgadh; 23. agus a chionn gu'n do spion iad diasan arthair air là na sàbaid.*

A GUS an déigh làithean àraidh, chaidh e a ris a steach do Chapernaum; agus chualas esan a bhi 's an tigh.

2 Agus air ball chruinnicheadh mòran an ceann a chéile, air chor as nach robh àit a

chumadh iad, eadhon timchioll an doruis agus labhair e am focal riu.

3 Agus thàinig iad, a' toirt d'a ionnsuidh neach air an robh am pairilis, air a ghiùlan le ceathrar.

4 Agus a chionn nach b'urrainn iad teachd am fagus da leis an t-sluagh, rùisg iad mullach an tighe anns an robh e: agus air dhoibh a tholladh, leig iad sìos an leabadh air an robh an neach a bha tinn leis a' phairilis 'n a luidhe.

5 'N uair a chunnaic Iosa an ereidimh-san, thubhairt e ris an neach air an robh am pairilis, A mhic, tha do pheacaidhean air am maitheadh dhuit.

6 Ach bha dream àraidh de na sgrìobhaichibh 'n an suidhe an sin, agus iad a' reusonachadh 'n an cridheachaibh féin,

7 'Car son tha am fear so a' labhairt toibh-cim mar so? Cò 'dh'fheudas peacaidhean a mhaithheadh ach Dia a mhàin?

8 Agus air ball air aithneachadh do Iosa 'n a spiorad féin gu'n robh iadsan a' reusonachadh mar sin anna féin, thubhairt e riu, 'Car son a tha sibh a' reusonachadh nam nithean sin ann bhuir cridheachaibh?

9 Cò aca a's usadh a ràdh ris an neach air am bheil am pairilis, Tha do pheacaidhean air am maitheadh dhuit, no a ràdh, Eirich, agus tog do leabadh, agus imich?

10 Ach chum gu'm bi fios agaibh gu bheil ùghdarras aig Mac an duine peacaidhean a mhaithheadh air thalamh, (thubhairt e ris an fhear air an robh am pairilis.)

11 Tha mi ag ràdh riu, Eirich, agus tog do leabadh, agus imich do d' thigh.

12 Agus dh'éirich esan air ball, agus thog e an leabadh, agus chaidh e mach 'n an fianuis uile, ionnus gu'n robh mòr-iongantas orra uile, agus gu'n do ghlothaich iad Dia, ag ràdh, Cha-n' fhaca sinn riamh a leithid so.

13 Agus chaidh e mach a ris ri taobh na mara; agus thàinig an sluagh uile d'a ionnsuidh, agus theagaisg e iad.

14 Agus ag dol seachad da, chunnaic e Lebhi mac Alpheus 'n a shuidhe aig àite togail na cise, agus thubhairt e ris, Lean mise. Agus dh'éirich e, agus lean se e.

15 Agus tharladh, 'n uair a shuidh Iosa chum bidh 'n a thigh-san, gu'n do shuidh mòran chis-mhaor agus pheacach maille ri Iosa, agus r'a dheisciobluibh: oir bha mòran ann, agus lean iad e.

16 Agus an uair a chunnaic na sgrìobhaichean agus na Phairisich esan ag itheadh maille ri cis-mhaoir agus ri peacaich, thubhairt iad r'a dheisciobluibh, 'Car son tha e ag itheadh agus ag òl maille ri cis-mhaoir agus ri peacaich?

17 Agus an uair a chual' Iosa so, thubhairt e riu, Cha-n' eil feum acasan a tha slàn air an leigh, ach acasan a tha tinn: cha d'thàinig mise a ghairm nam firean, ach nam peacach chum aithreachais.



18 Agus bu ghuath le deisciobluibh Eoin, agus nam Phairiseach a bhi 'trasgadh: agus thàinig iad, agus thubhairt iad ris, C'ar son tha deisciobuil Eoin, agus nam Phairiseach ri trasgadh, agus nach 'eil do dheisciobuil-sa a' trasgadh.

19 Agus thubhairt Iosa riu, Am bheil clann sèomair an fhìr nuadh-phòsda comasach air trasgadh a dheanamh, am feadh a bhitheas am fear nuadh-phòsda maille riu? am feadh a tha am fear nuadh-phòsda aca maille riu, cha-n fheud iad trasgadh a dheanamh.

20 Ach thig na làithean anns an toirear am fear nuadh-phòsda uatha; agus an sin nì iad trasgadh 's na làithibh sin.

21 Agus cha-n'èil duine sam bith a dh'fhuagheas mìr de eudach nuadh air sean eudach; no, *ma dh'fhuagheas*, bnuinidh am mìr nuadh, a chuireadh g'a lìonadh suas, as an t-scan eudach, agus nìthear an reubadh nì's miosa.

22 Agus cha chuir duine air bith fìon ùr ann an seann searragaibh; no brisidh am fìon nuadh na searragan, agus dòirtear am fìon, agus caillcar na searragan: ach is còir fìon nuadh a chur ann an searragaibh nuadha.

23 Agus tharladh gu'n deachaidh e troimh na h-achaibh arbhair air là na sàbaid agus thòisich a dheisciobuil, ag imeachd dhoibh, ris na diasan arbhair a spionadh.

24 Agus thubhairt na Phairisich ris, Feuch, e'ar son a tha iad a' deanamh an nì nach 'eil ceaduichte air là na sàbaid?

25 Agus thubhairt esan riu, Nach do lengh sibhse riamh cìod a rinn Daibhidh 'n uair a bha nìreasbhuidh air, agus ocras air fèin agus orrasan a bha maille ris?

26 Cionnus a chaidh e steach do thigh Dhé ann an làithibh Abiatair an àrd-shagairt, agus a dh'ith e aran na fianuis, nach 'eil ceaduichte do neach air bith itheadh, ach do na sagartaibh, agus a thug e mar an ceudna do'n dream a bha maille ris?

27 Agus thubhairt e riu, Dh'orduicheadh an t-sàbaid air son an duine, cha-n e an duine air son na sàbaid?

28 Air an aobhar sin is Tighearn Mac an duine air an t-sàbaid fèin.

### CAIB. III.

1 *Leighis Criosd an duine aig an robh an làmh sheargta.* 11 *Chronuich e na spioradan neòghlan;* 13 *agus thagh e dà abstol deug.* 22 *Dhearbh e aingidheachd an t-sluaigh a bha 'g ràdh gu'n robh e a' tilgeadh dheamhan a mach le Beelsebub;* 31 *agus nochd e cò iad a chairdean.*

**A** GUS chaidh e ris a steach do'n t-sion-agog; agus bha an sin duine aig an robh làmh sheargta.

2 Agus rinn iad faire air, a dh'fheuchainn an leighisicadh se e air là na sàbaid, chum gu'm bitheadh cùis-dhìtidh aca 'n a aghaidh.

3 Agus thubhairt e ris an duine aig an robh an làmh sheargta, Eirich 'sa' mheadh-on.

4 Agus thubhairt e riu, Am bheil e ceaduichte maith a dheanamh air làithibh na sàbaid, no olc? anam a thèarnadh, no a sgrios? ach dh'fhan iadsan 'n an tòsd.

5 Agus an uair a dh'amhairc e mu'n cuairt orra le feirg, air dha bhi dòilich air son cruais an cridhe, thubhairt e ris an duine, Sin a mach do làmh. Agus shìn e mach i: agus rinneadh slàn i mar an làmh eile.

6 Agus chaidh na Phairisich a mach, agus ghabh iad comhairle air ball maille ri Iuchd-leamhuinn Heroid 'n a aghaidh-san, cionnus a dh'fheudadh iad a sgrios.

7 Ach chaidh Iosa maille r'a dheisciobluibh a leth chum na mara: agus lean sluagh mòr e o Ghailie, agus o Iudea,

8 Agus o Ierusalem, agus o Idumea, agus o thaobh thall Iordain; agus iadsan a bha timchioll Thirus agus Shidoin, thàinig cuideachd mhòr dhlubh d'a ionnsuidh, 'n uair a chual' iad cia mòr na nìthean a rinn e.

9 Agus thubhairt e r'a dheisciobluibh, long bheag a bhi 'feitheamh air, air son an t-sluaigh, chum nach dòmhluicheadh iad e:

10 Oir leighis e mòran; ionnus gu'n do dhlùth-theann iad ris, a mheadh 's air an robh plàighean, chum gu'm beanadh iad ris.

11 Agus na spioradan neòghlan, an uair a chunnaic iad e, shleuchd iad da, agus ghlaodh iad, ag ràdh, Is tusa Mac Dhé.

12 Agus thug e sparradh teann dhoibh nach deanadh iad aithmichte e.

13 Agus chaidh e suas gu beinn, agus ghairm e iadsan a b'ail leis: agus thàinig iad d'a ionnsuidh.

14 Agus dh'orduich e dà fhear dheug, chum gu'm biodh iad maille ris, agus gu'n cuireadh e mach iad a shearmonachadh;

15 Agus gu'm biodh aca cumhadh a leigh-eas euslaintean, agus a thilgeadh a mach dheamhan.

16 Agus air Simon thug e Peadar mar ehoimn:

17 Agus Seumas *mac* Shebede, agus Eoin bràthair Sheumais, (agus orra-san thug e Boanerges mar cho-imn, is e sin ri ràdh, Clann an tairneanaich,)

18 Agus Aindreas, agus Philip, agus Bartolomeus, agus Mata, agus Tomas, agus Seumas *mac* Alpheus, agus Tadeus, agus Simon an Canaanach,

19 Agus Iudas Iscariot, an neach sin a bhrath e: agus chaidh iad do thigh.

20 Agus chruinnicheadh an sluagh a ris, ionnus nach robh e 'n comas doibh uiread as aran itheadh.

21 Agus an uair a chual' a chairdean so, thàinig iad a mach a bhreith air: oir thubhairt iad, Tha e air mhi-chéill.

22 Agus thubhairt na sgrìobhaichean a

dhàinig a mnas o Ierusalem, Tha Beelsebub aige, agus is ann troimh phrionnsa nan deamhan a tha e 'tilgeadh a mach dheamhan.

23 Agus ghairm e iad d'a ionnsuidh, agus thubhairt e riu ann an cosamhlachdaibh, Cionnus a dh'fheadas Sàtan Sàtan a thilgeadh a mach?

24 Agus ma bhitheas rìoghachd roinnte 'n a h-aghaidh féin, cha-n urrainn an rìoghachd sin seasamh.

25 Agus ma bhitheas tigh air a roinn 'n a aghaidh féin, cha-n urrainn an tigh sin seasamh.

26 Agus ma dh'éireas Sàtan 'n a aghaidh féin, agus gu'm bi e roinnte, cha-n urrainn e seasamh, ach tha crìoch air.

27 Cha-n urrainn ueach air bith dol a steach do thigh duine làidir, agus 'airneis a thogail leis, mur ceangail e 'u duine làidir an toiseach; agus au sin creachaidh e a thigh.

28 Gu deimhin tha mi ag ràdh ribh, Gu maithear na h-uile pheacaidhean do chloinn nan daoine, agus gach toibheum a labhras iad.

29 Ach ge b'e labhras toibheum an aghaidh an Spioraid Naomh, cha-n fhaigh e maitheanas a chaoidh, ach tha e 'an cuunart peanais shìorruidh;

30 Air son gu'n dubhairt iad, Tha spiorad neoèhlan aige.

31 An sin thàinig a bhràithrean agus a mhàthair, agus air dhoibh seasamh a nuigh, chuir iad fios d'a ionusuidh, a' gairm air.

32 Agus bha 'n sluagh 'u an suidhe m'a thimchioll; agus thubhairt iad ris, Feuch, tha do mhàthair agus do bhràithrean a nuigh ga d' iarraidh.

33 Agus fhreagair e iad, ag ràdh, Cò i mo mhàthair, no mo bhràithrean?

34 Agus sheall e mu'n cuairt orra-san a bha 'n an suidhe m'a thimchioll, agus thubhairt e, Feuch mo mhàthair agus mo bhràithrean.

35 Oir ge b'e neach a ni toil Dhé, is esan mo bhràthair, agus mo phiuthar, agus mo mhàthair.

#### CAIB. IV.

1 *Cosamhlachd an t-sìoladair, agus a bhrìgh.*

21 *Is còir dhuinn solas ar n-còlais a phàirt-eachadh ri muinntir eile.* 26 *Cosamhlachd an t-sìl a tha 'iàs 'an uaignidheas,* 30 *agus a ghràinne mhùstaid.* 39 *Chluinnich Crìosd orfha na fairge.*

**A**GUS thòisich e air teagasg a ris làmh ris a' mhuir; agus chruinnicheadh sluagh mòr d'a ionnsuidh, ionnus gu'n deachaidh e steach do luìng, agus gu'n do shuidh e air a' mhuir; agus bha'n sluagh uile ri taobh na mara air tìr.

2 Agus theagaisg e dhoibh mòran nithean ann an cosamhlachdaibh, agus thubhairt e riu 'n a theagasg,

3 Eisdibh; Feuch, chaidh fear-cuir a mach a chur sìl:

4 Agus tharladh 'n uair a chuir e an sìol, gu'n do thuit cuid deth ri taobh an rathaid, agus thàinig eunaidh an athair, agus dh'ith iad suas e.

5 Agus thuit cuid eile dheth air fearann creagach, far nach robh mòr thalamh aige; agus air ball dh'fhàs e suas, a chiomn nach robh doimhne talmbhainn aige:

6 Ach air do'n ghréin éirigh, loisgeadh e; agus a chiomn nach robh freumh aige, shearg e as.

7 Agus thuit cuid eile an measg droighinn, agus dh'fhàs an droighinn suas, agus thachd se e, agus cha d'thug e toradh uaidh.

8 Agus thuit cuid eile air talaradh maith, agus thug e toradh uaidh a' fàs suas agus a' meudachadh; agus thug e mach, cuid a dheich thar fhichead nìread, agus cuid a thri fichead nìread, agus cuid a cheud nìread 's a chuireadh.

9 Agus thubhairt e riu, An ti aig am bheil cluasan chum éisdeachd, éisdeadh e.

10 Agus an uair a bha e 'n a aonar, dh'fhiosraich iadsan, a bha mu'n cuairt da, maille ris an dà fhìear dheug, an cosamhlachd deth.

11 Agus thubhairt e riu, Dhuibhse thugadh còlas a ghabhail air nithibh dìomhair rìoghachd Dhé: ach dhoibh-san a tha 'an leth nuigh nithear gach uì ann an cosamhlachdaibh:

12 Chum as ag faiciun doibh gu'm faic iad, agus nach aithnich iad, agus ag chluinntinn dhoibh gu'n chluinn iad, agus nach tuig iad; air eagail aig am air bith gu'm pilleadh iad, agus gu'm biodh am peacaidhean air am maitheadh dhoibh.

13 Agus thubhairt e riu, Nach aithne dhuibh an cosamhlachd so? agus cionnus na ta a thuigeas sibh gach uile chosamhlachd?

14 Tha 'm fear-cuir a' cur an fhocail.

15 Agus is iad so iadsan ri taobh an rathaid, anns an cuirear am focal, an déigh dhoibh a chluinntinn, air ball tha Sàtan a' teachd, agus a' togail leis an fhocail, a shìol-chuireadh 'n an cridheachaibh.

16 Agus is iad so iadsan mar an eudna a chuireadh air fearann creagach; muinntir, an uair a chluinneas iad am focal, a ghabhas e air ball le gairdeachas:

17 Agus cha-n'eil freumh aca anna féin, ach mairidh iad ré sealain; 'n a dhéigh sin 'n uair a dh'éireas àmhghar, no geur-leannuinn air son an fhocail, air ball tha iad a' gabhail oibheim.

18 Agus is iad so iadsan a chuireadh am measg an droighinn, an dream a dh'éisdeas ris an fhocal;

19 Agus tha ro-chùram an t-saoghail so, agus mealltaireachd sàoilbheis, agus anamaid nithean eile 'teachd a steach, agus



a' tachdadh an fhocail, agus nithear neo-thorach e.

20 Agus is iad so iadsan a chuireadh ann an talamh maith; an dream a chluinneas am focal, agus a ghabhas e, agus a bheir a mach toradh, cuid a dheich thar fhichead uiread, cuid a thri fichead uiread, agus cuid a cheud uiread *as a chuireadh*.

21 Agus thubhairt e riu, An toirear coinn-eal chum gu'n cuircar i fo bheul soithich, no fo leabaidh? nach ann a chum a cur ann an coinnleir?

22 Oir cha-n'eil ni air bith foluichte, nach foillsichear; agus cha robh ni air bith 'an cleith, nach tig 'am follais.

23 Ma tha cluasan chum éisdeachd aig neach air bith, éisdeadh e.

24 Agus thubhairt e riu, Thugaibh fainear ciod a chluinneas sibh: leis an tomhas a thomhaiseas sibh, tomhaisear dhuibh féin; agus bheirear tuilleadh dhuibh-sa 'tha 'g éisdeachd.

25 Oir ge b'e neach aig am bheil, bheirear dha: agus ge b'e neach aig nach 'eil, bheir-ear uaith an ni sin féin a tha aige.

26 Agus thubhairt e, Is amhuil rìoghachd Dhé, mar gu'n cuireadh duine siol anns an talamh,

27 Agus gu'n coidleadh e, agus gu'n éir-eadh e a dh'oidheche agus a là, agus gu'n gineadh an siol, agus gu'm fasadh e suas, air dhòigh nach fhios da.

28 Oir bheir an talamh a mach toradh uaith féin, air tùs am fochann, a ris an dias, an déigh sin an làn-arbhar anns an deis.

29 Ach an uair a tha 'n toradh abaich, air ball cuiridh e an corran ann, a chionn gu bheil am fogharadh air teachd.

30 Agus thubhairt e, Ciod *an ni* ri 'n samhluich sinn rìoghachd Dhé? no ciod e an cosamhlachd leis an coimhmeas sinn i?

31 Is cosmhuiil i ri gràinne mustaird, ni, 'n uair a chuirear 's an talamh e, a's lugha de na h-uile phòraibh a tha air thalamh.

32 Ach an déigh a chur, fasaidd e suas, agus cinnidh e nì's mò na luibh sam bith eile, agus fasaidd geugan mòra air; ionnus gu'm feud cunlaith an athair nìd a dhean-amh fo a sgàile.

33 Agus le iomadh d'a leithidibh sin de chosamhlachdaibh labhair e am focal riu, a réir mar a b'urrainn iad a chluinntinn.

34 Ach gun chosamhlachd cha do labhair e riu: Agus mhìnich e na h-uile nithean d'a dheisciobluibh féin air leth.

35 Agus thubhairt e riu air an là sin féin, air teachd do'n fheasgar, Rachamaid thairis do'n taobh eile.

36 Agus an uair a sgaoil iad an coimh-thional, thug iad leo esan anns an luing mar a bha e; agus bha longan beaga eile maille ris mar an ceudna.

37 Agus dh'éirich doinnonn mhòr ghaoithe,

agus leum na tonnan a steach do'n luing air chor as gu'n robh i nis làn.

38 Agus bha esan ann an deireadh na luinge, 'n a chodal air chuasaig: agus dhùisg iad e, agus thubhairt iad ris, A mhaighistir, nach 'eil suim agad gu'n caillear sinn?

39 Agus dh'éirich e, agus chronuich e a' ghaoth, agus thubhairt e ris an fhairge, Tòsd, bi samhach. An sin luidh a' ghaoth, agus bha fèath mòr ann.

40 Agus thubhairt e riu, C'ar son a tha sibh co eagalach? cionnus nach 'eil creidimh agaibh.

41 Agus ghabh iad eagal ro mhòr, agus thubhairt iad r'a chèile, Ciod e an duine so, gu bheil a' ghaoth, agus an fhairge féin ùmhal da?

## CAIB. V.

1 *Air do Chrìosd na deamhain a chur a mach as an duine anns an robh légion diubh, 13 chaidh iad a stigh anns na mucaibh. 25 Leighis e a' bhean air an robh dòrtadh fola, 35 agus thog e o na mairbh nighean Iairuis.*

**A**GUS thàinig iad gu taobh eile na mara. gu dùthaich nan Gadarach.

2 Agus an uair a chaidh e mach as an luing, air ball thachair air as na h-àitibh-adhlac, duine anns an robh spiorad neo-ghlan,

3 Aig an robh a chòmhnuidh 's na h-àitibh-adhlac; agus cha b'urrainn neach air bith a cheangal, eadhon le slabhraidhibh:

4 Oir chaidh a cheangal gu tric le geimh-libh agus le slabhraidhibh, agus tharruing e na slabhraidhean as a chèile, agus mhiòn-bhris e na geimhlean: Agus cha b'urrainn duine sam bith a cheannsachadh.

5 Agus bha e ghnàth, a là agus a dh'oidhe-che, 's na beanntaibh, agus 's na h-ionadaibh-adhlac, a' glaothaich, agus 'g a ghearradh féin le clachaibh.

6 Ach an uair a chunnaic e Iosa fada uaith, ruith e agus shleuchd e dha,

7 Agus ghlaodh e le guth mòr, agus thubhairt e, Ciod mo ghnòthuch-sa riut, Iosa, a Mhic an Dé a's ro àirde? tha mi a' cur ort á h-nehd Dhé, gun mo phianadh.

8 (Oir thubhairt e ris, Thig a mach as an duine, a spioraid neo-ghloin.)

9 Agus dh'fhiosraich e dhieth, Ciod a's ainm dhuit? Agus fhreagair esan, ag ràdh, Légion is ainm dhomh: oir tha sinn mòran ann.

10 Agus ghuidh e gu ro gheur air, gum e g'an cur a mach as an dùthaich sin.

11 Agus bha treud mòr mhuc an sin, ag ionaltradh am fagus do'n bheinn.

12 Agus ghuidh na deamhain uile air, ag ràdh, Cuir sinne dh'ionnsuidh nam muc, chum gu'n rachamaid a steach anna.

13 Agus air Iosa cead doibh; agus air dol a mach do na spioradaibh neo-ghlan, chaidh iad a stigh anns na mucaibh, agus ruith an treud sìos gu dian air

àite cas do'n fhairege, (bha iad mu thimchioll dà mhìle,) agus thachdadh iad 's an fhairege.

14 Agus theich iadsan a bha 'g' ionaltradh nam muc, agus dh'innis iad sin, araon anns a' bhaile, agus anns an tìr. Agus chaidh iad a mach a dh'fhaicinn cìod e an ni ud a thachair.

15 Agus thàinig iad chum Iosa, agus chunnaic iad an ti anns an robh an deamhan, agus aig an robh an léigion, 'n a shuidhe, agus 'endach uime, agus a chiall aige; agus ghabh iad eagal.

16 Agus dh'innis iadsan a chunnaic e dhoibh, cionnus a thachair do'n ti anns an robh an deamhan, agus mn thimchioll nam mne.

17 Agus thòisich iad ri gnìdhe air imeachd a mach as an crìochaibh.

18 Agus air dha dol a stigh 's an luing, ghnidh an ti anns an robh an deamhan air, gu'm fendadh e bhi maille ris.

19 Gidheadh cha do leig Iosa leis, ach thubhairt e ris, Imich dhachaidh dh'ionnsuidh do mhuinntir, agus innis dhoibh meud nan nithean a rinn an Tighearn dhuit, agus gu'n d'rinn e tràdeair ort.

20 Agus dh'imich esan, agus thòisich e ri chnr 'an cèill ann an Decapolis m'end nan nithean a rinn Iosa dha: agus ghabh iad iongantais uile.

21 Agus 'n uair a chaidh Iosa a rìs thairis anns an luing gus an taobh eile, chruinnicheadh sluagh mòr d'a ionnsuidh; agus bha e làimh ris a' mhuir.

22 Agus, feuch, thàinig aon de uachdaran-aibh nan sionagog, d'am b'ainm Iairns; agus an uair a chunnaic e esan, leig se e fèin sìos aig a chosaibh.

23 Agus ghuidh e gu dùrachdach air, ag ràdh, Tha mo nighean bheag ann an cumart grad-bhàis; thig, *tha mi & guidhe ort*, agus leag do làmban oirre chum gu'n slàn-ùichear i, agus mairidh i beò.

24 Agus dh'imich Iosa maille ris; agus lean sluagh mòr e, agus dhòmhluidh iad e.

25 Agus bha bean àraidh an sin, air an robh dòrtadh fola ré dhà bhliadhna dheng.

26 Agus dh'fhlaing i mòran o iomadh léigh, agus chaith i na bha aice, agus cha b'fheaird i 'bheag e, ach gu'm bu mhisde;

27 'N uair a chnal i iomradh air Iosa, thàinig i am measg an t-sluaigh o 'chùlaobh, agus bhean i r'a eudach:

28 Oir thubhairt i, Ma dh'fheudas mi beantuim ach r'a eudach, slànùichear mi.

29 Agus air ball thiomnaicheadh tobar a fola; agus dh'aithnich i air a corp féin, gu'n do leighiscadh i o'n phlàigh sin.

30 Agus dh'aithnich Iosa air ball ann féin gu'n deachaidh cumhachd a mach as, agus air dha tionndadh 's an t-sluagh, thubhairt e, Cò a bhean ri m' endach?

31 Agus thubhairt a dheisciobuil ris, Tha

thu 'faicinn gu bheil an sluagh ga d' dhòmhlachadh, agns an abair thu, Cò a bhean rinn?

32 Agus dh'amhaire e mu'n cuairt g'a faicinn-sa a rinn so.

33 Ach air do'n mhaoi a bhi fo eagal agus air chrith, air aithneachadh an uì a rinneadh innte, thàinig i, agus leig si i fèin sìos 'n a làthair, agus dh'innis i an fhìrinn uile dha.

34 Agus thubhairt e rithe, A nighean, shlàmuich do chreidimh thu; imich ann an sìth, agus bi slàn o d' phlàigh.

35 An feadh a bha e fathast a' labhairt, thàinig dream o thigh uachdaran nan sionagog, ag ràdh, Fhuair do nighean bàs; e'ar son a chuireadh tu tuilleadh dragha air a' mhaighstir!

36 Co luath is a chual Iosa an còmhradh so a labhradh, thubhairt e ri uachdaran nan sionagog, Na bitheadh eagal ort, a mhaighstir.

37 Agus cha d'fhlaing e do neach air bith a leantainn, ach Peadar, agus Seumas, agus Eoin bràthair Sheumais.

38 Agus thàinig e gu tigh uachdaran nan sionagog, agus chunnaic e an iomairt agus iadsan a bha 'gul, agus a' caoineadh gu mòr.

39 Agus 'n uair thàinig e a steach, thubhairt e riu, C'ar son a tha sibh ris an iomairt so, agus ri bròn? cha-n'eil an nigheanag marbh, ach 'n a codal.

40 Agus rinn iadsan gàire fanoid ris: ach air dhàsan an cur uile mach, thug e leis athair agus màthair na nighinn, agns iadsan a bha maille ris, agns chaidh e steach far an robh an mionag 'n a luidhe.

41 Agus rug e air an mionag air làimh, agus thubhairt e rithe, Talitha-cumi; 's e sin, air eadar-mhìneachadh, A chailinn, (tha mise ag ràdh riut,) éirich.

42 Agus air ball dh'éirich an mionag, agus dh'imich i; oir bha i dà bhliadhna dheug a dh'aois: agus ghabh iad iongantais anabarrach.

43 Agus thug e ordugh teann doibh, nach faigheadh duine air bith fios air so; agus dh'aithn e càileigin a thoirt di r'a itheadh.

## CAIB. VI.

1 Rinneadh tàir air Crìosd le muinntir a dhùthcha. 7 Thug e cumhachd do'n dà fhear dheug os ceann spioradan neòghlan. 14 Iomadh barail mu Crìosd. 16 Chuireadh an ceann de Eoin Baistidh. 34 Mìorbhuil nan cuig buillonn agus an dà éisg. 48 Dh'imich Crìosd air a' mhuir, &c.

**A**GUS chaidh e mach as a sin, agus thàinig e d'a dhùthaich féin; agus lean a dheisciobuil e.

2 Agus an uair a thàinig an t-sàbaid, thòisich e air teagasg anns an t-sionagog: agus air do mhòran a chluinntinn, ghabh iad iongantais, ag ràdh, Cia uaith tha na nithean



sin aig an fhear so? Agus ciod e an gliocas so 'thugadh dha, gu bheil a leithid so a dh' fheartaibh air an deanamh le a lannan-sa?

3 Nach e so an saor, mac Mhuire, bràthair Sheumais, agus Ioseis, agus Iudais, agus Shimoin? Agus nach 'eil a pheathraichean an so maille ruinn? Agus fhuair iad oilbheum ann.

4 Ach thubhairt Iosa riu, Cha-n'eil fàidh gun urram, ach 'n a dhùthaich féin, agus am measg a chairdean, agus 'n a thigh féin.

5 Agus cha robh e 'n comas da mìorbhuil air bith a dheanamh an sin, saor o gu'n do chuir e a lannan air beagan de mhuinntir a bha tinn, agus gu'n do leighis e iad.

6 Agus bhà iongantas air air son am mìcheirdimh. Agus chaidh e timchioll nam bailtean, a' teagasg.

7 Agus ghairm e d'a ionnsuidh an dà fhear dheug, agus thòisich e air an cur a mach dithis agus dithis; agus thug e dhoibh cumhachd air spioradaibh neòghlan;

8 Agus dh'aitin e dhoibh gun ni air bith a thoirt leo air son na slighe, ach lorg a mhàin; gun mhàla, gun aran, gun airgid 'n an sporan:

9 Ach bonn-bhrògan a bhi air an cosaibh, agus gun dà chòta bhi umpa.

10 Agus thubhairt e riu, Ge b'e ionad air bith anns an téid sibh a steach do thigh, an sin fanaibh gus am falbh sibhas an àite sin.

11 Agus cò air bith iad nach gabh ribh, agus nach éisd ribh, air dhuibh imeachd as an àite sin, crathaibh an duslach a bhith-eas fo 'ur cosaibh, mar fhianuis 'n an aghaidh. Gu deimhin tha mi ag ràdh ribh, Gur so-iomhaire a bhith-eas e do Shodom agus do Ghomorah ann an là a' bhreith-canais, na do'n bhàile sin.

12 Agus chaidh iad a mach, agus shearmonaich iad daoine a dheanamh aithreachais.

13 Agus thilg iad a mach mòran dheamhan, agus dh'ung iad le h-olaidh mòran a bha tinn, agus leighis siad iad.

14 Agus chuala Herod an rìgh uime, (oir chaidh 'ainm 'am follais:) agus thubhairt e, Tha Eoin Baistidh air éirigh o na mairbh, agus uime sin tha feartan air an oibreachadh leis.

15 Thubhairt cuid eile, Gur e Elias a th'ann. Agus thubhairt cuid eile, Gur fàidh a th'ann, no mar sòn de na fàidhean.

16 Ach an uair a chuala Herod so, thubhairt e, Is e Eoin d'an do chuir mise an ceann, a th'ann; dh'éirich e o na mairbh.

17 Oir chuir Herod féin a mach agus ghlac e Eoin, agus cheangail e ann am prìosan e, air son Herodais bean phòsda Philip, a bhràthar féin, do bhrìgh gu'n do phòs e i.

18 Oir thubhairt Eoin ri Herod, Cha-n'eil e ceaduichte dhuit bean do bhràthar a bhi agad.

19 Uime sin bha diomb mòr aig Herodias ris, agus bu mhiann leatha a chur gu bàs; ach cha b'urrainn i.

20 Oir bha eagal Eoin air Herod, air dha fios a bhli aige gu'm bu duine ceart agus naomh e, agus thug e faincar e; agus 'n uair a chuala se e, rinn e mòran de nithibh air a chomhairle, agus dh'éisd e ris gu toileach.

21 Agus air teachd do là iomchuidh, rinn Herod, air co-ainm an là 's an d'rugadh e, suipeir d'a uaislibh, agus d'a àrd-cheannardaibh, agus do mhaithibh Ghalile:

22 Agus an uair a chaidh nighean Herodias so steach, agus a rinn i damnsa, thàitinn i ri Herod agus riu-san a shuidh maille ris, agus thubhairt an rìgh ris a' chailinn, Iarr ormsa ge b'e ni a's àill leat, agus bheir mi dhuit e.

23 Agus thug e mionnan di, Ge b'e ni a dh'iarras tu orm, bheir mi dhuit e, gu leth mo rìoghachd.

24 Agus an uair a chaidh i mach thubhairt i ri a màthair, Ciod a dh'iarras mi? Agus thubhairt ise, Ceann Eoin Baistidh.

25 Agus chaidh i air ball le cabhaig a steach a dh'ionnsuidh an rìgh, agus dh'iarr i, ag ràdh, Is àill leam gu'n tugadh tu dhomh gun dàil ceann Eoin Baistidh air mèis.

26 Agus bha 'n rìgh ro dhoilich; gidheadh air son a mhionnan, agus an dream a bha 'n an suidhe maille ris, cha robh toil aige a diultadh.

27 Agus air ball chuir an rìgh a mach fear-millidh, agus dh'aitin e a cheann a thoirt a steach: agus dh'imich ean agus thug e an ceann deth anns a' phrìosan;

28 Agus thug e a' cheann leis air mèis, agus thug e do'n chailinn e; agus thug a' chailinn d'a màthair e.

29 Agus an uair a chual a dheisciobuil sin, thàinig iad agus thog iad a chorp, agus chuir iad ann an uaigh e.

30 Agus chruinnicheadh na h-Abstoil chum Iosa, agus dh'innis iad da na h-uile nithean, araon gach ni a rinn iad, agus gach ni a theagasg iad.

31 Agus thubhairt e riu, Thigibh-sa air leth do àit uaigneach, agus gabhaibh fois ear tamuill bhig: Oir bha mòran a' teachd agus a' dol, agus cha robh ùine aca uiread as biadh itheadh.

32 Agus chaidh iad gu àite fàsail ann an luing air leth.

33 Agus chunnaic an sluagh iadsan a' falbh, agus dh'aitnich mòran e, agus ruith iad d'an cois as na bailtibh uile an sin, agus bha iad rompa, agus chruinnicheadh iad d'a ionnsuidh.

34 Agus an uair a chaidh Iosa mach, chunnaic e sluagh mòr, agus ghabh e truas mòr dhiubh, a chionn gu'n robh iad mar chaoraich gun bhuaicill aca: agus thòisich e air mòran nithean a theagasg dhoibh.

35 Agus an uair a bha nì mòran de'n là air dol seachad, thàinig a dheisciobuil d'a ionnsuidh, ag ràdh, Tha 'n t-àite so fas, agus tha nì mòran de'n là *air dol thairis*:

36 Leig air faibh iad, chum gu'n téid iad de'n tìr mu'n cuairt, agus do na bailtibh, agus gu'n ceannaich iad biadh dhoibh féin: oir cha-nèil ni air bith aca r'a itheadh.

37 Ach fhreagair esan, agus thubhairt e riu, Thugaibh-sa dhoibh r'a itheadh. Agus thubhairt iadsan ris, An téid sinn agus an ceannaich sinn luach dhà cheud peghinn a dh'aran, chum gu'n tugauid dhoibh nì r'a itheadh?

38 Ach thubhairt esan riu, Cia lìon buil-ionn a tha agaibh? rachaibh agus faicibh. Agus air faotaiun fios doibh, thubhairt iad, Cùig, agus dà iasg.

39 Agus dh'àithn e dhoibh a thoirt orra uile sùidhe sìos 'n au cuideachdaibh air an fheur uaiue.

40 Agus shuidh iad sìos 'n am buidhnibh fa leth, 'n an ceudaibh, agus 'n an leth-cheudaibh.

41 Agus air dha na cùig builionnan agus an dà iasg a ghabhail, agus amharc suas gu nèamh, bheannaich, agus bhris e ua builionnan, agus thug e d'a dheisciobluibh iad, chum gu'n cuireadh iad fa'n comhair iad; agus roinn e an dà iasg orra uile.

42 Agus dh'ith iad uile, agus shàsuicheadh iad.

43 Agus thog iad dà chliabh dheug làn de'n bhiadh bhriste, agus de na h-iasgaibh.

44 Agus b'iad an dream a dh'ith de na builionnaibh cùig mìle fear.

45 Agus air ball cho-èignich e a dheisciobuil gu dol anns an luing, agus dol roimhe dh'ionnsuidh an taoibh thall gu Betsaida, agus an cuireadh e an sluagh air falbh.

46 Agus an uair a chuir e air falbh iad, chaidh e gu beinn a dheanamh urnuigh.

47 Agus an uair a bha 'n t-anmoch ann, bha an long 'am meadhon na mara, agus esan 'n a aonar air tìr.

48 Agus chunnaic e iadsan air am pianadh ag iomramh; oir bha a' ghaoth 'n an aghaidh: agus thàinig e d'an ionnsuidh m' thimchioll na ceatlamh faire de'n oidhche, ag imeachd air a' ruhir, agus b'àill leis dol seachad orra.

49 Ach an uair a chuunaic iadsan e ag imeachd air a' mhuir, shaoil iad gu'm bu tannasg a bh'ann; agus ghlaodh iad.

50 (Oir chunnaic iad uile e, agns bha iad fo bhuairesas): Agus air ball labhair e riu, agus thubhairt e riu, Biodh misneach mhaith agaibh; is mise 'tha ann, na bitheadh eagal oirbh.

51 Agus chaidh e suas d'an ionnsuidh do'n luing; agus luidh a' ghaoth: agus bha uamhas mòr thar tomhas orra, agus ghabh iad iongantas.

52 Oir cha d'thug iad fainear m'iorbhuil

nam builionnan; oir bha'n cridhe air a chruadhachadh.

53 Agus an uair a chaidh iad thairis, thàinig iad gu talaubh Ghenesaret, agus tharruing iad gu tìr.

54 Agus au uair a thàinig iad a mach as an luing, air ball dh'aithnich iad e,

55 Agus ruith iad air feadh na tìre sin uile mu'n cuairt, agus thòisich iad air an dream a bha tinu a ghluàn mu'n cuairt air leapaichibh, ge b'e àit an cual' iad esan a bhi.

56 Agus ge b'e air bith bailtean, no caithrichean, no dùthaich 'an deachaidh e steach, chuir iad na daoine tinn air na sràidibh, agus ghuidh iad air gu'm feudadh iad beantuinn a mha'n ri iomall 'eudaich: agus a mheud is a bhean ris, leighiseadh iad.

## CAIB. VII.

1 *Fhuair na Phairisich coire do na deisciobluibh do bhrìgh gu'n d'ith iad le làmhan salach: 6 air an làmh eile fhuair Crìost coire dhoibh-san do bhrìgh gu'n do bhris iad àitheantan Dhé le teagasg agus gnàthachadh dhaoine. 14 Cha salaich biadh an duine. 24 Leighis Crìost nighean aig an robh spiorad neòghlan, 31 agus duine a bha bodhar.*

**A** GUS chruinichheadh na Phairisich d'a ionnsuidh, agus dream àraidh de ua sgrìobhaichibh a thàinig o Ierusalem.

2 Agus an uair a chunnaic iad cuid d'a dheisciobluibh ag itheadh arain le làmhan salach, (sin r'a ràdh gun ionnlad,) fhuair iad coire dhoibh.

3 Oir cha-n ith na Phairisich, agus na h-Iudhaich nìle, biadh, mur ionulaid iad an làmhan gu uinic, a' coimhead beul-aithris nan seanairean.

4 Agus air dhoibh teachd o'u mhargadh, mur tum siad iad, cha-n ith iad. Agus tha uòran de nithibh eile a ghabh iad orra a choinhead, *mar tha* nigheadh chupan, agus phoitean, agus shoithichean umha, agus leapaichean.

5 An sin dh'fheadraich na Phairisich agus na sgrìobhaichean dheth, C'ar son nach 'eil do dheisciobuil ag imeachd a réir beul-aithris nan seanairean, ach a tha iad ag itheadh arain le làmhan gun ionnlad?

6 Ach fhreagair esan agus thubhairt e riu, Is maith a riun Esaias faidheadaireachd mu blur tinchioll-sa, a chealgaircan, a réir mar tha e sgrìobhta, Tha am pobull so'toirt urrainn dhomh-sa le'm bìlbh, ach tha an cridhe fada uam.

7 Ach is ann gu dìomhain a tha iad a' toirt aoraidh dhomh-sa, a' teagasg àitheantan dhaoine mar theagasg.

8 Oir air dhuibh àithue Dhé a thréigsinn, tha sibh a' cumail orduchaidh dhaoine, *mar tha* nigheadh phoitean agus chupan: agus mòran eile d'au leithidibh siu tha sibh a' cleanamh.

9 Agus thubhairt e riu, Is maith a tha



sibh a' cur air cùl àithne Dhé, chum gu'n coimhid sibh bhuir n-orduchadh féin.

10 Oir thubhairt Maois, Thoir urram do d'athair, agus do d' mhàthair: agus, Ge b'e neach a mhallaicheas athair no màthair, cuircar gu cinnteach gu bàs e.

11 Ach their sibhse, Ma their neach r'a athair, no r'a màthair, Biodh e'n a Chorban, sin r'a ràdh, 'n a thìodhlac *d'òr teampull*, ge b'e ni leis am faigheadh tu tairbhe uamsa;

12 Nach leig sibh dha á sin suas ni sam bith a dheanamh air son 'athar, no a màthair;

13 A' cur focail Dhé 'an neò-bhrìgh le bhuir beul-aithris féin, a dh'aithris sibh: agus mòran d'an leithidibh sin de nithibh tha sibh a' deanamh.

14 Agus 'n uair a ghairm e an sluagh uile d'a ionnsuidh, thubhairt e rin, Eisdibh riumsa uile, agus tuigibh:

15 Cha-n'eil ni sam bith o'n taobh a muigh de'n duine, a théid a steach ann, d'am bheil e 'n comas a shalachadh; ach na nithean a tha teachd a mach as, is iad sin a tha 'salachadh an duine.

16 Ge b'e aig am bheil cluasan chum éisc-eachd, éisdeadh e.

17 Agus an uair a chaidh e steach do'n tigh o'n t-sluagh, chuir a dheisciobuil ceisid air mu thimchioll a' chosamhlachd.

18 Agus thubhairt e rin, Am bheil sibhse mar so fathast gun tuigse? Nach 'eil fhios agaibh, ge b'e ni air bith a théid a steach 's an duine o'n leth a muigh, nach 'eil e 'n comas da esan a shalachadh?

19 Do bhrìgh nach téid e steach d'a chridhe, ach do'n bhroinn, agus théid e mach do'n t-slochd shalachair, a' glanadh gach nìle bhìdh.

20 Agus thubhairt e, Is e an ni a thig a mach as an duine, a shalacheas an duine.

21 Oir is ann o'n taobh a stigh, á eridhe dhaoine, a thig a mach droch smuaintean, adhaltrannas, strìopachas, mortadh,

22 Goid, sannt, aingidheachd, mcalltair-eachd, macnus, droch shùil, toibheum, aabhar, amaidheachd:

23 Tha na h-uile so uile a' teachd a mach o'n taobh a stigh, agus a' salachadh an duine.

24 Agus air dha éirigh as a sin, chaidh e gu crìochaibh Thiruis agus Shidoin: agus an uair a chaidh e steach do thigh, cha b'ail leis fios a bhi aig neach sam bith air; gidheadh cha-n fheadadh e bhi'm folach.

25 Oir chuala bean uime, aig an robh nighean bheag, anns an robh spiorad neòghlan, agus thàinig i agus thuit i aig a chos-aibh:

26 (Agus bu Bhan-Ghrengach a' bhean, Ban-shiropheis each a thaobh cinnich); agus ghuidh i air gu'n tilgeadh e an deamhan a mach as a nighinn.

27 Ach thubhairt Iosa rithe, Fulaing do'n chloinn air tùs a bhi air an sasuchadh: oir cha-n'eil e ionchuidh arau na cloinne a ghabhail, agus a thilgeadh chum nan con.

28 Agus fhreagair ise agus thubhairt i ris, Is fìor sin, a Thighearna: gidheadh ithidh na coin fo 'n bhord de sbrùileach na cloinne.

29 Agus thubhairt esan rithe, Air son na cainnte so féin, imich romhad; tha an deamhan air dol a mach á d' nighinn.

30 Agus an uair a bha ise air teachd a dh'ionnsuidh a tìghe, fhuair i an deamhan air dol a mach, agus a nighcan air a cur 'n a luidhe air an leabaidh.

31 Agus aris 'n uair a dh'imich e o chriocheaibh Thiruis agus Shidoin, thàinig e gu muir Ghalile, troimh mheadhon chrioche Dhecapolis.

32 Agus thug iad d'a ionnsuidh duine bodhar, aig an robh stadhuich 'n a chainnt: agus ghuidh iad air gu'n cuireadh e a làmh air.

33 Agus thug e a leth o'n t-sluagh e, agus chuir e a mheor 'n a chluasaibh, agus shìl e, agus bhean e r'a theangaidh.

34 Agus air dha amharc suas gu nèamh, rinn e osna, agus thubhairt e ris, Ephphata, is e sin r'a ràdh, Bi fosgailte.

35 Agus air ball dh'fhosgladh a chluasan, agus dh'fhuasgladh ceangal a theangaidh, agus labhair e gu ceart.

36 Agus dh'àithn e dhoibh gun iad a dh'innseadh sin do neach air bith: ach mar is mò a thoirmisg esan doibh, bu mhòid gu ro mhòr a chuir iadsan an *grìomh* 'am follais;

37 Agus bha iad gu ro mhòr air an lìonadh le h-iongantais, ag ràdh, Rinn e na h-uile nithean gu maith: tha e arann a' tabhairt air na bodhair gu'n cluinn iad, agus air na bailbh gu'n labhair iad.

## CAIB. VIII.

1 *Bheathaich Crìod an sluagh gu mìorbhuileach.*

11 *Dh'uit e comharadh a thoirt do na Phairisich: 14 Dh'inn e air a dheisciobuil a bhi air am faicill an aghaidh tois ghoirt nam Phairiseach agus Heroid: 22 Thug e a radharc do dhuine dall: 27 Dh'innis e d'a dheisciobuil gu'n robh e gu bàs fhuotainn, agus gu éirigh a ris o na maibh.*

**A**NNS na làithibh sin air do shluagh ro mhòr a bhi ann, agus gun ni air bith aca r'a ithcadh, ghairm Iosa a dheisciobuil d'a ionnsuidh, agus thubhairt e rin,

2 Tha truas mòr again de'n t-sluagh, do bhrìgh gu'n d'fhan iad a nis tri lathcan maille rium, agus nach 'eil ni air bith aca r'a ithcadh;

3 Agus ma leigcas mi d'an tighibh féin 'n an trasg iad, fannuichidh iad air an t-slighe: oir thàinig cuid aca 'am fad.

4 Agus fhreagair a dheisciobuil e, Cia as a

dh'fheudas neach iad so a shàsachadh le h-aran an so 's an fhàsach?

5 Agus dh'fhiosraich e dhiubh, Cia lion buillean a tha agaibh? Agus thubhairt iadsan, Seachd.

6 Agus thug e ordugh do'n t-sluagh suidhe sios air an lùr: agus ghilac e na seachd builionnan, agus air toirt buidheachais, bhris e, agus thug e iad d'a dheisciobluibh, chum gu'n cuireadh iad 'n an làthair iad: agus chuir iad sios an làthair an t-sluaigh iad.

7 Agus bha aca beagan a dh'iasgaibh beaga: agus bheannaich e iad, agus dh'aithean e an cur sios 'n an làthair mar an ceudna.

8 Agus dh'ith iad, agus shàsuicheadh iad: agus thog iad làn sheachd bascaidean de'n bhiadh bhriste, a bha dh'fhuigheall aca.

9 Agus bha iadsan a dh'ith mu thimchioll cheithir mìle: agus leig e air falbh iad.

10 Agus air ball chaidh e steach 'an luing maille r'a dheisciobluibh, agus thàinig e gu crìochaibh Dhalmanuta.

11 Agus thàinig na Phairisich a mach; agus thòisich iad ri ceisdean a chur air, ag iarraidh comharaidh uath o nèamh, 'g a dhearbhadh.

12 Agus air deanamh osna dhàsan 'n a spiorad, thubhairt e, C'ar son a tha an ginealach so ag iarraidh comharaidh? gu'deimh-in tha mise ag ràdh ribh nach toir car comharadh do'n ghinealach so.

13 Agus dh'fhàg e iad, agus air dha dol a steach do'n luing a ris, chaidh e chum an taobh eile.

14 Agus dhì-chuimhnich na deisciobuil aran a thoirt leo; agus cha robh aca ach aon bhuilionn maille riu 's an luing.

15 Agus dh'aithean e dhoibh, ag ràdh, Thug-aibh an aire, bithibh air bhuir faicill an aghaidh taois ghoirt nam Phairiseach; agus faois ghoirt Heroid.

16 Agus bha iadsan a' reusonachadh 'n am measg féin, ag ràdh, *Is ann* air son nach 'eil aran againn a tha e.

17 Agus air aithneachadh sin do Iosa, thubhairt e riu, C'ar son a tha sibh a' reusonachadh a chionn nach 'eil aran agaibh? Nach 'eil fhios agaibh fathast, agus nach 'eil sibh a' tuigsinn? an bheil bhuir cridhe fathast air a chruadhachadh?

18 Air dhuibh sùilean a bhi agaibh, nach faic sibh? agus air dhuibh cluasan a bhi agaibh, nach cluinn sibh? agus nach 'eil sibh a' cuimhneachadh?

19 An uair a bhris mi na cùig builionnan am measg nan cùig mìle, cia lion cliabh làn de bhiadh briste a thog sibh? Thubhairt iadsan ris, A dhà dheug.

20 Agus an uair a bhris mi na seachd am measg nan ceithir mìle, cia lion bascaid làn de bhiadh briste a thog sibh? Agus thubhairt iadsan, Seachd.

21 Agus thubhairt e riu, Cionnus nach 'eil sibh a' tuigsinn?

22 Agus thàinig e gu Betsaida; agus thug iad d'a ionnsuidh duine dall, agus ghuidh iad air gu'm beanadh e ris.

23 Agus rug e air làmh an doill agus threòraich e mach as a' bhaile e; agus air dha a sheileadh a chur air a shùilb, agus a lamhan a chur air, dh'fheòraich e dheth an robh e 'faicinn ni air bith.

24 Agus dh'amhairc esan suas, agus thubhairt e, Thà mi 'faicinn dh'aoine mar chraobhan ag imcadh.

25 'N a dhéigh sin, chuir e a lamhan a ris air a shùilb, agus thug e air amhairc suas: agus dh'aigeadh a radharc dha, agus chunnaic e gach uile dhuine gu soilleir.

26 Agus chuir e dh'ionnsuidh a thighe féin e, ag ràdh, Na rach a steach do'n bhaile, agus na innis do neach air bith anns a' bhaile e.

27 Agus chaidh Iosa agus a dheisciobuil a mach gu bailtibh Chesarea Philipi: agus air an t-slighe chuir e ceisd air a dheisciobluibh, ag ràdh riu, Cò a tha daoine ag ràdh is mise?

28 Agus fhlreagair iadsan, Eoin Baistidh; agus cuid eile, Élias; agus cuid eile, Aon de na fàidhibh.

29 Agus thubhairt esan riu, Ach cò a tha sibhse ag ràdh is mi? Fhlreagair Peadar agus thubhairt e ris, Is tu Crìosd.

30 Agus thug e sparradh dhoibh gu'n iad a dh'innseadh so uime do neach sam bith.

31 Agus thòisich e r'an teagasg, gur éigin do Mhac an duine mòran de nithibh fhulang, agus a bhi air a dhiultadh leis na seanairibh, agus na h-àrd-shagartaibh, agus na sgrìobhaichibh, agus a bhi air a chur gu bàs, agus éirigh a ris an déigh thri làithean.

32 Agus labhair e a' chainnt so gu follaiseach. Agus rug Peadar air, agus thòisich e r'a chruadhachadh.

33 Ach air dhàsan tionndadh mu'n cuairt, agus amhairc air a dheisciobluibh, chrònuich e Peadar, ag ràdh, Imich air mo chùlaobh, a Shatain: oir cha-n'eil spéis agad do nithibh Dhé, ach do nithibh dh'aoine.

34 Agus air gairm an t-sluaigh, agus a dheisciobul d'a ionnsuidh, thubhairt e riu, Ge b'e neach leis an àill teachd a'm' dhéigh-sa, àicheadhadh se e féin, agus togadh e a chrann-ceusaidh, agus leanadh e mise.

35 Oir ge b'e neach leis an àill 'anam féin a choimhead, caillidh se e; ach ge b'e neach a chailleas 'anam air mo shon-sa, agus air son an t-soisgeil, coimhididh esan e.

36 Oir ciod e an tairbhe do dhuine, ged chosnadh e an saoghal gu h-iomlan, agus 'anam a chall?

37 No ciod a bheir duine ann an éiric 'anama?

38 Oir ge b'e neach a ghabhas nàire dhìom-



sà, agus de m' fhoclaidh, anns a' ghinealach adhaltrannach agus ole so, dh'èht-san gabhaidh Mac an duine nàire, 'n uair a thig e 'an glòir 'Athar, maille ris na h-ainglibh naomha.

# CAIB. IX.

1 *Dh'atharraicheadh cruth Iosa.* 11 *Theagaisg e a dheisciobuil mu thimchioll teachd Eliais: 14 Thig e mach Spiorad balbh agus bodhar: 30 Roimh-innis e an a' bhàs agus 'aiseirigh. 33 Chomhairlich e d'a dheisciobluibh a bhì iriosal.*

**A**GUS thubhairt e riu, Gu deimhin tha mi ag ràdh ribh, gu bheil cuid dhiubhsan a tha 'n an seasamh an so, naeh blais bàs, gus am faic iad rioghachd Dhé a' teachd le cumhachd.

2 Agus an ceann shè làithean, thug Iosa Peadar, agus Seumas, agus Eoin leis, agus thèoruich e iad leo féin air leth gu beinn àird: agus dh'atharraicheadh a chruth 'n am fianais.

3 Agus rinneadh 'eudach dealrach, ro gheal mar an *sneachd*; air mhodh nach robh e 'n comas do ghlanadair-eudaich sam bith air talamh a ghealachadh.

4 Agus dh'fhoillsicheadh dhoibh Elias maille ri Maois agus bha iad a' còmhradh ri Iosa.

5 Agus fhreagair Peadar, agus thubhairt e ri Iosa, A mhaighstir, is maith dhuinne bhì an so: air an aobhar sin deanamaid trì pàillunan; aon duitse, agus aon do Mhaois, agus aon do Elias.

6 Oir cha robh fhios aige ciod a theireadh e: oir bha iad fo eagal ro mhòr.

7 Agus thàinig neul a chuir sgàile orra, agus thàinig guth as an neul, ag ràdh, Is e so mo Mhae gràdhach-sa, éisdibh ris.

8 Agus air ball, an uair a dh'amhaire iad mu'n timchioll, cha-n fhac iad neach air bith á sin suas, ach Iosa 'n a aonar maille riu.

9 Agus ag teachd dhoibh a nuas o'n bheinn, dh'àitn e dhoibh gun na nithean a chunnaic iad innseadh do neach sam bith, agus an éireadh Mae an duine a ris o na mairbh.

10 Agus ghléidh iad a' chainnt so aca féin, a' fiosrachadh d'a chéile ciod a bu chiall do'n aiseirigh o na mairbh.

11 Agus dh'fhèdreach iad deth, ag ràdh, Car son a tha na sgrìobhaichean ag ràdh, gur éigin do Elias teachd air tùs?

12 Agus fhreagair esan agus thubhairt e riu, Thig Elias gu deimhin air tùs, agus aiseigidh e na h-uile nithean, agus mar a tha e sgrìobhta mu Mhac an duine, gu bheil e gu mòran de nithibh fhulang, agus a bhì air a chur 'an dimeas.

13 Ach tha mi ag ràdh ribh, gu bheil Elias da rìreadh air teachd, agus rinn iad ris gach ni a thogair iad, a réir mar tha e sgrìobhta uime.

14 Agus 'n uair a thàinig e chum a dheisciobul, chunnaic e sluagh mòr mu'n tinn-chioll, agus na sgrìobhaichean a' deasboireachd riu.

15 Agus air ball bha 'n sluagh uile, 'n uair a chunnaic iad e, fo uamhas mòr, agus air dhoibh ruith d'a ionnsuidh, chuir iad fàilte air.

16 Agus dh'fhiosraich e de na sgrìobhaicheibh, Ciod e mu 'm bheil sibh a' deasboireachd riu?

17 Agus air freagairt do neach de'n t-sluagh, thubhairt e, A mhaighstir, thug mi a d' ionnsuidh mo mhac anns am bheil spiorad balbh:

18 Agus ge b'è ionad sana bith 's an glac se e, tha e 'g a tharruing as a chéile; agus tha e 'cur cobhair *as a bheul*, agus a' giosg-arnaich le 'fhiacailbh, agus tha e a' seargadh as: agus thubhairt mi ri d' dheisciobluibh, iad 'g a chur a mach, agus cha b' urrainn iad.

19 Ach fhreagair esan, agus thubhairt e ris, O chiunich gun chreidimh, cia fhad a blitheas mi maille ribh? cia fhad a dh'fhuilgeas mi sibh? thugaibh e a m' ionnsuidh.

20 Agus thug iad d'a ionnsuidh e: agus an nair a chunnaic se e, reub an spiorad air ball e; agus thuit e air an talamh, agus *bha e 'g a aoircagan féin, agus a' cur cobhair as a bheul*.

21 Agus dh'fhiosraich e d'a athair, Cia fhad an aimsir o thàinig so air? agus thubhairt e, O bha e 'n a leanabh.

22 Agus gu minic thilg e 's an teine e, agus anns an uisge, chum gu millcadh se e: ach ma tha thusa comasach air ni sam bith a dheanamh, gabh truas dinn, agus cuidich leinn.

23 Ach thubhairt Iosa ris, Ma 's urrainn thusa creidsinn, tha gach aon ni comasach do'n neach a chreideas.

24 Agus ghlaodh athair an leinibh a mach air ball, agus thubhairt e le deuraibh, Tha mi a' creidsinn, a Thighearna; cuidich thusa le mo mhi-chreidimh.

25 Agus an uair a chunnaic Iosa an sluagh a' ruith cuideachd, chronuich e an spiorad neòghlan, ag ràdh ris, A spiorad bhaibh agus bhodhair, tha mi 'g orduchadh dhuit, Thig a mach as, agus na rach a steach ann ni's mò.

26 Agus ghlaodh an spiorad, agus reub e gu ro chràiteach e, agus chaidh e mach as: agus bha e 'n riochd mairbh, ionnus gu'n dubhairt mòran, Tha e marbh.

27 Ach air do Iosa a ghlaodh air làimh thog e suas e, agus dh'èirich e.

28 Agus an nair a chaidh e steach do'n tigh, dh'fhiosraich a dheisciobuil deth 'an uaignidheas, Car son nach b' urrainn sinne a thilgeadh mach?

29 Agus thubhairt esan riu, Cha-n'èil e

comasach gu'n téid a' ghné so mach le ni air bith, ach le h-urnuigh agus trasgadh.

30 Agus dh'innich iad as a sin, agus chaidh iad troimh Ghailile; agus cha b'áill leis fhios so bhi aig aon neach.

31 Oir theagaisg e a dheisciobuil féin, agus thubhairt e riu, Tha Mac an duine air a thabhairt thairis do lámhan dhaoine, agus cuiridh iad gu bàs e; agus an déigh a chur gu bàs, éiridh e a ris an treas là.

32 Ach cha do thuig iad a' chainnt so, agus bha cagal orra fheòraich dheth.

33 Agus thàinig e gu Capernaum; agus air dha 'bhi 's an tigh, dh'fhiosraich e diubh, Ciod e mu'u robh sibh a' deasboir-eachd eadaraibh féin, air an t-slighe?

34 Ach dh'fhan iadsan 'n an tosd: oir air an t-slighe bha iad a' reusonachadh eatorra féin, co aca bu mhòd a bhitheadh.

35 Agus air suidhe dha, ghairm e'n dà fhear dheug d'a ionnsuidh, agus thubhairt e riu, Ge b'e neach leis am miann a bhi air thoiseach, bithidh esan air dheireadh air chach uile, agus 'n a sheirbhiseach do na h-uile.

36 Agus ghabh e leanabh, agus chuir e 'n am meadhon e: agus an uair a thog e suas 'n a uchd e, thubhairt e riu,

37 Ge b'e neach a ghabhas ri h-aon d'an leithidibh so de leanabaibh a'm' ainm-sa, tha e a' gabhail riumsa; agus ge b'e neach a ghabhas riumsa, cha mhise ris an bheil e a' gabhail, ach an Ti a chuir uaith mi.

38 Agus fhreagair Eoin e, ag ràdh, A mhaighstir, chumaic sinne neach nach 'eil 'g ar leantuinn a' tilgeadh a mach dheamhan a'd' aium-sa; agus bhac sinn e, a chionn nach 'eil e 'g ar leantuinn féin.

39 Ach thubhairt Iosa, Na bacaibh e: oir cha-n'eil neach sam bith a ni uirbhail a'm' ainm-sa, d'am bheil e'n comas olc a labhairt gu h-ealamh umam.

40 Oir ge b'e neach nach 'eil 'n ar n-aghaidh, tha e leinn.

41 Oir ge b'e neach a bheir cupan uisge dhuibh-sa r'a òl a'm' ainm-sa, a chionn gur le Crìosd sibh, gu deimhin tha mi ag ràdh ribh, nach cail e a dhuais.

42 Agus ge b'e 'bheir aobhar oilbheim do aon neach de 'n fheadhain bheaga so, a tha 'creidsinn annam-sa, b' fhearr dha gu'm bitheadh clach-mhuilinn air a crochadh m'a mhuineal, agus gu'm bitheadh e air a thilgeadh 's an fhaighe.

43 Agus ma bheir do làmh aobhar oilbheim dhuit, gearr dhìot i: is fearr dhuit dol a steach do'n bheatha air leth-làimh, na dà làimh a bhi agad, agus dol gu n-ifrinn, do'n teine uach mùchar a chaidh;

44 Far uach bàsaich an enuimh, agus nach téid an teine as.

45 Agus ma bheir do chos aobhar oilbheim dhuit, gearr dhìot i: is fearr dhuit dol a steach do'n bheatha air leth-chois, na dà

chois a bhi agad, agus a bhi air do thilgeadh ann an ifrinn, do'n teine nach mùchar a chaidh;

46 Far nach bàsaich an enuimh, agus nach téid an teine as.

47 Agus ma bheir do shùil aobhar oilbheim dhuit, spion asad i: is fearr dhuit dol a steach do rìoghachd Dhé air aon sùil, na dà shùil a bhi agad, agus a bhi air do thilgeadh ann an teine ifrinn;

48 Far nach bàsaich an enuimh, agus nach téid an teine as.

49 Oir sailleair gach aon neach le teine, agus sailleair gach aon ìobairt le salann.

50 Is maith an salann: ach ma chailleas an salann a shailhteachd, ciod e leis an dean sibh deadh-bhlasda e? Bitheadh agaibh salann annaibh féin, agus bithibh sìochail r'a chéile.

# CAIB. X.

1 *Tha Crìosd a' reusonachadh ris na Phairisich mu thimchioll dealachaidh fir agus mnà pòsda: 13 bheannaich e clann a thugadh d'a ionnsuidh: 17 dh'innis e do dhuine saobhair cionnus a dh'fheadas e a' bheatha shuthain a shealbhadh. 32 Roimh-innis e a bhàs agus 'aiseirigh. 46 Dh'aisig e a radharc do Bhar-timéus.*

**A**GUS air éirigh dha as a sin, thàinig e gu crìochaibh Iudea troimh an dith-eachd a tha air an taobh thall de Iordan: agus thàinig slòigh d'a ionnsuidh a ris; agus mar bu ghnàth leis, theagaisg e iad a ris.

2 Agus thàinig na Phairisich d'a ionnsuidh, agus dh'fhiosraich iad deth, An bheil e ceaduichte do dhuine a bhean a chur air falbh? 'g a dhearbhadh.

3 Ach fhreagair esan agus thubhairt e riu, Ciod a dh'àithn Maois dhuibh?

4 Agus thubhairt iadsan, Thug Maois cead duinn litir-dhealachaidh a sgrìobhadh, agus a cur air falbh.

5 Agus fhreagair Iosa agus thubhairt e riu, Air son cruais bhur cridhe, sgrìobh e an àithne so dhuibh.

6 Gidheadh o thoiseach na cruith-eachd, rinn Dia iad fear agus bean.

7 Air an aobhar so fàgaidh duine 'athair agus a mhàthair, agus dlùth-leanaidh e r'a mhaol-phòsda:

8 Agus bithidh iad araon 'n an aon fheoil: ionnus nach dithis iad o sin suas, ach aon fheoil.

9 Air an aobhar sin an ni a chuir Dia cuid-eachd, na cuireadh duine o 'chéile.

10 Agus anns an tigh dh'fheadraich a dheisciobuil deth a ris mu thimchioll an ni cheudna.

11 Agus thubhairt e riu, Ge b'e neach a chuireas air falbh a bhean féin, agus a phòsas bean eile, tha e a' deamamh adhalt-rannais 'n a h-aghaidh.

12 Agus ma chuireas bean air falbh a fear féin, agus ma bhitheas i air a pòsadh ri fear eile, tha i a' deamamh adhalt-rannais.



13 Agus thug iad leanabain d'a ionnsuidh, chum gu'm beanadh e riu; agus chronuich a dheisciobuil a' mhuinntir a thug leo iad.

14 Ach an uair a chunnaic Iosa *sin*, bha e ro dhìomhach, agus thubhairt e riu, Leigibh do na leanabanaibh teachd a m' ionnsuidh, agus na bacadh iad: oir is aum d'an leithidibh a tha rioghachd Dhé.

15 Gu deimhin tha mi ag ràdh ribh, Ge b'e neach nach gabh rioghachd Dhé mar leanabh beag, nach téid e gu bràth a steach innte.

16 Agus ghlac e 'n a uchd iad, agus chuir e a lamhan orra, agus bheannaich e iad.

17 Agus an uair a chaidh e nach air an t-slighe, thàinig ueach 'n a ruith, agus leig se e féin air a ghluibh dha, agus dh'fhèorach e dheth, A mhaighstir mhaith, ciod a ni mi ehum gu'n sealbhaich mi a' bheatha mhaireannach?

18 Agus thubhairt Iosa ris, Car son a ghòireas tu maith dhìomsa? cha-n'eil neach sam bith maith, ach a h-aon, *is e sin Dia*.

19 Is aithne dhuit na h-aitheantan, Na dean adhaltrannas, Na dean uortadh, Na goid, Na toir fianuis bhrèige, Na dean eucoir, Thoir urram do d'athair, agus do d' mhàthair.

20 Ach fhreagair esau agus thubhairt e ris, A mhaighstir, choimhid mi iad so uile o m'òige.

21 Agus air amhare do Iosa air, ghràdhach se e, agus thubhairt e ris, Tha aon ni dh'uireasbluidh ort: imich, reic na bheil agad, agus tabhair do na bochdaibh, agus bithidh agad ionnhas air n'eamh; agus thig, tog an crann-cusaidh, agus lean mise.

22 Agus bha doighios air-san air so nam briathran sin, agus dh'fhalbh e gu tùis-each; oir bha mòran saoihbheis aige.

23 Agus air amhare do Iosa mu'n cuairt, thubhairt e r'a dheisciobuibh, Cia deacair do'n mhuinntir sin aig am bheil mòr-shaoibhreas dol a steach do rioghachd Dhé!

24 Agus bha mòr-uamhas air na deisciobuibh air son a bhriathran. Ach fhreagair Iosa a ris, agus thubhairt e riu, A chlann, cia deacair dhoibh-sau a chuireas an dòigh ann an saoihbheas, dol a steach do rioghachd Dhe!

25 Is usadh do chàmhail dol troimh chrò na snàthaid, na do dhluine saoihbhir dol a steach do rioghachd Dhé.

26 Ach bha uamhas orra-san thar tonhas, ag ràdh catorra féin, Cò ma seadh a dh'fheudas a bhi air a shaoradh?

27 Agus air do Iosa amhare orra, thubhairt e, Do dhaoimibh tha so eu-comasach, ach cha-n'eil e do Dhia: oir do Dhia tha na h-uile nithean comasach.

28 Agus thòisich Peadar air a ràdh ris, Feuch, thréig siune na h-uile nithean, agus lean sinn thusa.

29 Ach fhreagair Iosa, agus thubhairt e,

Gu deimhin tha mi ag ràdh ribh, nach 'eil neach sam bith a dh'fhàg tigh, no bràithrean, no peathraichean, no athair, no màthair, no bean-phòsda, no clann, no fearann, air mo shonsa agus air son an t-soisgeil,

30 Nach faigh a cheud uiread 's an aimsir so féin, tighean, agus bràithrean, agus peathraichean, agus màthraichean, agus clann, agus fearann, maille ri geur-leanmhuinn; agus anns an t-saoghal a tha ri teachd, a' bheatha mhaireannach.

31 Ach tha mòran air thoiseach, a bhitheas air dheireadh; agus air dheireadh, a bhitheas air thoiseach.

32 Agus bha iad air an t-slighe a' dol suas gu Ierusalem: agus bha Iosa ag imeachd rompa; agus ghlac uamhas iad, agus ag dhoibh *esau* a leantunn, bha eagal orra. Agus thug e an dà fhear dheug air leth a ris, agus thòisich e air na nithean a bha gu tachairt da innseadh dhoibh,

33 *Ag ràdh*, Feuch, tha sinn a' dol suas gu Ierusalem; agus bithidh Mac an duine air a theirt thairis do na h-àrd-shagartaibh, agus do na sgrìobhaichibh: agus d'itidh iad chum bàis e, agus bheir iad thairis e do na Cinnich;

34 Agus ni iad fanoid air, agus sgiùrsaidh iad e, agus tilgidh iad smugaid air, agus cuiridh iad gu bàs e: agus air an treas là éiridh e a ris.

35 Agus thàinig d'a ionnsuidh Seumas agus Eoin, mic Shebede, ag ràdh, A mhaighstir, is àill leinn gu'n dean thu dhuinne ge b'e ni a dh'farras sinn.

36 Agus thubhairt esau riu, Ciod a's àill leibh mise a dhcanamh dhuibh?

37 Agus thubhairt iadsan ris, Deònuich dhuinne gu'n suidheamaid, fear air do làimh dheis, agus am fear eile air do làimh chlì, ann ad ghloir.

38 Ach thubhairt Iosa riu, Cha-n aithne dhuibh ciod a tha sibh ag iarraidh: am bheil sibh comasach air a' chupan òl a dh'òlas mise? agus a bhi air bhuir baisteadh leis a' bhaisteadh leis am baistear mise?

39 Thubhairt iadsan ris, Tha sinn comasach. Ach thubhairt Iosa riu, Olaidh sibhse gu deimhin an cupan a dh'òlas mise; agus baistear sibh leis a' bhaisteadh leis am baistear mise:

40 Ach suidhe air mo làimh dheis, agus air mo làimh chlì, cha leamsa sin r'a thabhairt, ach dhoibh-san d'an d'ulluicheadh e.

41 Agus air cluinntinn so do'n deichnear, thòisich iad air mòr-chorruich a ghabhail ri Seumas agus Eoin.

42 Ach ghairn Iosa iad d'a ionnsuidh, agus thubhairt e riu, Tha fhios agaibh gu bheil acasan a tha air am meas mar uachdarain air na Cinnich, àrd-thighearnas orra; agus gu bheil aig an daoinibh mòra làn ùghdarras orra.

43 Ach cha bhi e mar sin 'n 'ur measg-sa:

ach ge b'è neach le'n àill a bhi mòr 'n 'ur measg, bithidh e 'n a òglach agaibh :

44 Agus ge b'è neach agaibh le'n àill tois-each a bhi aige, bithidh e 'n a sheirbhiseach do na h-uile.

45 Oir cha d'fhàinig eadhon Mac an duine chum gu'n deantadh frithealadh dha, ach a dheanamh frithealaidh, agus a thoirt 'anama féin mar éiric air son mhóran.

46 Agus thàinig iad gu Iericho : agus air imeachd dhàsan agus d'a dheisciobluibh, agus do shluagh mòr, a mach á Iericho, bha Bartimeus an dall, mac Thimeuis, 'n a shuidhe ri taobh na slighe, ag iarraidh déirce.

47 Agus an uair a chual e gu'm b'è Iosa o Nasaret a bh'ann, thòisich e ri glaothaich, agus ri ràdh, Iosa, Mhic Dhaibhidh, dean tròcair orm.

48 Agus chronuich mòran e, chum gu'm bitheadh e 'n a thosd : ach bu ro mhòid a ghlaodh esan, A Mhic Dhaibhidh, dean tròcair orm.

49 Agus sheas Iosa, agus dh'àithn e esan a ghairm *d'a ionnsuidh* : agus ghairm iad an dall, ag ràdh ris, Bitheadh misneach agad, éirich ; tha e ga d'ghairm.

50 Agus air dhàsan 'fhalainn a thilgeadh uaith, dh'éirich e, agus thàinig e gu Iosa.

51 Agus fhreagair Iosa, agus thubhairt e ris, Ciod a's àill leat mise a dheanamh dhuit ? Thubhairt an dall ris, A Thighearna, mi dh'fhaotainn mo radhaire.

52 Agus thubhairt Iosa ris, Imich : shlànuich do chreidimh thu. Agus air ball fhuair e a radharc, agus lean e Iosa 's an t-slighe.

## CAIB. XI.

1 *Mharcaich Iosa gu buadhach do Ierusalem ; 12 mhalluich e a' chraobh air an robh duilleach gun mheas ; 15 ghlan e an teampull ; 20 dh'earlaich e a dheisciobuil iad a bhi seas-mhach 's a' chreidimh, &c.*

**A**GUS an uair a thàinig iad am fagus do Ierusalem, gu Betphage agus Betani, aig sliabh nan crann-olaidh, chuir e uaith dithis d'a dheisciobluibh,

2 Agus thubhairt e riu, Rachaibh do'n bhaile ud thall fa bhur comhair ; agus air ball an uair a théid sibh a steach ann, gheibh sibh searrach ceangailte, air nach do shuidh aon duine riamh ; fuasglaibh e, agus thugaibh leibh e.

3 Agus ma their neach air bith ruibh, 'Car son a tha sibh a' deanamh so ? abraibh, Gu bheil feum aig an Tighearna air ; agus air ball cuiridh e 'n so e.

4 Agus dh'imich iad, agus fhair iad an searrach ceangailte a mugh aig an dorn, aig coinneachadh dà shlighe ; agus dh'fhuasgail iad e.

5 Agus thubhairt cuid dhiubh-san, a bha 'n an seasamh an sin, riu, 'Car son a tha sibh a' fhuasgladh an t-searraich ?

6 Agus thubhairt iadsan riu mar a dl'àithn Iosa dhoibh : agus leig iad uatha iad.

7 Agus thug iad an searrach chum Iosa, agus chuir iad am falluinnean air ; agus shuidh esan air.

8 Agus sgaoil mòran am falluinnean féin air an t-slighe : agus ghearr cuid eile gengan de na craobhan, agus sgaoil iad air an t-slighe iad.

9 Agus ghlaodh iadsan a bha 'g imeachd roimhe, agns iadsan a bha 'g a leantninn, ag ràdh, Hosanna, is beannaichte an ti a tha 'teachd ann an ainm an Tighearna.

10 Is beannaichte rioghachd ar n-Athar Daibhidh, a tha 'teachd [ann an ainm an Tighearna ;] Hosanna anas na h-àrdaibh.

11 Agus chaidh Iosa a steach do Ierusalem, agus do'n teampull ; agus an uair a dh'amhairc e air gach ni mu'n enairt, agus a bha 'm feasgar a nis air teachd, chaidh e mach gu Betani maille ris an dà fhear dheug.

12 Agus air an là màireach, 'n uair a chaidh iad a mach á Betani, dh'fhàs e ocrach.

13 Agus air faicinn craobh-fhùge fada uaith, air an robh duilleach, thàinig e, dh'fheuchaimm am faigheadh e ni sam bith oirre : agns air dha teachd a h-ionnsuidh, cha d'fhuair e ni sam bith achi duilleach ; oir cha robh am *tionail* nam fige fathast ann.

14 Agus fhreagair Iosa agus thubhairt e rithe, Nar itheadh neach sam bith toradh dhiot-sa o so suas a chaoidl. Agus chual a dheisciobuil e.

15 Agus thàinig iad gu Ierusalem : agus chaidh Iosa a steach do'n teampull, agus thòisich e air an dream a bha a' reic agus a' ceannach 's an teampull a chur a mach, agus thilg e thairis bùird lùchd-malairt an airgid, agus caithrichean na muinntir a bha 'reic choluman :

16 Agus cha-n fhuilgeadh e gu'n giulain-eadh neach sam bith soitheach troimh an teampull.

17 Agus theagaisg e, ag ràdh riu, Nach 'eil e sgriobhta, Goirear tigh urnuigh de n' thigh-sa leis na h-uile chinnich ? Ach rinn sibhse 'n a gharaidh luchd-reubainn e.

18 Agus chuala na sgrìobhaichean agus na h-àrd-shagartan so, agns dh'iarr iad cionnus a dh'fheadhadh iad esan a mhilleadh : oir bha 'egal-san orra, do bhrìgh gu'n robh an slagh uile fo iongantas mòr r'a theagasg.

19 Agus an uair a bha am feasgar air teachd, chaidh e mach as a' bhaile.

20 Agus air mhaduinn, ag gabhail seachad dhoibh, chunnaic iad an crann-fige air crìonadh o 'fhreumhan.

21 Agus air cinimheachadh do Pheadar, thubhairt e ris, A mhaighstir, fench, tha a' chraobh-fhùge, a mhalluich thu, air crìon-adhl.



22 Agus fhreagair Iosa, agus thubhairt e riu, Bitheadh creidimh agaibh 'an Dia.

23 Oir gu deimhin tha mi ag ràdh ribh, ge b'e neach a their ris a' bheinn so, Bi air do thogail, agus air do thilgeadh 's an fhairege, agus nach bi fo amharus 'n a chridhe, ach a ehreideas gu'n tachair na nithean a their e, thig gach ni a their e gu crìch dha.

24 Air an aobhar sin tha mi ag ràdh ribh, Ge b'e nithean air bith a dh'iarras sibh ann an urnuigh, creidibh gu'm faigh sibh, agus gheibh sibh.

25 Agus an uair a sheasas sibh a' deanamh urnuigh, maithibh, ma tha ni air bith agaibh an aghaidh aoin duine; chum gu maith bhur n-Athair a tha air nèamh bhur peacaidhean féin duibhse.

26 Ach mur maith sibhse, cha mhò a mhaithes bhur n-Athair a tha air nèamh bhur peacaidhean féin duibhse.

27 Agus thàinig iad a ris gu Ierusalem: agus air dhàsan bhi a' spaisdeireachd anns an teampull, thàinig d'a ionnsuidh na h-àrd-shagartan, agus na sgrìobhaichean, agus na seanairean.

28 Agus thubhairt iad ris, Ciod e an t-ùghdarras leis am bheil thu a' deanamh nan nithean so? Agus cò 'thug dhuìt an t-ùghdarras so chum na nithean so a dheanamh?

29 Agus fhreagair Iosa agus thubhairt e riu, Feòraichidh mise mar an ceudna aon ni dhibhse, agus freagraibh mi, agus innsidh mise dhuibh-sa ciod e an t-ùghdarras leis am bheil mi a' deanamh nan nithean so.

30 An ann o nèamh, no o dhaoimibh a thàinig baisteadh Eoin? freagraibh mi.

31 Agus bha iad a' reusonachadh eatorra féin, ag ràdh, Ma their sinn, O nèamh; their esan ruinn, 'Car son ma seadh nach do chreid sibh e?

32 Ach ma their sinn, O dhaoimibh; bha eagal an t-shuaigh orra; oir b'e meas gach uile air Eoin gu'm b'fhàidh e gu firinneach.

33 Agus air freagairt dhoibh, thubhairt iad ri Iosa, Cha-n'eil fhios againn. Agus fhreagair Iosa agus thubhairt e riu, Cha mhò a dh'innseas mise dhuibhse ciod e an t-ùghdarras leis am bheil mi a' deanamh nan nithean so.

## CAIB. XII.

1 *Ann an cosamhlachd an fhìon-lios a shuidh-icheadh air tuath mhi-thaingeil, dh'innis Crìosd roimh-làmh diùltadh nan Iudhach, agus gairm nan Cinneach. 13 Sheachainn e an rìbe a chuir na Phairisich, agus na Herodianaich roimhe, mu thimchioll iocadh cise do Cheasar: 18 nochd e meirachd nan Sadasach mu thimchioll aiseirigh nam marbh. 41 Mhol e a' bhantrach blochd.*

A GUS thòisich e air labhairt riu ann an cosamhlachdaibh. Shuidhich duine àraidh fìon-lios, agus chuir e gàradh mu'n cuairt air, agus chladhaich e ionad-bruthaidh nam fìon-dhearc, agus thog e tùr,

agus shuidhich e air tuath e, agus ghabh e a thurus as a dhùthaich.

2 Agus 's an àm dhligheach chuir e seirbhiseach a dh'ionnsuidh na tuatha, chum gu'm faigheadh e de thoradh an fhìon-lios o'n tuath.

3 Ach air dhoibh-san esan a ghlacadh, bhuail iad e, agus chuir iad uatha falamh e.

4 Agus a ris chuir e seirbhiseach eile d'an ionnsuidh; agus chlach iad e, agus reub iad a cheann, agus chuir iad uatha e le h-easurram.

5 Agus a ris chuir e neach eile d'an ionnsuidh; agus esan mharbh iad: agus mòran eile, a' bualadh cuid diubh, agus a' marbhadh cuid eile.

6 Fathast uime sin, air dha aon Mhac a bhi aige, a b' ionmhuinn leis, chuir e esan mar an ceudna fa dheoidh d'an ionnsuidh, ag ràdh, Bheir iad urram do m' Mhac.

7 Ach thubhairt an tuath sin 'n am measg féin, Is e so an t-oighre; thigibh, marbhamaid e, agus bithidh an oighreachd againn féin.

8 Agus rug iad air, agus mharbh iad e, agus thilg iad a mach as an fhìon-lios e.

9 Ciod e uime sin a ni Tighearn an fhìon-lios? Thig e agus sgriosaidh e'n tuath sin, agus bheir e am fìon-lios do dhaoimibh eile.

10 Nach do leugh sibh an sgrìobtuir so? A' chlach a dhùit na clachairean, rinneadh ceann na h-òisinne dith.

11 Rinneadh so leis an Tighearn, agus is iongantach e 'n ar suilibh-ne.

12 Agus dh'iarr iad breith air, ach bha eagal an t-shuaigh orra; oir thuig iad gu'm b'ann 'n an aghaidh féin a labhair e an cosamhlachd: agus air 'fhàgail doibh, dh'imich iad rompa.

13 Agus chuir iad d'a ionnsuidh dream àraidh de na Phairisich, agus de luchd-leamhuinn Heroid, chum gu'n glacadh iad e 'n a chainnt.

14 Agus air dhoibh-san teachd, thubhairt iad ris, A mhaighstir, tha fhios againn gu bheil thusa firinneach, agus nach 'eil suim agad do neach air bith: oir cha-n'eil thu ag amharc air gnùis dhaoine, ach a' teagasg slighe Dhé ann am firinn. Am bheil e ceaduichte cìs a thoirt do Cheasar, no nach 'eil? an tabhair, no nach tabkair sinn i?

15 Ach air dhàsan an cealg a thuigsinn, thubhairt e riu, 'Car son a tha sibh ga m' bhuaireadh? thugaibh peghinn a m' ionnsuidh, chum gu'm faic mi i?

16 Agus thug iad d'a ionnsuidh i, agus thubhairt e riu, Cò d'an ìomhaigh so, agus cò d' am buin an sgrìobhadh so? Agus thubhairt iadsan ris, Do Cheasar.

17 Agus fhreagair Iosa, agus thubhairt e riu, Thugaibh do Cheasar na nithean a's le Ceasar, agus do Dhia na nithean a's le Dia. Agus ghabh iad iongantas ris.

18 An sin thàinig na Sadusaich d'a ionnsuidh, a tha 'g ràdh nach 'eil aiseirigh ann; agus dh'fhèdraich iad deth, ag ràdh,

19 A mhaighstir, sgrìobh Maois dhuinne, Nam faigheadh bràthair duine air bith bàs, agus gu'm fagadh e bean, agus nach fagadh e clann, gu'n gabhadh a bhràthair a bhean d'a ionnsuidh, agus gu'n togadh e sliochd d'a bhràthair.

20 A nis bha seachdnar bhràithrean ann: agus ghabh an ceud fhear dhiubh bean, agus an uair a dh'eag e, cha d'fhag e sliochd.

21 Agus ghabh an dara fear i, agus fhuair esan bàs, agus cha mhò a dh'fhàg esan sliochd: agus an treas fear mar an ceudna.

22 Agus ghabh an t-seachdnar i, agus cha d'fhàg iad sliochd: 'n an déigh uile, chaochail a' bhean mar an ceudna.

23 Anns an aiseirigh uime sin, an uair a dh'éireas iad, cò dhiubh d'am bean i? oir bha i aig an t-seachdnar 'n a mnaoi.

24 Agus fhreagair Iosa agus thubhairt e riu, Nach 'eil sibh uime sin ann am mearachd, do bhrìgh nach 'eil eòlas agaibh air na sgrìobtuiribh, no air cumhachd Dhé?

25 Oir an uair a dh'éireas iad o na mairbh, cha phòs iad, ni mò a bheirear 'am pòsadh iad; ach tha iad mar na h-ainglibh a tha air nèamh.

26 Ach mu thimchioll nam marbh, gu'n éirich iad, nach do leugh sibh ann an leabhar Mhaois, cionnus a labhair Dia ris anns a' phreas, ag ràdh, Is mise Dia Abraham, agus Dia Isaac, agus Dia Iacoib?

27 Cha-n e Dia nam marbh e, ach Dia nam bèd: tha sibhse uime sin ann am mearachd mòr.

28 Agus thàinig neach de na sgrìobhaicheibh, agus an uair a chual e iadsan a' deasboir-eachd r'a ehéile, agus a thuig e gu'n do fhreagair e gu maith iad, chuir e ceisd air, Cia i a' cheud àithne de na h-àitheantaibh uile?

29 Agus fhreagair Iosa e, 'S i so a' cheud àithne de na h-àitheantaibh uile, Eisd, O Israel, an Tighearn ar Dia-ne, is aon Tighearn e;

30 Agus gràdhachidh tu an Tighearn do Dhia le d'uile chridhe, agus le d'uile anam, agus le d'uile inntinn, agus le d'uile neart: is i so a' cheud àithne:

31 Agus is cosmhail an dara àithne rithe so, Gràdhachidh tu do choimhearsnach mar thu féin: cha-n'eil àithne eile ann a's mò na iad so.

32 Agus thubhairt an sgrìobhaiche ris, Is maith, gu firinneach, a Mhaighstir, a thubhairt thu: oir tha aon Dia ann, agus cha-n'eil atharrach ann ach e féin.

33 Agus esan a ghràdhachadh leis an uile chridhe, agus leis an uile thuigse, agus leis an uile anam, agus leis an uile neart, agus neach a ghràdhachadh a choimhearsnaich

mar e féin, is mò sin na na h-uile làn òbairtean-loisgte, agus thabhartasan.

34 Agus an uair a chunnaic Iosa gu'n do fhreagair e gu tuigseach, thubhairt e ris, Cha-n'eil thu fada o rìoghachd Dhé. Agus cha robh de mhisnich aig neach air bith o sin suas ceisd a chur air.

35 Agus fhreagair Iosa agus thubhairt e, a' teagas anns an teampull, Cionnus a tha na sgrìobhaichean ag ràdh gur e Criosd Mac Daibhidh?

36 Oir thubhairt Daibhidh féin troimh an Spiorad naomh, Thubhairt an Tighearn ri m' Thighearn-sa, Suidh air mo làimh dheis, gu's an cuir mi do naimhdean 'n an stòl fo d' chosaibh;

37 Air an aobhar sin tha Daibhidh féin a' gairm a Tighearn dheth; cionnusma seadh is e a mhac e? Agus dh'éisd an mòr-shluagh ris gu toilichte.

38 Agus thubhairt e riu 'n a theagasg, Bithibh air blur faicill o na sgrìobhaicheibh, leis an ionmhuinn imeachd ann an culaidhibh fada, agus fàilte fhaotainn air na margaibh,

39 Agus na ceud chaithrichean anns na sionagogaibh, agus na ceud àiteachansuidhe aig na féilibh:

40 A dh'itheas suas tighèan bhantrach, agus air sgàth dealh choslais a ni urnuigh-ean fada: gheibh iad sin an dìteadh a's mò.

41 Agus air do Iosa suidhe fa chomhair àite-coimhid an ionmhais, thug e fainear cionnus a bha 'm pobull a' cur an airgid anns an ionmhas: agus chuir mòran de dhaoimibh saoiibhir mòran ann.

42 Agus air teachd do bhantraich bhochd, thilg i dà bhonn bheag ann, a dheanadh feirling.

43 Agus air dha a dheisciobuil a ghairm d'a ionnsuidh, thubhairt e riu, Gu deimhin tha mi ag ràdh ribh, gu'n do chuir a' bhantrach bhochd so tuilleadh 's an ionmhas, na iadsan uile a thilg ann.

44 Oir thilg iadsan uile ann d'am mòr-phailteas; ach thilg ise as a gainne na bha aice uile, eadhon a beathachadh gu h-iomlan.

## CAIB. XIII.

1 Dh'innis Criosd roimh laimh sgrìos an teampull, 9 gaur-leanmhuinn air son an t-soisgeil, 10 gur éigin an soisgeul a bhà air a shearmonachadh do gach uile chinneach; 14 agus gu'n tig àmhgharan mòra air na h-Iudhaich; 24 Dòigh a theachd-san chum breitheanais, &c.

**A** Gus an uair a bha e 'dol a mach as an teampull, thubhairt neach d'a dheisciobuibh ris, A Mhaighstir, feuch, ciod e a' ghnè chlach so, agus ciod e a' ghnè aitheirbh so!

2 Agus fhreagair Iosa agus thubhairt e ris, An faic thu an aitreabh mhòr so? cha-n



fhàgar elach air muin cloiche, nach sgarar o' chéile.

3 Agus 'n uair a shuidh e air sliabh nan crann-olaigh, fa chomhair an teampuill, dh'fheobraich Peadar, agus Seumas, agus Eoin, agus Andreas 'an uaignidheas deth,

4 Innis duine e c'uin a bhitheas na nithean sin, agus ciod e 'n comharadh 'n uair a bhitheas na nithean sin gu léir air an coimhlionadh.

5 Agus fhreagair Iosa iad, agus thòisich e air a ràdh, Thugaibh an aire nach meall aon neach sibh:

6 Oir thig mòran ann am ainm-sa, ag ràdh, Is mise e: agus meallaidh iad mòran.

7 Agus an uair a chluinnas sibh coganuan, agus tuairisgeul chogannan, na bitheadh buaireas oirbh: oir is éigin iad so teachd; ach cha-n'èil a chrìoch ann fathast.

8 Oir éiridh cinneach an aghaidh cinnich, agus rioghachd an aghaidh rioghachd: agus bithidh critheaman talmhainn ann an iomadh àit, agus bithidh gorta agus trioblaidhean anu: is iad sin toiseach dhòrnuinean.

9 Ach thugaibh an aire dhuibh féin: oir bheir iad thairis sibh do chomhairlibh: agus anns na sionagogaibh sgiùrsar sibh, agus cuirear sibh an làthair uachdaran agus rìghrean air mo shonsa, mar fhianuis dhoibh-san.

10 Agus is éigin air tùs an soisgeul a bhi air a shearmonachadh do na h-uile chinich.

11 Ach an uair a bheir iad leo sibh, 'g'ur tabhairt thairis, na bitheadh e 'n a ro-chùran oirbh ciod e a labhras sibh, agus na smuainicibh roimh-laimh air: ach ge b'e ni a bheirear dhuibh 's an uair sin féin, abraibh e: oir cha sibhse a tha 'labhairt, ach an Spiorad naomh.

12 Agus bheir am bràthair a bhràthair thairis chum bàis, agus an t-athair a mhac: agus éiridh a' chlann suas an aghaidh am pàrantan, agus bheir iad faicear an cur gu bàs.

13 Agus bithidh sibh air bhuir fuathachadh leis na h-uile dhaoineibh air sgàth m'ainm-sa: ach an ti a bhuanaicheas chum na crìche, is e so a shaorar.

14 Ach an uair a chi sibh gràineileachd an léir-sgrìos, air an do labhair Daniel am fàidh, 'n a seasamh anns an ionad 's nach bu chòir dhi, (tuigeadh an ti a leughas,) an sin teicheadh iadsan, a tha ann an tìr Iudea, chum nam beann:

15 Agus na tigeadh esan a tha air mullach an tìghe, a nuas do'n tìgh, agus na rachadh e steach, a thoirt ni air bith as a thìgh.

16 Agus an ti a tha 's a' mhachair, na pill-cadh e air ais a thogail 'Thalluin leis.

17 Ach mo thruaigh iad na mnathan sin a tha torrach, agus iadsan a tha 'toirt cìche 's na làithibh sin!

18 Agus guidhibh-sa gun bhuir teicheadh a bhi 's a' gheamlabradh.

19 Oir bithidh àmhghar anns na làithibh sin, anhuil nach robh a leithid anu o thoiseach na cruitheachd a chruthaich Dia, gus a nis, agus nach mò a bhitheas.

20 Agus mur giorraicheadh an Tighearn na làithean ud, cha rachadh feoil air bith as: ach air son an t-sluaigh thaghta, a thagh e féin, ghiorraich e na làithean ud.

21 Agus an sin na their neach air bith ribh, 'Feuch, tha Crìosd an so, no, Feuch, tha e 'n sin, na creidibh e:

22 Oir éiridh Crìosdan bréige, agus fàidhean bréige, agus ni iad comharan, agus mìorb' huilean, chum, nam bu chomasach e, na daoine taghta féin a mhealladh.

23 Agus thugaibh-sa an aire: feuch, roimh-innis mi dhuibh na h-uile nithean.

24 Ach anns na làithibh sin, an déigh an àmhghair ud, bithidh a' ghrian air a dorchachadh, agus cha toir a' ghealach a solus uaipe;

25 Agus tuitidh reultan nèimh, agus bithidh na cumhachdan a tha 's na nèimhan air an crathadh.

26 Agus an sin chi iad Mac an duine a' teachd anns ua neulaibh, uaille ri mòr-chumhachd, agus glòir.

27 Agus an sin cuiridh e 'aingil a mach, agus cruinnichidh e r'a chéile a dhaoine taghta féin o na ceithir gaiothaibh, o leth-iomall na talmhainn gu leth-iomall nèimh.

28 A nis fòghlumaibh cosamhlachd o 'n chraoibh-flhige: An uair a bhitheas a geug a nis maoth, agus a chuireas i mach a duilleach, tha fhios agaibh gu bheil an samhradh am fagus:

29 Agus mar an ceudna sibhse, an uair a chi sibh na nithean sin a' tachairt, biodh fhios agaibh gu bheil e 'm fagus, eadhon aig na dorsaibh.

30 Gu deimhin tha mi ag ràdh ribh, nach téid an ginealach so thairis, gus an coimhlionar na nithean sin uile.

31 Théid nèamh agus talamh seachad; ach cha téid m' fhocail-sa seachad a chaoidh.

32 Ach cha-n'èil fios an là uo ua h-uaire sin aig neach air bith, cha-n'èil aig na h-ainglibh a tha air nèamh, uo aig a' Mhac, ach aig an Athair.

33 Thugaibh faicear, deanaibh faire agus urnaigh: oir cha-n'èil fhios agaibh c'uin a thig an t-àm.

34 Oir tha Mac an duine mar dhuine a chaidh air thurus, agus a dh'fhàg a thìgh féin, agus a thug d'a sheirbhiseich cumhachd, agus 'obair féin do gach neach, agus a thug aithne do'n dorsair faire a dheanamh.

35 Uime sin deanaibh-sa faire, (oir cha-n'èil fhios agaibh c'uin a thig maighstir an tìghe; an ann air feasgar, no air mheadhon-oidheche, no aig gairm-choileach, no anns a' mhaduinn;)

36 Air eagal air teachd dha gu h-obann, gu'm faigh e sibh 'u 'ur codal.

37 Agus na nithean a tha mi ag ràdh ribhse, tha mi ag ràdh ris na h-uile dhaoinibh, Deanaibh faire.

CAIB. XIV.

1 *Comhairle an aghaidh Chriosd.* 3 *Dhòirtadh oladh phrìseil air a cheann.* 10 *Reic Iudas a Mhaighstir air son airgid.* 12 *Tha Crìosd féin ag innseadh roimh-làimh cionnus a bha e gu bhith air a bhrath le h-aon d'a dheisciobluibh.* 22 *Dh'òrduich e an t-suipeir naomh, &c.*

**A** GUS bha a' chàisg, agus féill an arain neo-ghoirtichte au déigh dà là: agus dh'iarr na h-àrd-shagartan agns na sgrìobhaichean, cionnus a ghlacadh iad esan le foill, agus a chuireadh iad gu bàs e.

2 Ach thubhairt iad, Cha-n ann air an fhéill, air eagal gu'n éirich buaireas am measg an t-sluaigh.

3 Agus air dha bhi ann am Betani, ann an tigh Shimoin an lobhair, an uair a bha e 'n a shuidhe air bòrd, thàinig bean, aig an robh bocsa alabastair de olaidh spianaird, ro luachmhoir; agus bhris i am bocsa, agus dhòirt i air a cheann e.

4 Agus bha cuid diubh diombach annta féiu, agus ag ràdh, 'Car sou a rinneadh an t-ana-caitheadh os air an olaidh?

5 Oir dh'fheudadh i bhi air a reic air son tuilleadh na trì cheud peghinn, agns air a toirt do na bochdaibh. Agus rinn iad gearan 'n a h-aghaidh.

6 Ach thubhairt Iosa, Leigibh leatha: e'ar son a tha sibh a' cur dragha oirre? rinu i obair mhaith ormsa.

7 Oir tha ua bochdan a ghnàth maille ribh, agus ge b'e uair is àill leibh, feudaibh sibh maith a dheanamh dhoibh: ach cha-n'èil mise a ghnàth agaibh.

8 Rim i na dh'fheudadh i: thàinig i roimh-làimh a dh'ungadh mo chuirp chum adhlac.

9 Gu deimhin tha mi ag ràdh ribh, Ge b'e carrann air bith air feadh an domhain uile ann bi an soisgeul so air a shearmonachadh, bithidh mar an ceudna an nì so a rinn i air innseadh, mar chiumhne oirre.

10 Agus dh'imich Iudas Iscariot, aon de'n dà fhear dheug, chum nan àrd-shagart, gu esan a bhrath dhoibh.

11 Agus 'n uair a chual iadsan so, bha iad aoibhneach, agus gheall iad airgid a thoirt da. Agus dh'iarr e cionnus a dh'fheudadh e gu h-iomchuid esan a bhrath.

12 Agus air a' cheud là de fhéill an arain neo-ghoirtichte, an uair bu ghnàth leo an t-uain cùise a mharbhadh, thubhairt a dheisciobuil ris, C'ait an toil leat sìme dhol a dh'ulluchadh, chum gu'n itheadh tu a' chàisg?

13 Agus chuir e dithis d'a dheisciobluibh, agus thubhairt e riu, Rachaibh a steach do'n bhaile, agus coinnichidh duine sibh a' giulan soithich uisge: leanaibh e.

14 Agus ge b'e àit an téid e stigh, abraibh-

sa ri fear-an-tighe, Tha am Mhaighstir ag ràdh, C'ait am bheil an seòmar aoidheachd, anns an ith mi a' chàisg maille ri m' dheisciobluibh?

15 Agus nochdaidh esan dhuibh seòmar àrd, farsuinn, 'n a làn uidheam agus deas-aichte: an sin ulluichibh dhuinn.

16 Agus chaidh a dheisciobuil a mach, agus thàinig iad do'n bhaile, agus fhuair iad mar thubhairt e riu: agus dh'ulluich iad a' chàisg.

17 Agns air teachd do'n fheasgar, thàinig esan maille ris an dà fhear dheug.

18 Agus an uair a bha iad 'n an suidhe, agus ag itheadh, thubhairt Iosa, Gu deimhin tha mi ag ràdh ribh, gu'm brath aon agaibhsa, a tha 'g itheadh maille rium, mise.

19 Agus thòisich iad air a bhi dubhach, agus air a ràdh ris an déigh a chéile, Am mise e? agns fear eile, Am mise e?

20 Agns air freagairt dhàsan thubhairt e riu, Is fear de'n dà fhear dheug e, a tha 'tumadh maille riumsa 's a' mhèis.

21 Tha mac an duine gu deimhin ag im-eachd, mar tha e sgrìobhta uime, ach is an-aoibhinn do'n fhear sin le'm brathar Mac an duine: bu mhaith do'n duine sin mur beirteadh riamh e.

22 Agus ag itheadh dhoibh, ghlac Iosa aran, agus an déigh a bheannachadh, bhris e, agus thug e dhoibhsan e, agus thubhairt e, Gabhaibh, ithibh: is e so mo chorp-sa.

23 Agus air glacadh a' chupaui, agus air tabhairt buidheachais, thug e dhoibhsan e: agus dh'òl iad uile as.

24 Agus thubhairt e riu, Is i so m'fhuil-sa an Tionnaidh-nuaidh, a dhòirtear air son mhòran.

25 Gu deimhin tha mi ag ràdh ribh, Nach òl mi nì's mò de thoradh na fionain, gns an là sin 's an òl mi nuadh e ann an rìoghachd Dhé.

26 Agus air dhoibh laoidh a sheinn, chaidh iad a mach gu sliabh nan crann-olaidh.

27 Agus thubhairt Iosa riu, Gheibh sibh uile oibheum annam-sa an nochd: oir tha e sgrìobhta, Buailidh mi am buachail, agus sgapar na caoraich.

28 Ach an déigh dhomh éirigh, théid mi roimhùb do Ghalile.

29 Ach thubhairt Peadar ris, Ged fhaigh iadsan uile oibheum annad, gidheadh cha-n fhaigh mise e.

30 Agus thubhairt Iosa ris, Gu deimhin tha mi ag ràdh riut, An diugh, air an oidhehe so féin, nu'n goir an coilcach dà uair, gu'n àicheadh thusa mi trì uairean.

31 Ach is ro mhòd a thubhairt esan, Ged is éigin domh an bàs fhulang maille riut, cha-n àicheadh mi chaidh thu. Agus mar sin thubhairt càch uile mar an ceudna.

32 Agus thàinig iad gu ionad d'am b'ainm Getsemane; agus thubhairt e r'a dheisciobluibh, Suidhibh-sa an so, gus an dean mise urnuigh.



33 Agus thug e leis Peadar, agus Seumas, agus Eoin, agus thòisich e air a bhi fo uamhunn, agus fo anabarra bròin.

34 Agus thubhairt e riu, Tha m'anam ro bhrònach, eadhon gu bàs : fanaibh-sa an so, agus deanaibh faire.

35 Agus chaidh e beagan air aghaidh, agus thuit e air an talamh, agus rinn e urnuigh, nam bu chomasach e, gu'n rachadh an uair thairis air.

36 Agus thubhairt e, Abba, Athair, tha gach ni so-dheanta dhuitse ; cuir an cupan so seachad orm : gidheadh, na b'e an ni a b'aill leamsa, ach an ni a's toil leatsa.

37 Agus thàinig e, agus fhuair e iadsan 'n an codal, agus thubhairt e ri Peadar, A Shimoin, am bheil thu a'd' chodal? nach b'urrainn thu faire a dheanamh aon uair?

38 Deanaibh faire agus urnuigh, chum nach tuit sibh ann am buaireadh : *tha* an spiorad gu deimhin togarrach, ach *tha* an fheoil annhunn.

39 Agus air dha imeachd a rìs, rinn e urnuigh, ag ràdh nam briathran ceudna.

40 Agus an uair a phill e, fhuair e iad a rìs 'n an codal, (oir bha'n sùilean trom), agus cha robh fhios aca cionnus a bheircadh iad freagradh air.

41 Agus thàinig e an treas uair, agus thubhairt e riu, Coidlibh roimhibh a nis, agus gabhaibh fois : is leoir e, thàinig au uair; feuch, tha Mac an duine air a bhrath thairis do làmhnan nam peacach.

42 Eiribh, imicheamaid; feuch, tha an ti a bhrathas mise am fagus.

43 Agus air ball, air dha bhi fathast a' labhairt, thàinig Iudas, aon de'n dà fhear dheug, agus sluagh mòr maille ris le claidhibh agus bataichibh, o na h-àrd-shagartaibh, agus na sgrìobhaichibh, agus na seanairibh.

44 Agus bha an ti a bhrath esan air toirt comharaidh dhoibh, ag ràdh, Ge b'e neach d'an toir mise pòg, is e sin e; glacaibh e, agus thugaibh leibh e gu tèaruinte.

45 Agus air teachd dha, chaidh e air ball d'a ionnsuidh-san, agus thubhairt e, Fàilte dhuit, a mhaighstir; agus phòg se e.

46 Agus chuir iadsan làmh ann, agus ghlac iad e.

47 Agus air tarruing claidheimh do fhear de na bha làthair, bhuail e òglach au àrd-shagairt, agus ghearr e a chluas deth.

48 Agus fhreagair Iosa agus thubhairt e riu, An d'thàinig sibh a mach gu moghlac-adh-sa, mar gu'm b'ann an aghaidh fir-reubainn le claidhibh agus le bataichibh?

49 Bha mi gach là maille ribh 's an teampull, a' teagasg, agus cha do ghlac sibh mi: ach *tha* so chum gu'm bitheadh na sgrìob-tuirean air an coimhlionadh.

50 Agus air do na h-uile a thrèigsinn, theich iad.

51 Agus lean òganach àraidh e, aig an

robh lìon-eudach air a chur m'a chorp lomnochd; agus rug na h-òganaich air.

52 Ach air dhàsan an lìon-eudach fhàgail, theich e lomnochd uatha.

53 Agus thug iad leo Iosa. chum an àrd-shagairt: agus chruinnicheadh maille ris na h-àrd-shagartan uile, agus na seanairean, agus na sgrìobhaichean.

54 Agus lean Peadar e fada uatha, gus an deachaidh e steach do thalla an àrd-shagairt: agus bha e 'n a shuidhe maille ris na seirbhìsich, agus 'g a gharadh ris an teine.

55 Agus dh'iarr na h-àrd-shagartan, agus a' chomhairle uile fianuis an aghaidh Iosa, chum a chur gu bàs; agus cha d'fhuair iad.

56 Oir rinn mòran dhaoine fianuis bhréige 'n a aghaidh, ach cha do chòird am fianuis r'a chèile.

57 Agus dh'éirich dream àraidh, agus thug iad fianuis bhréige 'n a aghaidh, ag ràdh,

58 Chuala sinn e ag ràdh, Leagaidh mi sìos an teampull so, a rinneadh le làmhnan, agus ann an trì làithibh, togaidh mi teampull eile neo-dheanta le làmhnan.

59 Agus mar sin féin cha robh am fianuis a' teachd air a chèile.

60 Agus air éirigh suas do'n àrd-shagart 's a' mheadhon, chuir e ceisd air Iosa, ag ràdh, Nach toir thu freagradh air bith uait? ciod sin ma bheil iad so a' toirt fianuis a'd' aghaidh?

61 Ach dh'fhan esan 'n a thosd, agus cha do fhreagair e ni sam bith. A rìs dh'fheòraich an t-àrd-shagart deth, agus thubhairt e ris, Au tu Criosd, Mac an ti bheannaichte?

62 Agus thubhairt Iosa, Is mi: agus chi sibh Mac an duine 'n a shuidhe air deas làimh cumhachd *Dhè*, agus a' teachd le neulaibh nèimh.

63 An sin reub an t-àrd-shagart 'eudach, agus thubhairt e, Ciod am feum a tha againn tuilleadh air fianuisibh?

64 Chuala sibh an toibheum: ciod i bhur barail-sa? Agus thug iad uile breth 'n a aghaidh gu'n do thoill e am bàs.

65 Agus thòisich cuid diubh air smugaid a thilgeadh air, agus 'a'ghaidh fholach, agus a bhualadh le'n dornaibh, agus a radh ris, Dean fàidheadaireachd: agus ghabh na seirbhìsich le 'm basaibh air.

66 Agus air do Pheadar a bhi shìos anns an talla, thàinig aon de bhanoglaich an àrd-shagairt:

67 Agus an uair a chunnaic i Peadar 'g a gharadh, agus air dhi beachdachadh air, thubhairt i ris, Bha thusa cuideachd maille ri Iosa o Nasaret.

68 Ach dh'àicheadh esan, ag ràdh, Cha-n aithne dhomh, agus cha-n'eil mi 'tuigsinn ciod a tha thu 'g ràdh. Agus chaidh esan a mach do'n fhor-dhorus; agus ghoir an coileach.

69 Agus air do bhanoglaich fhaicinn a ris, thòisich i air a ràdh riu-san a bha 'n an seasamh a làthair, Is ann diubh a tha 'm fear so.

70 Agus dh'àicheadh e ris. Agus an ceann beagan ùine 'n a dhéigh sin, thubhairt iadsan a bha 'n an seasamh a làthair a ris ri Peadar, Gu fìrinneach is ann diubh sud thu: oir is Galiléach thu, agus is cosmhuil do chainut riu.

71 Ach thòisich esan air mallachadh agus air miounachadh, *ag ràdh*, Cha-n aithne dhomh an duine so mu 'm bheil sibh a' labhairt.

72 Agus ghoir an coileach an dara uair. Agus chuimhnich Peadar am focal a thubhairt Iosa ris. Mu'n goir an coileach dà uair, àicheadhaidh tu mi trì uairean. Agus an uair a smuainich e air, ghlui e.

# CAIB. XV.

1 Thugadh Iosa ceangailte an làthair Philait.

15 Air son glaothaich an t-sluaigh chaidh mortair, eadhon Barabas, a leigeil as, agus Iosa a thoirt thairis gu bhì air a cheusadh: 17 Chuireadh coron sgìthich air, 19 chaidh smugaid a thilgeadh air, 20 agus fanoid a dheanamh air. 21 Chuir iad Simon aghiulan a' chroim-cheusaidh; 27 chrochadh e eadar dà ghaduiche, &c.

**A**GUS air ball 's a' uhaduinn chum na h-àrd-shagartau maille ris na sean-airibh, agus na sgrìobhaichibh, agus a' chomhairle gu h-ìomlaid, comhairle, agus air dhoibh Iosa a cheangal, thug iad leo e, agus thug iad thairis e do Philat.

2 Agus dh'fhiosraich Pilat deth, An tusa rìgh nan Iudhach? Agus air freagairt dha, thubhairt e ris, Thubhairt thu e.

3 Agus chuir na h-àrd-shagartan mòran de nithean as a leth: ach cha do fhreagair esan aon ni.

4 Agus chuir Pilat a ris ceisd air, ag ràdh, Nach freagair thu ni sam bith? feuch cia hion ni air am bheil iad sin a' toirt fianuis a'd' aghaidh.

5 Ach cha do fhreagair Iosa ni sam bith tuilleadh; air chor as gu'n do ghabh Pilat iongantais.

6 A nis air an fhéill bu ghnàth leis aon phrìosa-uach, ge b'e air bith a dh'iarradh iad, a leigeadh as doibh.

7 Agus bha *neach àraidh* d'am b'ainm Barabas, ceangailte maille r'a chompanaich-ceannaire, muinntir a bha air deanamh mortaidh anns a' cheannaire.

8 Agus air glaothaich gu h-àrd do'n t-sluaigh, thòisich iad air iarraidh air, a dheanamh dhoibh mar a rinn e 'an còmh-nuidh.

9 Ach fhreagair Pilat iad, ag ràdh, An àill leibh gu'n cuir mi Rìgh nan Iudhach fa sgaoil duibh?

10 (Oir bha fhios aige gu'm b'ann troimh fharmad a thug na h-àrd-shagartan thairis e.)

11 Ach bhrosnuich na h-àrd-shagartan, an sluaigh, chum gu'm b'fhearr leis Barabas a chur fa sgaoil doibh.

12 Agus fhreagair Pilat, agus thubhairt e riu a ris, Ciod na seadh a's àill leibh mi a dheanamh ris an duine sin, d' au goir sibh Rìgh nan Iudhach?

13 Agus ghlaodh iad a ris, Ceus e.

14 Au sin thubhairt Pilat riu, Car son, ciod e 'n t-òle a rinn e? Ach bu ro mhòid a ghlaodh iadsan, Ceus e.

15 Agus air do Philat a bhi toilcach gnìomh taitneach a dheanamh do'n t-sluaigh, dh'fhuasgail e Barabas dhoibh, agus thug e thairis Iosa, an déigh dha a sgiùrsadh, chum a cheusadh.

16 Agus thug na saighdearan leo e steach do'n talla, eadhon cùirt an uachdarain: agus ghairm iad a' chuideachd uile an ceann a chéile.

17 Agus chuir iad uime eudach purpur, agus air dhoibh coron droighinn fhligheadh, chuir iad air e.

18 Agus thòisich iad air beannachadh dha, *ag ràdh*, Fàilte dhuit, a Rìgh nan Iudhach!

19 Agus bhuail iad 's a' cheann e le slait chuilce, agus thilg iad smugaid air, agus a' lùbadh an glùn, rinn iad aoradh dha.

20 Agus an déigh dhoibh fanoid a dheanamh air, thug iad deth an t-eudach purpur, agus chuir iad 'eudach féin uime, agus thug iad a mach e chum gu'n ceusadh iad e.

21 Agus dh'éignich iad duine àraidh a bha 'dol seachad, Simon o Chirene, (athair Alecsandair agus Rufuis, a bha 'teachd as a' mhachair,) chum a chrann-ceusaidh a ghiulan.

22 Agus thug iad e gu ionad d'am b'ainm Golgota, is e sin air eadar-theangachadh, àite cloiginn.

23 Agus thug iad da r'a òl, fìon air a mheasgadh le mirr: ach cha do ghabh esan e.

24 Agus an uair a cheus iad e, roinn iad a thrusgan, a' tilgeadh croim air, ciod a' chuid a bhiodh aig gach duine dheth.

25 Agus bha 'n treas uair ann; agus cheus iad e.

26 Agus bha sgrìobhadh a chùise-ditidh air a sgrìobhadh os a cheann, RÌGH NAN IUDHACH.

27 Agus cheus iad maille ris dà ghaduiche; fear air a làimh dheis, agus fear air a làimh chli.

28 An 'sin choimhlionadh au sgrìobtuir, a thubhairt, Agus bha e air àireamh am measg nan ciontach.

29 Agus thug iadsan a bha 'dol seachad anacaint da, a' crathadh an ceann, agus ag ràdh, O thusa a leagas an teampull, agus a thogas e ann an trì làitheibh,

30 Fòir ort féin, agus thig a mnas o'n chram-cheusaidh.



31 Agusmar au ceudna thubhairt na h-àrd-shagartan agus na sgrìobhaichean r'a chéile, a' fanoid air, Shaor e daoine eile; cha-n'éil e comasach air e féin a shaoradh.

32 Thigeadh a nis Criosd Rìgh Israeil a nuas o'n chram-chensaidh, chum gu'm faic agus gu'n creid sinn. Agus thug iadsan a chaidh a cheusadh maille ris, anacainnt da.

33 Agus an uair a thàinig an scathamh uair, bha dorchadas air an talamh uile, gu ruig an naothamh uair.

34 Agus air an naothamh uair dh'éigh Iosa le guth àrd, ag ràdh, Eloi, Eloi, lama sabachtani? is e sin, air eadar-theangachadh, Mo Dhia, mo Dhia, c'ar son a thréig thu mi?

35 Agus air cluinntinn sin do chuid diubhsan a bha 'n an seasamh a làthair, thubhairt iad, Feuch, tha e a' gairm Eliais.

36 Agus ruith fear dhiubh, agus air dha spòg a lionadh de fhion geur agus a cur air slait chuilec, thug e deoch dha, ag ràdh, Leigibh leis; faicemaid an tig Elias g'a thoirt a nuas.

37 Agus air do Iosa éigheach le guth àrd, thug e suas an deò.

38 Agus bha brat-roinn an teampuill air a reubadh 'n a dhà chuid o mhullach gu ìochdar.

39 Agus an uair a chunnaic an ceannard-ceud, a bha 'n a sheasamh fa chomhair, gu'n d'thug e suas an deò, a' glaochaich mar sin, thubhairt e, Gu frinneach b'e 'n duine so Mac Dhé.

40 Agus bha mar an ceudna muathan 'am fad uatha ag amhare: 'n am measg sin bha Muire Magdalen, agus Muire màthair Sheumais a bu lugha, agus Ioseis, agus Salome;

41 Muinntir a lean e mar an ceudna, an uair a bha e ann an Galile, agus a bha 'frithealadh dha; agus mòran eile de mhnaibh a chaidh suas maille ris gu Ierusalem.

42 Agus a nis air teachd do'n fheasgar, (a chionn gu'm b'e là an ulluchaidh e, eadhon an là roimh an t-sàbaid.)

43 Thàinig Ioseph o Arimatea, comhairleach nramach, aig an robh mar an ceudna sìrl ri rioghachd Dhé, agus chaidh e steach gu dàna dh'ìousuidh Philat, agus dh'iarr e corp Iosa.

44 Agus b'ìoghnadh le Pilat ma bha e cheana marbh: Agus air dha an ceannard-ceud a ghairm, dh'fhiosraich e dhieth, An robh fad' o fhuair e bàs.

45 Agus air dha fios fhaotainu o'n cheannard-ceud, thug e 'u corp do Ioseph.

46 Agus cheannaich esan lion-eudach grinn, agus thug e nuas e, agus phaisg e 's an lion-eudach e, agus clmhr se e ann an uaign a chladhaicheadh á carraig, agus charuich e clach gu dorus na h-uaigne.

47 Agus dh'amaire Muire Magdalen, agus

Muire màthair Ioseis, air an àite 's an do chuircadh e.

## CAIB. XVI.

1 *Chuir aingeal 'an céll aiseirigh Chriosd do thri mnaibh. 9 Dh'fhoillsicheadh Criosd do Mhuire Magdalen; 12 Chunnacas e le dùthas a bhà 'dol do'n dùthaich; 14 an déigh sin leis na h-Abstoil; 15 chuir e mach iad a shear-monachadh an t-soisgeil; 19 agus chaidh e féin suas gu nèamh.*

**A**GUS air dol do'n t-sàbaid seachad, cheannaich Muire Magdalen, agus Muire màthair Sheumais, agus Salome, spiosraidh deadh fhàile, chum air dhoibh teachd gu'n ungadh iad e.

2 Agus thàinig iad gu ro mhoch air mad-uinn a' cheud là de'n t-seachdain chum na h-uaigne, aig éirigh na gréine.

3 Agus thubhairt iad catorra féin, Cò a charuicheas dhuinn a' chlach o dhorus na h-uaigne?

4 (Agus air dhoibh amharc, ehunnaic iad gu'n robh a' chlach air a h-atharrachadh air falbh,) oir bha i ro mhòr.

5 Agus air dhoibh dol a stigh do'n àit-adhlacaidh, chunnaic iad òganach 'n a shuidhe air an làimh dhlis, mu 'n robh trusgan fada geal; agus bha eagal orra.

6 Agus thubhairt esan riu, Na bithcadh eagal oirbh: tha sibh ag iarraidh Iosa o Nasaret, a cheusadh: dh'éirich e, cha-n'éil e 'n so: faicibh an t-àit anns an do chuir iad e:

7 Ach imichibh, innsibh d'a dheisciobluibh agus do Pheadar, gu bheil e dol roimhibh do Ghàile: chi sibh an sin e, mar thubhairt e ribh.

8 Agus air dol a mach dhoibh, theich iad o'n uaign; oir bha ball-chrith agus uamhuun orra: agus cha dubhairt iad ni sam bith ri neach air bith; oir bha eagal orra.

9 Agus air éirigh do Iosa 's a' mhaduinn air a' cheud là de'n t-seachdain, nochdadh e air tùs do Mhuire Magdalen, as an do thilg e seachd deamhain.

10 Agus air imeachd dhise, dh'innis i sin dhoibh-san a bha maille ris, agus iad ri bròn agus gul.

11 Agus iadsan, an uair a chual' iad gu'n robh e beò, agus gu'm facadh leatha-sa e, cha do chreid iad.

12 'N a dhéigh sin, nochdadh e do dhithlis diubh ann an cruth eile, ag imeachd dhoibh, agus iad a' dol do'n dùthaich.

13 Agus dh'innich iadsan agus dh'innis iad e do chàch: agus cha mhò a chreid iad iadsan.

14 An déigh sin nochdadh e do'n aon fhear deug, agus iad 'n an suidhe aig biadh, agus thilg e orra am mi-chreidinn, agus an cruas-eridhe, a chionn nach do chreid iad iadsan a 'ehunnaic e an déigh dha éirigh.

15 Agus thubhairt e riu, Imichibh air

feadh an t-saoghail uile, agus searmonaichibh a' soisgeul do gach duil.

16 Ge b'e 'chreideas agus a bhaistear, saorar e, ach ge b'e nach creid, dìtear e.

17 Agus leanaidh na comharan so an dream a chreideas: Ann am ainm-sa tilgidh iad a mach deamhau; labhraidh iad le teangaibh muadha;

18 Togaidh iad nathraichean nimhe; agus ma dh'òlas iad ni air bith marbhtach, cha

chiùrr e iad; cuiridh iad an lannan air daoineibh tinne, agus bithidh iad slàn.

19 Mar sin an déigh do'u Tighearn labhairt riu, ghabhadh suas gu nèamh e, agus shuidh e air deas làimh Dhé.

20 Agus air dhoibh-san dol a mach, shearmonaich iad auns gach àit, air bhi do'n Tighearn a' co-oibreachadh leo, agus a' daingneachadh an fhocail leis na comhar-aibh a lean e. Amen.

## AN SOISGEUL

A REIR

# LUCAS.

CATB. I.

1 *Roinn-radh Lucas d'a shoisgeul gu h-ìomlan*  
5 *Ghabhadh Eoin Baistidh 'am broinn Elis-*  
*abet. 26 agus Chrìosd 'am broinn Mhuire. 39*  
*Fàidheadaireachd Elisabet, agus Mhuire mu*  
*thinchìoll Chrìosd. 57 Breith Eoin Baistidh.*

**D**O bhrìgh gu'n do ghabh mòrau os làimh eachdraidh a sgrìobhadh ann an ordugh air na nithibh sin a tha air an coimhlionadh 'u ar measg-ne,

2 A réir mar a dh'aithris na daoine sin dhuinne iad, a chunnaic iad o thùs le 'n sùilibh, agus a bha 'n an luchd-frithealaidh an fhocail:

3 Chunnacas iomhuidh dhomh-sa mar an ceudna, a Theophylus ro oirdheire, air faotainn dearbh fhios nan uile nithean dhomh o'n fhìor thoiseach, sgrìobhadh a d' ionnsuidh-sa 'an ordugh,

4 Chum gu'm bitheadh fios agad air cinnteachd nan nithean auns an deachaidh do theagasg.

5 **B**HA ann an làithibh Heroid rìgh Iudea, sagart àraidh d'am b'ainm Sacharias, de sheal Abia; agus bha a bhean de nigheanaibh Aaroin, agus b'ainm dhi Elisabet.

6 Agus bha iad le 'chéile ionraic 'am fianuis Dhé, ag imeachd ann an uile àiteantaibh agus orduighibh an Tighearna, gu neo-lochdach.

7 Agus cha robh duine cloinne aca, do bhrìgh gu'n robh Elisabet uco-thorrach, agus bha iad le 'chéile aosmhor.

8 Agus tharladh, ann feadh a bha esan a' frithealachadh nuar shagart an làthair Dhé ann an ordugh a sheala,

9 A réir gnàtha na sagartachd, b'e a chranuchur tùis a losgadh, air dha dol a steach do theampull an Tighearna.

10 Agus bha coimhlìonal an t-sluaigh uile a' deanamh urrigh a muigh, ri àm na tùise.

11 Agus chunnacas leis-san aingeal an Tighearna 'n a sheasamh air taobh deas altarach na tùise.

12 Agus an uair a chunnaic Sacharias e, bha e fo thrioblaid, agus thuit eagal air.

13 Ach thubhairt an t-aingeal ris, Na gabh eagal, a Shachariais; oir fhuair d'urnuigh éisdeachd, agus beiridh do bhean Elisabet mac dhuìt, agus bheir thu Eoin mar ainm air.

14 Agus bithidh aobhncas agus subhachas ort; agus ni mòran gairdeachas r'a bhreith.

15 Oir bithidh e mòr an làthair an Tighearna, agus cha-n òl e fion no deoch làidir: agus bithidh e air a lìonadh leis an Spiorad naomh, cadhon o bhroinn a mhàthar.

16 Agus pillidh e mòran de chloinn Israeil chum an Tighearna an Dé.

17 Agus thèid e roimhe-san ann an spiorad agus ann an cumhachd Eliais, a thionndadh cridhe nan aithrichean chum na cloiuue, agus uan eas-umhal gu gliocas nam firean, a dh'ulluchadh pobuill deas do'n Tighearna.

18 Agus thubhairt Sacharias ris an aingeal, Cionnus a bhitheas fhios so agam? oir is seann duine mise, agus tha mo bhean aosmhor.

19 Agus fhreagair an t-aingeal agus thubhairt e ris, Is mise Gabriel a shcasas an làthair Dhé; agus chuireadh mi a labhairt riut-sa, agus a dh'innseadh an naidheachd mhaith so dhuìt.

20 Agus, feuch, bithidh tu balbh agus gun chomas labhairt, gus an là anns an tig na nithean so gu crìch, a chionn uach do chreid thu mo bhriathran-sa, a bhitheas air an coimhlìonadh 'n an àm féin.

21 Agus bha am pobull a' feitheamh ri Sacharias, agus b'iongantach leo a' mhoille a rinn e 's an teampull.

22 Agus an uair a thàinig e mach, cha b'urrainn e labhairt riu: agus thuig iad



gu'm fac e sealladh *nèamhaidh* 's an team-pull: oir bha e 'smèideadh orra, agus dh'fhan e 'n a thosd.

23 Agus tharladh, an uair a choimhlionadh làithean a fhrithcalaidh, gu'n deachaidh e d'a thigh féin.

24 Agus an déigh nan làithean sin dh'fhàs a bhean Elisabet torrach, agus dh'fholaich si i féin rè chùig mìosan, ag ràdh,

25 Is ann mar so a rinn an Tighearn dhomh anns na làithibh air an d'amhaire e orm, a thogail diom mo mhaslaidh am measg dhaoine.

26 Agus anns an t-scathamh mìos, chuir-eachd an t-aingeal Gabriel o Dhia, gu caithir de Ghaille, d'am b'ainm Nasaret,

27 Dh'ionnsuidh òigh a bha fo cheangal pòsaidh aig fear d'am b'ainm Ioseph, de thigh Dhaibhidh; agus *b'e* ainm na h-òigh Muire.

28 Agus air dol a steach do'n aingeal d'a h-ionnsuidh, thubhairt e, Fàilte dhuit, o thusa d'an do nochdadh mòr dheadh-ghean, *tha* an Tighearn maille riut: *is* beannaichte thu am measg bhan.

29 Agus an uair a chunnaic i e, bha i fo thrioblaid inntinn air son a chainnte, agus a' reusonachadh ciod a' ghnè altachadh-beatha 'dh'fheadadh a bhi 'n so.

30 Agus thubhairt an t-aingeal rithe, Na bitheadh eagal ort, a Mhuire: oir fhuair thu deadh-ghean o Dhia.

31 Agus, feuch, gabhaidh tu a'd' bhroinn, agus beiridh tu mac, agus bheir thu Iosa mar ainm air.

32 Bithidh e mòr, agus goirear Mac an Ti a's ro àirde dheth; agus bheir an Tighearn Dia dha rìgh-chaithir 'athar féin Dhaibhidh.

33 Agus bithidh e 'n a Rìgh air tigh Iacoib gu brath, agus cha bhi crìoch air a rìgh-achd.

34 Agus thubhairt Muire ris an aingeal, Cionnus a bhitheas so, do bhrìgh nach 'eil aithne agam-sa air duine?

35 Agus fhreagair an t-aingeal agus thubhairt e rithe, Thig an Spiorad naomh ort, agus cuiridh cumhachd an Ti a's àirde sgàil ort: uime sin an ni naomh sin a bheirear leat, goirear Mac Dhé dheth.

36 Agus, feuch, do bhan-charaid Elisabet, tha ise féin torrach air mac 'n a sean aois; agus is e so an seathamh mìos dhise d'an goirteadh bean neo-thorrach;

37 Oir cha-n'eil ni sam bith do-dheanta do Dhia.

38 Agus thubhairt Muire, Feuch banog-lach an Tighearna; bitheadh e dhomh-sa réir d'fhocail. Agus dh'fhalbhan t-aingeal uaipe.

39 Agus air éirigh do Mhuire 's na làithibh sin, chaidh i le cabhaig do dhùthaich nam beann, gu baile de Iuda,

40 Agus chaidh i steach do thigh Shachar-lais, agus chuir i fàilte air Elisabet.

41 Agus tharladh, an uair a chual' Elisabet beannachadh Mhuire, gu'n do leum an naoidhean 'n a broinn: agus lionadh Elisabet leis an Spiorad naomh.

42 Agus ghlaodh i mach le guth àrd, agus thubhairt i, *Is* beannaichte thu am measg bhan, agus *is* beannaichte toradh do bhronn.

43 Agus cionnus a *dh'éirich* so dhomh-sa, gu'n tigeadh màthair mo Thighearn' a m' ionnsuidh?

44 Oir feuch, co luath as a thàinig fuaim do bheannachaidh a'm' chluasaibh, bhriosgan naoidhean le h-aobhlneas ann am bhroinn.

45 Agus is beannaichte ise a chreid: oir coimhlionar na nithean a labhradh rithe leis an Tighearn.

46 Agus thubhairt Muire, Tha m'anam ag àrd-mholadh an Tighearna,

47 Agus tha mo spiorad a' dcanamh gairdeachais ann an Dia mo Shlànuidhear:

48 A chionn gu'n d'amhaire e air staid iosail a bhanoglaich: oir feuch, o so suas goiridh gach linn beannaichte dhomh.

49 Do bhrìgh gu'n d'rinn an Ti a tha cumhachdach nithean mòra dhomh; agus *is* naomh 'ainm.

50 Agus *tha* a thròcair-san o linn gu linn, do'n dream d'an eagal e.

51 Nochd e neart le 'ghairdean, sgap e na h-uabhrich ann an smuaintibh an cridhe féin.

52 Thug e nuas na daoine cumhachdach o'n caithrichibh rìoghail, agus dh'àrdaich e iadsan a bha iosal.

53 Lìon e 'n dream a bha oerach le nithibh maith; agus chuir e uaith na daoine saobhair falamh.

54 Rinn e còmhnaidh ri Israel' òglach féin, ann an cuimhneachadh a thròcair,

55 Mar a labhair e r'ar n-aithrichibh, do Abraham agus d'a shliochd gu brath.

56 Agus dh'fhan Muire maille rithe mu thimchioll trì mìosan, agus phill i d'a tigh féin.

57 A nis thàinig làn imbhe Elisabet, gu'm bitheadh i air a h-aisead; agus rug i mac.

58 Agus chual' a coimhearsnaich agus a càirdean mar a nochd an Tighearn mòr-thròcair dhi: agus rinn iad gairdeachas maille rithe.

59 Agus tharladh air an ochdamh là gu'n d'thàinig iad a thimchioll-ghearradh an naoidhein; agus ghairm iad Sacharias deth, a réir ainme 'athar.

60 Agus fhreagair a màthair, agus thubhairt i, Ni h-cadh; ach goirear Eoin deth.

61 Agus thubhairt iad rithe, Cha-n'eil aon neach de d' chàirdibh d' an gairmear an t-ainm so.

62 Agus smèid iad air 'athair, ciod an t-ainm a b'ail leis a thoirt air.

63 Agus air iarraidh clàir-sgrìobhaidh dhàsan, sgrìobh e, ag ràdh, *Is e Eoin a's*

ainm dha. Agus ghabh iad iongantais uile.

64 Agus air ball dh'fhosgladh a bheul, agus dh'fhuasgladh a theangadh, agus labhair e, a' moladh Dhé.

65 Agus thàinig eagall air an coimhears-naich uile: agus dh'aithriseadh na nithean sin gu léir feadh dhùthaich àrd Indea uile.

66 Agus iadsan uile a chuala na nithean sin, thaisg iad 'n an cridhe iad, ag ràdh, Ciod a' ghnè leinibh a bhitheas an so? Agus bha làmh an Tighearna maille ris.

67 Agus bha Sacharias 'athair air a lìonadh leis an Spiorad naomh, agus rinn e fàidheadaireachd, ag ràdh,

68 Gu ma beannaichte an Tighearn Dia Israeil, air son gu'n d'fhiosraich e, agus gu'n d'thug e saorsa d'a phobull,

69 Agus gu'n do thòge e suas dhuinne adhare slàinte, ann an tigh Dhaibhidh 'òglaich féin;

70 A réir mar a labhair e le beul 'fhàidh-eann naomha féin, a bha ann o thoiseach an t-saoghail;

71 A thoirt saorsa dhuinn o ar naimhdeibh, agus o làmh na muinntir sin uile le'm fuathach sinn;

72 A choinmhlionadh na tràcear a gheall e d'ar n-aithrichibh, agus a chuimhneachadh a choinnheangail naomh féin;

73 Na mionnan a mhinnaich e d'ar n-athair Abraham,

74 Gu'n tugadh e dhuinn, air dhuinn a bhi air ar saoradh o làmh ar naimhdean, gu'n deanamaid seirbhìs dha as eugmhais eagail.

75 Ann an naomhachd agus ann am fir-eantachd 'n a làthair féin, uile làithean ar beatha.

76 Agus thusa, a leinibh, goirear dhiot Fàidh an Tì a's àirde: oir théid thu roimh aghaidh an Tighearn', a dh'ulluchadh a shlighe;

77 A thoirt eòlais na slàinte d'a phobull, ann am maitheanas an peacaidhean

78 Troimh thròcair ro mhòir ar Dé-ne, leis an dh'fhiosraich an ùr-mhaduinn o'n ionad a's àirde sinn,

79 A thoirt soluis dhoibhsan a tha 'n an suidhe ann an dorchadas agus ann an sgàil a' bhàis, a thròrachadh ar cos air slighe na sìthe.

80 Agus dh'fhàs an leanabh, agus ncartaicheadh 'an spiorad e, agus bha e 's an fhàsach gu là 'fhoillseachaidh do Israel.

#### CAIB. II.

1 *Mheas Augustus Impireachd nan Romanach uile. 6 Breith Chrìosd: 8 chuir aingeal so 'an cèill do na buachaillibh: 13 thug mòran diubh clùid do Dhia air a shon. 21 Tha Crìosd air a thimchioll-ghearradh. 25 Rinn Simeon agus Anna fàidheadaireachd mu thimchioll Chrìosd, &c.*

**A**GUS tharladh 's na làithibh sin, gu'n deachaidh ordugh a mach o Cheasar Augustus, an domhan uile a mheas.

2 (Agus rinneadh an ceud mheas so 'n nair a bha Cirenus 'n a uachdaran air Siria.)

3 Agus chaidh iad uile chum a bhi air am meas, gach aon fa leth d'a bhaile féin.

4 Agus chaidh Ioseph mar an ceudna suas o Ghalile, a' baile Nasaret, do Indea, gu baile Dhaibhidh, d'an gairmeir Betlehem, (do bhrìgh gu'n robh e de thigh agus de shliochd Dhaibhidh.)

5 Chum gu'n bitheadh e air a mheas maille ri Muire a bha fo cheangal pòsaidh dha, agus i mòr-thorrach.

6 Agus tharladh, ann feadh a bha iad an sin, gu'n do choinmhlionadh làithean a h-innbe, chum i bhi air a h-aisead.

7 Agus rug i a ceud-ghlin mic, agus phaisg i e ann am brat-speilidh, agus chuir i 'n a luidhe 'am prasaich e; do bhrìgh nach robh àit aca 's an tigh-òsda.

8 Agus bha anns an dùthaich sin buachaillan a' fantuinn a muigh, agus a' deanamh faire-oidheche air an treud.

9 Agus, feuch, thàinig aingeal an Tighearna orra, agus dhealraich glòir an Tighearna mu'n timchioll; agus ghabh iad eagall mòr.

10 Agus thubhairt an t-aingeal riu, Na bitheadh eagall oirbh: oir feuch, tha mi ag innseadh dhuibh deadh sgeòil mhòr-aoibhneis, a bhitheas do'n uile shluagh:

11 Oir rugadh dhuibh an diugh Slànuidhear, ann am baile Dhaibhidh, neach a's e Crìosd an Tighearn.

12 Agus bithidh so 'n a chomharadh dhuibh: Gheibh sibh an naoidhean paisgte ann am brat-speilidh 'n a luidhe 'am prasaich.

13 Agus air ball bha maille ris an aingeal cuideachd mhòr de armaitibh nheimh, a' moladh Dhé, agus ag ràdh,

14 Glòir do Dhia anns na h-àrdaibh, agus air talamh sìth, deadh-ghean do dhaoibh.

15 Agus tharladh, 'n uair a dh'fhalbh na h-aingean uatha do nheimh, gu'n dubhairt na buachaillan r'a chèile, Rachamaid a nis eadhon do Bhetlehem, agus faiceamaid an nì so a rinneadh, a dh'fhoillsich an Tighearn dhuinne.

16 Agus thàinig iad gu grad, agus fhuair iad Muire agus Ioseph, agus an leanabh 'n a luidhe 's a' phrasaich.

17 Agus an uair a chunnaic iad sin, dh'aithris iad an nì a dh'innseadh dhoibh mu thimchioll an leinibh so.

18 Agus ghabh gach neach a chuala so, iongantais ris na nithibh sin a dh'innseadh dhoibh leis na buachaillibh.

19 Ach ghléidh Muire na nithean sin uile, a' beachd-smuaineachadh orra 'n a cridhe.

20 Agus phill na buachaillan, a' tabhairt glòire agus molaigh do Dhia air son nan nithean sin uile a chual agus a chunnaic iad, a réir mar a labhradh riu.

21 Agus an uair a choinmhlionadh ochd làithean chum an leanabh a thimchioll-



ghearradh, thugadh IOSA mar ainm air, cadhon an t-ainm a ghairm an t-aingeal deth mu'n do ghabhadh 's a' bhroinn e.

22 Agus an uair a choimhlonadh làithean a glanaidh, a réir lagha Mhaois, thug iad esan gu Ierusalem, chum a thaisbeanadh do'n Tighearn;

23 (Mar tha e sgrìobhta ann an lagh an Tighearna, Gach ceud-ghin maic a dh'fhosgla's a' bhrù, gairmear naomh do'n Tighearn e;)

24 Agus a thoirt iobairt a réir mar a theirear ann an lagh an Tighearna, dà thurtur, no dà choluman òg.

25 Agus, feuch, bha duine ann an Ierusalem d'am b'ainm Simeon; agus bha 'n duine so ionraic agus diadhaidh, agus bha dhùil aige ri solas Israeil: agus bha'n Spiorad naomh air.

26 Agus dh'fhoillsichadh dha lois an Spiorad naomh, nach faicheadh e bàs, gus am faicheadh e Crìosd an Tighearn.

27 Agus thàinig e le treòrachadh an Spiorad do'n teampull: Agus an uair a thug na pàrantan an leanabh Iosa a stigh, chum gu'n deanadh iad air a shon a réir gnàthachaidh an lagha,

28 An sin ghlac esan 'n a uclh e, agus bheannaich e Dia, agus thubhairt e,

29 A nis, a Thighearna, tha thu 'leigeadh ilo d' sheirbhiseach sinbhal 'an sìth, a réir d'fhocail;

30 Oir chuunaie mo shùilean do shlàinte, 31 A dh'ulluich thu roimh ghnùis nan uile shluagh:

32 Solus a shoillseachadh nan Cinneach, agus glòir do phobuill Israeil.

33 Agus ghabh Ioseph agus a mhàthair iongantais mu na nìthibh a labhradh uime.

34 Agus bheannaich Simeon iad, agus thubhairt e ri Muire a mhàthair, Feuch, chuireadh an leanabh so chum tuiteam agus aiseirigh mhòran ann an Israel, agus 'n a chomharadh an aghaidh an labhrar:

35 (Agus théid claidheamh troimh d' anam-sa féin,) chum gu'm foillsichear smuaintean cridheachan mhòrain.

36 Agus bha Anna, ban-fhàidh, nighean Phanueil, de thrèibh Aseir; bha i ro aosmhor, agus chaith i seachd bliadhna maille r'a fear o àm dhi bhi 'n a h-òigh:

37 Agus bu bhanrach i mu thimchioll ceithir bliadhna agus ceithir fichead a dh'aois, nach deachaidh o'n teampull, a' deanamh seirbhis do *Dhia* a là agus a dh'oidheche le trasgadh agus le h-urnuigh.

38 Agus air teachd dhise a stigh 's an uair sin féin, thug i moladh do'n Tighearn, agus labhair i m'a thimchioll rìusan uile aig an robh sùil ri saorsa ann an Ierusalem.

39 Agus an uair a choimhlon iad na h-uile nìthean a réir lagha an Tighearna, phill iad de Ghalile, d'am baile féin Nasaret.

40 Agus dh'fhàs an leanabh, agus neart-

aicheadh 'an spiorad e, air a lionadh le gliocas; agus bha gràs Dhé air.

41 Agus chaidh a phàrantan gach bliadhna gu Ierusalem, aig féill na càisge.

42 Agus 'n uair a bha e dà bhliadhna dheug a dh'aois, chaidh iad suas gu Ierusalem, a réir gnàtha na féille.

43 Agus air coimhlonadh nan làithean sin doibh, 'n uair a phill iadsan, dh'fhan an leanabh Iosa 'n an déigh ann an Ierusalem; agus cha robh fios aig Ioseph no aig a mhàthair air sin.

44 Ach air dhoibh a shaoilsinn gu'n robh e 's a' chuideachd, dh'imich iad astar là; agus dh'farr iad e 'measg an càirdean, agus an luchd-òblais.

45 Agus an uair nach d'fhuair iad e, phill iad gu Ierusalem, 'g a iarraidh.

46 Agus tharladh an déigh thri làithean, gu'n d'fhuair iad e 's an teampull, 'n a shuidhe 'am meadhon an luchd-teagaisg, araon 'g an éisdeachd, agus a' cur cheisd orra.

47 Agus ghabh a' mhuinntir uile a chual e iongantais r'a thuigse agus r'a fhreagraibh.

48 Agus an uair a chuunaic iad e, ghlac uamhas iad: agus thubhairt a mhàthair ris, A mhic, c'ar son a rinn thu mar so oirnn? feuch, bha d'athair agus mise gu brònach ga d'iarraidh.

49 Agus thubhairt esan riu, C'ar son a bha sibh ga m' iarraidh? nach robh fhios agaibh gu'm bu chòir dhomh-sa bhi ann an tigh m' Athar?

50 Agus cha do thuig iadsan an ni a labhair e riu.

51 Agus chaidh e sìos maille riu, agus thàinig e gu Nasaret, agus bha e umhal doibh: ach ghléidh a mhàthair na nìthean sin uile 'n a cridhe.

52 Agus thàinig Iosa air aghaidh ann an gliocas agus 'am meudachd, agus ann an deadh-ghean aig Dia, agus aig daoineibh.

### CAIB. III.

1 *Searmonachadh Eoin Baistidh.* 15' *Thianuis mu thimchioll Chrìosd.* 20 *Chair Herod Eoin ann am prìosan.* 21 *Bhaisteadh Chrìosd, agus fhuair e fianais o neamh.* 23 *Aois agus sìne-sireachd Chrìosd.*

**A** NIS anns a' chùigeamh bliadhna deug de impireachd Thiberius Cheasair, air bhi do Phiontius Pilat 'n a uachdaran air Iudea, agus Herod 'n a Thetrarc air Galile, agus Philip a bhràthair 'n a Thetrarc air Iturea agus dùthaich Thraconitis, agus Lisanias 'n a Thetrarc air Abilene.

2 An uair a bha Annas agus Caiaphas 'n an àrd-shagartaibh, thàinig focal Dhé chum Eoin, mhic Shachariais, anns an fhàsach.

3 Agus thàinig e do'n dùthaich uile timchioll Iordain, a' searmonachadh baistidh an aithreachais, chum matheanais pheacaidhean;

4 Mar tha e sgrìobhta ann an leabhar

## LUCAS, IV.

phriathran an fhàidh Esaias, ag ràdh, Guth au ti a dh'èigheas anns an fhasach, Ull-  
uichibh slighe an Tighearna, deanaibh a  
cheumnan dìreach.

5 Bithidh gach gleann air a lionadh, agus  
gach beinn agus cnoc air an isleachadh;  
agus bithidh na nithean cama air an dean-  
amh dìreach, agus na slighean garbha air  
an deanamh rèidh;

6 Agus chì gach uile fheoil slàinte Dhé.

7 Uime sin thubhairt e ris an t-sluagh a  
thàinig a mach chum bhi air an baisteadh  
leis, A shìl nan nathraichean nimhe, cò a  
thug rabhadh dhuibh-sa teicheadh o'n  
fheing a tha ri teachd?

8 Air an aobhar sin thugaibh a mach  
toradh iomchuidh an aithreachais, agus na  
tòisichibh air a ràdh annaibh féin, Tha  
Abraham 'n a Athair againn: oir tha mi ag  
ràdh ribh, gur comasach Dia, de ua clach-  
aibh so, air clann a thogail suas do Abraham.

9 Agus a nis féin tha 'n tuagh air a' cur ri  
bun nan craobh: air an aobhar sin gach  
craobh nach toir a mach toradh maith,  
gearrar sios i, agus tilgear 's an teine i.

10 Agus dh'fhiosraich an sluagh dheth ag  
ràdh, Ciod uime sin a ni sinne?

11 Agus fhreagair esan agus thubhairt e  
riu, An ti aig am bheil dà chòta, roinneadh  
e ris an ti aig nach 'eil; agus an ti aig am  
bheil biadh, deanadh e mar an ceudna.

12 Agus thàinig mar an ceudna cìs-mhaoir  
gu bhi air am baisteadh, agus thubhairt iad  
ris, A mhaighstir, ciod a ni sinne?

13 Agus thubhairt esan riu, Na deanaibh  
ni air bith os ceann na dh'orduicheadh  
dhuibh.

14 Agus dh'fhiosraich na saighdearan mar  
an ceudna dheth, ag ràdh, Agus ciod a ni  
sinne? Agus thubhairt e riu, Na deanaibh  
foirneart air neach sam bith, no casaid-  
bhréige, agus bithibh toilichte le 'ur tuar-  
asdal.

15 Agus air bhi do'n phobull a' feitheamh,  
agus na h-uile dhaoine a' reusonachadh 'n  
an cridheachaibh féin mu thimchioll Eoiu,  
am b'e Crìosd a bh'ann;

16 Freagair Eoin, ag ràdh riu uile, Tha  
mise gu dearbh 'g'ur baisteadh le h-uisge;  
ach tha ueach a' teachd a's cumhachdaiche  
na mise, agus cha-n airidh mise air barr-iall  
a bhròg fhuasgladh: baistidh esan sibh leis  
an Spiorad naomh, agus le teine.

17 Aig am bheil a ghuit 'n a làimh, agus  
ro-ghlanaidh e 'ùrlar, agus cruinnichidh e  
an cruithneachd a' thigh-tasgaidh; ach  
loisgidh e am moll le teine nach fheudar a  
mhùchadh.

18 Agus ag earalachadh mòran nithean eile,  
shearmonaich e do'n t-sluagh.

19 Ach air do Herod an Tetrarc a bhi air  
a chronachadh leis air son Herodiais bean a  
bhràthar (Philip,) agus air son gach olc a  
riun Herod,

20 Chuir e so ris gach olc eile, gu'n do  
dhruid e Eoin 'am prìosan.

21 Agus tharladh, 'n uair a bha 'n sluagh  
uile air am baisteadh, air do Iosa mar an  
ceudna 'bhi air a bhaisteadh, agus e ri  
urnuigh, gu'n d'fhosgladh nèamh,

22 Agus gu'n d'thàinig an Spiorad naomh  
a nuas air 'an coslas corporra, mar choluman,  
agus gu'n d'thàinig guth o nèamh, ag ràdh,  
Is tusa mo Mhac gràdhach, anns am bheil  
mo mhòr-thlachd.

23 Agus thòisich Iosa féin air a bhi mu  
thimchioll deich bliadhna fichead a dh'aois,  
air dha bhi, (a réir barail *dhaoine*), 'n a mhac  
do Ioseph, *mac Heli*,

24 *Mhic Mhatait, mhic Lebhi, mhic Mhel-  
chi, mhic Ianna, mhic Ioseph*,

25 *Mhic Mhatatais, mhic Amais, mhic  
Nauim, mhic Esli, mhic Nage*,

26 *Mhic Mhaait, mhic Mhatatais, mhic  
Shemei, mhic Ioseph, mhic Iudah*,

27 *Mhic Ioanna, mhic Rhesa, mhic She-  
obabeil, mhic Shalatieil, mhic Neri*,

28 *Mhic Mhelchi, mhic Adi, mhic Chos-  
aim, mhic Elmodaim, mhic Eir*,

29 *Mhic Iose, mhic Elieseir, mhic Ioreim,  
mhic Mhatait, mhic Lebhi*,

30 *Mhic Shimeoin, mhic Iudah, mhic  
Ioseph, mhic Ionain, mhic Eliacin*,

31 *Mhic Mhelea, mhic Mhaimain, mhic  
Mhatata, mhic Natain, mhic Dhaibhidh*,

32 *Mhic Iese, mhic Obeid, mhic Bhoois,  
mhic Shalmoin, mhic Naasoin*,

33 *Mhic Aminadaib, mhic Araim, mhic  
Esroim, mhic Phareis, mhic Iudah*,

34 *Mhic Iacoib, mhic Isaic, mhic Abra-  
haim, mhic Thara, mhic Nachoir*,

35 *Mhic Sharuich, mhic Ragau, mhic  
Phaleic, mhic Ebeir, mhic Shala*,

36 *Mhic Chainain, mhic Arphacsaid, mhic  
Shem, mhic Noe, mhic Lameich*,

37 *Mhic Mhatasala, mhic Enoich, mhic  
Iareid, mhic Mhaleceil, mhic Chainain*,

38 *Mhic Enois, mhic Shet, mhic Adh-  
aimh, mhic Dhé*.

## CAIB. IV.

1 *Buavreadh agus trasgadh Chrìosd: 13 Thug  
e buaidh air an diabhul: 14 thòisich e ri sear-  
monachadh: 16 Ghabh pobull Nasaret ion-  
gantais r'a fhoclaibh gràsmhor. 33 Leighis e  
an duine 's an robh deamhan, 38 agus m'ath-  
air-chèile Pheadair, &c.*

**A** GUS air do Iosa bhi làn de'n Spiorad  
naomh, phill e air ais o Iordau, agus  
threòraicheadh e leis an Spiorad do'u fhàs-  
ach,

2 Agus bha e air a bhuaireadh ré dhà  
fhichead là leis an diabhul; agus cha d'ith  
e ni sam bith anns na làithibh sin: agus air  
dhoibh bhi air an crìochnachadh, an sin  
dh'fhàs e oerach.

3 Agus thubhairt an diabhul ris, Ma's  
tu Mac Dhé, abair ris a' chloich so 'bhi 'n a  
h-aran.



4 Agus fhreagair Iosa e, ag ràdh, Tha e sgrìobhta, nach ann le h-aran a mhàin a thig duine beò, ach le gach uile fhocal Dhé.

5 Agus air do'n diabhul a thoirt gu beinn àrd, nochd e dha uile rìoghachdan an domhain ann am mìonaid aimsir.

6 Agus thubhairt an diabhul ris, Bheir mise an cumhachd so uile dhuit, agus an glòir; oir thugadh dhomh-sa sin; agus bheir mi e do neach air bith a's toil leam.

7 Uime sin ma ni thu aoradh dhomh-sa, is leat iad uile.

8 Agus fhreagair Iosa agus thubhairt e ris, Tar air mo chùlaobh, a Shatain: oir tha e sgrìobhta, Ni thu aoradh do'n Tigh-eam do Dhia, agus dhàsan 'n a aonar ni thu seirbhis.

9 Agus thug se e gu Ierusalem, agus chuir e air binnean an teampuill e, agus thubhairt e ris, Ma's tu Mac Dhé, tilg thu féin sìos á so.

10 Oir tha e sgrìobhta, Bheir e àithne d'a ainglibh mu d' thimchioll, thusa a choimhead.

11 Agus togaidh iad suas thu 'n an làmh-an, air eagal gu'm buail thu uair air bith do chos air cloich.

12 Agus air freagart do Iosa thubhairt e ris, A dubhradh, Na buair thusa an Tigh-eam do Dhia.

13 Agus an uair a chrìochnaich an diabhul am buaireadh uile, dh'imich e uaith ré tanuill.

14 Agus phill Iosa ann an cumhachd an Spioraid chum Ghalile; agus chaidh 'iomradh-san air feadh na dùthcha mu'n cuairt gu h-iomlan.

15 Agus theagaisg e 'n an sionagogaibh, a' faotainn glòire o na h-uile dhaoineibh.

16 Agus thàinig e gu Nasaret, far an d'ar-aicheadh e: agus chaidh e steach, mar bu ghnàth leis, air là na sàbaid do'n t-sionagog, agus dh'éirich e 'n a sheasamh chum leughaidh.

17 Agus thugadh dha leabhar an fhàidh Esaias; agus air fosgladh an leabhair dha, fhuair e 'n t-àit anns an robh e sgrìobhta,

18 Tha Spiorad an Tighearn' orm, do bhrìgh gu'n d'ung e mi a shearmonachadh an t-soisgeil do na bochdaibh; chuir e mi a shluhanachadh na muinntir aig am bheil an eridhe briste, a ghairm fuasglaidh do na braidhdbh, agus aiseag an radhaire do na doill, a thoirt saorsa do'n mhuinntir a tha brùite,

19 A shearmonachadh bliadhna thaitnich an Tighearna.

20 Agus air dùnadh an leabhair dha, thug e do'n fhear-frithealaidh e, agus shuidh e: agus bha sìùlean na bha 's an t-sionagog uile a' geur-amhare airsan.

21 Agus thòisich e air a ràdh riu, An diugh tha'n sgrìobhtuir so air a choimhleanadh ann bhuir cluasaibh-sa.

22 Agus thug iad uile fianuis dha, agus ghabh iad iongantais ris na briathraibh gràmhora thàinig a mach as a bheul. Agus thubhairt iad, Nach e so mac Ioseiph?

23 Agus thubhairt e riu, Gun amharus thubhairt sibh rium an gnàth-fhocal so, A léigh, leighis thu féin: ge b'e air bith iad na nithean a chuala sinn a rinncadh leat 'an Capernaum, deam mar an ceudna iad an so a'd' dhùthaich féin.

24 Agus thubhairt e, Gu deimhin tha mi ag ràdh ribh, nach 'eil fàidh air bith tait-neach 'n a dhùthaich féin.

25 Ach gu fìrinneach tha mise ag ràdh ribh, gu'n robh mòran bhantrach ann an Israel an làithibh Eliais, an uair a dhruideadh nèamh ré thri bliadhna agus shè mìosan, agus a bha gorta mhòr air feadh na tire uile:

26 Ach cha do chuireadh Elias dh'ionnsaidh aoin diubh, ach gu Sarepta Shidoin, chum mnà a bha 'n a bantraich.

27 Agus bha mòran lobhar ann an Israel ri linn Eliseus an fhàidh; agus cha do ghlanadh a h-aon aca, ach Naaman an Siri-anach.

28 Agus lìonadh iadsan uile a bha 's an t-sionagog le feirg, an uair a chual iad na nithean sin;

29 Agus dh'éirich iad suas, agus thilg iad a mach as a' bhaile e, agus thug iad leo e gu malaiddh a' chnoic, air an robh am baile togt, chum a thilgeadh sìos 'an coinneamh a chinn.

30 Ach air gabhail dhàsan troimh am mheadhon, dh'fhalbh e,

31 Agus chaidh e sìos gu Capernaum, baile de Ghalile, agus bha e 'g an teagasg air làithibh na sàbaid:

32 Agus ghabh iad iongantais r'a theagasg; do bhrìgh gu'n robh 'fhocal le cumhachd.

33 Agus bha anns an t-sionagog duine anns an robh spiorad deamhain neòghloin, agus ghlaodh e le guth mòr.

34 Ag ràdh, Leig leinn; ciod e ar gnothuch-ne riut, Iosa o Nasaret? an d'thàinig thu g'ar sgrìos? tha fhios agam cò thu, Aon naomh Dhé.

35 Agus chronuich Iosa e, ag ràdh, Bi a' d' thosd, agus thig a mach as. Agus air do'n deamhan esan a thilgeadh sìos 'n am meadhon, thàinig e mach as, gun chiurradh sam bith a dheanamh air.

36 Agus thàinig uamhas orra uile, agus labhair iad r'a chèile, ag ràdh, Ciod a' glinè cainnte so? oir le h-ùghdarras agus cumhachd tha e 'toirt orduigh do na spioradaibh neòghlan, agus tha iad a' teachd a mach.

37 Agus chaidh iomradh airsan a mach feadh gach àite de'n dùthaich mu'n cuairt.

38 Agus dh'éirich e as an t-sionagog, agus chaidh e steach' do thigh Shimoin: agus bha fiabhrus mòr air màthair-chèile Shimoin; agus ghuidh iad air as a leth.

39 Agus air dha seasamh os a ccanu, chron-  
uich e am fiabhras, agus dh'fhàg e i. Agus  
dh'èirich ise air ball, agus rinn i frithealadh  
dhoibh.

40 Agus ag dol fodha ua gréine, thug iad-  
san uile aig an robh daoine euslan le iomadh  
gnè tinnis d'a iennsuidh iad: agus chuir  
esan a lamhau air gach aon dinnibh, agus  
leighis e iad.

41 Agus chaidh mar an ceudna deamhain  
a mach à mòran, a' glaothaich agus ag ràdh,  
Is tu Criosd Mac Dhé. Agus chronuich e  
iad, agus cha d'fhulaing e dhoibh labhairt:  
oir bha fhios aca gu'm b'esan Criosd.

42 Agus air teachd do'n là, chaidh e mach,  
agus dh'imich e gu àite fàsaid: agus bha 'n  
sluagh 'g a iarraidh, agus thàinig iad d'a  
ionusuidh, agus b'àill leo a chumail, chum  
nach rachadh e uatha.

43 Ach thubhairt esan riu, Is éigin dhomh-  
sa rìoghachd Dhé a shearmonachadh do  
bhaitibh eile mar an ceudna; oir is ann  
chum so a chuireadh mi.

44 Agus shearmonaich e ann an sionagag-  
aibh Ghalile.

### CAIB. V.

1 *Theagaisg Criosd an sluagh a' luing Pheadair;*  
4 *le tarruing mhìorbhuileach éisg, nochd e*  
*cionnus a bha e gu Peadar agus a chompan-*  
*aich a dheanamh 'n an iasgairibh air daoine*  
*ibh: 12 ghlac e neach a bha 'n a lobhar, 16*  
*rinn e urnuigh anns an fhàsach, 18 slànauich*  
*e neach a bha tim leis a' phairilis, &c.*

**A**GUS tharladh, 'n uair a bha am pobull  
a' dlùth-theannadh air, chum focal  
Dhé éisdeachd, gu'n do sheas e làimh ri  
loch Ghenesaret,

2 Agus chunnaic e dà luing 'n an seasamh  
ri taobh an locha: ach bha ua h-iasgairean  
air dol a mach asda, agus a' nigheadh an  
lìontan.

3 Agus chaidh e steach do aon de na long-  
aibh a bu le Simon, agus dh'iarr e air dol  
a mach beagan o thir: agus air suidhe dha,  
theagaisg e an sluagh as an luing.

4 A nis an uair a sguir e de labhairt, thubh-  
airt e ri Simon, Cuir a mach chum na doimhne,  
agus leigibh sìos bhur lìontan chum  
tarruing.

5 Agus fhreagair Simon, agus thubhairt e  
ris, A mhaighstir, shaothraich sinn fad na  
h-oidheche uile, agus cha do ghlac sinn ni  
sam bith: ach air d'fhocal-sa leigidh mi  
sìos an lìon.

6 Agus an uair a rinn iad so, chuartich iad  
tachdar mòr éisg; ionnus gu'n do bhriseadh  
an lìon.

7 Agus sméid iad air an companaich, a  
bha 's an luing eile, teachd agus còmhadh  
a dheanamh leo. Agus thàinig iad, agus  
lìon iad an dà luing, ionnus gu'u robh iad  
'au inbhe dol fodha.

8 'N uair a chunnaic Simon Peadar so,  
thuit e sìos aig glùinibh Iosa, ag ràdh,

Imich uamsa, a 'Thighearna, oir is duine  
peacach mi.

9 Oir ghlac uamhas e féin agus iadsan uile  
'bha maille ris, air son an tarruing éisg a  
ghlac iad:

10 Agus mar an ceudna Seumas agus  
Eoin, uic Shebede, a bha 'n an companaich  
aig Simon. Agus thubhairt Iosa ri Simon,  
Na bitheadh eagal ort; á so suas glacaidh  
tu daoine.

11 Agus an uair a thug iad an longan gu tìr,  
dh'fhàg iad na h-uile ni, agus lean iad esau.

12 Agus an uair a bha esan ann am baile  
àraidh, feuch duine làn de luibhre: agus  
air dha Iosa fhaicinn, thuit e sìos air 'agh-  
aidh, agus ghluind e air, ag ràdh, A Thigh-  
earna, ma's toil leat, tha thu comasach air  
mise a ghlanadh.

13 Agus shìn e a làmh, agus bhean e ris,  
ag ràdh, Is toil leam; bi glan. Agus air  
ball dh'fhàg an luibhre e.

14 Agus dh'àithu e dha, gun innseadh do  
neach air bith: Ach imich, agus nochd thu  
féin do'n t-sagart, agus thoir seachad air  
son do ghlanaidh, mar a dh'àithn Maois, mar  
fhianuis doibh.

15 Ach bu mhòid a sgaoileadh 'iomradh-  
san: agus thàinig slagh mòr au ceann a  
chéile chum éisdeachd, agus chum a bhi air  
an slànuchadh leis o'u eucailibh.

16 Agus chaidh e air leth chum an fhàsaidh,  
agus rinn e urnuigh.

17 Agus tharladh air là àraidh, 'n uair a  
bha e a' teagasg, gu'n robh 'n an suidhe an  
sin Phairisich agus luchd-teagaisg an lagha,  
a thàinig as gach uile bhaile de Ghalile,  
agus de Iudea, agus o Ierusalem: agus bha  
cumhachd an Tighearna a làthair chum an  
slànuchadh.

18 Agus, feuch, ghiulain daoine air leab-  
aidh duine air an robh am pairilis: agus  
dh'iarr iad a thoirt a steach, agus a chur  
'n a làthair-san.

19 Agus au uair nach d'fhuair iad seòl air  
am feudadh iad a thoirt a steach, le meud  
na cuideachd, chaidh iad suas air an tigh,  
agus leig iad sìos troimh mhullach an tìge  
e féin agus a leabadh, agus a' mheadhon 'an  
làthair Iosa.

20 Agus an uair a chunnaic e an creidimh,  
thubhairt e ris, A dhuine, tha do pheacaidh-  
ean air am maithheadh dhuit.

21 Agus thòisich na sgrìobhaichean agus  
na Phairisich air reusonachadh, ag ràdh,  
Cò e so a tha 'labhairt toibheim? cò 'dh'-  
fheudas peacaidhean a mhaitheadh ach  
Dia a mhaire?

22 Ach air aithneachadh an smuaintean  
do Iosa, fhreagair e agus thubhairt e riu,  
Ciod e a tha sibh a' reusonachadh 'n 'ur  
cridheachaibh?

23 Co aca a's usadh a ràdh, Tha do pheac-  
aidhean air am maithheadh dhuit, no 'ràdh,  
Eirich agus imich?



24 Ach a chum gu'm bi fios agaibh gu bheil cumhachd aig Mac an duine peacaidhean a mhaitheadh air thalamh, (thubhairt e ri fear a phairilis,) Tha mi ag ràdh riut, éirich, agus tog do leabadh, agus imich do d' thigh.

25 Agus dh'éirich e air ball 'n an làthair, agus thog e an leabadh air an robh e 'n a luidhe, agus chaidh e d'a thigh féin, a' toirt glòire do Dhia.

26 Agus ghlac uamhas iad uile, agus thug iad glòir do Dhia, agus lionadh le h-eagal iad, ag ràdh, Chunnaic sinn nithean do-chreidsinn an diugh.

27 Agus an déigh nan nithean sin, chaidh e mach, agus chunnaic e cis-mhaor d'am b'ainm Lebhi, 'n a shuidhe aig àite togail na cise; agus thubhairt e ris, Leat mise.

28 Agus air fagail nan uile nithean dha, dh'éirich e, agus lean se e.

29 Agus rinn Lebhi cuirm mhòr dha 'n a thigh féin: agus bha euideachd mhòr de chis-mhaor, agus de mhuinntir eile a shuidh maille riu.

30 Agus rinn an sgrìobhaichean agus am Phairisich gearan an aghaidh a dheisciobul-san, ag ràdh, C'ar son tha sibh ag itheadh, agus ag òl maille ri cis-mhaor agus ri peacaidh?

31 Agus fhreagair Iosa agus thubhairt e riu, Cha-n'èil feum aca-san a tha slàn air an leigh, ach aca-san a tha tinn.

32 Cha d'thàinig mise a ghairm nam firean, ach nam peacach chum aithreachais.

33 Agus thubhairt iadsan ris, C'ar son a tha deisciobuil Eoin gu tric ri trasgadh, agus a' deanamh urnuigh, agus mar an ceudna deisciobuil nam Phairiseach; ach tha do dheisciobuil-sa ag itheadh agus ag òl?

34 Agus thubhairt esan riu, Am feud sibh a thoirt air cloinn seòmair an fhìr nuadh-phòsda trasgadh a dheanamh, am feadh 's a tha am fear nuadh-phòsda maille riu?

35 Ach thig na làithean an uair a bheirear am fear nuadh-phòsda uatha; an sin ni iad trasgadh anns na làithibh sin.

36 Agus labhair e mar an ceudna cosamhlachd rin; Cha chuir neach air bith mìr a dh'eudach nuadh air scann eudach: no, reubaidh an t-eudach nuadh e, agus cha tig am mìr de'n eudach nuadh ris an t-scann eudach.

37 Agus cha chuir duine sam bith fion nuadh ann an seann searragaibh; no, brisidh am fion nuadh na searragan, agus dòirtear e féin, agus caillear na searragan.

38 Ach is còir fion nuadh a chur ann an searragaibh nuadha; agus bithidh iad le 'chéile tèaruinte.

39 Agus cha-n'èil duine sam bith, air dha seann fhìon òl, a dh'iarras air ball fion nuadh: oir their e, Is e an seann fhìon a's fearr.

1 Chronuich Criosd doille nam Phairiseach mu thimchioll coimhead na sàbaid, le sgrìobhair, le reuson, agus le mìorbhuil; 13 thagh e dà abstol deug; 17 shlànuich e muinntir a bha tinn; 20 shearmonaiche e d'a dheisciobuibh mu bheannachdaibh agus mu mhallachdaibh, &c.

**A**GUS tharladh air a' cheud là sàbaid an déigh an dara là de fhéill na cùisge, gu'n deachaidh e troimh na h-ach-aibh arbhair; agus spion a dheisciobuil na diasan arbhair, agus dh'ith iad, an déigh am bruthadh le'n làmh.

2 Agus thubhairt cuid de na Phairisich riu, C'ar son a tha sibh a' deanamh an ni nach 'èil ceaduichte r'a dheanamh air làithibh na sàbaid?

3 Agus fhreagair Iosa iad, agus thubhairt e, Nach do leugh sibhse an ni so 'rinn Daibhidh, 'n uair a bha ocras air féin, agus orra-san a bha maille ris;

4 Cionnus a chaidh e steach do thigh Dhé, agus a ghabh e aran na fianuis, agus a dh'ith e féin, agus a thug e mar an ceudna dhoibh-san a bha maille ris; ni nach 'èil ceaduichte itheadh ach do na sagartaibh a mhàin?

5 Agus thubhairt e riu, Is Tighearn Mac an duine air an t-sàbaid féin.

6 Tharladh mar an ceudna air sàbaid eile, gu'n deachaidh e steach do'n t-sionagog, agus gu'n do theagaisg e; agus bha an sin duine, aig an robh a làmh dheas air seargadh.

7 Agus rinn na sgrìobhaichean agus na Phairisich faire, a dh'fheuchainn an leighiseadh e air an t-sàbaid; chum gu'm faigh-eadh iad cùis-dhìtidh 'n a aghaidh.

8 Ach thuig esan an smuaintean, agus thubhairt e ris an duine aig an robh an làmh sheargta, Éirich, agus seas a mach 's a' mheadhon. Agus dh'éirich esan, agus sheas e.

9 An sin thubhairt Iosa riu, Feòraichidh mise aon ni dhìbh; Am bheil e ceaduichte air làithibh na sàbaid maith a dheanamh, no olc? anam a shaoradh, no a sgrìos?

10 Agus air dha amharc mu'n cuairt orra uile, thubhairt e ris an duine, Sin a mach do làmh. Agus rinn e sin: agus dh'aisig-eadh a làmh slàn da mar an làmh eile.

11 Agus lionadh iadsan le cuthach; agus labhair iad r'a chéile, cìod a dheanadh iad ri Iosa.

12 Agus anns na làithibh sin chaidh esan gu beinn a dheanamh urnuigh, agus bhuan-aich e ré na h-oidheche ann an urnuigh ri Dia.

13 Agus air teachd do'n là, ghairm e d'a ionnsuidh a dheisciobuil; agus thagh e dà fhear dheug asda, d'an do ghoir e Abstoil:

14 Simon, (air an tug e mar an ceudna Peadar mar ainm,) agus Aindreas a bhràthair, Seumas agus Eoin, Philip agus Bartolomeus,

15 Mata agus Tomas, Seumas *mac* Alphéuis, agus Simon d'an goirear Selotes,

16 Iudas *bràthair* Sheumais, agus Iudas Iscariot, esan a bha 'n a fhear-brathaidh.

17 Agus thàinig e nuas leo, agus sheas e air ionad còmhnaidh, agus coimhthional a dheiseibh, agus buidheann mhòr-shluaigh o Iudea uile agus o Ierusalem, agus o chois fairge Thiruis agus Shidoin, muinntir a thàinig g'a éisdeachd, agus gu bhli air an leigheas o'n euslaintibh;

18 Agus iadsan a bha air am pianadh le spioradaibh nèghlan: agus leighiseadh iad.

19 Agus dh'iarr an sluagh uile beantuinn ris: oir ehadh cumhachd a mach as, agus shlànueh e iad uile.

20 Agus thog e suas a shùilean air a dheiseibh, agus thubhairt e, *Is* beannaichte *sibhse* 'tha bochd: oir is leibh rìoghachd Dhé.

21 *Is* beannaichte *sibhse* 'tha ocrach a nis: oir sàsuehear sibh. *Is* beannaichte *sibhse* 'tha 'eaidh a nis: oir ni sibh gàire.

22 *Is* beannaichte sibh, 'n uair a bheir daoine fuath dhuibh, agus a chuireas iad as an eudeachd sibh, agus a bheir iad cainnt mhaslach dhuibh, agus a thigheas iad a mach bhur u-ainm mar ni ole, air son Mhic an duine.

23 Deanaibh-sa gairdeachas 's an là sin, agus leumaibh le h-aobhneas: oir feuch, is mòr bhur duais air nèamh: oir is ann mar sin a rinn an aithrichean air na fàidhibh.

24 Ach is an-aobhinn duibhse a tha saobhair: oir fluair sibh bhur sòlas.

25 Is an-aobhinn duibhse a tha sàthach: oir bithidh ocras oirbh. Is an-aobhinn duibhse a tha 'gàireachdaich a nis: oir ni sibh bròn agus gul.

26 Is an-aobhinn duibhse 'u uair a labhras daoine maith uamaibh: oir is ann mar sin a rinn an aithrichean ris na fàidhibh bréige.

27 Ach tha mi ag ràdh ribhse 'tha 'g éisdeachd, Gràdhachibh bhur naimhdean, deanaibh maith dhoibh-san le'm fuathach sibh;

28 Beannaichibh iadsan a tha 'g 'ur mallachadh, agus deanaibh urnuigh air son na muinntir a tha 'buntuinu gu naimhdeil ribh.

29 Ris an ti a bhuaileas thu air aon ghial, eum au gial eile; agus do'n ti a bheir d'fhalluinn dhìot, na bac do chòta mar an ceudna.

30 Thoir do gach neach a dh'iarras ort; agus o'n neach a bheir uait do mhaoin, na h-iarr air ais i.

31 Agus mar a b'ail leibh daoine 'dheanadh ribh, deanaibh-sa mar an ceudna riusan.

32 Oir ma gràdhachas sibh iadsan aig an bheil gràdh dhuibh, ciod am buidheachas a th' agaibh? oir gràdhachidh peacach fèin an dream aig an bheil gràdh dhoibh.

33 Agus ma ni sibh maith do'n mhuinntir a ni maith dhuibh, ciod am buidheachas a th' agaibh? oir ni peacach au ni so fèin mar an ceudna.

34 Agus ma bheir sibh iasachd dhoibhsan o'm bheil dùil agaibh r'a fhaotainn a ris, ciod am buidheachas a th' agaibh? oir bheir peacach fèin iasachd do pheacach, eum gu'm faigh iad uiread a ris.

35 Ach gràdhachibh-sa bhur naimhdean, agus deanaibh maith, agus thugaibh iasachd, gun dùil a blih agaibh ri ni sam bith 'u a éiric: agus bithidh bhur duais mòr agus bithidh sibh 'n 'ur cloinn do'n Ti a's àirde: oir tha esan tabhartach dhoibhsan a tha mi-thaingeil agus ole.

36 Bithibh-sa uime sin trèaireach, mar a tha bhur n-Athair trèaireach.

37 Agus na tugaibh breth, agus eha toirear breth oirbh: na ditibh, agus eha dìtear sibh: thugaibh maitheanas, agus bheirear maitheanas dhuibh.

38 Thugaibh uaibh, agus bheirear dhuibh; deadh thomhas, air a dhinneadh, agus air a chrathadh ri 'chéile, agus a' cur thairis, bheir daoine ann bhur u-uchd; oir leis an tomhas le'n tomhas sibh, tomhaisear dhuibh a ris.

39 Agus labhair e cosamhlachd riun, Am feud an dall dali a threòrachadh? nach tuit iad le 'chéile ann an slochd?

40 Cha-n'eil an deiseibh os ceann a mhaighstir: ach ge b'e neach a tha coimhlionta, bithidh e mar a mhaighstir.

41 Agus e'ar son a tha thu 'faicinn an smùirnein a tha 'an sùil do bhràthar, agus nach 'eil thu 'toirt fainear an t-sail a tha ann ad shùil fèin?

42 No cionnus a dh'fheudas tu ràdh ri do bhràthair, A bhràthair, leig dhomh an smùirnein a thoirt a d' shùil, agus nach 'eil thu 'toirt fainear an t-sail a tha ann ad shùil fèin? A chealgair, tilg a mach air tús an t-sail as do shùil fèin, agus an sin is léir dhuibh gu soilleir an smùirnein a tha ann an sùil do bhràthar a thoirt aise.

43 Oir eha deadh ehraobh a bheir a mach droch thoradh: agus eha droch chraobh a bheir a mach deadh thoradh.

44 Oir aithnuehear gach craobh air a toradh: oir cha tionail daoine figean de dhroighionn, no caoran fìona de'n fhear-dhris.

45 Bheir duine maith ni maith a mach á deadh ionnhas a chridhe; agus bheir droch duine ni ole a mach á droch ionnhas a chridhe: oir is ann á pailteas a' chridhe a labhras a bheul.

46 Agus e'ar son a ghoireas sibh, a Thighearn, a Thighearn, dhìom-sa, agus nach dean sibh na nithean a tha mi ag ràdh?

47 Gach neach a thig a m' ionnsuidh-sa, agus a chluinneas mo bhrìathran, agus a ni iad, feuchaidh mi dhuibh co ris tha e cosmhuil:



48 Is cosmhail e ri duine a thog tigh, agus a chladhaich domhain, agus a chuir a' bhunait air carraig: agus an uair a thàinig an tuil, bhuail an sruth gu dian air an tigh sin, agus cha b'urrainn e charachadh; oir bha e air a shuidheachadh air carraig.

49 Ach an ti a chluinnas, agus nach dean, is cosmhail e ri duine a thog tigh air an talamh gun bhunait, air an do bhuail an sruth gu dian, agus air ball thuit e; agus bu mhòr tuiteam an tighe sin.

### CAIB. VII.

1 *Leighis Criosd seirbhiseach ceannaird-ceud.*  
11 *Thog e mac na bantraich ann an Nain d'n bhàs: 19 dhearbha e do theachdairibh Eoin, le oiribh miòrbhuileach a rinn e 'n an làthair, a'm b'e fèin an Criosd a bha ri teachd; 24 nochd e do'n t-sluagh ciod i a bharail mu Eoin, &c.*

**A**NIS an uair a chrìochnaich e a bhriathran uile ann an éisdeachd an t-sluaigh, chaidh e steach do Chapernaum.

2 Agus bha seirbhiseach ceannaird-ceud àraidh, a b'ionmhuinn leis, gu tinn, agus ri h-uchd bàis.

3 Agus an uair a chual' e mu Iosa, chuir e seanairean nan Iudhach d'a ionnsuidh, a' cur impidh air gu'n tigeadh e, agus gu'n leighisadh e a sheirbhiseach.

4 Agus an uair a thàinig iad gu Iosa, ghuidh iad air gu dùrachdach, ag ràdh, Gu'm b'airidh e gu'n deanadh esan so dha:

5 Oir is toigh leis ar cinneach-ne, agus thog e dhuinn sionagag.

6 Agus chaidh Iosa maille riu. Ach air dha bhi nìs fagus do'n tigh, chuir an ceannaird-ceud eàirdean d'a ionnsuidh, ag ràdh ris, A Thighearna, na cuir dragh ort fèin; oir cha-n airidh mise gu'n rachadh tu steach fo m' chléith:

7 Uime sin cha mhò a mheas mi gu'm b'airidh mi fèin air teachd a d' ionnsuidh: ach a mha'n abair am focal, agus slànùichear m' òglach.

8 Oir is duine misc fèin air mo chur fo ùghdarras, aig am bheil saighdearan fodham; agus their mi ris an fhear so, Imich, agus imichuidh e; agus ri fear eile, Thig, agus thig e; agus ri m' sheirbhiseach, Dean so, agus nì se c.

9 Agus an uair a chual' Iosa na nithean so, ghabh e iongantas ris, agus air tionndadh dha, thubhairt e ris an t-sluagh a lean e, Tha mi ag ràdh ribh, nach d'fhuair mi creidimh co mòr as so, ann an Israel fèin.

10 Agus air pilltinn air an ais do'n tigh do na teachdairibh a chuireadh d'a ionnsuidh, fhuair iad an seirbhiseach a bha tinn, slàn.

11 Agus tharladh an là 'n a dhéigh sin, gu'n deachaidh e ehum baile d'an goirear Nain; agus ehaidh a dheisciobuil maille ris, agus sluagh mòr.

12 A nis an uair a thàinig e am fagus do gheata a' bhaile, feuch, ghluilaineadh a mach

duine marbh, aon mhac a mhatthar, agus bu bhantrach i: agus bha suagh mòr de *mhuinntir* a' bhaile maille rithe.

13 Agus an uair a chunnaic an Tighearna i, ghabh e truas dith, agus thubhairt e rithe. Na guil.

14 Agus thàinig e agus bhean e ris a' ghiùlan; agus sheas iadsan a bha 'g a ionchar; agus thubhairt e, Oganaich, tha mi ag ràdh riut, éirich.

15 Agus dh'éirich an duine 'bha marbh 'n a shuidhe, agus thòisich e air labhairt: agus thug e d'a mhatthair e.

16 Agus ghlac cagal *iad* uile: agus thug iad glòir do Dhia, ag ràdh, Dh'éirich faidh mòr 'n ar measg-ne; agus, Dh'amhaire Dia air a shluagh fèin.

17 Agus chaidh an t-ionmradh so mach airsan air feadh Iudea uile, agus na dùthcha mu'n cuairt uile.

18 Agus dh'innis a dheisciobuil do Eoin mu thimchioll nan nithean sin uile.

19 Agus ghairm Eoin d'a ionnsuidh dithis àraidh d'a dheisciobluibh, agus chuir e iad gu Iosa, ag ràdh, An tusa esan a bha ri teachd, no 'm bi sùil againn ri neach eile?

20 Agus àir teachd do na daoineibh d'a ionnsuidh, thubhairt iad, Chuir Eoin Baistidh sinne a d' ionnsuidh, ag ràdh, An tusa an ti a bha ri teachd, no 'm bi sùil againn ri neach eile?

21 Agus anns an uair sin fèin leighis e mòran o 'n cuslaintibh agus o 'm plàighibh, agus o dhroch spioradaibh; agus thug e 'n radharc do mhòran a bha dall.

22 Agus fhreagair Iosa, agus thubhairt e riu, Imichibh-sa agus innsibh do Eoin na nithean a chunnaic agus a chuala sibh, gu bheil na doill a' faicinn, na bacaich ag imeachd, na lobhair air an glanadh, na bodhair a' cluinntinn, na mairbh air an dùsgadh, an soisgeul air a shearmonachadh do na bochdaibh.

23 Agus is beannaichte esan nach faigh oibheum annam-sa.

24 Agus an uair a dh'fhalbh teachdairean Eoin, thòisich e air labhairt ris an t-sluagh mu thimchioll Eoin, Ciod an nì a chaidh sibh a mach do'n fhàsach a dh'fhaicinn? an i cuile air a crathadh le gaoith?

25 Ach ciod e an nì a chaidh sibh a mach a dh'fhaicinn? an e duine air a sgeadachadh ann an eudach mìn? feuch, iadsan a tha sgeadaichte le cudach rìomhach, agus a' caitheadh am beatha gu sòghail, is ann 'an cùirtibh nan rìghrean a tha iad.

26 Ach ciod e an nì a chaidh sibh a mach a dh'fhaicinn? an e fuidh? seadh, tha mi ag ràdh ribh, agus nì's mò na faidh.

27 Is e so an ti mu'm bheil e sgriobhta, Feuch, cuiridh mi mo theachdair roimh do ghnùis, a dh'ulluicheas do shlighe romhad.

28 Oir tha mi ag ràdh ribh, 'N am measg-san a rugadh le mnàibh, cha-n'eil faidh a's

mò na Eoin Baistidh: gidheadh au ti a's lugha ann an rìoghachd Dhé, is mò e na esan.

29 Agus dh'fhireanaich am pobull uile a chual' e, agus na cis-mhaor Dia, air dhoibh bhí air ann baisteadh le baisteadh Eoin.

30 Ach chuir na Phairisich agus an luchd-lagha cùl ri comhairle Dhé d'an taobh féin, an fadhadh uach do bhaisteadh iad leis.

31 Agus thubhairt an Tighearn, Cò ris uime siu a shamhlachas mi daoine a' ghinealach so? agus cò ris a tha iad cosmhuil?

32 Tha iad cosmhuil ri cloinn a tha 'n an suidhe 's a' mhargadh, agus a dh'èigheas r'a chèile, ag ràdh, Rinn sinne piobaireachd dhuibh-sa, agus cha d'rinn sibhse danusa: rinn sinne tuireadh dhuibh-sa, agus cha d'rinn sibhse gul.

33 Oir thàinig Eoin Baistidh, cha-n ann ag itheadh arain, no ag òl fionna; agus their sibh, Tha deamhan aige.

34 Thàinig Mac an duine ag itheadh agus ag òl; agus their sibh, Feuch duine geòcach, agus pòitear-fioua, caraid chis-mhaor agus pheacach.

35 Ach tha gliocas air a fireanachadh le a cloinn uile.

36 Agus dh'iarr duine àraidh de na Phairisich air, gu'n itheadh e biadh maille ris. Agus chaidh e steach do thigh an Phairisich, agus shuidh e sìos chum bidh.

37 Agus, fench, an uair a fhuair bean anns a' bhaile, a bha 'n a peacach, fios gu'n robh e 'n a shuidhe aig biadh ann an tigh an Phairisich, thug i leatha bocsa alabastair làn de olaidh chùbhraidh,

38 Agus sheas i aig a chosaibh air a chùl-aobh a' gul, agus thòisich i air a chosan a fhluchadh le a deuraibh, agus thiormaich i iad le folt a cinn, agus phòg i a chosan, agus dh'ung i leis an olaidh iad.

39 Agus an uair a chunnaic am Phairisich, a thug cuireadh dha, so, labhair e ann fén, ag ràdh, Nam b'fhàidh an duine so, bhiodh fhios aige cò i a' bhean so a tha 'beantuiun ris, agus ciod is gnè dhi; oir is peacach i.

40 Agus fhreagair Iosa, agus thubhairt e ris, A Shìmoin, tha mi agam ri ràdh riut. Agus thubhairt esan, A mhaighstir, abair e.

41 Bha aig fear-fhàcha àraidh dithis luchd-fhàich: bha aige air aon fhear cùig ceud peghinn, agus air an fhear eile leth-cheud.

42 Agus do bhrìgh nach robh aca ni leis an dioladh iad, mhaith e gu saor dhoibh araon. Innis dhomh-sa uime sin, cò dhiubh is mò a ghràdhachas e?

43 Agus fhreagair Simon agus thubhairt e, Is i mo bharail gur e an neach is mò d'an do mhaith e. Agus thubhairt e ris, Is ecart a thug thu breth.

44 Agus thionndaidh e ris a' mhnaoi, agus thubhairt e ri Simon, An faic thu a' bhean so? thàinig mi steach do d' thigh, cha d'thug thu dhomh uisge chum mo chos; ach

dh'ionnlaid ise mo chosan le deuraibh, agus thiormaich i iad le folt a cinn.

45 Cha d'thug thusa dhomh pòg: ach o thàinig ise stigh, cha do sguir i a phlògadh mo chos.

46 Cha d'ung thusa mo cheann le h-olaidh: ach dh'ung ise mo chosan le h-olaidh chùbhraidh.

47 Uime sin tha mi ag ràdh riut, Gu bheil a peacaidhean a tha lionmhor, air an maith-eadh; air an aobhar sin ghràdhach i gu mòr: ach ge b'e neach d'an uaithear beagan, bithidh a ghràdh beam.

48 Agus thubhairt e rithe, Tha do pheacaidhean air an maith-eadh.

49 Agus thòisich iadsa a bha 'n an suidhe aig biadh maille ris, air a ràdh annta féin, Cò e so a tha eadhon a' maith-eadh pheacaidhean?

50 Agus thubhairt e ris a' mhnaoi, Shlàn-nich do chreidimh thu; imich ann an sìth.

### CAIB. VIII.

1 *Fhrithheil mnathan do Chrìosd le am maoin.*

4 *An dèigh do Chrìosd searmoin a dheanamh o àit gu h-àit, agus e air a leantuin le abstol-aibh, labhair e cosamhlachd an t-sìoladair, 16 agus na coinne; 21 chuir e 'an cèill cò iad a mhaithair, agus a bhràithrean, 22 chronnich e a' ghaath, 26 agus thig e mach a duine lègion de dheamhaibh, &c.*

**A**GUS tharladh an dèigh sin, gu'n d'innich esan troimh gach caithir agus baile, a' searmonachadh, agus a' cur 'an cèill soisgeil rìoghachd Dhé, agus an dà fhear dheug maille ris;

2 Agus mnathan àraidh a leighiseadh o dhroch spioradaibh agus o cusaintibh, Muire d'an goirear Magdalen, as an deachaidh seachd deamhain,

3 Agus Ioanna bean Chusa stiùbhaird Heroìd, agus Susanna, agus mòran eile, a bha 'frithealadh dha le am maoin.

4 Agus an uair a chruinnich shuagh mòr, agus a thàinig iad as gach baile d'a ionnsuidh, labhair e ann an cosamhlachd:

5 Chaidh fear-cuir a mach a chur a shìl: agus ag cur da, thuit cuid ri taobh an rathaid; agus shaltradh sìos e, agus dh'ith cunlaith an athair suas e.

6 Agus thuit cuid eile air carraig, agus air fàs da, shearg e, do bhrìgh nach robh sùgh aige.

7 Agus thuit cuid eile am measg droighinn, agus dh'fhàs an droighionn maille ris, agus thachd se e.

8 Agus thuit cuid eile air talamh maith, agus dh'fhàs e suas, agus thug e toradh uaithe a cheud nìrad *as a chuireadh*. Agus air dha na nithean sin a ràdh, ghlaodh e, Ge b'e aig am bheil cluasan chum éisd-eachd, éisd-eadh e.

9 Agus dh'fhiosraich a dheisciobuil deth, ag ràdh, Ciod e an cosamhlachd so?

10 Agus thubhairt esan, Thugadh dhuibh-



sa eòlas fhaotainn air rùn dìomhair rìogh-  
achd Dhé; ach do chàch ann an cosamh-  
lachdaibh, ionnus ag faicinn doibh nach  
faiceadh iad, agus ag cluinntinn doibh nach  
tuigeadh iad.

11 Ach is e so an cosamhlachd: Is e an  
sìol focal Dhé.

12 Iadsan ri taobh an rathaid, is iad sin a  
dh'éisdeas: 'n a dhéigh sin tha an diabhl  
a' teachd, agus a' togail air falbh an fhocail  
as an cridheachaibh, air eagal gu'n creid-  
eadh iad agus gu'm bitheadh iad air an  
saoradh.

13 An dream air a' charraig, is iad sin  
iadsan, an uair a dh'éisdeas iad, a ghabhas  
am focal d'an ionnsuidh le gairdeachas; ach  
cha-n'eil aca so freumh, *muinntir* a chreid-  
eas ré tamuill, agus 'an àm buairidh a tha  
'tuiteam air falbh.

14 Agus an nì a thuit am measg droighinn,  
is iad sin an dream a dh'éisdeas, agus air  
dhoibh dol a mach, tha iad air an tachdadh  
le cùram, agus le saoihbreas, agus le sàimh  
ua beatha so, agus cha-n'eil iad a' toirt  
toraidh uatha chum foirfeachd.

15 Ach an nì a thuit 's an talamh mhaith,  
is iad sin iadsan, air dhoibh am focal éisd-  
eachd, a tha 'g a choimhead ann an cridhe  
treibh-dhìreach agus maith, agus a' toirt  
toraidh uatha le foighidinn.

16 Cha-n'eil neach air bith, air dha coim-  
cal a lasadh, a dh'fholaicheas fo shoitheach  
i, no 'chuireas fo leabaidh i: ach cuiridh e  
ann an coimleir i, chum gu'm faic iadsan a  
thig a stigh an solus.

17 Oir cha-n'eil ni sam bith folaichte, nach  
deanar follaiseach; no uaigneach, nach aith-  
nìeach, agus nach tig 'an follais.

18 Air an aobhar sin thugaibh fainear  
cionnus a dh'éisdeas sibh: oir ge b'e neach  
aig am bheil, bheirear dha; agus ge b'e  
neach aig nach 'eil, bheirear uath eadhon  
an nì sin a shaoilear a bhi aige.

19 An sin thàinig d'a ionnsuidh a mhàth-  
air agus a bhraithrean, agus cha b'urrainn  
iad teachd 'an fagus da leis an dòmhlas.

20 Agus dh'innsedh dh'le dream àraidh,  
a thubhairt, Tha do mhàthair agus do  
bhraithrean 'n an seasamh a muigh, ag iar-  
raidh d'fhaicinn.

21 Agus fhreagair esan agus thubhairt e  
riu, Is iad mo mhàthair agus mo bhraith-  
rean iadsan a dh'éisdeas ri focal Dhé, agus  
a nì e.

22 Agus tharladh air làraidh, gu'n deach-  
aidh e féin agus a dheisciobuil a stigh do  
luing: agus thubhairt e riu, Rachamaid  
thairis gu taobh thall an locha. Agus chuir  
iad a mach o thìr.

23 Ach ag seòladh dhoibh, thuit codal air-  
sao: agus thàinig ànradh gaoithe a nuas air  
an loch, agus lìonadh iad le h-uisge, agus  
bha iad ann an gàbhadh.

24 Agus thàinig iad d'a ionnsuidh, agus

dhùisg iad e, ag ràdh, A mhaighstir, a  
mhaighstir, tha sinn cailte! An sin dh'érich  
esan, agus chronich e a' ghaoth, agus onfha  
an uisge: agus sguir iad, agus thàinig feath  
ann:

25 Agus thubhairt e riu, C'àit am bheil  
bhur creidimh? agus air dhoibh a bhi fo  
eagal, ghabh iad iongantas, ag ràdh r'a  
chéile, Ciod a' ghné dhuine so? oir tha e  
'toirt àithne do na gaothaibh, agus do'n  
uisge féin, agus tha iad ùmhhal dha.

26 Agus thàinig iad air tìr aig dùthaich  
nan Gadareneach, a tha thall fa chomhair  
Ghailìe.

27 Agus an uair a chaidh e mach air tìr,  
choimich duine àraidh as a' bhaile e, ams  
an robh deamhan ri aimsir fhada, agus  
aig nach biodh eudach uime, agus nach  
fanadh ann an tigh, ach anns na h-aitibh-  
adhlaic.

28 An uair a chunnaic e Iosa, ghlaodh e  
mach, agus thuit e sìos 'n a làthair, agus  
thubhairt e le guth àrd, Ciod e mo ghnoth-  
uch-sa riut, Iosa, a Mhic an Dé a's ro àirde?  
guidheam ort, ua pian wi.

29 (Oir bha e air toirt àithne do'n spiorad  
neòghlan dol a mach as an duine. Oir bu  
tric a rug e gu naimhdeil air: agus cheang-  
ladh e le slabhruidhlibh, agus choimhleadh  
'angeimhlibh e; agus air briseadh a chuibh-  
reachan dha, dh'iomaineadh e leis an  
deamhan do'n fhàsach.)

30 Agus dh'fhiosraich Iosa dheth, ag ràdh,  
Ciod a's aium dhuit? agus thubhairt esan,  
Legion: a chiom gu'n deachaidh mòran  
dheamhan a steach ann.

31 Agus ghuidh iad air, gun àithne thoirt  
doibh dol sìos do'n doimhneachd.

32 Agus bha treud lionmhor mhuc an sin,  
ag ionaltadh air an t-slabh: agus ghuidh  
iad air cead a thoirt doibh dol a steach  
annta. Agus thug e cead doibh.

33 An sin air dol do na deamhaibh a mach  
as an duine, chaidh iad anns na mucaibh:  
agus ruith an treud mhuc gu dian sìos le  
bruthach do'n loch, agus thachdadh iad.

34 Agus an uair a chunnaic an dream a bha  
'g am biadhadh an nì a rinneadh, theich iad,  
agus dh'innis iad e anns a' bhaile, agus anns  
an dùthaich.

35 Agus chaidh iadsan a mach a dh'fhaicinn  
an nì a rinneadh; agus thàinig iad gu Iosa,  
agus fhuair iad an duine as an deachaidh  
na deamhan, 'n a shuidhe aig cosaibh Iosa,  
air eudachadh, agus e 'n a chéill: agus  
ghabh iad eagal.

36 Agus dh'innis an dream a chunnaic e  
dhoibh, cionnus a shlànuicheadh an duine  
's an robh na deamhan.

37 An sin dh'farr muinntir dùthcha uan  
Gadareneach uile airsan imeachd uatha; oir  
ghlacadh le h-cagal mòr iad: agus chaidh e  
's an luing, agus phill e air ais a rìs.

38 A nis ghuidh an duine as an deachaidh

na deamhain air, e fèiu a bhi maille ris: ach chuir Iosa uaidh e, ag ràdh,

39 Pill do d' thigh fèin, agus cuir 'au céill meud nan nithean a rinn Dia dhuit. Agus dh'imich e roimhe, ag innseadh gu follaiseach air feadh a' bhaile uile, meud nan nithean a rinn Iosa dha.

40 Agus tharladh, an uair a phill Iosa air ais, gu'n do ghabh an sluagh *gu toileach* ris: oir bha iad uile 'g a fheitheamh.

41 Agus, feuch, thàinig duine d'am b'ainm Iairus, a bha 'n a uachdaran air an t-sionag; agus thuit e aig cosaibh Iosa, agus ghuidh e air gu'n tigeadh e d'a thigh:

42 Do bhrìgh gu'n robh aon-ghin nighinn aige, mu thimchioll dà bhliadhna dheug, agus i faotainn a bhàis. (Ach air dha bhi 'g imeachd, bha'n sluagh 'g a theannadh.

43 Agus thàinig bean air an robh dòrtadh fola dà bhliadhna dheug, agus a chait a beathachadh uile ri lighichibh, agus nach b'urrainn 'bhi air a leigheas le neach air bith.

44 Thàinig *ise* air a chùlaobh, agus bhean i ri iomall eudaich: agus sguir a dòrtadh fola air ball.

45 Agus thubhairt Iosa, Cò 'bhean rium? Air àicheadh do na h-uile, thubhairt Peadar ris, agus iadsan a bha maille ris, A mhaighstir, tha 'n sluagh ga d' dhòimhlachadh, agus ga d' theannadh, agus an abair thu, Cò 'bhean rium?

46 Agus thubhairt Iosa, Bhean neach éigin rium: oir mhothaich mi cumhachd a' dol asam.

47 Agus an uair a chumnaic a' bhean nach robh i 'an ain-fhios, thàinig i air chrith, agus a' sleuchdadh dha, chuir i'n céill da, an làthair an t-sluaigh uile, e'ar son a bhean i ris, agus mar a shlànuicheadh i gu grad.

48 Agus thubhairt esan rithe, A nighean, biodh misneach agad: shlànuich do chreidimh thu; imich ann an sìth.

49 An feadh a bha e fathast a' labhairt, thàinig neach o thigh Uachdaran na sion-agoig, ag ràdh ris, Tha do nighean marbh; na cuir dragh air a' mhaighstir.

50 Ach an uair a chual Iosa so, fhreagair se e, ag ràdh, Na bitheadh eagal ort: a mhàin creid, agus bithidh i air a slànuchadh.

51 Agus an uair a chaidh e do'n tigh, cha do leig e le neach air bith dol a stigh, ach Peadar, agus Eoin, agus Seumas, agus athair agus màthair na nighinn.

52 Agus bha iad uile a' gul, agus a' deamamh caoidh air a son: ach thubhairt esan, Na guilb; cha-n'eil i marbh, ach 'n a codal.

53 Agus rinn iad gàirc fanoid ris, a chionn gu'n robh fhios aca gu'n robh i marbh.

54 Agus air dha an cur a mach uile, ghlac e air làimh i, agus ghlaodh e, ag ràdh, A nighean, éirich.

55 Agus thàinig a spiorad air ais, agus

dh'éirich i air ball: agus dh'àithn e biadh a thoirt di.

56 Agus ghlac uamhas mòr a pàrantan: ach thug esan àithne dhoibh gun an ni a rinneadh innsedh do neach air bith.

# CAIB. IX.

1 *Chuir Crìosd a mach 'abstoil a dh'oibreachadh mhìorbhuilean, agus a shearmonachadh. 7 Tha togradh aig Herod Crìosd fhaicinn. 17 Thug Crìosd lòn do chàig mìle gu mìorbhuileach, 22 dh'innis e 'fhlungas roimh-laimh, 23 is éigin do na h-uile, le'm b'àill a bhi 'n an deisciobuil da, eistomplair-san a leanuinn. 25 Atharrachadh a chrutha. 37 Shlànuich e leanabh air an robh an tuiteamach.*

**A**GUS ghairm e au dà fhear dheug an ceann a chéile, agus thug e cumhachd agus ùghdarras doibh air na h-uile dheamhnaibh, agus a chum: euslaintean a leigheas.

2 Agus chuir e mach iad a shearmonachadh rioghachd Dhé, agus a shlànuachadh nan euslan.

3 Agus thubhairt e riu, Na tugaibh ni air bith leibh chum na slighe, bataichean, no màla, no aran, no airgid; ni mò bhios dà chòta aig gach fear agaibh.

4 Agus ge b'e air bith tigh d'an téid sibh a steach, fanaibh an sin, agus á sin rachaibh a mach.

5 Agus cò air bith iad nach gabh ribh, air dhuibh dol a mach as a' bhaile sin, crathaibh dhìbh eadhon an duslach o bhur cosaibh mar fhianais 'n an aghaidh.

6 Agus chaidh iadsan a mach, agus ghabh iad troimh na bailtibh, a' searmonachadh an t-soisgeil, agus a' leigheas anns gach àit.

7 Agus chuala Herod an Tetrarc na h-uile nithean a rinneadh leis: agus bha e ann an imecheist, do bhrìgh gu'n dubhradh le cuid, gu'n robh Eoin air éirigh o na marbhaibh;

8 Agus le cuid, gu'n d'fhoillsicadh Elias; agus le cuid eile, gu'n robh aon de na seann fhàidhibh air éirigh a ris.

9 Agus thubhairt Herod, Thug mise an ceann de Eoin: ach cò e am fear so mu'm bheil mi 'cluinnintu a leithid so de nithibh? Agus dh'iarr e 'fhaicinn.

10 Agus air pillinn do na h-abstolaibh, dh'innis iad dha gach ni a rinn iad. Agus thug e leis iad, agus chaidh e fa leth gu àite fàisail, a bhuineadh do'n bhaile d'an goirear Betsaida.

11 Agus an uair a fhuair an sluagh fios air lean iad e: agus ghabh e d'a ionnsuidh iad, agus labhair e riu mu thimchioll rioghachd Dhé, agus leighis e iadsan aig an robh feum air leigheas.

12 Agus an uair a thòisich an là air teir-eachdainn, thàinig an dà fhear dheug, agus thubhairt iad ris, Cuir air falbh an sluagh, chum gu'n téid iad do na bailtibh agus do'n tìr mu'n cuairt, agus gu'n gabh iad tàmh agus gu'm faigh iad biadh; oir tha sinn an so ann an àite fàisail.



13 Ach thubhairt esan riu, Thugaibh-sa dhoibh ni r'a itheadh. Agus thubhairt iadsan, Cha-n'eil againn tuilleadh na cùig bailionnan agus dà iasg: mur téid sinn agus biadh a cheannach do'n t-sluagh so uile.

14 Oir bha iad mu thimchioll cùig mìle fear. Agus thubhairt e r'a dheisciobluibh, Cuiribh 'n an suidhe iad, leth-cheud anns gach cuideachd.

15 Agus rinn iad mar sin, agus chuir iad 'n an suidhe iad uile.

16 Agus ghabh e na cùig bailionnan agus an dà iasg, agus air amharas suas gu nèamh, bheannaich e iad, agus bhris e, agus thug e d'a dheisciobluibh iad gu'n cur an lathair an t-sluagh.

17 Agus dh'ith iad, agus shàsuicheadh iad uile: agus thogadh dà chliabh dheug de bhìadh briste, a bha dh'fhùigheall aca.

18 Agus tharladh, air dha bhi ri urnuigh fa leth, gu'n robh a dheisciobuil maille ris: agus dh'fheòraich e dhiubh, ag ràdh, Cò a tha an sluagh ag ràdh is mise?

19 Fhrecagair iadsan agus thubhairt iad, Roin Baistidh: ach *tha* cuid *ag ràdh* Elias: agus cuid eile, gu bheil aon de na sean fhàidhibh air èirigh a ris.

20 Thubhairt e riu, Ach cò a tha sibhse ag ràdh is mi? Agus fhrecagair Peadar, agus thubhairt e, Crìosd Dhé.

21 Agus air dha sparradh teann a thoirt doibh, dh'èithn e gun iad a dh'innseadh so do neach sam bith;

22 Ag ràdh, Gur éigin do Mhac an duine mòran fhulang, agus a bhi air a dhiultadh leis na seanairibh, agus na h-àrd-shagart-aibh, agus na sgrìobhaicheibh, agus a bhi air a chur gu bàs, agus air a thogail suas air an treas là.

23 Agus thubhairt e riu uile, Ma's àill le neach air bith teachd a'm dhéigh-sa, àich-eadhadh se e féin, agus togadh e a chram-eusaidh gach là, agus leanadh e mise.

24 Oir ge b'e neach le'm b'àill 'anam a thèarnadh, caillidh se e: ach ge b'e neach a ehailleas 'anam air mo sgàth-sa, saoraidh esan e.

25 Oir ciod e an tairbhe do dhuine, ged ehosnadh e an saoghal gu h-iomlan, agus e féin a chall, no a bhi air a sgrìos?

26 Oir ge b'e neach a ghabhas nàire dhìom-sa agus do m' bhriathraibh, gabhaidh Mac an duine nàire dheth-san, an uair a thig e 'n a ghloir féin, agus '*an glòir*' Athar, agus nan àingeal naomha.

27 Ach tha mise ag ràdh ribh gu fìrinn-each, gu bheil cuid 'n an seasamh an so, nach blais bàs, gus am faic iad rìoghachd Dhé.

28 Agus tharladh, mu thimchioll ochd làithean an déigh nam briathran so, gu'n d'thug e leis Peadar, agus Eoin, agus Seumas, agus gu'n deachaidh e suas gu beinn a dheanamh urnuigh.

29 Agus an uair a bha e ri urnuigh, bha dreach a ghnùise air atharrachadh, agus rinneadh 'eudach geal agus dealrach.

30 Agus, feuch, bha dithis fhear a' còmh-radh ris, eadhon Maois agus Elias,

31 A nochdadh ann an glòir, agus a bha 'labhairt m'a bhàs, a bha esan gu choimhlean-adh ann an Ierusalem.

32 Ach bha Peadar, agus iadsan a bha maille ris, trom 'n an codal: agus an uair a dhùisg iad, chunnaic iad a ghloir, agus an dithis fhear a bha 'n an seasamh maille ris.

33 Agus an uair a bha iadsan a' dealachadh ris, thubhairt Peadar ri Iosa, A mhaighstir, is maith dhuinne bhi an so; agus deanamaid trì pàillìunan, aon duitse, agus aon do Mhaois, agus aon do Elias; gun fhios aige ciod a bha e ag ràdh.

34 Am feadh a bha e ag ràdh so, thàinig neul, agus ehuir e sgùile orra: agus ghabh iad egal an uair a bha iad a' dol a stigh 's an neul.

35 Agus thàinig guth as an neul, ag ràdh, Is e so mo Mhac gràdhach-sa; èisdibh ris.

36 Agus an uair a rinneadh an guth so, fhuaradh Iosa 'n a aonar: agus dh'fhan iadsan 'n an tosd, agus cha d'innis iad do neach air bith anns na làithibh sin aon ni de na chunnaic iad.

37 Agus tharladh, an là 'n a dhéigh sin, an uair a thàinig iad a nuas o'n bheinn, gu'n do thachair sluagh mòr air.

38 Agus, feuch, ghlaodh duine àraidh de'n t-sluagh, ag ràdh, A mhaighstir, tha mi a' guidhe ort, amhaire air mo mhac, oir is e m' aon duine cloinne e.

39 Agus, feuch, tha spiorad a' breith air, agus tha e gu h-obann ag éigheach; agus tha e 'g a tharruing as a chéile, air chor as gu bheil e 'cur còbhair a mach, agus an déigh a chomh-bhruthadh is ganna dh'fhàgas se e.

40 Agus ghuidh mi air do dheisciobluibh gu'n cuireadh iad a mach e, agus cha b'urr-aunn iad.

41 Agus fhrecagair Iosa agus thubhairt e, O ghinealaich mhì-chreidich agus fhiair, cia fhad a bhitheas mi maille ribh, agus a dh'fhuilgeas mi sibh? Thoir an so do mhac.

42 Agus am feadh a bha e fathast a' teachd, thig an deamhan sìos e, agus reub se e: agus chronnich Iosa an spiorad neòghlan, agus shànuich e an leanabh, agus thug e d'a athair e.

43 Agus ghabh iad uamhas uile ri mòr-chumhachd Dhé. Ach air dhoibh uile 'bhi gabhail iongantais ris na h-uile nithibh a rinn Iosa, thubhairt e r'a dheisciobluibh.

44 Taisgibh na briathran so ann bhuir eluas-aibh: oir tha Mac an duine gu bhi air a thoirt thairis do lamhan dhaoine.

45 Ach cha do thuig iadsan an còmhradh so, agus bha e folaichte uatha, air chor as

nach b'aithne dhoibh e: agus bha cagal orra ceisid a chur air mu thimcheall a' chòmhraidh so.

46 An sin dh'éirich deasboireachd eatorra, cò aca 'bu mhò a bhlitheadh.

47 Agus air do Iosa smuaintean an cridhe fhaicinn, ghabh e leanabh, agus chuir e làimh ris féin e,

48 Agus thubhairt e riu, Ge b'e 'ghabhas ris an leanabh so ann am ainm-sa, tha e a' gabhail riumsa: agus ge b'e neach a ghabhas riumsa, tha e 'gabhail ris an tì a chuir uaith mi: oir an neach a's lugha 'n ur measg-sa uile, bithidh esan mòr.

49 Agus fhreagair Eoin, agus thubhairt e, A mhaighstir, chunnaic sinne duine àraidh a' tilgeadh mach dheamhan a' d'ainm-sa; agus bhac sinn e, a chionn nach 'eil e 'g ar leantuinn-ne.

50 Agus thubhairt Iosa ris, Na bacaibh e: oir ge b'e nach 'eil 'n ar n-aghaidh, tha e leinn.

51 A nis au uair a choimhlionadh làithean a ghabhail suas, shuidhich e a ghnùis chum dol gu Ierusalem;

52 Agus chuir e teachdaireau roimh a ghnùis: agus dh'imich iad, agus chaidh iad a steach do bhaile leis na Samaritanaich, a dh'ullachadh air a shon-san.

53 Agus cha do ghabh iadsan ris, a chionn gu'n robh 'aghaidh mar gu'm bithheadh e 'dol gu Ierusalem.

54 Agus an uair a chunnaic a dheisciobuil Seumas agus Eoin so, thubhairt iad, A Thighearn, an àill leat gu'n abramaid teine a theachd a nuas o nèamh, agus an losgadh, eadhon mar a rinn Elias?

55 Ach thionndaidh esan agus chronuich e iad, agus thubhairt e, Cha-n'eil fhios agaibh ciod a' ghnè spioraid d'am bheil sibh:

56 Oir cha d'fhàinig Mac an duine a sgrios anaman dhaoine, ach g'an saoradh. Agus chaidh iad gu baile eile.

57 Agus tharladh, an uair a bha iad ag imcadh air an t-slighe, gu'n dubhairt duine àraidh ris, A Thighearna, leanaidh mise thu ge b'e àit an téid thu.

58 Agus thubhairt Iosa ris, Tha tuill aig na sionnaich, agus nid aig eunlaith an athair; ach cha-n'eil àit aig Mac an duine anns an cuir e a cheann foidhe.

59 Agus thubhairt e ri duine eile, Leau mise: ach thubhairt esan, A Thighearna, leig dhomh dol air tús agus m'athair adhlac.

60 Ach thubhairt Iosa ris, Leig leis na mairbh am mairbh féin adhlac; ach imich thusa agus searmonaich rioghachd Dhé.

61 Agus thubhairt neach eile mar an cend-na, A Thighearna, leanaidh mise thu: ach leig dhomh air tús mo chead a ghabhail duibhsan a tha aig mo thigh.

62 Ach thubhairt Iosa ris, Cha-n'eil neach

air bith, a chuireas a làmh ris a' chrann-araidh, agus a sheallas 'n a dhéigh, iomchuidh air sou rioghachd Dhé.

## CAIB. X.

1 *Chuir Criosd a mach a dh'aon uair deich agus trì fichead deisciobul a shearmonachadh; 17 dh'iarr e orra bhi iriosal, agus dh'innis e dhoibh ciod e an nì anns am buineadh dhoibh gairdeachas a dheanamh; 21 thug e buidheachas d'a Athair air son a ghràis; 23 agus chuir e 'an cèill teachd shona a dheisciobul. 41 Chronuich e Martha.*

**A**N déigh nan nithean sin, dh'orduich an Tighearn mar an ceudna deichnear agus trì fichead eile, agus chuir e lion dithis agus dithis roimh a ghnùis iad, do gach baile, agus àit, anns an robh e féin gu teachd.

2 Air an aobhar sin thubhairt e riu, *Tha* am fogharadh gu firinneach mòr, ach *tha* an luchd-oibre tearc: guidhibh uime sin air Tighearn an fhogharaidh, luchd-oibre chur a mach chum 'fhogharaidh féin.

3 Imichibh: feuch, tha mise 'g ur cur a mach mar uain an measg mhadadh-alluidh.

4 Na giùlainibh sporan, nomàta, nobrògan; agus na beannaichibh do neach air bith 's an t-slighe.

5 Agus ge b'e tigh d'an téid sibh a steach, abraibh air tús, *Sith do'n tigh so.*

6 Agus ma bhlitheas mac na sìthe an sin gabhaidh bhur sith còmhnuidh air: ach mur bi, pillidh *bhur sith* do bhur n-ionnsuidh féin a ris.

7 Agus fanaibh anns an tigh sin, ag ith-cadhl agus ag òl nan nithean a bheirear dhuibh: oir is airidh an t-oibriche air a thuarsadal. Na rachaibh o thigh gu tigh.

8 Agus ge b'e baile d'an téid sibh a steach, agus 's an gabh iad ribh, ithibh na nithean sin a chuireas iad 'n ur làthair.

9 Agus leighisibh a' mhuinntir a tha euslan ann, agus abraibh riu, Tha rioghachd Dhé air teachd am fagus duibh.

10 Ach ge b'e baile d'an téid sibh a steach, agus nach gabh iad ribh, air dhuibh dol a mach air a shràidibh, abraibh,

11 Eadhon duslach bhur baile a lean ruinn, tha sinne a' glanadh dhinn 'n ur n-aghaidhsa: gidheadh, bithheadh fhios so agaibh gu'n do dhruid rioghachd Dhé ribh.

12 Ach tha mise ag ràdh ribh, gur so-ionmhaire a bhlitheas e do Shodom 's an làud, na do'n bhaile sin.

13 Is an-aobhinn duit, a Chorasin! is an-aobhinn duit, a Bhetsaida! oir nam bithheadh na h-oibre cumhachdach a rinneadh annaibh-sa air an deanamh ann an Tirus agus ann an Sidon, is fad o'n a dheanadh iad aithreachas, 'n an suidhe ann au saic-eudach agus ann an luathre.

14 Ach bithidh e nì's so-ionmhaire do Thirus agus do Shidon anns a' bhreitheanas, na dhuibh-sa.



15 Agus thusa, a Chapernaum, a tha air òrdachadh gu nàmh, tilgear sios gu ìn-frinn thu.

16 Esan a dh'èisdeas ribhse, èisdidh e rium-sa: agus esan a dhiultas sibhse, tha e ga mo dhiultadh-sa: agus an neach a dhiultas mise, tha e a' diultadh an tì a chuir uaith mi.

17 Agus phill an deichneach agus an tri fìthead le gairdeachas, ag ràdh, a Thighearna, tha na deamhain fèin fo smachd againne troimh d'ainm-sa.

18 Agus thubhairt e riu, Chunnaic mi Satan, mar dhealanach, a' tuiteam o nèamh.

19 Feuch, tha mi 'toirt dhuibh cumhachd saltairt air nathraichibh, agus air scorpion-aibh, agus air uile neart an nàmhaid; agus cha ghoirtich mi air bith air aon dòigh sibh.

20 Gidheadh na deanaibh gairdeachas air son gu bheil na spioraid fo bhr smachd; ach deanaibh gairdeachas air son gu bheil bhr n-ainmean sgriobhta anns na nàmhain.

21 Anns an uair sin fèin rinn Iosa gairdeachas 'n a spiorad, agus thubhairt e, Tha mi 'toirt buidheachais duit, O Athair, a Thighearna nèimh agus talmhainn, air son gu'n d'fhòlach thu na nithean sin o *dhaoinibh* glìce agus tuigseach, agus gu'n d'fhoillsich thu iad do naoidheanaibh: seadh, Athair, oir is ann mar sin bu toil leatsa.

22 Tha na h-uile nithean air an tabhairt domh-sa le m' Athair: agus cha-n aithne do neach air bith cò e am Mac, ach do'n Athair; no cò e an t-Athair ach do'n Mhac, agus an neach d'an àill leis a' Mhac 'fhoillsachadh.

23 Agus air tionndadh r'a dheisciobluibh, thubhairt e riu ann an uaignidheas, Is beannaichte na sùilean a chi na nithean 'tha sibhse a' faicinn:

24 Oir tha mi ag ràdh ribh, Gu'm b'iomadh faidh agus rìgh, le'm bu mhiann na nithean fhaicinn a tha sibhse a' faicinn, agus nach fac iad; agus na nithean a chluinntinn, a tha sibhse a' cluinntinn, agus nach cual iad.

25 Agus, feuch, sheas fear-lagha àraidh suas, 'g a dhearbhadh, agus ag ràdh, A mhaighstir, ciod a ni mi chum gu'n sealbhaich mi a' bhacatha mhaireannach?

26 Agus thubhairt e ris, Ciod a tha sgriobhta 's an lagh? cionnus a leughas tu?

27 Agus ag freagairt dèasan, thubhairt e, Gràdhachidh tu au Tighearna do Dhia le d'uile chridhe, agus d'uile anam, agus le d'uile neart, agus le d'uile inntinn; agus do choinhearsnach mar thu fèin.

28 Agus thubhairt esan ris, Is ceart a fhreagair thu: dean-sa so, agus bithidh tu beò.

29 Ach air dhàsan toil a bhi aige e fèin fhrèanachadh, thubhairt e ri Iosa, Agus cò e mo choinhearsnach?

30 Agus fhreagair Iosa, agus thubhairt e, Chaidh duiue àraidh sios o Ierusalem gu Iericho, agus thuit e am measg luchd-reubainn, agus air dhoibh a rùsgadh, agus a lotadh, dh'imich iad rompa, air 'fhagail-san doibh leth-mharbhbh.

31 Agus tharladh, gu'n d'imich sagart àraidh sios air an t-slighe sin: agus an uair a chunnaic se e, ghabh e seachad air an taobh eile.

32 Agus mar an ceudna air do Lebhitheach bhi dlùth do'n ionad sin, thàinig e agus dh'amhairc e air, agus ghabh e seachad air an taobh eile.

33 Ach air do Shamaritanach àraidh bhi 'gabhail an rathaid, thàinig e far an robh esan: agus an uair a chunnaic se e, ghabh e truas mòr dheth,

34 Agus thàinig e d'a ionnsuidh, agus cheangail e suas a chreuchdan, a' dortadh olaidh agus lìona anna, agus chuir e air 'ainmhidh fèin e, agus thug e gu tigh-òsda e, agus ghabh e cùram dheth.

35 Agus air an là màireach, 'n uair a dh'fhalbh e, thug e mach dà pheghinn *Romanach*, agus thug e do fhear an tigh-òsda iad, agus thubhairt e ris, Gabh cùram dheth; agus ge b'e ni tuilleadh a chaitheas tu, an uair a philleas mise air m'ais, diolaidh mi dhuit e.

36 Cò a nis de'n triuir so, a shaoileas tu, a bu choinhearsnach dhàsan a thuit 'am measg an luchd-reubainn?

37 Agus thubhairt esan, An tì a rinn tràde-air air. An sin thubhairt Iosa ris, Imich thusa, agus dean mar an ceudna.

38 Agus ag imeachd dhoibh, chaidh e steach do bhaile àraidh; agus ghabh bean àraidh, d'am b'ainm Marta, d'a tigh fèin e.

39 Agus bha piuthar aice d'an goirtheadh Muire, a shuidh aig cosaibh Iosa, agus a bha 'g èisdeachd 'fhocail.

40 Ach bha Marta fo chùram le mòran frithealaidh, agus air seasann dhi 'n a làth-air, thubhairt i, A Thighearna, nach 'eil suim agad gu'n d'fhàg mo phiuthar mise a'm' aonar ri frithealadh? uime sin abair rithe cuideachadh leam.

41 Agus fhreagair Iosa, agus thubhairt e rithe, a Mharta, a Mharta, tha thusa làn cùram, agus trioblaid nu thimechioll mòrain de nithibh:

42 Ach tha aon ni feumail. Agus rinn Muire roghaibh de'n chuid mhaith sin, nach toir car uaipe.

## CAIB. XI.

1 *Theagaisg Crìosd d'a dheisciobluibh urmuidh a dheanann gu bithdheanta.* 14 Thùg e mach deamhan a bha balbh, agus chronnich e na Phairisich air son an toibheim, 28 Nochd e cò iad a tha beannaichte, 37 agus chronnich e na Phairisich agus na sgrìobhaichean.

**A** GUS tharladh air dha bhi ann an ionad àraidh ri h-urnuigh, 'n uair a sguir

e, gu'n dubhairt neach àraidh d'a dheiscioblaibh ris, A Thighcarna, teagaisg dhuinne urnuigh a dheanamh, mar a theagaisg Eoin d'a dheiscioblaibh féin.

2 Agus thubhairt e riu, 'N uair a ni sibh urnuigh, abraibh, Ar n-Athair a ta air nàmh, Gu naonhaichear d'ainm. Thigeadh do rìoghachd. Deanar do thoil, mar air nàmh, gu ma h-amhluidh sin air thalamh.

3 Thoir dhuinn o là gu là ar n-aran lathail.

4 Agus maith dhuinn ar peacaidhean: oir tha sinn féin a' maithcadh do gach aon air am bheil fiachan againn. Agus na leigann am buaireadh sinn, ach saor sinn o'n olc.

5 Agus thubhairt e riu. Cò agaibh-sa aig am bi caraid, agus a theid d'a ionnsuidh air mheadhon-oidheche, agus a their ris, A charaid, thoir dhomh trì buillionnan air iasachd;

6 Oir thàinig caraid dhomh a m' ionnsuidh as a shlighe, agus cha-n'cil ui agam a chuir-eas mi ua lathair:

7 Agus gu'm freagair esan o'n taobh a stigh agus gu'n abair e, Na cuir dragh orm: tha 'n doras a nis air a dhùnadh, agus tha mo chlann maille rium 's an leabaidh; cha-n' fhaigh mi éirigh agus an toir duit.

8 Tha mi ag ràdh ribh, Ged nach éirich e agus nach toir e dha, air son gur e a charaid e; gidheadh air son a liosdachd, éiridh e agus bheir e dha 'mheud as a tha dh'uir-easbhuidh air.

9 Agus tha mise ag ràdh ribh, Iarraibh, agus bheirar dhuibh: sribh, agus gheibh sibh; buailibh an doras, agus fosgailear dhuibh.

10 Oir gach neach a dh'iarras, glacaidh e: agus an ti a shireas, gheibh e: agus do'n ti a bhuaileas, fosgailear.

11 Ma dh'iarras mac aran air aon neach agaibh-sa 'tha 'n a athair, an toir e dha clach? no ma dh'iarras e iasg, an toir e nathair dha 'an àit éisg?

12 No ma dh'iarras e ubh, an toir e scorpion da?

13 Air an aobhar sin ma's aithne dhuibh-sa a tha olc, tiodhlacan maitha a thoirt do 'ur cloinn, naeh mòr is mò na sin a bheir bhuir n-Athair nàmhaidh an Spiorad naomh dhoibh-san a dh'iarras air e?

14 Agus bha e 'tilgeadh a mach deamhain, agus bha e balbh. Agus air dol do'n deamhan a mach, labhair am balbhan; agus ghabh an sluagh iongantas.

15 Ach thubhairt cuid diubh, Is ann troimh Bheelsebub ceannard nan deamhan a tha e 'tilgeadh mach dheamhan.

16 Agus dh'iarr dream cile dhiubh, 'g a dhearbhadh, comharadh air o nàmh.

17 Ach air dhàsan an smuaintean a thuigsinn, thubhairt e riu, Gach rìoghachd a tha roimte 'n a h-aghaidh féin, fasaichear i; agus gach tigh a tha roimte 'n a aghaidh féin, tuitidh e.

18 Agus ma tha Sàtan mar an ceudna air

a roinn 'u a aghaidh féin, cionnus a sheasas a rìoghachd? oir tha sibhse ag ràdh, gu bheil mise troimh Bheelsebub a' tilgeadh a mach dheamhan.

19 Agus ma 's ann troimh Bheelsebub a tha mise a' tilgeadh mach dheamhan, cò e troimh am bheil bhuir clann-sa 'g an tilgeadh mach? uime sin bithidh iadsan 'n am breitheamhaibh oirbh.

20 Ach ma 's ann le mèur Dhé a tha mise a' tilgeadh mach dheamhan, tha rìoghachd Dhé, gun teagamh, air teachd oirbhse.

21 'N uair a ghleidheas duine laidir fo armaibh a thalla féin, tha na bhuincas da ann an sìth.

22 Ach an uair a thig duine a's treise na e, agus a bheir e buaidh air, bheir e uaith 'armachd uile anns an robh a dhòigh, agus roimhidh e a chreach.

23 An neach nach 'eil leam-sa, tha e a'm' aghaidh; agus an neach nach 'eil a' cruinneachadh leam-sa, sgapaidh e.

24 'N uair a theid an spiorad neòghlan a mach á duine, imichidh e troimh ionadaibh tiorma, ag iarraidh foise: agus an uair nach faigh e sin, their e, Pìlìdh mi dh'ionnsuidh mo thighe as an d'thàinig mi.

25 Agus air dha teachd, gheibh se e air a sguabadh agus air a dheanamh maiseach.

26 An sin imichidh e, agus bheir e leis seachd spioradan eile a's miosa na e féin; agus air dhoibh dol a steach, gabhaidh cor deir-cannach an duine sin ni's miosa na a cheud chor.

27 Agus an uair a bha e 'labhairt nan nithean so, thog bean àraidh de'n t-sluagh a guth, agus thubhairt i ris, Is beannaichte a' bhuir a ghluilain thu, agus na ciochan a dh'coghail thu.

28 Ach thubhairt esau, Is mò gur beannaichte iadsan a dh'éisdeas ri focal Dhé, agus a choimhideas e.

29 Agus an uair a chruinnich an sluagh gu tigh d'a ionnsuidh, thòisich e air a ràdh, Is droch ghinealach so: tha iad ag iarraidh comharaidh; agus cha toirear comharadh dhoibh, ach comharadh Ionais an fhàidh.

30 Oir mar a bha Ionas 'n a chomharadh do mhuinntir Ninebbeh, is ann mar sin mar an ceudna bhitheas Mac an duine do'n ghinealach so.

31 Eiridh ban-righinn na h-àirde deas suas anns a' bhreitheanas maille ri daoinibh a' ghinealach so, agus ditidh i iad: oir thàinig ise o ionallaibh na taluham, a dh'éisdachd ri gliocas Sholaimh; agus, feuch, tha ni's mò na Solaimh an so.

32 Eiridh muinntir Ninebbeh suas anns a' bhreitheanas maille ris a' ghinealach so, agus ditidh iad e: oir rinn iadsan aithreachas le searmoin Ionais; agus, feuch, tha ni's mò na Ionas an so.

33 Cha-n'cil neach sam bith air dha coimn-



eal a lasadh, a chuireas 'am folach i, no fo shoitheach; ach ann an coimheir, chum gu'm faic an dream a thig a stigh an solus.

34 Is i an t-sùil solus a' chuirp: uime sin an uair a bhitheas do shùil glan, bithidh do chorp uile làn soluis: ach an uair a bhitheas do shùil ole, bithidh do chorp mar an ceudna dorchla.

35 Uime sin thoir an aire, nach bi an solus a tha annad 'n a dhorchadas.

36 Air an aobhar sin ma bhitheas do chorp uile soillseach, gun chuid sam bith dheth dorchla, bithidh e soillseach gu h-ìomlan, mar an uair a shoillsicheas coimheal thu le dealradh.

37 Agus a' labhairt dhàsan, dh'iarr Phairiseach àraidh air a dhinneir a ghabhail maille ris: agus chaidh e stigh, agus shuidh e chum bidh.

38 Agus an uair a chuuaic am Phairiseach sin, b'foghnaidh leis nach d'ionnlaid se e fèin roimh a dhineir.

39 Agus thubhairt an Tighearn ris, A nis, Phairiseacha, glanaidh sibhse an taobh a muigh de'n chupan agus de'u mhèis: ach tha 'n taobh a stigh dhiubh làn de reubainn agus de aingidheachd.

40 Anadana, an ti a rinn an ni a tha 'n taobh a muigh, nach do rinn e an ni a tha 'n taobh a stigh mar an ceudna?

41 Ach thugaibh uaibh déire de na nithibh a th' agaibh: agus, feuch, tha ua h-uile ni glan duibh.

42 Ach is an-aobhinn duibh, Phairiseacha: oir tha sibh a' toirt deachaimh & nuinnt, agus á rù, agus as gach uile ghnè luibhean, agus a' deanamh dearmaid air breitheanas agus air gràdh Dhé: bu chòir dhuibh iad so a dheanamh, agus gun iad sud fhàgail gun deanamh.

43 Is an-aobhinn duibh, Phairiseacha: oir is iomhuinn leibh na ceud àiteachan-suidhe anns na sionagogaibh, agus fàilte fhaotainn air na margaibh.

44 Is an-aobhinn duibh, a sgrìobhaichean agus Phairiseacha, a chealgaircan: oir tha sibh mar uaignean nach faicear, agus do nach toir na daoine a tha 'g imeachd thairis orra, an aire.

45 Agus fhreagair duine àraidh de'n luchd-lagha, agus thubhairt e ris, A mhaighstir, le so a labhairt, tha thu 'toirt maslaidh dhuinne mar an ceudna.

46 Agus thubhairt esau, Is an-aobhinn dhuibh-sa mar an ceudna, a luchd-lagha: oir tha sibh a' cur uallachan troma do-ghrùlan air daoineibh, agus cha bhean sibh fèin ris na h-uallaichibh le h-aon de bhuir mèur-aibh.

47 Is an-aobhinn duibh: oir tha sibh a' togail àitean-adhlaid nam fàidhean, agus is iad bhuir n-aithrichean a mharbh iad.

48 Gu deimhin tha sibh a' toirt fianuis gu bheil sibh ag aontachadh le gnìomharaibh

bhuir n-aithrichean: oir mharbh iadsan gu deimhin iad, agus tha sibhse a' togail an àitean-adhlaid.

49 Air an aobhair sin thubhairt gliocas Dhé, Cuiridh mise fàidhean, agus abstoil d'an ionnsuidh, agus cuid diubh mharbhaidh iad, agus cuid eile geur-leanaidh iad.

50 Chum gu'n agrar air a' ghinealach so fuil nam fàidhean uile a dhòirteadh o thoiseach an domhain;

51 O fhuil Abeil gu fuil Shachariais, a chaidh mharbhadh eadar an altair agus an teampull: gu deimhin tha mi ag ràdh ribh, gu'n agrar i air a' ghinealach so.

52 Is an-aobhinn duibh, a luchd-lagha: oir thug sibh air falbh iuchair an eòlais: cha deachaidh sibh fèin a steach, agus au dream a bha 'dol a steach, bhac sibh iad.

53 Agus an uair a bha e 'labhairt nan nithean so riu, thòisich ua sgrìobhaichean agus na Phairisich air a chur thuige gu dian, agus a tharruing gu labhairt air mòran de nithibh:

54 A' deanamh feall-aire air, agus ag iarraidh ni éigin a ghlacadh as a bheul, chum gu'm bitheadh cùis-dhùidh aca 'n a aghaidh.

## CAIB. XII.

1 Shearmonaich Criosd d'a dheisciobluibh iad a sheachnadh cèlg, agus geill ann an cur a theagaisg ancèil. 13 Rabhadh do'n t-slugh a bh' air am faicill an aghaidh sannta. 22 Chan fhead sinn a bh' ro chàramach mu nithibh talmhaidh: 31 ach is còir dhuinn rìoghachd Dhé iarraidh, 33 déire a thoirt uainn, 36 agus a bh' ullamh gus an doras fhosgladh do'r Tighearn, ge b'e am 's an tig e, &c.

**A**NNS au àm sin, an uair a bha slugh gun àireamh air cruinneachadh, ionnus gu'n robh iad a' saltairt air a chèile, thòisich e air a ràdh r'a dheisciobluibh fèin, Roimh gach ni bithibh air bhuir faicill o thaois ghoirt nam Phairiseach, eadhon cealgaircachd.

2 Oir cha-n'eil ni air bith foluichte, nach foillsichear; no uaigneach, air nach faighear fios.

3 Air an aobhar sin ge b'e ni a labhair sibh 's an dorchadas, cluinnear e 's an t-solus: agus an ni a labhair sibh 's a' chluais ann an seòmraichibh uaigneach éighear e air mullach nan tighean.

4 Agus tha mi ag ràdh ribhse, mo chàird-ean, Na bitheadh eagal oirbh roimh 'n mhuinntir sin a mharbhas an corp, agus 'n a dhéigh sin aig nach 'eil ni tuilleadh 'dh'fheadas iad a dheanamh:

5 Ach nochdaidh mi dhuibh cò e roimh an còir dhuibh cagal a bh' oirbh: Bitheadh cagal an Ti ud oirbh, aig am bheil cumhachd, an déigh nèach a mharbhadh, a thilg-eadh do ifrinn: seadh, tha mi ag ràdh ribh, Bitheadh eagal an Ti so oirbh.

6 Nach 'eil cùig gealbhoimn air an reic air

dà fheoiring, agus cha-n'eil aon diubh air dhearmad 'am fianuis Dhé?

7 Ach tha eadhon fuilteinean bhuir cinn uile air an àireamh. Uime sin na bithheadh eagail oirbh: is fearr sibhse na mòran gheallbhonn.

8 Agus tha mise ag ràdh ribh, Ge b'e neach a dh'aidicheas mise 'am fianuis dhaoine, aidichidh Mac an duine esan mar an ceudna 'an làthair ainglean Dhé:

9 Ach ge b'e neach a dh'aidheadhas mise 'am fianuis dhaoine, àicheadhar esan 'am fianuis ainglean Dhé.

10 Agus ge b'e neach a labhras focal an aghaidh Mhic an duine, maithhear dha e: ach do'n ti a labhras toibheum an aghaidh an Spioraid naoinh, cha toirear maith-eanas.

11 Agus an uair a bheir iad sibh chum nan sionagag, agus nan uachdaran, agus nan daoine cumhachdach, na bithheadh e 'n a ro-chùram oirbh cionnus no ciod a fhreagras sibh, no ciod a their sibh:

12 Oir teagaisgidh an Spiorad naoinh dhuibh anns an uair sin féin na nithean a's eòir dhuibh a ràdh.

13 Agus thubhairt neach àraidh de'n t-sluagh ris, A mhaighstir, abair ri m' bhràthair an oighreachd a roinn rium.

14 Agus thubhairt e ris, A dhuine, cò a chuir mise a'm' bhreitheamh, no a'm' fhear-roinn os bhur ceann?

15 Agus thubhairt e riu, Thugaibh an aire; agus gleidhibh sibh féin o shannt: oir cha-n ann 'am mòr phailteas nan nithean a tha e 'scallbhachadh tha beatha an duine.

16 Agus labhair e cosamhlachd riu, ag ràdh, Thug fearann duine shaoibhir àraidh bàrr pailt uath:

17 Agus smuainich e ann féin, ag ràdh, Ciod a ni mi, a chionn nach 'eil agam àit anns an cruinnich mi mo thoraidh?

18 Agus thubhairt e, Ni mi so: leagaidh mi mo shaibhlean, agus togaidh mi *saibhlean* a's mò; agus cruinnichidh mi amta sin mo thoraidh uile, agus mo mhaoin.

19 Agus their mi ri m' anam, Anam, tha agad mòran de nithibh maith e air an tasgadh fa chomhair mòrain bhliadhnachan; gabh fòis, ìth, òl, agus bi subhach.

20 Ach thubhairt Dia ris, Amadain, air an oidheche so féin iarrar d'anam uait: an sin cò dha a bhuineas na nithean sin a dh'ulluich thu?

21 Is ann mar sin a tha an ti a thaisgeas ionmhas dha féin, agus nach 'eil saoi bhir a thaobh Dhé.

22 Agus thubhairt e r'a dheisciobluibh, Uime sin tha mise ag ràdh ribh, na bithheadh ro-chùram oirbh mu thimchioll bhuir beatha, ciod a dh'itheas sibh; no mu thimchioll bhuir cuirp, ciod a chuireas sibh unaibh.

23 Is mò a' bheatha na 'm biadh, agus an corp na 'n t-eudach.

24 Thugaibh fainear na fithich: oir cha-n'eil iadsan a' cur no a buain; cha-n'eil aca tigh-tasgaidh no sabhal; agus tha Dia 'g am beathachadh: Cia mòr is fearr sibhse na 'n eunlaith?

25 Agus cò agaibh-sa, le ro-chùram, is urrainn aon làmh-choille a chur r'a àirde féin?

26 Mur 'eil sibh uime sin comasach air an ni a's lugha a dheanamh, c'ar son a tha sibh ro-chùramach mu nithibh eile?

27 Thugaibh fainear na lilighean, cionnus a tha iad a' fas: cha-n'eil iad a' saoitheachadh, no a' sniomh: gidheadh tha mi ag ràdh ribh, nach robh Solamh féin 'n a ghloir uile, air a sgeadachadh mar aon diubh so.

28 Agus ma tha Dia mar sin a' sgeadachadh an fheoir, a tha 'n diugh's a' mhachair, agus an màireach air a thilgeadh 's an àmhuinn; nach mòr is mò a *sgeadaicheas* e sibhse, O dhaoine air bheag creidinn?

29 Uime sin na iarraibh-sa ciod a dh'itheas sibh, no ciod a dh'òlas sibh, agus na bithibh amharusach.

30 Oir na nithean so uile tha Cinnich an t-saoghail ag iarraidh: ach tha fhios aig bhuir n-Athair-sa gu bheil feum agaibh air na nithibh sin.

31 Ach iarraibh-sa rioghachd Dhé, agus cuirear na nithean so uile ribh.

32 Na bithheadh eagail ort, a threud bhit; oir is e deadh thoil bhuir n-Athar an rioghachd a theirt dhuibh.

33 Reicibh na bheil agaibh, agus thugaibh déire uaibh: deanaibh dhuibh féin sporain nach fas sean, ionmhas nach teirg anns na nèamhan, far nach tig gaduiche am fagus, agus nach truail an leomann.

34 Oir ge b'e àit am bheil bhuir n-ionmhas, an sin bithidh bhuir cridhe mar an ceudna.

35 Bithheadh bhuir leasraidh crioslaichte mu'n cuairt, agus *bhuir* lòchrain air an lasadh;

36 Agus sibh féin cosmhuil ri daoineibh a tha 'feitheamh an Tighearn, 'an uair a phill-eas e o'n phòsadh; chum air dha teachd agus bualadh, gu'n grad-fhosgail iad dha.

37 Is beannaichte na seirbhisich sin, a gheibh an Tighearn, 'an uair a thig e, ri faire: gu deimhin tha mi ag ràdh ribh, gu'n crioslaich se e féin mu'n cuairt, agus gu'n cuire 'n an suidhe iad chum bidh, agus gu'n tige mach agus gu'n dean e frithealadh dhoibh.

38 Agus ma thig e 's an dara faire, no ma thig e 's an treas faire, agus gu'm faigh e *iad* mar sin, is beannaichte na seirbhisich sin.

39 Agus bithheadh cinnt agaibh air so, nam bithheadh fhios aig fear an tìghe cia an uair anns an tigeadh an gaduiche, gu'n deanaidh e faire, agus nach fuilgeadh e a thig a bhi air a bhriseadh troimh.

40 Bithibh-sa uimè sin àsas mar an



ceudna: oir thig Mac an duine 'n uair nach saoil sibh.

41 Agus thubhairt Peadar ris, A Thighearn, an ann ruinne tha thu 'labhairt a' chosamhlachd so, no ris gach uile?

42 Agus thubhairt an Tighearn, Cò e uime sin an stiùbhard firinneach agus glic sin, a chuireas a Thighearn os ceann a theaghlach, a thoirt *doibh an cuibhrrinn* bidh 'n a àm féin?

43 *Is* beannaichte an seirbhiseach sin, a gheibh a Thighearn, an uair a thig e, a' deanamh mar sin.

44 Gu firinneach tha mi ag ràdh ribh, gu'n cuir se e os ceann na bheil aige.

45 Ach ma their an seirbhiseach sin 'n a chridhe, Tha mo Thighearn a' cur dàile 'n a theachd; agus ma thòisicheas e air na h-òglaich agus na banoglaich a bhualadh, agus itheadh, agus òl, agus a bhi air mhisg:

46 Thig Tighearn an t-seirbhisich sin ann an là nach 'eil sùil aige ris, agus ann an uair nach fios da, agus gearraidh e 'n a bhloighdibh e, agus bheir e a chuibhrrionn da maille ris na mi-chreidich.

47 Agus an seirbhiseach sin d'am b'aithne toil a mhaighstir, agus nach d'ulluich *e féin*, agus nach d'rinn a réir a thoile, buailear e le mòran bhuillean.

48 Ach an ti do nach b'aithne, agus a rinn nithean a b'airidh air buillibh, buailear esan le beagan *de bhuillean*. Oir gach neach d'an d'thugadh mòran, iarrar mòran uaith: agus ge b'e ri 'n d'earbadh mòran, iarrar an tuilleadh air.

49 Thàinig mise a chur teine air an talamh, agus ciod a's àill leam, ma tha e cheana air 'fhadadh.

50 Ach tha baisteadh agam ri bhi air mo bhaisteadh leis, agus cionnus a tha mi air mo theannadh gus an coimhlionar e!

51 Am bheil sibh a' saoil sin gu'n d'thàinig mise a thoirt sìthe air an talamh? ni h-eadh, tha mi ag ràdh ribh, ach ainnhreith.

52 Oir bithidh á so suas chùgnear ann an aon tigh air an roinn, triuir an aghaidh dithis, agus dithis an aghaidh triuir.

53 Bithidh an t-athair air a roinn an aghaidh a' mhic, agus am mac an aghaidh an athar; a' mhàthair an aghaidh na nighinn, agus an nìgean an aghaidh na màthar; a' mhàthair-chéile an aghaidh mnà a mic, agus bean a' mhic an aghaidh a màthar-chéile.

54 Agus thubhairt e mar an ceudna ris an t-sluagh, 'N uair a chli sibh neul ag éirigh 's an àird an iar, air ball their sibh, Tha fras a' teachd; agus tha e mar sin.

55 Agus an uair a *chli sibh* a' ghaoth á deas a' séidcadh, their sibh, Bithidh teas ann; agus tha e 'tachairt.

56 A chealgaircan, is aithne dhuibh breth a thoirt air aghaidh na speur, agus na tal-

mhainn; ach cionnus nach 'eil sibh a' toirt breth air an aimsir so?

57 Agus e'ar son nach 'eil sibh eadhon uaibh féin a' breithneachadh an ni sin a tha ceart?

58 'N uair a théid thu maille ri d' eascaraid chum an uachdarain, dean dìchioll 's an t-slighe air a bhi air do shaoradh uaith; air eagal gu'n tarruing e chum a' bhreitheimh thu, agus gu'n toir am breitheamh thairis do'n mhaor thu, agus gu'n tilg am maor 'am prìosan thu.

59 Tha mi ag ràdh riut, nach téid thu mach as a sin, gus an òc thu eadhon a' phlegheinn dheireannach.

### CAIB. XIII.

1 *Shearmonaich* Crìosd aithreachas o'n sgrìos a thàinig air na Galiléaich, agus air muinntir eile. 6 Cosamhlachd na craoibhe-fhìge gun toradh. 11 Shluagh Crìosd bean a bha air a cromadh le h-eucail phiantaich ré ochd bliadhna deug; 18 agus nochd e oibreachadh cumhachdach an fhocail le cosamhlachd a' ghràinne mhustaird agus na taoise.

**A** GUS bha làthair 's an àm sin daoine nan Galiléaich, muinntir aig an do mheasg Pilat am fuil maille r'au ìobairtibh.

2 Agus fhreagair Iosa agus thubhairt e riu, Am bheil sibh a' saoilinn gu'n robh na Galiléaich sin 'n am peacaich nì's mòd na na Galiléaich uile, air son gu'n d' fhulaing iad a leithid so?

3 Ni h-eadh, tha mi ag ràdh ribh: ach mur dean sibhse aithreachas, sgrìosar sibh uile mar an ceudna.

4 No na h-ochd fir dheug sin air an do thuit an tùr ann an Siloam, agus a mharbhadh leis, au saoil sibh gu'n robh iadsan 'n am peacaich os ceann nan uile dhaoine a bha 'n au còmhnuidh ann an Ierusalem?

5 Ni h-eadh, tha mi ag ràdh ribh: ach mur dean sibhse aithreachas, sgrìosar sibh uile mar an ceudna.

6 Labhair e mar an ceudna an cosamhlachd so: Bha aig duine àraidh crann-fìge suidhichte 'n a ghàradh-fìona: agus thàinig e ag iarraidh toraidh air, agus cha d'fhuaire.

7 An sin thubhairt e ris a' ghàradair, Feuch, tha mi ré thri bliadhna a' teachd a dh'iarraidh toraidh air a' chrann-fhìge so, agus cha-n'eil mi 'faoitinn a' bheag: gearr sìos e, e'ar son a tha e 'fàsachadh na tal-mhainn?

8 Agus fhreagair esan agus thubhairt e ris, A Thighearna, leig leis air a' bhliadhna so mar an ceudna, gus an cladhaich mi m'a thimchioll, agus gu'n cuir mi aolach m'a bhun:

9 Agus ma ghiùlaineas e toradh, *is maith sin*: ach mur giùlain, 'n a dhéigh sin gearraidh tu sìos e.

10 Agus bha e a' tcagasg ann an aon de na sìonagogaibh air an t-sàbaid.

11 Agus, feuch, bha bean àraidh a lathair aig an robh spiorad annhuinneachd ré ochd bliadhna deug, agus bha i air a cromadh ri 'chéile, agus gun chomas aice air chor sam bith i féin a dhìreachadh.

12 Agus an uair a chunnaic Iosa i, ghairm e d'a ionnsuidh i, agus thubhairt e rithe, A bhean, tha thu air d' fhuasgladh o d' annhuinneachd.

13 Agus chuir e a làmhnan oirre; agus air ball rinneadh dìreach i, agus thug i glòir do Dhia.

14 Agus fhreagair uachdaran na sionagoig, agus e làn feirg' air son gu'n d'rinn Iosa leigheas air là na sàbaid, agus thubhairt e ris an t-sluagh, Tha se làithean anns an còir obair a dheanamh: orra so air an aobhar sin thigibh, agus bithibh air bhuir leigheas, agus na b'ann air là na sàbaid.

15 An sin fhreagair an Tighearn e, agus thubhairt e, A chealgair, nach fuasgail gach aon agaibh a dhamh no 'asal o'n phrasaich, agus nach toir e gu uisge e air là na sàbaid?

16 Agus nach bu chòir a' bhean so, a tha 'n a nighinn do Abraham, a bha air a ceangal le Satan a nis ré ochd bliadhna deug, a bhi air a fuasgladh o'n chuibhreach so air là na sàbaid?

17 Agus an uair a thubhairt e na nithean sin, chuireadh a naimhdean uile gu nàire: ach rinn an sluagh uile gairdeachas, air son nan uile nithean glòrmhor a rinneadh leis.

18 An sin thubhairt e, Co ris a tha rìoghachd Dhé cosmhuil? agus co ris a shamhlaicheas mi i?

19 Tha i cosmhuil ri gràinne de shìol mustaird, a ghabh duine, agus a chuir e 'n a ghàradh: agus dh'fhàs e, agus rinneadh craobh mhòr dheth; agus rinn eunlaith an athair nid 'n a geugaibh.

20 Agus thubhairt e a ris, Co ris a shamhlaicheas mi rìoghachd Dhé?

21 Tha i cosmhuil ri taois ghoirt, a ghabh bean agus a dh'fholaich i ann an trì tomh-asaibh mine, gus an do ghoirticheadh an t-iomlan.

22 Agus chaidh e troimh gach caithir agus baile beag, a' teagasg, agus a' gabhail na shlighe gu Ierusalem.

23 An sin thubhairt neach àraidh ris, A Thighearna, an tearc iad a shaorar? Agus thubhairt esan riu,

24 Deanaibh spairn chruaidh gu dol a stigh air a' gheata chumhann: oir tha mi ag ràdh ribh, gu'n iarr mòran dol a stigh, agus nach urrainn iad.

25 O'n uair a dh'éireas fear an tighe, agus a dhùineas e 'n dorus, agus a thòisicheas sibhse air seasamh a muigh, agus an dorus a bhualadh, ag ràdh, A Thighearna, a Thighearna, fosgail duinn; agus air dhàsan freagairt their e ribh, Cha-n aithne dhomh sibh, cia as a tha sibh:

26 An sin tòisichidh sibh air a ràdh, Dh'ith sinn agus dh'òl sinn a'd' lathair, agus theagaisg thu 'n ar sràidibh.

27 Ach their esan, Tha mi ag ràdh ribh, cha-n aithne dhomh sibh, cia as a tha sibh; imichibh uam uile, a luchd-deanamh na h-eucorach.

28 An sin bithidh gul agus gòsgan fhiacal, an uair a chì sibh Abraham, agus Isaac, agus Jacob, agus na fàidhean uile ann an rìoghachd Dhé, agus sibh féin air bhuir tilgeadh a mach.

29 Agus thig iad o'n àird an ear, agus o'n àird an iar, agus o'n àirde tuath agus deas, agus suidhich iad ann an rìoghachd Dhé.

30 Agus, feuch, tha daoine air dheireadh a bhitheas air thoiseach, agus air thoiseach a bhitheas air dheireadh.

31 Air an là sin féin thàinig Phairisich àraidh d'a ionnsuidh, ag ràdh ris, Gabh a mach agus imich á so: oir tha toil aig Herod do mharbhadh.

32 Agus thubhairt e riu, Imichibh agus innsibh do'n t-sionnach sin, Feuch, tha mi a' tilgeadh mach dhcamhan, agus tha mi a' deanamh leigheas an diugh, agus an màireach, agus air an treas là bithidh mi air mo dheanamh foirfe.

33 Gidheadh, is éigin domh imeachd an diugh agus am màireach, agus an là 'n a dhéigh sin: oir cha-n fhead e bli gu'n cuir ear faidh gu bàs a mach á Ierusalem.

34 A Ierusalem, a Ierusalem, a mharbhas na fàidhean, agus a chlachas an dream a chuirear a d' ionnsuidh: cia minic a b'ail leam do chlann a chruinneachadh, mar a chruinnicheas cearc a h-àlach fo a sgiath-aibh, agus cha b'ail leibh!

35 Feuch, dh'fhàgadh bhuir tigh fas agaibh: agus gu deimhin tha mi ag ràdh ribh, nach faic sibh mise, gus an tig an t-àm, anns an abair sibh, Is beannaichte an tì a thig ann an ainm an Tighearna.

#### CAIB. XIV.

1 *Shlànuich Crìosd neach air an robh a' mheud-bhronn. 7 theagaisg e trìslachd. 16 Le cosamhlachd na snipeir mòire, nochd e cionnus a bhitheas daoine saoghalta, a nì tàir air focal Dhé, air an druidealh a mach á rìoghachd nèimh. 25 Is còir do'n dream le'm b'ail a bhi 'n an deisciobuil da an crann-ceusaidh a ghuillean.*

**A** GUS tharladh, an tràth chaidh e gu tigh uachdaran àraidh de na Phairisich a dh'itheadh bìdh air là na sàbaid, gu'n robh iad a' deanamh geur-fhaire air.

2 Agus, feuch, bha duine àraidh 'n a lath-air air an robh a' mheud-bhronn.

3 Agus fhreagair Iosa, agus labhair e ris an luchd-lagha, agus ris na Phairisich, ag ràdh, Am bheil e ceaduichte leigheas a dheanamh air là na sàbaid?

4 Ach dh'fhan iadsan 'n an tosd. Agus



air dha breith *air*, leighis se e, agus leig e uaith e :

5 Agus fhreagair e iadsan, ag ràdh, Cò ag-aibh-sa, ma thuiteas 'asal no a dhamh ann an slochd, nach tarruing a mach gu grad e air là na sàbaid?

6 Agus cha b'urrainn iad a fhreagairt a ris anns na nithibh sin.

7 Agus labhair e cosamlhlachd riu-san a fhuair cuireadh, 'n uair a thug e fainear mar a thagh iad na ceud àiteachan-suidhe, ag ràdh riu,

8 'N uair a gheibh thu cuireadh o neach air bith chum bainnse, na suidh anns a' cheud àit; air eagal gu'n d'fhuair duine a's urramaiche na thusa cuireadh uaith ;

9 Agus gu'n tig an ti a thug cuireadh dhuitse agus dhàsan, agus gu'n abair e riut, Thoir àit do'n duine so; agus gu'n tòisich thusa an sin le nàire air suidhe anns an àit a's isle.

10 Ach an uair a gheibh thu cuireadh, imich agus suidh anns an àit a's isle; chum, 'n uair a thig esan a thug cuireadh dhuit, gu'n abair e riut, A charaid, suidh suas nìs àirde: an sin gheibh thu urram an làthair na muinntir a tha 'n an suidhe air bord maille riut.

11 Oir ge b'e neach a dh'àrdaicheas e féin, islichear e; agus ge b'e neach a dh'islicheas e féin, àrdaichear e.

12 An sin thubhairt e ris an ti mar an ceudna a thug cuireadh dha, 'N uair a ni thu dinneir no suipeir, na gairm do chàird-ean, no do bhràithrean, no do luchd-dàimh, no do choinhearsnaich shaoibhir; air eagal gu'n toir iadsan mar an ceudna cuireadh dhuitse a ris, agus gu'm faigh thu a' chomain cheudna.

13 Ach an uair a ni thu cuirm, gairm na bochdan, na daoine ciurramach, na bacaich, na doill:

14 Agus bithidh tu beannaichte, a chionn nach urrainn iad a' chomain cheudna 'thoirt duit: oir gheibh thu comain ann an aiseirigh nam firean.

15 Agus an uair a chual aon de na shuidh maille ris air bord na nithean sin, thubhairt e ris, Is beannaichte an ti sin a dh'itheas aran ann an rioghachd Dhé.

16 Ach thubhairt esan ris, Rinn duine àr-aithd suipeir mhòr, agus thug e cuireadh do mhòran:

17 Agus chuir e a sheirbhiseach uaith 'an àm na suipeir a ràdh ris a' mhuinntir a fhuair cuireadh, Thigibh, oir tha na h-uile nì a nis ullamh.

18 Agus thòisich iad uile a dh'aon *ghuth* air an leithsgeul a ghabhail. Thubhairt an ceud fhear ris, Cheannaich mi fearann, agus is éigin domh dol a mach agus 'fhaicinn: tha mi ag guidhe ort, gabh mo leithsgeul.

19 Agus thubhairt fear eile, Cheannaich mi cùig cuing dhamh, agus tha mi 'dol g'an

dearbhadh: tha mi ag guidhe ort, gabh mo leithsgeul.

20 Agus thubhairt fear eile, Phòs mi bean, agus air an aobhar sin cha-n'eil e 'n comas domh teachd.

21 Agus thàinig an seirbhiseach sin, agus dh'imnis e na nithean sin d'a thighearn. An sin air gabhail feirge do fhear an tighe, thubhairt e r'a sheirbhiseach, Gabh a mach gu grad gu sràidibh agus gu caol-shràidibh a' bhaile, agus thoir a stigh an so na bochdan agus na daoine ciurramach, agus na bacaich, agus na doill.

22 Agus thubhairt an seirbhiseach, A Thighearna, rinneadh mar a dh'òrduich thu, gidheadh tha àite *fulamh* ann fathast.

23 Agus thubhairt an Tighearn ris an t-seirbhiseach, Gabh a mach gus na rathaidibh mòra agus na gàraidhibh, agus co-éignich iad gu teachd a steach, chum gu'n bi mo thigh air a honadh.

24 Oir tha mi ag ràdh ribh, nach blais aon de na daoineibh ud a fhuair cuireadh, de m' shuipeir-sa.

25 Agus bha sluagh mòr ag imicheadh maille ris; agus air dha tionndadh, thubhairt e riu,

26 Ma thig neach air bith a m' iomsuidh-sa, agus nach fuathaich e 'athair, agus a mhàthair, agus a bhean-phòsda, agus a chlann, agus a bhràithrean, agus a pheathraichean, seadh, agus a bheatha mar an ceudna, cha-n'eil e 'n comas da bhi 'n a dheisciobul dhomh-sa.

27 Agus ge b'e neach nach giùlain a chrann-ceusaidh, agus nach lean mise, cha-n'eil e 'n comas da bhi 'n a dheisciobul dhomh-sa.

28 Oir cò am fear agaibh-sa leis am miann tìr a thogail, nach suidh sìos air tùs, agus nach meas an costus, a dh'fheuchaimm am bheil aige na chuireas crìoch air?

29 Air eagal an déigh dha a bhunadh a leagadh, agus gun bhi comasach air crìoch a chur *air*; gu'n tòisich na h-uile a chi e ri fanoid air,

30 Ag ràdh, Thòisich an duine so air *tigh* a thogail, agus cha b'urrainn e a chrìoch-nachadh.

31 No cò an rìgh, ag dol a mach dha gu cogadh an aghaidh rìgh eile, nach suidh sìos air tùs, agus nach gabh comhairle, a dh'fheuchaimm an urrainn e le deich mìle coinnceamh a thoirt dasan a tha 'teachd le fichead mìle 'n a aghaidh?

32 No air bhi dhàsan fathast fada uaith, cuiridh e teachdaireachd a dh'iarraidh cumhachan sìthe.

33 Mar sin mar an ceudna, gach neach agaibh-sa, nach tréig na h-uile nì a th' aige, cha-n'eil e 'n comas da bhi 'n a dheisciobul dhomh-sa.

34 *Tha* 'n salann maith: ach ma chailleas an salann a bhlas, ciod e leis an deanar deadh-bhlasda e?

35 Cha-n'eil e iomchuidh chum na tal-mhainn, no chum an dùnain; *ach* tilgidh daoine mach e. An ti aig am bheil cluasan chum éisdeachd, éisdeadh e.

## CAIB. XV.

1 *Cosamhlachd na caorach caillte, 8 a' mhir airgid, 11 agus a' mhic struidheil.*

**A**N sin thàinig na eis-mhaoir uile agus na peacaich am fagus da, chum éisdeachd ris.

2 Agus rinn na Phairisich agus na sgrìobhaichean gearan, ag ràdh, Tha am fear so 'gabhail pheacach d'a ionnsuidh, agus ag itheadh maille riu.

3 Agus labhair esan an cosamhlachd so riu, ag ràdh,

4 Cò an duine dhibhs e aig am bheil ceud caora, ma chailleas e aon diubh, nach fag an naoi deug agus an ceithir fichead anns an fhàsach, agus uach téid an déigh na caorach a chailleadh, gus am faigh e i?

5 Agus air dha a faotainn, cuiridh e air a ghuaillibh i le gairdeachas.

6 Agus an uair a thig e dhachaidh, gairmidh e a chàirdean agus a choimhearsnaich an ceann a chéile, ag ràdh riu, Deanaibh gairdeachas maille rium-sa, a chionn gu'n d'fhuair mi mo chaora 'bha caillte.

7 Mar sin, tha mi ag ràdh ribh, gu'm bi aoibhneas air nèamh air son aon pheacaich a ni aithreachas, nì's mò na air son naoi deug agus ceithir fichead firean, aig nach 'eil feum air aithreachas.

8 No cò a' bhean aig am bheil deich buninn airgid, ma chailleas i aon bhonn diubh, nach las coimeal, agus nach sguab an tigh, agus nach iarr gu dìchiollach gus am faigh i e?

9 Agus air dhi 'fhaotainn, gairmidh i a ban-chairdean agus a ban-choimhearsnaich an ceann a chéile, ag ràdh, Deanaibh gairdeachas maille riumsa, oir fhuair mi am bonn a chaill mi.

10 Mar an ceudna tha mi ag ràdh ribh, Tha gairdeachas an làthair ainglean Dhé, air son aoin pheacaich a ni aithreachas.

11 Agus thubhairt e, Bha aig duine àraidh dithis mhac:

12 Agus thubhairt am mac a b'èige dhiubh r'a athair, Athair, thoir dhomh-sa a' chuid-roinn a thig orm de d' mhaoin. Agus roinn e eatorra a bheathachadh.

13 Agus an déigh beagain làithean chruinnich am mac a b'èige a chuid uile, agus ghabh e a thurus do dhùthaich fad' air astar, agus an sin chaith e a mhaoin le beatha struidheasach.

14 Agus an uair a chaith e a chuid uile, dh'éirich gorta ro mhòr 's an tìr sin; agus thòisich e ri bhì ann an uireasbhuidh.

15 Agus chaidh e agus cheangail se e fèin ri aon de shaor-dhaoimibh na dùthcha sin; agus chuir e d'a fhearam e, a bhiadhadh mhuc.

16 Agus bu mhianu leis a bhrù a lionadh de na plaosgaibh a bha na mucan ag itheadh; ach cha d'thug neach air bith dha.

17 Agus an uair a thàinig e d'a ionnsuidh fèin, thubhairt e, Cia lion de luchd-tuarasdail m'athar-sa aig am bheil aran gu leoir agus r'a sheachnadh, 'n uair a tha mise a' bàsachadh le gorta?

18 Eiridh mi, agus théid mi dh'ionnsuidh m'athar, agus their mi ris, Athair, pheacaidh mi an aghaidh fhlaithceanais, agus a'd' làthair-sa.

19 Agus cha-n airidh mi tuilleadh gu'n goirteadh do mhac-sa dhìom: dean mi mar aon de d' luchd-tuarasdail.

20 Agus dh'éirich e, agus chaidh e dh'ionnsuidh 'athar. Ach air dha bhì fathast fada uaith, chunnaic 'athair e, agus ghabh e truas mòr d'heath, agus ruith e, agus thuit e air a mhuineal, agus phòg se e.

21 Agus thubhairt am mac ris, Athair, pheacaidh mi an aghaidh fhlaithceanais, agus a'd' làthair-sa, agus cha-n airidh mi tuilleadh gu'n goirteadh do mhac dhìom.

22 Ach thubhairt an t-athair r'a sheirbhisich, Thugaibh a mach a' chulaidh a's fearr, agus cuiribh uime i; agus cuiribh fainne air a làimh, agus brògan air a chosaibh.

23 Agus thugaibh an so an laogh biadhtha, agus marbhaibh e; agus itheamaid agus bitheamaid subhach:

24 Oir bha mo mhac so marbh, agus tha e beò a rìs; bha e caillte, agus fhuaradh e. Agus thòisich iad air a bhì subhach.

25 A nis bha a mhac a bu shìne mach 's an fhearam: agus an uair a thàinig e, agus a tharruing e am fagus do'n tigh, chual e an ceòl agus an dannsa.

26 Agus ghairm e d'a ionnsuidh aon de na h-òglach, agus dl'fheoraich e ciod a bu chiall do na nithibh sin?

27 Agus thubhairt esan ris, Thàinig do bhràthair; agus mharbh d'athair an laogh biadhtha, a chionn gu'n d'fhuair e rìs slàn fallain e.

28 Agus ghabh esan fearg, agus cha b'àill leis dol a stigh: air an aobhar sin thàinig 'athair a mach, agus chuir e impidh air.

29 Ach fìreagair esan agus thubhairt e r'a athair, Feuch, tha mise a' deanamh seirbhis duit an uiread so de bhliadhnaibh, agus uair air bith cha do bhris mi d'àithne, gidheadh cha d'thug thu meann rianmh dhomh, chum gu'm bithinn subhach maille ri m' chàirdibh.

30 Ach an uair a thàinig do mhac so, a dh'ith suas do bheathachadh maille ri strìopaichibh, mharbh thu an laogh biadhtha dha.

31 Agus thubhairt e ris, A mhic, tha thusa a ghnàth maille rium, agus na h-uile nithcan a's leamsa, is leatsa iad.

32 Bu chòir dhuinn a bhì subhach, agus aoibhneach, oir bha do bhràthair so marbh,



agus tha e beò a ris; agus bha e caillte, agus fhuaradh e.

CAIB. XVI.

1 *Cosamhlachd an stiùbhaird eucoraich.* 14 *Chronuich Criosd cealg nam Phairiseach samtach.* 19 *Cosamhlachd an duine shaoibhir, agus an duine bhoichd Lasarus.*

**A**GUS thubhairt e mar an ceudna r'a dheisciobluibh, Bha duine saoiubhir àraidh ann aig an robh stiùbhard; agus chasaideadh ris e, mar neach a bha 'deanamh ana-caithidh air a mhaoin.

2 Agus ghairm se e, agus thubhairt e ris, Ciod e so a tha mi 'chunntinn mu d' thim-chioll? thoir cunntas air do stiùbhardachd; oir cha-n fheud thu bli nì's faide a'd stiùbhard.

3 An sin thubhairt an stiùbhard ann féin, Ciod a ni mi? oir tha mo mhaighstir a toir sin stiùbhardachd nam: cha-n urrainn mi ruamhar a dheanamh, is nàr leam déire iarraidh.

4 Tha fios agam ciod a ni mi, chum an uair a chuir car as an stiùbhardachd mi, gu'n gabh iad a steach d'an tighibh mi.

5 Agus air dha gach aon diubhsan air an robh fiachan aig a Thighearn a ghairm d'a ionnsuidh, thubhairt e ris a' cheud fhear, Cia mend a tha aig mo Thighearn ortsa?

6 Agus thubhairt esan, Ceud tomas olaidh. Agus thubhairt e ris, Gabh do sgrìobhadh, agus suidh sìos gu h-ealamh, agus sgrìobh leth-cheud.

7 An sin thubhairt e ri fear eile, Agus cia mend a tha aig ortsa? Agus thubhairt esan, Ceud tomas cruithneachd. Agus thubhairt e ris, Gabh do sgrìobhadh, agus sgrìobh ceithir fichead.

8 Agus mhol an Tighearn an stiùbhard eucorach, a chionn gu'n d'rinn e gu glie: oir tha clann an t-saoghail so 'n an ginealach féin nì's glie na clann an t-soluis.

9 Agus tha mise ag ràdh ribh, Deanaibh dhuibh féin càirdean le Manon na h-eucorach; chum an uair a shiubhlas sibh, gu'n gabhar sibh do àitibh-còmhnuidh sìorruidh.

10 An ti a tha firinneach anns an ni a's lugha, tha e firinneach mar an ceudna ann am mòran; agus an ti a tha eucorach anns an ni a's lugha, tha e eucorach ann am mòran mar an ceudna.

11 Air an aobhar sin mur robh sibh firinneach anns an t-saoibhreas eucorach, cò a dh'earbas ribh an saoihbheas fìor?

12 Agus mur robh sibh firinneach ann an cuid duine eile, cò a bheir dhuibh an ni a's leibh féin?

13 Cha-n'eil seirbhiseach sam bith comasach air seirbhis a dheanamh do dhà thighearn; oir an dara cuid fuathaichidh e aon diubh, agus bheir e gràdh do'n fhear eile; no gabhaidh e le aon diubh agus ni e tàir air an fhear eile. Cha-n'eil sibh comasach

air seirbhis a dheanamh do Dhia agus do Mhamon.

14 Agus chuala na Phairisich, a bha sanntach, na nithean sin uile: agus rinn iad fanoid air.

15 Agus thubhairt e riu, Is sibhse an dream a tha 'g ur fireanachadh féin 'am fianuis dhaoine; ach is aithne do Dhia bluir cridheachan: oir an ni sin a tha ro mheasail aig daoineibh, is gràineileachd e 'am fianuis Dhé.

16 Bha an lagh agus na-fàidhean ann gu teachd Eoin: o sin tha rioghachd Dhé air a searmonachadh, agus tha gach duine a' dol le dian strì a steach innte.

17 Agus is usadh do nèamh agus do'n talamh dol thairis, na do aon lide de'n lagh tuiteam.

18 Gach neach a chuireas uaith a bhean, agus a phòsas bean eile, tha e 'deanamh adhaltrannais: agus ge b'e neach a phòsas a' bhean a chuireadh air falbh o a fear, tha e 'deanamh adhaltrannais.

19 Bha duine saoiubhir àraidh ann, a bha air a sgeadachadh le purpur agus lion-eudach grinn, agus bha e 'caitheadh a bheatha gach là gu sòghail le mòr-ghreadh-nachas:

20 Agus bha duine boichd àraidh ann, d'am b'ainm Lasarus, a chuireadh 'n a luidhe aig a dhorus, làn chreuchd,

21 Agus bu mhiann leis a bhi air a shàs-uchadh leis an sbruileach a bha 'tuiteam o bhòrd an duine shaoibhir: scadh, agus thàinig na madraidh agus dh'imlich iad a chreuchdan.

22 Agus tharladh gu'n d'fhuair an duine boichd bàs, agus gu'n do ghiùlaineadh leis na h-ainglibh e gu uchd Abraham: fhuair an duine saoiubhir bàs mar an ceudna, agus dh'adhlacaidh e.

23 Agus ann an ifrinn thog e suas a shùilean, air dha bhi ann am piantaidh, agus chunnaic e Abraham fada uaith, agus Lasarus 'n a uchd.

24 Agus ghlaodh e, agus thubhairt e, Ath-air Abraham, dean tròcair orm, agus cuir Lasarus, chum gu'n tum e bàrr a mheoir ann an uisge, agus gu'n fuaireadh e mo theangadh; oir tha mi air mo ro-phianadh 's an lasair so.

25 Ach thubhairt Abraham, A mhie, cuimhnich gu'n d'fhuair thusa do nithean maith e ri àm dhuit a bhi beò, agus Lasarus mar an ceudna droch nithean: ach a nis tha esan a' faotainn sòlais, agus tha thusa air do phianadh.

26 Agus a bhàrr air so uile, tha doimhne mhòr air a cur eadar sinne agus sibhse, air chor agus iadsan le am bàill dol á so do 'ur n-ionnsuidh-sa, nach 'eil e 'n comas doibh; agus nach mò tha e 'n comas do aon neach teachd as sin d' ar n-ionnsuidh-ne.

27 An sin thubhairt e, Uinne sin tha mi a'

guidhe ort, athair, gu'n cuireadh tu e gu tigh m'athar:

28 Oir tha cùignear bhràithrean agam; chum gu'n toir e fianuis doibh, air eagal gu'n tig iadsan mar an ceudna do'n ionad ro phiantach so.

29 Thubhairt Abraham ris, Tha Maois agus na fàidhean aca, èisdeadh iad riu-san.

30 Agus thubhairt esan, Ni h-eadh, Athair Abraham: ach ma théid neach d'an ionnsuidh o na mairbh, ni iad aithreachas.

31 Agus thubhairt e ris, Mur èisd iad ri Maois agus ris na fàidhibh, cha mhò a chreideas iad, ged éircadh neach o na mairbh.

CAIB. XVII.

1 *Theagaisg Crìosd gur còir dhuinn aobhar oilbheim a sheachnadh, 3 agus maithneas a thoirt d'a chèile: 6 nochd e mòr-chumhachd Ìeo-chreidimh, 7 gu'm bheil sinne fo cheangal do Dhia, agus nach 'eil esan mar sin dhuinne. 8 Shlànuich e deichnear lobhar. 22 Labhair e mu rìoghachd Dhè, agus mu theachd mhic an duine.*

**A**N sin thubhairt e r'a dheiseoblubh, Chan-n fheadar nach tig oilbheuman: ach is an-aobhinn d'asan troimh an tig iad.

2 B'fhearr dha gu'm bitheadh clach-mhuilinn air a crochadh m'a mhuineal, agus gu'm bitheadh e air a thilgeadh 's an fhaighe, na gu'n tugadh e oilbheum do aon neach de'n mhuinntir bhig so.

3 Thugaibh an aire dhuibh féin: ma pheacaicheas do bhràthair a'd' aghaidh, cronuich e; agus ma ghabhas e aithreachas, thoir maithneas da.

4 Agus ma pheacaicheas e a'd' aghaidh seachd uairean 's an là, agus gu'm pill e riut seachd uairean 's an là, ag ràdh, Tha aithreachas orm; thoir maithneas da.

5 Agus thubhairt na h-abstoir ris an Tigh-earn, Meudaich ar creidimh.

6 Agus thubhairt an Tigh-earn, Nam bith-eadh agaibh creidimh mar ghràinne de shìolmustaird, theireadh sibh ris a' chraoibh Shìcamìn so, Bi air do spionadh as do fhreumhan, agus bi air do shuidheachadh 's a' chuan; agus bhitheadh i ùmhail duibh.

7 Ach eò agaibh-sa aig am bheil seirbhis-each a' treabhadh, no ri buachaill-eachd, a their ris, an dèigh dha teachd a steach o'n fhearann, Thig air ball, agus suidh sìos chum bith?

8 Agus nach dòchadh e ràdh ris, Ulluich ni a ghabhas misc gu m' shlupeir, agus crìoslaich thu féin, agus frithcil domh, gus an ith agus an òl mi; agus 'n a dhéigh sin ithidh agus òlaidh tusa!

9 An toir e buidheachas do'n t-seirbhis-each sin do bhrìgh gu'n d'rinne e na nithean a dh'òrduicheadh dha? cha saoil mi *gu'n toir*.

10 Mar sin sibhs, 'n uair a ni sibh na h-uile ni a dh'ath-eadh dhuibh, abraibh, Is seirbhisich neo-tharbhach sinn: oir rinn

sinn a *mhòin* an nì 'bu dlìgheach dhuinn a dheanamh.

11 A nis, ag dol suas da gu Ierusalem, chaidh e troimh mheadhon Shamaria agus Ghalile.

12 Agus an uair a bha e 'dol a stigh do bhaile àraidh, thachair deichnear dhaoine air a bha 'n an lobhair, a sheas fada uaith:

13 Agus thog iad suas an guth, ag ràdh, Iosa, a mhaighstir, dean tròcair oirnn.

14 Agus an uair a chunnaic e *iad*, thubhairt e riu, Imichibh, nochdaibh sibh féin do na sagartaibh. Agus ag imeachd dhoibh, ghlanadh iad.

15 Agus an uair a chunnaic aon duibh gu'n do leighiseadh e, phill e air ais, a' toirt glòire do Dhia le guth àrd,

16 Agus thuit e air 'aghaidh aig a chos-aibh-san, a' toirt buidheachais da: agus bu Shamarianach e.

17 Agus fhreagair Iosa agus thubhairt e, Nach do ghlanadh deichnear? ach an naoinear, c'ait am bheil iad?

18 Cha d'fhuaradh a phill a thoirt glòire do Dhia, ach an coigreach so.

19 Agus thubhairt e ris, Eirich, imich; shlànuich do chreidimh thu.

20 Agus an uair a dh'fheadraich na Phairisich dheth, c'uin a thigeadh rìoghachd Dhè, fhreagair e iad agus thubhairt e, Cha tig rìoghachd Dhè air chor 's gu mothaichear i.

21 Cha mhò a their iad, Feuch an so, no, Feuch an sin: oir feuch, tha rìoghachd Dhè an taobh a stigh dhibh.

22 Agus thubhairt e ris na deiseoblubh, Thig na làithean anns am miannach leibh aon de làithibh Mhic an duine fhaicinn, agus cha-n fhaic sibh e.

23 Agus their iad ribh, Feuch an so, no, Feuch an sud: na rachaibh, agus na leanaibh *iad*.

24 Oir mar tha an dealanach a dhealraicheas o aon *ionad* fo nèamh, a' soillseachadh gus an *ionad* eile fo nèamh, is ann mar sin bhitheas Mac an duine mar an ceudna 'n a là féin.

25 Ach is éigin da air tùs mòran nithean fhulang, agus a bhi air a dhiultadh leis a' ghinealach so.

26 Agus mar a bha e ann an làithibh Noe, mar sin mar an ceudna bithidh e ann an làithibh Mhic an duine:

27 Bha iad ag itheadh agus ag òl, a' pòsadh agus air an toirt ann am pòsadh, gus an là 's an deachaidh Noe a steach do'n àire: agus thàinig an dile, agus sgrios i iad uile.

28 Amhuil fòs mar a thachair ann an làithibh Lot: bha iad ag itheadh agus ag òl, a' ceannach agus a' reic, a' planndachadh agus a' togail aitreabh:

29 Ach air an là sin féin anns an deachaidh Lot a mach à Sodom, fhrasadh teine agus pronnse o nèamh agus sgrios e iad uile.



30 Is ann mar sin a bhitheas anns an là 's am foillsichear Mac an duine.

31 Anns an là sin, an ti a bhitheas air mullach an tighe, agus 'airneis anns an tigh, na tigcadh e nuas gu a toirt leis: agus an ti a tha 's a' mhachair, na pillcadh esan air ais ni's mo.

32 Cuimhnichibh bean Lot.

33 Ge b'e neach a dh'iarras a bheatha féin a thearnadh, caillidh e i; agus ge b'e neach a chailleas a bheatha, gleidhidh e i.

34 Tha mi ag ràdh ribh, anns an oidheche sin bithidh dithis dhaoine 's an aon leabaidh; gabhar aon diubh, agus fàgar am fear eile.

35 Bithidh dithis bhan a' bleith cuideachd; gabhar té dhiubh agus fàgar an té eile.

36 Bithidh dithis dhaoine anns a' mhachair; gabhar fear dhiubh agus fàgar am fear eile.

37 Agus fhreagair iadsan agus thubhairt iad ris, C'ait, a Thighearna? agus thubhairt esan riu, Ge b'e àite 's am bi an corp, an sin cruinnichear na h-iolairan.

# CAIB. XVIII.

1 *Mu thimchioll na bantrach bìosda. 9 Mu'n Phairiseach agus mu'n chis-mhaor. 15 Tha clann air an tabhairt gu Crìosd. 18 B'àill le nachdaran àraidh Crìosd a leanatim, ach tha e air a bhacadh le a shaoibhreas. 31 Roimh-innis Crìosd a bhàis: 35 Dh'aisig e a radhare do dhuine dall.*

**A**GUS labhair e cosamhlachd riu, a' nochdadh gur còir urnuigh a dheanamh a ghnàth, agus gum fhanmachadh;

2 Ag ràdh, Bha breitheamh am am baile àraidh, air nach robh eagal Dhé, agus aig nach robh urram do dhuine;

3 Agus bha bantrach àraidh 's a' bhaile sin, agus thàinig i d'a ionnsuidh, ag ràdh, Cum còir rium an aghaidh mo nàmhaid.

4 Agus cha b'àill leis ré tamuill: ach 'n a dhéigh sin thubhairt e ann féin, Ged nach 'eil eagal Dhé orm, no urram agam do dhuine;

5 Gidheadh air son gu bheil a' bhantrach so 'cur dragha orm, cumaidh mi còir rithe, air eagal le a sìor-theachd gu'n sgithich i mi.

6 Agus thubhairt an Tighearn, Eisidibh ciod a tha am breitheamh encorach ag ràdh.

7 Agus nach dean Dia dìoghaltas air son a dhaoine taghta féin, a tha 'g éigheach ris a là agus a dh'oidheche, ged tha e iad-fhulangach mu'n timchioll?

8 Tha mi ag ràdh ribh gu'n dean e dìoghaltas air an son gu luath. Gidheadh, an uair a thig Mac an duine, am faigh e creidimh air an talamh?

9 Agus labhair e an cosamhlachd so ri dream àraidh a bha 'g carbasadh asda féin gu'n robh iad 'n am fireanaibh, agus a bha deanamh tàir air dream eile:

10 Chaidh dithis dhaoine suas do'n team-

pull a dheanamh urnuigh; fear dhiubh 'n a Phairiseach, agus am fear eile 'n a chis-mhaor.

11 Sheas am Phairiseach leis féin, agus rinn e urnuigh mar so, A Dhé, tha mi 'toirt buidheachais duit nach 'eil mi mar tha daoine eile, 'n an luchd-foireigin, eucorach, adhaltrannach, no eadhon mar an cis-mhaor so.

12 Tha mi a' trasgadh dà uair's an t-seachdain, tha mi 'toirt deachaimh as na h-uile nithibh a tha mi 'sealbhadhachd.

13 Agus air seasamh do'n chis-mhaor fad' air ais, cha b'àill leis fiù a shùl a thogail suas gu nèamh, ach bhuail e 'uchd, ag ràdh, A Dhia, dean tròcair ormsa a tha 'am pheacach.

14 Tha mi ag ràdh ribh, gu'n deachaidh am fear so sìos d'a thigh air 'fhìreanachadh *ni's mò* na'm fear ud eile: oir ge b'e neach a dh'àrdaicheas e féin, islichear e; agus ge b'e a dh'islicheas e féin, àrdaichear e.

15 Agus thug iad d'a ionnsuidh mar an ceudna naoidheanan, chum gu'm beanadh e riu: agus an uair a chunnaic na deisciobuil so, chrònuich siad iad.

16 Ach air do Iosa an gairm d'a ionnsuidh, thubhairt e, Fuilgibh do na leanabaibh teachd a m' ionnsuidh-sa, agus na bacaibh iad; oir is ann d'an leithidibh so a tha rioghachd Dhé.

17 Gu deimhin tha mi ag ràdh ribh, ge b'e nach gabh rioghachd Dhé mar leanabh beag, nach téid e air chor sam bith a steach innte.

18 Agus dh'fhèdraich nachdaran àraidh dheth, ag ràdh, A mhaighstir mhaith, ciod a ni mi chum gu'n sealbhaich mi a' bheatha mhaireannach?

19 Agus thubhairt Iosa ris, C'ar son a ghoireas tu maith dhìomsa? cha 'n-eil neach sam bith maith ach a h-aon, *eadhon* Dia.

20 Is aithne dhuit na h-àitheantan, Na dean adhaltrannas, Na dean mortadh, Na goid, Na toir fianuis bhréige, Thoir urram do d'athair agus do d' mhàthair.

21 Agus thubhairt esan, Choimhid mi iad sin uile o m' òige.

22 Agus an uair a chual Iosa so, thubhairt e ris, Tha aon ni fathast a dh'uireas-bhuidh ort: reic na h-uile nithean a tha agad, agus roinn air na bochdaibh, agus bithidh agad ionmhas air nèamh; agus thig, *agus* lean mise.

23 Agus an uair a chual e so, bha e ro dhoilich: oir bha mòr-bheartas aige.

24 Agus an uair a chunnaic Iosa gu'n robh e làn tuirse, thubhairt e, Cia deacair dhoibhsan aig am bheil saobhbheas, dol a steach do rioghachd Dhé!

25 Oir is usadh do chàmhail dol troimh chrò snàthaid, na do dhuine saobhair dol a steach do rioghachd Dhé.

26 Agus thubhairt iadsau a chuala so, Cò

ma seadh a dh'fheudas a bhi air a shaoradh?

27 Ach thubhairt esan, Na nithean a tha eucomasach do dhaoineibh, tha iad comasach do Dhia.

28 An sin thubhairt Peadar, Feuch, thréig sinne na h-nìle nithean, agus lean sinn thusa.

29 Agus thubhairt esan riu, Gu deimhiu tha mi ag ràdh ribh, nach 'eil aon neach a thréig tigh, no pàrantau, no bràithrean, no bean-phòsda, no clann air son rìoghachd Dhé,

30 Nach faigh mòran nì's mò anns an aimsir so a tha làthair, agus anns an t-saoghal a tha ri teachd a' bheatha mhaireannach.

31 Agus ghabh e an dà fhear dheug d'a ionnsuidh, agus thubhairt e riu, Feuch, tha sinn a' dol suas gu Ierusalem, agus bithidh na h-uile nithean a tha sgrìobhta leis na fàidhibh mu Mhac an duine, air an coimhlionadh.

32 Oir bheirear thairis e do na Cinnich, agus thèid fàinoid a dheanamh air, agus masluichcar e, agus tilgear sinagaid air;

33 Agus sgiùrsaidh agus marbhaidh iad e: agus air an treas là éiridh e a ris.

34 Agus cha do thuing iadsan aon ni dhiubh so: agus bha na briathran so foluichte orra, agus cha b'aithne dhoibh na nithean a chaidh a labhairt.

35 Agus tharladh, an uair a dhruid e ri Iericho, gu'n robh dall àraidh 'n a shuidhe ri taobh na slighe, ag iarraidh déirce;

36 Agus air cluinntiun an t-sluaigh a' dol seachad, dh'fhiosraich e ciod e so.

37 Agus dh'innis iad da, gu'm b'e Iosa o Nasaret a bha 'gabhail seachad.

38 Agus ghlaodh e, ag ràdh, Iosa, Mhic Dhaibhidh, dean trècair orm.

39 Agus chronuich iadsan a bha air thoiseach e, chum gu'm biodh e 'n a thosd: ach bu mhòid gu mòr a ghlaodh esan, A Mhic Dhaibhidh, dean trècair orm.

40 Agus air seasamh do Iosa, dh'àithn e a thoirt d'a ionnsuidh: agus an uair a thàinig e am fagus da, dh'fhiosraich e dlicth,

41 Ag ràdh, Ciod a's àill leat mise a dheanamh dhuit? agus thubhairt esan, a Thighearna, mi dh'fhaotainn mo radhaire.

42 Agus thubhairt Iosa ris, Gabh do radhaire: shlànuich do chreidimh thu.

43 Agus air ball fhuair e a radharc, agus lean se c, a' toirt glòire do Dhia: agus thug an sluagh uile cliu do Dhia, 'n uair a chum-aic iad so.

# CAIB. XIX.

1 Mu thimcheall Shacheus a' chis-mhaoir. 11 Na deich puind airgid. 28 Mharcaich Crìosd do Ierusalem le greadhnachas; 41 rinn e caoith air a son; 45 thug e meach an luchd ceannaich agus reic an teampall: 47 B'àill leis na h-uachdaran a mharbhadh.

**A**GUS air do Iosa dol a steach, chaidh e troimh Iericho.

2 Agus, feuch, *bha* duine ann d'am b'ainm Sacheus, agus b'àrd chis-mhaor esan, agus bha e saoi bhir:

3 Agus bha déidh aige air Iosa fhaicinn, cò e; agus cha b'urrainn e air son an t-sluaigh, a chionn gu'n robh e ìosal 'n a phearsa.

4 Agus ruith e roimhe, agus streap e snas ann an craoibh Shicamoir, chum gu'm faicadh se e; oir bha e gus an t-slighe sin a ghabhail.

5 Agus an uair a thàinig Iosa chum an àite sin, air dha amharc suas, chunnaic se c, agus thubhairt e ris, A Shacheus, thig a nuas gu grad; oir is éigin domh-sa stad an diugh aig do thigh.

6 Agus thàinig e nuas le cabhaig, agus ghabh e ris gu fubhach.

7 Agus an uair a chunnaic iad so, rinn iad uile gearan, ag ràdh, Gu'n deachaidh e steach air aoidheachd gu duine a tha 'n a pheacach.

8 Agus sheas Sacheus agus thubhairt e ris an Tighearn, Feuch, a Thighearna, tha mi 'toirt leth mo mhaoin do na bochdaibh: agus ma thug mi aon ni o neach air bith le casaid bhréige, tha mi 'toirt *dha* a cheithir ùread.

9 Agus thubhairt Iosa ris, Thàinig slàinte an diugh a dh'ionnsuidh an tighe so, do bhrìgh gur mac do Abraham esan mar an ceudna.

10 Oir thàinig Mae an duine a shireadh agus a thèarnadh an ni sin a bha cailte.

11 Agus ag chuinntinn nan nithean sin dhoibh, chuir e ris, agus labhair e cosamhlachd, do bhrìgh gu'n robh e am fagus do Ierusalem, agus gu'n do shaoil iadsan gu'm bitheadh rìoghachd Dhé air a grad-fhoillseachadh.

12 Air an aobhar sin thubhairt e, Chaidh duine uasal àraidh do dhùthaich fad as a dh'fhaotainn rìoghachd dha féin, agus a philltinn air ais.

13 Ach ghairm e a dheich seirbhisich, agus thug e dhoibh deich puinn, agus thubhairt e riu, Cuiribh gu buil iad, gus an tig mise.

14 Ach bha fuath aig muinntir a dhùtcha dha, agus ehuir iad teachdaireachd 'n a dhéigh, ag ràdh, Cha-n àill leinn an duine so bli 'n a rìgh oirn.

15 A nis an uair a phill e air ais, an déigh dha an rìoghachd fhaotainn, an sin dh'ordugh e na seirbhisich ud a bhi air an gairm d'a ionnsuidh d'an dthug e 'n t-airgid, chum gu'm bitheadh fios aige ciod a bhuannaich gach aon d'ibh leis a' bhuilcachadh.

16 An sin thàinig an ceud *fhear*, ag ràdh, A Thighearna, bhuidhim do phund deich puind.

17 Agus thubhairt e ris, Is maith, a dheadh seirbhisich: a chionn gu'n robh thusa fìrinneach ann an ro-bheagan, bitheadh agad-sa nachdaranachd air deich bailtibh.



18 Agus thàinig an dara *fear*, ag ràdh, A Thighearna, rinn do phund cùig puind.

19 Agus thubhairt e ris-san, Bì-sa mar an ceudna os ceann chùig bailtean.

20 Agus thàinig *fear* eile, ag ràdh, na Thighearna, feuch do phund, a bha agam-sa taisgte ann an nàpaicin:

21 Oir bha eagal orm romhad, do bhrìgh gur duine geur-theann thu: tha thu a' togail an nì nach do leag thu, agus a' buain an nì nach do chuir thu.

22 Agus thubhairt e ris, As do bheul féin bheir mi breth ort, a dhroch sheirbhisich. Bha fhios agad gu'm bu duine geur-theann mi, a' togail an nì nach do leag mi, agus a' buain an nì nach do chuir mi:

23 Air an aobhar sin c'ar son nach d'fhug thu m' airgid do'n luchd-malairt, agus air teachd dhomh-sa thogaim e le riadh?

24 Agus thubhairt e rìusan a bha 'n an seasamh a làthair, Thugaibh uaith an pund, agus thugaibh dhàsan e aig am bheil na deich puind.

25 (Agus thubhairt iad ris, A Thighearna, tha deich puind aige.)

26 Oir tha mi ag ràdh ribh, Gu'n toirear do gach neach aig am bheil: ach uaithsan aig nach 'eil, bheirar eadhon an nì sin a tha aige.

27 Ach thugaibh an so na naimhdean ud agam-sa, leis nach b'ail mise 'bhi 'am rìgh os an ceann, agus marbhaibh a'm' fhianuis iad.

28 Agus air dha so a ràdh, dh'imich e rompa, a' dol suas gu Ierusalem.

29 A nis an uair a dhruid e ri Betphage agus Betani, làimh ris an t-sliabh d'an goirear *sliabh* nan crann-olaidh, chuir e dithis d'a dheiscioblaibh uaith,

30 Ag ràdh, Imichibh do'n bhaile 'tha fa 'ur comhair; anns am faigh sibh, air dhuibh dol a steach, searrach ceangailte, air nach do shuidh aon duine riamh: fuasglaidh, agus thugaibh an so e.

31 Agus na dh'fhiosraicheas neach air bith dhibh, C'ar son a tha sibh 'g a fuasgladh? mar so their sibh ris, Tha feum aig an Tighearn air.

32 Agus air imeachd dhoibhsan a chuir-eadh air falbh, fhuair iad mar thubhairt e riu.

33 Agus an uair a bha iad a' fuasgladh an t-searraich, thubhairt a shealbhadair ean riu, C'ar son a tha sibh a' fuasgladh an t-searraich?

34 Agus thubhairt iadsan, Tha feum aig an Tighearn air.

35 Agus thug iad gu Iosa e: agus thilg iad am falluinnean air an t-searrach, agus chuir iad Iosa air.

36 Agus ag imeachd dhàsan, sgaol iad am falluinnean foidhe air an t-slighe.

37 Agus an uair a thàinig e am fagus, eadhon gu dol sìos sléibh nan crann-olaidh,

thòisich mòr-chuideachd nan deisciobul uile ri gairdeachas a dheanamh, agus moladh a thoirt do Dhia le guth àrd, air son nan uile oibre cumhachdach a chumhaic iad.

38 Ag ràdh, Gu ma beannaichte an rìgh a tha 'teachd ann an ainm an Tighearna: sìth air nàmh, agus glòir anns na h-àrd-aibh.

39 Agus thubhairt cuid de na Phairisich o mheasg an t-sluaigh ris, A mhaighstir, cronuich do dheisciobuil.

40 Agus fhreagair esan, agus thubhairt e riu, Tha mi ag ràdh ribh, nam fanadh iad sin 'n an tosd, gu'n glaothadh na clachan féin.

41 Agus an uair a thàinig e am fagus, chumhaic e am baile, agus ghuil e air a shon.

42 Ag ràdh, Nam b'aithne dhuith, eadhon dhuistea, air bheag sam bith ann ad là so féin, na nithean a bhuineas do d' shìth! ach a nis tha iad folaichte o d' shùilibh.

43 Oir thig na làithean ort, anns an tilg do naimhdean d'ig mu d' thimchioll, agus an iadh iad umad mu'n cuairt, agus an druid iad a stigh air gach taobh thu,

44 Agus an leag iad co ìosal ris an làr thu, agus do chlànn annad, agus nach fag iad annad clach air muin cloiche; do bhrìgh nach b'aithne dhuith aimsir d'fhiosrachaidh.

45 Agus chaidh e steach do'n teampull, agus thòisich e air an dream a bha 'reic, agus a' ceannach ann a thilgeadh a mach.

46 Ag ràdh riu, Tha e sgrìobhta, Is tigh urnuigh mo thigh-sa; ach rinn sibhse 'n a gharaidh luchd-reubain e.

47 Agus bha e gach là a' teagasg 's an teampull. Ach dh'iarr na h-àrd shagartan agus na sgrìobhaichean, agus ceannardan a' phobuill esan a mharbhadh,

48 Gidheadh cha robh fhios aca ciod a dheanadh iad: oir bha am pobull uile ag éisdeachd ris le ro-aire.

## CAIB. XX.

1 *Dhearbh Criosd gu'n robh ùghdarras aige, le ceisd mu bhaisteadh Eoin.* 9 *Cosumhlachd an fhion-lìos.* 19 *Mu thimchioll cis a thoirt do Cheasar.* 27 *Dhearbh e mearachd nan Sadusach, a bha 'g àicheadh aiseirigh nam marbh.* 45 *Thug e rabhadh d'a dheiscioblaibh, &c.*

**A**GUS tharladh air aon de na làitheibh sin, an uair a bha e 'teagasg a' phobuill 's an teampull, agus a' searmonachadh an t-soisgeil, gu'n d'thàinig na h-àrd-shagartan agus na sgrìobhaichean air, maille ris na scanairibh.

2 Agus labhair iad ris, ag ràdh, Innis duinn ciod e an t-ùghdarras leis am bheil thu a' deanamh nan nithean so? no cò esan a thug an t-ùghdarras do dhuith?

3 Agus fhreagair esan agus thubhairt e riu, Feòraichidh mise mar an ceudna aon nì dhibhse; agus freagraibh mi:

4 Baisteadh Eoin, an ann o nèamh a bha e, no o dhaoibh?

5 Agus reusonaich iad eatorra féin, ag ràdh, Ma their sinn, O nèamh; their esan, C'ar son ma ta nach do chreid sibh e?

6 Ach ma their sinn, O dhaoibh, clachaidh an sluagh uile sinn; oir is deimhin leo gu'm b'fhàidh Eoin.

7 Agus fhreagair iadsan, Nach robh fhios aca cia uath a bha e.

8 Agus thubhairt Iosa riu, Nì mòd dh'inneas mise dhuibh-sa ciod e an t-ùgdarras leis am bheil mi a' deanaibh nan nithean so.

9 An sin thòisich e air a' chosamhlachd so a labhairt ris an t-sluagh; Phlannuich duine àraidh fhion-lios, agus shuidhich e air tuath e; agus chaidh e air choigrich ré aimsir fhada.

10 Agus anns an àm dhligheach chuir e seirbhiseach dh'ionnsuidh na tuatha, chum gu'n tugadh iad da de thoradh an fhion-lios: ach ghabh an tuath air, agus chuir iad uatha falamh e.

11 Agus a ris chuir e seirbhiseach eile uath; agus ghabh iad aisan mar an ceudna, agus mhaslach iad e, agus chuir iad uatha falamh e.

12 Agus a thuilleadh air sin chuir e an treas seirbhiseach uath; agus lot iad esan mar an ceudna, agus thig iad a mach e.

13 An sin thubhairt Tighearn an fhion-lios, Ciod a ni mi? cuiridh mi mo Mhac gràdhach d'an ionnsuidh: feudaich e bhith, 'n uair a chi iad e, gu'n toir iad urram dha.

14 Ach an uair a chunnaic an tuath e, reusonaich iad eatorra féin, ag ràdh, Is e so an t-oighre: thigibh, marbhanaid e, chum gu'm bi an oighreachd againn féin.

15 Agus thig iad a mach as an fhion-lios e, agus mharbh iad e. Ciod uime sin a ni Tighearn an fhion-lios riu?

16 Thig e agus sgrìosaich e an tuath ud, agus bheir e am fhion-lios do dhaoibh eile. Agus an uair a chual iad so, thubhairt iad, Nar leigeadh Dia.

17 Agus air dhàsan amharc orra, thubhairt e, Ciod e so ma seadh a tha sgrìobhta, A' chlach a dhiult na clachairean, rinneadh ceann na h-oisne dhith?

18 Ge b'e neach a thuiteas air a' chloich sin, brisear e: ach ge b'e neach air an tuit i, pronnaidh i gu h-aithre e.

19 Agus anns an uair sin féin dh'iarr na h-àrd-shagartan agus na sgrìobhaichean làn a chur ann; ach bha cagal an t-sluaigh orra; oir thug iad gu'm b'ann 'n an aghaidh féin a labhair e'n cosamhlachd so.

20 Agus rium iad geur-fhaire air, agus chuir iad a mach luchd-foill, a leigeadh orra féin a bhi 'n am fireanaibh, chum gu'n deanadh iad greim air 'fhoclaidh, air chor's gu'n tugadh iad thairis e do chumhachd agus do ùghdarras an uachdarain.

21 Agus dh'fhiosraich iad deth, ag ràdh, A mhaighstir, tha fhios againn gu bheil thu a' labhairt agus a' teagasg gu ceart, agus nach 'eil suim agad do phearsa duine sam bith, ach gu bheil thu 'teagasg slighe Dhé a réir na firinn.

22 Am bheil e ceaduichte dhninn cìs a thoirt do Cheasar, no nach 'eil?

23 Ach thuig esan an cuilbheartachd, agus thubhairt e rin, C'ar son a tha sibh ga m' bhuaireadh?

24 Nochdaibh dhomh peghinn: co leis an dealbh agus an sgrìobhadh a tha oirre? Fhreagair iadsan agus thubhairt iad, Le Ceasar.

25 Agus thubhairt esan riu, Thugaibh-sa air an aobhar sin do Cheasar na nithean a's le Ceasar, agus do Dhia na nithean a's le Dia.

26 Agus cha b'urrainn iad greim a dheanamh air 'fhoclaidh 'am fianuis an t-sluaigh: agus ghabh iad iongantas r'a fhreagairt, agus dh'fhan iad 'n an tosd.

27 An sin thàinig d'a ionnsuidh dream àraidh de na Sadusaich, a tha 'g àicheadh gu bheil aiseirigh ann, agus dh'fheorach iad deth,

28 Ag ràdh, A mhaighstir, sgrìobh Maois dhuinn, Nam faigheadh bràthair duine air bith bàs, agus bean-phòsda aige, agus gu'm faigheadh e bàs gun chlann, gu'n gabhadh a bhràthair a bhean, agus gu'n togadh e suas sliochd d'a bhràthair.

29 Air an aobhar sin, bha seachdnar bhràithrean ann: agus ghabh an cend fhear bean, agus fhuair e bàs gun chlann.

30 Agus ghabh an dara fear i mar mhnaoi, agus fhuair esan bàs gun chlann.

31 Agus ghabh an treas fear i; agus mar an ceudna an t-seachdnar. Agus cha d'fhàg iad clann, agus fhuair iad bàs.

32 Ma dheireadh uile fhuair a' bhean bàs mar an ceudna.

33 Anns an aiseirigh uime sin, cò dhiubh d'ann bean i? oir bha i aig an t-seachdnar 'n a mnaoi.

34 Agus fhreagair Iosa, agus thubhairt e riu, Tha clann an t-saoghail so a' pòsadh, agus air an toirt ann am pòsadh:

35 Ach an dream sin a mheas gur àiridh iad air an t-saoghal ud fhaghail, agus an aiseirigh o na mairbh, cha-n'eil iad a' pòsadh, no air an toirt ann am pòsadh.

36 Agus cha-n'urrainn iad bàs fhaghail ni's mò; oir tha iad 'an co-inbhe ris na h-ainmibh; agus is iad clann Dhé iad, air bhi dhoibh 'n an cloinn do'n aiseirigh.

37 Ach gu'n èirich na mairbh, nochd Maois féin aig a' phreas, an uair a tha e a' gairm de'n Tighearn, Dia Abraham, agus Dia Isaac, agus Dia Iacob.

38 A nis cha-n e Dia nam marbh e, ach nam beò: oir tha iad uile beò dhàsan.

39 An sin fhrèagair dream àraidh de



na sgrìobhaichibh, agus thubhairt iad, A mhaighstir, is maith a labhair thu.

40 Agus cha robh chridhe aca tuilleadh ni sam bith fheòraich dheth.

41 Agus thubhairt e riu, Cionnus a their iad gur e Criosd mac Dhaibhidh?

42 Agus tha Daibhidh féin ag ràdh ann an leabhar nan Salm, Thubhairt an Tighearn ri mo Thighearn, Suidh air mo làimh dheis,

43 Gus an cuir mi do naimhdean 'n an stòl fo do chosaibh.

44 Tha Daibhidh air an aobhar sin a' gairm a Thighearna dheth, cionnus ma seadh is e a mhac e?

45 An sin thubhairt e r'a dheisciobluibh, ann an éisdeachd an t-sluaigh uile,

46 Thugaibh an aire dhuibh féin o ua sgrìobhaichibh, leis am miann imeachd ann an eulaidhibh fada, agus leis an iomluimn fàilte *fhaoitinn* air na margaidhibh, agus na eathrichean a's àirde anns na sionagogaibh, agus na ceud àiteachan-suidhe aig féilibh;

47 A shluigeas suas tighean bhantrach, agus air sgàth deadh choslais a ni urnuighcan fada: gheibh iad sin an dteachd a's mò.

### CAIB. XXI.

1 *Mhol Criosd a' bhantrach bhochd; 4 roimh-innis e sgrìos an teampull, agus bhaile Ierusalem; 25 mar an ceudna na comharan a bhitheas ann roimh an là dheireannach. 34 Earail chum faire a dheanaibh.*

**A**GUS air dha amhare suas, chunnaic e na daoine saoi bhir a' tilgeadh an tiodhlacan ann an àite-coimhead an ionmhaeis.

2 Agus chunnaic e mar an ceudna bantrach bhochd àraidh a' tilgeadh dà leth-fheoirling an sin.

3 Agus thubhairt e, Gu firinneach tha mi ag ràdh ribh, gu'n do chuir a' bhantrach bhochd so ni's mò ann na iad uile.

4 Oir thig iad so uile d'am pailteas a steach do thiodhlacaibh Dhé: ach thig ise d'a h-uireasbhuidh féin am beathachadh uile a bha aice.

5 Agus air do chuid diubh 'bhi 'labhairt mu'n teampull, mar a bha e air a dheanamh maiseach le clachaibh sgiamhach, agus le tiodhlacaibh, thubhairt e,

6 *A thaobh* nan nithean so a chi sibh, thig na làithean, anns nach fàgar clach air muin cloiche *dhiubh*, nach tilgear sìos.

7 Agus dh'fhuosraich iadsan deth, ag ràdh, A mhaighstir, c'uiu ma ta 'bhitheas na nithean so? agus ciod e an comharadh 'n uair a bhitheas na nithean so gu teachd gu crìch?

8 Agus thubhairt esan, Feuchaibh nach meallar sibh; oir thig mòran ann am ainm-sa, ag ràdh, Is mise *Criosd*; agus tha an t-am am fagus; uime sin na leanaibh iad.

9 Ach an uair a chluinneas sibh mu chog-

annaibh, agus mu dheannaireibh, na bith-eadh mòr-gheilt oirbh: oir is éigin do na nithibh so tachairt air tús; ach cha-n'eil a' elurìoch air ball.

10 An sin thubhairt e riu, Eiridh cinneach an aghaidh cinnich, agus rioghachd an aghaidh rioghachd:

11 Agus bithidh critheanna mòra tal-mhainn ann 'an iomadh àit, agus gortan, agus plaighean; agus nithean uamhasach, agus comharan mòra o nèamh.

12 Ach rompa so uile cuiridh iad làmh annaibhse, agus geur-leanaidh iad *sibh*, g'ur tabhairt thairis do choimhthionalaibh, agus do phrìosanaibh, g'ur tabhairt chum rìghrean agus uachdaran air sgàth m'ainme-sa.

13 Agus tacharaidh so dhuibhse mar fhianuis.

14 Air an aobhar sin daingnichibh ann bhur cridheachaibh, gun smuaineachadh roimh làmh, eiod a fhreagras sibh air bhur son féin:

15 Oir bheir mise dhuibh beul agus gliocas, nach bi bhur naimhdean uile comasach air labhairt no eur 'n a aghaidh.

16 Agus brathair sibh le 'ur pàrantaibh, agus le 'ur bràithribh, agus le 'ur luchd-dàimhe, agus le 'ur cairdibh; agus bheir iad fainear *cuid* dhibh a chur gu bàs.

17 Agus bithidh fuath aig na h-uile dhaoineibh dhuibh air son m'ainme-sa.

18 Ach cha chaillear fuiltein de ghruaig bhur cinn.

19 Ann bhur foighidinn sealbhaichibh bhur n-anaman féin.

20 Agus an uair a chi sibh Ierusalem air a cuairteachadh le armailtibh, an sin bitheadh fhios agaibh gu bheil a fàsachd am fagus.

21 (An sin teicheadh iadsan a tha ann an Iudea chum nan beann,) agus imicheadh iadsan a tha 'n a meadhon-sa mach aisde; agus na rachadh iadsan a tha 's a' mhachair, a steach innte.

22 Oir is iad sin làithean an dioghaltais, chum gu'n coimhlionar na h-uile ni a tha sgrìobhta.

23 Ach mo thruaigh na mnathan a bhitheas torrach, agus iadsan a bbitheas a' toirt cìche anns na làithibh sin! oir bithidh teanntachd mhòr 's an dùthaich, agus fearg ris a' phobull so.

24 Agus tuitidh iad le faobhar a' chlaidheamh, agus bheirear iad 'an braigheanas chum nan uile chinneach: agus bithidh Ierusalem air a saltairt sìos fo na Cinnich, agus an coimhlionar aimsirean nan Cinneach.

25 Agus bithidh comharan anns a' ghréin, agus anns a' ghealaich, agus anns na reultaibh; agus air an talamh aire nan cinneach, ann an ioma-chomhairle; an cuan agus na toman a' beuchdaich;

26 Cridhe dhaoine 'g an tréigsinn troimh eagal, agus fheitheamh nan nithean sin a

tha 'teachd air an domhan: oir bithidh cumhachdan nan nèamh air an crathadh.

27 Agus an sin chli iad Mac an duine a' teachd ann an neul, le cumhachd agus mòr-ghlòir.

28 Agus an uair a thòisicheas na nithean so air tachairt, an sin amhaircibh suas, agus togaibh bhur cinn; oir tha bhur saorsa am fagus.

29 Agus labhair e cosamhlachd riu, Anhaireibh air a' chraoibh-fhìge, agus na craobh-an uile;

30 'N uair a bhitheas iad cheana a' cur a mach an *duillich*, tha sibh a' faicinn, agus ag aithneachadh uairibh féin, gu bheil an samhradh a nis am fagus.

31 Agus mar an ceudna sibhse, 'n uair a chli sibh na nithean so a' tachairt, bitheadh fhios agaibh gu bheil rìoghachd Dhé fagus do làmh.

32 Gu deimhin tha mi ag ràdh ribh, nach téid an ginealach so thairis, gus an coimhlionar na nithean *so* uile.

33 Théid nèamh agus talamh thairis: ach cha téid mo bhriathran-sa thairis a chaoidh.

34 Agus thugaibh an aire dhuibh féin, air eagal uair air bith gu'm bi bhur cridhe fo uallaich le geòcaireachd, agus le misg, agus le ro-chùram mu nithibh na beatha so, agus gu'n tig an là sin oirbh gu h-obann.

35 Oir mar ribe thig e air na h-uile dhaoibh, a tha 'g àiteachadh aghaidh na talmhainn uile.

36 Deanaibhse air an aobhar sin faire, a' deanamh uraigh gach àm, chum gu measar gur àiridh sibh air dol as o na nithibh sin uile a tha gu teachd, agus seasamh an làthair Mhic an duine.

37 Agus bha e's an là a' teagasg's an teampull, agus's an oidhech chaidh e mach, agus dh'fhan e air an t-slabh, d'an goirear *slabh* nan crann-olaidh.

38 Agus thàinig an sluagh uile gu moch d'a ionnsuidh's an teampull, a dh'éisdeachd ris.

## CAIB. XXII.

1 *Ghabh na h-Iudhaich comhairle an aghaidh Iosa.* 3 *Dh'aom Sàtan Iudas gu esan a bhrath.* 7 *Dh'ulluich na h-abstol a' chàisg.* 19 *Dh'ord-uich Crìosd an t-suipeir naomh.* 32 *Dh'innis e do Pheadar nach diobradh a chreidimh e;* 34 *ach gu'n àicheadhadh e esan trì uairean;* 39 *rinn e urraigh,* 47 *bhrathadh e le pòig.* 54 *Dh'àicheadh Peadar e.*

**A** NIS dhruid *riu* féill an arain neo-ghoirtichte, d'an goirear a' chàisg.

2 Agus bha na h-àrd-shagartan agus na sgrìobhaichean ag iarraidh cionnus a dh'fhèudadh iad esan a chur gu bàs; oir bha eagal an t-sluaigh orra.

3 An sin chaidh Sàtan ann an Iudas d'an co-aime Iscariot, a bha de àireamh an dà fhir dheug.

4 Agus dh'imich e, agus labhair e ris na

h-àrd-shagartaibh agus ri ceannardaibh an *teampull*, cionnus a bhrathadh se esan doibh.

5 Agus bha iad toilichte, agus rinn iad coimheangal airgid a thoirt da.

6 Agus gheall esan, agus dh'iarr e àm iomchuidh air a bhrath dhoibh gun an siuagh a bhli làthair.

7 An sin thàinig là an arain neo-ghoirtichte, anns am b'éigin an t-uan-càisge a mharbhadh.

8 Agus chuir e uaith Peadar agus Eoin, ag ràdh, Imichibh, agus ulluichibh dhuinn a' chàisg, chum gu'n ith sinn i.

9 Agus thubhairt iadsan ris, C'àit an àill leat sinn a dh'ulluchadh?

10 Agus thubhairt e riu, Feuch, air dhuibh dol a steach do'n bhaile, tacharaidh oirbh duine, a' giùlan soithich uisge; leanaibh e do'n tigh anns an téid e steach.

11 Agus abraibh ri fear an tighe, Tha am maighstir ag ràdh riut, C'àit am bheil an seòmar aoidheachd anns an ith mi a' chàisg maille ri mo dheisciobluibh?

12 Agus feuchaidh e dhuibh àrd-sheòmar farsuin uidhimichte: ulluichibh an sin.

13 Agus dh'imich iad agus fhuair iad mar thubhairt e riu: agus dh'ulluich iad a' chàisg.

14 Agus an tràth thàinig an uair, shuidh e sìos, agus an dà abstol deug maille ris.

15 Agus thubhairt e riu, Le mòr-thogradh mhiannaich mi a' chàisg so itheadh maille ribh roimh dhomh fulang:

16 Oir tha mi ag ràdh ribh, nach ith mi dhith tuilleadh, gus an coimhlionar i ann an rìoghachd Dhé.

17 Agus ghlac e cupan, agus air dha buidh-eachas a thabhairt, thubhairt e, Gabhaibh so, agus roimibh eadaraibh féin e.

18 Oir tha mi ag ràdh ribh, nach òl mi de thoradh na fionain, gus an tig rìoghachd Dhé.

19 Agus ghlac e aran, agus an déigh buidh-eachas a thabhairt, bhris e, agus thug e dhoibh-san e, ag ràdh, Is e so mo chorp-sa 'tha air a thoirt air bhur son-se: deanaibh so mar chuimhneachan ormsa.

20 Agus mar an ceudna an cupan, an déigh na suipeir, ag ràdh, Is e an cupan so an tiomnadh nuadh ann am fhuil-sa, a dhòirteadh air bhur son-se.

21 Ach feuch, làmh an ti a bhrathas mise maille rium air a' bhòrd.

22 Agus gu fìrinneach tha Mac an duine ag imcadh, a réir mar a dh'orduicheadh: ach is an-aobhinn do'n duine sin leis am brathar e.

23 Agus thòisich iadsan air fiosrachadh eatorra féin, cò aca 'bha gus an ni so a dhcanamh.

24 Agus bha mar an ceudna comhstri eatorra, cò aca bu mhò a bhitheadh.

25 Ach thubhairt esan riu, Tha aig rìgh-



ribh nan Cinneach tighearnas orra; agus gceirar daoine fala dhiubh-san, aig am bheil ughdarras orra.

26 Ach na bithibhse mar sin: ach an neach a's mò 'n 'ur measg, bitheadh e mar an neach a's òige; agus an ti a's àirde, mar esan a tha ri frithealadh.

27 Oir co aca a's mò, an ti a shuidheas air bòrd, no esan a fhritheileas? nach e 'n ti a shuidheas; ach tha mise 'n 'ur measg-se mar fhear-frithealaidh.

28 Is sibhse iadsan a dh'fhan maille riumsa ann am dheuchainnibh;

29 Agus tha mise ag orduchadh dhuibh rioghachd, mar a dh'orduich m'Àthair dhomh-sa;

30 Chum gu'n ith agus gu'n òl sibh air mo bhòrd-sa ann am rioghachd, agus gu'n suidh sibh air caithrichibh rioghail, a' toirt breth air dà thrèibh dheug Israeil.

31 Agus thubhairt an Tighearn, A Shimoìn, a Shimoìn, feuch, dh'iarr Sàtan sibhse, chum *bhur* criaradh mar chruithneachd.

32 Ach ghuidh mise air do shonsa, nach dìobradh do chreidinn thu: agus an uair a dh'iompaichear thu, neartaich do bhràithrean.

33 Agus thubhairt esan ris, A Thighearn, tha mise ullamh gu dól maille riut araon chum prìosain, agus a chum bàis.

34 Agus thubhairt esan, Tha mi ag ràdh riut, a Pheadair, nach goir an coileach an diugh, gus an àicheadhaidh thu trì uairean gur aithne dhuit mi.

35 Agus thubhairt e riu, 'N uair a chuir mi uam sibh gun sporan, agus gun mhàla, agus gun bhrògan, an robh uireasbhuidh ni sam bith oirbh? Agus thubhairt iad, Cha robh.

36 An sin thubhairt e riu, Ach a nis ge b'e aig am bheil sporan, togadh se e, agus mar an ceudna a mhàla: agus an ti aig nach 'eil claidheamh, reiceadh e fhalluinn, agus ceannachadh e aon.

37 Oir tha mi ag ràdh ribh, gur éigin fathast an ni so a tha sgrìobhta a choinn-lionadh annamsa, Agus bha e air àireamh ann measg nan ciontach: oir tha crìoch aig na nithibh ud, a tha mu m' thimchioll-sa.

38 Agus thubhairt iadsan, A Thighearna, feuch, tha dà chladheamh an so. Agus thubhairt esan riu, Is leoir e.

39 Agus air dha dol a mach, chaidh e, mar bu ghnàth leis, gu sliabh nan crann-olaidh; agus lean a dheisciobul e.

40 Agus an uair a thàinig e do'n àit, thubhairt e riu, Deanaibh urnuigh, chum nach tuit sibh ann am buaireadh.

41 Agus thairngeadh esan uatha mu thimchioll urchuir cloiche, agus leig se e féin air a ghluinibh, agus rinn e urnuigh,

42 Ag ràdh, Àthair, ma's toil leat, cuir an cupan so seachad orm: gidheadh, na b'i mo thoil-sa, ach do thoil-sa gu robh deanta.

43 Agus dh'fhoillsicheadh dha aingeal o nèamh, 'g a neartachadh.

44 Agus air dha 'bhi ann an cruaidh-ghleachd anama, rinn e urnuigh ni bu dùrachdaiche: agus bha 'fhallus mar bhraon-aibh mòra fola a' tuitcam sìos air an talamh.

45 Agus air dha éirigh o urnuigh, thàinig e chum a dheisciobul, agus fhuair e 'n an codal iad troimh thuirse.

46 Agus thubhairt e riu, C'ar son a tha sibh 'n 'ur codal? éiribh, agus deanaibh urnuigh, chum nach tuit sibh ann am buaireadh.

47 Agus an uair a bha e fathast a' labhairt, feuch sluagh, agus dh'imich esan d'am b'ainm Iudas, aon de'n dà fhear dheug, rompa, agus dhruid e ri Iosa, chum a phògadh.

48 Ach thubhairt Iosa ris, A Iudais, am bheil thu le pòig a' brath Mhic a' duine?

49 Agus an uair a churraic iadsan a bha mu thimchioll-san an ni a bha gu tachairt, thubhairt iad ris, A Thighearna, am buail sinn leis a' chladheamh?

50 Agus bhuail aon diubh seirbhiseach an àrd-shagairt, agus ghearr e dheth a chluas dheas.

51 Agus fhacagair Iosa agus thubhairt e, Fulaingibh gu so. Agus bhean e r'a chluais, agus shìl nuic e i.

52 An sin thubhairt Iosa ris na h-àrd-shagartaibh agus ri ceannardaibh an teampull, agus ris na seanairibh, a thàinig d'a ionnsuidh, An d'thàinig sibh a mach le claidhibh agus le bataichibh, mar gu'm b'ann an aghaidh fir-reubainn?

53 'N uair a bha mi gach là maille ribh 's an teampull, cha do shìn sibh a mach *bhur* lamhan a'm' aghaidh: ach is i so bhur n-uairse, agus cumhachd an dorchadais.

54 An sin rug iad air, agus thug iad leo e do thigh an àrd-shagairt. Agus lean Peadar am fad uaith e.

55 Agus air dhoibh teine fhadadh ann am meadhon an talla, agus suidhe sìos maille ri 'chéile, shuidh Peadar 'n am meadhon.

56 Ach chunnaic cailin àraidh e'n a shuidhe aig an teine, agus air dhi amharc gu geur air, thubhairt i, Bha'm fear so mar an ceudna maille ris.

57 Agus dh'àicheadh esan e, ag ràdh, A bhean, cha-n aithne dhomh e.

58 Agus beagan 'n a dhéigh sin chunnaic neach eile e, agus thubhairt e, Is ann diubh thusa mar an ceudna. Agus thubhairt Peadar, A dhuine, cha-n ann.

59 Agus mu thimchioll ùine aoin uaire 'n a dhéigh sin, chòmhdaich neach eile air, ag ràdh, Gu firinneach bha am fear so mar an ceudna maille ris; oir is Galilèach e.

60 Agus thubhairt Peadar, A dhuine, cha-n aithne dhomh ciod a tha thu 'g ràdh. Agus

air ball, am feadh a bha e fathast a' labhairt, ghoir an coileach.

61 Agus air tionndadh do'n Tighearn, dh'amhair e air Peadar; agus chunnadh Peadar focal an Tighearna, mar thubhairt e ris, Mun goir an coileach, àicheadhaidh tu mi tri uairean.

62 Agus chaidh Peadar a mach, agus ghuil e gu goirt.

63 Agus rinn na daoine, a chum Iosa, fanoid air, 'g a bhualadh.

64 Agus an nair a dh'fholuich iad a shùilean, bhuail iad e 's an aghaidh, agus dh'fheoraich iad deth, ag ràdh, Dean faidh-eadaireachd cò e a bhuail thu?

65 Agus labhair iad mòran de nithibh eile gu toibheumach 'n a aghaidh.

66 Agus an uair a bha an là air teachd, chruinnich seanadh an t-sluaigh, agus na sgrìobhaichean an ceann a chéile, agus thug iad esan chum an comhairle,

67 Ag ràdh, An tusa Crìosd? innis dhuinn. Agus thubhairt e riu, Ma dh'innseas mi dh'innibh, cha chreid sibh:

68 Agus ma dh'fhiosraicheas mi *ni air bith*, cha toir sibh freagradh dhomh, agus cha leig sibh as *mi*.

69 O'n am so bithidh Mac an duine 'n a shuidhe air deas làimh cumhachd Dhé.

70 An sin thubhairt iad uile, An tusa ma seadh Mac Dhé? Agus thubhairt e riu, Tha sibhse ag ràdh gur mi.

71 Agus thubhairt iad, Ciod tuilleadh am feum a tha againn air fianuis? oir chuala sinn fèin *i* as a bheul fèin.

### CAIB. XXIII.

1 *Chasaid na h-Iudhaich air Crìosd an làthair Philait. 8 Rinn Herod fanoid air. 12 Rinneadh Herod agus Pilat 'n an càirdibh. 18 Dh'iarraidh Barabas leis an t-sluaigh, agus air 'fhuasgladh le Pilat, thug e Iosa thairis gu bhì air a cheusadh: 34 Ghuidh Crìosd air son a naimhdean. 46 A bhàs, 59 agus 'adhlac.*

**A**GUS air éirigh d'an cuideachd uile, thug iad e gu Pilat.

2 Agus thòisich iad air a chasaid, ag ràdh, Fhuair sinn am fear so a' clonadh a' chinnich, agus a' bacadh cis a thoirt do Cheasar, ag ràdh, Gur e féiu Crìosd an rìgh.

3 Agus dh'fheoraich Pilat deth, ag ràdh, An tusa rìgh nan Iudhach? agus fhreagair esan agus thubhairt e, Tha thu 'g a ràdh.

4 An sin thubhairt Pilat ris na h-àrd-shagartaibh agus ris an t-sluaigh, Cha-n'eil mi 'faotainn coire air bith 's an duine so.

5 Agus bha iadsan ni bu ro dhéine, ag ràdh, Tha e' buaireadh an t-sluaigh, a' teagasg troimh Indea uile, a' tòiseachadh o Ghalile gus an àit so.

6 'N uair a chuala Pilat mu Ghalile, dh'fhiosraich e am bu Ghaliléach au duine.

7 Agus an uair a chual e gu'm b'ann fo uachdaranachd Herod a bha e, chuir se e

gu Herod, a bha e féiu ann an Ierusalem 's na làithibh sin.

8 Agus an uair a chunnaic Herod Iosa, bha aoibhneas mòr air: oir bha déidh aige ré ùine fhada air esan fhaicinn, do bhrìgh gu'n cual e mòran uime; agus bha dùil aige gu'm faicadh e miorbhuil éigin air a dheanamh leis.

9 An sin dh'fheòraich e mòran de cheisdean dhet; ach cha d'thug e freagradh sam bith dha.

10 Agus sheas na h-àrd-shagartan, agus na sgrìobhaichean 'g a chasaid gu dian.

11 Ach chuir Herod agus a luchd-cogaidh 'an nco-mheas e, agus rinn iad fanoid air, agus an déigh a sgeadachadh 'au eudach dealrach chuir e air ais gu Pilat e.

12 Agus rinneadh Pilat agus Herod 'n an càirdibh d'a chéile 's an là sin: oir bha iad roimhe sin 'an naimhdeas r'a chéile.

13 Agus an uair a ghairm Pilat an ceann a chéile na h-àrd-shagartan, agus na h-uachdaran, agus an sluagh,

14 Thubhairt e riu, Thug sibh a m' ionnsuidh-sa an duine so, war neach a tha 'tionndadh an t-sluaigh a thaobh: agus, feuch, air dhomh a cheasnachadh ann bhuir làthair, cha d'fhuair mi coire air bith 's an duine so 'thaobh nau nithean sin mu 'm bheil sibh a' deanamh casaid air;

15 No mar an ceudna Herod: oir chuir mi d'a ionnsuidh sibh, agus, feuch, cha d'rinneadh ni air bith leis toiltiuneach air bàs.

16 Uime sin, air dhomh-sa a smachdachadh, leigidh mi as e.

17 (Oir b'éigin da aou a leigeadh as doibh air an fhéill.)

18 Agus ghlaodh iad a mach dh'aou ghuth, ag ràdh, Buir uainu *am fear* so, agus leig air a chomas duinn Barabas:

19 (Neach air son ceannaire àraidh a rinneadh auns a' bhaile, agus air son mortaidh, a thilgeadh 'am prìosan.)

20 Air an aobhar sin labhair Pilat riu a ris, air dha 'bhi toileach Iosa a chur fa sgaoil.

21 Ach ghlaodh iadsan, ag ràdh, Ceus e, ceus e.

22 Agus thubhairt e riu an treas uair, C'ar son? ciod an cron a rinn e? cha d'fhuair mise cùis bhàis air bith ann: uime sin, an déigh dhomh a smachdachadh, leigidh mi as e.

23 Agus luidh iadsan air le guthaibh mòra, ag iarraidh esan a cheusadh: agus bhuadh-aich an guthan-sau, agus *guthan* nan àrd-shagart.

24 Agus thug Pilat breth gu'n deantadh na dh'iarr iad.

25 Agus leig e mach dhoibh esan a thilgeadh 'am prìosan air son ceannaire agus mortaidh, an neach a dh'iarr iad; ach thug e thairis Iosa d'an toil.



26 Agus an tràth 'thug iad leo e, rug iad air Simon, duine àraidh o Chirene, a bha 'teachd o'n dùthaich, agus chuir iad an crann-ceusaidh air, g'a ghiùlan an dèigh Iosa.

27 Agus lean cuideachd mhòr e de'n t-sluagh, agus de mhnaibh, a bha mar an ceudna ri bròn, agus 'g a chaoineadh-san.

28 Ach air tionndadh do Iosa riu, thubhairt e, A nigheana Ierusalem, na guilbhl air mo shonsa, ach guilbhl air bhur son féin, agus air son bhur cloinne:

29 Oir feuch, tha na làithean a' teachd, anns an abair iad, Is beannaichte na *mnathan* neo-thorrach, agus na brònnan nach do ghiùlain *clann*, agus na cìochan nach d'thug bainne.

30 An sin tòisichidh iad air a ràdh ris na beanntaibh, Tuitibh oirne; agus ris na cnocaibh, Fòlaichibh sinn.

31 Oir ma ni iad na nithean so ris a' chramm ùr, eiod a ni iad ris a' chrìonaich?

32 Agus thugadh mar an ceudna dithis eile, a bha 'n an luchd droch-bheirt, chum bhi air an ceusadh maille ris.

33 Agus an uair a thàinig iad do'n àit d'an goirear Calbhari, an sin cheus iad e féin, agus na droch dhaoine; fear dhiubh aira làimh dheis, agus an fear eile aira làimh chlì.

34 An sin thubhairt Iosa, Athair, maith dhoibh; oir cha-n'eil fhios aca ciod a tha iad a' deanamh. Agus roinn iad 'eudach, agus thig iad crannchur *air*.

35 Agus sheas an sluagh ag amharc: agus rinn na h-uachdarain fanoid *air* maille rìusan, ag ràdh, Shaor e daoine eile; saoradh se e féin, ma's e so Crìosd, aon taghta Dhé.

36 Agus rinn na saighdearan mar an ceudna fanoid air, a' teachd d'a ionnsuidh, agus a' tairgseadh fìon geur dha,

37 Agus ag ràdh, Ma's tu Rìgh nan Iudhach, teasairg thu féin.

38 Agus bha sgrìobhadh mar an ceudna air a sgrìobhadh os a cheann, ann an litrichibh Grèigis, agus Laidin, agus Eabhra, IS E SO RIGH NAN IUDHACH.

39 Agus thug aon de na droch dhaoimibh, a chrochadh, toibheum dha, ag ràdh, Ma's tu Crìosd, saor thu féin agus sinne.

40 Ach fhreagair am fear eile, agus chronnich se e, ag ràdh, Nach 'eil eagal Dhé ort, agus gu bheil thu fo 'n aon dìteadh *ris*?

41 Agus sinne da rìreadh 'an eartas; oir tha sinn a' faotaim nan nithean sin a thoill ar gnìomharan: ach cha d'rinn an duine so cron air bith.

42 Agus thubhairt e ri Iosa, A Thighcarna, cumhniche ormsa 'n uair a thig thu do d' rìoghachd.

43 Agus thubhairt Iosa ris, Gu deimhin tha mi ag ràdh riut, gu'm bi thu maille riumsa an diugh ann am pàrras.

44 Agus bha e mu thimcheòl na searhamh uaire, agus bha dorchadas air an *talamh* uile agus an naothamh uair.

45 Agus dhorchaidheadh a' gùrian, agus reubadh brat-roinn an teampuil 'n a mheadhlon.

46 Agus an uair a ghlaodh Iosa le guth mòr, thubhairt e, Athair, tha mi 'tionnadh mo spioraid a'd làmh-an-sa: agus an uair a thubhairt e so, thug e suas an deò.

47 A nis an uair a chunnaic an ceannard-ceud an ni a rinneadh, thug e glòir do Dhia, ag ràdh, Gu fìrinneach b'ionracan an duine so.

48 Agus an sluagh uile a chruinnich dh'ionnsuidh an t-seallaidh sin, an uair a chunnaic iad na nithean a rinneadh, phill iad air an ais, a' buaidh an uched.

49 Agus sheas a luchd-eòlais uile, agus na mnathan a lean e o Ghalile, am fad uaithe, ag amharc air na nithibh sin.

50 Agus, feuch, duine *àraidh* d'am b'ainm Ioseph, comhairleach, a bha 'n a dhuine maith, agus 'n a fhìrean;

51 (Cha d'aontaich an duine so r'an comhairle no r'an gnìomh;) O Arimatea, baile leis na h-Iudhaich; neach mar an ceudna aig an robh sùil ri rìoghachd Dhé.

52 Chaidh esan gu Pilat, agus dh'iarr e corp Iosa.

53 Agus air dha a thoirt a nuas, phaisg e ann an lìon-eudach e, agus chuir e ann an uigh e a chladhaicheadh á carraig, anns nach do chuireadh aon duine riamh roimhe.

54 Agus b'e sin là an ullachaidh, agus bha an t-sàbaid am fagus.

55 Agus lean na mnathan a thàinig maille ris o Ghalile, agus chunnaic iad an uigh, agus cionnus a chuireadh a chorp.

56 Agus phill iad, agus dh'ulluich iad spìosraidh, agus oladh deadh fhàile; agus ghabh iad tàmh air là na sàbaid, a réir na h-àithne.

## CAIB. XXIV.

1 Chuireadh aiseirigh Chrìosd 'an cèill le dà aingeal do na mnaibh a thàinig a dh'amharc na h-uaghe; 13 Dh'fhoillsicheadh Crìosd féin do'n dàlhis dheisciobul a chaidh gu h-Emaus: 36 'n a dhèigh sin dh'fhoillsicheadh e do na h-abstolaidh, agus chronnich e iad air son am mi-chreidimh; 47 thug e àithne dhoibh; 49 gheall e an Spìorad naomh, 51 agus chaidh e suas do nèamh.

**A** NIS air a' cheud là de'n t-seachdain, gu ro mhoch air mhaduinn, thàinig iad chum na h-uaghe, a' toirt leo nan spìosraidh a dh'ulluich iad, agus *mnathan* àraidh eile maille rin.

2 Agus fhuair iad a' chlach air a caruchadh o'n uigh.

3 Agus air dhoibh dol a steach, cha d'fhuair iad corp an Tighearn' Iosa.

4 Agus am feadh a bha iad 'an ioma-ctheisd

mu'n ni so, feuch, sheas dithis dhaoine làmh riu ann an eudaichibh dealrach.

5 Agus air dhoibh a bhi fo eagal, agus a' cromadh an aghaidh chum na talmhainn, thubhairt iad riu, C'ar son a tha sibh ag iarraidh an tì a tha beò am measg nam marbha?

6 Cha-n'eil e 'n so, ach dh'éirich e: eumh-nichibh mar a labhair e ribh air dha 'bhi fathast ann an Galile,

7 Ag ràdh, Is éigin do Mhac an duine 'bhi air a thoirt thairis do làmhnan dhaoine peacach, agus a bhi air a cheusadh, agus éirigh a ris an treas là.

8 Agus chuimhnich iad a bhriathran.

9 Agus air dhoibh pilltinn o'n uaigh, dh'innis iad na nithean so uile do'n aon fhear deug, agus do chàch uile.

10 Agus b'i Muire Magdalen, agus Ioanna, agus Muire *màthair* Sheumais, agus mnathan eile maille riu, a dh'innis na nithean so do na h-abstolaibh.

11 Agus mheasadh am briathran leo-san mar sgeula faoine, agus cha do chreid siad iad.

12 An sin air éirigh do Pheadar, ruith e chum na h-uaighe; agus air dha cromadh sìos, chunnaic e'n lìon-eudach 'n a luidhe leis féin, agus dh'fhalbh e, a' gabhail iong-antais leis féin mu'n ni so a rinneadh.

13 Agus, feuch, bha dithis diubh a' dol air an là sin féin gu baile d'am b'ainm Emaus, a bha trì fichead staid o Ierusalem.

14 Agus bha iad a' labhairt eatorra féin mu thinnicholl nan nithean ud uile a thachair.

15 Agus an uair a bha iad a' còmhradh, agus a' co-reusonachadh, thàinig Iosa e féin ann agus, agus dh'fhuic e maille riu.

16 Ach bha'n sìulean air an cunail, air chor as nach d'aithnich iad e.

17 Agus thubhairt e riu, Ciod e an còmh-radh so air am bheil sibh a' teachd cadar-aibh féin, ag imeachd dhuibh, agus sibh dubhach?

18 Agus fhreagair fear diubh d'am b'ainm Cleopas, agus thubhairt e ris, Am bheil thusa a mhàin a'd' choigreach ann an Ierusalem, agus gun fhios agad air na nithibh a rinneadh imte anns na làithibh so?

19 Agus thubhairt e riu, Ciod na nithean? Agus thubhairt iadsan ris, Na nithean a thaobh Iosa o Nasaret, a bha 'n a fhàidh eumhachdach ann an gnìomh agus ann am focal 'am fianuis Dhé, agus an t-sluaigh uile:

20 Agus cionnus a thug na h-àrd-shagartan agus ar n-uachdarain thairis chum dithidh nais c, agus a cheus iad e.

21 Ach bha dùil againne gu'm b'esan an tì a bha gu Israel a shàoradh; agus a thuill-eadh air so uile, is e 'n diugh an treas là o rinneadh na nithean so.

22 Agus mar an ceudna, chuir mnathan

àraidh dhinn féin, a chaidh gu m'och a dh'ionnsuidh na h-uaighe, mòr-loghnadh oirnn:

23 Agus an uair nach d'fhuair iad a chorp, thàinig iad, ag ràdh, gu'm fac iad sealladh de ainglibh, a thubhairt gu bheil e beò.

24 Agus chaidh dream àraidh dhiubhsan a bha maille ruinn féin, chum na h-uaighe, agus fhuair iad eadhon mar a thubhairt na mnathan; ach cha-n fhac iad esan.

25 An sin thubhairt e riu, O dhaoine amaideach, agus mall-chridheach a chreid-sinn nan nithean sin uile a labhair na fàidhean!

26 Nach b'éigin do Chrìosd na nithean so fhulang, agus dol a steach d'a ghlòir?

27 Agus air dha tòiseachadh o Mhaois, agus o na fàidhibh nìle, dh'eadar-mhìnich e dhoibh anns na sgrìobtuiribh uile na nith-ean m'a thinnicholl féin.

28 Agus dhruid iad ris a' bhaile, d'an robh iad a' dol: agus leig esan air gu'n rachadh e ni b'fhaide.

29 Ach cho-éignich iadsan e, ag ràdh, Fan maille ruinne, oir tha e dlùth do'n fheasgar agus tha deireadh an là ann. Agus chaidh e steach a dh'fhuireach maille riu.

30 Agus an uair a shuidh e gu b'iad maille riu, air dha aran a ghlacadh, bheannaich se e, agus bhris se e, agus th-r-z e dhoibh e.

31 Agus dh'fhosglaidh an sìulean, agus dh'aithnich iad e; agus chaidh e as an t-sealladh.

32 Agus thubhairt iad r'a chéile, nach robh ar cridhe a' lasadh annainn, am feadh a bha e a' labhairt ruinn air an t-slighe, agus an uair a dh'fhosgail e dhuinn na sgrìobtuir-can?

33 Agus dh'éirich iad air an uair sin féin, agus phill iad gu Ierusalem, agus fhuair iad an t-aon fhear deug cruinn an ceann a chéile, agus an dream a bha maille riu,

34 Ag ràdh, Dh'éirich an Tighearn da rìr-eadh, agus chunnacas le Simon e.

35 Agus dh'innis iad na nithean a rinneadh air an t-slighe, agus mar a dh'aithnich-eadh leo e ann am brisadh an arain.

36 Agus ag labhairt nan nithean so dhoibh, sheas Iosa féin 'n am meadhan, agus thubhairt e riu, Sìth maille ribh.

37 Ach bha iadsan fo gheilt-chrith agus fo eagal, agus shaoil iad gur spiorad a chunn-aic iad.

38 Agus thubhairt e riu, C'ar son a tha sibh fo bhuaireas, agus c'ar son a tha smuaintean ag éirigh suas ann bhur eridh-eachaidh?

39 Feuchaibh mo làmhnan agus mo chosan, gur mi féin a th'ann: làimhsichibh mi, agus faicibh; oir cha-n'eil aig spiorad feoil agus cnàmhnan, mar a chli sibh agam-sa.

40 Agus an uair a thubhairt e so, nochd e dhoibh a làmhnan agus a chosan.

41 Agus air dhoibh 'bhi fathast mi-chreid-



each troimh aoibhneas, agus iad fo iongant-  
as, thubhairt e riu, Am bheil biadh sam  
bith agaibh au so?

42 Agus thug iad da mìr de iasg ròiste,  
agus de chìr-mheala.

43 Agus ghlac se e, agus dh'ith e 'n am  
fianuis.

44 Agus thubhairt e riu, 'S iad so na  
briathran a labhair mi ribh, 'n uair a bha  
mi fathast maille ribh, gur éigin do na h-uile  
nithibh a tha sgriobhta ann an lagh Mhaois,  
agus anns na fàidhibh, agus anns na salm-  
aibh mu m' thimchioll-sa, 'bhi air au coimh-  
lionadh.

45 An sin dh'fhosgail e an tuigse, chum  
gu'n tuigeadh iad na sgriobtuirean.

46 Agus thubhairt e riu, Mar so tha e  
sgriobhta, agus mar so b'éigin do Chrìosd  
fulang, agus éirigh o na mairbh an treas là:  
47 Agus aithreachas agus maitheanas peac-

aidh 'bhi air an searmonachadh 'n a ainm-  
san, do na h-uile chinnich, a' tòiseachadh aig  
Ierusalem.

48 Agus is fiannuiseau sibhse air na nith-  
ibh so.

49 Agus, feuch, cuiridh mise gealladh m'  
Athar oirbh: ach fanaibhse ann am baile  
Ierusalem, gus an sgeadaichear le cunih-  
achd o na h-ardaibh sibh.

50 Agus thug e mach iad co fhad ri Betani;  
agus thog e suas a làmhnan, agus bheannaich  
e iad.

51 Agus am feadh a 'bha e 'g am beann-  
achadh, dhealaicheadh riu e, agus thogadh  
suas gu nèamh e.

52 Agus rinn iad aoradh dha, agus phill  
iad gu Ierusalem le gairdeachas mòr:

53 Agus bha iad a ghnàth anns an team-  
pull, a' moladh agus a' beannachadh Dhé.  
Amen.

## AN SOISGEUL

### A REIR

## EOIN.

### CAIB. I.

1 *Diadhachd, daoineachd, agus dreuchd Iosa  
Crìosd. 15 Fianuis Eoin. 39 Gairm And-  
reas, Pheadair, 43 Philip, 45 agus Nata-  
nael.*

**A**N toiseach bha am Focal, agus bha  
am Focal maille ri Dia, agus b'e am  
Focal Dia.

2 Bha e so air tùs maille ri Dia.

3 Rinneadh na h-uile nithean leis; agus as  
'eugmhais cha d'rinneadh aon ni a rinneadh.

4 Ann-san bha beatha, agus b'i a' bheatha  
solus dhaoine.

5 Agus tha 'n solus a' soillseachadh anns  
an dorchadas, agus cha do ghabh an dorch-  
adas e.

6 Chuireadh duine o Dhia, d'am b'ainm  
Eoin.

7 Thàinig esan mar fhianuis, chum fianuis  
a thoirt mu'n t-solus, chum gu'n creideadh  
na h-uile dhaoine trid-san.

8 Cha b'esan an solus sin, ach *chuireadh e*  
chum gu'n tugadh e fianuis mu'n t-solus.

9 B'e so an solus fìor a tha 'soillseachadh  
gach uile dhuine 'tha 'teachd chum an  
t-saoghail.

10 Bha e anns an t-saoghal, agus rinneadh  
an saoghal leis, agus cha d'aithmich an  
saoghal e.

11 Thàinig e dh'ionnsuidh a dhùthcha féin,  
agus cha do ghabh a *mhuinntir* féin ris.

12 Ach a mheid as a ghabh ris, thug e  
dhoibh cumhachd a bhi 'n an cloinn do

Dhia, *eadhon* dhoibh-san a tha 'creidsinn  
'n a ainm:

13 A bha air an gineamhuin, cha-n ann o  
fhuil, no o thoil na feòla, no o thoil duine,  
ach o Dhia.

14 Agus rinneadh am Focal 'n a fheoil,  
agus ghabh e còmhnuidh 'n ar measg-ne,  
(agus chunnaic siun a ghlòir, mar ghlòir  
aoin-ghin Mhic an Athar,) làn gràis agus  
fìrinn.

15 (Thug Eoin fianuis uime, agus ghlaodh  
e, ag ràdh, Is e so an ti mu'n do labhair  
ui, An ti a tha 'teachd a'm dhéigh, tha  
toiseach aig orm; oir bha e romhan.)

16 Agus as a lànachd-san fhuair sinne uile,  
agus gràs air son gràis.

17 Oir thugadh an lagh le Maois, ach  
thàinig an gràs agus an fhìrinn le Iosa  
Crìosd.

18 Cha-n fhaca neach air bith Dia riannh;  
an t-aon-ghin Mic, a tha ann an uchd an  
Athar, is esan a dh'fhoillsich e.

19 Agus is i so fianuis Eoin: An uair a  
chuir na h-Iudhaich sagartan agus Lebhi-  
thich o Ierusalem, chum gu'm fiosraich-  
eadh iad deth, Cò thusa?

20 Dh'aidich esan, agus cha d'aicheadh e;  
ach dh'aidich e, Cha mhi Crìosd.

21 Agus dh'fhiosraich iad deth, Ciod ma  
seadh? An tu Elias? Agus thubhairt e,  
Cha mhi. An tu am fàidh? Agus fhreag-  
air e, Cha mhi.

22 An sin thubhairt iad ris, Cò thu? chum

gu'n toir sinn freagrach dhoibh-san a chuir uatha sinn: ciod a tha thu 'g ràdh mu do thimchioll féin?

23 Thubhairt e, *Is mise guth an ti a ghlaodhas anns an fhàsach*, Deanaibh dir-each slighe an Tighearna, mar 'thubhairt am fàidh Esaias.

24 Agus an dream a chuireadh leis an teachdaireachd, b'ann de na Phairisich iad.

25 Agus dh'fhiosraich iad deth, agus thubhairt iad ris, C'ar son ma seadh a tha thu a' baisteadh, mur tu Criosd, no Elias, no am fàidh?

26 Fhreagair Eoin iad, ag ràdh, Tha mise a' baisteadh le h-uisge; ach tha neach 'n a sheasamh 'n ur measg, nach aithne dhuibh; 27 Is e so an ti, a tha 'teachd a'm dhéigh-sa, aig am bheil toiseach orm, neach nach airdh mise air barr-iall a bhròige fhuasgladh.

28 Rinneadh na nithean so ann am Betani air an taobh thall de Iordan, far an robh Eoin a' baisteadh.

29 Air an là màireach chunnaic Eoin Iosa a' teachd d'a ionnsuidh, agus thubhairt e, Feuch Uan Dhé, a tha 'toirt air falbh peacaidh an t-saoghail!

30 Is e so an ti mu'n dubhairt mi, Tha fear a' teachd a'm dhéigh, aig am bheil barrachd orm; oir bha e romham.

31 Agus cha robh aithne agam-sa air: ach a chum gu'm bithheadh e air fhoillseachadh do Israel, uime sin thàinig mi a' baisteadh le h-uisge.

32 Agus thug Eoin fianuis, ag ràdh, Chunnaic mi an Spiorad a' teachd a nuas mar choluman o nèamh, agus ghabh e còmhnuidh air.

33 Agus cha b'aithne dhomh-sa e: ach an ti a chuir mi a bhaisteadh le h-uisge, thubhairt esan rium, Ge b'e air am faic thu an Spiorad a' teachd a nuas agus a' gabhail còmhnuidh air, is e sin an ti a bhaisteadh leis an Spiorad naomh.

34 Agus chunnaic mi, agus rinn mi fianuis, gur e so Mac Dhé.

35 Air an là màireach a ris sheas Eoin, agus dithis d'a dheisciobluibh;

36 Agus air dha amharc air Iosa agus e ag imeachd, thubhairt e, Feuch Uan Dhé!

37 Agus chual an dithis dheisciobul e a' labhairt, agus lean iad Iosa.

38 Agus air tionndadh do Iosa, chunnaic e iad 'g a leantuin, agus thubhairt e riu, Ciod a tha sibh ag iarraidh? Thubhairt iad-san ris, Rabbi, (is e sin r'a ràdh, air eadar-theangachadh, A mhaighstir,) c'ait am bheil thu 'gabhail còmhnuidh?

39 Thubhairt e riu, Thigibh agus faicibh. Thàinig iad agus chunnaic iad c'ait an robh e 'gabhail còmhnuidh, agus dh'fhan iad maille ris an là sin: oir bha e mu thimchioll na deicheamh uaire.

40 B'e Andreas, bràthair Shimoin Pheadair, aon de'n dithis a chual Eoin a' labhairt, agus a lean esan.

41 Fhuair esan air tùs a bhràthair féin Simon, agus thubhairt e ris, Fhuair sinne am Mesias, is e sin, air eadar-theangachadh, Criosd.

42 Agus thug e chum Iosa e; Agus an uair a dh'amhairc Iosa air, thubhairt e, Is tusa Simon mac Iona: gairmear Cephas dhìot, is e sin air eadar-theangachadh, Peadar.

43 Air an là 'n a dhéigh sin, bu toil le Iosa dol a mach do Ghalile, agus fhuair e Philip, agus thubhairt e ris, Lean mise.

44 A nis bha Philip o Bhetsaida, baile Andraeis agus Pheadair.

45 Fhuair Philip Natanael, agus thubhairt e ris, Fhuair sinne an ti mu'n do sgriobh Maois anns an lagh, agus na fàidhean, Iosa o Nasaret, mac Ioseph.

46 Agus thubhairt Natanael ris, Am feud ni maith air bith teachd á Nasaret? Thubhairt Philip ris, Thig agus faic.

47 Chunnaic Iosa Natanael a' teachd d'a ionnsuidh, agus thubhairt e uime, Feuch Israeleach da rìreadh, anns nach 'eil cealg!

48 Thubhairt Natanael ris, Cionnus is aithne dhuit mi? Fhreagair Iosa agus thubhairt e ris, Mun do ghairm Philip thu, 'n uair a bha thu fo 'n chrann-fhège, chunnaic mise thu.

49 Fhreagair Natanael agus thubhairt e ris, Rabbi, is tusa Mac Dhé; is tu Rìgh Israel.

50 Fhreagair Iosa agus thubhairt e ris, A chionn gu'n dubhairt mi riut, Chunnaic mi thu fo 'n chrann-fhège, am bheil thu 'creidsinn? chi thu nithean a's mò na iad so.

51 Agus thubhairt e ris, Gu deimhin deimhin tha mi ag ràdh ribh, 'N a dhéigh so chi sibh nèamh fosgailte, agus ainglean Dhé a' dol suas agus a' teachd a nuas air Mac an duine.

## CAIB. II.

1 Rinn Criosd fion de'n uisge: 12 chaidh e do Chapernaum, agus do Ierusalem, 14 far an do ghlan e an teampull o luchd reic agus ceannaich: 19 roimh-innis e a bhàs agus 'a-èirigh. 23 Chreid mòran ann air son a mhòr-bhuilean, ach cha d'earb se e féin riu.

**A**GUS air an treas là bha pòsadh ann an Cana Ghalile; agus bha màthair Iosa an sin.

2 Agus fhuair Iosa mar an ceudna agus a dheisciobuil cuireadh chum a' phòsaidh.

3 Agus air teireachdainn do'n fhìon, thubhairt màthair Iosa ris, Cha-n'eil fìon aca.

4 Thubhairt Iosa rithe, Ciod e mo ghnòthuch-sa riut, a bhean? eha d'thàinig m' uair-sa fathast.

5 Thubhairt a màthair ris an luchd-



frithéalaidh, Ge b'e ni a their e ribh, dean-  
aibh e.

6 Agus bha sè soithichean uisge de chloich  
air an cur an sin, a réir gnàtha glanaidh  
nan Iudhach, a ghabhadh dà fheircin no  
trì gach aon diubh.

7 Thubhairt Iosa riu, Lìonaibh na soith-  
ichean le uisge. Agus lìon siad iad gus am  
beul.

8 Agus thubhairt e riu, Tairngibh a nis,  
agus thugaibh chum uachdarain na cuirme.  
Agus thug iad ann e.

9 'N uair a bhlaiz uachdaran na cuirme an  
t-uisge a rinneadh 'n a fhìon, (agus cha robh  
fhios aige cia as a thàinig e; ach bha fhios  
aig an luchd-frithéalaidh a tharruing an  
t-uisge,) ghairm uachdaran na cuirme am  
fear uadha-pòda.

10 Agus thubhairt e ris, Cuiridh gach  
duine fion maith a làthair air tùs; agus an  
uair a dh'òlas daoine gu leoir, an sin *am  
fion* a's mìosa: *ach* ghléidh thusa am fion  
maith gus a nis.

11 An toiseach so de mhìorbhuilibh rinn  
Iosa ann an Càna Ghalile, agus dh'fhoillsich  
e a ghloir; agus chreid a dheisciobuil ann.

12 An dèigh so chaidh e sìos do Chaper-  
naum, e fèin, agus a mhàthair, agus a  
bhràithrean, agus a dheisciobuil; agus cha  
d'fhan iad ann mòran làithean.

13 Agus bha càisg nan Iudhach am fagus;  
agus chaidh Iosa suas gu Ierusalem.

14 Agus fhuair e 'n an suidhe anns an  
teampull luchd reicidh cruidh, agus chaor-  
ach, agus choluman, agus luchd-malairt an  
airgid:

15 Agus air deanamh sgiùrsair dha de  
chordaibh caola, dh'fhuadaich e mach as an  
teampull iad uile, agus na caoraich agus an  
crodh; agus dhòirt e mach airgid an  
luchd-malairt, agus thilg e na buird thairis;

16 Agus thubhairt e rìusan a bha 'reiceadh  
choluman, Togaibh iad sin á so; na deanaibh  
tigh m'Àthar-sa 'n a thigh marsandachd.

17 Agus chuimhnich a dheisciobuil gu'n  
robh e sgrìobhta, Dh'ith eud do thighe  
suas mi.

18 An sin fhreagair na h-Iudhaich, agus  
thubhairt iad ris, Ciod an comharadh a  
nochdas tu dhuinne, a thaobh gu bheil thu  
'deanamh nan nithean sin?

19 Fhreagair Iosa agus thubhairt e riu,  
Leagaibh sìos an teampull so, agus ann an  
trì làithibh cuiridh mise suas e.

20 An sin thubhairt na h-Iudhaich, Sè  
bliadhna agus dà fhichead bha an teampull  
so 'g a thogail, agus an cuir thusa suas ann  
an trì làithibh e?

21 Ach labhair esan mu theampull a  
chuirp.

22 Uime sin an uair a bha e air éirigh o na  
mairbh, chuimhuich a dheisciobuil gu'n  
dubhairt e so: agus chreid iad an sgrìobtuir,  
agus am focal a thubhairt Iosa.

23 A nis an uair a bha e ann an Ierusalem  
aig a' chàisg, air an fhèill, chreid mòran 'n a  
ainm, an uair a chunnaic iad na mìorbhuil-  
cean a rinn e.

24 Ach cha d'earb Iosa e fèin riu, do  
bhrigh gu'm b'aithe dha na h-uile dhaoine,

25 Agus nach robh feum aige neach air  
bith a dheanamh fianuis air duine: oir bha  
fhios aige ciod a bha anns an duine.

### CAIB. III.

1 *Theagaisg Crìosd do Nicodemus feum na  
h-ath-ghlèanamhuin.* 14 *Mu chreidimh 'n a  
bhàs.* 16 *Mòr-ghràdh Dhé do'n chinne-daoine.*  
23 *Baisteadh, fianuis, agus teagasg Eoin.*

**A**GUS bha duine de na Phairisich, d'am  
b'ainm Nicodemus, a bha 'n a uachd-  
aran air na h-Iudhaich:

2 Thàinig esan chum Iosa 's an oidhche,  
agus thubhairt e ris, A mhaighstir, tha  
fhios againn gur fear-teagaisg thu a thàinig  
o Dhia: oir cha-n urrainn duine air bith na  
mìorbhuilean so 'dheanamh a tha thusa a'  
deanamh, mur bi Dia maile ris.

3 Fhreagair Iosa agus thubhairt e ris, Gu  
deimhin deimhin tha mi ag ràdh riut, mur  
beirear duine a rìs, nach h-urraim e riogh-  
achd Dhé fhaicinn.

4 Thubhairt Nicodemus ris, Cionnus is  
urraim duine bhi air a bhreith 'n uair tha  
e aosda? am bheil e comasach air dol a stigh  
an dara uair do bhroinn a mhàthar, agus a  
bhi air a bhreith?

5 Fhreagair Iosa, Gu deimhin deimhin tha  
mi ag ràdh riut, mur bi duine air a bhreith  
o uisge, agus o'n Spiorad, cha-n urraim e  
dol a steach do rioghachd Dhé.

6 An ni sin a tha air a bhreith o'n fheoil,  
is feoil e; agus an ni sin a tha air a bhreith  
o'n Spiorad, is spiorad e.

7 Na gabh iongantas gu'n dubhairt mi riut,  
Is éigin duibh bhi air bhur breith a ris.

8 Tha a' ghaoth a' séideadh far an àill  
leatha, agus tha thu a' cluinntinn a fuaim,  
ach cha-n'eil fhios agad cia as a tha i  
'teachd, no c'àit a tha i 'dol: is ann mar  
sin a tha gach neach a tha air a bhreith o'n  
Spiorad.

9 Fhreagair Nicodemus agus thubhairt e  
ris, Cionnus is urraim na nithean so bhi?

10 Fhreagair Iosa agus thubhairt e ris,  
Am bheil thusa a'd fhear-teagaisg Israeil,  
agus nach aithne dhuit na nithean so?

11 Gu deimhin deimhin tha mi ag ràdh  
riut, gu bheil sinne a' labhairt an ni a's  
fios duinn, agus a' toirt fianuis air an ni sin  
a chunnaic sinn; agus cha gabh sibhse ar  
fianuis.

12 Ma dh'innis mi dhuibh nithean tal-  
mhaidh, agus nach creid sibh, cionnus a  
chreideas sibh na dh'inneas mi dhuibh  
nithean nèamhaidh?

13 Agus cha deachaidh aon neach suas do  
nèamh, ach an ti a thàinig a nuas o nèamh,  
Mac an duine a tha air nèamh.

14 Agus mar a thog Maois suas an nath-air 's an fhàsach, is ann mar sin is éigin do Mhac an duine bhí air a thogail suas:

15 Chum as ge b'e neach a chreideas ann, nach sgriosar e, ach gu'm bi a' bheatha uhaireannach aige.

16 Oir is ann mar sin a ghràdhaich Dia an saoghal, gu'n d'thug e 'aon-ghin Mhic féin, chum as ge b'e neach a chreideas ann, nach sgriosar e, ach gu'm bi a' bheatha shiorruidh aige.

17 Oir cha do chuir Dia a Mhac do'n t-saoghal, chum gu'n d'iteadh e an saoghal, ach a chum gu'm bitheadh an saoghal air a shaoradh tríd-san.

18 An ti a chreideas ann, cha d'itear e: ach an ti nach creid, tha e air a dhìteadh cheana, a chionn uach do chreid e ann an ainm aoinghin Mhic Dhé.

19 Agus is e so an d'iteadh, gu'n d'thàinig an solus do'n t-saoghal, agus gu'n do ghràdhaich daoine an dolchadas nìs mò na'n solus, a chionn gu'n robh an gnìomharan ole.

20 Oir gach neach a tha 'deanamh uile, tha e 'toirt fuatha do'n t-solus, agus cha-n'eil e 'teachd chum an t-soluis, air eagal gu'm bitheadh 'oibre air an crouachadh.

21 Ach an ti a ui au fhàirinn, thig e chum an t-soluis, chum gu'm bi 'oibre follaiseach, gur anu 'an Dia a rimheadh iad.

22 An dèigh sin thàinig Iosa agus a dheisciobuil do thùr Iudea; agus dh'fhan e an sin maille riut, agus bhaist e.

23 Agus bha Eoin mar an ceudna a' baisteadh ann au Enon, làimh ri Salim, a chionn gu'n robh mòran uisgeachan an sin; agus thàinig iad, agus bhaisteadh iad.

24 Oir cha bha Eoin fathast air a thilgeadh 'am prìosan.

25 An sin dh'éirich ceisd cadar deisciobuil Eoin agus ua h-Iudhaich, mu thimchioll glanaidh.

26 Agus thàinig iad chum Eoin, agus thubhairt iad ris, A mhaighstir, an ti a bha maille riut an taobh thall de Iordan, d'an d'thug thu fianuis, feuch, tha esan a' baisteadh, agus tha na h-uile dhaoine a' teachd d'a iounsuidh.

27 Fhreagair Eoin agus thubhairt e, Cha-n'eil duine comasach air nì sam bith a ghabhail, mur bi e air a thoirt da o nèamh. 28 Tha sibhse féin a' toirt fianuis dhomh-sa, gu'n dubhairt mi, Cha mhi Crìosd, ach gu'n do chuireadh roimhe mi.

29 An ti aig am bheil a' bhean nuadh-phòsda, is e am fear nuadh-phòsda e: ach caraid an fhir nuadh-phòsda, a tha 'n a sheasamh agus ag éisdeachd ris, tha e a' deanamh gairdeachais mhòir air son gutha an fhir nuadh-phòsda: uime sin tha mo ghairdeachas so air a choimhlionadh.

30 Is éigin d'asan fàs, ach dhomh-sa bhí air mo lughdachadh.

31 Au ti a thig a nuas, tha e os ceann uan

uile: an ti a tha o'n talamh, tha e tal-mhaidh, agus labhraidh e air mhodh tal-mhaidh: an ti a thig o nèamh, tha e os ceann nan uile.

32 Agus an ni a chunnaic agus a chual e, air sin tha e 'toirt fianuis; agus cha-n'eil aon duine a' gabhail r'a fhianuis.

33 An ti a ghabh r'a fhianuis-san, chuir e a sheula ris, gu bheil Dia fìor.

34 An ti a chuir Dia uath, tha e a' labhairt bhriathraun Dhé: oir cha-n ann a réir tomhais a tha Dia a' toirt an Spioraid da.

35 Is toigh leis au Athair ann Mac, agus thug e na h-uile uithean 'n a làimh.

36 An ti a chreideas anns a' Mhac, tha a' bheatha mhaireannach aige; ach an ti nach 'eil a' creidsinn anns a' Mhac, cha-n fhaic e beatha; ach tha fearg Dhé a' gabhail còmh-nuidh air.

## CAIB. IV.

1 *Rinn Crìosd còmhradh ris a' Bhan-samaritanaich, agus dh'fhoillsich se e féin di.* 27 *Tha 'dheisciobuil fo iongantais.* 31 *Chuir e 'an cèill doibh 'eud féin air son glòire Dhé.* 39 *Chreid mòran de na Samaritanaich ann.* 43 *Chaidh e do Ghalile, agus shlànuich e mac an nachdairin a bha 'n a luidhe gu tinn ann an Capernaum.*

**A**IR an aobhar sin an uair a thuig Iosa gu'n cuala ua Phairisich gu'n robh e a' deanamh agus a' baisteadh tuilleadh dheisciobul na Eoin,

2 (Ged nach do bhaist Iosa féin iad; ach a dheisciobuil.)

3 Dh'fhàg e Iudea, agus chaidh e a ris do Ghalile.

4 Agus b'éigin da dol troimh Shamaria.

5 An sin thàinig e gu baile a *bhuineadh* do Shamaria, ris an abrar Sichar, fagus do'n fhearann a thug Iacob d'a mhac Ioseph.

6 A nis bha tobar Iacob an sin. Uime sin air do Iosa bhì sgèth le a thurus, shuidh e mar sin làimh ris an tobar; agus bha e mu thimchioll na seathamh uaire.

7 Thàinig bean o Shamaria a tharruing uisge: thubhairt Iosa rithe, Thoir dhomh-sa deoch.

8 Oir bha a dheisciobuil air dol do'n bhaile a cheannach bidh.

9 An sin thubhairt a' bhean o Shamaria ris, Cionnus tha thusa agus gur Iudhach thu, ag iarraidh deoch uam-sa, a tha 'am Bhan-samaritanaich? oir cha-n'eil comunn aig na h-Iudhaich ris na Samaritanaich.

10 Fhreagair Iosa agus thubhairt e rithe, Nam b'aithne dhuit tiodhlac Dhé, agus cò e a tha 'g ràdh riut, Thoir dhomh deoch, dh'iarraidh tu airsan, agus bheireadh e uisge beò dhuit.

11 Thubhairt a' bhean ris, A Thighearna, cha-n'eil inneal tarruing agad, agus tha'n tobar domhain: uime sin cia as a tha an t-uisge beò sin agad?

12 Am mò thusa na ar n-athair Iacob, a



thug dhuinne an tobar so, agus a dh'òl as e ièin, agus a chlànn, agus a spréidh?

13 Fhreagair Iosa agus thubhairt e rithe, Ge b'e neach a dh'òlas de'n uisge so, bithidh tart air a ris:

14 Ach ge b'e neach a dh'òlas de'n uisge a bheir mise dha, cha bhi tart gu bràth air: ach an t-uisge a bheir mise dha, bithidh e 'n a thobar uisge ann, a' sruthadh suas chum na beatha maireannaich.

15 Thubhairt a' bhean ris, A Thighearna, thoir dhomh-sa an t-uisge so, chum nach bi tart orm, agus nach tig mi an so a tharruing.

16 Thubhairt Iosa rithe, Imich, gairm d'fhear *pòsda*, agus thig an so.

17 Fhreagair a' bhean agus thubhairt i, Cha-n'eil fear agam. Thubhairt Iosa rithe, Is maith a thubhairt thu, Cha-n'eil fear agam:

18 Oir bha chighear fhear agad, agus esan a tha agad a nis, cha-n e d'fhear féin e: thubhairt thu so gu fìor.

19 Thubhairt a' bhean ris, A Thighearna, tha mi 'faicinn gur fàidh thu.

20 Rinn ar n-aithrichean aoradh 's an t-sliabh so; agus tha sibhse ag ràdh, gur ann 'an Ierusalem a tha an t-ionad anns an còir aoradh a dheanamh.

21 Thubhairt Iosa rithe, A bhean, creid mise, gu bheil an uair a' teachd, anns nach dean sibh aoradh do'n Athair aon chuid 's an t-sliabh so, no ann an Ierusalem.

22 Tha sibhse a' deanamh aoraidh do'n ni nach aithne dhuibh: tha sinne a' deanamh aoraidh do'n ni a's aithne dhuinn: oir is ann o na h-Iudhaich a tha slàinte.

23 Ach tha an uair a' teachd, agus tha i nis ann, anns an dean am fìor luchd-aoraidh aoradh do'n Athair ann an spiorad agus ann am fìrinn: oir tha an t-Athair ag iarraidh an leithidean so de luchd-aoraidh.

24 Is Spiorad Dia, agus is éigin d'a luchd-aoraidh, aoradh a dheanamh *dha* ann an spiorad agus ann am fìrinn.

25 Thubhairt a' bhean ris, Tha fhios agam gu bheil am Mesias a' teachd, ris an abrar Crìosd: 'n uair a thig esan, innsidh e na h-uile nithean dhuinn.

26 Thubhairt Iosa rithe, Is mise e, a tha 'labhairt riut.

27 Agus air a so thàinig a dheisciobuil, agus b'iongantach leo gu'n robh e 'labhairt ris a' mhnaoi: ach cha dubhairt aon neach, Ciod a tha thu 'g iarraidh? no, C'ar son a tha thu 'labhairt rithe?

28 An sin dh'fhàg a' bhean a soitheach uisge, agus dh'fhalbh i do'n bhaile, agus thubhairt i ris na daoineibh,

29 Thigibh, faicibh duine a dh'innis dhomh-sa na h-uile nithean a rinn mi riamh: Nach e so Crìosd?

30 An sin chaidh iad a mach as a' bhaile, agus thàinig iad d'a ionnsuidh-san.

31 'S an àm sin féin ghuidh a dheisciobuil air, ag ràdh, A mhaighstir, ith.

32 Ach thubhairt esan riu, Tha agam-sa biadh r'a itheadh air nach 'eil fhios ag-aibh-sa.

33 Uime sin thubhairt na deisciobuil r'a chéile, An d'thug neach air bith *ni* d'a ionnsuidh r'a itheadh?

34 Thubhairt Iosa riu, Is e mo bhiadh-sa toil an ti a chuir uaith mi a dheanamh, agus 'obair a chrìochnachadh.

35 Nach abair sibhse, Tha *ùine* eheithir miosan ann fathast, agus *an sin* thig am fogharadh? feuch, tha mi ag ràdh ribh, Togaibh suas bhur stùilean, agus 'seallaibh air na h-achaibh; oir tha iad cheana geal chum an fhogharaidh.

36 Agus an ti a bhuaineas tha e 'faotainn tuarasdail, agus a' cruinneachadh toraidh chum na beatha maireannaich; chum gu'n dean an ti a chuireas, agus an ti a bhuaineas, gairdeachas le 'chéile.

37 Agus an so tha an ràdh ud fìor, Gu bheil neach a' cur, agus neach eile a' buain.

38 Chuir mise sibhse a bhuain an ni sin nach do shaothraich sibh: shaothraich daoine eile, agus chaidh sibhse steach 'n an saoth-air.

39 Agus chreid mòran de Samaritanaich a' bhaile sin ann, air son eainnte na mnà, a thug fianuis, *ag ràdh*, Dh'innis e dhomh na h-uile nithean a rinn mi riamh.

40 Uime sin an uair a thàinig na Samaritanaich d'a ionnsuidh, ghuidh iad air fannuinn maille riu: agus dh'fhuirich e an sin dà là.

41 Agus chreid mòran tuillcadh air son 'fhocail féin:

42 Agus thubhairt iad ris a' mhnaoi, Tha sinn a' creidsinn, cha-n ann a' so suas air son do chòmhraidh-sa: oir chuala sinn féin e, agus tha fhios againn gur e so da rìreadh Crìosd, Slànuidhear an t-saoghail.

43 Agus an déigh dà là dh'fhalbh e as a sin, agus chaidh e do Ghalile:

44 Oir thug Iosa féin fianuis, nach 'eil urram aig fàidh 'n a thùr féin.

45 Uime sin, an uair a thàinig e do Ghalile, ghabh na Galiléaich ris, air dhoibh na nith-ean sin uile fhaicinn a rinn e ann an Ierusalem air an fhéill: oir chaidh iadsan mar an ceudna chum na féille.

46 An sin thàinig Iosa a rìs do Chana Ghalile, far an d'fhuir e fìon de'n uisge. Agus bha duine cumhachdach àraidh, aig an robh a mhac gu tinn ann an Capernaum.

47 'N uair a chual esan gu'n robh Iosa air teachd à Iudea do Ghalile, chaidh e d'a ionnsuidh, agus ghuidh e air gu'n rachadh e sìos, agus gu'n slànnicheadh e a mhac: oir bha e ri h-uchd bàis.

48 An sin thubhairt Iosa ris, Mur faic sibh comharan agus mìorbhuilcan, cha chreid sibh.

49 Thubhairt au duine cumhachdach ris, A Thighearna, rach sìos mu'm faigh mo leanaban bàs.

50 Thubhairt Iosa ris, Imich; tha do mhac beò. Agus chreid an duine am focal a labhair Iosa ris, agus dh'imich e.

51 Agus an feadh a bha e fathast a' dol sìos, choinnich a sheirbhisich e, agus dh'imich iad da, ag ràdh, Tha do mhac beò.

52 An sin dh'fhiosraich e dhiubh an uair anns au deachaidh e 'am feabhas: agus thubhairt iad ris, An dè air an t-seachdamh uair dh'fhàg am fiabhras e.

53 An sin dh'aithnich an t-athair gu'm b' i an uair sin féin, anns an dubhairt Iosa ris, Tha do mhac beò; agus chreid e féin, agus a theaghlach uile.

54 'Se so a ris an dara mìorbhuil a rinn Iosa, 'n uair a thàinig e á Iudea do Ghailé.

### CAIB. V.

1 *Leighis Iosa air là na sàbaid ann duine a bha fo leòn rè ochd bliadhna deug thar fhichead: 10 Rinn na h-Iudhaich uime sin conn-sachadh ris, agus geur-leanmhuinn air. 17 Fhreagair e air a shon féin, agus nochd e dhoibh cò e, le teisteanas 'athar, agus as na sgrìobtuiribh.*

**N**A dhéigh so bha féill nan Iudhach ann; agus chaidh Iosa suas gu Ierusalem.

2 A nis tha ann an Ierusalem làimh ri geata nan caorach lochan, ris an abrar 's a' chaimnt Eabhruidhich, Betesda, aig am bheil cùig tighean-fasgaidh.

3 Annta sin bha 'n an luidhe mòr-bhuidheann de dhaoineibh euslan, dalla, bacach, seargta, a' feitheamh ri caruchadh an uisge.

4 Oir chaidh aingeal sìos an àm àraidh do'n lochan, agus chuir e an t-uisge troimh 'chéile: uime sin an ceud neach a rachadh sìos ann, an déigh cur troimh 'chéile an uisge, rinneadh slàn e a dh'aon tinneas a bha air.

5 Agus bha duine àraidh an sin, a bha ochd bliadhna deug thar fhichead ann an euslaint.

6 'N uair a chummaic Iosa esan 'n a luidhe, agus fios aige gu'n robh e uis uime fhada mar sin, thubhairt e ris, Am miann leat a bhi air do dheauamh slàn?

7 Fhreagair an duine euslan e, A Thighearna, cha-n'eil duine agam, an uair a chuir ear an t-uisge troimh a 'chéile, a chuireas anns an lochan mi: ach am feadh a tha mise teachd, tha neach eile a' dol sìos romham.

8 Thubhairt Iosa ris, Eirich, tog do leabaidh, agus imich.

9 Agus air ball rinneadh an duine slàn, agus thog e a leabaidh, agus dh'imich e: agus bha'n t-sàbaid ann air an là sin.

10 Uime sin thubhairt na h-Iudhaich ris an ti a shlànuicheadh, Is i an t-sàbaid a tha

ann; cha-n'eil e dligheach dhuit do leabaidh a ghiùlan.

11 Fhreagair e iad, An ti a rinn slàn mi, thubhairt esan rium, Tog do leabaidh agus imich?

12 Au sin dh'fhiosraich iad deth, Cò au duine a thubhairt riut, Tog do leabaidh agus imich?

13 Agus cha robh fhios aig an ti a shlànuicheadh, cò e: oir chaidh Iosa as a shealladh, air do mhòr-shluagh bhi anns an àite.

14 'N a dhéigh so fhuair Iosa e anns au teampull, agus thubhairt e ris, Feuch, rinneadh slàn thu: na pcearich nì's mò, air eagal gu'n tachair nì's miosa dhuit.

15 Dh'imich an duine, agus dh'imich e do na h-Iudhaich gu'm b'e Iosa a rinn slàn e.

16 Agus air a shon so rinu na h-Iudhaich geur-leanmhuinn air Iosa, agus dh'iarr iad a mharbhadh, do bhrìgh gu'n d'rinn e na nithean so air an t-sàbaid.

17 Ach fhreagair Iosa iad, Tha m'athair ag oibreachadh gus a nis, agus tha mise ag oibreachadh.

18 Uime sin bu mhòid a dh'iarr na h-Iudhaich a mharbhadh, a chionn nach e mha'n gu'n do bhris e 'n t-sàbaid, ach gu'n dubhairt e mar au ceudna gu'm b'e Dia 'Athair-san, 'g a dheanamh féin co-ionann ri Dia.

19 Air an aobhar sin fhreagair Iosa, agus thubhairt e riu, Gu deimhin deimhin tha mi ag ràdh ribh, nach 'eil am Mac comasach air ni sam bith a dheanamh uaith féin, ach an ni a chi e an t-Athair a' deanamh: oir ge 'b'e nithean a ni esau, na nithean sin féin ui am Mac mar an ceudna.

20 Oir is ionnmhuinn leis an Athair am Mac, agus tha e a' foillseachadh dha nan uile nithean a tha e féin a' deanamh: agus foillsichidh e dha oibre a's mò na iad so, air chor as gu'm bi iongantais oirbhise.

21 Oir mar tha an t-Athair a' dùsgadh, agus a' beothlachadh nam marbh, is amhuil sin a tha am Mac a' beothlachadh au dream a's àill leis.

22 Oir cha-n'eil an t-Athair a' toirt breth air duine sam bith; ach thug e gach uile bhreitheanas do'n Mhac:

23 Chum gu'n tugadh na h-uile dhaoine urram do'u Mhac, amhuil mar a tha iad a' toirt urraim do'u Athair. An ti nach 'eil a' toirt urraim do'n Mhac, cha-n'eil e 'toirt urraim do'n Athair a chuir uaith e.

24 Gu deimhin deimhin tha mi ag ràdh ribh, An ti a dh'éisdeas ri m' fhocal-sa, agus a tha 'creidsinn anns an ti a chuir uaith mi, tha a' bheatha mhaireannach aige, agus cha tig e chum dithid; ach chaidh e thairis o bhàs gu beatha.

25 Gu deimhin deimhin tha mi ag ràdh ribh, Gu bheil an uair a' teachd, agus gu bheil i nis ann, anns an cluinn na uairbh guth Mhic Dhé: agus au dream a chluinn-eas, bithidh iad beò.



26 Oir mar tha aig an Athair beatha ann  
féin, is amhuil sin a thug e do'n Mhac beatha  
a bli aig ann féin;

27 Agus thug e mar an ceadna dha ùghdarras chum breth a thabhairt, do bhrìgh gur e Mac an duine.

28 Na gabhaibh iongantas deth so; oir  
tha an uair a' teachd, anns an cluinn iadsan  
uile a tha 's na h-uaghribh a ghuth-san :

29 Agus théid iad a mach ; iadsan a rinn maith, chum aiseirigh na beatha ; agus iadsan a rinn olc, chum aiseirigh an damnaidh.

30 Cha-n'eil mise comasach air nì sam bith a dheanamh uam féin: mar a chluinneas mi bheir mi breth: agus tha mo bhreith-eanas ceart; do blùrigh nach 'eil mi ag iarraidh mo thoile féin, ach toil an Athar a chuir uaith mi.

31 Ma bheir mise fianuis mu m' thimchioll  
féin, cha-n'eil m' fhianuis fìor.

32 Tha neach eile a' toirt fianuis mu m' thimchioll, agus tha fhios agam gur fìor an fhianuis a tha e 'deanamh mu m' thimchioll.

33 Chuir sibhise chum Eoin, agus thug e fianuis do'n fhìrinn.

34 Ach cha-n'eil mise a' gabhail fianuis o  
dhuine: ach tha mi ag ràdh nan nithean so,  
chum gu'm bi sibhse air bhur tèarnadh.

35 B'esan an lòchran lasarach agus dealrach; agus bha sibhse toileach car tamuill gairdeachas a dheanamh 'n a sholus.

36 Ach tha agam-sa fianuis a's mò na  
fianuis Eoin: oir na h-oibre a thug an  
t-Athair dhomh-sa chum gu'n crìochnaich-  
inn iad, tha na h-oibre sin fèin a tha mise  
a' deanamh, a' toirt fianuis mu m' thim-  
chioll, gu'n do chuir an t-Athair uaith mi.

37 Agus an t-Athair féin a chuir uaith mi,  
thug e fianuis mu m' thimchioll. Cha chuala  
sibh riamh a ghuth, ní mò a chunnaic sibh  
a ehoslas.

38 Agus cha-n'eil 'fhocal-san agaibh a' gabhail còmhuidh annaibh: oir an ti sin a' chhair esan uath, cha-n'eil sibh 'g a chreidsinn.

39 Rannsaichibh na sgrìobtuirean, oir tha sibh a' saòilsinn gu bheil a' bheatha mhair-eannach agaibh anna-san; agus is iad sin a tha 'toirt fianuis mu n' thimcheall-sa.

40 Gidheadh cha-n àill leibh teachid a m'  
ionnsuidh-sa, chum gu'm faigheadh sibh  
beatha.

41 Cha-n'eil mise a' gabhail urrainn o dhaoibh.

42 Ach is aithne dhomh sibhse, nach 'cil  
gràdh Dhé agaibh annaibh.

43 Tháinig mise 'an ainm m' Athar, agus  
cha-n'eil sibh a' gabhail rium: ma thig  
neach eile 'n a ainm féin, gabhaidh sibh  
ris-san.

44 Cionnus a dh'fheudas sibh creidsinn, a tha 'gabhail urraim o 'chéile, agus nach 'eil ag iarraidh an urraim *a thi* o Dhia a

45 Na saoilibh gu'n dean mise bhur casaid  
ris an Athair: tha aon a tha 'deanannh cas-  
aid oirbh, Maois, anns am bheil sibh a' cur  
bhur dòchais.

46 Oir nan creideadh sibh Maois, chreideadh sibh mise: oir sgrìobh esan mu m' thimchioll.

47 Ach mur creid sibh a sgrìobhadh-san,  
eionnus a chreideas sibh mo bhriathran-sa.

## CAIB. VI.

1 *Bheathaich Críost cúig míle fear le cúig buil-  
ionnaibh arain agus dá iasg: 15 Air an  
aobhar sin b'áil leis ant-sluagh esan a dhean-  
amh 'n a rígh: 16 Ach air dhúsan e féin a sgar-  
adh uathu, claidh e suas go beinn, agus  
dh'ímich e air a' mhuir a dh'ionsuidh a  
dheisciobul. 66 Dh'fháig mórán d'a dheis-  
ciobluibh e. &c.*

'N A dhéigh sin chaidh Iosa thar muir  
Ghalile, *no* Thiberiais.

2 Agus lean sluagh mòr e, a chionn gu'm fac iad a mhìorbhuilean a rinn e air an dream a bha euslan.

3 Agus chaidh Iosa suas air beinn, agus shuidh e an sin maille r'a dheiscioblaibh.

4 Agus blia a' chàisg, féill nan Iudhach,  
am fagus.

5 An sin an uair a thog Iosa suas a shùil-  
ean, agus a chunnaic e gu'n d'thàinig  
buidheann mhòr shluaigh d'a ionnsuidh,  
thubhairt e ri Philip, Cia an t-àit as an  
ceannaich sinn aran chum gu'n ith iad  
so?

6 (Ach thubhairt e so 'g a dhearbhadh-  
san; oir bhla fhios aige féin ciod a dhean-  
adh e.)

7 Fhreagair Philip e, Cha leoir dhoibh  
luach dhà cheud peghinn a dh'aran, chum  
gu'n gabhadh gach aon diubh beagan.

8 Thubhairt aon d'a dhcisciobluibh, Aindreas, bràthair Shimoin Pheadair, ris.

9 Tha òganach an so, aig am bheil cùig buillionnan eòrna, agus dà iasg bheag: ach ciod iad so am measg na h-uiread?

10 Agus thubhairt Iosa, Thugaibh air na daoineibh suidhe sìos. A nis bha mòran feoir auns an àit. Air an aobhar sin shuidh na daoine sìos, 'an àireamh timchioll chùig mìle.

11 Agus ghlac Iosa na builionnan, agus air tabhairt buidheachais da, roinn e air na deisciobluibh *iad*, agus na deisciobuil orra-  
na a shuidh: agus mar an ceudna de na h-iasraibh beaga. 'mheud as a' bail leo.

12<sup>th</sup> N uair a shàisicheadh iad, thubhairt e r'a dheisciobluibh, Cruinnichibh am biadh briste a tha thuilleadh ann, chum nach caillear a bheag.

13 Air an aobhar sin chruinnich iad e r'a chéile, agus lion iad dà chliabh dheug de sbruileach nan cùig builionnan eòrna, a bha dh'fhuigheall aig a' mhuinntir a dh'ith.

14 An sin an uair a chunnaic na daoine sin  
am mìorbhuil a rinn Iosa, thubhairt iad, Gu

frinnceach is e so am fàidh a bha gu teachd chum an t-saoghail.

15 Uime sin an uair a thuig Iosa gu'n robh iad air tì teachd agus breith air le làimh làidir, chum gu'n deanadh iad rìgh dheth, dh'ìnich e ris do'n bheinn 'n a aonar.

16 Agus an uair a thàinig am feasgar, chaidh a dheisciobuil sìos chum na mara.

17 Agus air dol 'an luing dhoibh, chaidh iad thar a' mhuir gu Capernaum: agus bha an dorchadas a nis ann, agus cha robh Iosa air teachd d'an ionnsuidh.

18 Agus ag sèideadh do ghaoith mhòir, dh'éirich a' mhuir.

19 Uime sin an uair a rinn iad iomranach timcheall cùig no deich thar fhichead staid, chunnaic iad Iosa ag imeachd air a' mhuir, agus a' druideadh ris an luing; agus ghabh iad eagal.

20 Ach thubhairt esan riu, Is mise 'tha ann: na bitheadh eagal oirbh.

21 Uime sin ghabh iad gu toileach a steach do'n luing e: agus air ball ràinig an long an tìr gus an robh iad a' dol.

22 Air an là 'n a dhéigh sin, an uair a chunnaic an sluagh a sheas air taobh eile na mara, nach robh long cile an sin, ach an long sin anns an deachaidh a dheisciobuil a steach, agus nach deachaidh Iosa 's an luing maille r'a dheisciobuibh, ach *gu'n* d'fhalbh a dheisciobuil 'n an aonar;

23 (Gidheadh thàinig longan beaga cile o Thiberias, làimh ris an àite 's an d'ith iad an t-aran, an déigh do'n Tighearn buidheachas a thoirt);

24 Uime sin an uair a chunnaic an sluagh nach robh Iosa an sin, no a dheisciobuil, chaidh iad féin mar an ceudna ann an long-aibh, agus thàinig iad gu Capernaum, ag iarraidh Iosa.

25 Agus air dhoibh 'fhaotainn air an taobh thall de'n mhuir, thubhairt iad ris, A mhaighstir, c'uin a thàinig thu an so?

26 Fhreagair Iosa iad agus thubhairt e, Gu deimhin deimhin tha mi ag ràdh ribh, Tha sibh ga m' iarraidh, cha-n ann a chionn gu'm faca sibh na mìorbhuilean, ach a chionn gu'n d'ith sibh de na buillionnaibh, gus gu'n do shàsuicheadh sibh.

27 Deanaibh saothair cha-n ann air son a' bhìdh a theirgeas, ach air son a' bhìdh a mhaireas chum na beatha shìorruidh, a bheir Mac an duine dhuibh: oir esan sheulaich Dia an t-Athair.

28 An sin thubhairt iad ris, Ciod a ni sinn, chum as gu'n oibrich sinn oibre Dhé?

29 Fhreagair Iosa agus thubhairt e riu, Is i so obair Dhé, gu'n creid sibh anns an tì a chuir e uath.

30 Uime sin thubhairt iad ris, Ciod an comharadh a ni thusa ma ta, chum gu'm faic sinn, agus gu'n creid sinn thu? ciod an obair a ni thu?

31 Dh'ith an n-aithrichean mana 's an fànàs-

ach; a réir mar tha e sgrìobhta, Thug e dhoibh aran o nèamh r'a itheadh.

32 An sin thubhairt Iosa riu, Gu deimhin deimhin tha mi ag ràdh ribh, nach d'thug Maois dhuibh an t-aran o nèamh; ach tha mi 'Athair-sa a' toirt dhuibh an arain fhìor o nèamh.

33 Oir is e sin aran Dhé a tha 'teachd a nuas o nèamh, agus a tha 'tabhairt beatha do'n t-saoghail.

34 An sin thubhairt iad ris, A Thighearna, thoir dhuinne an t-aran so an còmhuidh.

35 Agus thubhairt Iosa riu, Is mise aran na beatha: an tì a thig do 'm ionnsuidh-sa, cha bhi ocras gu bràth air; agus an tì a chreideas annam-sa, chi bhi tart gu bràth air.

36 Ach mar a thubhairt mi ribh, ged chunnaic sibh mi, cha-n'èil sibh a' creidsinn.

37 Gach ni a bheir an t-Athair dhomh-sa, thig e a m' ionnsuidh; agus an tì a thig a m' ionnsuidh, cha tilg mi air chor sam bith a mach e.

38 Oir thàinig mi nuas o nèamh, cha-n ann chum gu'n deanaim mo thoil féin, ach toil an tì a chuir uath mi.

39 Agus is i so toil an Athar a chuir uath mi, nach caillim a bheag sam bith de'n uile a thug e dhomh, ach gu'n togainn suas e ris air an là dheireannach.

40 Agus is i so toil an tì a chuir uath mi, gu'm bitheadh a' bheatha mhaireannach aig gach neach a chi an Mac, agus a chreideas ann: agus togaidh mise suas e air an là dheireannach.

41 An sin rinn na h-Iudhaich gearan uime, a chionn gu'n dubhairt e, Is mise an t-aran a thàinig a nuas o nèamh.

42 Agus thubhairt iad, Nach e so Iosa mae Ioseph, neach aig an aithne dhuinn 'athair agus a mhàthair? cionnus ma seadh a tha e ag ràdh, Thàinig mi nuas o nèamh.

43 Air an aobhar sin fhreagair Iosa agus thubhairt e riu, Na deanaibh gearan 'n ur measg féin.

44 Cha-n urrainn neach air bith teachd a m' ionnsuidh-sa, mur tarruing an t-Athair a chuir uath mise e: agus togaidh mise suas e air an là dheireannach.

45 Tha e sgrìobhta 's na fàidhibh, Agus bithidh iad uile air an teagasg o Dhia. Uime sin gach neach a chuala, agus a dh'fhòghluim o'n Athair, thig e a m' ionnsuidh-sa.

46 Cha-n e gu'm faca neach sam bith an t-Athair, ach an tì a tha o Dhia; chunnaic esan an t-Athair.

47 Gu deimhin deimhin tha mi ag ràdh ribh, An tì a tha 'creidsinn annam-sa, tha a' bheatha mhaireannach aige.

48 Is mise aran na beatha.

49 Dh'ith bhuir n-aithrichean mana 's an fhàsach, agus fhuair iad bàs.

50 Is e so an t-aran a tha 'teachd a nuas o nèamh, chum as gun ith neach dheth, agus nach faigh e bàs.



51 Is mise an t-aran beò, a thàinig a nuas o nèamh: ma dh'itheas neach air bith de'n aran so, bithidh e beò gu sìorruidh: agus an t-aran a bheir mise uam, is e m'fheoil e, a bheir mi air son beatha an t-saoghail.

52 Air an aobhar sin bha comnsachadh aig na h-Iudhaich r'a chéile, ag ràdh, Cionnus a dh'fheudas an duine so 'fheoil a thoirt duinn r'a itheadh.

53 An sin thubhairt Iosa riu, Gu deimhin deimhin tha mi ag ràdh ribh, mur ith sibh feoil Mhic an duine, agus mur òl sibh 'fhuil, cha-n'eil beatha agaibh annaibh.

54 Esan a dh'itheas m' fheoil-sa, agus a dh'òlas m' fhuil-sa, tha a' bheatha sìorruidh aige; agus togaidd mise suas e air an là dheireannach.

55 Oir is biadh gu fìrinneach m'fheoil, agus is deoch gu fìrinneach m' fhuil.

56 Esan a dh'itheas m' fheoil-sa, agus a dh'òlas m' fhuil-sa, tha e 'gabhail còmhluaidh annam-sa, agus mise annsan.

57 Mar a tha 'n t-Athair beò a chuir uath mise, agus a tha mise beò troimh an Athair; is amhuil sin esan a dh'itheas mise, bithidh e mar an ceudna beò tromham-sa.

58 Is e so an t-aran sin a thàinig a nuas o nèamh; cha-n ann mar a dh'ith blur n-aithrichean mana, agus a fhuair iad bàs: esan a dh'itheas an t-aran so, bithidh e beò an fèad.

59 Thubhairt e na nithean so anns an t-sionagor, an uair a bha e a' teagasg ann an Capernaum.

60 Uime sin 'n uair a chuala mòran d'a dheisciobuigh so, thubhairt iad, Is cruaidh a' chaint so; cò a dh'fheudas isdeachd rithe.

61 'N uair a thuig Iosa ann féin gu'n robh a dheisciobuil ri gearan uime so, thubhairt e riu, Am bheil so a' toirt oibheim dhuibhse?

62 Agus *ciod* nam faiceadh sibh Mac an duine a' dol suas do'n àit anns an robh e roimhe?

63 Is can Spiorad a bheothaicheas; cha-n'eil tairbhe air bith 's an fheoil: na briathran a tha mise a' labhairt ribh, is spiorad agus is beatha iad.

64 Ach tha cuid dibhse nach 'eil a' creidsinn. (Oir b'aithne do Iosa o thùs, cò iad nach robh a' creidsinn, agus cò an ti a bhrathadh e.)

65 Agus thubhairt e, Air an aobhar sin thubhairt mi ribh, nach urrainn neach air bith teachd a m' ionnsuidh, mur bi e air a thoirt da o m' Athair.

66 O'n àm sin chaidh mòran d'a dheisciobuigh air an ais, agus cha d'imich iad ni's mò maille ris.

67 An sin thubhairt Iosa ris an dà fhear dheug, An àill leibhse falbh cuideachd?

68 An sin fhreagair Simon Pèadar e, A Thighearna, co dh'ionnsuidh an téid sinn?

agadas tha briathran na beatha maireannaich.

69 Agus tha sinne a' creidsinn, agus tha fhios againn gur tusa Crìosd Mac an Dé bheò.

70 Fhreagair Iosa iad, Nach do thagh mise sibhse dà fhear dheug, agus tha fear agaibh 'n a dhiabhul?

71 Ach labhair e mu Iudas Iscariot, *mac Shimoin*: oir is e so an ti a bha gu esan a bhrath, air dha 'bhi 'n a aon de'n dà fhear dheug.

# CAIB. VII.

1 *Chronuich Iosa àrd-inntinn agus dànadas a chairdean; 10 chaidh e suas o Ghalile gu féil nam pàillinn; 14 agus theagaisg e anns an teampull. 40 Iomadh gnè bhàrail mu thimchioll Iosa am measg an t-sluaigh. 45 Tha na Phàirisich 'an corrach ris na maor do bhrìgh nach do ghlac iad Iosa: 50 Thug iad ach-mhasan do Nicodemus.*

**A** GUS an déigh nan nithean sin, bha Iosa ag imeachd mu'n cuairt ann an Galile: oir cha b'aill leis a bhi ag imeachd ann an Iudea, a chionn gu'n robh na h-Iudhaich ag iarraidh a mbarbhadh.

2 Agus bha féil nan Iudhach, *eadhon* féil nam pàillinn, am fagus.

3 Uime sin thubhairt a bhràithrean ris, Imich á so agus rach do Iudea, chum gu'm faic do dheisciobuil mar an ceudna d'oibre a tha thu a' deanamh.

4 Oir cha dean neach air bith aon ni 'am folach, a dh'iarraas e féin a bhi 'am follais: ma tha thu a' deanamh nan nithean so, nochd thu féin do'n t-saoghal.

5 Oir cha do chreid a bhràithrean féin ann.

6 An sin thubhairt Iosa riu, Cha d'thàinig m' àm-sa fathast; ach tha blur n-àmsa a ghlath deas.

7 Cha-n'eil e'n comas do'n t-saoghal sibhse fhuathachadh; ach fuathaichidh e mise, do bhrìgh gu bheil mi 'toirt fianuis m'a thimchioll gu bheil 'oibre ole.

8 Rachaidhse suas chum na féille so: cha téid mise suas fathast chum na féille so, do bhrìgh nach 'eil m' àm fathast air a choimhlionadh.

9 'N uair 'thubhairt e na nithean so riu, dh'fhan e ann an Galile.

10 Ach an uair a chaidh a bhràithrean suas, an sin chaidh esan suas mar an ceudna chum na féille, cha-n ann 'am follais, ach mar gu'm b'ann 'an uaignidheas.

11 An sin dh'iarr na h-Iudhaich e air an fheall, agus thubhairt iad, C'ait am bheil e?

12 Agus bha borbhan mòr am measg an t-sluaigh m'a thimchioll: oir thubhairt cuid, Is duine maith e: ach thubhairt cuid eile, Cha-n cadh; ach tha e 'mealladh an t-sluaigh.

13 Gidheadh cha do labhair neach sam bith gu follaiseach uime, air eagal nan Iudhach.

14 A nis nu mheadhon ua féille, chaidh Iosa suas do'n teampull, agus theagaisg e.

15 Agus ghabh na h-Iudhaich iongantais, ag ràdh, Cionnus is aithne do'n duine so litrichean, agus nach d'fhùghluim e?

16 Fhreagair Iosa iad, agus thubhairt e, Cha leam féin mo theagasg, ach leis-san a chuir uaith mi.

17 Ma's àill le uach sam bith a thoil-san a dheanamh, bithidh fios aige mu'n teagasg, an ann o Dhia a tha e, no 'm bheil mise a' labhairt uam féin.

18 Au ti a labhras uaith féin, tha e 'g iarraidh a ghlòire féin: ach ge b'e dh'iarras glòir au ti a chuir uaith e, tha esan firinneach, agus cha-n'eil cucoir air bith ann.

19 Nach d'thug Maois an lagh dhuibh, agus *gidheadh* cha-n'eil aon neach agaibh a' coimhlionadh an lagha? C'ar son a tha sibh ag iarraidh mise a mharbhadh?

20 Fhreagair an sluagh agus thubhairt iad, Tha deamhan agad: cò tha ag iarraidh do mharbhadh?

21 Fhreagair Iosa agus thubhairt e riu, Rinn mise aou obair, agus tha iougantas oirbh uile air an aobhar sin.

22 Thug Maois dhuibh an timchioll-ghearradh, (cha-n e gut ann o Mhaois a tha e, ach o na h-aithrichibh,) agus timchioll-ghearradh sibhse duine air au t-sàbaid.

23 Ma tha duine air an t-sàbaid a' gabhail timchioll-ghearradh, chum nach bi lagh Mhaois air a bhriseadh; am bheil fearg agaibh riumsa, a chionn gu'n d'rinu mi duine uile slàn air an t-sàbaid?

24 Na tugaibh breth a réir coslais, ach thugaibh breth cheart.

25 An sin thubhairt cuid de mhuinntir Ierusalem, Nach e so esan a tha iad ag iarraidh a mharbhadh?

26 Agus, feuch, tha e 'labhairt gu follaiseach, agus cha-n'eil ag ràdh ni sam bith ris: am bheil dearbhadh-fhios aig na h-uachdarain gur e so da rìreadh Criosd?

27 Gidheadh is aithne dhuinn an duine so cia as da: ach an uair a thig Criosd, cha-n aithne do neach air bith cia as da.

28 An sin ghlaodh Iosa 's an teampull, agus e a' teagasg, ag ràdh, Is aithne dhuibh araoon mise, agus cia as domh: agus cha d'fhàinig mi uam féin, ach tha esau fìor a chuir uaith mi, air nach 'eil còlas agaibhse.

29 Ach tha còlas agam-sa air; oir is ann uaith a tha mi, agus chuir esan uaith mi.

30 An sin dh'iarr iad a ghlacadh: ach cha do chuir neach air bith làmh ann, a chionn nach robh 'uair-san fathast air teachd.

31 Agus chreid mòran de'n t-sluagh air, agus thubhairt iad, 'N uair a thig Criosd, an dean e ni's mò de mhòrbhuilb na iad sin a rinn au duine so?

32 Chuala na Phairisich gu'n robh an sluagh a' borbhannaich mu na nithibh so

m'a thinnchioll: agus chuir na Phairisich, agus na h-àrd-shagartan maor g'a ghlacadh.

33 An sin thubhairt Iosa, Fathast tamull beag tha mise maille ribh, agus *an sin* tha mi 'dol chum an ti a chuir uaith mi.

34 Iarraidh sibh mi, agus cha-n fhaigh sibh *mi*: agus do'n àite 's an bi mi, cha-n urrainn sibhse teachd.

35 An sin thubhairt na-Iudhaich catorra féin, C'ait an téid am fear so, nach faigh sinn e? an téid e chum na muinntir a tha air an sgapadh 'am measg nan Greugach, agus an teagaisg e na Greugaich?

36 Ciod i a' chaimnt so a thubhairt e, Iarraidh sibh mi, agus cha-n fhaigh sibh *mi*: agus do'n àit 's am bheil mise, cha-n urrainn sibhse teachd?

37 Air au là dheireannach, là mòr siu na féille, sheas Iosa agus ghlaodh e, ag ràdh, Ma tha tart air neach sam bith, thigeadh e 'm'ionnsuidh-sa, agus òladh e.

38 An ti a chreideas annam-sa, mar tha an sgrìobtur ag ràdh, sruthaidh as a bhroinn aimhnichean de uisge beò.

39 (Ach labhair e so mu'n Spiorad, a bha iadsan a chreideadh annsan gu fhaighinu: oir cha robh au Spiorad fathast *air a thubhairt*, do bhrìgh nach robh Iosa fathast air a ghlòrachadh.)

40 Uime sin, an uair a chuala mòran de'n t-sluagh a' chaimnt so, thubhairt iad, Gu firinneach is e so am fàidh.

41 Thubhairt cuid eile, Is e so Criosd. Ach thubhairt dream eile, An ann o Ghalile a thig Criosd?

42 Nach dubhairt an sgrìobtur, Gu'n tig Criosd de shìol Dhaibhidh, agus a' Betlehem, am baile 's au robh Daibhidh?

43 Air an aobhar sin dh'èirich eas-aonachd am measg an t-sluagh air a shou-san.

44 Agus b'àill le cuid duibh a ghlacadh; ach cha do chuir duine air bith làmh ann.

45 An sin thàinig na maor chum nan àrd-shagart agus uam Phairiseach; agus thubhairt iadsan riu, C'ar son nach d'thug sibh leibh e?

46 Fhreagair na maor, Cha do labhair duine riamh mar au duine so.

47 An sin fhreagair na Phairisich iad, Am bheil sibhse mar an ceudna air bhrù mealladh?

48 Au do chreid aon air bith de na h-uachdarain ann, no de na Phairisich?

49 Ach an sluagh so aig nach 'eil còlas an lagha, tha iad malluichte.

50 Thubhairt Nicodemus riu, (esan a thàinig d'a ionnsuidh 's an oidheche, air dha bhì 'n a aon duibh.)

51 Am bheil ar lagh-ne 'toirt breth air duine sam bith gus an chum e uaith féin an toiseach, agus *gus* am bi fhios aige ciod a tha e a' deanamh?

52 Fhreagair iadsan agus thubhairt iad



ris, Am bheil thusa mar an ceudna o Ghalile? Rannsaich, agus faic : oir á Galile cha d'éirich faidh.

53 Agus dh'imich gach aon d'a thigh féin.

### CAIB. VIII.

1 *Dhion Crìosd a' bhean a ghlacadh 'an adhaltranas o pheanas: 12 shearmonaich e gur e féin solus an t-saoghail, agus dhearbha e gu bheil e theagasg ceart. 33 Fhreagair e na h-Iudhaich a bha 'deanamh bòsd á Abraham: 39 agus thug se e féin as o'n an-ìochd.*

**A** CH chaidh Iosa chum sléibh nan crann-olaidh:

2 Agus gu moch air mhaduinn thàinig e ris do'n teampull, agus thàinig an sluagh uile d'a ionnsuidh; agus air suidhe dha, theagaisg e iad.

3 Agus thug na sgrìobhaichean agus na Phairisich bean d'a ionnsuidh a ghlacadh 'an adhaltranas; agus air dhoibh a cur anns a' mheadhon,

4 Thubhairt iad ris, A mhaighstir, ghlacadh a' bhean so anns a' ghuimh féin, a' deanamh adhaltranais.

5 A nis dh'aithe Mhaois dhuinn 's an lagh, an leithid so a chlachadh: ciod ma seadh tha thusa ag ràdh?

6 Thubhairt iad so 'g a dhearbhadh, chum gu'm bitheadh aca cùis-chasaid 'n a aghaidh. Ach chrom Iosa sìos, agus sgrìobh e le 'mhèur air an làr, (mar nach bitheadh e 'g an ehuinntinn.)

7 Mar sin air dhoibh buanachadh a' feòraich dheth, thog se e féin suas agus thubhairt e riu, An neach agaibhse, a tha gum pheacadh tilgadh e a' cheud chlach oirre.

8 Agus chrom e sìos a ris, agus sgrìobh e air an làr.

9 Agus an uair a chual iadsan so, (air dhoibh 'bhi air an agairt le'n coguis féin,) chaidh iad a mach an dèigh a chèile, a' tòiseachadh o'n dream 'bu shine, gus an dream mu dheireadh: agus dh'fhàgadh 'n a aonar Iosa, agus a' bhean 'n a seasamh 's a' mheadhon.

10 Agus 'n uair a dh'éirich Iosa suas, agus nach fac e aon air bith ach a' bhean, thubhairt e rithe, A bhean, c'àit am bheil iad sud do luchd-casaid? an do dhìt duine air bith thu?

11 Thubhairt ise, Cha do dhìt aon duine, a Thighearna. Agus thubhairt Iosa rithe, Cha mhò a tha mise ga d' dhiteadh: imich romhad, agus na peacaich mi's mò.

12 An sin labhair Iosa riu a ris, ag ràdh, Is mise solus an t-saoghail: an ti a leanas mise, cha siubhail e 'an dorchadas, ach bithidh solus na beatha aige.

13 Uime sin thubhairt na Phairisich ris, Tha thu 'toirt fianuis mu d' thimchioll féin; cha-n'eil d'fianuis fìor.

14 Fhreagair Iosa, agus thubhairt e riu, Ged tha mi 'toirt fianuis mu m' thimchioll féin, gidheadh tha m' fianuis fìor: oir tha

fhios agam cia as a thàinig mi, agus c'àit am bheil mi 'dol; ach cha-n'eil fhios agaibhse cia as a thàinig mi, no c'àit am bheil mi 'dol.

15 Tha sibhse a' toirt breth a réir na feòla; cha-n'eil mise a' toirt breth air aon duine.

16 Agus gidheadh ma bheir mise breth, tha mo bhreth fìrinneach: oir cha-n'eil mi 'm 'aonar, ach mise agus an t-Athair a chuir uaith mi.

17 Agus tha e sgrìobhta ann bhur lagh féin, gu bheil fianuis dithis dhaoine fìor.

18 Is aon mise a tha 'deanamh fianuis mu m' thimchioll féin, agus tha an t-Athair a chuir uaith mi, a' deanamh fianuis mu m' thimchioll.

19 An sin thubhairt iad ris, C'àit am bheil d'Athair? Fhreagair Iosa, Cha-n aithne dhuibhse aon chuid mise no m' Athair: nam bitheadh eòlas agaibh ormsa, blithheadh eòlas agaibh air m' Athair mar an ceudna.

20 Labhair Iosa na briathran so 'an tigh-coimhead an ionmhais, ag teagasg dha 's an teampull: agus cha do chuir duine air bith lànfh ann; oir cha robh 'uair fathast air teachd.

21 An sin thubhairt Iosa riu a ris, Tha mise a' falbh, agus iarraidh sibh mi, agus bàsaichidh sibh ann bhur peacadh: cha-n urrainn sibhse teachd do'n àit gus am bheil mise a' dol.

22 An sin thubhairt na h-Iudhaich, Am marbh se e féin? do bhrìgh gu bheil e 'g ràdh, Far am bheil mise a' dol, cha-n urrainn sibhse teachd.

23 Agus thubhairt e riu, Tha sibhse o shìos, tha mise o shuas: tha sibhse de'n t-saoghal so, cha-n'eil mise de'n t-saoghal so.

24 Uime sin thubhairt mi ribh, Gu'm bàsaich sibh ann bhur peacaibh: oir mur creid sibh gur mise e, gheibh sibh bàs ann bhur peacaibh.

25 An sin thubhairt iad ris, Cò thusa? Agus thubhairt Iosa riu, *An neach* sin féin a thubhairt mi ribh o thùs.

26 Tha mòran agam ri ràdh, agus r'a bhreithneachadh m'ur timchioll-se: ach tha an ti a chuir uaith mi fìrinneach; agus tha mise a' labhairt ris an t-saoghal 'nan nith-ean a chuala mi uaith-san.

27 Cha do thuig iad gu'm b'ann mu thimchioll an Athar a labhair e riu.

28 An sin thubhairt Iosa riu, 'N uair a thogas sibh suas Mac an duine, an sin bithidh fios agaibh gur mise e, agus nach 'eil mi 'deanamh ni sam bith uam féin; ach mar a theagaisg m'Athair mi, gu bheil mi 'labhairt nan nithean so.

29 Agus tha 'n ti a chuir uaith mi maille rium: cha d'fhàg an t-Athair a'm 'aonar mi, do bhrìgh gu bheil mi 'deanamh a ghnàth nan nithean sin a's taitneach leis.

30 An uair a bha e 'labhairt nan nithean so, chreid mòran ann.

31 An sin thubhairt Iosa ris na h-Iudhaich a chreid ann, Ma bhuanaicheas sibh ann am fhocal-sa, bithidh sibh da rìreadh 'n 'ur deisciobuil agam;

32 Agus bithidh còlas agaibhair an fhìrinn, agus ni an fhìrinn saor sibh.

33 Fhreagair iad e, Is sinne sliochd Abraham, agus cha robh sinn riamh fo dhaorsa aig duine sam bith: cionnus tha thusa ag ràdh, Bithidh sibh saor?

34 Fhreagair Iosa iad, Gu deimhin deimhin tha mi ag ràdh ribh, ge 'b'e ni peacadh, is seirbhiseach do'n pheacadh e.

35 Agus cha-n fhan an seirbhiseach 's an tigh gu bràth: ach fanaidh ann mac gu bràth.

36 Uime sin ma ni am Mac saor sibh, bithidh sibh saor da rìreadh.

37 Tha fhios agam gur sibh sliochd Abraham: ach tha sibh ag iarraidh mise a mharbhadh, do bhrìgh nach 'eil àit aig m' fhocal annaibh.

38 Tha mise a' labhairt an ni sin a chunnaic mi aig m' Athair: agus tha sibhse a' deanamh an ni a chunnaic sibh aig bhuir n-athair féin.

39 Fhreagair iadsan agus thubhairt iad ris, Is e Abraham ar n-athair-ne. Thubhairt Iosa riu, Nam bu chlann do Abraham sibh, dheanadh sibh oibre Abraham.

40 Ach a nis tha sibh ag iarraidh mise a mharbhadh, duine a dh'innis duibh an fhìrinn, a chuala mi o Dhia: cha d'rinn Abraham so.

41 Tha sibhse a' deanamh oibre bhuir n-athair féin. An sin thubhairt iad ris, Cha d'rugadh 'an strìopachas sinne; tha aon Athair againn, eadhon Dia.

42 An sin thubhairt Iosa riu, Nam b'e Dia bhuir n-Athair, ghràdhaicheadh sibh mise: oir chaidh mise mach, agus thàinig mi o Dhia; agus cha d'thàinig mi uam féin, ach chuir esan uaith mi.

43 C'ar son nach 'eil sibh a' tuigsinn mo chòmhradh? do bhrìgh nach urrainn sibh éisdeachd ri m' fhocal.

44 Tha sibhse o bhuir n-athair an diabhul, agus is iad ana-miannan bhuir n-athair a's toil leibh a dheanamh: bha esan 'n a mhort-air o thùs, agus cha d'fhan e 's an fhìrinn, a chionn nach 'eil firinn ann. 'N uair a labhras e breug, is ann uaith féin tha e 'labhairt: oir is breugaire e, agus is e athair na bréige.

45 Agus do bhrìgh gu bheil mise ag innseadh na firinn, cha-n'eil sibh ga m' chreidsinn.

46 Cò agaibhse 'chuircas peacadh as mo leth-sa? agus ma tha mi ag innseadh na firinn, c'ar son nach 'eil sibh ga m' chreidsinn?

47 An ti tha o Dhia, éisdidh e ri briathraibh Dhé: uime sin cha-n'eil sibhse ag éisdeachd, a chionn nach ann o Dhia a tha sibh.

48 An sin fhreagair na h-Iudhaich, agus thubhairt iad ris, Nach maith a thubhairt sinn gur Samaritanach thu, agus gu bheil deamhan agad?

49 Fhreagair Iosa, Cha-n'eil deamhan agam; ach tha mi 'toirt urrainn do m' Athair, agus tha sibhse 'toirt eas-urraim dhomh-sa.

50 Agus cha-n'eil mi 'g iarraidh mo ghlòire féin: tha neach a tha 'g iarraidh agus a' toirt breith.

51 Gu deimhin deimhin tha mi ag ràdh ribh, Ma choinhideas neach m' fhocal-sa, cha-n fhaic e bàs am feasd.

52 An sin thubhairt na h-Iudhaich ris, A nis tha fhios againn gu bheil deamhan agad. Fhuair Abraham bàs, agus na fàidhean; gidheadh tha thusa ag ràdh, Ma choinhideas duine m'fhocal-sa, cha bhlais e bàs am feasd.

53 Am mò thusa na ar n-athair Abraham, a fhuair bàs? agus fhuair na fàidhean bàs: cò a tha t'è 'deanamh dhìot féin?

54 Fhreagair Iosa, Ma tha mi 'toirt glòire dhomh féin, cha-n'eil ach neo-ni a'm' ghlòir: is e m' Athair a tha 'toirt glòire dhomh, neach a tha sibhse ag ràdh gur e bhuir Dia e:

55 Gidheadh cha do ghabh sibh còlas air; ach tha còlas agam-sa air: agus nan abrainn, Nach aithne dhomh e, bhithinn cosmhail ribhse a'm' bhreugaire: ach is aithne dhomh e, agus tha mi 'coimhead' fhocail.

56 Bha déidh mhòr aig Abraham bhuir n-athairse air mo là-sa fhaicinn: agus chunnaic se e, agus rinn e gairdeachas.

57 An sin thubhairt na h-Iudhaich ris, Cha-n'eil thu fathast leth-cheud bliadhna dh'aois, agus am faca tu Abraham?

58 Thubhairt Iosa riu, Gu deimhin deimhin tha mi ag ràdh ribh, Mun robh Abraham ann, THA MISE.

59 An sin thog iadsan clachan chum an tilgeadh air: ach dh'fholach Iosa e féin, agus chaidh e mach as an teampull, a' dol troimh an meadhon, [agus mar sin chaidh e seachad.]

## CAIB. IX.

1 Dh'aisigeadh a radharc do dhaine a rugadh dall: 13 Thugadh e chum nam Phairiseach: 15 ghabh iad corruich ris, agus thug iad a mach as an t-sionagog e; 35 ach tha Crìosd a' gabhail ris. 39 Cò iadsan a tha Crìosd a' soillseachadh.

**A**GUS an uair a ghabh Iosa seachad, chunnaic e duine a bha dall o rugadh e.

2 Agus dh'fheadraich a dheisciobuil deth, ag ràdh, A mhaighstir, cò a pheacaich, an duine so, no a phàrantan, gu'n d'rugadh dall e?

3 Fhreagair Iosa, Cha do pheacaich aon chuid an duine so, no a phàrantan: ach a chum gu'm foillsichteadh oibre Dhé ann.



4 Is éigin domh-sa oibre an ti a chuir uaith m' a dheanamh, am feadh is là e: tha'n oidhche a' teachd, anns nach urrainn aon duine obair a dheanamh.

5 Am feadh a tha mise 's an t-saoghal, is mi solus an t-saoghail.

6 'N uair a thubhairt e na nithean so, chuir e sìle air an talamh, agus rinn e criadh de'n t-sìle, agus sgaoil e a' chriadh air sùilbh an doill.

7 Agus thubhairt e ris, Imich, ionnlaid ann an lochan Shìloaim, (is e sin air eadar-theangachadh, Air a chur.) Uime sin dh'imich e, agus dh'ionnlaid e, agus thàinig e a' faicinn.

8 Uime sin thubhairt na coimhearsnaich, agus iadsan a chummaic dall e roimhe sin, Nach e so esan a bha 'n a shuidhe ag iarraidh na déirce?

9 Thubhairt cuid, Is e so e; cuid eile, Tha e cosmhuil ris: thubhairt e féin, Is mise e.

10 Air an aobhar sin thubhairt iad ris, Cionnus a dh'fhosgladh do shùilean?

11 Fhreagair esan agus thubhairt e, Rinn duine d'an ainm Iosa criadh, agus sgaoil e air mo shùilbh i, agus thubhairt e rium, Imich gu lochan Shìloaim, agus ionnlaid: agus dh'imich mi agus dh'ionnlaid mi, agus fhuair mi mo radharc.

12 An sin thubhairt iad ris, C'àit am bheil e? Thubhairt esan, Cha-n aithne dhomh.

13 Thug iad chum nam Phairiseach esan a bha roimhe dall.

14 Agus b'i an t-sàbaid a bha ann an uair a rinn Iosa a' chriadh, agus a dh'fhosgail e 'shùilean.

15 Au sin a ris dh'fhèdraich na Phairisich dheth mar an ceudna cionnus a fhuair e a radharc. Agus thubhairt esan riu, Chuir e criadh air mo shùilbh, agus dh'ionnlaid mi, agus tha mi a' faicinn.

16 Uime sin thubhairt cuid de na Phairisich, Cha-n'èil an duine so o Dhia, do bhrìgh nach 'èil e g'leidheadh na sàbaid. Thubhairt cuid eile, Cionnus a dh'fheudas duine a tha 'n a pheacach, an leithid so de mhìorbhuilbh a dheanamh? Agus bha eas-aonachd 'n am measg.

17 Thubhairt iad a ris ris an duine dhal, Ciod e a tha thusa ag ràdh uime, a thaobh gu'n d'fhosgail e do shùilean? Agus thubhairt esan, Is fàidh e.

18 Ach cha do chreid na h-Iudhaich m'a thimchioll, gu'n robh e dall, agus gu'n d'fhuair e a radharc, gus an do ghairm iad pàrantan an ti a fhuair a radharc.

19 Agus dh'fhiosraich iad dhiubh, ag ràdh, An e so bhuir mac-se, a tha sibh ag ràdh a rugadh dall? cionnus ma seadh tha e nis a' faicinn?

20 Fhreagair a phàrantan iad agus thubhairt iad, Tha fhios againn gur e so ar mac, agus gu'n do rugadh dall e:

21 Ach cionnus tha e nis a' faicinn, cha-n'èil fhios againn; uo cò a dh'fhosgail a shùilean, cha-n aithne dhuinn: tha e féin air teachd gu aois, fèdraichibh dheth, labhairaidh e air a shon féin.

22 Thubhairt a phàrantan na briathran so, a chionn gu robh eagal nan Iudhaich orra: oir shuidhich na h-Iudhaich cheana eatorra féin, Nan aidieheadh duine sam bith gu'm b'esan Criosd, gu'n rachadh a chur as an t-sionagag.

23 Air an aobhar sin thubhairt a phàrantan, Tha e air teachd gu aois, fèdraichibh dheth féin.

24 Air an aobhar sin ghairm iad an dara uair an duine a bha dall, agus thubhairt iad ris, Thoir glòir do Dhia: tha fhios againn gur peacach an duine so.

25 An sin fhreagair esau agus thubhairt e, Am peacach e cha-n aithne dhomh: air aon ni tha fhios agam, air dhomh 'bhi dall, gu bheil mi nis a' faicinn.

26 Ach thubhairt iad ris a ris, Ciod a rinn e dhuit? cionnus a dh'fhosgail e do shùilean?

27 Fhreagair e iad, Dh'innis mi dhuibh cheana, agus cha d'éisd sibh; c'ar son a b'àill leibh a chiinntinn a ris? am bheil a' mhianann oirbhe 'bhi 'n 'ur deisciobuil aige mar an ceudna?

28 An sin chàin iad e, agus thubhairt iad, Is tusa a dheisciobul; ach is sinne deisciobuil Mhaois.

29 Tha fhios againn gu'n do labhair Dia ri Maois: ach mu thimchioll an fhir so, cha-n'èil fhios againn cia as da.

30 Fhreagair an duine agus thubhairt e riu, An so tha ni iongantach, nach 'èil fhios agaibh cia as da, agus gu'n d'fhosgail e mo shùilean;

31 Ach tha fhios againn nach éisd Dia ri peacaich: ach ma tha neach air bith 'n a fhear-aoraidh do Dhia, agus a' deanamh a thoile, ris-san éisdidh e.

32 O thoiseach an t-saoghail cha chualas gu'n d'fhosgail aon neach sùilean duine a rugadh dall.

33 Mur bitheadh an duine so o Dhia, cha b'urrainn e ui sam bith a dheanamh.

34 Fhreagair iadsan agus thubhairt iad ris, Rugadh thusa gu h-uile ann am peacaibh, agus am bheil thu 'g ar teagasg-ne? agus thig iad a mach e.

35 Chual Iosa gu'n do thig iad a mach e; agus air dha 'fhaotainn, thubhairt e ris, Am bheil thu 'creidsinn ann am Mac Dhé?

36 Fhreagair esau agus thubhairt e, Cò e, a Thighearna, chum gu'n creid mi ann?

37 Agus thubhairt Iosa ris, Cummaic thu araon e, agus an ti a tha 'labhairt riut, is esan e.

38 Agus thubhairt esan, Tha mi 'creidsinn, a Thighearna. Agus rinn e aoradh dha.

39 Agus thubhairt Iosa, Is ann chum breitheanaisa thàinig mise chum ant-saoghail so, chum iadsan nach 'eil a' faicinn, gu'm faicheadh iad; agus gu'm bitheadh iadsan a tha 'faicinn, air an deanamh dall.

40 Agus ehualla cuid de na Phairisich, a bha maille ris na nithean so, agus thubhairt iad ris, An bheil sinne dall mar an eudna?

41 Thubhairt Iosa riu, Nam bitheadh sibh dall, eha bhitheadh peacadh agaibh: aeh a nis tha sibh ag ràdh, Is léir dhuinn; uime sin tha bhuir peacadh a' fantuinn.

## CAIB. X.

1 *Is e Crìosd an dorus agus an deadh bhuachail. 19 Iomadh onè bharail m'a thimchioll. 24 Dhearbh e le 'oibribh gur e féin Crìosd Mac Dhé; 39 chaidh e as o na h-Iudhaich; 40 agus ràinig e iacobh thall Iordain, far an do chreid mòran ann.*

**G**U deimhin deimhin tha mi ag ràdh ribh, An ti nach téid a stigh troimh an dorus do echrò nan caorach, aeh a théid suas air sheòl eile, is gaduiche agus fear-reubainn esan.

2 Aeh an ti a théid a steach air an dorus, is esan buachaill nan caorach.

3 Dhàsan fosglaidh an dorsair; agus éisdidh na caoraich r'a ghuth: agus gairmidh e a chaoraich féin air an ainm, agus treòraichidh e mach iad.

4 Agus an uair a ehureas e mach a chaoraich féin, imichidh e rompa, agus leanaidh na caoraich e: oir is aithne dhoibh a ghuth.

5 Agus eha lean iad coigreach, aeh teichidh iad uatha, do bhrìgh nach aithne dhoibh guth choigreach.

6 An cosamhlachd so labhair Iosa riu: aeh eha do thuig iadsan eiod iad na nithean a labhair e riu.

7 An sin thubhairt Iosa riu a ris, Gu deimhin deimhin tha mi ag ràdh ribh, gur mise dorus nan caorach.

8 Iadsan uile a thàinig romham-sa, is gaduichean agus luchd-reubainn iad: aeh eha d'éisd na caoraich riu.

9 Is mise an dorus: ma théid neach air bith steach tromham-sa, tèarnar e, agus théid e steach agus a mach, agus glicibh e ionaltradh.

10 Cha tig an gaduiche aeh a ghoid, agus a mharbhadh, agus a mhilleadh: thàinig mise ehum gu'm bitheadh beatha aca, agus gu'm bitheadh i aca nìs pailte.

11 Is mise am buachaill maith: leigidh am buachaill maith 'anam sìos air son nan caorach.

12 Aeh am fear-tuarasdail, agus an ti nach e am buachaill, agus nach leis féin na caoraich, ehi e an madadh-alluidh a' teachd, agus fàgaidh e na caoraich, agus teichidh e: agus glacadh am madadh-alluidh iad, agus sgapaich e na caoraich.

13 Aeh teichidh am fear-tuarasdail, a chionn

gur fear-tuarasdail e, agus nach 'eil suim aige do na caoraich.

14 Is mise am buachaill maith, agus is aithne dhomh mo chaoraich féin, agus aithnìhear le m' chaoraich féin mi.

15 Mar is aithne do'n Athair mise, mar sin is aithne dhomh-sa an t-Athair: agus tha mi 'leigeadh m'anama sìos air son nan caorach.

16 Agus tha caoraich eile agam, nach 'eil de'n echrò so: is éigin domh iad sin mar an eudna 'thoirt a stigh, agus éisdidh iad ri m' ghuth; agus bithidh aon treud ann, agus aon bhuachaill.

17 Air an aobhar so is ionmhuinn leis an Athair mise, air songu'n leigmi sìos m'anam, ehum gu'n glac mi e a ris.

18 Cha-n'eil neach air bith 'g a thoirt nam. aeh tha mi 'g a leigeadh sìos uam féin: tha eumhachd agam a leigeadh sìos, agus tha eumhachd agam a ghacadh a ris. An àithne so fhuair mi o m' Athair.

19 Air an aobhar sin dh'éirich eas-aonaehd a ris am measg nan Iudhaich air son uam briathran so.

20 Agus thubhairt mòran diubh, Tha deamhan aige, agus tha e air bhoile; e ar son a tha sibh ag éisdeachd ris?

21 Thubhairt euid eile, Cha-n iad so briathran duine anns am bheil deamhan; am bheil deamhan comasach air sùilean nan dall fhosgladh?

22 Agus bha féill-ehumhne an ath-choisreagaidh ann an Ierusalem, agus b'e an geamhradh a bha ann.

23 Agus bha Iosa a' sràid-meachd's an teampull ann an sgàth-thigh Sholaimh.

24 An sin chrùinnich na h-Iudhaich m'a thimheòll, agus thubhairt iad ris, Cia fhad a ehumas tu ar n-anam 'an amharus? ma's tu Crìosd, innis dhuinn gu follaiseach.

25 Phreagair Iosa iad, Dh'innis mi dhuibh, agus eha do ehreid sibh: na h-oibre a tha mi 'deanamh ann an ainm m' Athar, tha iad sin a' toirt fianuis mu m' thimheòll.

26 Aeh eha-n'eil sibhse a' ereidsinn; oir eha-n ann de m' chaoraich sibh, mar thubhairt mi ribh.

27 Tha mo chaoraich-sa ag éisdeachd ri m' ghuth, agus is aithne dhomh iad, agus leanaidh iad mi:

28 Agus bheir mi a' bheatha mhaireannach dhoibh; agus eha sgriosar iad an feasd, ni mò a spionas neach air bith as mo làimh iad.

29 M' Athair a thug dhomh-sa iad, is mò e na na h-uile; agus eha-n urrainn neach air bith an spionadh á làimh m' Athar.

30 Mise agus an t-Athair, is aon sinn.

31 Uime sin thog na h-Iudhaich clachan a ris ehum a ehlachadh.

32 Phreagair Iosa iad, Nochd mi dhuibh mòran de oibribh maith e o m' Athair; eha de na h-oibribh sin air son am bheil sibh gu'm ehlachadh?



33 Fhreagair na h-Iudhaich e, ag ràdh, Air son oibre maithe cha-n'eil sinn ga d'chlachadh; ach air son toibheim, agus air son, air bhì dhuit-sa a'd' dhuine, gu bheil thu 'deanamh Dé dhìot féin.

34 Fhreagair Iosa iad, Nach 'eil e sgrìobhta ann bhur lagh-se, Thubhairt mi, Is diathan sibh?

35 Ma thubhairt e diathan rìusan, dh'ionnsuidh an robh focal Dhé, agus nach feudar an sgrìobhtair a bhriseadh;

36 An abair sibh ris-san, a naomhaich an t-Athair, agus a chuir e chum an t-saoghail, Tha thu a' labhairt toibheim; air son gu'n dubhairt mi, Is mi Mac Dhé?

37 Mur dean mi oibre m'Àthar, na creidibh mi.

38 Ach na mi, ged nach creid sibh mise, creidibh na h-oibre, chum gu'm bi fios agaibh, agus gu'n creid sibh gu bheil an t-Athair annam-sa, agus mise annsan.

39 Uime sin dh'iarr iad a ris a ghlacadh: ach chaidh e as an àimh.

40 Agus chaidh e ris gus an taobh thall de Iordan, do'n ionad anns an robh Eoin air tùs ri baisteadh; agus rinn e còmhuidh an sin.

41 Agus thàinig mòran d'a ionnsuidh, agus thubhairt iad, Cha d' rinn Eoin aon mhìorbhuil: ach bha na h-uile nithean a thubhairt Eoin mu'n duine so fìor.

42 Agus chreid mòran 's an àite sin air.

### CAIB. XI.

1 *Thog Crìosd suas Lasarus an dèigh dha bhì ceithir làithean 's an uigh.* 45 *Chreid mòran de na h-Iudhaich.* 47 *Chum na h-àrd-shagartan agus na Phàirisich comhairle an aghaidh Crìosd.* 49 *Rinn Caiaphas fàidheadaireachd.* 55 *Aig a' chàisg dh'iarr an sluagh Crìosd;* 57 *dhealb na h-uachdarain inleachdan gu esan a ghlacadh.*

**A**NIS bha duine àraidh gu tinn, d'am b'ainm Lasarus o Bhietani, baile Mhuire agus Mharta a peathar.

2 (B'i Mhuire sin a dh'ung an Tighearn le olaidh luachmhoir, agus a thiorraich a chosan le a folt, aig an robh a bràthair Lasarus gu tinn.)

3 Uime sin chuir a pheathraichean fios d'a ionnsuidh, ag ràdh, A Thighearna, feuch, tha'n ti a's ionmhuinn leat tinn.

4 'N uair a chual Iosa so, thubhairt e, Cha-n'eil an tinneas so chum bàis, ach a chum glòire Dhé, chum gu'm bi Mac Dhé air a ghlòrachadh d'a thaobh.

5 A nis b'ionmhuinn le Iosa Marta, agus a piuthar, agus Lasarus.

6 Uime sin an uair a chual e gu'n robh esan tinn, dh'fham e fathast dà là anns an ionad 's an robh e.

7 'N a dhèigh sin thubhairt e r'a dheisciobluibh, Rachamaid a ris do Iudea.

8 Thubhairt a dheisciobuil ris, A Mhaighstir, anis dh'iarna na h-Iudhaich do chlachadh; agus am bheil thu 'dol a ris an sin?

9 Fhreagair Iosa, Nach 'eil dà uair dheug 's an là? Ma dh'imichas duine anns an là, cha tuislich e, oir tha e 'faicinn soluis an t-saoghail so:

10 Ach ma dh'imichas duine anns an oidhech, tuislichidh e, do bhrìgh nach 'eil an solus ann.

11 Na nithean so labhair e: agus 'n a dhèigh sin thubhairt e riu, Tha ar caraid Lasarus 'n a chodal; ach tha mise a' dol chum gu'n dùisg mi as a chodal e.

12 An sin thubhairt a dheisciobuil, A Thighearna, ma tha e 'n a chodal, bithidh e slàn.

13 Gidheadh labhair Iosa m'a bhàs: ach shaoil iadsan gu'n do labhair e mu thimchioll fois codail.

14 An sin thubhairt Iosa riu gu soilleir, Fhuair Lasarus bàs:

15 Agus tha mi toilichte air bhur son-sa nach robh mi an sin, chum gu'n creid sibh; ach rachamaid d'a ionnsuidh.

16 An sin thubhairt Tomas, ris an abrar Didimus, r'a cho-dheisciobluibh, Rachamaid-ne mar an ceudna, chum gu'm faigh sinn bàs maille ris.

17 An sin an uair a thàinig Iosa, fhuair se e an dèigh dha bhì cheana ceithir làithean 's an uigh.

18 (A nis bha Betani fagus do Ierusalem, mu thimchioll ciùg stàidean deug uath.)

19 Agus thàinig mòran de na h-Iudhaich chum Mharta agus Mhuire, gu comhlhùrtachd a thoirt doibh a thaobh an bràthar.

20 An sin an uair a chuala Marta gu'n robh Iosa a' teachd, chaidh i 'n a chòdhail: ach shuidh Muire 's an tigh.

21 An sin thubhairt Marta ri Iosa, A Thighearna, nam biodh tusa an so, chian fhaigheadh mo bhràthair bàs.

22 Ach tha fhios agam a nis féin, ge b'e air bith nithean a dh'iarras tu air Dia gu'n toir Dia dhuit iad.

23 Thubhairt Iosa rithe, Eiridh do bhràthar air a ris.

24 Thubhairt Marta ris, Tha fhios agam gu'n éirich e a ris 's an aiseirigh air an là dheircannach.

25 Thubhairt Iosa rithe, Is mise an aiseirigh, agus a' bheatha: an ti a chreideas annam-sa, ged gheibheadh e bàs, bithidh e beò:

26 Agus ge b'e neach a tha beò, agus a' creidsinn annam-sa, cha-n fhaigh e bàs am feasd. Am bheil thu 'creidsinn so?

27 Thubhairt i ris, Tha, a Thighearna: tha mi 'creidsinn gur tusa Crìosd, Mac Dhé, a bha gu teachd chum an t-saoghail.

28 Agus air dhi na nithean so a ràdh, dh'fhalbh i, agus ghairm i a piuthar Muire 'an uaignidheas, ag ràdh, Thàinig am Maighstir, agus tha e ga d' ghairm.

29 'N uair a chual ise sin, dh'érich i gu grad, agus thàinig i d'a ionnsaidh.

30 A nis cha robh Iosa fathast air teachd do'n bhaile, ach bha e anns an àite 's an do choinnich Marta e.

31 An sin na h-Iudhaich a bha maille rithe 's an tigh, agus a' toirt comhfhurtachd dhi, 'n uair a chunnaic iad Muire gu'n d'èirich i gu grad, agus gu'n deachaidh i mach, lean iad i, ag ràdh, Tha i 'dol chum na h-uaigne, a chaoineadh an sin.

32 An sin an uair a thàinig Muire do'n àite 's an robh Iosa, agus a chummaic i e, thuit i aig a chosaibh, ag ràdh ris, A Thighearna, nam bitheadh tusa an so, cha-n fhaigheadh mo bhràthair bàs.

33 Uime sin an uair a chunnaic Iosa i a' gul, agus na h-Iudhaich a thàinig maille rithe a' gul mar an ceudna, rinn e osna 'n a spiorad, agus chuir se e fèin fo àmhghar.

34 Agus thubhairt e, C'àit an do chuir sibh e? Thubhairt iad ris, A Thighearna, thig agus faic.

35 Ghuil Iosa.

36 An sin thubhairt na h-Iudhaich, Feuch eionnus a ghràdaich se e!

37 Agus thubhairt cuid diubh, Nach feud-adh an duine so a dh'fhosgail suilean an doill, a thoirt faineas nach faigheadh eadhon am fear so bàs?

38 Uime sin thàinig Iosa, ag osnaich a ris ann fèin, chum na h-uaigne. Agus b'uaimh i, agus bha clach air a cur oirre.

39 Thubhairt Iosa, Togaibh a' chlach. Thubhairt Marta, piuthar an duine mhairebh, ris, A Thighearna, tha nis droch bholadh dheth: oir is e so an ceathramh là.

40 Thubhairt Iosa rihte, Nach dubhairt mi riut, Ma chreideas tu, gu'm faic thu glòir Dhé?

41 An sin thog iad a' chlach (*o'n àit anns an robh an duine marbh air a chur.*) Agus thog Iosa suas a shùilean, agus thubhairt e, Athair, tha mi 'toirt buidheachais duit gu'n d'èisd thu rium.

42 Agus bha fhios agam gu bheil thu ag éisdeachd rium a ghnàth: ach thubhairt mi e air son an t-sluaigh a tha 'n an seasamh mu m' thimcheall, chum gu'n ereid iad gu'n do chuir thusa uait mi.

43 Agus an uair a labhair e na nithean so, ghlaodh e le guth mòr, A Lasarus, thig a mach.

44 Agus thàinig esan a bha marbh a mach, agus a chosan agus a làmhnan ceangailte leis an eudach-mhairbh: agus bha 'aghaidh ceangailte mu'n cuairt le neapaicin. Thubhairt Iosa riu, Fuasgaibh e, agus leigibh leis imeachd.

45 An sin chreid mòran de na h-Iudhaich ann, a thàinig chum Mhuire, agus a chunnaic na nithean a rinn Iosa.

46 Ach dh'fhalbh cuid diubh chum nam Phairiseach, agus dh'innis iad dhoibh na nithean a rinn Iosa.

47 An sin chruinnich na h-àrd-shagartan

agus na Phairisich comhairle, agus thubhairt iad, Ciod a tha sinn a' dcanamh? oir tha an duine so 'dcanamh mòrain mheur-bhuilean.

48 Ma leigeas sinn leis air an dòigh so, ereididh na h-uile dhaoine ann; agus thig na Ròmanaich, agus sgriosaidd iad ar n-àit, agus ar einncaich.

49 An sin thubhairt fear àraidh dhiubh *d' an bairn* Caiaphas, air dha bhì 'n a àrd-shagart air a' bhliadhna sin, riu, Cha-n aithne dhuibh ni sam bith,

50 Ni mò 'tha sibh a' toirt faineas gur iomchuidh dhuinne gu'm faigheadh aon duine bàs air son an t-sluaigh, agus nach bitheadh an cinneach uile air a sgrìos.

51 Ach cha b'ann uaithe fèin a labhair e so: ach air dha bhì 'n a àrd-shagart air a' bhliadhna sin, rinn e faidheadaireachd gu'm faigheadh Iosa bàs air son a' chinnich sin;

52 Agus cha-n ann air son a' chinnich sin a mha'n, ach a chum mar an ceudna gu'n cruinnicheadh e an ceann a chèile 'n an aon clann Dhé a bha air an sgapadh.

53 Uime sin o'n là sin a mach, chuir iad an comhairle r'a chèile chum esan a chur gu bàs.

54 Air an aobhar sin cha d'imich Iosa ni's mò gu fòlaiseach an measg nan Iudhach; ach chaidh e as a sin do dhùthaich làimh ris an fhàsach, gu baile ris an abrar Ephraim, agus an sin ghabh e còmhnuidh maille r'a dheisciobluibh.

55 Agus bha càisg nan Iudhach am fagus: agus chaidh mòran suas as an dùthaich do Ierusalem roimh an chàisg, chum iad fèin a ghlanadh.

56 An sin dh'iarr iad Iosa, agus labhair iad r'a chèile 'n an seasamh 's an teampull, Ciod bhuir barail-sa? an e nach tig e chum na féille?

57 A nis bha araon na h-àrd-shagartan, agus na Phairisich air toirt àithne, nam bitheadh fhios aig neach air bith c'àit an robh e, gu'n innscadh se e, chum gu'n glacadh iad e.

## CAIB. XII.

1 Ghabh Iosa leithseud Mhuire air son gu'n d'ung i a chosan. 9 Thàinig an sluagh 'n am buidheann a dh'fhaicinn Lasarus. 10 Ghabh na h-àrd-shagartan comhairle chum Lasarus a mharbhadh. 12 Mharcaich Crìosd gu Ierusalem. 23 Roimh-innis e a bhàs. 37 Tha na h-Iudhaich air an dalladh.

**A**N sin thàinig Iosa, sè làithean roimh an chàisg, gu Betani, far an robh Lasarus a bha marbh, neach a thog esan o na mairbh.

2 Uime sin rinn iad suipeir dha an sin; agus bha Marta a' frithealadh: ach bha Lasarus 'n a aon diubh-san a shuidh air bord maille ris.

3 An sin ghabh Muire pund de olaidh spicnaird ro luachmhoir, agus dh'ung i cosan



Iosa, agus thiormaich i a chosan le a folt: agus lionadh an tigh le fàile cùbhraidh na h-olaidh.

4 An sin thubhairt aon d'a dheisciobuibh, Iudas Iscariot, *mac* Shimoin, a bha gu esan a bhrath,

5 Car son nach do rciceadh an oladh so air son tri cheud peghinn, agus nach d'thug-adh do na bochdaibh e?

6 Thubhairt e so, cha b'ann a chionn gu'n robh suim aige do na bochdaibh; ach a chionn gu'm bu ghaduiche e, agus gu'n robh an sporan aige, agus gu'n do ghiùlain e na nithean a chuireadh ann.

7 An sin thubhairt Iosa, Leig leatha: fa chomhair là m' adhlaidh ghléidh i so.

8 Oir tha na bochdan a ghnàth agaibh maille ribh, ach cha-n'eil mise agaibh a ghnàth.

9 Agus bha fhios aig sluagh mòr de na h-Iudhaich gu'n robh c an sin: agus thàinig iad, cha-n ann a mhàin air son Iosa, ach a chum gu'm faicheadh iad mar an ceudna Lasarus, a thog esan o na mairbh.

10 Ach ghabh na h-àrd-shagartan comhairle, chum Lasarus mar an ceudna a mharbhadh;

11 Do bhrìgh air a shonsan gu'n d'fìnich mòran de na h-Iudhaich, agus gu'n do chreid iad ann an Iosa.

12 Air an là maireach, air cluinntinn do mhòr-shluagh a thàinig chum na fèille, gu'n robh Iosa a' teachd gu Ierusalem,

13 Ghlac iad geugan pailme, agus chaidh iad a mach 'n a chòdhail, agus ghlaodh iad, Hosanna, beannaichte gu robh Rìgh Israeil a tha 'teachd ann an ainm an Tighearna!

14 Agus air do Iosa asal òg fhaotainn, shuidh e air; a réir mar tha e sgrìobhta,

15 Na bitheadh eagal ort, a nìghean Shioin: feuch, tha do Rìgh a' teachd, 'n a shuidhe air loth asal.

16 Cha do thuig a dheisciobuil na nithean so air tùs: ach an uair a ghlòraicheadh Iosa, au sin chuimhnich iad gu'n robh na nithean so sgrìobhta uime, agus gu'n d'rinn iad na nithean so ris.

17 Uime sin rinn an sluagh a bha maille ris fianuis, gu'n do ghairm e Lasarus as an uaigh, agus gu'n do thog e o na mairbh e.

18 Air an aobhar sin mar an ceudna choimnich an sluagh e, a chionn gu'n cual iad gu'n d'rinn e am mìorbhuil so.

19 Thubhairt na Phairisich uime sin eat-orra féin, Am faic sibh nach 'cil sibh a' buadhachadh 'bheag sam bith? feuch, tha'n saoghal air dol 'n a dhéigh.

20 Agus bha Greugaich àraidh ann measg na muinntir a chaidh suas chum aoradh a dheauamh aig an fhéill:

21 Air an aobhar sin thàinig iadsan gu Philip, a bha o Bhetsaida Ghalile, agus dh'iarr iad air, ag ràdh, A thighearna, bu mhiann leinn Iosa fhàicinn.

22 Thàinig Philip agus dh'innis e do Aindreas; agus a ris dh'innis Aindreas agus Philip do Iosa.

23 Agus fhreagair Iosa iad, ag ràdh, Thàinig an uair, chum gu'm bitheadh Mac an duine air a ghlàrachadh.

24 Gu deimhin deimhin tha mi ag ràdh ribh, Mur faigh an gràinne cruithneachd a thuiteas anns an talamh bàs, fanaidh e 'n a aonar: ach ma gheibh e bàs, bheir e toradh mòr uaith.

25 Esau a ghràdhacheas 'anam, caillidh se e; agus esan a dh'fhuathaicheas 'anam anns an t-saoghal so, gleidhidh se e chum na beatha maireannaich.

26 Ma ni neach air bith seirbhis dhomh-sa, leanadh e mi; agus ge b'e àite 's am bi mise, an sin bithidh mo seirbhis each mar an ceudna: ma ni ueach seirbhis dhomh-sa bheir m' Athair urram dha.

27 A nis tha m'anam fo àmhghar; agus ciod a their mi? Athair, saor mi o'n uair so: ach is ann air a shon so a thàinig mi chum na h-uair so.

28 Athair, glòraich d'ainm. An sin thàinig guth o nèamh, *ag ràdh*, Glhòraich mi araon e, agus glòraichidh mi ris e.

29 Uime sin thubhairt an sluagh a sheas a làthair, agus a chuala so, Gu'n robh tàirneanach ann: thubhairt cuid eile, Labhair aingeal ris.

30 Fhreagair Iosa agus thubhairt e, Cha-n ann air mo shon-sa thàinig an guth so, ach air bhur son-sa.

31 A nis tha breitheanas an t-saoghail so ann: a nis tilgear uachdaran an t-saoghail so mach.

32 Agus mise, ma thogar suas o'n talamh mi, tairngidh mi na h-uile dhaoine a m' ionnsuidh.

33 (Ach thubhairt e so, a' ciallachadh ciod a' ghné bàis a gheibheadh e.)

34 Fhreagair an sluagh e, Chuala sinne as an lagh, gu'm fan Crìosd gu sìornidh: agus cionnus a tha thusa ag ràdh, Gur éigin do Mhac an duine bhì air a thogail suas? cò e Mac so an duine?

35 An sin thubhairt Iosa riu, Fathast ré tamuill bhig tha'n solus maille ribh: gluaisibh am feadh 's a tha an solus agaibh, chum nach beir an dorchadas oirbh: oir an ti a tha ag imeachd 's an dorchadas, cha-n aithne dha c'àit ann bheil e 'dol.

36 Am feadh as a tha 'n solus agaibh creidibh 's an t-solus, chum gu'm bi sibh 'n 'ur cloinn do'n t-solus. Labhair Iosa na nithean so, agus dh'fhalbh e, agus dh'fhol-aich se e féin uatha.

37 Ach ged 'rinn e a choimhlion so de mhìorbhuilb 'n an làthair, cha do chreid iad ann:

38 Chum gu'm bitheadh briathran an fhàidh Esaias air an coimhlionadh, a thubhairt e, A Thighearna, cò a chreid ar n-aithris-ne i

agus cò dha a dh'fhoillsicheadh gairdean an Tighearna?

39 Air an aobhar so cha robh e'n comas doibh creidsinn, do bhrìgh gu'n dubhairt Esaias a ris,

40 Dhall e an sùilean, agus ehlruaidhich e an cridhe, chum nach faiceadh iad le'n sùil-ibh, agus nach tuigeadh iad le'n cridhe, agus nach pillleadh iad, agus gu'n slànuch-inn iad.

41 Thubhairt Esaias na nithean so, 'n uair a chunnaic e a ghlòir-san, agus a labhair e uime.

42 Gidheadh chreid mòran de na h-Uachd-aranaibh féin ann: ach air son nam Phairiseach cha d'aidich iad e, air cagal gu'n cuirteadh mach as an t-sionagag iad.

43 Oir b'annsa leo glòir dhaoine na glòir Dhé.

44 Agus ghlaodh Iosa, agus thubhairt e, An ti a tha 'creidsinn annam-sa, cha-n ann annam-sa tha e 'creidsinn, ach anns an ti a chuir uaith mi.

45 Agus an ti a tha ga m' fhaicinn-sa, tha e 'faicinn an ti a chuir uaith mi.

46 Thàinig mi a'm' sholas chum an t-saoghail, chum ge b'e 'chreideas annam, nach fanadh e ann an dorchadas.

47 Agus ma chluinneas neach air bith mo bhriathran-sa, agus nach creid e, cha-n'eil mise 'g a dhiteadh: oir cha d'thàinig mi a dhiteadh an t-saoghail, ach a shaoradh an t-saoghail.

48 An ti a tha 'cur cùil rium-sa, agus nach 'eil a' gabhail ri m' bhriathraibh, tha aige neach a bheir breth air: am focal a labhair mi, bheir e sin breth air's an là dheireannach.

49 Oir cha do labhair mi uam féin; ach an t-Athair a chuir uaith mi, thug e àithne dhomh, ciod a theiriun, agus ciod a labhairinn.

50 Agus tha fhios agam gur beatha mhair-eannach 'aithne-san: air an aobhar sin na nithean a tha mi a' labhairt, mar thubhairt an t-Athair rium, mar sin tha mi a' labhairt.

### CAIB. XIII.

1 *Nìgh Criosd cosan nan deisciobul, 13 dh'earraich e orra 'bhi iriosal agus seirceil; 18 dh'innis e roimh-laimh, agus dh'fhoillsich e do Eoin le comharadh, gu'n b'e Iudas a bhrathadh e; 31 thug e àithne dhoibh iad a ghràdhachadh a chèile; 36 agus roimh-innis e do Pheadar gu'n robh e gu esan àicheadh.*

**A** NIS roimh fhéill na càisge, air do Iosa fios a bhi aige gu'n robh 'uair air teachd, anns an rachadh e as an t-saoghail so chum an Athar, air dha a mhuinntir féin a bha anns an t-saoghail a ghràdhachadh, ghràdhaich e agus a' chrìch iad.

2 Agus an uair a bha 'n t-suipeir thairis, (air do'n diabhul a nis a chur 'an cridhe

Iudais Iscarioit, *mhic* Shimoin, esan a bhrath.)

3 Air aithneachadh do Iosa gu'n d'thug an t-Athair na h-uile nithean 'n a làmh-an, agus gur ann o Dhia a thàinig e, agus gur ann a dh'ionnsuidh Dhé a bha e 'dol;

4 Dh'éirich e o 'shuipeir, agus chuir e dheth 'fhalluin, agus ghlac e làmh-anart, agus cheangail e uime e.

5 'N a dhéigh sin, thaom e uisge ann an soitheach-ionnlaid, agus thòisich e air cosan nan deisciobul ionnlaid, agus an tiormachadh leis an làmh-anart a bha ccaugailte uime.

6 An sin thàinig e gu Simon Peadar: agus thubhairt esan ris, A Thighearn', am bheil thusa ag ionnlaid mo chosan-sa?

7 Fhrecagair Iosa agus thubhairt e ris, An ni so a tha mi 'deanamh cha-n aithne dhuitse a nis; ach bithidh fios agad air an déigh so.

8 Thubhairt Peadar ris, Cha nìgh thu mo chosan-sa gu bràth. Fhrecagair Iosa e, Mur nìgh mi thu, cha-n'eil cuid agad maille rium.

9 Thubhairt Simon Peadar ris, A Thighearna, cha-n iad mo chosan a mhàin, ach mar an ceudna mo làmh-an agus mo cheann.

10 Thubhairt Iosa ris, An ti a tha air ionnlaid, cha-n'eil feum aige ach a chosan ionnlaid, ach tha e gu h-ionnlan glan: agus tha sibhse glan, ach cha-n'eil sibh uile glan.

11 Oir bha fhios aige cò a bhrathadh e; uime sin thubhairt e, Cha-n'eil sibh uile glan.

12 An sin, an déigh dha an cosan ionnlaid, agus 'thalluin a ghabhail *d'a ionnsuidh*, shuidh e a ris, agus thubhairt e riu, Am bheil fhios agaibh ciod a rinn mi dhuibh?

13 Tha sibh a' gairm Maighistir, agus Tighearn dhionn-sa: agus tha sibh ag ràdh gu maith; oir is mi *sin*.

14 Uime sin ma dh'ionnlaid mise, bhur Tighearn agus bhur Maighistir, bhur cosan-sa, is còir dhuibh-sa mar an ceudna cosan a chèile ionnlaid.

15 Oir thug mi eisempleir dhuibh, chum mar a rinn mise dhuibh, gu'n dcanadh sibhse mar an ceudna.

16 Gu deimhin deimhin tha mi ag ràdh ribh, Cha mhò an t-òglach na 'mhaighistir, agus cha mhò an teachdair na 'n ti a chuir uaith e.

17 Ma's aithne dhuibh na nithean so, is beannaichte sibh ma ni sibh iad.

18 Cha-n'eil mi 'labhairt oirbh uile: is aithne dhomh cò a thagh mi: ach is éigin an sgrìobtur a chloimhlionadh, An ti a tha 'g itheadh arain maille rium, thog e a shàil a'm' aghaidh.

19 A nis tha mi ag ràdh so ribh mu'n tìg e gu crìch, chum, 'n uair a tharlas e, gu'n creid sibh gur mise e.

20 Gu deimhin deimhin tha mi ag ràdh



ribh, an ti a ghabhas ri neach sam bith a chuireas mise uam, gabhaidh e rium-sa; agus an ti a ghabhas rium-sa, gabhaidh e ris an ti a chuir uaidh mi.

21 Air do Iosa na nithean so 'ràdh, bha e fo thrioblaid 'n a spiorad, agus rinn e fianuis, agus thubhairt e, Gu deimhin deimhin tha mi ag ràdh ribh, gu'm brath aon agaibh mise.

22 An sin dh'annhaire na deisciobuil air a chéile, fo amharus co uime a labhair e.

23 A nis bha aon d'a dheisciobluibh, 'n a huidhe 'an uchd Iosa, neach a b'ionmhuinn le Iosa.

24 Air an aobhar sin smèid Simon Peadar airsan, gu'm feòraicheadh e co uime a labhair e.

25 An sin air dhàsan aomadh ri uchd Iosa, thubhairt e ris, A Thighearna cò e?

26 Fhreagair Iosa, Is e an ti sin e, d'an toir mise an greim, an déigh dhomh a thumadh. Agus an uair a thum e an greim, thug se e do Iudas Iscariot, *mac Shimois*.

27 Agus an sin an déigh a' ghreama, chaidh Sàtan a steach ann-san. An sin thubhairt Iosa ris, An ni a tha thu a' deanamh, dean gu grad e.

28 A nis cha do thuig aon duibh-san a bha 'n an suidhe air a' bhord e'ar son a thubhairt e so ris.

29 Oir shaoil cuid duibh, a chionn gu'n robh an sporan aig Iudas, gu'n dubhairt Iosa ris, Ceannaich *na nithean* a tha dh'uir-easbhuidh oirnn chum na féille; no gu'n tugadh e ni-éigin do na bochdaibh.

30 An sin an déigh dhàsan an greim a ghabhail, chaidh e mach air ball; agus bha'n oidhe an ann.

31 Uime sin, 'n uair a chaidh esan a mach, thubhairt Iosa, A nis tha Mac an duine air a ghlòrachadh, agus tha Dia air a ghlòrachadh ann.

32 Ma tha Dia air a ghlòrachadh ann, glòraichidh Dia esan mar an ceudna ann féin, agus air ball glòraichidh se e.

33 A chlann bheag, fathast òine bheag tha mise maille ribh. Iarraidh sibh mi: agus mar a thubhairt mi ris na h-Iudaich, Do'n àite d'an téid mise, cha-n'eil e 'n comas duibhse teachd; mar sin tha mi ag ràdh ribhse nis.

34 Aithne nuadh tha mi 'toirt dhuibh, Gu'n gràdhaich sibh a chéile; mar a ghràdhaich mise sibhse, gu'n gràdhaich sibh féin a chéile mar an ceudna.

35 Le so aithnichidh na h-uile dhaoine gur sibh mo dheisciobuil-sa, ma bhios gràdh agaibh féin d'a chéile.

36 Thubhairt Simon Peadar ris, A Thighearna, c'ait an téid thu? Fhreagair Iosa e, Do'n àite d'an téid mise, cha-n urrainn thusa nis mo leantuinn; gidheadh leanaidh tu mi 'n a dhéigh so.

37 Thubhairt Peadar ris, a Thighearna,

e'ar son nach urrainn mi do leantuinn a nis? Leigidh mi sios m'anam air do shon.

38 Fhreagair Iosa e, An leig thu d'anam sios air mo shonsa? Gu deimhin deimhin tha mi ag ràdh riut, Nach goir an coileach, gus an àicheadh thu mi tri uaircan.

## CAIB. XIV

1 *Thug Criosd comhfhartachd d'a dheisciobluibh le dòchas fhlaithenais: 6 dh'innise gur e féin an t-slighe, an fhàirinn, agus a' bheatha, agus gur aon e féin agus an t-Athair: 13 thug e fios doibh gu'n bi an urrnuighean 'n a ainm-san éifeachdach. 16 Gheall e an spiorad naomh dhoibh.*

**N**A bitheadh bhuir cridhe fo thrioblaid: tha sibh a' creidsinn ann an Dia, creidibh annam-sa mar an ceudna.

2 Ann an tigh m'Àthar-sa tha iomadh àite-còmhnuidh: mur bitheadh e *mar sin*, dh'innisinn-sa dhuibh. Tha mi 'dol a dh'ull-uchadh àite dhuibh.

3 Agus ma théid mi agus gu'n ulluich mi àite dhuibh, thig mi ris, agus gabhaidh mi sibh a m' ionnsuidh féin; chum far am bheil mise, gu'm bi sibhse mar an ceudna.

4 Agus is aithne dhuibh c'ait am bheil mi 'dol, agus is aithne dhuibh an t-slighe.

5 Thubhairt Tomas ris, A Thighearna, cha-n'eil fhios againn c'ait am bheil thu 'dol; agus cionnus a dh'fheudas eòlas na slighe 'bhi againn?

6 Thubhairt Iosa ris, Is mise an t-slighe, agus an fhàirinn, agus a' bheatha: cha tig aon neach chum an Athar ach tromham-sa.

7 Nam b'aithne dhuibh mise, b'aithne dhuibh m'Àthair mar an ceudna: agus á so suas is aithne dhuibh e, agus chuunaic sibh e.

8 Thubhairt Philip ris, A Thighearna foillsich an t-Athair dhuinne, agus is leoir leinn e.

9 Thubhairt Iosa ris, Am bheil mise ùine co fhada maille ribh, agus nach aithne dhuibh fathast mi, Philip? an ti a chuunaic mise, chuunaic e 'n t-Athair; agus cionnus a tha thu ag ràdh, Foillsich an t-Athair dhuim?

10 Nach 'eil thu 'creidsinn gu bheil mise anns an Athair, agus an t-Athair annam-sa? na briathran a tha mi 'labhairt ribh, cha-n ann uam féin a tha mi 'g an labhairt: ach an t-Athair, a tha 'gabhail còmhnuidh annam-sa, tha esan a' deanamh nan oibre.

11 Creidibh mise gu bheil mi anns an Athair, agus an t-Athair annam-sa; no, creidibh mi air son nan oibre féin.

12 Gu deimhin deimhin tha mi ag ràdh ribh, An ti a chreideas annam-sa, na h-oibre a tha mise a' deanamh, ni esan mar an ceudna; agus ni e *oibre* a's mò na iad so, do bhrìgh gu bheil mise 'dol chum m'Àthar.

13 Agus ge b'e ni a dh'iarras sibh a'm ainm-sa, ni mise sin: chum gu'm bi an t-Athair air a ghlòrachadh anns a' Mhac.

14 Ma dh'iarraas sibh ni air bith a'm' ainm-sa, ni mise e.

15 Ma'sa toigh leibh mise, coimhidibh m'aitheantan:

16 Agus guidhidh mise an t-Athair, agus bheir e dhuibh Comhfhurtair eile, chum gu'm fan e maille ribh gu bràth;

17 Spiorad na firinn; neach nach urrainn an saoghal a ghabhail, do bhrìgh nach 'eil e 'g a fhaicinn, agus nach aithne dha e: ach is aithne dhuibhse e, oir tha e 'fantuinn maille ribh, agus bithidh e annaibh.

18 Cha-n fhàg mi sibh 'n 'ur dilleachdain; thig mi do 'ur n-ionnsuidh.

19 Tamull beag fathast, agus cha-n fhaic an saoghal mi tuilleadh; ach chi sibhse mi: do bhrìgh gu bheil mise beò, bithidh sibhse beò mar an ceudna.

20 Anns an là sin bithidh fios agaibh gu bheil mise ann am Athair, agus sibhse annam-sa, agus mise annaibh-sa.

21 An ti aig am bheil m'aitheantan-sa, agus a tha 'g an coimhead, is esan aig am bheil gràdh dhomh-sa: agus an ti aig am bheil gràdh dhomh-sa, gràdhaichear le m' Athair e, agus gràdhaichidh mise e, agus foillsichidh mi mi féin da.

22 Thubhairt Iudas, (cha-n e Iscariot,) ris, A Thighearna, c'ar son a dh'fhoillsicheas tu thu féin dhuinne, agus nach dean thu sin do'n t-saoghal?

23 Fhrecagair Iosa agus thubhairt e ris, Ma ghràdhaicheas neach mise, coimhididh e m' fhocal: agus gràdhaichidh m' Athair esan, agus thig sinn d'a ionnsuidh, agus ni sinn comhnuidh maille ris.

24 An ti nach gràdhaich mise, cha choimhid e mo bhrìathran: agus am focal a tha sibh a' cuimntinn, cha leam-sa e, ach leis an Athair a chuir uath mi.

25 Na nithean so labhair mi ribh, air dhomh bhi m' chomhnuidh maille ribh:

26 Ach an Comhfhurtair, an Spiorad naomh, a chuireas an t-Athair uath a'm' ainm-sa, teagaisgidh esan dhuibh na h-uile nithean, agus cuiridh e'n cuimhne dhuibh na h-uile nithean a labhair mise ribh.

27 Tha mi 'fagail sìthe agaibh, mo shìth-sa a tha mi 'toirt duibh: cha-n ann mar a bheir an saoghal, a tha mise 'toirt duibh. Na bitheadh bhur cridhe fo thrioblaid, agus na bitheadh eagal air.

28 Chuala sibh mar thubhairt mi ribh, Tha mi 'falbh, agus thig mi ris do 'ur n-ionnsuidh. Nam bitheadh gràdh agaibh dhomh-sa, bitheadh aoibhneas oirbh, a chionn gu'n dubhairt mi, Tha mi 'dol chum an Athair: oir is mò m' Athair na mise.

29 Agus a nis dh'innis mi dhuibh so roimh dha teachd gu crìch, chum, 'n uair a thig e gu crìch, gu'n creideadh sibh.

30 A so suas cha labhair mi mòran ribh: oir tha uachdaran an t-saoghail so a' teachd, agus cha-n'eil ni air bith aige annam-sa.

31 Ach a chum gu'm bi fios aig an t-saoghal gur ionmhuinn leam an t-Athair: agus mar a thug an t-Athair àithne dhomh, mar sin tha mi a' deanamh. Eiribh, rachamaid á so.

## CAIB. XV.

1 An sòlas a tha aig deisciobluibh Chrìosd: 9 an gràdh agus an coimhcheangal a tha eadar iad agus esan. 18 Comhfhurtachd fo fhuath agus gheur-leamhuinn an t-saoghail so. 26 Dreuchd an Spioraid naomh, agus nan abstol.

**I**S mise an fhìonain fhìor, agus is e m' Athair an treabhaiche.

2 Gach uile gheug annam-sa nach 'eil a' giùlan toraidh, bheir e air falbh; agus gach uile gheug a tha 'tabhairt toraidh, glanaidh e i, chum gu'n giùlan i tuilleadh toraidh.

3 A nis tha sibhse glan tre an fhocal a labhair mi ribh.

4 Fanaibh annam-sa, agus mise annaibh sa. Mar nach urrainn a' gheug toradh a thoirt uaipe féin, mur fan i's an fhìonain, cha mhò is urrainn sibhse, mur fan sibh annam-sa.

5 Is mise an fhìonain, sibhse na geugan: an ti a dh'fhanas annam-sa, agus mise annsan, bheir esan mòr-thoradh uath; oir as m' eug-nhais-sa cha-n urrainn sibh aon ni a dheanamh.

6 Mur fan neach annam-sa, tha e air a thilgeadh a mach mar ghéig, agus air crìonadh; agus tionaidh daoine iad, agus tilgidh iad 's an teine iad, agus loisgear iad.

7 Ma dh'fhanas sibh annam-sa, agus ma dh'fhanas m'fhocail-sa annaibh-sa, iarraidh sibh gach ni a's àill leibh, agus nithear dhuibh e.

8 An so tha m' Athair-sa air a ghlòrachadh, gu'n toir sibhse mòr-thoradh uath; agus bithidh sibh 'n 'ur deisciobuil dhomh-sa.

9 Mar a ghràdhaich an t-Athair mise, mar sin ghràdhaich mise sibhse: fanaibh ann am ghràdh-sa.

10 Ma choimhideas sibh m'aitheantan, fanaidh sibh ann am ghràdh; mar a choimhid mise àitheantan m' Athair, agus a tha mi a' fantuinn 'n a ghràdh.

11 Na nithean so labhair mi ribh, chum gu'm fanadh mo ghairdeachas annaibh, agus gu'm bitheadh bhur gairdeachas-sa fàn.

12 Is i so m' àithne-sa, gu'n gràdhaich sibhse a chéile, mar a ghràdhaich mise sibhse.

13 Gràdh a's mò na so cha-n'eil aig neach air bith, gu'n leigeadh duine 'anam sìos air son a chairdean.

14 Is sibhse mo chairdean-sa, ma ni sibh gach ni a tha mi ag àithneadh dhuibh.

15 A so suas cha ghairm mi seirbhisich dhibh; oir cha-n aithne do'n t-seirbhisich ciod a tha a Thighearna a' deanamh: ach ghairm mi chairdean dhibh; oir na h-uile nithean a chuala mi o m' Athair, thug mi fios duibhse orra.



16 Cha sibhse a thaghl mise, ach is mise a thaghl sibhse, agus dh'orduich mi sibh, chum gu'n rachadh sibh, agus gu'n tugadh sibh a mach toradh, agus gu maireadh bhur toradh: chum ge b'e mi a dh'iarrais sibh air an Athair ann am ainm-sa, gu'n toir e dhuibh e.

17 Tha mi 'g aithneadh nan nithean so dhuibh, chum gu'n gràdhaidh sibh a chèile.

18 Ma tha an saoghal 'g 'ur fuathachadh, tha fhios agaibh gu'n d'fhuathaich e mise roimh bh.

19 Nam b'aun de'n t-saoghal sibh, ghràdh-aicheadh an saoghal a chuid féin: ach do bhrìgh nach aun de'n t-saoghal sibh, ach gu'n do thaghl mise sibh as an t-saoghal, uime sin tha fuath aig an t-saoghal duibh.

20 Cuimhuichibh am focal a thubhairt mi ribh, Cha-n'eil an seirbhiseach nì's mò na a Thighearn. Ma rinu iad geur-leamhuinn ormsa, ni iad geur-leamhuinn oirbhse mar an ceudna: ma choimhidh iad m'fhocal-sa, coimhididh iad bhur focal-sa mar an ceudna.

21 Ach na nithean so uile ni iad oirbh air son m'ainme-sa, do bhrìgh nach aithne dhoibh esan a chuir uaith mi.

22 Mur bithinn-sa air teachd, agus air labhairt riu, cha bhitheadh peacadh aca: ach a nis cha-n'eil leithsgeul am peacaidh aca.

23 An ti aig am bheil fuath dhomh-sa, tha fuath aige do m'Àthair mar an ceudna.

24 Mur bithinn-sa air deanannh nan oibre 'n am measg nach d'rinn aon neach eile, cha bhitheadh peacadh aca: ach a nis chunnaic siad iad, agus dh'fhuathaich iad araon mise agus m'Àthair.

25 Ach rinneadh so chum gu'n coimhlioutadh am focal a tha sgrìobhta 'n an lagh féin, Dh'fhuathaich iad mi gun aobhar.

26 Ach au uair a thig au Comhfhurtair, a chuireas mise do'urn-ionnsuidh o'n Athair, Spiorad na firinn, a tha 'teachd a mach o'n Athair, ni esan fianuis mu m' thimchioll-sa.

27 Agus ni sibhse fianuis mar an ceudna, do bhrìgh gu bheil sibh maille rium o thùs.

## CAIB. XVI.

1 *Thug Crìosd comhfhurtachd d'a dheisciobluibh an aghaidh trioblaid le gealladh an Spioraid naoimh, agus 'aiseirigh féin agus a dhol suas air nàmh; 23 thug e cinnte dhoibh gu'm bi na h-urnuighean a nithean 'n a ainm-sin taitneach d'a Athair; 33 tha sith ann an Crìosd, ach ann an t-saoghal, trioblaid.*

**N**A nithean so labhair mi ribh, chum nach faigheadh sibh oilbheum.

2 Cuiridh iad as an t-sionagag sibh: seadh, thig an uair, ge b'e neach a mharbhas sibh, gu'n saoil e gu bheil e 'deanannh seirbhis do Dhia.

3 Agus ni iad na uithean so, do bhrìgh nach aithne dhoibh an t-Athair, no mise.

4 Ach dh'innis mi na nithean so dhuibh, chum 'n uair a thig an t-àm, gu'n cuimhnich sibh gu'n d'innis mi dhuibh iad. Ach cha

dubhairt mi na nithean so ribh o thùs, do bhrìgh gu'n robh mi maille ribh.

5 Ach a nis tha mi 'dol chum an ti a chuir uaith mi; agus cha-n'eil a h-aon agaibh-sa a' feòraich dhìom, C'ait a bheil thu 'dol?

6 Ach a chionn gu'n dubhairt mi na nithean so ribh, lion dubh-bhròn bhur cridhe.

7 Gidheadh tha mi ag innscadh dhuibh na firinn, Is buannachd dhuibh mise a dh'fhalbh: oir mur fhalbh mi, cha tig an Comhfhurtair do 'ur n-ionnsuidh-sa; ach ma dh'fhalbhas mi, cuiridh mi esan do 'ur n-ionnsuidh.

8 Agus an uair a thig esan, bheir e dearbh-shoilleireachd do'u t-saoghal mu pheacadh, agus mu fhìreantachd, agus mu bhreitheanas:

9 Mu pheacadh, do bhrìgh nach 'eil iad a' creidsinn annam-sa;

10 Mu fhìreantachd, do bhrìgh gu bheil mi 'dol a dh'ionnsuidh m'Àthair, agus nach faic sibh nì's mò mi;

11 Mu bhreitheanas, a chionn gu bheil uachdaran an t-saoghail so air a dhìtheadh.

12 Tha mòran nithean agam fathast ri ràdh ribh, ach cha-n urrainn sibh an giùlan au tràth so.

13 Ach an uair a thig esan, Spiorad ua firinn, treòraichidh e sibh chum gach uile fhìrinn: oir cha labhair e uaith féin: ach labhraidh e na h-uile nithean a chluinneas e: agus foillsichidh e dhuibhse nithean a tha ri teachd.

14 Bheir esan glòir dhomh-sa: oir gheibh e de m' chuid-sa, agus nochdaidh e dhuibhse e.

15 Na h-uile nithean a tha aig an Athair, is leam-sa iad: air an aobhar so thubhairt mi, gu'm faigh e de m' chuid-sa, agus nochdaidh e dhuibhse e.

16 Tamull beag agus cha-n fhaic sibh mi; agus a ris, tamull beag agus chi sibh mi, do bhrìgh gu bheil mi 'dol chum an Athair.

17 An siu thubhairt *cuid* d'a dheisciobluibh eatorra féin, Ciod e so a tha e ag ràdh ruin, Tamull beag agus cha-n fhaic sibh mi: agus a ris, tamull beag agus chi sibh mi: agus,

Do bhrìgh gu bheil mi 'dol chum an Athair?

18 Air an aobhar sin thubhairt iad, Ciod e so a tha e ag ràdh, Tamull beag? Cha-n'eil sinne a' tuigsinn ciod a tha e ag ràdh.

19 A nis dh'aithnich Iosa gu'n robh toil aca fheòraich dheth, agus thubhairt e riu, Am bheil sibh a' feòraich 'n 'ur measg féin mar a thubhairt mi, Tamull beag agus cha-n fhaic sibh mi: agus a ris, tamull beag agus chi sibh mi?

20 Gu deimhin deimhin tha mi ag ràdh ribh, gu'n dean sibhse gul agus caoidh, ach ni an saoghal gairdeachas: agus bithidh sibhse do-bhrònach, ach pillear bhur bròn gu gairdeachas.

21 'N uair a bhitheas bean ri saothair-chloinne, bithidh i fo dhoilgheas, chionn gu

bheil a h-uair air teachd: ach au uair a bheireas i an leanabh, cha chuimhnich i a h-àmhghar ni's mò, tre aoibhneas gu'n d'rugadh duine chum an t-saoghail.

22 Agus tha nis uime sin doilgheas oirbhe: ach chi mise a ris sibh, agus ni bhur eridhe gairdeachas, agus bhur gairdeachas cha bhuin neach air bith uaibh.

23 Agus air au là sin cha-n fheòraich sibh ni air bith dhiom-sa: Gu deimhin deimhin tha mi ag ràdh ribh, Ge b'e nithean a dh'iarras sibh air an Athair ann am ainm-sa, gu'n toir e dhuibh iad.

24 Gus a so cha d'iarr sibh ni air bith ann am ainm-sa: iarraibh, agus gheibh sibh, chum gu'm bi bhur n-aoibhneas làn.

25 Na nithean so labhair mi ribh ann am briathraibh dorcha: ach thig an uair anns nach labhair mi ni's mò ribh ann am briathraibh dorcha, ach innsidh mi gu soilleir mu'n Athair dhuibh.

26 Anns an là sin iarraidh sibh a'm' ainm-sa: agus cha-n'eil mi ag ràdh ribh, gu'n guidh mi an t-Athair air bhur son:

27 Oir is toigh leis au Athair féiu sibh, air son gu'n d'thug sibh gràdh dhomh-sa, agus gu'n do chreid sibh gur ann o Dhia a thàinig mi.

28 Thàinig mi mach o'n Athair, agus tha mi air teachd chum an t-saoghail: a ris, tha mi 'fagail an t-saoghail, agus a' dol chum an Athair.

29 Thubhairt a dheisciobuil ris, Feuch, a nis tha thu 'labhairt gu soilleir, agus cha-n'eil thu labhairt cosamhlachd air bith.

30 A nis tha fhios againn gur aithne dhuit na h-uile nithean, agus nach feum thu duine air bith a dh'fheòraich dhìot: air a shon so tha sinn a' creidsinn gur ann o Dhia a thàinig thu.

31 Fhreagair Iosa iad, Am bheil sibh a nis a' creidsinn?

32 Feuch, thig an t-àm, seadh, tha e cheana air teachd, anns an sgapar o 'chéile sibh, gach aon g'a ionad féin, agus anns am fàg sibh mise a'm' aonar: gidheadh cha-n'eil mise a'm' aonar, oir tha an t-Athair maille rium.

33 Na nithean so labhair mi ribh, chum gu'm bitheadh sith agaibh annam-sa. Anns an t-saoghal bithidh àmhghar agaibh: ach bitheadh deadh mhisneach agaibh, thug mise buaidh air an t-saoghail.

#### CAIB. XVII.

1 *Tha Crìosd a' deanamh urnuigh r'a Athair gu'n glòraicheadh se e, 6 gu'n coimhreachadh e 'abstòil, 11 ann an aonachd, 17 agus anns an fhìrinn; 20 gu'n glòraicheadh e iad, agus na h-uile chreidmheil maille ris féin air nèamh.*

**L**ABHAIR Iosa na briathran so; agus thog e suas a shùilean gu nèamh, agus thubhairt e, Athair, thàinig an uair; glòraich do Mhac, chum gu'n glòraich do Mhac thusa mar an ceudna:

2 Chum mar a thug thu cumhachd dha air gach feoil, na h-uile a thug thu dha, gu'n tugadh esan dhoibh a' bheatha mhaireannach.

3 Agus is i so a' bheatha mhaireannach, eòlas a bhi aca ortsa an t-aon Dia fìor, agus air Iosa Crìosd a chuir thu uait.

4 Ghlòraich mise thusa air thalamh: chriochnaich mi 'n obair a thug thu dhomh r'a dheanamh.

5 Agus a nis, Athair, glòraich thusa mise maille riut féin, leis a' ghloir a bha agam maille riut mu'n robh an saoghal ann.

6 Dh'fhoillsich mise d'ainm do na daoineibh a thug thu dhomh as an t-saoghal: bu leatsa iad, agus thug thu dhomh-sa iad; agus choimhid iad d'fhocal.

7 A nis thuig iad gur ann uait a tha na h-uile nithean, a thug thu dhomh-sa.

8 Oir thug mi dhoibh na briathran a thug thusa dhomh; agus ghabh siad iad, agus thuig iad gu fìrinneach gur ann uait-sa 'thàinig mi, agus chreid iad gu'n do chuir thu uait mi.

9 Air an sonsan tha mi 'guidhe: cha-n'eil mi 'guidhe air son an t-saoghail, ach air son na muinntir sin a thug thu dhomh, oir is leat-sa iad.

10 Agus is leatsa na h-uile nithean a's leamsa, agus is leamsa na nithean a's leatsa; agus tha mi air mo ghlòrachadh anna.

11 Agus a nis cha-n'eil mise ni's mò anns an t-saoghal, ach tha iadsan 's an t-saoghal, agus tha mise a' teachd a d'ionusuidh-sa. Athair naoinh, coimhid iadsan tre d'ainm, a thug thu dhomh-sa, chum gu'm bi iad 'n an aon, mar a tha sinne.

12 Am feadh 's a bha mise maille riu anns an t-saoghal, choimhid mi iad tre d'ainm-sa: ghléidh mi a' mhuinntir a thug thu dhomh, agus cha do chailleadh a h-aon diubh, ach mac an sgrìos; chum gu'm bith-eadh an sgrìobtur air a choimhlionadh.

13 Agus a nis tha mi 'teachd a d'ionnsuidh-sa; agus tha mi 'labhairt nan nithean so anns an t-saoghal, chum gu'm bitheadh mo ghairdeachas aca air a choimhlionadh anna.

14 Thug mi d'fhocal dhoibh; agus thug an saoghal fuath dhoibh, air son nach ann de'n t-saoghal iad, mar nach 'eil mise de'n t-saoghal.

15 Cha-n'eil mi 'guidhe gu'n tugadh tu as an t-saoghal iad, ach gu'n coimhreachadh tu o'n ole iad.

16 Cha-n'eil iadsan de'n t-saoghal, mar nach 'eil mise de'n t-saoghal.

17 Naomhaich iad troimh an fhìrinn: is e d'fhocal-sa an fhìrinn.

18 Mar a bhuir thusa mise chum an t-saoghail, mar siu chuir mise iadsan chum an t-saoghail.

19 Agus air an sonsan tha mise ga m' naomhachadh féin, chum gu'm bi iadsan



mar an ceudna air an naomhachadh troimh an fhìrinn.

20 Agus cha-n'eil mi 'guidhe air an sonsan a mhàin, ach mar an ceudna air son na muinntir sin a chreideas annam-sa troimh am focal-san :

21 Chum gu'm bi iad uile 'n an aon; chum mar a tha thusa, Athair, annam-sa, agus mise annad-sa, gu'm bi iadsan mar an ceudna 'n an aon annainne; chum gu'n creid an saoghal gu'n do chuir thusa uait mi.

22 Agus thug mise dhoibh-san a' ghloir a thug thusa dhomh-sa chum gu'm bi iad 'n an aon, mar tha sinne 'n ar n-aon;

23 Mise annta-san, agus thusa annam-sa, chum gu'n deanar coimhlionta iad ann an aon; agus a chum gu'm bi fios aig an t-saoghal gu'n do chuir thusa uait mi, agus gu'n do ghràdhaich thu iadsan, mar a ghràdhaich thu mise.

24 Athair, is àill leam an dream a thug thu dhomh, gu'm bi iad maille riom, far am bheil mi; chum gu'm faic iad mo ghloir a thug thu dhomh: oir ghràdhaich thusa mi mu'n do leagadh bunaitean an domhain.

25 Athair chothromaich, cha b'aithne do'n t-saoghal thusa; ach b'aithne dhomh-sa thu, agus thuig iad so gu'n do chuir thusa uait mi.

26 Agus dh'fhoillsich mise d'ainm dhoibh, agus foillsichidh mi e, chum gu'm bi an gràdh leis an do ghràdhaich thu mise, annta-san, agus mise annta.

## CAIB. XVIII.

1 *Bhrath Iudas Iosa.* 6 *Thuit na maoir sìos air an talamh.* 10 *Gheurr Peadar cluas Mhalchuis deth.* 12 *Ghlac na maoir Iosa.* agus thug iad gu Annas agus Caiaphas e. 15 *Aicheadh Pheadair.* 19 *Chaidh Criosd a cheasnachadh an làthair Chaiaphais.* 40 *Dh'arr na h-Iudhaich Barabas.*

**N**UAIR a labhair Iosa na briathran so, chaidh e maille r'a dheisciobluibh thairis air sruth Chedroin, far an robh fios, anns an deachaidh e féin agus a dheisciobuil.

2 Agus b'aithne do Iudas, a bhrath esan, an t-àit: oir thàinig Iosa gu tric an sin maille r'a dheisciobluibh.

3 An sin air do Iudas buidheann agus maoir fhaotainn o na h-àrd-shagartaibh agus na Phairisich, thàinig e do'n àit sin le leusaibh, agus lòchranabhaibh, agus armaibh.

4 Uime sin air do Iosa fios a bhi aige air na h-uile nithibh a bha gu teachd air, chaidh e mach, agus thubhairt e riu, Cò a tha sibh ag iarraidh?

5 Fhreagair iadsan e, Iosa o Nasaret. Thubhairt Iosa riu, Is mise e. Agus sheas mar an ceudna Iudas, a bhrath esan, maille riu.

6 An sin co luath 's a thubhairt e riu, Is mise e, chaidh iad air an ais, agus thuit iad air an làr.

7 An sin dh'fheòraich e dhiubh a ris, Cò a tha sibh ag iarraidh? Thubhairt iadsan, Iosa o Nasaret.

8 Fhreagair Iosa, Thubhairt mi ribh gur mise e. Uime sin ma's mise 'tha sibh ag iarraidh, leigibh leo sin falbh:

9 Chum gu'n coimhliontadh am focal a labhair e, An dream a thug thu dhomh, cha do chail mi aon diubh.

10 An sin air do Shimon Peadar claidheamh a bhi aige, tharruing se e, agus bhuail e òglach an àrd-shagairt, agus ghearr e a' chluas dheas deth. Agus b'e ainm an òglach Malchus.

11 An sin thubhairt Iosa ri Peadar, Cuir do chladheamh 's an truail: an cupan a thug m' Athair dhomh-sa, nach òl mi e?

12 An sin rug a' bhuidheann, agus an ceannard, agus maoir nan Iudhach air Iosa, agus cheangail iad e,

13 Agus thug iad leo e air tùs gu Annas; (oir b'esan athair-céile Chaiaphais, a bha 'n a àrd-shagart air a' bhliadhna sin.)

14 A nis b'e Caiaphas a thug comhairle do na h-Iudhaich, gu'm b'iomchuidh gu'm faigheadh aon duine bàs air son an t-sluaigh.

15 Agus lean Simon Peadar agus deisciobul eile Iosa. B'aithne do'n àrd-shagart an deisciobul sin, agus chaidh e steach maille ri Iosa do chùirt an àrd-shagairt.

16 Ach sheas Peadar aig an doras an leth muigh. Uime sin chaidh an deisciobul sin eile a b'aithne do'n àrd-shagart a mach, agus labhair e ris a' bhan-dorsair, agus thug e Peadar a steach.

17 An sin thubhairt a' bhanoglach a bha 'gleidheadh an doruis ri Peadar, Nach ann de dheisciobluibh an duine so thusa mar an ceudna? thubhairt esan, Cha-n ann.

18 Agus bha na seirbhisich agus na maoir 'n an seasamh, air dhoibh teine gail a chur suas, oir bha'm fuachd ann, agus bha iad 'g an garadh féin: agus bha Peadar 'n a sheasamh maille riu, agus 'g a gharadh féin.

19 An sin dh'fhiosraich an t-àrd-shagart de Iosa mu thimchioll a dheisciobul, agus mu thimchioll a theagaisg.

20 Fhreagair Iosa e, Labhair mise gu follaiseach ris an t-saoghal; theagaisg mi a ghnàth anns an t-sionagag, agus anns an teampull, far am bheil na h-Iudhaich a' cruinneachadh as gach àit; agus 'am folach cha do labhair mi ni air bith.

21 C'ar son a tha thu a' fiosrachadh dhiomsa? Fiosraich dhiubh-san a chuala, ciod a thubhairt mi riu: feuch, tha fhios aca-san ciod a thubhairt mi.

22 Agus an uair a thubhairt e na nithean so, bhuail aon de na maoraibh, a bha 'n a sheasamh a làthair, a bhas air Iosa, ag ràdh, An ann mar so a fhireagras tu an t-àrd-shagart?

23 Fhreagair Iosa e, Ma labhair mi gu

h-ole, dean fianuis air an ole: ach ma's ann gu maith, c'ar sonathathu ga m' bhualadh?

24 (A nis chuir Annas e ceangailte gu Caiaphas an t-àrd-shagart.)

25 Agus bha Simon Peadar 'n a sheasamh agus 'g a gharadh: Uime sin thubhairt iad ris, Nach aon d'a dheisciobluibh thusa mar an ceudna? Dh'àicheadh esan, agus thubhairt e, cha mhi.

26 Thubhairt aon de sheirbhisich an àrd-shagairt, (caraid do'n fhear de'n do ghearr Peadar a chluas,) Nach faca uise thu 's an lios maille ris?

27 An sin dh'àicheadh Peadar a ris, agus 'ar ball ghoir an coileach.

28 Au sin thug iad Iosa o Chaiaphas gu àit a' bhreitheanais: agus b'i a' mhaduinn a bh'ann, agus cha deachaidh iad féin do àit a' bhreitheanais, chum nach bitheadh iad air au salachadh; ach gu'n itheadh iad a' chàisg.

29 An sin chaidh Pilat a mach d'an ionn-suidh-san, agus thubhairt e, Ciod a' chasaid a tha sibh a' toirt an aghaidh an duine so?

30 Fhreagair iadsan agus thubhairt iad ris, Mur b'fhear droch-bheirt e, cha tuga-  
maid thairis dhuitse e.

31 An sin thubhairt Pilat riu, Gabhaibhse e, agus thugaibh breth air a réir blur lagha féin. An sin thubhairt na h-Iudhaich ris, Cha-n'eil e ceaduichte dhuinne neach air bith a chur gu bàs:

32 Chum gu'm bitheadh focal Iosa air a choimhlionadh, a labhair e, a' ciallachadh ciod a' ghlè bàis a bha e gu fhaotainn.

33 An sin chaidh Pilat a steach a ris do àit a' bhreitheanais, agus ghairm e Iosa, agus thubhairt e ris, An tusa Rìgh nan Iudhach?

34 Fhreagair Iosa e, Am bheil thu ag ràdh so uait féin, no au d'innis daoine eile dhuit e mu m' thimcheoil-sa?

35 Fhreagair Pilat, An Iudhach mise? Thug do chinneach féin, agus na h-àrd-shagartan thairis dhomh-sa thu: ciod a rinn thu?

36 Fhreagair Iosa, Cha-n ann de'n t-saoghal so tha mo rìoghachd-sa: nam b'ann de'n t-saoghal so blitheadh mo rìoghachd, dheanadh mo sheirbhisich cogadh, chum nach tugtadh thairis do na h-Iudhaich mi: ach a nis cha-n ann o so tha mo rìoghachd.

37 Air an aobhar sin thubhairt Pilat ris, An rìgh thu ma seadh? Fhreagair Iosa, Thubhairt thusa gur rìgh mi. 'S ann chum na crìche so a rugadh mi, agus chum na crìche so thàinig mi do'n t-saoghal, chum gu'n deannainn fianuis do'n fhìrinn. Gaeh neach a tha air taobh na fìrinn, éisdidh e ri m' ghuth-sa.

38 Thubhairt Pilat ris, Ciod i an fhìrinn? Agus air dha so a ràdh, chaidh e mach a

ris chum nan Iudhach, agus thubhairt e riu, Cha-n'eil mise a' faotainn coire air bith ann.

39 Ach tha gnàth agaibhse, gu'n leiginn as duine dhuibh air a' chàisg: uime sin an àill leibh mi a leigeadh rìgh nan Iudhach fa sgaoil duibh?

40 An sin ghlaodh iadsan uile, ag ràdh, Cha-n e an duine so, ach Barabas. A nis b'fhear-reubainn a bha ann am Barabas.

## CAIB. XIX.

1 Chaidh Crìosd a sgiùrsadh, a chrùnadh le droighinn, agus a bhualadh. 4 Bha Pilat togarrach a leigeadh fa sgaoil, ach air dha 'bhi air aomadh le gairich nan Iudhach, thug e thairis e gu 'bhi air a cheusadh. 23 Thly iad cròinn air 'eudach: 26 Dh'earb esan a mhàthair ri Eoin: 28 Fhuair e bàs: 38 Dh'adhlac Ioseph agus Nicodemus e.

**A**N sin air an aobhar sin ghlac Pilat Iosa, agus sgiùrs se e.

2 Agus dh'fhligh na saighdearan crùn droighinn, agus chuir iad air a cheann e, agus chuir iad falluinn phurpur uime,

3 Agus thubhairt iad, Fàilte ort, a rìgh nan Iudhach! agus bhuail iad le'm bas-aibh e.

4 An sin chaidh Pilat a mach a ris, agus thubhairt e riu, Feuch, tha mise 'g a thoirt a mach do 'ur n-ionnsuidh, chum gu'm bi fios agaibh nach 'eil mise 'faotainn coire sam bith ann.

5 An sin thàinig Iosa mach, agus an crùn droighinn air, agus an fhalluinn phurpur uime. Agus thubhairt Pilat riu, Feuch an duine!

6 Uime sin, an uair a chunnaic na h-àrd-shagartan agus na maoir e, ghlaodh iad, ag ràdh, Ceus e, ceus e. Thubhairt Pilat riu, Gabhaibhse e, agus ceusaibh e: oir cha-n'eil mise a' faotainn coire sam bith ann.

7 Fhreagair na h-Iudhaich e, Tha lagh againne, agus a réir ar lagha-ne is còir a chur gu bàs, air son gu'n d'rinn e Mac Dhé dheth féin.

8 Uime sin an uair a chuala Pilat a' chainnt sin, bu mhòid a bha dh'cagal air;

9 Agus chaidh e steach a ris do àit a' bhreitheanais, agus thubhairt e ri Iosa, Cia as duit? ach cha d'thug Iosa freagradh air.

10 An sin thubhairt Pilat ris, Nach labhair thu riumsa? nach 'eil fhios agad gu bheil cumhachd agam-sa do cheusadh, agus gu bheil cumhachd agam do chur fa sgaoil?

11 Fhreagair Iosa, Cha bhitheadh cumhachd air bith agad a'm' aghaidh-sa, mur tugtadh dhuit o'n àird e: air an aobhar sin an ti a thug mise thairis dhuit, tha aige-san am peacadh a's mò.

12 Agus o sin suas dh'iarr Pilat a chur fa sgaoil: ach ghlaodh na h-Iudhaich, ag ràdh, Ma leigas tu an fear so fa sgaoil, cha charaid do Cheasar thu: ge b'e neach a



tha 'g a dheanamh fèin 'n a rìgh, tha e 'labhairt an aghaidh Cheasair.

13 Uime sin an uair a chuaidh Pilat a' chainnt sin, thug e mach Iosa, agus shuidh e air a' chaithir-bhreitheanais, anns an ionad ris an abrar an Leac-ùrlar, ach anns an Eabhra, Gabata.

14 Agus b'e là-ulluchaidh na càisge e, agus mu thimchioll na seathamh uaire: agus thubhairt e ris na h-Iudhaich, Feuch bhuir rìgh!

15 Ach ghlaodh iadsan a mach, Beir uaimn, beir uaimn, ceus c. Thubhairt Pilat ri, An ceus mi bhuir rìgh? Fhreagair na h-àrd-shagartan, Cha-n'eil rìgh againne ach Cèasar.

16 An sin air an aobhar sin thug e thairis dhoibh e, gu 'bhi air a cheusadh. Agus ghlac iad Iosa, agus thug iad leo e.

17 Agus chaidh e mach, a' giùlan a chroinn-cheusaidh, do'n ionad d'an goirear àit a' chloigium, d'an ainm 's an Eabhra, Golgota.

18 An sin cheus iad e, agus dithis eile maille ris, fear air gach taobh, agus Iosa 's a' mheadhon.

19 Agus rinn Pilat mar an ceudna sgrìobhadh, agus chuir e air a' chrann-cheusaidh e. Agus b'e an sgrìobhadh, IOSA O NASARET RÌGH NAN IUDHACH.

20 Uime sin leugh mòran de na h-Iudhaich an sgrìobhadh so: oir bha'n t-àit anns an do cheusadh Iosa agus do'n bhaile: agus bha an sgrìobhadh 'an Eabhra, 'an Greugais, agus 'an Laidin.

21 An sin thubhairt àrd-shagartan nan Iudhach ri Pilat, Na sgrìobh, Rìgh nan Iudhach; ach gu'n dubhairt e fèin, Is mi rìgh nan Iudhach.

22 Fhreagair Pilat, An ui a sgrìobh mi, sgrìobh mi e.

23 An sin an uair a cheus na saighdearan Iosa, ghlac iad a thrusgan, (agus rinn iad ceithir earrannan, earrann do gach saighdear,) agus a' chòta mar an ceudna: agus bha'n còta gun fhuaigheal, air fhligheadh o 'bhràigh sìos gu h-ìomlan.

24 Thubhairt iad uime sin eatorra fèin, Na reubamaid e, ach tilgeamaid croinn air, cò aig a bhitheas e: chum gu'n coimhliontadh an sgrìobtuir, a tha 'g ràdh, Roinn iad mo thrusgan eatorra, agus thilg iad croinn air mo bhrat. Air an aobhar sin rinu na saighdearan na nithean so.

25 A nis sheas lèimh ri crann-ceusaidh Iosa, a mhàthair, agus piuthar a mhàthar, Muire bean Chleophais, agus Muire Magdalen.

26 Uime sin an uair a chunnaic Iosa a mhàthair, agus an deisciobul a b'ionmhuinn leis 'n a sheasamh a làthair, thubhairt e r'a mhàthair, A bhean, feuch do mhac!

27 An sin thubhairt e ris an deisciobul, Feuch do mhàthair! Agus o'n àm sin a

mach thug an deisciobul sin leis i d'a thigh fèin.

28 An déigh so air do Iosa fios a bhi aige gu'n robh na h-uile nithean a nis air an crìochnachadh, chum gu'n coimhliontadh an sgrìobtuir, thubhairt e, Tha tart orm.

29 A nis bha an sin soitheach làn de fhiona géur: agus air dhiobh-san spong a lionadh leis an fàion gheur, agus a chur air hisop, shìn iad chum a bheoil e.

30 An sin an uair a ghabh Iosa am fion gheur, thubhairt e, Tha e crìochnachte: agus air cromadh a chinn da, thug e suas a spiorad.

31 An sin chum nach faodadh na cuirp air a' chrann-cheusaidh air an t-sàbaid, a chionn gu'm b'e là an ullachaidh a bha ann, (oir bu là mòr an là sàbaid sin,) dh'iarr na h-Iudhaich air Pilat gu'n rachadh an luirg-nean a bhriseadh, agus gu'n tugtadh air falbh iad.

32 An sin thàinig na saighdearan, agus bhris iad luirg-nean a' cheud fhir, agus luirg-ne an dara fir, a cheusadh maille ris.

33 Ach air dhoibh teachd chum Iosa, an uair a chunnaic iad gu'n robh e cheana marbh, cha do bhris iad a luirg-ne-san.

34 Ach lot fear de na saighdearaibh a thaobh le sleagh, agus air ball thàinig a mach fuil agus uisge.

35 Agus thug an tì a chunnaic sin fianuis, agus tha 'fianuis fìrinneach: agus tha fhios aige gu bheil e 'labhairt ua fìrinn, chum gu'n creideadh sibhse.

36 Oir rinneadh na nithean so chum gu'n coimhliontadh an sgrìobtuir, Cha bhrisear cnàimh dhet.

37 Agus a ris tha sgrìobtuir eile ag ràdh, Amhaireidh iad a'rsan a lot iad.

38 'N a dhéigh so, dh'iarr Ioseph o Arimatea, (a bha 'n a dheisciobul aig Iosa, ach 'am folach air eagal nan Iudhach,) air Pilat comas corp Iosa a thoirt leis: agus leig Pilat sin leis. Thàinig e air an aobhar sin, agus thug e leis corp Iosa.

39 Thàinig mar an ceudna Nicodemus, (a thàinig air tùs gu Iosa 's an oidhe,) agus thug e leis mu thimchioll ceud pund de mhirr agus de aloes air am measgadh feadh a chéile.

40 An sin ghabh iad corp Iosa, agus cheangail iad e ann an lion-eudaichibh, maille ris an spìosraidh, mar is gnàth leis na h-Iudhaich adhlac a dheanamh.

41 A nis bha lios anns an àite 's an do cheusadh e; agus anns an lios uaigh nuadh, anns nach do chuireadh aon duine rianh.

42 Air an aobhar sin air son ullachaidh càisge nan Iudhach, do bhrìgh gu'n robh an uaigh an fagus, chuir iad Iosa an sin.

## CAIB. XX.

1 Thàinig Muire chum na h-uaghe ; 3 agus Peadar agus Eoin, agus iad gun fhios aca air aiseirigh Chrìosd. 14 Dh'fhoillsicheadh Crìosd do Mhuire Magdalen, 19 agus d'a dheisciobluibh. 24 Mi-chreidimh agus aid-mheil Thomais. 30 Tha an sgrìobtuir fogh-aiteach chum slainte.

A IR a' cheud là de'n t-seachdnin thàinig A Mhuire Magdalen gn moeh, agus an dorcheadas fathast ann, chum na h-uaghe, agus chunnaic i a' chlach air a togail o'n uagha.

2 Ruith i an sin, agus thàinig i gn Simon Peadar, agus gus an deisciobul eile a b'ion-mhuinn le Iosa, agus thubhairt i riu, Thug iad leo an Tighearn as an uagha, agus chan-eil fhios againn c'ait an do chuir iad e.

3 Uime sin chaidh Peadar a mach, agus an deisciobul sin eile, agus thàinig iad chum na h-uaghe.

4 Agus rnith iad 'n an dithis cuideachd: agus ruith an deisciobul eile ni bn lnaithle na Peadar, agus thàinig e air tùs chum na h-uaghe.

5 Agus air cromadh sìos da, chunnaic e'n lion-eudach 'n a luidhe; gidheadh cha deachaidh e steach.

6 An sin thàinig Simon Peadar 'g a leant-uinn, agus chaidh e steach do'n uagha, agus chunnaic e'n lion-eudach 'n a luidhe;

7 Agus an neapaicn a bha m'a cheann, cha-n ann 'n a luidhe maille ris an lion-eudach, ach air leth air 'fhillleadh ann an aon àit.

8 An sin chaidh a steach mar an ceudna an deisciobul sin eile a thàinig air tùs chum na h-uaghe, agus chunnaic, agus chreid e.

9 Oir cha do thuig iad fathast an sgrìobtuir, gu'm b'èigin gu'n èireadh esan a rìs o na maibh.

10 An sin dh'imich na deisciobuil a rìs chum an cnideachd féin.

11 Ach sheas Muire aig an uagha muigh, a' gul: agus ag gul di chom i sìos, *ag amharc* a steach do'n uagha,

12 Agus chunnaic i dà aingeal ann an *culaidhibh* geala, 'n an snidhe, fear aig a' cheann, agus fear aig na cosaibh, 's an àite 's an robh corp Iosa 'n a luidhe;

13 Agus thubhairt iadsan rithe, A bhean, c'ar son a tha thu 'gul? Thubhairt i riu, Air son gu'n d'thug iad mo Thighearn leo, agus nach 'eil fhios agam c'ait an do chuir iad e.

14 Agus an uair a thubhairt i so, phill i air a h-ais, agus chunnaic i Iosa 'n a sheasamh, agus cha d'aithnich i gu'm b'e Iosa 'bha ann.

15 Thubhairt Iosa rithe, A bhean, c'ar son a tha thu 'gul? co 'tha thu 'g iarraidh? air saòillsinn d'ise gu'm b'e an garadair a bh'ann, thubhairt i ris, A thighearna, ma thug

thusa leat e, innis dhomh-sa c'ait an do chuir thu e, agus bheir mise leam e.

16 Thubhairt Iosa rithe, A Mhuire. Air tionndadh dh'ise, thubhairt i ris, Rabboni, 's e sin r'a ràdh, A Mhaighistir.

17 Thubhairt Iosa rithe, Na bean rium; oir cha deachaidh mi fathast suas chum m'Athar: ach imich chum mo bhràithrean, agus abair riu, Tha mise 'dol suas chum m'Athar féin agus bhur n-Athar-se, agus chum mo Dhé féin agus bhur Dé-se.

18 Thàinig Muire Magdalen agus dh'innis i do na deisciobluibh, gu'm fac i an Tighearn, agus gu'n dubhairt e na nithean so rithe.

19 Agus air teachd do'n fheasgar an là sin féin, air a' cheud là de'n t-seachduin, agus na dorsan dùinte far an robh na deisciobuil cruinn air eagal nan Iudhach, thàinig Iosa agus sheas e 's a' mheadhon, agus thubhairt e riu, Sìth dhuibh.

20 Agns air dha so a ràdh, nochd e dhoibh a làmhnan agus a thaobh. An sin bha aoibhneas air na deisciobluibh au uair a chunnai e iad an Tighearn.

21 An sin thubhairt Iosa riu a rìs, Sìth dhuibh: mar a chnir an t-Athair uath mise, mar sin tha mise 'g' ur cur-se uam.

22 Agus air dha so a ràdh, shéid e orra, agns thubhairt e riu, Gabhaibh-se an Spiorad naomh.

23 Cò air bith iad d'am maith sibh am peacaidhean, tha iad maithte dhoibh; agus cò air bith iad d'an cum sibh am *peacaidhean gun am maitheadh*, tha iad air an cumail.

24 Ach cha robh Tomas, aon de'n dà fhear dheng, d'an goirear Didimns, maille riu, 'n uair a thàinig Iosa.

25 Uime sin thubhairt na deisciobuil eile ris, Chunnaic sinne an Tighearn. Ach thubhairt esan rin, Mnr faic mise aileadh nan tairngeau 'n a làmhnan, agus mur cuir mi mo mhèur ann an aileadh uan tairngean, agus mur cuir mi mo làmh 'n a thaobh, cha chreid mi.

26 Agus 'an ceann oehd làitheau 'n a dhéigh sin, bha a dheisciobuil a rìs a stigh, agus Tomas maille riu: thàinig Iosa, agus na dorsan dùinte, agus sheas e 's a' mheadhon, agus thubhairt e, Sìth dhuibh.

27 'N a dhéigh sin thubhairt e ri Tomas, Cuir an so do mhèur, agus fench mo làmhnan; agus sin an so do làmh, agus cuir a'm' thaobh i: agns na bi mi-chreidmheach, ach creidmheach.

28 Agus fhreagair Tomas, agus thubhairt e ris, Mo Thighearn' agus mo Dhià.

29 Thubhairt Iosa ris, Air son gu faca tn mi, a Thomais, chreid thu: is beannaichte iadsan nach faca, agus a chreid.

30 Agus rinn Iosa gu fìrinneach mòran de mliorbhuiibh eile 'am fianais a dheisciobul nach 'eil sgrìobhta 's an leabhar so.



31 Ach tha iad so sgrìobhta, chum gu'n creideadh sibh gur e Iosa an Crìosd Mac Dhé, agus ag creidsinn duibh, gu'm bith-eadh agaibh beatha troimh 'ainm-san.

## CAIB. XXI.

1 *Dh'fhoillsich Crìosd e féin a ris d'a dheisciobluibh, agus dh'aithnheadh leo e leis an tarruing mhór éisg: 12 Ghabh e a dhinneir maille ri: 15 thug e sparradh do Pheadar 'uain agus a chaoraich a bhìadhadh; 18 roimh-innis e a bhàs dha, 22 chronuich se e air son a thograidh air fìos fhaotainn mu bhàs Eoin. 25 Comhdhùnaidh an leabhair.*

**A**N déigh nan nithean sin dh'fhoillsich Iosa e féin a ris d'a dheisciobluibh aig muir Thiberiais; agus air an dòigh so nochd se e féin.

2 Bha maille r'a chéile Simon Peadar, agus Tomas d'an goirear Didimus, agus Natanael o Chàna Ghalile, agus mic Shebede, agus dithis eile d'a dheisciobluibh.

3 Thubhairt Simon Peadar riu, Tha mi 'dol a dh'iasgach. Thubhairt iadsan ris, Tha sinne a' dol maille riut. Dh'imich iad a mach, agus chaidh iad a steach do luing air ball; agus cha do ghlac iad ni air bith an oidhe sin.

4 Ach an uair a bha a' mhaduinn a nis air teachd, sheas Iosa air an tràigh: gidheadh cha robh fhios aig na deisciobluibh gu'm b'e Iosa 'bha ann.

5 An sin thubhairt Iosa riu, A chlann, am bheil biadh air bith agaibh? Fhreagair iadsan e, Cha-n'eil.

6 Agus thubhairt esan riu, Tilgibh an lìon air an taobh deas d'ne luing, agus gheibh sibh. Thilg iad uime sin, agus a nis cha b'urrainn iad a tharruing air son lìonmhoir-cachd an éisg.

7 Uime sin thubhairt an deisciobul sin, a b'ionmhuinn le Iosa, ri Peadar, Is e'n Tigh-earn a th' ann. A nis an uair a chuala Simon Peadar gur e 'n Tighearn a bh'ann, cheangail e a chòt-nachdair uime, (oir bha e lomnochd,) agus thilg se e féin 's a' mhuir.

8 Thàinig na deisciobuil eile ann an luing bhig; (oir cha robh iad fada o thìr, ach mu thimchioll dà cheud lāmh-choille,) a' tarruing an lìn éisg.

9 Uime sin an uair a thàinig iad air tìr, chunnaic iad grìosach an sin, agus iasg air a chur oirre, agus aran.

10 Thubhairt Iosa riu, Thugaibh an so de'n iasg a ghlac sibh a nis.

11 Chaidh Simon Peadar suas, agus tharruing e an lìon gu tìr, làn a dh'iasgaibh mòra, ceud agus leth-cheud agus trì: agus ged bha'n uiread sin ann, cha do bhriseadh an lìon.

12 Thubhairt Iosa riu, Thigibh, gabhaibh bhur dìnnear. Agus cha robh a chridhe aig a h-aon de na deisciobluibh fheòraich dheth, Cò thusa? oir dh'aithnich iad gur e an Tighearn a bha ann.

13 An sin thàinig Iosa, agus ghlac e aran, agus thug e dhoibh e, agus iasg mar an ceudna.

14 Is i so a nis an treas uair a nochd Iosa e féin d'a dheisciobluibh, an déigh dha éirigh o na mairbh.

15 An sin an déigh dhoibh an dinneir a ghabhail, thubhairt Iosa ri Simon Peadar, A Shimoin *mhic* Ionais, am bheil barrachd gràidh agad dhomh-sa orra sin? Thubhairt e ris, Tha, a Thighearna; tha fios agad gur toigh leam thu. Thubhairt e ris, Beathaich m'uain.

16 Thubhairt e ris a ris an dara uair, A Shimoin *mhic* Ionais, an toigh leat mise? Thubhairt e ris, Seadh, a Thighearna; tha fios agad gur toigh leam thu. Thubhairt e ris, Beathaich mo chaoraich.

17 Thubhairt e ris an treas uair, A Shimoin *mhic* Ionais, an toigh leat mise? Bha Peadar doilich a chionn gu'n dubhairt e ris an treas uair, An toigh leat mise? Agus thubhairt e ris, A Thighearna, is aithne dhuit na h-uile nithean; tha fhios agad gur toigh leam thu. Thubhairt Iosa ris, Beathaich mo chaoraich.

18 Gu deimhin deimhin tha mi ag ràdh riut, an uair a bha thu òg, chrìoslaich thu thu féin, agus dh'imich thu an taobh 'bu mhiann leat: ach an uair a bhlitheas tu aosmhor, sinidh tu mach do lāmhan, agus crìoslaichidh neach eile thu, agus bheir e thu an taobh nach àill leat.

19 So thubhairt e, a' ciallachadh ciod a' ghnè bàis leis an tugadh e glòir do Dhia. Agus air dha so a ràdh, thubhairt e ris, Lean mise.

20 An sin air do Pheadar tionndadh, chunnaic e an deisciobul a b'ionmhuinn le Iosa, a' leantuinn; an ti mar an ceudna a luidh air uchd Iosa aig a shuipeir, agus a thubhairt ris, A Thighearna, cò e a bhrathas thu?

21 Air do Pheadar esan fhaicinn, thubhairt e ri Iosa, A Thighearna, ciod a ni am fear so?

22 Thubhairt Iosa ris, Ma's àill leam-sa e 'dh'fhantuinn gus an tig mi, ciod e sin duitse? Lean thusa mise.

23 Uime sin chaidh an ràdh so mach am measg nam bràithrean nach faigheadh an deisciobul sin bàs: gidheadh cha dubhairt Iosa ris, nach faigheadh e bàs: ach, Ma's i mo thoil-sa e 'dh'fhantuinn gus an tig mi, ciod e sin duitse?

24 Is e so an deisciobul a tha 'deanamh fianuis air na nithibh so, agus a sgrìobh na nithean so: agus tha fhios againne gu bheil 'fhiannais fìor.

25 Agus tha mar an ceudna mòran de nithibh eile a rinn Iosa, agus nam bitheadh iad uile sgrìobhta, is i mo bharail nach cumadh an saoghal féin na rachadh a sgrìobhadh de leabhraichibh. Amen.

# A B S T O L.

## CAIB. I.

1 *Dol suas Iosa gu nèamh, 10 an déigh a dh'ol suas thug dà aingeal rabhadh do na h-abstol-aibh iad a dh'imeachd rompa, agus a shocrachadh an inntinn air 'ath-theachd-san: 12 a réir sin phill iad, agus rinn iad urnuigh, agus thagh iad Matias gu bhí 'n a Abstol 'an àit Iudais.*

**R**INN mi an ceud leabhar, a Theophil-uis, mu thimchioll nan uile nithean a thòisich Iosa air a dheanamh agus a theag-  
asg,

2 Gus an là 's an do thogadh suas e, an déigh dha, troimh an Spiorad Naomh, àith-eantana a thoirt do na h-abstolaibh a thagh e:

3 D'an d'rinn e mar an ceudna e féin a nochdadh beò an déigh 'fhulangais, le mòran de chomharaibh fìrinneach, air dha 'bhi air 'fhaicinn leo feadh dhà fhichead là, agus e 'labhairt mu na nithibh sin a bhuin-eadh do rìoghachd Dhé:

4 Agus air dha 'bhi maille riu, dh'àithn e dhoibh gun iad a dh'ol o Ierusalem, ach feitheamh ri gealladh an Athar, *ars' esan*, a chuala sibh uam-sa.

5 Oir bhaist Eoin gu deimhin le uisge: ach baistear sibhse leis an Spiorad naomh, air bheag de làithibh an déigh so.

6 Uime sin an uair a chruinnich iad 'an ceann a chéile, dh'fheadraich iad deth, ag ràdh, A Thighearn', an aigis tùs 's an àm so an rìoghachd do Israel?

7 Ach thubhairt esan riu, Cha bhuin e dhuibhse fios nan aimsir no nan àm fhaot-aim, a chuir an t-Athair 'n a chumhachd féin.

8 Ach gheibh sibhse cumhachd an uair a thig an Spiorad naomh oirbh: agus bithidh sibh 'n 'ur fianuisibh dhomh-sa, araon ann an Ierusalem, agus ann an Iudea uile, agus ann an Samaria, agus gu iomall na tal-  
mhainn.

9 Agus an uair a thubhairt e na nithean so, thogadh suas e, agus iadsan 'g a fhaicinn; agus thug neul as sealladh e.

10 Agus am feadh a bha iadsan a' geur-amharc gu nèamh, agus esan a' dol suas, feuch, sheas dithis fhear làimh riu ann an eudach geal;

11 Agus thubhairt iad, Fheara Ghalile, c'ar son a tha sibh 'n 'ur seasamh ag amharc gu nèamh? An t-Iosa so a thogadh suas uaibh gu nèamh, is amhuil sin a thig e, mar a chunnaic sibh e a' dol gu nèamh.

12 An sin phill iad gu Ierusalem, o' t-sliabh ris an abrar *sliabh* nan crann-oladh, a tha'm fagus do Ierusalem, astar là sàb-aid as.

13 Agus an uair a thàinig iad a stigh, chaidh iad suas do sheòmar uachdarach, far an robh a' fantnìan Peadar, agus Seumas, agus Eoin, agus Aindreas, Philip agus Tomas, Bartolomeus, agus Mata, Seumas *mac Alpheus*, agus Simon Sclotes, agus Iudas bràthair Sheumais.

14 Bhuanaich iad so uile a dh'aon inntinn ann an urnuigh, [agus 'an gnidhe,] maille ris na màibh, agus Muire màthair Iosa, agus maille r'a bhràithribh.

15 Agus anns na làithibh sin dh'éirich Peadar ann am meadhan nan deisciobul, agus thubhairt e, (b'e àireamh nan ainm a bha làthair, mu thimchioll ceud agus fichead.)

16 Fheara *agus* a bhràithre, b'éigin an sgriobtuir so bhi air a choimhlionadh, a roimh-labhair an Spiorad naomh le beul Dhaibhidh timchioll Iudais, a bha 'n a cheann-iuil aca-san a ghlac Iosa.

17 Oir bha e air àireamh maille ruinne, agus fhuair e cuibhrionn de'n fhrithealachd so.

18 A nis cheannaich am fear so fearann le duais na h-eucorach; agus air dha tuitcam sìos air 'aghaidh, sgàin e 's a' mhèadhon, agus bhrùchd a mhìonach uile mach.

19 Agus rinneadh so aithnichte do luchd-àiteachaidh Ierusalem uile; air chor as gu'n abrar ris an fhearann sin 'n an càinnt féin, Aceldama, sin ri ràdh, Fearann fola.

20 Oir tha e sgriobhta ann an leabhar nan Salm, Bitheadh 'àite-còmhnuidh 'n a fhàs-ach, agus na gabhadh neach sam bith tàmh ann: agus, Glacadh neach cile a dhreuchd.

21 Air an aobhar sin is còir aon de na daoineibh sin a bha maille ruinne, ré na h-aimsir *sin* uile anns an deachaidh an Tighearn Iosa steach agus a mach 'n ar measg-ne,

22 A' tòiseachadh o bhaisteadh Eoin, gus an là 's an do thogadh suas uainn e, 'bhi air a dheanamh 'n a fhianuis air 'aiseirigh-san maille ruinne.

23 Agus shonraich iad dithis, Ioseph ris an abrar Barsabas, d'am bu cho-ainm Iustus agus Matias.

24 Agus rinn iad urnnigh, agus thubhairt iad, Thusa a Thighearna d'an aithne cridh-



eachan nan uile dhaoine, foillsich cò de'n dithis so a thagh thu,

25 A ghabhail cuibhriinn de'n fhrithealadh agus de'n abstolachd so, o'n do thuit Iudas le seacharan, gu dol d'a àite féin.

26 Agus thilg iad an crannchur; agus thuit an crannchur air Matias; agus bha e air àireamh maille ris an aon abstol deug.

### CAIB. II.

1 *Lìonadh na h-abstoil leis an Spiorad naomh, agus labhair iad iomadh gnè cainte; 7 ghabh cuid iongantais ri u. agus rinn cuid eile fanoid orra: 14 Nochd Peadar gu'n do labhair na h-abstoil le cumhachd an Spioraid naomh, gu'n d'èirich Crìosd o na marbhaibh, agus gu'n deachaidh e suas air nèamh, &c.*

**A**GUS an uair a thàinig là na cuingis, bha iad gu léir a dh'aon inntinn ann an aon àit.

2 Agus thàinig gu h-obann toirm o nèamh, mar shéideadh gaoithe ro thréin, agus lion i an tigh uile far an robh iad 'n an suidhe.

3 Agus dh'fhoillsicheadh dhoibh teangan sgoilte, mar de theinne, agus shuidh e air gach aon diubh fa leth:

4 Agus lìonadh iad uile leis an Spiorad naomh, agus thòisich iad air labhairt le teangaibh eile, a réir mar a thug an Spiorad comas labhairt dhoibh.

5 Agus bha a' gabhail còmhnuidh ann an Ierusalem, Iudhaich, daoine cràbhach, de gach uile chinneach fo nèamh.

6 A nis an uair a sgaoleadh an t-ìomradh so, thàinig an sluagh an ceann a chèile, agus bha iad fo amhladh, do bhrìgh gu'n cuala gach aon iad a' labhairt 'n a chànan féin.

7 Agus bha iad uile fo uamhas agus ghabh iad iongantais, ag ràdh r'a chèile, Feuch, nach Galiléich iad sin uile a tha 'labhairt?

8 Agus cionnus a tha sinne 'g an cluinntinn gach aon 'n an cànan féin, anns an d'rugadh sinn?

9 Partaich, agus Medich, agus Elamaich, agus luchd-àiteachaidh Mhesopotamia, Iudea, agus Chapadocia, Phontuis, agus Asia,

10 Phrìgia, agus Phamphilia, na h-Eiphit, agus chrìoch na Libia timchioll Chirene, agus coigrich o'n Ròimh, Iudhaich agus Proselitich,

11 Muinntir Chrete, agus Arabia, tha sinn 'g an cluinntinn a' labhairt 'n an teangaibh féin gnìomharan mòralach Dhé.

12 Agus bha iad uile fo uamhas, agus ann an ioma-chomhairle, ag ràdh gach aon r'a chèile, Ciod a's ciall da so?

13 Ach thubhairt dream eile a' fanoid, Tha na daoine so làn de fhìon ùr.

14 Ach air seasamh do Pheadar maille ris an aon fhear deug, thog e a ghuth, agus thubhairt c' ri u, Fheara Iudea, agus sibhse uile a luchd-àiteachaidh Ierusalem, bith-

eadh fios so agaibh, agus éisdibh ri m' bhrìathraibh-sa:

15 Oir cha-n'eil iad so air mhìsg, mar tha sibhse a' meas, oir is i an treas uair de'n là a tha ann.

16 Ach is e so an nì a chaidh a labhairt leis an fhàidh Ioel:

17 Agus tarlaidh anns na làithibh deircannach, (arsa Dia,) dòirtidh mise de m' Spiorad air gach uile fheoil; agus nì bhuir mic agus bhuir nigheanan fàidheadaireachd, agus chi bhuir n-òganaich seallannan, agus brudardaidh bhuir seann daoine brudaran:

18 Agus dòirtidh mise air m'òglaich, agus air mo bhanoglaich de m' Spiorad anns na làithibh sin; agus nì iad fàidheadaireachd:

19 Agus nochdaidh mise iongantais anns na nèamhan shuas, agus comharan air an talamh a bhos; fuil, agus teine, agus duibhean deataich.

20 Iompaichear a' ghrian gu dorchadas, agus a' ghlicalach gu fuil, mu'n tig là mòr agus comharaichte sin an Tighearna:

21 Agus tarlaidh, ge b'e neach a ghairmeas air ainm an Tighearna, gu'n tèarnar e.

22 Fheara Israeil, éisdibh ris na briathraibh so: Iosa o Nasaret, duine a dhearbhadh le Dia 'n ur measg-sa, le cumhachdaibh agus le mìorbhuilbhaibh agus le comharaibh, a rinn Dia leis-san 'n ur meadhon-sa, mar tha fhios agaibh féin;

23 An duine so, a thugadh thairis le comhairle chinntich agus roimh-eòlas Dhé, ghlac sibhse, agus le lànhan dhroch dhaoine cheus agus mìharbh sibh e:

24 Neach a thog Dia suas, air dha piantan a' bhàis fhuasgladh; do bhrìgh nach robh e'n comas gu'n cumtadh esau leis:

25 Oir thubhairt Daibhidh m'a thimchioll, Chunnaic mi an Tighearn romham a ghnàth; oir tha e aig mo dheas làimh, chum nach gluasteadh mi.

26 Air an aobhar so rinn mo chridhe gairdeachas, agus rinn mo theaghadh aoibhneas: tuilleadh fòs, gabhaidh m'fheoil còmhnuidh fhoisneach ann an dòchas:

27 Do bhrìgh nach fag thu m'anam shìos 's an uaigh, nì mò a dh'fhuilingeas tu do d' naomh Aon féin gu'm faic e truaillidheachd.

28 Dh'fhoillsich thu dhomh-sa slighean na beatha; lìonaidh tu mi de shubhachas le d' ghnùis.

29 Fheara agus a bhràithre, leigibh leam-sa labhairt gu dàna ribh mu'n phrìomhathair Daibhidh, araon gu'n d'fhuair e bàs, agus gu'n d'adhlacaidh e, agus gu bheil 'uaigh maille ruinne gus an là 'n diugh:

30 Air an aobhar sin air dha bhith 'n a fhàidh, agus fiosrach gu'n do mhionnaich Dia le mìonnaibh dha, de thoradh a leasraidh, [a réir na feòla, gu'n togadh e suas Crìosd,] gu suidhe air a rìgh-chaithirsan.

31 Air dhàsan so a roimh-fhaicinn, labhair

e mu uiseirigh Chríod, nach d'fhágadh 'anam ann an ifrinn, agus nach fac 'fheoil truailidheachd.

32 An t-Iosa so thog Dia suas, air am bheil sinne uile 'n ar fianuisibh.

33 Uime sin air dha bhi air árdachadh le deas láimh Dhé, agus gealladh an Spioraid naoimh fhaotainu o'n Athair, dhóirt e mach an ní so, a tha sibhse nís a' faicinn agus a' cluinntinn.

34 Oir cha deachaidh Daibhidh suas chum nan neamh: ach tha e féin ag ràdh, Thubhairt an Tighearn ri m' Thighearn, Suidh air mo làimh dheis,

35 Gus an cuir mi do naimhdean 'n an stòl fo d' chosaibh.

36 Uime sin bitheadh fios gu cinnteach aig tigh Israeil uile, gu'n d'rinn Dia 'n a Thighearn agus 'n a Chríod an t-Iosa so féin, a cheus sibhse.

37 A nis an uair a chual iad so, bha iad air am bioradh 'n an cridhe, agus thubhairt iad ri Peadar, agus ris a' chuid eile de na h-abstolaibh, Fhèara agus a bhràithre, ciod a ni sinn?

38 An sin thubhairt Peadar riu, Deanaibh aithreachas, agus bithibh air bhur baisteadh gach aon aguibh ann an ainm Iosa Chríod, chum maithneais pheacaidhean, agus gheibh sibh tìodhlac an Spioraid naoimh.

39 Oir tha an gealladh dhuibh-sa, agus do'ur cloinn, agus do na h-uile a tha fad' o làimh, eadhon a mheud as a ghairmeas an Tighearn ar Dia.

40 Agus le mòran de bhriathraibh eile rinn e fianuis agus dh'earalaich e iad, ag ràdh, Saoraibh sibh féin o'n ghinealach fhiar so.

41 An sin bhaisteadh iadsan a ghabh r'a fhocal gu toileach: agus air an là sin féin chuireadh riu timchioll trì mìle anam.

42 Agus bhuaic iad gu seasmhach ann an teagasg nan abstol, agus ann an co-chomunn, agus ann am briseadh arain, agus ann an urnuighibh.

43 Agus thàinig eagal air gach anam: agus rinneadh mòran de mhìorbhuilb agus de chomharaibh leis na h-abstolaibh.

44 Agus bha iadsan uile a chreid ann an aon àit, agus bha na h-uile nithean aca coitcheinn;

45 Agus reic iad an seilbh agus am maoin, agus roinn iad air na h-uile iad, a réir mar a bha feum gach neach.

46 Agus ag buanachadh dhoibh gach là a dh'aon inntinn anns an teampull, agus a' briseadh arain o thigh gu tigh, chaith iad am biadh le gairdeachas agus le aon-fhillteachd cridhe,

47 A' moladh Dhé, agus deadh-ghean aca o'n t-sluagh uile. Agus chuir an Tighearn gach là ris an eaglais an dream a thèaruin-ear.

# CAIB. III.

1 Leighis Peadar agus Eoin duine bacach; 12 dh'innis iad do'n t-sluagh a bha air cruinneachadh nach d'rinneadh am mìorbhuil so le naomhachd nan Abstol, ach le cumhachd diadhaidh Chríod; 13 chrònuich siad iad air son esan a chur gu bàs; 19 thug iad earail doibh aithreachas a ghabhail, &c.

A GUS chaidh Peadar agus Eoin le 'chéile suas do'n teampull, aig uair na h-urnuigh, eadhon an naothamh uair.

2 Agus bha duine àraidh a bha 'n a bhacach o bhroinn a mhàthar air a ghiùlan, neach a chuireadh gach là aig dorus sin an teampull ris an abrar Sgiamhach, a dh'iarraidh déirce orra-san a bha 'dol a steach do'n teampull:

3 Neach, an uair a chunnaic e Peadar agus Eoin air tì dol a steach do'n teampull, a dh'iarr déire.

4 Agus air do Pheadar sealltinn gu geur air, maille ri Eoin, thubhairt e, Amhairc oirnue.

5 Agus thug esan aire dhoibh 'an dòchas gu'm faigheadh e ni-éigin uatha.

6 An sia thubhairt Peadar, Airgid no òr cha-n'eil agam: ach an ni a tha agam, so bheir mi dhuit: 'An ainm Iosa Chríod o Nasaret, éirich agus imich.

7 Agus air dha breith air a làimh dheis, thog e suas e; agus air ball neartaicheadh 'aobrunnan agus a throidhean.

8 Agus leum e suas, agus sheas, agus dh'imich e, agus chaidh e steach maille riu do'n teampull, ag imeachd, agus a' leumnaich, agus a' toirt cliù do Dia.

9 Agus chunnaic an sluagh uile e ag imeachd, agus a' toirt cliù do Dia.

10 Agus dh'aithnich iad esan gu'm b'e a bha 'n a shuidhe aig geata Sgiamhach an teampull ag iarraidh déirce: agus lìonadh iad le h-iongantas agus le h-amhas air son an ni sin a thachair dha.

11 Agus ag cumail Pheadair agus Eoin, [do'n bhacach a chaidh a leigheas,] ruith an sluagh uile d'an ionnsuidh anns an sgàth-thigh ris an abrar sgàth-thigh Sholaimh, làn iongantais.

12 Agus an uair a chunnaic Peadar so, fhreagair e an sluagh, Fhèara Israeil, c'ar son a tha iongantas oirbh mu'n ni so? no c'ar son a tha sibh a' geur-amharc oirne, mar gu'm b'ann le ar cumhachd no ar naomhachd féin a thug sinn air an duine so imeachd?

13 Ghlòraich Dia Abraham, agus Isaac, agus Iacoib, Dia ar n-aithrichean a Mhac Iosa; a thug sibhse thairis, agus a dh'aicheadh sibh an àthair Philait, an uair a b'ia bhreth a chur fa sgaoil.

14 Ach dh'aicheadh sibhse an t-Aon naomh, agus am Firean, agus dh'iarr sibh mortair a thiodhlacadh dhuibh;

15 Agus mharbh sibh Prionnsa na beatha,



a thog Dia o na marbhaibh; air am bheil sinn 'n ar fianaisibh.

16 Agus tre chreidimh 'n a ainm neartaich e an ti so, a tha sibhse a' faicinn, agus a's aithne dhuibh: seadh, thug 'ainm-san agus an creidimh a tha trid-san, dhàsan an t-slaime ionlan so 'n 'ur làthair-sa uile.

17 Agus a nis, a bhràithre, tha fhios agam gur ann troimh aineolas a rinn sibh e, mar a rinn mar an ceudna bhuir n-uachdarain.

18 Ach choimhlon Dia air an dòigh so na nithean sin a roimh-fhoillsich e le beul 'fhàidhean uile, gu'm fuillegadh Crìosd.

19 Air an aobhar sin deanaibh-sa aithreachas agus bithibh air bhuir n-iompachadh, chum gu'm bi bhuir peacaidhean air an glanadh as, an uair a theg annan fionn-uairachd o làthair au Tighearna.

20 Agus a chuireas e Iosa Crìosd d'ur n-ionnsuidh, a chaidh a roimh-orduchadh:

21 Neach is éigin do nèamh a ghabhail gu aimsiribh aisig nan uile nithean, air an do labhair Dia le beul 'fhàidhean naomha uile, o thoiseach an t-saoghail.

22 Oir gu fìrinn each thubhairt Maois ris na h-aithrichibh, Togaidh an Tighearna bhuir Dia suas fàidh dhuibh, de 'ur bràithribh, cosmhuil riumsa; ris-san éisdidh sibh anns na h-uile nithibh a labhras e ribh.

23 Agus tarlaidh, gach anam nach éisd ris an fhàidh sin, gu'n sgriosar a mach as an t-sluagh e.

24 Seadh, dh'fhoillsich na fàidhean uile o Shamuel, agus iadsan a lean o sin, a mhead diubh as a labhair, roimh-làmh mu na làithibh so.

25 Is sibhse clann nam fàidhean, agus a' choimhcheangail a rinn Dia r'ar n-aithrichibh, ag ràdh ri Abraham, Agus ann ad shìochd-sa bithidh uile theagailchean na talmhainn air am beannachadh.

26 Air do Dhia a Mhac Iosa 'thogail suas, chuir e do 'ur n-ionnsuidh-sa e air tùs, chum gu'm beannaicheadh e sibh, leis gach aon agaibh iompachadh o bhuir lochdaibh.

#### CAIB. IV.

1 *Chuir uachdarain nan Iudhach Peadar agus Eoin 'am prìosan, air son iad a bhi 'searmonachadh Iosa do'n t-sluagh: 5 an dèigh an ceasnachadh chuir Peadar 'an cèll gu'n do leighiseadh am bacach le cumhachd diadhaidh Iosa a mha'n, agus gur ann trid-san 'n a aonar a tha slaime shìorruidh r'a jaghail. 13 Thugadh sparradh teonn doibh gun iad a shearmonachadh nì's mò ann an ainm Iosa.*

**A**GUS am feadh 's a bha iad a' labhairt ris an t-sluagh, thàinig orra na sagartan, agus ceannard an teampuill, agus na Sadusaich;

2 Agus bha iad fo dhoilgheas gu'n robh iadsan a' teagas an t-sluagh, agus a' searmonachadh tre Iosa aiscirigh nam marbh.

3 Agus chuir iad làmh amta, agus chuir

iad 'am prìosan iad gus an là maireach: oir b'e nis am feasgar a bh'ann.

4 Gidheadh, chreid mòran diubh-san a chual am focal; agus b'e àireamh nan daoine timcheall chùig mìle.

5 Agus tharladh air an là maireach, gu'n do chruinnicheadh an ceann a chéile an uachdarain, agus an seanairean, agus an sgrìobhaichean, ann an Ierusalem,

6 Agus Annas an t-àrd-shagart, agus Caiaphas, agus Eoin, agus Alecsander, agus a mhead as a bha de chinneach an àrd-shagairt.

7 Agus air dhoibh iadsan a chur anns a' mheadhon, dh'fhiosraich iad, Ciod e an cumhachd, no ciod e an t-ainm anns an d'rinn sibh so?

8 An sin air do Pheadar a bhi air a lionadh leis an Spiorad naomh, thubhairt e riu, Uachdarana a' phobuill, agus a sheanairean Israil,

9 Ma tha sinne an diugh air ar ceasnachadh mu'n deadh gnìomh a rinneadh do'n duine euslan, cionnus a shlànucheadh e;

10 Biodh e aithnichte dhuibh-sa uile, agus do phobuill Israeil uile, gur ann tre ainm Iosa Crìosd o Nasaret, a cheus sibhse, a thog Dia o na marbh, eadhon trid-san a tha 'n duine so 'n a sheasamh an so 'n 'ur làthair-sa slàn.

11 Is i so a' chlach sin a dhiultadh leibhse, a luchd togail, a rinneadh 'n a ceann na h-oisne.

12 Agus cha-n'èil slàinte ann an neach air bith eile: oir cha-n'èil ainm air bith eile fo nèamh air a thoirt am measg dhaoine, tre am feud sinn a bhi air ar tèarnadh.

13 A nis an uair a chunnaic iad dānachd Pheadair agus Eoin, agus a thuig iad gu'm bu daoine gun fhòghlum agus cumanta iad, ghabh iad iongantais; agus dh'aithnich siad iad gu'n robh iad maille ri Iosa.

14 Agus air faicinn an duine a leighiseadh 'n a sheasamh maille riu, cha robh ni air bith aca ri ràdh 'n a aghaidh.

15 Agus an dèigh dhoibh orduchadh dhoibh-san dol a mach as a' chomhairle, chuir iad an comhairle ri 'cheile,

16 Ag ràdh, Ciod a nì sinn ris na daoinibh so? Oir gu'n deachaidh mìorbhuil aithnichte 'dheanamh leo, tha e follaiseach do luchd-àiteachaidh Ierusalem uile, agus cha-n urrainn sinne àicheadh.

17 Ach a chum nach sgaoilear e nì's mò air feadh an t-sluagh, bagramaid orra gu geur, gun iad a labhairt nì's mò ri neach air bith anns an ainm so.

18 Agus air dhoibh an gairm, dh'àithn iad dhoibh gun iad a labhairt air chor sam bith, no a theagas ann an ainm Iosa.

19 Ach fhreagair Peadar agus Eoin agus thubhairt iad riu, Am bheil e ceart 'am fianais Dhé, éisdeachd ribhse roimh Dhia, thugaibh féin brèth.

20 Oir cha-n'éil e'n comas duinne gun na nithean a chunnaic agus a chuala sinn a labhairt.

21 Ach air dhoibh-san tuilleadh bagraidh a dheanamh orra, leig iad as iad, gun dòigh air bith fhaotainn air am feudadh iad peanas a dheanamh orra, air son an t-sluaigh: oir bha na h-uile a' toirt glòire do Dhia air son an nì a rinneadh.

22 Oir bha an duine air an d'rinneadh am mìorbhuil-leighis so tuilleadh as dà fhichead bliadhna dh'aois.

23 Agus an uair a leigeadh as iad, thàinig iad dh'ionnsuidh am muinntir féin, agus dh'innis iad na h-uile nithean a thubhairt na h-àrd-shagartan, agus na seanairean riu.

24 Agus an uair a chual iadsan so, thog iad suas a dh'aon inntinn an guth ri Dia, agus thubhairt iad, A Thighearn', is tusa an Dia a rinn nàmh agus talamh, agus an fhaireg, agus na h-uile nithean a tha ann: 25 A thubhairt le beul Dhaibhidh do sheirbhisich, C'ar son a ghabh na Cinnich boil, agus a smuainich an sluagh nithean diomhaian?

26 Sheas rìghrean na talmhainn suas, agus chruinnicheadh na h-uachdarain an ceann a chèile, an aghaidh an Tighearn', agus an aghaidh a Chrìosd.

27 Oir gu fìrinneach chruinnicheadh an ceann a chèile, an aghaidh do Leinibh naoimh Iosa, a dh'ung thu, araon Herod agus Pontius Pilat, maille ris na Cinnich, agus sluagh Israeil,

28 A dheanamh gach nì a roimh-orduich do làmh agus do chomhairle a bhi deanta.

29 Agus a nis, a Thighearn', amhaire air am bagraidhibh: agus dèanaich do d' sheirbhisich féin, d'fhocal a labhairt leis gach uile dhànachd.

30 Le d' làmh a shìneadh a mach chum leighis: agus gu'm bi comharan agus mìorbhuilean air an deanamh tre ainm do Leinibh naoimh Iosa.

31 Agus air dhoibh urnuigh a dheanamh, chrathadh an t-àit anns an robh iad cruinn; agus lìonadh iad uile leis an Spiorad naomh, agus labhairt iad focal Dhé le dànachd.

32 Agus bha aig a' chuideachd a chreid ann chridhe, agus aon anam: agus nì mò a thubhairt neach air bith *dhiubh*, gu'm bu leis féin aon nì a shealbhaich e; ach bha na h-uile nì coitcheinn aca.

33 Agus le mòr-chumbachd thug na h-abstol fianuis air aiseirigh an Tighearna Iosa: agus bha mòr-ghràs orra uile.

34 Agus nì mò a bha aon neach uireasbhuidheach 'n am measg: oir a mheud as a bha 'n an sealbhadairibh fearainn, no thighean, air dhoibh an reic, thug iad luach nan nithean a chaidh a reic leo;

35 Agus chuir iad aig cosaibh nan abstol

e: agus roinneadh e air gach neach a réir 'fheuma.

36 Agus air do fhearann a bhi aig Ioscs d'an do ghoireadh leis na h-abstolaidh Barnabas, (is e sin, air cadar-theangachadh, Mac na comhfhurtachd,) Lebhitheach, d'am bu dùthaich Ciprus,

37 Reic se e, agus thug e'n t-airgiod, agus chuir e aig cosaibh nan abstol e.

## CAIB. V.

1 *Air son an cèilge thuit Ananias agus Saphira sìos marbh le cronachadh Pheadair.* 12 *Mòran mhìor-bhuilean air an oibreachadh;* 17 *chuireadh na h-abstol a ris ann am prìosan,* 19 *ach tha iad air an leigeadh as le aingeal, a thug ordugh doibh searmonachadh gu follaiseach, &c.*

A CH reic fear àraidh d'am b'ainm Ananias, maille r'a mhnaoi Saphira, sealbh fearainn,

2 Agus cheil e *cuid* de'n luach, le fios a mhna, agus air dha cuid-éigin a thoirt leis, chuir e aig cosaibh nan abstol e.

3 Ach thubhairt Peadar, Ananias, c'ar son a lìon Satan do chridhe a dheanamh bréige do'n Spiorad naomh, agus a cheiltinn *cuid* de luach an fhearainn?

4 Am feadh 's a dh'fhuirich e *gun reic*, nach bu leat féin e? agus an déigh a reic nach robh e a'd' chomas féin? c'ar son a smuainich thu ann ad chridhe an gnìomh so? cha d'rinn thu breug do dhaoibh, ach do Dhia.

5 Agus an uair a chual Ananias na briathran so, thuit e sìos, agus chaidh an deò as: agus thàinig eagal mòr air na h-uile a chuala na nithean so.

6 Agus air éirigh do na h-òganaich, phaisg iad ann an eudach-mairbh e, agus air dhoibh a ghiùlan a mach, dh'adhlaic iad e.

7 Agus tharladh mu thimchioll trì uairean 'n a dhéigh sin, gu'n d'thàinig a bhean a steach, gun fhios aice air an nì a rinneadh.

8 Agus fhreagair Peadar i, Innis dhomh-sa an ann air an uiread so a reic sibh am fearann? Agus thubhairt ise, Is ann, air son an uiread sin.

9 An sin thubhairt Peadar rithe, C'ar son a cho-aontaich sibh gu Spiorad an Tighearna a dhearbhadh? feuch, *tha* cosan na muinntir a dh'adhlaic d'fhear aig an doras, agus giùlainidh iad thusa mach.

10 An sin thuit i air ball aig a chosaibh, agus chaidh an deò aise: agus air do na h-òganaich teachd a steach, fhuair iad i marbh, agus air dhoibh a giùlan a mach, dh'adhlaic iad làmh r'a fear i.

11 Agus thàinig eagal mòr air an eaglais uile, agus air na h-uile a chuala na nithean so.

12 Agus rinneadh mòran chomharan agus mhìorbhuilean am measg a' phobuill le làmhnan nan abstol; (agus bha iad uile



dh'aon inntinn ann an sgàth-thigh Sholaimh:

13 Agus eha robh chridhe aig aon de chach e féin a cheangal riu: aeh bha mòr-mheas aig a' phobull orra.

14 Agus is mòid a chuireadh creidiech ris an Tighearn, buidheann mhòr aràon de fhearaibh agus do mhuibh:

15 Air ehor as gu'n d'thug iad a mach a' mhuinntir euslan air na sràidibh, agus gu'n do chuir iad air leapaichibh agus air uirighibh iad, chum ag teachd do Pheadar gu'n cuireadh 'fhaileas, mar bu lugha, sgàile air neach éigin aca.

16 Agus thàinig mar an ceudna mòr-shluagh as na bailtibh mu'n cuairt air Ierusalem, a' toirt leo muinntir euslan, agus dream a bha air am buaireadh le spioradaibh neoghlan: agus leighiseadh iad uile.

17 An sin dh'éirich an t-àrd-shagart, agus iadsan uile a bha maille ris, (eadhon luchd-bharail nan Sadusach,) agus lionadh iad le tùtlh,

18 Agus chuir iad làmh anns na h-abstol-aibh, agus chuir iad 's a' phrìosan ehum-anta iad.

19 Aeh dh'fhosgail aingeal an Tighearna dorsan a' phrìosain 's an oidhche, agus thug e iadsan a mach, agus thubhairt e,

20 Imichibh, agus ag seasamh dhuibh labhairibh 's an teampull ris an t-sluagh, uile bhriathran na beatha so.

21 Agus an uair a ehual iad so, ehaidh iad gu moch a steach do'n teampull, agus theagaisg iad. Aeh thàinig an t-àrd-shagart agus iadsan a bha maille ris, agus ghairm iad a' eomhairle, agus scanadh ehloinn Israeil uile an ceann a chéile, agus chuir iad do'n phrìosan chum gu'n tugtadh iadsan d' an ionnsuidh.

22 Aeh an uair a thàinig na maor, cha d'fhuair iad 's a' phrìosan iad, agus air pilltinn dhoibh, dh'innis iad,

23 Ag ràdh, Fhuair sinne gu fìrinneach am prìosan dùinte gu ro thearnimte, agus an luchd-eòimhead 'n an seasamh a mach fa eomhair nan dorsan; aeh an uair a dh'fhosgail sinn, eha d'fhuair sinn aon duine a stigh.

24 A nis an uair a ehual an t-àrd-shagart, agus ceannard an teampull, agus uaehdarain nan sagart na briathran so, bha iad fo amharus mu'n timchioll ciod gus an tig-eadh so.

25 An sin thàinig neach d'araidh agus dh'innis e dhoibh, ag ràdh, Feuch, tha na daoine a chuir sibh 's a' phrìosan, 'n an seasamh 's an teampull, agus a' teagasg a' phobull.

26 An sin dh'imich an ceannard maille ris na maoraidh, agus thug e leis iad gun ainneart: (oir bha eagal orra roimh an t-sluagh, gu'm bitheadh iad air an clach-adh leo.)

27 Agus an uair a thug iad leo iad, chuir iad ann am fianuis na eomhairle iad: agus dh'fheòraich an t-àrd-shagart diubh,

28 Ag ràdh, Nach d'thug sinne geur-ordugh dhuibh gun teagasg a dheanamh 's an ainm so? agus, feuch, lion sibh Ierusalem le 'ur teagasg, agus is àill leibh full an duine so a tharruing oirne.

29 An sin fhreagair Peadar agus na h-abstol eile, agus thubhairt iad, Is còir géill a thoirt do Dhia nìs mò na do dhaoibh.

30 Thog Dia ar n-aithriehean Iosa, a mharbh sibhse agus a ehroch sibh air erann.

31 Esan dh'àrdaich Dia le a dheas làimh 'n a Cheannard agus 'n a Shlànuidhear, a thoirt aithreachais agus maitheanais pheacaidhean do Israel.

32 Agus tha sinne 'n ar fianuisibh dha air na nithibh so; agus mar an ceudna an Spiorad naomh, a thug Dia dhoibh-san a tha àmhail dha.

33 Agus an uair a ehual iadsan so, bha iad air an gonadh, agus ghabh iad eomhairle an cur gu bàs.

34 An sin dh'éirich Phairiseach àraidh anns a' eomhairle, d'am b'ainm Gamaliel, fear-teagaisg an lagha, air an robh meas aig an t-sluagh uile, agus dh'orduich e na h-abstol a ehnur a mach ré tamuill;

35 Agus thubhairt e riu, Fheara Israeil, thugaibh aire dhuibh féin, ciod a tha roimhibh a dheanamh mu thimchioll nan daoine sin.

36 Oir roimh na làithibh so dh'éirich Teudas suas, ag ràdh, gu'm bu neach éigin mòr e féin, agus cheangail àireamh dhaoine, timchioll ceithirehead, iad féin ris: mharbhadh esan, agus a mheud 's a dh'aontaich leis, sgaoileadh iad uile as a chéile, agus ehaidh iad gu neo-ni.

37 An déigh an fhir so dh'éirich Iudas an Galiléach suas, ann an làithibh na eis-mheasaidh, agus tharruing e mòran sluagh 'n a dhéigh: sgriosadh esan mar an ceudna, agus a mheud 's a ghéill da, sgapadh iad uile.

38 Agus a nis tha mi ag ràdh ribh, Fanaibh o na daoibh so, agus leigibh leo: oir ma's ann o dhaoibh a tha a' eomhairle so, no an obair so, thig i gu neo-bhrìgh:

39 Aeh ma's ann o Dhia a tha i, eha-n urrainn sibhse a eur gu neo-bhrìgh: air eagal gu'n tarladh gu'm faighear sibh eadhon a' cogadh an aghaidh Dhé.

40 Agus dh'aontaich iad leis-san: agus an uair a ghairm iad na h-abstol, agus a ghabh iad orra, dh'orduich iad dhoibh gun labhairt ann an ainm Iosa, agus leig iad as iad.

41 Agus dh'imich iadsan o làthair na eomhairle, le gairdeachas a chionn gu'n do mheasadh gu'm b'airidh iad air eas-urram fhulang air son 'ainne-san.

42 Agus gach là anns an teampull, agus o thigh gu tigh, eha do sguir iad a bhi 'teagasg, agus a' searmonachadh Iosa Crìosd.

CAIB VI

1 *Thagh na h-abstóil seachdnar gu frithéaladh do uireasbhuidh nam bocht: 5 b'aon diubh so Stephen, neach a bha lán de chreidimh, agus de'n Spiorad naomh: 12 Ghlacadh esan agus chaidh a'gairt gu h-eucorach an láthair na comhairle, leis an dream a chuir e'n an tosd le reusonachadh.*

A GUS anns ua làithibh sin, an uair a bha àireamh uan deisciobul a' meudachadh, dh'éirich gearau am measg nan Greugach an aghaidh nan Eabhrach, a chionn gu'n do dhearmaideadh am bant-ráichean 's an fhrithealachd laitheil.

2 An sin ghairm an dà fhear dheug mòr-chuideachd nan deisciobul d'an ionnsuidh, agus thubhairt iad, Cha-n'eil e iomchuidh sinne dh'fhàgail focail Dhé, agus a frith-ealachd do bhordaibh.

3 Uime sin, a bhràithrean, iarraibh a mach 'n ur measg seachdnar dhaoine fu dheadh iomradh, lán de'n Spiorad naomh agus de ghliocas, a chuireas sinne os ceann an dreuchd so.

4 Ach buanaichidh sinne a ghnàth ann an urruigh, agus ann am ministreileachd an fhocail.

5 Agus bha 'chainnt so taitneach an làthair na mòr-chuideachd uile: agus thagh iad Stephen, duine lán de chreidimh, agus de'n Spiorad naomh, agus Philip, agus Prochorus, agus Nicanor, agus Timon, agus Parmenas, agus Nicolas prosliteach de mhuinntir Antioch:

6 Chuir iad iadsan an làthair nan abstol: agus air deanamh urruigh dhoibh, chuir iad an làmh an orra.

7 Agus dh'fhàs focal Dhé; agus mheudaicheadh àireamh nan deisciobul gu ro mhòr ann an Ierusalem; agus bha cuid-eachd mhòr de ua sagartaibh ùmhal do'n chreidimh.

8 Agus rinn Stephen, lán de chreidimh agus de chumhachd, mìorbhuilean agus comharan mòra ann measg an t-sluaigh.

9 An sin dh'éirich dream àraidh de'n t-sionagag, ris an abrar *sionagag* nan Libertineach, agus nan Cirenianach, agus mhuinntir Alecsandria, agus na dream o Chìlicia, agus o'n Asia, a' deasboireachd ri Stephen.

10 Agus cha b'urraim iad cur an aghaidh a' ghliocais agus an spioraid leis ando labhair e.

11 An sin thug iad a steach 'an uaignidheas daoine a thubhairt, Chuala sinne e 'labhairt bhriathran toibheumach an aghaidh Mhaois, agus Dhé.

12 Agus dhùisg iad suas an sluagh, agus na seanairean, agus na sgrìobhaichean, agus thàinig iad air, agus ghlac iad e, agus thug iad an làthair na comhairle e,

13 Agus chuir iad suas fianuisan bréige, a thubhairt, Cha-n'eil an duine so a' sgur de labhairt bhriathran toibheumach an

aghaidh an ionaid uaoimh so, agus an lagha.

14 Oir chuala sinn e ag ràdh, gu'n sgrios an t-Iosa so o Nasaret an t-àite so, agus gu'n caochail e na gnàthannan a thug Maois dhuinne.

15 Agus air dhoibh-sau uile a bha 'n an suidhe 's a' chomhairle amharc gu geur air, chunnaic iad 'aghaidh mar aghaidh aingil.

CAIB. VII.

1 *Air do Stephen comas fhaighail freagairt air a shon féin, 2 nochd e gu'n d'rinn Abraham aoradh do Dhia gu taitneach; 37 gu'n d'thug Maois féin fianuis mu Chrìosd; 51 chrìonadh e iad air son an ceannaire, agus morta Chrìosd: 54 air a so cllach iad gu bàs e. 59 Tha e 'b'ionnadh anama do Iosa, agus a' guidhe Dhé air an sonsan.*

A N sin thubhairt an t-àrd-shagart, Am bheil ma ta na nithean so mar so?

2 Agus thubhairt esan, Fheara, a bhràithrean, agus aithrichean, éisdibh; Dh'fhoillsicheadh Dia na glòire d'ar n-athair Abraham, 'n uair a bha e ann am Mesopotamia, mu'n do ghabh e còmhnuidh ann an Charan.

3 Agus thubhairt e ris, Rach a mach á d' thir féin, agus o d' chinneach, agus thig chum na tìre a nochdas mise dhuit.

4 An sin chaidh esan a mach á tìr nan Caldéach, agus ghabh e còmhnuidh ann an Charan: agus as a sin, au déigh bàis 'athar, dh'atharraich se e do'n fhearann so anns am bheil sibhse nis 'n ur còmhnuidh.

5 Agus cha d'thug e dha oighreachd *sam bith* ann, cha d'thug leud troidhe: gidheadh gheall e gu'n tugadh e mar sheibh e dha féin agus d'a shliochd 'n a dhéigh, ged nach robh fàthast duine cloinne aige.

6 Agus labhair Dia air an dòigh so, Gu'm bitheadh a shliochd air chuairt ann an dùthaich choigrich, agus gu'n deanadh iad tràill-ean diubh, agus gu'n buineadh iad gu h-olc *riu ré* cheithir cheud bliadhna.

7 Agus air a' chinneach sin d'am bi iadsan fo dhaorsa, bheir mise breth, arsa Dia: agus an déigh nan nithean sin thig iad a mach, agus ni iad seirbhis dhomh-sa anns an àite so.

8 Agus thug e dha coimhcheangal an timchioll-ghearraidh: agus mar sin ghin *Abraham* Isaac, agus thimchioll-ghearr se e air an ochdamh là: agus ghin Isaac Jacob, agus Jacob an dà phrìomh-athair dheug.

9 Agus a' gabhail farmaid reic ua prìomh-aithrichean Joseph do'n Eiphit: ach bha Dia maille ris,

10 Agus shaor se e as a thrioblaidibh uile, agus thug e deadh-ghean agus gliocas da an làthair Pharaoh rìgh na h-Eiphit: agus chuir se e 'n a uachdaran air an Eiphit, agus air a theaghlach féin uile.

11 Nis thàinig gorta agus àmhlghar mòr air an Eiphit uile, agus air talamh Chana-



ain; agus cha d'fhuair ar n-aithrichean teachd-an-tír.

12 Ach an uair a chuala Jacob gu'n robh arbhar 's an Eiphit, chuir e mach ar n-aithrichean air tús.

13 Agus air an dara uair rinneadh Ioseph aithnichte d'a bhràithribh; agus rinneadh cinneach Ioseph follaiseach do Pharaoh.

14 An sin chuir Ioseph *fios* uaith, agus ghairm e d'a ionnsuidh Jacob 'athair, agus a luchd-dàimhe uile, cùig anaman deug agus tri fichead.

15 Agus chaidh Jacob sìos do'n Eiphit, agus fhuair e bàs, e féin agus ar n-aithrichean.

16 Agus ghiùlaineadh thairis iad gu Sicheim, agus chuireadh iad anns an àit-adhlaic a cheannaich Abraham air suim airgid o mhic Emoir, *athar* Shicheim.

17 Ach an uair a dhruid am a' gheallaidh, a mhìonnaich Dia do Abraham, dl'fhàs an sluagh agus rinneadh iad lìonmhor 's an Eiphit,

18 Gus an d'éirich rìgh eile, do nach b'aithne Ioseph.

19 Bhuin esan gu cuilbheirteach r'ar cinneach, agus rinn e ole air ar n-aithrichibh, air chor as gu'n d'thug e orra an naoidhecanan a thilgeadh a mach, chum nach sìol-aicheadh iad.

20 Anns an àm sin rugadh Maois, agus bha e ro sgiambach, agus dh'altrumadh e trì mìosan ann an tigh 'athar:

21 Agus an uair a thilgeadh a mach e, thog nighean Pharaoh leatha e, agus dh'altrum i e mar mhac dhi féin.

22 Agus theagaisgeadh Maois ann an uile ghliocas nan Eiphiteach, agus bha e cumhachdach ann am briathraibh agus 'an gnìomharaibh.

23 Agus an uair a bha e dà fhichead bliadhna iomlan a dh'aois, thàinig e 'n a chridhe a bhràithrean clann Israeil fhiosrachadh.

24 Agus air dha duine àraidh *dhuibh* 'fhaicinn a' fulang eucoir, theasairg se e, agus air bualadh an Eiphitich dha, rinn e dìoghaltas air son an fhir air an d'rinneadh an eucoir:

25 Oir shaoil e gu'n tuigeadh a bhràithrean, gu'n tugadh Dia le a làimh-san saorsa dhoibh; ach cha do thuig iadsan.

26 Agus air an là 'n a dhéigh sin nochd se e féin doibh agus iad a' comhstri, agus b'aill leis sìth a dheanamh eatorra, ag ràdh, A dhaoine, is bràithrean sibh féin; e'ar son a tha sibh a' dcanamh eucoir air a chéile?

27 Ach chuir an fear a rinn an eucoir air a choimhearsnach uaith e, ag ràdh, Cò a rinn thusa a'd' uachdaran agus a'd' bhreith-eamh oirne?

28 Am miann leat misc a mharbhadh, mar a mharbh thu an t-Eiphiteach an dé?

29 An sin theich Maois air son an fhocail

so, agus bha e 'n a choigreach ann an dùtla aich Mhidian, far an do ghlin e dithis mhac.

30 Agus an uair a choimhlionadh dà fhichead bliadhna, dh'fhoillsicheadh dha ann am fàsach beinne Shina, aingeal an Tighearna ann an lasair theine ann am preas.

31 Agus an uair a chunnaic Maois so, ghabh e iongantas mu'n t-sealladh; agus air dha teachd am fagus gu beachdachadh *air*, thàinig guth an Tighearna d'a ionnsuidh,

32 *Ag ràdh, Is mise Dia d'aithrichean, Dia Abraham, agus Dia Isaac, agus Dia Iacob.* An sin chrìochnuic Maois, agus cha robh a chridhe aige amharc.

33 An sin thubhairt an Tighearna ris, Fuasgail do bhrògan o d' chosaibh: oir is talamh naomh an t-àit air an bheil thu a'd' sheasamh.

34 Chunnaic mi gu cinnteach àmhghar mo phobuill a tha 's an Eiphit, agus chuala mi an osnadh, agus thàinig mi nuas g'an saoradh. Agus a nis thig, cuiridh mi do'n Eiphit thu.

35 Am Maois so féin a dhiùlt iadsan, ag ràdh, Cò 'rinn uachdaran agus breitheamh dhiot-sa? esan chuir Dia *gu bhi* 'n a uachdaran agus 'n a fhear-saoraidh le làimh an aingil a dh'fhoillsicheadh dha 's a' phreas.

36 Thug esan a mach iad an déigh dha mìorbhuilean, agus comharan a dheanamh ann an tìr na h-Eiphit, agus anns a' mhuir ruaidh, agus anns an fhàsach ré dhà fhichead bliadhna.

37 Is e so am Maois ud a thubhairt ri cloinn Israeil, Togaidh an Tighearna bhuir Dia suas fàidh dhuibh de 'ur bràithribh, cosmhuil riumsa; ris-san éisdidh sibh.

38 So esan a bha 's an eaglais anns an fhàsach, maille ris an aingeal a labhair ris ann am beinne Shina, agus maille r'ar n-aithrichibh-ne: neach a fhuair briathran na beatha chum an toirt dhuinne:

39 Do nach b'aill le ar n-aithrichibh a bhi ùmhal, ach chuir iad uatha e, agus 'n an cridhe phill iad air an ais do'n Eiphit,

40 Ag ràdh ri Aaron, Dean dhuinne diath-an a théid romhainn: oir mu thimehioll a' Mhaois so, a thug a mach sinn á tìr na h-Eiphit, cha-n'eil fhios againn ciod a dh'éirich dha.

41 Agus rinn iad laogh 's na làithibh sin, agus thug iad iobairt do'n dealbh, agus rinn iad gairdeachas ann an oibribh an làmhnan féin.

42 An sin phill Dia, agus thug e thairis iad chum aoradh a dheanamh do armait nèimh, a réir mar a tha e sgrìobhta ann an leabhar nam fàidhean, An d'thug sibh dhomh-sa beathaichean marbhla, agus iobairtean ré dhà fhichead bliadhna anns an fhàsach, O a thigh Israeil?

43 Seadh, thog sibh suas pàillium Mholoich, agus reult bhuir dé Remphain, dealbhan a rinn sibh chum aoraidh dhoibh: uime sin

atharraichidh mi sibh dh'ionnsuidh antaobh-thall de Bhabylon.

44 Bha pailliu na fianuis aig ar n-aithrichibh 's an fhàsach, a réir mar a dh'aithn an tí a labhair ri Maois, gu'n deauidh se e a réir an t-samhlaidh a chunn-aic e.

45 An ní a thug mar an ceudna ar n-aithrichean a bha 'n an déigh, a steach maille ri Iosa do sheilbh nau Cinneach, a thilg Dia a mach roimh ghnúis ar n-aithrichean, gu láithibh Dhaibhidh :

46 Neach a fhuair deadh-ghean 'am fianuis Dhé, agus a dh'iarr pailliu fhaotainn do Dhia Iacob.

47 Ach thog Solamh tigh dha.

48 Gidheadh cha-néil an tí a's áirde a' gabhail còmhuidh ann an teampluibh lámh-dheanta; mar a tha am faidh ag ràdh.

49 Is e nàmlh mo rìgh-chaithir, agus an talamh stòl mo chos: ciod an tigh a thogas sibh dhomh? tha an Tighearn ag ràdh: no ciod e ionad mo thàimh?

50 Nach do rinn mo lámh na nithean so uile?

51 A dhaoine cruaidh-mhuiealach, agus neo-thimchioll-ghearrta ann an cridhe agus ann an clusaibh, tha sibh a ghnàth a' cur an aghaidh an Spioraid naoimh: mar a rinn bhuir n-aithrichean, mar sin tha sibhse a' deanamh.

52 Cò de na faidhibh air nach d'rinn bhuir n-aithrichean geur-leanmhuinn? agus mharbh siad iadsan a roimh-fhoillsich teachd an Fhìreinn ud; air an robh sibhse a nis 'n 'ur luchd-brathaidh, agus 'n 'ur mort-aibh:

53 Sibhse a fhuair an lagh le frithealadh nan aingeal, agus nach do choimhid e.

54 'N uair a chual' iad na nithean sin, bha iad air an gonadh 'n an cridhe, agus chas iad am fìaclan ris.

55 Ach air dhàsan a bhi làn de'n Spiorad naomh, dh'amaid e gu geur suas gu nàmlh, agus chunnaic e glòir Dhé, agus Iosa 'n a sheasamh air deas làimh Dhé;

56 Agus thubhairt e, Feuch, tha mi faicinn nan nàmhàn fosgailte, agus Mac an duine 'n a sheasamh air deas làimh Dhé.

57 Au sin ghlaodh iadsau le guth mòr, agus dhruid iad an clnasan, agus leum iad air a dh'aon inntinn,

58 Agus air dhoibh a thilgeadh a mach as a' bhaile, chlach iad e: agus thilg na fianuisean an eudach sìos aig cosaibh òganaich, d'am b'ainm Saul.

59 Agus chlach iad Stephen, agus e a' gearm air Crìosd, agus ag ràdh, A Thigh-earn' Iosa, gabh ri mo spiorad.

60 Agus air dha e féin a leigeadh air a ghlùinibh, ghlaodh e le guth mòr, A Thigh-earna, na cuir am peacadh so as an leth. Agus air dha so a ràdh, choidil e.

## CAIB. VIII.

1 Shearmonaicheadh an soisgeul ann an Samaria le Philip, a bhaist mòran, agus am measg chàich Simon an Druidh. 14 Thàinig Peadar agus Eoin a dhaingneachadh na h-eaglais: 17 le cur an làmh air an dream a chreid, bha an Spiorad naomh air a thìodhlacadh: 18 'n uair a b'aill le Simon an thìodhlac ceudna 'cheannach uatha le h-airgiod, 20 chronuicheadh gu geur e le Peadar, &c.

**A**GUS bha Saul ag aontachadh le a bhàs-san. Agus dh'éirich anns an àm sin geur-leanmhuinn mhòr an aghaidh na h-eaglais a bha ann an Ierusalem; agus bha iad uile air an sgapadh air feadh tìre Iudea agus Shamaria, ach na h-abstoil a mhàin.

2 Agus ghiùlain daoine diadhaidh Stephen chum 'adhlaid, agus rinn iad caoidh mhòr air a shon.

3 Ach bha Saul a' fàsachadh na h-eaglais, a' dol a steach do gach tigh; agus ag tarruing a mach fhear agus bhan, chuir e 'am prìosan iad.

4 Uime sin dh'imich an dream a sgapadh, feadh gach àite, a' searmonachadh an fhocail.

5 An sin chaidh Philip sìos do bhaile Shamaria, agus shearmonaich e Crìosd doibh.

6 Agus thug an sluagh a dh'aon toil aire do na nithibh a labhradh le Philip, ag éisd-eachd ris, agus a' faicinn nam mìorbhuilean a rinn e.

7 Oir chaidh spioradan neòghlan a mach á mòran anns an robh iad, a' glaochaich le guth mòr: agus chaidh mòran air an robh am pairilis, agus a bha 'n am bacaich, a shlànuchadh.

8 Agus bha gairdeachas mòr 's a' bhaile sin.

9 Ach bha roimhe sin duine àraidh 's a' bhaile siu d'am b'ainm Simon, a ghnàthaich druidheachd, agus a mheall muinntir Shamaria, ag ràdh gu'm bu neach mòr éigin e féin.

10 Dhàsan thug iad uile aire o'u bheag agus a' mhòr, ag ràdh, Is e an duine so cumhachd mòr Dhé.

11 Agus thug iad an aire dha, a chionn gu'n do mheall e iad ré ùine fhada le a dhruidheachd.

12 Ach an uair a chreid iad Philip, a' searmonachadh nan uithean a bhuineas do rìoghachd Dhé, agus do ainm Iosa Crìosd, bhaisteadh iad eadar fheara agus mhnathan.

13 An sin chreid Simon féin mar an ceudna: agus an uair a bhaisteadh e, dh'fhan e maille ri Philip, agus a' faicinn nan comharadh agus nam feart a rinn-eadh, ghabh e iongantas ro mhòr.

14 Agus an uair a chuala na h-abstoil a bha ann an Ierusalem, gu'n do ghabh Samaria focal Dhé, chuir iad d'an ionnsuidh Peadar agus Eoin:

15 Agus an uair a chaidh iad sìos, ghuidh



iad air an son gu'm faigheadh iad an Spiorad naomh.

16 (Oir cha d'fhàinig e fathast a nuas air aon aca : ach a mhàin bhaisteadh iad ann an ainm an Tighearna Iosa.)

17 An sin chuir iad an làmhnan orra, agus fhuair iad an Spiorad naomh.

18 Agus an uair a chunnaic Simon gu'n robh an Spiorad naomh air a thoirt tre làmhnan nan abstol a chur orra, thairg e airgid dhoibh.

19 Ag ràdh, Thugaibh dhomh-sa mar an ceudna an cumhachd so, cia b'e neach air an cuir mi mo làmhnan, gu'm faigh e an Spiorad naomh.

20 Ach thubhairt Peadar ris, Gu rachadh d'airgid 'am mugha maille riut féin, a chionn gu'n do mheas thu gu'm feudadh tìodhlac Dhé a cheannach le h-airgid.

21 Cha-n'eil agad cuid no crannchur 's a' chùis so : oir cha-n'eil do chridhe dìreach 'am fianuis Dhé.

22 Gabh aithreachas uime sin de d'olc so, agus guidh air Dia, ma dh'fheudar gu maith-eair dhuit smuaine do chridhe.

23 Oir tha mi 'g ad fhaicinn ann an domblas na seirbhe, agus fo chuibhreach na h-eucorach.

24 An sin fhreagair Simon, agus thubhairt e, Guidhibh-se an Tighearn air mo shon, nach tig aon de na nithibh sin a thubhairt sibh orra.

25 An sin air dhoibh-san fianuis a dheanamh agus focal an Tighearn a labhairt, phill iad gu Ierusalem, agus shearmonaich iad an soisgeul ann am mòran de bhailtibh nan Samaritanach.

26 Agus labhair aingeal an Tighearna ri Philip, ag ràdh, Eirich agus imich chum na h-àirde deas, chum na slighe a tha 'dol sìos o Ierusalem gu Gasa, a tha 'n a fhàsach.

27 Agus dh'éirich e, agus dh'imich e : agus, feuch, duine àraidh, caillteanach o Etiopia, aig an robh mòr-ùghdarras fo Chandace ban-rìghinn na h-Etiopia, agus a bha os ceann a h-ionmhais uile, agus a bha air teachd gu Ierusalem chum aoradh a dheanamh,

28 Bha e a' pilltinn air ais, agus 'n a shuidhe 'n a charbad, agus bha e a' leughadh an fhàidh Esaias,

29 An sin thubhairt an Spiorad ri Philip, Imich am fagus, agus druid ris a' charbad so.

30 Agus ruith Philip d'a ionnsuidh, agus chuala se e a' leughadh an fhàidh Esaias, agus thubhairt e, Am bheil thu a' tuigsinn nan nithean a tha thu a' leughadh?

31 Agus thubhairt esan, Cionnus is urrainn mi, mur seòl neach éigin mi? Agus dh'iarr e air Philip teachd a nìos, agus suidhe maille ris.

32 A' chuibhrionn de'n sgrìobtuir a bha e leughadh, b'i so i, Thugadh e mar chaora

chum marbhaidh; agus mar uan a tha 'n a thosd 'am fianuis an fhir-lomairt, mar sin cha d'fhosgail e a bheul:

33 'N a isleachadh thugadh a bhreitheanas air falbh : agus cò a nochdas a ghinealach? oir thogadh a bheatha o'n talamh.

34 Agus fhreagair an caillteanach, agus thubhairt e ri Philip, Guidheam ort, co uime tha am fàidh ag ràdh so? uime féin, no mu neach éigin eile?

35 An sin dh'fhosgail Philip a bheul, agus a' tòiseachadh o'n sgrìobtuir sin, shearmonaich e Iosa dha.

36 Agus an uair a dh'imich iad air an t-slighe, fhàinig iad gu h-uisge àraidh: agus thubhairt an caillteanach, Feuch, uisge; ciod a tha 'bacadh mise 'bhi air mo bhaisteadh?

37 Agus thubhairt Philip, Ma tha thu a' creidsinn le d' uile chridhe, feudaidd tu. Agus fhreagair e agus thubhairt e, Tha mi a' creidsinn gur e Iosa Criosd Mac Dhé.

38 Agus dh'èithn e 'n carbad a sheasamh : agus chaidh iad sìos le 'chéile do'n uisge, araon Philip agus an caillteanach; agus bhaist se e.

39 Agus an uair a fhàinig iad a nìos as an uisge, thug Spiorad an Tighearna Philip leis, agus cha-n fhac an caillteanach tuilleadh e : agus dh'imich e air 'aghaidh le gairdeachas.

40 Ach fhuaradh Philip ann an Asotos : agus shearmonaich e anns na bailtibh uile, a' dol troinnh ar dùthaich, gus an d'fhàinig e gu Cesarea.

## CAIB. IX.

1 Tha Saul, air dha 'bhi 'g imeachd gu Damascus, air a leagadh sìos gu talamh le dealradh, agus guth o nèamh : 10 ghaimeadh e chum na h-abstolachd, 18 agus bhaisteadh e le Ananias : 20 shearmonaich e Criosd gu dana. 23 Chuir na h-Iudhaich, agus mar an ceudna na Greugaich, an comhairle ri 'chéile chum a mharbhadh. 31 Leigheas Peadar Eneas de'n phairilis; 38 thug e Tabita beò.

**A**GUS air do Shaul bhi fathast a' séid-eadh bagraidh, agus sgrios an aghaidh dheisciobul an Tighearna, chaidh e chum an àrd-shagairt,

2 Agus dh'iarr e litrichean uaith gu Damascus chum nan sionagag, chum nam faigheadh e aon neach de'n t-slighe so, co aca b'fhir no mnathan iad, gu'n tugadh e leis ceangailte gu Ierusalem iad.

3 Agus ag imeachd dha, tharladh gu'n do dhruid e ri Damascus : agus dhealraich gu h-obann mu'n cuairt air solus o nèamh.

4 Agus air tuiteam dha air an talamh, chual e guth ag ràdh ris, A Shaul, A Shaul, c'ar son a tha thu 'g am gheur-leamhuinn-sa?

5 Agus thubhairt esan, Cò thu, a Thigherna? Agus thubhairt an Tighearn, Is mise Iosa a tha thusa a' geur-leamhuinn.

is cruaidh dhuit-sa breabadh an aghaidh nan dealg.

6 Agus air dhàsan a bhi air chrith agus làu uamhaiu, thubhairt e, A Thighearna, ciod a's àill leat mise a dheanamh? Agus thubhairt an Tighearn ris, Eirich, agus rach a steach do'n bhaile, agus innsear dhuit ciod a's còir dhuit a dheanamh.

7 Agus sheas na daoine, bha 'g imeachd uaille ris. 'n an tosd, a' chluinntinn a' ghutha, ach gun neach air bith fhaicinn.

8 Agus dh'èirich Saul o'n talamh, agus air fosgladh a shùil dha, cha-n fhac e neach air bith: ach air dhoibh breith air a làimh, threòraich iad e gu Damascus.

9 Agus bha e tri làithean gun radhare, agus cha d'ith agus cha d'òl e ui air bith.

10 Agus bha deisciobul àraidh ann an Damascus, d'am b'ainm Ananias; agus thubhairt an Tighearn ris ann am foills-eachadh, Ananias. Agus thubhairt esan, Feuch tha mi an so, a Thighearna.

11 Agus thubhairt an Tighearn ris, Eirich, agus imich do'n t-sràid, ris an abrar Dir-each, agus iarr ann an tigh Iudais, duine o Tharsus d'an goirear Saul: oir feuch, tha e ri urnuigh,

12 Agus chunnaic e ann am foillseachadh duine d'an ainm Ananias, a' teachd a steach, agus a' cur a làimhe air, chum gu'm faigh-eadh e a radhare.

13 An sin fhreagair Ananias, A Thigh-carna, chuala mi o mhòran mu'n duine so, cha lìon olc a rinn e do d' naoimh ann an Ierusalem:

14 Agus tha an so ùghdarras aige o nachd-aranabhi nan sagart, iadsan uile a cheangal a tha 'gairm air d'ainm-sa.

15 Ach thubhairt an Tighearn ris, Imich; oir is soitheadh taghta dhomh-sa e, chum m'aim a ghluhan 'am fianuis nan Ciùneach, agus rìghrean, agus chloim Israeil.

16 Oir nochdaidh mise dha cia mòr na nithean a's éigin da fhulang air sgàth m'ainme-sa.

17 Agus dh'imich Ananias, agus chaidh e steach do'n tigh; agus chuir e a làmh air, agus thubhairt e, A Shaul, a bhràthair, chuir an Tighearn, (eadhon Iosa a dh'fhoills-icheadh dhuit-sa anns an t-slighe air an d'fhàinig thu,) mise chum gu'm faigh-eadh tu do radhare, agus gu'm bitheadh tu air do lìonadh leis an Spiorad uamh.

18 Agus air ball thuit o' shùilibh mar gu'm bitheadh lauan; agus dh'aisigeadh a radhare dha gun dàil, agus air dha éiridh, bhaisteadh e.

19 Agus an uair a ghabh e biadh, neartaich-eadh e. An sin bha Saul làithean àraidh maille ris na deisciobluibh a bha ann an Damascus.

20 Agus air ball shearmonaich e Iosa agus na sionagogaibh, gur esau Mac Dhé.

21 Ach bha na h-uile a chual e fo uamhas,

agus thubhairt iad, Nach e so esan a bha 'sgrios ann an Ierusalem ua muinntir a bha 'gairm air an ainm so, agus a thàinig an so chum na crìche so, gu'n tugadh e ceangailte iad dh'ionnsuidh nachdaran nan sagart?

22 Ach bu mhòid a neartaicheadh Saul, agus chuir e gu h-amhladh na h-Iudhaich a bha chòmhnuidh ann an Damascus, a' dearbhadh gur e so an Crìosd.

23 Agus air dol do mhòran làithean seach-ad, rinn na h-Iudhaich comhairle r'a chèile esan a mharbhadh:

24 Ach thugadh fios do Shaul air am foill: agus bha faire aca air ua geatachaibh a là agus a dh'oidhe chum a mharbhadh.

25 An sin ghabh na deisciobuil e 's an oidhe, agus chuir iad a mach thar a' bhalla e, agus leig iad sìos ann an clabh e.

26 Agus an uair a thàinig Saul gu Ierusa-lem, dh'fheuch e ri e fèin a cheangal ris na deisciobluibh: ach bha eagal orra uile roimhe, agus cha do chreid iad gu'm bu deisciobul e.

27 Ach ghabh Barnabas d'a ionnsuidh e, agus thug e chum nan abstol e, agus chuir e'n cèill doibh cionnus a chunnaic e'n Tigh-earn anns an t-slighe, agus gu'n do labhair e ris, agus cionnus a shearmonaich e gu dàna ann an Damascus ann an ainm Iosa.

28 Agus bha e maille riu a' teachd a steach, agus a' dol a mach ann an Ierusalem.

29 Agus labhair e gu dàna ann an ainm an Tigh-carna Iosa, agus rinn e reusonachadh an aghaidh nau Greugach: ach chuir iadsan rompa esan a mharbhadh.

30 Ach an uair a thug na bràithrean so, thug iad sìos e gu Cesarea, agus chuir iad air falbh gu Tarsus e.

31 An sin bha fois aig na h-eaglaisibh troimh Iudea uile, agus Ghalile, agus Sha-marìa, agus air dhoibh a bhi air an togail suas, agus a' siubhal ann an eagal an Tigh-earna, agus ann an comhfhurtachd an Spioraid naoimh, mheudaich-eadh gu mòr iad.

32 Agus tharladh, air do Pheadar imeachd troimh gach àite, gu'n deachaidh e sìos mar an ceudna chum nan naomh a bha 'g hail chòmhnuidh ann an Lida.

33 Agus fhuair e an sin duine àraidh d'am b'ainm Eneas, a bha rè ochd bliadhna r'a leabaidh, agus e gu tinn leis a' phairilis.

34 Agus thubhairt Peadar ris, Eneas, tha Iosa Crìosd ga d'leigheas: éirich agus dean do leabadh. Agus air ball dh'èirich e.

35 Agus chunnaic iadsan uile e, a bha' chòmhnuidh ann an Lida, agus ann an Saron, agus phill iad chum an Tighearna.

36 A nis bha ban-deisciobul àraidh ann an Iopa d'am b'ainm Tabita, 's e sin, air eadar-theangachadh, Dorcas: bha a' bhic an so làn de dheidh oibribh, agus de dhéireibh a rinn i.

37 Agus tharladh anns na làithibh sin, air



dhi 'bhi gu tinn gu'n d'fhuair i bàs: Agus air dhoibh a h-ionnlad, chuir iad ann an seòmar uachdarach i.

38 Agus air do Lida 'bhi fagus do Iopa, agus air chuinntinn do na deiscioblubh gu'n robh Peadar an sin, chuir iad dithis dhaoine d'a ionnsuidh, a' guidhe *air* e' theachd d'an ionnsuidh gun dail.

39 An sin dh'éirich Peadar, agus chaidh e maille riu. Agus an uair a bha e air teachd, thèidraich iad suas e do'n t-seòmar uachdarach: agus sheas na bantraichean uile làmh ris a' còineadh, agus a' nochdadh nan còta agus nan trusgan a rinn Dorcas am feadh a bha i maille riu.

40 Ach air do Pheadar an cur a mach uile, leig se e fèin air a ghluinibh agus rinn e urnuigh; agus air dha tionndadh ris a' chorp, thubhairt e, A Thabita, éirich. Agus dh'fhosgail ise a sùilean: Agus air dhi Peadar fhaicinn, dh'éirich i 'n a suidhe.

41 Agus thug e a làmh dhi, agus thog e 'n a seasamh i; agus an uair a ghairm e na naomh agus na bantraichean, chuir e 'n an làthair beò i.

42 Agus fhuaradh fios air so tre Iopa uile; agus ehreid mòran anns an Tighearn.

43 Agus tharladh gu'n d'fhan e mòran de làithean ann an Iopa maille ri Simon àraidh fear-deasachaidh leathair.

# CAIB. X.

1 *Air do Chornelius, duine cràbhach, àithne fhaotainn o aingeal, chuir e fios air Peadar, 11 a bha air a theagasg ann an taisbeanadh gun e dheanamh tàir air na Cinnich: 34 Am feadh a bha e 'searmonachadh Chrìosd do Chornelius agus d'a chuideachd, thàinig an Spiorad naomh a nuas orra, agus bhaisteadh iad.*

**A**GUS bha duine àraidh ann an Cesarea, d'am b'ainm Cornelius, ceannard-ceud de'n chuideachd ris an abrar *a' chuideachd* Eadailteach,

2 *Duine cràbhach, agus air an robh eagal Dhé maille r'a thigh nìle, a bha 'toirt mòrain déirce do'n t-slugh, agus a' deanamh urnuigh ri Dia a ghnàth.*

3 Chunnaic e ann an sealladh gu soilleir, mu thimchioll na naothamh uaire de'n là, aingeal Dhé a' teachd a stigh d'a ionnsuidh, agus ag ràdh, A Chornelius.

4 Agus air dhàsan amharc gu geur air, ghabh e eagal, agus thubhairt e, Ciod e, a Thighearna? Agus thubhairt e ris, Chaidh d'urnuighean agus do dhéirean suas mar chuimhneachan ann am fianuis Dhé.

5 Agus a nis cuir daoine gu Iopa, agus cuir fios air Simon, d'an co-ainm Peadar:

6 Tha e air aoidheachd maille ri Simon àraidh fear-deasachaidh leathair, aig am bheil a thigh làmh ris an fhainge: innsidh esan duit ciod is eòir dhuit a dheanamh.

7 Agus an uair a dh'fhalbh an t-aingeal a labhair ri Cornelius, ghairm e d'a ionnsuidh dithis de mhuinntir a thighe, agus saighdear

cràbhach de'n dream a bha ghnàth a' feith eamh air;

8 Agus an uair a chuir e an t-ionlan an céill doibh, chuir e iad gu Iopa.

9 Agus air an là màireach, 'n uair a bha iadsan air an turas, agus a' teachd 'am fagus do'n bhaile, chaidh Peadar suas air mullach an tighe a dheanamh urnuigh, mu thimchioll na seathanah uaire.

10 Agus dh'fhàs e ro oerach, agus bu mhiann leis *biadh* itheadh: ach am feadh a bha iadsan ag ulluchadh, thuit e ann an neul,

11 Agus chunnaic e nèamh fosgailte, agus soitheach àraidh a' teachd a nuas d'a ionnsuidh, mar bhraith-lìn mhòir, ceangailte air a ceithir oisnibh, agus air a leigeadh sìos air an talamh;

12 Anns an robh gach uile ghnè bheath-aichean ceithir-chosach na talmhainn, agus bheathaichean fiadhaich, agus bhiasdasnaig-each, agus cunlaith an athair.

13 Agus thàinig guth d'a ionnsuidh, Eirich, a Pheadair; marbh agus ith.

14 Ach thubhairt Peadar, Ni h-eadh, a Thighearna; oir cha d'ith mi riamh aon ni coitichionn no neòghlan.

15 Agus *thubhairt* an guth ris a ris an dara uair, Na nithean sin a ghlan Dia, na gairm thusa coitichionn.

16 Agus rimleadh so tri uairean: agus thogadh an soitheach a ris suas gu nèamh.

17 A nis an uair a bha Peadar fo amharus ann fèin ciod a bu chiall do'n t-sealladh a chunnaic e, feuch, bha na daoine a chuireadh o Chornelius, an dèigh dhoibh tigh Shimoìn iarraidh, 'n an seasamh aig an doras.

18 Agus air gairm dhoibh, dh'fheadraich iad an robh Simon d'an co-ainm Peadar, air aoidheachd an sin.

19 Am feadh a bha Peadar a' smuaineachadh air an t-sealladh, thubhairt an Spiorad ris, Feuch, tha triuir dhaoine ga d' iarraidh.

20 Uime sin éirich, agus gabh sìos, agus imich maille riu, gun amharus air bith a bhi ort: oir is mise a chuir uam iad.

21 Agus chaidh Peadar sìos chum nan daoine, [a chuireadh d'a ionnsuidh o Chornelius,] agus thubhairt e, Feuch, is mise an ti a tha sibh ag iarraidh: ciod e an t-aobhar mu'n d'fhàinig sibh?

22 Agus thubhairt iadsan, Fhuair Cornelius an ceannard-ceud, duine cothromach, air am bheil eagal Dhé, agus fo dheadh ainm aig cinneach nan Iudhach uile, rabhadh o Dhia le aingeal naomh, fios a chur ortsa d'a thigh, agus briathran a chluinntinn uait.

23 An sin ghairm e steach iad, agus thug e aoidheachd *dhoibh*. Agus air an là màireach dh'imich Peadar maille riu, agus eahaidh dream àraidh de na bràithribh o Iopa maille ris.

24 Agns air an là màireach chaidh iad a steach do Chesarca: agns bha Cornelius a' feitheamh riu, agus air gairm a luchd-dàimh agus a chàirdean dìleas an ceann a chèile.

25 Agus au uair a bha Peadar a' dol a steach, choiuinn Cornelius e, agus thuit e sìos aig a chosaibh, agns rinn e aoradh dha.

26 Ach thog Peadar snas e, ag ràdh, Seas suas: is duine mise mar an ceudna.

27 Agns ag còmhraidh ris, chaidh e steach, agus fhuair e mòr-mhuinutir erninn.

28 Agns thubhairt e rin, Tha fios agaibh gu bheil e mi-dhlighreach do dhuine a tha 'n a Iudhach, comhluidar a chumail ri neach a tha de chinnreach eile, no teachd am fagus da; ach uochd Dia dhomh-sa, gu daime air bith a ghairm coitcheion no neòghlan.

29 Uime sin thàinig mise 'n uair a chuireadh fios orm, gun aon ni a ràdh 'n a aghaidh: air au aobhar sin tha mi 'feòraich c'ar son a chuir sibh fios orm?

30 Agns thubhairt Cornelius, O'n cheathramh là gus an nair so bha mi a' deanamh trasgaidh; agus air an naothamh uair bha mi 'deauamh urnuigh ann am thigh, agus, fench, sheas duine a'm' làthair ann an eudach dealrach.

31 Agns thubhairt e, A Chornelinis, fhuair d'urnuigh èiseachd, agus tha do dhéirean air an cnuimheachadh 'am fianuis Dhé.

32 Uime sin enir gn Iopa, agus cuir fios air Simon, d'an co-ainnm Peadar; tha e air aoidheachd anu an tigh Shimoìn fear-deasachaidh leathair, làimh ris a' mhuir; neach, 'n nair a thigh e, a labhras riut.

33 Uime sin chuir mi air ball fios ort; agus is maith a rinn thu teachd. Air an aobhar sin tha sinne uile an so a làthair 'am fianuis Dhé, a dh'èiseachd nan nìle nìthean a tha air an àithneadh dhuit-sa le Dia.

34 An sin dh'fhosgail Peadar a bhenl, agus thubhairt e, Gu fìrinneach tha mi 'g aithneachadh nach 'eil Dia ag aniar air pearsaibh seach a chèile:

35 Ach anns gach uile chinnreach tha an uach air am bheil 'cagal-san, agus a tha 'g oibreachadh fireautachd, taitneach aige.

36 Am focal a chuir Dia gu cloinn Israeil a' searmonachadh sìth tre Iosa Crìosd, (neach a's e Tighearn nan uile.)

37 Am focal sin a's aithne dhuibh, a sgaoileadh air feadh tìre Iudca nìle, agns a thòisich o Ghalile, an déigh a' bhaistidh a shearmonaich Eoin:

38 Cionnus a dh'ing Dia Iosa o Nasaret leis an Spiorad naomh, agus le cnuimhachd; neach a chaidh mu'n cnairt a' deanamh maith, agus a' slànachadh nan uile a bha air am foireigheachadh leis an diabhail: oir bha Dia maille ris.

39 Agus tha sinne 'n ar fianuisibh air na h-uile nìthibh a rinn e, araon ann an tìr

uan Iudhach, agus ann an Iernsalem; neach a mharbh iad, 'g a chrochadh air crann:

40 Esan thog Dia suas air an treas là, agus nochd se e gn follaiseach;

41 Cha-n ann do'n t-sluagh uile, ach do fliannisibh, a thaghadh le Dia roimh-làimh, eadhon dhuinne, a dh'ith agns a dh'òl maille ris an déigh dha éiridh o na marbhaibh.

42 Agus dh'àithn e dhuinne searmonachadh do'n t-sluagh, agus fianuis a dheauamh gur esan a dh'orduicheadh le Dia 'n a bhreitheamh air bheòthaibh agns air mhairbh.

43 Dhàsan tha ua fàidhean uile a' toirt fianuis, gu'm faigh gach neach a chreideas ann maithneas u am peacaibh tre 'ainm-sau.

44 Am feadh a bha Peadar fathast a' labhairt nam briathar sin, thuirling an Spiorad uamh orra-san uile a ehnal am focal.

45 Agus ghabh na creidich de'n timchioll-ghearradh, a mheud diubh 's a thàinig maille ri Peadar, iongantas mòr, do bhrìgh gu'n do dhòirteadh air na Cinnich mar an ceudna tìodhlac an Spioraid naoinh.

46 Oir ehnala siad iad a' labhairt le teangaibh, agus ag àrd-mholadh Dhé. An sin fhreagair Peadar,

47 Am feud neach sam bith nìse a thoir-measg, chum nach rachadh iad so a bhaisteadh, a fhuair an Spiorad naomh, co maith ruinne?

48 Agus dh'orduich e iad a bhi air ana baisteadh ann an ainm an Tighearna. An sin ghnidh iad air fantuinn maille riu làith-ean àraidh.

## CAIB. XI.

1 *Fhuaradh cron do Pheadar air son comhluidar a ghlèidheadh ris na Cinnich: 4 dh'innis e a reuson, agus thairinn sin r'a luchd-ditidh.*

19 *Sgaoileadh an soisgeul feadh Phenice, agus Chipruis, agus Antioch.* 26 *Thugadh nar ainm air na deiscioblaibh Crìosduidhean air tùs ann an Antioch, &c.*

**A**GUS chualna a h-abstail agus na bràithrean a bha ann an Iudea, gu'n do ghabh na Cinnich mar an ceudna ri focal Dhé.

2 Agus an uair a chaidh Peadar snas gu Ierusalem, rinn iadsau a bha de'n timchioll-ghearradh, counspoid ris,

3 Ag ràdh, Chaidh thu steach a dh'ionnsuidh dhaoine nach robh air an timchioll-ghearradh, agus dh'ith thu maille riu.

4 Agns thòisich Peadar, agus chuir e'n t-ìomlan 'an céill doibh ann an ordugh, ag ràdh,

5 Bha mi ann am baile Iopa ri urnuigh; agns ann an neul ehnnaic mi sealladh, Soitheach àraidh a' teachd a nuas, mar bhraith-lìn mhòir, air a leigeadh a nuas o nèamh air a ceithir oisnibh; agus thàinig i a m' ionnsuidh-sa.

6 Agus air dhomh beachdachadh gu geur



oirre, thug mi fainear, agus chunnaic mi beathaichean, ceithir-chosach na talmhainn, agus na fiadh-bheathaichean, agus na biadaí snáigeach, agus eunlaith an athair.

7 Agus chuala mi guth ag ràdh rium, Eirich, a Pheadair; marbh agus ith.

8 Ach thubhairt mise, Nì eadh, a Thigh-carna: oir cha deachaidh riamh aon nì coitichionn no neòghlan a steach do m' bheul.

9 Ach fhreagair an guth mi an dara uair o nèamh, Na nithean a ghlan Dia na meas thusa neòghlan.

10 Agus rinneadh so trì uairean: agus thogadh an t-ìomlan a ris suas gu nèamh.

11 Agus, feuch, air ball bha triuir dhaoine air teachd chum an tìge auns an robh mi, a chuireadh o Chesarea a m' ionnsuidh.

12 Agus thubhairt an Spiorad rium dol maille riu, gun amharus air bith a bhì orm. Agus chaidh mar an ceudna an t-seathnar bhraithrean so maille rium, agus chaidh sinn a steach do thigh an duine:

13 Agus nochd e dhuinn cionnus a chunnaic e aingeal 'n a sheasamh 'n a thigh, a thubhairt ris, Cuir daoine gu Iopa, agus cuir fios air Simon, d'an co-aonn Peadar;

14 Neach a labhras briathran riut, leis an tèarnar thu féin agus do thigh uile.

15 Agus au uair a thòisich mi air labhairt, thuirling an Spiorad naomh orra-san, mar oirne air tùs.

16 An sin chuimhnich mise focal an Tigh-carna, mar a thubhairt e, Bhaist Eoin gun amharus le h-uisge; ach baistear sibhse leis an Spiorad naomh.

17 Uime sin ma thug Dia dhoibh-san tìodhlac co-ionanu ruinne, a chreid anns an Tighearn Iosa Crìosd, cò mise gu'm bithinu comasach bacadh a chur air Dia?

18 Agus an uair a chual iad na uithean so, thosd iad, agus thug iad glòir do Dhia, ag ràdh, Thug Dia ma seadh mar an ceudna do ua Cinnich aithreachas chum beatha.

19 A uis chaidh iadsan a sgapadh a mach leis an àmhghar a dh'èirich air son Stepheiu, gu ruig Phenice, agus Ciprus, agus Antioch, gun am focal a labhairt ri aon neach ach ris na h-Iudhaich a mhàin.

20 Agus bha cuid diubh o Chiprus, agus o Chirene, dream air dhoibh dol a steach do Antioch, a labhair ris na Greugaich, a' scar-monachadh an Tighearna Iosa.

21 Agus bha lann an Tighearna maille riu: agus chreid àireamh mhòr, agus phill iad chum an Tighearna.

22 Agus thàinig sgeul air na nithibh sin gu clasaibh na h-eaglais a bha ann an Ierusalem; agus chuir iad Barnabas uatha, chum gu'n rachadh e gu Antioch:

23 Neach an uair a thàinig e, agus a chunnaic e gràs Dhé, a rinn gairdeachas, agus a dh'earaillich orra uile, gu'n dlùth-leanaidh iad ris an Tighearn le rùn cridhe.

24 Oir bha e 'n a dhuine maith, agus làn de'n Spiorad naomh, agus de chreidimh. Agus chuireadh sluagh mòr ris an Tigh-carn.

25 An sin chaidh Barnabas gu Tarsus, a dh'iarraidh Shaul.

26 Agus air dha 'fhaotainn, thug e leis e gu Antioch. Agus tharladh, gu'n robh iad ré bliadhna iomlain air an cruinneachadh maille ris an eaglais, agus gu'n do theagaisg iad sluagh mòr; agus gu'n do ghoireadh Crìosduidhean de na deisciobluibh air tùs ann an Antioch.

27 Agus anns na làitheibh sin thàinig fàidhean o Ierusalem gu Antioch.

28 Agus air seasamh suas do aon diubh d'am b'ainm Agabus, dh'fhoillsich e troimh an Spiorad, gu'm bitheadh gorta mhòr air feadh an domhain uile: nì mar an ceudna a thachair ri linn Chlaudiuis Cheasair.

29 An sin chuir gach aon de na deisciobluibh roimhe, a rèir a chomais, còmhnaidh a chur chum nam bràithrean, a bha' chòmh-uuidh ann an Iudea.

30 Nì mar an ceudna a rium iad, agus chuir iad e chum nan seanairean le lannh Barnabais agus Shaul.

## CAIB. XII.

1 Rinn Herod gear-teannhuinn air na Crìosduidhibh, 2 mharbh e Seumas, 3 agus chuir e Peadar ann am prìosan, neach a thugadh a mach le aingeal bre urnuighibh na h-eaglais: 23 Bhuailleadh Herod le aingeal, agus bhàis a e gu truagh; 24 Shoirbhich le focal Dhé an deigh bàis Heroid.

**A**NIS mu'n àm sin, shìn Herod an rìgh a lannan, a dheanamh uile air dream àraidh de'n eaglais.

2 Agus mharbh e Seumas bràthair Eoin leis a' chlaidheamh.

3 Agus an uair a chunnaic e gu'n do thaitinn sin ris na h-Iudhaich, chaidh e air aghaidh a ghlacadh Pheadair mar an ceudna. (Agus b'iad làithean an arain neo-ghoirtichte a bh'ann.)

4 Agus ghlac e agus chuir e'm prìosan e, agus thug se e r'a ghleidheadh do cheithir cheathrar shaighdearan, fa rùn a thoirt a mach do'n t-sluagh an deigh na caisge.

5 Air an aobhar sin ghleidheadh Peadar anns a' phrìosan: ach bha gnàth-urnuigh air a deanamh leis an eaglais ri Dia air a shon.

6 Agus an uair a b'ail le Herod a thoirt a mach, 's au oidhech sin féin bha Peadar 'n a chodad cadar dithis shaighdearan, ceangailte le dà shlabhruidh: agus bha'n luchd-faire fa ehomhair an doruis a' còmhlead a' phrìosain.

7 Agus, feuch, thàinig aingeal an Tighearn' air, agus dhealaich solus anns a' phrìosan: agus bhuail e taobh Pheadair, agus dhuig se e, ag ràdh, Eirich gu grad. Agus thuit a cheanglaichean d'a lannan.

8 Agus thubhairt an t-aingeal ris, Crìoslaich thu féin, agus ceangail ort do bhonn-

bhrògan : agus rinn e mar sin. Agus thubhairt e ris, Tilg d'fhalluim umad, agus lean mise.

9 Agus chaidh e mach, agus lean se e; agus cha robh fhios aige gu'n robh e fìor an nì a rinneadh leis an aingeal: ach shaoil e gu'm bu taisbeanadh a chunnaic e.

10 Agus air dhoibh dol troimh 'n cheud agus an dara faire, thàinig iad chum a' gheata iaruin a tha 'treorachadh do'n bhaile, a dh'fhosgail doibh leis féin: agus air dol a mach dhoibh, chaidh iad air an aghaidh troimh aon sràid, agus air ball dh'fhalbh an t-aingeal uath.

11 Agus an uair a thàinig Peadar d'a ionnsuidh féin, thubhairt e, A nis tha fhios agam gu fìrinneach gu'n do chuir an Tighearn 'aingeal uath, agus gu'n do shaoir e mi o làimh Heroid, agus o uile dhùil pobuill nan Iudhach.

12 Agus an uair a smuainich e air a' chùis, thàinig e gu tigh Mhuire màthar Eoin, d'an co-ainm Marcus, far an robh mòran muinntir cruinn, agus iad ri urn-uigh.

13 Agus an uair a bha Peadar a' bualadh doruis a' gheata, thàinig gruagach d'am b'ainm Roda a dh'éisdeachd.

14 Agus an uair a dh'aithnich i guth Pheadair, tre aoibhneas cha dh'fhosgail i an geata, ach ruith i stigh, agus dh'innis i gu'n robh Peadar 'n a sheasamh aig a' gheata.

15 Ach thubhairt iad rithe, Tha thu air mhi-chéill. Ach bha ise 'toirt dearbh-chinnt gu'n robh e mar sin. An sin thubhairt iad, Is e 'aingeal a tha ann.

16 Ach bhunaich Peadar a' bualadh an doruis: agus an uair a dh'fhosgail iad, agus a chunnaic iad e, bha iad làn uamhais.

17 Ach air dhàsan smèideadh orra le a làimh iad a bhi 'n an tois, chuir e'n céill doibh cionnus a thug an Tighearn as a' phrìosan e. Agus thubhairt e, Innsibh na nithean so do Sheumas agus do na bràithribh. Agus air dol a mach dha, chaidh e gu àit eile.

18 Agus air teachd do'n là bha iomairt nach bu bheag an measg nan saighdearan, ciod a thachair do Pheadar.

19 Agus an uair a dh'iarr Herod e, agus nach d'fhuair se e, rannsaich e an luchd-còimhead, agus dh'orduich e an toirt air falbh chum peanais. Agus chaidh e sìos o Iudea gu Cesarea, agus rinn e còmhnuidh an sin.

20 Agus bha fearg mhòr aig Herod ri muinntir Thiruis agus Shìdoin: ach thàinig iadsan a dh'aon inntinn d'a ionnsuidh, agus air dhoibh Blastus seomradair an rìgh a thoirt air an crann, dh'iarr iad sìth; do bhrìgh gu'n robh an tìr air a beathachadh le tìr an rìgh.

21 Agus air là orduichte, air do Herod a bhli air a sgeadachadh le eudach rioghail,

agus 'n a shuidhe air a rìgh-chaithir, labhair e gu deasbhriathrach riu.

22 Agus rinn an sluagh iolach, ag ràdh, Is guth Dé so, agus cha ghuth duine.

23 Agus air ball bhuail aingeal an Tighearn' e, do bhrìgh nach d'thug e a' ghloir do Dhia: agus dh'itheadh le cruinnibh e, agus chaidh an deò as.

24 Ach dh'fhàs focal an Tighearn' agus mheudaicheadh e.

25 Agus phill Barnabas agus Saul o Ierusalem, air dhoibh am ministrealachd a choimhlionadh, a' toirt leo mar an ceudna Eoin, d'an co-ainm Marcus.

### CAIB. XIII.

1 Thaghadh Pòl agus Barnabas gu dol chum nan Cinnchea. 7 Mu thimchioll Shergius Paulus, agus Elimais an druidh. 14 Shearmonaich Pòl aig Antioch, gur e Iosa an Crìosd. 42 Chreid na Cinnich, ach labhair na h-Iudhaich an aghaidh na fìrinn.

**A**NIS bha anns an caglais a bha aig Antioch, fàidhean, agus luchd-teagaisg àraidh; mar tha Barnabas, agus Simeon ris an abrar Niger, agus Lucius o Chirene, agus Manaen comh-alta Heroid an Tetràire, agus Saul.

2 Agus air dhoibh bhi ri ministrealachd do'n Tighearn, agus a' trasgadh, thubhairt an Spiorad naomh, Cuiribh air leth dhomhsa Barnabas agus Saul, chum na h-oibre agus an do ghairm mi iad.

3 An sin air dhoibh trasgadh agus urn-uigh a dheanamh, agus an làmh an chur orra, leig iad uatha iad.

4 Mar sin air dhoibh-san a bhi air an cur a mach leis an Spiorad naomh, chaidh iad sìos gu Seleucia; mar sin sheòl iad gu Ciprus.

5 Agus air dhoibh a bhi ann an Salamis, shearmonaich iad focal Dhé ann an sionagogaibh nan Iudhach: agus bha mar an ceudna Eoin aca mar fhear-frithealaidh.

6 Agus an uair a chaidh iad troimh an cilean gu Paphos, fhuair iad druidh àraidh, fàidh brèige, Iudhach, d'am b'ainm Bariesus:

7 Neach a bha maille ri Sergius Paulus an t-uachdaran, duine tuigseach; air dhàsan Barnabas agus Saul a ghairm d'a ionnsuidh, dh'iarr e focal Dhé a chluinntinn.

8 Ach chuir Elimas an druidh, (oir is ann mar so a dh'eadar-theangaichear 'ainm,) 'n an aghaidh, ag iarraidh an t-uachdaran a thionndadh o'n chreidimh.

9 An sin air bhi do Shaul, (d'an goircar Pòl,) làn de'n Spiorad naomh, agus ag amharc gu geur air,

10 Thubhairt e, O thusa a tha làn de'n uile cheilg, agus de'n uile dhroch-bheirt, a mhic an diabhuil, a nàmhaid na h-uile fhìreantachd, nach sguir thu a dh'fhiaradh shlighean dìreach an Tighearn?

11 Agus feuch a nis, tha làmh an Tighearn' ort, agus bìthidh tu dall gun a'



ghrian fhaicinn ré tamuill. Agus air ball thuit cèd agus dorchadas air; agus a' tionndadh mìn cuairt, dh'iarr e dream a threòraicheadh air làimh e.

12 An sin an uair a chunnaic an t-uachdaran an nì a rinneadh, chreid e, air dha bhàlàn iongantais mu theagasg an Tighearna.

13 Agus air gabhail luinge do Phòl agus d'a chuideachd o Phaphos, thàinig iad gu Perga na Pamphilia: agus air do Eoin am fagail, phill e gu Ierusalem.

14 Ach air dhoibh-san imeachd o Pherga, thàinig iad gu Antioch na Pisidia, agus chaidh iad a steach do'n t-sionagag air là na sàbaid, agus shuidh iad.

15 Agus an dèigh leughadh an lagha agus nam Faidhean, chuir uachdaran na sionagag d'an ionnsuidh, ag ràdh, Fhearna agus a bhràithre, ma tha focal carail agaibh do'n t-sluagh, abraibh e.

16 An sin an uair a sheas Pòl suas agus a smèid e orra le 'làimh, thubhairt e, Fhearna Israeil, agus sibhse air am bheil eagal Dhé, éisdibh.

17 Thagh Dia a' phobuill so Israeil ar n-aithrichean, agus dh'ardaich e'm pobull 'n uair a bha iad air choigrich ann an tìr na h-Eiphit, agus le làimh àird thug e iad a mach aiseid.

18 Agus mu thimchioll ùine dhà fhichead bliadhna ghiùlain e le 'm beusaibh anns an fhàsach.

19 Agus an uair a sgrìos e seachd cinnich ann an tìr Chanaain, roinn e am fearann orrasan le crannchur.

20 Agus 'n a dhéigh sin mu thimchioll ceithir cheud agus leth-cheud bliadhna, thug e dhoibh breitheamhnan, gu Samuel am fàidh.

21 Agus 'n a dhéigh sin dh'iarr iad rìgh: agus thug Dia dhoibh Saul mac Chis, duine de thrèibh Bheniamin, ré dhà fhichead bliadhna.

22 Agus air dha esan atharrachadh, thog e suas Daibhidh gu bhì 'n a rìgh dhoibh; d'an d'thug e mar an ceudna fianuis, ag ràdh, Fhuair mi Daibhidh mac Iese, duine a réir mo chridhe féin, a nì m' uile thoil.

23 De shìochd an duine so thog Dia snas do Israel a réir a gheallaidh, Slànuidhear, eadhon Iosa:

24 Air do Eoin roimh a theachd-san, baisteadh an aithreachais air tùs a shearmonachadh do phobull Israeil uile.

25 Agus mar a choinnhlion Eoin a thrìall, thubhairt e, An ti a tha sibh a' saòilsinn is mise, cha mhi e. Ach feuch, tha neach a' teachd a'm' dhéigh, nach airidh mi air brògan a chos fhuasgladh.

26 Fhearna agus a bhràithre, a chlann fine Abraham, agus a mhead agaibh 's air am bheil eagal Dhé, is ann do 'ur n-ionnsuidh-sa a chuireadh focal na slàinte so.

27 Oir iadsan a tha 'chòmhnuidh ann an

Ierusalem, agus an uachdaran, air dhoibh 'bhi aineolach aisans, agus air foclaibh nam Faidhean a tha air an leughadh gach sàbaid, le *esan* a dh'iteadh choimhlon siad iad.

28 Agus ged nach d'fhuair iad coire bàis air bith ann, dh'iarr iad air Pilat gu'n cuirteadh esan gu bàs.

29 Agus an uair a choinnhlion iad na h-uile nithean 'bhasgrìobhta mu 'thimchioll, thug iad a nuas o'n chrann e, agus chuir iad ann an naigh e.

30 Ach thog Dia suas o na mairbh e:  
31 Agus chumacas e ré mòran làithean leosan a chaidh suas maille ris o Ghalile gu Ierusalem, dream a tha 'n am fianuisibh aisans do'n t-sluagh.

32 Agus tha sinne a' soisgeulachadh dhuibh-se a' gheallaidh, a rinneadh do na h-aithricibh,

33 Gu'n do choinnhlion Dia so dhuinne an clann, air dha Iosa 'thogail suas; mar tha e sgrìobhta mar an ceudna 's an dara Salm, Is tu mo Mhac-sa, an dingh ghin mi thu.

34 Agus mar dhearbhadh gu'n do thog e suas e o na marbhaibh, gun e a philltinn air ais tuilleadh chum truaillidheachd, thubhairt e mar so, Bheir mise dhuibh trèairean cinnteach Dhaibhidh.

35 Uime sin thubhairt e mar an ceudna ann an *Salm* eile, Cha-n fhuiling thu do d' Aon naomh gu'm faic e truaillidheachd:

36 Oir an dèigh do Dhaibhidh a ghinealach féin a riarachadh a réirtoile Dhé, choitil e, agus chuireadh e chum 'aithrichean, agus chunnaic e truaillidheachd:

37 Ach an ti a thog Dia suas, cha-n fhac e truaillidheachd.

38 Uime sin bitheadh fhios agaibh-sa, fhearna agus a bhràithre, gur ann tre'n duine so tha maithneas pheacaidhean air a shearmonachadh dhuibh:

39 Agus trìd-san tha gach neach a chreideas air a shaoradh o na h-uile nithibh, o nach robh e'n comas duibh a bhi air bhur saoradh le lagh Mhaois.

40 Thugaibh aire uime sin, nach tig oirbh an nì a tha air a ràdh anns na Faidhibh;

41 Feuchaibh, a luchd-tarcuis, agus gabhaibh iongantas, agus rachadh as duibh: oir oibrichidh mise obair ann bhur làithibh-sa, obair nach creid sibh idir, ged 'chuireadh duine 'an céill duibh e.

42 Agus an uair a chaidh na h-Iudhaich a mach as an t-sionagag, ghuidh na Cinnich gu'n rachadh na briathran so a labhairt riu féin air an t-sàbaid 'n a dhéigh sin.

43 A nis an uair a sgaoil an coimhthional, lean mòran de na h-Iudhaich agus de na proselitich chràbhach Pòl agus Barnabas: agus labhair iadsan riu, agus chuir iad impidh orra buanachadh ann an gràs Dhé.

44 Agus air an là sàbaid a bhfaigse, is

beag nach do chruinnich am baile gu h-ionnlan a dh'éisdeachd ri focal Dhé.

45 Ach an uair a chunnaic na h-Iudhaich na slòigh, ònadh iad le h-eud, agus labhair iad an aghaidh nan nithean sin a labhradh le Pòl, a' labhairt 'n an aghaidh agus a' tabhairt toibheim.

46 An sin dh'fhàs Pòl agus Barnabas dàna, agus thubhairt iad, B'éigin focal Dhé 'bhi air a labhairt ribhse air tùs: ach do bhrìgh gu'n do chuir sibh cùl ris, agus gur i bhrù breth oirbh féin nach airidh sibh air a' bheatha mhaireannaich, feuch, tha sinne a' pilltinn chum nan Cinneach.

47 Oir is ann mar sin a dh'áithn an Tigh-earn dhuinn, *ag ràdh*, Chuir mi thu mar shòlas do na Cinnich, chum gu'm bitheadh tu mar shlàinte gu iomall na talmhainn.

48 Agus an uair a chuala na Cinnich so, rinn iad gairdeachas, agus ghlòraich iad focal an Tighcarna: agus chreid a mhéud 's a bha air an orduchadh chum na beatha maireannaich.

49 Agus sgaoileadh focal an Tighearna feadh na tíre uile.

50 Ach bhrosnuich na h-Iudhaich na mnathan cràbhach agus urramach, agus daoine uaisle na caithreach, agus thog iad geur-leanmhuinn air Pòl agus Barnabas, agus thilg iad a mach as an crìochaibh iad.

51 Ach chrath iadsan duslach an cos dhiubh 'n an aghaidh, agus thàinig iad gu Iconium.

52 Agus bha na deisciobuil air an ònadh le h-aòibhneas, agus leis an Spiorad naomh.

#### CAIB. XIV.

1 *Dhian-ruagadh Pòl agus Barnabas o Iconium.*

8 *Aig Lìstra leigheis Pòl crioplach: uime sin mheasadh iad 'n an diathan.* 19 *Chlachadh Pòl: 21 chaidh iad troimh iomadh eaglais, a' daingneachadh nan deisciobul ann an creidimh agus ann am foighidín: 26 agus an uair a phill iad ann an Antioch, dh'áithris iad na nithean a rinn Dia leo.*

**A**GUS tharladh ann an Iconium, gu'n deachaidh iad araon a steach do shionagor nan Iudhach, agus gu'n do labhair iad air chor as gu'n do chreid cuidcachd mhòr de na h-Iudhaich, agus mar an ceudna de na Greugaich.

2 Ach bhrosnuich na h-Iudhaich mhi-chreideach, agus lìon iad de dhroch rùn inntinn nan Cinneach an aghaidh nam bràithrean.

3 Uime sin dh'fhan iad aimsir fhada a' labhairt gu dana mu thimchioll an Tigh-carn', a rinn fianuis do fhocal a ghràis, agus a thug fainear comharan agus mìorbhuilean a bhi air an deanamh le'n làmh-an-san.

4 Ach bha sluagh a' bhaile air an roimh: agus bha cuid diubh leis na h-Iudhaich, agus cuid eile leis na h-abstolaibh.

5 Agus an uair a thugadh ionnsuidh araon

leis na Cinnich, agus mar an ceudna leis na h-Iudhaich, maille r'an uachdaranaibh, chum iadsan a mhaslachadh agus a chlachadh.

6 'N uair a thuig iadsan so, theich iad gu Lìstra agus Derbe, bailtean de Licaonia, agus chum na dùthcha mu'n cuairt:

7 Agus bha iad a' searmonachadh an t-soisgeil an sin.

8 Agus bha ann an Lìstra duine àraidh gun lùth 'n a chosaibh ann a shuidhe, a bha bacach o bhròim a mhàthar, neach nach d'imich riamh:

9 Chual' esan Pòl a' labhairt: neach air dha amharc gu geur air, agus a thuigsinn gu robh creidimh aige chum a leigheas,

10 Thubhairt e le guth àrd, Seas suas gu dìreach air do chosaibh. Agus leum esan agus dh'imich e.

11 Agus an uair a chunnaic an sluagh an ni a rinn Pòl, thog iad an guth, ag ràdh ann an cànan Licaonia, Tha na diathan air teachd a nuas 'an coslas dhaoine d'ar n-ionnsuidh-ne.

12 Agus ghoir iad de Bharnabas, Iupiter; agus de Phòl, Mercurius, do bhrìgh gu'm b'e am prìomh fhear-labhairt e.

13 An sin thug sagart Iupiteir, a bha fa chomhair an caithreach-san, tairbh agus lus-chrùnan chum nan geata, agus bàill leis iobairt a dheanamh maille ris an t-sluagh.

14 Ach an uair a chuala na h-abstol Barnabas agus Pòl so, reub iad an eudach, agus ruith iad a steach am measg an t-sluaigh, ag éigheach,

15 Agus ag ràdh, A dhaoine, c'ar son a tha sibh a' deanamh nan nithean so? oir is daoine sinne cosmhul ribh féin thaobh fulangais, a' searmonachadh dhuibhse, pilltinn o na nithibh dìomhain sin chum an Dé bheò, a rinn nèamh, agus an talamh, agus an cuan, agus na h-uile nithean a tha ann ta:

16 Neach anns na linnibh a chaidh seachad, a dh'fhuiling do na h-uile Chinnich imeachd 'n an slighibh féin.

17 Gidheadh, cha d'fhàg se e féin gun fhiannais, a' deanamh maith, agus a' toirt dhuinn uisge o nèamh, agus aimsirean tarbhach, a' lìonadh ar cridheachan le biadh agus le subhachas.

18 Agus ag ràdh nan nithean so dhoibh, is gann a chum iad an sluagh gun iobairt a dheanamh dhoibh.

19 Agus thàinig Iudhaich o Antioch agus o Iconium, agus chomhairlich iad an sluagh, agus air dhoibh Pòl a chlachadh, tharruing iad a mach as a' bhaile e, a' saòilsinn gu robh e marbh.

20 Ach air seasamh do na deisciobluibh m'a thimchioll, dh'éirich e, agus chaidh e steach do'n bhaile; agus air an là maireach dh'imich e maille ri Barnabas gu Derbe.

21 Agus an uair a shearmonaich iad an soisgeul do'n bhaile sin, agus a riun iad



mòran dheisciobul, phill iad gu Listra, agus Ieonium, agus Antioch,

22 A' neartachadh anaman nan deisciobul, agus ag earlachadh orra buanachadh 's a' chreidimh, agus a' teagasg gur ann tre iomadh àmhghar is éigin duinn dol a steach do rìoghachd Dhé.

23 Agus an uair a dh'orduich iad seanair-ean dhoibh anns gach eaglais, agus a rinn iad urnuigh maille ri trasgadh, dh'earb siad iad ris an Tighearn, anns an do chreid iad.

24 Agus an déigh dhoibh dol troimh Phisidia, thàinig iad gu Pamphilia.

25 Agus air dhoibh am focal a labhairt ann am Perga, chaidh iad sìos gu Atalia:

26 Agus sheòl iad as a sin gu Antioch, an t-àit o'n dearbhadh iad ri gràs Dhé, chum na h-oibre a choimhlion iad.

27 Agus an uair a thàinig iad, agus a chruinnich iad an eaglais an ceann a chéile, dh'aithris iad meud nan nithean a rinn Dia leo, agus gu'n dh'fhosgail e dorus creidimh do na Cinnich.

28 Agus dh'fhan iad an sin aimsir nach bu bheag maille ris na deiscioblubh.

# CAIB. XV.

I Dh'éirich connsachadh mòr mu thimchioll an timchioll-ghearraidh: 6 chum na h-abstòil comhairle mu'n chùis sin, 22 agus chuir iad ordugh na comhairle ann an litricibh chum nan eaglaisean. 36 Air do Phòl agus do Bharnabas a bhi 'smuaineachadh air dol araon a dh'àmharc am bràithrean, chuir iad a mach air a chéile, agus dhealaich iad.

**A**GUS theagaisg dream àraidh, a thàinig a nuas o Iudea, na bràithrean, ag ràdh, Mur timchioll-ghearrar sibh a réir gnàtha Mhaois, cha-n'eil e'n comas duibh a bhi air bhuir tèarnadh.

2 Uime sin air do Phòl, agus do Bharnabas connsachadh agus deasboireachd nach bu bheag a bhi aca riu, dh'orduich iad Pòl agus Barnabas, agus dream àraidh eile dhiubh féin, a dhòl suas chum nan abstol agus nan seanairean gu Ierusalem mu thimchioll na ceisde so.

3 Agus air dhoibh a bhi air an toirt air an aghaidh leis an eaglais, chaidh iad troimh Phenice, agus Shamaria, a' cur an céill iompachadh nan Cinneach: agus thug iad aoihbneas mòr do na bràithribh uile.

4 Agus an uair a thàinig iad gu Ierusalem, ghabhadh riu leis an eaglais, agus na h-abstolaidh, agus na seanairibh, agus dh'innis iad meud nan nithean a rinn Dia leo-san.

5 Ach dh'éirich dream àraidh de bharail nam Phairiseach a bha 'n an creidimhich, ag ràdh, Gur coir an timchioll-ghearradh, agus àithneadh dhoibh lagh Mhaois a choimhead.

6 Agus thàinig na h-abstol agus na seanair-ean an ceann a chéile a dh'fheuchainn mu'n chùis so.

7 Agus an déigh mòrain deasboireachd, dh'éirich Peadar agus thubhairt e riu, Fheara agus a bhraithre, tha fhios agaibh o cheann fhada gu'n do ròghnuich Dia 'n ar measg-ne, o' m' bheul-sa gu'n cluinneadh na Cinnich focal an t-soisgeil, agus gu'n ereideadh iad:

8 Agus rinn an Dia d'an aithne an cridhe, fianuis dhoibh, a' tabhairt an Spioraid naoinmh dhoibh, mar a thug e dhuinne;

9 Agus cha d'rinn e eadar-dhealachadh eadar sinne agus iadsan, a' glanadh an cridhe le creidimh.

10 C'ar son uime sin a nis a tha sibh a' brosnuchadh Dhé, le cuing a chur air muin-eal nan deisciobul, nach robh aon ehuid ar n-aithrichean no sinne comasach air a ghiùlan?

11 Gidheadh tha sinn a' creidsinn, tre ghràs an Tighearna Iosa Criosd, gu'n saorar sinn amhuil mar iadsan.

12 An sin dh'fhan a' chuideachd uile 'n an tosd, agus thug iad éisdeachd do Bharnabas agus do Phòl, ag innseadh meud nan comharan agus nam mìorbhuilean a rinn Dia leo-san am measg nan Cinneach.

13 Agus an déigh dhoibh a bhi 'n an tosd, fhreagair Seumas, ag ràdh, Fheara agus a bhraithre, éisidibh riumsa:

14 Chuir Simeon an céill cionnus a dh'fhiosraich Dia na Cinnich air tùs, le pobull a ghabhail as am measg d'a ainm féin.

15 Agus do so tha briathran nam fàidhean a' co-fhreagairt; a réir mar tha e sgriobhta,

16 An déigh so pillidh mi, agus togaidh mi suas a ris pàillium Dhaibhidh, a tha air tuiteam; agus togaidh mi a ris an ni a thuit deth, agus cuiridh mi suas e:

17 Chum gu'n iarr fuigheall nan daoine an Tighearn, agus na h-uile Chinnich, air an goirear m'ainm-sa, tha an Tighearn ag ràdh, a tha'deanamh nan nithean sin uile.

18 Aithnichte do Dhia tha 'oibre fein uile o thoiseach an t-saoghail.

19 Uime sin is i mo bhreth-sa, nach cuir sinn mì-shuainhneas orra-san de na Cinnich, a tha air pilltinn chum Dhé:

20 Ach gu'n sgriobh sinn d'an ionnsuidh, iad a sheachnadh truailidheachd iodholan, agus striopachais, agus mì tachda, agus fola.

21 Oir tha aig Maois o na linnibh cian anns gach baile daoine a tha 'g a shearmonachadh, air dha bhi air a leughadh gach là sàbaid anns na sionagogaibh.

22 An sin chunnacas iomchuidh do na h-abstolaidh, agus do na seanairibh, maille ris an eaglais uile, daoine taghta dhiubh féin a chur gu Antioch, maille ri Pòl agus Barnabas; eadhon, Iudas d'an co-ainm Barsabas, agus Silas, daoine inbheach am measg nam bràithrean:

23 Agus sgrìobh iad litrichean leo air an dòigh so, Tha ua h-abstoil, agus na scan-airean, agus na bràithrean a' cur beannachd chum nam bràithrean de ua Cinnich a tha ann an Antioch, agus ann an Siria, agus ann an Cilicia :

24 Do bhrìgh gu'n cuala sinne, gu'n do chuir dream àraidh a chaidh uainne mi-shuainhneas oirbh le briathraibh, ag atharrachadh bhur u-inntinn, ag ràdh, *Gur còir dhuibh* a bhi air bhur timchioll-ghearradh, agus an lagh a chomhead; do nach d'thug sinne *a leithid sin a dh'aithe* :  
25 Chunnacas ionchuidh dhuinne, air dhuinn a bhi cruinn a dh'aon toil, daoine taghta a chur do 'ur n-ionnsuidh-sa, maille ri ar bràithribh gràdhach Barnabas agus Pòl ;

26 Daoine a thug an anaman féin air son ainme ar Tighearna Iosa Crìosd.

27 Chuir sinn uime sin Iudas agus Silas uainn, a dh'iunseas *dhuibh* na uithean ceudna le cainnt bheoil.

28 Oir chunnacas ionchuidh do'n Spiorad naomh, agus dhuinne, gun ni air bith tuilleadh a chur oirbh a dh'uallaich ach na nithean feumail so ;

29 Sibh a sheachnadh nithean a chaidh ìobradh do ìodholaibh, agus fola, agus ni tachdta, agus strìopachais : uatha so ua choimhideas sibh sibh féin, ni sibh gu maith. Slàn leibh.

30 Uime sin an uair a leigeadh uatha iad, thàinig iad gu Antioch : agus air cruinneachadh an t-sluaigh dhoibh, thug iad seachad an litir.

31 Agus an uair a leugh iad *sin*, rinn iad gairdeachas air son na comhlhurtachd.

32 Agus air bhi do Iudas agus do Shilas 'n am fàidhibh iad féin, le mòrau bhriathraibh dh'earailich, agus neartaich iad na bràithrean.

33 Agus air fuireach ré ùine dhoibh, leigeadh air falbh 'an sith iad o na bràithribh chum nan abstol.

34 Gidheadh chuunnacas ionchuidh do Shilas còmhnuidh a dhcananìh an sin.

35 Dh'fhan Pòl mar au ceudna agus Barnabas ann an Antioch, a' teagasg agus a' searmonachadh maille ri mòrau eile mar an ceudna, focail an Tighearna.

36 Agus an déigh làithean àraidh, thubhairt Pòl ri Barnabas, Pilleamaid agus faicamaid ar bràithrean, anns gach baile anns an do shearmonaich sinn focal an Tighearna, cionnus a tha iad.

37 Agus bàill le Barnabas iad a thoirt Eoin d'an co-ainm Marcus leo.

38 Ach eha do mheas Pòl gu'm bu chòir dhoibh esan, a dh'fhalbh uatha o Phamphilia, agus nach deachaidh maille riu chum na h-oibre, a thoirt leo.

39 Dh'éirich uime sin connspoid eatorra cho dian, as gu'n do sgaradh o 'chéile iad :

agus uar siu thug Barnabas leis Marcus, agus chaidh e air luing gu Ciprus ;

40 Ach thagh Pòl Silas, agus dh'imich e, air dha bhi air carbisdh ri gràs Dhé leis na bràithribh.

41 Agus shiubhail e troimh Shiria agus Chìlicia, a' daingneachadh nan eaglaisean.

# CAIB. XVI.

1 *Thimchioll-ghearr Pòl Timoteus : 7 ghairmeadh e leis an Spiorad o dhùthaich gu dùthaich ; 14 dh'iompaicheadh Lidia ; 16 thig e a mach spiorad fìosachd ; 19 uime sin bha e féin agus Silas air an sgiarsadh, agus air an cur 'am prìosan. 26 Dh'fhosgladh dorsan a' phrìosain, agus dh'iompaicheadh an dorsair. 35 Chuireadh iadsan ja sgoil.*

**A**N sin thàinig e gu Derbe agus Lìstra : agus, fench, bha deisciobul àraidh an sin, d'am b'ainm Timoteus, mac mnà àraidh de'n chinneach Iudhach, a bha 'n a ban-chreidmheich; ach bu Ghreugach a b'ath-air dha :

2 A bha fo dheadh ainm aig na bràithribh a bha ann an Lìstra agus ann an Iconium.

3 Bha toil aig Pòl an fear so a dhol a mach maille ris; agus ghabh e agus thimchioll-ghearr se e, air son nan Iudhach a bha anns na h-àitibh siu; oir bha fios aca uile gu'm bu Ghreugach 'athair.

4 Agus uar a shiubhail iad troimh na bailtibh, thug iad doibh na h-orduighean r'an coimhead, a dh'orduicheadh leis na h-abstolaibh agus na seanairibh a bha ann an Ierusalem.

5 Agus mar sin bha na h-eaglaisean air an daingneachadh anns a' chreidimh, agus uheudaicheadh iad gach là ann an àir-camh.

6 A uis an uair a chaidh iad troimh Phrigia, agus tìr Ghalatia, agus a bhacadh dhoibh leis an Spiorad naomh am focal a labhairt 's an Asia,

7 An déigh dhoibh teachd gu Mìsia, dh'fheuch iad ri dol gu Bitinia: ach cha do leig an Spiorad leo.

8 Agus air dhoibh gabhail seachad air Mìsia, chaidh iad sìos gu Troas.

9 Agus chuunnacas sealladh le Pòl 's an oidhche: Sheas duine àraidh o Mhacedonia, agus ghuidh e air, ag ràdh, Thig thairis gu Macedonia, agus cùidich leinne.

10 Agus an uair a chunnaic e an sealladh, air ball dh'iarr sinn dol thairis gu Macedonia; a' dearbh-thuigsinn gu'n do ghairm an Tighearna siun chum an soisgeul a shearmonachadh dhoibh.

11 Uime sin air dhuinn long a ghabhail o Throas, thàinig siun gu dìreach gu Samotracia, agus air an là 'u a dh'éigh sin gu Neapolis ;

12 Agus o sin gu Philipi, ceud bhaile na euid sin de Mhacedouia, agus b'ur-threabhachas e: agus bha sinn a chòmhnuidh anns a' bhaile sin làithean àraidh.



13 Agus air là na sùbaid chaidh sinn a mach as a' bhaile ri taobh aimhne, far am b'abhaist urnuigh a dheanamh; agus air dhuinn suidhe, labhair sinn ris na mnàibh a chruinnicheadh *an sin*.

14 Agus dh'éisd bean àraidh ruinn d'am b'ainm Lidia, bean-reicidh purpuir, o bhaile Thiatira, a bha 'deanamh aoraidh do Dhia; aig an d'fhosgail an Tighearn a cridhe, ionnus gu'n d'thug i aire do na nithibh a labhradh le Pòl.

15 Agus an uair a bhaisteadh i, agus a teaghlach, ghuidh i *oirnn*, ag ràdh, Ma mhcas sibh mise 'bhi dileas do'n Tighearn, thigibh a steach do m' thigh, agus dean-aibh còmluaidh *ann*. Agus cho-éignich i sinn.

16 Agus tharladh, ag dol dhuinne chum urnuigh, gu'n do thachair oirnn banoglach àraidh aig an robh spiorad fiosachd, a thug mòr-bhuannachd d'a maighstiribh le fiosachd a dheanamh:

17 Lean ise Pòl agus sinne, agus ghlaodh i, ag ràdh, Is iad na daoine so seirbhisich an Dé a's ro-àirde, a tha' nochdadh dhuinne slighe na slàinte.

18 Agus rinn i so ré mòrain làithean. Ach air do Phòl a bhi doilich, thionndaidh e agus thubhairt e ris an Spiorad, Tha mi 'toirt orduigh dhuit ann an ainm Iosa Crìosd dol a mach aisde. Agus chaidh e mach air an uair sin féin.

19 Agus an uair a chunnaic a maighstirean gu'n d'fhalbh dòchas am buannachd, rug iad air Pòl agus air Silas, agus tharruing iad do'n mhargadh *iad*, chum nan uachdaran;

20 Agus air dhoibh an toirt chum luchd-riaghlaidh *a' bhaile*, thubhairt iad, Tha na daoine so a' buaireadh ar baile gu ro mhòr, air dhoibh a bhi 'n an Iudhaich,

21 Agus tha iad a' teagasg ghnàthannan nach 'eil ceaduichte dhuinne a ghabhail no 'leantuinn, do bhrìgh gur Ròmanaich sinn.

22 Agus dh'éirich an sluagh dh'aon-fheachd 'n an aghaidh: agus reub na h-uachdaran an eudach diubh, agus dh'aithn iad *an* sgiùrsadh le slataibh.

23 Agus an déigh dhoibh iomadh buille a leagadh orra, thilg iad 'am prìosan *iad*, a' toirt sparraidh do fhear-coimhead a' phrìosain an gleidheadh gu tèaruine.

24 Neach air dha an àithne sin fhaotainn, a thilg iad do'n phrìosan a b'fhaide a stigh, agus a dhaingnich an cosan 's a' cheap.

25 Agus mu mhcadhun-oidhche air do Phòl agus do Shilas urnuigh a dheanamh, sheinn iad laoidh-mholaidh do Dhia; agus chuala na prìosanaich iad.

26 Agus gu h-obann bha crith-thalmhainn mhòr ann, air chor as gu'n do chrathadh bunaitean a' phrìosain: agus air ball dh'fhosgadh na dorsan uile, agus dh'fhuasgadh cuibhreacan gach neach *aca*.

27 Agus air do fhear-coimhead a' phrìosain dùsgadh á codal, agus air faicinn dorsan a' phrìosain fosgailte, tharruing e a chlaidheamh, air ti e féin a mharbhadh, a' saòilsinn gu robh na prìosanaich air teicheadh.

28 Ach ghlaodh Pòl le guth àrd, ag ràdh, Na dean cron sam bith ort féin; oir tha sinn uile an so.

29 Agus air gairm soluis d'asan, leum e steach, agus thàinig e air chrith, agus thuit e sìos an làthair Phòil agus Shilais;

30 Agus air dha an toirt a mach, thubhairt e, A mhaighstirean, ciod a dh'fheumas mi a dheanamh chum 's gu'n tèarnar mi?

31 Agus thubhairt iadsan, Creid anns an Tighearn Iosa Crìosd, agus tèarnar thu féin, agus do thigh.

32 Agus labhair iad focal an Tighearna ris, agus rìusan uile a bha 'n a thigh.

33 Agus air dha an toirt leis air an uair sin féin de'n oidhche, nìgh e *an* creuchdan; agus bhaisteadh e féin, agus a mhuinntir uile, gun dàil.

34 Agus an uair a thug e d'a thigh iad, chuir e bord rompa, agus rinn e gairdeachas maille r'a theaghlach uile, a' creidsinn ann an Dia.

35 Agus air teachd do'n là, chuir an luchd-riaghlaidh na maoir uatha, ag ràdh, Leig air an comas na daoine sin.

36 Agus dh'innis fear-coimhead a' phrìosain na briathran so do Phòl, Gu'n do chuir an luchd-riaghlaidh fios uatha sibhs a leigeadh as: uime sin rachaibh a mach, agus imichibh ann an sìth.

37 Ach thubhairt Pòl ri u, an déigh dhoibh ar sgiùrsadh gu follaiseach gun ar dteadh, agus gur Ròmanaich sinn, thilg iad 'am prìosan sinn; agus a nis an b'àill leo ar cur a mach 'an uaignidheas? cha-n eadh gu deimhin; ach thigeadh iad féin agus thug-adh iad a mach sinn.

38 Agus dh'innis na maoir na briathran sin do na h-uachdaran-aibh: agus ghabh iadagal an uair a chual' iad gu'm bu Ròmanaich iad.

39 Agus thàinig iad agus chuir iad impidh orra, agus air dhoibh an toirt a mach, ghuidh iad *orra* imeachd a mach as a' bhaile.

40 Agus air dol a mach as a' phrìosan doibh, chaidh iad a steach do thigh Lidia: agus an uair a chunnaic iad na bràithrean, thug iad comhfhurtachd dhoibh, agus dh'imich iad rompa.

# CAIB. XVII.

1 *Shearmonaich Pòl aig Tesalonica, 4 far an do chreid cuid agus an d'rinn cuid eile gear-leannmuinn air.* 10 Chuireadh e gu Berea, agus shearmonaich e an sin. 13 Rinneadh gear-leannmuinn air; 15 thàinig e gu baile na h-Aithne, agus shearmonaich e dhoibh an Dia beò: 34 tha cuid air an iompachadh gu Crìosd.

**A** NIS air dhoibh imeachd troimh Amphipolis, agus Apolonia, thàinig iad gu

Tesalonica, far an robh sionagóg aig na h-Iudhaich:

2 Agus mar bu ghnàth le Pòl, chaidh e steach d'an ionnsuidh, agus air trì làitheibh sàbaid reusanaich e riu as na sgrìobtuiribh,

3 'G am fosgladh agus a' dearbhadh gu'm b'èigin do Chrìosd fulang, agus éiridh a ris o na mairebh: agus gur e an t-Iosa so a tha mise a' searmonachadh dhuibh, Crìosd.

4 Agus chreid cuid diubh, agus lean iad ri Pòl agus ri Silas: agus de na Greugaich chràbhach buidheam mhòr, agus de na mnàibh inbheach àireamh nach bu bheag.

5 Ach air do na h-Iudhaich mi-chreid-mheach a bhi a'airam brosnuchadh le farnad, ghabh iad d'an ionnsuidh droch dhaoine àraidh de na corraibh margaidh, agus air tionail cuideachd mòire dhiubh, chuir iad am baile uile thar a chéile, agus chuairtich iad tigh Iasoin, agus dh'iarr iad an toirt a mach chum an t-sluaigh.

6 Agus an uair nach d'fhuair siad iad, tharruing iad Iason, agus bràithrean àraidh chum uachdaran a' bhaile, ag éigheach, Tha na daoine so a chuir an saoghal bun os ceann, air teachd an so mar an ceudna:

7 D'an d'thug Iason aoidheachd: agus tha iad so uile a' cur an aghaidh ordugh Cheasair, ag ràdh, Gu bheil rìgh eile ann, *ceudhan* Iosa.

8 Agus chuir iad buaircas fo'n t-sluagh, agus fo uachdarain a' bhaile, 'n uair a chual' iad na nithean so.

9 Agus an uair a ghabh iad urras o Iason, agus o chàch, leig iad uatha iad.

10 Agus air ball chuir na bràithrean Pòl agus Silas 's an oidheche gu Berea: agus air teachd dhoibh-san *an sin*, chaidh iad a steach do shìonagag nan Iudhach.

11 Bha iad sin ni b'uaisle na muinntir Tesalonica, oir ghabh iad am focal d'an ionnsuidh leis an uile thogradh, a' rannsachadh nan sgrìobtuirean gach aon là, *a dh'fheuchainn* an robh na nithean sin mar so.

12 Uime sin chreid mòran diubh: agus mar an ceudna de mhnàibh uaisle de na Greugaich, agus de fhearaibh àireamh nach bu bheag.

13 Ach an uair a thuig na h-Iudhaich o Tesalonica gu'n do shearmonaicheadh focal Dhé le Pòl 'am Berea, thàinig iad an sin mar an ceudna, a' brosnuchadh an t-sluaigh.

14 An sin air ball chuir na bràithrean uatha Pòl, chum gu'n rachadh e mar gu'm b'ann chum na mara: ach dh'fhan Silas agus Timoteus an sin fathast.

15 Agus thredraich luchd-coimheadachd Phòil e gu baile na h-Aithne; agus air faghail aithne dhoibh gu Silas agus Timoteus, iad a theachd d'a ionnsuidh-san mar bu luaithe, dh'imich iad rompa.

16 A nis am feadh a bha Pòl a' feitheamh

riu 's an Aithne, bha a spiorad air a bhros-nuchadh ann, do bhrìgh gu'm fac e am baile làu ìodhol-aoraidh.

17 Air an aobhar sin rinn e deasboireachd ris na h-Iudhaich, agus ris na daoineibh cràbhach anns an t-sìonagag, agus air a' mhargadh gach là riu-san a thachair air.

18 An sin thug feallsanaich àraidh de na h-Epicuraich, agus de na Stoicich, aghaidh air; agus thubhairt cuid, Ciod a b'aill leis an fhear bhith-bhriathrach so a ràdh? thubhairt cuid eile, Is cosmhuil gu bheil e a' searmonachadh dhiathan coimheach; do bhrìgh gu'n do shearmonaich e dhoibh Iosa, agus an aiseirigh.

19 Agus rug iad air, agus thug iad leo e gu Areopagus, ag ràdh, Am feud sinn fios fhaotainn ciod e an teagasg nuadh so, a labhrar leat?

20 Oir tha thu 'toirt nithean àraidh neo-ghnàthach chum ar cluasan: b'aill leinn uime sin fios fhaotainn ciod a's ciall doibh sin.

21 (Oir cha do chaith muinntir na h-Aithne uile agus a' choigrich a bha air chuairt 'n am uicag, an ùine ri ni air bith eile, ach ri inn-seadh, no ri cluintinn ni éigin nuadh.)

22 An sin air seasamh do Phòl 'am meadhon Areopagus, thubhairt e, A mhuinntir na h-Aithne, tha mi 'faicinn gu bheil sibh anns na h-uile nithibh cràbhach thar tomhas:

23 Oir air dhomh 'bhi 'dol seachad, agus ag amharc air bhuir nithibh naomha, fhuair mi altair air an robh an sgrìobhadh so, **DO'N DIA NEO-AITHNICHTE**. Uime sin esan d'am bheil sibh a' deanamh aoraidh gun còlas agaidh air, is e a tha mise a' searmonachadh dhuibh.

24 An Dia a rinn an saoghal, agus na h-uile nithean a tha ann, do bhrìgh gur e féin Tighearn nèimh agus na talmhainn, cha-n'eil e 'gabhail còmhnuidh ann an teampluibh làmh-dheanta:

25 Ni mò a bheirear aoradh dha le làmhan dhaoine, mar gu'm bitheadh uircasbhuidh ni sam bith air; oir is e féin a tha 'toirt do na h-uile beatha, agus anail, agus nan uile nithean:

26 Agus rinn e dh'aon fluil uile chinnich dhaoine, chum iad a ghabhail còmhnuidh air aghaidh na talmhainn uile, agus shonraich e na h-amannan roimh-orduichte, agus crìochan an àite-còmhnuidh;

27 Chum gu'n iarradh iad an Tighearn, a dh'fheuchainn an tarladh dhoibh, le mion-rannsachadh, gu'm faigheadh iad e, ged nach 'eil e fada o gach aon againn:

28 Oir annsan tha sinn beò, agus a' gluasad, agus tha ar bith againn; mar a thubhairt mar an ceudna dream àraidh de ur bàrdaibh féin, Oir is sinne fòs a ghineal-san.

29 Uime sin do bhrìgh gur sinn gineal Dhé, cha chòir dhuinn a shaoilsinn gu bheil an Diadhachd cosmhuil ri h-òr, no ri h-air.



giod, no ri cloich, nithean a ghearradh le h-ealadhain agus innicachd dhaoine.

30 A nis air do Dhia amhare thairis air aimsiribh an aineolais so, tha e nis ag àithneadh do na h-uile anns gach àit aithreachas a dheanamh:

31 Do bhrìgh gu'n do shuidhich e là anns an toir e breth air an t-saoghal ann am freantachd, tre'n duine *sin* a dh'orduich e; agus air so thug e dearbhadh do na h-uile dhaoineibh, le esan a thogail suas o na nàrbhaibh.

32 Agus an uair a chual iad mu aiseirigh nam marbh, rinn cuid diubh fanoid: ach thubhairt cuid eile, Eisdidh sinn riut a ris mu'n ni so.

33 Agus mar sin chaidh Pòl a mach as am meadhon.

34 Gidheadh, lean cuid de dhaoineibh ris, agus chreid iad. 'N am measg so bha Dionisius an t-Arcopagach, agus bean d'am b'ainm Damaris, agus dream eile maille riu.

# CAIB. XVIII.

1 *Rinn Pòl obair le a làmhnan fèin, agus shearmonaich e do na Cinnich ann an Corintus: 9 Thug an Tighearn misneach dha ann an taisbeanadh: 12 chaidh a chasaid an làthair an uachdaran Galio, ach teicheadh as e: 18 'n a dhèigh sin, chaidh e o bhaile gubaile, agus neartaich e na deisciobail, &c.*

**A**N dèigh nan nithean so, dh'fhàg Pòl baile na h-Aithne, agus thàinig e gu Corintus;

2 Agus fluair e Iudhach àraidh d'am b'ainm Acuila, a rugadh ann am Pontus, air ùr-theachd as an Eadailt, maille r'a mhnaoi Priscila, (a chionn gu'n d'orduich Claudius do na h-Iudhaich uile an Ròimh fhàgail,) agus thàinig e d'an ionnsuidh.

3 Agus a chionn gu'n robh e dh'aon cheird riu, dh'fhan e maille riu, agus bha e ag obair, (oir bu cheird doibh a bhi 'deanamh phàillium.)

4 Agus thagair e anns an t-sionagag gach aon là sàbaid, agus chuir e impidh air Iudhaich agus Greugaich.

5 Agus an uair a thàinig Silas agus Timoteus o Mhacedonia, bha Pòl air a theannadh 'n a spiorad, agus rinn e fianuis do na h-Iudhaich, gu'm b'e Iosa an Crìosd.

6 Agus an uair a chuir iad 'n a aghaidh, agus a labhair iad toibheum, chrath e 'eudach, agus thubhairt e riu, *Bithheadh* bhur fuil air bhur ceann fèin; *tha* mise glan: a so suas théid mi chum nan Cinnmach.

7 Agus chaidh e as a sin, agus thàinig e gu tigh duine àraidh, d'am b'ainm Iustus, a bha 'deanamh aoraidh do Dhia, agus aig an robh a thigh làmh ris an t-sionagag.

8 Agus chreid Crispus, prìomh uachdaran na sionagoig anns an Tighearn, maille r'a theaghlach uile: agus chreid mòran de na

Corintianaich, air dhoibh éisdeachd ris, agus bhaisteadh iad.

9 An sin thubhairt an Tighearn ri Pòl ann an sealladh 's an oidhche, Na bithheadh eagail ort, ach labhair, agus na bi a'd' thòsd:

10 Oir tha mise maille riut, agus cha toir duinesam bith ionnsuidh ort, chum do chron a dheanamh: oir tha mòr-shluagh agam-sa anns a' bhaile so.

11 Agus dh'fhan e bliadhna agus sè mìosan *an sin*, a' teagasg focail Dhé 'n am measg.

12 Agus an uair a bha Galio 'n a uachdaran air Achaia, dh'èirich na h-Iudhaich a dh'aon inntinn an aghaidh Phòil, agus thug iad e gu caithir a' bhreitheanaich,

13 Ag ràdh, Tha'n duine so a' comhairleachadh dhaoine aoradh a dheanamh do Dhia an aghaidh an lagha.

14 Agus an uair a bha Pòl a' dol a dh'fhosg-ladh a bheoil, thubhairt Galio ris na h-Iudhaich, Nam b'eucoir no droch ghnìomh a bhitheadh ann, O Iudhacha, bu reusonta gu'n giùlaininn leibh:

15 Ach ma's ceisd a th' ann timchioll fliocail, agus ainmean, agus bhur lagha fèin, amhaireibh fèin air sin; oir cha-n àill leam-sa 'bhi 'm' bhreitheamh air an leithidibh sin de nithibh.

16 Agus dh'fhuaich e iad o chaithir a' bhreitheanaich.

17 An sin rug na Greugaich uile air Sostenes, uachdaran na sionagoig, agus ghabh iad air an làthair caithir a' bhreitheanaich: agus cha do ghabh Galio suim do ni sam bith dhiubh sin.

18 Agus dh'fhan Pòl fathast ùine mhaith 's a' *bhaile sin*, agus an sin an dèigh a chead a ghabhail de na bràithribh, chaidh e air luing o sin gu Siria, agus maille ris-san Priscila agus Acuila; an dèigh a cheann a bhearradh ann an Cenchrea: oir bha bòid air.

19 Agus thàinig e gu h-Ephesus, agus dh'fhàg e iadsan an sin: ach chaidh e fèin a steach do'n t-sionagag, agus reusonaich e ris na h-Iudhaich.

20 Agus an uair a dh'iarr iad *air* fuireach maille riu ni b'fhaide, cha d'aontaich e:

21 Ach ghabh e a chead diubh, ag ràdh, Is éigin domh air gach aon chor an fhéill so a tha 'teachd a choimhead ann an Ierusalem: ach pillidh mi a ris do 'ur n-ionnsuidh-se, ma's toil le Dia. Agus sheòl e o Ephesus.

22 Agus thàinig e gu tìr aig Cesarea, agus air dha dol suas agus fàilt a chur air an caglais, chaidh e sìos gu Antioch.

23 Agus an uair a dh'fhan e ré tamuill *an sin*, dh'imich e, agus chaidh e 'an ordugh troimh thìr Galatia uile agus Phrigia, a' neartachadh nan deisciobail uile.

24 Agus thàinig gu h-Ephesus Iudhach àraidh d'am b'ainm Apollos, a rugadh ann

an Aiecsundria, duine deas-bhriathrach, agus cumhachdach anns na sgríobtuiribh.

25 Bha'n duine so air a theagasg ann an slighe an Tighearna; agus air dha 'bhi diau 'n a spiorad, labhair agus theagaisg e gu dìchiollach na nìthean abhuineadh do'u Tighearn, agus gun eòlas aige ach air baisteadh Eoin.

26 Agus thòisich e air labhairt gu dàna 's an t-sionagag. Agus air do Acaia agus do Phrisca a chluinntinn, ghabh iad d'an ionnsuidh e, agus mhinich iad dha slighe Dhé ni bu choinhionta.

27 Agus an uair bu mhiann leis dol gu Achaia, an déigh a chomhairieachadh, sgrìobh na bràithrean chum nan deisciobul iad a ghabhail ris: neach, air dha teachd, a riun còmhadh mòr ri-u-san a chreid tre ghràs:

28 Oir le mòr-dhìchioll reusanaich e ris na h-Iudhaich gu follaiseach, a' dearbhadh leis na sgríobtuiribh, gur e Iosa an Crìosd.

### CAIB. XIX.

1 Tha an Spiorad naomh air a thubhairt le làmhnan Phòil. 9 Thug na h-Iudhaich toibheum d'a theagasg, a bha air a dhainneachadh le mìorbhuilb. 13 Bhuailleadh na h-Iudhaich a bha 'cur spiorad fo gheasaibh leis an Diabhal. 19 Loisgeadh leabhraichean Druidheachd. 24 Air ghaol buannachd d'a fèin bhuair Demetrius am pobull an aghaidh Phòil.

**A**GUS tharladh, 'n uair a bha Apollos annan Corintus, air do Phòil dol troimh na crìochaibh nachdarach, gu'n d'fhàinig e gu Ephesus. Agus air faotainn dheisciobul àraidh,

2 Thubhairt e ri-u, An d'fhuair sibh an Spiorad naomh o chreid sibh? Agus thubhairt iadsan ris, Cha chuala sinn uiread as gu bheil Spiorad naomh ann.

3 Agus thubhairt e ri-u, Ciod ma seadh anns an do bhaisteadh sibh? Agus thubhairt iadsan, Ann am baisteadh Eoin.

4 An sin thubhairt Phòil, Bhaist Eoin gu deimhin le baisteadh an aithreachais, ag ràdh ris an t-sluagh, iadsan a chreidsinn anns an neach a bha gu teachd 'n a dhéigh-san, sin r'a ràdh, ann an Iosa Crìosd.

5 Agus an uair a chual iad so, bhaisteadh iad ann an ainm an Tighearna Iosa.

6 Agus air do Phòil a làmhnan a chur orra, fhàinig an Spiorad naomh orra; agus labhair iad le teangaibh, agus rinn iad fàidheadaireachd.

7 Agus bha ann uile mu dhà fhear dheug.

8 Agus chaidh esan a steach do'n t-sionagag, agus labhair e gu dàna ré thri mìosan, a' reusonachadh agus a' comhairieachadh nan nìthean a bhuineas do rìoghachd Dhé.

9 Ach an uair a chruadhachaidh cuid, agus nach do chreid iad, cha labhair iad oile mu'n t-slighe sin an làthair an t-sluagh,

dh'fhàg e iad, agus sgar e na deisciobul uatha, agus bha e gach la' a' reusonachadh ann an sgoil neach àraidh d'am b'ainm Tirannus.

10 Agus rinneadh so ré dhà bhliadhna; air chor as gu'n cuala luchd-àiteachaidh na h-Asia uile, eadar Iudhaich agus Ghreugach, focal an Tighearna Iosa.

11 Agus rinn Dia mìorbhuilean nach bu bheag le làmhnan Phòil:

12 Air chor as gu'n d'fhugadh o 'chorp-san chum nan daoine timne, neapaicean no aprain, agus gu'n d'fhalbh an euslaintean uatha, agus gu'n deachaidh na droch spioraid a mach asda.

13 Agus ghabh dream àraidh de na h-Iudhaich, a bha 'g imeachd o àit gu h-ait, a' cur spioradan fo gheasaibh, os làmh ainm an Tighearna Iosa ainmeachadh os ceann na muinntir siu anns an robh droch spioraid, ag ràdh, Cuireamaid fo gheasaibh sibh tre Iosa a tha Phòl a' searmonachadh.

14 Agus bha aig Scebha Iudhach àraidh, aon de na h-àrd-shagartaibh, seachdnar mhac a bha 'deanamh so.

15 Agus fhreagair an droch spiorad, agus thubhairt e, Tha eòlas agam air Iosa, agus is aithne dhomh Phòl: ach cò sibhshe?

16 Agus leum an duine anns an robh an droch spiorad orra, agus air dha làmh an uachdar fhaotainn orra, thug e buaidh orra, air chor as gu'n do theich iad a mach as an tigh sin lomnochd agus reubta.

17 Agus fhuair na h-Iudhaich uile agus mar an ceudna na Greugaich a bha 'tànna ann an Ephesus fios air so; agus thuit eagal orra uile, agus bha ainm an Tighearna Iosa air àrdachadh.

18 Agus fhàinig mòran diubh-san a chreid, ag aideachadh, agus ag innseadh an guìomh-aran.

19 Agus thug mòran diubh-san a bha 'guàthachadh dhroch innleachdan, an leabhraichean leo, agus loisg siad iad 'an fianuis nan uile: agus rinn iad an luach àireamh, agus fhuair iad e 'n a leth-cheud uile bonn airgid.

20 Mar sin le cumhachd dh'fhàs agus bhuadhaich focal an Tighearna.

21 Agus an uair a choimhlionadh na nìthean so, chuir Phòil roimhe 'n a spiorad, an déigh dha imeachd troimh Mhacedonia, agus Achaia, dol gu Ierusalem, ag ràdh, An déigh dhomh 'bhi an sin, is éigin domh an Ròimh fhaicinn mar an ceudna.

22 Agus air dha dìthis dhiubh-san a bha 'frithealadh dha, Timoteus, agus Erastus, a chur do Mhacedonia, dh'fau e féin ré tam-uill 's an Asia.

23 Agus dh'éirich mu'n àm sin iomairt nach bu bheag mu thimechioll na slighe sin.

24 Oir bha ceard-airgid àraidh d'am b'ainm Demetrius ann, a bha 'deanamh theampull airgid do Dhiana, agus a thug buannachd nach bu bheag do'n luchd-ceirde;



25 Agus air dha iadsan a ehruinneachadh an ceann a chéile, agus a' mhuinntir eile a bha dh'aon cheird riu, thubhairt e, Fheara, tha fhios agaibh gu ann o'n cheird so tha ar beartas againne:

26 Os bàrr, tha sibh a' faicinn agus a' cluinntinn gu bheil ann Pòl so le 'èlombhairle air tionndadh air falbh shuaigh mhòir, eha-n ann a mhàin ann an Ephesus, ach eha mhòr 's an Asia uile, ag ràdh, Nach diathan iad a nithear le làmhnan:

27 Air chor as nach e mhàin gu bheil e'n eunnart gu'n deanar fàir air ar ceird; aeh mar an ceudna gu'n cuirear teampull na ban-dé mòire Diana 'an neo-phlris, agus gu'n elaidhear a mòrachd-sa, d'am bheil an Asia uile, agus an domhan a' deanamh aoraidh.

28 Agus an uair a chual iadsan so, lìonadh le feirg iad, agus ghlaodh iad, ag ràdh, Is mòr Diana nan Ephesianach.

29 Agus bha am baile uile air a lìonadh le mì-riaghailt: Agus ruith iad a dh'aon toil chum àite-cruinneachaidh an t-sluaigh, a' tarruing le Ghaiuis agus Aristarehuis Macedonaich, luchd eomh-thuruis Phòil.

30 Agus an uair a b'àill le Pòl dol a steach chum an t-sluaigh, eha do leig na deiseiobuil leis.

31 Agus mar an ceudna chuir cuid de uachdaranabhaibh na h-Asia, a bha 'n an càirdibh dha, fios d'a ionnsuidh, a' gnidhe air nach rachadh e gu àite-cruinneachaidh an t-sluaigh.

32 Ghlaodh uime sin euid diubh aon ni, agus euid ni eile: oir bha an coimhthional troimh a ehéile, agus cha robh fios aig a' ehuid a bu mhò e'ar son a thàinig iad cuid-eachd.

33 Agus tharruing iad a mach Alecsander as an t-sluagh, air bhi do na h-Iudhaich 'ga iomain rompa. Agus sméid Alecsander le làmh, agus b'àill leis a leithsgeul a ghabhail ris an t-sluagh.

34 Ach an uair a thuig iad gu'm b' Iudhach e, rinneadh àrd-iolach leo uile mu thimchioll ùine dhà uair, a' glaochaidh, Is mòr Diana nan Ephesianach.

35 Agus an uair a chiùnaich an cléireach an sluagh, thubhairt e, Fheara Ephesus, eò an duine aig nach 'eil fios gu bheil baile nan Ephesianach a' deanamh aoraidh do'n bhan-dia mhòir Diana, agus do'n deatbh a thuit a nuas o Iupiter?

36 Air an aobhar sin do bhrìgh nach fheadar cur an aghaidh nan nithean so, is eòir dhuibhse 'bhi eùin, agus gun ni sam bith a dheanamh gu h-obann.

37 Oir thug sibh an so na daoine so, ged nach 'eil iad a' creachadh theampull, no a' toirt toibheim d'ar ban-dia.

38 Uime sin ma tha aig Demetrius agus aig an luchd-ceird a tha maille ris, cùis an aghaidh neach air bith, tha'n lagh rèidh

dhòibh, agus tha uachdarain ann; agradh iad a ehéile.

39 Ach ma tha ceisd sam bith agaibh mu nithibh eile, réitichear sin ann an coimhthional dligeach.

40 Oir tha sinn 'an eunnart a bhi air ar n-agairt air son ceannaire air an là'n diugh, do bhrìgh nach 'eil eùis sam bith againn a dh'fheadas sinn a thoirt seachad mar aobhar a' ehruinneachaidh so.

41 Agus air dha so a ràdh, sgaoil e an coimhthional.

## CAIB. XX.

1 Chaidh Pòl do Mhacedonia: 7 fhrithail e suipeir an Tighearna, agus shearmonaich e: 9 air do Eutichus tuiteam sìos 'an riochd marbh, thogadh suas beò e. 17 Aig Miletus ghairm Pòl seannairean na h-eaglais an ceann a chéile, agus dh'innis e dhoibh ciod a bha gu tachairt dha fèin, &c.

A GUS an dèigh do'n chomh-ghàir sgur, ghairm Pòl na deiseiobuil d'a ionnsuidh, agus air dha a' chead a ghabhail diubh, thrial e gu dol do Mhacedonia.

2 Agus air dha dol troimh na eriochaibh sin, agus mòr-carail a thoirt dhoibh, thàinig e do'n Ghréig;

3 Agus dh'fhan e an sin trì mìosan: agus an uair a bha na h-Iudhaich ri feall-fholach air a shon, agus a rùn air dol air luing do Shiria, chuir e roimhe pilltinn troimh Mhacedonia.

4 Agus chaidh 'n a ehuideachd gu h-Asia, Sopater o Bherea; agus de mhuinntir Thesalonica, Aristarehus agus Secundus; agus Gaius o Dherbe, agus Timoteus; agus de mhuinntir na h-Asia, Tichieus agus Trophimus.

5 Air dhoibh so imeachd romhainne, dh'fheith iad ruinn ann an Troas.

6 Agus sheòl sinn o Philippi, an dèigh làithean an arain neo-ghoirtichte, agus thàinig sinn d'an ionnsuidh-san gu Troas ann an eùig làithibh, far an d'fhan sinn seachduin.

7 Agus air a' ehend là de'n t-seachduin, air do na deiseiobuibh cruinneachadh an ceann a chéile a bhriscadh arain, shearmonaich Pòl doibh, agus a rùn air imeachd uatha air an là màireach, agus lean e air labhairt gu meadhon-oidhehe.

8 Agus bha mòran Ìochran anns an t-seòmar uachdarach, far au robh iad eruinn.

9 Agus bha òganach àraidh d'am b'ainm Eutichus 'n a shuidhe ann an uinneig, air tuiteam ann an trom ehadal: agus air do Phòl a bhi ré fad a' searmonachadh, shàr-ùicheadh leis a' chodal e, agus thuit e sìos o'n treas lobhta, agus thogadh marbh e.

10 Agus chaidh Pòl sìos, agus thuit e air, agus air dha a ghlaodh 'n a uehd, thubhairt e, Na bitheadh trioblaid oirbh; oir tha 'anam ann.

11 Agus air dol suas da a ris, bhris e aran

agus dh'ith e, agus labhair e riu ré ùine fhada, eadhon gu teachd na maidne, agus mar sin dh'fhalbh e.

12 Agus thug iad leo an t-òganach agus e beò, agus rinu iad gairdeachas naeh bu bheag.

13 Agus air dhuinne imeachd air thois-each chum na luinge, sheòl sinn gu Asos, fa rùn Pòl a ghabhail a steach an sin : oir is ann mar sin a dh'orduich e, a' cur roimhe gu'n imieheadh e féin d'a chois.

14 Agus an uair a choinnich e sinn aig Asos, ghabh sinn a steach e, agus thàinig sinn gu Mitilene.

15 Agus air seòladh dhuinn as a sin, thàinig sinn air an là maireach fa chomhair Chiois; agus air an là 'n a dhéigh sin thàinig sinn gu Samos, agus dh'fhan sinn aig Trogillum : agus air an là b'fhaisge thàinig sinn gu Miletus.

16 Oir chuir Pòl roimhe seòladh seach Ephesus, chum nach tarladh dha moille a dheanamh anns an Asia: oir rinn e cabhag chum, nam feudadh e, 'bhi ann an Ierusalem air là na Cuingeis.

17 Agus chuir e fios o Mhiletus gu h-Ephesus, agus ghairm e d'a ionnsuidh seanairean na h-eaglais.

18 Agus an uair a thàinig iad d'a ionnsuidh, thubhairt e riu, Tha fhios agaibh, ciomus a bha mi 'n 'ur measg anns an uile aimsir, o'n eheadh là a thàinig mi do'n Asia,

19 A' deanamh seirbhis do'n Tighearn leis gach uile irioslachd inntinn, agus maille ri mòran dheur, agus dheuchainnean, a thach-air dhomh le ceilg nan Iudhach.

20 Agus cionnus nach do ghléidh mi ni sam bith 'am folach a bha feumail dhuibhse, gum a nochdadh dhuibh, agus gun sibhs a theagasg 'am follais, agus o thigh gu tigh,

21 A' deanamh fianuis araon do na h-Iudhaich, agus do na Greugaich, mu aithreachas a thaobh Dhé, agus mu chreidimh a thaobh ar Tighearna Iosa Crìosd.

22 Agus a nis feuch, tha mi 'dol gu Ierusalem ceangailte 's an Spiorad, gum fhiosagam ciod iad na nithean a tharlas dhomh au sin;

23 Ach a mhàin gu bheil an Spiorad naomh a' deanamh fianuis anns gach baile, ag ràdh, Gu bheil geimhlichean agus trioblaiden a' feitheamh orn.

24 Ach cha-n'èil suim agam do ni air bith, ni mò 'tha mi a' meas m'anama féin luach-mhor dhomh, chum gu'n crìochnaich mi mo thurus le h-aobhneas, agus gu'n coimhlion mi a' mhinistireilcachd a fhuaire mi o'n Tighearn Iosa, a dheanamh fianuis do shoisgeul gràis Dhé.

25 Agus a nis feuch, tha fhios agam nach faic sibhse uile, measg an d'imich mise a' searmonachadh rìoghachd Dhé, mo ghnùis ni's mo.

26 Uime sin tha mi a' deanamh fianuis

duibh air an là'n diugh, gu bheil mise glan o fhuil nan uile.

27 Oir cha do sheachainn mi uile chomhairle Dhé fhoillsachadh dhuibh.

28 Air an aobhar sin thugaibh aire dhuibh féin, agus do'n treud uile, air an d'rinn an Spiorad naomh luchd-coimhead dhuibh, a bheathachadh eaglais Dhé, a cheannaich o le 'fhuil féin.

29 Oir tha fhios agam-sa air so, an déigh m' imeachd-sa gu'n tig madaidh-allaidh gharga 'n 'ur measg, nach caomhain an treud.

30 Agus éiridh daoine dhuibh féin, a labhras nithean fiara, chum deisciobuil a tharruing 'n an déigh féin.

31 Uime sin deanaibh faire, a' cuimhneachadh nach do sguir mise ré thri bliadhna, a chomhairleachadh gach aon agaibh a' agus a dh'oidheche le deuraibh.

32 Agus a nis, a bhràithre, earbam sibh ri Dia, agus ri focal a ghràis, a tha comasach air bhuir togail suas, agus oighreachd a thoirt duibh an measg na muinntir sin uile a tha air an naomhachadh.

33 Cha do shanntaich mi airgid, no òr, no eudach duine sam bith.

34 Seadh, is aithne dhuibh féin, gu'n do fhritheil na lamhan so do m' uireasbhuidh féin, agus do'n mhuinntir sin a bha maille rium.

35 Nochd mi na h-uile nithean dhuibh, gur ann le saothreachadh mar so is còir dhuibh còmhnaidh a dheanamh riu-san a tha ann-mhun; agus focail an Tighearna Iosa a chuimhneachadh, mar a thubhairt e, *Tha e ni's beannaichte ni a thoirt na 'ghabhail.*

36 Agus air dha na briathran so a ràdh, leig se e féin air a ghlùinibh, agus rinn e urnuigh maille riu uile.

37 Agus ghuil iad uile gu goirt, agus thuit iad air muineal Phòil, agus phòg iad e,

38 Air dhoibh a bhi gu h-àraidh brònach air son nam briathar so a thubhairt e, Nach faiceadh iad a ghnùis-san ni's mò. Agus thug iad coinheadachd dha chum na luinge.

## CAIB. XXI.

1 Cha ghabhadh Pòl comhairleachadh o dhol gu Ierusalem. 8 Mu Philip an soisgeulaiche agus a cheathrar nighean a bha 'n am ban-fhàidh. 17 Thàinig Pòl gu Ierusalem, 27 far an robh e air a ghlacadh agus ann an cumart mòr. 31 Theasairgeadh e leis an àrd-chaplain.

**A**GUS air dhuinn dealachadh riu-san, sheòl sinn romhainn, agus thàinig sinn gu dìreach gu Coos, agus air an là maireach gu Rodos, agus as a sin gu Patara :

2 Agus air dhuinn long fhaotainn a bha a' gabhail thairis gu Phenicia, chaidh sinn air bord, agus sheòl sinn romhainn.

3 Agus air dhuinn teachd 'an sealladh



Chipruis, agus fhàgail air an làimh chli, sheòl sinn gu Siria, agus thàinig sinn gu tìr aig Tirus: oir is ann an sin a bha an long agus a luchd a chur a mach.

4 Agus air dhuinn deisciobuil fhaotainn, dh'fhan sinn an sin seachd làithean: muinntir a thubhairt ri Pòl tre'u Spiorad, gun e dhol suas gu Ierusalem.

5 Agus an uair a chrìochnaich eadh na làithean sin, chaidh sinn a mach, agus thriall sinn romhainn; agus thàinig iadsan uile maille ri mnàibh agus ri cloinn 'n ur cuideachd, a mach as a' bhaile: agus chaidh sinn air ar gluinibh air an tràigh, agus rinn sinn turnuigh.

6 Agus an déigh dhuinn ar cead a ghabhail d'a chéile, chaidh sinn do'n luing; agus phill iadsan d'an tighibh féin.

7 Agus an uair a chrìochnaich sinn ar turas o Thirus, thàinig sinn gu Ptolemais, agus chuir sinn failte air na bràithribh, agus dh'fhan sinn aon là maille ri u.

8 Agus air an là màireach, air dhuinne, a bha de chuideachd Phòil, imeachd, thàinig sinn gu Cesarea; agus chaidh sinn a steach do thigh Philip an t-soisgeulaiche, (a bha de'n t-scachdhar,) agus dh'fhan sinn aige.

9 Agus bha ceathrar nighean aige-san, òighean, a bha ri fàidheadaireachd.

10 Agus ag fantuinn duinn mòran làithean an sin, thàinig a nuas o Iudea fàidh àraidh, d'am b'ainm Agabus.

11 Agus an uair a thàinig e d'ar n-iounsuidh-ne, ghabh e crios Phòil, agus cheangail e a lamhan agus a chosan féin, agus thubhairt e, Mar so tha an Spiorad naomh ag ràdh, Is ann mar so a cheanglas na h-Iudhaich ann an Ierusalem an duine d'am buin an crios so, agus bheir iad thairis e do lamhan nan Cinneach.

12 Agus an uair a chuala sinne na nithean so, ghuidh sinn féin agus muinntir an àite air, gun e dhol suas gu Ierusalem.

13 An sin fhreagair Pòl, Ciod a's ciall duibh a' gul, agus a' briseadh mo chridhe? oir tha mise ullamh cha-n e a mhàin gu bhi air mo cheangal, ach eadhon gu bàsachadh ann an Ierusalem air son ainne an Tighearna Iosa.

14 Agus an uair nach gabhadh e comhairle, sguir sinne, ag ràdh, Deanar toil an Tighearna.

15 Agus an déigh nan làithean so, air dhuinn a bhi ullamh, chaidh sinn suas gu Ierusalem.

16 Agus chaidh mar an ceudna maille ruinn cuid de na deisciobluibh o Cesarea, a' toirt leo Mimasoin o Chiprus, seann deisciobul àraidh, aig an robh sinn gu 'bhi air aoidheadh.

17 Agus an uair a thàinig sinn gu Ierusalem, ghabh na bràithrean ruinn gu subhach.

18 Agus air an ath là, chaidh Pòl maille

ruinne dh'ionnsuidh Sheumais; agus bha na scanairean uile a làthair.

19 Agus air dhàsan failte 'chur orra, chuir e'n céill doibh fa leth na nithean a rinn Dia le 'mhinistireil eachd-san an measg nan Cinneach.

20 Agus an uair a chual iadsan so, thug iad glòir do'n Tighearna, agus thubhairt iad ris-san, Tha thu 'faicinn, a bhràthair, cia lion mìle de na h-Iudhaich a tha 'creidsinn; agus tha iad uile ro cudmhòr mu'n lagh.

21 Agus chual iad umad-sa, gu bheil thu 'teagasg do na h-Iudhaich uile a tha 'measg nan Cinneach, Maois a thrèigsinn, ag ràdh ri u, Nach còir dhoibh an clann a thimchioll-ghearradh, no gluasad a réir nan gnàth.

22 Ciod uime sin a nithear? Gun teagamh, is éigin do'n t-sluagh cruinneachadh: oir chuinnidh iad gu'n d'thàinig thu.

23 Uime sin dean an nì so a tha sinne ag ràdh ri u: Tha ceathrar fhear maille ruinne, air am bheil bòid:

24 Thoir iadsan leat, agus bi air do ghlanadh maille ri u, agus dean costus leo, chum gu'm b'earr iad an cinn: agus gu'm bi fhios aig na h-uile nach 'eil ach neo-ni anns na chual iad nu d' thimchioll-sa, ach gu bheil thu féin mar an ceudna ag imeachd gu riaghailteach, agus a' coinneadh an lagha.

25 Ach nu thimchioll nan Cinneach a chreid, sgriobh sinne agus bi ar breth, guu iad a ghlèidheadh a h-aon de na nithibh sin, ach a mhàin iad féin a choimhead o nithibh a chaidh ìobradh do ìodholaibh, agus o fhuil, agus o nì tachdta, agus o striopachas.

26 An sin ghabh Pòl na daoine; agus air an là màireach air dha 'bhi air a ghlanadh maille ri u, chaidh e steach do'n teampull, a' foillseachadh coimhlionaidd làithean a' ghlanaidh, agus an tugadh tabhartas air son gach aon aca.

27 Agus an uair a bha na seachd làithean ach beag air an coimhlionadh, air do na h-Iudhaich o'n Asia esan fhaicinn's an teampull, bhrosnuich iad an pobull uile, agus chuir iad lamh ann.

28 Ag éigheach, Fheara Israeil, cuidichibh: is e so an duine a tha 'teagasg nan uile dhaoine anns gach àit an aghaidh a' phobuill, agus an lagha, agus an àite so: agus os barr, thug e steach Greugaich do'n teampull, agus shalaich e'n t-ionad naomh so.

29 (Oir chumnaic iad Trophimus an t-Ephesianach roimhe sin anns a' bhaile maille ris, agus shaoil iad gu'n d'thug Pòl a steach do'n teampull e.)

30 Agus ghluais eadh am baile gu h-iomlan, agus ruith an sluagh cuideachd: agus air dhoibh breith air Pòl, tharruing iad a mach as an teampull e: agus air ball dhùineadh na dorsan.

31 Agus an uair a b'ail leo a mharbhadh, chaidh sgeula dh'ionnsuidh àrd-cheannaird

na cuideachd, gu'n robh Ierusalem uile thar a chéile:

32 Neach air ball a thug leis saighdearan, agus ceannardan-cheud, agus a ruith sìos d'an ionnsuidh: Agus an uair a chunnaic iadsan an t-àrd-cheannard agus na saighdearan, sguir iad de bhuiladh Phòil.

33 An sin thàinig an t-àrd-cheannard am fagus agus rug e air, agus dh'àithn e a cheangal le dà shlabhraidh; agus dh'fhiosraich e, Cò e, agus ciod a rinn e.

34 Agus ghlaodh aon chuid am measg an t-sluaigh aon ni, agus cuid eile ni eile: agus an uair nach robh e 'an comas da cinnteachd na *cuise* a thigsin air son na h-àrd-bhruidhne, dh'orduich e esan a thoirt do'n chaisteal.

35 Agus an uair a thàinig e chum na staidhreach, tharladh gu'n do ghiùlaineadh e leis na saighdearibh, air sou foireigin an t-sluaigh.

36 Oir lean am mòr-shluagh e, a' glaothach, Beir nainn e.

37 Agus an uair a bha Pòl gu bhi air a thoirt a steach do'n chaisteal, thubhairt e ris an àrd-cheannard, An cead domh-sa ni a labhairt riut? agus thubhairt esan, An labhair thu Gréigis?

38 Nach tusa an t-Eiphiteach sin a thog ceannaire roimh na làithibh so, agus a thug leat do'n fhàrach cèithir mìle fear a bha 'n an luchd-mortaich?

39 Ach thubhairt Pòl, Is duine mise a tha a'm' Iudhach gun amharus o Tharsus, saor-dhuine de bhaile ro inbheach ann an Cilicia: agus guidheam oir, thoir cead domh labhairt ris an t-sluagh.

40 Agus an uair a thug e cead da, Air do Phòl seasamh air an staidhir, smèid e le 'Bimh air an t-sluagh, ag iarraidh éisdeachd: agus air fantuinn ro thosdach dhoibh-san, labhair e riu 's a' chàinain Eabhruidhich, ag ràdh,

## CAIB. XXII.

1 Chuir Pòl gu pail an cèill cionnus a dh'ionpacheadh e chum a' chreidimh. 17 agus a ghairmeadh e chum na h-abstolachd. 22 'N uair a dh'ainmich e na Cinnich, thog am pobull aon ghàir ris: 24 Bha e gu 'bhi air a sgriarsadh; 25 ach air dha a chòir-sheorsa mar Romanach agairt, leigeadh as e.

**F**HEARA, a bhràithre, agus aithriche, éisdibh-se ri m' dhìon-chainnt ribh a nis:

2 (Agus an uair a chual iadsan gu'n do labhair e riu 's a' chàinain Eabhruidhich, bu mhòid a thosd iad: agus thubhairt esan.)

3 Is Iudhach mise da rìreadh, a rugadh ann an Tarsus na Cilicia, ach a thogadh suas 's a' bhaile so, aig cosaibh Ghamailcil, agus a theagaisgeadh gu coimhlionta a réir gnàtha lagha nan aithrichean, agus bha mi eudmhor a thaobh Dhé, mar a tha sibhse uile an diugh.

4 Agus rinn mi geur-leanmhuinn gu bàs air an t-slighe so, a' ceangal fhear agus bhan, agus 'g an tarruing gu prìosan:

5 Mar a ni an t-àrd-shagart mar an ceudna fianuis domh, agus combairle nan sean-airean uile; o'n d'fhuair mise mar an ceudna litrichean chum nam bràithrean, agus chaidh mi gu Damascus, chum an dream a bha'n sin a thoirt ceangailte gu Ierusalem, chum gu'n deantadh peanas orra.

6 Agus tharladh, air dhomh 'bhi 'g imeachd, agus a' druideadh ri Damascus mu mheadhon-là, gu'n do dhealraich gu h-obann o nàmh solus mòr mu'n cuairt orm.

7 Agus thuit mi air an talamh, agus chuala mi guth ag ràdh, A Shaul, a Shaul, c'ar son a tha thu 'g am gheur-leanmhuinn-sa?

8 Agus fhreagair mise, Cò thu, a Thighearna? Agus thubhairt e rium, is mise Iosa o Nasaret, air am bheil thusa a' deanamh geur-leanmhuinn.

9 Agus chunnaic na daoine a bha maille rium an solus gu deimhin, agus ghabh iad eagal; ach cha chual iad guth an ti a labhair rium-sa.

10 Agus thubhairt mise, Ciod a ni mi, a Thighearna? Agus thubhairt an Tighearn rium, Eirich, agus imich gu Damascus, agus an sin labhrar riut mu thimchioll nan nith-ean sin uile a dh'orduicheadh dhuit-sa a dheanamh.

11 Agus an uair nach bu léir dhomh tre ghlòir an t-soluis sin, air dhomh 'bhi air mo threòrachadh air làimh leo-san a bha maille rium, thàinig mi gu Damascus.

12 Agus air do dhùine àraidh *d am b'ainm* Ananias, a bha cràbhach a réir an lagha, agus air an robh deadh theistean aig na h-Iudhaich uile a bha 'chòmhnuidh an sin,

13 Teachd a m' ionnsuidh, agus seasamh làimh rium, thubhairt e rium, A Shaul a bhràithir, faigh do radhare. Agus air an uair sin féin dh'amhaire mi suas air.

14 Agus thubhairt esan, Thagh Dia ar n-aithrichean roimh-làimh thusa, chum gu'n gabhadh tu eòlas air a thoil, agus gu'm faicheadh tu an t-Aon cothromach sin, agus gu'n chluineadh tu guth as a bheul.

15 Oir bithidh tu a'd' fianuis aige chum nan uile dhaoine, air na nithibh a chunnaic agus a chuala tu.

16 Agus a nis c'ar son a tha thu a' deanamh moille? Eirich, agus bi air do bhaisteadh, agus ionnlaid uait do pheacaidhean, a' gairm air ainm an Tighearna.

17 Agus tharladh, 'n uair a phill mise gu Ierusalem, agus a bha mi a' deanamh ur-nuigh 's an tcampull, gu'n deachaidh mi ann an neul,

18 Agus gu'm faca mi esan ag ràdh rium, Dean deifir, agus imich gu grad á Ierusalem; oir cha ghabh iad ri d' theist-eas mu m' thimchioll-sa.

19 Agus thubhairt mise, A Thighearna,



tha fhios aca gu'n robh mise a' tilgeadh ann am prìosan, agus a' sgiùrsadh anns gach sionagag iadsan a ehireid annad-sa:

20 Agus an uair a dhòirteadh fuil do mhaitirich Stephein, bha mise mar an ceudna a'm' sheasamh a làthair, agus ag aontachadh leis a mharbhadh, agus a' coimhead eudaich na muinntir a mharbh e.

21 Agus thubhairt e rium, Imich: oir cuiridh mise thu 'am fad chum nan Cinn-each.

22 Agus dh'èisd iad ris gus an fhocal so, agus thog iad *an sin* an guth gu h-àrd, ag ràdh, Beir o'n talamh a leithid so de dhuine; oir cha chòir e 'bhi beò.

23 Agus an uair a bha iadsan ag éigheach, agus a' tilgeadh dhiubh an cudaich, agus a' tilgeadh luaithre 's an athar,

24 Dh'àithn an t-àrd-cheannard esan a thoirt do'n chaisteal, ag orduchadh a cheasnachadh le a sgiùrsadh; chum gu'm faigheadh e fios ciod i a' chuire mu'n robh iad a' glaothaich mar sin 'n a aghaidh.

25 Agus an uair a bha iad 'g a cheangal le iallaibh, thubhairt Pòl ris a' cheannard-ceud a sheas a làthair, Am bheil e cead-uichte dhuibhse duine a tha 'n a Romanach a sgiùrsadh, agus gum e air a dhìt-eadh?

26 Agus an uair a chual an ceannard-ceud so, dh'imich e agus dh'innis e do'n àrd-cheannard, ag ràdh, Thoir fainear ciod a ni thu; oir is Romanach an duine so.

27 An sin thàinig an t-àrd-cheannard d'a ionnsuidh, agus thubhairt e ris, Innis domhsa, an Romanach thu? Agus thubhairt esan, Is seadh.

28 Agus fhreagair an t-àrd-cheannard, Is mòr an t-suim air an do cheannaich mise an t-saorsa so. Agus thubhairt Pòl, Ach rugadh mise *saor*.

29 An sin dh'imich iadsan uaith air ball a bha gus a cheasnachadh: agus ghabh an t-àrd-cheannard mar an ceudna eagal 'n uair a thuig e gu'm bu Romanach e, agus a chionn gu'n do cheangail se e.

30 Agus air an là màireach, air dha 'bhi togarrach air fios cinnteach fhaotainn ciod i a' chuire a bha na h-Iudhaich a' cur as a leth, dh'fhuasgail se e o a chuibhreachaibh, agus dh'àithn e do na h-àrd-shagartaibh agus d'an comhairle uile teachd a làthair, agus air dha Pòl a thoirt sìos, chuir e 'nam fianuis e.

# CAIB. XXIII.

1 *Thagair Pòl a chàis.* 2 *Dh'ordnich Ananias a bhualadh.* 7 *Comnsachadh an measg a luchd-casaid.* 11 *Thug Dia misneach dha.* 14 *Nochdadh feall nan Iudhach an aghaidh Phòil do'n àrd-cheannard.* 23 *Chuir se e gu Fèlics an t-uachdaran.*

**A**GUS air dearcadh do Phòil air a' chomhairle, thubhairt e, Fheara agus

a bhràithre, anns an nìle dheadh choguis chaith mise mo bheatha a thaobh Dhé gus an lè'n diugh.

2 Agus dh'àithn an t-àrd-shagart Ananias dhoibh-san a bha 'n an seasamh làimh ris, a bhualadh air a bheil.

3 An sin thubhairt Pòl ris, Buailidh Dia thusa, a bhalla ghealaichte: oir am bheil thusa a'd' shuidhe a thoirt breth ormsa a réir an lagha, agus an aghaidh an lagha ag orduchadh mo bhualadh?

4 Agus thubhairt iadsan a sheas làimh ris, Am bheil thusa a' toirt ana-cainnt do àrd-shagart Dhé?

5 An sin thubhairt Pòl, Cha robh fhios agam, a bhràithre, gu'm b'e an t-àrd-shagart e: oir tha e sgrìobhta, Na labhair olc mu uachdaran do phobuill.

6 Ach an uair a thuig Pòl, gu robh euid diubh 'n an Sadusaich, agus a' chuid eile 'n am Phairisich, ghlaodh e anns a' chomhairle, Fheara agus a bhràithre, is Phairis-each mise, mac Phairisich: is ann á leth dòchais agus aiseirigh nam marbh, a tha mi air mo thoirt 'am breitheanas.

7 Agus air dhàsan so a labhairt, dh'éirich comhstri eadar na Phairisich agus na Sadusaich: agus roinneadh an coimhthional an aghaidh a chéile.

8 Oir tha na Sadusaich ag ràdh nach 'eil aiseirigh, no aingeal, no spiorad ann; ach tha na Phairisich ag aideachadh gach aon diubh.

9 Agus dh'éirich gàir mhòr: agus air seasamh suas do na sgrìobhaichibh a bha air taobh nam Phairiseach, chathach iad 'n an aghaidh, ag ràdh, Cha-n'eil sinne 'faotainn cron air bith 's an duine so: ach ma labhair spiorad na aingeal ris, na cogamaid an aghaidh Dhé.

10 Agus an uair a dh'éirich comnsachadh mòr eatorra, air do'n àrd-cheannard a bhi fo eagal gu'n rachadh Pòl a tharruing as a chéile leo, dh'àithn e do na saighdearaibh dol sìos, agus esan a thogail leis an làimh làidir as am meadhon, agus a thoirt do'n chaisteal.

11 Agus air an oidheche 'n a dhèigh sin, sheas an Tighearn làimh ris, agus thubhairt e, Bitheadh misneach mhaith agad, a Phòil: oir mar a rinn thu fianuis mu m' thimchioll-sa ann an Ierusalem, is amhuil sin is éigin duit fianuis a dheanamh anns an Ròimh.

12 Agus air teachd do'n là, chruinnich dream àraidh de na h-Iudhaich 'an ceann a chéile, agus chuir siad iad féin fo mhallachadh, ag ràdh, nach itheadh agus nach òladh iad gus am marbhadh iad Pòl.

13 Agus bha iad os ceann dà fhichead fear a rinn an co-mhionnachadh so.

14 Agus thàinig iad chum nan àrd-shagart, agus nan scanairean, agus thubhairt iad, Chuir sinne sinn féin fo àrd-mhallachadh,

nach blais sinn ni sam bith gus am marbh sinn Pòl.

15 A nis nime sin iarraibh-sa maille ris a' chomhairle air an àrd-cheannard, gu'n tugadh e do 'ur n-ionnsuidh-sa e am màireach, mar gu'm bitheadh a rùn oirbh fios fhaotainn ni bu ehoimhlionta air ni éigin m'a thimchioll; agus tha sinne deas chum esan a mharbhadh, mu'n tig e'm fagus duibh.

16 Agus an uair a chuala mac peathar Phòil am feall-fholach so, thàinig e, agus air dha dol a steach do'n chaisteal, dh'innis e sin do Phòil.

17 Au sin ghairm Pòl d'a ionnsuidh aon de na ceannardaibh-cheud, agus thubhairt e, Thoir an t-òganach so chum an àrd-cheannard; oir tha mi àraidh aige r'a innseadh dha.

18 Au sin thug e leis e, agus threòraich se e chum an àrd-cheannard, agus thubhairt e, Ghairm Pòl am prìosanach mise d'a ionnsuidh, agus ghuidh e orm au t-òganach so thoir a d' ionnsuidh-sa, aig am bheil ni-éigin r'a innseadh dhuit.

19 An sin rug an t-àrd-cheannard air a làimh, agus chaidh e a leth-taobh 'an naig-nidheas maille ris, agus dh'fhiosraich e dheth, Ciod a tha agad r'a innseadh dhomh-sa?

20 Agus thubhairt esan, Riuu na h-Iudhaich comhairle iarraidh ortsa, gu'n tugadh tu Pòl am màireach do'n chomhairle, mar gu'm bitheadh iad gu rannsachadh ni's géire a dheanamh air ni-éigin m'a thimchioll.

21 Aeh na aontaich thusa leo: oir tha os ceann dà fhiehad fear dhiubh ri feall-fholach 'n a aghaidh, a chuir iad féin fo mhallachadh, nach ith agus naeh òl iad gus am marbh iad e: agus a nis tha iad ullamh, a' feitheamh ri gealladh uaitse.

22 An sin leig an t-àrd-cheannard uith an t-òganach, agus dh'àithn e dha, ag ràdh, Feuch naeh innis thu do neach sam bith, gu'n d'fhoillsich thu na nithean so dhomh-sa.

23 Agus ghairm e d'a ionnsuidh dà cheannard-ceud, agus thubhairt e, Ullueibh dà cheud saighdear a théid gu Cesarea, agus deich agus trì fichead mareach, agus dà cheud fear-sleagha, air an treas uair de'n oidhehe.

24 Agus ullueibh eich, chum air dhoibh Pòl a chur orra, gu'n toir iad e gu tearuinte chum an uachdarain Felies.

25 Agus sgrìobh e litir air a' mhodh so:

26 Beatha agus slàinte o Chlaudius Lisis, chum an uachdarain ro òirdheire Felies.

27 Ghlaeadh an duine so leis na h-Iudhaich, agus an uair a bha iad air tì a mharbhadh, thàinig mise orra le saighdearaibh, agus thug mi dhiubh e, a' tuigsinn gu'm bu Romanach e.

28 Agus air dhomh 'bhi toileach air fios an

aobhair fhaotainn air son an d'agair iad e, thug mi sìos e chum an comhairle-san:

29 Agus thug mi gu'n robh e air agairt uu cheisidibh d'an lagh féin, gun ni sam bith air a chur as a leth a b'airidh air bàs no air ceanglaichibh.

30 Ach an uair a dh'innseadh dhomh gu'n robh na h-Iudhaich gu feall a chaithheadh air an duine, air ball chuir mi a d' ionnsuidh-sa e, agus thug mi àithne mar an ceudna d'a luehd-easaid, gach cuis a bha aca 'n a aghaidh a chur 'an céill a'd lath-air-sa. Slàn leat.

31 An sin air do na saighdearaibh Pòl a ghabhail, a réir mar dh'àithneadh dhoibh, thug iad 's an oidhehe e gu Antipatris.

32 Agus air an là màireach leig iad do'n mharc-shluagh dol leis, agus phill iad féin do'n chaisteal.

33 Agus an uair a chaidh iad a stigh do Chesarea, agus a thug iad an litir do'n uachdarain, chuir iad mar an ceudna Pòl 'n a fhianuis.

34 Agus an uair a leugh an t-uachdarain an litir, dh'fhiosraich e eò an dùthaich o'n robh e. Agus an uair a thuig e gur ann o Chìlicia bha e,

35 Thubhairt e, Eisdidh mi riut, 'n uair a thig do luehd-easaid mar an ceudna. Agus dh'àithn e esan a choinhead ann an talla-breitheanais Heroid.

# CAIB. XXIV.

1 Air do Phòl a bhà air a chasaid le Tertullus an teang-fhear, 10 fhreagair e air a shon féin thaobh a chaith-beatha agus a theagaisg: shearmonaich e Crìosd do'n uachdarain agus d'a mhnaoi. 26 Bha sìul aige-san ri airmòd fhaotainn uith, ach 'an dòmhain: 27 fa dheireadh, 'n uair a chuireadh as a dhreuchd e, dh'fhàg e Pòl 'an prìosan.

**A**GUS an ceann chùig làithean 'n a dhéigh sin, chaidh Ananias an t-àrd-shagart sìos maille ris na seanairibh, agus ri Tertullus fear-tagraidh àraidh, muinntir a nochd iad féin an làthair an uachdarain an aghaidh Phòil.

2 Agus an uair a ghairmeadh a mach e thòisich Tertullus air a chasaid, ag ràdh, Do bhrìgh gubheil sinn tromhad-sa a mealtuinn mòr-shith, agus gu'n d'rinneadh iomadh deadh ghniomh do'n chinneach so tre do ghliocas-sa,

3 Tha sinne 'gabhail ri so, anns gach àm agus anns gach àit, Fhelies ro òirdheire, maille ris gach uile bhuidheachas.

4 Aeh, chum naeh cuirimi mòr-mhoille ort, guidheam ort, de d' shuaireacas gu'n éisd thu ruinn gu h-ath-ghoirid.

5 Oir fhuair sinn am fear so 'n a phlàigh, agus a' dùsgadh nan Iudhach uile gu ceannaire air feadh an domhain, agus 'n a cheann-feadhna do luehd saobh-ehreidimh nan Nasarenach.

6 Neach mar an ceudna a thogair an team-



pull a shalachadh; agus a ghlae sinne, agus bàill leinn breth a thoirt air a réir ar lagha féin:

7 Ach air teachd do Lísias an t-àrd-cheannard oirnn, thug e le mòr-ainneart as ar lamhan e.

8 Ag àithneadh d'a luchd-casaide teachd a d' ionnsuidh-sa; neach o'm feud thu le a cheasnachadh, fios fhaotainn air na h-uile nithibh a tha sinne a' cur as a leth.

9 Agus dh'aontaich na h-Iudhaich mar an ceudna, ag ràdh, Gu'n robh na nithean sin mar sin.

10 An sin air do'n nachdaran smèideadh air Pòl e a labhairt, fhreagair esan, Is mòid mo mhisneach gu freagairt air mo shon féin, gu bheil fhios agam gu'n robh thusa ré mòrain bhliadhna a'd' bhreith-eamh air a' chinneach so:

11 Oir feudaidd tu fios fhaotainn, nach mò na dà là dheug o chaidh mi suas gu Ierusalem a dheanamh aoraidh.

12 Agus cha d'fhuair iad mi a' deasboir-eachd ri aon neach 's an teampull, no a' brosnachadh an t-sluaigh gu ceannairc, aon euid 's ua sionagogaibh, no anns a' bhaile.

13 Nì mò is urrainn iad na nithean sin a dhearbhadh a tha iad a' cur as mo leth.

14 Ach tha mi ag aideachadh so dhuitse, gur ann a réir na slighe sin ris an abair iadsan saobh-chreidinn, a tha mise a' deanamh aoraidh do Dhia maithrichean, a' creidsinn nan uile nithean a tha sgrìobhta 's an lagh agus anns na fàidhibh:

15 Agus tha dòchas agam 'an Dia, ris am bheil suil mar an ceudna aca féin, gu'n tig aiseirigh nam marbh, nam firean araon agus nan neo-fhìrean.

16 Agus an so tha mi a' saothreachadh a ghnàth coguis neo-lochdach a bhi agam a thaobh Dhé, agus a thaobh dhaoine.

17 A nis an deigh mòrain bhliadhnachan, thàinig mi a thoirt déirce chum dh'chiam-ich, agus thabhartas.

18 Air a so fhuair Iudhaich àraidh o'n Asia mi air mo ghlanadh 's an teampull, gun sluagh, agus gun bhuaireas.

19 Muinntir d'am bu chòir a bli'n so a'd' làthair-sa, agus m'agairt, nam bitheadh 'nì sam bith aca a'm' aghaidh.

20 No abradh iad so féin, ma fhuair iad cucoir sam bith annam-sa, 'n uair a sheas mi an làthair na comhairle;

21 Mur ann a mhàin air son an aoin fhocail so, a ghlaodh mi a'm' sheasamh 'n am measg, Gur ann air son aiseirigh nam marbh, a tha mi air mo thoirt gu breitheanas leibhse an diugh.

22 Agus an uair a chuala Felics na nithean so, air dha eòlas ni bu dìomhaalta bhi aige air an t-slighe sin, chuir e air dàil iad, ag ràdh, 'N uair a thig Lísias an t-àrd-cheannard a nuas, lán-rannsaichidh mi bhur chis.

23 Agus dh'àithn e do cheannard-ceud Pòl

a ghleidheadh, agus e bhi fuasgailte aige agus gun neach d'a mhuinntir féin a bhacadh o fhrithealadh dha, no teachd d'a ionnsuidh.

24 Agus an déigh làithean àraidh, 'n uair a thàinig Felics maille r'a mhnaoi Drusilla, a bha 'n a Ban-Iudhaich, chuir e fios air Pòl, agus dh'éisd e ris mu thimchioll a' chreidinn ann an Crìosd.

25 Agus air dhàsan a bhi a' reusonachadh mu fhìreantachd, stuaim, agus breitheanas ri teachd, ghabh Felics eagal mòr, agus fhreagair e, Imich romhad an tràth so; 'n uair a bhitheas ùine agam, cuiridh mi fios ort.

26 Bha dùil aige mar an ceudna gu'n rachadh airgid a thoirt da le Pòl, chum gu'm fhasgladh se e; uime sin chuir e fios air ni bu trice, agus labhair e ris.

27 Ach air do dhà bhliadhna 'bhi air an coimhlionadh, thàinig Porcius Festus 'an àit Fhelics: agus air do Fhelics a bhi toil-each conain a chur air na h-Iudhaich, dh'fhàg e Pòl ceangailte.

# CAIB. XXV.

1 Chasaid na h-Iudhaich Pòl an làthair Fhestus: 8 fhreagair Pòl air a shon féin, 11 agus thog e a chàis gu Cesar. 14 Dh'fhosgaid Ffestus càis Phòil do Agripa, agus dh'innis e nach d'fhuaradh coire air bith ann a' b'airidh air bàs.

**A**NIS 'n uair a thàinig Festus do'n uhdòr-roinn, 'an ceann trì làithean chaidh e suas o Chesarea gu Ierusalem.

2 Agus nochd an t-àrd-shagartagus maith-ean nan Iudhach iad féin 'n a làthair an aghaidh Phòil, agus chuir iad impidh air,

3 Ag iarraidh fàbhair 'n a aghaidh, gu'n cuireadh e fios air gu Ierusalem, agus iad a dheanamh feall-fholach chum esan a mharbhadh air an t-slighe.

4 Ach freagair Festus, Gu'm bu chòir Pòl a ghleidheadh ann an Cesarea, agus gu'n rachadh e féin an sin gu h-aithghearr.

5 Uime sin, ars' esan, rachadh iadsan 'n 'ur measg a dh'fheudas, sios maille riun-sa, agus ma tha coire air bith 's an duine so, cuireadh iad sin as a leth.

6 Agus air dha fantuinn 'n am measg os ceann deich làithean, chaidh e sìos do Chesarea; agus air an là màireach shuidh e air a' chaithir-bhreitheanis, agus dh'àithn e Pòl a thoirt a làthair.

7 Agus an uair a thàinig esan, sheas na h-Iudhaich a thàinig a nuas o Ierusalem m'a thimchioll, a' cur choireannan lionmhòr agus mòra á leth Phòil, nach b'urraim iad a dhearbhadh:

8 'N uair a fhreagair esan 'g a shaoradh féin, Cha d'rinm ni cionta sam bith an aghaidh lagha nan Iudhach, no 'n aghaidh an teampull, no 'n aghaidh Cheasair.

9 Ach air bhi do Fhestus togarrach air toileachas-inntinn a thoirt do na h-Iudh-

aich, fhreagair e Pòl, agus thubhairt e, An àill leatsa dol suas gu Ierusalem, agus an sin dol fo bhreitheanas thaobh nan nìthean sin ann am làthair-sa?

10 An sin thubhairt Pòl, Tha mi 'm' sheasamhaig caithir-breitheanais Cheasair, far an còir breth a thoirt ornn: air na h-Iudhaich cha d'rinn mi cucoir sam bith, mar is maith tha fios agadsa.

11 Oir ma tha mi 'deanamh eucoir, agus ma rinn mi ni sam bith a thoill bàs, cha-n'eil mi 'diultadh bàs fhulang: ach mur'eil ni sam bith dhiubh sin *fior* a tha iad so a' cur as mo leth, cha-n' fheud duine sam bith mo thoirt thairis doibh. Tha mi 'togail mo chùis gu Ceasar.

12 An sin an déigh do Fhestus labhairt ris a' chomhairle, fhreagair e, An do thog thu do chùis gu Ceasar? gn Ceasar théid thu.

13 Air dol do làithibh àraidh seachad, thàinig Agripa an rìgh agus Bernice gu Cesarea a chur fàilte air Festus.

14 Agus air dhoibh mòran làithean a chaitheadh an sin, chuir Festus cùis Phòil 'an céill do'n rìgh, ag ràdh, Dh'fhàgadh duine àraidh le Felice 'n a phrìosanach.

15 Air-san, an uair a bha mise ann an Ierusalem, rinn na h-àrd-shagartan agus seanairean nan Iudhach casaid *rium*, ag iarraidh binne 'n a aghaidh.

16 D'an d'thug mise am freagradh so, Cha-n' e gnàth nan Romanach duine sam bith a thoirt thairis chum bàis, gns am bi aig an neach a tha air agairt, a luchd-casaid aghaidh ri h-aghaidh, agus gu'm bi cothrom aige air e féin a shaoradh o'n choire a chuireadh as a leth.

17 Uime sin an uair a thàinig iad araon an so, gun mhoille sam bith shuidh mi air an là màireach 's a' chaithir-bhreitheanais, agus dh'àithn mi'n duine a thoirt a làthair.

18 Agus an uair a sheas a luchd-casaid m'a thimchioll, cha do chuir iad coire air bith as a leth de na nìthibh a shaoil mise:

19 Ach thug iad ceisdean àraidh 'n a aghaidh mu thimchioll an creidimh féin, agus mn thimchioll Iosa àraidh, a fhuair bàs, neach a thubhairt Pòl a bha beò.

20 Agus a chionn gu robh mise amharusach mu thimchioll an leithidean sin de cheidsibh, dh'fheòraich mi dheth am b'àill leis dol suas gu Ierusalem, agus an sin dol fo bhreitheanas mu na nìthibh so.

21 Ach an uair a dh'farr Pòl a choinheadh gus am fiosraicheadh a chùis-san le Augustus, dh'àithn mi e 'bhi air a ghleidheadh gns an cuirinn gu Ceasar e.

22 An sin thubhairt Agripa ri Festus, B'àill leamsa féin an duine so 'chluinntinn. Am màireach, thubhairt esan, cluinnidh tu e.

23 Uime sin air an là màireach, 'n uair a thàinig Agripa, agus Bernice, le mòr-ghreadimachas, agus a chaidh iad a steach

maille ris na h-àrd-cheannardaibh agus prìomh-dhaoineibh na caithreach do'n ionad-èisdeachd, air do Fhestus àithne a thoirt, thugadh Pòl a làthair.

24 Agus thubhairt Festus, A rìgh Agripa, agus sibhse a dhaoine uile a tha làthair an so maille ruinn, tha sibh a' faicinn an dnuine so, mu'n do chuir sluagh nan Iudhach uile ionpaidh ormsa, araon ann an Ierusalem, agus an so, a' glaothaich nach bu chòir e bhi ni b'fhaide beò.

25 Ach an uair a thuig mise nach d'rinn e ni sam bith a thoill bàs, agus a chionn gu'n do thog e féin a chùis gu Augustus, shonraich mi a chur *d'a ionnsuidh*.

26 Munach 'eil ni sam bith cinnteach agam r'a sgrìobhadh chum mo Thighearna. Uime sin thug mi mach e do 'ur n-ionnsuidh-sa, agus gu h-àraidh a d' ionnsuidh-sa, a rìgh Agripa, chum an déigh rammsachadh a dhcanamh, gu'm bitheadh agam ni éigin r'a sgrìobhadh.

27 Oir is mi-reusanta a'm' bheachd-sa prìosanach a chur *uam*, agus gun na cùisean a tha 'n a aghaidh ainmeachadh.

# CAIB. XXVI.

1 An làthair Agripa, chuir Pòl 'an céill a chaithe-beatha o 'dige, 12 agus cionnus a dh'ionpaicheadh e gu mìorbhuileach, agus a ghairneadh e gu bhì 'n a abstol. 24 Chuir Festus as a leth gun robh e air a chuthach, ach fhreagair esan gu sèimh. 31 Mheas a' chuid-eachd gu h-ionmhan neo-chiontach e.

**A**N sin thubhairt Agripa ri Pòl, Tha cead agad labhairt air do shon féin. An sin shìn Pòl a mach a làmh, agus fhreagair e air a shon féin,

2 Tha mi 'g am mhacas féin sona, a rìgh Agripa, do bhrìgh gu bheil mi gu freagairt air mo shon féin an dugh a'd làthair-sa, thaobh nan nìthean sin uile a tha air an cur as mo leth leis na h-Iudhaich.

3 Gu h-àraidh, a chionn gu bheil thusa eòlach air gach gnàth agus ceisd a tha am measg nan Iudhach: uime sin guidheam ort, èisd rium gu foighidneach.

4 Tha mo bheatha-sa o m'òige, a chaith-eadh air tùs am measg mo chinnich féin ann an Ierusalem, aithnichte do na h-Iudhaich uile;

5 D'am b'aithne mi o thùs, (nam b'àill leo fianais a dheanamh,) gu'n do chait mi mo bheatha a'm' Phairiseach, a réir an luchd comh-bharail a's teinne d'ar creidimh-ne.

6 Agus a nis tha mi 'm' sheasamh fo bhreitheanas air son dòchais a' gheallaidh a rinneadh le Dia d'ar n-aithrichibh:

7 Chum am bheil dùil aig ar dà thrèibh dheng-ne teachd, a' deanamh seirbhìs do *Dhia* a là agus a dh'oidhche do ghnàth; agus air son an dòchais so tha mise, a rìgh Agripa, air m'agairt leis na h-Iudhaich.

8 Car son a mhacas leibhse mar ni do-chreidsinn, gu'n dùisgeadh Dia na mairbh?



9 Gu deimhin mheas mise annam féin, gu'm bu chòir dhomh mòran nithean a dheanamh an aghaidh ainme Iosa o Nasaret.

10 Ni mar an ceudna a rinn mi ann an Ierusalem: agus air faotainn ùghdarras o na h-àrd-shagartaibh, dhruid mi mòran de na naomh ann am prìosanaibh; agus an uair a chluireadh gu bàs iad, thug mi mo ghuth 'n an aghaidh.

11 Agus a' deanamh peanais orra gu minic anns gach sionagog, cho-éignich mi iad gu toibheum a labhairt; agus air dhomh 'bhi gu ro mhòr air bhoile 'n an aghaidh, rinn mi geur-leanmhuinn orra, eadhon gu bailtibh coigreach.

12 Air a so 'n nair a bha mi 'dol gu Damascus, le cumhachd agus barantas o na h-àrd-shagartaibh;

13 Mu mheadhon-là, O a rìgh, chunnaic mi air an t-slighe solus o nèamh, a bu shòilleire na solus na gréine, a' dealrachadh mu'n cuairt orm, agus orra-san a bha 'g imeachd maille rium.

14 Agus an uair a thuit sinn uile air an talamh, chuala mi guth a' labhairt rium, agus ag ràdh annsa' chainnt Eabhruidhich, A Shaul, a Shaul, c'ar son a tha thu ga m' gheur-leanmhuinn? Is cruaidh dhuitse 'bhi 'brecbadh an aghaidh nan dealg.

15 Agus thubhairt mise, Cò thu, a Thigh-eàrn? Agus thubhairt esan, Is mise Iosa a tha thusa a' geur-leanmhuinn.

16 Ach éirich, agus seas air do chosaibh; oir dh'fhoillsich mi mi féin duit chum na crìche so, gu'n orduichim thu a'd mhinistear agus a'd fhiannais araon air na nithibh sin a chunnaic thu, agus air na nithibh anns am foillsich mi mi féin duit;

17 Ga d' shaoradh o'n t-sluagh, agus o na Cinnich, chum am bheil mi nis ga d' chur.

18 A dh'fhosgladh an sùl, chum gu'n tionndaidh iad o dhorchadas gu solus, agus o chumhachd Shàtain gu Dia, chum gu faigh iad maithneas pheacaidhean, agus oighreachd maille ris a' mhuinntir sin a tha air an naomhachadh tre'n chreidimh a tha annam-sa.

19 Uime sin, a rìgh Agripa, cha robh mi cas-ùmhail do'n taisbeanadh nèamhaidh:

20 Ach shearmonaich mi air tùs dhoibhsan ann an Damascus, agus ann an Ierusalem, agus air feadh tìre Iudea uile, agus an sin do na Cinnich, iad a dheanamh aithreachais agus pilltinn ri Dia, a' deanamh oibre iomcheuidh an aithreachais.

21 Air sou nan nithean so ghilac na h-Iudhaich mi 's an teampull, agus bàill leo mo mharbhadh.

22 Uime sin air dhomh còmhnaidh fhaotainn o Dhia, bhuanaich mi gus an lè'n diugh, a' deanamh fianuis do'n bheag agus do'n mhòr, gun ni air bith a' labhairt ach na nithean sin a thubhairt na fàidhean agus Maois a bha gu teachd;

23 Gu'n robh Criosd gu fulang, agus gu'n robh e gu éirigh an ceud neach o na marbhaibh, agus gu'm foillsicheadh e solus do'n phobull, agus do na Cinnich.

24 Agus air dha 'bhi 'labhairt nan nithean so air a shon féin, thubhairt Festus le guth àrd, Tha thu air mhi-chéill a Phòil: tha mòr-fhòghlum ga d' chur air bhoile.

25 Ach thubhairt esan, Cha-nèil mi air bhoile, Fhestuis ro òirdheirc; ach tha mi a' labhairt bhriathran na firinn agus na céille.

26 Oir tha fhios aig an rìgh roimh am bheil mise a' labhairt gu saor, air na nithibh so: oir tha cinnt agam nach 'eil a h-aon de na nithibh so 'an ain-fhios da; oir cha-n ann 'an cùil a rinneadh so.

27 Am bheil thu 'creidsinn nam fàidhean, a rìgh Agripa? tha fhios agam gu'm bheil thu 'g an creidsinn.

28 An sin thubhairt Agripa ri Pòl, Is beag nach 'eil thu 'g am aomadh gu bhi 'am Chriosduidh.

29 Agus thubhairt Pòl, B'e mo ghuidhe air Dia, gu'm bitheadh cha-n e mhàin thusa, ach mar an ceudna iadsan uile a tha 'g éisdeachd rium an diugh, ann am beag agus 'am mòr, mar tha mise, saor o na geimhlibh so.

30 Agus air dha nabriathran so a labhairt, dh'éirich an rìgh, agus an t-uachdaran, agus Bernice, agus an dream a shuidh maille riu:

31 Agus an uair a chaidh iad a leth-taobh, labhair iad r'a chéile, ag ràdh, Cha-nèil an duine so a' deanamh ni air bith toillteanach air bàs, no air geimhlibh.

32 An sin thubhairt Agripa ri Festus, Dh'fheudtadh an duine so a leigeadh as, mur blitheadh gu'n do thog e a chùis gu Ceasar.

## CAIB. XXVII.

1 *Ghabh Pòl long do'n Ròimh; 9 dh'innis e roimh-làimh cumart an turuis, ach cha d'thugadh creideas da. 14 Luaisgeadh iad a null agus a nall le stòirm, agus dh'fhuiling iad long-bhriseadh; 44 gillheadh thàinig iad air tìr gu téaruinte.*

**A** GUS an uair a thugadh breth sinne a sheòladh do'n Eadailt, thug iad Pòl thairis maille ri prìosanaich àraidh eile, do cheannard-ceud d'am b'ainm Iulius, de chuideachd Augustuis.

2 Agus air dhuinn dol air bord luinge le Adramitium, thog sinn ar siùil, a' cur romhainn seòladh seachad air crìochaibh na h-Asia, air do Aristarchus Macedonach o Thesalonica 'bhi maille rium.

3 Agus air an là màireach, thàinig sinn gu Sidon. Agus air do Iulius buntuin gu snairce ri Pòl, leig e dha dol a dh'ionnsuidh a chàirdean chum comhfhurtachd fhaotainn.

4 Agus air dhuinn stiùradh as a sin, sheòl

sinn fo Chiprus, a chionn gu robh na gaothan 'n ar n-aghaidh.

5 Agus an uair a sheòl sinn troimh'n fhaigre 'tha làimh ri Cilicia agus Pamphilia, thàinig sinn gu Mira baile de Licia.

6 Agus fhuair an ceannard-ceud long an sin o Alecsandria, a bha 'seòladh do'n Eadailt, agus chuir e sinn a steach innte.

7 Agus an uair a sheòl sinn gu mall ré mòrain làithean, agus a thàinig sinn air éigin fa chomhair Chniduis, a chionn nach do leig a' ghaoth leinn, sheòl sinn fo Chrete, fa chomhair Shalmone ;

8 Agus air dhuinn seòladh air éigin seachad air, thàinig sinn gu ionad àraidh ris an abrar, Na calaidhean sgiamhach, am fagus d'an robh baile Lasea.

9 Agus air do mhòran ùine dol seachad, 'n uair a bha seòladaireachd a nis cunnartach, a chionn gu'n deachaidh an trasgadh cheana seachad, chomhairlich Pòl iad,

10 Ag ràdh riù, Fheara, tha mi 'faicinn gu'm bi an t-seòladaireachd so le dochann agus call mòr, cha-n e mhàin do'n luchd agus do'n luing, ach d'ar n-anamaibh féin.

11 Gidheadh, is mò 'chreid an ceannard-ceud an seòladair agus maighstir na luinge, na na nithean a labhradh le Pòl.

12 Agus a chionn gu'n robh an caladh neo-ionmhuigh gus an geamhradh a chaitheadh ann, b'i comhairle na cuid a bu mhò seòladh as a sin mar an ceudna, agus nam feudadh iad air chor sam bith teachd gu Phenice, caladh de Chrete a tha 'g amharc chum an iar-dheas, agus an iar-thnath, agus fantuinn ré a' gheamhraidh an sin.

13 Agus an uair a sheòl a' ghaoth á deas gu cuinn, shaoil iad gu'n d'fhuair iad an rùn, agus ag togail an seòl doibh, stiuir iad ri taobh Chrete.

14 Ach an ceann beagain ùine 'n a dhéigh sin, sheòl gaoth ànrathach 'n a h-aghaidh, ris an abrar Euroclidon.

15 Agus air bhi do'n luing air a fuadachadh, agus gun chomas di dol an aghaidh na gaoithe, leig sinn ruith dhi.

16 Agus air dhuinn ruith a stigh fo eilean beag àraidh d'am b'ainm Claudia, is ann le éigin a ràinig sinn air a' bhàta :

17 Agus air dhoibh a togail suas, ghnàth-aich iad gach gleus còmhnaidh, a' criosadh na luinge foipe ; agus air dhoibh a bhi fo eagal gu'n teicheadh iad 's a' bheò-ghaineimh, leig iad an seòl a sìos, agus mar sin dh'iomaineadh iad.

18 Agus air dhuinne 'bhi gu ro mhòr air ar luasgadh leis an doininn, air an là 'n a dhéigh sin thilg iad a mach an luchd ;

19 Agus air an treas là thilg sinn le ar làmhnan féin a mach aefhuinn na luinge.

20 Agus an uair nach robh a' ghrian nana reultan r'am faicinn ré mòrain làithean, agus a luidh doininn nach bu bheag oirnn,

thugadh an sin uainu gach uile dhòchas gu'n teasairgteadh sinn.

21 Ach air dhuinn a bhi fada 'n ar trasg, an sin air seasamh do Phòl 'n am meadhon, thubhairt e, Fheara, bu chòir dhuibh mo chomhairle-sa 'ghabhail, agus gun fhuasgladh o Chrete, agus an dochann agus an call so a sheachnadh.

22 Agus a nis guidheam oirbh, bitheadh misneach mhaith agaibh : oir cha bhi call anama sam bith 'n 'ur measg, ach a mhàin na luinge.

23 Oir air an oidhe nochd sheas làimh rium-sa aingeal an Dé sin, d'am buin mi, agus d'am bheil mi 'deanamh seirbhis,

24 Ag ràdh, A Phòil, na bitheadh eagal ort ; is éigin duit a bhi air do thoirt an làthair Cheasair : agus, feuch, thòdhlaid Dia dhuit iadsau uile a tha 'seòladh maille riut.

25 Uime sin, fheara, bitheadh agaibh deadh mhisneach : oir tha mi 'creidsinn Dhé, gu'n tachair ceart mar a labhradh rium.

26 Ach is éigin duinn a bhi air ar tilgeadh air eilean àraidh.

27 Agus an uair a bha an ceathramh oidhe deug air teachd, air dhuinne 'bhi air ar séideadh a null agus a nall ann an cuan Adria, mu mheadhon-oidhe b'i barail nam maraichean gu'n robh iad am fagus do thir éigin :

28 Agus air leigeadh na luaidhe sìos doibh, fhuair iad an doimhne fichead aitheamh ; agus an uair a chaidh iad beagan air an aghaidh, leig iad sìos an luaidh a ris, agus fhuair iad i 'n a cùig aitheamh deug.

29 An sin air dhoibh a bhi fo eagal gu'm buaileadh iad air ionadaibh garbha, thilg iad ceithir acraichean á deireadh na luinge, agus ghuidh iad an là a theachd.

30 Agus an uair a bha na maraichean air tì teicheadh a mach as an luing, agus a leig iad sìos am bàta do'n fhaigre, a' gabhail orra 'bhi tilgeadh a mach acraichean a toiseach na luinge,

31 Thubhairt Pòl ris a' cheannard-ceud, agus ris na saighdearaibh, Mur fau iad sin 's an luing, cha-n'eil e'u comas duibh a bhi air blur teasairginn.

32 An sin ghearr na saighdearan cuird a' bhàta, agus leig iad leatha tuiteam sìos.

33 Agus am feadh a bha an là a' teachd, thug Pòl a chomhairle orra uile biadh a ghabhail, ag ràdh, Is e so an ceathramh là deug dhuibh a' feitheamh, agus a' fantuinn 'n 'ur trasg, gun bhiadh sam bith a ghabhail.

34 Uime sin guidheam oirbh biadh a ghabhail ; oir tha so chum blur slàinte : oir cha chaillear fuiltean á ceann a h-aoin agaibh.

35 Agus air dha na nithean so a labhairt,



agus aran a ghlacadh, thug e buidheachas do Dhia 'n an láthair uile; agus air dha a bhriseadh, thóisich e ri itheadh.

36 An sin ghlac iad uile deadh mhiseach, agus ghabh iad biadh mar an ceudna.

37 Agus bha sinn a dh'ananaibh uile anas an luing, dá chuid agus sé deug agus trí fichead.

38 Agus an uair a shànuicheadh iad le biadh, dh'èutromaich iad an long, agus thilg iad a mach an cruithneachd 's an fhairge.

39 Agus an uair a bha'n là air teachd, cha d'aithnich iad am fearann: ach thug iad an aire do lùib àraidh aig an robh tràigh, anns an robh 'mhianan orra, nam b'urraim iad, an long a chur gu tìr.

40 Agus air togail nan aeraichean doibh, leig iad ris an fhairge *i*, agus an uair a dh'fhuasgail iad ceanglaichean na stùire, agus a thog iad am prìomh sheòl ris a ghaoith, sheòl iad chum na tràighe.

41 Agus air tuiteam dhoibh ann an ionad *caraidh* far an do choimnich dà fhairge a chéile, bhuail iad an long air grunn; agus air sàthadh d'a toiseach 's a' ghrunn, dh'fhan e gun charachadh, ach bhriseadh a deireadh le ainneart nan tonn.

42 Agus b'i comhairle nan saighdearan gu marbhadh iad na prìosanaich, air eagal gu'n snàmh iad neach sam bith dhiubh a mach, agus gu'n rachadh iad as.

43 Ach air do'n cheannard-ceud a bhli toileach Pòl a theasairginn, chum e air ais o'n comhairle iad, agus dh'àithn e dhoibh-san d'am b'aithne snàmh *iad fèin* a thilgeadh 's a' chuan air tùs, agus dol a mach air tìr:

44 Agus do chàch dh'àithn e, cuid diubh 'dhol air clàraibh, agus cuid eile air mèiribh briste de'n luing: agus mar sin tharladh gu'n deachaidh iad uile tèaruinte gu tìr.

### CAIB. XXVIII.

1 An déigh an long-bhrisidh thug an sluagh borb aoidheachd gu suaire do Phòl. 5 Cha do chiàrradh a làmh le nathair nimhe a lean rìthe. 8 Shlànuich e mòran eucailan 's an eilean. 11 Ghabh iad an turas chum na Ròimhe. 17 Chuir Pòl 'an cèill do na h-Iudhaich aobhar a theachd do'n Ròimh.

**A**GUS an uair a thearnadh iad, thug iad an sin gu'm b'e Melita ainm an eilein.

2 Agus nochd an sluagh borb caoimhneas nach bu bheag dhuinn: oir air fadadh teine dhoibh, ghabh iad ruinn uile, air son an uisge a bha ann, agus air son an fhuachd.

3 Agus air do Phòl dorlach bhioran a thional, agus an cur air an teine, thàinig nathair nimhe mach as au teas, agus shàs i 'n a làimh.

4 Agus an uair a chunnaic an sluagh borb a' bhéisd 'an crochadh r'a làimh, thubhairt iad r'a chéile, Gu cinnteach is mort-fhear an

duine so, do nach fuiling dìoghaltas a bhí beò, ged 'theasairgeadh o'n fhairge e.

5 Agus air dhàsan a' bhéisd a chrathadh dheth anns an teine, cha d'fhuailg e dochann sam bith.

6 Ach bha iadsan a' feitheamh c'uin a dh'atadh e, no a thuiteadh e sìos marbh gu h-obann: ach an uair a dh'fheith iad uine fhada, agus nach fac iad dochann sam bith a' teachd air, dh'atharraich iad an inntinn, agus thubhairt iad gur dia e.

7 Agus bha mu thimchioll an àite sin fearann aig prìomh dhuine an eilein, d'am b'ainm Publius, a ghabh ruinne agus a thug ré thri làithean aoidheachd dhuinn gu càirdeil.

8 Agus tharladh gu robh athair Publius 'n a luidhe gu tinn le fiabhras, agus gearr-thach fola: air do Phòl dol a steach d'a ionnsuidh, rinn e urnuigh, agus air dha a làmh-an a chur air, leigheas se e.

9 Agus an uair a rimheadh so, thàinig mar an ceudna muinntir eile a bha euslau 's an eilean d'a ionnsuidh, agus leighiseadh iad:

10 Muinntir mar an ceudna a thug mòr-urram dhuinn; agus an uair a dh'fhalbh sinn, chuir iad na nithean sin leinn a bha feumail dhuinn.

11 Agus an déigh thri mìosan sheòl sinn ann an luing o Alecsandria, a chaith an gearmhradh 's an eilean, d'am bu shuaich-eantas Castor agus Pollux.

12 Agus an uair a chaidh sinn air tìr aig Siracuse, dh'fhan sinn an sin tri làithean.

13 Agus air seòladh dhuinn timchioll as a sin, thàinig sinn gu Regium: agus an ceann là 'u a dhéigh sin shéid a' ghaoth á deas, agus thàinig sinn an t-ath là gu Puteoli:

14 Air dhuinn bràithrean fhaotainn an sin, chuireadh iompaidh oirnn *leo* fantuinn seachd làithean maille ri u: agus mar sin thriall sinn chum na Ròimhe.

15 Agus as a sin, air faotainn ar sgeòil do na bràithribh, thàinig iad 'n ar coinneamh gu Apii-forum, agus na Tri tighibh-òsda; agus an uair a chunnaic Pòl iad, thug e buidheachas do Dhia, agus ghabh e misneach.

16 Agus an uair a thàinig sinn do'n Ròimh, thug an ceannard-ceud thairis na prìosanaich do cheannard an fhreiceadain: ach thugadh comas do Phòl a bhi leis fèin, maille ri aon saighdear a bha 'g a ghleidheadh.

17 Agus tharladh, an déigh thri làithean, gu'n do ghairm Pòl maithéan nan Iudhaich an ceann a chéile. Agus an uair a chruinnicheadh iad, thubhairt e ri u, *Fheara agus a bhràithre*, ged nach d'rinn mise ni sam bith an aghaidh a' phobuill no ghnàthan nan aithrichean, thugadh thairis mi a'm phrìosanach o Ierusalem do làmhau nau Romanach.

18 Muinntir an déigh dhoibh mo cheasnachadh, leis am bu mhian mo leigeadh as,

a chionn nach robh coire bàis sam bith annam.

19 Ach an uair a bha na h-Iudhaich a' labhairt an aghaidh so, b'éigin domh mo chùis a thogail gu Cèasair; cha-n e gu bheil coire sam bith agam r'a chur á leth mo chinnich.

20 Air an aobhar so uime sin chuir mi fios oirbhse, chum gu'm faicinn sibh, agus gu'n labhrainn rìbh: oir is ann air son dòchais Israeil a tha mi ceangailte leis an t-slabh-ràidh so.

21 Agus thubhairt iadsan ris, Cha d'fhuair sinne litrichean sam bith á Iudea mu d' thimchioll, cha mhò dh'fhoillsich no dh'innsis aon de na bràithribh a thàinig, olc sam bith umad.

22 Ach bu mhaith leinn a chluinntinn uaitse ciod i do bharail: oir mu thimchioll na gnè-chreidimh so, tha fhios againn gu'n labhras sgach àit 'n a h-aghaidh.

23 Agus air suidheachadh là ris, thàinig mòran d'a ionnsuidh chum 'ionad-còmh-nuidh; d'an do mhìnich e rìoghachd Dhé, a' deanamh fianuis uimpe, agus a' cur iompaidh orra thaobh nan nithean a bhuineas do Iosa, araon á lagh Mhaois, agus as na faidhibh, o mhoch-thrath gu fèasgar.

24 Agus chreid cuid na nithean a labhradh, agus cha do chreid cuid eile dhiubh.

25 Agus air dhoibh a bhi an aghaidh a chèile, sgaoil iad, air do Phòl aon fhocal a ràdh, Is maith a labhair an Spiorad naomh tre'n fhaidh Esaias, r'ar n-aithrichibh,

26 Ag ràdh, Imich chum a' phobuill so, agus abair, Le éisdeachd cluinidh sibh, agus cha thuig sibh; agus le sealltuinn chi sibh, agus cha'n aithnich sibh.

27 Oir tha cridhe a' phobuill so air fas reamhar, agus tha iad a' chluinntinn gu mall le'n cluasaibh, agus chaog iad an sùilean; air cagal gu'm faicadh iad le'n sùilibh, agus gu'n cluinncadh iad le'n cluasaibh, agus gu'n tuigeadh iad le'n eridhe, agus gu'm pilleadh iad, agus gu'n slànuchinn-sa iad.

28 Uime sin bitheadh fhios agaibh-sa, gu'n do chuireadh slàinte Dhé chum nan Cìmeach, agus éisdidh iadsan.

29 Agus an uair a thubhairt e na briath-ran so, dh'imich na h-Iudhaich rompa, agus bha mòr-reusonachadh aca eatorra féin.

30 Agus dh'fhan Pòl dà bhliadhna iomlan 'n a thigh-màil féin, agus ghabh e ris na h-uile dhaoibh a thàinig d'a ionnsuidh,

31 A' searmonachadh rìoghachd Dhé, agus a' teagasg nan nithean a bhuineas do'n Tighearn Iosa Crìosd, leis an uile dhànachd, gun toirmeasg.

## LITIR AN ABSTOIL PHOIL

CHUM NAN

# R O M A N A C H.

CAIB. I.

1 *Mhol Pòl a dhreuchd do na Romanach, agus dh'innsis e a thogradh gu teachd d'an ionnsuidh. 16 Ciod e soisgeul Chrìosd, agus an fhìreantachd a tha e a' foillseachadh. 18 Tha fearg aig Dia ris gach uile ghnè peacaidh. 21 Ciod iad peacaidhean nan Cinn-each.*

**P**OL, seirbhiseach Iosa Crìosd, a ghairm-eadh gu bhi 'n a abstol, a chuireadh air leth chum Soisgeil Dhé,  
2 (A roimh-gheall e le 'fhaidhibh féin anns na sgrìobtuiribh naomha.)

3 Mu thimchioll a Mhic Iosa Crìosd ar Tighearn, a rinneadh de shìol Dhaibhidh, a réir na feòla;

4 A dhearbhadh a bhi 'n a Mhac do Dhia le cumhachd, a réir Spioraid na naomhachd, tre 'aiseirigh o na maibh:

5 Tre an d'fhuair sinne gràs agus abstol-achd chum umhlachd a' chreidimh 'am measg nan uile chinneach air sgàth 'ainme-san:

6 Am measg am bheil sibhse mar an ceudna air bhuir gairm le Iosa Crìosd:

7 Chum nan uile a tha 's an Ròimh, air an gràdhachadh le Dia, air an gairm gu bhi 'n an naoimh: Gràs gu robh dhuibhse, agus sìth o Dhia ar n-Athair, agus o'n Tighearn Iosa Crìosd.

8 Air tùs, tha mi 'toirt buidheachais do m' Dhia tre Iosa Crìosd, air bhuir son-se uile, do bhrìgh gu bheil bhuir creidimh iomraid-each air feadh an domhain gu léir.

9 Oir is e Dia m'fhiantis, d'am bheil mi a' deanamh seirbhis le m' spiorad ann an soisgeul a Mhic, gu bheil mi gun sgur a' deanamh luaidh oirbh,

10 A ghnàth a' guidhe ann am urnuighibh, (nam feudainn a nis fa-dheòidh air aon chor letoil Dhé turas soirbheasach fhaotainn,) ri teachd do 'ur n-ionnsuidh-sa.

11 Oir tha deidh agam air sibhse fhaicinn, chum is gu'm pàirtich mi tiodhlac àraidh spioradail ribh, chum bhuir neartachadh;

12 Sin ri ràdh, chum gu'm faigh mi còmh-



## ROMANACH, II.

fhurtachd annaibh-se, tre chreidimh a chéile, bhuir creidimh-se, agus mo chreidimh-sa.

13 Agus cha-n àill leam, a bhràithre, e bhàin ain-fhios duibhse gu'n do chuir mi romham gu minic teachd do'ur n-ionnsuidh, (ach bhacadh mi gus a so,) chum gu'm faighinn toradh éigin 'n' ur measg-se fòs, mar'am measg nan Cinneach eile.

14 Oir tha mi fo fhiachaibh araon do na Greugaich, agus do na daoimibh borba, araon dhoibh-san a tha glic, agus dhoibh-san a tha neo-ghlic.

15 Uime sin, mhéud 's a tha 'an comas domh, tha mi ullamh chum an soisgeul a shearmonachadh dhuibhse mar an ceudna a tha 's an Ròimh.

16 Oir cha nàr leam-sa soisgeul Chrìosd: oir is e cumhachd Dhé e chum slàinte do gach neach a chreideas, do'n Iudhach air tùs, agus mar an ceudna do'n Ghreugach.

17 Oir tha fircantachd Dhé air a' foillseachadh ann tre chreidimh gu creidimh: mar a tha e sgrìobhta, Bithidh am firean beò tre chreidimh.

18 Oir tha fearg Dhé air a' foillseachadh o neamh an aghaidh gach uile mhi-dhiadhaidheachd, agus eucoir dhaoine, a tha 'bacadh na firinn ann an neo-fhireantachd:

19 Do bhrìgh gu bheil an nì air am feudar fios fhaotainn a thaobh Dhé follaiseach amta-san; oir rinn Dia follaiseach dhoibh e.

20 Oir *riamh* o chruthachadh an t-saoghail tha a nithcan-sa nach feudar fhaicinn, eadhon a chumhachd sìorruidh agus a Dhiadhachd, air am faicinn gu soilleir, air dhoibh a bhì so-thuigsinn o na nithibh a rinnadh; chum gu'm bitheadh iad gun leithsgeul aca:

21 Do bhrìgh 'n uair a b'aithne dhoibh Dia, nach d'thug iad glòir dha mar Dhia, agus nach robh iad taingeil, ach gu'n d'fhàs iad dìomhain 'n an reusonachadh féin, agus gu'n do dhorchaicheadh an cridhe amaid-each.

22 Ag ràdh gur daoine glìce iad féin, rinn-cadh amadain diubh:

23 Agus chaochail iad glòir an Dé neo-thruaillidh gu dealbh a rinneadh cosmhuil ri duine truailidh, agus ri eunlaith, agus ainmhidhibh ceithir-chosach, agus béisidibh snàigeach.

24 Uime sin thug Dia thairis iad mar an ceudna, tre ana-miannaibh an cridhe féin, chum neòghloine, a thoirt eas-urraim d'an corpaibh féin eatorra féin:

25 Muinntir a chaochail firinn Dhé gu bréig, agus a thug aoradh agus a rinn seirbhis do'n chreutair nì's mò na do'n Chruithear, a tha beannaichte gu sìorruidh. Amen.

26 Air a shon so thug Dia thairis iad do ana-miannaibh gràineil: oir chaochail eadhon

an muathan an gnàthachadh na turra chum a' ghnàtha a tha an aghaidh nàduir:

27 Agus mar an ceudna na fir, air tréig-sinn doibh gnàthachadh nàdurra na mnà, loisgeadh iad le'n togradh d'a chéile, fionn-aich ri fionnaich ag oibreachadh gràineil-eachd agus iad a' faotainn dìol-thuarasdail an seacharain amta féin, mar bu chòir.

28 Agus amhuil mar nach bu toil leo còlas Dhé a chumail, thug Dia thairis iad do inn-tinn mhi-chéillidh, a dheanamh nithcan nach robh iomchuidh:

29 Air dhoibh a bhì air an lìonadh leis an uile eucoir, strìopachas, ole, shannt, mhirun: làn farmaid, mortaidh, comsachaidh, ceilg, droch-bheusan; 'n an luchd-cogarsaich,

30 'N an luchd-anacaint, 'n an luchd-fuath air Dia, 'n an luchd-tarcuis, uaibhreach, 'n an luchd-ràiteachais, 'n an luchd-cumadh uile, easumhail do phàrantaibh.

31 Eu-céillidh, 'n an luchd-brisidh coimh-cheangail, gun ghràdh nàdurra, do-réit-eachaidh, neo-thruacanta:

32 Muinntir d'an aithne ceartas Dhé, (gu bheil iadsan a nì an leithid sin de nithibh toilteannach air bàs,) *gidheadh* cha-n e mhaìn gu'm bheil iad féin 'g an deanamh, ach tha mar an ceudna tiachd aca de'n mhuinntir a nì iad.

## CAIB. II.

1 *Iadsan a tha 'peacachadh, ged tha iad a' cronachadh so'an daoimibh eile, cha-n urrainn iad an leithsgeul féin a ghabhail, 6 agus is lugha gu mòr na sin a dh'fheudas iad dol as o cheart-bhreitheanas Dhé, ma's Iudhaich no Cinnich iad. 14 Cha-n'eil na Cinnich comasach air dol as, 17 no idir na h-Iudhaich, 25 do nach 'eil feum's an timchioll-ghearradh, mur coimhid iad an lagh.*

**U**IME sin tha thu gun leithsgeul, O a dhuine, co air bith thu a tha 'toirt breth: oir an uair a tha thu 'toirt breth air neach eile, tha thu ga d' dhèteadh féin; oir thusa a tha 'toirt breth, tha thu 'deanamh nan nithcan sin féin.

2 Ach tha fios againne gu bheil breith-canas Dhé a réir firinn, an aghaidh na muinntir a tha 'deanamh an leithid sin.

3 Agus an saoil thusa so, O a dhuine, a tha 'toirt breth orra-san a nì an leithid sin, agus a tha 'g an deanamh thu féin, gu'n téid thu as o bhreitheanas Dhé?

4 No 'n dean thu tarcuis air saobhreas a mhaithais, agus 'fhoighidin, agus 'fhad-fhulangais, gun fhios a bhì agad gu bheil maithais Dhé ga d' threòrachadh chum aithreachais?

5 Ach a réir do chruais agus do chridhe neo-aithreachail, tha thu 'càrnadh suas feirge dhuit féin fa chomhair là na feirge, agus foillseachaidh ceart-bhreitheanas Dhé;

6 A bheir do gach aon a réir a ghnìomh-aran;

7 Dhoibh-san a tha le buanachadh gu foighidneach ann an deadh obair, ag iarraidh glòire, agus urram, agus neo-blàsnhorachd, a' bheatha mhaireannach :

8 Ach dhoibh-san a tha connspoideach, agus nach 'eil ùmhal do'n fhirinn, ach a tha ùmhal do'n eucoir, diom agus fearg ;

9 Amhghar agus teanntachd air gach anam duine a tha 'deanamh uile, do'n Iudhach air tùs, agus mar an ceudna do'n Gheugach :

10 Ach glòir, agus urram, agus sìth, do gach duine a ni maith, do'n Iudhach air tùs, agus do'n Gheugach mar an ceudna :

11 Oir cha-n'eil spéis aig Dia do phearsa seach a chéile.

12 Oir a mheud as a pheacaich gun an lagh, sgriosar iad gun an lagh ; agus a mheud as a pheacaich fo an lagh, dìtear iad leis an lagh :

13 (Oir cha-n iad luchd-éisdeachd an lagha a tha 'n am fireanaibh 'am fianuis Dhé, ach bithidh luchd-deanamh an lagha air am fireanachadh.

14 Oir an uair a tha na Cinnich aig nach 'eil lagh, a thaobh nàduir a' deanamh nan nithean a tha 's an lagh, air dhoibh-san a bhi gun lagh tha iad 'n an lagh dhoibh féin :

15 Muinntir a tha 'nochdadh obair an lagha sgrìobhta 'n an cridheachaibh, air bli d'an coguis a' deanamh fianuis leo, agus an smuaintean eatorra féin 'g an agairt, no a' gabhail an leithsgeil :

16 'S an là anns an toir Dia breth air nithibh uaigneach dhaoine, a réir mo shoisgeil-sa, tre Iosa Crìosd.

17 Feuch, goirear Iudhach dhìot-sa, agus tha thu 'cur dòigh 's an lagh, agus a' deanamh uail 4 Dia ;

18 Agus is aithne dhuit a thoil, agus tha thu a' dearbhadh nan nithean a's fearr, air dhuit a bhi air do theagasg as an lagh,

19 Agus tha thu dòchasach gur ceann-uil thu féin do na doill, solus dhoibhsan a tha ann an dorchadas,

20 Fear-fòghluim do dhaoineibh neo-eagneidh, fear-teagaisg do leanabaibh, aig am bheil samhladh an còlais agus na fìrinn a tha 's an lagh.

21 Thusa uime sin a tha 'teagasg neach eile, nach 'eil thu ga d' theagasg féin ? thusa a tha 'searmonachadh gun ghoid a dheanamh, am bheil thu ri goid ?

22 Thusa tha 'g ràdh gun adhaltranas a dheanamh, am bheil thu 'deanamh adhaltranais ? thusa le'n gràin iodholan, am bheil thu ri naomh-ghoid ?

23 Thusa a tha 'deanamh uail as an lagh, an tabhair thu, le briseadh an lagha, eas-urram do Dhia ?

24 Oir tha ainm Dhé a' faotainn toibheim do 'ur taobh-se am measg nan Cinneach, mar a tha e sgrìobhta.

25 Oir tha tairbhe gu fìrinneach anns an

timchioll-ghearradh, ma ghleidheas tu an lagh : ach ma's fear-brisidh an lagha thu, tha do thimchioll-ghearradh 'n a neo-thimchioll-ghearradh dhuit.

26 Uime sin, ma ghleidheas an neo-thimchioll-ghearradh fìrcantachd an lagha, nach measar a neo-thimchioll-ghearradh-san mar thimchioll-ghearradh ?

27 Agus nach dìt an neo-thimchioll ghearradh thaobh nàduir, a tha a' coimhionadh an lagha, thusa a tha tre'n litir agus tre'n timchioll-ghearradh a'd' fhear-brisidh an lagha ?

28 Oir cha-n Iudhach esan, a tha mar sin o'n leth muigh : agus cha-n e sin an timchioll-ghearradh, a tha gu follaiseach 's an fheoil :

29 Ach is Iudhach esan, a tha mar sin 's an taobh a stigh ; agus is e sin an timchioll-ghearradh a tha 's a' chridhe, agus 's an spiorad, cha-n ann 's an litir, aig am bheil a chliu cha-n ann o dhaoineibh, ach o Dhia.

### CAIB. III.

1 *Sochair nan Iudhach; 3 nach do chaill iad: 9 gidheadh dh'fhàg an lagh shìos iad mar an ceudna thaobh 'peacaidh. 20 Uime sin cha-n'eil fèid air bith air a saoradh tre'n lagh, 28 ach tha na h-uile air an saoradh tre chreidimh a mhàin, 31 gidheadh cha-n'eil an lagh air a chur gu neo-bhrìgh.*

**C**IOD e uime sin barrachd an Iudhaich ?  
No eiod e tairbhe an timchioll-ghearraidh ?

2 Is mòr *sin* air gach dòigh : air tùs, do bhrìgh gur ann riu-san a dh'earbadh briathran Dhé.

3 Oir ciod e *sin* ged nach do chreid cuid ? an dean am mì-chreidimh-san fìrinn Dhé gun éifeachd ?

4 Nar leigeadh Dia : ach bitheadh Dia fìor, agus gach duine 'n a bhreugaire ; a réir mar tha e sgrìobhta, Chum gu'm bi thu ceart ann ad bhriathraibh, agus gu'n toir thu buaidh 'n uair a bheirear breth ort.

5 Ach ma nìolas ar n-eucoir-ne fireantachd Dhé, ciod a their sinn ? am bheil Dia eucorach a tha 'deanamh dioghaltais ? (tha mi a' labhairt mar dhuine.)

6 Nar leigeadh Dia : no cionnus a bheir Dia breth air an t-saoghal ?

7 Oir ma tha fìrinn Dhé tre mo bhréig-sa air a meudachadh chum a glòire-san ; e'ar son a tha mise air mo dhiteadh mar pheacach ?

8 Agus e'ar son nach dean sinn ole, chum gu'n tig maith as ? (mar a labhrar gu toibheumach umainne, agus mar a thubhairt cuid gu bheil sinn ag ràdh,) *muinntir* d' am bheil an dìteadh a réir ceartais.

9 Ciod uime sin ? am bheil barrachd againne ? cha-n'eil air aon chor : oir dhearbha sinn roimhe gu bheil araon na h-Iudhaich agus na Cinnich uile fo pheacadh ;



10 Mar tha e sgrìobhta, Cha-n'eil ionracan ann, cha-n'eil fiu a h-aon:

11 Cha-n'eil neach ann a thuigeas, cha-n'eil neach ann a tha 'g iarraidh Dhé.

12 Chlaon iad uile as an t-slighe, tha iad uile mi-tharbhach; cha-n'eil neach a tha 'deanamh maith, cha-n'eil fiu a h-aon.

13 Is naigh fhosgailte an scòran; labhair iad cealg le'n teangaibh; tha nimh nan nathraichean nimhe fo 'm bilibh:

14 Aig am bheil am beul làn mallachaidh agus seirbhe:

15 Tha an cosan luath a dhòrtadh fola:

16 Tha léir-sgrìos agus truaighe 'n an slighibh:

17 Agus slighe na sìthe cha b'aithne dhoibh:

18 Cha-n'eil eagal Dhé fa comhair an sùl.

19 A nis tha fhios againn ge b'e nithean a tha'n lagh a' labhairt, gur ann riu-san a tha fo 'n lagh a tha e 'g an labhairt: chum gu'n druidear gach uile bheul, agus gu'm bi an saoghal uile air fhaotainn ciontach 'am fianuis Dhé.

20 Uime sin cha bhi feòil air bith air a fireanachadh, 'n a fhianuis-san, tre oibrìbh an lagha: oir is ann tre an lagh a tha còlas peacaidh.

21 Ach a nis tha fireantachd Dhé air a foillseachadh as eugnais an lagha, a' faotainn fianuis o'n lagh agus o na fàidhibh:

22 Eadhon fireantachd Dhé tre chreidimh Iosa Criosd, do na h-uile, agus air na h-uile a chreideas; oir cha-n'eil eadar-dhealachadh ann:

23 Oir pheacaidh na h-uile, agus tha iad air teachd gearr air glòir Dhé:

24 Air dhoibh a bhi air am fireanachadh gu saor le a ghràs, tre an t-saorsa a tha ann an Iosa Criosd:

25 Neach a shònraich Dia 'n a òbair-réitich, tre chreidimh 'n a fhuil, chum 'fhìreantachd fhoillseachadh le maithneas nam peacaidhean a chaidh seachad, tre fhad-fhulangas Dhé:

26 A dh'fhoillseachadh, tha mi ag ràdh, 'fhìreantachd-san 's an àm a tha làthair; chum gu'm bitheadh e cothronach, agus gu'm fireanaicheadh e an ti a chreideas ann an Iosa.

27 C'ait uime sin am bheil uail? Dhruideadh a mach i. Ciod e an lagh leis an do dhruideadh a mach i? an e lagh nan oibre? Cha-n e; ach tre lagh a' chreidimh.

28 Tha sinn uime sin a' meas gu bheil duine air fhìreanachadh tre chreidimh as eugnais oibre an lagha.

29 An e Dia nan Iudhach a mhàin e? Nach e mar an ceudna Dia nan Cinneach? Gu deimhin nan Cinneach mar an ceudna:

30 Do bhrìgh gur aon Dia, a dh'fhìreanaicheas an timchioll-ghearradh o chreidimh, agus an neo-thimchioll-ghearradh tre chreidimh.

31 Am bheil sinn uime sin a cur an lagha 'an neo-bhrìgh tre'n chreidimh? Nar leigeadh Dia: ach tha sinne a' daingneachadh an lagha.

# CAIB. IV.

1 Mheasadh creidimh Abraham dha mar fhìreantachd, 10 mu'n do thimchioll-ghearradh e. 13 Tre chreidimh a mhàin shealbhaich e fèin agus a shìoch an gealladh. 16 Is e Abraham athair nan uile dhaoine a tha 's creidsinn. 24 Bithidh ar creidimh-ne mar an ceudna air a mheas dhuinn mar fhìreantachd.

C IOD ma ta a their sinn a fhuair ar n-athair Abraham a réir na feòla?

2 Oir ma dh'fhìreanaicheadh Abraham le oibrìbh, tha aobhar uail aige, ach cha-n ann a thaobh Dhé.

3 Oir ciod a tha an sgrìobtuir ag ràdh? Chreid Abraham Dia, agus mheasadh sin da mar fhìreantachd.

4 A nis do'n ti a ni obair cha-n ann mar ghean-maith a mheasar an tuarasdail, ach mar fhiachaibh.

5 Ach do'n ti nach dean obair, ach a tha 'creidsinn anns an ti a dh'fhìreanaicheas an duine mi-dhiadhaidh, measar a chreidimh mar fhìreantachd.

6 Amhuil mar a tha Daibhidh a' cur 'an cèill beannachadh an duine sin d'am meas Dia fireantachd as eugnais oibre, ag ràdh,

7 Is beannaichte iadsan a fhuair maithneas 'n an euceirtibh, agus aig am bheil am peacaidhean air am fòlach.

8 Is beannaichte an ti nach cuir an Tigh-earn peacadh as a leth.

9 Am bheil ma ta am beannachadh so 'teachd air an timchioll-ghearradh a mhàin, no mar an ceudna air an neo-thimchioll-ghearradh? Oir tha sinn ag ràdh gu'n do mheasadh creidimh do Abraham mar fhìreantachd.

10 Cionnus ma ta a mheasadh dha e? An ann an uair a bha e 's an timchioll-ghearradh, no 's an neo-thimchioll-ghearradh? Cha'n ann 's an timchioll-ghearradh, ach 's an neo-thimchioll-ghearradh.

11 Agus fhuair e comharadh an timchioll-ghearraidh, seula fireantachd a' chreidimh a bha aige 's an neo-thimchioll-ghearradh, ehum gu'm bitheadh e 'n a athair aca-san uile a tha 'creidsinn 's an neo-thimchioll-ghearradh, chum gu'm meastadh fireantachd dhoibh-san mar an ceudna:

12 Agus 'n a athair an timchioll-ghearraidh dhoibh-san nach 'eil a mhàin de'n timchioll-ghearradh, ach mar an ceudna a tha 'g imeachd ann an ceumaibh creidimh sin ar n-Athar Abraham, a bha aige 's an neo-thimchioll-ghearradh.

13 Oir cha b'ann tre'n lagh a thugadh an gealladh do Abraham no d'a shìol, Gu'm bitheadh e 'n a oighre air an t-saoghal, ach tre fhìreantachd a' chreidimh.

14 Oir ma tha iadsan a bhuineas do'n lagh

'n an oighreachaibh, tha creidimh air a dhèanamh dìomhain, agus an gealladh gun bhrìgh :

15 A chionn gu bheil an lagh ag oibreachadh feirge : oir far nach 'eil lagh, eha-n'eil an sin briseadh lagha.

16 Uime sin is ann o chreidimh tha an oighreachd, ionnus gu'm bitheadh i tre ghràs: chum gu'm bitheadh an gealladh daingean do'n t-sìol uile, cha-n ann a mhàin dhoibh-san a bhuineas do'n lagh, ach mar an ceudna dhoibh-san a bhuineas do chreidimh Abraham, neach is e ar n-athair-ne uile,

17 (A réir mar tha e sgrìobhta, Dh'ord-uich mi thu a'd' athair mhòran chinneach,) 'n a fathair-san anns an do chreid e, eadhon Dia, a tha 'beothachadh nam marbh, agus a tha 'gairm nan nithean sin nach 'eil idir ann mar gu'm bitheadh iad ann :

18 Nèach an aghaidh dòchais a chreid 'an dòchas, chum gu'm bitheadh e 'n a athair mhòran chinneach ; a réir mar a dùbhradh, Mar so bithidh do shliochd.

19 Agus air dha gun bhi annhunn ann an creidimh, cha do chuir e 'an suim gu'n robh a chìrpe fèin a nis marbh, air dha 'bhi timchioll ceud bliadhna dh'aois, no mairbhe bronn Shara :

20 Agus cha do chuir e 'an amharus gealladh Dhé le mi-chreidimh ; ach bha e làidir ann an creidimh, a' toirt glòire do Dhia :

21 Agus bha làn-chinnt aige, an ti a thug an gealladh, gu'm bu chomasach esan air a choimhlionadh.

22 Agus uime sin mheasadh so dhàsan mar fhìreantachd.

23 A nis cha b'ann air a shonsan a mhàin a sgrìobhadh, gu'n do mheasadh so dha ;

24 Ach air ar son-ne mar an ceudna, d'am measar e, ma chreideas sinn ann-san a thog suas Iosa ar Tighearn o na mairbh,

25 A thugadh thairis air son ar cionta, agus a thogadh suas a ris air son ar fireanachadh.

# CAIB. V.

1 Air dhuinn a bhi air ar saoradh o chionta peacaidh tre chreidimh, tha sìth againn ri Dia, agus gairdeachas ann an dòchas : S do bhrìgh gu'n d' fhuair sinn réite tre fhuil Chrìosd, 'n uair bu naimhdean sinn, is mò gu mòr na sin a shaorar sinn a nis air dhuinn an réite fhaotainn. 12 Mar a thàinig peacadh agus bàs tre Adhamh, is mò gu mòr na sin a tha fireantachd agus beatha tre Iosa Chrìosd. 20 Far an robh peacadh mòr thug gràs barrachd.

UIME sin air dhuinne 'bhi air ar fireanachadh tre chreidimh, tha sìth againn ri Dia, tre ar Tighearn Iosa Chrìosd :

2 Tre'm bheil againn mar an ceudna slighe gu dol a steach tre chreidimh chum

a' ghràs so anns am bheil sinn 'n ar seasamh, agus tha sinn a' deanamh gairdeachais ann an dòchas glòire Dhé.

3 Agus cha-n e so a mhàin, ach tha sinn mar an ceudna a deanamh uail ann an trioblaidibh, do bhrìgh gu bheil fios againn gu'n oibrich trioblaid foighidin ;

4 Agus foighidin, dearbhadh ; agus dearbhadh, dòchas :

5 Agus cha nàraich an dòchas, do bhrìgh gu bheil gràdh Dhé air a dhòrtadh a mach ann ar eridheachaibh, tre'n Spiorad naomh a thugadh dhuinne.

6 Oir air dhuinne 'bhi fathast gun neart, ann an àm iomchuidh bhàsaich Chrìosd air son nan daoine neo-dhiadhaidh.

7 Oir is gann a dh'fhuilingeas duine bàs air son duine chothromaich ; ach theagamh gu'm bitheadh aig neach éigin de mhìnich eadhon bàs fhulang air son duine mhaith.

8 Ach tha Dia a' moladh a ghràidh fèin duinne, do bhrìgh an uair a bha sinn fathast 'n ar peacaich gu'n d'fhuiling Chrìosd bàs air ar son.

9 Is mò gu mòr uime sin, air dhuinn a nis a bhi air ar fireanachadh tre 'fhuil, a shaorar tridsan o fheirg sinn.

10 Oir ma 's e is air dhuinn 'bhi 'n ar naimhdeibh, gu'n d'rinneadh réidh ri Dia sinn tre bhàs a Mhic ; is mò gu mòr, air dhuinn a bhi air a deanamh réidh, a shaorar tre a bheatha sinn.

11 Agus cha-n e mhàin sin, ach tha sinn a' deanamh gairdeachais ann an Dia, tre ar Tighearn Iosa Chrìosd, tre an d'fhuair sinn a nis an réite.

12 Uime sin mar a thàinig peacadh a steach do'n t-saoghal tre aon duine, agus bàs tre'n pheacadh ; mar sin mar an ceudna thàinig bàs air na h-uile dhaoineibh, do bhrìgh gu'n do pheacaich iad uile.

13 Oir gus an fìgh, bha peacadh anns an t-saoghal : ach cha chuirear peacadh á leth dhaoine far nach 'eil lagh.

14 Gidheadh, rioghaich am bàs o Adhamh gu Maois, eadhon air an dream nach do pheacaich a réir coslais eas-umhlachd Adhamh, neacha'se samhladh an ti ud a bha ri teachd :

15 Ach eha-n ann mar an cionta, a tha'n saor-thiodhlac. Oir ma fhuair mòran bàs tre chionta aoin, is mò gu mòr na sin a tha gràs Dhé, agus an tiodhlac troimh ghràs a tha tre aon duine, Iosa Chrìosd, pailte do mhòran.

16 Agus eha-n ann mar tre aon duine a pheacaich, mar sin a tha'n tabhartas : oir bha am breitheanas tre aon chionta, chum tididh : ach tha'n saor-thabhartas o mhòran chiontaibh chum fireanachaidh.

17 Oir ma's e as tre chionta aoin duine, gu'n do rioghaich am bàs tre aon, is mò gu mòr na sin a rioghaicheas iadsan, a gheibh pailteas gràis, agus tabhartais na fireant-



achd, ann am beatha tre aon, *eadhon* Iosa Criosd.

18 Uime sin mar tre chionta aoin *duine a thàinig breitheanas* air na h-uile dhaoibh chum dèidh, is amhuil sin mar an ceudna tre fhìreantachd aoin, *thàinig an saor-thìodhlac* air na h-uile dhaoibh chum fhìreanaidh na beatha.

19 Oir mar tre eas-ùmhachd aoin duine a rinneadh mòran 'n am peacaich, is amhuil sin tre ùmhachd aoin *duine a nìthear mòran* 'n am fhìreanaidh.

20 Ach thàinig an lagha steach, chum gu meudaichteas an cionta: ach far an do mheudaicheadh am peacadh, bu ro-mhò a mheudaicheadh gràs:

21 Chum as mar a rìoghaich am peacadh chum bàis, mar sin gu'n rìoghaicheadh gràs tre fhìreantachd chum na beatha maireannaich, tre Iosa Criosd ar Tighearn.

### CAIB. VI.

1 *Cha-n fheud sinn ar beatha a chaitheadh 'am peacadh; oir tha sinn marbh dha mar tha'm baisteadh a' dearbhadh.* 12 *Na bitheadh tighearnas aig a' pheacadh nì's mò,* 18 *do bhrìgh gu'n d'thug sinn fèin fhaicis do sheirbhìs na fhìreantachd,* 23 *agus a chionn gur e am bàs tuarasdail a' pheacaidh.*

**C**IOD ma ta a' cheir sinn? Am buanaich sinn ann am peacadh, chum gu meudaicheadh gràs?

2 Nar leigeadh Dia: cionnus a dh'fheudas sinne a tha marbh do'n peacadh, ar beatha a chaitheadh nì's faide ann?

3 Nach 'eil fhios agaibh, a mheud againn as a bhaisteadh ann an Iosa Criosd, gu'n do bhaisteadh chum a bhàis sinn?

4 Air an aobhar sin dh'adhlacaidh sinn maille ris tre'n bhaisteadh chum bàis: ionnus mar a thogadh Criosd suas o na mairbh le glòir an Athar, mar sin gu'n ghuaiseamaid-ne mar an ceudna ann an nuadhachd beatha.

5 Oir ma chaidh ar suidheachadh maraon ann an coslas a bhàis, bithidh sinn mar an ceudna *air ar suidheachadh ann an coslas* 'aiceirigh.

6 Air fhios so a bhi againn, gu bheil ar seann duine air a cheusadh maille ris, ionnus gu'm bithicadh corp a' pheacaidh air a sgrios, chum á so suas nach deanamaid seirbhìs do'n peacadh.

7 Oir an ti a fhuair bàs, rinneadh saor e o'n peacadh.

8 A nis ma fhuair sinn bàs maille ri Criosd, tha sinn a' creidsinn gu'm bi sinn beò maille ris mar an ceudna:

9 Air dhuinn fios a bhi againn air do Chriosd èirigh o na mairbh, nach bàsaich e nì's mò; cha-n'eil tighearnas aig a' bhàs nì's mò air.

10 Oir a mheud 's gu'n d'fhuair e bàs, is ann do'n peacadh a fhuair e bàs aon uair *a mhàin*: ach a mheud 's gu bheil e beò, is ann do Dhia tha e beò.

11 Mar sin mar an ceudna measaibh-es gu bheil sibh fèin gu deimhin marbh do'n peacadh, ach beò do Dhia tre Iosa Criosd ar Tighearn.

12 Air an aobhar sin na rìoghaicheadh am peacadh ann bhuir corp bàsach, air chor as gu'n tugadh sibh ùmhachd dha 'n a ana-miannaibh.

13 Agus na tugaibh bhuir buill 'n an armaibh euceirt do'n peacadh; ach thug-aibh sibh fèin do Dhia, mar dhream a tha beò o na mairbh, agus bhuir buill 'n an armaibh fhìreantachd do Dhia.

14 Oir cha bhi aig a' pheacadh tighearnas oirbh: oir cha-n'eil sibh fo 'n lagh, ach fo ghràs.

15 Cìod uime sin? am peacaich sinn, do bhrìgh nach 'eil sinn fo 'n lagh, ach fo ghràs? Nar leigeadh Dia.

16 Nach 'eil fhios agaibh, an ti d'an toir sibh sibh fèin mar sheirbhìsich chum ùmh-lachd, gur seirbhìsich sibh do'n ti d'an dean sibh ùmhachd; ma's ann do'n peacadh chum bàis, no do ùmhachd chum fhìreantachd.

17 Ach buidheachas do Dhia, an dèigh dhuibh a bhi 'n 'ur seirbhìsich do'n peac-adh, gu'n d'thug sibh o bhuir eridhe ùmh-lachd do'n chumadh teagaisg sin d'an d'thugadh sibh thairis.

18 Air dhuibh ma ta 'bhi air bhuir dean-amh saor o'n peacadh, rinn sibh seirbhìs do'n fhìreantachd.

19 Tha mi a' labhairt mar dhuine, air son anmhuinnicheadh bhuir feòla-se: oir mar a thug sibh bhuir buill mar sheirbhìsich do neòghloine, agus do euceart chum euccirt, amhuil sin a nis thugaibh bhuir buill mar sheirbhìsich do'n fhìreantachd, chum naomhachd.

20 Oir an uair a bha sibh 'n 'ur seirbhìsich do'n peacadh, bha sibh saor o'n fhìreantachd.

21 Air an aobhar sin cìod an toradh a bha agaibh an sin anns na nithibh sin, a tha nis a' cur nàire oirbh? oir is e crìoch nan nith-ean sin am bàs.

22 Ach a nis air dhuibh a bhi saor o'n peacadh, agus 'n 'ur seirbhìsich do Dhia, tha bhuir toradh agaibh chum naomhachd, agus a' chrìoch a' bheatha mhaireannach.

23 Oir is e tuarasdail a' pheacaidh am bàs: ach is e saor-thìodhlac Dhé a' bheatha mhaireannach, tre Iosa Criosd ar Tighearn.

### CAIB. VII.

1 *Cha-n'eil aig an lagh cumhachd os ceann duine nì's faide na's beò e.* 4 *Ach tha sinne marbh do'n lagh;* 7 *gidheadh cha-n'eil an lagh 'n a pheacadh,* 12 *ach naomh, ceart, agus maith, &c.*

**N**ACH eil fhios agaibh, a bhràithre, (oir is ann rìusan d'an aithne an lagh a tha

mi a' labhairt,) gu bheil tighearnas aig an lagh air duine, am fad 's is beò e?

2 Oir a' bhean a tha pòda ri fear, tha i ceangailte leis an lagh r'a fear am fad 's is beò e: ach ma gheibh a fear bàs, tha i fuasgailte o lagh a fir.

3 Uime sin am feadh 's is beò a fear, ma phòsar i ri fear eile, goirear ban-adhalt-ranach dhi: ach ma gheibh a fear bàs, tha i saor o'n lagh sin, air chor as nach ban-adhalt-ranach i, ged robh i aig fear eile.

4 Air an aobhar sin, mo bhràithre, tha sibhs mar an eudna marbh do'n lagh tre chorp Chriosd: ionnus gu'm bitheadh sibh pòda ri fear eile, *eadhòn* ris-sa a thogadh o na marbh, chum gu'n tugamaid toradh a mach do Dhia.

5 Oir an uair a bha sinn 's an fheadh, bha miannan nam peacaidhean, tre'n lagh, ag oibreachadh ann ar buill, chum toradh a thoirt a mach gu bàs.

6 Ach a nis tha sinn air ar deanamh saor o'n lagh, air dha sin a bhi marbh leis an do chumadh sinn; chum gu'n deanamaid seirbhis ann an nuadhachd spioraid, agus eha-n ann 'an seanachd na litreach.

7 Ciod uime sin a their sinn? am bheil an lagh 'n a pheacadh? Nar leigeadh Dia. Nì h-eadh, cha b'aithe dhomh peacadh, ach tre'n lagh: oir cha bhitheadh còlas agam air sannt, mur abradh an lagh, Na sanntaich.

8 Ach air do'n pheacadh fàth a ghlacadh tre'n àithne, dh'oibrich e annam gach uile ghnè an-tograidh: oir as eugmhais an lagha bha 'm peacadh marbh.

9 Oir bha mise beò as eugmhais an lagha uair-èigin: ach air teachd do'n àithne, dh'ath-bheothaich am peacadh, agus fhuair mise bàs.

10 Agus an àithne a dh'orduicheadh chum beatha, fhuaradh dhomh-sa chum bàis i.

11 Oir air do'n pheacadh fàth a ghlacadh tre'n àithne, mheall emi, agus lesin mharbh e mi.

12 Air an aobhar sin tha 'n lagh naomh; agus tha 'n àithne naomh, agus cothromach, agus maith.

13 Uime sin an d'rinneadh an ni sin a bha maith, 'n a bhàs domhsa? Nar leigeadh Dia. Ach am peacadh, chum gu'm faict-eadh gur peacadh e, ag oibreachadh bàis annam-sa, leis an ni sin a tha maith; chum tre'n àithne gu'm fàsadh am peacadh ro pheacach.

14 Oir tha fhios againne gu bheil an lagh spioradail: ach tha mise feòmhòr, air mo reiceadh fo 'n pheacadh.

15 Oir an ni a tha mi 'deanamh, cha tait-neach leam e: oir an ni a b'ail leam, cha-n e a tha mi a' deanamh; ach an ni a's fuathach leam, is e sin a tha mise a' deanamh.

16 Uime sin ma tha mi 'deanamh an ni

nach b'ail leam, tha mi 'g aontachadh leis an lagh, gu bheil e maith.

17 A nis ma ta cha mhise ni's mò a tha 'deanamh so, ach am peacadh a tha 'gabhail còmhuidh annam.

18 Oir tha fhios agam, annam-sa, (sin ri ràdh, ann am fheadh,) nach 'eil maith sam bith a' gabhail còmhuidh: oir tha'n toil a lathair maille rium, ach *dòigh sam bith* chum maith a dheanamh cha-n'eil mi a' faotainn?

19 Oir cha-n'eil mi 'deanamh am maith 'bu mhiann leam: ach an t-olc nach b'ail leam, is e sin a tha mi a' deanamh.

20 A nis ma tha mi a' deanamh an ni nach b'ail leam, cha mhise ni's mò a tha 'deanamh so, ach am peacadh a tha 'gabhail còmhuidh annam.

21 Uime sin tha mi 'faotainn lagha, 'n uair a b'ail leam am maith a dheanamh, gu bheil an t-olc a lathair agam.

22 Oir tha tlachd agam ann an lagh Dhé, a réir an duine 's an taobh a stigh;

23 Ach tha mi 'faicinn lagha eile a'm' bhuill a' cogadh an aghaidh lagha m'innt-inn, agus ga m' thoirt ann am bruid do lagh a' pheacaidh, a tha ann am bhuill.

24 Och is duine truagh mi! cò a shaoras mi o chorp a' bhàis so?

25 Tha mi 'toirt buidheachais do Dhia, tre Iosa Chriod ar Tighearn. Uime sin, tha mise féin leis an imtinn a' deanamh seirbhis do lagh Dhé; ach leis an fheadh do lagh a' pheacaidh.

# CAIB. VIII.

1 Tha iadsan a tha ann an Criosd, agus a' caitheadh am beatha a réir an Spioraid, saor o dhiteadh. 5 Ciod an cron a thig o'n fheadh, 14 agus ciod am maith a thig o'n Spiorad; 17 agus ciod e a bhi 'n ar cloinn do Dhia: 19 dream aig am bheil, roimh na h-uile ni, déidh air an saorsa, &c.

**A**IR an aobhar sin cha-n'eil a nis dìteadh sam bith do'n dream sin a tha ann an Iosa Criosd, a tha 'gluasad cha-n ann a réir na feòla, ach a réir an Spioraid.

2 Oir shaor lagh Spioraid na beatha, ann an Iosa Criosd, mise o lagh a' pheacaidh agus a' bhàis.

3 Oir an ni nach robh 'an comas do'n lagh a dheanamh, do bhrìgh gu'n robh e annmunn tre'n fheadh, ag cur a Mhic féin do Dhia ann an coslas feòla peacaidh, agus 'n a robairt air son peacaidh, dhìt e am peacadh 's an fheadh:

4 Chum gu'm bitheadh fireantachd an lagha air a còimhlionadh annainne, a tha 'gluasad cha-n ann a réir na feòla, ach a réir an Spioraid.

5 Oir an dream a tha a réir na feòla, tha an aire air na nithibh sin a bhuineas do'n fheadh; ach an dream a tha a réir an Spioraid, air na nithibh sin a bhuineas do'n Spiorad.



## ROMANACH, VIII.

6 Oir an inntinn fheòlmhor is bàs i; ach an inntinn spioradail is beatha agus sìth i:

7 Do bhrìgh gur naimhdeas an inntinn fheòlmhor an aghaidh Dhé; oir cha-n'eil i ùmhail do lagh Dhé, agus cha mhò a tha'n comas di 'bhi.

8 Uime sin cha-n urrainn iadsan a tha 's an fheòil Dia a thoileachadh.

9 Ach cha-n'eil sibhse 's an fheòil, ach 's au Spiorad, ma tha Spiorad Dhé a' gabhail còmhnuidh annaibh. A nis mur 'eil Spiorad Chrìosd aig neach, cha bhuia e dha.

10 Agus ma tha Crìosd anuaibh, tha'n corp marbh gu deimhin a thaobh peacaidh; ach is beatha an spiorad a thaobh fireantachd.

11 Ach ma tha Spiorad an ti a thog Iosa o na mairbh a' gabhail còmhnuidh annaibh, an ti a thog Crìosd o na mairbh, beothaichidh e mar au ceudna bhuir cuirp bhàsmhor-se, tre a Spiorad-san a tha 'còmhnuidh annaibh.

12 Uime sin, a bhràithre, tha sinn fo fhìachaibh, cha-n ann do'n fheòil, chum ar beatha a chaitheadh a réir na feòla.

13 Oir na chaitheas sibh bhuir beatha a réir na feòla, gheibh sibh bàs: ach ma mharbhas sibh tre'n Spiorad gnìomharan na colla, bithidh sibh beò.

14 Oir a mheud 's a tha air an treòrachadh le Spiorad Dhé, is iad mic Dhé.

15 Oir cha d'fhuair sibh Spiorad na daorsa a ris chum eagail; ach fhuair sibh Spiorad na h-uchd-mhacachd, tre an glaoth sinn, Abba, Athair.

16 Tha an Spiorad féin a' deamh fianuis maille r'ar spiorad-ne, gur sinn clann Dhe:

17 Agus ma's clann, is oighreachan; oighreachan air Dia, agus comh-oighreachan maille ri Crìosd: ma 's e is gu'm fuiling sinn maille ris, chum gu'n glòraichear sinn maille ris mar an ceudna.

18 Oir tha a' meas nach airidh fulangais na h-aimsir a tha làthair a bhi air an coimhneas ris a' ghlòir a dh'fhoillsichear annainn.

19 Oir tha dùil dhùrachdach a' chruthachaidh a' feitheamh ri foillseachadh cloinne Dhé.

20 Oir chuireadh an cruthachadh fo dhìowhanas, cha-n ann le 'thoil, ach trid-san a chuir fo dhìowhanas e;

21 'An dòchas gu'u saorar an cruthachadh féin fòs o dhaorsa na truaillidheachd, gu saorsa ghlòrmhor cloinne Dhé.

22 Oir tha fhios againne gu bheil an cruthachadh uile ag osnaich, agus aun am péin gu léir, mar mhaoi ri saothair, gus an am so:

23 Agus cha-n e so a mhàin, ach sinn féin mar an ceudna, aig am bheil ceud thoradh an Spioraid, tha eadhon sinne ag osnaich

annainn féin, a' feitheamh ris an uchd-mhacachd, eadhon saorsa ar cuirp.

24 Oir is ann le dòchas a' saorar sinn: ach dòchas a chithear, cha dòchas e: oir an ni a tha au duine 'faicinn, c'ar sou a bhitheas dòchas aige ris?

25 Ach ma tha dòchas againn ris an ni nach 'eil sinn a' faicinn, feithidh sinu gu foighidheach ris.

26 Tha an Spiorad féin mar an ceudna a' deanamh còmhnaidh le ar n-annhuinn-eachd: oir cha-n aithne dhuinn ciod a ghuidheamaid mar bu chòir dhuinn; ach tha an Spiorad féin a' deanamh eadar-ghuidhe air ar son le osnaibh do-labhairt.

27 Agus is aithne dhàsan a tha 'rannsachadh nan cridheachan ciod i inntinn an Spioraid, do bhrìgh gu bheil e a' deanamh eadar-ghuidhe air son nan naomh a réir toile Dhé.

28 Agus tha fhios againn gu'n comh-oibrich na h-uile nithean chum maith, do'n dream aig am bheil gràdh do Dhia, eadhon dhoibh-san a ghairmeadh a réir a rùin.

29 Oir an dream a roimh-aithnich e, roimh-orduich e iad mar an ceudna *chum a bhi* comh-chosmhail ri ìomhaigh a Mhic, chum gu'm bitheadh esan 'n a cheud-ghin am measg mòrain bhràithrean.

30 Agus an dream a roimh-orduich e, ghairm e iad mar an ceudna: agus an dream a ghairm e, dh'fhireanaich e mar an ceudna: agus an dream a dh'fhireanaich e, ghlòraich e mar au ceudna.

31 Ciod uime sin a their sinn ris na nithibh sin? Ma tha Dia leinn, co 'dh'fheudas a bhi 'n ar n-aghaidh?

32 An ti nach do chaomhain a Mhac féin, ach a thug thairis e air ar son-ne uile, cionnus maille ris-san nach toir e mar an ceudna dhuinn gu saor na h-uile nitheau?

33 Cò a chuireas coire sam bith à leth daoine taghta Dhé? *Is e* Dia a dh'fhireanaicheas.

34 Cò a dhèiteas? *Is e* Crìosd a fhuair bàs, seadh tuilleadh fòs, a dh'èirich a rìs, agus a tha air deas làmh Dhé, ueach a tha mar an ceudna a' deanamh eadar-ghuidhe air ar son-ne.

35 Cò a sgaras siun o ghràdh Chrìosd? an dean trioblaid, no àmhghar, no geur-leannhuinn, no gorta, no lomnochduidh, no cumart, no claidheamh?

36 (A réir mar tha e sgrìobhta, Air do shon-sa mharbhadh sinn ré an là; mheasadh siun mar chaoraich chum marbhadh.)

37 Ni h-eadh, ach anns na uithibh sin uile tha sinn a' toirt tuilleadh agus buaidh, trid-san a ghràdhach sinn.

38 Oir tha dearbh-bheachd agam, nach bi bàs, no beatha, no aingil, no uachdaranachd-an, no cumhachdan, no nithean a tha làthair, no nithean a tha ri teachd,

39 No àirde, no doimhne, no creutair sam

## ROMANACH, IX.

bith eile, comasach air sinne a sgaradh o ghràdh Dhé a tha ann an Iosa Crìosd ar Tighearn.

### CAIB. IX.

1 *Tha Pòl doilich air son nan Iudhach.* 7 *Cha b'iad sliochd Abraham uile d'ann a' gheallaidh.* 18 *Tha Dia a' deanamh tròcair air an dream a's toil leis.* 21 *Feudaidh an cumadair an nì a's àill leis a dheanamh ris a' chrìadhd.* 25 *Tha gairn nan Cinnich, agus cur-air-cul nan Iudhach air an roimh-innseadh, &c.*

**T**HA mi a' labhairt na firinn ann an Crìosd, cha dean mi breug, (air bhì do m' choguis a' deanamh fianuis domh 's an Spiorad naomh.)

2 Gu bheil doilgheas mòr orm, agus cràdh air mo chridhe an còmhnuidh.

3 Oir ghuidhinn mi féin a bhì dealaichte o Chrìosd, air son mo bhraithrean, mo luchd-dàimh a thaobh na feòla:

4 A tha 'n an Israelich; d'am buin an uchd-mhacachd, agus a' ghloir, agus na coimheangail, agus tabhairt an lagha, agus seirbhis *Dhé*, agus na geallaman;

5 D'am buin na h-aithrichean, agus o'm bheil Crìosd a thaobh na feòla, neach is e Dia os ceann nan uile, beannaichte gu sìorruidh. Amen.

6 Cha-n e gu bheil focal *Dhé* gun éifeachd. Oir cha-n Israelich iadsan uile a tha o Israel:

7 Agus mi mò do bhrìgh gur sliochd do Abraham iad, *a tha iad* uile 'n an cloinn: ach, Ann an Isaac ainmichear do shìol.

8 Is e sin ri ràdh, Cha-n iad clann na feòla clann *Dhé*: ach is iad clann a' gheallaidh a mheasar mar shìol.

9 Oir is e so focal a' gheallaidh, A réir an àm so thig mi, agus bithidh mac aig Sara.

10 Agus cha-n e mhàin so, ach Rebeca mar an ceudna 'n uair a rinnadh torrach i o aon, *eadhon* Isaac ar n-athair-ne;

11 (Oir mu 'n dorugadh na naoidheanan, agus mu 'n d'rim iad maith no olc, chum gu'm bitheadh rùn *Dhé* a réir an taghaidh seasmhach, eha-n ann o oibribh, ach o'n ti a ghairmeas.)

12 A dubhradh rithe, Nì an neach a's seime seirbhis do'n neach a's òige.

13 A réir mar tha e sgriobhta, Ghràdh-aich mi Jacob, ach dh'fhuathaich mi Esau.

14 Ciod a their sinn ma ta? *am bheil* eucoir maille ri Dia? Nar leigeadh Dia.

15 Oir tha e ag ràdh ri Maois, Nì mi tròcair air an neach air an dean mi tròcair, agus gabhaidh mi truas de'n neach d'an gabh mi truas.

16 Uime sin cha-n ann o'n ti leis an àill, no o'n ti a ruitheas, ach o *Dhia* a nì tròcair.

17 Oir tha an sgriobtuir ag ràdh ri Pharaoh, Is ann chum na crìche so féin a thog mi suas thu, chum gu'm foillsichann mo chumhachd annad, agus chum gu'm

bitheadh m'ainm iomraidhach air feadh na talmhainn uile.

18 Uime sin nì e tròcair air an ti a's àill leis, agus an ti a's àill leis cruaidh-ichidh e.

19 Their thu ma ta rium, C'ar son a tha e ma seadh a' faghail croin? oir cò a chuir an aghaidh a thoile?

20 Nì h-eadh, ach O a dhuine, cò thusa a tha 'tagradh an aghaidh *Dhé*? An abair an nì a chumadh ris an ti a chum e, C'ar son a riun thu mi mar so?

21 Nach 'eil cumhachd aig a' chrìadhadair air a' chrìadhd, ionnus gu'n deanadh e de'n aon mheall aon soithcach chum urrainn, agus soithcach eile chum eas-urraim.

22 Ciod ma's e, air bhì do *Dhia* toileach 'fhearg a nochdadh, agus a chumhachd a dheanamh aithnichte, gu'n d'fhuiling e le mòr fhad-fhulangas soithichean na feirge air an ullachadh chum sgrios:

23 Agus chum gu'n deanadh e aithnichte saobhbreas a ghloire air soithichibh na tròcair, a dh'ulluich e roimh-fàimh chum glòire,

24 Eadhon sinne a ghairm e, cha-n e mhàin de na h-Iudhaich, ach mar an ceudna de na Cinnich.

25 Mar tha e ag ràdh mar an ceudna ann an Hosea, Goiridh mi mo phobull diubhsan nach robh 'n am pobull domh; agus *bean* ghràdhach dh'ise, nach robh gràdhach.

26 Agus tarlaidh, anns an ionad 's an dubhradh riu, Cha sibh mo phobull-sa; an sin gu'n goirear Clann an *Dé* bheò dhiubh.

27 Tha Esaias mar an ceudna ag éigheach mu thimchioll Israel, Ged tha àireamh chloinn Israel mar ghaincamh na fairge, is fuigheall a thearnar.

28 Oir crìochnaichidh e an obair, agus gearraidh e goirid i'an ceartas: do bhrìgh gu'n dean an Tighearn obair ghoirid air an talamh.

29 Agus mar a thubhairt Esaias roimhe, Mur fàgadh Tighearn nan shuagh sìol againne, dheantadh sinn mar Shodòm, agus bhithamaid cosmhail ri Gomorrah.

30 Ciod a their sinn ma seadh? Gu'n d'ràinig na Cinnich, nach robh a' leantuinn fireantachd, air fireantachd, eadhon an fhìreantachd a tha o chreidimh:

31 Ach cha do ràinig Israel, a bha 'lean-tuinn lagha na fireantachd, air lagh na fireantachd.

32 C'ar son? A chionn nach ann o chreidimh, ach mar gu'm b'ann o oibribh an lagha a *dh'iarr iad* i: oir thuishich iad air a' chloich-thuishidh sin;

33 Mar tha e sgriobhta, Feuch, cuircam ann an Sion clach-thuishidh, agus carraig oibheim: agus gach neach a chreideas annsan, cha chuirear gu nàire e.



CAIB. X.

1 *Tha an sgrìobhtair a' nochdadh an eadar-dhealachaidh a tha eadar fireantachd an lagha, agus a' chreidimh; 11 agus nach cuirre a h-aon de na h-Iudhaich, no de na Cinnich sin uile a chreideas, fo amhladh; 18 agus gu'n gabh na Cinnich ris an fhocal, agus gu'n creid iad. 19 Cha robh Israel aineolach air na nithibh sin.*

**A**BHRAITHREAN, is e dùrachd mo chridhe, agus m' urnuigh ri Dia air son Israel, gu'm bitheadh iad air an tearnadh.

2 Oir tha mi 'deanamh fianuis doibh, gu bheil eud aca thaobh Dhé, ach cha-n ann a réir colais.

3 Oir air dhoibh 'bhi aineolach air fireantachd Dhé, agus ag iarraidh am fireantachd féin a chur air chois, cha do strìochd iad do fhìreantachd Dhé.

4 Oir is e Crìosd crìoch an lagha, chum fireantachd do gach neach a chreideas.

5 Oir tha Maois a' cur 'an cèill na fireantachd a tha o'n lagh, *eadhon*, An duine a ni na nithcan sin, gu'm bi e beò leo.

6 Ach mar so tha an fhìreantachd a tha o chreidimh ag ràdh, Na h-abair ann ad chridhe, Cò 'théid suas air nèamh? (sin r'a ràdh, a thoirt Chrìosd a nuas.)

7 No, Cò a théid sìos don doimhne? (sin r'a ràdh, a thoirt Chrìosd a ris air ais o na mairbh.)

8 Ach ciod a tha i ag ràdh? Tha 'm focal ann fagus duit, ann ad bheul, agus ann ad chridhe: 's e sin focal a' chreidimh a tha sinne a' searmonachadh,

9 Ma dh'aicheadas tu le d' bheul an Tighearn Iosa, agus na chreideas tu ann ad chridhe, gu'n do thog Dia o na mairbh e, gu'n saorar thu.

10 Oir is ann leis a' chridhe a chreidear chum fireantachd, agus leis a' bheul a dh'aichear chum slàinte.

11 Oir tha an sgrìobhtair ag ràdh, Ge b'e neach a chreideas ann-san, cha nàraichear e.

12 Oir cha-n'eil eadar-dhealachadh eadar an t-Iudhach agus an Greugach: oir an t-aon Tighearn a tha os ceann nan uile, tha e saobhair do na h-uile a ghairmeas air.

13 Oir ge b'e neach a ghairmeas air ainm an Tighearna, tearnar e.

14 Ach cionnus a ghairmeas iad airsan anns nach do chreid iad? agus cionnus a chreideas iad anns an ti air nach cuail iad *iomradh*? agus cionnus a chluinneas iad gun searmonaiche?

15 Agus cionnus a ni iad searmoin, mur cuirear iad? mar tha e sgrìobhta, Cia sgiamhach cosan na muinntir sin a tha 'searmonachadh soisgeil na sìthe, a tha 'toirt sgeòil aoibhneach air nithibh maithe!

16 Ach cha robh iad uile ùmhal do'n t-soisgeul. Oir tha Esaias ag ràdh, A Thighearna, cò a chreid ar n-aithris-ne?

17 Uinne sin, is ann o éisdeachd a thig ercidimh, agus éisdeachd tre fhocal Dhé.

18 Ach tha mi ag ràdh, Nach cuail iad? Chuala gu deimhin, chaidh am fuaim air feadh gach tìre a mach, agus am briathran gu iomallaibh an domhain.

19 Ach tha mi ag ràdh, Nach robh fios aig Israel? Air tùs, tha Maois ag ràdh, Cuiridh mi cud oirbh le *Cinneach* nach 'eil 'n an Cinnich, *agus* le Cimeach neothuigseach cuiridh mi fearg oirbh.

20 Ach tha Esaias ro dhàn, agus tha e ag ràdh, Fhuaradh mi leo-san nach d'iarr mi; dh'fhoillsicheadh mi dhoibh-san nach d'fhiosraich air mo shon.

21 Ach ri Israel tha e ag ràdh, Shìn mi mach mo làmhnan ré an là gu h-ìomlan ri pobull eas-ùmhail agus a labhras a'm aghaidh.

CAIB. XI.

1 *Cha do thilg Dia Israel uile uaith. 7 Thagh-adh eud, ged 'chruaidhicheadh a' chuid eile. 16 Tha dòchas mi'n ath-philleadh. 18 Cha-n fheud na Cinnich uaill-thàir a dheanamh orra; 26 oir tha gealladh gu'n tearnar iad. 33 Tha breitheanais Dhé do-rannsachaidh.*

**T**HA mi ag ràdh ma seadh, An do thilg Dia a phobull uaith? Nar leigeadh Dia. Oir is Israeleach mise féin mar an ceudna, de shliochd Abraham, de thrèibh Bheniamin.

2 Cha do thilg Dia naith a phobull a roimh-aithnìch e. Nach 'eil fhios agaibh ciod e a tha an sgrìobhtair ag ràdh mu Elias? cionnus a tha e a' deanamh eadar-ghuidhe ri Dia an aghaidh Israel, ag ràdh,

3 A Thighearna, mharbh iad d'fhàidhean, agus leag iad sìos d'altairean; agus dh'fhàg-adh mise a'm' aonar, agus tha iad ag iarraidh m'anama.

4 Ach ciod a tha freagradh Dhé ag ràdh ris? Dh'fhàg mi dhomh féin seachd mìle fear, nach do lùb an glùn do *dhealtbh* Bhaail.

5 Agus mar sin mar an ceudna tha 's an àm so a làthair fuigheall a réir taghaidh a' ghràis.

6 Agus ma's ann tre ghràs, cha-n ann o oibribh nì's mò: no cha ghràs gràs nì's mò. Ach ma's ann o oibribh, cha-n ann o ghràs á sin suas: no cha-n obair á sin suas obair.

7 Ciod ma seadh? An ni sin a tha Israel ag iarraidh, cha do ràinig e air; ach ràinig an taghadh air, agus chaidh a' chuid eile a dhalladh:

8 Mar tha e sgrìobhta, Thug Dia dhoibh spiorad na suaine, sùilean chum nach faic-eadh iad, agus cluasan chum nach cluinn-eadh iad, gus an là an diugh.

9 Agus tha Daibhidh ag ràdh, Bitheadh am bord mar ribe, agus mar inneal-glacaidh, agus mar cheap-tuislidh, agus mar dhiol-thuarasdail dhoibh:

10 Bitheadh an sùilean air an dorchachadh,

chum nach faic iad; agus crom-sa an druim an còmhnuidh.

11 Tha mi ag ràdh uime sin, An do thuislich iad ionnus gu'n tuiteadh iad? Nar leigeadh Dia: ach tre an tuiteam-san tha slàinte air teachd chum nan Cinn-each, chum iadsan a bhrosnachadh gu h-eud.

12 Ma's e an tuiteam-san saoihbheas an domhain, agus an lughdachadh saoihbheas nan Cinn-each; cia's mò na sin a bhitheas an lànachd?

13 Oir is ann ribhse tha mi a' labhairt, a Chinneacha; do bhrìgh gur mi abstol nan Cinn-each, tha mi 'toirt urrainn do m' dhreuchd:

14 Ma dl'fheadas mi air chor sam bith mo chomh-fhèidil a bhrosnachadh gu h-eud, agus gu'n tearuinn mi dream àraidh dhiubh.

15 Oir ma's e an tilgeadh-san air falbh réiteachadh an domhain; ciod e an ath-ghabhail, ach beatha o na marbhaibh?

16 Oir ma tha an ceud-thoradh naomh, tha am meall *naomh* mar an ceudna: agus ma tha an fhreumh naomh, *tha* na geugan *mar sin* mar an ceudna.

17 Agus ma tha cuid de na geugaibh air am briseadh dheth, agus gu bheil thusa, a bha a'd' chrann-olaidh fiadhaich, air do shuidheachadh 'n am measg, agus maille riu a' faotainn comhairt de fhreimh agus de reamhrachd a' chroinn-olaidh;

18 Na deau uail an aghaidh nan geug: ach ma nì thu uail 'n an aghaidh, cha tusa a dh'iomchaires an fhreumh, ach an fhreumh thusa.

19 Their thu uime sin, Bhriseadh dheth na geugan, chum gu'n suidhichteadh mise 'n an àite.

20 Ro mhaith; air son am mi-chreidimh bhriseadh iadsan dheth, agus tha thusa a' seasamh tre chreidimh. Na bi àrd-innt-inneach, ach fo eagal.

21 Oir mur do chaomhain Dia na geugan nàdurra, *bithheadh eagal ort* nach caomhain e thusa mar an ceudna.

22 Feuch uime sin maitheas agus geur-cheartas Dhé: geur-cheartas d'an taobh-san a thuit; ach do d' thaobh-sa, maitheas, ma bhuanicheas tu 'n a mhaithes; agus mur buanaich, gearrar dheth thusa mar an ceudna.

23 Agus suidhichear iadsan mar an ceudna, mur buanaich iad 'n am mi-chreidimh: oir tha Dia comasach air an suidheachadh a ris.

24 Oir ma ghearradh thusa as a' chrann-olaidh a bha fiadhaich a thaobh nàdur, agus gu'n do shuidhicheadh ann an deadh chrann-olaidh thu an aghaidh nàdur; cia mòr a's mò na sin a shuidhichear na *geugan* nàdurra 'n an crann-olaidh féin?

25 Oir cha b'ail leam, a bhràithrean,

sibhse 'bhi aineolach air an rùn-dìomhair so, (chum nach bithheadh sibh glie 'n 'ur barail féin,) gu'n do tharladh doille ann an cuid do Israel, gu an tig iomlanachd nan Cinn-each a steach.

26 Agus mar sin bithidh Israel uile air an tearnadh: mar tha e sgrìobhta, Thig am Fear-saoraidh o Shìon, agus tionndaidhidh e mi-dhiadhachd o Iacob:

27 Oir is e so mo choimhcheangal riu, 'n uair a bheir mi air falbh am peacaidhean.

28 Thaobh an t-soisgeil, *is* naimhdean iad air bhuir sonsa: ach a thaobh an taghaidh, *tha iad* gràdhaichte air son nan aithrich-ean.

29 Oir tha tìodhlacan agus gairm Dhé gun aithreachas.

30 Oir mar a bha sibhse roimhe so eas-ùmhail do Dhia, ach a nis a fhuair sibh tròcair tre am mi-chreidimh-san:

31 Amhuil sin tha iadsan 's an àm so eas-ùmhail, chum tre bhuir tròcair-sa gu'm faigh iad tròcair mar an ceudna.

32 Oir dhruid Dia iad uile ann am mi-chreidimh, chum tròcair a dheanamh air na h-uile.

33 O doimhne saoihbheis araon gliocais agus eòlais Dhé! Cia do-rannsaichaidh a bhreitheanais, agus do-lorgachaidh a shligh-ean!

34 Oir cò aig an robh fios inntinn an Tigh-earna, no cò a b'fhear-comhairle dha?

35 No cò 'thug dha air tùs, agus a làndiolar a ris dha e?

36 Oir is ann uaithe-san, agus trid-san, agus air a shonsan a *tha* na h-uile nith-ean: dhàsan *gu robh* glòir gu sìorruidh. Amen.

## CAIB. XII.

1 *Is còir do thròcair Dhé sinne aomadh gu Dia a thoileachadh: 3 cha chòir do dhuine sam bith meas tuilleadh is maithe 'bhi aige air féin: 6 ach is còir do gach aon feitheamh air an dreuchd sin, a dh'eurbadh ris. 9 Tha gràdh, agus mòran dhleasdanas eile air an iarraidh nam. 19 Tha dòghaltas gu sonruichte air a thoirmeach dhuinn.*

AIR an aobhar sin guidheam oirbh, a bhràithre tre thròcairibh Dhé, bhuir cuirp a thoirt 'n am beo-iobairt, naomh, thaitnich do Dhia, *nì a's e* bhuir seirbhis reusonta.

2 Agus na bithibh air bhuir cumadh ris an t-saoghal so: ach bithibh air bhuir cruth-atharrachadh tre ath-nuadhachadh bhuir n-inntinn, chum gu'n dearb sibh ciod i toil mhaith, thaitneach, agus dhiongmhalta sin Dhé.

3 Oir tha mi ag ràdh, troimh a' ghràs a thugadh dhomh-sa, ris gach neach 'n 'ur measg, gun smuaineachadh *uime féin* n's ùirde na 's còir dha smuaineachadh; ach smuaineachadh 'am measarrachd, a réir



mar a roinn Dia ris gach neach tomhas a' chreidimh.

4 Oir mar tha mòran bhall againn ann an aon chorp, agus uach e'n t-aon ghnuimh a th'aig gach ball;

5 Anhuil sin ged tha sinne 'n ar mòran, is aon chorp ann an Crìosd sinn, agus is buill siun gach aon fa leth d'a chéile.

6 Uime sin air bhi do thìodhlacaibh againn, eadar-dhealaichte a réir a' ghràis a thugadh dhuinn, ma's fàidheadaireachd, *deanamaid fàidheadaireachd* a réir tomhais a' chreidimh;

7 No ma's frithealadh, *thugamaid aire* d'ar frithealadh; no au ti a theagaisgeas, *thugadh e aire* d'a theagag;

8 No an ti a bheir eagal, *thugadh e aire* d'a earail: an ti a roinneas an *dèire*, roinneadh e i 'an treibhdhìreas; an ti a riaghas, *deanadh se e* le dùrachd; an ti a ni tròcair, *deanadh se e* gu suilbhir.

9 *Bitheadh bhuir* gràdh gun cheilg. Bith-eadh gràin agaibh de'u ole, dluth-leanaibh ris an ni a tha maith.

10 *Bithibh* teo-chridheach r'a chéile le gràdh bràthaireil, ann an urram a' toirt toisich gach aon d'a chéile:

11 Gun bhi leasg ann an gnothuichibh: dùrachdach 'n 'ur spiorad; a' deanamh seirbhis do'n Tighearn:

12 A' deanamh gairdeachais ann an dòchas: foighidueach ann an trioblaid; maireannach ann au urnuigh:

13 A' comh-roinn ri uireasbhuidh nan naomh; a' gnàthachadh aoidheachd.

14 Beannaichibh an dream a tha 'dean-amh geur-leamhuinn oirbh: beannaichibh, agus na mallachibh.

15 Deanaibh gairdeachas maille rìusan a tha ri gairdeachas, agus caoidh maille rìusan a tha ri caoidh.

16 Bithibh a dh'aon rùn d'a chéile. Na bith-eadh bhuir ciou air nithibh àrda, ach cuiribh sibh féin 'an comh-inbhe riu-sau a tha ìosal. Na bithibh glic 'n 'ur barail féin.

17 Na h-ìocaibh ole air sou uile do dhuine sam bith. Ullachibh nìthean ciatach 'am fianuis nan uile dhaoine.

18 Ma dh'fheadas e bhi, mheud 's a tha e'n comas duibh, bithibh 'au sìth ris na h-uile dhaoimibh.

19 A chàirdean gràdhach, na deanaibh dìoghaltas air bhuir son féin, ach thugaibh àite do'n fheing: oir tha e sgrìobhta, Is leam-sa dìoghaltas; iocaidh mi, tha an Tighearn ag ràdh.

20 Uime sin ma bhitheas do nàmhaid ocrach, thoir biadh dha; ma bhitheas e tartmhor, thoir deoch dha: oir le so a d'leamamh càrnaidh tu éibhlean teine air a cheann.

21 Na toirear buaidh ort leis an ole, ach thoir-sa buaidh air an ole leis a' nhaith.

1 *Umhlachd*, agus dleasdanas eile a's *còir* dhuinn a chur 'an gnìomh do uachdaranaibh. 8 'S e gràdh coimhlionadh an lagha. 11 Tha geacaireachd, agus misg, agus oibre an dorchadais ro neo-chluibhaidh do àm an t-soisgeil.

**B**ITHEADH gach anam ùmhal do na h-àrd-chumhachdaibh. Oir cha-n'eil cumhachd ann ach o Dhia; agus na cumhachdan a tha ann, is ann le Dia a dh'ord-uicheadh iad.

2 Air an aobhar sin ge b'e air bith a chuir-eas an aghaidh a' chumhachd, tha e 'cur an aghaidh orduigh Dhé: agus iadsan a chuir-eas 'n a aghaidh, gheibh iad breitheanas dhoibh féin.

3 Oir cha-n'eil uachdarain 'n an aobhar eagail do dheadh oibribh, ach do dhroch oibribh. Uime sin am miann leat a bhi gun eagal an uachdarain ort? dean am maith, agus gheibh thu cliu uath.

4 Oir is esan seirbhiseach Dhé chum maith dhuit. Ach ma ni thu au t-ole, bith-eadh eagail ort; oir cha-n ann gu dìomhain a tha e 'gùlan a' chlàidheimh: oir is e seirbhiseach Dhé e, 'n a dhìoghaltair feirge air an ti a ni ole.

5 Uime sin is éigin a bhi ùmhal, cha-n ann a mliàn air son feirge, ach mar an ceudna air son coguis.

6 Oir air an aobhar so tha sibh mar an ceudna a' toirt cise dhoibh: oir is iad seirbhisich Dhé iad, a' sìor-fheitheamh air an ni so féin.

7 Air au aobhar sin thugaibh do na h-uile an dlighe féin: càin dhàsan d'an *dlighear* càin, eis dhàsan d'an *dlighear* eis, eagail dhàsan d'an *dlighear* eagail, agus urram dhàsan d'an *dlighear* urram.

8 Na bith-eadh fiachan sam bith aig aon ueach oirbh, ach a mliàn a chéile a ghràdhachadh: oir an ti aig am bheil gràdh do neach eile, choimhlion e an lagh.

9 Oir an ni so, Na dean adhaltrannas, Na dean muortadh, Na goid, Na deau fianuis bhréige, Na samtaich; agus ma tha àithne sam bith eile ann, tha i air a cur sìos gu h-aithghearr fo 'n fhocal so, Gràdhaidh do choimhearsnach mar thu féin.

10 Cha dean gràdh lochd do choimhears-uach: air au aobhar sin is e an gràdh coimhlionadh an lagha.

11 Agus so, air dhuibh fios ua h-aìnsir a bhi agaibh, gur mithich dhuinn a nis mosgladh o chodal: oir tha ar slàinte nis uis fàigse na 'n uair a chreid sinn.

12 Tha cuid mhòr de'n oidhche air dol seachad, tha an là ann fagus: uime sin cuir-eamaid dhinn oibre an dorchadais, agus cuireamaid mainiu armachd an t-soluis.

13 Gluaisamaid gu cubhaidh mar anns an là; cha-n ann 'an ruidhteireachd agus 'am misg, no 'au seomradairachd agus 'am macnus, no 'an aisith agus 'am farmad.

## ROMANACH, XIV, XV.

14 Ach cuiribh umaibh an Tighearn Iosa Crìosd, agus na deanaibh ulluchadh air son na feòla, chum a h-ana-miannan a choimh-ionadh.

### CAIB. XIV.

1 *Cha-n fheud daoine tàir a dheanamh, no 'chèile a dhìtheadh air son nithean coimh-dheas: 13 ach a bhì faicilleach gun oilbheum a thoirt seachad; 15 oir dhearbhan an t-abstol, le iomadhi reuson, gu bheil sin mì-cheaduidhte.*

**G**ABHAIBH ris an neach a tha annhunn deasboireachd amharusach.

2 Oir tha aon a' creidsinn gu'm feud e na h-uile nithean itheadh: ach tha esan a tha annhunn ag itheadh luibhean.

3 Na deanadh esan a tha 'g itheadh, tàir airsan nach 'eil ag itheadh; agns na tugadh esan nach 'eil ag itheadh, breth air an ti a dh'itheas: oir ghabh Dia ris.

4 Cò thusa a tha 'toirt breth air seirbhis-each duine eile? d'a mhaighstir féin seasaidh, no tuitidh e: seadh, cunmar suas e; oir is comasach Dia air a chumail 'n a sheasamh.

5 Tha meas aig neach air là thar là: agus tha meas aig neach eile air gach là *mar a chèile*. Bitheadh làn-dearbhadh aig gach duine 'n a inntinn féin.

6 An ti aig am bheil suim do'n là, is ann do'n Tighearn a tha suim aige *dha*; agns an ti aig nach 'eil suim do'n là, is ann do'n Tighearn nach 'eil suim aige *dha*. An ti a tha 'g itheadh, is ann do'n Tighearn a tha e 'g itheadh, oir tha e 'toirt buidheachais do Dhia; agus an ti nach 'eil ag itheadh, is ann do'n Tighearn nach ith e, agus bheir e buidheachas do Dhia.

7 Oir cha-n'eil a h-aon againn beò dhà féin, agus cha-n'eil a h-aon againn a' bàsachadh dhà féin.

8 Oir ma's beò dhuinn, is ann do'n Tighearn a tha sinn beò: agus ma's bàs duinn, is ann do'n Tighearn a tha sinn a' bàsachadh: uime sin ma's beatha no bàs dhuinn, is leis an Tighearn sinn.

9 Oir is ann chum so a fluair Crìosd bàs, agus a dh'èirich e, agus a tha e beò a ris, chum gu'm bitheadh e 'n a Thighearn air na beothaibh agus air na marbhaibh.

10 Ach c'ar son a tha thusa a' toirt breth air do bhràthair? no c'ar son a tha thusa a' deanamh tarcnis air do bhràthair? oir seasaidh sinn gu léir 'am fianuis caithir-breitheanais Crìosd.

11 Oir tha e sgrìobhta, *Mar* is beò mise, tha an Tighearn ag ràdh, lùbaidh gach glùn dhomh-sa, agus aidichidh gach teangadh do Dhia.

12 Air an aobhar sin bheir gach aon againn cunntas uime féin do Dhia.

13 Uime sin na tngamaid breth air a chèile nì's mò: ach gu ma fearr leibh a' bhreth so

'thoirt, gnn aobhar-tniteam no oilbheim a thoirt do bhràthair.

14 Oir tha fhios agam, agus is dearbh leam anns an Tighearn Iosa, nach 'eil nì sam bith neòghlan dhieth féin: ach do'n ti a mheasas nì sam bith neòghlan, dhàsan *tha e* neòghlan.

15 Ach ma bhitheas doilgheas air do bhràthair air son bidh, a nis cha-n'eil thu a' gluasad a réir a' ghràidh. Na sgrios le d' bhiadh esan air son an d'fhuiling Crìosd bàs.

16 Air an aobhar sin na labhrar olc mu bhnr maith.

17 Oir cha bhiadh agus deoch rioghachd Dhé, ach fireantachd, agus sìth, agus aoibhneas anns an Spiorad naomh.

18 Oir ge b'e 'nì seirbhis do Chrìosd anns na nithibh so, tha e taitneach do Dhia, agus tha e dearbhtha do dhaoinibh.

19 Uime sin leanamaid na nithean a bhitheas chum sìthe, agus na nithean a bhitheas chum togail suas a chèile.

20 Na sgrios obair Dhé air son bidh. Gu deimhin tha na h-uile nithean glan; ach is olc do'n duine sin a dh'itheas le h-oilbheum.

21 *Is* maith an nì gun fheòil itheadh, no fion òl, *no nì air bith a dheanamh* leis am faigh do bhràthair tuisleadh no oilbhenm, no leis an deanar lag e.

22 Am bheil creidimh agad? Bitheadh e agad dhuit féin 'am fiannis Dhé: *Is* beannaichte an duine sin nach dìt e féin anns an nì sin a mheasas e ceaduidhte.

23 Ach esan a nì eadar-dhealachadh tha e air a dhìtheadh ma dh'itheas e, a chionn nach ann o chreidimh a tha e 'g itheadh: oir gach nì nach 'eil o chreidimh, is peacadh e.

### CAIB. XV.

1 *Is còir dhoibh-san a tha làidir giùlan leo-san a tha annhunn. 2 Cha-n fheud sinn sinn féin a thoileachadh, 3 oir cha d'rinn Crìosd sin, 7 ach gabhail r'a chèile, mar a rinn Crìosd ruinn uile, 9 araon ris na h-Iudhaich agus ris na Cinnich. 15 Ghabh Pòl a leith-sgeul féin.*

**U**IME sin is còir dhuinne a tha làidir, giùlan le annhunn-eachd na muinntir sin a tha lag, agns gun sinn féin a thoileachadh.

2 Toileicheadh gach aon againn a choimhearsnach g'a mhaith chum a thogail suas.

3 Oir cha do thoilich cadhon Crìosd e féin; ach a réir mar tha e sgrìobhta, Thuit toibh-cum na muinntir sin a thug toibheum dhuit ormsa.

4 Oir ge b' iad nithean air bith a sgrìobhadh roimh so, is ann chum ar teagaisg-ne a sgrìobhadh iad; chum tre fhoighidinn agus comhfhurtachd nan sgrìobtuir gu'm bith-cadh dòchas againne.

5 A nis gu'n tugadh Dia na foighidinn agus na comhfhurtachd dhiubh-se 'bhi dh'aon inntinn a thaobh a chèile, a réir Iosa Crìosd:



6 Chum gu'm feud sibh a dh'aon inntinn, agus le aon bheul glòir a thoirt do Dhia, cadhon Athair ar Tighearna Iosa Crìosd.

7 Uime sin gabhaibh-sa r'a chéile, cadhon mar a ghabh Crìosd ruinne, chum glòire Dhé.

8 A nis tha mi ag ràdh, Gu robh Iosa Crìosd 'n a mhinisteir an timchioll-ghearraidh air son firinn Dhé, chum geallannan nan aithrichean a dhaingneachadh:

9 Agus chum gu'n tugadh na Cinnich glòir do Dhia air son a thròcair; a réir mar tha e sgrìobhta, Air an aobhar so aidichidh mi thu an ruasg nan Cinneach, agus seinnidh mi *ceòl* do d' ainm.

10 Agus a ris tha e ag ràdh, Deanaibh gairdeachas, a Chinneacha, maille r'a phobull-san.

11 Agus a ris, Molaibh an Tighearn, a Chinneacha uile, agus thugaibh cliù dha, a shlàigh uile.

12 Agus a ris tha Esaias ag ràdh, Bithidh frèumh Iese *ann*, agus an tì a dh'èireas suas chum uachdaranachd a bhi aige air na Cinnich, annsan cuiridh na Cinnich an dòchas.

13 A nis gu'n lìonadh Dia an dòchais sibhse de'n uile aoibhneas agus shìth ann an creidsinn, chum gu'm bi sibh pailt ann an dòchas, tre chumhachd an Spioraid naoimh.

14 Agus tha cinnt agam-sa féin do 'ur taobh-sa, mo bhràithrean, gu'm bheil sibhse làn de mhaithreas, air bhuir lìonadh leis an uile eòlas, agus comasach mar an ceudna air a chéile a chomhairleachadh.

15 Gidheadh, a bhràithre, sgrìobh mi do 'ur n-ionnsuidh leis an tuilleadh dàna-dais, 'an càileigin, mar gu'n cuirinn 'an cuimhne sibh, air son a' ghràis a thugadh dhomh-sa o Dhia,

16 Ionns gu'm bithinn a'm' mhinisteir aig Iosa Crìosd do na Cinnich, a' frithchaladh soisgeil Dhé, chum gu'm bitheadh tabhartas nan Cinneach taitneach, air a naomhachadh leis an Spiorad naoimh.

17 Uime sin tha aobhar uail agam tre Iosa Crìosd, anns na nithibh sin a bhuineas do Dhia.

18 Oir cha bhi dànachd agam labhairt air a' bheag de na nithibh sin, nach d'òibrich Crìosd leam, chum na Cinnich a dheanamh ùmhal ann an focal agus 'an gnìomh.

19 Le cumhachd chomharan agus mhòr-bhuilean, le cumhachd Spioraid Dhé; ionnus o Ierusalem agus mu'n cuairt gu Iliricum, gu'n do làn-shearmonaich mi soisgeul Chrìosd.

20 Seadh, mar sin bha ro-dhéidh agam air an t-soisgeul a shearmonachadh, cha-n ann 's an ionad 's an robh Crìosd air 'ainmeachadh, chum nach togainn air bunait neach eile:

21 Ach a réir mar tha e sgrìobhta, Chi iadsan ris nach do labhradh uime; agus tuigidh iadsan nach euala.

22 Uime sin mar an ceudna chuireadh gu minic bacadh orm o theachd do 'ur n-ionnsuidh-sa.

23 Ach a nis do bhrìgh nach 'eil agam ionad m'f mò anns na crìochaibh so, agus gu bheil mòr-thogradh agam o chcann mòr-ain bhliadhnachan teachd do 'ur n-ionnsuidh-sa;

24 Ge b'e uair a thrìallas mi do'n Spàinn, thig mi do 'ur n-ionnsuidh-sa: oir tha dùil agam sibhse fhaicinn 's an dol seachad, agus a bhi air mo thoirt air m' aghaidh leibhse chum an ionaid sin, ma bhitheas mi air tìs 'an càil-eigin air mo lìonadh le 'ur *comhlùadar*-sa.

25 Ach a nis tha mi 'dol gu Ierusalem, a' fhrithealadh do na naoimh.

26 Oir bu toil leo-san ann am Macedonia, agus ann an Achaia, comh-roinn àraidh a dheanamh ris na naoimh bhochda 'tha ann an Ierusalem.

27 Bu toil leo *gu deimhin*, agus tha iad fo fhiachaibh dhoibh. Oir ma rinneadh na Cinnich 'n an luchd comhpairt d'an nithibh spioradail-san, is còir dhoibh ministrealachd a dheanamh dhoibh-san 's na nithibh a bhuineas do'n choluinn.

28 Uime sin air dhomh so a chrìochnachadh, agus an uair a sheulaicheas mi an toradh so dhoibh, gabhaidh mi 'ur rathad-sa do'n Spàinn.

29 Agus tha fhios agam, air dhomh teachd do 'ur n-ionnsuidh-sa, gu'n tig mi ann an lànachd beannachaidh soisgeil Chrìosd.

30 A nis guidheam oirbh, a bhràithrean, air sgàth an Tighearna Iosa Crìosd, agus air son gràidh an Spioraid, gu'n dean sibh gleachda maille rium-sa ann an urnuighibh air mo shon ri Dia;

31 Chum gu'n saorar mi uatha-san nach 'eil a' creidsinn ann an Iudea; agus chum gu'm bi mo sheirbhis air son Ierusalem, taitneach do na naoimh:

32 Chum gu'n tig mi do 'ur n-ionnsuidh-sa le h-aoibhneas tre thoil Dhé, agus gu'm taigh mi suainhneas maille ribh.

33 A nis *gu robh* Dia na sìthe maille ribh uile. Amen.

## CAIB. XVI.

1 *Thug Pòl ordugh do na bràithribh fàilte 'chur air mòran; 17 agus chomhairliche e dhoibh a' cur a thoirt do'n mhuinntir a tha 'togail comsachaidh agus a' toirt oibheim: 21 agus an dèigh iomadh beannachd chrìochnaich e le breith-buidheachais do Dhia.*

**T**HA mi ag earbadh ribh Phebe ar piuthar, a tha 'n a searbhanta do'n eaglais a tha ann an Cenchrea:

2 Chum gu'n gabh sibh rithe anns an Tighearn, mar is cubhaidh do naoimh, agus gu'n dean sibh còmhnaidh rithe anns gach gnòthuch anns am bi feum aice oirbh: oir rinn i féin còmhnaidh ri mòran, agus rium-sa mar an ceudna.

3 Cuiribh failte air Priscila agus Acuala mo chomh-oibrichean ann an Iosa Criosd :

4 (Muintir a leag sìos am muineal féin air son m'anama-sa : d'am bheil cha-n e mhàin mise, ach mar an ceudna eaglaisean nan Cinneach uile, a' toirt buidheachais.

5 Mar an ceudna cuiribh failte air an eaglais a tha 'n an tigh-san. Cuiribh failte air Epenetus a's ionmhuinn leam-sa, neach a's ceud thoradh Achaia do Chriosd.

6 Cuiribh failte air Muire, a rinn saothair mhòr air ar son-ne.

7 Cuiribh failte air Andronicus agus Iunia mo luchd-dàimh agus mo chomh-phrìosaich, a tha cliùteach am naeasg nan abstol, agus a bha ann an Criosd romham-sa.

8 Cuiribh failte air Amplias a's ionmhuinn leam-sa 's an Tighearn.

9 Cuiribh failte air Urbanus ar comh-oibriche ann an Criosd, agus air Stachis fear mo ghràidh-sa.

10 Cuiribh failte air Apelles a tha dearbhta ann an Criosd. Cuiribh failte orra-san a tha de *theaghlach* Aristobulus.

11 Cuiribh failte air Herodion mo charaid. Cuiribh failte orra-san de *theaghlach* Narcisuis, a tha 's an Tighearn.

12 Cuiribh failte air Triphéna agus Triphòsa, *mnathan* a tha 'saoithreachadh 's an Tighearn. Cuiribh failte air Persis a's ionmhuinn leam, bean a shaothraich gu mòr anns an Tighearn.

13 Cuiribh failte air Rufus a tha taghta 's an Tighearn, agus air a mhàthair agus mo *mhàthair-sa*.

14 Cuiribh failte air Asincritus, Phlegon, Hermas, Patrobas, Hermes, agus air na bràithribh a tha maille riu.

15 Cuiribh failte air Philologus, agus Iulia, air Nereus, agus a phiuthar, agus Olimpas, agus na naoimh uile a tha maille riu.

16 Cuiribh failte air a chéile le pòig naoimh. Tha eaglaisean Chriosd a' cur failte oirbh.

17 A nis guidheam oirbh, a bhràithre, comharaichibh iadsan a tha 'togail roinnean agus a' toirt oilbheim, an aghaidh an teagaisg a dh'fhòghluim sibh ; agus seach-naibh iad.

18 Oir cha-n'eil an leithid so a' deanamh seirbhis do 'ur Tighearn Iosa Criosd, ach d'am b'ionn féin ; agus tha iad le briathraibh mìlse agus le mìodal a' mealladh cridheachan na muintir sin a tha neo-lochdach.

19 Oir tha blur n-ùmhlachd-se air teachd chum nan uile *dhaoiné*. Uime sin tha mise a' deanamh gairdcachais do 'ur taobh-se : gidheadh b'aill leam sibhse 'bhi glic chum a' mhaith, ach aon-fhillte thaobh an uile.

20 Agus bruthaidh Dia na sìthe Sàtan fo 'ur cosaibh gu h-aithghearr. Gràs ar Tighearna Iosa Criosd *gu robh* maille ribh. Amen.

21 Tha Timoteus mo chomh-oibriche a' cur failte oirbh, agus Lucius agus Iason agus Sosipater, mo luchd-dàimhe.

22 Tha mise Tertius, a sgrìobh an litir so, a' cur failte oirbh 's an Tighearn.

23 Tha Gaius, a tha 'toirt aoidheachd dhomh-sa agus do'n eaglais uile, a' cur failte oirbh. Tha Erastus stiùbhard a' bhaile a' cur failte oirbh, agus Cuartus bràthair.

24 Gràs ar Tighearna Iosa Criosd *gu robh* maille ribh uile. Amen.

25 A nis dhàsan a tha comasach air sibhse a dhaingneachadh a réir mo shoisgeil-sa, agus searmonachaidh Iosa Criosd, (a réir foillsachaidh an rùm-dionhair, a bha 'am folach o thoiseach an domhain,

26 Ach a dh'fhoillsicheadh a nis, agus tre sgrìobtuiribh nam faidhean, a réir àithne an Dé bhith-bhuain, a tha air a dheanamh aithnichte do na h-uile chinnich chum ùmh-lachd a' chreidimh.)

27 Do Dhia a tha mhàin glic, *gu robh* glòir tre Iosa Criosd gu sìorruidh. Amen.

## CEUD LITIR AN ABSTOIL PHOIL

### CHUM NAN

# CORINTIANACH.

### CAIB. I.

1 An dèigh failte agus breith-buidheachais, 12 dh'earalaich an t-abstol na Corintianaich, agus chronich e iad air son an aithrèite. 18 Sgrìobhaidh Dia gliocas nan daoine eagnuidh le amaideachd searmonachaidh, &c.

**P**OL a ghairmeadh *gu' bhi* 'n a abstol do Iosa Criosd, tre thoil Dhé, agus Sostenes ar bràthair,

2 Chum eaglais Dhé, a tha ann an Corintus, chum an dream a tha air an naomhachadh ann an Iosa Criosd, air an gairm *gu' bhi* 'n an naoimh, maille rìusan uile a tha 'gairm air ainm ar Tighearna Iosa Criosd anns gach àit, an *Tighearna-san*, agus ar *Tighearna-ne*;

3 Gràs dhuibh-se, agus sìth o Dhia ar n-Athair, agus o 'n Tighearn Iosa Criosd.



## 1 CORINTIANACH, II.

4 Tha mi 'toirt buidheachais do m' Dhia a ghnàdh do 'ur taobh-sc, air son gràs Dhé a thugadh dhuibhse ann an Iosa Crìosd;

5 Air son gu'n d'rinneadh saoi bhir leis-san sibh anns gach uile nì, anns gach ùr-labhradh, agus anns gach eòlas:

6 A réir mar a dhaingnicheadh fianuis Chrìosd annaibh:

7 Ionns nach 'eil sibh 'an déidh-làimh ann an tiòdhac sam bith; a' feitheamh ri foillseachadh ar Tighearna Iosa Crìosd,

8 Neach mar an ceudna a dhaingnicheas sibh gu's chrìoch, *chum gu'm bi sibh* neo-lochdach ann an là ar Tighearna Iosa Crìosd.

9 Tha Dia firinneach, leis an do ghairmeadh sibh chum comh-chomuinn a mhic Iosa Crìosd ar Tighearna.

10 A nis guidheam oirbh, a bhràithre, tre ainm ar Tighearna Iosa Crìosd, gu'n labhair sibh uile an t-aon nì, agus nach bi roinnean 'n 'ur measg; ach gu'm bi sibh ceangailte r'a chéile gu dìomhmalta ann an aon intinn, agus ann an aon bharail.

11 Oir nochdadh dhomh-sa, a bhràithre, m'ur timchioll-sc, leo-san a *tha de theaghlach* Chloie, gu bheil comhstri 'n 'ur measg.

12 A nis tha mi ag ràdh so, gu'n abair gach aon agaibh, Is le Pòl mise; agus is le Apollos mise; agus is le Cephas mise; agus is le Crìosd mise.

13 Am bheil Crìosd air a roinn? an e Pòl a cheusadh air bhuir son? no an ann 'an ainm Phòil a bhaisteadh sibh?

14 Tha mi 'toirt buidheachais do Dhia, nach do bhaist mi aon agaibh, ach Crispus agus Gaius:

15 Air eagal gu'n abradh neach, gu'n do bhaist mi a'm ainm féin.

16 Agus bhaist mi mar an ceudna teaghlach Stephanais: a thuilleadh air so, cha-n fhios domh an do bhaist mi aon neach eile.

17 Oir cha do chuir Crìosd mi a bhaisteadh, ach a shearmonachadh an t-soisgeil; cha-n ann 'an gliocas focail, chum nach cuirteadh crann-ceusaidh Chrìosd 'an neo-bhrìgh.

18 Oir tha searmonachadh a' chroinn-cheusaidh 'n a amaideachd dhoibh-san a chaillear; ach dhuinne a shaorar, is e cumhachd Dhé e.

19 Oir tha e sgrìobhta. Sgrìosaibh mi gliocas nan *daoine glìce*, agus cuiridh mi air cùl tuigse nan *daoine* tuigseach.

20 C'àit am bheil an *duine glìc*? c'àit am bheil an sgrìobhaiche? c'àit am bheil deas-boir an t-saoghail so? Nach do rinn Dia gliocas an t-saoghail so amaideach?

21 Oir an uair, ann an gliocas Dhé, nach b'aithe do'n t-saoghal, tre ghliocas, Dia, bu toil le Dia le amaideachd an t-searmonachaidh iadsan a thearnadh a tha 'creidsinn.

22 Oir tha na h-Iudhaich ag iarraidh

comharaidh, agus tha na Greugaich a' sir-eadh gliocais:

23 Ach tha sinne a' searmonachadh Chrìosd air a cheusadh, 'n a cheap-tuistidh do na h-Iudhaich, agus do na Greugaich, 'n a amaideachd.

24 Ach dhoibh-san a tha air an gairm, araon Iudhaich agus Greugaich, Crìosd cumhachd Dhé, agus gliocas Dhé:

25 Do bhrìgh gur glìce amaideachd Dhé na daoine, agus gur treise amhuinneachd Dhé na daoine.

26 Oir chi sibh féin bhuir gairm, a bhràithre, nach iomadh iad a tha glìc a thaobh na feòla, nach iomadh cumhachdach, nach iomadh uasal a *tha air an gairm*:

27 Ach ròghnuich Dia nithean amaideach an t-saoghail so, chum gu'n cuireadh e nàire air na daoineibh glìce; agus ròghnuich Dia nithean amhunn an t-saoghail, chum gu'n cuireadh e gu nàire na nithean cumhachdach;

28 Agus nithean an-ualas an t-saoghail, agus nithean tarcuiseach ròghnuich Dia, agus na nithean nach 'eil ann, chum gu'n cuireadh e na nithean a tha ann, 'an neo-bhrìgh:

29 Ionns nach deanadh feòil sam bith uailh 'n a fhianuis.

30 Ach uaithe-san tha sibhse ann an Iosa Crìosd, neach a rinneadh dhuinne le Dia 'n a ghliocas, 'n a fhìreantachd, 'n a naomhachd, agus 'n a shaorsa:

31 Ionns, a réir mar a tha e sgrìobhta, An ti a nì uailh, deanadh e uailh anns an Tighearn.

## CAIB. II.

1 *Chuir Pòl an cèill ged nach 'eil a shearmonachadh ann an oirdheirceas cainnte, 4 no ann an gliocas dhaoine; 5 gidheadh gu bheil e a' co-sheasamh ann an cumhachd Dhé, agus a' toirt barrachd air gliocas an t-saoghail agus air cumhachd dhaoine.*

**A**GUS an uair a thàinig mise do 'ur n-ionnsuidh-sa, a bhràithre, cha b'ann le oirdheirceas cainnte, no gliocais a thàinig mi, a' cur 'an cèill duibh teisteis Dhé.

2 Oir chuir mi romham gun eòlas a ghabhail air nì sam bith 'n 'ur measg, ach air Iosa Crìosd, agus esan air a cheusadh.

3 Agus bha mi 'n 'ur measg ann an amhuinneachd, agus ann an eagal, agus 'am mòr-chrith.

4 Agus cha robh m'fhocal agus mo shearmonachadh ann am briathraibh mìlse gliocais dhaoine, ach ann an làn-dearbhadh an Spioraid, agus a' chumhachd:

5 Chum gu'm bitheadh bhuir creidimh-sa cha-n ann'an gliocas dhaoine, ach 'an cumhachd Dhé.

6 Ach gidheadh tha sinn a' labhairt gliocais ann measg nan daoine iomlan: ach cha-n e gliocas an t-saoghail so, no uachdaranan an t-saoghail so, a thèid 'an neo-bhrìgh:

# 1 CORINTIANACH, III.

7 Ach tha siun a' labhairt gliocais Dhé ann an rùn-dionhair, a' *ghliocais* siu a *bha* folaidhte, a dh'orduich Dia roimh an t-saoghal chum ar glòir-ne:

8 An gliocas nach b'aithne do aon neach de uachdaranaibh au t-saoghal so: oir nam b'aithne dhoibh e, cha cheusadh iad Tigh-earn na glòire.

9 Ach a réir mar a tha e sgrìobhta, Cha-n fhaca stùil, agus cha chuala cluas, agus cha d'fhàinig anu au cridhe duine, na uitheau a dh'ulluich Dia dhoibh-san aig am bheil gràdh dha.

10 Ach dh'fhoillsich Dia dhuinne *iad* le a Spiorad féin: oir tha an Spiorad a' rann-sachadh nan uile nithean, eadhon, nithean doimhne Dhé.

11 Oir cò an duine d'au aithne nithean duine, ach do spiorad an duine a tha ann? mar sin cha-n'èil fios aig neach sam bith air nithibh Dhé, ach aig Spiorad Dhé.

12 A nis fluair sinne, cha-n e spiorad an t-saoghail, ach an Spiorad a tha o Dhia; chum gu'm bitheadh aithne againn air na nithibh siu a thugadh dhuinn gu saor o Dhia.

13 Nithean mar an ceudna a tha sinn a' labhairt, cha-n ann 'am briathraibh a theagaisgeas gliocas dhaoine, ach 'am *briathraibh* a theagaisgeas an Spiorad naomh; a' coimhneas uithean spioradail ri nithibh spioradail.

14 Ach cha ghabh an duine uàdurra ri nithibh Spioraid Dhe: oir is amaidheachd leis iad; agus cha-n'èil e'n comas da còlas a ghabhail *orra*, do bhrìgh gur ann air mhodh spioradail a thuigear iad.

15 Ach bheir au duine spioradail breth air na h-uile nithibh, gidheadh cha-n'èil e féin fo bhreth duine sam bith.

16 Oir cò d'am b'aithne inntinn an Tigh-earn, *agus* a theagaisgeas e? ach tha inntinn Chrìosd againne.

## CAIB. III.

1 *Tha bainne iomchuidh air son cloinne.* 3 *Tha strì agus ainchréite 'n an comharadh cinnteach air inntinn fèdmhoir.* 7 *Cha-n'èil anns an ti a shuidhicheas, agus anns an ti a dh'uisgicheas, ach neo-ni.* 9 *Is comh-oibrichean ministirean an t-soisgeil le Dia.* 11 *'S e Crìosd an t-aon bhunait.* 16 *Is iad daoine teampull Dhé, 17 a's còir a choinhead naomh.* 19 *Is amaidheachd aig Dia gliocas an t-saoghail so.*

**A**GUS, a bhràithre, cha-n fheudainn-sa labhairt ribhse mar ri *daoineibh* spioradail, ach mar ri *daoineibh* feòlmhor, amhuil ri naoidheanaibh ann an Crìosd.

2 Bheathaich mi le bainne sibh, agus cha-n ann le biadh: oir fathast cha b'urraim sibh a *ghabhail*, agus a uis féin cha-n urraim sibh.

3 Oir tha sibh fathast feòlmhor: oir a thaobh gu bheil farmad 'n ur measg, agus

strì, agus ainchréite, nach 'èil sibh feòlmhor, agus ag imeachd mar dhaoine?

4 Oir au uair a tha neach ag ràdh, *Is le Pòl mise*; agus neach eile, *Is le Apollos mise*: nach 'èil sibh feòlmhor?

5 Cò e ma seadh Pòl, agus cò e Apollos, ach ministireantre'n do chreid sibh, eadhon mar a thug an Tighearn do gach aon?

6 Shuidhich mise, dh'uisgich Apollos: ach 's e Dia a thug am fàs.

7 Uime sin na seadh, cha-n'èil anns an ti a shuidhicheas no anns an ti a dh'uisgicheas, brìgh sam bith; ach ann an Dia a tha 'toirt an fhàis.

8 An ti a shuidhicheas, agus an ti a dh'uisgicheas, is aou iad: agus gheibh gach aon a dhuais féin, a réir a shaothair féin.

9 Oir is comh-luchd-oibre do Dhia sinne: is sibhse treabhachas Dhé, *is sibh* aitreabh Dhé.

10 A réir gràis Dhé a thugadh dhomh-sa, mar fhear-togail aitreabh glic leag mi am bunait, agus tha neach eile a' togail air, ach thugadh gach neach an airc cionnus a thogas e air.

11 Oir bunait eile cha-n urrainn duine sam bith a leagadh, ach *am bunait* a leagadh *cheana*, eadhon Iosa Crìosd.

12 A nis ma thogas neach air a' bhunait so, òr, airgiod, clachan luachmhor, fiodh, fear, connlach;

13 Nithear obair gach aoim duine follais-each: oir nochdaidh an là i, do bhrìgh gu'm foillsichear i le teine; agus dearbhaidh an teine obair gach aoim, cioda'sguè dhithi.

14 Ma dh'fhanas obair neach sam bith a thog e air, gheibh e duais.

15 Ma loisgear obair neach sam bith, fuilgidh e call: ach saorar e féin; gidheadh mar tre theine.

16 Nach 'èil fhios agaibh gur sibh teampull Dhé, agus gu bheil Spiorad Dhé, 'n a chòmhnuidh annaibh?

17 Ma thruaillias ueach air bith teampull Dhé, sgriosaidh Dia an ti sin: oir tha teampull Dhé naomh, agus is sibhse c.

18 Na mealladh neach air bith e féin: ma shaoileas neach air bith 'n ur measg *e féin* a bhi glic 's an t-saoghal so, bitheadh e 'u a amadan, chum gu'm bi e glic.

19 Oir is amaidheachd le Dia gliocas au t-saoghail so: oir tha e sgrìobhta, Glacaidh e na daoine glìce 'n an innleachdaibh féin.

20 Agus a ris, *Is aithne do'n Tighearn smuaintean nan daoine glìce*, gur dìomhain iad.

21 Uime sin na deanadh neach air bith uail á daoineibh. oir is leibhse na h-uile nithean:

22 Ma 's e Pòl, no Apollos, no Cephas, no an saoghal, no beatha, no bàs, no nithean a tha làthair, no nithean a tha ri teachd; is leibhse iad uile;

23 Agus is le Crìosd sibhse; agus is le Dia Crìosd.



## CAIB. IV.

1 *Ciod e am meas a bhuineadh do dhaoibh 'bhi aca air ministeiribh. 7 Cha-n'eil againn ni air bith ach na fhuair sinn. 9 Na h-ab-stoil 'n am ball-amhaire do'n t-saoghal, do ainglibh, agus do dhaoibh, 13 mar shal agus anabas an t-saoghail; 15 gidheadh is iad ar n-aithrichean ann an Crìosd, 16 agus bu chòir dhuinn an leantuinn.*

**B**ITHEADH a shamhuil so de mheas aig duine oirme, mar mhinisteiribh Chrìosd, agus mar stiùbhardaibh rùna-dìomhair Dhé.

2 Os bàrr iarrar ann an stiùbhardaibh, gu faighear neach dileas.

3 Ach agam-sa is ro bheag an ni gu'n tug-tadh breth orm leibhse, no le breitheanas duine: seadh, cha-n'eil mi 'toirt breth orm féin.

4 Oir cha-n fhios domh ni sam bith do m' thaobh féin; gidheadh cha-n'eil mi le so air m'fhircanachadh: ach is e an Tighearn an ti a bheir breth orm.

5 Uime sin na tugaibh breth air ni sam bith roimh an àm, gus au tig an Tighearn, neach faraoan a bheir gu soilleireachd nith-ean folaichte an dorchadais, agus a dh'fhoill-sicheas comhairlean nan cridheachan: agus an sin gheibh gach neach cliu o Dhia.

6 Agus, a bhràithre, ghabh mi na nithean so a m' ionnsuidh féin, agus a dh'ionnsuidh Apollos ann an samhladh, air bhur son-se; chum gu'm foghlumadh sibh uaine, gun bharaill a bhi agaibh air daoibh os ceann na bheil sgrìobhta, chum nach bitheadh a h-aon agaibh air a shéideadh suas air son aoin duine an aghaidh duine eile.

7 Oir cò a tha 'deanamh cadar-dhealachaidh ortsa o neach eile? Agus ciod e 'tha agad nach d'fhuair thu? a nis ma fhuair thu e, c'ar son a tha thu 'deanamh uail mar nach faigheadh tu e?

8 A nis tha sibh sàthach, a nis rinneadh saobhir sibh, rìoghaich sibh as ar n-eug-mhais-ne: Agus bu mhiam leam gu'm bu rìghrean sibh, chum gu'm bitheadh maid-ne 'n ar rìghribh maille ribh.

9 Oir is i mo bharaill gu'n do chuir Dia sinne na h-abstoil a mach mu dhreieadh, mar dhream a tha air an orduchadh chum bàis. Oir rinneadh sinn 'n ar ball-amhaire do'n t-saoghal, agus do ainglibh, agus do dhaoibh.

10 Is anadain sinne air son Chrìosd, ach tha sibhse glic ann an Crìosd: tha sinne lag, ach tha sibhse làidir: tha sibhse ann an urram, ach sinne ann an eas-urram.

11 Gus an uair so féin, tha sinn araon oerach, agus iotmhor, agus lomnochd, agus air ar bualadh le donaibh, agus gun aon àite-còmhnmh seasmhach againn;

12 Agus ri saothair, ag oibreachadh le ar làmhnan féin: Air fulang anacainnt dhuinn, tha sinn a' beannachadh: 'n uair a gheur-leannar sinn tha sinn 'g a ghiulan:

13 Air faghail toibheim dhuinn, tha sinn a' guidhe: rinneadh sinn mar shalachar an t-saoghail, mar anabas nan uile nithean gus an là'n diugh:

14 Cha-n'eil mi a' sgrìobhadh nan nithean so a chum nàire a chur oirbh, ach mar mo chloinn ghràdhaich tha mi 'g'ur comhairl-eachadh.

15 Oir ged bhitheadh deich mìle luchd teagasg agaibh ann an Crìosd, gidheadh cha-n'eil agaibh mòran aithrichean: oir ann an Iosa Crìosd, ghin mise sibh troimh an t-soisgeul.

16 Uime sin guidheam oirbh, bithibh 'n'ur luchd-leanmhuinn ormsa.

17 Chum na crìche so chuir mi Timoteus do 'ur n-ionnsuidh, neach a tha 'n a mhac gràdhach dhomh, agus dileas 's an Tighearn, neach a chuireas 'an cuimhne dhuibh mo shlighean-sa a tha ann an Crìosd, a réir mar a tha mi 'teagasg ams gach àit 's gach eaglais.

18 A nis tha cuid air an séideadh suas mar nach tiginn do 'ur n-ionnsuidh.

19 Gidheadh thig mi do 'ur n-ionnsuidh gu h-aithghearr, ma's toil leis an Tighearn, agus bithidh fios agam, cha-n ann air cainnt na muinntir a tha air an séideadh suas, ach air an cumhachd.

20 Oir cha-n ann 'am focal a tha rìogh-achd Dhé, ach ann an cumhachd.

21 Ciod a's àill leibh? An tig mi do 'ur n-ionnsuidh le slait, no ann an gràdh, agus ann an spiorad na macantachd?

## CAIB. V.

1 *Tha an duine neòghlan n's mò 'n a chèis-nàire dhoibh, na 'n a aobhar gairdeachais. 7 Is còir an t-seann gheur-thois a ghlanadh a mach. 10 Is còir peacach ghràineil a sheachnadh.*

**T**HA e air aithris gu coitichionn gu bheil neò-ghloine 'n'ur measg, agus a leithid sin de neòghloine, nach 'eil uiread as air ainmeachadh ann measg nan Cinneach, gu'm bitheadh aig neach bean 'athar.

2 Agus tha sibh air bhur séideadh suas, agus cha d'rinn sibh bròn mar bu chòir, chum gu'n tugtadh air falbh uaibh am fear a rinn an gnìomh so.

3 Oir gu deimhin air dhomh-sa 'bhi uaibh ann an corp, ach a làthair agaibh ann an spiorad, thug mi breth cheana, mar gu'm bithinn a làthair, air an neach a rinn so mar so;

4 Ann an ainm ar Tighearna Iosa Crìosd, air dhuibhse, agus do m' spiorad-sa 'bhi cruinn 'an ceann a chèile, maille ri cumhachd ar Tighearna Iosa Crìosd,

5 A shamhuil so de dhuine a thoirt thairis do Shàtan chum sgrios na feòla, chum gu'm bi an spiorad air a shaoradh ann an là an Tighearna Iosa.

6 Cha-n'eil bhur n-uail maith: nach 'eil

# 1 CORINTIANACH, VI, VII.

fhios agaibh gu'n goirtich beagan taois ghoirt an meall uile?

7 Glanaibh a mach uime sin an t-scann taois ghoirt, chum gu'm bi sibh 'n 'ur meall nuadh, mar a tha sibh neo-ghoirtichte. Oir tha eadhon Criosd ar *n-uann* càisge air iob-radh air ar son.

8 Uime sin cumamaid a' chuir, na b'ann le seann thaois ghoirt, no le taois ghoirt a' mhi-ruin agus an uile; ach le *aran* neo-ghoirtichte an treibhdhireis agus na firinn.

9 Sgrìobh mi do 'ur n-iomsuidh ann an litir, gun chomhludair a bhi agaibh ri luchd neòghloine.

10 Gidheadh cha-n ann gu h-uile ri luchd-neòghloine an t-aoghail so, no ri luchd-sannt', no luchd-foireigne, no luchd iodhol-aoraidh; oir an sin b'éigin duibh dol a mach as an t-aoghal.

11 Ach a nis sgrìobh mi do 'ur n-ionnsuidh, gun chomhludair a ghléidheadh, ma tha neach air bith ris an abrar bràthair 'n a fhear-neòghloine, no samtach, no 'n a fhear iodhol-aoraidh, no 'n a fhear-anacainnt, no 'n a mhisgeir, no 'n a fhear-foireigne, maille r'a leithid so de dhìne gun uiread as biadh itheadh.

12 Oir ciod e mo ghnothuch-sa breth a thoirt orra-san a tha muigh? nach 'eil sibhse a' toirt breth air an dream a tha stigh?

13 Ach tha Dia a' toirt breth orra-san a tha an leth muigh. Uime sin cuiribh air falbh an droch dhuine *sin* as bhur meadhan féin.

## CAIB. VI.

1 *Cha-n fheadh na Corintianach dragh a chur air am bràithribh le'n agairt chum lagha, 6 gu h-àraidh an làthair nan ana-creideach. 9 Cha seallhaich na neo-fhèireanaich rioghachd Dhé. 15 'S iad ar cuirp buill Chriosd, 19 agus teampull an Spioraid naomh: 16 Uime sin cha-n fheadar an truailleadh.*

**A** M bheil a chridhe aig aon neach agaibh, a aig am bheil cùis an aghaidh duine eile, dol fo bhrèitheanas nan daoine eucorach, agus cha-n ann fo *bhrèitheanas* nan naomh?

2 Nach 'eil fhios agaibh gu'n toir na naomh breth air an t-saoghal? agus ma bheir breth air an t-saoghal leibhse, an e nach fiu sibh a bhi 'n 'ur breitheamhnaibh air na cùisibh a's lugha?

3 Nach 'eil fhios agaibh gu'n toir sinne breth air aingibh? cia mò na sin air nithibh a bhineas do'n bheatha so?

4 Uime sin ma tha breitheanas agaibh mu thimchioll nan nithean sin a bhineas do'n bheatha so, cuiribh 'n ah suidhe *chum breitheanas* an dream a's lugha meas anns an eaglais.

5 Chum bhur nàire tha mi a' labhairt. An ann mar sin nach 'eil aon duine glic 'n 'ur measg? nach 'eil fiu a h-aon a's urrainn breth a thoirt eadar a bhràithrean?

6 Ach tha bràthair a' dol gu lagh le bràthair, agus so an làthair nan ana-creideach.

7 A nis uime sin tha gu cinnteach luchd

'n 'ur measg, do bhrìgh gu bheil sibh a' dol gu lagh r'a chéile: c'ar son nach fearr leibh eucor fhulang? c'ar son nach fearr leibh calldach a ghabhail?

8 Gidheadh tha sibh a' deanamh eucor agus diubhail, agus sin air *bhur* bràithribh?

9 Nach 'eil fhios agaibh nach seallhaich luchd deanamh na h-eucorach rioghachd Dhé? Na meallar sibh: cha seallhaich luchd-striopachais, no luchd iodhol-aoraidh, no luchd-adhaltrannais, no luchd-macnuis, no na daoine a tha ciontach de neòghloine mhi-nàdurra,

10 No gaduichean, no daoine samtach, no misgeirean, no luchd-anacainnt, no luchd-foireigne, rioghachd Dhé.

11 Agus mar so bha cuid dibhse: ach tha sibh air bhur n-ionnlad, ach tha sibh air bhur naomhachadh; ach tha sibh air bhur fireanachadh ann an ainm an Tighearna Iosa, agus tre Spiorad ar Dé-ne.

12 Tha na h-uile nì ceaduichte dhomh-sa, ach cha-n'eil na h-uile nì iomchuidh; tha na h-uile nì ceaduichte dhomh, ach cha chnìreir mi fo chumhachd nì sam bith.

13 *Tha* am biadh air son na bronn, agus a' bhrù air son a' bhìdh: ach sgriosaidh Dia maraon so agus sud. A nis cha-n ann air son neòghloine a tha an corp, ach air son an Tighearna: agus an Tighearna air son a' chuirp.

14 Agus thog Dia maraon an Tighearna suas, agus togaidh e sinne suas tre a chumhachd féin mar an ceudna.

15 Nach 'eil fhios agaibh, gur iad bhur cuirp buill Chriosd? uime sin an gabh mise buill Chriosd, agus an dean mi buill striopach dhiubh? Nar leigeadh Dia.

16 An e nach 'eil fios agaibh, an ti sin a tha ceangailte ri striopach, gur aon chorp *rithe* e? Oir (tha e ag ràdh,) bithidh dìthis 'n an aon fheadhail.

17 Ach an ti a tha ceangailte ris an Tighearna, is aon Spiorad *ris* e.

18 Teichibh o striopachas. Tha gach aon pheacadh a ni duine an leth muigh de'n chorp: ach an ti a ni striopachas, tha e 'peacadh an aghaidh a chuirp féin.

19 An e nach 'eil fhios agaibh gur e bhur corp teampull an Spioraid naomh *a tha* annaibh, a tha agaibh o Dhia, agus cha leibh féin sibh?

20 Oir cheannaicheadh le luach sibh: uime sin thugaibh glòir do Dhia le bhur corp, agus le bhur spiorad, a's le Dia.

## CAIB. VII.

1 *Mu phòsadh. 10 Cha chòir do bhannaibh-pòsadh a bhi air am fuasgladh air bheag aobhair. 18 'S còir do gach duine bhi toilichte le a ghairm. 25 C'ar son is còir òigheachd a ròghnachadh: 35 na reusoin air son am bu chòir pòsadh, no gun phòsadh.*

**A** NIS a thaobh nan nithean mu'n do sgrìobh sibh a m' iomsuidh: *Is* maith do fhear gun bheantuinn ri mnaoi.



# 1 CORINTIANACH, VII.

2 Gidheadh, chum strìopachas a *sheach-nadh*, bitheadh a bhean féin aig gach fear, agus aig gach mnaoi a fear féin.

3 Thugadh am fear an deadh-ghean dlìgheach do'n mhnai; agus a' bhean mar an ceudna do'n fhear.

4 Cha-n'eil comas a cuirp féin aig a' mhnai, ach aig an fhear: agus mar an ceudna cha-n'eil comas a chuirp féin aig an fhear, ach aig a' mhnai.

5 Na cumaibh bhur dlìghe o 'chéile, ach le toil a chéile ré tamuill, chum sibh féin a thoirt do thrasgadh agus do urnuigh; agus thigibh cuideachd a ris, chum nach buair Sàtan sibh air son bhur neo-gheannuidh-eachd.

6 Ach tha mi a' labhairt so mar ni cead-ùichte, agus cha-n ann mar àithne.

7 Oir bu mhiann leam gu'm bitheadh na h-uile dhaoine mar mi féin: gidheadh tha a thiodhlac féin aig gach duine o Dhia, aig aon neach mar so, agus aig neach eile mar sud.

8 Uime sin tha mi ag ràdh ris an dream nach 'eil pòsda, agus ris na bantrachaibh, Is maith dhoibh ma dh'fhanas iad eadhon mar a tha mise.

9 Gidheadh mur urrainn iad iad féin a ghleidheadh *geannuidh*, pòsadh iad: oir is fearr pòsadh na losgadh.

10 Agus dhoibh-san a tha pòsda tha mi ag àithneadh, *gidheadh* cha mhise, ach an Tighearn, gun a' bhean a dhcalachadh r'a fear:

11 Ach ma dhealaicheas i, fanadh i gun phòsadh, no bitheadh i réidh r'a fear: agus na cuireadh am fear uaith a bhean.

12 Ach ris a' chuid eile tha mise ag ràdh, eha-n e an Tighearn, Ma bhitheas aig bràthair sam bith bean ana-creidmheach, agus gu bheil i toileach còmhnuidh a ghabhail maille ris, na cuireadh e uaith i.

13 Agus a' bhean aig am bheil fear ana-creidmheach, agus gu bheil esan toileach còmhnuidh a ghabhail maille rithe, na cuireadh i uaipe e.

14 Oir tha am fear ana-creidmheach air a naomhachadh leis a' mhnai, agus tha a' bhean ana-creidmheach air a naomhachadh leis an fhear: no bhitheadh bhur clann neo-ghlan; ach a nis tha iad naomha.

15 Ach ma dh'fhalbhas am fear ana-creidmheach, falbhaidh e. Cha-n'eil bràthair no piuthar fo dhaoirs a'n an leithidibh sin a *chàsaibh*: ach ghairm Dia sinne chum sìthe.

16 Oir eiod am fios a tha agad-sa, O bhean, nach saor thu d'fhear? no eiod am fios a tha agad-sa, O fhir, nach saor thu do bhean?

17 Ach a réir mar a roinn Dia ris gach duine, mar a ghairm an Tighearn gach aon, mar sin gluaiseadh e: agus mar sin tha mise 'g orduchadh anns na h-eaglaisibh uile.

18 An do ghairmeadh neach sam bith agus e timchioll-ghearrta? na deanar e neo-thimchioll-ghearrta: an do ghairmeadh neach sam bith gun e 'bhi timchioll-ghearrta? na timchioll-ghearrar e.

19 Cha-n'eil éifeachd 's an timchioll-ghearradh, agus cha-n'eil éifeachd 's an neo-thimchioll-ghearradh, ach ann an coimhead àitheantan Dhé.

20 Fanadh gach aon anns a' ghairm anns an do ghairmeadh e.

21 An do ghairmeadh thu a'd' sheirbhiseach? na bitheadh suim agad dheth; ach ma dh'fheadas tu 'bhi saor, gu ma h-e sin do roghainn.

22 Oir an ti a ghairmeadh 's an Tighearn 'n a sheirbhiseach, is duine saor an Tighearn' e: mar an ceudna an ti a ghairmeadh agus e saor, is e seirbhiseach Chrìosd e.

23 Cheannaicheadh air luach sibh; na bithibh 'n 'ur seirbhisich do dhaoimibh.

24 A bhràithre, 's an staid anns an do ghairmeadh gach neach, an sin fanadh e maille ri Dia.

25 A nis thaobh òighean, cha-n'eil àithne agam o'n Tighearn: gidheadh tha mi 'toirt breth, mar neach a fhuair tròcair o'n Tighearn gu bhi dileas.

26 Tha mi a' meas uime sin gu bheil so maith air son na teanntachd a tha làthair, *tha mi ag ràdh*, gu bheil e maith do dhuine 'bhi mar sin.

27 Am bheil thu ceangailte ri mnaoi? na iarr fuasgladh. Am bheil thu fuasgailte o mhnai? na iarr bean.

28 Ach ma phòsas tu, cha do pheacaich thu; agus ma phòsas òigh, cha do pheacaich i: gidheadh, bithidh aig an leithidibh so trioblaid 's an fheòil; ach tha mi 'g 'ur caomhnadh.

29 Ach tha mi ag ràdh so, a bhràithre, gu bheil an aimsir goirid 's na bheil ri teachd: ionnus araon gu'm bi iadsan aig am bheil mnathan, mar nach bitheadh mnathan aca;

30 Agus iadsan a tha ri caoidh, mar nach bitheadh iad ri caoidh; agus iadsan a tha ri gairdeachas, mar mhuinntir nach 'eil ri gairdeachas; agus iadsan a tha ri ceannachd, mar *dhaoine* nach 'eil a' sealbhachadh:

31 Agus iadsan a tha 'gnàthachadh an t-saoghail so, mar dhream nach 'eil 'g a mhi-ghnàthachadh; oir théid cumadh an t-saoghail so seachad.

32 Ach b'ail leam sibhse 'bhi gun ro-ehùram. An ti nach 'eil pòsda, bithidh cùram nan nithean sin a bhuineas do'n Tighearn air, cionnus a thoilicheas e an Tighearn:

33 Ach an ti a tha pòsda, bithidh cùram nithean an t-saoghail air, cionnus a dh'fheadas e a bhean a thoileachadh.

34 Tha mar an ceudna eadar-dhealach-

adh eadar bean agus ògh: tha cùram oirre-sa nach 'eil pòsda mu nithibh an Tighearna, chum gu'm bi i naomh, maraon 'n a corp agus 'n a spiorad; ach bithidh eùram air a' mhnaoi a tha pòsda mu nithibh an t-saoghail, eionnus a dh'fheudas i toil a fir a dheanamh.

35 Agus so tha mi a' labhairt chum bhuir tairbhe féin; cha-n ann chum gu'n cuirinn ribe oirbh, ach a chum an nì sin a tha ciatach, agus gu'm feitheadh sibh air an Tighearn gun bhuaireadh.

36 Ach ma shaoileas duine sam bith gu bheil e 'g a ghiùlan féin gu mi-chiatach thaobh a mhaighdinn, ma chaidh blàth a h-aimsir thairis, agus gur còir a dheanamh mar sin, deanadh e na's àill leis, cha-n'eil e a' peacachadh: pòsadh iad.

37 Gidheadh, an ti sin a tha suidhichte gu daingean 'n a chridhe, agus gun éigin sam bith air, ach aig am bheil cumhachd air a thoil féin, agus a chuir roimhe 'n a chridhe a mhaighdean a choimhead, tha e a' deanamh gu maith.

38 Uime sin ma seadh, tha an ti a bheir seachad ann am pòsadh i, a' deanamh gu maith; ach tha an ti nach toir ann am pòsadh i, a' deanamh na's fearr.

39 Tha a' bhean ceangailte leis an lagh ré na h-ùine 's am beò d'a fear: ach na gheibh a' fear bàs, tha i saor gu pòsadh ri aon neach a's toil leatha; a mhàin anns an Tighearn.

40 Ach tha i nà's sona, ma dh'fhanas i mar sin, a réir mo bhrèthe-sa: agus is i mo bharrail-sa gu bheil Spiorad Dhé agam.

#### CAIB. VIII.

1 *Is còir fantuinn o bhiadhaibh a dh'ìobradh do ìodholaibh.* 8 *Cha-n fheud sinn ar saorsa Chrìosduidh a mhi-ghnàthachadh, chum oibheim d'ar bràithribh;* 11 *ach is còir dhuinn ar n-eòlas a chòsnachadh le gràdh.*

**A**NIS a thaobh nithean a dh'ìobradh do ìodholaibh, tha fhios againn gu bheil eòlas againn uile. Aitaidh an t-eòlas suas, ach bheir gràdh foghlum.

2 Agus ma tha aon duine a' saòilsinn gu bheil eòlas nì sam bith aige, cha-n aithne dha aon nì fathast mar bu chòir dha aithneachadh.

3 Ach ma tha gràdh aig duine sam bith do Dhia, tha esan air aithneachadh leis.

4 Uime sin, mu thimchioll itheadh nan nithean sin a dh'ìobradh do ìodholaibh, tha fhios againne nach nì air domhan ìodhol, agus nach 'eil Dia sam bith eile ann ach a h-aon.

5 Oir ged tha iad ann ris an abrar diathan, ma's ann air nèamh no air talamh, (amhuil mar a tha iomadh dia, agus iomadh tighearn ann.)

6 Gidheadh cha-n'eil dhuinne ach aon Dia, an t-Athair, o'm bheil na h-uile nithean, agus sinne air a shonsan; agus aon Tighearn

Iosa Crìosd, tre am bheil na h-uile nithean, agus sinne trid-san.

7 Gidheadh cha-n'eil an t-eòlas so anns na h-uile dhaoimibh: oir tha cuid le coguis thaobh an ìodhoil gus an àm so, ag itheadh a' bhìdh mar nì a dh'ìobradh do ìodhol; agus air d'an coguis a bhì annhunn, tha i air a salachadh.

8 Ach cha mhol biadh sinn do Dhia: oir ma dh'itheas sinn, cha'n fheaird sinn e; nì mò mur ith sinn, is misd sinn e.

9 Ach thugaibh an aire nach bi an comas so a tha agaibh air aon dòigh 'n a aobhar oibheim do'n dream a tha lag.

10 Oir ma chi neach thusa aig am bheil eòlas a' suidhe chum bidh ann an teampull ìodhoil, nach neartaichear coguis an ti sin a tha lag chum na nithean sin a dh'ìobradh do ìodholaibh itheadh:

11 Agus tre d'eòlas-sa an téid do bhràthair lag 'am mugha, air son an d'fhuair Crìosd bàs?

12 Ach le peacachadh dhuibh mar sin an aghaidh nam bràithrean, agus le an coguis annhunn a lotadh, tha sibh a' peacachadh an aghaidh Chrìosd.

13 Uime sin ma bheir biadh aobhar oibheim do m' bhràthair, cha-n ith mi feòil a chaidh, chum nach toir mi aobhar oibheim do m' bhràthair.

#### CAIB. IX.

1 *Nochd an t-abstol a shaorsa, 7 agus gu'm buineadh do'n mhinisteir a bhì air a bheathachadh leis an t-soisgeul:* 15 *gidheadh d'a dheadh-ghèan maith féin gu'n d'fhan esan o' bhi costail dhoibh,* 22 *agus o oibhheim a thoirt do neach sam bith 'an crìsibh coimh-dheas.* 24 *Tha ar beatha cosmhuil ri réis.*

**N**ACHI abstol mise? nach 'eil mi saor? Nach fhaca mi Iosa Crìosd ar Tighearn? nach sibhs m'obair 's an Tighearn?

2 Mur 'eil mi a'm abstol do dhaoimibh eile, gidheadh gu cinnteach tha mi dhuibhse; oir is sibhs seula m' abstolachd anns an Tighearn.

3 Is e so mo fhreagradh do'n dream a chuireas ceisd orm.

4 Nach 'eil againne comas itheadh agus òl?

5 Nach 'eil againne comas piuthar, bean-phòsda a thoirt leinn mu'n cuairt, amhuil mar na h-abstoil eile, agus bràithrean an Tighearna, agus Cephas?

6 'No am bheil mise agus Barnabas a mhàin, gun chomas againn a bhì saor o obair?

7 Cò a théid chum cogaidh uair air bith air a chostas féin? cò a shuidhicheas fion-lios, agus nach ith d'a thoradh? no cò a bheath-aicheas treud, agus nach blais de bhainne an treud?

8 An ann mar dhuine a tha mi a' labhairt nan nithean so? no nach abair an lagh na nithean so mar an ceudna?

9 Oir tha e sgrìobhta ann an lagh Mhaois,



# 1 CORINTIANACH, X.

Na cuir ceangal air beul an daimh a tha 'sàltair an arbhair. Am bheil Dia a' gabhail cùraid de na daimh?

10 No nach ann gu h-àraidh air ar son-ne a tha e ag ràdh so? gu deimhin *is ann* air ar son-ne 'tha e sgrìobhta: chum gur ann 'an dòchas is còir do'n treabhaiche treabh-adh; agus a chum an neach a bhuaileas ann an dòchas, gu'm bi e 'n a fhear comhairt d'a dhòchas.

11 Ma chuir sinne nithean spioradail dhuibhse, an nì mòr e ma bhuaineas sinn bhur nithean feòlmhor-se?

12 Ma tha muinntir eile 'n an luchd-comhairt de'n chumhachd so thairis oirbh, nach mò is còir dhuinne *bhi*? Gidheadh, cha do chuir sinn an cumhachd so an cleachda; ach tha sinn a' fulang nan uile nithean, chum nach cuireamaid bacadh air soisgeul Chrìosd.

13 Nach 'eil fhios agaibh gu'm bheil iadsan a tha 'saoithreachadh mu thimchioll nithean naomha, air am beathachadh o'n teampull? agus iadsan a tha 'frithealadh do'n altair, gu'm bheil comh-roinn aca ris an altair?

14 Agus mar sin dh'orduich an Tighearn mar an ceudna dhoibh-san a tha 'searmonachadh an t-soisgeil, an teachd-an-tìr fhaotainn o'n t-soisgeul.

15 Ach cha do ghnàthaich mise a h-aon diubh so, agus cha do sgrìobh mi na nithean so, chum gu'n deantadh mar sin dhomh: oir b'fhearr dhomh am bàs fhaghail, na gu'n cuireadh neach air bith mu'aill 'an neo-bhrìgh.

16 Oir ged shearmonaich mi an soisgeul, cha-n'eil aobhar uail agam: oir tha éigin air a cur orm; seadh, is an-aobhainn domh, mur searmonaich mi an soisgeul.

17 Oir ma's ann gu toilcach a tha mi 'deanamh so, tha duais agam: ach ma's ann an aghaidh mo thoile a tha ministrealachd air a h-carbsadh rium,

18 Cìod i mo dhuais ma seadh? *eadhon so*, chum 'n uair a tha mi 'searmonachadh an t-soisgeil, gu'n suidhichinn soisgeul Chrìosd gun chostus, chum nach mi-ghnàthaichinn mo chumhachd 's an t-soisgeul.

19 Oir ged tha mi saor o na h-uile dhaoibh, gidheadh rinn mi mi féin a'm' sheirbhis-each do na h-uile, chum gu'n cosnainn an tuilleadh.

20 Agus rinneadh mi do na h-Iudhaich mar Iudhach, chum gu'n cosnainn na h-Iudhaiche; dhoibh-san a tha fo 'n lagh, mar *dhuine* fo 'n lagh, chum gu'n cosnainn iadsan a tha fo an lagh;

21 Dhoibh-san a tha gun lagh, mar *dhuine* gun lagh, (ged nach 'eil mi gun lagh do Dhia, ach fo lagh do Chrìosd,) chum gu'n cosnainn iadsan a tha gun lagh.

22 Rinneadh mi dhoibh-san a tha an-mhunn mar *dhuine* annhunn, chum gu'n cosnainn an dream a tha annhunn: Bha

mi 's an uile chruth do na h-uile, chum air gach uile dhòigh gu'n saorainn cuid éigin.

23 Agus so tha mi a' deanamh air son an t-soisgeil, chum gu'm bi mi a'm' fhear comh-roinne dheth.

24 Nach 'eil fhios agaibh iadsan a tha 'ruith anns a' bhàr-réise, gu'n ruith iad uile, ach is aon duine a gheibh an duais? gu ma h-amhuil a ruitheas sibhse, ionnus gu'n glac sibh an *duais*.

25 Agus tha gach uile ghleachdair measarra anns na h-uile nithibh: a nis tha iadsan a' *deanamh sin* chum gu'm faigh iad crùn truailidh; ach sinne *air son crùn* neo-thruailidh.

26 Uime sin is amhuil a tha mise a' ruith, cha-n ann mar gu neo-chinnteach: is amhuil a tha mi a' cur catha, cha-n ann mar neach a bhuaileas an t-athar:

27 Ach tha mi a' trom-bhualadh mo chuirp, agus 'g a chur fo smachd: air eagal air chor san bith an déigh dhomh searmonachadh do dhream eile, gu'n cuirear mi féin air cùl.

## CAIB. X.

1 *Tha sacramaintean nan Iudhach 'n an samh-ladh air ar sacramaintibh-ne, 14 agus am peanas-san mar rabhadh dhuinn iodhol-aoradh a sheachnadh. 21 Cha-n fheud sinn a bhi 'n ar luchd comhairt de bhòrd an Tighearna, agus dhiabhal araon, &c.*

**O**S bàrr, a bhràithrean, cha b'àill leam sibhse a bhi aineolach, gu'n robh ar n-aithrichean uile fo 'n neul, agus gu'n deachaidh iad uile troimh 'n mhuir;

2 Agus gu'n do bhaisteadh iad uile do Mhaois 's an neul, agus anns a' mhuir;

3 Agus gu'n d'ith iad uile an t-aon bhiadh spioradail;

4 Agus gu'n d'òl iad uile an t-aon deoch spioradail: (oir dh'òl iad de'n charraig spioradail sin a lean iad: agus b'i a' charraig sin Crìosd.)

5 Ach le mòran diubh cha robh Dia toilichte: oir sgriosadh 's an fhàsach iad.

6 A nis bha na nithean sin 'n an saimpeiribh dhuinne, chum nach miannaicheamaid droch nithean, eadhon mar a mhiannaich iadsan.

7 Agus na bithibh-sa 'n ur luchd-iodhol-aoraidh, mar a *bha* cuid diubh-san; a réir mar tha e sgrìobhta, Shuidh am pobull sìos a dh'itheadh agus a dh'òl, agus dh'éirich iad a chluicheadh.

8 Agus na deanamaid striopachas, mar a rinn cuid diubh-san, agus a thuit *diubh* ann an aon là trì mìle fichead.

9 Agus na dearbhamaid Crìosd, mar a dhearbhadh cuid diubh-san, agus a sgriosadh iad le nathraichibh nimhe.

10 Agus na deanaibh-sa gearan, mar a rinn cuid diubh-san gearan, agus a sgriosadh iad leis an sgriosadair.

11 A nis thachair na nithean so uile

# 1 CORINTIANACH, XI.

dhòibh-san mare is eimpleiribh: agus sgrìobhadh iad chum teagaisg duinne, air am bheil deireadh an domhain air teachd.

12 Uime sin an ti a shaoileas a bhi 'n a sheasamh, thugadh e aire nach tuit e.

13 Cha do thachair deuchainn air bith ribh, ach ni a tha coitchiomn do dhaoibh: ach tha Dia dìleas, nach leig dhuibh a bhi air bhuir feuchainn thar bhuir comas; ach a ni maille ris an deuchainn slighe dol as mar an ceudna, chum gu'm bi sibh comasach air a giùlan.

14 Air an aobhar sin, a mhuinntir mo ghràidh, teichibh o ìodhol-aoradh.

15 Tha mi a' labhairt mar ri daoibh tuigseach: thugaibh-sa breth air an ni a tha mi ag ràdh.

16 Cupan a' bheannachaidh a tha sinne a' beannachadh, nach e comunn fola Chrìosd e? An t-aran a tha sinn a' briseadh, nach e comunn cuirp Chrìosd e?

17 Oir ged tha sinne 'n ar mòran, is aon aran, agus aon chorp sinn: oir tha againn uile comhpairt de'n aon aran.

18 Thugaibh faineair Israel a réir na feola: nach 'eil aca-san a tha 'g itheadh nan ìobairt comh-roinn ris an altair?

19 Ciod a their mi uime sin? gu bheil brìgh air bith anns an ìodhol, no gu bheil brìgh air bith 's an ni a dh'ìobradh do ìodholaibh?

20 Ach *tha mi ag ràdh*, na nithean a tha na Cinnich ag ìobradh, gur ann do dheamhnaibh a tha iad 'g an ìobradh, agus nach ann do Dhia: agus cha b'ail leam comunn a bhi agaibh-se ri deamhnaibh.

21 Cha-n'eil e 'an comas duibh cupan an Tighearn 'òl, agus cupan dheamhan. Cha-n'eil e 'an comas duibh comh-roinn a bhi agaibh de bhord an Tighearn, agus de bhord dheamhan.

22 An brosnuich sinn an Tighearn gu feirg? an treise sinn na esan?

23 Tha na h-uile nithean ceaduichte dhomh-sa, ach cha-n'eil na h-uile nithean ìomchuidh: tha na h-uile nithean ceaduichte dhomh-sa, ach cha toir na h-uile nithean fòghlum.

24 Na h-iarradh neach air bith an ni sin a bhuineas dha féin; ach *iarradh* gach aon an ni sin a thig ri maith neach eile.

25 Ithibh gach ni a reicear ann am margadh na feòla, gun cheisd air bith fheòraich air son coguis.

26 Oir is leis an Tighearn an talamh, agus a làn.

27 Ma bheir aon neach dhuibh-san nach 'eil 'n an creidich cuirpadh dhuibh, agus gur toil leibh dol maille ris; ithibh gach ni a chuirear roimhibh, gun ni sam bith fheòraich air son coguis.

28 Ach ma their duine sam bith ribh, Dh'ìobradh an ni so do ìodholaibh, na h-ithibh, air a shon-san a nochd dhuibh e, agus

air son coguis. Oir is leis an Tighearn an talamh, agus a làn.

29 *Air son coguis*, tha mi ag ràdh, cha-n i do *coguis* féin, ach *coguis* an neach ud eile: oir c'ar son a bheir breth air mo shaorsa-sa le coguis duine eile?

30 Oir, ma tha comhpairt *bìdh* agam-sa tre ghràs, c'ar son a labhair olc umam a thaobh an ni sin air son am bheil mi a' toirt buidheachais?

31 Uime sin cò aca dh'itheas no dh'òlas sibh, no ge b'eni a ni sibh, deanaibh na h-uile nithean chum glòire Dhé.

32 Na tugaibh aobhar oibheim do na h-Iudhaich, no do na Greugaich, no do eaglais Dhé:

33 A réir mar tha mise a' deanamh toile nan uile *dhaoine* anns na h-uile *nithibh*, gun a bhi 'g iarraidh mo bhuannachd féin, ach *buannachd* mhòrain chum gu'n tèarnar iad.

## CAIB. XI.

1 *Fhuair Pòl coire do na Corintianaich, gu robh 'n an còimhionail am fir a' deanamh urnuigh, agus an cinn air an còimhdachadh, agus an mnathan gun còimhdachadh air an cinn*: 17 agus do bhrìgh gu robh gu coitchiomn an cruinneachadh cha-n ann chum maith, ach chum uile; 20 gu sonruichte, air son gu robh iad le'n cuirribh féin a' mì-nuomhachadh suipeir an Tighearna, &c.

**B**ITHIBH-SA 'n ur luchd-leannmhuinn ormsa, anhuil mar tha mise air Chrìosd.

2 A nis thami 'g ur moladh, a bhràithrean, do bhrìgh gu bheil cuimhne agaibh ormsa anns na h-uile nithibh, agus gu bheil sibh a' coimhead nan orduighean, mar a thug mise dhuibh iad.

3 Ach bu mhiann leam fios a bhi agaibh, gur e Chrìosd ceann gach fir, agus gur e am fear ceann na mnà, agus gur e Dia ceann Chrìosd.

4 Gach fear a tha 'deanamh urnuigh no fàidheadaireachd, agus folach air a cheann, tha e 'toirt eas-urram d'a cheann.

5 Ach gach bean a tha 'deanamh urnuigh no fàidheadaireachd gun fholach air a ceann, tha i 'toirt eas-urram d'a ceann: oir is ionnan sin agus ged bhitheadh i air a bearradh.

6 Oir mur bi folach air ceann na mnà, bearrar i mar an ceudna: ach ma's grannda do mhnaoi i 'bhi air a bearradh no air a lomadh, cuireadh i folach oirre.

7 Oir gun amharus cha chòir do fhear a cheann a còimhdachadh, do bhrìgh gur e ìomhaigh agus glòir Dhé: ach is i a' bhean glòir an fhir.

8 Oir cha-n'eil am fear o'n mhnaoi, ach a' bhean o'n fhear.

9 Agus cha do chruthaicheadh am fear air son na mnà, ach a' bhean air son an fhir.

10 Uime sin is còir do'n mhnaoi cumhachd a bhi aice air a ceann, air son nan aingeal.

11 Gidheadh, cha-n'eil am fear as eug-



# 1 CORINTIANACH, XII.

mhaìs na mnà, no a' bhean as eugmhais an fhlir anns an Tighearn.

12 Oir mar tha a' bhean o'n fhear, is amhnìl sin *tha* 'm fear tre'n mhnai mar an ceudna: ach is ann o Dhia a tha na h-uile nithean.

13 Measaibh annaibh féin: am bheil e ciatach do mhnai urnuigh a dheanamh ri Dia gun fholach *air a ceann*.

14 Nach 'eil nàdur féin a' teagasg dhuibh, ma bhitheas gruag fhada air fear, gur nàr dha e?

15 Ach ma bhitheas gruag fhada air mnaoi, is glòir dhi e: oir thugadh a gruag dhì air son còmhdaich.

16 Ach ma bhitheas neach air bith comspoidach, cha-n'eil a leithid sin de ghnàthachadh againne, no aig eaglaisibh Dhé.

17 A nis anns an ni so a tha mi 'cur 'an céill *duibh*, cha mhol mi *sibh*, do bhrìgh gu bheil sibh a' teachd 'an ceann a chéile, cha-n ann chum an nì a's fearr, ach an nì a's miosa.

18 Oir air tùs, 'n uair a tha sibh a' cruinn-eachadh 'an ceann a chéile's an eaglais, tha mi 'cluinntinn gu bheil roinnean 'n 'ur measg; agus tha mi an cuid 'g a chreidsinn.

19 Oir is éigin saobh-chreidsinn a bhi eadaraibh, chum gu'n deannar follaiseach an dream a tha dearbhta 'n 'ur measg.

20 Uime sin an uair a thig sibh 'an ceann a chéile do aon àite, cha-n e sin snipeir an Tighearn' itheadh.

21 Oir ithidh gach aon air tùs a shlupeir féin, agus tha neach ocrach, agus neach eile air mliisg.

22 An e nach 'eil tighean agaibh chum itheadh agus òl anna? no am bheil sibh a' deanamh tàire air eaglais Dhé, agus a' nàrachadh na mauntir aig nach 'eil? Ciod a their mi ribh? Am mol mi sibh anns a' *chùis* so? cha mhol.

23 Oir fhaìr mise o'n Tighearn an ni mar an ceudna a thug mi dhuibhse, Gu'n do ghlac an Tighearn Iosa aran, anns an oidhche's an do bhrathadh e:

24 Agus air tabhairt buidheachais, bhris se e, agus thubhairt e, Gabhaibh, ithibh; is e so mo chorp-sa, a tha air a bhriseadh air bhur son-se: deanaibh so mar chuimhneachan ormsa.

25 Agus air a' mhòd cheudna an cupan, an déigh na suipeir, ag ràdh, Is e an cupan an coimheangal nuadh ann am fhuil-sa: deanaibhse so, cia minic as a dh'òlas sibh e, mar chuimhneachan ormsa.

26 Oir cia minic as a dh'itheas sibh an t-aran so, agus a dh'òlas sibh an cupan so, tha sibh a' foillseachadh bàis an Tighearna an tig e.

27 Uime sin, ge b'e neach a dh'itheas an t-aran so, agus a dh'òlas cupan so an Tighearna gu neo-iomchuidh, bithidh e ciontach de chorp agus de fhuil an Tighearna.

28 Ach ceasnìcheadh duine e féin, agus

mar sin itheadh e de'n aran so, agus òladh e de'n chupan so:

29 Oir ge b'e dh'itheas agus a dh'òlas gu neo-iomchuidh, tha e 'g itheadh agus ag òl breitheanais dha féin, do bhrìgh nach 'eil e a' deanamh aithne air corp an Tighearna.

30 Air a shon so *tha mòran* 'n 'ur measg lag agus tinn, agus tha mòran 'n an codal.

31 Oir nan tugamaid breth oirmn féin, cha tngtadh breth oirmn.

32 Ach an uair a bheirear breth oirmn tha sinn air ar smachdachadh leis an Tighearn, chum nach bitheamaid air ar dìteadh maille ris an t-saoghal.

33 Uime sin, mo bhràithrean, 'n uair a thig sibh 'an ceann a chéile chum itheadh, fanaibh r'a chéile.

34 Agus ma bhitheas ocras air aon neach, itheadh e aig an tigh; chum nach tig sibh 'an ceann a chéile gu breitheanas. Agus cuiridh mise gach nì eile 'an ordugh 'n nair a thig mi.

## CAIB. XII.

1 *Tha ìodhlacan spioradail iomadach a thaobh gnè, 7 gidheadh tha iad uile gu tairbhe, 8 agus chum na crìche so air an toirt air caochladh dòigh: 12 chum a réir mar a tha buill a' chuirp nàdurra uile chum maisè, 22 agus seirbhis an aoìn chuirp; 27 mar sin gu'm bitheamaid-ne d'a chéile, a dheanamh suas cuirp dhìonaibh Chrìosd.*

**A** NIS a thaobh *thìodhlacan* spioradail, a bhràithrean, cha-n àill leam sibh a bhi aineolach.

2 Tha fios agaibh gu'n robh sibh 'n 'ur Cinnich, air bhur tarruing gu ìodholaibh balbha, a réir mar a threòraicheadh sibh.

3 Uime sin tha mi 'toirt fios duibh, nach abair duine sam bith a tha 'labhairt o Spiorad Dhé, gu bheil Iosa malluichte; agus nach urrainn duine sam bith a ràdh gur e Iosa an Tighearn, ach tre an Spiorad naomh.

4 A nis tha cadar-dhealachadh *thìodhlacan* ann, ach *cha-n'eil* ach aon Spiorad ann.

5 Agus tha cadar-dhealachadh frithealaidh ann, gidheadh *cha-n'eil* ach aon Tighearn ann.

6 Agus tha cadar-dhealachadh oibreachaidh ann, ach is e an t-aon Dia, a tha ag oibreachadh nan uile *nithean* anns na h-uile.

7 Ach tha foillseachadh an Spioraid air a thoirt do gach neach, chum tairbhe.

8 Oir do aon duine tha focal a' ghliocais air a thoirt leis an Spiorad; agus do dhùine eile focal an còlais leis an Spiorad cheudna;

9 Do neach eile creidsinn leis an Spiorad sin féin; do dhùine eile tabhartas leighis tre an Spiorad cheudna;

10 Do neach eile oibreachadh mhiorbhuilcan; do neach eile fàidheadaireachd; do neach eile aithneachadh spiorad; do neach eile *iomadh* gnè theangadh; agus do neach eile cadar-mhàncachadh theangadh.

# 1 CORINTIANACH, XIII.

11 Ach na nithean sin uile tha an t-aon Spiorad ceudna ag oibreachadh, a' roinn ris gach aon fa leth a rèir mar is àill leis.

12 Oir mar is aon an corp, agus mòran de bhuill aige, agus a tha uile bhuill an aoin chuirp sin, ge h-ìomadh iad, 'n an aon chorp; mar sin tha Crìosd.

13 Oir tre aon Spiorad bhaisteadh sinn uile do aon chorp, ma's Iudhaich sinn no Greug-aich, ma's daor no saor sinn; agus thugadh deoch r'a h-òl duinn uile chum aoin Spioraid.

14 Oir cha-n aon bhall an corp, ach mòran.

15 Ma their a' chas, Do bhrìgh nach mi an làmh, eha-n ann de'n chorp mi; nach 'eil i de'n chorp air a shon sin?

16 Agus ma their a' chluas, Do bhrìgh nach mi an t-sùil, cha-n ann de'n chorp mi; nach ann de'n chorp i air a shon sin?

17 Nam *bitheadh* an corp uile 'n a shùil, c'ait am *bitheadh* a' chlaisteachd? Nam *bitheadh* e uile 'n a chlaisteachd, C'ait am *bitheadh* an fhàile?

18 Ach a nis shuidhich Dia na buill gach aon diubh 's a' chorp, mar bu toil leis.

19 Agus nam bitheadh iad uile 'n an aon bhall, c'ait am *bitheadh* an corp?

20 Ach a nis tha iad 'n am mòran bhall, ged nach 'eil ann ach aon chorp.

21 Agus cha-n urrainn an t-sùil a ràdh ris an làmh, Cha-n'eil feum agam ort: no a ris, an ceann ris na cosaibh, Cha-n'eil feum agam oirbhse.

22 Ach gu ro mhòr nì's mòr tha na buill sin de'n chorp, a's annhuinne a thaobh coslais, feumail.

23 Agus air na buill sin de'n chorp a's lugha urram 'n ar measg-ne, tha sinn a' cur an tuilleadh urrainn; agus na buill sin dhinn a's lugha maise, tha aca sin gu ro mhòr an tuilleadh maise.

24 Oir air na buill mhaiseach againn cha-n'eil uircasbhuidh: ach rinn Dia an corp a chomh-chumadh r'a chèile, air dha an tuilleadh urrainn gu mòr a thoirt do'n *chuid* air an robh uircasbhuidh:

25 Chum nach bitheadh cas-aonachd air bith 's a' chorp; ach gu'm bitheadh an t-aon chùram aig na buill d'a chèile.

26 Agus ma dh'fhuilgeas aon bhall, comh-fhuilgidh na buill uile: no ma gheibh aon bhall urram, nì na buill uile gairdeachas maille ris.

27 A nis is sibhse corp Chrìosd, agus *is* buill sibh fa leth.

28 Agus chuir Dia dream àraidh 's an eag-lais, air tìs abstolan, 's an dara àite fàidhean, 's an treas àite luchd-teagaisg, a ris mòrbhuilean, 'n a dhéigh sin tabhartais-leighis, luchd-cuideachaidh, uachdaranachdan, iomadh gnè theangadh.

29 Am *bheil* na h-uile 'n an abstolaibh? Am *bheil* na h-uile 'n an fàidhibh? Am *bheil* na h-uile 'n an luchd-teagaisg? Am

*bheil* na h-uile 'n an luchd-deanamh mhìor-bhuilean?

30 Am bheil aig na h-uile tabhartais leighis? An labhair na h-uile le teangaibh? An dean na h-uile eadar-theangachadh?

31 Ach bitheadh miann dùrachdach nan tìodhlacan a's fearr oirbh: agus gidheadh tha mise a' nochdadh dhuibh slighe a's ro-fhearr.

## CAIB. XIII.

1 *Cha-n'eil brìgh sam bith anns na tìodhlacaibh uile, d'am feabhas, as eugmhais a' ghràidh: 4 chiu a' ghràidh, 13 agus a bharrachd air dòchas agus creidimh.*

**G**ED labhrainn le teangaibh dhaoine, agus aingeal, agus gun ghràdh agam, tha mi a'm' umha a ni fuaim, no a'm' cliombal a ni gleangarsaich.

2 Agus ged bhitheadh agam fàidheadair-cachd, agus ged thuiginn na h-uile rùna-diomhair, agus gach uile eòlas; agus ged bhitheadh agam gach uile *ghnè* creidimh, ionnas gu'n atharraichinn sléibhteann, agus mi gun ghràdh agam, cha-n'eil annam ach neo-ni.

3 Agus ged chaithinn mo mhaoin uile chum na bochdan a bheathachadh, agus ged bheirinn mo chorp chum a losgadh, agus gun ghràdh agam, cha-n'eil tairbhe sam bith dhomh ann.

4 Tha an gràdh fad-fhulangach, agus caomhnheil; cha ghabh an gràdh farmad; cha dean an gràdh ràiteachas, cha-n'eil e air a shéideadh suas,

5 Cha giùlain se e féin gu mì-chiatach, cha-n iarr e na nithean sin a bhuineas da féin, cha-n'eil e so-bhrosnachaidh *chum feirge*, cha smuainich e ole sam bith,

6 Cha dean e gairdeachas 's an eucoir, ach ni e gairdeachas 's an fhèrrinn:

7 Fuilgidh e na h-uile nithean, creididh e na h-uile nithean, bithidh sùil aige ris na h-uile nithibh, giùlainidh e na h-uile nith-eann.

8 Cha téid an gràdh air cùl a chaoidh: ach ma's fàidheadaireachdan a *th' ann*, théid iad air cùl; ma's teangaidhean, sguiridh iad; ma's eòlas, cuircar air cùl e.

9 Oir tha eòlas againn ann an tomhas, agus tha sinn ri fàidheadaireachd ann an tomhas.

10 Ach an uair a thig an ni a tha iomlan, cuircar air cùl an ni sin nach 'eil ach ann an cuid.

11 'N uair a bha mi a'm' leanaban, labhair mi mar leanaban, thuig mi mar leanaban, reusonaich mi mar leanaban: ach air fàs domh a'm' dhuine, chuir mi na nithean lean-abaidh air cùl.

12 Oir tha sinn a'm' faicinn 's an àm so gu dorch a tre ghloine; ach an sin *chi sinn* aghaidh ri h-aghaidh: 's an àm so is aithne dhomh ann an tomhas; ach an sin aithnichidh mi cadhon mar a tha aithne orm.



# 1 CORINTIANACH, XIV.

13 Agus a nis mairidh creidimh, dòchas, gràdh, na tri *nithean* so; ach *is* e'n gràdh a's mò dhiubh so.

## CAIB. XIV.

1 *Mhò Pòl fàidheadaireachd, 2 agus thug e urram dh' ròimh labhairt le teangaibh, 6 le cosamhlachd air a thoirt o imnealaibh-ciùil: 12 is còir an gnàthachadh farao, chum togail suas na h-eaglais, 22 mar a' chrìoch sin gus an d'orduicheadh iad. 26 Tha fìor-fheum gach aoin diubh air a theagasg, agus am mi-ghnàthachadh air a chronuchadh.*

**L**EANAIBH gràdh, agus bitheadh mòr-mhiann *thiodhlacan* spioradail oirbh, ach gu ma mò bhur togradh gu'n deanadh sibh fàidheadaireachd.

2 Oir an ti a labhras ann an teangaidh *choimhich*, cha-n ann ri daoinibh a labhras e, ach ri Dia: oir cha-n'eil neach sam bith 'g a thuigsinn; ged tha e anns an Spiorad a' labhairt rùintcan-dìomhair.

3 Ach an ti a tha 'deanamh fàidheadaireachd, tha e a' labhairt ri daoinibh chum teagaisg, agus *chum* earail, agus *chum* comhfhurtachd.

4 An ti a tha 'labhairt ann an teangaidh *choimhich*, tha e 'g a theagasg féin: ach an ti a ni fàidheadaireachd, tha e 'teagasg na h-eaglais.

5 Bu mhaith leam gu'n labhradh sibh uile le teangaibh, ach b'fhearr leam sibh a dheanamh fàidheadaireachd, oir *is* mò an ti a ni fàidheadaireachd, na an ti a labhras le teangaibh, mur eadar-theangaich e, chum gu'm faigheadh an eaglais fòghlum.

6 A nis, a bhràithrean, ma thig mi do 'ur n-ionnsuidh a' labhairt le teangaibh, ciod an tairbhe a ni mi dhuibh, mur labhair mi ribh ann am foillseachadh, no 'an eòlas, no 'am fàidheadaireachd, no 'an teagasg?

7 Air an dèigh cheudna na nithean gun bheatha a ni fuaim, ma's pìob no clàrsach, mur dean iad eadar-dhealachadh 'n am fuaimibh, cionnus a thuigear an ni a sheinnear air a' phìob no air a' chlàrsaich?

8 Oir ma bheir a' ghall-tromp fuaim neo-chinnteach uaipe, cò a dh'ulluicheas e féin chum a' chatha?

9 Is amhuil sin sibhse, mur labhair sibh leis an teangaidh briathran so-thuigsinn, cionnus a dh'aithnichear an ni a labhrar? oir is ann ris an athar a labhras sibh.

10 Tha, feudaidh e bhi, an uiread de ghuthan 's an t-saoghal, agus cha-n'eil a h-aon diubh gun bhlagh.

11 Uime sin, mur tuig mi brìgh a' ghutha, bithidh mi do'n ti a labhras, borb; agus *bithidh* an ti a labhras, borb dhomh-sa.

12 Mar sin mar an ceudna sibhse, do bhrìgh gu bheil dèigh gaibh air *thiodhlac-aihb* spioradail, iarraibh sibh féin a thoirt barrachd chum fòghluim na h-eaglais.

13 Uime sin, an ti a labhras ann an teangaidh *choimhich*, guidheadh e gu'n deanadh e cadar-theangachadh.

14 Oir ma ni mise urnuigh ann au teangaidh *choimhich*, tha mo spiorad a' deanamh urnuigh, ach tha mo thuigse neo-tharbhach.

15 Ciod ma scadh? ni mi urnuigh leis an spiorad, agus ni mi urnuigh leis an tuigse mar an ceudna; seinnidh mi leis an Spiorad, agus seinnidh mi leis an tuigse mar an ceudna.

16 No 'n uair a bheannaicheas tu leis an spiorad, cionnus a their an ti a tha ann an àit an duine gun fhòghlum Amen ri d' bhrèith-buidheachais, o nach aithne dha an ni a tha thu ag ràdh?

17 Oir gu deimhin tha thusa 'toirt buidheachais gu maith, gidheadh cha-n'eil an neach eile air a theagasg.

18 Tha mi 'toirt buidheachais do m' Dhia, gu bheil mi a' labhairt le teangaibh tuilleadh na sibh uile:

19 Ach b'fhearr leam cùig focail a labhairt 's an eaglais le m' thuigse, chum gu'n teagaisginn daoine eile mar an ceudna, na deich mìle focal ann an teangaidh *choimhich*.

20 A bhràithrean, na bithibhse 'n 'ur leanabaibh 'an tuigse: gidheadh, ann am mi-rùn bithibh 'n 'ur leanabaibh, ach ann an tuigse bithibh 'n 'ur daoine foirfe.

21 Tha e sgriobhta 's an lagh, Labhairidh mi ris a' phobull so ann an teangaibh eile, agus ann am bìlìbh eile: gidheadh an dèigh sin uile cha-n'èid iad rium, tha an Tigh-carn ag ràdh.

22 Uime sin tha teangan *coimheach* 'n an comharadh, cha-n ann do'n dream a tha 'creidsinn, ach dhoibh-san a tha mi-chreideach: ach tha fàidheadaireachd cha-n ann air an son-san nach 'eil a' creidsinn, ach air an sòsan a tha 'creidsinn.

23 Uime sin ma chruinnicheas an eaglais uile 's an aon àit, agus ma labhras iad uile le teangaibh *coimheach*, agus gu'n tig dream a tha gun fhòghlum a steach, no daoine mi-chreideach, nach abair iad gu'm bheil sibh air a' chuthach?

24 Ach ma ni iad uile fàidheadaireachd, agus gu'n tig duine gun chreidimh a steach, no *neach* a tha gun fhòghlum, cronuichear e leis na h-uile, agus bheirear breth air leis na h-uile:

25 Agus mar sin tha *nithean* folaichte a chridhe air am foillseachadh; agus mar sin, air dha tuiteam air a'ghaidh, ni e aoradh do Dhia, ag aithris gu bheil Dia gu fìrinneach annaibhse.

26 Ciod e sin ma ta, a bhràithrean? 'n uair tha sibh a' teachd 'an ceann a chèile, tha salm, tha teagasg, tha teangadh, tha foillseachadh, tha eadar-theangachadh, aig gach aon agaibh. Bitheadh na h-uile nithean air an deanamh chum fòghluim.

27 Ma labhras aon neach ann an teangaidh *choimhich*, labhradh dithis, no air a' chuid a's mò triuir, agus sin an dèigh a

# 1 CORINTIANACH, XV.

chéile; agus deanadh a h-aon eadar-theangachadh.

28 Ach mur bi eadar-theangair ann, fannadh e 'n a thosd 's na eaglais; no labhradh e ris féin, agus ri Dia.

29 Labhradh dithis no triuir de na faidhibh, agus thugadh a' chuid eile breith.

30 Ach ma dh'fhoillsichear *ni* do neach eile a tha 'n a shuidhe, bitheadh an ceud *dhuine* 'n a thosd.

31 Oir feudaibh sibh uile faidheadaireachd a dheanamh gach aon an déigh a chéile, chum gu'm faigh na h-uile fòghlum, agus na h-uile comhfhurtachd.

32 Agus tha spioraid nam faidhean ùmhal do na faidhibh.

33 Oir cha-n e Dia *ùghdar* na mi-riaghailt, ach na sìthe, mar ann an eaglaisibh nan naomh uile.

34 Biodh bhur mnathan 'n an tosd 's na h-eaglaisibh; oir cha-n'eil e ceaduichte dhoibh labhairt; ach *is còir dhoibh* 'bhi ùmhal, mar tha an lagh mar an ceudna ag ràdh.

35 Agus ma's mian leo ni sam bith fhòghlum, feòraicheadh iad d'am fearaibh féin aig an tigh e: oir is mi-chiatach do mhnàibh labhairt 's an eaglais.

36 An ann uabhshe 'thàinig focal Dhé a mach? no an ann do 'ur n-ionnsuidhse a mhàin a 'thàinig c.

37 Ma shaoileas duine sam bith gur faidh, no gur duine spioradail e féin, aidicheadh e na nithean a tha mise a' sgrìobhadh do 'ur n-ionnsuidh, gur iad àitheantan an Tighearna.

38 Ach ma tha neach sam bith aineolach, bitheadh e aineolach.

39 Uime sin, a bhràithrean, bitheadh ro-thogradh agaibh air faidheadaireachd a dheanamh, agus na bacadh labhairt le teangaibh.

40 Deanar na h-uile nithean gu deadh-mhaiseach, agus a réir orduigh.

## CAIB. XV.

1 O aiseirigh Crìosd, 12 dhearbhadh an t-abstol gu'n éirich sinne, an aghaidh na muinntir sin a tha 'g dèicheadh aiseirigh na colla: 21 Toradh, 35 agus dòigh na h-aiseirigh, 51 agus caochladh na muinntir sin a gheibhear beò, air an là dheireannach.

**O**S bàrr, a bhràithrean, tha mi 'cur 'an cèill duibh 'an soisgeul a shearmonaich mi dhuibh, ris an do ghabh sibhse mar an ceudna, agus anns am bheil sibh 'n 'ur seasamh;

2 Troimh mar an ceudna am bheil sibh air bhur tearnadh, ma chumas sibh gu daingean an ni a shearmonaich mi dhuibh, mur do chreid sibhse gu dìomhain.

3 Oir thug mi dhuibh air tùs an ni a fhuair mi mar an ceudna, Gu'n d'fhuair Crìosd bàs air son ar peacaidhean a réir nan sgrìobtuir:

4 Agus gu'n d'adhlacadh e, agus gu'n d'éirich e a ris air an treas là a réir nan sgrìobtuir:

5 Agus gu'm facas e le Cephas, 'n a dhéigh sin leis an dà fhear dheug.

6 'N a dhéigh sin, chunnacas e le tuilleadh as cùig ceud bràthair air aon àm; d'am bheil a' chuid a's mò beò gus a nis, ach tha cuid *dhiubh* 'n an codal.

7 'N a dhéigh sin, chunnacas e le Scumas; agus a ris leis na h-abstolaibh uile.

8 'N an déigh uile chunnacas leam-sa e mar an ceudna, mar neach a rugadh ann an an-àm.

9 Oir is mi a's lugha de na h-abstolaibh, neach nach fhu abstol a ghairm dhìom, do bhrìgh gu'n robh mi a' geur-leanmhuinn eaglais Dhé.

10 Ach tre ghràs Dhé is mi an ni a's mi: agus cha robh a ghràs, a *bhuilicheadh* orm, gun bhrìgh; ach sàothraich mi nì's pailte na iad uile; gidheadh cha mhise, ach gràs Dhé a bha maille rium.

11 Uime sin cò air bith iad *dhinn*, mise no iadsan, is ann mar so a tha sinne a' searmonachadh, agus is ann mar so a chreid sibhse.

12 A nis ma shearmonaichear Crìosd gu'n d'éirich e o na marbhaibh, cionnus a tha feadhain 'n 'ur measg-sa ag ràdh, Nach 'eil aiseirigh nam marbh ann?

13 Ach mur 'eil aiseirigh nam marbh ann, ni mò a dh'éirich Crìosd.

14 Agus mur d'éirich Crìosd, gu deimhin *is* dìomhain ar searmoin-ne, agus *is* dìomhain bhur creidimhe mar an ceudna.

15 Scadh fhuaradh sinne 'n ar fianuisibh bréige air Dia; do bhrìgh gu'n d'riun sinn fianuis a thaobh Dhé, gu'n do thog e suas Crìosd: neach nach do thog e suas, mur éirich na marbh.

16 Oir mur éirich na marbh, ni mò a dh'éirich Crìosd:

17 Agus mur d'éirich Crìosd, *tha* bhur creidimhe dìomhain; tha sibh fathast ann bhur peacaibh.

18 Mar sin mar an ceudna tha an dream a choidil ann an Crìosd, cailte.

19 Ma's anns a' bheatha so a mhàin a tha dòchas againn ann an Crìosd, is sinn a's truaighe de na h-uile dhaoineibh.

20 Ach a nis tha Crìosd air éirigh o na marbhaibh, agus rinneadh dheth an ceud thoradh dhiubh-san a choidil.

21 Oir mar is ann tre dhuine *'thàinig* am bàs, is ann tre dhuine *thig* aiseirigh nam marbh mar an ceudna.

22 Oir mar, ann an Adhamh, a tha na h-uile a' faghail a' bhàis, is amhuil sin mar an ceudna a nithear na h-uile beò ann an Crìosd.

23 Ach gach uile dhuine 'n a ordugh féin: Crìosd an ceud thoradh, 'n a dhéigh sin iad-san a's le Crìosd aig a theachd



# 1 CORINTIANACH, XVI.

24 An sin *bithidh* a' chrìoch dhèireannach, 'n uair a bheir e suas an rìoghachd do Dhia, eadhon an t-Athair; 'n uair a chuireas e as do gach uile uachdaranachd, agus gach uile ùghdarras, agus chumhachd.

25 Oir is éigin gu'n rìoghaich e, gus an cuir e a nàmhdean uile fo a chosaibh.

26 Sgriosar an nàmhaid deireannach, am bàs.

27 Oir chuir e na h-uile nithean fo a chosaibh. Ach an uair a tha e agràdh gun do chuir e na h-uile nithean fodha, is nì follaiseach gu bheil esan a chuir na h-uile nithean fodha, 'an leth muigh *dheth so*.

28 Agus an uair a chuirear na h-uile nithean fodha, an sin bithidh am Mac féin fo 'n ti a chuir na h-uile nithean fodha-san, chum gu'm bi Dia 'n a uile anns ua h-uile.

29 No ciod a nì iadsan a bhaistear air son nam marbh, mur éirich na mairbh air aon dòigh? c'ar son na seadh a bhaistear iad air son nam marbh?

30 Agus c'ar son a tha sinne 'an gàbhadh gach uair?

31 Air bhrur gairdeachas-se a tha agam ann an Iosa Crìosd ar Tighearn, tha mi 'faghail a' bhàis gach là.

32 Ma chòmhraig mi mar dhuine ri fiadhbheathaichibh ann an Ephesus, ciod i mo thairbhe, mur éirich na mairbh? itheamaid agus òlaimaid, oir am maireach gheibh sinn bàs.

33 Na meallar sibh: truailidh droch chomhludard deadh bheusan.

34 Dùisgibh chum fireantachd, agus na deanaibh peacadh, oir cha-n'èil eòlas air Dia aig cuid: chum bhrur nàire tha mi a' labhairt so.

35 Ach their neach éigin, Cionnus a dh'éir-eas na mairbh? agus ciod a' ghnè cuirp leis an tig iad?

36 Amadain, an nì sin a chuireas tu, cha bheothaichear e, mur bàsaich e *air tùs*:

37 Agus an nì a chuireas tu, cha-n e an corp a bhitheas a tha thu 'cur, ach gràinne lom, feudaidh e bhi de chruithneachd, no de *sheòrsa* éigin eile:

38 Ach tha Dia a' toirt cuirp dha mar bu toil leis, agus do gach uile shìol a chorp féin.

39 Cha-n aon fhicil gach uile fhicil: ach *tha* feòil air leth aig daoinibh, agus feòil eile aig ainmhidhibh, *feòil* eile aigiasgaibh, agus *feòil* eile aig eunlaith.

40 Agus *tha* cuirp nèamhaidh ann, agus cuirp thalmhaidh: gidheadh *tha* glòir air leth aig na *corpaibh* nèamhaidh, agus glòir eile aig na *corpaibh* thalmhaidh.

41 Tha aon ghloir aig a' ghréin, agus glòir eile aig a' ghealaich, agus glòir eile aig na reultaibh; oir tha dealachadh eadar reult agus reult thaobh glòire.

42 Agus is ann mar sin a *bhitheas* aiseirigh nam marbh. Cuirear ann an truailidheachd e; togar ann an neo-thruailidheachd e.

43 Cuirear e ann an cas-urram, togar ann an glòir e: cuirear ann an annhuimeachd e, éiridh e ann an cumhachd:

44 Cuirear e 'n a chorp nàdurra, éirigh e 'n a chorp spioradail. Tha corp nàdurra ann, agus corp spioradail.

45 Agus mar so tha e sgrìobhta, Rinneadh an ceud dhuine Adhamh 'n a anam beò, an t-Adhamh deireannach 'n a Spiorad a bheothaicheas.

46 Gidheadh cha-n e an nì spioradail a *bha* ann air tùs, ach an nì nàdurra; agus 'n a dhéigh sin an nì spioradail.

47 An ceud duine o'n talamh, talmhaidh: an dara duine, an Tighearn o nèamh.

48 Mar an *duine* talmhaidh, is amluail sin iadsan a *tha* talmhaidh: agus mar a *tha* an *duine* nèamhaidh, is ann mar sin iadsan a *tha* nèamhaidh.

49 Agus mar a ghiùlain sinn ìomhaigh an *duine* thalmhaidh, giùlainidh sinn mar an ceudna ìomhaigh an *duine* nèamhaidh.

50 A nis so tha mi ag ràdh, a bhràithre, nach urrainn feòil agus fuil rìoghachd Dhé a shealbhadh; nì mò a shealbhaicheas truailidheachd neo-thruailidheachd.

51 Feuch, tha mi a' labhairt nì dìomhair ribh; Cha chòidil sinn uile, ach caochlaidhear sinn uile,

52 Ann an tiota, 'am priobadh na sùl, ri *guth* na trompaid deireannaich, (oir séididh an trompaid,) agus éiridh na mairbh neo-thruailidh, agus caochlaidhear sinne.

53 Oir is éigin do'n *chorp* thruailidh so neo-thruailidheachd a chur uime, agus do'n *chorp* bhàsmhor so neo-bhàsmhorachd a chur uime.

54 Agus an uair a chuireas an *corp* truailidh so neo-thruailidheachd uime, agus a chuireas an *corp* bàsmhor so neo-bhàsmhorachd uime, an sin coimhlionar am focal a tha sgrìobhta, Shluigeadh suas am bàs le buaidh.

55 O 'bhàis, e' àit am bheil do gath? O uagh, e' àit *am bheil* do bhuaidh?

56 *Is* e am peacadh gath a' bhàis; agus *is* e neart a' pheacaidh an lagh:

57 Ach buidheachas do Dhia, a tha 'toirt dhuinne na buadha, tre ar Tighearn Iosa Crìosd.

58 Uime sin, mo bhràithre gràdhach, bithibh-se daingean, neo-ghluasadach, a' sìor-mheudachadh ann an obair an Tighearn, air dhuibh fios a bhi agaibh nach 'eil bhrur saothair dìomhain anns an Tighearn.

## CAIB. XVI.

1 *Ghaidh Pòl air na Corintianach fuasgladh air vireasbhuidh nam bràithrean bochda ann an Ierusalem; 10 mhol e Timoteus; 13 agus an dèigh chomhairlean càirdeil, 19 chrìocha-naich e an tìr le ìomadh fàille.*

**A**NIS a thaobh an tionail air son nan naomh, mar a dh'orduich mi do eaglais-

# 1 CORINTIANACH, XVI.

ibh Ghalatia, mar sin deanaibh-se mar an ceudna.

2 Air ceud là gach seachduin, cuireadh gach aon agaibh ni seachad anns an ionmhas, a réir mar a shoirbhlich leis, chum nach bit ionail r'an deanamh 'n uair a thig mise.

3 Agus an uair a thig mi, cò air bith iad a mholas sibh le 'ur litricibh, cuiridh mi iadsan a ghiulan bhur tabhartais gu Ierusalem.

4 Agus ma's iomchuidh mise a dhol mar an ceudna, théid iadsan a'm' chuideachd.

5 Agus thig mi do 'ur n-ionnsuidh-se, 'n uair a théid mi troimh Mhacedonia : (oir tha mi 'dol troimh Mhacedonia :)

6 Agus feudaidd e bhi gu'm fan mi, no eadhon gu'n caith mi an geamhradh maille ribh, chum gu'n toir sibh air m'aghaidh mi, ge b'e àit d'au téid mi.

7 Oir cha-n àill leam bhur faicim a nis 's an dol seachad; ach tha dùil agam fanuinn ré tamuill maille ribh, ma leigeas an Tighearn dhomh.

8 Ach fauaidh mi ann an Ephesus gu Cuingeis.

9 Oir dh'fhosglaidh dorus mòr agus éifeachdach dhomh-sa, agus tha mòran eascairdean ann.

10 A nis ma thig Timoteus, feuchaibh gu'm bi e gun egal maille ribh : oir tha e a' saothreachadh ann an obair an Tighearna, mar tha mise.

11 Uime sin na deanadh neach sam bith tàir air: ach thugaibh air aghaidh e 'an sith, chum gu'n tig e a m' ionnsuidh-sa: oir tha sùil agam ris maille ris na bràithribh.

12 Mu thimchioll ar bràthar Apollois, ghuidh mi gu dùrachdach air teachd do 'ur

n-ionnsuidh-se maille ris na bràithribh: ach cha b'i a thoil air chor sam bith teachd 's au àm so; ach thig e 'n uair a gheibh e àm iomchuidh.

13 Deanaibh faire, seasaibh gu daingean 's a' chreidimh, bithibh fearail, bithibh làidir.

14 Bitheadh bhur n-uile nitheau air an deanamh le gràdh.

15 Agus guidheam oirbh, a bhràithre, (o's aithne dhuibh teaghlach Stephanais, gur iad ceud thoradh Achaia, agus gu'n d'thug siad iad féin chum frithealaidh do na naoimh;)

16 Gu'm bi sibh ùmhal d'an leithidibh sin, agus do gach aon a ni obair agus saothair maille ruinne.

17 Tha mi subhach air son teachd Stephanais, agus Fhortuatus, agus Achaicus: oir rinu iad suas an ni sin a bha dh'uir-casbhuidh do 'ur taobh-se.

18 Oir thug iad suaimhneas do m' spiorad-sa, agus do 'ur spiorad-se: uime sin bitheadh meas agaibh air an leithidibh sin.

19 Tha eaglaisean na h-Asia a' cur failte oirbh. Tha Acila agus Priscila, maille ris an eaglais a tha 'n an tigh, a' cur mòr-fhàilte oirbh anns an Tighearn.

20 Tha na bràithrean uile a' cur failte oirbh. Cuiribh-se failte air a chéile le pòig naoimh.

21 Fàilte uamsa Pòl le m' làimh féin.

22 Ma tha neach sam bith nach gràdhaich an Tighearn Iosa Crìosd, bitheadh e 'n a Anatema Maranata.

23 Gu robh gràs an Tighearna Iosa Crìosd maille ribh.

24 Mo ghràdh-sa maille ribh uile ann an Crìosd. Amen.

## DARA LITIR AN ABSTOIL PHOIL

### CHUM NAN

# CORINTIANACH.

### CAIB. I.

1 Thug an t-abstol Pòl misneach do na Corintianach an aghaidh thrioblaid thaobh na comhfhurtachd agus an fhuasglaidh a thug Dia dhàsan 'n a uile thrioblaidibh féin. 8 gu sonruichte 'n a chunnart 's an Asia: 12 agus ghairm e an coguis-san, agus a choquis féin chum fianuis gu'n do shearmonaich e an soisgeul gu tréibhkhreach, &c.

PÒL, abstol Iosa Crìosd tre thoil Dhé, agus Timoteus ar bràthair, chum eaglais Dhé a tha ann an Corintus, maille ris na h-uile naoimh a tha ann an Achaia uile: 2 Gràs dhuibhse, agus sìth o Dhia ar n-Athair, agus o'n Tighearn Iosa Crìosd.

3 Beannaichte gu robh Dia, cadhon Athair

ar Tighearna Iosa Crìosd, Athair nan tròcair, agus Dia na h-uile chomhfhurtachd:

4 A tha 'toirt comhfhurtachd dhuinne 'n ar n-uile àmhghar, chum sinne 'bhi comasach air comhfhurtachd a thoirt dhoibh-san a tha ann an àmhghar sam bith, tre a' chomhfhurtachd leis an bheil sinn féin a' faotainn comhfhurtachd o Dhia.

5 Oir mar tha fulangais Chriosd pailt ann-ainne, is amhuil sin tha ar comhfhurtachd-ne mar an ceudna pailt tre Chriosd.

6 Agus ma tha sinn fo àmhghar, is ann air son bhur comhfhurtachd agus bhur slàinte-se, a tha air a h-oibreachadh le sibh a dh'fhulang nam fulangas ceudna, a tha



## 2 CORINTIANACH, II.

sinne a' fulang: no ma's eomhfhurtachd dhuinn, *is ann* ehum bhur comhfhurtachd agus bhur slàinte-se.

7 Agus *tha* ar dòchas daingean do 'ur taobh-se, do bhrìgh gu bheil fios againn, mar tha sibh 'n 'ur luchd-comhpairt de na fulangasibh, gu'm *bì sibh* mar an ceudna de'n eomhfhurtachd.

8 Oir cha b'àill leinn, a bhràithre, sibhse 'bhi ain-fhiosrach mu thimchioll ar n-àmh-ghair a thachair dhuinne 's an Asia, gu'n do bhruthadh sinn gu ro mhòr thar ar neart, ionnus gu'n robh sinn fo amharus cadhon mu'r beatha:

9 Ach bha againn binn ar bàis annainn féin, chum nach bitheadh againn dòigh annainn féin, ach ann an Dia a dhùisgeas na mairbh:

10 Neach a shaor sinne o bhàs eo mòr, agus a tha 'g ar saoradh; anns am bheil ar dòchas gu'n saor e *sinn* fathast:

11 Air dhuibhse 'bhi a' co-oibreachadh le 'ehéile ann an urnuigh air ar son-ne, chum gu'n tugar buidheachas le mòran air ar son-ne, a leth an tìodhlaic a thugadh dhuinn, tre mhòran.

12 Oir is e so ar gairdeachas-ne, fianuis ar coguis, gur ann 'an aon-fhillteachd agus 'an tréibhdhreas diadhaidh, agus cha-n ann 'an gliocas feòlmhor, ach ann an gràs Dhé, a chaith sinn ar beatha 's an t-saoghal, agus gu h-àraidh do 'ur taobh-se.

13 Oir cha-n'eil sinn a' sgrìobhadh nithean sam bith eile do 'ur n-ionnsuidh-se, ach nan nithean a tha sibh a' leughadh, no a tha sibh ag aideachadh, agus a tha dùil agam a dh'aidicheas sibh gus a' chrìoch;

14 Amhuil mar a dh'aidich sibh 'an cuid, gur sinne bhur gairdeachas, mar *is* sibhse mar an ceudna ar *gairdeachas-ne* ann an là an Tighearna Iosa.

15 Agus anns a' mhuinghin so b'àill leam-sa teachd do 'ur n-ionnsuidh air tùs, ionnus gu'm faigheadh sibhse ath-ghràs.

16 Agus gabhail uaibhse gu Macedonia, agus teachd o Mhacedonia a rìs do 'ur n-ionnsuidh-se, agus a bhi air mo thoirt air m'aghaidh leibhse 's an t-slighe gu Iudea.

17 Uime sin an uair a chuir mi so romham, an do ghnàthaich mi eutruimeachd? no an ann a réir na feòla tha mi 'cur romham, na nithean a tha mi a' cur romham, ionnus gu'm bitheadh agam seadh, seadh, agus cha-n eadh, cha-n eadh?

18 Ach *mar tha* Dia fìrinneach, cha b'e ar còmhraidh ribhse seadh, agus cha-n eadh?

19 Oir Mac Dhé Iosa Crìosd, a shearmonaicheadh 'n 'ur measg-se leinne, *cadhon* leam-sa, agus le Silvanus, agus le Timoteus, cha robh e 'n a sheadh agus 'n a cha-n eadh, ach ann-san bha seadh.

20 Oir geallaidhean Dhé uile, ann-san *is*

seadh iad, agus ann-san *is* Amen iad, chum glòire Dhé do ar taobh-ne.

21 A nis an ti a dhaingnicheas sinne maille ribhse ann an Crìosd, agus a dh'ung sinn, *is e* Dia:

22 Neach mar an ceudna a chuir seula oirrne, agus a thug dhuinn geall-daingnich an Spioraid ann ar cridheachaibh.

23 Ach tha mi a' gairm Dhé mar fhianuis air m'annam, gur ann chum sibhse a ehaomhnadh nach d'thàinig mi fathast gu Corintus.

24 Cha-n e gu bheil againne tighearnas air bhur creidimh-se, ach is luchd-cuid-eachaidh sinn do 'ur n-aobhneas: oir is ann tre chreidimh a sheasas sibh.

### CAIB. II.

1 *Air do Phòl an reuson a chur 'an cèill air son nach d'thàinig e dh' ionnsuidh nan Corintianach, 6 dh'iarr e orra maitheanas agus comhfhurtachd a thoirt do'n duine a dhruideadh a mach leo us an eaglais, 10 eadhon mar a thug e fèin mar an ceudna maitheanas da, air son 'fhlòir aithreachais. 12 Chuir e 'an cèill d'ar son a chaidh e o Throas gu Macedonia, 14 agus mar a shoibhlich Dia gu pàit leis.*

**A**CH chuir mi so romham annam féin, gun teachd a ris fo dhoilgheas do 'ur n-ionnsuidh.

2 Oir ma ni mise doilich sibhse, cò e ma ta 'ni subhach mise, ach an ti air an do chuireadh doilgheas leam?

3 Agus sgrìobh mi an ni so féin do 'ur n-ionnsuidh, chum air dhomh teachd, nach cuirteadh doilgheas orm leis a' mhuinntir sin o'm bu chòir dhomh aoibhneas fhaotainn, air dhomh 'bhi muinghinneach asaibh uile, gur e m'aoibhneas bhur *n-aoibhneas* uile.

4 Oir á trioblaid mhòir agus cràdh eridhe, sgrìobh mi do 'ur n-ionnsuidh le iomadl deur; cha-n ann chum gu'm bitheadh doilgheas oirbh, ach chum gu'm bitheadh fios agaibh air a' ghràdh a tha agam gu ro-phàit dhuibh.

5 Ach ma thug neach sam bith aobhai doilgheis, cha do chuir e doilgheas ormsa, ach 'an cuid: chum nach euirinn ro-uallach oirbh uile.

6 *Is* leoir d'a leithid sin a dhuine am peanas so, a *leagadh* air le mòran.

7 Ionnus air an làimh eile, gur mò *is* còir dhuibh maitheanas agus comhfhurtachd a thoirt *da*, air eagal gu'm bitheadh a leithid so a dhuine ar a shlugadh suas le anabarra doilgheis.

8 Uime sin guidheam oirbh, gu'n daing-nicheadh sibh *bhur* gràdh dha.

9 Oir is ann chum na crìche so a sgrìobh mi do 'ur n-ionnsuidh, chum gu'm bitheadh fios bhur dearbhadh agam, am bheil sibh ùmhál anns na h-uile nithibh.

10 Ge b'e neach d'an toir sibh maitheanas ann an ni sam bith, bheir mise mar an ceudna: oir ma thug mise maitheanas ann an ni sam bith, cia b'e d'an d'tlug mi an

## 2 CORINTIANACH, III, IV.

maitheanas, is ann air bhuir son-se a *thug mie*, 'am fianuis Chrìosd ;

11 Air eagal gu'm fhaicheadh Satan an cothrom oirm le 'chuilbheartachd: oir cha-n'eil sinn aineolach air 'innleachdaibh.

12 Os bàrr, 'n uair a thàinig mi gu Troas chum soisgeul Chrìosd a *shearmonachadh*, agus a dh'fhosglaidh doras dhomh leis an Tighearn,

13 Cha robh fois agam ann am spiorad, do bhrìgh nach d'fhuair mi Titus mo bhràthair: ach air gabhail mo chead diubh, dh'imich mi o sin do Mhacedonia.

14 A nis buidheachas do Dhia, a tha gnàth a' toirt oirne buadhachadh ann an Chrìosd, agus a tha 'foillsachadh *deadh* fhaile 'còlais féin leinne anns gach àit.

15 Oir tha sinne do Dhia 'n ar faile cùbhairidh Chrìosd, anns an dream a thearnar, agus anns an dream a sgrìosar:

16 Do'n aon dream *tha sinn* 'n ar boltrach bàis chum bàis; agus do'n dream eile, 'n ar boltrach beatha chum beatha: agus cò *a tha* foghainteach chum nan nithean so?

17 Oir cha-n'eil sinne mar mhòran, a thruaillas focal Dhé: ach mar o thrèibh-dhìreas, ach mar o Dhia, tha sinn a' labhairt 'am fianuis Dhé ann an Chrìosd.

### CAIB. III.

1 *Air eagal gu'n cuireadh luchd-teagaisg brèige as a leth gu'n robh e 'deanamh uair le dìomhain, nochd Pòl gu'n robh gràsan nan Corintianach 'n an aobhar molaidd d' a mhinistireilachd.* 6 *Air so chomh-shùn e ministirean an lagha, agus an t-soisgeil r'a chèile, 12 agus dhearbha e gu'n robh a mhinistireilachd-san ro òirdheir.*

**A**N tòisich sinn a rìs air sinn féin a mholadh? no am bheil feum againn, mar aig dream àraidh, air litricheibh molaidd do 'ur u-ionnsuidh-se, no air *litricheibh* molaidd uaidh?

2 Is sibhse ar litir-ne a tha sgrìobhta 'n ar cridheachaibh, air a aithmeachadh agus air a leughadh leis na h-uile dhaoineibh:

3 *Air dha 'bhi* follaiseach gur sibh litir Chrìosd, a fhrithealadh leinne, a tha air a sgrìobhadh cha-n ann le dubh, ach le Spiorad an Dé bheò; cha-n ann air clàraibh cloiche, ach air clàraibh feòmhòr a' chridhe.

4 Agus tha a leithid so de dhòchas againne tre Chrìosd a thaobh Dhe:

5 Cha-n e gu bheil sinn foghainteach uainn féin chum nì sam bith a sruaieachadh mar uainn féin: ach is ann o Dhia *a tha* ar foghainteachd ;

6 A rinn sinne mar an ceudna 'n ar ministereibh foghainteach an tionnaidh nuaidh; cha-n ann de'n litir, ach de'n Spiorad: oir marbhaidh an litir, ach bheir an Spiorad beatha.

7 Ach ma bha ministireilachd a' bhàis, ann an sgrìobhadh air a ghearradh air clachaidh, glòrmhor, ionnus nach b'urrainn

clann Israeil amharc gu geur air gnùis Mhaois, air son glòire a ghnùise, a chuireadh air cùl;

8 Cionnus nach mò na sin a bhithcas ministreilachd an Spioraid glòrmhor?

9 Oir ma *bha* ministreilachd an dèidh glòrmhor, is ro mhò na sin a bheir ministreilachd na fireantachd barrachd ann an glòir.

10 Oir eadhon an nì a rinneadh glòrmhor, cha robh glòir sam bith aige 's a' chàs so, thaobh na glòire a tha 'toirt barrachd.

11 Oir ma *bha* an nì a chuireadh air cùl glòrmhor, is ro mhò na sin *a tha* an nì a bhuanachas glòrmhor.

12 Uime sin a chionn gu bheil againn a shamhuil so de dhòchas, tha sinn a' cleachdadh mòr-dhànachd cainnte.

13 Agus cha-n'eil *sinn* mar Mhaois, *a* chuir folach air 'aghaidh, chum nach amhairceadh clann Israeil gu geur gu crìch an nì a chuireadh air cùl.

14 Ach dhalladh an inntinn: oir gus an là'n diugh ann an leughadh an t-seantionnaidh, tha'm folach ceudna a' fantuinn gun atharrachadh, nì a chuireadh air cùl ann an Chrìosd.

15 Ach eadhon gus an là 'n diugh 'n uair a leugar Maois, tha am folach air an cridhe.

16 Gidheadh 'n uair a philleas e chum an Tighearna, togar am folach dheth.

17 A nis is e an Tighearn an Spiorad sin: agus far am bheil Spiorad an Tighearna, tha saorsa an sin.

18 Ach air bhi dhuinne uile le aghaidh gun fholach, ag amharc mar ann an sgàthan air glòir an Tighearna, tha sinn air ar n-atharrachadh chum na h-ìomhaigh ceudna, o ghlòir gu glòir, mar le Spiorad an Tighearna.

### CAIB. IV.

1 *Chuir Pòl 'an cèill gu'n do shearmonaich e an soisgeul le dìchioll agus ann an thrèibh-dhìreas; 6 agus cionnus a dh'òibrich na triolaidean agus an geur-leanmhuinn a dh'fhuiling e air a shon, chum civù cumhachd Dhé, 12 chum maith na h-eaglais, 16 agus chum glòir shiorruidh nan abstol féin.*

**U**IME sin, air do'n mhinistireilachd so 'bhi againn, a réir mar a fhuair sinn trècàir, cha-n'eil sinn a' fannachadh :

2 Ach chuir sinn cùl ri nithibh folaichte na nàire, gun sinn bhi a' siubhal ann an ceilg, no a' truailleadh focail Dhé, ach le foillseachadh na firinn, 'g ar moladh féin do choguis nan uile dhaoine ann an sealladh Dhé.

3 Ach ma tha ar soisgeul-ne folaichte, is ann dhoibh-san a tha cailte tha e folaichte :

4 Auns an do dhall dia an t-saoghail so inntinn na dream nach 'eil 'n an cridhmhoir, air eagal gu'n dealraicheadh orra solus soisgeil ghlòrmhoir Chrìosd, neach a's e ìomhaigh Dhé.

5 Oir cha-n'eil sinne 'g ar scarmonachadh féin, ach Iosa Chrìosd an Tighearn; agus sinn féin 'n ar seirbhisich dhuibhse air son Iosa.



## 2 CORINTIANACH, V.

6 Oir *is e* Dia a thubhairt ris an t-solus soilleseachadh á dorchadas, a dheanraich ann ar cridheachaibh-ne, a *thoir* soluis eòlais glòire Dhé, ann an gnùis Iosa Crìosd.

7 Ach tha an t-ionnhas so againn ann an soithichibh creadha, chum gu'm bi òirdheireas a' chumhachd o Dhia, agus cha-n ann uainne.

8 *Tha sinn* fo thrioblaid air gach taobh, gidheadh cha-n'eil sinn ann an teanntachd; *tha sinn* ann an ioma-chomhairle, gidheadh gun sinn ann an eu-dòchas;

9 Air ar geur-leannhuinn, gidheadh gun *sinn* air ar tréigsinn; air ar tilgeadh sìos, gidheadh gun *sinn* air ar sgrìos;

10 A' giùlan a ghnàth bàsachaidh an Tighearna Iosa mu'n cuairt, anns a' chorp, chum gu'm bitheadh beatha Iosa mar an ceudna air a deanamh follaiseach ann ar corp-ne.

11 Oir tha sinne a tha beò, a ghnàth air ar toirt chum bàis air son Iosa, chum gu'm bitheadh mar an ceudna beatha Iosa air a deanamh follaiseach 'ar fcoil bhàsmhoir-ne.

12 Uime sin tha bàs ag oibreachadh ann-ainne, ach beatha annaibh-se.

13 Air dhuinn an spiorad creidimh sin féin a bhi againn, a réir mar tha e sgrìobhta, Chreid mi, agus uime sin labhair mi: tha sinne a' creidsinn mar an ceudna, agus uime sin tha sinn a' labhairt;

14 Air dhuinn fios a bhi againn, an ti a thog suas an Tighearn Iosa, gu'n tog e sinne suas mar an ceudna tre Iosa, agus gu'u cuir e 'n a làthair *sinn* maille ribhse.

15 Oir tha na h-uile *nithen* air bhur son-se, chum gu'm bitheadh an gràs a tha saoiibhir, tre bhuidheachas mhòran, ro phàilt chum glòire Dhé.

16 Uime sin cha-n'eil sinn a' fannachadh, ach ged thruailliar ar duine o'n leth muigh, gidheadh tha an duine o'n leth stigh air athnuadhachadh o là gu là.

17 Oir tha an h-àmghar eutrom, nach 'eil ach ré sealain, ag oibreachadh dhuinne trom-chudthrom glòire a *tha* ni's ro anabarraich' agus sìormhaireannach;

18 Air dhuinn a bhi ag amharc cha-n ann air na nithibh a tha r'am faicinn, ach air na nithibh nach 'eil r'am faicinn: oir tha na nithean a chithear, aimsireil; ach tha na nithean nach faicear, sìorruidh.

### CAIB. V.

1 *Chuir Pòl 'an ceill gu'n robh e 'an dòchas glòire sìorruidh, agus le sùil ri the, agus ris a' bhreth dheireannaich, a' deanamh dìchill air deadh choguis a chomhlead;* 12 *cha-n ann chum gu'n deanadh e dòs, as féin a thaobh so,* 14 *ach mar neach a fhuair beatha o Chriosd, tha e dìchollach chum a bheatha a chaitheadh do Chriosd a mhàin,* 16 *agus chum muinntir eile a dheanamh rèidh ri Dia tre Chriosd mar an ceudna.*

OIR tha fios againn, nan sgaoilteadh o chéile ar tigh talmhaidh a' phàilliuin

so, gu bheil againn aitreabh o Dhia, tigh nach do thogadh le làmhan, sìorruidh anns na nèamhan.

2 Oir tha sinn ri osnaich an so, a' miannachadh 'bhi air ar u-éideadh le ar tigh o nèamh:

3 O air dhuinn bhi air ar n-éideadh, nach faighear lomnochd sinn.

4 Oir tha sinne a tha anns a' phàilliuin so ri osnaich, air dhuinn a bhi fo uallaich: cha-n e air son gu'm bu mhiann leinn bhi air ar rùsgadh, ach air ar n-eudachadh, chum gu'm bi bàsmhorachd air a slugadh suas le beatha.

5 A nis an ti a dh'oibrich sinne chum so féin, *is e* Dia e, a thug dhuinne mar an ceudna geall-daingnich an Spioraid.

6 Uime sin *tha sinn* a ghnàth deadh-mhisneachail, air dhuinn fios a bhi againn am feadh a tha sinn aig an tigh 's a' choluinn, gu bheil sinn air choigrich o'n Tighearn:

7 (Oir tha sinn a' gluasad a réir creidimh, agus cha-n ann a réir seallaidh.)

8 Tha deadh mhisneach againn, agus bu ròghnuiche leinn gu mòr a bhi air choigrich as a' choluinn, agus a bhi làthair maille ris an Tighearn.

9 Uime sin tha sinn a' deanamh ar dìchill, chum cò aca bhitheas sinn a làthair no air choigrich, gu'm bi sinn taitneach dhàsan.

10 Oir is éigin duinn uile 'bhi air ar nochdadh an làthair caithir-breitheanais Chriosd; chum gu faigh gach neach na nithean *a rinn e* 's a' choluinn, a réir an ni a rinn e, ma's maith no olc e.

11 Uime sin air dhuinn fios a bhi againn air uamhas an Tighearna, tha sinn a' cur impidh air daoineibh; ach tha sinn follaiseach do Dhia, agus tha dòchas agam mar an ceudna gu bheil sinn air ar deanamh follaiseach ann bhur coguisibh-se.

12 Oir cha-n'eil sinn 'g ar moladh féin a ris dhuibhse, ach tha sinn a' toirt fàth uail dhuibh do ar taobh, chum gu'm bi *freagradh* agaibh dhoibh-san a tha 'deanamh uail ann an gnùis, agus cha-n ann 'an cridhe.

13 Oir ma tha sinn a dh'easbhuidh céille, *is ann do* Dhia: agus ma tha ar ciall againn, *is ann* duibh-se.

14 Oir tha gràdh Chriosd 'g ar co-éig-neachadh, air dhuinn breithneachadh mar so, ma fhuair a h-aon bàs air son nan uile, gu'n robh na h-uile marbh.

15 Agus gu'n d'fhuair e bàs air son nan uile, chum iadsan a tha beò, nach bitheadh iad á so suas beò dhoibh féin, ach dhàsan a dh'fhuiling am bàs air an son, agus a dh'éirich a ris.

16 Uime sin, cha-n aithne dhuinne á so suas aon duine a réir na feòla: scadh, ged

## 2 CORINTIANACH, VI, VII.

b'aithne dhuinn Criosd a réir na feòla, gidheadh a nis cha-n aithne dhuinn e ni's mò.

17 Uime sin ma tha neach sam bith ann an Criosd, is creutair nuadh e: chaidh na seann nithean seachad, feuch, rinneadh na h-uile nithean nuadh.

18 Agus is ann o Dhia tha na h-uile nithean, neach a rinn sinne réidh ris féin tre Iosa Criosd, agus a thug dhuinn miustreileachd na réite;

19 Eadhon, gu'n robh Dia ann an Criosd, a' deanamh an t-saoghail réidh ris féin, gun a bhi a' meas an cionta dhoibh; agus dh'earb e ruine focal na réite.

20 Uime sin is teachdairean sinn air son Chriosd, mar gu'u cuireadh Dia impidh leinne: tha sinne a' guidhe oirbh as uchd Chriosd, bithibh réidh ri Dia.

21 Oir rinn e esau do nach b'aithne peacadh, 'n a iobairt-phcacadh air ar son-ne; chum gu'm bitheamaid air ar deanamh 'n ar fireantachd Dhé annsan.

### CAIB. VI.

1 *Gu'n do dhearbhaigh Pòl e féin 'n a mhinisteir firinneach do Chriosd, a'raon le earailibh, 3 agus le ionracas a bheatha, 4 agus leis gach gnè trioblaid agus maslaidh fhulang gu foighidneach air son an t-soigheil: 10 umpa so labhair e gu dàna riu, a' chionn gu'n robh a chridhe fosgailte dhoibh; 13 agus gu'n robh dàil aige ris an aigne cheudna uatha, &c.*

**U**IME sin tha sinn mar chomh-oibrich-ean leis-san, a' guidhe oirbh, gun sibh a ghabhail gràis Dhé 'an dhomhain.

2 (Oir tha e ag ràdh, Ann an àm taitneach dh'éisd mi riut, agus ann an là slàinte rinn mi còmhnaidh leat: feuch, a nis an t-àm taitneach; feuch, a nis là na slàinte.)

3 Gun a bhi 'toirt aobhair oibheim air bith ann an aon ni, chum nach faigheadh a' mhinistireileachd mi-chliu:

4 Ach anns gach ni 'g ar dearbhadh féin mar mhinisteiribh Dhé, ann am mòr-fhoighidin, ann an àmhgharaibh, ann an uircasbhuidh, ann an teanntachdaibh,

5 Ann am buillibh, ann am prìosanaibh, ann an luasgadh o àit gu h-àit, ann an saothair, ann am faire, ann an trasgaibh,

6 Ann am fìor-ghloine, ann an eòlas, ann am fad-fhulangas, ann an caoimhneas, anns an spiorad naomh, ann an gràdh gun cheilg,

7 Ann am focal na firinn, ann an cumhachd Dhé, le airm na fireantachd air an làmh dheis agus chli,

8 Tre urram agus eas-urram, tre mhi-chliu agus dheadh-chliu: mar mhealltairibh, gidheadh firinneach;

9 Mar dhream nach aithnichear, gidheadh air ann bheil deadh aithne; mar dhream a tha 'faghail a' bhàis, gidheadh feuch, tha sinn beò; mar dhream a smachdaichear, agus gun am marbhadh;

10 Mar dhream a tha brònach, gidheadh a

ghnàth a' deanamh gairdeachais; mar dhaoine bochda, gidheadh a tha 'deanamh mòrain saobhair; mar dhaoine aig nach 'eil ni sam bith, gidheadh a' sealbhachadh nan uile nithean.

11 Tha ar beul-ne fosgailte dhuibhse, O a Chorintianacha, tha ar cridhe air a dheanamh farsuinn.

12 Cha-n'eil sibh ann an cumhannachd aunnainne, ach tha sibh ann an cumhannachd ann bhuir n-innibh féin.

13 A nis mar ath-dhioladh 's an ni sin féin, (tha mi a' labhairt nar ri m' chloinn,) bithibh-se farsuinn mar au ceudna.

14 Na cuing-cheanglar gu neo-chothromach sibh maille ri mi-chreidmhich: oir ciod e caidreamh na fireantachd ri neo-fhìreantachd? agus ciod e comunn an t-soluis ris an dorchadas?

15 Agus ciod au réite a tha eadar Criosd agus Belial? no ciod i cuid a' chreidmhich, maille ri ana-creidmheach?

16 Agus ciod a' cho-réite a tha aig teampull Dhé ri h-iodholaibh? oir is sibhse teampull an Dé bheò; a réir mar a thubhairt Dia, Gabhaidh mise còmhnuidh anna, agus gluaisidh mi 'n am measg; agus bithidh mise a'm' Dhia acasan, agus bithidh iadsan 'n an sluagh agam-sa.

17 Uime sin thigibh a mach as am meadhon, agus dealaichibh riu, tha an Tighearn ag ràdh, agus na beanaibh ris an ni neòghlan; agus gabhaidh mise a m' ionnsuidh sibh,

18 Agus bithidh mi a'm' Athair dhuibh, agus bithidh sibhse 'n 'ur mic agus 'n 'ur nigheanaibh dhomh-sa, tha an Tighearn uile-chumhachdach ag ràdh.

### CAIB. VII.

1 *Dh'earailich Pòl na Corintianach chum gloine beatha, 2 agus chum an intinn a bhi aca dhàsan a tha aige dhoibh: 3 air eagal gu'n saoilteadh gu'n robh e 'cur so 'an amharus, chuir e 'an cèill doibh meud na chomhfhurtachd a fhuair e 'n a thrioblaidibh, o'n sgeul a thug Titus dha air an bròn diadhaidh, 13 agus air an caoimhneas agus an àmhachd do Thitus.*

**U**IME sin, a mhuinntir mo ghràidh, air dhuinn na geallaidhean so 'bhi againn, glanamaid sinn féin o gach uile shalachar feòla agus spioraid, a' còimhlionadh naomhachd ann an eagal Dhé.

2 Gabhaibh ruinne: cha d'rinn sinn eucoir air aon duine, cha do thruaill sinn aon duine, cha do mheall sinn aon duine.

3 Cha-n anu chum bhuir dìtidh tha mi a' labhairt so: oir thubhairt mi roimh, gu bheil sibh ann ar cridheachaibh-ne chum bàsachadh maille ribh, agus a bhi beò maille ribh.

4 Is mòr mo dhànachd cainnte do 'ur taobh-se, is mòr m'uail as bhuir leth: lionadh le comhfhurtachd mi, tha mi thar



tonhas aoibhneach ann ar n-uile àmhghar-ne.

5 Oir an uair a thàinig sinn gu Macedonia, cha d'fhuair ar feòil fois sam bith, ach bha sinn fo àmhghar air gach taobh; an leth am muigh *bha* còmhraig, an leth a stigh *bha* eagal:

6 Ach Dia a bheir comhfhurtachd dhoibh-san a tha air an leagadh sìos, thug e comhfhurtachd dhuinne le teachd Thituis:

7 Agus cha-n e le a theachd-san a mhàin, ach mar an ceudna leis a' chomhfhurtachd a fhuair esan uaibhse, 'n uair a chuir e 'an céill duinn bhur dian-thogradh, bhur caoidh, bhur teas-ghradh dhomh-sa; air chor as gur mòid a rinn mi gairdeachas.

8 Oir ge do chuir mi doilgheas oirbh leis an litir, cha-n'eil aithreachas orm, ged 'bha aithreachas orm: oir tha mi 'faicinn gu'n do chuir an litir sin doilgheas oirbh, ged nach d' rinn i so ach ré tamuill.

9 A nis tha gairdeachas orm, cha-n ann air son sibh a bhi doilich, ach gu robh sibh doilich chum aithreachais: oir bha doilgheas oirbh air mhodh diadhaidh, chum nach tigeadh call oirbh ann an aon ni do ar taobh-ne.

10 Oir oibrichidh am bròn diadhaidh aithreachas chum slàinte de nach gabhar aithreachas: ach oibrichidh doilgheas an t-saoghail bàs.

11 Oir feuch, an ni so féin doilgheas diadhaidh a bhi oirbh, ciod e meud an dùrachd a dh'oibrich e annaibh, seadh, *ciod* an glanadh oirbh féin, seadh, *ciod* an ro-dhiom, seadh, *ciod* an t-eagal, seadh, *ciod* an dian-thogradh, seadh, *ciod* an t-eud, seadh, *ciod* an togradh dioghaltais? anns gach ni dhearbhadh sibh sibh féin a bhi glan 's a' chùis so.

12 Uime sin ge do sgrìobh mi do 'ur n-ionnsuidh, cha b'ann air a shon-san a rinn an cucoir, no air a shon-san air an d'riun-eadh an cucoir, ach a chum gu foillsichteadh dhuibh ar cùram-ne mu'r timchioll-se 'am fianuis Dhé.

13 Uime sin fhuair sinn comhfhurtachd air son bhur comhfhurtachd-se: seadh, bu ro mhò a rinn sinn gairdeachas, air son gairdeachais Thituis, do bhrìgh gu'n d'fhuair a spiorad suaimhneas uaibhse uile.

14 Oir ma rinn mi bòsd sam bith ris-san asaibhse, cha-n'eil nàire orm; ach mar a labhair sinn na h-uile nithean ann am firinn ribhse, is amhuil sin a fhuaradh firinneach ar bòsd asaibhse ri Titus.

15 Agus tha dùrachd a chridhe-san ni's pailte do 'ur taobh-se, air dha 'bhi a' cuimhneachadh bhur n-àmhachd uile, mar a ghabh sibh ris le h-eagal agus ball-chrith.

16 Uime sin tha gairdeachas orm gu bheil dèanachd agam asaibh anns gach ni.

CAIB. VIII.

1 Bhrosnuich Pòl na Corintianaich gu tionol seirceil a dheanamh air son nan naomh bochda ann an Ierusalem, le eisempleir nam Macedonach, 7 le moladh an dian-thograidh a bha aca féin roimh, 9 le eisempleir Chriosd, 14 agus leis an tairbhe spioradail a thigeadh dhoibh féin o'n tabhartas sin. 16 Mhol e dhoibh deadh-thoil Thituis, agus nam bràithrean eile.

**A** NIS, a bhràithre, tha sinn a' toirt fios dhuibh air gràs Dhé, a thugadh do eaglaisibh Mhacedonia:

2 Eadhon gu'n robh, ann am mòr-dhearbhadh àmhghair, pailteas an aoibhneis, agus doimhne am bochdainn, ro phailt chum saobhbreis am fialuidheachd.

3 Oir (tha mi 'toirt fianuis,) *gu'n robh* iad uatha féin toileach a réir an comais, seadh, thar an comas:

4 A' guidhe oirne gu dùrachdach, gu'n gabhamaid an tiodhlac, agus comh-roinn an fhrithealaidh do na naoimh.

5 Agus cha-n ann mar a shaoil sinne, ach thug siad iad féin air tùs do'n Tighearn, agus 'n a dhèigh sin dhuinne a réir toil Dhé:

6 Air chor as gu'n do chuir sinn impidh air Titus, a réir mar a thòisich e roimh, mar sin gu'n crìochnaicheadh e annaibh-se an gràs sin féin mar an ceudna.

7 Uime sin mar tha sibh pailt anns gach uile ni, ann an creidimh, ann an ùr-labhradh, agus ann an eòlas, agus ann an uile dhìchìoll, agus ann bhur gràdh dhuinne, bithibh pailt anns a' ghràs so mar an ceudna.

8 Cha-n'eil mi a' labhairt so mar àithne, ach a thaobh dùrachd dhaoine eile, agus a dhearbhadh trèibhdhìreais bhur gràdh-se.

9 Oir is àithne dhuibh gràs ar Tighearna Iosa Criosd, ged bha e saoi bhir, gidheadh gu'n d'rinneadh bochd e air bhur son-se, chum gu'm bitheadh sibhse saoi bhir tre a bhochdainn-san.

10 Agus anns an ni so tha mi 'toirt mo chomhairle: oir tha so tarbhach dhuibhse, a thòisich roimh, cha-n e mhàin air deanamh, ach air a bhi togarrach o cheann bliadhna.

11 A nis air an aobhar sin coimhlionaibh an gnìomh; ionnus mar a *bha sibh* ullamh chum na toile, mar sin *gu'm bi sibh* ullamh chum coimhlionaidh as na bheil agaibh.

12 Oir ma bhitheas air tùs intinn thoileach ann gabhar ris a réir mar a tha aig neach, agus cha-n ann a réir nan nithean nach 'eil aige.

13 Cha-n ann chum gu'm bitheadh socair aig daoine eile, agus àmhghar agaibh-se.

14 Ach a thaobh co-cheartais, chum 's an àm so nis *gu'm bi* bhur pailteas-se 'n a *choimhleasachadh* air an uircasbhuidh-san, agus mar an ceudna chum gu'm bi am pailteas-san 'n a *choimhleasachadh* air bhur

## 2 CORINTIANACH, IX, X.

n-uireasbhuidh-se, air chor as gu'm bi co-cheartas eadaraibh ;

14 A réir mar a tha e sgrìobhta, An ti a thionail mòran, cha robh anabarr aige ; agus an ti a thionail beagan, cha robh easbhuidh air.

16 Ach buidheachas do Dhia, a chuir an cùram dùrachdach sin féin do 'ur taobh-se ann an cridhe Thituis.

17 Oir gu deimhin ghabh e ris an impidh ; ach air dha 'bhi ni bu togarraiche, chaidh e d'a thoil féin do 'ur n-ionnsuidh.

18 Agus chuir siune maille ris ann bràthair, aig am bheil a chliu 's an t-soisgeul, feadh nan eaglaisean uile :

19 (Agus cha-n e so a mhàin, ach thaghadh e leis na h-eaglaisibh nuar an ceudna mar chompanach turuis dhuinne, leis au thòdhlac so a fhrithealadh leinne chum glòire an Tighearna sin féin, agus chum foillseachaidh bhuir n-intinn ullamh-se.)

20 A' seachnadh so, nach tugadh neach air bith mi-chliu dhuinne thaobh a' phailteis so a fhrithealadh leinne :

21 Air dhuinn a bhi ag ulluchadh nithean ciatach, cha-u e mhàin 'am fianuis au Tighearn', ach mar an ceudna 'am fianuis dhaoine.

22 Agus chuir sinu maille riu ar bràthair, a dhearbh sinn gu minic dùrachdach 'am mòran uithean, ach a nis ni's ro dhùrachdaiche, a thaobh an ro-earbsa 'tha aige asaibhse.

23 Ma dh'fhiosraichear ni sam bith mu Thitus, is e mo chompanach-sa e, agus mo chomh-oibriche do 'ur taobh-sa : no mu thimchìoll nam bràithrean, is iad teachdair-ean nan eaglaiseau, agus glòir Chrìosd.

24 Uinne sin nochdaibh dhoibh-san, agus 'am fianuis nan eaglaisean, dearbhadh bhuir gràidh-se, agus ar u-uailh-ne do 'ur taobh.

### CAIB. IX.

1 Dh'innis Pòl an reuson air son, ged a b'athne dha mòr-thogradh nan Corintianach, an do chuir e Titus agus na bràithrean roimh-làimh d'an ionnsuidh g'am brosmuchadh gu déire a thoirt gu pailt, do bhrìgh gur gnè shìol-chuir iad. 10 a bheir bàrr pailt dhoibh féin, 13 agus aobhar iobairt mòr-nholaidh do Dhia.

OIR a thaobh frithealaidh do ua naoimh, is neo-fheumail dhomh-sa sgrìobhadh do 'ur n-ionnsuidh.

2 Oir is aithne dhomh togarrachd bhuir n-intinn, as leth am bheil mi 'deanaumh uailh asaibhse ris na Macedonaich, ag ràdh, Gu robh Achaia ullamh o cheann bliadhna ; agus bhrosnuich bhuir n-eud-se ro-nhòrau.

3 Gidheadh chuir mi na bràithrean do 'ur n-ionnsuidh, air eagal gu'm bitheadh ar n-uailh-ne as aibh dìomhain 's a' chùis so ; chum, mar a thubhairt mi, gu'm bitheadh sibh ullamh :

4 Air eagal ma thig na Macedonaich maille rium, agus gu'm faigh iad sibhse neo-

ullamh, gu'm bi nàire oirne, (gun a ràdh oirbhe,) á dānadas na h-uailh so.

5 Uime sin bhreithnich mi gu'm b'fheumail iompaidh a chur air na bràithribh, iad a dhol air tus do 'ur n-ionnsuidh-se, agus bhuir tabhartas, air an do labhradh ribh roimh, a dheanamh deas, chum gu'm bitheadh sin ullamh, mar thiodhlac, agus cha-n ann mar ni a dh'aindeoin.

6 Ach so tha mi ag ràdh, An ti a chuireas gu gann, buainidh e gu gann nuar an ceudna ; agus au ti a chuireas gu pailt, buainidh e gu pailt mar an ceudna.

7 Thugadh gach duine seachad a réir rùin a chridhe ; na b'ann 'an doilheas, no le h-éigin : oir is toigh le Dia an neach a bheir seachad gu suilbhir.

8 Agus is comasach Dia air gach gràs a dheanamh ro phailt dhuibhse, chum air dhuibh anns gach uile ni làn leoir a bhi agaibh a ghuàth, gu'm bitheadh sibh pailt chum gach deadh oibre.

9 (A réir mar tha e sgrìobhta, Sgaoil e a chuid ; thug e do na bochdaibh : mairidh fhìreantachd a chaidh.)

10 A uis an ti a bheir sìol do'n fhear-chuir, agus arau chum bidh, gu'n tugadh e agus gu meudaicheadh e bhuir eurachd-se, agus gu'n tugadh e do thoradh bhuir fireantachd fàs.)

11 Air dhuibh a bhi air bhuir deanamh saobhir anns gach uile ni chum gach uile thabhartais, ni a dh'oibricheas leinne breith-buidheachais do Dhia.

12 Oir tha frithealadh na seirbhis so, cha-n e mhàin a' leasachadh uireasbhuidh nan naomh, ach tha e mar an ceudna pailt tre mhòran breith-buidheachais do Dhia ;

13 (Air dhoibh a bhi tre dhearbhadh an fhrithealaidh so a' toirt glòire do Dhia air son bhuir n-ùmhachd do shoisgeul Chrìosd a réir bhuir n-aidsmheil, agus air son bhuir tabhartais fhialuidh dhoibh-san, agus do ua h-uile dhaoineibh :

14 Agus tre an urnuigh air bhuir son-se, aig am bheil mòr-dhéidh oirbh air son gràis Dhé a tha ro phailt annaibh.

15 Buidheachas do Dhia air sou a thiodh-laic do-labhairt.

### CAIB. X.

1 An aghaidh nan abstol brèige, a bha 'deanamh tàir air annuimeachd a phearsa agus air a làthaireachd chorrora, chuir Pòl 'an cèill an neart agus an t-agharras spioradail sin leis an d'armaicheadh e an aghaidh cumhachdan a naimhdean uile ; 7 thug e cinnte dhoibh, air dha teachd, gu'm faigheadh iad e co chumhachdach ann am focal agus a tha e nis ann an sgrìobhadh, 'n uair tha e as an làthair, &c.

ANIS tha mise féin Pòl a' guidhe oirbh, tre mhacantas agus sheincheachd Chrìosd, neach air dhomh a bhi làthair a tha òsal 'n 'ur measg, ach air dhomh a bhi uailh a tha dàna oirbh :



2 Ach tha mi ag iarraidh oirbh a dh'ath-chuinge, gun sibh a thoirt orm, an uair a bhitheas mi làthair, a bhi dانا, leis a' mhuinghin leis an saoilair mi 'bhi dانا an aghaidh dream àraidh a tha 'toirt meas oirne, mar gu'm bitheamaid ag imeachd a réir na feòla.

3 Oir ged tha sinn ag imeachd anns an fheòil, cha-n ann a réir na feòla tha sinu a' cogadh:

4 (Oir ar n-airm-chogaidh cha-n'eil iad feòlmhor, ach cumhachdach o Dhia chum daingnichean a leagadh:)

5 A' tilgeadh sìos reusonachaidh, agus gach ni àrd a dh'ardaicheas e féin an aghaidh còlais Dhé, agus a' toirt 'am bairighdeanas gach smuain chum ùmhlachd Chrìosd:

6 Agus dioghaltas ullamh againn r'a dheanamh air gach uile eas-ùmhlachd, 'n uair a choimhlionar bhur n-ùmhlachd-se.

7 An amhaire sibh air nithibh a réir an coslais? ma tha dòchas aig aon neach as féin, gur le Crìosd e, smuainicheadh e so a rìs uath féin, mar is le Crìosd esan, gur le Crìosd sinne mar an ceudna.

8 Oir ged dheanainn càileigin nì's mò dh'uail as ar cumhachd-ne, (a thug an Tighearn dhuinn chum fòghluim, agus cha-n ann chum bhur sgrios-se,) cha bhitheadh nàire orm:

9 Chum nach measar mi mar gu'm bithinn a' cur eagal oirbh le litricibh.

10 Oir tha a litrichean, (tha iadsan ag ràdh,) cudthromach agus làidir, ach tha a làthaireachd chorporra annhunn, agus a chainnt tàireil.

11 Smuainicheadh a leithid sin *de dhuine* so, mar a tha sinne ann am focal tre litricibh, agus sinn as an làthair, mar sin gu'm bi sinn anu au gnòmh air dhuinn a bhi làthair.

12 Oir cha-n'eil a dhànadas againne sinn féin a chur 'an àireamh, no a choimeas ri dream àraidh a mholas iad féin: ach air dhoibh-san a bhi 'g an tomhas féin eatorra féin, agus 'g au coimeas féin ri u féin, cha-n'eil iad glie.

13 Ach cha dean sinne uail á nithibh a tha thar ar tomhas, ach a réir tomhais na riaghailt a roinn Dia dhuinne, cadhion tombas a ruigas oirbhse.

14 Oir cha-n'eil sinne 'g ar siueadh féin thar ar tomhas, mar uach ruigcamaid sibhse; oir thàinig sinn cadhion do 'ur u-ionnsuidhse, le soisgeul Chrìosd:

15 Gun sinn a bhi 'deanamh uail á nithibh a tha thar ar tomhas, cadhion á saothairibh dhaoine eile; ach tha dòchas againn, 'n uair a mheudaichear bhur creidimh-se, gu'm faigh sinn farsuinneachd gu pailt annaibh a réir ar riaghailt-ne,

16 Chum au soisgeul a shearmonachadh anns na h-ionadaibh an taobh thall duibhse, agus cha-u ann chum uail a dheanamh

ann an riaghailt duine eile, á uithibh a tha ullamh chana.

17 Ach an ti a ni uail, deanadh e uail anns an Tighearn.

18 Oir cha-n e an ti a mholas e féin a tha ionmholta, ach an ti a mholar leis an Tighearn.

## CAIB. XI.

1 Tre ro-mheid cùraim Phòil de na Corintianach, thòisich e dh'aindeoin ri e féin a mholadh; 5 dh'innis e nach robh e a bheag goirid air na h-abstòil a bu mhò, 7 gu'n do shearmonaich e an soisgeul dhoibh gu saor, 13 agus nochd e nach robh e a bheag a dheidh-làimh air an luchd-oibre chealgach sin, thaobh aon sochair a bluinneadh do'n lagh, &c.

**B'**FHEARR leam gu'n giùlaineadh sibh beagan le m'amaideachd; agus da rìreadh giùlainibh leam.

2 Oir tha mi eudmhor umaibh le h-cud diadhaidh; oir riun mi ceangal-pòsaidh eadar sibh agus aon fhear, chum bhur cur mar ògh fhìor-ghloin an làthair Chrìosd.

3 Ach tha eagal orm, mar a mheall an nathair Eubha le a cuilbheartachd, mar sin air dòigh sam bith, gu'n truaillear bhur n-inntinnse o'n aou-fhillteachd a tha ann an Crìosd.

4 Oir nan deanadh an neach a thig, Iosa eile a shearmonachadh nach do shearmonaich sinne, no nam faigheadh sibhse spiorad eile, nach d'fhuair sibh, no soisgeul eile ris nach do ghabh sibh, dh'fheudadh sibh gu maith giùlan leis.

5 Oir is i mo bharail-sa nach robh mi a bheag goirid air na h-abstòlaibh a b'airde.

6 Ach ged tha mi uco-fhòghluimte aum an cainnt, gidheadh cha-n'eil mi mar sin anu an còlas; ach rinnadh sinn làn-fhollaiseach anns na h-uile nithibh 'n 'ur measg-se.

7 An d'riun mi cionta le uì féin isleachadh chum gu'm bitheadh sibhse air bhur u-àrdachadh, no a chionn gu'n do shearmonaich mi soisgeul Dhé a uàsgaidh dhuibh?

8 Chreach mi eaglaiscan eile, a' gabhail tuarasdail uatha, chum seirbhis a dheanamh dhuibhse.

9 Agus an uair a bha mi làthair maille ribhse agus uireasbhuidh orm, cha do leig mi mo throm air duine sam bith: oir leas-aich na bràithrean, a thàinig o Mhacedonia m'uireasbhuidh: Agus anns na h-uile uithibh choimhid mi mi féin o m' thron a leigeadh oirbhse, agus coimhididh.

10 Mar tha firinn Chrìosd annam, cha chumar an uail so uam aum au crìochaibh na h-Achaia.

11 C'ar son? An ann a chionn uach 'eil gràdh agam dhuibh? Tha fios aig Dia.

12 Ach an ni a tha mi 'deanamh, ri mi fathast e, chum gu'n toir mi air falbh cion-fàth uathas an le'm bu mhiann cion-fàth fhaotainn, chum annas au ni as am bheil iad

## 2 CORINTIANACH, XII.

a' deanamh naill, gu'm faighear iad eadhon mar sinne.

13 Oir is ann d'an leithidibh sin a tha abstolan bréige, luchd-oibre cealgach, 'g an cur féin ann an cosamhlachd abstola Chrìosd.

14 Agus cha-n iongantach sin: oir cuirear Satan féin 'an cruth aingil soillese.

15 Uime sin cha ni mòr e ged chuirear ann an cruth mhinisteirean na fireantachd a mhinisteirean mar an ceudna; aig am bi an crìoch dheireannach a réir an oibre.

16 Tha mi ag ràdh a ris, Na measadh aon neach gur amadan mi; no fòs, gabhaibh rium mar amadan féin, chum gu'n dean mi beagan uail asam féin.

17 An ni a tha mi a' labhairt, cha-n ann a réir an Tighearna a tha mi 'ga labhairt, ach mar gu'm b'ann gu h-amaideach anns an danadas naill se.

18 Do bhrìgh gu bheil mòran a' deanamh uail a réir na feòla, ni mise uail mar an ceudna.

19 Oir giùlainidh sibh gu toileach le amadanaibh, do bhrìgh gu bheil sibh *féin* glie.

20 Oir fuilgidh sibh ma bheir neach ann an daorsa sibh, ma dh'itheas neach sibh, ma bheir neach bhur cuid dhiubh, ma dh'ardaicheas neach e féin, ma bhuaileas neach air an aghaidh sibh.

21 Tha mi a' labhairt a thaobh eas-urraim, mar gu'm bitheamaid annhunn: ach, ge b'e ni anns am bheil neach air bith dانا, (tha mi a' labhairt gu h-amaideach,) tha mise dانا ann mar an ceudna.

22 An Eabhruidhich iad? *mar sin tha* mise mar an ceudna: An Israelich iad? *mar sin tha* mise mar an ceudna: An shìochd do Abraham iad? *mar sin tha* mise mar an ceudna:

23 Am ministeirean do Chrìosd iad? (tha mi a' labhairt mar dhuine mi-chéillidh,) tha mise os an ceann 's an *ni so*: ann an saoth-airibh nì's pailte, ann am buillibh nì's ro mhò, ann am prìosanaibh nì's trice, ann am bàsaibh gu minic.

24 Fhuair mi o na h-Iudhaich cùig uairean dà fhichead *buille* ach a h-aon.

25 Ghabhadh le slataibh orm trì uairean, chlachadh mi aon uair, dh'fhuiling mi long-bhriseadh trì uairean; là agus oidheche bha mi 's an doimhne:

26 Ann an turusaibh gu minic, ann an gabhadh aìmhnichean, ann an cunnartaibh fhear-reubainn, ann an cunnartaibh o m' chinneach *féin*, ann an cunnartaibh o na Cinnich, ann an cunnartaibh 's a' bhaile, ann an cunnartaibh 's an fhàsach, ann an cunnartaibh 's an fhairege, ann an cunnartaibh am measg bhràithrean breugach;

27 Ann an saothair agus sgìos, ann am fàiribh gu minic, ann an ocras agus tart,

'an trasgaibh gu minic, 'am fuachd agus 'an lomnochduidh.

28 A bhàrr air na nithibh a tha an leth muigh, an ni a tha 'teachd orm gu lathail, ro-chùram nan eaglaisean uile.

29 Cò a tha lag, agus nach 'eil mise lag? cò a tha 'faotainn oilbheim, agus nach 'eil mise a' losgadh?

30 Ma's éigin domh uail a dheanamh, is ann as na nithibh a bhuineas do m' an-ghluinneachd a ni mi uail.

31 Tha fios aig Dia, eadhon Athair ar Tighearna Iosa Chrìosd, a tha beannaichte gu sìorruidh, nach 'eil mi 'deanamh bréige.

32 Ann an Damascus chuir uachdaran a' *phobuill* fo Aretas an rìgh, freiceadan air baile nan Damasceneach, 'an rùn mise a ghlacadh:

33 Ach tre uinneig leigeadh sìos ris a' bhalla mi ann an cliabh, agus chaidh mi as a làmhan.

### CAIB. XII.

1 *Chum abstolachd a mholadh, ged fheudadh Pòl uail a dheanamh as a thaisbeinibh iongantach, 9 gidheadh is fearr leis uail a dheanamh as 'annhainneachd; 11 fhuair e cron doibh a chionn gu'n d'éignich iad e chum na h-uaille dhomhain so: 14 gheall e teachd a ris d'an ionnsuidh, 15 ach gu tur le aignibh ath-airil.*

**G**U deimhin cha-n'eil e iomchuidh dhomh-sa uail a dheanamh: ach thug mi chum seallaidhean agus taisbeanan an Tighearna.

2 B'aithne dhomh duine ann an Chrìosd ceithir bliadhna deug roimhe so, (ma's anns a' choluinn, cha-n fhios domh; no as a' choluinn, cha-n fhios domh; aig Dia tha fios;) a leithid sin de dhuine thogadh chum an treas nèamh.

3 Agus b'aithne dhomh a leithid sin de dhuine, (ma's anns a' choluinn, no as a' choluinn, cha-n fhios domh: aig Dia tha fios;)

4 Gu'n do thogadh suas e gu pàrras, agus gu'n cuail e briathran do-labhairt, nach feud duine a labhairt.

5 M'a leithid sin de dhuine ni mi naill: ach asam féin cha dean mi uail, mur *dean mi* ì ì m' annhainneachdaibh.

6 Oir ged a b'aill leam uail a dheanamh, cha bhi mi a'm amadan; oir labhraidh mi an fhìrinn: gidheadh tha mi a' cumail orm féin, air eagal gu'm bi meas aig duine dhìomthar mar tha e'g am fhaicinn, no a' cluinntinn umam.

7 Agus air eagal gu'm bithinn air m'àrdachadh thar tomhas, tre ro-mheud nan taisbean, thugadh dhomh sgolb's an fheoil, teachdair Shàtain chum gu'm buailleadh e mi, air eagal gu'm bithinn air m'àrdachadh thar tomhas.

8 Air a shon so ghuidh mi an Tighearn trì uairean, gu'n imicheadh *so* uam,



9 Agus thubhairt e rium, Is leoir mo ghràs-sa dhuit: oir tha mo chumhachd air a dheanamh foirfe ann an amhuinneachd. Uime sin is ro thoiliche a ni mi uailh á m'amhuinneachdaibh, chum gu'n gabh cumhachd Chrìosd còmhuidh orn.

10 Uime sin tha mi 'gabhail tlachd ann an amhuinneachdaibh, ann 'am maslaibh, ann an uireasbhuidhibh, ann an geur-leanmhuinnibh, ann an teanntachdaibh air son Chrìosd: oir an uair a tha mi lag, an sin tha mi làidir.

11 Rinneadh a'm amadan mi le uailh a dheanamh; dh'èignich sibhse mi: oir bu chòir dhomh 'bhi air mo mholadh leibhse: oir cha robh mi 'bheag sam bith fo na h-abstolaibh a's àirde, ged nach 'eil annam ach neo-ni.

12 Gu deimhin dh'oibricheadh comharan abstoil ann bhur measg-se anns gach uile fhoighidin, ann an comharaibh agus 'an iongantasaibh, agus 'an cumhachdaibh.

13 Oir ciod an ni anns an robh sibh ni bu lugha na eaglaisean eile, mur e nach do leig mi féin mo throm oirbh? thugaibh martheanas dhomh 's an eucoir so.

14 Feuch, tha mi ullamh a nis an treas uair gu teachd do 'ur n-ionnsuidh; agus cha chuir mi mo throm oirbh; oir cha-n e bhur cuid a tha mi 'g iarraidh, ach sibh féin: oir cha-n'eil e mar fhiachaibh air a' chloinn ionmhas a chruinneachadh fa chomhair nam pàrantan, ach air na pàrant-aibh fa chomhair na cloinne.

15 Agus is ro thogarrach a ni mise caith-eadh agus a chaithear mi air son bhur n-anama-sa, ged mar is ro phailte a tha gràdh-agam dhuibh, gur ann is lugha bhur gràdh-sa dhomh.

16 Ach bitheadh e mar sin, nach do chuir mi trom oirbh: gidheadh air dhomh 'bhi innleachdach, ghlac mi le seòltachd sibh.

17 An d'rinn mise tre aon neach dhuibh-san a chuir mi do 'ur n-ionnsuidh buannachd dhibh?

18 Ghuidh mi air Titus *do do 'ur n-ionnsuidh*, agus chuir mi bràthair maille ris: an d'rinn Titus buannachd dhibh? nach do ghluais sinn 's an aon spiorad? agus auns na h-aon cheumaibh?

19 A ris, am bheil sibh a' saòilsinn gu bheil sinne 'gabhail air leithseil ribh? tha sinn a' labhairt 'am fianuis Dhé ann an Crìosd: ach *tha* an t-iomlan, a chàirdean, chum bhur foghlum-se.

20 Oir is eagal leam, air dhomh teachd, nach faigh mi sibh mar is miann leam, agus gu'm faighear mise dhuibhse mar nach bu mhiann leibh: air eagal gu'm bi connsachadh, farmad, fearg, comhstri, cùl-chàineadh, cogarsaich, àrdain, cearnaire 'n 'ur measg:

21 Airagal an uair a thig mi a ris, gu'n islich mo Dhia mi 'n 'ur measg, agus gu'n

dean mi caoidh air son mòrain de'n dream a pheacaich cheana, agus nach do ghabh aithreachas de'n neòghloine, agus strìopachas, agus mhaenus a rimm iad.

# CAIB. XIII.

1 *Bhagair Pòl cumhachd 'abstolachd an aghaidh pheacach cruaidh-mhuinealach: 5 agus chomhairlich e dhuibh an creidimh a dhearbhadh, 7 agus am beatha a leasachadh mu 'n tigeaidh e: 11 chomh-dhàin e an litir le earail choit-chionn agus le h-urnuigh.*

**I**S i so an treas uair a tha mi a' teachd do 'ur n-ionnsuidh: ann am beul dithis no trìuir fhianuiscan bithidh gach focal seasmhach.

2 Dh'innis mi cheana, agus tha mi roimh-làimh ag innseadh dhuibh, mar gu'm bithinn a làthair an dara uair; agus a nis air dhomh 'bhi as bhur làthair, tha mi a' sgrìobhadh chum na dream a pheacaich roimh so, agus chum chàich uile, ma thig mi a ris, nach caomhain mi:

3 O tha sibh ag iarraidh dearbhaidh air Crìosd a' labhairt annam-sa, neach do 'ur taobh-se nach 'eil annhum, ach a tha cumhachdach annaibh.

4 Oir ged a cheusadh e tre amhuinneachd, gidheadh tha e beò tre chumhachd Dhé: oir tha sinne mar an ceudna annhum ann-san, gidheadh bithidh sinn beò maille ris tre chumhachd Dhé do 'ur taobh-se.

5 Ceasnaichibh sibh féin, am bheil sibh 's a' chreidimh; dearbhaibh sibh féin: nach aithne dhuibh sibh féin, gu bheil Iosa Crìosd annaibh, mur daoine a chuireadh air cùl sibh?

6 Ach tha dòchas agam gu'm bi fhios agaibh nach daoine a chuireadh air cùl sinne.

7 A nis tha mi 'guidhe air Dia gun sibhse a dheanamh uile air bith; cha-n ann chum gu'm faicear sinne 'bhi dearbhata, ach chum gu'n deanadh sibhse an ni sin a tha maith, ged robh sinne mar dhaoine a chuireadh air cùl.

8 Oir cha-n urrainn sinn ni air bith a dheanamh an aghaidh na firinn, ach air son na firinn.

9 Oir tha sinn subhach an uair a tha sinn *féin* annhum, agus sibhse làidir: agus tha sinn a' guidhe so mar an ceudna, sibhse 'bhi coimhlionta.

10 Is ann uime so a sgrìobh mi na nithean so *do 'ur n-ionnsuidh* air dhomh 'bhi as bhur làthair, chum air dhomh a bhi làthair nach bithinn garg, a réir a' chumhachd a thug an Tighearn dhomh chum foghlum, agus cha-n ann chum sgrios.

11 Fa dheòidh, a bhràithrean, slàn leibh: bithibh dìongmhalta, bithibh subhach, bithibh a dh'aon intinn, bithibh sìochail; agus bithidh Dia a' ghràidh agus na sìthe maille ribh.

12 Cuiribh faìte air a chèile le pòig naomh.

13 Tha na naoimh uile a' cur beannachd do 'ur n-ionnsuidh.

14 Gràs an Tighearna Iosa Crìosd, agus gràdh Dhé, agus comh-ghomunn an Spioraid naoimh, gu'n robh maille ribh uile Amen.

## LITIR AN ABSTOIL PHOIL

CHUM NAN

# GALATIANACH.

### CAIB. I.

1 *Tha iongantais air Pòl gu'n do thréig na Galatianaich ean agus an soisgeul co luath : 8 agus mhalluich e an dream sin a shearmonaicheas aon soisgeul eile ach na shearmonaich e féin ; 11 dh'fhòghluim e'n soisgeul cha b'ann o dhaoibh, ach o Dhia, 13 agus nochd e ciod a ghné dhuine 'bha ann mu 'n no ghairmeadh e.*

**P**ÒL abstol, (cha-n ann o dhaoibh, no tre dhuine, ach tre Iosa Crìosd, agus tre Dhia an t-Athair, a thog suas e o na marbhaibh.)

2 Agus na bràithrean uile a tha maille rium, chum eaglaisean Ghalatia :

3 Gràs duibh, agus sìth o Dhia an t-Athair, agus o ar Tighearn Iosa Crìosd,

4 A thuge féin air son ar peacaidhean, chum gu'n saoradh e sinn o'n droch shaothal a tha làthair, a réir toile Dhé agus an t-Athar-ne :

5 Dhàsan gu robh glòir gu saoghal nan saoghal. Amen.

6 Is ionghnadh leam gu'n d'atharraicheadh sibh co luath uaith-san a ghairm sibh tre ghràs Chrìosd, gu soisgeul eile :

7 Ni nach soisgeul eile; ach tha dream àraidh 'g 'ur buaireadh, le'n àill soisgeul Chrìosd a thilgeadh bun os ceann.

8 Ach nan deanamaid-ne, no aingeal o nèamh, soisgeul eile a shearmonachadh dhuibh, ach an soisgeul a shearmonaich sinne dhuibh, bitheadh e malluichte.

9 Amhuil mar a thubhairt sinn roimh, tha mise ag ràdh a nis a ris mar an ceudna, Ma shearmonaicheas neach sam bith soisgeul eile dhuibh, ach an soisgeul a ghabh sibh, bitheadh e malluichte.

10 Oir am bheil mi nis a' cur impidh air daoibh, no air Dia? no ain bheil mi 'g iarraidh daoine a thoileachadh? oir nam bithinn fathast a' toileachadh dhaoine, cha bhithinn a'm' sheirbhiseach aig Crìosd.

11 Ach tha mi 'toirt fios duibh, a bhràithrean, an soisgeul a shearmonaichheadh leam-sa, nach ann a réir duine a tha e.

12 Oir cha b'ann o dhuine a fhuair mi e, ni mò a theagaisgeadh dhomh e, ach tre fhoillsachadh Iosa Crìosd.

13 Oir chuala sibh mo chaithe-beatha-sa 's an aimsir a chaidh seachad, ann an creidimh nan Iudhach, gu'n d'rinn mi thar

tomhas geur-leamhuinn air eaglais Dhe, agus gu'n d'fhàsaich mi i :

14 Agus gu'n d'thàinig mi air m'aghaidh ann an creidimh nan Iudhach thar mòran de m' chomh-aoisibh am measg mo chinnich féin, air dhomh 'bhi ni bu ro eudmhoire mu ghnàthannaibh mo shinnsireachd.

15 Ach an uair a b'i deadh thoil Dhé, a sgar o bhroinn mo mhàthar mi, agus a ghairm mi tre a ghràs,

16 A Mhac féin fhoillsachadh annam, chum gu'n searmonaichinn e am measg nan Cinneach; air ball cha do chuir mi comhairle ri feòil agus fuil :

17 Ni mò 'chaidh mi suas gu Ierusalem, chum na muinntir sin a bha 'n an abstol-aibh romham; ach chaidh mi gu Arabia, agus a risthàinig mi air m'aisgu Damascus.

18 An dèigh sin 'an ceann thri bliadhna, chaidh mi suas gu Ierusalem, a dh'fhaicinn Pheadair, agus dh'fhan mi maille ris cùig làithean deug.

19 Ach neach air bith eile de na h-abstol-aibh cha-n fhaca mi, ach Seumas bràthair an Tighearna.

20 A nis anns na nithibh a tha mi a' sgrìobhadh dhuibh, feuch, an làthair Dhé, cha-n'eil mi 'deanamih bréige.

21 'N a dhéigh sin thàinig mi gu crìoch-aibh Shiria agus Chìlicia ;

22 Agus cha robh eòlas orma a thaobh m'fhaicinn aig eaglaisibh Iudea, a bha ann an Crìosd :

23 Ach a mhàin chual' iad, An ti anns an àm a chaidh seachad a bha 'gar geur-leamhuinn, gu bheil e nis a' searmonachadh a' chreidimh a bha e a' sgrìos roimhe so :

24 Agus thug iad glòir do Dhia air mo shon-sa.

### CAIB. II.

1 *Chuir an t-abstol 'an cèll e'u'n a chaidh e suas gu Ierusalem, agus e'ar son nach do thim-chuill-ghearradh Titus. 11 Chuir e'n aghaidh Pheadair, agus dh'innis e dha a reuson, 14 e'ar son a tha e féin, agus muinntir eile, a tha 'n an Iudhaich, a' creidsinn gu'm bi iad air am fireanachadh tre chreidimh ann an Crìosd, agus cha-n ann tre oibribh. 20 Cha chaith an dream a tha air am fireanachadh tre chreidimh am beatha ann am peacadh.*

**A**N sin 'an ceann cheithir bliadhna deug chaidh mi a' us suas gu Ierusalem,



maille ri Barnabas, a' toirt Thituis leam mar an ceudna.

2 Agus chaidh mi suas a réir foillseachaidh, agus chuir mi 'an céill dhoibh an soisgeul a tha mi a' searmonachadh am measg nan Cinneach, ach ann an uaignidheas dhoibh-san d'an robh meas, air eagal air chor sam bith gu'n ruithinn, no gu'n do ruith mi an diomhain.

3 Ach cha b'éigin do Thitus féin a bha a'm' chuideachd, a bhi air a thimchioll-ghearradh, ged bu Ghreugach e:

4 Agus sin air son bhràithrean bréige, a ghoid a steach 'n ar measg, a thàinig a steach 'an uaignidheas a dh'fhaicinn ar saorsa, a tha againn ann an Iosa Crìosd, chum ar toirt fo dhaorsa.

5 Do nach do fhéill sinn eadhon ré uaire; chum gu'm buanaicheadh firinn an t-soisgeil maille ribhse.

6 Ach o'n dream sin, a mheasadh gu'm bu ni éigin iad, (ge b'e air bith bh'annata roimh, cha-n'eil suim ann domh-sa: cha-n'eil meas aig Dia do phearsa duine), oir iadsan a mheasadh *gu'm bu ni éigin iad*, cha do phàirtich iad le'n còmhraidh 'bheag sam bith rium-sa.

7 Ach air an làimh eile, 'n uair a chunnaic iad gu'n d'earbadh soisgeul an neo-thimchioll-ghearraidh rium-sa, mar a *d'earbadh soisgeul* an timchioll-ghearraidh ri Peadar;

8 (Oir an ti a dh'oibrich gu h-éifeachdach ann am Peadar chum abstolachd an timchioll-ghearraidh, dh'oibrich e gu cumhachdach annam-sa mar an ceudna chum nan Cinneach:

9 Agus an uair a thuig Seumas, agus Cephas, agus Eoin, a tha air am meas 'n am puist, an gràs a thugadh dhomh, thug iad dhomh-sa agus do Bharnabas deas làmh a' chomuinn; ionnus *gu'n rachamaid* chum nan Cinneach, agus iad féin chum an timchioll-ghearraidh.

10 A mhàin *b'àill leo* gu'm bitheamaid cumhneachail air na bochdaibh; ni mar an ceudna a bha ro-thoil agam féin a dheanamh.

11 Ach an uair a thàinig Peadar gu Antioch, sheas mi 'n a aghaidh as an eudan, a chionn gu'n robh e r'a choireachadh.

12 Oir roimh do dhream àraidh teachd o Sheumas, dh'ith e biadh maille ris na Cinnich: ach an uair a thàinig iadsan, chaidh e a thaobh agus thearbaidh se e féin, air eagal na muinntir a bha de'n timchioll-ghearradh.

13 Agus rinn na h-Iudhaich eile gnùis-mhealladh maille ris mar an ceudna; ionnus gu'n d'thugadh Barnabas mar an ceudna a thaobh le'n cluain.

14 Ach an uair a chunnaic mise nach do ghluais iad gu treibhdhìreach, a réir firinn an t-soisgeil, thubhairt mi ri Peadar 'n an fianuis uile, Ma tha thusa, a tha a'd' Iudhaich, a' caitheadh do bheatha a réir nan

Cinneach, agus cha-n ann a réir nan Iudhaich, c'ar son a ta thu 'g éigneachadh nan Cinneach am beatha 'chaitheadh mar na h-Iudhaich?

15 Air dhuinne a tha 'n ar n-Iudhaich a thaobh nàduir, agus cha-n ann 'n ar peacaidh de na Cinnich,

16 Fios a bhi againn nach 'eil duine air fhìreanachadh o oibribh an lagha, ach tre chreidimh Iosa Crìosd, chreid sinne féin ann an Iosa Crìosd; chum gu'm bitheamaid air ar fireanachadh o chreidimh Chrìosd, agus cha-n ann o oibribh an lagha: oir o oibribh an lagha cha bhi feòil sam bith air a fìreanachadh.

17 Ach air dhuinne 'bhi 'g iarraidh a bhi air ar fireanachadh tre Chrìosd, na gheibhear 'n ar peacaidh sinn féin, *am bheil*, uime sin, Crìosd 'n a mhinisteir peacaidh? Nar leigeadh Dia.

18 Oir ma thogas mi a ris suas na nithean a leag mi, tha mi 'deanamh ciontaich dhìom féin.

19 Oir tha mise tre'n lagh marbh do'n lagh, chum gu'm bithinn beò do Dhia.

20 Tha mi air mo cheusadh maille ri Crìosd: gidheadh tha mi beò; ach cha mhise, ach Crìosd a tha beò annam: agus a' bheatha a tha mi nis a' caitheadh 's an fheòil, tha mi 'g a caitheadh tre chreidimh Mhic Dhé, a ghràdhach mi, agus a thug e féin air mo shon.

21 Cha-n'eil mi a' cur gràis Dhé 'an neo-bligh: oir ma tha fireantachd tre'n lagh, is ann gun aobhar a fhuair Crìosd bàs.

### CAIB. III.

1 *Dh'fheòraich an t-abstol cìod a dh'aom na Galatianaich gus an creidimh a thrèigsinn, agus dòigh a chur 's an lagh.* 6 *Tha 'n dream a tha 'creidsinn air am fireanachadh, 9 agus air am beannachadh maille ri Abraham: 10 dhearbha Pòl so le iomadh reuson.*

O A Ghalatianacha amaideach, cò a chuir druidheachd oirbh, ionnus nach bitheadh sibh ùmhal do'n fhirinn, d'an robh Crìosd air a nochdadh gu soilleir fa chomhair bhur sùl, air a cheusadh 'n 'ur measg?

2 So a mhàin b'àill leam fhòghlum uaibh, An ann o oibribh an lagha a fhuair sibh an Spiorad, no o éisdeachd a' chreidimh?

3 Am bheil sibh co amaideach *as sin?* air dhuibh tòiseachadh 's an Spiorad, am bheil sibh a nis air bhur deanamh foirfe leis an fheòil?

4 An d'fhuiling sibh na h-uiread sin do nithibh gu dìomhain? ma's ann da rìreadh gu dìomhain.

5 An ti uime sin a tha 'frithealadh dhuibh an Spiorad, agus ag oibreachadh mhor-bhuilean 'n 'ur measg, an ann tre oibribh an lagha, no tre éisdeachd a' chreidimh a *ni e so?*

6 Amhuil mar a chreid Abraham Dia, agus a mheasadh sin dha mar fhìreantachd.

## GALATIANACH, IV.

7 Uime sin bitheadh fhios agaibh, an dream a *tha* de'n chreidimh, gur iad sin clann Abraham.

8 Oir air fhaicinn roimh do'n sgrìobtuir gu'm fireanaicheadh Dia na Cinnich tre chreidimh, shearmonaich e an soisgeul roimh-làimh do Abraham, *ag ràdh*, Beannaichear na h-uile Chinnich annad-sa.

9 Uime sin tha an dream a *tha* de'n chreidimh, air am beannachadh maille ri Abraham, fìor-chreidimheach.

10 Oir a mheud 's a *tha* de oibribh an lagha, *tha* iad fo'n mhallachadh: oir *tha* e sgrìobhta, *Is* malluichte gach neach nach buanaich anns na h-uile nithibh a *tha* sgrìobhta ann an leabhar an lagha chum an deanamh.

11 Ach *is* ni follaiseach, nach fireanaichear neach sam bith tre'n lagh 'am fianuis Dhé: oir, Bithidh am firean béd tre chreidimh.

12 Agus cha-n'eil an lagh o chreidimh: ach, An duine a ni iad gheibh e beatha anna.

13 Shaor Criosd sinne o mhallachadh an lagha, air dha 'bhi air a dheanamh 'n a mhallachadh air ar son: oir *tha* e sgrìobhta, *Is* malluichte gach aon a chrochar air crann:

14 Chum gu'n tigeadh beannachadh Abraham air na Cinnich tre Iosa Criosd; ionnus gu faigheamaid gealladh an Spioraid tre chreidimh.

15 A bhràithrean, *tha* mi a' labhairt mar dhuine; ged nach bi ann ach coimhcheangal duine, ma *tha* e air a dhaingneachadh, cha chuir neach air bith air cùl e, agus cha chuirear ni sam bith ris.

16 A nis is ann do Abraham a thugadh na geallaidhean agus d'a shìol. Cha-n abair e, Agus do shìolaibh, mar gu'm bitheadh e *labhairt* mu mhòran; ach mar mu aon, Agus do d' shìol-sa, neach a's e Criosd.

17 Agus *tha* mi ag ràdh so, nach fheudar gu'n cuir an lagh, a thugadh 'an ceann cheithir cheud agus dheich bliadhna fìchead 'n a dhéigh, an coimhcheangal 'an neobhrigh, a dhaingnicheadh roimh le Dia ann an Criosd, ionnus gu'n cuireadh e an gealladh air cùl.

18 Oir ma's ann o'n lagh a *tha* an oighreachd, cha-n'eil i ni's mò o'n ghealladh: ach thug Dia gu saor i do Abraham tre ghealladh.

19 Car son uime sin a thugadh an lagh? thugadh e air son eusaontais, gus an tigeadh an sìol, d'an d'rinneadh an gealladh; air 'orduchadh le ainglibh 'an làimh eadar-mheadhonair.

20 A nis an t-eadar-mheadhonair, cha-n ann air son aoin a *tha* e'n eadar-mheadhonair; ach is aon Dia.

21 Uime sin am bheil an lagh an aghaidh gheallaidhean Dhé? Nar leigeadh Dia: oir nam bitheadh lagh air a thabhairt a bhith-

eadh comasach air beatha 'thoirt uaith, gu deimhin is ann o'n lagh a bhitheadh fireantachd.

22 Ach dh'fhàg an sgrìobtuir na h-uile dhaoiné dhùnte 's a' pheacadh, chum gu'm bitheadh an gealladh tre chreidimh Iosa Criosd air a thoirt dhoibh-san a *tha* 'creidsinn.

23 Ach mu'n d'fhàinig an creidimh, choimh-idealh sinn fo 'n lagh, air ar druidealh a steach chum a' chreidimh, a bha gu bhi air 'fhoillseachadh.

24 Uime sin b'e an lagh, ar n-oide-fòghluim *gàr treòrachadh* gu Criosd, chum gu'm bitheamaid air ar fireanachadh tre chreidimh.

25 Ach air teachd do'n chreidimh, cha-n'eil sinn ni's mò fo oide-fòghluim.

26 Oir is sibhse uile mic Dhé tre chreidimh ann an Iosa Criosd.

27 Oir a mheud agaibh 's a' bhaisteadh do Chriosd, chuir sibh umaibh Criosd.

28 Cha-n'eil Iudhach no Greugach, cha-n'eil saor no daor, cha-n'eil fìrionn no boirionn ann: oir is aon sibh uile ann an Iosa Criosd.

29 Agus ma's le Criosd sibh, is sibh sìol Abraham gun amharus, agus is oighreachan sibh a rèir a' gheallaidh.

### CAIB. IV.

1 Bha sinn fo 'n lagh, gus an d'fhàinig Criosd, mar a *tha* an t-oighre fo 'oide-fòghluim gus an tig e gu h-aois. 5 Ach shaor Criosd sinn o'n lagh: 7 uime sin cha-n'eil sinn 'n ar seirbhisich ni's faide dha. 14 Chuir Pòl 'an cuimhne dhoibh an deadh-ghean d'asan, agus a dheadhràn fèin doibh-san; 22 agus nochd e gur sinne clann Abraham thaobh na mnà saoire.

**A** NIS *tha* mi ag ràdh, am feadh a bhith-eas an t-oighre 'n a leanabh, nach 'eil eadar-dhealachadh sam bith eadar e agus seirbhisach, ged is e Tighearn nan uile;

2 Ach *tha* e fo luchd-coimhid, agus fo luchd-riaghlaidh gu teachd na h-aimsir a dh'orduich an t-athair.

3 Agus mar an ceudna sinne, 'n uair a bha sinn 'n ar leanabaibh, bha sinn 'n daorsa fo cheud fhòghlum an t-saoghail:

4 Ach an uair a thàinig coimhionadh na h-aimsir, chuir Dia a Mhac féin uaith, a ghineadh o mhnach, a rinneadh fo 'n lagh,

5 Chum gu'n saoradh e iadsan a bha fo 'n lagh, ionnus gu faigheamaid-ne uchd-mhacachd na cloinne.

6 Agus do bhrìgh gur mic sibh, chuir Dia Spiorad a Mhic féin ann bhuir cridheach-aibh, ag éigheach, Abba, Athair.

7 Uime sin cha seirbhisach thu ni's mò, ach mac; agus ma's mac, is oighre mar an ceudna air Dia tre Chriosd.

8 Gidheadh, an uair nach b'aithne dhuibh Dia, rinn sibh seirbhis dhoibh-san nach 'eil 'n an diathan thaobh nàdur.

9 Ach a nis air dhuibh Dia aithneachadh,



## GALATIANACH, V.

no mar is fearr a dh'fheadar a ràdh, a bhi air bhuir n-aithneachadh le Dia, cionnus tha sibh ag ath-philleadh chum nan ceud-thois-each anmhuinn agus bochda, d'am miann leibh a bhi a ris fo dhaorsa?

10 Tha sibh a' coimhead làithean, agus mhiosan, agus aimsirean, agus bhliadhnan.

11 Tha eagail ornn do 'ur taobh gu'n do chaith mi gu diomhain mo shaothair oirbh.

12 Guidheam oirbh, a bhràithre, bithibh mar tha mise; oir *tha* mise mar sibhse: cha d'rinn sibh eucoir sam bith ornn.

13 Tha fhios agaibh gu'm *bann* tre an-mhuinneachd na feòla, a shearmonaich mi dhuibh an soisgeul air tùs.

14 Agus air mo bhuairleadh a bha ann am fheòil, cha d'rinn sibh tarcuis, agus cha do ghabh sibh gràin diom; ach ghabh sibh rium mar aingeal Dhé, mar Iosa Criosd.

15 Ciod ema seadh an sonas sin a bha agaibh? oir tha mi 'deanamh fianuis duibh, nam bu chomasach e, gu'n spionadh sibh a mach bhuir sùilean fèin, agus gu'n tugadh sibh dhomh-sa iad.

16 Uime sin an d'rinneadh nàmhaid duibh dhìom, air son mi dh'innsadh na fìrinn duibh?

17 Tha iadsan eudmhor umaibh, *ach* cha-n ann gu maith; ach b'ail leò sinne dhruid-eadh a mach, chum gu'm bitheadh sibhse eudmhor umpa fèin.

18 Ach is maith a bhi eudmhor ann an *nì* maith a ghnàth, agus cha-n e mhàin an uair tha mise a làthair maille ribh.

19 Mo chlann bheag, air am bheil mi a ris ri saothair, gus an dealbhar Criosd annaibh.

20 B'ail leam a bhi nis a làthair maille ribh, agus mo ghuth a chaochladh, oir tha mi fo aniarus umaibh.

21 Innsibh dhomh, sibhse le'm miann a bhi fo 'n lagh, nach cluinn sibh an lagh?

22 Oir tha e sgrìobhta, gu'n robh aig Abraham dithis mhac; aon ri banoglaich, agus an *mac* eile ri mnaoi shaoir.

23 Agus esan a *bh'aige* ris a' bhanoglaich, ghineadh a réir na feòla e; ach esan a *bh'aige* ris a' mnaoi shaoir, tre ghealladh.

24 Na nithean so is samhailadh iad; oir is iad so an dà choimheangal; aon diubh o bheimh Shinai, a tha a' breith chum daorsa, a's i Agar.

25 Oir is i Agar beinn Shinai ann an Arabia, agus tha i a' comh-fhreagradh do Ierusalem a tha nis ann, agus tha i fo dhaorsa maille r'a cloinn.

26 Ach tha an Ierusalem a tha shuas saor, agus is nàthair dhuinn uile i.

27 Oir tha e sgrìobhta, Dean gairdeachas, a bhean neo-thorrach nach 'eil a' breith *cloinne*; bris a mach agus glaoth, thusa nach 'eil ri saothair: oir is lionmhoire clann na mnà aonaranaich, na na mnà aig am bheil fear

28 A nis, a bhràithre, is sinne, mar a bha Isaac, clann a' gheallaidh.

29 Ach mar a rinn esan a rugadh a réir na feòla, 's an àm sin geur-leamhuinn airsan a *rugadh* a réir an Spioraid, is amhuil sin a *tha* nis mar an ceudna.

30 Ach ciod tha an sgrìobtuir ag ràdh? Tilg a mach a' bhanoglaich agus a mac: oir cha bhi mac na banoglaich 'n a oighre maille ri mac na mnà saoire.

31 Uime sin, a bhràithre, cha sinne clann na banoglaich, ach na mnà saoire.

### CAIB. V.

1 *Bhrosnach an t-abstol na Galatianach gu seasamh 'n an saorsa, 3 agus gun an timchioll-ghearradh a ghnàthachadh: 13 ach roghuinn a dheanamh de ghràdh, ni a's e coimhlionadh an lagha: 19 chuir e sìos oibre na feòla, 22 agus dh'ainmich e toradh an Spioraid; 25 agus dh'earraich e chum ghuasad 's an Spiorad.*

**U**IME sin seasaidh gu daingean anns an t-saorsa leis an d'rinn Criosd saor sinn, agus na bithibh a ris air bhuir cuibhreacadh le cuing na daorsa.

2 Feuch, tha mise Pòl ag ràdh ribh, ma thimchioll-ghearrar sibh, nach bi tairbhe air bith dhuibh ann an Criosd.

3 Oir tha mi a ris a' deanamh fianuis do gach uile dhuine a thimchioll-ghearrar, gu bheil e mar fhiachaibh air an lagh gu h-ionnail a choimhlionadh.

4 Cha-n'eil tairbhe sam bith ann an Criosd dhuibhse a tha air bhuir fireanachadh tre'n lagh; thuit sibh o ghràs.

5 Oir tha sinne tre'n Spiorad a' feitheamh ri dochas fìreantachd o chreidimh.

6 Oir ann an Iosa Criosd, cha-n'eil èifeachd sam bith ann an timchioll-ghearradh, no ann an neo-thimchioll-ghearradh, ach ann an creidimh a dh'oibricheas tre ghràdh.

7 Is maith a ruith sibh; cò a bhac sibh o 'bhi ùmhail do'n fhìrinn?

8 Cha *dh'ainig* an impidh so o'n ti a ghairm sibh.

9 Goirtichidh beagan de thaois ghoirt am meall uile.

10 Tha muinghin agam asaibh 's an Tigh-earn, nach bi sibh dh'aon dòigh air atharrachadh inntinn; ach an ti a tha 'cur dragha oirbh, giùlainidh e a bhreitheanas, cò air bith e.

11 Agus mise, a bhràithre, ma shearmonaicheas mi fathast an timchioll-ghearradh, c'ar son a nithear fathast geur-leamhuinn ornn? an sin bithheadh oibheum a' chroinn-cheusaidh air a chur air cùl.

12 B'fhearr leam gu'm bitheadh iadsan a tha 'cur mi-shuainhnais oirbh eadhon air an gearradh uaibh.

13 Oir, a bhràithre, ghairmeadh chum saorsa sibh; a mhàin na *deanaibh* an t-saorsa 'n a cionfath do'n fhèil, ach le gràdh deanaibh seirbhis d'a chéile.

14 Oir tha an lagh uile air a choimh-

lionadh anu an aon fhocal, *eadhon* an so, Gràdhaidhidh tu do choimhearsnach mar thu féin.

15 Ach ma bhitheas sibh a' teumadh agus ag itheadh a chéile, thugaibh aire nach claidhear le a chéile sibh.

16 Tha mi ag ràdh ma seadh, Gluaisibh 's an Spiorad, agus cha choimhlion sibh aumian na feòla.

17 Oir tha an fheòil a' miannachadh an aghaidh an Spioraid, agus an Spiorad an aghaidh na feòla: agus tha iad sin an aghaidh a chéile; ionnus nach faigh sibh na nithean a bu mhiann leibh a dheanamh.

18 Ach ma thredraichear leis an Spiorad sibh, cha-n'èil sibh fo 'n lagh.

19 A nis tha oibre na feòla follaiseach, a's iad *so*, Adhaltrannas, striopachas, neòghloine, macnus,

20 Iodhol-aoradh, druidheachd, naimhdeas, connsachadh, co-fharpuis, fearg, comhstri, ainhreite, saobh-chreidimh,

21 Farnad, mortadh, misg, ruidhteircachd, agus an leithid siu: mu bheil mi ag innseadh dhuibh roimh-làimh, mar a dh'innis mi dhuibh cheana mar an ceudna, nach sealbh-aich iadsan a ni an leithid sin rioghachd Dhé.

22 Ach is e toradh an Spioraid gràdh, aoibhneas, sìth, fad-fhulangas, caomhalachd, maithas, creidimh,

23 Macantas, stuaim: an aghaidh an shamhuil sin cha-n'èil lagh.

24 Agus iadsan a's le Crìosd, cheus iad an fheòil, maille r'a h-an-tograibh agus a h-ana-miannaibh.

25 Ma's beò dhuinn 's an Spiorad, gluais-eamaid 's an Spiorad mar an ceudna.

26 Nabitheamaid déidheil air glòir dhìomhain, a' brosnachadh a chéile, a' gabhail farmaid r'a chéile.

## CAIB. VI.

1 *Dli'arr Pòl air na Galatianaich buntainn gu sèimh ri bràthair a thuistich, 2 agus uallach a chéile a ghiulan, 6 a bhi tabhartach d'an luchd-teagasg, 9 agus gun sgìtheachadh de mhaith a dheanamh: 12 nochd e cìod a tha iadsan a tha 'searmonachadh an timchioll-ghearradh ag iarraidh: 14 cha dean e féin uail a' ni sam bith ach a' crann-ceusaidh Chrìosd.*

**A**BHRAITHRE, ma ghlacar neach ann an coire air bith gu h-obann, sibhse a tha spioradail, togaibh suas a shamhuil sin de dhuine ann an spiorad na macantachd; a' toirt aire dhuith féin, nach buairear thu mar an ceudna.

2 Ghiulainibh uallaichean a chéile, agus mar siu coimhlionaibh lagh Chrìosd.

3 Oir ma shaoilcas duine gur ni éigin e féin, gun a bhi ann ach neo-ni, tha e 'g a mhealladh féin.

4 Ach dearbhadh gach neach 'obair féin, agus an sin bithidh aobhar gairdeachais aige d'a thaobh féin a mhàin, agus cha-n ann a thaobh neach eile.

5 Oir giùlainidh gach neach 'uallach féin.

6 Comh-roinneadh an neach a tha air a theagasg 's an fhocal, ris an neach a tha 'g a theagasg, anns na h-uile nitibh maith.

7 Nameallar sibh; cha deauar fanoid air Dia: oir ge b'e ni a shìol-chuireas duine an ni ceudna buainidh e.

8 Oir an ti a chuireas d'a fheòil féin, buainidh e o'n fheòil truailidheachd; ach an ti a chuireas do'n Spiorad, buainidh e o'u Spiorad a' bhacatha shuthainn.

9 Agus na fàsamaid sgìth de mhaith a dheanamh: oir ann an àm iomchuidh buainidh sinn, mur fannaich sinn.

10 Uime sin a réir mar tha cothrom againn, deanamaid maith do na h-uile dhaoibh, ach gu h-àraidh dhoibh-san a tha de theaghlach a' chreidimh.

11 Tha sibh a' faicinn meud na litreach a sgrìobh mi dhuibh le mo làimh féin.

12 A mhead 's le'm miann iad féin a thaisbeanadh gu sgiamhach 's an fheòil, tha iad 'g 'ur n-éigneachadh gu bhi air bhuir timchioll-ghearradh; a mhàin chum nach deantadh geur-leannhuinn orra air son crann-ceusaidh Chrìosd.

13 Oir cha-n'èil iadsan féin a tha air an timchioll-ghearradh a' coimhead an lagha: ach is àill leo sibhse 'bhi air bhuir timchioll-ghearradh, chum as gu'n dean iad uail ann bhuir feòil.

14 Ach nar leigeadh Dia gu'n deanainn-sa uail ach ann an crann-ceusaidh ar Tigh-carna Iosa Crìosd, tre'm bheil an saoghal air a cheusadh dhomh-sa, agus mise do'n t-saoghal.

15 Oir ann an Iosa Crìosd cha-n'èil éifeachd air bith ann an timchioll-ghearradh, no ann an neo-timchioll-ghearradh, ach ann an cruthachadh nuadh.

16 Agus a mhead 's a shiubhlas a réir na riaghailt so, sìth orra, agus tròcair, agus air Israel Dhé.

17 O so a mach na cuireadh neach sam bith dragh orm; oir tha mi 'giulan chomharan an Tighearna Iosa ann am chorp.

18 A bhraithre, *gu robh* gràs ar Tigh-carna Iosa Crìosd maille ri bhuir spiorad Amen.



# EPHESIANACH.

## CAIB. I.

1 *An dèigh fàilte, 3 agus breith-buidheachais air son nan Ephesianach, 4 labhair Pòl mu thaghadh, 6 agus uchd-mhacochd a thaobh gràis, 11 nì a's e am fìor thobar o'm bheil slàinte a' clìinne-daoine a' sruthadh, &c.*

**P**OL, abstol Iosa Crìosd tre thoil Dhé, chum nan naomh a tha ann an Ephesus, agus nan creidmheach ann an Iosa Crìosd :

2 Gràs dhuibh, agus sìth o Dhia ar n-Athair, agus o'n Tighearn Iosa Crìosd.

3 Beannaichte *gu robh* Dia, eadhon Athair ar Tighearna Iosa Crìosd, a bheannaich sinne leis gach uile bheannachadh spioradail ann an *ionadaibh* nèamhaidh ann an Crìosd :

4 A réir mar a thagh e sinne ann-san, mu'n do leagadh bunait an domhain, chum gu'm bitheamaid naomha, agus neo-choireach 'n a làthair-san ann an gràdh :

5 A roimh-orduichsinne chum uchd-mhacochd na cloinne tre Iosa Crìosd dha féin, a réir deadh-ghean a thoile.

6 Chum eliu glòire a ghràis, tre an d'rinn e sinne taitneach ann a *Mhae* gràdhach :

7 Anns am bheil againne saorsa tre 'fhuil-san, maithanas nam peacadh, a réir saoihbheis a ghràis ;

8 Anns an robh e ro phailt dhuinne 's an uile ghliocas, agus thuigse :

9 A dh'fhoillsich dhuinn rùn-diomhair a thoile, a réir a dheadh-ghean féin, a rùnaich e ann féin :

10 Chum ann am frithealadh coimhlionaidh nan aimsir, gu'n cruinnicheadh e ann an aon na h-uile nithean ann an Crìosd, araon na nithean a tha air nèamh, agus na nithean a tha air thalamh, eadhon ann-san :

11 Anns an d'fhuair sinne mar an ceudna oighreachd, air dhuinn a bhi air ar roimh-orduchadh a réir rùn an tì a tha 'g oibreachadh nan uile nithean a réir comhairle a thoile féin ;

12 Ionnnus gu'm bitheamaid-ne, a chuir air tùs dòchas ann an Crìosd, chum elin a ghlòire-san.

13 Anns an do chuir sibhse mar an ceudna *dòchas*, air dhuibh focal na fìrinn a chluinntinn, eadhon soisgeul bhuir slàinte : neach an dèigh dhuibh creidsinn ann, chuireadh seula oirbh le Spiorad naomh sin a' gheallaidh,

14 Neach a's e geall-daingnich ar n-oighreachd-ne, gu teachd saorsa na scilbhe a cheannaicheadh, chum elin a ghlòire.

15 Uime sin air eluinntinn domh-sa mar an ceudna bhuir creidimh-se anns an Tighearn Iosa, agus bhuir gràdh do na naomh uile,

16 Cha-n'eil mi a' sgur de bhi 'toirt buidheachais air bhuir son, a' luaidh oirbh ann am urnuighibh ;

17 Gu'n tugadh Dia ar Tighearna Iosa Crìosd, Athair na glòire, spiorad gliocais agus foillseachaidh dhuibh, ann an eòlas airsan ;

18 Sìulean 'ur n-inntinn a bhi air an soillseachadh, chum fios a bhi agaibh ciod e dòchas a ghairme-san, agus ciod e saoihbheas glòire 'oighreachd-san anns na naomh,

19 Agus ciod e ro-mheud a chumhachd do ar taobh-ne a tha 'creidsinn, a réir oibreachaidh a thréun neirt ;

20 A dh'oibrich e ann an Crìosd, 'n uair a thog e o na mairbh e, agus a chuir e 'n a shuidhe air a dheas-làimh féin e anns na h-ionadaibh nèamhaidh,

21 Gu ro àrd os ceann gach uile uachdaranachd, agus cumhachd, agus neirt, agus tighearnais, agus gach ainme a dh'ainmichear, clia-n e mhàin 's an t-saoghal so, ach 's an t-saoghal ri teachd mar an ceudna :

22 Agus chuir e na h-uile nithean fo a chosaidh, agus thug se e gu bhi 'n a cheann os ceann nan uile nithean do'n eaglais,

23 A tha 'n a corp aige, lànachd an tì a tha 'lìonadh nan uile nithean anns na h-uile.

## CAIB. II.

1 *Le bhi 'coimheas r'a chèile ar cor a thaobh nàduir, 5 agus ciod e ar cor a thaobh gràis, 10 chuir Pòl 'an cèill gu'n do chruthaicheadh sinn air son dheadh oibre; agus air dhuinn a bhi air ar toirt am fagas tre Chrìosd, 11 nach còir dhuinn ar beatha a chaitheadh mar Chinnich, 12 agus mar choigrich, amhuil anns an òm a chaidh seachad, 19 ach mar luchd aois bhaile ris na naomh, agus mar theaghlach Dhé.*

**A**GUS sibhse bheothaich e, a bha marbh ann am euccartaibh agus ann am peacaidhibh ;

2 Anns an do ghluais sibh 's na h-amaibh a chaidh seachad, a réir gnàtha an t-saoghail so, a réir uachdarain cumhachd an athair, an spiorad a tha nis ag oibreachadh ann an cloinn na h-eas-umhlachd :

3 Am measg an robh againn uile mar an ceudna ar caithe-beatha roimh so, ann an ana-miannaibh ar feòla, a' deanamh toil na feòla, agus nan smuain ; agus bha sinn a

thaobh nàdnir 'n ar cloinn feirge, eadhon mar chàch.

4 Ach Dia, a tha saoi bhir ann an trècar, air son a mhòr-ghràidh leis an do ghràdh-aich e sinn,

5 Eadhon air dhninn a bhi marbh ann am peacaidhibh, chomh-bheothaich e sinn maille ri Crìosd ; (le gràs tha sibh air bhur tearnadh.)

6 Agus chomh-thog, agus chomh-shnidhich e sinn ann an *ionadaibh* nèamhaidh ann an Iosa Crìosd :

7 Chum gu'm foillsicheadh e anns na linnibh ri teachd saoi bhras ro phàilt a ghràis, ann an caoinhneas d'ar taobh-ne tre Iosa Crìosd.

8 Oir is ann le gràs a tha sibh air bhur tearnadh, tre chreidimh : agns *sin* chan ann uaibh féin : *is e* tiodhlac Dhé e :

9 Chan ann o oibribh, chum nach deanadh neach air bith uail :

10 Oir is sinne 'obair-san, air ar crnthachadh ann an Iosa Crìosd chum dheadh oibre, air son an d'ulluich Dia roimh-làimh *sinn*, chum gu'n gluaiseamaid anna.

11 Uime sin cumhnicibh, air dhuibh a bhi 's an aimsir a chaidh thairis 'n ur Cinnich 's an fheadhail, ris an abrar an neo-thimchioll-ghèarradh leo-san d'an goirear an timchioll-ghèarradh làmh-dheanta 's an fheadhail ;

12 Gu'n robh sibh 's an àm sin as eugmhais Chrìosd, 'n 'nr coimhich do chomh-fhlaitheadh Israel, agus 'n 'nr coigrich do choimhcheanglaibh a' gheallaidh, as eugmhais dòchais, agns gun Dia anns an t-saoghal :

13 Ach a nis ann an Iosa Crìosd, tha sibhse a bha roimh so fad o làmh, air bhur toirt an fagus tre fhuil Chrìosd.

14 Oir is esan ar sìth-ne, a rinn aon *dhnin* araon, agus a bhris sìos balla meadhonach an eadar-dhealachaidh ;

15 Air dha an naimhdeas a char air cùl tre 'fheadhail féin, *eadhon* lagh nan àitheantan, a *chuireadh* sìos ann an orduighibh, chum gu'n deanadh e ann féin de dhithis aon duine nuadh, *mar sin* a' deanamh sìthe :

16 Agus gu'n deanadh e réidh faraon iad ri Dia ann an aon chorp tre a' chrann-cheusaidh, air dha an naimhdeas a mharbhadh le sin :

17 Agns thàinig e agus shearmonaich e sìth dhuibhse a bha 'am fad, agus dhoibh-san a bha 'am fagus.

18 Oir trid-san tha araon slighe againn gu dol a steach tre aon Spiorad chum an Athar.

19 A nis uime sin chan-eil sibh ni's mò 'n 'ur coigrich agns 'n 'ur coimhich, ach 'n 'ur luchd aoin bhaile ris na naomh, agns 'n 'ur muinntir-teaghlach Dhé ;

20 Agns tha sibh air bhur togail suas air bunait nan abstol agus nam faidhean air

bhi do Iosa Crìosd féin : 'n a *chloich*-chinn na h-oisim ;

21 Anns am bheil an aitreabh uile, ceangailte gn ceart r'a chéile, a' fas suas chum a bhi 'n a teampull naomh 's an Tighearn :

22 Anns am bheil sibhse mar an ceudna air bhur comh-thogail suas chum a bhi 'n 'ur tigh-còmhnuidh do Dhia tre an Spiorad.

## CAIB. III.

1 *Rinneadh* an rùn-diomhair, gu'm bitheadh na Cinnich air an saoradh, fhoillseachadh do Phòl ; 8 agus thugadh an gràs dhàsan sin a shearmonachadh : 13 d'f'iar e air na Ephesianaich gun iad a d'fhannachadh air son a thrioblaid-san, 14 agus ghuidh e gu'n tuigeadh iadsan mòr-ghràdh Chrìosd d'an taobh.

AIR an aobhar so, tha mise Pòl a'm phrìosanach Iosa Crìosd, air bhur son-se, a Chinneacha ;

2 O chuala sibh mun fhrithealadh gràis Dhé, a thugadh dhomh-sa air bhur son-se :

3 Gu'n d'rinn e aithnichte dhomh tre fhoillseachadh an rùn-diomhair, (mar a sgrìobh mi roimh gu h-aithghearr,

4 Leis an feud sibh, air dhuibh a leughadh, m'èòlas ann an rùn-diomhair Chrìosd a thugsim ;)

5 Ni, ann an linnibh eile, air nach d'thugadh fios do chloinn nan daoine, mar tha e nis air fhoillseachadh d'a abstolaibh naomha agus d'a fhàidhibh tre an Spiorad ;

6 Gu'm bitheadh na Cinnich 'n an comh-oighreachaibh, agus 'n an comh-chorp, agus 'n an luchd-còmhpairt d'a ghealladh-san ann an Crìosd, tre an t-soisgeul :

7 Air an d'rinnadh mise a'm mhinistear, a réir tiodhlaic gràis Dhé a thugadh dhomh, a réir oibreachaidh éifeachdaich a chumhachd-san.

8 Dhomh-sa, a's lugha na'n ti a's lugha de na naomh uile, thugadh an gràs so, saoi bhras Chrìosd, nach feudar a ramusachadh, a shearmonachadh am measg nan Cinnich ;

9 Agns gu'n deanaim soilleir do na h-uile *dhaoinibh*, ciod e common an rùn-diomhair sin, a bha folaichte ann an Dia o thoiseach an t-saoghail, a chrnthach na h-uile nithean tre Iosa Crìosd ;

10 Chn'm gu'n deantadh aithnichte nis do na h-uachdaranachdaibh, agus do na cumhachdaibh ann an *ionadaibh* nèamhaidh, leis an eaglais, gliocas eagsanhuil Dhé,

11 A réir an rùn shiorruidh a rùnaich e ann an Iosa Crìosd ar Tighearn :

12 Anns am bheil againn dànachd agus slighe gn dol a steach ann am muinghin tre a chreidimh-san.

13 Uime sin tha mi ag iarraidh nach lagh aibh a leth mo thrioblaidean-sa air bhur son, ni a's e bhur glòir-sa.

14 Air an aobhar so tha mi a' lùbadh mo ghluine do Athair ar Tighearna Iosa Crìosd,



15 Air an ainmichear an teaghlach uile air nèamh agus air talamh,

16 Gu'n deònaicheadh e dhuibh a réir saobhairis a ghloire, 'bhi air bhur neartachadh gu treun, tre a Spiorad-san anns an duine an leth stigh;

17 Ionnnus gu'n gabh Crìosd còmhnuidh ann bhur cridhe tre chreidimh; chum air dhuibh 'bhi air bhur freumhachadh, agus air bhur stéidheachadh ann an gràdh,

18 Gu'm bi sibh comasach maille ris na naoimh uile, air a thuigsinn ciod e leud, agus fad, agus doimhne, agus àirde;

19 Agus air gràdh Chrìosd aithneachadh, a chaidh thar gach uile còlais, chum gu'm bi sibh air bhur lìonadh le uile lànachd Dhé.

20 A nis dhàsan d'an comas na h-uile nithcan a dheanamh gu h-anabarrach ro phailt, thar gach ni a's urrainn sinne iarraidh no smuaineachadh, a réir a' chumhachd a tha 'g oibreachadh gu h-èifeachdach annainn,

21 Dhàsan *gu robh* glòir anns an eaglais tre Iosa Crìosd, air feadh gach uile linn, gu saoghal nan saoghal. Amen.

## CAIB. IV.

1 *D'earalaich an t-abstol na h-Ephesianach chum aonachd; 7 agus chuir e 'an cèill gu'n d'thug Dia chum na crìche so tiodhlacan eagsamhuil do dhaoibh, 13 ionnnus gu'm bithheadh 'eaglais air a togail, 16 agus gu'm fàsadh i suas ann an Crìosd; 18 ghairm e iad o neòghloine nan Cinneach, 24 chum an nuadh-dhuine a chur umpa.*

**U**IME sin, tha mise prìosanach an Tighearna, a' guidhe oirbh gu'n gluais sibh gu cubhaidh do'n ghairm leis an do ghairm-eadh sibh;

2 Leis gach uile irioslachd inntinn agus mhacantas, le fad-fhulangas, a' giùlan le 'chéile ann an gràdh;

3 A' deanamh dìchill air aonachd an Spioraid a choinhead ann an ceangal na sìthe.

4 *Is* aon chorp agus aon Spiorad *a tha ann*, amhuil mar an ceudna a ghairmeadh sibh ann an aon mhuinghin bhur gairme;

5 Aon Tighearna, aon chreidimh, aon bhaisteadh,

6 Aon Dia agus Athair nan uile, a *tha* os ceann nan uile, agus tre na h-uile, agus annaibh-se uile.

7 Ach thugadh gràs do gach aon againn, a rèir tomhais tiodhlaic Chrìosd.

8 Uime sin tha e ag ràdh, Air dol suas da an àird, thug e bruid 'am braigheanas, agus thug e tiodhlacan do dhaoimibh.

9 (A nis gu'n deachaidh e suas, ciod e ach gu'n deachaidh e air tùs sìos gu ionadaibh iochdarach na talmhainn?)

10 An ti a chaidh sìos, is e sin féin e a chaidh suas mar an ceudna gu ro àrd os ceann nan uile nèamh, chum gu'n lìonadh e na h-uile nithcan.

11 Agus thug e dream àraidh gu 'bhi 'n an

abstolaibh; dream eile, gu 'bhi 'n an faidhibh; agus dream eile, gu 'bhi 'n an soisgeul-aichibh; agus dream eile, gu 'bhi 'n an aodhairibh, agus 'n an luchd-teagaisg;

12 Chum na naoimh a dheasachadh, chum oibre na ministreilcachd, chum togail suas cuirp Chrìosd:

13 Gus an tig sinn uile ann an aonachd a' chreidimh, agus còlais Mhic Dhé, chum duine ionlainn, chum tomhais àirde lànachd Chrìosd:

14 Chum as nach bi sinn á so suas 'n ar leanabaibh, air ar tonn-luasgadh, agus air ar giùlan mu'n cuairt leis gach uile ghaoith teagaisg, le cleasachd dhaoine, *agus* seòltachd chealgach, leis am bheil iad gu h-innleachdach ri feall-fholach chum meallaidh:

15 Ach a' labhairt na firinn ann an gràdh, gu 'm fassinn suas anns na h-uile nithibh chuige-san, a's e an ceann, *eadhon* Chrìosd:

16 O'm bheil an corp uile, air a cheangal gu ceart, agus air a dhlùthachadh tre an ni sin a tha gach alt a' toirt uaith, a réir oibreachaidh èifeachdaich ann an tomhas gach buill, a' faghail fàs cuirp, chum a thogail féin suas ann an gràdh.

17 So uime sin tha mi ag ràdh, agus ag guidhe 'am fianuis an Tighearna, gun sibh a dh'imeachd á so suas mar a tha na Cinneach eile ag imeachd, ann an dìomhanas an inntinn féin;

18 Aig am bheil an tuisge air a dorchachadh, air dhoibh a bhi 'n an coimlich do bheatha Dhé, thaobh an aincolais a tha anna, tre chruas an cridhe:

19 Muinntir, air dhoibh am mothachadh a chall, a thug iad féin thairis do mhi-nàire, chum gach uile neòghloine 'chur 'an gnìomh le ciocras.

20 Ach cha d'fhòghluim sibhse Crìosd mar so;

21 O chuala sibh e, agus o theagaisgeadh leis sibh, mar tha an fhìrinn ann an Iosa:

22 Gu'n cuir sibh dhiubh, thaobh a' cheud chaithe-beatha, an seann duine, a tha truailleadh a réir nan ana-miann cealgach;

23 Agus gu'm bi sibh air bhur n-athnuadhachadh ann an spiorad bhur n-inntinn;

24 Agus gu'n cuir sibh umaibh an nuadh-dhuine, a tha air a chruthachadh a réir Dhé ann am fireantachd agus ann am fìor-naomhachd.

25 Uime sin air dhuibh a' bhreug a chur uaibh, labhraibh an fhìrinn gach neach r'a choinhearsnach: oir is buill sin d'a chéile.

26 Bitheadh fearg oirbh, agus na peacaichibh: na luidheadh a' ghrian air bhur corr-uich:

27 Agus na tugaibh àite do'n diabhal.

28 An ti a ghoid, na goideadh e nì's mò: ach gu ma fearr leis saothair a dheanamh, ag oibreachadh an ni a tha maith le a lamhan, chum gu'm bi aige nì r'a phàir-

teachadh ris an neach air an bheil uireas-bhuidh.

29 Na tigeadh cainnt thruaillidh air bith a mach as bhur beul, ach an ni sin a tha maith chum deadh-fhòghlum, ionnus gu'n toir e gràs do'n luchd-éisdeachd.

30 Agus na cuiribh doilgheas air Spiorad naomh Dhé, leis an do chuireadh seula oirbh gu là na saorsa.

31 Bitheadh gach uile sheirbhe, agus corr-uich, agus fearg, agus gàrrthaich, agus toibheum air an togail uaibh, maille ris gach uile mhirun.

32 Agus bithibh caoinhneil teo-chridheach d'a chéile; a' toirt maitheanas d'a chéile, eadhon mar a thug Dia maitheanas dhuibhse ann an Crìosd.

## CAIB. V.

1 *An dèigh earrailean coitichionn chum gràidh, 3 chum striopachas a sheachnadh, 4 agus na h-uile neòghloine, 7 gun chomhludadar a chumail ri daoineibh aingidh, 15 imeachd gu faicilleach, 18 agus a bhi air an tionadh leis an Spiorad, 22 labhair Pòl mu dhleasdanasaiibh fa leth, cionnus is còir do mhnàibh' bli ùmhal d'am fearaibh-pòsa, 25 agus is còir do na fir am mnathan a ghràdhachadh.*

UIME sin bithibh-se 'n 'ur luchd-leannmuinn air Dia, mar chloinn ghràdhaich;

2 Agus ghuaisibh ann an gràdh, eadhon mar a ghràdhaich Crìosd sinne, agus a thug se e féin air ar son, 'n a thabhartas agus 'n a òbairt deadh-fhàile do Dhia.

3 Ach na bitheadh striopachas, agus gach uile neòghloine, no sannt, uiread as air an ainmeachadh 'n ur measg, mar is eubhaidh do naoimh;

4 No draosdachd, no còmhradh amaid-each, no bao-shùgradh, nithean nach 'eil iomchuidh: ach gu ma fearr leibh breith-buidheachais.

5 Oir tha fios agaibh air so, nach 'eil aig fear-striopachais air bith, no aig neach neòghlan, no aig duine sanntach, (a tha 'n a fhear-ìodhol-aoraidh,) oighreachd ann an rìoghachd Chrìosd agus Dhé.

6 Na mealladh neach air bith sibh le briathraibh dìomhain: oir air son nan nithean sin tha fearg Dhé a' teachd air cloinn na h-eas-ùmhachd.

7 Na bithibh-se uime sin 'n ur luchd-comh-pairt ri.

8 Oir bha sibh uair-éigin 'n ur dorchadas, ach a nis tha sibh 'n ur solus 's an Tighearn: ghuaisibh mar chloinn an t-soluis;

9 (Oir tha toradh an Spioraid anns an uile mhaithcas, agus ionracas, agus fhìrinn;)

10 A' dearbhadh ciod an ni a tha taitneach do'n Tighearn.

11 Agus na bitheadh comh-chomunn agaibh ri oibribh neo-tharbhach an dorchadais, ach gu ma fearr leibh an cronachadh.

12 Oir is gràineil eadhon r'an innsadh na

nithean a tha air an deanamh leo, ann an uaignidheas.

13 Ach tha na h-uile nithean a tha air an cronachadh, air an deanamh follaiseach leis an t-solus: oir gach uile ni a ni soilleir, is solus e.

14 Uime sin tha e ag ràdh, Mosgail, thusa a tha a'd chodal, agus éirich o na mairbh, agus bheir Crìosd solus duit.

15 Feuchaibh uime sin gu'n ghuais sibh gu faicilleach, cha-n ann mar amadain, ach mar dhaoine glìce,

16 Ag ath-cheannach na h-aimsir, do bhrìgh gu bheil na làithean olc.

17 Air an aobhar sin na bithibh-se neo-ghlic, ach a' tuigsinn ciod i toil an Tighearna.

18 Agus na bithibh air mhisg le fion, anns am bheil anabarr; ach bithibh air bhur lìonadh leis an Spiorad:

19 A' labhairt ri bh féin ann an salmaibh, ann an laoidhibh, agus ann an dànaibh spioradail, a' seinn agus a' deanamh ciuil 'n ur crìdhe do'n Tighearn:

20 A' toirt buidheachais a ghnàth air son nan uile nithean do Dhia, eadhon an t-Athair, aon an ainm ar Tighearna Iosa Crìosd;

21 Air dhuibh a bhi ùmhal d'a chéile ann an eagail Dhé.

22 A mhnathan, bithibh ùmhal do 'ur fearaibh féin, mar do'n Tighearn.

23 Oir is e am fear ceann na mnà, eadhon mar is e Crìosd ceann na h-eaglais: agus is esan Slànuidhear a' chuirp.

24 Uime sin mar a tha'n eaglais ùmhal do Chrìosd, mar sin bitheadh na mnathan d'am fearaibh féin mar an ceudna anns gach ni:

25 Fheara, gràdhaichibh blur mnathan féin, eadhon mar a ghràdhaich Crìosd an eaglais, agus a thug se e féin air a son;

26 Chum gu naomhaicheadh, agus gu'n glanadh e i le ionnlad an uisge tre an fhocal.

27 Chum gu'n cuireadh e 'n a làthair féin i 'n a h-eaglais ghlòrmhoir, gun smal, gun phreasadh, no ni air bith d'an leithidibh sin; ach chum gu'm bitheadh i naomh, agus neo-lochdach.

28 Is amhluidh sin is còir do na fearaibh am mnathan féin a ghràdhachadh, mar an cuirp féin: an ti a ghràdhaicheas a bhean, tha e 'g a ghràdhachadh féin.

29 Oir cha d'thug duine air bith riamh fuath d'a fheòil féin; ach altrumaidh agus eiridmhid e i, eadhon mar a tha an Tighearn a' deanamh do'n eaglais:

30 Oir is buill sinn d'a chorp, d'a fheòil, agus d'a chnàmhan-san.

31 Air an aobhar so fàgaidh duine 'athair agus a mhàthair, agus dlùth-leanaidh e r'a mhnai, agus bithidh an dithis 'n an aon fheòil.



32 Is dìomhaireachd mhòr so: ach tha mi a' labhairt mu Chrìosd agus an eaglais.

33 Gidheadh, thugadh gach aon agaibh-se fa leth gràdh d'a mhnaoi amhuil mar dha féin; agus *feuchadh* a' bhean gu'n toir i urram d'a fear.

CAIB. VI.

1 *Dleasdanas cloinne d'am pàrantaibh, 5 agus sheirbhisich d'am maighstiribh. 10 Is cogadh ar beatha, 12 cha-n ann a' mhàin an aghaidh fola agus feòla, ach mar an ceudna an aghaidh naimhdean spioradail. 13 Airm a' Chrìosdaidh, 18 agus cionnus is còir an gnàthachadh. 21 Tha Tichicus air a mholadh.*

**A** CHLANN, bithibh ùmhal do 'ur pàrantaibh féin 's an Tighearn: oir tha so ceart.

2 Thoir urram do d' athair agus do d' mhàthair, (is i so a' chuid àithne le gealladh.)

3 Chum gu'n éirich gu maith dhuit, agus gu'm bi thu fad-shaoghalach air an talamh.

4 Agus aithriche, na brosnuichibh bhur clann chum feirge: ach togaibh iad ann an oilean agus ann an teagasg an Tighearna.

5 A sheirbhiseara, bithibh ùmhal do 'ur maighstiribh a réir na feòla, le h-eagal agus crith, ann an tréibldhireas bhur cridhe, mar do Chrìosd:

6 Cha-n ann le sùil-sheirbhis, mar dhream a ni toil dhaoine, ach mar sheirbhisich Chrìosd, a' deanamh toil Dhé o'n ehiridhe;

7 Le deadh thoil a' deanamh seirbhis, mar do'n Tighearn, agus cha-n ann do dhaoineibh:

8 Air dhuibh fios a bhi agaibh, ge b'e maith air bith a ni aon neach, gu'm faigh e an ni so féin o'n Tighearn, ma's saor no daor e.

9 Agus a mhaighstirean, deanaibh-se na nithean ceudna dhoibh-san, a' leigeadh dhibh bagraidh: air dhuibh fios a bhi agaibh gu bheil bhur maighstir féin air neamh mar an ceudna, agus nach 'eil gnùis-bhreth maille ris.

10 Fa dheoidh, mo bhràithre, bithibh làidir 's an Tighearn, agus ann an neart a chumhachd-san.

11 Cuiribh umaibh uile armachd Dhe, chum gu'm bi sibh comasach air seasamh an aghaidh cuilbheirtean an diabhuil.

12 Oir cha-n 'eil sinn a' gleachdadh *amhàin* ri fuil agus feòil, ach ri uachdaranaichdaibh, ri cumhaichdaibh, ri riaghlairibh dorchadais an t-saoghail so, ri aingidheachd spioradail ann an *ionadaibh* àrda.

13 Uime sin glacialh do 'ur n-ionnsuidh uile armachd Dhé, chum gu'm bi sibh comasach air seasamh an aghaidh *a' bhuairidh* 's an droch là, agus air dhuibh na h-uile ni a dheanamh, chum seasamh.

14 Seasaibh uime sin, air bhi do 'ur leasraidh air an crioslachadh le firinn, agus uchd-èididh na fireantaichd umaibh;

15 Agus ulluchadh soisgeil na sìthe mar bhrògan agaibh air bhur cosaibh;

16 Thar gach uile ni, a' glacadh do 'ur n-ionnsuidh sgéithe a' chreidimh, leis am bi sibh comasach air uile shaighdean teinnteach an droch *Spioraid* a mhùchadh.

17 Agus glacialh clogaid na slàinte, agus claidheamh an Spioraid, ni a's e focal Dhé:

18 A' deanamh urnuigh a ghnàth leis gach uile ghnè urnuigh agus asluachaidh 's an Spiorad, agus a' deanamh faire ehum an ni so féin maille ris gach uile bhuanachadh, agus ghuidheadh air son nan naomh uile;

19 Agus air mo shonsa, chum gu'n toirear dhomh comas labhairt, le fosgladh mo bheòil ann an dànachd, chum gu foillsich mi rùn-dìomhair an t-soisgeil;

20 Air son am bheil mi a'm' theachdair ann an geimhlibh: chum gu'n labhair mi gu dàna uime, mar is còir dhomh labhairt.

21 Ach a chum gu'm bi fhios agaibh-se mar an ceudna air na nitheibh a bhuineas dhomh-sa, agus ciod a tha mi a' deanamh, foillsieidh Tichicus, bràthair gràdhach agus ministear firinneach 's an Tighearn, na h-uile ni dhuibh:

22 Neach a chuir mi do 'ur n-ionnsuidh air son an aobhair so féin, chum gu'm bith-eadh fios nan nithean a bhuineas duinne agaibh, agus gu'n tugadh e comhfhurtachd do 'ur cridhe.

23 Sith *gu robh* do na bràithribh, agus gràdh maille ri ereidimh, o Dhia an t-Ath-air, agus an Tighearn Iosa Chrìosd.

24 *Gu robh* gràs maille rìusan uile a tha 'gràdhachadh ri Tighearn Iosa Chrìosd ann an tréibldhireas. Amen.

## PHILIPIANACH.

## CAIB. I.

1 *Chuir an t-abstol 'an cèill a thaingealachd do Phia, agus a ghràdh do na Philipianaich, air son toraidh an creidimh, agus an comhpairt 'n a fhlungas; 9 rinn e urnuigh a ghnàth ri Dia gu'm fàsadh iad ann an gràs: 12 nochd e an tairbhe a fhuair creidimh Chrìosd o fhlungas-san anns an Ròimh, 21 agus co toil-each 's a tha e air Crìosd a ghlòrachadh, le a bheatha no le 'bhàs. 27 Dh'earlaich e iad chum aonachd inntinn.*

**P**OL agus Timoteus, seirbhisich Iosa Crìosd, chum nan naomh uile ann an Iosa Crìosd, a tha ann am Philipi, maille ris na h-easbuigibh agus ris na deaconaibh:

2 Gràs duibh agus sìth o Dhia ar n-Athair, agus o'n Tighearn Iosa Crìosd.

3 Tha mi 'toirt buidheachais do m' Dhia gach uair a chuimhnicas mi oirbh,

4 A ghnàth ann an uile urnuighibh air bhuir sou-se uile, le gairdeachas a' deanamh guidhe,

5 Air son bhuir comh-roinn de'n t-soisgeul, o'n chud là gus a nis;

6 Air dhomh 'bhi dearbhta as an ni so féin, eadhon an ti a thòisich air deadh obair aunaibh, gu'n coimhlìo e i gu là Iosa Crìosd:

7 Eadhon mar is còir dhomh so a smuain-eachadh umaibh uile, do bhrìgh gu bheil sibh agam ann am chridhe, agus gu bheil sibh uile 'n 'ur luchd comh-roinn de m' ghràs-sa, araon ann am gheimhlibh, agus ann an seasamh air son, agus ann an daingneachadh an t-soisgeil.

8 Oir is e Dia m'fhianais, cia mòr mo dhéidh oirbh uile, ann an innibh Iosa Crìosd.

9 Agus tha mi a' guidhe so, gu'm bitheadh bhuir gràdh-se air a mheudachadh ni's mò agus ni's mò ann an eòlas, agus ann an uile thuigse:

10 Chum gu'u dearbh sibh na nithean a's fearr; chum gu'm bi sibh trèibhdhireach, agus gun tuisleadh gu là Chrìosd;

11 Air bhuir ìonadh le toraibh na fireantachd, a tha tre Iosa Crìosd chum glòire agus chù Dhé.

12 Ach is àill leam, a bhràithrean, fios a bhì agaibh, na nithean a thachair dhomh-sa, gur mòd a dh'éirich leo an soisgeul a chur air 'aghaidh:

13 Ionnsu gu bheil mo gheimhlean-sa ann an Crìosd ionnraideach anns an lùchairt uile, agus anns gach àit eile;

14 Agus gu bheil mòran de na bràith-

ribh 's an Tighearn a' gabhail misnich o m' gheimhlibh, leis au tuilleadh mòr-dhànachd a' labhairt an fhocail gun eagal.

15 Tha cuid gu dearbh a' searmonachadh Chrìosd tre fharmad agus strì, agus cuid eile tre dheadh thoil.

16 Tha aon dream a' searmonachadh Chrìosd tre chonnspoid, cha-n ann gu trèibhdhireach, a' saòilsim àmhghar a chur ri m' gheimhlibh-sa:

17 Ach au dream eile o ghràdh, air dhoibh fios a bhì aca gu'n do chuireadh mise gu seasamh air sou an t-soisgeil.

18 Ciod ma ta? gidheadh air gach aon chor, co aca is ann 'an coslas a mhàin, no da rìreadh, tha Chrìosd air a shearmonachadh; agus air a shon so tha mise a' deanamh gairdeachais, seadh, agus ni mi gairdeachas.

19 Oir tha fhios agam gu'u tig so chum slàinte dhomh-sa tre bhuir n-urnuighse, agus tre fhrithleadh Spioraid Iosa Crìosd,

20 A réir mo ro-dhùil, agus mo dhòchais, nach cuirear nàire orm ann an ni air bith, ach leis an uile dhànachd labhairt, mar a ghnàth, gu'm bi Crìosd a nis mar an ceudna air 'ardachadh a'm' chorp-sa, ma's ann tre bheatha no tre bhàs.

21 Oir dhomh-sa 'bhi beò 's e sin Crìosd, agus bàs fhaotainn 's buannachd dhomh so.

22 Ach ma's beò dhomh 's an fheòil, 's e so toradh m'òibre: ach ciod d'an deanainn roghainn, cha-n fhios domh.

23 Oir tha mi air mo theanachadh eadar dhà ni, air dhomh 'bhi togarrach air siubhal, agus a bhì maille ri Crìosd; oir is e so a's ro fhearr:

24 Gidheadh, 's e mi dh'fhantuinn 's an fheòil a's feumaille dhuibhse.

25 Agus air dhomh 'bhi cinnteach á so, tha fhios agam gu'm fuirich mi agus gu'n còmhnuich mi maille ribh uile, chum bhuir cur-se air bhuir n-aghaidh, agus chum gairdeachais a' chreidimh:

26 Chum gu'm bi bhuir gairdeachas ni's pailte ann an Iosa Crìosd do m' thaobh-sa, air son mi 'bhi a ris a làthair maille ribh.

27 A mhàin caithibh bhuir beatha gu cubhaidh do shoisgeul Chrìosd: chum co aca a thig mi agus a chi mi sibh, no a bhitheas mi as 'ur làthair, gu'n chuinn mi mu 'ur timchioll, gu bheil sibh a' seasamh gu daingean au an aon spiorad, le aon inntinn, a' gleacadh le 'chéile air son creidimh an t-soisgeil;



## PHILIPIANACH, II.

28 Gun gheilt ann an nì sam bith oirbh o bhur naimhaidibh : nì a tha dhoibh-san 'n a chomhara cinnteach air sgrios, ach dhuibhse air slàinte, agus sin o Dhia.

29 Oir thìodhlacaidh dhuibhse air son Chrìosd, cha-n o mhàin creidsinn ann, ach mar an ceudna falang air a shon ;

30 Air dhuibh an còmhrag ceudna 'bhi agaibh a chunnaic sibh annam-sa, agus a tha sibh a nis a' cluaintinn a bhi annam.

### CAIB. II.

1 *D'earalaich Pòl na Philipianach chum aonachd agus irioslachd inntinn, le eisempeir ìsleachaidh agus àrdachaidh Chrìosd ; 12 chum iad a dh'ol air an aghaidh gu cùramach ann an slighe na slàinte, ionnus gu'm bitheadh iad 'n an solus do'n t-saoghal aingidh. 16 agus 'n an còmhfhurtachd dhàsan an abstol-san, neach a tha ullamh eadhon chum a bhi air robardh suas do Dhia air an son.*

**U**IME sin ma tha còmhfhurtachd air bith ann an Crìosd, ma tha sòlas air bith gràidh, ma tha comh-chomunn air bith an Spioraid, ma tha truas air bith agus trècairean ;

2 Coimhleanaibh mo ghairdeachas, gu'm bi sibh a dh'aon inntinn, a dh'aon ghràdh, a dh'aon toil, a dh'aon breithneachadh.

3 *Na deantar aon nì tre chonnspoid, no tre ghloir dhìomhain, ach ann an irioslachd inntinn measadh gach aon gur fearr neach eile na e féin.*

4 Na seallaibh gach aon air na nithibh sin a bhuineas da féin, ach gach aon air na nithibh a bhuineas do dhaoimibh eile mar an ceudna.

5 Uime sin bitheadh an inntinn cheudna annaibhse, a bha ann an Iosa Crìosd :

6 Neach air bhi dha ann an cruth Dhé, nach do mheas e 'n a reubainn e féin a bhi còmh-ionann ri Dia :

7 Ach chuir se e féin ann an dìmeas, a' gabhail air féin cruth seirbhisich, air a dhèanamh ann an coslas dhaoine :

8 Agus air dha 'bhi air 'fhaghail ann an cruth mar dhuine, dh'irioslaich se e féin, agus bha e ùmhail gu bàs, eadhon bàs a' chroinn-cheusaidh.

9 Air an aobhar sin dh'àrdaich Dia e gu ro àrd mar an ceudna, agus thug e dha ainm os ceann gach uile ainm :

10 Chum do ainm Iosa gu'n lùbadh gach glùn, de *nithibh a tha* air nèamh, agus de *nithibh a tha* air thalamh, agus de *nithibh a tha* fo 'n talamh ;

11 Agus gu'n aidicheadh gach teangadh gur e Iosa Crìosd an Tighearn, chum glòire Dhé an Athar.

12 Uime sin, a mhuinntir mo ghràidh, mar a bha sibh ùmhail a ghnàth, cha-n e a mhàin a'n lathair-sa, ach nì's ro mhò as mo lathair, an-oibrichibh bhur slàinte féin le h-eagal agus ball-chrith.

13 Oir is e Dia a dh'oibriceas annaibh,

araon an toil agus an gnìomh a réir a dheadh-ghean féin.

14 Deanaibh na h-uile nithean gun ghearan, agus gun deasboireachd :

15 Chum gu'm bi sibh neo-choireach, agus neo-chronail, 'n 'ur cloinn do Dhia, neo-lochdach, 'am meadhan gincalaich fhiair agus chrosda, 'measg am bheil sibhse a' dealrachadh mar lòchrain sholuis 's an t-saoghal ;

16 A' cumail a mach focail na beatha ; chum gu'n dean mise uail ann an là Chrìosd, do bhrìgh nach do ruith mi gu dìomhain, agus nach do shaothraich mi gu dìomhain.

17 Seadh agus ma dh'èobrar mi airìobairt agus scirbhis fhollaiscach bhur creidimhse, tha aoibhneas orm, agus tha mi a' deanamh gairdeachais maille ribhse uile.

18 Air an dòigh cheudna bitheadh aoibhneas oirbhse, agus deanaibh gairdeachas maille riumsa.

19 Ach tha dòchas agam anns an Tighearn Iosa, Timoteus a chur gu goirid do 'ur n-ionnsuidh, chum gu'm bi mise mar an ceudna ann an deadh mhisnich, air dhomh fios fhaotainn cìod a's cor dhuibhse.

20 Oir cha-n'eil duine air bith agam còmh-ionann inntinn *ris-san*, air am bi cùram nan nithean a bhuineas dhuibhse gu dùrachdach.

21 Oir tha na h-uile ag iarraidh nan nithcan a bhuineas doibh féin, cha-n iad na nithcan a bhuineas do Iosa Crìosd.

22 Ach is aithne dhuibh a dhearbhadh-san, mar mhac d'a athair, gu'n d'rinn e scirbhis maille riumsa anns an t-soisgeul.

23 Uime sin tha dùil agam esan a chur do 'ur n-ionnsuidh air ball, co luath as a chi mi cìod a's cor dhomh féin.

24 Ach tha earbsa agam anns an Tighearn, gu'n tig mi féin do 'ur n-ionnsuidh gu h-aithghearr mar an ceudna.

25 Gidheadh mheas mi gu'm b'fheumail Epaphroditus mo bhràthair, agus mo chomh-oibriche, agus mo chomh-shaighdear, ach bhur teachdair-se, agus an ti a fhrithail do m' uireasbhuidh, a chur do 'ur n-ionnsuidh.

26 Oir bha déidh mhòr aig oirbh uile, agus bha e làn tuirse, do bhrìgh gu'n cuala sibhse gu'n robh e tinn.

27 Agus gu deimhin bha e tinn fagus do'n bhàs : gidheadh rinn Dia trècair air ; agus cha b'ann airsan a mhàin, ach ormsa mar an ceudna, chum nach bitheadh doilgheas air muin doilgheis orm.

28 Uime sin bu togarraiche a chuir mi do 'ur n-ionnsuidh e, chum air dhuibh 'fhaicinn a ris, gu'm bitheadh aoibhneas oirbh, agus gu'm bu lughaid mo dhoilgheas-sa.

29 Air an aobhar sin gabhaibh ris 's an Tighearn leis an uile aoibhneas, agus bitheadh meas mòr agaibh air an leithidibh sin :

30 Do bhrìgh air son oibre Chrìosd gu

robh e dlùth do'n bhàs, agus nach robh suim aige d'a bheatha féin, chum gu'n deanadh e suas nìreasbhuidh bhuir seirbhis-se do m' thaobh-sa.

### CAIB. III.

1 *Thug Pòl rabhadh do na Philipianaich iad a bhi air am faicill o luchd-teagaisg bréige an timchioll-ghearraidh; 4 nochd e gu bheil aige féin tuilleadh aobhair na acu-san, carbsadh a fireantachd an lagha; 7 ni gidheadh a mheas e mar aolach agus mar chall chum Iosa Crìosd agus 'fhìreantachd-san a chosnadh; 12 dh'aicich e a neo-fhoirfeachd féin anns an nì so, &c.*

**O**S bàrr, mo bhràithre, deanaibh gairdeachas 's an Tighearn. Gu deimhin cha leasg leam-sa na nithean ceudna a sgrìobhadh do bhuir n-ionnsuidh, ach dhuibhsa tha so tearuinte.

2 Bithibh air bhuir faicill o mhadraibh, bithibh air bhuir faicill o dhroch luchd-obire, coimhidibh sibh féin o'n chomh-ghearradh.

3 Oir is sinne an timchioll-ghearradh, a tha 'deanamh aoraidh do Dhia 's an Spiorad, agus a' deanamh gairdeachais ann an Iosa Crìosd, agus nach 'eil a' cur muinghin 's an fheòil:

4 Ged dh'fheudainn-sa mar an ceudna muinghin a bhi agam 's an fheòil. Ma shaoileas aon neach eile gu'm feud e muinghin a chur 's an fheòil, is mò na sin a dh'fheudas mise:

5 Air mo thimchioll-ghearradh air an ochdamh là, de chinneach Israeil, de thréibh Bheniamin, a'm' Eabhruidheach de na h-Eabhruidhich; a réir au lagha, a'm' Phairiseach;

6 A thaobh eud, a' deanamh geur-leannmhuinn air an eaglais; a réir na fireantachd a tha 's an lagh, neo-choireach.

7 Ach na nithean a bha 'n am buannachd dhomh, mheas mi iad sin 'n an call air son Chrìosd.

8 Seadh gun amharus, agus tha mi a' meas nan uile nithean 'n an call, air son ro-òirdh-eirceis eòlais Iosa Crìosd mo Thighearna: air son an d'fhuiling mi call nan uile nith-eau, agus tha mi a' meas gur aolach iad chum gu'n cosnainn Chrìosd,

9 Agns gu'm faighear ann-san mi, gun m'fhìreantachd féin agam, a tha o'n lagh, ach an fhìreantachd sin a tha tre chreidimh Chrìosd, an fhìreantachd a tha o Dhia tre chreidimh:

10 Chum eòlas a bhi agam airson, agus air cumbachd 'aiseirigh-san, agus air comh-chomunn 'fhulangais, air bhi dhomh air mo chur ann an coslas crutha r'a bhàs;

11 Dh'fheuchainn am feudainn air aon cher teachd chum aiseirigh nam marbh.

12 Cha-n e gu'n d'ràinig mi cheana, no gu bheil mi cheana foirfe: ach tha mi a' leant-uinn, dh'fheuchainn am faigh mi greim de'n nì sin féin air son an do ghabhadh greim dhìom le Iosa Crìosd.

13 A bhràithrean, cha-n'eil mi a' meas gu'n do ghlac mi greim: ach aon nì tha mi a' deanamh, air dhomh na nithean, a tha air mo chùil a dhì-chuimhneachadh, agus a bhi 'g am shìneadh féin chum nan uithcan a tha romham,

14 Tha mi a' dian-ruith dh'ionnsuidh a' chomharaidh, chum duaise àrd-ghairme Dhé ann an Iosa Crìosd.

15 Uime sin a' mheud dhinne 's a tha dìongmhailta, bitheadh an intinn so againn: agus ma tha sibh ann an nì sam bith air atharrachadh intinn, foillsichidh Dia an uile so féin duibh.

16 Gidheadh, an nì air an d'ràinig sinn cheana, gnaiseamaid a réir aoin riaghailt, bitheamaid a dh'aon intinn.

17 A bhràithrean, bithibhsa le 'chéile 'n ur luchd-leannmhuinn ormsa, agus thugaibh an aire dhoibh-sa a tha 'gluasad air an dòigh sin, mar tha sinne 'n ar n-eisimpleir againh.

18 (Oir tha mòran a' gluasad, mu'n dubhairt mi gu minic ribh, agus mi'm bheil mi nis, eadhon a' gul, ag ràdh ribh, gur naimhdean iad do chrann-ceusaidh Chrìosd:

19 D'an crìoch a bhi air an sgrios, d'an dia am brù; agus aig am bheil an glòir 'n an nàire, aig am bheil an aire air nithibh talmhaidh.)

20 Oir tha ar caithe-beatha-ne air nèamh, an t-ionad as am bheil dùil againn fòs ris an t-Slànuidhear, an Tighearn Iosa Crìosd;

21 A chrnth-atharraicheas ar corp diblidh, chum gu'n deanar e comh-chosmhail r'a chorp glòrmhor féin, a réir an oibreachaidh leis am bheil e comasach air na h-uile nith-ean a chur fo cheannsal féin.

### CAIB. IV.

1 *O chomhairlibh mionaideach, 4 chaidh an t-abstol air aghaidh chum earaillean coitichionn; 10 nochd e cionnus a rinn e gairdeachas air son an tabhartais dha, agus e 'n a luidhe 'am prìosan; 19 agus chrìochnaich e le h-urnuigh agus beannachdaibh.*

**U**IME sin, mo bhràithrean gràdhach agus air am bheil mo dhéidh, m'aoibhneas agus mo chrùn, seasaibh mar so gu daingean 's an Tighearn, a mhuinntir mo ghràidh.

2 Tha mi a' guidhe air Euodias, agus tha mi a' guidhe air Sintiche, iad a bhi dh'aon intinn 's an Tighearn.

3 Agus tha mi ag iarraidh ortsa mar au ceudna, a chompanaich dhileis, dean còmh-nadh ris na mnaibh sin a rinn saothair maille riom-sa 's an t-soisgeul, maille ri Clemens, agus a' chuid eile de m' chomh-oibrichibh, aig am bheil an ainmean ann an leabhar na beatha.

4 Deanaibh gairdeachas 's an Tighearn a ghnàth: a ris tha mi ag ràdh, Deanaibh gairdeachas.

5 Bitheadh bhuir measarrachd follaiseach



## PHILIPPIANACH, IV.

do na h-uile dhaoibh. *Tha'n Tighearn am fagus.*

6 Na bitheadh ro-chùram ni sam bith oirbh: ach anns gach uile ni le h-urnuigh agus asluchadh maille ri breith-buidheachais, bitheadh bhur n-iartuis air an deanamh aithnichte do Dhia.

7 Agus coimhididh sith Dhé, a tha thar gach uile thuigse, bhur cridhe agus bhur n-intinn ann an Iosa Crìosd.

8 Fa dheoidh, a bhràithrean, ge b'e nithean a tha fìor, ge b'e nithean a tha urramach, ge b'e nithean a tha ceart, ge b'e nithean a tha fìor-ghlan, ge b'e nithean a tha ion-ghràidh, ge b'e nithean a tha ion-mholta; ma tha deadh-bheus air bith ann, ma tha moladh air bith ann, smuainichibh air na nithibh sin.

9 Na nithean sin araon a dh'fhòghluim, agus a ghabh sibh, agus a chual' agus a chunnaic sibh annam-sa, deanaibh: agus bithidh Dia na sìthe maille ribh.

10 Ach rinn mi gairdeachas gu mòr 's an Tighearn do bhrìgh gu'n d'ath-ùraicheadh a nis fa dheireadh bhur cùram umam-sa; ni mar an ceudna anns an robh sibh cùramach, ach cha robh cothrom agaibh.

11 Cha-n e gu bheil mi a' labhairt a thaobh uireasbhuidh: oir dh'fhòghluim mi, ge b'e staid 's am bheil mi, a bhi toilichte.

12 Is aithne dhomh a bhi ìosal, agus is aithne dhomh mar an ceudna pailteas a mhealtuinn: anns gach àit, agus anns na h-uile nithibh theagaisgeadh mi, araon a bhi sàthach agus ocrach, araon pailteas a shealbhadh agus uireasbhuidh fhulang.

13 Is urrainn mi na h-uile nithean dheanamh tre Chrìosd, a neartaicheas mi.

14 Gidheadh, is maith a rinn sibh gu'n dc chomh-phàirtich sibh ri m' thrioblaid.

15 Agus a nis bitheadh fhios agaibhse, 'Philippianacha, ann an toiseach an t-soisgeil, 'n ur a dh'fhag mi Macedonia, nach do rènn eaglais air bith rium-sa, thaobh tabhairt agus gabhail, ach sibhse a mhaìn.

16 Oir eadhon ann an Tesalonica chuir sibh aon uair agus a ris a m' ionnsuidh leasachadh do m' uircasbhuidh.

17 Cha-n e gu bheil mi ag iarraidh tabhairtais: ach tha mi ag iarraidh toraidh a bhitheas pailt chum blur cunntais-se.

18 Ach tha mi 'sealbhadh nan uile nithean, agus tha pailteas agam: lìonadh mi, air dhomh na nithean fhaotainn o Epaphroditus a chuireadh uaibhse, faile deadh-chùbhraidh, iobairt thaitneach, anns am bheil tlachd aig Dia.

19 Ach leasaichidh mo Dhia-sa bhur n-uircasbhuidh uile, a réir a shaoibhreis ann an glòir, tre Iosa Crìosd.

20 A nis do Dhia agus ar n-Athair-ne gu robh glòir gu saoghal nan saoghal. Amen.

21 Cuiribh faillte air gach uile naomh ann an Iosa Crìosd. Tha na bràithrean a tha maille rium, a' cur faillte oirbh.

22 Tha na naomh uile a' cur faillte oirbh, gu h-àraidh iadsan a tha de theaghlach Cheasair.

23 Gràs ar Tighearna Iosa Crìosd gu robh maille ribh uile. Amen.

## LITIR AN ABSTOIL PHOIL

CHUM NAN

# COLOSIANACH.

CAIB. I.

1 An dèigh faillte 'chur air na Colosianaich, thug Pol buidheachas do Dhia air son an creidimh, 7 dhainnich e teagasg Epaphras, 9 ghluidh e gu'm bitheadh an gràs air a mheudachadh, 14 chuir e 'an cèill cò e am fìor Chrìosd, 21 thug e misneach dhoibh gu gabhail ri Crìosd; 25 agus mhol e a mhinistireachd féin.

**P**OL abstol Iosa Crìosd tre thoil Dhé, agus Timoteus ar bràthair,

2 Chum nan naomh agus nam bràthar dileas ann an Crìosd, a tha ann an Colose: Gràs gu robh dhuibh, agus sìth o Dhia ar n-Athair, agus o'n Tighearn Iosa Crìosd.

3 Tha sinn a' toirt buidheachais do Dhia, agus Athair ar Tighearna Iosa Crìosd, a' sìor-dheanamh urnuigh air blur son-se;

4 O chuala sinn urnuadh blur creidimh

ann an Iosa Crìosd, agus bhur gràidh do na naomh uile;

5 Air son an dòchais a tha air a thasgadh fa 'ur comhair air nèamh, air an cuala sibh iomradh roimh ann am focal firinn an t-soisgeil:

6 A thàinig do 'ur n-ionnsuidhse, mar anns an t-saoghal uile; agus a tha 'toirt toraidh uaith, mar tha e 'deanamh mar an ceudna 'n 'ur measg-se, o'n là anns an cuala sibh e, agus 's an d'fhuair sibh eòlas air gràs Dhé ann am firinn.

7 A réir fòs mar a dh'fhòghluim sibh o Epaphras ar comh-sheirbhiseach gràdhach-ne, a tha air bhur son-se 'n a mhinistear dileas do Chrìosd;

8 A chuir 'an cèill dhuinne mar an ceudna bhur gràdh-se anns an Spìorad.

## COLOSIANACH, II.

9 Air an aobhar so, eha-n'eil sinne mar an ceudna a' sgur, o'n là a chuala sinn e, a dheanamh urnuigh air bhuir son-se, agus a ghuidhe gu'm bitheadh sibh air bhuir lionadh le eòlas a thoile, 's an uile ghlioeas agus thuigse spioradail ;

10 Chum gu'n gluaisceadh sibh gu cubhaidh do'n Tighearn ehum gach uile thoile-eachaidh, a' toirt toraidh uaibh 's an uile dheadh obair, agus a' fàs ann an eòlas Dhé ;

11 Air bhuir neartachadh leis an uile neart a réir a eumhaehd ghloirmhoir-san, ehum an uile fhoighidin agus fhad-fhulangais maille ri gairdeachas ;

12 A' tabhairt buidheachais do'n Athair, a rinn sinne iomchuidh ehum a bhi 'n ar luchd eomh-pairt a dh' oighreachd nan naoimh 's an t-solus ;

13 A shaor sinn o eumhaehd an dorchadais, agus a dh'atharraich sinn chum riochaidh Mie a ghràidh-san ;

14 Anns am bheil againn saorsa tre 'fhuil-san, eadhon maitheanas nam peacadh ;

15 Neach a's e iomhaigh an Dé neo-fhaicsinniech, ceud-ghin a' chruthachaidh uile ;

16 Oir is ann leis-san a chruthachadh na h-uile nithean a tha air nèamh, agus a tha air talamh, faicsinneach agus neo-fhaicsinneach, ma's àrd-chaitheach iad, no tigh-carnais, no uachdaranachdan, no cumhachdan ; is ann leis-san agus air a shon-san a chruthachadh na h-uile nithean ;

17 Agus tha esan roimh na h-uile nithibh, agus trid-san tha na h-uile nithean a' eomh-sheasamh.

18 Agus is e eamh a' chuirp, eadhon na h-eaglais : neach a's e an toiseach, an ceud-ghin o na mairbh ; ehum gu'm bitheadh aige àrd-cheannas anns na h-uile.

19 Oir b'e deadh thoil an Athar, gu'n eomhnuicheadh gach uile iomlanachd annsan ;

20 Agus gu'm bitheadh na h-uile air an deanamh réidh ris féin trid-san, air dha sìth a dheanamh tre fhuil a chroinn-cheusaidh-san ; trid-san, *tha mi ag ràdh*, ma's nithean iad a tha air talamh, no nithean a tha air nèamh.

21 Agus sibhse a bha uair-éigin 'n 'ur eomhich, agus 'n 'ur naimh-dibh ann *bhuir* n-inntinn thaobh dhroeh oibre, nis rinn e réidh ris féin.

22 Ann an corp 'fheadla féin tre'n bhàs, chum sibhse a chur naomha, agus neo-lochdaich, agus neo-choireach, 'n a làthair-san ;

23 Ma dh'fhanas sibh anns a' chreidimh bunaiteach agus daingean, gum a bhi air bhuir n-atharrachadh o dhòchas an t-soisgeil, a chuala sibh, agus a shearmonaicheadh do gach uile chreutair a tha fo nèamh ; air an d'rinneadh mise Pòl a'm' mhinisteir.

24 Tha mi nis a' deanamh gairdeachais ann am fhulangasaibh air bhuir son-se, agus

a' eomhionadh a mheud 's a tha dhéidh-làimh de àmhgharaibh Chrìosd ann am fheadh, air son a chuirp-san, eadhon na h-eaglais ;

25 D'an d'rinneadh mise a'm' mhinisteir, a réir stiubhardachd Dhé a thugadh dhomh air bhuir son-se, a choimhlionadh focail Dhé ;

26 Eadhon an rùn-dìomhair a bha folaichte o na linnibh, agus o na ginealachaidh a chaidh seachad, ach a nis a tha air fhoill-seachadh d'a naoimh-san ;

27 D'am bu toil le Dia fhoillseachadh eiod e saoihbreas glòire an rùn-dìomhair so am measg nan Cinn-each ; neach a's e Crìosd annaibhse, dòchas na glòire ;

28 Neach a tha sinne a' searmonachadh, a' toirt rabhaidh do gach duine, agus a' teagasg gach uile dhuine anns an uile ghlioeas ; chum gu nochd sinn gach uile dhuine 'n a làthair-san iomlan ann an Iosa Crìosd ;

29 An ni chum am bheil mise mar an ceudna a' saothreachadh, a' deanamh sbàirn a réir 'oibreachaidh-san, a tha 'g oibreachadh annam gu eumhaehdach.

### CAIB. II.

1 *Dh'earalaich Pòl na Colosianaich a bhi bunaiteach ann an Crìosd, 's agus a bhi air am faicill o bheulathrisibh dìomhain, 's o aoradh do ainglibh : 20 agus o dheas-ghnàth-aibh an lagha, nithean a chrìochnaicheadh ann an Crìosd.*

OIR b'aill leam fios a bhi agaibh eiod e meud mo eomhraig air bhuir son-se, agus air son na dream a tha ann an Laodicea, agus air son a mheud 's nach faea na'aghaidh anns an fheadh ;

2 Ionnis gu'm faigheadh an cridhe sòlas, air dhoibh a bhi air an dlùth-cheangal r'a chéile ann an gràdh, agus chum uile shaoibh-reis an làn dearbhbheachd tuigse, chum eòlais rùn-dìomhair Dhé, eadhon an Athar, agus Chrìosd ;

3 Anns am bheil uile ionmhais a' ghlioeais agus an eòlais folaichte.

4 Agus so tha mi ag ràdh, air eagal gu mealladh neach air bith sibh le briathraibh seòlta.

5 Oir ged tha mi uaibh 's an fheadh, gidheadh tha mi maille ribh 's an Spìorad, a' deanamh gairdeachais agus a' faicinn bhuir n-orduigh, agus seasmhachd bhuir ebridimh ann an Crìosd.

6 Uime sin mar a ghabh sibh do 'ur n-ionnsuidh an Tighearn Iosa Crìosd, gluaisibh ann :

7 Air dhuibh a bhi air bhuir freumhachadh agus air bhuir togail suas annsan, agus air bhuir daingneachadh 's a' chreidimh, a réir mar a theagaisgeadh sibh, a' meudachadh ann le breith buidheachais.

8 Thugaibh an aire nach dean neach air bith foirneart oirbh tre fheallsanachd agus mealltaireachd dhìomhain, a réir beul-aithris dhaoine, a réir ceud-thoiseachan an t-saoghail, agus eha-n ann a réir Chrìosd :



## COLOSIANACH, III.

9 Oir annsan tha uile iomlanachd na diadhachd a' gabhail còmhuidh gu corporra.

10 Agus tha sibhse còimhlionta annsan, neach a's e ceann gach uile uachdaranachd agus chunhachd ;

11 Anns am bheil sibh mar an ceudna air bhur timchioll-ghearradh leis an timchioll-ghearradh nach d'rinneadh le làmhnan, ann an càr dhibh cuirp pheacaidhean na feòla, le timchioll-ghearradh Chrìosd :

12 Air dhuibh a bhi adhaicte maille ris ann am baisteadh, anns am bheil sibh mar an ceudna air bhur togail suas maille ris tre chridimh air 'oibreachadh le Dia, a thog suas esan o na mairbh.

13 Agus sibhse a bha marbh 'n'urn-euceartaibh agus ann an neo-thimchioll-ghearradh bhur feòla, bheothaich e maille ris, a' maitheadh dhuibh nan uile euceart ;

14 A' dubhadh a mach làmh-sgrìobhaidh nan orduighean do ar taobh-ne, a bha 'n ar n-aghaidh, agus thug e as an t-slighe i, air dha a sparradh ri a chrann-ceusaidh-san :

15 Air dha uachdaranachdan agus cumhachdan a chreachadh, rinn e ball-sampuill diubh gu follaiseach, a' deanamh buaidh-chaitheirm os an ceann tre 'n chrann ud fèin.

16 Uime sin na tugadh aon neach breth oirbh air son bith, no dibhe, no thaobh là fèille, no gealaich nuaidh, no shàbaidean :

17 A tha 'n an sgàile air na nithibh a tha ri teachd ; ach *is* le Chrìosd an corp.

18 Na mealladh aon neach bhur duais uaibh le irioslachd fèin-thoile, agus aoradh do ainglibh, a' foirmeadh a steach gu dìma chum nan nithean nach fac e, gu dìomhain air a shéideadh suas le ìntinn fhèidhmoir fèin ;

19 Agus gun an ceann a chumail, o'm bheil an corp uile, air dha 'bhi air a bheathachadh tre altaibh agus bhannaibh, agus air a dhlùth-cheangal r'a chèile, a' fàs le fas Dhé.

20 Uime sin ma fhuair sibh bàs maille ri Chrìosd o cheud thoiseachaibh an t-saoghail, c'ar son, mar dhaoine a tha beò 's an t-saoghal, a tha sibh fo orduighibh,

21 (Na bean, na blais, na làimhsich ;

22 Nithean a theid uile gu neo-ni le'n gnàthachadh,) a réir àitheantan agus teagasgan dhaoine ?

23 Nithean gun amharus aig am bheil samhhladh gliocais ann an aoradh fèin-thoile agus irioslachd, agus mì-chaomhnadh a' cuirp, cha-n ann 'an urram san bith chum sàsachadh na feòla.

### CAIB. III.

1 Nochd Pòl do na Colosianach c'àit an còir dhuinn Chrìosd iarraidh : 5 Chomhairliche e dhuibh an ana-miannan fèidhmoir a chlaoidh, 10 an seann duine 'chur dhuibh, agus Chrìosd a chur umpa ; 12 d'earalaich e iad chum seirce, irioslachd, agus iomadh dleasdanas eile.

UIME sin ma dh'éirich sibh maille ri Chrìosd, iarraidh na nithean a tha

shuas, far am bheil Chrìosd 'n a shuidhe aig deas làmh Dhé.

2 Suidhichibh bhur n-aighe air na nithibh a tha shuas, agus cha-n ann air na nithibh a tha air an talamh.

3 Oir tha sibh marbh, agus tha bhur beatha folaichte maille ri Chrìosd ann an Dia.

4 'N uair a dh'fhoillsichear Chrìosd, neach a's e car beatha-ne, an sin bithidh sibhse mar an ceudna air bhur foillseachadh maille ris ann an glòir.

5 Uime sin claidhibh bhur buill a tha air an talamh, striopachas, neòghloine, fonn-collaidh, ana-miannan, agus samnt, ni a's iodhol-aoradh :

6 Nithean air son am bheil fearg Dhé a' teachd air cloinn na h-eas-ùmhachd.

7 Anns an robh sibhse mar an ceudna a' gluasad uair-éigin, 'n uair a bha sibh a' caitheamh bhur beatha 'n am measg.

8 Ach a nis cuiribhse uaibh na nithean so uile ; fearg, corruich, mì-run, toibheum, cainnt shalach as bhur beul.

9 Na deanaibh breug d'a chèile, do bhrìgh gu'n do chuir sibh dhibh an seann duine maille r'a ghnuimharaibh,

10 Agus gu'n do chuir sibh umaibh an duine nuadh, a tha air ath-nuadhachadh ann an eòlas, a réir ìomhaigh an tì a chruthaich e.

11 Far nach 'eil Greugach no Iudhach, timchioll-ghearradh, no neo-thimchioll-ghearradh, duine borb, Sìtianach, daor no saor : ach *is* e Chrìosd na h-uile, agus anns na h-uile.

12 Uime sin cuiribhse umaibh, (mar dhaoine taghta Dhé, namha agus ionmhuinn,) innigh thròcairean, caomhalachd, irioslachd ìntinn, macantas, fad-flualangas ;

13 A' giùlan le 'chèile, agus a' maitheadh d'a chèile, ma tha cùis ghearrain aig neach an aghaidh neach : mar a thug Chrìosd maitheanas dhuibhse, mar sin deanaibhse mar an ceudna.

14 Agus thar na nithibh so uile, cuiribh umaibh gràdh, ni a's e còimheangal na foirfeachd.

15 Agus bitheadh sìth Dhé a' riaghladh ann bhur cridhe, chum am bheil sibh mar an ceudna air bhur gairm ann an aon chorp ; agus bithibh taingeil.

16 Gabhadh focal Chrìosd còmhuidh annaibh gu saobhlir 's an uile ghliocas, a' teagasg agus a' comhairleachadh a chèile le salmaibh, agus laoidhibh, agus danaibh spioradail, a' deanamh ciuil do'n Tighearn le gràs ann bhur cridhe.

17 Agus gach ni air bith a ni sibh ann am focal no ann an gnìomh, deanaibh iad uile ann an ainm an Tighearna Iosa, a' toirt buidheachais do Dhia, cadhon an t-Athair trid-san.

18 A mhnathan, bithibh ùmhal do 'ur

## COLOSIANACH, IV.

fearaibh féin, mar is eubhaidh, anns an Tighearn.

19 Fhcara-pòsda, gràdhachibh *bhur* mnathan, agus na bitibh scarbh 'n an aghaidh.

20 A chlann, bitibh ùnhal do 'ur pàrant-aibh anns na h-uile nithibh: oir tha so taitneach do'n Tighearn.

21 Aithrichean, na brosnichibh bhuir clann *chum fèirge*, air eagal gu'n caill iad an misneach.

22 A sheirbhiseacha, bitibh ùnhal do 'ur maighstiribh a réir na fecla, anns na h-uile nithibh; cha-n ann le seirbhis-sùl, mar dhream a tha 'toileachadh dhaoine, ach ann an tréibhdhivreas cridhe, ann an eagal Dhé:

23 Agus ge b'e air bith ni a ni sibh, dean-aibh o bhuir cridhe e, mar do'n Tighearn, agus cha-n ann do dhaoinibh;

24 Air dhuibh fios a bhì agaibh, gu'm faigh sibh o'n Tighearn duais na h-oighreachd: oir is ann do'n Tighearn Crìosd a tha sibh a' deanamh seirbhìs.

25 Ach au ti a ni eucoir, gheibh e toilleanas na h-eucorach a rinn e: agus cha-n'eil leth-bhreth ann.

### CAIB. IV.

1 *Chuir Pòl impidh air na Colosianach a bhì d'arachdach ann an urnuigh. 5 agus glawaid gu glic thaobh na muinntir sin nach 'eil fathast air teachd chum fìor còlais Chrìosd. 10 Chuir e fàilte orra, agus ghluith e gach uile ghnè soirbheachaidh doibh.*

**A** MHAIGHSTIREAN, thugaibh do 'ur seirbhìsich an ni sin a tha ceart agus cothromach, air dhuibh fios a bhì agaibh gu bheil agaibh féin maighstir mar an ceudna air nèamh.

2 Buanaichibh ann an urnuigh, a' deanamh faire innte le breith-buidheachais;

3 Ag urnuigh mar an ceudna air ar son-ne, chum gu'm fosgladh Dia dhuinn dorus na h-ùr-labhairaidh, a chur 'an céill ruin-dìomha-air Chrìosd, air son am bheil mise ann an cuibhreachaibh:

4 Chum gu'm foillsich mi e, mar is còir dhomh labhairt.

5 Gluaisibh ann an gliocas thaobh na dream sin a tha an leth muigh, ag ath-cheannach na h-aimsir.

207

6 Bitheadh bhuir còmhraidh a ghnàth ann an gràs, air a dheanamh blasda le salann, chum gu'm bi fhios agaibh cionnus is còir dhuibh gach neach a fhreagairt.

7 Foillsiehidh Tichicus, bràthair gràdhach, agus ministèir dileas, agus comh-sheirbhiseach 's an Tighearn, gach ni dhuibh mu m' tìmhchioll-sa:

8 A chuir mi do 'ur n-ionnsuidh chum na crìche so féin, gu'm bitheadh fios bhuir staidse aige, agus gu'n tugadh e comhfhurtachd do 'ur cridheachaibh.

9 Maille ri Onesimus, bràthair dileas agus gràdhach, a tha dhibh féin: Ni iad aithneichte dhuibh na h-uile nithcan a tha an so.

10 Tha Aristarchus mo chomh-phrìosanach a' cur fàilte oirbh, agus Marcus, mae peathar do Bharnabas, (mu'n d'fhuair sibh aitheantan; ma thig e do 'ur n-ionnsuidh, gabhaibh ris.)

11 Agus Iosa, ris an abrar Iustus, muinntir a tha de'n tìmhchioll-ghcarradh. 'S iad sin a mhàin mo chomh-oibrichcan chum rìoghachd Dhé, a bha 'n an comhfhurtachd dhomh.

12 Tha Epaphras, a tha dhibh féin, seirbhiseach Chrìosd, a' cur fàilte oirbh, a ghnàth a' deanamh sbàirn dhùrachdaich air bhuir son ann an urnuighibh, chum gu'n seas sibh foirfe, agus coimhlionta ann an uile thoil Dhé.

13 Oir tha mi 'deanamh fianais dha, gu bheil mòr theas-ghràdh aige dhuibhse, agus dhoibh-san a tha ann an Laodicea, agus do'n mhuinntir a tha ann an Hierapolis.

14 Tha Lucas an léigh gràdhach, agus Demas a' cur fàilte oirbh.

15 Cuiribh fàilte air na bràithribh a tha ann an Laodicea, agus air Nimphas, agus air an eaglais a tha 'n a thigh.

16 Agus an uair a leughar an litir so 'n'ur measg-se, thugaibh fainear gu'n leughar i ann an eaglais nan Laodiceanach mar an ceudna; agus gu'n leugh sibhse cuideachd an litir o Laodicea.

17 Agus abraibh ri Archipus, Thoir an aire do'n mhinistirealachd a fhuair thu 's an Tighearn, gu'n coimhlion thu i.

18 Fàilte uam-sa Pòl le m' bairn féin. Cuimhnichibh mo chuibhreachan. Gràs gu robh maille ribh. Amen.



# CEUD LITIR AN ABSTOIL PHOIL

CHUM NAN

## TESALONIANACH.

### CAIB. I.

1 *Thug Pòl fios do na Tesalonianaich co chuimhneachail as a bha e orra anns gach àm, ann am breith-buidheachais agus urnuigh air an son; 5 agus mar an ceudna cho dearbhta 's a bha e de fhirinn, agus de thrèibhdhèir-eas an creidimh, agus an iompachaidh gu Dia.*

**P**OIL, agus Siluanus, agus Timoteus chum eaglais nan Tesalonianach, a tha ann an Dia an t-Athair, agus anns an Tighearn Iosa Crìosd: gràs duibh, agus sìth o Dhia ar n-Athair, agus o'n Tighearn Iosa Crìosd.

2 Tha sinn a' toirt buidheachais do Dhia a ghnàth air bhur son-se uile, a' toirt iomraidh oirbh ann ar n-urnuighibh-ne;

3 A' cuimhneachadh gun sgur obair bhur ereidimh, agus saothair *bhur* gràidh, agus foighidinn bhur dòchais 'n ar Tighearn Iosa Crìosd, 'am fianuis Dhé, agus ar n-Athair-ue:

4 Air dhuinn fios a bhli againn, a bhràithre gràdhachte le Dia, air bhur taghadh-sa.

5 Oir cha d'fhàinig ar soisgeul-ne do 'ur n-ionnsuidh-se ann am focal a mhàin, ach mar an ceudna ann an cumhachd, agus anns an Spioraid naomh, agus ann am mòr làn-dearbhadh; mar is aithne dhuibh ciod a' ghnè dhaoine 'bha annainn 'n 'ur measg air bhur son-se.

6 Agus rinneadh sibh 'n 'ur luehd-lean-mhuinn oirne, agus air an Tighearn, 'n uair a ghabh sibh ris an fhocal ann am mòr-àmhghar, le h-aoibhneas an Spioraid naomh:

7 Ionnsu gu robh sibh 'n 'ur n-eisempleiribh dhoibh-san uile a tha 'creidsinn ann am Macedonia, agus ann an Achaia.

8 Oir uaibhse chaidh fuaim focail an Tighearna mach, eha-n ann a mhàin ann am Macedonia agus ann an Achaia, ach mar an ceudna anns gach àit, tha bhur ereidimh ann an Dia air a sgaoileadh a mach, ionnsu nach 'eil feum air sinne a labhairt ni air bith.

9 Oir tha iad féin a' foillseachadh mu ar tinchioll-ne, ciod a' ghnè dhol a steach a bha againn do 'ur n-ionnsuidh-se, agus cionnus a phill sibh chum Dhé o dhòlaibh, a dheanamh seirbhis do'n Dia bheò agus fhuar.

10 Agus gu feitheamh r'a Mhae o nèamh, a thog e suas o na mairbh, *cadhon* Iosa a shaor sinne o'n fheirg a tha ri teachd.

### CAIB. II.

1 *Chuir Pòl 'an céill cionnus a chaidh an soisgeul a shearmonachadh do na Tesalonianaich, agus ciod an dòigh air an do ghabh iad ris.*

17 *Thug e reuson seachad e'ar son a bha e co fhada uatha, agus mar an ceudna e'ar son a tha nis a thogradh co mòr r'am faicinn.*

**O**IR is aithne dhuibh féin, a bhràithre, ar dol-ne a steach do 'ur n-ionnsuidh, nach robh e ann an dìomhain:

2 Ach fòs air dhuinn fulang roimh, agus an dèigh ar maslachaidh ann am Philipi, mar is aithne dhuibh, bha dèanachd againn ann ar Dia-ne soisgeul Dhé a labhairt ribhse ann am mòr-ghlachd.

3 Oir eha *robh* ar n-eaail-ne o mhealltair-eachd, no o neòghloine, no ann an ceilg:

4 Ach mar a mheasadh sinne le Dia iom-euidh gu'm bitheadh an soisgeul air earbsadh ruinn, is amhuil sin a labhramaid, eha-n ann mar dhream a tha 'toileachadh dhaoine, ach Dhé, a tha 'dearbhadh ar cridheachan.

5 Oir eha do ghnàthaich sinn uair air bith briathran mìodlach, mar is aithne dhuibh, no leithsgeul samta; 's e Dia ar fianuis:

6 Ni mò dh'iarr sinn urram o dhaoineibh, no uaibhse, no o *dhaoineibh* eile, ged fhendamaid ar trom a leagadh *oirbhe*, mar abstolaibh Chrìosd.

7 Ach bha sinn caomh 'n 'ur measg-se, amhuil a dh'altrumas banaltrum a clann féin:

8 Mar sin, air bhi dhuinne ro dhéidheil oirbhe, bu toileach leinn eha-n e mhàin soisgeul Dhé a phàirteachadh ribh, ach mar an ceudna ar n-anaman féin, do bhrìgh gu'n robh sibh ro ionmhuinn leinn.

9 Oir is cuimhne leibh, a bhràithre, ar saothair, agus ar sgòs-ne: oir air dhuinn a bhli ri li-obair a dh'oidheche agus a là, chum nach cuireamaid trom air neach sam bith agaibh, shearmonaich sinn duibh soisgeul Dhé.

10 *Is* fianntean sibhse, agus Dia, eia naomh, agus eia cothromach, agus neo-lochdach a ghiùlain sinne sinn féin 'n 'ur measg-sa a tha 'creidsinn:

11 Mar is aithne dhuibh, cionnus a dh'ear-aillich sinn, agus a thug sinn comhfhurtachd, agus a chuir sinn impidh air gaeh aon agaibh fa leth, (mar *a ni* Athair d'a chloinn.)

12 Gu'n gluaiseadh sibh gu embaidh do Dhia, a ghairm sibh eum a rioghachd agus a ghloire féin.

# 1 TESALONIANACH, III, IV.

13 Uime sin tha sinne mar an ceudna a' toirt buidheachais do Dhia gun sgar, do bhrìgh 'n uair a ghabh sibh ri focal Dhé a chuala sibh uainne, gu'n do ghabh sibh ris cha-n ann *mar* fhocal dhaoine, ach, (mar is e gu' fhirinneach,) focal Dhé, a tha 'g oibreachadh gu h-éifeachdach annaibh-sa a tha creidsinn.

14 Oir rinneadh sibhse, a bhràithre, 'n 'ur luchd-leanmhuinn air eaglaisibh Dhé, ann an Iudea, a tha ann an Iosa Crìosd: oir dh'fhuiling sibhse na nithean ceudna o bhrìgh luchd-dùthcha féin, mar a dh'fhuiling iadsan o na h-Iudhaich:

15 A chuir ar aon Tighearn Iosa, agus am fàidhean féin gu bàs, agus a rinn geur-leanmhuinn oirne; agus nach 'eil a' toileachadh Dhé, agus a tha'n aghaidh nan uile dhaoine:

16 A tha 'bacadh dhuinne labhairt ris na Cinnich, chum gu'm bitheadh iad air an tearnachd, chum sir-lìonaidh suas am peacadhean: oir thàinig an fhearg orra nu d'fheireadh.

17 Ach air dhuinne, a bhràithre, 'bhi air ar dealachadh uaibhse rè tamuil bhig 'am pearsa, ach cha-n ann 'au cridhe, is ro mhòid a rinn sinn dìchioll air bhrìgh aghaidh fhaicinn le mòr-thogradh.

18 Uime sin bu mhiann leinn teachd do 'ur n-ionnsuidh, (eadhon leam-sa Pòl,) uair nu dhà: ach bhac Satan sinn.

19 Oir cìod e ar dòchas-ne, no ar n-aobhneas, uo ar crùn-uaille? nach sibhse féin e 'am fianuis ar Tighearna Iosa Crìosd aig a teachd?

20 Oir is sibhse ar glòir-ne agus ar u-aobhneas.

## CAIB. III.

1 *Dhearbh Pòl a mhòr-ghràdh do na Tesalonianaich, le Timoteus a chur d'an ionnsuidh chum an neartachadh agus comhfhurtachd a thoirt doibh, agus le a ghaireachas 'n an deachd ghèidil, 18 agus le urnuigh a dheanamh air an son, agus le a mhòr-thogradh air teachd gu tèarainte d'an ionnsuidh.*

AIR an aobhar sin, an uair nach b'urrainn sinn cumail oirn féin ni b'fhaide, bu taitneach leinn a bhì air ar fàgail 'n ar n-aonar 'am baile na h-Aithne:

2 Agus chuir sinn Timoteus ar bràthair agus ministear Dhé, agus ar comh-oibriche ann an soisgeul Chrìosd, chum sibhse a dhaingneachadh, agus comhfhurtachd a thoirt duibh mu thinechioll bhrìgh creidimh:

3 Chum nach ghabhastadh neach air bith agaibh leis na trioblaidibh so; oir tha fhios agaibh féin gu'n d'orduicheadh sinn a dh'ionnsuidh so.

4 Oir gu deimhin, an uair a bha sinn maille ribh, dh'innis sinn duibh roimh-làimh, gu robh sinn gu àmhghar fhulang; eadhon mar a thachair, agus is aithne dhuibh.

5 Air an aobhar so, 'n uair nach robh mise comasach air cnuil orm féin ni b'fhaide, chuir mi a dh'fhaghal fios mu 'ur creidimh, air eagal air chor sam bith gu'n do bhuair am buaireadair sibh, agus gu'm bitheadh ar saothair-ne dìomhain.

6 Ach a nis an uair a thàinig Timoteus uaibhse do ar n-ionnsuidh-ne, agus a thug e deachd sgeul duinn m' 'ur creidimh agus bhrìgh gràdh, agus gu bheil cuimhne mhaith agaibh oirne a ghnàth, a' miannachadh gu mòr sinne fhaicinn, amhuil a tha sinne mar an ceudna sibhse fhaicinn.

7 Uime so, a bhràithre, fhuair sinne comhfhurtachd do 'ur taobh ann ar n-uile àmhghar agus theinn tre bhrìgh creidimh-se:

8 Oir tha sinne beò a nis, ma sheasas sibhse gu bunaiteach 's an Tighearn.

9 Oir cìod am buidheachas a dh'fheudas sinn iocadh do Dhia as bhrìgh leth-se, air son an aobhneis sin uile leis am bheil sinn ri gairdeachas do 'ur taobh 'am fianuis ar Dé-ne,

10 A dh'oidhche agus a là a' guidhe gu ro dhrùrachdach gu'm faicemaid bhrìgh n-aghaidh-se, agns gu'n leasaicheamaid uireas-bhuidh bhrìgh creidimh?

11 A nis gu'n deanadh Dia féin, eadhon ar n-Athair, agus ar Tighearn Iosa Crìosd ar slighe-ne a thredrachadh do 'ur u-ionnsuidh-se.

12 Agus gu'n tugadh an Tighearn oirbh fas agus a bhì ro phailt ann an gràdh d'a chèile, agus do na h-uile dhaoineibh, mar a tha sinne dhuibhse;

13 Chum gu'n daingnich e bhrìgh cridheachan neo-choireach anu au naomhachd 'am fianuis Dhé, eadhon ar n-Athar-ne, aig teachd ar Tighearna Iosa Crìosd maille r'a naoimh uile.

## CAIB. IV.

1 *Chuir Pòl impidh air na Tesalonianaich dol air an aghaidh anns gach uile ghnè dhiadachd, 6 am beatha a chaitheadh gu namh agus gu cothromach, 9 a chèile a ghràdhachadh, 11 an gnothuichean féin a leantuinn gu sàmhach; 13 agus fa d'fheireadh bròn ionmhuinn a dheanamh air son nam marbh.*

OS bàrr ma ta, a bhràithre, cuireamaid a dh'impidh agus a dh'athcheuinge oirbh tre'n Tighearn Iosa, mar a fhuair sibh uainne cionnus is còir dhuibh imeachd, agus Dia a thoileachadh, gu mundaicheadh sibh mar sin ni's mò agus ni's mò.

2 Oir tha fhios agaibh cìod iad na h-àith-eantan a thug sinne dhuibh tre'n Tighearn Iosa.

3 Oir is i so toil Dhé, eadhon bhrìgh naomhachadh-se, sibh a sheachnadh strìopachais:

4 Gu'm b'aithne do gach aon agaibh a shoitheach féin a shealbhachadh ann an naomhachd, agus ann an urram;

5 Cha-n ann ann am fonn ana-mianuach,



mar a nì na Cinnich aig nach 'eil eòlas air Dia :

6 Gun neach air bith a dheanamh eucoir no mealltaireachd 's a' chùis air a bhràthair, do bhrìgh gur e'n Tighearna a nì dhìoghaltas air an uile leithidibh sin, a réir mar a dh'innis sinn mar an ceudna duibh roimh, agus a rinn sinn fianuis.

7 Oir cha do ghairm Dia sinne gu nedghloine, ach gu naomhachd.

8 Uime sin an neach a nì tàir, cha-n ann air duine tha e 'deanamh tàir, ach air Dia, a thug dhuinne a Spiorad naomh féin.

9 Ach a thaobh gràidh bhràithaireil, cha-n'eil feum agaibh mise a sgrìobhadh do 'ur n-ionnsuidh : oir tha sibh féin air bhrù teagasg o Dhia gràdh'a thoirt d'a chéile.

10 Agus gu deimhin tha sibh a' deanamh so thaobh nam bràthar uile, a tha ann am Macedonia gu h-iomlan : ach guidheamaid oirbh, a bhràithre, sibh a mheudachadh nì's mò agus nì's mò;

11 Agus gu'n dean sibh bhrù dìchioll a bhi ciùin, agus bhrù gnòthuichean féin a dheanamh, agus saothrachadh le 'ur làmhan féin, (amhuil a dh'àithn sinne dhuibh :)

12 Chum gu'n gluais sibh gu cubhaidh thaobh na muinntir sin a tha'n leth muigh, agus nach bi uireasbluidh nì sam bith oirbh.

13 Ach cha b'ail leam, a bhràithre, sibh a bhi aineolach thaobh na muinntir sin a tha 'n an codal, chum nach dean sibh bròn, eadhon mar dhaoine eile aig nach 'eil dòchas.

14 Oir ma chreideas sinn gu'n d'fhuair Iosa bàs, agus gu'n d'éirich e ris, amhuil sin mar an ceudna an dream a choidil ann an Iosa, bheir Dia maille ris.

15 Oir so tha sinn ag ràdh ribh ann am focal an Tighearna, nach bi againne a tha beò agus a dh'fhàg gu teachd an Tighearna, toiscach orra-san a tha 'n an codal.

16 Oir thig an Tighearna féin a nuas o nèamh le àrd-iolaich, le guth an àrd-aingil, agus le trompaid Dhé : agus éiridh na mairbh ann an Crìosd air tùs :

17 An déigh sin sinne a bhitheas beò agus a dh'fhàg, togar suas sinn maille ri-u-san anns na neulaibh, 'an còdhail an Tighearna 's an athar : agus mar sin bithidh sinn gu sìorruidh maille ris an Tighearna.

18 Uime sin thugaibh comhfhurtachd d'a chéile leis na briathraibh so.

# CAIB. V.

1 *Chaidh an t-abstol air aghaidh ann an labhairt mu theachd Chrìosd gu breithleas, 16 thug e iomadh comhairle seachad, 23 agus chomh-dhàin e an tìr.*

**A**CH mu thimchioll nan aimsircan agus nan àm cha-n'eil feum agaibh-se, a bhràithre, mise a sgrìobhadh do 'ur n-ionnsuidh.

2 Oir tha sàr fhios agaibh féin gu'n tig là an Tighearna mar ghaduiche 's an oidhche.

3 Oir an uair a their iad, Sìth agus tearuinteachd, an sin thig sgrìos obann orra, mar shaothair air mnaoi thorraich; agus cha téid iad as.

4 Ach cha-n'eil sibhse, a bhràithre, 's an dorchadas, ionnus gu'm beireadh an là sin oirbh mar ghaduiche.

5 Is sibhse uile clann an t-soluis, agus clann an là : cha-n ann de'n oidhche, no de'n dorchadas sinn.

6 Uime sin na coidleamaid mar dhaoine eile; ach deanamaid faire agus bitheamaid stuama.

7 Oir an dream a choidleas, is anns an oidhche a choidleas iad : agus an dream a tha air mhìsg, is anns an oidhche 'tha iad air mhìsg.

8 Ach bitheamaid-ne a tha de'n là stuama, a' cur oirn uclid-éididh a' chreidimh agus a' ghràidh, agus mar chlogaid, dòchas na slàinte.

9 Oir cha d'orduich Dia sinn chum feirge; ach chum slàinte fhaotainn tre ar Tighearna Iosa Crìosd.

10 A fhuair bàs air ar son, eum co aca is faire no codal dhuinn, gu'm bitheamaid beò maille ris.

11 Uime sin thugaibh comhfurtachd d'a chéile, agus togaibh suas gach aon a chéile, eadhon mar tha sibh a' deanamh.

12 Agus guidheamaid oirbh, a bhràithre, aithne 'bhi agaibh air an dream a tha 'saoithreachadh 'n 'ur measg, agus a tha os bhrù ceam 's an Tighearna, agus a tha 'g 'ur comhairleachadh ;

13 Agus meas mòr a bhi agaibh dhiubh ann an gràdh air son an oibre. Bithibh sìochail 'n 'ur measg féin.

14 A nis guidheamaid oirbh, a bhràithre, thugaibh rabhadh dhoibh-san a tha m-riaghailteach, thugaibh comhfhurtachd dhoibh-san a tha lag-chridheach, eumaibh suas iadsan a tha annamh, bithibh foighidneach a thaobh nan uile dhaoine.

15 Feuchaibh nach òc neach ole air son uile do dhuine sam bith; ach leanaibh-se a ghnàth an nì a tha maith, arao do 'ur taobh féin, agus a thaobh nan uile dhaoine.

16 Deanaibh gairdeachas a ghnàth.

17 Deanaibh urnuigh gun sgrù.

18 Anns gach uile nì thugaibh buidheachas; oir is i so toil Dhé ann an Iosa Crìosd do 'ur taobh.

19 Na mùchaibh an Spiorad.

20 Na deanaibh tàir air fàidheadair-eachd.

21 Dearbhaibh na h-uile nithean : cumaidh gu daingean an nì sin a tha maith.

22 Seachnaibh gach uile choslas uile.

23 Agus gu'n deanadh Dia na sìthe féin naomha sibh gu h-iomlan; agus gu'n deònaicheadh Dia gu'm bi bhrù n-uile spiorad,

## 2 TESALONIANACH, I, II.

agus anam. agus chorp air an gleidheadh gu neo-choireach, gu teachd ar Tighearna Iosa Crìosd.

24 Is fìrinnreach an Ti a tha 'g'ur gairm, neach mar an ceudna a ni e.

25 A bhràithre, deanaibh urnuigh air ar son-ne.

26 Cuiribh fàilte air na bràithribh uile le pòig naoimh.

27 Tha mi a' sparradh oirbh á h-uchd an Tighearna, gu'n leughar an litir so do na bràithribh naomha uile.

28 Gu'n robh gràs ar Tighearna Iosa Crìosd maille ribh. Amen.

## DARA LITIR AN ABSTOIL PHOIL

### CHUM NAN

# TESALONIANACH.

### CAIB. I.

1 *Thug Pòl fios do na Tesalonianaich air an deadh bhàrail a tha aige mu'n creidimh, an gràdh, agus am foighidin; 5 agus ghnàthaich e reusonan chum comhfhaisteachd a thoirt doibh fo'n geur-leanmhuinn, gu h-àraidh o cheart-bhreitheanas Dhé.*

POL, agus Silnanas, agus Timoteus, chum eaglais nan Tesalonianach, ann an Dia ar n-Athair, agus anns an Tighearn Iosa Crìosd:

2 Gràs gu robh dhuibh, agus sìth o Dhia ar n-Athair, agus o'n Tighearn Iosa Crìosd.

3 Tha e mar fhiachaibh oirne buidheachas a thoirt do Dhia a ghnàth air bhur son-se, a bhràithre, mar is cubhaidh, do bhrìgh gu bheil bhur creidimh a' fas gu ro mhòr, agus gu bheil gràdh gach aoin agaibh uile a' meudachadh d'a chéile:

4 Ionnsu gu bheil sinne féin a' deanamh uaille asaibh-se ann an eaglaisibh Dhé, air son bhur foighidin agus bhur creidimh ann bhur n-uile gheur-leanmhuinnibh agus àmhgharaibh a tha sibh a' fulang:

5 *Ni a tha* 'n a chomharadh follaiseach air ceart-bhreitheanas Dhé, chum gu measar gur airidh sibhse air rìoghachd Dhé, air son am bheil sibh a' fulang:

6 Do bhrìgh gur ceart an ni do Dhia, àmhghar iocadh dhoibh-san a tha 'cur àmhghair oirbh;

7 Agus dhuibhse a tha fo àmhghar, fois maille ruinne, 'n uair a dh'fhoillsichear an Tighearn Iosa o nèamh, maille r'a ainglibh chumhachdach,

8 Ann an teine lasarach, a' deanamh dìoghaltas air an dream aig nach 'eil eòlas air Dia, agus nach 'eil ùmhal do shoisgeul ar Tighearna Iosa Crìosd.

9 Muinntir air an deanar peanas le sgrios sìorruidh o làthair an Tighearna, agus o glòir a chumhachd;

10 'N uair a thig e gu bhi air a ghlòrachadh 'n a naoimh, agus chum gu'n deanar iongantach e anna-san uile a tha 'creidsinn 's a là sin, (do bhrìgh gu'n do chreideadh ar fianuis-ne 'n 'ur measg-se.)

11 Air an aobhar so tha sinne mar an ceudna a' deanamh sìor-urnuigh air bhur son-se, chum gu meas ar Dia-ne gur airidh sibhse air a' ghairm so, agus gu'n coimhion e uile dheadh-ghean a mhaitheis, agus obair a' chreidimh le cumhachd:

12 Chum gu'm bi ainm ar Tighearna Iosa Crìosd air a ghlòrachadh annaibh-se, agus sibh-se ann-san, a réir gràis ar Dé-ne, agus an Tighearna Iosa Crìosd.

### CAIB. II.

1 *Is àille le Pòl gu'm buanaicheadh na Tesalonianaich 's an fhrìnn ris an do ghabh iad: 3 nochd e gu'm bi daonadh o'n chreidimh ann, 9 agus gu'm foillsichear an t-ana-Crìosd roimh theachd là an Tighearna; 15 agus 'an lorg so dh'aithris e a ris a cleud earail, agus rinn e urnuigh air an son.*

A NIS guidheamaid oirbh, a bhràithre, A thaobh teachd ar Tighearna Iosa Crìosd, agus ar combheirinneachaidh-ne d'a ionnsuidh,

2 Gun sibh a bhi gu h-ealamh air bhur crathadh 'n ur n-inntinn, no fo bhuaireas, le spiorad, no le focal, no le litir, mar uainne, mar gu'm bithcadh là Chrìosd am fagus.

3 Na mealladh neach sam bith sibh air aon chor: oir cha tig an là sin mur tig air tùs tréigeadh-creidimh, agus mur foillsichear duine sin a' pheacaidh, mac an sgrios;

4 A tha 'cur an agaidh agus 'g a àrdachadh féin os ceann gach ni ris an abrar Dia, no d'an deanar aoradh; ionnsu mar Dhia gu'm bheil e 'n a shuidhe ann an teampull Dhé, 'g a nochdadh fìr gur Dia e.

5 Nach cuimhne leibh, air dhomh 'bhi fathast maille ribh, gu'n d'innis mi na nith-ean so dhuibh?

6 Agus is aithne dhuibh ciod a tha 'bacadh nis e 'bhi air fhoillseachadh 'n a àm féin.

7 Oir tha rùn-dìomhair na h-ain-diadhachd ag oibreachadh cheana, a mhàin gus an toirear air falbh an ti a tha nis a' bacadh.

8 Agus an sin foillsichear an t-aingidh sin, a chlaoidheas an Tighearn le h-anail a bheoil



## 2 TESALONIANACH, III.

féin, agus d'an cur e as le dealradh a theachd :

9 *Eadhon esan*, aig am bheil a theachd a réir oibreachaidh Shàtain, maille ris an uile chumhachd, agus chomharaibh, agus iongantasaibh breugach,

10 Agus maille ri uile mhealltaireachd na h-eucorach antasan a chaillear; a chionn nach do ghabh iad gràdh na firinn, chum gu'n tearuinteadh iad.

11 Agus air a shon so cuiridh Dia treun-oibreachadh meallaidh d'an ionnsuidh, ionnus gu'n creid iad a' bhreug:

12 Chum gu'm bi iad uile air an dìteadh, nach do chreid an fhirinn, ach aig an robh tlachd anns an eucóir.

13 Ach tha e mar fhiachaibh oirne buidheachas a thoirt do Dhia a ghnàth air bhurson-se, a bhràithre, ionmhuinn do'n Tighearn, do bhrìgh gu'n do thagh Dia sibh o thùs chum slàinte, tre naomhachadh an Spioraid, agus creidsinn na firinn:

14 Chum an do ghairm e sibh tre ar soisgeul-ne, chum sibh a dh'fhaotaim glòire ar Tighearna Iosa Crìosd.

15 Uime sin, a bhràithre, seasaibh gu daingean, agus cunaibh na teagasgan a thugadh dhuibh, co dhiubh is ann le focal, no le ar litir-ne.

16 A nis gu'n tugadh ar Tighearn Iosa Crìosd e féin, agus Dia, cadhon ar n-Athair-ne, a ghràdaich sinn, agus a thug dhuinn sòlas sìorruidh, agus dòchas maith tre ghràs,

17 Comhfhurtachd do 'ur cridhe-sa, agus gu'n daingnicheadh e sibh anns gach uile dheadh fhocal agus ghlionh.

### CAIB. III.

1 *Dh'iarr Pòl urnuigh nan Tesalonianach air a shon féin; 3 chuir e 'an cèill meud an eurbasa a tha aige asda; 5 ghuidh e Dia as an leth; 6 thug e iomadh comhairle orra, gu h-àraidh iad a sheachnadh dìomhanais, agus droch cuideachd; 16 agus fa dheireadh chrìochnaich e le iomadh beannachd d'an ionnsuidh, agus le urnuigh air an son.*

**F**A dheoidh, a bhràithre, deanaibh urnuigh air ar son-ne, chum gu'n ruith focal ar Tighearna, agus gu'm bi e air a ghlòrachadh mar ann bhur measg-se;

2 Agus chum gu'n saor sinn o dhaoineibh mi-reusonta agus olca: oir cha-n ann aig na h-uile a tha creidimh.

3 Ach tha an Tighearn dileas, a dhaingnicheas agus a choimhideas o'n olc sibh.

4 Agus tha earbsa againn 's an Tighearn

do 'ur taobh-se, gu bheil sibh araon a' deanamh, agus gu'n dean sibh, na nithean a tha sinn ag àithneadh dhuibh.

5 Agus gu'n seòladh an Tighearn bhur eridheachan chum gràidh Dhe, agus chum foighidinn Chrìosd.

6 A nis àithneamaid dhuibh, a bhràithre, ann an ainm ar Tighearna Iosa Crìosd, sibh féin a dhealachadh ris gach uile bhràthair a tha 'g imeachd gu mi-riaghailteach, agus cha-n ann a réir an teagaisg a fhuair e uainne.

7 Oir tha fhios agaibh féin cionnus is eòir dhuibh ar lorg-ne 'leantuin: oir cha do ghiùlain sinn sinn féin gu mi-riaghailteach 'n 'ur measg;

8 Ni mò a dh'ith sinn aran duine sam bith a nasgaidh; ach le saothair agus anshocair, a dh'oidhche agus a là ri h-obair, chum nach cuireamaid ar trom air aon agaibh:

9 Cha-n e nach 'eil comas againn, ach a chum gu'n deanamaid sinn féin 'n ar n-eis-eimpleir dhuibhse, gu ar leantuin.

10 Oir an uair a bha sinn maille ribh, thug sinn an àithne so dhuibh, mur àill le neach obair a dheanamh, gun e dh'itheadh bidh.

11 Oir tha sinn a' chluinntinn gu bheil daoine àraidh ag imeachd gu mi-riaghailteach 'n 'ur measg, nach 'eil a' deanamh oibre sam bith, ach a' gabhail gnothuich ri nithibh nach buin doibh.

12 A nis tha sinn a' toirt àithne d'an leithidibh sin, agus ag earlachadh orra tre ar Tighearn Iosa Crìosd, le saothreachadh gu ciùin, gu'n ith iad an aran féin.

13 Agus sibhse, a bhràithre, na sgèithichibh a dheanamh maith.

14 Agus na tha neach sam bith nach toir ùmhachd do ar focal-ne tre an litir so, comharaichibh esan, agus na bitheadh comhludar agaibh ris, chum gu'm bi nàire air.

15 Gidheadh na measaibh e mar nàmhaid, ach thugaibh comhairle air mar bhràthair.

16 A nis gu'n tugadh Tighearn na sìthe e féin sìth dhuibhse a ghnàth, air gach aon chor. *Gu'n robh an Tighearn maille ribh uile.*

17 Fàilte uansa Pòl le m' làimh féin, ni a's e an comharadh anns gach uile litir: mar so tha mi a' sgrìobhadh.

18 Gràs ar Tighearna Iosa Crìosd *gu robh* maille ribh uile. Amen.

# CEUD LITIR AN ABSTOIL PHOIL

## CHUM

# THIMOTEUIS.

## CAIB. I.

1 *Tha ar, t-ordugh a thugadh do Thimoteus 'n uair a chaidh Pòl do Mhacedonia, air a chur 'an cuimhne dha. 5 Mu thimchioll seum dligheach an lagha, 11 agus gairm Phòil gu 'bhi 'n a abstol; 28 agus nu thimchioll Himeneus agus Alecsander.*

**P**OL abstol Iosa Criosd, a réir àithne Dhé ar Slànuidhir, agus an Tighearna Iosa Criosd, neach a's e ar dòchas;

2 Chum Thimoteuis m'fhìor mhic anns a' chreidimh: Gràs, tròcair, agus sìth o Dhia ar n-Athair, agus o Iosa Criosd ar Tighearn.

3 Mar a dh'iarr mi ort fantuim ann an Ephesus, 'n uair a chaidh mi do Mhacedonia, chum gu'n tugadh tu ordugh do dhream àraidh gun atharrachadh teagaisg a thoirt uatha;

4 Agus gun aire a thoirt do sgeulachdaibh, agus do shloinnteachd neo-chrìochnaich, a bheir aobhar do cheisidibh, ni's mò na dh' fhòghlum diadhaidh, a tha tre chreidimh: *dean mar sin.*

5 A nis is e a's crìoch do'n àithne gràdh á cridhe glan, agus á coguis mhaith, agus á creidimh neo-chealgach:

6 Nithean air do dhream àraidh clao nadh uatha, chaidh iad a thaobh chum dìomh-anais cainte;

7 A' miannachadh 'bhi 'n an luchd-teagaisg an lagha, agus gun iad a' tuigsinn cìod a tha iad ag ràdh, no cìod iad na nithean mu'm bheil iad a' toirt cinnte.

8 Ach tha fhios againn gu bheil an lagh maith, na ghnàthaicheas neach gu dligheach e:

9 Air do fhios air so a bhi aige, nach ann do dhuine fireanach a dh'ordughadh an lagh, ach do dhaoinebh neo-dhligheach agus eas-ùmhail, dhoibh-san a tha mi-dhiadhaidh agus do pheacaich, do dhaoinebh mi-naomha agus neo-chràbhach, do luchd-marbhaidh aithrichean agus do luchd-marbhaidh mhaithrichean, do luchd-mortaigh,

10 Do luchd-striopachais, do luchd-ana-mianna mi-nàdurra, do luchd-goid dhaoine, do bhreugairibh, do luchd-eithich, agus ma tha ni sam bith eile a tha'n aghaidh teagaisg fhallain,

11 A réir soisgeil ghlòrmhoir an Dé bheannaichte, a dh'carbhadh rium-sa.

12 Agus tha mi a' toirt buidheachais do Iosa Criosd ar Tighearn, a neartaich mi, do bhrìgh gu'n do mheas e mi dileas, 'g am chur 's a' mhinistireachd;

13 A bha roimh 'am fhear-labhairt toibheim, agus 'am fhear-geur-leannhuinn, agus 'am dhuine eucorach. Ach fhuair mi tròcair, do bhrìgh gu'n d'rinn mi so tre ain-eolas, ann am mi-chreidimh:

14 Agus bha gràs ar Tighearna thar tomhas ro phailt dhomh, maille ri creidimh, agus ri gràdh a tha ann an Iosa Criosd.

15 Is fìor an ràdh so, agus is airidh e air gach aon chor air gabhail ris, gu'n d'fhàinig Iosa Criosd do'n t-saoghal a thearnadh pheacach, d'am mise an ceud-fhear.

16 Gidheadh, air a shon so fhuair mi tròcair, chum gu'm foillsicheadh Criosd annam-sa air tùs, an uile fhad-flulangas, mar shaimpleir dhoibh-san a chreideadh ann, an dèigh so, chum na beatha maireannaich.

17 A nis do'n Rìgh shiorruidh, neo-thruaillidh, neo-fhaicsinnach, do Dhia a tha mlàn glic, gu robh urram agus glòir, gu saoghal nan saoghal. Amen.

18 An àithne so tha mi ag carbasadh riut, Thimoteuis a mhic, a réir nam fadheadair-eachd a rinneadh umad roimh so, chum tridsan gu'n cogadh tu deadh chogadh;

19 A' coimhead creidimh agus deadh choguis; ni air do chuid de dhaoinebh a chur uatha, rinn iad long-bhriseadh thaobh a' chreidimh.

20 D'am bheil Himeneus agus Alecsander; muinntir a thug mise thairis do Shàtan, chum le'n smachdachadh gu'm fòghlumadh iad gun toibheum a labhairt.

## CAIB. II.

1 Nochd Pòl gur còir urnuigh, agus breith-buidheachais a ghnàthachadh air son nan uile dhaoine. 9 Cionnus is còir do mhnàibh a bhi air an sgeadachadh; 12 cha-n'eil e ceadaichte dhoibh teagasg a thoirt uatha; 15 saorair iad ann am breith cloinne ma bhuanicheas iad 's a' chreidimh.

**U**HA mi ag iarraidh uime sin, roimh na h-uile nithibh, gu'n deanar athchuinge, urnuighean, eadar-ghuidhe, agus breith-buidheachais air son nan uile dhaoine:

2 Air son rìghbrean, agus air son nan uile a tha ann an ùghdarras: chum gu'n caith sinn ar beatha gu foisneach agus gu sìochail, anns an uile dhiadhachd agus chiatachd.

3 Oir tha so maith agus taitneach 'am fianuis Dhé ar Slànuidhir:

4 Neach leis an àill na h-uile dhaoine 'bhi air an tearnadh, agus iad a theachd chum eòlas na firinn.



# 1 THIMOTEUIS, III, IV.

5 Oir is aon Dia a tha ann, agus aon eadar-mheadhonair eadar Dia agus daoine, an duine Iosa Crìosd;

6 A thug e fèin 'n a éiric air son nan uile, mar fhianuis ann an àm iomchuidh;

7 Chum an d'orduicheadh mise a'm' shearmonaiche, agus a'n' abstol, (tha mi a' labhairt na firinn ann an Crìosd, cha-n'eil mi a' deanamh breige,) 'am fhear-teagaisg nan Cinneach ann an creidimh agus ann am firinn.

8 Uime sin is àill leam na fir a dheanamh urnuigh 's gach àit, a' togail suas àmhan naomha, gun fheirg, gun amharus;

9 Air an dòigh cheudna, na mnathan a chur eudaich iomchuidh umpa, 'g an sgèdachadh fèin le naiseachd agus stuaim: cha-n ann le casadh an gruaige, no le h-òr, no le ncamhuuidibh, no le culaidhibh luachmhor;

10 Ach, (mar is cuibhaidh do mhnathan a tha 'g aideachadh diadhachd,) le deadh oibrìbh.

11 Fòghlumadh a' bhean ann an ciùineas leis an uile ùmhlachd.

12 Ach cha-n'eil mi a' ceadachadh do mhnai teagasg a thoirt uaipe, no ceannas a ghhlacadh air an fhear, ach i 'bhi 'n a tosd.

13 Oir is e Adhamh a chruthaicheadh air tùs, agus 'n a dhèigh sin Eubha.

14 Agus cha b'e Adhamh a mhealladh, ach air do'n mhnai 'bhi air a mealladh, bha i 's a' chionta.

15 Gidheadh tèarnar i tre bhreith cloinne, ma bhuanachas iad ann an creidimh, agus ann an gràdh, agus ann an naomhachd, maille ri stuaim.

## CAIB. III.

1 Cìod iad na buaidhean a's còir a bhi air na h-easbuigibh, agus air na deaconaibh, agus air am mnathan; 14 agus c'ar son a sgrìobh Pòl na nithean so gu Timoteus. 15 Mu thimchioll na h-eaglais, agus na firinn beannaichte a tha air a teagasg agus air a h-aideachadh innte.

**I**S ràdh fìor so, Ma tha togradh aig aon duine chum dreuchd easbuig, tha e 'miannachadh deadh oibre.

2 Uime sin is còir do easbuig a bhi neo-lochdach, 'n a fhear aoin mhnatha, faireil, ciallach, deadh-bheusach, fialuidh, ealamh gu teagasg;

3 Gun a bhi 'n a phòitear, gun a bhi tuas-aideach, gun a bhi dèidheil air buannachd shalaich; ach macanta, neo-thuasaideach, neo-shanntach;

4 'N a dhuine a riaghlas a thigh fèin gu maith, aig am bheil a chlann fo smachd maille ris an uile shuidheachadh-intinn;

5 (Oir mur aithne do dhuine a thigh fèin a riaghladh, cionnus a ghabhas e cùram de eaglais Dhé?)

6 Gun a bhi 'n a nuadh-chreideach, air eagal, air dha 'bhi air at le h-uabhar, gu'n tuit e ann an dìteadh an diabhail.

7 Is còir dha mar an ceudna deadh theist-eas a bhi aige uatha-san a tha'n leth muigh; air eagal gu'n tuit e ann an scainuil, agus ann an ribe an diabhail.

8 Mar an ceudna is còir do na deaconaibh a bhi suidhichte, gun an teagadh 'bhi leam, leat, gun a bhi cionail air mòran fiona, gun a bhi dèidheil air buannachd shalaich;

9 A' cumail rùn-diomhair a' chreidimh ann an coguis ghloin.

10 Agus bitheadh iadsan mar an ceudna air an dearbhadh an toiseach; agus an sin gnàthaicheadh iad dreuchd deacoin, air dhoibh a bhi air am faghail neo-choireach.

11 Is anhuil sin is còir do na mnathan a bhi suidhichte, gun a bhi 'n an luchd-tuail-eis; ach a bhi measarra, ionraic 's na h-uile nithibh.

12 Bitheadh na deacoin 'n am fir aoin mhnatha, a' riaghladh an cloinne, agus an tighe fèin gu maith.

13 Oir an dream a ghnàthaich dreuchd deacoin gu maith, tha iad a' cosnadh deadh cheum dhoibh fèin, agus dànachd mhòr 's a' chreidimh, a tha ann an Iosa Crìosd.

14 Tha mi a' sgrìobhadh nan nithean so a d' ionnsuidh, 'an dòchas teachd gu grad a d'ionnsuidh:

15 Ach ma nì mi moille, chum gu'n bi fhios agad cionnus is còir dhuit thu fèin a ghiùlan ann an tigh Dhé, nì a's e eaglais an Dé bheò, post agus stéidh-dhaingneachaidh na firinn.

16 Agus gun amharus is mòr rùn-diomhair na diadhachd: dh'fhoillsicheadh Dia 's an fheòil, dh'fhireanaicheadh e 's an spiorad, chunnacas le ainglibh e, shearmonaicheadh e do na Cinnich, chreideadh ann air an t-saoghal, ghabhadh suas e chum glòire.

## CAIB. IV.

1 Roimh-innis Pòl gu'n tèid daoine anns na h-aimsiribh deireannach air seacharan o'n chreidimh: 6 agus chum nach bitheadh Timoteus a dhèidh-laimh 'n a dhleasdanas, thug e comhairlean eag-samhuil air.

**A**NIS tha an Spiorad ag ràdh gu soilleir, anns na h-aimsiribh deireannach gu'n tréig dream àraidh an creidimh, a' toirt aire do spioradaibh mealltach, agus do theagasgaibh dheambau;

2 Tre cheilg bhreugairean, air bhi d'an coguisibh air an losgadh le iarunn dearg;

3 A' toirmeasg pòsaidh, agus ag iarraidh bidheannan a sheachnadh, a chruthaich Dia chum an gabhail maille ri breith-buidheachais leosan a tha 'creidsinn, agus aig am bheil eòlas na firinn.

4 Oir is maith gach nì a chruthaich Dia, agus cha-n ion nì sam bith a dhiùltadh, a ghabhar le breith-buidheachais:

5 Oir tha e air a naomhachadh le focal Dhé agus le h-urnuigh.

6 Ma chuireas tu na nithean so 'an cuimhne

do na bràithribh, bithidh tu a'd' dheadh mhinisteir do Iosa Crìosd, air d'altrum suas ann am briathraibh a' ehreidimh, agus an deadh theagaisg, air au do ghabh thu eòlas :

7 Ach diùlt sgeulachdan mi-dhiadhaidh sheau bhan, agus cleachd thu féu chum diadhachd.

8 Oir tha an eleachdadh corporra tarbhaeh chum beag uithean ; aeh tha'n diadhachd tarbhaeh chum uan uile nithean, aig am bheil gealladh na beatha 'tha làthair, agus a eum teachd.

9 Is ràdh firiuic each so, agus is airidh e air gach aon ehor air gabhail ris.

10 Oir is ann uime so a tha sinn au dà chuid ri saothair, agus a' fulang maslaidh, do bhrìgh gu bheil dòchas againn's an Dia bheò, neach a's e Slànuidheir nau uile dhaoine, gu h-àraidh uan creidmheach.

11 Aithn agus teagaisg na nithean so.

12 Na deanadh duine sam bith tarcuis air d'òige; ach bi thusa a'd' eisempleir do na creidmheach, ann am focal, ann an eaithe-beatha, ann an gràdh, ann an spiorad, ann an ereidimh, ann am fìor-ghloine.

13 Gus an tig mi, thoir an aire do leughadh, do earail, do theagsg.

14 Na dearmad an tiodhlac a tha annad, a thugadh dhuit tre fhàidheadaireachd, maille ri leagadh làmh na seanaireachd ort.

15 Smuainieh air na nithibh sin; thoir thu féin gu tur dhoibh, chum gu'm bi do theachd air d'aghaidh follaiseach do na h-uile.

16 Thoir aire dhuit féin, agus do d' theagsg; buanaieh anna: oir le so a dheanamh, saoraidh tu araon thu féin, agus iadsan a tha 'g éisdeachd riut.

# CAIB. V.

1 *Riaghailtean a's còir a leanuinn ann an cronachadh.* 3 *Me bhantraehaibh.* 17 *Mu shean-airibh.* 23 *Comhairle do Thimoteus mu thimchioll a shlàinte, &c.*

**N**A garg-ehronaich seanair, aeh cuir impidh air mar athair, agus air ua h-òig-fhir mar bhràithribh;

2 Na mnathan aosda mar mhàithrichibh, na mnathan òga mar pheathraichibh, maille ris an uile fhìor-ghloine.

3 Thoir urram do bhantraehaibh a tha 'n am bantreachaibh da rìreadh.

4 Ach ua tha bantrach air bith aig am bheil eann no oghaeann, fòghlumadh iad air tùs a bhi dleasdanach 'n an tighibh féin, agus ath-dhiol a thoirt d'am pàrantaibh: oir tha so maith agus taiteach 'am fianuis Dhé.

5 A nis cuiridh ise a tha 'n a bantraeh da rìreadh, agus air a fagail 'n a h-aonar, a dòehas ann an Dia, agus buanaichidh i a là agus a dh'oidheche ann an athehuigibh, agus ann an urnuighibh.

6 Ach ise a tha caitheadh a beatha 'am macnus, air dhi 'bhi beò, tha i marbh.

7 Uime sin aithu na nithean so dhoibh, chum gu'm bi iad neo-lochdach.

8 Ach mur dean duine solar air son a chuideachd féin, agus gu h-àraidh air son uimintir a theaghlaich, dh'iaheadh e'n ereidimh, agus is miosa e na ana-ereideach.

9 Na gabhar bantraeh 's au àireamh a bhitheas fo thri fichead biadhua dh'aois, a bha 'n a mnaoi aoin duine,

10 Air an bheil teistias a thaobh dheadh oibre; ma thog i eann, ma thug i aoidh eachd seachad, ma dh'ionnlaid i eosan nau uaomh, ma dh'fhoir i air luchd-àmhghair, ma lean i gu dìchiollach gach deadh obair.

11 Aeh diùlt na bantrachan òga: oir an uair a dh'fhàsas iad mear an aghaidh Chrìosd, is mianm leo pòsadh;

12 Muimntir a tha fo dhiteadh, a ehionn gu'n do thréig iad an ceud ehreidimh.

13 Agus os barr, fòghlumaidh iad a bhi dìomhanach, a' dol mu'n euairt o thigh gu tigh; agus eha-n e mhiàn dìomhanach, ach mar an ceudna gabhannach, agus a' gabhail guothuich ris na uithibh uach buin dhoibh, a' labhairt nithean nach bu ehòir dhoibh.

14 Is àill leam uime sin na *mnathan* òga a phòsadh, iad a bhreith eoinne, a stiuradh an tìghe, agus gun ehion-fath air bith a thoirt do'n eascaraid labhairt gu toibhe-eunach.

15 Oir tha cuid eheana air dol a thaobh an déigh Shàtain.

16 Ma tha aig ereidmheach uo aig ban-chreidmheach bantrachan, fòircadh iad orra, agus na bitheadh an tron air an eaglais; chum gu'u dean i cabhair orra-san a tha 'n am bantrachaibh da rìreadh.

17 Measar gur airidh ua seanairean a riaghlas gu maith air urram dubailte, gu h-àraidh iadsan a tha 'saoithreachadh 's an fhocal agus auu an teagsg.

18 Oir tha an sgriobtnuir ag ràdh, Na ceangail beul na daimh a tha 'saltairt an arbhair: agus, Is airidh an t-oibriche air a thuarasdal.

19 Na gabh easaid an aghaidh seanair, aeh le dithis no triuir a dh' fhianuisibh.

20 Iadsan a tha 'peacachadh crouaieh an làthair nau uile, chum gu'u gabh eàch eagal mar an ceudna.

21 Tha mi a' sparradh ort 'am fianuis Dhé, agus an Tighearna Iosa Crìosd, agus uan amgeal taghta, gu'n coimhid thu na nith-eann so, gun aon a ehur roimh ueach eile, gun ni air bith a dheanamh le ehaon-bhreth.

22 Na leag do làmhau gu h-obann air duine sam bith, agus na bitheadh comphair agad de pheacaibh dhaoine eile: coimhid thu féin glan.

23 Na h-òl uisge nì's mò, aeh cleachd beagan fiona air son do ghloine, agus d'an-mhuimeachd mhinie.

24 Tha peacaidhean cuid de dhaoineibh follaiseach roimh-làimh, a' dol rompa eum



# 1 THIMOTEUS, VI.

breitheanais; agus tha *peacaidhean* dhream àraidh 'g an leantuinn.

25 Mar an ceudna tha deadh oibre *cuid* follaiseach roimh-làimh; agus na *h-oibre* a tha de ghné eile, cha-n fheudar am folach.

## CAIB. VI.

1 *Mu dhleasdanas sheirbhiseach*: 3 *Cha chòir comunn a bhli againn ri droch luchd-teagaisg*. 6 *Is buannachd mhòr an diadhachd*. 10 *'S e gaol an airgid freumh gach uile*. 11 *Ciod is còir do Thimoteus a sheachnadh, agus a lean-tuinn*; 17 agus ciod mu'n còir dha rabhadh a thoirt do'n dream a tha saobhair.

**M**EASADH a' mheud 's a tha fo 'n chuing 'n an seirbhisich, gur airidh am maighstirean féin air an uile urram; chum nach faigh ainm Dhé, agus a theag-asg toibheum.

2 Agus iadsan aig an bheil maighstirean creidmheach, na deanadh iad tarcuis orra, air son gur bràithrean iad: ach gu na fearr leo seirbhis a dheanamh *dhoibh*, do bhrìgh gu bheil iad creidmheach agus ionmhuinn, 'n an luchd-comhairt de thìodhlac a' ghràis. Na nithean so teagaisg agus earaillich.

3 Ma bheir aon neach atharrachadh teagaisg uath, agus nach aontaich e do bhriathraibh fallain, cadhou do bhriathraibh ar Tighearna Iosa Crìosd, agus do'n teagasg, a tha réir na diadhachd:

4 Tha e uaibhreach, gun eòlas aige air ni sam bith, ach e as a cheill mu thimchioll cheisdean, agus bhriathar-connsachaidh, o'n tig farmad, comhstri, anacaint, droch amharusan,

5 Fiar-dheasboircachd dhaoine aig am bheil inntinn thruaillidh, agus as eugmhais na firinn, a' meas gur buannachd an diadhachd: dealaich ri an leithidibh sin.

6 Ach is buannachd mhòr an diadhachd maille ri inntinn thoilichte.

7 Oir cha d'thug sinn ni air bith *leinn* do'n t-saoghal so, agus is soilleir nach urrainn sinn ni sam bith a thoirt as.

8 Uime sin air dhuinn biadh agus eudach a bhli againn, bitheamaid toilichte leo sin.

9 Ach an dream le'n àill a bhi beartach, tuitidh iad ann am buaireadh, agus ann an ribe, agus ann an iomadh ana-miann amaid-each agus ciùrrail, a bhàthas daoine ann am milleadh agus ann an sgrios.

10 Oir is e gaol an airgid freumh gach uile: ni am feadh a mhiannaich dream àraidh, chaidh iad air seacharan o'n chreidimh, agus throimh-lotsiad iad féin le iomadh cràdh.

11 Ach thusa, O òglaich Dhé, teich o na nithibh sin: agus lean fircantachd, diadhachd, creidimh, gràdh, foighidin, ceannisachd.

12 Còmhraig deadh chòmhrag a' chreidimh, gabh greim de'n bheatha mhaireann-aich, chum mar an ceudna an do ghairmeadh thu, agus dh'aidich thu deadh aidmheil an làthair mhòran flianaisean.

13 Tha mi a' sparradh ort ann am fianuis Dhé, a bheothaicheas na h-uile nithean, agus 'am fianuis Iosa Crìosd, a rinn fianuis air deadh aidmheil an làthair Phontuis Philait;

14 Thu 'choimhead na h-àithne so gun smal, gun lochd, gu teachd ar Tighearna Iosa Crìosd:

15 Ni, 'n a àmaibh féin, a dh'fhoillsicheas an ti a tha beannaichte, agus a mhàin cumhachdach, Rìgh nan rìgh agus Tighearn nan tighearn;

16 Neach 'n a aonar aig am bheil neobhàsmhorachd, a tha 'n a chòmhnuidh 's an t-solus dh'ionnsuidh nach fèudar teachd; neach nach faca duine sam bith, agus nach mò 'dh'fheadas e' fhaicinn: dhàsan *gu'n robh* urram agus cumhachd sìorruidh. Amen.

17 Thoir àithne do na daoineibh a tha saobhair 's an t-saoghal so, gun iad a bhi àrd-inntinnach, agus gun dòchas a chur ann an saobhbreas neo-chinnteach, ach anns an Dia bhed, a tha 'toirt duinn nan uile nithean gu saobhair r'am mealtuinn:

18 Iad a dheanamh maith, iad a bhi saobhair ann an deadh oibribh, calaml gu roinn, comh-pàirteach;

19 A' tasgadh suas doibh féin deadh bhunait fa chomhair an àm ri teachd, chum gu'n dean iad greim air a' bheatha mhaireann-aich.

20 O Thimoteus, coimhid an ni sin a dh'carbhadh riut, a' seachnadh faoin-chòmhairidhean mhi-naomha, agus comh-chogadh eòlais d'an toirear gu breugach an t-ainm sin.

21 Ni air bhi do dhream àraidh ag aidmheil, chaidh iad air seacharan thaobh a' chreidimh. Gràs *gu robh* maille riut. Amen.

# DARA LITIR AN ABSTOIL PHOIL

CHUM

## THIMOTEUS.

### CAIB. I.

1 Gràdh Phòil do Thimoteus: 5 an creidimh treibhdhreach a bha ann an Timoteus féin, agus 'n a mháthair agus 'n a shean-mháthair. 6 Chuir e impidh air tìodhlac Dhé a bha ann a dhùsgadh suas, 8 e bhí seasmhach agus foighidneach fo gheur-leannmhuinn, 13 agus e a bhuanachadh ann an earail agus ann am fírinne an teagaisg a dh'fhòghluim e uathsan, &c.

PÒL abstol Iosa Críost tre thoil Dhé, a réir geallaidh na beatha, a tha ann an Iosa Críost.

2 Gu Timoteus mo mhac gràdhach: Gràs, trè cair, agus sìth o Dhia an t-Athair, agus o Iosa Críost ar Tighearn.

3 Tha mi 'toirt buidheachais do Dhia, do'm bheil mi a' deanamh seirbhis o m' shìnsiribh le coguis ghloin, gu bheil agam cuimhne ortsa a ghnàth a là agus a dh'oidheche ann am urnuighibh;

4 Air dhomh 'bhi ro thogarrach air thusa fhaicinn, a' cuimhneachadh do dheur, chum gu'm bi mi air mo lìonadh le gairdeachas;

5 'N uair a chuimhniceas mi an creidimh neo-chealgach a tha annad-sa, a chòmhnuich air tùs a'd' shean-mháthair Lois, agus a'd' mháthair Eunice: agus is deimhin leam a tha annad-sa mar an ceudna.

6 Air an aobhar so tha mi 'cur 'an cuimhne dhuit, thu dh'ath-bheothachadh tìodhlaic Dhé, a tha annad tre chur mo làmh-sa ort.

7 Oir cha d'thug Dia dhuinne spiorad na geilt; ach spiorad a' chumhachd, agus a' ghràidh, agus na h-inntinn fhallain.

8 Uime sin na gabh-sa nàire de fhianuis ar Tighearna, no dhìom-sa a phrìosanach: ach bitheadh do chuid agad a dh' àmhghar an t-soisgeil, a réir cumhachd Dhé;

9 A shaor sinne agus a ghairm sinn le gairm naomh, cha-n ann a réir ar n-oibre, ach a réir a rùin féin, agus a ghràis a thugadh dhuinne ann an Iosa Críost, roinn thoisèach an t-saoghail;

10 Ach a dh'fhoillsicheadh a nis troimh theachd ar Slànuighir Iosa Críost, a chuir as do'n bhàs, agus a thug beatha agus neo-bhàsmhorachd chum soluis, tre an t-soisgeul;

11 Chum an d'orduicheadh mise a'm' shearmonaiche, agus a'm' abstol, agus a'm' fhear-teagaisg nan Cìnneach:

12 An t-aobhar air son am bheil mi mar an ceudna a' fulang nan nithean so: gidheadh cha-n'eil nàire orm: oir tha fhios agam co

ann a chreid mi, agus is dearbh leam gu bheil esan comasach air an ni sin a dh'earb mi ris a choimhead fa chomhair an là sin.

13 Cum gu daingean samhladh fìrinneach nam briathar fallain, a chuala tu uam-sa, ann an creidimh agus ann an gràdh a tha ann an Iosa Críost.

14 Coinhid an taisgeach maith sin a dh'earbadh riut, tre an Spiorad naomh, a tha 'chòmluimhid annainn.

15 Tha fhios so agad, gu'n do phill iadsan uile a tha 's an Asia uam-sa; d'am bheil Phigellus agus Hermogenes.

16 Gu'n tugadh an Tighearn trè cair do theaghlach Onesiphorus; oir is minic a thug e sòlas dhomh-sa, agus cha do ghabh e nàire de m' shlabhraidh.

17 Ach an uair a bha e 's an Ròimh dh'iarr e mach mi gu dìchiollach, agus fhuair e mi.

18 Gu'n deonaicheadh an Tighearn dhàsan gu'm faigh e trè cair o'n Tighearn 's an là sin: agus tha sàr-fhios agad, cia lìon ni anns an d'rinn e frithealadh dhomh-sa ann an Ephesus.

### CAIB. II.

1 Chuir Pòl impidh air Timoteus a ris a bhí seasmhach agus buan-mhaireannach, agus dleasdanas fìor-òglach an Tighearna 'chur 'an gnìomh, leis an fhocal a roinn gu cearr, agus faoin-chainnt mhi-dhiadhaidh a sheachnadh. 17 Mu Himeneus agus Philetus. 19 Tha bunait an Tighearna cinnteach. 22 Cionnus is còir do sheirbhiseach an Tighearn e féin a ghiùlan.

UIME sin bi-sa, a mhic, làidir anns a' ghràs a tha ann an Iosa Críost.

2 Agus na nithean a chuala tu uam-sa am measg mhòrain fhianuisean, earb thusa na nithean sin féin ri daoineibh fìrinneach, a bhitheas iomchuidh gu daoine eile a theagasg mar an ceudna.

3 Fuiling thusa uime sin cruaidh-chàs, mar dheadh shaighdear Iosa Críost.

4 Cha dean neach sam bith a leanas an cogadh e féin a ribeadh ann an gnòthachibh na beatha so: chum gu'n toilich e an ti a thagh e gu bhli 'n a shaighdear.

5 Agus mar an ceudna ged a ni fear air bith sbàirn, cha chrùnair e mur dean e sbàirn gu dligeach.

6 Is còir do'n treabhaiche a shaoithricheas air tùs, comh-roinn fhaotainn de'n toradh.

7 Smuainich air na nithibh a tha mi ag ràdh; agus gu'n tugadh an Tighearn dhuit tuigse anns na h-uile nithibh.



8 Cnuimhaich gu'n do thogadh o na mairbh losa Criosd, de shìol Dhaibhidh, a réir mo shoisgeil-sa;

9 Air son am bheil mise a' fulang mar fhear droch-bheirt, *eadhon* gu geimhlìbh; ach cha-n'eil focal Dhé ceangailte.

10 Uime sin tha mi ag iomchar nan uile nithean air son nan daoine taghta, chum gu'm faigh iadsan mar an ceudna an t-slàinte a tha ann an losa Criosd, maille ri glòir shìorruidh.

11 Is ràdh fìor so, Ma bhàsaicheas sinn maille ris, gu'm bi sinn beò mar an ceudna maille ris:

12 Ma dh'fhuilingeas sinn, rìghichidh sinn mar an ceudna maille ris: ma dh'àicheadhas sinn e, àicheadhaidh esan sinne mar an ceudna.

13 Mur creid sinne, gidheadh tha esan a' fantinnn firinncach; cha-n'eil e'n comas da e féin àicheadh.

14 Chir na nithean sin 'an cuimhne dhoibh, a' cur sparraidh orra 'am fianuis an Tighearna, gun iad a bhli' connsachadh m' fhoclaibh anns nach 'eil tairbhe sam bith, *ach* a thilgeas bun os ceann an luchd-èisdeachd.

15 Dean dìchioll air tinn féin a nochdadh dearbhta do Dhia, a'd' shaothraiche, nach ruig a leas nàire a ghabhail a' roinn focail na firinn gu ceart.

16 Ach seachainn faoin-chainnt mhi-naomha; oir théid iad air aghaidh chum an tuilleadh mi-dhiadhachd.

17 Agns ithidh am focal mar chnàmhuinn; d'am bheil Himeneus agus Philetus;

18 Muinntir thaobh na firinn a chaidh air seacharan, ag ràdh gu'n deachaidh an aiseirigh cheana seachlad; agns a tha 'tilgeadh creidimh dream àraidh bun os ceann.

19 Gidheadh, tha bunait Dhé a' seasamh daingean, aig am bheil an senla so, Is aithne do'n Tighearn an dream sin a's leis. Agus, Gach neach a tha 'g ainneachadh ainm Chriosd, tréigeadh e encoir.

20 Ach ann an tigh mòr cha-n e m'hàin gu bheil soithichean òir, agus airgid, ach mar an cendna *soithichean* fiodha, agus creadha; agns cnid diubh chum nrrain, agus cnid eile chum eas-nrrain.

21 Uime sin ma ghlanas neach e féin uatha so, bithidh e 'n a shoitheach chum urrainn, air a naomhachadh, agns iomchuidh chum feum a' mhaighstir, deas chum gach nìle dheadh oibre.

22 Teich uime sin o ana-miannaibh na h-òige: ach lean fireantachd, creidimh, gràdh, sìth, maille riu-san a tha 'gairm air an Tighearn o chridhe glan.

23 Ach seachainn ceisdean amaideach agus neo-fhòghluimte, air dhuit fios a bhi agad gu'n tog iad connsaichidhean.

24 Agus cha-n fhend òglach an Tighearna 'bhi connspoideach; ach ciùin ris na h-uile

dhaoinibh, ealamh chum teagaisg, foighidneach,

25 Ann an ceannsachd a' teagasg na dream a sheasas 'n a aghaidh; dh'fheuchainn an toir Dia uair air bith aithreachas dhoibh, chum aidmheil na firinn.

26 Agns air mosgladh dhoibh gu'n téid iad as o ribe an diabhuil, aig am bheil iad air am beò-ghlacadh chum a thoile.

## CAIB. III.

1 *Thug Pòl rabhadh do Thimoteus mu thimchioll nan amàn ri teachd; 6 dh'innis e cò iad naimhdean na firinn; 10 chuir e 'eiseimpleir féin roinne, 16 agus mhol e na sgrìobtuirean naomha.*

**A**CH bitheadh fhios se agad, gu'n tig anns na làithibh deireannach aimsirean cumntarach.

2 Oir bithidh daoine féin-speiseil, sanna-tach, ràiteachail, uaibhreac, toibhceumach, eas-ùmhla do phàrantaibh, mi-thaingeil, mi-naomha,

3 Gun ghràdh nàdurra, 'n an luchd brisidh coimhecheangail, tuailcasach, neo-gheamnuidh, borb, gun ghaol do'n mhaith,

4 Fealltach, ceann-laidir, àrdanach, aig am bheil bàrr gràidh do shàmh na tha aca do Dhia;

5 Aig am bheil coslas diadhachd, ach a tha 'g àicheadh a cumhachd: o'n leithidibh sin tionndaidh-sa air falbh.

6 Oir is ann diubh so a tha 'n dream sin a dh'èalaidheas a stigh do thighean, agus a bheir leo 'am braighdeanas mnathan suarach air an nallachadh le peacadhibh, air an iomail le iomadh gnè ana-mianna,

7 A'sior-fhòghlum, agus gun chomas doibh gn bràth teachd chum eòlais na firinn.

8 Agus mar a chuir Iannes agns Iambres an aghaidh Mhaois, mar sin tha iadsan a' cur an aghaidh na firinn: daoine aig am bheil inntinn thruaillidh, gun tuigse thaobh a' chreidimh.

9 Ach cha téid iad nìs faide air an aghaidh: oir bithidh am mi-chiall follaiseach do na h-nìle *dhaoinibh*, mar a bha am *mi-chiall-san* mar an ceudna.

10 Ach tha làn-fhios agad air mo theag-asg-sa, *mo* ghnè beatha, *mo* rùn, *mo* chreidimh, m'fhad-fhulangas, *mo* sheire, m'fhoighidin,

11 *Mo* gheur-leannmhuinnibh, m'fhulangais a thàinig orm ann an Antioch, ann an Iconium, ann an Listra; ciod e meud nan geur-leannmhuinn a ghiùlain mi: ach asda uile shaor an Tighearn mi.

12 Seadh, fuilingidh iadsan nìle leis an àill am beatha a chaitheadh gn diadhaidh ann an Iosa Criosd, geur-leannmhuinn.

13 Ach fasaidd droch dhaoine agns mealltairean nìs miosa agus nìs miosa, a' mealladh, agus air am mealladh.

14 Ach branaich thusa anns na nithibh a dh'fòghluim thu, agns air an d'rinneadh

thu dearbh-fhiosrach, air dhuit fios a bhi agad cia uait a dh'fhòghluim thu iad;

15 Agus o bha thu 'a d' leanabh gu'm b' aithne dhuit na sgrìobtuirean uaoimha, a tha comasach air do dheanamh glic chum slàinte, tre 'n chreidimh a tha anu an Iosa Crìosd.

16 Tha an sgrìobtuir uile air a dheachdadh le Spiorad Dhé, agus tha e tarbhach chum teagaisg, chum spreige, chum leasachaidh, chum oilein ann an fireantachd:

17 Chum gu'm bi òglach Dhé coimhlionta, làn deas chum gach uile dheadh oibre.

#### CAIB. IV.

1 *Chuir Pòl impidh air Timoteus a dhleasdanas a dheanamh leis an uile chàran agus dhìchioll; 6 thug e cinnte dha gu bheil a-bhàs féin ann fagus; 9 is àill leis e 'theachd gu grad d'a ionnsuidh, agus Marcus a thoirt leis, agus nithean àraidh eile mu'n do sgrìobh e d'a ionnsuidh; 14 thug e rabhadh dha 'bhi air fhaicill o Alecsander an ceard-umha, &c.*

**T**HA mi a' sparradh ort uime sin 'am fianuis Dhé, agus an Tighearna Iosa Crìosd, a bheir breth air na beothaibh agus air na marbhaibh, aig a theachd dhealrach, agus ann a rioghachd:

2 Searmonaich an focal, bi dùrachdach ann an àm agus ann an an-àm; spreig, cron-aich, earailich leis an uile fhad-fhulangas agus theagasg.

3 Oir thig an t-àm anns nach bi fulang aca air teagasg fallain: ach air do chluasuib tachasach a bhi aca, carnaidh iad suas dhoibh féin luchd-teagaisg a réir an ana-miannan;

4 Agus tionndaidh iad an chusan o'n fhìrinn, agus trompaichear iad chum sgetulachdan faoiu.

5 Ach dean thusa faire anns na h-uile nithibh, fuiling cruaidh-chèis, dean obair soisgeulaiche, coimhlion do mhinistrealachd.

6 Oir tha mise nis gu 'bhi air m'òbradh, agus tha àm mo shiubhail ann fagus.

7 Chòmhraig mi an deadh chòmhrag, chrìochnaich mi mo thurus, ghlaidh mi an creidimh.

8 O so mach taisgear fa m' chomhair crùn

fireantachd, a bheir an Tighearna, am breith-eamh cothromach, dhomh 's au là ud: agus cha-n ann dhomh-sa a mhàin, ach dhoibh-sa uile mar an ceudua, leis an ionmhuinn a theachd-sau.

9 Deau do dhìchioll air teachd a m' ionnsuidh gu luath:

10 Oir thréig Demas mi, air dha an saoghal so a thàlathair a ghràdhachadh, agus chaidh e do Thesalonica; Crescens do Ghalatia, Titus do Dhalmatia.

11 Tha Lucas 'u a aonar maille rium. Gabh Marcus agus thoir leat e: oir tha e feumail dhomh-sa chum na ministrealachd.

12 Ach chuir mi Tichicus gu h-Ephesus.

13 An fhalluing a dh'fhàg mi ann an Troas aig Carpus, 'n uair a thig thu, thoir leat, agus na leabhraichean, ach gu h-àraidh na meambran.

14 Rinn Alecsander an ceard-umha iomadh òle orm: gu'n tugadh an Tighearna dha a réir a ghmìoharan:

15 Bi thusa mar an ceudna air d'fhaicill uait, oir chuir e gu mòr an aghaidh ar briathar-ne.

16 Aig mo cheud fhreagradh cha robh ann neach leam, ach thréig na h-uile mi: nior agrar orra e.

17 Gidheadh, sheas an Tighearna làimh rium, agus nertaich e mi; chum trouham-sa gu'm bithcadh an searmonachadh air làn-fhoillsachadh, agus gu'n cluinneadh na Cinnich uile e: agus shaoradh mi á beul an leòmhain.

18 Agus saoraidh an Tighearna mi o gách uile dliròch obair, agus gleidhidh e mi chum a rioghachd nèamhaidh féin: dhà-san gu'n robh glòir gu saoghal nan saoghal. Amen.

19 Cuir failte air Prisca, agus air Acula, agus air teaghlach Onesiphorus.

20 Dh'fhan Erastus ann an Corintus: ach dh'fhàg mi Trophimus gu tinn ann am Miletum.

21 Dean dìchioll air teachd roimh'n gheamhradh. Tha Eubulus, agus Pudens, agus Linus, agus Claudia, agus na bràithrean uile a' cur failte ort.

22 Gu'n robh an Tighearna Iosa Crìosd mailleri d'spiorad. Gràs maille ribh. Amen.

## LITIR AN ABSTOIL PHOIL

### CHUM

# THITUIS.

#### CAIB. I.

1 *C'ar son a dh'fhàgadh Titus ann an Crete. 6 Cìod na buaidhean is còir 'bhi aca-san a thaghar 'n am ministreibh. 11 Is éigin beòil droch luchd-teagaisg a dhruideadh: 12 cìod a' ghnè dhaoine a tha anna.*

**P**OL seirbhiseach Dhé, agus abstol Iosa Crìosd, a réir creidimh dhaoine taghta

Dhé, agus aidmheil na fìrinn a tha réir diadhachd:

2 Ann an dòchas na beatha maireannaich, a gheall Dia, do nach comasach breug a dheanamh, roimh chruthachadh an t-saoghail:

3 Ach dh'fhoillsich e 'fhocal féin, ann an àm iomchuidh tre shearmonachadh, a dh'



earbadh rium-sa, a réir àitline Dhé ar Slànuidhir :

4 Chum Thitnis *mo* dhearbhb mhic féin a réir a' chreidimh choitcheionn: Gràs, tròcair, agus sìth o Dhia an t-Athair, agus o'n Tigh-earn Iosa Crìosd ar Slànuidhear.

5 Air a shon so dhiflàg mi thu ann an Crete, chum gu'n cuireadh tu 'n ordng na nithean a dhiflàgadh gun deanamh, agus gu'n snidhicheadh tu seanairean anns gach baile, a réir mar a dh'aithn mise dhnit.

6 Ma tha neach sam bith neo-lochdach, 'n a fhear aoin mhnatha, aig am bheil a chlann creidimheach, nach 'eil fo mhi-chliu thaobh ana-caitheimh, no eas-ùmhail :

7 Oir is còir do easbuig a bhi neo-choir-each, mar stiùbhard Dhé; gun a bhi féin-thoileil, no feargach, no òlmhor, no tuasaid-each, no déidheil air buannachd neòghloin;

8 Ach aoidheil, déidheil air daoineibh maithhe, ciallach, cothromach, naomh, measarra;

9 A' cnmail an fhocail fhìor gn daingean a réir teagaisg, chum gu'n bi e comasach le teagasg fallain, araon air earail a thabhairt, agus an dream a sheasas 'n a aghaidh a chur as am barail.

10 Oir tha mòran ann a tha mi-riaghailteach, a labhras gu dìomhain, agus a tha 'n am mealltairibh, gu h-àraidh iadsan a tha de'n timchioll-ghearradh :

11 Mníntir a's còram bent a dhruidcadh, dream a tha 'tionndadh thighean iomlan bnn os ceann, a' teagasg nan nithean nach còir a theagasg, air ghaol buannachd shal-aich.

12 Thnabhairt neach àraidh dhiubh féin, eadhon fàidh dhiubh féin, *Is breugairean a ghnàth* an Creteich, droch fhiadh-bheath-aichean, bnaig mhall.

13 Tha an fliuanais so fìor: air an aobhar sin cronaich gu gear iad, chum gu'm bi iad fallain 's a' chreidimh;

14 Gun 'bhi' toirt aire do fhaoine-sgeulachdaibh Iudhach, agus do àithcantaibh dhaoine, a thionndaidheas o'n fhìrinn

15 Oir gu deimhin tha na h-nile nithean glan do'n dream a tha glan: ach dhoibh-san a tha salach, agus mi-chreidimheach, *cha-n'èil* aon nì glan; ach tha an inntinn agus an coguis féin air an salachadh.

16 Tha iad a' gabhail orra còlas a bhi aca air Dia; ach ann an oibribh tha, iad 'g a' aicheadh, air dhoibh a bhi gràineil, agus eas-ùmhail, agus a thaobh gach deadh oibre as engmhais tuigse.

## CAIB. II.

1 Comhairlean air an tabhairt do *Thitus* araon mu thimchioll a theagaisg agus a chaithe-beatha. 9 Mu dhleasdanas sheirbhiseach, agus mar an ceudna mu dhleasdanas nan uile Chrìosduidhean.

A CH labhair thusa na nithean a thig ri teagasg fallain:

2 Eadhon na daoine aosda 'bhi aireil, snidhichte, measarra, fallain 's a' chreidimh, ann an gràdh, ann am foighidin :

3 Mar an ceudna na mnathan aosda 'bhi 'n an giùlan mar is cubhaidh do naomhachd, gun a bhi 'n an luchd-taileis, gun a bhi trom aon fìon, a bhi 'n an luchd-teagaisg air nithibh maithhe;

4 Chum gu'n teagaisg iad na mnathan òga 'bhi ciallach, gràdhach air am fearaibh, gràdhach: air an cloinn,

5 'Bhi eagnuidh, geamnuidh, fantuinn aig an tigh, a bhi maith, ùmhail d'am fearaibh chum nach faigh focal Dhé mi-chiù.

6 Cuir impidh air na daoineibh òga mar an ceudna, iad a bhi ciallach.

7 Anns na h-uile nithibh 'g ad nochdadh féin ann ad eisempaire dheadh oibre: ann an teagasg d' nochdadh neo-thruaillidheachd, suidheachadh inntinn, tréibhdhireis,

8 Càinnt fhallain nach fheadar a dhiteadh; chum gu'm bi nàire air an neach a tha 'n 'ur n-aghaidh, a chionn nach 'eil droch nì sam bith aige r'a labhairt umaibh.

9 Earailich seirbhiseach a bhi ùmhail d'am maighstribh féin, agus an deadh-thoileachadh anns na h-nile nithibh: gun 'bhi a' labhairt 'n an aghaidh;

10 Gun a bhi ceileachadh aon nì d'an cuid, ach a' nochdadh gach nìle dheadh thairisneachd; chum gu'n dean iad teagasg Dhé ar Slànuidhir maiscach anns na h-nile nithibh.

11 Oir dh'fhoillsicheadh gràs slàinteil Dhé do na h-nile dhaoineibh,

12 A' teagasg dhninn gach mi-dhiadhachd agus ana-miann saoghalta àicheadh, agus ar beatha a chaitheadh gu stuama, gu cothromach, agus gu diadhaidh anns an t-saoghal so làthair;

13 Air dhuinn sùil a bhi againn ris an dòchas bheannaichte sin, eadhon foillseachadh glòire an Dé mhòir, agus ar Slànuidhir Iosa Crìosd:

14 A thug e féin air ar son, chum gu'n saoradh e sinn o gach aingidheachd, agus gu'n glanadh e dha féin slugh sonruichte, eudmhor mu dheadh oibribh.

15 Na nithean so labhair, agus earailich, agus cronaich leis an uile ùghdarras. Na deanadh duine sam bith tàir ort.

## CAIB. III.

1 Tha Titus air a sheòladh le Pòl, araon mu thimchioll nan nithean a bhuineadh dha theagasg, agus nach buineadh: 10 is àill leis e 'chur cùl ri luchd saobh-chreidimh: 12 an dèigh so, dh'innis e dha an t-àm, agus an t-àit anns am b' àill leis e theachd d'a ionnsuidh; agus mar sin chrìochnaich e.

CUIR 'n an cuimhne dhoibh a bhi ùmhail do nachdaranachdaibh agus do chumhachdaibh, géill a thoirt do luchd-riaghlaidh, 'bhi ullamh chum gach uile dheadh oibre.

2 Gun òle a labhairt mu neach air bith,

## PHILEMOIN.

a bhi neo-thuasaideach, ciùin, a' taisbeanadh an uile cheanasachd do na h-uile dhaoinibh.

3 Oir bha sinne féin uair-éigin eu-céillidh, cas-inhal, air seacharan, a' deanamh seir-bhis do iomadh guè ana-miann agus an-toil, a' caitheamh ar beatha ann am mì-run agus 'am farmad, fuath-thoilteannach, agus 'a toirt fuath d'a ehéile.

4 Ach an uair a dh'fhoillsicheadh caoimhneas agus gràdh Dhé ar Slànuidhir do dhaoinibh,

5 Cha-n ann o oibribh fireantachd a rinn sinne, ach a réir a thròair féin shaor e sinn, tre ionnlad na h-ath-ghineamhuinn, agus ath-nuadhachadh an Spioraid naoimh:

6 A dhòirt e oirne gu saoi-bhir, tre Iosa Criosd ar Slànuidhear;

7 Chum air dhuinn a bhi air ar fireanaachadh tre a ghràs-san, gu'm bitheamaid air ar deanamh 'n ar n-oighreachaibh a réir dòchais na beatha maireannaich.

8 Is fìor an ràdh so, agus is àill leam thu 'thoirt dearbh-chinntes air na nithibh sin, chum gu'm bitheadh iadsan a chreid ann an Dia, eùramach air toiseach a bhi aca ann an deadh oibribh: oir tha na nithean so maith agus tarbhach do dhaoinibh.

9 Ach seachainn ceisdear amaideach, agus

sloinnteircachd, agus connspoidean, agus connsachadh mu'n lagh; oir tha iad gun tairbhe agus diomhain.

10 Duine a tha 'n a shaobh-ehreidmheach, an déigh na ceud agus na dara comhairle diult:

11 Air do fhios a bhi agad gu bheil a leithid sin a *dhruine* air a chur bun os ceann, agus gu bheil e a' peacachadh, air dha 'bhi air fhéin-dhiteadh.

12 'N uair a chuireas mi Artemas a d' ionnsuidh, no Tichicus, dean dìchioll air teachd a m' ionnsuidh gu Nicopolis: oir is ann an sin a chuir mi romham an geamhradh a chaitheadh.

13 Thoir Senas am fear-lagha agus Apollos air an aghaidh 's an t-slighe gu dùrachdach, chum nach bi ni air bith dh'uireas-bhuidh orra.

14 Agus foghlumadh ar muinntir-ne mar an ceudna deadh oibre a dheanamh gu dùrachdach fa chomhair ghnàthachadh feumail, chum nach bi iad neo-tharbhach.

15 Tha'n dream a tha maille rium uile a' eur fàilte ort. Cuir fàilte orra-san le'n ionmhuinn sinne 's a' ehreidimh. Gràs maille ribh uile. Amen.

## LITIR AN ABSTOIL PHOIL

### CHUM

## PHILEMOIN.

1 Is taitneach le Pòl a bhi 'duinntinn mu chreidimh agus ghràdh Philemoin: 9 air am bheil e 'g iarraidh maitheanas a thabhairt do Onesimus a sheirbhiseach, agus gabhail ris a ris gu càirdeil.

**P**OL, prìosanach Iosa Criosd, agus Timoteus ar bràthair, chum Philemoin a's ionmhuinn leinn, agus ar comh-shaothraiche,

2 Agus chum Aphia ionmhuinn, agus Archipuis ar comh-shaighdear, agus eum na h-eaglais a tha ann ad thigh:

3 Gràs gu robh dhuibh, agus sìth o Dhia ar n-Athair, agus o'n Tighearnu Iosa Criosd.

4 Tha mi a' toirt buidheachais do m' Dhia, a' sìor-thoirt luaidh ort-sa ann am urnuighibh,

5 Air dhomh 'bhi 'eluinntinn mu d' ghràdh, agus chreidimh, a tha agad a thaobh an Tighearna Iosa, agus a thaobh nan uile naomh;

6 Chum gu'm bi comh-ehomunn do chreidimh éifeachdach ann an aidmheil an uile mhaith a tha annaibh ann an Iosa Criosd.

7 Oir tha subhachas ro mhòr agus comh-fhurtachd againne ann do ghràdh-sa, do bhrìgh gu bheil innigh nau naomh air faotainn suaimhneis tromhad-sa, a bhràth-air.

8 Uime sin ged fheudainn a bhi ro dhàna ann an Criosd, chum an ni a tha iomchuidh àithneadh dhuitse,

9 Gidheadh is fearr leam air son gràidh impidh a chur ort, air 'bhi dhomh mar Phòl an t-aosda, agus a nis mar an ceudna a'm' phrìosanach air son Iosa Criosd.

10 Guidheam ort air son mo mhie Onesimus, a ghin mi ann am gheimhlibh:

11 Neach a bha uair-éigin neo-tharbhach dhuitse, ach a nis a tha tarbhach dhuitse agus dhomh-sa:

12 Neach a chuir mi air ais: uime sir gabh-sa ris mar ri m' innigh féin.

13 Neach a bu mhiann leam a eumail maille rium féin, chum gu'n deanadh e frithealadh dhomh ann ad àite-sa, ann an gheimhlibh an t-soisgeil:

14 Aeh as cugnhaid d'iuntinn-sa cha bu toil leam ni sam bith a dicanamh; chum



nach bitheadh do mhaith-sa mar gu b'ann a dh'aindeoin, ach o d' thoil féin.

15 Oir theagamh gur ann air a shon so a dh'fhàg e thu ré tamuill, chum gu'm faigh-eadh tu e gu sìorruidh;

16 Cha-n ann á so suas mar sheirbhiseach, ach os ceann seirbhisich, 'n a bhràthair gràdhach, gu h-àraidh dhèmh-sa, agus nach mò na sin dhuitse, arann anns an fheòil, agus anns an Tighearn?

17 Uime sin ma mheasas tu mise mar fhear comh-roinne, gabh ris-san mar rium féin.

18 Agus ma rinn e eucoir ort, no ma tha e ann am fiachaibh sam bith dhuit, cuir sin as mo leth-sa.

19 Sgrìobh mise Pòl le m' làimh féin e, agus dìolaidh mi e; ged nach 'eil mi ag

ràdh riut, gu'n dlighear leat thu féin os bàrr dhomh.

20 Seadh, a bhràthair, faigheam gairdeachas do d' thaobh 's an Tighearn: dean suaimhneach mo chridhe 's an Tighearn.

21 Air dhomh 'bhi earbsach á d'ùmhlaichd sgriobh mi a d'ionnsuidh, oir tha fhios agam gu'n dean thusa mar an ceudna nì's mò na a tha mi ag ràdh.

22 Ach maille ri so ulluich mar an ceudna fardoch air moshon: oir tha dòchas agam, tre bhuir-urnuighibh-se, gu'n toirear mi dhuibh.

23 Tha Epaphras mo chomh-phrìosanach ann an Iosa Crìosd,

24 Marcus, Aristarchus, Demas, Lucas, mo chomh-luchd-oibre, a' cur failte ort.

25 Gràs ar Tighearna Iosa Crìosd *gu robh* maille ri 'ur spiorad-se. Amen.

## LITIR AN ABSTOIL PHOIL

CHUM NAN

## EABHRUIDHEACH.

## CAIB. I.

1 *Tha Crìosd a thàinig o'n Athair anns na h-am-aibh deireannach so, 4 nì's mò na na h-ainglean, arann thaobh a phearsa agus a dhreuchd.*

**D**IA, a labhair o shean gu minic, agus air iomadh dòigh ris na h-aithrichibh leis na fàidhibh,

2 Labhair e anns na làithibh deireannach so ruinne tre a Mhac, a dh'orduich e 'n a oighe air na h-uile nithean, tre'n do chru-thaich e fòs na saoghal.

3 Neach air 'bhi dha 'n a dhealradh a ghloire-san, agus 'n a fhòr iomhaigh a phearsa, agus a' cumail suas nan uile nith-ean le focal a chumhachd, 'n uair a ghlan e ar peacaidhean troimh féin, shuidh e air deas làimh na mòrachd anns na h-àrdaibh:

4 Air dha 'bhi air a dheanamh nì's ro òir-dheirce na na h-ainglean, mheud 's gu'n d'fhuair e mar oighreachd ainm a bu ro fhearr na iadsan.

5 Oir cò de na h-ainglean ris an dubhairt e uair air bith, Is tu mo Mhac-sa, an diugh ghin mi thu? agus a ris, Bithidh mise a'm' Athair dhà-san, agus bithidh esan 'n a Mhac dhomh-sa.

6 Agus a ris, 'n uair a tha e a' tabhairt a' cheud-ghin a steach do'n t-saoghal, tha e ag ràdh, Agus deanadh uile ainglean Dhé aoradh dha.

7 Agus a thaobh nan aingeal tha e ag ràdh, Neach a tha 'deanamh ainglean 'n an spioradaibh, agus a mhinistirean 'n an lasair theine.

8 Ach ris a' Mhac *tha e ag ràdh, Tha do*

*rìgh-chaitheir, a Dhé, gu saoghal nan saoghal; is slat-rìoghail ro chothromach slat do rìogh-achd-sa:*

9 Ghràdhach thu fireantachd, agus thug thu fuath do aingidheachd; uime sin dh'ung Dia, do Dhia-sa, thu le oladh aoibhneis os ceann do chompanach.

10 Agus, Leag thusa, a Thighearna, bun-aitean na talmhainn air tùs; agus is iad na nèamhan oibre do làmh:

11 Teirgidh iadsan, ach mairidh tusa: agus fasaidd iad uile sean mar eudach;

12 Agus fillidh tu iad mar bhrat, agus caochlaidhear iad: ach is tusa an ti ceudna, agus cha-n fhàilnich do bhliadhnachan.

13 Ach cò de na h-ainglibh ris an dubhairt e uair air bith, Suidh air mo dheas-làimh, gus an cuir mi do naimhdean 'n an stòl-chos fò d'chosuibh?

14 Nach spioradan frithealaidh iad uile, air an cur a mach chum frithealadh dhoibh-san a bhitheas 'n an oighreachaibh air slàinte?

## CAIB. II.

1 *Is còir dhuinn a bhì àmhail do Chrìosd, 5 agus sin do bhrìgh gu'n d'aontaich e ar nàdur-ne a ghabhail air féin, 14 mur a bha sin feumail.*

**U**IME sin is còir dhuinn an ro thuill-eadh aire a thoirt do na nithibh a chuala sinn, air eagal uair sam bith gu'n leigeamaid ruith leo.

2 Oir na bha am focal a labhradh le h-ainglibh seasmhach, agus gu'n d'fhuair gach uile bhriseadh agus eas-ùmhlaichd dìol-thuarasdal dligheach;

## EABHRUIDHEACH, III.

3 Cionnusa théid sinne as, ma ní sinn dì-meas air sláinte co mór, a thòisich air tús air 'bhi air a labhairt leis an Tighearn, agus a rinneadh dearbhta dhuinne leo-san a chual e;

4 Air bhi do Dhia a' deanamh comh-fhianuis leo, araon le comharaibh agus le h-iongantasaibh, agus le feartaibh eagsamhla, agus le tìodhlacaibh an Spioraid naomh, a réir a thoile féin?

5 Oir cha do chuir e fo cheannsal nan aingeal an saoghal ri teachd, mu'm bheil sinn a' labhairt.

6 Ach rinn neach fianuis ann an ionad àraidh, ag ràdh, Ciod e an duine gu'n cuimhnicheadh tu air? no mac an duine gu'm fiosraicheadh tu e?

7 Rinn thu e ré tamuill bhig nì's ìsle na na h-ainglean; chrùn thu e le glòir agus le h-urram, agus chuir thu e os ceann oibre do làmh:

8 Chuir thu na h-uile nithean sìos fo a chosaibh. Oir ann an cur nan uile nithean fodha dha, cha d'fhàg e ní air bith gun chur foidhe. Ach a nis cha-n'eil sinn a' faicinn nan uile nithean fathast air an cur f'a cheannsal.

9 Ach chì sinn Iosa, a rinneadh ré ùine bhig nì 'b'isle na na h-ainglean, chum tre ghràs Dhé gu'm blaiscadh e bàs air son gach uile dhuine, tre fhulang a' bhàis air a chrùnadh le glòir agus le h-urram.

10 Oir b'iomchuidh dhàsan, air son *am bheil* na h-uile nithean, agus tre'm *bheil* na h-uile nithean, ann an tabhairt mhòran mhac chum glòire, ceannard an sláinte a dheanamh foirfe tre fhulangasaibh.

11 Oir *tha* araon an ti a naomhaicheas, agus iadsan a naomhaichear, uile o aon: air an aobhar sin cha nàr leis bràithrean a ghairm diubh,

12 Ag ràdh, Cuiridh mi d'ainm 'an céill do m' bhràithribh, ann am meadhon na h-eaglais seinnidh mi cluì dhuit.

13 Agus a ris, Cuiridh mi mo dhòchas ann. Agus a ris, Feuch mise, agus a' chlann a thug Dia dhomh.

14 Uime sin, mheud 's gu bheil aig a' chloinn comh-roinn a dh' fheadhail agus a dh' fhuil, ghabh esan mar an ceudna roinn diubh sin; chum tre'n bhàs gu'n claidheadh e esan, aig am bheil cumhachd a' bhàis, 's e sin, an diabhul;

15 Agus gu'n saoradh e iadsan a bha tre eagal a' bhàis ré am beatha uile fo dhaorsa.

16 Oir gu deimhin cha do ghabh e *nàdur* nan aingéal air; ach ghabh e sìol Abraham air.

17 Uime sin b'fheumail da anns na h-uile nithibh a bhi air a dheanamh cosmhuil r'a bhràithribh; chum gu'm bitheadh e 'n a àrd-shagart tròcaireach agus dileas ann an nithibh a thaobh Dhé, chum réite a dheanamh air son pheacaidhean an t-sluaigh:

18 Oir a mheud 's gu'n d'fhuiling e féin, air dha 'bhi air a bhuaireadh, is comasach e air cabhair a dheanamh orra-san a tha air am buaireadh.

## CAIB. III.

1 *Is mò Crìosd na Maois: 7 uime sin mur creid sinn annsan, bithidh sinn nì's toillteanaiche air dioghaltas na Israel cruaidh-chridheach.*

**U**IME sin, a bhràithre naomha, a *tha* 'n 'ur luchd-comhpairt de'n ghairm nèamhaidh, thugaibh fainear Iosa Crìosd, abstol agus àrd-shagart ar n-aidmheil;

2 A bha dileas dhàsan a dh'orduich e, amhuil a bha Maois mar an ceudna 'n a thigh-san uile.

3 Oir mheasadh gu'm b'airidh an *Ti* so air glòir a bu mhò na Maois, mheud 's gu bheil tuilleadh urrainn aig an neach a thog an tigh, na aig an tigh féin.

4 Oir tha gach uile thigh air a thogail le aon éigin; ach an ti a thog na h-uile nithean, *is e* Dia.

5 Agus gu deimhin *bha* Maois dileas 'n a thigh-san uile mar sheirbhiseach, chum fianuis air na nithibh sin a bha gu bhi air an labhairt an dèigh sin;

6 Ach Crìosd mar Mhac os ceann a thighe féin: agus is sinne a thigh-san, ma chumas sinn dànachd, agus gairdeachas an dòchais, gu daingean gus a' chrìoch.

7 Uime sin, mar tha an Spiorad naomh ag ràdh, An diugh, ma chluinneas sibh a ghuth,

8 Na cruaidhichibh blur cridhe, mar anns a' bhrosnuchadh, ann an là a' bhuaireadh 's an fhàsach:

9 Far an do bhuaireadh blur n-aithrichean mi, agus a dhearbhl iad mi, agus a chunnaic iad m'oire ré dhà fhichead bliadhna.

10 Uime sin bha diomb orm ris a' ghinealach sin, agus thubhairt mi, Tha iad a ghnàth air seacharan 'n an cridhe; agus cha do ghabh iad còlas air mo shlighibh-sa.

11 Ionns gu'n d'thug mi mo mhionnan a'm' fheing, Nach téid iad a steach do m' shuaimhneas.

12 Thugaibh an aire, a bhràithre, air eagal gu'm bi ann an aon neach agaibh droch cridhe mi-chreidimh, ann an tréigsinn an Dé bheò.

13 Ach earailichibh a chéile gach aon là, am feadh a ghloirear An là 'n diugh dheth; air eagal gu'n cruaidhichear neach air bith agaibh tre mhcalltaireachd a' pheacaidh.

14 Oir rinneadh sinne 'n ar luchd-comhpairt de Crìosd, ma chumas sinn toiseach ar muinghin gu daingean gus a' chrìoch;

15 Am feadh a theirear, An diugh, ma chluinneas sibh a ghuth, na cruaidhichibh blur cridhe, mar anns a' bhrosnuchadh.

16 Oir air do dhream àraidh chuinntinn, bhrosnuich iad: ach cha b'iadsan uile a thàinig a mach as an Eiphit le Maois.



## EABHRUIDHEACH, IV, V.

17 Ach cò ris a bha diomb air ré dhà fhichead bliadhna? *nach ann* rìusan a pheacaich, muinntir aig an do thuit an coluimnean anns an fhàsach?

18 Agus cò iad d'an d'thug e a mhionnan nach rachadh iad a steach d'a shuaimhneas, ach dhoibh-san nach do chreid?

19 Mar so chi sinn nach b'urraim iad dol a steach air son mì-chreidimh.

### CAIB. IV.

1 *Tha fois nan Crìosduidhean air a faghail tre chreidimh. 12 Cumhachd focail Dhé. 14 Tre ar n-àrd-shagart Iosa Mac Dhé, a bha fo thrioblaidibh, ach saor o pheacadh, 16 is còir dhuinn, agus feudaidh sinn dol gu dàna chum caithir nan gràs.*

**U**IME sin bitheadh faitehas oirnn, air eagal air bhì do ghealladh dol a steach d'a shuaimhneas air fhàgail againn, gu'n tigeadh aon neach agaibh a dhéidh-làimh air.

2 Oir shearmonaicheadh an soisgeul dhuinne, amhuil a rinneadh dhoibh-san: ach cha robh tairbhe dhoibh anns an fhocal a chaidh a shearmonachadh, do bhrìgh nach robh e air a mheasgadh le creidimh anns an dream a chual e.

3 Oir tha sinne a chreid a' dol a steach do shuaimhneas, amhuil a thubhairt e, Mar a thug mi mo mhionnan a'm' fheirg, Nach téid iad a steach do m'shuaimhneas: ged bha na h-oibre eriochmaichte o thoiseach an t-saoghail.

4 Oir labhair e ann an ionad àraidh mu'n t-seachdamh là air an dòigh so, Agus ghabh Dia fois air an t-seachdamh là o 'oibribh uile.

5 Agus anns an *ionad* so a rìs, Cha téid iad a steach do m' shuaimhneas.

6 Do bhrìgh uime sin gu'n tuigear uaith so gu'n téid dream àraidh a steach ann, agus nach deachaidh an dream, d'an do shearmonaicheadh e air tùs, a steach air son an mì-chreidimh;

7 A rìs, tha e 'suidheadh là àraidh, ag ràdh ann an Daibhidh, An diugh, an déigh aimsir co fhada; mar a theirear, An diugh, ma chluinneas sibh a ghuth, na cruaidhiebhlh bhur eridhe.

8 Oir nam bitheadh Iosua air toirt suaimhneis dhoibh, cha labhradh e an déigh sin mu là eile.

9 Uime sin dh'fhàgadh fois *fa chomhair* sluaigh Dhé.

10 Oir an ti a chaidh steach d'a shuaimhneas-san, ghabh esan tàmh o 'oibribh-san, amhuil a *ghabh* Dia o 'oibribh féin.

11 Deanamaid diehioll uime sin air dol a steach do'n t-suaimhneas sin, air eagal gu'n tuit aon neach a réir eisimpleir cheudna a' mhi-chreidimh.

12 Oir *tha* focal Dhe bed agus cumhachdach, agus nì's géire na elaidheamh dà fhaobhair air bith, a' ruigheadh eadhon

chum eadar-sgaraidh an anama agus an spioraid, agus nan alt agus nan smear, agus a' toirt breth air smuaintibh agus rùnaibh a' chridhe.

13 Agus cha-n'eil creutair sam bith nach 'eil follaiseach 'n a lùthair-san; ach *tha* na h-uile nithean lomnochd, agus fosgailte do shùilbha an ti d'am feum sinn cunntas a thabhairt.

14 Do bhrìgh uime sin gu bheil againn àrd-shagart mòr, a chaidh a steach do na nèamhan, Iosa Mac Dhé, eumamaid gu daingean ar n-aidmheil.

15 Oir cha-n'eil àrd-shagart againn nach 'eil comasach air comhfhulangas a bhi aige r'ar n-amhuinneachdaibh; ach a bhuair-eadh 's na h-uile nithibh air an dòigh cheudna ruinne, *ach* as eugmhais peacaidh.

16 Thigearmaid uime sin le dànachd gu rìgh-eaithir nan gràs, chum gu faigh sinn tròcair, agus gu'n amais sinn air gràs chum cabhair ann an àm feuma.

### CAIB. V.

1 *Ughdarras agus urram sagartachd ar Slàn-uidhir: 11 màirnealachd 'n an còlas air a chronachadh.*

**O**IR tha gach uile àrd-shagart, air a thoirt o mheasg dhaoine, air orduchadh air son dhaoine ann an nithibh a thaobh Dhé, chum gu'n toir e suas araon tiodhlacan agus iobairtean air son pheacaidhean:

2 Neach a tha comasach air truas a ghabhail ris an dream a tha aineolach, agus air seacharan; do bhrìgh gu bheil e féin mar an ceudna air a chuairteachadh le h-amhuinneachd:

3 Agus air a shon so, is còir dha iobradh air son pheacaidhean, mar as leth an t-sluaigh, is amhuil sin as a leth féin mar an ceudna.

4 Agus eha ghabh aon duine an t-urram so dha féin, ach an ti a tha air a ghairm o Dhia, mar *bha* Aaron:

5 Is amhuil sin, eha do ghlòraich Crìosd e féin, gu 'bhi air a dheanamh 'n a àrd-shagart; ach an ti a thubhairt ris, Is tu mo Mhac, an diugh ghin mi thu.

6 A réir mar tha e ag ràdh mar an ceudna ann an *ionad* cile, *Is* sagart *thu* gu sìorruidh a réir orduigh Mhelehisedeic.

7 Neach ann an làithibh 'fheòla, an déigh dha urnuighean agus athcheuingean, maillle ri h-àrd-éighiech agus deuraibh, iobradh suas do'n ti a bha comasach air a shaoradh o'n bhàs, agus dh'éisdeadh ris thaobh an nì roimh an robh eagal air.

8 Ged bu Mhac e, dh'fhòghluim e ùmhlachd o na nithibh a dh'fhuiling e:

9 Agus air dha 'bhi air a dheanamh foirfe, rinneadh e 'n a ùghdar slàinte shìorruidh dhoibh-san uile a bhitheas ùmhal dha;

10 Air a ghairm le Dia 'n a àrd-shagart a réir orduigh Mhelehisedeic.

11 Mu'm bheil mòran againn r'a labhairt, agus cruaidh r'am mìneachadh; do bhrìgh gu bheil sibh mall 'n ur n-éisdeachd.

12 Oir ged bu chòir dhuibh a réir na h-aim-sir, bhi 'n ur luchd-teagaisg, tha feum agaibh gu'n teagaisgeadh neach dhuibh a ris cìod iad ceud-thoiseachan bhriathar Dhé; agus tha sibh air teachd chum na h-ìmhle sin, gur mò a tha bainne dh'uireasbhuidh oirbh na biadh làidir.

13 Oir gach neach a tha 'gnàthachadh bainne, tha e neo-theòma air focal na fir-eantachd: oir is naoidhean e.

14 Ach is ann do dhaoibh foirfe a bhuin-eas biadh làidir, aig am bheil an ceudfaidh, tre ghnàthachadh fada, air an cleachdadh ri eadar-dhealachadh a chur eadar maith agus ole.

## CAIB. VI.

1 Chuir Pòl impidhair na h-Eabhruidhich, gun iad a thuiteam air an ais o'n chreidimh; 11 ach a bhi seasnach, 12 dìchiollach, agus feitheamh gu foighidneach ri Dia, 13 do bhrìgh gu bheil esan fìor agus cinnteach 'n a ghealladh.

UIME sin air fàgail duinn ceud-thoiseachan teagaisg Chrìosd, rachamaid air an n-aghaidh chum foirfeachd; gun a bhi ris a' suidheachadh bunaitean aithreachais o oibribh marbha, agus creidimh thaobh Dhé,

2 Bunaitean teagaisg nam baisde, agus leagaidh nan làmh, agus aiseirigh nam marbh, agus breitheanaidh shìorruidh.

3 Agus ni sinn so, ma cheadaicheas Dia.

4 Oir is eu-comasach an dream sin a chaidh aon uair a shoillseachadh, agus a bhlais an tìodhlac nèamhaidh, agus a rinneadh 'n an luchd-comhairt de'n Spiorad naomh,

5 Agus a bhlais deadh fhocal Dhé, agus cumhachdan an t-saoghail ri teachd,

6 Agus a thuit air falbh, ath-nuadhachadh chum aithreachais: do bhrìgh gu bheil iad a' ceusadh Mhic Dhé a ris dhoibh féin, agus 'g a chur gu nàire fhollaisich.

7 Oir an talamh a dh'èlas a steach an t-uisge a tha 'teachd gu minic air, agus a bheir uaith luibhean ionchuidh do'n dream leis an saothraichear e, gheibh e beannachadh o Dhia:

8 Ach an talamh sin a bheir uaith droigh-ionn agus drisean, tha e air a chur air cùl, agus fagus do mhallachadh; d'an deireadh 'bhi air a losgadh.

9 Ach is dearbh leinn nithean a's fearr mu'r tìnehioll-se, a mhuinntir ionmhuinn, agus nithean a tha dlùth do shlàinte, ged tha sinn a' labhairt mar so.

10 Oir cha-n'èil Dia mi-chothromach, gu'n dì-chuimhicheadh e obair agus saothair bhuir gràidh, a nochd sibh a thaobh 'ainmesan, am feadh gu'n d'rinn sibh frithealadh do na naomh, agus gu bheil sibh a' frith-ealadh.

11 Agus is miann leinne gu'n dean gach aon agaibh an dùrachd ceudna a nochdadh, chum lèan-dearbhaidh an dòchais gus a' chrìoch:

12 Chum nach bi sibh leasg, ach 'n ur luchd-leannmhuinn orra-san, a tha tre chreidimh agus foighididh a' seallbhadh nan geallaidhean.

13 Oir an uair a thug Dia gealladh do Abraham, do bhrìgh nach feudadh e mìonnan a thoirt air neach 'bu mhò, thug e mìonnan air féin.

14 Ag ràdh, Gu fìrinneach, beannaichidh mi gu mòr thu, agus ni mi ro lionmhor thu.

15 Agus mar sin an dèigh dhàsan feitheamh gu foighidneach, fhuair e sealbh air a' ghealladh.

16 Oir gu deimhin bheir daoine mìonnan air an neach a's mò: agus dhoibh-san is crìoch air gach uile chonnachadh mìonnan chum daingneachaidh.

17 Uime sin air bhì do Dhia toileach air neo-chaochluidheachd a chomhairle fheuchainn nì's pailte do oighreachaibh a' gheallaidh, dhaingnich e le mìonnaibh e:

18 Chum tre dhà ni neo-chaochluidheach, anns an robh e eu-comasach gu'n deanadh Dia breug, gu'm bitheadh againne comhfhurtachd làidir, a theich chum dèidein gu greim a dheanamh air an dòchas a chuireadh romhainn:

19 Nì a tha againn mar acair an anama, araon cinnteach agus daingean, agus a théid a steach do'n ionad sin a tha'n taobh stigh de'n bhrat-roinn.

20 Far an deachaidh an roimh-ruith-fhear a steach air ar son-ne, cadhòn Iosa, a rinn-eadh 'n a àrd-shagart gu sìorruidh a réir orduigh Mhelchisedec.

## CAIB. VII.

1 Is sagart Iosa Crìosd a réir orduigh Mhelchisedec; 11 agus mar sin nì's ro òirdheirce na na sagartan a tha de òrdugh Aaròin.

OIR b'e am Melchisedec so rìgh Shaleim, sagart an Dé a's ro àirde, neach a choinnich Abraham a' pilltinn o mharbhadh nan rìghrean, agus a bheannaich e;

2 D'an d'thug Abraham eadhon deachamh de'n uile: neach a's e air tùs, air 'eadar-theangachadh, rìgh na fireantachd, agus 'n a dhéigh sin mar an ceudna, rìgh Shaleim, 's e sin, rìgh na sìthe;

3 Gun athair, gun mhàthair, gun sinnsir-eachd, gun toiseach làithean, gun deireadh beatha aige; ach air a dheanamh cosmhuil ri Mac Dhé, tha e 'fantuinn 'n a shagart gu sìorruidh.

4 A nis thugaibh an aire cia mòr an duine so, d'an d'thug eadhon an prìomh-athair Abraham an deachamh de'n chreic.

5 Agus gu deimhin iadsan de chloinn Lebbi, a tha 'faotainn na sagartachd, tha àithne aca deachamh a thogail o'n t-sluagh a réir an lagha, sin r'a ràdh, o'm bràithribh



féin, ged thàinig iad a mach á leasraidh Abraham :

6 Ach an ti nach 'eil air a shloinneadh uatha-san, fhuair a deachamh o Abraham, agus bheannaich e esan aig an robh na geallaidhean.

7 Agus gun agadh sam bith, beannaichear an ti a's lugha leis an ti a's fearr.

8 Agus an so tha daoine a gheibh bàs a' faotainn deachaimh : ach an sin an ti aig am bheil fianuis gu bheil e beò.

9 Agus mar a dh'fheudas mi 'ràdh, fhuairadh ann an Abraham deachamh o Lebhi féin, a thogas an deachamh :

10 Oir bha e fathast ann an leasraidh 'athar, an uair a choimnich Melchisedec e.

11 A nis nan tigeachd foirfeachd tre shagartachd nan Lebhitheach, (oir is ann r'a linn a thugadh an lagh do'n t-sluagh,) ciod am feum a bha air sagart eile éirigh a réir orduigh Mhelchisedeic, agus nach bitheadh e air a ghairm a réir orduigh Aaroin ?

12 Oir air do'n t-sagartachd a bhi air a h-atharrachadh, is éigin an lagh a bhi air atharrachadh mar an ceudna.

13 Oir an ti air an labhrar na nithean sin, buinidh e do thréibh eile, de nach d'rinn aon neach frithcaladh aig an altair.

14 Oir is soilleir gur am o Iudah dh'éirich ar Tighearn, treubh air nach do labhair Maois ni air bith thaobh sagartachd.

15 Agus tha e fathast nì's ro shoilleire, am feadh gu'n d'éirich sagart eile a réir coslais Mhelchisedeic,

16 A rinneadh 'n a shagart, cha-n ann a réir lagha àithne fheòlnoir, ach a réir cumhachd beatha gun chrìch.

17 Oir tha e 'deanamh fianuis, Gur sagart thu gach linn a réir orduigh Mhelchisedeic.

18 Oir gu deimhin tha an àithne roimhe air a cur air cùl, air son i 'bhi annhunn agus neo-tharbhach.

19 Oir cha d'rinn an lagh ni sam bith foirfe, ach rinn toirt a steach dòchais a's fearr e ; tre'm bheil sinn a' teachd an fagus do Dhia.

20 Agus a mheud 's nach d'rinneadh sagart deth gun mhiomaibh ;

21 (Oir rinneadh sagartan dhiubh-san as eugnihais mhionnan : ach dheth-san le mionnaibh, tre'n ti a thubhairt ris, Mhiomaich an Tighearn, agus cha ghabh e aithreachas, Is sagart thu gu sìorruidh, a réir orduigh Mhelchisedeic ;)

22 Is co mòr as sin a rinneadh Iosa 'n a urras air coimhcheangal a's fearr.

23 Agus bha gu deimhin mòran diubh-san 'n an sagartaibh, do bhrìgh gu'n do bhacadh dhoibh leis a' bhàs a lhi maireann :

24 Ach an duine so, do bhrìgh gu mair e gu sìorruidh, tha sagartachd neo-chaoh-luidheach aige.

25 Air an aobhar sin tha e mar an ceudna comasach air an dream a thig a dh'ionu-

suidh Dhé trid-san a thèarnadh gu h-ìomlan, do bhrìgh gu bheil e beò gu sìorruidh gu eadar-ghuidhe a dheanamh air an son.

26 Oir bha' shamhuil sin de àrd-shagart ionchuidh dhuinne, a bha naomh, neo-lochdach, neo-thruaillidh, air a dhealachadh o pheacaich, agus a rinneadh nì's àirde na na nèamhan ;

27 Nach feum gach là mar na h-àrd-shagairt ud iobairtean a thoirt suas, air tùs air son a pheacaidhean féin, agus an déigh sin air son pheacaidhean an t-sluaigh : oir rinn e so aon uair, 's an àm 's an tug se e féin mar iobairt.

28 Oir tha an lagh a' deanamh àrd-shagartan de dhaoineibh aig am bheil annhuinneachd ; ach focal nam mionnan a bha an déigh an lagha, a' deanamh àrd-shagairt de'n Mhac, a tha air a dheanamh ìomlan gu sìorruidh.

### CAIB. VIII.

1 *Le sagartachd sìorruidh Chrìosd tha sagartachd Lebhitheach Aaroin air a cur air cùl : 7 agus an coimhcheangal aimsireil a rinneadh ris na sìmsiribh, le coimhcheangal sìorruidh an t-soisgeil.*

**A**NIS is e so, suim nan nithean a labhair sinn : Tha shamhuil sin de àrd-shagart againn, a tha air suidhe air deis rìgh-chaitreach na mòrachd anns na nèamhan ; 2 Ministear nan ionad naomha, agus an fhìor phàillium, a shuidhich an Tighearn, agus cha bu duine.

3 Oir tha gach uile àrd-shagart air 'orduchadh clum tìodhlacan agus iobairtean a thoirt suas : uime sin b'èigin gu'm bitheadh aig an duine so mar an ceudna ni-éigin r'a thabhairt suas.

4 Oir nam bitheadh e air thalamh, cha bhith e 'n a shagart, do bhrìgh gu bheil sagartan ann a tha 'tabhairt suas tìodhlac a réir an lagha :

5 Muinntir a tha 'deanamh seirbhis le sambladh agus sgàile nan nithean nèamhaidh, a réir mar a dh'orduicheadh do Mhaois le Dia 'n uair a bha e air tì am pàillium a chur suas. Oir feuch, (tha e ag ràdh,) gu'n dean thu na h-uile nithean réir an t-saimepleir a nochdadh dhuit 's an t-sliabh.

6 Ach a nis fhuair e ministereilachd a's ro fhearr, a mheud 's gu bheil e mar an ceudna 'n a eadar mheadhonair air coimhcheangal a's fearr, a chaidh a dhaingneachadh air geallaidhneibh a's fearr.

7 Oir nam bitheadh an ceud choimhcheangal sin gun uireasbhuidh ; cha-n iarrtadh àit do'n dara coimhcheangal.

8 Oir, a' faotainn croin dhoibh, tha e ag ràdh, Feuch thig na làithean, (tha an Tighearn ag ràdh,) anns an dean mi coimhcheangal nuadh ri tigh Israeil, agus ri tigh Iudah :

9 Cha-n ann a réir a' choimhcheangail a rinn mi r'an aithrichibh, anns an là a rug

mi air làmh orra chum an treòrachadh a mach á talamh na h-Eiphit; do bhrìgh nach d'fhan iad ann am choimhcheangal, agus chuir mise suarach iadsan, tha an Tighearn ag ràdh.

10 Oir is e so an coimhcheangal a ni mi ri tigh Israeil an dèigh nan làithean ud, tha an Tighearn ag ràdh; Cuiridh mi mo reachd-an 'n an iuntian, agus sgrìobhaidh mi iad air an cridheachaibh: agus bithidh mi a'm' Dhia dhoibh, agus bithidh iadsan 'n an snaghadh dhomh-sa.

11 Agus cha teagaisg iad gach aon a choimhearsnach, agus gach aon a bhràthair, ag ràdh, ghabh eòlas air an Tighearn: oir bithidh eòlas aca uile orm, o'n neach a's lugha gus an neach a's mò dhìubh.

12 Oir bithidh mise tròcaireach r'an euceartaibh, agus am peacaidhean agus an aingidheachd cha chuinneach mi nì's mò.

13 Am feadh a tha e ag ràdh, *Coimhcheangal* nuadh, rinn e'n ceud *choimhcheangal* sean. A nis an ni a tha aosda agus air fàs sean, tha e fagus do dhòl as an t-sealladh.

#### CAIB. IX.

1 *Tha Pòl a' mìneachadh nan ìobairt fo'n lagh, agus gach gnàthachadh a bha 'n an cuideachd; 11 tha iad gu mòr thaobh feobhais goirid air fuil agus ìobairt Chrìosd.*

**B**HA ma seadh gu dearbh aig a' cheud phàillium orduighean a thaobh seirbhis Dhé, agus naomh-ionad saoghalta.

2 Oir dheasaicheadh an ceud phàillium, anns an robh an coinneir, agus am bòrd, agus aran na fianmis, ris an abrar an t-ionad naomh.

3 Agus an taobh a stigh de'n dara roinn-bhrat, am pàillium ris an abrar an t-ionad a's ro naomhe;

4 Anns an robh an tùiseir òir, agus àire a' choimhcheangail air a còmhachadh mu'n cuairt le h-òr, anns an robh a' phoit òir 's an robh am mana, agus slat Aaroin a bha fo bhàth, agus clàir a' choimhcheangail;

5 Agus os a ceann, cheruban na glòire, a' cur sgàile air caithir na tròcair; mu nach urrainn sinn a nis labhairt fa leth.

6 A nis an uair a bha na nithean so air an cur 'an ordugh mar so, chaidh na sagartan a ghnàth a steach do'n chend phàillium, a' coimhlionadh seirbhis Dhé:

7 Ach do'n dara pàillium chaidh an t-àrd-shagart 'n a aonar a steach aon uair 's a' bhliadhna, cha b'ann as eugmhais fola, a thug e snas air a shon féin, agus air son seacharain an t-sluaigh:

8 Air bhi do'n Spiorad naomh a' nochdadh so, nach robh fathast an t-slighe chum an ionaid a bu ro naomhe air a foillseachadh, am feadh 's a bha an ceud phàillium fathast 'n a sheasamh:

9 Ni a bha 'n a shamhladh do'n aimsir a tha làthair, anns an robh araon tiodhlacan agus ìobairtean air an toirt snas, nach robh

comasach air an ti a bha 'deanamh na seirbhis sin a dheanamh coimhlionta, thaobh a choguis,

10 An t-seirbhis a bha mhàin ann am biadhaibh agus ann am deochaibh, agus ann an iomadh gnè ionnlaid, agus deas-ghnàth-achaibh a thaobh na feòla, a chuireadh mar nallaich orra gu àm an leasachaidh.

11 Ach air teachd do Chrìosd 'n a àrd-shagart nan nithean maith e bha ri teachd, tre phàillium a bu mhò agus a bu dìong-mhalta, nach d'riuneadh le làmhian, sin r'a ràdh, nach robh de'n togail so;

12 Agus cha b'ann tre fhuil ghabhar agus laogh, ach tre 'fhuil féin a chaidh e steach aon uair do'n ionad naomh, air dha saorsa shìorruidh fhaotainn dhuinne.

13 Oir ma ni fuil tharbh, agus ghabhar agus lnaithre aighe air a crathadh air an dream a bha neòghlan, an naomhachadh chum glanaidh na feòla;

14 Cia mòr a's mò 'ni fuil Chrìosd, a thug e féin suas tre'n Spiorad shìorruidh gun lochd do Dhia, bhuir coguis-se 'ghlanadh o oibribh marbha chum seirbhis a dheanamh do'n Dia bheò?

15 Agus air a shon so is esan eadar-mheadhonair au tiomnadh-nuaidh, ionnus tre fhulangas a' bhàis, chum saorsa nan euceart a bha fo 'n chend thiomnadh a chosnadh, gu'm faigheadh iadsan a tha air an gairm gealladh na h-oighreachd shìorruidh.

16 Oir far am bheil tiomnadh, is éigin bàs an tiomnadh-fhir a bhi ann mar an ceudna.

17 Oir tha tiomnadh daingean an dèigh bàis dhaoine: ach cha-n'eil brìgh sam bith ann am feadh a tha'n tiomnadh-fhearr beò.

18 A réir sin, ni mò 'bha'n ceud thiomnadh air a choisreagadh as eugmhais fola.

19 Oir an uair a labhradh gach uile àithne réir an lagha ris an t-sluaigh uile le Maois, air dha fuil laogh agus ghabhar a ghabhail, maille ri h-uisge, agus oluinn scarlaid, agus hìosop, chrath e iad araon air an leabhar agus air an t-sluaigh uile,

20 Ag ràdh, 'S i so fuil an tiomnadh a dh'àithn Dia dhuibh.

21 Os bàrr, chrath e mar an ceudna an fhuil air a' phàillium, agus air soithichibh na naomh-sheirbhis uile.

22 Agus is beag nach 'eil na h-uile nithean air an glanadh le fuil a réir an lagha; agus as eugmhais dòrtadh fola cha-n'eil maith-canas r'a fhaotainn.

23 B'fheumail uime sin gu'm bitheadh samhlaidh nan nithean a tha 's na nàmhnan air an glanadh leo so; ach na nithean nàmhnaidh féin le ìobairtibh a b'fhearr na iad so:

24 Oir cha deachaidh Chrìosd a steach do na h-ionadaibh naomha làmh-dheanta, nithcan a tha 'n an samhlaichas air an fhìor ionad; ach do nàmh féin, chum a nis •



féin a nochdadh ann am fianuis Dhé air ar son-ne :

25 *No fòs chum e féin ìobradh gu minic, mar a théid an t-àrd-shagart gach bliadhna steach do'n ionad naomh, le fuil nach leis féin.*

26 *(Oir mar sin b'éigin gu'm fulaingeadh e gu minic o thoiseach an t-saoghail ;) ach a nis dh'fhoillsicheadh e aon uair ann an deir-eadh an t-saoghail, chum peacadh a chur air cùl tre e féin ìobradh.*

27 *Agus amhuil a tha e air orduchadh do dhaoibh bàs fhaotainn aon uair, ach 'n a dhéigh so breitheanas :*

28 *Mar sin thugadh Criosd suas aon uair a thoirt air falbh peacaidhean mhòran, ach an dara uair as eughlais peacaidh foillsich-ear e dhoibh-san aig am bheil sùil ris, chum slàinte.*

## CAIB. X.

1 *Anmhuineachd ìobairtean an lagha.* 10 *Thug ìobairt cuirp Chriosd, a thugadh suas aon uair, peacadh gu sìorruidh air falbh.* 19 *Earail chum an creidimh a ghleidheadh gu daingean, le foighidinn agus buidheachas.*

**U**IME sin air bhi aig an lagh sgàile nithean maithre ri teachd, agus cha-n e fìor-choslas nan nithean féin, cha-n'eil e comasach dha an dream a thig d'a iomsuidh a chaoidh a dheanamh coimhlionta leis na h-ìobairtibh sin, a bha iad a' toirt suas o bhliadhna gu bliadhna a ghnàth.

2 Oir an sin nach sguireadh iad de bhi 'g ann toirt suas? do bhrìgh nach bitheadh aig luchd deanamh na naomh-sheirbhìs tuilleadh coguis air bith peacaidh, air dhoibh a bhi aon uair air an glanadh.

3 Ach anns na h-ìobairtibh sin nithear ath-chuimhneachadh air na peac'aibh gach bliadhna.

4 Oir cha-n'eil e'n comas gu'n tugadh fuil tharbh agus ghabhar peacaidhean air falbh.

5 Uime sin ag teachd dha do'n t-saoghail, tha e ag ràdh, ìobairt agus tabhartas cha b'àill leat, ach dh'ulluich thu corp dhomh-sa:

6 Ann an ìobairtibh-loisgte, agus ann an ìobairtibh air son peacaidh cha robh tlachd agad:

7 An sin thubhairt mise, Feuch, tha mi a' teachd, (ann an ròla an leabhair tha sud sgriobhta orm,) chum do thoil-sa a dheanamh, O Dhé.

8 Air dha a ràdh roimh sin, Ìobairt, agus tabhartas, agus ìobairtean-loisgte, agus ìobairt air son peacaidh cha b'àill leat, agus cha robh do thlachd anna, (a tha air an toirt suas a réir an lagha:)

9 An sin thubhairt e, Feuch, tha mi a' teachd a dheanamh do thoil-sa, O Dhé. Tha e'cur air cùl a' cheud ni, chum gu'n daingnich e an dara ni.

10 Leis an toil so tha sinne air ar naomhachadh, tre toirt suas cuirp Iosa Criosd aon uair.

11 Agus tha gach uile shagart a' seasamh gach là, a' frithcaladh agus a' toirt suas nan ìobairt cheudna gu minic, nithean do nach 'eil e'n comas a chaoidh peacaidhean a thoirt air falbh:

12 Ach an duine so, an déigh dha aon ìobairt a thoirt suas air son peacaidh, shuidh e a chaoidh tuilleadh air deas làimh Dhé;

13 A' feitheamh o sin suas gus an cuirear a naimhdean 'n an stòl-chos fo 'chosaibh.

14 Oir le aon ìobairt rinn e chaoidh foirfe iadsan a tha air an naomhachadh.

15 Agus tha an Spiorad naomh mar an ceudna a' deanamh fianuis duinne *air na nitheibh so*: oir an déigh dha 'ràdh roimh,

16 Is e so an coimhcheangal a ni mi ri u an déigh nan làithean ud, tha an Tighearn ag ràdh, Cuiridh mi mo reachdan 'n an cridhe, agus sgriobhaidh mi iad air an imtinn:

17 Agus am peacaidhean agus an eu-ceartan cha chuimhnich mi ni's mò.

18 A nis, far am bheil maithanas nan nithean so, cha-n'eil tabhartas air son peacaidh ann ni's mò.

19 Uime sin, a bhràithrean, do bhrìgh gu bheil danachd againn chum dol a steach do'n ionad a's naomhe tre fhuil Iosa,

20 Air slighe nuaidh agus bheò a choisrig e dhuinne, tre'n roinn-bhrat, sin r'a ràdh, tre 'fheòil féin:

21 Agus do bhrìgh gu bheil againn àrd-shagart os ceann tighe Dhé,

22 Thigeamaid ann fagus le cridhe fìor, ann an làn dearbh-bheachd a' chreidimh, le ar cridheachaibh air an crath-ghlanadh o dhroch coguis, agus le ar cuirp air an nigh-eadh le h-uisge glan.

23 Cumamaid gu daingean aidmheil ar dòchais gun chlaonadh, (oir is fìrinneach an ti a gheall:)

24 Agus thugamaid an aire d'a chéile chum ar brosnachadh gu gràdh, agus gu deadh oibrìbh:

25 Gun bhi 'leigeadh dhinn sinn féin a chruinneachadh 'an ceann a chéile, mar is gnàth le dream àraidh; ach a' comhairleachadh a chéile: agus gu ma mòid a ni sinn so, gu bheil sibh a' faicinn an là a' tarruing am fagus.

26 Oir ma pheacaicheas sinn de ar toil féin an déigh dhuinn còlas na fìrinn fhaotainn, cha-n fhàgar tuilleadh dhuinn ìobairt air son peacaidh,

27 Ach dùil eagalach ri breitheanas, agus fearg theinnteach, a sgriosas na h-eascairdcean.

28 An neach a rinn tàir air lagh Mhaois, bhàsaich e gun trècair, fo dhithis no thruir a dh' fhianuisibh:

29 Cia mòr is mò na sin am peanas a shaoileas sibh air am measar esan toillteanach, a shaltair fo 'chosaibh Mac Dhé, agus a mheas mar ni mi-naomh fuil a'

choimhcheangail, leis an do naomhaichcadh e, agus a rinn tarcuis air Spiorad nan gràs?

30 Oir is aithne dhuinn an Ti a thubhairt, *Is leam-sa an dìoghaltas, agus bheir mi dioladh uam, tha an Tighearn ag ràdh: agus a ris, Bheir an Tighearn breth air a shluagh.*

31 *Is ni eagalach tuiteam ann an làmh an Dé bheò.*

32 Ach bitheadh ath-chuimhne agaibh air na làithibh a ehaidh seachad, anns an d'fhuilic sibh, an déigh dhuibh a bhi air bhuir soillseachadh, gleachda mòr fulangais;

33 Ann an cuid am feadh a rinneadh sibh 'n ur ball-amhaire, aron tre mhaslaibh agus thrioblaidibh; agus ann an cuid, am feadh a rinneadh sibh 'n ur companaich dhoibh-san ris an do bhuineadh mar sin.

34 Oir bha comh-fhulangas agaibh rium-sa ann am gheimhlibh, agus ghabh sibh le luathghair ri creachadh bhuir maoin, air dhuibh fios a bhi agaibh annaibh féin gu bheil agaibh air nèamh maoin's fearr, agus a tha maireannach.

35 Uime sin na tilgibh uaibh bhuir muin-ghin, aig am bheil mòr dhiol-thuarasdal.

36 Oir tha feum agaibh air foighidin; chum an déigh dhnibh toil Dhé a dhean-amh, gn'm faigh sibh an gealladh.

37 Oir fathast sealan beag, agus an ti a tha ri teachd thig e, agus cha dean e moille.

38 A nis bithidh am firean beò tre chreidimh: ach ma philleas *neach sam bith* air ais, cha bhi aig m'anam-sa tlachd ann.

39 Ach eha-n'eil sinne de'n dream sin a philleas air an ais chum sgrios; ach de'n dream a chreideas, chum tearnaidh an anama.

## CAIB. XI.

1 *Ciod e creidimh. 6 As eugmhais creidimh eha-n'eil e'n comas duinn toil Dhé a dhean-amh: 7 deadh thoradh a' ghràis sin anns na h-atharrachaidh o shean.*

**A**NIS is e creidimh brìgh nan nithean a rinn bheil dòchas, dearbh-chinntean nan nithean nach faicear.

2 Oir is ann tre so a fhuair na sinnsirean deadh theistean.

3 Tre chreidimh tha sinn a' tuigsinn gu'n do chruthaich eadhn na saoghal tre fhocal Dhé, air ehor as nach d'rinneadh na nithean a chithear de nithibh a bha r'am faicinn.

4 Tre chreidimh thug Abel snas do Dhia iobairt ni b'fhearr na 'thug Cain, tre an d'fhagadh teistean dha gu'n robh e 'n a fhìrean, air bhi do Dhia a' deanamh fianais d'a thìodhlacaibh: agus tre sin, air dha 'bhi marbh, tha e fathast a' labhairt.

5 Tre chreidimh dh'atharraich eadhn Enoch chum nach faicadh e bàs; agus cha d'fhuaradh e, do bhrìgh gu'n d'atharraich Dia e: oir roimh 'atharrachadh fhagadh fannais da, Gu'n do thaitinn e ri Dia.

6 Ach as eugmhais creidimh eha-n'eil e'n comas a thoileachadh: oir is éigin do'n ti a thig a dh'ionnsuidh Dhé a chreidsinn gu bheil e ann, agus gur e an Ti e a bheir duais do'n dream a dh'iarras e gu dìchjoll-ach.

7 Tre chreidimh air do Noah rabhadh fhaotainn o Dhia mu thimchioll nithean nach robh idir r'am faicinn, agus cagal a ghabhail, dh'ulluich e àire chum tearnadh a theaghlach; tre'n do dh'it e an saoghal agus rinneadh e 'n a oighre air an fhìrcant-achd a tha thaobh creidimh.

8 Tre chreidimh, 'n uair a ghairmeadh Abraham gu dol a mach do ionad a bha e gn fhaotainn an déigh sin mar oighreachd, fhreagair e; agus dh'imich e mach gun fhios a bhi aige c'àit an robh e 'dol.

9 Tre chreidimh bha e air chuairt ann an tìr a' gheallaidh, mar ann an tìr choimhich, a' gabhail còmhnuidh ann am pàilliuinaibh maille ri h-Isaac agus Jacob, comh-oighreachan a' gheallaidh cheudna.

10 Oir bha sùil aige ri baile aig am bheil bunaitean, air am bheil Dia 'n a fhear-dealbhaidh agus 'n a fhear-togail.

11 Tre chreidimh mar an cendna fhuair Sarah féin neart gu sìochd a ghabhail 'n a broinn, agus rug i leanabh an déigh dhi dol thar aois *cloinne* do bhrìgh gu'n do mheas i gu'n robh esan fìrinnach a thng an gealladh.

12 Uime sin ghineadh o aon a mhàin, agus esan ionann agus marbh, sìochd mar reultan nèimh thaobh lìonmhoireachd, agus mar a' ghaineamh air tràigh na fairge do-àireamh.

13 Fhnair iad so uile bàs ann an creidimh, gnn na geallaidhean fhaotainn, ach air dhoibh am faicinn fad o làmh, (agus an làn-chreidsinn,) ghabh iad rin, agus dh'aidich iad gu'm bu choigrich agus luchd-cuairt air an talamh iad féin.

14 Oir an dream a tha ag ràdh nan nithean sin, tha iad a' nochdadh gu soilleir gu bheil iad ag iarraidh dùthcha.

15 Agus gu fìrinnach nam bitheadh iad cuimhneachail air an *dùthaich* sin, as an d'fhàinig iad a mach, dh'fheadadh iad àm iomchuidh fhagail air pilleadh:

16 Ach a nis tha déidh aca air *dùthaich* a's fearr, cadhon *dùthaich* nèamhaidh: uime sin eha nàr le Dia, gu'n goirear an Dia-san dheth: oir dh'ulluich e dhoibh baile.

17 Tre chreidimh dh'ìobair Abraham, air dha 'bhi air a dhearbhadh, a *mhac* Isaac; agus thug an ti a fhnair na geallaidhean suas 'aon-ghin *mhic*;

18 Ris an dubhradh, Ann an Isaac goirear do shìochd:

19 A' meas gu'm bn chomasach Dia air a thogail cadhon o na marbhaibh; o'n d'fhnair se e cadhon ann an cosamhlachd.



20 Tre chreidimh bheannaich Isaac Iacob agus Esau mu thimchioll nithean a bha ri teachd.

21 Tre chreidimh bheannaich Iacob, ag faghail bàis da, dithis mhac Ioseph ; agus rinn e aoradh, *a' leigeadh a chudthrom* air bàrr a bhata.

22 Tre chreidimh rinn Ioseph, ri àm faghail a' bhàis da, iomradh air dol a mach chloinn Israeil ; agus thug e àithne mu thimchioll a chnàmh.

23 Tre chreidimh an uair a rugadh Maois, dh'fhlaicheadh e trì miosan le phàrant-aibh, do bhrìgh gu'm fac iad gu'm bu leanabh tlachdmhor e ; agus cha robh eagal orra roimh àithne an rìgh.

24 Tre chreidimh air teachd gu h-aois do Mhaois, dhiùlt e 'bhi air a ghairm 'n a mhac do nighinn Pharaoh ;

25 A' ròghnachadh àmhghar fhulang maille ri sluagh Dhé, roimh shòlas a' pheacaidh a mhealtuinn ré seal ;

26 A' meas gu'm bu mhò an saoihbreas masladh Chrìosd na ionmhais na h-Eiphit : oir bha suil aige ris an luach-saoithreach.

27 Tre chreidimh thréig e'n Eiphit, gun eagal a bhli air roimh chorrùich an rìgh : oir bha e làidir 'n a iuntinn, mar neach a bha faicinn an ti a tha neo-fhaicsinneach.

28 Tre chreidimh ghléidh e a' chàisg, agus an dòrtadh fola, chum nach beanadh an ti a sgrios na ceud-ghin rìusan.

29 Tre chreidimh chaidh iad tre na mhuir ruaidh, mar tre thalamh tioram : ni 'n uair a thug na h-Eiphitich ionnsuidh air a dheanamh, bhàthadh iad.

30 Tre chreidimh thuit ballachan Iericho, an déigh a bhi air an cuairteachadh ré sheachd làithean.

31 Is ann tre chreidimh nach do sgriosadh Rahab an striopach maille rìusan nach do chreid, 'n uair a ghabh i ris an luchd-brathaidh ann an sìth.

32 Agus ciod tuilleadh a their mi ? oir theirgeadh an ùine dhomh ann an labhairt mu Ghideon, Bharac agus Shampson, agus Iephthah, Dhaibhidh mar an ceudna, agus Shamuel, agus na fàidlibh :

33 Muinntir, tre chreidimh, a cheannaich ròghachdan, a dh'oiбрич fireantachd, a fhuair geallaidhean, a dhruid beoil leòmhain.

34 A mhùch neart teine, a chaidh as o fhaobhar a' chlàidheimh, o amhuinneachd a rinneadh neartmhor, a dh'fhàs treun ann an cath, a chuir air theicheadh armailean nan coimheach.

35 Fhuair mnathan am mairbh air an togail a ris gu beatha : agus chràidh-phiannadh dream eile, gun iad a ghabhail ri saorsa ; chum gu faigheadh iad aiseirigh a b'fhearr.

36 Fhuair dream eile deuchainn a dh'fhanoidibh, agus de sgiùrsaibh, seadh fòs, de gleimhlibh agus de phrìosan.

37 Chlachadh iad, shàbhadh as a chèile

iad, bhuaireadh iad, chuireadh gu bàs leis a' chlàidheamh iad : chaidh iad mu'n cuairt 'n am fògaraidh ann an croicinnibh chaorach agus ghabhar, ann an uiresabhuidh, ann an trioblaidibh, ann an cràdh ;

38 (Dream air nach b'airidh an saoghal ;) a' dol air seacharan ann am fasaichibh, agus air sléibhtibh, agus ann an uamhaibh agus ann an slochdaibh na talmhainn.

39 Agus air dhoibh so uile deadh theistean fhaotainn tre chreidimh, cha d'fhuair iad an gealladh :

40 Air do Dhia ni éigin a's fearr a sholar dhuinne, ionnus nach bitheadh iadsan air an deanamh foirfe as ar n-eugmhais-ne.

## CAIB. XII.

1 *Earail chum a bhì bunaitheach ann an creidimh, foighidinn, agus diadhachd.* 22 *Moladh an Tiomnaidh-nuaidh os ceann an t-seann-Tiomnaidh.*

**U**IME sin, air dhuinne 'bhi air ar cuairteachadh le neul co mòr a dh' fhiannaisibh, cuireamaid dhinn gach lethtrom, agus am peacadh a tha gu furas ag iadhadh umainn, agus ruitheamaid le foighidinn an réis a chuireadh romhann.

2 Ag amharc air Iosa, ceannard agus fear-cricheachaidh ar creidimh, neach air son an aoibhneis a chuireadh roimhe, a dh'fhuiling an crann-ceusaidh, a' cur na nàire 'an neoshuim, agus a shuidh air deis rìgh-chathrach Dhé.

3 Uime sin thugaibh faineas esan a dh'fhuiling a shamhuil sin de ana-cainnt o pheacaich 'n a aghaidh féin, air eagal gu'm bi sibh sgèth agus lag ann bhuir n-inntinnibh.

4 Cha do sheas sibh fathast gu fuil, a' cathachadh an aghaidh peacaidh.

5 Agus dhì-chuimhnich sibh an earail a tha 'labhairt ribh mar ri cloinn, A mhic, na cuir suarach smachdachadh an Tighearn', agus na fannaich 'n uair a chrunaichear leis thu :

6 Oir an ti a's ionmhuinn leis an Tighearn, smachdaichidh se e, agus sgiùrsaidh e gach mac ris an gabh e.

7 Ma ghlùlaineas sibh smachdachadh, tha Dia a' buntuinn ribh mar ri cloinn : oir cò am mac nach smachdaich an t-Athair ?

8 Ach ma tha sibh as eugmhais smachdachaidh, d'am bheil na h-uile 'n an luchd-comhpairt, an sin is clann diolain sibh, agus cha chlann *dligheach*.

9 Os bàrr, bha againn aithrichean thaobh na feòla, a smachdaich sinn, agus thug sinn urram dhoibh : nach mòr gu mòr *is còir dhuinn* a bhì ùmhal do Athair nan spiorad, agus a bhì beò ?

10 Oir gu deimhin smachdaich iadsan sinn ré beagainn làithean a réir an toile féin ; ach esan chum ar leas, ionnus gu'm bitheamaid 'n ar luchd-comhpairt d'a naomhachd.

11 Ach cha mheas ar smachdachadh air

bith am feadh a tha e làthair sòlasach, ach doilgheasach: gidheadh, 'n a dhéigh sin bheir e uath toradh sìochail na fireantachd, do'n dream a tha gu dligheach air an cleachdadh ris.

12 Uime sin, togaibh suas na làmhnan a tha air tuiteam sìos, agus *neartaichibh* na glùinean laga;

13 Agus deanaibh cos-cheuman dìreach do 'ur cosaibh, air eagal gu'm bi an nì sin a tha bacach air a thionndadh as an t-slighe; ach gu ma mò 'bhitheadh e air a shlànuchadh.

14 Leanaibh sìth maille ris na h-uile dhaoibh, agus naomhachd, nì as eugmhais nach faic neach air bith an Tighearn;

15 A' toirt an ro-aire, air eagal gu'n tig neach sam bith a dhéidh-làimh air gràs Dhé; air eagal air fàs suas do fhèimh seirbhe sam bith, gu'n cuir e dragh oirbh, agus le so gu'm bi mòran air an salachadh:

16 Air eagal gu'm bi fear strìopachais ann, no neach mì-naomh sam bith, mar Esau, a reic air son aoim ghreim bìdh còir a cheudbhreithe.

17 Oir tha fhios agaibh 'n uair a b'àill leis an déigh sin am beannachadh a shealbhachadh, gu'n do dhùiltadh e: oir cha d'fhuair e àit aithreachais, ged dh'iarr se e gu dùrachdach le deuraibh.

18 Oir cha d'fhàinig sibh chum an t-sléibh ris am feudtadh beantuinn, agus a bha 'lòsgadh le teine, no chum duibhre, agus dorchadais, agus doinnn.

19 Agus fuaim na trompaid, agus guth nam briathar, ionnus gu'n do ghuidh an dream a chual' e nach labhairteadh am focal riu tuilleadh:

20 (Oir cha b'urrainn iad an nì sin a chaidh àitheadh dhoibh ionchar, Agus ma bheanas fìu ainmhidh ris an t-sliabh, clachar e, no cuirear sleagh a mach troimhe.

21 Agus bu co uamhasach an sealladh, as gu'n dubhairt Maois, Tha eagal ro mhòr agus crith orm:)

22 Ach tha sibh air teachd gu sliabh Shioin, agus gu caithir an Dé bheò, an Ierusalem nèamhaidh, agus cuideachd do-àireamh a dh' ainglibh,

23 Gu làn-choimhthional agus eaglais nan ceud-ghin, a tha sgrìobhta 's na nèamhan, agus gu Dia breithneamh nan uile, agus gu spioradaibh nam firean air an deanamh foirfe,

24 Agus gu Iosa eadar-mheadhonair a' choimhcheangail nuaidh, agus chum fola a' chrathaidh, a tha 'labhairt nithean a's fearr na *fuil* Abail.

25 Thugaibh an aire nach diùlt sibh csan a tha 'labhairt: oir mur deachaidh iadsan as a dhùilt an tì a labhair o *Dhia riu* air talamh, is lugha gu mòr na sin a *théid sinne as*, ma thionndaidheas sinn air falbh uaithe-san a tha 'labhairt o nèamh:

26 Neach aig an do chrath a ghuth an talamh an sin: ach a nis gheall e, ag ràdh, Aon uair eile fathast crathaidh mi cha-n e an talamh a mhàin, ach nèamh mar an ceudna.

27 Agus tha am focal so, Aon uair eile, a' ciallachadh atharrachaidh nan nithean sin a ghabhas crathadh, mar nithean a rinn-eadh, chum gu'm fanadh na nithean nach gabh crathadh.

28 Uime sin air dhuinne rioghachd fhaotainn nach feudar a ghluasad, bitheadh againn gràs, leis an dean sinn seirbhis gu taitneach do Dhia, le h-urram agus eagal diadhaidh:

29 Oir tha ar Dia-ne 'n a theine dian-loisgeach.

## CAIB. XIII.

1 *Comhairlean eagsamhuil chum seirc, 4 chum caithe-beatha ciatach, 5 chum sannt a sheachnadh, 7 chum a bhi dleasdhanach do luchd-searmonachaidh an t-soisgeil, 9 a bhi air ar faicill o theagasgaibh coimheach, 16 déirce 'thoir seachad, 17 a bhi àmhail do uachdaran-aihb, 18 urnaigh a dheanamh air son an abstoil, 19 An comh-dhùnadh.*

**F**ANADH gràdh bràthaireil agaibh.  
2 Na dearmadaibh aoidheadh a thoirt do choigrich; oir le so thug dream àraidh aoidheadh do ainglibh gun fhios doibh.

3 Bithibh cuimhneachail orra-san a tha ceangailte, mar gu'm bitheadh sibh ceangailte maille riu; agus air an dream a tha 'fulang anshocair, mar mhuinntir a tha sibh féin mar an ceudna anns a' choluinn.

4 *Tha'm* pòsadh urramach anns na h-uile, agus an leabadh neo-shalach: ach air luchd-strìopachais agus adhaltranais bheir Dia breth.

5 *Bitheadh bhur* caithe-beatha gun sannt; agus bithibh toilichte leis na nithibh a tha làthair agaibh: oir thubhairt e, Cha-n fhàg, agus cha tréig mi am feasd thu.

6 Ionnus gu'm feud sinn a ràdh gu dàna, Is e'n Tighearn m'fhear-cuideachaidh, agus cha-n eagal leam aon nì a dh'fheudas duine 'dheanamh orm.

7 Bithibh cuimhneachail air bhur cinn-iùil, a labhair ribh focal Dhé: leanaibh an creidimh-san, a' beachdachadh air crìch an caithe-beatha:

8 Iosa Criosd an dé, agus an diugh, agus gu sìorruidh an tì ceudna.

9 Na bithibh air bhur giùlan mu'n cuairt le teagasgaibh eagsamhuil coimheach: oir is maith an nì an crìche 'bhi air a dhaingneachadh le gràs, cha-n ann le biadhaidh, nithean nach d'thug tairbhe do'n dream a ghnàth-aich iad.

10 Tha altair againne, de nach 'cil còir aca-san a bheag ithcadh, a tha 'deanamh seirbhis do'n phàillium.

11 Oir tha cuipr nan ainmhidhean sin, aig am bheil am fuil air a toirt a steach air son



peacaidh do'n ionad naomh leis an àrd-shagart, air an losgadh an leth muigh de'n champ.

12 Uime sin chum gu'n deanadh Iosa an sluagh a naomhachadh le 'fhuil féin, dh'fhuiling e mar an ceudna an taobh a muigh de'n gheata.

13 Air an aobhar sin rachamaid a mach d'a ionnsuidh-san an taobh a muigh de'n champ, a' giùlan a mhaslaidh-san.

14 Oir an so cha-n'éil againn baile a mhair-eas, ach tha sinn ag iarraidh aoin a tha ri teachd.

15 Uime sin trid-san thugamaid suas òbairt buidheachais do Dhia a ghnàth, 's e sin, toradh ar bilean, a' toirt molaidh d'a ainm.

16 Ach na dì-chuimhnichibh maith a dheanamh, agus comh-roinn a thoirt uaibh: oir tha an leithlidan sin a dh'ìobairtibh taitneach do Dhia.

17 Bithibh ùmhal do 'ur cinn-iùil, agus thugaibh géill doibh: oir tha iad ri faire air bhur n-anamaibh, mar mhuinntir d'an éigin cunntas a thoirt uatha: chum gu'n dean iad e le gairdeachas, agus cha-n ann le doilgheas: oir tha so neo-tharbhach dhuibhse.

18 Deanaibh urnuigh air ar son-ne: oir is

dòigh leinn gu bheil deadh choguis againn, air dhuinn a bhi toileach ar beatha a chaith-eadh gu cubhaidh anns na h-uile nithibh.

19 Ach is mòid a ghuidheam oirbh so a dheauamh, chum gur luathaid a dh'aisgear mise dhuibh.

20 A nis gu'n deanadh Dia na sìthe, a thug air ais o na marbhaibh ar Tighearn Iosa, àrd-bhuachaill nan caorach, tre fhuil a' choimhcheangail shiorruidh,

21 Sibhse coimhhlionta anns gach uile dheadh obair, chum sibh a dheanamh a thoile-san, ag oibreachadh annaibh an ni a tha taitneach 'n a lùthair-san, tre Iosa Crìosd; dhàsan *gu robh* glòir gu saoghal nan saoghal. Amen.

22 Agus guidheam oirbh, a bhràithrean, sibh a ghiulan focal na h-earalach; oir sgrìobh mi gu h-aithghearr do 'ur n-ionnsuidh.

23 Bitheadh fhios agaibh gu'n do chuir-eadh ar bràthair Timoteus air a chomas; maille ris-san, ma thig e gu h-aithghearr, chi mi sibh.

24 Cuiribh fàilte orra-san uile a tha 'n an cinn-iùil duibh, agus air na naoimh uile. Tha muinntir na h-Eadailt a' cur fàilte oirbh.

25 Gràs *gu robh* maille ribh nìle. Amen.

## LITIR CHOITCHIONN AN ABSTOIL

## SHEUMAIS.

## CAIB. I.

1 *Is eòir dhuinn gairdeachas a dheanamh fo thrioblaid, 5 gliocas iarraidh o Dhia, 13 agus ann ar deuchainnibh gun sinn a ciar ar n-anmhuinneachd no ar peacaidhean as a leth-san, 19 ach gu'm bu fearr leinn a bhi ùmhal d'a fhocal.*

**T**HA Seumas seirbhiseach Dhé, agus an Tighearn Iosa Crìosd, a' cur beaunachd chum an dà thréibh dheug a tha air an sgapadh o 'chéile.

2 Mo bhràithrean, measaibh mar an uile ghairdeachas 'n uair a thuiteas sibh ann an iomadh gnè dheuchainnean;

3 Air dhuibh fios so bhi agaibh, gu'n oibrich dearbhadh bhur creidimh foighidin.

4 Ach bitheadh aig an fhoighidin a h-obair choimhhlionta féin, chum gu'm bi sibh dìong-mhalta agus iomlan, gun uireasbhuidh ni sam bith.

5 Ma tha aon neach agaibh a dh'uireasbhuidh gliocais, iarradh e o Dhia, a bheir do gach neach gu pailt, agus nach dean maoidheamh; agus bheirear dha e.

6 Ach iarradh e le creidimh, gun a bhi fo amharus sam bith: oir an ti a tha fo amh-

arus, is cosmhuil e ri tonn na fairge, a shéid-e ar le gaoith, agus a tha air a luasgadh a null agus a nall.

7 Oir na saoilteadh an duine sin gu'm faigh e ni air bith o'n Tighearn.

8 Tha fear na h-inntinn dhùbailte neo-sheasmhach 'n a uile shlighibh.

9 Deanadh am bràthair a tha òsal gairdeachas 'n a àrdachadh:

10 Ach an duine saoihbhir, 'n a ìsleachadh: do bhligh mar bhlàth an fheoir gu'n téid e seachad:

11 Oir air éirigh do'n ghréin le dian-theas, bheir i crìonadh air an fheur, agus tuitidh a bhlàth, agus théid maise a dhreach am muga: is amhuil sin mar an ceudna a sheargas an duine saoihbhir 'n a shlighibh.

12 Is beannaichte an duine a ghiùlaineas buaireadh: oir 'n uair a dhearbhar e, gheibh e crùn na beatha, a gheall an Tighearn do'n dream a ghràdhaicheas e.

13 Na h-abradh neach sam bith 'n uair a bhuairear e, Tha mi air mo bhuaireadh le Dia: oir cha chomasach Dia a bhuaireadh le h-òle, ni mò a bhuaireas o neach sam bith.

14 Ach tha gach duine air a bhuaireadh, 'n uair a thairngear, agus a thàlaidhear e le 'ana-miann féin.

15 An sin air bhi do'n ana-miaun torrach, beiridh e peacadh: agus air do'n pheacadh a bhi air a chrìochnachadh, beiridh e bàs.

16 Na bithibh air bhur mealladh, mo bhràithrean gràdhach.

17 Tha gach uile dheadh thabhartas, agus gach uile thìodhlac iomlan o'n àirde, a' teachd a nuas o Athair na soillse, maille ris nach 'eil atharrachadh, no sgàile tionndaidh.

18 O 'thoil féin ghiu e sinn le focal na firin, chum gu'n bitheadhaid 'n ar gnè cheudtoraidh d'a chreutairibh.

19 Uime sin, mo bhràithrean gràdhach, bitheadh gach duine ealamh chum éisdeachd, mall chum labhairt, mall chum feirge:

20 Oir cha-n oibrich fearg duine fireantach Dhé.

21 Uime sin cuiribh uaibh gach uile shalachar, agus aubharr mì-ruin, agus gabhaibh do bhur n-ionnsuidh le macantas am focal a tha air a shuidheachadh annaibh, a tha comasach air bhur n-anaman a thearnadh.

22 Ach bithibhse 'n 'ur luchd-cur-an gnìomh an fhocail, agus na b'ann 'n 'ur luchd-éisdeachd a mhàin, 'g 'ur mealladh féin.

23 Oir ma tha neach air bith 'n a fhear-éisdeachd an fhocail, agus cha-n ann 'n a fhear-deanamh *d'a réir*, is cosmhuil e ri duine a tha 'g amharc air 'aghaidh nàdurra féin ann an sgàthan:

24 Oir bheachdaich e air féin, agus dh'imich e roimhe, agus dhì-chuimhnich e air ball cìod an coslas duine a bh'ann féin.

25 Ach ge b'e 'bheachdaicheas gu dùrachdach air lagh coimhlionta na saorsa, agus a bhuanachas ann, gun e bhi 'n a fhear-éisdeachd dearmadach, ach 'n a fhear-deanaimh na h-oibre, bithidh an duine so beannaichte 'n a dheanadas.

26 Ma shaoileas neach air bith 'n 'ur measg gu bheil e diadhaidh, gun a bhi 'cur sréin r'a theangaidh, ach a' mealladh a eiridhe féin, is diomhain diadhachd an duine so.

27 'Sì so an diadhachd fhìor-ghlan agus neo-shalach 'am fianuis Dhé agus an Athar, dilleachdain agus bantrachan fhiosrachadh 'n an trioblaid, agus neach 'g a choimhead féin gun smal o'n t-saoghal.

## CAIB. II.

1 *Cha-n'eil e 'comh-fhreagradh d'ar n-aidmheil Chrìosdaidh suim a bhi againn de dhaoineibh saobhair agus tair a dheanamh air ar bràithrean bochda; 13 is mò 'bu chòir dhuinn a bhi seirceil agus tròcaireach; 14 agus gun uail a dheanamh d'a creidimh far nach 'eil oibre, &c.*

**M**O bhràithrean, na bitheadh agaibh creidimh ar Tighearna Iosa Crìosd,

*Tighearna na glòire, maille ri gnùis-bhreth.*

2 Oir ma thig a steach do 'ur coimhthional duine air am bheil fainne òir, ann an eudach dealrach, agus gu'n tig a steach mar an ceudna duine bochd ann an eudach suarach;

3 Agus gu'n amhairc sibh le meas air an duine sin air am bheil an deadh thrusgan, agus gu'n abair sibh ris, Suidh thusa an so ann an àit inbheach; agus gu'n abair sibh ris an *duine* bhochd, Seas thusa an sin, no suidh an so fo stòl mo chos:

4 Nach 'eil sibh mar sin leth-bhretheach annaibh féin, agus nach d'rinneadh sibh 'n 'ur breitheamhnaibh dhroch smuaintean?

5 Eisidibh, mo bhràithrean gràdhach, nach do thagh Dia bochdan an t-saoghail so, saobhair ann an creidimh, agus 'n an oighreachaibh air an rìoghachd, a gheall e dhoibh-san a ghràdhachas e?

6 Ach thug sibhse masladh do'n bhochd. Nach 'eil na daoine saobhair ri ain-tigh-earnas oirbh, agus 'g 'ur tarruing gu caithrichibh-breitheanais?

7 Nach 'eil iad a' toirt toibheim do'n ainm òirdheire, a dh'ainmichear oirbh?

8 Ma choimhlionas sibh an lagh rìoghail a réir an sgrìobtuir, Gràdhaidh do choimhearsnach mar thu féin, is maith a ni sibh:

9 Ach ma ni sibh leth-bhreth air daoineibh, tha sibh a' deanamh peacaidh, agus tha sibh air bhur fàgail shìos leis an lagh mar a luchd-brisidh.

10 Oir ge b'e neach a choimhideas an lagh uile, agus a thuislicheas ann an aon *àithne*, tha e ciontach de'n iomlan.

11 Oir an ti a thubhairt, Na dean adhalt-ranas, thubhairt e mar an ceudna, Na dean mortadh. A nis ged nach dean thu adhalt-ranas, gidheadh ma ni thu mortadh, rinn-eadh fear-brisidh an lagha dhìot.

12 Gu ma h-amhluidh sin a labhras sibhse, agus gu ma h-amhluidh a ni sibh, mar iad-san air an téid breth a thoirt le lagh na saorsa.

13 Oir gheibh esan breitheanas gun tròc-air, nach d'rinn tròc-air; agus ni tròc-air gairdeachas an aghaidh breitheanais.

14 Cìod an tairbhe, mo bhràithrean, ged their aon neach gu bheil creidimh aige, agus gum oibre 'bhi aige? an urrainn creidimh a thearnadh?

15 Ma bhitheas bràthair no piuthar lòn-nochd, agus a dh'uireasbhuidh teachd-an-tìr lathail;

16 Agus gu'n abair neach agaibhse riu, Imichibh 'an sìth, bithibh air bhur garadh, agus bithibh air bhur sàsachadh: gidheadh nach toir sibh dhoibh na nithean sin a tha feumail do'n chorp; eìod an tairbhe *'tha ann?*

17 Is amhuil sin creidimh mar an ceudna, mur bi oibre aige, tha e marbh, air dha 'bhi leis féin.



18 Ach tha neach àraidh ag ràdh, Tha creidimh agad-sa, agus tha oibre agam-sa: nochd dhomh-sa do chreidimh as eugmhais d'oibre, agus nochdaidh mise dhuitse mo chreidimh le m' oibribh.

19 Tha thu 'creidsinu gu bheil aon Dia ann; is maith a ni thu: tha na deamhain a' creidsinn mar an ceudna, agus tha iad a' criothnachadh.

20 Ach, O dhuine dhìomhain, an àill leat fios fhaotainn, gu bheil creidimh as eugmhais oibre marbh?

21 Nach deachaidh ar n-athair Abraham fhìreanachadh le oibribh, 'n uair a thug e suas a mhac Isaac air an altair?

22 Nach léir dhuit gu'n do chomh-oibrich creidimh le 'ghlèimharaibh, agus gu'n d'rinneadh creidimh iomlan le oibribh?

23 Agus choimhlionadh an sgrìobtuir a tha ag ràdh, Chreid Abraham Dia, agus mheasadh sin da mar fhìreantachd: agus ghoireadh caraid Dhé dheth.

24 Chi sibh nime sin gu'm fireanaichear duine le oibribh, agus cha-n ann le creidimh a mhàin.

25 Amhuil sin mar an ceudna, nach robh Rahab an striopach air a fireanachadh le oibribh, 'n uair a ghabh i ris na teachdairibh, agus a chuir i mach air slighe eile iad?

26 Oir mar a tha an corp marbh as eugmhais an spioraid, mar sin mar an ceudna tha creidimh marbh as eugmhais oibre.

## CAIB. III.

1 *Cha chòir grad-bhreth a thoirt air daoine eile, no an cronachadh gu ladurna; 5 ach is mò is còir dhuinn srian a chur r'ar teagaidh, ball beag, ach a tha 'n a h-inneal cumhachdach chum mòr mhaith no òle a dheanamh: 13 tha'n dream sin a tha fìor-ghlic ciùin agus sìochail, gun tùd, gun strì.*

**M**O bhràithrean, na bithibh 'n 'ur mòran mhaighstirean, air dhuibh fios a bhi agaibh gu'm faigh sinn an tuilleadh breith-eanais.

2 Oir ann am mòran nithibh tha sinn uile ciontach. Mur 'eil duine ciontach ann am focal, is duine ionlan an ti sin, comasach mar an ceudna air srian a chur ris a' chorp uile.

3 Feuch, tha sinn a' cur shrian ann beul nan each, chum gu'm bi iad ùmhail dhuinn; agus tionndaidh sinn an corp uile mu'n cuairt.

4 Feuch mar an ceudna na longan, ged a tha iad co mòr, agus ged a shéidear iad le garbh-ghothaibh, gidheadh tionndaidhear nan cuairt iad le stiùir ro bhligh, ge b'e taobh gus am miann leis an stiùradair.

5 Is amhuil sin is ball beag an teagadh, agus ni i mòr-uail. Feuch, cia mòr an connadh a lasas teine beag!

6 Agus is teine an teagadh, saoghal a dh' aingidheachd: mar sin tha an teagadh air a suidheachadh am measg ar ball, ionnus gu'n salaich i an corp gu h-ionlan, agus

gu'n las i cùrsa an nàduir; agus i féin air a lasadh o ifrinn.

7 Oir tha gach uile ghné fhiadh-bheath-aichean, agus eunlaith, agus nithean snàig-each, agus nithean 's an fhairge, air an ceanssachadh; agus cheannsaicheadh iad leis a' chinne-daoine:

8 Ach cha chomasach do dhuine air bith an teagadh 'cheannsaichadh; is òle dochasgaidh i, làn de nimh marbltach.

9 Leatha-sa tha sinn a' beannachadh Dhé, eadhon an Athar; agus leatha-sa tha sinn a' mallachadh dhaoine, a rinneadh a réir iomhaigh Dhé.

10 As an aon bheul tha beannachadh agus mallachadh a' teachd a mach. Mo bhràithrean, cha chòir do na nithibh so 'bhi mar so.

11 An cuir tobar a mach as an aon sùil uisge milis agus searbh.

12 An urrainn craobh-fhìge, mo bhràithrean, dearcann olaidh a thoirt uaipe? no a' chraobh-fhìona, figean? mar sin cha-n urrainn tobar sam bith sàile agus uisge milis a thoirt uath araon.

13 Cò a tha 'n a dhuine glie agus aig am bheil eòlas 'n 'ur measg? nochdadh e à deadh chaithe-beatha 'oibre féin le ceannsaichd glioeais.

14 Ach na tha eud searbh agus comhstri agaibh 'n 'ur cridhe, na deanaibh uail, agus na deanaibh breug an aghaidh na fìrinn.

15 Cha-n ann o'n àirde tha 'n gliocas so a' teachd a nuas, ach tha e talmhaidh, collaidh, diabhluidh.

16 Oir far am bheil farmad agus comhstri, an sin tha buaireas, agus gach uile dhroch ghnìomh.

17 Ach tha an gliocas a tha o'n àirde air tùs glan, an déigh sin sìochail, ciùin, agus so-chomhairleachaidh, làn de thròcair agus de dhèidh thoraidh, gun leth-bhreth agus gun cheilg.

18 Agus tha toradh na fireantachd air a chur ann an sìth do luchd-deanamh na sìthe.

## CAIB. IV.

1 *Is còir dhuinn cathachadh an aghaidh sannta, 4 neo-mheasarrachd, 5 uabhair, 11 cùl-chàin-chad, agus breth ghrad mu dhaoibh eile; 13 agus gun a bhi ro earbsach à soirbheachadh ann ar gnòthachibh saoghaila, &c.*

**C**IA a tha na cogaidhean agus còmhragan a' teachd 'n 'ur measg? nach ann as a so, eadhon a' bhur n-ana-miannaibh, a tha 'cogadh ann bhur ballaibh?

2 Tha sibh a' miannachadh, agus cha-n'eil agaibh: tha sibh a' marbhadh, agus a' dian-shanntachadh, agus cha-n'eil e'n comas duibh ni fhaotainn: tha sibh a' cathachadh agus a' cogadh, gidheadh cha-n'eil agaibh, do bhrìgh nach 'eil sibh ag iarraidh.

3 Tha sibh ag iarraidh, agus cha-n'eil sibh a' faotainn, do bhrìgh gu bheil sibh ag iarraidh gu h-òle, chum gu'n caith sibh air bhur n-ana-miannaibh.

4 Adhaltrannacha, agus a bhan-adhalt-rannacha, nach 'eil fhios agaibh gur nainh-deas an aghaidh Dhé càirdeas an t-saoghail? ge b'e air bith neach uime sin leis an aill a bhi 'n a charaid do'n t-saoghal, tha e 'n a nàmhaid do Dhia.

5 Am bheil sibh a' smuaineachadh gu bheil an sgrìobtuir gu dìomhain a' labhairt? Tha an sgrìobdar a tha 'chòmhnuidh annainn a' togradh gu farmad.

6 Ach bheir e gràs a's mò uaith: uime sin tha e ag ràdh, Tha Dia a' cur an aghaidh nan uaibhreach, ach a' toirt gràis dhoibh-san a tha iriosal.

7 Uime sin ùmhlaichibh sibh féin do Dhia; cuiribh an aghaidh an diabhuil, agus teichidh e uaibh:

8 Dlùthaichibh ri Dia, agus dlùthaichidh e ribh: glanaibh *bhur* làmhain, a pheacacha, agus glanaibh *bhur* cridhe, sibhse aig am bheil an inntinn dhùbailte.

9 Bithibh ann an àmhghar, agus deanaibh caoidh, agus gul: bitheadh *bhur* gàire air a thionndadh gu bròn, agus *bhur* n-aobhneas gu tùirse.

10 Irioslaichibh sibh féiu 'am fianuis an Tighearn', agus àrdaichidh e sibh.

11 Na labhraibh olc mu 'chéile, a bhràithre. An ti a tha 'labhairt uile m'a bhràthair, agus a' toirt breth air a bhràthair, tha e 'labhairt uile mu'u lagh, agus a' toirt breth air an lagh: ach ma tha thu 'toirt breth air an lagh, cha-n fhear-coimhlionaidh an lagha thu, ach breitheamh.

12 Tha aou fhear-tabhairt lagha ann, a's urrainn saoradh agus sgrìos: co thusa a tha 'toirt breth air neach eile?

13 Imichibh a nis, sibhse a tha ag ràdh, Thèid sinn an diugh no uaireach gus a' leithid so de bhaile, agus fanaidh sinn an sin ré bliadhna, agus ni sinn ceannachd, agus gheibh sinn buannachd:

14 'N uair nach 'eil fhios agaibh ciod a tharlas air an là maireach: oir ciod i *bhur* beatha? is deatach i a chithear ré ùine bhig, agus an déigh sin a thèid as an t-sealladh.

15 'An àite *gu'm bu chòir* dhuibh a ràdh, Ma's toil leis an Tighearn, bithidh sinn beò, agus ni sinn so, no sud.

16 Ach a nis tha sibh a' deanamh uaille as *bhur* ràiteachas féin: is olc gach uile shamhuil sin a dh' uail.

17 Uime sin dhàsan d'an aithne maith a dheanamh, agus nach dean e, is peacadh e dha.

#### CAIB. V.

1 *Tha' aobhar aig daoimibh aingidh saoihbhir eagal a bhi orra roimh dhioghaltas Dhé. 7 Bu chòir dh'inn a bhi foighidneach a réir eisempleir nam fàidhean, agus Iob; 12 mionn-an a sheachnadh; 13 urnuigh a ghnàthachadh ann an anshocair, agus sailm a sheinn ann an socair, &c.*

**I**MICHIBH a nis, a dhaoine saoihbhir, deanaibh gul agus caoidh air son *bhur* n-àmghar a tha 'teachd oirbh.

2 Tha *bhur* saoihbreas air truailleadh, agus *bhur* n-eudach air itheadh leis an leomann.

3 Tha *bhur* n-òr agus *bhur* n-airgiod air meirgeadh: agus bithidh am meirg-san 'n a fhianuis 'n 'ur n-aghaidh, agus ithidh i *bhur* feòil mar theine: thaig sibh ionmhas fa chomhair nan làithean deireannach.

4 Feuch, tha tuarasdail an lchd-oibre, a bhuain sìos *bhur* n-achaidh, ni a chumadh uatha leibhse le foill, ag éigheach: agus tha glaothaich na muinntir a bhuain, air dol a stigh chum cluasan Tighearna nan sluagh.

5 Chaith sibh *bhur* beatha ann an sògh air thalamh, agus bha sibh mear; dh'altrum sibh *bhur* cridheachan, mar ann an là a' mharbhadh.

6 Dh'it agus mharbh sibh am firean, agus cha-n'eil e 'cur 'n 'ur n-aghaidh.

7 Uime sin, a bhràithre, bithibh foighidneach gu teachd an Tighearna. Feuch, feithidh an treabhaiche ri toradh luachmhor na talmhainn, agus fanaidh e gu foighidneach ris, gus am faigh e an ceud uisge agus an t-uisge deireannach.

8 Bithibh-se foighidneach mar an ceudna; socraichibh *bhur* cridheachan: oir tha teachd an Tighearna am fagus.

9 Na deanaibh gearan an aghaidh a chéile, a bhràithre, chum nach dìtear sibh: feuch, tla am Breitheamh 'n a sheasamh aig an doras.

10 Gabhaibh, mo bhràithre, na fàidhean, a labhair ann an ainm an Tighearna, 'n an eisempleir air anshochair fhulang, agus air foighidin.

11 Feuch, measar sona leinn iadsan a dh'fhuilingeas. Chuala sibh iomradh air foighidin Iob, agus chunnaic sibh crìoch an Tighearna; gu bheil an Tighearn ro iochdmhor agus tròcaireach.

12 Ach roimh na h-uile nithean, mo bhràithre, na tugaibh mionnann, aon chuid air nèamh, no air an talamh, no air aon mhiannann eile: ach gu'm b'e *bhur còmh-radh* Scadh, seadh, agus Cha-n eadh, cha-n eadh; air eagal gu'n tuit sibh ann an dìt-eadh.

13 Am bheil neach sam bith fo thrioblaid 'n 'ur measg? deanadh e urnuigh. Am bheil neach sam bith subhach? seinneadh e sailm.

14 Am bheil neach sam bith tinn 'n 'ur measg? cuireadh e fios air scanairibh na h-eaglais; agus deauadh iad urnuigh os a cheann, 'g a ungadh le h-olaidh ann an ainm an Tighearna:

15 Agus slànuidhidh urnuigh a' chreidimh an t-euslan, agus togaidh an Tighearn suas e; agus ma rinn e peacaidhean, maithear dha iad.

16 Aidichibh *bhur* lochdan d'a chéile, agus deauaibh urnuigh air son a chéile,



## I PHEADAIR, I.

chum gu'n tearnar sibh : tha mòr-éifeachd ann an urnuigh dhùrachdaich an fhìr-ein.

17 Bu duine Elias aig an robh comh-aighe ruinne, agus ghuidh e gu dùrachdach gun uisge 'bhi ann: agus cha d'fhàinig uisge air an talamh ré thri bliadhna agus shè. miosan.

18 Agus rinn e urnuigh a rìs, agus thug

nèamh uisge uaith, agus thug an talamh a mach a thoradh.

19 A bhràithre, ma théid aon neach agaibh-se air seacharan o'n fhìrinn, agus gu'n iompaich neach e;

20 Bitheadh fhios aige, an duine a dh'iompaicheas peacach o sheacharan a shlighe, gu'n saor e anam o bhàs, agus gu'm folaich e mòran pheacaidhean.

## CEUD LITIR CHOITCHIONN AN ABSTOIL

# P H E A D A I R.

### CAIB. I.

1 *Bheannaich Peadar Dia air son a ghràs an iomarcach spioradail; 10 nochd e nach naidheachd ùr slàinte tre Chrìosd, ach nì mu'n robh fàidheadaireachd o shean: 13 agus a réir sin chuir e impidh orra am beatha a chaitheadh gu diadhaidh, do bhrìgh gu bheil iad a nis air an nuadh-bhrèth le focal Dhé.*

**P**EADAR abstol Iosa Crìosd, chum nan coigreach a tha air an sgapadh tre Phontus, Ghalatia, Chapadocia, Asia, agus Bhitinia,

2 A thaghadh a réir roimh-eòlais Dhé an Athar, tre naomhachadh an Spioraid, ehum ùmhlachd, agus crathadh fola Iosa Crìosd: Gràs agus sìth gu robh air am meudachadh dhuibhse.

3 Gu ma beannaichte gu robh Dia agus Athair air Tighearna Iosa Crìosd, neach a réir a mhòr-thròcair, a dh'ath-ghin sinne gu beò-dhèchas, tre aiseirigh Iosa Crìosd o na maireibh,

4 Chum oighreachd neo-thruaillidh, agus neo-shalaich, agus nach searg as, a tha air a tasgadh 's na nèamhan dluibhse,

5 A tha air bhur coimhead le cumhachd Dhé tre chreidimh ehum slàinte, a tha ullamh r'a foillseachadh 's an aimsir dheireannaich:

6 Ni anns am bheil sibh a' deanamh mòr-ghairdeachais, ged tha sibh a nis ré ùine bhig, (ma's feumail e,) fo thùrse tre iomadh buaireadh.

7 Chum gu faighear dearbhadh bhur creidimh, nì's luachmhoire gu mòr na òr a théid am munga, ged dhearbhar le teine e, ehum cliu, agus urrainn, agus glòir aig foillseachadh Iosa Crìosd;

8 D'am bheil sibh a' toirt gràidh, ged nach faca sibh e; agus ged nach 'eil sibh a nis 'g a fhaicinn, air dhuibh 'bhi 'creidsinn ann, tha sibh a' deanamh mòr-ghairdeachais le h-aobhlneas air dol thar labhairt, agus làn de ghloir:

9 A' faotainn crìche bhur creidimh, *eadhon* slàinte bhur n-anama:

10 Slàinte mu'n d'fhiosraich na fàidhean, agus mu'n d'rinn iad geur-rannsachadh, muinntir a rinn fàidheadaireachd mu'n ghràs a bha gu teachd do 'ur n-ionnsuidh-se;

11 A' rannsachadh ciod i, no ciod a' ghnè aimsir a bha Spiorad Chrìosd amta-san a' foillseachadh, 'n uair a rinn e fianuis roimhlaimh air fulangasaibh Chrìosd, agus a' ghloir a bha gu'n leantuinn.

12 Muinntir d'an d'fhoillsicheadh, nach b'ann doibh féin, ach dhuinne a fhritheil iad na nithean a tha nis air an cur 'an cèill duibh leo-san a shearmonaich an soisgeul duibh, leis an Spiorad naomh a chuireadh a nuas o nèamh; nithean air am miann leis na h-ainglibh beachdachadh.

13 Uime sin crioslaichibh leasraidh bhur n-inntinn, bithibh measarra, agus bithheadh dòchas dìongmhalta agaibh as a' ghràs a bheirear dhuibh aig foillseachadh Iosa Crìosd;

14 Mar chloinn ùmhal, gun a bhi 'g'ur comh-chumadh féin ris na h-ana-miannaibh, a bha agaibh roimh ann an àm bhur n-aineolais:

15 Ach a réir mar tha esan a ghairm sibh naomh, bithibh-se naomha mar an ceudna 'n 'ur n-uile chaithe-beatha:

16 Do bhrìgh gu bheil e sgrìobhta, Bithibh-se naomha, oir tha mise naomh.

17 Agus ma ghairmeas sibh air an Athair, a bheir brèth a réir oibre gach neach, gun chlaon-bhàigh ri neach seach a chèile, caithibh aimsir bhur cuairt an so le h-eagal:

18 Air dhuibh fios a bhi agaibh nach do shaoradh sibh le nithibh truallidh, *mar tha* airgid agus òr, o bhur eaithe-beatha dìomhain, a thugadh dhuibh o bhur sinnsir-eachd;

19 Ach le fuil luachmhoir Chrìosd, *mar fhuil* Uain gun chron, gun smal:

20 Neach gu deimhin a roimh-orduicheadh roimh chruthachadh an t-saoghail, ach a dh'fhoillsicheadh anns na h-aimsiribh deireannach air bhur son-se;

21 Muinntir trid-san a tha 'creidsinn ann

## 1 PHEADAIR, II.

an Dia a thog esan o na mairbh, agus a thug glòir dha, chum gu'm bitheadh bhur creidimh agus bhur muinghin ann an Dia.

22 Do bhrìgh gu'n do ghlan sibh bhur n-anaman le ùmhlaich a thoirt do'n fhèrrinn tre 'n Spiorad, chum gràidh neo-chealgaich do na bràithribh; *jeuchaibh gu'n toir sibh gràdh d'a chéile á cridhe glan gu dùrachd-ach* :

23 Air dhuibh 'bhi air bhur n-ath-ghin-eamhuin, cha-n ann o shìol truailidh, ach neo-thruailidh, le focal an Dé bheò, agus a mhaireas gu sìorruidh.

24 Oir *tha* gach uile fheòil mar fheur, agus uile ghloir dhaoine mar bhlàth an fheòir. Seargaidh an feur, agus tuitidh a bhlàth dheth :

25 Ach fanaidh focal an Tighearna gu sìorruidh. Agus is e so am focal a shear-monaicheadh dhuibhse anns an t-soisgeul.

### CAIB. II.

1 *Chomhairlich Peadar luchd-aidmheil a' chreidimh an aghaidh mì-sheircealachd; 4 nochd e gur e Crìosd am bunadh air am bheil iad air an togail; 11 ghuidh e orra fantuinn o ana-miannaibh feòlmhor, 13 agus a bhi ùmhal do uachdaranaimh; 18 is còir do sheirbhiseach a bhi ùmhal d'am maighistiribh, 20 agus fulang gu foighidneach air son maith a dheanamh a rèir eisempleir Chrìosd.*

**U**IME sin a' cur uaibh gach uile mhi-ruin, agus gach uile mhealltaireachd, agus chealg, agus pharmadan, agus gach uile ana-cainnt,

2 Mar naoidheanan air an ùr-bhreith, iarr-aibh bainne fìor-ghlan an fhocail, chum as gu'm fas sibh leis ;

3 Ma's e as gu'n do bhlais sibh gu *bheù* an Tighearn gràs-mhor.

4 A' teachd d'a ionnsuidh-san, *mar gu* cloich bheò, a dhiùltadh gu deimhin le daoimibh, ach air a taghadh o Dhia *agus* luachmhor ;

5 Tha sibhse mar an ceudna mar chlach-aibh beò, air bhur togail suas 'n 'ur tigh spioradail, 'n 'ur sagartachd naomh, chum iobairtean spioradail a thoirt suas, taitneach do Dhia tre Iosa Crìosd.

6 Uime sin tha so mar an ceudna air a chur sìos anns an sgrìobtuir, Feuch, cuiridh mi ann an Sion prìomh chlach-oisne thaghta, Inachmhor : agus an ti a chreideas ann, cha chuirear gu nàire e.

7 Dhuibhse uime sin a chreideas, *tha e* luachmhor: ach dhoibh-san a tha eas-ùmlal, a' chlach a dhiùlt na clachairean, rinneadh ceann na h-oisne dith.

8 *Agus* clach-thuislidh, agus carraig oil-bheim, *dhoibh-san* a thuislicheas air an fhocal, air dhoibh 'bhi eas-ùmhal, chum mar n ceudna an d'orduicheadh iad.

9 Ach *is* ginealach taghta sibhse, sagart-achd rìoghail, cinneach naomh, sluagh son-

raichte ; chum gu'n cuireadh sibh 'an céill feartan an ti a ghairm á dorchadas sibh chum a sholuis iongantach féin :

10 Nach *robh* uair-éigin 'n 'ur sluagh, ach a nis *is* sibh slagh Dhé: dream nach d'fhuair trècair, ach a nis a tha air faotainn trècair.

11 A mhuinntir mo ghràidh, guidheam oirbh, mar choigrich agus luchd-cuairt, sibh a sheachnadh ana-miannan feòlmhor, a tha 'cogadh an aghaidh an anama ;

12 Air dhuibh deadh chaithe-beatha 'bhi agaibh am meas nan Cinneach ; chum 'an àit ole a labhairt uamaibh mar luchd mi-ghnìomh, gu'n dean iad o bhur deadh oir-ribh a chi iad, Dia a ghlòrachadh ann an là an fhiosrachaidh.

13 Uime sin bithibh-se ùmhal do gach uile riaghailt dhaoine air son an Tighearna: ma's ann do'n rìgh, mar an ti a's àirde inbhe ;

14 No do uachdранаibh, mar do'n mhuinn-tir a chuireadh uaith chum dìoghaltais air luchd-deanamh an uile, ach chum cliù dhoibh-san a ni maith.

15 Oir is i toil Dhé gu'n cuireadh sibhse le deadh dheanadas tosd air aineolas dhaoine amaideach :

16 Mar dhaoine saor, agus gun *bhur* saorsa a ghnàthachadh mar bhrat-folaich do'n ole, ach mar sheirbhiseich Dhé.

17 Thugaibh urram do na h-uile dhaoine. Gràdhachibh na bràithrean. Bitheadh eagal Dhé oirbh. Thugaibh urram do'n rìgh.

18 A sheirbhiseacha, *bithibh* ùmhal do 'ur maighistiribh maille ris an uile eagal, cha-n e mhaìd dhoibh-san a tha maith agus ciùin, ach mar an ceudna dhoibh-san a tha borb.

19 Oir *tha* so cliù-thoilteannach, ma dh'iomchaireas neach sam bith doilgheas air son coguis a thaobh Dhé, a' fulang gu h-eucorach.

20 Oir cìod an t-aobhar molaidh a *tha ann*, ma's e an uair a ghabhar oirbh air son bhur cìonta, gu'n giùlain sibh gu foighidneach e? ach ma's e 'n uair a tha sibh a' deanamh maith, agus a' fulang *air a shon*, gu'n giùlain sibh e gu foighidneach, *tha* so taitneach do Dhia.

21 Oir is ann a dh'ionnsuidh so a ghairm-eadh sibh: do bhrìgh gu'n d'fhuiling Crìosd mar an ceudna air bhur son, a' fagail eisempleir agaibh, chum gu'n leanadh sibh a cheuman :

22 Neach nach d'rinn peacadh, ni mò a fhuaradh cealg 'n a bheul:

23 Neach, 'n uair a chàineadh e, nach do chàin a ris ; 'n uair a dh'fhuiling e, nach do bhagair ; ach a dh'earb e *féin* ris-san a bheir breth chearta :

24 Neach a ghiùlain ar peacaidhean e *féin* 'n a chorp féin air a' chrann, chum air



dhuinn a bhi marbh do'n pheacadh, gu'm bitheamaid beò do fhìreantachd: neach le a bhuillibh-san a tha air sibhse a thearnadh.

25 Oir bha sibh mar chaoraich a' dol air seacharan; ach philleadh sibh a nis chum Buachail agus Easbuig bhur n-anama.

### CAIB. III.

1 *Theagaisg Peadar dleasdanas bhàn agus shear-pòda d'a chèile; 8 dh'earalaich e na h-uile dhaoine chum aonachd agus gràidh, 14 agus geur-leanmhuinn fhulang: 19 Chuir e mar an ceudna 'an cèill sochairean Chrìosd do'n t-seannt saoghal.*

**M**AR an ceudna, a mhnathan, *bithibh* ùmhail do 'ur fearaibh féin, chum ma tha dream air bith eas-ùmhail do'n fhocal, gu'm bi iadsan mar an ceudna, as eugmhais an fhocail, air an cosnadh le deadh chaithe-beatha nam ban.

2 'N uair a bheachdaicheas iad air bhur caithe-beatha geamnuidh maille ri h-eagal.

3 Na b' bhur breaghadh, figheadh an fhuilte agus a' cur òir oirbh, agus dheadh thrusgan umaibh, *a' bhreaghachd sin* o'n leth muigh:

4 Ach duine folaichte a' chridhe, ann an neo-thruaillidheachd spioraid mhacanta agus chìibh, ni a tha ro luachmhor ann an sealladh Dhé.

5 Oir b'ann mar so a rinn na mnathan naomha o shean, aig an robh 'am muinghin ann an Dia, iad féin breagha, air dhoibh 'bhi ùmhail d'am fearaibh féin;

6 Amhuil a thug Sarah ùmhlachd do Abraham, a' gairm tighearna dheth: d'an nigheanan sibhse am feadh 's a ni sibh gu maith, agus gun gheilt oirbh le h-uamhas sam bith.

7 Mar an ceudna, fheara, gabhaibh-se còmhnuidh maille riu a réir còlais, a' tabh-airt urraim do'n mhnai mar do 'n t-soith-each a's annmhuinne, agus mar mhuinntir a tha 'n an comh-oighreachaibh air gràs na beatha; chum nach cuirear bacadh air bhur n-urnuighibh.

8 Fa dhèidh, *bithibh* uile a dh'aon inntinn, bitheadh comh-fhulangas agaibh r'a chèile, gràdhaichibh a chèile mar bhràithribh, *bithibh* truacanta, càirdeil:

9 Na h-ìocaibh olc air son uile, no càineadh air son càinidh: ach 'n a aghaidh sin, beannaichibh; air dhuibh fios a bhi agaibh gur ann a dh'ionnsuidh so a ghairmeadh sibh, chum gu'n sealbhaichadh sibh beannachadh mar oighreachd:

10 Oir ge b'e le'm bàill beatha a ghràdhachadh, agus làithean maitha fhaicinn, cumadh e a theangadh o olc, agus a bhilean o labhairt ceilg.

11 Seachnadh e olc, agus deanadh e maith; iarradh e sìth, agus leanadh e i.

12 Oir *tha* sùilcan an Tighearn' air na fir-

eanaibh, agus a chluasan fosgailte r'an urnuigh: ach *tha* gnùis an Tighearna an aghaidh na muinntir a ni olc.

13 Agus cò e a ni olc oirbh, ma bhitheas sibh 'n 'ur luchd-leanmhuinn air an ni sin a tha maith?

14 Ach eadhon ma dh'fhuilingeas sibh air sgàth fireantachd, *is* sona sibh: agus na bitheadh fiamh an eagail-san oirbh, agus na bithibh mi-shuaimhneach;

15 Ach naomhaichibh an Tighearn Dia ann bhur cridheachaibh: agus *bithibh* ullamh a ghnàth chum freagradh a thoirt, maille ri ceannasach agus eagal, do gach uile dhuine a dh'iarras oirbh reuson an dòchais a tha annaibh:

16 Air dhuibh deadh choguis a bhi agaibh; chum, 'n uair a tha iad a' labhairt uile 'n 'ur n-aghaidh mar luchd mi-ghnìomh, gu'n gabh iadsan nàire, a tha 'toirt toibheim do 'ur deadh chaithe-beatha ann an Crìosd.

17 Oir *is* fearr, ma's e sin toil Dhé, sibh a dh'fhulang air son maith a dheanamh, na air son olc a dheanamh.

18 Oir dh'fhuiling Crìosd féin aon uair air son pheacaidhean, am firean air son nan neo-fhìrean, (chum gu'n tugadh e sinne gu Dia,) air dha 'bhi air a chur gu bàs 's an fheòil, ach air a bheothachadh tre an Spiorad:

19 Leis an deachaidh e mar an ceudna, agus an do shearmonaich e do na spioradaibh ann am prìosan;

20 A bha o shean eas-ùmhail, 'n uair a dh'fheith fad-fhulangas Dhé aon uair ann an làithibh Noah, am feadh a bha àire 'g a h-ulluchadh, anns an robh beagan, sin r'a ràdh, ochd anaman, air an tearnadh tre uisge.

21 Tha am baisteadh, mar shamhlachas a tha'comh-fhreagradh dha so, (cha-n e cur dhinn sal na feòla, ach freagradh deadh choguis thaobh Dhé,) nis 'g ar tearnadh-ne, tre aiseirigh Iosa Crìosd:

22 Neach air dha dol gu nèamh, a tha air deas làimh Dhé, air do ainglibh, agus do uachdranachdaibh, agus do chumhachdaibh 'bhi air an cur fo cheanasal-san.

### CAIB. IV.

1 *Dh'earalaich Peadar luchd-aidmheil a' chreidimh gu sgar de pheacadh o eisempleir Chrìosd, agus do bhrìgh gu bheil a' chrìoch dheireannach a' dlùth-theannadh oirnn: 12 agus thug e comhfhurtachd dhoibh an aghaidh geur-leanmhuinn.*

**U**IME sin, o dh'fhuiling Crìosd air ar son-ne 's an fheòil, armaichibh-se mar an ceudna sibh féin leis an inntinn cheudna: oir an ti a dh'fhuiling anns an fheòil, sguir e de pheacadh;

2 Chum nach caitheadh e fuigheall 'aimsir anns an fheòil, a réir ana-muinnan dhaoine, ach a réir toile Dhé.

3 Oir is leoir dhuinn a' chuid a chaidh scachad de aimsir ar beatha gu toil nan Cinneach a dheanamh, 'n uair a shiubhail sinn ann am macus, ann an ana-miann-aibh, ann an anabharra fìona, ann an geòc-aireachd, ann am pòiteirachd, agus ann an iòdhol-aoradh an-dligheach:

4 Nì anns am bheil iad a' gabhail iongantais, a chionn nach 'eil sibhse a' ruith maille ri anns an neo-mheasarrachd cheudna gun tomhas, a' labhairt uile *umaibh*:

5 Muinntir a bheil cunntas dhàsan, a tha ullamh gu breth a thoirt air na beothaibh agus air na maibh.

6 Oir is ann chum na crìche so a shearmonaicheadh an soisgeul dhoibh-san a tha marbh mar an ceudna, chum gu'n tugadh breth orra a réir dhaoine 's an fheòil, ach gu'm bitheadh iad beò a réir Dhé 's an Spiorad.

7 Ach tha crìoch nan uile nithean am fagas: uime sin bithibh measarra, agus deanaibh faire chum urruigh.

8 Agus roimh na h-uile nithibh bitheadh agaibh teas-ghràdh d'a chéile: oir cuiridh gràdh folach air mòran pheacaidhean.

9 Thugaibh aoidheachd d'a chéile gun ghearan.

10 A réir mar a fhuair gach aon an tìodhlac, *mar sin* deanaibh frithcaladh d'a chéile, mar dheadh stiùbhardaibh air gràs eag-samhuil Dhé.

11 Ma labhras neach sam bith, *labhradh e* mar bhriathraibh Dhé; ma tha neach sam bith ri frithcaladh, *deanadh se e* mar o'n chomas a bheil Dia *dha*; chum gu'm bi Dia air a ghlòrachadh anns na h-uile nithibh tre Iosa Crìosd: dhàsan gu robh glòir agus cumhachd gu saoghal nan saoghal. Amen.

12 A mhuinntir mo ghlàidh, na bitheadh iongantais oirbh thaobh na deuchainn theinntich, a thig oirbh chum bhur dearbhadh, mar gu'n tarladh nì-éigin neo-ghnàthach dhuibh:

13 Ach do bhrìgh gu bheil sibh 'n 'ur luchd-comhair de ffulangasaibh Chrìosd, deanaibh gairdeachas; chum maran ceudna, ann an àm foillseachaidh a ghlòire, gu'n dean sibh gairdeachas le h-aoibhneas ro mhòr.

14 Ma mhaslaichear sibh air son ainme Chrìosd, *is sona sibh*; oir tha Spiorad na glòire, agus Dhé a' gabhail còmhuidh oirbh; d'an taobh-san gu deimhin tha e 'faotainn toibheim, ach do 'ur taobh-se tha e air a ghlòrachadh.

15 Ach na fuilingeadh aon agaibh mar mhortair, no *mar* ghaduiche, no *mar* fhear droch-bheirt, no mar neach a ghabhas grothuch ri nithibh nach buin da.

16 Gidheadh ma dh'fhuilingeas duine mar Chrìosduidh, na bitheadh nàire air; ach thugadh e glòir do Dhia as a leth so.

17 Oir *thàinig* an t-àm anns an tòisich

breitheanas aig tigh Dhé: agus ma thòisich-cas e againne, ciod a's crìoch dhoibh-san a tha eas-ùmhail do shoisgeul Dhé?

18 Agus ma's ann air éigin a thearnar ann firean, c'ait an taisbein an duine-mi-dhiadhaidh agus am peacach e féin?

19 Uime sin, an dream a dh'fhuilingeas a réir toile Dhé, carbadh iad an anaman *ris-san* ann an deanamh maith, mar ri Cruith-car dìleas.

## CAIB. V.

1 *Chuir Peadar impidh air na seanairibh treud Dhé a bheathachadh; 5 air an òigridh 'bhi ùmhail, 8 agus orra uile 'bhi stuama, faireil, agus daingean 's a' chreidimh; 9 agus cur an aghaidh ar nàmhaid an-ìochd-nhoir an diabhlu'.*

**N**A seanairean a tha 'n 'ur measg tha mi ag earalachadh, air bhi dhomh féin a'm' sheanair mar an ceudna, agus a'm' fhianuis air fulangasaibh Chrìosd, agus mar an ceudna a'm' fhear comhairt de'n ghlòir sin, a tha gu bhi air a foillseachadh:

2 Beathaichibh treud Dhé a tha 'n 'ur measg, a' gabhail cùram *dheth*, cha-n ann a dh'aindeoin, ach gu dednach; cha-n ann air son buannachd shalaich, ach le h-intinn calamh;

3 Nì mò mar thighearnaibh os ceann oighreachd *Dhé*, ach mar dhream a tha 'n an eisempleiribh do'n treud.

4 Agus an uair a dh'fhoillsichear an t-àrd-bhuachail, gheibh sibh crùn na glòire nach searg as.

5 Mar an ceudna, a dhaoine òga, bithibh ùmhail do na seanairibh: seadh, bithibh uile ùmhail d'a chéile, agus bithibh air bhur sgeadachadh le h-irioslachd: oir tha Dia a' cur an aghaidh nan uaibhrean, ach a' toirt gràis dhoibh-san a tha iriosal.

6 Uime sin irioslaichibh sibh féin fo làimh chumhachdaich Dhé, chum as gu'n àrdaich e sibh ann an àm iomchuidh:

7 A' tilgeadh bhur n-uile chùram airsan; oir tha cùram aige dhibh.

8 Bithibh stuama, deanaibh faire; do bhrìgh gu bheil bhur nàmhaid an diabhul, mar leòmhnan beuchdach, ag imeachd mu'n cuairt, a' sireadh cò a dh'fheudas e 'shlugadh suas.

9 Cuiribh-sa 'n a aghaidh, air dhuibh 'bhi daingean 's a' chreidimh, agus fhios a bhi agaibh gu bheil na fulangais cheudna air an còimhlionadh ann bhur bràithribh, a tha 's an t-saoghal.

10 Ach gu'n deanadh Dia féin nan uile ghràs, a ghairm sinn chum a ghlòire shìorruidh tre Iosa Crìosd, an deigh dhuibh fulang ré uine bhig, ionlan sibh; gu'n daingnich-eadh, gu'n neartaicheadh, gu'n socraicheadh e sibh.

11 Dhàsan *gu robh* glòir agus cumhachd, gu saoghal nan saoghal. Amen.

12 Le Siluanus bràthair dìleas, (a réir mo



bharail-sa,) sgrìobh mi do 'ur n-ionnsuidh gu h-aithghearr, a' teagasg, agus a' deanamh fianuis, gur e so fìor-ghràs Dhé, anns am bheil sibh 'n 'ur seasamh.

13 Tha an eaglais ann am Babilon, a thagh-

adh maille ribhse, a' cur fàilte oirbh, agus Marcus mo mhac.

14 Cuiribh fàilte air a chéile le pòig ghràidh. Sìth gu robh maille ribh uile a tha ann an Iosa Crìosd. Amen.

## DARA LITIR CHOITCHIONN AN ABSTOIL

# PHEADAIR.

### CAIR. I.

1 Chum luchd-aidmheil a' creidimh a dhaingneachadh 'an dòchas meulachaidh gràis Dhé, 5 chuir Peadar impidh orra le creidimh agus deadh oiribh, an gairm a dheanamh cinnteach: 12 bha e cùramach mu so 'chur 'an cuimhne dhoibh, do bhrìgh gu robh fios aige a bhàs 'bhi 'm fagus: 16 agus thug e rabhadh dhoibh 'bhuunaiteach ann an creidimh Chrìosd, &c.

SIMON Peadar, seirbhiseach agus abstol Iosa Crìosd, dhoibh-sana fhuairear creidimh luachmhor ceudna ruinne, tre fhìreantachd ar Dé agus ar Slànuidhir Iosa Crìosd:

2 Gu'n robh gràs agus sìth air am meulachadh dhuibh, tre eòlas Dhé, agus Iosa ar Tighearna,

3 A réir mar a dhèdnuich a chumhachd diadhaidh-san dhuinne na nithean sin uile a bhuineas do bheatha agus do dhiadhachd, tre eòlas an ti siu a ghairm sinn chum glòire, agus deadh-bheus:

4 Tre an d'fhugadh dhuinn geallaidhean ro mhòr agus luachmhor, chum d'an trid-san gu'm bitheadh sibhse air blur dcanamh 'n 'ur luchd-comhairt de nàdur na diadhachd, air dhuibh dol as o'n truailidheachd a tha anns an t-saoghal tre ana-miann.

5 Agus a thuilleadh air so, air deanamh an uile dhùchill duibhse, cuiribh ri 'ur creidimh, deadh-bheus; agus ri deadh-bheus, eòlas;

6 Agus ri h-eòlas, stuaim; agus ri stuaim, foighidin; agus ri foighidin, diadhachd;

7 Agus ri diadhachd, gràdh bràthaireil; agus ri gràdh bràthaireil, seirc.

8 Oir ma bhitheas na nithean so annaibh, agus pailte, bheir iad oirbh gun bhi leasg, no mi-thorrach ann an eòlas ar Tighearna Iosa Crìosd.

9 Ach an ti aig nach 'eil na nithean sin, tha e dall, agus gearr-sheallach, a' dìochuimhneachadh gu'n do ghlanadh e o a sheann pheacaidh.

10 Uime sin, a bhràithre, deanaibh tuilleadh dìchill chum bhur gairm agus bhur taghadh a dheanamh cinnteach: oir ma ni sibh na nithean so, cha tuit sibh a chaoidh:

11 Oir mar sin frithcalar gu pailt dhuibh slighe a steach do rìoghachd shiorruidh ar Tighearna agus ar Slànuidhir Iosa Crìosd.

12 Uime sin cha dearmad mi na nithean

so ghnàth-chur 'an cuimhne dhuibh, ged is aithne dhuibh iad, agus ged tha sibh air bhur daingneachadh 's an fhìrinn a lathair.

13 Ach tha mi a' meas gur còir, am feadh 's a tha mi 's a' phàillium so, sibhse a bhros-nuchadh le 'ur cur 'an cuimhne:

14 Air dhomh fios a bhi agam gur fagus dhomh am cur dhìom mo phàillium so, amhuil a dh'fhoillsich ar Tighearna Iosa Crìosd dhomh.

15 Ach ni mise dìchioll, chum an déigh dhomh sìubhal, gu'm bi agaibh-sa gnàth-chuimhne air na nithibh so.

16 Oir cha do lean sinne faoin-sgeulachdan a dhealbhadh gu h-innleachdach, 'n uair a chuir sinn 'an cèill duibh cumhachd agus teachd ar Tighearna Iosa Crìosd, ach rinn-eadh sinn 'n ar sùil-fhianuisibh air a mhòr-achd-san.

17 Oir fhuair e o Dhia an t-Athair urram agus glòir, 'n uair a thàinig a' shamhuil so de ghuth d'a ionnsuidh o'n ghloir òirdheire, Is e so mo Mhac gràdhach-sa, anns am bheil mo mhòr-thlachd.

18 Agus chuala sinne an guth so a thàinig o nàmh, 'n uair a bha sinn maille ris air au t-sliabh naomh.

19 Tha againn mar an ceudna focal fàidheadaireachd a's cìntiche; d'am maith a ni sibh aire a thoirt, mar do lòchran a tha 'toirt soluis uaithe ann an ionad dorchas, agus an soillsich an là, agus an éirich an reult-mhaidne 'n 'ur cridheachaibh:

20 Air dhuibh fhios so a bhi agaibh air tùs, nach 'eil fàidheadaireachd air bith de'n sgrìobtur o thogradh dhaoine féin.

21 Oir cha d'fhàinig an fhàidheadaireachd a réir toil duine o shean: ach labhair daoine naomha Dhé, mar a sheòladh iad leis an Spiorad naomh.

### CAIB. II.

1 Roimh-innis Peadar mu thimchioll luchd-teagasg bréige, a' nochdadh am mì-dhiadhachd, agus an sgrìos a thig orra fein agus air an luchd-leanmhuinn; 7 o'n saorair daoine diadhaidh, mar a saoradh Lot a Sodom; 10 agus chuir e an cèill grianan nam meallairean mì-dhiadhaidh sin chum gu'm feudtadh an aithneachadh agus an seachnadh.

A CH bha fàidhean bréige mar an ceudna am measg an t-sluaigh, amhuil a bhithe-

## 2 PHEADAIR, III.

eas luchd-teagaisg bréige 'n 'ur measg-sa, dream a bheir a steach 'an uaignidheas saobh-chreidimh millteach, eadhon ag àich-eadh an Tighearn a' cheannaich iad, agus a bheir sgrios obanu orra féin.

2 Agus leanaidh mòran an slighean millteach tre am faigh slighe na firinn mi-chliu.

3 Agus tre shannt ni iad ceannachd oirbh le briathraibh mealltach: dream nach 'eil am breitheanas a nis o chian a' deanamh moille, agus cha-n'eil an sgrios a' tur-chodal.

4 Oir uur do chaomhain Dia na h-ainglean a pheacaich, ach air dha an tilgeadh sìos do ifrinn, gu'n d'thug e thairis iad gu 'bhi air an coimhead ann an slabhradh bheir dorchadais, fa chomhair breitheanais.

5 Agus nach do chaomhain e an scann saoghal, ach gu'n do shaor e Noah an t-ochd-amh *pearsa*, searmonaiche fireantachd, air dha an dile a thoirt air saoghal uan daoine mi-dhiadhaidh;

6 Agus a' tionndadh bailtean Shodoim agus Gomorrah gu luathire, gu'n do dhìt e le léir-sgrios iad, 'g an deanamh 'n am ball-samhuill dhoibh-san, a bhitheadh mi-dhiadhaidh an déigh sin;

7 Agus gu'n do shaor e Lot am firean, a bha fo champair le caithhe-beatha neòghlan uan aingidh:

8 (Oir chràidh an t-ionracan sin, agus e 'gabhail còmhnuidh 'n am measg, 'anam fireanta o là ga là, le 'bhi 'faicinn agus a' chuinntinn an gnìomharan an-dligheach:)

9 Is aithne do'n Tighearn na daoine diadhaidh a shaoradh o bhuaireadh, agus ua daoine eucorach a choimhead gu là a' bhreitheanais chum peanas a dheanamh orra:

10 Ach gu h-àraidh iadsan a leanas an fheòil anu an ana-mianu na neòghloine, agus a ni tàir air uachdaranachd: Air dhoibh a bhi an-dàna, féin-thoileil, cha-n eagal leo ana-cainnt a thoirt dhoibh-sau a tha ann an àrd-inbhe:

11 An uair nach toir ainglean a's mò anu an neart agus ann an cumhachd, casaid thoibheumach 'n au aghaidh 'am fianuis an Tighearna.

12 Ach iadsan, mar ainmhidhean nàdurra eu-céillidh, a rinneadh gu 'bhi air an glacadh agus air an sgrios, air dhoibh a bhi 'labhairt gu toibheumach mu na nithibh nach tuig iad, sgriosar iad 'n au truaillidheachd féin;

13 Agus gheibh iad tuarasdal na h-euceirt, mar dhream a nuheasas mar shubhachas sògh 's an là: is smala iad agus aobhar-maslaidh, a' gabhail toileachas-inntinn 'n am mealltaireachd féin, am feadh a tha iad air cuirmibh maille ribh;

14 Aig am bheil an sùilean làn adhalt-ranais, agus do nach 'eil e'n comas sgar do pheacadh; a' mealladh anaman neo-shuidh-

ichte; aig am bheil an cridhe air a chleachdadh ri gnìomharaibh sanntach; clann nam mallachd:

15 A thréig an t-slighe dhìreach, agus a chaidh air seacharan, a' leantuinn slighe Bhalaaim *mhic* Bhosoir, a ghràdhach duais na h-eucorach;

16 Ach a fhuair achmhasan air son 'aingidheachd: oir labhair au asal bhalbh le cainnt duine, agus thoirmsig i uni-chéill an fhàidh.

17 Is tobraichean gun uisge iad so, neoil air an iomain le iom-ghaoith; fa chomhair am bheil duibhre au dorchadais air a thasgadh gu sìorruidh.

18 Oir an uair a labhras iad *briathran* atmhòr dìomhanais, meallaidh iad tre anamianais na feòla, tre mhaenus, iadsan a chaidh gu glan as uatha-san a tha 'caitheadh am beatha ann an seacharan:

19 A' gealltuinn saorsa dhoibh, agus gun amta féin ach tràilleau na truaillidheachd: oir ge b'e ni le'm buadhaichear air duine, do'n ni sin féin tha e air a chor fo dhaorsa.

20 Oir an déigh dhoibh dol as o shalcharaibh an t-saoghail tre eòlas an Tighearn' agus an t-Slànuidhir Iosa Crìosd, ma bhith-eas iad a ris air an ribeadh amta, agus air an cur fo ghéill, tha an crìoch ni's miosa na an toiseach.

21 Oir b'fhearr dhoibh gun eòlas a bhi aca air slighe na fireantachd, na, an déigh a h-eòlas fhaotaim, pilleadh o'n àithne naomh a thugadh dhoibh.

22 Ach thachair dhoibh a réir an t-seanfhoicail fhìrinnich, Phill am madadh air ais chum a sgeith fèin; agus, A' mhuc a chaidh a nigheadh, chum a h-aoirucagan 's an làthach.

## CAIB. III.

1 *Thug Peadar cinnte do luchd-aidmheil a chreidimh mu theachd Chrìosd chum breitheanais, an aghaidh luchd-fanoid; 8 thug e rabhadh do dhaoine mi-dhiadhaidh o fhad-fhoighidin Dhé, iad a ghreasadh an aithreachais: 12 chuir e mar an ceudna 'an céill am modh air an sgriosar an saoghal so: 17 dh'earlaich e iad o sin chum an uile naomhachd beatha, &c.*

A N dara litir so, a mhuinntir mo ghràidh, tha mi a' sgrìobhadh do 'ur n-ionnsuidh a nis; amta le *chèile* tha mi a' brosnachadh bhur n-inntinn fhìor-ghloin le 'ur cur 'an cuimhne:

2 Chum gu'm bi sibh cuimhneachail air na briathraibh a labhradh roimhe leis ua fàidhibh naomha, agus air ar n-àithne-ne, abstolan an Tighearn' agus an t-Slànuidhir:

3 Air dhuibh fhios so bhi agaibh air tùs, gu'n tig anns na làithibh deireannach luchd-fòchaid, ag imcadh a réir an ana-miann féin,

4 Agus ag ràdh, C'ait am bheil gealladh a theachd? oir o choidil na h-aithrichean, tha na h-uile nithean a' fantuinn mar a *bha* iad o thoiseach a' chruthachaidh.



## 2 PHEADAIR, III.

5 Oir tha iad aineolach air so d'an deoin, gu'n robh na nèamhan ann o chian, agus an talamh 'n a sheasamh as an uisge, agus anns an uisge, tre fhocal Dhé :

6 Tre'n deachaidh an saoghal a bha'n sin ann a sgrios, air teachd do'n dile air.

7 Ach tha na nèamhan agus an talamh a tha nis ann, leis an fhocal sin féin air an tasgadh suas, agus air an gleidheadh fa chomhair teine air cheann là a' bhreitheanais, agus sgrios dhaoine ain-diadhaidh.

8 Ach, a mhuinntir mo ghràidh, na bithibhse aineolach air an aon ni so, Gu *bheil* aon là aig an Tighearn mar mhìle bliadhna, agus mìle bliadhna mar aon là.

9 Cha-n'eil an Tighearn mall a thaobh a gheallaidh, (mar a mheasas dream àraidh moille,) ach tha e fad-fhulangach do ar taobh-ne, gun toil aige dream sam bith a bhi cailte ach na h-uile *dhaoine* 'theachd gu aithreachas.

10 Ach thig là an Tighearna mar ghaduiche 's an oidheche; anns an téid na nèamhan thairis le toirm mhòir, agus *anns* an leagh na dùilean le dian-theas; agus bithidh an talamh mar an ceudna, agus na h-oibre a tha air, air an losgadh suas.

11 Uime sin do bhrìgh gu'm bi na nithean so uile air an sgaoilcadh as a chéile, ciod a' ghnè dhaoine 'bu chòir a bhi annaibh, ann an caithe-beatha naomh, agus diadhachd,

12 Le sùil a bhi agaibh ris, agus luathach-

adh enum teachd là Dhé, annas am bi na nèamhan air dhoibh a bhi ri theine, air an sgaoileadh o 'chéile, agus anns an leaghar na dùile le dian-theas?

13 Gidheadh tha dùil againne ri nèamhan nuadha agus talamh nuadh, a réir a gheallaidh, anns an còmhnuich fireantachd.

14 Uime sin, a mhuinntir ionmhuinn, o tha dùil agaibh ris na nithibh sin, deanaibh blhur dìchioll chum gu faighear leis-san ann an sìth sibh, gun smal agus neo-lochdach :

15 Agus measaibh gur slàinte fad-fhulangas ar Tighearna; amhuil a sgriobh ar bràthair gràdhach Pòl mar an ceudna do 'ur n-ionnsuidh, a réir a' ghliocais a thugadh dha;

16 Amhuil mar 'n a litricibh uile, a' labhairt anna mu na nithibh so: anns am bheil cuid de nithibh do-thuigsinn, a tha an dream a tha neo-fhòghlumta agus neo-sheasmhach a' fiaradh, amhuil mar na sgriobtuirean eile, chum an sgrios féin.

17 Ach sibhse, a mhuinntir mo ghràidh, o's aithne dhuibh na *nithean* so roimh-làimh, thugaibh aire air egal air dhuibhse mar an ceudna 'bhi air bhur tarruing air falbh le seacharan nan daoine ain-diadhaidh, gu'n tuit sibh o bhur seasmhachd féin.

18 Ach fasaibh ann an gràs, agus *ann an* eòlas ar Tighearn' agus ar Slanuidhir Iosa Crìosd. Dhàsan *gu robh* glòir a nis agus gu sìorruidh. Amen.

## CEUD LITIR CHOITCHIONN AN ABSTOIL

# E O I N.

### CAIB. I.

1 Labhair Eoin mu phearsa Chrìosd, anns am bheil againn beatha mhaireannach, thaobh comh-chomuinn ri Dia; 5 ris an éigin duinn naomhadh beatha a chur, a dhearbhadh firinn a' chomh-chomuinn sin, chum gu'm faigheamaid cinnte air maitheanas tre dhàs Chrìosd.

**A**N ni a bha ann o thùs, an ni a chuala sinne, a chunnaic sinn le ar sùilibh, air an d'amhaire sinn, agus a làimhsich ar làmhnan 'thaobh focail na beatha;

2 (Oir dh'fhoillsicheadh a' bheatha, agus chunnaic sinnne i, agus tha sinn a' deanamh fianuis, agus a' cur 'an cèill dhuibhse na beatha maireannaich ud a bha maille ris an Athair, agus a dh'fhoillsicheadh dhuinne;)

3 An ni a chunnaic agus a chuala sinn, tha sinn a' cur 'an cèill dhuibhse, chum gu'm bi agaibhse mar an ceudna comunn ruinne: agus gu firinneach tha ar comunn-ne ris an Athair, agus r'a Mhac Iosa Crìosd.

4 Agus tha sinn a' sgriobhadh nan nith-

ean so do 'ur n-ionnsuidh, chum gu'm bi bhur gairdeachas coimhlionta.

5 Agus is i so an teachdaireachd a chuala sinn uaith-san, agus a tha sinn a' cur 'an cèill dhuibhse, Gur solus Dia, agus nach 'eil dorchadas air bith annsan.

6 Ma their sinn gu bheil comunn againn ris, agus sinn a' gluasad ann an dorchadas, tha sinn a' deanamh bréige, agus cha-n'eil sinn a' deanamh na firinn:

7 Ach ma ghluaiseas sinn anns an t-solus, mar a tha esan 's an t-solus, tha comunn againn r'a chéile, agus glanaidh fuil Iosa Crìosd a Mhic sinn o gach uile pheacadh.

8 Ma their sinn nach 'eil peacadh againn, tha sinn 'g ar mealladh féin, agus cha-n'eil an fhìrinn annainn.

9 Ma dh'aidicheas sinn ar peacaidhean, tha esan firinneach agus ceart, chum ar peacaidhean a mhaithheadh dhuinn, agus ar glanadh o gach uile neo-fhireantachd.

10 Ma their sinn nach do pheacaich sinn,

tha siuu a' deanamh breugaire dheth-san, agus cha-n'eil fhocal annainu.

CAIB. II.

1 *Thug Eoin comhlharcadh do luchd-aidmheil a chreidimh an aghaidh peacaidh annluinn-eachd. 3 'S e fìor-còlas Dhé 'àitheantan a choimhead, 9 ar bràithrean a ghràdhachadh, 15 agus gun ghràdh a thoirt do'n t-saoghal. 18 Is éigin duinn a bhí air ar faicill an aghaidh luchd-meallaidh, &c.*

**M**O chlann bheag, na nithean so tha mi a' sgrìobhadh do 'ur n-ionnsuidh, chum nach peacaich sibh. Agus ma pheacaicheas neach air bith, tha fear-tagraidh againn uaille ris an Athair Iosa Crìosd am firean :

2 Agus is esan an òbairt-réitich air son ar peacaidhean; agus cha-n e air son ar peacaidhean a mhàin, ach mar an ceudna air son peacaidhean an t-saoghail uile.

3 Agus le so tha fhios againn gur aithne dhuinn e, ma choimhideas sinn 'àitheantan.

4 An ti a their, Is aithne dhomh e, agus nach 'eil a' coimhead 'àitheantan, is breugaire e, agus cha-n'eil an fhìrinn ann.

5 Ach ge b'e 'choimhideas' fhocal, ann-san gu deimhin tha gràdh Dhé air a choimhlionadh: le so is aithne dhuinn gu bheil sinn ann-san.

6 An ti a their gu bheil e 'fantuinn ann-san, is còir dhàsan mar an ceudna gluasad, eadhon mar a ghluais esan.

7 A bhràithrean, cha-n'eil mi a' sgrìobhadh àithne nuaidh do 'ur n-ionnsuidh, ach seann àithne, a bha agaibh o thoiseach: is i an t-seann àithne am focal a chuala sibh o thùs.

8 A ris tha mi a' sgrìobhadh àithne nuaidh do 'ur n-ionnsuidh, ni a tha fìor ann-san agus annaibhse: do bhrìgh gu'n d'imich an dorchadas thairis, agus gu bheil a nis an solus fìor a' dealrachadh.

9 An ti a their gu bheil e 's an t-solus, agus a tha 'fuathachadh a bhràthar, tha e 's an dorchadas gus a nis.

10 An ti aig am bheil gràdh d'a bhràthair, tha e 'n a chòmhluaidh 's an t-solus, agus cha-n'eil aobhar oibheim air bith ann.

11 Ach an ti a tha 'fuathachadh a bhràthar, tha e anns an dorchadas, agus ag imeachd anns an dorchadas, agus cha-n aithne dha c'àit am bheil e 'dol, do bhrìgh gu'n do dhall an dorchadas a shùilean.

12 Tha mi a' sgrìobhadh do 'ur n-ionnsuidh, a chlann bheag, do bhrìgh gu bheil blur peacaidhean air am maithheadh dhuibh air sgàth 'ainme-san.

13 Tha mi a' sgrìobhadh do 'ur n-ionnsuidh, aithrichean, do bhrìgh gu'm b'aithne dhuibh esan a tha o thùs. Tha mi a' sgrìobhadh do 'ur n-ionnsuidh, òganacha, do bhrìgh gu'n d'thug sibh buaidh air an droch aon. Tha mi a' sgrìobhadh do 'ur n-ionnsuidh, a

chlann bheag, do bhrìgh gu'm b'aithne dhuibh an t-Athair.

14 Sgrìobh mi do 'ur n-ionnsuidh, aithrichean, do bhrìgh gu'm b'aithne dhuibh an ti a tha ann o thùs. Sgrìobh mi do 'ur n-ionnsuidh, òganacha, do bhrìgh gu bheil sibh làidir, agus gu bheil focal Dhé 'n a chòmhluaidh annaibh, agus gu'n d'thug sibh buaidh air an droch aon.

15 Na gràdhaichibh an saoghal, no na nithean a tha 's an t-saoghal. Ma ghràdh-aicheas neach air bith an saoghal, cha-n'eil gràdh an Athar ann.

16 Oir na h-uile a tha anns an t-saoghal, ana-miann na feòla, agus ana-miann nan sùil, agus uabhar na beatha, cha-n ann o'n Athair a tha iad, ach o'n t-saoghal.

17 Agus siubhlaidh an saoghal seachad, agus 'ana-miann: ach an ti a ni toil Dhé, mairidh e chaoidh.

18 A chlann bheag, is i an aimsir dheireannach a tha ann: agus mar a chuala sibh gu'n tig an t-ana-Crìosd, is ann mar sin a tha nis ionadach ana-Crìosd ann; o'm bheil siuu a' tuigsinn gur h-'in aimsir dheireannach a tha ann.

19 Chaidh iad a mach uainne, ach cha robh iad dhinn: oir nam bitheadh iad dhinn, gu deimhin dh'fhanadh iad maille ruinn: ach chaidh iad a mach, chum gun dean-tadh follaiseach iad, nach robh iad uile dhinn.

20 Ach tha agaibhse ungadh o'n ti naomh, agus is aithne dhuibh na h-uile nithean.

21 Cha do sgrìobh mi do 'ur n-ionnsuidh, do bhrìgh nach aithne dhuibh an fhìrinn; ach do bhrìgh gur aithne dhuibh i, agus nach 'eil breug air bith o'n fhìrinn.

22 Cò a tha 'n a bhreugaire, ach esan a dh'àicheadhas gur e Iosa an Crìosd? Is e so an t-ana-Crìosd, a tha 'g àicheadh an Athar agus a' Mhic.

23 Ge b'e neach a dh'àicheadhas am Mac, cha-n'eil an t-Athair aige: [ach an ti a dh'àidicheas am Mac, tha an t-Athair aige mar an ceudna.]

24 Uime sin fanadh an ni sin annaibhse a chuala sibh o thùs. Ma dh'fhanas an ni a chuala sibh o thùs annaibh, fanaidh sibhse mar an ceudna anns a' Mhac, agus anns an Athair.

25 Agus is e so an gealladh a gheall e dhuinn, eadhon a' bheatha mhaireannach.

26 Sgrìobh mi na nithean so do 'ur n-ionnsuidh, mu thimchioll na dream a tha 'g 'ur mealladh.

27 Ach tha an t-ungadh a fhuair sibh uaith-san, a' fantuinn annaibh: agus cha-n'eil feum agaibh gu'n teagaisgeadh aon neach sibh: Ach, mar a tha an t-ungadh so féin 'g 'ur teagasg mu thimchioll nan uile nithean, agus a tha e fìor, agus nach breug e, eadhon mar a theagaisg e sibh, fanaibh ann.



28 Agus a nis, a chlamh bheag, fanaibh ann-san: chum 'n uair a dh'fhoillsichear e, gu'm bi d'anachd againn, agus nach bi naire oirnn 'n a làthair aig a theachd.

29 Ma tha fhios agaibh gu bheil esan fireanta, tha fhios agaibh gu bheil gach neach a ni fireantachd, air a bhreith uaith-san.

### CAIB. III.

1 *Chuir an t-abstol 'an cèill gràdh iongantach Dhé dhuinne, le ar deanamh 'n ar cloinn dha féin: 3 is còir dhuinn uime sin 'aitheantan a choimhead le h-urram, 11 agus mar an ceudna gràdh bràthaireil a bhi againn d'a chéile.*

**F**EUCHAIBH, ciod a' ghnè ghràidh a thug an t-Athair dhuinne, gu'n goirteadh clann Dhé dhinn! uime sin cha-n aithne do'n t-saoghal sinn, do bhrìgh nach b'aithne dha esan.

2 A mhuinntir mo ghràidh, a nis is sinne mic Dhé; agus cha-n'eil e soilleir fathast ciod a bhitheas sinn: ach tha fhios againn, 'n uair a dh'fhoillsichear esan, gu'm bi sinn cosmhuil ris; oir chi sinn e mar a tha e.

3 Agus gach neach aig am bheil an dòchas so ann, glanaidh se e féin, mar a tha esan glan.

4 Ge b'e neach a ni peacadh, tha e mar an ceudna a' briseadh an lagha: oir is e am peacadh briseadh an lagha.

5 Agus tha fhios agaibh gu'n d'fhoillsich-eadh esan chum ar peacaidhean a thoirt air falbh; agus cha-n'eil peacadh sam bith ann-san.

6 Gach neach a dh'fhanas ann-san, cha dean e peacadh: ge b'e air bith a pheac-aicheas, cha-n fhac e esan, agus cha robh eòlas aige air.

7 A chlamh bheag, na mealladh neach air bith sibh: an ti a ni fireantachd is firean e, mar is firean esan:

8 An ti a ni peacadh, is ann o'n diabhul a tha e: oir tha an diabhul a' peacachadh o thùs. Is ann chum na crìche so a dh'fhoillsich-eadh Mac Dhé, gu'n sgriosadh e oibre an diabhail.

9 Ge b'e neach a ghineadh o Dhia, cha dean e peacadh: oir tha a shìol-san a' fantuinn ann: agus cha-n'eil e 'n comas da peacadh a dheanamh, do bhrìgh gu'n do ghineadh o Dhia e.

10 An so tha clann Dhé, agus clann an diabhail follaiseach: Ge b'e neach nach dean fireantachd, cha-n ann o Dhia a tha e, no an ti nach gràdhaich a bhràthair.

11 Oir is i so an teachdaireachd a chuala sibh o thùs, sinn a thoirt gràidh d'a chéile.

12 Cha-n ann mar Chàin, a bha o'n droch aon, agus a mharbh a bhràthair: Agus c'ar son a mharbh se e? A chionn gu'n robh 'oibre féin olc, agus oibre a bhràthar fireanta.

13 Na bitheadh iognadh oirbh, mo bhràithrean, ged dh'fhuathaicheas an saoghal sibh.

14 Tha fhios againn gu'n deachaidh sinn thairis o bhàs gu beatha, a chionn gu bheil gràdh againn do na bràithribh: an ti nach gràdhaich a bhràthair, fanaidh e ann am bàs.

15 Gach neach a dh'fhuathaicheas a bhràthair, is mort-fhear e; agus tha fhios agaibh nach 'eil aig mort-fhear sam bith a' bheatha mhaireannach a' fantuinn ann.

16 Le so is aithne dhuinn gràdh Dhé, do bhrìgh gu'n do leig esan a sìos 'anam féin air ar son-ne: agus is còir dhuinne ar n-ama féin a leigeil a sìos air son nam bràithrean.

17 Agus ge b'e neach aig am bheil maoin an t-saoghal so, agus a chi a bhràthair ann an uireasbhuidh, agus a dhruideas a chridhe 'n a aghaidh, cionnus a tha gràdh Dhé a' gabhail còmhnuidh ann-san?

18 Mo chlamh bheag, na gràdhaicheamaid ann am focal, no ann an teagaidh; ach ann an gnìomh agus ann am fìrinn.

19 Agus le so is aithne dhuinn gu bheil sinn de'n fhìrinn, agus bhèir sinn dearbh-bheachd do 'ur cridheachaibh 'n a làthair.

20 Oir ma dh'iteas ar cridhe sinn, is mò Dia na ar cridhe, agus is aithne dha na h-uile nithean.

21 A mhuinntir mo ghràidh, mur dìt ar cridhe sinn, tha d'anachd againn a thaobh Dhé.

22 Agus ge b'e ni a dh'iarras sinn, gheibh sinn uaith e, a chionn gu bheil sinn a' coimhead 'aitheantan, agus a' deanamh nan nith-ean a tha taitneach 'n a fhianuis-san.

23 Agus is i so 'aithne-san, gu'n creideamaid ann an ainm a Mhic Iosa Crìosd, agus gu'n gràdhaicheamaid a chéile, mar a thug esan aithne dhuinn.

24 Agus an ti a choimhideas 'aitheantan-san, tha e' gabhail còmhnuidh ann, agus esan ann-san: agus le so is aithne dhuinn gu bheil esan a' fuireach annainn, o'n Spiorad a thug e dhuinn.

### CAIB. IV.

1 *Thug an t-abstol rabhadh dhoibh gun iad a chreidsinn gach uile luchd-teagais a ni bàs as an Spiorad, ach an dearhadh le riaghailtibh a' chreidimh choitcheinn: 7 bhrosnuich e iad le h-ionaidh reuson gu gràdh bràthaireil.*

**A**MHUINNTIR ionmhuinn, na creidibh gach uile spiorad, ach dearbhaibh na spioradan, an ann o Dhia a tha iad: do bhrìgh gu bheil mòran fhàidhean bréige air dol a mach do'n t-saoghal.

2 Le so aithnichibh Spiorad Dhé: gach uile spiorad a dh'aicheadh gu'n d'fhàinig Iosa Crìosd 's an fheadail, is ann o Dhia a tha e.

3 Agus gach uile spiorad nach aidich gu bheil Iosa Crìosd air teachd 's an fheadail, cha-n ann o Dhia a tha e: agus is e so spiorad sin an ana-criosd, neach a chuala

sibh e 'bhi teachd, agus a nis tha e cheana anns an t-saoghal.

4 A chlamh bheag, tha sibhse o Dhia, agus thug sibh buaidh orra-san; do bhrìgh gur mò esan a tha annaibhse, na esan a tha anns an t-saoghal.

5 Tha iadsan o'n t-saoghal: uime sin tha iad a' labhairt mu'n t-saoghal, agus tha'n saoghal ag èisdeachd riu.

6 Tha sinne o Dhia: an ti aig am bheil eòlas air Dia, èisdidh e ruinne; an ti nach 'eil o Dhia, cha-n èisd e ruinn. O so aithnichidh sinn spiorad na firinn, agus spiorad an t-seacharain.

7 A mhuinntir ionmhuinn, gràdhacheamaid a chèile: oir is ann o Dhia 'tha'n gràdh; agus gach neach a ghràdhachas, ghineadh o Dhia e, agus is aithne dha Dia.

8 An ti nach gràdhach, cha-n aithne dha Dia; oir is gràdh Dia.

9 An so dh'fhoillsicheadh gràdh Dhé dhuinne, anns gu'n do chuir Dia aon-ghin Mhic do'n t-saoghal, chum gu'm bitheamaid beò trid-san.

10 An so tha gràdh, cha-n e gu'n do ghràdhach sinne Dia, ach gu'n do ghràdhach esan sinne, agus gu'n do chuir e a Mhac féin *gu bh'è* na òbairt-réitich air son ar peacaidhean.

11 A mhuinntir ionmhuinn, ma ghràdhach Dia sinne mar sin, tha e mar fhiaich-aibh oirne a chèile a ghràdhachadh mar an ceudna.

12 Cha-n fhaca neach air bith Dia riamh. Ma ghràdhachas sinn a chèile, tha Dia 'n a chòmhnuidh annainn, agus tha a ghràdh air a choimhlionadh annainn.

13 O so is aithne dhuinn gu bheil sinne 'n ar còmhnuidh ann-san, agus esan annainne, do bhrìgh gu'n d'thug e dhuinn d'a Spiorad.

14 Agus chunnaic sinn agus tha sinn a' deanamh fianuis, gu'n do chuir an t-Athair am Mac uath mar Shlànuidhear an domhain.

15 Ge b'è neach a dh'aidicheas gur e Iosa Mac Dhé, tha Dia 'n a chòmhnuidh annsan, agus esan ann an Dia.

16 Agus fhuair sinn aithne air agus chreid sinn an gràdh a tha aig Dia dhuinn. Is gràdh Dia; agus an ti a tha 'fantuinn ann an gràdh, tha e 'n a chòmhnuidh ann an Dia, agus Dia ann-san.

17 An so tha ar gràdh-ne air a dheanamh coimhlionta, chum gu'm bi againn dànachd ann an là a' bhreitheanais: a chionn mar a tha esan, gur amhuil sin a tha sinne anns an t-saoghal so.

18 Cha-n'eil cagal ann an gràdh; ach tilgidh gràdh dìongmhailta an t-eagal a mach; do bhrìgh gu bheil pian 's an cagal: an ti a tha eagalach, cha d'rinneadh coimhlionta ann an gràdh e.

19 Tha gràdh againne dhàsan, do bhrìgh gu'n do ghràdhach esan sinne an toiscach.

20 Ma their neach, Tha gràdh agam do Dhia, agus fuath aige d'a bhràthair, is breugaire e: oir an ti nach gràdhach a bhràthair a chunnaic e, cionnus a dh'fheudas e Dia nach fac e a ghràdhachadh?

21 Agus an aithne so tha againn uaithsan, An ti a ghràdhachas Dia, gu'n gràdhach e a bhràthair mar an ceudna.

## CAIB. V.

1 *An ti leis an ionmhuinn Dia, is ionmhuinn leis a chlamh, agus coimhididh e 'aithcantan, a tha eutrom, so-choimhead do na creidmhuich.*  
9 'S e Iosa Mac Dhé; agus tha e comasach air sinne a thearradh, 14 agus air ar n-urnuighean, a nì sinn air ar son féin, agus air son muinntir eile, a fhereagairt.

CIA b'è neach a chreideas gur e Iosa an Crìosd, ghineadh o Dhia e; agus cia b'è ghràdhachas an ti a ghin, gràdhachaidh e mar an ceudna an ti a ghineadh leis.

2 O so is aithne dhuinn gu bheil gràdh againn do chloinn Dhé, 'n uair a ghràdhachas sinn Dia, agus a choimhideas sinn 'aithcantan.

3 Oir is e so gràdh Dhé, sinn a choimhead 'aithcantan: agus cha-n'eil 'aithcantan-san trom.

4 Oir gach nìle nì a ghinear o Dhia, bheir e buaidh air an t-saoghal: agus is i so a' bhuaidh a bhuaidhaicheas air an t-saoghal, eadhon ar creidimh-ne.

5 Cò an ti a bhuaidhaicheas air an t-saoghal, ach esan a tha 'creidsinn gur e Iosa Mac Dhé.

6 Is e so esan a thàinig tre uisge agus tre fhuil, Iosa Crìosd; cha-n e tre uisge a mhàin, ach tre uisge agus fuil: agus is e an Spiorad a nì fiannis, do bhrìgh gur firinn an Spiorad.

7 Oir tha triuir a tha 'deanamh fianuis air nèamh, an t-Athair, am Focal, agus an Spiorad naomh: agus an triuir sin is aon iad.

8 Agus tha triuir a tha 'deanamh fiannis air an talamh, an Spiorad, agus an t-uisge, agus an fhuil: agus thig an triuir sin r'a chèile ann an aon.

9 Ma ghabhas sinn ri fianuis dhaoine, 's i fianuis Dhé a's mò: oir is i so fianuis Dhé, a thug e mu thimchioll a Mhìe.

10 An ti a chreideas ann am Mac Dhé, tha'n fhianuis aige ann féin: an ti nach creid Dia, rinn e breugaire d'eth, do bhrìgh nach do chreid e an fhianuis a rinn Dia mu thimchioll a Mhìe.

11 Agus is i so an fhianuis, gu'n d'thug Dia dhuinn beatha mhaireannach: agus tha a' bhacath so 'n a Mhac.

12 An ti aig am bheil am Mac, tha beatha aige: an ti aig nach 'eil Mac Dhé, cha-n'eil beatha aige.

13 Na nithean so sgrìobh mi do 'ur n-ionmhuinn, a tha 'creidsinn ann an ainm Mhìe Dhé; chum gu'm bi fios agaibh gu bheil a'



bheatha mhaireannach agaibh, agus chum gu'n creid sibh ann an ainm Mhic Dhé.

14 Agus is e so an dòchas a tha againn ann-san, ma dh'iarras sinn ni sam bith a réir a thoile, gu'n éisd e ruinn.

15 Agus ma tha fhios againn gu'n éisd e ruinn, ciab'e ni a dh'iarras sinn, tha fhios againn gu bheil ar n-iarrtuis a dh'iarr sinn air againn.

16 Ma chi neach sam bith a bhràthair a' peacachadh peacaidh nach 'eil a chum bàis, iarraidh e, agus bheir e beatha dha, dhoibh-san nach 'eil a' peacachadh chum bàis. Tha peacadh chum bàis ann : a thaobh sin, cha-n'eil mi ag ràdh gur còir dha guidhe.

17 Is peacadh gach uile eucoir : agus

tha peacadh ann nach 'eil a chum bàis.

18 Tha fhios againn ciab'e neach a ghineadh le Dia, nach peacaich e ; ach an ti a ghineadh o Dhia, coimhididh se e féir, agus cha bhean an droch aon ris.

19 Tha fhios againn gur ann o Dhia a tha sinne, agus tha'n saoghal uile 'n a luidhe 's an olc.

20 Agus tha fhios againn gu'n d'fhàinig Mac Dhé, agus gu'n d'thug e tuisge dhuinn, chum gu'm bitheadh aithne againn air-san a tha fìor : agus tha sinne ann-san a tha fìor, ann a Mhac Iosa Criosd. Is e so an Dia fìor, agus a' bheatha mhaireannach.

21 A chlann bheag, coimhidibh sibh féin o iodholaibh. Amen.

## DARA LITIR AN ABSTOIL

# E O I N.

1 *Chomhairlich Eoin do mhnaoi òirdheirc òraidh agus d'a cloinn buanachadh anns a' chreidimh agus ann an gràdh Criosdaidh, 8 air cagal gu'n cailleadh iad duais na h-aid-mheil a rinn iad roimh ; 10 agus gun ghnòtluch a bhi aca ris na mealltairibh sin nach toir fìor-theagasg Iosa Criosd leo d'an ionnsuidh.*

**A**N seanair chum na ban-tighearna taghta, agus chum a cloinne, a's ion-mhuinn leam-sa anns an fhìrinn ; agus cha-n ann leam-sa mhàin, ach leo-san uile mar an ceudna a ghabh eòlas air an fhìrinn ;

2 Air son na fìrinn a tha 'n a còmhnuidh annainne, agus a bhitheas maille ruinn gu bràth :

3 Gràs, tròcair, agus sìth gu robh maille ribh o Dhia an t-Athair, agus o'n Tighearn Iosa Criosd Mac an Athar, ann am fìrinn agus ann an gràdh.

4 Bha gairdeachas mòr orm, a chionn gu'n d'fhuair mi de d' chloinn-sa ag imeachd anns an fhìrinn, a réir mar a fhuair sinne àithne o'n Athair.

5 Agus a nis guidheam ort, a bhan-tighearna, cha-n e mar gu'n sgrìobhainn àithne nuadh a d'ionnsuidh, ach *an àithne* a bha againn o thùs, gu'n gràdhaicheamaid a chèile.

6 Agus is e so an gràdh, gu'n imicheamaid

a réir 'àitheanta-san. 'S i so an àithne, mar a chuala sibh o thùs, gu'n imicheadh sibh innte.

7 Oir tha mòran mhealltairean air teachd a steach do'n t-saoghal, nach 'eil ag aid-eachadh gu bheil Criosd air teachd 's an fheadil. Is mealltair so agus ana-criosd.

8 Thugaibh aire dhuibh féin, nach caill sinn na nithean sin a shaothraich sinn, ach gu faigh sinn làn-duais.

9 Ge b'e neach a bhriseas *an lagh*, agus nach fan ann an teagasg Chriosd, cha-n'eil Dia aige : an ti a dh'fhanas ann an teagasg Chriosd, tha araon an t-Athair agus am Mac aige.

10 Ma thig neach air bith do 'ur n-ionnsuidh, agus nach toir e an teagasg so leis, na gabhaibh e steach do 'ur tigh, agus na h-abraibh ris, Gu'n soirbhich leat.

11 Oir ge b'e neach a their ris, Gu'n soirbhich leat, tha comhairt aige d'a dhroch oibribh.

12 Air dhomh mòran a bhi agam r'a sgrìobhadh do 'ur n-ionnsuidh, cha b'àill leam *sgrìobhadh* le paiper agus dubh ; ach tha dòchas agam teachd do 'ur n-ionnsuidh, agus labhairt beul ri beul, chum gu'm bi ar gairdeachas coimhlionta.

13 Tha clann do pheathar taghta a' cur faillte ort. Amen.

## E O I N.

1 *Mhol an t-abstol Gaius air son a dhiadhachd, 5 agus 'aoidheachd do'n fhlòir luchd-teagaisg; 9 agus air an làimh eile rinn e gecran air gnàthachadh mì-chàirdheil Dhiotrephes uaibhreach; 11 dh'innis e nach còir 'eiseimpleir-san a leanuinn; 12 agus thug e teistean sonraichte do'n deadh iomradh a bha aig Demetrius.*

A N seanair chum Ghaiuis ghràdhach, a's ionnmhuinn leam 's an fhìrinn.

2 A *bhràthair* ghràdhach, 's e mo ghuidhe thaobh gach uile ni gu'n soirbhicheadh leat agus gu'm bitheadh tu slàù, mar tha soirbheachadh le d' anam.

3 Oir rinn mi gairdeachas gu mòr 'n uair a thàinig na bràithrean, agus a rinn iad fianuis do'n fhìrinn a tha annad-sa, mar a tha thusa ag imeachd 's au fhìrinn.

4 Cha-n'eil gairdeachas agam a's mò na 'bhi' cluinntinn gu bheil mo chlanu ag imeachd 's an fhìrinn.

5 A *bhràthair* ghràdhach, is dìleas a ni thu gach ni a tha thu 'deanamh do na bràithribh, agus do choigrich;

6 Muinntir a rinn fianuis air do ghràdh an lathair na h-eaglais: ma bheir thu air an aghaidh iad 'n an slighe mar is cubhaidh do Dhia, is maith a ni thu:

7 Oir chaidh iad a mach air sgàth 'ainne-san, gun ni air bith a ghabhail o na Cinnich.

8 Uime sin tha e mar fhiachaibh oirne

gabhail r'an leithidibh sin, chum gu'm bith-cheamaid 'n ar comh-shaothraichibh do'u fhìrinn.

9 Sgrìobh mi chum na h-eaglais: ach cha ghabh Diotrephes, leis am miann àrd-cheannas a bhi aige 'n am measg, ruinne.

10 Uime sin ma thig ui, cuiridh mi 'an cuimhne 'oibre a tha e 'deanamh, a' bith-labhairt 'n ar n-aghaidh le briathraibh aingidh: agus cha leoir leis sin, ach ni mò a tha e féin a' gabhail ris na bràithribh, agus tha e a' bacadh na dream leis am b'ail, agus 'g an tilgeadh mach as an eaglais.

11 A *bhràthair* ghràdhach, na lean an ni a tha ole, ach an ni a tha maith. An ti a ni maith, is anu o Dhia a tha e; ach an ti a ni ole, cha-n fhac e Dia.

12 Tha deadh theistean air Demetrius o na h-uile, agus o'n fhìrinn féin: agus tha sinne *mar an ceudna* a' deanamh fianuis; agus tha fios agaibh gu bheil ar fianuis-ne fìor.

13 Bha mòran agam r'a sgrìobhadh, ach cha-u àill leam sgrìobhadh le dubh agus peann a d'ionnsuidh:

14 Ach tha dòchas agam d'fhacinn gun dàil, agus labhraidh sinn beul ri beul. Sith maille riut. Tha na càirdean a' cur fàilte ort. Cuir fàilte air na càirdibh air an ainm.

## LITIR CHOITCHIONN AN ABSTOIL

## I U D A I S.

1 *Bhrosnuich an t-abstol luchd-aidmheil a' chreidimh gu 'bhi bumaiteach; 4 Tha luchd-teagaisg brèige air teachd a steach 'n am measg chum am mealladh; agus tha peanas ro eagalach air ullachadh fa chomhair na muinntir sin, air son an droch theagaisg agus an càithe-beatha mhì-naomha, &c.*

IUDAS seirbhiseach Iosa Crìosd, agus a bhràthair Sheumais, chum na dream a tha air an naomhachadh le Dia an t-Athair, agus air an coimhead le Iosa Crìosd, air an gairm:

2 Gu robh tròcair, agus sìth, agus gràdh air am meudachadh dhuibhse.

3 A mhuinntir ionmhuinn, air dhomh an uile dhìchioll a dheanamh chum sgrìobhadh do 'ur n-ionnsuidh mu thimchioll na slàinte enortchionn, b'fheumail domh sgrìobhadh

do bhuir n-ionnsuidh, 'g 'ur n-eagalachadh sibh a chathachadh gu dìchiollach air son a' chreidimh a thugadh aon uair do na naoinn.

4 Oir ghoid daoine àraidh a steach, a dh'orduicheadh roimh o shean chum an dèidh so, *daoine* mì-dhiadhaidh, a' tionndadh gràis ar Dé-ne gu macnus, agus ag àicheadh Dhé, a's aon Uachdaran ann, agus ar Tighearn Iosa Crìosd.

5 Uime sin is àill leam bhuir cur 'an cuimhne, ged bha fhios agaibh aon uair air so, cionnus an déigh do'n Tighearn am pobull a shaoradh á tìr na h-Eiphit, a sgrios e an déigh sin an dream nach do chreid.

6 Agus na h-aingean nach do ghléidh an ceud inbhe, ach a dh'fhàg an àite-còmhnuidh féin, choimhid e ann an geimhlibh sìorruidh



fo dhorchadas, fa chomhair breitheanais an là mhòir.

7 Ambuil a tha Sodom agus Gomorrah, agus na bailtean mu'n cuairt orra, a thug iad féin thairis do striopachas air a' mhodh eheudna, agus a bha leantuinne feòla coimhich, air an cur suas 'n am ball-sampuill, a' fulang dìoghaltais teine shiorruidh.

8 Mar an ceudna fòs tha an luchd-bruadair sin a' salachadh na feòla, a' deanamh tàir air uachdaranachd, agus a' labhairt gu toibheumach air àrd-inbhibh.

9 Gidheadh cha do ghabh Michael an t-àrd-aingeal, 'n uair a chathaich e an aghaidh an diabhail, agus a rinn e deasboir-eachd mu chorp Mhaois, dānadas air casaid toibheumach a thoirt 'n a aghaidh, ach thubhairt e, Gu'n cronuicheadh an Tighearn thu.

10 Ach tha'n dream sin a' labhairt gu toibheumach air na nithibh nach aithne dhoibh: ach na nithen sin a's aithne dhoibh air mhodh nàdurra, mar ainmhidh-bh gun reuson, tha iad 'g an truailleadh féin anna.

11 Is an-aobhin doibh! oir dh'imich iad ann an slighe Chàin, agus ruith iad gu togarrach ann an seacharan Bhalaaim air ghaol tuarasdail, agus sgriosadh iad ann an anacaint cheannairich Chore.

12 Is smal iad sin ann bhur cuirmibh gràidh, 'n uair a tha iad air cuirmibh maille ribh, 'g am beathachadh féin gun eagal: *'s* neòil iad gun uisge, air an giùlan mu'n cuairt le gaiothaibh; craobhan searg-mheasach, gun toradh; dà uair marbh, air an spionadh as am freunhan;

13 Garbh thonn an fàirge, a sgeitheas an nàire féin mar chobhar; reultan seachranach, d'am bheil duibhe an dorchadais gu siorruidh air a thasgadh.

14 Agus rinn Enoch mar an ceudna, an seachdamh *pearsa* o Adhamh, fàidheadair-eachd umpa sin, ag ràdh, Feuch, tha'n

Tighearn a' teachd le deich mìle d'a naoimh,

15 A dheanamh breitheanais air na h-uile, agus chum iadsan uile a tha mi-dhiadhaidh 'n am measg fhàgail ris, a thaobh an uile ghnìomharan mi-dhiadhaidh a rinn iad gu mi-dhiadhaidh, agus a thaobh an uile *bhriathar* cruaidhe, a labhair peacaich mi-dhiadhaidh 'n a aghaidh.

16 Is luchd càrain agus gearain an dream so, a tha 'g imeachd a réir an ana-miann féin; agus tha'm beul a' labhairt *bhriathar* atmhor, agus iad a' toirt mcas do phearsaibh dhaoine air sgàth buannachd.

17 Ach cuimhnichibh-se, a mhuinntir mo ghràidh, na focail a labhradh roimh le abstolaibh ar Tighearn Iosa Crìosd;

18 Mar a thubhairt iad ribh, gu'm bith-eachd anns an aimsir dheireannaich luchd-fanoid, a ghluaisleadh a réir an ana-miannan mi-dhiadhaidh féin.

19 'S iad sin an dream a sgaras iad féin o *chàch*, collaidh, gun an Spiorad aca.

20 Ach air bhi dhuibhse, a mhuinntir ionmhuinn, 'g 'ur togail féin suas ann bhur creidimh ro naomh, a' deanamh urnuigh 's an Spiorad naomh,

21 Coimhidibh sibh féin ann an gràdh Dhé, le sùil ri tròcair ar Tighearna Iosa Crìosd chum na beatha maireannaich.

22 Agus gabhaibh truas do dhream àraidh, a' deanamh eadar-dhealachaidh:

23 Agus tearnaibh dream eile le h-eagal, 'g an spionadh as an teine; a' fuathachadh eadhon an eudaich air am bheil smal na feòla.

24 A nis dhàsan a tha comasach air bhur gleidheadh o thuisleadh, agus *bhur* cur gu neo-lochdach an làthair a ghloire le h-aobhicheas ro mhòr,

25 Do'n Dia a tha mhàin glic, ar Slànuidhear, *gu robh* glòir agus mòralachd, neart agus cumhachd, a nis agus air feadh nan uile linn. Amen.

# TAISBEANADH EOIN

## AN DIADHAIR.

### CAIB. I.

1 *Sgrìobh Eoin a thaisbeanadh chum seachd eaglaisean na h-Asia, a tha air an ciallachadh leis na seachd coinnleiribh òir. 7 Teachd Chrìosd: 14 A chumhachd glòrmhor, agus a mhòralachd.*

**TAISBEANADH** Iosa Crìosd, a thug Dia dha, a dh'fhoillseachadh d'a sheirbhiseich nithen a's éigin teachd gu crìch ann an ùine ghearr; agus chuir e

teachdaireachd uath, agus le 'aingal féin dh'fhoillsich e *iad* d'a sheirbhiseach Eoin:

2 A rinn fianuis air focal Dhé, agus air teistean Iosa Crìosd, agus air gach ni a chumnaic e.

3 Is beannaichte an ti a leughas, agus iadsan a dh'éisdeas ri briathraill h na fàidheadaireachd so, agus a choi ahideas na nithen a tha sgrìobta innte: oir tha'n t-àm am fagus.

4 **E** OIN chum nan seachd eaglaisean a tha 's an Asia: Gràs dhnibh, agus sìth o'n Tì a tha, agus a bha, agus a tha ri teachd; agus o na seachd spioradaibh a tha 'm fianuis a rìgh-chaitheach-san;

5 Agus o Iosa Crìosd, an fhianuis fhìor, an cend-ghin o na mairbh, agus uachdaran rìghrean na talmhainn: Dhàsan a ghràdh-aich sinn, agus a dh'ionnlaid sinn o ar peacaidhibh 'n a fhàil fèin,

6 Agus a rinn rìghrean dhìnn agus sagartan do Dhia agus d'a Athair-san; dhàsan gu robh glòir agus cumhachd gu saoghal nan saoghal. Amen.

7 Fench, tha e 'teachd le nenlaibh; agus chì gach sùil e, agus iadsan mar an ceudna a l'ot e; agus nì uile threnbhan na talmhainn caoidh air a shon-san: gu ma h-amhluidh a bhithas. Amen.

8 Is mise Alpha agus Omega, an toiseach agus a' chrìoch, tha an Tighearn ag ràdh, a tha, agus a bha, agus a tha ri teachd, an t-Uile-chumhachdach.

9 Bha mise Eoin, bhnr dearbh-bhràthair, agus bhnr companach ann an àmhghar, agus ann an rìoghachd agus 'am foighidinn Iosa Crìosd, anns an eilean ris an abrar Patmos, air son focail Dhé, agus air son fianuis Iosa Crìosd.

10 Bha mi 's an Spìrad air là an Tighearna, agus chuala mi air mo chùlaobh guth mòr, mar *ghuth* trompaid,

11 Ag ràdh, Is mise Alpha agus Omega, an ceud neach agus an neach deireannach: agus Sgrìobh-sa ann an leabhar an nì a chì thu, agus cuir e chum nan seachd eaglaisean a tha 's an Asia: chnm Ephesnis, agus chnm Smirna, agus chnm Phergamois, agus chnm Thiatira, agus chnm Shardis, agus chnm Philadelphia, agus chum Laodicea.

12 Agus thionndaidh mi a dh'fhaicinn a ghntha a labhair rium. Agus air tionndadh dhomh, chunnaic mi seachd coinnleirean òir;

13 Agus ann am meadhon nan seachd coinnleirean, *neach* cosmhuil ri Mac an duine, air an robh eudach a ràinig sìos gu 'shàiltibh, agus crìoslaichte le crìos òir ann 'chìochaibh.

14 Bha a cheann agus 'fholt geal mar oluinn ghil, mar shneachda; agus a shùilean mar lasair theine;

15 Agus a chosan cosmhuil ri umha fìorghlan, mar gu'n bitheadh iad a' dearg-losgadh ann an àmhuinn; agus a ghnth mar thoirm mhòran uisgeachan.

16 Agus bha aige 'n a làimh dheis seachd reultan: agus claidheamh geur dà-fhaobh-air a' teachd a mach as a bheul: agus bha a ghnais mar a' ghrian a' dealrachadh 'n a làn neart.

17 Agus an nair a chunnaic mi e, thuit mi sìos aig a chosaibh 'an riochd mairbh: agus chuir e a làmh dheas orm, ag ràdh rium,

Na bitheadh eagal ort: is mise an ceud neach agus an neach deireannach.

18 Is mise an tì a tha beò, agus a bha marbh; agus, feuch, tha mi beò gu saoghal nan saoghal, Amen; agus tha inchràichean ifrinn agus a' bhàis agam.

19 Sgrìobh na nithean a chunnaic thu, agus na nithean a tha ann, agus na nithean a bhithas an dèigh so:

20 Rùn-diomhair nan seachd reultan a chunnaic thu ann am làimh dheis, agus nan seachd coinnleirean òir. Is iad na seachd reultan, ainglean nan seachd eaglaisean: agus is iad na seachd coinnleirean a chunnaic thu, na seachd eaglaisean.

## CAIB. II.

1 *Cìod a dh'athleadh do Eoin a sgrìobhadh chum ainglean, (is iad sin, ministearan,) nan eaglaisean, 1 Ephesus, 8 Smirna, 12 Phergamois, 13 Thiatira: agus cìod a tha air a mholadh, no a fhuaradh uireasbhuidheach anna-san.*

**C**HUM aingil eaglais Ephesnis, Sgrìobh; Is iad so na nithean a tha an tì a tha 'cnmail nan seachd reultan 'n a làimh dheis, a tha 'g imeachd ann am meadhon nan seachd coinnleirean òir, ag ràdh;

2 Is aithne dhomh d'òibre, agus do shaothair, agus d'fhoighidinn, agus nach urrainn thu giùlan leo-san a tha olc; agus gu'n do dh'earbh thu iadsan a their gur abstoil iad fèin, agus nach eadh, agus gu'n d'fhair thu iad brengach;

3 Agus gu'n do ghiùlain thu, agus gu bheil foighidinn agad, agus air sgàth m'ainme-sa gu'n d'rinn thu saothair, agus nach d'fhing thu thairis.

4 Gidheadh, tha *nì-éigin* agam a d' aghaidh, do bhrìgh gu'n do thréig thu do cheud ghràdh.

5 Cuimhnich uime sin cia uaith a thuit thu, agus gabh aithreachas, agus dean na cend oibre; no thig mi ort gu grad, agus atharrachidh mi do choinnleir as 'àite, mair gabh thu aithreachas.

6 Ach tha so agad, gur fnathach leat oibre nan Nicolaiteach, nithean mar an ceudna a's fuathach leam-sa.

7 An tì aig am bheil cluas, éisdeadh e cìod a tha an Spìrad ag ràdh ris na h-eaglaisibh; Do'n tì a bhuaidhaichas bheir mise r'a itheadh de chraoibh na beatha, a tha ann am meadhon phàrrais Dhé.

8 Agus chnm aingil eaglais Smirna, sgrìobh, Na nithean so tha esan ag ràdh, an tì a's e'n cend neach agus an neach deireannach, a bha marbh, agus a tha beò;

9 Is aithne dhomh d'òibre, agus d'àmghar, agus do bhochdainn, (gidheadh tha thu beartach,) agus is aithne dhomh toibhenn na muinntir a their gur Iudhaich iad fèin, agus nach eadh, ach sionagag Shàtain.

10 Na bitheadh eagal ort roimh aon de na nithibh sin a dh'fhuilingeas tn: feuch, tilg-



idh an diabhul cuid dhìbh ann am prìosan, chum gu'n dearbhar sibh; agus bithidh àmhghar agaibh ré dheich làithean: bi-sa firinneach gu bàs, agus bheir mise dhuit crùn na beatha.

11 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh: An ti a bheir buaidh, cha chiùrrar leis an dara bàs e.

12 Agus chum aingil na h-eaglais a tha ann am Pergamos, sgrìobh; Na nithean so tha esan, aig am bheil an claidheamh geur dà-fhaobhair, ag ràdh:

13 Is aithne dhomh d'oibre, agus c'àit am bheil thu a'd chòmhnuidh, *eadhon* far am bheil cathair Shàtain: agus tha thu a' cumail m'ainme-sa gu daingean, agus cha d'àich-eadh thu mo chreidimh, eadhon anns na làithibh sin anns an robh Antipas 'n a fhianuis fhìrinneach dhomh, a mharbhadh 'n 'ur measg, far am bheil Sàtan 'n a chòmhnuidh.

14 Gidheadh, tha beagan agam a' d' aghaidh, do bhrìgh gu bheil agad an sin an dream a tha 'cumail teagasg Bhalaaim, a theagasg do Bhalac ceap-tuislidh a chur roimh chloinn Israeil, chum nithean a dh'ìobradh do ìodholaibh itheadh, agus striopachas a dheanamh.

15 Is amhuil sin tha agad mar an ceudna an dream a tha 'cumail teagasg nan Nicolaitheach, ni a's fuathach leam-sa.

16 Dean aithreachas, no thig mi a d'ionn-suidh gu grad, agus cogaidh mi 'n an aghaidh le claidheamh mo bheòil.

17 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh: Do'n ti a bhuadhaicheas bheir mi r'a itheadh de'n mhiana fholuichte, agus bheir mi dha clach gheal, agus air a' chloich ainm nuadh sgrìobhta, nach aithne do neach air bith, ach do'n ti a gheibh i.

18 Agus chum aingil na h-eaglais a tha ann an Tiatura, sgrìobh; Na nithean so tha Mac Dhé, aig am bheil a shùilean mar lasair theine, agus a chosan mar umha fìor-ghlan, ag ràdh;

19 Is aithne dhomh d'oibre, agus do ghràdh, agus do sheirbhis, agus do chreidimh, agus d'fhoighidh, agus d'oibre deireannach; gu bheil iad nìs mò na do cheud oibre.

20 Gidheadh, tha agam beagan de nithibh a' d' aghaidh, gu bheil thu a' fulang do'n mhnaoi sin Isebel, a tha 'g ràdh gur ban-fhàidh i féin, mo shìrbbhisich a theagasg agus a mhealladh chum striopachas a dheanamh, agus nithean a dh'ìobradh do ìodholaibh itheadh.

21 Agus thug mi dhi ùine gu aithreachas a ghabhail d'a striopachas; agus cha do ghabh i aithreachas.

22 Feuch, tilgidh mi i ann an leabaidh, agus iadsan a tha 'deanamh adhaltrannais ri the ann an àmhghar mòr, mur gabh iad aithreachas d'an gnìomharaibh.

23 Agus marbhaidh mi a clann leis a' bhàs; agus bithidh fhios aig na h-eaglaisibh uile gur mise an ti sin a sgrùdas na h-àirnean agus na cridheachan: agus bheir mi do gach aon agaibh-se a réir bhuir n-oibre.

24 Ach ribhse tha mi ag ràdh, agus ris a' chuid eile ann an Tiatura, Mheud aig nach 'eil an teagasg so, agus do nach b'aithne doimhneachdan Shàtain, mar a their iad, cha chuir mi uallach eile oirbh;

25 Ach cumaidh gu daingean an ni a tha agaibh, gus an tig mi.

26 Agus an ti a bhuadhaicheas, agus a ghleidheas m'oibre gus a' chrìoch, dhàsan bheir mi cumhachd os ceann nan Cinn-each.

27 (Agus riaghlaidh e iad le slait iarunn: mar shoithichibh creadha brisear 'n am bloighdibh iad :) amhuil a fhuair mise o m' Athair.

28 Agus bheir mi dha reult na maidne.

29 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

### CAIB. III.

1 *Tha aingeal eaglais Shardis air a chronachadh, 3 air earlachadh gu h-aithreachas, agus air a bhagairt mur dean e aithreachas. 8 Tha aingeal eaglais Philadelphia air a mholadh air son a dhìchill agus 'fhoighidh. 15 Tha aingeal eaglais Laodicea air a chronachadh a chionn nach robh e fuar no teth. 20 Tha Crìosd 'n a sheasamh aig an doras, agus 'g a bhuailadh.*

**A**GUS chum aingil na h-eaglais a tha ann an Sardis, sgrìobh; Na nithean so tha an ti aig am bheil seachd spioradan Dhé, agus na seachd reultan, ag ràdh; Is aithne dhomh d'oibre, gu bheil ainm agad, gu bheil thu beò, gidheadh tha thu marbh.

2 Bi faireil, agus neartaich na nithean a tha làthair, agus a tha ullamh gu bàsachadh: oir cha d'fhuair mi d'oibre coimhionta 'am fianuis Dhé.

3 Cuimhnich uime sin cionnus a fhuair agus a chuala tu, agus gléidh, agus gabh aithreachas. Uime sin mur dean thu faire, thig mi ort mar ghaduiche, agus cha bhi fios agad ciod i an uair anns an tig mi ort.

4 Tha beagan ainmean agad eadhon ann an Sardis, nach do shalaich an eudach; agus imichidh iad maille rium-sa aum an *culaidhibh* geala: oir is airidh iad.

5 An ti a bheir buaidh, sgeadaichear e ann an eudach geal; agus cha dubh mi mach 'ainm á leabhar na beatha, ach aidichidh mi 'ainm-san 'am fianuis m' Athar, agus 'am fianuis 'aingle-san.

6 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

7 Agus chum aingil na h-eaglais ann am Philadelphia, sgrìobh; Na nithean so tha an ti naomh ag ràdh, an ti fìor, an ti aig am bheil iuchair Dhaibhidh, an ti a dh'fhosgla, agus

agus cha dùin neach air bith; agus a dhùineas, agus cha-u fhosgail neach air bith:

8 Is aithne dhomh d'òibre: feuch, chuir mi dorus fosgailte romhad, agus cha-n urrainn neach air bith a dhùnadh: oir tha neart beag agad, agus ghléidh thu m'fhocal, agus cha d'aicheadh thu m'ainm.

9 Feuch, bheir mise orra-san de shionagog Shàtain, (a tha 'g ràdh gur h-Iudhaich iad fèin, agus nach eadh, ach a tha 'deanamh bréige), feuch, bheir mise orra gu'n tig iad agus gu'n dean iad aoradh aig do chosaibh, agus gu'm bi fios aca gu'n do ghràdhaich mise thu.

10 A chionn gu'n do ghléidh thu focal u'fhoighidin-sa, gleidhidh mise thusa mar an ceudna o uair a' bhuaireadh, a thig air an t-saoghal uile, a dhearbhadh na muinntir sin a tha 'n an còmhuidh air an talamh.

11 Feuch, tha mi a' teachd gu grad; dean greim daingean air na bheil agad, chum nach glac neach air bith do chrùn.

12 An ti a bheir buaidh, ni mi e'n a phost ann an teampull mo Dhé, agus cha téid e ni's mò a mach as: agus sgrìobhaidh mi ainm mo Dhé air, agus ainm caithreach mo Dhé, *a's i* Ierusalem nuadh, a thig a nuas o nèamh o m' Dhia: agus *sgrìobhaidh* mi m'ainm nuadh féu air.

13 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

14 Agus chum aingil na h-eaglais ann an Laodicea, sgrìobh; Na uithen sa a tha an Amen, an fhianuis dhileas agus fhìrinneach, toiseach cruthachaidh Dhé, ag ràdh;

15 Is aithne dhomh d'òibre, nach 'eil thu aon chuid fuar no teth: b'fhearr leam gu'm bitheadh tu fuar no teth.

16 Uime sin do bhrìgh gu bheil thu meagh-blàth, agus nach 'eil thu aon chuid fuar no teth, sgeithidh mi thu mach as mo bheil.

17 Do bhrìgh gu bheil thu ag ràdh, Tha mi beartach, agus air fas ann an saoihbreas, agus gun fheum agam air ni sam bith; agus gun fhios agad gu bheil thu dòruinneach, agus truagh, agus bochd, agus dall, agus lomnochd:

18 Comhairlicheam dhuit òr a cheannach uamsa, air a dhearbhadh 's an teine, chum gu'm bi thu saoihbhir; agus eudach geal, chum gu'n còmhdaichear thu, agus nach bi nàire do lomnochduidh follaiseach; agus ung do shùilean le sàbh-shùl, chum gur léir dhuit.

19 Mheud agus is ionmhuinn leam, tha mi a' cronachadh agus a' smachdachadh; uime sin bitheadh agad-sa teas-ghràdh, agus dean aithreachas.

20 Feuch, tha mi a'm' sheasamh aig an dorus, agus a' bualadh: ma dh'éisdeas neach sam bith ri m' ghuth, agus gu'm fosgail e'n dorus, thig mi a steach d'a ionnsuidh, agus

gabhadh mi mo shuipair maille ris, agus esan maille rium-sa.

21 Dò'n ti a bhuadhaicheas bheir mi comas suidhe maille rium-sa air mo rìgh-chaithir, amhuil fòs a bhuadhaich mise, agus a shuidh mi maille ri m' Athair air a rìgh-chaithir-san.

22 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

#### CAIB. IV.

1 *Chunnaic Eoin rìgh-chaithir Dhé ann an fàitheanas. 4 Na ceithir seanairean fichead. 6 Na ceithir beò-chreutairean làn de shùilibh air am beulaobh agus air an cùlaobh. 10 Thig na seanairean sìos an crùnnean, agus rinn iad aoradh do'n ti a bha 'n a shuidhe air an rìgh-chaithir.*

**A**N déigh so dh'amhaire mi, agus, feuch, *bha* an dorus fosgailte air nèamh; agus *bha* an ceud ghuth a chuala mi, mar *fhuaime* trompaid a' labhairt rium, ag ràdh, Thig a nìos an so, agus nochdaidh mise dhuit nìthean a's éigin tachairt an déigh so.

2 Agus air ball bha mi 's an Spiorad: agus, feuch, *bha* rìgh-chaithir air a suidheachadh air nèamh, agus *bha* neach 'n a shuidhe air an rìgh-chaithir.

3 Agus *bha* an ti a shuidh, ri amharc air, cosmhuil ri cloich Iasper, agus Shardis: agus *bha* bogha-frois timchioll na rìgh-chaithreach mu'n cuairt, cosmhuil, r'a fhaicinn, ri Emerald.

4 Agus timchioll na rìgh-chaithreach mu'n cuairt *bha* ceithir chaithrichean fichead; agus air na caithrichibh chunnaic mi ceithir seanairean fichead 'n an suidhe, air an sgeadachadh ann an eulaidhibh geala; agus *bha* aca air an cinn crùn òir.

5 Agus chaidh a mach as an rìgh-chaithir dealanaich, agus tairneanaich, agus guthan: agus *bha* seachd lochran theine a' dearg-lasadh 'am fianuis na rìgh-chaithreach, a's iad seachd spioradan Dhé.

6 Agus roimh an rìgh-chaithir *bha* fairge ghloine cosmhuil ri criostal: agus ann am meadhan na rìgh-chaithreach, agus mu'n cuairt do'n rìgh-chaithir, *bha* ceithir beò-chreutairean làn de shùilibh air am beulaobh agus air an cùlaobh.

7 Agus *bha* an ceud beò-chreutair cosmhuil ri leòmhann, agus an dara beò-chreutair cosmhuil ri laogh, agus *bha* aig an treas beò-chreutair aghaidh mar dhuine, agus *bha* an ceathramh beò-chreutair cosmhuil ri iolair ag itealach.

8 Agus aig na ceithir beò-chreutairibh, aig gach aon diubh fa leth, *bha* sè sgiathan mu'n cuairt da, agus *bha* iad làn de shùilibh an taobh a stigh; agus cha do gsuir iad a là no dh'oidheche, ag ràdh, Naomh, naomh, naomh, an Tighearn Dia nìle-chuinnachdach, a bha, agus a tha, agus a bhitheas.

9 Agus an uair a thug na beò-chreutairean sin glòir, agus urram, agus buidheachas



do'n ti a bha 'n a shuidhe air an rìgh-chaithir, a tha beò gu saoghal nan saoghal,

10 Thuit na ceithir seanairean fichead sìos an làthair an ti a bha 'n a shuidhe air an rìgh-chaithir, agus rinn iad aoradh dhàsan a tha beò gu saoghal nan saoghal, agus thilg iad sìos an erùintean an làthair na rìgh-chaithreach, ag ràdh,

11 Is airidh thusa, a Tighearna, air glòir, agus urram, agus cumhachd fhaotainn; oir chruthaich thu na h-uile nithean, agus air son do thoile-sa tha iad ann, agus chruthaicheadh iad.

CAIB. V.

1 *An leabhar air a sheulachadh le seachd seulaibh, 9 a b'airidh a mhàin an t-Uan a chaidh mharbhadh air fhosgladh: 12 uime sin thug na seanairean cliu dha, agus dh'aidich iad gu'n do shaor e iad le 'fhuil fèin.*

**A**GUS chunnaic mi ann an làimh dheis an ti a shuidh air an rìgh-chaithir, leabhar sgrìobhta 's an taobh a stigh dheth agus air a chùlaobh, air a sheulachadh le seachd seulaibh.

2 Agus chunnaic mi aingeal treun a' gairm le guth àrd, Cò a's airidh air an leabhar fhosgladh, agus air a sheulachan fhuasgladh?

3 Agus cha robh aon neach air nèamh, no air talamh, no fo 'n talamh comasach air an leabhar fhosgladh, no sealltuinn air.

4 Agus ghuil mi gu mòr, do bhrìgh nach d'fhuaradh aon neach a b'airidh air an leabhar fhosgladh, agus a leughadh, no sealltuinn air.

5 Agus thubhairt aon de na seanaireibh rium, Na guil: feuch, bhuadhaich an Leòmhán a tha de thréibh Iudah, Freumh Dhaibhidh, air an leabhar fhosgladh, agus a sheachd seulachan fhuasgladh.

6 Agus dh'amhaire mi, agus, feuch, ann am meadhon na rìgh-chaithreach, agus nan ceithir bheò-chreutair, agus ann am meadhon nan seanairean, Uan 'n a sheas-ann mar gu'm bitheadh e air a mharbhadh, aig an robh seachd adhaircean, agus seachd suilean, a's iad seachd spioradan Dhé, a chuireadh a mach chum na talmhainn uile.

7 Agus thàinig e, agus ghlac e an leabhar à deas làimh an ti a bha 'n a shuidhe air an rìgh-chaithir.

8 Agus an uair a ghlac e'n leabhar, thuit na ceithir beò-chreatairean, agus na ceithir seanairean fichead sìos an làthair an Uain, agus aig gach aon dinbh clàrsaichean, agus thais-shoithichean òir làn de nithibh deadh-fhàile, nithean a's iad urnuighean nan naomh.

9 Agus sheinn iad òran nuadh, ag ràdh, Is airidh thusa air an leabhar a ghlacadh, agus a sheulachan fhosgladh, do bhrìgh gu'n do mharbhadh thu, agus gu'n do shaor thu sinne do Dhia le d'fhuil fèin, as gach uile

thréibh, agus theangaidh, agus shluagh agus chinneach;

10 Agus gu'n d'rinn thu rìghrean dhinn agus sagartan do ar Dia: agus rìghichidh sinn air an talamh.

11 Agus dh'amhaire mi, agus chuala mi guth mhòran aingeal timchioll na rìgh-chaithreach, agus nam beathaichean, agus nan seanairean; agus b'e an àireamh deich mìle uair deich mìle, agus mìltean de mhìltibh;

12 Ag ràdh le guth àrd, Is airidh an t-Uan a chaidh a mharbhadh, air cumhachd, agus saobhlreas, agus gliocas, agus neart, agus urram, agus glòir, agus moladh fhaotainn.

13 Agus chuala mi gach uile chreutair a tha air nèamh, agus air an talamh, agus fo 'n talamh, agus a tha air a' chuan, agus na h-uile ni a tha anna, ag ràdh, Moladh, agus urram, agus glòir, agus cumhachd, *gu robh* dhàsan a tha 'n a shuidhe air an rìgh-chaithir, agus do'n Uan gu saoghal nan saoghal.

14 Agus thubhairt na ceithir beò-chreutairean, Amen. Agus thuit na ceithir seanairean fichead sìos, agus rinn iad aoradh dhàsan a tha beò gu saoghal nan saoghal.

CAIB. VI.

1 *Fosgladh nan seul 'an ordugh, far am bheil fàidheadaireachd air a cur sìos mu thimchioll nithean gu deireadh an t-saoghail.*

**A**GUS chunnaic mi, 'n uair a dh'fhosgail an t-Uan aon de na seulaibh, agus chuala mi aon de na ceithir bheò-chreutaireibh ag ràdh, mar le fuaim tairneanaich, Thig agus faic.

2 Agus chunnaic mi, agus, feuch, each geal; agus bha aig an ti a shuidh air, bogha: agus thugadh dha crùn, agus chaidh e mach a' buadhachadh, agus chum gu'm buadhaicheadh e.

3 Agus an uair a dh'fhosgail e'n dara seula, chuala mi an dara beò-chreutair ag ràdh, Thig, agus faic.

4 Agus chaidh each eile mach, a bha dearg; agus thugadh cumhachd dhàsan a shuidh air, chum sìth a thoirt o'n talamh, ionnus gu mharbhadh iad a chèile: agus thugadh elaidheamh mòr dha.

5 Agus an uair a dh'fhosgail e an treas seula, chuala mi an treas beò-chreutair ag ràdh, Thig, agus faic. Agus dh'amhaire mi, agus, feuch, each dubh, agus bha aig an ti a shuidh air, meidh 'n a làimh.

6 Agus chualami guth ann am meadhon nan ceithir bheò-chreutairean ag ràdh, Tomhas eruitheachd air son pèghinn, agus trì tomhasan eòrna air pheghinn; agus na dean cron air an olaidh, no air an fhìon.

7 Agus an uair a dh'fhosgail e'n ceathramh seula, chuala mi guth a' cheathramh beò-chreutair ag ràdh, Thig, agus faic.

8 Agus dh'amhaire mi, agus feuch each glas; agus b'e ainm an ti a shuidh air, am Bàs, agus lean ifriun 'n a chuideachd: agus thugadh dhoibh-san cumhachd air a' cheathramh cuid de'n talamh, a mharbhadh le claidheamh, agus le gorta, agus le bàs, agus le fiadh-bheathaichibh na talmhainn.

9 Agus an uair a dh'fhosgail e an chig-eamh seula, chunnaic mi fo 'n altair, anamau na muinntir sin a mharbhadh air son focail Dhé, agus air son na fianuis a chum iad:

10 Agus ghlaodh iad le guth mòr, ag ràdh, Cia fhad a bhitheas, O Thighearna naoimh agus fhirinnich, gus an dean thu breitheanas, agus an diol thu ar fuil-ne orra-san a tha 'n an còmhnuidh air an talamh?

11 Agus thugadh do gach aon diubh trusganan fada geala, agus chaidh a ràdh riu, iad a ghabhail fois fathast rè ùine bhig, gus am bitheadh an còmh-sheirbhisich mar an ceudna, agus am bràithrean a rachadh a mharbhadh mar a chaidh iadsan, air an còmhlonadh.

12 Agus dh'amhaire mi 'n uair a dh'fhosgail e an seathamh seula, agus, feuch, bha crith mhòr thalmhainn ann; agus dh'fhàs a' ghrian dubh mar shaic-eudach de fhionnadh, agus dh'fhàs a' ghealach mar fhuil.

13 Agus thuit reultan nèimh air an talamh, mar a thilgeas craobh-fhìge a figean an-abaich, 'n uair a chrathar i le gaoith mhòir.

14 Agus chaidh nèamh thairis mar rola leabhair air fhilleadh air a chéile; agus dh'atharraicheadh gach beinn agus eilean as an ionadaibh féin:

15 Agus dh'fholaich rìghrean na talmhainn, agus na daoine mòra, agus na daoine saoirbh, agus na h-àrd-cheannardan, agus na daoine cumhachdach, agus gach tràill, agus gach duine saor, iad féin ann an uamhaibh agus ann an creagaibh nam beann;

16 Agus thubhairt iad ris na sléibhtibh agus ris na creagaibh, Tuitibh oirnne, agus folaichibh sinn o ghmùis an ti a tha 'n a shuidhe air an rìgh-chaitheir, agus o fheirg an Uain:

17 Oir thàinig là mòr 'fheirge-san; agus cò a dh'fheudas seasamh?

### CAIB. VII.

1 Chuir aingeal seula air seirbhisich Dhé 'n an eudanaibh. 4 Àireamh na muinntir a sheulaicheadh: 5 de threubhan Israeil fa leth àireamh shonruichte, 9 de gach cinneach eile cuideachd mhòr gun àireamh, a tha 'n an seasamh an làthair na rìgh-chaitheir, air an sgeadachadh ann an trusganaibh geala: 14 Chaidh an eudach a nigheadh ann am fuil an Uain.

A GUS an dèigh nan nithean sin, chunnaic mi ceithir ainglean 'n an seasamh air ceithir oisinnibh na talmhainn a' eum-

ail ceithir ghaothan na talmhainn, chum nach séideadh a' ghaoth air an talamh, no air an fhaighe, no air aon chraoibh.

2 Agus chunnaic mi aingeal eile ag éirigh o'n àird an ear, aig an robh seula an Dé bheò: agus ghlaodh e le guth mòr ris na ceithir ainglibh, d'an d'thugadh cumhachd cron a dheanamh air an talamh agus air an fhaighe,

3 Ag ràdh, na deanaibh dochann do'n talamh, no do'n fhaighe, no do na craobhan, gus an cuir sinn seula air seirbhisich ar Dé air clàraibh an eudain.

4 Agus chuala mi àireamh ua dream a sheulaicheadh: ceud agus dà fhichead agus ceithir mìle, a sheulaicheadh de uile threubhan chloinn Israeil.

5 De thréibh Iudah sheulaicheadh dà mhìle dheug. De thréibh Reuben sheulaicheadh dà mhìle dheug. De thréibh Ghad sheulaicheadh dà mhìle dheug.

6 De thréibh Aseir sheulaicheadh dà mhìle dheug. De thréibh Nephtalim sheulaicheadh dà mhìle dheug. De thréibh Mhan-aseis sheulaicheadh dà mhìle dheug.

7 De thréibh Shimeoin sheulaicheadh dà mhìle dheug. De thréibh Lebhi sheulaicheadh dà mhìle dheug. De thréibh Isachair sheulaicheadh dà mhìle dheug.

8 De thréibh Shabuloin sheulaicheadh dà mhìle dheug. De thréibh Ioseph sheulaicheadh dà mhìle dheug. De thréibh Bheniamin sheulaicheadh dà mhìle dheug.

9 An dèigh so dh'amhaire mi, agus, feuch, sluagh mòr, nach robh neach sam bith comasach air àireamh, de na h-uile chinnich, agus threubhan, agus shlòigh, agus theangaibh, 'n an seasamh an làthair na rìgh-chaitheir, agus an làthair an Uain, air an sgeadachadh le trusganaibh fada geala, agus pailm aca 'n an làmhann;

10 Agus ghlaodh iad le guth àrd, ag ràdh, Slàinte do ar Dia-ne a tha 'n a shuidhe air an rìgh-chaitheir, agus do'n Uan.

11 Agus sheas na h-ainglean uile timchioll na rìgh-chaitheir, agus nan sean-àirean, agus nan ceithir bheò-chreutairean, agus thuit iad air an aghaidh an làthair na rìgh-chaitheir, agus rinn iad aoradh do Dhia,

12 Ag ràdh, Amen: Moladh, agus glòir, agus gliocas, agus buidheachas, agus urram, agus cumhachd, agus neart gu robh do ar Dia-ne gu saoghal nan saoghal. Amen.

13 Agus threagair aon de na seanairibh, ag ràdh rium, Cò iad sin a tha air an sgeadachadh le trusganaibh fada geala? agus cia as a thàinig iad?

14 Agus thubhairt mi ris, A Thighearna, tha fhios agad-sa. Agus thubhairt e rium, Is iad so iadsan a thàinig á h-àmhghar mòr; agus nigh iad an trusgain, agus rinn iad gcal iad ann am fuil an Uain.

15 Uinne sin tha iad an làthair rìgh-



chaithreach Dhé, agus a' deanamh aoraidh dha a là agus a dh'oidhech 'n a theampull : agus gabhaidh an tì a tha 'n a shuidhe air an rìgh-chaithir còmhnuidh 'n am measg.

16 Cha bhli ocras orra tuilleadh, no tart ni's mò ; cha mhò a bhuaileas a' ghrian orra, no teas air bith.

17 Oir beathaichidh an t-Uan a tha ann am meadhon na rìgh-chaithreach iad, agus treòrachidh e iad gu beò-thobraichibh uisge : agus tiormaichidh Dia gach deur o'n sùilibh.

### CAIB. VIII.

1 'N uair a dh'fhosgladh an seachdamh seula, 2 chaidh seachd trompaidean a thoirt do sheachd ainglibh : 3 Chuir aingéal eile tùis maille ri urnuighibh nan naomh air an altair òir. 6 Sheid ceithir dhiubh an trompaidean, agus lean plàighean mòra an lorg sin.

**A**GUS an uair a dh'fhosgail e an seachdamh seula, bha tosd air nèamh mu thimcheall leth-naire.

2 Agus chunnaic mi na seachd ainglean a sheas 'am fiannis Dhé ; agus thugadh dhoibh-san seachd trompaidean.

3 Agus thàinig aingéal eile, agus sheas e aig an altair, agus tùisear òir aige ; agus thugadh dha mòran tùisc, chum gu'n tugadh se e maille ri urnuighibh nan uile naomh air an altair òir, a bha 'n làthair na rìgh-chaithreach.

4 Agus chaidh deatach na tùise suas maille ri urnuighibh nan naomh, o làimh an aingil, an làthair Dhé.

5 Agus ghlac an t-aingéal an tùiseir, agus lion se e le teine na h-altarach, agus thilg e air an talamh e : agus bha guthan, agus tairmeanach, agus dealanaich, agus crith-talmhainn ann.

6 Agus dh'ulluich na seachd ainglean aig an robh na seachd trompaidean iad féin, chum an séideadh.

7 Agus shéid an cend aingéal, agus bha clachan-meallan ann, agus teine air am measgadh le fuil, agus thilgadh air an talamh iad ; agus loisgadh an treas cuid de na craobhan, agus am fear glas uile.

8 Agus shéid an dara aingéal, agus thilg-eadh mar gu'm bu bheinn mhòr a' losgadh le teine anns an fhairge : agus dh'fhàs an treas cuid de'n fhairge 'n a fuil :

9 Agus fhuair an treas cuid de na creut-airibh a bha anns an fhairge, aig an robh anam, bàs ; agus mhillleadh an treas cuid de na longaibh.

10 Agus shéid an treas aingéal, agus thuit reult mhòr o nèamh, a' dearg-lasadh mar lòchran, agus thuit i air an treas cuid de na h-aimhnichibh, agus air na tobraichibh uisge ;

11 Agus is e an t-ainm a ghoirear de'n reult Burmaid : agus rinnadh an treas cuid de na h-uisgeachaibh 'n am burmaid ; agus fhuair mòran dhaoine bàs leis na

h-uisgeachaibh, do bhrìgh gu'n d'rinnleadh searbh iad.

12 Agus shéid an ceathramh aingéal, agus bhuaileadh an treas cuid de'n ghréin, agus an treas cuid de'n ghealaich, agus an treas cuid de na reultaibh ; ionnus gu'n d'rinnleadh an treas cuid diubh dorchas, agus nach do dhealraich an là ré an treas cuid dheth, no an oidhech air a' mhodh cheudna.

13 Agus dh'amhairc mi, agus chuala mi aingéal ag itealaich ann am meadhon nèimh, ag ràdh le guth àrd, Is truagh, truagh, truagh, do luchd-àiteachaidh na talmhainn, air son guthan eile trompaid nan trì aingéal a tha fathast gu séideadh !

### CAIB. IX.

1 Air séideadh do'n chàigeamh aingéal, thuit reult o nèamh, d'am bheil iuchair sluichd an dubh-aigean air a tabhairt : 2 dh'fhosgail e an slochd, agus thàinig locuist cosmhuil ri scorpionaibh a mach. 12 Tha a' cheud truaighe air dol thairis. 13 Chaidh an seathamh trompaid a shéideadh. 14 Tha ceithir aingil a bha ceangailte, air am fuaigleadh.

**A**GUS shéid an cùigeamh aingéal a thrompaid, agus chunnaic mi reult a' tuiteam o nèamh chum na talmhainn : agus thugadh dha iuchair sluichd an dubh-aigean.

2 Agus dh'fhosgail e slochd an dubh-aigean, agus dh'èirich deatach as an t-slochd, mar dheataich àmhuinn mhòir theintich ; agus rinneadh a' ghrian agus an t-athar dorchas le deataich an t-sluichd.

3 Agus thàinig a mach as an deataich air an talamh locuist ; agus thugadh cumhachd dhoibh, a réir mar a tha cumhachd aig scorpionaibh na talmhainn.

4 Agus chaidh a ràdh riun gun iad a dheanamh dochainn air fear na talmhainn, no air nì sam bith glas, no air craoibh sam bith ; ach air na daoineibh sin a mhàin aig nach 'eil seula Dhé air clàr an eudain.

5 Agus thugadh dhoibh, cha-n e gu'm marbhadh siad iad, ach gu'm bitheadh iad air am pianadh ré chùig mìosan : agus bha am pian cosmhuil ri péin scorpion, 'n uair a bhuaileas e duine.

6 Agus anns na làithibh sin iarraidh daoine ann bàs, agus cha-n fhaigh iad e : agus bithidh déidh aca air bàsachadh, agus teichidh am bàs uatha.

7 Agus bha cruth nan locust cosmhuil ri h-eachaibh air an ulluchadh chum catha ; agus bha air an cinn mar gu'm bitheadh crùin cosmhuil ri h-òr, agus bha an aghaidhean cosmhuil ri h-aghaidhibh dhaoine.

8 Agus bha folt orra cosmhuil ri folt bhan, agus bha am faclan mar fhiacailibh leòmhann.

9 Agus bha aca uchd-éididhean, mar uchd-éididhean iarunn ; agus bha fuaim an sgiathan mar fhuaim charbadan mhòran each a' ruith chum catha.

10 Agus bha carbuill aca cosmhuil ri

scorpionaidh; agus bha gathan 'n an earbuill : agus *b'e* an cumhachd daoine a chiurradh ré chùig mìosan.

11 Agus bha rìgh aca os an ceann, *eadhon* aingeal an dubh-aigein, agus *'s e a's* ainm dha 's an Eabhra, Abadon, ach anns a' Ghréigis *'s e a's* ainm dha Apolion.

12 Chaidh aon truaighe thairis; feuch, tha dà thruaighe ri teachd fathast an déigh so.

13 Agus shéid an seathamh aingeal a thrompaid, agus chuala mi guth o cheithir adharcaibh na h-altair òir, a tha'm fianuis Dhé.

14 Ag ràdh ris an t-scathamh aingeal aig au robh an trompaid, Fuasgail na ceithir aingil a tha ceangailte aig an amhainn mhòir Euphrates.

15 Agus dh'fhuasgladh na ceithir aingil, a bha ulluichte fa chomhair uaire, agus là, agus mìosa, agus bliadhna, chum gu'm marbhadh iad an treas cuid de dhaoineibh.

16 Agus *b'e* àireamh armailtean a' mharcshluaigh fichead mìle de dheich mìtibh : agus chuala mi an àireamh.

17 Agus mar so chunnaic mi na h-eich anns an taisbeanadh, agus iadsan a shuidh orra, aig an robh uchd-éididhean de theine, agus de hiacint, agus de phronnusc: agus *bha* cinn nan each mar chinn leòmhnan; agus as am beoil thàinig a mach teine, agus deatach, agus pronnusc.

18 Leis na trì *plàighibh* so mharbhadh an treas cuid de dhaoineibh, leis an teine, agus leis an deataich, agus leis a' phronnusc, a chaidh a mach as am beoil.

19 Oir tha an cumhachdan 'n am beul, agus 'n an earbuill: oir *bha* an earbuill cosmhuil ri nathraichibh nimhe, agus bha cinn aca, agus leo sin nì iad dochann.

20 Agus cha do ghabh a' chuid eile de na daoineibh, nach do mharbhadh leis na plàighibh sin, aithreachas de oibribh an làmh, iounus nach deanadh iad aoradh do dheamhnaibh, agus do dhealbhan òir, agus airgid, agus umha, agus cloiche, agus fiodha; nach urrainn faicinn, no cluinntinn, no imeachd:

21 Agus cha mhò a ghabh iad aithreachas d'am mortaibh, no d'an druidheadh, no d'an strìopachas, no d'an gadachdaibh.

#### CAIB. X.

1 Chunnaic Eoin aingeal treun aig an robh leabhar fosgailte 'n a làmh: 6 neach a thug mionnan airsan a tha beò gu sìorruidh, nach bi amsir nì's mò ann. 8 Thugadh aithne do Eoin an leabhar a ghabhail agus itheadh.

**A**GUS chunnaic mi aingeal cumhachdach eile a' teachd a nuas o nèamh, air a sgeadachadh le neul, agus bogha-frois air a cheann, agus 'aghaidh mar a' ghrian, agus a chosan mar phuist teine.

2 Agus bha aige 'n a làmh leabhran fosgailte: agus chuir e a chos dheas air an fhainge, agus a chos chli air an talamh,

3 Agus ghlaodh e le guth àrd, mar a bheuchdas leòmhnan: agus an uair a ghlaodh e, labhair seachd tairneanaich an guthan féin,

4 Agus an uair a labhair na seachd tairneanaich an guthan féin, bha mi 'dol a sgriobhadh: agus chuala mi guth o nèamh, ag ràdh rium, Seulaich na nithean a labhair na seachd tairneanaich, agus na sgriobh iad.

5 Agus thog an t-aingeal, a chunnaic mi 'n a sheasamh air a' mhuir, agus air an talamh, a làmh gu nèamh,

6 Agus mhionnaich e airsan a tha beò gu saoghal nan saoghal, a chruthaich nèamh agus na nithean a tha ann, agus an talamh agus na nithean a tha ann, agus an fhainge agus na nithean a tha innte, Nach bi amsir ann nì's mò;

7 Ach ann an làithibh gutha an t-seachdaimh aingil, 'n uair a thòisicheas e air séideadh, an sin gu'm bitheadh rùn-diomhair Dhé air a chrìochnachadh, mar a dh'innis e d'a sheirbhisich na fàidhean.

8 Agus labhair an guth a chuala mi o nèamh, rium a ris, agus thubhairt e, Imich, glac an leabhran a tha fosgailte ann an làmh an aingil a tha 'n a sheasamh air an fhainge, agus air an talamh.

9 Agus chaidh mi dh'ionnsuidh an aingil, agus thubhairt mi ris, Thoir dhomh-sa an leabhran: agus thubhairt esan rium Glac, agus ith suas e; agus nì e do bhroinn searbh, ach bithidh e ann ad bheil milis mar mhill.

10 Agus ghlac mi an leabhran á làmh an aingil, agus dh'ith mi suas e; agus bha e ann am bheil milis mar mhill; agus an uair a dh'ith mi e, rinneadh mo bhrù searbh.

11 Agus thubhairt e rium, Is éigin duit a ris fàidheadaireachd a dheanamh 'am fianuis shlògh, agus chinneach, agus theangan, agus rìghrean lìonmhor.

#### CAIB. XI.

1 Rinn an dà fhianuis fàidheadaireachd: 6 thugadh cumhachd dhoibh nèamh a dhruideadh, ionnus nach bi uisge ann: 7 nì am beathach cogadh 'n an aghaidh, agus marbaidh e iad: 8 luidhidh iad gun adhlac, 11 agus an déigh thri làithean agus leth là éiridh iad a ris. 14 Chaidh an dara truaighe thairis. 15 Chaidh an seachdamh trompaid a sléideadh.

**A**GUS thugadh dhomh euile cosmhuil ri slait: agus sheas an t-aingeal, ag ràdh, Eirich, agus tomhais teampull Dhé, agus an altair, agus iadsan a tha 'deanamh aoraidh ann.

2 Ach fag a mach a' chùirt a tha'n taobh a muigh de'n teampull, agus na tomhais i; oir thugadh i do na Cinnich: agus saltraidh iad fo'n cosaibh am baile naomh ré dhà mhìos agus dhà fhichead.

3 Agus bheir mise cumhachd do m' dhithis fhianuiscan, agus nì iad fàidheadaireachd



76 mìle agus dà cheud agus trì fichead là, eudaichte ann an saic-eudach.

4 Is iad so an dà chrann olaidh, agus an dà choinnleir a tha 'n an seasamh an làthair Dhé na talmhainn.

5 Agus ma ehiùrras neach air bith iad, theid teine a mach as am beul, agus claoidhidh e an naimhdean: agus ma chiùrras neach air bith iad, is éigin da 'bhi air a mharbhadh mar so.

6 Tha cumhachd aca so nèamh a dhùnadh, ionnus nach bi uisge ann, ann an làithibh am faidheadaireachd-san: agus tha eumhachd aca air uisgeachaibh chum an tionndadh gu fuil, agus an talamh a bhualladh leis an nile phlàigh, co minic 's is toil leo.

7 Agus an uair a chrìochnaicheas iad am fianuis, ni ann fiadh-bheathach a d'fèireas as an t-slochd gun iochdar cogadh 'n an aghaidh, agus bheir e bnaidh orra, agus marbhaidh e iad.

8 Agus bithidh an cuirp mharbha 'n an luidhe ann an sràid a' bhaile mhòir, ris an abrar gu spioradail Sodom agus an Eiphit, far mar an ceudna an do chensadh ar Tigh-earn.

9 Agus chi cuid de na sloigh, agus de threubhan, agus de theangaibh, agus de ehinnich, an cuirp mharbha ré thri làithean gu leth, agus cha leig iad an cuirp mharbha a chur ann an naighibh.

10 Agus ni luchd-àiteachaidh na talmhainn gairdeachas os an ceann, agus bithidh iad subhach, agus cuiridh iad tiodhlacan dh'ionnsuidh a chèile: do bhrìgh gu'n do phian an dà fhàidh so iadsan a bha 'chòmhluaidh air an talamh.

11 Agus an dèigh thri làithean gu leth, ehaidh Spiorad na beatha o Dhia a steach anna, agus sheas iad air an cosaibh; agus thuit eagal mòr orra-san a chunnaic iad.

12 Agus chual iad guth mòr o nèamh, ag ràdh rin, Thigibh a nìs an so. Agus chaidh iad suas do nèamh air neul; agus ehunnaic an naimhdean iad.

13 Agus anns an uair sin féin bha crith mhòr thalmhainn ann, agus thuit an deich-eamh cuid de'n bhaile, agus mharbhadh seachd mìle pearsa 's a' chrith-thalmhainn: agus ghabh a' chuid eile eagal, agus thug iad glòir do Dhia nèimh.

14 Chaidh an dara truaighe thairis: feuch, thig an treas truaighe gu h-aithghearr.

15 Agus shéid an seachdamh aingeal a thrompaid; agus bha guthan mòra air nèamh, ag ràdh, Rinneadh rioghachdan an t-saoghail 'n an rioghachdaibh do ar Tigh-earn, agus d'a Chrìosd-san; agus bithidh e 'n a Rìgh gu saoghal nan saoghal.

16 Agus thuit na ceithir seanairean fichead, a bha 'n an suidhe air an caithrichibh 'am fianuis Dhé, sìos air an aghaidh, agus rinn iad aoradh do Dhia,

17 Ag ràdh, Bheireamaid buidheachas

duit-sa, O Thighearna Dhé uile-chumhachdaich, a tha, agus a bha, agus a bhith-eas; air son gu'n do ghabh thu do chumhachd mòr a d'ionnsuidh, agus gu'n de rìghich thu.

18 Agus bha fearg air na cinnich, agus thàinig d'fhearg-sa, agus am nam marbh gu'n tngtadh breth orra, agus gu'n tngadh tusa duais do d' sheirbhisich na fàidhean, agus do na naoimh, agus dhoibh-san air am bheil eagal d'ainme, do na big agus do na mòir, agus gu 'n sgrìosadh tu iadsan a sgrìosas an talamh.

19 Agus dh'fhosgadh teampull Dhé air nèamh, agus chunnacas ann a theampull àire a' choimheangail: agus bha dealanaich, agus guthan, agus tairneanaich, agus crith-thalmhainn agus clachan-meallain mòra ann.

## CAIB. XII.

1 Tha bean a bha sgeadaichte leis a' ghréin ri saothair-chloinne: 4 tha'n dragon mòr dearg 'n a sheasamh fa comhair, ullamh gus a leanabh a shlugadh suas. 6 'N uair a dh'aiseadadh i, treich i do'n fhàsach. 7 Chog Michael agus 'aingil an aghaidh an dragon. 13 Tha an dragon, an dèigh a thilgeadh sìos air an talamh, a' dian-ruagadh na mnà.

**A**GUS chunnacas iongantach mòr air nèamh, bean air a sgeadachadh leis a' ghréin, agus a' ghealach fa' a cosaibh, agus air a ceann crùn de dhà renlt dheug.

2 Agus air dhi 'bhi torrach, ghlaodh i, ri saothair-chloinne, agus bha i air a pianadh chum a h-aisead.

3 Agus chunnacas iongantach eile air nèamh, agus, feuch, dragon mòr dearg, aig an robh seachd cinn, agus deich adhaircean, agus air a chinn seachd crùn.

4 Agus tharruing 'earbal an treas cuid de renltaibh nèimh, agus thilg e iad chum na talmhainn: agus sheas an dragon fa chomhair na mnà, a bha ullamh gu 'bhi air a h-aisead, chum a leanabh a shlugadh suas 'n uair a bheireadh i e.

5 Agus rug i leanabh mic, a bha gus na cinnich uile a riaghladh le slait iarunn: agus thogadh a leanabh suas chum Dhé, agus chum a rìgh-chaitheach-san.

6 Agus theich a' bhean do'n fhàsach, far am bheil aice ionad air ullachadh le Dia, chum gu'm bitheadh i air a beathachadh an sin ré mìle agus dà cheud agus trì fichead là.

7 Agus bha cogadh air nèamh; rinn Michael agus 'aingil cogadh an aghaidh an dragon; agus chog an dragon agus 'aingil féin;

8 Agus cha d'thug iad buaidh, cha mhò a fhuaradh an àite nì's mò air nèamh.

9 Agus thilgeadh a mach an dragon mòr, an t-seann nathair sin, ris an abrar an diabhl agus Satan, a tha 'mealladh an t-saoghail uile: thigeadh a mach e chum

na talmhainn, agus thilgeadh a mach 'aingil maille ris.

10 Agus chuala mi guth mòr ag ràdh air nèamh, A nis tha slàinte agus neart, agus riochaidh ar Dé-ne, agus cumhachd a Chrìosd air teachd; oir thilgeadh sàs fear-casaid ar bràithrean, a bha 'g an casaid an Ràthair ar Dé-ne a là agus a dh'oidhech.

11 Agus thug iad buaidh air tre fhuil an Uain, agus tre fhocal an fianuis-sas; agus cha do ghràdhaich iad an anaman féin gu bàs.

12 Uime sin bitheadh gairdeachas oirbh, O a nèamhan, agus oirbhse a tha 'n 'ur còmhnuidh anna. An-aobhinn do luchd-àiteachaidh na talmhainn, agus na fairge! oir thàinig an diabhl a nuas do 'ur n-ionnsuidh, agus fearg ro mhòr air, do bhrìgh gur fhearrach e uach 'eil aige ach ùine gearr.

13 Agus an nair a chunnaic an dragon gu'n do thilgeadh e chum na talmhainn, rinn e geur-leamhuinn air a' mhnaoi a rug an leanaibh mic.

14 Agus do'n mhnaoi thugadh dà sgéith iolairc mòire, chum gu'n rachadh i air iteal-ach leò do'n fhàsach, chum a h-ionaid féin; far am bheil i air a h-altrum ré ainsir, agus ainsirean, agus leth-ainsir, o aghaidh na nathrach.

15 Agus thilg an nathair as a beul uisge mar thuil, an déigh na mnà, chum gu'n tugadh i oirre 'bhi air a giùlan air falbh leis an t-sruth.

16 Agus rinn an talamh còmhnaidh ris a' mhnaoi; agus dh'fhosgail an talamh a bheul, agus shluig e suas an tuil, a thilg an dragon as a bheul.

17 Agus bha fearg air an dragon ris a' mhnaoi, agus chaidh e 'dheanamh cogaidh ris a' chuid eile d'a shìochd, a tha 'còimhead àitheantan Dhé, agus aig am bheil fianuis Iosa Crìosd.

### CAIB. XIII.

1 *Dh'èirich fiadh-bheathach as an fhairge le seachd cinn agus deich adhaircean; dhàsan thug an dragon a chumhachd. 11 Thàinig fiadh-bheathach eile a nìos as an talamh, 14 agus thug e fainear dealbh a bhi air a dheanamh do'n cheud fhiadh-bheathach, 15 agus gu'n deanadh daoine aoradh dha, 16 agus gu'n gabhadh iad a chomharadh.*

**A**GUS sheas mi air gaiceimh na fairge, agus chunnaic mi fiadh-bheathach ag éirigh suas as an fhairge, aig an robh seachd cinn, agus deich adhaircean, agus air 'adhaircibh deich crùn, agus air a chinn ainm toibheim.

2 Agus bu cosmhuil am fiadh-bheathach a chunnaic mi ri liopard, agus bha a chosan mar *chosuibh* math-ghamhain, agus a bheul mar bheul lèomhain: agus thug an dragon a neart, agus a chaithir, agus cumhachd mòr dha.

3 Agus chunnaic mi aon d'a chinn mar gu'm bitheadh e air a lotadh gu bàs; agus leighiseadh a lot bàsmhor: agus ghabh an talamh uile iongantas an déigh an fhiadh-bheathaich.

4 Agus rinn iad aoradh do'n dragon, a thug a chumhachd do'n fhiadh-bheathach: agus rinn iad aoradh do'n fhiadh-bheathach, ag ràdh, Cò a tha cosmhuil ris an fhiadh-bheathach? Cò a tha comasach air cogadh a dhcanamh 'n aghaidh?

5 Agus thugadh dha beul a' labhairt nith-ean mòra, agus thoibheum; agus thugadh cumhachd dha cogadh a dhcanamh ré dhà mhìos agus dà fhichead.

6 Agus dh'fhosgail e 'bheul ann an toibheum an aghaidh Dhé, chum toibheum a thoirt d'a ainm, agus d'a phlàillium, agus do'n dream a tha 'n an còmhnuidh air nèamh.

7 Agus thugadh dha cogadh a dheanamh an aghaidh nan naomh, agus buaidh a thoirt orra: agus thugadh dha cumhachd os ceann gach uile thrèibh, agus theangaidh, agus chinnich.

8 Agus ni iadsan uile, a tha 'n an còmhnuidh air an talamh, aoradh dha, aig nach 'eil an ainmcan sgrìobhta ann an leabhar beatha an Uain, a mharbhadh o thoiseach an t-saoghail.

9 Ma tha cluas aig neach air bith, éisd-eadh e.

10 Ma bheir neach air bith ann am braigheanas, théid e féin 'am braigheanas: na mharbhas neach air bith leis a' chlaidheamh, is éigin e féin a bhi air a mharbhadh 'leis a' chlaidheamh. Is ann an so a tha foighidin agus creidimh nan naomh.

11 Agus chunnaic mi fiadh-bheathach eile ag éirigh as an talamh; agus bha aige dà adhairc cosmhuil ri uan, agus labhair e mar dhragon.

12 Agus tha e a' cur 'an gnìomh cumhachd a' cheud fhiadh-bheathaich uile 'a fhianuis, agus tha e 'toirt air an talamh, agus orrasan a tha 'n an còmhnuidh ann, aoradh a dheanamh do'n cheud fhiadh-bheathach aig an robh a lot bàsmhor air a leigheas.

13 Agus tha e a' deanamh chomharan mòra, ionnus gu bheil e 'toirt air teine teachd a nuas o uèamh air an talamh, ann am fianuis dhaoine.

14 Agus tha e a' mealladh na dream a tha 'n an còmhnuidh air an talamh, leis na comhar-aibh sin a thugadh dha a dheanamh an lathair an fhiadh-bheathaich, ag ràdh ri luchd-àiteachaidh na talmhainn, ionmhaigh a dheanamh do'n bheathach aig an robh an lot o 'n chlaidheamh, agus a bha beò.

15 Agus thugadh cumhachd dha beatha a thoirt do ionmhaigh an fhiadh-bheathaich, ionnus gu'n labhradh ionmhaigh an fhiadh-bheathaich, agus gu'n tugadh e fainear gu'm bitheadh a mhead as nach deanadh



aoradh do ìomhaigh an fhiadh-bheathaich, air am marbhadh.

16 Agus tha e 'tòirt air na h-uile *dhaoine*, araon beag agus mòr, saoiibhir agus bochd, saor agus daor, comharadh a ghabhail air an làimh dheis, no air clàr an eudain ;

17 Agus nach feudadh neach sam bith ceannach no reic, ach esan aig am bitheadh an comharadh, no ainm an fhiadh-bheathaich, uo àireamh 'ainme.

18 An so tha gliocas. An ti aig am bheil tuigse, àirmheadh e àireamh an fhiadh-bheathaich : oir is àireamh duine e ; agus is e àireamh sè ceud agus trì fichead agus sè.

#### CAIB. XIV.

1 *An t-Uan 'n a sheasamh air sliabh Shìoin maille r'a chuideachd.* 6 *Tha aingeal a' searmonachadh an t-soisgeil.* 8 *Tuiteam Bhabail.* 15 *Foghar an t-saoghail, agus cur a' chorrain ann.* 20 *Foghar agus preas-fiona feirge Dhé.*

**A**GUS dh'amhaire mi, agus, feuch, Uan 'n a sheasamh air sliabh Shìoin, agus maille ris ceud agus dà fhichead agus ceithir mìle, aig an robh ainm 'Athar-san sgriobhta air clàr an eudain.

2 Agus chuala mi guth o fhlaithneas, mar fhuaim mhòran uisgeachan, agus mar fhuaim fàirceanach nìdhòr ; agus ehuala mi fuaim chlàrsaircan, a' deanamh ciùil le'n elàrsaichibh féin ;

3 Agus sheinn iad mar gu'm b'òran nuadh e an làthair na rìgh-chaithreach, agus an làthair nan ceithir bheathaichean, agus nan seanairean : agus cha b'urraim neach sam bith an t-òran sin fhòghlum, ach an ceud agus dà fhichead agus na ceithir mìle, a shaoradh o'n talamh.

4 Is iad so an dream nach do shalaich-eadh le boirionnaich ; oir is òighean iad : is iad so an dream a tha 'leantuinne an Uain ge b'e àit an téid e : shaoradh iad so o mheasg dhaoine, 'n an eud thoradh do Dhia, agus do'n Uan.

5 Agus 'n am beul cha d'fhuaradh cealg : oir tha iad gun lochd an làthair rìgh-chaithreach Dhé.

6 Agus ehunnaidh mi aingeal eile ag iteal-aich ann am meadhan nèimh, aig an robh an soisgeul sìorruidh r'a shearmonachadh dhoibh-san a tha 'n an còmhuidh air an talamh, agus do gach uile chinneach, agus thréibh, agus theangaidh, agus shluagh,

7 Ag ràdh le guth àrd, Bitheadh eagal Dhé oirbh, agus thugaibh glòir dha ; oir thàinig uair a bhreitheanais : agus dean-aibh aoradh dhàsan a rinn nèamh, agus talamh, agus an fhairge, agus na tobair uisge.

8 Agus lean aingeal eile, ag ràdh, Thuit, thuit Babilon, am baile mòr sin, do bhrìgh gu'n d'thig i air gach uile chinneach òl de fhion feirge a striopachais.

9 Agus lean an treas aingeal iad, ag ràdh

le guth àrd, Ma ni neach air bith aoradh do'n fhiadh-bheathach, agus d'a ìomhaigh, agus ma ghabhas e a chomharadh air clàr 'eudain, no air a làimh,

10 Olaidh esan de fhion feirge Dhé, a tha air a dhòrtadh gun mheasgadh, ann an cupan 'fheirge-san ; agus bithidh e air a phianadh le teine agus promusc, 'am fianuis nan aingeal naomha, agus 'am fianuis an Uain.

11 Agus bithidh deatach am péine-san ag éirigh suas gu saoghal nan saoghal : agus cha-n'eil fois sam bith a là no dh'oidhche aca-san a ni aoradh do'n fhiadh-bheathach agus d'a ìomhaigh, no aig neach air bith a ghabhas comharadh 'ainme-san.

12 An so tha foighidin nan naomh : an so *tha'n dream a' choimhideas àitheantan Dhé*, agus creidimh Iosa.

13 Agus ehuala mi guth o nèamh, ag ràdh rium, Sgrìobh, *Is beannaichte na mairbh a gheibh bàs 's an Tighearn*, à so a mach : Seadh, tha an Spiorad ag ràdh, chum gu faigh iad fois o'n saothair ; agus leanaidh an oibre iad.

14 Agus dh'amhaire mi, agus, feuch, neul geal, agus air an neul *neach* 'n a shuidhe cosmhail ri Mac an duine, aig an robh crùn òir air a cheann, agus corran geur 'n a làimh.

15 Agus thàinig aingeal eile mach as an teampull, a' glaochaich le guth àrd ris an ti a bha 'n a shuidhe air an neul, Sàth a steach do chorrann, agus buain : oir thàinig àm dhuit buain ; oir tha foghar na talmhainn abuich.

16 Agus shàth an ti a bha 'n a shuidhe air an neul, a chorrann 's an talamh ; agus bhuaineadh an talamh.

17 Agus thàinig aingeal eile mach as an teampull a tha air nèamh, agus corraur geur aige-san mar an ceudna.

18 Agus thàinig aingeal eile mach o'n altair, aig an robh cumhachd os ceann teine, agus ghlaodh e le glaoth àrd ris an ti aig an robh an eorran geur, ag ràdh, Sàth a steach do chorrann geur, agus cnuasaich baguidean fionain na talmhainn : oir tha a fion-dhearcann làn abuich.

19 Agus shàth an ti a-ingeal a chorrann 's an talamh, agus ehnuasaich e fionain na talmhainn, agus thilg e i ann am fion-amar mòr feirge Dhé.

20 Agus shaltradh am fiou-amar au taobh a muigh de'n bhaile, agus thàinig fuil a mach as an fhion-amar, gu srianaibh nan each, feadh mhìle agus shè ceud stàid.

#### CAIB. XV.

1 *Na seachd aingil leis na seachd plàighibh deireannach.* 3 *Oran na muinntir a bhuadaicheas air an fhiadh-bheathach.* 7 *Na seachd sòithichean làn de fheirge Dhé.*

**A**GUS ehunnaic mi comharadh eile air nèamh, mòr agus iongantach, seachd

aingil aig an robh na seachd plàighean deireannach; oir annta so tha fearg Dhé air a coimhlionadh.

2 Agus chunnaic mi mar gu'm b'fhaige ghlóine, air a measgadh le teine; agus iadsau a thug buaidh air an fhiadh-bheathach, agus air 'iomhaigh, agus air a chomharadh, agus air àireamh 'ainme, 'n an seasamh air an fhaige ghlóine, agus clàrsaichean Dhé aca.

3 Agus tha iad a' seinn òrain Mhaois òglaich Dhé agus òrain an Uain, ag ràdh, *Is mòr, agus is iongantach d'òibre, a Thighearna Dhé uile-chumhachdaich; is ceart agus is fìor do shlighean-sa, a Rìgh nan naomh.*

4 Cò air nach bithcadh eagal romhad, O Thighearna, agus nach tugadh glòir do d'ainm? oir *is tusa a mhàin a tha naomh*: oir thig na h-uile chinnich, agus mi iad aoradh ann ad làthair; do bhrìgh gu bheil do bhrèitheanais air an deanamh follais-each.

5 Agus an déigh so dh'amhaire mi, agus, feuch, dh'fhosgladh teampull pàilliuu na fianais air nèamh.

6 Agus thàinig a mach as an teampull na seachd aingil, aig an robh na seachd plàighean, air an sgeadachadh le lion-eudach glan agus dealrach, agus air an crioslachadh mu'n uchd le criosaibh òir.

7 Agus thug aon de na ceithir bheathaichibh do na seachd aingil seachd soithichean òir, làn de fheirg an Dé a tha beò gu saoghal nan saoghal.

8 Agus lìonadh an teampull le deataich o ghlòir Dhé, agus o 'chumhachd-san; agus cha b'urrainn neach sam bith dol a stigh do'n teampull, gus am bithheadh seachd plàighean nan seachd aingeal air an coimhlionadh.

## CAIB. XVI.

1 *Dhòirt na h-aingil a mach an soithichean làn de fheirg: 6 Na plàighean a tha 'teantuinn air sin. 15 Thig Criosd mar ghaduiche: is beannaichte iadsan a ni faire.*

**A**GUS chuala mi guth mòr as an teampull, ag ràdh ris na seachd aingil, Imichibh, agus taomaibh soithichean feirge Dhé air an talamh.

2 Agus dh'imich an ceud aingeal, agus thaom e a shoitheach air an talamh; agus dh'éirich droch neasgaid nimhneach air na daoineibh sin aig an robh comharadh an fhiadh-bheathaich, agus *orra-san* a rinn aoradh d'a 'iomhaigh.

3 Agus thaom an dara aingeal a shoitheach 's an fhairge; agus rinneadh i mar fhuil *duine* mhairbh: agus fhuair gach anam beò bàs anns an fhairge.

4 Agus thaom an treas aingeal a shoitheach anns na h-ainmhuicibh agus anns na tobraichibh uisge; agus rinneadh iad 'n am fuil.

5 Agus chuala mi aingeal nan uisgeachan ag ràdh, Is cothromach thusa, O Thighearna, a tha, agus a bha, agus a bhitheas, do bhrìgh gu'u d'thug thu breth air an dòigh so:

6 Oir dhòirt iadsan fuil naomh agus fhàidh-ean, agus thug thusa dhoibh fuil r'a h-òl; oir is toilleannach iad.

7 Agus chuala mi neach eile o'n altair ag ràdh, Seadh, a Thighearna Dhé uile-chumhachdaich, *is fìor* agus cothromach do bhrèithe-eanais.

8 Agus thaom an ceathramh aingeal a shoitheach air a' ghréin; agus thugadh *cumhachd* dha daoine a phianadh le h-ain-teas teine.

9 Agus bha daoine air an losgadh le teas mòr, agus thug iad toibheum do ainm Dhé, aig am bheil cumhachd air na plàighibh sin: agus cha d'riun iad aithreachas, chum glòir a thoirt dhàsan.

10 Agus thaom an cùigeamh aingeal a shoitheach air rìgh-chaitheir an fhiadh-bheathaich; agus rinneadh a rìoghachd dorchais; agus chagainn *daoine* an teangan tre phéin,

11 Agus thug iad toibheum do Dhia nèimh air son am piantan agus an crenchdan, agus cha do ghabh iad aithreachas d'an gnìomhar-aibh.

12 Agus thaom an seathamh aingeal a shoitheach air an amhainn mhòir Euphrates; agus thiormaicheadh a h-uisge, chum gu'n ulluichtadh slighe rìghrean na h-àirde 'n ear.

13 Agus chunnaic mi *teachd* a mach á beul an dragoin, agus á beul an fhiadh-bheathaich, agus á beul na fhàidh-bhrèige, tri spioradan neòghlan, cosmhuil ri losguinn.

14 Oir is iad *sin* spioradan dheamhan, a' deanamh chomharan, a tha 'dol a mach chum rìghrean na talmhainn, agus an domhain uile, gu'n cruinneachadh chum catha là mhòir sin an Dé uile-chumhachdaich.

15 Feuch, tha mi a' teachd mar ghaduiche. *Is beannaichte esau a ni faire, agus a ghleidheas 'eudach, chum nach imich e lomnochead, agus nach faic daoine a nàire.*

16 Agus chruinnich e iad r'a chèile chum ionaid ris an abrar 's an Eabhra, Armagedon.

17 Agus thaom an seachdamh aingeal a shoitheach 's an athar; agus thàinig guth mòr a mach á teampull nèimh, o'n rìgh-chaitheir, ag ràdh, Tha e deanta.

18 Agus bha guthan, agus tairneanaich, agus dealanaich ann; agus bha crith mhòr talmhainn ann, nach robh a leithid ann o bha daoine air an talamh, a samhail de chrith-talmhainn co mhòr.

19 Agus bha am baile mòr air a roinn 'n a thri earrannaibh, agus thuit bailtean nan cinneach: agus thàinig Babilon mhòr 'an



cùmhne an lathair Dhé, a thoirt di copan fìona fraoich 'fheirge.

20 Agus theich gach nìle eilean as, agus cha d'fhuaradh na beanntan.

21 Agus thàinig clachan-meallain mòra a nuas o nèamh air daoineibh, *gach clach* co throm ri tàlann; agus thug daoine toibheum do Dhia, air son plàigh nan clachan-meallain; oir bha am plàigh-san ro mhòr.

### CAIB. XVII.

1 *Tha bean air a sgeadachadh le purpur agus scarlaid, agus copan òir 'n a làimh, 'n a suidhe air an fhiadh-bheathach, 5 neach a's i Babilon mhòr, málhair nan gràineileachd. 9 Badarmhineachadh nan seachd ceann, 12 agus nan deich adhaircean. 14 Buaidh an Uain; 16 agus peanas na striopaiche.*

**A** GUS thàinig aon de na seachd aingil aig an robh na seachd soithichean, agus labhair e rium, ag ràdh rium, Thig an so; nochdaidh mi dhuit breitheanas na striopaiche mòire, a tha 'n a suidhe air mòran uisgeachan:

2 Ris an d'rinu rìghrean na talmhainn striopachas, agus aig an do chuireadh luchd-àiteachaidh na talmhainn air mhìsg le fìon a striopachais.

3 Agus thug e leis mi anns an spiorad do'n fhàsach: agus chunnaic mi bean 'n a suidhe air fìadh-bheathach air dhath scarlaid, làn de ainmibh toibheim, air an robh seachd cinn agus deich adhaircean.

4 Agus bha a' bhean air a sgeadachadh ann am purpur, agus ann an scarlaid, agus air a deanamh breagha le h-òr, agus clach-aibh luachmhor, agus neamhuuidibh, agus copan òir aice 'n a làimh, làn de ghràineileachd agus de neò-ghloine a striopachais.

5 Agus air clàr a h-eudain *bha ainm sgrìobhta, RUN-DIOMHAIR, BABILON MHOR, MATHAIR NAN STRIOPACH AGUS GHRANEILEACHDAN NA TALMHAINN.*

6 Agus chunnaic mi a' bhean air mhìsg le fuil nan naomh, agus le fuil fhianuisean Iosa: agus an uair a chunnaic mi i, ghabh mi iongantas le h-iongantas mòr.

7 Agus thubhairt an t-aingeal rium, C'ar son a ghabh thu iongantas? Innsidh mise dhuit run-diomhair na mnà, agus an fhiadh-bheathaich a tha 'g a giùlan, air am bheil na seachd cinn agus na deich adhaircean.

8 Am fiadh-bheathach a chunnaic thu, bha e, agus cha-n'eil e ann; agus éiridh e suas à slochd an dubh-aigeiu, agus théid e am mugha: agus gabhaidh luchd-àiteachaidh na talmhainn, (aig nach 'eil an ainmean sgrìobhta ann an leabhar na beatha o thoiseach an t-saoghail,) iongantas, 'n nair a chi iad am fiadh-bheathach a bha, agus nach 'eil, agus a bhithas ann.

9 An so tha an inntinn aig am bheil gliocas. Na seachd cinn is seachd sléibhteann iad, air am bheil a' bhean 'n a suidhe.

10 Is seachd rìghrean iad mar an ceudna; tha cùig *dhiubh* air tuiteam, agus tha h-aon ann: cha d'fhàinig ann fear eile fathast; agus an uair a thig e, is éigin da fantuim ré ùine bhig.

11 Agus am fiadh-bheathach a bha, agus nach 'eil ann, is esan an t-ochdamh, agus tha e o'n t-seachdnar, agus théid e am mugha.

12 Agus na deich adhaircean a chunnaic thu, is deich rìghrean iad, nach d'fhuair rìoghachd fathast, ach a tha 'faotainn cumhachd mar rìghrean ré aon uaire maille ris an fhiadh-bheathach.

13 Tha aca sin aon inntinn, agus bheir iad an neart agus an cumhachd do'n fhiadh-bheathach.

14 Ni iad sin cogadh an aghaidh an Uain, agus bheir an t-Uan buaidh orra: oir is esan Tighearn nan Tighearn, agus Rìgh nan Rìgh; agus tha an dream a tha maille ris, air an gairm, agus air an taghadh, agus dileas.

15 Agus tha e ag ràdh rium, Na h-uisgeachan a chunnaic thu, far am bheil an striopach 'n a suidhe, is slòigh, agus coimhthionail, agus cinnich, agus teangan iad.

16 Agus na deich adhaircean a chunnaic thu air an fhiadh-bheathach, bheir iad sin fuath do'n striopach, agus ni iad fas i, agus lomnochd, agus ithidh iad a feòil, agus loisgidh iad i le teine.

17 Oir chuir Dia 'n an cridhe a thoil a choimhlonadh, agus a bhli dh'aon chomhairle, agus an rìoghachd a thoirt do'n fhiadh-bheathach, agus an coimhlonar briathran Dhé.

18 Agus is i a' bhean a chunnaic thusa, am baile mòr sin, a tha 'rìoghachadh os ceann rìghrean na talmhainn.

### CAIB. XVIII.

1 *Thuit Babilon: 4 thugadh àithne do phobull Dhé imeachd aise: 9 rinn rìghrean na talmhainn, 11 maille ris na ceannaichibh agus na maraichibh, bròn air a son: 20 rinn na naoimh gairdeachas air son breitheanas Dhé oirre.*

**A** GUS an déigh nan nithean so chunnaic mi aingeal eil 'teachd a nuas o nèamh, aig an robh cumhachd mòr; agus dhealraich an talamh le 'ghlòir.

2 Agus ghlaodh e gn làidir le guth mòr, ag ràdh, Thuit, thuit Babilon mhòr, agus rinneadh i 'n a h-àite-còmhnuidh dheamhan, 'n a prìosan do gach spìrad neòghlan, 'n a h-ionad cumail do gach eun neòghlan agus fuathmhor.

3 Oir dh'òl na h-uile chinnich de fhìon feirge a striopachais, agus rinn rìghrean na talmhainn striopachas rithe, agus rinneadh saoi bhir ceannaichean na talmhainn le pailt-cas a sògha.

4 Agus chuala mi guth eile o nèamh, ag ràdh, Thigibh a mach aise, mo phobull,

chum nach bi sibh conbhairtich d'a peacaibh, agus nach faigh sibh *cuid* d'a plàighibh;

5 Oir tha a peacaidhean air ruigheachd suas gu nèamh, agus chuimhnich Dia a h-euceartan.

6 Thugaibh ath-dhiòl di mar a dhiòl ise ribh, agus thugaibh dhi a dhà uiread, a réir a h-oibre: anns a' chupan a lion i, fionnaibh a dhà uiread di.

7 A mhead as a ghlòraich si i féin, agus a chaith i a beatha gu sòghail, co mòr as sin thugaibh dhi de pheanas agus de bhròn: oir tha i ag ràdh 'n a cridhe féin, Tha mi a'm' shuidhe a'm' bhan-righinn, agus cha bhantrach mi, agus cha-n fhaic mi bròn.

8 Uime sin ann an aon là thig a plàighean, bàs, agus bròn, agus gorta; agus loisgear i gu tur le teine: oir is neartmhor an Tigh-earn Dia a bheir breth oirre.

9 Agus ni rìghrean na talmhainn, a rinn strìopachas agus a chaith am beatha gu sòghail maille rithe, gul agus caoidh air a son, 'n uair a chi iad deatach a losgaidh,

10 A' seasamh fad as, tre eagal a peanais, ag ràdh, Mo thruaighe, mo thruaighe! a' chaithir mhòr sin Babilon, a' chaithir threun sin! oir ann an aon uair thàinig do bhreith-eanas.

11 Agus ni ceannaichean na talmhainn gul agus caoidh air a son; oir cha cheannaich neach sam bith am bathar nì's mò.

12 Bathar òir, agus airgid, agus chlach luachmhor, agus neamhnuidcan, agus lion-eudach ghrinn, agus phurpuir, agus shìoda, agus scàrlaid, agus gach uile ghnè fhiodha thime, agus gach uile ghnè shoithichean ibhori, agus gach uile ghnè shoithichean fiodha ro luachmhor, agus umha, agus iar-uinn agus mharmoir,

13 Agus canal, agus nithean deadh-fhàile, agus oladh-ungaidh, agus tùis, agus fion, agus oladh, agus mìn mhìn, agus cruith-neachd, agus ainmhidhean, agus caoraich, agus eich, agus carbadan, agus tràilleas, agus anaman dhaoine.

14 Agus dh'innich na toraidhean air an robh mòr dhéidh d'anamach, uait, agus dh'innich na h-uile nì annasach agus maiseach uait, agus cha-n fhaigh thu iad nì's mò.

15 Seasaidh ceannaichean nan nithean so a rinneadh saoihbhir leatha, 'am fad, air eagal a peanais, a' gul agus a' caoidh,

16 Agus ag ràdh, Is truagh, am baile mòr sin, a bha air a sgeadachadh le lion-eudach grinn, agus purpur, agus scàrlaid, agus a bha air a dheanamh breagha le h-òr, agus le clachaibh luachmhor, agus le neamhnuidh-ibh!

17 Oir ann an aon uair thugadh saoihbreas cò mòr gu neo-nì. Agus shìas gach uile long-mhaighstir, agus gach uile chuideachd a thèid air longaibh, agus na seòladairean,

agus a' mhead 's a nì gnothuichean air faire, 'am fad,

18 Agus ghlaodh iad, an uair a chunnaic iad deatach a losgaidh, ag ràdh, Cò e am baile a's cosmhail ris a' bhaile mhòr so?

19 Agus thilg iad duslach air an cinn, agus ghlaodh iad, a' gul agus a' caoidh, ag ràdh, Is truagh, is truagh, am baile mòr sin, anns an d'rinneadh saoihbhir iadsan uile aig an robh longan air an fhaighe, tre a ghreadh-nachas-san! oir ann an aon uair dh'fhàsaich-cadh e.

20 Dean gairdeachas os a cheann, o a nèamh, agus sibhse abstola naomha agus fhàidhean; oir dhiòl Dia sibhse air.

21 Agus thog aingeal treun clach mar chloich-mhuilinn mhòir, agus thilg e 's an fhaighe i, ag ràdh, Is ann mar so le neart a thilgear sios am baile mòr sin Babilon, agus cha-n fhaighear e nì's mò.

22 Agus cha chluinnear annad nì's mò fuaim chlàrsairean, agus luchd-ciùil, agus phiobairean, agus thronpadairean; agus cha-n fhaighear annad nì's mò fear-ceirle, de ghnè ceirde sam bith; agus cha chluinnear fuaim cloiche-muilinn annad nì's mò;

23 Agus cha soillsich solus coimhle annad nì's mò; agus cha chluinnear annad nì's mò guth fear-bainne no bean-bainne: oir b'iad do cheannaichean daoine mòra na talmhainn; agus le d' dhruidheachd bha na h-uile chinich air am mealladh:

24 Agus fhuaradh ann fuil fhàidhean, agus naomh, agus nan nìle *dhaoine* a mharbhadh air an talamh.

# CAIB. XIX.

1 Tha Dia air a chliathachadh, air son gu'a d'thug e breth air an strìopaich mhòir, agus gu'n do dhiòl e fuil a naomh. 7 Banais an Uain, &c.

**A**GUS an déigh nan nithean so, chuala mi guth àrd mhòr-shluaigh air nèamh, ag ràdh, Aleluia; Slainte, agus glòir, agus urran, agus cumhachd do'n Tighearn ar Dia-ne:

2 Oir is fìor agus is cothromach a bhreith-eana; oir thug e breth air an strìopaich mhòir, a thruaill an talamh le a strìopachas, agus dhiòl e fuil a sheirbhiseach féin air a lùmh.

3 Agus a rìs thubhairt iad, Aleluia. Agus chaidh a deatach suas gu saoghal nan saoghal.

4 Agus thuit na ceithir seanairean fichead, agus na ceithir bheò-chreutairean sìos, agus rinn iad aoradh do Dhia, a bha 'n a shuidhe air an rìgh-chaithir, ag ràdh, Amen; Aleluia.

5 Agus thàinig guth a mach o'n rìgh-chaithir, ag ràdh, Molaibh ar Dia-ne, sibhse uile a's seirbhisich dha, agus air am bheil 'eagal-san, eadar bheag agus mhòr.

6 Agus chuala mi mar ghuth mòr-shluaigh, agus mar fhuaim mhòran uisgeachan, agus



mar thoirm tairneanaich chumhachdaich, ag ràdh, Aleluia: oir tha an Tighearn Dia uile-chumhachdach a' rioghachadh.

7 Bitheamaid aoibhinn agus deanamaid gairdeachas, agus thugamaid glòir dhàsan: oir thàinig pòsadh an Uain, agus dh'ulluich a bhean i féin.

8 Agus thugadh dhi gu'm bitheadh i air a sgeadachadh le lìon-eudach grinn, glan agus dealrach: oir is e an lìon-eudach grinn fireantachd nan naomh.

9 Agus thubhairt e rium, Sgrìobh, *Is* beannaichte iadsan a tha air an cuireadh gu suipeir-bainnse an Uain. Agus thubhairt e rium, *Is* iad so briathran firinneach Dhé.

10 Agus thuit mi sìos aig a chosaibh chum aoradh a dheanamh dha: agus thubhairt e rium, Feuch nach *dean thu* e: is comh-sheirbhiseach dhuit féin mise, agus do d' bhràithribh aig am bheil fianuis Iosa: dean aoradh do Dhia: oir is i fianuis Iosa spiorad na fàidheadaireachd.

11 Agus chunnaic mi nèamh air fhosgladh, agus, feuch, cach geal; agus ghoireadh de'n tì a shuidh air Dìleas, agus Fìor; agus ann am fireantachd tha e'deanamh breitheanaise agus cogaidh.

12 Agus *bha* a shùilean mar lasair theine, agus air a cheann *bha* mòran chrùn; agus *bha* ainm aige sgrìobhta, nach b'aithne do neach sam bith ach e féin;

13 Agus *bha* e air a sgeadachadh le trusgan tumta ann am fuil: agus is e'n t-aium a ghoirear dheth, FOCAL DHE.

14 Agus lean na h-armaithean a *bha* air nèamh e air eachaibh geala, air an sgeadachadh le lìon-eudach grinn, geal agus glan.

15 Agus as a bheul tha claidheamh geur a' dol a mach, chum gu'm buaileadh e na cinnich leis; agus riaghlaidh e iad le slait iarunn: agus tha e a' saltradh fion-amair fraoich feirge an Dé uile-chumhachdaich.

16 Agus tha aige air a thrusgan agus air a léis ainm sgrìobhta, RÌGH NAN RÌGH, AGUS TIGHEARN NAN TIGHEARN.

17 Agus chunnaic mi aingeal àraidh 'n a sheasamh 's a' ghréin; agus ghlaodh e le guth àrd, ag ràdh ris an eunlaith uile, a *bha* 'g itealaich ann am meadhon nèimh, Thigibh, agus cruinnichibh sibh féin chum suipeir an Dé mhòir;

18 Chum gu'n ith sibh feòil rìghrean, agus feòil àrd-cheannard, agus feòil dhaoine cumhachdach, agus feòil each agus na muinntir a shuidheas orra, agus feòil nan uile *dhaoine*, araon saor agus daor, araon beag agus mòr.

19 Agus chunnaic mi am fiadh-bheathach, agus rìghrean na talmhainn, agus an armaitean air an cruinneachadh, a dheanamh cogaidh an aghaidh an tì a *bha* 'n a shuidhe air an each, agus an aghaidh 'armait-sau.

20 Agus ghlacadh am fiadh-bheathach, agus maille ris-san am fàidh-bréige a rinn miorbhuilean 'n a làthair, leis an do mheall e an dream a ghabh orra comharadh an fhiadh-bheathaich, agus iadsan a rinn aoradh d'a iomhaigh. Thilgeadh iad sin 'n an dithis beò ann an loch teine a' dearg-lasadh le pronnuse.

21 Agus mharbhadh a' chuid eile le claidheamh an tì a *bha* 'n a shuidhe air an each, a thàinig a mach as a bheul: agus *bha* an eunlaith uile air an lìonadh le'm feòil.

## CAIB. XX.

1 *Sàtan ceangailte ré mhìle bliadhna.* 5 *A' cheud aiseirigh: 6 tha iad beannaichte aig am bheil cuid dhùth.* 7 *Sàtan a ris air fhuasgladh.* 8 *Gog agus Magog.* 10 *Thilgeadh an Diabhal do'n loch theine agus phronnùise.* 12 *An aiseirigh dheireannach agus choitichinn.*

**A** GUS chunnaic mi aingeal a' teachd a nuas o nèamh, agus iuchair sluicid an dubh-aigein aige, agus slabhraidh mhòr 'n a làimh.

2 Agus rug e air an dragon, an t-seann nathair nimhe sin, a's e an diabhal agus Sàtan, agus cheangail se e rémhìle bliadhna;

3 Agus thilg se e do shlochd an dubh-aigein, agus dhùin e stigh e, agus chuir e seula air, chum nach mealladh e na cinnich tuilleadh, gus an crìochnaichteadh am mìle bliadhna: agus an déigh sin, is èigin gu'm fuasgailear e ré ùine bhig.

4 Agus chunnaic mi rìgh-chaithrichean, agus shuidh iad orra, agus thugadh breitheanas doibh: agus *chunnaic mi* anaman na muinntir de 'n do chuireadh na cùm air son fianuis Iosa, agus focail Dhé, agus nach d'rinn aoradh do'n fhiadh-bheathach, no d'a iomhaigh, agus nach do ghabh a chomharadh air clàr an eudain, no air an làmhann; agus *bha* iad beò, agus rìghich iad maille ri Crìosd ré mhìle bliadhna.

5 Ach cha d'ath-bheothaicheadh a' chuid eile de na mairbh gus an robh na mìle bliadhna air an crìochnachadh. *Is* i so a' cheud aiseirigh.

6 *Is* beannaichte agus *is* naomh an tì aig am bheil cuid anns a' cheud aiseirigh: orra so cha-n'eil cumhachd aig an dara bàs; ach bithidh iad 'n an sagartaibh do Dhia, agus do Chrìosd, agus rìghichidh iad maille ris mìle bliadhna.

7 Agus an uair a chrìochnaichear am mìle bliadhna, fuasgailear Sàtan as a phrìosan,

8 Agus thèid e mach a mhealladh nan cinneach, a tha ann an ceithir chearnaibh na talmhainn, Gog agus Magog, chum an cruinneachadh gu cath; muinntir a *tha* ann an àireamh mar ghaineimh na fairge.

9 Agus chaidh iad suas air leud na talmhainn, agus chuartich iad camp nan naomh, agus am baile ionmhuinn: agus thàinig teine nuas o Dhia á nèamh, agus chuir e as doibh.

10 Agus thilgeadh an diabhl a mheall iad, 's an loch theine agus phronnuise. *far am theil* am fiadh-bheathach, agus am fàidh-bréige, agus bithidh iad air am pianadh a là agus a dh'oidheche, gu saoghal nan saoghal.

11 Agus chunnaic mi rìgh-chaithir mhòr gheal, agus an tì a shuidh oirre, neach aig an do theich nèamh agus talamh o a ghnùis; agus cha d'fhuaradh àite dhoibh.

12 Agus chunnaic mi na mairbh, beag agus mòr, 'n an seasamh 'an fìanuis Dhé; agus dh'fhosgladh na leabhraichean: agus dh'fhosgladh leabhar eile, *eadhon leabhar* na beatha: agus thugadh breth air na mairbh as na nithibh sin a bha sgrìobhta 's na leabhraicheibh, a réir an gnìomharan.

13 Agus thug an fhaireg naipse na mairbh a bha innte; agus thug am bàs agus an naigh uatha na mairbh a bha anna: agus thugadh breth orra gach aon a réir an gnìomharan.

14 Agus thilgeadh am bàs agus ifrinn do'n loch theine: Is e so an dara bàs.

15 Agus ge 'b'e air bith nach d'fhuaradh sgrìobhta ann an leabhar na beatha, thilgeadh e 's an loch theine.

# CAIB. XXI.

1 Nèamh nuadh agus talamh nuadh. 10 An Ierusalem nèamhaidh, maille ri lìn-mhìn-eachadh oirre: 23 cha-n'eil feum aice air grèin; oir is i glòir Dhé a solus. 24 Tha rìghrean na talmhainn a' toirt an saothaireis d'a h-ionnsuidh.

**A**GUS chunnaic mi nèamh nuadh, agus talamh nuadh: oir chaidh an ceud nèamh agus an ceud talamh thairis; agus cha robh fairge ann nì's mò.

2 Agus chunnaic mise Eoin am baile naomh, Ierusalem nuadh, a' teachd a nuas o Dhia à neamh, air ullnachd mar bhean-bainne air a sgeadachadh fa chomhair a fr.

3 Agus chuala mi guth mòr à nèamh ag ràdh, Fench, *tha* pàillium Dhé maille ri daoineibh; agus nì esan còmhnuidh maille riu, agus bithidh iadsan 'n an sluagh dha, agus bithidh Dia féin maille riu, agus 'n a Dhia dhoibh.

4 Agus tiormaichidh Dia gach deur o'n shìl; agus cha bhi bàs ann nì's mò, no bròn, no éigheach, agus cha bhi pian ann nì's mò; oir chaidh na ceud nithean thairis.

5 Agus thubhairt an tì a bha 'n a shuidhe air an rìgh-chaithir, Feuch, tha mi a' deanamh nan uile nithean nuadh. Agus thubhairt e rium, Sgrìobh, oir tha na briathran so fìrinneach agus dileas.

6 Agus thubhairt e rium, Tha e deanta. Is mise Alpha agus Omega, an tùs agus a' chrìoch: bheir mi dhàsan air am bheil tart, de thobar uisge na beatha gu saor.

7 Sealbhaichidh an tì a bheir buaidh na h-uile nithean; agus bithidh mise a' n' I' dhia dhàsan agus bithidhesan 'n a mbac dhomh-sa.

8 Ach aig an dream sin a tha gealtach, agus mi-chreidmheach, agus gràineil, agus aig iuchd mortaidh, agus strìopachais, agus druidheachd agus iodhol-aoraidh, agus aig na h-uile bhreugairibh, bithidh an cuibh-rionn anns an loch a tha 'dearg-lasadh le teine agus pronnuse; nì a's e an dara bàs.

9 Agus thàinig a m' ionnsuidh aon de na seachd ainglibh, aig an robh na seachd soithichean làn de na seachd plàighibh deireannach, agus labhair e rium, ag ràdh, Thig an so, nochdaidh mise dhuit a' bhean nuadh-phòda, bean an Uain.

10 Agus thug e leis mi anns an spiorad gu beinn mhòir agus àird, agus dh'fheuch e dhomh am baile mòr sin, Ierusalem naomh, a' teachd a nnas à nèamh o Dhia,

11 Aig an robh glòir Dhé: agus bha a shoilleir cosmhuil ri cloich ro lnamhhoir, mar chloich Iaspis, soilleir mar chrìostal;

12 Agus bha balla mòr agus àrd aig, air an robh dà gheata dheug, agus aig na geataibh dà aingeal dheug, agus ainmean sgrìobhta orra, eadhon ainmean dà thréibh dheug chloinn Israeil.

13 Air an taobh an ear, trì geatachan; air an taobh thuath, trì geatachan; air an taobh deas, trì geatachan; agus air an taobh an iar, trì geatachan.

14 Agus bha aig balla a' bhaile dà bhunait dheug, agus anna-san ainmean dà abstol deug an Uain.

15 Agus bha aig an tì a labhair rium, cuile-shlat òir, chum gu'n tomhaiseadh e am baile, agus a gheatachan, agus a bhalla.

16 Agus tha am baile 'n a luidhe ceithir-chearnach, agus tha 'fhad co mòr r'a leud: agus thomhais e am baile leis a' chuilc-shlat, dà mhìle dheng stàide: is ionann fad, agus leud, agus àirde dha.

17 Agus thomhais e a bhalla, cend agus dà fhichead agus ceithir lannhan-coille, a réir tomhais duine, eadhon an aingil.

18 Agus bha a bhalla air a thogail de chloich Iaspis; agus b'òr fìor-ghlan am baile, cosmhuil ri gloine shoilleir.

19 Agus bha bunaitean balla a' bhaile air an deanamh sgiamhach leis gach uile ghnè chlachan lnamhhor. Bu iaspis an ceud bunait; bu shaphir, an dara; bu chalcedon, an treas; bu emerald, an ceathramh bunait;

20 Bu shardonics, an cùigeamh; bu shardius, an seathamh; bu chrisolit, an seachdamh; bu bheril, an t-ochdamh; bu topas, an naothamh; bu chrisopras, an deich-eamh; bu hiacint, an t-aon deug; bu ametist, an dara bunait deug.

21 Agus an dà gheata dheug bu dà neamh-nuid dheug iad; bha gach aon fa leth de na geataibh air a dheanamh de aon neamh-nuid: agus b'òr fìor-ghlan sràid a' bhaile, mar ghloine shoilleir.

22 Agus cha-n fhaca mi teampull ann: oir



is e'n Tighearn Dia uile-chumhachdach, agus an t-Uan a's teampull da.

23 Agus cha-n'eil feum aig a' bhaile air a' ghrèin, no air a' ghealach a dhealachadh ann : oir shoillsich glòir Dhé e, agus *is e* an t-Uan a's solus da.

24 Agus ghuaisidh cinnich na muinntir sin a shaorar 'n a sholus : agus bheir rìghrean na talmhainn an glòir agus an urram d'a ionnsuidh.

25 Agus cha dùinear a gheatachan's an là oir cha bhì oidhe an sin.

26 Agus bheirear glòir agus urram nan cinneach d'a ionnsuidh.

27 Agus cha téid air chor sam bith a steach ann ni air bith a shalacheas, no a dh'oibricheas gràineilachd, no a *ni* breug : ach iadsan a mhàin a tha sgrìobhta ann an leabhar beatha an Uain.

### CAIB. XXII.

1 *Amhainn uisge na beatha, 2 craobh na beatha. 5 'S e Dia féin solus na caithreach. 9 Cha-n fhulaing an t-aingeal aoradh a dheanamh dha. 18 Cha-n fheadar ni sam bith a chur ri focal Dhé, no 'thoirt uait.*

**A**GUS dh'fheuch e dhomh amhainn fhìor-ghlan de uisge na beatha, soilleir mar chrìostal, a' teachd a mach á rìgh-chaitheir Dhé, agus an Uain.

2 Ann am meadhon sràide na *caithreach*, agus air gach taobh de'n amhainn, *bha* craobh na beatha, a' giùlan dà *ghnè* dheug thoiridh, agus a' toirt a toraidh uaipe gach uile mhios ; agus *bha* duilleachd na craoibhe chum leighis nan cinneach.

3 Agus cha bhì mallachd air bith ann ni's mò : ach bithidh rìgh-chaitheir Dhé agus an Uain innte ; agus ni a sheirbhisich seirbhis da.

4 Agus chi iad 'aghaidh ; agus *bithidh* 'ainm-san air clàr an cudain.

5 Agus cha bhì oidhe an sin, agus cha-n'eil feum aca air coinnil, no air solus na gréine ; oir bheir an Tighearn Dia solus doibh : agus rìghichidh iad gu saoghal nan saoghal.

6 Agus thubhairt e rium, *Tha* na briathran so dìleas agus fìrinneach. Agus chuir an Tighearn, Dia nam fàidhean naomha, 'aingeal féin a nochdadh d'a sheirbhisich na nithean sin a's éigin tachairt gu h-aithghearr.

7 Feuch, tha mi a' teachd gu luath : is beannaichte an ti a choimhideas briathran fàidheadaireachd an leabhair so.

8 Agus chunnaic mise Eoin na nithean so, agus chuala mi iad : agus an uair a chuala agus a chunnaic mi *iad*, thuit mi sìos a'

264

deanamh aoraidh aig cosaibh an aingil, a nochd na nithean so dhomh.

9 An sin thubhairt e rium, Feuch nach *dean thu e* : oir is comh-sheirbhisich dhuit mise, agus do d' bhràithribh na fàidhean, agus dhoibh-san a choimhideas briathran an leabhair so : dean aoradh do Dhia.

10 Agus thubhairt e rium, Na seulaich focail fàidheadaireachd an leabhair so : oir tha an t-am am fagus.

11 An ti a ni eucoir, deanadh e eucoir a ghnàth : agus an ti a tha salach, bitheadh e salach a ghnàth : agus an ti a tha 'n a fhìrean, bitheadh e 'n a fhìrean a ghnàth : agus an ti a tha naomh, bitheadh e naomh a ghnàth.

12 Agus, feuch, tha mi a' teachd gu h-aithghearr ; agus tha mo luach-saoithreach maille rium, a thoirt do gach aon fa leth, a réir mar a bhitheas a ghnìomharan.

13 Is mise Alpha agus Omega, an toiseach agus a' chrìoch, an ceud *neach* agus an *neach* deireannach.

14 Is beannaichte iadsan a ni 'àitheantas, chum gu'm bi còir aca air craoibh na beatha, agus gu'n téid iad a stigh tre na geataibh do'n bhaile.

15 Oir an taobh a muigh *tha* madraidh, agus luchd-druidheachd, agus luchd-striopachais, agus luchd-mortaich, agus luchd ìodhol-aoraidh, agus gach neach a ghràdh-aicheas agus a ni breug.

16 Chuir mise Iosa m'aingeal a dheanamh fianuis duibhse air na nithibh so anns na h-eaglaisibh. Is mise freumh agus gineal Dhaibhidh, an reult dhealach agus mhaide.

17 Agus tha an Spiorad agus a' bhean nuadh-phòsda agràdh, Thig. Agns abradh an ti a chluinneas, Thig. Agus an neach air am bheil tart, thigeadh e. Agus ge b'e neach leis an àill, gabhadh e uisge na beatha gu saor.

18 Oir tha mi 'deanamh fianuis do gach uile neach a chluinneas briathran fàidh cadaireachd an leabhair so, Ma chuireas neach air bith ris na nithibh so, cuiridh Dia airsan na plàighean a tha sgrìobhta anns an leabhar so :

19 Agus na bheir neach air bith o bhriathraibh leabhair na fàidheadaireachd so, bheir Dia a chuibhrionn-san á leabhar na beatha, agus as a' bhaile naomh, agus as na nithibh a tha sgrìobhta anns an leabhar so.

20 Tha an ti a tha 'toirt fianuis air na nithibh so agràdh, Gu deimhin tha mi a' teachd 'an aithghearr. Amen. Seadh, thig, a Thighearna Iosa.

21 Gràs ar Tighearna Iosa Crìosd *gu robh* maille ribh uile. Amen.

X

# SAILM DHAIBHIDH,

ANN AN

DAN GAIDHEALACH.



EDINBURGH:

PRINTED FOR

THE NATIONAL BIBLE SOCIETY OF SCOTLAND.





# SAILM DHAIBHIDH.

## SALM I.

- 1 **'S** BEANNAICHT' an duine sin nach  
'an comhairle nan daoib, [gluais  
'An slighe fhiar nan peacach baoth',  
'n a sheasamh fòs nach bi;  
'An caithir fanoid luchd an spòrs  
nach togair suidh' gu bràth:  
2 Ach 'g am bheil toil do naomh-reachd  
'g a smuaineachd' oidhch' is là. [Dhé,  
3 Mar ehraoibh is amhluidh bithidh e  
'n cois aìmhne fàs a ta,  
A bheir 'n a h-aimsir toradh trom,  
gun duilleach chall no blàth.  
Soirbhichidh leis gach ni d'an dean:  
4 ni h-amhluidh sin do bhi  
Na daoine peacach; ach mar mhol  
air fhuadachadh le gaoith.  
5 Is uime sin cha seas a suas  
na h-aingidh anns a' bhreth,  
No peacaich ann an comun naomh  
nam fireanach air leth.  
6 Oir 's fiosrach Dia air slighe ghloin  
nam fireanach air fad;  
Ach slighe fhiar nam peacach baoth',  
Di-mhilltear i gu grad.

## SALM II.

- 1 **C'** ARSON a ghabh na Cinnich boil',  
's na slòigh le chèile cruinn,  
A'smuaineachadh beairt dhìomhanaich,  
nach feudar chur an suim?  
2 Rìghre na talmhainn dh'èirich suas,  
's na h-uachdarain gu léir;  
'N aghaidh Iehobhah chruinnich iad;  
's 'n aghaidh aoin ungta Dé.  
3 Nis briseamaid an cuibhreach dhinn,  
(sud thubhairt iad air fad.)  
Na boinn a b'àill leo iadhadh oirnn,  
dhinn tilgeamaid gu grad.  
4 An Ti air nēamh 'n a shuidhe ta,  
ni esan gaire riu;  
Ia mar chùis-mhagaidh bithidh iad  
do Thighearn àrd nan dùl.  
5 'N sin labhraidh e am briathraibh borb  
'n a chorroich riu gu garg;  
Is cuiridh e gu cablaig iad,  
le lasan is le feirg.  
6 Gidheadh do dh'ungadh leam mo Rìgh  
gu fìor air Sion caomh;  
Is chuir mi e 'n a uachdaran  
suas air mo thulaich naoinmh.  
7 Cuiridh mi 'n cèill an t-ordugh ud;  
thubhairt Iehobhah rium,

- Is tu mo mhaicsa; 's ann an diugh  
a ghineadh thusa leam.  
8 Iarr orm, 's mar oighreachd bheir mi  
na fineacha gu léir: [dhuit  
'S mar sheilbh ro-dhìleas bheir mi dhuit,  
fad iomail crìch' gach tìr'.  
9 Nithear le slait de'n iarunn chruaidh,  
gu luath am briseadh leat;  
'N am bloighdibh beaga pronnar iad,  
mar phota crè le d' neart.  
10 O rìghrean, uime sin, a nis,  
gabhaibh-sa ciall gu léir;  
A bhreitheamhna na talmhainn fòs,  
grad-fhoghlumaibh deadh bheus.  
11 Do'n Tighearna Iehobhah mòr  
aoraibh-sa sìos gu ceart,  
Le h-eagal deanaibh seirbhìs mhaith  
do Thighearna nam fear,  
'S le ball-chrith deanaibh gairdeachas.  
12 Do'n mhaic grad-thugaibh pòg,  
Air eagal gu las 'fheargsan ruibh,  
g'ur milleadh anns an ròd.  
An uair a bhitheas corruich air  
a' lasadh ach gu beag.  
Is beannaicht' iad, gach uile neach,  
an dòchas air a leag.

## SALM III.

- 1 **N**ACH lionmhor iad no naimhde, Dhia  
sìor-dhol am meud gach là?  
Is luchd mo thrioblaid iomadh iad,  
ag èiridh rium a ghnàth.  
2 Ri m'anam iomadh their nach 'eil  
aon fhurtachd aig an Dia:  
3 Ach 's tu fear-togalach mo chinn,  
mo ghlòir, is tu mo sgiath.  
4 Air Dia do ghairm mi féin le m' ghuth,  
dh' éisd as a thulaich naoinmh:  
5 Luidh, choidil, agus mhosgail mi,  
chum Dia mi suas gu eomh.  
6 Cha-n eagal leam deich mìle sluagh,  
ged ehuairticheadh iad mi.  
7 Mo Thighearn éirich suas gu luath,  
is cuidich leam, a Dhé:  
Mo naimhde bhual thu air an gial;  
bhris fiacra fòs nan daoib.  
8 'S le Dia an fhurtachd: air do shluagh  
do bhèannachd tha gun dìth.

## SALM IV.

- 1 **O** THUSA Dhia ud m'ionracais,  
éisd rium tràth éigheam riut;  
'S tu dh'fhuasgail orm 's mi ann an teinn;  
fòir orm, is éisd mo scread.



# SALM V, VI, VII.

- 2 Mo ghloir eia fhad, a chlann nan daoine,  
gu nàire chaochleas sibh ?  
A' tabhairt gràidh do dhìomhanas,  
is leanas breugan ruibh ?
- 3 Biodh agaibh fios gu'n d' ròghnuieh Dia  
dha féin an duine naomh ;  
'N uair dh'éigheas mi, bheir e gu beachd  
sar-éisdachd do mo ghlaodh.
- 4 Biodh eagal oirbh 's na deanaibh lochd :  
labhraibh ri 'ur eridh' féin,  
Gu h-uaigneach air 'ur leabaicheibh  
bibh tosdach mar an ceudn'.
- 5 Deadh iobairt thaitneach thugaibh uaibh,  
do'n ionracas a ghnàth ;  
'S 'ur dòchas cuiribh ann an Dia,  
ag carbsadh as gach là.
- 6 Nì maith co nochdas duinn a nis ?  
tha mòran aè' ag ràdh :  
Ach dealradh glan do ghnùise, Dhé,  
tog oirne suas a ghnàth.
- 7 'S mò ehuir thu dl'aoibhneas ann am  
no'n uair a's lionnhoir' coire, [chridh',  
No, aea sud, a's saoihbhe fion  
a' cinneachduinn gun airc.
- 8 An sìth-shàimh luidhidh mi faraon,  
is coidlidh mi le suain :  
Oir's tusa mlaibh bheir dhomh, a Dhé,  
fo dhèidean, còmhnuidh bhuan.

## SALM V.

- 1 **D**O m' bhriathraibh tabhair aire, Dhé,  
is beachdaich air mo smuain.
- 2 Eisd guth mo ghlaoidh, mo Rìgh 's mo  
oir guidheam ort gu dian. [Dhia.
- 3 Mo ghuth do ehlunnear leat, a Dhé,  
air maduinn gach aois là :  
Gu moch do dheanam urnuigh riut,  
is deaream ort a ghnàth.
- 4 Cha tus' an Dia le 'm miann an t-ole ;  
is lochd eha ehaidir thu :
- 5 Cha seas an t-amadan a'd' làth'r ;  
's fuath leat luehd-uile nach fìu.
- 6 Do sgriosar leat luehd-labhairt bhreug :  
is gràin le Dia faraon  
An duine fuileachdach, 's an ti  
ehum cealgairachd a chlaon,
- 7 Ach mise, thig mi ehum do theach,  
thaobh meud do ghrasa eamh' :  
Is ann ad eagal aoraidh mi,  
m'aghaidh ri d'theampull naomh.
- 8 Fa chùis mo naimhde, trèoraich mi,  
a'd' eheartas naomh, a Dhé,  
Is deansa romham, air gach ball,  
do shlighe dìreach rèidh.
- 9 Oir eha-n 'eil cinnt no ceart 'n am beul,  
fior-aing'caehd annta ta ;  
An sgòrnan fosgailt' tha mar uaigh,  
le mìodal teangaidh tlàth.
- 10 Le'n comhairlibh leig tuiteam dhoibh ;  
sgrios iad, a Dhé, 'n an lochd :  
'N am peacaibh lionmhor fuaideich iad,  
oir rinn iad ceannaire ort.

- 11 Ach aoibhneas air gach neach gu robh  
nì barrant dhìot 'n an aire :  
Is deanadh iad buan ghairdeachas,  
oir nì thu dhoibh cùl-taic' :  
Biodh annad ait, le'n ionmhuinn d'ainm,
- 12 oir beannaichidh tu, Dhé,  
Am firean : nì thu le do ghràs  
a chuairteach', mar le sgéith.

## SALM VI.

- 1 **A** THIGHEARN, ann ad chorrueich  
Na dean mi gu garg ; [mhòir  
an uair a lasas d'fhearg.
- 2 Dean trècair orm, a Dhia nan gràs,  
oir lag tha mi gun eheisd :  
Dhia, slanuich mi a nis a'm' fheum,  
oir tha mo chnàmhan brist'.
- 3 Tha m'anam air a echràdh gu geur :  
ach thusa, Dhé, eia fhad ?
- 4 Pill, fuasgail m'anam ; agus fòir  
le trècair orm gu grad.
- 5 Oir ort, a Thighearna, 's a' bhàs,  
cha chuimhnichear gun eheisd :  
Cò bheir dhuit buidheachas 's an uaigh,  
no bheir ort luaidh ann feasd ?
- 6 Le m' osnaich tha mi sgèith ; 's an oidheh  
a' eur mo leab' air snàmh :  
Le m'dheuraibh m'uirigh uisgicheam  
's an àm bu ehòir dhomh tàmh.
- 7 Mo shùil a ta air fàilneachadh  
fa chùis mo bhròin gach tràth ;  
Is tha i dol gu h-aois, air son  
m' uil' eascairde a ghnàth.
- 8 A luehd na h-aingidheachd gu léir,  
imichibh uam am fad :  
Oir chuala Dia gu trèaireach  
àrd-ghuth mo ehaoidh gun stad.
- 9 An athchuinge a chuir mi suas,  
ehuala Iehobhah i ;  
Is gabhaidh e gu toileach uam  
an urnuigh a mi mi.
- 10 Air m' eascairdibh gu robh air fad  
nàir' agus cùradh geur :  
Is pilleadh iad air ais gu luath  
le masladh mòr gu léir.

## SALM VII.

- 1 **O** DHIA, mo Thighearn, carbam riut :  
orm furtaich agus fòir,  
Is saor mi fòs o shàrhadh  
mo nàmh tha orm an tòir.
- 2 Air eagal, mar nì leòmhann treun,  
gu'n reubar m'anam leis :  
A' deanamh loidairt air gu mìn,  
gun neach ga m' fhuasgladh as.
- 3 Iehobhah Dhé, ma rinn mi so ;  
ma tha loehd air mo làimh :
- 4 Ma dh'ìoe mi ole do'n fhear a bha  
an sìochant dhomh, 's an dàimh ;  
(Nì h-amhluidh sin, ach rinn m' nì  
a theasairginn gu blàth,

# SALM VIII, IX.

- A bha gun aobhar is gun chùis  
'n a nàmhaid dhomh gach là.)
- 5 Leanadh an nàmhaid m'anam féin,  
glacadh se e, 's gu làr  
Saltradh mo bheatha, leagadh fòs  
m'urram 's an dùs le tàir,
- 6 Eirich, a' d'fheirg, tog suas thu féin  
fa chorruich m' eascair thréin  
Is chum na breth a dh'orduich thu  
mosgail fa'm chùis, a Dhé.
- 7 Mar sin ni coimhthional an t-sluaigh  
do chuairteachadh gun tàmh ;  
Is uime sin fa'n cùis, a Dhé,  
pill féin gu ionad àrd.
- 8 Breth air an t-sluaigh gu léir bheir Dia :  
réir m'ionracais dean breth,  
A réir mo neochiont féin, a Dhé,  
gu teann cuir as mo leth.
- 9 O thigeadh crìoch air ole nan daoì,  
ach daingnich daoine còir' :  
'S fear-sgrudaidh cridh', is rannsaich airn'  
Dia cothromach na glòir'.
- 10 'S e Dia mo sgiath, 's e dh'fhuirtaicheas  
air luchd a' chridhe cheirt.
- 11 Breitheamh luchd-còrach Dia, gach là  
am feirg ri luchd droch-bheirt.
- 12 Ma 's e 's nach pill an daoì air ais,  
a chlaidheamh lìomhaidh Dia :  
Air lagh a bhogha chuir gu teann,  
gu caitheamh ullamh dian.
- 13 Fìor-aeftuin agus innil bàis  
sin dheasaich e dha féin ;  
'S a shaighde guineach leig e mach  
an aghaidh luchd dhroch-bheus.
- 14 Mar mhnai ri saoth'r is amhluidh sin,  
an daoì ri ole a ta ;  
Feuch aimhleas ghabh mar thorachas,  
breug rugadh leis gun stà.
- 15 Chladhaich e slochd, is threachail e,  
is thuit 's a' chlais a rinn :
- 16 Thig 'aimhleas air a chloiginn féin,  
is 'fhòirneart air a cheann.
- 17 A réir a cheartais molaidh mi  
an Tighearn, air gach àm :  
Do ainm Iehobhah seinnidh mi,  
oir 's e a's àirde th'ann.

## SALM VIII.

- 1 **I**EHOBHAH Dhia, cia mòr tha d'ainm  
air feadh gach uile thir !  
Do ghlòir do shocraich thu os ceann  
nam flaitheas is nan speur.
- 2 A beul nan naoidh 's nan ciochran maoth'  
bhrìgh d'eascair dh'orduich neart,  
An nàmhaid chum gu coisgeadh tu,  
's an dioghaltach mi-cheart.
- 3 Do speuran tràth thug mi fainear,  
obair do mheura féin ;  
A' ghealach is na reulta glan',  
a dh'orduich thu le chèll' :

- 4 Duine cìod e, gu'n cuimhnichteadh ?  
no 'mhac gu'm fiosraicht' leat ?
- 5 De'n inbhe, 's beag a chum thu uaith',  
air 'n d'fhuair na h-aingil ceart ;
- Oir chuir thu coron àluinn air,  
le maise 's glòir thar chàch.
- 6 Air oibrìbh fòs do làmh thug thu  
dha uachdranachd air fad.  
Gach dhùile chuir fo 'chosaihb dha,  
a chruthaich thusa rianh :
- 7 Caoraich, is buar, 's gach aimhaidh fòs,  
tha 'g imeachd air an t-sliabh.
- 8 An eunlaith tha 's an athar shuas,  
an t-iag a ta 's a' chuan,  
'S na shiubhlas fòs air slighe tuinn,  
sin thug thu dha gu buan.
- 9 A Dhia, ar Tighearn is ar Dia,  
d'ainm-sa cia h-uasal e !  
Air feadh gach talmhainn agus tìr  
is mòr e sud, a Dhé.

## SALM IX.

- 1 **I**E m'uile chridhe bheir mi dhuit,  
àrd-mholadh binn, a Dhé ;  
Is d'òibre mìorbhuileach air fad  
sior chuiridh mi an cèill.
- 2 Fòs ni mi annad aoibhneas ait,  
is gairdeachas gu mòr :  
Do d'ainm-sa seinnidh mise cliu,  
O Thi a's àirde glòir.
- 3 A ris tràth phillear air an ais,  
mo naimhde, théid gu làr ;  
Oir tuitidh iad is théid doilbh as,  
a'd'fhiannais féin gun dàil.
- 4 Mo chòir rinn thusa sheasamh dhomh,  
gu daingean is gu treun :  
A'd' chaithir chotlroim shuidh thu shuas,  
mar bhreitheamh ceart am binn.
- 5 Is thug thu air na cinnich smachd,  
sgrios thu na daoine daoì :  
An ainm do chuir thu as gu glan,  
o linn gu linn a chaoidh.
- 6 (Air sgrios an nàmh chaidh crìoch am  
leag thu am bailte treun'; [feasd :]  
An iomradhsan 's an cuimhne fòs  
do theirig sin leo féin.
- 7 Ach mairidh Dia gu bunaiteach :  
chuir caithir suas chum breth.
- 8 Bheir air an domhan cothrom ceart,  
le còir do'n t-sluaigh fa leth.
- 9 Mar dhaingneach bithidh Dia nam feart  
do'n tì a ta fo leòn :  
An trioblaid, tearmum dìleas e,  
ri faicinn neach fo bhròn.
- 10 Gach neach 'g am bheil air d'ainm-sa  
ni dòchas dhiot, is bun : [fios  
Oir mhead 's a ta ga d' iarraidh, Dhé,  
cha tréig thu iad gu tur.
- 11 Do'n Triath d'an còmhnuidh Sion naomh,  
seinnidh-sa cliu gu binn ;



# SALM X.

- Aithrisibh fòs am measg an t-sluaigh  
na gnìomharan a rinn.
- 12 Tràth ni e rannsachadh air fuil,  
'n sin cuimhneach orra ta ;  
Cha leig air dearmad glaoth nam bochd,  
a ghairmeas air a ghnàth.
- 13 Fòir orm, a Dhé, is amhaire air  
mo thrioblaid o luchd m'fhuath' ;  
A Dhé, a ta ga m' thogail suas  
o dhorsaibh bàis gu luath.
- 14 An dorsaibh nighinn Shioin chaoimh  
gu sgaoilinn d'uile chliu :  
Is ni mi gairdeachas air sgàth  
na slàinte dheònaich thu.
- 15 Thuit sìos na cinnich anns an t-slochd  
a chladhaich iad do chàch ;  
Is anns an lion a dh'fholuich iad,  
tha'n cosa féin an sàs.
- 16 Aithnìchear Dia 's a' bhreth a ni,  
'n uair thuiteas daoibh 's an drip ;  
Is ann an gnìomh a làmh a féin  
teann-ghlacar e 's an rib.
- 17 Pillear luchd-uile is aingidheachd  
gu h-ìfrinn sìos gu léir ;  
'S na fineachan nach cuimhnich Dia,  
pillear iad sìos le chèil'.
- 18 An t-ainnis truagh cha téid am feasd,  
air dearmad no air dìth ;  
Air dòchas fòs an duine bhochd  
gu bràth cha-n fhaicear claidh.
- 19 A Thighearn, éirich, 's na leig buaidh  
le neach d'an dual am bàs ;  
Breth thugar air na cinneachaibh  
a'd'fhanuis anns gach càs.
- 20 Cuir eagal orrasan gu mòr,  
Ichobhah Dhia nam feart ;  
Gu'n aithnìcheadh na sìdigh gu léir  
iad féin nan daoine meat'.

## SALM X.

- 1 C IOD uime 'n seas thu fad o' làimh,  
Ichobhah làidir thréin ?  
An aimsir teinn is trioblaid mhòir  
an dean thu d'fholach féin ?
- 2 An droch dhuin' tha na àrdan borb  
gu dian air tòir a' bhochd :  
Ach glacar iad 's na h-innleachdaibh  
a dhealbh iad féin chum lochd.
- 3 Oir ni an droch dhuin' ràiteachas  
á miann a chridhe féin ;  
'S na daoine sanntach molaidd e,  
ge beag air Dia am mèin.
- 4 An droch dhuin' a'n' fìor-àrdan gruaidh'  
cha ghoir e air an Triath ;  
'Na chridhe cha-n 'eil uair air bith  
gnè smuaineachaidh air Dia.
- 5 Tha 'uile shlighe doilghiosach,  
o 'shealladh 's àrd do bhreth :  
A' séideadh pluic gu fanoideach,  
mu 'eascairdibh gach leth

- 6 'N a chridhe féin do labhair e,  
am feasd cha ghluaisear mi :  
Oir cha tig àmhligh orra gu bràth,  
no trioblaid fòs g'am chlaoidh.
- 7 Do'n iogan, mhallachadh, 's do ghò,  
a bheulsan làn a ta :  
Tha aimhleas mòr is dìomhanas  
fo 'theangaidh-san a ghnàth.
- 8 An diomhaireachd nam bailte beag'  
gnàth-suidhidh e gun fhios ;  
Tha 'shùil air bochd 's air neòchiontach,  
'gam mort an uaignidheas.
- 9 Tha 'shùil nimhneach mar an ceudn',  
ro-ghuineach geur gu lochd,  
A' dearcadh ann an diomhaireachd  
chum sgrios an fhùrcin bhochd.
- 10 Mar leòmhann luith' am foill a ta,  
'n a thàmh an garaidh dìon,  
Ghabhail nam bochd : is ghlac e iad  
'g an tarruing ann a lion.
- 11 Crùbaidh is cromaidh e gu làr,  
chum dha nach mothaich neach :  
Le 'laochraibh chum gu'n leagadh e  
am bochd a' gabhail seach.
- 12 Is thubhairt e 'n a chridhe féin,  
dhìchuimhnich Dia gun cheisd :  
Seadh dh'fholuich e a ghnùis an céin,  
cha léir dha sud am feasd.
- 13 Iehobhah, éirich suas an àird,  
a Dhia ta neartmhor treun,  
Tog suas do làmh : 's na dearmad chaidh  
na deòraidh bochd 'n am feum.
- 14 Na daoine dona c'uim' an dean  
iad tarcuis ort, a Dhé ?  
An neach ud thubhairt 'n a chridh' féin,  
cha-n fhiosraichear leat e.
- 15 Chunnaic thu sin, oir dhuit is léir  
gach dochair is gach spìd,  
A chum le d'làimh gu tòir thu dhoibh  
comain an uile a n' d' :
- 16 'S ann ortsa dh'fhàg an duine bochd  
e féin a chur fo dhion,  
O's tu fear-cuidich agus neart  
nan dilleachdan gun mhaoin.
- 17 Gairdean an droch dhuin' is an daoibh  
leòn thus', is bhris, a Dhé ;  
Is rannsaich 'uile lochd gu geur,  
gu ruig nach faighear e.
- 18 Gu suthain is gu sìorruidh fòs,  
Ichobhah ta 'n a Rìgh :  
Sgrìosadh na cinnich as gu tur,  
is ghlanadh as a thìr.
- 19 Miann nan daoibh 'umhal chual tu' Dhé ;  
an cridhe ni thu gleust ;  
Is bheir thu air do chluais gu beachd  
an gearansan gu'n éisd :
- 20 A chumail ceirt ri dilleachdain,  
's ri daoibh brùite truagh',  
A chum nach tugadh duin' o'n àir  
ni 's mò air fòirneart luaidh.

SALM XI.

- 1 **M**O dhòchas chuir mi ann an Dia ;  
cìod uime 'n abradh sibh  
Ri m'anam, chum mo chur air gheilt,  
teich as mar cun gu d' shliabh ?
- 2 Feuch chuir na h-aingidh bogh air lagh,  
air sreing an saighead ghleus,  
Thilgeadh 's an dòrch' an ti ta ceart  
'n a chridhe fòs 's 'n a bheus.
- 3 Ma thèid na bunaite air dhìth,  
cìod ni an duine còir ?
- 4 Tha Dia 'n a theampull naomh, air  
tha 'chaithir làn do ghlòir : [nèamh,  
Is léir d'a shùilb-san gach dùil,  
's an domhan mhòr a ta :  
Le 'rosgaibh clann nan daoin' air fad  
rannsaichidh e a ghnàth.
- 5 Rannsaichidh Dia na fireanaich ;  
ach luchd na h-aingidheachd  
Is fuath le 'anam, is gach neach  
thug spéis do ragaireachd.
- 6 Air daoineibh droch-mhuinnt' dòirtidh Dia  
nuas ribeachan gun dìth ;  
Is teine, pronnuse, 's doiminn gharbh,  
cuibhrionn an cup' do ni.
- 7 Oir Dia tha cothromach is ceart,  
is ionmhuinn leis a' chòir :  
Ag amharc air na fireanaibh  
le deadh ghnùis làn do ghlòir.

SALM XII.

- 1 **N**IS fòir, is cuidich leam, a Dhé,  
's gun deadh dhuin' idir ann :  
Na treibhdhìrich measg chloinn nan daoin'  
ri 'n faghail tha ro ghann.
- 2 Labhraidh gach neach r'a choimhear-  
a' bhreug le mìodal béil : [snach  
Le cridhe dùbailt' làn do cheilg,  
sior-labhraidh iad ri chéil'.
- 3 Gach beul tha làn do ghabhann tlàth,  
d'an gnàth bhi leam is leat ;  
An teagadh bhruidhneach àrdanach  
sgathar le Dia nam feart.
- 4 A thubhairt, Orra bheir sinn buaidh  
le'r teagaidh féin a mach ;  
'S leinn féin ar beul : cò e an Triath  
a chuireas sinn fo smachd ?
- 5 Ri sàruchadh nan deoradh truagh',  
ri osnaich dhaoine bochd,  
Nis éiridh mi, (ars' Dia,) g'an dìon,  
o'n dream ta bagradh lochd.
- 6 Is fìorghlan focal Dhé gu dearb ;  
amhluidh mar airgiod e,  
A leaghadh is a ghlanadh fòs  
seachd cuairt an suacan crè.
- 7 Coimhididh tus' iad uile, Dhé,  
dionaidh tu iad a ghnàth.  
O'n ghinealach so nis a th'ann,  
's o sin a mach gu bràth.

- 8 Gluaisidh gach aon taobh luchd an uile,  
is togaidh iad an ceann ;  
An t-àm 's an cuirear suas gu h-àrd  
na daoin' a's suaraich' t'ann.

SALM XIII.

- 1 **C**IA fhad a dhearmadar mi leat,  
a Dhia, an ann gu bràth ?  
Cia fhad a cheileas tu do ghnùis  
o m'anam truagh gach tràth ?
- 2 Cia fhad bhios incheist ann am chom,  
le cridhe trom gach là ?  
Cia fhad a chuirear tharum suas  
an ti bha dhomh 'n a nàmh ?
- 3 Tabhair faineas, is freagair mi,  
a Thighearna mo Dhia ;  
Soillsich mo shùile, codal trom  
chum bàis nach coidil mi.
- 4 Eagal gu'n abair rium mo nàmh,  
chaidh agam air a nis ;  
'S gu'n dean mo naimhde gairdeachas,  
an uair a dh' aomar mis'.
- 5 Ach dh'carb mi á do ghràs : is bidh  
mo spiorad ait a'd' shlàint ;
- 6 Is seinnidh mi gu binn do Dhia  
air son a phailteis ghnà'icht'.

SALM XIV.

- 1 **N**A chridhe deir an t-amadan,  
cha-n 'eil ann Dia air bith :  
Taid truailidh, 's oillteil, fòs an gnìomh ;  
cha-n 'eil ann neach ni maith.
- 2 An Tighearn dh'amhairc e o nèamh,  
air cloinn nan daoine nuas ;  
A dh'fhenchaimn an robh tuigs' aig neach  
na dh'iarradh Dia nan gràs.
- 3 Ach chlaon an t-iomlan diubh a thaobh,  
ro-shalach taid gu léir ;  
Cha-n 'eil aon neach a' deanamh maith,  
cha-n 'eil fiu aon fo'n speur.
- 4 Am bheil aig droch-dhaoin' tuigs' air bith  
tha 'g itheadh suas gu dian  
Mo phobull-sa, mar aran blast',  
's nach 'eil a' gairm air Dia.
- 5 An sin do ghabh iad eagal mòr,  
air son gu bheil gu fìor  
Dia ann an ginealach is linn,  
nam fireanach do shior.
- 6 Comhairl' an truaghain nàraich sibh,  
chionn Dia 'n a thearmunn da :
- 7 A Sion O gu tigeadh mach  
slàint' Israeil gach là !  
An uair bheir Dia air ais o bhruid  
a phobull féin le chéil',  
Air Iacob bithidh aoibhneas mòr,  
's aiteas air Israel.

SALM XV.

- 1 **C**O dh'fhanas ann ad phàillion shuas ?  
a Thighearna, cò e ?



- Air do chnoc naomh cò 'n ti sin leat  
a chòmhnùicheas gach ré?
- 2 An ti a ghluais gu treibhdhìreach,  
is ionracas a chleachd,  
Labhras an fhàrrinn sin a mach  
a ta 'n a chridhe steach.
- 3 An ti nach dean air neach air bith,  
cùl-chàineadh 'm feasd le 'bheul,  
Nach dean aon lochd d'a choimhearsnach,  
's nach tog air fòs droch sgeul.
- 4 A ni trom-thailceas air an daoi :  
ach urram dhoibh a bheir  
D'an eagal Dia ; 's nach caochail mionn  
ged thigeadh calldach air.
- 5 Airgiod air ocar nach do chuir ;  
an aghaidh fòs nan saoi  
Duais nach do ghabh : cha ghluaisear e  
gu bràth mar sin a ni.

SALM XVI.

- 1 **D**HIA, coimhid mi, oir annad féin  
a ta mo dhòigh gu fìor ;
- 2 O m'anam, thubhairt thu ri Dia,  
is tu mo Thriath gu sìor.
- 3 Mo mhaitheas ort gu dearbh cha ruig ;  
ach air na naoimh a ta  
Air thalamh, 's air na flaitheibh fìor,  
'g am bheil mo ghean 's mo ghràdh.
- 4 Mòr-mheudaichear an doilghios doibh,  
a dheifricheas gu luath  
Air lorg dhée eile choimheach bhréig',  
a' cur ri cràbhaidh truagh :  
Aniobairt-dhibhe tha de fhuil  
cha-n ofrail mi gun cheisd,  
Is air an ainmibh am am bheul  
cha toir mi luaidh am feasd.
- 5 Cuibhrionn mo chup' is m'òighreachd Dia :  
's tu sheacas dhomh mo chrann.
- 6 An àitibh aoibhneach thuit mo lion :  
's leam oighreachd bhreagh nach gann.
- 7 Bheir mise buidheachas do Dhia,  
thug comhairl' orm a'm' fheum :  
Tha m'airne fòs an àm na h-oidhch'  
ga m' theagasg mar an ceudn'.
- 8 Do chuir mi romham, anns gach cùis,  
an Tighearn mòr a ghnàth ;  
Chionn air mo dheas làimh gu bheil e,  
cha ghluaisear mi gu bràth.
- 9 Mo chridh' ni aoibhneas uime sin,  
ni gairdeachas mo ghòir ;  
Ni m'fheoil fòs còmhnuidh fhoistineach  
le dion an dòchas mòr.
- 10 Oir anns an uaigh cha-n fhàgar leat  
shìos m'anam, air aon achd :  
'S cha leig thu fòs do d'sheirceim naomh  
gu'm faic e truaidhdheachd.
- 11 Dhiomh sligh' na beatha nochdaidh tu :  
a'd' làth'r làn aoibhneas ta,  
Is aig do dheas làimh féin a Dhé,  
mòr shubhachas gu bràth.

SALM XVII.

- 1 **E**ISD thus', a Thighearn, ris a' choir,  
mo ghlaodh thoir aire dha ;  
Is chuinn an urnuigh thig a mach  
o m' bheul gun bhreug, gun ghò.
- 2 Mo bhreth o d' fhianuis thigeadh i :  
le d' shùilibh léirsinneach,  
Seall air na nithibh sin, a Dhé,  
ta ceart is cothromach.
- 3 Dhearbhu thu mo chridh', is dh'fhiosraich  
's an oidhech ; dh'fhionn gu geur ; [thu  
Cha d'fhuair thu maoin : oir b'e mo rùn  
nach peacaichinn le m' bheul.
- 4 Mu thinnchioll oibre dhaoine fòs,  
ghléidh mi mi féin gu beachd  
Le guth do bhéil, o cheumannaibh  
luchd-braid is ragaireachd.
- 5 Cum m' imeachd suas, a Dhia nam feart,  
a'd' shligheibh ceart gu treun :  
A' d' ròidibh dìreach cum mi suas,  
nach sleamhuich uam mo cheum.
- 6 Oir ghairm mi ort, a Dhé, a chionn  
gu'n éisdear leatsa rium ;  
Do chluas a m' ionnsuidh crom a nuas,  
is fòs mo ghearan chuinn.
- 7 Taisbein do chaoimhneas iongantach,  
tha gràdhach làn de chliu ;  
O thus' a shaoras le d' dheas-làimh,  
an droing d'an dòchas thu,  
O'n dream 'n an aghaidh thogas ceann.
- 8 O coimhid mi gu treun,  
Mar chloich do shùil : dean folach orm,  
fo sgàil' do sgiathan féin.
- 9 O'n droch dhuin' tha ri fòirneart orm,  
o naimhdeibh sgriosach treun,  
A ta ga m' chuairteachd gach taobh,  
mo choimhead uatha dean.
- 10 'N an saill a ta iad druידte suas,  
cainnt uaibhreach tha 'n am beul.
- 11 Chrom iad gu làr, is dhicair le'n sùil ;  
is chuairtich iad ar ceum.
- 12 Mar leòmhàn gionach togarach  
chum cobhartaich a ghnàth.  
Mar leòmhàn òg an diomhaireachd  
a' luidh' am plaid a ta.
- 13 Eirich, a Dhé, is caisg mo nàmh,  
leag sìos gu talamh e :  
O'n droch dhuin, ta 'n a chlaidheamh  
sac m'anam uath', a Dhé. [dhuit,
- 14 O'n dream tha dhuit-sa, Dhé, mar làimh,  
o dhaoimibh saoghalt' dàn',  
'G am bheil an cuibhrionn is an cuid  
's a' bheatha so a mhàin.  
D'am bheil thu tabhairt làn am bronn  
a' d'ionnhas diomhair fòs :  
Tha'n gineil lionmhòr, is am maoin  
fàgaidh d'an leanbaibh òg'.
- 15 Ach air mo shonsa, dearcam air  
do ghnàis am fireantachd :  
Air mosgladh dhomh làn-dhiolar mi,  
a Dhé, le d'chosamhlachd.

## SALM XVIII.

- 1 **M**O chion ort féin, a Dhia, mo threis.  
 2 Mo charraig Dia gu ceart,  
 Mo dhaingneach, is mo Shlánuighear :  
 mo Thighearn, is mo neart :  
 An ti 's an cuir mi dòchas fòs,  
 mo thargaid is mo sgiath,  
 Adharc mo shlàinte e gu beachd,  
 mo bhaideal àrd 's e Dia.
- 3 Nis gaiream air an Tighearna,  
 d'an dlighear moladh sìor :  
 Mar sin o m' eascairdibh gu léir  
 coimhdear mi gu fìor.
- 4 Chuir tuilte dhroch dhaoine' eagal orm,  
 chaidh umam guin an éig.
- 5 Pian ifrinn agus lontan bàis,  
 romham 's gach àite feuch.
- 6 A'm' éigin ghoir mi air mo Thriath.  
 dh' éigh mi gu h-àrd le m' ghlaodh :  
 Is as a theampull naomha féin  
 dh' éisd e mo ghuth gu caomh.  
 'N a fhianuis is 'n a éisdeachd féin,  
 mo ghlaodh do ràinig suas ;
- 7 An talamh air gach ceum an sin  
 do chrìochnuich, chrathadh, ghluais :  
 Bunaitean nan cnoc 's nam beann,  
 do ghluaisheadh sin gu garg,  
 Do chrìochnuicheadh is chrathadh iad,  
 a chionn gu robh air fearg.
- 8 Chaidh deatach as a shròin a mach,  
 is teine loisgeach mòr  
 Chaidh as a bheul, is lasadh leis  
 de eibhlìbh nì bu leòr.
- 9 Is làib e fòs na nèamha fuidh',  
 's a nuas do thuirling e :  
 Fìor-dhorchadas is dubh-aigein  
 bha sin fo chosaibh Dhé.
- 10 Air cherub mharaich e gu h-àrd,  
 air iteig fòs do chaidh ;  
 Is bha e luath ag itealaich,  
 air bharraibh sgiath na gaoith'.
- 11 Dubh-dhorchadas mar dhìomhaireachd  
 do chuir e uime féin :  
 Bu phàillium da na h-uisgean dorch',  
 is neulta tigh' nan speur.
- 12 Do chaidh a neulta tigh' le chéil',  
 is clacha-meallain fòs,  
 Is eibhlean tein' air thoiseach air,  
 c'n dealradh bha 'n a ghnùis.
- 13 Rinn Dia sna speuraibh tairneanach,  
 is leig an Ti a's àird,  
 A ghuth a mach, le cloich-shneachd  
 is eibhlìbh teith 's gach àit. [elruaidh,
- 14 A shaighde leig e uaitl' a mach,  
 is sgaoil e iad air fad,  
 Tein-athair orra thilg gu mòr,  
 is chlaoidheadh iad gu grad.
- 15 Aigein an uisge chunn' cas ris,  
 bha steidh an domhain nochdt' ;  
 Le séideadh anail t'fheirge, Dhé,  
 le d' achmhassan 's do smachd.

- 16 As 'ionad àrd do chuir e nuas,  
 is bhuin e mise mach,  
 Is rinn mo tharruing mar an ceudn'  
 á h-uisgibh iomarcach.
- 17 O m' eascar thul-chuiseach is threun  
 thug e dhomh fuasgladh deas,  
 'S o luchd mo mli-ruin agus m'fhuath,  
 bu treis' gu mòr na mis'.
- 18 An là mo thrioblaid is mo theinn,  
 thug ionnsuidh orm gun fhios :  
 Ach bha mo Dhia 'n a thaice dhomh,  
 cha sleamhnuich uam mo chos.
- 19 Gu ionad farsuinn agus réidh  
 thug esan mi a mach :  
 Mo theasairginn do rinneadh leis,  
 oir ghabh e annam tlachd.
- 20 Réir m'ionracais, is gloine làmh,  
 do chuithich Dia maith rium :
- 21 Air seachran uaitl' cha deachaidh mi :  
 a shlighe choimhleadh leam.
- 22 Oir 'uile bhreth a'm' fhianuis tha :  
 a statuin uam nìor chuir.
- 23 Bu treibhdhireach 'n a làthair mi :  
 o m' aingeachd féin do sguir.
- 24 Réir m'ionracais is gloine làmh,  
 an sealladh beachd a shùl,  
 Do rinneadh mise chuiteachadh  
 gu caomh le Dia nan dùil.
- 25 Do'n duine ghràsail, gràsmhor thu,  
 dìreach do'n treibhdhireach.
- 26 Glan thu do'n duine ghlan, is fiat'  
 do'n duine fliat' fa seach.
- 27 Na daoine tha fo thrioblaid mhòir,  
 làn-shaoraidh tu 's gach àit ;  
 Ach bheir thu nuas a' mhuinntir sin  
 'g am bheil an sealladh àrd.
- 28 Oir lasaidh tu mo choinneal domh,  
 is nì mo Dhia 's mo Rìgh  
 Mo dhorchadas a shoillseachadh,  
 chum soilleir glan gu 'm bì.
- 29 Mor bhuidheann sluaigh, le d' threis', a  
 do bhriseadh leam air fad : [Dhé,  
 Le neart mo Dhia thar balla leum,  
 is chaidh mi féin gun stad.
- 30 Ach Dia, a ta shlighe ceart :  
 is dhearbhadh focal Dé ;  
 Do'n uile dhream a dh'earbas as,  
 g'an dìon' is targaid e.
- 31 Oir cò is Dia, ach thusa Dhé ?  
 cò's carraig ach ar Triath ?
- 32 An neach an nì mo shlighe ceart,  
 's a bheir dhomh neart, 'se Dia.
- 33 Mar chosaibh féidh ta luath chum ruitl'  
 mo chosa do rinn e,  
 Air m'aitibh àrd' ga m'shocrachadh,  
 a chum nach gluaisteadh mi.
- 34 Gu comhrag theagaisg e mo làmh,  
 ionnus gu d'thug mi buaidh,  
 A' briseadh le mo ghairdeinibh  
 bogha do'n stàilinn chruaidh.



# SAILM XIX, XX.

- 35 Thug thusa sgiath do shlàinte dhomh,  
do dheas làmh chum mi suas ;  
Thug orm do chaoimhneas is do ghràdh  
gu h-inbhe mhòir gu'n d'fhàs.
- 36 Mo cheuma rinn thu farsuinn fo'm  
sin domh mar fhuaradh thus' ;  
Ionns gur socrach sheasas mi,  
cha sleamhuich uam mo chos.
- 37 Lean mi mo naimhde anns an ruaig,  
is orra rug gu cas :  
Is gus 'n do chlaoidheadh iad gu léir,  
nìor phill mi féin air m'ais.
- 38 Gun chomas éirigh lot mi iad,  
is thuit iad sìos fo m' chois.
- 39 Le neart chum cath' 's tu chrìoslaich mi ;  
na dh'éirich rium leag thus'.
- 40 Air mhuineal thug thu dhomh mo nàmh ;  
luchd m'fhuath' gu'n claidh gu léir.
- 41 Ghlaoth iad, 's d'am furtachd cha robh  
air Dia, 's cha d'fhreagair e. [neach :
- 42 Amhluidh mar dhùs a' dol le gaoith,  
gu mìn do phronn mi iad ;  
Is thilg mi iad a mach a ris  
mar chlàbar air an t-sràid.
- 43 O strì nan daoine shaor thu mi ;  
rinn ceann nan cinneach dhìom ;  
Na daoine riamh nach b'aithne dhomh,  
ri seirbhis dhomh do cli m'.
- 44 Air cluinntinn dhoibh-san iomradh orm,  
gèillidh iad dhomh gun stad ;  
Is nì dhomh coigrich mar an ceudn'  
an isleachadh air fad.
- 45 Làn-sheargaidh is dubh-chrionaidh as,  
na coigrich ud gu léir ;  
A' teachd le h-eagal 's uamhunn mhòr  
a mach o'n garaidh féin.
- 46 Dia beò a ta, beannaicht' gu robh  
mo charraig féin gu brath :  
Is Dia mo shlàinte bitheadh e  
air 'ardachadh a ghnàth.
- 47 Mo dhioghaltas, 's mo leasachadh,  
's e Dia a bheir a mach ;  
'S e fòs a chuireas dhomh fo smachd  
na slòigh gu h-ionadach.
- 48 'S e dh'fhuasglas mi o m' cascairdibh :  
's tu thog mi thar gach neach  
A dh'éirich rium ; is thug mi saor  
o fhear na h-eucorach.
- 49 Am measg nan cinneach, uime sin,  
bheir mise dhuit, a Dhé,  
Mòr bhuidheachas ; do d'ainm-sa fòs  
àrd-mholadh seinnidh mi.
- 50 Bheir esan fuasgladh mòr d'a rìgh :  
le pailteas nì e gràs  
Air Dàibhidh, neach a dh' ungadh leis,  
is air a shliochd gu bràth.

## SALM XIX.

- 1 **G** LOIR Dì é làn-fhoillsichidh na nèamh,  
's na speura gnìomh a làmh.
- 2 Tha là a' deanamh sgéil do là,  
is oidhche dh'oidhcl' gun tàmh

- A' teagasg còlais, anns gach àit.
- 3 Oir cha-n 'eil ionad ann,  
No cainnt, no uirghioll fòs air bith,  
nach cual an guth gach àm.
- 4 Chaidh'm fuaim air feadh gach tìre nach,  
am focal chaidh an cèin  
Gu crìch na cruinne, chuir e annt'  
buan-phàillion àrd do'n ghréin :
- 5 Neach tha mar nuadh fhear-pòsda teachd  
o 'sheòmar féin a mach,  
Ta àit, mar ghaisgeach treun a' ruith  
a réis' gu togarach.
- 6 A' dol a mach o chrìch nan speur,  
mu'n cuairt g'an crìch a ghnàth :  
'S cha-n fholuichear o theas na gréin',  
aon nì 's a' chruinne ta.
- 7 Is iomlan lagh Iehobhah mhòir ;  
an t-anam iomp'chidh e :  
Teistean an Tighearna tha dearbh ;  
au simplidh glic 's e nì.
- 8 Tha statuin fòs an Tighearn ceart,  
'g cur aoibhneis anns a' chridh' ;  
Glan-àithnte Dé a' soillseachadh,  
nan sùl nach maith a chi.
- 9 Eagal an Tighearn fìor-ghlan e,  
buan-mhaireanach a ghnàth :  
Fìor agus cothromach air fad,  
a bhreitheanais a ta.
- 10 Is fearr r'an iarraidh iad na'n t-òr,  
an t-òr a's fearr air bith :  
Nì 's mìlse na a' mhil ta iad,  
no cìr mheala r'a h-ith.
- 11 A' faotainn rabhaidh fòs a ta  
d'òglachsa uath' a ghnàth,  
'S 'n an coimhead cùramach gu dearbh  
mòr-thuarasdal a ta.
- 12 Cò thuigeas uile sheachrain féin ?  
glan o lochd dìomhair mi.
- 13 O pheacaibh dànaids air ais  
cum d'òglach féin, a Dhé ;  
Na bitheadh ac' àrd-cheannas orm :  
an sin biom treibhdhireach,  
Is fòs o'n pheacadh mhòr bìdh mi,  
fìor-ionraic nèochiontach.
- 14 O Dhia, mo neart, 's mo shlànuighear,  
an deadh thoil gabh uam féin,  
Na smuainte ta a'm' chridhe stigh,  
is briathra glan mo bhéil.

## SALM XX.

- 1 **G** U freagradh Dia thu ann an là  
do thrioblaid, is do phéin !  
Gu deanadh ainm Dhé Iacoib fòs  
sior-choimhead ort a'd' fheum :
- 2 Gu'n cuircadh thugad cuideachadh,  
tràth, as a theapull naomh :  
Is deanadh e do neartachadh  
à Sion féin gu caomh.
- 3 Cuimhnichheadh e gu gràs-mhor dhuit  
d'uil' o'raile gu grad,

- Is gabhadh e gu taitneach uait  
d'ìobairte loisgt' air fad.
- 4 A réir deadh rùn do chridhe féin,  
tiùbhradh e dhuit gu maith;  
Coimhlionadh e gach comhairle  
tha ann ad chridhe stigh.
- 5 Nì sinne aoibhneas ann ad shlàint',  
is an ann ainm ar Dia,  
Suas togaidd sinn ar brataichean:  
Dia dheònaich' t'uile mhiann!
- 6 Nìs 's fiosrach mi gu teasairg e  
an ti a dh' ungadh leis:  
Is le neart-saoraidh deas làimh' Dhé  
o nàmh gu'n éisdear ris.
- 7 Tha cuid ag earbs' á carbadaibh,  
is cuid á h-eachaibh àrd':  
Ach ainm an Tighearna ar Dia  
cuimhnichidh sinn 's gach àit.
- 8 Dh' islicheadh iadsan, 's thuit iad sìos:  
ach dh'éirich sinn is sheas.
- 9 Dhia, foir, is éisdeadh ruinn an Rìgh,  
tràth nì sinn gearan ris.

SALM XXI.

- 1 **A** M mend do neirt-sa, Dhé nan dùl,  
bidh aoibhneas air an Rìgh:  
Is ann ad shlàinte thròcairich  
sòlas cia mòr do nì?
- 2 Làn mhiann is rùn a chridhe féin  
thug thusa dha gu seth:  
Aon atcheuinge a dh'iarr a bheul  
cha d' rinn thu air a cleith.
- 3 Oir beannachadh do mhaithéis mhòir'  
sin thug thu dha gu moch:  
Is chuir thu coron àrd m'a cheann,  
do'n òr a's deirge dreach.
- 4 Do dh' iarr e ortsa beatha bhuan,  
sin thug thu dha gu fìor:  
Is thug thu sìneadh saoghail dha,  
a chum bhi beò gu sìor.
- 5 A thaobh na slàinte thug thu dha,  
is mòr a ghòir gach àm;  
Ard-urram agus moralachd  
chuir thusa air a cheann.
- 6 Oir rinneadh leat ro-bheannaicht' e  
air feadh gach ré gu beachd;  
Is rinn thu e làn-aoibhneach fòs  
le d' ghnùis an tròcaireachd.
- 7 Oir ann an Dia Iehobhah mor  
earbaidh an rìgh a ghnàth:  
Tre thròcair fòs an Tì a's àird',  
cha ghluaisear e gu bràth.
- 8 Aimsidh do ghlaic ar d'uile nàmh;  
air d'eascar do làmh dheas.
- 9 Mar àmhunn theinntich nì thu iad,  
an aimsir d'fheirg' g'an sgrios:  
'N a chorruich mhòr nì Dia gu fìor,  
an slugadh sìos air fad.  
Is nithear orra milleadh fòs  
le teine mòr gu grad.

- 10 An toradh sgriosaidh tu o'n tìr,  
's an sìol o dhacuibh as.
- 11 Oir rinn iad feall a'd' aghaidh: 's dhealbh  
do-bheart nach d'fhead' cur leis:
- 12 Bheir thusa orra, uime sin,  
gu'n tionndaidh iad an cùl,  
Oir saighde geur do bhogh' air sreing  
rìn aghaidh glensaidh tu.
- 13 Ardaich thu féin, a'd' chumhachdaibh,  
a Thighearna nam feart:  
Mar sin sìor-chanaidh sinn do chliù,  
is molaiddh sinn do neart.

SALM XXII.

- 1 **M**O Dhia, mo Dhia c'uim' thréig thu  
le d'fhurtachd uam an céim; [mì?  
O bhriathraibh goirt mo bhùirdh àird,  
gun fhuasgladh orm a'm' fheum?
- 2 Mo Dhia, cha d' thug thu freagradh  
's an là 'n do ghairm mi ort: [dhomh,  
An uair bu chòir dhomh tàmh's an oidhch',  
cha-n 'eil mi féin a'm' thosd.
- 3 Gidheadh tha thusa fìor-ghlan naomh'  
a Dhé, os ceann gach sgéil,  
A'd' chòmhnuidh anns an àros sin,  
's am bheil cliù Israeil.
- 4 Do rinn ar sinnisr dhiotsa bun;  
Is shaor thu iad mar dh'earb.
- 5 Do ghlaodh iad riut, is shaoradh iad:  
dh'earb riut, gun aghaidh dhearg.
- 6 Ach mise fòs cha duin', ach enuimh:  
gràin dhaoin', is tàir nan slògh.
- 7 Cuis crathaiddh cinn, is casaiddh bhéil,  
spòrs do na chì mo dhòigh.
- 8 Ag ràdh, Do rinn e bun á Dia,  
chum fuasgladh air 'na fheum:  
Nìs deanadh e a theasairginn,  
o thug e dha làn-spéis.
- 9 Ach 's tus' an ti a bhuin a mach  
á broinn mo mhàthar mi;  
Is tu bu bharrant dòchais dhomh,  
'nuair bha mi air a' chùich.
- 10 O'n bhroinn do thilgeadh ortsa mi,  
air bhith dhomh òg is maoth;  
O thàinig mi o'n bhroinn a mach,  
is tu mo Dhia ro-chaomh.
- 11 A Dhé na bi-sa fada uam,  
Oir 's dlùth dhomh trioblaid theann;  
'S gun agam neach gu m'chuideachadh  
no aon a chuireas leam.
- 12 Do chuairtich umam mòran tharbh,  
mu m' thimchioll air gach làmh;  
Dh'iadh umam tairbh ro-laidir bhorb'  
am Basan bha 'n an tàmh.
- 13 Gu farsuinn dh'fhosgail iad am beul,  
mar leòmhnan allta garg;  
A' tabhairt sìthidh reubaidh orm  
le bùreadh fiadhaich borb.
- 14 Mar nìse dhòirteadh mise mach,  
mo chnàmhan sgàint' o chéil':



Mo chàiridh' a'm' chom an taobh a stigh,  
air leaghadh ta mar chéir.

- 15 Air tiormachadh mar phota crè  
a ta mo neart, a Dhé;  
Mo theangadh leantuinnean tha ri m' ghial,  
gu h-àir-bhàis thug thu mi.  
16 Oir dh'iadh mu'n cuairt orm madraidh  
bhual umam thall's a bhos [gharg'  
Mòr-bhuidheann luchd na h-aingidh-  
lot iad mo làmh's mo chos. [eachd;

- 17 Mo chnàmhan uile feudaidd mi  
an àireamh aon is aon:  
Gu geur tha iad ag amharc orm,  
a' dearcadh orm gach taobh.  
18 Mo thrusgan eatorra do roinn,  
croinne thilg iad air mo bhrat.  
19 Ach fad o m' chobhair, Dhia mo neirt,  
na fan, ach deifrich ort.

- 20 Do m'anam tabhair fuasgladh deas  
o'n chlaidheamh sgaiteach gheur;  
Is m'aon-ghràdh caomh gu saorar leat,  
o neart nam madradh treun'.

- 21 O bheil nan leòmhnan làidir borb'  
Dhé, fuasgail orm gun stad:  
O adharcaibh nam buabhull treun';  
oir chual thu mi gu grad.

- 22 Do m' bhràithribh cuiream d'ainms' an  
's an éireachd molam thu. [céill;

- 23 Shil Iacoib, 's a luchd cagail Dé,  
glòir thugaibh dha is cliu:  
Oirbhs', Iarnad Israeil air fad,  
biodh 'eagal-san gu mòr:

- 24 Oir tarcuis riamh cha d'rinn air bochd,  
's nior ghabh e gràin d' a leòn:

Cha d'fholuich, 's cha do cheil a ghnùis,  
g'a thréigsinn ann a theinn;  
'Nuair rinn e glaoth is gearan ris,  
thug éisdeachd dha gu binn.

- 25 'S an ortsa bhios mo mholadh àrd  
's an éireachdas, a Dhé:  
Mo bhòidean iocam fòs an làth'r  
na dream d'an eagal e.

- 26 Na daoine sin tha macanta  
ithidh, is gheibh an sàth:  
Na dh'iarras Dia àrd-mholaidh e;  
bhur cridh' bidh beò gu bràth.

- 27 Pillidh ri Dia gach iomall tìr,  
is cuimhuichidh iad air:  
Seadh sluagh nam fineacha gu léir  
dhuit géill is urram bheir.

- 28 Air son gur le Iehobhah mòr  
an rìoghachd le còir cheart:  
'S am measg nam fineachan air fad  
's leis uachdranachd is neart.

- 29 Na daoine reamhar anns gach tìr,  
ithidh, is géillidh dha:  
Dha cromaidh sìos na théid's an uaigh,  
cha chum neach 'anam beò.

- 30 Thig slìochd is seirbhis ni do Dhia,  
dha measar iad mar linn.

- 31 Innsidh a cheart do'n àl ri teachd,  
gu'm b'esan sud a rinn.

SALM XXIII.

- 1 **I**S e Dia féin a's buachaill dhomh,  
cha bhi mi ann an dìth.  
2 Bheir e faineas gu'n luidhinn sìos  
air cluainibh glas' le sìth:  
Is fòs ri taobh nan aimhnichean  
théid seachad sìos gu mall,  
A ta e ga mo threòrachadh,  
gu min réidh anns gach ball.  
3 Tha 'g aisig m'anam' dhomh air ais  
's a' treòrachadh mo cheum  
Air slighibh glan' na fireantachd,  
air sgàth 'dheadh ainme féin.  
4 Seadh fòs ged ghluaisinn eadhon trid  
ghlinn dorcha sgàil' a' bhàis,  
Aon oile no ureluidh a theachd orm  
ni h-eagal leam's ni 'n càs;  
Air son gu bheil thu leam a ghnàth,  
do lorg, 's do bhata treun,  
Tha iad a' tabhairt comhfhurtachd  
is fuasglaidh dhomh a'm' fheum.  
5 Dhomh dheasaich bord air beul mo nàmh  
le h-oladh dh'ung mo cheann;  
Cur thairis tha mo chupan fòs,  
aig meud an làin a t'ann.  
6 Ach leanaidh maith is tròcair rium,  
an cian a bhios mi beò;  
Is còmhnuicheam an àros Dé,  
ri fad mo ré's mo là.

SALM XXIV.

- 1 **S**LE Dia an talamh, is a làn:  
an domhan, 's na bheil ann.  
2 Oir shocraich e air cuantaibh e,  
air sruthaibh leag gu teann.  
3 Cò e am fear sin a théid suas  
gu tulaich naomha Dhé?  
Is fòs 'n a ionad naomhasan,  
cò sheasas ann gu réidh?  
4 An ti 'g am bheil na Ìmhan glan',  
is cridhe nedchiontach;  
'Anam nior thog ri dìomhanas,  
's nior lùgh mionn ioganach.  
5 An ti sin beannachadh o Dhia  
gheibh e gu saoi bhir pailt,  
Is ionracas faraon o'n Dia  
's bun slàinte dha 'n a aire.  
6 'S i sin a' ghinealach 's an dream  
a dh'iarras e gu mòr:  
Ta 'g iarraidh d'aghaidh is do ghnùis,  
O Iacoib, mar is còir.  
7 Togaibh, O gheatacha, bhur cinn,  
is éiribh suas gu h-àrd,  
O dhorsa siorruidh; Rìgh na glòir  
gu'n tigeadh e g'a àit.  
8 Cò e sin féin Ard-Rìgh na glòir?  
an Tighearn làidir treun,  
Iehobhah neartmhor, cruaidh an cath,  
bheir buaidh a mach dha féin.

- 9 Togaibh, O gheatacha, bhur cinn,  
is éiribh suas gu h-ard,  
O dhorsa siorruidh : Rìgh na glòir'  
gu'n tigeadh e g'a àit.
- 10 Cò e sin féin Ard-Rìgh na glòir' ?  
Iehobhah mòr nan slògh,  
'Se féin a's Rìgh na glòir' a t'ann,  
gun choimeas idir dha.

SALM XXV.

- 1 **D**HIA, togam m'anam riutsa suas.  
2 Mo Dhia, mo mhuinninn dheas ;  
A m' ionnsuidh na leig aobhar nàir' ;  
do m'easgar gairdeachas.
- 3 Fo nàir' is mhasladh na leig neach  
d'an gnàth bhì feitheamh ort :  
Ach nàire gu robh air an dream  
a ni gun aobhar lochd.
- 4 Foillsich do shlighe dhomh, a Dhé,  
a'd' cheumaibh teagaisg mi :  
Is tredearach mi a' d' fhìrinn ghloin,  
's mo theagasg dean, a Dhé :  
Oir 's tu a's Tighearn ann gu dearbh,  
's tu 's slàinte dhomh a ghnàth,  
Is ort a ta mi feitheamh fòs  
le foighid mhòir gach là.
- 6 Cuimhnich, a Dhé, do thròcair chaomh,  
do chaoimhneas làn de ghràdh :  
O chian nan cian a ta iad ann,  
's an aimsir fad o'n là.
- 7 Na cuimhnich peacaidh m'òige dhomh :  
's na lochdan a rinn mi ;  
A réir do thròcair cuimhnich orm,  
air sgàth do ghràis, a Dhé.
- 8 Is maith 's is dìreach Dia nan dùl :  
is air an aobhar ud  
Do nìhear leis na peacaich thruagh'  
a theagasg anns an ròd.
- 9 Tredearachidh e na daoine ciùin'  
am breitheanas gu ceart :  
'S na daoine mìne teagaisgidh  
'n a shlighe, Dia nam feart.
- 10 An thròcair is an fhìrinn réidh  
sud sligh' ar Dé 's gach ball ;  
Do'n dream a chumas gealladh ris,  
's nach leig a theist air chall.
- 11 Sgàth d'ainme, lagh mo chionta fòs,  
oir tha sud mòr, a Dhé.
- 12 Cò m' fear d'an eagal Dia ? 'S an t-sligh'  
's ion-roghnuidh seòlaidh e.
- 13 An seasgairachd ni 'anam tàmh,  
's le 'shliochd le ceart an tìr.
- 14 Tha rùn an Tighearn aig an dream  
d'an eagal e gu fìor :  
Is nìhear leis a chumhnant fòs  
fhoillseachadh dhoibh gu ceart.
- 15 A ta mo shùile féin a ghnàth  
ri Tighearna nam feart,  
Air son gu'n spìonar leis mo chos  
gu h-aithghearr as an rib.

- 16 Pill thugam, is dean thròcair orm :  
a'm' aonar taim, 's fo dhrìp.
- 17 Tha teinn mo chridh' a' dol am meud ;  
saor mi o m'àmhlghar geur.
- 18 Seall air mo phéin, is m'anshocair,  
's mo pheacaidh lagh gu léir.
- 19 Mo naimhde guineach tho' faineas,  
oir tha iad lionmhor ann ;  
Fuath nìmhneach agus mì-runach  
tha aca dhomh nach gann.
- 20 Dhia, coimhid m'anam, 's furtaich orm :  
na leig fo nàire mi ;  
Mo dhòchas uile leig mi ort,  
air son gur tu mo Rìgh.
- 21 Nis deanadh ionracas is còir  
mo dhion ; 's mi feitheamh ort.
- 22 Dhia, fuasgail air cloinn Israeil,  
o'n uile àmhghar goirt.

SALM XXVI.

- 1 **T**Hoir ormsa breth, a Dhia nan dùl,  
a'm' neòchiont ghluais mi féin,  
Oir rinn mi dòchas maith á Dia,  
cha sleamhuich uam mo cheum.
- 2 Dhia, fionn mo chridh', is m'àirne fòs,  
fìdir is ceasnuich mi.
- 3 Oir dhearc mi air do chaoimhneas gràidh :  
a'd' fhìrinn ghluais mi, Dhé.
- 4 Le cuideachd dhìomhain riamh nìor  
cha siubhlam le luchd-saobh. [shuidh ;
- 5 Is beag orm coimhthional an uile :  
's cha suidh mi sìos le bao'ibh.
- 6 An neòchiont glanaidh mi mo làmh,  
is cuairt'cheam d'altair, Dhé ;
- 7 Gu foillsichinn le moladh àrd,  
do mhìorbhuile gu léir.
- 8 Còmhnuidh do theach is ionmhuinn leam,  
a Tighearn is a Dhé,  
Gnàth-àite bunaidh d'onorach,  
is leam ro ionmhuinn e.
- 9 Le peacaidhibh, luchd-deanamh uile,  
na cruinnich m'anam bochd,  
Na cuir mo bheath' 'n an cnideachd sud  
Tha fuilcachdach gu lochd.
- 10 'G am bheil an t-aimhneas mòr 'nan glaic :  
duais-bhratha 'nan làimh dheis,
- 11 Ach ghluaisidh mi a'm' neòchiont féin,  
a'd' thròcair saor-sa mis'.
- 12 'N a seasamh ta mo chos gu beachd  
air ionad còmhnaidh réidh :  
Is ann an coimhthional nan naomh,  
Beannaicheam thus' a Dhé.

SALM XXVII.

- 1 **S**E Dia mo sholus, is mo shlàint',  
èd' chuireas eagal orm ?  
'S e ceart mo bheatha Dia nan dùl,  
èd' chuireas fait'cheas fo'm ?
- 2 Mo naimhde, m'eascairde, luchd-uile,  
tràth thàinig orm gu bras,  
Gu gionach dh'itheadh m'fhcòla suas,  
fluair tuisleadh, thuit gu cas.



# SAILM XXVIII, XXIX.

- 3 Ged champaichcadh a'm' aghaidh feachd,  
cha-n eagal le mo chridh' :  
Ged éireadh cogadh m' aghaidh fòs,  
á so mo bhun do ni.
  - 4 Aon ni a mhiannaich mi o Dhia,  
gu minic iarram e :  
A bhi a'm' chòmhuidh feadh mo là  
an tigh 's an àros Dé ;  
A chum gu faicinn féin gu glan  
maise le hobhah mhòir,  
Gu fiosaichinn 's gu faighinn sgeul,  
'n a theampull mar is còir.
  - 5 Oir ni e m'fholach 'n àm na h-aire'  
'n a phàillinn : dìon do ni  
An dìomhaireachd a phàillinn dhomh ;  
air carraig cuiridh mi.
  - 6 Os ceann mo naimhde ta mu m' chuairt,  
nis togar suas mo cheann :  
Glan ìobairt aoibhneis uime sin  
d'a phàillinn bheirear leam :  
Is seinnidh mi gu togarach,  
scadh, canaidh mi gu binn,  
Ceol agus moladh àrd do Dhia  
air feadh mo ré 's mo linn.
  - 7 Le guth mo bheoil tràth éigheam riut,  
thoir eisdeachd dhomh, a Dhé :  
Le iochd dean tròcair orm, is fòir,  
gu gràsmhor freagair mi.
  - 8 Iarr m'aghaidh, 'n uair thubhairt thu  
an sin thuit m'anam leat, [rium,  
Do ghnùis, is t'aghaidh féin a Dhé,  
sin iarraidh mi gu h-ait.
  - 9 Na folaich uam do ghnùis, am feirg  
na dibir d'òglach féin :  
'S tu chuidich leam : a Dhé mo shlàint'  
na fagsa mi 's na tréig.
  - 10 'N uair thréigeas m'athair mi gu tur,  
's mo mhàthair fòs farao,  
Do ní an Tighearna an sin  
mo thogail suas gu caoin.
  - 11 Dhia, teagaisg dhomh do shlighe féin,  
is treòraich mise, Dhé,  
Fa chùis mo naimhde mi-runach,  
air ceumaibh dìreach réidh.
  - 12 Do mhi-run n' eascairde ro-gheur  
na tabhair thairis mi :  
Oir dh'éirich rium luchd-fianuis bhreig',  
is dream a bhrùchdas nimh.
  - 13 Rachadh mo mhisneach uil' air cùl,  
mur creidinn maithreas Dé,  
Gu faicinn sin an tìr nam beò,  
ga m' fhuasgladh ann am fheum.
  - 14 Fuirich gu foighidneach ri Dia,  
glac thugad misneach mhòr,  
Is bheir e spionnadh cridhe dhuit :  
fuirich ri Dia na glòir'.
- SALM XXVIII.
- 1 **A** DHIA, mo charraig, éigheam riut,  
a'd' thosd na bi-sa uam :  
Eagal le d' thosd, gur cosmhuil mi  
ri dream théid sìos do'n uaigh.

- 2 Guth m' athcheuinge, tràth éigheam riut,  
éisd thus' an sin, a Dhé :  
'N uair thogas mi mo lámhan suas  
gu d' theampull naomha féin.
  - 3 Le luchd an uile 's na h-eucorach,  
na tarruing mi gu bràth ;  
R'an comhearsnaich a labhras sìth,  
ach olc 'n an cridhe ta.
  - 4 A réir an oibre, tabhair dhoibh,  
a réir an rùn chum lochd :  
Is diolsa riu droch ghníomh an làmh,  
amhluidh mar thoill iad ort.
  - 5 Do bhrìgh nach tuig iad oibre Dhé,  
no gníomh a làmh fòs,  
Do ni e milleadh orr' is claoidh,  
's cha dean an togail suas.
  - 6 Air son guth m' athcheuinge gu'n d'eisd,  
mòr-bheannaicht' gu robh Dia.
  - 7 Do chuir mo chridh' a dhìochas ann ;  
's e Dia mo neart 's mo sgiath.  
Tha mi a' faghail euideach' uaith',  
mar sin le h-aoibhneas ait  
Mo chridh' a ta ; 's le mòran binn  
sior-mholam e gu pailt.
  - 8 'S e Dia a's neart, 's a's treise dhoibh,  
oir tha e féin gu deas  
'Na neart, 's 'n a spionnadh slàinte dlùth  
do'n ti a dh' ungadh leis.
  - 9 Dhia, furtaich air do phobull caomh,  
is beannaich d'oghreachd féin :  
Dhoibh tabhair beath' is teachdantir,  
tog iad am feasd, a Dhé.
- SALM XXIX.
- 1 **T**HUGAIBH, a laochraidh làidir  
do Thighearna nam feart, [threun,  
Thugaibh do'n Tighearn ud faraoon  
glòir, urram, agus neart.
  - 2 A' ghloir a's cubhaidh fòs d'a ainm,  
thugaibh do'n Dia ro-threun :  
Sleuchdaibh do'n Tighearna faraoon  
am mais' a naomhachd féin.
  - 3 Tha guth Dhé air na h-uisgeachaibh ;  
is fòs ni Dia na glòir'  
Ard-thairneanach, is suidhidh e  
air uisgibh làidir mòr'.
  - 4 Tha guth an Tighearna gu beachd  
mòr-chumhachdach is treun :  
Tha guth an Tighearna faraoon  
làn moralachd ann féin.
  - 5 Brisidh an Tighearna le 'ghuth  
na seudair a ta fàs ;  
Is brisear seudair Lebanoin  
le 'ghuthsan aig a chruas.
  - 6 Is bheir e orra leum gu clist',  
amhluidh mar ghanhuinn bò :  
Shlabh Shiroin is Lebanoin,  
mar bhuabhull meargant' òg.
  - 7 Sgoiltidh guth Dhé an dealanach ;  
am fasach crathaidh e ;

- 8 Seadh fàsach Chadeis mar an ceudn'  
's e Dia a chrathas e.
- 9 Bheir guth Dhé fòs air aighibh àl't'  
grad-sgarachdainn r' an laogh ;  
Is lomaidh sud na coillte dhùth',  
'a rùsgadh bhàrr nan craobh :
- Is ann a theampull naomhasan,  
cuiridh gach neach an céill  
Glòir agus urram mòr ar Dia ;  
g' a mholadhsan d'a réir.
- 10 Tha Dia 'n a chòmhnuidh air an tuil ;  
's 'n a shuidh' am feasd 'n a Rìgh.
- 11 Bheir Dia d'a phobull neart ; is bheir  
dhoibh beannachadh le sìth.

SALM XXX.

- 1 **D**HIA, molam thu, oir thog thu mi,  
gàir' m'eascair cha d'rinn dhìom.
- 2 A Dhia mo Thighearn, ghlaodh mi riut,  
is dh'fhurtaich orm a'm' fheum.
- 3 Do thogadh m' anam leatsa, Dhé  
glan as an uaigh a nios ;  
Is ghléidh thu mi gu tearuint' beò,  
do'n t-slochd nach rachain sìos.
- 4 Do'n Tighearn àrd gu ceòlmhor binn  
seinnibh, a naomh-shluagh féin,  
Ri cuimhneach' air a naomhachdsan,  
sgaoilbh a chliu an céin.
- 5 Oir 'fhearg cha mhair ach mionaid bheag,  
'n a dheadh ghean beatha ta :  
Trath feasgair fòs ged robh ann bròn,  
thig aoibhneas leis an là.
- 6 A'm' shocair thubhairt mi mar so,  
cha ghluaisear mis' am feasd :
- 7 Le d'thròcair thug thu air mo chnoc  
gu daingean suas gu'n sheas :  
A Dhé, do cheil thu orm do ghnùis,  
chuir sin gu trioblaid mi.
- 8 Dhia, ruit do ghlaodh : is rinn ri Dia  
mo ghearan is mo chaoidh :
- 9 Ciod i an tairbh' 'a'm' fhuil-sa ta,  
an dèigh mo chur 's an uaigh ?  
Am molar thusa leis an ùir ?  
an toir air t'fhùrinn luaidh ?
- 10 Eisd rium a nis, a Dhia nan dùl,  
dean tròcair orm is gràs ;  
Is bi-sa, Dhé, d'fhear-cuidich leam,  
'n uair tharlas dhomh bhì 'n sas.
- 11 Mo bhròn gu damnsadh chaachail thu,  
is m'eudach saic faraon  
Do sgaoil thu dhìom, is chrìoslaich mi  
le h-aoibhneas air gach taobh :
- 12 Mo ghloir gu seinneadh dhuit-sa cliu,  
gun idir bhì 'n a tosd :  
A Dhia mo Thighearn, bheir mi dhuit  
mòr-bhuidheachas am feasd.

SALM XXXI.

- 1 **A**SADSA, Dhé, nì mise bun ;  
nàir' orm na leig am feasd :  
Dean fuasgladh dhomh a't' ionracas,  
o thrioblaid is o cheisd.

- 2 Do chluas a m'ionnsuidh crom a nuas,  
is furtaich orm gu dian :  
A'd' charraig dhaincean bi-sa dhomh,  
tigh-tearmuinn clum mo dhìon.
- 3 Oir's tu a's carraig dhìleas dhomh  
's mo dhaingeach làidir treun,  
Is uime sin sgàth d'aimme, Dhé,  
treòraich, is stùir mo cheum.
- 4 Saor as an rib a dh'fhloaich iad  
bun mise mach, a Dhé :  
Air son gur tus' an tì a mhàin  
a's neart, 's a's treòir dhomh féin.
- 5 A'd' làimh-sa mhàin, a Dhia nan dùl,  
mo spiorad tiomnam suas :  
A Dhia na firinn, is mo Thriath,  
's tu dh'fhuasgail air mo chruas.
- 6 Is fuath leam iad a bheir fa'near  
na breuga dìomhaineach :  
Ach dòchas am an Dia nan gràs  
chuir mi gu muinghineach.
- 7 A'd'thròcair biom gu h-aoibhneach ait :  
oir thug thu, Dhé, fa'near  
Mo thrioblaid ; 's m'anam ann an teinn  
bha thusa fiosrach air.
- 8 Cha d'riuneadh leat mo dhruideadh suas  
an làimh mo nàmhaid thréin :  
An àite farsuinn shoeruidh thu  
mo chosan is mo cheum.
- 9 O tha mi, Dhé, an trioblaid mhòir,  
dean tròcair orm gu cas :  
Mo shùile, m'anam, is mo bholg,  
le bròn air seargadh as.
- 10 Oir chlaoidheadh m'anam as le bròn,  
's mo bhliadhnacha le caoidh :  
Do bhrìgh mo lochd chaidh as do m'  
mo chnàmhan air an caoidh. [neart,
- 11 Mar aobhar fanoid tha mi fòs  
do m' eascairdibh gu léir,  
Gu h-àraidh do mo choimhearsnaich,  
mar mhasladh tha mi féin :  
Is do luchd m'eòlais fòs a taim  
a'm' aobhar geilt is fuath' :  
Gach neach a chì mi air an t-sràid,  
a' teicheadh uam gu luath.
- 12 Mar dhuine marbh air dol a cuimhn' ;  
mar shoitheach briste mi :
- 13 Oir chualas toibheum mòran dhaoin' ;  
eagal gach taobh do bhì :  
A'm' aghaidh 'n uair a chruinnich iad,  
dhealbh iad mo bheath' a sgrios :
- 14 Ach dhiotsa, Dhé, rinn mise bun ;  
is tu mo Dhia, dcir mis'.
- 15 Tha m'aimsircan a'd' làimh-sa Dhé,  
orm furtaich agus fòir  
O làimh mo naimhdean, is o'n dream  
tha leantuinn orm an tòir.
- 16 Do ghnùis is d'aghaidh dealraicheadh  
air t'òglach dhìleas féin :  
Air sgàth do ghràsa carthannach,  
mo shaoradh dean gu treun.



- 17 Na leig fo nàire mhaslaidh mi,  
a Dhia, oir ghairm mi ort :  
Ach nàire biodh air luchd an uile ;  
san uaigh biodh iad 'nan tosd.
- 18 Cuir béil nam breug, a Dhé, 'nan tàmh,  
labhras gu h-àrdanach,  
'N aghaidh nam firean spreigeadh  
gu spideil tarcuiseach. [cruaidh,
- 19 Cia meud do mhaith a thaisg thu dhoibh,  
d'an eagal thu faraon ;  
'S a rinn thu do na dh'earbas riut,  
am fianuis chloinn nan daoine !
- 20 O àilgheas dhaoine ni thu 'n dìon,  
fo dhìomhaireachd do ghnùis' ;  
'S am pàillion fòs, o strì nan teang',  
ni didean dhoibh 'n an cùis.
- 21 Dia gu ma beannaichte gu bràth ;  
oir dh'fhoillsich e dhomh féin  
A chaoimhneas càirdeil iongantach,  
an caithir làidir thréin.
- 22 Thuir mi a'm' dheifir, Scaitht' tha mi  
o bheachd do shùil a mach :  
Ach chual thu 'nuair a ghlaodh mi riut,  
guth m'asluich ghearanach.
- 23 Gràdhachibh Dia, O naoimh, air fad :  
oir Dia do'n treibhdhireach  
Do ni sàr-dhion, is diol gu pailt  
do'n uaibhlreach àilgheasach.
- 24 S' bhse a chuir an Dia nan gras  
bhur dòchas mar is còir,  
Bibh misneachail, is cuiridh e  
neart ann bhur cridh' is treòir.

SALM XXXII.

- 1 'S BEANNAICHT' an duine sin a  
'N a pheacadh maithneas ; [fhuair  
A fhuair le trècar folach air  
a chiont' is eusaontas.
- 2 'S beannaicht' an ti nach agair Dia  
'n a sheachranaibh ni's mò ;  
Is ann a spiorad fòs nach 'eil  
claon-chealgaireachd no gò.
- 3 A' fantuinn dhomh gu fad a'm' thàmh,  
Luidh air mo chnàmhaibh aois,  
Is b'amlhuidh sin gach là mo chor,  
le dol do m'bhùireadh suas.
- 4 Oi ormsa bha do làmh gu trom,  
air feadh gach oidhch' is là :  
M' bhrìgh gu tart an t-samhraidh theith  
air ath'rrachadh a ta.
- 5 Làn-fhoillsich mi mo pheacadh dhuit,  
nìor cheil mi m'aingidheachd :  
Aidmheil (thuir mi) do Dhia ni mis',  
is mhaith thu cron mo lochd.
- 6 So fath mu'n guidhe riut gach naomh,  
's an àm am faighear thu :  
Gu dearbh an tuil nan uisgean mòr',  
cha ruig iad air gu dlùth.
- 7 Tha thu a' t'ionad foluich dhomh,  
ni coimhead orm o theinn ;  
s nìhear leat mo chuairteachadh  
le h-òran saorsa binn.

- 8 Dhuit teagaisgidh is seòlaidh mi  
am bealach is an t-àil,  
'S an tigeadh dhuitse triall gu ceart ;  
sin seòlam dhuit le m'shùil.
- 9 Na bi mar mhuileid, no mar each,  
na h-ainmhidhean gun chèill :  
Ri'n cuirear, chum nach tig iad ort,  
teann-sparrag sréin 'n am beul.
- 10 Is liomhor bròn aig luchd an uile :  
ach neach d'am barrant Dia,  
Tha 'thròcair dol m'a thimchiollsan  
g'a dhionadh mar ni sgiath.
- 11 A dhaoine treibhdhireach, an Dia  
bibh aoibhneach agus ait :  
Is deanaibh gairdeachas, gach neach  
'g am bheil an cridhe ceart.

SALM XXXIII.

- 1 O SIBHSE ta 'n 'ur fireanaibh,  
biodh aiteas oirbh an Dia :  
Oir 's cubhaidh do na daoineibh còir,  
bhi 'tabhairt cliu do'n Triath.
- 2 Air clàrsaich thugaibh moladh dha ;  
is air an t-saltair ghrinn,  
Air inneal-ciùil nan teuda deich  
seinnibh do Dhia gu binn.
- 3 Is canaibh dhasan òran nuadh :  
àrd-sheinnibh fonn gun stad.
- 4 Oir's ceart a reachd : am fìrinn fòs  
ta 'oibre deant' air fad.
- 5 Is ionmhuinn leis-san còir is ceart :  
lìon maithas Dé gach tìr.
- 6 Rinn focal Dé na nàmh', 's an sluagh  
rinn guth a bheoil gu léir.
- 7 Mar thòrr a ta e carnadh suas,  
uisge na faire mòir' :  
A' coimhead fòs na doimhne suas,  
gu dìleas an tigh-stòir.
- 8 Nis roimh an Tighearna gu mòr  
biodh eagal air gach tìr ;  
Is air na dh'aiticheas an saogh'l  
biodh fiamh roimh 'ainm gu léir.
- 9 Oir labhair Dia, is rinneadh e :  
dh'orduich, is chuir air chois :  
10 Chuir comhairle nan sluagh air cùl :  
is innleachd dhaoine' air ais.
- 11 Tha comhairle Iehobhah mhòir  
gu seasmach buan am feasd :  
Smuaintean a chridhe mar an ceudn'  
o linn gu linn gun cheisd.
- 12 'S beannaicht' an cinneach sin 'g am  
mar Dhia Iehobhah treun : [bheil  
'S am pobull fòs a ròghnaich e  
mar oighreachd bhuan dha féin.
- 13 Air chloinn nan daoine seallaidh Dia,  
o nàmh nan speur a nuas.
- 14 'S léir dha gach neach 's a' chruinne-ché,  
o 'ionad-còmhnuidh shuas.
- 15 An cridh' air aon dòigh chumadh leis ;  
thug e fa' near an gnìomh.

- 16 Cha tèaruinn rìgh le meud a shluaigh ;  
do'n laoch, neart mor cha dìon.
- 17 An t-each an còmhrag 's dìomhain e,  
a dheanamh furtachd leis ;  
No dheanamh fuasglaidh ri àm féim,  
ge mòr a lùth 's a threis'.
- 18 Feuch, sùilean Dé gu furachar  
air a luchd eagail féin,  
Is air an dream sin as a ghràs,  
ni muinghinn làidir treun :
- 19 An anam chum a dhìon o'n bhàs,  
's o'n ghort an cumail beò.
- 20 Ar n-anam feithidh e air Dia ;  
ar neart, 's ar sgiath gach lù.
- 21 Oir annsan ni ar cridh' a stigh  
ùr-ghairdeachas gun dìth :  
Is cuiridh sinn 'n a ainm ro-naomh  
ar muinghinn fòs a chaidh.
- 22 Do thrèacair gu robh oirnn gu caomh, ,  
a Tighearna, gach là,  
A réir mar chuir sinn annad féin  
ar dochas treun a ghnàth.

SALM XXXIV.

- 1 **I**EHOBHAIH beannaicheam gu h-àrd,  
gach aimsir is gach tràth :  
A chliu 's a mholadh ann am bheil  
gu h-ionraiteach a ghnàth.
- 2 Is anns an Tighearna ro-threun  
ni m'anam uail is glòir :  
Na daoine seimh', tràth chluinneas sud,  
ni gairdeachas gu mòr.
- 3 Ardaichibh leamsa Dia nam feart,  
molamaid 'ainm le chéil' :
- 4 Dh'iarr mise Dia, chual' e, is bhuin  
mi as gach gàbhadh geur.
- 5 Dh'amhaire iad air, is dhealraich iad ;  
gun nàire air an gruaidh.
- 6 Do ghlaodh am bochd, is dh'éisd ris Dia,  
Is dh'fhuasgail as gach truaigh.
- 7 Tha aingeal Dé a' campachadh'  
mu'n dream d'an eagail e,  
G'am fuasgladh is g'an teasairginn  
o'n trioblaidibh gu léir.
- 8 O blaisibh agus faicibh so,  
gur maith, 's gur milis Dia :  
Am fear sin 's beannaicht' e gu beachd  
a dh' earbas as an Triath.
- 9 Fìor eagail Dé, biodh oirbh, a naoimh ;  
oir uireasbhuidh no dìth  
Cha bhi air a luchd eagail-san,  
fìor-chràbhadh dha a ni.
- 10 Bidh easbhuidh air na leòmhnaibh òg',  
is ocras orr' air leth ;  
Ach air an dream a dh'iarras Dia  
cha cheilear aon ni maith.
- 11 Thigibh a chlann, is éisdibh rium :  
dhuibh nochdam eagail Dé.
- 12 Cò'm fear le'm bàill bhi fada beò,  
chum maith gu faicadh e ?
- 13 Coimhid do theangadh féin o'n olc,  
's o labhairt ceilg' do bheil.

- 14 Seachainn an t-olc, is dean am maith :  
iarr sìochaint, 's lean gu geur.
- 15 Tha sùile Dhé air fireanaibh,  
's a chluas ri'n glaoth gu fìor.
- 16 Tha gnùis Dhé 'n aghaidh daoì, a chum  
an cuimhne sgrios á tìr.
- 17 Do ghlaodh na fireana ri Dia,  
is dh'éisd e riu gu grad ;  
Thug furtachd agus fuasgladh dhoibh  
o'n àmhgharaibh air fad.
- 18 Do'n mhuinntir 'g am bheil cridhe brùit'  
is dlùth dhoibh Dia gun cheisd :  
Ni esan furtachd fòs do'n dream  
'g am bheil an spiorad brist'.
- 19 Is lionmhor trioblaid agus teinn  
thig air an fhìrean chòir ;  
Ach asd' air fad ni Dia nan gràs  
a theasairginn fadheoidh.
- 20 A chnàmhan uile coimhdidh e :  
cha-n'éil a h-aon diubh brist'.
- 21 Ach marbhaidh olc an duine daoì,  
is claidhear e gun cheisd :  
Is luchd an fharmaid, a bheil fuath  
do dhaoineibh còir is ceart,  
Mòr-chiontach fagar iad 'n an lochd,  
di-mhilltear iad gu beachd.
- 22 Anam a sheirbhiseach gu léir  
saor fhuasglaidh Dia gach àm,  
Cha mhilltear idir neach dhiubh sud  
chuireas an dòchas ann.

SALM XXXV.

- 1 **T**AGAIR, a Dhia, ri luchd mo strì ;  
cuir cath ri luchd mo chath'.
- 2 Glac féin do thargaid, is do sgiath,  
éirich, dean còmhmadh maith.
- 3 Glac fòs do shleagh, 's air luchd mo thòir  
am bealach druìd gu teann :  
Ri m'anam abair féin mar so,  
Is mi do chòmhmadh ann.
- 4 Trom-nàir' is masladh gu robh dhoibh  
ta 'g iarraidh m'anam bhochd :  
Is pilleadh iad le h-amhladh geur,  
ta smuaineachadh dhomh lochd.
- 5 Biodh iad mar mhuillnein dol le gaoith :  
'n an tòir biodh aingeal Dé :
- 6 Biodh aingeal Dé 'g an ruith gu teann  
dorch sleamhuinn biodh an ceum.
- 7 Oir lìontan leag iad air mo shon,  
gun aobhar no cion-fàth :  
Is slochd gun aobhar chladhaich iad,  
chum m'anam chur an sàs.
- 8 Gun fhios da, thigeadh doruinn air,  
is glacer e 's an lìon  
A dh'fholuich e : 's an dòruinn cheudn'  
tuictheadh e féin gu dian.
- 9 Ni m'anam gairdeachas an Dia ;  
's 'n a fhurtachd sòlas mòr.
- 10 Is their mo chnàmhan uile Dhé,  
cò choimeas riuts' is còir ?



- Ni teasairginn do'n duine bhoichd  
o'n neach ta air ro-threun,  
An t-ainnis is am boichd o'n ti  
le'm bàill a chlaoidh gu léir.
- 11 Luchd fianuis bhréige dh'éirich rium,  
is chuir iad as mo leth  
Na nithe sin gu h-eucorach,  
nach b' fhiosrach mi am bith.
- 12 Ole dhiol iad rium an eiric maith,  
chum m'anam chur fo leòn.
- 13 Ach mis', air bhi dhoibh sud gu tinn,  
ghabh umam culaidh bhòin :  
M'anam le trasgadh dh'ùmhlaich mi,  
's phill m'urnuigh ann am chrìos.
- 14 Mar charaid, brath'r, no fear-caoidh  
gu brònach crom ghluais mis'. [màth'r
- 15 Ach chruinnich iad, is bha iad ait,  
air bhi dhomh ann an teinn :  
Gun fhios domh, chruinnich cuideachd  
gun tàmh mo reubadh rium. [thair,
- 16 Le cealgairibh gu fanoideach,  
'r am féisd rinn spòrsa dhiom,  
Do chasadh leo am fiacra rium,  
ri magadh orm gu dian.
- 17 Cia fhad is léir dhuit so, a Dhé ?  
saor m'anam féin gu cas  
O'm milleadhsan : mo sheircein fòs,  
tèarunn o leòmhnaibh bras.
- 18 Làn-bluidheachas do bheir mi dhuit  
am measg an tionail mhòir ;  
'S am measg an t-sluaigh tràth 's lion-  
àrd-mholam thu le glòir. [mhor iad,
- 19 Mo naimhde ta gun aobhar rium,  
na biodh ac' aoibhneas dhiom :  
Do'n dream a thug dhomh fuath gun  
a'm' chaogadh sùl na biom. [chùis
- 20 Oir ann an sìth cha-n'eil an tlachd,  
ach ann am beartaibh claon,  
An aghaidh dhaoine ciùin na tìr',  
'g am buaireadh air gach taobh.
- 21 Gu farsuim dh'fhosgail iad am beul,  
is rium, ha, ha, a deir,  
Chunnaic a nis ar sùil an ni  
bu mhiannach leinn teachd air.
- 22 Ach chunnaic thusa so, a Dhia,  
na bi a'd' thosd a'm' fheum :  
A Thighearn is a Dhia nam feart,  
na fuirich uam an cèin.
- 23 Tog ort, is mosgail chum mo cheirt,  
fa m' chùis, mo Dhia, 's mo Rìgh.
- 24 Dhia, dean a réir do cheartais breth,  
is dhoibh na b'aoibhneas mi.
- 25 'N an cridh' na h-abradh iad riu féin,  
ha, ha, 's e sud ar miann :  
Is fòs na h-abradh iad a chaoidh,  
do shluig sinn e gu dian.
- 26 Biodh orra nàir', is tairngear iad  
gu h-amhludh mòr le chéil',  
A ta gu suilbhir is gu h-ait,  
ri faicinn m'àmhghair ghéir :

- Is biodh iad air an sgendachadh  
le masladh is le nàir',  
Tha 'g iarraidh urrainn mhòir dhoibh féin  
a'm' aghaidh-sa gun tàmh.
- 27 Biodh aoibhneas orra, 's gairdeachas,  
a sheasas dhomh mo chòir :  
Is abradh iad, Mòr-chliu gu robh  
do Thighearna na glòir',  
Tha gabhail tlachd do shonas buan  
a sheirbhisich a ghnàth.
- 28 Is air do cheartas thig mo bheul,  
is air do chliu gach là.

## SALM XXXVI.

- 1 **D**EIR eusaontas an droch-dhuin' so,  
'n a chridhe stigh 's 'n a chliabh  
Fior-eagal Dé am beachd a shùl  
cha-n'eil, is cha robh riamh.
- 2 Oir ni e brìonnal baoth ris féin  
a réir mar thaitneas ris ;  
A chionta gus am foillsichear  
mar aobhar fuath d'a sgrios.
- 3 Fior-chluaintearachd is eucòir mhòr,  
sud cainnt a bhceol gu tric :  
Is sguir e fòs o dheanamh maith,  
is leig e dheth bhi glic.
- 4 Ainmheas 'n a leabaigh tha e dealbh' ;  
's an t-slighe nach 'eil ceart  
Shuidhich is shocruch se e féin ;  
cha-n oillteil leis droch bheart.
- 5 Do thròcair tha 's na nèamhaibh shuas,  
a Thighearn is a Dhé :  
Gu ruig na neoil, is àird nan speur,  
làn ruigidh d'fhèrrinn réidh.
- 6 Do cheartas mar na sléibhtibh àrd',  
do bhreth mar dhoimhneachd mhòir ;  
Air duine 's ainmhidh ni thu, Dhé,  
deadh-choimhead agus fòir.
- 7 O Dhia ! is prìseil urramach  
do chaoimhneas gràdhach caoin ;  
Fo sgàil do sgéith ni uime sin,  
làn dòchas clann nan daoim'.
- 8 Le sàill do theach is t'arais phailt  
sàsuichear iad gu mòr ;  
A d'amhaing làn do shòlasaibh  
deoch bheir thu dhoibh r'a h-òl.
- 9 Tobar na beatha tha gu dearbh  
agadsa, Dhia nan dùl ;  
Is ann ad sholus dealrach glan,  
chì sinne solus iùil.
- 10 Maireadh do chaoimhneas gràidh, a Dhé,  
do'n dream chur eòlas ort :  
Is buanaich d'fhìreantachd faraon  
do luchd a' chridhe cheirt.
- 11 Na leig do chois an àrdain bhuirb  
a'm' aghaidh teachd, a Dhé :  
Is lann an droch dhuin' aingidh fòs  
gu bràth na gluaiseadh mi.
- 12 An sin do thuit luchd-deanamh uile ;  
is leagadh iad a sìos,

Ag diobhail luith cha-n fheadar leo,  
gu'n éirich iad a nìos.

## SALM XXXVII.

- 1 **L**ASAN no compar na biodh ort  
Is na gabh farmad ris an dream  
a bhios a' deanamh lochd.
- 2 Oir amhluidh mar is dual do'n fheur,  
glan-sgathar iad gu grad,  
Is amhluidh mar na lusa maoth'  
crìon-seargaidh iad air fad.
- 3 Cuir-sa do dhòchas ann an Dia,  
is deanar maithcas leat,  
Mar sin sior-mhealaidh tu an tìr,  
's beathaichear thu gu beachd.
- 4 Gabh tlachd an Dia, is bheir e dhuit  
làn rùn do chridh' a chaidh.
- 5 Do shlighe tabhair suas do Dhia ;  
earb ris, is bheir gu crìch.
- 6 Foillsichidh e do chòir 's do cheart,  
mar sholas glan nan tràth ;  
Is amhluidh mar àrd-mheadhon-là  
do bhreitheanas a ghnàth.
- 7 Gu sàmhach fan ri Dia nan dùl,  
is feith le foighid leis ;  
An tì 'n a shlighe' a sheirbhicheas,  
na gabhsa farmad ris :
- Fa chùis an fhir a bheir gu buil  
a dhroch-bheart imleachdach.
- 8 Leig corruih dhìot, tréig fearg : chum  
na bi-sa frionasach. [uile
- 9 Oir droch-dhaoin is luchd-deanamh uile  
glan sgathar as gu léir :  
Ach lion 'g am bheil an sùil ri Dia,  
buan-mhealaidh iad an tìr.
- 10 Oir feith gu foil ré tamuill bhig,  
's an droch dhuin' cha bhi ann :  
'S 'n a ionad fòs, ma bheir fa'near,  
cha bhi e féin no 'chlann.
- 11 Ach mealaidh daoine sèimh am feasd  
am fearann is an tìr :  
Lan-shòlas bheir ar dhoibh faraon,  
an saobhireachd na sìth'.
- 12 Tha 'n t-aingidh cumadh lochd do'n  
's a' casadh fhiacra ris [t-saoi,
- 13 Nì Dia air fanoid : oir dha 's léir  
gur dlùth air là 's grios.
- 14 Na h-aingidh tharruing iad an lann ;  
is chuir am bogh' air ghleus,  
A leagadh aim-beartach is blochd,  
's a mharbhadh luchd deadh bheus.
- 15 An claidheamh théid 'n an cridhe féin,  
théid air am bogha claidh.
- 16 'S fearr beagan aig an duine chòir,  
na saobhbreas mòr nan daoì.
- 17 Oir gairdeana luchd aingidheachd  
min-bhrisear air an cruas ;  
Ach daoine còir is fireanach  
nì Dia an cumail suas.

- 18 Air aimsiribh nam fireanach  
is fiosrach Dia gun cheisd :  
An oighreachd is an seilbh faraon,  
dhoibh 's maireannach am feasd.
- 19 Cha chuirear iad gu rudhadh gruaidh,  
's an aimsir ghàbhaidh olc :  
Oir gheibh iad uil' an sàth gu leòr  
An làithibh gainne 's gort'.
- 20 Ach sgriosar droch dhaoin' naimhde  
bidh iad mar shaill nan uan : [Dhé,  
Làn-mhillear iad, is théid dhoibh as,  
mar dheataich nach 'eil buan.
- 21 An iasachd gabhaidh daoine daoì,  
's cha dìol a ris air ais ;  
Am firean tha e trèaireach,  
is nithear pailteas leis.
- 22 Oir meud 's a fhuair a bheannachdsan,  
sior-mhealaidh iad an tìr :  
'S an dream a gheibh a mhallachdsan,  
lom-sgriosar iad gu léir.
- 23 Tha Dia a' stiùireadh cheumanna  
an duine naomha chòir :  
Is tha e gabhail tlachd is toil'  
d'a shlighe-san gu mòr.
- 24 Nan tarladh dha gu'n tuiteadh e,  
cha tilgear tur e sìos :  
Oir tha an Tighearna le 'laimh  
'g a chumail suas a ris.
- 25 Bha mise òg, 's a nis an aois ;  
is riamh cha-n fhaca mi  
'N a dhiobrathan an duine còir,  
No 'shliochd ag iarraidh bìdh.
- 26 Sior-thruacant' e, is coingheallach :  
beannaicht' a shliochd a ta.
- 27 Seachainn an t-olc, is dean am maith,  
is còmhuidh gabh gu bràth.
- 28 Is toigh le Dia ceart bhreitheanas,  
a naomh cha tréig e chaidh ;  
Sior-choimhdcar iad : ach sgathar sìos,  
droch shliochd nan daoine daoì.
- 29 Mealaidh na fircana an tìr ;  
buan-chòmhnuidh nì iad innt'.
- 30 Thig beul an t-saoi air gliocas glan,  
a theang' air rogha cainnt.
- 31 Tha lagh a Dhé 'n a chridh' a stigh :  
cha sleamhuich uatha a cheum.
- 32 Tha'n droch dhuin' feitheamh air an  
g'a mharbhadh is g'a theum. [t-saoi,
- 33 Cha-n fhàg an Tighearna e 'n a làimh,  
a dheanamh air droch-bheirt ;  
Cha-n fhàg ris e ann am binn,  
tràth chuirear e fo cheirt.
- 34 Feith thus' air Dia, 's 'n a shlighe' gluais  
is arduichear leis thu,  
An tìr gu meal thu ; is droch dhaoin'  
'g am milleadh chì do shùil.
- 35 An duine malluicht' chunnaic mi  
an neart, 's an inbhe mhoir,  
'G a sgaoileadh féin a mach marchraoibh,  
a' fàs gu dosrach ùr ;



- 36 Ach chaidh e seach, is feuch cha robh ;  
dh'iarr, is cha d'fhuaras e.
- 37 Amhaire is feuch gur sìth is crìoch  
do'n duine dhìreach rèidh.
- 38 Ach sgrìosar luchd an eusaontais,  
is thèid dhoibh as faraon :  
Di-mhilltear agus sgathar sìos  
crìoch dheireannach dhroch dhaoin'.
- 39 Ach furtachd fhìor nam firean fòs,  
thig sin o Dhia nan dùl :  
Is anns an aimsir thrioblaidich,  
's e 's barrant air an cùl.
- 40 Thig treis is furtachd thuc' o Dhia,  
le fuasgladh an deadh àm ;  
Saorair iad leis o dhaoibh olc,  
oir chuir iad muinghinn ann.

SALM XXXVIII.

- 1 **A** THIGHEARN, ann ad ehorruich  
na cronuich mi gu garg ; [mhòir  
Na dean mo smachdachadh gu geur,  
an uair a lasas d'fhearg.
- 2 Oir tha do shaidhe guineach geur  
sàitht' annam féin gu teann :  
Is orm a ta do làmh gu trom,  
'g am chumail sìos gach àm.
- 3 Cha-n' eil maoin fhallaineachd a'm' fheòil,  
air son do chorruich ghéir ;  
A'm' chuàmbhaibh cha-n' eil tàmh no fois,  
air son mo pheacaidh féin.
- 4 Oir chaidh mo pheacaidh os mo cheann ;  
taid orm 'n an eire thruim.
- 5 Mo chreuchda ta ro-lobhta, 's breun ;  
mo ghòruich 's coireach rium.
- 6 Tha mi gu cràiteach, euslan, crom,  
'a' triall gach là le bròn.
- 7 Mo leasraidh làn do ghalair breun' :  
gun fhallaineachd a'm' fheòil.
- 8 Tàim lag is brùit' : a' bùireadh fòs  
trid an-shocair mo chridh'.
- 9 A'd' Eath'r, a Dhé, tha m'uile mhiann :  
cha-n' fhòluicht' ort mo chaoidh.
- 10 Mo chridhe ta sìor-phloscartaich,  
mo neart chaidh uam gu glan ;  
An taic ri fradharc geur mo shùl,  
sin agam fòs cha d'fhan.
- 11 Tha luchd mo ghaoil 's mo chairde  
a' seasamh fad o 'm bheum, [caomh  
Mo choimhearsnaich is luchd mo phàirt,  
a' teicheadh uam an céin.
- 12 Sealg orm a ta luchd iarraidh m'ann' :  
luchd iarraidh m'uile a ghnàth,  
A' labhairt nithe aimhleasach,  
's a' smuaineach' ceilg' gach là.
- 13 Ach mise fòs mar bhodhar mi,  
nach cluinneadh guth no sgeul :  
Is cosmhùil mi ri duine balbh,  
gun chomas fosglaidh béil.
- 14 Mar sin mar dhuine mi nach cluinn,  
gun achmhasan 'n a bheul.

- 15 Oir dh' earb mi riut, a Dhé, mo Thriath :  
Dhia, freagraidh tus' a'm' fheum.
- 16 Thubhairt mi, chum nach maoideadh  
thoir freagradh dhomh gu cas ; [iad,  
Is chum nach dean iad gardeachas  
'n tràth shìleamhuicheas mo chas.
- 17 Oir 's dlùth chum claonaidh mi, 's mo  
a'm' fhianuis tha do ghnàth. [bhròn
- 18 Mo lochd do inneam, is fo m' chiont',  
mòr aimheal ormsa ta.
- 19 Ach mheud 's a ta'n naimhde dhomh,  
's ro bheothail iad 's is treun ;  
Is luchd mo mhi-rùin eucorach,  
taid lionmhor mar an ceudn'.
- 20 'S iad sin a's naimhde dhomh gu fìor,  
luchd-diòlaidh maith le h-olc ;  
Air son gu bheil mi leantuinn air  
an nì tha maith gun lochd.
- 21 Na treig mi, Thighearna : mo Dhia,  
na bi-sa uam an céin.
- 22 Dhia, greas a chum mo chuideachaidh,  
oir 's tu mo shlàinte féin.

SALM XXXIX.

- 1 **T**HUBHAIRT mi, bheir mi féin fa'near  
mo shlighe ; 's nì mi fòs  
Mo theangadh choimhead mar le sréin,  
air bhith do'n daoi a'm' chòir.
- 2 Dh'fhan ni gu tosdach balbh a'm' thàmh,  
o'n nì sin féin bu mhaith ;  
Mhosgail mo thrioblaid is mo bhròn  
annam gu mòr a stigh.
- 3 Air bhith dhomh smuaineachadh mar so,  
do ghabh mo chridhe teas :  
Islas an teine : is mar so  
le m'theangaidh labhair mis' ;
- 4 Thoir fios, a Dhé, dhomh air mo chrich,  
tomhas mo là cìod e :  
Gu faighinn eòlas agus fios  
cia h-annhunn gearr mo ré.
- 5 Feuch rinn thu mar leud bois' mo làith',  
mar neo-nì agad m'aois :  
Gach neach d'a fheabhas, e gu fìor,  
's nì dìomhanach gun phris.
- 6 An samhladh bréig' a' sìubhal fòs  
gach duine ta gu dearbh :  
Gun suaimhneas fòs 'g am buaireadh féin,  
an dìomhanas gun tairbh' :
- A' torradh nithe, 's cur ri chéil'  
mòr bheartais air gach dòigh,  
Gun fhios co'n t-òighre chruinnicheas,  
no mhealas iad fadheòidh.
- 7 Cìod nis ri'm feitheam féin, a Dhé ?  
mo dhòchas dhìot do nìmh'.
- 8 Saor mi o m'uile lochd ; 's na dean  
ball-maslaidh an-daoin' dhìom.
- 9 Dh'fhan mi a'm' thosd, gun fhosgladh béil,  
oir leatsa rinneadh e.
- 10 Tog dhìom do bhuille, Dhé : le beum  
do làimhe chlaoidheadh mi.
- 11 Tràth chruinichear leat neach m'a lochd,  
mar chnuimh thèid as d'a shuadh :

Gu deimhin féin 's fìor-dhìomhanas  
gach duin' air bith do'n t-sluagh.

- 12 Dhia éisd ri m'urnuigh, is ri m'ghlaodh ;  
ri m' dheòir a'd' thosd na bi ;  
Oir coigreach agad, is fear-cuairt,  
mar m'aitheirichibh tha mi.
- 13 Dhia, coigil agus caomhain mi,  
gu faighinn neart ri m' bheò  
Mu'n siubhail mi, a' dol do'n eug,  
's uach bi mi ann ui's mò.

SALM XL.

- 1 **D**H'FHEITH mile foighid mhaith ri Dia,  
chrom thugam, dh'éisd mo ghuth :
- 2 Is thug se á slochd uamhuinn mi,  
á clàbar criadha tiugh :  
Air carraig chòmhnaidh chuir mo chos ;  
mo cheuman shocruidh e.
- 3 Is òran nuadh chuir e a'm' bheul,  
gu b'e sud moladh Dhé :

Chi mòran e, 's fo eagal b'ìd,  
is earbaidh iad á Dia.

- 4 'S beannaicht' an duine sin gu dearbh  
ni dòchas as an Triath,  
Is nach gabh tlachd na toil air bith  
do luchd an àrdain mhòir,  
No fòs do'n dream a théid a thaobh  
gu ceilg, le saobhadh glòir'.

- 5 Is lìonmhor d'oibre iongantach,  
a Thighearn is a Dhé,  
'S do smuaintean oirn : cha-n àirmhear  
an ordugh dhuit gu réidh : [iad  
Na'n cuirinn iad an céill gu mìn,  
no fòs na 'n innsinn iad,  
An àireamh rachadh thar mo neart,  
aig lìonmhoireachd is meud.

- 6 Ofrail no òbairt leat cha mhiann,  
dh'fhosgail thu féin mo chluas :  
Lochd-òbairt agus òbairt-loisgt'  
cha d'iarr thu dhuit chur suas.

- 7 An sin do labhair mise, feuch,  
a nis a ta mi 'teachd :  
An ròl' an leabhair ormsa fòs  
sud sgriobhta tha gu beachd.

- 8 'S e sud mo thlachd 's mo mhiann, a Dhé,  
do thoil gu deantadh leam :

Do reachd gu dearbh a ta gu buan  
a'm' chridhe stigh, 's a'm' chom.

- 9 Air t'fhìreantachd 's a' choinneimh mhòir,  
a Dhé, rinn mise sgeul :  
Oir feuch, a Dhé, mar 's aithne dhuit,  
nìor chaisg mi féin mo bheul.

- 10 A'm' chridhe d'fhìreantachd nìor cheil ;  
ach d'fhìrinn chuir mi'n céill ;  
Do shlàint' 's do chaoimhneas gràdhach  
o'n t-sluagh nìor cheil mi féin. [caomh

- 11 Do thrècair chaomh na cumsa uam,  
a Thighearna gu bràth ;  
Do chaoimhneas gràdhach, d'fhìrinn fòs  
gleidheadh iad mi a ghnàth.

- 12 Oir is do-àireamh iad na h-uile  
ta 'g iadhadh orm mu'n cuairt :  
Do ghilac mo pheacaidh mi co teann  
's nach feud mi sealltainn suas :  
O's lìonmhoir' iad na folt mo chinn,  
is thréig mo chridhe mi.

- 13 Dhia, gu ma toil leat furtachd orm,  
grad-chuidich leam, a Dhé.

- 14 Biodh nàir' is amhladh dhoibh faraon,  
do m'anam dh'iaras claoidh :  
Ruaig orr' air ais, is rudbadh gruaidh',  
le 'm b'àill mo chur gu dìth.

- 15 Gun àird, gun àiteach' gu robh iad,  
mar thuarsadal d'an nàir',  
A thubhairt rium gu fanoideach,  
aha, aha, le gair.

- 16 Aoibhneas is aidhear do gach neach,  
'g a d'iarraidh féin a ta :  
Is abradh iad le'n toigh do shlàint'  
Dia gu ma mòr a ghnàth.

- 17 Ach mis' ged tha mi ainns bochd,  
smuainichidh orm an Triath :  
M'fhear cabhair thu's mo Shlànuighear ;  
moille na dean, a Dhia.

SALM XLI.

- 1 'S BEANNAICHT' am fear a bheir gu  
fa'near an duine bochd : [glic

An uair a thrioblaid is a theinn,  
bheir Dia e saor o'n olc.

- 2 Nì Dia a dhion, 's a chumail beò,  
is beannaicht' e 's an tìr :  
Gu toil a naimhde mi-rnach  
na tabhair e gu sìor.

- 3 Air leabadh 'thinneis iarganaich  
bheir Dia dha neart is treòir :  
A leabadh nì thu dha air fad  
ri h-àm a thinneis mhòir.

- 4 Thubhairt mi, deansa trècair orm,  
a Thighearn is a Dhé ;  
Is leighis m'anam euslan bochd,  
oir t-aghaidh pheacaich mi.

- 5 Tha'n dream sin a's fìor-naimhde dhomh  
a' labhairt orm le beum :  
O c'uin a sgriosar 'ainm-san as,  
's a théid e sìos do'n eug ?

- 6 Ma thig e m'annharc, labhraidh e  
cainnt dhìomhanach le 'bheul :  
Ta 'chridh' a' torradh uimh a stigh,  
's a muigh a' deanamh sgéil.

- 7 Sìor-chogarsaich an cluais a chéil',  
luchd m' fluath' a ta air fad :  
A' smuaineachadh 's a' cumadh lochd  
a'm' aghaidh féin gun stad.

- 8 Droch thinneas (deir iad) tha gu dlùth  
a' leantuinn ris r' a bheò ;  
Air blith dha nis 'na luidh' gu tinn,  
cha-n éirich e nì's mò.

- 9 Am fear bu charaid dileas domh,  
rì'n earbainn gach nì b'àill,



- 'S a dh'ith do m'aran air mo bhòrd,  
a'm' aghaidh thog e 'shàil.
- 10 Ach thusa, Dhé, dean trècair orm,  
is tog mi ris an àird,  
A chum gu tugainn luigheachd dhoibh,  
is comain cheart gun dàil.
- 11 Tre so is fiosrach mi gu beachd  
gur ionmhuinn leatsa mi :  
Air son nach d'thug mo naimhde buaidh,  
's nach d'rinneadh leo mo chlaoidh.
- 12 Ach mise, ann am ionracas,  
's tu sheasas mi a ghnàth :  
Am fianuis fòs do ghnùise, Dhé,  
ga m' shocruchadh gu bràth.
- 13 Ichobhah Dia chloinn Israeil,  
beannaicht' gu robh e féin,  
O aois gu h-aois suthain sìor,  
Amen, agus Amen.

## SALM XLII.

- 1 **M**AR thogras fiadh na sruthan uisg'  
le bùireadh àrd gu geur,  
Mar sin tha m'anam ploscartaich,  
ag éigheach riutsa, Dhé.
- 2 Tha tart air m'anam 'n geall air Dia,  
'n geall air an Dia ta beò :  
O c'uim a thig 's a nochdar mi  
am fianuis Dhia na glòir'?
- 3 Gach là is oidhel' is iad mo dhèoir  
a's cuibhrionn dhomh 's a's biadh :  
An uair a deir iad rium a ghnàth,  
c'ait bheil a nis do Dhia?
- 4 Tha m'anam air a dhòrtadh mach,  
a' cuimhneachadh gach ni ;  
Oir chaidh mi leis a' chuideachd mhòir,  
'dol leo gu teampull Dé ;
- Seadh chaidh mi leo le gairdeachas,  
is moladh fòs le chéil',  
Seadh leis a' chuideachd sin a bha  
a' coimhead làithe féill'.
- 5 O m'anam ! c'uim' a leagadh thu  
le diobhail misnich sìos ?  
Is c'uim' am bheil thu'n taobh stigh dhìom  
fo thrioblaid is fo sgìos ?
- Cuir dòchas daingean ann an Dia,  
oir fathast molam e,  
Air sou na furtachd is na slàint'  
thig dhomh o 'eudan réidh.
- 6 Thuit m'anam annam sìos, a Dhé,  
ghrad-chuimhnich mi 'n sin ort ;  
O thalamh Iordain, Hermoin àird,  
o Mhitar fòs nan cnoc.
- 7 Le fuaim do shruthan uisge féin,  
ta doimhn' air dhoimhne gairm :  
Do staidhean, is do thonnan àrd'  
dol tharum tha le toirm.
- 8 Orduichidh Dia d'a ghràsaibh dhomh,  
a chaoimhneas anns an lò :  
'S an oidheche ni mi guidhe 's ceòl  
ri Dia a chum mi beò.

- 9 Mo charraig, c'uim' a thréig thu mi ?  
ri Dia a deir mi féin :  
Is c'uim' am bheil mi triall fo bhròn,  
bhrìgh fòirneirt m'eascair thréin ?
- 10 Mar lann a'm' chnàmhaibh, m'eascairde  
toirt toibheim dhomh a ta :  
Tràth their iad rium gn fanoideach,  
c'ait bheil do Dhia ? gach là.
- 11 O m'anam, c'uim' a leagadh thu,  
le diobhail misnich sìos ?  
Is c'uim' am bheil thu'n taobh stigh  
fo ainheal is fo sgìos ? [dhìom  
Cuir dòchas daingean ann an Dia :  
oir molam e a ghnàth,  
O 's e a's slàinte do mo ghnùis,  
is e mo Dhia gu bràth.

## SALM XLIII.

- 1 **C**UM cothrom rium, is tagair féin  
mo chùis, o'n fhincach ole,  
O'n eucorach, 's o fhear na ceilg',  
Dhé, saorsa mi o'n lochd.
- 2 Car son a thilg thu mise uait ?  
's gur tu mo Dhia 's mo thrèoir ;  
Car son bhrìgh fòirneirt m'eascairde,  
an siubhlam féin fo bhròn ?
- 3 Dhia, d'fhìrinn is do sholus glan  
leig thugam iad a mach :  
Ga m' sheòladh chum do thulaich naoimh,  
's mo thabhairt chum do theach.
- 4 'N sin racham dh'ionnsuidh altair Dhé,  
an Dé sin m' aoibhneis mhòir :  
Air clarsaich bhinn do mholam thu  
O Dhia, mo Dhia na glòir'.
- 5 O m' anam, c'uim' a leagadh thu,  
le diobhail misnich sìos ?  
Is c'uim' am bheil thu'n taobh stigh dhìom  
fo ainheal is fo sgìos ?  
Cuir dòchas daingean ann an Dia ;  
oir molam e a ghnàth,  
O 's e a's slàinte do mo ghnùis,  
is e mo Dhia gu bràth.

## SALM XLIV.

- 1 **L**ER cluasaibh chuala sinn, a Dhé,  
ar sinnsir chuir an céill  
Na gnìomhara a rinneadh leat,  
'n an aimsir, fad o chéin.
- 2 Le d' làmh mar thilg thu mach na slòigh,  
is iadsan chuir 'n an àit :  
Mar rinn thu air na cinnich claidh,  
ach dhoibhsan thug an sàth.
- 3 Oir sealbh 's an tìr cha d'fhuairdeadh leo  
le'n claidheamh no le'n loinn'  
Ni mò a rinn an gairdean féin  
an teasairginn 'n an teinn : [bhuaidh,  
Ach do làmh dheas thug dhoibh a'  
do ghairdean neartmhor treun,  
Is solus glan do ghnùis, a chionn  
gu'n d' thug thu dhoibhsan spéis.
- 4 Oir s' tusa féin, a Dhia nam feart,  
mo Thighearn is mo Rìgh :

- Furtachd do Jacob orduich uait,  
is fuasgail air gun dìth.
- 5 'S ann tre do neartsa leagar sìos  
na h-uile 's naimhde dhuinn :  
Tre d'ainm-sa saltraidh sinn gu làr  
au dream a dh'éircas ruinn.
- 6 Oir as mo bhogh' cha dean mi bun,  
cha-n fhurtachd dhomh mo lann.
- 7 Ach 's tusa nàirich luchd ar fuath',  
o'r naimhdibh shaor thu sinn.
- 8 Air feadh au là 's ann an Dia,  
a nì sinn uail is glòir :  
Is d'ainm-sa fòs air feadh gach linn,  
àrd-mholaidh sinn gu mòr.
- 9 Ach rinn thu nis ar tilgeadh dhìot,  
is uàirich thusa sinn :  
'S a mach le'r n-armaitibh 's le'r feachd  
cha-n 'eil thu fèin dol leinn.
- 10 Gu teicheadh chuir thu sinn air ais,  
o'n nàmhaid gheur 's a' chath :  
Is luchd ar mi-ruin tha dhoibh fèin  
a' deanamh creich' is sgath'.
- 11 Mar chaoraich thug thu sinn 'n ar biadh ;  
measg chinneach sgaoleadh sinn.
- 12 Reic thu do phobull fèin gum fhiach,  
's gun mheud air maoin d'an cinn.
- 13 Do rinn thu toibheum dhinn gu truagh  
d'ar coimhearsnach gu léir ;  
Ball-fanoid do na bheil mu'n cuairt,  
's ball-magaidh mar an ceudn'.
- 14 Am measg nan Geintileach air fad,  
gnàth-fhocal rinn thu dhinn ;  
'S am measg a' phobuill anns gach àit  
'n ar n-aobhar crathaidh cinn.
- 15 Tha m' amhluidh is mo mhaskadh geur  
a'm' fhianuis fèin a ghnàth,  
Rinn nàir' is rudhaidh fòs mo ghruaidh'  
m'fholach gu truagh gach là.
- 16 'S e sin mo chor thaobh guth an fhir  
a chàineas mi gu h-olc,  
'S a spreigeas mi ; 's a thaobh an nàmh,  
's an dioghaltaich gu lochd.
- 17 Sud uile ge do thàinig oirnn,  
nìor dhearmaid sinne thu ;  
Cha d'rinn sinn breug no briseadh claon  
'n aghaidh do chùmhaint dhlùth.
- 18 Cha d' aom ar n-aighe uaitse riamh,  
ar cridh' cha deach air cùl :  
O d' shlighe cha do chlaon ar cos  
's cha deach air seachran uil.
- 19 An ionad dhràgon ge do phronn  
thu sinne sìos gu làr,  
Is ge do dh'fholuich thusa sinn  
le sgàil is dubhar bàis.
- 20 Ma 's e gu'n leig sinn as ar cuimhn'  
ainm uasal àrd ar Dia,  
No gu dia eile coimheach bréig'  
ar làmh ma shìin sinn riamh :
- 21 Nach ramnuich Dia so fèin a mach ?  
oir aige ta làn-fhios

- Air dìomhaireachd a' chridhe stigh,  
gach car a t'ann is cleas.
- 22 Oir, air do shonsa mharbhadh sinn,  
air feadh an là gu léir,  
'S mar chaoraich tha sinn air ar meas,  
a chasgaireadh gu geur.
- 23 Mosgail ; e'ar son a chidleas tu ?  
Dhia, fairich as do shuin ;  
Gu bràth na tilg-sa sinn a mach,  
na triall-sa fada uaimn.
- 24 Ciod uim' am foluich thu do ghnùis ?  
ciod uim' au dearmaid thu  
Ar n-àmhghar, is ar n-éigin mhòr  
tha 'g iadhadh oirnn gu dlùth ?
- 25 Oir chrom ar n-anam sìos do 'n ùir,  
ar brù ri talamh theann.
- 26 A'd' thròcair érich, cuidich leinn,  
is furtaich oirnn 's an àm.

## SALM XLV.

- 1 **D**EADH aobhar òrain naoimh is ciùil  
a' deachdadh ta mo chridh' :  
Is labhran air na nithibh sin  
a rinn uì fèin do'n Rìgh :  
Mar pheann an àimh fir-sgrìobhaidh  
a chuireas sìos gu luath, [dheis,  
Is amhluidh sin, mo theagadh ta  
air t-urram àrd a' luaidh.
- 2 Is maisich' thu na clann nan daoine ;  
gràs dhòirteadh am ad bheul :  
Is air an aobhar sin rinn Dia  
do bheannachadh gach ial.
- 3 Deasuidh do chlàidheamh air do léis,  
O thus' a ghaigich mhòir :  
Le d' chumhachd is le d'mhòralachd,  
le greadhnachas is glòir.
- 4 Bhrìgh firinn, suaireis, agus ceirt,  
marcaich gu buadhach àrd,  
Is nithe uamhor teagaisgidh  
do dheas làmh dhuit 's gach àit.
- 5 Rachadh do shaighde geur' gu cridh'  
gach eascaraid an Rìgh :  
Tre sin am pobull tuitidh fo'd',  
is nìthea leat an claoidl.
- 6 Gu suthain is gu sìorruidh ta  
do chaithir àrd, a Dhé :  
Slat-shuaicheantais do rìoghachd sa  
is slat ro chothrom i.
- 7 O 's ionmhuinn leatsa còir is ceart,  
is thug thu fuath do'n olc ;  
Os ceann do chompanach chuir Dia,  
do Dhia-s' ol' aoibhneis ort.
- 8 Do'n alos, mhirr, is chasia,  
o d'eudach fàile théid :  
Leo sud do chuir iad aoibhneas ort,  
o d' lùchairt geal mar dheud.
- 9 Am measg do mhnathan nrramach  
ta nigheana nan rìgh :  
'S an òr na h-Ophir, air do dheis,  
do bhan-rìgh seasaidh i.



SAILM XLVI, XLVII, XLVIII.

- 10 A nighean, éisd is amhaire fòs,  
is croma sìos do chluas ;  
Tigh t'athar, is do mhuinntir féin  
na cuimhnich á so suas.
- 11 Gabhaidh mar sin an Rìgh làn-toil  
do d'aille thlachdmhor féin :  
Oir 's e do Thighearn is do Thriath,  
thoir urram dha is géill.
- 12 Thig nighean Thiruis thugad fòs,  
le tiodhlacaibh gu tric ;  
'S na daoine saoi bhir tha 'n am measg  
ag asluch' gràis is iochd.
- 13 Nighean an Rìgh gu dearbh a stigh,  
tha uile làn do ghloir :  
Tha 'culaidh eudaich uimpe fòs,  
air oibreachadh le h-òr.
- 14 Am brat do obair ghréis le snàth'd,  
bheir i gus an rìgh :  
Thig thugad luchd a coimheadachd,  
's a maighdeana 'n a déigh.
- 15 Théid iad gu cùirt an Rìgh a steach,  
ait, aoi blineach bheir iad.
- 16 Air son do shimsir bidh do chlànn,  
mar phrionnsaibh anns gach àit.
- 17 D'ainm glòrmhor do gach linn a thig,  
air chuimhne cuiridh mi :  
Is bheir mar sin am pobull duit  
àrd-mholadh feadh gach ré.

SALM XLVI.

- 1 'S EDIA a's tearmunn duinn gu beachd,  
ar spionnadh e 's ar treis :  
An aimsir carraid agus teinn,  
ar cabhair e ro-dheas.
- 2 Mar sin ged ghluais't an talamh trom,  
cha-n aobhar eagail duinn :  
Ged thilgeadh fòs na sléibhte mòr'  
am builsgéin fairg' is tuinn.
- 3 Na h-uisgeacha le beucaibh bhuirb,  
ged rachadh thar a chéil' :  
Le'n ataircachd ged bhiodh air chrith  
na beanntan àrd' gu léir.
- 4 Ta amhainn ann, le 'sruthaibh sèimh,  
ni caithir Dhé ro-ait ;  
Fior-àite naomh an t'f'a's àird',  
am bheil sior-chòmhnuidh aig.
- 5 Tha Dia 'n a meadhan innte stigh ;  
mar sin cha ghluaiscar i ;  
Oir cuideachadh is còmhnaidh leath'  
's e Dia gu moch a ni.
- 6 Do ghabh na cinnich boil', is ghluais  
na rìoghachda gu cas :  
Air cur do Dhia a ghuth a mach,  
do leagh an talamh as.
- 7 Tha Dia nan sluagh leinn féin a ghnàth ;  
Dia Iacoib 's tearmunn duinn.
- 8 Thigibh, is faicibh oibre Dé,  
gach sgrios air talamh rìnn.
- 9 Gu h-ìomall fòs an domhain mhòir  
an cogadh ni e chosg :  
Am bogha bhris, an t-sleagh do ghearr,  
an carbad-cogaidh loisg.

- 10 Bibh samhach, 's tuigibh gur mi Dia :  
àrduichear mi gu sior  
Am measg nan sluagh, biodh urram  
air feadh gach uile thir. [dhomh
- 11 Tha Dia nan sluagh ri còmhnaidh leinn,  
's an còmhnuidh air ar crann :  
Is e Dia Iacoib 's tearmunn duinn,  
d'ar furtachd anns gach àm.

SALM XLVII.

- 1 **B**UAILIBH 'ur basan, uile shlòigh,  
ta còmhnuidh anns gach àit ;  
Le guth 's le gairdeachas do Dhia,  
suas togaibh folach àrd :
- 2 Oir Dia ro-àrd is uamhunn e ;  
Rìgh mòr os ceann gach tìr'.
- 3 Am pobull cuiridh e fo'r smachd,  
fo'r cois na slòigh gu léir.
- 4 Mòrachd Iacoib d'an d'thug e gràdh,  
mar oighreachd dhuinne thagh :
- 5 Chaidh Dia le caithream àrd a suas,  
le trompaid 's fuaimneach blad.
- 6 Seinnibh do Dhia, seinn moladh : seinn  
d'ar Rìgh, seinn moladh binn :
- 7 Oir's Rìgh Dia mòr os ceann gach tìr',  
seinn da gu h-còlach grinn.
- 8 Tha Dia 'n a shuidh' 'n a chaithir naomh  
's e 's Rìgh air cinnich ann.
- 9 Prionnsa nan sluagh do chruinnich iad,  
pobull Dhé Abraham ;  
Air son gur le Iehobhah mhàin  
sgiaith dhèidn do gach tìr :  
'S e féin a's àird' 's a's urramaich,  
's dha dlighear moladh sior.

SALM XLVIII.

- 1 **I**S mòr Iehobhah, Dia nam feart,  
'an cathair àird ar Dia ;  
Is air sliabh àrd a naomhachd féin,  
ion-mholta chaidh an Triath.
- 2 Beinn Shioin 's breagh' a suidheachadh,  
aoibhneas gach fearainn i ;  
Is dlùth dhi air an taobh mu thuath,  
tha caithir an Ard-Rìgh.
- 3 Aithnichear Dia 'n a lùchairtibh,  
mar thearmunn anns gach airc.
- 4 Oir feuch, tràth bha na rìghre cruinn,  
le chéile ghabh iad thart'.
- 5 Chunnaic iad sud, is b'iongnadh leo,  
le cabhaig dheifrigh as.
- 6 Ghlac eagal iad an sin, is pian,  
mar mhnai ri saoth'r gu cas.
- 7 Cabhlach Tharsuis le gaoith an ear,  
mìn-bhrisear leat gu luath.
- 8 Mar chual, is amhluidh chunnaic sinn,  
am baile Rìgh nan sluagh,  
Am bail' ar Dé ; 's e Dia gu bràth  
ni daingean e le neart. [caomh,
- 9 A'd' theampull, air do chaoimhneas  
Dhia, smuainich sinn gu ceart.
- 10 Mar d'ainm, is amhluidh sin do chliu,  
gu crìch na talmhainn ta :

# SALM XLIX, L.

- Do dheas làmh làn de fhìreantachd,  
Dhia, anns gach beart a ghnàth.
- 11 Beinn Shìoin gu ma h-aobhinn i,  
is Nighean Iudah ait,  
Air son do bhreitheanas, a Dhé,  
ta cothromach is ceart.
- 12 Siùbhlaidh mu thimchioll Shìoin naoimh,  
is cuairt'chibh i maraon :  
Airmhìbh a baideala gu dlùth,  
's a turaithe gach aon.
- 13 Thugaibh fa'near a bàbhuin bhreagh',  
s a caisteil àrd le beachd :  
Chum sin gu cuireadh sibh an céill  
do'n àl a ta ri teachd.
- 14 Oir 's e an Dia so féin ar Dia  
gu sìorruidh is gu bràth :  
'S e fòs a stiùras sinn gu ceart  
gu h-uair is àm ar bàis.

## SALM XLIX.

- 1 **E**ISDIBHSE so gach uile shluagh,  
na bheil 's a' chruinne-ché :  
2 Is cluinnibh eadar mhòr is bheag,  
ma's bochd no beartach e.  
3 Air tuigse smuainichidh mo chridh',  
air gliocas thig mo bheul.  
4 Aomaidh mo chluas gu samhhlachaidh :  
nochdam cainnt dhorch air teud.
- 5 Droch làithean c'uim' am b'eagal leam  
gu'n cuirinn iad an suim,  
Mòr aingidheachd is lochd mo shal  
tràth dh'iadh iad orm gu cruinn ?  
6 Na daoine sin 'n an saoihbreas mòr  
'ta deanamh dòigh is treis',  
Is ann an lìonmhoireachd an stòir  
a ta ro-bhòsdail leis.
- 7 A bhràth'r cha-n fhuasgail neach dhiubh  
á gabhadh no á péin, [sud  
A thabhairt éiric as do Dhia,  
ni fheudar leis 'n a fheum :  
8 (Oir saors' an anama 's priseil e,  
sguiridh e 'm feasd gu beachd :)  
9 Gu maireadh e gu sìorruidh beò,  
's nach faiceadh truallidheachd.
- 10 Oir chi e fòs na daoine glic,  
's an dream air dhiobhail céill ;  
'S na h-àmaidh, fagail toic do chàch,  
is faghail bàis iad féin.  
11 'S e 'n smuaineachadh gu mair an tigh,  
's an còmhnuidh feadh gach ré,  
A' tabhairt air am fearann ainm,  
a réir an ainme féin.
- 12 Gidheadh, an duin' an urram mòr  
cha mhair e ann gu buan :  
Ach amhluidh mar an t-ainmhidh truagh  
chum bàis a shiùbhlas uainn.  
13 An slighe sud ge gòrach i,  
taitnidh an cainnt 'r an shìochd.  
14 Mar chaoraich dol san uaigh tha iad,  
'n am biadh do'n bhàs gun ìochd :

- Na fireanaich gheibh os an ceann  
làn-uachdranachd gu moch,  
'S 'n an ionad còmhnuidh anns an uaigh,  
seargaidh an àill 's an dreach.
- 15 Bheir Dia do m'anam fuasgladh saor  
o chumbachd bàis is uaigh',  
Oir gabhaidh e mi thuige féin,  
ga m' theasairginn le buaidh.
- 16 An uair a nithear saoihbhir neach,  
na glacadh faitheas thu ;  
'S an t-àm a chinneas glòir a theach,  
na cuireadh sud ort tnu.
- 17 Oir 'n uair a shiùbhlas e do'n eug,  
aon ni cha toir e leis :  
'S an uair a théid e sìos do'n uaigh,  
a ghlòir cha lean i ris.
- 18 Seadh 'anam ge do bheannaich e  
am feadh a bha e beò ;  
'S thusa, ma ni thu maith dhuit féin,  
o dhaoineibh gheibh thu glòir.
- 19 Gu h-àl a shinnsear siùbhlaidh e,  
solus cha-n fhaic gu bràth.
- 20 An duin' an urram, 's e gun chéill,  
mar ainmhidh gheibh e bàs.

## SALM L.

- 1 **I**ABHAIR an Dia Iehobhah treun,  
[an talamh ghairm gu léir,  
O'n àird an ear gu h-àird an iar,  
o éirigh gu luaidh gréin',  
2 A Sion àrd, a's foirfe mais',  
do dhealruich Dia nam feart.  
3 Oir thig'ar Dia 's cha bhi 'n a thosd,  
ach labhraidh e le neart :
- Thèid teine millteach roimh a ghnùis,  
a' lasadh suas gu garg :  
'S ma' thimchiollsan gu doinionnach,  
bidh e 'n a chaoiribh dearg'.
- 4 Air talamh, is air nèamh nan neul,  
àrd-ghairmidh e gu treun,  
Gu'n tugadh e ceart bhreitheanas  
air 'uile phobull féin.
- 5 A m'ionnsuidh cruinnichibh mo naoimh,  
is tionalaibh an dream  
A rinn gu dìleas is gu dlùth,  
le h-ìobairt, cùmhnant leam.
- 6 A cheartas-san ni nèamh nan neul  
a chur an céill 'n a àm :  
Oir 's e Iehobhah féin gu beachd  
a's aon àrd-bhreitheamh ann.
- 7 Mo phobull Isra'el éisdibh rium,  
is labhraidh mi gu ceart ;  
A'd' aghaidh togam fianuis fhior,  
's mi Dia, do Dhia gu beachd.
- 8 Mu d'ofrailibh cha-n agram thu,  
no fòs mu t'ìobairt-loisg',  
Oir 'm fianuis thug thu iad a ghnàth,  
is fhuaras iad gun fhois.
- 9 Oir as do thigh cha ghabhainn uait  
mar ìobairt biorach bò ;



# SALM LI.

- 'S cha ghabhainn gabhar fhirionn fòs  
mar ofrail as do chrò.
- 10 Gach ainmhidh beò a ta 'an coill  
is leamsa sin gu léir,  
'S na h-uile spreidh air mhìle cnoc,  
ta 'g ionaltradh air feur.
- 11 An eunlaith 's aithne dhomh air fad,  
ta 'g itealaich feadh bheann :  
'S leam gach fiadh-bheathach uile fòs,  
feadh gharbhluich agus ghleann.
- 12 Geur-ocras nam biodh orm, no gort,  
cha chuirinn duits' an céill,  
Oir 's leam an domhan mu'n iadh grian,  
is na bheil ann gu léir.
- 13 Fuil ghabhar 'n e gu'n òlainn uait?  
fcòil tharbh an ithinn i?
- 14 Ioc iobairt buidheachais do Dhia,  
's do bhòidean do'n Ard-Rìgh.
- 15 An là do thrioblaid is do theinn,  
goir orm an sin gu ceart :  
Oir fuasglam, is bheir thusa glòir  
do m'ainms' a chuidich leat.
- 16 Ach ris an droch dhuin' labhraidh Dia,  
mo statuìn chur an céill  
Am buineadh dhuit, no ghabhail fòs  
mo chùmhaint ann ad bheul.
- 17 Do m' achmhasan o thug thu fuath,  
's an spéis riamh e nìor chuir ;  
Ach thilg mo bhriathran air do chùl,  
'g an diùltadh uait gu tùr ?
- 18 Tràth chunnaic thu an gaduich' dàn,  
dh'aontaich thu leis 'n a olc :  
'S le luchd an adhaltranais a ris,  
b'fhear-comuin' thu 'nan lochd.
- 19 Do theangadh thug thu chumadh bréig',  
chum uile thug thu do bheul.
- 20 Do d' bhràthair shuidh thu thabhairt  
's do mhac do mhàthar beum'. [guth';
- 21 Na nithe so do rinneadh leat,  
is dh'fhan mi dhìot a'm' thosd ;  
Is shaoil thu mar a ta thu féin,  
gu b'amhluidh mi gach a'chd :  
Ach cronaicheam do pheacaidh dhuit,  
a' d' amharc cuiream iad ;  
A chum gu faiceadh do dhà shùil,  
nach fòl'cheur ormsa beud.
- 22 O sibhs' a dhream nach cuimhnich Dia,  
nis tuigibh so 'n a àm ;  
Mu'n dean mi liodart oirbh gu cas,  
gu neach d'ur furtachd ann.
- 23 An ti bheir iobairt molaighd uait',  
's e sin bheir dhomhsa glòir :  
Oir nochdam slàinte Dhé do'n fhear  
a ghluaiseas mar is còir.
- 2 Gu h-ionmhan ionnail mi o m' lochd,  
glan mi o m' chiont' a'd' ghràdh :  
3 Oir tha mi 'g aidmheil m'eusaontais,  
's léir dhomh mo lochd a ghnàth.
- 4 A' d'aghaidh, d'aghaidh féin a mhàin ;  
do pheacaich mi gu trom,  
Is ann ad fhianuis féin, a Dhé,  
an t-olc so rinneadh leam :  
Do chum air labhairt duit a mach,  
gu biodh tu cothromach ;  
'S gu biodh tu glan tràth bheir thu breth,  
is ceart neo-eucorach.
- 5 Am peacadh, feuch, do dhealbhadh mi,  
is ann an cionta fòs  
Do ghabh mo mhàthair mi 'n a broinn,  
tràth ghineadh mi o thùs.
- 6 An taobh a stigh do'n chridhe, feuch,  
an fhirinn 's ionmhuinn leat :  
'S an ionad fhluicht' bheir thu orm  
gu'n tuig mi gliocas ceart.
- 7 Le hisop deansa mise glan,  
is bitheam glan gu beachd ;  
Dean m'ionnlad fòs, mar sin bidh mi  
nì's gile dhuit na sneachd.
- 8 Guth subhachais thoir orm gu'n cluinn,  
is fonn an aoibhneis ait,  
Mar sin ni gairdeachas gu mòr,  
na cnàmhan bhriseadh leat.
- 9 O m' pheacaibh is o m'ensaontais  
foluich do ghnùis, a Dhé ;  
Mo sheachrain is m'uil' eucoir fòs  
glan thusa uam gu réidh.
- 10 Dhia, cruthaich annam cridhe glan ;  
ath-nuadhaich spiorad ceart.
- 11 Na tilg o d' shealladh mi ; 's na buin  
do spiorad naomha leat.
- 12 Is aisig dhomh ùr-ghairdeachas  
do shlàinte chàirdèil féin ;  
Is deansa fòs mo chumail suas,  
le d' spiorad saor gu treun.
- 13 'N sin teagaisgeam do shlighe, Dhé,  
do'n dream a bhris do reachd ;  
Is pillar riut le h-aithreachas  
na peacaich thruagh gu beachd.
- 14 O chionta fola saorsa mi,  
o Dhia, a Dhé mo shlàint' :  
Seinnidh gu h-àrd air d'fhìreantachd  
mo theangadh anns gach àit.
- 15 Mo bhile, ta air druideadh suas,  
fosgail, a Dhé nan gràs ;  
An sin do mholadh le mò bheul  
cuiridh mi'n céill gu h-àrd.
- 16 Oir iobairtean cha-n iarrar leat,  
no bheirinn duit gach ré :  
An ofrail-loisgte fòs air bith  
cha-n 'eil do thlachd, a Dhé.
- 17 An spiorad briste, tuirseach, trom,  
sud iobairt Dhé nan dùl :  
Ri cridhe briste brùit', a Dhé,  
gu bràth cha chuir thu cùl.

## SALM LI.

- 1 DEAN tròcair orm, a Dhia nan gràs,  
gu h-ìochdmhìor saorsa mis',  
Reir lionmhoireachd do thròcair chaoimh,  
glan as m'uile' eusaontas.

- 18 A'd'dheadh-gheau deansa maith, a Dhia,  
air Sion do chnoc féin :  
Ballan Ierusalem gu luath,  
tog suas le d' haimh gu treun.
- 19 'N sin taitnidh iobairt cheartais riut,  
ofrail, 's làn ofrail loisgt' ;  
'N sin bheirear colpaich dhuit-sa suas,  
air d'altair naomh gun fhois.

SALM LII.

- 1 **C**IOD uime 'n dean thu, ghaisgich  
uaill as an ole gu mòr ? [thréin,  
Mairidh am feasd gun cheann gun chrìch,  
deadh mhaithreas Rìgh na glòir'.
- 2 Do theang' a' dealbh an aimhleis chlaoin ;  
chum ceilg' mar ealtuinn ghéir.
- 3 Is annsadh leat an t-ole na maith,  
is breug na briathra fìor.
- 4 A theangadh chealgach, 's ionmhuinn leat  
gach focal millteach ole.
- 5 Nì Dia gu sìorruidh mar an ceudn'  
làn-sgrìos a tharruing ort :  
Glan-sgathar thu, is as do theach  
grad spìonar thu gu tur,  
A talamh is a tìr nam beò  
buaineas do fhreumh a bun.
- 6 Sud chi am fìrean, gabhaidh fiamh,  
is nì e gàire fòs :
- 7 Feuch, so am fear nach d'earb á Dia,  
mar dhaingneach is mar threòir :  
Ach ann an lìonmhoireachd a stòir  
a dhòchas chuir gu treun,  
'N a shaoibhreas is 'n a aingidheachd,  
do neartaich se e féin.
- 8 Ach mis' mar ùr-chrann olaidh ta  
'an àros Dé a ghnàth :  
A' cur mo dhòchais ann a ghràs,  
ri fad mo ré 's mo là.
- 9 Gu sìorruidh suthain molam thu,  
chionn sud gu'n d' rinneadh leat :  
Feitheam air t'ainm, oir tha e maith,  
an làth'r do naomh gu beachd.

SALM LIII.

- 1 'N A chridhe deir an t-amadan,  
cha-n 'eil ann Dia air bith :  
Taid truailidh, 's gràineil fòs an lochd :  
cha-n 'eil ann neach nì maith.
- 2 Dh'amhaire an Tighearna o nèamh  
air cloinn nan daoine nuas,  
A dh'fheuchainn an robh tuigs' aig neach,  
a dh'iarradh Dia nan gràs.
- 3 An t-iomlan diubh chaidh air an ais,  
ro-shalach iad gu léir :  
Cha-n 'eil aon neach a' deanamh maith,  
cha-n 'eil fìu aon fo speur.
- 4 Am bheil aig droch dhaoim' tuigs' air bith  
ta 'g itheadh suas gu dian,  
Mo phobull-sa mar aran blasd',  
's nach 'eil a' gairm air Dia.
- 5 An sin do ghabh iad eagal mòr,  
gun aobhar cagail ann :

Sgaoil Dia a chnàmhasan o chéil',  
chuir séisdeadh ort gu teann ;  
Is mar an ceudna chuir thu iad  
gu rudhadh gruaidh' is nàir',  
Do bhrìgh gu 'n d'rinneadh orr' le Dia  
trom-tharcuis agus tàir.

- 6 'S e so mo ghuidh' is m' atheluinge,  
gu'n tugadh Dia nam feart  
Cabhair d'a phobull Israel,  
á Sion féin le neart !  
An uair bheir Dia air ais o bhruid  
a phobull féin le chéil',  
Air Iacob bithidh aoibhneas mòr,  
's aiteas air Israel.

SALM LIV.

- 1 **T**RE d'ainm-sa teasairg mise, Dhé,  
cum cothrom rium le d' neart.
- 2 Eisd m'urnuigh, thoir fa-near, a Dhé,  
briathra mo bhéil gu ceart.
- 3 Oir dh'éirich coigriche rium-sa suas,  
lucl-d'fòirneirt tha gu diau  
An tòir air m'anam ; 's cha do chuir  
iad Dia fa'n comhair riamh.
- 4 Ach feuch, 's e Dia m'fhear-cuideachaidh,  
gu m'sheasamh anns gach cruas :  
Bithidh Iehobhah leis an dream  
a chumas m'anam suas.
- 5 Aimhleas do m'naimhdibh diolaidh Dia :  
a'd' fhùirinn dean an sgath'.
- 6 Gu toileach bheir mi iobairt dhuit :  
Dhé molam d'ainm, ta maith.
- 7 Oir rinn e saors' is fuasgladh dhomh  
o m'ùile theinn gu treun :  
Ionnus gu faca mi mo mhiann  
air m'eascairidh gu léir.

SALM LV.

- 1 **R**I m'urnuigh éisd : 's o m' ghuidhe,  
na foluich thus' thu féin. [Dhé,
- 2 Thoir aire 's freagradh dhomh, ta caoidh  
le bròn 's le bùireadh geur :
- 3 Air son guth m'eascairde gu léir,  
is fòirneart fòs nan daoì :  
Oir euceart thilg iad orm, am feirg  
dhomh thug iad fuath gun dìth.
- 4 Mo chridh' a'm' chom tha cràiteach goirt ;  
thuit ormsa uamhunn bàis.
- 5 Crith, oillt, is uamhunn thàinig orm,  
ga m' shlugadh is mi 'n sàs.
- 6 'N sin thubhairt mi, Is truagh nach robh  
sgìath colmain agam nis !  
'N sin theichinn as ag itealaich,  
is gheibhinn tàmh is fois.
- 7 Feuch, shiubhlainn fòs air ànradh fad,  
chum tàmh an fàsach chruaidh ;
- 8 Is dheanainn deifir gu dol as  
o dhoinnean gharbh na gaoith'.
- 9 Dhia, roinn is sgrìos an teang' ; 's a bhail'  
bha fòirneart agus strì.
- 10 Taid dol m'a bhallaibh oidhel' is là :  
tha aimhleas ann is caoidh.



- 11 Eucoir ro-mhòr is òle a ta  
'n a mheadhon sud gun eheisd :  
Scadh feall r'a shràidibh agus cealg  
cha dealaich sud am feasd.
- 12 Cha b'e mo nàmh thug masladh dhomh  
oir dh'fhuilginn sud gu réidh :  
Cha b'e fear m'fhuath' a dh'éirich rium,  
oir dhionain uaith' m' féin.
- 13 Ach thusa, fear bù choimpir dhomh,  
fear m'èolais, is fear m'iuil ;
- 14 Bu bhlasd' ar comhairl', dol le càch,  
gu h-àros Dhé nan dùl.
- 15 Scalbh gabhadh orr' am bàs gu grad,  
's gu h-ifrinn théid iad beò : ghnàth,  
Oir aingidheachd 'n an comhnuidh  
's 'n am builsgan tha gach lò.
- 16 Ach mise, glaotham suas ri Dia,  
saoraidh Iehobhah mi.
- 17 Glaoth àrd, is urnuigh nì mi ris,  
moch, feasgar, 's meadhon-là ;  
Is éisdidh e gu grad ri m' ghlaodh :
- 18 M'anam 's e shaor an sìth,  
O'n chath' s' o'n chòmhraig dh'éirich rium,  
is mòran rium ri strì.
- 19 Cluinidh an Dia ta làidir beò,  
's bheir dòruinn orra 's pian :  
Seadh fòs an Dia air mairiunn ta,  
's a bha o chian nan cian.  
Is air an aobhar fòs nach 'eil  
caochladh air bith 'n an staid,  
Eagal an Tighearn uime sin  
do thilg iad dhuibh air fad.
- 20 A làmh do shùin 'n an aghaidh sud,  
a bha an sìochaint ris :  
A chumhnant is a nasgadh dlùth,  
gu fealltach orra bhris.
- 21 Bu shleamhna briathra 'bhéil na 'n t-im,  
ach cogadh cruaidh 'n a rùn :  
Bu bhuige 'chainnt na oladh thlàth,  
's i ghnàth mar chlaidheamh rùisgt'.
- 22 Ach tilg-sa d'eallach trom air Dia,  
's e nì do chumail suas :  
Cha leig e 'm feasd do'n fhìrean chòir,  
o 'shocair féin gu'n gluais,
- 23 Ach thus', a Thighearna nam feart,  
a'd' chorruih cheirt gu gcur,  
An slochd d'am millcadh tilgidh tu  
an aitim ud gu léir :  
Na daoine sligheach fuileachdach,  
cha mhair iad leth an làith' :  
Ach annad cuiridh mis', a Dhé,  
mo dhòchas is mo dhòigh.

SALM LVI.

- 1 **O**RMSA dean iochd, a Dhé, oir b'àill,  
le duin' mo shlugadh suas :  
Esan a tha ga m' shàruchadh  
gach là le cogadh cruaidh.
- 2 Seadh b'àill le m' eascairdibh gun iochd  
mo shlugadh suas gach là :  
Oir 's lionmhor iad tha cogadh rium  
gun aobhar no cion-fàth.

- 3 An làithibh m'eagail earbam riut :  
an Dia, a bhriathar féin
- 4 Ard mholaidh mi, is ann an Dia  
chuir mi mo dhòigh gu treun.  
Cha ghabh mi gealtachd uime sin,  
's am feasd cha-n eagal leam,  
Na dh'fheadas feoil a dheanamh orm  
do lochd, le iomairt theann.
- 5 Mo bhriathar tha iad 'fharadh fòs,  
gach là mar 's toileach leo :  
Chum doilgheis agus dochair dhomh  
ta 'n snuainte-san gach lò.
- 6 Tha iad le chéil' a' cruinneachadh,  
is iad 'g am folach féin,  
'A fheathamh m'anam', air bhith dhoibh  
ro fhuarachar mu m'cheum.
- 7 Gu saor an téid iad as mar sin,  
lén eucoir mhòir gun tàmh ?  
A' d' fheirg-sa leig am pobull sìos,  
a Thighearna le d' làimh.
- 8 Mo sheachrain air an àircamh leat,  
a' d' shearraig taisg mo dhòir :  
Nach 'eil iad ann ad lcabhar shìos,  
air chuimhne sgrìobht' gach uair ?
- 9 Mo naimhde pillidh air an ais,  
tràth ghairam ort gu team :  
Is aithne dhomhsa so gu beachd,  
oir tha Iehobhah leam.
- 10 An Dia, a bhriathar molaidd mi :  
molam an Dia a reachd ;
- 11 An Dia do chuireadh leam gu treun  
mo dhòchas féin gu beachd.  
Is air an aobhar ud, a Dhé,  
cha-n eagal idir leam  
Na dh'fheadas duin' a dheanamh orm,  
nach 'eil dheth féin ach fann.
- 12 Do bhòide ta iad ormsa, Dhé :  
is iocam dhuit-sa cliu.
- 13 Oir m'anam bochd gu saor o'n bhàs,  
gu gràsmhor dh'fhuasgail thu :  
Is choimhead thu mo chosa fòs  
o shleamhnachadh nì's mò,  
A eum gu'n gluaisinn an ad làth'r  
an solus dhaoine beò.

SALM LVII.

- 1 **D**EAN tròcair orm, a Dhia nan gràs,  
dean tròcair orm gach ré,  
Oir annadsa tha m'anam truagh  
a' cur a dhòigh gu léir :  
Is gabhaidh mi fo sgàil do sgéith  
mo thearmunn is mo neart,  
Gu ruig an uair sin anns an téid  
na h-uile ud uile thart'.
- 2 Eigidh mi ris an Dia a's àird' ;  
ri Dia ta làidir treun,  
A chuireas leam gach cùis gu crìch,  
mar chì e ormsa feum.
- 3 Cuiridh e neart o nàmh, do m' dhion  
o bheum an fhir le'm b'àill

- Mo shlugadh ; cuiridh Dia a mach  
'fhìrinn 's a ghràs gun dàil.
- 4 Tha m'anam bochd an còmhnuidh fòs  
am builsgan leòmhann garg,  
Am measg na dream a'm' luidh' a taim  
air lasadh ta le feirg :  
Daoine, 'g am bheil am fiacra fòs  
mar shleagh 's mar shaighde geur ;  
Mar chlaidheamh guineach, 's amhluidh  
an teangadhsan gu léir. [sin
- 5 Os ceann nau nèamh, Dhia, tog thu féin ;  
os ceauu gach tìr' do ghlòir.
- 6 Air son mo cheuma ghleus iad lìon,  
chrom m'anam sìos gu làr :  
Slochd romham chladhaich iad, is thuit  
iad féiu 's an t-slochd a rinn.
- 7 'S gleusta mo chridhe, 's gleust', a Dhé,  
dhuit canam moladh binn.
- 8 Mosgail mo ghlòir, 's a shaltair fòs,  
a chlàrsaich dùisg an àird :  
Air maduinn mosglam féin gu moch,  
is seinneam ceòl gu h-àrd.
- 9 Dhia, measg a' phobuill, molam thu ;  
dhuit seinneam measg an t-sluaigh :
- 10 Oir d'fhìrinn is do thròcair uhòir,  
gu nèamh nan neul chaidh suas.
- 11 Arduichear thus', a Dhia nam feart,  
os ceann àrd-nèamh nan speur :  
Is togar suas do ghlòir gu h-àrd,  
os ceann gach tìr' gu léir.

SALM LVIII.

- 1 **A** N labhair sibhs', a choimhthionail,  
an fhìrinn cheart neo-chlaon ?  
'S an tabhair sibh gu cothromach,  
breth cheart, a chlànn nan daoin' ?
- 2 Is ann bhur cridh' tha sibh a' dealbh'  
mòr aingidheachd gum tàmh :  
'S air talamh tha sibh tomhas fòs,  
fòireigin chruaidh 'ur làmh.
- 3 Luchd-uile, o thig iad as a' bhroinn,  
siùbhlaidh air slighe fhiair :  
Tràth bheirear iad, air seachran théid,  
a' labhairt bhreug gach ial.
- 4 An nìmh mar uimh na nathrach ta :  
mar nathair dhruid a cluas ;
- 5 Ri guth nan druith tha eagnaigh seòlt',  
nach éisd, is fòs nach gluais.
- 6 Am fiacra bris, a Dhé, 'n am beul ;  
a Thighearn làidir thréin,  
Pronn fiacra agus tuisg ro-mhòr  
nan leòmhann òg' gu léir.
- 7 Gu'n leaghadh iad, a' sìleadh sìos,  
mar uisge ruith le gleann :  
'S a shaighde bris, tràth chuireas e  
a bhogh' air lagh gu taun.
- 8 Mar sheilcheig bhios a' leaghadh as,  
rachadh iad as gu dian ;  
Mar thoraiheas an-abuich mnà  
na faiceadh iad a' ghrian.

- 9 Mu'n mothaich seadh 'ur coireachan  
o choille chionaich teas,  
Nì Dia, 's iad beò, 'n a chorruih ghéir  
le cuairt-ghaoith dhian an sgrios.
- 10 Bidh aoibhneas air an fhùrean chòir,  
'n uair chi e 'n dioghaltas :  
Is ann am fuil luchd-aingidheachd  
nighidh e fòs a chos.
- 11 Their duine 'n sin, gu bheil gun cheisd,  
deadh dhuais aig daoimibh còir,  
'S gu bheil air talamh fòs, gu beachd,  
'n a bhreitheamh Dia na glòir'.

SALM LIX.

- 1 **T** EASAIRG, is saor mi, o mo Dhia,  
o m' naimhdebh dh'éireas rium.
- 2 O luchd an uile ta fuileachdach,  
dion mis', is cuidich leam.
- 3 Feuch 'n aghaidh m'anam' luidh am fàth  
is chruinnich daoine treun :  
Chan ann, a Dhia, air son mo lochd,  
no cron a rinn mi féin.
- 4 A' ruith tha iad, gun chron a'm' thaobh,  
's gu h-uillamh dol air ghleus :  
Chum teachd do m' fhurtachd mosgail  
is thoir fàinear am beus. [tràth,
- 5 O Dhé nan sluagh, Dhé Israeil,  
mosgail 's gu fiosraicht' leat  
Na cinnich : 's na dean iochd air neach  
gu h-aingidh bhris do reachd.
- 6 Air teachd do'n fheasgar pillidh iad :  
a' donnalaich gu h-àrd,  
Mar choin, mu'n bhail' a' cuairteachadh,  
is amhluidh sin tha iad.
- 7 Feuch, brùchdaidh iad a mach le'm beul ;  
'n am bilibh claidheamh geur ;  
Cò chluinneas sin, no bheir fa'near ?  
's e sud a's cainnt dhoibh féin.
- 8 Ach thusa, Dhia Iehobhah mhòir,  
nì gàire fànoid riu ;  
Is mar bhall-magaighd bithidh fòs  
na cinnich ann ad shùil.
- 9 Air son gur mòr 's gur maith do neart,  
sior-fheithcam ort a ghnàth :  
Do bhrìgh gu bheil dhomh Dia nan dùl,  
'n a dhìdean dlùth gu bràth.
- 10 Bì dh' Dia o'n tig mo thròcair chaomh,  
dol romham air gach ceum :  
'S e Dia bheir dhomh air m' eascairdibh  
mo rùn gu faic mi féin.
- 11 Mu'm bì mo phobull dìchuimhneach,  
na marbh an aitim ud :  
O Dhia ar sgiath, sgaol iad le d' neart  
is leag gu h-ìosal fo'd.
- 12 Fa lochd an teangaidh, 's cainnt am béil,  
'n an àrdan glacar iad :  
Fa clàis nam mallachd, is nam breug  
a labhair iad os àird.
- 13 Sgrios iad a'd' fheirg, sgrios iad gu tur,  
is théid iad as gu dian :  
Is tuigidh 'n sin gach uile thàir,  
rìgh Iacoib gur e Dia.



SAILM LX, LXI, LXII.

- 14 'S air teachd do'n fheasgar pilleadh iad,  
a' donnalaich gu h-àrd,  
Mar choin, mu'n bhail' a' cuairteachadh,  
is amhluidh bitheadh iad.
- 15 Ag iarraidh bìdh gu seachranach,  
's gu luaineach ann an teinn;  
A' deanamh gearain anns an oidhch',  
mur bi an sàth 'n am broinn.
- 16 Ach mise molar leam do neart;  
gu moch a' seinn do ghràis,  
Air son gur tu mo thearmunn treun,  
's mo dhaingneach féin 's gach càs.
- 17 'S tu féin mo neart, dhuit canam fonn,  
's e Dia mo dhìdean treun;  
'S e 'n Dia sin féin rinn tròcair orm,  
's a chuidich leam a'm' fheum.

SALM LX.

- 1 **A** DHE, do thilg thu sinne uait,  
dh' fhuadaich thu sinn air fad,  
Oir bha thu ruinn an corruich ghéir;  
pill ruinn thu féin gu grad.
- 2 Cluir thus' an talamh trom air chrith;  
is fòs do bhris thu e;  
Slànuich a bhriseadh, oir gu beachd  
air eriothnachadh tha e.
- 3 Do thaisbein thusa nithe cruaidh  
do'n t-sluagh a's leat le còir:  
Fion buaireasach cluir uamhunn oirnn,  
thug thusa dhinn r'a òl.
- 4 Ach thug thu bratach àrd, a Dhé,  
do'n dream d'an eagal thu:  
A chum gu sgaoilteadh sud a mach,  
blàrigh firinn duit le cliu.
- 5 O dhaorsa chum gu saor leat  
do phobull ionmhuinn féin:  
Eisd rium, is slànuich mi gu grad  
le d' dheas làimh làidir thréin.
- 6 'N a naomhachd labhair Dia nam feart,  
bìdh aoibhneas orm nach gann:  
Air Sechem ni mi roinn gu ceart,  
gleann Shucoit toimhshear leam
- 7 'S leam Gilead le dlighe cheirt,  
Manasch 's leam gu beachd;  
'S i treubh Ephraim neart mo chinn,  
bheir Iudah mach mo reachd.
- 8 Is soitheach-ionnlaid Moab dhomh;  
tilgeam thar Edom thruaigh  
Mo bhròg; is ni mi caitheamh binn  
thar Palestin le buaidh.
- 9 Cò bheir do'n chaithir dhaingean mi?  
's gu Edom bheir gu ceart?
- 10 Nach tusa, Dhia, le'n d' thréigeadh sinn?  
's nach deachaidh mach le 'r feachd?
- 11 O thrioblaid tabhair còmhaidh dhuinn,  
oir 's dìomhain furtachd dhaoin'.
- 12 Trè Dhia ni sinne treubhantas,  
's e shaitras naimhde foidh'n.

SALM LXI.

- 1 **R**l glaoth mo gheirain éisd, a Dhé  
is m'arraig thoir faineir.

- 2 O iomall talmhainn éighean riut,  
's mo chridhe trom fo smal:  
Dhia, treòraich chum na carraig mi  
a's àirde na mi féin.
- 3 Bu tearmunn thu, 's bu chaisteal dhomh  
o m' eascairdibh gu léir.
- 4 A'd' phàillion naomh ni mise tàmh  
gach aimsir is gach tràth:  
Mo dhòigh fo dhubhar sgàil', do sgéith,  
cuiridh mi féin gu bràth.
- 5 Oir chuala tu mo bhòide naomh',  
's an gealladh a thug mi:  
Oighreachd na muinntir thug thu dhomh  
d'an eagal d'ainm, a Dhé.
- 6 Saogh! maireann agus aimsir chian  
bheir thusa, Dhia, do'n Rìgh:  
Mar iomadh ginealach is linn,  
a bhliadhnacha 's tu ni.
- 7 Mairidh e buan am fianuis Dé,  
gu bunaiteach 's gu bràth:  
Tròcair is firinn deasaich dha,  
g'a choinhead-san gach tràth.
- 8 Mar sin gu sìorruidh seinneam cliu  
do d'ainm ro uasal àrd,  
'S mo bhòide naomha diolam dhiut,  
o là gu là gu bràth.

SALM LXII.

- 1 **L**E foighidinn tha m'anam bochd  
'feitheamh air Dia gu beachd:  
'S ann uait' tha furtachd agus fòir  
orm air gach taobh a' teachd.
- 2 'Se mhàin a's carraig dhùilein dhomh,  
is m'fhurtachd e ro-dheas:  
Mo thearmunn dìleas e faraon,  
gu mòr cha ghluaisear mis'.
- 3 Cia fhàd a dhealbhar aimhleas leibh?  
lan-mharbhar sibh gu beachd,  
Mar bhall' air chrith, 's mar ghàradh  
tha leagadh oirbh a' teachd. [dh'aom,
- 4 O urram àrd ga thilgeadh sìos  
tha 'n comhairlean a' ruith:  
'Si 's miann leo breug: beannachd 'n am  
ach mallachd an taobh stigh. [beul,
- 5 O m'anam feith gu foighidneach  
ri Dia a mhàin mar chleachd:  
Oir annsan tha mo mhuinghinn threun,  
's mo dhòchas féin gu beachd.
- 6 'S e mhàin a's carraig dhilcas dhomh,  
's e mhàin mo shlàinte dheas:  
Mo thearmunn daingean e faraon,  
mar sin cha ghluaisear mis'.
- 7 Mo shlàinte ta 's mo ghlòir an Dia,  
ris carbam féin a ghnàth:  
Carraig m'oneirt, 's mo thearmunn treun,  
's e Dia, gu buan 's gu bràth.
- 8 O phobull, cuiribh ann an Dia  
bhuir dòchas anns gach àm;  
'N a fhianuis d'òirtibh mach 'ur cridh'  
's e Dia ar tearmunn ann.

- 9 'S ni dìomhain daoine beag' gu fìor,  
tha daoine mòr 'n am brèig :  
Air meidh ri'n tomhas, 's eatruim' iad  
na dìomhanas gu lèir.
- 10 Na h-earb a fòirneart, 's na dean uaill  
à reubainn no droch-bheart :  
Na socruich fòs do chridh' air stòr,  
'n tràth chinneas saoihbreas leat.

- 11 Do labhair Dia aon uair a mach :  
sud chualas uair no dhà,  
Gur leis an Dia ta cumhachdach  
treis agus neart gach là.
- 12 Tròcair, a Thighearn, buinidh dhuit,  
is grasa mòr faraon :  
Oir bheir thu réir a ghnìomhara,  
a luigheachd do gach aon.

## SALM LXIII.

- 1 **O** DHIA, is tu mo Dhia, gu moch  
iarraidh mi thu gach là :  
Ro-thartmhor a ta m'anam bochd,  
an geall ort féin a ghnàth ;  
Tha miann, is ciocras mòr air m'fheoil,  
an geall ort féin gach am,  
An tìr ro-thiorainn, thartmhoir, theith  
gun uisg' air bith bli ann.
- 2 Do chumhachd eum gu faicinn féin,  
's do ghloir a ta ro-chaoimh :  
A réir mar chunnacas roimhe thu,  
le cliù a' d'aros naomh.
- 3 Air son gur fearr na beatha fòs  
do chaoimhneas gràdhach caoin :  
Àrd-mholadh dhuit le h-ìomadh cliù  
mo bhile bheir faraon.
- 4 Mar sin an cian a bhios mi beò,  
beannaicheam thu a ghnàth :  
Is ann ad naomh ainm togam suas  
mo làmhann riut gach tràth.
- 5 Sàsuichear m'anam mar le smior,  
's le saill ro-reamhar réidh :  
Is bheir mo bheul 's mo bhile dhuit  
àrd-mholadh ait, a Dhé :
- 6 'N tràth ni mi air mo leabaidh fòs,  
do chuimhneachadh le tlachd,  
'S an àm na faire smuaineach' ort,  
a' dol do'n oidheche thart'.
- 7 Air son gur tu b'fhear cabhair dhomh  
a Thighearn is a Dhé ;  
Bidh aoibhneas agus aiteas orm,  
fo dhubhar sgàil do sgeith.
- 8 Tha m'anam leantuinn riut gu dlùth :  
do dheas làmh chum mi suas.
- 9 Luchd iarraidh m'anam' bhochd g'a sgrios,  
théid iadsan sìos do'n uaigh.
- 10 Le faobhar claidheimh agus arm  
sìos tuitidh iad gu làr :  
Mar chuibhrionn do na sìonnachaibh  
do nithear iad le tàir.
- 11 Ach aoibhneach bidh an rìgh an Dia :  
na lùghas e gun bhead  
Ni iadsan uaill : ach druidear beul  
gach neach a labhras breug.

## SALM LXIV.

- 1 **T**RATH ni mi urnuigh riut, a Dhé,  
thoir éisdeachd dhomh gu luath ;  
O eagal nàmhaid coimhid fòs,  
gu tèaruint' m'anam truagh.
- 2 O chomhairl' dhìomhair dhaoine daoi,  
o ionnsuidh ghairbh faraon,  
Luchd deanamh uile is aingidheachd,  
cuir folach orm gu caoin.
- 3 An teangadh féin do gheuraich iad,  
mar chlaidheamh guineach geur ;  
Tha'm boghl' air lagh, 's an saighde deas,  
's iad briathra searbh am béil ;
- 4 Gu'n caithheadh iad an dìomhaireachd  
an neach sin foirfe ta ;  
Gu h-obann taid 'g a chaitheamh fòs,  
gun eagal is gun sgàth.
- 5 A' gabhail misneich taid 's an ole,  
's a labhairt tric le chéil'  
Mu leagadh lìon an uaignidheas,  
ag ràdh, Cò 'n ti d'an léir ?
- 6 Gach ole do rannsaich iad a mach ;  
seadh rinn iad sgrùdadh geur,  
An rùn a stigh 's ro-dhòmhain e,  
's an cridhe mar an ceudn'.
- 7 Ach saighead tilgidh orra Dia,  
bhios guineach agus geur ;  
Grad-bhuaillear agus lotar iad,  
'g an gortuchadh gu léir.
- 8 Mar sin bheir iadsan orra féin  
toradh an teang' gu grad :  
Gach uile neach d'an léir an dòigh  
teichidh iad uat' am fad.
- 9 Mòr-eagal bithidh air gach neach  
is nochdaidh obair Dhé :  
Oir bheirear leo gu glic fa'near  
an gnìomh ud a rinn e.
- 10 Ni 'm firean aoibhneas mòr an Dia,  
a' cur a dhòchais ann :  
'S gach neach 'g am bheil an cridhe ceart  
ni gairdeachas nach gann.

## SALM LXV.

- 1 **T**HA ann an Sion 'feitheamh ort  
moladh, a Dhé, gun dìth :  
'S ann duit a dhiolar fòs gu pailt  
a' bhoid mar gheallar i.
- 2 O thu 'a dh'éisdeas urnuigh ghlan,  
's ann thugad thig gach aon.
- 3 Mo sheachrain tha an uachdar orm :  
Glan thus' ar peacaidh uainn.
- 4 'S beannaicht' an duine sin a chaoidh  
a thaghar leatsa, Dhé,  
'S a bheir thu fòs am fagus duit :  
còmhnuidh a'd' chùirt gheibh e.
- 5 Sàsuichear sinn le maithas mòr  
do theach, 's do theampull naoimh.
- 6 Le nithibh uamhasach, bheir dhuinn,  
a'd' cheartas, freagrachd caomh :  
A Dhia ar slàinte, 's tu gu dearbh,  
làn dòchas crìch gach tìr ;



- 'S na bheil 's an fhairge fada uainn,  
an dòchas 's tu do shior.  
6 Le 'neartsan shoeruih sléibhte mòr',  
e crioslaicht' fòs le treis.  
7 'S e chaisgeas fuaim gach mara 's tuinn,  
is comh-stri dhaoine leis.  
8 Na daoine ta an còmhuidh thall,  
's na tiribh fad a mach,  
'N a uamhunn orra ta gu mòr,  
do chomhar micrhuileach:  
Is tusa bheir air dol a mach  
na maidne gach aon là,  
'S air dol an fheasgair mar an ceudn'  
bhi aoibhinn ait a ghnàth.  
9 An talamh tha thu 'osrachadh,  
's 'g a uisgeachd gu réidh:  
Le amhainn Dhé tha làn de'n uisg',  
tròm beartach ni thu e.  
Dhoibh arbhar tha thu deasachadh,  
le d'fhreasdal caomha féin;  
10 'S ag uisgeachadh le pailteas mòr,  
nan iomairean gu min:  
A sgrìoban leagaidh tu a sìos,  
le frasaibh ni thu tais;  
A chinneas agus 'fhochann fòs,  
beannaichidh tu le mais'.  
11 Mu'n bhliadhna coron tha thu cur,  
le d' mhaithreas féin, a Dhé;  
Tha saill a' sìleadh anns gach àit,  
o d' cheumannaibh gu réidh.  
12 Air chuainibh glas an fhàsaich luim,  
nuas sìlidh iad gu min;  
Na tulaich bheag, gach taobh a ta  
làn aoibhneis agus gear.  
13 Na chuaineas air an sgeudachadh  
le treudaibh anns gach àit;  
Na glinn, le h-arbhar folaichte,  
a seinn le h-iolaich àrd.

SALM LXVI.

- 1 **T**OGAIBH, gach uile thir gu h-àrd,  
iolach do Dhia nan dùl.  
2 D'a ainm ro-uasal seinnibh glòir,  
a' tabhairt dhasan cliù.  
3 Abraibh ri Dia, Cia h-uamhasach  
gach beart do nithear leat?  
Oir géillidh dhuit do naimhde borb,  
air son gur mòr do neart.  
4 Sleuchdaidh gach uile thalamh dhuit,  
ag iomradh ort gu binn:  
Do d'ainm ro-uasal iongantach  
Ni'd moladh mòr a sheinn.  
5 Thigibh an so is amhaireibh  
air oibribh Dhé gu gear:  
Ta uamhasach 'n a ghnìomharaibh  
air chloinn nan daoine gu léir.  
6 Mar thalamh tioram rinn e 'n cuan:  
is trid nan sruth bu luath  
D'an cois chaidh daoine; 'n uair a bha  
sinn annsan ait le buaidh.

- 7 Le 'threun-neart riaghlaidh e a chaoidh;  
na slòigh d'a shùilibh 's léir:  
'S na h-ardaicheadh luchd-eusaontais  
gu h-amaideach iad féin.  
8 O dhaoine, beannaichibh ar Dia,  
àrd-mholaibh e gun chlos.  
9 'S e chum ar n-anam beò, 's e bheir  
nach carruichear ar cos.  
10 Mar airgoid leaghta ghlan thu sinn:  
's tu dh'fhidir sinn, a Dhé:  
11 Chuir umainn lìon; ar leasraidh chuir  
fo dhòrainn is fo phéin.  
12 Thug thu air daoineibh marcachd oirnn,  
tre theine 's uisge chaidh;  
A ris gu h-ionad saobhir réidh,  
's tu féin thug sinn le buaidh.  
13 Rachan do d' thigh le ofrail-loisgt':  
dhuit coimhionam mo bhòid,  
14 A ghealladh leam le fosgladh béil,  
tràth bha mi 'n éigin mhòir.  
15 Do'n fheudail reamhar, iobairt-loisgt'  
le tùis is saill nan reith';  
Ofrail nam bò, 's nan gabhar fòs  
sud bheir mi dhuit fa leth.  
16 Thigibh, is éisdibh so, gach neach  
air am bheil eagal Dé,  
Gach maith do rinn air m'anam bochd,  
sud aithriseam gu réidh.  
17 Do ghlaodh mi ris gu h-àrd le m'bheul:  
le m'fheangaidh dh'ardaich' e.  
18 A'm' chridh' ma bheir mi spéis do'n ole,  
cha-n éisd an Tighearn mi.  
19 Gu dearbh dh'éisid Dia rium: thug fa'near  
guth m'urnuigh Rìgh nan dùl.  
20 Moladh do Dhia, nior cheil a ghràs,  
's mo ghuidh' nior chuir air cùl.

SALM LXVII.

- 1 **G**U'N deanadh Dia mòr thròcair oirnn,  
's ar beannachadh a ghnàth:  
Is togadh e gu gràsmhor oirnn  
deatradh a ghnais' gu bràth.  
2 Chum fios do shlighe bhi gu fìor  
's gach uile thir air bith:  
Is iomradh air do shlàinte chaoimh  
measg fhineacha fa leth.  
3 Moladh am pobull thus', a Dhé:  
moladh gach pobull thu.  
4 Biodh gairdeachas air fineachaibh,  
gu h-ait a' seinn do chliù:  
Oir ceart-bhreth bheir thu air an t-sluagh,  
riaghlaidh air thalamh iad.  
5 Moladh gach pobull thus', a Dhé:  
moladh iad thu 's gach àit.  
6 'N sin bheir gach talamh is gach fonn  
deadh thoradh trom gu pailt:  
Is cuiridh Dia ar Tighearn oirnn  
a bheannachadh gun airc.  
7 Ni Dia ar beannachadh gun cheisd,  
's bidh 'eagalsan gu fìor  
Air gach aon neach a dh'aiticheas  
fad iomaill crìch gach tìr'.

## SALM LXVIII.

- 1 **E**IREADH ar Dia, is sgaoilear leis  
an dream a's naimhde dha:  
'S an aitim sin thug dhasan fuath,  
teicheadh o 'ghnuis gu bràth.
- 2 Mar sgapar deatach, fuadaich iad:  
mar leaghas teine céir,  
Mar sin gn sgriosar droch dhaoín' as  
á fiannis Dhé gu léir.
- 3 Ach gairdeachas air daoínibh còir,  
is aoibhneas gu'n robh ac'  
Am fianuis Dhé, le luatighair mhòir,  
's iad suilbhir agus ait.
- 4 Seinnibh do Dhia, sior-mholaibh 'ainm:  
àrdaichibh 'n Ti a ta  
Marcachd air nàmh, tre'ainm-san IAH,  
bibh ait 'n a làth'r a ghnàth.
- 5 Do dhilleachdain is athair Dia;  
do bhantraichibh gun neart,  
An tigh a naomhachd tha e ghnàth  
'n a bhreitheamh dìreach eart.
- 6 Suidhichidh Dia 'an teaghlachibh  
an dream tha uaigheach truagh:  
Is saoraidh e gu trócaireach  
na bheil fo chuibhreigh chrnaidh;  
Ach mend 's a bhios gun h-eucorach  
ri ceannaire is ri lochd,  
Ni iadsan còmhnuidh bhunaiteach  
'am fearann tioram bochd.
- 7 Air ceann do shluaigh tràth dh'imich thu  
a Dhé, 's an fhàsach chruaidh;
- 8 Chrìochnaich an talamh, shìl an speur,  
an làthair Dhé nan sluagh:  
Sliabh Shìnai féin tha daingean àrd,  
chrìochnaich is luaig gn mòr,  
An làthair Dhé, Dé Israeil,  
tha urramach an glòir.
- 9 Shìl thusa, Thighearna, gu pailt  
frasan a nuas gnn dìth;  
Is shuidhich agus dh'fhurtaich thu  
air d'oghreachd, is i sgith.
- 10 Bha fòs do choinn-thional 's do shluagh  
'n an còmhnuidh innt', a Dhé,  
Do d' mhaithcas rinn thu deasachadh  
do d' dhaoínibh bochda féin.
- 11 An Tighearna ta làidir treun,  
leig e a ghuth a mach,  
'S a' chuideachd sin a dh'fhoillsich e  
bu lionmhor iomareach.
- 12 Rìghrean nan armailte 's nam feachd,  
an sin le deifir theich:  
'S ise a dh'fhuirich aig an tigh,  
bha i a' roinn na creich'.
- 13 Measg phota luidh sibh, ach bidh sibh  
mar sgiath nan colman lath,  
Foluicht' le h-airgiod, is an cleit'  
le h-òr a's deirge snuadh.
- 14 Tràth sgaoil Dia uile-chmnhachdach  
na rìghrean innt' a teachd:  
'N sin bha i geal mar Shalmon àrd,  
's i uile làn de shneachd.
- 15 An sliabh ud, Dhé, is eoinhuil e,  
ri Basan measg nam beann,  
Mar Bhasan mòr is amhluidh e,  
gn h-àrd a thog a cheann.
- 16 Car son a leum sibh, bheannta àrd?  
's e so àrd-thulaich Dhé,  
Am miann leis tàmh, is bithidh e  
'n a chòmhnuidh ann gach ré.
- 17 Tha carbaid Dhé 'n am fìchead mìl';  
mìlte de ainglibh treun':  
'N a theampull naomh tha Dia 'n am  
ionnan 's 'n a Shìnai féin. [measg,
- 18 Is chaidh thu suas air ionad àrd,  
thug brnid am braighdeanas,  
Do dhaoínibh fhuair thu tiodhlaca,  
le'n dean thu toirbheartas:  
'S ann cheana fòs do'n mhuinntir ud  
ro-cheannaireach a ta,  
A chum gu'm biodh Iehobhah Dia  
'n a chòmhnuidh ac' a ghnàth.
- 19 Dia gu ma beannaicht' gu robh e,  
tha dòrtadh oirnn gach lò  
A tiodhlaca, 's e Dia ar slàint',  
an Dia a chum sin beò.
- 20 Is leim an Dia ta làidir treun,  
ni cabhair anns gach càs:  
Do Dhia Iehobhah buinidh fòs  
làn-teasairginn o'n bhàs.
- 21 Ach ceann a naimhde brisidh Dia';  
is elaignonn greannach crnaidh  
An fhuir a dh'imicheas gn dàl  
'n a chionta féin gach uair.
- 22 Deir Dia, Bheir mise air an ais  
mo shluagh o Bhasan àrd;  
'S o dhoimhneachd fairge bheir mi rìs,  
a nìs iad le mòr bhlaigh.
- 23 Chum ann am fhuil do naimhde dian,  
do ehos gu'n deantar dearg,  
'S gn'n tumar fòs 'n am fhuil-san féin  
teangadh do mhadradh garg'.
- 24 Do thriallda chmnaic iad, a Dhé,  
a Thighearna ro-chaoimh,  
'S e triall mo Thighearna is mo Rìgh,  
's ann anns an àros naomh.
- 25 Luchd-drain dh'imich iad air tùs,  
Luchd-inneil ciùil a ris:  
'Nam measg a' bualadh thiompan fòs  
na maighdeana gn mín.
- 26 Deanaibh-sa Dia a bheannachadh,  
'n 'ur coimhthional le chéil',  
Eadhon Iehobhah Dia nam feart,  
o thobar Israeil.
- 27 Benjamin beag le'n triath an sùd,  
bha prionnsan Indah ann,  
Le'n comhairl', prionnsan Naphtali,  
is prionnsan Shebuluin.
- 28 Do Dhia 's e dh'aitn is dh'orduich dh  
do neart is fòs do threòir:  
An gnìomh a rinn thu air ar son  
neartaich, a Dhé na glòir'.



- 29 Air son do theanpuill naoinh, a Dhé,  
ta aig Ierusalem,  
Do bheir na rìghre ta mu'n euairt  
deadh thiodhlaca dhuit féin.
- 30 Thoir achmhasan do luchd nan sleagh,  
's do chuideachd mhòir nan tarbh,  
Do laoghaibh fòs a' phobuill ud,  
thoir achmhasan gu garbh,
- Le mìribh airgid gus an géill  
iad sud gu léir do d' smachd :  
Sgaol thus'am pobull ud, a Dhé,  
a ghabh do'n chogadh tlachd.
- 31 Thig prionnsan mòr o'n Eiphit mach,  
's ni Etiopia fòs  
A lamhan shineadh mach gu luath  
suas ri Ard-Rìgh na glòir'.
- 32 O rìoghachdan an domhain mhòir,  
seinnibh do Dhia gu grinn ;  
Do'n Dia a's Rìgh 's a's Tighearn ann,  
seinnibh-sa moladh binn.
- 33 Do'n mhareach àrd air nèamh nan nèamh,  
ta ann o'n aimsir chéin :  
Feuch, tha e cur a mach a ghuth',  
a ghuth' ta làidir treun.
- 34 Sior thugaibh neart do Dhia : oir tha  
a ghloir' thar Israel,  
'S a threis a ta 's na nèamhaibh àrd,  
's an neulaibh tiugh' nan speur.
- 35 O d'naomh-thigh 's uamhasach thu Dhe :  
Dia Israeil gu beachd,  
D'a phobull bheir sàr-neart is treòir :  
's beannaichte Dia nam feart.

## SALM LXIX.

- 1 **O** TEASAIRG mise, Dhé mo neart,  
oir dhòirt na tuite orm,  
Is thàinig fòs air m'anam bochd  
na h-uisgeacha le toirm.
- 2 An làthaich dhomhain tha m' n sàs,  
gun àit an seasainn ann ;  
Le h-uisgibh domhain ghilacadh mi,  
is sruth dol thar mo cheann.
- 3 Taim sgèth le m' ghlaodhaich ; agus tha  
mo scornan loisgt' le tart :  
Mo shùile ta air failneachadh,  
feitheamh air Dia nam feart.
- 4 Is lionmhoire na falt mo chinn  
mo naimhde gun chion-fàth,  
'S an dream ud fòs le'm b'àill mo chlaoidh  
ro ghuineach làidir ta.
- An sin an ni nach d'thug mi leam,  
dh'aisig ni uam gu beachd.
- 5 Dhia, 's fìosrach thu air m'amaideachd,  
cha-n fhluicht' ort mo lochd.
- 6 Nàir air mo sgàthsa, Dhé, na leig,  
O Thighearna nan sluagh,  
Air neach air bith do'n àitim ud  
tha 'feitheamh ort gach uair :
- An dream sin, O Dhia Israeil,  
ga d'iarraidh féin a ta,

- Na leig gu bràth fo nàire iad,  
no masladh air mo sgàth.
- 7 Oir masladh dh'fhluiling air do sgàth ;  
Ionadh mo ghnùis le nàir'.
- 8 Do m' bhràthraibh is fear coigreach mi,  
coimheach aig cloinn mo mhàth'r.
- 9 Le eud do theachsa shluigeadh mi ;  
meud 's a bheir masladh dhuit,  
'S ann orms' an toibheum sud gu léir  
gu leth-tromach a thuit.
- 10 M'anam tràth thraisg, 's a rinn mi gul,  
'n sin mhasluich iad mo ghniomh.
- 11 'S 'n uair chuir mi uman eudach saic,  
ball-magaidh rinn iad dhìomh.
- 12 Dhoibhsan a shuidheas anns a' gheat',  
's cùis chòmhraidh mi gach là :  
'S do luchd na misg' ri am am pòit',  
a'm' òran tha mi ghnàth.
- 13 Ach mise, Dhé, n'im urnuigh riut,  
's an uair a's taitneach leat :  
Eisd rium, a Dhé, réir meud do ghràis  
le d' chabhair fhìor thoir neart.
- 14 O'n làthaich saor mi, O mo Dhia !  
chum fuidh nach rachainn sìos :  
O luchd mo mhi-rùn teasaig mi,  
's o dhoimhneachd uisge nìos.
- 15 Na rachadh tharum tuiteach uisg',  
na sluingeadh doimhneachd mi,  
An slochd na druideadh orm a bheul  
gu h-ìomlan chum mo chlaoidh.
- 16 Eisd rium, O Dhia, oir 's maith do ghràs :  
pill rium a'd' thròcair phailt.
- 17 Do ghnùis na ceil air t'òglach féin,  
éisd rium gu luath, 's m' n airc.
- 18 Ri m'anam druid, is fuasgail e :  
o m' naimhaid dean mo dhìon.
- 19 Mo mhasladh, m'eas-urram, 's mo nàir',  
's mo naimhde, 's léir dhuit féin.
- 20 Le toibheum tha mo chridhe brist',  
is mi gu h-iarganach :  
Dh'iarr mi luchd truais is comhfhurtachd,  
is dhiubh cha d'fhuaras neach.
- 21 Seadh, thug iad dombas dhomh mar  
's 'am iotadh thug fion geur. [bhiadh,
- 22 Mar eangach dhoibh gu robh am bord ;  
's mar rib an àgh gu léir.
- 23 Gun léirsinn biodh an sùilean dall,  
's an leasraidh ghnàth air chrith.
- 24 Dòirt orra d'fhearg, 's le d'chorruich ghéir  
glac iad gach uair sam bith.
- 25 Mar fhàsach lom gun àiteachadh  
gu robh an tàmh 's an teach,  
Is anns na pàillunaibh bu leo  
còmhnuidh na gabhadh neach.
- 26 Oir lean iad le dian-fhoireigneachd  
an ti a bhuailcadh leat ;  
Is labhair iad chum doilgeis mhòir,  
do'n dream a rinn thu lot.
- 27 Cuir ciont' ri 'n aingidheachd, 's na leig  
a'd' cheartas iad a steach :

- 25 A leabhar fòs nam beò gu tur  
dubhar iad sud a mach;  
Is maille ris na fireanaibh  
a bhuineas duit gun cheisd,  
Is ann an àireamh dhaoine còir  
na sgrìobhar iad ann feasd.
- 29 Ach mise ta gu h-ainnis bochd,  
is làn do bhròn faraon:  
Togadh do shlàinte mi an àird,  
a Dhé, gu gràs mhor caoin.
- 30 Le h-òran binn sior-mholaidh mi  
deadh ainm mo Dhé gach là,  
'S a chliùsan fòs sior-thogar leam  
le buidheachas gu h-àrd.
- 31 'S fearr leis an Tighearn sud gu mor  
na damh ta adharcaich,  
No iobairt fòs a bhicreadh neach  
do bhiorach crobhanach.
- 32 Na daoine sèimh tràth chi iad so,  
bidh aoibhneach aig gu leòr;  
Is bidh 'ur cridh'-sa beò gu bràth  
ta 'g iarraidh Dhé na glòir'.
- 33 Ri bochdaibh éisdidh Dia, 's cha dean  
tàir air a phrìosanaich.
- 34 Nèamh, muir, is tìr, gu moladh e,  
's gach nì ta gluasadach.
- 35 Oir bailte Iudah togaidh Dia,  
is saorair Sion leis,  
A chum gu meal iad i gu buan,  
'g a h-àiteachadh am feasd.
- 36 Do shliochd a sheirbhiseach gu fìor,  
is sealbh ro-dhìleas i;  
'S an dream a bheir d'a ainm-san gràdh,  
sior-chòmhnuidh innte nì.

SALM LXX.

- 1 **I**EHOBHAIH Dhia, gu m' theasairginn  
's gu m' chòmhnuadh, deifrich ort.
- 2 Biodh nàir' is amhladh air an dream  
ta 'g iarraidh m'anam' bhoichd:  
Pillear an dream ud air an ais,  
le m' miann mo lochd a ghnàth,  
Mòr amhladh gu robh orra sud,  
is rughadh gruaidh gach là.
- 3 Gum pillear iadsan air an ais,  
mar thuarsadal d'an nàir',  
An dream a their gu fanoideach,  
Aha, aha, le tàir.
- 4 Aoibhneas is aighear, do gach neach  
'g a d' iarraidh fèin a ta:  
Is abradh iad le 'u toigh do shlàint',  
Dia gu ma mòr, a ghnàth.
- 5 Ach mise ta gu h-ainnis bochd,  
a m'ionnsuidh greas, a Dhia:  
Mo chabhair thu, 's mo shlànuighear.  
moille na dean, mo Thriath.

SALM LXXI.

- 1 **'S** ANN ruit a ta mi 'g earbsadh, Dhé;  
nàir' orm am feasd na biodh,
- 2 A'd' cheartas fòir, their orm dol as:  
aom riut do chluas, saor mi.

- 3 A'd' charraig còmhnuidh bi-sa dhomh,  
d'an tàthuicheam do shìor:  
Mo chaisteal, is mo dhaingneach thu,  
thug àithne chum mo dhòn.
- 4 A làimh nan aingidh, O mo Dhia,  
dean fuasgladh dhomh a'm' chruas,  
A làimh na muinntir eucoraich,  
a ta gun iochd, gun tuas.
- 5 Oir 's tusa, Thighearna mo Dhia,  
mo dhòchas ann am fheum'  
O aois is aimsir m'òige suas,  
mo mhuighinn thu ro-threun.
- 6 'S ann leatsa chumadh mise suas,  
O thain'geas as a' bhroinn;  
A bolg mo mhàthar bhuin thu mi,  
sior-mholam thu gu binn.
- 7 Mar aobhar iongantais, a Dhé,  
aig mòran a ta mi;  
Ach 's tusa 's tèarmunn dileas dhomh,  
's mo spionnadh mòr gun dìth.
- 8 Lìonar mo bheul le d' mholadh,sa,  
's le d'urram fèin gach là.
- 9 Na tilg mi dhìot a'm' aois; 's na tréig  
'n tràth dh'fhàilnicheas mo threòir.
- 10 Oir m'ghaidh mheud 's is naimhde  
labhair gu sgaiteach geur: {dhomh  
'S an dream ta' brath air m'anam bochd,  
ghabh comhairle le chèil'.
- 11 Ag ràdh, Do thréigeadh e le Dia,  
leanaibh e nis gu teann,  
Is glaicaibh, oir 'g a theasairginn  
cha-n 'eil neach idir ann.
- 12 A Dhé, na bi-sa fada uam;  
fòir orm, mo Dhia, gu luath.
- 13 Biodh nàir' is claidh air m'eascairdibh,  
'g am bheil do m'anam fuath:  
Masladh is nàire fol'cheadh iad,  
tha 'g iarraidh m'uile gach là.
- 14 Sior-earbam riut, is seinnidh mi  
do chliu nì 's mò 's nì 's mò.
- 15 Labhraidh mo bheul air t'fhìreantachd,  
's do shlàint' gach là gun sgìos:  
An àireamh sud aig lìonmhoireachd  
cha-n fheudar leam chur sìos.
- 16 Tre neart an Tighearna mo Dhia,  
fòs gluaisidh mi a ghnàth:  
Is nì mi sgeul air d'fhìreantachd,  
d'fhìreantachd fèin a mhàin.
- 17 O m'òige rinn thu teagasg dhomh,  
a Thighearn is a Dhé:  
Is chuir mi d'òibre iongantach  
gu ruige so an céili.
- 18 A nis air bhi dhomh aosmhor liath,  
na tréig mi. Dhia nam feart:  
Gu taisbeanainn do neart 's do threis,  
do'n àl a t'ann, 's ri teachd.
- 19 'S ro-àrd do cheartas fèin, a Dhé,  
is rinn thu bearta mòr:  
O Dhia, cò e a's cosmhail riut,  
no choimeas riut is còir?



- 20 Trioblaid ro-mhòr is an-shocair,  
's tu thaisbein dhomh, a Dhé;  
Ath-bheothaichidh, is bheir thu ris  
o dhoimhneachd talmhainn mi.
- 21 Mo mhòrachd cuiridh tus' am mend,  
's bheir sòlas air gach taobh.
- 22 Air saltair molam thu, mo Dhia,  
seadh d'fhirinn ta ro-chaomh.

Is seinneam dhuit air clàrsaich bhinn,  
O Ain naomh Israeil.

- 23 Mo bhilean ni mòr-ghairdeachas,  
tràth sheinneam dhuit le m' bheul:  
Bidh subhachas is aoibhneas mòr  
air m'anam féin, a Dhé,  
A shaoradh leat gu trècaireach  
o 'thrioblaidibh gu léir.

- 24 Is bidh mo theang' air d'fhìreantachd  
ag iomradh feadh an là:  
Oir nàir' is amhbhadh fluair an dream  
'g iarraidh mo lochd a ta.

SALM LXXII.

- 1 **D**HIA, thoir do bhreitheanas do'n rìgh,  
is d'fhìreantachd d'a mhac.
- 2 Bheir esan ceart bhreth air do shluagh,  
's do d' bhochdaibh còir 'n an airc.
- 3 Na sleibhtean àrda bheir a mach  
sìochaint do'n t-sluagh gu pailt;  
Is bheir na tulaich bheaga sìth  
le fireantachd gun airc.
- 4 Air daoineibh bochd a' phobuill fòs,  
bheir esan breth gu ceart;  
Is clann nan ainneis saoraidh e,  
nùn-bhrisidh luchd ain-neart.
- 5 Am feadh bhios grian is gealach ann,  
freasdal do'n là 's do'n oidhch',  
Bidh d'eagal orrasan gu mòr,  
o linn gu linn a chaoidh.
- 6 Mar uisge air an fhaiche bhuaire',  
is anhluidh thig e nuas:  
Mar fhraisaibh dh'uisgicheas am fonn,  
is ionnan sin a ghras.
- 7 R'a linn-san bidh na fireanaich  
gu h-ùr a' fàs le blàth:  
'S am feadh a bhios a' ghealach ann,  
bidh sìochaint pailt a ghnàth,
- 8 Bidh uachdranachd aig mar an ceudn'  
o thuinn gu tuinn gu sìor,  
Is rùigidh sud o'n amhainn mhòir,  
gu iomall crìch gach tìr'.
- 9 Luchd-còmhnuidh fòs an fhàsaich chruaidh  
sleuchdaidh iad sìos 'n a làth'r;  
A naimhdean imlichidh au ùir,  
a' tabhairt ùmhlachd dha.
- 10 Rìgh Tharsis, is nan eileanan,  
tìodhlacan bheir iad uath',  
Bheir rìghrean Sheba, Seba fòs,  
tabhartais dha gu luath.
- 11 Seadh, fòs 'n a fhianuis sleuchdaidh sìos  
gach rìgh air thalamh ta:

'S gach ginealach air feadh gach tìr,  
dha seirbhis ni a ghnàth.

- 12 An t-ainnis bochd gun chuideachadh,  
saoraidh tràth dh'éigheas ris.
- 13 'S ni acarachd ri truaghan bochd,  
is dìonar 'anam leis.
- 14 'S e theasairgeas an anam fòs  
o fhoill 's o fhoirneart gheur:  
Is fòs 'n a shùilbhan-san gun cheisd,  
's prìseil am fuil gu léir.
- 15 Bithidh e beò gu maireannach,  
òr Sheba bheirear dha:  
Gnàth-urnuigh nithear air a shon,  
is molar e gach là.
- 16 'S an talamh cuirear dorlach sìl,  
air mullach àrd nam beann;  
Is bidh a thoradh trom air chrith,  
mar Lebanon nan crann.

An dream a ta 's a' chaithir mhòir,  
bidh toradh orr' is blàth  
Gu hionnhor, mar is dual do'n fheur  
air thalamh fàs a ta.

- 17 Bidh 'ainm-san buan gu suthain sìor,  
co-mhaireann ris a' ghréin;  
Is amsan beannaichear gach slògh;  
's beannaichear leo e féin.
- 18 Beannaicht' gu robh an Tighearn Dia  
Dia Israeil a ghnàth,  
An ti a mhàin ni miorbhuile  
le treis is neart a làimh.
- 19 Beannaicht' gu robh gu sìorruidh buan  
ainm glòrmhor uasal féin;  
Lìonadh a ghloir gach uile thìr,  
Amen, agus Amen!

SALM LXXIII.

- 1 **G**U firinneach tha Dia ro-mhaith  
do phobull Israeil,  
Do'n dream 'g am bheil an eridhe glan,  
tha Dia dhoibh maith d'a réir.
- 2 Ach air mo shonsa, 's beag nach d'aom  
mo chosa uam gu grad:  
Cha mhòr nach d'rinn mo cheuma fòs  
scamhnachadh uam air fad.
- 3 Ri amadanaibh ghabh mi tnù,  
ri faicinn soirbheis daoi.
- 4 Oir cnibhrìchan cha-n 'eil 'n am bàs;  
neart làidir 's leo gun dìth.
- 5 Mar dhaoinibh eile cha-n 'eil iad  
fo thrioblaid no fo leòn:  
'S cha-n 'eil iad air an sàrnachadh  
mar chàch le piantaibh mòr'.
- 6 Ardan mar shlabhraidh, uime sin,  
'g an cuairteachadh a ta;  
Am foirneart féin 'g an còmhachadh  
mar eudach thart' a ghnàth.
- 7 An sùile sultmhor tha le saill:  
an tòic chaidh thar am miann.
- 8 Is truaillidh iad, 's air foirneart geur  
labhraidh gu h-aingidh, dian.

SALM LXXIV.

- 9 An aghaidh fòs nan nèamh 's nan speur  
am beul do thog iad suas ;  
Air feadh na talmhainn is na tìr'  
an teangachdhan do ghluais.
- 10 Fa'n aobhar ud gu ruige so,  
a shluaghnan pillidh iad ;  
Is fàisgear dhoibh do 'n uisge mach,  
làn cupain a's leòr meud.
- 11 Is their iad, Cia mar 's léir do Dhia ?  
'm bheil tuigs' 's an 'Ti a's àird' ?
- 12 Feuch, sud na daoibh, tha soirbheachadh,  
a' fàs 'n an stòr gach là.
- 13 Mo chridh' gu dearbh ghlan mi gun stà,  
's 'an neo-chiont' nigh mo làmh ;
- 14 Oir buailt' is smachduichte ta mi  
gach maduinn, 's feadh gach là.
- 15 Nan abrainn, Labhraidh mi mar so,  
feuch, pheacaichinn gu beachd,  
An aghaidh sliochd is ginealach  
na cloinne 's ionmhuinn leat.
- 16 Tràth smuainich mi gu'n tuiginn so,  
bu chruaidh-cheisd orm an gnèmh.
- 17 Ach chaidh mi steach do naomh-thigh  
is thuig mi 'n sin an crìoch. [Dhé,
- 18 Gu deimhin chuir thu iad air fad  
an àitibh sleamhuinn lom :  
Is thilg thu iad a sìos g' an sgrios  
le dìoghaltas gu trom.
- 19 Feuch cionnus thàinig orra claidh,  
am mionaid bhig na h-uair' ?  
Oir tha iad air an sgrios gu tur  
le oillt is eagal mòr.
- 20 Mar aisling 'n uair a dhùisgeas neach,  
mar sin, a Dhia nan sluagh,  
Nì thusa dimeas air an dealbh,  
air mosgladh dhuit á suain.
- 21 Mar so bha air mo chridhe cràdh,  
's am airnibh goimh ro-gheur.
- 22 Oir bha mi baòth is aineolach :  
mar bhrùid a'd' làth'r, a Dhé
- 23 Gidheadh, tha mise maille riut,  
O Thighearna, a ghnàth :  
Is air mo dheas làmh ghlac thu mi,  
ga m' chumail suas gach là.
- 24 Do nithear leat mo stiùradh fòs  
le d' chomhairle a'm' fheum,  
Is gabhaidh tu mi steach fadheoidh  
a'd' àros ghlòrmhor féin.
- 25 Cò th'agam anns na nèamhaibh shuas  
ach thusa, Dhia nan dùl ?  
Is cha-n 'eil neach air thalamh fòs  
ach thus' am bheil mo dhùil.
- 26 Mo chridh' is m' fheòil faraoan a ta  
air fàilneachadh gun cheisd :  
Gidheadh 's e neart mo chridhe Dia,  
's mo chuibhrionn bhuan am feasd.
- 27 Oir feuch iad sin tha fada uait,  
léir-sgriosar iad gu luath :  
Oir ghearr thu as gach uile neach  
air strìopachas chaidh uait.

- 28 Ach dhomhsa 's maith teachd dlùth do  
dh'earb mi á Dia mo neart, [Dhia ;  
A chum gu foillsichinn gu sìor  
gach gnìomh a rinneadh leat.

SALM LXXIV.

- 1 C'ARSON a thilg thu sinne uait ?  
an ann gu bràth, a Dhé ?  
C'arson ri caoraich d'ionaltraidh,  
a las do chorruich gheur ?
- 2 Cuimhnich, a Dhé, do choimhthional  
a cheannuich thu o chéin ;  
Slat d'òighreachd fòs a shaoradh leat,  
Sion do chòmhnuidh féin.
- 3 A chum nam fàsach sìorruidh buan,  
do chosa tog gu grad ;  
Is chum gach òle a rinn do nàmh  
a'd' theampull naomh air fad.
- 4 Do naimhde rinn iad beucadh borb  
measg coimhthionail do shluaigh :  
Is chuir iad suas am brataichean  
mar chomhar air am buaidh.
- 5 Bu chliùiteach neach mar dheantadh leis  
a thuagh a thogail suas,  
Air crannaibh àrda dosrach tiugh,  
a chum an leagadh utas.
- 6 Ach nìs an obair shnaidhte ghrinn,  
le h-ordaibh 's tuaghaibh bhris ;
- 7 Is chuir iad suas 'n a lasair dheirg  
do theampull naomh 'g a sgrios :  
Tigh còmhnuidh naomha d'ainme, Dhé  
feuch, thruaill iad e le tàir,  
'G a mhilleadh is 'g a leagadh sìos  
co iosal ris an làr.
- 8 'N an cridhe labhair iad mar so,  
sgriosamaid iad le chéil' :  
Gach Sinagog th'aig Dia 's an tìr,  
loisgeadh iad leo gu léir.
- 9 Ar comhara cha-n fhaicear leinn ;  
fàidh cha-n 'eil idir ann,  
Nì mò tha neach 'n ar measg cho geur  
d'an léir cia fad an t-àm.
- 10 Cia fhad a bheir, O Dhé nan dùl,  
na naimhde toibheum uath' ?  
An toir an nàmhaid beum am feasd  
do d'ainm-sa, Dhia nan sluagh ?
- 11 C'arson a phillear leat do làmh,  
do dheas làmh air a h-ais ?  
O buin a mach o d' bhròlach i,  
chum fuasgladh oirnn gu cas.
- 12 Oir Dia na glòir' tha neartmhor àrd,  
o chian is e mo Rìgh,  
Am builsgen talmhainn le mòr-neart,  
ag oibreach' slàint' is sìth'.
- 13 An fhaigre sgaoleadh leat le d' neart,  
is cinn ro-làidir chruaidh  
Nan dràgon bhriscadh leat 's an uisg'  
a' tabhairt orra buaidh.
- 14 Cinn Lebhiatain àghoir mhòir  
's tu féin a bhris is phronn ;



SALM LXXV, LXXVI.

Is thug thu e mar bhiadh do'n t-sluagh,  
a bha 's an fhàsach lom.

- 15 'S tu sgoilt an tobar is an tuil:  
's tu thiormaich ainmhe mòr.
- 16 'S tu dheasaich solus agus grian,  
is leat an oidhche', 's an lù.
- 17 Crioche na talmhainn shoerach thu:  
rinn thu an samhradh teth,  
'S an geamhradh fòs do rinneadh leat,  
'n an aimsiribh fa leth.
- 18 Gu'n d'thug na naimhde toibheum uath'  
cùir sud air chuimhne, Dhé,  
'S gu'n d'thug am pobull amaideach  
do d'ainm ro-uasal beum.
- 19 Anam do cholmain na toir suas  
do chuideachd mhòir nan daoì:  
Is coimhthional do dheòraidh bochd  
na dearmaid iad a chaoidh.
- 20 Do chumhnant thoir fainear, a Dhé,  
oir àitean dorch' na tìr',  
Tha uile air an àiteachadh  
le luchd an fhòirneirt ghéir:
- 21 Na piller air an ais le nàir'  
na dh'fhuiling fòirneart goirt:  
An dream ta ainneis aim-beartach,  
deanadh iad moladh ort.
- 22 Tog ort is éirich suas, a Dhé;  
tagair do chùis gu treun:  
Cuimhnich mar tha an t-amadan  
gach là 'toirt dhuitse beum'.
- 23 Na dearmaid guth na muinntir sin  
'n an naimhdeibh dhuit a ta:  
Tha bruidheann dhaoìn' a dh'éirich riut,  
sior-dhol am meud a ghnàth.

SALM LXXV.

- 1 **D**HUIT bheir sinn buidheachas, a Dhé,  
dhuit buidheachas a ghnàth:  
Oir foillsichidh do mhiòrbhuile,  
gur fagus d'ainm gach là.
- 2 Tràth gheibh mi is a ghlacair leam  
coimhthional mòr na tìr',  
Do nì mi dhoibh deadh bhreitheanas,  
gu cothromach 's gu fìor.
- 3 Sgaoileadh an dùthaich, is an sluagh  
'g a h-àiteachadh a ta:  
Ach mise cumaidh suas gu treun  
posta na tìr' a ghnàth.
- 4 Thubhairt mi ris gach amadan,  
na gluais gu h-amaideach:  
'S ri luchd an uile, Na togaibh suas  
bhur n-adharc àrdanach.
- 5 Bhur n-adharc fòs na togaibh suas:  
ri cainnt le muineal cruaidh.
- 6 Cha-n ann o'n ear, no 'n iar, no deas,  
thig urram mòr no buaidh.
- 7 Ach 's breitheamh Dia: a leagas aon,  
's a thogas aon fa seach.
- 8 Oir cup an làimh an Tighearn ta  
do 'n fhion a's deirge dreach:

Làn coimeisg tha e, dòirtidh Dia  
cuid as a mach gu grad:  
A dheasgann fàisgidh daoine daoi,  
is òlaidh iad air fad.

- 9 Ach cuiridh mise fòs an céill  
gu suthain is gu sìor,  
Do Dhia ud Iacob canar leam  
àrd-mholadh binn gu fìor.
- 10 Uir' adharca nan daoine daoi,  
sgathaidh mi sìos 's gach àit;  
Ach adharca nan saoi air fad  
togar gu grad an àrd.

SALM LXXVI.

- 1 **A**N Iudah aithnìcheair ar Dia;  
's mòr 'ainm an Isra'ì naomh.
  - 2 An Salem tha a phàillium fòs,  
a thàmh an Sion caomh.
  - 3 Saighdean a' bhogha bhris e 'n sin,  
an sgiath 's an claidheamh geur.  
An còmhrag is an cath faraon,  
bhriseadh iad leis gu treun.
  - 4 Is mò do mhòralachd, a Dhé,  
is mò gu mòr do ghlòir  
Na beannta thog an cinn gu h-àrd,  
le cobhartach ro-mhòr.
  - 5 Làn-chreachadh luchd a' chridhe chailm,  
is choilid iad le suain;  
Na fìr a bha 'n an curaidh mhòr',  
an làmh fòs cha d'fhuair.
  - 6 O thus' a's Dia do Iacob ann,  
le d' achmhasan 's le d' neart,  
An carbad-cogaidh is an t-cach  
'n an suain do chuireadh leat.
  - 7 'S cùis eagail thu, thu fèin, a Dhé:  
cia neach a chogas riut?  
No ann ad shealladh sheasas suas  
an uair bhios corruich ort?
  - 8 Thug thusa air do bhreitheanas  
o nèamh gu'n cualas e:  
Bha air an talamh eagail mòr  
's na thàmh ghrad dh' fhuirich e.
  - 9 Tràth dh'éirich Dia chum breitheanais,  
a theasairginn 's an àm,  
Gach uile dhuine ciùin is sèimh,  
air talamh a bha ann.
  - 10 Bheir fearg is corruich dhaoìn' an sin  
àrd-mholadh dhuit gu beachd;  
Is fuigheall fòs na feirge mòir',  
làn choisgidh tu le d' neart.
  - 11 Geallaibh 'ur bòid gu togarach  
d'ur Dia Iehobhah àrd;  
Is coimhlionaibh gu fìrinneach  
na gheallar leibhse dha:
- Gach neach a ta m'a thimchiollsan  
thugadh iad dha 'n a àm,  
Deadh-thabhartais is tìodhlaca,  
do'n tì 's cùis eagail ann.
- 12 Is e nì spiorad phrionnsan mòr  
a sgathadh sìos le neart;

# SALM LXXVII, LXXVIII.

Do rìghribh fòs a' chruinne-ché  
's cùis eagail e gu beachd.

## SALM LXXVII.

1 **D**H'EIGH mi ri Dia gu h-àrd lem'ghuth,  
dh'èigh mi le m'ghuth gu h-àrd ;  
Is thug e, 'n uair a ghlaodh mi ris,  
sàr-éisdeachd dhomh gun dàil.

2 An là mo thrioblaid dh'iarr mi Dia :  
is shruth mo leòn gun sgur,  
Ré fad na h-oidhch' : is m'anam truagh  
sòlas do dhiùlt gu tur.

3 Air Dia ghrad-chuimhnich mi an sin,  
is mi an trioblaid ghéir :  
Ris rinn mi gearan trom gun tàmh,  
chlaoidheadh mo spiorad féin.

4 Chum thu mo shùil 'n a faireachadh :  
tha mi co iarganach,  
Nach feud mi focal cainnt no sgéil  
labhairt le m' bheul a mach.

5 An sin air làithibh fad o chéin  
smuainich mi féin le beachd ;  
Air bliadhnaibh fòs na h-aimsir céin  
am aire féin bha teachd. [oidhch',  
6 Seadh chuimhnich mi mo cheòl 's an  
's rinn cainnt ri m' chridhe féin,  
Is rinn mo spiorad fòs gun tàmh,  
le dicholl, sgrudadh geur.

7 An tilg an Tighearn uath gu bràth ?  
nach nochd e 'ghràdh ni 's mò ?

8 'N do sguir gu tur a ghràs am feasd ?  
's a ghealladh fad gach lè ?

9 'N do dhearmaid Dia gu frinneach  
bhi gràs-mhor caoin gu bràth ?  
'N do dhruid e suas 'n a chorruich mhòir  
a thròcair chaomh 's a ghràdh ?

10 An sin ghrad fhreagair mi gu dearbh  
is i so m'anmhuinn mhòr ;  
Ach bliadhnaidh deas làimh' cuimhnich-  
an Ti a's àirde glòir. [eam,

11 Gnìomhara Dhé sior-mheòraicheam,  
mar rinneadh leis gach beart,  
Is d'iongantais o'n aimsir chéin  
sior-chuimhnicheam gu beachd.

12 Air d'oibrìbh uile mar an ceudn'  
smuainichidh mi gu tric ;  
Is air gach gnìomh a rinneadh leat  
sior-labhraidh mi gu glic.

13 Do shlighe ta 's an ionad naomh,  
a Thighearn is a Dhé :  
Cò 's coimeas ann am meud ri Dia  
a ta 'n a Dhia dhuinn féin ?

14 'S tu 'n ti tha 'deanamh iongantais  
a Thighearna nam feart ;  
Is ann am measg a' phobuill fòs  
do thaisbein thu do neart.

15 Do shaoradh leat d'an teasairginn  
do phobull dileas féin,  
Clann Iacoib agus Ioseph fòs,  
le d' ghairdean neartmhor treun.

16 Chunnaic na h-uisgeachan thu, Dhé,  
chunnaic iad thu gu beachd ;  
Is ghabh iad geilt ; 's air doimhneachd fòs  
bha mòran ogluidheadh.

17 An uisge dhòirt na neoil a ruas,  
bu ro-mhòr fuain nan speur ;  
Is chaidh do shaighde corranach  
a mach gu sgaiteach geur.

18 Ard-ghuth do thairneanaich 's an speur,  
chualas, a Dhé, gu tric ;  
An saoghal las le d' dhealanaich,  
an talamh ghluais is chlisg.

19 Do cheuma tha 's an doimhneachd mhòir,  
do shlighe tha 's a' chuan :  
Ach luing do chos cha-n aithnich sinn,  
tha sud am folach uainn.

20 Is amhluidh mar gu'm biodh ann treud,  
do phobull stitireadh leat ;  
Le deadh làimh Mhaois is Aaroin fòs,  
'g an treòrachadh gu ceart.

## SALM LXXVIII.

1 **M**O phobull éisdibh ri mo reachd :  
is chuinnibh guth mo bhéil.

2 Am briathraibh filidh cuiridh mi  
sean-fhocail dhorch' an céill :

3 A chuala sinn o'r sinnsearaibh,  
is air am b'fhiosrach sinn,

4 Cha-n fholaich sinn o'n gincalach,  
'S cha cheil sinn iad o'n cloinn ;  
A' foillseachadh àrd mholaidh Dhé  
do 'n àl a ta ri teachd ;

'S na mìorbhuilean a rinneadh leis,  
a chumhachd is a neart :

5 Oir lagh an Iacob dhaingnich e,  
Is reachd an Israel,  
A dh'orduich e d'ar n-aithrichibh,  
d'an cloinn an cur an céill.

6 Chum fios bhi aig an àl ri teachd,  
a' chlànn a ta gun bhreith :  
'S gu'n innseadh iad do'n linn 'n an déigh  
na nithe sin fa leth.

7 An Dia gu'n cuireadh iad an dòigh  
's nach deantadh dichuimhn' leo  
Air oibrìbh Dhé, 's gu'n gleidheadh iad  
a reachda mar is còir :

8 'S nach biodh iad mar an sinnsireachd,  
lan ceannaire is droch-bheirt,  
Gun spiorad tairis ann' do Dhia,  
's an cridhe gun bhi ceart.

9 Clann Ephraim le armaibh gleust',  
air bogh' bu chuimseach beachd,  
Ach phill iad air an ais le geilt  
an làithibh cath' is feachd.

10 Coimhcheangal Dhé nior ghleidheadh  
is dhiùlt iad géill d'a reachd ; [leo

11 'S na mìorbhuilean a nochd e dhoibh  
à 'n cuimhle leig gu beachd.

12 An sealladh sùl an aithriche,  
seadh fòs an tìr na h-Eiph't,  
'S air machair Shòain nochdadh leis  
a mhìorbhuilean ro threun.



- 13 Sgoilt e an fhaire, 's thug iadsan trid ;  
mar thorr na h-uisgean shcas.
- 14 'S an là le neul iad stiùir, 's an oidhch'  
le solus teiu' gu deas
- 15 Sgoilt creag 's an fhàsach, aisde deoch  
thug, mar á doimhneachd mhòir ;
- 16 Bhuin sruth á creagaibh, thu air uisg'  
ruith sìos mar thuil gu leòr.
- 17 'S an fhàsach pheacaich iad ni 's mò ;  
is bhrosnuich an t-Ard Rìgh.
- 18 'N an cridhe chuir iad cathadh air ;  
d'am miann ag iarraidh bidh.
- 19 Labhair iad fòs an aghaidh Dhé ;  
is thubhairt iad gu dian,  
An urrainn Dia 's au fhàsach mhòr  
bòrd dheasachadh d'ar miann ?
- 20 Feuch, bluail e 'chreag, bhrùchd uisge  
dh'éirich an tuil gu luath [mach,  
Am feud e aran thabhairt fòs ?  
an deasaich feòil d'a shluagh ?
- 21 Air cluinntinn so, ghabh corruich Dia ;  
ri Iacob teine las,  
Is dh'éirich fearg ro-dhoionnach  
ri Israel gu cas :
- 22 Chionn nach do chreid iad ann an Dia,  
's nach d'earb iad as a shlàint ;
- 23 Ged dh'fhosgail dorsa nèamha fòs,  
's na nòil o'n àird ged dh'àithn.
- 24 Ge d' dhòirt e orra Mana nuas,  
ge 'd fhuair iad coire nan speur.
- 25 Biadh aingeal dh'ith iad : thug e dhoibh  
de lòn an sàth gu léir.
- 26 'S an speur thug e air gaoith an ear  
gu'n d'innich i gu treun :  
Is thug e fòs le neart a steach  
a' ghaoth dheas mar an ceudn'.
- 27 Fòs dhòirt e orra nuas mar dhus,  
do fheòil an uile shàth ;  
'S coin iteagach bu lìonmhoire  
na gaiceamh air au tràigh.
- 28 Do leig e sud 'n an camp a nuas  
mu'n cuairt 'n an àitean-tàimh.
- 29 Seadh dh'ith iad uile 's shàsaicheadh ;  
oir thug e dhoibh an sìmh.
- 30 Cha robh iad air an sgarachduinn  
o mhianan an cridhe féin ;  
Ach air bhith acasan am biadh  
'g a chagnadh dian 'n am beul.
- 31 A chuid bu shultmhoir' dhiubh's butréin',  
ghlac Dia 'n a fheirg is mharbh :  
'S an òigridh thaght 'n Israel,  
ghrad-bhuaileadh leis gu garbh.
- 32 Gidheadh an dèigh gach gnìomh dhiubh  
do pheacaich iad gu mòr ; [sud,  
Is ge do rinn e mìorbhuilean,  
nìor chreid iad mar bu chòir.
- 33 An làithean chaith e, uime sin,  
an dìomhanas air fad ;  
'S an bliadhnaidh thairis chaidh gu léir  
le carraid ghéir gun stad.
- 34 An uair a mharbhadh leis-san iad,  
an sin ghrad-iarr siad e,  
Seadh phill iad, agus bha iad fòs  
gu moch ag iarraidh Dhé.
- 35 Is chuimhnich iadsan gu'm b'e Dia,  
an carraig threun a ghnàth :  
Is gu'm b'e fòs an Dia a's àird'  
b'fhear-saoraidh dhoibh gach là.
- 36 Ach rinu iad mòdal ris le 'm beul,  
le 'n teangaidh breug is gò :
- 37 Cha robh an cridhe ceart ; 's cha robh  
'n a chùlmant dileas da.
- 38 Ach Dia, gu iochdmhor mhaith an lochd,  
's an sgrios cha d'rinn gu geur :  
Bu tric a phill e 'chorruich uath',  
's nìor dhùisg e 'fhearg gu léir.
- 39 Oir annta chuimhnich e nach robh  
ach feoil théid as mar bhàth,  
Is osag ghaoith' a ghabhas seach,  
's nach pill a ris gu bràth.
- 40 Cia tric a bhrosnuicheadh e leo  
's an fhàsach thartmhor chruaidh ;  
's an dìthreabh chuireadh corruich air  
le cusaontas an t-sluaigh ?
- 41 Seadh phill iad uile air an ais,  
bhrosnuich iad Dia le chéil :  
Is chuir iad tomhas mar an ceudn'  
air Tì naomh Isracil.
- 42 Dhèchuimhnich iad, 's cha d'thug fainear  
a ghairdean treun 's a làmh :  
No 'n là 's an d'thug e furtachd dhoibh,  
is fuasgladh deas o 'n nàmh :
- 43 No fòs mar rinneadh anns an Eiph't,  
comhara Dhé nam fear :  
Air machair Shòain mar an ceudn'  
a mhìorbhuile le neart.
- 44 An srutha chaochail e gu fuil :  
's na h-uillt nach feudtadh 'n òl.
- 45 Chuir losgann thué, is cuileagan ;  
's leo chlaoidheadh iad gu mòr.
- 46 An toradh thug e is am bàrr  
do'n bhurras sgriosach bheag ;  
Is saothair fòs an làmh air fad,  
fo ailghios locust leag.
- 47 Am fion-chroinn bhris e mar an ceudn'  
le cloich-shnèachd chruaidh's gach àit ;  
Is amhluidh nàill le reodhadh teann  
an cranna-fìgis àrd.
- 48 Am feudaill thug e thairis fòs  
do'n chloich-shnèachd sgataich ghéir ;  
'S le saighdibh teine-dealanaich,  
ghrad-chuir e as d'an treud.
- 49 Teas feirge, trioblaid, 's corruich mhòr,  
sud thilg e orr' gu grad ;  
Le ainglibh olc a chur 'n am measg,  
g'an claidh gu goirt air fad.
- 50 D'a chorruich rinn e bealach réidh :  
'n anam nìor chum o'n bhàs ;  
Am beatha thragh thug thairis fòs  
do ghalar-plàigh 's do'n chàs.

# SALM LXXIX.

- 51 Throm-bhuaileadh leis-san anns an Eiph't,  
gach ceud-ghia a bha ann :  
Toiseach an neirt 's na pàilliumaibh  
a bha aig gineil Ham.
- 52 Ach thug e mach a phobull caomh  
mar chaoaraich as an tìr :  
Is rinn mar thrud 's an fhàsach mhòr,  
an treòrachadh gu fìor.
- 53 Leis stiùireadh iad gu tèaruinte,  
guu eagal is gun sgàth :  
Ach air an naimhdeibh dh'iadh an cuan,  
's an sluagh ud uile bhàth.
- 54 Gu crìochaibh ionaid naomha féin  
thug e a phobull leis :  
Gu ruig an cnoc so choisinn e,  
's a bhuaidhaich a làmh dheas.
- 55 Thilg e na cinnich rompa mach,  
's an oighreachd roinn le crann :  
Do Isra'el thug e'n àite sud  
gu còmhnuidh ghabhail ann.
- 56 Ach bhrosnuich agus ghrànaich iad,  
an Dia a's àirde glòir ;  
Is idir cha do choimhid iad  
a naomh-reachd mar bu chòir.
- 57 Ach phill iad mar an sinnseara,  
's gu fealltach ghluais air fad :  
Mar bhogha fiar chaidh iad a thaobh,  
is chlaon iad uaithe gu grad.
- 58 Le 'n dealbhaibh, is le 'n àitibh àrd'  
chuir iad air fearg is eud :
- 59 Tràth chuala Dia bha corruich air  
is gràin ri Israel.
- 60 Ionnus a phobull gu'n do thréig,  
an Siloh chuir a làmh :  
'S am pàillium fòs a shoeruidh e  
measg dhaoine ghabhail tàimh.
- 61 Gu bruid thug suas an ncart, 's an glòir  
gu làmh nan naimhde garg.
- 62 Do'n chlaidheamh thug e suas a shluagh,  
ri 'oighreachd ghabh e fearg.
- 63 An teine loisg an òigridh ghleust' ;  
pòsadh cha d'fhuir an òigh'n.
- 64 An sagairt thuit le claidheamh geur :  
's cha d' rinn an bantraich bròn.
- 65 Ghrad-mhosgail Dia an sin, mar neach  
ag éirigh as a shuain ;  
Mar churaidh 'n déigh bhi pòit air fion  
tràth ni e iolach chruaidh.
- 66 'N an deireadh bhuaileadh leis gu geur  
a naimhde féin le tàir :  
Is chuir e iad o sin a mach  
gu masladh buan is nàir'.
- 67 Is pàillium Ioseph dhiùltadh leis :  
nìor thagh treubh Ephraim fòs :
- 68 Ach thagh e Iudah, shlabh Shìoin féin  
d'an d'thug e gràdh gu mòr.
- 69 Thog esan 'fhàrdach naomh an sud,  
mar luchairt àrd ro-dheas :  
'S mar ionad àrd air talamh teann  
a dhaingnich e an feasd.

- 70 Is 'òglach Daibhidh thagh, is thug  
o chrò nan caorach e :
- 71 'S o leantuinn fòs nan caorach trom  
le h-àl am measg an sprèidh ;
- Is thug se e a bheathachadh  
Iacob a phobull naomh,  
Is gineal Isr'eil mar an ceudn'  
a b' oighreachd dha ro-chaomh.
- 72 Réir ionracais a chridhe féin,  
bheathaich e iad gu beachd :  
A réir deadh sheòltachd fòs a làmh,  
stiùireadh leis iad gu ceart.

## SALM LXXIX.

- 1 **T**HAINIG, a Dhé, na fineachan  
a stach do d' oighreachd féin,  
Thruaill iad do theampull naomh, is  
'n a tòrr Ierusalem. [dh'fhàg]
- 2 Is thug iad cuirp do sheirbhiseach  
mar bhiadh do coin nan speur :  
Is feoil do naomh mar chobhartach,  
do bheathaichibh an t-sléibh.
- 3 Mu thimchioll fòs Ierusalem,  
dhòirt iad am fuil mar uisg' :  
Is cha robh neach g'an adhlacadh  
's g'an cur 's an uaigh an taisg.
- 4 Ball fanoid agus maslaidh sinn  
d'ar coimhearsnachaibh féin :  
Cùis spòrs' is mhagaidd do gach neach  
a ta m'ar cuairt gu léir.
- 5 Cia fhad a bhitheas corruich ort,  
a Dhé, am bi gu bràth ?  
Is d'eud am bi a' losgadh ruinn  
mar lasair theith a ghnàth ?
- 6 Do chorruich air na cinnich dòirt  
aig nach 'eil eòlas ort ;  
Is air na rioghachdaibh nach gairm  
air d'ainm, a Dhia nam feart.
- 7 Oir mhill iad Iacob, 'fhàrdach fòs  
'n a fasach chuir iad sìos.
- 8 Na peacaidh fòs a rinneadh leinn  
na cuimhnich dhuinn a rìs ;  
Tionndadh gu luath do thruacantas,  
ruigeadh e oirn mu thràth :  
Oir 's diblidh bochd a nis ar staid  
a' tuiteam sìos gach là.
- 9 Dean comhnadh leinn, O Dhé ar slàint',  
air sgàth glòir d'ainme féin ;  
Sgàth d'ainme saor sinn, agus glan  
ar peacaidh uainn gu léir.
- 10 Cìod uime 'n abradh fineacha, ---  
c'àit bheil a nis an Dia ?  
Measg fhineacha 'n ar sealladh féin,  
aithnicheadh iad an Triath,
- Le dioghaltas a ghabhail diubh ;  
oir dhòirtadh leo gun iochd  
Fuil neòchiontach do sheirbhiseach,  
gu saoilbhir is gu tric.
- 11 Osnaidh a' phrìosanaich a d' làth'r  
thigeadh, a Dhné nam feart ;



'S an dream a dh'orduicheadh chum  
saorsa, réir meud do neirt. [bàis

- 12 Riusan tha dhuinn 'n an coimhearsnaich  
'n am brollach, dìol am beum :  
Gach masladh le'n do spreig iad thu,  
seachd uaire pill riù féin.
- 13 Treud d'ionaltraidh, 's do phobull sinn,  
molaiddh sinn thu a ghnàth ;  
Is cuiridh sinn an céill do chliu  
o linn gu linn gu bràth.

SALM LXXX.

- 1 **E**ISD, aodhair Israeil, a stiùir  
Ioséph mar theud le d' àimh.  
Thusa ta d' thàmh measg cheruban,  
dealruich a mach mu thràth.
- 2 An làthair Ephraim 's Bheniamin,  
agus Mhanasèh fòs,  
Dùsg-sa do chumhachd : agus thig  
g'ar saoradh mar is nòs.
- 3 Pill sinn a rìs, a Dhé nam feart :  
tog oirne suas gu h-àrd  
Deadh dhealradh glan do ghnùise nis,  
is saorar sinn le d' ghràs.
- 4 Cia fhad, a Thighearna nan sluagh,  
a leanas corruich riut,  
Ri guidhe ghéir na muinntir sin  
a's pobull dìleas duit ?
- 5 Oir bheathaich thu do shluagh gu léir  
le aran deur is bròin :  
Is tomhas saoi bhir thug thu dhoibh  
do dheuraibh goirt r'an òl.
- 6 Is rinn thu sinn mar aobhar strì  
d'ar coimhearsnachaibh féin :  
'N ar n-aobhar spòrs 'is abhacais  
d'ar n-eascairdibh gu léir.
- 7 Pill sinn a rìs, O Dhé nan slògh ;  
tog oirne suas gu h-àrd  
Deadh dhealradh glan go ghnùis a nis,  
is saorar sinn le d' ghràs.
- 8 Thug thu fionain as an Eiphit  
na cinnich thilg thu mach,  
Is shuidhich thus' an fhionain ud  
'n an ionad sud fa seach.
- 9 Réitich thu àite dhi ; is ghabh  
i freumh gu daingean teann,  
Le d' bheannachadh ; is lionadh leath'  
an tìr o cheann gu ceann.
- 10 Na cnuic ro-àrda dh'fholuich i  
le sgàil 's le dùbhar féin :  
A geugan bha a cinneachduinn  
mar sheudair àluinn réidh.
- 11 An dara taobh gu ruig an cuan  
chuir i a mach a meòir ;  
An taobh ud eil' a geugan shìnn  
gu ruig an amhainn mhòir.
- 12 A callaid c'uim' a bhriseadh leat !  
ionnus gu bheil gach neach  
Théid seachad air an rathad mhòr,  
g' a spionadh leò fa seach.

- 13 Tha'n tore a thig o'n choille mach  
'g a fasachadh gu léir,  
Tha beathaich allt' na machrach fòs  
'g a slugadh suas le chéil'.
- 14 Pill, guidh'mid ort, a Dhé nan sluagh,  
is seall o nèamh a nuas,  
Feuch, agus fiosraich féin a nis  
an fhionain so le truas :
- 15 Am fion-lios sin a shuidhich thu,  
le neart do làimhe deis' :  
'S am meanglan ud a neartaich thu  
dhuit féin le lùth is treis.
- 16 Le lasair theine loisgeadh i,  
is ghearradh i a nuas :  
Làn-mhilleadh agus sgrìosadh iad,  
le achmhasan do ghnùis.
- 17 Air fear do dheas làimh féin, a Dhé,  
gu robh do làmh gu treun :  
Air mac an duin' a rinneadh leat  
a neartachadh dhuit féin.
- 18 Mar sin cha phill sin uait a rìs ;  
ath-bheothaich sinn gach lò,  
Is gairmidh sinn air t'ainm an sin,  
an cian a bhios sinn beò.
- 19 Pill sinn a rìs, a Dhé nam feart,  
is foillsich féin gu h-àrd  
Deadh dhealradh glan do ghnùis a nis,  
is saorar sinn le d' ghràs.

SALM LXXXI.

- 1 **S**EINNIBH gu h-ait do Dhia ar neart ;  
Dhia Iacoib fòs gu binn,
- 2 Is glacaibh salm is trompan fòs ;  
saltair is clàrsach ghrinn.
- 3 An trompaid séidibh 's an ré nuadh :  
air làithibh orduicht' féill'.
- 4 Bu lagh sud aig Dia Iacoib fòs ;  
's bu reachd do Israel.
- 5 Do Ioséph dh'orduich sud mar theist,  
air dol dha trid na h-Eiphit ;  
'S an cualas cainnt is uirghioll fòs  
nach tuiginn as am beul.
- 6 O'n uallach shaor mi 'ghualasan ;  
o obair chrè a làmh.
- 7 Ghair thusa ann ad thrioblaid orm,  
is shaor mi thu gun dàil :  
An ionad dìomhair tairneanaich,  
do fhreagair mi do ghlaodh :  
Aig uisgibh comhstri Mheribah,  
do dhearbh mi thu faraon.
- 8 Eisd, O mo shluagh, is bheir mi dhuit  
deadh fhianuis fòs gu ccart,  
Ma dh'éisdeas tu ri guth mo bhéil,  
O Israeil gu beachd.
- 9 Annad na biodh aon air bith  
dia cile coigreach bréig',  
Is do dhia comheach fòs air bith  
na cromsa sìos 's na géill.
- 10 'S mise do Dhia Ichobah treun,  
thug thus' o'n Eiphit le neart ;

Gu farsuinn fosgail rium do bheul,  
is lionam e gu pailt.

- 11 Gidheadh cha d' thug mo phobull féin  
éisdeachd do ghuth mo bhéil,  
'S cha ghabhadh rium an aitim ud  
a ghin o Israel.
- 12 Mar sin do mhiann an cridhe féin  
thug mise thairis iad :  
'S ghluais iad 'n an comhairle neo-ghlic  
a' cur an ciont' am meud.
- 13 O b'fhearr gu'm biodh mo phobull féin  
a' tabhairt géill do m' reachd :  
Is fòs gu'n gluaisheadh Israel  
a'm' shligibh féin gu ceart !
- 14 An naimhde smachdaichinn gu luath,  
le buaidh 'g an leagadh sìos ;  
Is phillinn air an eascairdibh  
mo làmh, g'an cur fo chis.
- 15 Luchd-fuath' an Tighearna mar sin  
bheircadh làn-ùmhlaichd dha ;  
Ach biodh an aimsir-san ro-bhuan  
is maireannach gu bràth.
- 16 Is bheireadh e g'am beathachadh,  
smior cruithneachd fòs d'a shluagh :  
Do làn-dhiol bheirinn duit faraon  
do'n mhill o'n charraig chruaidh.

SALM LXXXII.

- 1 **A** N coimhthional nan treun a ta  
'n a sheasamh Dia nam fearc :  
Am measg nan dée bheir esan breth  
le cothrom is le ceart.
- 2 Cia fhad a bheir sibh breitheanas  
gu h-eucorach 's gach cùis ;  
Toirt leth-bhreth air na daoineibh daoil,  
'g am meas a réir an gnùis ?
- 3 Do dhaoineibh bochd 's do dhilleachdain  
deanaibh-sa dìon le ceart :  
Is cumaibh còir riu sud a ghnàth  
ta cràiteach bochd gun neart :
- 4 An t-ainnis lag 's an deòradh truagh,  
sior-theasairgibh 'n am feum,  
Deanaibh o làmh nan aingidh fòs  
deadh-fhuasgladh dhoibh gu treun.
- 5 Eòlas no tuisge cha-n' eil ac',  
a' triall 's an dorcha taid ;  
Tha bunaite na talmhainn fòs  
air gluasad as an àit.
- 6 Is dée sibh (thubhairt mi) 's is mic  
do'n Ti a's àirde t'ann :
- 7 Ach tuitidh, 's gheibh sibh bàs mar dhaoin',  
's mar aon do phrionnsaibh fann.
- 8 Dhia, éirich, air an talamh dean  
deadh bhreitheanas gu grad :  
Oir gabhaidh tu mar oighreachd dhuit  
na fineachan air fad.

SALM LXXXIII.

- 1 **N**A bi a'd' thosd a nis, na bi  
a'd' thàmh, O Dhia ar neart,  
Na bi-sa samhach nìs 'n ar feum,  
Dhia chumbachdaich nam fearc.

- 2 Oir feuch, a ta do naimhde treun  
ri stri is buaireas àrd ;  
'S an dream ud leis am fuathach thu,  
an cinn thog suas an àird.
- 3 Oir dhealbh iad ole gu cuilbheartach  
'n aghaidh do phobuill fhéin,  
'N aghaidh do mhuinntir dhìomhair fòs  
ghabh comhairle le chéil'.
- 4 A deir iad, thigibh leinn g'an sgrios  
o bhi nì 's mò 'n an sluagh ;  
A chum nach biodh air Israel  
iomradh gu bràth no luaidh :
- 5 Oir ghabh iad comhairle le chéil' :  
a' d'aghaidh ceangal rinn.
- 6 Paillium Edoim, 's Ismaelich,  
Moab is Hagaren ;
- 7 Gebal, Amon, 's Amalec.  
Palestin, 's muinntir Thior ;
- 8 Dhruid Asur leo : 's bu chòmhmadh iad  
do ghineil Lot gu fìor.
- 9 Mar rinneadh leat air Midian,  
's air Sísiera le chéil' ;  
Air labain aig sruth Chisoin cas  
dean orra sud d'a réir :
- 10 Aig Endor mar a chaidh an claoidh  
mar aolach air an làr.
- 11 Air Oreb mar rinn thu 's air Sceeb,  
dean air an uaislibh tair :  
Mar Sheba fòs is Shalmuna,  
am prionnsan dean gu léir :
- 12 A thubhairt, Glacamaid dhuiinn féin  
mar oighreachd àrois Dé.
- 13 Dean iad mar asbhuaibh, o mo Dhia ;  
mar mhoil roimh ghaoith nan gleann.
- 14 Mar chlaoidheas teine coillteach chrion,  
's mar loisgeas lasair beann.
- 15 Mar sin le d' dhoiminn orra sud,  
dean thusa tòrachd dhian ;  
Le d'iom-ghaoith is le d' dhoiminn mhòir,  
cuir orra geilt is fiamh.
- 16 An eudan lion le masladh mòr,  
's le rughadh-gruaidh' gach ré,  
Gu ruig an uair an iarrar leo  
d'ainm glòrmhor féin, a Dhé.
- 17 Biodh amhluidh orra mar an ceudn',  
is trioblaid mhòr a chaoidh :  
Is glacadh nàire mhaslach iad,  
g'am milleadh is g'an claoidh.
- 18 Gu'n aithnich iad gur tusa mhàin  
d'an ainm Iehobhah treun,  
Tha d'uachdaran os ceann gach tìr'  
's an domhan mhòr gu léir.

SALM LXXXIV.

- 1 **C**IA mòr an airidh-ghràidh do theach,  
Iehobhah mhòir nan sluagh !  
Cia taitneach dhomhsa d'aros naomh,  
O Thighearna nam buadh !
- 2 Tha m'anam fann, aig meud a mhiann  
air cùirtibh Dhé gach lò :  
Mo chridh' is m'fheoil ri scairteachd  
'n g'eall air an Dia ta beò. [chruaidh



- 2 Feuch fhuair an sud an gealbhoon beag  
tigh còmhnuidh maith 'n a fheum,  
'S an gobhlan-gaoithe mar an cendh'  
do sholair nead dhì fèin.  
Is taisgidh i an sin a h-coin,  
's a h-àlach beag gun chli :  
Aig d'altair fèin, O Dhia nan sluagh,  
mo Thighearn, is mo Rìgh.
- 4 'S beannaicht' an dream an còmhnuidh ta  
a'd' àros naomh, a Dhé,  
Oir bheir iad, (mar is cubhaidh dhoibh,)  
mòr-mholadh dhuit gach ré.
- 5 'S beannaicht' an duine sin 'g am bheil  
annads' a neart gach là :  
An dream 'g am bheil 'n an cridhe stigh  
do shlighe fèin a ghnàth.
- 6 An dream sin tre ghleann Baca théid,  
ni tobair ann, 'n am fèum :  
Is lionaidh 'n t-uisge tubha a nuas  
na sluic gu ruig am béil.
- 7 Sior-ghluaisidh iad mar sin gun sgìos,  
a' dol o neart gu neart :  
An Sìon nochdar iad fadheòidh  
an làthair Dhé nam fear.
- 8 O Dhia nan sluagh, cluinn m'urnuigh  
Dhé Iacoib, éisd gu grad. [fèin,
- 9 O Dhia ar sgiath, feuch 's amhaire air  
gnùis d' ungaidh fèin gun stad.
- 10 'S fearr là a'd' chùirt na mìle là :  
b'fhearr leam bhì 'dorsaireachd  
An àros Dé, na m' còmhnuidh fòs  
'am pàillium aingidheachd.
- 11 Oir 's griann, 's is sgiath Iehobhah dia ;  
is bheir e gràs is glòir ;  
'S cha chum e maith air bith o'n dream  
ghluaiseas gu dìreach còir.
- 12 O Thighearn is a Dia nan sluagh  
is beannaicht' e gun cheisd,  
An duine sin, gu muinghineach,  
d'an dòchas thu am feasd.

SALM LXXXV.

- 1 **B**HA thusa gràsmhor fàbharach,  
a Dhé, do d' dhùthaich fèin ;  
Bruid Iacoib thug thu air a h-ais  
a ris le d' ghairdean treun.
- 2 Cionta do phobuill mhaith thu fèin ;  
dh'fholuich thu 'n uile lochd.
- 3 Choisg thu do chorruidh uile, 's phill  
o'n lasan a bha ort.
- 4 Pill sinn a ris, a Dhia ar slàint',  
is tog do lasan dhinn.
- 5 Am bì do chorruidh rinn gu bràth ?  
's an sìnear d'fhearg gach linn ?
- 6 Nach deanar leatsa, Dhia nan gràs,  
a ris ar tabhairt beò :  
Gu'n deanadh annad gairdeachas  
do phobuill fèin gach là ?
- 7 Taisbein do thròcair dhuinn a nis,  
a Thighearn is a Dhé :  
Is deònuich dhuinne d'fhurtachd fòs,  
's do shlàinte fèin gach ré.

- 8 Nis éisdeam ris an ni their Dia :  
labhairidh e sìth gu beachd  
R'a phobuill naomh ; 's na pilleadh iad  
a ris chum amaidheachd.
- 9 Gu dearbh tha' chabhair dlùth do'n dream  
d'an eagal e gu fìor ;  
Chum glòir a bhì 'n a còmhnuidh fòs,  
gu bunaiteach 'n ar tìr.
- 10 Tha tròcair agus fìrinn ghlan  
air còmhlaachadh a chéil :  
Tha ceartas agus sìochaint mhaith  
a' pògadh beul ri beul.
- 11 Is fàsaidh as an talamh fòs  
fìrinn a nìos gu pàilt :  
Is seallaidh ceart is fireantachd  
o nèamh a nuas gun airc.
- 12 Is amhluidh bheir Iehobhah dhuinn  
ni maith gu toibheartach ;  
Is bheir ar fearann is ar fonn  
deadh thoradh trom a mach
- 13 Sior-ghluaisidh ceart is fireantachd  
'n a fìrianuis-san gu réidh :  
Is sinn air sligh' a cheumanna  
gu dìreach stiùraidh e.

SALM LXXXVI.

- 1 **A**OM rium do chluas is cluinn mi, Dhia,  
oir tha mi ainns truagh :
- 2 Dean thusa, chionn gu'm buin mi dhuit,  
m'anam a dhion gu luath :  
Oir 's tu mo Dhia, saor d'òglach fèin  
tha 'g earbsadh riut a ghnàth.
- 3 Dean tròcair orm, a Dhia, le iochd :  
oir gaiream ort gach là.
- 4 Dean anam d'òglaich dhìleis fèin  
fìor-aoibhinn agus ait :  
Air son gu'n togam riut, a Dhé,  
m'anam gu léir a'm airc.
- 5 Oir tha thu fèin ro-mhaith, a Dhé,  
làn iochd is acarachd :  
Is tha thu do na ghairmeas ort,  
pàilt ann an tròcaireachd.
- 6 Eisd m'urnuigh, Dhia ; is thoir fainear  
guth gearanach mo chaoidh.
- 7 An là mo thrioblaid gaiream ort :  
oir freagraidh tusa mi.
- 8 Am measg nan dée cha-n 'eil, a Dhia,  
aon neach tha cosmhuil riut :  
No gnòmh air bith tha cosmhuil ris  
gach gnìomh a rinneadh leat.
- 9 Thig iad, gach cinneach rinneadh leat,  
is sleuchdaidh dhuit, a Dhé,  
Is bheir iad glòir is moladh àrd  
do d'ainm-sa feadh gach ré.
- 10 Air son, a Dhé, gu bheil thu mòr,  
's gu'n deanar oibre leat  
Tha mìorbhuileach ; 's tu fèin a mhàin  
Dia cumhachdach nam fear.
- 11 Do shlighe teagaisg dhomh, a Dhia,  
a'd' fhèirinn gluaisidh mi :

- Chum eagal d'ainne gu'm biodh orm  
mo chridhe druid riut féin.
- 12 Le m' uile chridh' àrd mholam thu,  
O Thighearna mo Dhia :  
Do d'ainm ro-uasal bheir mi fòs,  
àrd ghlòir air feadh gach ial.
- 13 Oir 's mòr do thròcair dhomhsa, Dhé,  
is fòs o ifrinn shìos  
Thug thusa saors' do m'anam bochd,  
is thog thu e a nìos.
- 14 Luchd-àrdain dh'éirich rium, a Dhé,  
is cuideachd làidir dhian,  
'G iarraidh m'anam', aeh thus', a Dhé,  
nìor chuir iad rompa riamh.
- 15 Ach tha thu, Dhé, mòr-thròcaireach,  
ro-ìochdmhor anns gach càs ;  
Chum feirge mall, ach saoi bhir pailt  
am fìrinn is an gràs.
- 16 O pill rium, is dean thròcair orm,  
thoir neart do d'òglach féin,  
Do m'haic do bhanoglaich faraoen  
dean fuasgladh ann a fheum.
- 17 Comhar air maith nochd dhomhsa, Dhia,  
luchd m'fhuath' gu'm faiccadh e,  
'S gu'n gabhadh nàir', a chionn gur tu  
mo neart, is m' fhurtachd féin.

SALM LXXXVII.

- 1 **T**HA 'bhunaite 's na sléibhtibh naomh' :  
2 'S ro-ionmhuineach le Dia  
Geatacha Shìoin, thar gach àit  
a bha aig Iacob riamh.
- 3 Nìthe ro-ghlòrmhor inns ear ort,  
a chaithir àluinn Dé.
- 4 Rahab, is Babel cuimhniceam,  
do'n dream d'an aithne mi ;
- 'Gabh beachd air Tirus mar an ceudn',  
is dàthaich Phalestin,  
Maille ri Etiopia :  
am fear so rugadh 'n sin.
- 5 Mu thimchioll Shìoin theirear so,  
am fear so rugadh fòs,  
'S am fear ud innt' ; an Ti a's àird  
socrachidh i air chòir.

- 6 Tràth sgrìobhas Dia le cuimhne mhaith  
na fineacha fa leth,  
'N sin àirmhidh e gu'm b'ann an sud  
bha 'm fear so air a bhreith.
- 7 Luchd-seinn nan òran bidh an sud,  
luchd innil-euill d'an réir :  
'S ann annad féin, a Dhia nan gràs,  
mo thobair tha gu léir.

SALM LXXXVIII.

- 1 **I**HOBBHAH Dhia mo Shlànuighir,  
l'ort ghair mi dh'oidhch' 's a là.
- 2 A'd' fhianuis thigeadh m'urnuigh fòs :  
is éisd mo ghlaodh a ghnàth.
- 3 Oir m'anam làn do thrioblaid ta ;  
's do'n uaigh mo bheatha dlùth.
- 4 Scadh m'ceasadh mi mar neach théid sìos  
do'n t-slochd, is mi gun lùth.

- 5 Saor tha mi measg nam marbh, is fòs  
mar mharbh 's an uaigh gun doè,  
A sgathadh sìos le d' làimh gu beachd,  
's nach cuimhnicear ni 's mò.
- 6 Chuir thu m'ìn àite domhain, dorcl  
's an t-slochd a's isle t'ann.
- 7 Is chlaoidh thu mi le d' thonnaibh àrd',  
luidh ormsa d'fhearg gu teann.
- 8 Chuir thu luchd m'èolais fada uam :  
's ro-sgreataidh mise leò :  
Mar neach am prìosan druidt' a taim,  
nach faigh a mach ni's mò.
- 9 Do bhrìgh mo thrioblaid tha mo shùil  
ri caoidh is bròn a ghnàth :  
Mo lamhan shìn mi riut, a Dhé,  
is ghairm mi ort gach là.
- 10 Do mhiorbhuile do'n dream tha marbh,  
a Dhé, an taisbein thu ?  
An éirich iad a nìos a rìs,  
a thabhairt dhuitse chù ?
- 11 Do thròcair is do chaoimhneas caomh,  
am foillsichear 's an uaigh ?  
Air d'fhìrinn ann an sgrios a' bhàis,  
le neach an toirear luaidh ?
- 12 Am bi maoin còlais ann an dorcl'  
air d'fhcartaibh miorbhuileach ?  
No 'm bi an tìr na dichuimhn' fios,  
no beachd air d'fhreantachd ?
- 13 Ach riutsa ghlaodh mi, O mo Dhia :  
gu moch theid m'urnuigh suas.
- 14 Dhia' cuim an tilg thu m'anam uait ?  
's an cum thu uam do ghnùis ?
- 15 O m' òige tha mi air mo chràdh,  
ro-dhlùth do bhàs is uaigh ;  
Air dhomh bhì fulang t'uamhasan,  
tha mi an imecheist chruaidh :
- 16 Oir dh'imich tharum d'fhearg gu trom ;  
chlaoidh d'uamhais mi a ghnàth :
- 17 Mar uisge chaidh iad timchioll orm,  
ga m' chuairteachadh gach là.
- 18 Mo charaid chuir thu uam am fad,  
's am fear thug dhomhsa gràdh :  
Luchd m'èolais mar an ceudna tha  
an dorchadas 'n an tàmh.

SALM LXXXIX.

- 1 **A**IR thròcair Dé sìor-sheinnidh mi  
is nì mi oirre sgeul ;  
O àl gu h-àl gu maireannach  
air d'fhìrinn thig mo bheul.
- 2 Oir thubhairt mi, gu'n togar suas  
do thròcair mhòr do shìor :  
Is d'fhàirinn cheart 's na nàmhaidh àrd'  
socruichear leat gu fìor.
- 3 Coimheceangal rinn mi ri m'Aon naomh  
a ròghmaich mi gu sìor :  
'S do Dhaibhidh tha 'n a òglach dhomh,  
mhionnaich mi féin gu fìor.
- 4 Socraichidh mi gu daingean buan  
do ghinealach 's do shìol,  
Do chaithir rioghail togam suas  
o linn gu linn gu sìor.



- 5 Molaidh na nèamhan àrd' gu binn  
do mhiorbhuilean, a Dhé ;  
Is d'fhìrinn ann an coimhthional  
do chloinne naomha féin.
- 6 Oir cò 's na nèamhaibh choimeasar  
ri Dia Iehobhah mòr ?  
Is cò ta measg nan cumhachdach  
cosmhuil ri Dia na glòir' ?
- 7 An coimhthional nan naomh gu beachd  
's cùis eagail Dia gun cheisd :  
Ard-urram o gach neach mu'n cuairt  
dha 's dheasdanach am feasd.
- 8 O Thighearna 's a Dhia nan sluagh,  
cò 'n Triath sin ann an neart  
Is cosmhuil riut ? a'd' fhìrinn fòs  
ga d' chuairteachadh gu beachd ?
- 9 Ard-onfha cuain is fairge mòir,  
's tu chuireas iad fo reachd :  
A tonnan àrd' tràth dh'èireas suas,  
coisgidh tu iad le smachd.
- 10 Mar dhuine buailte dol do'n eug,  
mhìn-phronnadh Rahab leat :  
Do naimhde sgaol thu as a chéil'  
le d' ghairdean treun 's le d' neart.
- 11 Is leatsa, Dhé, na flaitheanais,  
's an talamh ta fo'r bonn :  
'S tu dhaingnich fòs an cruinne-cé,  
le 'làn do thoradh trom.
- 12 An àirde dcas is tuath faraon,  
do chruthaicheadh iad leat :  
Slabh Thaboir agus Hermoin àird  
a'd' ainm bidh aoibhneach ait.
- 13 Tha agad gairdean cumhachdach :  
a ta do làmh ro-threun,  
A Dhé, a ta do dheas làmh fòs  
àrdichte mar an ceudn'.
- 14 Mar àite tàimh do d' chaithir rìgh  
tha cothrom agus ceart :  
Bidh trócair agus firinn fòs  
dol roimh do ghnùis gu beachd.
- 15 'S beannaicht' an sluagh a thuigcas fòs  
an fhuaim tha aoibhneach ait :  
An solus glan do ghnùis', a Dhé,  
sior-ghluaisidh iad gu ceart.
- 16 A'd' ainms' air feadh an là bidh iad  
gu h-aoibhneach mar bu chòir :  
Is ann ad fhìreantachd faraon,  
àrdichear iad gu mòr.
- 17 Oir mais' is glòir an spionnaidh sud  
is tus' a mhàin, a Dhé :  
Ar n-adharc ann ad chaoimhneas caomh  
àrdichear leat gu treun.
- 18 Oir 's e Iehobhah Dia nam feart,  
ar targaid is ar sgiath ;  
'S e 'n ti ro-naomh sin Isracil  
ar n-Ard Rìgh is ar Triath.
- 19 An taisbean, anns an àm sin féin,  
labhair thu, Dhé, gu ceart  
Ri d' dhuine naomh ; is thubhairt thu,  
le firinn, is gu beachd ;
- Leag mise 's chuir mi cuideachadh  
air gaisgeach treun nam buadh ;  
Is dh'àrdich mi gu mòr an neach  
a thagh mi as an t-sluagh.
- 20 B'e Daibhidh neach a fhuaradh leam,  
mo sheirbhiseach ro chaoimh ;  
'S e sin an neach a rinneadh leam  
ungadh le m'oladh naomh.
- 21 Is socruichear mo làmh do shior  
gu dìleas daingean leis ;  
Is ni mo ghairdean cumhachdach  
a neartachadh le treis.
- 22 Le mac an uile cha chlaoidhear e ;  
a nàmh cha tog dheth cis.
- 23 Buailidh mi 'eascairde 'n a làth'r,  
leagaidh mi 'nàmh a sìos.
- 24 Ach bidh mo trócair maille ris,  
is m'fhìrinn mar an ceudn' :  
Is 'adharcan a'm' ainm-sa fòs  
bidh àrdaichte gu treun.
- 25 A làmh-san cuiridh mi 's a' chuan,  
's na sruthaibh a làmh dheas.
- 26 Carraig mo shlàinte, their e rium,  
m'athair, mo Dhia, 's mo threis.
- 27 Mo cheud-ghin ni mi dheth faraon,  
àrdichte thar gach rìgh.
- 28 Mo chùmhnannt seasaidh daingean leis ;  
mo ghràs dha gleidhidh mi.
- 29 Is bheir mi air a shliochd gu mair  
iad feadh gach linn gu bràth :  
'S a chaithir rioghail uasal àrd  
mar làithe nèimh a ghnàth.
- 30 Ma 's e 's gu'n tréig a chlann mo lagh,  
's nach gluais iad ann am reachd ;
- 31 Gu'n truail iad m'aitheanta ro-naomh,  
m'arrtuais nach cum gu ceart :
- 32 Fiosraichidh mi an sin gu beachd  
le slait, an cucoir chlaon ;  
Am peacaidh fiosraicheam 's an lochd,  
le sgiùrsadh goirt faraon.
- 33 Gidheadh, gu tur mo chaoimhneas-gràidh  
cha bhuin mi uaith gun cheisd :  
Cha-n fhuing mi gu'm breugaichear,  
mo ghealladh fìor am feasd.
- 34 Mo choimhcheangal cha bhrisear leam,  
no'n cùmhnannt rinn mi ris ;  
'S am focal a chaidh as mo bheul,  
am feasd cha chaochail mis'.
- 35 Oir aon uair mhionnaich mi mar so,  
's ann air mo naomhachd féin,  
Do Dhaibhidh tha 'n à òglach dhomh,  
am feasd nach dean mi breug.
- 36 Bithidh a shliochd 's a ghinealach  
sior-mhaireannach gach ial,  
'S a chaithir rioghail bithidh i  
a'm' fhianuis mar a' ghrian.
- 37 Is bithidh mar a' ghealach ghlan  
gu daingean buan do shior :  
'S mar fhianuis anns na nèamhaibh àrd'  
bhios tairis agus fìor.

# SALM XC.

- 38 Ach thilg thu nait, is thréig gu tur,  
is ghabh thu gràin a nis;  
'S an ti dh'ung thu le d'oladh naomh,  
tha thu 'an corruich ris.
- 39 Coimheangal d'òglach dhileis féin,  
sgaoil thusa, Dhé, le tàir:  
'S a choron uasal thruaillleadh leat,  
'g a thilgeadh air an làr.
- 40 A gharadh didein bhriseadh leat;  
's a dhaingneach làidir leag.
- 41 Mar chobhartach e do luchd-ròid:  
d'a choimhearsnaich mar sgeig.
- 42 Làmh dheas a nàmhaid thog thu suas:  
uil' eascaird' rinn thu ait.
- 43 Is phill thu faobhar 'arm; 's a' chath  
cha d'thug thu dhasan neart.
- 44 Choisg thu a ghloir, 's a chaithir-righ  
leag thusa sios gu làr.
- 45 Is aimsir 'òige ghearradh leat;  
chòmhdaich thu e le nàir'.
- 46 Cia fhad a dh'fholuicheas tu, Dhé,  
thru féin a chaoidh nan cian?  
An loisg do chorruich fòs gu cas,  
mar theine lasrach dian?
- 47 Tabhair fainear is cuimhnich féin  
giorrad mo ré 's mo lò:  
C'arson a rinn thu clann nan daoine  
mar dhlomhanas no ceò?
- 48 Cò e am fear am measg nam beò,  
am bàs nach faicear leis?  
No 'anam féin o làmh na h-uagh',  
an teasairg e le treis?
- 49 C'àit bheil do chaoimhneas-gràidh, a Dhé,  
a thaisbein thu o thùs,  
A mhionnaich thu air t'fhirinn cheirt  
do Dhaibhidh 'chumail suas?
- 50 Cuimhnich, a Thighearn, toibheum trom  
do sheirbhiseach gu léir:  
Is mar a ghiùlain mis' a'm' uchd  
masladh a' phobuill thréin,
- 51 Le'n d'thug do naimhde masladh uath'  
gun aobhar, Dhé nam feart,  
Oir mhasluich iadsan ceumanna  
an ti a dh'ungadh leat.
- 52 Mòr-bheannaicht' agus cliùiteach fòs  
gu robh Iehobhah treun,  
Gu siorruidh suthain fad gach ré!  
Amen agus Amen.

## SALM XC.

- 1 'S TU b'ionad còmhnuidh dhuinn gach  
a Thighearna na glòir'; [linn,
- 2 Cian mu'n do ghineadh fòs na cnùic,  
's na sléibhte beag no mòr.  
Cian mu'n do dhealbha thu'n talamh trom,  
no'n cruinne-cé le d' neart;  
O bhih-bhuantachd gu bith-bhuantachd,  
is tusa Dia gu beachd.
- 3 Gu neo-ni pillcar leatsa ris  
an duine truagh g'a sgrios;

- Is their thu fòs, O chlann nan daoine  
grad-philibh air 'ur n-ais.
- 4 Oir mìle bliadhna' a'd' shealladh féin,  
mar an là 'n dé a ta,  
'N tràth théid e seach: is amhluidh fòs  
mar fhorair' oidheil' a'd' làth'r.
- 5 Dh'fhuadaich thu sìos iad mar le sruth  
mar chodad iad no suain:  
'S a' mhaduinn bidh iad mar am feur  
gu moch a dh'éireas suas.
- 6 Air maduinn brisidh e fo bhlàth,  
is fasaigh e gu h-àrd:  
Ri àm an fheasgair gearrar e,  
is seargaidh air an làr.
- 7 Oir chaitheadh sinn le d' chorruich ghéir;  
chlaoidh d'fhearga sinn gu tur.
- 8 Ar peacaidh dhlomhair, is ar lochd,  
an sealladh d'eudain chuir.
- 9 Oir ann ad fheirg ar n-uile làith'  
tha teireachduinn fa seach:  
Is chaithear leinn ar bliadnaidh fòs,  
mar sgeul a dh'innseadh neach.
- 10 'S iad làith' ar bliadhna mar an ceudn'  
tri fichead bliadhna' 's a deich,  
No, feudaidh bith, le tuilleadh neart  
ceith'r fichead bliadhna' do neach:  
Gidheadh cha-n 'eil 'n an spionnadh sud  
ach cràdh is cùradh geur:  
Oir sgathar sios gu h-ealamh e,  
is siùbhlaidh sinn gu léir.
- 11 Cò aig am bheil deadh thuigs' is fios  
air neart do chorruich féin?  
Is amhluidh fòs mar d'eagal mòr,  
tha lasair d'fheirg' d' a réir.
- 12 O teagaisg dhuinn, a Dhé nam feart,  
mar àirmhear leinn ar làith';  
A chum ar cridh' a shoeruchadh  
air gliocas ceart gach tràth.
- 13 O Thighearna Iehobhah mhòir,  
pill féin a ris: cia fhad?  
Mu thimchioll staid do sheirbhiseach  
gabh aithreachas gu grad.
- 14 O dean ar sàsachadh gu moch  
le d' thròcair chaoimh, a Dhé,  
A chum gu'n bi sinn aoibhneach ait,  
ri fad ar là 's ar ré.
- 15 Dean subhlach sinn a réir nan là  
a chràidh thu sinn gu goirt:  
A réir nam bliadhna ud faraoan  
am faca sinn an t-olc.
- 16 Taisbean do d' sheirbhiseach do ghniomh,  
faiceadh an clann do ghloir.
- 17 Is bitheadh mais' ar Tighearn Dia  
a' dealradh oirnn gu mòr.
- Na gnìomhara a rinn ar làmh,  
socruidh iad dhuinn, a Dhé;  
Na gnìomhara a rinneadh leinn,  
dean daingean iad gu léir.



SALM XCI.

- 1 **A** N neach sin tha 'n a thàmh gach uair  
an ionad uaigneach Dhé,  
Fo sgàil an Uile-chumhachdaich  
buan-chòmhnuidh ni gach ré.
- 2 Their mi a nis mu thimchioll Dhé,  
mo thearmunn e, 's mo neart;  
Mo dhaingneach : cuiream dòchas ann :  
mo Dhia, 's e Dia nam feart.
- 3 Gu dearbh o rib an eunadair  
ni esan fuasgladh ort,  
Is ni do shaoradh mar an ceudn'  
o'n phlàigh tha gràineil goirt.
- 4 Le 'iteich ni e d'fhòlach fòs,  
bidh t'earbsa fuidh a sgéith;  
Is 'fhirinn bidh 'n a targaid dhuit,  
mar sgéith do d' dhìon gach ré.
- 5 Fa chùis an uamhais anns an oidhch'  
cha bhi ort geilt no sgàth;  
No fòs fa chùis na saighde bhios  
a' ruith air feadh an là:
- 6 Cha bhi maoin eagail ort roimh 'n phlàigh  
tha triall an dorchadas :  
No fòs fa chùis an uile a bhios  
mu mheadhon là ri sgrios.
- 7 Bidh mìle tuiteam sìos ri d' thaobh,  
deich mìle fòs ri d' dheis;  
Ach olc dhiubh sud cha tig a'd' chòir  
no 'm fagus duit am feasd.
- 8 A mhàin le d' shùilibh seallaidh tu,  
is bheir fa'near le beachd :  
Droch-dhiol is tuarasdal nan daoì,  
gun cheisd do chithear leat.
- 9 A chionn gu'n d' ròghnaich thusa Dia,  
mar chòmhnuidh dhuit gach àm,  
An Dia ud tha 'n a thearmunn domh,  
's e 'n Ti a's àirde t'ann :
- 10 Aon olc cha-n éirich dhuit : is plàigh  
do d'fhàrdachd cha tig dlùth.
- 11 Oir bheir e àithn' d'a ainglibh, chum  
a'd' ròd gu'n dìon iad thu.
- 12 Is togaidh iadsan thusa suas  
gu h-àrd air bhàrr am bos;  
Eagal gu'm buailteadh leat air cloich,  
aon uair air bith do chos.
- 13 Air leòmhain is air nathair nimh'  
gun dòrainn saltrair leat :  
Pronnaidh tu 'n dràgon sìos le d' chois,  
's an leòmhain òg le d' neart.
- 14 A chionn gur ionmhuinn leis-san mi,  
sàr-fhuasgladh bheir mi dha;  
Air m'ainm a chionn gur còlach e,  
àrdacham e gach là.
- 15 Gairidh e orm, is freagram e :  
'n a thrioblaid bitheam leis;  
Onoir is urram bheir mi dha,  
is fuasglam air gu deas.
- 16 Le saoghal fad is maireannach  
sàsùicheam e gu leòr :

Mo shlàinte dhasan mar an ceudn'  
foillsichidh mi gu mòr.

SALM XCII.

- 1 **B**HI 'tabhairt buidheachais do Dhia,  
's ni sàr-mhaith mais each e;  
Bhi tabhairt cliu, O Thi a's àird',  
do t'ainm-sa feadh gach ré:
- 2 Do chaoimhneas-gràidh 's a' mhaduinn  
gach là bhi' cur an céill; [mhoich,  
'S air d'fhìrinn ta neo-mhearachdach,  
gach oidhch' bhi deanamh sgéil,
- 3 Air inneal-ciùil nan teuda deich,  
is air an t-saltair ghrinn;  
'S air clarsaich le guth fonnmhor àrd,  
a sheinneas còl gu binn.
- 4 Oir tre do ghnìomhara, a Dhé,  
rinn thu mi aoibhin aith;  
Is ann an oibribh fòs do làmh  
nim' gairdeachas gu pailt.
- 5 D' oibre-sa, Dhé, cia iongantach !  
do smuainte cò d'an léir ?
- 6 An t-amadan cha tuig e so,  
's cha-n eòl do'n amhlair e.
- 7 Tràth chinneas luchd na h-aingidheachd  
a nìs mar chinneas fear,  
Tràth bhlitheas fòs luchd-deanamh uile  
a' fàs fo bhlàth gu léir :
- 'S e sud is deireadh dhoibh fadheòidh  
gu'n sgriosar iad am feasd.
- 8 Ach thusa, Dhé, gu sìorruidh ta  
àrd-urramach gun cheisd.
- 9 Oir feuch, do naimhde féin, a Dhé,  
oir feuch, do naimhde féin,  
Làn-sgriosar iad : iom-sgaoilear fòs  
luchd-aingidheachd gu léir :
- 10 Ach m'adharc togaidh tusa suas,  
mar adharc buabhuill àird' :  
Le h-òladh ghloin neo-thruaillidh àir,  
ungar mi féin le d' ghràs.
- 11 Chì mi mo mhiann air m'eachairidibh;  
is cluinidh fòs mo chluas  
A toil air luchd na h-aingidheachd,  
a'm' aghaidh dh'éireas suas.
- 12 Bidh piseach air an fhùrean chòir  
mar phailm-chrann ùr air glas :  
Mar sheudar àrd air Lebanon,  
a' fàs gu dìreach bras.
- 13 An dream tha air an suidheachadh  
an tigh 's an àros Dé  
An cùirtibh greadhnach àrd' ar Dia,  
sìor-fhàsaidh iad gach ré.
- 14 San àm am bi iad aosmhor liath,  
bheir iad mòr mheas a mach;  
Is bithidh sultmhor le deadh bhlàth  
dhiubh sud gach uile neach.
- 15 A chum gu feuch iad gu bheil Dia  
ro-chothromach is ceart;  
Mo charraig e, 's cha-n 'eil ann féin  
aon eucor no droch bheart.

SALM XCIII.

- 1 **I**S Rìgh Dia, air a sgeudachadh  
le mòralachd gach àm ;  
Ta air a sgeudachadh le neart,  
is criosluichte gu teann.  
Shocrnuicheadh leis an cruinne-cé,  
nach gluaisear e a chaoidh.
- 2 Do chaithir daingean ta o chian ;  
's tu féin gun tús gun chrìoch.
- 3 Do thog na tuitlean suas, a Dhé,  
na tuitlean thog an guth ;  
Seadh thog na tuitlean suas gu h-àrd  
an tonna mòr' gu tiugh.
- 4 Is treise Dia ta chòmhnuidh shuas  
na fuaim nan uisge garbh' ;  
Is treise Dia na sumainnean,  
is tonna cuain gu dearbh.
- 5 A ta do theisteis is do reachd  
ro-dhaingean agus fìor :  
Tha naomhachd iomchuidh air do thigh,  
a Dhé nam feart, gu sìor.

SALM XCIV.

- 1 **O** DHIA, d'am buin ceart-dhioghaltas,  
Iehobhah neartunhoir thréin,  
D'am buin a mhàin ceart-dhioghaltas,  
gu dealrach nochd thu féin.
- 2 O Bhreitheimh cheirt na talmhainn dean  
thu féin a thogail suas ;  
Is ioc do luchd an uaibhreachais  
ceart-luigheachd agus dnais.
- 3 Cia fhad a ni luchd aingidheachd,  
cia fhad, a Dhia, a ni  
Luchd aingidheachd ùr-ghairdeachas,  
le aoibhneas mòr gun dìth ?
- 4 Cia fhad a bhrùchdar briathra leò,  
a' teachd air nìthibh cruaidh ?  
'S a bhitheas luchd na h-aingidheachd,  
ri ràiteachas is uail ?
- 5 Bhreis iad do shluagh gu mìn, a Dhé,  
is t'oghreachd chlaoidh gu goirt.
- 6 Bantracha, coigrich, 's dilleachdain,  
'g am marbhadh, is 'g am mort.
- 7 Their iad gidheadh, cha léir do Dhia,  
is fòs ni mò a ni  
Dia Iacoib sud a thoirt fa'near,  
's cha chuir am feasd am prìs.
- 8 O dhaoine brùideil measg an t-sluaigh,  
nis tuigibh agaibh féin,  
Is amadain, cia fhad a bhios  
sibh gabhail thugaibh céill' ?
- 9 An neach a chuir air faillein cluas,  
am bi gun chlàisteachd ghéir ?  
An Ti a dhealbh an t-sùil faraoan,  
nach ann da féin is léir ?
- 10 'N ti smachdaicheas na fineachan,  
an e nach cronuich e ?  
An ti bheir eòlas do gach neach,  
an neach gun eòlas e ?
- 11 Air smuaintibh dhaoim' is fiosrach Dia,  
gur dìomhan iad gu beachd,

- 12 Dhia, 's beannaicht' iad d'an toir thu  
is teagasg as do reachd : [smachd]
- 13 Chum fòis gu'n tugadh tusa dhoibh,  
o làithibh àmhghair ole,  
Gu ruig an nair an cladhaichear  
do dhaoimibh dao' an sleadh.
- 14 Oir Dia cha tilg e d'heath am feasd  
an sluagh d'an d'thug e spéis :  
'S ni mò na sin a thréigear leis  
an oighreachd a's leis féin.
- 15 Ach pillidh breitheanas a rìs  
ri fireantachd air ais :  
Is luchd a' chridhe threibhdhìrich  
leanaidh 'n a déigh gu cas.
- 16 An aghaidh fòs luchd-deanamh uile  
cò dh'éireas ieam an àird ?  
An aghaidh luchd na h-aingidheachd  
cò sheasas air mo phàirt ?
- 17 Mur bitheadh Dia Iehobhah leam  
ga m' chuideachadh le buaidh,  
'S beag nach robh m'anam bochd an  
gu tosdach anns an uaigh. [tàmh]
- 18 Trath thubhairt mi, a ta mo chos  
air sleamhnachadh nam sìos ;  
Do thròcair chaomhsa 'n sin, a Dhé,  
chum suas mi, agus dhìon.
- 19 Air bhith do m' smuaintè muldach,  
is ònmhor ann am chom,  
Do chomhfhurtachd sa thug an sin  
sòlas do m'anam trom.
- 20 Aig caithir rioghail luchd an uile  
'm bi comunn riut gu beachd,  
Tha dealbh gu seòlta aithleis mhòir,  
's 'g a orduchadh le reachd ?
- 21 An aghaidh an'ma 'n fhàinein chòir  
chruinnicheadh leò gu dlùth ;  
A dh'fhàgail ris fuil neochiontaich,  
le breitheanas nach fìu.
- 22 Ach Dia mo dhaingneach 's e : mo Dhia  
mo charrraig dhìon gach lè.
- 23 'S e dhìolas orra sud air ais  
gach eucòir rinnadh leò,  
  
An sgathadh sìos do nithear leis  
gu ceart 'n an eucòir féin ;  
Is ni Iehobhah mòr ar Dia,  
an sgathadh sìos gu treun.

SALM XCV.

- 1 **O** THIGIBH, seinneamaid do Dhia :  
thigeadh gach neach 'n a làth' r ;  
Do charrraig thréin ar slàinte fòs,  
togamaid iolach àrd.
- 2 A steach 'n a fhianuis thigeamaid  
le buidheachas gach là :  
Togamaid còl gu suilbhreach  
a' seinn le salmaibh dhia :
- 3 Is Dia ro-mhòr Iehobhah treun ;  
rìgh mòr os ceann gach dia.
- 4 Doimhneachd na talmhainn tha 'n a làimh  
's leis neart nan cnoc 's nan sliabh.



SALM XCVI, XCVII.

- 5 'S e rinn an cuan tha farsuinn mòr,  
tha còir aig air is sealbh ;  
'S an talamh tioram a lèimh  
's e chruthaich is a dhealbha.
- 6 O thigibh agus sluchdamaid,  
is deanar cromadh leinn ;  
Is air ar glùinibh tuiteamaid  
do 'n Dia a chruthaich sinn :
- 7 Oir 's e ar Dia, is sinn a shluagh,  
a bhcataich e mar thruad,  
Caoraich a làimh' : ma dh' éisdear leibh  
an diugh r' a ghuth gun bhreug.
- 8 Na cruaidhichear 'ur cridhe leibh,  
mar anns a' chomh-stri dhian,  
Mar rinneadh leibh 's an fhàscach chruaidh  
ga m' bhuaircadh le bhuir miann :
- 9 Tràth dh'fhionn 's a dhearbha 'ur sinnsir  
's mo ghnìomh tràth chunnaic iad. [mi,  
10 An t-àl ud ré dà fhichead bliadhna  
chuir campar orm is eud :

Thubhairt mi, 'S pobull iad 'g am bheil  
droch chridhe seachranach :

- Is air mo shligheibh nach do ghabh  
riamh eòlas firinneach :
- 11 D'an d'thug mi féin mo mhionnan mòr  
a'm' fheirg 's a'm' chorroich ghéir,  
Nach rachadh iad a chaidh a steach  
do m'ionad-suaimhneas féin.

SALM XCVI.

- 1 C ANAIBH do'n Tighearn òran nuadh,  
gach aon tìr, canaibh dha.
- 2 Seinnibh do Dhia : 'ainm beannaichibh,  
nochdaibh a shlàint' gach là.
- 3 Am measg nam fineachan gu léir  
sior-thaisbeinibh a ghlòir :  
Am measg gach pobull aithrisibh  
a mhiorbhuile ro-mhòr.
- 4 Oir 's mòr Iehobhah Dia nam feart,  
's ion-mholta feadh gach ré ;  
Is aobhar eagail c faraoon  
os ceann nan uile dhée :
- 5 Oir uile dhée nam fineachan  
is iodhoil iad gu léir :  
Ach 's e Iehobhah Cruithfhear àrd  
nam flaitheas is nan speur.
- 6 Ard-urram agus mòralachd  
'n a fhianuis-san a ta :  
Treun-spionnadh agus maisealachd  
'n a theampull naomh a ghnàth.
- 7 O fhineacha nan slògh gu léir  
thugaibh do Dhia nam feart ;  
Thugaibh do'n Thigearna faraoon  
glòir, urram, agus neart.
- 8 A' ghlòir a's cubhaidh fòs d'a ainm,  
do'n Tighearn thugaibh uaibh :  
Thigibh d'a chùirtibh naomha steach,  
is thugaibh ofraileibh.
- 9 Do Dhia Iehobhah sluchdaibh sìos  
am mais' a naomhachd féin :  
Biodh cagal oirbh, gach uile thìr,  
'n a fhianuis-san gu léir.

- 10 Abraibh measg fhineach, gu bheil Dia  
riaghladh mar rìgh gu beachd.  
Buan-dhaingnichear an domhan leis ;  
air daoineibh bheir breth cheart.
- 11 Biodh aoibhneas air na nàmhaidh àrd'  
is biodh an talamh ait ;  
Beucadh an cuan gu farumach,  
's a lànachdsan gu pailt.
- 12 Biodh aoibhneas air a' mhachair fòs,  
is air gach nì a t'ann :  
An sin bidh aiteas air gach coill',  
is air gach craoibh is crann.
- 13 An làthair Dhé ; oir tha e teachd,  
oir tha e teachd gu breth ;  
Air talamh chum gu'n deantadh leis  
ccart-bhreitheanas fa leth :
- Le ceartas maith bheir e a mach  
breth sir a' chruinne-ché ;  
Bheir air a' phobull breitheanas  
le fìrinn fhìor-ghlòir réidh.

SALM XCVII.

- 1 I EHOBBAH mòr 's e tha 'n a Rìgh,  
biodh aiteas air gach tìr ;  
'S air eileanaibh tha ònmhor ann,  
biodh gairdeachas gu léir.
- 2 Tha neula tìugh' is dorchadas  
m'a thimchioll air gach leth :  
'S e 's còmhnuidh fòs d'a chaithir-rìgh  
deadh chothrom is ceart-bhrèth.
- 3 Tha teine millteach roimh a ghnùis  
ag imeachd air gach àird,  
Le'n loisgear suas gu lasarach  
a naimhdean anns gach àit.
- 4 Le solus glan a dhealanaich  
dhealruich an cruinne-cé :  
Chunnaic an talamh sud gu dearbh,  
ghrad-chlisg is chrìochnuich e.
- 5 Na cnuic, an làthair Dhia nan dùl,  
leagh as air fad mar chéir ;  
Roimh ghnùis Ard-Rìgh an domhain  
leagh iadsan as gu léir. [mhòir
- 6 Na nàmhaidh cuiridh 'n céill a cheart ;  
is ch'gach sluagh a ghlòir.
- 7 Do dhealbhaibh snaighe meud 's a chrom  
gu'n robh dhoibh amhladh mòr,  
Tha deanamh uail' is ràiteachais  
á iodholaibh nach fù ;  
Gach uile dhée a ta sibh ann,  
sluchdaibh do Dhia nan dùl.
- 8 Rinn Sion aoibhneas nach bu ghann,  
an uair a chual i'n sgeul,  
Rinn nighean Iudha gairdeachas  
mu d' bhrèitheanas, a Dhé.
- 9 Oir tha thu, Dhia Iehobhah, àrd  
os ceann gach uile thìr :  
Tha thu air d'ardachadh gu mòr,  
os ceann gach dia gu léir.
- 10 Sibhse le'n ionmhuinn Dia ro-naomh,  
fuathaichibh olc a chaidh ;

Anam a naomh sìor-ghleithidh e ;  
saoraidh o làimh nan daoibh.

- 11 Cuirear mar phòr gu frasach pailt,  
solus do'n fhìreanach ;  
Is aobhneas dhoibh-san fòs a ta  
'n an cridhe treibhdhireach.
- 12 Biodh aiteas oirbh an Dia na glòir',  
O fhìreana gu léir :  
Is thugaibh buidheachas do Dhia,  
ri cuimhn' a naomhachd féin.

SALM XCVIII.

- 1 **O** SEINNIBH òran nuadh do Dhia,  
rinn bearta mìorbhuileach :  
'S i' dheas làmh féin 's a ghairdean naomh  
thug dhasan buaidh a mach.
- 2 Feuch, thaisbein Dia gu follaiseach  
'fhurtachd 's a shlàinte mhòr ;  
Am fianuis chinneach nochdadh leis  
'fhìreantachd féin gu leòr.

- 3 Chuimhnich e 'fhìrinn is a ghràs  
do theaghlach Israeil ;  
Is slàint' ar Dia-ne chumnaic fòs  
gach iomall tìr gu léir.
- 4 Do Dhia Iehobhah togaibh suas  
àrd-iolach ait, gach tìr :  
Togaibh bhur guth : bibh subhach fòs,  
is seinnibh moladh fìor.

- 5 Do Dhia Iehobhah mòr nam feart  
seinnibh air clàrsaich ghrinn ;  
Le clàrsaich (deirim) seinnibh dha,  
le guth na sailm gu binn.
- 6 Le fuaim na h-adhaire seinnibh dha,  
's le guth na trompaid àird' :  
Do Dhia an t-Ard-Rìgh seinnibh fòs,  
le iolach ait 's gach àit.

- 7 Beucadh an fhairege mhòr gu borb,  
's an làn tha inn' le chéil' ;  
An domhan, is gach dùil a ta  
an còmhnaidh ann gu léir.
- 8 Buailleadh na tuilte mòr' am bos' ;  
na sléibhte bitheadh ait,
- 9 An làthair Dhé ; oir tha e teachd  
air talamh thabhairt ceirt :

Le ceartas maith bheir e a mach  
breth air a' chruinne-ché ;  
Bheir air a' phobull breitheanas  
le cothrom fìor-ghlan réidh.

SALM XCIX.

- 1 **T**HA Dia 'n a Rìgh, is criothnaicheadh  
gach uile shluagh air bith :  
'S e shuidheas cadar cheruban,  
biodh air an talamh crith.
- 2 An Sion tha Iehobhah mòr,  
is àrd os ceann gach sluagh.
- 3 D'ainm mòr ro-uamhor molar leo,  
oir tha e naomh r'a luaidh.
- 4 Is toigh le neart an Rìgh ceart-bhreth  
's tu shoerucneas a' cheart :

- An Iacob breitheanas is eòir  
cuiridh tu 'n gnìomh gu beachd.
- 5 Ar Dia Iehobhah àrdaichibh,  
is sleuchdaibh dha gu caomh,  
Aig stòl a chos gu h-urramach ;  
oir tha e féin ro-naomh.

- 6 Am measg a shagart Aaron 's Maois,  
bha Samuel de'n dream  
A ghair air 'ainm : dh'iarr iadsan Dia,  
fhreagair e iad 's an àm.
- 7 Am baideal neoil gu gràsmhor caoin  
labhair an Tighearn riu :  
Na h-àitheantan a thug e dhoibh,  
's a theisthas ghleidheadh leo.
- 8 Iehobhah Dia, thug freagradh dhoibh :  
's tu 'n Dia a mhaith an lochd,  
Ge d' rinn thu orra dioghaltas  
air son an innleachd olc.
- 9 Ar Dia Iehobhah àrdaichibh  
's 'n a thulaich naomh a ghnàth,  
Sios sleuchdaibh dha gu h-iriosal ;  
oir 's naomh ar Dia gu bràth.

SALM C.

- 1 **T**OGADH gach tìr àrd-iolach glaoidh,  
do Dhia Iehobhah mòr.
- 2 Thigibh, is deanaibh seirbhis ait,  
'n a làthair-san le ceòl.
- 3 Biodh agaibh fios gur easan Dia,  
's e rinn sinn, 's cha sinn féin ;  
A phobull sinn, 's a chaoraich fòs  
dh'ionaltradh leis gu léir.
- 4 Thigibh a nis le buidheachas  
'n a gheataibh-san a steach,  
Is thigibh fòs le moladh mòr  
an cùirtibh naomh' a theach :  
Is 'thugaibh dha mòr-bhuidheachas,  
'ainm beannaichibh gu binn.
- 5 Oir Dia ta maith, tha thròcair buan,  
is 'fhàirinn feadh gach linn.

SALM CI.

- 1 **B**RETH eheart is tròcair canar leam ;  
Dhé, seinneam dhuit le ceòl.
- 2 Is iomchaiream mi féin gu glie  
air slighe fhoirfe chòir.  
O c'uin do m'ionnsuidh-sa a thig  
thu féin, a Dhia nam feart ?  
A steach a'm' fhàrdaich gluaisidh mi  
le cridhe fìor-ghlan ceart.
- 3 Fa comhair fòs mo shùile féin  
cha chuir mi olc am feasd ;  
Obair luehd-ceannaire 's fuathach leam,  
's cha lean i rium gun cheisd.
- 4 An cridhe iargalt ceannaireach  
nam triallaidh e an céin :  
Eòlas no furan air an daoibh  
a chaoidh cha chuir mi féin.
- 5 An ti bheir beum d'a choimhearsnach,  
lom-sgrìosaidh mi as 'ait ;



- An eridhe borb cha-n fluiling mi,  
no neach a sheallas àrd.
- 6 Bidh m' air' air fireannaibh na tìr',  
gu'n gabh iad còmhnuidh leam :  
An ti bhios foirfe glan 'n a bheus,  
's e 's òglach dhomh gach àm.
- 7 Fear deanamh ceilg' is mealltaireachd,  
a'm' thigh-sa cha-n fhaigh tàmh ;  
A'm' làthair, neach a labhras breug  
cha-n fhuirich e gu bràth :
- 8 Lom-sgrìosaich mise fòs gu moch  
gach droch dhuin' as an tìr,  
Chum luchd an uile a sgathadh as  
o chaithir Dhé gu léir.

SALM CII.

- 1 **R**I m' urnuigh éisd, Ichobhah Rìgh ;  
Is ruigeadh ort mo ghlaodh.
- 2 Na foluich uam do ghnùis 's an là  
thig trioblaid orm gach taobh :  
'S an là an gairm mi ort gu geur,  
crom thugam féin do chluas ;  
Is freagair mi gu deifreach,  
a' furtachd air mo chruas.
- 3 Do bhrìgh gu bheil mo làith' mar cheò  
a' teireachduinn a ghnàth ;  
Mar lic an teinntinn 's amhluidh sin  
mo chnàmhan loistge ta.
- 4 Trom-bhuailte tha mo chridhe bochd,  
is shearg e mar am fear ;  
Ionnus nach cuimhne leam gu beachd  
greim arain chur a'm' bheul.
- 5 Le guth mo chaoidh, mo chnàmhan lean  
rinn m' chraicinn féin gu teann :
- 6 Mar phelican an fhàsaich mi,  
's mar chaillich-oidheil' nam beann.
- 7 Rì faire taim gu furachair,  
is còmhail mi a ghnàth  
Rì gealbhonn beag 'na aonar fòs  
air mullach tighe ta.
- 8 Rì fad an là mo naimhde garg'  
ga m' mhasluchadh gu geur ;  
'S an dream a ta air boile rium  
a'm' aghaidh mhionnach iad.
- 9 Le m' dheuraibh choimhneasg mi mo  
mar aran dh'ith mi luath', 'dheoch ;
- 10 Tre lasan d'fhicir' ; oir thog thu mi  
is leag thu ris gu truagh.
- 11 Mar sgàile chlaon mo làithean sìos ;  
is shearg mi féin mar fheur.
- 12 Ach mairidh tus', am feasd, a Dhé,  
's do chuimhne féin gu sìor.
- 13 Nis éiridh tu a dheanamh gràis  
air Sion naomh gu dlùth :  
Oir àm a cabhair tha air teachd,  
seadh, 'n t-àm a dh'orduich thu.
- 14 Oir d'òglach tha a' gabhail tlachd  
'n a clachaibh breagh' gach uair ;  
Tha deadh thoil aig do sheirbhisich  
d'a luathre is d'a h-àir.

- 15 Mar sin bidh air na fineachaibh  
eagal roimh ainm an Triath :  
Is air gach rìgh air thalamh ta  
bidh roimh do ghlòir-sa fiamh.
- 16 'N uair thogar Sion suas le Dia  
taisbeanar e 'n a ghlòir.
- 17 Urnuigh nam bochd bheir e fa'near,  
's cha diùlt e iad le tàir.
- 18 Do 'n àl a ta ri teachd 'n ar déigh,  
sud sgriobhar dhoibh gu beachd :  
'S an dream a ghinear o so suas,  
molaidh iad Dia nam feart.
- 19 Oir dh'amhaire e a nuas gu beachd,  
o àird a naomhachd féin ;  
Is air an talamh dh'amhaire Dia,  
a nuas o nèamh nan speur.
- 20 A chluinntinn osnaich ghearanach  
a' phrìosanaich ta 'n sàs ;  
Chum fuasgladh air a' mhuinntir sin  
a dh'orduicheadh chum bàis.
- 21 An Sion chum a chur an céill  
ainm uasal àrd ar Dia,  
'S a dh'innseadh an Ierusalem  
moladh is cliù an Triath.
- 22 An t-àm a bhios na fineacha  
air cruinneachadh le chéil' ;  
'S gu seirbhis Dé tràth thionaillear  
na rìoghachda gu léir.
- 23 Air feadh na slighe is an ròid  
mo threòir do lagadh leis :  
Mo làithe chuir an giorrad fòs.
- 24 'S mar so do labhair mis,  
Mo Dhia, na glacer mi le bàs,  
mu thimchioll leth mo là :  
O aois gu h-aois gu maireannach,  
do bhliadhnaidh buan a ta.
- 25 O chian leag thusa bunaite,  
na talmhainn so, a Dhé ;  
Is iad na nèamha fìor-ghlan àrd'  
oibre do làmba féin.
- 26 Teirgidh iadsan 's théid iad as,  
ach mairidh tusa, Dhé :  
Scadh teirgidh iadsan 's gabhaidh seach  
mar eudach sean gu léir :
- Feuch caochlaidh tu mar thrusgan iad,  
is caochl' ear iad gun cheisd.
- 27 Tha thus' a mhàin gun caochlaidh ort,  
's do bhliadhnaidh buan am feasd.
- 28 Bidh clann do sheirbhisich, a Dhé,  
maireannach buan a ghnàth :  
Is ann ad fhianuis soeruchear  
an ginealsan gu bràth.

SALM CIII.

- 1 **O**M'ANAM, beannaich thusa nis  
an Dia Iehobhah mòr :  
Moladh gach nì an taobh stigh dhiom  
'ainm naomha mar is còir.
- 2 O m'anam, beannaich féin a nis  
Iehobhah mòr do Dhia :

- Na dìchuimhnich na tiodhlacan  
a dheònuich dluit an Triath.
- 3 'S e mhaithreas duit gu gràsmhor caoin  
gach peacadh annad féin :  
'S e bheir dhuit slàint', is furtachd fòs,  
o d'euslaintibh gu léir.
- 4 Do bheatha fòs o sgrìos a' bhàis,  
's e dh'fhuasglas duit gu pailt :  
'S e chrìnas thu le coron gràidh,  
's le tròcair chaoimh gun airc.
- 5 Le 'mhaithreas is le 'thiodhlacaibh  
sàr-lìonaidh e do bheil :  
S tha d'òige air a nuadhachadh  
mar iolair luath nan speur.
- 6 Air sgàth na muinntir ud, a ta  
le fòirneart air an claoidh,  
Ceartas is breitheanas faraon,  
's e Dia ni dhoibh gun dìth.
- 7 Do Mhaois an neach a b' òglach dha  
a shlighe chuir e 'n cèill :  
Is mar an ceudna 'ghnìomhara  
do chlànaibh Israeil.
- 8 Tha'n Tighearn iochdmhor tròcaireach,  
's mall 'fhearg, 's is pailt a ghràs.
- 9 Cha bhi e tagradh ruinn do shìor  
's cha ghléidh e 'fhearg gu bràth.
- 10 A réir ar peacaidh iomarcaich,  
dioghaltas oirn cha d'rinn ;  
'S a réir ar ciont' is eusaontais  
cha d'thug e luigheachd dhuinn.
- 11 Oir mar os ceann na talmhainn ta  
na speuran àrd gach ré,  
Is amhluidh sin tha 'thròcair mòr  
do'n dream d'an eagal e.
- 12 Mar tha an àrd an ear 's an iar  
a' gabhail fad o chéil' ;  
'S co fhad a chuireas Dia nan gràs  
ar peacaidh uainn gu léir.
- 13 Amhluidh mar ghabhas athair dàimh  
is truas d'a leanbaibh maoth,  
Mar sin d'a fhìor luchd-cagail féin  
Dia gabhaidh truas gu caomh.
- 14 Oir 's aithne dhasan agus 's léir  
ar cruth 's ar dealbh gu ceart ;  
Gur duslach talmhainn sinu air fad,  
is cuimhne leis gu beachd.
- 15 An duine truagh, a ta a làith'  
amhluidh mar fleur a ghnàth ;  
Mar bhàrr na luibh' air machair fòs  
a ta e fas fo bhàth.
- 16 Oir gabhaidh thairis osag ghaoith',  
's cha bhi e idir ann ;  
'S cha-n fhaicear e san ionad ud  
an robh e fas gu teann.
- 17 Ach mairidh tròcair Dhé gu sìor  
do'n dream d'an eagal e,  
Is fòs do chloim an cloinne-san  
bidh 'fhircantachd gach ré :
- 18 Do n aitim ud a chumas ris  
an cùmhnant rinn e riu :

- 'S a chuimhniceas 'uil' àitheantan,  
a chum gu'n deant' iad leo.
- 19 Dia shocruch anns na nèamhaibh àrd'  
a chaithir rioghail féin ;  
A rioghachd tha an uachdar fòs  
os ceann gach ni fo 'n ghréin.
- 20 Sìor-bheannaichibh Iehobhah mòr,  
O 'aingle treun an neart,  
Tha 'deanamh iarrtuais mar is còir ;  
's a' tabhairt géill d'a reachd.
- 21 Gach uile shluagh a bhuineas da,  
beannaichibh Dia a nis ;  
A sheirbhisich le 'n coimhlonar  
gach ni a's toileach leis.
- 22 'Uil' oibre, feadh a thighearnaif,  
a rinneadh leis an Triath,  
An rìgh Iehobhah beannaichibh ;  
O m'anam, beannaich Dia.

## SALM CIV

- 1 O M'ANAM, beannaich thusa Dia :  
mo Dhia, 's tu 'n Triath ro-mhòr ;  
Tha thusa air do sgeadachadh  
le mòralachd is glòir.
- 2 Seadh chuir thu solus dealrach glan,  
mar thrusgan umad féin ;  
Is shìn thu mach, is sgaoileadh leat,  
mar chùirtein nèamh nan speur.
- 3 Sailleam a sheòmar leagadh leis  
air uisgeachaibh mar stéidh ;  
Mar charbad rinn na neula tiugh,  
's e ruith air sgiathaibh gaoith'.
- 4 'S e féin a rinn na h-aingil fòs  
'n an spioraid làidir threun ;  
'S e rinn 'n an teine lasarach  
a theachdairean gu léir.
- 5 Is bunaite na talmhainn fòs  
shocrucheadh leis 'n an àit  
A chum nach gluais' as 'ionad e  
a chaidh nan cian gu bràth.
- 6 Is dh'fholuich thu le doimhneachd e,  
ceart mar gu'm b'ann le brat :  
Os ceann nam beann 's nan sleibhte àrd'  
na h-uisgeacha do stad.
- 7 Air chluinntinn doibh guth d'achmhasain,  
theich iad air falbh gu cas :  
Is fòs ri guth do thairneanaich,  
le deifir chaidh iad as.
- 8 Rì taobh nam beann chaidh iad a suas,  
's a sìos air feadh nan gleann :  
Gu ruig an t-àit' a dh'orduich thu  
's a shocruch thu gu teann.
- 9 Chuir thusa rompa crìocha buan  
nach téid iad tharta null ;  
'S nach pill iad air an ais a ris  
dh'fholach na tìr' le tuinn.
- 10 Cuiridh e mach na tobraichean  
air feadh nan glac 's nan gleann  
A ta gun tàmh le 'n sruthaibh br  
a' ruith air feadh nam beann.



- 11 Do bheathaichibh na macharach  
deoch bheir e dhoibh r'a h-òl :  
'S na h-asail fhuadhaich coisgidh iad  
an tart 's an iota mòr.
- 12 Am fagus doibh ni coin nan speur,  
tigh clùthor tàimh dhoibh féin :  
Is eadar gheugan cuircear leo  
an ceileir binn an céill.
- 13 Uisgichidh e o 'sheòmraibh àrd'  
na beannta mòr' gun tàimh :  
An talamh tioram gheibh a dhiol  
le toradh gnìomh do làmh.
- 14 Bheir e air fear bhì fàs do'n spréidh,  
's air luibh bhì fàs gun sgìos  
Do dhaoinibh, chum gu'n tugadh iad  
o'n talamh biadh a nìos :
- 15 Is fion a chuireas cridhe dhaoin'  
air shubhachas 's air ghean,  
Is oladh fòs a nì an gnùis  
le maise dealrach glan.  
'S e bheir dhoibh aran mar an ceudn'  
fhreasdal am feum gu leòr,  
An cridhe dhaoin' a chuireas neart,  
le misneich mhaith is treòir.
- 16 Tha craobhan àrd' an Tighearna  
ro làn do bhrìgh gu léir,  
Is seudair mhaiseach Lebanoìn  
a shuidhicheadh leis féin.
- 17 Is bithidh nìd 's an ionad ud  
aig eunlaith luath nan speur :  
Na craobhan giùmhais aig an store  
mar ionad tàimh dhi féin.
- 18 An tearmunn féin, am beantaibh àrd',  
na gabhair fhuadhaich leag ;  
Na coinein bheaga mar an ceudn'  
an còsaibh blàth nan creag.
- 19 A' ghealach dh'orduich esan fòs  
a sgarachduinn nan tràth :  
Is aig a' ghréin tha còlas maith  
mar luidheas i gach là.
- 20 Do nithear leatsa dorchadas,  
is thig an oidhcl' gu grad ;  
An sin bidh beathaich allt' na coill  
a' dol a mach air fad.
- 21 Rì beucadh bidh na leòmhain òg'  
ag iarraidh cobhartaich,  
Is bithidh iad ag iarraidh bìdh  
air Dia ro-chumhachdach.
- 22 An sin 'n uair dh'éireas suas a' ghrian,  
cruinnichidh iad le chéil',  
Gu h-uaigneach luidhidh iad a stigh  
'n an garaidh dìdein féin.
- 23 Is théid an duine mach an sin  
gu 'obair mar is còir,  
Is leanaidh e gu dìchiollach  
a shaothair gu tràth-nòin'.
- 24 Cia lìonmhor d'òibre mòr', a Dhé !  
'an gliocas rinn thu iad :  
An talamh fòs le d' shaoibhreas mòr,  
tha làn air fad 's air leud.
- 25 Mar sin an cuan tha farsuinn mòr,  
's gach nì a shnàgas ann,  
Na beathaichean tha beag is mòr,  
gun orra cunntas cheann.
- 26 Tha longan siubhal ann gu tiugh ;  
's tha'n Lebhiàtan mòr,  
A chumadh is a dhealbhadh leat,  
ri sùgradh ann le treòir.
- 27 Na slòigh ud uile tha, a Dhé,  
a' feitheamh ort a ghnàth,  
A chum dhoibh biadh gu'n tugadh tu  
ga'n cumail beò geach tràth.
- 28 Na bheir thu dhoibh a'd' thoirbheartas  
'g a thional sud tha iad :  
Tràth dh'fhosgla tu do làmh gu pailt,  
le maith sàr-lìonar iad.
- 29 Air folach dhuit do ghnùis a ris,  
thig cabhag orr' air fad ;  
Eugaidh, tràth bheir thu asd an deò,  
pillidh ri 'n ùir gu grad.
- 30 Do spiorad féin g'an cruthachadh,  
ris cuircear leat a mach :  
Agnaidh na talmhain mar an ceudn'  
nuadhaichidh tu le dreach.
- 31 Bidh glòir an Triath ro-mhaireannach  
air feadh gach linn am feadh ;  
Is nì Iehobhah gairdeachas  
'n a ghnìomharaibh gun cheisd.
- 32 Air sealltuinn air an talamh dha,  
criothnaichidh e gu grad ;  
Tràth bheanas e ri sléibhtibh àrd'  
bidh deatach dhiubh air fad.
- 33 Do Dhia Iehobhah seinnidh mi  
an cian a bhios mi beò ;  
Is bheir mi moladh mòr do m' Dhia  
ri fad mo ré 's mo lò.
- 34 'S ro-mhilis blast' mo smuaintean air :  
biom ait an Dia a ghnàth.
- 35 Gu'n tigeadh sgrios air peacachibh,  
mach as an tìr gu bràth,  
'S na biodh na h-aingidh ann nì 's mò ;  
O m'anam, moladh seinn  
Do Dhia Iehobhah ; seinnceamaid  
le h-Alleluia binn.

## SALM CV.

- 1 O THUGAIBH buidheachas do Dhia ;  
air ainm-san gairibh féin ;  
Is cuiribh fòs a ghnìomhara  
am measg nan sluagh an céill.
- 2 Seinnibh do Dhia Iehobhah mòr,  
sailm seinnibh dha gu binn ;  
Is aithrisibh gu h-ionnan fòs  
na mìorbhuilean a rinn.
- 3 As 'ainm ro-naomhasan faraon  
deanaibh deadh-uail is glòir ;  
Biodh gairdeachas air cridh' an dream  
dh'iarra Iehobhah mòr.
- 4 Iarraibh Iehobhah mòr nam feart,  
iarraibh a neart a ghnàth ;

- A ghnùis ta gràsmhor fabharach,  
sior-iarraibh i gu bràth.
- 5 Cuimhnichibh fòs na mìorbhuile  
a rinneadh leis gu treun :  
A ghnìomhara ro-iongantach,  
is breitheanais a bhéil ;
- 6 O sibhs' a ghineil Abraham,  
deadh òglaich dhileis Dé :  
Sibhse chlann Iacoib mar an ceudn',  
a ròghnuich e dha féin.
- 7 'S esan ar Tighearn is ar Dia,  
Iehobhah mòr gu fìor :  
Tha 'bhreitheanais ro-chothromach  
air sgaoileadh feadh gach tìr'.
- 8 Oir chuimhnich e gu sìorruidh buan  
a choimhcheangal gu beachd ;  
'S am focal fòs a dh'orduich e  
do mhiltibh àl ri teachd ;
- 9 An coimhcheangal a rinn e féin  
ri Abraham gu caoin,  
'S na mionnan a thug e le 'bheul  
do Isaac òglach caomh :
- 10 Is amhluidh sin do Iacob fòs  
dhaingnich se e mar reachd ;  
Mar chiomhcheangal gu sìorruidh buan  
do Israel gu beachd :
- 11 Ag ràdh, Tìr Chanaain bheir mi dhuibh,  
mar chrann bhuir n-òighreachd féin.
- 12 'N uair bha iad teare, 's 'nam buidhinn  
's 'n an coigrich innt' gu léir. [bhig,
- 13 Is air bhi dhoibh ag imeachd fòs  
o thìr gu tìr gun tàmh ;  
A' triall feadh sluaigh is rìoghachda,  
nach fac' iad riamh roimh làimh :
- 14 Cha d' leig le neach an gortachadh ;  
ach smachdaich air an sgàth  
Mor-rìghre neartmhor cumhachdach ;  
's a riu mar so ag ràdh ;
- 15 'Feuchaibh nach bean sibh ris an dream  
a dh' ungadh leam gu caomh :  
Is fòs na deanaibh cron air bith  
no lochd air m' fhàidhibh naomh.'
- 16 Fòs ghairm e gorta steach do 'n tìr,  
is long an arain bhris.
- 17 Ach chuir e Ioseph rompa sìos,  
reiceadh mar thràill gun fhios.
- 18 Le geimhlìbh dhochainn iad a chos',  
luidh e an iarunn teann ;
- 19 Gu 'n uair an d' thàinig focal Dé ;  
is dhearbhadh sud e 's an àm.
- 20 An rìgh an sin chuir aisans fios,  
is dh'fhuasgail air gu caoin :  
Seadh uachdaran nam fineacha  
is leig se e fa sgaoil.
- 21 Is air a theaghlach thug e dha  
àrd-thighearnas gu léir :  
Àrd-uachdranachd a stòrais mhòir,  
thug esan dha d'a réir.
- 22 A cheangal mar a chiteadh dha  
àrd-cheannardan na tìr :
- 'S gu'n tugadh e d'a sheanairibh  
teagasg air gliocas fìor.
- 23 Do rìoghachd na h-Eiphit thàinig fòs  
clann Israeil gu léir,  
'S bha Iacob is a shliochd air chuairt  
an talamh Cham le chéil' :
- 24 Thug esan air a phobull féin  
an sin ro-lìonmhor fas,  
Is ni bu treise rinn e iad  
na'n naimhdean anns gach càs.
- 25 Cridhe an dream ud dh'ìompaich e  
thoirt fuath d'a phobull naomh,  
'S gu'n buineadh iad gu cealgach olc  
r'a sheirbhisich ro-chaomh.
- 26 An sin chuir e 'dheadh òglach Maois,  
Aaron a thagh e féin.
- 27 Nochd iad a bhearta mìorbhuileach,  
an talamh Cham gu treun.
- 28 Chuir orra duibhre, 's dh'orchaicheadh ;  
'n sin thug iad géill d'a ghuth.
- 29 Dh'ìompaich gu fuil an uisgeachan,  
is mharbh e 'n t-iasg 'n an sruth.
- 30 Is losgaim ann an lìonmhoireachd  
sin bhrùchd an tìr a mach,  
Am fàrdaichibh an rìghre-san,  
's nan seòmraichibh a steach.
- 31 Air 'iarrtus thàinig iomadh gnè  
do chuileagaibh gu grad :  
Is miala lìonmhor mar an ceudn'  
'n an crìochaibh féin air fad.
- 32 Air son an uisge thug e dhoibh  
clach-shneachd gu frasach geur,  
Is lasair theine-dhcalanaich  
air feadh na tìr' gu léir.
- 33 Na craobhan fìon, is fìge fòs  
ghrad-bhuaileadh leis gu trom ;  
Is bhriseadh agus reubadh leis  
gach crann a bhla 'n am fonn.
- 34 Thug esan àithne 's thàinig iad,  
locuist gu lìonmhor ann,  
'S na burruis sgriosach iomarcach,  
gun orra cunntas cheann ;
- 35 Gach luibh 's an fhearann dh'itheadh leo ;  
is dh'itheadh leo gach meas.
- 36 Bhuail e gach ceud-ghin anns an tìr,  
toiseach am brìgh 's an treis'.
- 37 Le h-èr 's le h-airgiod thug e mach  
a phobull féin gun dìth ;  
'S cha robh 'n an treubhaibh-san air fad  
neach euslainteach gun chli.
- 38 Bu shubhach leis na h-Eiphitich  
'n uair chaidh iad uath' a mach.  
Oir thuit an eagalsan gu mòr  
le h-uamhlunn air gach neach.
- 39 Neul os an ceann sgaoil esan mach  
mar bhrat no cuirtein mòr ;  
Le teime mar an ceudn' 's an oidhech'  
thug solus dhoibh gu leòr.
- 40 Am pobull dh'iarr, is thug e dhoibh  
na gearra-goirt gu pailt ;



SALM CVI.

- 'S le h-aran nèimh o speuraibh àrd'  
thug dhoibh an sàth gun airc.
- 41 A' charraig sgoilt e, bhrùchd a mach  
na h-uisgeacha gu leòr ;  
Is anns an fhàsach thartimhor theth  
ruith iad mar amhainn mhòir.
- 42 Chionn gu'n do chuimhnich e an sin  
'fhocal 's a ghealladh naomh  
Is mar an ceudna Abraham  
'òglach ro-dhileas caomh.
- 43 Is uime sin thug e a mach  
a shluagh le h-aobhneas mòr ;  
'S a dhaoine féin a ròghnaich e,  
le gairdeachas is ceòl.
- 44 Is fearann fòs nam fineacha  
thug esan dhoibh air fad ;  
Is mheal iad mar an oighreachd féin  
saothair nan cinneach ud.
- 45 A chum gu'n tugadh iad fa'near  
a reachda mar is còir,  
'S gu'n gleidheadh iad a lagh faraon,  
Molaibh Iehobhah mòr.

SALM CVI.

- 1 **O** THUGAIBH moladh mòr do Dhia,  
is buidheachas faraon,  
Oir tha e maith, mairidh gu bràth  
a thròcair ghràsmhor chaoin.
- 2 Gnìomhara treun' Iehobhah mhòir,  
co dh'fheudas chur an cèill ?  
Cò dh'fheudas fòs a chliu ro-mhòr  
a thaisbeanadh gu léir ?
- 3 'S beannaicht' an aitim ud gu beachd  
a ghleidheas breitheanas,  
'S an neach ud fòs a ni gach uair  
ceartas is ionracas.
- 4 Dhia, cuimhnich ormsa, leis a' ghràdh  
thug thu do d' phobull féin ;  
O thig le d' shlàinte shòlasaich  
gu m' fhiosrachadh a'm' fheum.
- 5 Gu faic sinn maith do dhaoine taght  
's gu'n dean sinn aobhneas mòr  
'N an aobhneas sud ; 's le t'òighreachd  
gu'n dean sinn uail is glòir. [féin]
- 6 Do pheacaich sinn le'r sinnsearaibh ;  
is fòs do rinneadh leinn,  
Mòr chiont' a' d' aghaidh féin, a Dhé ;  
gu h-aingidh pheacaich sinn.
- 7 Ar sinnseara cha d'thug fa'near  
do bhearta miorbhuileach,  
A rinneadh leat an tìr na h-Eiph't  
gu treunmhor cumhachdach ;  
Is lìommoireachd do thròcair chaoimh'  
dhìchuimhnich iad gu truagh ;  
'S iad aig a' mhuir ga d' bhrosnachadh,  
ri cois na fairge ruaidh'.
- 8 Ach theasaig e gu tèaruint' iad,  
air sgàth dheadh ainme féin ;  
A chum gu'n nochdadh e mar sin  
a chumhachda ro-threun.

- 9 Leig e a mach geur achmhasan  
is thioraich a' mhuir ruadh ;  
Is stiùir e troimh an doimhneachd iad,  
Mar troimh an fhàsach chruaidh.
- 10 O làimh an ti thug dhoibhsan fuath,  
dh'fhuasgail e 'phobull féin,
- 11 'S o làimh an naimhde mi-runach  
shaoradh leis iad gu treun.  
Is dh'fholuich uisg 'an eascairde :  
cha d'fhan fu aon diubhl beò.
- 12 Chreid iad an sin a bhriathrasan,  
's a chliu do sheinneadh leo.
- 13 Air dearmad leigeadh leo gu cas  
a ghnìomhara ro-threun ;  
Cha d'fhuirich iad gu foighidneach  
r'a chomhairl' eagnuidh féin.
- 14 'S an fhàsach ghlac miann ciocrach iad,  
'n sin bhuair iad Dia gu luath.
- 15 An iarrtus thug e dhoibh, ach chuir  
caoil' air an anam truagh.
- 16 'S a' champa ghabh iad farmad mòr  
ri Maois an duine caomh,  
'S ri Aaron neach a ròghnaich Dia  
dha féin 'n a shagart naomh.
- 17 An talamh dh'fhosgail e a bheul,  
shluig Datan sìos gu grad ;  
Buidhinn Abiraim mar an ceudn'  
dh'fholuich e iad air fad.
- 18 Is fòs am measg an cnideachdsan  
ghrad-las an teine teth ;  
Is loisg an lasair suas gu léir  
na h-aingidh ud fa leth.
- 19 Dhealbh iad an sin is rinn iad laogh,  
gu truagh aig Horeb àrd,  
'S do'n ìomhaigh leaght' a rinneadh leo  
aoradh thug iad gun dàil.
- 20 Is amhluidh chaochail iad gu bochd,  
an Dia 's an glòir gu léir,  
Gu cosamhlachd is ìomhaigh fhaoin  
an daimh a dh'itheas feur.
- 21 An Dia thug tèarnadh dhoibh 'n am fèum  
dhìchuimhnich iad gu grad ;  
An neach le 'n d' rinneadh bearta mòr'  
an tìr na h-Eiph't air fad :
- 22 Is gnìomhara ro-iongantach  
an dùthaich Cham le buaidh,  
Mar sin is nithe uamhasach  
ri cois na fairge ruaidh' :
- 23 Thubhairt e air an aobhar sin  
gu'm millt' iad leis gu léir,  
Mur seasadh òglach taghta, Maois,  
fa chomhair, anns a' bheum :
- A chum gu'n deant' a chorruich mhòr  
a philleadh air a h-ais,  
Eagal 'n a fheirg gu'n deanadh e  
a phobull féin a sgrios.
- 24 Dhiùlt iad le tàir an tìr ro-mhaith ;  
nìor chreid iad focal Dé :
- 25 'N am pailiunaibh rinn monmhor mòr,  
's d'a ghuth cha d'thug iad géill.

- 26 An sin 'n an aghaidh thog e 'làmh,  
g'an sgrìos 's an fhàsach lòn ;
- 27 A sgrìos an sliochd measg fhuicacha,  
's ga'n sgaoileadh feadh gach fuinn.
- 28 Ri Baal-peor mar an ceudn',  
naisg siad iad féin gu dlàth ;  
Is dh'ith iad cuid do iobairtibh  
nan iodhol marbh' nach fù.
- 29 Bhrosnuich iad e mar sin gu feirg,  
le'n innleachdaibh gu truagh ;  
Is bhris a' phlàigh an siu gu mòr  
a steach am measg an t-sluaigh.
- 30 Sheas Phinehas, is rinn e 'n ceart ;  
'n sin sguir a' phlàigh d'an claidh :
- 31 Sud mheasadh dha mar fhuireantachd  
o linn gu linn a chaidh.
- 32 Aig uisge comh-stri Mheribah  
bhrosnuich iad Dia a ris ;  
Air chor, fa chùis a' phobuill ud,  
gu'n d' éirich ole do Mhaois.
- 33 Oir rinneadh leo a spioradsan  
a bhrosnachadh gu geur :  
Ionns gu'n d' labhair e an sin  
gu cabhagach le 'bheul.
- 34 Na cinuich cha do sgrìosadh leo  
mar dh'àithn Iehobhah dhoibh ;
- 35 Ach mheasg iad leis na fineachaibh,  
is dh'fhòghluim iad an dòigh.
- 36 Do iodholaibh nam fineacha  
iad seirbhis rinn gu truagh :  
Bha sud mar lion 's mar ribe dhoibh,  
le'n ghlacadh iad gu luath.
- 37 Seadh thug iad suas mar iobairtean  
do dheamhnaibh 's dhealbhaibh bréig  
Am mic 's an nigheana faraoon,  
an aghaidh naomh-reachd Dhé.
- 38 Is fuil nau neòchiontach gu truagh  
do dhòirtadh leo gun sgàth ;  
B'i fuil am mac 's an nighean féin  
a dhòirt iad gun chion-fàth,
- Do iodholaibh Chanaain fòs  
mar iobairt thug an sliochd ;  
Mar sin do thruaileadh leo an tìr,  
le fuil gun truas gun iochd.
- 39 Is amhluidh sin le'n gnìomharaibh  
do thruaileadh leo iad féin :  
Chaidh iad air striopachas o Dhia  
le 'n innleachdaibh gu léir.
- 40 Fa 'n aobhar ud las corruich Dhé  
r'a phobull féin gu teth :  
Ionns gu'n ghabh e gràin gu mòr  
d'a oighreachd air gach leth.
- 41 Is amhluidh rinn e 'n tabhairt suas  
do làmh nam fineach fiat' ;  
Is thug thu dhoibh mar uachdarain,  
an dream a dh'fhuathaich iad.
- 42 Rinneadh gu mòr an sàruchadh  
le 'n naimhdebh làidir treun' ;  
Is leagadh iad gu h-ìosal sìos  
fo'n làmh sud mar au ceudn'.
- 43 Gu minic thug e saorsa dhoibh ;  
ach bhrosnuich iad e ris  
Le'n comhairlibh, is leagadh iad  
air son an ceannaire sìos.
- 44 Ach thug e 'n àmhghar mòr fainear,  
tràth chualadh leis an glaoth ;
- 45 Is chuimhnich e dhoibh mar an ceudn'  
a chùmhnannt gràsmhor caomh ;  
Is ghabh e aithreachas a réir  
mòr-shaobhreachd a ghràis :
- 46 'S 'n an sealladhsan rinn braighe diubh  
fhuair e dhoibh iochd is truas.
- 47 Thusa Iehobhah mhòir ar Dia,  
dean saoradh dhuinn 'n ar feum,  
Is deau, am measg nam fineacha,  
ar tional leat gu léir :  
Do t'aium ro-naomh gu'n tugamaid  
mor-bhuidheachas gu pailt :  
Do chliu 's do mholadh mòr faraoon  
gu seinneamaid gu h-ait.
- 48 'S beannaicht' an Triath, Dia Israeil,  
o chian nan cian gu bràth :  
Abradh an sluagh gu léir, Ameu !  
molaibh-sa Dia a ghnàth.

## SALM CVII.

- 1 **O** THUGAIBH moladh mòr do Dhia,  
is buidheachas faraoon,  
Oir tha e naith, 's mairidh gu bràth  
a thròcair ghràsmhor chaoim.
- 2 Pobull Iehobhah shaoradh leis,  
labhradh mar so gun tàmh,  
A' mhuinntir ud a bhuin e saor  
a mach o làimh an nàmh :
- 3 Is as gach fearann is gach tìr  
do chruinnicheadh iad leis,  
O 'n àird an ear, 's o'n àird an iar,  
o'n àirde tuath, is deas.
- 4 'S an fhàsach iad air seachran chaidh  
an ionad falamlh fàs ;  
Is bail' air bith cha d'fhuaradh leo  
gu còmhnuidh ann no tàmh.
- 5 Ocrach is iotmhor bha iad fòs ;  
chlaoidheadh an anam truagh.
- 6 Ghlaodh iad an sin ri Dia 'n an teinn,  
shaor iad o'n àmhghar chruaidh.
- 7 Stiùir esan agus thròcairich iad  
air bealach ceart fa'n cois,  
A chum gu'n rachadh iad fadheoidh  
gu baile tàmh is fois'.
- 8 O b'fhearr gu'm moladh daoine Dia  
air son a mhaithais chaoim,  
'S air son a bhearta iongantach  
rinn e do chloinn nan daoim' !
- 9 Oir ni e 'n t-anam miannach trom  
a shàsachadh gun aire,  
'S an t-anam ciòrach lionaidh o  
le 'mhaithreas féin gu pailt.
- 10 An dream a shuidh an dorchadas,  
is ann an dubhar bàis ;



# SALM CVIII.

- Fo chuibhreach ta an àmhghar truagh,  
's an iarunn cruaidh an sàs ;
- 11 Air son gu'n robh iad ceannairceach  
an aghaidh briathra Dhé,  
'S air comhairle an Tì a's àird'  
gu'n d'rinn iad tàir gu léir ;
- 12 Air sin an cridhe leag e sìos  
le saothair is le péin ;  
Thuit iad, is aon neach cha robh ann  
g'an cuideachadh 'n am feum :
- 13 Ghlaodh iad an sin ri Dia 'n an aire,  
dh'fhuasgail o'n teinn gu grad.
- 14 O'n dorchadh bhuin, 's o dhubhar bàis,  
's an cuibhreach bhris air fad.
- 15 O b'fhearr gu'm moladh daoine Dia  
air son a mhaithes chaoin,  
'S air son a bhearta iongantach  
rinn e do chloinn nan daoin' !
- 16 Chionn gu'n do bhriseadh leis le 'neart  
na geatan prais gu léir ;  
Na stapuill iarunn is na croinn  
sgaoil esan as a chéil'.
- 17 Bha amadain le 'n cron 's le 'n lochd,  
fo àmhghar goirt an sàs.
- 18 Bha 'n anam gabhail gràin do bhiadh,  
's iad dlùth do dhorsaibh bàis.
- 19 Ghlaodh iad an sin ri Dia 'n am feum,  
dh'fhuasgail o'n teinn gu grad.
- 20 Le 'fhocal rinn e 'n slànuchadh :  
is shaor o'n sgrios air fad.
- 21 O b'fhearr gu'm moladh daoine Dia  
air son a mhaithes chaoin,  
'S air son a bhearta iongantach  
rinn e do chloinn nan daoin' !
- 22 Thugadh iad iobairt buidheachais  
is cliu do Dhia na glòir' ;  
Aithriseadh iad a ghuimhara,  
le subhachas is ceòl.
- 23 Luchd-loingeis théid air muir, 's a bhios  
ri gnìomh an uisgibh buan ;
- 24 Dhoibh sud is léir mòr-oibre Dhé,  
's a mhorbhuilean 's a' chuan.
- 25 Air 'iartus, dùisgear leis a' ghaoth  
gu h-àrd 's gu doinionnach :  
Le 'n togar suas gu h-atmhor borb  
a thonna garbh' fa seach.
- 26 Tha iad ag éirigh suas gu nèamh :  
's a ris dol domlain sìos :  
Ionnsu gu'n d' leagh an anam truagh  
le trioblaid chruaidh 's le sgìos.
- 27 Dol thuig' is uaith, gu tuisteach fòs,  
amhluidh mar dhuin' air mhisg ;  
Ionnsu gu'n d' thréig gu buileach iad  
gach gliocas bha 'n am measg.
- 28 Ghlaodh iad ri Dia 'n an teinn ; is shaor  
e iad o'n trioblaid gheir.
- 29 Ghrad-chuireadh leis an stoirn gu fèith,  
's na tuinn 'n an tàmh gu léir ;
- 30 An sin the iad ro-ait, air son  
gu bheil iad sàmhach beò :
- 'S gu a d'thug e iad do'n chladh sin,  
's do'n phort bu mhiannach leo.
- 31 O b'fhearr gu'm moladh daoine Dia  
air son a mhaithes chaoin,  
'S air son a bhearta iongantach  
rinn e do chloinn nan daoin' !
- 32 Is fòs an coimhthional an t-sluaigh  
àrd-mholar e gu mòr ;  
'S an cruinneachadh nan seanair glic'  
cliu thugar dha is glòir.
- 33 Aimhniche ni 'n an fasach lom,  
tobair 'n an talamh cruaidh :
- 34 Tìr bheartach ni e fas, air son  
mòr aingidheachd an t-sluaigh.
- 35 Am fasach tioram tionndaidh e  
gu uisge tàmh nach gann,  
'S gu tobair fìor-uisg' iompaichidh  
am fearann tartmhor teann.
- 36 Do dhaoineibh oerach bheir e sud  
mar àite fois' is tàmh ;  
A chum gu'n deasacht' caithir leo  
chum còmhnuidh ann a ghnàth.
- 37 Chum craobhan fìon' a shuidheachadh,  
is sìol a chur 's an fhonn,  
A bheir a mach 's an aimsir cheirt  
cinneas is toradh trom.
- 38 Bheannaich e fòs am pobull ud  
is dh'fhàs iad fionmhor mòr ;  
'S nìor leig e dhoibh dol air an ais  
'n am feudail no 'n an stòr.
- 39 Lughdaichear iad gidheadh a ris,  
is leigear iad gu bochd,  
Le sàruchadh is àmhghar geur,  
is doilgheas brònach goirt.
- 40 Air prionnsaibh dòirtear tarcuis leis,  
's an fhàsach mar an ceudh',  
Cuiridh e iad air seachran fìar,  
gun bhealach ann d'an ceum.
- 41 'S o thrioblaid togaidh e am bochd,  
's ni teaghlach dha mar threud.
- 42 Sud cli na fireana, 's bidh ait,  
is druidcar beul nam beud.
- 43 Cò iad tha glic, 's a bheir faincar  
na nithe sud gu ceart ?  
'S iad sin a thuigeas tròcair chaomh  
is maitheas Dhé nam feart.

## SALM CVIII.

- 1 **M**O chridh' tha ann am fonn, a Dhé,  
gu socair mar is còir ;  
Is seinnidh mi gu ceòlmhor dhuit,  
is molam thu le m' ghòir.
- 2 Mosglaihb, is éiribh grad an àird,  
'shaltair 's a chlarsach ghrinn :  
Mosglaidh mi féin, is éiridh mi  
gu moch chum ceòl a sheinn,
- 3 O Thighearna Ichoblah mhòir,  
measg chinneach, molam thu,  
'S am measg an t-sluaigh gu h-urramach  
àrd-seinnidh mi do chliu.

- 4 Oir tha do thròcair mòr os ceann nan nèamha shuas gu léir :  
Is ruigidh t'fhìrinn mar an ceudn' gu neultaidh àrd' nan speur.
- 5 Bi thusa, Dhé, os ceann nan nèamh air t'ardachadh gu mòr ;  
Is fòs os ceann gach nìle thir togar gu sìor do ghlòir.
- 6 A chum gu deanar fuasgladh leat do d' phobull ionmhuinn féin,  
O teasairg mi le d' ghairdean deas, is freagair mi a'm' fheum.
- 7 'N a naomhachd labhair Dia nam feart :  
bidh aoibhneas orm nach gann,  
Air Sechem nì mi roimh gu ceart, gleann Shucoit toimhsear leam.
- 8 'S leam Gilead le dlìghe cheirt,  
Manaseh 's leam gu beachd ;  
'S i treubh Ephraim neart mo chinn :  
bheir Iudah mach mo reachd.
- 9 Is soitheach-ionnlaid Moab dhomh,  
tilgeam thar Edom thruaigh  
Mo bhròg : is nì mi caithream binn thar Palestin le buaidh.
- 10 Cò bheir do 'n chaithir dhaingein mi ?  
's gu h-Edom bheir gu ceart ?
- 11 Nach tusa, Dhé, le'n d' thlèigeadh sinn ?  
's nach téid thu mach le'r feachd ?
- 12 O thrioblaid tabhair còmhnaidh dhuinn,  
oir 's diomhain furtachd dhaoin'.
- 13 Trid Dhé nì sinne treubhantas :  
's e shaltras naimhde fodh'nn.

## SALM CIX.

- 1 O DHIA, ta t'aobhar molaidh dhomh,  
gu balbh a'd' thosd na bi.
- 2 Oir beul nan daoi, 's nam fealltach tha gnàth-fhogailt' air mo thì :  
Le teangaidh bhreugaich labhair iad a'm' aghaidh-sa a ghnàth.
- 3 Chuairtich iad mi le briathraibh fuath' :  
chuir cath orm gun chion-fath.
- 4 Air son mo ghaoil taid naimhdeil dhomh,  
is mi ri urnuigh ghnàth.
- 5 Ole dhiol iad rium an éiric maith,  
is fuath air son mo ghràidh.
- 6 Fear droch-bheirt cuir-sa os a cheann ;  
biodh Satan aig a dheis.
- 7 Urnuigh gu robh 'n a peacadh dha,  
fagar am binn e ris.
- 8 Gearr gu robh 'aois ; is glacadh neach oifig 's a dlireuchd gun iochd.
- 9 Gu'n robh a bhean 'n a ban-treabhaich,  
's 'n an dilleachdain a shliochd.
- 10 Air seachran biodh a shliochd a ghnàth,  
ag iarraidh déire' n am feum ;  
Is as an àitibh falamh fàs  
ag iarraidh bidh dhoibh féin.
- 11 Gu'n glacar fòs le luchd nam fiach gach nì a bhuineas da :

- 'S a shaothair-san mar chobhartaich,  
gu'm buineadh coigrich leo.
- 12 Na biodh neach ann nì tròcair air ;  
na bitheadh fòs a h-aon  
A ghabhas truas d'a shliochd, a bhios 'n an dilleachdain gum mhaoin.
- 13 Sgrios gu robh air a ghineil-san,  
g'an sgathadh as gu léir ;  
Gu'n cuirear as an ainm air fad,  
's an àl a thig 'n an déigh.
- 14 Aingidheachd 'aithriche gu'n robh air chuimhn' aig Dia a ghnàth :  
Is ciont' a mhàthar mar an ceudn' na cuirear as gu bràth.
- 15 Gu robh iad air an taisbeanadh am fianuis Dhé do shòr ;  
A chum gu'n sgathadh e a mach an ionradh as an tìr.
- 16 Oir dhearmaid e bhi tròcaireach,  
is shàruich e am bochd,  
'S an t-ainnis, chum gu marbhadh e neach 'g an robh cridhe goirt.
- 17 Mar thug e toil do mhallachadh,  
mallaicht' biodh e gach là :  
Is mar nach b'ail leis beannachadh,  
na éireadh beannachd dha.
- 18 Amhluidh mar rinneadh leis e féin a chuairteachadh gach àm.  
Le h-eascaint is le mallachadh,  
ceart mar le trusgan team,
- 'S amhluidh gu tigeadh sud gu beachd mar uisge steach 'n a chom,  
'S mar oladh drùidheadh sud gu geur 'n a chnàmhaibh féin gu trom.
- 19 Biodh sud mar eudach uime-san,  
'g a 'fholach air gach tràth :  
Is amhluidh mar an crios a bhios 'g a chrìoslachadh a ghnàth.
- 20 O'n Tighearna gu'n toirear sud do m' naimhdibh mar an duais,  
'S do'n dream an aghaidh m'anam' ta gnàth-labhairt uile gun truas.
- 21 Ach air mo chramm bi thusa, Dhé,  
air sgàth d'ainm' uasail féin ;  
Do bhrìgh gu bheil do thròcair maith,  
dean saoradh dhomh a'm' fheum.
- 22 Oir tha mi aim-beartach gu beachd,  
is tha mi ainnis lom,  
A ta mo chridhe air a lot an taobh a stigh de m' chom.
- 23 Is amhluidh ta mi gabhail sàch mar sgàil a' claonadh sìos ;  
Air m'fhuadach' mar an locust truagh thuig' agus uaith a ris.
- 24 Mo ghlùine ta air failheachadh,  
aig meud mo thrasg a ghnàth ;  
Is m'fheadail aig diobhail sail' is sult' air seargadh as a ta.
- 25 A'm' aobhar fochaid tha mi fòs do'n aitim ud gu léir :



Chrath iad an cinn gu fanoidcach,  
tràth sheall iad orm gu geur.

- 26 Fòir orm, a Thighearna mo Dhia ;  
a'd' thròcair cuidich mi
- 27 Gu'n tuig iad gur i so do làmh,  
's gur tu rinn sud, a Dhé.
- 28 'N tràth bhitheas iad ri mallachadh,  
beannaich-sa sinn gu pailt ;  
Biodh orra nàir', air éirigh dhoibh ;  
ach d'òglachsa biodh ait.
- 29 Gu robh iad air an cuairteachadh  
m'uil' eascairde le nàir' ;  
'S mar shalluinn air an uachdar biodh  
an amhluidh féin le tàir.
- 30 Ach mise, ghnàth, àrd-mholaidh mi  
Iehobhah Dia le m' bheil :  
Is fòs, am measg a' choimhlhionail,  
cuiridh mi 'chliu an céill.
- 31 Oir tha e leis an duine bhoehd  
'n a sheasamh air a bheil ;  
G'a theasairginn o'n dream le 'm b'àill  
'anamsan fhàgail ris.

SALM CX.

1 **T**HUBHAIRT Iehobhah rimo Thriath,  
Bi d' shuidhe air mo dheis,  
D' uil' eascairde gu'n cuir mi dhuit  
'n an stòl fo bhonn do chois'.

2 A Sion cuiridh Dia a mach  
slat-shuaicheantais do neirt.  
'S am builsgéan d'eascairde gu léir  
bi féin a'd' uachdran ceart.

3 Bithidh do phobull taghta féin  
ro-thoilcach mar is còir,  
'S an là sin anns am foillsich thu  
do chumhachda gu mòr :  
Am mais' 's an sgéimh na naomhachd  
o bholg na maidne moich, [ghrinn,  
Mar dhealt a thig a nuas o uèamh,  
tha d'òigradh iomarcach.

4 Do mhionnaich Dia Iehobhah mòr,  
's cha-n aithreach leis gu'n d'rinn,  
Réir orduigh mhaith Mhelchisedeic,  
gur sagart thu gach linn.

5 Au Tighearna ta air do dheis,  
trom-bhuaillear leis gu garg  
Mòr rìghrean làidir cumhachdach,  
's an là a lasas 'fhearg.

6 Bheir esan breth measg fhineachan,  
lìonaidh gach àit gu fìor  
Le corpaibh marbh' : is lotar leis  
na h-uachdrain thar gach tìr.

7 Is anns au t-slighe òlaidh e,  
deoch as na sruthaibh luath' ;  
Is air an aobhar ud fa-dheòidh  
togaidh e 'chcann le buaidh.

SALM CXI.

1 **M**OLAIBHSE Dia, sìor-mholams' a  
le m'uile chridh' gu h-àrd ;  
An coimhlhionail nam fìrean còir,  
's a' chuideachd mhòir 's gach àit.

2 Tha gnìomharan an Tighearna  
iomarcach mòr gu léir ;  
Is leis an dream le'u tlachdmhor iad,  
rannsaichear iad gu geur.

3 Tha 'obair-san ro-urramach,  
ro-ghlòrmhor i gun cheisd ;  
Tha fireantachd Iehobhah fòs  
buan mhaireannach am feasd.

4 A ghnìomhara ro-iongantach,  
air chuimhne chuir gu beachd :  
A ta Iehobhah gràsmhor caoin,  
is làn do thruacantachd.

5 Thug esan biadh is lòn do'n dream  
d' an eagal e a ghnàth,  
'S a choimhcheangal a rinn e leo  
cuimhnichidh e gu bràth.

6 Ncart 'oibre iongantach chuir Dia  
an céill d'a phobull féin ;  
A thabhairt doibh mar sheilbh gu buan  
oighreachd nan sluagh gu léir.

7 Fìrinn is ceartas gnìomh a làmh ;  
'uil' àitheantau tha fìor.

8 Deanta le ceartas fìrinneach ;  
taid scamhach buan do shìor.

9 Shaoradh le Dia a phobull féin ;  
is dh'orduich e am feasd  
A choimhcheangal : tha 'ainm-sau naomh  
is urramach gun cheisd.

10 Se tùs a' ghliocais eagal Dé,  
tha deadh thuigs' aig an dream  
Le'n coimhlionar a reachdasau :  
mairidh a chliu gach àm.

SALM CXII.

1 **O** THUGAIBH moladh mòr do Dhia :  
's beannaicht' au ti gu beachd  
D' an eagal Dia, 's a ghabhas toil  
gu mòr d'a lagh 's d'a reachd.

2 Bidh 'shliochdsan làidir anns au tìr,  
's ro-bheannaicht' sìol nau saoi.

3 Bidh maoin is saobhras mòr 'n a thigh :  
bidh 'cheartas buan a chaoidh.

4 Tràth bhitheas saoi an dorchadas,  
'n sin éiridh solus da :  
Tha e fìor-ghràsmhor tròcaireach  
is cothromach a ghnàth.

5 Is truacant' fòs, deadh-choingheallach,  
an duine maith a chaoidh ;  
Is bheirear leis gu seòlta glic  
a ghnòthuiche gu crìch :

6 Gu dearbh cha tig aon uì am feasd  
le'u gluaisear e gu mòr ;  
Ach cuimhn' is iomradh maith a chaoidh  
bìdh air an fhìrean chòir.

7 Is airsan cha bhì faiteachas,  
air chuinntinn dha droch-sgéil ;  
Tha 'chridhe soerach muinghinneach  
an Dia Iehobhah treun.

8 Tha 'chridhe air a shoerachadh,  
cha bhì air geilt no fiamh,

Gu ruig an uair am faicear leis  
air eascairdibh a mhiann.

- 9 Sgaoil e a chuid, is thug do'n bochd  
's buan 'fhàireantachd an feasd;  
Bìdh 'adharc air a h-àrdachadh  
le urram mòr gun cheisd.

- 10 Cràdhar an daoibh, tràth chi e so;  
casaidh e 'fhiacail gear',  
Seargaidh e as: is sgriosar miann  
nan aingidh ud gu léir.

SALM CXIII.

- 1 **M**OLAIBHSE Dia, O molaibh e,  
òglacha dileas Dé;  
Àrd-mholaibh fòs gu h-urramach  
dead ainm Iehobhah thréin.
- 2 Ainm Dhé biodh beannaichte gu mòr,  
o'n àm so is gu bràth.
- 3 O éirigh gu ruig luidhe gréin',  
ainm Dhé ion-mholta ta.
- 4 'S àrd thar gach tir Iehobhah mòr,  
's a ghloir thar nàmhach fòs.
- 5 Co 's coimeas ris an Tighearna  
ar Dia, ta chòmhnuidh shuas?
- 6 'S esan an neach a chromas sìos,  
's a dh'islicheas e féin,  
Dh'amharc gach ni 's an talamh ta,  
's an nàmhach àrd' nan speur.
- 7 Togaidh e 'n deòradh truagh o'n dus;  
's am bochd o'n òtrach bhreun;
- 8 G'an cur 'n an suidh' le prionnsaibh àrd';  
le prionnsaibh 'phobuill féin.
- 9 Bheir e do'n mhnaoi a ta gun sliochd  
tigh còmhnuidh teaghlaich mhòir';  
Gu bhi 'n a màthair aoibhneach mhac.  
Molaibhse Dia na glòir'.

SALM CXIV.

- 1 **A**IR teachd do Isra'el as an Eiph't,  
's do Iacob mach o'n dream  
'G'an robh an cainnt ro-chruaidh is dhorch  
aig coimhicheas an teang'.
- 2 Bha Iudah dha mar chòmhnuidh naomh,  
bu rìoghachd Isra'el leis.
- 3 Air faicinn sud, ghrad-theich an cuan;  
sruth Iordain phill air ais.
- 4 Mar reithe bras leum beannta suas;  
leum enocan beag' mar uain:
- 5 Iordan, e' arson a phill air d'ais?  
e' arson a theich thu, chuain?
- 6 C'arson a leum sibh, shléibhte àrd',  
mar reithe meargant bràs?  
C'arson, mar uain nan caorach fòs,  
a leum sibh, chnoca glas'?
- 7 O thalaimh, crìothnaich fòs le gcilt,  
roimh ghnùis Iehobhah mhòir;  
O crìothnaich fòs le geilt roimh ghnùis,  
Dhé Iacoib mar is còir!  
Oir thionndaidh e an aillbhinn theann  
gu loch do uisge tàimh,  
'S a' charraig chruaidh gu tobar uisg',  
le cumhachdaibh a làimh'.

SALM CXV.

- 1 **D**HUINNE cha-n ann, a Thriath, cha-n  
ach do d'ainm uasal féin [ann,  
Tabhair an cliu 's a' ghloir, air sgàth  
do ghràis is d'fhirinn réidh.
- 2 C' arson a theireadh fineacha,  
c'àit bheil an Dia a nis?
- 3 Ar Dia a ta air nàmh, is rinn  
gach gnìomh bu toileach leis.
- 4 An ìodhoil 's airgiod iad is òr,  
gnìomh làmhach dhaoine féin.
- 5 Tha béil ac' leis nach labhair iad;  
is sùilean, leis nach léir.
- 6 Tha cluasan ac', 's cha chluinn iad leo;  
is sròin', gun fhàile annt'.
- 7 An làmh gun chli, an cos gun cheum;  
an scornan gun smid chainnt'.
- 8 Iadsan a dhealbh 's a ghéilleas doibh,  
's ro-chosmhuil iad riu féin.
- 9 O Isra'el, deansa bun á Dia;  
'se 'n sgiath, 's an còmhnaidh treun.
- 10 Thigh Aaroin, O dean bun á Dia;  
'se 'n còmhnaidh, is an sgiath.
- 11 Luchd-eagail Dé, làn-earbhaibh as:  
an sgiath 's an neart 'se Dia.
- 12 Iehobhah Dia bha cuimhneach oirn;  
beannaichidh e sinn féin;  
Beannaichear leis tigh Israeil,  
's tigh Aaroin mar an ceudn'.
- 13 Na big 's na mòir d'an eagail Dia,  
beannaichidh e gu caoin.
- 14 Cuiridh e sibh an òmhhoireachd,  
sibh féin 's 'ur sliochd faraon.
- 15 Is beannaicht' sibh o'n Tighearna,  
rinn nàmh is 'l'ar gu léir.
- 16 An talamh thug do chloinn nan daoine;  
's leis féin àrd nàmh nan speur.
- 17 Na mairbh, no'n dream théid tosdach  
do'n uaigh, cha mhol iad Dia. [sìos
- 18 Ach molar leinn e nis, 's gu bràth.  
Molaibh gu h-àrd an Triath.

SALM CXVI.

- 1 **I**S toigh leam Dia, air son gu'n déisd  
's ri m' ghuth, 's ri m' urnaigh fòs.
- 2 A chionn gu'n d'aom e rium a chluais  
sior-éigheam ris ri m' bheò.
- 3 Chaidh umam dòruinn gear a' bhàis,  
ghlac piantan ifrinn mi:  
Thicann-ghlacadh mi le trioblaid thruaigh,  
is àmhghar cruaidh do m' chlaoidh.
- 4 Air ainm Iehobhah ghair mi 'n sin;  
(mar so a' labhair ris),  
O Dhia mo Thighearn, guidheam ort,  
saor m' anam bochd a nis.
- 5 A ta Iehobhah gràs-mhor, ceart;  
's is tròcaireach ar Dia.
- 6 'S e ghleidheas daoine simplidh ciùin':  
lag bha mi, 's dh'fhoir an Triath.
- 7 O m'anam, feuch gu'm pill thu nis,  
gu d' shuaimhneas is gu d' thàmh;



Oir dheònuieh Dia gu saoi bhir dhuit mòr thoirbheartas a làimh'.  
O ghàbhadh is o chumart bàis shaor thusa m'anam bochd ;  
Mo chosan shaor o shleamhnachadh, 's mo shùil o dheuraibh goirt'.

- 9 An sealladh Dhé, an tìr nam beò, gu dìreach gluaisear leam.
- 10 Do bhrìgh gu 'n chreid mi, labhair mi ; 's mi air mo chlaoidh gu trom.
- 11 A'm' dheifir thubhairt mi mar so ; 'S breugach gach duin' air bith.
- 12 Ciod dh' iocas mi do Dhia, air son na rinn e dhomh do mhàith ?
- 13 Cupan a slàinte glacar leam, air ainm Dhé gaiream féin.
- 14 Iocam mo bhòid do Dhia, a nis an làth'r a shluaigh gu léir.
- 15 Aig Dia 's ro-phrèiseil bàs a naomh.
- 16 Dhé, d'òglach 's mi gu beachd ; 'S mi d'òglach, mac do bhanoglaich ; mo chuibhreach sgaoileadh leat.
- 17 Bheir mise ìobairt-molaidh dhuit ; air ainm Dhé gaiream féin.
- 18 Iocam mo bhòid do Dhia, a nis an làth'r a shluaigh gu léir.
- 19 An cùirtibh àluinn àrois Dé, a'd' bhuilsgan féin gu fìor, O chaithir àrd Ierusalem.  
Molaidh an Triath gu sìor.

SALM CXVII.

- 1 **O** THUGAIBH moladh mòr do Dhia, gach fine t'ann fa leth ; Seadh molaidh Dia gu fonnhor àrd, gach uile shluaigh air bith.
- 2 Oir 's mòr a chaoimheas tròcaireach, a dhèdnuich e dhuinm féin ; Tha fìrinn Dé sìor-mhaireannach.  
Molaidh Iehobhah treun.

SALM CXVIII.

- 1 **O** MOLAIBH Dia, oir tha e maith, sìor-mhairidh tròcair Dhé :
- 2 Abradh clann Israeil a nis, gur buan a ghràs gach ré.
- 3 Tigh Aaroin abradh iad a nis, sìor-mhairidh tròcair Dhé.
- 4 Abradh an dream d'an eagal Dia, gur buan a ghràs gach ré.
- 5 A'm' éigin ghair mi air an Triath : fhreagair e mi gu deas, An ionad farsuinn agus réidh shoeruch e mi le treis.
- 6 Tha Dia Iehobhah air mo chrann, cha-n eagal leam a chaidh, Aon nì a dh'fheudas clann nan daoin' a dheanamh orm gu m' chlaoidh.
- 7 Measg luchd mo chuideachaidh tha Dia a' seasamh leam gu beachd : Air luchd mo mhi-ruin, uime sin, chi mi mo mhiamm a' teachd.

- 8 'S fearr na bhì 'g earbs' á duine beò, ar dòchas chur an Dia.
- 9 'S fearr na bhì 'g earbs' á prionnsaibh mòr', ar dòchas chur 's an Triath.
- 10 Do chuairtich umam air gach làimh na dùthchanna gu léir : Ach sgatham agus sgriosam iad, an ainm Iehobhah thréin.
- 11 Do chuairtich iad mi air gach taobh, chuairtich iad mise fòs ; Ach sgatham agus sgriosam iad an ainm Iehobhah mhòir.
- 12 Mar bheachaibh chuairtich iad, ach iad as mar theine dris ; [chaidh Oir ann an ainm Iehobhah thréin ni mi gu léir an sgrios.
- 13 Ga m' leagadh, theann thu orm gu dlùth ; ach chuidich leamsa Dia.
- 14 'Se Dia mo cheòl, 's mo shlàinte fòs, is e mo threòir an Triath.
- 15 Guth gairdeachais is slàinte ta am pàillunaibh nan saoi : Deas lamh Iehobhah uile thréin fhuaradh gu treubhach i.
- 16 Ta gairdean deas an Tighearna air 'àrdachadh gu mòr ; Is rinneadh bearta treubhantais le deas làimh Dhé na glòir'.
- 17 Cha-n fhaigh mi bàs, ach maiream beò, is innseam oibre Dhé.
- 18 Throm-smachdaich Dia mi, ach gu bàs cha d'thug e thairis mi.
- 19 O fosglaibh dhomh gu farsuinn réidh geatan an ionracais : Is racham orrasan a-steach ; Iehobhah molaidh mis'.
- 20 So dorus Dé, air 'n téid a steach na daoine còire naomh'.
- 21 Sìor-mholam thu, oir chual' thu mi ; is tu mo shlàinte chaomh.
- 22 A' chlach a dhùilt na clachairean, clach-chinn na h-òisinn i.
- 23 'S e Dia rinn sud, 's ro-iongantach 'n ar suilibh-ne an gnìomh.
- 24 So féin an là a dh'orduich Dia, 's am bì sinn suilbhir ait.
- 25 Fòir, guidheam, guidheam ort, a Dhé ; nis soirbhich leinn gu pailt.
- 26 Beannaicht' gu robh an neach a thig an ainm Iehobhah thréin : Thug sinne beannaichd oirbhe mach, á tigh Iehobhah féin.
- 27 'S e Dia Iehobhah dhealraieh oirnn ceanglaibh le cordaibh cruaidh, Rì adharcaibh na h-altair' naoimh', an ìobairt bheir sibh uaibh.
- 28 'S tusa mo Dhia, is molam thu : àrdacham thu, mo Dhia.
- 29 O molaibh Dia, oir tha e maith sìor-mhairidh gràs an Triath.

## SALM CXIX.

## ALEPH.

- 1 'S BEANNAICHT' an dream tha foirfe  
's an t-slighe dhùirich cheirt; [glan  
An dream a ghluaisèas ann an lagh  
àrd-Thighearna nam feart.
- 2 'S beannaicht' an aitim ud faraoa  
le 'n coimhdear teistèas Dé,  
'S a dh'iarraas e gu dìchiollach,  
le 'n uile chridhe féin.
- 3 'Na shlighibhsan sior-ghluaisear leo,  
's cha dean iad aingidheachd.
- 4 Dh'àithn thu dhuinn gu coimheadamaid  
gu dìchiollach do reachd.
- 5 O stiùir mo cheum, 's gu coimhdear leam  
do reachda dìreach féin!
- 6 Cha ghabh mi nàir', tràth bheir mi spéis  
do d'aitheantaibh gu léir.
- 7 Le cridhe treibhdhireach gun ghò  
mòr-mholam thu gu binn,  
Tràth dh'fhòghlumais mi breitheanais  
do chcartais naomha ghrinnu.
- 8 'S e so mo rùn gu coimhdear leam  
do reachda naomh a ghnàth:  
O Thighearna, na tréig-sa mi  
gu buileach no gu bràth.

## BETH.

- 9 Ciod leis an glan an t-òganach  
a shlighe féin gu ceart?  
Trid faicill mhaith is furachrais,  
réir d'fhocail is do reachd.
- 10 Le m'uile chridhe féin, a Dhé,  
dh' iarradh leam thu gu caomh;  
Na leig dhomh dol air seacharan  
o d'aitheantaibh ro-naomh.
- 11 Air eagal peacaidh, dh'fholuich mi  
a'm' chridhe d'fhocal ceart.
- 12 O teagaisg dhomh do reachda naomh':  
's beannaicht' thu, Dhia nam feart.
- 13 Le m' bhlìbh, breitheanais do bhéil  
nochd mi air fad 's air leud.
- 14 Slighe do theisteis b'aoibhnich' leam,  
na saobhreas mòr d'a mhead.
- 15 Socraichidh mi mo smuaineachadh  
air àitheantaibh do reachd;  
Air ceumannaibh do shlighe féin  
sior-dhearcaidh mi le beachd.
- 16 Gabhaidh mi tlachd is ciata mhaith  
do d' statuisibh gu léir:  
Air dearmad fòs cha leig mi chaoidh  
deadh fhocal glan do bhéil.

## GIMEL.

- 17 Riumsa ta m'òglach dhuit, a Dhé,  
dean toirbheartas gach àm;  
A chum gu bithinn beò, is fòs  
gu'n coimhdear d'fhocal leam.
- 18 Fosgail mo shùilean, 's chi mi 'n sin  
mòr-iongantais do reachd.
- 19 'S coigreach air thalamh mi; na cèil  
orm d'aitheanta ro-cheart.

- 20 Tha m'anam briste brùite stigh,  
is muladach a ghnàth;  
Aig meud mo thograidh is mo mhianna  
do d'bhreitheanais gach tràth.
- 21 Luchd-uabhair mhallaicht' smachdaich  
a chlaon o d'iarrtus ceart. [thu,
- 22 Cuir spid is masladh fada uam,  
oir choimhleadh leam do reachd.
- 23 A'm' aghaidh labhair prionnsan mòr',  
air suidhe dhoibh le chéil':  
Ach air do statuisibh ro-naomh  
do smuainich d'òglach féin.
- 24 A ta mi 'gabhail tlachd gu mòr  
do d'heisteis naomha féin;  
Is mar an ceudna tha iad dhomh  
'n an comhairlich a'm' fheum.

## DALETH.

- 25 Tha m'anam 'lcantuinn ris an ùir:  
réir d'fhocail beothaich mi.
- 26 Nochd mi mo shlighe', is dh'éisd thu rium:  
seòl dhomh do lagh, a Dhé.
- 27 Air slighe fhior-ghloin d'aitheanta  
thoir dhomhsa tuigse gheur;  
Mar sin air d'òibribh iongantach  
labhran, 'g an cur an céil.
- 28 Tha m'anam leaghadh as le bròn:  
réir d'fhocail deònuich neart.
- 29 Cur slighe bhreugach fada uam;  
a'd' ghràs thoir dhomh do reachd.
- 30 Slighe na firinn foirfe gloin,  
is i bu roghainn leam:  
Is chuir mi do cheart bhreitheanais  
fa m' chomhair féin gach àm.
- 31 Leam mi gu dlùth 's gu faicilleach  
ri d' theisteis naomha féin:  
Na cuir gu h-amhladh nàire mi,  
O Thighearna ro-thréin.
- 32 An slighe fhior-ghloin d'aitheanta  
sior-ruithidh mi le tlachd;  
Tràth nithear leat mo chridhe teann  
a chur am farsuinneachd.

## HE.

- 33 Slighe do statuin teagaisg dhomh,  
O Dhia Ichobhah thréin.  
Is coimhdeam i gu dìchiollach,  
gu crìch mo shaoghail féin.
- 34 Tuigs' agus còlas tabhair dhomh,  
is coimhaidh mi do reachd;  
Is fòs le m'uile chridhe féin  
coimhdear leam e gu beachd.
- 35 An ceum do lagh' thoir orm bli triall  
oir leam 's ro-thlachdmhor e.
- 36 Gu d' theisteis naomh', 's cha-n ann gu  
mo chridhe lùb, a Dhé. [sànu
- 37 Mo shùile pill mu'n amhaire mi  
air diomhanas gun stà:  
Ach ann do shlighibh naomha féin  
ath-bheothaich mi a ghnàth.
- 38 O daingnich d'fhocal firinneach  
do d'òglach féin gu mòr:



Do'n neach thug suas e féin air fad  
do d'eagal mar is còir.

- 39 Pìll uam an nàir a's eagal leam ;  
oir 's maith do bhreth, a Dhé.  
40 Feuch, 's miannach leamsa d'àitheanta :  
a'd' cheartas beothaich mi.

VAU.

- 41 Thigeadh do thròcair mar an ceudn'  
a m'ionnsuidh féin, a Dhé ;  
Do chomhfhurtachd, 's do shlàinte  
a réir do gheallaidh féin. [chaomh,  
42 Mar sin do'n neach bheir masladh dhomh,  
bidh agam freagradh deas :  
Oir ann ad fhocal firinneach  
mo dhòchas cuiridh mis'.  
43 Focal na firinn na buin leat  
gu h-iomlan as mo bheul ;  
Oir ann ad bhreitheanas ro-cheart  
a ta mo dhòchas féin.  
44 Mar sin gu suthain is gu sior,  
gnàth-choimhdidh mi do reachd :  
45 Air son gu'n iarram d'àitheanta,  
gluaiseam am farsuinncachd.  
46 Rì righribh labhram air do theist,  
gun amhluidh orm no sgàth.  
47 Is gabham tlachd do d'àitheantaibh,  
's ann doibh a thug mi gràdh.  
48 Rì d'àitheantaibh d'an d' thug mi toil,  
togam mo làmh a féin :  
Is ann ad statuisibh ro-naomh  
bitheam ri cnuasachd ghéir.

ZAIN.

- 49 Cuimhnich am focal ud, a Dhé,  
do d'òglach féin a nis,  
Thug thu mar bharrant dòchais dhomh,  
's thug orm gu'n d'earb mi ris.  
50 'S e so mo chomhfhurtachd ro-mhòr  
a'm' theinn 's a'm' àmhghar geur :  
Oir rim do bhriathar firinneach  
m'ath-bheothachadh gu treun.  
51 Bha mi mar aobhar fanoid mhòir  
aig daoineibh àrdanach ;  
Gidheadh cha d' aom mi o do lagh,  
le claoanadh seachranach.  
52 Do bhreitheanas a ta o chian,  
chuimhnich mi, Dhia, gu léir :  
Is ghilac mi thugam féin an sin  
deadh chomhfhurtachd a'm' fhèum.  
53 Air son gu'n d' thréig an daoi do lagh,  
ghlac uamhuinn mi gu mòr.  
54 An tigh mo chuairt is m'eil-thire,  
do statuin b'iad mo cheòl.  
55 Chuimhnich mi d'ainm 's an oidhech', a  
is choimhdeadh leam do reachd. [Dhé,  
56 B'e so mo chuid, oir choimhid mi  
d'iarrtuis, a Dhé, gu beachd.

CHETH.

- 57 Mo chuibrionn is mo chrannchur thu,  
O Thighearn is a Dhé ;

Le gealladh cinnteach thubhairt mi,  
gu coimhdinn d'fhocal féin.

- 58 Le m'uile chridhe dh'iarr mi ort  
do ghuais 's do ghràsa saor :  
A réir do bhriathair fhirinnich,  
dean tròcair orm gu caoin.  
59 Do chnuasaich mi mo shlighe féin,  
's ri d' theistias phill mo chos.  
60 Rinn deifir choimhead d'àitheanta  
's nior ghabh mi tàmh no fois.  
61 Chreach buidheann aingidh mi ; gidheadh  
nior dhearmaid mi do reachd.  
62 Eiream mu mheadhon oidhech, chum  
gu molam do bhreth cheart.  
63 'S fear-comuinn mi is companach  
do n' dream d'an eagal thu ;  
'S do 'n aitim ud a choimhdeas fòs  
d'fhìor-àitheantan gu dlùth.  
64 A Thighearna, tha'n talamh làn  
do d' ghràs 's do d' thròcair chaoimh :  
Tuigs' agus eòlas tabhair dhomh  
a'd' statuisibh ro-naomh.

TETH.

- 65 Do d'òglach rinn thu maith, a Dhé,  
a réir do bhriathair cheirt.  
66 Deadh tuigs' is eòlas teagaisg dhomh,  
oir chreid mi féin do reachd.  
67 Mun robh mi 'n teinn, air seachran  
ach d'fhocal ghléidh mi nìs. [chaidh :  
68 'S maith thus', is nithear maithas leat :  
a'd' statuin teagaisg mis'.  
69 A'm' aghaidh luchd an àrdain bhuirb  
dhealbh breuga baotli le chéil' :  
Ach gleidhidh mise d'àitheanta  
le m' chridhe féin gu léir.  
70 Tha 'n cridhe-san co reamhar fòs,  
ri saill aig meud an sògh :  
Ach gabhaidh mise tlachd dhomh féin  
a'd' laghsa, Dhé, gach lò.  
71 'S maith dhomhs' a nis gu robh mi féin  
an teinn 's an àmhghar geur,  
A chum gu fòghlumainn le beachd  
do statuin cheart gu léir.  
72 'S fearr dhomh gu mòr an lagh a ta  
a' teachd o d' bheul a mach,  
Na mìlte mòr do'n airgidh ghlan,  
's do'n òr a's deirge dreach.

IOD.

- 73 Do rinn, 's do dhealbh do làmh an mi ;  
dean tuigsach mi d'a réir.  
A chum gu faighinn eòlas maith  
Air d'àitheantaibh gu léir.  
74 Tràth chi luchd d'eagail mi, bi'd ait :  
oir dh' earb mi as do theist.  
75 Dhia, 's ceart do bhreitheanas, 's le còir  
leòn thusa mi gun cheisd.  
76 Dhé, guidheam, ort, do thròcair chaoimh  
bhi dhomh mar chomhfhurtachd :  
A réir an fhocail labhair thu  
ri d'òglach féin gu beachd.

- 77 O thigeadh thugam féin a nis  
do thròcar chaomh, a Dhé,  
Ga m' chumail beò : oir 's e do lagh  
mo thlachd 's mo mhiann gach ré.
- 78 Biodh nàir' air luchd an àrdan mhòir,  
bhuin riumsa, gun chion-fàth,  
Gu fealltach fiar : ach smuainicheam  
air d'aitheantaibh a ghnàth.
- 79 Pilleadh luchd d'eagail rium, 's an dream  
ta eòlach air do theist.
- 80 Gu robh mo chridhe ceart a'd' reachd,  
nach nàraichear mi 'm feasd.

## 2. CAPH.

- 81 Tha m'anam air a chlaoidh gu mòr,  
feitheamh do shlàinte, Dhé :  
Ach tha mo dhòchas bunaiteach  
a' d' fhocal tairis féin.
- 82 A' feitheamh d' fhocail chaith mo shùil :  
furtachd, O c'uin a ni ?
- 83 Oir taim mar shearraig anns an toit ;  
's do reachd nìor dhearmaid mi.
- 84 Cia lion iad làithean d'òglach féin ?  
is fòs, a Dhé, cia uair  
Chuireas tu breitheanas an gnìomh  
ora ta orms' an tòir ?
- 85 An dream ta làn do 'n àrdan bhorb,  
chladhaich iad dhomh gu beachd  
Sluichd dhomhain, chum mo ghlacadh  
nach robh a réir do reachd. [leo,
- 86 An tòir gu fealltach tha iad orm ;  
Dhé, cuidich leam gu grad :  
Oir tairis agus frinneach  
tha d'aitheantan air fad.
- 87 Air talamh chaidh ach beag mo chlaoidh ;  
nìor thréig mi d'iarrtus naomh.
- 88 'S gu'n coimhdinn teisteanas fìor do bhéil,  
ath-bheothaich mi gu caomh

## 3. LAMED.

- 89 Tha d'fhocail bunaiteach gu bràth,  
's na nèamhaibh àrd, a Dhé :  
90 Tha d'fhùirinn is do thairisneachd  
buan-mhaireannach gach ré :  
Do dhaingnicheadh an talamh leat,  
's na sheasamh tha d'a réir.
- 91 Taid buan an diugh réir d'orduigh féin ;  
do mhuinntir iad gu léir.
- 92 Mur bhith gu 'n ghabh mi ciata mhòr  
do d'fhocal frinneach,  
Ghrad-fhàilnichinn is gheibhinn bàs  
a'm' àmhghar iomarcach.
- 93 D'iarrtus cha d'chluimhnich mi chaidh ;  
oir bheothaich thu mi leo.
- 94 'S leat mi, fìor orm ; oir dh'iarr mi féin  
d'aitheanta-sa gach lè.
- 95 Bha luchd an uile gu furachar  
ga m' fheitheamh chum mo sgrios ;  
Ach air do theisteanas frinneach  
le m' smuaintibh dearcaidh mis'.
- 96 Chumnaic mi crìoch gach ni a ta  
a' bheatha so d' a mheud :

Ach d'aithean tha gun tomhas fòs  
aig farsuinneachd is leud.

## 2. MEM.

- 97 Cia ionmhuinn leam do laghsa, Dhé !  
mo smuaineach' e gach là.
- 98 Thar m'eascar thug thu gliocas dhomh  
le d' reachd, ta leam a ghnàth.
- 99 Is tuigsich' mi n'an aitim ud  
thug teagasg dhomh gu léir ;  
Bhrìgh gur ann air do theisteanas naomh  
taim smuaineachadh gu geur.
- 100 Taim tuigseach eagnuidh fòs os ceann  
gach seanair anns an tìr :  
Air son gun choimhleadh leam gu  
iarrtus do reachd gu fìor. [beachd
- 101 Phill mi mo chos o ròd gach uile,  
gu'n coimhdinn d'fhocal ceart.
- 102 Nìor chlaon mi fòs o d' bhrèitheanais ;  
oir theagaisheadh mi leat.
- 103 Le m' bhlas cia milis, O mo Dhia,  
do bhriathra ceart gu léir !  
do m' chàircan 's mìlse iad gu mór  
na mil air feadh mo bhéil.
- 104 Tre d'aitheanta taim faghail fòs  
tuigs' agus eòlais mhaith ;  
Is uime sin 's ro-fhuathach leam  
gach slighe cham air bith.

## 3. NUN.

- 105 Is lòchran d'fhocal féin do m' chois,  
solus do m' cheum gu beachd.
- 106 Do mhiannaich mi, 's ni mi d'a réir :  
gu'n coimhdinn féin do reachd.
- 107 Tha mis' an trioblaid iomarcaich,  
O Thighearna nam fear :  
A réir an fhocail labhair thu,  
ath-bheothaich mi le d' neart.
- 108 Gabh uam gu taitneach, guidheam ort,  
ofraill mo bhéil a nis,  
A bheir mi dhuìt gu toileach saor ;  
stiuir mi a'd' bhrèitheanais.
- 109 Tha m'anam bochd a'm' làimh a ghnàth :  
ach chluimhnich mi do reachd.
- 110 Leag droch dhaoir' romham lion ; gidh-  
nìor chlaon o d'iarrtus ceart. [eadh
- 111 Do theisteis fhior ghabh mise féin  
mar m' oighreachd bhuan am feasd ;  
Oir 's iad a bheir do m'chridhe leòint'  
mòr-shubhachas gun cheisd.
- 112 Dh'aom mi mo chridhe fòs a chum  
gu deanar leam a ghnàth,  
Do statuin cheart a chur an gnìomh,  
o so a mach gu bràth.

## 2. SAMECH.

- 113 Is fuath leam smuainte dìomhanach ;  
do d' reachd ach thug mi gràdh.
- 114 'S tu m' ionad-foluich, 's tu mo sgiath :  
a d'fhocal m' earbsa ta.
- 115 O sibhs' a chleachd bhi deanamh uile,  
imichibh uam a nis ;



Oir àitheanta mo Thighearna  
le cùram coimhdidh mis'.

- 116 Réir d'fhocail dcan mo chumail suas,  
a chum gu mairinn beò ;  
'S na leig fo nàire mi, fa chùis  
mo dhòchais féin gach lè.
- 117 Neartaich mi, 's tearnaidh mise slàn ;  
sior-dhearcam air do reachd.
- 118 Shaltair thu air na chlaon o d' lagh ;  
oir 's breug am feall gu beachd.
- 119 Mar shal droch-mhiotail tilgear uait  
gach daoi air thalamh ta :  
Is uime sin 's ro-chaomh leam féin  
teisteis do bhéil a ghnàth.
- 120 Do chrìothnaich m'fheòil fa'n cagal ud  
a ghabh mi romhad féin ;  
Is lionadh mi le uanhuinn fòs,  
fa d' bhrèithcanais gu léir.

2. AIN.

- 121 Rinn mi breth chothromach ; na fàg  
fo iochd luchd m' fhòirneir mi.
- 122 Air d'òglach 'n urras bi chum maith ;  
na leig luchd-buirb do m' chlaoidh.
- 123 Mo shùilean tha air fàilueachadh  
feitheamh do shlàinte, Dhé ;  
'S a' feitheamh gus an coimhlionar  
deadh bhriathar ceart do bhéil.
- 124 Rì d'òglach buin a réir do ghràis,  
seòl dhomh do lagh gu beachd.
- 125 'S mi d'òglach, tabhair eòlas domh,  
gu'n tuiginn féin do reachd.
- 126 'S mithich dhuit gnìomh a thaisbeanadh,  
a Dhé Iehobhah thréin :  
Oir sgaoilleadh agus bhriseadh leò  
d'àitheanta naomh' gu léir.
- 127 Fa'n aobhar ud, O Thighearna,  
gu dearbh is ionmhuinn leam  
D'àitheanta féin os ceann an òir,  
an òir a's fearr a' t'ann.
- 128 Measam d'uil'-iarrtuais, uime sin,  
bhi anns gach aon nì ceart ;  
Is fuathach fòs le m' chridhe féin  
gach slighe bhréig' gu beachd.

3. PE.

- 129 Tha d'fhocal is do theisteis féin,  
a Dhé, ro-iongantach :  
Is uime sin nì m'anam bochd  
'n coimhead gu cùramach.
- 130 Bheir tionnsgnadh d'fhocail solus maith  
ri dol a stigh 'n a phàirt ;  
Do dhaoibh simplidh aineolach,  
do bheir e eòlas àrd.
- 131 Gu farsuinn dh'fhosgail mi mo bheul,  
a' ploscartaich gu mòr :  
Fa mheud mo thoil' do d'àitheantaibh  
bhiom muladach gu leòr.
- 132 Seall agus amhaire orm, a Dhia,  
dean tràdair orm gu caomh ;  
Mar rinneadh leat a ghnàth do'n dream  
le'm b'ionmhuinn d'ainm ro-naomh.

- 133 Peacadh na biodh an uachdar orm ;  
a'd' fhocal stiùir mo cheum.
- 134 O fhòirneart dhaoine teasaig mi ;  
is coimhdeam t'iarrtuais féin.
- 135 Dealradh do ghnùis' air d'òglach tog,  
seòl dhomh do statuinn cheart.
- 136 Ruith srutha dheur o m' shùilb fòs,  
air briseadh leo do reachd.

4. TSADDI.

- 137 'S ro-chothromach thu féin, a Dhé,  
's is dìreach réidh do bhreth.
- 138 Do theisteis dh'àithn thu dhuinn, a ta  
ro thairis ceart gach leth
- 139 Do rinn mo ghràdh is m'eud ro-mhòr  
mo chaitheadh as gu léir ;  
Do bhrìgh gu'n dhearmaid m'eascairde  
deadh bhriathra ceart do bhéil.
- 140 'S ro-fhiorghlan d'fhocal ; uime sin  
's ionmhuinn le d'òglach e.
- 141 Taim suarach beag, gidheadh do reachd  
air dichuimhn' nìor leig mi.
- 142 Do cheartas féin is ceartas e  
ta sìorruidh buan gu bràth ;  
Is amhluidh sin do lagh ro-cheart  
'n a fhìrinn ghloin a ta.
- 143 Ghlac trioblaid mi, is ghabh orm greim  
teinn agus àmhghar gear ;  
Gidheadh a ta mo thlachd gu mòr  
a'd' àitheantaibh gu léir.
- 144 Ceartas do theisteis féin, a Dhé,  
tha sìorruidh buan gun cheisd :  
Deadh thuigse tabhair thusa dhomh,  
is bitheam beò am feasd.

5. KOPH.

- 145 Ghlaoth mi le m' uile chridh' ; a Dhé  
éisd, 's coimhdidh mi do reachd.
- 146 Ghlaoth mise riut, fòir orm ; 's an sin  
coimhdeam do theist gu beachd.
- 147 Do thionnsgain mi roimh 'n chamhan-  
is ghlaoth mi riutsa, Dhé ; [aich,  
Oir tha mo dhòchas bunaiteach  
a'd' fhocal daingean féin.
- 148 Mo shùilean tha nì's furachair'  
na forair' theann na h-oidhech' ;  
A chum gu bithinn smuaineachadh  
air d'fhocal féin a chaidh.
- 149 A réir do chaoimhneis thrèairich  
éisd féin ri m' ghuth a nis :  
A réir do bhreitheanais ro-mhòir,  
Iehobhah, beothaich mis'.
- 150 Luchd leanmhuinn uile tha teannadh  
a ta iad fad o d' reachd. [orm :
- 151 Dhé, tha thu 'm fagus : agus tha  
d'uil' iarrtuais fìor is ceart.
- 152 Fa thimechioll fòs do theisteas naomh',  
o thoiseach b'fhiosrach mi,  
Gu'n d'rinneadh leat an socrachadh  
a chum bhi buan gach ré.

RESH.

- 153 Amhaire, a Dhé, air m'àmhghar goirt,  
is fuasgail orm a'm' fheum ;  
Fa'n aobhar nach do dhearmaid mi  
an reachd a dh'àithn thu féin.
- 154 Tagair mo chùis, is fuasgail orm ;  
réir d'fhocail cum mi beò.
- 155 'S fad slàint' o luchd an uile : air son  
do reachd nach iarrar leo.
- 156 'S ro-lionmhor mòr do thròcair chaomh  
a Thighearn is a Dhé :  
A réir do bhreitheanais ro-cheirt  
dean beothail ealamh mi.
- 157 'S lionmhor luchd leannhuinn orm an  
is m' eascairde faraon ; [toir  
Ach mis' o d' theistear firinneach,  
cha deach' air seachran claon.
- 158 Chunnaic mi peacach, chràidh sud mi,  
do reachd oir bhriseadh leo.
- 159 Feuch mar is ionmhuinn leam do lagh ;  
a'd' chaoimhneas cum mi beò.
- 160 A Thighearna tha d'fhocal féin  
o thoiseach daingean fìor ;  
Is tha do bhreitheanais air fad  
ceart agus buan gu sìor.

W. SCHIN.

- 161 Bha prionnsan làidir orm an tòir,  
gun aobhar no cion-fàth ;  
Ach air mo chrìdh' tha eagal mòr  
roimh d'fhocal féin a ghnàth.
- 162 Tha aiteas orm ri d'fhocal maith,  
mar neach fhuair creach gun tòir.
- 163 'S oilleil 's is fuath leam breug ; ach  
mi gràdh do d' lagh gu mòr. [thug
- 164 Tha mi a' tabhairt molaidh dhuit  
seachd uairean gach aon là,  
Air son do bhreitheanais gu léir  
ta ceart, a Dhé, gu bràth.
- 165 'S mòr sìth na muinntir uì a ta  
a' tabhairt gràidh do d' reachd ;  
Cha-n éirich tuisleadh idir dhoibh,  
no oilbheum fòs gu beachd.
- 166 Ri d'shlàinte dh'fheith mi féin, a Dhé ;  
coimhcam do reachd air chòir.
- 167 Do theisteis choimhid m'anam féin ;  
's ionmhuinn leam iad gu mòr.
- 168 Do theisteis agus d'àitheanta,  
do choimhdeadh leam a ghnàth ;  
Oir tha mo shligheanna gu léir  
fa d' chomhair féin gach là.

R. TAU.

- 169 Thigeadh mo ghlaodh am fagus duit,  
a'd' fhianuis féin, a Dhé :  
Is fòs réir d'fhocail fhirinnich  
dean tuisgeach eòlach mi.
- 170 A'd' làthair thigeadh m' atachuinge ;  
réir d'fhocail ormsa fòir.
- 171 Air teagasg dhuit do statunn dhomh,  
mo bheul bheir dhuitse glòir.

- 172 Labhraidh mo theang' air d'fhocal fìor ;  
oir tha d'uil' iarrtuais ceart.
- 173 Deanadh do làmhsa còmhnaidh leam ;  
oir ròghnaich mi do reachd.
- 174 A' feitheamh air do shlàinte, Dhé,  
bhìom féin gu tuirseach trom ;  
Is mar an ceudna tha do reachd  
ro-thlachdmhor ciatach leam.
- 175 Deònuich do m'anam bochd bhi beò,  
is dhuitse bheir e glòir :  
Is deanadh do cheart-bhreitheanais  
deadh chòmhnaidh dhomh le fòir.
- 176 Do chaidh mi féin air seacharan  
mar chaoraich chailte thruaigh :  
Iarr d'òglach, oir cha d'leig do d' reachd  
dol as mo chuimhne uam.

SALM CXX.

- 1 **A** 'M' éigin ghlaodh mi suas ri Dia,  
is dh' éisd e rium gach ré.
- 2 O'n teangaidh chealgach, m'anam saor ;  
's o bheul nam breug, a Dhé.
- 3 Ciod bheirear dhuit, no nithear ort,  
a theangadh làn do glò ?
- 4 Mar shaighdibh laoiach, 's iad geuraichte,  
mar eibhlibh aiteil beò.
- 5 Mo thruaighe mi, gu bheil mo chuairt  
'am Mesech ; is mo thàmh  
Am bùthaibh Chedair choigrich bhuirb,  
gu muladach gun dàimh !
- 6 Rinn m'anam còmhuidh fhada bhuan  
le neach thug fuath do shìth.
- 7 Gu cogadh tha iad togarach ;  
air sìth 'n tràth labhras mi.

SALM CXXI.

- 1 **M**O shùile togam suas a chum  
nam beann, o'n tig mo neart.
- 2 O'n Dia rinn talamh agus nàmh,  
tha m'fhurtachd uile teachd.
- 3 Cha leig do d' chois air chor air bith  
gu'n sleamhnuich i gu bràth ;  
Tàmh-neul cha tig sin air an neach  
's fear-coimhid ort a ghnàth.
- 4 Feuch, air fear-coimhid Israeil,  
codal cha-n aom no suain :
- 5 'S e Dia d'fhear-coimhid ; 'se do sgàil  
air do làmh dheis gu buan.
- 6 A' ghrian cha bhuail i thu 's an là,  
no ghealach fòs 's an oidhcl'.
- 7 Nì Dia do choimhead o gach ole ;  
nì d'anam dhìon a chaoidh.
- 8 Do dhol a mach, 's do theachd a steach,  
coimhididh Dia a ghnàth ;  
O'n aimsir so a nìs a t'ann,  
's o sin a mach gu bràth.

SALM CXXII.

- 1 **D**HA aoibhneas orm tràth thubhairt iad,  
Gu tigh Dhé theid sinm suas.
- 2 A'd' dhorsaibh, O Ierusalem,  
ar cosa seasaidh fòs.



- 3 Ierusalem mar chaithir i,  
thogadh gu dileas dlùth ;
- 4 D'an tèid na treubhan suas gu léir,  
's iad treubhan Dhé nan dùl :
- Gu teistias Isracil, a chum  
ainm Dhé gu moladh iad.
- 5 Oir caithrichean chum breth tha'n sin ;  
's le teaghlach Dhaibhidh iad.
- 6 Sior-ghuidhibh do Ierusalem  
sith-shàimh is sonas mòr :  
A' mhuinntir sin le'n ionmhuinn thu  
soirbhichidh iad gu leòr.
- 7 An taobh a stigh do d' bhallachaibh,  
biodh sith is sonas maith ;  
Deadh shoirbheas fòs gu robh gu bràth  
a'd' lùchairt àird a stigh.
- 8 Air sgàth mo bhràithrean 's luchd mo  
dhuit guidheam sith a ghnàth. [ghaoil,
- 9 Air sgàth tigh naomh ar Tighearn Dia,  
iarram do leas gu bràth.

SALM CXXIII.

- 1 **M**O shùile togam riutsa ta  
'n còmhnuidh air nàmh nan speur.
- 2 Feuch, mar tha sùil nan seirbhisich  
air làimh am maighstir féin,  
'S mar shùile banoglaich air làimh  
a ban-tighearn faraon,  
Feithidh ar sùil air Dia, gus 'n dean  
e tròcair oirnn gu caoin.
- 3 Dean tròcair oirnn, Iehobhah Dhia,  
dean tròcair oirnn gu luath ;  
Oir tha sinn air ar lìonadh làn  
do tharcuis is do fluath.
- 4 Le fanoid luchd na scasgaireachd,  
lìonadh ar n-anam bochd ;  
'S le spid na muinntir ud a ta  
làn àrdain is an-ìochd

SALM CXXIV.

- 1 **N**IS abradh Isracil gu fìor,  
mur biodh Iehobhah leinn :
- 2 Mur biodh Iehobhah as ar leth,  
tràth dh'éirich daoine ruinn ;
- 3 'N sin dheantadh leo ar slugadh beò,  
'n tràth las an corruich ruinn.
- 4 Is ruitheadh tharunn tuite bras,  
sruth làidir thar ar ceann.
- 5 'N sin rachadh thar ar n-anam bochd,  
na tuitlean àrd' gu léir.
- 6 Moladh do Dhia, nach d' thug e sinn  
mar chreich d'am fiachaibh geur'.
- 7 Mar eun á lion an cunadair,  
ar n-anam truagh chaidh as :  
Bhriseadh an lìon is sgaoileadh e,  
is shaoradh sinn gu cas.
- 8 Ar còmhnaidh ta 's ar cuideachadh  
an ainm Iehobhah thréin :  
An neach a rinn an talamh fòs,  
's a chruthaich nàmh nan speur.

SALM CXXV.

- 1 **T**HA'N dream ni dòchas ann an Dia  
mar shliabh Shìoin a ghnàth,  
Nach feudar fòs a charuchadh,  
ach mhaireas ann gu bràth.
- 2 Ceart mar a ta na beannta tric  
timchioll Ierusalem,  
Tha Dia mar sin, a nis 's gu sìor,  
timchioll a phobuill féin.
- 3 Oir slat luchd-uile cha ghabh i tàmh  
air chrann nan daoine còir :  
Eagal gu'n sin na fìreanaich  
an làmh gu peacadh mòr.
- 4 An aitim ud tha maith, a Dhé,  
do mhaithreas pàirtich leò ;  
Is leis an dream tha tréibhdhireach  
's 'nan cridhe ta gun ghò.
- 5 Ach iadsan uile théid a thaobh  
d'an slihibh claon le chéif',  
Iomainidh Dia le luchd an uile.  
'S bidh sith air Isracil.

SALM CXXVI.

- 1 **'N** TRATH thug Iehobhah air a h-ais  
bruid Shìoin, b' ionnan sinn  
Is daoine chunnaic aisling mhòr,  
's a mhosgail as an suain.
- 2 Lìonadh ar beul le gàir an sin,  
's ar teagadh fòs le ceòl ;  
Am measg nan cinneach thubhairt iad,  
Rinn Dia dhoibh bearta mòr'.
- 3 Rinn Dia mòr-bhearta air ar son,  
chuir oirne gairdeachas.
- 4 Iehobhah, pill ar bruid a ris,  
mar shruth 's an àirde deas.
- 5 Iadsan a chuir gu deurach sìol,  
gu subhach ni iad buain.
- 6 An neach gu cur a théid a mach  
le sìol ro-phlàiseil caoin,  
Air bhith dha gul gu muladach,  
'g a iomchar sud gu fonn,  
Le h-aiteas pillidhe e gu dearbh,  
a' giùlan sguaba trom'.

SALM CXXVII.

- 1 **M**UR tog Iehobhah féin an tigh,  
luchd-togail tha iad faoin ;  
Mur gléidh Iehobhah 'm baile fòs,  
luchd-faire chaill an saoth'r.
- 2 Dhuibh 's dìomhain bhì ri moch-eirigh,  
's an oidhech' ri caithris bhuaìn,  
Bhì 'g itheadh arain bròin ; mar sin  
d'a sheirein bheir e suain.
- 3 'Se Dia bheir toradh bronn mar dhuais ;  
mar oighreachd bheir e clann.
- 4 Bidh mic na h-òig' mar shaighdibh geur',  
'n làimh ghaigich thréin gach àm.
- 5 Is sona 'm fear 'gam bì dhiubh sud  
a ghlac 's a dhorlach làn ;  
Gun rughadh labhraidh iad 's a' gheat'  
r' an naimhidh olc gu dàn.

SALM CXXVIII.

- 1 **S** BEANNAICHT' gach aon neach air  
eagal Iehobhah mhòir; [am bheil  
Is ann an slighibh fìorghlan Dé  
stìùireas a cheum air chòir.
- 2 Oir toradh gnòmh do làmhla féin,  
ithidh tu e gu h-ait:  
Beannaichear thu gu mòr mar sin,  
's bidh sonas ort gu pailt.
- 3 Mar fhìonain tharbhaich bidh do bhean  
'n taobh stigh do d'fhàdaich féin;  
Do chlann mar òg chroinn-olaidh ùir  
timchioll do bhùird gu léir.
- 4 Feuch, 's amluidh sin a bheannaichear  
an neach d'an eagal Dia.
- 5 A Sion gheibh thu beannachadh,  
is sonas pailt o'n Triath;  
Is chi thu maith Ierusalem  
ré fad do làith' gu léir.
- 6 Seadh, clann do chloinne chi thu fòs,  
is sìth air Israel.

SALM CXXIX.

- 1 **B**U tric a chràidh iad mi o m' oig',  
deir Israel gu truagh:  
2 O m' òige chràidh iad mi gu tric,  
gidheadh cha d' thug iad buaidh.
- 3 'N luchd-treabhaidh threabh iad air mo  
tharruing iad claiscan fad. [dhrum;  
4 Ach 's ceart Iehobhah, 's bhriseadh leis  
cordan nan daoibh gu grad.
- 5 Air naimhdeibh Shìoin gu robh nàir',  
's rachadh air cùl gu luath:  
6 Mar fheur air mullach tighe ta,  
a shearg mu'n d'fhàs e suas:  
7 Ni leis nach lìonar glac an fhir  
a bhios gu tric a' buain;  
Is leis nach lìonar sgiath an ti,  
a bhios ri ceangal sguab.
- 8 Ni mò their luchd an rathaibh riu,  
Gu robh oirbh beannachd Dhé;  
Tha sinne fòs 'gar beannachadh,  
an ainm Iehobhah thréin.

SALM CXXX.

- 1 **O** 'N doimhne, O Iehobhah Dhé,  
do ghlaodh mi riutsa suas.
- 2 Dhia, éisd ri m' ghuth gu furachar;  
's ri m'urnuigh crom do chluas.
- 3 Ma chomhraichear leat aingidheachd,  
a Dhé, cò sheacas riut?
- 4 Ach agad-sa ta iochd: a chum  
gu'n strìochd' a'd' eagal dhuibh.
- 5 Ri Dia tha mise feitheamh, fòs  
tha m'anam feitheamh ris;  
Is ann a bbriathar firinneach  
mo dhòchas' cuiridh mis'.
- 6 Tha m'anam bochd ni 's furachair'  
a' feitheamh Dhé a ghnàth,  
Na bhios luchd faire maidne fòs  
ri sgarachdainn nan tràth:

- Ni 's furachair', a deiream fòs,  
'g a fheitheamh-san gun ghò,  
Na bhios luchd-faire anns an oidhech'  
ri teachd a steach do'n lò.
- 7 Biodh dòchas Israeil an Dia:  
oir tha a thrèacair mòr;  
'S ann aig an Tighearna gu beachd  
tha fuasgladh pailt gu leòr.
- 8 Is bheir e féin gun cheisd air bith  
d'a phobull Israeil,  
Làn-shaorsadh agus fuasgladh glan  
o'n aingidheachd gu léir.

SALM CXXXI.

- 1 **M**O chridhe cha-n 'eil àrdanach,  
no fòs mo shùil, a Dhé;  
Nior ghluais mi ann an cùisibh mòr',  
a's àirde na mi féin.
- 2 Gu dearbh, mar naoidhean chaoidh o'n  
chum mi mi féin a'm' thosd: [chìch,  
Mar naoidhean chaidh o chìch a mhàth'r,  
is amluidh m'anam bochd.
- 3 Biodh dòchas maith aig Israel  
an Dia Iehobhah treun,  
O'n aimsir so a nis a t'ann,  
's air feadh gach linn an céin.

SALM CXXXII.

- 1 **A**IR Daibhidh deansa cuimhne, Dhé,  
's air uile àmhghar geur:  
2 Mar thug e mionn' do Dhia, is bòid-  
do Dhia ud Iacoib treun,
- 3 Do m' thigh cha téid mi féin a steach,  
no air mo leabaidh suas:  
4 Do m' shùilibh codal fòs cha leig,  
no do mo rosgaibh suain;
- 5 Gu ruig an uair am faigh mi àit  
do Dhia Iehobhah treun,  
Is ionad-còmhnuidh bunaiteach  
do Dhia ud Iacoib féin.
- 6 Feuch, ann an crìochaibh Ephrata,  
do chuala sinn an sgeul;  
Air machairibh nan coilltean dlùth,  
fluair sinn e mar an ceudn'.
- 7 Aig stol a choisleuchdaidh sinn,  
an àros Dhé nam feart.
- 8 Eirich, a Dhé, gu d'ionad tàmh;  
thu féin is àire do neirt.
- 9 Sgeudaicht' gu robh do shagairt-sa  
a ghnàth le h-ionracas;  
Is deanadh do luchd-muinntir naomh  
gun tàmh ùr-ghairdeachas.
- 10 Air sgàth do sheirbhiscach ro-chaomh,  
Daibhidh do'n d' thug thu buaidh,  
Aghaidh an ti a dh' ungadh leat,  
na cuir air ais gu truagh.
- 11 Do Dhaibhidh mhionnach Dia gu fìor;  
's cha phill e uaith' am feasd,  
A'd' chaithir-rioghail cuiridh mi  
d' iarmad 's do shliochd gun cheisd.



- 12 Ma ni do chlànn mo choimhcheangal  
a choimhead, is mo reachd,  
An teist a ni mi theagasg dhoibh,  
ma chumar leo gu ceart :  
An sìochdsan suidhidh mar an ceudn'  
a'd' chaithir-rìgh, gu bràth.
- 13 Oir mhiannaich agus ròghnaich Dia  
Sìon mar ionad tàimh ;
- 14 'Si so mo thàmh 's mo shuaimhneas fòs,  
gu suthain is gu sìor :  
An so ni mise fàrdach dhomh,  
oir 's i mo mhiann gu fìor.
- 15 Mor-bheannaicheam a stòr gu pailt ;  
diolam a bochd le lòn.
- 16 Le slàint' a sagairt eudaicheam ;  
's a naoimh ni iolach mhòr.
- 17 Bheir mi an sin gu h-àr ar glas  
air adharc Dhaibhidh fàs ;  
Is lòchran dh' orduich mi do 'n tì  
a dh'ungadh leam tre glhàs.
- 18 Cuairtichidh mi a naimhde-san  
le nàir' is rughadh-gruaidh' :  
Ach air-san bith a choron fèin  
a' fàs le h-iomadh buaidh.

SALM CXXXIII.

- 1 **O** FEUCH, cia meud am maith a nis,  
cia meud an tlachd faraon,  
Bràithrean a bhi 'n an còmhnuidh ghnàth  
an sìth 's an ceangal caoin.
- 2 Mar oladh phrìseil air a' cheann,  
ruith air an fheusaig sìos,  
Air feusaig Aaroin, agus shruth  
gu iomall 'eudaich ris.
- 3 Mar dhealt air Hermon, 's mar an drùchd  
air sléibhtibh Shìoin shuas ;  
'N sin dh'orduich Dia am beannachadh  
a' bheatha shìorruidh bhuan.

SALM CXXXIV.

- 1 **O** OGLACHA Iehobhah mhòir,  
beannaichibh Dia a chaoidh ;  
Sibhse le 'n gnàth bhi 'n àros Dé  
'n 'ur seasamh feadh na h-oidhel'.
- 2 'N a theampull togaibh suas 'ur làmh,  
beannaichibh Dia nam feart.
- 3 Beannaicheadh Dia á Sion thu,  
rinn neamh is làr le neart.

SALM CXXXV.

- 1 **M**OLAIBHSE Dia, àrd-mholaibh fòs  
deadh ainm Iehobhah thréin,  
Is thugaibh cliù is moladh dha,  
òglacha Dhé gu léir.
- 2 O sibhse ta 'n 'ur seasamh fòs  
an tigh Iehobhah mhòir,  
An cuirtibh àluinn tigh' ar Dia,  
molaibh e mar is còir.
- 3 Molaibh an Tighearna, do bhrìgh  
gu bheil e maith gach ré :  
D'a ainm-san seinnibh moladh ait,  
oir 's ni ro-thlachmhor e.

- 4 Oir Iacob fòs do ròghnaich Dia  
'n a thròcair mhòir dha fèin :  
Dha fèin mar iomnhas is mar sheilbh,  
do thagh e Israel.
- 5 Oir 's fiosrach mi 's is deimhin leam  
gu bheil Iehobhah mòr,  
Gu bheil ar Tighearna faraon  
os ceann gach dia an glòir.
- 6 Gach ni air bith bu mhiannach leis,  
rinn Dia an nèamh nan speur,  
'S air talamh, 's anns na cuantaibh mòr',  
's na doimhneachdaibh gu léir.
- 7 Bheir esan air a' cheò dol suas  
o chrìch a' chruinne-ché ;  
Is uisge ni le dealanaich ;  
gaoth as a stòr bheir e.
- 8 Gach céud-ghin anns an Eiphit bha,  
do bhuailleadh leis gu trom ;  
Do dhuine 's ainmhidh anns gach àit,  
ag imeachd bha air fonn.
- 9 O Eiphit ! chuir e comhara,  
is mìorbhuile le chéil',  
A'd' bhuilsgaansa ; 's air Pharaoh fòs  
's air òglachaibh gu léir.
- 10 Na cinnich lionmhor chlaoidheadh leis  
mharbh rìghrean cumhachdach.
- 11 Do mharbhadh Og rìgh Bhàsain leis,  
Sihon nan Amorach :  
Gach uile rìoghachd mar an ceudn',  
cia h-iomadh ta iad ann,  
Lom-sgrìosadh agus mhilleadh leis,  
d'an robh an tìr Chanaain :  
12 Am fonn 's am fearann sud air fad,  
mar oighreachd thìodlaic e ;  
Mar oighreachd do chloinn Israeil,  
a phobull dìleas fèin.
- 13 Tha d'ainm, a Thighearna nam feart,  
buan-mhaircannach a ghnàth ;  
Tha d'iomradh buan air chuimhne, Dhé,  
o linn gu linn gu bràth.
- 14 Oir air a phobull fèin ni Dia  
ceart bhreitheanas gu beachd ;  
Is gabhaidh esan aithreachas  
m'a òglachaibh le iochd.
- 15 Iodhoil nan cinneach tha do'n òr,  
's do'n airgid ghlas faraon ;  
Is cha-n 'eil ann' ach dìomhanas  
rinneadh le làmhaidh dhaoin'.
- 16 Tha beul ac', is gun chòmhradh ann ;  
is sùilean, leis nach léir.
- 17 Tha cluasan ac', 's cha chluinn iad leo ;  
gun anail fòs 'n am beul.
- 18 A' mhuinntir tha 'g an deanamh sud,  
ro-chosmhuil iad ri fèin ;  
'S amhluidh gach neach ta anna fòs  
ag carbsa mar an ceudn'.
- 19 O beannaichibh Iehobhah mòr,  
a theaghlach Israeil ;  
'S a theaghlach Aaroin, beannaichibh  
an Tighearna le chéil'.

- 20 O theaglach Lebhí, beannaichibh,  
is thugaibh cliu do Dhia :  
Sibhse d'an eagal Dia faraon,  
mòr-bheannaichibh an Triath.
- 21 A Sion beannaicht' gu robh Dia,  
'g am bheil a chòmhuidh bhnan  
An caithir naoimh Ierusalem,  
Molaibhse Dia gach uair.

SALM CXXXVI.

- 1 **O** THUGAIBH buidheachas do Dhia,  
do bhrìgh gur sàr-mhaith e ;  
Air son gu mair a thròcair chaomh,  
gu sìorruidh feadh gach ré.
- 2 Thugaibh do Dhia nan uile dhia  
mòr bhuidheachas le chéil' ;  
Air son gu mair a thròcair a chaomh  
gu sìorruidh feadh gach ré.
- 3 Thugaibh do Thriath nan uile thriath  
mòr bhuidheachas gu léir ;  
Air son gu mair a thròcair chaomh  
gu sìorruidh feadh gach ré.
- 4 Do'n Ti 'n a aonar fòs a rinn  
mòr mhìorbhuile gu treun ;  
Air son gu mair a thròcair chaomh  
gu sìorruidh feadh gach ré.
- 5 Do'n Ti le gliocas iongantach  
a chruthaich nàmh nan speur :  
Air son gu mair a thròcair chaomh  
gu sìorruidh feadh gach ré.
- 6 Do'n Ti a shìn air uachdar tuinn  
an talamh trom gu léir ;  
Air son gu mair a thròcair chaomh  
gu sìorruidh feadh gach ré.
- 7 Do'n Ti a rinn na soluis mhòr'  
ta 'soillseachadh nan speur ;  
Air son gu mair a thròcair chaomh  
gu sìorruidh feadh gach ré.
- 8 A' ghrian gu h-uachdranachd 's an là,  
chum dhuinne gu'm bu léir ;  
Air son gu mair a thròcair chaomh  
gu sìorruidh feadh gach ré.
- 9 A' ghealach is na reulta glan' !  
a' riaghladh oidhche' le chéil'.  
Air son gu mair a thròcair chaomh  
gu sìorruidh feadh gach ré.
- 10 Do'n Ti rinn bualadh trom san Eiph't  
air ceud-ghin dhaoim' is spreidh ;  
Air son gu mair a thròcair chaomh  
gu sìorruidh feadh gach ré.
- 11 Thug as am builsgan-san a mach  
a phobull Israel ;  
Air son gu mair a thròcair chaomh  
gu sìorruidh feadh gach ré.
- 12 Le neart a ghairdein sìnte mach,  
's le làimh a ta ro-thrun ;  
Air son gu mair a thròcair chaomh  
gu sìorruidh feadh gach ré.
- 13 Do'n Ti a sgoilt an fhairste ruadh,  
'n a roinnibh as a chéil' ;

- Air son gu mair a thròcair chaomh  
gu sìorruidh feadh gach ré.
- 14 Is troimh a meadhon stiùradh leis,  
gu tèaruint' Israel ;  
Air son gu mair a thròcair chaomh  
gu sìorruidh feadh gach ré.
- 15 'S an fhairste ruaidh do sgriosadh leis  
Pharaoh 's a shlugh gu léir ;  
Air son gu mair a thròcair chaomh  
gu sìorruidh feadh gach ré.
- 16 Do'n Ti sin tre an fhàsach mhòr  
a stiùir a mhuinntir féin ;  
Air son gu mair a thròcair chaomh  
gu sìorruidh feadh gach ré.
- 17 Dhasan a bhuail 's a lot gu trom  
na rìghrean làidir treun' ;  
Air son gu mair a thròcair chaomh  
gu sìorruidh feadh gach ré.
- 18 Is rìghrean uasal iomraiteach,  
mharbh e le 'ghairdean féin ;  
Air son gu mair a thròcair chaomh  
gu sìorruidh feadh gach ré.
- 19 Seadh Sihon rìgh nan Amòrach,  
bha naimhdeil guineach geur ;  
Air son gu mair a thròcair chaomh  
gu sìorruidh feadh gach ré :
- 20 Is Og air Basan bha 'na rìgh,  
do mharbh is chasgair e ;  
Air son gu mair a thròcair chaomh  
gu sìorruidh feadh gach ré.
- 21 Is thug e fòs mar òighreachd bhuain  
am fearann-san gu léir ;  
Air son gu mair a thròcair chaomh  
gu sìorruidh feadh gach ré :
- 22 An òighreachd thug do Israel,  
òglach ro dhìleas féin ;  
Air son gu mair a thròcair chaomh  
gu sìorruidh feadh gach ré.
- 23 Neach, air bhì dhuinn ro-ìosal truagh,  
a chuimhnich oirn 'n ar feum ;  
Air son gu mair a thròcair chaomh  
gu sìorruidh feadh gach ré.
- 24 Gu tèaruint' bhuin sinn a mach  
o neart ar naimhde treun' ;  
Air son gu mair a thròcair chaomh  
gu sìorruidh feadh gach ré.
- 25 Tha tabhairt beatha do gach feòil  
is lòn do'n uile chré ;  
Air son gu mair a thròcair chaomh  
gu sìorruidh feadh gach ré.
- 26 O thugaibh moladh agus cliu  
do Dhia nan nàmh 's nan speur ;  
Air son gu mair a thròcair chaomh  
gu sìorruidh feadh gach ré.

SALM CXXXVII.

- 1 **A** IG sruthaibh coimheach Bhabiloin,  
shuidh sinn gu brònach bochd ;  
An sin air Sion chuimhnich sinn,  
is gluileadh leinn gu goirt.
- 2 Air gheugaibh scilich chrochadh leinn  
ar clarsaichean an sin.



3 Oir iadsan a rinn braighde dhiun  
dh'iarr òran oirnn is gean :

Seadh iadsan le'n do chrcachadh sinn  
dh'iarr luathghair oirnn is ceòl ;  
Seinnibh do laoidhibh Shioin duinn,  
(ars' iadsan) mar bu nòs.

4 'N tìr choigrich cia mar dh'fheadar leimn  
òran Iehobhah sheinn ?

5 Mur cuimhn'cheam thu, Ierusalem,  
ri m' dheis nìor lean a seirm.

6 Mo theangadh leanadh teann ri m'ghial,  
mur cuimhnichear thu leam ;  
Mur fearr leam na m'uil' aoibhneas àrd  
caithir Ierusalem.

7 Clann Edoim cuimhnich thusa, Dhé,  
oir thubhairt iad le tàir,  
An làithibh truagh' Ierusalem,  
leag, leag i, sìos gu làr.

8 O nighean uaibhreach Bhabiloin,  
a dh'fhàsaichear gu léir :  
Is sona dha, mar rinn thu oirnn  
a dhìolas dhuit d'a réir.

9 Is sona dhasan ghlasas fòs  
do mhaoth-chlann bheag is thruagh,  
'S a phronnas iad gun acarachd,  
ri clachaibh daingean cruaidh'.

SALM CXXXVIII.

1 L E m'uile chridh' àrd-mholam thu,  
àrd-mholam thu gu caomh

2 'N làthair nan dia. Is sleuchdam dhuit,  
m'aghaidh ri d'theampull naomh,  
Is molam d'ainm, bhrìgh d'fhùirinn cheirt  
's do chaoimhneis ghràdhaich féin :  
Oir d'fhocal fìorghlan dh'ardaich thu,  
os ccann d'uil' ainm' gu léir.

3 'S an là a ghlaodh mi riut, a Dhé,  
fhreagair thu mi gu luath ;  
Is thug thu spionnadh dhomh gu leòr,  
le tredoir, a'm' anam truagh.

4 Bheir rìghre mòr' na cruinne dhuit,  
àrd-mholadh binn gu léir,  
'S an uair an cluinnear leo, a Dhia,  
deadh bhriathra glan do bhéil.

5 An slighibh fòs Iehobhah mhòir,  
seinnidh iad ceòl gu h-ait ;  
Air son gur urramach, 's gur àrd  
glòir àluinn Dhé nam feart.

6 Ge h-àrd Iehobhah, seallaidh e  
air daoineibh umhal còir ;  
Ach 's léir dha'n dream ud, fad o làimh,  
tha làn do'n àrdan mhòr.

7 Ged ghluaisinn ann am builsgan fòs  
na trioblaid mòir' do m' chlaoidh,  
A ta mi fìosrach dòchasach  
gu beothaich thusa mi :  
An aghaidh corruich mòir' mo nàmh,  
do làmhsa sinear leat :  
Is nì do dheas làmh ann am fheum  
mo theasairginn le neart.

8 Gach nì air bith a bhuineas domh,  
coimhlionaidh Dia gu treun ;  
Is buan do ghràs, a Dhia, gu bràth  
oibre do làmh na tréig.

SALM CXXXIX.

1 D O rannsuich thu 's is aithne dhuit  
mise, Iehobhah thréin :

2 Mo shuidh', is m' éirigh 's aithne dhuit ;  
's léir dhuit mo smuain an céin.

3 Mo cheuma is mo luidhe sìos,  
do chuairtich thu gu dlùth ;  
Is air mo shlighibh féin gu léir,  
's geur fhiosrach eòlach thu.

4 Feuch cha 'n 'eil focal mòr no beag  
no cainnt air bith a'm' bheul,  
Mu'n labhran sud, a Dhia nam feart,  
nach aithne dhuit gu léir.

5 Do chuairtich thu mi air gach taobh,  
romhara faraon 's am dhéigh ;  
Do làmh ta neartmhor cumhachdach  
leag thusa orm, a Dhé.

6 Tha 'n t-eòlas so ro iongantach,  
is ormsa tha e cruaidh ;  
Cha ruig' mi air, oir tha e àrd  
r' a thuigsinn is r'a luaidh.

7 Cia 'n t-àit air bith am feud mi dol  
o d' spiorad glic, a Dhé ?  
O d' ghnùis ta uile-léirsinneach  
cia 'n taobh a theicheas mi ?

8 Nan rachainn suas air nèamh nan speur,  
a ta thu féin an sud ;  
Nan luidhin ann an ifrinn shìos,  
tha thu 's an ionad ud.

9 Air bharrailbh sgiath na maidne fòs  
nan siùbhlainn fad o làimh,  
Gu h-iomallaibh na fairge mòir'  
chum còmhnuidh agus tàimh ;

10 Stiùraidh tu mi an sin, a Dhé,  
le d' làimh ta treun an neart ;  
Is nìthear leat mo chumail fòs  
le d' dheas làimh mhòir gu beachd.

11 Nan abrainn, gu dean dorchadas  
gu deimhin m'fholach uait ;  
Bidh 'n oidheche féin mar sholus glan  
ag iadhadh orm mu'n cuairt.

12 Cha-n fhluicich uaitse dorchadas,  
's co-shoilleir oidhech' is là ;  
'S ceart-ionnan duit' an duibhre dorch  
is solus glan nan tràth.

13 Oir feuch ghabh thusa sealbh gu moch  
air m'airnibh is mi maoth ;  
'S ann leat a rinneadh m'fholach fòs  
am broinn mo mhàthar chaoimh.

14 Àrd-mholam thu, oir 's uamhasach,  
's is mìorbhuileach mo dhealbh :  
Tha d'oibre iongantach ; 's is léir  
do m'anam sin gu dearbh.

15 Tràth rinneadh mi 'an dìomhaircachd,  
's a dhealbhadh mi gu ceart,  
An àitibh iochdrach talmhainn shìos ;  
bu léir dhuit brìgh mo neirt.

- 16 Mo cheud-fhàs an-abuich gun dreach,  
do d' shùilb-sa bu léir ;  
Mo bhuill gu h-iomlan chuireadh sìos  
sgriobht ann ad leabhar féin ;  
Gidheadh ri aimsir is ri ùin,  
do dhealbhadh iad 's an àm ;  
Air bhi dhoibh roimhe sin gun dreach  
's nach robh a h-aon diubh ann.
- 17 'S ro-phrìseil uime sin, a Dhé,  
do smuaintean uile leam :  
'S ro-lionmhòr mòr r'an àireamh iad,  
's r'an cur air cunntas cheann.
- 18 Ri 'n àireamh 's mòr gur lìonmhòr iad  
na gaincamh mhìn na tràigh' ;  
Air mosgladh as mo chodal domh,  
tainn maille riut a ghnàth.
- 19 Marbhar an t-aingidh leat gu beachd,  
O Thighearna ro-thrèin :  
A nis, O dhaoine fuileachdach,  
imichibh uam an cèin.
- 20 Oir labhair iad a'd' aghaidh, Dhé,  
le aing'eachd eusanta ;  
Is thug do naimhde mi-runach  
d'ainm naomh an diomhanas.
- 21 Nach 'eil mi tabhairt fuath, a Dhia,  
do'n dream thug dhuit-sa fuath ?  
Nach 'eil mi gabhail gràin do'n dream  
a'd' aghaidh dh'èirich suas ?
- 22 Fuath iom'an thug mi dhoibh gu beachd :  
mar naimhdibh uim' am meas.
- 23 Rannsaich mi, Dhé, mo chridhe faic ;  
mo smuainte feuch, dearbh mis'.
- 24 Feuch agus amhaire féin am bheil  
sligh' aingidh ole a'm' chlé ;  
Is anns an t-slighe shiorruidh chòir  
gu dìreach treòraich mi.

SALM CXL.

- 1 O 'N droch-dhuin' saor is teasairg mi,  
O Dhia Iehobhah naomh :  
O'n fhear a ta ri fòireaghadh  
dean didcan dhomh gu caomh.
- 2 'N an cridh tha iad a' smuaineachadh  
air aimhleas mòr gach là ;  
Chum cath' is comhraigh chruaidh tha iad  
air cruinneachadh a ghnàth.
- 3 Mar theangaidh nathrach, rinneadh leo  
an teangadh sgaitcach geur :  
A ta nìmh mhilleach nathrach fòs  
am folach ann am beul.
- 4 O làimh nan daoibh, gléidh mise, Dhé ;  
's o luchd an fhòirteir, dìon ;  
Mo cheuman thilgeadh bun os ceann  
se sud an rùn 's am miann.
- 5 Dh'fhòluich na h-uabhrich ribe dhomh,  
is corda fòs gu m' sgrìos ;  
Ri taobh a' bhealach sgaoil iad lìon,  
is leag iad ceap gun fhios.
- 6 Ri Dia Iehobhah thubhairt mi,  
'S tu féin gu beachd mo Dhia ;  
Eisic ri guth m' athchuinge a nis,  
O Thighearna is a Thriath.

- 7 Is tu a's spionnadh slàinte dhomh,  
Iehobhah Dhia nam flath ;  
Cuir dìon is folach air mo cheann  
an aimsir teinn is cath'.
- 8 Na deònuich miann an aingidh uile  
O Thighearna nam fear ;  
'Ais-innleachd fòs na soirbhich leis,  
mu'n dean iad uaill 'n an neart.
- 9 Ach einn an dream a chuairtich mi  
gach taobh le tuaileas bhreug,  
Gu robh iad air am folach fòs  
le aimhleas mòr am béil.
- 10 Orra gu'n tuiteadh eibhle loisgt' ;  
tilg iad 's an teine beò :  
An slochdaibh domhain sìos, a chum  
nach éirich iad ni 's mò.
- 11 Na daingnichear air talamh fòs  
fear-labhairt uile a chaoidh :  
Biodh ole a' scalg fir-fòireignidh,  
g'a leagadh is g'a chlaoidh.
- 12 Is aithne dhomhsa gu dean Dia  
do'n dream ta 'n àmhghar goirt,  
An cùis a sheasamh dhoibh gu treun,  
is còir nan daoine bochd.
- 13 Do bheir na fireana gu dearbh  
do t'ainm-sa moladh mòr ;  
Bidh còmhnuidh bhuan a' d'fhianuis féin,  
a Dhé, aig daoine còir.

SALM CXLI.

- 1 O DHIA, a ta mi 'g éigheach riut,  
dean deifir thugam féin ;  
Is tabhair éisdeachd fòs do m' ghuth,  
tràth ghlaodham riut a'm' fheum.
- 2 Mar bholtrach tùis a'd' lathair suas,  
mar sin biodh m'urnuigh riut ;  
Is togail suas mo làmh gu'n robh  
mar 'n iobairt fheasgair dhuit.
- 3 Cuir faire ar mo bheul, a Dhia ;  
dorus mo bhéil-sa gléidh.
- 4 Gu droch-bheirt, no gu ole air bith  
na aom mo chridh', a Dhé :  
Eagal le luchd na h-aingidheachd,  
gu'n cuirinn ole an gnìomh,  
Ge milis blas' an sògh 's an gleus,  
cha-n ith mi féin maoin diubh.
- 5 Buailleadh am firean mi le smachd,  
gabhadh mi sin gu caomh :  
Gabhadh mi uaith an t-achmhasan,  
mar oladh phrìseil mhaoth ;  
Cha bhris am buailadh ud mo cheann :  
oir fòs théid m'urnuigh suas,  
Tràth bhios an aitim ud gu truagh  
'n an àmhghar cruaidh an sàs.
- 6 Tràth thilgear sìos air clachaibh cruaidh,  
am breitheamhna gu léir ;  
'N sin cluinidh iad, oir 's milis binn,  
deadh bhriathra grinn mo bhéil.
- 7 Ar cnàmhan fòs aig beul na h-uagh'  
do sgaoilleadh leo le tàir.  
Mar ghearrar is mar sgoiltear fiodh  
'n a spealtaibh air an làr.



# SAILM CXLII, CXLIII, CXLIV.

- 8 Ach tha mo shùilean riutsa suas,  
Iehobhah Dhia nam feart :  
Na fàgsa m'anam bochd gun treòir,  
's tu féin mo dhòigh 's mo neart.
- 9 O teasairg mi o'n rib', a Dhé,  
a leag iad chum mo sgrios ;  
'S o liontaibh luchd na h-aingidheachd  
a dh'fholuich iad gun fhios.
- 10 Ach tuiteadh luchd na h-aingidheachd  
'n an liontaibh rinneadh leò,  
Am feadh bhios mise gabhail thart',  
's a' tearnadh asda beò.

## SALM CXLII.

- 1 **G**HLAODH mi ri Dia le m'ghuth ; is  
le m'ghuth rinn m'urnuigh ris. {fòs
- 2 Mo chaoidh 'n a fhianuis dhòirt mi mach,  
's mo thrioblaid dh'fhoillsich mis'.
- 3 Tràth bha mo spiorad bàite stigh,  
'n sin b'aithne dhuit mo cheum ;  
'S a' bhealach san do shiubhail mi,  
gun fhios do leag iad lion.
- 4 Dh'amhaire mi air mo dheis, is dh'fheuch,  
's cha robh fear m'èolais ann ;  
No neach do m'anam bheircadh spéis  
thréig cabhair mi 's an àm.
- 5 O Thighearna, do ghlaodh mi riut,  
is thubhairt mi gun ghò,  
Gur tu a's tearmunn dileas domh,  
's mo chuid an tìr nam beò.
- 6 Chionn gu 'n do chlaoidheadh mi gu  
éisd ri mo ghlaodh 's an àm ; [truagh,  
Is saor mi o luchd m'fhòirncirt mhòir,  
oir 's treise leo na leam.
- 7 A prìosan m'anam buin a mach,  
t'ainm-sa gu molar leam :  
Is iadhaidh umam fireana,  
oir ni thu pailteas rium.

## SALM CXLIII.

- 1 **R**I m'urnuigh éisd, is aom do chluas  
ri m'atheuinge, a Dhé ;  
A' d'fhirinn, is a'd' cheartas àrd,  
gu gràsmhor freagair mi.
- 2 Na tionnsgain ann am breitheanas  
le d'òglach dileas féin :  
Oir 's dearbh nach saorar duine beò  
a' d'fhianuis ann am binn.
- 3 Oir lean an nàmhaid eucòrach  
le tòir ghéir m'anam bochd,  
Mo bheatha thilg e sìos le tàir,  
leag ris an làr gun iochd :  
Is chuir e mi an dorchadas  
chum còmhnuidh ann gu truagh ;  
Is ionnan mi 's an dream gu dearbh  
bhiodh fada marbh 's an uaigh.
- 4 Is uime sin tha m'anam bàit'  
gu cràiteach ann am chom :  
Mo chrìdh' a'm' ehlabh gu muladach,  
air fàs gu tuirseach trom.
- 5 Na làith' o chian do chuimhnich mi,  
tairn cnuasachadh gun tàmh

D' oibre gu léir ; 's a' smuaineachadh  
air gnìomharaibh do làmh.

- 6 Mo làmhann shìn mi riutsa suas .  
an geall tha m'anam ort,  
Amhlaidh mar bhithcas fearann cruaidh  
air tiormachadh le tart.
- 7 Éisd rium, a Thighearna, gu grad ;  
chaidh as do m'anam bochd :  
Do ghnuis na ceil, ehum nach bi mi  
mar dhream théid sìos do'n t-slochd.
- 8 Thoir orm gu'n cluinnear leam, gu moch,  
guth binn do chaoimhneis-ghràidh ;  
Oir annad chuir mi féin gu mòr  
mo dhòchas is mo dhòigh :  
Am bealach fòs an gluaisear leam,  
thoir orm gu'n aithnich mi :  
Oir riutsa tha mi togail suas  
mo spioraid thruaigh, a Dhé.
- 9 O m' naimhdibh guineach teasairg mi,  
O Thighearna is a Rìgh :  
A d'ionnsuidh theich mi fòs, a chum  
gu foluicht' leatsa mi.
- 10 Do thoil a dheanamh teagaisg dhomh,  
oir 's tu mo Dhia gu beachd :  
O's maith do spiorad ; treòruich mi  
gu tìr na fireantachd.
- 11 Sgàth d'ainme beothaich mi gu treun,  
a Dhé Iehobhah mhòir :  
Sgàth d'fhircantachd, saor m'anam bochd  
o thrioblaid ghoirt 's o leòn.
- 12 Cuir as do m' naimhdibh tre do ghràs,  
is sgrios iad sin gu léir  
A ta eir m'anam' thruaigh fo leòn ;  
oir 's mise d'òglach féin.

## SALM CXLIV.

- 1 **B**EANNAICHT' gu robh Iehobhah  
mo charraig e 's mo threòir ; [treun,  
Mo làmh a theagaisgeas gu cath,  
's gu comhrag mhaith mo mheòir :
- 2 Mo mhaith, mo dhion, 's mo bhaideal àrd,  
mo shlànuighear, 's mo sgiath ;  
'S e cheannsaicheas mo dhaoine fo'm  
mo mhuinghinn is e Dia.
- 3 Dhia, ciod e 'n duine, gu bheil thu  
a' gabhail eòlais air ?  
No ciod e mae an duine fòs  
gu'n d'thug thu e fa'near ?
- 4 An duine, 's cosmhuil e gu fìor  
ri dìomhanas gun stà ;  
'S a làith' mar sgàil, 's mar fhaileas fòs  
a' gabhail seach a ta.
- 5 O lùb, a Dhia, do fhilaitheis àrd,  
thig féin gun dàil a nuas :  
Bean ris na sléibhtibh mòr le d' neart,  
is uath' théid deatach suas.
- 6 Cuir uait a mach do dhealanach,  
is sgaoil iad sud air fad :  
Is tilg a mach do shaighde geur',  
is claoidhear iad gu grad.

- 7 Sin uait do làmh á t'ionad árd,  
saor mi, is fuasgail orm,  
O uisgibh láidir iomarcach,  
's o làimh nan coigreach borb'.
- 8 Iadsan 'g am bheil am béil a' teachd  
air díomhanas gach ló -  
An deas làmh sud, is deas làmh i  
làn iogain agus gò.
- 9 Dhuit seinneam dran nuadh, a Dhé,  
's ann air an t-saltair ghrinn ;  
Air inneal ciùil nan teuda deich,  
dhuit seinneam moladh biun.
- 10 'S e Dia a bheir do rìghribh mòr'  
slaint' agus buaidh gu treun,  
'S e shaoras Daibhidh 'òglach caomh  
o'n chlaidheamh mhilleach gheur.
- 11 Saor mi, is fuasgail orm o làimh  
nan coimheach, 'g am bheil beul  
Làn dìomhanais : 's an deas làmh fòs  
'n a deas làimh foill' is brèig'.
- 12 A chum gu'm biodh ar mic a' fàs  
mar ùr-chrann suas 'n an òig' :  
'S ar nigheana mar chlachaibh snaidht'  
an oisinn lùchairt mhòir.
- 13 Ar saibhlean làn do'n uile stòr ;  
ar treudan fòs a' breith  
Nam mìltean, seadh deich mìltean fòs  
'n ar machairibh gach leth.
- 14 Ar daimh gu h-obair láidir calm,  
gun bhriseadh mach no steach ,  
A chum 'n ar sràidibh fòs nach biodh  
guth caoidh' gu gearanach.
- 15 'S beannaicht' am pobull sin a ta  
's an inbhe so gu beachd ;  
'S beannaicht' am pobull fòs, d'an Dia,  
Iehobhah Triath nam feart.

SALM CXLV.

- 1 **A** RDUICHEAM thu, mo Dhia, 's mo  
t'ainm beannaicheam gu bràth. [Rìgh ;
- 2 Do d'ainm am feasd bheir mise cliù ;  
àrduicheam thu gach là.
- 3 Tha Dia Iehobhah mòr gu dearbh ;  
ion-mholta Dia gu mòr :  
Cha-n fheudar meud a mhòrachdsan  
a rannsachadh gu leòr.
- 4 Molaidh gach àl do ghnìomhara  
do'n àl a thig 'n an déigh ;  
Is d'òibre eumhachdach ro mhòr  
sior-chuirear leò an céill.
- 5 Urram do mhòrachd ghloirmhoir féin  
cuiridh mi'n céill gu beachd ;  
Air d'òibrigh iongantach gu léir  
labhram, a Dhé nam feart.
- 6 Labhraidh daoine eile fòs air neart  
do bhearta uamhasach :  
Is mise foillsicheam gu mòr  
do mhòrachd iongantach.
- 7 Is cuirear leo an céill gu pailt  
cuiridh mi'n céill gu beachd ;  
Do cheartas glan, is t'ionracas  
molaidh gu binn le ceòl.

- 8 Tha'n Tighearna ro-ghlòrmhor caoin,  
is làn do thrucantachd ;  
A ta e mall chum feirg', is fòs  
pailt ann an tròcaireachd.
- 9 Is maith Iehobhah do gach dùil ;  
tha 'thròcair chaomh gu beachd  
Os ceann gach obair agus gnìomh  
a rinneadh leis le neart.
- 10 Dhia, molaidh d'òibre thu air fad ;  
le d' naomhaibh molar thu :
- 11 Air glòir do rìoghachd labhraidh iad ;  
innsidh do neart le cliù.
- 12 A chum a bhearta eumhachdach  
gu'n tuigeadh clann nan daoine ;  
Gu bheil a rìoghachd làn do ghloir,  
is mòralachd faraon.
- 13 Do rìoghachd féin, is rìoghachd i  
ta siorruidh buan gu beachd ;  
Is mairidh d'uachdranachd gu bràth  
air feadh gach àil ri teachd.
- 14 Cumaidh Iehobhah suas le neart  
an dream tha 'tuiteam sìos ;  
'S an dream tha claonadh chum an làir,  
togaidh e 'n àird a rìs.
- 15 Tha sùile fòs gach dùil' air bith  
a' feitheamh ort, a Rìgh ;  
Is tha thu anns na tràthaibh ceart  
a' tabhairt dhoibh am bìdh.
- 16 A' ta thu ann ad thoirbheartas  
'fòsgladh do làimh' gu mòr,  
Is miann gach nithe beò air bith  
sàsuichear leat gu leòr.
- 17 Tha Dia 'n a uile shligheibh ceart,  
is naomh 'n a uile ghnìomh.
- 18 'S dlùth Dia do mheud 's a ghairmeas  
seadh ghairmeas air gu fìor. [air,
- 19 Deadh mhian gach neach d'an eagál e,  
coimhlionaidh e gu pailt ;  
Is éisdidh esan fòs r'an glaoth,  
saoraidh e iad 'n an aire.
- 20 An dream tha' tabhairt graidh do Dhia  
dhoibh nì e tèarmun deas ;  
Ach fòs na h-aingidh olc gu léir  
do nì e féin an sgrios.
- 21 A' luaidh air cliù Iehobhah thréin,  
bithidh mo bheul gun cheisd :  
'Ainm naomha beannaicheadh gach feoil  
gu siorruidh buan am feasd.

SALM CXLVI.

- 1 **D** IA molaibh ; mol, O m'anam, Dia.
- 2 Molaidh mi Dia ri m' bheò ;  
Ard-seinnidh mise cliù do m' Dhia,  
ri fad mo ré 's mo ló.
- 3 Na earbaibh is na deanaibh bun  
a prionnsaibh láidir treun' ;  
No fòs á mac aoine duin' a t'ann,  
's gun fhurtachd ann ri feum.
- 4 Tha 'anail-san 'dol as a mach,  
théid e g'a ùir air ais,  
Théid as d'a smuaintibh faoin gu léir,  
's an là sin féin gu cas.



- 5 'S beannaicht' an duine sin 'g am bheil  
Dia Iacoib mar a neart ;  
'G am bheil a dhòchas ann a Dhia,  
Iehoblah Triath nam feart.
- 6 'S e chruthaich nèamh, is muir, is tìr,  
's gach aon ni anna ta ;  
'S e choimhdeas firinn mar an ceudn'  
gu sìorruidh is gu bràth.
- 7 Ri daoineibh ta fo fhòirneart mòr,  
cumaidh e còir gu caoin,  
Bheir biadh do'n oerach ; cuiridh Dia  
na prìosanaich fo sgaoil.
- 8 'S e Dia ta fosgladh sùil nan dall ;  
togaidh Iehoblah mòr  
An dream a ta air cromadh sìos :  
is caomh leis daoine còir.
- 9 Dia seasaidh bantrach 's dilleachdan,  
's e 's dìon do 'n choigreach ann :  
Ach slighe fhìar nan daoine daoi  
tilgidh e bun os ceann.
- 10 Bidh Dia 'n a Ard-Rìgh mòr gu bràth,  
do Dhia-sa, Shìon naomh ;  
O linn gu linn gu maireannach.  
Molaibhse Dia gu caomh.

SALM CXLVII.

- 1 **M**OLAIBHSE Dia ; oir 's maith bhi  
àrd-mholadh binn d'ar Dia, [seinn  
Oir 's tlachdmhor e 's is maiseil sud,  
bhi 'tabhairt cliu do'n Triath.
- 2 Suas togaidh Dia Ierusalem ;  
cruinnichidh e ri chéil',  
An dream d'an d' rinneadh dìobaraich,  
de ghineal Israeil.
- 3 Do'n aitim 'g am bheil eridhe brùit' ;  
bheir esan slàinte mhòr :  
Is ceanglaidh suas gu faicilleach  
gach cneadh ta orra 's leòn.
- 4 Na reulta lìonmhòr àirmhear leis ;  
'g an ainmeachadh gu léir.
- 5 Is mòr ar Dia, 's is mòr a neart ;  
gun tombas air a chéill.
- 6 Togaidh Iehoblah suas gu dearbh  
na daoine ciùin a ris,  
Is leagar leis na daoil le tàir,  
gu làr, 'g an tilgeadh sìos.
- 7 Seinnibh do Dhia Iehoblah mòr,  
le buidheachas gu binn :  
Seinnibh d'ar Dia-ne moladh àrd  
air teud na clàrsaich grinn.
- 8 'Se dh'fhol'cheas nèamh le neulaibh tiugh',  
dh'ulluicheas uisge fòs  
Do'n talamh ; 's e bheir air an fheur  
bhi fàs air sléibhtibh mòr'.
- 9 Do'n ainmhidh 's do gach beathach beò,  
bheir esan lòn gun dìth ;  
Is do na fithich òg' faraon  
a ghlaodhas 'g iarraidh bidh.
- 10 An neart an eich cha bhi a dhùil  
ge mòr a lùth 's a threis ;

- Cha ghabh e tlachd an cosaibh fir  
sheasas gu dìreach deas.
- 11 Tha Dia a' gabhail tlachd gu mòr  
do'n dream d'an eagal e,  
Chuireas an dòchas is an dòigh  
'n a thròcair-san gach rè.
- 12 Thoir moladh, O Ierusalem,  
do Dhia Iehoblah mòr,  
Do d' Dhia-sa tabhair moladh fìor,  
O Shìon, mar is còir.
- 13 Croinn-dhruaididh fòs do dhorsa mòr'  
do neartaich e gu maith ;  
Is bheannaich e do shliochd gu léir  
a'd mheadhon féin a stigh.
- 14 'S e chuireas ann ad chrìochaibh fòs  
sìth agus sonas mòr :  
'S e ni le smior a' chruithneachd ghloin  
do shàsachadh gu leòr.
- 15 'S e chuireas 'àithne mach air tìr,  
ni 'fhocal ruith gu luath.
- 16 Bheir sneachd mar olainn ; sgaoilidh e  
an liath-reodh mar an luath.
- 17 Leac-eighe tilgidh e a mach,  
mar ghreamanna nach gann ;  
Is anns an fhuachd a rinneadh leis,  
cò dh'fheudas seasamh ann ?
- 18 Cuiridh e 'fhocal mòr a mach,  
is leaghar iad a ris :  
Air séideadh dha le gaoith an sin,  
sruthaidh na tuitte sìos.
- 19 Do Iacob tha e 'foillseachadh  
a bhriathar fìor-ghlan naomh,  
A statuin is a bhreitheanais  
do Isracl gu caomh.
- 20 So maithcas nach do dhèdnaich e  
dl'aon chinneach ta fo 'n ghréin :  
A bhreitheanais cha b'athne dhoibh.  
Molaibh Iehoblah treun.

SALM CXLVIII.

- 1 **M**OLAIBHSE Dia. Ard-mholaibh  
Iehoblah mòr gu bràth, [fòs  
O nèamh nan speur ; molaibhse Dia,  
's na h-ionadaibh a's àird'.
- 2 Uil' aingle Dhé, mòr-mholaibh e :  
molaibh e, 'shluagh gu léir.
- 3 O ghrian 's a ghealach, molaibh e,  
's a reulta glan nan speur.
- 4 O nèamha àrd' nan uile nèamh,  
is uisgeachan a ta  
An còmhnuidh shuas os ceann nan speur,  
molaibhse Dia a ghnàth.
- 5 Thugadh iad cliu is moladh binn  
do ainm Iehoblah thréin ;  
Oir chuir e 'àithne mach le neart,  
is rinneadh iad d'a réir.
- 6 Do rinn e fòs an daingneachadh  
a chum bhi buan a ghnàth :  
Is chuir e statuin orra sud  
nach téid air chùl gu bràth.

- 7 O'n talamh fòs a ta fo nèamh,  
molaibh Iehobhah treun ;  
Uil' dhràgona ro-uamhasach,  
's a dhoimhneachda gu léir.
- 8 Tein'-athair agus clach-shneachd chruaidh  
an ceò théid suas, 's an sneachd ;  
Gaoth dhoiminnach a' coimhlionadh  
a bhriathar-san gu l'eachd.
- 9 Na sléibhte farsuinn atmhòr mòr',  
's na tulaich fòs le chéil' ;  
Gach craobh bheir toradh agus blàth,  
's na seudair àrd' gu léir.
- 10 Gach beathach, ainmhidh, is gach dhùil  
a shnàigeas air an làr,  
'S gach eunlaith sgiathach iteagach,  
ta 'g itealaich gu h-àrd.
- 11 Gach rìgh air thalamh, làidir mòr,  
's gach pobull fòs air bith ;  
Na prionnsan is luchd breitheanaidh  
tha thar gach tìr fa leth.
- 12 Na h-òig-fhoara ta calma deas,  
's na maighdeana le chéil' ;  
Na seanaire ta eòlach glic,  
's gach leanabh òg' gu léir.
- 13 Ainm Dhé àrd-mholadh iad, oir tha  
'ainm-san a mhàin ro-mhòr :  
Os ceann na talmhainn is nan nèamh,  
air àrdachadh tha 'ghlòir.
- 14 Adharc a shluaigh leis àrdaichear,  
seadh cliu a naomh gu léir,  
Sluaigh Israeil, tha dhasan dlùth,  
Molaibh Iehobhah treun.

SALM CXLIX.


- 1 **M**OLAIBHSE Dia : is oran nuadh  
seinnibh do Dhia gu caomh ;  
Seinnibh a mholadh-san gu binn,  
an coimhthional nan naomh.
- 2 Biodh Isra'el aoibhneach ann an Dia ;  
an Tì a chruthaich e ;  
Deanadh clann Shìoin gairdeachas  
'n an Rìgh air feadh gach ré.
- 3 Is anns an dannsadh thugadh iad  
d'a ainm-san moladh binn :  
A chliu le tiompan seinneadh iad,  
is leis a' chlàrsaich ghrinn.
- 4 Oir tha Iehobhah 'gabhail tlachd  
'n a phobull dileas féin :

- Ro-sgiamhach tòs le shfàinte nì  
na daoine sèimh gu léir.
- 5 Biodh air na daoineibh naomh' an sìr  
ùr-ghairdeachas an glòir :  
Is air an leabaidh seinneadh iad  
do Dhia le h-iolaich mhòir.
- 6 Gu'n robh àrd-chliu an Tighearna  
gu dligeach ann am beul  
Is ann an làimh-san fòs gu robh  
claidheamh dà-shaobhair geur.
- 7 A chum gu deant' air fineachaibh  
làn-dioghaltas gu léir :  
Is mar an ceudna air na slòigh  
làn-smachdachadh gu geur.
- 8 A chum gu'n deant' an rìghrean-san  
a chur fo chuibhreic ghéir ;  
Fuidh gheimhlibh teann do'n iarunn  
an uaisle mòr' gu léir. [chruaidh
- 9 Chum dioghaltas a chur an gnìomh,  
ta sgriobht' 'n a fhocal ceart ;  
So cliu nam fireanach gu léir.  
Molaibhse Dia nam feart.

SALM CL.

- 1 **M**OLAIBHSE Dia. 'N a theampull  
molaibhse Dia gu mòr : [naomh  
'An speuraibh àrd' a chumhachd fòs  
molaibh e mar is còir.
- 2 Air son a ghnìomhara ro-threun,  
molaibhse Dia 's gach àit ;  
A réir a mhòrachd molaibh e,  
's a ghlòir a ta ro-àrd.
- 3 Le guth na trompaid mar an ceudn'  
molaibhse Dia gu binn :  
Air clàrsaich seinnibh moladh dha,  
is air an t-saltair ghrinn.
- 4 Le tiompan thugaibh moladh dha,  
's an dannsadh mar an ceudn' ;  
Le organ togaibh suas a chliu,  
's le inneal-ciùil nan teud.
- 5 Air ciombalaibh ta labhar binn  
molaibhse Dia gun tàmh :  
Molaibhse Dia air ciombalaibh,  
nì toirm is fuaim ro-àrd.
- 6 Gach uile dhùil sam bith ta beò,  
'g am bheil an deò 'n an cré,  
Àrd-mholadh iadsan Dia gu mòr.  
Molaibh Iehobhah treun.





# LAOIDHEAN

O NA

## SGRIOPTUIRIBH NAOMHA.

### LAOIDH I. Genesis i.

- O** NEO-NI éireadh talamh 's nêamh,  
so labhair guth an Triath :  
O neo-ni dh'éirich talamh 's nêamh,  
gu h-ùmhail mar a dh'iarr.
- 2 Shuidh air an aigein duibhre tiugh,  
thuirt Dia, Biodh solus ann ;  
Ghrad-las an solus dealrach glan,  
's an duibhre theich gu teann.
- 3 Do neulaibh dh'àithn e togail suas,  
suas thog na neoil d'a rèir ;  
Le'n ionmhas uisg 'sgaoil iad 's gach àit,  
a' snàmh air feadh nan speur.
- 4 Dh'àithn e do'n uisg' a luidh air fonn  
grad-thional gu h-aon àit ;  
Dhian-ruith an fhairge, tonn air thonn  
is feuch an talamh tràight' !
- 5 Le lùibhibh gorm is craobhaibh meas,  
chòmhdaich e 'n talamh lom ;  
Mu'n d' thàinig fras no drùchd o'n speur,  
's mu 'n d' éirich grian air fonn.
- 6 Sgeadaich e 'n sin na nêamhan àrd' ;  
gu dealrach las a' ghrian :  
A' ghealach is na reulta dhùisg,  
a chuntas mhios is bhliadhn'.
- 7 Do'n uisge dhealbh Iehobhah treun  
gach gineal éisg sa' chuan ;  
Is ghairm o'n doimhne mar an ceudu'  
gach eun san ealtainn shuas.
- 8 Gach dùile beò air thalamh ta  
dhealbh thu le d' làimh, fa leth ;  
Do'n leòmhnan bhorb 's do'n chnuimheig  
thug thu maraon am bith. [fhao in
- 9 An duine chruthaich thu fadheoidh,  
a'd choslas glòrmhor féin,  
Gu bhi 'na uachdran dligeach fìor  
os ceann gach ni fo'n ghréin.
- 10 T'uil' oibre 'n sin a'd' lath'r, a Dhé,  
gu ciatach àluinn sheas ;  
Sheall thu, is thuirt gu robh gach ni  
gu fìor-mhaith agus deas.
- 11 Cia glòrmhor t'oibre-sa gu léir !  
cia treun thu féin an neart ;  
Co 'n ti nach tugadh dhuit-sa cliù !  
molams' thu. Dhia nam feart !

### LAOIDH II. Gen. xxviii. 20-22.

- D**HE Bhéteil ! le d'làimh thoirbhear-  
's tu bheathaich t'Isra'el féin : [taich  
's a threòraich feadh an turuis sgith,  
ar sinnseara gu léir ;

- 2 Ar bòid 's ar n-urnuigh nis a ta  
aig lath'r do chaithir ghràis ;  
Bi leinn, O Dhia ar n-aithriche !  
's na dìobair sinn gu bràth.
- 3 Tre cheumaibh dorch' ar beatha 'u so,  
O treòraich thusa sinn ;  
'S o là gu là ar teachd-an-tìr,  
's ar n-éidibh-cuirp thoir dhuinn.
- 4 Fo sgàil do sgéith, O dean ar dìon  
gu crìch ar seachrain sgith,  
Is thoir d'ar n-an'maibh fois fadheòidh  
a'd' chòmhuidh shuas an sìth.
- 5 Na tiodhlaca so, Dhé nan gràs,  
thoir dhuinn o d'làimh gu fial ;  
'S a nis, 's o so a mach gu bràth,  
is tu a ghnàth ar Dia.

### LAOIDH III. Iob i. 21.

- L**OMNOCHD mar thàinig sinn a steach  
do 'n t-saoghal so air tùs,  
Is amhluidh théid sinn lomnochd as,  
is taisgear sinn san ùir.
- 2 Gach ni ri 'n canar leinu gu faoin  
ar maoin 's ar stòras féin,  
Is iasad goirid aoin là e,  
's grad-dhiolar e gu léir.
- 3 'Se Dia bheir dhuinn gach comh-  
no ghearrasiad airfalbh ; [fhurtachd,  
Ma thug e leis, 'se féin thug uaith :  
beannaicht' gach uair biodh 'ainm !
- 4 Beannaicht' gu sìorruidh gu robh Dia ?  
cha ghearrain sinn ni 's mò ;  
Docrach no soerach biodh ar cor,  
dhuits', Athair, gu robh glòir.

### LAOIDH IV. Iob iii. 17-20.

- C**IA sàmbach ciùin an talla dorch  
san gabh sinn uile tàmh ;  
An tìr na dichuimh' far nach gluais  
aon fhuathas sinn no nàmh.
- 2 Cia tosdach seimh an leabadh 'n uaigh,  
a ghabhail suain is fois ; [innt'  
Théid crìoch air dragh luchd-euceirt  
's gheibh daoine sgith innt' clos.
- 3 Innte cha chaidh am prìosanach  
ni 's mò mar fhuair e chlaoidh ;  
Cha dochainn smachd an droch rìgh  
bhuirb,  
's is balbh guth mhillt fhìr dhaoi,
- 4 Tha lag is làidir, beag is mòr,  
co-shìnt san uaigh le chéil ;  
Tha naimhdean sàmbach taobh. ri  
is luchd na comhstri réidh. [taobh,



# LAOIDH V. VI. VII. VIII.

- 5 Co-ionnan coidlidh iad air fad  
fo ghlasaibh teann a' bhàis,  
Gu'n uair an gairmear iad le Dia  
'na fhianuis là a' bhràth.

## LAOIDH V. Iob v. 6-12.

- A** MHGHAR o'n duslach ged nach  
o'n ùir ged nach tig bròn; [dùisg,  
Gidheadh is lionmhor iad na h-uile  
th' air mac an duine 'n tòir.
- 2 Amhluidh mar dh'éircas srada suas  
gu luath air lorg a chéil':  
Mar sin tha'n duine air a bhreth  
gu bròn is cùradh geur.
- 3 Ach earbam-sa ri Dia mo chùis,  
is deanam m'ruigh ris;  
Riaghladh an domhain tha 'na làimh,  
gu 'lathair teichidh mis'.
- 4 Tha 'oibre lionmhor agus mòr,  
cò chuireas iad an céill?  
An t-anam brònach ni c ait,  
'S an t-anam lag ni treun.

## LAOIDH VI. Iob viii. 11-22.

- G** UN làthach am fàs luachair ghlas?  
no seilisteir gun sruth?  
Ged fhàs, is diombuan gearr an cuairt,  
seargaidh, gun bhuain, an cruth.
- 2 Is ionnan dòchas baoth an daoì,  
nach feud a chaidh bhi buan;  
Mar lion an damhain-allaidh fhaoìn,  
théid leis gach gaoth mu'n cuairt.
- 3 Trath leigeas e a thaic r'a thigh,  
aomaidh gach clach is crann;  
'S luath ghreimicheas e ris, ach 's  
luath'  
théid 'fhardoch bun os ceann.
- 4 Ged fhàs 'na ghàradh ris a' ghréin  
a gheuga dosrach ùr;  
'S ged sgaoil e 'fhreumhan domhain  
do-spionta ta car ùin': [teann
- 5 Gidheadh air teachd d'a bhinn o nèamh,  
spionar a fhreumh á bun;  
'Aite cha 'n aithnich e ni's mò;  
caochlaidh a ghlòir gu tur. [daoì,
- 6 Feuch, 's amhluidh gairdeachas nan  
ni tàir air naomhreachd Dhé;  
Grad-thuitidh iad: 's co grad a thig  
'nan àite daoine sèimh.
- 7 Ach Dia nan gràs, le cumhachd mòr,  
ni daoine còir a dhòn;  
An cridhe lionaidh e le gean,  
's am beul le moladh sìor.

## LAOIDH VII. Iob ix. 2-10

- A** M bi siol Adhaimh saor o chiont',  
no glan am fianuis Dé?  
Ma thagras e réir ceartais ruinn,  
fa' smachd théid sinn do'n eug.
- 2 Gu geur-chuiseach ma thòimhseas e  
gach smuain, is guth, is gnìomh;

Leithsgeul, air son mo mhìle ciont'  
a dhealbha cha'n urrain mi.

- 3 Is glic a chridh' 's is treun a làmh,  
's nach aingidh dàn an sluagh  
A thogas ceann an aghaidh Dhia;  
cò riamh thug air-san buaidh?
- 4 Roimh 'fheirg, na sléibhte crioth-  
is clisgidh iad o'm bonn; [naichidh,  
O 'bhunchar luaisgidh null 's a nall,  
le garbh-chrith, 'n talamh trom.
- 5 Ma thoirmisgeas e éirigh gréin',  
cha'n éirich grian gu bràth:  
Dubh-neulach ni e 'n speur air fad,  
's gach reul théid as 'na smàl.
- 6 Coisichidh Dia san fhainge ghairbh  
carbaid do ghaothaibh ni;  
A shlighe àrd cò lorgaicheas  
a cheuma dorch' co chi?

## LAOIDH VIII. Iob xiv. 1-15.

- O** DHUINE th'air do bhreth le mnaoi,  
cia tearc is truagh do làith'!  
O'n duslach thàinig thu, is théid  
gu d' dhuslach féin gu dàil.
- 2 Mar mhaoth-lus fasaidd tu fo bhlàth  
is gheibh thu bàs gu beachd:  
Mar fhaileas teichidh tu gu luath,  
's cha bhuan air thalamh neach.
- 3 Làn ciont' is truagh, an seas aon dùil,  
fa chomhair sùilean Dé?  
Co chaidh bheir uisge soilleir glaz  
à tobar salach créidh?
- 4 Ar làithean air an àircamh ta,  
's gun tàmh a' gabball seach;  
Is goirid gus an tig an uair  
a ni do'n uaigh ar teach.
- 5 Dhé mhòir! na smachdaich aun ad  
an tomhas goirid faoin, [fheirg  
Do làithibh diombuan an-shocrach  
thug thu do chloinn nan daoin'.
- 6 Ged chrionas lus, cha'n fhaigh e bàs,  
thig 'fhas ri h-ùine nìos;  
'S ged sheargas craobh sa' gheamhradh  
ni'n t-earrach nuadh i ris. [fhuar
- 7 Ach aon uair 's gu'm faigh duine bàs,  
cha phill a làith' ni 's mò;  
A bheatha cha dean carrach nuadh,  
's air 'uaigh cha bhris an lò.
- 8 Amhluidh mar shruth a ruitheas bras,  
's nach pill air ais r'a shliabh;  
Tha làith' is bliadhnaidh 's linn dol  
's cha phill ri neach an triall. [seach,
- 9 San uaigh 'n tràth luidheas duine sìos,  
coidlidh e 'n dìon a' bhais;  
'S cha dùisg c tuilleadh gus an téid  
an cruinne-cé 'na smàl.
- 10 O biodh an uaigh 'na leabadh thàimh  
dhomh féin, gu là mo Thriath,  
San éirich mi gu h-aobhach suas  
le naomh-shluag maiseach Dhia!

- 11 San dòchas ait, le foighid mhòir,  
feithidh mi ordugh Nèimh.  
A thig san àm a shonruich Dia  
an triall mi thuige féin.

LAOIDH IX. Iob xxvi. 6-14.

- C**O ghleachdas ris a' ghairdean threun  
a dhealbh na speuran àrd?  
No c'ait am folaich neach e féin  
o'n t-sùil d'an léir gach àit?
- 2 'Na shealladh-san tha ifrinn féin  
is léir-sgrìos uile rùisgt':  
'S an ceilear lochd air bith no beud  
o fhradhare geur a shùl?
- 3 Air neo-ni chroch e'n domhan mòr,  
's an àirde tuath do sgaol  
Ar ionad falamh, agus phaisg  
uisge sna neulaibh faoin'.
- 4 Tràth chithear cumhachd Dhé's gach  
tha sgàil 'ga fholach féin; [ait,  
Tha 'chaithir cuairtiche le neòil,  
's do dhuine beò cha léir.
- 5 Onfha na fairge pillidh e  
le tràigh, air peud a neirt  
Is air a' chrìch a thug e dhi  
cha téid i chaoidh a thart.
- 6 Roimh achmhasan Iehobhah thréin,  
tha talamh 's nèamh air chrith:  
Clisgidh an stéidh ma lasas suas  
a chorrùich uair air bith.

- 7 Gun doinnionn luaisgidh e an cuan,  
's tògaidh e suas a thuin;   
'S an t-uaibhreach tilgidh e, gun nàmh,  
o 'àirde bun os ceann
- 8 'S e honas nèamh le cuideachd naomh,  
's a ni iad aobhach ait;  
Ach sliochd na nathrach tilgidh síos  
gu ionad claoidh le smachd.
- 9 D'a oibrìbh 's beag a chithear leinn,  
's cha tuig sinn iad sin féin:  
Ach tairneanach a chumhachd mhòir,  
cò dh'fheudas chur an céill?

LAOIDH X. Gnath-fhocail i. 20-31.

- A**N coimhthional nan iomadh slògh,  
is anns na ròidibh tugh',  
Ri cloinn nan daoine' tha Gliocas nèimh  
a' togail suas a ghuth';
- 2 Cia fhàd a ni luchd fanoid tàir  
air firinn 's gràsa Dhé?  
'S a bheir sibh, amadana, spéis  
d'ur toil mhi-chéillidh féin?
- 3 Pillibh air m' earails', air 'ur n-ais,  
is bidh sibh sona chaoidh:  
Pillibh, 's a chum bhur beannachadh,  
mo spiorad bheir mi dhuibh.
- 4 Ach mur toir sibh mo ghuth fa'near,  
's mur éisd sibh ri mo ghlaodh:  
Tràth ghlaodhas sibhs'an là bhur naire,  
'ur n-atheuinge bidh faoin.

- 5 Tràth ghlaodhas léir-sgrìos sibh 'na cuairt,  
mar iora-ghaath luath nan speur.  
Ni mise fanoid air 'ur caoidh,  
's 'ur n-urnigh chaoidh cha'n éisd.
- 6 O'n ròghnaich sibh roimh bheatha bàs,  
's éigin gu bràth bhì truaigh;  
Oir ciod air bith a chuireas neach,  
dheth sin ni 'n neach sin buain.

LAOIDH XI. Gnath-fhoc. iii. 13-17.

- C**IA sona 'n ti do theagasg Dhé!  
bheir éisdeachd gach aon uair;  
'S ri gliocas nèimh, le mòran tlachd,  
philleas gu moch a chluas?
- 2 Is fearr a stòr na 'n t-ionmhas faoin  
a ta san t-saogh'l gu léir;  
'S is luachmhoire a dhuais gu mòr  
na òr a' chruinne-ché.
- 3 Tha saoghal fada 'na làimh dheis,  
is urram 'na làimh chlì;  
Iadsan air fad a bheir dha gràdh,  
's leo saoihbheas, slàint', is sìth.
- 4 Do 'n òg 'na shlighe fhiorghlan réidh.  
sòlas bheir e gu pailt,  
'S do 'n aosda bheir e coron glòir,  
's tròcair o Dhia gun airc.
- 5 An uair tha dìchioll dhaoine mòr,  
tha 'dhuais-san mòr d'a réir:  
Do shòlasaibh tha 'shlighe làn;  
is sìth a ghnàth 's gach ceum.

LAOIDH XII. Gnath-fhoc. vi. 6-12.

- E**IRICH a lundaire gu grad,  
'Sthoir ortan seangan beag gunstad,  
Oir ged nach d'fhuair e riamh fear-iùil',  
No neach g'a ghreasadh air a chùil;
- 2 Fa chumhair geamhraidh ni e deas,  
A' cuimhneachadh gun tàmh a leas;  
San t-samhradh trusaidh e a lòn,  
San fhoghar ionlan tha a stòr.
- 3 Ach c' uin' a dh'éireas tus o d' shuain?  
A lundaire, nach dùisg thu suas?  
Cha'n iarr do leisg ach tuilleadh tàimh,  
Le clò do'n t-sùil, is pasgadh làmh.
- 4 Ach feuch! tha bochdainn agus bròn,  
Ag iadhadh air gach làmh a'd' chòir;  
'S mar ghaigeach armach teachd a'd'  
dhàil, [sàil.  
Trom-bhruthaidh iad do cheann fo'n

LAOIDH XIII. Gnath-fhoc. viii. 22-36

- B**IBH tosdach uile, chlann nan daoine  
tràth ghlaodhas Gliocas Dé,  
A bhriathra thugar leibh fa'near,  
's d'a earail thugaibh géill.
- 2 Bu mhise Annsachd Dhé o thùs,  
mu'n robh na nèamha ann;  
'S mu'n d'fhuair an domhan mòr a  
bha mise, feadh gach àm. [bhith,
- 3 Mu'n robh ann sléibhte mòr no beag',  
mu'n robh ann muir no tìr,



- No ni air bith sa' chruinnch-ché;  
aig deas làimh Dhé bha mi.
- 4 Tràth dhealbh e neòil is athar àrd,  
an talamh tràight' 's an cuan,  
'S tràth ghearr e 'n crìochan doibh fe  
bha mise leis san uair. [leth,
- 5 Tràth chroch e 'n talamh cothrom  
gun taic ris o aon taobh, [aicht'  
Dhearc mi le gàirdeachas an sin  
air ionad còmhnuidh dhaoin'.
- 6 Dhealbh smuain mo chridh' o shior-  
ruidheachd  
làn-tearmunn doibh o'n bhàs;  
Neo-chaochlaidheach, uaith sin gu so,  
tha m'iochd dhoibh is mo ghràdh.
- 7 Ri m' theagasg éisdibh uime sin,  
is gheibh sibh beatha uaith,  
Is sona 'n ti bheir géill do m' lagh;  
bidh 'n ti nach tabhair truagh.
- 8 Is mise ni gu nèamh an t-iùl,  
's an slighe réidh do m' shluagh:  
Tha béatha 's càirdeas aig gach neach  
a leanas mi gach uair.
- 9 Ach 's naimhde mòr'd'an an'maibh féin  
na dhiultas géill do m' reachd;  
'S na bheir sior-fhuath do m'theagasg  
naomh,  
chum ifrinn théid gu beachd.

LAOIDH XIV. Eccles. vii. 2-6.

- O** SIBHS' air fad le 'm b' àill bhi glic,  
bibh tric an tigh a' bhròin:  
Oir luath no mall tha sinn gu léir  
ri fulang péin is leòn.
- 2 Is fearr gu mòr bhi giùlan goimh,  
o àmhghar tigh na caoidh;  
Na 'n cridh' a lot le sòlas baoth,  
an cuideachd dhaoine dao.
- 3 'N tràth bhios an aghaidh tuirseach  
's an t-sùil a' silcadh dheur, [trom,  
Gheibh smuainte naomh' san anam  
's ni iad ni 's fearr an gné. [tamh,
- 4 An duine crìonna théid gu tric  
gu bothan bochd a' bhròin;  
Ach leis an dream air bheagan céill'  
is aoibhinn talla cheòil.
- 5 Is diombuan aighear dhaoine dao,  
's is dlùth dhoibh àmhghar truagh:  
Mar bhoisge fuaimneach droighinn  
fhaoin  
ghrad-chaochlaidheas gu luath.

LAOIDH XV. Eccles. ix. 4, 5, 6, 10.

- 'S** E nis an t-àm bhi réidh ri Dia;  
'S e nis an t-àm thòirt géill do'n  
Triath;  
Am feadh a mhaircas là nan gràs;  
Fendaidh gach neach dol as o'n bhàs.
- 2 'S i so an uair a sheachnadh truaigh',  
'S a thabhairt nèimh a mach le buaidh;

So cothrom aigh, ta dian-dhol seach,  
Deanar deadh bhuil dheth leis gach  
neach.

- 3 Is fios do'n bheò gu faigh e bàs,  
Air dicheumhn' tha gach marbh an  
tràs: [ainn,  
An cuimhne dh'fhalbh, is dh'fhalbh an  
Cha'n aithnich'r iad, 's cha'n aithne  
dhoibh.
- 4 Theirig an gràdh, sguir am fuath,  
'S tha'm farmad sìnte leo san uaigh;  
Cha'n eòl doibh nis am bith fo 'n ghréin;  
An saothair sguir maraon riu féin.
- 5 Dean dìchioll uime sin 'na thràth,  
Crìoch a chur air saothair do làmh:  
Oir saothair, scòl, no obair ghlic.  
Cha deanar leat gu bràth fo 'n lic.
- 6 San uaigh, do'm bheil sinn uile triall,  
Maith'neas cha'n fhaigh, 's cha d'fhu-  
aradh riamh;  
Gun chaochla' bithidh cor gach neach  
Gu àm d'a bhinne teachd a mach.

LAOIDH XVI. Eccles. xii. 1.

- C**UIMHNICH do Dhia an làithibh t'òig  
làithibh gun bhròn gun chal;  
Mu'n tig na bliadhnaidh brèithe tinn,  
's am fàs air t'inntinn smal.
- 2 Mu'n tig gu àirde cruas do chridh',  
grad-sgrìobh air lagh do Dhia;  
'S do Chruthfhear cuimhnich fòs an  
mu 'm fàs thu aosmhor liath. [tràs,
- 3 Oir, goirid uait tha pian is bròn,  
na neòil tha cheana dlùth  
Ni t'aoibhness dorch, is t'òige scan,  
a' cur do ghean air chùil,
- 4 'S gèarr gus an gearain thu gu goirt  
fo sprochd is iarguin aois',  
'S an cuimhnich thu air aighear t'òig',  
nach pill ni 's mò do d'thaobh.

LAOIDH XVII. Isaiah i. 10-19.

- A** MHATTHEAN Shodoim! gabhaibh  
do fhocal Rìgh nan feachd; [suim  
Fheara Ghomorah! thigibh dlùth,  
is bithidh ùmh'l d'a reachd.
- 2 Mar so a deir e, Ciod is brìgh  
d'ur n-iobairtibh gu stà?  
Tha m' altair sgìth d'ur tiodhlacaibh,  
's ghabh mi d'ur n-aoradh gràin.
- 3 Ged las 'ur n-iobairtean gu nèamh,  
's ged dhorchaich tùis an speur;  
Gidheadh bheir mise fuath is gràin  
do ghìomh 'ur làmh 's duibh fein.
- 4 Bhur trasg 's 'ur n-urnuigh 's fuathach  
's 'ur làithe féill faraon; [leam,  
Oir tha 'ur cridhe làn do cheilg,  
's 'ur slighe cam is claon.
- 5 Glanaibh 'ur làmhan o gach ole,  
's na deanaibh lechd ni 's mò;

'Nur giùlan uile bithibh ceart,  
's 'nur cridhe glan, gun ghò.

- 6 Na tairgibh dhomhsa urram faoin,  
ach foghlumaibh mo zeachd;  
Teann-thagraibh cùis na bantraich  
truaigh  
's air fann na deana ibb lochd.

- 7 An sin, dearg mar choreur ged robh  
'ur lochdan, nighear uaibh  
An sal, is bidh sibh glan, tre ghràs,  
mar shneachd a's àille snuadh.

LAOIDH XVIII. Isaiah ii. 2-6.

**F**EUCH! éiridh san linn dheireannaich  
naomh theampull Dhia na glòir',  
Os ceann nam beann 's nan sléibhteann  
fàth iongantais ro mhòir! [àrd']

- 2 D'a ionnsuidh thig na cinnich ait,  
gach teangadh 's treubh le chèil':  
Ag ràdh, Suas greasamaid gun dàil  
gu teampull àluinn Dé.

- 3 An solus thig O Shion àrd  
dealraidh feadh dhùthcha céin;  
'S do 'n Rìgh 'na shuidh' air Salem ta  
bheirear 's gach àite géill.

- 4 Measg chinneach 's eilean iomallach  
àrd-shuidhidh e gu breth  
Is smachduichear 'na cheartas leis  
gach uile shluagh fa leth.

- 5 Le connspoid is le h-an-ìochd borb  
cha bhuairiar linn nan gràs;  
An speal is coltar iompaichear  
gach claidheamh 's inneal bàis.  
Le nàmh ni 's mò cha chasgrar nàmh  
's cha bhi san àraich caoidh:  
Chachruinnich trompaid slòigh 'a cheil',  
's cha 'n éighear cath a chaoidh.

- 7 O ghineil Iacoib, uime sin,  
thigibh gu teampull Dé;  
'S 'na sholus-san ta dealrach glan,  
sior thriallamaid gu néamh.

LAOIDH XIX. Isaiah ix. 2-8.

**F**EUCH! dh'éirich solus air na slòigh  
bha chòmhnuidh 'n duibhre bàis;  
Is air an t-sluagh a bha fo sgàil,  
nis dhealraich Ghrian nan gràs.

- 2 A d'ionnsuidh-sa, a Ghrian an aigh!  
le fàilte thig gach sluagh,  
'S iad aoibhinn mar luchd buain o'n  
's am foghar taisgte suas. [fhàich,

- 3 Oir thog thu dhinn ar n-callach ghoirt,  
is lotadh leat ar nàmh, [sios  
Le d'ghairdean treun ghrad-thilg thu  
luchd mì-ruin chum an làir.

- 4 Mar laoch a' ruith feadh fola 's àir,  
tha Slanuighear nam buadh;  
Mar cheumaibh dhealanaich nan speur  
bheir thu fo ghéill gach sluagh.

- 5 Feuch dhuinne rugadh Mac an aigh;  
fhuaire sinn Slanuighear treun!

Gach treubh air thalamh géillidh dha,  
is aingle neimh gu léir.

- 6 Prionnsa na sìochaint canar ris,  
's e'n Tì ta glie is treun;  
Le ceartas riaghalaidh c' gach sluagh,  
o 'chaithir shuas air néamh.

LAOIDH XX. Isaiah xxiv. 1-7.

**C**IA glòrmhor àluinn caithir Dhè!

Sion cia breagh a snuadh!  
Innte chuir Dia a chaithir-rìgh,  
chum marsuinn sìorruidh buan.  
2 A balla dìonaidd e le 'ghràs,  
gu làr cha tuit i chaoidh;  
Ni slàinte téarmunn di gach taobh,  
's ifrion cha 'n fheud a claoidh.

- 3 A dhorsa sìorruidh, èiribh suas,  
fosglaidh gu luath o chéil'; [a steach  
'S gu'n rachadh naomh-shluagh Dhé  
a thug d'a reachd-san géill.

- 4 An so gun airceas mealaidd sibh  
sith shòlasach gu bràth;  
Sibhse le n' ionmhuinn àrd-ainm Dhé  
's tha deanamh buin a 'ghràs.

- 5 Earbaibh á Dia, sìor-carbaibh as;  
gach eagal fògraibh uaibh;  
Aig Dia tha cumhachd chum 'ur dìon,  
feadh linn nan linn gu buan.

- 6 Còmhnuidh nan droch dhaoine', ged is  
bheir Dia le 'làimh i nuas; [àrd  
'S am mòr-chuis tilgidh esan sìos,  
co' iosal ris an uaigh.

- 7 Saltraidh am bochd an sin le tàir,  
àir àrois àrd' nan daoib;  
Tràth bhios iad sìnte air an làr,  
gun éirigh 'n àird a chaoidh.

LAOIDH XXI. Isaiah xxxiii. 13-18.

**H**O! gach aon neach fad as no dlùth  
do'n chùis so gabhaibh suim;  
Bidh àgh is beannachd aig na naoimh,  
ach sgriosar daoine daoi.

- 2 An ti bhios ionraic treibhdhireach  
fa chomhair Dhé gach uair,  
Ri gnìomh gun ìochd nach cuir a làmh,  
's air bréig gu bràth nach luaidh;

- 3 An ti nach laimhsich duais an uile,  
's gu ceilg nach buair an saogh'l,  
Nach seall gun ghràin air lochd air bith,  
's nach gluais air slighe chlaoin:

- 4 An ti sin còmhnuidh gheibh gu bràth  
an daingneach làidir Dhé;  
Gun easbhuidh gheibh e 'theachd-antir,  
is caisgear iota 's fheum.

- 5 Fadheòidh bidh Nèamh dha fosgailte,  
le dorsaibh farsuinn fial,  
'Se le Rìgh nan rìghrean bithidh e  
gu téaruint' feadh gach ial.

LAOIDH XXII. Isaiah xl. 27-31.

**C**ARSON a dhòirtear leat a mach  
do chaoidh, gun dàil ri ìochd?



- Ceart mar nach tugadh Dia fa' near  
cùis neach air bith d'a shliochd.
- 2 Esan a chruthaich talamh 's neamh,  
am bheil a thearmunn gann?  
No 'm feud an lamh a dhealbhadh gach ni,  
fàs sgith gu bràth no fann?
- 3 Maith, glic, is uile-chumhachdach,  
tha 'n Triath a ta 'gar dìon;  
A shlighe ged nach léir do neach,  
is ceart e anns gach gnìomh.
- 4 'S mòr fàth ar misnich, uime sin,  
fo cheannsal Dhia na sluagh;  
Do 'n fhìrean lag bheir esan neart,  
's do'n anmhuinn bheir e buaidh.
- 5 Caillidh na daoine scan an treòir,  
's an ìgriidh fien an lùth;  
Ach mhead 's a dh'fheith ri Dia nan  
tha slàinte dhoibhsan dlùth. [gràs,
- 6 Le cosaibh lùthar siubhlaibh iad  
san t-slighe dh' ionnsuidh glòir';  
'S fasaidd an neart mar thrìallas iad,  
'nan giùlan diadhaidh còir.
- 7 Air sgiathaibh creidimh éiridh iad,  
mar iolar luath nan speur,  
Os ceann an t saoghail dhòrcha so,  
gu Dia an àirde nèimh.

LAOIDH XXIII. Isaiah xlii. 1-13.

- F**EUCH m'òglach! feuch mo sheircinn  
's e àrdaicht'ann an neart; [ghràidh  
Mo roghainn e do'n t-sluagh gu léir,  
dha thug mi spéis gu beachd.
- 2 Airsan gu saoiuibh turlingidh  
mo Spiorad naomha féin,  
Chum anns na dùthchaibh iomallach  
mo bhreth gu'n cuir e 'n céill.
- 3 Séimh agus ciùin, gun gheilt no buirb,  
bheir esan breth neo-chlaon; [brùit',  
Cha bhris e 'm feasd a' chuile tha  
's cha mhùch e'n lasair chaoil.
- 4 Gu lasair séidear leis an t-srad;  
do'n lag bheir e làn-bhuaidh;  
Feadh mhòr-thìr 's eileansgaoilidh 'eud,  
is géillidh dha gach sluagh.
- 5 So deir an Dia ghairm nèamh gu bith,  
's a las na lòchraim iùil,  
A thug do 'n duine spiorad glic,  
's a dhealbhadh gach uile dhùil:
- 6 'S tu m' Fhàidh, a ghairm 's a thog  
mi suas!  
gach uair is leat mo neart;  
O m' uile chumhachd gheibh thu treòir  
gu d' chòmhnadh anns gach beart.
- 7 Annadsa ni mi ris gach tìr  
coimhcheangal sìorruidh gràidh,  
Thoir saorsa do na braidhribh leòint',  
's do chinnich eòlas aigh.
- 8 Na dorsa prais grad-bhrisidh tu,  
's na glasa làidir teann.

- Is solus aoibhinn agus saors'  
bheir thu do 'n daor 's do'n dall.
- 9 'S mise Ichobhabh; 's e sin m' ainm  
air feadh gach uile ial; [faoin',  
Mo ghloir cha bhuin do dhealbhaibh  
's mi féin a'm' aonar Dia.
- 10 Feuch! choimlionadh a nis gach ni  
gheall mi o shean do'n t-saogh'l;  
'S na nìthe gheallar leam an tràs  
coimhlonar iad faraon.
- 11 Canaibh do 'n Tighearn òran nuadh:  
air 'ainm biodh luadh 's gach àit;  
Feadh muir, is tìr, is innse cian,  
biodh moladh Dhia gu bràth.
- 12 A chaithir mhòr! is fhàsaich fhaoin!  
molaibh araon ar Dia;  
'Sa mhachair thugaibh moladh dha,  
's na bheil 'nur tàmh feadh shliabh.
- 13 Seinnidh gach sluagh, gu h-aon-  
sgèulach,  
glòir ion-mholt' Dhé bhith-bhuain;  
'S do'n chaithream aoibhinn agus throm  
co-fhreagradh fonn is cuan!

LAOIDH XXIV. Isaiah xlix. 13-17.

- A** NEAMHA togaibh luathghair ait;  
a thalamh, binn-cheol seinn;  
A shléibhte, canaibh co-sheirm chiùil,  
's gach dùil air feadh gach linn!
- 2 Feuchaibh cia tròcaireach ar Dia!  
cluinnibh a bhriathra gràis;  
Do'n anam through bheir comfhurt-  
is saors' o dhochann bàis. [achd,
- 3 Sguiribh, an làithibh goirt 'ur claoidh',  
d'uir caoidh 's d'ur gearan cruaidh:  
An saoil sibh pàch toir Dia fa 'near  
staid gach aoin neach d'a shluagh?
- 4 An diobair màthair cìochran maoth  
a brollaich, le h-an-ìochd?  
Nach maothaich osna 's deòir a cridh'  
's nach gabh i truas d'a sliochd?
- 5 Ach, arsa Dia, ged chaochail ìochd  
d'a gineil anns gach mnaoi,  
Mo ghaoil is m'ìochd-sa do mo shluagh,  
gun chaochladh mairidh chaoidh.
- 6 Dòmhain air dearnaibh mo dhà làimh,  
ainm Shìoin ghearr mi sìos;  
A balla briste càiridh' mi,  
's a h-àrais togaidd ris.

LAOIDH XXV. Isaiah liii.

- C**IA tearc an dream, le creidimh beò  
a ghabhas eòlas uainn;  
No mhothaicheas o'm fiosrach féin,  
mòr-chumhachd Dhé nan sluagh?
- 2 Tha IOSA teachd! gun ghreadh nachas,  
a dh'fhoillseachadh cia dlùth;  
Oir àille thalmhaidh air cha bhi,  
no bheag do iognadh shùl.
- 3 Mar chinneas ann am fàsach fhaoin  
luibh mhaoth, gun chùram sluagh,

- Mar sin, san t-saoghal aingidh so,  
dh'fhàs Crìosd fo ainneart suas.
- 4 Fo dhùneas is fo tharcuis dhaoin',  
feuch fear au àmhghair thruaigh!  
Is bròn a' leantuinn ris gun chlos,  
an taobh a bhos do 'n uaigh.
- 5 Ach cha b'è féiu, ach sinne thoill  
gach cràdh a rinn a leòn;  
Oir, neochioutach sheas e 'nar riochd  
's gu h-ìochdmhorghabh arbròn.
- 6 Gidheadh mar dhroch dhuin' mheas-  
's mar fhògarach o ghràs: [adh e,  
Tràth dhòirt e' fhuil air sou an t-sluaigh,  
fo osuaidh chruaidh a' bhàis.
- 7 Le 'naomh-fhuil nigh e dhinn gulan,  
ar truailidheachd 's ar lochd;  
Leighis a chreuchdan, 's shaor a bhàs  
gu bràth ar n-an'ma bochd.
- 8 Chaidh daoine dall is ceannairceach  
air seachran trua', mar thread;  
Ach ghiulain Crìosd ar u-cusaoutas,  
is dhiol ar n-uile bheud.
- 9 Fo bhuillibh trom' ar smachdachaidh,  
feuch giulan caomh Mhic Dhé!  
Mar uau a' chasgraidh, 's amhluidh sin,  
cha d'fhosgail e a bheul.
- 10 A neochionta cò dh' fhoillsicheas!  
's e'n cuibhreach chruaidh an sàs?  
Feuch d' bheachd e le samhaidh reachd,  
is thugadh seach gu bàs.
- 11 Le peacaich luidh e sìos san dus,  
na beartaich thug dha uaigh;  
Mar chaith e 'bheatha, chrìochnaich e,  
gu chiont', air meud a thruaigh',
- 12 Mar so ge d' bhruthadh e le Dia,  
dh'èirich ar Triath a ris,  
Oir ìobairt iomlan aoin Mhic féin  
dhiol ceartas Dé gu sìor:
- 13 Oir, arsa Dia, làn-shoirbhichidh  
mo thlachd 'ua làimh gun cheisd;  
Bidh 'ghineallionmhor feadh gach linn,  
's bidh inbhe mòr am feasd.
- 14 Bidh 'anam ait tràth dhearcas e  
air toradh pailt a phéiu;  
Is bheir na slòigh a shlànuich e,  
cliu sìor d'an Slàn'ear treun.
- 15 Roinuidh e chreach le laochraibh  
treun';  
's do 'n eug bheir gach aon nàmh;  
Le ciontaich ge d' luidh e san uaigh,  
dh'èirich le buaidh an àird.
- 16 Dh'fhuiling e dhiolaidh cionta dhaoin'  
a dh'fhaotainn sìth' d'a shluagh;  
'S mar charaid sìor-bheò nis air ucamh,  
tagraidh e'n cùis gach uair.

LAOIDH XXVI. Isaiah lv.

**O** DHAOINE tartumhor! thigibh chum  
sruth pailt nan uisge beò;  
An nasgaidh gheibh am bochd a dhiol,  
gun airgid is gun òr.

- 2 C'ar son a struidheas sibh'ur maoin  
air nithibh faoin' nach biadh;  
'S a chailleas sibh'ur saoth'r gach là,  
mu ni nach sàsuich miann?
- 3 Gu deònach cromaibh riums'ur cluas,  
ma 's àill leibh suaimhneas fìor;  
Le m' theagasg bidh 'ur n-an'ma beò,  
is gheibh sibh sòlas sìor.
- 4 Eisdibh, is mairibh beò gu bràth!  
mo chùmhquant gràsmhor 's leibh;  
An tròcair a rinn Daibhidh ait,  
guu airc bheir mise dhuibh.
- 5 Mar fhianuis ròghnaich 's thog mi e,  
mar cheannard treun do m' shluagh;  
Gach fine gairmuid e o chéin,  
's bheir iad fo 'bhrataich buaidh.
- 6 Feuch crìocha cian nach b'aithne dhuit,  
is do nach b'aithne thu, [ichidh,  
Ard-fhàidh! a d'ionnsuidh cruain-  
's do m' ainm-sa bheir iad clui.
- 7 Grad-iarraibh Dia am feadh tha 'chluas  
'ga cromadh nuas r'ur glaodh;  
'S 'nuair tha e taingseadh dhuibh a  
gabhaibh ri 'shlàinte shaor. [ghràis,
- 8 Tréigeadh an t-aingidh 'shlighe chlaon,  
's an droch dhuin' smuain a chrìdh',  
Is pilleadh iad ri Dia gun dàil,  
is gheibh iad slàint' is sìth.
- 9 Oir Dia tha saoi bheir ann an iochd,  
is laghaidh e gach beud;  
Cha'n ionnan nàdur dha 's do dhaoin',  
a thròcair chaomh cha tréig.
- 10 Oir mar is àrd an speur, deir Dia,  
os ceann na talmhainn faoin  
'S co-àrd tha m' iùil 's mo smuainte-sa  
thar iùil is smuainte dhaoin'.
- 11 Nuas silidh frasa sneachd is uisg',  
's cha phill a ris an àird,  
Au talamh gus au taisich iad  
a ghiulan lòn 's gach àit.
- 12 Mar so aon ghuth a labhras mis'  
cha tig air ais gun bhuil; [dùil,  
Mo ghairm 'gheibh eisdeachd o gach  
is bidh iad ùmh'l do m' thoil.
- 13 N' sin stiùrar dùthchan ionpaichte,  
le h-aobhneas is le fois:  
Na sléibhte seinnidh air gach taobh:  
buailidh gach craobh a bos.
- 14 An àite droighinn agus dris  
bidh ùr-chroinn uaine fàs; [dùil,  
Mar so sìor-mhairibh; 's bheir gach  
àrd-chliu do Dhia nan gràs.

LAOIDH XXVII. Isaiah lvii. 15, 16.

**E**ISDIBH! gach neach air thalamh ta,  
guth Dhé ro-aird is naoimh;  
'S iad so a bhriathra tròcaireach,  
fàth dòchais chloinn nan daoine',  
2 An àirde nàimh mo chaithir rìgh  
o shiorruì'chd shoeruidh mis';



- 'S leam cliu nan aingeal feadh gach  
's gach buaidh ta iomlan leis. [linn,  
3 Gidheadh o m' ionad còmhnuidh  
sealladh ni nuas a ghnàth. [shuas,  
Air luchd a' chridhe bhriste bhrùit',  
's 'nam bùthan ni mi tàmh:  
4 A cheangal suas an spioraid bhrùit'  
's g'a thoirt o'n ùir a nìos;  
'S a bheòthachadh nan an'ma truagh'  
tha dol do'n uagh a sìos.  
5 Na h-an'ma sin a dhealbh mi féin,  
gheibh téaruinteachd fo m' ghràs;  
Tagradh cha dean mi riu do shìor,  
mun tuit iad sìos a'm' làth'r.

LAOIDH XXVIII. Isaiah lvii. 5-9.

- F**EUCH! ciod an trasg is aill le Dia,  
an e bhi cianail trom!  
No sgeadaichte le samhladh bròin,  
is aghaidh leòinte chrom?  
2 An ionmhuinn leamsa éididh bròin,  
deir Rìgh na glòir' e féin?  
Le ceann air lùbadh, 's gnùis fo smal,  
am faigh sibh uamsa spéis?  
3 Rì daoine truagh 'gan sàruchadh,  
cum baigh is cothrom maith;  
'S do dhaoine bochd is an-shocrach  
gabh curam, 's biodh ort rath.'  
4 Do'n dilleachd ocrach thoir do bhiadh,  
's biodh d'fhàdach fial gach uair  
Do'n choigreach tha gun àite tàimh,  
's do'n acrach dhiblidh thruagh.  
5 Còmhdaich an lomnochd, dìon am  
tog suas an ti fo leòn; [fuar,  
'S na druid do chridhe le h-an-ìochd  
o neach air bith san fhèoil.  
6 An sin mar mhaduinn shoillear chitinn,  
bidh t'ùin' air thalamh bhos;  
Air t'ùile shlighe dealraidh Dia,  
's o t' iarguin gheibh thu fois.

LAOIDH XXIX. Tuir iii. 37-40.

- A**M measg nan cumhachdach cò 'n ti  
a bheir gu crìch na 's àill?  
Nach 'eil gach ni sa' chruinne-ché,  
fo ordugh Dhé a mhainn:  
2 'S esan a ni ar n-aobhlneas mòr,  
no bheir dhuinn bròn fa seach;  
'S i 'lámh a dh'albh an solus iull,  
's do dhuibh-neòil thug an dreach.  
3 Ciod uim' an gearain duine beò,  
'ga leòn fo smachdach' Dhé?  
A chum a leas tha Dia 'ga chlaoidh  
gu thoirt d'a ionnsuidh féin.  
4 O dhaoine! rannsaichibh gu geur,  
gach ceum d'ur slighe chlaoin;  
'S pillibh o 'r seachranaibh gu Dia,  
thaobh meud a thròcair chaoìn.

LAOIDH XXX. Hosea vi. 1-4.

- T**HIGIBH, is rachamaid gu Dia,  
le chridhe tiamhaibh bròin:  
Ge d' pheacaich sinn, ni esan ìochd  
air an'maibh briste leòint'.  
2 Air 'iarrtus dùisgidh 'n doinionn  
is fàsaidh balbh a ris; [gharbh,  
Is ged tha 'ghairdean treun gu sgrios,  
tha e co treun g'ar dìon.  
3 B' fhada 's bu chian ar n-oidhche  
bhròin,  
bheir teachd an lò dhuinn gean;  
Oir thig ar Dia is fògraidh e  
gach dòlas ruinn a lean.  
4 'N sin gheibh sinn còlas air a ghràdh,  
ma thig sinn dhasan dlùth;  
Bidh 'ghnùis mar gheirn na maidne  
's a ghuth mar inneal-ciùil. [gloin',  
5 Mar dhrùchd air bhàrr nan luibhean  
maoth;  
's iad air gach taobh fo bhlàth;  
No mar na frasán thig a nuas  
air fearann cruaidh is fas;  
6 Mar sin ni dealradh gnùis ar Dé  
ar n'an'ma aobhinn aite:  
Fògraidh e duibhre 's doilghios uainn,  
is ni sinn uail gu air.

LAOIDH XXXI. Micah vi. 6-9.

- C**IA leis a thig mi 'm fianuis Dhé,  
àrd thrìath a' chruinne-ché!  
No ciod an ìobairt bheir mi dha,  
chum e bhi ghnàth rium rèidh?  
2 An toilich mìle ìobairt-loisgt',  
le'm boltrach tuis' an Triath?  
Deich mìle sruthan olaidh 'n leòr,  
's gach ainmhidh beò san t-sliabh?  
3 Mus leòr, an gabh e mo cheud-ghin,  
an riochd mo bheatha féin;  
Toradh mo chuirp an éiric m' an'm'  
chum bhi 's gach àm rium rèidh?  
4 Cha'n fhoghainn so: is aobhar gràin  
le Dia gach cràbhadh saoi;  
'N fhocal leig e ris a rùn,  
a stiùradh chloinn nan daoìn'.  
5 O dhuine! so na dh'iarr e ort;  
dean ceartas, miannaich ìochd;  
Gu h-umhal gluais an làth'r do Dhia,  
is dean a riar gu glic.

LAOIDH XXXII. Habac. iii. 17, 18.

- C**HAOIDH ged nach toir crann fige  
blàth,  
's nach fàs air fion-chrann meas;  
Saoth'r a' chroinn-olaidh ged a thréig,  
's fas dèis 'gun bhi air sìos;  
2 Gach treud o'n mhainnir ged a bhuail  
grad fhuathas 'nuair nach saoil:  
Greigh ged nach fàg an t-Earrach  
no bò air uachdar raoin; [cruaidh,

LAOIDH XXXIII. XXXIV. XXXV.

- 3 Gidheadh san Triath bidh mise ait,  
is ni mi uailh 'na ghràdh;  
Mòr aoibhneas ni mi ann an Dhia;  
's e Dia mo shlàint' gu bràth.
- 4 Bheir Dia dhomh neart chum ruil' gu  
mar fhiadh air fircach àrd: [dian  
Is bheir e mi gu rìogh'chd na glòir',  
fa sheola caomh a ghràis.
- 5 'Se Dia mo stòr, mo bheatha 's m'ìul  
o'n tig mo lùth 's mo threis;  
Gainne no gort', beatha no bàs,  
cha sgar o 'ghràdh mi 'm feasd.

LAOIDH XXXIII. Mat. vi. 9-14.

- A**THAIR gach dùil a bhos is shuas!  
d'an dual gach cliu is glòir;  
A'd' làthair strìochdaidh sinne sìos,  
gu h-ìosal mar is còir.
- 2 T'ainm naomhaichear 's na h-uile àit,  
is aoradh dha gach slògh;  
Craobh-sgaol do Shoisgeul, 's thoir  
dha buaidh,  
is luathaich rìogh'chd na glòir'.
  - 3 Deanadh gach dùil air thalamh bhos  
do thoil mar ainglibh nèimh;  
Dhi géilleadh iad le cridhe ait  
s' le giulan macant' seimh.
  - 4 Ar n-aran làthail deònuich dhuinn,  
is cridhe taingeil leis;  
Is ciod air bith a's cuibhrionn duinn,  
do bheannachd biodh 'na chois.
  - 5 Maith dhuinn ar fiacha trom, a Dhé,  
a réir mar mhaithear leinn,  
D'ar feichnibh féin an euceartan,  
's gach beum a thug iad dhuinn.
  - 6 Na leig am buaireadh sinn, a Dhé,  
ach gléidh sinn o gach lochd;  
Oir rìoghachd, cumhachd, agus glòir,  
is leat le còir gu beachd.

LAOIDH XXXIV. Mat. xi. 25-30.

- B**UIDHEACHAS follaiseach thug  
d'a Athair féin, ag ràdh, [Criosd  
Sior-bheannaicht' bi-sa, Dhia nam  
o linn gu linn gu bràth! [feart,
- 2 'S tu cheil air daoineibh saogh'la glic  
dearbh-fhìrinn shlàinteil nèimh,  
Gidheadh a thaisbein soilleir i  
do leanbaibh ùmhhal seimh.
  - 3 'Si so do thoil-sa, Athair chaoimh!  
's do naomh-reachd seasmhach buan;  
Na iarradh aingle naomh' no daoine'  
làn-f hios an aobhair uainn.
  - 4 Gach uile chumhachd dhomhs' thug  
dha mhàin is fios mo ghnè; [Dia;  
Is dhomh-sa mhàin a ghnè-san 's eòl,  
's do'n dream d'an seòl mi e.
  - 5 O sibhse ta le uallach trom  
an uile 's an cagail leòint',

Thigibh a m'ionnsuidh-sa, is gheibh  
bhuir n-anama fois is treoir.

- 6 Le cridhe umhal togarach  
mo chuing-sa togaibh oirbh: [reachd,  
Do m' cheannsal géillibh, is do m'  
gu beachd cha 'n'eil e doirbh.
- 7 Oir caomh tha mise agus seimh,  
's cha dean mo chuing 'ur cràdh;  
Foghhlumaibh uam, 's 'ur n-an'ma sgith  
fois shiorruidh gheibh is àgh.

LAOIDH XXXV. Matt. xxvi. 26-29.

- S**AN oidhech san do bhrathadh Ios',  
'S e réidh gu 'bheatha leigeadh sìos,  
Ghlac e aran, bheannaich e, [nèamh.  
Toirt buidheachais do Rìgh nan
- 2 'N sin thubhairt e r'a chàirdibh gaoil,  
( 'S e briscadh 'n t-samhlaidh sin air  
'fheadil, )  
Glacaibh, ithibh; uaith so gu brath,  
Air chumhine gleidhibh là mo bhàis.
  - 3 Ghlac e an cupan fòs 'na làimh,  
Is thog e ris a ghuth an àird,  
Trath labhair e le briathraibh sìth',  
Is teas-ghràdh lasadh suas 'na chridh':
  - 4 M'fhuil, amhuil so, bheir mise seach,  
Mar éiric an'm' air son gach neach;  
So seula cùmhnaint slàint' is gràis',  
Cruaidh-naisgte leamsa ann am bhàs.
  - 5 Làn luchdaichte le gràdh do dhaoine',  
Tha'n cupan so, 's an ioc-shlàint' saor;  
Gabhaidh dheth uile, 's bithibh beò;  
Bibh cuimhneach orms' thug suas an  
deò.

LAOIDH XXXVI. Air sheòl eile.

- S**AN oidhech' an d' éirich gach aon nàmh,  
an aghaidh Slànuighear dhaoine',  
Ghlac e, 's e réidh gu dol gu tas,  
aran 'na làmhaibh naomh'.
- 2 'S air toirt da buidheachais do Dhia,  
tha riaghlaidh talamh 's nèimh,  
An t-aran bhris, mar shamhl' air fheoil,  
is thuirt gu foil r'a threud;
  - 3 Mo chorp-sa briste, amhuil so,  
feuch bheir mi dhuibh gu saor;  
Oir air 'ur sonsa bhriseadh e,  
's air son a' chinne-daoine'.
  - 4 Glacaibh is ithibh, uime sin,  
is cuimhnieibh mo bhàs,  
Gach uair a ni sibh 'n obair cheudn'  
'na dhéigh so, gu là bhrath.
  - 5 Ghlac e an sin 'na làimh an cup',  
's thug buidheachas faraon,  
Bha 'chridhe laiste le teas ghràdh,  
shruth slàint' o 'bhilibh caoin.
  - 6 Feuch amhuil so bheir mise m'fhuil,  
gu'r tèarn' o ghain a' bhàis; [saor  
Gabhaidh gach neach; tha 'n iocshlàint  
do gach uil'aon le'n àill.



- 7 Air feadh gach linn sìor-chuimh-  
nichibh,  
mòr-shaoibhbreas m'iochd 's mo ghrais,  
So seul a' chùmhaint ni mi ruibh,  
is cuimhneach na bhàis.

LAOIDH XXXVI. Luc i. 46-56.

- N**I m'anam uail is gairdeachas  
an Dia mo shlàinte chaoibh;  
Oir thog a mhaitheas Inilt suas  
o m'ìnbhe shuaraich fhaoin.
- 2 Canar mi sona leis gach linn,  
oir rinn mo Dhia orm iochd,  
Is naomha 'ainm, 's is buan a ghràs,  
nis is gach tràth gu beachd.
- 3 Feuch, dh'fhoillsich Dia a ghairdean  
an t-uaibhreach thréig e tur; [treun,  
Luchd-àrdain thilg o'n caithir-rìgh,  
's an t-ìosal thog o'n dus.
- 4 An t-ocrach shàsuich e le lòn,  
an saobhir leòn le gort',  
Ri luchd an àilghios chuir e cùl,  
is thug a rùn do'n bhochd.
- 5 Chuinnich e 'thròcair is a ghràs  
do Iacob òglach fèin,  
Is thug e cabhair, mar a gheall,  
san aimsir fad o chéin.

LAOIDH XXXVII. Luc. ii. 8-15.

- A**IR bhith do bhuachaillibh le chéil'  
a' faireadh treud san oidhch',  
Thaisbeanadh Aingeal doibh o nèamh,  
's an magh lion e le soills'.
- 2 Bu mhòr an oillt', ach thuirt e riu,  
na gablaibh geilt no sgàth,  
Oir sgeul ro ait tha agam dhuibh,  
is do gach linn gu bràth.
- 3 'N diugh rugadh dhuibh am baile 'n Rìgh,  
an Slànuighear, seadh Criosd,  
Feuch, cluinnibh uamsa comhara,  
le 'm mothaich sibh gur fìor: ['n sin
- 4 An naidhean nàmhaidh gheibh sibh  
follais do rosgaibh dhaoin',  
Se paisgt' an trusgan an-uasal,  
's na luidh' am prasaich fhaoin.
- 5 Labhair an Seraph so, 's air ball  
bha 'm magh do Ainglibh làn,  
A' seinn gu binn do Dhia na sìth',  
's b' e so bu bhrìgh d'an dàn, [shuas,
- 6 "Gach glòir do Dhia sna nàmhaidh  
sìth bhuan air thalamh ta; [daoine  
Nochd Dia 'dheadh-thoil do'n chinne  
's cha traogh am feasd a ghràdh.

LAOIDH XXXVIII. Luc. ii. 25-33.

- D**O Shimeon an duine naomh  
dh'innseadh le Spiorad Dhia,  
Gu faiceadh e roimh uair a bhàis,  
an Slàn'ear, Criosd an Triath.
- 2 An gealladh sòlasach so dh'fheith  
an naomh, o là gu là;

Is cha do mbealladh e 'na dhùil,  
choimhlionadh chùis 'na tràth.

- 3 'Nuair thugadh Iosa réir an lagh  
a stigh do 'n teampull naomh,  
Do Shimeon dh'fhoillsicheadh cò e,  
le Spiorad nèimh gu saor.
- 4 'Na ghairdean aosda ghlac an naomh  
an naidhean, 's thug e cliù  
Do Dhia, 's e seinn le aoibhneas àrd,  
's le gairdeachas 'na ghnùis.
- 5 "Nis leig do t'òglach triall an sìth  
chum sìorruidheachd mar gheall;  
O'n chunnaic mi do shlàint', a Thriath  
mo thriall na bitheadh mall.
- 6 Na lànhan so, a ghlac mo Rìgh,  
na glacadh ni 'na dhéigh;  
'S na sùilean so a chunnaic Criosd,  
na faiceadh ni fo'n ghréin.
- 7 Tha'n t-slàinte gheall thu dhuinn o  
's a cho-ghcall thu faraon, [shean  
A'dearbhadh dhuinn gur fìor do ghràdh  
gu bràth do'n chinne-daoine.
- 8 So Grian an aigh le'm fògarar duibhr'  
a' Ghòimtilich gun iùl,  
Is auns an cuir do theaghlach taght'  
clann Israeil an dùil.

LAOIDH XXXIX. Luc. ix. 18, 19.

- C**LUINNIBH sgeul ait; Tha Ios' air  
ri'n robh o shean ar dùil! [teachd  
Lìonar gach cridh' le gairdeachas,  
seinnear gu bràth a chliù.
- 2 Tha'n Spiorad dhòirteadh air gu pailt,  
ri fhàicinn anns gach ni:  
Tha gliocas, cumhachd, cud, is gràdh,  
dealrach 'na uile ghnòmh.
- 3 Le 'theachd, làn shaorar braighde  
truagh'  
bh'aig Satan fo chruaidh-ghlairs;  
Oir sgaoilidh e gach cuibhreach theann,  
is sgealbaidh dorsa prais.
- 4 Le 'theachd, neul cionta théid air eùil,  
's thig fradharc iùil do'n dall;  
Clàisteachd do'n bhodhar, 's cainnt do'n  
's do'n bhacach lùth nam ball. [bhalbh,
- 5 Le 'theachd, gheibh bochd is uir-eas'ach  
làn dìol do shaoibhbreas gràis;  
An cridhe briste ceanglar suas,  
an t-anam truagh bidh slàn.
- 6 Thàinig là-saoraidh ait o'r Dia,  
's maithear ar fiacha dhuinn:  
Oir choimhlion Dia a ghealladh mòr,  
is bidh e 'n còmhnuidh leinn.

- 7 Hosana ait do Rìgh na sìth'!  
o so a mach gu bràth;  
Co-fhreagradh nèamh, is muir, is tìr,  
le co-sheirm shìorruidh dha.

LAOIDH XL. Luc. xv. 13-25.

- L**E misg is mi-bheus 'nuair a chaith  
an struidhear truagh a mhaoin,

'S e 'g iarraidh lòn am meas nam muc,  
do phlaosgaibh falamh faoin'.

2 Ged bhàsaichinn thuirt e, le gort',  
am fearann eoireach eéin, [tràill  
An teaghlach m'athar gheibh gach  
na 's aill le 'ehridhe fein.

3 Nis pillidh, 's tuitidh mi a sìos  
an làthair m' Athair ehaoinh;  
Och! pheacaieh is cha'n airidh mi,  
air t'iochd-sa no ioehd nèimh.

4 Ag ràdh so, gu tigh 'Athar phill,  
le inntinn thuirseach throm;  
Tràth ehunnaie 'athair e fad as,  
las tlus is ioehd 'na chom.

5 Ghrad-ruith 'na chòdhail, 's thug e pòg,  
le furan mòr d'a mhae;  
Is b'aithreach leis an struidhear thruagh  
gu'n d'thug e fuath d'a smachd.

6 Oeh! pheacaieh, is cha'n airidh mi,  
air t'ioehd-sa no ioehd nèimh;  
Dean mi a'm' sheirbhiseach a mhàin,  
O Athair ehaireil chaoimh!

7 Thugaibh a mae, ars' 'Athair ait,  
a' ehulaidh thaghta dha?  
'S gach ioehd is urram dholamaid  
do'n iompaehan gun dàil:

8 Oir bha e marbh, is tha e beò;  
caillte, 's fadheòidh air sgeul;  
Biodh gairdeachas oirnn uime sin,  
's biodh so 'na làtha féill'.

9 Mar sin bidh gairdeachas air néamh  
tràth thearnar peacaeh baoh;  
Le pillaidh dha le h-aithreachas  
gu 'Athair ioehdmhòr eomh.

LAOIDH XLI. Eoin iii. 14-19.

'N UAIR thogadh suas an nathair phrais  
le Maois, san fhàsach ehrauidh,  
Dheare oirre 'n dream bha dlùth do'n  
is shlànucheadh an sluagh; [bhàs,

2 Mar so tha Criosd air àrdachadh,  
gu slainte thabhairt duinn;  
Seallaidh na slòigh chaidh lot an àird,  
is slànuchear gach tinn.

3 Cia an-mhòr tròcair Dhia nan gràs:  
eia pailt a ghràdh is 'ioehd,  
A thug a mhae mar ìobairt suas,  
a dh'fhulang truaigh' 'nar rioehd!

4 Cha'n ann a dh'iteadh eloinn nan daoin'  
a thàinig Criosd o néamh;  
Geur-lann gu sgrios eha robh 'na làimh  
no bagradh bàis 'na bheul.

5 Le creidimh slainteil géillibh-sa,  
a luehd mi-bheus, d'a reaeht;  
Is bheir e tèaruint' sibh an sìth,  
g'a riogh'ehd a ta ri teaeht.

6 Aeh leanaidh dioghaltas gu luath  
an sluagh nach géill 'na thràth,  
An dream ni dìmeas air mac Dhé,  
's nach éisd ri tairgs' a ghràis.

LAOIDH XLII. Eoin xiv. 1-7.

U AIBH fògraibh eagal's iomgain cridh  
's na biodh 'ur dòehas fann;  
Earbaidh á freasdal Dé a ghnàth,  
's a' m' Ghràdh-sa gach aon àm.

2 Gu àros m' Athar pillidh mi,  
ann 's hommhor ionad tàimh:  
'S is dealrach glòir na rìoghaehd sin,  
'ga lìonadh air gach làimh.

3 Mur biodh na nithe so mar so,  
dhuibh dh'ìnsinn sin o thùs;  
Cha mheallainn sibh le dòehas baoh,  
no muinghinn fhaoin mu'n ehùis.

4 Roimhibh théid mise chum, 'nur nainm,  
gu'n gabhainn sealb air néamh;  
'S gu'n ulluichinn a' m' rìoghaehd  
gu sìorruidh àite tàimh. [dhuibh

5 Aeh pillidh mi air m'ais a rìs,  
is bheir mi sibhse leam;  
An sin cha dealaich sinn ni 's mò,  
's eha bhì sibh brònaeh trom.

6 A' bheatha, 'n fhìrinn, is an rod  
a threòraiehas gu néamh,  
Is mise sin; 's na leanas mi,  
gu sonas bheir mi iad.

LAOIDH XLIII. Eoin xiv. 25-28.

M O ghuth cha ehluinn sibh tuilleadh  
nis,

ghairm m' Athair mi ehum nèimh,  
O'n tig an eomhf hurtair gun dàil,  
an Spiorad gràs'mhor naomh.

2 A'm' àimn-sa euiridh 'n t-Athair e,  
a dheanamh dhuibh an iùil;  
A thoirt na ehuala sibh 'nur euimhn',  
's a dh'f hoillseachadh gach cùis.

3 Mo shìth mar bheannaehd dealaeaidh,  
's mar dhìlìb gheibh sibh 'n tràs;  
Mo shìth bheir dhuibh lan-ehomhfhurt-  
'nur beatha is 'nur bàs. [achd,

4 A réir droch nòis an t-saoghail ehlaoin,  
cha mheall mi sibh gun cheisd  
Is gealladh gun a ehoinbhionadh  
eha toir mi dhuibh am feasd.

5 A'd' ghealladh, Thriath, ni sinne bun,  
ré fad ar turuis fhaoin;  
'S ar n-earbsa làidir bidh a'd' ghradh,  
ri faghail dhuinn an t-saogh'l.

LAOIDH XLIV. Eoin xix. 30.

F EUCH! Iosa ceusda air a' ehraon!  
's a cheann a' lùbadh suas;  
'Fhuil ehraobhaeh o gach ereuehd a'ruith,  
is eruiteachd bàis 'na ghruidh.

2 "Tha'n obair erioehnaieht,"--Labhair é,  
's e tiomn' a spioraid suas;  
Lub e a cheann 's cha d'fhuiling e  
gnè tuilleadh péin no truaigh'.

3 "Tha'n obair erioehnaieht,"--Bhàsaich  
air son a' ehinne-daoin; [Criosd



LAOIDH XLV. XLVI. XLVII. XLVIII. XLIX.

Làn-fhuasgladh thug e dhuinn o'n bhàs;  
o chumhachd Shatain shaor.

- 4 "Tha'n obair crìochnaicht,"—Sguira le 'bhròn, le 'shaoth'r's le fhuil [leòn:  
Làn-cheannsaich e gach uile nàmh,  
is chreach e iad gu tur.
- 5 "Tha'n obair crìochnaicht,"—s linn an do linn an t-Soisgeil ghéill: [Lagh' Seann nithe chaidh a mis air chùl,  
's tha 'n saoghal ùr gu lèir.

LAOIDH XLV. Rom. ii. 4-8.

- O** DHAOINE daoi! an dean sibh tàir air gràs is foighid Dhia?  
'S an dean sibh fànoid air a neart?  
an gleachd sibh ris, gun chiall?
- 2 A chionn gu bheil a thròcair pailt, is' ihoighdinn cho buan,  
Am meudaich sibh 'ur seacharain,  
's am peacaich sibh gach uair?
  - 3 A ghin mhi-thaingeil! nach ro-mhò bu chòir do mhaithneas Dé,  
Do stiùradh dh'ionnsuidh aithreachais,  
's do tharruing thuige féin;
  - 4 Am fearr leat corruich chur air Dia,  
's an Triath bhi dhuit 'na nàmh,  
Is ionmhas feirge thasgaidh suas,  
ni truagh thu là a' bhràth.
  - 5 An là sin 's dluth, le 'dhioghaltas,  
's do bhinne ni e teann:  
Thig fearg is claidh ort air gach làimh,  
gun neach gu d' thèarudh ann.
  - 6 Ach iadsan uil' thug géill do'n Triath,  
's a ghluais gu diadhaidh naomh.  
Gheibh crùn na beatha mar an duais  
bhith-bhuain, fad saogh'l nan saogh'l.

LAOIDH XLVI. Rom. iii. 19-22.

- C**IA dìomhain earbsa chloinn nan a saoth'r an làmbha féin. [daoin'  
O nàdur truailidh ceannairceach  
cha sruth ach olc 's mi-bheus.
- 2 Biodh Iudhaich's Geintilich 'nan tosd,  
gun fhocal as am beul; [t-sluagh  
'S na deauadh duin' air bith do'n  
aon uail am fianuis Dé.
  - 3 An gràs a ni dhinn fireana,  
cha toill ar gnìomh'ra féin;  
Oir dìtidh 'n Lagh gach duine beò  
gu bròn bith-bhuan is péin.
  - 4 Iosa! tràth dh'earbas sinn à t'ainm,  
cia luachmhor dhuinn do ghràs!  
Do ghras! a bheir dhuinn fireantachd,  
's do'r n-anam dìon gu bràth.

LAOIDH XLVII. Rom. vi. 1-7.

- 'S** AM buanaich sinn gu dàn 'nar ciont',  
bhrigh saoihbheis gràsa Chrìosd?  
Nar leigeadh Dia gu faigh gu bràth  
an sinuain so tàmh 'nar cridh'.

- 2 Tràth thugadh sinn do Dhia gu inoch,  
ri droch-bheirt chuir sinn cùl;  
Is gheall sin gluasad fad ar làith'  
mar chruthach àluinn ùr.
- 3 Do'n pheacadh bhàsaich sinn le Chrìosd;  
leis dh'éirich sinn o'n uaigh  
Gu beatha naoimh, a threòraicheas  
gu beatha ghloirmhoir shuas.
- 4 Seadh, nis cha tràilleas sinn ni 's mo,  
do pheacadh no do bhàs:  
Oirdh' fhuasgail Chrìosd gach cuibhreach  
is mhill ar n-uile nàmh. [dhinn,

LAOIDH XLVIII. Rom. viii. 31.

- L**E creidimh 's dochas fògramaid,  
geilt, ciont', is dòruinn uaim;  
'Se Dia ar caraid, 's mor a threis;  
cia 'n t-eascair bheir oirn buaidh?
- 2 An Ti thug 'aon-mhac air son,  
mar chobhartach do'n bhàs;  
Nach toir gach tiodhlac eile dhuinn?  
's an ceil e oirn a ghràs?
  - 3 Feuch, fhuair sinn anns a ghibht bumhò  
làn-chòir air nithibh 's lugh';  
Tha Chrìosd air nèamh is talamh fòs,  
'na earlas a ir gach agh.
  - 4 Cò nis a chuireas ciont' á leth  
sluaigh thaghta Dhé nan gràs?  
Cò dhìteas iad? no dhiultas sìth,  
o dh' fhuiling Chrìosd am bàs?
  - 5 Dh' fhuiling e 'm bàs, ach dh' éirich e  
gu deas làimh Dhé le buaidh;  
'N sin tagraidh e ar cùis do shòir,  
is bheir làn dìon d'a shluagh.
  - 6 Cò nis ma ta a sgaras sinn  
o chaidreamh caomh ar Triath?  
An sgaoil aon neach an cuibhreach sin  
a cheangail sinn r'ar Dia?
  - 7 Ged éirich dragh, 's ged bhagair bàs,  
's ged iadh gach namh mu'n cuairt,  
Tre Chrìosd bheir sinn gu dùlanach,  
orr' uile tuilleadh 's buaidh.
  - 8 Ifrinn no talamh, beath' no bàs,  
no sàruich ùine buain',  
O ghràdh ar Triath cha dealaich sinn,  
's cha sgar am feasd sinn uaith.
  - 9 Bheir so dhuinn sonas feadh gach linn,  
mar rinn e gus au tràs;  
O shiorruidheachd gu siorruidheachd  
bheir Chrìosd d'ar n-an'maibh gràdh.

LAOIDH XLIX. 1 Cor. xiii.

- L**E briathraibh dhaoin' is aingle nèimh,  
ged labhrainn le sgèimh ghrinn;  
Impidh ged chuirinu air gach neach  
le teangaidh bhlasda bhinn:
- 2 Ard-fhiosachd Faigh ged bu leam,  
's ged fhoillsichinn rùn Dé;  
Gun ghràdh, is faoin gach ni dhiubh so,  
cha dean iad dhòmh gnè f'heim;

# LAOIDH L. LI.

- 3 Ged ath'raichinn le creidimh treun,  
na slèibhteas an ceal,  
Is neo-ni mi gun seirc is gràdh,  
cha mhair mo ghràs ach seal.
- 4 Ged bheathaichinn le m' mhaoin am  
's mo chorp ged loisginn fòs, [bochd,  
Air son mo chreidimh, 'smi gunghràdh,  
cha dìong e bheag fadheòidh.
- 5 'S fad-fhulangach neo-fharmadach,  
's is cairdeil gràdh gun cheisd;  
Cha dean e uail á bheartaibh féin,  
's cha séidear suas e 'm feasd.
- 6 Droch amharus cha bhí aig gràdh,  
's ní foighid ri droch dhaoín':  
'S fàth bròin leis iomradh uile is ciont;  
's is toigh leis 'n fhìrinn chaoín.
- 7 Giùlan neo-iomchuidh 's fuath I seirc,  
's féin-spéis nan cleasa claon;  
Tha 'cridhe làn le iochd is blàs  
do chàch air feadh an t-saol.
- 8 Giulainidh gràdh fad ùine mhòir',  
le dòchas nithe 's fearr;  
'S fuilingidh è gu macant seimh  
iom' eucoir agus tàir.
- 9 Air nèamh is talamh, feadh gach cian  
sior-riaghlaidhidh caomh-sheirc;  
Tràth sguireas teangadh 's fiosachd  
Fàidh,  
buan-mhairidh gràdh gun cheisd.
- 10 'S neo-fhoirfe 'n so gach gràs air bith,  
ach tionnsgnaidh làithe 's fearr,  
'S an tig lan-iomlaineachd a steach,  
's an teich gach ní tha cearr.
- 11 An tràs 'nar n-òige gluaisidh sinn  
mar naoidheana gun ùil:  
Chum foir'eachd; ach 'nuair dh'fhàsas  
théid leanbaidheachd air chùil. [sinn,
- 12 Air thalamh mar tre dhubh-néul dorch'  
is leir dhuinn dealradh Dhé;  
Ach gnùis ri gnùis an nèamh na glòir'  
gu soillear chì sinn e.
- 13 Tha creidimh, dòchas agus gràdh,  
an tràs an so le chéil';  
Ach creidimh 's dòchas failnichidh,  
's buan-mhairidh gràdh gach ré.
- 14 Oir sluigear dòchas le làn-sheilbh,  
is creidimh le beachd sùl;  
'Siad so na meadhoin, 's i chroch gràdh  
nach téid gu bràth air chùil.

## LAOIDH L. 1 Cor. xv. 52-58.

- L**E fuaim na trompaid deireannaich  
criothnaichidh 'm fonn gu garbh:  
Fosglaidh gach uaigh is brùchdaidh  
nìos  
chum siorruic'hd cuirp nam marbh.
- 2 Feuch, éiridh cuirp nan saoi an sin  
le misnich is mòr sgèimh,  
Iad bàsmhor thuit, ach éiridh chum  
neo-bhàsmhorachd air nèamh.

- 3 Feuch faistneachd fhìor nam Fàidhean  
coimhlionta nìs gu beachd; [naomh'  
Gu géilleadh bàs do bheatha shìor,  
's gu crìochnaicheadh an gleachd.
- 4 Suas togadh creidimh luathgair ait,  
is canadh e mar laoidh,  
C'ait nìs am bheil do ghath, a Bhàis?  
c' ait, Uaigh, am bheil do bhuaidh?
- 5 B'i choguis chiontach gath a bhàis,  
teann-shaithte 'n cridhe 'n daoi;  
'S b'e 'n Lagh a thug do chiont' a ncart  
gu luchd a' pheacaidh chlaoidh.
- 6 Ach beannaicht' gu robh Dia gu bràth!  
a chuir ar nàmh fo chois,  
'S a thug dhuinn tríd ar Ceannaird  
buaidh shiorruidh agus fois. [Criosd
- 7 Fa 'n aobhar sin, le dùrachd cridh',  
d'ar Rìgh bheir sinne geill;  
Làn-dcarbhta gu faigh sinn fadheòidh,  
crùn glòir' an rìoghachd nèimh.

## LAOIDH LI. 2 Cor. v. 1-11.

- G**RAD-THUITIDH 'n corp so sìos do'n  
'na smùr fo chumhachd bàis: [ùir  
Ach gheibh ar n-an'ma còmhnuidh 's  
gu h-àrd le Dia nan gràs: [fearr,
- 2 Gheibh an'ma naomh' an còmhnuidh  
san tigh a thog dhoibh Dia; [n' sinn  
Tràth shaorar iad o'n phrìosan thruagh,  
san bheil an cuairt ré cian.
  - 3 D'ar n-uallach talmhaidh sgèth, mar so  
's tric thairngear osna leinn;  
Ach saoraidh 'm bàs gu caomh sinn  
is dhachaidh suas théid sinn. [uaith,
  - 4 Oir tha ar n-carbs á tigh a's fearr,  
tràth dh'fhàgas sinn a' chriadh;  
Cha'n e bhì rùsgt' ach sgeadaichte  
ri 'm bheil ar dùil 's ar miann.
  - 5 So dòchas ait nan an'ma naomh'  
o 'n Slàn'car caomh an tràs,  
A thug an Spiorad dhoibh maraon,  
mar sheul is earlais gràidh.
  - 6 Sior-ghluaisidh sinn le creidimh beò,  
an gealladh glòrmhor Dhia;  
'S bidh sinn, ré fad ar cuairt' sa' chorp,  
ag osnaich 'n déigh ar Triath.
  - 7 Na 's ait le 'r n-an'maibh fhaotainn  
's ro-fhada leinn e uainn; [s' fad,  
Air imrich b' ait leinn dol o 'n fheòil,  
's ar còmhnuidh fhaotainn shuas.
  - 8 Ach anns a' chorp, no as a' chorp,  
an so no 'n sin 'gam bì,  
Sinn féin thoirt suas do sheirbhìs  
'se so ar miann gu sìor. [Dhia,
  - 9 Chum caithir-bhrcitheanais Mhic Dhé,  
feuch, théid gach uile neach;  
A dh'fhaotainn péin no turasdail,  
mar thoill iad uaith fa seach.



- 10 Breth chothromach neo-chlaon an sin  
gheibh deadh-ghnìomh agus lochd;  
'S bidh cor gach neach gu sìorruidh,  
a bheus, ma's maith no olc. [réir

LAOIDH LH. Philip. ii. 7-12.

- S**IBHSE ta ainmichte air Crìosd,  
leanaibh gu sìor a cheum;  
'Nur n-inntinn is 'nur coluadar  
bibh cosmhuil ris gu léir. [Crìosd,  
2 Cruth 's coslas Dhé ged bha air  
's uil' iomhaigh Rìgh na glòir  
Ged b'ionnan nàdur 's inbhe dhoibh,  
co-ionnan air gach doigh;  
3 Gidheadh a mhòrachd chuir e thaobh,  
is daoineachd ghabh air féin  
Chum sinne shaoRADH, chuir e sgàil,  
ré seal, air àilleachd nèimh.  
4 Seadh chrom ar Slànuighear a sìos  
gu inbhe ìosal tràill; [ceus'  
Strìochd e do'n bhàs, seadh bàs na  
an ro-mhòr péin is nàir.  
5 Feuch dh'ardaich Dia, fa'n aobhar sin  
an Triath a shaor a shluagh;  
Thug e dha rìoghachd thar gach rìgh,  
is ainm thar ainm r'a luadh.  
6 A chum do ainm an Tighearn Ios'  
gu'n strìochd gach uile ghluin,  
Sua nèamhaibh shuas, air talamh bhos,  
gu h-urramach 's gu h-ùmh'l.  
7 Seadh strìochdaidh dhasan mar an  
is gèillidh ifrinn shìos: [ceudn',  
Gach treubh is teangadh 's duil a t'  
aidichidh 'ainm gu sìor. [ann,

LAOIDH LIII. 1 Tesal. iv. 13-18.

- B**IODH misneach aig luchd-muinnth  
tràth chiiad luchd an gaol [Chriosd,  
A' dol gu codal ann an Ios',  
cha 'n i so crìoch an saoi'.  
2 C'ar son ma ta bhios sibh ri bròn,  
mar dhream gun dòchas mòr;  
Am bheil sa' bhàs ach teachdair sìth  
'gan gairm gu rìogh'chd na glòir'?  
3 Mar chaochail Crìosd' 's mar dhùisg  
le buaidh o staid a' bhàis: [e suas  
Is amhluidh dh'éireas fos a shluagh  
le luathghair là a' bhràth.  
4 O thig an là san tuirling Crìosd,  
le h-ìolaich, o na neòil,  
Le guth Ard-aingil's fuaim na truimp,  
a chluinn gach marbh is beò.  
5 'N sin ath'rraichear an dream tha beò,  
's dùisgear na slòigh ta marbh;  
Liubhraidh gach uaigh na fhuair i féin,  
's bidh sléibht' air chrith gu garbh.  
6 Eiridh na naoimh a suas air tùs,  
o'n ùir le h-aoibhneas mòr;  
Ni aingle Dhé an coinneachadh,  
's an togail leo gu glòir.

- 7 Le chéile théid iad suas gu h-ait,  
gu tigh an Athar chaoimh, [Traith,  
Sam faigh iad còmhnuidh shìor le 'n  
gun iarguin is gun chlaoidh.  
8 Fòs tamull beag, is ruigidh sinn  
an caladh ait fadheòidh,  
San coinnich sinn na sgaradh uainn,  
's cha dcalaich sinn ni 's mò.

LAOIDH LIV. 2 Tim. i. 12.

- C**HA 'n aobhar náire leamsa Crìosd,  
na 'chùis a dhion gu beachd:  
A crann a cheusaidh ni mi uail;  
gèilleam gach uair d'a reachd.  
2 IOSA, mo DHIA! is eòl dhomh 'ainm,  
is earbam as gu bràth;  
Cha nàraich esan m'anam truagh,  
's cha chum e uam a ghràs.  
3 Daingean is buan, mar chaithir Dhia,  
gach cian tha gealladh Chriosd;  
O! 's tèaruint' m'anam-sa 'na làimh,  
gu là a theachd a ris.  
4 San là sin fàiltichidh e m' ainm,  
an làthair 'Athar chaoimh;  
Is sealbh san Nuadh Ierusalem  
do m'anam bheir le naoimh.

LAOIDH LV. 1 Tim. iv. 5, 7, 8, 18

- C**HRIOCHNAICH mi nis mo chath 's  
mo réis;  
is dlùth dhomh eug is uaigh;  
M'anam a choisrig mi do Dhia,  
triallaidh gu nèamh le buaidh.  
2 Le armaibh nèamhaidh chuir mi'n cath,  
fo bhrataich Chriosd mo Thriath:  
Ruith mi mo réis, mo dhùiseachd  
dhearbh,  
's tha m' earbs' á duais o m' Dhia.  
3 Fam' chomhair-sa thaig Dia air nèamh,  
gu tèaruint' crùn na glòir';  
A chuireas a làmh-san air mo cheann  
air teachd do'n là mhòr.  
4 Mo Dhia cha d' orduich dhomhsa  
an coron so mar dhuais; [mhàin  
Ach do gach neach le'n ionmhuinn  
a mhic, o nèamh a nuas. [tcachd  
5 O lochd 's o chunnart dìonaidh Crìosd;  
mo choimhead ni gach uair;  
'S gu tèaruint' m'anam treòraichidh  
gu rìogh'chd na glòire shuas.  
6 Bheir mi, le còmhnaidh treun mo  
dùlan do ifrinn féin; [Thriath,  
Is dhasan gu robh glòir ro-àrd  
is cliu gu bràth. Amen!

LAOIDH LVI. Titus iii. 3-9.

- A**IDICHIDH sinn le tuirse cridh'  
ro mheud ar ciont', a Dhé,  
B' amaideach faoin ar n-uile smuain,  
's cha b'fhearr ar giùlan gné.

- 2 Ach thoir: O m'anam, cliu is gràdh  
do àrd-ainm Rìgh uau sluagh,  
Nach d'fhag thu 'm feasd, gun teasair-  
am peacadh, uaire, 's truaigh. [ginn,
- 3 Cha 'n ann tre oibribh fireantachd,  
no gnìomh ar làimha féin,  
Ach tre ghràs Dhé, an Iosa Crìosd,  
a shaorar sinn o phéin.
- 4 Is ann an tròcair Dhé a mhàin,  
a ta ar muinghinn threun;  
A thròcair shaor ar n-an'ma truagh',  
's ghlan uainu gach ciont' is beud.
- 5 Tha'n Spiorad dhòirteadh oirn tre  
a' nigheadh dhinn gach sal, [los',  
A' fadadh teas ghràidh feadh ar cridh',  
's 'gar deauamh naomha glan.
- 6 Mar so, làn-fhìreanaicht' le gràs;  
gach là le beatha nuaidh [leinn,  
Sior ghluaisidh sinn, 's an Spiorad  
gu ruig ar n-oighreachd shuas.
- 7 Na h-uile 'gam bheil shamhuil so  
do chreidimh 's dòchas naomh,  
Sior-dhearbhadh iad, le giùlau maith,  
nach 'eil an dòchas faoin.

LAOIDH LVII. Eabh. iv 14.

- I**OSA Mac Dhé, leig aon uair sìos  
a bheath' air sou a shluaigh.  
Tha nis a' tagradh 'u cùis air ueamh  
mar shagart treun bheir buaidh.
- 2 Tre beatha 's bàs sior-leanamaid  
ri Crìosd gu daingean dlùth:  
O chreidimh 's dòchas gheibh sinu  
is théid gach geilt air chùl. [neart
  - 3 Gu borb cha bhuin ri laigse dhaoin'  
caomh-Shagart àrd an àigh;  
Tha 'chridhe làn do thruacantachd,  
tha 'anam làn do ghràdh.
  - 4 Co-fhulaugas tha aig an Triath  
air iarguin 's laigs' a shluaigh;  
Oir dh'fhiosraich e 'ua phearsa féin  
gach deuchainn agus truaigh'.
  - 5 Dh'fhiosraich e 'na phearsa féin,  
gidheadh as eugmhais lochd:  
Oir nàdur duine ge do ghabh,  
cha b'aithne dha-san olc.
  - 6 Bu tuirseach deurach air ar son,  
a chaith e 'làith' fo 'n ghréin;  
'S ge h-àrd e nis air deas làimh Dhé,  
co-mhothaichidh ar péin.
  - 7 Le dànachd naomha, uime sin,  
théid sinn gu 'chaithir-ghràis;  
Is fàth gach gearain dòirtidh sinn  
'na fhianuis anns gach càs;
  - 8 A chum gu'n còmhnaidh esan leinn  
réir saobhreachd a ghràis;  
'S gu'n tugadh e d'ar n-an'maibh lag  
neart agus fois gu bràth.

LAOIDH LVIII. Air dhòigh eile.

- S**AN teampull am bheil Dia 'na thàmh,  
(Tigh nach do thogadh riamh le làimh,  
Tha Sagart àrd a' chinne-daoin',  
Ar Slànuighear 's ar caraaid caoin.
- 2 Esan a sheas an àit a shluaigh,  
Dhoirt 'fhuil 'nan riochd, 's a luidh  
san uaigh,  
Tha cuimhneach orra fòs air nèamh,  
Au Slànuighear 's an caraaid sèimh.
  - 3 Ge h-àrd e nis sna nèamhaibh shuas  
Tha 'shùil a' dearcadh oirn a nuas;  
Lan sgeadaichte le nadur dhaoin',  
Tha c min còlach air an saothr',
  - 4 Co-fhulangas tha aige ghnàth.  
'S co-mhothachadh ri 'n-uile chràdh;  
Tha cuimhn' aig air a thrioblaid féin  
A dheoir, a ghoinh, is 'osnaich gheur.
  - 5 Gach dòraiu dh'fheudas oirne teachd,  
Fo shamhuil sin rinn esan gleachd;  
D'ar n-uile bhòr tha 'chuid-san mòr,  
Is bheir e cabhair dhuinn gu leòr.
  - 6 Fa 'n aobhair siu théid sinn gu dàn  
Le 'r n-uile ghearan gus a làth'r;  
Is guidhidh sinn a còmhnaidh treun  
G'ar cuideachadh an uair ar féim.

LAOIDH LIX. Eabh. xii. 1-13.

- F**EUCH neoil-ro-thiugh do fhianuisibh  
ag iadhadh oirn mu 'n cuairt:  
An déigh, mar sinne, fulang cian,  
thug Dia leis iad a suas.
- 2 Air lorg uan naomh so ruitheamaid,  
chum Chrìosd, le foighid bhuain;  
Gach leth-trom 's peacadh leanail-  
grad-thilgeamaid fad uainn. [teach
  - 3 Ach riaghailt-stiùraidh 's fearr na so,  
's ion thoir fa'near air tús;  
Eisempleir Ios' a stiùras sinu,  
tre chreidimh chum ar crùn.
  - 4 Ri 'r Ceannard, suas sior-dhearcamaid,  
neach, air son aoibhneis mhòir  
Bha roimhe, dh'f huiling ceusadh's nàir  
's an tràs tha riaghladh 'n glòir.
  - 5 Ma ghiulaiu Crìosd gu foighidneach  
droch chaunt is fanoid sluagh,  
'N ion duine, 'uair ar sàrucaidh,  
bhi gearau cràidh no truaigh'?
  - 6 Ri deuchainn ghairbhan d'rinn sibh strì  
mar Ios', gu fuil is bàs?  
Is focal Dè 'n do dhearmaid sibh,  
tha gealltuinn duibh a ghràis.
  - 7 A mhic, deir c, le foighidinn,  
sior-fhuiling mo chaomh-smachd,  
Is ercid, 'nuair dhearbhas àmhghar  
gu bheil aig Dia dhiot tlachd. [thu,
  - 8 Teagaisgidh 'u t-Athair caomh mar so  
a naomh-chlanu dhileas féin,  
G' am fìosrachadh le docair chruaidh,  
's le iomadh truaigh is péin.



- 9 Chi sinn mar so gur toigh leis sinn,  
tràth smachdaichear sinn leis,  
'S nach leig e uaith air seachran sinn,  
gun suim air bith d'ar leas.
- 10 Do ghuth ar n-Athar thalmhaidh bhos,  
nach tric a thug sinn géill?  
'S do thoil ar n-Athar nèmhaidh shuas  
nach toir sinn suas sinn féin?
- 11 Bheir Athair talmhaidh smachd gutric,  
gun fhios c'ar son d'a chloinn;  
Ach Dia a mhàin a chum ar leas,  
bheir dochair 's euslaidh dhuinn.
- 12 Is deacair leinne achmhasan  
is smachdachadh ar De;  
Ach toradh sìth, is fireantachd  
gu sìorruidh thig 'nan dèigh.
- 13 A nis ma ta na meathar sinn  
le misnich lag ni 's mò;  
Ach earbamaid á tròcair Dhé,  
's dha gèilleamaid r'ar beò.

LAOIDH LX. Eabh. xiii. 20, 21.

- A**THAIR na sìth, 's a Dhé na seire!  
do d' neart bheir sinne cliu;  
An neart a dhùisg ar n-Aodhair suas,  
le buaidh, o ghlaiss na h-ùir'.
- 2 O'n ùir thog thu ar Triath an àird,  
gun spàirn o chuibhreach bàis;  
Mar sin le 'fhuil is 'aiseirigh,  
shìor naisg c' n cùmhnant gràis.
  - 3 Le d' spiorad seulaich sinn, a Dhé,  
is dean sinn ùmh'l do d' thoil;  
Chum as o d' naomh-reachd nach bi  
air seachran truagh a' dol. [sinn
  - 4 O! sgrìobh do lagh air clàr ar crìdh'  
'nar gnìomh sìor-dhealradh e?  
'N sin rugidh sinn, fo cheannsal Chrìosd,  
air seilbh an riochachd nèimh.

LAOIDH LXI. 1 Pead. i. 3-4.

- B**EANNAICHT' gurebhar Diagusior,  
caomh Athair Chrìosd ar Triath;  
Beannaicht' gu robh a thròcair mhòr,  
's a mhòrachd feadh gach ial.
- 2 O'n uaigh tràth thog thu ris do Mhac,  
's a ghlac thu e gu nèamh,  
Làn-chinnteach rinn thu sinne fòs  
gu'n toir thu beò sin féin.
  - 3 Ri oighreachd shiorruidh ann an glòir  
beò dhòchas thug thu dhuinn;  
Oighreachd neo-thruaillidh saor o smal,  
a mhaircas feadh gach linn.
  - 4 Gu ruige sin, le d' 'chumhachd treun,  
làn thearuint' bidh gach naomh;  
'Tre chreidimh stiùrar sinn gu slàint'  
le gràs do Spioraid Naoimh.

LAOIDH LXII. 2 Pead. iii. 3-14.

- F**EUCH! anns na lùibh deireannach  
suas èiridh gineal ole; [srian  
D'am miannaibh peacach bheir iad  
's 'nam briathraibh their mar so.

- 2 C' àit bheil an gealladh thuirt o shean  
gu robh am breitheamh dlùth?  
O linn ar sinnsear gus a so,  
cha'n fhaic sinn gnè do mhùth.
- 3 Tha bliadhn' air bhliadnaibh ruith gun  
mar bha o thùs an t-sao'il: [tamh,  
'S marthonn air thuinn a' ruith gu traigh,  
gu bràth bidh gineal dhaoim'.
- 4 So deir iad, aineolachd d'an dèin  
gu'n d' dhòirteadh tuil a nuas,  
A sgrios an saoghal ceannairceach  
a chaidh air seachran truagh.
- 5 Ach sgrios nach ionnan gheibh an  
s' na daoine ole a t'ann; [saogh'l-s.  
Le teine lasrach millear iad,  
's is gearr gu ruig an t-àm.
- 6 Ge fada leis na naoimh an ùin,  
's an dùil ri teachd an Triath,  
'Na shealladh-san is ionnan là  
is linn, no mìle bliadhn'.
- 7 Cha d'èhuimhn' geallaidh rug ar Chrìosd,  
ach gaol bhi 'n sìth ri daoin';  
A' feitheamh dh'fheuch am piller leo,  
's an iarr iad tròcair chaoim'.
- 8 Gidheadh marghaduich ann an oidhch'  
nach cum na croinn a mach,  
Grad-thuirlingidh an Triath a nuas,  
's thig fuathas air gach neach.
- 9 Le tairneanaich 's le dealan speur,  
na nèamha teichidh as;  
Na dùilean leaghaidh, 's thèid an saogh'l  
'na chaoiribh le dian theas.
- 10 O'n thèid gach ni mar so a sgrios,  
mar fhuair sinn fìos o Dhia,  
Nach iomchuidh dhuinne deasachadh  
fa chomhair teachd ar Triath.
- 11 Cianaomh bu chòir dhuinn bhi gach uair  
'nar smuain, 'nar cainnt, 's 'nar gnìomh,  
'Nuair tha ar sìl ri crìch an t-saogh'l  
's ri caochladh gach aoin ni?

LAOIDH LXIII. 1 Eoin iii. 1-4.

- F**EUCH! saoihbreas iongantach a  
thug Dia ar slàinte dhuinn, [ghràidh  
Peacach is truailidh fòs ged bha,  
clann dha-san rinneadh dhinn.
- 2 Folaicht' tha 'n t-urram so an tràs,  
's ro-àrd á sealladh dhaoim;  
Mar so air Chrìosd e féin san fheòil  
neo-còlach bha an saogh'l.
  - 3 Is àrd ar n-inbhe cheana 'n so,  
ach 's àirde bhios sinn shuas;  
Gidheadh an inbhe sin cha léir  
do neach fo 'n ghrèin san uairs'.
  - 4 Ach 's léir dhuinn so, gu faic sinn Dia,  
ar Triath, seadh gnùis ri gnùis;  
'S gu'n iompaichear gu 'cholas sinn  
tràth mhosglas sinn o'n ùir.
  - 5 Gach neach 'gam bheil an dòchas so,  
'na chòmhradh is 'na gnìomh,

Biodh déigh aig air bhi naomh is glan,  
ceart amhuil a bha Criosd.

LAOIDH LXIV. Taisb. i. 5-9.

- D**HASAN a ghràdhaich an 'ma dhaoin',  
's a dhòirt gach braon d'a fhuil,  
A chum ar cionta ghlanadh uainn,  
's ar deanamh naomh gu tur :
- 2 Dhasan rinn sagairt 's rìghrean dhinn,  
air feadh gach linn, do Dhia,  
Biodh moladh, urram agus gràdh,  
gu bràth air feadh gach ial.
- 3 Lìonar gach beul le binn-cheòl da,  
's gach cridh' le teas-ghràdh caomh,  
Air talamh canar moladh dha,  
's gu h-àrd le ainglibh naomh' !
- 4 Feuch teachd mhic Dé air neulaibh  
's ro-ait, le 'shluagh an là; [tiugh',  
Ach guilidh a luchd-casgraidh truagh,  
le àmhghar is le cràdh.
- 5 'S tu'n ceud neach, 's an neach deir-  
cannach,  
's leat bith gun tùs gun chrìoch ;  
Maith, glic, is uile-chumhachdach,  
bha, tha thu, 's bithidh chaoidh.

LAOIDH LXV. Taisb. v. 6.

- A**IR caithir ròghail 'Athar féin,  
feuch dealradh glòir an Uain ;  
Ur-urram deasaichibh d'a ainm,  
is bibh le taing 'ga luadh.
- 2 Feuch, ìosal aig a chosaibh strìochd't'  
tha'n Eaglais shìorruidh shuas,  
Le boltrach cùbhraidh ìobairt thùis'  
's le clàraibh cìuil ri fuaim.
- 3 Is iad so urnuighean nan naomh,  
's na laoidhean tha iad seinn ;  
Ri'n urnuigh cromaidh Criosd a chluas,  
do'n luathghair gabhaidh suim.
- 4 Rùn dìomhair sìorruidh do thoil'  
O Athair, cò d'an léir ? [naoimh,  
Cò ach do mhac a leughas sin,  
's a dh'fhuasgaileas gach seul !
- 5 Cluinn ! armailt nèimh le'n luathghair  
timchioll na caithreach-rìgh ; [ait,  
Milte do mhiltibh 's àireamh dhoibh,  
ach 's aon a mhàin an cridh'.
- 6 'S airidh an t-Uan, a dh'ìobaireadh,  
deir iad, air inbh' ro-ard !  
'S airidh, oir b'e ar n-ìobairt-ne,  
co-fhreagradh daoine 's gach àit !
- 7 Is airidh an t-Uan, a strìochd do'n bhàs,  
air àgh is beannachd buan ;  
Biodh slàinte, glòir, is aoibhneas àrd  
gu bràth air ceann an Uain !
- 8 O'r cionta shaor e sinn le 'fhuil,  
's thug braighde truagh 'à péin ;  
Rinn sagairt 's rìghrean dhinn do Dhia,  
gu riaghladh shuas leis féin.

- 9 As gach aon teangaidh agus tìr,  
thional 's thug Criosd a shìochd ;

Gach dùthaich chéin is innis cuain,  
fios fhuair air saoihbreas 'ìochd.

- 10 'S airidh air géill 's air ceannsal Criosd,  
air talamh 's nèamh gu bràth ;  
Is cliu nì 's fearr na 's urrainn daom',  
thugadh naomh-aingle dha !
- 11 Gach neach tha 'g àiteachadh nan  
no chruinne-chè a bhos ; [nèamh,  
Gach dùil air bith, do Rìgh nan sluagh,  
seinnibh gach uair gun fhois.
- 12 An cruthach' aontaicheadh gu léir,  
thòirt géill is cliu do 'n Triath,  
Thariahladh anns na nèamhaibh shuas,  
's do 'n Uan air feadh gach ial.

LAOIDH LXVI. Taisb. vii. 15.

- C**IA dealrach glòir a 'mhaith-shluaigh  
an trusgain ùr' cia geal ! [ud !  
Cionnus a thàinig iad gu soills'  
's cò dh'ionnlaid dhiubh gach sal ?
- 2 Feuch, sud an dream a ràinig nèamh,  
troimh dheuchainn ghairbh is chru-  
'S a nigh an trusgain ann am fuil, [aidh,  
fuil ioc-shlainteach an Uain.
- 3 Nis sleuchdar leo le glùnaibh lùbt  
gu h-ùmh' l' aig caithir Dhia ;  
'S le an'maibh cràbhach mo laidh iad  
a mhòrachd feadh gach ial. [Dhè,
- 4 Gach cridh' bidh ait le làth'reachd  
's gach beul am fonn gu semn ;  
Co-fhreagraidh 'n teampull naomh  
d'an àrd Hosana bhinn. [gach tràth
- 5 Ocras no tart cha chlaoidh an sin,  
no boisge loisgeach gréin ;  
'S e Dia an grian, 's o dhealradh  
sior-sgaoilidh là an céin. [caomh,
- 6 Stiùraidh an t-Uan a naomh-threud  
gu tobar slàint' nach traigh ; [féin  
Is tiormaichidh gu bràth o'n gruaidh  
deur truaighe, bròin is cràidh.

LAOIDH LXVII. Taisb. xxi. 1-9.

- N**AACH glòrmhor àrd an sealladh so,  
chithear le sùilibh dhaoine' !  
Am fonn's an fhaighe gabhail seach,  
's na speura sean maraon.
- 2 O nèamh thig Nuadh Ierusalem,  
làn ulluichte d'a Rìgh ;  
Feuch nis gach nì ath-nuadhaichte ;  
is fhuair sinn àgh gu sìor.
- 3 Cliu seinnidh aingle coimheadachd,  
is armailt fhìlathail nèimh.  
Feuch, chì gach sùil a' chaithir rìgh  
air an suidh Iosa féin. [nuas
- 4 Dh' atharraich Dia chum dhaoine' a  
a phàillium uasal naomh :  
Le daoine' tha chòmhnuidh ; 's iad a  
shluagh ;  
's d'a shluagh 's e 'n tearmun caomh.
- 5 Deur mulaid siabaidh e le 'laimh  
gu cairdeal bhàrr an gruaidh ;



## DAN. I. II.

- Is eugaidh eagal, caoidh, is cràdh,  
is àmhghar, bàs, is uaigh.
- 6 Feuch, gach nì saoghalt' caochlaidh  
so deir an Rìgh sìor-bheò; [mì!  
An domhan as an amharc théid,  
's cha ruith ùin' féin nì 's mò.
- 7 'S mì'n ceud neach, 's an neach deir-  
eannach,  
gun ath'rachadh, gu bràth;  
ATAIM: so m'ainm 's mo chuimh-  
neachan  
air feadh gach linn gu bràth;  
8 Do dhaoineibh bheir mo ghràsa pailt  
nì maith, gun luach, gu saor;  
O dhuine thartmhoir, òl do dhòl  
do 'n òc-shlàint so nach traogh.
- 9 Do'n tì bheir buaidh air eusaontas,  
bheir mise oighreachd mic;  
Is aidhichidh mì 'n lath'r gach sluaigh,  
a ghluasad naomha glic.
- 10 Ach daoine neòghlan 's breugairean  
's luchd-muirt thug spéis do bhàs,  
Le mheud 's a dhiùlt gu h-amaideach  
mo ghràs, le fanoid 's tàir;
- 11 A' m' fhianuis tilgear fada sìos,  
an cuibhreich shiorruidh chruaidh,  
Gu buillsgean fairge lasaraich,  
sam faigh iad peanas buan.
- 12 O bitheam-sa air deas làimh Chrìosd,  
tràth dhiobras fonn is cuan;  
Is faigheam failte uaith air m' ainm  
gu sonas anmhor buan.

## DANA SPIORADAIL.

### DAN. I.

- A IR t'uile thròcair, O mo Dhia,  
tràth dhearcas mì gu dlùth,  
A' mosgladh suas tha m'anam blàth,  
le h-ioghnadh, gràdh, is cliu.
- 2 Cha'n urrainn mì le briathraibh beòil,  
an taing a chur an céill,  
Tha lasadh ann am chridhe stigh,  
ach dhuits' an sin is léir.
- 3 Do fhreasdal chum mo bheatha beò,  
gun uireasbhuidh, gun dìth,  
Ri àm domh bhi sa bhroinn a'm' thosd,  
's an crochadh ris a' chich.
- 4 Rì m'ghearan is rì m'osnaich mhaoth,  
chrom thu gu caomh do chluas,  
'S mu m' b'urraim mì aon urnuigh  
dhealbh,  
do 'n bhalbh ghabh thusa truas.
- 5 Tìodhlaca lionmhor dheònaich t'ìochd  
gu tric do m'anam maoth, [neart,  
Mun robh a'm' chridhe leanbaidh  
a thoirt fa'near a h-aon.
- 6 Tràth ruith midian, gun mhotha chadh,  
an ceumaibh sleamhna m' òig';  
Do làmh nach facas, dhion is stiùir,  
is chum, gu so, mì beò.
- 7 O iomadh slochd do-lèirsinn leam,  
o rib is eangach bàis,  
'S o bhuairibh cealgach blasd' an uile,  
thug thu mì tèaruint' slàn.
- 8 Tràth shearg mo ghruaidh fo anshocair  
rinn thus i nuadh le slàint'; [bròn  
'S tràth bha mì bàitht' am peacadh 's  
do m'anam dheònaich gràs.
- 9 Shruth mìle sochair shaoghailta,  
o d' làimh ro fhaoilidh chaoin;  
Is ann an caraid dìleas dlùth,  
dhùblaich tha m' uile mhaoin.
- 10 Deich mìle mhilte comhar gràidh  
fhuairear mì gach là o m' Dhia;  
Is nì nach lugha, cridhe ait,  
a mheal le tlachd iad riamh.
- 11 Am fad is beò mì molaidh mì  
àrd-rìgh mo bheatha 's m' iùil;  
'S an déigh mo bhàis, an saoghal cèin  
cuiridh mì 'n céill a chliu.
- 12 Tràth theirgeas nèamh, is muir, is tìr,  
's thig crìoch air là is oidhch',  
Mo chridhe taingeil seinnidh cliu  
do Dhia nan dùl a chaoidh.
- 13 Feadh liante bith-bhuantachd gu léir  
togaidh mì òran binn;  
Ach O! 's ro ghoirid bith-bhuantachd,  
gu moladh Dhé a sheinn.

### DAN. II.

- N A speuran àrd a's aille dreach, [mach,  
'S a sgaol an gorm-bhrat cian a  
Le 'n reultaibh dealrach maiseach  
grinn, [bhinn.  
Tha seinn d'an Cruithear co-sheirm  
2 Tha ghrian gun sgìos o là gu là,  
A' sgaoleadh cliu a Dia 's gach àit,  
'S a glaochaich feadh gach tìr fa leth,  
"Cia treun an Dia thug dhomh mo  
bhith'!"

- 3 An-moch, tràth dh'aomas neòil nan speur,  
Togaidh a' ghealach ait an sgeul;  
'S do'n talamh, chluinn le tosd a guth,  
Innsidh i cò thug dhi a cruth.
- 4 Na mìlte reul tha dh'ise dlùth,  
Gach solus eile 's lòchran iùil,  
Canaidh an sgeul so fad is cian,  
O 'n àird an ear gu ruig an iar.
- 5 Sàmbach is ciùin ged tha an triall,  
Mu 'n talamh dh'orcha so ag iadh;  
Guth ged nach cluinnear fos no fuaim,  
Nan imeachd dealrach tosdach shuas;
- 6 Gidheadh le cluaisibh tuigse glic,  
Cluinnear am fonn 's an ceòl gu tric,  
A' seinn gun tàmh air feadh gach linn,  
"Is tusa, Dhia, a chruthaich sinn."

DAN. III.

- T**RATH dh'èireas mi le ciont' is geilt,  
o leabaidh dhoirch a' bhàis,  
'S a chi mi m' Breitheamh gnùis ri  
cò ghiulaineas a làth'r. [gnùis:]
- 2 Ma 's e 's gu bheil mo chridh' fo gheilt,  
seadh cheana leis an smuain  
Tràth dh'fheadar trèacar fhaotainn  
is maitheanas gu saor; [pailt,
- 3 O cionnus idir sheasas mi,  
tràth dh' fhoillsichear thu, Rìgh,  
A'd' shuidh' air caithir bhreitheanais,  
a thoirt air m'anam binn'.
- 4 Ach dh'innis thu do luchd a' bhròin,  
tha leònt' air son an lochd,  
Gu'm faigh an urnuigh is an caoidh  
sàr-éisdachd uait gu beachd.
- 5 O seall ma ta air bròn mo chridh'  
mu 'm bi e tuilleadh 's mall,  
'S éisd acain bàis mo Shlanuighir  
a ghuidh dhomh slàint' gu teann.
- 6 Mo dhùil ri maitheanas, a Dhé,  
cha chaill mi féin gu bràth;  
Oir 's ann a chosnadh maitheanais  
a fhuair do Mhac am bàs.

DAN. IV.

- F**AILTE do 'n là san d' éirich Criosd,  
le cumbachd nìos o'n uaigh;  
'S an d' fhuair e air gach uile nàmh,  
air ifrinn 's bàs làn-bhuaidh.
- 2 'Na leabaidh thosdaich anns an uir  
ghabh Rìgh nan dùl a thàmh,

Gu ruig an treas là glormhoir sin  
a shonraich e roimh làimh.

- 3 Chuir ifrinn 's uaigh an lamh r'a chéil,  
g'a chumail shìos fo ghlaish;  
Ach bhris an gaisgeach dheth gach  
is dhùisg e'n àird gu cas. [sàs
- 4 Do t'ainm ro àrd, a Thriath nam  
gach uair bheir sinne cliu; [buadh,  
'S le 'r n-ait Hosana fàiltichidh  
an là san d' éirich thu.
- 5 Slainte is cliu gun chrìch d'ar Dia,  
an Triath e'n d' shaoradh sinn;  
Dha seinneadh nàmh is fonn is cuan  
gach uair Hosana bhinn.
- 6 Do'n Ath'r, do'n Mhac, 's do'n Spiorad  
an t-aon Dia beò is fìor, [Naomh,  
Biodh glòir mar bha, a ta, 's bhios,  
o so a mach gu sìor.

DAN. V.

- T**HAINIG an uair: 's tha mis' a' triall;  
Chual mi 'n guth ta ga m' ghairm  
gu Dia  
Sguireadh m'uil' àmhghar nis, a Rìgh,  
'S ceadaich do t'òglach triall an sìth.
- 2 Chrìochnaich mi nis mo chath 's mo  
reis [réidh;  
Mo dhuais tha cinnteach, 's m'anam  
Tha m'fhianuis shuas le Dia nan gràs,  
Mo theisteach anns na nàmhaidh àrd'.
- 3 M'earbsa cha'n 'eil a'm' neòchior t féin;  
Strìochdam san dus am fianuis Dé;  
Tre fuil is fearta Chrìosd a mhàin,  
Tha m'earbs a' d'ìochd, O Dhia 'sa d'-  
shlaint. [t-saogh'l
- 4 Cha chruaidh leam dealach' ris an  
Mur cruaidh bhi fàgail luchd mo  
ghaoil;  
Leighis am bròn, a Dhia nan gràs,  
'S ri call dhoibh caraid, cun riu bàigh.
- 5 Air t'iarrrus tha mi falbh gun dàil,  
Mo spiorad tiomnam suas do d'làimh;  
O! sin a mach do ghairdean treun,  
'S o ghath a bhàis dhon mi le d' sgéith.
- 6 Thainig an uair: 's tha mis' a' triall;  
Chual mi 'n guth ta ga m' ghairm gu  
Dia;  
Sguireadh m'uil' àmhghar nis, a Rìgh,  
'S ceadaich do t'òglach triall an sìth.



